



R. 6
111

Int 11
W. 117

ALPHONSI TOSTATI

HISPANI.

EPISCOPI ABVLENSIS,

PHILOSOPHI, THEOLOGI,

Ac Pontificij Iuris, Cæsareique consultissimi, necnon
linguæ Græcæ, & Hebraicæ peritissimi,

Commentaria in Primam Partem Paralipomenon:

Mendis nunc sanè quàm plurimis diligenter expurgata.

CVM INDICE COPIOSISSIMO.

Ad PHILIPPVM II. Catholicum & Inuictissimum
Hispaniarum, & Indiarum Regem.



VENETIIS, M D XCVI.

Apud Io. Baptistam, & Io. Bernardum Sessam, fratres.

ALPHONSI

TOSTATI

HISPANI

EPISCOPALIA

PHILOSOPHIA THEOLOGICA

Ac Pontificij Iuris, Censuræque constitutionis, necnon
lingue Græcæ, & Hebræicæ peritissimè

Commentariis in Præfatum Præfationem

Mendis nunc solum plerumque diligenter expurgatis.

CVM INDICE COPIOSISSIMO.

ALPHONSI PRÆFATIONIS & PRÆFATIONIS

Præfationis, & Præfationis Regem

Præfationis

Præfationis

Præfationis

Præfationis



ALPHONSI TOSTATI EPISCOPIS

ABVENSIS

COMMENTARIORVM

In Lib. Paralipomenon.



P R Æ F A T I O.



M A G N O iam decurso opere vigiliarum pleno, totisque viribus elaborato, cum vastam quatuor Librorum Regum amplitudinem, veritates quasdam literæ latentes edisserendo, exegerimus, ordinis ratio expostulat ad libros Paralipomenon manum mittere, ut grandi foenore, scilicet Libris Regum liberati, Hebraicorum nominum syluam cum Hieronymo, in huius libri latitudine peruagemur, in cuius exordio dubia quædam occurrunt.

Quare libri isti sic vocentur.

Quæst. I.

Q V A E R E T V R primo de istis libris Paralip. quare sic vocentur. Respondendum est, quod liber iste aliter apud Latinos, & Græcos, & aliter apud Hebræos appellatur. Nam Hebraicè, ut Hieronym. ait in quodam Prologo super librum istum, qui incipit: Si septuaginta Interpretum: Dibrehaimim dicitur, & tamen secundum Hebraici sermonis sententiam Diureiamin appellatur, & interpretatur verba dierum, quia Diura in Hebræo verbum significat: Iamim vero diem notat. Et rectè sic appellatur, quia in eo continentur verba dierum. i. historiae, quæ acciderunt in diebus regum. Nam more sacrae scripturae res gestæ verba appellantur, iuxta illud. 1. Reg. ca. 3. f. Ego faciam verbum in Israel, quod qui audierit tinnient ambæ aures eius. Id est ego faciam rem horrendam: & sic quilibet liber historiarum posset vocari liber dierum, quia in illo continentur gesta, quæ acciderunt in diebus. Græco autem nomine Paralip. appellatur, quod conuenientius nomen est. Nam Paralipo. in Græco est participium præteriti, & est genitiuus pluralis numeri, & interpretatur relictorum, quia hic agitur de relictis. Nam in alijs libris Sacrae scripturae historialibus multa ommissa fue-

Alph. Tost. In Lib. Paralip.

A rant,

In Lib. Paralipom.

rant, quæ ad intentionem Sacræ scripturæ nimis conferebant, in hoc autē libro posita sunt, ideo qui prudenter attenderit, reperiet hic, quod in alijs libris in singulis locis desit. Et quia istud est conueniens nomen huic libro, iuxta proprietatem suam, Latini istud nomen, licet Græcum esset, tenuerunt, de nomine Hebræo non curantes. Aliquando tamen istum librū chronicum Sacræ scripturæ appellamus, iuxta consonantiam Hebraici nominis. Sic dicitur in prologo Galeato Hierony. super libros Regum. f. septimus Dibrehaïamim. i. verba dierum, q̄ significantius exordium totius diuinæ historiæ possumus appellare, qui liber apud nos Paralipom. primus, & secundus inscribitur.

De auctoritate libri huius quanta sit.

Quæst. II.

QUÆRITUR vterius de auctoritate istius libri inter ceteros libros Sacræ scripturæ. f. quantæ auctoritatis sit. Pro quo sciendum, q̄ ecclesia recipit aliquos libros, & legit, qui in canone sacrarum scripturarum non sunt, sed inter apocrypha computantur, sic enim est de libro Iudith, & Tobia, & Sap. & Iesu fi. Sirach, vt patet in prologo Galeato. f. Igitur Sapientia, quæ vulgo Salomonis inscribitur, & Iesu filij Sirach liber, & Iudith, & Tobias, & Pastor non sunt in canone. Ideo posita est quædam summa, & ordo librorum Sacræ scripturæ, vt omnes præter illas sciamus non esse in canone. Sic dicitur in eodem prologo Galeato, vbi ponitur summa omnium librorum Sacræ scripturæ. f. Hic prologus scripturarū, quasi Galeatum principium omnibus libris, quos de Hebræo vertimus in Latinum, conuenire potest, vt scire valeamus quidquid extra hos est inter apocrypha esse ponendum. Libri autē quidam extra canonem Sacræ scripturæ rectam doctrinam continent, & veram historiam, sicut liber Iudith, & Tobia, ideo ecclesia iussit illos legi, sic fuit de libro Iudith, quē synodus Nicæna in libro Sacrarū scripturarū legitur computasse, vt ait Hiero. in prologo super Iudith, qui incipit. Apud Hebræos, &c. Et quamquam isti libri ab ecclesia recipiantur nullius auctoritatis solidæ sunt. Ideo ad confirmandum, & probandum ea, quæ in dubium venerint, inutiles sunt, sic enim ait Hieron. in prologo præallegato. f. Apud Hebræos liber Iudith inter apocrypha legitur, cuius auctoritas ad roborandum illa, quæ in contentionem veniunt, minus idonea iudicatur. De libro isto Paralip. dicendum, q̄ est in canone Sacrarum scripturarum. Ideo de illo aliter iudicandum est. Sciendum autem vterius, q̄ omnes libri Sacræ scripturæ, qui in canone ponuntur sunt auctoritatis solidissimæ, ita vt nihil eorum, quæ in illis scripta sunt negare liceat, aut in dubium vertere, an sic fuerit, vt ibi dicitur. Sic ait Aug. contra Vincent. Donatistam, & habetur in Decret. dist. 9. c. Ego solis. Ideo quantum ad hoc non est aliqua differentia inter libros Sacræ scripturæ, quia sicut non licet mihi negare, vel dubitare de aliquo, quod est in Euangelio Ioan. vel Matth. ita non licet dubitare de aliquo, quod est in libro Iosue, vel Iudicum. Et sicut negando aliquid, quod est in libro Mat. vel Ioan. hæreticus dicar, ita negando aliquid, quod est in libro Iudicum, vel Iosue dubitando de illo, hæreticus censebor. Considerandum tamen, q̄ licet nihil, quod in Sacra scriptura sit, negare nobis liceat, aut dubitare de illo, tamen quædam sunt maioris auctoritatis, quam alia. f. quod cum maiori reuerentia, & honore recipi debent, & præferri, & quod detestabilior est, qui contra ea loquitur, quam qui contra alia, vtpote quamquam hæreticus est, qui negat doctrinam epistolarum Pauli, sicut qui negat Euangelium Christi, tamen cum maiori reuerentia audiri debet, & suscipi si quis negauerit dictum Euāgelicum, aut dixerit doctrinam Christi malam esse, detestabilior erit, quam si diceret doctrinam epistolarum beati Pauli non esse conuenientem. Conformiter autem in veteri testamento. Nam nullum librum illorum negare licet, & tamen si quis negaret doctrinam quinque librorum Moyse, detestabilior habetur, quam si negaret aliquid scriptum in libro Iudicum. Quod autem nihil eorum, quæ sunt in canone Sacræ scripturæ negare liceat, aut de nullo eorum dubitare, prouenit ex hoc, quia omnes libri sacri scripti fuerunt, tam in nouo, quàm in veteri testamento ab habentibus spiritum propheticum, & tamē

Spiritus

Spiritus sanctus, nunquam mentitur, nec mentiri potest, cum Deus sit fidelis, & seipsum negare non potest. 2. ad Tim. 2. Quod autem omnes isti libri sacri prophetice scripti fuerint patet. 2. Petr. c. 1. f. Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines. Et iterum ibi: Hoc primum intelligentes, quod omnis prophetia Scripturae propria interpretatione non fit. Et Apostolus 2. ad Timo. 3. ait. Omnis scriptura diuinitus inspirata utilis est ad docendum, & ad arguendum. In quo præsupponit omnes libros Sacrae scripturae, Deo inspirante, fuisse scriptos. Deus tamen in omnibus dictis suis æqualiter se habet ad non posse mentiri, ideo impossibile est, quod in aliquo libro Sacrae scripturae mendacium contineatur. Quod autem quidam libri maioris auctoritatis sint, quam alij provenit eis ab auctore, sicut Evangelia maioris auctoritatis sunt, quam ceteri libri testamenti novi, eo quod illa sunt verba Christi, & alia sunt verba Apostolorum. Sic etiam in veteri testamento libri Moyse maioris auctoritatis sunt, quam ceteri, quia a Moyse conscripti sunt, cui nullus fuit æqualis propheta, ut patet Deuter. ult. Hoc autem præsupposito, quod tam in nouo, quam in veteri testamento sunt ordines librorum, per quos cognoscimus eorum maiorem, vel minorem auctoritatem. Canonem autem veteris testamenti habemus in prologo Galeato super libros Regum, & sunt ordines tres. Primus ordo vocatur librorum legalium, & in isto sunt quinque libri Moyse, quos Iudæi Thora vocant. Secundus ordo est prophetarum, in quo ponuntur octo libri, primus est Iosue, secundus Iudicum, tertius liber Samuelis. i. primus, & secundus Regum, quartus liber Melachim. i. tertius, & quartus Regum, quintus est Isaias, sextus est Ieremias, septimus Ezechiel, octauus liber duodecim prophetarum minorum. Tertius ordo librorum vocatur Agiographa, id est libri sacri, qui ordo nouem libros continet, quorum primus est Iob, secundus liber Psalmorum, tertius est liber Salomonis parabolarum, quartus est Ecclesiastes, quintus est Cantica canticorum, sextus est Daniel, septimus est Paralip. diuisus in duos libros, octauus est Esdras diuisus in totidem, nonus est liber Esther. Omnes autem libri præter istos apocryphi sunt, & in canone Sacrae scripturae non habentur, ut patet in prologo Galeato, quamquam Ecclesia multos illorum receperit. De istis ordinibus tribus dicendum, quod libri primi ordinis sunt maioris auctoritatis in omnes libros veteris testamenti, libri autem secundi ordinis sunt maioris auctoritatis, quam libri tertij ordinis, qui autem in tertio ordine sunt, minimam auctoritatem habent, & tamen non ob hoc credendum est eos infirmioris veritatis esse cæteris libris primi, & secundi canonis. Considerandum ulterius, quod quamquam libri diuersorum canonum sint inæquales auctoritate, tamen libri eiusdem canonis, quamquam multi sint, æqualis auctoritatis sunt, sicut omnes quinque libri Moyse inter se. Canon autem in nouo testamento non distinguitur, sicut in veteri, quia pauci libri sunt in eo, & tamen potest diuidi in duos ordines, quorum primus continet libros legales, qui sunt quatuor Evangelia. Alius autem continet reliquos libros accessorios, qui ab Apostolis scripti sunt, & isti minoris auctoritatis sunt, quam primi propter differentiam auctorum. Hoc autem dicto apparet cuius auctoritatis sit liber Paralip. nam inter libros veteris testamenti est in tertio ordine, qui minime auctoritatis est. Si n. comparatur ad libros noui testamenti euidentius est. Nam quilibet liber noui testamenti maioris auctoritatis erit, quam ille. Considerandum autem, quod licet libri veteris testamenti habeant inter se tres differentias auctoritatis propter tres ordines, tamen istud obtinet comparando quosdam libros veteris testamenti ad alios. Si tamen comparemus libros veteres ad nouos, quilibet liber noui testamenti erit maioris auctoritatis, quam omnes libri simul veteris testamenti, & ratio huius est propter auctores. Nam auctores omnium librorum noui testamenti fuerunt Apostoli, vel Euang. & isti fuerunt viri maioris sanctitatis, quam viri veteris testamenti, quia tunc erat status imperfectior.

De ordine libri huius.

Quæst. III.

QUÆRITUR ulterius de isto libro Paralip. an ponatur in ordine conuenienti post libros Regum, & qui libri debent eum præcedere, & qui subsequi. Respondendum, quod Alph. Toft. In Lib. I. Paralip. A 2 omnes

In Lib. Paralipom.

omnes quinque libri Moyſi debent præcedere ad lib. Paralip. Et hoc tam tempore, quæ auctoritate. De tempore patet, quia Moyſes fuit multo tempore, antequam Reges iſti, quorum hiſtoria in hoc libro enarrantur. De auctoritate patet, quia libri Moyſi ponuntur in primo ordine canonis libr. authentic. Paralip. in tertio, ut patet in prologo Galeato, & præc. q. Liber et Iosue præcedit lib. Paralipom. tpe, & ordine. De tempore autem notum eſt, quia Iosue fuit ſucceſſor Moyſi, ut patet Deut. ult. c. Et Iosue ult. & Deus inſtituit eum in principem viuente Moyſe. Sic patet Nu. 27. De auctoritate patet, quia Iosue liber ponitur in ſecundo ordine, ut patet in prologo Galeato, liber quoque Iudicum præcedit lib. Paralip. auctoritate, & tpe. De auctoritate patet, quia ille ponitur in ſecundo ordine, de tpe patet, quia iudices fuerunt immediate poſt Iosue, ut patet Iudi. 1. & 2. & 3. c. Liber quoque Ruth præcedit lib. Paralipo. ſicut præcedit eum liber Iudicum, quia liber Ruth, quedam pars eſt libri Iudicum decisa de illa, ut patet in prolog. Galeato, & hoc quia hiſtoria Ruth contigit tpe cuiuſdã iudicis, ut patet Ruth. c. 1. De libris autem Regum, an debeant præcedere ad lib. Paralip. vel ſubſequi, eſt dubium, & rō eſt dubitandi, quia eedem hiſtoriæ, quæ ponuntur in libris Reg. ponuntur in Paralip. & tñ ordo librorum conſideratur principaliter ſecundum ordinem rerum ſcriptarum in eis, vel ſecundum ordinem tpm, in quibus ſcripti ſunt, cum igitur eedem ſcribantur in vtriſq; nō videtur rō præceſſionis. Aliquis autem dicet, quod liber Paralip. debeat præcedere ad libros Regum, quia quæ in vtriſq; cōtineantur eedem hiſtoriæ, tñ liber Paralip. incipit ab antiquioribus. ſ. ab Adã, & quibuſdã alijs, quæ pertinent ad Genefim. Dicendum tñ, quod hoc non obſtante liber Regum debet poni ante Paralip. Primo pp ſcriptorem, quia conſideratur tempus ſcriptorum librorum, ſed ſcriptor librorum Regum præceſſit tpe ſcriptorem Paralip. Nam non fuit idem ſcriptor, ut declarabitur infra, in quadã q. ideo præponi debet Regum. Secundò patet ex fine, ad quæ iſti libri fuerunt ſcripti, nam liber Regum ſcriptus fuit ad enarrandum hiſtorias Regum Iuda, & Iſraelis, liber autem Paralip. fuit ſcriptus ad ſupplendum ea, quæ deficiebant in libris Regum, & ad declarandum illa, quæ obſcurè ſe habebant, ut patet ex noie ſuo, & declarabitur infra, in quadam q. exponens tñ ordine naturæ ſemper dēt eſſe poſt expoſitum, vel exponibile, ideo liber Regum debet eſſe ante Paralip. Tertio patet hoc ex tpe, in quo ſcripti ſunt iſti libri. Nam prius ſcriptus eſt liber Regum, quæ Paralip. & iſte ordo ſeruatur ſatis in ſcriptura quātum ad præpoſitionem, vel poſtpoſitionem librorum. Quod autem prius fuerit liber Regum ſcriptus, quæ Paralip. patet, quia liber Paralip. allegat librum Reg. ut patet 2. Paralip. 24. c. vbi dicitur: reliqua autem facta eius, & ſumma pecuniæ, quæ adunata eſt ſub eo, & inſtauratio domus Dei ſcripta ſunt diligentius in lib. Reg. Et ſic ſæpe in lib. Paralip. allegatur liber Reg. 4. ut patet, & quia libri, qui ſcribunt geſta poſteriorum temporum debent eſſe poſteriores in ordine ſcripturæ, ideo liber Paralip. qui ſcribit geſta poſteriorum temporum eſt poſterior, nam libri Regum ſolum ſcribunt hiſtoriam vique ad captiuitatem Babylonis. Et tñ liber Paralip. ſcribit hiſtoriã vſque ad reditum de Babylone. Nam 2. Paralip. ult. dicitur, quod anno primo Cyri regis Perſarum miſit prædicari in vniuerſo regno ſuo de Iudæis, qui erant ibi, quis vellet redire in Ieruſalem ad ædificandum tēplū dñi. Et tamen iſtud fuit annis 70. poſt captiuitatem Babylonis, cum illa totidem annis durauerit, ut patet Iere. 25. c. Ideo poſterior eſt liber Paralip. ad libros Regum per 70. annos, & ſic debet poni poſterior ordine. Debet tamen poni mox poſt libros Regum, quia inter eum, & libros Regum nō fuit aliqua ſcriptura hiſtorica, & debet poni ante librum Eldre. Nam principium Eldre, & finis Paralipo. idem ſunt, quia in fine Paralipo. dicitur, quod rex Cyrus perſarum primo anno regni ſui dedit licentiam Iudæis redeundi in Ieruſalem, & in principio libri Eldre ponitur iſta licentia, quod videtur fuiſſe ad continuandum vnum alteri.

An liber iſte ſit ille, qui vocatur liber Verborum dierum. Quæſt. IIII.

QUÆRITUR Vtcrius an Paralipo. ſit ille liber, qui vocatur liber Verborum dierum, de quo ſæpe ſit mentio in libris Regum. Aliquis dicet, quod ſic: primo quia in libris Regum remittitur ſæpe ad librum Verborum, & inueniuntur in Paralipo. illæ hiſtoriæ,

historiæ, pro quibus remittitur. Sic patet 3. Reg. 15. vbi dicitur. Reliqua verborum Afa, & vniuersæ fortitudines eius, & ciuitates, quas extruxit, nonne scripta sunt hæc in libro sermonum dierum? Et tamen omnia hæc inueniuntur in Paralip. vt patet 2. Paralip. 14. 15. & 16. Secundo patet ex nomine libri huius, nam vocatur in Hebræo Diurehaiamim, & interpretatur verba dierum, ideo ipse est liber verborum dierum. Respondendum, q̄ non est iste liber verborum dierum, de quo fit mentio in libris Regum, quod patet primo, quia liber Regum allegat librum verborum dierum, ideo fuit ille prior, & tñ lib. Reg. fuit prior, quā Paralip. cū Paralip. scribat reditum de captiuitate Babylonis, liber aut Regum solum pertingit ad ipsam captiuitatē. Secundo patet, quia si esset liber Paralip. verborum dierum, oportet q̄ contineret verba dierum Regum Iuda, & Israel, quia in libris Regum noīatur liber ille Verborum dierum Regum Iuda, & Israel, ideo non est Paralip. liber dierum. Hoc patet, quia in Paralip. nihil habetur de regibus Israel, sed solum de regibus Iuda, vt patet discurrendo per totum librum. Tertio patet, quia si liber Paralip. esset liber Verborum dierum, haberentur in eo omnia, pro quibus remittitur ad eum in libris Regum, & tamen falsum est. Patet hoc quantum ad reges Israel, nam in fine historiæ cuiuslibet de regibus Israel dicitur, q̄ reliqua verborum eius scripta sunt in libro Verborum dierum, vt patet in quolibet capitulo ferè 3. & 4. Reg. idest a capit. 14. 3. Reg. vsque ad finem quarti libri, & tñ in libris Paralip. nulla mentio fit de regibus Israel, vt patet p̄ discursum eorū. De regibus autem Iuda idem patet, nam de aliquibus regibus remittitur ad librum, qui est liber Verborum dierum, & tamen nihil habetur in Paralip. de illis, sic patet Reg. 4. cap. 21. De Amon cum dicitur: Reliqua sermonum Amon, nonne hæc scripta sunt in libro Verborum? & tamen 2. Paralip. c. 33. ponitur historia Amon, & non additur saltem vnum verbum sup̄ id, quod habetur in libro Reg. Item patet de Ioakim, & Ioachaz, & Sedecia, & alio Ioaachim, pro quorum historijs remittitur Reg. 4. 23. & 24. c. ad librum sermonum dierum, & tamen 2. Paralip. habetur cap. vlt. de istis quatuor regibus, nihil ibi additur supra id quod est in libris Regum: immo, quod maius est, non ponitur tantum de historia eorum, sicut 4. Reg. 23. & 24. c. Quarto patet, quia si liber Verborum, qui allegatur in lib. Reg. esset liber Paralip. nunquam allegaretur in libro Paralip. ipse liber Regum, quia esset sic circulus, & tamen in Paralip. allegantur aliquando libri Regum, vt patet 2. Paralip. 24. c. cum dicitur: Porro summa pecunia, quæ adunata fuerat sub eo, & instauratio domus Dei scripta sunt diligentius in lib. Reg. Non est igitur Paralip. libri Verborum. Quinto patet, quia si Paralip. esset liber Verborum, nunquam allegaretur in eo liber Verborum, & tamen sæpe in Paralip. allegatur liber Verborum, tam dierum Regum Iuda, quam Israel, ideo non sunt idem. Patet hoc 2. Paralip. vbi dicitur: Opera prima Afa, & nouissima scripta sunt in libris Regum Iuda, & Israel. Et infra etiā 2. Paralip. 20. c. Reliqua autem gestorum Iosaphat scripta sunt in libro Iehu filij Hanani, quæ digessit in lib. Reg. Israel, idem patet eo. lib. c. 25. & 27. & 33. & 35. & in multis locis. Nō potest ergo Paralip. esse liber Verborum dierum Regum Iuda, vel Israel, qui allegatur in libris Regum. Sed dicendum, q̄ ille fuit aliquis liber factus ante librum Paralip. & etiam ante libros Regum, ideo tam in Paralip. quam in libris Regum allegatur iste liber Verborum dierum Iuda Regum, & Israel. De isto autem libro an sit vnus vel multi, & an scriptus fuerit ab vno, vel a pluribus auctoribus, & qui fuerint illi auctores, & an in eodem tempore, vel diuersis scriptus fuerit, declaratum est in 3. Reg. c. 14. in duabus quæstionibus. Ad rationem primam in contrarium dicendum, q̄ quamquam aliqua de illis, pro quibus remittitur ad librum Verborum dierum, sunt in libris Paralip. tamen falsum est, q̄ liber Paralip. sit ille liber, qui vocatur liber Verborum dierum, quia non sunt ibi omnia, cum multoties remittatur in libris Regum ad librum Verborum dierum, & nihil de illis inueniatur in Paralip. vt supra probatum est. Si autem aliqua de illis, pro quibus remittitur ad librum Verborum dierum, sunt in Paralip. istud est per accidens, quia etiā aliqua eorum sunt in Ieremia, & Isaia, sicut patet de gestis Ioachaz, Ioakim, & Sedecia, de quibus valde multa in libro Iere. habentur, quæ non habentur in libro Regum, & tamen cum in libro Regum remittatur pro residuis istorum ad librum Verborum dierum, non dicimus, q̄ liber Ieremiæ sit Verborum dierum. Ad secundā

In Lib. Paralipom.

rationem dicendum, quod nomen nihil probat, quia liber Verborum dierum vocatur liber, qui continet gesta temporum, & istud pertinet ad quemcunque librum historicum, & sic posset quilibet historicus vocari liber dierum, & quia liber Paralip. est historicus, cum contineat supplementa historiarum, quæ in alijs libris scripturæ habebantur incompletè, vocabitur liber Verborum dierum. Et quia nulli libro in scriptura magis competit esse historicum, & suppletium historiarum, quam libro Paralip. vocatus est potius liber Verborum, quàm alij libri scripturæ: sic enim intelligit Hieronymus, qui vocat Chronicum sacrae Scripturæ loco huius, quod Hebræi vocant Diurehaiamim, ut patet in prologo Galeato, scilicet Septimus est Diurehaiamim, idest verba dierum, quod significantius Chronicum diuinæ totius historię possumus appellare. Qui liber apud nos Paralip. primus, & secundus inscribitur. Quamq̃ ergo ex eadem ratione liber Paralip. appelletur liber Verborum dierum Regum Iuda, & Israel ille, qui sæpe allegatur in libris Re. tamen non sunt idem liber.

Quis fuit auctor huius libri. Quest. V.

QUÆRITUR Vterius quis fuit auctor huius libri Paralip. Aliquis dicet, q̃ ignotus est auctor eius, & ideo inter Agiographia ponitur. Nam quidam dicunt illos libros inter Agiographa computari, quorum doctrina talis est vera, & certa, atque sancta, & tamen ignorantur auctores eorum, & ob hoc minoris auctoritatis sunt, quàm illi libri, quorum auctores sciuntur. Sed hoc falsum est, quia Hieronymus ponit in prologo Galeato nouè libros in tertio ordine, qui est Agiographarum, & tamen ponit ibi auctores quinque librorum ipsorum, scilicet ponitur liber Psalmorum quorum auctorem dicit esse Dauid: ponit etiã Parabolas, & Ecclesiasten, & Cantica canticorum, & istorum trium dicit auctorem Salomonem: posuit etiam Danielis librum, & Esdræ: non ergo est verum librorum positorum inter Agiographa, quod auctores ignorantur, & sic licet Paralip. sit inter Agiographa, non oportet, quod ignoretur eius auctor. Aliquis dicet, quod iste liber fuit editus ab Isaia propheta cū omnes libri scripturæ ab habentibus spiritum propheticum scripti sunt, ut declaratum est supra questione 2. huius prologi. Sed dicendum, quod non stat, quia Isaia solum vixit vsque ad tempora Ezechia regis: nam ipse coepit prophetare sub Ozia, & finiuit prophetiam sub Ezechia, ut patet Isa. primo: propheta tamē postquam incipit prophetare, dicitur prophetare sub oibus regibus illis sub quibus postea viuit, ut probatum est. 4. Re. 21. c. in questione de morte Isaia. Item patet, quia dato, quod aliquis vellet proteruire volens dicere, quod maiori tempore vixerit, non potest stare, q̃ ipse scripserit librum istum, quia tunc daretur, quod ipse vixerit valde multis annis, quibus non poterat viuere aliquis homo tempore illo, scilicet ferè ducentis, & nonaginta annis. Quod patet, quia ipse coepit prophetare sub Ozia, & quando coepit prophetare iam esset vir, & sic esset tot annorum, sicut Ozias, vel fere: detur autem, quod esset tot annorum, quia in hoc modica difficultas est: accipientur tunc quinquaginta duo anni de regno eius. 4. Re. 15. & decem, & sex anni de regno Ioatham e. c. & decem, & sex de regno Achaz e. lib. c. 16. & viginouem de regno Ezechia e. lib. c. 18. & quinquaginta quinque de regno Manasse, e. li. 21. c. & duo anni de regno Amon e. ca. & triginta vnus anni de regno Iosue e. li. c. 22. & tres menses de regno Ioachaz e. li. c. 23. & vndecim anni de regno Ioakim e. c. & tres menses, & decem dies de regno alterius Ioakim. 2. Paralip. vlt. & 2. Esdræ 2. & vndecim anni de regno Sedecia. 4. Re. 24. c. & septuaginta anni de captiuitate Babylonis, qui simul facerent ducentos annos nonaginta, & quatuor ferè, & tamen oporteret, quod Isaia viueret tanto tempore, quod scriberet librum Paralipo. cum in illo ponatur reditus de captiuitate Babylonis. 2. Paralip. vlt. c. Ideo non poterat Isaia scripsisse librum istum, cum homines tempore illo non pertingerent vltra octoginta, & nonaginta annos, & vix aliquis peruenit ad centum, sicut dixit Dauid, Anni nostri, sicut aranea meditantur dies annorum nostrorum in ipsis septuaginta annis: si autem in potentatibus octoginta annis amplius eorum labor, & dolor: non igitur posset Isaia tanto tempore viuere, nec etiam per tertiam partem

tem-

temporis huius. Alij autem tenent, & ista est positio communis, quod Ieremias librum Paralipomenon scripserit, & nos quoque aliquando aliorum opinionem referendo, idem diximus, & videtur hoc verisimile, quia Ieremias fuit tempore captiuitatis Babylonis, & etiam post. Sed dicendum, quod falsum est hoc, non enim potuit Ieremias librum Paralipomenon scripsisse. Primo patet, quia in lib. Paralipomenon sæpe allegantur verba Ieremiæ, & tamen ipse non allegaret verba sua, quia nunquam hoc consuetum fuit in Sacra scriptura, nec etiam ab aliquo alio scriptore, quod ipse verba sui ipsius allegaret, sed aliquando lectorem remittunt ad ea, quæ scripserunt in aliis locis, non tamen remittunt ad illa, ut ad scripta aliorum, sed ut ad sua scripta, & tamen in lib. Paralipomenon remittitur ad librum Ieremiæ, ut ad librum alterius, ut patet secundo Paralipomenon 35. capitul. Ecce scriptum fertur in Lamentationibus. Et iterum dicitur. Mortuus est Iosias, & sepultus est in Mausoleo patrum suorum, & vniuersus Iuda, & Ierusalem luxerunt eum, & maximè Ieremias, cuius Lamentationes cantores, & cantatrices, usque in hodiernum diem replicant super Iosiam. Item patet eodem libro c. ultimo, scilicet. Donec imperaret rex Persarum, & compleretur sermo domini ex ore Ieremiæ. Nō ergo Ieremias scripsit librum Paralipomenon. Secundò patet, quia Ieremias scripsit librum Regum, ut declaratum est in prologo tertij Regum. Et tamen liber Paralipomenon, factus est præcipuè ad supplendum ea, quæ deficiebant in libris Regum, ut patet ex discursu secundi, & primi Paralipomenon, si tamen Ieremias voluisset scribere librum Regum, & postea librum Paralipomenon ad supplendum ea, quæ deficiebant in libris Regum, videbatur hoc esse superfluum, & inutile, quia potuisset ipse libros Regum aliquantulum facere longiores ponendo ibi aliqua, quæ supplerentur in libris Paralipomenon, & tunc excusasset libros Paralipomenon, in quibus non solum suppleantur aliqua, quæ minus fuerunt in libris Regum, sed etiam reperiuntur plurima eorum, quæ sunt in libris Regum, ut patet intuitu utriusque librorum, tam Regum, quam Paralipomenon, non ergo scripsit Ieremias librum Paralipomenon, sed aliquis alius propheta videns Ieremiam decurtatè scripsisse, suppleuit quædam, quæ videbantur necessaria, aut valde opportuna, & non habebantur in libris Regum, & ad hoc fecit libros Paralipomenon. Tertiò patet, quod non potuerit Ieremias scribere libros istos, quia tunc oportebat, quod Ieremias vixisset, usque post reditum de captiuitate Babylonis, & quod postea scripserit istos libros, quod patet, quia 2. Paralipomenon ult. agitur de reditu captiuitatis de Babylone, non tamen potuit Ieremias scripsisse post reditum de Babylone, quia Ieremias mortuus est in Aegypto satis cito, postquam descenderunt Hebræi de terra Iudææ in Aegyptum post mortem Godoliæ, ut declaratum est, 4. Regum ult. q. ult. de gestis Ieremiæ. Etiam patet hoc, quia si Ieremias vixisset usque ad reditum de Babylone, cum ipse esset propheta Domini tam excellens, ipse esset princeps Israelitarum, quantum ad spiritualia post reditum, & tamen non fuit ipse princeps, sed Elsdas: immo, quod plus est, non fit aliqua mentio de eo in libris Elsdæ, & Neemiæ, ubi tractatur historia populi post reditum de Babylone, & hoc non est verisimile, quod de tanto viro non fieret mentio aliqua, cum ante captiuitatē Babylonis magna mentio fieret de eo, & maior deberet fieri post reditum de Babylone, cum iam omnia verba sua, quæ prædixerat de captiuitate Babylonis vera fuissent. Item patet, quia primi Elsdæ, capitulo quinto fit mentio de prophetis, qui prophetauerunt post reditum de Babylone, & dicitur, quod prophetabant tunc Aggæus, & Zacharias, & tamen isti erant prophetae minores, ideo a fortiori fieret mentio de Ieremia ibi, qui erat propheta principalior, & tamen nihil de eo dicitur: ergo non vivebat tunc. Item patet in argumento posito in modum prologi ante Ieremiam, qui incipit: Ieremias Anathothites, qui est viculus tribus a Ierosolymis distans millibus, apud Taphnas in Aegypto a populo lapidibus obrutus occubuit. Iacet vero in eo loco sepultus, quo dudum Pharaon rex habitauerat. Et quoniam postulatione sua defugatis ab eodem loco serpentibus, Aegyptios a tactu aspidum fecit esse securos, magna cum ibi religione Aegyptij venerantur. Item patet efficacius, quia si Ieremias scripsisset librum istum, oporteret, ut esset plulquam annorum cētum triginta, quando cum scriberet, quia Ieremias cepit prophetare anno decimo-

In Lib. Paralipom.

tertio regni Iosifæ, vt patet Ieremię primo, & ad minus eſſet viginti annorum, vel plus Ieremias, quando inciperet prophetare, & ſi natus eſſet ſeptem annis ſaltem ante principium regni Iosifæ, poſtea autem regnauit Iofias annis triginta vno quarto Regum 22. & Ioachaz menſibus tribus, & annis vndecim, eodem libro capitulo vigefimotertio, & alius Ioachin menſibus tribus, & decem diebus 2. Paralipomenon vlt. & poſtea Sedecias vndecim annis quarto Regum 24. & à captiuitate Babylonis, quę facta eſt vltimo anno regni Sedecię, vſque ad reditum de Babylone fluxerunt anni ſeptuaginta: Ieremię 25. qui ſimul ſunt centum triginta, quaſi duo anni, & tamen tempore Ieremię nullus hominum accedebat ad talem etatem: poſſimè, quia non ſolum oportebat, quòd Ieremias viueret tanto tempore, ſed etiam poſtquã eſſet annorum centum triginta, & plurium, ſcriberet librum Paralipomenon, & tamen ſi contingit aliquem ad talem etatem venire vix poterit habere aliquam operationem humanam, poſſimè operationes intelligendi perfectè, cum iſtę exigant magnam diſpoſitionem phantaſiæ, quæ non eſt in etate tam ſenili, cum illa ſit frigidiffima, & omnio terrea: non ergo potuit Ieremias ſcribere librum Paralipomenon. Dicendum autem, quòd liber Paralipomenon fuit ſcriptus per Eſdræ, qui vocatur ſcriba legis, qui omnes libros Hebræorum ſacros combuſtos in captiuatione Iudæorum per Chaldaeos ſpiritu Dei reſtaurauit, & præter illos ipſe alios libros ſcripſit. Et quia ipſe vidit libros Regum ſcriptos per Ieremiam deficere in quibusdam, quaſi neceſſarijs præter breuitatem, voluit ſupplere, quæ minus habebantur, & ad hoc fecit librum Paralipomenon. Iſtud autem eſt ſatis veriſimile. Primo ex concordia Paralipomenon, & librorum Eſdræ. Nam idem eſt ſinis Paralipomenon, & principium Eſdrę, quia in ſine Paralipomenon dicitur quomodo expletis ſeptuaginta annis captiuitatis anno primo regis Cyri fecit ipſe denunciari per rotam regnum ſuum, quòd quicumque de Hebræis vellet redire in Ieruſalem ad edificandum templum, rediret. Et in hoc incipit primus liber Eſdrę. ad eundem ergo ſcriptorem pertinent. Nam ſic conſueuerunt facere ſcriptores alij, qui multos libros ſcribunt. Nam in principijs librorum ſequentium faciunt mentionem de finibus præcedentium, vt videatur ordo continuationis inter eos. Secundo patet ex ſimilitudine loquendi: nam cum ponitur eadem hiſtoria in libro Regum, & Paralipomenon, & Eſdrę concordabunt ſemper ſibi liber Paralipomenon, & Eſdrę, & non concordabit cum eis liber Regum ſemper: ſic patet de Ioakim. Nam dicitur quarto Regum 24. Quòd Ioakim regnauit cū eſſet annorum decem, & octo 2. Paralipomenon vlt. & 2. Eſdrę dicitur, quòd capit regnare anno octauo. Etiam dicitur quarto Regum 24. capitulo, quòd regnauit tribus menſibus, & tamen 2. Paralipomenon vlt. & 2. Eſdrę dicitur, quòd regnauit menſibus tribus, & decem diebus. De ipſo igitur Eſdra dicitur, quòd fecerit librum Paralipomenon, & hoc poſito non ſequitur aliquod inconueniens, ſicut ſequebatur, dicendo, quòd Ieremias ſcripſiſſet illum.

De virtute huius libri, & quanta neceſſitatis fuerit.

Quæſt. VI.

QUÆRITVR Vterius quæ ſit vtilitas libri Paralipomenon, vel cur neceſſe fuit eū ſcribi, cum videbitur alicui potius ſuperfluous, quia repetuntur in eo ea, quæ habentur in libro Regum. Dicendum quòd liber Paralipomenon fuit neceſſarius ad ſupplendos quosdam defectus, qui erant in alijs libris ſcripturæ. Nam Eſdras videns quosdam libros ſacros propter breuitatem eſſe obſcuros, & in multis præſtare occaſionem errandi, voluit ſupplere defectus illorum. Et quia non decebat, quòd libros ipſe illos mutaret ſupplendo, & minuendo, vel mutando in eis, quia iam non vocarentur illi libri ab auctoribus primis, ſed ab Eſdra, & periret eorum auctoritas, noluit Eſdras mutare aliquid, quod ſcriptum erat in libris illis addendo, minuendo, vel alterando, ſed fideliter ſcripſit, vt prius erant ab auctoribus defectuum, qui erant in alijs libris, & iſtud fecit in libris Paralipomenon, in quibus ſupplentur omnia, quæ in alijs deficiunt. Ideo ſiquis neſciuerit libros Paralipomenon, nihil ſciat in libris prioribus

Sacra scripturæ: sic enim ait Hieronymus in epistola ad Paulinum, quæ habetur in principio Bibliæ. c. 7. eius. f. Paralipom. liber, idest, instrumenti veteris epitome. i. abbreviatio, tantus ac talis est, ut absque illo si quis scientiam scripturarum sibi voluerit arrogare, seipsum irideat. Consistit autem obscuritas in alijs libris in duobus. Primo, quia cum enarrantur historiæ, ponuntur nomina personarum, & ignoratur de quibus tribubus sunt, vel de quibus familijs, & quæ sunt loca habitationis eorum, & sic sæpe confunduntur historiæ propter ignorantiam personarum, de quibus fit sermo. Secundo fiebat obscuritas, quia in quibusdam libris scripturæ cum enarrantur historiæ, omittuntur aliquæ partes historiarum, & illa detractio facit historias esse nimis obscuras. Ista autem duo suppleuntur in Paralip. unde duo sunt, quæ faciunt liber Paralipom. Primum est ordinatio progenierum, ut sciatur, quæ erant lineæ singularum progenierum, & de singulis personis principalibus, ad quas progenies pertinebant. Secundum est, quia supplet quædam partes omissas in historijs aliorum librorum scripturæ. Primum autem istorum fit pro maiori parte a princ. primi libri Paralip. usque ad decimum c. eius. Secundum autem continuatur a decimo c. eius usque ad finem primi libri, & per totum secundum librum. Considerandum autem, quod cum lex moysæ data fuerit soli populo Hebræorum, principaliter intendit scriptura enarrare historias temporum ipsorum, & declarare successiones linearum suarum, & tamen quia in libro. Gen. enarrantur progenies antiquorum. i. ab Adam usque ad diluvium per lineam Seth. & Cain, ut patet Gen. 4. & 5. voluit hic Esdras ordinare lineam illam, & repetiuit eam in primo c. libri huius. Rursus autem a diluvio usque ad Abraham computantur successiones progenierum. Gen. 10. & 11. ideo etiam illas voluit hic ordinare Esdras in prin. c. Iterum etiam Gene. 36. continetur enarratio quædam progeniei Idumæorum propter Esau filium Isaac, a quo descenderunt Idumæi, & illorum etiam progeniem repetit, & ordinat hic Esdras. c. primi libri, post hoc autem sequebatur successio per progeniem Iacob, cuius posteritas pertinet ad populum Dei cui data est lex, & quia Iacob habuit duodecim filios, a quibus 12. tribus appellatæ sunt, enarrat Esdras successiones populi Hebræorum per quolibet istarum tribuum, & ad hoc in primo lib. Paralip. c. 2. ponuntur duodecim filij Iacob. Et quia inter omnes filios Iacob, Iudas fuit maior dignitate propter principatum regalem, quem accepit, ideo computatur generatio sua prius in 2. & 3. & 4. c. primi lib. Paralip. successio autem tribus Symeon computatur, eo. lib. 4. c. successio vero filiorum Ruben, & Gad, & dimidia tribus Manasse computatur eo. li. c. 5. successio autem Leuitarum computatur. eo. li. 6. c. successio autem Isachar, & Aser, & Nephtali, & Ephraim, & Manasse computatur eo. lib. c. 7. Successio autem Benjamin computatur. eo. li. c. 8. & sic ponitur successio omnium tribuum in lineis suis. De istis autem successionebus, & causis earum magis in speciali declarabitur in primo c. libri huius in quæstionibus circa principium huius c. Secundum autem erat suppletio historiarum, & quia ea, quæ facta sunt a principio enarrationis librorum Sacrae scripturæ, usque ad mortem Saulis plenè scripta fuerunt, quantum spectabat ad necessitatem Sacrae scripturæ in quinque libris Moyse, & in lib. Iosue, & Iudicum, & Ruth. & in 1. lib. Reg. ferè nihil repetitur de illis, sed incipit repetitio, & suppletio a morte Saulis, ideo in primo libro Paralipom. c. 10. ubi incipit suppletio historiarum omissarum, dicitur: Philisthiim autem pugnabant contra Israel. Et ponitur ibi mors Saulis, & postea continuatur suppletio historiarum, usque ad finem temporis Regum. Unde a c. 10. primi Paralipom. usque ad finem secundi Paralipom. continentur supplementa, & repetitiones historiarum secundi, & tertij, & quarti Regum. De isto autem libro Paralipomen. dicendum, quod est liber magnæ utilitatis, quia exponit nobis historias totius Sacrae scripturæ usque ad tempus Esdræ supplendo, quæ defuerant, & ordinando ea, quæ inordinate se habebant, & ob hoc Hebræi vocauerunt istum librum Diurehaiamim, per excellentiam. i. continentem verba dierum. Ob id Hieronymus in prologo Galeato de eo ait: Septimus est Diurehaiamim, idest verba dierum, quod significantius chronicon totius diuinæ historie possumus appellare, qui liber apud nos Paralipomen. primus, & secundus inscribitur. Et iste liber est tantæ utilitatis, quod sine illo nihil scire possumus in alijs libris Sacrae scripturæ,

In Lib. Paralipom.

pruta, & hoc non solum in libris veteris testamenti, sed etiam in libris noui testamenti, quia per illum determinantur multe difficultates, quæ insurgunt in euangelijs, & alijs libris noui testamenti. Sic ait Hieronymus in epistola ad Paulinum, capitulo septimo. Paralipomenon liber, idest instrumenti veteris epitome tantus, ac talis est, vt absque illo si quis scientiam scripturarum sibi voluerit arrogare seipsum irrideat. Per singula quippe nomina iuncturasque verborum, & prætermissæ in libris Regum tanguntur historiae, & innumerabiles explicantur Euangelij quæstiones.

De concordia, & suppletionem historiarum huius libri.

Quæst. VII.

QUÆRITVR vterius, quare in libro Paralip. non continetur suppletio historiarum, & concordia, nisi vsque ad reditum de Babylone, nam in eo finitur secundus liber Paralip. Respondendum, q̃ Sacra scripturæ libri, aut continent historiam, aut legem, aut doctrinam, aut laudem, & non reperiuntur ferè alij modi librorum Sacrae scripturæ. Si autem loquamur de libris continentibus doctrinam, sic sunt libri Salomonis. scilicet Parabola, & Ecclesiastes, & Cantica canticorum, & liber Sapientia, & Ecclesiasticus: de his dicendum, q̃ quidam eorum non potuerunt suppleri in Paralip. quia ista suppletio facta est per Esdras, & tamen liber Sapientia factus est per Philonem Iudæum post mortem Christi, vt ait Hieronymus. in prologo super librum Sapientia, & etiam in libro de Illustribus viris. Liber etiam Ecclesiastici a Iesu filio Sirach factus est, & etiam iste fuit multo tempore post reditum de Babylone, & post mortem Esdræ, vt colligitur ex prologo super Ecclesiasticum, qui est factus ab ipso auctore libri. Patet etiam ex eo, quod habetur Eccl. c. 50. ibi enim dicitur de Symeone filio Onie sacerdote magno, tamen ille fuit magno tempore post reditum de captiuitate Babylonis, scilicet prope tempus Machabæorum, ideo isti libri non potuerunt suppleri, libri autem tres sapientiales Salomonis fuerunt ante Esdras, & tamen isti non potuerunt suppleri, quia continent doctrinam moralem, & doctrina est aliquid infinitum, & nunquam aliquis hominum peruenit ad finem eius, nec etiam peruenire potest quicumque sit, quia non possunt aliquando tot conclusiones sapientia dari quia super illas non possunt addi. Et ideo cum non possit suppleri, nisi id quod determinatum est, quantum ad multitudinem partium suarum, quia de illo potest sciri quot partes deficiant, possunt suppleri libri sapientiales. Si autem loquamur de libris continentibus laudem, cuiusmodi est liber Psalmorum, dicendum quod etiam non poterant suppleri, quia quantumcumque laudemus Deum, vel quascunque res bonas, adhuc possumus de eis plures laudes formare, ideo laudes non continent aliquid determinatum, ita vt possint suppleri. Libri etiam prophetales non possunt suppleri, quia prophetia est reuelatio facta a Deo, & in ea etiam non est finis, quia quot sunt reuelabilia, tot possunt esse reuelationes, & quia illa extenduntur in infinitum, possunt esse infinita prophetia. Non ergo possunt suppleri libri prophetiarum, quia prophetia non continet aliquid determinatum. Secundò patet, quia dato, quod prophetia suppleri possint, non posset illas supplere Esdras, quia oportet simul sumpti, vt reuelarentur, ita ei omnia, quæ occulta fuerant illis. Tertiò patet, quia librum prophetarum non poterant suppleri, eo quod continebant perfectam prophetiam: nam re posset in singulis libris prophetarum, cum illi posuerint totum, quod eis reuelatum fuerat, & si aliquid vellet supplere Esdras, istud esset, quia Deus reuelasset ei aliquid, quod non reuelauerat alijs prophetis, & tales reuelationes non poterant poni per modum supplementi cut prophetia Isaia sunt distincta a prophetijs Ezechielis, & Ieremiae. Libri autem legales poterant suppleri, quia lex data a Deo erat determinata, scilicet consistebat in mandatis certis, & si ali-

qua

qua de illis omisisset ponere Moyses, potuisset supplere illa Esdras, tamen Moyses nihil omisit scribere de mandatis legis Dei: nam ipse dixit Deuteronom. capitulo duodecimo. Quod præcepi tibi, hoc tantum facito, nec addas quidquam, nec minuas. Si tamen essent plura mandata legis, quam illa, quæ scripsit Moyses, non dixisset Hebræis, quod non facerent aliud, nisi quod ipse præcipiebat, quia tunc iuberet eis, quod legem plene non obseruarent, ideo non poterat Esdras supplere legem. Manent autem soli libri historici, & de istis dicendum, quod potuerunt suppleri, quia historia est aliqua res certa, cum sit de rebus gestis, & illæ sunt in certo numero, & statu, ideo si aliquis scripserit historiam incompletè, potest alius supplere partes deficientes, fuit etiam conueniens, quod Esdras suppleret historias positas in alijs libris scripturæ, quia illæ breues erant, & ob hoc obscure, oportuit igitur suppleri particulas quasdam, per quas auferrentur dubia, & ob hoc Esdras solum suppleuit in libro Paralipomenon, partes historicas, & sic patet ex nomine suo. Nam vocatur Diurehaïamim, idest verba dierum, secundum Hebræos, & nos vocamus eum chronicon totius Sacræ Scripturæ, ut ait Hieronymus in prologo Galeato.

De suppletionem historiarum usque ad determinatum tempus.

Quest. VII.

QUÆRITUR ulterius dato, quod non deberent suppleri per Esdras in lib. Paralipomenon, nisi historiæ scripturæ, quare solum fuerunt suppletæ, usque ad captiuitatem Babylonis? Respondendum, quod propter multa. Primò, quod suppletio ista facta est per Esdras, ideo non potuit ipse supplere, nisi usque ad tempus suum, & sic pro historia librorum Machabæorum non fecit aliquas suppletiones, quia gesta Machabæorum postea fuerunt: Esdras autem natus est in Babylone, & redijt de captiuitate cum alijs redeuntibus in Ierusalem, ut colligitur ex processu duorum librorum Esdræ, ideo non potuit supplere, nisi usque ad tempus illud. Secundum fuit, & principale, quia dato, quod Esdras fuisset post captiuitatem Babylonis per annos ducentos, non potuisset facere maiorem suppletionem in libris Paralipomenon, quam fecit, quia suppletio, quæ est in libris Paralipomenon, erat respectu librorum sacrorum, qui ante hoc erant quantum ad illa, quæ in eis deficiebant, sed ante Esdras non erant alij libri sacri, nisi quinque libri Moysi, & Iosue, & Ruth, & Iudicum, & Regum, ut patet ex ordine temporum, quia omnes alij libri scripturæ historia sunt de gestis posterioribus, nisi liber Tobie, quia gesta illius ceperunt temporibus Regum Iuda, & Israel antequam transferrentur decem tribus in Assyries, ut patet Tobie primo, & tamē liber Tobie non est in canone librorum veteris testamenti, sed inter apocrypha ponitur, ut patet per Hieronymum in prologo Galeato. non ergo potuit poni suppletio per Esdras in libro Paralipomenon, nisi usque ad captiuitatem Babylonis, quia ibi finiuntur libri Regum. Sed tunc diceretur quare Esdras fecit duos libros, qui vocantur libri Esdræ, & non posuit eos in Paralipomenon, continuando historiam illam in libro Paralipomenon? Respondendum, quod non potest hoc fieri propter rationem assignatam, quia liber Paralipomenon est tanquam suppletivus eorum, quæ deficiebant in alijs libris sacris, ideo non debuit describi in eo historia, nisi usque ad tempus illud, usque ad quod extendebantur historiæ aliorum librorum, ad quorum suppletionem factus est liber Paralipomenon. Gesta autem, quæ acciderunt in reditu de Babylone, & post reditum in ædificatione templi, & murorum Ierusalem, toto tempore, quo vixit Esdras, non erant scripta in aliquo libro Sacræ scripturæ, ideo debuerunt ab ipso scribi per modum historiæ principalis, & non per modum suppletionis, & ob hoc non debuerunt continuari libri Esdræ cum libris Paralipomenon, cum illi contineant solum supplementa, sed debuerunt esse libri per se scripti.


In Lib. Paralipom.

De diuisione huius libri solum in duos libros.

Quaest.

IX.

QVAERITVR Vtterius, quare liber Paralipo. diuisus est in duos libros, & quare non in plures, vel quare non fuit vnicus. Respondendum, quòd secundum Hebræos liber Paralipomenon non est diuisus, sed vnicus liber est, sicut liber Genesis est vnus liber apud nos, & apud eos: Latini tamen, & Græci diuiserunt illum in duos libros: sic enim ait Hieronymus in prologo Galeato, scilicet. Qui liber apud nos Paralip. primus, & secundus inscribitur. Sic enim Latini, in quibusdam alijs libris deuiant ab Hebræorum diuisione: nam ipsi libros Regum, quos nos in quatuor diuidimus, in duos secant: nam primum, & secundum libros Regum apud nos vocant ipsi librum Samuelis, & tertium, & quartum libros Regum vocant ipsi librum Regum, vt patet per Hieronymum in Galeato prologo. Nunc autem apud Latinos, & Græcos diuisus est in duos libros, qui potuerat esse vnus, & tamen propter magnitudinem in duos libros diuiserunt, potuerat autem conuenienter diuidi in duos libros aliter, quàm diuisus est. Nam in Paralip. tractantur duo, scilicet deriuatio progenierum, & suppletio historiarum omissarum. Primum continetur à prin. Paralip. vsque ad 10. c. Secundum continetur ab ipso loco vsque ad finem primi libri, & in toto secundo Paralip. & sic poterat diuidi iste liber, q̃ a princ. vsque ad decimum c. esset vnus liber, & residuum esset alius liber, & sic esset diuisus in duos libros per duos tractatus diuisos: Quia tamen primus liber esset valde paruus, scilicet continens nouem capitula solum: secundus autem esset valde magnus, scilicet continens quinquaginta sex capitula: non placuit eis sic illum diuidere, sed omnia gesta, quæ continentur à principio vsque ad finem Regni Dauid posuerunt sub vno libro: Reliqua autem à principio regni Salomonis vsque ad finem Regum posuerunt sub alio libro, & sic incipit secundus liber. Confortatus est ergo Salomon filius Dauid. Sed aliquis dicet quare non fuit diuisus liber Paralip. in quatuor libros, cum in eo cõtineantur supplemēta omnium quatuor librorum Regum. Respondendum quòd potuissent fieri tot libri in Paralip. sed essent valde parui, ideo non curauerunt Græci, nec Latini in tot partes eos diuidere, & ratio quædam est, quia in libro Paralip. non continentur omnia gesta Regum Iuda, & Israel tam per extensum, sicut in libris Regum: cum solum ponantur principaliter supplementa illorum, ideo cum in primo libro Regum contineantur gesta Saulis, & in secundo gesta Dauid, ponitur hic primus liber Paralip. ad supplendum, quæ minus habebantur in illis duobus libris. In tertio autem, & quarto libris Regum continentur reliqua gesta Regum à principio regni Salomonis vsque ad finem regni Israel, & Iuda, ita hic ponitur liber secundus Paralip. ad supplendum, quæ deficiebant in illis.



ALPHONSI TOSTATI EPISCOPIS

ABVENSIS.

IN PRAEFATIONEM PRIMAM
D. Hieron. In Lib. Paralipomenon.



ENARRATIO.



S I septuaginta Interpretum pura, & ut ab eis in Græcū versa est, editio permaneret, superfluum me Chromati Episcoporum sanctissime, atq; doctissime impelleres, ut Hebræa tibi volumina Latino sermone transferrē. Quod enim semel aures hominum occupauerat, & nascentis Ecclesiæ roborauerat fidem, iustum erat etiam nostro silentio comprobari.



S I septuaginta, &c. Duo sunt prologi beati Hierony. super Paralipo. Quorum primus est iste, & alius est, qui incipit: Eusebius, & in quibusdam Biblijs non habetur, sed de necessitate est, quia exponit aliquid de illis, quæ pertinent ad librum Paralipo.

*An iste prologus sit beati Hieronymi.
Quæst. I.*

QUÆRITUR circa hoc an iste prologus sit beati Hieronymi, & an ipse præposuerit eū huic libro, vel postea ab alijs fuerit præpositus.

A Ad primum dicendum, quod iste prologus fuit factus a beato Hieronymo, ut satis apparet ex eius processu, in quo respondet detractoribus, & asserit se transulisse Paralipomenon de Hebræo in Latinum, patet etiam hoc ex verbis Hieronymi in libro secundo contra Rufinum, cum ait: In libro temporū, idest Paralipo. qui Hebraice Diurehaiamini dicitur ad sanctum Chromatium Papam præfatiuncula vltimus septuaginta Interpretum, &c. Ad secundum dicendum, quod aliqui voluerunt istos prologos non fuisse positos à Hierony. in principijs librorum, sed scripsit eos per modum Epistolarum ad personas illas, quæ petebant transferri libros illos de Hebræo in Latinum: postea autem aliqui vidētes istas Epistolas convenire satis ad declarationem librorum singulorum, ideo præposuerunt eas singulis libris, ad quos pertinebant, & sic vocati sunt prologi.

B Dicendum tamen, quod licet ista positio sit aliquatiter verisimilis: tamen non est vera. Pro quo sciendū, quod quando Hierony. ad petitionem alicuius scribat librum aliquem, mittebat ei Epistolam, in qua se excusabat de translatione, vel dicebat se velle facere, aut tangebatur conditionem illius materiei, & deinde istam epistolam præponebat principio libri translati, & in quantum mittebat prius literam illam ad illum, cuius precibus librum transferebat, vocatur Epistola: in quantum vero præponebatur libro ad cuius translationem fuerat destinata, vocatur prologus. Quod autem ipsemet Hieronym. præponeret istos prologos libris, patet in prologo Galeato, ubi ipse loquens de ipsomet prologo quem scribebat ait.

Hic

In Præfat. D. Hierony.

Hic prologus scripturarū, quasi Galeatū principium
oībus libris, quos de Hebr̄o vertimus in Latinum
conuenire potest. Ergo ipse præposuit specialiter p-
logum illum libris Regum. & ob hoc dixit, quod po-
terat conuenire omnibus libris translatis de Hebr̄o
in Latinum. sc̄q̄ non præponeretur illis conuenit eis.

Si autem nulli libro ipse præponeret prologum nō
diceret, quod poterat conuenire alicui libro scriptu-
rarum.

Secundo patet, quia ipse vocauit eum prologum
ibi, dicens: Hic prologus scripturarum, quasi Galeatū
principium. Ergo dixit eum prologum scripturarum.
Si tamen fuisse Epistola solum destinata ad illum, cu-
ius precibus scribebat librum: non vocauisset illum
prologū, sed Epistolam, quia prologus est proœmiū
quoddam, quod præmittitur in principio operis: sic. n.
definit Ari. 3. Rhet. sc̄q̄ quod est proœmium quēdam,
sine prælocutio operis, sicut prologus in poesi, & in
stipulatione præludium.

Tertio patet ex dicto Hierony. lib. primo contra
Ruffinum dicentis. in li. temporum, idest Paralipo. ad
Chromatium Papam præfatiuncula vsus sum septua-
ginta Interpretum, &c. Ergo ipsemet posuit prologū
istum.

Quarto patet, quia non solum in isto libro, sed etiā
in omnibus alijs, quos de Hebr̄o transferebat in
Latinum, prologos ponebat ad respondendum emu-
lis, vt patet in prologo suo super Iob, qui incipit: Co-
gor per singulos scripturę diuinę libros aduersariorū
respondere maledictis. Ergo in principio cuiusque
libri est aliqua responsio, vel excusatio Hieronymi:
ergo oportet poni prologos ab ipso in quibus conti-
nentur istę responsiones contra emulos, quia aliter in
nullo libro sacrę Scripturę responderet maledictis ad-
uersariorum.

Quare Hieronymus posuerit prologum istum.
Quæst. II.

QUÆRITUR Vterius ad quid Hieronymus
proposuit istos prologos libris. Respondendū,
quod isti prologi sunt viles ad multa.

Primo enim, quia in eis declaratur intentio
librorum, vel ponitur aliqua conditio de modo pro-
cessus ipsorum, per quam intelligūtur facilius ea, quę
continentur in libris: sic enim est in prologo primo,
qui dicitur Epistola ad Paulinū, in quo agitur de om-
nibus libris Sacrę Scripturę, tam noui, quam veteris
testamenti quid singuli contineant: sic etiam in pro-
logo Galeato continetur canon omnium librorum
veteris testamenti diuisus in 3. ordines, in quo ostēdit
q̄ libri sint canonici, & qui apocryphi. Et fere sic est in
omnibus prologis, quia non est prologus aliquis in
quo aliquid saltem leuiter non tangatur de conditio-
ne libri, cuius est prologus.

Secunda causa est, & præcipua, quia Hieronymus
habebat multos emulos, eo quod transferebat de He-
br̄o in Latinum libros, quia contemporanei succen-
sere debebant sibi nimis, quod nouitates veller. Vnde
etiā beatus Augustinus contemporaneus eius mor-
det eum aliquantulum de ciuitate Dei propter trans-
lationem, quam faciebat non contentus translatione
septuaginta Interpretum: & quia magna crimina im-
ponebant ei, q̄ ipse esset fallarius sacrę Scripturę, &
non corrigeret errores, sed fereret illos, & q̄ ipse pro-
pter inuidiam septuaginta Interpretum ad eos incre-
pandum transferebat de Hebr̄o, sicut patet in pro-
logo super Iob, qui incipit: Si aut fiscellam iunco te-
xerem. Et fere in omnibus prologis, & propter hoc
beatus Hiero. conatus fuit nimis elidere rationes ine-

ptas emulorum suorum, vt appareat ipsum iuste, &
vtiliter agere transferendo de Hebr̄o, & ideo in prin-
cipio, cuiusque libri translati ponit prologum de He-
br̄o ad respondendum emulis. Sic enim patet in p-
logo super Iob, qui incipit: Cogor per singulos Scri-
pturę diuinę libros aduersariorum respondere male-
dictis. Considerandum autem, quod iste prologus, si-
cut & ceteri, principaliter fuit factus a beato Hierony.
ad respondendum emulis, & diuiditur in sex partes,
quia primo ponit ad faciendum prologum istum qd
eius mouerit voluntatem. Secundo ponit translatio-
nis necessitatem ibi. *Nunc vero.* Tertio in hoc, quod
recipiantur translationes suę à Latinis esse equitatem
ibi. *Si igitur alijs.* Quarto de emulatione contra septua-
ginta Interpretes, & increpatione eorum ponit ratio-
nem exultantem ibi. *Hac pace veterum.* Quinto bene-
uolentiam captat per rationem quādam bonam, quę
ipse fecit Latinis ostendentem ibi. *Ceterum.* Sexto at-
tentum reddit auditorem translationis demonstrando
vtilitatē ibi. *Et quod nunc Diurehaiamim.* Circa principiū
dicitur. *Si septuaginta Interpretum.* Intentio Hiero. est
in litera, q̄ Chromatius Papa vidēs in libris sacrę Scri-
pturę esse multam exemplarium varietatem, & erro-
re dixit beato Hiero. erudito in lingua Hebraica, &
Latina, quod de omnibus exemplaribus, quę erant in
Ecclesia iudicaret, q̄ verum erat ad hoc, & quod illud
solum reciperetur, & auferrētur alia, & si omnia eēnt
corrupta ipse faceret nouam translationem, quę re-
ciperetur, & istud non solum petebat pro libro Paralip.
sed pro tota sacra Scriptura. Hierony. autem respon-
det ad hoc, q̄ si forte translatio septuaginta Interpre-
tum facta de Hebr̄o in Gręcum maneret integra, si-
cut quando nouiter facta est, non oportebat fieri no-
uam translationem de Hebr̄o in Latinum, quia ta-
men illa nimis corrupta erat, & detruncata, atq; cor-
rota, necesse fuit nouam fieri, & ad hoc ait. *Si septua-
ginta Interpretum pura, & vt ab eis in Gracum versa est, edi-
tio permaneret.* Vocatur aliquando editio, & aliquando
translatio, sed translatio proprie est quādoque,
quod continetur in vna lingua vertit in aliā, siue per
eadē verba, siue per diuersa seruata sententia, dū tñ nō
addatur aliqua sententia noua, nec mutet, & sic vocat
translatio beati Hier. conuersio facta ab ipso omnium
librorum de Hebr̄o in Latinum, quia nullam sentē-
tiam addit, nec minuit, sed seruauit sententiam, quę
erat in hebr̄o, quamquam mutaret aliqua verba. Ae-
ditio autem vocatur compositio alicuius operis, quā-
do quis sine alio exemplari opus nouum format, vel
quando exponit, quę in alijs libris sunt obscure tradi-
ta, & ad hoc plures sententias addit, quam fuerunt in
libro, quem exponit. Sic enim quędam translationes
Bibię vocantur additiones, quia apposuerunt aliqua,
plus quam erant in Hebr̄o, sicut apparet in additione
vulgata, & in additionibus Symmachi Aglę, & Theo-
donis, quia in omnibus his interdum additur aliqd
super id, quod est in Hebr̄o, & interdum minuitur,
translatio autem interpretum potest vocari quantum
ad hoc additio, quia aliqua subtrahit de his, quę erant
in Hebr̄o, sicut declaratum est in prologo sup Gen.
qui incipit desiderii mei. & dicitur si maneret pura, &
integra. q. d. vera esset, sicut eam fecerunt septuaginta
Interpretes: & tñ corrupta fuit postea per plures trās-
latores, & varia exemplaria, ideo tamen non manebat
pura. i. vera, sicut prius. vel dicitur pura, & integra, q̄
duobus modis corrupta fuit translatio septuaginta
Interpretum, scilicet addendo ei aliquid, & dimi-
nuendo, & isti duo modi signantur per purum, & in-
tegrum. Nam purum est, cui nihil de aliena sub-
stantia admixtum est, sicut vinum purum est, quando
nihil de aqua habet, nec de alio liquore, & ita translatio
septua-

Diuisio
prolog. in
sex partes.

septuaginta Interpretū non erat iam pura, quia multi translatōres apposuerunt ei varias particulas. Sic enim Origenes miscuit in editione septuaginta Interpretum Theodotionis editionem designans asteriscis, & obelis ea, quæ deficiēbant, & quæ superabundabant, ut patet infra in litera. Non erat et translatio septuaginta Interpretum integra, quia integrum est, cui nihil deest de partibus suis, & tamen multa ablata fuerant à quibusdam de translatione ista, ideo erat deformata. *Superflue me Chromati episcoporum sanctissime, atque doctissime impelleres.* Quasi dicat tu Chromati impellis me, ut vertam de Hebræo in Latinum libros sacros, & tamen superfluum erat istud, si maneret translatio septuaginta Interpretum pura, & integra. Iste Chromatius, qui hoc iubebat Beato Hierony. erat Papa, ut patet in lib. 2. Hierony. contra Ruffinum, cū ait: *In libro temporum, qui Paralipom. dicitur ad Sanctum Chromatium Papam prefatiuncula usus sum septuaginta.* Ergo iste Chromatius, de quo hic dicitur, erat Papa. Ob hoc autem vocatur hic Sanctissimus, quia istud connotatum est Pape, scilicet Sanctissimus, & Beatissimus.

Vt Hebræa tibi volumina Latino sermone transferre. Id est ut transferrem de nouo Libros sacros de Hebræo in Latinum: nam iam translati erant de Hebræo in Græcum per septuaginta Interpretes, & postea de Græco in Latinum per plures translatōres: de Hebræo tamē in Latinum translati nunquam fuerant, & hoc volebat Chromatius, quod faceret Hierony. Et construe sic: O Chromati Domine, vel pater Sanctissime, atque doctissime frustra impelleres me, ut transferrem Hebræa volumina Latino sermone, id est Bibliam de Hebræo in Latinum, si editio septuaginta Interpretum permaneret pura, & integra, ut ab eis in Græcum versa est, id est sicut ipsi verterunt de Hebræo in Græcum.

Quod enim semel aures hominum occupauerat. Ponit Hierony. rat onem ad probandum, quod frustra ipse transferret libros de Hebræo in Latinum, si maneret integra, & pura translatio Interpretum. Et ponit duas rationes: Prima est, quia quando aliqua opinio satis rationabilis est, & tenetur iam ab omnibus hominibus, quamquam insurgat alia rationabilis, dum tamen non omnino appareat priorem destrui per istam secundā, scilicet quod illa non teneat veritatem, non debet introduci secunda opinio, sed debet permitti manere positio prima. Ratio huius est, quia iam omnes tenent primam positionem tanquam veram, & ista secunda non est melior illa, quod ergo laborēt homines differendo opinionem priorem, & adijciendo nouam omnino est labor inutilis: cum secunda non sit melior, quā prima: immo dato, quod secunda esset aliquāliter verior, q̄ prima, nō deberet destrui prima, ut introduceretur alia, nisi prima omnino esset falsa, & intolerabilis. Istam rationem ponit Ari. 2. Politic. de politia Hippodamij Eriphontis, ubi dicit, quod magnū damnum est in mutatione frequenti legis, & q̄ nō est mutanda lex, quācumque alia melior occurrat, nisi forte prior sit omnino iniusta, quia maius damnum erit, quod fiet ex mutatione frequenti legis, quam utilitas sic introducendo nouiter legem bonam, quia per frequentē mutationem legis fit populus indomitus assuetus nō ferre legem: ita hic translatio septuaginta Interpretū fuerat suscepta ab omnibus Christianis a principio, & tenebatur vique ad tempus Beati Hiero. si igitur illa esset tolerabilis non deberet Beatus Hierony. facere nouam translationē de Hebræo in Latinum ad præiudicandum illi, quia iā illa erat radicata in mentibus hominū: et si translatio, q̄ faceret Beatus Hiero. de Hebræo in Latinū esset melior, q̄ illa, q̄ fecerat septuaginta Interpretes, quia tñ nō erat tolerabilis pp multos errores, oportuit fieri nouā translationē. Et nascentis

A *Ecclesia roborauerat fidem.* Ista est secunda rō ad pbandū idem. s. q̄ ecclesia à principio fundata fuerat in translatione septuaginta Interpretū, iō si tolerari posset deberet hñi in magna auctoritate, ne viderent destrui documenta fidei, q̄ acceperat Ecclesia primitiua, & quia tñ nō poterat tolerari translatio illa pp magnam corruptionē, quē in ea erat, non obstantibus illis duabus rationibus oportuit fieri aliam translationē, quæ esset de Hebræo in Latinum. *Iustum erat etiam nostro silentio comprobari.* q. d. si ego non scriberem faciendo aliam translationem viderer approbare translationē septuaginta Interpretum non curando de alia: nunc autē scribendo nouam videor innuere illam insufficientem esse, & corruptā, & ideo si esset ipsa tolerabilis, ego debuissē filere nihil transferendo, & sic approbassem eam filendo.

Quomodo translatio septuaginta Interpretum firmauerat fidem Ecclesie nascentis. Quest. III.

QUÆRITUR quō translatio septuaginta Interpretum firmauerat fidē Ecclesie nascentis. Rndendum, q̄ Ecclesia nascentis vocat Ecclesia primitiua, cuius fides erat credere in Christum. q̄ per eius sanguinē liberati essemus à peccato, & facti heredes vitæ eterne. Ista autē fides confirmabatur per scripturas veteris testamenti, quæ ibi erat promissio facta de Christo, & de omnibus, q̄ facturus erat, ita q̄ si aliquis dubitaret Christum esse verum messiam posset cognoscere, q̄ erat verus per oīa, quæ fecerat, quia illa reperiret in veteri testō prænuntiata per prophetas, & præfigurata in Patriarchis: sic. n. dixit Christus loquēs ad Heb. lo. 5. f. Scrutamini scripturas, quia vos putatis in ipsis vitam æternā habere, & illę sunt, quę testimoniū perhibent de me. Sic. n. Christus probabat sepe ea, quę faciebat per id, quod scriptum erat in veteri testō: sic enim patet Lucę ult. quando Christus in forma peregrini probauit duobus discipulis euntibus in Emmaus quomodo oportebat Messiam mori, & surrecturus erat, & omnia alia gesta sua, scilicet. Nonne hæc oportuit Christum pati, & ita intrare in gloriam suam? & incipiens à Moyse, & omnibus prophetis interpretabatur illis in omnibus scripturis, quę de ipso erant. Ad hoc igitur erant nimis necessarij libri veteris testamenti Christianis nouiter conuersis, ut confirmaretur fides eorum, quę habebantur in libris illis tanquam per testes operum Christi. Ista autem confirmatio fuit facta in Ecclesia primitiua per translationem septuaginta Interpretum. Nam non habebant aliam nouiter conuersi. Quod patet, quia in principio Ecclesie licet conuersi fuerint aliqui Iudei, tamen pauci fuerunt per comparisonem ad gentiles, qui conuersi sunt. Ipsi autem Iudei conuersi legebant libros veteris testamenti, quos tenebant in Hebræo: gentiles autem, qui plurimi erant non sciebant linguam Hebraicam, quia illa non erat multum vulgata per orbem, sicut Latina, & Græca, ideo per linguam Græcam habuerunt Bibliam in translatione septuaginta Interpretum, & hoc fuit, quia à principio Ecclesie primitiue plures Christiani fuerunt conuersi de Græcis, quam de alijs gentibus, quia omnes epistolę Pauli sunt ad Græcos, præter vnā ad Romanos, & aliā ad Ephesios, & aliam ad Hebræos: nam Galathę, Corinthij, Colossenses, Philippenses, Thessalonicenses Græci erant: Biblia tamen erat translata de Hebræo in Græcum, etiam ante Christi natiuitatem, quia septuaginta Interpretes plusquam per ducentos annos transfulerant Bibliam de Hebræo in Græcum ante Christi natiuitatem, ut infra declarabitur, & sic Græci conuersi ad Christum, non inquisi-

Ecclesiam fuisse a principio fundatam in translatione 70. Interpretum.

uerunt

In Lib. Paralipom.

nerunt aliam Bibliam, nisi illam, quam habuerant a septuaginta Interpretibus. Aliæ autem gentes, scilicet Latinæ, & Barbaræ, quæ non habebant idioma Græcum transtulerunt Bibliam de Græco in Latinum, & in alia sua idiomata. eo quod lingua Græca erat eis propinquior, quàm Hebræa, ideo facilius poterant transferre de illa, quàm de Hebræa, & sic factum est: nam usque ad tempus beati Hieronymi nullus fuit, qui Bibliam transferret de Hebræo in Latinum, licet multi illam transtulissent de Græco in Latinum, & sic translatio septuaginta Interpretum roborauerat fidem nascentis ecclesiæ, quia omnes Christiani a principio ecclesiæ, usque ad beatum Hieronymum sequebantur translationem septuaginta Interpretum, & iam erant quasi quadringenti anni de ætate Christi, quando scribebat ista beatus Hieronymus, & iam transferat status ecclesiæ primitiæ. Iustum ergo erat, quod translatio illa, quæ principium fidei dederat, in magna auctoritate haberetur semper, nisi esset talis, quæ non posset sustineri.

Nunc verò cum pro varietate regionum diuersa ferantur exemplaria, & germana illa, antiquaque translatio corrupta sit, atque violata, nostri arbitrij putas, aut è pluribus iudicare quid verum sit, aut nouum opus in veteri opere cudere, illudentibusque Iudeis cornicum, ut dicitur, oculos configere. Alexandria, & Aegyptus in septuaginta suis Hefychium laudat auctorem. Constantinopolis usque Antiochiam Luciani martyris exemplaria probat. Mediæ inter has prouinciæ Palæstinos codices legunt: quos ab Origene elaboratos Eusebius, & Pamphilus vulgauerunt. Totusque orbis hac inter se tripharia varietate compugnat. Et certè Origenes non solùm exēpla composuit quatuor editionum è regione singula verba describēs, ut vnus dissentiens statim cæteris inter se consentientibus arguatur, sed quod maioris audaciæ est, in editione septuaginta Theodotionis editionē miscuit, asteriscis designans, quæ minus fuerint, & virgulis, quæ ex superfluo videbantur apposita.

Nunc vero. Hic ponitur secundum, in quo Hieronymus ponit translationis suæ necessitatem, & demonstrat multis rationibus. Prima est propter multitudinem exemplarium, quia quilibet regio habebat suum exemplar, & illa non concordabant, & ideo oportebat aliqua illorum falsa esse, quia impossibile erat omnia esse vera, cum inter se repugnarent, & omnia erant dubia, cum nesciretur, quod illorum erat verum, quia eadē ratione, qua diceretur vnum falsum, dicerentur omnia alia, cum non appareret testimonium aliquod plus de vno, quam de alio, nisi vellemus facere, sicut fecit Origenes, qui ponebat in eodem libro multas translationes simul, & quando plures translationes concordabant in aliquo passu inter se, putabatur ibi esse veritas, & ubi discordabant, arguebatur esse falsitas, ut patet infra in litera. Sed ista probatio adhuc erat in-

sufficiens, quia poterant interdū plures codices mendosi esse, quam veri, vel plures translationes poterant esse mendaces, quam veræ, sed oportebat ad sciendū veritatem redire ad primum principium, sicut in speculatiuis: maxime in mathematicis ad sciendum veritatem conclusionis reducimus illam in primum principium: istud autem est litera Hebræa, quia in Hebræo fuit lex tradita, & omnes prophetiæ scriptæ, ideo quando comparauerimus quęcunque exemplaria literę Hebræicę, sciemus in quo verum, aut falsum contineant, & sic volebat facere Hieronymus. transferendū de Hebræo, & hoc iubebat Chromatius Papa, & ista ratio tangitur cum dicitur.

Nunc vero cum pro varietate regionum diuersa ferantur exemplaria. Idest non sunt exemplaria eadem in omnibus gentibus, sed diuersa sunt secundum diuersitatem regionum, & non solum secundum diuersitatem regionum, sed etiam tot videbantur iam esse translationes, quot libri, quia quilibet scribens aliquid addebat, vel minuebat in libro, quem scribebat, ut ipse Hieronymus alibi dicit: hic autem vult, quod pro regionū diuersitate erant diuersa exemplaria, quia tria exemplaria erant secundum tres prouincias, scilicet Luciana, Palæstina, & Hefychiana, ut patet infra.

Et germana illa, antiquaque translatio corrupta sit, atque violata. Secunda causa ostendens necessariam fuisse translationem Hieronymi de Hebræo in Latinum erat, quæ erant libri iam corrupti, in quibus erat translatio septuaginta Interpretum, & ista est distincta ratio a precedenti. Nam poterat esse, quod essent multa exemplaria, & vnum illorum esset verum: reliqua autem falsa, & sic debet eligi id, quod verum erat refutatis alijs, & non oportebat fieri translationem nouam de Hebræo in Latinum, quia tamen omnia erant corrupta, oportebat transferri de Hebræo. Et dicit, quod translatio septuaginta Interpretum erat corrupta, & violata. Corruptio enim fit duobus modis, scilicet augēdo aliquid, quod non erat, vel alterando id, quod erat in aliam sententiam. Violatio autem fit auferendo aliquid de præexistenti: nam fractio rei, vel sectio eius ad auferendum partes aliquas de integritate eius dicit violentiam: Vocatur ista translatio antiqua, quia illa fuit ante omnes translationes. Nondū enim aliquis transtulerat Bibliam de Hebræo in aliquam linguā priusquam transferrent illam septuaginta Interpretes. Vocatur etiā germana, idest facta a germanis, quia septuaginta Interpretes, qui fecerunt illam, erant quasi septuaginta fratres, vel vocatur germana, idest concors, vel concorditer facta: nam germanitas dicit concordiam per unitatem sanguinis, & radicis, ut patet 8. Ethicorum, & quia ista translatio facta fuit concorditer a septuaginta viris, qui disputabant in eo, quod transferendū erat, & postea de cōmuni iudicio scribebāt id, quod scribebatur. Vel vocatur germana, idest concors ipsi literę Hebræicę, quia non habebat aliquod de exemplaribus diuersis, quę nunc erant.

Nostri arbitrij putas, aut è pluribus indicare quid verum sit, aut nouum opus in veteri opere cudere. Loquitur Hieronymus Chromatium Papam, dicens, quod Chromatius posuerat in arbitrio, idest iudicio Hieronymi. facere vnum de duobus, scilicet, quod aut de omnibus exemplaribus eligeret vnum, quod verum esset, aut si nullum reperiret, faceret nouam translationem de Hebræo in Latinum. Debat autem Hieronymus. eligere aliquod de istis exemplaribus, si verum esset, & hoc debebat probare comparando omnia ad literam Hebræicam, & si aliquod concordaret ei, verum esset, & quia Hieronymus nullum de exemplaribus inuenit verum, transtulit de Hebræo in Latinum, & dicitur.

Aut è pluribus. Idest ex pluribus, quia, è, est prepositio,

fitio, sicut cum dicimus, è fronte, & è regione fratrum suorum figet tabernacula Gen. 16. & ista plura erant tria genera exemplarium, scilicet Luciana, Palestina, Hefychiana, ut patet infra, aliqui libri habent nouum opus in veteri condere, & alij cudere, & idem est, quia cudere formare est, & pertinet ad monetam. & alias res, quæ per malleationem, & percussionem fiunt, & dicitur, Cudere opus nouum in veteri, idest facere opus nouum, scilicet translationem nouam de Hebræo in Latinum, quæ nunquam facta fuerat, & hoc in veteri opere, idest ad emendationem veteris operis, idest translationis septuaginta Interpretum, quæ erat antiqua, quia ante illam nulla fuerat, vel dicitur secundum quosdam. Condere nouum opus in veteri. Quia facturus erat Hiero. translationem de Hebræo in Latinum, & in directo illius positurus erat translationem septuaginta Interpretum, sicut nunc habebatur, sed istud nihil est, nam istum modum tenuit Origenes, qui in quolibet folio exemplariorum ponebat simul plures translationes. Et tamen Hiero. dicit istud opus esse magnarum expensarum, quia multæ translationes erant simul, ut patet in Prologo eiusdem super Iob, qui incipit: Cogor per singulos. Et etiam illa positio erat inutilis, quia non ponebantur simul tot exemplaria, nisi ad sciendum veritatem, ut quando multa concordarent inter se, appareret illa esse vera, & quando discordarent illa, quæ pauciora essent appererent esse falsa, & tamen Hiero. in unico exemplari, quod transferret ex Hebræo poneret veritatem plenam, ideo superfluum erat ponere plures translationes, & sic tenenda est prima expositio. *Illudentibusque Iudæis cornicum, ut dicitur, oculos configere.* Idest in Chromati iubes mihi condere nouum opus in veteri, & configere oculos cornicum, ut dicitur, i. sicut dicitur in prouerbio. Est sensus, & antequam Hiero. transferret Bibliam de Hebræo in Latinum, Hebræi irridebant Christianos, quod ipsi habebant Bibliam mendacem, & detructam in quibusdam superfluum, & in quibusdam diminutam, & gaudebant illudendo Christianis, quia erant inuidi. Cum autem Hiero. transferret Bibliam de Hebræo in Latinum, non manet aliquid imperfectum, de quo Iudæi possent illudere Christianis, & sic configerentur oculi eorum, non habendo iam aliquid, quod viderent, de quo illuderent, sic enim dicit Hieronymus in Prologo super Iosue, qui incipit. Tandem finito Pentateucho. Quæ audientis, vel legentis vilius est, nos laborando ludare, & alios detrahendo laborare, dolere Iudæos quod calumniandi eis occasio, & irridendi Christianos ablata sit. Istud verbum Hiero. tractum est a prouerbio vulgari, quia quodcumque aliquis inimicis suis auferebat occasionem dicendi de te mala, dicebatur configere oculos cornicum, quia malitiosi, & detractores vocantur cornices, quia cornix est avis nigra, & garrula. De hoc dicitur in versibus.

Lumina cornicis fudis obturans inimicis.

Rimas ne videant, quod lacerare queant.

Si rimas eis adimis, non figunt lumina rimis.

Nec te derident, qui nisi turpe vident.

Alexandria, & Aegyptus in septuaginta suis Hefychium laudat auctorem. Hic declarat Hiero. in particulari, quod supra dixerat, i. quod erat varietas exemplarium, & ponit tres varietates. Nam Alexandria, & Aegyptus sequuntur exemplaria Aegyptij. Pertinent enim ista duo ad eandem regionem: nam Alexandria in Aegypto est, sed distinguitur duplex Aegyptus, scilicet superior, & inferior iuxta Paulum Orosium. primo de Ormesta mundi. Alexandria enim est inferior Aegypto versus occidentem circa Libyam, & tota ista regio Aegypti superior, & inferior sequitur exemplaria Hefychij. Pro quo sciendum, quod hic ponuntur tria exemplaria, Alph. Toft. In Lib. I. Paralip.

A ut patet in litera, & ista differebant inter se per tres auctores, qui correxerunt translationem septuaginta Interpretum. Erat enim translatio illa viriata ab antiquo, & quilibet istorum conatus est corrigere eam arbitrio suo, sed aliter correxit eam Hefychius, aliter Lucianus, & aliter Origenes, & sic non concordabantur inter se istæ translationes, & tamen quædam provincie sequebantur unam translationem, & aliæ aliam, Alexandria enim, & Aegyptus sequuntur translationem Hefychij. Fuit enim Hefychius Episcopus urbis Cæsareæ, qui totam bibliothecam restaurare conatus est, ut ait Hiero. de illu. viris. Et dicitur, quod Alexandria, & Aegyptus laudat Hefychium auctorem, idest correctorem, vel translatorem in septuaginta suis, idest in translatione septuaginta Interpretum, quasi dicat Alexandria, & Aegyptus non approbat aliam translationem septuaginta Interpretum, nisi illam, quam Hefychius correxit. *Constantinopolis usque Antiochiam Luciani martyris exemplaria probat.* Constantinopolis est ciuitas quædam famosa in Græcia dicta Constantinopolis, idest ciuitas Constantini, quia postquam Imperator Constantinus tradidit Romanum imperium Ecclesie. tradendo urbem Romam, transtulit se in Græciam, & ciuitatem illam famosam, quæ prius alio nomine vocabatur, de suo nomine Constantinopolim appellauit. Vocabatur enim prius Bizantium, & etiam ante hoc antiquissimo tempore vocabatur Lacedæmonia, quæ fuit ciuitas famosissima, & bellicosa, cuius legislator Lycurgus fuit vir famosus legibus, & exemplo, nam ut leges sue in æternum obseruaretur in Lacedæmonia, voluntarium exilium amplexus est, & cum moreretur, iussit ossa sua proijci in mare, ne contingeret ipsum saltem mortuum Lacedæmoniam redire, & sic putarent Lacedæmonij se absolutos a iuramento, quod ei prestitissent. i. quod leges eius obseruarent, quousque ipse rediret. De urbe ista, & politia multa loquitur Ari. 2. Politicorum c. de politia Lacedæmoniorum. Et vocatur Lacedæmonij aliqui Spartani, ut vocat eos ibidem Ari. & aliquando Sparæ, & aliquando Sparciatæ, ut patet in lib. Machabæorum, & sæpe apud poetas. ista ciuitas Constantinopolis sequitur exemplaria Luciani martyris, & etiam tota terra, quæ est inter ipsam, & Antiochiam. Est enim Antiochia ciuitas incluta in terra Syriæ, in qua beatus Petrus tenuit sedem papalem per septem annos priusquam transferretur Romanam ipsa sedes apostolica: Fuit autem ibi magna communicatio christianorum in Ecclesia primitiua, & erant ibi Apostoli, & prophete, & in ipsa urbe primum Apostoli vocati sunt christiani, ut patet, Act. 11. De ista ciuitate erat oriundus beatus Lucas, ut patet per Hier. in Prologo super Lucam, & super Actus Apostolorum scilicet Lucas Antiochensis natione Syrus. Ista ciuitas est in terminis Syriæ, & terre Chanaan, & secundum quosdam vocabatur antiquitus Emathi, & secundum alios vocabatur Reblata, & istæ sunt duæ vrbes, quæ ponuntur termini Syriæ, & terre Chanaan: Nu. 34. Tota autem terra, quæ est inter Constantinopolim, & Antiochiam, secuta est exemplaria Luciani, & est ista fere tota Græcia, & Syria, & insule Cyclades, & aliæ regiones intermedie, & sic ponitur Constantinopolis tanquam terminus aquilonaris terre huius. Antiochia autem est velut terminus meridianus. Lucianus autem fuit auctor huius translationis, quia ipse correxit translationem septuaginta Interpretum in forma, quam sequuntur istæ regiones. De Luciano dicit Hieronymus in libro de illustri. viris, scilicet Lucianus disertissimus Antiochenæ Ecclesie presbyter tantum in studio scripturæ laborauit, ut vique hodie quædam exemplaria scripturarum Luciana appellentur, passus Nicomedie ob confessionem Christi.

Constantinopolis nomina.

In Prefat. D. Hierony.

Media inter has provinciae Palaestinas codices legunt. Istud F
est tertium exemplar, scilicet codicum Palaestinarum,
Et dicitur, quod mediae provinciae, idest provinciae, quae
sunt inter Aegyptum, & Antiochiam. Nam dividitur
hic orbis ab Aquilone in Meridiem in tres partes, &
quilibet istarum sequitur unum exemplar. Pars autem
prima, quae est maxime Aquilonaris incipit a Constā-
tinopoli usque ad Antiochiam. Pars media incipit ab
Antiochia usque ad Aegyptum, & continet totam
terram Palaestinarum, Moabitarum, Ammonitarum,
& Idumaeorum, & Amalecitarum, & Madianitarum,
& aliarum gentium habitantium in desertis Arabiae, &
ista tota regio est, de qua dicitur hic, quod Mediae provinciae G
inter has legunt Palaestinos codices. Tertia pars, quae
est maxime Meridiana continet totam Aegyptii ter-
ram tam superioris, quam inferioris in latitudine, &
aliquas partes Aethiopiae, legit codices Palaestinos, i.
translationem septuaginta Interpretum emendatā
differentem ab Exemplaribus Luciani, & Hesychii, &
vocatur translatio codicum Palaestinarum, & ratio est,
quia ista translatio facta est in terra Palaestinae, vel in-
venta est ibi, ut quidam volunt, cum ignoraretur au-
ctor, vel quia terra Palaestinae est, quae praecipue sequitur
istam translationem. Est enim terra Palaestinae, quam
nos vocamus terram Philistinorum: nam Hebraei
Palaestin dicunt, ubi nos dicimus Philistinum, idem etiam H
nos, & Graeci aliquando vocamus gentes istas Philis-
thinos, & aliquando Palaestinos: est enim ista terra Iu-
daeae, quia in illa habitabant Philistini, & etiam man-
serunt semper quādiu Israelitae fuerunt in terra Cha-
naan, & etiam postea. Dividitur autem terra Philisti-
norum in quinque regulos, vel satrapas per quinque
civitates praecipuas terrae illius, quae sunt Ascalō, Azō-
tus, Accaron, Geth, Gaza, ut patet Iosue 13. & primo
Re. 6. Isti Philistini erant de genere Chanaanorum,
& pugnaverunt contra Israelitas saepissime, ut patet in
libro Iudi. & in primo, & 2. libris Regum, & cum isti
sint solum quaedam pars terrae Chanaan, vocatur lar-
ge tota terra Chanaan Palaestina, & illa tenebat istos
codices. Quos ab Origene elaboratis Eusebius, & Pamphi-
lus vulgauerunt. De ista translatione codicum Palaesti-
norum non constabat a quo esset facta, quia inuenta
est, & in Pamphilus, & Eusebius, qui erant auctores
clarissimi, vulgauerunt, idest publice asseruerunt fa-
ctam esse ab Origene eo, quod ille fuerit tempore illo cu-
riosus valde circa studium sacrae Scripturae.

De Eusebio, & Pamphilo. Quaest. IIII.

QVAERITUR De isto Eusebio, & Pamphilo,
qui fuerunt. Respondendum est de Euse-
bio, quod tres Eusebij leguntur viri illustres,
quos scribit Hieronimus in libro virorum illu-
strium. Primus enim illorum fuit Eusebius Caesariensis,
qui fuit ceteris illustrior, & est iste, de quo hic dicitur:
de quo Hieronimus in praefato libro ait, Eusebius caesa-
reus Palaestinae Episcopus in scripturis divinis studio-
sissimus, & bibliothecae divinae cum Pamphilo mar-
tyre diligentissimus persecutor edidit infinita volu-
mina, de quibus haec sunt. scilicet super Evangelium libri
viginti, & rursus super idem Evangelium alij libri
quindici: Theophaniarum autem libri quinque: Ecclesia-
sticæ historiae libri decem: Chronicorum canonum
historiam, Evangeliorum Diaphoniam: in Isaiam li-
bri decem, & contra Porphyrium, qui eodem tempo-
re scribebat in Sicilia libri triginta, de quibus tantum
ad me viginti pervenerunt. Apologias pro Origene li-
bri sex: De vita Pamphili libri tres: De martyribus alia
opuscula. Et in centum quinquaginta Psalmos eru-
ditissimos commentarios, & multa alia. Floruit autem

maxime sub Constantino Imperatore, & sub Constā-
tino, & ob amicitiam Pamphili martyris ab eo cogno-
mētum sortitus est. unde vocatur Eusebius Paphili,
ut ait Hieronimus in Prologo super Iosue. Secundus Euse-
bius fuit Emisenus Episcopus: de quo Hieronimus in libro
de illius viris, ait: Eusebius Emisenus Episcopus ele-
gantis, & rhetorici ingenij innumerabiles, & qui ad
plausum populi pertinent libros confecit, magisque
historiam secutus ab his, qui declamare volunt stu-
diosissime legitur. Ex quibus praecipui sunt adversus
Iudaeos, & Gentes, & Novatianos, ad Galatas libri de-
cem, & in evangelij homeliæ breves, sed plurimae. Flo-
ruit autem tempore Constantij imperatoris, sub quo mor-
tuus est, & Antiochie sepultus. Tertius Eusebius fuit
Sardus, de quo Hieronimus in libro de Illustribus viris, ait:
Eusebius natione Sardus ex lectore Romanæ urbis
Vercellensis Episcopus factus ob confessionem fidei
a Constantio principe scythopolim, & inde Cappado-
ciam relegatus sub Iuliano Imperatore ad Ecclesiā
reversus edidit in Psalmos commentarios Eusebij
Caesariensis, quos de Graeco in Latinum verterat, &
mortuus est Valentiniano, & valente regnantibus. De
Pamphilo autem de quo hic agitur dicendum, quod fuit pre-
sbyter, & Martyr de quo Hieronimus in lib. de Illustrib. viris
ait, Pamphilus presbyter Eusebij Episcopi Caesariensis
necessarius, idest amicus, tanto Bibliothecae divinae
amore flagrant, ut maximam partem Origenis vo-
luminum sua manu describeret, quae usque hodie in
Caesariensi bibliotheca reservatur. Sed & in duode-
cim prophetas vigintiquinque questionum Origenis
volumina manu eius exarata reperi, quae tanto ample-
ctor, & seruo gaudio, ut Croessi opes habere me cre-
dam. Si enim unam Epistolam martiris habere læti-
tia est, quanto magis tot millia versuum, quae mihi vi-
dentur sui sanguis signata esse vestigijs? Scripsit antequam
Eusebius scriberet Apologeticum per Origene, & passus
est sub persecutione Maximini Imperatoris.

Quis fuerit iste Origenes. Quaest. V.

QVAERITUR ulterius de isto Origene, de quo
hic dicitur, quis fuit. Respondendum quod fuit
vir ingenio clarissimus, & in operibus famo-
sus: scripsit enim tot libros, ut vix credibile sit.
Nam Hieronimus asserit in Bibliotheca sua septem mil-
lia librorum Origenis habuisse praeter illos, qui ad ma-
nus eius pervenire non potuerant, ut ait Ilidorus in
libro Etymologiarum. Iste tamen in quibusdam a ve-
ritate fidei deviauit, pro quibus eum Hieronimus con-
demnat dicens, quod in quibus bene dixit, nemo illo
melius dixit, in quibus autem erravit, nemo peius,
quam ipse erravit. Apponuntur tamen in libris eius
quidam errores a corruptoribus, & falsarijs scriptu-
rarum. De hoc patet per Hieronimum in libro de Lecto-
ribus duodecim, idem etiam Hieronimus in libro de il-
lustribus viris, de eo ait, Origenes, qui Adamantius
vocatus est decimo anno Severi Pertinacis Impera-
toris adversus christianos persecutione commota a
Leonide patre. Christi martyrio conorato cum sex
fratribus, & matre vidua pauper relinquitur annos
habens circiter decem, & septem. Rem enim fami-
liarem eius ob confessionem Christi filius occupa-
verat. Hic Alexandriae Ecclesia dispersa decimo octavo
anno gratis suae doctrinae opus aggressus postea a De-
metrio eiusdem urbis Episcopo in locum Clementis pres-
byteri confirmatus per multos annos floruit, & cum iam
mediae esset ætatis, & propter Ecclesias Achaiae, quae plu-
rimis haeresibus vexabatur sub testimonio Ecclesia-
sticæ Epistolae Athenas per Palaestinā pergeret a Theo-
christo, & Alexandro Caesaree, & Ierosolymis presbyter
ordi-

ordinatus Demetrii offendit animos, qui tanta aduersus eos debacchatus est infamia, ut per totum orbem pro nomine eius scriberet. Constat autem eum, antequam Cæsaream migraret, fuisse Romæ sub Zepherino episcopo, & statim Alexandriam reuersum Heraclæam presbyterum, qui in habitu philosophico perseverabat adiutorem sibi fecisse. Quæ quidem & post Demetrium Alexandrinam tenuit ecclesiam. Quantæ autem gloriæ fuerit, hinc apparet, quod Firmianus Cæsareæ episcopus, cum omni Cappadocia eum inuitauit, & diu tenuit. Et postea sub occasione sanctorum locorum. Palestinam veniens diu Cæsareæ in sacris scripturis versatus est, sed & illud, quod ad Mameam matrem Alexandri Imperatoris religiosissimam rogatus venit Antiochiam, & summo honore habitus est apud Philippum Imperatorem, qui primus de regibus Romanis Christianus fuit, & ad matrem eius literas fecit, usque hodie exstant. Quis ignorat, quod tantum habuerit in scripturis diuinis studii, ut lingua Hebræa contra ætatis, & gentis suæ conditionem edisceret exceptis septuaginta Interpretibus, alias quoque editiones congregaret, scilicet Aquilæ Pontici, & Theodotionis, Hebionæ, & Symmachi eiusdem dogmatis, qui in Euangelium quoque super Matthæum scripsit commentarios, de quo, & suum dogma affirmare conatur. Præterea quintam, & sextam, & septimam editionem, quas nos etiam de bibliotheca eius habemus miro labore reperit, & cum cæteris editionibus comparauit. De immortali eius ingenio, non taceam, quod Dialecticam, & Geometriam, & Arismetica, Musicam, & Grammaticam, Rhetoricam, omniumque philosophorum sectas, ita didicit, ut ab ipsis quoque secularium literarum studiosos sectatores haberet, & interpretaretur eis quotidie, concursusque ad eum fieret, quos ille propterea recipiebat, ut sub occasione secularis literaturæ eos in fide Christi instrueret. Vixit usque ad Gallum, & Volusianum Imperatores, & sexagintanovem ætatis annos habens mortuus est Tyri, in qua vrbe sepultus est.

Totusque orbis hac inter se tripharia varietate compugnat. Id est totus orbis diuisus est inter se in istas tres partes quibusdam sequentibus exemplaria Helychii, aliis vero Luciano libros, aliis autem Palestinos codices solum legentibus. Et quamquam totus orbis non capiatur in longitudine in illis tribus partibus, quæ assignantur: hic tamen capitur in eis secundum latitudinem, quia intra Constantinopolim ad Aquilonem, & ultra Aegyptum, & Aethiopiam versus Meridiem nulla regio erat tempore Hieronymi, quæ Christi fidem suscepisset. Aliæ autem regiones, quæ erant ad orientem & occidentem istarum trium partium, sequebantur exemplaria ista, ideo solum erat trina diuersitas exemplarium Bibliæ in toto orbe tpe Hieron. & tamen præter istam diuersitatem, quæ erat generalis, erant aliæ diuersitates speciales, secundum quas in qualibet regione erant varia exemplaria. Nam quidam scriptores per ignorantiam antiqua exemplaria corrumpabant: alii vero, qui sapientes sibi videbantur, addebant, vel minuebant pro arbitrio suo, ita ut iam rari codices etiam eiusdem translationis inter se concordarent, sed fere tot erant exemplaria, quot codices, sic enim ait Hieronymus in prologo super Iosue. s. Maxime cum apud Latinos tot sint exemplaria, quot codices, & unusquisque pro arbitrio suo, vel addiderit, vel subtraxerit, quod ei visum est.

Et certe Origenes non solum exemplaria composuit quatuor editionum. Declarat de Origene quomodo posuit diuersas translationes simul. i. quatuor editiones, nam Alph. Tost. In Lib. I. Paralip.

in eodem folio, & in eadem margine scribebat quatuor columnellas à fronte, & id quod contineretur in vna, contineretur in alia, & tamen prima erat de translatione septuaginta Interpretum: secunda de editione Aquilæ: tertia de editione Symmachi: quarta de editione Theodotionis. Et istæ quatuor simul erant, ut viderentur quando concordarent, & quando discordarent, & quando plures concordarent iudicaretur illud verum, & editio, quæ a pluribus discordaret, iudicaretur falsa.

E regione singula verba describens. Id est a fronte, vel ab opposito ponebat istas quatuor editiones, ut compararentur verba vnius verbis alterius.

Ut vnius dissentiens, statim cæteris inter se consentientibus arguatur. Id est hoc fecit Origenes, ut ponendo omnes istas editiones simul, videretur, quæ erat illa, quæ concordabat cum aliis, & quæ erat illa, quæ discordabat, & tunc de translatione illa, quæ a cæteris discordaret, apparet, quod esset falsa, cum plures concordarent in alio dicto, & ista esset tanquam testis singularis, cui non creditur. Istum modum probandi veritatem inuenit Origenes ad inquirendam veritatem Sacræ scripturæ. Etiam erant diuersæ translationes, quæ inter se discordabant, & varios habebant sectatores, nec apparebat, quæ earum esset vera, & cum essent distinctæ non poterant iudicari de eis cum iudicium de rebus non fiat, nisi per comparisonem ipsarum, ideo Origenes scripsit in eodem margine folii istas quatuor editiones, ut per concordiam, & discordiam earum inter se apparet veritas, ut dictum est. Sed ista probatio non erat sufficiens, quia poterat esse, quod plures translationes illarum essent falsæ a principio, vel postea errore libratorum vitiatæ, & illa quæ singularis esset, verum diceret. Ideo beatus Hieronymus, accepit modum probandi necessario de veritate scripturæ, scilicet transferens de Hebræo, & tunc apparet, quæ esset vera translatio, nam de Hebræo facta est prima translatio, quia in Hebræo data est lex, & in Hebræo scripti fuerunt omnes libri sacri veteris testamenti, ideo quod Hebræo consonat, verum est, quod autem dissonat, est falsum, si autem Origenes posuisset inter istas editiones ipsam veritatem hebraicam, & compararet ad eam alias editiones, & sic iudicaret eas veras, vel falsas, rectè egisset: tamen non sic faciebat, sed comparabat inter se istas editiones, & quando plures concordabant, iudicabat illam, quæ discordabat a cæteris falsam esse, & sic scriptura Origenis erat magni laboris, & expensarum, quia in vna Biblia erant sex Bibliæ, & rursus erat inutilis, quia non faciebat probationem sufficientem de eo, quod intendebat. Sed dicitur quomodo dicit hic Hieron. q. posuit hic Origenes quatuor editionum exempla contra se, quia videtur, quod posuerit sex, nam dicitur, quod scripsit Bibliam in hexaplis, ut testatur idem Hieronymus in prologo super Iosue, & in prologo super Iob, qui incipit: Cogor per singulos, & dicuntur hexaplæ sex columnæ, vel sex plicæ, scilicet, quod in qualibet margine folii ponebat Origenes sex planas, quæ necessario continerent sex translationes.

Respondendum, quod Origenes in sex planis scripsit translationes sex, & aliqui dicunt, quod quatuor. Istarum erat translatio septuaginta Interpretum simplex non mixta cum aliis translationibus: secunda erat editio Aquilæ: tertia Symmachi: quarta Theodotionis: quinta translatio septuaginta Interpretum mixta translationi Theodotionis distincta per asteriscos, & obelos, de qua Hieronymus facit hic mentionem: sexta erat translatio Hebraica. Non curauit

Quæ fuerint exempla Origenis.

In Prefat. D. Hierony.

tamen Hieronymus hic dicere, nisi de quatuor istarum, eo quod istę quatuor comparabantur inter se ac sciendum, quę illarum esset vera, de his declaratum est in prologo super Iosue. *Sed quod maioris audacia est.* Quasi dicat non solum posuit Origenes quatuor editiones simul, ut comparando eas inter se indicaret illam veram, quę pluribus concordaret, & illam falsam, quę ab omnibus dissentiret, quod fuit satis magnę audacię, sed etiam fecit aliud, quod est maioris audacię, quod infra subditur: fuit autem magnę audacię ponere istas quatuor editiones simul ad indicandum, quę esset vera, vel quę falsa, quia difficile est condemnare, quę ab aliis scripta sunt, potissimę a viris famosis, nisi rationes evidentissimę appareant. Origenes autem per istum modum condempnabat omnes quatuor editiones, scilicet interdum vnam, & interdum aliam, quę appareret a pluribus discordare.

In editione septuaginta Theodotionis editionem miscuit. Ista fuit alia translatio, nam posuit Origenes bis translationem septuaginta Interpretum, prius enim posuit eam simplicem, sicut iacebat apud antiquos, deinde posuit eam mixtam ex translatione septuaginta Interpretum, & ex editione Theodotionis.

Pro quo sciendum, quod inter ceteras editiones, scilicet Aquilę, Symmachi, Theodotionis, & quintam, & sextam, & septimam editionem non fuit aliqua tam concors veritati, ut visum est Origeni, sicut editio Theodotionis, ideo voluit Origenes ex translatione septuaginta Interpretum, & editione Theodotionis commixtis facere vnam perfectam translationem. In hoc tamen contingebat, quod interdum Theodotio plura scribebat, quam septuaginta Interpretes, & interdum pauciora, & interdum concordabat, quando erant eadem in vtrāque translatione, & ad hoc faciebat Origenes commixtionem hoc modo, quod quando translatio septuaginta Interpretum concordaret penitus cum litera Theodotionis, scribebat literam sine aliquo signo, interdum vero litera Theodotionis plus habebat, quam septuaginta Interpretes, & tunc superaddebatur omnia illa Origenes, & ponebat super ea exterius quędam signa de rubro in modum astrorum, quę vocabat asteriscos ad significandum, quod illa superaddita erant ad illuminandum sensum scripturę, cum prius viderentur deficere, cum autem plus habebatur in septuaginta Interpretibus, quam in Theodotione scribebat etiam omnia illa, & ponebat signa de rubro exterius ad modum Sagittarum, quę vocabat obelos, id est sagittas ad confodiendum, & designandum superfluum esse, quod scriptum erat. Et ista editio erat maior quacunque alia, & approbat eam valde Origenes, quasi per asteriscos, & obelos illos appareret tota veritas scripturę. Et ista erat maior audacia, quam precedens, quia per asteriscos appositos signabat Origenes aliquid deficere de editione septuaginta Interpretum, & addebatur illud de Theodotione, per obelos vero significabat aliquid superfluum esse, & corruptum in translatione septuaginta Interpretum, quia illud confodiebat obelis. Non fuit tanta pręsumptio, vel audacia beati Hieronymi, faciendo translationem de Hebręo in Latinum, quia per hoc nihil ipse mutavit de translatione septuaginta Interpretum addendo, vel minuendo, sicut fecit Origenes, ut ait infra. Cur non me suscipiant Latini mei, qui inuiolata editione veteri novam condidi.

Sciendum autem, quod cum Hieronymus transfulerit de veritate Hebręa in Latinum, non posuit asteriscos, & obelos, sicut Origenes, quia non fuit opus:

interdum tamen quando videbatur Hebręa litera minus habere, quam litera Theodotionis, vel quam vulgata editio apposuit aliqua, sicut est in libro Esther, in quo aliquid apponit de vulgata editione, postquam finiuit id, quod habetur in litera Hebręa. Sic etiam in Daniele ponuntur aliqua, quę extracta sunt de translatione Theodotionis, & non habentur in Hebręo, sicut est canticum trium puerorum, & quędam alia, & in quibusdam Bibliis antiquissimis ponuntur asterisci in locis istis, & tamen obeli, nusquam habentur, ubique tamen habentur ista additamenta, siue in veteribus, siue in novis Bibliis dicitur hęc in Hebręo non reperitur, sed de vulgata editione, vel Theodotione sumpta sunt, istud tamen rarissimum est, quia vix reperietur in aliis libris, nisi in Esther, & Daniele.

Asteriscis designans, quę minus fuerant, & virgulis, quę ex superfluo videbantur apposita. Ista duo signa faciebat Origenes in editione illa mixta ex septuaginta Interpretibus, & Theodotione, scilicet ponebat asteriscos ad designandum ea, quę minus fuerant, id est, quę deficiebant de litera septuaginta Interpretum, & habebantur in Theodotione: ponebat autem virgulas ad designandum ea, quę videbantur apposita ex superfluo: intelligendum est autem de litera septuaginta Interpretum. Nam ubi erat plus in litera Interpretum, quam Theodotionis, Origenes assererat illud tanquam superfluum, ideo ponebat virgulas confodientes, quasi illud nihil esset, & poterat putare, quod illud superfluum additum fuerat a septuaginta Interpretibus, vel forte quod aliqui postea corruptentes literam eorum addiderunt illud. Et ista erat magna audacia. Primo, quia Origenes assererat veriorē esse translationem Theodotionis, quam septuaginta Interpretum, cum ea, quę plus erant in Theodotione, quam Interpretibus, dicat deficere de Interpretibus, & ea quę plus erant in Interpretibus, quam in Theodotione, dicat superabundare ad veritatem, & confodit ea. Secundo erat magna audacia contra editionem septuaginta Interpretum, quia assererat aliquid esse in illa superfluum, & dignum confossione, cum perforat illud obelis, & hoc siue putet accidisse per ignorantiam septuaginta Interpretum, siue errore librariorum, qui literam corrumpere. Nam utroque modo asserit translationem septuaginta Interpretum corruptam esse, & non debere admitti, & utroque modo procedit argumentatio Hieronymi, scilicet, quod potius debet sibi licere facere translationem de Hebręo in Latinum non pręiudicando 70. Interpretibus, quam Origeni licuerit dicere translationē esse corruptam, & illam realiter emendare.

Sciendum autem, quod asterisci, de quibus hic dicitur, erant quędam figurę de rubro ad modum astrorum, & inde asterisci dicuntur, scilicet ab astris, & fiebant in hunc modum, quia sicut astra illuminant terram, ita illa signa illuminabant scripturam, quia litera, super quam ponebantur illa signa, addita fuerat ad illuminandum id, quod obscurum erat in scriptura propter defectum literę. Vocantur obeli, scilicet sagittę quędam signa de rubro facta in modum sagittarum, quia sicut sagittę perforant, & occidunt, ita erant illa signa ad iugulandum, & destruendum literam, super quam ponebantur significando, illam nihil esse.

Quo tempore septuaginta Interpretes translationem fecerunt.
Quaestio. V. I.

QVAERITUR de istis septuaginta interpretibus, qui fuerunt, & quo tempore translationem fecerunt, & quomodo, & ad cuius preces, nam saepe de eis mentio fit in prologo beati Hierony.

Respondendum, quod translatio ista facta est, quasi annis ducētis octoginta ante Christi natiuitatē, vel paulo minus. Nam inter principium regni Alexandri, & natiuitatem Christi fuerunt anni trecenti, & vndecim, & fere tres menses, vt patet ex tabulis differentiarum regis Alphonfi, & ex tabulis Toletanis. Regnavit autem Alexander duodecim annis, & sic manent quasi trecenti anni a morte Alexandri, vsque ad natiuitatem Christi. De his autem subtrahendi sunt anni quindecim, nam post mortem Alexandri quindecim annis Ptolomæus Philadelphus rex Aegypti suscepit regnum, qui fecit transferri Bibliam de Hebræo in Græcum, sed quo tempore regni sui hoc factum fuerit, non apparet: regnavit enim annis trigintanovem. De his Iosephus duodecimo Antiquitatum: satis autem credendum est, quod quasi circa finem regni Ptolomæi Philadelphi fuerit ista translatio facta. Quod patet, quia Demetrius Phalereus servus regis, qui erat constitutus super bibliothecam regis, dixit iam cōgregasse librorum viginti millia pro bibliotheca regis, & in promptu esse, vt alia quinque millia congregaret, vt ait Iosephus vbi supra, & isti libri congregabantur de toto orbe, vt patet ibidem, ideo forte transferat iam triginta anni, vel quasi de regno Philadelphi, quando habitus fuit sermo de translatione Biblie de Hebræo in Græcum, & sic esset hoc, quasi anno ducentesimo quinquagesimo, vel sexagesimo ante Christi natiuitatem, vel parum plus. Modus autem faciendi translationē istam fuit, quia Ptolomæus Philadelphus rex Aegypti nimis erat studiosus, & librorum multitudinem cupiebat: habebat autem familiarem quendam Demetrium, quem bibliothecæ suæ præposuerat: iubens ei, vt quotquot codices per totum orbem dignos aliqua laude congregare posset, colligeret, qui sollicitè hoc agens, immensam librorum multitudinem congregavit. Quadam autem die cum a Ptolomæo interrogatus quot millia codicum haberet, & viginti millia iam se habere respondisset, sed in breui vique ad vigintiquinque millia posse pervenire, ait nunciatum esse sibi apud Iudæos libros multos esse, qui non parum laboris afferrent, si in Græcum mutarentur, nihil tamen prohibere, quin expensis regis possent interpretari, & in bibliotheca eius poni. Erat autem tunc magna multitudo Iudæorum captivorum in terra Aegypti ex bellis præcedentibus, quos quidem Aristæus amicus regis ab eo nimium dilectus liberari a servitute desiderabat, & saepe apud se destinaverat hoc a rege petere. Nunc autem, quia videbatur se opportunum inuenisse tempus, locutus est primatibus custodum corporis regis Sosibio Tarentino, & Andreg, vt simul cum eo apud regem pro eis, quæ petiturus erat, orarent. Andreas autem ait ad regem, minime oportet nos rex vana spe decipi, sed veritatem intimare, nam si legem Iudæorum non solum transcribere, sed etiam interpretari pro tua gratia studemus, quæ ratione posset hoc fieri tot Iudæis in regno tuo servientibus. Quos magnificentiam tuam decet a servitute abolvere, & Deo, qui leges exposuit, pro tui regni tutela remittere. Nam cum multa indagassē sapius, cognovi eos, factorem omnium Deum colere, quem nos Zena, idest Iovem Alph. Toft. In Lib. I. Paralip.

A nominamus, eo quod omnibus Zem, idest Ioui vinere indulget, quapropter ad honorem Dei, quem maximā religione placant, liberos eos patriæ moribusque suis restitue. Cognosce tamen me princeps, nec affinem esse eis, nec ex eadem genitum natione, vt pro illis hæc suggeram, sed dum omnium hominum factorem Deum scirem suauiter benefactores suos amplecti, ad hanc petitionem perueni. Postquam Aristæus locutus est, & rex in eum hilari, & ridenti vultu conspexit, ait. Quanta arbitraris millia posse dimitti? Tunc Andreas respondit, qui Aristæo intererat, & dixit: paulo plusquam centum millia possunt existere. Et rex ait: Non parvam a nobis Aristæe petitionem petis. Et tunc Sosibius ait dignum esse magnificentie regis, si Deo ei, qui regnum donauerat, has gratiarum vices offerret. Et tunc rex letus iussit, vt eis, apud quos Hebræi captivi tenebantur pro singulo capite centum viginri dragmæ darentur, pro quorum redemptione plusquam 40. talenta a rege sunt largita. Posuit autem rex mandatum sub hac forma. Quicumque sub nostri patris imperio militans Syriā, & Phœnicē cum eo Iudæamque vastauerunt, & captivos adductos ad nostras prouincias, & ciuitates vēdiderunt. Et hos ēt, qui olim sub meo regno existunt, & si quos nunc superduxerint, dimittāt: pro singulo corpore accipientes dragmas centum viginti Arbitror enim eos sine voluntate patris mei contra iustitiam depredatos prouinciamque eorum fuisse vastatam, vnde multos milites præfecisse cognouimus, dum ad Aegyptum eos traducerent. Iustum ergo conspiciens misereor eis, & iubeo constitutos in seruitute Iudæos omnes, dominis eorum prius summam dictam accipientibus, absolui, nec quēquam in hac re fraudem agere, sed his potius constitutionibus obedire. Dispositiones autem meas præcipio, ex quo missi sunt per tres dies proponi quatenus ad iudices domini conueniant, corpora statim ostendentes: hoc enim meo credo profuturū imperio. Contumaces vero liceat cuique volenti accuſare, quatenus eorū titulis regis possessionibus socientur. Sic autem plusquam 120. millia Iudæorum de seruitute liberati sunt. Post hæc autem Demetrius præpositus bibliothecæ regis dixit ad eum, qd non possent libri Hebraici interpretari in Græcum per seruos regis propter varietatem linguæ, & subdidit. Si videtur tibi rex scribere principi sacerdotum gentis Iudææ quatenus transmittat seniores ab vnaquaque tribu legū peritos, vt cum ab eis codicum explanationem, & consonantiam cognouerimus, & interpretationes rerū acceperimus, dignos codices tua voluntate reponamus. Erat autem tunc in Iudæa princeps sacerdotū Eleazarus, nā defuncto Onia principe sacerdotū Simō filius eius successor exstitit, de quo Eccle. 50. hñ, quo mortuo paruulus filius eius manebat, qui cum administrandum aptus non esset, frater Simonis Eleazarus summum sacerdotiū suscepit, ad istum autē scripsit Ptolomæus, vt transmitteret sibi interpretes aliquos, qui de Hebræo in Græcum scripturas sacras verterent, & tūc misit ei captivos, quos absoluerat, & vasa auri, & argenti magnæ quantitatis cum lapidibus preciosis ad ministerium templi domini misit, quorum figuram, & pondus, & precium, & modum fabricationis describit Iosephus duodecimo Antiquitatum latissimè, de quib⁹ super sedeo. Exemplar autem epistolæ, quam Ptolomæus misit Eleazaro summo sacerdoti, hoc est: Rex Ptolomæus Eleazaro principi sacerdotum salutem. Multis habitantibus imperio meo Iudæis, quos per se cum potentes fuissent ad captiuitatem traxere: quorum aliquos pater noster ad militiam maioribus stipendiis deputans honorauit. Aliis autem in Aegyptiū

Mandatū
Ptolomæi
Philadelphi
regis
Aegypti de
liberatione
filiorū
Israel.

Cap. 2.
Exemplar
epistolæ
Ptolomæi
regis ad
Eleazarum.

In Prefat. D. Hierony.

cum eo ambulantes castella, ad eorum custodiam demandavit, ut sint Aegyptiis in terrore. Cum ergo principatum ego suscepissem, omnes clementer tractavi praesertim cives tuos, quorum plus centum millia captivos, & servientes remis, possidentibus eos, per redemptionem pecunias solvens, etatibus autem vigentes militibus designavi, multosque, qui mihi, vel ambo potuissent servare fidem in palatio constitui, arbitrans Deo iocundum pro ista providentia votum ei hoc maximum devovere. Porro volens, & istis, & omnibus per universam terram Iudaeis praestare leges vestras literis Graecis ab Hebraicis translatis in nostra bibliotheca decrevi reponere. Bene erga facies, eligendo optimos seniores, & ex unaquaque tribu dirigere, qui per etatem legum sunt periti, valeantque interpretationem earum caute nobis exponere, nam opinor his perfectis, maximam gloriam nobis preparari. Transmisi vero qui deberent de his vobiscum disputare, Andream primatem mei corporis, & Aristem mihi dilectissimos, per quos et primitias votorum ad templum, per immolationibus, & pro aliis rebus transmisi 120. talenta. Tu autem manda nobis, quae volueris fieri, quae gratius amplectemur. Susceptis autem literis istis rescriptum summus sacerdos regi hoc modo. Princeps sacerdotum Eleazarus Ptolomeo regi salutem. Valentibus nobis cum Arsione Regina, & filiis bene nobis omnia possint. Cum vero epistolam suscepimus satis de tua voluntate sumus gaudiosi, & congregantes multitudinem legimus eam, quatenus ostenderimus eis, quae pietatem erga Deum habes. Demonstravimus secundum eas pateras quas misisti aureas viginti, argenteas triginta, crateras quinque ad mensam dedicandas, & quae directa sunt per immolationem, vel renovationem eorum, quae templo defuncta talenta centum viginti deportata per Andream, & Aristem charissimos tibi amicos viros optimos, & doctrina praecellentes tuaque virtute dignos. Cognosce vero pro tuis utilitatibus, & praeter naturam velle aliquid pati dum reddamus vicem tuis beneficiis, quae multipliciter in nostros cives largiri dignaris, & statim et pro te tuaque uxore, & filiis hostias obtulimus, & multitudo vota per solvit, ut vobis eveniant, quae desideratis, & tuus principatus in pace custodiat. Ad interpretationem vero legis, quam pro tuis commodis accipere tua postulatio insinuat, elegi viros seniores sex ab unaquaque tribu, quos direximus legem ferentes, erit autem vestrae pietatis, & iustitiae, ut post transcriptionem legis eam cum portitoribus caute remittatis. Destinavit autem tunc septuaginta seniores, quos nos septuaginta Interpretes appellamus cum eis dona magna Ptolomeo regi remittens. Cum vero hi Alexandriam ad Ptolomeum venissent, iussit: ut omnes, qui ad eum pro expeditione negotiorum venerant recederent post quintum diem redituri, accedentibus autem septuaginta senioribus ad regem cum libris, qui literis aureis scripti erant, rex de codicibus eos percunctatus est, cum vero revelarent, & ostenderent, & tenuitatem membranae, & incomprehensibile eorum compaginem rerum miratus est, quod ita compacta fuissent. Cumque diu fecisset gratias ago, inquit, vobis quod venistis; maiores vero isti, qui vos destinavit ante omnia autem Deo cuius haec leges venerande probantur. Cumque clamassent seniores, & qui praesentes erant prospera regi divinitus evenire, nimium delectatus rex prorupit in lachrymas, nam saepe natura hoc summo gaudio patitur, quod etiam dolentibus solet accidere. Tunc iussit codices primatibus officii designare, & singulos seniores osculatus sermonem ad eos egit, pro quibus vocati essent, & diem quo ad eum venerant, clarum singulis annis per totum vitae suae tempus celebrare proposuit, nam evenit eundem

esse diem praesentiae illorum, quo & diem Antigoni navali bello vicerat. Epulari eos etiam secum praecipit. Nichanor etiam constitutus a rege ad susceptionem peregrinorum, iussit singulis senioribus necessaria preparare, nam a rege dispositum fuerat, ut alimenta quibus singulae civitates utuntur peregrinis ad se venientibus, pararentur quatenus cibis solitis magis delectarentur, ne forsitan corrupti extraneis gravarentur, quod circa seniores factum est. Dorotheus autem fecit per duos dies seniores istos discumbere apud regem: mediam quippe partem eorum ad dextram, & mediam ad sinistram, nihil quod ad honorificentiam eorum pertinet, praetermittens, tunc itaque sacros praecones, & immolatores, & alios, qui vota faciunt recusavit, & unum de senioribus nomine Eliseum sacerdotem rex petiit facere orationem, qui in medio stans regi bona, & subiectis eius optavit. Et post plausus cum gaudio, & clamore omnium surrexit, & residentes ad epulationem, & delicias paratas se contulerunt. Praeterea autem rex quantum ei visum est cepit philosophari, & unumquodque seniorum naturales percunctari sermones, caute illis ad omnia respondentibus, quae eis obiecta essent, & explanantibus gaudiosos, per duodecim dies conviviū intruxit. Mirante vero eos non solum rege, sed etiam Menedemo philosopho dicente omnia per providentiam dispensare, ideoque virtutem, & pulchritudinem videri sermonem rex destitit de his facere, dicebat autem maxima sibi eorum praesentia bona fieri, nam profuisse ei, quod didicisset ab illis, quemadmodum deberet regnare, asseruit. Iussitque dare singulis talenta tria: haec enim facta sunt per duodecim dies post adventum illorum, quibus continuè cum rege epulabantur. Deinde autem deputavit eis, qui illos ad divioria perducerent, & post tres dies congregans eos Demetrius princeps bibliothecae transiit ad studium maris in domum prope litus stantem, & aptam secretis ad cogitationem negotiorum, ubi eos perducens petebat omnia, quae opus habebant ad legis interpretationem, ut incessanter opus implerent, cumque laboriosè interpretationem facerent, usque ad horam nonam in hoc sedentem ad curam corporis vertebatur, ita eos invitante Dorotheo, & praesente multa ex his, quae regi parabantur. Mane autem ad aulam venientes, Ptolomeum salutabant, & iterum ad eundem locum redibant: manus in mari lavantes, & se ipsos purificantes, ita legis interpretationem vocabant, interpretatio autem legis, & aliorum librorum per septuaginta duos dies completa est, & tunc Demetrius princeps Bibliothecae, congregans omnes Iudeos ad locum, in quo translatae fuerant leges, praesentibus etiam interpretibus legit eas, & tunc multitudo amplexata est legem, & interpretes, & Demetrium, eo quod magnarum rerum inventor videretur, & petiit, ut sacerdotibus suis daretur legenda, & petierunt omnes sacerdotes, & praepositi gentis, ut bene interpretata maneret immobilis. Cumque omnes sententiam laudassent, iusserunt si quis aut superfluum, aut minus aliquid scriptum viderent in lege, hoc respicerent, & manifestum facientes emendarent hoc caste agentes, ut quod semel iudicatum fuerat bene se habere, sempiterna memoria permaneret. Gaudiosus autem rex, desiderio suo ad finem perducto, ad Demetrium principem bibliothecae sermonem facere coepit, quod ita mira existente legislatione, nemo historiographus, nec poeta Graecorum eius mentionem fecisset. Demetrius autem respondit neminem fuisse ausum harum legum tangere conscriptionem, eo quod divinae, & venerabiles

Exemplar
epistolae
Eleazari summi sacerdotis
ad Ptolomeum regem.

les essent, & quia laſi fuerant a Deo quidam hoc præſumentes. Significabat autem qualem Theopompus volens in historia aliquid de his conſcribere, mente turbatus eſt pluſquam triginta diebus, & cum ad reſectionem a Deo veniam ſupplicaret, clementiam ſibi factam ſuſpicatus eſt, vidit etiam in ſomniis, q̄ iō ei hoc accidisset, quia diuina perſcrutatus eſſet, & p̄ ferre ad hoīes impuros velit. Retulit etiam de Theocteſto poeta tragico, qui cum conatus eſſet in aliquo libro Drachmatheorum ſuorum mentionem facere eorum, quæ in diuino volumine haberentur, oculis obſcuratis recognouit cauſam ſuæ cecitatis, & ita liberatus eſt à paſſione, Deo veniam indulgente. Poſt hæc autem rex parè leges iſtas ſuſcipiens petiuit interpretes frequenter ad ſe de Iudæa venire: hoc enim eis ad honorè, & ad donationem ab eo profuturum. Nunc vero iuſtum eſſe eos dimitti, ſponte autem ad eum venientes omnia, quæ æquum eſſet eorum ſapientiam impetrare, & pro ſua maiestate dignum largiri promiſit. Et tunc quidem tranſmiſit eos cum lege, quam tulerant, donans vnicuique optimas tres ſtolas, & auri talenta duo, & calicem vnius talenti, totūque conuiuatorium: Principi autem ſacerdotum Eleazaro deſtinauit per eos lectos cum argenteis pedibus decem, & conuenientem eis ſupelleſtilem, & calicem talentorum triginta, inſuper ſtolas decem, & purpuram, & coronam decoram, & lineas de byſſo centum, præterea & libatoria, & trullam, & pateras, aut crateres aureos duos deuotendos Deo. Periuſit etiam per epiſtolas, vt ſiquis de his viris veller ad eum redire, permitteret, quia nimium delectaretur cum eruditis ſemper habere ſermonem, & diuitias ſuas talibus impartiri. Hæc autem breuiter dicta ſunt de translatione facta per ſeptuaginta interpretes, quæ fuit Ptolomei Philadelphi regis Aegyptii tempore, de qua latius Joſephus 12. Antiquiſſime Andreas historiographus eiſdem Ptolomei, qui petiuit liberari Iudæos de ſeruitute: Tangit autem hoc Hieronymus in prologo ſuper Genef. qui incipit Deſiderij mei.

Cap. 2.

Si igitur alijs licuit non tenere, quod ſemel ſuſceperant, poſtea ſeptuaginta cellulas, quæ vulgo, ſine auctore iactantur, ſingulas cellulas aperuere, hocque in eccleſiis legitur, quod ſeptuaginta nescierunt, cur me non ſuſcipiant Latini mei, qui inuiolata editione veteri, ita nouam condidi, vt laborè meū Hebræis, & quod his maius eſt, Apoſtoliſ auctoribus comprobem? Scripſi nuper librum de optimo genere interpretandi, oſtendens illa de Euangelio: Ex Aegypto vocaui filiū meum: &, Quoniam Nazareus vocabitur: & Videbunt in quem compunxerunt, & illud Apoſtoli: Quòd oculus non vidit, nec auris audiuit, nec in cor hominis aſcenderūt quæ præparauit Deus diligentibus illum, ceteraque his ſimilia in Hebræorum libris inueniri. Certe Apoſtoli, & Euangeliftæ, ſeptuaginta interpretes nouerant, & vnde eis hæc quæ in ſeptuaginta interpretibus nō habentur? Chriſtus dominus noſter vtriuſque

Alph. Toſt. In Lib. I. Paralip.

A testamenti conditor in Euangelio ſecundū Ioannem, qui credit, inquit, in me, ſicut dicit ſcriptura, flumina de ventre eius fluent aquæ viuæ. Vtiq; ſcriptum eſt, quod ſaluator ſcriptum eſſe teſtatur. Vbi ſcriptum eſt? Septuaginta non habent: apocrypha nescit eccleſia. Ad Hebræos igitur reuertendū eſt, vnde & dominus loquitur, & diſcipuli exemplā præſumunt.

Si igitur. Hic ponitur tertium, in quo probat Hiero. q̄ æquum ſit translationes ſuas a Latinis debere recipi. Et probat primo a ſimili, vel a fortiori, ſ. q̄ ſicut licuit Origeni, & alijs reprobare editionem ſeptuaginta interpretum, & corrigere eam ſubtrahendo, alterando, & addendo, ita licebit ſibi, & a fortiori facere nouam translationem de Hebræo in Latinum, nihil mutando de translatione ſeptuaginta interpretum. Et iſta excuſatio Hieronymi eſt, quia accuſabatur ab æmulis, q̄ in præiudiciū ſeptuaginta interpretū hoc faceret, & q̄ cum iā recepta eſſet translatio illorum, non deberet alia noua fieri, & ad hoc rñdet, q̄ cū alijs licuerit corrigere ſeptuaginta interpretes, ita licebit ſibi facere nouam translationem, quæ non ſit in præiudiciū illorum. *Si igitur alijs licuit non tenere, quod ſemel ſuſceperant.* Loquitur de Origene, & Helychio, & Luciano, qui fecerunt varia exemplaria poſt translationem ſeptuaginta interpretum, & dicit, quòd licuit iſtis non tenere, quod ſemel ſuſceperant, id eſt non tenere editionem interpretum, quā acceperant a principio, & arguit ex conceſſione aduerſariorū: nam Hieron. nō approbat varia exemplaria, quæ fecerunt iſti, nec dicit eis licuiſſe, concedebāt tamē æmuli Beati Hieronymi, q̄ licuerat iſtis ſcribere varia exemplaria: nam nō audebant hoc negare, cū ipſi ſequerētur ea, iō arguit Hiero. q̄ et ſibi licebat ex iuſta cauſa recedere a translatione interpretū, & nouam facere translationē. *Et poſt ſeptuaginta cellulas, quæ vulgo ſine auctore iactantur.* Senſus eſt, q̄ poſt translationē ſeptuaginta interpretū voluerunt Origenes, Heſychius, & Lucianus trāſlationes nouas facere, & ſignificat trāſlationē ſeptuaginta interpretū per ſeptuaginta cellulas. Pro quo ſciendū q̄, vt quidā imperiti aſſerunt, ſeptuaginta interpretes cōuocati in urbē Alexandriæ a Ptolomeo Philadelpho in ſeptuaginta cellulis poſiti ſunt, & quilibet per ſe translationem Biblię de Hebræo in Græcū facere cepit, & cū oēs finiuiſſent, & collati eſſent libri in vnū: inuenti ſunt oēs libri totaliter ſimiles, ita vt nec vna litera pluſ ī vno, q̄ ī alio haberetur, & ſic volunt q̄ prophetice illud factū fuerit Deo inſpirante ſingulis eodē cōceptus, quos alijs inſpirabat: & ex hoc inducūt, q̄ trāſlatio ſeptuaginta interpretū ſit prophetice facta, & veriſſima eſt, & nefas eſt, q̄ aliquis eā velit emendare. Et iſtud obijciebant æmuli cōtra Hieronymum. Sed ad hoc ipſe rñdet falſum eſſe, vt patet in prologo ſuper Genef. qui incipit: Deſiderij mei. Nā nō ſcripſerunt ſinguli in cellulis ſegregati, ſed oēs ſimul interpretationi vacabant diſputantes, vt patet p̄ Joſephū 12. Antiqui. & p̄ Ariſtē historiographū eiſdē Philadelphi, qui oīa hæc diligentiffime ſcripſit: teſte Joſepho vbi ſ. Secūdo patet, quia iſti ſeptuaginta nō vocātur pphete, ſed interpretes in ppheta. n. requiritur Dei illuminatio, in interprete autē ſola ſciētia, & verborū abundantia, iō interpret errare pōt, ſed non ppheta. De hoc Hierony. in codē plogo ait: Aliud enim eſt eſſe vatem, aliud eſt interpretē eē: ibi ſpiritus vētura prædicat, hic eruditio, & verborum

Prima ratio Hieronymi. probans q̄ debet recipi translatio ſua.

In Præfat. D. Hierony.

copia ea, quæ intelligit, transfert. Et irridet Hieronymus positionem istam, dicens, quod tunc sequeretur, quod deberemus dicere Tullium transtulisse æconomicum Xenophontis, & Platonis Protagoram, & Demosthenis pro Ctesiphonte orationem rhetorico spiritu afflatus, Tertio patet, quia si septuaginta Interpretes prophetice fuissent locuti, non variassent sensum scripturæ. Nam in eodẽ loco scripturæ Christus, & Apostoli allegauerunt dicta veteris testamenti, & nullo modo reperiuntur in tali sensu apud septuaginta Interpretes. Hoc autem probat Hieronymus inducendo multas auctoritates hic, & in prologo super Genesin, quæ allegatæ fuerunt a Christo, & Apostolis, & tamen nullo modo inueniuntur in litera septuaginta Interpretum: Sed adhuc dato, quod concederetur septuaginta Interpretes prophetice scripsisse, posset dicere Hieronymus, quod licebat sibi transferre nunc de Hebræo in Latinum, quia poterat esse, quod translatio eorũ vera corrupta esset vitio librariorũ, ideo non solum bonum esset transferri de Hebræo in Latinum, sed etiam necessaria erat talis translatio. Aliter poterat respondere iherimendo per aliud inconueniens, quia isti emuli concedebant licuisse Origeni, & Luciano, & Hesychio varia exemplaria post translationem septuaginta Interpretum condere, ita ergo licere sibi nouam translationem facere, quia similis ratio erat in vtriusque.

Sciendum etiam vltius, quod Hieronymus tacite accusat hic, & morder Augustinum. Nam ipse aliquo modo redarguebat Hieronymum, quia volebat facere aliam translationem præter translationem septuaginta Interpretum, vt colligitur 18. de ciuitate Dei, & vult Augustinus, quod septuaginta Interpretes transtulerint prophetice asserens, quod fuerunt positi in septuaginta cellulis Alexandriæ, & nemo alteri loquebatur, sed quilibet per se transferebat, & expleta translatione cum compararentur libri eorum in vnum, inuenti sunt omnino similes, ita quod, nec vna litera abundabat plus in vno, quam in alio, hoc autem redarguit Hieronymus, dicens quod istæ septuaginta cellule stantur vulgo, idest vulgariter asseruntur. *Sine auctore.* Idest non existente aliquo historiographo, qui dicat septuaginta cellulas fuisse, in quibus septuaginta Interpretes transtulerunt, ideo sunt istæ cellule ianniter dictæ, sicut vulgus solet affirmare aliqua, quæ nec sunt vera, nec verisimilia, nec ab aliquo habent auctoritatem.

Singulas cellulas aperuere. Potest intelligi dupliciter: vno modo, quod aperuerunt singulas cellulas, scilicet singulorum septuaginta Interpretum, vel singulas cellulas, scilicet quia quilibet translator postea aperuit cellulam suam a se faciendo nouam translationem, & est sensus, quod præter septuaginta Interpretes multi alij fecerunt postea translationes inter se varias, scilicet Origenes, Lucianus, Hesychius, & isti aperuerunt singulas cellulas, quia quilibet de cellula cordis sui protulit nouam translationem, & tunc non refertur ad cellulas septuaginta Interpretum. Vel si volumus referre ad cellulas Interpretum, dicitur, quod isti translatores aperuerunt singulas cellulas, scilicet quia quilibet secutus est vnum Interpretem, & ideo varie protulerunt, & iste est sensus literæ. Et irridet in hoc Hieronymus Augustinum, & alios emulos: nam præsupponit eorũ positionem ad hoc quod ipse redarguat: nam ipsi dicunt, quod septuaginta Interpretes scripserunt in septuaginta cellulis, & tamen translatio eorũ fuit similis: Hieronymus autem irridendo arguit, dicens, quod Origenes, Lucianus, & Hesychius transtulerunt Bibliam septuaginta Interpretum, & discordauerunt inter se: ideo oportet, quod non esset transla-

tio Interpretum vnica, sed quod quilibet istorũ aperiret vnã de septuaginta cellulis interpretum, & sequeretur translationem eius, & alius aliam, ideo Origenes deuiaret à Luciano, & Lucianus ab Hesychio, & Hesychius ab viroque, quod non poterat fieri, nisi isti aperirent tres cellulas septuaginta Interpretum, & sequerentur translationes ibi repertas, & illæ essent variæ. Istud autem argumentum, quod irrisorie facit Hieronymus, procedit contra Augustinum, & alios emulos præsupponendo, quod Origenes, Hesychius, & Lucianus transferendo post septuaginta Interpretes, benefecerunt, & hoc concedebat Augustinus, & alij, quia quandoque sequebantur exemplaria: alioquin non teneret argumentum Hieronymi, quia diceretur, quod quamquam septuaginta Interpretes fecerunt translationem concordem, isti translatores posteriores de cordibus suis scribentes mutauerunt illam, & non aperuerunt singulas cellulas Interpretum, sed ex arbitrio suo variauerunt quod voluerunt.

Hoc quoque in ecclesiis legitur, quod septuaginta nescierunt. Ista est secunda ratio ad probandum, quod debet recipi translatio sua, & sit necessaria, quia in ecclesia. i. in scriptura noui testamenti leguntur aliquæ auctoritates, quæ non habentur apud septuaginta Interpretes. Istud intelligitur de quibusdam auctoritatibus, quas interdum Christus, & interdum Apostoli de veteri testamento allegabant, vt patet infra, & illæ non habentur apud septuaginta Interpretes, ideo apparet translationem eorum ab ipsis fuisse insufficienter factam, vel ab alijs fuisse postea vitiatam.

Cur me non suscipiant Latini mei. Quasi dicat illi, qui susceperunt translationem septuaginta Interpretum apud Græcos Aegyptios, & Palestinos, postea etiam susceperunt alias translationes, scilicet Græci exemplaria Luciani, Aegyptij exemplaria Hesychij, Palestini exemplaria Origenis, cur Latini mei non suscipiunt me, idest translationem a me factam de Hebræo in Latinum, quamquam prius sequerentur septuaginta Interpretes? Quasi dicat iniustum est, quod non suscipiant me, cum sit causa euidentis ad hoc, & dixit, Latini mei, quia beatus Hieronymus erat de origine Latinorum, scilicet de prouincia Pannoniæ, de quodã oppido, quod à Gothis destructum est, vt patet per eundem Hieronymum in libro de illustribus viris c. vlti. & Latini erant emuli sui.

Qui inuiolata editione veteri. Quasi dicat potius me debent suscipere Latini, quam Græci Lucianum, & Aegyptij Hesychium, & Palestini Origenem, quia ego minus præiudico septuaginta Interpretibus, quam isti. Nam isti fecerunt nouas editiones addendo, & diminuendo, & alterando, & corrigendo, vel potius corrigendo translationem septuaginta Interpretum: ego autem translationem nouam feci, & tamen nihil corrupe, nec addidi, aut mutavi de translatione septuaginta Interpretum. Ideo dicit. (Qui inuiolata veteri editione.) Idest non violando, vel corrumpendo editionem septuaginta Interpretum, quæ vocatur vetus, quia ante illam nulla translatio fuit de Hebræo in Græcam, vel in Latinum, vel in aliquam aliam linguam.

Ita nouam condidi, vt laborem meum Hebræis, & (quod magis est) auctoritatibus comprobem. Ista est alia ratio ad probandum translationem suam debere recipi, quia ipse facit id, quod nemo aliorum translatorum fecit: nam Origenes, Lucianus, & Hesychius inter se variè transtulerunt, & tamen nullus eorum probat sufficienter, aut saltem coloratè translationes aliorum falsas esse, & suam esse veram: Hieronymus autem probat hoc dupliciter. Primo testimonio Hebræorum comparando translationem suam veritati Hebræicæ: nam constat, quod Biblia Hebræica verior est, quam Græca, & Latina:

Latina: eo quod Hebraica est exemplaria, cum in Hebræo data fuit lex, & postea fuerint translationes sacri Libri de Hebræo in Græcum, & de Hebræo in Latinum, ideo quodcumque aliqua translatio concordauerit veritati Hebraicæ indicandum est illam esse veram, & quanto minus concordauerit tanto facilius iudicanda est. Hieronymus autem dicit translationem suam omnino concordare Hebraicæ veritati, ut patet in prologo super Gen. qui incipit Desiderij mei, scilicet. Sicubi in translatione tibi videor errare, interroga Hebræos, diuersarum urbium magistros consule. Idem etiam in prologo Galeato. Alij autem translatores non poterant probare translationem suam auctoritate Hebræorum, quia non concordabat translatio sua literæ Hebraicæ, ideo sufficiēter Hieronymus probat veram translationem suam, & illi nihil probat. Secundo probat auctoritate Apostolorum, & Christi: nam Christus, & Apostoli allegauerunt auctoritates veteris testamenti, quæ non habentur in translatione septuaginta Interpretum, & habentur in translatione Hieronymi facta de Hebræo in Latinum, ideo constat eum dicere verum, & non illos, qui deuiauerunt à sermonibus Christi, & Apostolorum, & sic dicit, quod probat laborem suum, id est translationem suam veram esse Hebræis auctoribus, id est eis testificantibus sic haberi in Biblia eorum. Et etiam probat Apostolis auctoribus, id est auctoritate Apostolorum, cum translatio Hieronymi concordet auctoritatibus allegatis ab Apostolis. Et dicit istud esse maius testimonium, quia quamquam firmum sit testimonium, quod accipitur ex litera Hebraica, cum ibi sit originale exemplar: tamen maioris auctoritatis est dictum Christi, & Apostolorum, quia isti prophetice sciebant veritates sacre Scripture, ita perfecte, immo perfectius, quam illi prophete, qui sacram Scripturam primo scripserunt. (*Scripti nuper librum, De optimo genere interpretandi.*) Hic declarat, quæ sunt illæ auctoritates allegatæ à Christo, & Apostolis de veteri testamento, quæ non habentur in Biblia septuaginta Interpretum, & habentur in translatione Hieronymi, & ponit aliquas earum hic, & plenius posuit illas in libro de optimo genere Interpretandi. Allegat hic librum illum tamē non fuit ille liber, sed fuit quedam Epistola missa ad Pamachium monachum, in qua continebatur quis esset modus optimus Interpretandi sacram Scripturam, scilicet transferre Verbum ex verbo, vel sensum ex sensu, & ostendit, quod sit optimum genus Interpretandi transferre sensum ex sensu, etiam si verba non teneantur omnino, & istum modum secutus est Hieronymus transferendo de Hebræo in Latinum. Vocauit tamen Epistolam illam librum, quia quælibet quantumcunque brevis cartha, liber vocari potest, & secundum consuetudinem antiquorum. sic Epistolæ quoque dimissoriæ libri vocantur: sic patet quarto, Re. 30. Cum dicitur, quod rex Babylonis misit literas, & munera ad Ezechiam, & tamen Isa. 39. Ponitur eadem historia, & dicitur, quod rex Babylonis misit libros, & munera ad Ezechiam.

Ostendens illa de Evangelio. Id est in libro de genere optimo Interpretandi ostendi plura testimonia, quæ habentur in Evangelio de veteri testamento, & non habentur sic apud septuaginta Interpretes, & ista eadem testimonia allegat Hieronymus in prologo super Gen. qui incipit: Desiderij mei, quamquam hic non ita exprimit illa.

Ex Aegypto vocauit filium meum. Istud est vnum testimonium, & habetur. Matth. secundo. Vbi Evangelista probat, quod Christus descendere debebat in Aegyptum, & ibi morare deberet vsquequo vocaretur a Domino, & probat per auctoritatem illam: Ex Aegy-

pto vocauit filium meum, & dicit esse auctoritatem prophete, & intelligitur de Osee, quia Osee cap. 11. habetur. Quia puer Israel dilexi eum, & ex Aegypto vocauit filium meum. Et tamen apud septuaginta Interpretes non habetur puer Israel, & dilexi eum, & ex Aegypto vocauit filiū eius, & sic non concordat Evangelio, nec etiam potest Euangelista ex talibus verbis probare, quod Christus debebat ire in Aegyptum, & inde rediturus erat. *Et quoniam Nazareus vocabitur.* Istud est secundum testimonium, quod non habetur apud septuaginta Interpretes, & tamen probat beatus Hieronymus. haberi per Euangelistam: nam Math. 2. dicit, quod Ioseph cum coniuge sua Maria, & puero reuersus de Aegypto habitauit in Nazareth, ut impleretur, quod dictum est per prophetam, quoniam Nazareus vocabitur. Et hæc non habetur apud Interpretes. Sed etiam dicit, quod apud nos non habetur, quia non reperimus in aliquo libro veteris testamenti: potissime, quia Hieronymus in prologo super Gen. in quo sunt ista testimonia dicit, quod istud est in Isaia, & tamen constat, quod etiam si legatur totus Isaia non reperiet in illo secundum translationem nostram, quæ fecit Hieronymus. verbū istud. Dicendum, quod istud habetur Isaia 10. vbi dicitur: Egredietur virga de radice Iesse, & flos de radice eius ascendet: Nam secundum proprietatem Hebraicam potest dici, & Nazareus de radice eius ascendet, quia illud nomen, quod ibi ponitur in Hebræo potest significare florem, vel Nazareum. Sed tunc diceretur quoniam arguit beatus Hieronymus ex hoc testimonio, cum non habeatur sic in translatione sua? Dicendum quod ipse arguit principaliter ad probandum translationem septuaginta Interpretum imperfectam esse, & hoc, quia aliquid habetur in Evangelio, & etiam in Hebræo, quod non habetur apud septuaginta Interpretes, & hoc sufficit ad hoc, quod constet translationem illam esse imperfectam: Hieronymus autem quoniam scripsit istum prologum nondum transulerat Isaia de Hebræo in Latinum, ideo cum postea translulit non curauit de isto testimonio, quod allegauerat, dixit. Et flos de radice eius ascendet, & non dixit. Et Nazareus de radice eius ascendet, quia idem sensus erat, & tamen id, quod posuerunt ibi Interpretes, non poterat equipollere huic, quod est. Et Nazareus de radice eius ascendet. *Et videbunt in quem compunxerunt.* Istud est tertium testimonium, & habetur Ioan. 19. Vbi probat Evangelista, quod Iesus Christi debuit transfigi, & non debuerunt frangi eius crura, sicut crura latronum pendentium cum eo, dicens, quod hic factum est, ut impleretur scriptura, dicens. (Videbunt in quem transfixerunt.) Id est videbunt illum cuius Iesus lancea transfixerunt, & istud testimonium habetur Zacharie 12. (Aspicient ad me, quem confixerunt.) Id est clauis confixerunt cruci, vel lancea confixerunt, & dicit, Aspicient ad me. Iesus quoniam exaltatus fuero a terra in cruce, & tunc aspexerunt ad eum Iudei pendentem, nam sicut dicitur Ioan. 19. Multi Hebræorum, & Latinorum, & Græcorum titulum Christi legerunt, quia prope ciuitatem erat locus, in quo crucifixus fuit. Et tamen septuaginta Interpretes non habent illud in Zacharia, nec etiam aliquid æquiualens. *Et illud Apostoli.* Id est istud testimonium, quod sequitur est allegatum ab Apostolo. tria autem, quæ præcesserunt sunt testimonia Euangeliste.

Quod oculus non vidit, nec auris audiuit, nec in cor hominis ascenderunt, quæ præparauit Deus diligentibus se. Istud testimonium est Apostoli prima ad Corin. 2. cum dicitur. (Sed sicut scriptum est, quod oculus non vidit, nec auris audiuit, nec in cor hominis ascendit, quæ præparauit Deus his, qui diligunt illum, nobis autem reuelauit Deus per spiritum suum.) Et istud testimonium habetur in Isaia, sicut testatur in prologo super Gen. & habetur Isa. 64. Cum dicitur: A seculo non est auditum,

Testimonia uer. test. uariis uerbis in nouo excipit.

In Præfat. D. Hierony.

auditum, oculis non viderunt, nec auribus perciperunt: Deus nemo vidit absque te, quæ preparasti diligentibus te. Et istud non habetur apud septuaginta Interpretes. *Ceteraque his similia in Hebræorum libris inueniri.* Est sententia suspensiva, & pendet ex superiori. scilicet scripti librum De optimo genere Interpretandi, ostendens hæc, & his similia haberi in libris Hebræorum, & tamen non haberi in libris septuaginta Interpretum.

Certa Apostoli, & Euangeliste septuaginta Interpretes nominant. Probat, quod defectus sit in translatione septuaginta Interpretum: nam Euangeliste, & Apostoli sciunt translationem septuaginta Interpretum, & allegauerunt auctoritates istas, quæ non habentur in septuaginta Interpretibus, quomodo ergo allegarent eas si non haberentur in canone scripturæ? Oportet ergo, quod habeantur in Hebræo, quamquam non habeantur apud Interpretes: Quod autem Apostoli, & Euangeliste scirent translationem septuaginta Interpretum, & quidquid in ea contineretur, patet quia ipsi erant viri insipientes, ut patet de Petro, & de Ioanne principibus Apostolorum, de quibus dicitur, quod principes Iudeorum scientes, quod essent viri sine literis, & idiore admirabantur, cum viderent eorum constantiam. Actuum c. 4. Apostolus quoque dicit paucos de vocatis à Christo fuisse sapientes, ut patet prima ad Corin. i. c. (Videte vocationem vestram fratres, quia non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, ut confundat sapientes.) Sed Spiritus Sanctus dabat eis omnem sapientiam. Nam die Penthecostes dedit sapientiam magnam, & peritiam omnium linguarum: nam loquebantur varijs linguis magnalia Dei: Actuum c. 2. Etiam quicunque, volebant respondere alicui, vel proponere, Deus dabat eis quid loquerentur, ita ut nihil ipsi deberent præmeditari. Matth. 10. & Luc. 12. & Mar. 13. Et sic cum translatio septuaginta Interpretum contineat sacram Scripturam, quam Apostoli sepe allegabant, oportet quod scirent Apostoli quid contineretur in translatione illa. *Et vnde eis hæc dicere, quæ in septuaginta non habentur.* Id est quomodo poterant dicere Apostoli, quod in sacra Scriptura habebantur illa, quæ ipsi allegabant, cum non habeantur apud septuaginta Interpretes? Quasi dicat oportet dicere, quod aliquid sit de sacra Scriptura, quod non habeatur apud septuaginta Interpretes, quia aliter falsum dicerent Apostoli allegantes in sacra Scriptura esse id, quod ipsi allegabant: cum tamen non esset apud septuaginta Interpretes, qui transfulissent totam scripturam. Necessè est igitur illos imperfectè transfulisse. *Christus Deus noster vtriusque testamenti conditor.* Allegat hic Hieronymus auctoritatem aliam à Christo allegatam de veteri testamento, quæ non habetur apud septuaginta Interpretes. Et dicit, quod Christus fuit conditor vtriusque testamenti, quia ipse per se in forma humana predicauit nouum testamentum, & dedit illud Apostolis, & alijs Discipulis suis. Vetus autem testamentum ipse dedit per Moysen, tanquam per ministrum suum, quia Christus fuit ille Deus, qui Iudeos de Aegypto eduxit, & eis regem dedit cum extra eum non sit Deus, & istud est contra Manichæos, & alios hereticos, quorum quidam dixerunt nouum testamentum esse à bono Deo, qui fecit lucem, & masculum, & dextram: vetus autem testamentum esse à Deo malo, qui fecit tenebras, & feminam, & partem sinistram. Alij autem dicunt nouum testamentum esse à Deo magno: vetus autem à Deo esse paruo: ista tamen non solum heretica, sed etiam ridicula sunt. *In Euangelio secundum Ioannem, qui credit, inquit in me, sicut dixit scriptura, flumina de ventre eius fluent aque viue.* Id est Christus, inquit, in Euangelio Ioannis ista, quæ sequuntur, & habentur in duobus locis

verba similia: nam Ioan. 4. locutus est Christus similia verba mulieri Samaritanæ, cum petiuit ab ea bibere: nam ait. (Omnis, qui bibit ex hac aqua, sitiet iterum, qui autem biberit ex aqua, quam ego dabo ei, fiet in eo fons salientis aquæ in vitam eternam.) Iterum autem habetur Ioan. 7. aliud verbum, quod magis consonat. scilicet. (Iesus clamabat, dicens, si quis sitit veniat ad me, & bibat, qui credit in me, sicut dicit scriptura, flumina de ventre eius fluent aquæ viue.) Istud testimonium est in prouerbijs, ut dicit Hieronymus in Prologo super Gen. & habetur Prouer. 5. cum dicitur. Bibe aquam de cisterna tua, & fluenta putei tui: deriuentur fontes tui foras, & in plateis aquas tuas diuide. Et per illud intelligitur, quod aquæ fluere de ventre hominis, cum dicitur. Deriuentur fontes tui foras: (id est deriuentur de vtero tuo, & præcedant ad alios etiam, quia dicitur. In plateis aquas tuas diuide, id est aquas, quæ egrediuntur de vtero tuo, quæ sunt doctrina legis deriuentur ad alios, & hoc fit in plateis, quia verba legis Christi publicè proponuntur, & hoc consonat allegationi Christi Ioan. 7. c. (Flumina de ventre eius fluent aquæ viue. Et exponit ibi istud Euangelista subiungens.) Hoc autem dixit de spiritu, quem accepturi erant credentes in eum.) Sed obijciunt, quod nec in Prouerbijs, nec in alio libro veteris testamenti dicitur, qui credit in me, flumina de ventre eius fluent. Respondendum, quod Christus non allegauit totum illud haberi in sacra Scriptura, sed solum illud, Flumina de ventre eius fluent, & istud habetur in equipollentia sensus. Prouer. 5. & Christus exposuit illud de credentibus in se, & sic non probabat ipse ex hoc, quod credentes in se haberent flumina in ventre, sed allegat similitudinem. scilicet. qui credit in me, habebit flumina de ventre eius fluere, sicut scriptura dicit, quod de ventre alicuius deriuarentur fontes, vel flumina. *Vtrique scriptum est, quod Saluator scriptum esse testatur.* Id est necesse est scriptum in sacra Scriptura id, quod Saluator dicit scriptum esse in ea, cum ipse non possit mentiri, & tamen testimonium suum non habetur in litera septuaginta Interpretum, ergo oportet, quod habeatur aliud de sacra Scriptura, quod non sit apud septuaginta Interpretes. *Vbi scriptum est septuaginta non habent.* Id est translatio septuaginta Interpretum non habet aliquem locum, in quo scriptum sit testimonium istud Christi. *Apocrypha nescit Ecclesia.* Aufert hic responsionem quorundam, quia dicunt aliqui, quod quamquam non habeatur in translatione septuaginta Interpretum, habetur in translatione Origenis, vel Luciani, aut Hefychij, Hieronymus autem dicit, quod non sunt suscipienda exemplaria illa ad probationem, quia ecclesia nescit Apocrypha, id est non recipit scripturas Apocryphas, istæ tamen translationes Apocryphæ sunt, ex eo, quod non habent certum fundamentum. Nam litera hebraica non potest vocari Apocrypha, quia ipsa est origo sacre Scripturæ translatio quoque Hieronymus non potest dici Apocrypha, quia habet certum testimonium, cum sit translata ab Hebræo. Editio quoque septuaginta Interpretum non est Apocrypha, licet in ea aliquid diminutum sit, quia de Hebræo translata est. Editiones tamen Origenis, Luciani, Hefychij, Theodotionis, Symmachij, Aquile, & omnium aliorum, & quinta, & sexta, & septima editio, & etiā illa, quæ vulgata editio dicitur, Apocryphæ sunt, quia non consonant literæ Hebrææ, sed aliqui plura continent, & aliqui pauciora, ideo quæquæ in aliqua istarum editionum reperirentur ista testimonia, quæ allegauit Hieronymus non haberi apud septuaginta Interpretes, non reciperet scriptura Ecclesiæ illam editionem in testimonium. *Ad Hebræos igitur reuertendum est.* Hic concludit necessitatem translationis, quæ fieri deberet de Hebræo in Latinum, & arguit sic. Christus, & Apostoli allegauerunt testimonia veteris testamenti, quæ tamē

apud septuaginta Interpretes non habentur, & cōstat illa esse de veteri testamento: cum Christus, & Apostoli illa dixerunt esse de sacra Scriptura, ideō reuerendū est ad Hebrēos, qui omnia illa testimonia plenē habent. *Vnde, & Dominus loquitur, & discipuli exempla præsument.* Id est de quo loco, vel de qua scriptura Christus, & Apostoli sumunt omnia testimonia, quæ allegant: nam quidquid ab eis allegatum est, reperiet apud Hebræos quantum ad literam, vel saltem quantum ad sensum.

Utrum Ecclesia recipiat Apocrypha.
Quest. VII.

QUÆRITUR Quomodo dicitur hic, quod Ecclesia non recipit Apocrypha, quia videtur, quod recipiat illa. Nam liber Tobie, & Iudith, & sapientia Salomonis, & liber Iesu filij Sirach recipiuntur in Ecclesia, & leguntur, & in biblia scripti sunt, & tamen sunt Apocryphi: nam inquit Hieronymus in Prologo, qui dicitur Galeatus. (Hic Prologus scripturarum, quasi Galeatum principium omnibus cōuenire potest, ut sciamus quidquid extra hoc est, inter Apocrypha esse ponendum. Et in eodem Prologo dicitur. Quod Sapientia, quæ vulgo Salomonis inscribitur, & Iesu filij Sirach liber, & Iudith, & Tobias non sunt in canone. Item patet hoc: nam editio vulgata nimis Apocrypha est, cū excedat in multis ad id, quod in sacra Scriptura, & etiam nescitur auctor eius, cum dicatur inuenta in quodam dolio, & tamen Hieronymus posuit multa de editione vulgata in libro Esther: unde in aliquibus locis ponit de rubeo: Hæc in Hebræo non reperiuntur. Sed in vulgata editione habentur. Et fere medietas libri Esther, sicut nos habemus, est de editione vulgata, & non habetur illud in Hebræo, nec apud Interpretes. Respondendum, quod Apocryphæ scripturæ dicuntur. Scripturæ sacræ iuxta suam interpretationem, quia crysis secretum significat, & sic vocantur Apocrypharum secretariorum dominorum, sic aliquando reperitur in lure, ut patet extra de elec. c. 3. Et dicuntur sic, quia sunt in te Scripturæ secreta. i. veritas earum secreta est, quia nescitur an veræ, vel falsæ sint. Sciendum tamen, quod scriptura vocatur Apocrypha, vel non est in canone sacræ Scripturæ propter duo. scilicet vel quia dubitatur de veritate eius, vel quia dubitatur de auctore. Si primo modo scriptura sit Apocrypha, est nimis Apocrypha, & habet minimum auctoritatis. Sed adhuc ista est duplex, quia quedam est cuius veritas non solum non apparet, sed etiam apparent in ea multa, quæ non sunt verisimilia. Alia autem est Apocrypha scriptura, de cuius veritate, quamquam dubitetur, tamen non ponuntur in ea aliqua, quæ appareant falsa, vel videantur non verisimilia. Primo modo accipiendo Apocryphum, nullus liber Apocryphus ponitur in sacra Scriptura, nec legitur ab Ecclesia, nec scribitur in Biblia, & sic est Apocryphus liber quidam de infantia Saluatoris, & itinerarium beati Clementis, & multi alij, de quibus habetur in Decretis di. 15. c. Sancta Romana. Accipiendo Apocryphum secundum modo ponitur aliquando in Bibliæ libris licet ab Ecclesia non legantur, nec ei fides accommodetur in probando, vel docendo, & sic est Apocryphus liber quartus Esdræ, qui in quibusdam Biblijs ponitur: Ecclesia tamen non legit eum, nec aliquis doctorum conatur interdum aliquid probare ex illo, siue inter nos, siue contra Hebræos. Vnde nec beatus Hieronymus in Prologo Galeato facit mentionem aliquam de isto Apocrypho inter ceteros Apocryphos, quos ibi ponit. Alij autem sunt libri Apocryphi, qui sic vocantur: non quidem tanquam de veritate, aut bonitate do-

Acting eorum, quod multum dubitetur, sed quia nesciuntur auctores illorum, & isti ponuntur in sacra Scriptura, licet non in canone, & leguntur ab Ecclesia, & facimus ex eis probationes: sic enim est liber Tobie, & Iudith, & Sapientie, & Iesu filij Sirach, & secundus Machabæorum, & omnes isti leguntur. Differt tamen inter istos, & libros canonicos, qui vocantur authentici: nam ex authenticis, licet accipere documentum, & etiam potest argui solide tam per Hebræos, quam per Christianos ad probandum aliquas veritates, ex Apocryphis autem, qui recipiuntur ab Ecclesia licet accipere doctrinam, quia continent sacram doctrinam, unde vocantur Agiographa interdum, ut patet in Prologo Hieronymi super Tobiam, cum dicitur Librum yri- que Tobie, quem Hebræi de catalogo diuinarum scripturarum secantes his, quæ Agiographa memorant, manciparunt. Patet etiam in Prologo Hieronymi super Iudith. scilicet. Apud Hebræos liber Iudith inter Agiographa legitur. Et tamen istos duos vocat ipse Hieronymus Apocryphos in Prologo Galeato. Sed auctoritas istorum non est sufficiens ad arguendum contra aliquem, & ad probandum ea, quæ in dubium venerint, & istud habent minus, quam libri canonici, & authentici, sic patet in Prologo super Iudith. scilicet. Apud Hebræos liber Iudith inter Agiographa legitur, cuius auctoritas ad roboranda illa, quæ in contentionem veniunt, minus idonea iudicatur. Sciendum autem, quod Apocrypha illa, quæ non ponuntur in Biblia, nec leguntur, sunt purè Apocrypha, illa vero, quæ leguntur ab Ecclesia licet sint Apocrypha vocantur etiam Agiographa, quod interpretatur sacra Scriptura. scilicet. ab agios, quod est sancta, & graphos, quod est scriptura. Alia autem differentia est inter Apocrypha, quæ Ecclesia recipit, & quæ non recipit, quia Apocrypha, quæ non recipit, nullo modo habentur inter Hebræos, siue inter libros canonicos, siue alios, sicut liber quartus Esdræ, & liber Pastoris, de quo dicitur in Prologo Galeato. Apocrypha autem, quæ Ecclesia legit, & recipit, habentur apud Hebræos, licet non inter canonicas scripturas, sed inter illas, quas vocant Agiographas. i. sacras, sic patet de libro Tobie, qui Apocryphus est, & Hebræi illum de catalogo scripturarum secantes inter Agiographa manciparunt, ut patet in prologo Hieronymi super Tobiam. Liber quoque Iudith Apocryphus est, & ipse habetur apud Hebræos inter Agiographa, ut patet in prologo Hieronymi super Iudith. scilicet. Apud Hebræos liber Iudith inter Agiographa legitur. Sic etiam est de libro Sapientie. Nam Hieronymus in Prologo super ipsum librum ait. Liber Sapientie apud Hebræos nusquam est. Et tamen doctores nostri dicunt, quod Hebræi post mortem Christi illum de numero suorum librorum abstulerunt, eo quod ibi multa de Christi morte manifesta testimonia per Hebræos sunt. Sic etiam de libro Iesu filij Sirach, nam ipse a quodam Hebræo factus est, ut patet in Prologo eiusdem libri, qui factus est ab auctore libri, patet etiam Ecclesiastici 30. cū dicitur. Doctrinam Sapientie, & disciplinam scripsit in codice isto Iesus filius Sirach Ierosolymita, qui renouauit Sapientiam de corde suo. Et sic liber iste apud Hebræos aliquando habitus est, nunc autem non inuenitur. Ad rationem in contrarium dicendum, quod Ecclesia recipit Apocrypha illa, quæ vocantur Apocrypha, quia ignoratur auctor, & non, quia dubitatur de veritate eorum, vel quia in eis est aliquid, quod non sit verisimile, & sic est de omnibus libris de quibus arguebatur, scilicet de libro Tobie, Iudith, Sapientie, & Iesu filij Sirach, & 2. Machabæorum, idem etiam de vulgata editione. Nam illa, quæ ponit Hieronymus de editione vulgata in libro Esther sunt valde verisimilia, quia quilibet iudicaret vera esse, & sic accidisse ea, quæ ibi scripta sunt, sic enim ait Hieronymus in Prologo

In Præfat. D. Hierony.

Prologo super Esther. Librum istum vulgata editio laciniosis hincinde verborum funibus trahit, addens ea, quæ ex parte dici poterant, & audiri, sicut solitum est scholaribus disciplinis sumpto themate excogitare quibus verbis uti potuit, qui iniuriam passus est, vel qui iniuriam fecit. Nullus tamen istorum librorum apocryphorum etiam si sit scriptus inter alios libros Bibliæ, & legatur in Ecclesia tantæ auctoritatis est, ut ex eo Ecclesia arguat ad probandum aliquam veritatem, & quantum ad hoc non recipit eos, & de hoc patelligitur, quod dicit hic Hieronymus. f. Apocrypha nescit Ecclesia. Id est non recipit ea ad faciendum probationem super aliqua re, quæ in dubium vertit, G sicut ipsemet Hieronymus dicit in Prologo super Iudith. Alij autem exponunt istam literam aliter. f. q. Apocrypha sit nominativus singularis numeri, & est sensus, q. Ecclesia Apocrypha nescit. i. nescit respondere, vel nescit inuenire ubi sunt istæ auctoritates in veteri testamento, quæ allegantur à Christo, & Apostolis, & vocat Ecclesia Apocrypha, Ecclesia, quæ recipit scripturas Apocryphas tanquam authenticas, scilicet Ecclesia, quæ recipiebat exemplaria Luciani, & Hesychij, & codices Palæstinos, & Simmachum, & Aquilam, & Theodotionem, & quintam, & sextam, & septimam editionem, quia omnia ista sunt Apocrypha. Et isto modo non est aliquod inconueniens, nec militat argumentum, quod fiebat, & tamē iste sensus nimis est extra propositum, ideo respondendum est, sicut prius: nam homo nunquam vocatur Apocryphus, nec Ecclesia, sed scriptura, vel liber.

Hæc pace veterum loquar, & obrectatoribus meis tantum respondeo, qui caninodente me rodunt, in publico detrahentes, & legentes in angulis, id est accusatores, & defensores, cum in alijs probent, quod in me reprobant, quasi virtus, & vitium non in rebus sit, sed cum auctore mutetur.

Hæc pace. Hic ponitur quartum, id est de emulatione contra septuaginta Interpretes, & increpatione eorum. Ponit Hiero. rationem excusantem: nam emuli beati Hiero. dicebant, q. ipse non faciebat hanc translationem, nisi quia inuidebat gloriæ septuaginta Interpretum, & volebat ostendere eos reprehensibiles, ideo excusat se dicens, q. non allegauit istas auctoritates ad ostendendum defectum translationis septuaginta Interpretum, & insultandum eis, sed ad elidendum argumenta emulorum suorum. Hæc pace veterum loquor. Refertur ad auctoritates assignatas. i. ego loquor hæc pace veterum, id est non intendendo præiudicare veteribus. f. septuaginta Interpretibus, qui veteres erant, quia ipsi fuerunt primi trāslatores Bibliæ, & est modus loquendi vrbānus, sicut nos consueuimus, q. qñ aliquis errauit, & alius vult eum corrigere, vrbānè dicit sub emendatione, vel cum correctione, aut reuerentia vestra: ista videtur mihi veritas, & conuenienter dñ pace veterum loquor, id est relinquendo eos in pace. Nam pacem dicit quandam tranquillitatem status, secundum quam à nemine turbantur, & sic Hiero. nolens per hoc præiudicare Interpretibus, vel turbare honorem eorum dixit, pace veterum loquor. Et obrectatoribus meis tantum respondeo. Quasi dicat, qñ allegauit auctoritates istas, solum allegauit ad ostendendum obrectatoribus, id est murmuratoribus, qui contra me loquuntur, & isti murmuratores dicebant, q. Hiero. male faceret transferendo nūc de Hebræo in Latinum, quia superfluum erat, & ipse respō-

det eis probando, q. translatio sua est necessaria, & ad hoc inducit defectum in translatione Interpretum, & quamque aliam posteriorem esse superfluum. Hiero. autem ostendit, q. non sufficebat illa, & ad hoc inducit multa testimonia allegata à Christo, & Apostolis de veteri testamento, quæ tñ non habentur in translatione Interpretum, & tunc aliquis diceret, q. Hiero. nō dicat hæc pace veterum, quia inducendo istas auctoritates, ostendit istam translationē fuisse insufficientem, & consequenter eis honorem diminuit. Rñdet Hiero. q. quamquam verum sit, q. ista allegatio sua aliquo modo offendat Interpretes: tñ ipse non facit hoc intentione offendendi eos, sed ut respōdeat emulatoribus suis, & in hoc iuste agit. Considerandū tñ, q. ad hoc, q. aliquis in defensionem suam malum proponat de alio licite, duo requiruntur: primum est, q. illud malum propositum verū sit, nam si falsum fuerit, peccat qui proponit. Nam nemini licet seipsum falsis defensionibus tueri: quanto magis cum falsitas proposita vergit in præiudiciū alterius? quod a nobis euitandum est, quamdiu euitari potest. Secundū est, q. ille, qui proponit malum de alio proponat illud sub necessitate. f. q. aliter se defendere non possit. Nā si quis potens se faciliter tueri neminem accusando proponat malum contra aliquem, per quod se defendat, peccat, quia istud non agit desiderio boni, sed ad notificandum crimen alterius, & tñ crimen nunquā debet notificari, nisi tripliciter, vel quadrupliciter.

Primo cum quis cogitur iuridice crimen alterius notificare, sicut est in testibus, qui coguntur deponere, & si occultent crimina, super quibus inducuntur in testes, peccāt tripliciter, ut patet extra de falsarijs c. Falsidicus testis. Secundo qñ quis ad correctionem alterius vult crimen eius denunciare Ecclesiæ: nam tunc non solum non peccat, immo meretur: dum tñ seruet Euangelicam regulam de correctione fraterna. Matth. 18. Tertio modo si quis in casu, in quo ei competit de iure velit accusare proximum de crimine bono zelo. f. ut ipse non efficiatur deterior, & alij à malis declinent, quia tñ crimen detegitur, & probat, & tñ licitè sit, & tunc non requiritur euangelica monitio. Nam tribus modis procedi potest in crimine. f. per accusationem, inquisitionem, & denunciationem: in accusatione requiritur inscriptio, & non monitio fraterna, in inquisitione autem requiritur infamia præcedens, & non monitio euangelica, in sola autem denunciatione requiritur ordo euangelicus, ut patet extra de accu. c. Qualiter, & quādo. Quarto si quis nō posset nullo modo se defendere, nisi proponendo crimen alterius, quod verum sit, nam tunc licitum est, q. proponat crimen istud non sub intentione infamandi, vel minuendi honorem alterius, sed solum defendendi se, & tunc dato, q. per accidens infametur alius, vel minuatur honor eius, non peccat iste, quia non egit intentione ledendi alterum, sic enim fuit in beato Hiero. in quo necesse erat, q. aut seipsum indefensum emulatoribus permetteret, aut septuaginta Interpretes aliquo modo accusaret, non erat tñ iussu, q. Hiero. permetteret se indefensum, & hoc propter duo. Primo propter bonum publicum, quia si nollet emulatoribus suis respondere, sed susciperet argumenta eorū tanquam concludentia, oporteret, q. aut cessaret a translatione Bibliæ de Hebræo in Latinum, quā faciebat, aut diceret illam superfluum esse, sicut illi concludebant, & tñ utrunque erat inconueniens: nā si cessaret Hiero. à translatione, teneret Ecclesia Bibliam falso interpretatam, & tota Ecclesia erraret, nō poterat tñ esse maius damnum, quam istud, & consequenter non poterat esse maius bonum, quam tolleristum errorem grauissimum, & obligabatur quicunque

Quando liceat detegere malum proximi.

Modus in emendatione seruandus.

cunque posset tollere eum. Ideo Hiero. potens secundum sapientiam sibi datam à Deo interpretari sacra Scripturam verè, nò solum non faciebat malum trāsferendo de Hebræo in Latinum postquam transtulerāt septuaginta Interpretes, sed potius peccabat grauissimè si non transferret. Secundum etiam inconueniens non debebat sustinere. s. q. non cessaret à translatione, & tñ non responderet emuloribus suis, quia tacendo videretur consentire argumentis eorum. s. q. translatio sua esset superflua: nam etiam hoc esset dānum grauissimum. s. quia si omnes contemporanei Hiero. audiuisent translationem eius esse inutilem, & superfluam: non curauissent de ea, & sic labor suus esset in vanum, & quod grauius erat non susciperetur translatio sua, & maneret Ecclesia habens translationem defectuosam septuaginta Interpretum, & alias editiones nimis corruptas. s. Origenis, Luciani, Hesychii, Symmachi, Aquilæ, Theodotionis, & aliorum, & istud erat grauissimum damnum, & obligabatur ad tollendum istud quocunque poterat. Ideo sicut Hiero. obligabatur ad transferendum de Hebræo in Latinum, vt dictum est, ne Ecclesia falsam interpretationem haberet scripture, ita obligabatur ad respondendum emuloribus suis, vt translatio sua non appareret omnino inutilis, & refutaretur. Et si nollet respondere, peccaret: eo q. vergebat ista taciturnitas in damnum totius Ecclesiæ, & in offensam Dei, & tamē quodocunque alicui dicuntur mala, & iniuriæ, quæ nò solum sunt contra personam eius, sed magis contra honorem Dei, non potest ex humilitate tolerare iniurias, sed tenetur respondere maledicenti: sic enim patet de Christo, qñ Pharisei maledixerunt ei, dicentes: Nonne bene dicimus nos, quia Samaritanus es tu, & demonium habes. Io. 8. ista maledictio repugnabat nimis honori Dei: nam si Christus tacendo consensisset se demonium habere, consequenter fateretur, q. tota predicatio sua, & omnia opera, quæ faciebat erāt à dæmone, ideo non erant recipienda, istud autē erat contra voluntatem Dei, quia ipse faciebat hæc ad magnificandum Deum. Ideo non debuit tacere, sed dicere Iudeos mentitos, & sic dixit illico: Ego Demonium non habeo, sed honorifico patrem meum, & vos inhonorastis me. Et sic noluit concedere se habere demonem, sed potius dixit Iudeos accusatores suos esse filios diaboli, cum ait. Vos ex patre diabolo estis, & desideria patris vestri vultis facere. Peccaret ergo Hiero. si non responderet emuloribus suis, cum vergeret sua taciturnitas in offensam Dei, & damnum Ecclesiæ. Secundo non erat iustum, q. Hiero. taceret: nam dato, q. ista offensa solum tangeret personam suam, poterat respondere cum falsè accusaretur. Nam cum aliquis falsè accusantibus se non rēderet, quando accusatio solū est in offensam solius personæ, perfectionis est, sed non cadit sub obligatione, ideo poterat Hiero. respondere obrectatoribus suis: idest murmuratoribus, sicut respondit, & dicuntur obrectatores, de ob, & tracto, tractas. s. quia q. hominem iniuste in verbis suis tractant, & idem est obrectator, q. detractor, vel maledicus. *Qui canino dente merodunt.* Dicit hæc Hiero. ad significandum leuitiā emulorum suorum, qui tanquam canes larrabant contra ipsum, & corrodebant famam eius. In publico detrahentes, & legentes in angulis. Ista est ratio iustissima cōquerendi beati Hierony. de emulis suis, quia ipsi sciebant Hieronymum vera dicere, & interpretationem suam esse necessariam, & tamen repugnabant ei, & detrahebant, hoc autem probat, quia illi in publico detestabantur interpretationem beati Hierony. asserentes illam inutilem, & tamen in secreto ipsi habebant illam, & legebant per eam scientes, q. erat bona

A translatio, & necessaria, & tamen solum detrahebant sibi propter inuidiam. s. quia ipsi nesciebant facere similes translationes. Et imperiti inuident, si habent famam sapientum, q. alius sapientior videatur. Et dicunt quod legebat in angulis. i. in secretis locis. Nam si publice legerent non haberent colorem detrahendi, quia dñ, q. faciebant ex inuidia. Et istud ponitur ad ostendendum grauem nequitiam istorum emulorum. Nā si ipsi ex errore, vel ex affectione, quæ peruertit iudicium, putarent, q. translatio Hieronymi erat falsa, vel inutilis, & ob hoc repudiarent eam tam in publico, q. in occulto, non essent tam reprehensibiles, quia essent errantes, sed nò malitiosi. Nunc autem malitiosi erāt, & concitabant imperitos aduersus Hieronymum, vt blasphemarent de eius translatione. Sic ait Hieronymus ipse in Prologo super Gen. qui incipit, Desiderij mei. s. Quid luore torqueris, quid imperitorum animos contra me concitas. *Cum in alijs probent, quod in me reprobant.* Ista est secunda ratio contra emulos. s. q. iniuste detraherent, quia eandem rem laudabant, & vituperabant. Nam quod in Hieronymo redarguebant, in alijs approbabant, redarguebāt enim Hieronymū, q. post translationem Interpretum vellet facere nouā translationem de Hebræo in Latinum, & tamen laudabant in Origene, Hesychio, Luciano, Theodotione, Aquila Simacho, & alijs, q. post septuaginta Interpretes ipsi quoque fecerint nouas editiones. Ex quo patet, quod erat ex inuidia ista reprehensio, quia aliter, vel omnes redarguerent, vel nullum. *Quasi virtus, & vitium non in rebus sit, sed cum auctore mutantur.* Isti emuli de eadem re, de qua alios laudāt, vituperant me, tanquam virtus, & vitium, propter quæ est laus, & vituperium nò sit in rebus. i. in actibus, sed in auctore, & ideo putant, q. eadem res facta ab vno erit actus virtutis, & facta ab alio erit actus vitij. Et tunc nò ponunt aliquo modo bonum, vel malum ex conditione actus, sed ex conditione personæ. Sed hoc falsum est, quia adulterari malum est, & quicumque adulteratur male agit, & tamē si ex parte personæ esset solum virtus, vel vitium, aliquis adulterando peccaret, & alius esset, qui adulterando non peccaret, sed falsum est: verum tamē est, q. interdum virtus, & vitium consistunt ex parte personæ, quia aliquis actus erit, qui in vna persona est culpabilis, & in alia non, sicut alicui licet contrahere: alius autem erit, qui peccat mortaliter contrahendo, sicut qui emisit votum solenne de castitate, & sic in plurimis. Nam conditio personæ est vna de octo circumstantijs actus, quas ponit Aristot. 3. Ethicorum, & tamē tūc non variatur virtus, vel vitium in actu propter personam absolutè. s. quia est Petrus, vel Martinus, sed pp. variam conditionem, vtpote laicus, vel sacerdos, religiosus, vel non religiosus, sapiens, vel ignorans, & sic de ceteris. Nunc autem in Hieronymo non erat aliqua causa specialis propter, quam sibi esset illicitum transferre de Hebræo in Latinum potius, quā in Origene, Luciano, & Hesychio, & ceteris, & ideo isti iniuste increpabant Hieronymum, q. trāsferret de Hebræo in Latinum, cum septuaginta Interpretes laudent, & Origenem, & ceteros, qui post eisdem Interpretes editiones aliquas fecerunt.

Ceterum memini editionem septuaginta translatorum olim de Græco emendatam tribuisse me nostris, nec inimicum debere extimari eorum, quos in conuentu fratrum semper edissero.

Ceterum memini. Hic ponitur quintum, in quo beneuolentiam

In Præfat. D. Hierony.

involentiam capiat per rationem quādam ostendē-
tē quanta bona Hieronymus fecerit Latinis, semē-
dando eis translationem septuaginta interpretum, &
magis etiā excusat se de invidia septuaginta interpre-
tum, quam aliqui ei opponebant, & probat hoc, quia
si ipse emularetur, & inimicaretur interpretibus, nō
emendasset eorum translationem vitiatam ab aliis,
quia hoc ad honorem interpretum redundabat, & ta-
men fecit hoc, ut asserit hic, & patet magis sequenti
prologo, ergo non inimicabatur eis, nec propter hoc
faciebat novam translationem, sed propter publicā
ecclesię utilitatem. Et dicitur ceterum memini edi-
tionem septuaginta translatorum olim de Græco e-
mendatam tribuisse me nostris, idest recordor, quod
ego emendaverim translationem septuaginta inter-
pretum, quæ habebatur in Græco, quod erat nimis
corrupta, & tradidi illam latinis versam in Latinum.
Fecit autem Hieronymus istam emendationem an-
tequam inciperet transferre de Hebræo in Latinum,
quia tunc non intendebat trāsferre de Hebræo in La-
tinum. Sed postea videns, quod non poterat tolerari
translatio septuaginta interpretum cepit transferre
de Hebræo ad petitionem Chromacii papæ, ut patet
supra in litera.

Sciendum etiam, quod ista translatio septuaginta
interpretum, quam emendavit Hieron. non erat quan-
tum ad omnes libros Biblię, sed solum liber Paralip.
Nam erat corruptus liber iste in translatione inter-
pretum plusquam ceteri libri, ideo voluit eum potius
emendare, & de ista emendatione dicitur in prologo
sequenti. Nec inimicus deberem extirpari eorum,
quos in conventu fratrum semper edissero. Idest nō
debeo ego reputari inimicus septuaginta interpretū,
sed potius amicus, quia semper edissero eos in con-
vitu fratrum, idest declaro doctrinam eorum emendā-
do ea, quæ alii corruerunt in translatione ipsorum.
Vocantur autem hic fratres quicumque Christiani.
Nam Apostolus omnes Christianos vocat fratres, ut
patet 1. ad Corinth. 7. Siquis frater habet uxorem in-
fidelem. Et iterum. Non est servituti subiectus frater,
aut soror. Idest nullus Christianus, vel Christiana sub-
iicitur servituti ad hoc, quod reneatur manere cum in-
fidele, sic etiam Iacobi 2. dicitur. Si autem frater, &
soror nudi sint. Idest, si aliquis Christianus, vel Chri-
stiana. Et iste erat modus loquendi inter Apostolos,
& in ecclesia tota primitiva.

Et quod nunc Dibrehaiaimim, idest ver-
ba dierum interpretatus sum, idcirco feci, ut
inextricabiles moras & siluam nominū, quę
scriptorum confusa sunt vitio, sensuumque
barbariem apertius, & per versuum cola di-
gererem, mihi metipsum & meis iuxta Isimeniā
canens, si aures surdę sunt ceterorum.

Et quod nunc. Hic ponitur textum, in quo Hieron. red-
dit auditore attentum translationi suę demonstran-
do utilitatem. Et in hoc proponit difficultatem huius
libri, scilicet quod propter multitudinem nominū Hebræicorū erat
nimis corruptus, & male punctuatus, ipse autē correxit
illū, & punctuavit diligenter, ut sine errore possit legi.
Et dicit: *Et quod nunc Dibrehaiaimim, idest verba dierum inter-*
pretatus sum. Pone cautela in quare interpretatus fue-
rit librum istum, idest transtulerit de Hebræo in La-
tinū. nam interpretatio est translatio sermonis de una
lingua in aliam. Et vocat librum istum Dibrehaiaimim,
quod est nomen suum in Hebræo quāquā est corruptū.
Nam Hebræi dicunt Dibrehaiaimim, & interpretat
verba dierum, quia in eo continent verba, idest res

gesta in diuersis temporibus. Quare autem sic vocet,
declaratum est supra in prologo quæstione quarta.

Idcirco feci, ut inextricabiles moras. Causa interpreta-
tionis libri illius fuit, quia erat nimis corruptus, & erat
corruptio in duobus, primò in mora: secundò in scri-
ptura nominum, quia cum sint hic plurima nomi-
na Hebræica, librarij nostri nescientes illa corrigere, &
scribere, omnia corrumpebant. De primo dicendum,
quod mora est quedam conditio pronunciandi, scili-
cet pausa. Et ista fit multipliciter in legendo, de qua
non est ad præsens dicere, cum sit præsuppositio in
scientia puerili. Pausę autem distinguuntur per pun-
cta: nam per diuersa puncta scimus, quomodo diuer-
simode pausandum est. Sunt autem puncta pausa, scilicet
per quatuor, scilicet virgula, coma, colus, periodus. Et quan-
do ista ponuntur in scriptura conferunt ad duo: pri-
mò, quia pulchrè, ordinatè, & delectabiliter pronun-
ciamus. Secundò, quia sententia fit facilius intelligibi-
lis: nam ablatis punctis in legendo, & scribendo pe-
nitus confunduntur sententię, cum ea, quę pertinent
ad præcedentem sententiam legimus cum sequenti,
vel è contrario. Omnes autem istę punctuationes vo-
cantur morę, quia faciunt nos morari, idest pausare
in pronunciando ad distinctionem eorum, quę dicū-
tur. Dicit autem Hieron. istas moras, idest pausas esse
inextricabiles, idest non certificabiles, quia fiet scri-
ptus erat iste liber, antequam Hieronymus trāsferret

cum de Hebræo in Latinum, & nemo poterat intel-
ligere qualiter, vel ubi pausandum foret, nec etiā hoc
scuisset, nisi habuisset ex Hebræo ubi sententię per ver-
sus distinctę sunt: & istas moras, vel pausas distinxit
nunc Hieron. per cola, & comata, & alia puncta scriben-
di. Et syluam nominum. Intelligitur de nominibus
Hebræicis, quę sunt aliena a nobis. Et dicitur silua, quia
est magna multitudo congesta, nec est talis in aliquo
alio libro Scripturę sacrę, nisi in duobus libris Esdre.
Et habentur ista nomina præc pue in libro isto primo,
& maxime vsque ad quartumdecimū cap. *Quę scri-*
ptorum confusa sunt vitio. Scriptores Latini nescie-
bant nomina Hebræa scribere, nec resonare: ideo er-
rabant in scribendo, & error erat in duobus. Primo,
quia scribebant ea aliis literis, quā scribere deberēt,
& sic iam non videbantur eadem nomina, sed alia; ita
ut interdum nomina hominum putarentur nomina
locorum, & è contrario. Secundo errabant, quia cum
nescirent nomina ista, interdum plura copulabant in
vnum corpus, & legebatur tanquam vnum nomen:
interdum autem aliqua nomina diuidebant in plures
partes, & sic iam non videbantur nomina Hebræa, sed
Barbara, vel Sarmatica. Et de his duobus erroribus,
patet magis in prologo sequenti. *Sensuumque Barba-*
riem. Idest non voces solum erant Barbarę factę pro-
pter corruptionem, sed etiam sententię. Proprie enim
voces Barbarę dici possunt: sententię autem nō, quia
sententia recipit animum concipientem, & intelligē-
tem, & non respicit vocem: sic enim dicimus quoddā
nomina Latina esse, alia Gręca, alia Hebræa, alia Bar-
bara, cum voces sint diuersę. Intellectus tamen, & cō-
ceptiones eius eędem sunt apud omnes gentes, ideo
nulla sententia vocabitur Barbara. Interdum per cō-
parationem ad vocem, scilicet, quia sicut nos non in-
telligimus nomina Barbara, eo quod sunt aliena a nobis:
ita quando aliqua sententia in verbis nostri idiomatis
fuerit tam inconuenienter ordinata, ut intelligi ne-
queat, dicitur sententia Barbara. Et sic quando vnius
non intelligit alium, vocantur ambo Barbari. Sic pa-
tet 1. ad Corin. 14. Si ergo nesciero virtutem vocis:
ero ei, cui loquar Barbarus, & qui loquitur mihi Bar-
barus. Isto modo accepit hic Hieronymus. Nam li-
ber iste erat scriptus sine punctis ad pausandum, an-
tequam

tequam ipse eum transferret de Hebræo in Latinum: vel potius erant posita puncta, sed non in locis conuenientibus, & sic faciebant sententias non intelligibiles, nunc autem ipse correxit illas debite punctuando.

Apertius, & per versuum cola digerere. Id est ideo feci translationem istam, ut digerere. i. distinguere apertius. i. aperte per cola versuum. i. per membra versuum inextricabiles mores. i. pausas difficiles ad intelligendum, & siluam nominum. s. hebraicorum, quæ confusa sunt vitio scriptorum, & etiam distinguerem barbariem sensuum. Dixit autem Hieron. q. distinxit librum istum per cola versuum. i. per versus. Vcatur. n. colum, vel colus membrum, quia in Græco colon membrum est. Et versus dicuntur membra, quia scriptura diuiditur per versus, sicut per quædam mēbra, vel partes sententiarum. Sciendum autem, q. omnis distinctio sententiarum, quæ fit per pausas in pronuntiando, vel per puncta in scribendo, potest vocari mēbrum, siue colum, quia qualibet distinctio talis facit vnum membrum sententiæ: specialius tamen distinctiones istæ, tam in pronuntiando, quàm in scribendo acceperunt alia nomina quatuor, s. virgula, colum, coma, periodus. Et licet de eis plenè dicere ad aliū pertineat, dicendū tñ breuissimè, q. virgula est punctus distinguens, vbi sententia nulla finita est, & multoties oportet poni istas virgulas, potissimè vbi sunt plura nomina adiectiua, vel substantia simul in eodem casu: non p. appositionem coniuncta. Coma est punctus finiēns sententiā, sed non ponitur in scriptura, vel pronuntiatione, nisi ad complendum breuissimas sententias, & quasi detruncatas, & sic, qñ aliqui loquuntur breuissimè vocantur comatici. Sic dñ de Osea, q. comaticus est, quia paucissimis verbis sententias explet. Sicut Hieronymus in Prologo Osee. Comaticus est, & quasi per sententias loquens. Colum vel colon dñ punctus, qui ponitur ad complendum sententias maiores, sed non ad complendum totaliter intentionem loquentis, & ista sunt puncta communia, per quæ distinguuntur versus. Periodus autem magis pertinet ad pronuntiandū, q. ad scripturam, & fit in fine inīarū magnarū omniū completarū. Hieronymus aut dicit hic, q. distinxit librum per cola, & non dixit virgulis, nec de comatibus, aut periodis, quia ipse loquitur hic solum de distinctione facta per versus: virgulæ tñ non distinguūt versus, quia quilibet versus finit aliq. sententiā magnā, aut paruā: virgula tñ sententiā nullā finit. Nō dixit etiam de comatibus, quia comata sunt membra parua sententiarum, quæ interdum minora sunt, q. versus, sicut fit apud poetas, qui cum posuerint interdū multos versus Pentametros, vel exametros, concludunt in comate heroico, qui est, quasi medietas versus. Pater aut hoc in hymnis, & odis, vbi plerūque obseruantur ista. De hoc late declaratum est in Prologo primo Biblię, qui est Epistola ad Paulinum c. 7. De hoc etiam in Prologo Galeato, & de hoc tangit Hieronymus in Prologo super Iob, qui incipit: Cogor per singulos. De periodis autem non dixit, quia periodus magis pertinet ad pronuntiationem, q. ad

A scripturę punctuationem, & tamē poterat dici adhuc large periodus, prout est punctus distinctus a colo, & comate in figura positus in fine completissimę orationis. noluit Hieronymus dicere de periodo, quia sic periodus continet interdum plusquam quatuor, vel quinque versus, & tñ ipse loquitur de distinctione facta per versus, ideo solum dixit de distinctione versus per cola. *Mihimetipsi, & meis iuxta Ismenium canens: si aures surde sunt ceterorum.* Rñdet hic ad id, quod aliquis posset obijcere. s. q. in vanum Hieronymus tantum laborabat transferendo, & tam diligenter punctuando libros istos, quia nullus vellent legere in eis, ipse autem dicit, q. si nullus voluerit legere, satis est, q. ipse, & sui. i. sui fratres, vel socii legerent, & sic saltem non esset labor inutilis, sicut faciebat Ismenius.

B Sciendum autem, q. Ismenius significat duo, vno modo est proprium nomen poetę, alio modo est nomen fluminis. Accipiendo primo modo, dicendum q. Ismenius erat quidam poeta, qui faciebat versus multos, & canebat, & tunc dicebat ipse, q. sibi ipsi caneret, si surde erant aures ceterorum, vel si ceteri nolebant audire. Ita Hieronymus transferebat, & punctuabat librum istum ad vtilitatem aliorum, & tamen si nullus vellent legere in eo, saltem ipse legeret. Accipiendo secundo modo Ismenius est fluminis in Græcia, apud quem Orgia Bacchi celebrabantur, & illa celebritas erat cum magno clamore, & quibusdam operibus infanorum, sicut ebrui concitati Baccho insaniunt, & tunc aliqui clamabāt celebrantes istam festiuitatem, alii vero videntes eos irridebant, & nolebant celebrare eandem festiuitatem. Nam multi contemnebant Orgia Bacchi, ut ait Ouid 4. Met. Et tunc est sensus, q. quamquam alii irriderent Hieronymum laborantem in translatione libri huius, & punctuatione, & legere in eo nollent, ipse tamen legeret, sicut contingebat apud Ismenium in celebrantibus Orgia Bacchi. Vocantur Orgia festiuitas quædam celebrata Baccho, de qua mentio magna fit apud poetas, & in ista festiuitate faciebant viri, & femine opera stultorum in clamoribus, & alus infantiis, & hoc fiebat ad significandum q. Bacchus ille Deus faciebat homines furere. s. quando inebriantur. Et vocantur Orgia ab Orgia, quod est labor, quia laborabant homines in celebritate ista: sicut qui vexantur infania. Vel dicebatur labor, quia expletis laboribus terre. s. ex collectione frugum, & vini fiebat ista festiuitas. Sic. n. dicit Aristot. 8. Ethic. q. post Autumnum collectis omnibus fructibus terre conueniebant homines antiquitus ad faciendum sacrificia, & festiuitates diis, in quo honorem diis præstabant, & sibi ipsis quietem acquirebant. Vel dicuntur Orgia, ab or, quod est bonum: ge. quod est terra, quasi bona terre, quia de optimis fructibus terre efferebatur in istis sacrificiis, & festiuitate Bacchi. De ista solennitate sæpe Gvid. in 4. Meta. & aliis libris, & Seneca in tragædiis, & idem Ouidius in libris Fastorum. Hic tamē accipitur Ismenius pro poeta, & non pro fluuio, apud quem celebrabantur Orgia Bacchi, de quibus dictum est hic.

Virgula
quid sit.

Coma qd
sit.

Colo quid
sit.



ALPHONSI
TOSTATI
EPISCOPI
ABVLENSIS

IN PRÆFATIONEM SECUNDAM
D. Hierony. In Lib. Paralipomenon.



ENARRATIO.



VSEBIVS Hieronymus, Dom-
nioni, & Rogatiano suis in Chri-
sto Iesu, Salutem.

Quare Hieronymus posuerit istum Prologum.
Quæst. 1.



VSEBIVS. Iste est secun-
dus Prologus Hieronym. G
super Paralip. quamquam
dubium est de ordine ipso-
rum, & potius vñ, q̃ iste de-
beret preponi, & tñ in or-
dine non refert, cū isti pro-
logi a se inuicē non depen-
deant. Et diuiditur in septē H
partes: quia primò capat
beneuolentiā, præponendo amicabilē salutationem.
Secundò subdit modū, quo peruenit ad Sacræ scriptu-
re perfectam inuestigationem ibi. *Quomodo Græcorum.*
Tertiò ostendit correctionem a se factam in lib. Para-
lip. translato a septuaginta Interpretibus necessariam
esse pp Græcorum, & Latinorum codicū corruptio-
nem, ibi. *Libere loquor.* Quartò ostendit cum lib. I
Paralip. apud Hebræos vnicus sit, quare apud nos in duos
libros suscepit diuisionem, ibi. *Hic primum sciendum.*
Quintò excitat lectoris attentionem ibi. *Deinde etiam*
illud attendendum. Sextò dicit, q̃ quamquam non dubi-
tatet in hoc opere se displiciturū, nō formidauit illud
facere propter Domnionis, & Rogationi orationem
ibi. *Orationum itaque vestrarum.* Septimò dicit in hac
translatione auferre dubitationis occasionem ibi.
Siquis in hac.

QVAERITVR circa primum ad quid posuit
Hieronymus istum prologum in libro isto,
cum iam aliū posuisset. Nam non consue-
uit ponere, nisi singulos prologos in sin-
gulis libris.

Respondendum, quòd interdum ponit Hierony-
mus duos prologos in eodem libro, sicut patet super
Gene. vbi primus est epistola Paulini: secundus est, qui
incipit: Desiderii mei. Sic etiam fecit super Iob. Nam
posuit vnum, qui incipit: Cogor per singulos, & aliū,
qui incipit: Si autem fiscellam. Sciendum tamen, q̃
quādo Hieronymus præponit eidem libro duos pro-
logos facere pro libro isto, quia bis eum scripsit. Nam
prius cum liber Paralip. esset apud Græcos ex transla-
tione septuaginta Interpretum valde corruptus, cor-
rexit eum Hieronym. transferens in Latinum, & ap-
posuit aliqua, quæ habebantur in Hebræo, & non ha-
bebantur apud Interpretes. Alia autem erant apud In-
terpretes, quæ non erant in Hebræo, & ista designauit
Hieronym. quibusdam signis. Nam illa, quæ erant in
Hebræo, & deficiebant in septuaginta Interpretibus
designauit quibusdam asteriscis, qui erant figuræ ru-
beæ in modum astrorum, quæ autem habebantur plus
apud Interpretes, quam in Hebræo, designauit qui-
busdam virgulis transversis, quæ obeli vocantur, ad
confodiendum illa, quasi superflua essent, postea autē
Hieronym. videns, quòd non sufficiebat corrigi lue-
ram septuaginta Interpretū, sed oportere fieri transla-
tionem

tionem de Hebræo in Latinum, transtulit sic omnes libros sacre scripturæ. De ista autem duplici translatione, quantum ad librum Paralipomenon patet ex prologo. Nam in principio eiusdem, & quasi per totum loquitur Hieronymus de translatione faciendâ de Hebræo in Latinum, excusando se contra æmulos, & probando translationem esse necessariam, postea autem in fine prologi ad excusandum se de invidia contra septuaginta interpretes allegat, quod ipse quâdam translationem septuaginta interpretum corruptâ nimis apud Græcos transtulit in Latinum, & correxit illam, ideo oportet, quod hic sint duæ translationes, scilicet, una facta de Hebræo in Latinum. Alia autem facta de Græco in Latinum, & in ista secunda fuerunt emendati codices septuaginta interpretum, qui corrupti erant. Pro istis autem duabus translationibus fecit Hieronymus duos prologos. Nam pro prima, in qua correxit translationem septuaginta interpretum fecit prologum istum. Pro secunda autem translatione de Hebræo in Latinum fecit prologum præsentem. Quod autem præcedens prologus fuerit pro translatione de Hebræo in Latinum patet: quia in principio eius dicit Hieronymus, quod si septuaginta interpretum editio maneret integra, frustra iuberet ei Chromatius volumina Hebræa Latino sermone trāsferre, ergo videtur quod hoc ei iubebat: & istud ipse executus est. Secundo patet, quia postea in eodem prologo probat multa testimonia allegata a Christo, & Apostolis de veteri Testamento deficere in libris septuaginta interpretum, & concludit, Ad Hebræos igitur reuertendum est, unde, & Dominus loquitur, & Apostoli exempla præsumunt: ergo videtur quod ipse volebat transferre de Hebræo, cum probet ibi necessitatem translationis faciendæ de Hebræo in Latinum. Tertio patet, quia postea dicit ibidem: Caterum memini editionem septuaginta translatorum, olim de Græco emendatam tribuisse me nostris. Ergo in prologo illo non loquebatur, nec principaliter agebat de emendatione translationis interpretum, cum incidentaliter illam inducat, & se olim dicat illam fecisse. Quarto patet, quia dicitur ibi postea: Et quod nunc Dibrehaïamim, id est, verba dierum interpretatus sum, &c. Ergo videtur, quod olim ipse fecerat emendationem septuaginta interpretum Paralipomenon, nunc autem dicit se facere aliam translationem, ideo necesse est, quod illa fuerit de Hebræo in Latinum. De isto autem prologo, quod fuerit factus quando Hieronymus correxit translationem septuaginta interpretum vitiatam, patet, primo quia infra dicitur: Vbiunque videris asteriscos radiare in hoc volumine, constat tamen, quod in Paralipomenon translato de Hebræo in Latinum, quem nos habemus: nulli asterisci, nec obeli sunt, ergo loquitur de emendatione translationis interpretum, quam correxit asteriscis, & obelis, quia sic oportebat, ut infra patet. Secundo patet, quia dicitur infra, quod ubi apparuerit asteriscus sciamus additum de Hebræo, quod in Latinis codicibus non habetur, & tamen in translatione quam fecit de Hebræo in Latinum, Hieronymus nihil addidit de Hebræo: sed totum, quod erat in Hebræo posuit, & nihil aliud: ergo videtur, quod loquitur de emendatione translationis septuaginta interpretum, quæ defectuosa erat in quibusdam, & oportuit suppleri ex Hebræo, & ibi positi fuerunt asterisci. Tertio patet, quia dicitur infra, quod ubi obelus est, significat quod septuaginta interpretes addiderunt, & in Hebræis voluminibus non legitur: & tamen translatio ista, quam nos tenemus, & quam nunc fecit Hieronymus nihil habet mixtum de translatione septuaginta interpretum, sed quidquid est in ea, etiam est in Hebræo, ut patet Alph. Tost. In Lib. I. Paralip.

A si comparatur liber iste ad librum aliquem Hebræicum; quia reperientur omnimodo similes, ideo loquitur ipse de translatione septuaginta interpretum corrupta, quam emendauit.

An prologus iste sit Beati Hieronymi.
Quæst. II.

Q UÆRITUR vterius de isto prologo, an sit Beati Hieronymi, & quare ponatur hic. Ad primum dicendum, quod iste prologus est Beati Hieronymi, quod patet primo ex principio eius, cum dicitur: *Eusebius Hieronymus Dominici, & Rogatiano suis salutem.* Ergo Hieronymus mittebat istam epistolam. Secundo patet, quia in prologo isto agitur de emendatione translationis septuaginta interpretum, ut patet infra, & tamen istam emendationem ipse fecit, ut patet præcedenti prologo, cum dicitur: Caterum memini aditionem septuaginta translatorum olim de Græco emendatam tribuisse me nostris. Et in isto prologo scribebat ipse principaliter pro translatione ista.

Ad secundum dicendum, quod iste prologus non erat hic necessarius, quia in eo solum agitur de emendatione translationis septuaginta interpretum, & tamen translatio ista, cui præponitur in libris nostris non est septuaginta interpretum, cum nihil iam de illis habeamus, sed est translatio facta de Hebræo in Latinum, ideo non consonat ei, sed potius aliqui non nimis aduerentes habent occasiones errandi in prologo isto, quia dicitur in eo de alternis, & obelis positis in hoc libro, & ipsi putant, quod debent esse in hac translatione nostra, & errant: & cum non reperiant eos, putant etiam translationem istam corruptam esse apud nos, sed falsum est, quia asterisci, & obeli non positi fuerunt a Beato Hieronymo in aliquo librorum, quos transtulit de Hebræo in Latinum, quia nec opus erat, nisi in fine libri Esther, & in medio libri Danielis, ubi quosdam posuit asteriscos eo quod in Hebræo Esther addidit quædam, quæ in vulgata editione habentur, & in Hebræo non, nec apud aliquos interpretes. In Daniele autem addidit aliqua, ex Teodotionis libro, quæ in Hebræo non habentur. Obelos autem nusquam posuit, & ob hoc prologus iste non est necessarius, sicut præcedens, quia præcedens pertinet ad translationem de Hebræo in Latinum, quam nos tenemus: & ex hoc sequitur, quod prologus præcedens, scilicet, Si septuaginta interpretum: habeatur in omnibus Bibliis: iste autem non habebatur in omnibus, sed in rarissimis, tanquam non necessarius: & ita ipse Hieronymus asterit se usum fuisse illo prologo, & non isto super librum istum, ut patet in libro secundo contra Ruphinum, ubi ait in libro temporum primo, Paralipomenon, qui Hebræicè Dibrehaïamim dicitur ad Sanctum Chromatium Papam præfatuicula usus sum: Si septuaginta. De isto autem prologo non facit aliquam mentionem: fuit tamen utile præponi cum huic libro, quia mentionem facit de emendatione huius libri olim a Hieronymo facta, ut si contingat alicui ad manus euenire translationem interpretum emendatam, sciat illam esse septuaginta interpretum a Hieronymo emendatam, & traditam Latinis: sciatque distinguere eam ab ista, quam nunc habemus.

Secundo prodest, quia adiuuat, & declarat quedam, quæ habentur in præcedenti prologo: nam ibi dicitur, quod Hieronymus interpretatus est librum istum propter maximam corruptionem, quæ erat in libris nostris, hic autem declarat, illam corruptionem magis qualiter facta fuerit

In Præfationem secundam

errore librariorum nostrorum coniungentium sæpe F
plura nomina in vnum, & interdum diuidentium
vnum nomen in plura, & non punctuantium sen-
tentias per versus in locis debitis, vt patet infra. tertio,
prodest, & magis iste prologus, quia colligit aliqua
dubia pertinentia ad librum istum, quæ non ablata
fuerunt præcedenti prologo, & sunt duo. Primum
est, quare iste liber sit apud Latinos diuisus, cum apud
Hebræos sit vnicus, quod determinatur infra in versu
illo: Hoc primum sciendum. Secundum dubium
est de significatione nominum: quia in libro isto
sunt plura nomina Hebræa, quæ interdum putan-
tur esse nomina hominum, & sunt locorum, vel re-
gionum: & è contrario. Et tradit circa hoc caute-
lam addens, quod in libro isto contineatur maxima
eruditio scripturarum ibi in versu illo. Deinde etiam
attendendum.

An iste prologus debeat esse post præcedentem.

Quæst. III.

QVÆRITUR vterius, an prologus iste debeat
esse post præcedentem, vel è contrario. Respō-
dendum, quod non potest conuenienter
designari ratio ordinis inter prologum istum, & præ-
cedentem, eo quod isti non sunt pætes alicuius vnus
rei, quæ habeant inter se ordinem cuiusdam connexio-
nis, sed sunt duæ epistolæ missæ diuersis tempo-
ribus, & ad diuersas personas. Nam præcedens pro-
logus fuit epistola quædam distincta, quando Hiero-
nymus transulit librum istum de Hebræo in Latini-
um. Iste autem prologus fuit quædam epistola mis-
sa, quando Hieronymus correxit translationem se-
ptuaginta interpretum vitiatam apud Græcos, & tran-
sulit eam in Latinum: etiam sunt diuersæ personæ,
ad quas dirigebantur istæ epistolæ: nam præcedens
prologus dirigebatur ad Chromatium Papam: iste
autem dirigitur ad Domnionem, & Rogatianum
Episcopos; vt patet ex principijs eorum: poterat ta-
men assignari ordo inter istos prologos ex habitudi-
ne temporis, in quo scripti fuerunt: & tunc dicen-
dum, quod iste prologus deberet præcedere ad alium
præcedentem, quia iste fuit pro emendatione septeua-
ginta interpretum: & ille fuit pro translatione de He-
bræo in Latinum: prius tamen fuit translationis se-
ptuaginta interpretum emendatio, quam transla-
tio de Hebræo in Latinum, quod patet præceden-
ti prologo. Nam dicitur: Cæterum memini edi-
tionem septeuaginta translatorum, olim de Græco
emendatam tribuisse nostris: Ergo quando dicebat
illud iam emendauerat translationem septeuaginta
interpretum. Item patet, quia ibi dicitur immédia-
tè, & quod nunc Dibrehaïamim, idest, verba dierum
interpretatus sum. Ergo tunc quādo ista dicebat, tran-
sulerat de Hebræo in Latinum, & prius emendau-
erat septeuaginta interpretum translationem, non ta-
men fuit hic obseruatus iste ordo, sed potius ordo di-
gnitatis, scilicet, quod prologus præcedens quamquā
tempore posterior fuerit, magis tamen ad librum istū
pertinebat, & ob hoc erat dignior, ideo præpositus
fuit. Circa primum dicitur: *Eusebius Hieronymus*. Ista
est prima pars in qua ponitur salutatio, & præponit
Hieronymus nomen suum, scilicet, Eusebius Hiero-
nymus. Sed aliquis dicit quomodo dicitur hic Eu-
sebius Hieronymus? Quidam respondent, quod lite-
ra corrupta est, & debet dici Eusebio Hieronymus:
ita quod ponatur in datino. Et erit sensus: Hierony-
mus mittit salutem Eusebio. Sed dicendum, q̄ falsum
est, quia ille, cui mittitur epistola non est Eusebius, sed
Domnion, & Rogatianus, vt patet ex litera cum di-

citur: Eusebius Hieronymus Domnioni, & Rogatia-
no suis. Dicendum ergo, quod Eusebius debet esse in
nominatiuo, & est nominatiuus Hieronymi, & vo-
cabatur duobus nominibus simul. Sic enim consuetu-
do erat apud Romanos antiquos, quorum quidā tria,
vel quatuor nomina habebant, & omnibus illis nomi-
nabatur simul, sicut dicitur Terentius Varro, vel Mar-
cus Tullius Cicero, & sic de alijs: sic autem Hierony-
mus Eusebius: vnde in aliquibus epistolis suis vti-
tur isto modo scribendi, vt patet in epistola ad Ocea-
num, quæ incipit: Eusebius Hieronymus Oceano
suo salutem. *Domnioni, & Rogatiano suis*. Idest, Suis
amicis, vel patribus: quia isti erant duo Episcopi.
In Iesu Christo salutem. Mittit eis salutem in nomine
Christi, vel optat eis salutem; quæ a Christo est.
Nam quædam salus est, quæ sine Deo est, vt cum
quis ad mala efficiendum potens, & sanus est, cui
multo vtilior ægritudo foret. Salus autem, quæ est
in Christo, est secundum quam homo valet inte-
rius ad omnia opera bona, iuxta illud: Cum infir-
mus sum, tunc demum sanior sum, & talis distin-
ctio etiam est in pace: quia quædam pax est, quæ
bona non est, quia mundus illam dat. Alia est au-
tem pax a Deo: sic enim Christus dixit Ioan. 14. cap.
Pacem meam do vobis, pacem relinquo vobis: non
quomodo mundus dat, ego do vobis. Et ideo Apo-
stolus quandoque mittebat aliquibus pacem, lo-
quebatur de pace Christi, iuxta illud: Et pax Dei,
quæ exsuperat omnem sensum, custodiat corda ve-
stra, & intelligentias vestras: & iterum, Pax Chri-
sti exultet in cordibus vestris ad Philippenfes quarto.
& ad Colossenses tertio. Ideo Hieronymus misit sa-
lutem in Christo.

Quomodo Græcorū historias magis in-
telligunt qui Athenas viderint, & tertium
Virgilij librū qui a Troade per Leucaten, &
Acroceraunia ad Siciliam, & inde ad Ostia
Tyberis nauigauerint. Ita sanctam scriptu-
ram lucidius intuebitur, qui Iudæam oculis
contemplatus est, & antiquarum vrbiū me-
morias, locorumque, vel eadem vocabula,
vel mutata cognouerit. Vnde & nobis curæ
fuit cum eruditissimis Hebræorum hunc la-
borem subire, vt circumiremus prouinciā,
quam vniuersæ Christi Ecclesiæ sonant. Fa-
teor enim mi Domnion, & Rogatiane cha-
rissimi, nūquā me in diuinis voluminibus
proprijs viribus credidisse, nec habuisse opi-
nionem meam: sed ea etiam, de quibus scire
me arbitrabar, interrogare me solitum: quā-
to magis de his, super quibus anceps eram?
Denique cum a me nuper literis flagitasse-
tis, vt vobis Paralipomenon Latino sermo-
ne transferrem de Tyberiadē legis quon-
dam auctorem, qui apud Hebræos admi-
rationi habebatur, assumpsi: & contuli cum
eo a vertice, vt aiunt, vsque ad extremum
vnguē; & sic confirmatus ausus sum fa-
cere, quod iubebatis.

Quomodo Græcorum. Hic ponitur secundum in quo Hierony. ostendit qualiter peruenit ad sacræ scripturæ perfectâ inuestigationem: & hoc demonstrat in duobus. Primo in locorum terræ sanctæ peragratione. Secundo in frequentata dubiorum interrogatione, ibi. *Fateor enim.* Circa primum dicitur, quod Hierony. habuit certitudinem de sacrâ scriptura, perambulando loca omnia terræ sanctæ: nam sacrâ scriptura Veteris Testamenti loquitur semper de terra Chanaan, in qua habitauerunt Iudæi nominando vrbes, & flumina, & montes, & prouincias terræ illius, & potissime in libro isto ubi multitudo locorum terræ illius ponitur. Qui autem non viderunt illa loca, habent cōceptum quasi confusum, quādo narrantur historiæ illorum locorum, sicut cum quis audit historiā de aliquo viro, quem nō nouit visu, vel fama, ideo ut quis habeat determinatissimum conceptum circa talia, requiritur quod viderit oculis suis illa loca. Ideo Hierony. qui translaturus erat de Hebræo in Latinum, ut plenissime intelligeret ea, quæ transferebat, quia sic opus erat: oportuit, quod omnia ista loca videret, de quibus scripturus erat, & ad hoc accepit aliquos peritissimos Hebræorum, & cum eis discurret per totam terram Chanaan, ut videret omnia illa loca, & certificaretur de dispositione eorum, in quo profecto fuit magnus labor, & magna sollicitudo Hieronymi de scienda veritate, cū vix aliquis modernorum discurrere vellet per decem leucas, ut cognosceret quæ loca erant illa, de quibus in scriptura dicitur, nisi forte alia occasione ageret. Et in hoc valde laudandus est Hieronymus, quod ad utilitatem posterorum, quibus Bibliam transtulit, tam graues labores sponte assumpserit. Ad probandum autem, quod valde utile erat discurrere per omnia ista loca ad intelligentiam sacræ scripturæ, inducit duo exempla, & primum est, quod sequitur, scilicet. *Quomodo Græcorum historias magis intelligunt qui Athenas viderint.* Id est, Siquis legat historias Græcorum, melius intelligit illas, si viderit Athenas, quā si non viderit. Fuerunt enim olim res gestæ Græcorum excellentissimæ, & potissime, quia a multis scriptoribus laudatæ sunt, ut ait Sallustius in Catilinario. Inter vrbes autem Græcorum Athenarum ciuitas principatum quondam obtinuit in dominio, florebat etiam super alias vrbes propter studiorum excellentiam, quia ibi antiquitus fuit tota sapientia Græcorum, & fere totius orbis, ideo in historiis Græcorum nulla ciuitas famosior est, quā Athenarum, & si quis viderit dispositionem eius, & situm, & regionem adiacentem: melius intelligere poterit historias Græcorum, quā alius. Ciuitas Athenarum quondam vocabatur acta, id est, litoralis, quia prope litus maris ciuitas illa est: postea autem vocata est Athenæ pluralitate ex nomine cuiusdam Deæ, quæ vocatur Minerva, vel Pallas, quæ in Græco Athena dicitur: Vel dicuntur Athenæ, id est, immortales, quasi athenatos ab a, quod est sine, & thanatos, quod est mors, quasi sine morte. Et sic dicimus agios athenatos, id est, sanctus immortalis. Vocatur autem ista ciuitas immortalis, propter famam eius florentem in æternum propter studia literarum, quæ ibi erant. De nomine autem ciuitatis huiusmodi alibi dictum est in Exodo, de quo August. late 18. de Ciuitate Dei, ubi introducit contentionem, quæ fuit inter duos Deos Gentilium, scilicet, Palladem, & Neptunum Deum maris, ex cuius nomine ciuitas vocaretur, & de votis virorum, & foeminarum, & de cōdemnatione foeminarum. Et tertium Virgilij librum. Istud est secundum exemplum ad probandum prædicta, & est sensus, quod melius intelligent tertium librum Virgilij illi qui nauigauerunt a Troade per Leucatem vsque ad Ostia Tiberis, quā illi, qui non nauigauerunt. intelligitur de tertio libro Aeneidos, & quamquam fecerit alios libros Virgilius, tamen loquitur Hierony. de libro Aeneidos, quia ille fuit præcipuus inter libros Virgilij. Pro quo sciendum, quod Virgilius fecit tres libros, scilicet, Bucolicorum, Georgicorum, & Aeneidos. Primus autem, scilicet, Bucolicorum est liber eclogarum, & continet decem eglogas, & incipit, Tityre tu Patule, & loquitur ibi de colloctione pastorum, introducens laudes Octauiani. Liber Georgicorum continet quatuor libros, in quibus tractat Virgilius de cultura terræ, & differētia seminum, & temporibus seminandi, & colendi singula, & incipit: Quid faciat lætas segetes. Alius est liber Aeneidos, in quo agitur de laudibus Aenæ, & de bello Troiano, & de aduentu Aenæ in Italiam, & de bellis eius ibidem, & deriuatione Romanorum, & incipit: Arma, virumque cano. Et continet libros duodecim. Fuit autem liber Aeneidos excellentior inter ceteros libros Virgilij, ideo locutus fuit hic Hieronymus de illo per excellentiam, dicens de tertio libro Virgilij: non addens an fuerit tertius Georgicorum, vel tertius Aeneidos. Alia etiam ratio fuit, quia scientibus aliquid in libris Virgilij manifestum erat, quod de tertio loqueretur: cum dicatur hic de aduentu de Troade in Italiam. Nam in libro Georgicorum non continentur aliquæ historiæ, sed solus terræ cultus, in libro autem Aeneidos continentur bella multa, & primum est Troianum. Et dicitur hic de tertio libro Aeneidos, & non de alijs: quia in illo continetur nauigatio facta de Troade vsque in Italiam. Nam in primo libro ponitur aduentus Aenæ per mare vsque in Chartaginem, ubi regnabat Dido Regina. In secundo libro ponitur, quomodo Aeneas ad preces Didonis, retulit omnia gesta belli Troiani vsque ad fugam de Troade. In tertio continetur tota nauigatio sua, quæ fuit a Troade vsque ad Carthaginem Africanam, & pericula, quæ in mari habuerit: & ibi ponuntur loca, per quæ transierit, ideo si quis nauigauerit a Troade vsque ad Ostia Tiberis, melius intelliget librum illum tertium Virgilij, quā qui non nauigauerit per loca illa, eo quod in itinere illius nauigationis continentur omnia loca, quæ habentur in libro tertio Aeneidos, per quæ fertur transisse Aeneas, vel illa reliquisse ad dextram, aut ad sinistram. In cæteris autem nouem libris Aeneidos quid contineatur, non expedit nunc dicere, sed qui libet per se videre poterit.

Qui a Troade per Leucatem, & Acroceraunia ad Siciliam, & inde ad Ostia Tiberis nauigauerunt. Ista loca sunt in medio nauigationis inter Troiam, & Italiam ad Ostia Tiberis: vocatur enim Troas ipsa ciuitas Troiana, vel potest accipi pro illa prouincia tota adiacenti ciuitati Troianæ. Et aliquando vocatur Troas, quia in ea continetur excidium Troianæ vrbs: & ab ista vrbe cœpit nauigatio Aenæ, de qua loquitur hic Hieronymus, & habetur in tertio libro Aeneidos. De Troade dicit Isidorus decimoquarto Etymolog. quod Troas est regio superiecta ab Aquilone Galatiae: a Meridiano Licaoniæ, ab Oriente adhaeret Lydia, ab Occidente Hellespontico marifinitur: & sic est Troas in principio Asiæ, scilicet, in parte Occidentali eius iuxta mare. De Leucate autem dicendum, quod est quoddam promotorium apud urbem Neapolim in quo Apollinis Aëtij templum fuit, ut ait Isidorus Etymolog. lib. 14. De hoc etiam Virgilius tertio Aeneidos ait,

Mox Leucatem nimboſa cacumina montis,

Et formidatus nautis aperitur Apollo,

Est autem promotorium istud Leucatis valde famosum inter Poetas, de quo sæpe Virgilius, & Ouidius,

Vocantur

In Præfationem secundam

Cap. 8.

Vocantur autem Acroceraunia montes fulminati, & dicuntur ab acros, q̄ est mons: & ceraunos, quasi mōtes fulminati: & dicit Isidorus Etymolog. 14. Acroceraunia mōtes propter altitudinem, & ictus fulminum appellantur. Alio modo possunt vocari Ceraunia per cōpositionem, scilicet, a creos, quod est cornu, & amnis, i. aqua quasi amnes cornuti, & dicitur tunc Acroceraunia exaltationes, vel commotiones aquarum: vbi fit maxima eleuatio earum per modum cornuū, vel dicuntur Acroceraunia saxa eminentia in mari ad instar cornuum, & ibi illiduntur aquæ: & resiliunt in altum, & fiunt magni fluctus: de hoc Ouidius Metamorph. 14. scilicet,

Saxa fugit dextra prærupta Ceraunia parte.

Per compositionem autem cum acros, quod est mōs dicimus Acroceraunia scopulos magnos, & cacuminatos in mari, & secundum Isidorum 14. Etymolog. sunt inter Armeniam, & Hyberniam. Acroceraunia autem sic accipiuntur: hic dicitur esse scopuli in mari, apud quos fiunt magnæ vndæ: & apud illa Ceraunia, vel Acroceraunia transiit Aeneas veniens de Troade. De hoc Virgilius 3. Aeneidos ait:

Prouhimur pelago vicina Ceraunia iuxta:

Vnde iter Italiam cursuque brevissimus vndis.

Venit etiam in nauigatione ista Aeneas ad Siciliam, quæ coniuncta est Italia, & dicitur Sicilia a Siculo Rege, cum prius vocaretur Sicania a Rege Sicano, & sic alio modo vocatur apud Poetas, sic ut patet per Virgilium, scilicet,

Sic tibi cum fluctus subterlabere Sicanos:

Doris amara suam non intermisceat vndam.

Vocata fuit etiam terra ista Trinacria prius, & sic vocatur multoties apud Poetas: & est Trinacria nomen Græcum, & dicitur a tris, quod est tres, & a cros, quod est mons, quasi habens tres mōtes, scilicet, præcipuos, scilicet, Pelorum, Pachinum, & Lilibeum, ut ait Isidorus Etymolog. 14. & dicitur Triquadra, id est, habēs tres quadras, quia diuisa est in tres quadras per tres montes illos, & Africum mare prospectans, in cuius parte quadā, Scylla, & Charibdis sunt duo marina pericula in freto eius medio, quo Sicilia ab Italia diuiditur: nam Siciliam, & Italiam eandem terram continentem fuisse Sallustius asserit, & Solinus in Polyhistor. fuisse tamen impetu maris in loco Scyllæ, & Charibdis diuisam: vbi nunc angustissimum fretum est. Est autem ibi Scylla, quæ naues confringit: Charibdis autem, quæ illas absorbet: de illa dicit Isidorus 13. Etymolog. Scyllam accole saxum eminens in mari appellant, simile celebratæ formæ procul visentibus: vnde & monstruosam speciem fabulæ illi dederunt: quasi formam hominis capitibus succinctam caninis, quia collisi illi fluctus latratus caninos videntur exprimere: fuit autem duplex Scylla apud Poetas, quædam fuit filia Regis Nisi, quæ furata est crinem aureum eius ob amorē Minois Regis Cretensis, & postea versa est in Cirim, siue Landam; cuius historiam ponit Ouidius Metamor. Alia fuit Scylla filia Phorci, quam dilexit Glaucus Deus marinus, & mutata est in monstrum marinum; de hoc Ouidius Metamor. 14. Charibdis autem est marinum periculum apud Scyllam, sic dicta, quia gurgitibus occultis nauem absorbeat: est enim ibi mare vertiginosum, & laniata nauigia in profundum merguntur. Dicitur autem Charibdis, quasi carinas abdens, id est, abscondens: Scylla autem a cieo, id est, moueo: quia apud saxum Scyllæ fit magna commotio fluctuum, & dicitur vique ad Ostiam Tiberis, quia ibi est portus, per quem venientibus per mare est transitus cum nauigijs vique Romam per ipsum fluuium Tyberim; & vocatur Ostia Tyberis, quia per locum illum intrat Tyberis in mare, vel quia locū

illum intrant nautæ de mari ad terram, ut veniāt Romam per Tyberim. Et ibi est ciuitas quædam, quæ vocatur Ostia; & inde dicitur Episcopus Ostiensis, q̄ Pontificem consecrat; Tyberis, aut fluuius est, q̄ de alpidibus veniens per mediū vr̄bis Romæ labitur, qui prius Albula dicebatur ab albedine aquarum; quia propter niues liquefactas, & propter terram, per quam transit aqua, contrahat albidum colorem; postea tamen a Tyberio Rege Romano, qui in fluuium illum cecidit, & exiuit, Tiberis nomen accepit. De hoc Isidorus Etymolog. 13. Sed aliquis dicit: quare dicitur hic, quod melius intelliget tertium librum Virgilij ille, qui nauigauerit a Troade per Leucatem, & Acroceraunia vique ad Siciliam, & ad Ostiam Tiberis, quam ille, qui non nauigauerit nam in tertio libro Aeneidos non fit tractatus de nauigatione Aeneæ vique ad Ostiam Tiberis, sed solum de nauigatione eius a Troade vique; Chartaginem, vbi erat Dido: nam ibi erat Aeneas, quando enarrabat omnia illa pericula, quæ habentur in tertio, & etiam postea. Quartus liber Aeneidos agit de illis, quæ facta sunt a Didone, & sorore sua Anna propter præsentiam Aeneæ. Quintus autem agit de recessu Aeneæ de Chartagine, & nauigatione in Siciliam. Sextus autem de decessu eius ad inferos cum Sibylla. Septimus vero dicit de introitu Aeneæ in Italiam per Ostiam Tyberis. Respondendum quod hoc potest illare propter duo. Primo, quia licet in tertio libro Aeneidos agatur de nauigatione Aeneæ, quæ terminata est pro tunc in Chartagine Africana, tamen antequam veniret Chartaginem, accessit iuxta Italiā, & tñ impetu ventorum, & magnisurbationibus Pelagi diuulsus est ab Italia, ne introiret in Ostiam Tyberis, & coactus est redire in Chartaginem Africanam, ut patet in primo, & tertio Aeneidos. Nam dñ in eodem tertio.

Prouhimur Pelago vicina Ceraunia iuxta,

Vnde iter Italiam cursuque brevissimus vndis.

Patet etiam in eodem tertio, quod accesserit Aeneas vique ad Siciliam, & erat iuxta Italiā, & tñ coactus est redire Chartaginem, & sic in relatione nauigationis suæ facta coram Didone Regina, quæ habetur in eodem tertio Aeneidos, fere continentur oīa loca nauigationis, q̄ sunt a Troade vique ad Ostiam Tyberis. Ideo recte possunt hic Hieronymus, q̄ qui nauigasset a Troade vique ad Ostiam Tyberis, melius intelligeret tertium Aeneidos, q̄ alij. Secundo potest dici, q̄ quamquā non nauigasset Aeneas a Troade vique ad Ostiam Tyberis, nec contineatur tota ista nauigatio in tertio Aeneidos, tamen cōtinetur maxima pars eius, ideo cum sit nauigatio solita de Troade ad Ostiam Tyberis, dicitur q̄ nauigauerit a Troade vique ad Ostiam Tyberis, q̄ sciet melius librum tertium Virgilij, eo q̄ in nauigatione ista continentur oīa loca, per quæ Aeneas transiit, de quibus in prædicto tertio fit mētio, & etiā aliqua alia; non ponit autē Hieronymus præcisē de nauigantibus a Troade vique ad locū illum, q̄ propinquior est Italiæ, ad quem Aeneas accessisse refertur in eodem tertio, quia vique ad locum illum nō est perfecta nauigatio; quia Aeneas nōdum assecutus portus Italicos, repulsius est impetu ventorum, & coactus est redire in Chartaginem Africanam, & vique ad Ostiam Tyberis est perfecta nauigatio a Troade, ideo de illa dixit: Ita sanctam scripturam lucidius intuebitur, qui iudam oculis contemplatus est. Hic concludit intentionem suam ex duobus exemplis præpositis, id est, quod clarius intelliget scripturam illam, qui vidit loca Iudæ, quam qui nō vidit ea, accipitur autem Iudæa dupliciter, vno modo proprie pro terra illa, quam tenuit tribus Iudæ, & tunc est vna de duodecim sortibus factis in terra Chanaan, & est ad partem Meridionalem eius. De numero autē ciuitatum antiquarum terræ illius, patet Iosue 15. Secundo

Defumi
ne Tybe
115.

Secundo modo accipitur largè pro tota terra, quam possederunt Hebræi: & tunc intelligitur fere de tota terra Chanaan, quia illa tota diuisa est in duodecim fortes computando duas sortes, & dimidiam, quæ erat extra terram Chanana ultra Iordanem ubi erant Gad, & Ruben; & dimidia tribus Manasse: de his fortibus Iosue 13. vsque ad 20. cap. Cessit autem fere tota terra Chanaan in possessionem Hebræorum. Nam licet tota fuerit diuisa in sortes, ut patet Iosue 13. Tamen non fuit tota tradita eis in possessionem, quia quandam partem tenuerunt Philistini, & quidam alij Chananæi semper: isto modo accipitur pro eodem Iudæa, & terra Israel, ut patet Psal. 75. f. Notus in Iudæa Deus, in Israel magni nomen eius. Et ibi Iudæa, & Israel accipiuntur pro eodem: & est replicatio sententiæ per alia verba, sicut sæpe in carminibus solet fieri. Hoc modo accipitur hic Iudæa pro tota terra Hebræorum, quia aliàs non sufficienter intelligeret aliquis sacræ scripturam videndo omnia loca Iudææ, primo modo sumptæ, quia in sacra scriptura non solum ponuntur loca sortis tribus Iudæ, sed etiam omnium aliorum tribuum undecim, ut patet in Iosue a cap. 13. vsque ad 20. & etiã in oïbus fere alijs libris fit mentio de locis aliarum tribuum, & sic Hiero. non solum perambulauit loca tribus Iudæ, sed etiam omnia, in quibus habitauerant alie tribus Hebræorum, ut patet infra cum dicitur. Nobis curæ fuit cum eruditissimis Hebræorum hunc laborem subire, ut circuiremus prouinciã, quam vniuersæ Christi Ecclesiæ sonant. Ex quo patet, quod etiã nomina locorum, quæ erant in tribu Iuda quæ erant, & etiam locorum, quæ erant in fortibus aliarum tribuum: ideo oportet, quod Hieronymus. peruagaretur omnia loca duodecim tribuum, scilicet, totam terram Chanaan. *Et antiquarum urbium memorias.* Id est, Qui cognouerit memorias antiquarum urbium terræ Chanaan, melius intelliget sacræ scripturam. Dicitur autem hoc, quia quando aliquis iret ad aliquam urbem terræ Chanaan, diceretur sibi, ista est ciuitas, quæ olim vocabatur tali nomine, & in qua facta sunt talia, vel talia, quæ enarrantur in scriptura: & tunc melius intelligeret audiens historias illas, cum reduceret ad memoriam, contemplato loco illo, in quo ista acciderant. *Locorumque vel eadem vocabula, vel mutata cognouerit.* Id est, Qui ambulauerit per omnia loca terræ Hebræorum, & sciuerit nomina omnium ciuitatum, quorum quædam permanebant, sicut ab antiquo fuerant imposita, & alia iam mutata erant: intelligeret bene sacræ scripturam. Nam non differt, quod nomina ciuitatum antiquarum, quæ habentur in scriptura manerent, vel mutata essent, dum tamen ille, qui perambulare loca illa, cognosceret quomodo vocabantur illæ ciuitates antiquitus, quorum nomina iam mutata erant. Et sic quando Hieronymus perambulauit terram illam reperit plurimarum urbium nomina mutata: & tamen illi eruditissimi Hebræi, qui cum eo ibant, dicebant sibi ista ciuitas vocabatur taliter antiquitus, & sic cognoscebat de omnibus urbibus terræ Chanaan, quæ habentur in scriptura, quales essent situs earum, & dispositiones. *Vnde, & nobis curæ fuit.* Id est, Quia non poteram aliter perfectam, & certam habere cognitionem in sacra scriptura, nisi discurrem per omnia loca terræ Chanaan: suscepì hanc curam, ut totam illam circundarem, & perambularem. *Cum eruditissimis Hebræorum.* Ambulauit Hiero. totam terram Chanaan cum Hebræis eruditissimis: nam in terra Iudæa adhuc manebant aliqui Hebræi tempore Hieronymi: & quia Hieron. erat vir clarissimus propter sapientiam, & sanctitatem, & sauebant sibi omnes principes, & magni domini: poterat ipse habere multos de Hebræis, qui cum eo perambulant totam terram Chanaan: & isti ibant cum eo,

Alph. Toft. In Lib. I. Paralip.

A vt ostenderent sibi omnia loca, & dicerent, iste locus vocabatur olim sic, & postea mutatum est nomen eius ex tali causa. Et dicitur, quod ambulauit cum Hebræis eruditissimis, potest tamen intelligi, quod erant eruditissimi in historijs secularibus, quia tales poterant scire de omnibus gestis terræ illius, & de mutatione nominum locorum, & quare talis mutatio facta est. Vel intelligitur, quod erant eruditissimi in libris sacris, ut quandocunque venirent cum Hieronymo ad aliquam urbem, scirent sibi dicere ista est ciuitas, de qua dicitur in tali loco scripturæ, & per concordantias satis erudiretur Hieronymus. *Hunc laborem subire, ut circuiremus prouinciã.* Magnus labor fuit, quod Hieronymus circuiret totam prouinciã Iudææ, & perambulare singula loca, ut haberet scientiam sacræ scripturæ: lustrauit igitur omnia ista loca, ut dictum est, in quo apparet quod maius desiderium sciendi sacræ scripturam fuit in ipso, quam in aliquo nostrum, quia nullus nunc tantum laboraret, ut haberet cognitionem etiam totius sacræ scripturæ. *Quod vniuersæ Christi Ecclesiæ sonant.* Id est, Transiret prouinciã totam, de qua fit mentio in sacra scriptura: Non est autem intelligendum, quod perambulauit Hieronymus omnia loca, de quibus habetur in sacra scriptura, quia oporteret, quod perambulasset Aegyptum, & Chaldaeam, & multas regiones Orientis, & Occidentis: cum in sacra scriptura fiat mentio de multis regionibus, sed pertransiuit solum Hieronymus prouinciã terræ Chanaan, in qua habitauerunt duodecim tribus, omittendo omnes alias prouincias, & regna, quia potissima mentio, quæ fit in sacra scriptura, est de illis locis, quæ sunt in terra Chanaan: ideo dicitur hic, ut circuiremus prouinciã. Nam prouincia nomen regionis est, & non multorum regnorum, vel locorum existetium in diuersis regionibus. *Fateor enim.* Hic ponitur secundum huius partis, in quo ostendit Hieronymus se peruenisse ad perfectam scripturæ intelligentiam, per frequentatam dubiorum interrogationem, & dicit, quod quæcunq; in aliquibus locis sacræ scripturæ non dubitaret, interrogabat tamen peritos, vel conferebat cum eis, ut plenior haberet scripturæ intellectum. Et primo probat hoc, quia sic erat consuetudo sua generaliter. Secundo per quemdam Doctorem quem specialiter accepit ad interpretationem huius Libri ibi. *Denique cum a me.* Circa primum dicitur. *Fateor enim mihi Domnion, & Rogatiane charissimi.* Isti duo Domnion, & Rogatianus erant Episcopi, qui rogauerunt Hieronymum, ut corrigeret Paralipomenon, quod corruptus erat secundum translationem interpretum, & scribit eis Hiero. istam epistolam, ut patet in principio. *Nunquam me in diuinis voluminibus proprijs viribus credidisse.* Id est, Quantum ad sacræ scripturæ intelligentiam, nunquam credidi intellectui meo: nam licet per meipsum plurima potuissem intelligere, non confidebam viribus meis, sed querebam ab alijs, conferendo cum eis, & dicit de diuinis voluminibus: quia in scientijs secularibus, ut philosophia, & liberalibus non faciebat istud: quia in pluribus credebat ingenio suo, cum per illud posset multa inuenire. Et ratio diuersitatis est, quia in sacra scriptura est magnum periculum: nam si erratur in sensu alicuius scripturæ, causabitur inde error in fide, in quo est maximum damnum, & non solum hoc, sed etiam qui malè intellexit, malè docebit ceteros: & sic trahet eos in errorem, & talis error est periculosus, quia erratur circa rem optimam: & etiam vno errante, multi simul errant: Sic enim erat Peccata de peccato summi sacerdotis in Veteri Testamento, superiorum grauiora. quia eo errante, totus populus errabat: id tanta poenitentia imponebat in solutione sacrificiorum pro peccato summi sacerdotis solius, sicut pro peccato totius populi simul,

In Præfationem secundam

ut patet Levit. 4. In scientijs autem secularibus dato, F quod erretur, non est ita error periculosus, eo q̄ non veriat̄ur circa maximum bonum hominis in scientijs illis, sicut in fide, quæ habetur per sacram scripturam. Vita enim tota hominis consistit in fide, iuxta illud Apostoli: Iustus aut̄ ex fide vivit: ad Rom. 1. Ideo volebat dubitare Hiero. circa singula in sacra scriptura, ut quærendo de omnibus, certiorē haberet sensum scripturæ. *Nec habuisse magistrā opinionem meam.* Id est, Circa libros sacre scripturæ, nūquā secutus sum opinionem meam, tanq̄ magistrā: sed inquirebam quid alij dicerent, & sentirent. *Sed etiam ea, de quibus me scire arbitrabar, interrogare me solitum.* Id est, Fateor me solitum interrogare etiam illam, de quibus arbitrabar me scire, & licet aliquando crederem in me plenē intelligere aliquem locum scripturæ, adhuc quærebam de illo, an alij sentirent, sicut ego: & istud erat propter periculum, quia licet interdum Hierony. nullum dubium haberet super aliqua sententiā, poterat esse q̄ illa esset falsā, & quia totis viribus agendum erat, ne in sacra scriptura aliquid falsum scriberetur, vtile erat, q̄ dubitaret etiam de eis, quæ omnino putabat se scire. *Quanto magis de his super quibus anceps eram? Quasi dicat, Quærebam de illis, in quibus non dubitabam, a fortiori quærerem de illis, in quibus dubius eram.* Dicitur anceps quasi ambo capiens, & est compositio per corruptionem, & pertinet ad hominem dubium: q̄a qui inter duas sententias dubius est, utranque capere vult, & nescit quam capiat. Vel dicitur anceps ab an, & capio: & an significat disunctionem, & conuenit dubitanti, quia ille nescit an capiat sententiam istam, vel aliam. *Denique.* Hic probat in speciali, quomodo non confidebat ingenio suo circa sacram scripturam per hoc, quod quendam doctorem Hebræum accepit ad interpretationem Paralip. & dicitur: *Denique cum a me literis nuper flagitassetis, ut vobis Paralip Latino sermone transferrem.* Loquitur ad Dominionem, & Rogatianum Episcopos, qui nuper, id est, aliquāto tempore anteq̄ Hiero. scriberet istum prologum, orauerant, ut transferret eis Paralip. Latino sermone: Erant isti Episcopi Latini, ideo volebant Paralip. habere in Latino: non tamen est intelligendum, q̄ non haberetur tempore Hiero. inter Latinos liber Paralip. quia oēs libri sacre scripturæ habebantur tunc in Latino, & fuerant anteq̄ Hiero. esset: ex quo enim Latini aliqui ceperūt esse Christiani mox de Græco translulerunt totū Vetus Testamentū, quod habebatur apud eos s̄m trālationem septuaginta interpretū, sed petebant isti Episcopi, q̄ Hieronymus trāferret eis Paralip. in Latinū, i. transferret de Græco, & emendaret, quia erat nimis corruptus liber iste apud Latinos, & Græcos, ut patet infra in litera: & ideo dicit Hierony. q̄ ubi in libro illo poneretur asteriscus erat additū aliquid de Hebræo, quod in Latinis codicibus non habebatur: ergo prius habebatur Paralip. in Latinis codicibus, q̄ Hiero. nunc transferret, & sic fuit potius emendatio, quā trālatio. *De Tyberiadē quondam legis Doctorem.* Accipiendo sicut ista litera iacet: debet dici quod Tyberiadēs erat nomen propriū viri, qui fuit Doct̄or excellens in scriptura inter Hebræos tempore Hieron. & ordinatur litera sic. Assumpsi de Tyberiadē, id est, a Tyberiadē legis quendam Doctorem, id est, qui erat auctor, siue Doct̄or legis quondam, & fortē dicit hoc Hierony. quia quando ipse scripsit prologum istum, mortuus erat Tyberiadēs. Alia litera habet: *De Tyberiadē legis quondam auctorem.* Et tunc est sensus, accepit quondam auctorem legis, i. Doct̄oris de Tyberiadē, s. q̄ Tyberiadēs est ciuitas, vel magis proprie Tyberias apud mare Galilææ, quod vocatur stagnum Genezareth, & vocabatur illa ciuitas prius Genezareth: postea autem vo-

cata est Tyberias ad honorem Tyberij Imperatoris: cuius anno decimo octauo Christus crucifixus est, & sic vocatur sæpe mare Galilææ, & dicitur quod Christus ambulabat iuxta mare Galilææ, quod est Tyberiadis, ut patet Matth. 4. & Ioan. 6. In ista ciuitate florebat studium Hebræorum tempore Hieronymi, & ibi accepit quendam famosum inter ceteros, a quo confirmatus est in eis, in quibus erat dubius circa intelligentiam Paralipomenon. Et ista litera melior est, quā illa, quæ communiter habetur in Biblijs. *Qui apud Hebræos admirationi habebatur.* Id est, Iste Doct̄or, quem assumpsi inter ceteros Hebræos habebatur admirabilis, ponit omnia ista Hieronymus ad significandum, quod securē poteramus legere suam interpretationem: quia ipse cum magna diligentia fecerat illam circa singula interrogando, etiam si non dubitaret: & accipiendo Doctorem famosissimum inter Hebræos, qui concordauit cum sententia eius in omnibus. *Et contuli cum eo.* Id est, Disputaui cum eo in singulis quærendo, & arguendo ad intelligentiam ipsorum. *A vertice, ut aiunt, vsque ad extremum vnguem.* Id est, Disputaui cum eo de omnibus, quæ habentur in toto Paralipomenon, a principio vsque ad finem, scilicet, quod nihil fuit, de quo non quærerem, & arguerem, & loquitur per quendam modum vulgarem: nam cum aliquid completē fit, dicitur quod sit a vertice vsque ad vnguem: nam in toto animali, potissime in homine nihil aliud est, nisi quod est inter verticem, & vnguem, scilicet, vnguem pedis, & ideo qui in homine cognoscit a vertice vsque ad vnguem, nihil in eo incognitum relinquit: sic enim Isaias loquitur volens innuere totum populum Iudaicum esse plenum peccato, ait Omne caput languidum, & omne cor ingrens, a planta pedis vsque ad verticem in eo non est sanitas. Idem tamen est dicere a planta pedis vsque ad verticem: quod a vertice vsque ad vnguem pedis, & ideo dixit, ut aiunt, id est, sic vulgariter dicitur. *Et sic confirmatus ausus sum facere quod iubebatis.* Postquā contulit Hieronymus se famosissimo Doctore Hebræorum confirmatus est, scilicet, non didicit ab eo aliquid quod nesciebat, sed confirmatus est in eo, quod sciebat: nam antequā conferret cum illo, plenē intelligebat Hieronymus veritatem libri Paralipomenon, & tamen non confidebat ingenio suo, quia sicut supra dixit, etiam in illis, quæ arbitrabatur se scire, quærebatur, & nunquā confidebat viribus suis, sed quia nunc concordauit ille Doct̄or Hebræus cum sententia Hieronymi, in omnibus credidit Hieronymus se vere, & perfecte intelligere librum: non audebat ergo transferre, nec transtulisset, nisi confirmatus fuisset ab illo Hebræo.

Quare Hieronymus non audebat scribere librum Paralipomenon. Quæst. 1111.

K V A E R I T U R, quare Hieronymus non audebat scribere librum Paralipomenon istis Episcopis, antequā conferret cum Hebræo illo, quia ad istam translationem, quam nunc faciebat Hieronymus, non erat necesse, q̄ haberet cognitionem Hebræi idiomatis, sed Græci, quia nunc transferbat Paralipomenon de Græco in Latinum, iuxta translationem septuaginta interpretū, & emendabat illam, ut patet in prologo præcedēti, cum dicitur: Cæterum memini additionem septuaginta translatorum olim de Græco emendatam tribuisse me vestris. Aliquis dicit, quod nunc Hieronymus transferbat Paralipomenon de Hebræo in Latinū, cum totā scripturā Veteris Testamenti de Hebræo in Latinū transtulerit:

lerit, sicut est in Biblijs nostris, quas tota tenet hodie A Ecclesia: hoc autem non poterat facere sine magna peritia Hebraici idiomatis, ideo oportuit, quod conferret cum aliquo Doctore Hebraeorum, ad confirmandum intentionem suam. Sed dicendum, quod non stat licet verum sit, quod Hieronymus transtulerit totum Vetus Testamentum de Hebræo in Latinum: tamen translatio, quam petebant isti Episcopi, & quam ipse fecit nunc, non erat de Hebræo in Latinum, sed de Græco in Latinum, emendando translationem septuaginta interpretum, & de hac solum loquitur iste prologus, ut patet infra, & magis declaratum est in prima quaestione huius prologi. Dicendum ergo, quod Hieronymus non transferebat nunc de Hebræo in Latinum, iuxta veritatem Hebraicam, sed de Græco in Latinum iuxta translationem interpretum, & tamen necessarium habuit Doctorem Iudeorum, cum quo conferret: nam si solum transtulisset de Græco in Latinum, sicut habebatur apud septuaginta interpretes, non oportebat quod conferret cum aliquo Doctore Hebræo, sed solum, quod nosset linguam Græcam: & tamen transferebat, & emendabat, ut dicitur precedenti prologo scilicet, Memini editionem septuaginta translatorum, olim de Græco emendatam tribuisse me vestris. Ad emendationem autem requirebatur peritia idiomatis Hebraici: quia corruptio, quæ erat in Græco in translatione interpretum non poterat emendari, nisi recurrendo ad veritatem Hebraicam, quia cum dubitatur de veritate in aliquo libro Veteris Testamenti, recurrendum est ad litteram Hebraicam, tanquam ad primum originale, sic enim ait Hieronymus prologo precedenti. f. Ad Hebræos igitur recurrendum est. Et idem in prologo super Genesim. Qui incipit. Desiderij mei. Modus autem emendationis cuius fuit, sicut patet infra in littera, scilicet quod Hieronymus respiciebat ad litteram Hebraicam, & quando aliquid erat in Hebræo plusquam in littera interpretum, addebatur illud de Hebræo, & apponebat exterius asteriscum, cum vero aliquid plus erat in littera interpretum, quam in Hebræo: designabat illud exterius obelis, & cum aliquid aliter se haberet, quam in Hebræo, corrigebat illud iuxta Hebraicam veritatem: Hoc autem facere non poterat, nisi nimis expertus esset in Hebræo, quia illud accipiebat nunc pro fundamento ad corrigendum litteram interpretum, ideo oportuit, quod conferret cum aliquo doctissimo apud Hebræos.

Libere enim vobis loquor. Ita enim in Græcis, & Latinis codicibus hic nominum liber vitiosus est, ut non tam Hebræa, quam Barbara quedam, & Sarmatica nomina coniecta arbitrandum sit. Nec hoc septuaginta interpretibus, qui Spiritu sancto pleni, ea, quæ vera fuerunt transtulerant, sed scriptorum culpæ ascribendum dum de emendatis inemendata scriptitant: & sæpe tria nomina subtrahunt: vel è medio syllabis in vnum vocabulum coeunt: vel è regione vnum nomen propter latitudinem suam in duo, vel tria vocabula diuidunt. Sed, & ipsæ appellationes non homines, ut plerique existimant, sed vrbes, & regiones, & saltus, & provincias sonant: & oblique sub interpretatione, & figura eorum quedam narratur historia, de quibus in Regnorum libro dicitur: Nonne ecce hæc scripta

Alph. Toft. In Lib. I. Paralip.

sunt in libro verborum dierum Regum Iuda: quæ utique in nostris codicibus non habentur.

Libere enim. Hic ponitur tertium principale, in quo ostendit Hieronymus correctionem septuaginta interpretum in lib. Paralip. a se factam esse necessariam propter Græcorum, & Latinorum codicum corruptionem: & ostendit istam corruptionem euenisse propter imperitiam librariorum: & dicit, *Libere enim vobis loquor.* Id est, Sine timore, & verecundia loquor, quod licet dicam omnes codices tam Latinos, quam Græcos esse corruptos, & in hoc dicam aliquid magnum, non timeo, nec erubescō, quia scio me verum dicere, & dicit, libere loquor, id est, sine passione, quia quando quis passionatus est timore, vel verecundia, non libere potest dicere veritatem, quia iste passiones eam impediunt: cum vero nullam habet, libere verum dicit: Sic enim dicebat Boetius de Consol. lib. I. metro. 4. f.

Quid tantum miseri seuos tyrannos

Mitantur sine viribus furentes:

Nec speres aliquid, nec extimescas,

Exarmaueris impotentis iram.

Id est, si homo non habet spem, nec timorem, quæ sunt passiones, libere faciet quod voluerit, non curando de viris potentibus. Ita enim in Græcis, & in Latinis codicibus hic nominum liber vitiosus est. Id est, iste liber Paralipomenon, qui notatur liber nominum, est corruptus in omnibus codicibus Latinis, & Græcis: Loquebatur enim Hieronymus de tempore illo, in quo scribebat istum prologum, quia tunc nondum transtulerat Vetus Testamentum de Hebræo in Latinum, & sic communiter non habebatur nisi translatio septuaginta interpretum, vel saltem ista sola legebatur in ecclesijs, & ista erat nunc valde corrupta, & propter hoc oportuit, quod Hieronymus eam emendaret. Sciendum autem, quod ista translatio septuaginta interpretum, de qua nunc loquitur Hieronymus, fuit prius apud Græcos, quia interpretes transtulerunt de Hebræo in Græcum, deinde Latini transtulerunt de Græco, & cum essent ipsi codices Græci vitiosi: magis vitabantur codices Latini, quia librarii de emendatis inemendata scriptitant, ut patet infra in littera, & ideo adhuc potius erat necessaria emendatio in Latinis codicibus, quam in Græcis. Et dicitur iste liber nominum dupliciter: vno modo, quod ille genitiuus determinet nominatiuum liber, & tunc est sensus, quod liber Paralipomenon vocatur liber Nominum: & hoc quia plura nomina propria Hebræa, tam hominum, quam locorum ponuntur in eo, quam in quocumque alio libro sacre scripture, maxime in isto primo libro a principio eius usque ad 14. cap. Sic enim dixit Hieronymus prologo precedenti: quod in isto libro erat silua nominum Hebræorum. Alio modo accipitur, quod ille genitiuus nominum determinet illud adiectiuum vitiosus, & tunc est sensus, quod iste liber est vitiosus nominum, id est, in nominibus proprijs Hebræorum, quia maxima corruptio libri Paralip. erat in nominibus proprijs: patet hoc infra in littera, quia librarii interdum tria nomina in vnum colligebant, & interdum vnum in duo, vel tria diuidebant, ita ut viderentur nomina Barbara, & iste est sensus litteræ. *Ut non tam Hebræa quam Barbara quedam, & Sarmatica nomina coniecta arbitrandum sit.* Id est, illa nomina ita erant corrupta, quod non solum propter obscuritatem suam tantam ex corruptione videbantur Hebræa, quæ sunt extra idioma nostrum, sed etiam videbantur Barbara, & Sarmatica, quæ sunt obscuriora, quam Hebræa: & etiam non habent talem modum terminationis, sicut Hebræa: nam sicut nomina Latina sunt distincta in modis terminandi ab Hebræis, & Græcis, ita & nomina Hebræa a Barbaris distincta sunt in terminatione, & tamen propter corruptionem introductam a librarijs, videbantur iam nomina Hebræa talem modum termi-

C 4 nandi

In Præfationem secundam

nandi habere, sicut barbara: Non est autem intelligendum, quod nomina Sarmatica sint a Barbaris, quia præter linguam Hebræam, & Græcam, omnes vocantur Barbaræ. Sarmatica igitur Barbara est: & tamen nominavit nomina Sarmatica: quia illa inter cetera nomina Barbara obscuriora sunt, & infirmiora. Sunt enim Sarmatæ quædam gentes Barbaricæ nimis feroces, & modicum cognitæ: habitantes versus extremas partes orbis: De his meminit Lucanus in libro de Bello Iulij Cæsaris, & Pompei, dicens:

Lib. 1.

*Et qui te laxis imitantur Sarmata brachis,
Vangiones, Bathanique truces.*

Aliquæ Bibliæ habent sarmatica nomina: & dicuntur sarmatica a Farmate, vel farmaton Græco, quod est genus medicinæ compositæ ex pluribus, & inde vocatur farmacum potio, quæ datur ægris ad laxandum ventrem, ut purgentur: sic autem erant ista nomina composita ex multis, quia interdum ex tribus nominibus Hebraicis componebatur vnum, sicut fit in farmaco. Sed error est, quia non debet dici sarmatica; sed propter similitudinem literarum, dicunt quidam Farmatica; cum debent dici Sarmatica. Et dicitur, quod videbantur ista nomina Barbara, vel Sarmatica congesta, scilicet, quod sicut componuntur multa nomina congesta Barbara, ita apparebat cum multa nomina Hebræa corrupta erant, & quædam diuisa, & quædam commixta in libro isto; nam cum quis videret illa nomina Hebraica corrupta simul; non putabant esse nomina Hebræa, sed magis apparebat, quod erat multitudo quædam nominum Barbarorum congestorum.

Nec hoc septuaginta interpretibus. Hic excusat septuaginta interpretes, quia cum tantum accusaret Hieronymus librum Paralipomenon, translatum ab interpretibus, diceret aliquis quod nimis errauissent interpretes. Respondet Hieronymus, quod non est ascribendus iste error interpretibus, sed librariis, qui fuerunt post eos: ipsi enim per ignorantiam omnia corruerunt.

Qui pleni sunt Spiritu Sancto ea, quæ vera fuerant transtulerunt. Id est, Interpretes erant pleni Spiritu Sancto, id est, spiritu sapientiæ ad transferendum scripturas, qui spiritus a Deo est: nam omnis sapientia a Domino Deo est: ut patet Ecclesiast. primo. Et isti transtulerunt, quæ vera fuerunt: quia nullam falsitatem in translatione expresserunt, licet aliquas veritates, quæ in Hebræo erant, tacuerunt.

Sed scriptorum culpa est ascribendum. Id est, Scriptores librorum fecerunt totam istam corruptionem, non aspicientes diligenter quæ scribebant.

Dum de inemendatis inemendata scriptitant. Id est, Scriptores scriptitant, id est, scribunt inemendata, id est, corrupta de inemendatis, id est, de corruptis, scilicet, scriptores librorum, nunquam corrigunt originalia, ex quibus attrahunt. Sed si corruptum inueniunt corruptum, scribunt: hoc autem non refertur ad primam corruptionem, quæ fuit detestabilior. Nam interpretes verè a principio scripserunt, ut dicit hic Hieronymus, & tamen scriptores vitauerunt. Ideo oportet, quod aliquis scriptor esset, qui transferret de libro vero, & corrumpere, & isti non competit, quod dicit hic Hieronymus, scilicet, quod de inemendatis inemendata scriptitant: quia iste de emendatis inemendata scriptitaret, sed competit sequentibus, qui hoc fecerunt.

F *Si septuaginta interpretes vera transtulerunt. Et quod in sacra scriptura error potest dupliciter accipi.*

Quest.

V.

Q VABRETVR quomodo dicit hic Hieronymus, quod septuaginta interpretes verè transtulerunt: nam ipse increpat eos in Prologo super Genes. qui incipit: Desiderij mei. Vbi dicit eos errasse, & ait: Causas erroris non est meum exponere. Respondendum est, quod septuaginta interpretes non posuerunt errores aliquos in translatione sua, sed puram veritatem, ut ait Hieronymus prologo præcedenti, scilicet, Si septuaginta interpretum pura, & ut ab eis in Græcum versa est editio permaneret. Ergo purè ipsi transtulerunt veritatem. Patet etiam, quod dicit ibi Hieronymus. Superflue Chromati Episcoporum sanctissime me impelleres, ut Hebræa volumina Latino sermone transferrem. Et sicut dicit, quod translatio sua esset superflua, si maneret translatio septuaginta interpretum pura, ut ab eis in Græcum versa est, & tamen si septuaginta interpretes errauissent in translatione, dato quod nullus postea corrumperet translationem eorum, necessaria erat translatio Hieronymi de Hebræo in Latinum. ergo interpretes verè transtulerunt. Dicendum tamen, quod error in translatione scripturæ sacre potest dupliciter accipi, vno modo corrupendo, scilicet, quod aliquid quod in Hebræo esset, aliter scriberetur in Græco: ita ut esset alia sententia. Alio modo est error per hoc, quod aliquid additur in translatione, quod in Hebræo non est, vel aliquid subtrahitur, quod in Hebræo erat. Primus modus facit errorem proprie dictum, & tunc dicendum, quod interpretes non errauerunt aliquo modo in translatione, quia non corruerunt aliquas veritates, quæ essent in Hebræo, & ideo dicit Hieronymus præcedenti Prologo, quod translatio septuaginta interpretum pure in Græcum versa est, scilicet, sine corruptione, & ideo omnes corruptiones, quæ secutæ sunt diuidendo vnum nomen in plura, vel coniungendo plura nomina in vnum, & non punctuando in locis debitis, introducti sunt errores librariorum. Secundo modo accipiendo errorem, est error large dictus, & sic interpretes errauerunt. Nam aliquando addiderunt aliquid in translatione sua, quod in Hebræo non erat. & aliquando subtraherunt aliquid, quod in Hebræo erat, ut patet infra in litera, & ideo Hieronymus, quando emendauit translationem septuaginta interpretum addidit ea, quæ erant in Hebræo, & subtraherant illa interpretes, & posuit super ea asteriscos. Ea vero quæ interpretes superaddiderant designauit obelis: & de isto errore procedit argumentum: sic enim loquitur Hieronymus in Prologo, qui incipit: Desiderij mei, dicens: Causas autem erroris non est meum exponere. Id est, Causas deuiationis ab Hebræo, subtrahendo aliquid & addendo aliquid. Et patet, quia probatio Hieronymi ibi non fundatur super corruptione aliqua, quæ habetur in litera septuaginta interpretum, sed super defectu, scilicet, quia aliqua habentur in Hebræo, quæ non habentur apud interpretes, & ad hoc inducit ibi testimonia multa Veteris Testamenti, quæ non habentur apud interpretes. Hic autem loquitur Hieronymus, solum de corruptione illa, quæ est permutatio sententiæ, & de ista verum est, quod non facta fuit ab interpretibus, sed a scriptoribus.

Et sepe tria nomina subtrahitis è medio syllabis in vnum vocabulum cogunt. Declarat modum erroris in libro isto, scilicet, quia librarij ignorantes, aliquando copulabant tria nomina in vnum, quia nesciebant an esset vnum, vel multa, & accipitur cogere pro copulare, vel

vel congregare: nam cogere, vt communiter accipitur pro coercere, & tamen hic accipitur pro copulare, & sic accipitur Isa. 16. Scilicet, Ini consilium, & co-ge concilium, idest, congrega concilium: sic enim accipit Virgil. in Bacolicis, Ecloga tertia, quæ incipit:

Die mihi Damata, Cum ait:

Cogite oues pueri, si lac praeceperit æstus,

Idest, Colligite omnes oues, & iterum ibidem

Tityre coge pecus, tu post carecta latebas.

Idest, Congrega pecus: raro tamen accipitur in hac significatione.

Vel è regione vnum nomen propter latitudinem suam in duo,

vel tria vocabula diuidunt. Idest, Aliquando faciunt è

contrario, scilicet, quod diuidunt vnum nomen Hebraicum in duo, vel tria, & istud est, quando nomen est latum, idest, habens multas syllabas: nam tunc librarij putantes esse multa nomina diuidunt illud in plura, & in nominibus paruis putant plura nomina esse vnu, & interdum illa copulant, & ad hoc aliquando subtrahunt syllabas, & faciunt de multis nominibus vnu, copulando syllabas residuas, & iste error semper durabit in libris nostris, quandiu durauerit apud nos imperitia libratorum: nam in pluribus locis sacre scripturæ vbi sunt multa nomina Hebræa, simul sunt corrupta vsque hodie in plurimis Biblijs nostris: aliquando copulando plura in vnum, & aliquando diuidendo vnum in multa, quod patet comparando Bibliam nostram literæ Hebraicæ, & dicitur hic e regione, idest, e contrario. Et accipitur large, nam e regione significat oppositionem in situ, vt quando aliqua duo se respiciunt frontibus oppositis, sic accipitur Genes. 16. Scilicet, (E regione vniuersorum fratrum suorum figet tabernacula,) Idest, Ab opposito fratrum suorum, sic etiam accipitur in Prologo precedenti cum dicitur, quod Origenes posuit exempla quatuor editionum e regione, singula verba describens, idest, ab opposito, scilicet, in columnella propinqua opposita: hic autem accipitur e regione pro contrarietate, quæ est in qualitate, vel in modo agendi, & iste modus non est vsitatus.

Sed, & ipse appellationes. Hic ponit Hierony. quandam cautelam, & instructionem pro eis, qui legere debent in hoc libro, ne fallantur, quia multa nomina sunt hic, quæ videtur esse nomina propria hominum, & sunt nomina loorum, vel regionum, vel mortuorum: aut fluminum, & in hoc est magnus error, quia cum quis nomen regionis putauerit esse nomen viri, vel fluminis errabit in sententia, quia alia competunt viro, alia flumini, alia regioni, & dicitur.

Sed, & ipse appellationes. Idest, Ipsa nomina: vocantur enim nomina appellationes, quia per nomina res appellantur.

Non homines, vt plerique existimant, sed vrbes, & regiones, & saltus, & prouincias sonant. Non intelligitur istud semper: quia non omnia nomina propria posita in libro hoc sunt nomina vrbium regionum, saltuum, & prouinciarum, sed multa eorum sunt nomina viro- rum: immo plurima, vt patet in primo cap. Sed ponitur hoc ad instruendum multos: nam cum vident multa nomina propria in hoc libro simul posita, putant ea esse nomina hominum omnia, & falsum est, quia licet plurima sint nomina hominum: tamen sæpe inter plura nomina hominum, ponuntur aliqua nomina vrbium, fluminum, vel regionum: vt patet hic in cap. primo, circa finem, vbi describitur linea Esau. Sic etiam est in multis alijs locis.

Et oblique sub interpretatione, & figura eorum, quedam narrantur historiae. Idest aliquando indirecte per significationem, & interpretationem istorum nominum propriorum hominum, vel prouinciarum narrantur,

A siue subintelliguntur quedam historiae. Ista litera obscura est, & multi errant in sensu eius: nam expositor omnium prologorum istorum videtur errasse in ea, dicens: quod oblique narrantur historiae sub interpretatione, & figura istorum nominum, scilicet, quia ista nomina corruptè scribebantur a librarijs, causabant errorem in historijs, scilicet, quod non bene intelligebantur historiae propter istam corruptionem, & sic dicitur, quod historiae narrantur oblique, idest, indebite propter errorem nominum. Sed iste sensus non stat, quia non satisfacit literæ, cum dicatur hic.

(Et oblique sub interpretatione, & figura eorum, quedam narrantur historiae.) Et tamen ista expositio

nihil dicit de figura, & interpretatione, sed solum de

B obliquitate. Dicendum ergo, quod sensus est, quod quia sunt multa nomina simul posita in hoc libro: per illa, vel per

aliqua eorum intelligimus aliquas historias, quæ non

fuerunt enarratae, vel quæ leuiter fuerunt tactæ in li-

bris regum: utpote in libro isto ponuntur continua-

tiones progenierum, quæ non ponuntur in alijs libris

scripturæ. In libris autem regum ponuntur historiae,

sed non ponuntur continuationes progenierum: &

propter hoc aliqua historiae erant imperfectæ, vel nõ

plene intelligebantur in libris Regum: nunc autem

cum ponuntur hic istæ continuationes progenierum

cognitis eis, scimus continuationes historiarum li-

brorum Regum: Et quia expressio hic vno nomine

C viri, scimus continuationem in aliqua progenie, scie-

mus id quod ignorabamus in libris Regum de conti-

nuatione historiarum per hoc, quod nesciebamus

quis antecederet immediatè ad istum virum, vel quis

succederet ei, sic etiam in multis alijs locis propter

omissionem vnius dictionis, vel particulæ in libro re-

gum manebat dubium in aliqua historia: nunc autem

exprimendo hic particulam illam, quæ ibi deficiebat co-

gnoscitur vna historia, & sic per vnam dictionem co-

gnoscitur vna historia. Et patet quod iste sit sensus li-

teræ: quia immediate dicitur: Narrantur historiae de

quibus in libro Regnorum dicitur: Nonne ecce hæc

scripta sunt in libro verborum dierum regum Iuda?

Item patet clarius infra in litera cum dicatur: Omnis

eruditio scripturarum in hoc libro continetur: & histo-

riae, vel quæ prætermittuntur in suis locis, vel perstri-

ctæ leuiter, hic per quedam verborum compendia

explicantur. Ad hoc autem nõ oportet ponere mani-

festiora exempla, quia totus liber est pro exemplo.

Nam si quis legat simul istum librum, & librum Re-

gum, videbit in singulis locis talia supplementa, ita vt

per vnam dictionem, vel paucas tangatur aliqua histo-

ria ommissa in libro regum, vel non plene declarata.

Et dicitur, quod oblique narrantur historiae, idest, non

directe. Nam historia dicitur directe narrari, quando

quis exprimit omnia illa, quæ pertinent ad explicatio-

dem rei gestæ, quam intendit declarare, & sic nar-

rantur historiae in libris regum, eo quod ibi primo po-

nuntur. Hic autem oblique narrantur, quia non po-

nuntur aliqua verba sufficientia ad complendum histo-

rias, sed supplendo vnam dictionem, vel duas, quæ

deficiebant in libris Regum, propter quas erat historia

obscura, & redditur tota historia manifesta. Et cum

dicitur sub figura, & interpretatione eorum quedam

narrantur historiae, non est intelligendum, quod de-

beamus interpretari nomina Hebraica hic posita, &

ex interpretationibus illis colligamus aliquas histo-

rias, sicut Iacob interpretatur supplantans: & Edom

interpretatur rubeus, quod nos vellemus ex supplan-

tatione, & rubeine colligere aliquas historias: quia

istud esse arguere in sensu mystico, & talis argumenta-

tio est debilissima, nec habet locum in scriptura, sed

dicitur quod ex figura istorum nominum narrantur

quedam

In Præfationem secundam

quædam historiæ, quia vnum nomen, vel duo posita F per modum supplementi, faciunt cognoscere vnam historiam, quæ deficiebat in libris Regum, vel quæ ibi imperfecte habebantur: & sic dicuntur figurare istas historias, idest, significare illas. Interpretatio non accipitur hic pro conuersione nominis de vna lingua in aliam. Sed pro significatione, & idem est hic interpretatio, quàm significatione.

De quibus in regnorum libro dicitur; nonne ecce hæc scripta sunt in libro verborum dierum Regum Iuda? Idest; de istis historiis, quæ significantur hic oblique dicitur in libro Regnorum, idest, in libro Regum: nonne hæc scripta sunt &c. Iste modus est in libris Regum: quia ibi narrantur historiæ Regum, & cum nullius eorum completè narrantur omnia gesta dicitur in fine historiæ cuiuslibet eorum: reliqua autem verborum talis, vel talis regis. Nonne ecce hæc scripta sunt in libro sermonum dierum Regum Iuda, vel Israel? Et dicit quod ille historiæ, quæ ibi, omisæ fuerunt, & pro quibus remittitur, sunt istæ, quæ habentur hic: vocatur autem liber Regnorum liber Regum: nam in Hebræo sic vocatur, quia quidam eum vocant Malachoth, idest, librum Regnorum: alij autem Malachim, idest, librum Regum: & tamen Hieronymus in prologo Galeato dicit, quod melius est vocare eum Malachim, idest, Regum quàm Malachoth, idest, Regnorum: quia in eo non multorum populorum regna, sed vnius populi Iudaici Regnum textitur. Et dicitur hic de libro Regum, & non de alijs. Quamquam aliquis dicet istud inconueniens esse: quia Paralipomenon est liber suppletivus eorum, quæ deficiebant in alijs libris: & sic non solum supplet ea, quæ habebantur minus in libro Regum, sed etiam, quæ deficiebant in alijs libris quibuslibet: nam vocatur Chronicon totius sacræ scripturæ, vt ait Hieronymus in epistola ad Paulinum, & in prologo Galeato. Respondendum dupliciter: vno modo quod quamquã liber iste suppleat defectus librorum omnium præcedentium: tamen non supplet defectus historiæ in aliquo libro, nisi in libro Regum: in alijs verò solum supplet defectum continuationis generationum, quæ non perfectè continuabatur in eis, & hic continuantur: & hic in litera dicit Hieronymus de supplemento historiarum: ideo non debuit dicere, quod supplebat alias historias nisi eas, quæ omisæ fuerant in lib. Regum. Secundo modo dicendum, quod dato quod supplet liber iste historias deficientes in alijs libris, sicut etiam in libris Regum: non fuit tam conueniens dici de aliquo libro, sicut de libro Regum: eo quod in illo fit remissio pro supplemento historiæ: cum dicitur reliqua autem verborum talis, vel talis regis, nonne hæc scripta sunt in libro verborum dierum Iuda, vel Israel. In nullo tamen libro sacræ scripturæ fit talis remissio: ideo potius debuit dici de libro Regum, quod suppletur hic historiæ, de quibus dicitur in libro Regum: nonne hæc scripta sunt &c. Quæ in nostris itaque codicibus non habentur. Idest, ista supplementa historiarum, quæ oblique enarrantur per singula nomina iuncturas earum non habentur in nostris codicibus. Non loquitur Hieronymus de codicibus nostri temporis, quia in illis complete habetur quodquid est in Hebræo: cum translati sint de veritate Hebraica, sed loquitur de codicibus, qui habebantur inter Latinos tempore, quo scripsit istum prologum, quia tunc non erant inter Latinos libri, nisi iuxta translationem interpretum, & erant multum defectuosi: quia multa subtraherant interpretes, quæ habebantur in Hebræo: & suppleuit illa Hieronymus in emendatione; quæ fecit septuaginta interpretum, & designauit ea per asteriscos, vt patet supra in litera. Eri ibi adhuc non est sensus,

quod deficerent omnia supplementa historiarum, quæ deficiebant in libris Regum, & pro quibus remittebatur, sed deficiebant multa illorum, & pro illis oportebat fieri emendationem.

Quare Hieronymus dicit hic, quod solum narrantur historie pertinentes ad librum dierum Regum Iuda, & non Israel. Quæst. VI.

QVÆRETUR quare dicit hic Hieronymus solum, quod enarrantur aliquæ historiæ, de quibus dicitur in libro Regum, Nonne ecce hæc scripta sunt in libro sermonum dierum Regum Iuda, quia ibi non solum remittitur ad librum dierum Regum Iuda, sed etiam ad librum dierum Regum Israel. Respondendum, quod in libro Regum non solum remittitur ad librum Sermonum dierum Regum Iuda, sed etiam ad librum sermonum dierum Regum Israel, & pluries remittitur ad librum sermonum dierum Regum Israel quàm Iuda, & hoc quia in fine historiæ cuiuslibet regis dicitur, nonne hæc scripta sunt in libro sermonum dierum Regum Iuda, Fuerunt tamen plures reges Israel quàm Iuda quàm quàm pauciori tempore durauit regnū Israel, & hoc quia prius translati fuerunt viri de regno Israel in Assyrios, quàm viri de Regno Iuda in Babylonem, Et hoc fuit, quia in Israel vivebant reges pauciori tempore, quàm in Iuda, & aliqui dominabantur per tyrannidem: & quidam occidebant alios, & regnabant pro eis. Vnde quidam cum nondum regnassent nisi vno mense, & alij cum nondum regnassent nisi septem diebus, occidebantur: vt patet de Seli, qui regnavit vno mense. 4. Re. cap. 15. & Zambri regnavit septem diebus. 3. Re. 16. patet etiam de alijs regibus ibidem: dicendum tamen, quod Hieronymus noluit hic dicere nisi de remissione illa, in qua dicitur: nonne hæc scripta sunt in libro sermonum dierum Regum Iuda. Et ratio est, quia in toto isto libro cum suppleantur historiæ deficientes in libro Regum non suppletur aliqua de pertinentibus ad reges Israel. Nec fit aliqua mentio de eis, nisi interdum accidentaliter: in quantum gesta regum Iuda sunt cōmixta cum gestis quorundam Regum Israel: & non possunt narrare sine illis, sicut gesta Abiæ regis Iuda narrantur cum gestis Ieroboam regis Israel, quia cum illo habuit bellum magnum 2. Paralipomenon 13. & sicut gesta Asa regis Iuda cum gestis Baasa regis Israel, quia cum illo habuit contentionem. e. lib. cap. 16. Sic etiam de gestis Iosaphat regis Iuda cum gestis Achab regis Israel, nam eodem lib. cap. 18. enarratur bellum, quod habuit Achab contra Benadad regem Syriæ in Ramoth Galaad, eo quod Iosaphat rex Iuda iuit in auxilium eius, & ibi miraculose liberatus est, eod. cap. Et ideo vt enarraretur ista liberatio, quæ facta fuit de Iosaphat rege Iuda, oportuit narrare bellum Achab cū Benadad, alias autem cum gesta Regum Israel sunt implicata gestis Regum Iuda, non tangitur aliquo modo de eis in libro isto. Ratio huius est, quia licet Esdras in libro isto voluit supplere ea, quæ deficiebant in libris alijs, tamen quia reges Israel fuerunt abiecti a Deo in æternum non reuersuri in terram suam, non curauit Esdras supplere gesta eorum; quia non erant digni, vt iam enarraretur aliquid pertinens ad eos, postquam expulsi fuerant in æternum.

An liber Paralipomenon sit liber verborum Iuda. Quæst. VII.

QVÆRETUR vterius, an liber iste Paralipomenon sit liber verborum dierum Regum Iuda?

da? Aliquis dicit, quod sic, quia litera videtur hoc dicere manifeste cum ait, quod nomina posita hic perfigurationem suam faciunt oblique narrari quaedam historias, de quibus in libro Regum dicitur. Nonne hæc scripta sunt in libro sermonum &c. Respondendum, quod plurimi Hebræorum tenent librum istum esse librum verborum dierum Regum Iuda, ad quem remittitur in libro Regum, de nostris autem ferè omnes tenent, quod iste liber sit, & maxime, quia hoc videtur testari hic Hieronymus. Sed dicendum, quod iste est magnus error, quia non potest esse iste liber verborum Regum Iuda, ad quem remittitur in libro Regum, quia probatum est hoc multis rationibus necessarijs, quæ posita fuerunt supra in prologo libri primi quæst. 4. & etiam de hoc declaratum est 3. Re. cap. 25. in quadam questione, & ratio manifestior: quia in isto libro Paralipomenon sæpe remittitur ad librum verborum dierum Regum Iuda, ut patet 2. Paralipomenon, & 25. & 27. & 28. & in multis alijs locis &c. Dicendum est ergo, quod ille liber Regum Iuda fuit aliquis liber magnus, in quo scribebantur particulatim omnia gesta magna, vel parva regum Iuda: & ille liber non habetur in sacra scriptura: nec enarratur in illo aliquid pertinens ad historias Regum Iuda, & tamen in libro isto Paralipomenon multa alia enarrantur: nam a principio libri huius usque ad cap. 11. enarrantur quædam, quæ nihil pertinent ad historias Regum Iuda: sed fuerunt priora incipiendo ab origine sæculi. Iste autem liber non erat factus principaliter ad narrandum historias Regum Iuda, sed ad supplendum ea, quæ deficiebant in sacra scriptura: & quia historia illa deficiebant ut in plurimis, pro maxima parte ille enarrantur: liber tamen Regum Iuda prior fuit quam liber Regum: cum liber Regum remittat ad illum, & non poterat hoc esse, nisi prius scriptus esset: liber tamen Paralipomenon scriptus fuit post librum Regum multo tempore, ut probatum est in prologo primo libri huius questione quinta. Ad rationem in contrarium cum dicitur, quod Hieronymus asserit librum Paralipomenon esse librum verborum dierum Regum Iuda, ad quem in libro Regum remittitur. Dicendum quod si Hieronymus hoc teneret manifestè deberemus dicere cum falsum esse, cum nullus posset subterfugere istam veritatem, ut probatum est prologo primo libri huius questione quarta: quia tamè potius debet semper res interpretari, ut valeat quam ut pereat, debemus dicere, quod Hieronymus non tenuit hoc, nec constat ex verbis suis cum dicitur: nam oblique sub figura, & interpretatione eorum quædam narrantur historias, de quibus in Regum libro dicitur: Nonne hæc scripta sunt in libro dierum Regum Iuda: non est sensus, quod iste sit liber verborum dierum Regum Iuda, sed quod in isto libro suppleantur multæ historie illarum, pro quibus in libro Regum remittitur ad librum verborum dierum Regum Iuda, nec tamen ponuntur hic omnia, quæ deficiunt in libro Regum, & habentur in libro verborum dierum Regum Iuda, sed solum aliqua illorum, quæ magis necessaria videbantur. Quod patet, quia interdum in libro Regum remittitur ad librum verborum dierum Regum Iuda, & nihil habetur in Paralipomenon de illis pro quibus ibi remittitur. Sic patet de. Amon rege Iuda 4. Re. 21. cum dicitur. Reliqua sermonum Amon nonne hæc scripta sunt in libro verborum dierum Regum Iuda? & tamen 2. Paralipomenon 33. ubi ponitur historia de Amon rege non additur saltem vnum verbum super ea, quæ habentur 4. Re. 21. cap. sic etiam fuit de rege Ioachaz, & Ioakim: & de alio Ioachin, & de Sedecia, de quorum quolibet dicitur. Reliqua ver-

borum &c. 4. Re. 22. & 24. & 25. & tamen historia omnium istorum habetur 2. Paralipomenon vlti. & non solum nihil additur super id, quod habetur in libro Reg. sed etiam non ponitur tantum de historia eorum ibi sicut in libro Regum: ista est ergo intentio Hieronymi, scilicet, quod in libro isto suppleantur multæ historiae de illis, quæ omisse sunt in libro Regum, & pro quibus remittitur ibi ad librum sermonum dierum Regum Iuda: liber tamen Paralipomenon non est liber verborum dierum Regum Israel.

Hoc primum sciendum, quod apud Hebræos liber Paralipomenon vnus sit: & apud illos vocatus Dibrehaïamim, id est, verba dierum, qui propter magnitudinem apud nos diuisus est. Quod nonnulli etiam in Bruto Ciceronis dialogo faciunt, ut eum in tres partes secent, cum vnus a suo auctore sit æditus. Deinde etiam illud attendendum, quod frequenter nomina, non vocabula hominum, sed rerum, ut dixi, significantias sonant. Ad extremum, quod omnis eruditio scripturarum in hoc continetur, & historiae, quæ vel prætermisæ sunt in suis locis, vel perstrictæ leuiter hic per quædam verborum compendia explicentur.

Hoc primum. Hic ponitur quartum principale huius cap. in quo Hieronymus ostendit quare liber Paralipomenon apud Hebræos vnicus existens, apud nos in duos libros suscepit diuisionem, & dicitur. *Hoc primum sciendum.* Id est, Considerandum est hoc, quod sequitur pro principio libri: Dicit aliquis quare Hieronymus dicit hic hoc primum. Sciendum quia alia documenta ponit ipse pertinentia ad istum librum prius in hoc prologo quam istud, sicut patet de illo documento circa appellationes nominum, quæ aliqui putabant esse nomina hominum, & tamen erant nomina montium, regionum saltuum vel fluminum, ut patet supra in litera. Respondendum, quod hic est sensus hoc primum sciendum est, id est istud considerandum est pro principio libri: nam in quolibet libro ad intelligendum ipsum sunt quædam documenta præcedentia, & quædam quæ pertinent ad prosecutionem libri. De primis patet, ut cum quæritur in libro, quis fuit auctos eius, vel quæ fuit intentio, vel ad quid prodest liber, & quare liber vnicus est, vel in plures partes diuisus. Documenta autem pertinentia ad prosecutionem libri sunt ea, quæ faciunt ad expositionem singularum partium libri specialiter. Sic autem erat hic, quia scire an liber iste deberet esse vnicus, vel diuisus in multos non est documentum pertinens ad prosecutionem operis, cum non sit expositio alicuius partis libri, sed est documentum pertinens ad principium libri cadens inter quæstiones generales præambulas in quolibet libro. Ideo licet multa documenta ponerentur in hoc prologo ante istud, de isto deberet dici hoc primum sciendum, & non de alijs: nam illud quod habet supra de appellatione nominum non pertinet ad principium libri, sed ad prosecutionem eius, quia tollit quendam errorem, qui posset accidere in expositione libri, ut si quis intelligeret omnia nomina propria esse nomina virorum, cum quædam eorum sint nomina regionum, & saltuum, & fluminum. Quod apud Hebræos Paralip. liber vnus sit. Hebræi habent istum librum vnum, id est, diuisum

In Præfationem secundam

nos autem diuidimus illum in duos: sic etiam facimus in libris Regum: nam Hebræi solum habent duos libros, quorum primum vocant librum Samuelis. Secundum autem librum Malachim, idest, Regum. nos autem diuidimus librum Regum in quatuor libros, scilicet, librum Samuelis in duos, qui sunt apud nos primus, & secundus Regum: & librum Malachim diuidimus in duos, qui sunt apud nos tertius, & quartus Regum; de quo patet per Hieronymum in prologo Galeato. De ratione autem illarum diuisionum declaratum est in prologis super secundum, tertium, & quartum Regum. *Et apud illos vocetur Dibrehaïamim, idest, verba dierum.* Scilicet, Hebræi non vocant librum istum Paralipomenon, sicut nos; sed Dibrehaïamim, quod interpretatur verba dierum, idest, gesta facta in diebus, quæ in eo scribuntur historiæ factæ diuersis temporibus, & nihil aliud est vocare librum istum verba dierum, quam vocare eum historicum: sic patet per Hieronymum in prologo Galeato, cum ait: septimus, Dibrehaïamim, idest, verba dierum, quod significantius Chronicon totius diuinæ historiæ possumus appellare. Et quamquam quilibet liber historicus possit vocari verba dierum, vel Dibrehaïamim: tamen iste liber specialiter accepit istud nomen, eo quod est suppletius historiæ ommissarum in alijs libris, ideo nullus vocatur Chronicon totius sacræ scripturæ, nisi ipse, ut ait Hieronymus in prologo Galeato. *Qui propter magnitudinem apud nos diuisus est.* Erat liber magnus ad hoc, quod esset vnus: ideo diuisus fuit in duos libros, & dicitur apud nos, idest, tam apud Latinos quam apud Græcos: nam etiam Græci habent illum diuisum, & nos ab eis accepimus nomen istius libri, scilicet Paralipomenon. quare autem iste liber diuisus est in duos libros, & non in plures, & quare potius diuisus est in principio regni Salomonis quam in alio loco historiæ, declaratum est supra. in primo prologo quæstione vltima. *Quod nonnulli etiam in Bruto Ciceronis dialogo faciunt, ut eum in tres partes fecerint cum vnus a suo auctore sit editus.* Ponit exemplum de Bruto, quod est nomen dialogi facti a Cicerone, id est Tulio. ipse enim fecit dialogum illum indiuisum, quia tamen erat magnus liber, quidam illum in tres libros diuiserunt. Dialogus dicitur modus operis, quoniam in opere introducuntur duæ personæ solum loquentes, vna quærens, & alia respondens; sicut patet in dialogis Gregorij in quibus Petrus diaconus introducitur tanquam quærens, & Gregorius tanquam respondens. multi etiam alij faciunt opera per modum dialogorum. Vocauit autem Cicero dialogum suum Brutum ex nomine vnus personarum, quæ ibi introducuntur loquentes: nam quærens est ibi Brutus; respondens autem est Scipio auus suus. *Deinde etiam illud attendendum.* Hic ponit quoddam documentum quod iam posuerunt in prologo isto, scilicet circa errorem nominum propriorum, quia quidam putant omnia esse propria virorum, cum tamen quedam sint propria montium, regionum, & urbium. *Quod frequenter nomina non vocabula hominum, sed rerum, ut dixi significantias sonant.* Nomina, id est nomina propria Hebræa: nam de appellatiuis versis in Latinum non est dubium nobis quid significant, & dicitur quod non sonant vocabula hominum, id est non significant appellationes, quibus homines solent appellari, sed rerum, id est rerum inanimatarum scilicet fluminum, regionum, & saltuum significantias sonant id est significant ista prædicta. *Ad extremum.* Idest, Vltimo notandum est, istud enim est vltimum notabile eorum quæ ponuntur hic, Et ad intelligentiam huius libri. *Quod omnis eruditio scripturarum in hoc libro continetur.* Idest tota scientia, vel intellectio scripturarum sacrarum continetur in hoc lib. Paralipomenon non est autem intelligendum, quod contineantur in eo omnia, quæ continentur in alijs libris: quia hoc manifeste est falsum, Etiam quæ

tunc liber iste esset superfluous cum repeteret omnia, quæ habentur in alijs libris, Non est etiam intelligendum, quod contineantur in isto libro in summa omnia, quæ continentur in alijs libris latè, nam de libris prophetalibus legalibus, & sapientialibus nihil omnino habetur hic, sed solum de historicis. Ideo potest intelligi, quod continetur in hoc libro eruditio tota scripturarum, id est omnium scripturarum historicarum: nam in libro isto Esdras suppleuit, & recollegit ea, quæ deficiebant in alijs libris omnibus historicis, quæ præcedunt istum: & etiam continuauit hic generationes, per quam continuationem aliqua, quæ videbantur obscura in historijs aliorum librorum videntur hic clara, & istum sensum sequitur litera sequens, cum dicit: Et historiæ, vel quæ prætermisæ sunt in suis locis, vel perstrictæ leuiter, hic per quedam verborum compendia explicantur. Alio modo potest intelligi, quod in isto libro contineatur omnis eruditio scripturarum non solum historicarum: sed etiam prophetarum, & sapientiarum, & non solum scripturarum veteris testamenti, sed etiam noui testamenti, & erit sensus, quod in hoc libro continetur omnis eruditio scripturarum, id est continetur quedam præambula, vel documenta, quæ faciunt ad hoc, quod nos simus intelligentes in omnibus scripturis historicis prophetalibus, & sapientialibus, & legalibus tam noui quam veteris testamenti, quia hic narrantur successiones generationum, & historiæ prætermisæ in libris Regum, & per ista soluantur quedam dubia quæ oriuntur in quibusdam libris historicis, & etiam in sapientialibus, legalibus, & prophetalibus vtriusque testamenti. Istum sensum tenet Hieronymus in epistola ad Paulinum. cap. 7. cum ait Paralipomenon liber talis ac tantum est, ut abique illo si quis scientiam scripturarum sibi voluerit arrogare, seipsum irideat, per singula quippe nomina iuncturæ quæ verborum, & prætermisæ in Regum libris tanguntur historiæ, & innumerabiles explicantur euangelij quæstiones. Et iste sensus videtur magis conuenire intentioni Hieronymi. *Et historiæ, quæ prætermisæ sunt in suis locis, vel perstrictæ leuiter.* Hic ponitur principalis utilitas huius libri, scilicet quod suppleantur historiæ, & istud est dupliciter, quia aliquæ historiæ in libris Regum, vel in alijs locis omnino mittebantur, de quibus nihil tangebatur, aliquæ autem tangebatur aliquid de historia, & tamen mittebantur quedam partes eius: vtroque modo fit hic suppletio. Patet de historijs primo modo, sicut est de quibusdam historijs, quæ habentur 1. Paralipomenon. 4. & 5. cap. sic est historia de bello Abiæ regis Iuda cum Ieroboam regis Israel, de qua 2. Paralipomenon. 13. sic est historia de pugna Asa regis Iuda contra Aethiopes, & de confirmatione fœderis cum Domino eo. lib. cap. 14. & 15. & historia Iosaphat regis Iuda contra Moabitas, Ammonitas, & Idumæos, quæ se mutuo occiderunt. eo. lib. cap. 20. Nulla enim istarum, & similium tangitur aliquo modo in libris Regum, aliæ autem, quæ tangebant in libris Regum tamen incòpletè, & istæ tangunt hic plenè, Sic patet de bello Ezechiae contra Sennacherib. 2. Paralipomenon. 32. & de destructione idolatriæ eius e. lib. cap. 29. & 30. & 31. sic etiam de operibus regis Oziae e. lib. cap. 26. & sic de multis alijs historijs, Et de hoc dicitur hic, quod explicantur historiæ prætermisæ, id est quæ omnino omisæ fuerunt, & perstrictæ leuiter, id est illæ, quæ semiplene enarratæ sunt, & dicitur, quod prætermisæ sunt in locis suis, id est in libris Regum, quia ibi ut còter est suppletio maior, quæ fit in aliquo libro, aliqua tamen historia suppletur hic, quæ fuerunt ante libros Regum, ut patet de quibusdam, quæ habentur 1. Paralipomenon. 4. & 5. quia illæ non fuerunt in diebus Regum, sed quedam eorum multo prius, & debebant illæ enarrari in libris Moyse, vel in libris Iosue, aut Iudicium. Hic per quedam verborum compendia explicantur. Idest, in hoc libro explicantur per verborum compendia, Idest,

Idest, sub paucis verbis: nam cōpendium est via brevis, & utilis, dispendium autem est via longa, & inutilis. Et dicitur hoc, quia hic ponendo vnam, vel duas dictiones suppletur interdum vna historia, quæ confuse habebatur in libris Regum propter defectum illarum particularum: & ideo dicitur supra, q̄ in hoc libro oblique sub interpretatione, & figura nominum quædam narrantur historiae, & hoc clarius dicit idem Hieronymus in epistola ad Paulinum cap. 7. scilicet, Paralip. talis ac tantus est, vt absque illo si quis scientiā scripturarum sibi voluerit arrogare, seipsum irideat: per singula quippe nomina iuncturaeque verborum prætermisæ in libris Regum tanguntur historiae.

Orationum itaque vestrarum adiutus auxilio, nisi librum beneuolis placiturum, tamen inuidis displiciturum esse non ambigo, Optima enim quæque, vt ait Plinius malunt contemnere plerique, quàm discere.

Orationum itaque. Hic ponitur quintum huius prologi, in quo ostendit, q̄ quamquam non dubitaret se in hoc opere multis displiciturum, tamen non dubitauit illud facere propter Domnionis, & Rogatiani orationes, & dicitur. *Orationum itaque vestrarum adiutus auxilio.* Loquitur ad Domnionem, & Rogatianum, ad quos dirigitur iste prologus, & dicit, quod adiutus orationibus eorum emendauit librum Paralip. & pōt dupliciter intelligi. Vno modo, quod auxilio orationum istorum adiutus, idest, incitatus ad faciendum, fecit istam emendationem, quia aliās non emendasset, sed quia isti nimis rogauerunt. Alio modo intelligitur, quod orationum istorum auxilio fecit, scilicet, quia Hieronymus formidabat ualde æmulos qui ei detraherent, quia volebat emendare septuaginta interpretes, & ne sustineret eorum latratus, cessare intendebat ab ista emendatione, nunc tamen credidit, quod meritis orationum Domnionis, & Rogatiani Deus compesceret linguas æmuloꝝ Hieronymi, vt non latrarent contra ipsum, sic enim accipit in prologo Galeato, dicens, Sed, & vos famulas Christi rogo vt contra latrantes canes, qui aduersum me rabido ore, desequiunt orationum vestrarum clypeos opponatis. Et ita accipiendum est hic. *Nisi librum beneuolis placiturum quem tamen inuidis displiciturum esse non ambigo.* Idest Ego scio librum istum solum placiturum esse beneuolis, qui solent omnia in bonam partem interpretari: & scio omnibus inuidis displiciturum esse, & tñ non dubito nec formido transferre librum, & emendare, vestrarum orationum auxilio confidens. *Optima enim quæque, vt ait Plinius, malunt contemnere plerique quàm discere.* Idest, Plinius dicit, quod plerique hominum habet hanc iniquam conditionem, quod in rebus optimis magis gaudeant despiciendo eas, & nolendo videre, quàm in addiscendo illas. Hoc autem euenit propter duo, primo enim euenit quibuscumque hominibus propter inuidiam, nam vident aliquas res bonas esse, quia tamen illæ factæ sunt ab aduersariis suis, vel illis, qui sequuntur illas, & honorantur, detestantur isti eas, quia inuidet suis aduersariis, & nolunt videri eis minores in hoc vel saltem conformes. Isto modo cōquerebatur Hieronymus de æmulis suis, quantum ad translationem, quam fecit de Hebræo in Latinum: nam aduersarij sui detestabantur, & maledicebant translationem illam in publico, & in secreto legebant eam; vt patet præcedenti prologo, scilicet, Obrectatoribus meis respondeo, qui canino dente me rodunt in publico detrahentes, & legētes in angulis. Secundo euenit hoc propter impotentiam, & paruitatem intellectus, & istud est valde commune: nam multi ho-

A minum immo fere omnes homines desiderant scire ea, quæ bona sunt, & difficilia, & quia plurimi hominum habent paruum ingenium, non possunt pertinere ad intelligendum ea, quæ altissima sunt, vel saltem non possunt sine magno labore, & ideo desistunt: & ne isti videantur frustrati tanto bono, & imperfecti propter defectum illius, & ex hoc tridentur, vel in cōspectu aliorum indicent se esse tristes, & imperfectos, incipiunt contemnere ista dicendo nulla esse, idest, nullius boni vel utilitatis: & sic quamquam careant illis non iudicant se carere aliquo bono, & sic non ostendunt se imperfectiores eis, qui ista sciunt. Hieronymus tamen accepit hoc in primo modo, quia de æmulis suis intelligebat, qui nollent librum istum quæ ipse emendabant legere, sed contemnebant eū quàmquam esset optima emendatio libri. Sciendum, quod iste Plinius fuit ille, qui fecit librum de naturali historia, in qua multos libros posuit, fuitque vir excellentis ingenij, & in multis peritus, vt eius opera manifestāt.

Quare Hieronymus non excusat se tantum contra æmulos suos hic, sicut alibi. Quæst. VIII.

Q V A E R I T U R quare Hieronymus non tantum excusat se contra æmulos hic respondendo eis sicut in alijs prologis librorū, quos transfert de Hebræo in Latinum, vt patet fere in omnibus prologis, scilicet, super Genes. & Iosue, & libros Regum, & in præcedenti prologo, & super Esdram, & super Iob, & fere in cæteris, in quibus maior pars prologi est æmulis respondere, & conqueri de eorum iniustis latratibus, immo ipse dicit in prologo super Iob: Cogor per singulos scripturæ diuinæ libros aduersariorum respondere maledictis. Et tamen in prologo isto modicum conqueritur de eis, nec curat respondere eorum dictis. Respondendum, quod non loquitur hic Hieronymus tantum contra æmulos suos, sicut in alijs prologis: & ratio huius est, quia non credebatur se tantum lacerandum, & maledicendum pro opere, quod nunc faciebat sicut pro alijs operibus, quibus præponuntur alij prologi: causa diuersitatis est, quia nunc Hieronymus non transferebat de Hebræo in Latinum: sed de Græco in Latinum emendans translationem septuaginta interpretum. Aemuli autem Hieronymi valde magis dolebant, quod ipse transferret de Hebræo in Latinum, quàm quod de Græco in Latinum, & quod emendaret literam interpretū, aliquo modo tamen dolebant, quod ipse nunc emendaret literam interpretum, vel faceret aliam translationem de Græco in Latinum præter illam, quæ iam facta erat, & ideo in prologo isto aliquid dicit Hieronymus contra æmulos, sed pauca, quia nunc ipse transferebat de Græco in Latinum emendando translationem septuaginta interpretum, pro quo æmuli non nimis dolerent, præcedens autem prologus scriptus fuit a Hieronymo quando transferebat Paralipo. de Hebræo in Latinum, & de hoc dolebāt grauissime æmuli: ideo posuit magnas querelas ibi contra æmulos, & responsiones multas ad maledicta eorum. Ratio autem quare æmuli dolebāt multum, quod transferret Hieronymus de Hebræo in Latinum, & nō tantum dolebant, quod transferret de Græco in Latinum emendando translationem septuaginta interpretum, est duplex. Prima est ex parte interpretum, nā isti æmuli Hieronymi zelabant valde gloriam interpretum nolentes, quod aliquis appareret gloriosior eis transferendo excellentius, & quia si Hieronymus transferret de Hebræo in Latinum ostenderet se gloriosorem interpretibus probando, quod aliqua illi ignorauissent quæ sunt de necessitate scripture, & sic facit in prologo super Gen.

In Præfationem secundam

qui incipit: Desiderij mei. & in prologo præcedenti ubi ostendit aliquas auctoritates veteris testamenti allegatas esse a Christo, & Apostolis, quæ in litera interpretum non habentur. Quod autem transferret Hieronymus de Græco in Latinum, non erat dolendum æmulis, quia in hoc sequebatur translationem interpretum. Quod tamen Hieronymus emendaret translationem illam, dicens eam corruptam esse tam apud Græcos, quam apud Latinos codices, aliquantulum dolendum erat, sed modicum, quia poterat hoc fieri sine præiudicio interpretum, scilicet, quod posset dici, quod corruptio illa non fuerat ab interpretibus, sed a librariis, qui postea transcripserunt, & sic dicit supra Hieronymus, si nec hoc septuaginta Interpretibus, qui spiritu sancto pleni ea, quæ vera fuerant, transtulerunt, sed scriptorum culpæ ascribendum est. & tamen secundum veritatem ista emendatio Hieronymi fiebat cum præiudicio interpretum, quia non solum Hieronymus emendavit ea, quæ corruerant librariis, sed etiam multa, quæ interpretes de hebraica veritate omiserant, supplevit Hieronymus de Hebræo, designans illa per asteriscos, & multa etiam, quæ interpretes addiderant, & non habebantur in Hebræo, Hieronymus corripit obelis illa designando, ut patet infra in litera, & tamen quia Hieronymus dissimulabat in hac parte, dicens errorem provenisse a librariis, & non ab interpretibus, ut patet supra, etiam æmuli dissimulabant, & non tantum dolebant. Secunda ratio diversitatis assumebatur ex parte æmulum: nam æmuli principales Hieronymi erant aliqui viri sapientes, ut patet in prologo super Genes. qui incipit. Desiderij mei cum loquitur ad æmulum dicens, Quid liuore torqueris? Quid imperitorum animos contra me concitas? In quo innuitur, quod æmulus principalis erat aliquis vir peritus, & tamen ipse concitabat multos imperitos, ut clamarent contra Hieronymum: isti autem principales æmulatores Hieronymi nolebant, quod videretur Hieronymus gloriosior eis: & tamen videretur gloriosior eis si faceret aliquid insolitum ab aliis fieri: ideo nolebant, quod Hieronymus faceret aliquid insolitum, & si conaretur facere, clamabant contra illum, quia vergebat hoc in eorum ignominiam: quod autem Hieronymus transferret de Græco in Latinum, vel etiam emendaret translationem septuaginta interpretum, quod maius erat, non erat aliquid insolitum, nam multi hoc fecerant, nam Origenes transtulit codices Palæstinos, Lucianus autem alia exemplaria fecit, & Hesychius alia, ut patet præcedenti prologo: & tamen omnes isti fundabant se super translationem septuaginta interpretum: quamquam ergo Hieronymus corrigeret literam interpretum, sicut omnes isti correxerant, non videbatur gloriosior antiquis: & consequenter non inferebat ignominiam modernis æmulis suis, qui etiam similes translationes facere poterant. Si autem Hieronymus transferret de Hebræo in Latinum volebat facere aliquid insolitum, & excedere gloriam antiquorum, cum nullus tam de Græcis quam de Latinis usque ad tempora Hieronymi transtulisset de Hebræo in Latinum, immo nec aliquis de Latinis, aut Græcis tempore Hieronymi nouerat linguam hebraicam. Vnde de Origene viro clarissimo dicit Hieronymus in libro de illustribus viris tanquam referens aliquid admirandum, quod tantum fuit studium eius circa sacram scripturam, quod etiam linguam hebraicam contra consuetudinem gentis suæ didicit. Si ergo transferret nunc Hieronymus de Hebræo in Latinum superaret omnes antiquos, & consequenter inferre videretur ignominiam modernis æmulis suis: ideo ipsi valde clamarent. Hieronymus autem sciens hoc quoadocunque transferebat aliquos

libros de Hebræo in Latinum, conquerebatur nimis de æmulis, & ponebat excusationes magnas contra eos: cum verò emendaret literam interpretum transferens de Græco in Latinum, non ponebat tam graues querimonias, & nec tam abundantes excusationes.

¶ Siquis in hac interpretatione voluerit aliquid reprehendere, interroget Hebræos, suam conscientiam recolat, videat ordinem textumque sermonis, & tunc nostro labori, si potuerit, detrahat. Vbiunque ergo asteriscos, id est, stellas radiare in hoc volumine videritis, ibi sciatis de Hebræo additum quod in Latinis codicibus non habetur. Vbi verò obelus transuersus, scilicet, virga præposita est, illic signatur quid septuaginta interpretes addiderunt, vel ob decoris gratiam, vel ob Spiritus sancti auctoritatem, licet in Hebræis voluminibus non legatur.

¶ Siquis in hac. Hic ponitur septimum huius prologi, in quo Hieronymus docet auferre dubitationis occasionem, & hoc facit dupliciter, primo per comparationem interpretationis Hieronymi ad literam Hebraicam. Secundò per officium obelorum, & asteriscorum ibi: Vbiunque ergo. Circa primum dicitur. Siquis in hac interpretatione voluerit aliquid reprehendere. Sciebat Hieronymus, quod multi vellent interpretationem eius reprehendere: ideo posuit eis modum per quem possent scire an iuste reprehendebant eum, & potest dupliciter intelligi litera ista. Primo quod Hieronymus ostendat in hoc tam beneuolis quam æmulis modum inquirendi veritatem in translatione ista. Nam aliqui essent viri beneuoli, qui tamen dubitarent an translatio Hieronymi vera esset, & pius erat istos erudiri ad hoc, quod scirent modum inquirendi veritatem, & posuit eis duos modos. Aemuli quoque dicerent, quod translatio ista erat nimis corrupta, & non esset aliquis, qui posset respondere pro Hieronymo: ideo posuit modum, quo inquireretur veritas translationis suæ: & istud erat tanquam responsio ad argumenta æmulum, quia cum aliquis æmulus argueret, beneuoli poterant respondere per istos modos, qui habentur hic. Secundum erat, quia Hieronymus noluit ostendere confidentiam suam, quia si æmuli suspicarentur, quod Hieronymus erat aliquantulum dubius circa translationem istam, quam fecerat an vera esset omnino, clamarent contra eum nimis tanquam contra non potentem se defendere. Si autem viderent eum confidentem esse circa interpretationem suam, suspicarentur eum fecisse cum magno studio, & non audent clamare contra eum, ideo ostendit confidentiam suam, dicens. Siquis in hac interpretatione voluerit quid reprehendere. Interroget Hebræos. Id est, interroget an habeatur sic in Hebræo, & cum viderit, quod sic habetur non poterit dicere me fuisse mentitum: sic enim probat in prologo super Genes. qui incipit: Desiderij mei, scilicet, si ubi in translatione tibi videor errasse interroga Hebræos diuersarum urbium magistros consule. Sic etiam in prologo Galeato ait, scilicet, Vbiunque inter se videris discrepare, interroga quemlibet Hebræorum, cui magis accommodare fidem debeas. Suam conscientiam recolat. Id est, perscrutetur conscientiam suam: hoc dicit, quod aliqui iniqui scientes translationem Hieronymi esse veram, accusabant eum, sicut illi, de quibus dicit prologo præcedenti, scilicet, Obtestatoribus meis respondeo, qui canino

canino dente me rodunt in publico detrahentes, & legentes in angulis. Et hoc dicit ad increpandum emulos valde, scilicet, quod non malignantur agentes contra conscientiam, accusando translationem Hieronymi. *Videat ordinem.* Scilicet, Ordinem, quem habuimus in procedendo in hoc libro. Fuit autem iste ordo in tribus, primo modo, quod ea, quæ erant in Hebræo & in litera interpretum eodem modo transferebat Hieronymus, sicut erat in litera interpretum: cum autem erat aliquid in Hebræo, quod non habebatur apud interpretes addebat illud Hieronymus assignans exterius asteriscos, & istud erat secundum, cum autem in litera interpretum erat aliquid plus quam in Hebræo, ponebat istud Hieronymus, ut non videretur ignorasse translationem interpretum, & tamen confodiebat illud obelis: ut appareret, quod non erat de veritate Hebraica, & istud erat tertium. Iste autem ordo erat convenientissimus in transferendo. *Textumque sermonis.* Vocatur textus contextura, vel colligatio sermonis per totum processum libri, & fuit artificiosa iunctura sermonis facta a Hieronymo, quia liber Paralipomenon ante ipsum erat corruptus nimis, cum non essent puncta posita in locis positis ad distinguendum sententias: quod maxime turbat lectoris ingenium ipse vero distinxit librum per versus, ut patet precedenti prologo, scilicet. Per versum cola digererem. & ista textura erat laudabilis. *Et tunc nostro labori, si potuerit, detrahatur.* Id est, consideratis omnibus istis quicunque fuerit quantumcunque æmulus, detrahat mihi, accusando me, si potest iuste in aliquo accusare. Hoc dicebat Hieronymus ex magna confidentia, sciens, quod nihil reperiretur, in quo posset ipse iuste reprehendi. *Vbiunque.* Hic ponitur secundum huius partis, ubi tollit dubitationis occasionem per officium asteriscorum, & obelorum, & istud fuit nimis necessarium. Nam cum in ista translatione Hieronymi essent aliqua, quæ ipse ponebat tanquam vera, & necessaria: alia autem tanquam dubia, necesse erat quod ista distinguerentur per aliqua signa, ne confunderetur intellectus lectorum, & ad hoc fecit asteriscos, & obelos, & dicitur. *Vbiunque ergo asteriscos, id est, stellas in hoc volumine radiare videritis.* Asteriscos, sicut dicit hic Hiero. est figura stellæ facta de rubro, & dicitur asteriscus ab astro, id est, stella, & dicitur radiare, quia ista est conditio stellæ. Competit autem asteriscis per metaphoram, quia sicut stellæ verè illuminant, ita asteriscus ponitur ad denotandum illud quod deficiebat in litera interpretum de veritate Hebraica, & additum fuit ad illuminandum intellectum lectorum: & dicitur in hoc volumine, scilicet, in volumine illo quod tunc scribebat Hieronymus emendans translationem interpretum: nam in volumine Paralipomenon quod nos nunc habemus: nullus est asteriscus, nec obelus, quia non est translatus de litera interpretum, sed de veritate Hebraica. *Ibi sciatis de Hebræo additum, quod in Latinis codicibus non habetur.* Id est, Asteriscus ponitur ad designandum multa, quæ Hieronymus supplebat nunc de litera Hebraica, & non habebatur in translatione interpretum, & consequenter nec in Latino, nec in Græco, cum libri sacri, qui tunc erant in Latino, & Græco, erant secundum translationem interpretum: & quod dixit hic Hieronymus, In Latinis codicibus non habetur, etiam intellexit de Græcis: nam idem defectus erat in Latino, & in Græco, cum in utroque idiomate esset translatio facta secundum literam interpretum: dixit tamen solum de Latinis, quia de defectu, & corruptione codicum Græcorum nihil attinebat ad præiens, cum ipse scriberet nunc Domnioni, & Rogatiano, qui erant Episcopi Latini, & volebant habere Paralipomenon in Latino. Et dato, quod non

A esset aliqua corruptio in Græco, dum tamen esset in Latino, oportebat quod fieret aliqua translatio, & emendatio, quam petebant Domnion, & Rogatianus. *Vbi verò obelus transversa, scilicet, virgula præposita est.* Istud erat aliud signum, quod ponebat Hieronymus. Est autem obelus virgula facta in modum sagittæ de rubro, & ponitur figura sagittæ, quia sicut sagitta est ad confodiendum, & occidendum, ita virgula illa, quam ponebat Hieronymus erat ad confodiendum literam, & significandum, quod erat superuacua. *Illic signatur, quod septuaginta interpretes addiderunt.* Aliqua enim addiderunt interpretes in translatione sua, quæ non erant in Hebræo. Ideo Hieronymus non accipiens illa tanquam authentica confodiebat ea apponens obelos. *Vel ob decoris gratiam, vel ob spiritus sancti auctoritatem, & in Hebræis voluminibus non leguntur.* Scilicet, Aliqua erant, quæ interpretes posuerant in translatione, quæ non erant in voluminibus Hebræis: & ponit duas causas quare illa fecerunt, scilicet, vel propter decorem, quia aliquando ea, quæ ipsi apponebant, faciebant ad decorem sententiæ. Vel propter auctoritatem spiritus sancti, scilicet, quia spiritus sanctus loquebatur in eis: & habebant auctoritatem ad addendum aliquid, quod spiritus sanctus eis inspiraret. De hoc tamen, quomodo haberent Spiritum sanctum, infra declarabitur.

Quare Hieronymus transtulerit Bibliam de Græco in Latinum. Quæst. IX.

QVÆRITUR ad quid Beatus Hieronymus transtulit Bibliam de Græco in Latinum emendando translationem interpretum, & etiam transtulit de Hebræo in Latinum: quia una translatio istarum videbatur superflua, quia quæcunque earum sufficiebat cum vera esset, & emendata. Respondendum, quod Hieronymus transtulit de Græco in Latinum, & etiam de Hebræo in Latinum: & hoc saltem, quantum ad librum Paralipomenon, ut probatum est infra quæst. huius prologi. Et dicendum, quod si Hieronymus transtulisset prius Bibliam de Hebræo in Latinum superfluum erat, quod transferret de Græco in Latinum emendando translationem interpretum. Prius tamen transtulit de Græco in Latinum, ut patet precedenti prologo ubi loquitur de translatione, quæ facere debebat de Hebræo, & ait: Memini editionem septuaginta translatorum olim de Græco emendatam tribuisse me nostris, id est, Latinis: & ibi subditur quomodo faciebat iterum translationem de Hebræo, scilicet, in Latinum, & tamen quando Hieronymus correxit Paralipomenon secundum translationem interpretum precibus Domnionis, & Rogatiani non cogitabat transferre aliquando de Hebræo in Latinum, & quia codices Latini erant nimis corrupti, voluit Hieronymus eos aliquantulum emendare, & ad hoc transtulit de Græco in Latinum, emendando translationem interpretum. Sed tunc dicitur si ista emendatio, quam tunc fecit Hieronymus esset vera, ad quid faciebat translationem de Hebræo in Latinum? Dicendum, quod Hieronymus transtulit de Græco in Latinum utendo leui remedio, forte ut non concitaret nimis contra se animos æmulorum, qui valde latrarent, si Hieronymus transferret de Hebræo in Latinum, & non tantum dolerent, si emendaret translationem interpretum, ut probatum est supra in quadam quæstione: nunc autem iussus a Chromatio Papa transferre de Hebræo in Latinum, ut precedenti prologo, non formidavit clamores æmulorum, & transferre cepit de Hebræo in Latinum. Motiui autem fuit duplex, primus erat, quia licet Hieronymus correxisset librum Paralipomenon de Græco

In Præfationem secundam

in Latinū ad preces Domnionis, & Rogatiani, tamen F iam corruptus erat liber ille, & indigebat alia emēdatione, vel de Græco in Latinum, sicut prius fuerat, vel de Hebræo in Latinum: & ista secunda vsus est: quia efficacior erat. Secundum fuit, quia dato, quod maneret liber ille emendatus adhuc apud Domnionem, & Rogatianum, tamen conueniens erat transferri de Hebræo in Latinum, quia in translatione ista potuerat Hieronymus illa, quæ interpretes addiderant, & non habebantur in Hebræo, & illa erant apocrypha: ideo superfluum erat scribere in sacra scriptura, potissimè quia in multis locis errant: & non videbantur necessaria, sed potius impediencia, cum autem transferretur de Hebræo in Latinum, nihil poneretur, nisi quod esset secundum veritatem Hebraicam, & sic nihil superfluum esset aut diminutum, fuit ergo bonum transferri de Hebræo. Tertium erat quia Hieronymus volebat auferre occasionem errandi lectoribus scripturæ, & tamen si maneret liber Paralipomenon, & alij libri in illa correctione, quam fecerat Hieronymus de Græco in Latinū, daretur magna occasio errandi, quia in translatione ista erant ad significandū asterisci, quæ deficiebant de translatione interpretū, & erant in Hebræo, & obeli ad confodiendū, quæ habebantur apud interpretes, & non in Hebræo. Poterant autem librarij errare circa istos asteriscos, & obelos dupliciter. Primo si aliquando omitterent asteriscos, & obelos, quia tūc putaretur omnia illa esse in Hebræo, & in translatione antiqua interpretum, & utrūque falsum esset, quia illa ubi deficiebant asterisci, non erant in translatione antiqua interpretum, & illa ubi deficiebant obeli non erant in Hebræo. Esset etiam error grauis, quia in translatione ista Hieronymi de litera interpretum ubicunque non erant asterisci nec obeli, erat signum, quod concordabant interpretes cum Hebræo, ideo litera illa erat certissima, nunc autem contingeret aliquam literā, quæ deberet esse insignita obelis, & non erat, putari esse veram, & haberi in Hebræo, & assereretur tanquā certa, & esse falsam. Secundus modus errandi erat, quia scriptores poterant errare interdum quamquam ponerent asteriscos, & obelos ponendo eos extra loca sua: utpote si ponerent asteriscos, ubi debebant esse obeli: & iste esset error grauis, quia tunc illa, quæ erant vera, & erant in Hebræo putarentur falsa, & superflua cum haberent obelos: & illa, quæ erant superflua in litera interpretum putarentur esse necessaria, & haberi in Hebræo, quia habebant asteriscos, & essent falsa. Alius error erat, quia dato, quod librarij interdum ponerent asteriscos, & obelos in locis suis: & esset scriptura verissima nos tamen scientes, quod scriptores interdum errant: nesciremus an errauissent in assignatione asteriscorum, & obelorum, & esset nobis scriptura dubia: & sic esset nobis inutilis ac si non haberemus eam, cum per eam nihil auderemus affirmare. Quartum motiuum, & principale erat, quia Hieronymus nondum transtulerat omnes libros de Græco in Latinum corrigendo eos per asteriscos, & obelos: nam sacros legitur hoc modo emendasse solum, scilicet, librum Paralipomenon ut patet in isto prologo, & librum Iob: ut patet in quodam prologo super Iob, qui incipit. Si autē fiscoellam. Oportebat autem, quod cæteros libros veteris testamenti Hieronymus transferret de Hebræo in Latinum, vel emendaret transferendo de Græco in Latinum: cum omnes libri translationis interpretum essent corrupti, ideo voluit potius transferre de Hebræo in Latinum, tamen quia minoris laboris erat, quia paucior scriptura erat, eo quod non poneretur ibi id, quod addiderant interpretes super literam Hebraicā, nec etiam poneret asteriscos, & obelos, erat etiam

translatio vtilior, quia non poterat sic corrumpi facilliter, sicut translatio habens asteriscos, & obelos. Nam difficile erat a nostris librarijs obseruari diligenter istos asteriscos, & obelos: ob hoc enim iam perijt in vsu omnium Latinorum opus illud mirabile magni ingenij laboris, & vtilitatis, quod excogitauit Ammonius, faciendo decem canones Euangeliorum: nam propter creberrimos numeros, & inscriptiones factas exterius de rubro, librarij nostri errabant tam in numeris, quā in locis ubi erant ponendi numeri, & sic omnia vitiabant, ideo iam non vtimur illis canonibus, & quasi in nullis Biblijs annotantur, & cum Hieronymus nunc transtulerit de Hebræo in Latinum, non solum transtulit illos libros, quos non conuerterat de Græco in Latinum, secundum translationem interpretum, sed etiam illos quos correxerat, scilicet, librum Paralipomenon, & Iob. Ideo istos libros bis scripsit, apud nos tamen nunc non habentur, nisi illi qui de Hebræo in Latinum translati sunt.

Quare Hieronymus vsus est asteriscis, & obelis in translatione de Græco in Latinum, & in alia non. Quæst. X.

QUÆRITUR vltcrius cum Hieronymus transferret de Græco in Latinum secundum translationem interpretum quare vsus est asteriscis, & obelis, & in translatione illa, quam fecit de Hebræo in Latinum nec asteriscos, nec obelos posuit? Respondendum de translatione facta de Hebræo in Latinum, quod non oportuit in ea esse asteriscos, & obelos, quia asterisci sunt ad notandum aliquid quod prius deficiebat, & erat de necessitate: Obelus autem est ad notandum aliquid, quod superfluum erat, & ideo istud nunquam potest fieri, quando aliqua translatio de nouo fit ex unico exemplari, quia ista ponuntur ad faciendum differentiam scripturæ anteq̃ emendetur, & postquam emendata est. Nunc autem in translatione, quæ fiebat de Hebræo in Latinū nihil ponebatur, nisi id quod erat in Hebræo, & de illo diminuebatur, ideo non poterat ibi poni obelus, quia obelus est ad confodiendum ea, quæ superflua sunt, & tamen in Hebræo nihil est superfluum, sed pura veritas cum sit primum originale scriptum ab ipsis Prophetis. Etiam non potest poni ibi asteriscus, quia ille est ad significandum ea, quæ deficiebant, in Hebræo tamen nihil deficiebat, & in translatione cum nouiter fit, nihil deficit, cum nouiter esse incipiat, ideo nihil istorum poterat poni ibi, & ob hoc etiam interpretes non posuerunt asteriscos, & obelos in translatione sua, quia nouiter fiebat. Sed Origenes introduxit istum modum in sacra scriptura ad corrigendum translationem septuaginta interpretum mittendo cum cum editione Teodotionis, ut patet in prologo præcedenti: & in prologo super Genes. qui incipit. Desiderij mei. De translatione autem, quā emendauit Hieronymus transferens de Græco in Latinum secundum literam interpretum dicendum, quod indigebat asteriscis, & obelis, quia in illa erat aliquid, in quo concordabat litera Hebraica cum litera interpretum, & illud ponebat sine signo. In quibus autē ponebatur aliquid superfluum in litera interpretum super literam Hebraicā, ponebat obelus. Vbi autem erat aliquid in Hebræo, quod deficiebat in litera interpretum, ponebatur asteriscus ad significandum esse superadditum. Si autem non ponerentur ista signa exterius, non appareret quæ essent superflua, vel quæ diminuta, sed oīa crederentur æqualiter esse de veritate hebraica, & nihil defecisse in translatione interpretum, & ista falsa erant: ideo oportuit poni asteriscos, & obelos in translatione ista emendata de Græco in Latinū.

Quare

Quare Hiero. in translatione de Græco in Latinum posuit asteriscos, & obelos: nā hoc non videbatur necessarium. Quæst. XI.

QUÆRITUR ulterius ad quid Hiero. voluit sic facere, ut necesse esset poni asteriscos, & obelos in translatione illa, quā faciebat de Græco in Latinū, quā potuisset eā facere sine obelis, & asteriscis, & convenienter esset, utpote si fecisset, quod solum esset in illa id, quod habebatur in hebræa, quia tunc non oporteret ibi poni asteriscos, vel obelos: Immo nec poterat poni, quia in hebræo nihil est diminutū, nec superfluum. Rūndendum, quod Hiero. poterat facere translationē istā, & emendationem tripliciter. Vno modo, quod trāferret de Græco: & tñ nihil poneret, nisi id, in quo cōcordabat litera hebraica cū litera interpretū, & nihil adderet ad literā interpretum, quā plus haberet in Hebræo. Secundo modo, quod transferret oīa, in quibus cōcordabat litera interpretū cū litera Hebraica, & non poneret ea, quæ superabundabant in litera interpretū, & tñ poneret ea, quæ deficiebant de litera interpretū, & hēbatur in Hebræo. Tertio, quod poneret oīa, in quibus cōcordabāt lra interpretū, & hebræa, & ēt illa, quæ deficiebant in lra interpretū, & habebant in Hebræo, & illa quæ habebant in lra interpretū super literā hebraicā. Primo transferendo, pō erant necessarii aliqui asterisci, & obeli: immo nec poterant poni, quā in Hebræo nihil est superfluum, nec diminutū, & tñ iste modus nō poterat stare, quia quā bonus modus transferendi ēt: tñ nō erat trāferre de lra septuaginta interpretū ī Latinū, sed magis de Hebræo in Latinū: Hiero. tñ dicit se fecisse primā trālationem sūm lram interpretū. Scdō patet, quā Hiero. nō solum trātulit lram 70. interpretū, sed ēt emēdauit, cū dicat pcedenti prologo, quod tradidit translationē 70. interpretū emendatā de Græco in Latinū: emendatio autē cōtinet additionē, & subtractionē, & tñ hic nō addebant necessaria, quæ deficiebant de veritate hebraica: ideo nō vocaret trālatio emēdata. Tertio patet, & efficacius, quā ista translatio nō erat bona, nec ēt poterat dici sūm lram hebraicā, nec sūm interpretes. Primū patet, quā ista trālatio erat defectuosa, quā nō cōtinebat quiddam erat in Hebræo, & illud erat de substantia Scripturæ sacræ, & ista est cā, & fundamentū arguēdi Hiero. 3. interpretes ad probandū, quod adhuc post trālationē interpretū erat necessaria sua translatio de Hebræo in Latinū, ut patet pcedenti prologo, & in plogo sup Gen. q. incipit: Desiderij mei: nō ergo faceret Hiero. talē trālationē, qualē ab alijs factā redarguebat. Quod autē ista translatio nō diceret facta de Hebræo, nec de lra interpretū patet, quā ad hoc, quod fieret de Hebræo, oporteret quod pteriret quiddam erat in Hebræo, aliās nō diceret sūm hebraicā veritatē, & tñ si nō contineret quiddam erat ī hebræo, ēt non diceret translatio sūm lram interpretū, quia nō pteriret quiddam in illa erat: non ergo fuit iste modus pueniens. Scdōs modus erat, quod ponerent oīa, ī quibus cōcordabāt lra interpretū, & hebræa, & ēt illa, quæ erāt in Hebræo, & nō habebant in lra interpretū: iste modus cōueniens erat, quā trālatio vera erat, & perfecta cum cōtineret quiddam erat in hebræo, & tñ nō diceretur sūm lram interpretū, sed sūm veritatē hebraicā, eo quod cōtinebat quiddam erat in hebræo, & tñ nō pterinebat quiddam erat in trālatione interpretū, & isto modo si vellet Hiero. ponere sine asteriscis, adhuc nō videret trālatio ista pterire ad lram interpretū. Si autē poneret asteriscos quā ad id, quod erat in hebræo, & nō erat in lra interpretū, & nihil poneret de eo, quod superabundabat lra interpretū sup lram hebraicā, vī correxisset lram interpretū addendo oīa, quæ deficiebant, & auferendo ea, quæ superflua erāt, tūc esset trālatio hīs asteriscos, & nō obelos, & hoc nō cōplebat adhuc trālationem interpretum. Si autem ponendo quod dictum est non asteriscos non videretur correxisset literam interpretum, Alph. Tost. In Lib. I. Paralip.

A sed transtulisse de Hebræo: nihil enim differt translatio illa ab ista translatione, quā nos hēmus. Tertius modus erat, ut ponerentur oīa in quibus cōcordabāt lra interpretū, & Hebræa, & quod erat in Hebræo, & deficiebat in lra interpretū, & quod superabundabat in lra interpretū, & non hēbatur in Hebræo, tūc aut ponerentur asterisci, & obeli, aut non, si non ponerent sequeretur magis cōfusio, quia putarentur oīa esse similia, s. oīa esse equaliter vera, vel certa, & oīa esse in Hebræo, cum non poneret aliquod signum distinctiuū, & hoc erat cōfundere scripturā. Secundum incōueniens erat, quia Hieron. nunc transferebat, & emendabat, in translatione autē emendata auferuntur superflua, & addunt quæ deficiebant, & tñ hic non tollerentur superflua cū manerēt in lra, & non poneretur aliquod signū ad iudicandū illa esse superflua. Dicendū ergo, quod ad hoc, quod Hiero. transferret, & emēdaret lram interpretū, oportuit, quod poneret quæ erat cōcordia in litera interpretū, & Hebræa, & ēt poneret ea, quæ hēbantur in Hebræo, & deficiebant in lra interpretū, quia in hoc potissimum cōsistebat correctio, ista aut, quæ erant superaddita poterāt esse sine asterisco, quia ēt si non poneret aliquod signū, non sequeretur incōueniens, debuit tñ poni asteriscus, ut significaretur, quod litera erat emendata, & quod deficiebat illud de trālatione, quæ fecerant interpretes. Etia debuit poni id, quod superabundabat in lra interpretū super lram Hebraicā, quā quæ nō esset illud de necessitate scripturæ, nō debāt deleri oīno, ut sciret, quid erat illud, quod scriperāt interpretes. Etia quā dato, quod non faceret tantā fidē, sicut sacra Scriptura, quæ hēbatur in Hebræo, tñ faceret saltē fidē, sicut dictū vnius doctoris. Motiuū tñ præcipuū erat, ut videret, quod illa erat trālatio interpretū emēdata, & quā ista pars supfluebat, debāt designari obelo, ut sciret nō esse de integritate sacræ Scripturæ, & sic nō potuit Hiero. pueniēter emēdare translationē interpretum de Græco in Latinū, sine asteriscis, & obelis. An septuaginta interpretes habuerint spiritum Sanctum in transferendo. Quæst. XII.

QUÆRITUR ulterius quō dī hic, quod septuaginta interpretes pp auctoritatem Spiritus sancti addiderunt aliquid in translatione sua, quod non hēbatur in Hebræo, & an habuerint spiritum Sanctum in transferendo. Aliquis dicet, quod sic, cum hic dicatur, quod addiderunt pp auctoritatem Spiritus sancti. Item quia supra dī, quod error in translatione non est ascribendus interpretibus, qui Spiritu sancto pleni ea, quæ vera erant, transtulerunt: sed scriptorum culpæ ascribendum est. In 3.rium vī, quod non habuerint spiritum sanctum in transferendo, quia ipse Hiero. increpat quosdā, dicentes interpretes, pphetice transtulisse, ut patet in plogo sup Gen. q. incipit, Desiderij mei, cum ait, sed in vna basilica congregatos pūlisse, scribāt, non pphetasse. Aliud. n. est vatē, aliud est esse interpretē. Rūndent quidam, & sic tenēt expositores plogorū, quod nō habuerūt septuaginta interpretes Spiritū sanctū, & quod Hiero. dixit hic ironice eos habuisse Spiritū sanctū, sed ista positio non stat, quā si Hiero. diceret hoc ironice, manifeste irrideret interpretes, & tñ ipse canet hoc nimis, quia emuli sui obiciebant sibi hoc, quod ipse inuidebat interpretibus, & damnabat eos, & ipse conatur se defendere excusando se multis rōnibus, quod nō inuideat eis, nec dānet illos, ut patet hic, & in pcedenti prologo, & in prologo super Gen. & in prologo super Iosue, & in plogo Galeato, & in prologo super Iob, & fere in oībus plogis, nō ergo dicit ironice. Secundo patet, quia hoc repugnat intentioni lre, quā supra dicit de magna corruptione, quæ erat ī trālatione interpretū ī codicibus Latinorū, & Græcorū & subdit, quod nō est ascribendū interpretibus, quod Spiritu sancto



In Praefationem secundam

sancto pleni, quæ vera erant transfulerunt. Sed scriptorum culpæ ascribendum est, si tamen diceretur ironice, intelligeretur totum per contrarium, scilicet quod non habebant Spiritum sanctum, nec etiam quæ vera erant, transfulerunt. Et tunc est duplex inconueniens. Primum, quia ipsemet Hiero. testatur vere eos, & pure scripsisse, ut patet in prologo precedenti, dicens. Si septuaginta interpretum pura, & ut ab eis in Græcum versa est editio permaneret, frustra Chromati me impelleres, ut Hebræa volumina Latino sermone transferrem, secundum inconueniens est, quod non poterit intelligi, nec stare in veritate litera præcedens, in qua dicit Hiero, quod non accidit ille error culpa interpretum, sed scriptorum, qui de inemendatis inemendata scriptant, & tamen si legatur ironice est sensus, quod culpa interpretum accidit, & tunc non poterit poni culpa ista scriptoribus, quæ est manifeste contra literam.

Dicendum ergo, quod non loquitur Hiero. ironice, sed secundum veritatem, quod interpretes haberent spiritum sanctum, quando transfulerunt.

Sed tunc manet difficultas, quæ prius allegabatur, & ad hoc dicendum, quod spiritus sanctus nunquam accipitur pro persona spiritus sancti, quoniam dicitur, quod in aliquo est spiritus sanctus, quia sic accipiendo in quolibet homine est, & etiam in demone, & quocumque ente, cum deus sit ubique, & spiritus sanctus est una personarum diuinarum, & ubi est una est alia, immo una est in alia, sicut dixit Christus, ego in patre, & pater in me est: Io. 14. sed intelligitur de aliquo dono dato a spiritu sancto, & istud potest esse multiplex, cum Isaias ponat septem dona spiritus sancti in generali, qui vocantur septem spiritus. Isai. 11. & sic per multos annos potest aliquis habere spiritum sanctum, in proposito tamen dupliciter accipitur spiritus sanctus.

Spiritus sanctus dupliciter accipitur.

Vno modo pro spiritu prophetia, alio modo pro dono sapientia. Primus vocatur spiritus Dei, quia spiritus propheticus a deo est. Nam dicitur manus domini fieri super aliquem quoniam propheta, ut dicit de Eliseo, quod facta est super eum manus Domini cum caneret psalmes 4. Reg. 3. De sapientia etiam patet, quod sit spiritus sanctus, quia ponitur Isai. 11. inter septem spiritus, & illi sunt a deo, & patet magis, quia Eccl. primo, dicitur, omnis sapientia a domino deo est. Accipiendo spiritum sanctum pro spiritu prophetico, dicendum quod non habuerunt spiritum sanctum, quando scribebant: nam non est concedendum eos prophetas fuisse, nec prophetice scripsisse. Quod patet, quia si Hiero. concederet istos scripsisse prophetice diceret eos tantæ auctoritatis, sicut prophetas illos, qui sacram scripturam scripserant a principio, & sic tantæ auctoritatis esset id, quod isti superaddiderunt, sicut id, quod ipsi scripsissent, ideo sicut non poterat dubitari de veritate Hebraica, ita nec de eo, quod interpretes addidissent, dubitari posset, quin esset a deo dictum, & sic ambo scriberentur. Hiero. tamen dubitabat de illo, quod superaddiderunt interpretes, an verum esset, ideo quoniam correxit translationem interpretum, designauit obelis id, quod illi superaddiderant, & tamen obelus confodit, & annihilat. Et non solum Hiero. tenuit istud, sed etiam Origenes, qui quoniam miscuit translationem interpretum editioni Theodotionis, posuit obelos in eo, in quo litera interpretum superabundabat ad litteram Theodotionis, & tamen nullo modo posuisset si crederet illud superadditum verum, & firmum esse, & a spiritu sancto superadditum. Et non solum dubitauit de hoc, immo vix tenuisse, quod non habuerint spiritum prophetia, quia alias non ausus fuisset ponere obelos in opere eorum. Hoc patet prologo precedenti, & in prologo super Gene. qui incipit. Desiderii mei. Hiero. autem manifeste affirmat, quod non fue-

runt propheta in prologo super Gene. cum ait. Aliud est enim vatem, id est prophetam, & aliud est esse interpretem. Accipiendum ergo est spiritum sanctum, secundo modo pro dono sapientia. Et tunc verum est, quod isti interpretes erant pleni spiritu sancto, quia habebant magnam sapientiam legis, quæ a spiritu sancto est. Et sic intelligitur, quod supra dicitur, quod non est ascribendus error in corruptione scripturæ interpretibus, qui spiritu sancto pleni ea, quæ vera erant, transfulerunt, id est pleni spiritu sapientia, quia cum essent sapientes nimium, & potissime, quia erant septuaginta viri simul diligentissime disputantes, & laborantes ad faciendum istam translationem, non erat verisimile, quod ipsi eam tantum vitarent. Sic etiam intelligitur, quod dicitur hic, scilicet quod isti interpretes addiderunt aliqua ob spiritus sancti auctoritatem, quæ in Hebræis voluminibus non leguntur, id est propter auctoritatem sapientia magnæ, quæ erat a spiritu sancto addiderunt aliquid: nam isti interpretes non solum legem transferebant, sed etiam eam claram reddere volebant regi Ptolomeo, & ad hoc in quibusdā locis addiderunt aliquid ad declarationem eius, & hoc fuit propter auctoritatem spiritus sancti, id est sapientia sibi datæ, quia sic doctores, qui sunt viri sapientes possent aliquid addere ad sacram scripturam per modum expositionis, & hoc laudabile est, immo sacra scriptura hoc nimis laudat, ut patet Eccl. 24. Qui elucidant me, vitam æternam habebunt.

H Quare septuaginta interpretes voluerunt aliquid addere, & aliquid subtrahere in translatione sua. Quæst. XIII.

Q VÆRITUR vltius quare septuaginta interpretes voluerunt aliquid addere, & aliquid subtrahere in translatione sua de eo, quod habebatur in veritate Hebraica. Aliquis dicit, quod interpretes nihil addiderunt, vel subtraxerunt, sed transfulerunt plane iuxta Hebraicam veritatem, & tamen postea varii scriptores addiderunt, & subtraxerunt de translatione interpretum, ut eis visum est, & ipsi fecerunt istud. Sed dicendum, quod non stat, quia Hiero. dicit hic, quod asteriscus positus in emendatione sua super septuaginta interpretes significat id, quod non habetur in litera interpretum, & additum fuit de Hebræo. Obelus autem significat id, quod septuaginta interpretes addiderunt. Item patet hoc, quia Hiero. asserit istud in prologo super Gen. qui incipit. Desiderii mei, & introducit ibi causas secundum Hebræos quare interpretes addiderint, & subtraxerint aliquid de Hebræo. Item patet, quia licet vitio librorum corrumpere litteram interpretum quantum ad aliquam notam Hebræam, quæ diuidebatur, vel copulabatur in vnum, tamen librorum non addebant aliquid a seipsis, nec subtrahabant, sed viri sapientes hoc faciebant, & isti fuerunt illi, qui fecerunt varia exemplaria, scilicet Origenes, Lucianus, & Hesychius, ut patet precedenti prologo, & tamen antequam scriberet Origenes, aut aliquis de illis erat in littera interpretum plusquam in Hebræo, & aliquid minus, & ob hoc cum misceret translationem interpretum editioni Theodotionis posuit asteriscos, & obelos, scilicet asteriscos, ubi aliquid habebatur in Theodotione, & non in litera interpretum, & obelos, ubi aliquid erat interpretum, & non in Theodotione, & hoc, quia Theodotion transtulit ex Hebræo sensum ex sensu, vel verbum ex verbo in plerisque. Non est, ergo negandum quin interpretes in translatione, quæ fecerunt interdum aliquid addiderint secundum veritatem Hebraicam, & interdum aliquid subtraxerint. Sed tunc dicendum, quod de editione causa manifesta est, scilicet quod fecerunt hoc ad declarandum: nam scriptura, in quibusdā locis obscura erat, & ipsi propter auctoritatem sapientia suæ volentes eam reddere mani-

manifestam Ptolomæo regi, addiderunt in quibusdam. Et tangit hic duas causas Hiero. scilicet quod fecerunt propter decorem, vel propter auctoritatem Spiritus Sancti: De decore patet, quia in aliquibus locis sacre Scripturæ additis quibusdam pulchrior apparet sententia, quam non additis. De Spiritu Sancto iam declaratum est, quod erat spiritus sapientiæ, & propter auctoritatem sapientiæ competeat eis manifestare ea, quæ erant in scriptura, aliquid addendo. De subtractione autem non apparet manifeste, quare fecerint, nec apparet aliqua causa ita rationalis ad subtrahendum aliquid de sacra Scriptura, sicut ad addendum illud. ideo Hiero. non ausus est dare causam quare interpretes tacuerint aliquid de eo, quod erat in scriptura, ut patet in prologo super Gen. qui incipit, Desiderii mei, ubi cum probauisset, quod deficiebant aliqua de litera interpretum subdit, dicens causas autem erroris, idest subtractionis exponere non est meum, refert tamen se Hieronymum. ibidem ad Hebræos, qui dixerunt causam eius fuisse ad honestandum legem, ne videretur in oculis Ptolomæi pro quo transferebatur continere aliquem errorem, scilicet ne reperiretur in ea multiplex deitas, cum ipse Ptolomæus cultor esset vnius Dei. Sic enim ait ibidem: Iudæi prudenti factum dicunt esse consilio, non Ptolomæus vnius Dei cultor etiam apud Hebræos duplicem diuinitatem deprehenderet, quod maxime idcirco faciebant, quia in Platonis dogma cadere videbatur. denique ubi sacrum aliquid scriptura testatur de patre, filio, Spiritu sancto, aut aliter interpretati sunt, aut omnino tacuerunt, ut regi satisfacerent, & arcanum fidei non vulgarent. Et sic Hiero. etiam tenet positionem istam Hebræorum cum confirmat eam, dicens, quod ubique dicebatur aliquid de Patre Filio, & Spiritu sancto, aut aliter interpretati sunt, aut omnino tacuerunt, & tamen manifestum est, quod istud non erat, nisi ad occultandam deitatem, & est causa satis verisimilis. Aliqua autem alia loca sunt, in quibus interpretes subtraxerunt, vel mutauerunt, in quibus manifeste non sequebatur pluralitas Deorum, & tamen videbatur sequi indirecte error saltem in oculis Ptolomæi viri gentilis, cui translatio ista fiebat, ideo mutauerunt, sicut in illo Osee 11. Puer Israel, &

A dilexi eum; & Ex Aegypto vocaui filium meum, interpretes tamen transfulerunt, ex Aegypto vocaui filium eius, ne videretur, quod Deus habebat filium, quia tunc poneretur multiplex deitas. Sic etiam in illo, quod habetur Zach. 2. cum dicit litera nostra: Aspiciam ad me, quem confixerunt, & non habetur sic apud interpretes, ut ait Hiero. prologo precedenti, & in prologo super Gene. & forte, quia ex hoc videbatur innui, quod Deus plagatus esset, & confixus ab Hebræis, in quo sequebatur Deum passibilem esse, & corporeum, quod videbatur scandalosum dici, & ridiculum oculis alicuius, qui philosophiam intueretur, qualis erat Ptolomæus, qui circa philosophiam nimis versabatur, & mox, ut interpretes iuerunt ad ipsum de Iudæa in Alexandriam cepit querere ab eis naturales questiones, ut ait Iosephus 12. Antiqui. & sic etiam faciebant omnes Græci, qui dediti erant sapientiæ, ut ait Apostolus infra ad Corinth. primo. scilicet Iudæi signa petunt, Græci vero sapientiam querunt. Et sic si poneretur aliquid in lege Hebræorum, quod repugnaret actioni naturali, vel saltem videretur repugnare, Græci contemnerent talem legem tanquam erroneam: sic enim patet de Christo crucifixo, quem Paulus predicabat esse Deum, & Græci audientes hoc iudicabant esse stultitiam, quod homo qui suspensus fuerat in patibulo esset Deus, sic patet infra ad Corinth. 1. scilicet Nos predicamus Christum crucifixum: Iudæis, quidem scandalum, gentibus autem stultitiam. Si etiam fuit cum Paulus predicaret Athenis, & diceret de resurrectione mortuorum irriserunt eum, dicentes eum esse seminiuerbium, quia predicabat resurrectionem, quæ videbatur contra rationem naturalem, quam nec aliquis philosophus concessit. De hoc Act. 17. & verum est, quod potentia puri agentis naturalis non sufficit ad causandam resurrectionem, & ita philosophi intelligebant, & tamen agens supernaturale sufficit ad hoc. Ipsi vero nunquam credebant aliquam actionem esse super naturalem, cum nullam unquam vidissent, ideo dicebant resurrectionem esse contra naturam. Talia igitur, quæ videbantur posse offendere, intellectum Ptolomæi regis, si scriberentur in lege, interpretes tacuerunt, aut aliter illa posuerunt.



ALPHONSI TOSTATI EPISCOPI ABVLENSIS

IN LIB. PRIMVM PARALIPOMENON
Commentaria.



CAPVT PRIMVM.

ADAM, Seth, Enos, Cainam, Malaleel, Iared, Henoch, Mathusalem, Lamech, Noe, Sem, Cham, & Iapheth.



ADAM. Hic incipit liber Paralipomen. qui licet secundum Hebræos liber vnicus sit, apud Latinos tamen, & Græcos in duos diuisus est, cuius causam assignat Hieronymus in prologo præcedenti. Est autem liber iste suppletivus eorum, quæ deficiunt in aliis libris scripturæ, quæ fuerunt ante istum, & potissimè in libris Regum. Regnum autem apud Hebræos habuit se dupliciter, quia primo fuit vnicum, scilicet tēpore Saulis, David, & Salomonis, postea fuit diuisum in duo regna tempore succedentium Regum: ideo primo agitur hic de regno Hebræorum vnico. Secundo de eodem regno diuiso in secundo libro. Prima pars diuiditur in duas, quia cum regnum Hebræorum, quasi visum fuerit incipere in David, qui fuit primus rex de domo Iuda, in qua tribu semper postea mansit re-

Fgnum, ponitur hic enarratio de David, & diuiditur in duo, quia primo ponitur de eius progenie. Secundo de eius variâ operatione, infra decimo capitulo, vbi incipiunt historiæ, & quia David descendit ab istis patribus antiquis, scilicet Abraham, Isaac, & Iacob, qui fuerunt in fide Dei, intendit scriptura narrare, quomodo descenderit David ab istis, & occasione huius ponitur, quomodo isti Sancti patres descenderint ab Adam per alios sanctos viros, scilicet Seth, Henoch, & Noe, & de his agitur in capitulo primo, & de omnibus sequentibus generationibus, vsque ad Iacob, quia vsque ad eum non fuit aliqua generatio totaliter electa, ideo in isto primo capitulo, ponuntur omnes generationes ab exordio sæculi, vsque ad Iacob, de quibus non principaliter agitur, & sequenti capitulo, continuatur generatio Iacob, de qua principaliter intenditur, & illa diuiditur in duo, quia primo ponitur generatio Iacob, vsque ad captiuitatem Babylonis. Secundo continuatur eadem generatio post reditum de Babylone, infra nono capitulo: Quantum ad hoc capitulum primo ponitur hic generatio ab Adam, vsque ad Noe: secundo per tres filios Noe venit vsque ad Abraham, ibi. *Filij Iapheth*. Tercio per tres vxores Abraham venit generatio, vsque ad Iacob, ibi. *Filij autem Abraham*.

Qualis sit intentio huius libri.

Quæst. I.

QUÆRITUR circa primum de intentione libri istius.

Respondendum, quod Esdras scriptor libri huius spiritu prophetico incitatus, videns in quibusdam aliis libris scripture dubia multa insurgere, voluit hic quam brevius potuit (sicut Spiritus sanctus ei dictavit) auferre omnia illa dubia. Insurgebant autem dubia propter duo. Primo propter historiarum detractionem, quia in quibusdam historiis auferbantur aliquæ partes, per quarum defectum erant historiae obscuræ. Secundo, quia in aliis libris non continuabantur genealogiæ personarum, de quibus agebatur in historiis, sed tacitis quibusdam personis de continuatione genealogiæ ad quas principaliter historiae non pertinebant, agebatur de aliis ad quas pertinebant historiae, & tunc fiebant incognitæ personæ, quæ nesciebatur, an illi, de quibus agebatur in ipsa historia descendissent immediate ab aliis, de quibus in eadem historia diceretur, vel essent aliæ media, & sic indirecte oriebantur dubia in historiis. Esdras autem voluit hic utrunque dubium auferre. Et primum erat quantum ad suppletionem historiarum, & quia in nullo libro historiarum præcedentium ad librum istum videbatur esse detractio historiarum necessariarum, nisi in libro Regum: fere non suppleuntur hic alie historiae, nisi illæ, quæ deficiebant in quatuor libris, & istæ suppletiones incipiunt infra 10. c. & durant per totum librum istum, & sequentem usque ad finem Paralip.

Secundum dubium erat in continuatione progenierum, & istud tollitur hic a principio libri usque ad decimum capitulum. Pro quo sciendum, quod sicut voluit Esdras supplere omnes historias, quæ deficiebant in aliis libris scripture usque ad ipsas, quo scriptus fuit iste liber, ita voluit supplere hic continuationem omnium generationum, quæ omisse fuerunt in aliis libris, vel saltem non fuerunt tam manifeste tradite, & ordinatæ. Et quia Gen. est primus liber scripture, incipit a generationibus, quæ enarrantur in eo, & ponuntur ibi generationes ab Adam usque ad Noe, in tota prima ætate seculi, c. 5. & illa repetuntur hic in principio, deinde Gen. c. 10. & 11. ponuntur generationes secundæ ætatis seculi, quæ sunt a Noe usque ad Abraham, quem admodum derivatum est genus humanum per tres filios Noe, & etiam ista derivatio ponitur hic, postea autem per processum Gen. ponitur derivatio generationis Abraham per Isaac, & Ismahelem, & ponuntur principes, qui nati sunt de Ismahele, ponuntur etiam principes nati de Abraham ex vxore sua Cethura, de quibus Gen. 17. & 12. & 15. ponitur et derivatio generationis Abraham per Isaac, & quomodo Isaac genuit Esau, & ponuntur filii eius: De hoc Gen. 35. Omnes autem istæ generationes in brevi enarrantur in hoc c. deinde continuatur generatio in Iacob, qui fuit filius Isaac, & quia tota posteritas Iacob fuit populus Dei, diligentius enarravit scriptura de posteris Iacob, quam de omnibus præcedentibus. Habuit autem Iacob duodecim filios, a quibus derivatæ sunt duodecim progenies, & de qualibet istarum enarrat hic scriptura. Et quia Esdras scripsit librum istum, continuavit istas generationes usque ad tempus suum. Et quia, licet primogenitus inter filios Iacob fuerit Ruben, tamen dignior omnium fuit Iudas propter principatum regalem, quem accepit, ut patet infra: primo describitur generatio sua, & etiam magis diligenter scriptura enarrat, illam, quam genealogiam aliarum tribuum. Fuit autem in tribu David duplex linea, una, de qua non descenderunt reges, & alia de qua descenderunt: de prima infra 4. c. illa autem, de qua descenderunt reges con-

Alph. Toft. In lib. I. Paralip.

Atinuatur dupliciter, quia primo continuatur incipiendo a Iuda usque ad David, in quo ceperunt reges esse de domo Iuda: secundo continuatur a tempore, quo ceperunt reges usque ad tempus Esdræ, quod fuit post reditum de Babylone. De primo habetur sequenti c. de secundo habetur infra 3. reliquæ autem tribus continuantur in progeniebus suis. Et quia tribus Simeon habebat sortem simul cum tribu Iuda intra sortem illius, ut patet Iosue 19. posuit simul Esdras continuationem prolis Simeon cum tribu Iuda infra 4. c. deinde redit ad continuandum lineam Ruben, qui fuit primogenitus Iacob infra 5. c. Et quia Ruben, & Gad, & dimidia tribus Manasse acceperunt sortes simul in terra duorum regum Amorrhæorum ad orientalem partem Iordanis: Num. 32. & Iosue 13. posuit continuationem generationis istarum tribuum simul infra 5. c. Deinde, quia post Ruben, & Simeon Leui erat maior inter omnes filios Iacob, continuat generationem illius infra 6. c. & in hoc magis diligenter se habet, enarrando singula, unde ponit primo successionem pontificum, scilicet qui fuerint pontifices, incipiendo ab Aaron primo pontifice usque ad captivitatem Babylonis, & postea tempore suo. Ponit et derivationem progeniei sacerdotum minorum. Ponit etiam progenies Levitarum tres, scilicet Caathitarum, Gersonitarum, Meraritarum, & omnium istorum ponit officia, & et omnium tam sacerdotum quam Levitarum ponit urbes nominatim, quas acceperunt in singulis tribubus, deinde redit ad enarrandum continuationem progeniei aliarum tribuum, & ponit de Issachar, & Dan, & Aser, & Manasse, & Ephraim 7. c. Posuit autem continuationem progeniei Benjamin infra 8. cap. de Nephtali quoque ponit infra 7. c. deinde specialiter posuit statum Levitarum, & sacerdotum post reditum de Babylone, quem habuerunt usque ad tempus, quo scriptus est iste liber, de quo infra 9. capitu. & sic finit continuatio progenierum, quæ deficiebat in aliis libris, & post hoc immediate capitul. 10. incipit suppletio historiarum omissarum in libris Regum, & incipit a morte Saulis.

Circa primum dicitur: *Adam*. Hic incipit continuatio generationum sacre scripture, & incipit ab Adam, quia ipse fuit primus parens, & vocatur Adā in hebreo, id est excisus de terra, quia Adā in hebreo interpretatur terra, ut ait Iosephus 1. Antiqui. Adam dicitur quasi Edom, id est rubeus: nam eodem littere ponuntur in hebreo pro Adam, & pro Edom, & solum differunt in punctis, & tamē Edom significat rubeum, ut patet Gen. 25. cum dicitur, quod vocatum est nomen eius Edom, quia desideravit comedere lenticulam rufam, vel rubeam, unde Iosephus ubi supra ait. Hic autem homo Adam vocatus est, quod nomen hebraica lingua signat rubeus, quoniam conspersa rubea terra factus est. talis est. n. virgo tellus, & vera. Vixit autem Adam annis non gentis, & triginta, ut patet Gen. 5. c. Seth. Iste fuit filius Adæ tertius, quia ante eum genuerat Cain, & Abel, & vocatus est Seth, id est positio, quia in natiuitate eius dixit Adam: Posuit mihi dominus semen aliud, per Abel, Gen. 4. c. Vixit autem Seth annis non gentis, & duodecim, ut patet Gen. 5. Iste autem fuit pater omnium hominum, qui nunc in seculo sunt, quia Cain filius Adæ non reliquit semen post diluuium, quia omnes de progenie sua mortui sunt in diluuium Abel autem nullum genuit, quia antequam gigneret occisus est a fratre suo, ideo aliquando scriptura vult nominare omnes homines, nominat eos sub hoc nomine Seth, ut patet Nu. 24. scilicet. Orietur stella ex Iacob, & confluet virga de Israel, & percutiet duces Moab, vastabitque omnes filios Seth. Fuit autem iste Seth gloriosus nimis, unde laudatur super omnes homines. Ecc. 49. cum dicitur Seth, & Sē, hic apud homines

I. Paralip.

Cap. I.

omnes gloriam adepti sunt, & super oēm animam in origine Adam. Enos. Iste fuit filius Seth, & debet subintelligi in oībus istis genuit, f. Adam genuit Seth, & Seth genuit Enos, & sic de oībus vsque ad Noe: Iste Enos vixit annis nongentis, & quinq; Cainā. Iste fuit filius Enos, & vixit nongentis, & decem. Gen. 5.

Malaleel. Iste fuit filius Cainam, & vixit annis octingentis nonaginta, & quinque. *Iareth.* Iste fuit filius Malaleel, & vixit Iared non gentis sexaginta duobus annis: Gen. 5. *Henoch.* Iste fuit filius Iared, & cum esset annorum trecentorum sexaginta quinque, placuit Domino, & tulit eum Deus, nec apparuit ultra inter homines: Gen. 5. Iste Henoch fuit melior omnibus hominibus primæ ætatis, sante dilunium, & ideo Deus potius rapuit illū, & posuit in Paradiso, vt patet Eccl. 1. Henoch placuit Deo, & translatus est in Paradisum, vt det gentibus penitentiam. laudatur etiam super omnes homines: Eccl. 49. f. Nemo natus est in terra, qualis Henoch: nam & ipse receptus est a terra. De isto Henoch quantæ ætatis nunc sit, & in quali dispositione, & quahter manet in Paradiso terrestri, & quid ibi facit, & quid in fine sæculi facturus est, declaratum est latē 4. Reg. 12. *Mathusale.* Iste fuit filius Henoch, & nullus hoīum ad tantā ætatem peruenit, sicut Mathusale: nam vixit annis nongentis sexaginta nouē Gen. 5. *Lamech.* Iste fuit filius Mathusale, & non est iste ille Lamech, qui acceperit duas vxores, f. Selam, & Adam, & occidit Cain, & conquestus est de vxoribus suis, de quo Gen. 4. nam ille fuit de proge- nie Cain, iste autem, de quo hic dicitur fuit de proge- nie Seth. Gene. 4. vixit autem Lamech valde minori tpe quā pater suus Mathusale, & quā alii preceden- tes: nam solū vixit annis septingentis septuaginta se- ptem: Gen. 5. *Noe.* Iste fuit filius Lamech, & iste fuit partim in prima ætate sæculi, & partim in secunda: nam anni sexcenti, quibus vixit Noe ante dilunium vt patet Gen. 7. fuerunt de prima ætate sæculi, anni au- tem trecenti quinquaginta, quibus vixit post dilunium Gen. 9. fuerunt de scdā ætate sæculi, quæ incepit in di- lunio. Iste autē Noe quali ppheticē vocatus fuit Noe, qā Noe in Hebræo interpretat requies, & sic dixit pa- ter Noe, f. Lamech. Iste p̄solabit nos ab opibus, & la- boribus manū nostrarum in terra, cui maledixit do- minus, vocauitq; nomen eius Noe: Gen. 5. quō autē ille dederit requiē aliis hoībus, declaratū est ibidem, de magnitudine autē ætatis virorū illorū, quō ad tan- tum tps posset peruenire cū nunc, & ē post dilunium vix perueniant hoīes aliquā ad centū annos, & quali- ter accipiant illi anni, an essent minores quā anni no- stri, declaratū est Gen. 5. de hoc ē Iosephus lib. 1. An- tiq. ait. Nullus ergo ad vitā modernam, & annorum breuitatē, quibus nunc viuimus vitā antiquorū cōpa- rans putet falsa quā de illis sunt dicta, & ex eo, q nūc vita tanto non ducatur tpe, credat neq; illos ad vitā illius longitudinē peruenisse. Et subdit cās cum ait. Illi namq; cū essent religiosi, & ab ipso Deo facti, & cum eis pabula opportuniōra ad maius tps existerēt preparata, tantorū annorū circulis rite vivebant. De- inde pp virtutes, & gloriosas utilitates, quas iugiter meditabantur, idest astrologiam, & geometriam, Deus eis amplius viuendi solacia condonauit, quē nū quā ante ediscere potuissent, nisi sexcentis viuerent annis: per tot enim annorū curricula magnus annus impletur. Testes. n. huius dicti sunt oēs, qui antiquita- tem apud Græcos scripserunt: nam & Manethon, qui descriptionem facit Aegyptiorum, & Berosus, qui Chaldaicam deflorauit, & Mochus, & Eftius. Adhēc, & Hieronymus Aegyptius, qui Phenicam historiam disposuerunt, concordant cū meis dictis, Hesiodus quoque, & Egatheus, & Hellanecus, & Accusilus,

F & inter hos Ephorus, & Nicolaus in historiis suis memoriam faciunt antiquorum annis mille viugen- tium.

Quare enarratur solum continuatio generationis per lineam Seth. *Quæst.* 11.

QUÆRITVR quare non enarratur hic alia continuatio generationis ab Adam vsq; ad di- lunium, nisi per lineam Seth. Rōdendum, q Adam multos filios habuit, vt patet Gen. 5. cum dī, q post- quam genuit Seth, genuit filios, & filias, & tñ solum trium istorum ponuntur noīa, f. Cain, Abel, & Seth, non ponitur autem aliqua successio Abel, eo q non genuit filios, sed antequā gigneret mortuus est: nō- dum. n. peruenierat ad ætatem, in qua gigneret fm cō- ditionem illius tps, vt declaratū est Gen. 4. Cain autē filios multos, & filias habuit, & ē successores vsq; ad dilunium, in dilunio autē oē genus eius perit cum solū remanserit Noe cum tribus filiis suis, & quatuor vxoribus eorum. Noe tñ non erat de stirpe Cain, sed de stirpe Seth, & ideo pp duo subtricitur stirps Cain. Pri- mo quia oēs de stirpe illa fuerunt iniqui, vt ait Iose- phus primo Antiq. de Cain, f. Multā ergo terrā pera- grans cū vxore sua collocatus est in loco, qui Naida nūcupatur, vbi moratus est, ī quo ē ei filii nati sunt. At vero penā illam nō habuit pro emendatione, sed pro incremento mali, libidinemq; potius nutrit in corpore, licet cū iniuria secū commorantiū hanc ha- beret, augens domū multitudinē pecuniarū ex rapi- nis, & violentia congestarū. Ad luxuriā quoq; & la- trocinia suos familiares inuitans, quorum doctor in scelestis studiis erat, & simplicitatē quidē, cū qua pri- uiebant hoīes ad inuentionē mensurarū, & ponde- rū permutauit, integramque corū vitā ex eorum re- rum ignorātia, & magnanimitatē ad calliditatē, cor- ruptionemq; pduxit, terminos terræ primus posuit ciuitatesq; pstituit murisq; munit, & illuc suos do- mesticos puenire cōegit. Et postea oēs deprauati in- i progenie Cain, sic vsq; ad dilunium permāserūt, in quo penitus cōsumpti sunt. Nō ergo curauit scriptura de eis memoriā agere. Scdm fuit, qā scriptura cœpit enarrare generationes ab Adā, vt p̄tinuaret postea il- las vsq; ad tps Esdræ, qui librū istum scripsit, & tñ ge- neratio Cain nō poterat p̄tinuari cū solū pueniret vs- que ad dilunium, iō sup̄flū videbat illā repetere. Alii autē filii fuerūt Adę cū dicatur, q genuit filios, & filias postquā genuit Seth: Gen. 5. & tñ de istis nulla men- tio fit hic ex eadem causā, ex qua subtricitur de filiis Cain, f. quia non processerit istorū linea, nisi vsque ad dilunium, & tunc omnes perierunt.

Quare scriptura non facit mentionem de filiis Cain. *Quæst.* 111.

QUÆRITVR vterius quō nō facit hic scriptu- ra mentione de filiis Cain, cum fecerit men- tionem de eis in Genesi, & quare nō fecit mentionē de aliis filiis, & filiabus Adæ, qā de his videbat maior rō. De primo patet, qā non vī stare iō assignata præ- ced. cōne, f. q pp peccatum nō fuerit hic tactum de stirpe Cam, & etiam, quia in dilunio consumpta est. Nam pp eandem rōnes non debuisset fieri aliqua mē- tio de ea in Genesi. De secundo patet, quia potius vi- detur, q deberet hic fieri mentio de illis filiis, & filia- bus Adę, de quibus Gen. 5. tangitur, & non exprimū- tur nomina eorum, nec successiones, quia liber iste est suppletius eorum, quē omīssa sunt in aliis libris, vt ait Herony. in Epistola ad Paulinum c. 7. & in pro- logo Galeato, vbi istum librū vocat chronicon to- tius sacre Scripture, iō potius debuerat facere men- tionē de illis generationibus, quæ tactę fuerant in Genesi

Cap. 1. in medio.

Genesi quam de illis, quæ ibi expresse sunt. Ad primū dicendū, q̄ non oportuit hic fieri mentionem aliquā de progenie Cain pp̄ duas rōnes assignatas, & cū obicitur, q̄ eodem mō non debuisset fieri mentio de illis in Genesi: dicendum, q̄ non est simile, quia ibi de-
cuit fieri mentionem de illis, hic aut̄ nequaquā. Ratio diuersitatis est, quia verū est, q̄ scriptura in Genesi intendebat enarrare principaliter progeniem illā, quæ ē post diluuiū continuata est, & vīq; hodie cōtinuat̄, & quantum ad hoc non expediebat fieri mentionē aliquā de stirpe Cain, quia de illa nihil mansit post diluuium, quia tñ nos nihil scimus de eis, quæ acciderunt a principio orbis, nisi per ea, quæ scripta sunt in sacra Scriptura, cū de illis nullus historiographus meminerit, debuit in sacra Scriptura tangi de aliis filiis, & filiabus Adæ, & aliorum successorum suorum ad hoc, q̄ sciremus præter illos quorum nomina expressa sunt in sacra scriptura alios fuisse, qui tpe primæ ætatis vixerunt. Ad hoc tamen non oportebat, q̄ enarrarentur actus eorum, vel quod continuarentur progenies, vel exprimerentur nomina, sed saltem, quod diceretur, q̄ fuerint, & iste modus est Gen. 5. nā postquam Adam genuit Seth, dicitur q̄ genuit filios, & filias, & non exprimuntur nomina eorum, nec numerus, sic ē de quolibet alio successore Adæ exprimitur ibi, q̄ genuerit vnum filiū, & postea dī genuit filios, & filias, non expresso numero, & noīe, & rō est, quia per illos, qui subtrahuntur nō erat linea hominum extendenda post diluuium. Fuit tñ necesse exprimi, q̄ aliqui alii geniti essent præter illos, qui nominantur ibi ad intellectionem sacre Scripture: nā sit mentio Gen. 6. de diluuiō, q̄ omnis caro corruerat viam suam, & ibi colligitur, q̄ multi homines essent tunc, qui diluuiō perierunt, & tñ si non putaremus esse plures quā eos, de quibus sit mentio diceremus solum tempore diluuii fuisse tres viros, & quatuor feminas: nam iam mortui erant ceteri, de quibus expresse sit mentio in scriptura, Gen. c. 5. Propter istos tñ quatuor nō fuisset factum diluuium, quia erant viri boni, & Deus liberauit eos in diluuiō, ergo oportebat esse plures tunc, & vt hoc intelligeretur debuit Scriptura nominare saltem in generali aliquos fuisse præter istos, qui expresse nominantur. De Cain autem dicendum, q̄ decuit ipsum nominari expresse, quia Scriptura sacra ad hoc facta est, vt per eam erudiamur quātum ad ea omnia agibilia, quæ possunt nos in Deū dirigere, dicente Apostolo 2. ad Timo. 3. Oīs scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei ad omne opus bonum instructus. Et tamen enarrari ea, quæ pertinebāt ad Cain valde vtile erat: primo, vt cognosceretur status, & modus viuēdi hominum ab exordio sæculi, s. q̄ Cain cepit esse vir agricola, & Abel cepit esse pastor, Gene. 4. Secundo, & principalius, vt ostendatur quomodo cultus Dei fuit a principio in hominibus, & quod diuersimode colebatur, s. quilibet homo colebat eum iuxta genus officii sui, nā Cain offerebat domino de frugibus suis in sacrificiū, Abel autem de primogenitis gregis sui: Gene. 4. Tercio, vt ostenderetur, quomodo Deus varie acceptat homines colentes se, & quod cultus Dei magis consistat in intentione quam in exteriori opere: nā Deus respexit ad Abel, & ad munera eius, quia bona intentione offerebat, ad Cain autem, & ad munera eius nō aspexit, quia non tam bona intentione offerebat eodem cap. Quarto fuit hoc ad ostendendum quomodo a principio orbis peccata creperint, & quomodo inuidia est grauissimum peccatum, & quod interdum inter coniunctissimos sanguine faciat magnas discordias vīque ad effusionem sanguinis: nam Cain,

Alph. Tost. in lib. I. Paralip.

A & Abel fuerunt primi duo fratres in sæculo: & tamen Cain occidit Abel pp̄ inuidiā. Gen. 4. Quinto ponit ad indicandum, q̄ Deus curam habeat de factis nr̄is, & q̄ puniat nos pro malis operibus: nā puniuit Cain pro occisione fratris sui: nam dixit ei, Nunc igit̄ maledictus eris super terrā, q̄ aperuit os suum, & suscepit sanguinem fratris tui de manu tua. Cum operatus fueris eam, non dabit tibi fructus suos: vāgus & profugus eris super terrā oībus diebus vitæ tuæ. Et postea pp̄ hoc sequuta est mors Cain: Gen. 4. c. Sexto fuit hoc ad significandū, q̄ delicta nr̄a valde displicent Deo, & dicunt clamare ad Deū, vindictam petendo. Gen. 4. Cum dixit Deus ad Cain. Vox sanguinis fratris tui clamat ad me de terra. Sic ēt alia peccata magna dicuntur clamare ad Deū: sicut patet de peccato Sodomitarū, de quo Gen. 18. dī ex persona Dei, Descendā, & videbo utrū clamorē, qui venit ad me opere compleuerint. Dī ēt clamare ad Deū violentia, & defraudatio mercedis facta proximo, vt patet Iacobi 5. Ecce merces operariorum, qui messuerunt regiones vestras, q̄ fraudata est a vobis clamat, & clamor ipsorum in aures Dñi Sabaoth introiuit, Propter hæc oīa valde expediēs fuit, q̄ Scriptura mentionem faceret de actibus Cain enarrando illos, quia alioquin magna eruditio fuisset nobis subtrahita, & non solum debuit Cain noīari, & exprimi facta sua, sed ēt progenies sua debuit enarrari non quantū ad oēs, sed vna linea. Silla, de qua descendit Lamech. Primo, quia Deus p̄nūciauerat penam q̄ Cain: Gen. 4. & quia si Scriptura postea non exprimeret an poena fuisset sibi inflicta nesciretur an inflicta esset, vel an Deus remisisset ei, & cum iste esset primus librorum sacre Scripture, qui legeret eum, & nondum legisset in alijs nesciens conditionē Dei, putaret, q̄ forte Deus aliqua promittebat, quæ non faciebat, & ad hoc debuit exprimi quō poena pronunciata a Deo euenit, & ad hoc oportuit, q̄ filij Cain enarrarentur vsque ad Lamech, quia ipse fuit, qui occidit Cain, vt colligitur Gen. 4. & ob hoc timuit ille, q̄ Deus puniret eum graniter pro occisione Cain, & retulit verba Dei contra Cain loquens ad vxores suas: Gen. 4. Audite vocem meam vxores Lamech: auscultate sermonem meum: quoniam occidi virum in vulnus meum, & adolescentulum in liuorem meum: septuplum ultio dabitur de Cain: de Lamech vero septuagies septies. Secundum fuit, quia Scriptura voluit ostendere mutationem consuetudinis factam in prima ætate circa matrimonium. Nam cōsuetudo erat omnibus hominibus, q̄ quilibet acciperet vnicā vxorem. Istā aut̄ cōsuetudinē primus mutauit Lamech, qui fuit de stirpe Cain. Nam dī de eo, q̄ accepit duas vxores nomen vni Ada, & alteri nomē Sella: Gen. 4. & de nullo alio in tota prima ætate mentio fit, q̄ accepit duas vxores, vel plures: ideo, conueniens erat enarrari successionem Cain vsque ad Lamech, vt diceretur de eo quō accepisset duas vxores.

E Tercium fuit, quia Scriptura volebat ostendere probitates illas, quæ fuerunt in hominibus primæ ætatis: cum Iosephus dicat primo Antiq. q̄ propter hoc Deus specialiter eis magnam vitam dabat, vt p̄ciosas virtutes inuenirent, scilicet, Astrologiam, & Geometriam, & quia viri de stirpe Cain inuenerunt aliquas preciosas artes, decuit progeniem Cain enarrari vsquequo perueniretur ad illos, qui inuenerunt istas artes: nam Lamech habuit tres filios, scilicet, Iahel, & Thubal, & Thubal Cain, Iahel inuenit artem pastorum, & fuit pater habitantium in tentorijs: Thubal autem inuenit artem Musicæ: nam ipse fuit pater canentium in cythara, & organo: Thubal Cain vērō fuit malleator, & faber in cuncta

C. 8. circa prin.

opera eris, & ferri: Gen. 4. Si autem non fuisset enarra-
ta progenies Cain, non potuisset enarrari de inuētio-
ne istarum artium, ideo propter hoc Scriptura sacra
continuauit progeniem Cain. Et patet, q̄ ista fuerit
causa, quia q̄n peruenit enarratio ad istos, nō curauit
Moyſes vltra aliquos enarrare de stirpe Cain, licet
forte plures fuerint vsque ad diluuium in stirpe illa.

Ad fm̄ cum dicebatur, q̄ potius debuisset hic ex-
primi de illis, quos scriptura tacuit in Genesi. quam
de illis, qui expressi sunt ibi, & tamen de aliis filiis A-
dē tacuit ibi scriptura nominans eos solum in gene-
rali.

Dicendum, q̄ de eis non debuit fieri hic mētio ali-
qua pp̄ rōnem supra assignatam. Et cum arguitur, q̄
potius deberet de illis exprimi hic, dicendum q̄ non
est verum, quia quamquā iste liber sit suppletiuus eo-
rū, quæ in aliis libris expressa non sunt, tñ nō est sup-
pletiuus, nisi eorum, quæ erant necessaria, & ibi tace-
bantur, & exprimi generationem aliorū filiorū Adē
præter istos, de quibus expressum est, non erat necessa-
riū, quia quāquā illi tacerentur nō oriebatur aliquod
dubiū in scriptura. Etā non oportebat enarrare illos,
quia nō sequebat̄ aliqua vtilitas, cū nō fuerit genera-

Instantia
contra in-
fionem.

Post med.
cap. respō-
sio ad instā-
tiam.

tio eorū continuata post diluuium. Sed tunc dicitur,
quare non fuit saltem enarratum de istis, sicut de pro-
genie Cain, quia illa non fuit continuata post diluuiū,
& tñ enarrauit de illa generationes aliquas Scriptura,
Gen. 4. Rñdendum, q̄ nō fuit simile, quia proles Cain
continua fuit in scriptura, vt enarrarentur aliqui actus
Cain, & prolis sue, qui erant valde opportuni ad hoc,
q̄ scriberentur in sacra Scriptura, vt supra declaratū
fuit, & tñ in aliis filiis Adē, & successorum suorum non
euenerunt aliqua similia, quæ conueniens esset expri-
mi in sacra Scriptura, iō non expressit scriptura nomi-
na illorum, nec continuauit progenies. Sem, Cham, &
Japheth. Isti tres fuerūt filii Noe, & in istis non debet
intelligi, sicut in præcedentibus, quia ibi prior erat pa-
ter seq. & subintelligebatur semper genuit. Isti autem
tres fuerunt fratres, s. filii Noe, & genuit eos Noe cū
esset annorū quingentorū: Gen. 5. I. Noe vero cū quin-
gentorū esset annorū genuit Sē, Chā, & Iapheth, &
non est intelligēdum, q̄ in illo anno quingentesimo
vitæ Noe geniti fuerint isti tres, sed q̄ ante annum il-
lum nullum genuerat, & tunc genuit primum eorū,
s. Sem, & deinde alios duos.

Filii Iapheth, & Gomer, & Magog, Ma-
dai, & Iauan, Thubal, Mosoch, Thiras. Por-
ro filii Gomer Ascenez, & Riphath, & Tho-
gorma. Filii autem Iauan, Elisa, et Tharsis
Cethim, & Dodanim.

Filij Iapheth. Hic ponitur fm̄ huius cap. in quo per
tres filios Noe deducitur vsque ad Abraham, & quā-
quam nō fuerit primogenitus eorum Iapheth, tñ ge-
nus eius prius hic exprimit̄, deinde aliorū duorū.

De habitudine, & progeniebus filiorum Noe. Quest. IIII.

QVAERITVR aut̄ circa habitudinem istorum
triū filiorū Noe, & de p̄geniebus eorū. Rñdē-
dum est, q̄ ab istis tribus filiis Noe totū genus
humanū, qđ nūc est, & qđ iā peritit multiplicatū est:
nam in diluuiō solū fuerūt saluati isti tres cū p̄re suo
Noe, & cū quatuor vxoribus eorum. Sic enim dicit
beatus Petrus, q̄ octo aīc solum saluē factē sunt per
aquā. Vt patet prima Petri c. 3. postea aut̄ isti multipli-
cauerunt prole multam nimis, & sic repleuerunt om-
nem terram. Sic enim dicitur Gene. 10. Hę familie

Noe iuxta populos, & nationes suas, ab his diuisæ
sunt gentes in terra post diluuium. Etiam isti habue-
runt diuersa idiomata, & secundum q̄ fuerunt variæ
gentes ita variæ linguę ortæ sunt. Fuerunt autem
idiomata septuaginta duo, quia generationes trium
filiorum Noe fuerunt septuaginta duæ, quæ habentur
Genes. 10. & hic in litera, scilicet, quindecim ge-
nerationes de Iapheth, & triginta de Cham, & vigin-
ti septem de Sem: totidem enim ponuntur filij, &
successores eorum expressi: & quando narrata est ge-
neratio cuiuslibet de filiis Noe subditur, quomodo
omnes illi habuerūt diuersas linguas. Nam Gen. 10.
postquam posita sunt quindecim generationes Iapheth
sequitur. Ab his diuisæ sunt insulæ gentium
in regionibus suis vnusquisque secundum linguam
suam, & familias suas in nationibus suis. Postea autē
eodem cap. descriptis triginta generationibus Chā,
sequit̄. Hi sunt filij Chā in cognationibus, & linguis,
& generationibus, terrisque, & gentibus suis. deinde
descriptis vigintriseptem generationibus Sem, sequi-
tur. Isti sunt filij Sem secundum cognationes, & lin-
guas, & regiones in gentibus suis. Et cum isti fuerūt
septuaginta duo, necesse est esse in toto orbe septua-
ginta duo idiomata: si autē aliqua alia sunt idioma-
ta præter illa, non sunt proprie idiomata, nec fuerūt
cuncta in confusione Babylonica, sed postea gentes
illa ad placitum inuenerunt, siue quodam artificio
polierunt, sicut est idioma Latinorum, & Græcorū:
nam ista computantur inter septuaginta duo, & ta-
men totus ornatus istorum idiomatum factus est ar-
tificio humano, scilicet, varietas terminationis per di-
uersas terminationes, & diuersos calus, & numeros,
quod non reperitur in Hebræo, nec in aliquo de
alijs idiomatibus, quia illa fuerunt introducta a Deo
in confusione linguæ: græcum autem idioma & La-
tinum artificio humano decorem acceperunt: sic ait
Iosephus primo Antiqui. scilicet. Nomina siquidem
propter Scripturæ decorem, Græci ad delectationē
legentium mutauerunt: neque enim prouinciæ no-
stre est huiusmodi formis vti, sed licet vnum qui-
dem schema, & finis nominum sit vnus: vltimas ta-
men nominum syllabas aliter illi declinant. De La-
tino autem idiomate idem est, quia Latini originem
declinationum suarum, & totius ornatus partium a
Græcis acceperunt, vt ait Priscianus in prologo ma-
ioris voluminis. Sciendum autem quod generatio-
nes istorum trium filiorum Noe occupauerunt di-
uersas partes orbis, vnde Alquilus, & quidam alij
communiter tenent quod filij Sem Asiam occupa-
uerunt, filij Cham Aphricam, & filij Iapheth Eu-
ropam, vt refert Historia Scholast. Et tamen hoc nō
stat: nam manifestum est, quod maior pars filiorum
Cham tenuit terram Asię. Nam Chanaan filius
Cham genuit Sidonem primogenitum suum, He-
thæum, lebusæum, Amorrhæum, Gergesæum, He-
uæum, Arachæum, Cineum, & Aradium, Sama-
ræum, & Amathæum: Genes. 10. & tamen omnes
isti habitauerunt in Asia: nam ibidem dicitur. Fa-
cti sunt termini Chanaam venientibus a Sidone Ie-
zarā vsq; Gazā: donec ingrediaris Sodomā. Et tñ oīa
ista loca sunt in Asia vltra mare Mediterraneū, quod
diuidit Asiā ab Africa, & Europa. Etā patet, q̄ He-
bræi acceperunt terrā oīum Chananeorū, quā Deus
eis p̄misit: Gen. 15. & tñ cōstat, q̄ terra p̄missionis, q̄
est terra Chanaā, in qua est Ierusalē, est in Asia circa
Occidentalem partem Asię: vnde mare Mediterra-
neū quod diuidit Asiā ab Africa, & Europa claudit
totā terrā Chanaā ab Occidente: Num. 34 ideo nō pōt
poni sic diuisio triū partium orbis p̄ tres filios Noe.
Sed magis videtur dicendum, quod filij Iapheth,

Iosephus
1. Antiq.
cap. 14. in
princip.

pro maiori parte tenuerunt insulas diuersarum terrarum. Tota autem terra continens habitata fuit à filiis Sē, & Cham, unde Gen. 10. positis quindécim gēnationibus Iapheth dicitur. Ab his diuise sunt insule gentium in regionibus suis, de filiis autem Cham, & Iapheth nihil dicitur de insulis, sed dicitur. Hi sunt filij Cham in cognationibus, & linguis, & generationibus terrisque suis, & gentibus. Et de filiis Sem dicitur. Isti sunt filij Sem in cognationibus, & linguis, & regiones in gentibus suis. Iosephus autem 1. Antiq. declarat hoc magis, dicens, qd filij Iapheth tenuerunt septentrionalem plagam à Tauro, & Aman montibus Cilicis, & Syrie usque ad flumē Thanaim: in Europa vero usque Gazira, filij verò Cham à provincia Syria, & Amā, & Libano monte cunctas terras obtinuerunt quęcūq; sunt versus mare posite apprehendentes etiā eas q̄ usque ad Oceanum sunt, & proprias facientes appellationes: filij vero Sem habitauerunt seorsum in Asia ab Euphrate facientes initium. & sic fere nulli de filiis Sem habitauerunt extra Asiā, & tñ multi de filiis Iapheth habitauerunt in Asia, sed pluri eorum occupauerunt fere totam Europā, filij quoque Cham pro magna parte habitauerunt in Asia, & tñ maior pars eorum occupauit fere totam Africā, postea tñ multę de gentibus istis mutauerunt sedes propter bella, & alias causas transeuntes ad alias regiones. Considerandum vltius, qd quamquam sacra scriptura solum describat tres filios Noe, & ab his totum genus humanum difseminatum: Gen. 10. tñ Methodius martyr in libro, quem fecit de obadiis, i. millenarijs, in quo descripsit gesta etarum seculi per modum prophetię & historie per millenarios, asserit qd ante diluuium solum habuit Noe tres filios, i. Sem, Cham, Iapheth, & tamē post diluuium habuit quartum, i. Ionitum, de quo sic ait: centesimo anno tercię chiliadis natus est Noe similis in similitudinem eius, & vocauit eum Ionitum, trecentesimo anno dedit Noe donationes filio suo Ionito, & misit eū in terrā Eihā, & intrauit eā Ionitus usque ad mare quod dicitur Eliocora, i. solis regio. Iste accepit à domino donum sapientię, & inuenit Astronomiā, ad quem veniens Nemrod gigas eruditus est ab eo, & accepit ab eo consilium in quibus regnare posset. Iste Ionitus futuros quosdam euentus preuidit, & maxime de ortu tñ regnorū, & occasu eorū per successiōē. Quod plinius prophetauit Daniel, & predixit discipulo suo Nērod, qd primi regnarent de Chā, de quo Belus rex Babyloniorum descendit. Postea de stirpe eius Parthi, & Medi, & Persę, & Gręci, & postea de Iapheth Romani, & sic rediens Nemrod à Ionito accensus amore dominandi sollicitauit genus Sem, vt imperaret alijs, quia erat primogenitus, sed noluit, ideo transiit ad stirpem Cham, quę acquieuit, & regnauit inter eos in Babylone.

De nominibus gentium à tribus filiis Noe derivatarum:
Quest. V.

QUÆRITUR vltius de nominibus istarū gentium derivatarum à tribus filiis Noe. Respondendum, qd sicut declaratum fuit precedenti quæstione, fuerunt septuaginta generationes à totidē successoribus filiorum Noe, & habuerunt totidem idiomata, & quilibet gens habebat nomen primi funditoris, vt ipse de Gomer filio Iapheth vocarentur Gomeritę, & de Magog Magogę, vel Magogitę, & de Madai Medi, & sic de ceteris. Ista autem nomina fuerunt à principio in omnibus istis gentibus, sed postea multa istarum variata sunt ex diuersis causis, aliarum autem gentium nomina usque hodie manent. Precipue autem causę mutatio-

A nis nominum fuerunt duę, vel tres. Prima fuit propter bella, nam quādā gentes pugnantes contra alias interdum omnino destruebant eas, ita vt non maneret nec saltem nomen illarum gentium. Aliquando autem gentes victrices conuertebant victas ad nomē suum, & hoc sepe fit: sic enim rex Aegypti quando vicit hebręos, & constituit regē Ioakim mutauit nomen eius cum prius vocaretur Eliacim 4. Reg. 23. sic etiam Nabucodonosor quando subiecit hebręos, & constituit in regem Sedeciam mutauit nomen eius cum prius vocaretur Mathanias 4. Reg. 24. sic etiam de gentibus victis fit, quę sepe nomen accipiunt à victoribus, sicut Perseus filius Iouis, & Danaes natus in Gręcia cum iussit in Asiā, quādam gentes quo subiecit impio, easque Persas vocauit cum prius alio nomine vocarentur. Interdum etiam gentes propter bella mutabant sedes, & tunc quoque nomina cum regionibus perdebant: sic enim Israelitę habitantes in terra Samarię cum translati fuissent in Assyrios à Salmanasar rege Assyriorum, nomen antiquum perdidērunt, & iam non Israelitę, sed Medi, vel Auryri appellabantur, de alijs quoque gentibus similiter factum est, sic enim ait Rabanus, & Glossordina. hic, quod multe gentes de stirpe quam bello Ethiopico subuersa nomen antiquum perdidērunt.

C Secunda causa fuit voluntas, nam quibuscumque gentibus ex tempore visum est melius esse, quod alia nomina haberent, & ideo priora nomina mutauerunt.

Tertia causa fuit, & potissima, auctoritas historiographorum Gręcorum: ipsi enim sunt antiquiores, qui historias scripserunt, & imposuerunt nomina gentibus iuxta voluntatem suam: postea autem ceteri historiographi gentium, ne viderentur ignorasse, qd Gręci sciebant, eisdem nominibus vsi sunt, & sic usque hodie permanent illa nomina in omnibus historijs, & etiam pro magna parte in sacra scriptura. Hoc autem fecerunt Gręci ad ostendendum gloriam suā, vt per hoc viderentur quasi omnibus gētib; dominari: cum omnibus illis tanquam rebus suis nomina posuissent. Ista causa tangit Iosephus primo Antiq. dicens. Aliquę gentes ab institutoribus positas appellationes hactenus seruant. Quędam verò placita sibi nomina mutauerunt. Alij autem vt in habitatoribus clarius esse visum est, conuersionem nominum fecerunt. Gręci tamē sunt rei huius auctores, qui posteris temporibus confortati, etiā antiquorum gloriam propriā effecerunt, & gentes nominibus exornauerunt, vt eis sapiens videbatur esse: ornatum vtique ponentes eorum reipublicę, velut a se constitutę.

Fily Iapheth. Diuiditur in tres partes secundum quod protequitur scriptura hic generationem Noe per tres filios eius, scilicet per Iapheth, Chā, & Sem, & primo ponuntur duę progenies, quę continuandę non erant: deinde ponuntur progenies Sem, quę continuatur in scriptura. Nam de progenie Sem descendērunt Patriarchę, & omnes hebręi, & illam enarrat scriptura continuando per posteros Iudaeorum, alie autem duę progenies, licet tangerentur hic, tamen postea non enarrantur continue, quia nihil attinebant ad populum Dei, secunda ibi. *Fily Cham.* Tertia ibi. *Fily Sem.* Circa primum dicitur filij Iapheth, scilicet, omnes isti, qui sequuntur: nam ipse habuit filios septem, & nepotes octo, & sic sunt generationes quindécim, de omnibus illis dicit Iosephus primo Antiquitatum, Iapheth Noe filius habuit filios septem: habitauerunt illi regionem à Tauro, & Aman montibus incipientē, & perungentē in Asiā usque ad flumen Tanaim. In Europa vero terra Gazira. De his autem Hierony. & Raba. & Glossordina dicunt quali

quasi id quod Iosephus, scilicet, q̄ in Asia à Tauro, & Aman montibus Cilicię vsque ad Tanaim tenent. In Europa vero vsque ad Gadara nomina locis, & gentibus relinquentes, ex quibus postea permutata sunt plurima, cetera autem permanent.

Gomer. Iste est primus filius Iapheth, & ab isto nominatę sunt gentes a principio Gomeritę, postea autem nomen mutauerunt, & vocantur Galatę à Gręcis. De hoc Iosephus primo Antiqui. ait: In Europa vero terra Gazirorum cum nullus eorum, qui supradicti sunt ibidem habitator extiterit, gentes eius diuersis se nominibus appellant, qui nunc à Gręcis Galatę nuncupantur, olim vero dicti sunt Gomeritę, quos Gomer instituit. Aliq̄ volunt, q̄ posteri Gomer prius Galatiam, q̄ in Gręcia ē habitauerint, & nominauerint, postea aut Galliam tenuerint, & ex similitudine Galatarum terram Galliam, & habitatores Gallos appellauerint.

Sed falsum est, prius enim isti Gomeritę tenuerunt terras Galliarum, deinde Galli Senones cum duce suo Brenio tota fere Italia subiecta in Gręciam trāsierunt, & ibi à rege Bithinię in auxilium contra hostes vocati in mercedem laboris quandam partem regni huius habitandam acceperunt, quam ex nomine suo, & Gręcorum Gallogręciam, idest Gręciam habitatam a Gallis appellauerunt, Gręci tamen illam postea Galatiam vocauerunt, & sic vsque hodie vocatur, & habitatores eius Galatę, & isti sunt ad quos scribit Apostolus Epistolam ad Galatas, testis est Isidorus, & plurimi historiographorum.

Magog. Iste est secundus filius Iapheth, & ab isto appellati sunt Scythę, qui habitant in Asia apud quos est terra Amazonum sicut vult Glo. ord. inter linearis. Iosephus etiam primo Antiqui. ait: Magog verò Magogas à se nominatos instituit, isti à Gręcis Scythę sunt appellati.

Madai. Tertius filius Iapheth, à quo Medi appellantur, vt ait Glo. inter linearis, sic etiam Iosephus primo Antiqui.

Et Iauan. Iste est quartus filius Iapheth à quo Gręci appellantur, vt ait Glo. ord. inter linearis. Iosephus autem dicit, quod à Iano omnes Ionij helladicique descenderunt, Sciendum autem, quod quamquam Hebręi Iauan accipiant pro Gręcia, tamen non significat omnem terram Gręcorū, sed quandam partem eius, scilicet gentem illam, quę Ionica appellatur, & dicuntur Iones pulchriori nomine quasi Iauanēs.

Est autem vna de quinque gentibus Gręcię, quę habent quinque idiomata, sic enim ait Ebrardus.

Atticus, Eolicus, Doricus, Ionicusque Boetus,

Gręcorum quinque sunt idiomata verè.

Nescientes tamen distinguere, Iauan pro tota Gręcia accipiunt.

Thubal. Quintus filius est Iapheth à quo nominati sunt Hispani, sic ait communis positio historiographorum, sic etiam Iosephus primo Antiqui. ait quod Thubal condidit primo Iobelos, quī nostris temporibus Hiberi appellantur, & tamen Hiberia, Hispania est, non est tamen credendum, quod tota Hispania à Thubal populata sit, nisi postea magnę mutationes factę fuerint propter bella, vel alias, quia Thubal vnicum idioma habuit, & vnicam gentem nominauit cum dicatur de omnibus istis Genesis decimo, quod omnes in suis linguis fuerunt, idest quilibet habuit vnum idioma distinctum ab alio, & tamen in Hispania fuerunt multę linguę à principio, & sunt; ideo non solus Thubal terram istam habitaret, sed alię gētes cum eo venirent, verum tamen est, quod Thubal fuit princeps habitatorum Hispaniæ: nam, vt referūt Isidorus, & Lucas Todēsis, & Ioānes Aegidij zampo-

rensis, post diuisionem linguarum in Babylone dispersis omnibus, qui ibi erant, quibuscumque cum similibus linguę suę Thubal cum multis alijs vsque ad montes Pyrenęos, qui sunt claustra Hispanię peruenit: habitauitque ibi in terra, quę nunc Nauara dicitur, & prius Carpentania appellabatur, & tunc terra ista Cethubalia populata est a cętu Thubal, idest a multitudine, quę veniebat cum Thubal: deinde Thubal, & sui sequaces à montibus Pyreneis descendentes & extendentes se versus occidentem venerunt, vt habitarent iuxta fluuium Iberum, qui vulgariter Hebrido dicitur, & ab illo nomen assumpserunt prius, vt vocarentur Celtiberes, & terra vocaretur Celtiberia.

Et erat iam istud nomen corruptum ex tribus: nam prius corruptum & compositum erat ex duobus, cū dicebamus Cethubalia a cętu, & Thubal: postea vero a cętu, & Hiberio fluuiio celtiberia dicta est: deinde aut perditio isto noīe a solo fluuiio Hiberio terra Hiberia a populis appellata est, & habitatores Hiberes, vel Hiberi. Et istud nomen frequentatum est apud historiographos, & poetas: deinde habitatores terrę huius videntes, q̄ stella, quā Venerē appellamus, & Gręci Hesperū appellant, post iuga Pirenei montis, apud quem ipsi habitabant per noctem occultaretur, terrā ex noīe eius Hesperiam appellauerūt, & istud nomē valde placuit poetis, & ab eis frequētur, & istud no-

men māsit regioni quousque in eam Hercules venit: qui subiecto Gerione rege terram Gręcis subditam reliquit, & a quodam principe nomine Span relicto, ab Hercule Hispania nomen assumpsit, quod vsque hodie a vulgaribus frequentatur: de quibuscumque aut gētibus alijs sic possumus existimare, q̄ multę nominum mutationes apud eas fuerint, quę cognosci non possunt nisi per proprias historias gentiū. Et licet dixerimus Hispanos vocatos a Thubal: aliqui tamen putant Thubal nō Hispaniam, sed Italiam populasse: sic enim ait Rabanus, & Glo. ord. i. Thubal Hiberes, qui & Hispani, a quibus Celtiberia, populauit: licet quidam Italos suspicentur. *Mosoch.* Sextus filius Iapheth, & nominantur ab eo Cappadoces. Est autem Cappadocia in Asia iuxta Pamphylia non longe a terra Iudæorum. Habitauerūt aut prius Cappadoces iuxta terrā Israel: de quo in Deutero. Nam ipsi exierunt de terra sua, & occiderunt partem Heuęorum, qui habitabant in terra Chanaan, & tenuerūt terram ipsorum. Rabanus enim & glo. ord. dicunt Cappadoces a Mosoch descēdisse, & septuaginta interpretes Capturim Cappadoces arbitrātur, de hoc Iosephus primo Antiqui. ait: Moga primū verò dicebatur, quę postea Cappadocia, nūc aut Cęlarea a Romanis hoc sortito vocabulo, i. a Cęsare Gręci quę appellātur Moschini Amochin appellati sunt, qui nūc Cappadoces noīantur quorum antiquę appellationis signū ostenditur. Nā ciuitas est apud eos, quę hactenus Moscha dicitur: ostendens intelligere volētibus, q̄ aliqñ oēs gētes regionis ipsius ita vocatę sūt. *Thyrus.* Septimus, & vltimus filius Iapheth: a quo Thyrii appellati sunt: est enim Thyrus ciuitas nobilis in Phęnicia, & pertinet ad terram Chanaan, quę tradita fuit Iudęis: vnde Thyrus ponitur in sorte Aser: Iosue 19. Floruit autē ista ciuitas nimis olim in negociationibus per mare, & laudes magnę eius ponuntur per Ezechielem vigesimo septimo cap. De hac Iosephus primo Antiquitatum ait. Thyas autem Thyrenses appellauit suos, quorum princeps fuit, a quibus Gręci Graium nomen commutauerunt.

Porro filij Gomer. Supra positi sunt septem filij Iapheth a quibus septem gentes deriuatę sunt: hic autem ponūtur nepotes eius, quia etiam ab illis noīatę sunt gentes distinctę a gentibus, quas nominauerunt patres

Hispanię
nomen vñ
ortum.

patres earum, & quia Gomer fuit primus filiorum Iapheth ponuntur tres filij eius primo. *Asen.* Iste est primus filius Gomer, & ab isto appellatae sunt quaedam gentes iuxta Græciam Rhegini, & terra eorum Rheginum dicitur, de quibus aliquando Arist. tangit 2. Politicorum. De hoc Iosephus primo Antiqui. ait quod Astenagas filius quidem Gomer Astinegos instituit, qui nunc Rhegini vocantur a Græcis. *Riphat.* Iste est secundus filius Gomer, & ab isto nominati sunt Paphlagones habitantes in Asia iuxta montes Riphæos. De his Iosephus ait primo Antiqui. Riphath autem Riphæos cōdidit, qui dicuntur Paphlagones, & montes Riphæi, apud quos ipsi habitant a nomine eorum antiquo, scilicet, Riphath vsque hodie appellantur.

Et Thogorma. Iste est tertius filius Gomer, & ab isto nominati sunt Phryges: est enim quædam terra, quæ vocatur Phrygia iuxta Pamphylas, de qua Actuum secundo: sic enim vult Glo. ordin. interlinearis, & in terra ista Phrygiæ est ciuitas Troiana. Iste Thogorma vocatur apud Iosephum Tygran: & dicit de eo Tygran verò Tygranæos instituit, qui Phryges a Græcis appellati sunt: isti descendentes de Thogorma habitauerunt in quibusdam insulis, & abundabant in equis, & mulis, sic patet Ezechiel vigesimo septimo, cum loquitur Ezechiel ad urbem Tyri, scilicet: De domo Thogorma equos, & equites, & mulos adduxerunt ad forum tuum.

Filij autem Iauan. Iste Iauan fuit filius Iapheth quartus, & habuit ipse filios quatuor, scilicet, Helisa, Tharsis, Cethim, Dodanim, & etiam isti habitauerunt partim in Asia, partim in Europa.

Helisa. Iste est primus filius Iauan, a quo nominati sunt quidam populi Elisæi, postea tamen Aeolij appellantur, & morantur in Græcia: vnde Aeolij habent vnum de quinque idiomatibus Græcorum, de quibus dicit Ebrardus:

Atticus, Eolicus, Doricus, Ionicusque, Boetus,

Græcorum quinque sunt idiomata verè.

Iste Helisa apud Iosephum primo Antiquitatum vocatur Helisas, & dicit de eo: Helisas Helisæos vocauit eos quorum princeps fuit, qui nunc Aeolij nuncupantur: Isti tamen adhuc apud Hebræos vocantur semper Helisa: & quamquam Græci, & aliæ gentes mutauerunt nomina antiqua populorum non mutauerunt illa Hebræi, sed sicut Moyses nominauerunt: quamquam iam mutata essent a gentibus. Habitant autem descendentes de Helisa in quibusdam insulis, & abundat inter eos Iacynthus, & purpura, & ista ducebant per mare ad Tyrum. De hoc Ezechiel 27. scilicet, Iacynthus, & purpura de insulis Helisa facta sunt operimentum tuum. *Tharsis.* Iste est secundus filius Iauan, & ab isto nominati sunt Cilices, qui habitant in Asia: vnde ciuitas apud eos est, quæ vocatur Tharsis, vt ait Rabanus, & Glo. ord. fuit autem Paulus Apostolus de illa urbe Tharsis, vel Tharso: sic. n. ipse ait: Ego enim a Tharso Ciliciæ non ignotus ciuitatis municeps. De hoc Iosephus primo Antiqui. ait: Tharsis verò Tharsos appellauit: sic enim Antiquitus Cilicia vocabatur: Tharsus enim apud eos maxima ciuitatum metropolis est. Vocatur autem terra ista semper Tharsis apud Hebræos, sic. n. dicitur 3. Re. 10. q. mittebat Salomon in Tharsis negociatores semel per tres annos, & deferebant inde aurum, & argentum, & dentes elephantorum, & simias, & pauos. Sic. n. dicitur 2. lib. Paral. p. c. 20. q. mittebat Iosaphat naues, vt irent in Tharsis, tegeruntque classem in Aliongaber. *Cethim.* Iste est tertius filius Iauan, & ab eo nominata est insula Cyprus: vocatur tamen semper in hebræo ista insula Cethim, sic enim patet Hier.

A 2. cum dicitur: Transite ad insulas Cethim, & videre, & in Cedar mittite, & nō est nomen vnius insule, sed multarum: est autem Cyprus nō longe a Ierusalem. De hoc Iosephus primo Antiqui. ait: Cethim autem Cethini insulam habuit, quæ nunc dicitur Cyprus, & ab eo omnes insule, & maritima loca Cethim hebraicè nominantur. Testis enim est sermonis mei vna in Cypro ciuitatum, quæ antiquā appellationem voluit retinere: Cithis enim ab his, qui Græcum ei nomen imposuerunt, vocatur. *Et Dodanim.* Iste est vltimus filiorum Iauan, de quo nihil Iosephus loquitur, immo nec computat eum inter filios Iauan dicēs eos fuisse fratres, cum scriptura quatuor nominet. Ab isto Dodanim appellati sunt Rhodij, qui habitant in insula Rhodos, quæ est vna de Cycladibus, & in ea fuit olim magnus conuentus nauigatorum negotiantium, & ibi leges illæ, quæ Rhodiæ appellantur conditæ sunt: pertinet autem ista insula ad Græciam, & tamen isti adhuc vocantur in Hebræo Dodanim, & erant etiam negociatores per mare: sic enim vocat eos Ezechiel, vt patet Ezech. 27.

Quare ponitur proles quorundam filiorum Iapheth faciens populos, & aliorum non. Quæst. VI.

C **Q**UARE I T V R circa istos filios Iapheth quomodo ponitur quorundam ipsorum proles faciens populos, & aliorum nō: nam Iapheth habuit septem filios, vt patet in litera, & tñ non ponuntur gentes aliquæ nominatae a filiis aliorum Iapheth, nisi duorum tantum, scilicet Gomer, & Iauan.

Aliquis dicit, q. a filiis istorū, qui nominantur hic non fuerunt aliquæ gentes descendentes eo, q. illi filij Iapheth mortui sunt sine liberis, scilicet nullus illorum habuit filios præter Gomer, & Iauan.

Sed dicendum, q. hoc non stat, quia necesse est, q. a quolibet filiorum septem Iapheth nominata fuerit aliqua gens, quia Gen. 10. nominantur septem filij Iapheth, & septē nepotes, sicut hic, & postea subditur. Ab his diuise sunt insule gentium in regionibus suis, vnusquisque secundum linguam suam, & familias in nationibus suis. Ergo quilibet illorum nominatorū ibi habuit aliquam familiam a se deriuatam, & aliquod idioma, quod non poterat esse si aliquis istorum moreretur sine liberis.

D **D**icendū ergo, q. quilibet de septem filiis Iapheth habuit aliquos filios succedētes sibi, & tñ nō oēs illi nominauerunt gentes, scriptura autē non vult nominare, nisi illos a quibus deriuatae sunt gentes aliquæ distinctæ ab aliis, quæ haberēt idiomata propria. Patet hoc, quia Gen. 10. vbi ponuntur oēs generationes triū filiorum Noe dñ in fine generationis vnus cuiusque, q. illi fuerunt in gentibus suis vnusquisque fm linguam suam. Et quia si scriptura narrasset oēs descendentes ab istis, aliqui eorum vocauissent gentes de noīe suo, & fecissent varia idiomata, & alii non, voluit solum nominare illos quorum posteri habuerunt idiomata distincta ab idiomatibus aliarum, & sic quia filij quinti filiorū Iapheth, scilicet Magog, Madai, Thubal, & Moisch, & Thiras non condiderunt populos habentes idiomata distincta a populis, quos cōdiderunt patres sui, non nominauerunt aliquas gentes distinctas a gentibus, quas nominauerunt patres eorum, sed manebant in familiis ipsorum. Alii autem quorum filii nominantur, habuerunt diuersos populos, & idiomata, scilicet, quod alii fuerunt populi nominati a patribus, & alii a filiis. Idem dicendum est de filiis Cham, & Sem, quia ex aliquibus filiis Cham, & Sem ponuntur nepotes, ex aliis autem non, eadem ratione.

I. Paralip.

Cap. I.

An potuit esse, quod patres aliquas gentes nominarent, & alias filij.

Quest. VII.

QVAERITUR ulterius quomodo potuit esse, quod patres nominarent gentes aliquas, & filij alias, utpote, quod Gomer nominaret gentem unam, & tres filij eius nominarent tres gentes distinctas a gente nominata a Gomer. Sic etiam de Iauan, & quatuor filijs suis. Nam ut hoc impossibile, quia gens quaecunque deriuatur ab aliquo principio, & continuatur per successionem posterorum, & tamen pater non habet alios posteros, nisi filios, ergo non possunt filij nominare gentes diuersas a gente nominata a patre: vel si filij nominant diuersas gentes, pater nullam poterit nominare, quia nullus esset in quo continuaretur ista nominatio cum filij sui habeant nominationes aliarum gentium.

Respondendum est, quod non potest nominari una gens a patre, & quod a quolibet filiorum alia gens nominetur. Sed dicendum, quod quandoque a patre nominatur aliqua gens, & a filijs nominantur alie, oportet esse plures filios, quam gentes nominatas ab eis, utpote si pater nominat unam gentem, & habet filios sex, poterunt illi nominare solum quinque gentes, & unus filius illorum non nominauit aliquam gentem, sed continuabitur per illum successio illius gentis, quae a patre suo nominatur: sic enim esset hic de Gomer: nam ipse nominauit unam gentem, & dicitur, quod habuit tres filios. scilicet Asemez Riphath, & Thogorma, & ab istis nominatae sunt tres gentes. Dicendum tamen est, quod ad minus ipse habuit quatuor filios, & exprimuntur hic nomina trium, qui nominauerunt gentes speciales distinctas a gente patris, nomen autem quarti filij non exprimitur eo, quod ille non nominauit aliquam gentem specialem, sed mansit in eo, & in posteritate eius nomen gentis nominatae a patre suo Gomer. sic etiam fuit de Iauan. Nam dicitur hic, quod habuit quatuor filios, quorum nomina exprimuntur, intelligendum est tamen, quod habuerit ad minus quinque, vel plures, & a quinto, qui non nominatur non fuit aliqua gens specialiter nominata, sed in illa continuatum fuit nomen gentis nominatae a patre suo Iauan.

Sciendum autem, quod filij Iapheth possederunt fere omnes insulas orbis, cum dicatur Gen. 10. Enarrata posteritate Iapheth ab his diuise sunt insulae gentium in nationibus suis, & regionibus. Historiographi tamen gentium voluerunt omnes insulas orbis fere a Graecis occupatas. Sic enim ait Rabanus, scilicet Dodanum Rhodios condidit: sic enim septuaginta Interpretes transtulerunt. Legamus Varronis de antiquitatibus libros, & summi Catonis, & Graeci Phlegetota, ceterosque, & videbimus poene omnes insulas, & totius orbis litora, terraeque maritimas Graecis accolis occupatas, qui aethiam, & thaurum montibus, omnia maritima usque ad Oceanum possederunt.

Filij Cham, Chus, & Mesraim, & Phut, & Chanaan. Filij autem Chus, Saba, & Hevila, Sabatha, & Regma, & Sabathacha. Porro filij Regma Saba, & Dadan. Chus autem genuit Nemrod. Ille coepit esse potens in terra. Mesraim vero genuit Ludim.

Filij Cham. Hic ponitur progenies secundi filij Noe, scilicet Cham. Habuit autem Cham filios sex, & nepotes fere viginti quatuor, & ex omnibus his tam filijs, quam nepotibus nominatae sunt gentes triginta, quae habuerunt triginta idiomata: habitauerunt autem

Isti pro magna parte in Asia: maxima tamen pars eorum Africam occupauit, de hoc Iosephus, 1. Antiqui. ait. Filij autem Cham a provincia Syria, & Aman, & Libano montibus cunctas terras obrinuerunt, quaecunque sunt versus mare posite, apprehendentes etiam eas, quae usque ad Oceanum sunt, & proprias facientes appellationes, tamen aliorum quidem nomina omnino perierunt, aliorum autem transmutata, & transformata nimis ignota sunt. Chus. Ille est primus filius Cham, & ab hoc nominati sunt Aethiopes, sic. n. dicit Iosephus, 1. Antiqui. scilicet Aethiopes quorum princeps fuit Chus, haecenus a semetipsis, & ab omnibus Asianis Chusci vocantur.

Et Mesraim. Ille est secundus filius Chamet: ab isto nominati sunt Aegyptij, unde in Hebreo sepiissime Mesraim pro Aegypto ponitur, immo ubicunque nos habemus Aegyptum in sacra Scriptura Hebraei habent Mesraim, siue ut proprius dicatur, Mizraim. Iosephus tamen primo Antiqui. dicit, quod istud nomen adhuc seruatur apud Aegyptios, nam quaedam ciuitas eorum Merseis appellatur, & ibi fuit magni studium olim, & de hoc dicit Hierony. in Epistola ad Paulinum, quod iuit Pythagoras ad Memphiticis vates. Est autem ista ciuitas famosa in Aegypto, & nominata eam Isaias, quando loquitur contra Aegyptum, scilicet: Emarcuerunt principes Memphicos. Isa. 19. & vult Iosephus, quod ponatur in Graeco Merseis loco huius, quod in Hebraeo dicitur Mesraim. Phut. Ille est tertius filius Cham, & ab isto nominata est Lybia, de hoc Rabanus ait, & glo. or. Phut Lybies nominata a quo, & Mauritanie fluius dicitur Phut, & regio Phutensis. Multi autem scriptores tam Graeci, quam Latini huius rei testes sunt. De hoc Iosephus Antiqui. 1. ait, Instituit autem, & Phut Lybiam Phutos a se nominans provinciales. Est etiam, & fluius in Mauritaniam provincia, qui isto nomine nuncupatur, unde & plurimos Graecorum Historiographorum inuenimus huius fluminis memoriam facientes, & ex adiacenti provincia, quae Phut vocatur ei nomen impositum. Mutatum est autem nomen ei, quod nunc est ab uno filiorum Mesraim, qui Lybius dictus est.

Et Chanaan. Ab hoc nominati sunt Chananei. Pro quo sciendum, quod Chananeus accipitur dupliciter in scriptura, aliquando pro omnibus septem populis, quorum terram acceperunt Israelitae, aliquando autem accipitur pro uno populo illorum, qui specialiter Chananeus vocabatur. Et sciendum, quod iste populus non vocatus fuit Chananeus specialiter ab aliquo de filijs Chanaan, sicut alij sex populi, scilicet Heuei, Hethaei, Jebusei, & ceteri, qui nominati fuerunt a sex filijs Chanaan, quorum nomina ponuntur hic, sed nominatus est ab ipso Chanaan.

Sciendum etiam, quod iste Chanaan fuit maledictus a Noe suo. Nam quando ipse bibito vino ebrius iacebat nudatis verendis, filius suus Cham irrisit eum, & alij duo maiores, scilicet Sem, & Iapheth cooperuerunt verenda patris vultibus auersis, & tunc Noe maledixit Chanaan, dicens: Maledictus Chanaan puer, seruus sergorum erit fratribus suis, Gen. 9. & non maledixit Cham, qui malum fecerat, sed filio eius minimo, scilicet Chanaan, & dicit Iosephus. 1. Antiqui. quod hoc fecit propter cognationem immediatam ad filium, non enim maledixit ei, sed nepoti, & ideo vocantur omnes Chananei semen maledictum ab initio, ut patet Sapientia duodecimo, scilicet: Semen enim erat maledictum ab initio, nec timens aliquem, veniam dabis peccatis eorum. Et ista maledictio fuit, quae inflata fuit in principio generis sui, scilicet ipsi Chanaan. Filij autem Chus. Hic redit scriptura ad ponendum nepotes, & pronepotes, ex quibus deri-

uatae sunt gentes multae, & ponit prima proles ipsius Chus, quia iste fuit primogenitus Chae: Saba. Habuit Chus filios sex, & primus eorum fuit Saba, & preter hoc nominatur postea alius Nerod. Et sciendum, quod ponitur hic bis Saba, & sunt nomina diuersa, vnde scribuntur per diuersas literas apud Hebraeos, nam Saba hic scribitur per Samech, & inf. scribitur per Sin: est autem Samech durioris prolationis, quam Sin: Ab isto Saba nominata est gens Sabaeorum, quae moratur in Arabia, & apud istos est multum de Thure: ideo poete quando loquuntur de thure ponunt connotatum eius, quod sit Sabaeum, quasi in regione Saba sit plus de thure, quam in alijs regionibus, vel sit illud preciosius, quam alia thura.

Et Heuila. Iste est secundus filius Chus, & ab isto nominati sunt Heuilei, qui nunc Getuli appellantur, ut ait Iosephus primo Antiq. morantur isti Getuli in Africa: Aliqui tamen putant, quod gentes nominatae ab Heuila morentur ad partem orientalem Asiae circa Indiam: nam vocatur quaedam terra Heuilath in Oriente Indiae, vnde Gen. 2. dicitur quod primus fluuius paradisi vocatur Phison, ipse est qui circuit terram Heuilath, vbi nascitur aurum, & aurum terrae illius optimum est, & tamen hoc non est verum, quia tota terra orientalis Asia occupata fuit a filiis Sem, & ipsi tenuerunt terram Heuilath cum alijs prouincijs orientalibus, filij autem Cham non tenuerunt de Asia, nisi partem occidentalem eius declinando versus meridiem. Et ideo dicendum, quod Heuila Getulos nominauit, ut dictum est. *Et Sabatha.* Tertius filius Chus, ab isto nominati sunt etiam Sabaei, vel magis Sabatheni, qui secundum Graecos Vstabarri appellantur, & est gens distincta ab illis Sabaeis, apud quos multum est de thure.

Regma. Iste est alius filius Chus, & ab eo nominatae sunt gentes quaedam, quae Ramei dicuntur, ut ait Iosephus primo Antiq. Et de hoc dicit, quod habuit duos filios, de quibus infra dicitur. *Et Sabatha.* Quintus filius Chus, a quo nominata est quaedam gens, sed illius nomen iam apud nos non manet, nec etiam Iosephus recolat illius, quia plurimae istarum gentium bello Aethiopie subuersae sunt, & obliuionem priorum nominum habuerunt, vel poterit esse, quod gens ista totaliter perijt, & sic nomen & populus simul esse desierunt. Porro filij Regma. Hic ponuntur pronepotes Cham: nam Regma nepos eius fuit. Dicit Iosephus de his duobus nominans eos alijs nominibus, scilicet Iudas, & Sabath, & ait quod Iudas Aegyptiacam gentem Hesperiorum inhabitans, Iudeis quidem cognomen suum reliquit. *Saba.* Iste est primus filius Regma, & ab isto vocantur Sabatheni, ut ait Iosephus primo Antiq. Et isti sunt populi distincti ab omnibus precedentibus, & scribitur hic Saba cum Sin, & supra scribebatur cum Samech, isti Sabatheni, & etiam Regma, a quibus ipsi descendunt, habitant in terra Thurifera, vnde ipsi per mare ferebant thus, & alia aromata in urbem Tyrum ad vendendum, ut patet Ezech. 27. cum dicitur: Venditores tui Saba, & Regma, ipsi negociatores tui cum vniuersis primis aromantibus, & lapide precioso, & auro quod proposuerunt in mercatu tuo.

Et Dadan. Iste est secundus filius Regma, & Iosephus vocat eum Iudam, & tamen Scriptura sacra semper vocat eum Dadan, & nominatae sunt ab eo quaedam gentes, quarum nomen Latinum non habemus, nec Graecum, sed nomen sacre scripturae, scilicet Dadan, & isti morantur apud Arabiam, & abundant in dentibus eburneis, & hebeninis, & similibus, de quibus ducebant in urbem Tyrum, & vendebant, de his patet Ezech. 27. scilicet Filij Dadan negociatores tui, insule multae negotio manus tuae: dentes eburneos, & hebe-

A ninos commutauerunt in precio tuo. Et iterum dicitur. Dedan institores tui in tapetibus ad sedendum. *Chus autem genuit Nemrod.* Iste Nemrod fuit etiam de filiis Chus, & non fuit supra numeratus cum illis, sed interpositis filiis Regma mentio fit de eo, & ideo aliqui dubitant an Nemrod fuerit de filiis Cham, vel de filiis Sem, & tamen dubium eorum non est rationabile, quia patet hic, quod fuit filius Chus, & tamen filius Chus fuit Chae, ut patet supra, sed forte scriptura locuta est de Nemrod per se tanquam volens proponere aliquod speciale, quia iste fuit princeps magnus, quod non accidit alicui de alijs filiis Cham. *Iste cepit potens esse in terra.* Iste Nemrod fuit primus homo, qui in terra coepit habere principatum, nam ante istum homines aequali lege vivebant, nullum principem aut dominum cognoscentes: iste autem cepit dominari inter ceteros, & post eum fuerunt alij reges.

Qualis fuerit Status Nemrod.
Quaest. VIII.

QUAE RITUR de statu istius Nemrod. Respondendum, quod iste fuit de filiis Chus, & accepit regnum in Babylone. Describit autem modum Methodius martyr in libro Chyladium, id est millenariorum, quod Nemrod iuit ad Ionitum quartum filium Noe, de quo supra diximus, & eruditus est ab eo accepitque consilium in quibus regnare posset, praedixitque ei de ortu trium regnorum, & quod prius regnum esse debebat in stirpe Cham, deinde in stirpe Sem: postea in filiis Iapheth: tunc accensus desiderio regnandi venit ad suos, & sollicitauit eos, accepitque inter eos principatum, vnde ipse fuit princeps in Babylone, quando aedificata est turris. Considerandum tamen pro hoc, quod mox ut diluuium cessauit egredientes homines de arca habitauerunt multo tempore in montibus Armeniae, qui sunt altissimi: non audentes descendere ad plana, eo quod timebant diluuium iterum venturum, & erant ibi in loco securiori quam in plano, & tunc tres filij Noe principes ceterorum compulerunt illos ad plana descendere, cum ipsi primo descendissent, & tunc venerunt in campum Sennar, in quo Babylon aedificata est, Gen. 11. de hoc Iosephus primo Antiq. modus autem venendi fuit, sicut narrat Philo Iudaeus in libro suarum quaestionum super Gen. 1. quod ex tribus filiis Noe adhuc ipso viuente nati sunt viginti quatuor millia virorum praeter mulieres, & paruulos habentes super se duces tres, nam filij Sem habuerunt Iechan in ducem: filij Cham habuerunt Nemrod: filij Iapheth habuerunt Suphene: post obitum vero Noe conuenerunt duces cum agminibus suis in campum Sennar, ut ibi ciuitatem construerent: cum autem aedificarent, diuisit Deus linguas eorum & mutauit effigies, & non cognouit quisque fratrem suum, nec intellexit linguam proximi sui. Cum autem magistri artificum lapides peterent, ministri aquam afferebant, & cum illi aquam quaeiebant, alij afferebant stipulam, & sic frustrati cogitatione sua cessauerunt aedificare. Tunc diuisi sunt omnes homines, qui ibi erant, & dispersi fuerunt per terras, & Nemrod mansit in Babylone, vbi erat ciuitas aedificata, & turris, & fuit ibi rex: Iste fuit primus rex seculi, & ab isto ceperunt ceteri alij reges, & fuit regnum istius regni Assyriorum. Post hunc autem regnauit filius eius Belus, ideo vocatur Belus Nemrodides, id est filius Nemrod: postea autem regnauit Ninus filius Beli: iste autem fuit, qui primus bella instituit contra diuersas gentes, ut eas suo subiceret impio, cuius vxor fuit Semiramis regina Babylonis, qui post mortem Nini multas gentes imperio subiecit, nam Actiuo.

Aethiopibus bellum intulit. Ista desiderio regnandi accepit filium suum in manu, ne ipso accipiente alia uxorem, desineret ipsa regnare: & ad occultandum quendam honestate legis ignominiam suam, legem tulit, ut liceret cuicunque mulieri filium suum in maritum accipere, ut ait Paulus Orosius primo de Orbe ista mundi. Ab hoc enim tempore incipiunt enarrare omnes antiqui historiographi, quia gesta priora occultantur fuerunt propter ruditatem illius seculi, & nisi Sacra scriptura de illis egisset, nihil omnino nobis cognitum esset. De isto autem Nemrod, qui fuit post omnium principum terre, dicitur Gen. 10. quod cepit esse potens, & Robustus venator coram Domino, idest oppressor hominum: nam subiecit eos violenti principatui suo, & hoc publice, quod dicitur fieri coram Domino. Vel ipse erat Robustus venator coram Domino, quia faciebat homines superbos contra Deum: de hoc Iosephus Antiqui primo ait: Deo autem iubente eos ad clementem hominum pervenire dispersi sunt, qui congregati erant in Babylone, ne inter se dissensiones efficerent, sed ut multa colentes spacia terrarum, abundantia fructuum potirentur. Qui cum essent ineruditi, & Deo inobedientes existerent, in calamitatibus incidentes, sua graviter peccata senserunt, & quia invicem multitudinem feruebant, rursus Deus eos ab invicem migrare fecit: quoniam non illius propinatione putabant se habere bona, sed propriam fortunam causam sibi credebant esse divitiarum: unde appoluerunt, ut voluntati Dei inobedientes existerent, putantes quod per invidiam Dei ab invicem separarentur, ut divisi possent Deo facilius subiugari. Fecit autem eos esse elatos ad injuriam Dei, & contemptum Nemrod filius Cham filij Noe, qui cum esset audacior, & manu fortissimus, suadebat eis, ut non Deo ascriberent, quia hominibus per illum felicitas eveniret: sed hoc eis propria virtute preberetur, & cognatos generis sui ad causam Tyrannidis adduxit, solus ipse presumens homines a Dei timore revocare, & spem suam in propria virtute ponere, vicisque contra Deum putabant comminantiem terre diluvium: ob quam causam turrem adificandam altiore suadebant, ut aqua non posset ascendere. *Mesraim vero.* Iste est secundus filius Cham, & ponitur hic progenies sua. *Genuit Ludim.* Aliqui putant ab isto Ludim dictos fuisse Lydos, & tamen positio contraria est Iosephi, & aliorum historiographum dicentium Lydos esse de genere Sem, a quodam, qui vocabatur Lud. Ideo dicendum quod ab isto Ludim aliqua gens nominata est, sed nomen eius nunc apud Latinos, & Gracos ignoratur, testante Iosepho libro primo Antiqui.

Et Ananim, & Laabim, & Nephtuim, Phetrusim quoque, & Chasluim, de quibus egressi sunt Philisthim, & Caphtorim.

Et Ananim. Ab isto nominata fuit quaedam gens, cuius eodem modo nomen ignoratur. *Et Laabim.* Ab isto nominata est provincia quaedam Labia, de quo Iosephus primo Antiqui. ait: Solus Laabim a te provinciam Labiam nominavit. *Et Nephtuim.* Aliqua gens est, cuius nomen apud Latinos, & Gracos ignoratur: & tamen istae tres gentes, scilicet, Ludim, Laabim, & Nephtuim, & etiam quarta, scilicet, Ananim habuerunt sedes apud terram Chanaan: debellate tamen sunt in bello. De his dicit Rabanus, & glo. ordi. quod de omnibus gentibus descendentes de Mesraim exceptis Laabim, a quibus Lydies nominati sunt, qui prius Putei, & Casluim dicebantur, quae

postea Philisthim dicti sunt. Ceterae gentes ignotae sunt nobis, quia bello Aethiopico subversae in oblivionem praeteritorum nominum pervenerunt, & possederunt terram, quae est ab vrbe Gaza, quae est in terra Philistinorum, usque ad extremos terminos Aegypti. *Petrusim quoque, & Casluim.* Isti sunt duo viri filij Mesraim, a quibus nominatae sunt duae gentes, quae postea nomina perdiderunt, & vocatae sunt Philisthim; ideo dicitur hic, & Genes. 10. quod egressi sunt Philisthim de Petrusim, & Casluim, scilicet fuerunt de stirpe eorum.

De quibus egressi sunt Philisthim, & Caphtorim. Duae gentes erant a principio, quae vocabantur Phetrusim, & Casluim, & postea mutaverunt nomina, & acceptum alia duo: nam Phetrusim vocati sunt Philisthim, & Casluim vocati sunt Caphtorim, & hoc ponit scriptura hic, quia sic posuit Moyses, Gene. 10. nam istae gentes ceperunt a principio vocari Phetrusim, & & Casluim. Et quia tempore Moyse mutata erat ista nomina, & vocabantur Philisthim, & Caphtorim, posuit Moyses ista duo nomina. De Philisthinis dicendum quod isti tenebant quandam provinciam, quae erat in terra Chanaan ad partem Meridianam eius, & Cant in terra illa quinque Metropoles urbium, scilicet, Gaza, Ascalon, Geth, Accaron, Azotus, Iosue, decimo tertio. Et in istis quinque civitatibus erant quinque reguli, qui propter parvitatem terrae interdum vocabantur reguli, & interdum Satrapae, eodem cap. & primo Regum sexto. Maxima autem pars terrae Philistinorum cecidit in sorte tribus Iude, quia ibi fuerunt civitates praecipuae eius, ut patet Iosue decimo quinto. Isti Philisthini habuerunt bella multa contra Israelitas, & oppresserunt eos multo tempore dominantibus iudicibus in Israel, ut patet ex processu libri Iudicum, & etiam regnante Saule, & David, ut patet ex processu primi, & secundi Regum: gens autem Philistinorum, quamquam aliquando subiceretur Israelitis ad tributa, sicut fuit tempore David 2. Regum 8. & infra 18. cap. & tempore Salomonis tertio Regum nono, & infra secundo libro, capitulo octavo: tamen numquam fuerunt deleti, nec terra illa fuit unita regno Iuda, vel Israel: sed postea adhuc expulsis Israelitis de terra in Assyrios, & regno Iuda in Babylonem: manebant in terra Philisthini: nam tempore Machabeorum erant in terra Philisthini, & pugnant contra eos Iudas Machabeus, & frater suus Ionathas, ut patet ex processu primi, & secundi Machabeorum: manent autem gentes istae etiam, usque ad hodiernum diem. De Caphtorim Iosephus libro primo Antiquitatum, capitul. decimo secundo, dicit, quod nihil habemus, nisi nomen, sic etiam alii historiographi, & tamen septuaginta interpretes dicunt, quod Caphtorim sunt Cappadoces. Est autem aliqua verisimilitudo ad hoc, quia Deuteronomi secundo, dicitur Heueos quoque qui habitabant in Haseirum usque Gazam, Cappadoces expulerunt, qui egressi de Cappadocia deleverunt eos, & habitauerunt pro eis.

Quare scriptura aliquid speciale facit in Nemrod, & non in aliquo alio. Quast. IX.

QVAERITUR quare scriptura facit hic aliquid speciale in Nemrod, quod non facit in aliquo alio, scilicet, quod cum esset filius Chus, non nominavit eum inter filios Chus, sed enarratis illis, & postea filiis Regma dixit, Chus autem genuit Nemrod.

Respondendum, quod duae causae fuerunt ad hoc, quarum una posita fuit supra secundum quoddam, scilicet, quod

quod scriptura voluit facere aliquid speciale in Nemrod, eo quod ipse fuit specialis inter homines omnes temporis sui: nam ipse cepit esse potens in terra, idest primus rex. sed ista causa non multum confert, quia scriptura non faceret istud speciale in Nemrod, quia ipse fuit specialis inter ceteros, nisi istud ostenderet eum fuisse specialem, & tamen per hoc non apparebat eum fuisse specialem, sed potius turbabatur scriptura cum non poneretur in ordine suo. Dicendum ergo, quod alia fuit causa, scilicet, quia scriptura enarrauit hic illos descendentes a Noe, a quibus aliqui populi nominati sunt, & habuerunt diuersa idiomata: & ista fuit causa, quare cum omnes filij Thubal, & aliorum filiorum Iapheth habuissent filios, non nominati fuerunt filij aliquorum, nisi filij Gomer, & Iauan, eo quod a filiis istorum nominatę sunt aliquę gentes speciales, & tamen nullę nominatę fuerunt ab alijs nepotibus Iapheth; sed habuerunt ipsi nomen illarum gentium, quę a patribus eorum deriuatę sunt; ita fuit de filiis Chus, quia aliqui eorum nominauerunt aliquas gentes specialiter, & illi fuerunt quinque supra positi, de quibus non fuit Nemrod: ideo subtriceri debebat, ne putaretur aliqua gens ab eo nominata, sicut a ceteris, & quia tamen Nemrod fuit specialis inter ceteros, cum ipse fuerit primus rex in terra, & regnauerit in Babylone Gene. 10. non debuit subtriceri, & si poneretur inter ceteros filios Chus, causeret errorem, ideo nec debuit subtriceri, nec etiam poni inter ceteros filios Chus, a quibus denominatę sunt gentes, sed posita progenie Chus, & deinde progenie Regna positum est, quod Chus genuit Nemrod. Aliquis fortę dicet, quod nō fuit aliqua causa ad hoc, sed factum est per accidens non aduertente Esdra ad hoc. Sed dicendum, quod non stat, quia cum Esdras spiritu Dei ista scriberet, non est verisimile, quod ageret aliquid sine mysterio: potissimę quia hic mutabat ordinem solitum, & turbabat intellectum scripturę: hoc autem non faceret sine causa. Item adhuc patet magis, quia Gen. 10. posuit Moyses istud idem, & nō posuit Nemrod cum reliquis filiis Chus, sed descripsit illis, & postea filiis Regna dixit, porro Chus genuit Nemrod, & sic oportet dari aliquod mysterium, quare istud factum fuerit, & nullam aliud fuit, nisi quia Nemrod non erat de illis filiis Chus, a quibus nominatę sunt gentes aliquę speciales, quę habuerint propria idiomata.

Quare scriptura facit differentiam aliqualem inter Phetrusim, & Casluim, & alios in scriptura nominatos.

Quest. X.

QUÆRITUR vlteriüs, quare dixit hic scriptura de Phetrusim, & Casluim, quod egressi sunt de eis Philisthijm, & Caphthorim cum de nullis alijs gentibus dicatur simile, sed solum exprimuntur nomina istorum, a quibus gētes nominatę sunt.

Respondendum, quod Philisthijm, & Caphthorim non sunt alia nomina, sicut alia, quę ponuntur hic, quia omnia alia hic posita sunt nomina virorum singularium, quę sunt de stirpe Cham, & Sem, & Iapheth, & quamquam aliqua eorum putentur a quibusdam esse pluralis numeri sicut Laabim, Dodanim, Ludim, & Ananim, tamen sunt singularis numeri, quia sunt nomina propria virorum: Philisthijm tamen, & Caphthorim non sunt nomina virorum, sed gentium: & dicitur quod istę duę gentes, scilicet, Philisthijm, & Caphthorim descenderunt ab istis duobus viris, scilicet Phetrusim, & Casluim, nam isti duo viri nominauerunt a principio gentes istas de nomine suo, & postea

A illę mutauerunt nomina, & vocatę sunt Philisthijm, & Caphthorim. Dicunt autem Hebręi, quod expressum fuit specialiter de istis duabus gentibus, scilicet, quia Phetrusim, & Casluim commutabant inter se vxores, & per istum modum ab ambabus gētib; descenderunt Philisthini. Motiuum autem eorum est, quia dicitur simul, quod de Phetrusim, & Casluim descenderunt Philisthini, & ipsi nesciunt illum modum, per quem hoc fieret, nisi quod Phetrusim, & Casluim commutarent vxores, & sic ex ambabus gentibus simul descendit eadem gens, scilicet, Philisthijm. Nicolaus autem consentiens aliququaliter isti positioni vult honestare modum, dicens: quod fortę non fiebat hoc per commutationem vxorum, sed quia vna gens accipiebat vxores de filiabus alterius, & ē conuerso.

Sed dicendum, quod non stat hoc propter duo. Primo, quia Hebręi errant putantes, quod Phetrusim, & Casluim sint nomina gentium. Nam sunt nomina virorum, cum hic nominentur omnes filij Cham, Sem, & Iapheth, a quibus nominatę sunt aliquę gentes, ideo non debet dici, quod istę duę gentes commutabant vxores. Secundo errant, quia dato quod istę essent duę gentes, non oportebat, quod diceremus, quod cōmutabant vxores ad hoc quod possent descendere Philisthij n de eis, nec etiam oportet dicere secundum Nicolaum, quod vna gens istarum accipiebat de filiabus alterius in vxores, quia istud esset, si diceretur solum de Philisthijm, quod egressi sunt ab istis duabus gentibus. Et tamen dicitur, quod de Phetrusim, & Casluim descenderunt Philisthijm, & Caphthorim reddendo singula singulis, scilicet, de Phetrusim descenderunt Philisthijm, & de Casluim descenderunt Caphthorim. Dicendum ergo quod Phetrusim erat vnus vir, & ab eo descenderunt Philisthini, & Casluim erat alius vir, & descenderunt ab eo Caphthorim.

Sed tunc adhuc manet dubium, quare dictum est hoc specialiter, cum in alijs, numquam fuerit dictum simile.

Respondendum, quod potest esse duplex causa. Prima, quia in istis factum est aliquid speciale, quod non fuit in alijs, quia in omnibus alijs gentes nominabantur de nomine suo, vt Laabim nominaret Laabienos, & Gomer Gomeritas, & Thubal Thubalitas, & sic de ceteris: in istis autem non factum est sic, quia de Phetrusim deberent vocari Phetrusim, & vocati sunt Philisthini, & de Casluim deberent nominare Casluim, & nominantur Caphthorim. Secunda causa potest esse, quod Esdras fecit hoc ad significandum mutationem in nominibus: nam licet a principio Phetrusim, & Casluim nominauerint duas gentes de nominibus suis: tamen tempore, quo scriptus fuit iste liber erant mutata nomina illarum, quia iam vocabantur Philisthijm, & Caphthorim, ideo voluit ponere nomina, quę iam habebant, quando erant mutata priora: in alijs autem gentibus non erat hoc, quia nullis eorum fuerat nomen adhuc mutatum: ideo de alijs nihil dixit.

Sed aliquis obijciat, quod etiam mutata essent nomina multarum gentium, quia Gręci historiographi mutauerunt plurima nomina virorum, & gentium, & tamen ante Esdram iam ceperant inter Gręcos esse Historiographi, & Poetę, qui describerent gesta temporum, Nam Orpheus Poeta, & Linus, & Muleus ante bellum Troianum fuerunt: nam tempore Iasonis fuit Orpheus Poeta, & ipse iuit in naue Argonautarum de Gręcia in insulam Colchos pro vellere aureo cum Iasone, & hoc fuit ante bellum Troianum, & illud bellum accidit tempore Iudicum, vt declaratum

In Præfationem secundam

tum est libro Iudic. 12. ab illo autem tempore vsque ad Esdras fuerunt plusquam septingenti anni, vt patet colligendo tempora iudicum, & regum, & captiuitatis Babylonice: ideo iam essent à Græcis multa nomina mutata.

Respondendum, quòd tempore Esdræ Græcorum historiographi plurima mutauerant nomina istarum gentium, & tamen Esdras secutus est Moysen, qui scripsit ista Gen. decimo, & sicut ille scripsit, ita & iste. De tempore autem Moyfi dicendum, quòd non erant mutata alia nomina nisi illa, eo quòd nondum fuerant historiographi gentium apud Græcos, vel alias gentes, qui mutauissent nomina gentium, & regionum. Sed tunc dicitur quòd Moyses rationabiliter ponebat de istis duabus gentibus, quòd mutauissent nomina, quia istæ solæ mutatae erant tempore suo, & tamen Esdras, cuius tempore plurima nomina mutata erant, debuerat ponere omnia nomina mutata, vel nullum illorum.

Respondendum, quòd iste liber fuit suppletivus, & declaratiuus aliorum librorum sacrae scripturae: ideo debuit concordare modo illorum, & quia nunc supplebat, & continuabat generationes, quas narrauerat Moyses in Genesi, debuit concordare illi, potissimè quia sacra scriptura habet auctoritatem à Spiritu sancto, & non attendit ad auctoritatem hominum. Et sic quamquam historiographi Græcorum, & aliarum gentium mutauissent plurima nomina in gentibus, & terris, non curauit facere mentionem scriptura de ista mutatione. Tertia causa esse potest, quia scriptura attendit ad illa, quæ pertinebant ad declarationem eius, quòd intendebat, & quia intentio scripturae erat circa descriptionem populi Dei, qui deriuatus est per filios Iacob, & isti habuerunt bella multa cum Philistinis, & alijs gentibus propinquis, voluit scriptura declarare nomina istorum potius, quam aliarum gentium, cum quibus nulla communicatio erat Iudeis, nec aliquando facienda erat mentio in scriptura de eis.

An Philisthini fuerint de genere Chananæorum.
Quest. XI.

QUÆRITUR vterius an Philisthini fuerint de genere Chananæorum. Aliquis dicit, quòd sic, quia Deus promisit Israelitis terram Chanaan, & tamen cum illa dedit terram Philistinorum: ergo erant Philisthini de stirpe Chanaan. Patet magis, quia Numeri trigesimoquarto, Deus posuit terminos, quos Israelitæ habituri erant in terra Chanaan, & intra illos terminos includitur tota terra Philistinorum, vt colligitur Iosue decimoquinto, vbi maior pars terræ Philistinorum cecidit in sorte Iudæ, quòd non fuisset, nisi esset ista terra Chananæorum. Etiam patet quòd Deus iussit, quòd ista terra divideretur inter Israelitas per sortem, Iosue decimotertio, & tamen non iuberet, nisi esset terra promissionis.

Item quando cessauit Iosue pugnare, ponuntur gentes, quæ nondum fuerant subiectæ Israelitis de terra Chanaan, & inter illos ponuntur quinque satrapæ Philistinorum, Iosue decimotertio, & Iudic. tertio. In contrarium dicit aliquis, quòd non fuerunt Philisthini de stirpe Chanaan, quia hic ponitur, Phetrusim fuit filius Mesraim, & non filius Chanaa: ideo non fuerunt de stirpe Chananæorum.

Respondendum est, quòd Chananæi vocantur filij Chanaan, & isti fuerunt illi, qui nominantur in li-

Ftera, scilicet Sidon primogenitus, Ethetis, Hetæus, & ceteri. Et tamen dicendum, quòd non sunt omnes isti Chananæi, quos Deus tradidit delendos Israelitis, & possidendam terram eorum ab eis, quia septem populi fuerunt solum, quos Deus promisit delere ante faciem Israelitarum, scilicet Heuæus, Ethetis, Iebusæus, Amorrhæus, Chananæus, Gergesæus, Pherezæus, vt patet Deuteronomij septimo, & Iosue tertio, & tamen præter istos fuerunt alij Chananæi, sicut Aradij: nam Aradius filius est Chanaan, vt patet infra in litera, & tamen populus Aradorum non fuit de illis septem traditis Israelitis. Etiam non possederunt Israelitæ terram Aradorum, quia illa erat quædam insula in mari Mediterraneo non longe à Sidone, & tamen terra Israelitarum non habuit aliquas insulas, sed tota fuit terra continens, & extremitas sua occidentalis fuit litus maris Mediterranei: Numeri trigesimoquarto, ideo non habuerunt insulam Aradorum in parte sua. Sepe tamen dicimus, quòd fuerunt Philisthini Chananæi, & sic etiam videntur dicere auctoritates allegatæ in principio.

Aliquis dicit, quòd Philisthini vocantur Chananæi, quia quanquam non essent de stirpe Chanaan: erant de filijs Cham.

H Sed dicendum, quòd non stat, quia nunc Aegyptij, & Aethiopes, & fere tertia pars orbis diceretur Chananæorum, & tota illa pertineret ad possessionem Hebræorum, cū essent omnes isti de filijs Chæ, sed absurdum est.

I Dicendum igitur, quòd Philisthini non descenderunt de origine Chananæorum, sed de Phetrusim, qui filius fuit Mesraim, & tamen Philisthini computati fuerunt inter Chananæos, immo inter septem populos, qui traditi sunt Israelitis delendi, & terra eorum possidenda. Et hoc potuit esse propter duo. Primo quia Philisthini habuerunt terram intra terminos Chananæorum, vt patet Genesis decimo, scilicet. Factique sunt termini Chananæorum venientibus à Sidone Iezaram vsque Gazam, donec ingrediaris Sodomam, & Gomoirhā. Conscripsit tamen quòd intra terminos istos erant ciuitates Philistinorum, scilicet, Azotus, Accaron, Ascalon, & Geth: nam Gaza, quæ ponitur hic pro termino, erat maxime meridiana in terra Philistinorum, vt colligitur Iosue decimotertio, & decimoquinto, & patet ex declaratis ibi, & tamen Deus dederat totam istam terram Israelitis, assignando eis terminos eius. Numeri trigesimoquarto, & intra illos terminos habitabant Philisthini, ideo Israelitæ poterant pugnare contra Philistinos, & habitare in terra ipsorum, quia tenebant terram eis a Deo promissam, & sic scriptura nominat eos tanquam vnum de septem populis Chananæorum. Et forte poterat hoc esse, quia Philisthini pugnarent contra aliquos de Chananæis, & acciperent terram eorum, sicut dicitur Deuteronomij secundo, de Cappadocibus, scilicet, Heuæos quoque, qui habitabant in Haferim vsque Gazam Cappadoces expulerunt: egressi de Cappadocia deleuerunt eos, & habitauerunt pro eis. Plurimi tamen dicunt istos Cappadoces esse Philistinos, quòd satis concordat, quia ipsi acceperunt terram illam, in qua postea dicuntur morari Philisthini, scilicet, in Gaza, & alijs ciuitatibus coniunctis, & sic Philisthini succederent in loco, & nomine Heuæorum, quos expulerant de terra, & tamen Heuæi erant vnus de septem populis Chananæorum, ideo Philisthini haberentur tunc tanquam Heuæi, & computarentur inter septem populos Chananæorum.

K Secundo potest dici, quòd Philisthini erant iam vere

verè Chanaan, nam licet origo sua non esset a Chanaan, nec ab aliquo filiorum eius, sed a Phetruſin, qui erat de stirpe Meſſaim, tamen poſtea habitantes Philistiini in terra illa, in qua habitabant Chanaan: cum isti sunt Chanaan accipiēdo vxores de filiabus Chanaan, & sic filij Philistinorum erant iam verè Chanaan: magis tamen vocantur Chanaan, quia tenuerunt loca ipsorum.

Chanaan verò genuit Sidonē primogenitum suum: Heithaum quoque, & Iebuſaum, & Amorrhäum, & Gergeſaum Heuäumque, & Aracäum, & Aſinäum: Aradiū quoque, & Samarraū, & Hamathäum.

Chanaan verò. Iste est quartus filius Cham, qui maledictus fuit a Noe, & ponitur hic ſua poſteritas: nā multos filios habuit. *Genuit Sidonem primogenitum suum.* Sidon fuit primus filius Chanaan, & ab eo nominata est ciuitas quedam antiquissima Sidon, quæ est ſita in litore maris Mediterranei iuxta Tyrum, & ex hoc patet, quod Sidoni erant Chanaan, quia a filio Chanaan deriuati ſunt. *Eth, eum, Iebuſaum quoque, & Amorrhäum, & Gergeſaum, Heuäumque.* Iſti quinque etiam fuerunt filij Chanaan, & ab eis nominati fuerunt quinque de populis Chanaan, de quibus ſepiſſime in libris Moyſi, & in alijs historijs veteris teſtamenti habetur. Alij autem duo populi Chanaan non ponuntur hic, ſcilicet Pherezeus, & Chanaan. De iſtis autem quinque populis nihil iam manet ferè niſi nomina, quæ habentur in ſcriptura, eo quod Iſraelitæ introeuntes terram Chanaan deleuerunt illos, vt colligitur ex libris Iſue, & Iudicum.

Quare hic non ponuntur aliorum duorum populorum Chanaanorum capita.

Quæſt. XII.

QUÆRITUR quare non ponuntur hic capita aliorum duorum populorum Chanaan, ſcilicet, Pherezei, & Chanaan, quia iſti nominantur inter ſeptem populos Chanaan, & patres eorum fuerunt de filiis Chanaan: hic tamen ſcriptura ponit omnes populos deriuatos de filiis Chanaan.

Reſpondendū eſt, quod non potuit poni hic Chanaan, eo quod Chanaan non fuit nominatus ab aliquo de filiis Chanaan, ſed ab ipſo Chanaan, & fuit aliquis filius ſuus, vel forte multi, per quos deriuata eſt ſucceſſio ipſius Chanaan, quemadmodum ad nomen, quod impoſitum eſt huic populo ex nomine Chanaan: hic autem nominatur ſolum illi filij Chanaan, a quibus nominati ſunt aliqui populi, qui non fuerant nominati a patre. De Pherezeo dicendum quod ille fuit populus nominatus ab aliquo de filiis Chanaan, & poterat nomen illius poni, ideo dicendum quod hic ponitur, & tamen appellatur alio nomine, quia forte iſte, qui vocatur hic Aracæus vel Sineus, aut Samaræus, vel Amathæus fuit ille, a quo deriuatus eſt populus Pherezeorum, & tamen ſepe mutantur nomina tam hominum quam populorum.

Et Arachæum. Ab iſto nominata fuit quedam ciuitas Archas, quæ poſita eſt in libano: ſic enim ait Rabanus, & glo. ordina. ſcilicet, Archæus condidit Archas oppidum circa Tripolim in radicibus Libani. De hoc etiam Iosephus 1. Antiquitatum.

Et Sineum. Iſte eſt alius filius Chanaan, a quo nominatus eſt quidam populus Sineon, & de hoc volunt aliqui intelligi prophetiam Balaam Numc. 24. Alph. Toſtan lib. I. Paralip.

A ſcilicet. Vidit quoque Cineum, & aſſumpta parabola ait: robuſtum quidem eſt habitaculum tuum, ſed ſi in petra poſueris nidum tuum, & ſueris electus de ſtirpe Cin, quādiu poteris permanere? Aſſur enim capiet te. Et tamen an intelligatur de iſto Cineo, qui erat de genere Chanaan, vel de poſteris lethro ſoceri Moyſi, qui vocatus eſt Cin: declaratum eſt ibidem.

Aradium quoque. Aliqui putant iſtū Aradium fuiſſe illum, a quo nominatus eſt quidam populus Chanaan in terra Arad, de quo dicitur Numeri 21. Quod Chanaan rex Arad pugnavit contra Iſraelitas venientes per deſertum, & ipſi deleuerunt ciuitates illorum Chanaan, & videtur hoc ſatis conuenire. Primò quia illi vocantur Chanaan, & ſic erat de filiis Chanaan. Secundò, quia dicuntur de terra Arad, & ſic videtur, quod nominati fuerint ab Aradio tanquam a patre, & principe. Tercio patet, quia iſti erant iuxta terram aliorum Chanaan in deſertis, ſcilicet Arabiæ, cui coniungitur alia terra Chanaan in parte meridiana, in qua habet deſertum, vt patet Numeri trigefimo quarto, & Iſue decimo quinto. dicitur tamen communiter, quod iſti Aradij habitauerunt in quadam inſula maris Mediterranei. Sic enim dicit Glo. ordin. ſcilicet Aradius, a quo Aradij, qui inſulam Aradum poſſederunt anguſto freto a Phœnicis litore ſeparatam. De hoc etiam Iosephus primo Antiquitatum. ait quod Aradius Aradum inſulam habuit.

Ca. 12. 1. fi.

Et Samaræum. Aliqui putant populum nominatū ab iſto eſſe incognitum: alij autem volunt cum eſſe populum Samaritarum: nam de Iſraelitis Samaritæ fuerunt in vrbe Samaria: ſic etiam ante introitum Iſraelitarum in terram Chanaan eſſent Samaritæ de Chanaan.

Quomodo Samaritæ a Samaræo filio Chanaan nominati ſint.

Quæſt. XIII.

QUÆRITUR quomodo poterant Samaritæ nominari a Samaræo filio Chanaan, quia Samaritæ nominati ſunt ab vrbe Samaria, & tamen Samaria condita fuit ab Hebræis, ſcilicet tempore Amri patris Achab regis Iſrael: nam ipſe eam condidit, & vocauit eam Samariam a nomine domini montis, in quo condita eſt, vt patet tertio Regum decimoſexto.

Reſpondendum quod non potuit aliquis populus Chanaan vocari Samaritarum ab iſta Samaria, ſed ante iſtam fuit alia Samaria in terra Iſrael, vt probatum eſt quarto Regum decimo tertio, & vigefimo tertio, & illa Samaria manebat ex parte Chanaan, quod patet, quia in diuiſione ciuitatum, quæ facta eſt ſub Iſue poſita eſt ciuitas Semeon, vt patet Iſue decimonono, & fuit in ſorte Iſſachar, & tamen hebræi dicunt Semeon, vel Simeron, vbi nos dicimus Samaria, & illa erat ciuitas regalis tēpore Chanaan, nam de illa conuenerunt aliqui ad pugnandum contra Iſue cum rege illius vrbis, vt patet Iſue vndecimo, cum dicitur, quod Iabin rex Aſſur miſit ad regem Simeron, & ad alios reges, qui ibi nominantur, vt præberent ei auxilium. Iſta ciuitas conſtructa fuit in terra illa a Samaræo filio Chanaan, & nominatus eſt populus aliquis, ſed nomen illius ignoratur a nobis, & forte fuit vnus de ſeptem populis Chanaan. ſcilicet, qui nominatur Pherezeus: cum non habeamus manifeſtum auctorem, & progenitorem illius populi. Iosephus autem primo Antiquitatum dicit, quod Samaræo, Iebuſeo, Amorrhæo

Ca. 12. 1. fi.

E

& cæ.

& cæteris præter nomina in sacris libris nihil habemus, non tamen ex hoc intelligendum est, quod ex hoc ignoretur ipsum condidisse Samariam priorem, sed dicit hoc, quia quanquam antiquitus cognita essent loca, & vrbes istarum gentium, iam nihil manebat tempore Iosephi de illis gentibus nisi nomina, eo quod hebrei deleuerant illas, ut ipse dicit. Glo. tamen ordi. dicit quod Samarus est a quo Samaria ciuitas condita est, quæ nunc tam a Syris, quam ab hebreis, ut prius appellatur.

Et Hemathem. Iste est a quo nominata est quædam gens Chanancorum, & ipse condidit urbem Hemath, quæ est in Syria, & ponitur terminus terre Chanaam, quæ Iudæi possessuri erant, Numeri trigesimo quarto. & ista ciuitas est famosa, nam in ea postea fuerunt reges, & non pertinuit ista ad hebreos, & ut quidam volunt, ista est ciuitas, quæ vocatur Antiochia, de qua fuit Lucas Euangelista, & in ea sedit beatus Petrus prius quam esset Romæ sedes apostolica.

De ista ciuitate dicit Rabanus, & Glo. ordin. quod Amatheus est a quo est ciuitas Hemath: hanc Macedones, qui post Alexandrum in oriente regnauerunt, Ephaniam nuncupauerunt: alij Antiochiam ita dictam esse putant: alij autem putant esse Hemath castrum apud quod Christus apparuit duobus discipulis, sed isti falluntur in similitudine nominis. De his etiam Iosephus primo Antiquitatum, scilicet, Hamatheus instituit Hamath, quæ etiam nunc est, & a prouincialibus Hamathi vocatur: Macedones autem eam Ephaniam ab vno priscorum nomine vocauerunt.

Filij Sem. Hic ponitur progenies tertij filij Noe, scilicet Sem, & iste fuit dignior cæteris, & ætate maior, ut patet Genesis decimo, & tamen progenies sua postremo enarratur: cuius causa est, quia progenies Cham, & Iapheth non erant enarrande continuè, sed progenies Sem, ideo ipsa reseruata est ad vltimū, ut alijs enarratis ipsa enarraretur, & continuaretur postea vsque ad tempus Esdræ.

Quare scriptura declarauit progeniem Cham, & Iapheth.
Quæst. XIII.

QUÆRITUR circa hoc quare enarrauit hic scriptura progeniem Cham, & Iapheth, cum istæ continuandæ non essent, nec continuentur.

Respondendum quod Esdras secutus est ordinem Moysi in scribendo. Ipse enim enarrans progeniem Sem continuauit eam: enarrauit autem progeniem Cham, & Iapheth vsque ad aliquos nepotes ipsorum, & non continuauit aliquam earum, ut patet Genesis decimo, ita igitur Esdras voluit facere hic, sed tunc manet idem dubium de Moyse, quare fecit hoc, quia videtur inutile, quia istæ generationes continuandæ non erant.

Dicendum quod hoc factum fuit conuenienter: quia scriptura voluit declarare modum multiplicationis generis humani, & quomodo diuisa fuerint gentes per idiomata, ut describeret, quæ idiomata fuerint in toto orbe, & in quorum familijs seruata fuerint, & quia idiomata multiplicata, & diuisa sunt, non solum per filios Sem, sed etiam per filios Cham, & Iapheth, nam de filiis Cham fuerunt triginta idiomata, de filiis Iapheth quindecim: de filiis autem Sem viginti septem, ut declaratum fuit supra in quadam questione, ideo oportebat nominari filios Cham, & Iapheth saltem vsquequo perueniretur ad illos, qui dederunt principium idiomatibus, & sic fit, quia in stirpe Cham & Iapheth solum nominantur illi, a

quibus aliqua gentes exortæ sunt, & non computantur nisi in quibusdam vsque ad nepotes, vel pronepotes, eo quod idiomata diuisa sunt in ædificatione turris Babylonis, & istud fuit non longo tempore post diluuium, ut declaratum est Genesis decimo & vndecimo. Et tunc non poterant isti filij Sem habere plures generationes quam vsque ad pronepotes, ideo non potuerunt idiomata diuersa tunc causari, nisi in filiis, & nepotibus, & pronepotibus istorum, & ab eis nominata sunt, & sic solum continuatæ sunt istæ generationes Cham, & Iapheth vsque ad pronepotes, & nepotes, & in quibusdam vsque ad nepotes solum, & postea cum enarrati fuerant omnes, qui ponuntur in vna progenie dicitur, quod illi sunt filij Cham, vel filij Sem, aut Iapheth in gentibus suis vnusquisque iuxta linguam suam, Genesis decimo: postea autem de nullo eorum aliquid ponitur, nisi de Sem, eo quod iam illi non pertinent ad aliquid, quod sit necessarium in sacra scriptura, si tamen fuisset facta diuisio linguarum in decima, vel duodecima generatione post diluuium computarentur lineæ Sem, & Cham, & Iapheth vsque ad tempus illud, ut appareret de quolibet filio Noe quot gentes, & diuersa idiomata descenderint, & ibi cessaret continuatio illarum linearum, sicut nunc cessat in secunda vel tertia generatione, quia tunc facta est diuisio linguarum: progenies autem Sem continuatur, eo quod de illa descendit Abraham, & omnes hebrei, de quibus tota scriptura facit mentionem, & ob hoc non continuatur progenies Sem, quantum ad omnes filios suos, sed solum quantum ad vnū, scilicet Arphaxath: quia de illo descendit Abraham, & dicitur.

Filij Sem, Elam, & Assur, & Arphaxad, Lud, & Aram. Filij Aram, Hus, & Hul, & Gether, & Mosoch.

Filij Sem Elam. Iste Elam est primogenitus Sem, & ab eo nominatæ sunt quedam gentes Elamite habitantes versus Orientem in Asia, de quibus dicitur Actuum secundo. Parthi, & Medi, & Elamitæ, de his dicit Iosephus primo Antiquitatum. Elam siquidem Elamitas, qui Persarum sunt principes, dereliquit.

Sciendum quod omnes isti filij Sem habitant in Asia, ut ait Iosephus primo Antiquitatum, scilicet, Sem filio Noe nati fuerunt filij, qui vsque ad Oceanum seorsum habitant Asiam ab Euphrate facientes initium. Ab istis autem sunt omnes illæ gentes, quæ in India, & in alijs partibus Orientis morantur.

Et assur. Ab isto nominati sunt Assirij, qui magnā terram tenuerunt in Oriente, de quo dicitur Genesis decimo, scilicet. De terra illa egressus est Assur, & ædificauit Nininem, & plateas ciuitatis, & Chale: Relen quoque inter Ninuem, & Chale: hæc est ciuitas magna. Isti Assirij tenuerunt primum regnum in orbe, & cepit regnum eorum in Babylone, & durauit per annos multos vsquequo Persæ, & Medi acceperunt illud, deinde tenuerunt illud Græci, postea autem Romani, & deinde Ecclesia Christi.

Quomodo Assirij potuerunt habere primum regnum seculi.
Quæst. XV.

QUÆRITUR quomodo potuit esse, quod Assyrii tenerent regnum primum seculi: nam primus rex seculi fuit Nemrod, ut patet Genesis 10. nam dicitur ibi, quod iste cepit esse potens in terra, id est

Antiochia
olim Hemath.

Cap. I. in fi.

Cap. 14.

ra, idest iste fuit primus, qui dominatus est in terra, & de ipso dicitur quod principium regni eius fuit in Babylone.

Respondendum, quod aliqui volunt fuisse Cham de stirpe Sem, & tunc non vñ dubium, quō successores Chā renuerint regnū Assyriorū, quia Assyrij erant de stirpe Sem, & tñ Nemrod fuit verē de stirpe Cham, cum dicitur quod Chus genuit Nemrod, & tamen Chus fuit filius Cham.

Dicendum autem quod verum est, quod Assyrij tenuerunt primo regnum in orbe: non tamen erat de stirpe Assyriorum ille, qui regnare cepit, & etiam illi, qui successerunt postea, quamdiu gubernatum est regnum per successionem non fuerunt de stirpe Assyriorum, sed de stirpe Nemrod, quod erat de filiis Cham: & tamen dicitur regnum Assyriorum primum, quia reges erant in terra Assyriorum, & ibi erat sedes regni, & non in terra illa, in qua morabatur progenies Chus, de cuius stirpe veniebant omnes reges Assyriorum. Fuit autē modus ad hoc, quia Nemrod erat princeps maximus in ædificatione turris Babylonis, & cū diuise sunt lingue cessauerunt edificare, & recesserūt singuli pertinentes ad vnā linguā in diuersas regiones, & tunc mansit Nemrod in Babylone, sicut prius fuerat princeps, & cepit regnare inter illos, qui manebant ibi, & quia terra illa pertinebat ad Assyrios, fuit primum regnum seculi Assyriorum, & non Aethiopum: quamquam Nemrod esset de genere Aethiopum, cum pater suus esset Chus, a quo Aethiopes nominati sunt, vt supra declaratum est.

Cap. 14.

Et Arfaxad. Ab isto Arfaxad nominati sunt quidā populi Arfaxathej, vt ait Iosephus primo Antiqui. & isti sunt, qui vocantur Chaldei, vt est positio communis: Iosephus tamen vult, quod Chaldei sunt illi, qui descenderunt ab Asia, & facit eosdem esse Assyrios, & Chaldeos: quidquid tamen sit, necesse est dicere, quod Chaldei descēderint ab Arfaxad, quod patet, quia Abraham, & omnes posterij sui hebrei descēderunt ab Arfaxad, vt patet hic in litera, & Gen. 11. & tamen Abraham, & posterij sui erant de stirpe Chaldeorum, vt patet Gen. 11. scilicet. Mortuus est Aram ante Thare patrem suū in terra natiuitatis sue in Hur Chaldeorum, & tamen Aram erat frater Abraham, vt patet ibidem, ergo Abraham erat de Hur Chaldeorum, & ibi natus fuerat, sic etiam Gen. 15. dixit Deus ad Abraham: Ego Dominus, qui eduxi te de Hur Chaldeorum, vt darem tibi terram istam: ergo Chaldei nominati sunt ab Arfaxad, vel ab aliquo de posteris eius, & non potuerunt nominari ab Assur, nec Assyrij erunt Chaldei. Sed fortē aliquis dicet, quod quamquam Abraham natus fuerit in terra Chaldeorum non erat de stirpe eorum, quia potuit ibi nasci, & esse de alia stirpe.

Sed dicendum, quod hoc non stat, quia hebrei descendentes ab Abraham fuerunt verē de stirpe Chaldeorum, vt patet Iudith. 5. cum dixit Achior ad Holofernem loquens de hebreis: Populus iste de progenie Chaldeorum est, & tamen ipsi descendūt ab Arfaxad: ergo ab eo descēderūt Chaldei, & nō ab Assur.

Cap. 14.

Et Lud. Ab isto nominati sunt quidam populi Ludi, quorum rex fuit famosissimus, scilicet Cetus rex Lydorum, vult tamen Iosephus, quod isti Ludi sint, qui vocabantur prius Syri. Sic patet primo Antiqui. Aram genuit Aramneōs, quos Græci Syros appellant, quos autē nunc Lydos vocant, vult Iosephus quod tunc Lydos nominauit. Et isti vocantur aliquādo Elidij, vt aliqui volunt, de quibus habetur Ezech. vigesimo primo, i. Perle, & Elidij, & Libyes fuerunt in exercitu tuo.

Et Aram. Ab isto nominati sunt quidam populi Alph. To. t. in lib. I. Paralip.

A Aramim secundum hebræos, vel Aramei secundum nos, & istorum postea nomen mutatum est a Græcis, & vocant eos Syros, & Syrnos vocamus: vnde quādocunque litera nostra habet Syriam, in hebreo dicitur Aram, & vbi litera nostra dicit Syros, hebreus dicit Aramim. habitabāt autem Syri iuxta terram Chanaan: nam Damascus est caput Syriæ. Itai. seprimo, & tamen est iuxta terram Chanaan: etiā Emath et Reblata sunt in terra Syriæ, & tamen ponuntur istæ duæ vrbes in terminis terræ Chanaan: Nume. 34. & ideo pugnabant sepe Syri contra Israelitas, vt patet ex discursu. 3. & 4. Regum.

Et Hus. Istam terram Hus nominauit, de qua dicitur Iob primo. Vir fuit in terra Hus nomine Iob, & illa vocatur a quibusdam terra Ausitidis, quæ est iuxta terram Chanaan, & Idumæorum, non procul a Iordane fluuiio terræ Chanaan, & ibi vixit Iob, & sepultus est, & vsque hodie ibi monstratur sepulchrum eius, vt patet in libro de Situ terræ Sanctæ, de hoc etiam Glo. ordin. & Rab. ait Hus Trachonitidis, & Damasci conditor inter Palæstinam, & Celosyriam tenuit principatum, a quo terra Hus dicitur: vnde septuaginta interpretes primo ca. Iob dicunt. Vir erat in regione Ausitide nomine Iob: vbi litera nostra dicit. Vir erat in terra Hus, & dicitur in terra Ausitide, quasi Husitide. Iosephus autem primo Antiqui. dicit: Hus quidem instituit Trachonitidem, & Damascum, quæ est media Palæstine, Syriæque coniuncta.

Et Hul. De hoc non apparet manifestè, quam terram inhabitauerit, vel quam gentem nominauerit, quia multa istorum nominum perierunt, Iosephus primo Antiqui. vocat istum alio nomine, scilicet Otrax, & dicit quod Armeniam condidit, & satis credendum est, nec oportet dubitare, an iste Hul filius sit idem Otrax, quem nominat Iosephus, quia ipse ponit quatuor filios Aram, qui nominantur Gene. 10. & ponit gentes nominatas a quolibet illorum exprimens nomina propria istorum: de isto autem quarto, scilicet, Hul non posuit nomen, quod est in litera, sed dixit, quod vocabatur Otrax, necesse est igitur, quod sit vnus de illis quatuor filiis Aram, & non poterit esse alius nisi Hul.

Et Gether. Iste vocatur Gene. 10. Gerher, & idem est: ab isto descenderunt Baetiani, qui morantur in Asia, vt ait Iosephus primo Antiqui. Cap. 14.

Et Mosoch. Iste vocatur in Genes. Mes, a quo Mesanni dicti sunt, qui nunc Arabes appellantur ab omnibus, & habitāt in latere Meridiano terræ Chanaan inter Aegyptum, & terram Chanaan, & vocatur regio illa solitudo Arabica, quia non est tam populata, sicut alie terræ vicinæ. Alius autem Mosoch est, qui fuit de filiis Iapheth, vt patet supra, sed ab illo alie gentes, scilicet, Cappadoces appellatæ sunt, vt patet supra.

Arphadax autē genuit Sale, qui & ipse genuit Heber. Porro Heber nati sunt duo filij, nomē vni Phaleg, quia in diebus eius diuisa est terra:

Arfaxad autem genuit Sale. Iste Arfaxad erat filius Sem, vt patet supra: & ponuntur hic progenies eius, quia habuit multos posteros, de quibus natæ sunt gentes. Iste Sale, de quo hic dicitur, nominauit quādam gentem habentem proprium idioma, & tamen nomen illius apud nos nunc non habetur, quia multa perierunt, vt dictum est.

Qui, & ipse genuit Heber. In isto mansit idioma hebraicum: nam ante ædificationem Babylonis erat eadem lingua apud omnes homines, vt patet Gen. 11. f. erat autem terra labij vnus, & sermonum eorundem: postea autem diuise sunt lingue, & mansit lingua hebraica, quæ in omnibus hominibus prius non erat,

E 3 sed

Hebræi vñ
deriuati.

sed in quadam gente solum, & princeps istius gentis fuit Heber, a quo aliqui putant nominatos fuisse Hebræos. Augustinus tamen dicit Hebræos nominatos fuisse ab Abraham, scilicet, Hebræi, quasi Abrahæi, & tamen hoc non stat, quia Abraham non fuit principium hebræorum, cum ipse vocetur hebræus, ut patet Gen. 14. scilicet, quod quidam iuit, & nunciavit Abraham hebræo, ergo aliqui vocabantur prius hebræi, vel dato quod non vocarentur prius sic, saltē non fuit deriuatio facta à suo nomine. Etiam patet hoc, quia in hebræo non similiter scribitur Abraham & hebræus, quia pro hebræo dicitur Euri, & incipit per literam Ain: & Abrahā incipit per literā Aleph, ideo non potest ab illo deriuari: quando autem cœperint vocari hebræi, & à quo istud nomen venerit, & de ipso idiomate hebraico latè declaratū est Exo. 21. in principio.

Torero Hebernati sunt duo filij. A duobus filiis istius nominati sunt duo populi, sed per successionē vnus eorum venerunt hebræi, scilicet, à Phaleg, ab alio autem, scilicet, Gethan venerunt multæ aliæ gentes.

Nomen vni Phaleg. Iste fuit, per quem deriuata est posteritas hebræorum, & pertinet Phaleg ad idioma Hebraicum, quod patet ex interpretatione sua, per quam litera probat hic.

Quia in diebus eius diuisa est terra. Redditur hic causa nominis, scilicet, quod vocatus est Phaleg, quia terra in diebus suis diuisa est, & Phaleg interpretatur diuisio: dicitur terra diuisa, scilicet, quantum ad idioma, quia omnium hominum erat prius lingua eadem, Gen. 11. vel dicitur terra diuisa, idest habitatio hominum diuisa, quia antequam diuiderentur linguæ, erāt omnes homines simul, nam omnes venerunt post diluuium de oriente in terram Sennaar, & ibi cœperunt ædificare turrim, & intendebant omnes simul habitare, ut declaratum est, Gen. 11. Iosephus quoque primo Antiqui. dicit quod Nemrod suaserit omnibus hominibus, quod habitaret simul, dicens, quod Deus volebat subicere eos sibi, & infligere pœnas, & si ipsi manerent simul non præualeret Deus contra eos, & si se iungeretur adinuicē, Deus facilius eos sibi subiugaret, & sic manebant omnes simul: postea tamen cum diuise sunt linguæ horrebant seipfos, quia qui nō intelligebat alium habebat eum exosum, & fugiebat ab eo tanquam non posset cum illo viuere, & ideo diuisa est tunc terra, idest omnes homines inter se recedētes in diuersas terras, & ista propriè vocatur diuisio terræ magis, quam diuisio linguarum.

De isto nomine Phaleg quare fuit impositum.

Quæst. X.

QUÆRITVR quomodo impositū fuit istud nomen Phaleg filio Heber propter diuisionē terræ.

Aliqui dicunt, quod Phaleg nominatus est sic propheticè, nam pater eius Heber habuit spiritū prophetiæ, & antequam diuideretur terra vocauit filium suum Phaleg propter diuisionem secururam, & patet, quod adhuc non esset diuisa terra, quia dicitur vocatus Phaleg propter diuisionem secururam: & tamen Phaleg est nomen hebræum, ideo adhuc manebat lingua hebraica, quæ erat vna ab exordio sæculi, quando Phaleg natus est, alioquin si nasceretur post diuisionem linguarum, factam in alio idiomate, posset ei imponi nomen quod significaret diuisionē, & tamen non poneretur in idiomate hebræo.

Alij dicunt, quod fuit natus Phaleg post diuisionē linguarum factam, & tunc non fuit prophetia, sed voluntas humana, quod vocaretur Phaleg propter

istam diuisionem, & quādo dicitur quod necesse est fuisse ante diuisionem linguarum, eo quod tunc manebat lingua hebraica, in qua ipse vocatus est Phaleg, & ista erat ab exordio, dici potest, quod fuerit post diuisionem natus Phaleg, & impositum fuit sibi hoc nomen in lingua hebraica, quia illa manebat etiam post diuisionem non tanquam communis omnibus sicut prius, sed tanquam vna de linguis gentium sicut nunc.

Responderi potest, quod vtraque istarum positio-
num potest satis stare. Nam non est inconueniens, quod Heber cū esset vir iustus haberet spiritum propheticum saltem quantum ad istud: cum etiam aliqui mali habuerint illum, sicut patet de Balaam, Numeri vigesimo secundo 23. & 24. & Chaipha, Ioā. yndecimo.

Si autem velimus tenere, quod natus fuit Phaleg post diuisionem, etiam satis stare potest, nec videtur aliquid inconueniens. Videtur tamen alicqualiter melius, quod fuerit Phaleg natus ante diuisionem, & quod propheticè nomen impositum est, & patet primo, quia fit hic mentio specialis de nomine istius, scilicet, quod vocatus est Phaleg propter diuisionem terræ, & tamen si voluntate humana positum fuisset istud nomen post diuisionem linguarum, non fecisset scriptura mentionem tantam de illo, ideo videtur dicendum, quod propheticè nomen istud impositum fuerit, & ob hoc dignum fuerit scribi. Secundo patet, quia dicitur, quod vocatus est Phaleg, quia in diebus eius diuisa est terra, ergo iam vivebat Phaleg quando terra diuisa est. Si tamen vellemus tenere contrarium possemus responderē ad argumenta, sed ista positio videtur rationabilior.

Quomodo possibile sit, quod fuerint diuersa idiomata nominata ab omnibus, qui hic nominantur.

Quæst. XVII.

QUÆRITVR quomodo potest stare quod ab omnibus, qui nominantur hic, fuerint idiomata diuersa nominata, & diuersæ gētes, quia non potest Phaleg nominare aliquam gentē specialem distinctam ab illa quam nominauit Heber, eo quod Heber descenderet a Phaleg.

Aliquis dicit, quod alia gēs nominata est a Phaleg, & alia a patre suo Heber, & sic dicitur, quod non descenderint Hebræi a Phaleg, sed continuatum fuerit nomen gentis denominate ab Heber per aliquem alium filium eius, qui non nominatur hic, nec fuerit Phaleg, nec Iectan, sicut dicebatur supra de filiis Iapheth, & isti duo filij Heber, qui ponuntur hic, scilicet, Phaleg, & Iectan nominauerit alias gentes distinctas a gentibus, quas nominauit pater suus.

Sed dicendum, quod hoc non stat, quia tunc non descenderent hebræi a Phaleg, & tamen falsum est, quia ab eo deriuati sunt, ut patet in litera, cum generatio Phaleg deducatur directe vsque ad Abraham. Aliter poterit aliquis dicere, quod hebræi descenderunt a Phaleg, & tamen gens nominata ab Heber non fuerit gens hebræorum, sed aliqua alia gens, cuius nomen ignoratur: Sed dicendum quod hoc non est conuenienter dictum, nam certum est hebræos deriuatos ab Heber, ideo necesse est, quod eadem gens fuerit, quam denominauit Heber, & filius suus Phaleg.

Dicendum igitur quod Heber, & Phaleg denominauerunt eandem gentem, & Phaleg non fuit hic positus tanquam aliquis de illis, ex quibus deriuatae sunt aliquæ gentes, sicut ceteri, qui ponuntur hic,

hic, sed fuit positus propter causam specialem, scilicet, quia nominatus fuerat propheticè Phaleg propter diuisionē linguarū, & gentiū, quę secuturę erant tempore suo. Sic enim fuit de Nemrod, vt supra declaratum est. Nam ab eo non fuit denominata aliqua gens, sed fuit hic expressus, quia ipse fuit primus, qui coepit in orbe dominari, & fuit primus rex, Gen. 10. & sic non debuit subtrici ista impositio nominis prophetica, quia erat aliquid speciale, & ad hoc positus est hic Phaleg, quanquam ab eo gens nulla nominata fuerit.

Et nomen fratris eius Iectan. Iectan autē genuit Elmodad, & Saleph, & Asomoth, & Iare, Adoram quoque & Vzal, & Decla, Ebal etiam, & Abimael, & Saba: necnon & Ophir, & Heuila, & Iobab. Oēs isti filij Iectā.

Cap. 14. in medio.

Et nomen fratris eius Iectan. Ab isto descenderunt filij tresdecim, quorum quilibet nominauit gentem vnā, & ipse Iectan nominauit gētem specialem distinctā a gentibus nominatis a filiis suis, & dicitur. *Iectan autem genuit Elmodad.* Iste fuit primogenitus eius. De istis omnibus filiis Iectan, dixit Iosephus primo Antiqui. quod habitauerunt a Chophino flumine Indorum in locis positis circa Syriam: sunt autem pro maiori parte gētes a filiis istius deriuatę multum orientales, scilicet, omnes populi Indorum, & adiacentes regiones.

Et Saleph, & Asomoth, & Iare, Adoram quoque & Vzal. Iste quatuor gentes, & quinta nominata ab Elmodad sunt incognitę quantum ad nomina: constat tamē eas habitationes habere circa Indiam: causa autem quare ignorantur est, quia historiographi Gręcorum, vel Latinorum non imposuerunt eis nomina, eo quod eis nihil locutum fuit de gentibus illis. Nam propter magnam distantiam eorum a nobis, gesta illorum ad Latinos, vel Gręcos non peruenerunt: sic etiam, & gesta nostra ad illos nō perueniūt: nam tempore, quo Roma erat in maximo flore suo non extensā fuerat fama eius vsque ad Indos: vnde nec Indi sciebant urbem Romę esse, sicut patet per Boetium 2. de consol. prosa septima, scilicet, Aetate denique Marci Tullij, sicut ipse quodam loco significat, nondum Caucasum montem Romanę Reipublicę fama transcenderat, & erat tunc adulta: Etiam in sacra scriptura vix reperiuntur aliquando nomina gentium denominatarum ab istis, eo quod propter magnam distantiam a terra Indorum: nullam communicationem habebant cum eis, nec propheta hebręorum aliquid de illis pręnunciabant, ita vt in aliquo loco de illis scribi deberet.

Necnon, & Ophir. Iste erat alius filius nominatus de stirpe Iectan: & ab eo nominata est quedam gens, & insula in terra Indię Ophir. In illa insula est multum de auro, quia ibi sunt montes aurei, & tamen morantur ibi leones, & griphes, propter quos rarus, & periculosus est accessus illuc hominibus, vt patet. Mitterat tamen Salomon illuc continuē classes, vt portarent sibi aurum, & afferebant magnam quantitatem, & etiam ligna preciosa, vt patet 3. Reg. cap. 9. & 10. Iosaphat quoque rex Iuda volebat illuc mittere ad portandum aurum, sed confractę sunt naues eius in Assiongaber, eo lib. cap. vlti. in 2. lib. Paralip. cap. 20. *Et Dedan.* Ab isto nominata est quedam gens Dedan, cuius nomen Latinum, vel Gręcum non habemus propter causam supra assignatam, quia gentes istę multum erant distantes a terra Gręcorum, & Latinorum. Tost. in lib. I. Paralip.

A norum, & tamen isti habitabant in quibusdam insulis orientis, & ferebant in urbem Tyri, merces per mare, de quibus tangitur Ezech. 27. scilicet, Dedan institores tui in tapetibus ad sedendum. Et iterum dicitur: Filij Dedan negociatores tui, insulę multę negociatio manus tuę, dētes eburneos, & hebeninos commutauerunt in precio tuo. Est tamen duplex gens vocata Dedan: vna est de filiis Cham, vt patet supra, & alia de filiis Iectan, vt patet hic, & potest esse quod propter hoc ponatur Ezechielis 27. bis de filiis Dedan ad significandum vtrosque, quia ab vtriusque veniebant aliqui in urbem Tyri ad negotiandum.

B *Ebal, & Abimael.* Isti etiam duo nominauerunt duas gentes, quorum nomina apud nos ex causa prędicta ignota sunt, morantur tamen apud Indos. *Et Saba.* Ab isto nominatę sunt quedā gentes in oriente, quas dicunt aliqui esse Sabęos, & tamen non sunt illi Sabęi, quos dicimus esse in Arabia. Isti enim sunt, de quibus historię Gręcorum, & Latinorum magis meminerunt.

Et Heuila. Iste nominauit quandam gentem, quę est in India, & vocatur terra ex nomine eius Heuila in circuitu cuius fuit primus fluius Paradisi terrestis, qui dicitur Phison. De hoc Gen. 2. Nomen vni Phison, ipse est, qui circuit omnem terrā Heuila, vbi nascitur aurum, & aurum terre illius optimum est, ibique bdellium, & lapis onychinus. *Et Iobab.* Ab isto denominata est alia gens, sed ignoratur a Latinis, & Gręcis, & etiā a Iosepho, & hebręis. De his enim Hieronymus in libro de Hebraicis quęstionibus ait loquens de filiis Iectan, scilicet, harum gentium nomina posteriora inuenire nō potuisse, sed nec vsque in pręsens, quia procul a nobis sunt, vel ita vocantur vt prius, vel quę mutata sunt ignorantur: possederunt autem Arophne fluuius apud Indię regionem, quę vocatur lema. De isto Iobab aliqui dicunt, quod fuerit Iob, de quo liber factus est, & tamen falsum est. Quis autem fuerit Iob, vel de qua stirpe, declaratum est aliquantulum Gen. 22. & 35. magis autem declarabitur super Iob in principio.

D *Omnes isti filij Iectan.* Hoc dicitur, quia sunt multi & dubitaretur an omnes essent filij Iectan, vel essent aliqui nepotes, vel pronepotes, cum nullius alterius tot filij ponantur, ideo dicitur quod omnes sunt filij Iectan.

Sem Arphaxad, Sale, Heber, Phaleg, Ragau, Sarug, Nachor, Tare, Abram, iste est Abraham. Filij autem Abraham Isaac, & Ismahel. Et hę generationes eorum. Primogenitus Ismahelis Nabaioth.

Sem Arphaxad. Hic redit scriptura ad enarrandum successionem Sem per stirpem Iudęorum, & reditur ad principium, scilicet, Sem, & ponuntur ibi nomina sine verbis, & intelligitur de quolibet eorum, istum verbū genuit, s. Sem genuit Arphaxad, & Arphaxad genuit Sale, & sic de cęteris.

Quare scriptura redit hic ad dicendum de quibusdam, de quibus iam dictum fuerat. Quęst. XV III.

QUARE REDITUR quare scriptura redit hic ad dicendum de Sem Arphaxad, & reliquis: quia iam de omnibus dictum fuerat.

Respondendum, quod hic repetitur linea Sem, quia descenderunt Hebręi ab illo, & non repetitur quantum ad omnes filios Sem,

sed solum quantum ad illos, per quos descenderunt Hebræi, & ideo accipitur vnus de filiis Sem, scilicet Arphaxad: reliqui autem omittuntur. Pro quo considerandum quod Sem ponitur hic dupliciter cum progenie sua. Primò quantum ad hoc, vt sciatur quot gentes descenderunt ab eo, & à filiis suis. Secundo ad enarrandum progeniem Iudæorum, quæ descendit ab illo. Quantum ad primum ponitur Sem, & omnes filij sui, & nepotes, à quibus aliquæ gētes fuerunt denominatæ, & ideo ponuntur multi, quia multæ gentes, & idiomatica nominata sunt à filiis Sem, scilicet, vigintiseptem. Secunda vice non ponitur nisi vnus de filiis Sem, scilicet Arphaxad, quia Hebræi non potuerunt descendere de stirpe Sem, nisi per vnicum de filiis eius, & quod fiat propter hoc, patet: quia nunc non nominantur multi filij alicuius, sed cuiuslibet nominatur vnus filius. Patet etiam hoc, quia continuatur ista progenies Sem vsque ad Abraham, & inde postea incipit enarrari progenies Abrahæ per omnes Hebræos directè ab eo descendentes.

Sem Arphaxad. Id est Sem genuit Arphaxad. Vixit enim Sem annis trecentis, & duobus. Quod patet, quia genitus est ante diluuium annis centum, cū dicatur Gen. 5. quod Noe genuit anno quingentesimo vitæ suæ Sem, Cham, & Iapheth: & istorum maior erat Sem, Gen. 10. & ipse duobus annis post diluuium genuit filium suum, Gen. 11. & postea vixit annis quingentis, vt patet ibidem, & sic vixit simul annis quingentis duobus, & tamen in hoc est diuersitas, quia dicitur ibi, quod erat annorum cētum quando genuit Arphaxad biennio post diluuium, & tamē secundum computationem præcedētem deberet esse annorum centum, & duorum. Sed ista contrarietas soluitur per annos completos, & incompletos, sicut sepe fiebat in 3. & 4. Reg. de quo 3. Reg. 16. & 4. Reg. 18. Arphaxad autem vixit annis trecentis triginta octo, nam annorum trigintaquinque erat, quando genuit filium suum Sale, & postea trecentis tribus annis vixit, Gen. 11.

Sale Heber. Id est Arphaxad genuit Sale, & Sale genuit Heber: vixit autem Sale annis quadringentis triginta tribus, scilicet, annis triginta antequam gigneret Heber, & postea annis quadringentis & tribus, Genesis 11. vixit autem Heber annis quadringentis septuaginta, & quatuor, scilicet annis triginta quatuor antequam gigneret Phaleg, & postea quadringentis & triginta, Gen. 11.

Phaleg Ragau. Id est Heber genuit Phaleg, & Phaleg genuit Ragau. Ille Ragau vocatur Reu, Gen. 11. vixit autem Phaleg annis ducentis triginta & nouem, scilicet annis triginta antequam gigneret Ragau, & postea annis ducentis, & nouem, Gen. 11. vixit autem Ragau ducentis triginta, & septem annis, scilicet, triginta antequam gigneret Sarug, & postea ducentis & septē.

Sarug Nachor. Id est Ragau genuit Sarug, & Sarug genuit Nachor: vixit autem Sarug annis ducentis & triginta, scilicet triginta antequam gigneret Nachor, & ducentis postquam eum genuit: Nachor autem vixit annis centum sexaginta septem, vt patet Gen. 11. & non est iste Nachor pater Abraham, sed fuit auus eius.

Thare Abraham. Id est Nachor genuit Thare, & Thare genuit Abraham. Erat autem Thare annorum septuaginta quando genuit Abraham, & vixit ducentis, & quinque annis, Gen. 11. Abraham autem vixit annis centum septuagintaquinque, Gen. 25.

Iste est Abraham. Id est iste, qui vocatus est nunc Abram: est ille, qui vocatur Abraham: ponitur ista variatio nominis, quia Abraham prius vocabatur Abrā, & quando circumcissus est mutauit nomen eius, vt vocaretur Abraham, Genesis decimo septimo, nec ultra

vocabatur, scilicet, nomen tuum Abram, sed appellaberis Abraham, quia pater multarum gētium constitui te. Sic etiam factum est de Sara vxore eius, quæ prius vocabatur Sarai, & tunc vocata est Sara, eodem cap.

Filij autem. Hic ponitur tertium principale huius capituli, scilicet, deriuatio lineæ ab Abraham, & diuiditur in tria secundum, quod computatur triplex linea progeniei Abraham, nam habuit tres vxores, scilicet, Agar, & Saram, & Ceturam, & per istas tres deriuata sunt tres progenies. Secunda ibi. *Filij autem Cetura.* Tertia ibi. *Genuit autem Abraham.* Circa primum dicitur. *Filij autem Abraham Isaac, & Ismahel.* Isaac fuit filius Abrahæ de Sara: Ismahel fuit filius Abrahæ ex Agar Aegyptia ancilla eius. De hoc Gen. decimo sexto, & vigesimo primo. Habuit autem Abraham alios filios multos de Cetura, & tamē quia illi erant multi non nominantur hic, sed infra: Sara autem concepit vnicum, & Agar vnicum: ideo illi nominantur hic.

Et hæ sunt generationes eorum. Istæ, quæ sequuntur, nam hic ponuntur generationes omnium filiorum Abrahæ, nō solum quantum ad Ismahēlem, & Isaac, sed etiam quantum ad filios Ceture.

Primogenitus Ismahelis Nabaioth. Hic ponitur duodecim filij Ismahelis filij Abrahæ. Istos enim promiserat sibi Deus, nam quando erat Ismahel annorum quatuordecim nondum nato Isaac, Deus dixit Abrahæ, quod daret ei filium ex Sara vxore sua, & tūc Abraham admiratus miraculum, quod Deus volebat facere dixit, vtinam viuat Ismahel coram te, & Deus dixit super Ismahel exaudiui te: ecce benedicā ei, & angebo, & multiplicabo eum valde: duodecim duces generabit, & faciam illum crescere in gentem magnam, Genesis decimo septimo. Nomina autem istorum ducum ponuntur hic, & etiam Genesis vigesimo quinto. Fuerunt autem isti filij Ismahelis, & fuerunt duces multarum gentium, nominaueruntque diuersas terras, & tamen non est intelligendum de quolibet istorum, quod ab eo specialiter nominatus fuerit aliquis populus, & habuerit aliquod idioma proprium: aliqui tamen ipsorum nominauerunt aliquas gentes, quæ quanquam non perderent idioma priora, tamen dimissis veteribus acceperunt aliqua noua, vel forte illi, qui nascebantur de istis faciebant per se vnam gentem, & non peribat nomen alicuius gentis prioris. Sic enim fieret quod omnes descendentes de Nabaioth, vel de aliquo istorum per se nominarent vnam gentem. Sciendum autem, quod iste Nabaioth primogenitus Ismahelis fuit magnus princeps, & ab eo nominati sunt quidam populi Nabathæi, & habitant circa Arabiam, vnde & poetæ meminerunt de Nabathæis, quia Ouidius Metam. dicit quosdam ventos flare à partibus Nabathæorum.

Cur scriptura prius Ismahelis progeniem enarrauit quā Isaac.
Quæst. XIX.

QUÆRITUR quare prius enarrauit hic scriptura progeniem Ismahelis quam Isaac, cum Isaac esset multo dignior, quia erat filius datus secundum repromissionem, & miraculose, Ismahel autem genitus est secundum carnem ad Galatas quarto, & etiam semen Abrahæ nō vocatum fuit in Ismahele, sed in Isaac. Genesis vigesimo septimo, & vigesimo primo: benedictiones quoque Abrahæ completæ sunt in Isaac, & non in Ismahele, Gen. 26.

Aliquis dicet, quod primò dictū est de Ismahele quod de Isaac, quia Ismahel erat maior Isaac: nam quatuordecim

Decim annorum erat Ismahel quādo natus est Isaac, A
vt patet Gen. 17.

Sed dicendum quod hoc non stat, quia non agitur hic prius de aliquo, quia maior sit, nam inter filios Noe Sem erat maior aetate, Gen. 10. & tamen huius progenies fuit hic ultimo posita. Sic etiam Isaac natus est multo tempore ante filios Ceturae, scilicet plusquam sexaginta annis, & tamen prius agitur de progenie filiorum Ceturae quam Isaac: Immo dato quod aliquis sit simul maior aetate, & dignitate, non propter hoc prius de illo agitur: nam inter filios Noe Sem erat maior aetate, vt dictum est. Erat etiam maior dignitate, quia de ipso nati sunt omnes patriarchae, & viri sancti veteris testamenti, & etiam ipse Christus, & tamen de eius progenie ultimo actum est hic. Dicendum igitur, quod scriptura non seruat hic aetatem, nec dignitatem, sed quoddam artificium in procedendo, nam sunt hic quaedam generationes, quae continuandae non sunt, aliae continuandae: illas vero, quae omittendae sunt, prius ponit, vt omittat: illas autem, quae continuandae sunt postea ponit, vt continuari possint, quia alias oportebat sepe de eadem re facere repetitionem, quae turbat intellectum legentium.

Et Cedar, & Abdeel, Mabsam, & Masma, & Duma, Massa, Hadad, & Thema, Iecur, Naphis, Cedma. Hi sunt filij Ismahelis. Filij autem Ceturae concubinae Abraham quos genuit, Zamtam, Iecsan, Madan, Madian, Iesboc, & Sue. Porro filij Iecsan, Saba, & Dadan. Filij autem Dadan Asurim, & Latufim, & Laomim: Filij autem Madian, Ephra, & Ephraim, & Henoch, & Abida, & Eldaa. Omnes hi filij Ceturae.

In fine circa med. c.

Et Cedar. Iste est secundus princeps de stirpe Ismahelis. Nominata fuit ab eo quaedam provincia Cedar, quae est in Arabia, ubi proxima parte habitabat progenies Ismahelis, de hac puincia dicitur Psal. 129. scilicet, cum habitantibus Cedar multum incola fuit anima mea, & Hierem. 2. dicitur: Transite ad insulas Cethim, & videte, & in Cedar quoque mittite, & considerate vehementer, & videte si factum est huiusmodi hoc, & mutauit gens Deum suum. Abdeel, & Mabsam, & Masma, & Duma, & Massa, & Adad. Isti sex fuerunt principes, sed ab eis non legimus specialiter aliquam provinciam aut gentem denominatam. Et Thema. Aliqui putant ab isto fuisse nominatam quādam urbem, quae vocatur Themam, quia illa est in terra Idumaeae, & istierant principes de domo Ismahelis, & non de domo Esau: posteri tamen Esau tenuerunt Idumaeam: & ibi fuit ciuitas Themam: Amos primo, cum dicitur de tribus sceleribus Edom, scilicet mittam ignem in Themam, & deuorabit aedes Bosre. Iste autem duae ciuitates erant de terra Esau. Et Iecur. Iste est alius princeps de progenie Ismahelis, a quo nominata est quaedam provincia parua circa terram Iudaeae, quae vocatur Ithurea, & est apud Trachonitidem regionem: de hac Luca 3. f. Philippo patre eius Tethrarcha Ithureae, & Trachonidis regionis. Naphis, Cedma. Ab istis duobus ultimis principibus de filijs Ismahelis non legitur aliqua gens nominata, nec provincia. De omnibus istis duodecim principibus Ismahelis dicit Iosephus primo Antiqu. & etiam Histo. schol. quod isti obmuerunt primo Drachonitidem, & Phenicem. Alph. Toft. in lib. I. Paralip.

gionem, & Arabiam usque ad terminos maris rubri, scilicet, circa Aegyptum, & contra orientem, ubi est mare Rubrum. Dicit etiam Iosephus, quod natus est quidam propheta ex filijs istorum. Hi sunt filij Ismahelis. Scilicet omnes praecedentes, generatio autem quantum ad posteros eius non enarratur, nec etiam fuissent enarrati isti nisi propter Abraham, quia Deus promiserat Abraham, quod daret ei duodecim principes de filijs Ismahelis, Gen. 17. & vt videatur quod Deus compleuit id, quod praedixerat, scriptura ponit nomina istorum principum, Gen. 25. & etiam hic. Filij autem. Hic ponitur secundum huius partis, scilicet, progenies Abraham ex filijs Ceturae, & dicitur. Filij autem Ceturae concubinae Abraham quos genuit. Scilicet isti sex, qui sequuntur fuerunt filij Ceturae concubinae Abraham. Sciendum autem quod Abraham habuit uxores tres: prima fuit Sara filia fratris sui, de qua Gen. 11. deinde cum ista esset sterilis, & multo tempore proli vacans ex ea gignere non potuisset, ad preces eius accepit Abraham in uxorem Agar, Gen. 16. genuitque ex ea Ismahelem, cum esset Abraham annorum octoginta sex, Gen. 16. Tenuit autem istas duas simul in uxores quousque peperit Sara ipsum Isaac quatuordecim annis post natiuitatem Ismahelis, & cum Isaac aliquantulum esset puer, luderetque cum eo Ismahel, grauitate accepit Sara, & dixit Abraham, eijce ancillam, & filium eius, & tunc eiecta est Agar cum filio suo Ismahele: mansitque sola Sara uxor Abraham, Gen. 17. 21. sic autem mansit usque ad mortem suam: erat autem annus centesimus trigessimus septimus Abraham quando mortua est Sara, quod patet, quia Abraham erat maior quam Sara annis decem, vt colligitur Gen. 17. f. Putasne centenarium nasceretur filius, & Sara nonagenaria pariet? Et sic erat Sara nonaginta annorum quando Abraham erat centum, & tamen Sara mortua fuit anno centesimo vigesimo septimo aetatis suae, Gen. 23. ideo erat tunc Abraham annorum centum triginta septem, & post hoc accepit aliam uxorem, scilicet, Ceturam. Gen. 25. & illa peperit ei istos filios: Putant autem Hebraei, quod ista Cetura fuit Agar, sed vocatur alio nomine, & dicunt quod mortua Sara rediit ad Abraham, & peperit ei filios. Sed falsum est, vt declaratum fuit Gen. 25. dicitur autem hic de Cetura, quod fuit concubina Abraham. Dicendum tamen quod fuit verè uxor eius, quia Gen. 25. dicitur Abraham vero aliam duxit uxorem nomine Ceturam: vocatur tamen concubina interdum, vt patet eo. cap. nam cum vocasset eam uxorem, sequitur postea. Filij autem concubinarum largitus est munerum, & vocauit ibi concubinas Agar, & Ceturam: Sara autem vocatur uxor, & nunquam concubina, quia ipsa fuit uxor principalis ducta cum solennitate matrimoniali: aliae autem non fuerunt ductae cum hac solennitate, ideo quanquam essent uxores, vocantur interdum concubinae, sic etiam accipiunt iura humana, scilicet, quod licet Christiano homini tenere vnam uxorem, vel si non potest tenere uxorem, tenere vnam concubinam, & accipitur concubina pro uxore ducta sine instrumentis dotalibus, & alijs solennitatibus, de hoc in Decretis dist. 32. cap. concubinae, & cap. Christiano homini. De his declaratum est satis Iud. 19. circa principium. Zamram. Iste fuit primogenitus, & distat ab illo, qui vocatur Zaram, iste enim fuit filius Iudae, & natus Iudae Thamar, & vocatus est Zaram: quia antequam egrederetur de utero ligatum est filium coccineum in digito eius, vt significaretur esse primogenitus, Gen. 38.

Iecsan, Madan. Ab istis duobus, & praecedenti aliqua gens nominata fuerit, non apparet.

Madian. Ab isto nominata est quaedam terra Madian.

Madian, quæ est in deserto Arabiæ, ad quam confugit Moyses timens Pharaonem, quando occidit Aegyptium, & habitauit ibi quadraginta annis, accepitque uxorem filiam Iethro sacerdotis Madian, Exo. 2. & Act. 7. *Ieshoc*. Ab isto an aliqua gens nominata fuit, vel provincia ignotum est. *Sue*. Nomen viri est, & non est nomen adiectiuum, nec nomen femine, vt aliqui putant. Sic enim vocabatur Chanæus ille cuius filiam accepit Iudas in uxore, Gen. 38. & seq. cap. Sic etiam vocabatur quidam rex Aegypti, s. ille, cum quo vltimus rex Osæ Israel consilium iniebat, vt rebellarent ambo contra Salmanasar regem Assyriorum 4. Reg. 17. Et vocatur ibi Súa, sed Súa, & Sue idē sunt. *Pero filij Iecsan: Saba, & Dadan*. Iste primogenitus Abrahæ ex Cethura genuit duos, s. Saba, & Dadan: ab isto Saba an nominata fuerit aliqua gens Sabæorum non constat, certum est tamen, quod quedam gens Sabæorum est, quæ in thure abundat, & tamen an illa nominata fuerit ab isto Saba, vel ab aliquo de supra positis, a quibus gentes nominabantur, non apparet. Dadan etiam potuit aliquam gētem nominare, quia quidam vocati fuerunt filij Dedan, qui per mare veniebant ad ferendum varias merces in urbem Tyri, Ezech. 27. & tamen an sint illi filij Dedan nominato ab isto, vel ab aliquo de supra positis, non apparet. *Filij autem Madian Ephā*. Describuntur etiam filij Madian, nam Madian fuit quartus de filiis Cethuræ, & iste habuit filios quinque, qui nominantur hic, & primus eorū fuit Ephā, a quo nominata est quedam provincia, quæ est iuxta terram Madian, in qua abundant cameli, & sunt omnes isti circa Arabiā, de hoc Isa. 60. s. Inundatio camelorum operiet te, dromedarij Madian, & Ephā: & habitant etiam isti populi coniuncti populis deriuatis ab Agar. *Et Apher*. Ab isto nominata est terra Africæ, vt quidam volunt, & quidam de posteris suis multa bella fecit in Africa, de hoc ait Iosephus primo Antiq. & Histo. schol. quod ex vno filiorum Cethuræ, s. Madian natus est Apher, qui castra sua fixit in Libia, quam posterius eius hereditantes ab illo Africam denominauerunt. Celæus quoque propheta, qui Malchus dictus est historiā Iudæorū scripsit sicut Moyses, qui ait: ab vno filio Cethuræ nomine Sur in Assyriam nuncupatam: ab alio vero, qui dictus est Apheram Africam dictam, cui descendens in Lybiam Hercules tulit auxilium, & filiam ipsius nomine Ethem duxit Hercules in uxorem, & ex ea genuit Dodoram, cuius filius fuit Foron, ex quo barbari Sorophaci nominantur.

Cap. 23, in medio.

Henoch, & Abida, & Eldaa. Ab istis tribus vltimis non apparet aliqua gens vel terra nominata. Omnes hi filij Cethuræ, scilicet, quidam fuerunt filij, & quidam nepotes.

Quare filij Ismahelis, & Cethuræ hic enarrantur.
Quest. XX.

QUÆRITUR quare enarrati fuerūt hic isti filij Ismahelis, & Cethuræ. Aliquis dicit qd enarrati fuerūt pp causam, propter quā enarrabātur omnes precedētes, sed hoc falsum est, quia qui ponebantur supra fuerūt capita populorum, & linguarum, ita quod quilibet eorum vnum idioma speciale nominauit, & vñā gentem, vt declaratum fuit in quadā qōne. De filiis autē Ismahelis & Cethuræ non est sic, quia licet aliqui illorum nominauerint aliquas provincias, vel vrbes, tamen non omnes. Etiam nullus eorum nominauit aliquod idioma speciale a se, quia iam omnia idioma præcesserant in confusione Babylonis, & non fuerunt postea multiplicata.

Aliquis autem dicit, quod fuerunt nominati hic isti propter honorem Abrahæ, quia fuerunt omnes filij Abrahæ. Sed dicendum quod ista causa sola non mouet, quia tunc sicut narrantur isti filij Abrahæ, ita etiam narrantur nepotes, & pronepotes vsque ad multas generationes, quia maior honor esset Abrahæ. Item si propter hoc esset, sicut narrantur quidam nepotes Abrahæ ex Cethura, ita narrantur quidam nepotes, & pronepotes per Ismahelem, sed nō est sic. Item si propter hoc fieret, cum narrantur quidam nepotes Abrahæ per Cethurā, s. ex quibusdā filiis eius, narrantur nepotes ex omnibus, & tamē solum nominātur nepotes ex duobus, s. ex Iecsan, & Madian. Dicendum igitur de duodecim filiis Ismahelis, quod præcipue nominantur ad ostendendum veritatē promissionis Dei, nā ipse promiserat, quod daret ei duodecim principes de Ismahele, Gen. 17. ideo nomina istorum exprimuntur Gen. 25. & hoc in litera, sed tūc dicitur, quare igitur non fuerunt nepotes, & pronepotes Ismahelis nominati hic ad honorem Abrahæ?

Respondendum quod in Ismahele nō erat vocandum semen Abrahæ, sed in Isaac, Gen. 21. & quia progenies Abrahæ, per quam descēdebant illi, qui comparabantur in semine Abrahæ non pertinebat ad Ismahelem, non debuit enarrari posteritas Ismahelis, nisi forte aliqui nominarentur propter causam specialem, sicut fuit in duodecim filiis eius. Fuit etiam alia causa præter supradictam, quia isti duodecim filij Ismahelis fuerunt viri potentes, nam ipse Deus dixerat, quod duodecim principes nasceretur de Ismahele, & propter honorem, & famam istorum debuerūt nominari. Posterius autem eorum non fuerunt continue potentes sicut isti, ideo non oportuit quod nominarentur. De filiis autem Cethuræ aliquis dicit, quod nominati sunt ex eadem causa, ex qua nominati sunt filij Ismahelis, sed falsum est, quia filij Ismahelis nominati sunt principaliter ad ostendendum veritatem diuinæ promissionis, & tamen non fuerunt promissi aliqui filij Abrahæ ex Cethura, sicut fuerunt promissi ex Ismahele. Dicendum igitur quod nominati sunt filij Cethuræ propter honorem Abrahæ, & quia omnes sex filij Cethuræ fuerunt viri magni, omnes sex nominati sunt. Posteritas autem tota eorum nominari non debuit, quia non pertinebat ad illos, in quibus nominandū erat semen Abrahæ, sicut nec filij Ismahelis: fuerunt autem nominati aliqui nepotes Abrahæ ex Cethura, s. filij Iecsan, & Madian, & hoc fuit, quia filij istorum fuerunt potentes viri, & famosi: nominaueruntque aliquas gentes, vel provincias ex nomine suo, sicut patet de Saba, & Dodan, Ephā, & Ephē, & sic credendum est de alijs, qui exprimuntur, quanquam non appareat, quæ gēs, vel populus nomen ab eis acceperit. De alijs autem filiis Cethuræ quorum filij nō nominantur, nō est dicendum, quod non habuerunt filios, sed non fuerunt illi viri potentes, qui nominaret aliquos populos, vel provincias a seipsis sicut alij, ideo non exprimuntur, quia scriptura sacra nihil sine causa ponit. De istis autem filiis Ismahelis & Cethuræ, dicendum qd habitauerunt simul ad eandem partē orbis. Erant enim cognati, & in habitatione propinqua conueniebant, vt sic defenderēt se ab oībus extraneis, Abrahā quoque fecit qd illi habitarent simul, sic patet Gen. 25. s. Filij autē cōcubinarū largitus est munera, & separauit eos ab Isaac filio suo, dum adhuc viueret ad plagā orientalem. Erant autē isti filij cōcubinarū filij Agar, & Cethuræ: Habitauerunt autē Ismahel, & posterius in deserto Pharam, qui est in solitudine Arabica ad latus meridiana terre Chanaan, Gen. 21. & declaratur hoc magis Gen. 25. scilicet: Habitauit autem ab Heuila vsque

usque Sur, qui respicit Aegyptum introeuntibus Assyrios. De filiis autem Cethuræ dicendum, quod simul habitauerunt cum dicatur ibidem, quod separauit eos Abraham ad plagam orientalem, & dicitur hoc simul de filiis Ismahelis, & Cethuræ.

Item patet hoc Isa. 60. ubi ponitur de quibusdam filiis Cethuræ, scilicet Madian, & Ephraim, cum dicitur. Inundatio camelorum operiet te, dromedarii Madian, & Ephraim. Et immediate dicitur ibi de regionibus nominatis à quibusdam filiis Ismahelis, scilicet à Nabaioth, & Cedar: Omne pecus Cedar congregabitur, & arietes Nabaioth ministrabunt tibi. Et sic apparet, quod istæ terræ propinque sunt, cum de eis simul agatur. De istis filiis Ismahelis dicit Hieronymus & Glo. ord. duodecim filij nascuntur Ismaheli primogenitus Nabaioth, à quo omnis regio ab Euphrate usque ad mare Rubrum Nabaiothena dicitur, quæ pars Arabia est: nam familiæ ipsorum, oppidaque, & pagi, ac munita castella, & tribus horum appellatione celebrantur ab vno ex eis Cedar in deserto, & Duma alia regio, & Theman ad austrum, & Cedema ad orientalem plagam. Istæ tamen terræ, quas ponit Hieronymus præter Nabaioth, & Cedar, non sunt famose, & fere apud nullum leguntur nisi apud ipsum.

Genuit autem Abraham Isaac, cuius fuerunt filij Esau, & Israel. Filij Esau, Eliphaz Rahuel, Iehus, Ielon, & Core. Filij Eliphaz Theman, Omar Sephi, Gothan, Cenez Thanna, Amalech. Filij Rahuel, Nahath Zara, Samma, Meza. Filij Seir Lotan.

Genuit. Hic ponitur tertium, scilicet successio progeniei Abraham per Isaac, & diuiditur in duo, quia primo ponitur pars principalis. Secundò incidentalis ibi. *Filij Seir.* Nam principaliter de filiis Esau agitur, qui fuit filius Abraham, & incidentaliter de filiis Horreorum, qui habitauerunt in terra antequam habitaret Esau, & dicitur. *Genuit autem Abraham Isaac.* Istum filium solum habuit de Sara, alios autem de Agar, & Cethura, de quibus supra patet. *Cuius fuerunt filij Esau, & Israel.* Istos duos solum habuit Isaac ex vnicâ uxore sua Rebeca: Gen. 25. & nati sunt simul: nam erat sterilis Rebeca, & ea vice, qua concepit precibus ad Deum fufis, obtinuit quod conciperet, & habuit Esau, & Iacob, sed vocatus est Iacob Israel, quia Angelus mutauit nomen eius, dicens. Non vocaberis amplius Iacob, sed Israel: Gen. 32. Iterum etiam cum ascenderet in Bethel Deus dixit ei, quod non vocaretur amplius Iacob, sed Israel: Gen. 25. *Filij Esau.* Ista diuiditur in duas, quia generatio Abraham computatur per istos duos, principalis tamen per Iacob, & minus principaliter per Esau, ideo preponitur hic generatio Esau, quia continuanda non est, & postea sequitur generatio Iacob, quæ continuatur seq. cap. *Eliphaz.* Iste fuit primogenitus Esau, & dicunt quidam, quod iste fuit Eliphaz Themanites vnus de tribus amicis Iob, de quibus in libro suo dicitur, & aliquantulum videtur conuenire opinioni multorum, tamen de hoc magis dicitur super Iob. *Rahuel Iehus, Ielon.* Ab istis tribus descenderunt aliqui principes, & reges in terra Idumæorum, sicut ab alijs filiis Esau, ut patet in littera. *Core.* Iste fuit vltimus filius Esau, & non est ille Core, qui rebellauit contra Moysen, & Aaron in deserto, ut acciperet sacerdotium, qui à terra absorptus est: Nu. 16. & 26. nam ille fuit de progenie Leuitarum venientium de Iacob, iste autem fuit filius Esau: Ille est fuit tempore post istum, quia fuit in deserto post exitum Isaac,

A litarum de Aegypto. Sciendum autem, quod Esau habuit filios istos ex pluribus vxoribus. Nam Esau accepit vxores tres, quarum vna vocabatur Ada filia Elon Hethæi: Gen. 36. & vocatur alio nomine Basemath: Gen. 26. alia erat filia Elibama filia Aua, & ista vocatur Iudith alio nomine: tertia erat Basemath filia Ismahelis soror Nabaioth, & duæ primæ erant de genere Chanaanorum, tertia autem de genere Abraham, de his Gen. 26. & 36. Eliphaz autem primogenitus Esau, fuit genitus de prima vxore eius, Adarauel autem secundus filius eius, genitus est de prima vxore nomine Basemath, alij tres geniti sunt de secunda vxore, scilicet Olibama: Gen. 36. *Filij Eliphaz Theman.* Hic ponuntur nepotes Esau ex primogenito suo Eliphaz, qui fuerunt duces in terra Edom. Omnes tamen isti, qui nominantur hic duces fuerunt: Gen. 36. & primus istorum est Themā, à quo nominata est quedam ciuitas Theman de principalibus terræ Edom, & propter hoc, quando prænunciantur mala contra terram Edom propter peccata tria, exprimitur Themā principaliter, ut patet Amos primo, cum dicitur. Mittam ignem in Theman, & deuorabit eam Bosre. De Theman dicit Glo. ord. quod Theman est regio à Themā filio Eliphaz, sortita vocabulum villa Theman distans ab vrbe Petra quinque millibus, ubi militum Romanorum præsidium sedit, de quo loco fuit quidam rex, qui dictus est de regione Themanorum, vnus quoque filius Ismahel vocabatur Theman, omnis tamen australis regio Theman dicitur Hebraicè. Sciendum tamen quod Hieronymus vult Theman fuisse regionem ad austrum nominatam ab vno de duodecim filiis Ismahelis, & illa est in Arabia versus Aegyptum, ista autem ciuitas Theman est in regione Idumæorum. *Omar.* Iste vocatur in Gen. Omar, & nihil differt, quia multoties in nominibus proprijs mutatur vna littera, vel plures, ut sepe reperitur in Hebræo, & in Latino, *Sephi.* Iste vocatur Gen. 36. Sepho, & nihil differt in re. Hieronymus autem, & Glo. ord. dicit Sephi vnipes in Genesi Sepho bipes, vtrunque tamē per Sin litteram: Bipes autem dicitur, quia processu temporis multitudine proles maiorem efficaciam habuit, quam prius. *Gethan.* Iste vocatur Gathā: Gen. 36. sed idem est. *Cenez.* Iste est vnus dux de filiis Eliphaz. *Thanna.* Iste est alius dux, sed aliquis dubitabit quomodo ponit hic Thanna inter, filios Eliphaz, quia non fuit filius eius, sed concubina sua: Gen. 36. scilicet erat Thanna concubina Eliphaz filij Esau, quæ peperit ei Amalec, respondet Glo. ord. iuxta positionem Hebræorum, quod Thanna concubina fuit Eliphaz, & tamē ponitur inter filios eius, quia nutrebat eam inter filios suos, sicut vnum de filiis, sed ista ratio non habet apparentiam: nam propter hoc, quod inter filios nutrebat, non poneret eam scriptura in numero filiorum, præcipue cum scriptura intendat ponere filios, & nepotes Esau, etiam quia dicitur dux Thanna: Gen. 36. & etiam hic. Et ideo non est nomen concubina, sed dicendū, quod est nomen vnus de filiis Eliphaz, & tamen aliquando nomina mulierum sunt talia, sicut nomina virorum, & equiuocatur idem nomen viro, & femina. *Amalec.* Iste fuit vltimus filiorum Eliphaz, & ponitur vltimus, quia forte vlt. in ordine natiuitatis fuit, vel quia fuit minoris dignitatis, quam ceteri, cum fuerit genitus ex concubina, erat autem ista concubina Thanna, & de genere Horreorum: Gen. 36. & hic. *Filij Rahuel.* Iste erat secundus filius Esau, & ponuntur hic filij eius. *Nabath, Zara, Samma, Meza.* Illi quatuor filij Rahuel fuerunt duces in terra Idumæorum: Gen. 36. & iste, qui vocatur hic Zara, vocatur Meza ibidem, & ponuntur aliqui alij duces

I. Paralip.

Cap. I.

duces de filiis Esau in Gen. qui non ponuntur hic, sci-
licet duces, qui venerunt de alijs tribus filiis Esau, &
tamen quia non nominantur filij eorum, sed ipsi di-
cuntur esse duces, sed non curauit scriptura hic aliquid
dicere. *Filij Seir.* Hic ponitur pars incidentalis, scili-
cet de progenie Horreorum, & vocatur primus eo-
rum Seir.

Sciendum autem, quod non est iste Seir Esau: nā
Esau habet tria nomina, scilicet Esau, Seir, & Edom,
vocatur Esau à natiuitate, vocatur Edō, idest rubens,
quia desiderauit lenticulam ruffam, & vocatur Seir,
idest pilosus, vel hispidus, quia erat pilosus in modum
pellis. De istis tribus nominibus Gen. 25. Et varian-
tur in scriptura, quia aliquādo vocatur Esau sub vno
illorum, & aliquando sub alijs. Iste autem de quo hic
est mentio erat Seir pater Horreorum, qui habitauit
prius in terra illa antequam Esau, sed filij Esau cōfor-
tati expulerunt Horreos de terra.

Quare hic progenies Horreorum ponitur.
Quaest. XXI.

QUARE ponitur hic progenies
Horreorum, cum ipsi nihil pertineant ad
enarrationem, quam facit sacra scriptura,
cum ipsi nō sint de progenie Abrahe, quæ
continuat hic, nec etiam sint, à quibus aliqua gen-
tes nominata fuerint, vel idiomatica ceperint.

Respondendum secundum quosdam, quod hoc
factum est propter concubinam Eliphaz nomine
Thamna.

Dicendum tamen quod Esdras posuit hic ista non
propter aliam causam, nisi quia Moyses posuit illa in
Genesi, & Esdras voluit in hoc libro continuare ge-
nerationes, quæ tangebantur in sacra scriptura, vnde
repetiuit omnes illas, quæ ponuntur in Genesi, & quæ
ibi ponebatur generatio Horreorum, voluit Esdras
ponere eam hic. Patet hoc considerando omnes al-
ias generationes, quæ habentur hic, & illas, quæ ha-
bentur in Genesi, quia omnes, quas Moyses tetigit in
Genesi repetiuit hic Esdras, vt continuaret supplen-
do ceteras, quæ in alijs libris deficiebant. Super est ta-
men querere quare posuit Moyses in Genesi genera-
tionem Horreorum, cum non pertineat ad sacram
scripturam.

Respondendum, quod due causæ fuerunt ad hoc,
prima fuit propter Thamna concubinam Eliphaz:
nam ipsa fuit de progenie Horreorum: nam fuit so-
ror Lotan ducis Horreorum, vt patet hic, & quia age-
bat hic scriptura de progenie Esau, & Amalec, qui
fuit de filiis Esau, & fuit filius Thamna, & illa erat de
progenie Horreorum, tactum fuit de progenie Hor-
reorum, vt sciretur plenè origo Amalec, & fuit causa
potissima, quia Amalec fuit caput vnius gentis. Ab
ipso enim nominati sunt Amalecites, qui habitabant
in deserto Arabie. Isti fuerunt primi, qui pugnaue-
runt contra Israel: nam quando exiuerunt de Aegy-
pto Israelitæ circa montem Sinai, pugnaverunt Ama-
lecites contra Israel, & Iosue fuit princeps ex parte Is-
raelitarum, fugauitque Amalecitas in mansione, quæ
vocatur Raphidim. Exod. 17. & ob hoc dixit Balaam
Propheta: Num. 24. Principium gentium Amalec,
cuius extrema perdentur, idest prima de gētibz, quæ
pugnaverūt contra Israelitas fuit Amalec, & iterum
pugnauit contra Israelitas in Cadesbarne, & occidit
multos de eis, quia Deus iratus erat illis, & habuit Cha-
nanos adiutores: Num. 14. & fuit istud anno secun-
do ab exitu de Aegypto, vt ibi probatum est, postea
autem tempore Saul fere omnes Amalecites deleri
sunt ab Israelitis, primo Reg. 15. Secunda causa, &

precipua fuit, quia agebat scriptura de terra, in qua ha-
bitauit posteritas Esau, & quia terram illam possede-
rant prius alię gentes, voluit declarare de illis, quæ es-
sent, & qualiter dominati fuissent, & proficiebat hoc
ad explanationem sacre scripturæ: nam Deut. 2. di-
cturus erat Moyses de habitatoribus terræ illius quo-
modo Deo propitio filij Esau expulerint habitatores
terræ illius, ideo conueniens erat scire, qui erant illi:
nam dicitur. In Seir autem prius habitauerunt Hor-
rei, quibus expulsis atque deletis, habitauerunt filij
Esau, sicut fecit Israel in terra possessionis sue, quam
dedit ei dominus. *Lotan.* Iste fuit princeps terræ Seir,
& soror eius fuit concubina Eliphaz filij Esau.

*Deut. 2. c.
circamed.*

Sobal, Sebeon, Ana, Difon, Efer, Disan.
Filij Lotan, Horri Homam. Soror autem
Lotan fuit Thamna.

Sobal, Sebeon, Ana, Difon, Efer, Disan. Isti fuerunt fi-
lij Seir, & habitauerunt in terra Seir ante Esau: ideo
dicitur Gen. 36. Isti sunt filij Seir Horrei habitatores
terræ, & tamen non habitare ceperunt multo tem-
pore ante Esau: nam filia istius Seir habitatoris terræ
fuit concubina Eliphaz, vt patet in litera, & sic fuerūt
quasi contemporanei: ponuntur autem duces descē-
dentes ab omnibus istis filiis Seir Horrei, vt patet in
litera. *Filij Lotan, Horri, Homam.* Lotan primogeni-
tus erat Seir habitatoris terræ, & habuit istos duos fi-
lios, qui fuerunt duces in terra illa. Iste, qui vocatur
hic Homā vocatur Heman Gen. 36. sed idem est. *So-
ror autem Lotan fuit Thamna.* Ista fuit concubina Eli-
phaz filij Esau, & peperit ei Amalec: Gen. 36. & ob
hoc nominatur hic, vt sciatur, quod erat mulier ho-
norabilis, scilicet filia Seir princeps terræ. Sed dicitur
quare vocata fuit soror Lotan, cum nō solum fuerit
soror eius, sed etiam omnium aliorum, qui nominan-
tur hic filij Seir?

Respondendum, quod potest esse propter duo. Pri-
mò quia fortè ista erat soror Lotā ex patre, & matre,
& erat soror aliorum solum ex parte patris. Secundo
quia Lotan erat dignior inter fratres suos, & ideo
quamquam esset soror omnium aliorum ex patre, &
matre, solum vocaretur soror Lotā. Sic enim dicitur
Gen. 28. & 36. quod accepit Esau filiam Ismahel in
uxorem sororem Nabaioth, & tamen constat, quod
non solum erat soror illius, sed etiam aliorum cum
essent duodecim filij Ismahelis: Gen. 25. & etiam hic,
& potest ibi intelligi in vtroque modo istorum.

Filij Sobal, Alian, & Manahath, & Ebal,
Sephi, & Onam. **Filij Sebeon, Aia, & Ana.**
Filij Ana, Difon. **Filij Difon Hamram, &**
Eleban, & Iethran, & Charan. **Filii Efer,**
Balan, & Zauam, & Iacan. **Filii Disan, Hus**
& Aran.

Filij Sobal, Alian. Iste Sobal erat secundus filius Seir,
& habuit filios quinque, qui ponuntur hic, & fuerunt
duces Horreorum in terra Seir, & primus est Alian,
qui in Genesi vocatur Aluan, & aliqui putant esse er-
rorem scriptorum, sed falsum est, quia etiam sic habe-
tur in Hebreo, & in hoc nihil differt, quia in nomi-
bus proprijs mutantur sepe aliq̃ literæ. Rabanus au-
tem, & Glo. ord. dicunt quod iste Alian, qui de gene-
re Horreorum est, in Genesi scribitur Aluan, idest
exaltatus, in Paralip. Alian, idest eiectus, signans quod
Horrei exaltati sunt antequam Edom terram eorum
caperet,

caperet, & postea eiectioni. *Et Manahath, & Ebal.* Isti etiā fuerunt duces in terra Horreorum. *Et Sephi.* Vocatur Gen. 36. Sepho, causa dicta est. *Onam.* Ultimus filiorum Sobal, & differt iste ab Onam filio Iudæ, de quo Gen. 38. quia ille fuit de stirpe Abrahæ, iste autē fuit de stirpe Horreorum. *Filij Sebeon.* Iste fuit tertius filius Seir, & habuit duos filios duces terræ Horreorum. *Aia, & Ana.* Isti duo fuerunt duces, & non est Ana nomen mulieris, sed viri, & differt iste Ana ab illo, qui est filius quartus Seir, quia ille est patruus istius. *Filius Ana Dison.* Iste Ana est quartus filius Seir, & nō est ille, de quo dictum est immediate quod erat filius Sebeon, sed est eius patruus. *Filij Dison.* Iste Dison nō est filius Ana, de quo nunc dictum est, sed est patruus eius: nam est quintus filius Seir Horreī. *Hamaran.* Iste est primus filius Dison, & iste vocatur alio nomine Gen. 36. de quo Rabanus ait, quod in Paralip. vocatur Hamaran, id est rubricatus sordibus, vel temulentus, in Genesi autem Amadan, id est concupiscibilis, sed utraque vnius hominis nomina sunt. Sciendum autem, quod ille Ana, de quo dictum fuit, est ille, de quo dicitur in Genesi, quod inuenit aquas calidas in solitudine, id est inuenit aquas balneorum naturalium, quas ante ipsum nemo inuenerat: Hebræi autem dicunt, quod inuenit modum generationis equarum ex asino, & equa, vel econtrario, & hoc dicunt, quia dicitur in Genesi, quod inuenit aquas calidas in solitudine, cum pasceret asinos Sebeon patris sui, sed quid sit in hoc verum, declaratum est Gen. 36. *Et Efeban, & Iethran, & Charan.* Iste Iethran non est ille, qui fuit vir Ismahelites, & accepit in uxorem Abigail sororem David, & genuit ex ea Amasan 2. Reg. 17. nā ille fuit valde multo tempore post istum, cum iste fuerit tempore Esau, & Jacob, & ille fuit tempore David, & sic fuit iste ante illum plusquam sexcentis annis. Etiam quia iste fuit de genere Horreorum, qui non pertinebant ad Abrahā, & ille fuit de filiis Ismahel, qui erant de genere Abrahæ: *Filij Efer, Balan.* Iste Efer fuit filius sextus Seir, & Balan filius eius fuit dux Horreorum, sed non est iste ille Balaā, qui maledicere voluit Hebræis, & ad hoc vocatus est a rege Moab, Nu. 22. quia iste vocatur Balan, & ille Balaam. Etiam quia ille fuit multo tempore post istum, scilicet anno quadragesimo ab exitu de Aegypto: nam tunc maledicere voluit Israelitis, ut declaratum est ibidem. *Et Anam.* Non est iste ille, qui inuenit aquas calidas in solitudine, quia ille erat filius Sebeon, & vocabatur Ana, iste autem vocatur Anam. *Et Iacan.* Iste vocatur in Genesi Achā ablata litera: de hoc ait Rabanus, & Glo. ord. Iacan filius Efer de genere Horreorum, in Genesi Acham nominatur, id est tribulator, in Paralip. autem Iathan, id est tribulatus. Varijs enim euentibus nomina commutantur, ut varia mysteria significantur. *Filij Dison.* Iste est ultimus filiorum Seir, & habuit duos filios. *Hus, & Aran.* Aliqui putant ab isto Hus nominatam esse terrā Hus, de qua fuit Iob, & dicitur Iob primo. Vir fuit in terra Hus nomine Iob, sed positio communis est quod fuerit nominata ab vno de filiis Sem nomine Hus, de quo supra, ab isto Aran aliqui putant nominatam terram Syrorum, quia Syri in Hebræo Aramim appellantur, & Syria Aram, & tamē falsum est, quia tam terra Syrorum, quam Idioma nomen accepit ab Aram filio Sem.

Quare ponuntur hic filij Seir Horreī, & quando duces esse potuerunt. *Quæst. XXII.*

QUÆRITUR circa istos filios Seir Horreī quare ponuntur hic, & quomodo potuerunt illi esse duces in terra Seir: nam filij Esau videbantur nunc

A dominari in terra illa.

Ad primum dicendum quod scriptura nominauit omnes istos filios Seir, & nepotes eorum, quia omnes isti fuerunt duces & viri famosi in terra Seir, sic patet Gen. 36. scilicet hi duces Horreī filij Seir in terra Edom, & postquam enarrati sunt omnes, sequitur ibidem de eis, isti duces Horreorum, qui imperauerunt in terra Seir, quasi dicat, quod omnes isti enarrati ibi, & hi fuerunt duces in terra Seir, & non ponuntur plures, scilicet pronepotes, vel abnepotes Seir, quia illi iam non fuerunt duces in terra illa, eo quod filij Esau confortati expulerunt eos de terra, vel subiecerunt sibi in tributarios, & sic nulli duces fuerunt postea de eis.

B Ad secundum dicendum secundum aliquos, quod Horreī habitauerunt prius in terra illa, quam filij Esau, & antequam venirent filij Esau in terram illam præcesserant omnes isti duces ibi de genere Horreorum. Sed dicendum, quod non stat, quia Esau fuit contemporaneus in terra illa cum ipso Seir patre Horreorum, quod patet, quia Eliphaz filius Esau accepit in uxorem Thaman filiam Seir, ut patet hic, & Gen. 36. sed hoc non poterat esse si omnes isti duces Horreorum præcessissent antequam venissent Esau, & filij sui in terram illā. Dicendum igitur, quod terra illa, ad quam Esau iuit ad habitandum erat aliquantulum deserta, & modico tempore prius occupauerat illam Seir pater Horreorum, & iuit tunc illuc Esau, & quia filij Esau erant pauci non poterant expellere Horreos de terra, nec etiam Horreī poterant expellere Esau, & filios suos, ideo morabantur simul, & erant tunc principes aliqui ex parte Esau, & aliqui ex parte Horreorum, & istud mansit quamdiu fuerunt æquales, & tamen postea confortati sunt filij Esau, & expulerunt Horreos de terra, & cessauerunt tunc duces de genere eorum, de hoc Deut. 2. scilicet in Seir autem habitauerunt prius Horreī, quibus expulsis atque deletis habitauerunt ibi filij Esau. Isto autem tempore, quo non præualebant filij Esau contra Horreos fuerunt de filiis Esau omnes duces, qui supra ponuntur, & etiā de filiis Seir Horreī omnes duces, qui ponuntur hic, & ex tunc non fuerunt iam aliqui duces Horreorum, & propter hoc isti soli nominantur.

Quomodo duces filij Esau, & Horreī habuerint se in terra quo ad successionem, vel simultatem.

Quæst. XXIII.

QUÆRITUR vltius de ducibus tam filiorum Esau, quam Horreorum quomodo se habuerunt in terra, quantum ad successionem, vel simultatem: nam multi fuerunt ex utraque parte.

Respondendum, quod duces fuerunt in terra illa, quamdiu non fuit aliquis rex, & incipientibus regibus omnes duces cessauerunt tam ex parte filiorum Esau quam Horreorum. Pro quo sciendum, quod isti duces erant viri potentes, quibus competebat dominari, & regere terram, & dicendum, quod nō fuerunt per successionem, ita quod moriente vno, vel desinente principari inciperet alius, sed erant multi eorū simul, & forte omnes, qui nominantur hic aliquo tempore coinciderunt, ut essent duces, & patet hoc primo de ducibus Horreorum, & filiorum Esau: nam præcedenti quæstione probatum est, quod isti duces Horreorum non præcesserunt ad duces filiorum Esau, nec econtrario, sed fuerunt simul quamdiu fuerunt æquales in potentia quouique confortati filij Esau expulerunt Horreos de terra. Secundò patet de ducibus Horreorum inter se, & etiam de ducibus filiorum Esau.

Eſau. Nam duces Horreorum fuerunt valde multi, vt patet hic in litera: nam fuerunt vigintifeptem duces, et de genere Eſau fuerunt multi, ſcilicet decem & ſex, vt patet in litera, ergo ſi per ſucceſſionem principarentur, oporteret, quod multis annis duraret principatus iſtorum, ſed hoc non pot eſſe, quia hic non ponitur niſi due generationes in principibus Horreorum, ſ. filij, & nepotes Seir, & due generationes ducum Eſau, ſ. filij, & nepotes, vt patet ibidem, & tñ omnes filij Eſau eſſent contemporanei, & omnes etiam nepotes eius pro maiori parte: ideo non eſſent iſti duces per ſucceſſionem, ſed ferè omnes ſimul, hoc autem erat, quia tota illa terra Seir, ſive ex parte Horreorum, ſive filiorum Eſau non committebatur regenda vni, ſed multi principabantur per diuerſa loca, & ſic poterant eſſe ſimul quindecim, vel viginti duces ex parte Horreorum, & totidem ex parte filiorum Eſau, iſtud autem durauit quamdiu non fuerunt reges. Si autem tota terra vni regenda daretur, ſive ille eſſet rex, ſive dux, oporteret, quod omnes iſti duces eſſent per ſucceſſionem, & ſic non potuiſſent eſſe tot niſi in magno tempore.

Iſti ſunt reges, qui imperauerunt in terra Edom, antequam eſſet rex ſuper filios Iſrael. Bale filius Beor, & nomen ciuitatis eius Denaba. Mortuus eſt autem Bale, & regnauit pro eo Iobab filius Zare de Boſra. Cumque & Iobab fuiſſet mortuus regnauit pro eo Huſam de terra Themanorum. Obijt quoque & Huſam, & regnauit pro eo Adad filius Badad, qui percuiſit Madian in terra Moab, & nomen ciuitatis eius Auith. Cumque & Adad fuiſſet mortuus regnauit pro eo Semla de Maſſeca. Sed & Semla mortuus eſt, & regnauit pro eo Saul de Roboth, quæ iuxta amnem ſita eſt. Mortuo quoque Saul regnauit pro eo Balanam filius Achobor. Sed & hic mortuus eſt, & regnauit pro eo Adad, cuius vrbis nomen fuit Phau, & appellata eſt vxor eius Meetabel filia Matred, filiæ Mezaab. Adad autem mortuo duces pro regibus in Edom eſſe ceperunt, Dux Thamna, dux Alua, dux Ietheth, dux Oolibama, dux Ela, dux Phinon, dux Chenez, dux Theman, dux Mabſar, dux Magdiel, dux Hiram. Hi duces Edom.

Iſti ſunt reges. Poſitum fuit ſupra de ducibus, qui fuerunt in terra Seir ex genere Eſau, & etiam Horreorum, nunc autem ponitur de regibus. Sciendum autem, quod de genere Horreorum nulli fuerunt reges in terra Seir, ſed ſolum de filiis Eſau: nam Horrei prius expulſi ſunt, quam regnare poſſent, vt ſupra dictum eſt. *Qui imperauerunt in terra Edom.* Vocatur terra Edom, iſt eſt Eſau, quia ipſe dictus eſt Edom propter lenticulam ruſſam, quam deſiderauit: Gen. vigefimo quinto, vocatur etiam interdum terra Seir, vel Eſau: Deut. 2 & Malac. 1. & Abdię vnico c. *Antequam eſſet rex ſuper filios Iſrael.* Tam de genere Eſau, q

F Jacob reges proceſſerunt, & tamẽ prius ceperunt reges in Idumæa, quam in terra Iſrael, & iſti, qui ponuntur hic, regnauerunt antequam inciperet regnare Saul primus rex Iudeorum, vt patet 1. Reg. 9. & 10. *Bale filius Beor.* Iſte fuit primus rex Idumæorum, & non fuit iſte Balaam ariolus. Aliqui enim putant iſtum fuiſſe propter ſimilitudinem nominis, quia iſte vocatur Bale, & ille Balaã, etiã quia iſte vocatus fuit filius Beor, & etiam ille, vt patet Num. 22. Sed dicendum, quod non ſtat. Primò quia iſte erat de ſtirpe Idumæorum, & habitabat in terra illorum, ille autem erat de terra Syrorum, ſcilicet Meſopotamia Syrię, vt patet Deut. 23. Secundò patet, quia ille erat vir pauper: nam quando ibat ad maledicendum Iſraelitis, ibat ſuper aſinam, ferens ſecum ſolum duos pueros: Num. 22. Iſte autem erat vir diſtiſſimus, cum eſſet rex. Secundo patet, quia ille vocatus eſt à rege Moab, vt malediceret Iſraelitis, & promiſit ei magnam pecuniam propter hoc: Numeri vigefimo ſecundo, & 24. ipſe autẽ deſiderans pecuniam iſtam venit ad maledicendum: ſic. n. patet 2. Petri cap. 2. ſcilicet ſecuti ſunt viam Balaã ex Boſor, qui mercedem iniquitatis amauit, ſi tamen iſte fuiſſet, non iuiſſet pro tam turpi lucro ad præcepta regis Moabitarum, vt malediceret Iſraelitis, ſed oporteret, quod iſte eſſet ille rex, qui non conſenſit, quod hebræi tranſirent per terram ſuam, quod patet, quia hebræi acceſſerunt ad terram Edom, & rex noluit eis concedere tranſitum per terram ſuam: Numeri vigefimo, & pauco tempore poſt iuerunt inde ad regem Moab ad tranſeundum iuxta terrã eius: Numeri vigefimo ſecundo, & tunc ipſe vocauit Balaam, & ſic fuit in eodem tempore, quia in eodẽ anno, immo non interciderunt quinque menſes inter vnum, & aliud, vt ibidem probatum eſt, & ſi dicere- mus quod rex Moab vocaret illum regem Edom ad maledicendum hebræis, vt non poſſent nocere terræ Moab, hoc eſt omnino irrationabile, quia ille rex Edom viribus ſuis reſtiterat hebræis egreſſus contra illos cum magna multitudine: Num. vigefimo. non ergo conareretur maledicere Hebræis, vt non poſſent nocere Moabitis, ſed potius manu armata conareretur eos expellere de terra, potiſſimè cum videret, quod non poterat maledicere illis: ideo dicendum, quod non erat idem iſte Bale filius Beor, & ille Balaam ariolus.

Et nomen ciuitatis eius Denaba. Iſt eſt fuit de ciuitate Denaba, non eſt autem de præpoſitio, ſed Denaba eſt vnum nomen integrum. De iſta ciuitate dicitur in Glo. ord. Denaba ciuitas Balac filij Beor regis Edom poſtquam regnauit Iobab, eſt tamen vſque hodie Denaba in octauo milliario Arcopoleos pergentibus Armonem, & altera Denaba ſuper montem Phegor in ſeptimo lapide Iebus.

Mortuus eſt autem Bale, & regnauit pro eo Iobab. Hæc erat ſucceſſio, & non in ducibus: nam quamdiu fuerunt duces in terra iſta tam de genere Eſau, quam Horreorum, non ſuccedebat vnus alteri, ſed multi illorum, vel omnes ſimul erant, nunc autem cum fuerunt reges ſuccedebat vnus alteri, quia rex erat vnus, & dominabatur toti terræ, & ſic dicitur de quolibet, quod mortuo eo regnauit pro eo talis, vel talis. iſte Iobab eſt quem putant communiter loquentes eſſe Iob, ſed Hebræi aſſerunt eum fuiſſe de ſtirpe Nacor, vt ait Glo. ord. Nicolaus autem innuit, quod non fuerit iſte Iob, quia Iob in Hebræo ſcribitur per literam Aleph in principio, & iſte Iobab incipit à litera Iod. de hoc tamen quid verum ſit, declarabitur ſuper Iob. Philo autem Iudæus in quæſtionibus ſuper Geneſim aſſerit iſtum fuiſſe Iob, & accepiſſe vxorem Dinam filiam Iacob, & ante rationis

rationis sue certamen habuisse ex ea filios septem, & tres filias, qui in tentatione sua extincti sunt, sed ei nato reddidit dominus omnia duplicia, & ita septem filios, & tres filias prædictas, vxores postea habuit, quorum nomina eadem fuerunt, quæ priorum, scilicet Eliphaz, Anos, Diasach, Philasias, Difat, Cebad, Thelon, nomina verò filiarum fuerunt, Meru, Lizath, Zeli.

Filius Zare de Bosra. Et sic non fuit iste filius regis præcedentis, quia alius fuit Babe, iste autem est Zare. Est autem Bosra quædam ciuitas de præcipuis terræ Edom totius: ideo cum prænunciantur poenæ contra totam terram Edom nominatur ista ciuitas, & alia, scilicet Theman, tanquam magis principales: Amos primo, scilicet mittam ignem in Theman, & deuorabit ædes Bosre.

Cumque Tobab fuisset mortuus regnavit pro eo Husan de terra Thamanorum. Iste est tertius rex, & nō fuit filius præcedentis, iste fuit de terra Themanorum, idest de provincia vrbs Theman: nam ista est ciuitas famosa in terra Edom, de qua nūc dictum est. *Obijtque Husan, & regnavit pro eo Adad filius Badadi.* Iste fuit quartus rex, & vocatur filius Badadi: Gen. 36. sed idem est Badad, & Badadi, quia in finibus nominum hebraicorum solet apponi literæ aliquando, & syllabæ, vt Ierameel, & Ieramel: nam primo Reg. 27. vocatur Ierameel, & eodem lib. 30. cap. vocatur Ieramel, sic etiam Gessur, & Gessuri: nam primo Reg. 27. vocatur Gessuri, & 2. Reg. 3. vocauit Gessur. *Qui percussit Madian in terra Moab.* Aliqui exponunt, q̄ iste rex percussit Madian, i. exercitum Madian in terra Moab, quia contigit q̄ in terra Moab pugnaret contra Madianitas. Sed dicendum, quod non accipitur sic, sed Madian est hic nomen vrbs cuiusdā terræ Moab. De hac dicit Glo. ord. Madian ciuitas est ab vno filiorum Abraham, & Ceturæ sic vocata, est autem in deserto trans Arabiā Saracenorum contra Orientem maris Rubri, vnde vocantur Madianci, & Madianca regio. Filij quoque foci Moyfi dicuntur filij Sēphoræ filie Iethro sacerdotis Madian, sed hæc alia ciuitas est eiudem nominis iuxta Armonē, & Arcopolim, cuius adhuc ruine monstrantur.

Et nomen ciuitatis eius Auitb. Scilicet ciuitas, in qua natus est iste Adad vocabatur sic.

Cumque Adad fuisset mortuus, regnavit pro eo Semla de Masreca. Est Masreca ciuitas terræ Edom, de qua fuit iste Semla, sed non fuit ciuitas famosa inter ciuitates terræ illius.

Sed, & Semla mortuus est, & regnavit pro eo Saul. Non est iste Saul, de quo dicitur, quod fuit primus rex Hebræorum, quia ille fuit de stirpe Iacob, & iste de stirpe Esau, & ille primus de regibus Israel, & iste fuit quintus de regibus Idumæorum.

De Rooboth, quæ est iuxta amnem. Idest iste fuit de ciuitate nomine Rooboth, & illa est iuxta amnem, idest iuxta fluuium quendam, & Genesis trigesimo sexto dicitur, quod fuit de fluuiio Rooboth, sed pro eodem accipitur esse de fluuiio Rooboth, vel de Rooboth de fluuiio: Hebræi dicunt de latitudine fluuii, idest quod fuit de aliquo campo magno, quod erat iuxta fluuium, & tamen accidit eis error, quia Rooboth est nomen proprium, & etiam appellatiuum, sicut accidit in multis alijs nominibus Hebræis, & in quantum est proprium significat urbem quandam, in quantum verò est appellatiuum significat latitudinem, & Hebræi acceperunt, vt est nomen appellatiuum, & tamen non est rationabile; quia cum hic agatur de ciuitatibus, de quibus erant isti reges, rationabilius est, quod sit nomen vrbs, quamquam sit appellatiuum, & ideo est hic Rooboth de fluuiio, vel

A Rooboth, quæ est iuxta amnem.

Mortuo quoque Saul, regnavit pro eo Balanam filius Achobor. Aliqui putant, quod iste Balanam fuit Balaam Propheta, qui voluit maledicere Hebræis ad preces regis Moab, & tamen falsum est, quia ille vocabatur Balaam, & iste Balanam, & ille filius Boor: Nu. 22. & iste filius Achobor. Ad hoc etiam possunt fieri omnes rationes, quæ fiebant supra ad probandum, quod Bale filius Beor non erat Balaam. *Sed hic mortuus est, & regnavit pro eo Adad.* Iste fuit rex Idumæorū pro nunc, quia post eum ceperunt esse immediatē duces. *Cuius vrbs fuit nomen Phau.* Idest fuit de vrbe Phau, sed Gen. 36. dicitur Phan, idem tamen est. *Et appellata est vxor eius Meetabel filia Matred filie Mezaab.* Hic ponitur aliquid speciale quod non fiebat in alijs regibus: nam nullius ponebatur vxor, istius autem ponitur vxor, & mater vxoris, & auia, & ratio est; quia istæ mulieres fuerunt excellentes in aliquo, & propter excellentiā suam nominatæ sunt inter viros, quæ tamen fuerit illa excellentia non apparet. Mezaab in Hebræo interpretatur cuius aurum, & volunt aliqui dicere, quod non sit nomen proprium, sed appellatiuum, & sit sensus, quod erat filia ista Matred cuiusdam hominis diuitis, & sic dicitur, quod erat filia cuius aurum erat, quia per excellentiam multum aurum tenebat, & sic accipit Nicolaus, sed istud repugnat literæ nostræ, quæ non accipit tanquam nomen appellatiuum, sed tanquam proprium, quia aliās non dixisset Mezaab, sed cuius aurum. Etiam non est conuenienter dictum, quia hic ponit scriptura nomina propria istorum, qui regnabant ad notificandum regentes, ideo etiam ista nomina mulierum posita hic erant propria ad notificandum eas. Quidam Hebræi dicunt, quod ista mulier vocabatur Mezaab, idest cuius aurum, eo quod ipsa inuenit artem faciendi fila de auro, quæ nunquā prius fuerat. Sed quidquid sit oportet Mezaab esse nomen proprium.

Adad autem mortuo duces pro regibus in Edom esse ceperunt. Iste fuit vltimus rex: nam eo mortuo non successerunt sibi reges, sed principatus mutatus fuit in iudices. *Dux Thamma, dux Alua.* Ista sunt nomina ducum, quæ sequuntur, & fuerunt multi duces, sicut fuerunt multi reges, & ponuntur hic multa nomina coincidentia cum nominibus ducum supra positorum, vt Thamma, & Alua, & quædam alia, & tamen non fuerunt duces iidem, sed nomen contingit esse idem multorum.

Dux Ietheth, dux Oolibama. Aliqui putant Oolibama esse mulierem, sed non est, vt infra declarabitur. *Dux Ela, dux Phinon.* Isti duo non fuerunt supra nominati. *Dux Chenez, dux Theman.* Isti duo fuerunt nominati supra, quia sic vocabantur duo filij Eliphaz primogeniti Esau, sed differunt in re, licet non in nomine. *Dux Mabsar, dux Magdiel.* Isti duo non fuerunt nominati supra inter filios, & nepotes Esau.

Dux Hiram. Etiam iste non fuit nominatus. *Hi duces Edom.* Scilicet omnes isti, qui nominati sunt fuerunt duces Edom.

Quare fit mentio de nominibus ciuitatum aliquorum regum, & non omnium. Quæst. XXIIII.

QUARE FITUR quare dicitur de quibusdam regibus istorum nomen ciuitatis eius tale, vel tale, & non de omnibus.

Aliqui dicunt, quod per hoc significantur vrbes, de quibus erant isti reges: nam assumebantur de diuersis vrbibus ad regnandum, & ideo ponuntur nomina vrbiū, de quibus assumebantur.

Alij dicunt, quod iste vrbes fuerunt conditæ ab istis

Istis regibus, & ponitur de eis, quas vrbes condiderint ad ostendendum gloriam ipsorum.

Dicendum tamen quod prima positio est vera: nam isti reges non erant omnes de eadem vrbe: ideo ponuntur nomina vrbium singulorum ipsorum, vt sciantur origines. Hoc autem erat, quia isti reges non veniebant per successionem, sicut nunc fit, sed per electionem, vel per sortes. aut per diuersa tempora regnandi, quod pertinebat ad principatum democraticum, scilicet quod quodam tempore assumerentur reges de vna vrbe, & alio tempore de alia, vt omnes vrbes essent æquales, vel per sortem eligebantur, & sic contingebat, quod aliquando esset rex de vna ciuitate, & aliquando de alia. Si autem essent reges isti per successionem progeniei, essent omnes de eadem vrbe, & non oporteret nominare urbem aliquam nisi primi, nunc autem contingebat tot esse vrbes, quot reges.

Ad secundum dicendum, quod de omnibus regibus dicitur, de quibus vrbibus erant, & falsum est, quod præsupponitur in questione, scilicet quod de quibusdam regibus ponatur, de quibus vrbibus erant, de alijs autem non ponatur, quia de quolibet dicitur, de qua vrbe sit. Mortuum autem errandi quærentium est, quia de quibusdam regibus dicitur nomen vrbis eius fuit tale, vel tale, & de alijs non, sed suppletur hoc per alia verba: nam idem est, quod dicatur regnavit pro eo Hufan de terra Themanorum, & quod dicatur regnavit Hufan, & nomen vrbis eius fuit Theman, & sic accipiendo de omnibus regibus ponitur hic, de quibus vrbibus fuerint, nam de primo dicitur, quod nomen ciuitatis eius fuit Denaba. De secundo dicitur quod regnavit Iobab filius Zare de Bosra, & isto modo de alijs omnibus præter Balanā, cuius non ponitur ciuitas, & ideo intelligendum est, quod fuerit de ciuitate ista, de qua fuit rex qui præponitur ei, scilicet Saul de Rooboth. Sic enim est in prophetis minoribus: nam in titulis eorum ponuntur reges, sub quibus prophetauerunt, & quando aliquis est in cuius titulo nullius regis ponitur nomen, ille dicitur prophetasse eisdem diebus, quibus propheta proximo præcedens, in cuius titulo ponuntur reges, sub quibus prophetavit. Ista regula patet per Hieronymum in prologo super Ioel, qui incipit: In hoc propheta, & in prologo, qui incipit Sanctus Ioel, & etiam est regula Hebræorum.

Qualis fuerit status regum, qui in Edom regnauerunt, Quæst. XXV.

QUÆRITUR vltius quis fuit status regum istorum, qui regnauerunt in Edom. Respondendum, quod isti reges differrebant à ducibus, quia duces non succedebant adinuicem, sed multi erant simul, in regibus autem non, quia vnus erat semper rex, & illo mortuo, succedebat alius, quod patet, quia dicitur hic, de quolibet rege, quod mortuo eo regnavit pro ipso talis, vel talis rex, & de ducibus nihil tale dicitur, ratio differentie est, quia quilibet rex dominabatur in tota terra Edom, ideo non poterant esse multi reges simul, sed successivè. Duces autem non dominabantur in tota terra Edom, sed vnus in vno loco, & alius in alio, & sic non erat successio. Etiam conditio regum Idumæorum fuit, quod non essent per successionem progeniei, sed per sortem, aut electionem, vel diuersa tempora regnandi. Quod patet ex duobus: primo quia ponitur de quolibet istorum regum, de qua vrbe erat, & nominantur diuersæ vrbes, & tamen si es-

sent per successionem, essent de eadem vrbe.

Secundo patet, quia si essent per successionem, non oporteret nominari urbem aliquam, quia sciretur, quod de qua vrbe fuerat primus, essent omnes alij, & si nominaretur aliqua vrbs, solum esset hoc pro primo rege, & tamen pro quolibet eorum nominatur.

Tertio patet, & efficacius, quia in plerisque istorum ponitur nomen patris, & non est vnus filius alterius: nam primus Rex istorum fuit Bale, & Beor, & secundus Iobab filius Zare, & tamen deberet esse filius Bale: & tertius fuit Hufan, & non fuit filius Iobab, & Adad, qui fuit quartus, non fuit filius Hufan, sed filius Badad, & sic de cæteris. Et quia aliquis posset dicere, quod isti reges habebant multa nomina, ita quod primus rex vocatur Bale, & etiam Zare, ideo quando dicitur, quod Iobab fuit filius Zare, intelligeretur, quod fuit filius Bale, & sic esset quidam modus evasionis, sed hoc non permittit litera, quia non solum pro diuersis regibus ponuntur diuersi patres, sed etiam diuersæ vrbes, & non poterat esse, quod filij eiusdem patris essent de diuersis vrbibus, & sic ista simul sumpta probant sufficienter, quod isti reges non erant per successionem.

Quare, & quomodo Idumæi principatum ducum mutauerunt in regale. Quæst. XXVI.

QUÆRITUR vltius quare Idumæi mutauerunt principatum ducum in regale, & quomodo hoc factum est.

Respondendum est, quod fuit facta mutatio ad principatum honorabiliorem. Semper enim tenuissent Idumæi principatum regalem à principio, si potuissent, sed non poterant, nam quandiu in terra Edom manserunt Horreï, & filij Esau, non fuit rex aliquis ex parte Horreorum, nec ex parte filiorum Esau, quia isti non permittebant illos, & illi impediabant istos, sed erant tunc aliqui duces inter eos ex utraque parte: cum autem confortati fuerunt filij Esau, & expulerunt Horreos de terra, possederunt ipsi totam terram, & tunc ceperunt habere reges: Nam quia habebant totam terram in potestate sua, volebant habere honorabiliorem principatū, & vnicum, regalem, & sic mutauerunt.

Si autem Idumæi a principio tenuissent terram: forte a principio fecissent regem, & si nunquam habuissent soli terram, sed possideretur simul ab Idumæis, & Horreïs, forte nunquam isti, nec illi nunquam constituissent reges super se, istud autem est, quare a principio cum haberent duces, fecerunt principatum regalem, sed quare postea de principatu regali fecerunt principatum ducum infra dicitur.

De principio, & fine regni Regum, qui in Edom regnauerunt. Quæst. XXVII.

QUÆRITUR vltius quomodo dicitur hic, quod isti fuerunt reges, qui regnauerunt in Edom antequam filij Israel hic essent reges, & quo tempore principatus istorum regum finitus sit.

Aliqui dicunt, quod omnes isti reges, qui fuerunt hic, fuerunt ante mortem Moyfi, nam de omnibus his scriptum est Genesis trigesimo sexto, & tunc debemus dicere, quod Idumæi habuerunt prius duces, deinde habuerunt octo reges, quorum nomina ponuntur in litera, & postea habuerunt duces, & fuerunt isti qui habentur hic post reges, & quanquam fuerint postea plures duces, scriptura non posuit nisi istos, quia isti præcesserant vsque ad tempus illud quo Moy-

ses scripsit Gen. Alij dicunt, quod isti reges fuerunt usque ad tempus illud, quo ceperunt esse reges in Israel, & postquam ceperunt regnare ibi, aliqui defuerunt esse reges in Edom & fuerunt duces, qui ponuntur hic: sed utraque positio patitur calumniam. De prima patet, quia litera dicit, quod isti reges, qui ponuntur hic fuerunt antequam essent reges in Israel, ideo innuit, quod cessantibus istis, vel immediate post istos fuerunt reges in Israel, alioquin superflue dicitur istud: nam frustra erat exprimi tot reges nominatim, & patres eorum, & vrbes cum tanta diligentia, & dicere quod isti regnauissent antequam essent reges in Israel, sed non solum isti, sed etiam multi alij regnauissent; quia vel deberent omnes nominatim exprimi, vel nullus ipforum.

Secundo patet, quia non videtur verisimile, quod tot reges potuerint esse ante tempus Moyse, scilicet quando ipse scripsit Genesim: nam Gen. 36. ponuntur omnes reges, & duces, qui ponuntur hic, & sic ante tempus Moyse praecessissent omnes duces, qui fuerunt ante reges, & deinde octo reges, qui nominantur hic, & vndecim duces, qui fuerunt post eos, ut patet in litera. Nam ad hoc multum tempus valde requirebatur, scilicet forte plusquam quingentorum, vel sexcentorum annorum, & tamen inter tempus, quo ceperunt esse duces in Edom de filiis Esau, usque ad tempus, quo Moyse scripsit Genesim in deserto, non fuerunt anni trecenti: nam Iacob, & Esau fuerunt nati eodem die, & quando Iacob ingressus est in Aegyptum erat annorum centum, & triginta: Gen. 47. deinde steterunt Israelitae in Aegypto annis ducentis, & quindecim, vel quasi, ut declaratum est Gen. 15. & Exod. primo, & postea scripsit Moyse in deserto Genesim, & alios libros legis, quamquam non apparet, quo tempore scripserit, cum manserint Israelitae in deserto annis quadraginta, & tamen accipiat ad plus quod esset hoc anno quadagesimo, erunt tunc a natiuitate Iacob & Esau usque ad tempus, quo scripta est Genesim anni trecenti, & octogintaquinque copulando praedictos annos, & tamen ab istis annis oportet tolli plusquam centum annos: nam Esau, quando erat annorum quadraginta accepit primam uxorem: Gen. 26. necesse erat, quod saltem per sexaginta annos vocaret prolem ipse, & descendentes ab eo ad hoc, quod esset tanta multitudo descendendum ab Esau, ut possent super se duces habere de seipsis. Ablatis ergo istis centum annis, manebant ad plus ducenti octoginta anni inter principium ducum Esau usque ad ultimos duces, qui ponuntur hic, sed istud non videtur verisimile, quia fuerunt multi duces ante reges, & postea fuerunt octo reges per successionem, & deinde vndecim duces, ut patet hic, & tamen pro istis necesse erat esse lapsum plusquam quingentorum, vel sexcentorum annorum.

Tertio patet, quia hoc modo necesse erat, quod quando Moyse scriberet librum Genesim, in quo habentur omnia ista, quod essent duces in Edom, quia post reges ponuntur hic duces vndecim, & sic ultimus eorum debuisset esse eo tempore, quo Moyse ista scripsit, & tamen falsum est, quia tunc non erant duces in Edom, sed reges, quod patet, quia quando Israelitae ibant per desertum anno quadagesimo ab exitu de Aegypto voluerunt transire per terram Idumeorum, & dicitur quod rex Idumaeorum resistit eis, & occurrit cum multitudine infinita: Num. 20. & sic non erant effluxi reges tempore Moyse, & consequenter nondum inceperant isti duces, qui yltimo ponuntur.

Aliquis volens solvere ista dicit ad primum, quod non superflue possumus est, quod fuerunt isti reges

A Idumaeorum antequam essent reges in Israel: nam dato, quod fuerint plures reges in Edom antequam inciperent reges in Israel, tamen Moyse, qui prius scripsit ista tanquam historiographus: Gen. 36. posuit solum reges illos, qui fuerant in terra Edom antequam essent reges in Israel pro tempore suo, & tamen postea fuerunt multi alij reges in Edom ante reges Israel, de quibus non potuit Moyse scribere tanquam historiographus, cum illi fuerint post eum.

B Ad secundum dicitur, quod isti reges, & duces potuerunt esse in paruo tempore, eo quod forte regnabatur per sortes, & per determinata tempora, & poterant esse pauci anni pro quolibet rege, sicut est de rectoribus urbium, & de alijs officijs & dignitatibus, quae ut in plurimum sunt annuales, vel pauci temporis: nam consules duo, qui totam Romam regebant ante tempora Imperatorum erant annales, & sic in breui tempore poterant isti omnes esse reges, & duces.

C Ad tertium non potest vlllo modo responderi, nisi forte dicatur, quod accipiuntur large duces pro regibus, & reges pro ducibus. Sed dicendum quod prima responsio non stat, quia dato, quod Moyse non poterat scribere plures reges in Edom fuisse tanquam historiographus, quam illi, qui fuerunt usque ad tempus suum, tamen poterat tanquam Propheta scribere. Si autem dicas quod loquebatur hic, ut historicus, & non ut Propheta. Dicitur quod hoc modo non posset etiam ipse scire, an aliqui reges futuri essent aliquando in Israel, cum nulli adhuc essent, & tamen dixit, quod fuerunt isti reges in Edom antequam essent reges in Israel, ergo praesupposuit reges in Israel, & sic videbatur loqui propheticè. Aliquis dicit, quod non loquebatur propheticè, quia ex his, quae Deus promiserat Iacob, quod reges egrederentur de lumbis eius: Gen. 35. sciret Moyse certissime, quod reges futuri erant in Israel, dato quod nullus adhuc fuisset. Sed dicendum quod non stat, quia nisi Moyse habetet spiritum propheticum, non poterat scire an illa promissio erat secundum firmum propositum Dei, vel iuxta exigentiam meritorum, & sic nesciret an mutarentur. Alij autem dicunt aliter ad istam rationem primam, scilicet quod Moyse solum scripsit reges Edom, qui fuerunt ante tempus, & quod verum sit, quod immediate post istos reges Edom fuerit rex in Israel, & quod iste rex fuerit Moyse. Sic enim tenent multi Iudaeorum, Deut. 33. dicitur: Et erit apud rectissimum rex congregatis principibus populi. Et intelligitur de Moyse, & tunc verum est, quod nulli alij fuerint reges in Edom nisi isti, qui nominantur hic antequam essent reges in Israel, quia Moyse fuit rex, sed tunc non potest stare litera, quia sequeretur, quod non fuerint aliqui duces post reges Idumaeorum ante Moysem, & tamen ipse posuit Gen. 36. duces primo, deinde reges, & postea alios duces, sicut ponuntur hic, & ideo necesse erat fuisse omnes istos tam reges, quam duces ante Moysem, etiam non posset stare, quia tempore Moyse non erant duces in Edom sed reges. Solutio ad secundum non tenet, quia non est verum, quod isti reges dominarentur per annos, vel pauca tempora assignata, sed quilibet dominabatur usque ad mortem, ut patet in litera, quia dicitur de quolibet rege, quod mortuo illo succedebat alius, & tamen homines vivebant illo tempore multis annis, scilicet centum quinquaginta, vel sexaginta: nam Iacob annis centum quadraginta septem vixit: Gen. 47. Filij etiam sui, & nepotes usque ad illam aetatem quasi accedebant, ut patet de plurimis: Exod. 6. Ideo ad hoc, quod isti octo reges per successionem transirent, & omnes duces praecedentes & subsequentes, maius tempus requirebatur quam usque ad Moysem. Solum ad tertium non stat, quia nullo modo pot-

sunt hic accipi duces, & reges large, ita ut accipiatur vnum pro alio, cum potius litera distinguat, & dicat, quod prius fuerunt duces, deinde coeperunt reges, postea verò cessantibus illis fuerunt iterum duces, & tamen si large acciperetur, esset abusio sic distinguere, quod iidem essent reges, & duces, & etiam esset litera falsa, quia non esset verum quod mortuo Adad cessauerunt esse reges, & inceperunt esse duces, ut dicitur in litera, cum omnes illi duces fuerint reges.

Alia positio erat, quod isti reges, qui ponuntur hic fuerint in Edom antequam inceperint esse reges in Israel, & post istos fuerint reges in Israel, & quando essent reges in Israel non essent reges in Edom, sed duces, de quibus hic.

Sed contra hanc positionem videntur esse aliqua inconuenientia, prius tamen videndum est, quomodo assignentur isti reges in Edom, scilicet quomodo cessauit principatus suus mutatus in principatum ducum. Et dicunt Hebraei, & Nicolaus, quod David subiecit sibi Idumæos in tributarios secundo Reg. octauo, & ex tunc non fuerunt reges in Edom, sed ipse posuit ibi custodes ad hoc, quod non rebellarent Idumæi, unde tempore Iosaphat regis Iudæ dicitur, quod non erat tunc rex constitutus in Edom tertio Reg. ultimo. Sed ista positio habet primum inconueniens, quia litera dicit hic, quod isti reges qui ponuntur hic, fuerunt illi, qui præcesserunt antequam essent reges in Israel, & tamen primus rex Israel fuit Saul, ergo ante ipsum fuerant omnes isti, tamen David fuit, qui subiecit Idumæos in tributarios, & abstulit reges eorum secundo Reg. octauo, & infra decimo octauo, ergo adhuc post istos reges fuerunt aliqui in Edom, vel saltem aliquis, quia aliàs tempore David iam cessassent reges Edom, & non posuisset ipse auferre regem Idumææ, cum nullus tunc esset, & tamen abstulit illum, & fecit Idumæam sibi tributariam: ergo non regnauerunt solum reges Edom vsque ad Saulem, sed etiam vsque ad David, & tamen litera repugnat hic, quia dicitur quod mortuo Adad duces pro regibus esse ceperunt, & tamen omnes isti reges fuerunt antequam essent reges in Israel, ergo ante David cessauerant reges.

Secundum inconueniens est, quia dicitur hic, quod ceperunt esse duces pro regibus, in quo videtur, quod Idumæi mutauerunt principatum facientes duces pro regibus, nam isti duces, qui ponuntur hic post reges de stirpe Esau fuerunt, ut patet hic & Genesis trigesimo sexto, & tamen non videtur hoc verum, quia David, quando subiecit sibi Idumæam, posuit præsidium Iura, scilicet ut non possent rebellare Idumæi: non est ergo verisimile, quod isti custodes essent Idumæi, quia illi possent faciliter rebellare, & sic nec essent reges, nec duces tunc de genere Idumæorum. Tertium inconueniens videtur, quia significatur in hoc, quod post istos duces iam non fuerint reges in Edom, quia aliàs poneretur illa mutatio principatus, sicut post primos duces ponuntur reges, & post reges ponuntur duces, & tamen falsum est, quia postquam cessauerunt reges Edom tempore David, adhuc fuerunt postea reges. Nam tempore Ioram regis Iudæ recessit Edom, ne esset sub Iuda, & constituit sibi regem quarto Reg. octauo, & infra secundo lib. capitulo vigesimo primo. Dicendum, quod tres positiones sunt in hoc, & quælibet videtur ambigua. Prima quod descripserit Moyses reges, qui fuerunt vsque ad tempus suum in Edom, & illos dicit fuisse ante reges Israel, licet multi alij fuerint post istos ante reges Israel. Secunda est, quod Moyses describat omnes reges Edom, qui fuerunt ante reges Israel, & quod illi fuerint solum vsque ad tempus Moysi, & Moyses fuerit

primus rex Israel. Tertia quod descripti fuerint reges omnes, qui fuerint in Edom antequam inceperint reges Israel, & sic durabunt isti reges vsque ad Saulem, & duces, qui habentur hic essent inter Idumæos eo tempore, quo reges dominarentur apud Israelitas, sed duæ primæ non possunt bene sustentari. Tertia autem potest, & debet teneri.

Et ad primum inconueniens dicendum, quod non est inconueniens: nam possemus dicere, quod isti reges Edom durauerunt vsque ad Saulem, & incipientibus regibus Israel cessauerint reges Edom, & inceperint duces, & sic tempore, quo David subiecit sibi Idumæam non esset aliquis rex in Idumæa, sed duces. Nam non apparet, quod David pugnaverit contra regem Edom, sed solum quod subiecerit Idumæam in tributariam secundo Reg. octauo, & inf. decimo octauo, quia tamen sepe conuenimus asserere, & est rationabile dictum, quod pugnaverit David contra regem Edom, quia dicitur tertio Reg. secundo, quod occidit Ioab in Idumæa omnes masculos, & fugit quidam, qui erat de semine regio in Aegyptum, dicendum, quod durauerunt reges vsque ad David in Edom, & tunc erat Adad rex, qui ponitur hic ultimus, & pugnavit David contra eum, & occidit, & postea non fuerunt reges in Edom, & patet hoc, quia præallegato cap. dicitur quod Adad erat de semine regio, & fugit in Aegyptum cum seruis patris sui, & sic videtur, quod iste Adad, qui fugit, fuit filius istius Adad, qui ponitur hic ultimus regum, & vocatur ille Adad propter patrem suum, & pater fuerit occisus à David, filius autem fugit in Aegyptum. Cum autem obijciatur, quod isti reges, qui habentur hic, regnauerunt, antequam essent reges in Israel, dicendum, quod verum est, quod iste Adad ultimus regum Edom cepit regnare in Edom aliquanto tempore antequam inciperet Saul regnare super Israel, & regnavit quādiu vixit Saul, & etiam in principio regni David, & tunc ab eo occisus est.

Ad secundum dicendum, quod verum est, quod tempore David occiso rege Edom ceperunt esse duces in Edom, & illi fuerunt quamdiu subiecti extiterunt Idumæi regno Iudæ. & quando dicitur, quod non est verisimile, quod David permetteret, quod duces de terra Edom essent, quia illi poterant faciliter rebellare, dicendum, quod permisit, quod essent duces, & tamen erant positi ex voluntate regum Iudæ, sed non tenebant ipsi arcem regionis illius, sed aliqui de Iudæis, qui erant ibi ex parte regum Iudæ, & sic quamquam principarentur isti duces in terra Edom, non timebat David rebellionem cum omnia fortiticia terræ tenerentur à viris suis, immo per hoc, quod permittebat David esse duces de terra Edom faciebat, quod non tam faciliter sibi repugnarent, cum ipsi principarentur terræ, dum tamen soluerent quoddam tributum. Si autem priuaret eos omnino principatu, facilius illi rebellarent, quia magis inclinarentur ad hoc propter magnam subiectionem.

Ad tertium dicendum, quod verum est quod fuerint reges in Edom post istos duces, & scriptura non innuit hoc, quod nulli reges fuerint post duces istos, sed solum scripsit duces illos, qui fuerunt in Edom tempore, quo dominabantur yri Iudæ regno Edom. De illis autem regibus, qui postea fuerunt, vel ducibus nihil omnino scriptura curauit, & hoc modo dicitur, quod hic describitur totus status principatus terræ Edom à tempore, quo ceperunt eam possidere filij Esau, vsque ad tempus Ioram regis Iudæ, quando recessit Edom ne esset sub Iuda, sed constituit sibi regem quarto Reg. 8.

Quomodo potuerit scribere Moyses de ducibus, & regibus, qui post tempus suum in terra Edom regnauerunt.

Quest. XXVIII.

QVAERITVR vltius, quomodo Moyses potuit scribere de istis Regibus, & Ducibus, qui fuerunt in terra Edom, cum isti fuerint post tempus suum. Respondendum, quod tres opiniones erant de modo istorum Regum, & Ducum Edom, vt patet precedenti quaestione: tenendo autem aliquam de ducibus primis manifesta est responsio, quia fuerunt sic omnes illi reges, & duces ante Moysen, & satis ipse poterat scribere ea, quae fuerant ante ipsum, sicut quilibet alius historiographus, sed neutra illarum positionum potest teneri, vt supra probatum est. Tertia autem positio erat, quod isti reges, & duces fuerint post Moysen, & tunc non poterat Moyses scribere ea, quae de istis regibus scripsit nisi prophetice: nam sciebat ea, quae ventura erant: ideo posset scire de istis regibus, & ducibus, qui venturi erant de stirpe Esau quam nondum venissent, & scribere successionem eorum. Sed dicendum, quod hoc non conuenit: quia Moyses scripsit Genesim historicè, enarratum est: quia omnia fuerunt dicta per modum praeteriti, ideo non scriberet prophetice. Item, quia Moyses nullo modo scriberet prophetice in talibus, quia ipse scripsit Genesim ad eruditionem populi, vt intelligerent praeterita, quae non habebantur in aliqua historia, & si populus legeret ea, quae scripta erant de regibus, & ducibus Edom, cum illa nondum euenissent, immo viderent, quod aliqui reges de illis, qui dicebantur esse mortui. Genes. 36. regnarent; turbarentur, & nihil intelligerent: ideo Moyses non scriberet eis talia, quae non possent intelligere. Dicendum ergo videtur, quod quamquam Moyses scripsit Genesim non scripsit ea, quae habentur Genes. 36. Sed ea, quae habentur in alijs locis. Esdras autem, qui rescripsit omnes libros legis combustos, & pereuntes in captiuatione Chaldaeorum addidit quaedam in multis locis scripturae, & ipse addidit totum, quod habetur Genes. 36. Deuteronom. vlti. & in quibusdam alijs locis, & tunc non est inconueniens aliquod, quia Esdras fuit post omnia ista, & potuit eam scribere, tanquam historiographus.

Quare hic scribitur de principatu regum, & ducum, quem habuerunt Idumaei: & de continuatione principatus vsque ad duces.

Quest. XXIX.

QVAERITVR vltius, quare descriptum est hic de principatu, quem habuerunt Idumaei, scilicet, quomodo fuerunt de eis duces, & reges: & quare continuatus est principatus ille vsque ad duces, & non plus: cum etiam postea fuerint principes in terra Edom. Respondendum, quod factum est propter tria, & primo ad significandum veritatem promissionis diuinæ: nam Deus promiserat Abrahae, quod reges egrederentur de eo: Genes. 17. & intelligebatur non solum quantum ad Iacob, qui de eo descensus erat, sed etiam quantum ad Esau, ideo cum scriptura in multis locis ostendat de regibus, qui descenderunt per Iacob, voluit etiam ostendere de regibus, qui descenderunt per Esau. Secundo fuit ad honorem Abrahae, quia Deus vt honoraret Abrahā, tradidit bona multa filiis suis: erat aut maior honor, qd descenderent reges ab Abrahā per multas lineas qd per vnā, ideo descenderunt per Iacob, & Esau, & sic scriptura descripsit reges p lineā Esau. Tertiū fuit ad declarandū quasdam historias, qd pertinebant ad stirpem Edom, & Iacob, quia reges Israel pugnaverūt cōtra reges Edom, & subiecerunt sibi

Alph. Tost. In Lib. I. Paralip.

A terram illam in tributariā, & posuerūt principes iuxta voluntatem suam, ideo vt intelligatur qualiter se haberent isti principes, positū est, qd fuerit modus principū regū, & ducū inter Idumaeos. Ad secundā quidā dicūt, qd non fuit continuatus hic principatus Idumaeorū vltius, eo qd non potuit plus continuari: quia Esdras scripsit librum istum, & non potuit continuare historias, nisi vsq; ad tempus suum, & quia vltimus istorū ducū, qui ponuntur hic, fuit tempore Esdre, non potuit continuare principatū: sed non pōt stare, quia tpe Esdrae non erant duces in Edom, sed reges, vel saltem ante tps Esdrae fuerant reges aliqui post istos duces, qui habentur hic: nam reges fuerunt in Edom vsq; ad tps David, & tunc cessauerunt esse reges, & fuerunt duces quandiu Idumaei fuerunt subiecti regno Iuda, & cum rebellauerint tempore Ioram reges Iuda constituerunt super se regem. 4. Reg. 8. & infra 2. libro, cap. 21. & istud fuit multo tempore ante Esdras: ideo post duces, qui ponuntur hic, potuerat ponere Esdras omnes reges, qui fuerunt in Edom a tpe Ioram vsq; ad tps suū, & tñ non ponitur aliqs rex post duces: ideo nō fuit continuatus principatus hic vsq; ad Esdras. Dicendum ergo qd solum fuit cōtinuatus principatus vsq; ad tpa Ioram regis Iudae, & ponuntur primo duces, qui fuerunt a principio status Idumaeorū viquequo expulerunt Horraeos de terra, & inceperunt habere reges habuerūtq; octo, qui nominātur hic, & vltimus illorū fuit ille, qd regnabat qñ cepit Saul regnare in Israel, & iste occisus fuit a David, deinde fuerūt in Edom duces positi per voluntatem regū Iuda, & durauerūt vsq; ad tps Ioram regis Iuda, qñ rebellauerunt Idumaei ne essent sub Iuda, & constituerunt regem super se. 4. Reg. 8. Ex illo aut tpe nō curat scriptura aliqd enarrare de statu Idumaeorū, quia nō fuerunt postea aliqua bella, vel cōmunicationes inter Israelitas, & Idumaeos: ad quorū declarationē Esdras vellet cōtinuare modū principatus Idumaeorum.

Ob quam causam Idumaei mutauerunt principatum regalem in principatum ducum.

Quest. XXX.

QVAERITVR vltius, ad quid Idumaei voluerunt mutare principatum regalem in principatum ducum: Illi, qui tenent aliquam de duabus primis positionibus de modo regum Idumaeorū, scilicet, qñ finierunt principatum debent dicere, & dicunt: quod hoc fecerunt Idumaei propter utilitatem principatus, quia forte reges illi, quos habebant, volebant tyrannizare in terra, ideo reduxerunt principatum monarchicum, qui erat iam tyrannicus, ad principatum aristocraticum, qui per plures dispensatur: & non potest sic faciliter tyrannizare. Et hoc fecerunt Romani: nam inter eos a principio fuerunt reges, & tamen illi subiciebant populum in seruitutem, ideo populus insurrexit contra reges, & expulit eos de vrbe: fecitque principatum aristocraticum ponens consules duos, quolibet anno, qui regerent urbem, & de hoc tetigimus Genes. 36. Sed illae duae positiones improbatæ sunt. Ideo dicendum, quod Idumaei non mutauerunt principatum, sed mutare coacti sunt, nam a principio ipsi habebant duces, quando erant Horraei in terra: expulsis Horraeis ceperunt habere Reges, & semper habuerunt illos quousque David occidit vltimum Regem Idumaeorum, scilicet, Adad, & nō fuit tunc aliquis Rex in Idumaea: quia si vnus haberet totum principatum sicut prius, facilius posset rebellare, sed constituit duces, qui minoris potestatis erant, quam reges. Si autem Idumaei permisi fuissent in suo principatu, nunquam abstulissent Reges, sed habuissent illos, sicut prius: quia ille erat honorabilior principatus, quam ducū quod patet: quia mox vt Idumaei habuerūt facultatem

F tem

tem repugnandi regibus Iuda, constituerunt Regem F
super se. 4. Regum 8. & infra 2. libro, cap. 21.

*An postremi duces post reges expulsos, habuerint se per
successionem, vel simul in terra Edom.*
Quæst. XXXI.

QUÆRITUR ulterius de modo, quo se habue-
runt isti duces postremi in terra Edom post re-
ges expulsos, scilicet, an se habuerint per
successionem, vel simul. Respondendum est, quod
illi duces, qui fuerunt ante reges Idumæorum erant
simul: nam quamquam essent valde multi non regna-
uerunt, nisi modico tempore, scilicet, duabus genera-
tionibus; & tamen erant decem, & sex: ut patet in lite-
ra, & illæ generationes vix se extenderent ad centum
annos. De ducibus tamen undecim, qui habentur
hic, aliter videtur dicendum. Posset enim aliquis di-
cere satis rationabiliter, quod occiso per David vlti-
mo rege Idumæorum, constituit ipse duces multos
in diuersis partibus terræ Idumæorum, ut non trade-
retur vni tota potestas: quia sic facilius possent rebella-
re, & sic poterant esse omnes isti undecim duces, qui
ponuntur hic simul, & tamen tunc sequitur incon-
ueniens, quia fuerunt multa tempora a subiectione
Idumæorum sub regno Iuda usque ad liberationem,
& pro toto isto tempore describuntur duces, ut supra
probatum est: ideo oportet quod non essent omnes
simul, sed per successionem: Patet, quia ista subiectio
facta est, quasi in principio regni David, & durauit vs-
que ad principium regni Ioram, & fuerunt anni cen-
tum quinquaginta sex: nam David regnauit annis
quadraginta. 2. Regum 5. Salomon autem totidem.
3. Regum 11. Roboam autem decem, & septem: eo-
dem libro, cap. 14. Abia autem tribus: eodem lib. cap.
15. Et Asa quadragintauno: eodem libro, & cap. & Io-
saphat vigin tiquinque: eodem libro, cap. vltimo. Et sic
sunt anni centum sexaginta sex, & in istis annis bene
poterant sibi succedere undecim duces potissime, quia
illi ponebantur per voluntatem regum Iuda, & inter-
dum aliquos duces viuentes priuabantur ducatu, &
substituiebant alios, & sic minori tempore durarent,
quam si alias manerent in ducatu vsque ad mortem.

*Quare inter duces ponuntur mulieres Thamna, scilicet,
& Oolibama. Quæst. XXXII.*

QUÆRITUR ulterius, quare ponuntur hic in-
ter istos duces Thamna, & Oolibama: nam iste
fuerunt mulieres, quod patet: quia Thamna
fuit soror Bothan ducis Horraorum filij Seir, ut patet
supra in litera: & ipsa fuit concubina Eliphaz: ex qua
genitus est Amalec: Genes. 36. De Oolibama patet,
nam ipsa fuit vxor Esau, quæ peperit ei tres filios: Ge-
nes. 36. Et etiam fuit alia mulier Anna filia, quæ voca-
ta est Oolibama soror Dison: eodem cap.

Respondent aliqui, quod iste mulieres ponuntur
hic inter duces propter excellentiam virtutis suæ, quia
fecerunt opera virilia. Sic enim Debora, & Iahel, &
Iudith ponuntur apud Hebræos, tanquam duces, quia
fecerunt opera ducum: nam Debora iudicabat Israel
sedens sub palma, & etiam ipsa iuit ad bellum contra
Sisaram principem militiæ Iabim regis Chanaan: quia
alias non audebat illuc ire Barac, qui fuit dux belli: Iu-
dicum 4. Iahel quoque fecit opus virile, quia ipsa oc-
cidit Sisaram principem militiæ hostium, ut patet Iu-
dicum 4. & 5. Iudith occidit Holophernem habens au-
daciā virilem, ut colligitur per processum libri sui.
Sed dicendum, quod isti errant propter duo. Primo,
quia dicunt mulieres poni hic inter viros, cum litera

dicat hic, quod isti fuerunt duces terra Idumæorum;
& tamen constat, quod foemina non erant duces. Se-
cundo, quia volunt, quod istæ sint illæ foeminae, quæ
supra habentur, scilicet, Thamna concubina Eliphaz:
& Oolibama vxor Esau: & ex hoc sequeretur, quod
isti duces, qui ponuntur hic post reges fuissent ante
reges: quia istæ duæ foeminae fuerunt antequam essent
aliqui reges de genere Esau: cum Oolibama fuerit
vxor Esau: & Thamna fuerit concubina Eliphaz, & ta-
men falsum est, quia isti duces, qui ponuntur hic vlti-
mo fuerunt post reges, quia dicitur, quod mortuo
Adad rege ceperunt in eodem esse duces pro regibus,
& ponuntur immediate nomina illorum, ideo postea
fuerunt, & sic non potuerunt mulieres istæ esse tem-
pore istorum ducum. Tertio errant, quia iste mulie-
res non erant de genere Esau, quia Oolibama erat de
genere Chananæorum, cum pater suus esset Heucus.
Thamna autem erat de genere Horreorum, quia erat
filia Seir Horraei, & soror Lothan ducis Horraorum,
ut patet de vtraque, Genes. 36. & supra in litera; & ta-
men omnes isti, qui ponuntur hic, erant duces de pro-
genie Esau, ut patet Genes. 36. & hic: ergo illæ mulie-
res non poterant poni tanquam duces. Quarto errant,
quia oportet tunc quod isti duces, qui ponuntur hic
essent illi, qui ponuntur supra, qui fuerunt ante reges,
& tamen falsum est, quia illi fuerunt decem, & sex: &
isti sunt undecim. Etiam quia nomina istorum, & illo-
rum differunt. Dicendum igitur, quod Thamna, &
Oolibama non sunt hic nomina mulierum, sed viro-
rum, qui fuerunt duces in terra Edom, postquam ces-
sauerunt reges, & sunt similia nominibus quarundam
mulierum, quæ supra habentur, nec est istud inconue-
niens: nam saepe videmus nomina virorum nomini-
bus foeminarum esse similia, potissime in quibusdam
idiomatibus.

CAP. II.



ILII autem Israel, Ruben, Si-
meon, Leui, Iudam, Issachar, &
Zabulon, Dan, & Ioseph, Benia-
min, Nephtali, Gad, & Aser. Filij Iuda, Her,
Onan, & Sella. Hi tres nati sunt ei de filia
Sue Chananitidis.

Descriptis in superioribus quibusdam lineis proge-
nium, quarum partes describuntur, & quædam omit-
tuntur, hic agitur de illa progenie, cuius omnes par-
tes scribuntur. Nam præcedenti cap. incipiebat scri-
ptura quasdam progenies, quas non continuabat, sed
cum modicum enarrasset mittebat: etiam si descri-
beret progeniem alicuius, non describebat quantum
ad omnes descendentes ab eo, sed quantum ad quos-
dam, nunc autem incipit enarrari progenies Iacob,
quæ tota continuatur, & ideo cum haberet Iacob duo-
decim filios, omnium illorum linea textitur. Intendit
autem in hoc libro principaliter agere Esdras de Da-
uid, ideo progeniem illam, in qua David est, enarrat
diligentius: erat autem in tribu Iuda, ideo de ista prius,
& diligentius agit, & diuiditur in quinque partes, quia
primo agitur de progenie Iuda. Secundo de tribu
Simeon, quia filij Simeon habitabant in eadem sorte,
in qua viri Iuda, de quibus infra 4. circa medium
vbi dicitur. *Filij Simeon*. Tertio describitur linea tri-
bus Ruben, & Gad, & dimidia tribus Manasse, in-
fra quinto. Quarto describitur progenies tribus Le-
ui, infra 6. Quinto describitur linea tribus Issachar, &
Nephtali, & Ephraim, & dimidia tribus Manasse, 7. 7.
Sexto

Sexto ponitur linea tribus Benjamin, infra 8. Prima in tres, quia primo describitur successio tribus Iuda vsque ad Dauid, in quo incepit progenies Regum Iuda. Secundo ponitur ipsa progenies Regum Iuda, sequenti cap. Tertio redit scriptura ad supplendum quadam, quæ omiserat de tribu Iuda, infra 4. Prima in duas, quia primo ponitur progenies Iacob diuisa per duodecim tribus. Secundo accipitur tribus Iuda, de qua principalis est intentus ibi. *Filij Iuda.*

Utrum ea, quæ hic habentur ad præcedentia sint continuata, & immediatè post illa sint. Quæst. I.

QUÆRITUR circa primum an ea, quæ habentur hic sint continuata ad præcedentia: & an sint immediatè post illa. Respondendum, quod continuatio propriè potest dari circa historias, in quibus quædam partes ordine naturali præcedunt, & aliæ sequuntur, & potest cognosci, cui debetur præcedere, & cui succedere: hic autem non est aliqua historia, sed solum enarratio diuersarum progenierum: ideo directè non potest dari hic continuatio ordinis, vel perturbatio: & tamen potest dari in quantum istæ progenies enarratæ habent habitudinem ad historias, scilicet, quod progenies illæ, quæ prius fuerunt prius enarrantur; & quæ posterius, describantur posterius. Et dicendum, quod isto modo accipiendus est hic ordo continuatus, quia supra dicebatur de progeniebus illorum, qui fuerunt ab exordio sæculi vsque ad Iacob: hic autem agitur de ipsa progenie Iacob. Dicendum etiam, quod ista fuerunt immediate post illa, quia post Esau nullus erat, qui sequeretur in ordine temporis, nisi Iacob, quia Esau, & Iacob ex eodem concubitu concepti sunt: ad Roman. 9. Et eadem hora de vtero exierunt: Genes. 25. & tamen cum colliderentur inter se in vtero, quasi litigantes quis eorum prius nasceretur, Esau prius exiuit Iacob tenente plantam pedis eius, vt pater ibidem: ideo post generationes Esau conuenienter poni debuerunt generationes Iacob, tanquam immediatè secundum tempus: Circa primum dicitur. *Filij autem Israel.* Id est, Filij Iacob sunt isti, qui sequuntur, & vocatur Iacob Israel: quia Angelus mutauit nomen eius, quando luctabatur cum eo. Genes. 32. Et postea Deus in Bethel. Genes. 35. *Ruben.* Ille est primogenitus Iacob secundum carnem, & tamen iura primogenituræ non permanserunt in eo propter peccatum, sed translata sunt ad Ioseph, infra 5. & tamen ipse ponitur nunc ante omnes, antequàm esset primogenitus secundum carnem, & secundum dignitatem. Sciendum autem, quod isti duodecim filij Iacob geniti sunt ex diuersis matribus, nam accepit Iacob quatuor vxores, scilicet, primo Rachelem: in quo decipitur fuit, & apposita est sibi Lia, quamquam cum ea matrimonium non contraxisset: Genes. 29. Postea autem accepit Rachelem consummando cum ea matrimonium, & sic habebat duas sorores in vxores: deinde ad preces Rachelem, quæ concipere non poterat, accepit in vxorem ancillam eius nomine Balan. Genes. 30. & deinde ad preces Liæ accepit ancillam eius nomine Zelpham in vxorem, eodem cap. Peperit autem Lia filios sex, & Rachel duos, Balan totidem, & Zelpha totidem. Genes. 29. & 30. & 35. Ruben autem filius fuit Liæ, & vocatus est Ruben, id est, visio, quia in natiuitate eius dixit Lia: Vidit Dominus humilitatem meam. Genes. 29. *Simeon.* Ille fuit secundus in ordine natiuitatis, & fuit filius Liæ, & vocatur Simeon, id est, exauditiō: quia in natiuitate eius dixit Lia. Vidit Dominus haberi me contemptum, & dedit mihi istum. *Leui.* Ille fuit tertius in ordine, & vocatus est Leui, id est, copulatio, vel

Alph. Toft. In Lib. I. Paralip.

A cohabitatio: quia in natiuitate eius dixit Lia mater sua: Nunc quoque copulabitur mihi maritus meus, eo quod pepererim ei tres filios: Genes. 29. *Iuda.* Quartus in ordine est, & filius Liæ, & interpretatur laus, vel confessio, quia in natiuitate sua dixit Lia: Modo confitebor Domino: Genes. 29. *Issachar.* Ille est quintus, sed non in ordine natiuitatis, quia ante eum nati fuerunt Dan, & Nephtali: Genes. 30. Fuit iste filius Liæ, & interpretatur conductus, vel merces, quia peperit illum Lia, quando conduxit virum suum redimens ius eius a sorore sua Rachele, pro mandragoris filij sui Ruben, & quando peperit, dixit: Dedit Deus mercedem mihi, quia dedi viro meo ancillam meam; Genes. 30. *Zabulon.* Ille est sextus, & vltimus filius Liæ, & fuit immediatus post Issachar, & tamen ante eum fuerunt Dan, & Nephtali, qui non præponuntur ad hoc, quod omnes filij Liæ simul ponantur. Et vocatur Zabulon, quia significat dotationem, & permanentiam; vnde dixit Lia in natiuitate eius: Dotauit me Dominus dote bona. *Dan.* Ille fuit filius Balæ ancillæ Rachelem, quam tradiderat viro suo, vt conciperet ex eo; cum ipsa concipere non posset, & adoptaret Rachel sibi in filios eos, qui nascerentur de ancilla sua, & vocatus est iste Dan, id est, iudiciū; quia in natiuitate eius dixit Rachel: Iudicauit mihi Deus, & exaudiuit vocem meam, dans mihi filium. Genes. 30. Ille Dan natus est ante Issachar, & Zabulon supra positos.

C *Ioseph.* Ille fuit primus filius Rachelem, & fuit post omnes superiores, & etiam post alios sequentes; nam Nephtali, Gad, & Aser fuerunt ante ipsum; Genes. 30. *Beniamin.* Ille fuit vltimus filius Rachelem, quem pariens, mortua est, Genes. 35. Et vocauit primum filium Ioseph, id est, additus; quia in natiuitate eius dixit: Addat mihi Dominus filium alterum. Genes. 30. Et alium vocauit Benoni, id est, filium doloris mei, quia moriens peperit eum; & Iacob vocauit eum Beniamin. Genes. 36. Id est, Filium dextræ. *Nephtali.* Ille fuit filius Balæ ancillæ Liæ, & interpretatur obliquatio, vel lucta, quia in natiuitate eius dixit Rachel: Comparauit me Dominus cum sorore mea, & inualui. Genes. 30. *Gad.* Ille fuit filius Zelphæ ancillæ Liæ, & vocatus est Gad, id est, foeliciter; quia in natiuitate eius dixit Lia foeliciter. Genes. 30. *Aser.* Filius fuit Zelphæ; & interpretatur beatitudo; quia in natiuitate eius dixit Lia hoc pro beatitudine mea. *Filij Iuda.* Hic ponitur secundum; in quo proles Iudæ describitur, & diuiditur in duas; quia primo ponuntur filij Iudæ; deinde describitur proles eorum, ibi. *Filij autem Phares.* Circa primum dicitur. *Filij Iuda Her, Onan, Sella.* Isti tres fuerunt filij Iudæ de vxore sua, alios autem duos genuit de nuru sua.

E *Tres isti nati sunt ei de filia Sue Chananitidis.* Quia alios duos habuit de Thamar, ista vxor Iudæ fuit quadam mulier Chananaea, nam Genes. 38. dicitur, quod Iudas descendit a fratribus suis, & diuertit ad virum Odolamitem, nomine Vram, viditque ibi filiam hominis Chananaei vocabulo Sue; & accepit eam in vxorem. Aliqui errant putantes, quod Sue sit nomen adiectiuum; est enim nomen proprium; Genes. 38. Et est diuersitas, quia dicitur vidit filiam hominis Chananaei vocabulo Sue, & aliqui putant, quod Sue sit nomen patris illius mulieris. Alij autem dicunt, quod sit nomen mulieris Iudæ, & declaratum est, quod est nomen patris; hic tamen significatur, quod sit nomen matris, quia Chananitidis significat Chananaeam, cum sit genitiuus nominis feminini; & tamen non potest stare pro matre; ideo litera ista corrupta est, quia deberet dici de filia Sue Chananaei, vt referatur ad patrem,

patrem, vel de filia Sue Chananitidem, vt referatur ad ipsam vxorem, quæ erat Chananitis, idest, Chananæa.

An peccauerit Iudas accipiens mulierem Chananæam in vxorem. Quest. II.

QUÆRITVR an peccauit Iudas, quia accepit mulierem Chananæam in vxorem. Aliquis dicit, quod sic: quia Deus vetuerat hoc in lege: Exodi 34. & Deuteronom. 7. Secundo patet: quia Abraham etiam detestabatur coniugia Chananæorum: vnde dixit ad seruum suum Eliezer, quod iret in Mesopotamiam ad accipiendum inde vxorem pro filio suo Isaac, vt non acciperet vxorem de filiabus Chananæorum: Genes. 24. Isaac quoque, & Rebeccha oderant Esau, quia acceperat vxores de filiabus Chananæorum: Genes. 26. Et iusserunt ipsi Iacob, quod non acciperet vxorem de filiabus Chanaan: sed acciperet eam de cognatione sua in Mesopotamia. Genes. 28. Tertio patet, quia isti, qui acceperunt vxores de filiabus Chananæorum exprimuntur inter ceteros: & dicitur quomodo acceperint vxores de Chananæis, & fuit hoc in Iuda, & Simeone: ideo dicitur de Iuda Genes. 38. quod accepit in vxorem filiam hominis Chananæi: de Simeone autem dicitur Genes. 36. quod habuerit Saul in filium, qui fuit filius Chananitidis, idest, mulieris Chananææ. Respondendum, quod non peccauit Iudas accipiendo vxorem de filiabus Chananæorum: non etiam peccauit Simeon in hoc. Et ratio est, quia si aliquis actus peccatum est, ideo est, quia secundum se est actus malus, scilicet, ex genere suo, vel ex circumstantijs, vel propter legem vetantem, quæ lex est ab illo, qui potuit illam condere. Quod tamen Iudas acciperet vxorem de filiabus Chananæorum, nõ erat per se malum plus, quàm accipere de quacunque alia gente. Etiam non erat actus malus propter legem, quia tunc non erat lege vetitus: nam lex non fuit data vsque ad Moysen. Prius autem non erat aliqua obligatio in filiis Iacob; nisi quantum ad ea, ad quæ obligabantur oēs homines naturaliter, & insuper ad caremoniam circumcisionis, quia Deus dederat iam istud præceptum Abraham, Genes. 17. Ad rationem primam in contrarium dicendum, quod non faciebat Iudas contra legem, cum lex nondum data esset, sed fuit data postea: & lex nunquàm obligat antequàm detur. Ad secundam rationem dicendum, quod Abraham non recusauit accipere pro filio suo vxorem de filiabus Chananæorũ, tanquàm peccatum esset accipere de illis vxorem, sed quia honestius erat accipere de progenia sua, quàm de filiabus Chananæorum, potissime, cum sciret, quod semen sanctum, quod Deus ei repromiserat deicenturum erat per Isaac: Genes. 21. Quod autem non esset peccatum accipere vxorem de filiabus Chananæorũ, patet quia ipsemet Abraham, mortua Sara, accepit Ceturam in vxorem, quæ erat de stirpe Chananæorum in terra quorum morabatur: nam non misit pro illa in Mesopotamiam, vbi erat cognatio sua, vt colligit Genes. 25. Cum autem obiicitur de Isaac, quod oderat Esau, quia acceperat vxores de filiabus Chananæorũ. Dicendum, quod non oderat eum quasi peccasset accipiendo, sed quia mulieres illæ erant peruersæ, & offendeabant Isaac, & Rebeccam, Genes. 36. Scilicet Esau duxit vxores Iudith filiam Beeriethei, & Batemeth filiam Elom eiusdem loci, quæ ambæ offenderant animum Isaac, & Rebecce: & intantum offenderant eos quod volebat mori præ tedio Rebecce, Genes. 27. Dixit Rebecca ad Isaac: tædet me vita mea propter filias Eth, si acceperit Iacob vxorem de stirpe terræ huius, nolo viuere. Et tunc Isaac iussit Iacob, vt acciperet

vxorem de stirpe sua, & non de filiabus Chananæorum, Genes. 28. Ad tertiam dicendum, quod Iudas, & Simeon, qui acceperunt vxores de filiabus Chananæorum non peccauerunt, nec etiam exprimuntur de eis specialiter, quod acceperint vxores Chananæas, tanquàm in hoc peccauerint. Sed ad ostendendum quod nulli alij de filiis Iacob acceperint vxores Chananæas, nisi isti duo. Et dicebat hoc principaliter propter indignitatem earum, & filiarum inde natarum, eo quod mulieres Chananææ reputantur viliores in sacra scriptura omnibus mulieribus: nam vocatur tota illa gens semen maledictum, Sapient. 12.

Fuit autem Her primogenitus Iuda malus coram Domino, & occidit eum. Thamar autem nurus eius peperit ei Phares, & Zara. Omnes ergo filij Iuda quinque, filij autem Phares, & Hefron, & Hamul.

Fuit autem Her primogenitus Iuda malus coram Domino. Iste fuit valde malus, sic etiam dicitur Genes. 38. & tamen nec hic, nec ibi exprimitur malitia sua. Erat autem malitia ista, quia cum haberet vxorem, eum carnaliter tangeret eam, semen fundebat in terram, & hoc erat detestabile coram Domino: de quo declaratum est late Genes. 38. *Et occidit eum.* Scilicet, Deus occidit istum propter malitiam hanc, in quo apparet, quantum Deus detestetur istud scelus, quia ipse per se sumpsit vindictam de eo occidendo ipsum. *Thamar autem nurus eius.* Scilicet, Nurus Iudæ. Ista enim fuit vxor Her primogeniti Iudæ, qui occisus est a Domino, & periit sine liberis, ideo Iudas tradidit eam vxorem secundo filio suo Onam, & ille cum esset iniquus videns, quod filij non nascerentur sibi, sed fratri suo, cum tangeret vxorem carnaliter, semen fundebat in terram, ne aliqua proles nasceretur, quæ vocaretur ex nomine fratris sui, & propter tantam iniquitatem occidit eum Deus. Post hoc autem Thamar petiuit a Iuda tertium filium suum Scilam, qui recusauit ei dare timens quod moxeretur, sicut duo fratris sui, ideo Thamar mutato habitu simulauit meretricem sedens in biuio, & fecit se cognosci a Iuda, & ex vnico accessu concepit duos; de his Genes. 38. *Peperit ei Phares, & Zara.* Isti duo geniti sunt ex illo coitu, & vocatus est primus Zara, idest, splendens illuminans, vel oriens, & hoc, quia cum laboraret in partu Thamar, collidebantur isti duo paruuli in vtero, quasi contendentes quis prius nasceretur, & tunc vnus manum protulit, & obstetrix ligauit in digito eius filum coccineum, dicens: iste egreditur prior, & hoc vt cognosceretur quis esset primogenitus, & propterea vocatus est Zara, idest, splendens.

Phares. Iste vocatus est sic, quia cum ambo colliderentur in vtero, & protulisset manum prius Zara regressus est in matricem: & exiuit prius alter, qui latebat, & tunc obstetrix vocauit eum Phares, idest, diuisionem, dicens: Propter te diuisa est maceria; quasi dicat, non rupisti tu pellem, sed alius. Vel, Propter te diuisa est maceria, idest, tu perturbasti ordinem rumpendo ordinem natiuitatis: cum alius prius debuerat nasci, cum prius manum emisisset.

Omnes ergo filij Iuda quinque. Scilicet, Computando filios, quos habuit ex vxore, & ex nuru: fuerunt quinque. *Filij autem.* Hic describuntur filij filiorum Iuda, & ponuntur primo filij Zaræ, secundo filij Phares, ibi.

Filij autem Hefron. Circa primum dicitur. *Filij autem Phares Hefron, & Chamul.* Ab istis duobus notata sunt duæ famule, scilicet Hefronitarum, & Amulitarum. Nu. 26. Christus

Christus autem descendit per Hesron. Matth. 1. *Filij quoque Zare, Zamri, & Ethan.* Hic ponuntur filij Zare: & tunc iste, qui egressus est de utero: & misit in anum antequam egrederetur alius, & postea redijt: & habuit filios quinque, quorum vnus fuit Zamri. *Ethan, & Eman, & Chalchal, & Dorda.* Similia nomina habentur 3. Regum, cap. 4. & fuerunt isti viri famosi.

Quomodo hic, & in 3. Regum, cap. 4. ponuntur isti viri. Quæst. III.

QUÆRITUR quomodo ponantur isti viri hic, & ibi. Respondet quadam glo. Hebraica super locum istum, quod isti fuerunt illi viri, qui nominantur. 3. Regum 4. cap. Et patet, quia sunt eadem nomina. Sed dicendum, quod hoc non stat, quia isti, qui ponuntur hic, fuerunt de tribu Iuda: vt patet hic: illi autem, qui ponuntur 3. Regum 4. cap. fuerunt de Leuitis: nam erant sapientissimi: quia comparatur sapientia Salomonis sapientiæ eorum, cum dicitur ibi, qd erat Salomon sapientior Eman, & Ethan, Ezraite, & Chalchal, & filius Mahol, & aliqui istorum ponuntur inter Leuitas, scilicet, Eman, & Ethan, infra 25. Item patet hoc efficacius, quia non potuerunt esse isti tempore Salomonis, quod patet, quia isti fuerunt filij Zare, & tamen Zare natus est antequam intrarent Israelitæ in Aegyptum, vt patet Genes. 38. & etiam ipse genuit filios antequam descenderet in Aegyptum, vt probatum est ibidem: Patet etiam hoc ex numero illarum animarum, quæ descenderunt in Aegyptum: nam paruuli nepotes Iuda: ibant illuc, vel dato, quod non irent, cum iste Zare pater istorum virorum natus fuerit ante introitum in Aegyptum, cum ipse illuc introiret Genes. 46. Poterant isti filij eius in breui nasci, & tamen ab introitu in Aegyptum vsque ad regnum Salomonis fuerunt quasi septingenti anni: nam in Aegypto manserunt Hebræi ducentis, & quindecim annis: vt declaratum est Genes. 15. & Exodi primo, & ab exitu de Aegypto vsque ad principium ædificationis templi, qui fuit in principio anni quarti regni Salomonis fuerunt anni quadringenti octoginta. 3. Regum 6. Et tamen isti erant viri sapientes tempore Salomonis, scilicet, Eman, & Ethan, Chalchal, & Dorda. 3. Regum 4. Ergo oportet, quod esset tunc quilibet istorum annorum septingentorum, vel quasi: & tamen nullus hominum tempore illo repertus est peruenisse ad centum quinquaginta annos, ergo non potuerunt esse isti, qui nominantur hic iidem cum illis, qui nominantur 3. Regum 4. Sed sunt alij eiusdem nominis. Hebræi autem attendunt similitudinem nominis, & non aliam circumscriptionem, & ideo errant gravissimè. Tertio patet hoc, quia etiam inspicendo solum nomen non possunt esse isti iidem cum illis, quia illi vocantur filij Mahol. 3. Regum 4. Isti autem sunt filij Zare: oportet ergo istos esse alios viros conuenientes cum illis in nomine, & differentes in substantia.

Filij quoque Zare Zambri, & Ethan, & Eman, Chalchal quoque, & Darda simul quinque. Filij Charmi, Achor, qui turbauit Israel, & peccauit in furto anathematis: filij Ethan Azarias: filij autem Hesron, qui nati sunt ei Ieramehel, & Ram, & Calubi. Porro Ram genuit Aminadab, Aminadab autem genuit Nahasson principem filiorum Iuda.

Alph. Toft. In Lib. I. Paralip.

A *Filij autem Zamri Charmi.* Prosequitur lineam primogeniti Zare, & ille erat Zamri, & filius eius est Charmi. *Charmi quoque Achor.* Charmi genuit Achor. *Qui turbauit Israel, & peccauit in furto anathematis.* Iste Achor peccauit, quia furatus est de anathemate Iericho: nam fuerat positum præceptum, quod nullus acciperet quicquam de vrbe Iericho: sed omnia cremarentur, nisi aurum, & argentum, & æs, & ferrum, quia seruarentur in thesauris Domini: Iosue 6. Et hoc non obstante iste Achor furatus est regulam auream, & pallium coccineum, & monetam argenteam, scilicet, siclos multos: vt patet Iosue 7. & tunc turbauit iste Israel, quia propter peccatum istius Israelitæ traditi fuerunt in manus hostium: nam cum ascenderent contra viros vrbs Ahi verterunt terga eis: & corruerunt de Israelitis triginta sex viri propter peccatum Achor: Iosue 7. & 22. Et ista poena vocata est turbatio: quia Iosue videns, quod Israelitæ terga vertebant hostibus suis, miratus est: quia ante hoc non consueuerant terga vertere, & putauit, quod de cetero delendi essent a Chananæis, ideo plorauit nimis coram Domino Iosue 7. Et quando postea lapidari fecit istum Achan pro peccato dixit ei: quia turbasti nos, exturbet te Deus in die hac, eodem cap. Sciendum autem, quod iste Achor vocatur Achan ibidem, & sic consuevit vocari in Hebræo: hic autem vocatur Achor tam in Hebræo, quam in Latino, quia nomina Hebraica sæpe mutantur, quantum ad aliquas literas. Sciendum etiam, quod vnus istorum, qui vocatur hic Charmi vocatur Zabdi Iosue 7. Nam vbi dicitur, qd Achor erat filius Charmi filij Zabdi filij Zare: hic tamen vocatur Charmi, quia sæpe sunt aliqui binomij, vel trinomij in sacra scriptura: sicut de multis alijs patet. *Filij Ethan Azarias.* Iste est Ethan, qui erat vnus de filiis Zare, vt patet supra. Aliqua Biblia habent filij Ethan Azarias, & sic habetur in Hebræo, & est vera litera: aliqui tamen mutauerunt eam, dicentes, filios: eo quod non exprimebatur hic nisi vnus, scilicet, Azarias; & tamen istud inconueniens est, quia modus scripturæ est, quod de habente vnicum filium dicatur, quod habet filios. Sic enim patet Genes. 46. cū dicitur, Filij Dan Husin. Et sic non habebat Dan nisi vnum filium, & tamen dicitur filij Dan: sic etiam loquitur lex humana. Dicunt tamen aliqui, quod iste Ethan habuit multos filios, & tamen scriptura solum expressit vnum, quia iste erat principalis, vel quia exprimendo istum intelligebantur alij. Melius autem adhuc diceretur, quod quamquam Ethan habuerit multos filios, scriptura noluit nominare nisi vnum, quia nolebat exprimere aliorum generationes, sic enim declaratum est sæpe fuisse in generationibus aliorum, qui ponuntur precedenti cap. Nam filij multorum tacebantur, & tamen magis conueniens videtur scripturæ, quod dictum est primo, scilicet, quod iste haberet vnicum filium, & tamen ille vocatur filij pluraliter. *Filij autem Hesron.* Hic ponitur generatio Hesron filij Phares, & primo ponitur quantum ad vnum de filiis suis, scilicet, Ram: secundo quantum ad alium nomine Calubi; tertio quantum ad alium nomine Ieramehel; secunda ibi. *Caleb vero.* Tertia ibi; *Nati sunt.* Circa primum dicitur.

Filij autem Hesron, qui nati sunt ei Ieramehel. Iste Hesron habuit tres filios; quorum primogenitus fuit Ieramehel, & non descendit de progenie istius Christus, sed de progenie Ram, qui non erat primogenitus, ex quo patet quod Reges Iuda non descenderunt ab ipso Iuda directè per lineam primogenitorum: sed aliqui per minores: sic enim patet hic, sic etiam David; quia ipse minimus fuit fratrum suorum, & factus est rex, & ab

eo venit Christus. Salomon quoque minimus fuit inter filios Dauid, & ipse regnavit, & venit Christus de sanguine eius: *Et Ram, & Calubi*. Iste Ram est, qui vocatur Aram Matthei primo, & ponitur in genealogia Christi, Calubi est, qui vocatur Caleb: nam infra vocatur Caleb, sed, ut saepe dictum est, mutatio fit interdum in nominibus Hebraeis tam in principio nominis, quam in fine, sed potius in fine fit. Porro Ram genuit Aminadab. In hoc continuatur progenies Ram usque ad Dauid, de quo intendit scriptura: deinde reditur ad enarrandum progenies aliorum duorum fratrum suorum. *Aminadab autem genuit Nahasson*. Iste Nahasson fuit vir excellens in tribu Iuda: & iam omnes isti sequentes usque ad Dauid ponuntur in genealogia Christi, ut patet Matthei primo. *Principem filiorum Iuda*. Vocatur princeps iste, & non pater suus: quia iste est primus, qui factus est princeps in tribu Iuda, pro quo sciendum, quod omnes isti nati sunt in Aegypto, scilicet, Ieramehel, Ram, & Calubi, & Aminadab filius Ram, & etiam mortui sunt in Aegypto. Nahasson autem natus est in Aegypto, sed non fuit mortuus ibi, quia ipse exiit de Aegypto cum reliquo populo, & ipse factus est princeps in tribu Iuda. Nam ad hoc, quod Israelitae per desertum conuenienter procederent ordinati, & castrametarentur sine turbatione, iussit Deus Moyse, qui numeraret quamlibet tribum, & familiam eius, & poneret totam tribum sub vno principe, & quamlibet familiam sub vno principe, & sic assignaret eis diuersa loca castrametandi sub diuersis vexillis, & tunc fuit Nahasson princeps totius Iuda: ut patet Nu. 1. & 2. & ipse habebatur tanquam excellentior inter omnes filios Israel propter tribum principalem cui praeerat: & sic ipse obiit primus in dedicatione tabernaculi inter omnes principes tribuum: Nu. 7. Iste autem mortuus est in deserto propter sententiam illam, quae data erat contra omnes qui numerati erant a viginti annis & supra, Nu. 14. Et iste erat vnus de numeratis, cum esset princeps omnium numeratorum in tribu Iuda. Considerandum vltius, quod sicut diximus Nu. 1. principes tribuum erant illi, qui descendeabant ab ipsis capitibus tribuum primogenitorum per lineam, & hoc erat regulare, interdum tamen fallebat propter aliquam causam specialem, & sic erat in isto Nahasson: nam ipse erat filius Aminadab, & Aminadab filius Ram, & Ram non erat primogenitus Herson, sed Ieramehel primogenitus eius: ut patet infra in littera.

Quomodo fiebat, quod aliqui essent principes, cum a principibus directe non veniebant. Quest. IIII.

QVAERITUR cum aliquando illi, qui non veniebant directe a principibus tribuum essent principes, quomodo fiebat hoc. Respondendum, quod erat causa specialis aliqua, & poterat esse duplex. Prima erat electio Dei, nam omnis principatus est in manu Domini, & iura omnium regnorum, & cuiusque voluerit dat principatum, & regnum, & cui dederit ille iuste possidet, sic patet Danielis 4. scilicet, Septem tempora mutabuntur super te, donec scias, quod dominetur, excelsus in Regno hominum, & cuiusque voluerit det illud. Et sic interdum quibusdam inter Hebraeos quibus non competebat regnum, Deus dabat illud, faciendo quod vngerentur. Sic enim fuit de Ieroboam tempore Salomonis, qui non erat de genere regio, & tamen Deus fecit illum vngi in regem. 3. Regum 11. Sic etiam fuit de Iehu, qui non erat de stirpe regum Israel, & fecit Deus eum vngi in regem Israel. quarto Regum 9. Et idem faciebat inter gentes, quia fecit per Prophetam suum vngi Aza-

lem in regem Syriae: qui tamen non erat de genere regio. 3. Regum 19. cum ergo principatus regalis dispositione Dei transiisset ad tribum Iuda, debebat regnum per primogenitos deriuari, quia honor pertinet ad primogenitum: ut patet Genes. 49. scilicet, Ruben primogenitus meus, tu fortitudo mea, & principium doloris, prior in donis, maior imperio: etiam infra 2. libro cap. 21. Dicitur, quod Iosaphat reliquit regnum filio suo Ioram, quia primogenitus erat: alijs autem dedit multa munera auri, & argenti. Primus tamen qui Regnum habuerit de tribu Iuda, non fuit primogenitus, sed minimus fratrum suorum, scilicet, Dauid, quia Deus elegit illum. Sic etiam Deus elegit Salomonem minimum filiorum Dauid, ut esset Rex. infra 22. & 28. Secundus modus erat per electionem paternam, quia interdum patres habentes dignitatem, quam alicui filiorum relinquere possunt, eligebant de filiis eum, quem putabant aptiorem ad ministrandum in dignitate illa: sic enim fuit de Roboam rege Iuda, qui multos filios habuit, & quia inter eos vidit Abiam esse aptiorem ad regnandum tradidit ei principatum, ut patet infra 2. lib. cap. 11. scilicet, Constituit in capite Abiam filium Maacha Ducem super omnes fratres suos. Ipsum enim regem facere cogitabat, quia sapientior fuit, & potentior super omnes filios eius: & tamen iste non erat primogenitus, ut patet ibidem, quia alias non daret ei regnum propter sapientiam, & potentiam, & amorem matri suae, sed competeret ei iure communi, scilicet, primogeniture. Iste duo modi poterant esse in omnibus tribubus, etiam antequam essent reges, per quos aliquando illi, qui non erant principes tribuum, efficerentur principes. Nunc autem de Nahasson videtur dicendum, quod primus modus istorum fuerit in eo. Nam licet primogenitus deberetur principatus ante Nahasson, non curabatur de principatu in tribu Iuda: nec alij tribubus, eo quod erant omnes in Aegypto in seruitute grauissima, & turpissima, nam in luto, & lapidibus, & in omnibus ministerijs vilibus cogebantur seruire: Exo. primo, & serui non curarent inter se de principatu, potissime cum esset extrema seruitus. Cum autem egressi sunt Israelitae de Aegypto, fecit Deus numerari tribus, & constituit principes, satis autem verisimile est, quod sicut ipse fecit computationem fieri, ita etiam ipse designaret, qui essent principes in computatis tribubus, quia forte alias esset magna contentio, quis in qualibet tribu principaretur: cum quilibet desideraret principari, & tunc Nahasson institutus fuerit a Deo princeps in tribu Iuda, quamquam non esset ipse directe de linea primogenitorum, quod autem non esset proprie aliquis principatus inter Hebraeos ante ipsum, patet: quia ipse vocatur hic princeps, in quo designatur aliquid speciale: & tamen si praedecessores sui fuissent principes non oporteret nominari ipsum, sed potius nominaretur ille, qui primus princeps fuisset, vel de omnibus diceretur, quod fuerunt principes.

Nahasson quoque genuit Salma, de quo ortus est Booz. Booz vero genuit Obed, qui & ipse genuit Isai.

Nahasson quoque genuit Salma. Iste Salma fuit qui accepit in uxorem Raab Ierichontinam, Matth. 1. & ponitur ibi in genealogia saluatoris. De quo ortus est Booz. Iste etiam ponitur in linea Christi. Booz vero genuit Obed. Iste Booz non putatur esse ille, de quo immediate dicitur, scilicet, filius Salmon: sed pronepos eius, nam dicunt expositores nostri, quod tres fuerunt Booz eiusdem nominis, scilicet, pater filius, & nepos, & primus fuit

fuit filius Salma. Secundus filius alterius Booz, & nepos Salma. Tertius filius pronepos Salma, & iste tertius est, de quo hic dicitur. *Quod genuit Obed, qui & ipse genuit Isai.* Id est, Obed genuit Isai, qui fuit pater David, & iste habet duo nomina, scilicet, Iesse, & Isai. Vocatur Isai, ut communiter in libris Regum: & forte in toto Veteri Testamento: Iesse autem raro nominatur. Etiam Isaiæ 11. Egredietur virga de radice Iesse, & Matth. 1. cap. Iesse autem genuit David.

An Booz fuit pater Obed.

Quest. V.

QUÆRITUR circa istum Booz, qui fuit pater Obed, an ipse fuerit filius Salma. Respondet Nicolaus, & expositores nostri, quod non, sed quod fuerunt tres Booz, ut nunc dictum fuit. Motium autem eorum, quia fuerunt multa tempora inter generationem Booz filij Salma, & generationem Obed filij Booz: nam dicunt, quod Obed natus est cum iudicaret Israel Heli sacerdos: nam historia Ruth accidit tempore vnus iudicis, ut patet Ruth primo. Et dicunt istum fuisse Heli, & tamen inter generationem Booz filij Salma, & principium principatus Heli, fuerunt anni quasi trecenti, & vigintiquinque, quod patet, quia ab exitu de Aegypto usque ad ædificationem templi fuerunt anni quadringenti, & octoginta, ut patet 3. Regum 16. De quibus subtrahantur anni quadraginta ab exitu de Aegypto usque ad introitum in terram Chanaan, & quadraginta anni regni Saulis, & quadraginta anni David, & quatuor anni, qui transierant de Regno Salomonis ferè, quando incepta est ædificatio templi, ut patet Exodi 16. & 1. Regum 4. & Actuum 3. & 13. Regum 2. & eodem libro, cap. 6. Manebant anni quasi trecenti vigintiquinque, & isti fluxerunt ad minus a tempore, quo accepit Salma Raab in uxorem usquequo genitus est Obed, quod patet, quia in primo anno, in quo egressi sunt Israelitæ in terram Chanaan accepit Salma Raab in uxorem, quia in eodem anno capta est ciuitas Iericho ubi erat Raab. Immo primum, quod fecerunt Israelitæ post introitum Chanaan in terram fuit, ut caperent urbem Iericho, ut colligitur a principio Iosue usque ad cap. sextum. Et tamen non poterat viuere tanto tempore Booz, ut gigneret, quia in tempore illo vivebāt homines ad plus centum, & decem, vel centum, & viginti annis; & tamen dato quod aliquo modo viueret usque ad tantum tempus, non posset gignere, cum esset in tanta ætate, eo quod potestas gignendi in homine ad plus videtur accedere ad octoginta annos, & quia trecenti, & vigintiquinque anni erat tempus ætatis trium hominum, iudicauerunt fuisse tres viros nomine Booz, & scriptura taceat duos illorum. Habent autem similitudinem, quia etiam sic fit in alijs locis: nam Matth. 1. Vbi ponitur genealogia Christi subtrahuntur aliqui Reges: nam dicitur Ioram autem genuit Oziam, & tunc falsum est, quia tres subtrahuntur ibi. I. Ochozias, & Ioas, & Amasias: nam Ioram genuit Ochoziam, siue Achaziam, quod idem est. 4. Reg. 8. & infra 2. lib. cap. 22. Ochozias autem genuit Ioas. 4. Reg. 11. & infra 2. lib. cap. 22. & 23. Ioas autem genuit Amasiam. 4. Reg. 12. & 14. & infra 2. lib. cap. 25. Amasias vero genuit Azariam. 4. Reg. 15. & sic subtrahuntur illi tres: ita hic possunt arbitrari, quod fuerint tres Booz, & illorum duo taciti fuerint a scriptura propter similitudinem nominis. Sed hoc non videtur rationabiliter dictum, quia scriptura ponit istam genealogiam sæpe, & tamen in nullo loco ponitur nisi vnus Booz, quod patet, quia sic ponitur Matth. 1. Sic etiam ponitur Ruth vlt. & sic ponitur hic, & tamen si fuissent plures Booz non concordarent omnia ista loca scripturæ in eodem modo enarrandi, sed in aliquo

Alph. Tost. In Lib. I. Paralip.

A eorum suppleretur, quod in alio mittebatur. Secundo patet hoc, & efficacius, quia liber iste factus est ab Esdra ad supplendum omnia, quæ deficiebant in alijs libris, ut Hieronymus ait in epistola ad Paulinū, cap. 7. & in prologo Galeato: declaratum fuit in primo prologo libri huius, in quadā quæstione, & potissime negociatur iste liber circa enarrationem generationum, ideo id quod omisum esset de generationibus in alijs libris, suppleretur hic, & tamen hic non ponitur nisi vnus Booz, ergo non videtur quod fuerint plures. Tertio patet, quia argumentatio sua non est conueniens: nam volunt, quod fuerit genitus Booz anno primo introitus in terram Chanaan, & quod Obed natus fuerit anno primo saltem principatus Heli: eo quod volunt historiam Ruth accidisse in diebus Heli, & tamen vtrumque istorum potest negari rationabiliter, scilicet, quod non fuerit genitus Booz anno illo, sed post multa tempora, & etiam quod non fuerit historia Ruth sub Heli, sed sub aliquo alio iudice, sub quo gigneret Booz ipsum Obed. Quarto non stat, quia non est similitudo de subtractione trium Regum in genealogia Christi ad subtractionem aliquam factam hic. Nam ibi fuit aliqua causa, quare fieret subtractio, scilicet, quia Matthæus intendebat generationes Christi diuidere per tres quatuordecenas, ad significandum quoddam mysterium: sic enim patet Matthæi 1. nam dicitur ibi, quod in generatione Christi sunt ab Abraham usque ad David generationes quatuordecim, & a David usque ad transmigrationem Babylonis generationes quatuordecim, & a transmigratione Babylonis usque ad Christum generationes quatuordecim, & ideo propter istud mysterium oportuit subtrahi aliquid: hic autem non fuit necesse subtrahi aliquam generationem, cum potius liber iste intēdat omnia, quæ in alijs libris deficiunt supplere. Et apparet, quod illi tres Reges, qui subtrahuntur in Christi genealogia, ponuntur in omnibus locis Veteris Testamenti, vbicunque fit narratio de Regibus. Nam 4. Regum 8. & 11. & 14. ponuntur in serie Regum, & etiam sequenti cap. ponuntur in progenie David & sequenti libro, cap. 22. & 24. & 25. ponuntur, & tamen illi duo Booz, quos isti dicunt subtrahi non ponuntur in aliquo loco scripturæ quamquam in multis alijs locis fiat mentio de progenie ista, scilicet, h. c. & Ruth vltimo, & Matthæi 1. Ideo videtur, quod non deficiat aliquis istorum, quos isti dicunt deficere, & quod non fuerit nisi vnus Booz.

D Dicendum igitur videtur, quod solum fuerit vnus Booz, cum scriptura vnicum asserat, & nunquam est dicendum scripturam omisisse aliquam generationem, quando eas describit continuatè, nisi necessarium appareat ex alio loco scripturæ, vel ex aliqua ratione omnino cogente, quod sic dicendum sit. Nam hic possumus saluare satis rationabiliter, quod non fuit nisi vnus Booz, sicut scriptura dicit, ideo non est dicendum plures fuisse, potest autem hoc dici ponendo quod historia Ruth, quam volūt communiter expositores accidisse tempore Heli sacerdotis non fuerit tunc, sed multo ante: tempore alterius iudicis non multo tempore, postquam iudices incepissent. Quod patet, quia in fine libri Iudicum ponuntur aliqui casus, qui fuerunt in principio Iudicum, scilicet, casus de Idolo Miche, & casus de concubina Leuitæ, Iudicum 17. et 19. Et tamen ibi declaratum est, quod isti casus fuerunt, antequam inciperent iudices. Ita ergo liber Ruth est quædam pars libri Iudicij, quia narratur ibi quidam casus, qui accidit tempore Iudicum, ideo poterat accidere circa principium principatus Iudicum, scilicet, sexaginta annis, vel quasi post introitum Israelitarum in terram Chanaan, vel si volumus, quod esset centum annis post, aut pluribus, quia nemo nos cogit ad ponendum sub aliquo iudice

dice determinato, sed solum q̄ fuerit in diebus vnus iudeis, sic dicitur Ruth 1. Et tunc poterit dici q̄ Salomon princeps tribus Iuda accepit Raab in vxorē immediate, vt introiuit in terram Chanaan, & tamen poterat non gignere ex ea Booz vique ad sexaginta annos, vel plures: nam fortē multos alios gigneret ante istum. & esset iste vltimus filiorum suorum, quem sexaginta annis gigneret, postquam acciperet vxorem, & hoc quia Salomon poterat tunc esse satis iuueniculus, scilicet, viginti annorum. & postea quādo esset annorum octoginta gigneret Booz, deinde Booz poterat gignere alios filios multos, & cum iam esset annorum nonagintaquinque gigneret Obed, & Obed cū totidem esset annorum gigneret Isai, & cum esset totidem annorum gigneret Dauid, vel quilibet istorum gignere posset in anno centesimo, & in etate illa non erat inconueniens hoc: nam Abraham qui solum vixit annis centum, & septuagintaquinque, Genes. 25. genuit filios sex, postquam erat iam quasi centum quadraginta annorum: nam ipse accepit vxorem Ceturam in ista etate, Quod patet, quia Abraham erat maior etate in decem annis, quā Sara vxor sua quia quando Sara erat nonaginta annorum, erat Abraham centum. Genes. 17. Et tamen Sara mortua est, cum esset annorum centum vigintiseptem. Genes. 23. Ergo tunc erat Abraham centum trigintaseptem annorū, & post hanc accepit vxorem nomine Ceturam. Genes. 25. Et genuit ex ea filios sex, dato ergo, quod immediate post mortem Saræ acciperet Ceturam, oportet, quod gigneret aliquos filios post annum centesimum quadagesimum, & tamen tempore istorum, scilicet, Booz, Obed, & Iesse, multi homines perueniebant ad centum, & triginta annos, ergo possunt isti gignere in anno centesimo, accipiendo proportionaliter ad annos, quibus vixit Abraham, & quoto anno genuit. Quod autem viverent homines tunc ultra centum, & triginta annos, patet, quia etiam multo tempore post Dauid, scilicet, tempore Regis Ioas erat Ioiaha sacerdos, qui vixit annis centum triginta, vt patet sequenti libro, cap. vigesimoquarto: Ponendo autem summam, & tempus gignendi supra assignatum, erit quasi numerus annorum completus: ita vt nihil defuit, quod patet, quia ab exitu de Aegypto vique ad adificationem templi fuerunt anni quadringenti, & octoginta, a quibus subtrahantur quadraginta anni, quibus manserunt Israelitæ in deserto: Exodi decimosexto. Et triginta anni, quos habebat Dauid, quando cepit regnare. 2. Regum 5. Et quadraginta anni, quibus regnavit, eodem cap. & 3. Regum 2. & quatuor anni, quibus regnavit Salomon, antequam inciperet adificatio templi, restabunt anni trecenti sexaginta sex, scilicet, a tempore, quo introierunt Israelitæ in terram Chanaan, & accepit Salmon Raab in vxorem vique ad tempus, quo natus est Dauid, isti anni possunt haberi in generationibus Booz: & Obed, & Iesse, & Dauid, scilicet, quod Salmon septuaginta quinque annis postquam accepisset Raab in vxorem, gigneret Booz, & Booz annis nonagintaquinque, vel parum plus, scilicet, quasi centum gigneret Obed, & Obed quasi centum annorum gigneret Isai, & Isai in eadem etate gigneret Dauid, & sic essent isti anni trecenti septuaginta quinque, & superabundant nouem anni ad summam necessariam, & illos subtrahemus de temporibus, de quibus dicimus istos genuisse: ita quod quilibet eorum genuerit ante centesimum annum. Sed aliquis dicet, quod ista videntur esse conficta ad defendendum positionem istam, vt non recedamus a litera sacre scripturæ, sed non sunt verisimilia, quia licet isti possent in tanta etate gignere, & forte in maiori, tamen non est verisimile, quod

F gignerent in tanta senectute, sed magis quod gignerent in iuuentute.

Dicendum, quod non, quia quilibet istorum genuit in senectute. Nam Booz non solum, quando genuit Obed erat senex, sed etiam quando accepit Ruth in vxorem, quod patet: quia quando Ruth voluit accipi in vxorem a Booz, dixit ei Booz: Benedicta es tu a Domino filia; quia non es secuta iuuenes pauperes, siue diuites, quasi dicat noluisse accipere aliquem virum iuuenem, sed me senem. Et patet etiam hoc magis, quia dixit Booz. Priorem misericordiam posteriori superasti, quia non es secuta iuuenes, &c. Ruth 3. Id est, Maiorem misericordiam fecisti nunc accipiendo me in virum, quā dimittendo terram tuam, vt venires cum sorore tua. Ruth tamen erat paupercula, quia ibat ad colligendum spicas, quæ euadebant manus metentium in agris alienis. Ruth secundo, & tertio. Booz autem erat diues valde, quia erat quasi princeps in vrbe Bethlehem; ideo quantum ad hoc non faciebat Ruth misericordiam cum Booz, sed potius Booz faciebat magnam misericordiam cum Ruth, accipiendo pauperculam in vxorem, cum ipse esset valde diues. Fuit ergo misericordia magna in hoc, quod ipse erat valde senex, & Ruth erat iuuenicula, voluitque se priuare delectatione iuuenili, accipiendo senem in virum. De Isai autem patre Dauid, quod esset valde senex, quando gigneret Dauid, patet, quia ipse Dauid erat paruus, & minimus fratrum suorum, quando iuit ad ferendum cibos fratribus suis in bellum. Nam Saul dixit tunc sibi, quod puer erat: & tamen Isai pater suus erat tunc vetustissimus, vt patet primo Regum decimosexto. Scilicet, Erat Isai vir in diebus Saul senex, & grandæuus inter viros. Vnde non solum nominauit eum senem, sed grandæuum, quod significat valde magnam etatem. De Obed autem non legitur quando genuerit, sed similiter dicendum est, quod in senectute genuerit. Patet igitur, quod non oportet poni tres Booz fuisse, & duos subterfieri, sed fuisse vnicum, sicut scriptura dicit.

Isai autem genuit primogenitum Eliab, secundum Abinadab, tertium Sammaa, quartum Nathanahel, quintum Raddai, sextum Asom, septimum Dauid.

Isai autem genuit primogenitum Eliab. Ponuntur hic omnes filij Isai, quamquam non continuantur eorum progenies: nam nullius eorum computatur hic proles, & tamen nominantur omnes propter honorem Dauid, quia fuerunt fratres eius. Iste Eliab primogenitus Isai, fuit magnus corpore, & pulcher aspectu, & quando Samuel iuit ad vngendum in Regem vnum de filiis Isai, presentatus est sibi iste, quia erat primogenitus, & cum vidisset magnitudinem, & pulchritudinem corporis, putauit, quod iste esset quem Deus elegerat, & ait: Num coram Domino est Christus eius? Id est, Nunquid iste est, qui vngendus est in Regem? & Deus dixit: Ne respicias vultum eius, nec altitudinem stature eius, quoniam abieci eum, nec iuxta intuitum hominis iudico. Homo enim iudicat ea, quæ apparent: Deus autem intrinsecus. 1. Regum 16.

Secundum Abinadab, tertium Sammaa. Computantur hic secundum ordinem natiuitatis, & secundum istum ordinem presentauit Isai filios suos Samueli ad vngendum vnum ex eis. Nam prius exhibuit Eliab, postea Abinadab, deinde Sammaa. primo Regum decimosexto.

Quartum Nathanahel, quintum Raddai. Isti filij Isai oēs reperuntur

reperiuntur non nominati alibi, nisi hic: & dicitur in Hebræo Raddai, ubi nos dicimus Sadai. Facilis est autem error in vna litera, est autem Sadai nomē Dñi: & significat omnipotentem, ideo sapissime dicitur de Deo: & maxime in Iob. *Sextum Asom. Septimum David.* Erat David minimus fratrum suorum, 1. Reg. 16. ideo ponitur ultimus.

Quomodo fuerint octo filij Isai, quare enumerantur solum septem hic. Quæst. VI.

QUÆRITUR quomodo ponuntur hic septem filij Isai solū, quia fuerunt octo: sic enim patet 1. Regum 17. cap. s. David erat filius viri Ephrathæi de Bethlehem, cui nomen erat Isai, qui habebat octo filios. Idem patet eodem lib. cap. 16. Nā dicitur, quod adduxit Isai septem filios suos coram Samuele, & dixit q̄ non elegerat Dñs aliquem de his & ait. Nunquid iam completi sunt filij? & tunc rñdit Isai, q̄ supererat minimus eorum, s. David, qui pascebat gregem: ergo octo erant. Respondent ad hoc Hebræi, & satis convenienter, quod Isai solum habuit septem filios, qui nominantur hic, & tamen dicitur habuisse octo, quia adoptavit sibi nepotem suum filiū Samma: & illum inter filios suos nutrebat, iste est, qui vocatur Ionadab filius Semmaa, qui consilium dedit Ammon primogenito David: ut sororem suam Thamar, simulata ægritudine, defloraret. 2. Re. 13. Et illum nutrebat Isai inter filios suos, & quando Samuel venit ad vngēdum vnum de filiis Isai, præsentatus est inter ceteros. Alter potest dici, quod Isai habuerit verē octo filios, & hic solum nom̄ nantur septem, quia filius forte propter aliquā causam nobis ignotam subtritus vnum illorum. Sed tunc obijcietur, q̄ hoc non sit verisimile, quia iste liber est ad supplem̄ ea, quæ deficiunt in alijs libris. Quomodo ergo verisimile est, quod in eo aliquid deficiat? Respondendum est, quod quantum ad illa, quæ in alijs libris subtrahuntur liber iste suppletius est, & tamē quantum ad ea, quæ in alijs libris ponuntur nō est iste liber repetitiuus, nisi intendum in quibūdam ad supplem̄dum aliqua omitta & tamen iam plene dictum fuerat de filiis Isai, quod erant octo. Quamquam ergo subtrahatur vnus eorum, hic non est inconueniens: esse tamen inconueniens si in alijs libris subtriceretur hic.

Quorum sorores fuerunt Saruia, & Abigail, filij Saruiz, Abilai, Ioab, & Afahel, tres. Abigail autem genuit Amala, cuius pater fuit Iether Ismahelites.

Quorum sorores fuerunt Saruia, & Abigail. Istæ duæ fuerunt sorores David. Et ponuntur hic quasi contra consuetudinem scripturæ, quia non solet scriptura narrare progeniem per mulieres, sed per viros, istæ tamen ponuntur hic: non propter seipsas, sed propter filios inde natos, qui pertinebant ad progeniem David ex parte ipsarum, & fuerunt illi viri gloriosi, quorum matres fuerunt ex nobiliori genere quā patres: ideo nominantur hic, ut per eas cognoscatur progenies filiorum. *Filij Saruiz, Abilai, Ioab, & Afahel tres.* Id est, isti tres fuerunt filij Saruiz: & non ponitur quis fuerit pater eorum: nam in scriptura magis sunt cogniti per matres quā per patres: unde quāto David loquebatur contra istos tres dicebat. Porro viri isti filij Saruiz dum multi sunt: Sic patet 2. Re. 3. & 19. Nomen autem patris eorum David non nominabat, quia non pertinebat ad cognationem suam patris: sed mater. Fuerunt autem isti tres vniuersi, nam omnes tres numerati sunt inter fortissimos David: & ma-

Axime Abisai. 2. Re. 21. & infra 11. cap. Fuit autem Ioab princeps militiæ David, ut patet ex processu totius secundi libri Regum. Fecit autem ille bella multa, & animosa propter David, ut patet ibidem. Abisai autem fuit vir fortissimus, & erat simul dux belli cum Ioab, ut patet in bello quod fecerunt contra Ammonitas 2. Re. 10. Et iterum ipse fuit dux belli contra Idumæos, & occidit valde multos 2. Regum 8. Et magis infra 18. Afahel autem fuit velocissimus super omnes homines: nam dicitur, quod erat sicut capre quæ morantur in montibus 2. Regum 2. cap. Ipse tamen in principio regni David occisus est ab Abner principe militiæ Isboet. e. cap. *Abigail autem genuit Amasa.* Iste Amasa fuit princeps militiæ Absalō qñ pugauit Absalom contra David, 2. Regum 17. Et postea reconciliatus est David, & fuit princeps militiæ eius eo. lib. 19. cap. Sed postea inuidia instigante occisus est a Ioab dolose eo. lib. cap. 20. *Cuius pater fuit Iether Ismahelites.* Iste vocatur Iethra. 2. Regum 17. Et idem est quod Iether, quia in nominibus Hebræis sepe mutantur literæ, vel syllabæ: maxime in finibus nominum: sic enim est de socero Moyfi, qui aliquando vocatur Iether, & aliquando Iethro Exo. 3. & 4.

Quare dicitur, quod iste Iether Ismahelites erat. Quæst. VII.

QUÆRITUR quomodo dicitur, quod iste Iether erat Ismahelites: nam erat gentilis, & sic non daretur ei soror David in uxorem. Aliqui dicunt, quod fuit iste Ismahelites, quia natus est de progenie Ismahelis, & postea conuersus est ad legem Iudaicā, & vocatus est semper Ismahelites a nomine originis suæ. Nico. autem dicit, quod vocatus est Ismahelites, licet conuersus esset ad iudaismum, quia manebat ei nomen primum, sicut Symon leprosus dicebatur ille, apud quem Christus discubuit. Lucē 7. Non quidem, quod tunc leprosus esset, sed quia leprosus fuerat: & quia Christus curauerat eum a lepra, manebat sibi nomen primum, sed istud est si forte Ismahelites esset nomen ritus, vel alicuius conditionis, qui mutari posset, sed est nomen originis, & ideo non potest mutari, & sic licet conuerteretur de gentilitate ad iudaismum, semper esset, & vocaretur iste Iether Ismahelites. Alij autem dicunt, quod non fuit de stirpe Ismahelites, sed fuit Iudaus, quia tamen peregrinatus est multo tempore in terra Ismahelis vocatus est sic, & hoc consonat ei quod habetur 2. Regum 17. Vbi dicitur, quod iste Iethra erat de Iezrahel, & tamen Iezrahel est in terra Israel, & est duplex, quādam in sorte Ephraim, & quādam in sorte Iude, ut patet Iosue 15. & 17. Quid autem verum sit de isto Iether, declaratum est 2. Regum 17.

ECaleb verò filius Efron accepit uxorem nomine Azuba, de qua genuit Ierioth, & Ardon. Cumque mortua fuisset Azuba accepit uxorem Caleb Ephrat, quæ peperit ei Hur. Porro Hur genuit Vri, & Vri genuit Beseleel.

Caleb verò. Hic ponitur progenies Caleb, qui erat secundus filius Efron, & dicitur. *Caleb verò filius Efron accepit uxorem nomine Azuba.* Dicitur filius Efron ad differentiam aliorum Caleb, qui sic vocabantur: & dicitur, quod accepit uxorem nomine Azuba: nam habuit multas uxores & concubinas, ut patet in litera infra, & ista Azuba fuit prima earum. *De qua genuit Ierioth.* Iste fuit primogenitus eius, nam non legitur habuisse

habuisse alios filios de hac vxore: in Hebræo est ista litera nimis decurtata, & dicitur. *Caleb filius Efron genuit Azuba mulierem & Ierloth*. Et accipiendo sic, est quædam sententia nimis confusa: & significaret, q̄ Azuba esset filia Caleb, & tamen erat vxor: vt patet immediate in litera etiam secundum literam Hebraicam, nam dicitur, quòd cum mortua fuit Azuba accepit Caleb vxorem Ephrath: ideo debet suppleri litera, scilicet Caleb filius Efron genuit Ierloth de Azuba muliere sua. *Fuerunt quoque filij eius Iasser, & Sobab, & Ardon*. Isti tres fuerunt filij Caleb: & Azuba, & tamen Ierloth, qui erat primogenitus positus fuit per se. Istorum autem progenies non continuatur. *Cumque mortua fuisset Azuba accepit vxorem Caleb Ephrath*. Fuit prima vxor Caleb Azuba, & quandiu illa vixit non accepit aliam, quanquam posset habere multas iuxta conditionem veteris testamenti. Mortua autem illa accepit secundam, quæ vocatur Ephrath: & a nomine eius putant multi vt Bez Bethlehem vocatam fuisse prius Ephrath: Et dicunt quidam istam fuisse Mariam sororem Moyfi, de quo declarabitur sequenti quæstione. *Quæ peperit ei Hur*. Aliqui putant istum Hur esse illum, de quo habetur Exo. 36. Porro Hur genuit Vri. Hur nomen viri est, & aliquando est nomen vrbs, & ista erat vrbs in terra Chaldæorum, in qua natus fuit Abraham, & de qua postea venit in Mesopotamiam. Gen. 11. scilicet, Mortuus est Aram ante patrē suum Thare in terra natiuitatis suæ in Hur Chaldæorū. Et tamen Aram erat frater Abrahæ: & postea dicitur ibi, quomodo Thare tulit Abraham filium suum, & cæteros, de Hur Chaldæorum. *Et Vri genuit Beselehel*. Aliqui putant istum Beselehel esse, qui fecit tabernaculum Domini ad mandatum Moyfi: Exo. 31. & 36. sed non est idem.

De his, quæ hic enarrantur, scilicet, de Caleb, Azuba, & alijs. Quæst. VIII.

QUÆRITUR circa ista, quæ dicuntur hic de Caleb, & Azuba, & Ephrath vxoribus suis, & de Hur, & Vri, & Beselehel, Dicit enim hic Glo. quædam Hebraica, quòd iste Caleb fuit ille, qui missus est in exploratorem de Cadesbarne in terram Chanaan. Num. 13. Et dicit, quòd iste accepit Azuba in vxorem anno octauo vitæ suæ, & genuit ex ea anno nono Ierloth: & mortua est post hæc Azuba: & deinde anno decimo Caleb ipse accepit Ephrathā, & genuit ex ea Hur: dicunt autem, quòd ista Ephrath erat soror Moyfi, scilicet, Maria prophetissa. Etiam dicunt, quòd Hur genuit anno octauo vitæ suæ Vri, & Vri genuit Beselehel anno octauo, & dicunt q̄ Beselehel fabricauit templum Domini viuente Moyse anno decimo, ista autem dicunt Hebræi, vt saluent scripturam, quia vt videtur eis, non possent eam aliter saluare, & tamen potius eam corrumpunt, & dicunt inconuenientia multa, inducuntur autem ad dicendum hæc propter duo motiua, quæ habentur. Primum est, quòd Maria soror Moyfi, & mater sua Iocabed fuerunt duæ obstetrices Hebræorum, de quibus dicitur Exo. primo. Et quia dicitur ibi, quòd timuerunt obstetrices Dominū & ædificauit eis tabernacula, dicunt, quòd ædificauit eis duo tabernacula, scilicet, tabernaculum sacerdotale, siue domum, & domum regiam, & sic dicunt, quòd de Iocabed descendit domus sacerdotalis, quia nati sunt inde Moyfes, & Aaron. De Maria descendit domus regalis, quia accepta est in vxorem a Caleb principe de tribu Iuda. Secundum motiuum est, scilicet, quòd iste Hur, & Vri, & Beselehel, qui ponuntur hic, sint illi, qui ponuntur Exodi 31. hoc autem præsupposito, necesse est dici id, quod Hebræi dicunt:

F Nam iste Caleb in anno, quo egressus est Israel de Aegypto, erat annorum triginta nouem, vel triginta octo, quia quando missus est ad explorandum terram Chanaan erat annorum quadraginta: Iosue 14. & Num. 13. Et tamen ista missio fuit anno secundo ab exitu de Aegypto, quod patet, quia Israelitæ mouerunt castra de monte Sinai anno secundo mense secundo, die vigesimo mensis ab exitu de Aegypto. Numeri 10. Et post hoc ambulauerunt per multas mansiones, de quibus Numeri. 33. Et venerunt in Cadesbarne, & inde miserunt exploratores: Numeri. 13. Et sic erat iam medietas anni, vel quasi quando illi exploratores iuerunt, quod patet, quia redeuntes duxerunt vvas, & de fructibus terræ Chanaan, & tamen solum morati sunt quadraginta diebus explorando terram eodem cap. Ergo quando exiuit Caleb de Aegypto erat annorum viginti octo, vel quasi triginta nouem. Isti tamen anni complentur ponendo eo modo, quo Hebræi posuerunt, scilicet, quòd anno 8. accepit Azuba in vxorem, & peperit anno nono, & mortua est: & accepit anno decimo Ephratam in vxorem, & genuit Hur in ipso anno decimo, deinde Hur cum esset annorum octo genuit Vri: & Vri annorum octo genuit Beselehel, quibus addantur decem, & octo menses, quibus isti duo manerent in vtero, & erunt simul quasi anni viginti octo: deinde Beselehel cum esset annorum decem, fecit tabernaculum, & sic sunt anni triginta octo, vel triginta nouem: tot autem annorum erat Caleb, quando egressus est de Aegypto, tabernaculum autem fabricatum est anno primo ab exitu de Aegypto circa principium anni: nam in fine anni primi iam erat tabernaculum consummatum, quia die prima anni secundi tabernaculum erectum est in monte Sinai: Exodi 40. Si igitur Hebræi ponerent Beselehel fuisse plusquam decem annorum, quando fabricauit tabernaculum, vel Caleb fuisse plusquam octo annorum, quando accepit Azuba in vxorem: & genuit ex ea, & sic de cæteris, non posset esse, quòd Caleb esset in exitu de Aegypto solum triginta nouem annorum, vel non posset esse, quòd Beselehel esset pronepos illius Caleb, et tamen vtrumque asserunt: ideo oportet se reducere ad istam summam annorum, quam posuerunt, sed in hoc sequuntur multa inconuenientia, et absurda. Primum est, quia dicunt, quòd Iocabed mater Moyfi, et Maria soror Moyfi, fuerint obstetrices duæ, de quibus Exo. primo. Quia illæ fuerunt obstetrices Aegyptiæ, vt probatum est ibidem.

Secundum falsum est, quia dicunt Caleb filium Iephone, qui missus est in exploratorem, fuisse istum Caleb filium Efron, de quo hic dicitur, quia, vt multi volunt, alius fuit, vt declarabitur infra in quadam quæstione.

Tertium inconueniens est, quia volunt, quòd Caleb accepit in vxorem Mariam sororem Moyfi, quando erat decem annorum, quia istud non videtur verisimile, quia homines in tali ætate non consueverant accipere vxores, cum nondum essent apti ad copulam carnalem, potissimè, quia tempore illo tardius homines matrimonio iungebantur, quam nunc.

Quartum inconueniens est, quia non est verisimile, quòd Maria soror Moyfi tali puero nuberet, quod patet, quia Maria soror Moyfi in exitu de Aegypto erat annorum quasi nonaginta quinque, quod patet, quia Moyfes erat annorum octoginta, anno quo exierunt Israelitæ de Aegypto. Exodi 7. Maria tamen soror eius esset quindecim annorum, vel quasi in natiuitate Moyfi: Quod patet, quia Moyfes expositus est in flumine, & Maria soror eius manebat a longe aspiciens quid fieret de puero, & cum filia Pharaonis

Pharaonis accepisset eum, accessit Maria fingens se non esse sororem pueri, & dixit filia Pharaonis, quod ipsa iret ad vocandum aliquam Hebræam mulierem, si vellet, ut nutrirer puerum illum, & iuit, vocauitque matrem pueri fingens illam non esse matrem. Exodi 2. Et tamen nesciuisset facere istas simulationes, nisi esset iam puella discreta quindecim annorum, vel quasi: & sic erat Maria nonaginta annorum in exitu de Aegypto, & Caleb erat tunc annorum triginta octo, vel quasi: ut supra probatum est. Subtrahantur igitur tot anni de annis Mariæ, sicut Caleb: nam de annis, quos habebat Caleb, tunc subtrahimus viginti octo, cum dicamus, quod anno decimo accepit Mariam in uxorem: subtrahitis autem totidem de annis Mariæ, manebunt sexaginta septem. quomodo ergo verisimile est, quod Maria in tanta ætate accepisset puerum decem annorum in virum, potissime, quia ipsa erat mulier sancta, & magnæ honestatis, cum esset Prophetissa: non ergo verisimile est, quod contraheret cum puero decem annorum.

Quintum inconueniens est, quia dato, quod fieret talis contractus, non videretur, quod posset Maria tunc concipere: quia licet vir in magna ætate posset gignere, non posset foemina in æquali, eo quod citius desinunt in foemina fieri muliebria, quam in viro desinat potentia descendendi semen: & tamen cessantibus menstruis, impossibilis est conceptus.

Sextum inconueniens est, quia dicunt, quod Caleb anno octauo accepit Azubam in uxorem, & genuit ex ea Ieriloth: & quod Hur genuit Vri anno octauo: & Vri genuit Beseleel anno octauo, quia ista non videntur esse possibilia sine miraculo: quia in puero in octauo anno non est semen, si tamen talia miracula fierent, scriptura non subticuisset ista, cum agat hic de generationibus istorum: potissime, quia fuerunt tres generationes, & quælibet esset miraculosa.

Septimum inconueniens est, quia dicunt, quod Beseleel fecit tabernaculum Domini, cum esset annorum decem, quia hoc non videtur possibile, quia tunc non haberet aliquam notitiam artis ad fabricandum: Etiam dato, quod haberet artem, non haberet robur in manibus ad operandum propter ætatis teneritudinem.

Sed aliquis dicit, quod potuit hoc fieri, quia Deus dedit sapientiam Beseleel. Exodi 31. Et sic etiam in minori ætate potuisset habere sapientiam ad faciendum hoc.

Sed adhuc dicendum, quod hoc non stat, quia Beseleel erat vir, quando fabricauit tabernaculum, ut colligitur Exodi 31. & 36. Et tamen in decimo anno non poterat vocari vir, sed parvus puer. Alia quoque inconuenientia sequuntur, de quibus satis apparet. Dicendum igitur ad euitandum omnia ista inconuenientia, potissime cum nec sacra scriptura, nec aliqua ratio ad tenendum hoc nos urgeat, quod Ephratha de qua dicitur hic, non fuit Maria soror Moyfi, sed alia mulier: Etiam Hur, & Vri, & Beseleel, qui ponuntur hic, non sunt illi, qui ponuntur Exodi 31. Nec iste Beseleel ædificauit tabernaculum, sed fuerunt alij viri eiusdem nominis. Nam hoc sæpe contingit, quod in eadem progenie eodem tempore, vel diuerso sint aliqui tres, scilicet, pater, filius, & auus, qui nominentur eiusdem nominibus, quibus alij tres, sicut pater, filius, & auus: nam quia homines sunt plures, quam nomina, necesse est aliquando eadem nomina conuenire multis. Sic enim patet supra, viri quatuor fratres vocantur,

A Eman, Ethan, Calcal, & Orda, sicut alij quatuor tempore Salomonis. 3. Regum 4.

Post hæc ingressus est Hesron ad filiam Machir patris Galaad, & accepit eam, cum esset annorum sexaginta. Quæ peperit ei Segub. Sed, & Segub genuit Iair, & possedit viginti tres ciuitates in terra Galaad. Cepitque Gessur, & Aran oppida Iair, & Canath, & viculos eius sexaginta ciuitatum. Omnes isti filij Machir patris Galaad. Cum autem mortuus esset Hesron, ingressus est Caleb ad Ephratha. Habuit quoque Hesron uxorem Abia, quæ peperit ei Aishur patrem Thecuæ.

Post hæc ingressus Hesron ad filiam Machir. Iste Hesron est pater Caleb: & cum dixerit scriptura supra, de progenie Caleb, redit hic ad dicendum incidentaliter aliquid de progenie patris sui Hesron, & dicitur, quod ingressus est ad filiam Machir, id est, accepit eam in uxorem, & cognouit eam carnaliter. Iste Machir fuit nepos Ioseph, id est, filius Manasse, ut patet Genesis vltimo. Et iste Hesron, qui erat de tribu Iuda accepit mulierem de tribu Manasse, quia nondum iusserat Dominus, quod quilibet vir acciperet uxorem de stirpe sua, sed postea præcepit, Numeri vltimo.

Patris Galaad. Scilicet, Machir erat pater Galaad, & aliquando accipitur Galaad pro nomine Viri, & fuit Galaad de progenie Manasse, & ab eo nominata est quadam familia Galaditarum: Numeri 26. Et dicitur, quod ipse habuit filios multos, a quibus nominatae sunt multe familie, quæ exprimuntur ibi. Alio modo accipitur pro quodam monte, quem sic nominauit Iacob. Genesis 31. Et terra circumstans illi monti vocatur terra Galaad. Hic accipitur primo modo, quia Machir genuit filium quendam Galaad nomine, qui fuit vir fortissimus, & bellator. Iosue 17. Et non potest accipi secundo modo, quia tunc vocaretur Machir pater Galaad, id est, dominus terræ Galaad, & tamen falsum est, quia ipse nunquam iuit ad possidendum terram Galaad, cum fuerit mortuus in Aegypto.

Et accepit eam, cum esset annorum sexaginta. Scilicet, Hesron erat annorum sexaginta, quando accepit filiam Machir in uxorem, & assignatur tempus, quia per hoc soluuntur aliqua dubia. Nam per hoc scietur quis erat ille Caleb, de quo supra dicitur, ut declarabitur infra in quadam questione.

Quæ peperit ei Segub. Non est iste Segub ille, qui fuit filius Aiel, qui ædificauit urbem Iericho contra maledictionem positam a Iosue, & dicitur, quod in Abiran primitiuo suo fundauit eam: & in Segub nouissimo suo posuit portas eius. 3. Regum decimosexto. Nam iste Segub fuit valde multo tempore ante illum, scilicet, plus quam per sexcentos annos, quia iste fuit ante exitum de Aegypto, inimo modico tempore post descensum Israelitarum in Aegyptum, quia Eiron pater istius, fuit vnus de descendentibus in Aegyptum, ut patet Genesis quadragesimo sexto. Et Segub filius Aiel fuit tempore Achab Regis Israel. 3. Regum decimosexto. Computando autem tempora media, plus quam septingenti anni reperientur. Etiam, quia iste Segub fuit de tribu Iuda, & tamen Segub filius Aiel, erat de tribu Benjamin.

I. Paralip.

Cap. II.

min, quia Aiel erat de Bethel, & Bethel erat in sorte Benjamin, Iosue 18. *Sed & Segub genuit Iair, & possedit viginti tres ciuitates in terra Galaad.* Iste Iair fuit vir pugnator, & obtinuit viginti tres vrbes in terra Galaad. Accipitur autem terra Galaad pro quadam terra adiacente monti Galaad: est autem iste mons in terra duarum tribuum, & dimidia ad orientalem partem Iordanis; & medietas terræ Galaad data est tribui Gad, & alia medietas dimidia tribui Manassæ: Deute. 3. Est autem terra ista valde pascualis, & propter hoc duæ tribus, & dimidia petiuerunt illā a Moysse, quia habebant pecora multa. Nu. 32. *Cepitque Gessur, & Aram oppida Iair.* Gessur, & Aram, vt aliqui volunt, sunt nomina oppidorum, & Iair obtinuit oppida ista. Alij autem volunt, quod Gessur, & Aram sint nomina virorum, & quod isti ceperint oppida Iair. Magis tamen videtur dicendum, quod Gessur, & Aram sint nomina terrarum: nam Gessuri, & Machati sunt nomina gentium vsque ad quorum terminos ceperunt Israelitæ terram: ideo dicitur, quod acceperunt vsque ad terminos Gessuri, & Machati, & iste gentes ex quadam clementia manserunt inter Israelitas, quia noluerunt delere illas, cum potuissent: Iosue 13. Et de istis necesse est hic intelligi: quia de isto Iair dicitur Deuter. 3. quam terram acceperit: & dicitur, Iair filius Manassæ possedit omnem regionem Argob vsque ad terminos Gessuri, & Machati. Accepit tamen aliquid de terra illa Iair, licet modicum. Aram autem est nomen alicuius vrbis, quam acceperit Iair: vel potest significare Syriam: quia in Hebræo Aram accipitur pro Syria, & potest intelligi, quod acceperit Iair aliquos viculos de terra Syriæ, quia illa est coniuncta terræ Israel. *Et Canath, & viculos eius.* Canath est nomen vrbis, quam accepit Iair: vel magis propriè accepit eam Nobe, vt patet Nu. 32. Et tñ attribuitur Iair: quia ipse erat maior princeps in terra illa: & ideo mutatum est nomen Canath, & vocata est Nobe. eo. cap. *Sexaginta ciuitatum.* Idest, accepit viculos sexaginta ciuitatū: iste sexaginta ciuitates erant in terra Basan, & erant ciuitates munitæ, & habentes seras: de quo Deute. 3. Et magis Iosue 13. *Omnes isti filij Machir patris Galaad.* Scilicet, Segub, & Iair: & isti, qui nominati sunt hic, & Obe: & illi, qui subtrahuntur: de quibus Numeri 32. sunt filij Machir patris Galaad: accipit Nico. quod esset pater Galaad, idest, dominus terræ Galaad, & tamen non debet accipi sic: quia ipse nunquam dominatus est in terra illa, sed pater Galaad, idest, cuiusdam viri sic vocati, vt supra declaratum est. *Cum autem mortuus esset Hesron ingressus est Caleb ad Ephratha.* Hic dicitur iterū de progenie Caleb: nam dictum fuerat de progenie Hesron patris sui, & dicitur, quod post mortē Hesron ingressus est Caleb ad Ephratha: non quidem accipiendo eam nouiter in vxorem, quia iam prius acceperat eam, sed ingressus est ad ipsam cognoscendo eā carnaliter ad hoc, quod conciperet ex ea. *Habuit quoque Hesron vxorem Abiam.* Iste Hesron est pater Caleb, & simul agitur de generationibus vtriusque. De ista Abia quando habuerit eam Hesron in vxorem, an a principio, vel post alias, quas habuit, non apparet. Ex hoc autem apparet hic, quod sæpe dicitur, quod idem sit nomen mulieris, & viri. nam Abia est nomen mulieris hic, quæ fuit Hesron vxor, & aliquando est nomen viri: nam quidam rex Iuda vocatus est Abia, scilicet, filius Roboam. 3. Regum 14. & 15.

Quæ peperit ei Ashur patrem Thecuæ. Vocatur Ashur pater Thecuæ, idest, dominus, quia fuit præcipuus in vrbe illa, vel fortè ipse ædificauit urbem Thecuæ. Est enim Thecuæ quadam ciuitas in terra Israel in sorte Iuda, apud quam erant multa loca pascualia, in quibus morabantur pastores, & de hoc dicitur Amos pri-

mo. Quod Amos fuit in pastoralibus Thecuæ. De ista etiam vrbe fuit mulier illa prudens, quam vocauit Iobab, ad hoc quod proponeret parabolam coram Dauid ad reducendum Absalom 2. Regum 14.

An Caleb iste, de quo hic dicitur, fuerit filius Iephone, & quis fuerit. Quæst. IX.

QUÆRITUR de isto Caleb, de quo supra dicitur, quis fuerit: & an sit Caleb filius Iephone, qui iuit ad explorandum terram Chanaan. Respondent quidam, quod fuerit iste Caleb, & istud tenet Nicolaus, & ex hoc arguit ipse cum Hebræis: quod si Beselehel fuit de progenie istius Caleb, de quo hic dicitur, oportuit, quod anno decimo vite sue fabricauerit templum Domini, vt patet supra in quadam quæstione: & tamen si iste Caleb non esset Iephone, non procederet positio Hebræorum, nec argumentatio Nicolai.

Idem tenet Glos. ordin. dicens, quod iste fuit Caleb filius Iephone, & quod ipse accepit Ephratha in vxorem, & tamen non constat an acceperit eam in deserto, vel in Aegypto.

Dicendum tamen, quod non potest stare: nam necesse est istum Caleb distinctum esse a Caleb filio Iephone. Primo patet, quia Caleb vocatur hic filius Hesron, alius autem vocatur filius Iephone infra in litera: & infra 4. cap. & vbicunque de illo agitur. Ideo videtur, quod iste conotationes patrum, scilicet, Hesron, & Iephone posite fuerint ad significandum istos esse distinctos.

Secundo patet, quia hic ponuntur filij Caleb. & infra 4. ponuntur filij Caleb filij Iephone, & non sunt idem: ideo videtur, quod non sint patres iidem.

Tertio patet, & efficacius, quod non potuit Caleb filius Iephone esse iste Caleb filius Hesron, quia Caleb filius Iephone in exitu de Aegypto erat annorum triginta octo, vel quasi: quia quando missus est in exploratorem erat annorum quadraginta: Iosue 14. Quod probatum fuit supra in quadam quæstione, & tamen Caleb filius Hesron vix potuit esse viuens: immo non potuit in exitu de Aegypto: ergo non est idem Caleb. Patet, quia Hesron fuit de filiis Iuda, qui ingressi sunt in Aegyptum. Genes. 46. Et ipse genuit Caleb, & ideo ad plus gigneret eum quando esset annorum nonaginta, vel quasi, & sic essent residui vsque ad exitum de Aegypto quasi anni centum, & triginta: cum Israelitæ manserint in Aegypto annis ducentis, & quindecim: vt probatum est Genes. 15. & 10. primo, & tamen iste erat terminus ætatis hominum illius temporis, ideo vix posset esse viuens in exitu de Aegypto. Et dato quod viueret, esset pluriquam annorum centum, & viginti ad minus, & tamen Caleb filius Iephone in exitu de Aegypto non erat adhuc quadraginta annorum, vt probatum est supra in quadam quæstione, ergo non potuit esse idem Caleb.

Quarto patet, & adhuc clarius, scilicet, quia Caleb filius Iephone egressus est de Aegypto nondum habens quadraginta annos: & tamen Caleb filius Hesron mortuus est multo tempore ante exitum de Aegypto. Quod patet, quia Hesron ingressus est in Aegyptum cum patre suo Phares, & sic ad minus esset duorum, vel trium annorum, vel saltem esset ipse primus annus natiuitatis eius, & accepit Caleb Ephratha in vxorem, & Azubam antequam Hesron esset annorum sexaginta; quod patet, quia dicitur hic, quod Caleb filius Hesron accepit vxorem nomine Azuba, de qua genuit Ierioth: fuerunt quoque filij eius Iesfar, & Sobab, & Ardon, & cum mortua fuisset Azuba, accepit in vxorem Ephratha, quæ peperit ei Hur:

& postea dicitur post hæc ingressus est Hesron ad filiā Machir, & accepit eam cum sexaginta esset annorum, & sic saltem ab exitu de Aegypto usque ad tempus, quo accepit Hesron filiam Machir ad plus potuerunt fluere anni sexaginta: a quibus subtrahantur ad minus anni quindecim, quos haberet Caleb antequam acciperet uxorem primam, & subtrahantur quatuor, vel quinque anni ad minus, in quibus iste Caleb susceperet quatuor filios de prima uxore Azuba, & vnum de secunda, scilicet, de Ephratha: & sic erunt viginti, qui subtrahantur de sexaginta, & manebunt quadraginta anni ad plus, qui transissent ab introitu in Aegyptum usque ad natiuitatem Caleb filij Hesron, & isti subtrahantur de ducentis, & quindecim, quibus manserunt Israelitæ in Aegypto, manebunt anni centum septuaginta quinque, & tamen nullus hominum illo tempore tandiu vivebat, ergo necesse fuit, quod Caleb filius Hesron mortuus esset ante exitum de Aegypto, non potuit igitur idem esse Caleb filius Iephone, & Caleb filius Esthon, sed inter natiuitatem vnus, & alterius fuerunt plus quam centum, & quinquaginta anni: quod patet, quia Caleb filius Hesron natus est ad minus annis quadraginta ab introitu in Aegyptum, & Caleb filius Iephone natus est annis quasi triginta octo ante exitum de Aegypto, vtrumque supra declaratum est.

Quomodo Iair cum esset de tribu Iuda haberet ciuitates in terra Galaad. Quæst. X.

QUÆRITUR vltius quomodo potuit iste Iair, de quo hic dicitur, habere ciuitates aliquas in terra Galaad: quia iste Iair erat de tribu Iuda, vt patet hic, & tamen terra Galaad erat in sorte Gad, & dimidiæ tribus Manasse, vt patet Deute. 3. & Iosue 13. Vna autem tribus non poterat habere possessionem in sorte alterius, quia Deus iubebat, quod non transfret possessio de tribu in tribum, nec de familia in familiam: Numeri vltimo.

Aliquis respondebit, quod iste Iair erat de stirpe Manasse, quia mater sua erat de tribu Manasse: nam erat filia Machir, vt patet hic, & Machir erat filius Manasse, vt patet Genes. vltimo. Ideo poterat iste Iair habere ciuitates in terra Galaad succedendo matri.

Sed dicendum, quod hoc non stat, quia in veteri testamento non poterat aliquis succedere matri: eo quod ipse nihil habebant: nam foemina non succedebat in veteri testamento in aliqua parte existentibus masculis: Numeri 27. Respondent ad hoc tripliciter quidam. Primo quod iste Iair quamquam esset de tribu Iuda poterat habere in terra Galaad possessionem propter patrem suum Segub, nam ipse fuit filius filiae Machir, vt patet hic, & Machir non habebat filios, sed filias: non existentibus autem filiis succedebant filiae: Numeri 27. & tunc illi, qui nascebantur ex istis succedebant matribus, & non nominabantur de progenie patrum, sed matrum, & vocabantur filij auorum suorum maternorum, vt probatum est Numeri 27. Et sic fortè Machir non habuit filium, & filiam, & Segub genitus de illa a Caleb non nominaretur de tribu Iuda, sed de tribu Manasse, & diceretur filius Machir, & quia Iair fuit filius Segub, a fortiori dicitur ipse de progenie Manasse, & posset habere possessionem in sorte Manasse. Ista positio est valde conueniens, nisi præsupponeret falsum, quod Machir non habuerit filios, quia Galaad fuit filius Machir, vt patet hic, cum dicatur Machir pater Galaad. Sed aliquis dicit, quod fuit Machir pater Galaad, & tamen mortuus est sine liberis ante patrem suum, & successerunt sorores sue. Dicendum quod non stat, quia

A Galaad supernixit, & etiam genuit filios multos, a quibus nominata sunt familiae sex, vt patet Numeri 26. Dato ergo, quod non haberet Machir alium filium, nisi Galaad: etiam si haberet multas filias ille solus succederet, quia sic erat lex: Numeri 27. Et tamen non solum habuit Machir Galaad in filium, sed etiam alios, quia Genes. vltimo. dicitur Filij quoque Machir filij Manasse nati sunt in genibus Ioseph: ideo non poterat filia Machir succedere ad hoc, quod Segub, cuius pater erat de tribu Iuda, acciperet possessionem in sorte Manasse.

Secunda solutio est, quod Machir adoptauerit nepotem suum Segub: ideo ille habuerit ius succedendi, & successerit sicut filius iure adoptionis.

B Sed aliquis obijciat, quod hoc non posset stare: quia in Veteri Testamento non poterat transfere possessio de tribu in tribum. Numeri vltimo. Si tamen aliquis habens filios posset adoptare alios de tribu extranea, transfret possessio de tribu in tribum: ideo non poterat aliquis adoptare alium: potissimè de tribu extranea, quia erat in præiudicium legis, & etiam filiorum. Item patet hoc magis, quia si adoptio fuisset licita in Veteri Testamento ad hoc, quod tribueretur ius succedendi, fieret contra legem, quia Deus disposuerat, quod quando quis moreretur, succederent filij eius: si autem non haberet filios, succederent filiae: & si non haberet filias, succederent fratres sui: & sic de cæteris propinquis: Numeri 27. Si tamen posset fieri adoptio, posset quilibet mutare illud statutum legis diuinæ, quod falsum est: ideo non poterat fieri adoptio ad hoc, quod tribueretur ius succedendi.

C Respondendum, quod postquam data est lex Moyse de successoribus. Numeri 27. non licuit alicui adoptare quenquam potissimè de tribu extranea, quia sic transfret possessio de tribu in tribum contra legem Dei. Numeri vltimo. Et tamen ante legem datam fiebant adoptiones inter Hebræos sicut inter cæteras gentes, & tribuebant ius succedendi: sic patet de Iacob, qui adoptauit duos nepotes suos, scilicet, Manasse, & Ephraim, vt succederent æqualiter cum filiis, sic patet Genes. 48. Scilicet, Duo filij tui, qui nati sunt tibi in terra Aegypti, antequam venirent ad te Manasses, & Ephraim, mei erunt: & sicut Ruben, & Simeon reputabuntur mihi, idest, ita succedent mihi, sicut Simeon, & Ruben filij mei. Sic etiam adoptio facta a Machir fuit ante legem datam, quia fuit in Aegypto; nam Machir in Aegypto mortuus est, quia ipse natus fuit, antequam Israelitæ descenderent in Aegyptum; vt patet Genes. 41. Ideo adoptio ista non fuit reuocata per legem sequentem, quia illa solum cauebat de futuris; & sic dato, quod non fuerit aliquis asscutus possessionem in terra Chanaan; tamen adoptio facta prius contulit ius ad succedendum in terra, quæ accepta est postea de manibus hostium.

D Tertia solutio est, quia iste Iair, de quo hic dicitur, fuit vir bellator, & accepit aliqua loca de terra Assyriorum, scilicet, quia Assyrii tenebant illa, antequam tenerent filij Israel: & ipse accepit illa, & quia erant coniuncta sorti Manasse, & terre Galaad, dicitur accepisse vrbes in sorte Manasse, & in terra Galaad, & tamen non accepit ex successione, vel poterat esse, quod Israelitæ tenuerint alquando loca ista, quando ingressi sunt in terram Chanaan; & tamen postea Syri acceperant de manu eorum loca ista; & deinde Iair pugnavit contra Syros, & recuperavit terram istam; & sic licet pertineret ad sortem Manasse, & esset in terra Galaad, tamen quia Iair accepit eam de manibus hostium, possedit eam; sic enim fuit de Ierusalem, quæ erat in sorte Benjamin.

I. Paralip.

Cap. II.

min. Iosue. 18. Et tamen, quia filij Iuda pugnaverunt contra Chanaanos, & obtinuerunt locum illum possederunt ipsi Ierusalem: vt patet Iosue 15. Et Iudi. 10. Et declaratum est Iosue 15. Secunda tamen solutio melior videtur,

Quis fuit iste Iair, de quo hic dicitur. Quest. XI.

QUÆRITUR de isto Iair, de quo hic dicitur, quis fuerit, & an fuit ille, de quo dicitur Numeri 32. quia ibi dicitur, quod filius Manasse abiit, & occupauit vicos Galaad, & vocauit illos Hauothiair, idest, villas Iair. Respondendum, quod iste Iair, & ille sunt idem, quod patet, quia hic dicitur, quod iste possedit viginti tres ciuitates in terra Galaad, & Numeri 32. dicitur, quod Iair filius Manasse occupauit vicos Galaad, & oportet intelligi de isto, quod ibidem dicitur, quod filij Machir acceperunt terram Galaad, & tamen Iair erat filius Machir: idem colligitur Deute. 3. cum dicitur, quod Iair filius Manasse possedit omnem regionem Argob vsque ad terminos Gessuri, & Machati: vocauitque ex nomine suo Basan Hanoth Iair, idest, villas Iair.

Sed tunc dicitur quomodo potest esse iste Iair idē cum illo, quia ille Iair fuit de filiis Machir: Nam Numeri 32. dicitur, quod filij Machir acceperunt terram Galaad, & sic erat Machir pater Iair. Item patet, quia ibidem, & Deute. 3. dicitur, quod Iair erat filius Manasse: ergo non erat de tribu Iuda, & tamen iste Iair, de quo hic dicitur, erat de tribu Iuda, vt patet hic, ergo non est idem Iair iste, & ille.

Respondendum, quod est idem Iair, & iste erat de duabus tribubus, scilicet, Iuda, & Manasse: erat enim de tribu Iuda quantum ad patrem, & de tribu Manasse quantum ad matrē: debebat tamen quilibet vocari de progenie illa, in qua habebat ius succedendi, & quia vt communiter filij succedebant patribus, & non matribus, cum matres non haberent possessiones, quas transmitterent ad filios, vocabantur filij de stirpe patrum, & non matrum: nunc autem iste Iair succedebat in possessione tribus Manasse, quia Machir apud suus maternus adoptauerat patrem suum Segub, & filium, & ex hoc competebat ei ius succedendi: ideo nominari debebat a matre, & non a patre: vnde vocatur filius Manasse, vel de tribu Manasse, & non de tribu Iuda.

Nati sunt autem filij Ieramehel primogeniti Hefron, Ram primogenitus eius, & Buna, & Aran, & Asom, & Achia. Duxit quoque uxorem alteram Ieramehel nomine Atara, quæ fuit mater Onam. Sed & filij Ram primogeniti Ieramehel fuerunt Moos Iamin, & Acar. Onam autem habuit filios Semei, & Iada. Filij autem Semei Nadab, & Abisur. Nomen vero vxoris Abisur Abiahil, quæ peperit Ahobbam, & Molid. Filij autem Nadab fuerunt Saled, & Apphaim. Mortuus est autem Saled absque liberis. Filius verò Apphaim Iesi, qui Iesi genuit Sesan. Porro Sesan genuit Ohoali: filij autem Iadai fratris Semei, Iether, & Ionathan. Sed & Iether mortuus est absque liberis. Porro Ionathan genuit Phaleth, & Ziza. Isti fuerunt fi-

lij Ieramehel primogeniti Hefron. Sesan autem non habuit filios, sed filias.

Nati sunt. Hic ponitur tertium, scilicet, de progenie Ieramehel; erat autem iste primogenitus Hefron: & tamen dictum est prius de progenie Aram, & Caleb, qui erant fratres minores, & dicitur.

Nati sunt filij Ieramehel primogeniti Hefron. Idest, Nati sunt ei isti filij, qui nominantur hic, & vocatur primogenitus Hefron, vt non credat aliquis, quod Ram, & Caleb fratres sui fuerint maiores, cum ponatur progenies eorum prius.

Ram primogenitus eius. Sic vocabatur pater istius, scilicet, filius Hefron cuius progenies scripta est supra. *Et Buna, & Aran.* Iste Aran est frater Ram, & ista nomina sunt quasi idem, quia ille, qui vocatur Ram vocatur Aram sic patet de Ram filio Hefron, nam vocatur hic Ram, & tamen Ruth. 4. & Math. primo vocatur Aram.

Asom, & Achia. Non iste Asom, de quo supra dicitur, qui fuit sextus filius Isai, quia ille fuit frater Dauid, & fuit de stirpe Ram: iste autem fuit de stirpe Ieramehel fratris eius: etiā iste Asom fuit multo tempore ante alium Asom, quia iste natus est, & mortuus in Aegypto, cum fuerit filius Ieramehel, & tamen Ieramehel natus est pauco tēpore post introitum Israelitarum in Aegyptum, scilicet, paucioribus quā quadraginta annis: nam Caleb filius Hefron natus fuit ante quadragesimum annum post introitum in Aegyptum, vt probatum est supra in quadam questione, & tamen Ieramehel natus est ante Caleb, eo quod fuerunt fratres, vt patet in litera, et Ieramehel fuit primogenitus, et sic gigneret ad plus post sexaginta, vel septuaginta annos, et sic essent anni quasi centum ad plus ab introitu in Aegyptum, quando gigneretur iste Asom a Ieramehel, et sic manebāt adhuc centum, & quindecim anni post vsque ad exitum de Aegypto, & vix posset de tanto tempore Asom viuere: ideo verisimile est, quod moreretur in Aegypto. Asom autem frater Dauid fuit post exitum de Aegypto multo tempore, scilicet, plusquā quadringēis annis: Nam ab exitu de Aegypto vsque ad ædificationem templi Salomonis fluxerunt anni quadringenti, & octoginta 3. Regum 6. a quibus subtrahantur quasi quatuor, quibus regnauerat Salomon quando capit ædificatio. eodem cap. & septuaginta anni, quibus vixerat Dauid, scilicet, triginta antequā regnaret, & quadraginta postea eodem libro cap. 2. manebunt anni quasi quadringenti, & decem ab exitu de Aegypto vsque ad natiuitatem Dauid. Asom autem frater Dauid erat quasi coætaneus ei, quia inter filios Isai Esom fuit sextus, & Dauid fuit septimus supra in litera, & sic essent anni quadringenti, & fere decem ab exitu de Aegypto vsque ad natiuitatem Asom, quibus addendi sunt plusquā centum, & quindecim anni, quibus nasceretur iste Asom ante exitum de Aegypto, vt declaratum est, ideo fuerunt plures quā quingenti anni a natiuitate istius Asom vsque ad natiuitatem Asom fratris Dauid.

Duxit quoque uxorem alteram Ieramehel nomine Atara. De prima vxore eius non dicitur quomodo vocaretur. *Et fuit mater Onam.* Iste Onam genitus fuit solum de vxore ista secunda Ieramehel: sic etiam vocabatur secundus filius Iudæ, q occisus fuit a Domino, quia malus erat: Genes. 38. differunt tamen in literis vltimis, q Onam filius Iudæ scribitur cum litera Nun, & iste Onam filius Ierameel scribitur cum litera Mem: vt patet in Hebræo, & sic etiam dicit Glos. or.

Sed, & filij Ram primogeniti Ieramehel fuerunt Moos, & Iamin,

Iamin, & Aca. Iste Ram erat primogenitus Ieramehel, & computatur hic progenies sua, & fuerunt isti tres filij sui, qui ponuntur hic.

Onam autem habuit filios Semei, & Iada. Iste Onam fuit filius Ieramehel ex vxore secunda, & ponitur hic progenies sua.

Sciendum tamen, quod iste Semei, qui ponitur hic non fuit ille, qui maledixit. Dauid de quo 2. Regum 16. & 19. & 3. Regum 2. quia ille erat de tribu Benjamin, cum vocetur filius Iemini, idest, Benjamin, vt patet ibidem, & ibi fuit probatum: iste Semei autem fuit de tribu Iuda. Etiam iste Semei fuit multo tempore ante illum, quia iste fuit natus in Aegypto cum fuerit contemporaneus quasi Asom, de quo supra dictum est, vt patet ex litera, quia ille fuit patruus istius, & tamen Semei, qui maledixit Dauid fuit contemporaneus Dauid, ideo essent inter illum, & istum plusquam quadringenti anni ad minus.

Filij autem Semei, Nadab, & Abisur. Hic continuatur progenies Semei vsque ad locum illum. *Filij autem Iada.* Et ibi incipit enarratio progeniei fratris sui Iuda. Sciendum autem, quod iste Nadab, de quo hic dicitur, non fuit Nadab, qui combustus est, quando offerebat incensum coram Domino: Leui. 10. & Numeri 3. & infra 24. quia ille fuit de stirpe Leui, cum fuerit filius Aaron, & iste fuit de stirpe Iuda. Etiam iste fuit alius ab alio Nadab, de quo dicitur 3. Regum 15. qui fuit secundus rex Israel post diuisionem regni: nam fuit filius Ieroboam, & sic fuit de tribu Ephraim: iste autem fuit de tribu Iuda. Etiam ille fuit filius Ieroboam, & iste fuit filius Semei.

Nomen vero vxoris Abisur, & Abiabil, quæ peperit ei Abobam, & Molid. Iste Abisur habuit vxorem mulierem famosam, & genuit ei istos duos filios, qui nominantur hic.

Filij Nadab fuerunt Sabel, & Aphaim. Iste Nadab fuit frater Abisur, & enarratur simul progenies vtriusque. *Mortuus est autem Sabel absque liberis.* Scilicet, nec filium nec filiam habuit: nam si habuisset filiam, saltem illa successisset ei, & acciperet virum, & filius genitus inde continuaret stirpem viri mortui sine liberis, & sic fieret hic mentio de filia istius Sabel, & de progenie deriuata postea ab ea, vel de illo, cui tradebatur in vxorem, sic patet infra in litera, quod Sefan non habuit filios, sed filias, & seruum Aegyptium nomine Ieraa, de quo ei filiam suam vxorem, quæ peperit ei Ether, & ibi continuatur postea progenies. Sic etiam fuit de Salphaad, qui non habuit filios, sed filias. Numeri 36. & ille successerunt ei: Numeri 3. & postea acceperunt viros de stirpe sua, & per eos continuata est progenies patris sui in possessione sua: Numeri vlti. & Iosue 17. iste tamen Sabel nec habuit filium nec filiam: ideo nihil ponitur de successione eius, sed solum dicitur, quod mortuus est absque liberis.

Filius vero Aphaim Iesi. Sic habet litera nostra, & tamen in Hebræo dicitur Iehu, & aliqui transulerunt Iehu, & alij Iesi: sed error iste est, quia iste Iehu non est ille, qui vnctus est in regem super Israel ad delendum stirpem Achab 4. Reg. 9. quia ille non fuit de stirpe Iuda, & iste fuit de stirpe Iuda, etiã quia ille Iheu fuit filius Iosaphat filij Nansi. eodem cap. iste autem fuit filius Aphaim. Istud opinantur quidam, sed falsum est, quia tam in litera nostra quam in Hebræa dicitur.

Iesi. Qui Iesi genuit Sefan. De isto Sefan aliqui dicunt, quod fuit Elimelech maritus Noemi, sed infra declarabitur.

Tercio Sefan genuit Ohoali. Non legitur habuisse plures filios. *Filij autem Iada.* Hic redit scriptura ad narrandum stirpem Iada, quam supra omiserat, vt narraret stirpem fratris sui Semei, & dicitur. *Filij autem Iada*

fratris Semei Iether, & Ionathan. Iste Iether non erat ille, qui accepit in vxorem Abigail sororẽ Dauid, de quo supra dicitur: nam ille vocatur Ismahelites, & videtur, quod non esset de tribu Iuda, sed adhuc dato, quod esset de tribu Iuda, non fuit contemporaneus isti. Iste Ionathan, de quo hic dicitur non est Ionathas filius Saulis, quia ille fuit de stirpe Benjamin, & iste de tribu Iuda. Etiam iste fuit filius Iada, & ille filius Saulis.

Sed, & Iether mortuus est absque liberis. Scilicet, nec habuit filium, nec filiam, quia aliàs poneretur successio progeniei suæ per filiam eadem ratione, qua dicebatur supra de Sabel, qui mortuus est absque liberis.

Porro genuit Ionathan Phaleth, & Giza. Describitur progenies Ionathan, quia frater suus Iether non habuit prolem, & non est iste Phaleth ille, qui ponitur precedenti cap. quia ille fuit filius Heber, & iste filius Ionathan: etiam iste fuit multo tempore ante Abraham, scilicet, tempore cõfusionis linguarum in Babelone, quia ibi dicitur, quod vocatus est Phaleg, quia in diebus eius diuisa est terra, iste autem fuit multo tempore post Abraham, vt patet computando omnes generationes intermedias.

Isti fuerunt filij Ierameel. Scilicet, Omnes isti computati ab illo loco scilicet. *Nati sunt filij Ierameel.* Fuerunt filij Ierameel, & hic cessat progenies eius enarrari, & hoc intelligendum est de progenie illa, quæ venit ab eo directe per filios: secus autem de progenie, quæ venit per filias, quia a quadam filia Sefan, quæ fuit de filiis Ierameel deriuati sunt multi alij, de quibus immediate dicitur.

Sefan autem non habuit filios: sed filias. Iste Sefan est filius Iheu, de quo supra dicitur.

Qui fuit iste Sefan, & quomodo mortuus est absque liberis. Quæst. XII.

QUÆRITUR quis est iste Sefan, & quomodo dicitur, quod mortuus est absque liberis: nam videtur, quod habuit tam filios quam filias: nam supra dicitur, quod Sefan genuit Ohoali. Aliqui respondent, quod iste Sefan non habuit filios, & quando dicitur de Ohoali, dicunt, quod ille fuit filius adoptiuus, & nõ naturalis, & sic tenet Nicolaus: sed istud nõ multum conuenit literæ propter duo. Primò quia dicitur in litera, quod Sefan genuit Ohoali, & tamen si esset filius suus adoptiuus, quamquã diceretur, quod esset filius, non diceretur simpliciter, quod genuit eum, quia generatio pertinet ad naturalem propagationem, & si forte diceretur, quod genuit eum non diceretur simpliciter, sed cū quadam determinatione adoptionis, quia per adoptionem non est aliquis simpliciter filius, ita nec simpliciter genitus: sic enim Apostolus 1. ad Corinth. 4. dicit: Si decem millia pedagogorum habeatis in Christo, sed non multos patres: nam in Christo Iesu per Euangelium ego vos genui. Et sic non dicit ego vos genui simpliciter, sed ego vos genui per Euangelium. Secundo patet, quia dato, quod iste esset adoptiuus filius reputaretur loco legitimi, quantum ad successionem, & nomen progeniei, sicut declaratum fuit de Iair supra, & de Segub patre suo: nam Segub de tribu Iuda erat, & adoptauit tamen eum Machir, & successit ei, ita vt vocetur filius Manasse, & etiam habuit possessionem inter filios Manasse, scilicet, viginti tres vrbes in terra Galaad, quæ pertinebant ad tribum Manasse supra in litera, & Numeri 32. & Deuteronom. 3. & Iosue 13. Et tamen non computatur progenies Sefan per Ohoali, nec successio in possessione: ideo videtur quod non fuit filius adoptiuus Sefan. Sed dicendum est, quod Ohoali fuit verè genitus a Sefan, & tamen mortuus est ante ipsum, & nõ potuit

potuit succedere patri, nec etiam reliquit semen, ut
saltem filij eius succederent auo: ideo dicitur, quod
mortuus est Sesan absque liberis. Et multum differt
dicere, quod mortuus est absque liberis, vel quod non
genuit liberos: vel, quod est verum, quod genuit libe-
ros masculos, & tamen mortui sunt, & ante patrem:
Aliquis autem dicet aliter, scilicet, quod Sesan genuit
Ohoali, & ille successit ei, & tamen bene dicitur, quod non
habuit liberos, quia habuit vnicum. Dicendum, quod hoc
non stat propter duo. Primo quia siue aliquis habeat
vnum filium, siue multos debet habere filios, & sic est
modus loquendi scripturæ: sic patet de ipso Dan Gen.
46. cap. Filij Dan, Husim. Et tamen non fuit nisi vnus,
scilicet, Husim. Sic etiam leges humanæ dicunt illum
habere filios, qui vnicum habet, ut patet ff. de regu.
iuris. in l. liberorum. Secundo patet, quia non con-
uenit literæ: nam dato, quod vnicum habuisset filium, &
ille vixisset, & relinqueret semen: per illum compu-
taretur posteritas Sesan, & non per filiam traditam
seruo: & tamen hic dicitur, quod non habuit filios, sed fi-
lias, & tradidit filiam suam seruo suo Aegypto, &
computatur hic progenies eius per illū seruū: ergo
non habuit filium, qui succederet. Dicendum igitur
sicut supra, scilicet, quod habuit filium, & tamen mortuus est sine
filijs: vel non habuit filium, scilicet, in morte sua, quia tunc
non erat superstes licet aliquando habuisset eum, & ideo per
eodem accipitur non habuit filium, vel mortuus est
sine filijs, & differunt ista duo ab hoc, quod est non ge-
nuisse filios.

Quis fuerit iste Sesan. Quest. XIII.

QUÆRITUR de secundo quis erat iste Sesan.
Aliqui dicunt, quod iste erat Elimelech, maritus
Noemi, & sic tenet Glo. or. Sed obijciatur, quod
de isto Sesan dicitur, quod non habuit filios, & tamen ille
Elimelech habuit filios, scilicet, Maalon, & Chelion: ut pa-
tet Ruth 1. Respondet ad hoc Glo. ord. & Hebræi, quod
habuit Elimelech filios, & tamen, quia mortui sunt fi-
lij eius, dicitur non habuisse filios. Sed dicendum, quod
hoc non conuenit, quia dicitur aliquis non habere fi-
lios quā nunquam illos genuit, vel quando moritur non
stantibus eis, & tamen Elimelech genuit filios, & etiam
quando mortuus est vivebant ambo filij eius, ut patet
Ruth 1. ideo non potest dici conuenienter, quod non
habuit Elimelech liberos, & tamen de Sesan dicitur,
quod non habuit filios: ergo non est idem Sesan, &
Elimelech. Secundo patet, quia de Sesan dicitur hic,
quod genuit Ohoali, & postea dicitur, quod non ha-
buit filios: si ergo Elimelech diceretur Sesan, quia filij
eius mortui sunt, saltem diceretur, quod genuisset eos,
& tamen non ponuntur hic sub nominibus suis, scilicet,
Chelion, & Maalon, nec sub alijs, ideo non fuit iste
Sesan Elimelech, sed aliquis alius.

Et seruū Aegyptium nomine Ieraa: De-
ditque ei filiam suam uxorem, quæ peperit ei
Ethæi. Ethæi autem genuit Nathan, & Nathan
genuit Zabad: Zabad quoque genuit Ophlal,
Ophlal genuit Obed, Obed genuit Iehu, Iehu
genuit Azariā, Azarias genuit Helles, & Hel-
les genuit Elasa: Elasa genuit Sisamoi, Sisa-
moi genuit Sellum, Sellum genuit Icamiam,
Icamiam autem genuit Elisama.

Et seruū Aegyptium nomine Ieraa. De isto fit mentio,
quia tradidit ei filiam suam in uxorem. Deditque ei fi-
liam suam in uxorem. Scilicet, vnam de filiabus suis, quia

multas habebat, ut patet in litera, & istam tradidit, ut
continuaretur per eam progenies sua: ceteræ autem
filiae traditæ fuerunt alijs viris, & filij earum non perti-
nebant ad progeniem Sesan, sed illorum virorum, qui-
bus tradebantur filiae suæ in uxores. Quæ peperit ei Ethæi.
Istud relatum ei potest referre Sesan, scilicet, iste fi-
lius natus est ei, ac si ipse genuisset eum, quia ista suc-
cedebat ei in progenie, & in possessione, sicut si ipse
genuisset eum, & iste Ethæi non pertinet ad progeniē
Hethæorum, quia illi erant Chanaanæ: unde Hethæus
ponitur vnus de filijs Chanaan, præcedenti cap. Ethæi
autem genuit Nathan. Non est iste ille, qui vocatur Na-
than Propheta, qui fuit contemporaneus David, &
nunciavit ei multa 2 Regum 7. & 12. cuius laudes
ponuntur Ecclesiast. 47. scilicet, Post hæc surrexit Na-
than Propheta in diebus David, & quasi adeps sepa-
ratus est a carne. Et Nathan genuit Zabad. Nomina isto-
rum sunt nobis occulta, quia non reperimus aliquid
de gestis illorum in scriptura: non est autem iste Za-
bad ille, de quo dicitur sequenti lib. cap. 24. Quod oc-
cidit regem Ioas in lectulo suo: nam ille Zabad fuit fi-
lius Semath: iste autem est filius Nathan. Item ille fuit
de stirpe Ammonitarum, ut patet eodem cap. iste autem
fuit de stirpe Iuda. Zabad quoque genuit Ophlal. Aliquā
dicitur Ophial, & est nomen proprium viri, & aliquādo
dicitur Ophel, & est quadam pars muri in Ierusalem.
sequenti lib. cap. 27. scilicet, In muro Ophel multa
construxit. Et eodem lib. cap. 33. dicitur Aedificauit
murus extra ciuitatem David ad occidentem Giō in
conualle ab introitu portæ piscium per circuitum vs-
que ad Ophel. Et Ophlal genuit Obed. Non est iste Obed,
de quo supra dictum est, quia ille erat auus David, sci-
licet, Booz, & erat de stirpe Ram: iste autem erat de
stirpe Ieramehel, ut patet hic. Obed genuit Iheu. Non est
iste Iheu, qui fuit rex Israel vnctus mandato Domini,
quia ille fuit filius Iosaphat filij Namsi. 4. Regum 6. &
iste fuit filius Obed. Etiam iste fuit de stirpe Iuda, &
ille non. Iheu genuit Azariam. Non est iste Azarias,
de quo dicitur sequenti lib. cap. 29. Quia ille erat sum-
mus sacerdos, & erat de stirpe Leui, de quo etiam ha-
betur infra 6. Iste autem erat de tribu Iuda. Azarias
genuit Helles. Aliquando Helles est nomen foeminae
apud Poetas, & sic duo fratres fuerunt, scilicet, Phri-
xus, & Helles, qui nauigauerunt de Græcia exules fa-
cti imperio nouerca: & Helles, quæ foemina erat,
exterrita fluctibus maris decidit in æquor: & a nomi-
ne suo mare illud vocabulum sortitum est: nam vo-
catur Hellepōtus, id est, pontus nominatus ab Helle:
& est pars quadam in Europa coniuncta Asiæ apud
Troiam.

Helles genuit Helasa. Differt Helasa ab Helisa: nam
fuit Helisa vnus de posteris Henoc, scilicet, nepos Ia-
pheth, præcedenti cap. a quo nominate fuerunt quæ-
dam insulæ, ut patet Ezechi. 27. Scilicet, Iacynthus
& purpura de insulis Helisa facta sunt operimentum
tuum.

Helasa genuit Sisamoi. Non reperimus de hoc ali-
quam historiam.

Sisamoi genuit Sellum. Non fuit iste Sellum ille, de
quo dicitur sequenti cap. quia ille fuit filius Iosia Regis,
iste autem non fuit de progenie Regia, quia om-
nes Reges Iuda descenderunt de stirpe Ram, iste au-
tem descendit de stirpe Ieramehelis.

Sellum genuit Icamiam: Icamiam genuit Elisama. No-
mina istorum vix reperiuntur in historijs, & tamen
iste Helisama non est ille, de quo dicitur sequenti
cap. quia ille fuit filius David. Iste autem fuit de alia
progenie.

An Sesan non habens filios, sed filias peccauerit dans illas seruo suo Aegypto. Quæst. XIII.

QUÆRITUR circa id, quod supra dicebatur, scilicet quod Sesan non habuit filios, sed filias, & dedit filiam suam seruo suo Aegypto nomine Ieraa, an peccauerit faciendo hoc. Aliquis dicet, quod peccauit, quia peccatum erat tradere mulieres Hebræas in coniuges Gentilibus, quia conuerterent eas ad idola: etiam quia filij Iudæ geniti essent idolatre, quia nascerentur in Gentilitate, & tamen Aegyptij erant Gentiles; ideo non licebat tradi Aegypto viro mulierem Hebræam.

Respondendum, quod non peccauit iste Sesan dādo filiam suam seruo Aegypto: nam peccatum erat Gentilibus tradere mulieres Hebræas dum manerent in gentilitate, & tamen si conuerterentur ad ritum Iudaicum peccatum non erat: de isto seruo, ita dicendum, quod conuersus erat ad ritum Iudaicum, nec in hoc dubitādū est, quia Hebræi tenebantur quoscūque seruos haberent circumcidere, & cogere ad omnes cērimonias Iudaicas: sic patet Exo. 12. scilicet omnis seruus emptitijs circumcidetur, & sic comedet Phasē. & sic iste esset circumcissus, & posset accipere mulierem de progenie Hebræorum. Immo Deus iubebat, quod Israelitę benigne tractarent conuersos de Aegyptijs ad cērimonias legis: Deute. 23. scilicet: Non abominaberis Idumęum, quia frater tuus est, nec Aegyptium, quia aduena fuisti in terra eius. Sed adhuc obijcietur, quod non liceret dari filiam Aegyptio conuerso ad cērimonias legis, quia Aegyptijs, & Idumęis, quamquam cōuerterentur non permittebatur vxores de filiabus Israel vsque ad quartam generationem, Deute. 23. scilicet: Qui nati fuerint ex Aegyptijs, & Idumęis generatione quarta ingredientur in ecclesiam Domini, idest tunc poterunt accipere vxores de multitudine Hebræorum, quæ vocatur Ecclesia, idest populus, vel concilium: Respondendum, quod iste seruus forte erat iam in quarta generatione, & vltra, ita vt liceret ei accipere vxorem de filiabus Hebræorum. Sed obijcietur, quomodo poterat esse, quod esset seruus, & natus fuisset in Iudaismo, ita quod pater suus, & auus essent Hebręi.

Dicendum, quod satis stat, nam sicut nūc fides Christi non liberat aliquem a seruitute carnis, & si gignat filios illi erunt serui domini sui, & etiam nepotes, & p-nepotes, & sic in infinitum, nisi emancipentur, ita & in Hebræis erat, quod quamquam aliquis seruus cōuerteretur ad cērimonias Iudaicas non liberabatur a seruitute, sed ipse, & filij sui serui erant quousque liberarentur de seruitute, quod non tollatur per conuersionem ad fidem Christi, infra ad Corin. 7. scilicet: Seruus vocatus es non sit tibi cura, sed si poteris liber fieri, magis vtere, idest magis vtete seruitute. Et etiam Apostolus ponit regulam qualiter domini christiani habere se debeant cum seruis christianis, ad Ephe. 6. f. Serui obedite dominis carnalibus cum omni timore, & tremore in simplicitate cordis vestri, sicut Christo non ad oculum seruientes, sed vt serui Christi. Et concluditur: Scientes quoniam vnusquisque quodeūque fecerit bonum, hoc recipiet, siue seruus, siue liber. De lege Iudaica, quod nō tolleretur seruitus per illam, patet Exo. 12. cum dicitur, quod serui emptitij circumciderentur, & magis Leui. 25. dicitur, quod isti iure hereditario transmitterent ad posteros, & sic nō solum illi, qui accipiebantur a principio in seruos de Gentilibus, manebant in seruitute, sed et filij eorū, qui nascebantur iam Iudæi, erant serui: Leui. 25. f. Seruus & ancilla sint vobis de nationibus, quę in circuitu ve-

Alph. Toft. In lib. I. Paralip.

Astro sunt, & de aduenis, qui peregrinantur apud vos, vel qui ex his nati fuerint in terra vestra, hos habebitis famulos, & hereditatio iure transmittetur ad posteros, ac possidebitis in eternum. Et sic, qui nascebantur de seruis, erant serui in eternum. Nulla igitur lex Dei noui, aut veteris testamenti liberat seruum a domino carnali: Erat tamen differentia inter nouum, & vetus testamentum, quia in veteri testamento serui cogebantur circumcidi, & seruare cērimonias Hebręorū, quamquam nimis repugnarent, quod patet Exo. 12. vbi dicitur. Quod si quis peregrinorum vellet transire in coloniam, idest in ritum Iudæorum, circumcideretur prius omne masculinum eius. De seruis autem non dixit an vellent circumcidi, sed ait: Omnis seruus emptitijs circumcidetur, & sic comedet phasē. Ergo apparet, quod in omnibus alijs peregrinis requirebatur voluntas ad hoc, quod circumciderentur: in seruis autem non, sed oportebat eos circumcidi, & comedere.

Item patet, quia ibidem dicitur: Seruus emptitijs circumcidetur, & comedet phasē, aduena, & mercenarius non comedet ex eo. & sic fit differentia inter seruum emptitijs, & aduenam, & mercenarium. Si tamen esset in voluntate serui emptitij, quod circumcideretur, vel non, differentia nulla esset inter seruum emptitijs, & aduenam, & mercenarium, quia quādocunque aliquis istorum vellet circumcidi posset comedere de phasē, cum dicat ibi: Si quis peregrinorū in vestram voluerit transire coloniam, & facere phasē domino, circumcidetur prius omne masculinum eius, & sic rite celebrabit.

Si aut aliquis istorum esset, qui nollet circumcidi non poterat comedere de phasē, quia dicitur ibi: Si quis aut circumcissus non fuerit, non vescetur ex eo, & tñ fit differentia inter seruos emptitios, & aduenas, & mercenarios. ergo necesse est, quod esset in potestate aduenarum, & mercenariorum circumcidi, vel non circumcidi, & sic comedere, & non esset in potestate seruorum, sed cogentur ad hoc, nisi forte dicas, quod mercenarij, & aduenę nullo modo poterant comedere de phasē, licet vellent circumcidi.

D Sed hoc falsum est, cum ibidem dicatur, si quis peregrinorum in vestram voluerit transire Coloniam, circumcidet prius omne masculinum eius, & sic comedet. oportet ergo dici, quod serui cogebantur inter Hebręos circumcidi, & seruare cērimonias Iudaicas, in lege autem Christi nulla est coactio: nam qui non vult conuertere non cogitur, quamquā lex Christi efficacius, & vniuersalius obliget, & sic poterat iste seruus Aegyptius iam esse in quarta generatione, vel vltra, ita vt liceret ei accipere mulierem de filiabus Hebręorū.

Sed obijcietur, quod adhuc non liceret ei dare vxorem Hebręā, quia Nu. vlt. dñ, quod oēs semine maritos de tribu sua acciperent, & tñ iste seruus nō erat de tribu, de qua erat ista mulier, quia ille nullo modo erat de stirpe Hebręorum, & ista mulier erat de tribu Iuda.

E Rñdendum, quod illa lex debet accipi negative. f. oēs semine accipiet viros de tribu sua. i. nulla mulier accipiet virum de tribu aliena, nunc aut si ista mulier de tribu Iuda accepisset virū de tribu Ephraim, vel Benjamin, aut de aliqua de duodecim tribubus, diceret accipere virū de tribu aliena, & tñ accepit virū Aegyptiū, qui de nulla tribu erat, cū lex illa solū vocet tribus ipsas duodecim tribus Israel, & ideo licebat accipere ei Aegyptium virum, & tunc stat intentio legis.

Nam lex iussit hoc ad hoc, vt nō transiret possessio de tribu in tribum, & de familia in familiam. Sic enim dicitur ibidem, scilicet. Cunctę semine maritos de eadē tribu accipiet, vt pmaneat hereditas in familijs,

G nec

nec misceantur tribus, sed ita maneant, ut a Domino separatæ sunt. Et tamen, ita erat hic, quia cum iste servus esset Aegyptius, non habebat hereditatem in aliqua tribu, ideo licet uxori suæ competere hereditas in tribu Iudæ, & illa transfiret ad filios illius servi, non transfiret hereditas Iudæ ad aliam tribum, cum servus ille de nulla tribu esset, sed potius filij sui acciperent nomen a progenie matris, & ab hereditate, in qua succedebant, & sic dicendum, quod licet per legem vetaretur mulier Hebræa accipere virum Hebræum, qui non esset de sua tribu: tamen non vetabatur accipere aliquem gentilem conuersum ad Iudaismum. Item confirmat hoc, quia alias non posset stare lex illa, quæ habet Deuteronom. 23. scilicet quod Aegyptijs, & Idumæis conuersis post quartam generationem liceret introire in ecclesiâ domini, id est accipere uxores de Iudaismo, oportet ergo, quod in aliquo casu liceret eis accipere uxores Iudæas, quod non fieret, si illa lex intelligeret affirmatiue, scilicet quod quælibet mulier obligaretur accipere virum de tribu sua. Sed adhuc obijcietur, quod debebat intelligi affirmatiue, quia ista lex introducta fuit propter filias Salphaad cum dicitur, hæc lex super filiabus Salphaad a domino promulgata est, & ponit ibi affirmatiue, scilicet nubant, cui voluerint, tantum ut suæ tribus hominibus, ergo non poterant accipere de alia tribu, vel non poterant accipere aliquos, qui non essent de sua tribu.

Dicendum sicut supra, quod intelligitur negatiue, scilicet solum suæ tribus hominibus, id est solum hoc seruent, quod non nubant hominibus alterius tribus, & tamē poterant nubere hominibus, qui nullius tribus essent, scilicet conuersis ad Iudaismum.

Sed adhuc obijcietur, quia dicitur ibidem, quod fecerunt filij Salphaad, ut fuerat sibi imperatum, & nupserunt filiis patris sui de familia Manasse, ergo videtur, quod sibi erat imperatum, quod acciperent de familia Manasse.

Responderi potest dupliciter, vno modo, quod non obligabantur filij Salphaad accipere homines suæ tribus in viros: dum tamen non acciperent viros de aliena tribu, sed sicut erat in earum præte accipere quoscunque vellent in viros: dum tamē essent de tribu sua, ita erat in potestate sua accipere de tribu sua, vel viros, qui de nulla tribu essent, ita ut non essent de aliena. Nec obstat, quod dicitur, quod fecerunt, sicut imperatum est eis, quia arguendo sic, quæretur etiam, quod cogebantur accipere filios patris sui, si verum est, quod omnia, quæ faciebant, imperata erant, sed falsum est, quia dictum est eis, quod nubent quibus vellent, dum tamen suæ tribus hominibus. Secundo modo potest dici, quod quamquam lex ista introducta fuit occasione filiarum Salphaad: tamen aliter fuit seruata in eis, & aliter in posteris, quia in eis fuit sententia, & non lex cum fuerit diffinitio iudicis super re particulari dubia in iudicium deducta, scilicet inter filios Manasse, & filias Salphaad. Respectu autem posterorum fuit lex, quia non fuit data super re particulari in iudicium deducta, & ista differentia apparet ibidem. Nam dicitur primo de filiabus Salphaad nubant, quibus volunt solum hominibus suæ tribus. Postea autem ponitur lex vniuersaliter. scilicet. n. viri ducent uxores de tribu sua, & cunctæ femine maritos de eadem tribu accipient, & sic in filiabus Salphaad fuit obligatio specialis ad accipiendum viros de tribu sua per sententiam, & tamen in alijs non fuit obligatio per legem ad accipiendum viros de tribu sua, sed solum, quod non acciperent de tribu aliena.

Tertio potest dici, & forte melius, quod dato, quod filij Salphaad voluissent accipere viros aliquos, qui non essent de tribu sua, nec etiam de aliena non po-

terant, quia oportebat illos esse pueros de gentilitate, & tunc tunc nulli conuersi erant, nisi Aegyptii, quorum multitudo magna ascenderat cum Hebræis de Aegypto: Exo. 12. & tunc de Aegyptiis non licebat aliquem accipi in virum a muliere Hebræa usque ad quartam generationem, & tunc nunc nullus erat de conuersis Aegyptiorum, qui esset in quarta generatione, cum nondum transissent quadraginta anni ab exitu de Aegypto usque ad ipsos, quo promulgata est ista lex in deserto, & in quadraginta annis vix possunt esse duæ generationes. Oportuit igitur, quod filij Salphaad acciperent viros de tribu sua. Et tunc nunc quando Sesan tradidit filiam suam in uxorem seruo suo Aegypto, erant multi conuersi ad iudaismum, quibus poterat secundum legem tradere filiam suam, ideo non peccauit tradendo seruo Aegypto, & potuit habere electionem, an traderet eam viro de tribu sua, vel alicui conuerso ad iudaismum.

Quare iste Sesan dedit filiam suam in uxorem seruo Aegypto.
Quæst. XV.

QUÆRITUR ulterius ad quid iste Sesan dedit filiam suam in uxorem seruo Aegypto, & cur non dabat alicui alteri de tribu sua.

Respondendum, quod iste Sesan non habebat filios, & per hoc perituum erat nomen suum, quia nullus erat, per quem continuaretur progenies sua, voluit igitur suscipere filios ex filia, qui succederet ei in possessione, & in familia, & ad hoc tradidit filiam seruo: nam poterat tradere illam alicui viro, & transfiret nomen suum ad nomen familiae illius viri, & etiam geniti filii ex ea non nominarentur de progenie Sesan, sed de progenie illius viri, qui acciperet filiam Sesan in uxorem. Nunc autem servus iste Aegyptius non erat de aliqua familia, vel tribu, ideo filii sui, quos susciperet ex filia Sesan non possent accipere nomen a progenie patris, cum illa nulla esset, & consequenter acciperet nomen progeniei matris, scilicet ab auo Sesan materno. Ideo conuenientius fuit, quod traderet filiam suam seruo suo quam alicui de tribu sua.

Sed adhuc obijcietur, quod et si tradidisset eam alicui de tribu sua, filii eius succederent in nomine progeniei Sesan, sicut declaratum est Nu. 27. de continuatione progeniei Salphaad per filias suas, quæ acceperunt viros de tribu sua: Nu. ult. Dicendum est verum esse, quod poterat continuari progenies eius per virum suæ tribus, & tunc noluit dare filiam suam alicui viro tribus suæ propter duo. Primo quia forte non esset aliquis, qui vellet eam accipere, eo quod habebat possessionem, & filii nominandi erant de stirpe Sesan, & non de stirpe eius, qui gignebat eos. Difficile tamen videbatur alicui, quod ipse dimitteret perire posteritatem suam, & gigneret posteritatem alienam.

Pro quo sciendum, quod declaratum est Nu. 27. quoniam moriebatur aliquis non habens filios, sed filias, possessio eius transibat ad filias, quæ accipiebant viros, & filii geniti ex illis succedebant in possessione avorum maternorum, & in progenie ipsorum, & non nominabantur de stirpe patrum suorum. Multis autem videbatur difficile, quod acciperent tales uxores per quas filii eorum transfirent ad alias familias, & ideo rari illas volebant accipere: sic enim fuit de cognato Booz, cui dixit Booz, quod acciperet Ruth in uxorem, & cum illa omnia, quæ pertinebant ad Maalon virum suum, & ille ait, cedo iuri propinquitatis. Nec enim posteritatem familie meæ delere debeo, tu meo utere privilegio, quo me libenter carere profiteor: Ruth quarto. Sic etiam fuit de Onam secundo filio Iudæ, qui suscitare debebat semen fratri suo mortuo de uxore sua Thamar,

Thamar, & quia per hoc filij ab eo geniti nominarentur A
de progenie fratris sui, & non de progenie sua dole-
bat nimis: intantum quod nolebat cognoscere vxor-
em suam, & cum carnaliter eam tangeret semen fun-
debat in terram, ne inde conceptio sequi posset: sic
patet Genes. 38. scilicet, Dixit Iudas ad Onam filium
suum ingredere ad vxorem fratris tui, & sociare illi,
& suscita semen fratri tuo: ille autem sciens non nasci
sibi filios semen fundebat in terram, ne liberi fratris
nomine nascerentur. Secunda causa esse poterat, quia
dato, quod aliqui de stirpe Iuda, de qua erat Sesan vel
lent accipere filiam suam, potius volebat eam dare
seruo, quia si daret alteri de tribu sua non viderentur
sibi filij Iudæ nati ad suam progeniem tantum perti-
nere, sicut viderentur filij filie sue nati de seruo suo: B
nam sicut seruus erat suus, ita filij serui videbantur esse
sui, & ista intentio viguit multum apud antiquos,
scilicet, quod si aliqua mulier non posset habere fi-
lios de viro suo, faciebat, quod gigneret ex ancilla
sua, quia filios natos ex ancilla reputabat esse filios
suos. Sic pater de Sarra, quæ non poterat concipere
de Abraham, & dixit ei, ecce conclusit Dominus
me, ne parerem: ingredere ad ancillam meam si for-
te saltem ex ea suscipiam liberos: Genes. 16. sic etiam
cum Rachel non posset concipere ex Isaac, dixit ad
illum: habeo famulam Balam ingredere ad illam, vt
pariat super genua mea, & habeam ex ea filios. Gen.
30. & sic putabat Rachel filios, quos pareret ancilla C
sua esse suos, & si acciperet vir suus aliam vxorem li-
beram filios inde natos non putaret Rachel esse suos.
Quod satis patet quia Lia soror Rachelis pariebat mul-
tos, & tamen non putabat Rachel illos ad se pertine-
re immo inuidebat sorori suæ. eodem ca. & hoc, quia
soror sua libera erat. Sic etiam Lia cum parere desisset
tradidit ancillam suam Zelpham, in vxorem viro
suo Iacob, vt filios ex ea susceptos suos esse putaret.
eodem cap. potius ergo propter hoc voluit Sesan da-
re filiam suam in vxorem seruo suo, quam alicui de
stirpe sua.

Filij autem Caleb fratris Ieramehel, Mesa D
primogenitus eius, ipse est pater Ziph filij
Maresa patris Hebron. Porro filij Hebron
Core, & Taphua, & Recem, & Samma. Sā-
ma autem genuit Raham patrem Hiercaa,
& Recem genuit Sammai: filius Sammai
Maon, & Maon pater Bethsur. Ephra autem
concubina Caleb peperit Aran, & Mosa, &
Gezez. Porro Aran genuit Gezez: filij autem
Iahaddai, Regom, & Ioatham, & Gcsam, &
Phalet, et Ephra, et Saaph. Concubina Ca-
leb Maacha peperit Saber, et Tharana. Ge- E
nuit autem Saaph pater Madmena Sue pa-
trem Machbena, et patrem Gabaa, filia ve-
rò Caleb fuit Achsa.

Filij autem. Hic redit Scriptura ad enarrandum
posteritatem Caleb, quam supra inceperat narrare,
& omiserat, vt describeret progeniem Ierameel, &
nunc finita progenie Ieramehel redit ad Caleb, &
dicit.

Filij autem Caleb fratris Ieramehel. Iste erat Caleb filius
Hebron: nam ille habuit tres filios, scilicet, Ieramehel
Ram, & Calubi, siue Caleb, vt patet supra.

Al. h. Toft. In lib. I. Paralip.

Moosa primogenitus eius. Iste Caleb habuit plures
vxores, & nō legitur, de qua fuerit iste primogenitus.

Sed obijciatur, quod non fuerit iste Moosa pri-
mogenitus eius, quia supra ponitur prima uxor ca-
leph Azuba, & dicitur, quod genuit Ierioth.

Responderi potest, quod Ierioth, & Moosa idem
vir est, & tñ est binomius sicut multi alij in sacra Scri-
ptura, vel potest dici, & melius, quod sunt nomina
duorum virorum, & quod hic suppletur pars proge-
niei eius omissa supra, & cū dicitur de Ierioth, quod
fuerit filius primæ vxoris, scilicet Azuba. Dicendum,
quod quamquā non nominetur ibi alius filius an-
te Ierioth potuit esse, quod genitus fuerit iste Moosa
de eadem Azuba ante Ierioth, vel potuit esse, quod
habuit Caleb aliam vxorem ante Azubam, de qua
genuit Moosa, & non fiat mentio de illa vxore su-
pra. Ipse est pater Ziph. Idest iste Moosa fuit pater
Ziph, idest, eiusdem vrbs, vt quidam opinantur quæ
nominata est Ziph: ista enim fuit, à qua nominatur,
quædam terra desertum Ziph in terra Iuda, & in isto
deserto latebat Dauid, & inquirebat eum ibi Saul:
Ziphæis ostendentibus ei loca, vt patet primo Reg.
23. Ponitur autem ista ciuitas Ziph inter ciuitates for-
tis Iuda apud Charmel, & Ierzael: Iosue 15. Et voca-
tus est iste pater Ziph, quia vocauit sic urbem illam,
vel quia ipse eam ædificauit, vel quia dominatus est
in ea. Et filij Maresa patris Hebron. Est enim Maresa

quædam ciuitas in sorte Iudæ: Iosue 15. Hebron au-
tem est alia ciuitas in eadem sorte Iudæ, & est famosa
nimis nam in ea regnavit Dauid septem annis, & di-
midio, sequenti capitu. & 2. Reg. 5. Dicitur etiā, quod
iste Ziph fuit pater Hebron: sic enim intelligunt ali-
qui accipientes omnia ista nomina, vt nomina loco-
rum: sic enim accipit Glo. ord. & expositores, vt cō-
muniter, falluntur tamen similitudine nominum:
nam oportet poni, quod fuerint nomina virorū, &
ideo Ziph est nomen viri, scilicet, quod Moosa
primogenitus Caleb genuit Ziph, & ab isto Ziph no-
minata est ciuitas Ziph: Etiam iste Mesa fuit pater fi-
lij Maresa. Est enim Maresa nomen feminae, vt aliqui
volunt, sed falsum est: debet enim accipi pro viro, &
sic est ista generatio continua, scilicet Mesa est pater
Ziph, & Ziph est pater Maresa, & Maresa est pater
Hebron, & Hebron genuit alios filios, quamquā
ergo ciuitates tales nominate fuerint ab aliquibus
viris, non est dicendum, quod ista nomina hic fue-
rint nomina locorum, sed virorum quod patet ex li-
tera sequenti, scilicet. Porro filij Hebron Core. Ponun-
tur hic quatuor filij Hebron. Primus erat Core: sed
iste Core nō est ille, qui murmurauit cōtra Moysem,
& Aaron in deserto volens vsurpare summū sacerdo-
tiū: Nu. 16. quia ille fuit de tribu Leui de familia Chaa-
titarū, vt patet ibidem, iste autem fuit de tribu Iuda.

Et Taphua, & Recem. Recem interpretatur tonsor,
& ideo multi Hebraei putant eum fuisse Nabal Car-
melum, qui erat tonsor gregis. primo Reg. 25. &
hoc tenet Histo. Scho.

Et Samma. Non est iste vnus de fratribus Dauid,
qui sic vocatur, vt patet supra in litera, & 1. Reg. 16.
Samma autem genuit Raham. Iste Raham differt ab Arā,
de quo supra dicitur, qui fuit frater Ieramehel: nam
ille multo tempore fuit ante istum, & etiam ille
vocatur Ram, & iste Raham. Patrem Hiercaam. Scili-
cet Raam fuit pater Hiercaam, & est modus loquen-
di abbreviatus. Ecce Recem genuit Sammai. Idest Recem
erat tertius filius Raham, & ponitur hic progenies
sua. Iste Sammai, de quo hic dicitur differt ab illo, de
quo supra habetur, quia ille fuit filius Onam, & iste
filius Recem, & iste de pgenie Caleb, & alij de pgenie
Ieramehel. Etiam iste Sammai differt ab illo Samai, q

maledixit David 2. Reg. 16. quia ille fuit de progenie Benjamin, ut probatum est eo. cap. Iste autem fuit de tribu Iuda, *Filius Samai Machon*. Nomen viri est, & tamen interdum est nomen ciuitatis, & ponitur inter ciuitates Iuda. Iosue 15. & erat apud Carmelū ista ciuitas: & habitauit in ea Nabal: eratq; ciuitas ista in solitudine: sic dicitur 1. Reg. 15. Erat vir quispiam in solitudine Malon, & possessio eius in Carmelo, & dicitur hic Varbal, & tamen hic accipitur pro viro, quia frequenter idem nomen equiuocatur ad virum, & ad urbem. *Et Maon pater Bethsur*. Id est Maon genuit Bethsur. *Epha autem concubina Caleb*. Positi fuerunt supra filij vxorū Caleb: & hic ponunt filij concubinarū ei, & ista Epha vocatur à quibusdā Ephra, & putant esse Ephratham, sed multū errant, quia Ephratha erat vxor Caleb, ut patet 5. *Peperit Aran, & Mosa, & Gezez*. Iste Aran non est Aran, qui ponitur in genealogia Saluatoris. Matth. 1. quia ille multo prius fuit: nam filius fuit Hefron, qui vocatur Rā 5. in litera: nec etiam fuit iste Aran, qui ponitur precedenti cap. quia ille fuit filius quintus Sem, & fuit modico tempore post diluuium, cum pater suus Sē natus fuerit centum annis ante diluuium, ut patet Gen. 5. & 11. Mosa est nomen viri hic: & tamen apud Latinos est nomen appellatiuum, & significat sapiētiā: unde dicimus nomen Mosas esse, sed hic est nomen proprium. Porro *Aran genuit Gezez*. Iste Gezez differt ab illo, quem genuit Galaad, a quo nominata est familia Gezeritarum in tribu Manasse. Nu. 26. Nam ille erat de tribu Manasse, iste autem de tribu Iuda. *Filij Iadai Regom*. Aliqui putant istum Iadai fuisse filium Onā, de quo supra dicitur: & tamen falsum est, quia ille fuit de stirpe Ierameel, iste autem est de stirpe Caleb: cum ponatur hic inter posteros eius. Regom autem est primus filius Iadai. *Et Ioatham*. Differt Ioatham a Ionatham: nam Ionatham erat filius Iada, ut patet supra. Ioatham autem est hic filius Iadai. *Et Gesam, & Phalet*. Isti sunt alij duo filij Iadai, & iste Phalet non est ille, de quo supra dicitur, quia ille pertinet ad progeniem Ierameel, & iste ad progeniem Caleb: etiam non est iste ille, qui ponitur precedenti cap. quia ille fuit Phalet filius Heber tempore diuisionis linguarum in Babilone, qui fuit multo tempore ante Abraham, sed iste Phalet fuit postea multo tempore. *Et Epha, & Saaph*. Epha est hic nomen viri, & conuenit cum nomine mulieris, scilicet, Epha concubina Caleb, de qua patet in litera, & sic sepe idem est nomen viri, & foemine, ut patet precedenti cap. in istis nominibus Tāna, & Oolibama, quę ponuntur ibi, ut nomina foeminarum prius: deinde ponuntur nomina virorum, & ibi declaratum est. *Concubina Caleb Maacha peperit Saber*. Sic enim vocabatur vxor regis Abie, quę erat mater regis Asa: & ipsam amouit Asa filius suus, ne esset princeps in sacrificijs Priapi. 3. Reg. 15. sic etiam vocabatur vxor Roboam. f. Maacha filia Absalō sequenti lib. cap. 11. *Et Tharana*. De isto filio Caleb, & fere de omnibus alijs filiis eius nihil legimus in sacra Scriptura. *Genuit autem Saaph pater Madmena, Sue patrem Machbena*. Saaph est filius Caleb ex concubina sua Epha, & vocatur pater Madmena, quia fuit princeps vel dominus in quadam vrbe, quę sic vocabatur: Sue autem est nomen viri: sic autem pater supra in litera, & Genes. 38. ubi vir Chanaanus pater vxoris Iude vocabatur Sue. Sic etiam quidam Rex Aegypti, qui rebellare voluit contra Assyrios vocabatur Sua, vel Sue. 4. Reg. 17. & tamen iste Sue differt ab illis duobus, quia vnus illorum erat Aegyptius, & alius Chanaanus, iste autem erat de tribu Iuda, erat etiam iste Sue pater Machbena, id est, dominus cuiusdam vrbis sic vocatę. Erat etiam pater Gabaa: nam Gabaa est quaedam ciuitas in Israel, & non accipitur hic pro il-

la Gabaa, quę erat in sorte Benjamin, de qua Iosue 18. Nam illa erat, de qua Saul primus rex Israel fuit oriundus, ut primo Reg. 10. 11. & 13. sed pro alia Gabaa, quę erat in sorte Iude: nam iste Sue erat de tribu Iuda, ideo haberet hereditatem in tribu Iuda. *Filia verò Caleb fuit Axa*. Ista fuit quam accepit in vxorem Othoniel Cenezus quando Caleb dixit: Qui percussit Cariathsepher, & ceperit eam, dabo ei Axam filiam meam in vxorem. Et ista est, quę petijt a patre suo irriguum superius, & inferius, quia dederat ei terram Australem, & arentem: Iosue 15. & Iud. primo.

An iste Caleb fuerit filius Hefron, vel alius.
Quest. XV 1.

QVAERITVR De isto Caleb an esset Caleb filius Hefron, de quo supra dicebatur, vel esset alius.

Aliquis dicet, quod iste sit Caleb filius Hefron: nam hic computatur progenies sua, ut patet supra ab illo loco: Filij autem Caleb fratris Ieramehel. Et ponuntur filij sui tam ex vxoribus, quam ex concubinis, & postea ponitur filia, quia dicitur, quod filia Caleb fuit Axa, ergo intelligitur de filio Hefron Caleb fratre Ieramehel. Secundò patet, quia dicitur immediatè hi erant filij Caleb filij Hur primogeniti Ephratha, & tamen Caleb maritus Ephratha erat filius Hefron, ut patet supra, scilicet, Caleb filius Hefron accepit Azaba in vxorem, & cum esset mortua accepit Ephratham, quę peperit ei Hur. Ergo de isto Caleb filio Hefron dicitur. Si autem concedimus, quod iste filius Caleb erat filius Hefron: sequitur contra ea, quę supra declarauimus: nam supra dictum est, quod Caleb filius Hefron, & Caleb filius Iephone, qui missus est in exploratorem, non erant idem. Constat tamen, quod iste Caleb, qui genuit Axam fuit Caleb filius Iephone, qui fuit explorator: Iosue 14. & 15. & Iud. primo, cum ibi dicatur de Axa filia eius. Ergo Caleb filius Hefron, & Caleb filius Iephone fuerunt idem. Respondendum est ad hoc, quod nequaquam potuit esse, quod isti duo essent idem, ut probatum est rationibus necessarijs supra in quadam questione. Sed adhuc patet vnica ratio, quod si Caleb filius Iephone, & Caleb filius Hefron essent idem, sequeretur quod Hefron erat ad minus annorum centum, & octoginta, vel quasi quando genuit Caleb, quod patet, quia Caleb filius Iephone erat annorum vigintiocto, vel quasi quando egressus est de Aegypto, ut probatum est supra in quadam questione, & tamen Hefron ingressus est cum Israelitis descendētib; in Aegyptum: Genes. 46. & sic esset vnus, vel duorum annorum saltem, sed ab introitu Israelitarum in Aegyptum vsque ad exitum fuerunt anni ducenti, & quindecim, ut probatum est Genes. decimoquinto. & Exodi primo, ideo manebant a natiuitate Hefron vsque ad exitum de Aegypto ducenti & decem, & septē anni, vel quasi ad minus, a quibus subtrahantur anni triginta octo, vel quasi quos habebat Caleb in exitu de Aegypto: manebunt alij quasi centum, & octoginta, & in illo tempore Hefron deberet gignere Caleb: istud tamen videtur impossibile pro tempore illo, quia non solum tunc aliquis gignebat in tanta etate, sed etiam nec vivebat quisquam tot annis: nam etiam Abraham, qui multis annis precesserat, non potuit viuere vltra centum septuaginta, & quinque annos: Genes. 25. Etiam homines temporis istius non accedebant ad tantam etatem: nam ad plurimum vita sua erat ad centum, & quadraginta

draginta annos, ut patet de multis patriarchis, qui descenderunt de terra Chanaan in Aegyptum, & ibi mortui sunt: Exod. sexto. Dicitur potest ergo dupliciter: vno modo, quod iste Caleb, qui habuit filiam Axam fuit Caleb filius Ephron, & non Caleb filius Iephone, & quando arguitur quod Axa fuit filia Caleb filij Iephone: dicendum quod potuit esse quod uterque Caleb haberet filiam, quæ vocaretur Axa, nec istud est improbabile, quia duo homines nunc habent filios, vel filias, & filij vnius vocantur sicut filij alterius, immo necesse est, quod sic fiat, quia cum plures sint homines quam nomina hominum, vocabuntur plures eodem nomine, ab hoc autem habuit locum æquiuocatio, quia plura eodem nomine, & non sub eadem ratione appellari necesse est, sicut Arist. primo Elenchorum, sic etiam, ff. de præscrip. verbis. I. Natura, scilicet natura rerum introductio est, ut plura sint rerum negocia quam verba: Aliter potest dici, quod iste Caleb, de quo dicitur hic, quod habuit filiam Axam est filius Iephone, & non est idem cum illo Caleb, de quo supra immediate dicitur, sed quia iste Caleb erat etiam de stirpe Iuda, interpositum fuit hic de filia eius, & sic aliquando fit in scriptura, quod cum de vna re agitur interponuntur aliæ, & etiam in isto cap. fit, quia incipiunt enarrari progenies aliquorum, & omnis alijs interponuntur aliæ, & postea fit reditus ad illas, quæ omisæ fuerunt.

Ad secundam rationem cum dicitur, quod immediate sequitur, hi erant filij Caleb filij, Hur primogeniti Hephatha: dicendum, quod non refertur ad præcedentia, ita ut comprehendatur ibi Axa, & intelligatur omnes præcedentes fuisse filij Caleb filij Hestron, sed refertur ad sequentes: nam illi fuerunt de stirpe Caleb filij Hestron.

Hi erant filij Caleb filij, Hur primogeniti Hephatha, Sobal pater Cariathiarim, Salma pater Bethlehem, Hariph pater Bethgader. Fuerunt autem filij Sobal patris Cariathiarim, qui diuidebat dimidium requietionum.

Hi erant filij Caleb. Intelligitur de sequentibus: nam continuatur hic scriptura quandam partem progeniei Caleb filij Hestron.

Filij Hur primogeniti Hephatha. Non debet intelligi quod Caleb esset filius Hur, quia potius erat per contrarium: nam Caleb genuit Hur, patet supra, sed intelligitur sic, quod isti, qui sequuntur hic erant filij, Caleb, & etiam erant filij Hur, cum Hur esset filius Caleb, & omnes isti descenderunt à Caleb per lineam Hur, & dicitur primogenitus Hephatha: non enim erat primogenitus Caleb, quia Moyses erat primogenitus eius, ut patet supra in litera, sed erat primogenitus vxoris suæ Hephatha, quia ex illa non suscepit alium filium priorem, & tamen suscepit ex Azuba, & ex alijs vxoribus, & concubinis.

Sobal pater Cariathiarim. Sobal est nomen viri de stirpe Caleb, & fuit pater Cariathiarim, id est dominus illius vrbs, est enim Cariathiarim quædam ciuitas in sorte Iudæ, quæ vocatur alio nomine Cariathbaal: Iosue decimo quinto, & appellatur Cariathiarim ciuitas sylvarum, & Cariathbaal ciuitas Baal, vel idoli.

Salma pater Bethlehem. Iste etiam fuit princeps vrbs Bethlehem, quæ est in sorte Iudæ: Matth. secundo, & vocabatur prius Hephatha Genesis trigesimo octauo, & Ruth. 4.

Hariph pater Bethgader. Iste Hariph erat princeps in vrbe Bethgader quæ est in sorte Iudæ, & sic postea illius Hestron acceperunt vrbes multas in sorte Iudæ, Alph. Tost. In lib. I. Paralip.

A ex hoc etiam patet, quod Caleb filius Hestron non erat Caleb filius Iephone, quia Caleb filius Iephone non videtur accepisse in possessionem nisi urbem Hebron: Iosue decimo quarto, & non ipsam urbem, & non agros vrbs, scilicet viculos, qui erant in circuitu cum territorio, ipsam vero urbem acceperunt sacerdotes: Iosue 15. & magis vigesimoprimo, & tamen isti filij Caleb filij Hestron fuerunt domini multarum vrbum, ut patet hic in litera: ideo non est idem Caleb filius Iephone, & filius Hestron.

B Fuerunt autem filij Sobal patris Cariathiarim. Iste Sobal habuit multos de stirpe sua, & fuerunt isti populi, qui sequuntur, & vocatur pater Cariathiarim, sicut supra dictum est, id est dominus, vel potest accipi Cariathiarim pro viro. Et hoc magis videtur quia dicitur de cognatione Cariathiarim descenderunt illi, qui sequuntur. Qui diuidebat dimidium requietionis. Id est iste Sobal diuidebat, scilicet tenebat sub potestate sua dimidium requietionis.

Quid sit ista requietio.

Quest. XVII.

Q VAERITUR quæ requietio erat ista, vel quomodo diuidebat dimidium eius Sobal. Respondet Glo. ordin. Vno modo, quod requietio accipitur pro sepultura: nam quando aliqui moriuntur, dicimus illos requiescere, & vocatur ista requietio ciuitas Hebron, in qua requiescebant patriarchæ, quia ibi erant sepulchra quatuor patriarchæ cum vxoribus suis, scilicet Adam primus parens, & Abraham, Isaac, & Iacob, & quatuor vxores eorum, scilicet Eua, Sara, Rebecca, & Lia, de Adam pater Iosue decimo quarto, scilicet Adam maximus ibi inter Enacim situs est. Id est sepulchus inter gigantes, qui habitabant in vrbe illa: de Abraham, Isaac, & Iacob, & de tribus vxoribus eorum patet Genesis quadagesimonono, de Eua autem non apparet, sed eodem modo dicendum est, quia consuetudo fuit antiquorum patrum, quod in eodem sepulchro vir, & vxor sepelirentur, sicut patet de tribus patriarchis, & vxoribus suis præallegato capitulo: iste autem Sobal diuidebat dimidium requietionis, id est tenebat medietatem terræ illius, scilicet territorij pertinentis ad urbem, in qua sepulti erant patriarchæ. In Hebræo dicitur, qui videbat dimidium requietionis, & exponit alio modo Glo. ordin. scilicet, quod iste Sobal vidit dimidium requietionis, id est dimidium temporis: vocat enim requietionem tempus illud, quod transiit à principio bellorum, quæ habuerunt Israelitæ ad possidendum terram vsque ad cessationem bellorum. Cœpit autem istud tempus, quando Israelitæ simul cum Moyse pugnaverunt contra duos reges Amorrhæorum, & acceperunt terram Galaad: Numeri vigesimoprimo, & trigesimo secundo. Finis est autem tempus istud, quando post diuisionem terræ Chanaan redierunt Rubenitæ, & Gaditæ, & dimidia tribus Manasse in terram suam: Iosue vigesimo secundo. De isto autem Sobal dicitur, quod videbat, id est vidit dimidium requietionis, id est dimidium temporis istius, quia in medio tpe istorum bellorum mortuus est. Ista positio non est satis verisimilis, quia non puenit literæ: non bene vocat requietio ipsa bellorum, et ad hoc debebat dici qui videt, & non qui videbat, quia videbat significat actus continuationem. Item patet quia litera nostra nullo modo vult istum sensum cum dicat, qui diuidebat dimidium requietionis. Dicendum igitur, quod requietio accipitur pro quacunque latitudine regionis, quia in illa requiescere possumus, id est ponere sedes ad manendum, & iste Sobal accepit dimidium requietionis, id est prouinciæ Cariathiarim.

thiarim, Et dicitur in Hebræo: Qui videbat dimidium requierionis, idest sub potestate sua videbat regionem illam, vel videbat, idest curam gerebat de medietate terræ illius. Sicut homo dicitur videre res suas, quando disponit, & inquit quomodo bene fiant. Et istud etiam tenet Nicolaus, & istum sensum sequitur litera nostra, & ponit eum clarius, cum dicit, qui diuidebat dimidium requierionis, idest diuidebat medietatem regionis cum alijs comprouincialibus, quia ipse tenebat medietatem, & illi aliam.

Et de cognatione Cariathiarim Iethræi, et Aphuthæi, et Semathæi, et Maseræi. Ex his egressi sunt Saraitæ, et Esthaholitæ.

Et de cognatione Cariathiarim Iethræi, & Aphuthæi, & Semathæi, & Maseræi. Cariathiarim est nomen viri, & fuit filius Sobal, ut dictum est, & de cognatione eius fuerunt isti quatuor populi vel progenies nominate hic. Nam Cariathiarim habuit quatuor filios, & ab eis nominantur istæ quatuor progenies, qui autem dicunt, quod Cariathiarim sit nomen vrbs, non possunt exponere literam conuenienter, quia tunc non assignabant aliquem à quo descenderint istæ quatuor progenies, quæ habentur hic: & sic etiam dicendum est de alijs duobus nominibus, scilicet Berhlehem, & Bedager, qui ponuntur supra, & sunt nomina locorum, quod non accipiantur hic pro locis, sed pro nominibus virorum. *Ex his egressi sunt Saraitæ, & Esthaholitæ.* Scilicet ab istis quatuor progeniebus nati sunt viri, qui habitabant in Saraa, & Esthahol, & vocabantur Saraitæ, & Esthaholitæ. Sunt autem Saraa, & Esthahol duæ vrbes in sorte Iuda: Ios. 15.

Quomodo verum sit, quod Saraitæ, & Esthaholitæ fuerint egressi de progeniebus istorum. Quæst. XVIIII.

QUÆRITUR quomodo potest stare, quod Saraitæ, & Esthaholitæ egressi fuerint de progeniebus istorum: Nam Saraitæ, & Esthaholitæ erant de tribu Dan cognati Samsonis: nam Manue pater Samsonis, habitauit inter Saraa & Esthahol, & ibi sepultus est: Iud. 13. & tamen erat de tribu Dan, ut patet ibidem.

Respondet ad hoc Nicolaus, quod Saraa, & Esthahol sunt in sorte Iudæ, & habitauerunt in eis à principio filij Dan, eo quod non habebant adhuc possessionem in sorte sua, sed quærebant vbi habitarent: Iudic. 17. & tunc verisimile est, quod in vrbus Iuda, vel aliarum tribuum reciperebantur. Dicendum est, quod hoc non stat. Nam si intelligatur, quod viri Dan vocati sunt Saraitæ, & Esthaholitæ, quia à principio habitauerunt in locis terræ Iudæ, qui vocabantur Saraa, & Esthahol non stat, quia etiam postquam acceperunt possessionem in tribu sua, habitauerunt inter Saraa, & Esthahol, quod patet, quia tribus Dan non habebat possessionem à principio introitus in terram Chanaan immediate post mortem Iosue antequam esset aliquis iudex in Israel: nam isto tempore facta sunt ea, quæ habentur Iudic. 17. ut ibidem probatum est, & tamen pater Samsonis fuit in fine temporis Iudicum, cum post Samsonem non legatur de alio iudice in libro Iudicum, nec fuit aliquis alius nisi Heli, & Samuel, de quibus primo Reg. à primo vsque ad septimum cap. & tamen pater Samsonis habitabat inter Saraa, & Esthahol, & ibi sepultus est: Iudic. 16. ergo filij Dan vocabantur Saraitæ, & Esthaholitæ, & morabantur in Saraa, & Esthahol postquam acceperunt possessionem suam, ideo non vocantur Saraitæ, & Esthaholitæ, qui habitauerunt in Saraa, & Esthahol

Fortis Iudæ antequam haberent sortem suam. Secundo patet, quia de his dicitur, quod descenderunt Saraitæ, & Esthaholitæ, vel egressi sunt, quod significat deriuationem progeniei, & tamen viri de tribu Dan non potuerunt descendere de istis quatuor progeniebus hic nominatis, quia istæ fuerunt de tribu Iuda. Dicendum igitur, quod non potest accipi pro Saraitis, & Esthaholitis tribus Dan, sed pro Saraitis, & Esthaholitis tribus Iudæ. Pro quo sciendum, quod Saraitæ, & Esthaholitæ non sunt nomina signantia cognationes, sed sunt possessiva locorum dicta de Saraa, & Esthahol, & quia in tribu Iuda sunt duæ vrbes propinquæ, quæ vocantur Saraa & Esthahol: Iosue 15. & in tribu Dan sunt alia duo loca dicta Saraa, & Esthahol: Iosue 19. nominantur quidam Saraitæ, & Esthaholitæ de tribu Iuda, & alij Saraitæ, & Esthaholitæ de tribu Dan. Quomodo autem dicitur hic, quod descenderunt ab his Saraitæ, & Esthaholitæ intelligitur de Saraitis tribus Iudæ, & est sensus, quod isti qui populerunt urbem Saraa & Esthahol, fuerunt de istis quatuor progeniebus, & quando dicitur, quod habitauit pater Samsonis inter Saraa, & Esthahol, & ibi sepultus est, intelligitur de Saraa, & Esthahol quæ erant in sorte Dan.

Filij Salma Bethlehem, & Netophathi
H Coronæ domus Ioab, et dimidium requierionis Sarai. Cognationes quoque scribarum habitantium in Iabes.

Filij Salma. Iste erat frater Sobal filij Caleb, cuius progenies supra posita est. *Bethlehem, & Netophathi.* Ista sunt duo nomina virorum, quamquam alias accipiuntur semper pro nominibus locorum: nam Bethlehē notissima ciuitas est propter Saluatorem Nostrium, qui ibi natus est Matth. 2. & Luc. 2. & Michæ 4. ibi etiam Dauid natus est, & habitauit pater eius, & tota domus sua: ideo vocatur Bethlehem Castellum Dauid: Ioan. 7. scilicet ex semine Dauid secundum carnem, & de Bethlehem Castello, vbi erat Dauid venit Christus. Netophathi etiam erat locus vnus, de quo vnus de fratribus Dauid, qui vocabatur Marai, vel Macharai, vel Machaphatites 2. Reg. 23. & inf. 11. Hic tamen accipiuntur pro viris, qui habitabant in regione ista. *Coronæ domus Ioab.* Idest isti viri erant corona domus Ioab. Hoc dicitur, quia Ioab erat dux exercitus Dauid, & habebat secum viros fortes de progenie Bethlehem, & Netophathi, qui adiuuabant eum ad faciendum fortia in bello, & propter eos domus Ioab habebat coronam, idest laudem. Posset tamen accipi Bethlehem, & Netophathi pro locis, & tunc esset sensus, quod istæ quatuor progenies supra nominate habitauerunt partem in Bethlehem, & Netophathi. *Et dimidium requierionis Sarai.* Vocat requierionem Sarai, idest Sepulchrum eius, & vult, quod isti possederunt terram apud Sepulchrum Sarai, sed non conuenit propter rationem assignatam precedenti quæstione: ideo dicendum, quod Sarai requietio, vocatur regio, quæ est apud Sarai, & medietatem illius tenuerunt filij Bethlehem, & Netophathi, vel cognationes illæ quatuor, supra nominate. Vocatur autem Sarai ciuitas Saraa, nam frequenter in istis nominibus proprijs Hebræis mutantur literæ tam in principio quam in fine, ut supra declaratum est.

Cognationes quoque scribarum habitantium in Iabes. Idest etiam cognationes scribarum, quæ habitabant in Iabes descenderunt de stirpe Caleb filij Hefron.

Quinam erant isti scribae.

Quaest. XIX.

QVAERITVR qui erant isti scribae. Respondent hebraei, & Gloss. ordinaria, & Nicolaus, quod labes fuit vir peritissimus in lege, quem aliqui volunt esse Othoniel Cenezem, qui fuit primus de iudicibus Israel, & accepit Axam filiam Caleb in uxorem: Iosue 13. Iudicum primo, & dicunt, quod Sinai, qui erant de filiis Ietro soceri Moyfi, qui erant in lege noui volentes erudiri in illa, venerunt ad Othonielem, ut eos erudiret, & iste Othoniel est, quem dicunt esse labes, & apud istum erant illi Cingei canentes, & resonantes, quia in lege domini erudiebantur, in qua cantabant, cum lectio illa fiat per modum cantus. Motiua autem hebraeorum ad hoc sunt duo. Primum est, quia Iudicum primo, dicitur: quod Cingei habitantes in vrbe Palmarum venerunt cum Iuda ad desertum sortis suae, & habitauerunt cum eo. & an istud ponitur immediate de Othoniele, quomodo cepit urbem Dabir, ideo putauerunt, quod Cingei venerant ad habitandum cum isto Othoniele in terra Iuda. Secundum motiuum est, quia ciuitas, quam cepit Othoniel vocatur Cariathsepher. i. ciuitas literarum, Iosue 13. & Iudicum primo, & putant ex hoc, quod ipse erat magnus literatus. Dicit etiam Nicolaus, quod hic non accipitur labes pro loco, sed pro viro. Dicendum est, quod ista non possunt stare. Primum, quia dicitur, quod labes sit nomen viri hic, qui erudiebat Cinges, quia hic dicitur cognationes scribarum habitantium in labes, ideo necesse est, quod labes sit locus habitationis, nisi forte quis diceret, quod istae cognationes scribarum habitabant in labes. i. in circuitu illius viri labes, ad audiendum doctrinam eius, & tamen ista expositio est extorta contra significationem terminorum, nunquam tamen termini sunt trahendi in aliqua scriptura extra sensum suum, nisi necessitas cogat, & huiusmodi non est hic. Secundum patet, quia dicitur, quod isti scribae erant Cingei, qui venerant ad audiendum doctrinam Othonielis, sed istud falsum est, quia istae cognationes scribarum erant de stirpe Iuda, quod patet, quia in isto cap. & in sequenti nihil agitur, nisi de stirpe Iuda, ideo oportet omnes hic nominatos esse de tribu Iuda.

Item patet, quia hic ponitur progenies Caleb, cum dicatur supra hi erant filii Caleb, & continuatur progenies usque hic, & dicitur cognationes quoque scribarum. i. etiam cognationes scribarum erant de stirpe Caleb. Motiua autem hebraeorum ad asserendum hoc non sunt sufficientia, immo nec habent colorem. De primo patet, quia ex hoc solum, quod dicitur de Cinai, quod venerunt in desertum sortis Iudae, postquam dicitur de Othoniele, quod cepit Cariathsepher, dicunt quod venerunt ad habitandum cum ipso, sed hoc leue est. Secundum motiuum leuius est. i. putant enim, quod fuerit literatus nimis Othoniel, quia cepit urbem, quae vocatur Cariathsepher. i. ciuitas literarum, nam istud nihil probat, quia istud nomen non fuit nouiter impositum vbi, quando cepit eam Othoniel propter aliquam inuocationem literarum, quae ibi esset tempore Othonielis, sed potius istud nomen erat vrbis, antequam Israelitae acciperent eam, sic patet Iudicum 1. quod antiquitus vocabatur Cariathsepher, & postea vocata est Dabir. Dicendum igitur, quod siue Cinai iuerint ad audiendum legem ab Othoniele, siue non, nihil ad praesens, constat, quod non sunt Cinai illi, qui vocantur scribae hic, quia illi sunt de tribu Iuda. Dicendum, quod scriba vocatur vir sapiens de quacunque tribu sit, sic enim sepe in euangelio vocantur scribae, & Pharisei, tamen isti non erant specialiter de tribu Levi, vel de aliqua alia, sed de quacunque tribu contingerat, quod essent aliqui viri literati, & illi vocabantur Alph. Tost. in Lib. I. Paralip.

A scribae, in tribu autem Iuda fuerat antiquitus magna vacatio circa sapientiam legis, & ista fuit in vrbe, quae vocatur labes, ideo dicitur, quod cognationes scribarum habitabant in labes, & tamen cum istis cognationibus scribarum de sorte Iudae erant multi de aliis tribubus vacantes Sacrae scripturae, & etiam ibi erant Cinai descendentes de stirpe Iethro soceri Moyfi, unde dicitur infra hi sunt Cinai, scilicet, quia multi istorum scribarum erant Cinai, vel, ut alii volunt isti Cinai erant Rechabite, ut infra dicitur: labes enim nomen ciuitatis est, & est quaedam ciuitas labes in terra Galaad, contra quam pugnavit Naas rex Amon, quando Saul soluit obsidionem, primo Regum 11. & de ista vrbe fuerunt illi viri, qui acceperunt per noctem cadauera Saulis, & filiorum suorum pendentia in muro Bethsan terrae Philistinorum, & sepelierunt ea honorabiliter in labes ieiunantes septem diebus, primo Regum ultimo, & infra decimo. De ista labes non dicitur hic, quia non erat in sorte Iudae. Alia autem labes erat in sorte Iudae, in qua habitabant isti scribae, ideo dicitur cognationes scribarum habitantium in labes.

Canentes atque resonantes & in tabernaculis commorantes. Hi sunt Cinai, qui venerunt de Calore patris domus Rechab.

Canentes atque resonantes. Idest isti scribae canebant, & resonabant, scilicet studebant in lege, quae per modum cantus legitur quantum ad accentus suos.

Et in tabernaculis commorantes. Scilicet isti scribae morabantur in tabernaculis, idest non in domibus, & dicitur hoc propter Rechabite, qui non edificabant domum, nec habitabant in ea, sed morabantur in tentoriis factis de panno, vel in tabernaculis, quae proprie sunt domus factae de tabulis ad modicum tempus manendum, de quibus infra dicitur. In hebraeo dicitur portarii, vbi nos dicimus cantores, sed ad eandem sententiam pertinet. Etiam dicitur redeuntes, vbi nos dicimus commorantes, sed hoc pertinet ad equiuocationem nominis.

Hi sunt Cinai, qui venerunt de Calore patris domus Rechab. Idest isti scribae habitantes in labes erant Cinai, qui venerunt de stirpe Rechab.

Quinam fuerint isti Cinai.

Quaest. XX.

QVAERITVR qui erant isti Cinai, & quo venerunt de Calore domus Rechab.

Respondent hebraei, & Nicolaus, quod isti Cingei erant posterii Iethro, sic enim vocantur Iudicum primo, scilicet. Filii autem Cinai cognati Moyfi ascenderunt de vrbe palmarum. Accipitur cognatus pro socero, & sic isti Cinai erant filii Iethro soceri Moyfi, & ex hoc consumant hebraei positionem suam, scilicet, quod Cingei vacauerint nimis circa studium legis, & eruditi fuerint ab Othoniele, & tunc dicunt, quod isti descenderunt de Calore domus Rechab. i. de seruire, & deuotione domus Rechab. i. quod sicut Rechabite erant viri deuoti, ita isti Cinai acceperunt studium legis, & deuotionem per imitationem illorum. Sed ista positio non multum conuenit literae, quia hic agitur de stirpe Iuda, Cingei tamen non erant de ista stirpe, sed de Madianitis, cum pater eorum Ietro fuisset Madianita: Numer. 10. & Exod. 2. & 3. ideo oportet intelligi, quod isti Cingei sint aliqui de tribu Iuda.

Secundo patet, & efficacius, quia expositio, quae isti dabant est multum inconueniens. i. quod isti Cingei venerunt de Calore patris domus Rechab. i. de seruire deuotionis,

nis, nam ista expositio est allegorica, Scriptura tamen nunquam in tali sensu loquitur, sed historicè intelligenda est. Potissimè cum hic nihil fiat, nisi describi generationes, quod ad puram historiam pertinet.

Dicendum igitur, quòd isti Cinèi fuerunt Rechabitarum a Rechab dicti, & ille fuit de stirpe Iuda, & vocatur Cinèi, sicut filii Iethro, quia non est inconueniens plures gentes eodem nomine appellari, cum plura loca, & plures homines, tam in Sacra scriptura, quam in usu nostro eodem nomine appellentur de ciuitatibus. Nam Afor est nomē ciuitatis, quæ sic vocatur, & duæ sunt vna in sorte Iudæ, Iosue decimo quinto, & vna in sorte Nephthalī, Iosue 19. Sic etiam de multis aliis, ut patet ibidem, ita igitur duæ gentes vocabuntur eodē nomine. scilicet Cinèi, & erant omnes isti Rechabitarum de tribu Iuda, & morabantur in terra Iuda, & propter hoc ponitur hic progenies illorum cum ceteris de tribu Iuda, nam ipsi fuerunt de stirpe Caleb filii Hestron, cuius progenies hic ponitur, & de istis dicendum est, quod venerunt de calore patris domus Rechab. id est de semine Ionadab, nam deriuatio seminalis fit per calorem descendente in semen, & causantem spiritum, inflantem organa genitalia, & est modus loquendi scripturæ literalis, nam quando animalia sunt in coitu dicuntur esse in calore, sic patet Gen. 30. Nam dicitur, quòd erant pecora in extremo calore coitus. scilicet. Factum est ita, ut in ipso calore coitus intuerentur virgas oues. Fuit autem pater domus Rechab ipse Ionadab, nam Rechab pater Ionadab non instituit aliquam obseruationem posteris suis, sed Ionadab filius eius, sic dicit Ierem. 35. & ideo Ionadab erat pater domus Rechab. id est omnium Rechabitarum, quia ipse erat pater eorum secundum carnem, & etiam pater quantum ad institutionem vitæ, nam ipse dedit eis leges, per quas viverent, & isto modo litera stat multum conuenienter, & non sequitur aliquod de inconuenientibus assignatis.

Vnde habuerunt initium Rechabitarum, & quales erant.

Quest. XXI.

QUÆRITUR vltius de istis Rechabitis quales erant, vel vnde habuerunt initium.

Respondendum, quod isti erant viri religiosi in veteri testamento, sicut nunc sunt monachi, nam abstinēbant a quibusdam delectationibus licitis, a quibus non abstinēbant alii homines, & in hoc erat perfectio sua, ut infra dicitur. Erant autem isti de tribu Iuda, nam vocabantur Rechabitarum a Rechab, qui fuit de stirpe Caleb filii Hestron, ut litera significat hic, cum dicat cognationes quoque scribarum habitantium in Iabes. id est etiam scribarum habitantes in Iabes, erant de cognatione Caleb, de quo supra dicitur, sicut omnes precedenti. Iste Rechab non instituit aliquam obseruationem specialem, sed filius eius Ionadab Ierem. 35. propter honorem patris, tamen voluit potius Ionadab se quaces suos appellare ex sui nomine patris, quam ex nomine suo, ideo Rechabitas eos vocauit. Cæpit autem ista obseruatio a Ionadab, qui fuit tempore Iorā regis Iuda, & Iehu regis Israel. Vnde quādo Iehu ibat in Samariam ad occidendum omnes cultores Baal inuenit istum Ionadab filium Rechab in via, & fecit quòd ascenderet secum in currum regalem, & dixit: Nūquid cor tuum rectum est mecum, sicut cor meum rectum est tecum? & dixit Ionadab. Est, & tunc ait Iehu: veni & vide coetum meum pro domino exercituum. Et sic iuerunt ambo in Samariam, & fuerunt simul operam dantes in occisione cultorum Baal, ut patet quarti Regum decimo. De cæremoniis autem introductis ab isto Ionadab considerandum est, quòd iste propter specialem deuotionem voluit impendere

aliquem cultum Deo, supra id, quod in lege erat, & non solum ipse hoc seruauit, sed et filijs suis, & vxoribus eorum in æternum oblesuare iussit. Primum erat, quod non edificarent domum ad habitandum, nec habitarent in ea ædificata ab alio, sed habitarent in tabernaculis, qui erant tentoria portatilia de panno facta, & ponebant illa in campis, & morabantur, ubi volebant, deinde mutabant, quando volebant. Secundum erat, quòd non biberent vinum ex vlla causa in æternum, ipsi, & filii, & vxores. Tertium erat, quòd nunquam plantarent vineam ad usum suum, vel aliorum. Quartum erat, quòd nunquam sererent sementem, & tamen licebat eis comedere de panibus. Ista enim erant expresse mandata Ierem. trigesimo quinto, & per hæc intendebat Ionadab deducere filios suos ad quatuor perfectiones. Prima erat paupertas voluntaria, nam si non edificarent domos, nec sererent sementem, nec plantarent vineas, non poterant acquirere magnas diuitias, immo vix poterant sustentari in vita pauperissima, paupertas autem talis est vna de magnis perfectionibus, quas Christus introduxit in nouo testamento. De hac Matthæus quinto capitulo, beati pauperes spiritu, quoniam ipsorum est regnum cælorum. Secunda perfectio erat contemptus rerum, nam faciebant, quòd filii sui contemnerent omnes diuitias sæculi, quia cum ipsi possent vacare agriculturæ, & alijs negotiationibus, sicut ceteri, & ex hoc acquirere diuitias magnas, eas nolebant, sed potius cessantes ab his ducebant vitam pauperem, & omnia ista contemnebant. Ista etiam fuit perfectio euangelica, quia venientes ad Christum relinquebant omnia, & sequebantur ipsum, sicut dixit Beatus Petrus. Ecce nos reliquimus omnia, & secuti sumus te, quid ergo erit nobis? Matth. decimonono, & Lucæ decimonono. Et Christus promittit eis magna bona, ibidem. Tertia perfectio erat eleuatio rationis, & dispositio corporis ad obediendum virtuti, & hoc fuit in hoc, quia non bibeant vinum Rechabitarum. Primum enim istorum patet, quia illi, qui non vtuntur vino sunt magis dispositi ad sapientiam, quam ceteri homines propter hoc, quòd phantasia eorum, nunquam perturbatur fumositatibus, quæ maxime causantur a vino: sic enim dixit Salomon: Cogitavi carnem meam abstrahere a vino, ut animum meum transferrem ad sapientiam: Ecclesiasticis 2. Et hoc etiam Deus fecerat obseruari in veteri testamento, quantum ad sacerdotes: nam tempore illo, quo ministrare debebant in Sanctuario non bibeant vinum, ut scirent discernere mundum ab immundo, & sanctum a polluto. Leui. 10. secundum patet de dispositione corporis ad virtutem: nam naturaliter anima nostra desiderium habet virtutis, & tamen in corpore nostro sunt desideria ad contrarium, sic patet ad Galatas 5. scilicet Spiritu ambulate, & desideria carnis non perficietis: caro enim concupiscit aduersus spiritum, & spiritus aduersus carnem: hoc. n. sibi inuicem aduersantur. Et ad hoc oportet corpus taliter disponere, quòd non rebellet anime, sed subiiciatur virtuti iuxta illud infra ad Corinth. 9. Castigo corpus meum, & in seruitutem illud redigo, ne cum alijs predicauerim ipse reprobus efficiar. Et quia abstinentia a vino reddit hominem dispositum ad actum virtutis maxime ad continentiam seruandam, cum vitium ad delectationes venereas incitet iuxta illud ad Ephesios quinto, Nolite inebriari vino, in quo est luxuria, sed implemini spiritu Sancto. Subtraxit ergo Ionadab sibi, & successoribus suis vinum, ut istas duas perfectiones induceret. Quarta perfectio erat, quia abstrahēbat homines a delectabilibus secundum carnem, & secundum communicationem vitæ. de delectabili secundum carnem patet in vino: nam delectabile

Stabile est illud bibere iuxta illud prophete, Vt quid bibitis vinum in dulcedine? id est delectamini in bibendo vinum? Subtraxit autem hanc delectationem Ionadab sequacibus suis. cum nullus biberet vinum, etiam subtrahebat eis delectationem in modo communicandi, quia delectabile est possidere domos, & agros, vt probat Ari. 2. Politi. c. 2. Delectabile est etiam habitare in pulchris, & dispositissimis domibus. Et hæc omnia subtrahebat Ionadab posteris suis: nam non poterant habitare in domibus, nec edificare illas, nec etiam edificare, vel plantare vineas, & serere sementem. Et ista perfectio assimilatur perfectioni religionis, quæ est continentia, quia per hoc subtrahunt sibi homines delectationem tactus, quæ est in propagatione. Fuerunt igitur viri isti Rechabites nimis virtuosissimi inter omnes viros veteris testamenti, & vt ipsi inclinarentur ad obseruandum hæc promissit eis Ionadab, quod Deus benediceret eis, & viuerent longo tempore: Ieremias 35. Deus autem confirmauit istam benedictionem, vt patet ibidem, scilicet Domui autem Rechabitarum dixit Ieremias. Hæc dixit Dominus exercituum, pro eo, quod obedistis præcepto Ionadab patris vestri, & custodistis omnia mandata eius, & fecistis vniuersa, quæ præcepit vobis, propterea hæc dicit Dominus exercituum Deus Israel, non deficiet vir de stirpe Ionadab filij Rechab, stans in conspectu meo cunctis diebus.

Sciendum autem, quod isti Rechabites cum talem vitam ducerent morabantur communiter in agris, & tentorijs, & tabernaculis, & non ingrediebantur ciuitates, nisi propter magnam necessitatem, sic enim fuit tempore Sedechie regis, cum obsideret Nabuchodonosor Ierusalem. nam quia Chaldaei vastabant tunc terram per circuitum vrbs, fugerunt Rechabites a facie Chaldaeorum, & introierunt in Ierusalem, & tunc Deus ad probandam malitiam Iudeorum non obedientium mandatis suis, misit Ieremiam ad Rechabitas, vt duceret eos in vnum Gazophylatium templi, & offerret eis vinum ad bibendum, qui fecit sic, & dixerunt Rechabites non bibemus vinum, quia Ionadab filius Rechab pater noster præcepit nobis, dicens. Non bibetis vinum vos, & filij vestri vsque in sempiternum, & sementem non seretis, & domum non edificabitis, & vineam non plantabitis, nec habebitis, sed in tabernaculis habitabitis cunctis diebus vestris, vt viuatis multis diebus super faciem terræ. Et tunc sequitur, quod ipsi obedierunt mandatis semper istis, & Deus arguit increpando Iudeos, quod filij Ionadab obseruauerunt mandata eius, & Iudei noluerunt obseruare mandata Dei, ideo quod Iudei perirent a facie Chaldaeorum, Rechabites autem non lederentur, nec deficeret vir de eis stans in conspectu Domini Iere. 35.

C A P. III.

DAVID vero hos habuit filios, qui ei nati sunt in Hebron. Primogenitum Ammon ex Achinoh Iezraelitide, secundum Daniel de Abigail Carmelitide.

David. Descripta in præcedentibus progenie Iuda vsque ad David, hic continuatur progenie David, nam de ipso principalis erat intentio in hoc libro, ideo diligenter enarratur progenies eius, & continuatur vsque ad tempus Esdræ, qui fuit post captiuitatem Babylonis, & diuiditur in tres partes. Primo

A ponitur progenies David vsque ad Salomonem, secundo progenies Salomonis vsque ad transmigrationem in Babylonem ibi.

Filius autem Salomonis. Tertio progenies, quæ fuit post transmigrationem, ibi. Filij Iechoniae fuerunt.

An ista, quæ in isto capitulo scribuntur sint ad præcedentia continuata. Quest. I.

QUÆRITUR Circa primum an ea, quæ habentur hic sint contingata ad præcedentia, & an fuerint immediate post illa.

Respondendum, quod hic non potest esse continuatio propria, sicut in historijs, vbi partes historiarum continuantur secundum ordinem suum naturalem in tempore. Hic enim non sunt historiarum, sed enarrantur generationes, potest autem esse continuatio in hoc, si generationes describantur eo ordine quo naturaliter fuerunt, scilicet vt generationes illorum hominum prius ponantur, qui præcesserunt in essendo, si autem mutatur iste ordo, dicitur esse anticipatio, & recapitulatio, sicut in historijs.

Considerandum autem pro hoc, quod in capitulo præcedenti describitur progenies Iuda, per cuius vnâ lineam venit David. Aliæ autem lineæ sunt, quæ nihil attinent ad David, de linea illa, quæ pertinet ad David. dicendum, quod quantum ad illam est continuatus ordo, nam præcedenti cap. describitur progenies Iuda per Phares, & Ram, vsque ad Isai patrem David, & ponuntur ibi septem filij eius, quorum vltimus est David, & ibi cessat progenies illa, hic autem incipit continuari, quia sumitur initium a David, & enarrantur progenies sua, ideo quantum ad lineam per quam descendit David ordo continuatus est. Aliæ autem lineæ tribus Iuda ponuntur præcedenti cap. quæ non pertinent ad David, & illæ deriuantur per Caleb, & Ierameel filios Hefron fratres Ram, & continuantur illæ lineæ vsque ad captiuitatem Babylonis, & tempus, quo fuit Esdras, quod patet præcedenti cap. quia dicitur ibi de Rechabitis, qui fuerunt de stirpe Caleb filij Hefron & tamen Rechabites inceperunt esse multo tempore post David, scilicet tempore Ioram regis Iuda, & Iehu regis Israel, nam tunc fuit conditor huius sectæ, scilicet Ionadab filius Rechab, quarto Regum 10. & præcedenti c. q. vlt. declaratum est, & quantum ad illas lineas non est continuatus ordo, cum prius fuerit successio David, quæ hic enarratur, quam illæ lineæ finitæ fuerint, & tamen necesse est sic scribi, quia alias non posset continuari aliqua progenies per se, nisi omnes simul continuarentur, & tunc turbaretur ordo. est igitur hic ordo continuatus. Circa primum dicitur.

David vero hos habuit filios. Scilicet omnes, qui sequuntur. Pro quo considerandum, quod David antequam esset rex nullum filium habuit, factus est autem rex anno tricesimo vitæ suæ 2. Re. 5. & tunc cepit habere filios. fuit tamen David prius rex super solam tribum Iudæ, & regnabat in vrbe Hebron: postea autem venerunt omnes Iraelitæ, & vnixerunt eum in regem, vt regnaret super totum Israel 2. Reg. 2. & 5. ideo ponuntur hic filij, quos habuit, cum esset rex Iuda in Hebron, & postea filij, quos habuit cum esset rex super totum Israel in Ierusalem.

Qui nati sunt ei in Hebron. Prius regnauit in Hebron, quam in Ierusalem, ideo ponuntur prius filij, quos habuit in Hebron: deinde quos habuit in Ierusalem. Primogenitum Ammon. Iste fuit primogenitus David respectu sui ipsius, & non respectu primæ vxoris suæ: nam prima vxor fuit Michol filia regis Saulis, & de illa nōdum



dum genuerat, qñ genuit de Achinoam. Iste Ammō fuit, qui deflorauit sororem suam Thamar fingens se languentem, Dauid autem diligebat eum tenerrimè, ideo non corripuit ipsum, & sic postea occisus est ab Absalom fratre Thamar defloratē 2. Regum tertio.

Ex Achinoam Iezraelitide. Ista Achinoam fuit vxor Dauid, & fuit tertia: nā primo accepit Dauid Michol filiam Saulis in vxorem, quando occidit Philisthēum, & postea egit multa bella. primo Regum 18. deinde accepit Abigail vxorem Nabal Carmeli, cum ipse mortuus est. Et erat tunc profugus Dauid, & latitans per desertum a facie Saulis e. lib. c. 25. deinde accepit Achinoam de Iezrael, e. c. & tamen prius genuit de Achinoam, quā de Abigail, vnde primogenitus suus fuit Achinoam filius. Vocatur autem Achinoam Iezraelitides ab vrbe Iezrael, de qua erat. Dicit autē Glo. ordi. interlinearis, quod fuit de vrbe Iezrael, in qua occisus fuit Naboth ad mandatum Achab tertio Re. 21. sed hoc falsum est, quia Iezrael illa erat in sorte Manasse, & tamen ista, de qua erat Achinoam erat in sorte Iudē. Pro quo considerandum, quod duplex est Iezrael, vna est in sorte Iudē, de qua Iosue 15. Vbi ponuntur vrbes fortis Iudē, alia fuit in sorte Manasse: Iosue 17. Prima istarum fuit, de qua accepit Dauid vxorē, quod patet primo, quia Dauid accepit istā vxorē, quādo erat profugus a facie Saulis, primo Regum 25. & tamen tunc erat profugus in deserto Iudē, ideo de terra Iudē acciperet vxorem, & non posset accipere de terra Manasse. Secundo patet, quia accepit Dauid Abigail, quē erat in monte Carmelo, cuius habitatio erat in vrbe Machon, quia ibi habitabat vir suus Nabal. primo Regum 25. & tunc accepit Achinoam de Iezrael quarto cap. Ideo satis videtur, quod esset ciuitas Iezrael apud Machon, & tamen sic ponitur Iosue 15. Machon, & Chermel, idest ciuitas Carmeli, & Iezrael simul, & sic cum Dauid moraretur in deserto illo, potuit accipere simul Abigail, & Achinoam in vxores, quia illę erant de duabus vrbibus coniunctis, scilicet Machon, & Iezrael. Ista Iezrael, est apud quam posita fuerunt castra Israel, quādo pugnavit Saul contra Philisthinos, & occisus est. 1. Reg. 29. & est ciuitas ista apud montem Gelboe, in quo occisus est Saul, & filij sui, vt declaratum est e. c. Alia Iezrael, quē est in sorte Manasse fuit illa, in qua occisus est Naboth, quia noluit dare vineam. Quod patet, quia Achab, qui fecit occidi illum erat rex Israel, & non Iudē, ideo non haberet iurisdictionem, nisi super loca regni Israel, & tñ ipse habebat potestatem super illam, immo morabatur ibi sepissime, & habebat palatia pulchra: voluitq; vineam Naboth facere hortum olerū, quia erat apud domū suam: Ideo oportet, quod ista Iezrael, quē erat in sorte Iudē pertinebat ad regnum Iudē, in quo non dominabatur Achab, ergo Naboth occisus fuit in Iezrael, quę erat in sorte Manasse, & non in illa, quę erat in sorte Iudē. Achinoam autem vxor Dauid erat de Iezrael fortis Iudē, & non de Iezrael, quę erat in sorte Manasse.

Secundum Daniel de Abigail Carmelitide. Iste erat secundus filius, & natus est de Abigail, quę erat Carmelitis, idest de monte Carmelo: nam ipsa habebat Nabal in virum, cuius possessio erat in Carmelo, primo Re. 25. Et potest vocari Carmelitis a monte Carmelo, vel ab vrbe Chermel, erat enim vrbs Chermel apud desertū: Iosue 25. Et ab illa vocabatur desertum Carmeli. Nō est tamen Carmelus iste mons, in quo Elias congregauit totum Israel tempore Achab disputaturus cum iacerdotibus Baal ad ostendendum veram deitatem, 3. Regum 18. Nam ille Carmelus est iuxta mare, & est in finibus fortis Aser, & Issachar, vnde dicitur, quod

peruenit terminus Aser vsque ad Carmelum maris. De hoc declaratum est e. c. Et patet hoc Iosue 19.

De nomine istius secundi filij Dauid.

Quęst. II.

QVAERITVR de isto secūdo filio Dauid, quomodo vocat hic Daniel. Nam 2. Re. 3. vocatur Zelaad.

Respōder ad hoc Rabanus, & Glo. or. q. dictus est Zelaad, idest vindicans patrem, quia secundum Hebręos disceptans cum Miphiboseth in quęstionibus legis, victor apparuit, & in hoc patrem vlcisci visus est, ne irrideretur in disputando vir bellicosus a debili. Sed istud non multum conuenit, quia Zelaad, sicut apud Hebręos describitur non potest significare vlciscens patrem, sed significabit hoc si scriberetur, ita corrupte apud Hebręos, sicut apud nos: nam apud eos nō dicitur Zelaad, nec Zelaab, sed Quelaaph, & interpretatur, quasi pater, vel talis, sicut pater. Simile accidit in quibusdam alijs nominibus Hebręis, quę corrupte apud nos scribuntur, & non significant idē, quod significant apud Hebręos: vtpote in isto nomine Israel: nam apud Hebręos nō dicit Israel, sed Ezrael, & interpretatur fortis Domini, vel fortis cum Domino. Et si diceretur Israel, sicut nos scribimus, significaret virum videntem Deum, sicut nos interpretamur, sic igitur in isto nomine, quod Rabanus dicit Zelaad, & habet aliam significationem, quam quod dicatur Quelaaph secundum Hebręos. Aliter igitur dicunt Hebręi, & Nicolaus, scilicet quod iste puer vocatus prius fuit Daniel, deinde Zelaad, & ratio huius fuit propter Abigail vxorē Nabal Carmeli, quia natus est pauco tempore postquam eam accepit Dauid, vt isti volunt, & ideo aliqui videntes puerum irridebant, dicentes, quod non erat filius Dauid, sed Nabal, & tñc Dauid dixit: Deus iudicet veritatem super hoc, & propter hoc vocauit nomen pueri Daniel, quod interpretatur iudicium Dei, & tunc dicunt, quod Deus mutauit vultum pueri, ita vt esset omnino similis Dauid ad probandum, quod erat vere filius Dauid, & ob hoc vocatus est Quelaaph, vel Zelaad corrupte secundum nos, & interpretatur, quasi pater, vel talis qualis pater, sed ista apparent nimis ficta, scilicet quod Dauid poneret nomē puero Daniel, vt ipse veritatem rei huius declararet, quia Dauid, qui erat vir prudens non curaret de talibus irrisionibus, quia curare de istis puerile est, vel muliebre.

Secundo patet, quod adhuc sit magis fictum, scilicet quod Deus mutauerit subito faciem eius, vt esset omnino similis Dauid, quia hoc erat miraculum magnum, & si tale accidisset, non est credendum, quod scriptura subticuisset illud, potissime, quia scriptura nimis diligenter enarrat omnia gesta Dauid, & pertinentia ad eum, etiam quia non est verisimile, quod Deus pro tali re veller facere miraculum, quia istud erat aliquid leue, & puerile.

Tertio patet, quia p̄suppositum istorum non habet locum, scilicet quod aliqui irriderent istum filiū Dauid, dicentes eum esse filium Nabal, quia hoc esset, si Abigail peperisset infra nouem mēses a morte Nabal, & tamen hoc non poterat esse, quia Nabal percussus est a Domino, & fuit per decem dies immobilis, & semimortuus, in quibus non poterat cognoscere vxorem suam Abigail: deinde post mortem eius transierunt aliquot dies prius, quam acciperet Dauid Abigail in vxorem, ideo dato, quod prima die, qua acciperet eam gigneret de ipsa: nō posset aliquo modo putandus esse filius inde natus pertinere ad Nabal, eo quod erat ultra tempus, in quo nasci deberet filius,

filius, quē gigneret Nabal. Quarto patet idem, & efficiacius, quia non genuit Dauid ex Abigail mox, ut accepit eam in uxorem, quia prius accepit eam in uxorem, quam Achinoam, ut patet primo Regum 25. Et tamen prius genuit Achinoam, quam Abigail, quia primogenitus Dauid fuit Ammon filius Achinoam, ut patet hic, ergo oportet, quod aliquanto tempore manserit Abigail in domo Dauid, & nondum gignebat ex ea: Ideo quando postea pareret non posset dubitari an esset ille filius Dauid, vel Nabal, quia nullo modo poterat pertinere ad Nabal.

Dicendum igitur, quod nihil istorum fuit, sed Hebraei moti fuerunt ad dicendum ista ex quodam colore nominum, quia vocatus est iste puer Daniel, & etiam Zelaad, quorum primum significat iudicium, & secundum significat quasi pater, & habita ista oportunitate nominum commentati sunt fabulā. Iste est enim modus poetarum: nam ex quibusdam apparentijs repertis in rebus naturalibus habuerūt oportunitatem ad faciendum fabulas de illis, ut patet de vrsa maiori, & minori, quę non merguntur in Oceanum. 2. Meta. & de foliosequio. 5. Meta. de rubedine mororū quarto Meta, & de nigredine Ethiopum. 5. Meta, & sic fere de omnibus fabulis. Veritas autem fuit, quod iste filius Dauid habuit duo nomina, sicut multi alij in scriptura habent duo, vel tria nomina, ut Iacob, & Israel, Esau, Edom, & Seir, Azarias, & Ozias: Ochozias Ahazias, & Ionatham: nam tria sunt nomina vnius viri, & tria alterius, & duo vnius, & duo alterius, ut patet de omnibus Gen. 25. & 32. & quarto Re. 8. & 9. & 15. & sequenti lib. 21. & 22. & sic cum iste haberet duo nomina vocatur aliquando Daniel, & aliquando Zelaab.

Tertium Absalom filium Maacha filię Ptolomai regis Iessur: Quartum Adoniam filium Agith: quintum Saphatiam ex Abithal: sextum Ietrahā de Egla vxore sua. Sex ergo nati sunt ei in Hebron, vbi regnavit septem annis, & sex mensibus. Triginta autē, & tribus annis regnavit in Ierusalem.

Tertium Absalom. Iste fuit pulcherrimus virorum in quo nō reperta est aliqua deformitas a vertice vsque ad plantam pedis. 2. Regum 14. Iste occidit fratrem suum primogenitum Dauid. 2. Regum 14. ipse etiam cogitavit expellere patrem suum de regno, & occidere ipsum, & fecit coniurationem magnam contra ipsum, fugavitque de terra, & postea cognovit vxorē patris ad magis infamādum eum. 2. Regum 15. & 16. postea inito bello pendens in ligno a Ioab lanceis perfossus occubuit, & sepultus est in deserto. 2. Regū. 18.

Filius Maacha filię Ptolomai regis Gessur. Ista fuit filia Ptolomai: erat enim Ptolomai gentilis, & accepit Dauid filiam illius in uxorem dum regnaret super Iudā: de isto rege Gessur quomodo Dauid accepit filiam illius, cum ipse esset gentilis, & an esset Chananeus, declarātū est satis. 2. Regum 3. De regno Gessur vbi erat, & quomodo illę gentes non fuerunt deletę ab Israelitis etiam declaratum est e. c. Ista Maacha non fuit illa, de qua habetur sequenti lib. c. 11. nam illa fuit Roboam filii Salomonis, & dicitur, quod fuit filia Absalom, & ex illa natus est Abias rex e. c. alia fuit Maacha vxor Abie, & mater Asa regis, quę erat princeps in sacrificijs Priapi, quam ipse Asa amouit ab ipso principatu. 2. Regum 15. alia fuit Maacha concubina Caleb filij Hebron, de qua habetur c. precedēti, & ista de qua

A hic differt ab omnibus. *Quartum Adoniam.* Iste Adonias fuit pulcher nimis, sicut Absalō licet non equaliter, & dilexit eum nimis Dauid, & ob hoc, quāmqvā aliquas insolentias faceret, non castigabat illum saltē verbo, tenerrime enim diligebat, & intarum processit superbia eius, quod viuentē Dauid, & ignorante, ipse fecit se vngi publicē in regem. 3. Regum primo. Postea autem mortuo Dauid, & regnāte Salomone voluit per quasdam cautelas regnum auferre Salomoni, & ob hoc occidit eum Salomon. 3. Regum 2. *Filiū Agith.* Ista Agith erat Iudęa, sed de qua stirpe esset non legitur, nec aliquid de ea plus reperitur.

Quintum Saphatiam. Iste fuit quintus filius natus in Hebron, de quo nihil in historijs sacre Scripturę legitur, quia non pertinuit ad eum regnum, nec etiam ipse aliquid laude, & memoria dignum egit.

Ex Abithal. Mulier Hebręa erat ista, sed non constat de quo genere: nulla enim istarum fuit filia regis, nisi Maacha, quę erat gentilis, & Egla, ut quidam putant, quę fuit Michol filia Saulis: caterę autem fuerūt de filiabus subditorum suorum de tribu Iuda.

Sextum Ietrahā. De isto etiam nō legitur aliquid, quod fecerit, quia erat de filijs Dauid minoribus: ipse enim fuit vltimus eorum, qui nati sunt in Hebron, & forte nihil memorabile egit. *De Egla vxore sua.* Ista Egla vocatur specialiter vxor Dauid, quāquam oēs alię essent vxores eius, & dicunt Hebręi, & Glo. ord. & Nicolaus secundū eos, quod ista Egla fuerit Michol, & vocatur sola vxor Dauid specialiter, quia eam habuerit vxorem in iuuetute sua, ipsam enim ante omnes accepit, & etiam dilexit eam nimis, primo Regū 18. & ipsa dilexit nimis Dauid, quā liberavit eū a morte, primo Regum 19. Et dicunt, quod vocatur Egla, idest vitula, quia in iuuentute eam habuit, & erat lasciuens, vel erat indomita, & superba: nam despexit Dauid, qñ vidit eum saltantem coram arca domini. 2. Regum 6. de hoc tamen an fuerit ista Michol, vel aliqua alia declaratum est in quadam quęstione. 2. Re. 3.

Sex ergo nati sunt ei in Hebron. Scilicet isti sex filij supra dicti nati sunt Dauid in Hebron antequam regnaret super totum Israel.

Vbi regnavit septem annis, & mensibus sex. Istud fuit tempus, quo regnavit Dauid in Hebron: nam mox post mortem Saulis redijt Dauid de terra Philistinorum, & ascendit in Hebron urbem Iudę ibique vnctus est in regem a sola tribu Iuda. Abner autem princeps militię Saulis constituit in regem Isboseth filium Saulis super vndecim tribus, 2. Regum 2. & extūc cepit magnum bellum inter domum Dauid, & domum Saulis e. c. postea autem cum Abner iratus esset contra Isboseth conatus fuit reducere totum regnum Israel ad Dauid. 2. Regum 3. & tamen tūc dolose a Ioab occisus est: nō post multum autem duo principes latronum occiderunt Isboseth regem Israel iacentem in strato suo in meridie, & attulerunt caput eius ad Dauid. 2. Regum 4. Post hęc autem cum Israelitę viderent se non habere regē, & insuper, quod vnctus fuerat Dauid a Deo in regem, venerunt ad eum omnes tribus Israel in Hebron, & vnixerunt eum in regē. 2. Regum 5. In his autem omnibus fluxerunt anni septem, & dimidius quibus Dauid dicitur regnasse in Hebron, quia ibi erat sedes regni eius.

Triginta autem & tribus annis regnavit in Ierusalem. Postquam vnctus est in toto Israel in regem, cepit habere sedem regni in Ierusalem. Et ibi etiam omnes posteri sui habuerunt sedem, & ibi sepulti fuerunt: nam Dauid fecerat ibi sepulchra regum honorabilia, ideo de quolibet rege Iuda dicitur, quod sepultus est in civitate Dauid, ut patet ex discursu tertij, & quarti Regum, & totius sequētis librin in Ierusalem ergo regnavit

uit postea semper Dauid, & fuerunt trigintatres anni regni eius ibi, & tota vita sua fuit annorum septuaginta: nam triginta annorum erat, quando factus est rex in Hebron, & regnavit in Hebron, & Ierusalem simul annis quadraginta. 2. Regum 5. & 3. Regum 2.

Quare tota summa annorum regni Dauid, nec hic, & nec alibi ponitur. Quæst. III.

QUÆRITUR quare, quando ponitur summa annorum regni Dauid non ponuntur, nisi quadraginta anni, ut patet 2. Regum 5. & 3. Regum 2. cum tamen fuerint anni quadraginta, & dimidius, quia septem annis, & sex mensibus regnavit in Hebron, & in Ierusalem trigintatribus, ut patet hic.

Respondet ad hoc Glo. ord. & etiam histo. Scho. qd hoc potuit esse propter vnum de duobus. Primum est, quia in istis sex mensibus Dauid egrotavit, & nihil dignum rege egit. Secundum est, quia forte in istis sex mensibus fugatus est Dauid a facie Absalonis, & sic videtur in eis non regnasse, ideo subtrahuntur de regno.

Sed dicendum, quod hoc non stat, quia dato, quod fugaretur Dauid a facie Absalonis, vel esset eger, ita ut nihil dignum rege ageret: non erat subtrahendum aliquod tempus de regno suo, quia isto modo cum multi reges fuerint, qui in tota vita sua, vel in maiori parte vite nihil dignum regibus egerunt, deberet subtrahi totum tempus eorum velut maior pars, & tamen nihil subtraheretur.

Item patet, quia si propter hoc subtraherentur sex menses de regno eius, nullo modo exprimerentur in aliquo loco scripturæ eadem ratione, & in istis sex mensibus exprimuntur. 2. Regum 5. & etiam hic: ergo non est ista causa, quare in summa totali annorum subtrahitur illi sex menses.

Sed dicendum est, quod in magnis numeris scriptura non curat de modico, & quia sex menses non faciunt annum perfectum, cum regnavit Dauid quadraginta annis, & sex mensibus, non curat scriptura ponere in totali summa, nisi quadraginta annos, & tamen in summis particularibus ponit illos, scilicet quando ponitur tempus, quo regnavit in Hebron. 2. Regum 5. & hic.

Porro in Ierusalem nati sunt ei filii Simmaa, & Sobab, & Nathan, & Salomon quatuor de Bethsabee filia Ammiel.

Porro in Ierusalem nati sunt ei filii. Hic ponuntur filii, quos habuit Dauid in Ierusalem postquam fuit rex totius Israel. Et sciendum, quod omnes illi, qui ponuntur hic, & geniti fuerunt in Hebron, habentur 2. Regum 3. Et qui ponuntur hic, & geniti fuerunt in Ierusalem habentur. 2. Regum 5. *Samaa.* Iste fuit primus de illis quos habuit in Ierusalem, & vocatus est Sa maa, sicut frater Dauid tertius præcedenti cap.

Et Sobab. Differt iste a Sobal, de quo dicitur præcedenti capi. *Et Nathan.* Non est iste Nathan propheta, quamquam aliqui volunt narrare dicentes, quod fuit ipse, & habent quoddam inductivum, scilicet quia fuit tempore Dauid, ut patet 2. Regum 7. & 12. sed falsum est, quia Nathan fuit vir ætatis mature, & forte erat maior ætate, quam Dauid, & patet hoc, quia isti fuerunt filii Dauid, & Bethsabee, ut dicitur in litera, & tamen Nathan propheta venit ad Dauid denunciatus ei de regno suo, & de gloria. 2. Regum 7. Et nondum Dauid acceperat Bethsabee in uxorem, nec mortuus

erat Vrias, quia de morte eius, & fornicatione Dauid cum Bethsabee habetur. 2. Regum 11. ideo impossibile fuit, quod Nathā esset filius Dauid, & Bethsabee, patet etiam hoc, quia Eccle. 47. dicitur: Post hæc surrexit Nathan propheta in diebus Dauid. Et tamen si Nathan propheta fuisset filius Dauid, non diceretur, qd surrexit in diebus Dauid, sed diceretur magis Nathan filius Dauid surrexit. Item patet, quia non poterat esse Nathan propheta filius Bethsabee, quia non loquebatur ei sicut matri, sed magis, sicut alteri personæ non pertinenti ad se, ut patet 3. Regum primo. Dicendum ergo, quod iste Nathan propheta fuit alius ab isto, quia multi vocabantur Nathan tunc, sicut multi vocantur nunc Petrus.

Et Salomon. Iste fuit filius Bethsabee, quem concepit post mortem Vrie, cum iam ducta esset in uxorem Dauid: nam alius, qui natus est de fornicatione mortuus fuerat. *Quatuor de Bethsabee filii Ammiel.* Idest quatuor nati sunt de Bethsabee: accepit enim Dauid multas uxores, & concubinas postquam venit in Ierusalem de Hebron, 2. Regum 5. Et una uxor erat Bethsabee cuius fuerunt isti filii quatuor.

An verum sit, quod Dauid habuerit istos quatuor filios de Bethsabee. Quæst. IIII.

QUÆRITUR quomodo Dauid genuit istos quatuor filios de Bethsabee: nam videtur, quod non poterat habere eos, quia Salomō fuit vnigenitus ex Bethsabee, ut patet Prouer. 4. cum ipse Salomon dicit: Nam, & ego filius sui patris mei tenellus, & vnigenitus coram matre mea.

Ad hoc responderi potest dupliciter, vno modo, qd isti tres non fuerunt filii Dauid, & Bethsabee, sed solus Salomon: fuerunt tamen filii Bethsabee ex Vria viro suo, & mortuo illo adoptavit eos Dauid in filios suos, & computantur hic inter suos.

Alio modo potest dici, quod omnes isti fuerunt filii Dauid, & Bethsabee, & quando dicit Salomō, quod ipse fuit vnigenitus coram matre sua: potest intelligi, quod ita diligebat, sicut vnigenitus, quod apparet ex familiari colloquutione, quam habebat ad ipsum, non quod esset ipse vnigenitus cum habuisset alios fratres ex matre. Vterque modus istorum est satis conueniens, sed primus eorum est, quem tenet Nicolaus, & Hebraei, & iste videtur rationabilior. Primo quia si habuisset Dauid multos filios ex Bethsabee fuisset primus illorum Salomon, scilicet de viventibus, & sic deberet poni primus inter quatuor filios Bethsabee: tum propter dignitatem regalem, quam ipse habuit, & non aliquis fratrum suorum: tum quia ipse esset prior natiuitate, & hic obseruatur prioritas in natiuitate, ut patet ex illis sex filiis Dauid suprapositis, qui nati sunt in Hebron: nam ponuntur secundum ordinem natiuitatis, & tamen ipse ponitur ultimus inter filios Bethsabee, ergo non fuerunt illi geniti a Dauid ex Bethsabee. Secundo patet, quia positio secunda non conuenit sacre Scripturæ cum dicat se Salomon vnigenitum. Et modus assignandi, quomodo ille fuerit vnigenitus, non est satis literalis, sed aliquantulum appropriatus. Tertio patet, quia satis verisimile est, quod cum Dauid offendisset nimis Vriam, qui erat vir valde bonus, & fidelis Dauid, & offendisset eum iniustissime, & postea doleret de peccato isto, quod filius eius adoptaret ad benefaciendum sibi, specialiter, ut in hoc aliquo modo satisfaceret pro iniuria maxima, quam intulerat Vrie patri eorum occidendo ipsum iniuste, & cognoscendo uxorem eius. Non poterat autem Dauid illis satisfacere, quam quod eos in filios adoptaret eis, sicut filijs. Quarto patet hoc ex speciali amore, quem

quē habebat Dauid ad Bethsabée: verisimile est enim, A
 quod propter eā beneficeret filiis suis adoptando eos si-
 bi. Considerandum vterius, quod inter istos qua-
 tuor filios Bethsabée nō computatur ille qui genitus
 est ex adulterio, & mortuus est cito 2. Reg. 12. Ratio
 huius est, quia ille non peruenit ad octauum diem, &
 ideo cum parū post egressum de vtero mortuus fue-
 rit iudicatur tamquam nunquam fuerit, & ista iura po-
 nunt illos, & similes tamquam nunquam fuissent: sic
 patet extra de verbo. signifi. c. Nam, & ego. Et sic etiā
 Salomon dixit se vnigenitum coram matre sua, tam-
 quam nullus praeceffisset eum ex eadem matre, nec
 secutus fuisset, & tamen praecefferat eum ille paru-
 lus: ideo non computatur ille, sed habetur tam-
 quam nunquā fuerit. Alia Ratio est, quia ille paru-
 lus non peruenit ad octauum diem, in quo circunci-
 debantur paruuli Hebræorum, & non circumcisi-
 est: ideo non habebat nomen in populo Dei, quia nū-
 quam fuerat unus de populo Dei, cum circumcisio
 esset signaculum distinguens fideles ab infidelibus:
 sicut nunc, qui non baptizatus moritur, non habetur
 tamquam filius, nec fit ei portio in hæreditate patris
 quamquā sit posthumus, & aliās mater deberet ei
 succedere, si baptizatus esset: & tunc moreretur: ideo
 nunquam ille paruulus fuit computatus inter filios
 Dauid, & ideo inter istos quatuor non ponitur: sed
 vnus eorum, scilicet Salomō est filius Dauid, & Beth-
 sabée, alij tres fuerunt filij Bethsabée, & Vriæ adopta-
 ti à Dauid.

An verum sit, quod Bethsabée fuerit filia Amihel.
 Quest. V.

QVAERITUR Vterius quomodo dicitur hic,
 quod Bethsabée erat filia Amihel: nam pri-
 mo Reg. 11. dicitur, quod erat filia Eliab.
 Respondendum vno modo, quod pater
 Bethsabée erat binomius: nā vocabatur Eliab, & Ami-
 hel, & ideo aliquando ponitur unum nomen, & ali-
 quando aliud: sic enim patet in multis: nam Ocho-
 zias, Aazias, & Ioatham nomen eiusdem viri sunt, &
 vocatur aliquando uno nomine, & aliquando alio. 4.
 Reg. 8. & 9. & sequenti lib. 21. & 22. & sic de multis
 alijs habentibus plura nomina: sic fuit iste pater Beth-
 sabée. Aliter potest dici, quod nomen patris Bethsa-
 bée vnicum erat, scilicet, Amihel aut Eliab, & tamē
 aliquando ponitur nomen patris eius, & aliquando
 aut, & vnus illorum vocabatur Amihel, & alius Eliab,
 & sic videtur esse occasio errandi: simile patet 4. Reg.
 8. Nam ibi dicitur de Athalia, quod erat filia Achab
 Regis Israel, & iterum dicitur ibidem, quod erat filia
 Amri regis Israel: & tamen Amri erat pater Achab,
 3. Reg. 16. Et sic vocatur eadem filia patris, & aut: ita
 hic vocabitur Bethsabée aliquando filia patris Sin, &
 aliquando aut: primus tamen modus verisimilior est.
 De Bethsabée autem an peccauerit quando cognita
 est a Dauid, & an peccauerit ipsa magis quā Dauid
 vel è contrario, & an peccauit se lauando in solario,
 & multa alia dubia circa ipsam declarata sunt, secun-
 do Reg. 10.

Iebaar quoque, & Helisama, & Elipha-
 let, & Noge, & Nepheg, & Iaphia, necnon
 Helisama, & Eliada, & Eliphelet nouē. Om-
 nes hi filij Dauid absque filijs concubinarū,
 habueruntque sororem Thamar.

A Iebaar quoque. Hic ponuntur filij alij geniti a Dauid
 in Ierusalem ex alijs vxoribus. Est considerandum, quod
 Dauid habuit filios ex vxoribus, & ex concubinis: &
 tamen filij concubinarum non nominantur hic, sed
 solum filij vxorum, vt patet infra. Accepit enim Da-
 uid multas vxores in Ierusalem. 2. Reg. 5. Primus au-
 tem istorum filiorum erat Iebaal, de quo nihil legi in
 aliquo libro sacre Scripture, quia isti erāt quasi ignoti
 inter reliquos filios Dauid. Et Helisama. Alius Helisa-
 ma fuit filius Icamie præcedenti capitulo, sed differt
 ab isto, quia ille nō pertinebat ad progeniem Dauid,
 Et Eliphelet, & Noge, & Nepheg, & Iaphia. Isti sunt inco-
 gniti, quia de eis non fit mentio in Scriptura, licet
 etiam sub istis nominibus exprimentur. 2. Reg. 5. erāt
 etiam isti minoris dignitatis inter reliquos filios Da-
 uid: ideo quamquā ponantur nomina matrum eor-
 um, qui nati sunt in Hebron, vt patet hic: & 2. Reg. 3,
 non ponuntur hic nec alicubi nomina matrum isto-
 rum. Nec non est Helisama. Iste est alius Helisama, & sic
 erant duo Helisama filij Dauid, & fortē, quia erant
 ex duabus vxoribus, & hoc raro reperitur, quod vnus
 homo habeat duos filios eiusdem nominis, quia fe-
 re est contra omnem consuetudinem: Et Eliada, &
 Eliphelet nouē. Idest omnes isti filij Dauid quorum
 non ponuntur nomina matrum sunt nouē. Alij
 autem sunt decem, scilicet, sex nati in Hebron, quo-
 rum ponuntur sex matres, & quatuor nati de Bethsa-
 bée: & sic sunt decem, & nouem filij Dauid nati ex
 vxoribus, præter natos ex concubinis, quorum non
 ponuntur nomina nec numerus. Sciendum autem,
 quod istorum hic positorum ponuntur nomina. 2.
 Reg. 15. Et tamen quorundam mutantur nomina
 quantum ad aliquid: nam hic ponuntur duo filij Da-
 uid qui vocantur Helisama: & tamen 2. Reg. 5. voca-
 tur primus eorum Elisua, & secundus eorum vocatur
 Helisama. Etiam ille, qui vocatur hic Napheg voca-
 tur ibi Nepheg. Sciendum etiam quod ibi subticen-
 tur duo, qui ponuntur hic: nam ibi ponitur vnus Eli-
 phalet, & hic duo, & hic ponitur Noge, & ibi non.
 Omnes hi filij Dauid absque filijs concubinarum. Scilicet
 omnes decem, & nouem supra nominati fuerunt fi-
 lij Dauid ex vxoribus eius, & isti fuerunt præter filios
 concubinarum: nam filij concubinarum multi erant,
 & tamen non nominantur. Habuerunt sororem Thamar.
 Idest omnes isti habuerunt Thamar in sororem, quia
 fuit soror ipsorum ex parte patris, & fuit soror Absa-
 lonis solius ex parte matris: nam erat filia Maacha vxo-
 ris Dauid, quæ etiam erat mater Absalonis, & erat fi-
 lia regis Gessur: & quamquā omnes isti essent filij
 Dauid, non computatur generatio per aliquem eo-
 rum, nisi per Salomonem, & lineæ omnium aliorum
 omittunt, quia nō pertinent ad intentionē Scripturæ,

Quare Scriptura non expressit hic nomina filiorum
 natorum ex concubinis. Quest. VI.

QVAERITUR Quare non expressit hic Scri-
 ptura nomina, vel numerum filiorum natorū
 ex concubinis.

Respondendum, quod sunt ad hoc duæ causæ.
 Prima est, quia Scriptura non intendit hic enarrare
 progeniem alicuius ipsorum. Causa autem princi-
 palis, quare nominantur hic aliqui est, quia Scriptura
 intendit enarrare aliquas progenies eorum, & quia
 nullius de filijs concubinarū Dauid intendit Scriptu-
 ra enarrare progeniē, nullius eorū ponit hic nomē. Se-
 cunda causa est propter dignitatem, nam in enarratione
 progenierum, & expressione nominum attenditur
 dignitas, & ob hoc in regibus Iudas semper exprimi-
 tur nomina matrum, & in regibus Israel nunquam
 expu-

exprimuntur nomina matrum: ut patet ex processu tertij, & quarti regum. Et Ratio huius fuit, quia reges Iuda semper sunt maioris dignitatis in Scriptura ut declaratum est. 4. Reg. 15. Et apparet hic etiam istud, quia quando aliqui sunt digniores, tanto fit maior mentio de istis, & exprimuntur plura pertinentia ad eos, & quia filij sex David, qui nati sunt in Hebron erant digniores ceteris filiis David propter Salomonem, fuerunt posita nomina illorum, & nomina matrum suarum. Illorum autem, qui nati sunt in Ierusalem ex vxoribus ponuntur nomina: & tamen non ponunt nomina matrum suarum: preterquam in Salomone, & in fratribus suis tribus, quorum nomen matris ponitur propter dignitatem Salomonis. Sicut autem nouem nati in Ierusalem fuerunt aliquantulum minoris dignitatis quam sex nati in Hebron, & ob hoc ponuntur nomina matrum illorum, & non istorum: ita filij David ex concubinis fuerunt etiam minoris dignitatis quam nouem nati in Ierusalem, & ob hoc debuit minor de eis fieri mentio quam de illis, non potuit autem hoc esse nisi, quod tacerentur nomina filiorum concubinarum quia alias essent aequales nouem natis in Ierusalem, ideo fuerunt tacita nomina istorum. Facta est tamen mentio, quod David habuisset aliquos filios ex concubinis, ne putaretur nullos habuisse: Multa autem dubia sunt circa hoc, scilicet an David peccauit habendo concubinas: & an istae fuerunt concubinae, vel vxores minus principales, & cum David haberet iam sex uxores, quas acceperat in Hebron, ad quid voluit accipere plures quando regnauit in Ierusalem, & dato, quod vellet accipere plures quare non faciebat, quod essent omnes vxores, quia faciebat, quod quaedam essent vxores, & quaedam concubinae, & an Thamar, de qua hic dicitur fuerit filia David, vel solum fuerit filia Maacha filiae regis Giesur, quam habuit ante quam copularetur David in matrimonium, & si Thamar erat filia David, quomodo dicebat ipsa, quod David daret eam in vxorem Ammon primogenito suo, & multa alia similia dubia, de quibus omnibus declaratum est secundo Reg. 5. & 13. cap.

Filius autem Salomonis Roboam: cuius Abia filius genuit Asa. De hoc quoque natus est Iosaphat pater Ioram, qui Ioram genuit Ochoziam, ex quo ortus est Ioas, & huius Amasias filius genuit Azariam. Porro Azariae filius Ioathan procreauit Achaz patrem Ezechiae, de quo natus est Manasses, sed & Manasses genuit Amon patrem Iosiae. Filij autem Iosiae fuerunt primogenitus Iohannam, secundus Ioacim, tertius Sedecias, quartus Sellum.

Filius autem. Hic ponitur secundum, scilicet, progenies David continuatio a Salomone usque ad Babylonis transmigrationem: & dicitur. *Filius autem Salomonis Roboam.* Non legitur habuisse alium filium nisi istum quamquam habuerit vxores plurimas, scilicet, septingentas quasi Reginas, & trecentas concubinas 3. Reg. 11. Vxor autem Salomonis, ex qua genuit Roboam fuit Naama de terra Ammonitarum. 3. Reg. 18. legitur tamen habuisse Salomon filias duas. Una vocabatur Thaphet, & data fuit in vxorem uni de duodecim praepositis eius, qui vocabatur Benabidab 3. Reg. 4. alia vocabatur Basemath, quae data

fuit in vxorem alteri de duodecim praepositis, qui vocabatur Athimaas eodem capitulo. tempore istius Roboam fuit diuisum regnum unicum in regnum Iuda, & Israel. 3. Reg. 12. Iste Roboam habuit vxores decem, & octo, & concubinas sexaginta, & genuit filios viginti octo, & filios sexaginta sequenti libri cap. 11. Omnia autem gesta Salomonis habentur 3. Reg. a principio usque ad duodecesimum capitulum, & sequenti libro a principio usque ad vndecimum capitulum. Gesta autem Roboam habentur 3. Reg. a cap. 12. usque ad 14. & sequenti libro cap. 11. & 12. *Cuius filius Abiam.* Scilicet Roboam genuit Abiam. Iste regnauit pauco tempore, scilicet, tribus annis. 3. Re. 15. & pater suus Roboam decem, & septem annis. 2. Reg. 14. & Salomon auus suus quadraginta annis. 3. Reg. 11. Fuit autem Abia vir bellicosus, & habuit bellum admirandum cum Ieroboam rege Israel, in quo perierunt quingenta milia virorum ex parte Ieroboam sequenti libro. capitulo. decimotertio.

Genuit Asa. Scilicet Abia genuit Asa, scilicet, iste fuit bonus Rex Zelator cultus Dei in principio regni sui, & fere semper abstulit de terra idola, & abominationes, quas fecerant patres sui Reges Iuda, & amouit matrem suam Maacham, ne esset princeps in sacrificijs Priapi 3. Reg. 15. ipse autem confirmauit pactum cum toto Iuda, & multis viris Israel, ut sequerentur Dominum, & fecerunt solennitatem magnam sequenti libro cap. 15. Habuit etiam magnum bellum contra Aethiopes eodem libro capitulo. 14. Et tamen circa finem vitae peccauit, quia non sperauit in Domino, sed in rege Syriae, & posuit in carcere Prophetam Annani increpantem se, ideo iratus Dominus percussit eum dolore pedum podagram patiens mortuus est eodem libro capitulo. 16. regnauit autem annis quadragintauno 3. Reg. 15. Gesta autem habentur 3. Reg. 15. & sequenti libro capitulo. 14. & 15. & 19.

De hoc quoque natus est Iosaphat. Iste fuit rex valde bonus, & regnauit annis viginti quinque. 3. Reg. vlti. nec habuit aliquid reprehensibile, nisi quia auxilium praebuit Acab regi Israel eundo cum eo ad bellum in Ramoth Galaad, & Deus voluit eum tunc occidere, sed propter multa opera bona quae fecit, non occidit eum. Sequenti libro. capitulo. decimonono. Reprehenditur etiam, quia voluit, quod naues suae irent in Ophir pro auro cum nauibus Ochoze regis Israel: ideo Deus confregit eas in Asiongaber eodem libro, capitulo. 20. Fuit autem bellum mirabile tempore huius contra filios Aman, & Moab, & Idumeos, in quo ipsi se occiderunt, Deo agente, & Iudaeis non pugnatoribus, eodem capitulo. Gesta autem huius tanguntur 3. Regum vlti. & habentur plene sequenti libro capitulo. 17. & 18. & 19. & 20.

Pater Ioram. Scilicet, Iosaphat fuit pater Ioram: iste Ioram habuit Athaliam filiam Acab regis Israel in vxorem, quae induxit eum ad omnia mala. 4. Reg. 8. & sequenti libro capitulo. vigesimoprimum. Fuit autem Rex pessimus: regnauitque annis octo, ipse multiplicauit idolatriam, & tempore suo Idumaei, qui subiecti erant regibus Israel cessauerunt soluere tributum, & constituerunt super se Reges: occidit autem iste oēs fratres suos, & multos de principibus Iuda: Deus autem misit contra eum latrones Arabum, & Aethiopum, qui occiderunt omnes filios eius praeter minimum, & ipse morbo insanabili percussus a Deo turpiter interijt: nec populus exhibuit ei honorem, quem exhibebat in funeribus aliorum regum. De his quarto Regum 8. & sequenti libro, capitulo vigesimoprimum.

Qui Ioram genuit Ochoziam. Iste fuit filius Ioram, & Athaliae filiae Acab, & erat minimus omnium fratrum, unde

unde cum occiderentur ceteri, iste vnicus euasit, & vocabatur iste tribus nominibus, scilicet, Ochozias. 4. Reg. 8. vel Achazias. eodem lib. ca. 9. vel Ioatham: sequenti lib. cap. 21. & 22. Iste regnavit anno vno, & occisus est a Iheu simul cum Ioram rege Israel in vrbe Iezrael. 4. Reg. 9. *Ex quo ortus est Ioas.* Ochozias rex multos filios genuit, sed cum Athalia mater eius sciret mortuum illū, conata est occidere omnes nepotes suos filios Ochozie, vt ipsa sola regnaret, & occidit omnes præter Ioas, quem abscondit Iosaba filia regis Ioram, cum esset vnus anni, & mansit absconditus in templo Domini annis sex, & in fine eorum eductus est publicè, & vnctus est in regem, occisaque fuit Athalia. 4. Reg. 11. Regnavit autem annis quadraginta, & fuit bonus quandiu docuit eum Ioiada summus Sacerdos: ipse enim fecit sartatecta templi, & collectionem pecuniæ. 4. Reg. 12. Sed mortuo Ioiada fuit malus, & lapidauit Zachariam prophetam filium Ioiadæ, & fratres eius sequenti libro, cap. vigesimoquarto. Gesta autem huius habentur quarto Regum 11. & 12. & sequenti libro, cap. vigesimo secundo, & vigesimo tertio, & vigesimo quarto.

Et huius Amasias. Scilicet, huius Ioas fuit filius Amasias, & iste erat vigintiquinque annorum, quando cepit regnare, & regnavit annis vigintinovem: habuit autem bellum contra Idumæos, & prævaluit, deosque eorum in bello captos adorauit, & superbia elatus petiuit pugnam cum Ioas rege Israel, & captus est ab eo viuens & ignominiosè ductus in Ierusalem, & postea vero a seruis suis in Lachis occisus est. quarto Regum 14. & sequenti lib. 25.

Genuit Azariam. Scilicet, Amasias genuit Azariā. Iste vocatur aliquando Azarias, & aliquando Ozias. quarto Reg. 15. iste regnavit quinquaginta duobus annis, & fuit rex bonus, & potens in bellis, & famosus, & diues, & edificator vrbium, sed quia conatus est offerre Thymiam coram Domino, sicut Sacerdos, percussus est lepra in fronte: & mansit leprosus vsque ad mortem. Gesta huius habentur quarto Regum 15. & sequenti lib. cap. 26.

Porro Azariae filius Ioatham. Scilicet, Azarias genuit Ioatham: iste fuit bonus rex imitator patris incipiens regnare, cum esset vigintiquinque annorum: regnavit annis decem, & sex. Gesta huius habentur 4. Reg. 15. & sequenti lib. cap. 27.

Procreauit Ahas. Iste cepit regnare cum esset annorum viginti, & regnavit annis decem, & sex, nec habuit aliquid memoria dignum, nisi quod fecit omnia mala idolatriæ, qualia nullus adhuc de regibus Iuda fecerat: tempore autem eius viri de regno Iuda passi sunt mala multa ab Israelitis, & Assyrijs. De his omnibus quarto Regum 26. & sequenti libro, capit. vigesimo octauo.

Patrem Ezechie. Iste fuit optimus Rex: nam ante eum nullus fuit talis Rex præter David: sic dicitur quarto Regum 18. Ipse abstulit omnem idolatriam, & etiam excelsa, quæ nullus rex ante eum abstulerat. eodem cap. contra hunc venit Senacherib rex Assyriorum, & percussus est ab Angelo exercitus eius. quarto Regum 19. Tempore huius miraculosè retrocessit Sol per decem lineas. quarto Regum 20. Iste reparauit cultum Domini perditum sequenti libro, capit. 29. Gesta huius habentur quarto Regum 18. & 19. & 20. & sequenti libro, capit. 29. & 30. & 31. & 32.

De quo natus est Manasses. Iste fuit rex pessimus, nullus enim in regibus Iuda ante eū, nec post eum fuit tam malus in idolatria, & in occisione prophetarū. Nam dñs repleuit Ierusalem sanguine vique ad os. Regnavit autem annis quinquagintaquinq;, & erat

annorum duodecim quando cepit regnare: Gesta huius habentur 4. Reg. 21. & sequenti libro, cap. 33.

Sed, & Manasses genuit Amon. Iste Amon fuit rex valde malus imitator patris, quāquā nō fuit equalis in malitia. Erat autē annorum vigintiduorum quando cepit regnare, & duobus annis tantum regnavit: nam occisus fuit a seruis suis, gesta huius habentur 4. Reg. 21. & sequenti lib. cap. 33. *Patrem Iosia.* Iste Iosias fuit rex optimus: non enim fuit eialiquis rex æqualis inter omnes reges Iuda ante, nec post nisi David 4. Reg. 23. Nam ipse melior fuit quam Ezechias, vt probatum est ibidem. Tempore huius inuēus est liber legis in domo Domini, & ipse fecit restorationem sartatectorum templi. 4. Reg. 22. ipse etiam diligenter abstulit omnem idolatriam de terra occidendo Sacerdotes idolorum super altaria, & cremando ossa eorū ibi, & extumulando mortuos, & cremando ossa eorum super altaria: Regnavit autem annis trigintauno, cepitque regnare, cū esset octo annorū, & a Pharaone rege Aegypti in Magedo sagitta percussus occubuit. 4. Reg. 23. Gesta huius habentur 4. Reg. 22. & 23. & sequenti lib. 34 & 35. *Filij autem Iosia fuerunt primogenitus Tobanias, secundus Ioatham, tertius Sedecias, quartus Sellum.* Ponuntur hic quatuor filij Sedecie, licet in libris Regum non inueniantur nisi tres, & ponitur ordo natiuitatis eorum.

Quare ponuntur hic quatuor filij Iosia.

Quest. VII.

QUÆRITVR Quare Scriptura posuit hic quatuor filios Iosia, cum in omnibus præcedentibus regibus de stirpe David nunquā posuerit nisi vnicum filium, vt patet in litera. Aliquis dicet, quod alij reges præcedentes non gignebant plures filios, sed vnicum quilibet. Ideo nō poterat poni nisi vnus pro quolibet, & tamen genuit Iosias multos, ideo positi fuerūt quatuor, & hoc videtur innui Matth. primo. Vbi ponitur genealogia Christi: nam ponūt ibi omnes isti reges, quia de stirpe eorum venit Christus, & cuiuslibet eorum ponit vnus filius. De Iosia autem dicitur: Iosias autem genuit Ieconiam, & fratres eius. Dicendum tamē, quod hoc falsum est, quia multi istorum regum erant, qui habebant plures filios: Patet enim de Roboam: nam ipse habuit vigintiocto filios, & sexaginta filias, sequenti lib. cap. 11. Abia autem habuit filios viginti, & decem, & sex filias. eod. lib. cap. 13. Iosaphat quoque habuit multos filios, quos omnes occidit Ioram frater eorum eod. lib. cap. 21. & ipse Ioram multos filios habuit, & omnes occisi sunt a latronibus Arabum, & Aethiopum. eod. capitu. idem patet de Ochozia filio eius, qui multos habuit, & occisi sunt ab Athalia eo. lib. cap. 22. imo pauci erant de regibus, qui non haberent plures filios.

ECū autem dicitur, quod Matth. 1. dicitur specialiter de Iosia, quod genuit Ieconiam, & fratres eius, quia multos filios habuit. Dicendum, quod non fuit propter hoc, sed propter aliam causam: sic etiam dicitur ibi de Iacob, quod Iacob genuit Iudam, & fratres eius, & tamen non solum Iacob genuit multos: sed etiam Abraham genuit multos, vt patet supra primo. & etiam Isaac genuit duos: & tamen non dicitur in genealogia Christi Abraham genuit Isaac, & fratres eius, sic vt dicitur Iacob genuit Iudam, & fratres eius.

Dicendum igitur qd fuit hoc propter duo: primo, quia Scriptura computat hic lineā David solum per reges, ideo ponit Scriptura illos filios David, q reges fuerunt: Patet hoc, qd David habuit decē, & nouē filios

filios præter filios concubinarum, & tamen non computatur linea per aliquem illorum, nisi per Salomonem, eo quod a nullo aliorum derivati sunt aliqui reges, nisi a Salomone, ita quilibet de filiis Salomonis, licet habuerit multos filios non nominavit scriptura omnes illos, sed solum illos, qui regnabant, siue maiores, siue minores essent, nullus tamen regum Iuda habuit plures filios, qui regnarent, sed vnicum, ideo cuiuslibet nominatur vnicus filius, Iosias autem habuit multos filios, qui regnaverunt successiue, ideo nominavit scriptura multos filios eius, & ista est causa potissima. Sic etiam Matth. primo, cum vnicus eorum necessarius sit ad lineam Christi, nominantur tamen multi, quia dicitur, quod genuit Ieconiam, & fratres eius, & hoc propter dignitatem regalem. Sic etiam de filiis Iacob dicitur, quod Iacob genuit Iudam, & fratres eius: solus enim Iudas necessarius erat ad lineam Christi, & tamen fecit Matheus mentionem de aliis propter dignitatem, quia non sunt in toto veteri testamento aliqui tantæ dignitatis, nec de quibus tanta mentio fiat, sicut duodecim filii Iacob, qui fuerunt capita duodecim tribuum Israel. Secunda ratio fuit, quia forte intendebat Esdras hic, vel in libro suo facere mentionem aliquam de posteris filiorum Iosiae post captiuitatem Babylonis, & non de posteris filiorum aliorum regum, ideo nominavit multos filios Iosie, & singulorum aliorum nominavit vnicum. Prima tamen ratio melior est.

An verum sit quatuor fuisse filios Iosiae.
Quest. VIII.

QVAERITUR vterius quomodo dicitur hic, quod fuerunt quatuor filii Iosiae, quia 4. Reg. 23. & 24. solum ponuntur tres filii, & illi nominantur regnasse.

Respondendum est, quod ad hoc sunt multae positiones.

Quidam enim dicunt, quod filii Iosiae fuerunt tres solum, sicut habetur in libris Regum, scilicet Ioachaz, Ioachin, & Sedecias, & tamen hic ponuntur quatuor, quia Sedecias, & Sellum, qui ponuntur esse hic duo filii, fuerunt vnus filius, ista est positio Rabbi Salomon. & dicitur, quod Sedecias vocatur Sellum, quod interpretatur consummatio, eo quod in illo consummatum est regnum Iudaeorum: nam tempore ipsius ducti sunt Iudaei in Babylonem, & postea non fuerunt reges de tribu Iuda, sicut prius, sed quidam principes.

Secunda positio est, quod habuerit Iosias quatuor filios, qui nominantur hic, & tamen, quod in libris regum non ponuntur, nisi tres, eo quod illi tres regnaverunt solum. Quartus autem fuit inhabilis ad regnum.

Tertia positio est, quod fuerint quatuor filii Iosiae, & tamen primus eorum, qui ponitur hic non ponatur in libro Regum, eo quod ille mortuus fuerit ante patrem suum, & non regnavit.

Quarta positio est, quod Iosias solum habuerit tres filios, sicut habetur in libro Regum, & quilibet eorum regnaverit, & tamen ponuntur hic quatuor, quia computatur cum eis vnus nepos Iosiae, scilicet secundus Ioachin, nam primus regnavit vnus de filiis Iosiae, & deinde alius, postea vero nepos, deinde filius, ut probatum est 4. Reg. 23. & sic vnus istorum erit nepos Iosiae, & tres erunt filii.

Quinta positio est, quod fuerunt tres filii Iosiae, & tamen ponuntur hic quatuor, quia duo nomina de primis istorum competunt primogenito Iosiae.

Sed dicendum, quod quilibet istarum positionum

F sustinet aliqua inconuenientia. De prima positione patet.

Nam primum inconueniens est contra illam, quia ponit istos duos primos fuisse filios Iosiae eo ordine quo fuerunt in libro Regum, scilicet quod Ioachan sit ille, qui vocatur ibi Ioachaz, & qui regnavit ibi tribus mensibus, & tamen hoc non potest stare, quia hic dicitur, quod primogenitus Iosiae fuit Ioachan, & tamen ille, qui prius regnavit de filiis Iosiae, non fuit primogenitus, sed qui secundo regnavit: nam Ioachaz qui prius regnavit erat vigintitrium annorum, quando cepit regnare, & regnavit solum tribus mensibus, & post illos cepit regnare Ioachin frater eius, & tamen Ioachin quando cepit regnare, erat annorum viginti quinque, de utroque patet quarto Regum vigesimotertio, ergo qui secundo regnavit, scilicet Ioachin erat primogenitus.

Secundum inconueniens est, quia non ponitur hic nomen illius Ioachaz qui prius regnavit, sed dicitur Ioachan, & non apparet, an sit nomen illius.

Tertium inconueniens est, & principalius, quia dicit, quod Sedecias, & Sellum fuerit idem homo, quia hic contrarium est, cum dicantur fuisse quatuor filii Iosiae, & exprimuntur nomina illorum sigillatim.

Quidam autem respondent ad primum inconueniens dicentes, quod Ioachaz qui prius regnavit de filiis Iosiae vocatur primogenitus, non quia primo natus fuerit, sed quia prius regnavit, & in dignitate primogenitus fuit.

Ad tertium inconueniens dicunt, quod idem filius Iosiae habet duo nomina, quia consideratur duabus rationibus. Nam vocatur Sedecias, quia nomen eius erat illud, cum Nabuchodonosor sic eum vocauerit. 4. Regum 24. Vocatur autem Sellum, id est consummatio, vel finis, quia regnum Hebraeorum in eo finitum est.

Sed dicendum, quod prima solutio non stat, quia primogenitus nunquam consuevit vocari in sacra Scriptura, nisi ordine natiuitatis, quoniam aliquis absolute vocatur primogenitus: immo, quod plus est, dato quod aliquis esset primus secundum carnem, & tamen non haberet iura primogeniture, sed pertinerent ad alium, vocaretur ipse primogenitus, sic patet de Ruben filio Iacob, qui fuit secundum carnem primus inter filios eius, & tamen translata sunt iura primogeniturae ab eo in Ioseph infra quinto capitulo. Et tamen ibi nominatur Ruben primogenitus. Potissime autem in libro isto debet observari ordo natiuitatum, & temporum, quia est suppletivus historiaram ad declarandum ea, quae defunt aliis locis scripturae, ideo non debet accipi primogenitus pro eo, qui primus regnavit: nam tunc a fortiori si quis habuisset multos filios, & vnus eorum regnasset, & ceteri non, vocaretur primogenitus ille, qui regnasset. Et tamen falsum est, nam tunc cum de filio Dauid solus Salomon regnavit, ipse debuisset poni primogenitus, sed non ponitur, quia ante eum ponuntur multi fratres sui.

Secunda solutio non conuenit, scilicet, quod vnus de filiis Iosiae habeat duo nomina: nam quod aliquis habeat plura nomina, siue propter vnam rationem, vel multas, non est inconueniens, cum saepe legamus aliquos habuisse tria, vel quatuor nomina, & non assignantur aliqua causa, quare nomina illa habuerint, & tamen etiam si multa nomina habeant, nunquam vocabuntur simul, nisi vno nomine, & tamen hic ponuntur quatuor nomina, ergo sunt quatuor viri.

Secundo patet hoc, & efficacius, quia dato, quod vellemus aliquem nominare simul multis nominibus

bus propter diuersas rationes, quod scriptura non patitur, tamen saltem non vocabitur vnus, quod sit due personæ, & tamen hic necessario ponuntur quatuor personæ cum ponatur primus, secundus, tertius, & quartus filius Iosie: ergo necessario fuerunt quatuor: nam licet aliqua res consideretur sub diuersis rationibus, tamen illæ rationes nunquam ponunt numerum, ita quod res illa nominetur à nobis due res, vel plures, & sic non erit idem Sedecias, & Sellum propter diuersas rationes, vnde non potest stare positio Rab. Salomonis.

Secunda positio erat, quod essent quatuor filij Iosie, sicut ponuntur hic, & tamen in quarto Regum ponantur solum tres, eo quod illi soli regnauerint, & quartus fuerit ineptus.

Sed ista positio non potest stare, primò quia præsupponit, quod isti tres primi fuerint illi tres, qui nominantur quarto Reg. 23. & 24. Et tamen hoc non stat, quia primus istorum non potest esse Ioachaz, eo quod non fuit ille primogenitus, vt probatum fuit supra, & tamen iste Iohanan, qui est hic primus, ponitur vt primogenitus.

Secundum inconueniens est, vt primum, quia hic non vocatur Ioachaz sicut quarto Reg. vigesimo tertio. Et non apparet an Ioachaz, & Iohanan sint idem.

Tertium inconueniens est, & efficacius, quia iste Sellum, qui ponitur hic quartus, necessariò debet poni esse Sedecias filius Iosie: nam ipse vocatur Sellum, vt patet aliquando in libro Ieremiæ, & ista est causa quare Rab. Sal. dicit, quod Sedecias, & Sellum fuerunt idem.

Quarta positio est, quod computentur hic tres filij Sedecie, & vnus nepos eius, quia omnes quatuor regnauerunt.

Sed non est hoc verum. Primò quia nepos ille Iosie, qui regnauit, fuit Ioachin paruulus, qui tribus mensibus regnauit, & tamen non ponitur hic nomen eius.

Secundum inconueniens est, quia isti quatuor nominantur filij Iosie: ideo iudicandum est omnes fuisse filios, & nullum nepotem: nam nunquam recedendum est à sensu verborum sine necessitate, & non apparet hic aliqua necessitas dicendi, quod fuerit aliquis istorum nepos Iosie, sed omnes possunt poni filij eius.

Tertium inconueniens est, & efficacius, quia postquam positi sunt isti quatuor filij Iosie, dicitur quod filius Ioachin fuit Iechonias, & tamen iste Iechonias est secundus Ioachin nepos Iosie, qui regnauit pro patre suo Ioachin, vt sepe ponitur in libro Ierem. l. 22. & 37. cap. ideo isti quatuor fuerunt filij.

Tertia positio erat, quod fuissent quatuor filij, & tamen primus istorum fuerit Iohanan, & ille mortuus fuerit, nec habeatur de eo aliquid in libro Regum, sed ad hoc videtur sequi vnum inconueniens, quia dicemus, quod quartus istorum, scilicet Sellum fuerit ille, qui nominatur Sedecias hic fuerit Ioachaz.

Quinta positio erat, quod essent tres filij sed prima duo nomina essent vnus de filiis Iosie. Sed ista positio habet inconuenientia. Primum est, quia eadem persona vocaretur simul pluribus nominibus, quod non conuenit, licet in diuersis locis nominari pluribus nominibus contingat.

Secundum inconueniens est, quia aut ista duo nomina prima essent illius filij Iosie, qui prius regnauit, vel illius qui secundò. Si illius, qui primo non potest stare, quia ille non fuit primogenitus, vt supra probatum est. Etiam ipse non vocatur Ioachin, sed ille, qui secundo regnauit. Si autem ista duo nomina sint

Alph. Toft. in Lib. I. Paralip.

A eius, qui secundo regnauit, erit inconueniens, quia tunc Ioachaz, qui primò regnauit, vocabitur hic Sedecias, & hoc non conuenit.

Tertium inconueniens est, sicut supra assignabatur, quia hic ponuntur quatuor personæ cum dicantur esse quatuor filij, ideo nullo modo stat, quod fuerint tres tantum, & competant eis ista quatuor nomina.

Dicendum, quod nulla istarum positio conuenit aliquo modo, nisi secunda, & tertia: nam duo inconuenientia vltima assignata contra ipsam non multum militat, quia primum ipsorum non est inconueniens, eo quod necesse est quemlibet istorum nominari pluribus nominibus, & in diuersis locis scripturæ diuersimodè appellari, sicut declarabitur sequenti quæstione.

Secundum etiam inconueniens de nomine Sellum, scilicet quod Sellum sit Sedecias non stat, quia ille, qui vocatur Ierem. vigesimo secundo, Sellum non est Sedecias, sed Ioathan, vt colligitur ibi ex litera.

Sed primum inconueniens semper stat, quia asserit ista positio, quod Iohanan qui hic ponitur fuerit Ioachaz. Et tamen ille non fuit primogenitus, ideo licet ista positio pauciora inconuenientia habeat, quàm ceteræ, tamen non est omnino tenenda.

Tertia positio est vera, scilicet, quod habuerit Iosias quatuor filios, & primogenitus eorum fuerit Iohanan, sicut ponitur hic, & iste non fuerit Ioachaz, nec Ioachin, nec etiam regnauit, sed mortuus est ante patrem suum Iosiam, vel fortè superuixit, & tamè nec populus voluit eum constituere regem, nec Pharaon rex Aegypti quando deposuit Ioachaz de regno, & instituit Ioachin. Sed magis tenendum est, quod mortuus fuerit ante patrem, & tunc manent illi tres filij Iosie, qui nominati fuerunt in libro Regum.

Ad inconueniens, quod allegabatur in contrariū, scilicet, quod qui vocatur in libro Regum Ioachaz vocetur hic Sedecias, & qui vocatur hic Sedecias, vocetur hic Sellum: responderi potest dupliciter, vno modo, quod non sit hic aliqua mutatio nominum, sed quod ille, qui vocatur Sedecias quarto Reg. vigesimo quarto vocetur etiam Sedecias hic, & qui vocatur ibi Ioachaz vocetur hic Sellum. Nam Ierem. vigesimo secundo, ipse Ioachaz vocatur Sellum, vt satis manifestat ibi litera.

Sed tunc aliquis obijciat, quia Ioachaz qui vocatur Sellum erat maior quam Sedecias plusquam decem annis, vt declaratum est quarto Reg. 23. Et tamen hic prius ponitur Sedecias, quam Sellum, quia tertius est Sedecias, & quartus Sellum.

Responderi potest, quod secundus, tertius, & quartus non ponuntur hic ad significandum ordinem temporis, vel natiuitatis, sed solum distinctionem personalem. Si autem velimus, quod isti numeri notent hic ordinem natiuitatis, dicemus aliter, scilicet quod qui vocatur hic Sedecias, vocatur ibi Ioachaz 4. Reg. 23. & qui vocatur hic Sellum, vocatur ibi Sedecias 4. Reg. 24. Et non est illud inconueniens, quia necesse est quemlibet istorum habere plura nomina.

Quæ fuerint nomina vera istorum filiorum Iosie.

Quæst. IX.

QVÆRITVR vterius de nominibus istorum filiorum Iosie. Respondendum est, quod quatuor fuerunt filij Iosie, vt patet hic in litera, & tamen primogenitus illorum mortuus fuit ante patrem suum, & non regnauit, ideo scriptura non facit mentionem eius alibi nisi hic, nec ponit ei aliud nomen, nisi Iohanan, quod hic ponitur. De alijs tribus filiis

H dicen-

dicendum, quod quilibet illorum regnavit, & quilibet habuit multa nomina. Nam primus eorum ordine natiuitatis fuit Ioachin, licet non primo regnauerit, & iste habuit tria nomina. Nam vocatus est Ioachin, quia istud nomen imposuit ei Phara rex Aegypti quando dedit ei regnum quarto Reg. vigesimotertio, & istud nomen est ei quasi semper in scriptura: sic enim vocatur Ierem. vigesimo secundo, & 25. & 26. & 27. & in multis alijs locis. Secundum nomen eius fuit Eliachin, & istud imposuit ei pater suus à natiuitate, & sic vocabatur quando rex Aegypti constituit eum regem quarto Reg. vigesimotertio: tertium nomen istius fuit Iechonias: sic enim vocatur Matth. primo, cum dicitur, quod Iosias genuit Iechoniam, & fratres eius, & non potest intelligi ibi nisi de Ioachin, quia de stirpe illa venit Christus, ut pater immediatè, scilicet, quia dicitur quod Iechonias post transmigrationem Babylonis genuit Salatiel Matthæi primo, & tamen iste Iechonias secundus erat filius primi Iechoniæ, siue Ioachin, ut patet hic: nam dicitur, quod de Ioachin natus est Iechonias. Secundus filius istorum trium erat Ioachaz, qui prius regnavit, quamquam non fuit prior natiuitate, & iste habuit tria nomina, vel quatuor secundum aliam positionem. Primum fuit Ioachaz, sic vocatur quarto Reg. vigesimotertio, & sequenti libro capitulo ultimo. Secundum nomen fuit Iechonias, sic patet secundo Esdræ primo, quia cum dicitur de morte Iosie, sequitur, & assumptes qui erant ex gente Iechoniam filium Iosie constituerunt eum regem pro Iosia patre suo. Et necesse est istum esse Ioachaz, quia dicuntur ibi de illo omnia, quæ dicuntur de Ioachaz quarto Reg. vigesimotertio: nam ibi dicitur, quod populus terre assumpsit Ioachaz in regem, & in Esdra dicitur, quod qui erant ex gente assumpserunt Iechoniam in regem. Secundum est, quia dicitur ibi, quod erat Ioachaz vigintitrium annorum, & in Esdra dicitur, quod Iechonias erat vigintitrium annorum. Tertium est, quia ibi dicitur, quod regnavit tribus mensibus, & in Esdra dicitur de Iechonia, quod regnavit tribus mensibus. Quartum est, quia ibi dicitur, quod Phara abstulit eum esse rex, & preposuit fratrem suum Ioachin. Ita & in Esdra dicitur de Iechonia. Tertium nomen fuit Sellum, ut patet Ierem. vigesimo secundo capitulo. Hec dicit Dominus ad Sellum filium Iosie regem Iuda, & necesse est intelligi de Ioachaz. Primum quia ibi dicitur qui regnavit pro parte suo Iosia, & tamen nullus fuit de filiis Iosie, qui propriè diceretur regnare pro Iosia, nisi Ioachaz, quia ille immediatè regnavit, alij autem post Ioachaz. Secundò patet, quia ibi dicitur, quod egressus fuit de Ierusalem, & non reuersus est ultra in illam, sed mortuus est in terra, ad quam translatus est, quod conuenit Ioachaz, quia rex Aegypti transtulit illum in Aegyptum, & nunquam reuersus est. Nec potest intelligi de Ioachin, quia ipse non fuit translatus ad aliquam terram, de qua non rediret, cum in Ierusalem mortuus fuerit, ut patet Ier. 22. nam ibi dicitur, quod putrefactus eiecitur extra portas Ierusalem. Non potest etià intelligi de Sedecia, quia quoniam ista loquebatur Ieremias, iam translatus erat ille, de quo loquebatur, cum dicat. Qui egressus est de loco isto non reuertetur huc amplius. Et tamen quando ista loquebatur nondum translatus fuerat Sedecias in Babylonem, quia illud fuit antequam caperetur ciuitas, quia Ieremias erat in Ierusalem quando loquebatur ista, cum dicat. Qui egressus est de loco isto non reuertetur huc amplius. Et tamen quando translatus est Sedecias in Babylonem non erat Ieremias in Ierusalem, quia ciuitas debellata fuerat per Chal-

deos: ideo necesse est, quod intelligatur de Ioachaz. Tertius filius Sedecias erat, & iste habuit tria, vel quatuor nomina. Primum nomen suum fuit Mathathias, sic enim vocabatur antequam regnaret quarto Reg. vigesimo quarto. Secundum nomen fuit Sedecias, & istud impositum fuit ei Nabuchodonosor, quando constituit eum regem quarto Reg. 24. Et istud nomen est ei commune fere in tota sacra scriptura, ut patet sequenti libro cap. ult. & sepius in libro Ieremie. Tertium nomen suum potest esse Sellum, sicut vult Rab. Salomon, & licet secundum aliam positionem approbatam, scilicet quod isti tres ultimi filij Iosie essent illi, qui nominantur quarto Reg. 23. & 24. & tunc, quia Sedecias erat ultimus eorum, vocabitur hic Sellum, quia Sellum est ultimus, & secundum istam positionem Ioachin filius Iosie habebit quatuor nomina, scilicet tria supra posita, & quartum, scilicet Sedecias: nam ille, qui vocatur Sedecias in libro regum, vocatur hic Sellum, & ille, qui vocatur ibi Ioachin, oportet quod vocetur hic Sedecias.

De Ioachim natus est Iechonias, & Sedecias.

De Ioachim natus est Iechonias, & Sedecias. Iste Ioachim est secundus filius Iosie supra positus, qui prius vocabatur Eliachim, & quando rex Aegypti constituit eum regem, amoto fratre suo, vocauit eum Ioachim quarto Reg. 23. & iste occisus fuit in Ierusalem, & proiectus extra portas urbis mansit insepultus mandato Nabuchodonosor, de quo Ierem. 22. & declaratum est quarto Reg. 24.

An verum sit Ioachim genuisse Iechoniam, & Sedeciam.
Quæst. X.

QVAERITUR quomodo dicitur hic Ioachim genuit Iechoniam, & Sedeciam: nam videtur, quod nullus istorum fuerit filius eius, quia Iechonias fuit ille, qui vocatus est Ioachaz, ut patet 2. Esdræ 1. & tamē ille non fuit filius Ioachim, sed frater eius. De Sedecia etiam patet, quia Sedecias erat filius Iosie, & non fuit filius Ioachim. Item patet hoc, quia 4. Reg. 24. dicitur, quod mortuo Ioachim regnavit pro eo filius eius Ioachim, & non nominauit eum Iechoniam, vel Sedeciam. Rationedum est, quod Ioachim genuit istos duos, sed Iechonias iste, qui nominatur hic, fuit ille, qui vocatur Ioachim 4. Reg. 24. & patet hoc, quia sic vocatur Ier. 22. scilicet Iechonias filius Ioachim. & Ierem. 28. scilicet Et Iechoniam filium Ioachim regem Iudæ, & omnem transmigrationem Iudæ, qui ingressi sunt in Babylonem ego conuerram ad locum istum. Et tamen filius Ioachim, qui ductus est in Babylonem fuit Ioachim paruulus filius alterius Ioachim 4. Reg. 24. patet hoc Matth. 1. cum dicitur, & post transmigrationem Babylonis Iechonias genuit Salatiel, & illud non potest intelligi nisi de paruulo Ioachim nepote Iosie, cum translatus est in Babylonem cum decem millibus virorum 4. Reg. 25. de Sedecia autem dicendum, quod non accipitur hic pro illo Sedecia, qui fuit ultimus rex Iuda, & translatus est in Babylonem, quia ille fuit filius Iosie, & frater istius Ioachim, sed fuit filius istius Ioachim, de quo non fit mentio in libro regum, eo quod iste non regnavit, & tamen hic fit mentio de illo, quia de eo descendunt aliquæ progenies, quæ redierunt de captiuitate Babylonis.

Filij Iechoniæ fuerunt, Asir, Salatiel, Mechiran, Phadaia, Senefer, & Iecemia, Sama, & Nadabia, de Phadaia orti sunt Zorobabel, & Semei.

Filij Iechoniae fuerunt. Hic ponitur tertium, scilicet A progenies post Babylonis transmigrationem, & omittitur hic progenies Sedeciae, & narratur progenies Iechoniae, quia illa fuit principalis.

Asir Salatiel. De progenie istius Iechoniae venit Christus, ut patet Matth. primo, & primogenitus Iechoniae fuit Asir, & de progenie istius non venit Christus, sed de progenie Salatiel, qui fuit secundus filius.

Mechiran, Phadaia, Senneser, Iecemia, Sama, & Naddab. Isti sex non reperiuntur in libris regum, quia isti fuerunt post captiuitatem Babylonis, nec in aliquo libro scripturae fit mentio de illis, nisi aliquando in libris Esdrae, in quibus ponuntur redeuntibus de Babylone, & ibi fuerunt filij istorum redeuntibus.

De Phadaia orti sunt Zorobabel, & Semei. Iste Phadaia B fuit filius Iechoniae, & cum haberet Iechonias octo filios, non ponitur hic progenies alicuius, nisi istius Phadaia, & habuit duos filios, scilicet Zorobabel, & Semei, & omittitur progenies Semei, & solum ponitur progenies Zorobabel.

An verum sit Zorobabel ortum fuisse de Phadaia.

Quest. II.

QUAE R I T U R quomodo dicitur hic, quod de Phadaia ortus est Zorobabel: nam Zorobabel fuit filius Salatiel, ut patet Aggei primo, & secundo cap. scilicet: Factum est verbum Domini in manu Aggei ad Zorobabel filium Salatiel. Sic etiam dicitur Matth. primo Salatiel autem genuit Zorobabel.

Ad hoc respondetur tripliciter, vno modo, quod Salatiel, & Phadaia, qui ponuntur hic inter filios Iechoniae, non fuerunt duo filij, sed vnus, & ideo si Zorobabel erat filius Salatiel, erat etiam filius Phadaia, quia idem sunt.

Alio modo potest dici, quod Zorobabel fuit filius Salatiel, & non Phadaia, & quod Salatiel, & Phadaia, qui ponuntur inter filios Iechoniae fuerint duo filij eius. Et quando dicitur hic, quod Zorobabel fuit filius Phadaia, dicendum, quod iste Phadaia est Salatiel, & tamen non est iste Phadaia, qui ponitur supra inter filios Iechoniae, & sic dicemus, quod fuerint duo filij Iechoniae, qui vocantur Phadaia, sicut supra duo filij Dauid ponuntur, qui vocabantur Eliphaleth, & alij duo filij eiusdem, qui vocabantur Elisama, & vnus istorum vocatur Phadaia, & Salatiel, & alius vocabatur solum Phadaia.

Tertio modo potest dici, quod Phadaia, & Zorobabel totaliter differant, & cum dicitur hic, quod Phadaia genuit Zorobabel. Dicendum, quod non sit iste Zorobabel, qui ponitur in genealogia Saluatoris, sed ille fuerit alius Zorobabel filius Salatiel, & de illo dicitur Aggei primo, & secundo, & Matth. primo. Et istud valde conueniens est, quia multoties filij duorum fratrum vocantur eodem nomine, & sic Salatiel habuit vnum filium nomine Zorobabel, & Phadaia frater suus habuit filium alium nomine Zorobabel.

Prima positio istarum non stat, quia tunc non poneretur quodlibet nomen istorum pro vno filio Iechoniae, sed sicut diceremus quod Phadaia, & Salatiel erant nomina eiusdem viri, sed hoc absurdum est: nam tolleretur tunc certitudo scripturae, quia cum scriptura dicit de aliquo, quod genuit talem, & ralem, & ponit quinque vel sex, possemus dicere, quod omnes illi erant vnus homo, & sic nunquam constaret nobis de aliquo in scriptura, quot filios gigneret, licet nomina omnium ponerentur in litera, quod est valde absurdum.

Alph. Tost. in Lib. I. Paralip.

Secunda, & tertia positio possunt stare, & videtur ex vna parte tertia esse rationabilior, quam secunda, scilicet, quod non sit iste Zorobabel, qui ponitur in genealogia Saluatoris. Et hoc propter duo: primo quia ille vocatur filius Salatiel, iste autem filius Phadaia. Secundo quod progenies Zorobabel ponitur hic, & tamen non ponitur inter filios suos ille, qui ponitur Matth. primo esse filius Zorobabel: nam ibi dicitur, quod Zorobabel genuit Abiud, & hic non ponitur inter filios Zorobabel ille Abiud. Secunda tamen positio videtur esse rationabilior quam tertia ex alia parte, quia Salatiel, qui ponitur in genealogia Saluatoris habuerit filium Zorobabel, qui fuit princeps in reditu de Babylone, & sit magna mentio de eo tanquam de principe in libro Esdrae, ut patet primo Esdrae tertio, & in alijs locis, & etiam Aggei primo, & secundo. Et etiam Zacha. quarto. Et tamen si iste Zorobabel, qui dicitur hic esse filius Phadaia, non esset filius Salatiel, non esset ipse princeps in redeuntibus de Babylone, & tunc videtur inconueniens, quod Esdras narraret progeniem illorum, qui fuerunt minus principales in reditu de Babylone, & omiserit progeniem principum. Si autem velimus tenere istam positionem, patet responsio ad rationes, quae fiebant confirmando positionem tertiam. Prima est, quod iste Zorobabel vocetur filius Phadaia, & ille, qui habetur Matth. primo vocetur filius Zorobabel, tamen hoc non est inconueniens, quia ut supra declaratum est in filiis Iosue, idem homo habet multa nomina.

Ad secundam rationem dicendum, quod inter istos filios Zorobabel, qui ponuntur hic ponitur Abiud filius Zorobabel, qui ponitur in genealogia Christi: Matth. primo. Et tamen ponitur sub alio nomine, quia forte est iste, qui vocatur hic Mosollam, vel Ananias, & quia idem homo frequenter habet multa nomina, ut supra declaratum est, vocabitur vno nomine in vno loco scripturae, & in alio vocabitur alio nomine. Potest ergo teneri quaecunque positio istarum duarum.

Zorobabel genuit Mosollam, Hanania, & Salomith sororem eorum, Hasaban quoque, & Ohol, & Barachian, & Asadian, & Iosabheseth quinque. Filius autem Hananiae, Phaltias pater Ieseia, cuius filius Raphaia. Huius quoque filius Arnan, de quo natus est Obdia, cuius filius fuit Sechenias. Filius Secheniae, Semeia, cuius filij Hattus, & Iegaal, & Baria, & Naaria, & Saphat, & Sesa sex numero. Filius Naariae, Elioenai, & Ezechias, & Ezrican tres. Filius Elioenai Oduia, & Elia sub, & Phelcia, & Accub, & Ionan, & Dalia, & Anani septem.

Zorobabel genuit Mosollam, Hananiam. Continuat hic progenies per vnum de filiis Phadaia, quia licet genuerit duos, scilicet Zorobabel, & Semei, non computatur progenies vtriusque, sed solus Zorobabel. Et dicitur, quod Zorobabel genuit istos duos, & nominantur isti sepe in libro Esdrae, potissimum ipse Mosollam.

Et Salomith soror eorum. Ista Salomith, quam fuerit femina

mina nominatur hic inter fratres suos, sicut interdū nominantur alię mulieres inter viros, vt patet supra primo, & secundo, et etiam sequenti capitulo, & non est ista illa Salomith, de qua habetur Leuit. 24. quę fuit mater illius, qui lapidatus est, quia colligebat ligna in Sabbatho, quia illa fuit in deserto tempore Moyſi, immo etiam fuit in Aegypto, ista autem Salomith fuit post reditum de Babylone. Etiam illa fuit de stirpe Dan, quia dicitur ibidem, quod fuit filia Dabai, & de stirpe Dan, & tamen ista Salomith, de qua hic dicitur fuit de tribu Iuda, cum fuerit soror istorū virorum, qui erant de tribu Iuda: ideo non potuit esse eadem, immo necesse fuit, quod illa esset ante istā quasi per mille annos, quod pater computando tempora media ante exitum de Aegypto vsque post reditum de captiuitate Babylonis, solum ergo est hic similitudo nominum. Nominatur autem hic ista mulier, quia ipsa fuit famosa tempore suo, vel propter filios, quos habuit, vel propter aliquid quod egit.

Asaba quoque, & Ochol, & Barachian, & Asadian. Isti etiam fuerunt filij Zorobabel genuit post natiuitatē Salomith sororis eorum, & non reperiuntur nomina eorum nisi in Esdra. Iste Barachias secundū quosdam putatur esse ille, cuius fuit filius Zacharias propheta, qui fuit vltimus inter prophetas minores, & quantum ad tempus satis videtur conuenire, quia ille Zacharias prophetauit post reditum de Babylone, & etiam iste Barachian fuit post reditum de Babylone. Sed videtur obſtare, quia Barachias pater Zacharię dicitur esse filius Ado, vt patet Zach. primo, & tamen pater istius Barachię est Zorobabel, vt patet in litera: ideo magis videtur conuenire quod fuerit alius Barachias pater Zacharię quam quod iste.

Iosabheseth quinque. Iste Iosabheseth fuit vltimus filiorum Zorobabel. Aliquando tamen accipitur Iosabheseth pro femina, vt patet sequenti lib. capit. 22. cum dicitur. Porro Iosabheseth filia regis tulit Ioas filium Ochozię, & furata est eum. Et ista vocatur Iosaba quarto Reg. vndecimo, & non est hoc inconueniens, quia frequenter idem nomen competit viro, & femina, vt patet in his nominibus Thamna, & Oolibama, vt declaratum est supra primo cap. in fine. Sed dicitur quomodo dicitur hic, quod erant isti quinque fratres, quia septem erant etiam non computata sorore Salomith, vt patet in litera? Dicendum, quod non computatur in ista summa omnes filij Zorobabel, sed solum illi qui nati fuerunt post Salomith sororem suam, & duo primi excluduntur.

Filius Hanania. Omititur progenies omnium sex filiorum Zorobabel, & describitur progenies solius Hananię, quia iste fuit precipuus inter fratres suos in reditu de Babylone, & ob hoc quidam putant istum fuisse Abiud, qui ponitur filius Zorobabel, vt patet Matth. primo, & motiuum est, quia illi, per quos derivatur linea Christi fuerunt principes tempore suo in reditu de Babylone, & quia hoc verisimile est, quod Esdras potius computet generationem principum, quā illorum, est verisimile, quod iste Hananias fuerit Abiud filius Zorobabel. *Phaltias pater Ieseie.* Scilicet Phaltias fuit filius Hananię, & fuit pater Ieseie, & iste modus ponitur ad abbreviandum loquutionem, vt patet supra in multis. In Hebręo ponuntur hic Phaltias, & Ieseias, & tamen non est litera tam completa sicut ista: ideo non ponitur pater Phaltie, nec Ieseie, hic autem litera nostra suppleuit illud ad tollendum dubiū, & sic est in multis alijs, vt patet supra primo. Cum dicitur Adam, Seth, Enos, Chainan, &c. Et in quolibet intelligitur pater, vel genuit, s. quod quilibet fuit pater sequētis, vel genuit ipsum. *Cuius filius Raphaia.* Sci

licet Ieseias genuit Raphaia, & iste non nominatur nisi in libris Esdrę. *Huius quoque filius Arnan.* Scilicet Raphaia genuit Arnan: differt enim Arnan ab Amran, quia Amran fuit pater Moyſi, & Aaron Exod. secundo, & septimo.

De quo natus est Obdia. Nomina istorum non sunt multum cognita, quia non leguntur de eis aliqua facta notabilia in scriptura.

Cuius filius fuit Sechenias. Scilicet Obdia genuit Secheniam, & etiam iste nominatur in libris Esdrę.

Filius Sechenie Semeia. Non derivatur hec progenies nisi per vnum, quia licet quilibet istorū haberet multos filios, scriptura nō vult interdum nominare illos, sed vnum ex eis, quia forte ille fuit precipuus, & narrat progeniem per illum.

Cuius filius Athus, & Iegal, & Baaria, & Naaria, & Sophat, & Sesa. In omnibus precedentibus ponebatur pro quolibet vnus filius. Hic autem ponuntur sex filij Semeie, & forte hoc fuit, quia iste Semeia habuit filios famosos tempore suo, ideo scriptura voluit nominare illos, sicut diximus supra de filiis Ioseph: nam nominati fuerunt quatuor, eo quod illi fuerunt viri honorabiles: nam tres illorum regnauerunt.

Sciendum autem, quod iste Sophat nō est Sephar, qui est vnus de amicis Iob, qui loquuntur ad eum sepe in libro suo, & vocatur Sophar Naamathites, vt patet Iob vndecimo, & vigesimo. Nam ille fuit de stirpe Idumęorum, iste autem fuit de tribu Iuda, etiā ille fuit multo tempore ante istum, quia Iob fuit tempore Abrahę, vel Elau, vt declaratum est Gen. vigesimosecundo, & trigesimo sexto. Iste autem fuit post captiuitatem Babylonis, & inter istud tempus, & illud fuerunt plusquam mille anni.

Dicendum etiam, quod iste Sesa, de quo hic, non est Sasan de quo habetur precedenti cap. quia ille fuit de stirpe Ieramehel filij Hestō, iste autem fuit de progenie Dauid, & sic fuit de stirpe Ram, qui fuit frater Ierameel precedenti cap. *Sex numero.* Scilicet Semeia filij sunt sex. *Filius Naarie.* Iste Naaria est quartus filius Semeie, & quamquam ille habuerit sex filios, non ponitur progenies illorum alicuius nisi Naarie, eo quod iste fuit precipuus inter fratres suos. *Elio Enai, & Ezechias, & Ezrican tres.* Idest isti tres fuerunt filij Naarie. Iste Ezechias, non fuit ille Ezechia, de quo supra dicitur, quia ille fuit rex multo tempore ante captiuitatem Babylonis, & iste Ezechias non fuit rex, & fuit aliquanto tempore post captiuitatem Babylonis. *Filij Elioenai, Adina, & Eliasub.* Quamquam essent hic tres fratres solum posuit Esdras progeniē vnus eorum, quia ille erat precipuus. Iste Eliasub, de quo hic, differt ab illo, qui vocatur Eliasib, & fuit summus sacerdos, de quo fit mentio in libris Esdrę, quia ille erat de progenie Leui, cum esset summus sacerdos, iste autem erat de progenie Iuda.

Pheleia, Iaccub, & Iohanan. Iste Iohanan non est Iohanan, de quo habetur supra in litera, quia ille fuit filius Iosia ante captiuitatem Babylonis, iste autem fuit post reditum de Babylone aliquanto tempore.

Et Dalaia, & Anani, septem. Iste Anani non est ille, qui fuit propheta, de quo tertio Reg. decimo sexto, & sequenti libro capitulo decimo sexto. Nam ille fuit tempore Aſa regis Iuda, & ipse increpuit eum, & propter hoc posuit eum in carcere sequenti libro capitulo decimo sexto. Et tamen post mortem Aſa ipse iterum increpuit Iosaphat filiū Aſa, eo quod prębuisset auxilium regi Achab, qui erat idolatra eodem lib. cap. 19.

Quare non posuit Esdras plures generationes, & quomodo tot potuit ponere. Quest. XII.

Quare scriptura ponit hic de stirpe Iudæ. Quest. I.

QUÆRITUR quare Esdras non posuit hic plures generationes, cum posuisset aliquas post reditum de Babylone, & quomodo tot potuit ponere. Ad primum dicendum, quod Esdras in hoc libro cepit generationes à principio seculi ab Adam, & continuat eas usque ad tempus suum: ipse. n. natus fuit in Babylone, & rediit inde tanquam princeps Iudeorum iubente Cyro rege Persarum, & vixit postea magno tempore in terra Iudæ, & ipse voluit continuare generationes, quas ipse videre potuit cum loqueretur hic tanquam historiographus, & non tanquam propheta, & quia non fuerunt plures usque ad ipsius suum, non locus est de pluribus. Circa secundum aliquis dicit, quod videtur Esdras non potuerit tot generationes describere, quia non potuit tot videre: nam ipse natus est in Babylone, & erat iam vir ætatis maturæ, quando rediit in terram Iudæ, cum commiserit ei rex quasi curam de omnibus Iudeis, ut poneret Iudices, & principes in terra, & quod doceret omnes imperitos in lege, ut patet Esdræ 1. c. 7. Et sic non poterat vivere multo tempore postquam veniret de Babylone, & consequenter non videret multas generationes. Respondendum, quod Esdras potuit videre, & vidit omnes istas generationes, quæ habentur hic: nam generationes, quæ fuerunt hic post transmigrationem de terra Iuda in Babylonem fuerunt ab illo loco ubi dicitur filii Iechoniæ fuerunt Asir, & Salatiel: nam Salatiel natus est in Babylone, ut patet Matth. 1. c. Et post transmigrationem Babylonis Iechonias genuit Salatiel. Duo autem sunt, qui faciunt ad hoc, quod Esdras posset videre omnes istas generationes. Primum est, quia hic non solum computantur generationes, quæ fuerunt post reditum de Babylone, sed etiam illæ, quæ fuerunt per septuaginta annos in Babylone. Colligendo autem illos annos cum annis, quibus vixit Esdras post reditum de Babylone, poterunt omnes generationes, quæ habentur hic transire, & sic aliquæ istarum essent in extremo tempore vite Esdræ, ut videret Esdras illos noviter natos, quando scribebat librum istum, & describeret eos, posteros autem videre non potuit. Secundum fuit, quia generationes in illis temporibus paucos annos continebant, sicut & nunc, quia in vigesimo anno, & infra homines gignunt, unde in centum, & quinquaginta annis poterant transire octo generationes.

C A P. III.

ILII Iuda, Phares Hefron, & Charmi, & Hur, & Subal. Raia verò filius Sobal genuit Iahath, de quo nati sunt Ahumai, & Laad. Hæ generationes Sarathi. Ista quoque stirps Ethan Iesrahel, & Iesema, & Iedebos. Nomen quoque sororis eorum Asalephuni.

CONTINUATA in precedentibus progenie Iuda per David usque post Babylonis transmigrationem, hic redit scriptura ad quarundam partium eius enumerationem, & dividitur in duas. Quia primo ponitur de progenie Iudæ. Secundo de progenie Simeonis: nam filii Simeonis habitaverunt in sorte Iuda: Iosue 19. Ideo enarratur progenies simul virorumque, ibi. *Filij Simeon*. Prima in duas. Quia primo agitur de progenie Phares, & Zaram filiorum Iudæ. Secundo de progenie Sella ibi. *Filij Sella*.

Alph. Tostan Lib. I. Paralip.

QUÆRITUR circa primum quare ponitur hic de stirpe Iudæ cum iam illa progenies continuata fuerit usque ad tempus Esdræ post reditum de Babylone, & non poterat plus continuari. Respondendum est, quod conveniens fuit hoc fieri. Pro quo sciendum, quod in stirpe Iudæ sunt multe lineæ, quarum quedam continuatæ fuerunt, & aliæ non illæ autem, quæ non fuerunt continuatæ, vel quarum aliquæ partes fuerunt omisse, continuantur hic. Et sciendum ad hoc, quod Iudas habuit quinque filios, scilicet tres de vxore sua filia Sue Chananei, & isti fuerunt hi: Ona, Her, Sella. Duo fuerunt de nuru sua Thamar, scilicet Phares, & Zaram. Gen. 38. duo autem istorum, scilicet Her, & Ona non habuerunt filios, quia cum essent mali occisi fuerunt à Domino antequam haberent filios eod. cap. Manent autem tres, qui habuerunt filios, & à quibus derivatæ sunt progenies in tribu Iuda, scilicet Sella, Phares, & Zaram, & nominatæ sunt tres familie ab his, scilicet familia Selaitarum, & Pharesitarum, & Zareitarum: Num. 26. De familia autem Sella nihil tactum est precedent. c. nec sup. 2. ideo de hac supplendum est hic. Non fuit tamen magnus numerus virorum in hac familia: ideo Raei ponuntur de filiis Sella hic. De familia autem Zare tactum est supra secundo, & tamen pauca dicta sunt, hic autem ponuntur aliquæ generationes de illa, sed pauce, de familia autem Phares fere dictum est, quidquid habetur precedenti capit. & supra secundo, & de illa etiam fere dicitur quidquid habetur hic, & ratio huius est propter duo. Primo quia ista familia fuit magis multiplicata in prole quam aliæ duæ familie, sicut fiebat in quibusdam tribubus respectu aliarum, quia tribus Iuda erat maior quam quælibet tribus de Israel, ut patet in duabus numerationibus factis in deserto: Num. primo, & 26. Etiam quando David numeravit totum Israel, inveniuntur tot de Iuda sicut in quinque, vel sex tribubus alijs, ut patet secundo Reg. cap. ultimo, & infra 21. Et etiam quedam tribus fuerunt semper parvæ in numero proles, sicut dicitur infra in litera de tribu Simeon, scilicet fratres autem eius non habuerunt filios multos, & universa cognatio non potuit adæquare famam filiorum Iuda.

Secunda ratio fuit, quia familia Phares fuit dignior propter David qui fuit de illa, & liber iste ordinatur precipue ad actus David: ideo Esdras curavit diligentius describere familiam Phares, quam Sella, & Zaram.

An hic in scribendo sit ordo mutatus. Quest. II.

QUÆRITUR ulterius an ea, quæ habentur hic fuerint post precedentia, vel sit ordo mutatus. Respondendum, quod sicut dicebatur precedenti capitulo non potest esse continuatio proprie nisi in historijs, quæ partes habent ordinem naturalem secundum tempus, hic autem non ponitur historia, sed descriptio progenierum, potest tamen esse continuatio in istis, vel discontinuatio, scilicet si generationes hominum describantur eo ordine, quo homines se habuerunt in essendo. Hic autem dicendum, quod non servatur iste ordo, quia in fine precedentis c. dictum est de progeniebus quibusdam in tribu Iuda, quæ fuerunt post reditum de Babylone. Hic autem ponuntur aliquæ progenies, quæ fuerunt antequam Israelitæ descenderent in Aegyptum, scilicet Phares genuit Hefron, & sic inter ea, quæ habentur in fine precedentis capit. & in principio huius interciderunt plures quam mille anni, quibus ista fuerunt priora, & sic est hic recapitulatio, & mutatio ordinis, & tamen

hoc fuit necessarium ad hoc, quod quolibet generatio per se continuaretur, scilicet, quod postquam inciperet una linea describi à principio tribus continuaretur usque ad tempus Eudre, ne si interromperetur fieret minus intelligibilis.

Filij Iuda. Hic incipit continuari progenies ab ipso Iuda, & ponuntur hic multi filij eius. Sed non est intelligendum, quod omnes, qui ponuntur hic fuerint filij Iuda immediate, sed fuerint filij per successionem: nam Hefron non fuit filius Iuda, sed nepos, & sic de Hur, & Sobal, sed intelligitur istud sicut dicitur sup. 1. Adam, Seth, Enos, Chanan, &c. Et intelligitur de quolibet illorum, quod fuit pater sequentis.

Phares, & Hefron. Iste Phares est filius Iude de nuptiis Thamar, & vocatus est Phares, id est diuisio, quia diuisit, vel rupit pelliculam secundam. frater autem eius fuit Ziram, qui prius volens egredi de utero produxit manum, & ligavit obsterit in digito eius filium coccineum, & regressus est in uterum, frater autem totus Phares egressus est Gen. trigesimo octavo, Hefron autem fuit nepos Iude, & filius Phares: habuit enim Phares duos filios, scilicet Hefron & Hamul, & ab istis nominatae sunt duae familiae, scilicet Hefronitarum, & Hamulitarum, ut patet Numeri vigesimo sexto, & Gen. 46.

Et Charmi. De isto Charmi est dubium de qua stirpe fuerit, scilicet an fuerit de filiis Phares, vel de filiis Zare, videtur autem magis dicendum, quod fuerit de familia Phares, quia ponitur hic Phares tanquam caput istius progeniei, & de Zaram nihil dictum est: ideo videtur, quod omnes hic nominati pertineant ad familiam Phares.

Aliquis tamen dicet, quod fuerit de familia Zare iste Charmi, quod patet, quia sup. 2. cap. dicitur filius Zamri, Charini, & tamen Zamri est filius Zare, ut patet ibidem.

Secundo patet, quia ponitur hic Hethan, & tamen ipse est de progenie Zare sup. 2. scilicet filij Zare Zamri, & Hethan, & Heman. Dicendum tamen quod iste Charmi non est de stirpe Zare, sed Phares, & prima ratio non tenet, quia quamquam quidam Charmi reperitur in progenie Zare, alij possunt reperiri in progenie Phares, cum multi homines sint eiusdem nominis. Secunda ratio non tenet propter duo. Primo quia dato, quod Hethan esset in stirpe Zare, poterat alius Hethan esse in stirpe Phares, sicut dictum est de Channi. Secundo patet, quia praesupponitur falsum: nam non ponitur Hethan hic sicut supra 2. capit. sed Hethua & supra dictum Hethan, ut patet in Hebraeo, licet in multis bibliis nostris sit corruptum. Ratio autem quare oportet poni omnes istos in stirpe Phares patet, quia dicitur inf. isti sunt filij Hur primogeniti, Ephraim est de stirpe Phares, quia est filius Caleb, & iste filius Hefron & Hefron filius Phares sup. 2. cap. Et Hur. Iste Hur est filius Caleb, de quo dicitur supra capit. 2. & quamquam ibi posite fuerunt aliquae progenies eius, ponuntur hic aliae, quae omisse fuerant. Non est tamen iste Hur autem Beleb, qui construxit tabernaculum Domini, ut ibidem declaratum est. Et Sobal. Iste Sobal est filius Hur, ut patet supra 2. cap. & vocatur pater Carathiarum. *Raia vero filius Sobal genuit Geth.* De isto Raia nihil fuerat positum supra 2. capit. ideo cetera, quae sequuntur pertinent ad suppletionem. Geth aliquando est nomen viri, & aliquando nomen urbis: nam in terra Philistinorum erat una de sex metropolibus, quae dicebatur Geth rex, & ad eam fugit David quando mutavit faciem suam, & collabebatur in terram primo Reg. vigesimo primo, ad istam etiam urbem postea ipse fugit, & mansit ibi quatuor

mensibus usque ad mortem Saulis eodem libro c. 27. hic autem accipitur pro nomine viri.

De quo nati sunt Ahumai, & Laad. Isti duo fuerunt filij Geth, & non est iste Ahumai ille, qui vocatur Achyma Iosue 15. & Iudic. 1. quia ille fuit quidam gigas in Hebron antequam veniret Israelites in terram Chanaan, & occidit postea Chalephistos gigantes eo, cap. Nec etiam est iste Achymaas, de quo habetur secundo Reg. 17. nam ille erat de sacerdotibus, scilicet filius Sadoch sacerdotis magni eod. lib. cap. 25. & tamen iste erat de tribu Iuda. *Haec cognationes Sarathi.* Idest ab istis descenderunt cognationes Sarathi, quae sic appellatae sunt.

G Nicolaus autem vult istas fuisse cognationes Saraitarum, & Esthaholarum, de quibus habetur sup. 2. & in multum differt inter Saraitas, & Sarathi.

Ista quoque stirps Hethan. Scilicet ista, quae sequitur. Nam isti, qui sequuntur sunt filij Hethan, & ideo sunt de stirpe eius. Sciendum, quod hic est litera corrupta: nam debet dici Hethua, & dicitur Hethan, ut patet in Hebraeo, & nimis differt inter istos, quia Hethan est de progenie Zare sup. 2. Hethua vero est de progenie Phares, & ideo aliqui habent occasionem errandi, putantes quod iste sit Hetha, de quo dicitur sup. 2. & sic credunt quod ponatur aliquid hic de stirpe Zare. Sciendum etiam quod Hethua, vel Ethna aliquando est nomen proprium montis in Sicilia, de quo magni ignes erumpunt, sunt enim loca sulphure plena, & à multis puratur esse os inferni. De hoc Ovidius Mera. 14. C.

Iamque giganteis iniectam faucibus Ethnam:

Hic tamen accipitur pro nomine viri. *Iezrahel.* Iste est filius Hethuam, aliquando tamen accipitur Iezrahel pro urbe: nam una urbs est in sorte Iude, quae vocatur Iezrahel: Iosue 15. & alia eiusdem nominis in sorte Manasse: Iosue decimo septimo. Dicit autem Glo. ord. interlinearis, quod ab isto viro nominata fuit ciuitas Iezrahel, sed non apparet hoc satis verisimile, cum illae duae urbes vocarentur sic antequam Israelites venirent in terram Chanaan, unde & in diuisione terre illius sic vocabantur istae urbes, Iosue decimo quinto, & decimo septimo. *Iesema, & Zedeboz.* Isti duo & plurimi aliorum qui ponuntur hic, fere innominati sunt in scriptura, eo quod non leguntur de eis aliqua memoranda. *Nomen quoque sororis eorum Asalephuni.* Ista fuit filia Hethuam, & nominatur hic inter fratres suos, errant autem aliqui in isto nomine, quia aliqui diuidunt illud in duo, ita quod Asalel sit vnus nomen, & Phuni aliud, sed errant, cum litera dicat esse nomen vnus mulieris.

Quaenam fuerit ista Asalephuni, & quare hic inter viros ponitur. *Quest. III.*

K **Q**VAERITVR, quae fuit ista Asalephuni, & quare ponitur hic inter viros, cum scriptura non consuecat nominare mulieres in deriuatione progenierum.

Ad primum quidam dicunt, quod ista fuerit mater Samsonis, & hoc tenet Rabanus, & Glo. ord. cum ait: Hanc suspicantur matrem Samsonis de stirpe Iudae, cuius maritus Manne de tribu Dan de Sarraa, ut patet Iud. 13. Et tunc secundum istos respondebitur ad secundum, scilicet quod ideo posita fuit hic, quia fuit mulier memorabilis propter famam filij sui Samsonis. Dicendum tamen, quod ista positio non est rationalis. Primo quia non habet aliquod motum, sed temere asserit fuisse matrem Samsonis: nam eodem modo potuisset asserere quod erat mater David, vel cuiuscunque de viris famosis in Israel.

Secundo quod ista positio repugnat legi: nam Manus

Manue pater Samsonis erat de tribu Dan, vt patet A
Iudic. decimotertio, & tamen Deus iusserat. Numeri ultimo, quod omnes viri acciperent vxores de tribubus suis, & omnes foeminae acciperent viros de tribubus suis: ideo credendum est, quod Manue, cum esset vir bonus non infringeret legem: ideo nisi manifeste appareret, quod illa erat de alia tribu, quam vir suus, tenendum est, quod fuerit de tribu Dan. Et hoc idem dicendum est de omnibus vxoribus Hebræorum. Nam quodcumque dicitur de aliquo q̄ accepit vxorem, & nō dicitur de qua tribu, intelligendum est, quod accepit de tribu sua sequendo ius commune. Dicendum ergo est, q̄ ista nō erat mater Samsonis, sed quædam alia mulier propter aliquam excellentiam virtutis, vel forte propter filios, vt si habuerit aliquos filios viros clarissimos.

Phanuel autem pater Gedor, & Ezer pater Hossa. Isti sunt filij Hur primogeniti Ephratha patris Bethlehem.

Phanuel autem pater Gedor. Iste Phanuel fuit filius alicuius filiorum Ethnā, vel filij eius Afael Phuni. Et quia ponuntur hic illi immediatē, non dicitur quis fuerit pater istius Phanuel, quia intelligitur, quod fuit de stirpe eorum. Gedor potest hic accipi pro nomine viri, qui fuerit filius Phanuel, vel accipi pro loco, scilicet quod fuerit Phanuel pater Gedor, idest dominus.

Et Ezer pater Hossa. Iste Ezer etiam est de stirpe Ethnā: ideo non ponitur pater eius, & potest accipi hic Hossa pro nomine viri, vel pro aliquo loco: nam quædam ciuitas erat in sorte Afer sic dicta: Iosue 19. scilicet vsque ad urbem munitissimam Tyrum, & vsque Hossam, vel potest esse nomen viri. Dicit autem Glo. ord. & Rabanus, quod Gedor, & Hossa loca sunt à filiis Hur possessa.

Isti sunt filij Hur primogeniti Ephratha. Scilicet isti supra dicti sunt de progenie Hur, qui fuit primogenitus Ephratha, & non Caleb, licet fuit filius Caleb supra secundo, & hoc quia Caleb habuit multas vxores, & primogenitus eius fuit Mosā supra secundo capitulo, & tamen de Ephratha non habuit alium filium Caleb ante Hur, & sic fuit primogenitus matris, & non patris, ita aliquando dicitur filius vnigenitus matri, & non patri, sicut patet de Salomone qui dixit de se Proverb. quarto. Nam & ego vnigenitus fui coram matre mea, non tamen erat vnigenitus respectu patris, quia pater eius multos filios habuit: nam decem & nouem filij eius ponuntur precedenti capitulo.

Patris Bethlehem. Idest Hur fuit pater Bethlehem. Est Bethlehem nomen viri, & nomen loci, vt declaratum est supra 2.

An verum sit quod Hur fuerit pater Bethlehem.
Quæst. IIII.

QUÆRITVR quomodo dicitur hic, quod Hur fuit pater Bethlehem, quia supra secundo dicitur, quod Salma fuit pater Bethlehem, potest responderi vno modo, quod vterque istorum fuit pater Bethlehem æquiocē: nam Bethlehem accipitur dupliciter: vno modo pro viro, alio modo pro loco. Potest dici vnus istorum pater Bethlehem, idest illius viri, qui vocabatur Bethlehē, & alius vocatur pater Bethlehem, idest dominus vrbis Bethlehem.

Alph. Tost. in Lib. I. Paralip.

Alio modo potest responderi, & melius, quod vtroque accipiat Bethlehem pro viro sic nominato, & dicitur tamen, quod Salma fuit pater Bethlehem, quia secundum veritatem ille fuit pater eius immediatus, & Hur est pater Salma supra secundo, & sic est auus Bethlehem, aui tamen interdum vocantur patres, immo omnes superiores possunt vocari patres: sic enim patet quarto Reg. octauo, vbi Athalia vocatur filia Achab regis Israel, & iterum vocatur ibidem filia Amri, & tamen Amri erat pater Achab, & sic vocatur filia patris & aui.

Assur verò patri Thecuz erant duæ vxores Alaa, & Naara. Peperit autem ei Naara Oozam, & Hephher & Themani, & Aastari. Isti sunt filij Naara. Porro filij Alaa Seret, & Saar, & Ethnan: Cos autem genuit Anob, & Soboba, & cognationem Aharchel filij Arum.

Assur verò patri Thecuz, erant duæ vxores Alaa, & Naara. De isto Assur non dicitur cuius filius erat, sed tenendum est, quod fuerit filius Bethlehem: nam quando non ponitur nomen patris alicuius, recurrendum est ad immediatum, & dicendum est illum esse patrem, nisi aliās constet contrarium, & ista est positio rationabilis: nam scriptura vult hic describere successiones generationum, & ad hoc necesse est sciri quis fuerit pater cuius, & quia scriptura breuiloqua est, interdum subicit nomen patris, & filij, & ex ipso ordine innuit nobis quis sit pater, & quis filius, sic patet supra primo capitulo, cum dicitur Adam, Seth, Enos, Chanan, Malaleel, & cetera. Et de quolibet illorum deberet dici, quod fuit pater sequentis, vel quod genuit illum, & tamen vt breuius loqueretur posuit nomina eorum in ordine, ex quo ordine colligitur quis sit pater, & quis sit filius.

Item pater hoc, quia si hoc non præsupponeretur non concluderetur intentus scripturæ, quia ipsa vult ostendere nobis successionem generationum, & si non intelligeremus, quod illi, qui sequuntur, sunt filij præcedentium, dato, quod hoc non exprimitur, nesciremus quæ progenies narraretur, immo eadem ratione nesciremus an illi, qui sequuntur præcesserint in ordine temporis, vel subsequantur. Etiam nesciremus de talibus, an essent de vna familia, vel de alia, vtpote dato, quod incepit hic enarrari familia Phares, nesciretur de istis quorum patres non exprimuntur, an fuerint de familia Phares, vel Zaræ, vel Sella, immo, & consequenter possemus ignorare an illi qui exprimuntur sint de tribu Iuda, vel de alia tribu antiqua, & hoc est valde irrationabile: ideo oportet dicere, quod illi quorum non exprimuntur patres, dicantur esse filij illorum, qui proximo ponuntur. Et dicitur quod Assur erat pater Thecuz, quod potest accipi pro viro, vel pro loco: nam Thecua nomen vrbis est, apud quam erat desertum, in quo morabantur pastores multi, & de hoc dicitur Amos primo, quod Amos fuit in pastoralibus Thecuz. Ille Assur non est ille, qui ponitur supra primo, quia ille fuit secundus filius Sem, & ab illo fuerunt nominati Assyrij, iste autem fuit de tribu Iuda valde multo tempore post, & potest vocari pater Thecuz, idest Dominus vrbis Thecuz, vel pater viri, qui vocabatur Thecua. Ponuntur autē hic nomina duarū vxorū eius Alaa, & Naara, eo q̄ ab vtraque

descenderunt filij, qui fuerunt viri famosi, & propter illos exprimuntur nomina matrum.

Peperit autem ei Naara Oozam. Ponuntur filij cuiuslibet illarū per se, & dicitur quod Naara peperit Oozā, non tamen fuit iste Oozan ille, qui percussus fuit à Domino, quia tetigit Arcam, quando portabatur, ut patet 2. Reg. 6. & infra 13. Nam ille Oozan erat de tribu Leui, cum esset sacerdos, & ob hoc ipse accedebat ad tenendum arcam, quādo ruitura erat, quia ipse posuerat eam super plaustrum, iste autem fuit de tribu Iuda, & ideo ponitur hic.

Et Hopher. Iste Hopher filius Assur, & Naraa non erat ille, de quo habetur supra 1. cap. quia ille fuit filius Madian, & nepos Abrahæ ex Cetura, & ab illo Africa nominata est, ut ibi declaratum fuit, iste autem multo tempore post fuit de tribu Iuda. Etiam nō est iste Hopher à quo nominata est familia Ephalitarum, Numeri 26. Nam ille fuit filius Galaad, & fuit de tribu Manasse, iste autem fuit de tribu Iuda. *Et Theman.* Non est iste Theman de quo supra 1. nam licet Theman, & Themani secundum conditionem idiomatis Hebraici sit idem nomen, tamen supra 1. ponitur pro nomine viri cuiusdam de filiis Esau, qui fuerunt duces in terra Edom. Etiam ponitur pro quadam ciuitate, quæ vocabatur Theman, iste autem de progenie Iuda est. *Et Asihari.* Iste est alius filius Naara. *Isti sunt filij Naara.* Scilicet isti quatuor sunt filij Thecuæ ex Naara vxore sua. Porro filij Alaa Sereth. Ponuntur filij Thecuæ ex vxore Alaa, & primus est Sereth. *Osaar.* Non est iste ille, qui ponitur in progenie Core, Num. 16. quia ille erat de tribu Leui, ut patet ibidem, iste autem est de tribu Iuda. *Et Ethnan.* Ethnan aliquando est nomen viri, & aliquando regionis: nam hebræi exeuntes de Aegypto ambulauerunt tribus diebus per desertum Ethnā, Nu. 33. Aliquando est nomen viri, & sic accipitur hic, & tamen non est iste Athan, qui ponitur supra 2. quia ille fuit filius Zare nepos Iudæ: iste autem fuit de familia Phares distans à Iuda per multas generationes. Etiam nō est iste ille Ethan, de quo 3. Reg. 4. dicitur, quod Salomon erat sapientior illo, quia ille erat de progenie Leuitarum, ut ibidem declaratum est, iste est autem de tribu Iuda.

Cos autem genuit Anob. Intelligendū est quod Cos fuit filius Ethan, & ipse fuit pater Anob, & istorum, qui sequuntur. *Et Sobaba.* Iste vocatur alio nomine Sobab, quia in Hebræo non fit differentia de Sobab, & Sobaba, quia consueuerunt addi litera, vel subtrahi in fine nominum priorum, & tamen non est iste Sobal, de quo supra in litera dicitur, quia iste fuit multo tempore ante istum cum præcesserit eum per aliquot generationes. *Et cognationem Aharehel.* Idest etiam genuit cognationem Aharehel, quia fuit quedam cognatio magna, & descendit a quodam nepote istius.

Filij Arum. Potest hoc referri, quod Aharehel fuit filius Arum, & sic Arum fuit filius Cos, & Aharehel filius Arum, & illi, qui vocantur de cognatione Aharehel, fuerunt descendentes ab Arum tanquam a patre priore. Vel filij est ibi pluralis numeri. & est sensus quod isti viri, qui erant de cognatione Aharehel erant filij Aharehel, quia Arum esset filius Aharehel.

Quare hic ponitur Cos genuisse Anob. *Quest. V.*

QUÆRITUR quomodo ponitur hic Cos genuit Anob, quia istud non videtur pertinere ad præsens: cum Cos non fuerit filius alicuius de præcedentibus.

Respondendum quod sicut supra dicebatur in ge-

nerationibus istis quandocumque non ponitur nomen patris alicuius, ita quod dicatur iste fuit pater illius, vel iste filius illius, intelligitur quilibet esse filius eius, qui præcedit, nisi aliud constet ex alio loco, & quia Cos ponitur post Ethnan: dicendum Cos fuisse filium Ethnan, de hoc dicit Rabanus & Glo. ordinat, quod ordo confusus videtur in litera, quia numeratis filiis Halaa, & Naara subito inducit cognationem Aharehel filij Arum, & consequenter narrat de Iabes, sed hebræi dicunt quod Assur de Halaa genuit Ethnā, & Ethnan genuit Cos, & Cos genuit Sababa, & Sababa genuit Iabes, & hoc tenendum est.

Fuit autem Iabes inclytus præ fratribus suis, & mater eius vocauit nomen illius Iabes, dicens: Quia peperit eum in dolore.

Fuit autem Iabes inclytus præ fratribus suis. Non exprimitur nomen patris Iabes, sed intelligendum est quod Sobaba fuit pater suus, quia præponitur, & Aharehel & cognatio sua fuit frater Iabes, vel potest intelligi magis secundum regulam datam quod fuerit Iabes filius Arum, & fuit de cognatione Aharehel, & hoc concordat litera, quia dicitur quod Iabes fuit inclytus præ fratribus suis, in quo apparet, quod multi erant, & significat hoc cognatio, & in illa cognatione Iabes erat excellentior omnibus fratribus suis.

Et mater eius vocauit nomen illius Iabes. Hoc ponitur ad significandum euentum rei, scilicet, quia mater peperit eum cum dolore: & ex hoc imposuit sibi nomen Iabes.

Quia peperit eum in dolore. Non apparet an mortua fuerit, sed cum esset in partu dolens nimis, putās forte, quod moreretur, vocauit filium Iabes à dolore illo, quem patiebatur pro tunc, nam Iabes interpretatur dolor, vel dolens.

Quis nam fuerit iste Iabes.

Quest. VI.

QUÆRITUR quis fuit iste Iabes. Respondet Nicolaus, quod fuit Othoniel, qui cepit urbem Dabir tempore Caleb, & ipse accepit Axam filiam Caleb in vxorem, & dicit, quod iste habuit duo nomina, quia vocatus est Othoniel, & Iabes. Nam mater vocauit eum Iabes propter dolorem, quem in partu eius passa est: pater autem maioris animi existens noluit eum vocare à dolore, sed vocauit eum alio nomine meliori, scilicet Othoniel: sic enim fuit de Rachel pariente: nam propter difficultatem partus Benjamin incoepit periclitari, & dixit nomen eius Benoni, idest filius doloris mei, Genesis trigesimo quinto. Pater autem robustiorem animum habens vocauit eum Benjamin, idest filium dextræ quod significat virilitatem.

Sed hoc non videtur stare, quia Othoniel fuit filius Cenem, ut pater infra, & tamen Iabes (ut hic dicitur) fuit filius Arum, vel (ut volunt hebræi) fuit filius Sobaba, & frater Aharehel. Dicunt autem hebræi de illo, & Rabanus, quod Sobaba genuit Iabes, qui fuit doctor scribarum, & inter Cos, & Iabes interferuntur cognationes Aharehel, quia ipse est Obab filius Arum, Iethro cognati Moysi, quia Iabes docebat eos, inserti sunt in progenie eius quasi à maioribus eius geniti.

Sed istud non stat, nam hebræi volunt quod Iabes fuit doctor, ut pater supra 2. Et tamen ibi magis accipitur Iabes pro nomine loci, in quo habitabant scribæ quam pro doctore aliquo ipsorum. Quod autem dicitur hic, quod cognatio Aharehel erat cognatio Cingorū, qui

qui venerunt ad audiendum doctrinam legis a Iabes, non conuenit: nam dato quod ab illo audirent doctrinam, non describerentur hic, quia hic describitur progenies Iuda, & tamen Cingei filij Iethro non erant de progenie Iuda, sed de Madianitis, nec est ratio competens, quod Cingei ponerentur hic in stirpe Iabes tanquam geniti a maioribus eius propter doctrinam, quam recipiebant ab eo, quia hoc modo tolleretur omnis certitudo scripturae in progeniebus, cum quilibet de quacunque progenie posset poni in progenie alterius propter aliquod beneficium ab eo susceptum, & hoc est absurdum.

Item dato quod possent poni filij Iethro in progenie ista propter doctrinam quam reciperent a Iabes, non deberent dici filij Sobaba, sed diceretur quod erant filij Iabes, & tamen non dicuntur hic, quod erant filij Iabes, ideo non erat intelligendum de Cingis. Item patet hoc, quia valde irrationabile est recedere a communi sensu verborum sine aliquo motiuo sufficienti, & tamen cum ponatur hic progenies Iuda per Phares, debet intelligi, quod omnes hic nominati sunt filij Phares: nisi appareat aliquid, propter quod debeamus aliquid asserere, & tamen non apparet hic aliquid motiuum ad hoc quod dicamus istos esse filios Iethro, ideo non est sic dicendum, sed quod fuerint de stirpe Iuda.

Quomodo Iabes fuerit prae fratribus suis inclutus.
Quaest. VII.

QUAE RITUR ulterius quomodo fuit Iabes inclutus prae fratribus suis. Respondet Nicolaus, quod hoc fuit in duobus. Primo in opere bellico: secundo in doctrina sapientiae. De opere bellico patet, quia ipse Iabes est Othoniel, & ille cepit urbem Dabir, & ob hoc meruit accipere in uxorem Axam filiam Caleb. Iosue 15. & Iudic. 1. Fuit etiam inclutus in doctrina legis, quia ipse docebat omnes scribas, & Cingei filij Iethro audiebant ab eo legem.

Dicendum tamen, quod ista non sunt vera, nam praesupponitur Iabes esse Othoniel, & sic praedicantur ista de illo, & tamen non fuit Othoniel, ut dictum est precedenti quaestione.

Dicendum igitur quod quanquam non appareat vlllo modo, quod iste Iabes fuerit doctor legis, tamen satis potest concedi: dum tamen non innuatur quod iste fuerit Othoniel. Sed dicendum, quod secundum litteram signat, fuit iste Iabes inclutus inter fratres suos in opere bellico, ut patet ex verbis suis, scilicet Si benedixes benedixeris mihi, & dilataueris terminos meos. & fuerit manus tua mecum. Omnia tamen ista pertinent ad opus bellicum, in quo petebat iste Iabes se adiuuari, & sic fuit inclutus, quia praeualuit contra hostes, & dilatauit terminos suos: alij autem fratres, eius non fuerunt viri bellatores.

Inuocauit vero Iabes Deum Israel, dicens: Si benedicens benedixeris mihi, & dilataueris terminos meos, & fuerit manus tua mecum, & feceris me a malitia non opprimi. Et praestitit Deus quae precatus est.

Inuocauit vero Iabes Deum Israel. Scilicet inuocauit eum ad auxilium sciens quod sine illius fauore non poterat praeualere contra hostes, dicens. Si benedicens benedixeris mihi. Ista verba sunt incompleta, quia po-

A nitur conditionalis hic, & non declaratur quid est, quod cadit sub conditione, ideo intelligendum quod Iabes dicebat ista vouendo, scilicet, si benedixeris mihi, & dilataueris terminos meos faciam tale vel tale propter te, & tamen saepe in hebraeo sententia est decurtata, sicut patet 2. Reg. 5. c. Proposuerat enim Dauid in die illa praemium ei, qui percussisset Iebuseum, & non ponitur quod praemium erat illud, & infra vndecimo exprimitur quod esset princeps exercitus, qui percuteret Iebuseum: ita hic intelligendum est, quod iste vouit aliquid domino, & tamen non ponitur quid est, quod vouit, sed solum id quod petebat, & dicitur: si benedicens benedixeris mihi, id est si multiplicaueris, & exaltaueris statum meum, nam benedictio significat augmentum, ut patet 2. ad Corinth. 9. ubi dicitur: Qui in benedictionibus seminat, in benedictionibus metet, & qui parce seminat, parce metet: Et etiam ponuntur ibi auaritia, & benedictio tanquam contrarium, & tamen contrarium auaritiae est liberalitas, & abundantia.

Et dilataueris terminos meos. Intelligendum est, quod iste Iabes acceperat possessionem in aliqua terra, quae tenebatur ab hostibus, & non se poterat extendere, ideo petebat a Domino, quod daret ei dilatationem terminorum praeualendo contra hostes, & expellendo eos de terra. Sic enim erat de filiis Ephraim, & Manasse, qui habebant locum angustum possessionis, cum Cananei arctarent eos. Iosue 17. c. Dixerunt filij Ioseph, non poterimus ad montana conscendere, cum ferreis curribus vrantur Chanaan, qui habitant in terra campestris. Sic etiam fuit de filiis Dan, quos Amorrei arctauerunt in montibus, ut patet Iudic. 1. scilicet, Arctauit Amorrhæus filios Dan in monte, nec dedit eis locum, ut ad planiora descenderent. Desiderabat igitur iste Iabes terminorum dilatationem, quia terra sua adhuc a Chanaan, vel alijs gentibus tenebatur.

Et fuerit manus tua mecum. Id est adiuueris me contra hostes: dicitur enim manus Domini esse cum aliquo, quando ipse adiuuat eum ad faciendum aliquid. Sic etiam in hominibus dicitur manus alicuius esse cum aliquo, si dat ei consilium, vel fauorem ad aliquid agendum, sic dixit Dauid ad mulierem Thecunnē, 2. Reg. 14. Nunquid manus Ioab tecum est in omnibus istis? Id est nunquid Ioab dedit tibi consilium ad faciendum haec? Sic etiam Iere. 26. Dicitur etiam: Manus Ahicam filij Saphan fuit cum Ieremia, ut non traderetur in manus populi, & interficerent eum. Et ipse adiuuit Ieremiam ad hoc. & origo istius locutionis est, quia manus est generale organum, & ideo omnia, quae facimus attribuiamus manui, & sic interdum dicitur aliquis loqui per manum, sicut dicimus locutus est Deus in manu Moyse. Nume. 9. & Aggae primo. & in multis locis.

Et feceris me a malitia non opprimi. Id est feceris, quod hostes mei, qui mali sunt non praeualeant contra me. & accipitur malitia per hominem malo, quia iuxta Aristotelem non differt loqui de malitia, & de homine malo, vel de habitu, & habere habitum. Hoc autem precabatur Iabes, quia continuo pugnabat contra hostes ad dilatandum terminos suos, & timebat quod aliquando hostes praeualerent contra eum, & occiderent ipsum vel excluderent de terra, ideo orat ne ab eis possit opprimi.

Et praestitit Dominus quae precatus est. Id est Deus concessit isti Iabes omnia, quae petiuit, nam benedixit ei dilatando terminos suos, & fuit manus cum illo contra hostes, & fecit quod non opprimeretur ab illis, & sic etiam subintelligendum est, quod ipse Iabes reddidit votum, quod vouerat.

Quomodo sub conditione Iabes vouit, & quod fuerit votum, quod emisit.

Quaest. VIII.

QVAERITVR quomodo Iabes sub conditione vouit, & quod fuit votum, quod emisit. Ad primum dicendum quod licuit vouere cum conditione, nam dum conditio non sit illicita, bene recipiuntur vota conditionalia, sic patet de Iacob, qui vouit conditionaliter, quod si Deus dirigeret eum in via, in qua ambulabat, & daret ei panem ad comedendum, & vestes ad induendum, acciperet eum in Deum, & offerret ei decimas. Gen. 18. & Deus acceptauit votum, & compleuit conditione, & ipse Iacob compleuit postea votum suum, ita ergo iste Iabes poterat vouere cum conditione, nec in hoc est simonia, quanquam promittamus Deo aliquod obsequium temporale si contulerit nobis aliquod spirituale, quod petimus. De voto an possit fieri conditionaliter, & quae conditiones reperiuntur in voto, & quae repugnant ei, & quomodo non committatur simonia in eo, satis declaratum est Num. 30. in quadam quaestione. Ad secundum dicit Nicolaus, quod nunquam ipse repperit in aliqua glo. hebraeorum, vel alibi, quod votum emisit iste Iabes, sed dicit quod ex verbis potest coniecturari, scilicet, quod promisit vacare doctrine, & contemplationi usque ad mortem, quia modus antiquorum sapientum erat in talibus finire vitam, & ad hoc requies a laboribus, & puritas mentis, & protectio Dei requiritur, ideo vult quod petiuerit quod manus domini esset cum illo, & faceret eum non opprimi a malitia, & quod dilaret terminos eius, quia tunc posset vacare securus contemplationi: motiuum tamen Nicolai est, quia praesupponit, quod iste Iabes fuerit Othoniel, & quod ipse fuerit doctor magnus in lege, qui erudiebat scribas canentes, & resonantes, & tamen istud non est omnino verum, cum Iabes, ex quo Nicolaus accipit fundamentum 2. cap. non sit nomen viri, sed loci, ut ibi probatum est. Quod autem dicit consuetudinem antiquorum sapientum virorum fuisse mori in vacatione sapientiae, satis esset rationabile, si praesupponeremus istum Iabes fuisse doctorem legis, sicut ipse praesupponit. Ideo dicendum quod de voto istius non constat, sed magis verisimile est, quod cum esset vir bellator voueret Deo exhibere aliqua sacrificia, vel offerre aliquam possessione si eum liberaret ab hostibus, quia ad viros bellatores potius pertinent talia vota quam vouere mori in vacatione sapientiae.

Caleb autem frater Sua genuit Mahir, qui fuit pater Esthom. Porro Esthom genuit Betrapha, & Pheffe, & Tehinna patrem vrbs Naas: hi sunt viri Recha. Filij autem Cenez, Othoniel, & Saraia.

Caleb autem frater Sua genuit Mahir. Iste Caleb videtur esse frater illius, qui supra dicitur Sababa, & hic vocatur Sua, quia mutatio quaedam fit in nominibus, & genuit iste Mahir, non illum de quo habetur supra secundo, quia ille fuit filius Manasse, & pater Galaad. Iste autem Caleb fuit de tribu Iuda, ut patet hic.

Qui fuit pater Esthom, f. Mahir fuit pater Esthom. Aliqui putant Esthom esse nomen loci, sed falsum est, quia dicitur immediate, quod Esthom genuit Betrapha, quod non conuenit loco, sed interdum aliqua nomina sunt, quae aequiuocantur locis & viris, sicut patet de isto nomine Bethlehem, & Hebron, qui accipiuntur pro quibusdam urbibus famosis, & tamen supra

secundo sunt nomina virorum.

Porro Esthom genuit Betrapha, & Pheffe, & Tehinna patrem vrbs Naas. Iste Esthom fuit de stirpe Caleb: habuit istos tres filios, quorum vnus fuit pater, idest dominus vrbs Naas, quae est quaedam ciuitas in sorte Iudae. Est tamen aliquando Naas nomen viri, nam rex Ammon, contra quem pugnavit Saul cum obsideret Iabes Galaad vocabatur Naas, 1. Regum vndecimo, sed hic accipitur pro vrbe. Hi sunt viri Recha. Idest isti nominati descendentes a Caleb vocantur viri Recha; & est Recha nomen loci, ut vult Nicolaus, & sic vocabantur isti viri Recha, quia progenies istorum habitabat in vrbe Recha, simile dicitur supra secundo, scilicet, ex his egressi sunt Saraite, & Estholite, idest de quibusdam progeniebus ibi nominatis descenderunt habitatores Sarai, & Esthol. Dicit autem Glo. ordina. & Rabanus, quod quidam putant Recha nomine David nominari: est enim Recha tener unde David de se ait: Ego sum tener, & vnctus rex secundo Regum tertio: ipse quoque vocatur vermiculus ligni tener, eodem libro capitu. 23. Ideo vocantur isti viri Recha, quia propter exprimendam genealogiam David hic nominati sunt. & tamen istud nimis est alienum. Primum quia falsum praesupponitur, nam non ponuntur isti hic ad denotandum stirpem David, quia non fuit David de stirpe istorum: Etiam quia iam stirps David complete enarrata fuit quantum ad predecessores suos supra secundo, & quantum ad sequentes eum precedenti cap.

Secundo patet, quia nimis alienum est, quod Recha intelligatur David, eo quod ipse vocauit se tenerum, quia tunc de quocunque homine, de quo in scriptura dicitur, quod sit tener, posset intelligi, quia isti viri erant de progenie sua: cum secundum istum modum loquendi Recha non ponatur ut nomen proprium, sed ut commune.

Tertio patet, quia iste sensus repugnat intentioni Hieronymi, quia hoc modo Recha non esset nomen proprium, sed commune significans teneritudinem, & sic poneretur in litera nostra nomen teneritudinis, & non Recha: ideo necesse est, quod accipiat pro nomine proprio. & tamen tunc potest accipi pro nomine loci, in quo habitarent istae progenies, vel potest accipi pro nomine alicuius progeniei, in qua erant isti viri hic nominati.

Filij autem Cenez. De isto non dicitur cuius filius sit, & tamen intelligendum est secundum regulam communem supra datam, quod sit filius immediate precedentis, scilicet, Tehinna patris vrbs Naas.

Othoniel, & Saraia. Iste Othoniel est ille, qui accepit in uxorem filiam Caleb, scilicet, Axam, eo quod percussit urbem Chair, siue Chariathlepher Iosue 15. & Iudi. 1. Iste est, quem Nicolaus putat esse Iabes, & etiam multi Hebraeorum asserunt, sed non videtur esse verum, quia in diuersis progeniebus ponuntur. Saraia est frater Othonielis, & non est ille, de quo dicitur infra sexto, scilicet, Azarias genuit Saraia, quia ille fuit summus sacerdos, & de stirpe Iudae. Etiam ille fuit valde magno tempore post istum: nam iste fuit in introitu Israelitarum in terram Chanaan, cum fuerit frater Othonielis, & Othoniel fuit frater Caleb, Iosue decimo quinto. & Caleb erat fere octoginta annorum, quando introierunt Israelitae in terram Chanaan, ut colligitur Iosue decimo quarto, ideo iam natus esset Othoniel, & Saraia, quando Israelitae introierunt in terram Chanaan, & tamen ille Saraia, de quo infra sexto, fuit ille summus sacerdos, qui captus est a Nabuzardan principe exercitus Nabucodonosor, quando combusta est Ierusalem, & translatus Iudaei in Babylonem, & ductus est ad Nabucodonosor in Babelam.

blata, & ibi occisus est coram eo quarto Regum ultimo, & Ieremie ultimo.

Sciendum autem, quod Othoniel, de quo hic dicitur, fuit primus iudex Israel post mortem Iosue Iudicum tertio.

Quis nam fuerit iste Cenez.

Quaest. IX.

QVAERITUR de isto Cenez quis erat, nam videtur, quod fuerit pater Caleb, eo quod Caleb vocatur Cenezus interdum, ut patet Iosue decimoquarto, & in multis locis.

Item patet, quia Othoniel erat filius Cenez, ut patet hic, & tamen Othoniel erat frater Caleb, ut patet Iosue decimoquinto, & Iudicum primo, scilicet, Cepitque eam Othoniel filius Cenez iunior fratre Caleb.

Respondendum, quod non est dubium de Caleb, quin fuerit frater Othonielis, cum scriptura vocet eos fratres: etiam non est dubium quin Othoniel fuerit filius naturalis Cenez cum vocetur filius eius hic, & Iosue decimoquinto, & Iudicum primo, & tamen de Caleb est dubium an fuerit filius Cenez. & videtur dicendum, quod non, quia hic ponitur Othoniel, & Saraia filius Cenez, & non ponitur Caleb filius eius: ideo dicunt quod Caleb fuit frater Othonielis senior filij Cenez, & mortuo patre custodiuit eum Caleb, & inde sortitus est nomen.

Alij autem dicunt, quod mortuo patre Caleb, Cenez accepit in uxorem matrem Caleb, & nutriti sunt parvulum relictum a patre, & ab illo Cenezus appellatus est. De hoc tamen magis declaratum est Iosue decimoquinto. Mortuum autem eorum, qui non concedunt Caleb esse filium Cenez, quanquam vocetur Cenezus est, quia Caleb vocatur filius Iephone.

Porro filij Othoniel Hathath, & Mahonathi genuit Ophra. Saraia autem genuit Iobab patrem Vallis artificum. Ibi quippe artifices erant, filij vero Caleb filij Iephone. Hir, & Ela, & Hahan. Filij quoque Ela Cenez. Filij quoque Iaheleel, Ziph, & Ziphah, Thiria, et Asrael. Et filij Ezra; Iether, et Mered, et Ephraim, et Ialon, genuitque Maria, et Sammai, et Iesba patrem Elthamo.

Porro filij Othoniel Hathath, & Mahonathi. Quanquam habuerit istos duos filios nullus eorum successit ei in principatu iudicatu: nam post eum non fuit iudex in Israel aliquis de stirpe sua, sed Agoth filius Gera de tribu Benjamin fuit iudex secundus, ut patet Iudicum tertio.

Mahonathi genuit Ophra. Non continuatur hic progenies Othonielis nisi usque ad nepotem suum, qui vocatur Ophra, & tunc quia postea Othonielis non fuerunt postea viri famosi, quorum progenies deberent scribi. Est autem Ophra aliquando nomen viri, ut patet hic, & aliquando nomen urbis, & illa urbs pertinebat ad tribum Manasse ad familiam Ezri, unde in Ophra erat Gedeon quando apparuit ei angelus, & dixit quod iret ad pugnam contra Madiam. Iudicum sexto. De illa etiam urbe dicit primo Regum decimotertio, quod vnus Cuneus Philistinorum pergebat contra viam Ophra ad terram Saul.

Saraia autem genuit Iobab. Ponitur stirps Saraia fratris Othonielis, & dicitur quod genuit Iobab: non tamen est iste Iobab ille, qui fuit dux in exercitu David;

nam ille fuit filius Saraia sororis David, & habuit alios duos fratres, scilicet, Asael, & Abytai supra secundo.

Patrem Vallis artificum. Id est iste fuit pater omnium qui habitabant in Valle artificum, scilicet, quia iste Iobab genuit filios ex quibus deriuata est progenies magna, quae habitauit in valle quadam, quae vocata est Vallis artificum, scilicet, quia iste fuit pater omnium habitantium in valle illa.

Ibi quippe artifices erant. Redditur causa, quare vocabatur illa vallis artificum, & dicitur, quia ibi erant artifices, quia forte habitabant plura genera artificum, quam in alijs locis, vel quia omnes habitantes ibi erant artifices, & sic per excellentiam Vallis artificum est appellata. De hoc dicit Glo. ordina. de Saraia dicitur Iobab prodixisse, quia iuxta nominis interpretationem dicitur pater Vallis artificum, quia de filiis eius fuerunt architecti, qui aedificauerunt templum Domini.

Sed hoc non consonat literae cum litera dicat, ideo fuisse vocatam vallem artificum, quia ibi artifices habitabant.

Filij vero Caleb filij Iephone. Hic ponuntur filij Caleb, & dicitur filij Iephone ad differentiam Caleb filij Helron, de quo supra cap. 2, dicitur.

Quis fuerit pater istius Iephone.

Quaest. X.

QVAERITUR cuius filius erat iste Iephone, nam de Caleb scimus, quod sit filius Iephone. sed de Iephone ignoramus, quis pater eius sit.

Ad hoc secundum Nicolaum, & hebraeos iam responsum erat, scilicet, quod esset Caleb filius Helron, & si Iephone esset nomen viri esset Helron, & ille esset filius Phares, ut declaratum est supra secundo. Nicolaus, & Hebraei volunt, quod sit Caleb filius Iephone, & Caleb filius Helron idem, & tamen Helron est filius Phares, & Phares filius Iudae, ideo non esset aliquod dubium de progenie Caleb, & tamen hoc improbatum fuit ibi. Nam necesse est multo prius natum fuisse Caleb filium Helron quam Caleb filium Iephone. Tenentes tamen positionem illam dicunt, quod Iephone non est nomen viri, qui fuerit ipse Caleb, sed est nomen commune, quia Iephone interpretatur diuertens, eo quod iste Caleb diuertit a consilio exploratorum auertentium populum ab introitu in terram Chanaan, nam iste iuerat cum alijs undecim, & decem illorum fuerunt viri mali, & detraxerunt terram: auerteruntque populum, ut non introiret terram Chanaan, soli vero Caleb, & Iosue restiterunt eis dicentes, quod deberent ascendere in terram Chanaan, & sic vocatur iste filius Iephone, id est diuersionis, quia diuertit ab alijs, sicut dicitur aliquis filius mortis, quia egit aliquid morte dignum. Et tamen ista positio non est satis conueniens, quia scriptura consuevit vocare semper istum Iosue filium Iephone, & etiam prius quam esset illa diuersio, vocabatur Caleb filius Iephone, ut patet Numeri decimotertio. Etiam Deus vocauit eum filium Iephone quando facta est illa discordia in populo propter exploratores Iosue decimoquarto. & tamen nullo modo conuenit quod propter illam diuersionem, quae tunc facta est, vocaretur filius Iephone, quia tunc non solum Caleb vocaretur filius Iephone, sed etiam Iosue diceretur filius Iephone, quia ambo fuerunt socij in explorando, & ambo eodem animo repugnauerunt alijs exploratoribus, & populo dicentibus non introeundum esse in terram Chanaan, Numeri decimoquarto. & tamen nunquam vocatur Iosue filius Iephone, ideo nec etiam Caleb

vocatus est filius Iephone, idest diuersionis, sed quia Iephone erat pater suus. Et tunc manet dubium de Iephone cuius filius erat: Et potest dici quod cum Caleb sit frater Sua, vt patet in litera, & Sua, sit idem quod Sababa filius Cos, vt patet supra in litera, & Cos fuerit Iephone pater Caleb, & hoc concordat satis veritati, quia licet generatio Caleb filij Hestron, tamē fuit satis antiqua, & non multum distans a generatione Caleb filij Hestron, eo quod Caleb filius Iephone in Aegypto natus est: & erat annorum triginta octo, quando egressus est de Aegypto, vt probatum est supra secundo capitulo in quadam quæstione.

Hir, & Ela, & Naban. Isti tres fuerunt filij Caleb, & possederūt territorium vrbs Hebron cum patre suo Caleb. Iosue 21. Isti tres filij Caleb non fuerunt viri famosi sicut pater suus, ideo non fit mentio de eis in scriptura sicut de patre suo.

Filius quoque Ela Cenez. Nō ponitur hic progenies primi filij Caleb, scilicet Hir, quia forte non habuit filios, vel magis, quia illi non fuerunt viri famosi, sicut filij Ela fratris sui, vnde scriptura omisit eos: filius autē Ela fuit Cenez & differt iste ab illo Cenez, de quo supra dicitur, quia ille fuit pater Othonielis, iste autem fuit multo postea, nam fuit nepos Caleb, & tamen ipse Caleb habuit Cenez tñquam priorem, cum ipse vocetur ab eo Cenezæus: Iosue 14.

Filij quoque Ialeleel. De isto Ialeleel non dicitur cuius filius sit, sed intelligendum est quod est filius Cenez, de quo immediate dicitur.

Ziph, Zipha, & Thiria, & Asrael. Isti quatuor fuerunt filij Ialeleel. Ziph tamen aliquando est nomen viri sicut hic, & supra secundo: aliquando autem est nomen ciuitatis, & est in sorte Iuda apud Carmelum, & Iezrahel, Iosue decimo quinto, & ab ista vrbe nominata est quedam solitudo, quæ propinqua est Ziph, in qua latuit Dauid, cum inquireret eū Saul, 1. Reg. 23. Zipha, & Thiria, & Asrael: nomina incognita sunt, quia nihil de eis reperimus in scriptura.

Filij Ezra Iether, & Mered. De isto Ezra non apparet cuius filius sit. Sed dicendum est quod sit filius Asrael, quia ille ponitur immediate ante eum, Iether filius eius non est ille, de quo supra dicitur.

Epher, & Ialon. Iste Epher differt ab Epher filio Naara, qui supra ponitur, & ab Epher filio Galaad, a quo familia Epheritarum: Numeri vigesimo sexto, quia ille erat de tribu Manasse, & iste de tribu Iuda.

Ialon. Est nomen viri: Aialon autem est nomen vrbs, contra quam stetit luna sole stante tempore Iosue, vt patet Iosue decimo capitulo, sol contra Gaboon ne mouearis, & lunam contra vallem Aialon. Est autem ista ciuitas in tribu Dan: Iosue decimono.

Genuitque Mariam. Scilicet Ezra genuit Mariam: fuit autem ista Maria aliqua mulier famosa, ideo ponitur nomen eius inter fratres suos.

Et Sammai, & Iezba patrem Esthamo. Vocatur Iezba pater Esthamo, idest cuiusdam vrbs, quæ vocabatur Sthamo, vel potest accipi Sthamo pro nomine viri, quia sepe coincidunt nomina locorum, & virorum,

Quis fuerit iste Ezra, & filij sui.

Quæst. XI.

QUÆRITUR de isto Ezra, & filiis suis qui erant. Respondet Hieronymus, & Rabanus dicentes secundum Hebræos: Ezram, qui interpretatur auxiliator esse Amram patrem Moyfi, & Aaron, & Iether, qui interpretatur auxiliator esse Aaron: nam auxiliatus est Moyfi coram Pharaone loquendo pro eo. Mered, qui inter-

Fpretatur rebellans esse Moysem, nam ipse rebellauit contra peccatores in deserto: Epher autem, qui interpretatur puluer fuisse Eldad, & Ialō fuisse Medad: isti enim duo fuerūt de septuaginta senioribus, quos accepit Moyfes in deserto in adiutorium ad gubernationem populi, & quia isti duo fuerunt hic filij Ezra, dicunt Hieronymus, & Rabanus secundum Hebræos, quod fuerunt Eldad, & Medad fratres Moyfi, & Aaron, & ad hoc dicunt, quod Moyfes suaserit patri suo Amram in deserto, vt dimitteret matrem suam Iocabed, eo quod erat filia aui sui: nam fuit filia Leui, & post eam Amram duxit aliam ex qua habuit Eldad, & Medad, & ideo Aaron, & Moyfes Eldad, & Medad ponuntur hic tanquam fratres filij Ezra, idest Amram.

Sed dicendum quod ista positio Hebræorum, quā refert Hieronymus, & Rabanus, & Glo. ordinata est valde irrationabilis. primo, quia ponunt, quod Ezra sit Amram, & filij sui, qui ponuntur hic, sint Moyfes, & Aaron, quia isti erant de tribu Leui, & progenies eorum enarratur infra sexto: hic autem solum agitur de tribu Iuda, ideo non ponitur hic progenies Amram, Moyfi, & Aaron.

Secundo patet quia dicunt quod Eldad, & Medad fuerunt fratres Moyfi, & Aaron ex parte patris, nam hoc est valde irrationabile, quia si isti fuissent fratres Moyfi, desiderauisset Moyfes eorum exaltationem, & non inuideret prosperitati eorum, & tamen quando assumpti sunt septuaginta seniores ad regimen populi, manserunt isti duo in castris, & ceperūt prophetare, & Iosue minister Moyfi dixit ad eum: Eldad, & Medad prophetant in castris domine mi Moyfes prohibe illos, & tamen si essent fratres Moyfi ipse Iosue minister Moyfi non diceret ei prohibe illos, quia videret quod potius gauderet Moyfes propter illorū exaltationem, cum essent fratres sui. Patet etiam ex responsione Moyfi, nam dixit quid tu emularis pro me? quis tribuat vt omnis populus prophetet, & Deus det eis spiritū suum? & sic ostendebat Moyfes istos esse quasi quosdam ex populo non habentes secum aliquam consanguinitatem: & ideo locutus est de eis tanquam de hominibus non pertinentibus ad se, cum ait: quis mihi det vt omnis populus prophetet?

Tertio est ista positio irrationabilis, quia dicunt quod Moyfes suaserit Amram patri suo in deserto, vt dimitteret uxorem suam Iocabed, quia erat filia aui sui Leui, quia Moyfes non suaderet istud, nisi forte copula illegitima esset, & tamen non erat illegitima, quia licet in lege prohibitum esset cuique accedere ad sororem patris, vel matris, Leuitici decimo octauo, & vigesimo, tamen ista lex non obligabat antequam conderetur: fuit autem condita in monte Sinai in anno primo exitus de Aegypto, ideo ante hoc non erat prohibitus ille gradus, nisi dicamus, quod de iure naturali esset prohibitus, quod non conceditur, sed Amram pater Moyfi plusquam per nonaginta annos ante hoc acceperat uxorem Iocabed, quia in exitu de Aegypto erat Aaron filius eius annorum octoginta trium Exodi septimo. Maria nonaginta quinque annorum, vel quasi, vt declaratum est supra secundo, ideo licet contractum fuit istud matrimonium pro tunc: lex autem postea superueniens non cassauit matrimonia iam contracta, sed interdixit in posterum contrahi, eo quod constitutio non extenditur ad præterita, nisi expresse de hoc caueatur in illa, & tamen in lege Dei data de prohibitione istorum graduum Leuitici decimo octauo, & vigesimo, non cauetur de præterito, sed potius sunt verba de futuro, ideo matrimonium illud non potuit effici illegitimum

gitimum per legem sequentem, & tamen Moyses non suaderet dirimi matrimonium, quod erat verum potissimè respectu patris sui, & matris, ideo nihil tale suaderet.

Quarto ista positio est erronea, quia dicitur quod Amram genuit Eldad, & Medad in deserto, sed hoc non potuit esse, nam non solum non poterat ibi gignere, immo satis est rationabile, quod non potuerit vivere usque ad introitum in desertum. Et patet hoc, quia Amram vixit solum annis centum triginta septem. Exodi sexto, & tamen in exitu de Aegypto habebat ipse filios, qui erant quasi centum annorum: quia Aaron erat octoginta annorum in exitu de Aegypto Exodi septimo: Maria autem soror Moysi erat quindecim annorum, vel quasi ad minus maior ipso Moyse, ut declaratum est supra secundo, & patet ex his, quæ fecit circa eum quando expositus est in flumine Exodi secundo, quia talia non potuisset facere, nisi puella perfectæ discretionis, utpote in anno quinto-decimo, vel quasi: ergo ista in exitu de Aegypto esset annorum nonaginta & quinque: & ideo saltem essent anni nonaginta sex, vel quasi centum, quibus Amram acceperat uxorem, quando tamen acciperet eam esset ad minus viginti, vel vigintiquinque annorum, & sic in exitu de Aegypto esset centum, & vigintiquinque annorum saltem. Vel forte mortuus est in Aegypto, quia potest esse, quod ipse erat quadraginta annorum vel quasi, quando genuit Mariam, & tamen dato quod non moreretur in Aegypto esset annorum saltem centum, & vigintiquinque annorum, & tunc non posset gignere, cum esset in extrema senectute, & dato quod aliquo modo esset possibile, saltem non erat verisimile, quod ipse in tanta ætate constitutus veller accipere uxorem.

Quinto ista positio est erronea, quia dicitur, quod in deserto genuit Amram Eldad, & Medad, quia hoc est impossibile, nam tunc sequeretur quod nondum essent vnus anni Eldad, & Medad, quando prophetauerunt, quia congregatio illa in qua dati fuerunt septuaginta seniores Moysi in adiutorium fuit facta anno secundo ab exitu de Aegypto circa principium anni, nam die vigesima mensis secundi anni eiusdem recesserunt Israelitæ de deserto Sinai, Numeri decimo, & post tres dies castra fixerunt in solitudine Etban, & ibidem Moyses elegit septuaginta seniores, Numeri vndecimo, & sic ab exitu de Aegypto non effluxerant nisi vnus annus, & tres menses vel quasi quando facti sunt septuaginta seniores rectores populi, & tunc Eldad, & Medad prophetauerunt, quia erant de numero reliquorum seniorum, Numeri vndecimo, ergo ad minus quilibet istorum esset plusquam triginta vel quadraginta annorum, quia alias non eligeretur ad regimen populi, & tamen iam Moyses elegerat omnes istos viros, & nominauerat, & scripserat eos, eodem capitulo. Ergo impossibile fuit, quod Amram pater Moysi genuerit istos duos filios in deserto. Dicendum ergo quod iste Ezra non fuit Amram, nec ponitur hic Moyses, & Aaron, & Eldad, & Medad, sed omnes isti sunt aliqui viri de stirpe Iuda.

An ista Maria, quæ hic nominatur fuerit soror Moysi.

Quest. XII.

QUÆRITUR vltius, quæ fuit ista Maria, quæ habetur hic, & an fuit soror Moysi. Respondet Rabanus, & Glo. ordina. quod ista Maria est soror Moysi, & Samai frater eius est Moyses, eo quod interpretatur cœlestis, & Moyses cœlicus fuit. Iesba frater eorum est Aaron, qui in-

terpretatur collaudatio, & satis cōuenit ei cū ipse fuerit sacerdos magnus, & sacerdotes proferebant laudes Dei, & ideo vocatur pater Esthamo, quia Esthamo interpretatur ignis manens, & Aaron erat pater ignis, quia ipse fouere debebat ignem tanquam filium manentem in altari in perpetuum Leuitici cap. scilicet, Ignis autem in altari semper ardebit, quem nutriet sacerdos subiiciens ligna mane per singulos dies. Dicit etiam Nicolaus secundum quosdam hoc intelligi de Moyse, & Aaron, & Maria sorore eorum. Sed hoc non potest stare, quia hic agitur de progenie Iuda, isti autem sunt de progenie Leui, & Esdras nullo modo permiscet hic progenies, sed ponit eas distincte, ut patet ex sequentibus usque ad nonum capitulum. Potissimè quia non est aliqua ratio permiscendi stirpem Leui cum stirpe Iuda. Sed dicunt isti quod quinquam Moyses, & Aaron pertineant ad tribum Leui ponuntur hic in tribu Iuda propter Mariam sororem eorum, quæ accepta fuit in uxorem a Caleb filio Iephone.

Sed dicendum quod ista ratio non stat, quia non est verum, quod fuerit accepta Maria in uxorem a Caleb, ut probatum est supra secundo cap.

Item dato, quod accepta fuisset in uxorem ab aliquo de tribu Iuda, ipsa sola, & filij Iudæ geniti pertinerent ad tribum Iuda, & tamen fratres sui, scilicet, Moyses, & Aaron non pertinerent ad hanc tribum, nec ponerentur in ea.

Dicendum igitur quod ista Maria non fuit soror Moysi, & tamē motiuum præcipuum eorum, qui dixerunt poni hic Amram, & Moysen, & Aaron fuit, quia putauerunt istam Mariam sororem esse Moysi, sed dicendum, quod ipsa fuit aliqua mulier famosa in tribu Iuda per se ipsam, vel per filios suos, ideo nominatur hic inter fratres suos.

Vxor quoque eius Iudaia peperit Iared patrem Gedor, & Heber patrem Socho, & Ichutiel patrem Zanoë. Hi autem filij Bethiæ filiæ Pharaonis, quam accepit Mered. Et filij vxoris Odaïæ sororis Maham patris Ceilla Garmi, & Esthamo, qui fuit de Machathi.

Vxor quoque eius Iudaia. Aliqui putant, quod Iudaia sit nomen appellatiuum, & deberet dici Hebræa, & tamen hic accipitur pro nomine proprio, licet aliquando accipitur pro nomine communi, & aliqui dicunt, quod ista erat vxor Ezra, vel potest intelligi quod erat vxor Esthamo, de quo immediate dicitur. Peperit Iared patrem Gedor. Fuit iste Iared pater Gedor, idest cuiusdam vrbs sic nominatæ, vel est nomen viri.

Et Heber patrem Socho. Iste Heber non est ille, de quo habetur supra primo, quia ille fuit paucis temporibus post diluuium: iste autem fuit de tribu Iuda: etiam iste Iared non est ille, de quo habetur supra primo, quia ille fuit ante diluuium in prima ætate sæculi: iste autem in tertia: nam descenderunt de Iuda. Est autem iste Heber pater Socho, idest cuiusdam vrbs sic nominatæ, nam in sorte filiorum Gad erat quædam ciuitas nomine Socho Iosue decimo-tertio. & ad istam peruenit Gedor persequens Madianitas, & petiuit panes, & noluerunt ei dare, & contriuit seniores vrbs cum tribulis deserti. Iudicum octauo. Alia autem Socho est in tribu Iuda in terra montana Iosue decimoquinto. & ista accipitur hic quia ista Heber erat de tribu Iuda, ideo non poterat esse

esse dominus alicuius urbis in alia tribu nisi in sorte Iuda.

Et Ichutiel patrem Ianon. Iste Ichutiel fuit alius vir famosus dominus cuiusdam urbis, quæ vocabatur Ianon, & in Hebræo vocatur Zanoë, & sic vocatur, Iosue decimoquinto. ubi ponitur possessio tribus Iuda.

Hi autem filij Bethiæ filiæ Pharaonis. Scilicet isti, qui sequuntur sunt filij Bethiæ: est enim Bethia nomen mulieris, & peperit istos qui sequuntur, & nominatur hic, quia fuit mulier famosa, cum dicatur esse filia Pharaonis.

Quam accepit Mered. Idest quam accepit in uxorem, Ipse Mered est pater Ezra, ut pater supra.

Et filij uxoris Odaïe sororis Nathan. Odaia non est hic nomen mulieris, sed viri, & aliqui de istis, qui sequuntur, fuerunt filij uxoris Odaïæ, & non dicitur, quod fuerunt filij Odaïæ, quia fortè suscepit illa eos ex alio viro: vel potest dici, quod fuerunt filij Odaïæ uxoris eius, & tamen nominantur ab ea, quia fuit mulier famosa, sicut interdum filij nominantur à matre potius quam a patre, quia illa fuit nobilior, & excellentior, & vocatur soror Nathan propter excellentiam, quia ille Nathan fuit vir gloriosus maximè, quia aliqui putant istum esse Natham prophetam, qui fuit tempore David, & satis rationabile est.

Patris Ceila. Idest iste Natham fuit pater, idest dominus urbis Ceila: est enim Ceila, quædam ciuitas in sorte Iudæ, Iosue decimoquinto, & ista est, quam liberavit David de manu Philistinorum diripiendum areas, & in ipsa vrbe erat David inclusus expectans quod Saul veniret ad capiendum eum, primo Regum vigesimo secundo.

Garain. Iste fuit vnus de filiis Bethiæ, vel uxoris Odaïæ, & sic scribitur in litera nostra, tamen corrupta est, quia debet dici Garmi.

Et Esthamo, qui fuit de Machathi. Iste Esthamo est alius ab illo, de quo supra dicitur, quia multi homines nominantur eodem nomine. Et dicitur, quod iste fuit de Machathi, idest genitus de patre Machathi, vel de Machathi, idest de terra Machathi, non quidem quod fuerit de origine gentis illius, sed quia habitauit in terra illa aliquando, nam ille Esthamo est de tribu Iuda cum ponatur hic inter viros istius tribus, & tamen Machathi est quædam gens de gentibus, quæ non pertinebant ad Israelitas: de ista gente dicitur Deuteronomij tertio, & Iosue decimotertio, quod noluerunt Israelitæ delere Gessuri, & Machathi, sed manserunt inter eos: vnde filiam quandam Ptolomai regis Gessuri accepit in uxorem, secundo Regum tertio, & precedenti capitulo. Primus tamen modus melior est, scilicet, quod iste Natham esset vir quidam.

Qui fuerint illi supra positi, s. Iared, Gedor cum cæteris, &c.
Quæst. XIII.

QUÆRITUR vterius de illis qui supra ponuntur, scilicet, Iared, Gedor, & Heber, & cæteri, qui fuerint.

Quidam putant omnia ista esse nomina Moyfi, & trahunt ex hoc, quia asseruerunt Ezra esse Amram patrem Moyfi, & Iudaia esse vxor eius, ideo putant, quod Iudaia sit Iocabed vxor Amram, & omnia nomina hic posita sunt nomina Moyfi propter diuersos actus. Vocatur enim Iared, idest descendens, quia de monte descendit cum tabulis lapideis Exodi trigesimo secundo. Vocatur pater Gedor, idest sepis, vel circuitus, quia sepe populum lege Dei circundedit tanquam sepe quadam, vel vallo: vocatur

F Heber, idest vincitor, vel ligator, quia populum Dei seruitio ligauit: vocatur pater Socho, idest prophetiæ, quia ipse fuit pater, & doctor prophetarum, nam non fuit aliquis similis inter prophetas, Deuteronomij vltimo. Vocatur autem Ichutiel, idest sperans in Deo, quia spem habuit in Deo, ut populum de Aegypto liberaret. vocatur pater Ianon, idest liberator, quia populum in heremo doctrina sua gubernauit, & quotidie gubernat. Sed ista positio est nimis erronea.

Primò, quia asserit, quod Moyfes, & progenies sua ponatur hic, & tamen istud est irrationabile cum Moyfes sit de tribu Leui, de qua infra sexto capitulo agitur.

Secundò est irrationabilis, quia dicit, quod omnia ista, quæ ponuntur hic, sunt nomina Moyfi, quæ conueniunt ei propter diuersos actus, & tamen hoc non potest stare, quia quando describuntur generationes, plura nomina significant plures viros, quia aliàs sequeretur magna incertitudo, & absurditas, quia nunquam sciretur de aliquo in scriptura, an habuerit paucos, vel multos filios, dato quod omnes exprimerentur nominatim, & hoc est absurdum, ut declaratum fuit precedenti cap. in quadam quæstione de quatuor filiis Iosæ.

Tertiò patet hoc, quia isti ponuntur hic cum coniunctione copulatiua, & illa facit differentiam realem, & ideo isti erant diuersi homines.

Quartò patet, quia ponuntur illic tria nomina virorum, & dicuntur de eis tres proprietates, scilicet, quod Iared erat pater Gedor, & Heber erat pater Socho, & Ichutiel erat pater Ianon, & tamē si essent ista tria nomina vnus viri non diceretur de quolibet eorum per se, quod erat pater, vel dominus vnus urbis, quia idem vir esset pater istarum trium urbium, & sic potest dici quod Iared erat pater Iedor, & Socho, & Ianon: & tamen non concedit hoc scriptura, sed de quolibet eorum per se dicit, quod est pater vnus urbis: ergo sunt tres viri isti. Et dicendum quod non sunt nomina Moyfi, nec aliquod eorum est nomen eius.

I Quinto patet, quia ista expositio est per allegoriā, quia interpretamur nomina, & quia significatum illorum conuenit Moyfi quantum ad aliquos actus, dicimus illa nomina esse Moyfi, & tamen iste modus est in allegorijs, & in quibuscunque sensibus mysticis: scriptura tamen vult sensum literalem habere, quia cæteri sensus non sunt sensus scripture, sed sunt apppositi ei a nobis ad quandam decorem, & conuenientiam, & doctrinam morum, ut quidquid in scriptura est, ad nostram eruditionem cōuertamus, non ergo potest literaliter intelligi de Moyse. Sed dicendum est, quod illi tres fuerunt viri de tribu Iuda famosi, qui præfuerunt tribus urbibus terræ Iuda, & cognationes illarum urbium descenderunt ab istis, & sic fuerunt isti tanquam domini, & patres illarum urbium.

De filia Pharaonis, quam Mered accepit in uxorem.

Quæst. XIII.

QUÆRITUR vterius de ista Bethia filia Pharaonis, quam accepit Mered in uxore, quæ mulier fuerit, vel quomodo accepta fuerit ab eo.

Respondet quidam, quod ista Bethia fuerit filia Pharaonis, quæ descendit ad flumen quando Moyfes erat expositus in carecto fluminis, & accepit eum, & nutrire fecit Exodi secundo, & postea dicit, quod ad suasionem Moyfi accepit illa ritum Iudaicum de-

seruus

fertis idolis, & tunc accepit eam Moyſes in vxorem, & genuit ex eo iſtos, qui nominantur hic. Rabanus autem, & Glo. ordina. dicunt, quòd mater Moyſi vocatur filia Pharaonis, quæ ſecundum proprietatem vocabuli filia domini nuncupatur, quia bonam voluntatem in nutriendo habuit, & dicitur accepta à Mered, id eſt à Moyſe, quia relictis idolis ad cultum Dei conuerſa eſt.

Sed dicendum, quòd prima poſitio non ſtat.

Primò quia præſupponitur, quòd hic deſcribatur progenies Moyſi quantum ad poſteros ſuos, ſed hoc falſum eſt, cum Moyſes eſſet de tribu Leui, de qua nihil agitur hic, ſed ſolum de tribu Iuda.

Secundo patet, quia iſti aſſerunt, quòd Moyſes accepit in vxorem filiam Pharaonis, & ex ea genuit filios, ſed hoc non conuenit, quia ipſa erat filia regis Aegypti: Moyſes verò erat quidam de ſeruis Pharaonis, ideo non eſt veriſimile, quòd vellet eum accipere in virum, poſſimè quia dato, quòd ipſa vellet non permitteret rex Aegypti, quia erat magna ignominia, quòd filia regis acciperet in virum vnum de ſeruis, & maxime quia Hebræi erant nimis exoſi Aegyptijs, & affligebat eos in operibus vilibus terræ, Exodi primo.

Tertiò patet, quia dato quòd filia Pharaonis vellet accipere Moyſen in virum, nollet ipſe, quia erat contrarius, nam ipſa erat mater eius, cum adoptaſſet eum ſibi in filium, & feciſſet nutrire, & ſicut non licet alicui contrahere cum matre ſua carnali, ita nec cum matre ſua adoptiua.

Quartò patet, quia iſti dicunt, quòd conuertit eam ad cultum Dei dimiſſis idolis, & tunc accepit eam in vxorem, ſed hoc non eſt, quia filia Pharaonis iam eſſet in tanta ætate, in qua non eſſet apta, vt a viro cognosceretur, vel acciperetur in vxorem, quia Moyſes erat octoginta annorum, quādo reſceſſit de Aegypto, & habuit ſecum aliquos Aegyptios cōuerſos ad cultum Dei, & relinquentes terram ſuam Exodi ſeptimo & duodecimo, & tamen tunc filia Pharaonis ſi viueret eſſet centum annorum, vel plus, ideo non erat apta, vt acciperetur ab aliquo in coniugem. Patet hoc quia ipſa erat puella magna, quæ deſcendebat ad fluuium cum ancillis ſuis, quando Moyſes erat expoſitus in careſto fluminis.

Secunda poſitio etiam non ſtat, quia licet iſta non ponat fuiſſe filiam Pharaonis vxorem Moyſi, ſequuntur ad eam alia inconuenientia.

Primum eſt, quia dicitur quòd Moyſes conuertit eam ad cultum Dei relictis idolis, ſed hoc non eſt veriſimile, quia filia Pharaonis non deſereret cultum patris, nec auderet hoc facere: ſed etiam Moyſes, nec auderet hoc perſuadere vt hoc faceret, quia illico perſequeretur eum Pharaon.

Secundum inconueniens, & maius eſt, quia hic dicitur, quòd Mered accepit iſtam Bethiam in vxorem, & genuit ex ea filios, qui hic ponuntur, & tamē Rabanus non vult, quòd acceperit eam in vxorem, licet ſolum, quòd conuerterit eam ad Deum ab idolis.

Tertium inconueniens eſt, quia tunc poneretur ſuperfluum hic de Mered, id eſt de Moyſe, & de Bethia filia Pharaonis, quia hic ſolum ſit enarratio progenierum, & tamē ab iſtis duobus non deſcendit aliqua progenies, ideo non pertinent ad locum iſtum.

Quartum inconueniens eſt, quia ſiue accepiſſet eam in vxorem Moyſes, ſiue nō, non debebat aliquid poni de Moyſe, vel de progenie eius, cum ipſe ſit de tribu Leui. Dicendum ergo, quòd iſta Bethia fuit filia Pharaonis regis Aegypti, & fuit accepta in vxorem à Mered, quod patet, quia ipſe fuit dominus vr-

A bis Gedor, vt patet in litera.

Aliquando tamen fiebant aliqua matrimonia, ſicut patet de Salomone, qui accepit filiam regis Aegypti in vxorem, tertio Regum tertio cap. Ita nunc de iſto Mered veriſimile erat, nā licet ipſe non eſſet tantæ poteſtatis ſicut Salomon, qui erat rex, tamen erat magnus vir, quia erat dominus vrbs Gedor, & fortè maioris terræ, & Pharaon vellet ei dare filiam ſuam poſſimè ſi multas habebat, vel ſi erat filia illegitima.

An fuerit licitum, quòd Mered filiam Pharaonis acciperet in vxorem. *Quæſt. XV.*

B

QUÆRITUR vterius an licuit iſti Mered accipere in vxorem filiam Pharaonis.

Aliquis dicit quòd nō, quia gentilis erat cum eſſet Aegyptia.

Reſpondendum quòd non erant omnes ſcēminę gentilium vetitæ Iudeis quantū ad matrimonia contrahenda, ſed ſolæ mulieres de ſtirpe Chananæorum, vt colligitur Exodi trigeſimo quarto, & Deuteronomij ſeptimo. Etiam quia Deus permittebat, quòd poſſent Iſraelitæ accipere in vxores mulieres gentiles, quas caperent in bello ſi non eſſent de terra Chanaan: & ſi eſſent Chananæ, deberent occidi, Deuteronomij vigefimo & vigefimo primo. Aegyptij tamen non erant Chananæi, ideo licebat Iudeis accipere vxores de filiabus eorum: ſic enim Salomon accepit filiam Pharaonis in vxorem, & non peccauit, vt patet tertio Regum cap. tertio, vbi dicitur, quia ibi ambulabat Salomon in vijs patris, & Deus diligebat eum excepto, quòd in excelsis immolabat, & tamen ante hoc ponitur ibi, quòd acceperat in vxorem filiā Pharaonis, ergo non peccauit accipiendo illam. Sed adhuc obijcietur, quòd peccauit iſte Mered accipiendo filiam Pharaonis, quia nō licebat Aegyptijs intrare in eccleſiam Domini vſque ad quartam generationem, Deuteronomij vigefimo tertio. Et intelligitur de contractu matrimoniali: ergo non poterat accipere aliqua mulier Aegyptia in vxorem à viro Iudeo, quouſque illa eſſet in quarta generatione.

D

Aliquis dicit quòd iam erat iſta in quarta generatione, ideo non peccaret Mered accipiendo eam, quia iam non erat gradus prohibitus.

Sed dicendum, quòd hoc non ſtat, quia illa non erat in quarta generatione, immo nec in prima, quia generationes illę computantur in Aegyptijs, & Idu-meis à conuerſione eorum ad ritum Iudaicum, ſcilicet, quòd ille, qui conuerteretur eſſet in prima generatione, & filius illius in ſecunda, & nepos in tertia, & proneps in quarta, & tunc poterant intrare in eccleſiā Domini, & tamen iſta Bethia erat filia Pharaonis, & ſic non erat ille conuerſus ad Iudaismum, cum eſſet rex Aegypti, nec filia ſua adhuc conuerſa erat, & dato quod conuerteretur, manebat in prima generatione.

E

Reſpondendum quòd verum eſt, quòd iſta Bethia non erat in quarta generatione, & tamen licuit eam accipi in vxorem à viro Iudæo. Cum autem obijciatur de quarta generatione: dicendum, quòd hoc intelligitur de viris, quia lex ſolum loquitur de illis, dicens: quòd qui nati fuerint ex Aegyptijs, & Idu-mæis in quarta generatione introibunt in eccleſiam Domini, & de ſcēminis nihil dicitur: maxime quia ſcēmina gentilis cum accipitur in vxorem ab aliquo Iudeo dicitur introire in eccleſiam gentilium, quia vir dicitur introire in eccleſiam, id eſt in multitudinem illam, de qua accepit vxorem, ſed mulier non dicitur introire in eccleſiam, id eſt multitudinem, de qua

qua accepit virum, cum femina magis dicatur accipi à viro quam accipere virum, & sic non erat prohibitum Iudæis accipere vxores de Aegyptijs, etiam si nō conuerterentur ad legem Moyfi. Et patet hoc, quia Deuteronomij vigesimoprmo dicitur, quod quando pugnarent Hebræi contra aliquam gentem, quæ non esset de terra Chanaan, poterant virgines captas in bello accipere in vxores. Manifestum est tamen, quod illæ nondum erant conuersæ ad Iudaismum, ideo generationes istæ non computantur in feminis, sed in viris.

Ratio autem fuit legis, quia per hoc, quod gentiles acciperent vxores de stirpe Iudæorum acquirebatur quidam honor gentilibus, cum vxor sit viro subiecta, & per hoc quod Iudæi accipiebant vxores à gentilibus, non acquirebatur honor gentilibus, quia vxor non præest viro, ideo non curauit lex vetare casum, in quo nō acquirebatur honor gentilibus, & sic non prohibuit feminas accipi à Iudæis de gentilitate, sed prohibuit accipi a gentilibus de Iudaismo: non ergo peccauit iste Mered accipiendo filiam Pharaonis in vxorem.

Hoc tamen facere debebant omnes, qui conuertebantur ad accipiendum vxores de gentilibus, quia non debebant accipere illas, nisi illæ consentirent viuere in ceremonijs hebraicis, vel si nondum conuerteretur femina quando accipiebatur in vxorem, vir debebat cogere eam ad obseruandum ceremonias Iudaicas, eo quod iam pertinebat ad populum Dei propter virum, & lex efficiebat eam de populo Dei, & de familia viri. Sicut seruus emptitijs cogendus erat ad circumcisionem, & totam legem Moyfi obseruandam, Exo. 12.

Filij quoque Simon, Ammon, & Rinna filius Hanan, & Thilon. Et filij Iesi: Zoeth & Benzoeth. Filij Sela filij Iudæ: Her pater Lecha, & Laada pater Marefa, & cognationes domus operantium byssum in Domo iuramenti.

Filij quoque Simon. Iste Simon non est Simon, qui est princeps vnius tribus, sed est vir quidam de tribu Iuda. *Ammon, & Rinna.* Iste Ammon non est princeps Ammonitarum, quia ille fuit filius Loth ex filia sua minore Genesis decimonono: iste autem erat de tribu Iuda.

Filius Hanan, & Thilon. Iste etiam Hanan erat de tribu Iuda, & videtur esse filius Rinna, qui ante eum ponitur: cum nō apparet aliquis alius, cuius debeamus eum filium appellare.

Et filij Iesi, Zoeth, & Benzoeth. Iesi videtur esse filius Thilon, quia ille præponitur, & non apparet aliquis alius, cuius debeamus eum filium appellare.

Filij Sela. Hic ponitur secundum, scilicet de progenie Sela postquam positum est de progenie Phares, & Zaram, nam de progenie nihil dictum fuerat supra, & etiam hic pauci viri exprimuntur de illa, cum non sit ipsa præcipua familia tribus Iudæ, sed familia Phares propter David, qui descendit de ea, & dicitur.

Filij Sela, filij Iuda Her. Idest Sela erat filius Iuda, quia fuit tertius filius eius de vxore sua Chananitide, & primus filius istius Sela vocatus fuit Her.

Aliquis dicet, quod hoc fuit propter fratrem suū Her, nam primogenitus Iudæ vocabatur Her, & illo mortuo sine liberis, Iudas dixit Onam filio suo secundo ingredi ad vxorem fratris tui, & illi iunge-

re, vt suscites semen fratri tuo, Genesis trigesimo-octauo. & noluit Onam, sed videns quod non geniturus erat sibi filios, sed fratri, non commiscebatur vxori, sed semen fundebat in terram, & etiam ille mortuus est sine liberis, ideo videtur, quod Sela frater eorum suscicaret semen fratri suo maiori Her, & ad hoc primus filius, qui nasceretur, debebat vocari nomine viri mortui, vt videretur esse filius illius, & ita primogenitus Sela vocatus est Her.

Sed dicendum quod non stat, quia Sela non suscitauit semen fratri suo Her. Nam licet Thamar vxor Her, & Onam petiuisset tradi sibi in virum ipsum Sela, noluit eum dare sibi Iudas, dicens: quod maneret ipsa in habitu viduitatis quousque Sela cresceret, & esset aptus ad accipiendum vxorem, & hoc quia timebat quod moreretur, sicut alij duo fratres eius, & non dedit, sed potius ipse Iudas deceptus est à Thamar, & cognouit eam in habitu meretricali, & postea scitum est, quod Iudas cognouisset eam. Non est tamen credendum, quod postquam illa cognita fuisset à patre, acciperet eam filius in vxorem, & sic nunquam Sela accepit Thamar, & tamen frater nunquam suscitabat semen fratri suo mortuo, nisi quando vxorem illius accipiebat, Deuteronomij vigesimoquinto. Ideo Sela non suscitauit semen fratri suo, & sic non vocatus est primogenitus eius Her propter fratrem suum, sed quia aliàs ipse voluit, quod sic vocaretur.

Pater Lecha. Potest esse Lecha nomen viri, scilicet, quod Lecha esset nomen viri nepotis Sela. Vel potest esse Lecha nomen vrbs, cuius pater, idest dominus erat iste Her: non tamen est intelligendum, quod ipse fuerit aliquando dominus illius vrbs, quia ista vrbs est in terra Chanaan, & Her nunquam fuit in terra Chanaan, sed mortuus est in Aegypto, nam pater suus Sela natus est in terra Chanaan, & iam erat vir aptus matrimonio, quando descenderunt Israelitæ in Aegyptum, immo antequam descenderent, vt colligitur Genesis trigesimo-octauo & quadregesimoquinto. Sed dicitur pater Lecha, quia aliqui de cognatione istius Her dominati sunt in vrbe illa, & habitauerunt in ea.

Et Laada pater Marefa. Laada fuit filius Sela, & fuit pater Marefa, idest cuiusdam viri sic dicti, vel potest accipi Marefa pro nomine vrbs, nā vna ciuitas erat in sorte Iudæ, quæ vocabatur Marefa, vt pater Iosue decimoquinto. & de hac sepe in alijs locis, vt patet Michæ primo, scilicet, Adhuc hæredem adducam tibi qui habitas in Marefa. Et debet intelligi de isto Laada, sicut de Lecha, quia ipse nō potuit venire in terram Chanaan, sed in Aegypto mortuus est. Aliqui tamen de progenie sua possederunt vrbe Marefa postquam redierunt Israelitæ de Aegypto in terram Chanaan.

Et cognationes domus operantium byssum in Domo iuramenti. Idest etiam de progenie Sela fuerunt cognationes multæ, quæ vocabantur cognationes operantium byssum, eo quod de progenie illa fuerunt multi operantes byssum.

Qui fuerunt isti operantes byssum.

Quæst. XVI.

QUÆRITUR qui fuerunt isti operantes byssum in domo iuramenti.

Respondendum, qd Domus iuramenti vocatur tabernaculum Moyfi, vel tēplum Salomonis, vel quodlibet eorū: & rō est, qd tabernaculū Moyfi vocabatur tabernaculū fœderis, eo qd continebatur

tinebatur ibi sedus, id est, lex scripta in tabulis lapideis, **A** super qua sedus factum fuerat inter Deum, & populum, & etiam ex hac ratione vocabatur arca fœderis, quæ erat intra Sancta sanctorum, eo quod continebantur ibi ipsæ tabulæ legis. 3. Regum 8. & sequenti libro, cap. 6. & ad Hebr. 9. Et quia in fœdere contrahendo interueniebat iuramentum, dicebatur domus iuramenti ipsa domus tabernaculi, ideo dicendum est de templo Salomonis: nam ibi seruabatur arca cum tabulis legis, super qua finitum fuerat sedus: & interuenerat iuramentum, ideo templum Salomonis fuerat domus iuramenti, & dicendum, quod in tabernaculo Moyfi fuerunt cognationes Sela operantes byssum, quia quando in deserto fabricatum est illud tabernaculum, facta sunt vela atrij de bysso re- **B** torto, & multa alia pertinentia ad Sanctuarium, ut patet Exodi vigesimo sexto, & vigesimo septimo. Et isti de cognatione Sela operati sunt byssum. Sed obijci- tur, quod non operati fuerint isti, quia Exodi trigesi- moprimum, & trigesimo sexto dicitur, quod fecerunt omnia opera tabernaculi Beselehel de tribu Iuda, & Ooliab de tribu Dan: & tamen ille Beselehel non fuit de cognatione Sela, sed de cognatione Phares.

Respondere potest dupliciter, vno modo quod iste Beselehel fuerit de cognatione Sela: nam quamquam dicatur, quod fuerit Beselehel de tribu Iuda, non dicitur de qua familia fuerit: unde rationabiliter potest dici, quod fuerit de familia Sela potius quam de alia: **C** saltem propter ea, quæ hic dicuntur de operantibus byssum. qui vero asserunt fuisse Ooliab de stirpe Phares hoc dicunt: quia putant eum esse de familia Caleb filij Hefron, de quo dicitur supra 2. & tamen Nicolaus improbat illam positionem. Verum est tamen, quod illa improbatio procedit ex fundamento suo, scilicet, præsupposito, quod Caleb filius Hefron, & Caleb filius Iephone sint idem, quia tunc sequuntur in- **D** convenientia multa: & tamen falsum est hoc, cum isti duo differant nimis, ut probatum est ibidem, & fuerit multo tempore Caleb filius Hefron ante Caleb filium Iephone potuisse Beselehel pronepos illius Caleb, & sic esset de familia Phares, & tamen non constat, quod sit ille Beselehel, de quo habetur supra secundo: qui construxit tabernaculum Moyfi, ideo potest dici, quod de progenie Sela fuerit ille Beselehel.

Secundo potest dici, quod dato, quod Beselehel fuerit de familia Phares, adhuc de familia Sela potuerunt esse operantes byssum. Quod patet, quia Exodi trigesimo primo, & trigesimo septimo, non dicitur, quod Beselehel, & Ooliab fecerint totum tabernaculum Moyfi, sed quod ipsi fuerint magistri cæterorum artificum, & quod cum eis omnes viri eruditi de Israel, quibus Deus dederat sapientiam, operati fuerunt, & sic potuerunt illi artifices minus principales esse potius de familia Sela, quam de alia familia, & forte de alijs familijs fuerunt plures artifices in templo: tamen de operantibus byssum poterant esse plures de familia Sela, vel forte omnes operantes byssum erant de illa familia. De templo autem Salomonis eodem modo di- **E** cendum est: nam ibi facta sunt aliqua de bysso ad ornatum domus Domini: & illa poterant fieri per cognationes Sela.

Et qui stare fecit Solem.

Et qui stare fecit Solem. Id est, Etiam de cognatione Sela fuit ille, qui fecit stare Solem. Non nominantur hic de cognatione Sela muli, & tamen illi, qui nominantur sunt de famosioribus, sicut patet de isto, qui fecit stare Solem: nam non poterat esse maior fama, vel gloria alicuius, quam quod ad mandatum eius, vel preces Sol staret.

Alph. Tost. In Lib. I. Paralip.

Quisnam fuerit ille, qui fecit stare Solem.

Quæst.

XV IIII.

QUÆRITUR quis fuerit iste, qui fecit stare Solem. Aliquis respondebit, quod fuit Iosue, quia ipse dixit: Sol contra Gabaon non mouearis, & Luna contra vallem Aialon. Iosue 10. & ibi dicitur, quod stetit Sol, & obediuit Deus voci hominis.

Sed dicendum, quod hoc non stat, quia Iosue non fuit de cognatione Sela, cum fuerit Sela de tribu Iuda: Iosue tamen fuit de tribu Ephraim. Numeri 13.

Aliquis dicit, quod fuit iste Ezechias, quia ad preces eius stetit Sol, ut curaretur ab agritudine. 4. Re. 20.

Sed dicendum, quod non stat propter duo. Primo, quia tempore Ezechiae Sol non stetit, sed retrocessit, ut patet eodem cap. & Isaia 38. Multum autem differt inter stationem Solis, & retrocessionem.

Secundo patet, quia dato quod largè acciperemus pro eodem retrocessionem Solis, & stationem: non poterat adhuc intelligi, quod esset Ezechias de quo hic dicitur, quia Ezechias fuit de tribu Iuda, & tamen non de familia Sela, sed Phares. Nam Ezechias est de progenie Dauid. præcedenti cap. Dauid autem est de progenie Phares, supra secundo. Ideo Rabanus, & Glos. ordin. & alij expositores nostri dicunt, quod iste, propter quem stetit Sol, fuit Elimelech maritus Noemi, de quo habetur Ruth primo. Et dicunt, quod in tempore huius propter præuaricatores legis Sol stetit, ut viso miraculo conuerterentur ad Dominum, quod quia contempserunt inuoluit fames, ut prius in tribu Iuda: unde inopia cogente peregrinatus est Elimelech in terra Moab: Ruth primo. Et quia dicitur hic, qui fecit stare Solem: dicunt quod ad preces istius Elimelech Sol stetit, scilicet, quod ipse petiuit a Deo, ut faceret stare Solem, ad ostendendum per hoc, quod mutabatur cursus rerum propter peccatum populi. Quidam tamen Hebræi tenentes istam stationem Solis, dicunt quod Elimelech non fecit stare Solem orationibus suis, sed potius propter auaritiam suam stetit, quia ipse erat auarus nimis; & cum esset tempus inopiæ, & famis populi, iuit in terram Moab, ut non distribueret pauperibus Iudæis de bonis suis, cum tamen ipse esset diues, & potens: & ob hoc dicunt mortuos fuisse filios suos Maalon, & Chelion, Deo puniente, & etiam Noemi redijt vacua viro, & filijs: & Ruth nurus eius ad extremam paupertatem deducta coacta est spicas colligere, ut patet Ruth 2. Motiuum autem quare potius dicatur, quod Elimelech fecit stare Solem, quam aliquis alius, fuit duplex: quia in temporibus eius fuit fames magna, & verisimilius est, quod in talibus temporibus Deus fecerit stare Solem, ad ostendendum peccata hominum magna esse, propter quæ mittebatur fames, quam alio tempore, sicut tempore passionis Christi eclypsis Solis miraculosa apparuit ad hoc, quod ostenderetur magnum scelus eorum, qui Christum occiderunt. Matthæi vigesimo septimo. Secundum motiuum est propter literam sequentem, cum dicitur: Viri mendacij, & Securus, & Incendens, qui fuerunt principes in Moab, & reuersi sunt in Bethlehem, & videtur hoc intelligi de Chelion, & Maalon filijs Elimelech, ideo intelligitur litera præcedens de Elimelech.

Virique mendacij, & Securus, & Incendens, qui Principes fuerunt in Moab: & quæ reuersæ sunt in Lahem. Hæc autem verba vetera.

Iere. 15.

Virique mendacij. Istud intelligitur de duobus, scilicet, de Chelion, & Maalon filiis Elimelech: & est sensus, quod etiam viri mendacij fuerunt de stirpe Sela, & vocantur viri mendacij, idest, deficientes, quia nomen positum in Hebræo pro mendacio signat defectum, & propriè dicitur, quia verbum deficit ab eo, quod signat quando mendacium est, & sic quodcumque aliqua res deficit, dicitur mentiri, sic patet in Hebræo Isaia 58. ubi dicitur. Et eris quasi ortus irriguus, & sicut fons aquarum, cuius non deficient aquæ. Et ibi dicitur in Hebræo cuius aquæ non sunt in mendacio, & alibi dicitur: Facti sunt mihi mendacium aquarum infidelium, & sic vocantur aquæ mendaces, quæ deficiunt aliquo tempore: ita isti duo, scilicet, Chelion, & Maalon mortui sunt sine prole: ideo vocantur viri mendacij, idest, viri deficientes: Simile accipitur 4. Regum 4. cap. cum dixit Sunamitis ad Elisæum: Noli mentiri vir Dei, idest, noli mihi dare filium cito moriturum, & istud intendebat mulier, ut ibi probatum est. *Securus, & Incendens.* Istud dicitur de illis duobus viris Chelion, & Maalon, quia ista duo conueniunt proprietatibus eorum, scilicet, quod vnus vocetur Securus, & alius vocetur Incendens, sed de hoc magis infra declarabitur. *Qui principes fuerunt in Moab.* Intelligitur de Chelion, & Maalon: & non conuenit eis, quod fuerint principes in terra Moab, quia ibi erant ipsi viri pauperes, cum peregrinando illuc inissent propter penuriam victualium in terra sua, sed melius accipitur secundum literam Hebraicam, dicentem: *Qui mariti fuerunt in terra Moab.* Nam Maalon accepit Ruth in uxorem, & Chelion accepit Orpham: & istud procedit ex æquiuocatione nominis Hebraici: quia Baal in Hebræo significat maritum, vel principem. Et accipitur Baal pro principe: Leuit. 21. cum dicitur: Sed nec in principe populi sui contaminabitur. Et ponitur in Hebræo Baal: hic autem accipitur Baal pro marito. Hieronymus tamen voluit accipere pro principe, sed melior videtur alius sensus. *Et reuersi sunt in Bethlehem.* Intelligitur de Maalon, & Chelion: & tamen non videtur eis conuenire, quod reuersi fuerint in Bethlehem: quia illi mortui fuerunt in terra Moab, & reuersa fuit sola Ruth vxor vnus eorum cum Noemi matre ipsorum, ut patet I

Dicendum, quod illi reuersi fuerunt in Bethleem non in seipsis, sed in aliquo supplente locum eorum, nam Ruth vxor Maalon redijt in Bethlehem cum Noemi, & illa gerebat vicem illorum, eo quod ipsa postea peperit de Booz, & progenies sua subrogata est in locum Maalon, & Chelion.

Sed dicetur, quod non potuit Ruth gerere personam Maalon, & Chelion: sed solius Maalon, cum fuerit vxor eius, & non Chelion.

Dicendum, quod directius representabat Ruth personam Maalon, quam Chelion cum fuerit vxor eius, & tamen vtrunque representauit: quia Booz, qui accepit Ruth in uxorem, suscitauit prolem non soli Maalon, sed etiam Chelion, quod patet Ruth 4. Nam dixit Booz ad populum: Vos estis testes, quod possederim omnia, quæ fuerunt Elimelech, & Chelion, & Maalon: tradente Noemi, & Ruth Moabitidem in uxorem acceperim, ut suscitè nomē defuncti in hereditate sua. Et sic cum acciperetur hæreditas omnium istorum, & suscitaretur eis proles, & hoc propter Ruth, quæ accipiebatur in uxorem, ipsa representabat vtrunque, immo omnes tres, scilicet, Chelion, & Maalon, & patrem eorum Elimelech: & reuersa illa in terram Bethlehem dicebatur reuerti quilibet istorum illuc. *Hæc autem vetera verba.* Idest, Iste sunt historiarum antiquarum: Hoc dixit Esdras ad differentiam alia-

Frum genealogiarum, quas describebat, quæ erant propinquæ tempori suo, sicut patet præcedenti cap. in quo deduxit progeniem David vsq; ad tempus suum post captiuitatem Babylonis: ista enim erant antiqua, quia fuerunt in diebus Elimelech, & multi anni fuerant a tempore Elimelech vsque ad tempus Esdræ, qui scribebat hæc: aliter autem exponenda est tota ista litera ab illo loco: Et qui fecit stare Solem: quia in Hebræo habetur multum differenter vnde dicitur.

Et Iochin: & viri Chozeba, & Ioas, & Sarapharas: qui mariti fuerunt in Moab, & habitantes in Bethlehem. Et vocatur Iochin quidam vir famosus, qui fuit de progenie Sela, & loco eius nos habemus, & qui fecit stare Solem.

G*Et viri Chozeba.* Isti dicuntur esse quidam viri nominati a quodam loco dicto Chozeba: & verum est, quod Chozeba in Hebræo potest esse nomen commune, & significabit mendacium, & sic accepit Hieronymus, quod isti fuerunt viri Chozeba, idest, mendacij. Aliquando tamen potest esse nomen proprium loci, & sic accipiunt Hebræi: sic etiam fit in Latino, quia aliqua dictio est Latina, quæ potest esse nomen proprium, & commune, sicut Fœlix, & Iuuenalis, quia sunt adiectiua, & etiam sunt nomina virorum: idem etiam patet, quantum ad nomina locorum, quia compendium est nomen commune in Latino signans breuitatem itineris, sicut dicitur 2. Regum 18. Cucurrit Achiamas per viam compendij. Et aliquando est nomen proprium vrbs, nam quædam vrbs in Francia sic vocatur, & factum est ibi concilium, & habentur multe Decretales, quæ emanauerunt a concilio facto apud Compendium, ut patet ex præscriptionibus eorum. *Ioas, & Saraph.* Isti duo fuerunt viri Chozeba: vel, ut alij volunt, fuerunt præter illos: & tamen quocumque modo dicatur, isti fuerunt de stirpe Sela, & loco istorum posuit Hieronymus duo nomina communia, scilicet, Securus, & Incendens, & tamen non cōuenit significationi: nam Saraph bene potest significare Incendentem, & tamen Ioas non significat Securum. *Qui mariti fuerunt in Moab.* Scilicet, Isti duo acceperunt vxores de terra Moab, potuerunt enim peregrinando, vel ex aliqua alia occasione accipere vxores de terra illa, sicut duo filij Elimelech acceperunt vxores Moabitidas Ruth, & Orpham, ut patet Ruth 1. Vel sicut Mered accepit Bethiam filiam Pharaonis Aegyptiam, supra in litera. *Et habitatores Bethlehem.* Scilicet, Isti duo viri habitauerunt in Bethlehem, quia licet pertineret Bethlehem ad familiam Phares, tamen aliqui de familia Sela habitant ibi.

Quæ istarum expositio sit melior.

Quæst. XIX.

QUARRITUR quæ litera istarum, & expositio videtur esse melior. Respondendum, quod verius, & conuenientius se habet litera, prout iacet in Hebræo, quam prout translata est a Hieronymo.

Primo patet, quia vbi nos dicimus, qui stare fecit Solem, in Hebræo dicitur Iochin, & tamen non potest Iochin significare stationem Solis, sed necesse est, quod sit nomen proprium alicuius vrbs, quam quod sit nomen commune pro mendacio, cum hic agatur de diuersis cognationibus, qui habitabant in varijs locis terræ Israel.

Secundo, quia si Sol stetisset tempore Elimelech ad preces eius, vel propter malitiam eius, quia erat auarus, scriptura nō tacuisset tantum miraculum in libro Ruth, vbi ponitur completa ista historia: cum statio Solis sit de famosissimis miraculis, & magnis, quæ homines

homines arbitrari possunt, & tamen nihil dictum est ibi, ideo non est verisimile, quod tempore illo fuerit statio solis, & hoc significat litera Hebræa, quæ ponit vnum nomen proprium viri, scilicet, Iochin, in quo nullo modo significatur statio solis.

Tertio patet, quia dicitur in litera nostra: Securus, & Incendens: vbi in Hebræo dicitur Ioas, & Seraph: & tamen ista nomina non significant illud, quia Ioas nullo modo significat Securum, vt patet ex interpretationibus nominum Hebræorum, secundum quod nos vtimur illis, vel secundum quod vtuntur Hebræi, ideo magis videtur, quod Ioas, & Seraph fuerint duo nomina virorum.

Quarto patet, quia dicit litera nostra, qui principes fuerunt in terra Moab, & tamen Chelion, & Maalon, de quibus intelligunt isti nostri expositores, quod fuerint Securus, & Incendens: non fuerunt principes in Moab, accipiendo autem, vt sunt nomina virorum aliorum, quam Maalon, & Chelion: potest de illis dici, quod fuerunt principes in Moab, quia aliqui Iudæi poterant esse viri potentes in Moab, vel potest intelligi, quod fuerunt mariti illo modo, quia acceperunt inde uxores: ita vt accipiantur Baal pro marito, & non pro principe.

Quinto patet, quia dicitur quod isti reuersi sunt in Bethlehem: & tamen manifestum est, quod Chelion, & Maalon non reuersi sunt in Bethlehem, sed mortui sunt in terra Moab, vt patet Ruth 1. & cum soluebatur, quod isti reuersi sunt in Bethlehem, idest, qd Ruth reuersa est loco illorum, quamquam sit solutio aliquantulum colorata ad eundem: tamen non est satis verisimile, quod scriptura tali modo loquendi vtatur, quia per istum modum possemus verificare fere omnes propositiones, quamquam communiter reputarentur multe falsæ.

Sexto patet, quia dicunt Elimelech, & duo filij sui Chelion, & Maalon fuisse de progenie Sela, sed falsum est, quia oportet poni eos fuisse de progenie Phares, quod patet, quia Booz accepit Ruth Moabitidem in uxorem ad suscitandum semen illorum, qui mortui fuerant, vt patet Ruth 4. f. Testes vos estis hodie, qd posederim omnium, quæ fuerunt Elimelech, & Chelion, & Maalon: & sumpserim Ruth Moabitidem uxorem Maalon in coniugium, vt suscitem nomen defuncti in hereditate sua, ne vocabulum eius de familia sua, & populo deleatur. Et si filius ille, qui natus est de Booz, & Ruth, scilicet, Obed esset de familia Maalon, quia alias deleteretur familia eius, & non suscitaret Booz semen illius, & tamen Obed ponitur in familia Phares, vt patet eodem cap. cum dicitur: Hæ sunt cognationes Phares, & sic deducitur vsque ad Obed, si tamen esset Obed de familia Sela non poneretur in progenie Phares: constat tamen, quod isti duo, qui nominantur hic, fuerunt de stirpe Sela, ideo non fuerunt Maalon, & Chelion.

Septimo patet, quia Booz erat cognatus propinquissimus Maalon, & Chelion: Ruth 3. & 4. & propter hoc accepit in uxorem Ruth Moabitidem, vt suscitaret semen Maalon, & tamen Booz erat de progenie Phares, vt patet supra 2. cap. & Ruth 4. & Matth. 1. Ergo Maalon, & Chelion erat de stirpe Phares, quia non poterant duo viri quorum vnus erat de stirpe Sela, & alius de stirpe Phares esse cognati, cum essent in duabus progeniebus nimis distinctis: Non potest igitur exponi conuenienter litera ista, sicut habetur in translatione nostra, sed sicut habetur in Hebræo, & supra fuit expositum.

Hi sunt singuli habitantes in Plantationibus, & in Sepibus, apud Regem in operibus Alph. Toft, in Lib. I. Paralip.

cuius, commoratiq; sunt ibi. Filij Simeon, Namuel.

Hi sunt singuli habitantes in Plantationibus, & in Sepibus. Refertur ad omnes de progenie Sela, scilicet, quod illi habitabant in Plantationibus, idest, in hortis, & in sepibus, idest, intra aliquod vallum leuiter factum: Est sensus, quod isti non habitabant in vrbibus muratis, sed in locis campestribus, & in agris vbi erant plantationes, idest, arbores, & vineæ, & alia pertinentia ad agriculturam, & sic habitabant dispersi per agros, siue mutuo, sicut fit in ruribus, & grangijs. Aliqui autem istorum habitabant in sepibus, idest, non intra muros vrbium, sed per agros inter aliqua septa leuia, quæ ipsi faciebant, sicut interdum, & ruribus, & viculis fiunt leues muraturæ. *Apud Regem in operibus eius.* Idest, Isti erant agricolæ Regis: nam Reges Iuda, qui vacabant nimis agriculturæ constituiebant sibi de familia Sela agricultores per diuersas partes terræ Iuda, sic enim patet de Dauid, qui habebat agricolas in omnibus generibus agriculturæ, & custodiendorum animalium, vt patet infra 27. vbi nominantur expresse præpositi istorum. Sic etiam Rex Iosaphat erat agriculor, & maxime Rex Ozias super ceteros Reges, sequenti libro, cap. 26. Et isti constituiebant sibi agricolas de progenie Sela, & sic dicebantur esse in operibus Regis. Dicitur etiam, quod erant apud Regem, quia forte aliqui de progenie ista erant consiliarij, vel familiares Regis. Vel potest dici hoc, ex eo quod isti erant agricolæ Regis: nam per hoc erant apud Regem, idest, in operibus eius, & hoc significat litera dicēs apud regem in operibus eius, quia ista duo ponuntur pro eodem. *Commoratiq; sunt ibi.* Idest, Morati sunt in plantationibus, & in sepibus, vt colerent ea, quæ pertinebant ad Regem. *Filij Simeon.* Hic ponitur principale huius cap. 2. scilicet, de filiis Simeon, & diuiditur in duo: quia primo ponitur communiter de viris omnibus. Secundo de quibusdam viris nobilibus, ibi, *Mosobah quoque.*

Quare progenies Simeon ponitur post enarrationem progenies Iuda. Quast. XX.

QUÆRITUR circa hoc, quare post enarratam progeniem Iudæ enarratur hic progenies Simeon: nam non videtur, quia deberet ista poni, sed aliqua alia, scilicet, tribus Ruben, vel Benjamin, vel Ephraim, aut saltem Dan, quod patet, quia non obseruatur hic aliquis ordo. Pro quo sciendum, quod poterat hic obseruari de tribus ordinibus. Primus est, qd teneretur ordo natiuitatis, & iste non tenetur: nam post Iudā, de quo supra agitur non natus fuit Simeon cum fuerit Simeon secundus filius Iacob, & Iudas fuerit quartus: Genes. 19. Sed debebat poni Dan isto modo, quia Dan natus est post Iudam. Nam Lia peperit quatuor filios, quorum quartus fuit Iudas, & parere cessauit: deinde Rachel dedit Balam ancillam suam in uxorem viro suo Iacob, & peperit Dan, vt patet Genes. 30. & sic non fuit aliquis medius in ordine natiuitatis inter Iudam, & Dan. Secundus ordo est, qd computaretur per dignitatē, vt sicut progenies Iudæ, quæ dignior erat, enarrata fuit prius, licet nō natus fuerit Iudas ante ceteros filios Iacob, ita ceteri, qd succedebant inde in ordine dignitatis, licet nō subsequerentur in ordine natiuitatis subordinari debebant, & tamē post Iudam non sequebatur in dignitate Simeon, sed Ruben, & Ephraim, & Dan: quia isti tres, & Iudas fuerunt principes quatuor vexillorum, sub quibus erant omnes duodecim tribus Israel, vt patet Num. 2. Tertius ordo erat, vt post Iudam rediret ordo natiuitatis, incipiendo

do ab illo, qui erat simpliciter prior natiuitate, nam **F** Ruben erat primus omnium filiorum Iacob, & ab ipso incipere debuisset ordo progenierum; & tamen propter dignitatem tribus Iuda inceptum fuit ab ea, & illico rediri potuisset ad enarrandum omnes filios Iacob, secundum ordinem natiuitatis, & sic est primus Ruben, & tamen ponitur hic Simeon.

Respondendum est, quod non fuit hic obseruatus aliquis ordo istorum, sed incepta scriptura enarrare a Iuda, qui fuit prior secundum dignitatem, & quia tribus Iuda, & Simeon videbantur esse vna tribus, eo quod erant in vna sorte, computata est progenies vtriusque simul, nec debuit aliquid intendere: Patet hoc, quia Iosue 19. dicitur, quod Simeon receptus est in sorte Iudæ, eo quod tribus Simeon erat parua, & possessio filiorum Iuda erat magna. Idem etiam colligitur hic in litera, ideo non debuit agi de alia tribu post Iudam, nisi de Simeon.

Quare in sorte, & tribu Iudæ non fuerint plures computati. *Quæst. XXI.*

QUÆRITUR vltius, quomodo in sorte Iudæ, & tribu non fuerint computati plures, quam habentur in istis tribus capitulis præcedentibus, & quomodo computantur isti, & non alij: nam videtur, quod debuissent computari valde plures, quia extenditur ista computatio ab exordio progeniei Iudæ vsque ad tempus Esdræ post captiuitatem Babylonis, & in tempore isto fuerunt viri, quasi innumerabiles in tribu hac, & tamen hic pauci ponuntur.

Respondet aliquis, quod ista computatio facta est in aliquo tempore, in quo erant pauci viri in tribu Iuda, ideo non superexcederet numeratio ad eos, qui habentur hic.

Sed dicendum, quod hoc non stat, quia hic non ponitur computatio pro aliquo tempore, ita quod dicatur tot, vel tot erant in progenie Iuda, tali vel tali tempore, sicut fuit posita summa in computatione facta in deserto anno secundo ab exitu de Aegypto: Numeri primo, & in computatione facta anno quadagesimo ab exitu de Aegypto. Numeri 26. Sed **I** fit computatio ab exordio tribus vsque ad tempus Esdræ post captiuitatem Babylonis, ideo oportet, quod essent plures viri, quam hic.

Secundo patet hoc, quia dato quod poneretur summa virorum Iuda, qui erant aliquo tempore, & non pro alijs temporibus, tamen esset valde maior summa, quia quandoque fuit posita summa filiorum Iuda, nunquam fuit minor sexaginta millibus virorum, vt patet Numeri primo, & vigesimosexto, & tamen hic non ponuntur quingenti viri de stirpe Iudæ, vt patet computando in his tribus: ergo non ponitur hic tota summa.

Respondendum est, quod verum est, quod non ponitur hic tota summa virorum Iuda, sed nominantur rarissimi illorum, quod patet. Primo, quia in tribu Iuda erant tres filij præcipui, scilicet, Sela, Phares, & Zaran, a quibus deriuata est tota tribus, & tamen de stirpe Sela non nominati fuerint sex viri, vt patet hic in litera: De stirpe Zaran etiam paucissimi nominati sunt, scilicet, non perueniunt ad decem, vt patet supra secundo. Reliquum autem, quod computatur pertinet ad familiam Phares, & tamen manifestum est, quod in familia Sela, & Zaran, computando a capite tribus vsque ad tempus Esdræ post reditum de Babylone essent, quasi viri innumerabiles, de quibus hic nihil dicitur.

Secundo patet, quia accipiendo stirpem Phares, quæ

manet adhuc, ista non computatur omnino, quod patet præcedenti cap. Nam vbi incipit progenies Dauid, qui habuit decem & nouem filios, præter filios concubinarum, vt patet ibidem: & tamen non computatur progenies alicuius eorum, nisi Salomonis: etiam ipsa progenies Salomonis tota non computatur: quia non ponitur pro quolibet Rege, nisi vnus filius ibi, & tamen quasi quilibet Rex de tribu Iuda, habuit multos filios, vt declaratum est eodem cap. in quadam quæstione, & sic lineæ omnium omittuntur, quæ peruenirent ad magnum numerum: patet etiam hoc supra 2. cap. quia ibi ponuntur quædam lineæ de stirpe Phares per Ieramehel, & Caleb: & tamen, in illis numerantur multi, quorum generationes omittuntur. Cum autem quæritur quare generationes quorundam enarratæ sunt, & non omnium, dicendum quod hoc factum est, quia non intendebat hic Esdras computare omnes, qui fuerunt in tribu Iuda, vel in aliqua alia tribu, sed expressit quosdam illorum, qui habentur hic propter duo. Primo, quia liber iste suppletius est eorum, quæ deficiunt in alijs libris, & quia in multis libris causatur obscuritas historiarum propter hoc quod generationes illorum, de quibus agitur in historia, sunt ignotæ, ideo Esdras attēdit principaliter in libro isto enarrare historias progenierum illorum, de quibus in alijs libris agitur, & non ponuntur generationes eorum continuatæ.

Secundum est, quia inter Hebræos in tribu Iuda fuerunt aliqui viri famosi temporibus suis, de quibus nihil dictum erat in alijs locis scripturæ, ideo voluit Esdras mentionem agere de illis, & sic putandum est, quod fere omnes quorum progenies ponuntur hic, fuerunt viri famosi temporibus suis: de alijs autem popularibus, scriptura non curauit, quia si de omnibus scribendum foret, opus quidem esset infinitum, & inutile: ideo sufficit de eis scripsisse. De omnibus alijs autem tribubus idem dicendum est, scilicet, quod non fuit aliqua tribus, in qua describerentur omnes, qui in ea fuerunt, sed soli famosissimi describuntur, & dicitur.

Filij Simeon Namuel. Ponuntur hic omnes filij Simeon, vt postea ponantur descendentes ab eis, & primogenitus eius vocatur Namuhel, sed alijs nominibus appellatur alibi. Nam Genes. 46. vocatur Iamuel, & Numeri 26. vocatur Manuhel, & hoc non est mirandum, quia in Hebræo sæpe mutantur nomina propria tam a parte principij, quam a parte finis.

Iamin, Iarib, Zara, Saul.

Iamin. Iste est secundus filius Simeon, & vocatur sic. Genes. quadagesimosexto, & Numeri vigesimosexto, & ab hoc deriuata est familia Iaminitarum.

Iarib. Tertius filius est, & iste non ponitur Genes. quadagesimosexto. Sed ponitur loco eius alius, scilicet, Oad, vel Saber, & Numeri vigesimosexto etiam non ponitur Seth; loco eius ponitur Iachin, a quo nominata est familia Iachinitarum.

Zara. Iste non ponitur Genes. quadagesimosexto, sed ponuntur duo incogniti, scilicet, Ohad, & Saber: & tamen Numeri 26. ponitur, & ab eo deriuata est familia Zaraitarum. Et differt iste a Zaram, vel Zare filio Iuda, a quo etiam nominata est alia familia Zareitarum, eodem cap. *Saul.* Non est iste Saul, qui fuit primus Rex Israel, quia ille fuit multo post: iste autem mortuus est in Aegypto. Etiam ille fuit de tribu Benjamin. 1. Re. 9. Iste autem fuit filius vltimus Simeon, & ab hoc nominata est familia Saulitarum: Numeri 29. Iste est Saul, qui vocatur Chananitidis. Genes. 26. & nominatur sic, quia fuit genitus a Simeone de quadam muliere Chanaanæ, vt ibidem declaratum est.

Quare non nominantur hic, sicut alibi filij Simeon.
Quæst. XXII.

QUÆRITUR circa hoc, quomodo filij Simeon isti non nominantur hic, sicut alibi: nam non sic nominantur in Genesi, nec etiam in libro Numerorum. Dicendum, quod mutatio in nomine est duplex, quædam est totalis, ut cum ille, qui vocabatur Petrus vocatur Simon: quædam autem est partialis, quando nomen mutatur, quantum ad aliquam partem suam, siue in principio, siue in fine. Primum istorum accidit: quia multi homines sunt binomij, vel trinomij in sacra scriptura, sicut Esau, Edom, & Seir: quia sunt nomina vnus viri, ut colligitur Genesi trigesimoquinto. Etiam Iacob, & Israel, quæ sunt nomina alterius. Genesi trigesimo primo, & trigesimoquinto. Secundum accidit ex conditione idiomatis Hebraici, in quo frequenter nomina mutantur in fine per aliquam additionem, sicut cum dicimus Gessur, & Gessuri, Ieramehel, & Ierameheli. primo Regum vigesimo septimo, & trigesimo, & secundo Regum tertio, & decimo quarto, & precedenti cap. aliquando a parte principij, sicut ille, qui vocatur Aran: Ruth quarto, & Matthæi primo: vocatur Ram, supra secundo. vterque modus istius mutationis est hic.

De primo patet, quia quidam nominatur hic Iarib, qui non nominatur Numeri vigesimo septimo, nec Genesi quadagesimo sexto: sed ponitur aliud nomen loco eius, scilicet, Saber, vel Ohad, vel Iachin.

De secundo patet, quia ille, qui vocatur hic Manuel, vocatur Iemuhel. Genesi quadagesimo sexto, & Manuel Numeri vigesimo sexto.

Ad secundum dicendum, quod Genesi quadagesimo sexto ponuntur sex filij Simeon, & Numeri vigesimo sexto, & hic ponuntur solum quinque. Aliquis autem dicit in hoc, quod aliqui de filiis Simeonis subtrahuntur hic, quia in alijs libris expressi sunt, sicut patet de filiis Isai patris Dauid. Nam primo Regum decimo sexto, & decimo septimo ponuntur octo filij Isai, & supra secundo ponuntur septem filij: Sed dicendum, quod hoc non stat, nam istud esset aliquo modo verisimile si hic subtraherentur aliqui de filiis Simeon, qui tamen exprimerentur tam in Genesi, quam in libro Numerorum, & tamen hic ponuntur quinque filij Simeon, & totidem Numeri vigesimo sexto. In Genesi autem ponuntur sex, ideo non est credendum, quod propter hoc solum omitti fuerint, quia nominati sunt in alijs libris. Sed dicendum videtur, quod Simeon habuit sex filios, & tamen vnus illorum, scilicet, Ohad, vel Saber mortuus est sine prole. Ille autem ponuntur filij Simeon ad enarrandum progeniem eius per illos, ideo non oportuit poni illum, qui nullam progeniem habuerat: Patet hoc, quia Numeri vigesimo sexto ponuntur filij omnium duodecim filiorum Ioseph, ut per illos nominetur familia illarum tribuum, & nominantur solum quinque filij Simeon, & ab eis quinque familiae appellantur. Si tamen sextus filius superfuisset, manifestum est, quod ab illo progenies nominata exprimeretur ibi, ideo etiam dicendum, quod hic non fuerunt positi, nisi quinque filij, quia alius nullam prolem habuerat.

Sellum filius eius Mabfan filius eius, Masma filius eius. Filij Masma, Hamuel filius eius, Zachur filius eius, Semei filius eius. Filij Semei sexdecim, & filiarum sex. Fratres autem eius non habuerunt filios multos, & vni-

Alph. Tost. In Lib. I. Paralip.

A uersa cognatio non potuit adæquare summam filiorum Iuda.

Sellum filius eius. Ille est filius Saulis filius Simeon, & non est iste Sellum, de quo dicitur precedenti cap. quia ille fuit filius Iosæ de stirpe Iuda, iste autem est de tribu Simeon. *Mabfan filius eius.* Non est iste ille, qui nominatur supra primo, quia ille fuit quartus filius Ismahelis: iste autem est de filiis Simeon de progenie Iacob. *Masma filius eius.* Sic etiam nominatur quintus filius Ismahelis, supra primo, & Genesi decimo quinto. Sed non est idem: Potest autem ista litera dupliciter intelligi, vno modo, quod referantur isti tres ad vnum, scilicet, ad Saul, & omnes sint filij Saulis

B quamquam ter dicatur filius, alio modo potest intelligi, quod sit litera suspensiva, & quilibet illorum sit filius precedentis, ut Sellum sit filius Saulis, & Mabfa sit filius Sellum, & Masma sit filius Mabfa: intelligendum tamen est primo modo, quia alias non diceretur postea filij Masma Amiel filius eius, sed continuaretur, sicut supra, scilicet, Masma filius eius, Amiel filius eius, Zachur filius eius: Secundo patet, quia scriptura intēdit hic ponere numerum filiorum istorum: Quod patet, quia dicitur, filij Semei decem & sex, & filiarum sex; & tamen non poneretur illud, nisi etiam in alijs scriptura vellet ponere numerum filiorum, ideo quando dicitur filius eius, & iterum filius eius, intelligendum est de omnibus alijs, qui sunt filij vnus hominis, qui prius nominati sunt. *Filij Masma, Amiel filius eius.* Ille Masma est vltimus filius Saulis, & omnis ceteris ponitur cognatio illius: iste Amiel non est ille, de quo habetur precedenti cap. quia ille est ex tribu Iuda, iste de tribu Simeon: & etiam iste fuit multo tempore ante illum, quia iste fuit pronepos Simeonis, ideo vel mortuus est in Aegypto, vel fuit de illis, qui inde exierunt, & tamen ille Amiel, de quo hic dicitur precedenti cap. fuit tempore Dauid, quod ipse fuit pater Bethsabee. *Zachur filius eius.* Scilicet, filius Masma. *Semei filius eius.* Non est iste Semei, qui maledixit Dauid. 2. Reg. 16. quia ille fuit de tribu Benjamin, eodem cap. Et iste de progenie Simeon, ut patet hic. Etiam iste non fuit, de quo dicitur supra 2. cap. quia ille fuit de tribu Iuda, ut patet ibidem: iste autem est de tribu Simeon. *Filij Semei decem & sex, & filiarum sex.* Ponitur numerus filiorum istius Semei propter dignitatem eorum, quamquam non exprimentur nomina propter multitudinem. Ponuntur etiam sex filiarum Semei, quia fuerunt mulieres famosæ, & decens fuit de illis fieri mentionem. In alijs autem filiis Simeon non ponuntur progenies, quia fortè non fuerunt tot, sicut in ista progenie Saulis, ut videtur litera dicere immediate, vel melius non fuerunt tam famosi illi, qui erant in alijs familijs, sicut qui descendebant a Saule. *Fratres autem eius non habuerunt filios multos.* Intelligitur hoc de fratribus Semei, scilicet, de Amiei, & Zachur, vel potest intelligi de alijs filiis Simeon, qui fuerunt fratres Saulis, quia progenies eius posita est hic, & aliorum non, & dicitur, quod illi non habuerunt multos filios. Quomodo cumque autem accipiat, verum est, quod in progenie Simeon fuerunt pauci viri, nec sunt ista tribus adæquata in multitudine alicui de alijs tribubus, ut patet in duabus computationibus factis in deserto. Numeri 1. & 26. *Et vniuersa cognatio non potuit adæquare summam filiorum Iuda.* Vocatur tota cognatio tota tribus ex quinque familijs suis constans, & illa non potuit peruenire ad tantam summam, sicut tribus Iuda, & non solum sicut tribus Iuda, sed etiam non peruenit ad tantam multitudinem, sicut aliqua de alijs tribubus, ut patet in computationibus factis. Numeri vigesimo sexto: dicitur tamen de tribu Iuda, ex eo quod tribus Simeon accepit

fortem in tribu Iuda, vt patet hic, & Iosue decimonono. *Habitaauerunt autem in Bersabee.* Hic ponuntur loca habitationis, quæ habuerunt filij Simeon in terra promissionis, & fuerunt ista loca in sorte Iudæ: quod patet, quia istæ vrbes, quæ ponuntur hic ponuntur etiam Iosue decimoquinto, inter vrbes sortis Iudæ.

Quare acceperunt filij Simeon loca ad habitandum in sorte Iudæ, &c. Quest. XXIII.

QUÆRITUR quare filij Simeon acceperunt loca ad habitandum in sorte Iudæ, scilicet, quod illa loca, quæ pertinent ad Iudam, darentur eis.

Respondet Nicolaus, quod hoc fuit propter multa. Primo, quia tribus Iudæ erat bellicosior alijs tribubus, ideo data est ei duplex fors in diuisione, scilicet, vna, quæ acquisita erat de manibus Chananæorum, & alia, quæ non erat acquisita, vt ipsi acquirerent illam, & sic cederet illa fors alijs tribubus: ideo dicit, quod post diuisionem factam aliquæ vrbes, quæ positæ fuerunt in sorte Iuda datæ fuerunt postea alijs tribubus, vt patet de vrribus, quæ datæ sunt Simeoni, Iosue decimonono: quia omnes illæ positæ fuerunt in sorte Iudæ, patet etiam de Sarraa, & Esthaol, quæ sunt in sorte Iudæ, & datæ fuerunt postea tribui Dan: Iosue decimonono. Alia causa est secundum ipsum, quia tribui Iuda data est magna fors a principio: & dato, quod esset maior tribus, quàm aliæ, tamen adhuc terra erat maior, quàm repleri posset a tribu Iuda pro tunc, ideo viri de tribu Iuda susceperunt secum viros de alijs tribubus ad replendum sortem suam, & sic fuerunt ibi viri de tribu Simeonis. Et hoc fuit ad hoc, quod terra non redigeretur in solitudine propter defectum habitatorum, & crescerent bestię contra habitantes, sicut dicitur Exodi vigesimotertio. Etiam fuit hoc propter adiutorium, scilicet, vt illi, qui habitarent in vrribus Iuda de viris aliarum tribuum, adiuuarent ipsos viros Iuda ad pugnandum contra hostes, sed dicendum, quod istæ causæ non stant.

Prima enim non stat propter tria, primo, quia repugnat alijs, scilicet, quod tribui Iuda data esset maior fors, quàm alijs: & tamen quod viri de alijs tribubus habitarent in sorte Iuda, ne terra redigeretur in solitudinem.

Secundo, quia ipse dicit infra, quod istæ vrbes non fuerunt datæ de iure filijs Simeon, ita vt essent suæ, sed filij Iuda concesserunt eis gratis, quod morarentur in terra eorum, ideo dicit, quod tempore Saulis conquesti sunt apud eum viri Iuda de filijs Simeon petentes, vt dimitterent vrbes eorum, quas ex gratia concesserant, & tamen si datæ fuissent illis in sortem, non potuissent conqueri de illis filijs Iuda.

Tertio patet, quod hoc non sit verisimile: quia eo tempore, quo nondum terra erat diuisa, pugnabat totus Israel indifferenter contra hostes, & tamen postquam fuit diuisa quilibet tribus habuit curam de sorte sua, & non pugnabat vna tribus pro sorte alterius, siue esset minus bellicosa, siue magis. nisi hoc fieret ex conuentione, quia tunc pugnabat vna pro alia: sic patet Iudi. primo, cum dixit Iudas ad Simeonem fratrem suum. Ascende mecum in sortem meam, & pugna contra Chananæum, vt & ego pergam tecum in sortem tuam, & tamen Iudas erat bellicosior, & maior tribus, & Simeon erat minima tribus, & non tenebatur adiuuare Simeon Iudam, nec Iudas Simeonem nisi ex conuentione. Ergo non imponeretur alicui tribui, quamquam esset bellicosior alijs, duplex

fors, vna pro se, & alia pro alia tribu: vt acquireret eam de manu hostium. Secunda causa assignata ab eo etiam non stat, cum dicit, quod fors tribus Iudæ fuit maior, quàm posset illa tribus pro tunc occupare, ideo vocauit secum viros de alijs tribubus, ne terra redigeretur in solitudinem: quia tunc sequeretur magnum inconueniens, scilicet, quod aliqua tribus permitteret totam suam sortem redigi in solitudinem, & non habitaret in ea, vt veniret ad succurrendum sorti Iuda, ne redigeretur in solitudinem. Patet de tribu Simeon: nam omnia loca, in quibus hic, & Iosue decimonono dicitur habitasse tribus Simeon, erant in sorte Iudæ, vt patet Iosue decimoquinto, & decimonono, & tamen habitauit in illis locis semper tribus Simeon vsque ad tempus Regis Dauid: vt patet infra in litera: ergo toto isto tempore permitterent viri de tribu Simeon redigi terram suam in solitudinem, & complacerent viris Iuda, sed hoc absurdum est. Item patet, quod sit falsum, quia immediate post mortem Iosue erat tribus Iuda in sorte sua, & tribus Simeon in sorte sua: Iudicum primo.

Tertia causa assignata ab eo, scilicet, quod habitabant multi de alijs tribubus in sorte Iudæ, vt adiuuarent eum contra hostes, non est verum.

Primo, quia non est verisimile, quod aliqua tribus defereret sortem suam inauxiliatam, vt veniret ad adiuuandum aliam contra hostes: & hoc modo cum tota tribus Simeon habitaret in Iudæ sorte, defereret totam sortem suam, & caperetur ab hostibus, vt veniret ad defendendum sortem Iudæ.

Secundo patet, quia non est verum, quod vna tribus veniret ad adiuuandum aliam, & habitaret in sorte eius, sed ex conuentione fiebat adiutorium, sicut nunc inter vrbes vicinas, scilicet, quod viri de vna tribu ibant interdum ad sortem alterius tribus ad adiuuandum eam, & tamdiu morabantur ibi, quamdiu pugnabant: deinde viri alterius tribus faciebant e contrario. Sic patet Iudicum primo, cum dixit Iudas ad Simeonem fratrem suum, Ascende mecum in sortem meam, & pugna contra Chananæum, vt & ego pergam tecum in sortem tuam.

Dicendum ergo, quod alia fuit causa, quod tribus Simeon habitauit in sorte Iudæ, scilicet, quia tribui Iudæ data fuit quædam terra in sortem, priusquam daretur alicui alteri, & tunc Israelitæ non considerauerunt quanta esset terra Chanaan, vt diuidendo illam in portiones, competeret cuilibet tribui tantum proportionaliter, sicut tribui Iudæ, & sic dederunt ei maiorem sortem, quàm iustum erat: deinde autem misit populus viros quosdam ad perambulandum totam terram Chanaan, & describendum loca, & partes, vt diuiderent illam in sortes pro tribus residuis: Iosue 18. Et cum perlustrauissent totam terram, inuenerunt minores partes competeret cuilibet tribui, quàm tribui Iuda proportionaliter. Ideo tunc abstrulerunt quandam partem de sorte Iuda ad dandum alijs tribubus, & pars illa data fuit tribui Simeon, quia erat parua tribus, & illa pars abscissa de sorte Iudæ sufficiebat pro tribu Simeon. Si autem fuisset maior excessus, data fuisset illa pars alteri tribui maiori: & sic factum est, quod tribus Simeon acciperet sortem in medio tribus Iudæ: Ista causa tangitur Iosue 19. Scilicet, Hæc est hæreditas filiorum Simeon, iuxta cognationes suas in siniculo, & possessione filiorum Iuda, quia maior erat, & ideo possederunt filij Simeon in medio hæreditatis eius. & dicitur quod maior erat, id est, quia possessio tribus Iudæ maior erat, quàm iuste competeret ei. De hoc declaratum est magis Iosue 15. & 19.

Habitauerunt autem in Bersabee, & Molada, & Asarsual, & in Bala, & in Ason, & in Tholad, & in Bathuel, & in Horma, & in Siceleg, & in Bethmarchaboth, & in Asarsufim, & in Bethberai, & in Saarim. Hæ ciuitates eorum vsque ad Regem Dauid.

Habitauerunt autem in Bersabee. Ista est prima ciuitas sortis Simeon, vt patet Iosue 19. Et etiam ponitur in sorte Iuda, Iosue decimoquinto. Est autem Bersabee aliquando nomen foeminae, scilicet, matris Salomonis. 2. Regum vndecimo, & duodecimo. & Matthæi primo. Et aliquando nomen vrbs, vt patet hic, & Iosue decimoquinto, & decimonono. Ista ciuitas est extrema in terra Israel ad partem Meridianam, ideo quando scriptura vult ponere duo loca maxime distantia terræ Israel, vt concludat regionem mediam: ponit Bersabee ex parte Meridiana, & Dan ex parte Aquilonari: sic dicitur primo Regum tertio. Cognouit vnuerfus Israel a Dan vsque Bersabee, sic etiam 2. Regum decimosextimo, & vigesimoquarto. Ista ciuitas est in qua habitauit Abraham, quando mansit in terra Philistinorum, & vocauit eam Abraham Bersabee, idest, puteus septem, quia dedit ibi septem agnas regi Abimelech in testimonium, quod pertinebat puteus ille ad Abraham, & plantauit Abraham nemus, mansitque ibi. Genesis vigesimoprimo. In hoc etiam loco habitauit Isaac, vt patet Genesis vigesimoseptimo. Et in isto loco apparuit Deus per noctem Iacob, quando descendebat in Aegyptum, & ibi fecit sacrificia multa. Genesis quadragesimo sexto. *Et Molada.* Ista etiam ciuitas ponitur Iosue decimonono. Et etiam ista fuit in sorte Iudæ: Iosue decimoquinto. *Et Asarsual.* Ista etiam ponitur Iosue decimonono. Et fuit in sorte Iudæ: Iosue vigesimoquinto. Et vocatur ibi Asarsual, sed idem est. *Et in Bala.* Ista etiam ponitur Iosue decimonono. Et vocatur ibi Bala, & Iosue decimoquinto. In sorte Iudæ vocatur Balaa: sed ista differentia magis prouenit ex errore scriptorum, quam ex origine nominis in Hebræo. *Et in Assometh.* Ista ciuitas non ponitur Iosue decimonono, in sorte Simeon, nec etiam Iosue decimoquinto. In sorte Iudæ sub isto nomine, sed vocatur alio nomine, scilicet, Assen. *Et in Tholad.* Ista ciuitas ponitur Iosue decimonono. Et vocatur ibi Eltholad, & eodem modo Iosue vigesimoquinto. *Et in Bathuel.* Ista ciuitas non nominatur sic Iosue decimonono. Sed dicitur Bethul, & Iosue decimoquinto, vocatur Exul. *Et in Orma.* Ista ciuitas non est ille locus, qui vocatus est Orma, idest, Ananais, & Amalechitis: Numeri decimoquarto. Nec est nomen illius terræ quem Israelitæ destruxerunt, & vocauerunt nomen eius Orma: Numeri vigesimoprimo. Sed est quedam ciuitas in sorte Simeon, quæ vocatur Herma, vel Hama, Iosue decimoquinto, & decimonono.

Et Siceleg. Ista est ciuitas in qua mansit Dauid toto tempore, quo fuit in terra Philistinorum cum Rege Achis. primo Regum vigesimoseptimo. Et istam urbem prædati sunt Amalecitæ, & abstulerunt inde omnia, quæ pertinebant ad Dauid, & succenderunt urbem. primo Regum trigesimo. Ibi etiam erat Dauid, quando venit ad eum ille iuuenis, qui denunciavit sibi mortem Saulis: 2. Regum 1.

Et in Bethmarchaboth. Ista est alia ciuitas, & ponitur in eadem sorte Simeon, Iosue decimonono. Et non reperitur in sorte Iudæ sub isto nomine, sed vo-

Alph. Tost. In Lib. I. Paralip.

Abitur ibi alio nomine, scilicet, Medemena, vel alias, quia vbi ponuntur Iosue decimoquinto. Ciuitates istæ Simeon loco huius ponitur Medemena.

Et in Asarsufim. Alia ciuitas est, quæ Iosue decimonono vocatur Asarsual, & Iosue decimoquinto non reperitur sub isto nomine, sed forte vocatur ibi Sentena.

Et in Bethberai. Ista est alia ciuitas sortis Simeon, & non reperitur Iosue decimonono, sub isto nomine, nec etiam Iosue decimoquinto. Et tamen necesse est esse vnam de illis, quæ ponuntur Iosue decimonono. Quia ibi ponuntur tredecim vrbes, & hic totidem, & ceteræ concordant in nomine, ista autem non, & ponitur ibi alia ciuitas, quæ non ponitur hic, scilicet, Sabee: ideo oportet, quod ista sit, quæ vocatur ibi Sabee.

Et in Saarim. Ista vocatur Saroen, Iosue decimonono, & videtur vocari Selin, Iosue decimoquinto.

Hæ ciuitates eorum vsque ad Regem Dauid. Idest, Omnes istæ supra nominatæ fuerunt ciuitates possessæ a filiis Simeon vsque ad tempus Regis Dauid, possederunt etiam quinque alias cum viculis, vt patet infra in litera.

Quomodo istæ fuerunt ciuitates tribus Simeon vsque ad Dauid Regem. Quæst. XXIIII.

QUÆRITUR quare dicitur hic, quod istæ fuerunt ciuitates tribus Simeon vsque ad regem Dauid. Respondet Nicolaus, quod hoc fuit, quia post regem Dauid non fuerunt istæ vrbes pertinentes ad tribum Simeon, sed redierunt ad tribum Iuda: ad hoc autem dicit ipse, quod filij Iuda susceperunt magnam sortem a principio quam ipsi non poterant populare: ideo receperunt secum gratis viros de tribu Simeon, vt habitarent in tribu sua vsquequo ipsi sufficerent ad replendum eam. Cum vero viri Iuda potuerunt totam suam sortem replere, petiuerunt, quod filij Simeon recederent de sorte sua, & illi noluerunt propter antiquam habitationem. Conquesti sunt autem viri Iuda Sauli regi, & ille noluit eis iustitiæ complementum adhibere in odium Dauid, qui erat de tribu illa: postea vero regnante Dauid, conquesti sunt ei super hoc viri Iuda, & ille prouidit eis, expellendo filios Simeon de sorte Iudæ: ideo dicitur, quod hæ ciuitates fuerunt filiorum Simeon vsque ad Regem Dauid, idest, ipsi possiderunt eas vsque ad Regem Dauid, & per eum fuerunt tunc expulsi de illis: ex hoc etiam infert Nicolaus, quod præscriptio, quantuncunque sit longa, non valet, nisi iustus titulus habeatur.

Alij autem dicunt, quod istud dictum est propter urbem Siceleg, scilicet, quia pertinuit ad filios Simeon vsque ad tempus Dauid, sed non postea, quia Achis Rex Geth concessit eam Dauid, & extunc facta est Siceleg pertinens ad Reges Iuda: primo Regum vigesimoseptimo.

Sed dicit Nicolaus, quod istud non potest stare, quia non potest intelligi istud de sola vrbe Siceleg, sed de omnibus hic nominatis, quia dicitur: hæ ciuitates eorum vsque ad Regem Dauid. Item quia Dauid non accepit urbem Siceleg de manu filiorum Simeon, sed de manu Regis Achis.

Dicendum tamen, quod non potest intelligi, nisi de vrbe Siceleg. Pro quo sciendum, quod aut Nicolaus concedit filios Simeon habuisse aliquam sortem, quæ esset propria, aut non. Si autem dicant, quod nullam habuerunt, falsum est, quia Iosue 19. dicitur, hæc est hæreditas filiorum Simeon, iuxta cognationes suas. Item patet, quia Iosue decimo octauo dicitur, quod diuide-

rent viri totam terram residuam in septem sortes, & F inter illas ponitur secunda fors filiorum Simeon. Item patet iudicium primo cum dixit Iudas Simeoni fratri suo: Ascende mecum in sortem meam, & pugna contra Chanaanum, ut & ego pergam tecum in sortem tuam. Item valde irrationabile erat, quod diceremus reliquas tribus habere sortem, & quod non haberet eam Simeon, cum non fuisset prohibitus habere illam: solus enim Leui prohibitus est sortem accipere inter reliquas tribus: quia Deus erat fors, & possessio eius. Numeri 18. & Deut. 18. & Iosue 13. Item patet, quia potius videbatur Simeon debere habere sortem quam multae de alijs tribubus, quia de eo specialiter expressum est quod sortem haberet, ut patet Genesis 48. ubi Iacob conferens ius duplicis sortis tribui Ioseph, dixit duo filij tui Ephraim, & Manasses: sicut Ruben, & Simeon reputabuntur mihi, idest, ita ipsi habebunt duas sortes, sicut Ruben, & Simeon, qui sunt filij mei maiores. Item patet, quia hoc includeret contra Nicolaum: nam ipse vult, quod per regem David fuerint exclusi filij Simeon de urbibus istis, quas possidebant: ergo oportet, quod haberent aliquam sortem, in qua manerent, quia alias oportebat eos fugere de terra Israel, vel quod reciperentur in sorte alicuius tribus: nulla tamen tribus eos recipere vellet; sicut nunc viri Iuda excludebant eos a se, & hoc est absurdum. Si autem dicat Nicolaus, quod habebant aliquam sortem, aut concedet, quod erat ista cuius vrbes describuntur hic, aut aliqua alia cuius non nominantur vrbes. Accipiendo primo modo est contra intentionem Nicolai, quia si ista esset fors sua, falsum esset, quod viri Iuda succipissent eos gratis in locis istis, sed iure suo possiderent istas vrbes, sicut viri Iuda possidebant vrbes tribus suae. Item David non potuisset excludere viros Simeon de urbibus istis, si suae essent, & tamen Nicolaus asserit eos exclusos fuisse per David. Si autem dicat, quod habebant sortem aliquam, sed non istam, falsum est, quia Iosue 19. apparet, quod esset ista fors sua, cum dicitur. Et egressa est fors secunda filiorum Simeon: fuitque haereditas eorum Bersabee, & Sabea, & Molada &c. & ponuntur ibi omnes vrbes, quae ponuntur hic, & non plures: ideo videtur, quod ista esset fors Simeon. Item patet ex litera ista, quia postquam dicitur hic: haec ciuitates eorum usque ad regem David. Dicitur infra haec est habitatio eorum, & sedium distributio, ergo istae vrbes fuerunt eis distributae pro sedibus, idest, ad morandum in eis, & tamen distributio terrae non fuit facta, nisi per Iosue, quando diuisit totam terram sorte: ergo istae vrbes ceciderunt filiis Simeon in sortem. Item patet, quia iudicium 1. dixit Iudas ad Simeon: Ascende mecum in sortem meam, & pugna contra Chanaanum: ut & ego pergam tecum in sortem tuam; ex quo apparet, quod Simeon habebat sortem a principio, sicut aliae tribus: nam ista verba dicta fuerunt illico post mortem Iosue: iudicium 1. Et habebat tunc Simeon sortem, cum peteret Iudas, quod ascenderet in sortem suam, & ipse iret in sortem illius.

Secundo patet, quod ista possessio, vel fors Simeon non erat alia quam ista, cuius sunt istae vrbes, quae nominantur hic: Quod patet, quia post mortem Iosue illico habebat Simeon sortem, & tamen usque ad tempus David semper habuit istas vrbes, quae nominantur hic, cum dicatur in litera: haec ciuitates eorum usque ad regem David, ergo istae vrbes fuerant datae sibi in sortem.

Tertio apparet, quod non potest intelligi, quod fors quam possideret tunc Simeon, esset aliqua pars sortis Iudae, quam teneret gratis, sed quod esset fors sua distincta a sorte Iudae, & hoc dupliciter. Primo, quia di-

xit Iudas Simeoni: Ascende mecum in sortem meam, & pugna contra Chanaanum: ergo non erat Simeon in sorte Iudae, quia alias non diceret ascende in sortem meam, cum esset in ea: etiam quia dicitur, ut & ego pergam tecum in sortem tuam, & sic etiam fors Iudae erat extra sortem Simeon, quia alias non posset Iudas illuc pergere.

Secundo patet ex conuentione ista, quam faciebat Iudas cum Simeone, nam si terra, in qua morabatur tribus Simeon pertineret ad sortem Iudae, non conueniret Iudas cum Simeone, quod adiuuaret eum in sorte sua, & ipse adiuuaret Simeonem in sorte illius. Dicendum igitur, quod tribus Simeon habuit a principio distribuente Iosue, & illa fors fuit in medio sortis Iudae. Iosue 19. Et istae ciuitates non pertinebant ad tribum Iudae, quamquam prima vice, qua data est fors Iudae, data fuerunt ei omnia loca, quae postea fuerunt in sorte Simeonis, & tamen deinde cum distributa est terra residua in septem partes: Iosue 18. Data est quaedam pars de sorte Iudae tribui Simeon in sortem, & ex illa die cessauerunt illae vrbes pertinere ad sortem Iudae: Et tiam quod Nicolaus, & Hebraei fingunt, scilicet, quod viri Iuda petierint a Saule, quod compelleret filios Simeon dimittere vrbes tribus Iudae, & quod ille abluerit prouidere, & quod postea prouiderit David: falsum est, sed ipsi dicunt illud praesupponentes, quod Simeon habitauerit a principio in sorte Iudae gratis receptus, & non habuerit sortem propriam, & hoc falsum est. Dicendum igitur, quod litera ista intelligitur solum propter urbem Siceleg: nam omnes istae vrbes, quae nominatae sunt hic, & Iosue 19. Fuerunt in sorte Simeon a prima distributione usque ad tempus David. Et tunc ciuitas Siceleg desijt esse de sorte Simeon, & cepit pertinere ad reges Iudae: & hoc erat, quia quamquam omnes istae vrbes, quae nominantur hic, datae fuerint in sortem tribui Simeon: non fuerunt omnes possessae ab eis, quia multae ipsarum tenebantur a Philistinis, quarum una erat Siceleg, quam tenebat Achis Rex Geth, & quando confugit David ad Achis, donauit ei Achis urbem illam, & ex illo tempore cepit pertinere ad David, & ad posteros suos iure regali, & desijt esse de sorte Simeon eo modo quo prius erat. 1. Regum 27. An vero Rex Achis potuerit facere istam donationem, cum esset ciuitas tribus Simeon, & an David tenebatur restituere illam tribui Simeon, & multa alia dubia circa hoc declarata sunt. 1. Regum 27. Et sic est sensus, quod omnes istae vrbes, quae nominantur hic de tribu Simeon, pertinuerunt semper ad tribum illam saltem quantum ad titulum, & tamen post David non pertinuerunt omnes ad Simeonem, quia una ablata est, scilicet, Siceleg: corollarium autem Nicolai, scilicet, ex hoc patet, quod praescriptio quantuncunque longa, non valet, nisi sit iustus titulus: non concluditur ex praecedentibus, nec etiam est verum. Primo patet, quia ipse infert hoc praesupponens, quod tribus Simeon tenuerit vrbes istas de tribu Iuda longo tempore, scilicet, usque ad David, in quo fuerunt plusquam quadringenti anni. Et dato, quod allegarent istam longam praescriptionem, non adiunxit eos, sed compulsi sunt reddere vrbes tribui Iudae, sed hoc falsum est, quia nec viri Iuda tale petiuerunt, nec etiam David tale sententiauit.

Secundo patet, quia dato, quod David sic sententiaisset contra viros tribus Simeon, qui tenuissent longo tempore vrbes tribus Iudae: non sequitur, quod praescriptio longissima non adiunget sine titulo: nam isti non poterant se adiuuare longa praescriptione, nec etiam breui, quia nunquam praescripserant. Istud enim est ignorare quid sit praescriptio: nam non est praescribere, quod quis teneat rem alterius longo, vel breui

breui tempore, sed quod teneat eam quasi iure suo non ex concessione alterius: nec etiam illo impediente, aut reclamante, sed per negligentiam illius, qui aut nescit rem suam ab alio possideri, vel scit, & negligenter tacet, quando tamen quis concedit alteri rem suam gratis tenendam usque ad certum tempus, vel sine prescriptione temporis, etiam si per mille annos teneret non prescriberet, quia non tenet rem iure suo, vel quasi suam, sed ex alterius concessione: sic autem esset hic presupposita intentione Nicolai. Nam ipse vult, quod viri Iuda gratis concesserint viris Simeon, quod habitarent in sorte sua: ideo etiam si morarentur ibi in æternum, non prescriberent: immo, quod plus est, non possiderent, quia ille possidet, cuius nomine possidetur, & tamen tribus Simeon possideret nomine tribus Iuda: ideo tribus Iuda diceretur possidere: prescriptio tamen non procedit sine possessione: ut patet de re iudi. in sexto. cap. sine possessione. Ideo non poterat esse prescriptio iusta vel iniusta.

Tertio patet hoc esse falsum: nam si prescripissent filij Simeon contra viros Iuda, & esset prescriptio longi temporis, dato quod non haberent titulum, qui transferret dominium, nec etiã titulum coloratũ, qui daret ius prescribendi, teneret prescriptio: nam etiam in prescriptionibus, quæ sunt contra ius commune, scilicet, ubi ius commune est contra prescribentem, & etiam ille, contra quem prescribitur est privilegiatus, scilicet, Ecclesia: si probatur prescriptio longi temporis, scilicet, cuius memoria in contrarium non existit, non oportet allegare titulum aliquem, ut patet de prescriptionibus lib. 6. cap. episcopum. Item patet, quia non solum nunc, sed etiam antiquitus procedebat prescriptio longissima non solum sine titulo: immo etiam sine bona fide, ut patet in defensione quam fecit Iephthe Galadites contra regem Ammon, allegans, quod ille tacuisset trecentis annis super repetitione locorum possessorum a filiis Israel, & tamẽ non allegabat bonam fidem Iephthe, sed potius malam cum confiteretur loca illa pertinuisse aliquando ad Ammonitas, & Moabitas, & quod Israelitæ acciperent ea. Non est ergo verum de prescriptioe, quod non procedat sine titulo si sit longissimi temporis: de hoc Iudi. 11. immo etiam in prescriptionibus parui temporis non requiritur titulus: sed sola bona fides, nisi ius commune faciat contra prescribentem, & sit prescriptio contra Ecclesiam, ut patet extra de prescrip. cap. si diligenti. & eodem titulo in 6. cap. episcopum. Ista autem vera sunt, nisi forte aliquis dicat, quod Nicotolus intellexit solum de prescriptioe in veteri Testamento, scilicet, quod quamquam nunc longissima procedat sine titulo, quod tunc non procederet.

Sed dicendum, quod etiam hoc non stat: nam in veteri Testamento nulla prescriptio procedebat cum titulo, vel sine titulo, siue esset longi temporis, siue brevis, quia impossibile erat, quod aliquis haberet bonam fidem in possidendo, quæ requiritur ad prescriptioem. Etiam quia lex ipsa Veteris Testamenti vetabat prescriptioem, quæ est in rebus improbabilibus: licet non vetaret usucapionem, quæ est in rebus mobilibus: ut probatum est satis Leui. 25. & latissime dictum est Iudi. 11. Ad rationes duas in contrarium respondebitur sequenti questione.

Villæ quoque eorum Etam, & Aen, Remmon, & Thochem, & Asan ciuitates quinque. Et vniuersi viculi eorum per circuitum ciuitatum istarum vsque ad Baal. Hæc est habitatio eorum, & sedium distributio, &c.

Villæ quoque eorum. Scilicet, istæ quæ sequuntur sue-

A runt villæ tribus Simeon, & accipiuntur largè villæ pro vrbibus, quia immediatè dicitur, quod istæ, quæ sequuntur sunt vrbes: propriè enim vocantur vrbes in sacra scriptura quæcunque loca murata; villæ autem, & viculi vocantur loca sine muris, quæ nos rura appellamus, & tamen ista erant loca murata. *Etam.* Ista est ciuitas sortis Simeon, quæ vocatur Athar. Iosue 19. Et vocatur Ahim, & Iosue 15. in sorte Iudæ vocatur Aen. *Et Remmon.* Ista ciuitas ponitur in sorte Simeon. Iosue 19. Et fuit prius in sorte Iudæ. Iosue 15. Est autem Remmon interdum nomen cuiusdam lapidis magni in deserto in terra Chanaan, ad quem confugerunt sexcenti viri de tribu Benjamin, occisis omnibus alijs. Iudicum 20. Aliquando autem Remmon est nomen Idoli, quod colebatur in Damasco Syriæ, de quo locutus est Naaman Syrus, quod aliquando ipse introiret in templum Remmon, & adoraret, Domino suo adorante. 4. Regum 5. cap.

B *Et Thochem.* Ista ciuitas non ponitur Iosue 19. in sorte Simeon sub hoc nomine, nec etiam sub alio, & tamen ponitur in sorte Iudæ; Iosue 15. Et vocatur Elthecen.

Et Asan. Ista est alia ciuitas, & ponitur in sorte Simeon Iosue 19. In sorte autem Iudæ non ponitur sub hoc nomine, sed aliqui putant eam esse, quæ vocatur Asana: Iosue 15.

Et vniuersi viculi eorum per circuitum ciuitatum istarum. Id est, Omnia loca non murata, quæ erant in circuitu istarum vrbium, pertinebant ad tribum Simeon.

C *Vsque ad Baal.* Baal nomen Idoli est, ut communiter in scriptura, & tamen hic non accipitur pro idolo, sed pro aliqua vrbe, vel valle ubi erat terminus tribus Simeon, & vocatur Balath Betrameth, Iosue 19. Ibi enim diuidebatur tribus Simeon a tribu Iuda, vel ab alijs.

Quare ponuntur quinque vrbes per se, & non cum alijs pertinentibus ad sortem Simeonis.

Quæst. XXV.

QUÆRITUR cum posuerit supra litera tredecim ciuitates sortis Simeon, & conclusit hic ciuitates eorum vsque ad regem David, quare postea posuit quinque vrbes eiusdem tribus per se. Aliquis dicet, quod hoc factum est quasi per accidens, quia non multũ curauit Esdras de ista distinctione, quam posuit: nec significat ista aliquam differentiationem inter vrbes. Sed dicendum, quod hoc est irratiabile. Primo quia non est conueniens, quod scriptor sacre scripture aliquid sine ratione poneret, cum scriptura sacra sit maxime auctoritatis, & quæ maxime ponderanda est. Secundo patet, quia Iosue 19. ponuntur vrbes tribus Simeon, & seruetur iste modus, quia prius ponuntur tredecim vrbes per se, quæ ponuntur hic, & deinde ponuntur quinque, quæ habentur hic, & per eadem verba: ideo non factum est hoc sine mysterio cum in duobus locis idem modus teneatur. Aliquis autem dicet, quod factum est hoc propter aliam causam, scilicet, ad distinguendum vrbes, quæ fuerunt de tribu Iuda ab illis, quæ non fuerunt de eadem tribu: nam tribus Simeon pro maiori parte accepit vrbes, quæ fuerant quondam tribus Iuda, ut patet ex dictis, & accepit quasdam, ut isti volunt, quæ non fuerunt de tribu Iuda, & illæ tredecim, quæ supra ponuntur, fuerunt de tribu Iuda: ideo ponuntur simul, istæ autem quinque, quæ ponuntur hic, non fuerunt de tribu Iuda, ideo ponuntur per se.

Sed dicendum, quod falsum est, quia sicut serè omnes illæ tredecim, quæ habentur supra, reperiuntur sub eisdem nominibus in sorte Iudæ; Iosue 15. Ita etiam

etiam aliqua istarum quinque reperiuntur ibi sub istis nominibus, scilicet, Aen, & Remmon: ideo non fuit ista causa distinctionis. Aliquis ergo dicet aliter, quod ista distinctio facta est ad significandum vrbes, quæ manserunt semper in sorte Simeon, & vrbes, quæ manserunt ad tempus, scilicet, quia vsque ad tempus Dauid tenuerunt filij Simeon omnes istas vrbes: postea verò compellente Dauid dimiserunt eas filijs Iuda, & quia dimiserunt quasdam, & non omnes, ponuntur per se illæ, quas dimiserunt, & fuerunt tredecim prius positæ: illæ autem, quas non dimiserunt, fuerunt quinque, & ponuntur postremo.

Sed dicendum, quod hoc non stat. Primo quia falsum est, quod tribus Iuda petiuerit aliquid contra tribum Simeon, & quod Dauid sententiauerit contra viros Simeon, vt probatum est præcedenti quæstione. Secundo patet, quia Iosue 19. ponitur ista distinctio ciuitatum, & tamen manifestum est, quod ibi non ponitur ad significandum hoc, quia liber Iosue scriptus fuit per Samuelem, & tunc nondum acceperat Dauid istas vrbes tribui Simeon ad reddendum eas tribui Iuda, quia nondum regnauerat.

Tertio patet, quia si Dauid reddidisset vrbes illas tredecim viris Iuda expellendo inde viros Simeon, eodem modo expulisset eos de istis quinque vltimis, quæ ponitur in sorte Iuda: nam saltem duæ illarum nominantur ibi, scilicet, Aen, & Remmon, ergo non ponitur ista distinctio propter hoc. Rationes autem Nicolai ad probandum, quod Dauid expulerit filios Simeon de vrbibus istis, & quod non posset intelligi de vrbe Siceleg non stant. De prima patet, quia dicit, quod hic dicitur, Hæ ciuitates eorum vsque ad regem Dauid: in quo innuit, quod debet intelligi de omnibus illis. Dicendum, quod verum est, quod litera loquitur de omnibus illis vrbibus, & tamen non intelligitur, quod omnes illæ ablatae fuerint tempore regis Dauid. Sed est sensus, quod ante regem Dauid omnes illæ pertinebant ad tribum Simeon, & postea non pertinuerunt omnes, quia ablata est vna.

Ad secundam rationem, cum dicit, quod Dauid non accepit urbem Siceleg de manu filiorum Simeon, sed de manu Regis Achis concedendum est, & tamen non sequitur ex hoc, quod intelligatur de omnibus alijs vrbibus, quod ablatae fuerint filijs Simeon per Dauid, sed procedit ratio ista præsupponendo, quod Dauid abstulerit aliquid tribui Simeon cum dicatur hic: hæ sunt ciuitates filiorum Simeon vsque ad regem Dauid, & tamen falsum est, quia Dauid non accepit aliquid de manu ipsorum, nec Siceleg, nec aliquam aliam urbem. Dicendum igitur, quod ponuntur hic istæ vrbes quinque distinctæ a tredecim præcedentibus propter vnum de duobus. Primo quia forte istæ ciuitates quinque erant minores quàm aliæ tredecim, & hoc aliquantulum apparet, quia vocantur istæ vrbes, & villæ: præcedentes autem tredecim vocantur solum vrbes. Secundo, & rationabilius, quia fors tribus Simeon fuit quasi diuisa in duas partes, quia tredecim ciuitates, quas acceperunt, prius positæ sunt per se in vna regione, & alia quinque, quæ postea nominantur, sunt aliquantulum separatæ ab illis, quasi in alia regione, licet aliquantulum continuas sit inter eas: ideo nominantur tredecim ciuitates seorsum, & quinque seorsum. *Hæc est habitatio eorum.* Postquàm descriptæ sunt omnes vrbes tribus Simeon ponitur clausula generalis, scilicet, hæc est habitatio eorum, idest, in omnibus istis vrbibus. Et hoc ponitur, quia aliquis dubitaret an filij Simeon tenuerint omnes istas, cum ponantur tredecim seorsum, & quinque seorsum, & hic dicitur, quod in omnibus istis habitauerint. *Et sedum distributio.* Idest, istæ vrbes hic nominatæ fuerunt distributæ eis: nam

omnes fuerunt in sorte ipsorum. Vocatur enim distributio diuisio terræ, & ista facta est per Iosue, quado cuilibet tribui data est fors, & tribui Simeon data fuerunt in sorte istæ vrbes, quæ habentur hic, vt patet Iosue 19.

Mosobab quoque, & Iemlech, & Iosa filius Amasia, & Iohel, Iehu filius Iosabie, filij Saraia, filij Asihel, & Elioenai, & Iacoba, & Isuaia, & Asaia, & Adihel, & Isimihel, & Banaia: Ziza quoque filius Sephei, filij Allon, filij Idaia, filij Semri, filij Samaria: isti sunt nominati Principes in cognationibus suis, & in domo affinitatum suarum multiplicati sunt vehementer.

Mosobab. Hic ponitur secundum huius partis, in quo agitur de personis nobilibus. Et sciendum, quod non continuatur hic tota progenies Simeonis: sed solum ponuntur aliqui principes, qui fuerunt viri famosi, & fecerunt aliqua gesta magnifica, propter quæ eorum nomina exprimuntur hic. Et non est intelligendum, quod isti sicut ponuntur hic, ita descendunt ab aliquo vno capite secundum successionem linearum, sed sunt a diuersis patribus, & tamen, quia omnes isti conuenerunt ad faciendum istud opus magnificum quod habetur hic: ponuntur nomina omnium simul, & dicitur.

Mosobab quoque: & Iemlech, & Iosa filius Amasia. Intelligendum est de istis tribus, quod sint filij Amasia, quamquam dicatur filius Amasia, quod videtur referri ad vltimum, quia iste modus loquendi est in omnibus alijs, vt patet hic in litera, & tamen si referretur ad vnicum, in alijs non ponerentur patres, & hoc videbatur inordinatum, scilicet, quod aliquorum ponerentur patres, & aliorum non: ideo debet referri ad omnes. De isto Amasia dicendum, quod non est ille, de quo habetur præcedenti capitulo, quia ille fuit rex de tribu Iuda: iste autem Amasia fuit de tribu Simeon, vt patet hic. Multi etiam alij vocantur sic, vt patet de sacerdote Bethel, qui vocabatur Amasia, vt habetur Amos 7.

Et Iohel, & Iehu filios Iosabie. Isti duo sunt filij Iosabie quamquam videatur hoc referri ad solum Iehu: sicut dictum est supra.

Sciendum autem est, quod iste Iohel non erat ille, qui est vnus de duodecim Prophetis minoribus, quia ille fuit filius Phatuel, iste autem fuit filius Iosabie: etiam ille videtur fuisse non eodem tempore, quo ille, vt aliqui volunt, & tamen hoc falsum est, quia necesse est, quod fuerint contemporanei. Nam omnes isti, qui ponuntur hic, fuerunt tempore Ezechie regis: vt patet infra, & tamen ille Iohel, qui fuit de Prophetis minoribus etiam fuit tempore Ezechie, nam prophetauit eisdem temporibus, quibus Osea, vt patet per Hieronymum in prologis duobus super Ioel, & probatum est satis 4. Regum 15. Et tamen Osea prophetauit temporibus Ozia, & Ioatham, & Achaz, & Ezechie, vt patet Osea 1. Ergo etiam tempore Ezechie prophetauit Iohel, & tamen dicendum, quod non fuit Iohel Propheta iste Iohel, de quo hic dicitur propter primam rationem.

Sciendum autem, quod iste Iehu, de quo hic dicitur non fuit ille Iehu, qui factus est rex super Israel 4. Re. 19. quia ille fuit Iosaphat filij Namsi. 4. Re. 9. & iste fuit filius Iosabie, vt patet hic. Etiam ille fuit multo tempore ante Ezechiam: nam regnauit ipse, & quatuor filij sui post eum, & deinde multi alij reges Israel priusquam regnaret Ezechias in Iuda: colligitur 4. Regum.

Regum a cap. 9. vsque ad 18. *Filij Saraie*. Istud potest intelligi dupliciter vno modo, quod isti præcedentes sint filij Saraia, scilicet, quod fuerunt filij Iosabiae, & filij Saraia, idest, nepotes eius, & filij Asiel, idest, pronepotes eius. Alio modo potest intelligi, quod non referatur ad literam præcedentem, & est sensus, quod isti nominati supra, scilicet, tres filij Amasia, & duo filij Iosabiae, & etiam filij Saraia fuerunt in bello, quod sequitur, & tamen non ponuntur nomina filiorum Saraia sicut ponuntur nomina filiorum Amasia, & Iosabiae, & fortè, quia famosiores fuerunt illi quam filij Saraia, & iste sensus est verus, & sic intelligendum est de omnibus sequentibus: iste autem Saraias, de quo hic dicitur non est ille, de quo dicitur infra 6. quia ille fuit summus sacerdos de tribu Leui, vt patet ibidem, iste autem fuit de tribu Simeon. Etiam iste fuit ante illum, quia iste fuit tempore Ezechiae, vt patet hic: ille autem fuit tempore Sedeciae multo post, & occisus fuit in Reblata coram Nabucodonosor 4. Regū vlti. & Iere. vltimo. *Filij Asiel*. Etiam isti non nominantur: sed habuit Asiel filios multos, & isti conuenerunt in bello, de quo infra dicitur. *Et Elioenai*: Posset referri ad præcedentia: vt intelligeremus, quod filij Elioenai conuenissent ad istud bellum: sed melius est, quod Elioenai sit nomen vnus principis, qui conuenit cum prædictis, & non ponitur nomen patris eius. Iste Elioenai non est ille, de quo præcedenti capitulo, quia ille fuit de stirpe Iuda, & de linea David, iste autem fuit de tribu Simeon. *Et Iacoba*. Secundum formam latinam videtur nomen feminae, & tamen nomen viri est in Hebreo. *Et Isihai*. Nomen alterius viri est, & omnes isti, qui ponuntur hic fuerunt fratres, & filij eiudem viri Sephai: licet quibusdam videatur melius esse, quod quilibet istorum sit vnus princeps, & non ponatur nomen patris eius hic. *Et Asua, & Adiel*. Differunt Adaiel, & Asiel, de quo supra ponitur. *Et Ismael*. Non est iste, qui ponitur supra primo: nam ille fuit filius Abraham, & Agar: iste autem fuit multo tempore post illum, & fuit de filiis Simeon: multi etiam nominati fuerunt hic: nam ille, qui occidit Godoliam principem Iudeorum relictorum in terra post captiuitatem Babylonis vocatus est Ismael filius Nathanie. 4. Regum vltimo. & Iere. 40. & 41. & fuit ille de tribu Iuda: nam dicitur ibidem, quod erat de semine regio: iste autem fuit de filiis Simeon. *Et Banaia*. Non est iste, qui fuit Phelathi, & Celeti tempore David: nam ille fuit Ioiada, & fuit de tribu Iuda filius cuiusdam viri de Cabsael, quæ est quædam ciuitas in sorte Iuda, & nominatur inter viros fortes David: vt patet 2. Regum 20. & 33. & infra 11. & 18. Iste autem est de tribu Simeon, & fuit multo tempore post illum, quia ille fuit tempore Ezechiae, vt patet hic, ille autem fuit tempore David. *Ziza quoque filius Sephai*. Istud refertur ad omnes præcedentes, quia non solum Ziza fuit filius Sephai, sed omnes octo, qui nominantur hic, & non est iste Ziza frater Phaleg, de quo habetur supra 2. quia ille fuit de filiis Ieramehel de stirpe Iuda: vt patet ibi, & ille fuit de tribu Simeon. Iste Sephai, qui ponitur pater istorum: non fuit ille, de quo habetur supra primo, quia ille fuit de filiis Hebræorum, qui non pertinerunt ad progeniem Abraham: sed habitauerunt in terra Seir cum filiis Elau: iste autem fuit de tribu Simeon. *Filij Allon*. Potest intelligi, quod omnes præcedentes fuerunt filij Allon: vel aliter, quod filij Allon non exprimantur hic, & tamen sit sensus, quod isti conuenerunt ad bellum cum omnibus supra nominatis. *Filij Adaia, filij Semri*. Idest, Etiam filij Adaia, & filij Semri, qui non nominantur hic, fuerunt principes, & conuenerunt ad bellum cum præcedentibus. *Filij Samaia*. Non est ille, de quo dicitur præ-

cedenti capitulo: nam ille fuit de stirpe Iuda: iste autem fuit de tribu Simeon, & filij sui fuerunt principes in bello isto. *Isti sunt nominati principes in cognationibus suis*. Refertur ad omnes supradictos, & est sensus, quod non describitur hic continuatio alicuius progeniei, sed isti omnes fuerunt principes, & fuerunt de diuersis cognationibus, scilicet, quia in tribu Simeon fuerunt cognationes siue familie quinque, vt patet Numeri 26. quæ nominatae sunt a quinque filiis, & fortè de qualibet illarum fuerunt aliqui principes de nominatis hic. *Et in domo affinitatum suarum*. Dicitur domus affinitatum domus cognationum: nam nunquam nominatur aliqua progenies ab affinibus, sed a cognatis. & pro eodem accipiuntur cognationes, & domus affinitatum, sed est multiplicatio verborum ad magis exprimendum, vel potest intelligi, quod differant cognatio, & domus. Nam Numeri 1. & 2. ponuntur ista tria, scilicet, tribus, familia, & domus, & posita est differentia ipsorum ibi. Nam vt patet Iosue 7. qualibet tribus diuiditur in familias, & qualibet familia in domos, & qualibet domus per viros, & sic potest accipi. scilicet, quod aliqui istorum erant principes in familiis, & alij in domibus. *Multiplicati sunt vehementer*. Scilicet, Habuerunt filios multos, & ideo cum magna potentia pugnaverunt contra Chananæos, vt patet in litera.

An verum sit, quod isti filij Simeon fuerint vehementer multiplicati. *Quest. XXVI.*

QUÆRITUR quomodo dicitur hic, quod multiplicati fuerunt isti filij Simeon vehementer: quia supra dicitur: Fratres autem eius non habuerunt filios multos, & dicitur ibi de filiis Simeon. Responderi potest dupliciter: vno modo, quod intelligitur illud de filiis Semei: nā computabatur ibi progenies Simeon per vnum filium suum nomine Saul, & ille habuit filios multos, quorum vnus fuit Semei, & ille habuit decem, & sex filios, & tunc sequitur, & fratres eius non habuerunt filios multos, & sic solum excluduntur alij filij Saulis a multitudine, sed non posteritas aliorum filiorum Simeon, & fortè isti principes fuerunt de familiis illis. Aliter potest dici, quod non fuit multiplicatio facta specialiter in aliquibus filiis Simeon, sed in omnibus pgeniebus fuit multiplicatio quasi æqualis, & satis magna. Et cum dicitur, quod fratres eius non habuerunt multos filios: intelligitur de omnibus filiis Simeon, quia licet multiplicati fuerint, tamen non habuerunt tot filios, sicut viri de tribu Iuda, ideo dicitur quod non habuerunt multos filios, & hoc innuitur supra in litera: nam cum dicitur, quod fratres eius non habuerunt filios multos, sequitur: Et vniuersa cognatio non potuit adæquare summam filiorum Iuda, scilicet, tota cognatio filiorum Simeon, & respectu illorum dicuntur pauci, licet alijs sint multi.

Et profecti sunt, vt ingrederentur in Gador vsque ad Orientem vallis, & vt quærent pascua gregibus suis. Inueneruntque pascuas vberes, & valde bonas, & terram latissimam, & quietam, & fertilem: in qua ante habitauerant de stirpe Cham.

Et profecti sunt, vt ingrederentur in Gador vsque ad Orientem vallis. Gador nomen ciuitatis est, & tamen habet aliquam regionem sibi adiacentem, quæ nominatur nomine eius, & sic dicitur, quod isti filij Simeon iuerunt, vt ingrederentur in Gador, idest, vt introirent

introirent in regionem Gador. Et patet hoc, quia dicitur vsque ad orientem vallis, & sic non potest intelligi de introitu in urbem Gador, quia tunc non diceretur vsque ad orientem vallis, sed intelligitur de regione urbis Gador, quæ erat in quibusdam vallibus, & occupauerunt filij Simeon totam terram vsque ad orientalem partem illius vallis. *Et vt quærent pascua gregibus suis.* Forte terra, in qua habitabant filij Simeon erat eis angusta, & non habens pascua: ipsi tamen habebant greges multos, & ob hoc iuerunt ad inquirendum terram conuenientem gregibus. *Et inuenerunt pascuas vberes, & valde bonas.* Erat enim terra Gador terra vallium: ideo erat ibi locus conuenientior pro pascuis, & omnes illas valles occupauerunt filij Simeon quod patet, quia profecti sunt, vt ingrederentur in Gador vsque ad orientem vallis, id est, vsque ad orientalem partem, in qua terminabatur vallis. *Et terram latissimam.* Erat enim terra illa ad capiendum multos habitatores: licet ibi pauci habitarent, ideo tanto facilius capi poterat quasi nullo resistente eis. *Et quietam.* Scilicet, quia gentes terræ illius non habebant bellum cum aliquo, eo quod erant segregati ab omnibus gentibus per circuitum, & cum nullo habebant communicationem. *Et fertilem.* Quantum ad multitudinē fuerunt in omnibus terræ nascentibus. In qua ante habitauerant de stirpe Cham. Scilicet, antequam filij Simeon occuparent terram istam habitabant in ea Chananæi, qui sunt de stirpe Cham, & ipsi habitabant quando occupauerunt eam prædicti.

Quomodo fuit factum istud bellum filiorum Simeonis.
Quæst. XXVII.

QUÆRITVR quomodo factum est istud bellum filiorum Simeon contra gentes istas de quibus hic dicitur. Respondendum, quod motiuum huius belli fuit, quia filij Simeon habebant terram angustam, & habebant pecora multa, & sic indigebant terra latiori in qua habitarent, & ad hoc miserunt aliquos principes de tribu sua, qui nominantur hic, vt quærent in locis propinquis terram conuenientem ad habitandum, & ad pascendum pecora, & illi cum venissent in terram Gador, & vidissent eam ad hoc conuenientem, iuerunt omnes principes supra nominati, & multitudo magna de eadem tribu, quæ subiecta erat istis, & pugnantes occiderunt viros regionis ipsius, & possederunt terram. Patet autem omnia hæc. De primo, scilicet, quod isti haberent angustam terram ad habitandum, quia dicitur, quod isti multiplicati fuerant vehementer, & sic multiplicatio eorum faceret, quod non caperentur in terra propter multitudinem hominum, & gregum: sic enim dicitur de Iacob. & Esau, quod recessit a Iacob: diuites enim erant valde, & insimul habitare non poterant: nec sustinebat eos terra peregrinationis eorum præ multitudine gregum. Genes. 36. Patet etiam hoc, quia dicitur, quod inuenerunt terram latissimam, & sic videtur, quod terra, quam prius possidebant erat angusta eis. Quod autem ipsi quærent terram illam propter greges, patet, quia dicitur, quod profecti sunt, vt quærent pascua gregibus suis, & inuenerunt pascuas vberes, & valde bonas. Quod autem isti iuerint prius ad quærendum terram, quam irent ad pugnandum patet, quia dicitur, & profecti sunt: vt ingrederentur in Gador, vt quærent pascua, & dicitur, quod inuenerunt terram latissimam, & quietam. Non tamen irent isti ad peregrinandum, & possidendum terram illam, quo vsque scirent, qualis erat, & idcirco miserunt prius exploratores quosdam, & peruagati sunt terram, & viderunt, quod esset

fertilis, & latissima, & etiam hoc nunciauerunt reliquis de tribu sua, quando venerunt, vt incitarent illos ad pugnandum: sic enim Israelitæ, quando voluerunt introire in terram Chanaan, miserunt duodecim exploratores: Numeri 13. & Iosue 14. sic etiam cum tribus Dan illico post mortem Iosue non haberet possessionem fortis suæ, misit viros quinque de Sarraa, & Esthalon, & illi peruenierunt in urbem Lais, & inuenerunt terram latissimam, & opulentam, & quietam, & viros sine adiutorio, quia procul a Sydone habitabant, & non habebant communicationem cum aliquo hominum, & hæc omnia retulerunt viris de stirpe sua, qui euntes occupauerunt urbem Lais, Iudi. 18. Forte autem dicitur hic de ista terra, quod est latissima, & fertilis, & quieta, quia alij de tribu Simeon, qui miserunt istos ad terram illam, iusserunt eis aspicere ad hæc omnia, vt scirent referre statum terræ: sic enim Moyses quando misit exploratores de Cadetbarne in terram Chanaan dixit eis. Cum veneritis ad montes considerate terram, qualis sit, & populus, qui habitator est eius vtrum fortis sit, an infirmus: pauci numero an plures: ipsa terra bona an mala: vrbes quales muratæ an absque muris, humus pinguis an sterilis: nemorosa an absque arboribus. Numeri 13. Postea autem congregati sunt plurimi de tribu Simeon, & venientes in terram istam quæ erat quieta occiderunt omnes habitatores eius.

H *An peccauerint filij Simeon pugnando contra gentes istas.* *Quæst. XXXIII.*

QUÆRITVR vterius an filij Simeon peccauerunt pugnando contra gentes istas, & accipiendo terram eorum, & qualis fuit pugna ipsorum.

Aliquis dicet, quod peccauerunt: nam isti intulerunt bellum viris innoxijs, qui nulli genti nocebant, nec mouebant arma contra aliquos: nec etiam aliqui contra eos, cum dicatur hic, quod erat terra secunda, & in hoc videbatur duplex iniquitas. Primo quia occiderunt viros innocentes. Secundò, quia occupauerunt terram alienam, & ista est violentia.

I Respondendum est, quod non peccauerunt filij Simeon in isto bello: quia pugnaverunt contra Chananæos, & occiderunt eos, quod patet, quia hic dicitur, quod habitabant in terra illa viri, qui erant de progenie Cham. Et tunc non erat iniquitas violenter accipere terram illorum, quia non accipiebant alienum, sed suum. Nam Deus promiserat totam terram Chanaan Iudæis, & iussit, quod illam diuiderent per sortes: Iosue 13. Et sic ex concessione Dei pertinebat ad eos, & ipsi erant veri domini, quia concessio Dei confert titulum, licet adepti fuissent possessionem realem: ideo quodcumque haberent opportunitatem, licebat eis iure suo occupare terram illam, quia iam habebant mandatum iudicis super hoc, scilicet, Dei, qui iusserat pugnare contra Chananæos, & erueret terram de manu eorum.

K Item non erat iniquitas, quod occiderentur isti habitatores Gador cum essent Chananæi: nam non solum non peccabant Hebræi occidendo illos, sed etiam merebantur, quia Deus iubebat, & si non occiderent illos cum possent peccabant, & Deus comminabatur eis mala: vt patet Numeri 33. Et Deute. 20. & Iosue 23. & Iudi. 2. Rectè ergo egerunt filij Simeon occupando terram istam, & occidendo habitatores eius, sed adhuc obijciatur, quod peccauerunt: quia licet non peccarent respectu Chananæorum, quos occidebant, & quibus tamen terram auferebant, tamen peccarent respectu aliarum tribuum, quia usurpabant

pabant id quod pertinebat ad tribum Iuda: nam ciuitas Gador erat in sorte Iudæ: vt patet Iosue 15.

Responderi potest, quod ista ciuitas pertinebat ad sortem Simeon, & erat aliqua de decem, & octo ciuitatibus supra nominatis, licet non ponatur ibi sub hoc nomine, quia frequenter eadem ciuitas habet multa nomina sicut idem homo, vt sepe patet.

Aliter potest dici, quod ista ciuitas pertinebat ad tribum Iuda, & ideo ius pugnandi contra gentes istas ad quærendum terram eorum pertinebat ad solum Iudam, & tamen concesserunt fortè viri de tribu Iuda viri de tribu Simeon, vt acquirerent terram illam de manu hostium, & habitarent in ea: sic enim videtur factum de vrbe Ierusalem: nam ipsa est in sorte Benjamin: Iosue 18. Et tamen viri Iuda pugnauerunt contra Iebusæos habitantibus in Ierusalem, & occisis eis habitauerunt ibi Iosue 15. & Iudi. primo. Quidquid autem horum sit, dicendum, quod ista ciuitas Gador cum prouincia sibi adiacente erat in sorte Iudæ, vel Simeon, & tamen non fuit possessa a Iudæis a principio diuisionis sortium tempore Iosue: sed mansit in potestate Chananæorum vsque ad tempora Ezechie regis Iuda, & tunc cum viri de tribu Simeon habentes terram angustam vellent plus capere, perrexerunt in regionem propinquam Chananæorum, quæ est regio Gador, & cum inuenissent eam vberem, & conuenientem gregibus, occiderunt habitatores, & possederunt eam.

Hi ergo venerunt, quos supra descripsimus nominatim in diebus Ezechie regis Iuda, & percusserunt tabernacula eorum, & habitatores, qui inuenti fuerant ibi: & deleuerunt eos vsque in præsentem diem: habitaueruntque pro eis: quoniam vberrimas pascuas ibidem reppererunt.

Hi ergo venerunt quos supra descripsimus nominatim. Scilicet, omnes isti principes, quorum nomina scripta sunt supra venerunt ad pugnandum contra gentem Gador: ipsi, & plurimi de tribu Simeon.

In diebus Ezechie regis Iuda. Scilicet, tunc factum fuit hoc, & non ponitur hic nomen regis Israel: sed Iuda, quia famosior fuit Ezechias rex Iuda quàm Osee filius Hela rex Israel, qui fuit sibi contemporaneus, vt patet 4. Regum 18. Et percusserunt tabernacula eorum. Scilicet, deleuerunt domos ipsorum, & occiderunt eos, & non dicitur, quod percusserunt ciuitates eorum, sed tabernacula, quia maxima pars istius gentis habitabat per agros in tabernaculis, idest, in tentorijs portatilibus, & hoc erat propter officium pastorale, quia terra illa erat conuenientissima gregibus, vt patet in litera, & gentes illæ vacantes pastoralis officio secundum conditionem terræ morantur in tentorijs, & sic deleuerunt filij Simeon tabernacula istorum, vel fortè isti Chananæi non habitabant in aliqua vrbe, nec faciebant domos ad modum cuiusdam gentis Agarenorum in Aphrica, Sed primum verius est: nam isti habebant vnā ciuitatem nomine Gador, vt patet hic, & tamen habitabant multi per agros, vt dictum est. Et habitatores qui fuerant ibi. Scilicet, occiderunt omnes habitatores terræ illius, & faciliter potuerunt occidere eos; quia erat terra secura; vt patet in litera. Etiam quia gens illa habitabat in agris, vt dictum est.

Et deleuerunt eos vsque in præsentem diem. Istud refertur ad tempus quādo Esdras scribebat librum istum: nam vsque nunc deleti erant habitatores Gador. Sed videbitur istud superfluum, vel sine sensu: nam quādo aliquis populus semel deletus est, in æternum est dele-

tus, & sufficit dici, quod deletus est, nec oportet addi, quod deletus fuit vsque ad præsentem diem. Dicendum, quod non est superuacua sententia, quia potest intelligi dupliciter: vno modo, quod deleti fuerunt vsque ad præsentem diem, idest, deleti fuerunt, & nunquā redierunt aliqui de illis ad habitandū in loco, in quo prius erant vsque ad præsentem diem, idest, vsque ad tempus Esdræ. Et dicit hoc, quia interdum delentur aliqui populi, ita vt nihil de eis maneat, & tamen aliqui qui fugerunt redeunt, & habitant in loco priori, & tūc populus ille, licet aliquādo fuerit deletus, non est semper deletus. Hic autem, quia nunquā redierunt ad habitandum aliqui de Chananæis ad locum istum qui prius habitabant ibi, dixit Esdras, quod deleti fuerant vsque ad præsentem diem. Aliqua autem gens est vel regnum, quod postquam deletum fuerit incipit non esse deletum. Sicut patet de Madianitis: nam Israelitæ cum essent in deserto anno quadragesimo ab exitu de Aegypto pugnaverunt cōtra Madianitas, & nullum virum viuētem reliquerunt, nec etiam fœminam nisi solum virgines Numeri 31. Et tamen postea aliquibus fugitiuis redeuntibus in terram illam populatum est Madian Regnum: ita vt tempore Gedeonis innumerabiles Madianitæ iuerint ad pugnandum contra Hebræos, vt patet Iudi. 6. sic etiam fuit de Amalecitis, quos deleuit Saul non relinquens virum nec fœminam primo Regum 15. Et tamen postea tempore Dauid redierunt quidam fugitiui, & populauerunt terram illam, & illi combusserunt urbem Siceleg, in qua manebant vxores Dauid primo Regum 30. Aliter potest intelligi, scilicet, quod deleti fuerunt isti habitatores terræ a filiis Simeon vsque in præsentem diem, idest, deleuerunt illos, & habitauerunt in terra illa vsque ad præsentem diem. Sed primus sensus est verior, & quem includit litera. *Habitaueruntque pro eis.* Idest, habitauerunt in terra illa loco ipsorum. *Quoniam vberrimas ibidem pascuas inuenerunt.* Scilicet, filij Simeon principaliter iuerunt in Gador, vt inuenirent pascuas pro gregibus suis, sicut supra dicitur, scilicet, profecti sunt, vt ingrederentur in Gador, vt quærerent pascua gregibus suis, & quia inuenerunt quod optauerunt, habitauerunt in terra illa.

An verum sit, quod tempore Ezechie viri de tribu Simeon pugnauerint contra viros Gador. Quæst. XXX.

QVÆRITVR quomodo dicitur hic, quod in diebus Ezechie isti viri de terra, & tribu Simeon pugnauerunt contra viros Gador, quia videtur, quod non potuerit esse tēpore Ezechie, quod patet, quia tribus Gad, & Ruben, & Simeon, & reliquæ tribus Israel ductæ sunt ad Assyrios per Salmanasar regē Assyriorum. 4. Re. 17. Et nondum regnabat Ezechias, cum de Regno suo dicatur 4. Re. 18. Respondendū, quod factum fuerit hoc tempore Ezechie sicut litera dicit, & potest dici dupliciter, vno modo, quod factum fuerit tempore, quo nondum translati erant Israelitæ ad Assyrios. Alio modo, quod factum fuerit post translationem. De primo patet, quia Osee filius Hela fuit vltimus rex Israel, qui cum populo suo translatus est in Assyrios 4. Re. 17. Et iste cepit regnare in Israel tribus annis priusquā regnaret Ezechias in Iuda, & regnavit annis nouem, deinde anno 4. Regni Ezechie, qui erat principium anni septimi regis Osee, venit rex Assyriorum contra Samariam, & pugnavit tribus annis: anno autē tertio, qui erat annus nonus Osee regni, & annus sextus Ezechie capta est Samaria, & translatus est Israel in Assyrios 4. Regum 18. In istis ergo sex an-

nis, quibus regnavit Ezechias priusquam transferretur Israel in Assyrios poterat filij Simeon facere istud, & potissime in illis tribus primis antequam veniret rex Assyriorum ad pugnandum contra Samariam. De secundo patet, quia poterant filij Simeon facere hoc tempore Iosie post translationem Israelitarum ad Assyrios: nam quamquam translate fuerint omnes decem tribus ad Assyrios, non fuerunt translati omnes viri de illis, quia aliqui fugerunt, cum rex Assyriorum pugnaret contra Samariam, & totum regnum Israel: et aliquę vires fuerunt, quę non fuerunt tradite regi Assyriorum: ut patet sequenti lib. cap. 34. Vbi dicitur de tempore Iosie, quoniam facta est restauratio sartatectorum templi: nam collecta fuit pecunia de Manasse, & Ephraim ex universis reliquijs Israel, & sic videtur, quod multi relictı fuerant de Israelitis, qui non captivati fuerant per Salmanasar, cum illi essent in terra Iudę tempore Iosie, & tamen Iosias fuit multo tempore post captivationem illam quasi per centum annos. Quod patet, quia illa translatio facta est anno 6. Regni Ezechie 4. Regum 18. Et ipse regnavit annis vigintinovem eodem cap. deinde regnavit Manasses filius eius annis quinquagintaquinque 4. Regum 21. postea regnavit Ammon annis duobus eodem cap. deinde Iosias regnavit annis trigintauno 4. Regum 22. & tamen anno 18. eius factum est hoc, scilicet, quod essent reliquie de Israel, quę darent pecuniam ad sartatecta templi, & venirent ad Phasę, quod ipse celebravit, ut patet eodem cap. & sequenti lib. cap. 35. Et non solum manserunt reliquie de Israel, sed determinate manserunt de tribu Simeon, ut patet sequenti lib. cap. 34. Nam dicitur, quod Iosias in viribus Manasse, & Ephraim, & Simeon usque ad Nephtali subvertit omnia altaria idolorum, & tamen ab illa captivitate usque ad annum decimumoctavum Iosie fuerunt anni nonaginta, & octo, ut supra probatum est: poterant ergo tempore Ezechie post translationem Israelitarum ad Assyrios manere aliqui de tribu Simeon, qui facerent istud: videtur magis tamen dicendum, quod factum fuerit istud ante translationem Israelitarum ad Assyrios, quod patet, quia viri de tribu Simeon erant valde multiplicati tunc, ut patet hic, & propter hoc iuerunt ad quarendum pascuas vberes gregibus suis, & tamen post captivationem factam per Assyrios pauci manerent de tribu Simeon, & de qualibet alia tribu: ideo verisimilius est, quod prius factum fuerit. Quod tamen manserint aliqui de tribu Simeon post captivationem Salmanasar in terra, satis apparet hic: nam dicitur, quod illi, qui occupaverunt montem Seir, manserunt ibi usque ad presentem diem, idest, usque ad tempus, quo Esdras scripsit librum istum.

De filijs quoque Simeon abierunt in montem Seir viri quingenti habentes principes Phaltiam, & Naariam, & Raphiam, & Ozihel filios Iesi, & percusserunt reliquias quę evadere potuerant Amalecitarum, & habitauerunt ibi pro eis usque in diem hanc.

De filijs quoque. Hic ponitur aliud bellum, quod fecerunt filij Simeon: fuerat enim primum contra Chanaanos, & istud fuit contra Amalecitas, & dicitur.

De filijs quoque Simeon abierunt in montem Seir. Quia hic agitur de progenie Simeon, narratur facta, quę omıssa fuerunt in alijs libris, & pertinent ad istam tribum, & unus fuit de istis quingentis viris, qui iuerunt ad pugnandum contra Amalecitas, qui habitabant in monte Seir: est enim Seir terra, in qua habitant Idumęi, quę vocatur Seir ab ipso Esau, qui tria

nomina habuit, scilicet Seir, Edō, & Esau, ut colligitur: Gen. 25. sic dicitur Deuteronomio 2. Circumimus montem Seir longo tempore.

Viri quingenti. Isti erant de tribu Simeon, & fecerunt istud bellum, sed non constat quo tempore, quia non dicitur sub quo rege, sicut dicitur de bello precedenti: potest tamen intelligi, quod fuerit tempore eiusdem regis Ezechie cum ponantur ista simul, & exprimatur tempus pro uno, & non pro alio. Erant autem isti viri solū quingenti, quia forte Amalecites, contra quos pugnauerunt, erant pauci.

Habentes principes Phaltiam, & Naariam. Quatuor principes fuerunt istorum virorum, qui exprimuntur hic, & unus fuit Phaltias, sed non est ille, de quo fit mentio supra 2. quia ille erat de tribu Iuda: iste autem de tribu Simeon. Iste etiam Naaria non est ille, de quo precedenti capitulo, quia ille fuit etiam de tribu Iuda, iste autem de tribu Simeon. *Et Raphaiam, & Ozihel filios Iesi.* Omnes isti quatuor principes erant filij Iesi, & non est iste Iesi, de quo habetur supra 2. quia ille fuit de tribu Iuda, iste autem de tribu Simeon.

Et percusserunt reliquias, qui evadere potuerant Amalecitarum. Istę reliquie sunt quę evaserunt de aliquo bello, & erant viri pauci, quod patet, quia solı quingenti viri iuerunt ad pugnandum contra reliquias istas. *Et habitauerunt ibi pro eis usque in diem hanc.* Scilicet, habitauerunt in monte Seir, ubi prius manebant isti Amalecites, quos deleverant, & dicitur quod habitauerunt pro eis usque in presentem diem, idest, usque ad tempus quo Esdras scripsit librum istum.

Quenam fuerint reliquie Amalecitarum.
Quęst. XXX.

QUÆRITUR quę fuerunt istę reliquie Amalecitarum, quę deleverunt isti filij Simeon.

Respondendum est, quod reliquie dicuntur illi de aliquo populo, qui evaserunt aliquod bellum, vel periculum, in quo ceteri de illo populo perierunt: ita enim fuit de Amalecitis, quia omnes perierant in bellis præter paucos, qui potuerunt evadere, & isti confugerunt ad montem Seir, & ibi habitauerunt quousque nunc viri Simeon occiderunt eos, & poterant autem istę reliquie esse duorum temporum. Primo modo, quod essent reliquie illius temporis, quo Saul pugnauit contra Amalecitas, & non dimisit ex eis virum aut foeminam, sed omnes occidit quotquot habere potuit præter regem Amalecitarum nomine Agag, quem captum duxit in Iudęam secum. primo Regum 15. Nunc autem potuerunt evadere aliqui fugitivi, qui postea venirent ad habitandum ad montem Seir, & isti filij Simeon occiderunt nunc illos.

Secundò potest dici, quod isti evaserunt de bello, quod fecit David: nam verum est, quod de bello, quod fecit Saul evaserunt multi, & tamen illi omnes non fuerunt nunc deleti, quia postea fuerunt facta contra eos alia bella: nam ipsi erant viri latrocınantes in terra Philistinorum, & Israel, & combusserunt civitatem Siceleg, in qua erant vxores David, & omnia, quę pertinebant ad eum, quę omnia rapuerunt, & David persecutus fuit illos: invenitque, & occidit omnes præter quadringentos inuencos, qui fugere potuerunt ascendendo super camelos: primo Regum trigesimo. Et tunc manserunt paucissimi Amalecites, & istas reliquias occiderunt nunc filij Simeon.

An filij Simeon peccauerint pugnando contra Amalecitas. Quæst. XXXI.

A quam partem terræ Israel, quia fortè illa pars montis poterat esse de terra Seir.

Quomodo filij Simeon poterant habitare in monte Seir vsque ad tempus Esdræ. Quæst. XXXII.

QUÆRITUR vterius an peccauerunt filij Simeon pugnando contra istos Amalecitas. Aliquis dicet, quòd sic, quia non habuerunt iustam causam pugnandi, sed solum inuasunt terram illorum, vt habitarent ibi, & occiderunt illos, & non potest hic responderi sicut respondebatur supra in quadam quæstione de filiis Simeon an peccauerunt occidendo habitatores Gador, quia ibi bellum fuit iustum propter duo: primo quia illi erant Chananaei, & contra Chananaeos habebant Israelitæ iustum bellum ex mandato Dei: istæ tamen gentes non erant Chananaeorum, sed Amalecitarum, & Amalecitarum non erant de stirpe Chananaeorum: sed magis de stirpe Idumæorum, cum fuerint Amalecitarum descendentes ab Amalec, & Amalec fuit nepos Esau, scilicet, filius Spath primogeniti sui. Genes. 26. & supra primo. Et tamen contra Idumæos non poterant Israelitæ iuste pugnare, quia Deus dixerat non abominaberis Idumæum, quia frater tuus est Deute. 2. Secundò patet, quia quando pugnaverunt filij Simeon contra habitatores Gador, pugnaverunt contra eos, qui erant in terra sua, cum ciuitas Gador sit in sorte Iudæ: Iosue 15. Nunc tamen non pugnaverunt contra habitantes in terra sua, sed in monte Seir, & tamen terra Seir non pertinebat ad Israelitas, sed ad Idumæos. Respondendum est, quòd non peccauerunt isti filij Simeon pugnando contra reliquias Amalecitarum. Primò quia fortè isti molestabant eos in terra Israel faciendo prædas, & bella, sicut fuit tempore David: nam Amalecitarum succendebant urbem, in qua manebant omnia, quæ pertinebant ad David, & adduxerunt captiuas vxores eius primo Regum 30. Et ob hoc David pugnavit tunc contra alios. Secundò potest dici, quòd licitum erat istis filiis Simeon occidere istos Amalecitas, etiam si non facerent prædas, & insultus in terra eorum, scilicet, quia competebat eis ex mandato Dei: nam dixerat Deus, quòd Israelitæ deleverunt Amalec de sub cælo propter mala, quæ eis fecerat in deserto. Deute. 25. Et tamen Saul pugnans ex mandato Dei contra Amalecitas non deleverat eos, quia manserunt aliqui vsque ad tempore David, & etiam nunc aliqui manebant, & ideo poterant ipsi licite exequi mandatum Dei delendo illos. Tertiò poterant hoc facere, quia fortè isti Amalecitarum tenebant aliquam partem terræ Israel, & ob hoc competebat Israelitis pugnare contra eos quousque expellerent illos de ea, & sic fecerunt.

Ad duas rationes in contrarium dicendum, quòd non concludunt: de prima patet, quia dato, quòd isti non essent Chananaei poterant iuste pugnare Israelitæ contra eos propter alias causas, sicut expressum est: confirmatio autem in contrarium non tenet, scilicet, quòd non poterant pugnare contra istos qui erant de stirpe Idumæorum: nam Amalecitarum non vocantur Idumæi, nec sunt pars gentis Idumæorum, quia Amalec per se coadidit gentem quandam, quæ dicta est Amalecitarum, & Deus contraria distinxit de istis duobus gentibus: nam de Idumæis dixit non abominaberis Idumæum Deuter. 23. Et paulopost in eadem lege Deute. 25. Dicitur, quòd deleverunt meminitur, quòd isti non tenebant aliquam terram Israelitarum, sicut habitatores Gador propter quam possederunt Israelitæ pugnare contra eos, dicendum, quòd dato, quòd non haberent aliquam terram ipsorum: poterant esse aliæ causæ iustæ ad pugnandum, vt dictum est. Aliter potest dici, quòd isti haberent ali-

QUÆRITUR vterius quomodo poterant filij Simeon habitare in monte Seir, quem ceperant de manu Amalecitarum vsque ad diem, quo scripsit librum istum Esdras: nam decem tribus Israel ductæ sunt in captivitatem ad Assyrios 4. Regum 17.

Respondendum, quòd ductæ sunt illuc, & illi de Israelitis, qui illuc iuerunt nunquam redierunt in terram suam, isti tamen filij Simeon, qui habitabant in monte Seir non ducti sunt ad Assyrios, quia multi de tribubus singulis Israel euaserunt de manibus Assyriorum, scilicet, quia fugerunt de terra, quando illi pugnant contra vrbes singulas. Vel quia multæ vrbes fuerunt, quas non ceperunt Assyrii de terra Israel: vnde sequenti lib. cap. 34. Dicitur quomodo manserunt reliquæ de Ephraim, & Manasse, & Simeon, & alijs tribubus, & isti qui erant in monte Seir fuerunt de illis, & facilius erat istos euadere manus regis Assyriorum quàm alios Israelitas, eo quòd isti habitabant in parte remotiori regni Israel, scilicet, in monte Seir. Sed tunc obijciatur, quòd si manserunt isti filij Simeon in terra illa post translationem ad Assyrios aliorum transferrentur in Babylonem tempore Sedecie regis Iudæ, eo quòd illi, qui manserunt in terra de decem tribubus Israel effugientes manus Assyriorum fuerunt postea sub potestate Regum Iudæ, vt declaratum est 4. Regum 23. ideo omnes de Regno Iudæ transferrentur illuc præter pauperes quosdam agricolas, & vinitores 4. Regum ultimo. & Iere. 39. & 40. & 52.

Responderi potest quadrupliciter, vno modo, quòd isti de tribu Simeon habitantes in monte Seir erant quasi extra Regnum Iudæ. ideo captivatio Chaldaeorum non peruenit ad eos. Aliter potest dici, quòd cum isti essent in extremo regni Iudæ, forte fugerunt de locis suis ad regna propinqua pugnantibus Chaldaeis contra terram Iudæ, & translatis alijs in Babylonem redierunt isti in locum suum, sic etiam fuit de multis Iudæis, qui dum vastaretur terra Iudæ a Chaldaeis fugerunt in terram Ammonitarum, & Moabitaram, & Idumæorum, & cum audiuerunt, quòd Godolias manebat præpositus in terra Iudæ redierunt ad ipsum, vt patet Iere. 40. Tertiò potest dici, quòd isti filij Simeon, vel aliqui illorum ducti fuerint in Babylonem, & tamen postea redierint cum cæteris redeuntibus, & tunc quilibet redibat in ciuitatem suam, & in loco, de quo prius fuerat, vt patet primo Esdræ. cap. 2. Et sic redirent isti ad habitandum in monte Seir, quem prius tenebant, & acceperant de manu Amalecitarum. Quartò potest dici, quòd isti pauci viri Simeon, qui morabantur in monte Seir erant pauperes, & tamen Nabuzardan princeps militiæ Nabucodonosor reliquit tempore captivitatis in terra viros pauperes, vt essent agricolæ, & vinitores 4. Regum ultimo. & Iere. 39. & 40. Et tunc isti relinquerentur cum cæteris, & manerent semper in monte Seir, & sic esset verum, quòd manserunt isti vsque ad tempus, quo Esdras scripsit librum istum, & etiam fortè manserunt vsque ad aduentum Christi, & destructionem Iudæorum per Romanos, licet non potuerit hic fieri mentio, nisi de tempore vsque ad Esdræ, qui scripsit librum istum. Postea autem non est alius liber scripturæ, qui generaliter chronica describat Iudæorum vsque ad Christum: sicut in libro

I. Paralip.

bro isto describitur vsque ad tempus Esdræ: nam solum supersunt libri Machabæorum, in quibus solum tanguntur gesta specialia Machabæorum: ceteri autem libri historici, aut præcesserunt ad istum aut fuerunt aliquo modo contemporanei.

C. A. P. V.



ILII quoque Ruben primogeniti Israel, ipse quippe fuit primogenitus eius: sed cum violasset thorum patris sui, data sunt primogenita eius filiis Ioseph filij Israel, & non est ille reputatus in primogenitum. Porro Iudas, qui erat fortissimus inter fratres suos de stirpe eius Principes germinati sunt: primogenita autem reputata sunt Ioseph.

Descripta in præcedentibus progenie Iudæ, & Simeonis, hic scriptura vult describere progeniem tribus Ruben, & diuiditur in tres partes, quia primò ponitur progenies Ruben, secundo progenies Gad, tertio progenies dimidiæ tribus Manasse. Secunda ibi.

Filij verò Gad. Tertia ibi. Filij quoque dimidiæ tribus. H
Prima in duas, quia primò tollitur quædam tacita dubitatio, secundo describitur ipsa generatio ibi. *Filij autem Ruben.*

An ea, quæ hic scribuntur: sint continuata ad præcedentia. Quæst. I.

QUÆRITVR circa primum an ea, quæ habentur hic habeant ordinem continuatum ad præcedentia, & an fuerint immediate post illa.

Respondendum, quod quamquam hic, & præcedenti cap. narrentur aliquæ historiæ, tamen istud est quasi per accidens, quia intentio principalis est enarrare progenies tribuum, ideo potest accipi hic consideratio continuationis quantum ad historiam, vel quantum ad progeniem: si primo modo dicendum, quod non est ordo inter præcedentia, & ista, quia prius fuerunt ista bella, quæ enarrantur hic quàm ea, quæ habentur præcedenti capitulo: nam illa facta fuerunt tempore Ezechiae, vt patet ibidem: ista autem facta sunt tempore Saulis, vt patet in litera, & tamen Saul fuit primus Regum, Ezechias autem circa finem eorum. Si autem consideretur quantum ad progenies, dicendum quod non potest esse ordo secundum tempus, quia præcedenti capitulo dictum est de progenie Iudæ, & Simeonis, deducendo eas vsque ad aliquantum tempus, hic autem incipit progenies Ruben, & tamen prius fuit principium progeniei Ruben, quàm extremum progeniei Iudæ, & Simeonis, & tamen non potest seruari aliter ordo, scilicet, secundum tempus, quia tunc oporteret, quod omnium tribuum progenies, quæ eodem tempore fuerunt ponerentur simul, & sic extenderentur duodecim lineæ simul: sed istud erat obscurare, & reddere difficilem narrationem scripturæ, ideo conuenientius fuit, quod cuiuslibet tribus progenies per se describeretur.

Cap. V.

Quare progenies Ruben ponitur post tribum Simeonis. Quæst. II.

QUÆRITVR vterius quare post tribum Simeonis ponitur progenies Ruben, quia iste videtur inordinatus processus: nam hic non est ordo natiuitatis, nec dignitatis, nec sortis. De primo patet, quia Ruben non natus fuit post Simeonem, sed potius e contrario, & Ruben fuit primogenitus Iacob, vt patet hic in litera, & Genes. 49. etiam non est hic ordo dignitatis: nam non sequebatur Ruben in ordine dignitatis post Simeonem, sed potius e contrario: nam omnes duodecim tribus diuisæ erant per quatuor vexilla Numeri 2. Et ista quatuor vexilla denominabantur a quatuor tribubus principalibus. primum a Iuda, secundum a Ruben, tertium ab Ephraim, quartum a tribu Dan, & sub vexillo Ruben erat tribus Simeon, & tribus Gad. eodem cap. Ideo potius debebat proponi Ruben ipsi Simeoni quàm e contrario. Sic etiam erat in honoribus: nam in dedicatione tabernaculi cum obtulerunt principes populi, obtulit prima die princeps tribus Iuda, & in duobus sequentibus duo, qui erant sub vexillo eius, scilicet, Issachar, & Zabulon, die autem quarto Ruben, & die quinto Simeon: Numeri 7. Tertius ordo, scilicet, fortis non seruatur hic, quia non fuerunt Simeon, & Ruben coniuncti in fortibus, sed potius Simeon, & Iudas. Ruben autem habuit sortem distantem ab eis ad orientem Iordanis.

Dicendum igitur, quod hic non seruatur ordo inter Ruben, & Simeon, sed inter Ruben, & Iudam: nam capit Esdras describere progenies secundum ordinem dignitatis, & quia Iudas erat dignior omnibus, primò fuit descripta progenies eius: deinde autem volebat Esdras redire, vt prosequeretur ordinem natiuitatis incipiendo a Ruben, quia tamen in medio sortis Iudæ erat fors Simeonis, visum est conuenientius, quod simul cum tribu Iudæ ageretur de tribu Simeonis quasi esset eadem tribus, & vnica fors, & sic dicto de Simeone, dicitur de Ruben, & per hoc videtur continuari Ruben ipsi Iudæ, & non Simeoni, & tunc obseruatur ordo dignitatis, vt dictum est.

Quare tribus Gad continuatur post tribum Ruben. Quæst. III.

QUÆRITVR vterius quare hic post tribum Ruben agitur de progenie tribus Gad, & dimidiæ tribus Manasse. Nam hic non continuatur ordo natiuitatis, quem incipit hic Esdras: nam post Ruben sequitur Simeon, & quia iam de illo dictum fuerat, dicendum erat de Leui, qui sequitur post Simeonem in ordine natiuitatis Genes. 29. Et tamen interponitur de tribu Gad, & dimidiæ tribu Manasse. Etiam non est continuatio secundum ordinem dignitatis, quia in dignitate potest esse duplex habitudo. vna quod tribus illa, quæ habebat primum vexillum esset dignior, & sic de ceteris: deinde tribus, quæ non habebant vexilla succederent in honore. Alia habitudo est, quod non comparentur tribus, quæ habent vexilla inter se, sed tribus habens primum vexillum esset honorabilior ceteris, & deinde sequerentur duæ tribus, quæ erant sub eodem vexillo, accipiendo primo modo tribus Iuda erat primo, deinde Ruben, & postea Ephraim, & postea Dan. Numeri 2. Et sic non succedebat tribus Gad ad tribum Ruben: accipiendo secundo modo, qui communior est: Nam iste seruatur in honoribus tribuum in scriptura, vt patet Numeri 7. Non tenetur

teneretur hic iste ordo, quia post Ruben sequitur Simeon, Numeri 2. & 7. Et sicut Gad non sequitur post Ruben in ordine natiuitatis, & dignitatis, ita etiam dimidia tribus Manasse, aut tota ipsa tribus non sequitur post Gad natiuitate, vel dignitate. De natiuitate patet, quia Manasses non fuit filius Iacob, sed nepos, ideo post omnes filios Iacob poni debebat: etiam non in dignitate, quia non est inter istas tribus ordo continuus secundum computationem vexillorum: nam tribus Gad erat sub vexillo Ruben, & erat sexto loco dignitatis: tribus autem Manasse erat octauo loco, quia princeps tribus Gad obtulit die sexto, princeps autem Manasse obtulit die octauo: Numeri 7.

Dicendum ergo, quod non seruatur inter tribum Ruben, & istas duas, & inter istas duas inter se ordo natiuitatis, vel dignitatis, sed ordo fortis, quia acceperunt omnes tres sortem simul. Quod patet, quia iste duæ tribus, & dimidia habebat pecora multa plusquam alie tribus, & cum nondum transissent Iordanem, videntes terram Galaad esse aptam alendis gregibus petierunt illam à Moyse, & ipse concessit eam, ita ut nihil susciperent de possessione in terram Chanaan in occidentem Iordanis, & etiam, quod irent ad adiuvandum fratres suos ad bellum quousque acciperent terram suam ad occidentem Iordanis, & tunc dimisit eis Moyse terram illam per sortes, ut patet Numeri 32. & Iosue 13. Et ob hoc cum habitarent omnes, quasi in eadem sorte terre, dictum fuit de omnibus his simul. Item patet hoc magis, quia non agitur hic de tota tribu Manasse, sed de dimidia, & de alia dimidia agitur infra 7. Et tamen si ageretur hic de stirpe Manasse secundum ordinem natiuitatis, vel dignitatis, necesse erat de tota tribu simul agi, quia tota tribus erat eiusdem dignitatis, & habebat vnicum principem, ut patet Numeri 1. & 2. & 7. Etiam eadem natiuitas fuit capitibus illius tribus, scilicet Manasse, qui vnicus homo fuit, quia tamen istæ duæ medietates tribus Manasse acceperunt hereditatem in duobus locis, scilicet vna medietas ad orientem Iordanis in terra Chanaan: ponitur hic progenies vnius medietatis, & progenies alterius ponitur infra 7. circa primum dicitur.

Fili quoque Ruben. Id est isti, qui sequuntur, fuerunt filij Ruben, & est littera suspensiva, quia cum deberent illico exprimi nomina filiorum Ruben sit quedam interpositio magna de mutatione iuris primogenituræ, & redit postea scriptura ad continuandum sententiã, & dicit iterum. Filij autem Ruben. Et sic ponitur hic oratio imperfecta, quæ non differt ab ea, quæ infra habetur, & interponitur hic responsio ad quandam questionem, quam aliquis faceret de primogenitura Ruben, & soluitur.

Quare interponit hic scriptura de mutatione primogenituræ Ruben contra expositionem Nicolai aliter sentientis.

Quæst. IIII.

QUÆRITUR quare scriptura interponit hic de mutatione primogenituræ Ruben, cum istud non pertineat ad descriptionem progenierum.

Respondet Nicolaus, quod hoc factum est ad soluendum questionem, quæ ponebatur ex littera: nam dicitur hic filij Ruben primogeniti Israel, & tunc diceret aliquis: cum fuerit primogenitus, quare non accepit duplicem partem possessionis, quæ competebat primogenito? Deut. 21.

Et dicit, quod ad hoc respondet littera de mutatione iuris primogenituræ, scilicet, quod non man-

Alph. Tost. In lib. I. Paralip.

A sit in eo, quia violauit cubile patris sui, alioquin accepisset ipse duplicem sortem, sicut acceperunt filij Ioseph.

Sed ista responsio nullo modo stat, quia si propter hoc solum interponit omnia hæc, ut respondeat ad dubium, quod oriri potest ex illa particula filij Ruben primogeniti, stultum fuit, quod Esdras poneret omnia hæc, quia poterat subticere illam particulam primogeniti Israelis, & tunc non oporteret fieri istam interpositionem ad respondendum cum non oriretur dubium ex littera. potius ergo Esdras voluit introducere aliquid, ex quo haberetur ratio dubitandi quæ, quod propter particulam illam posuerit istam interpositionem.

B Dicendum igitur, quod ista interpositio potest hic esse propter duo, vno modo ad reddendum rationem ordinis. Nam aliquis querere posset, quare prius dictum est de Iuda quam de Ruben, cum Ruben procedat in ordine natiuitatis, & dignitatis, cum dignitas consequatur primogenituram, sicut dixit Iacob Gene. 49. Ruben primogenitus meus tu fortitudo mea, & principium doloris mei, prior in donis, maior in imperio. Dicit autem scriptura, quod non preponitur omnibus, quia licet fuerit primogenitus secundum carnem, tamen primogenituræ iura non manserunt sibi, sed translata sunt ad Ioseph, & principatus datus est Iudæ, ut patet in littera, ideo propter honorem regalem tribus Iudæ præponi debebat tribui Ruben. Et quia ista solutio dubitationis non poterat conuenienter introduci, nisi proponeretur aliquod fundamentum dubitandi: preponitur, quod Ruben fuit primogenitus secundum carnem, & tunc sequitur, quod non manserunt ei primogenita, & sic Esdras introduxit istam particulam, scilicet primogeniti Israelis ab intentione, ut exinde haberetur occasio ad istam interpositionem de mutatione iurium primogenituræ.

D Secundo modo potest dici, & melius, quod Esdras interposuit istud hic ex conditione istius libri, quia iste liber est suppletivus eorum, quæ deficiunt in aliis locis scripturæ, vel quæ non sufficienter expressa sunt hic, & suis locis enarrantur. Ideo cum aliqua contingunt specialia circa singulas tribus, quæ in aliis locis non enarrantur: Refert hic Esdras agendo de progenie singularum tribuum, sic patet de tribu Iuda, cum posuit quasdam paruulas historias supra secundo, & tertio, & quarto quæ pertinerunt ad tribum Iuda, sic etiam posita sunt præcedenti capitulo de bella, quæ fecerunt viri de tribu Simeon, & ita infra in littera ponuntur alia bella, quæ fecerunt filij Ruben, & Gad, & dimidia tribus Manasse. Et infra septimo ponuntur quedam gesta tribus Ephraim. & quia ad tribum Ruben pertinebat primogenitura, in qua includitur ius duplicis sortis, & illa mutata fuit, de quo leuissime tetigit scriptura. Gene. quadragesimo octauo. & quadragesimonono. ideo hic voluit Esdras explicare illud, docens quid continebatur in iure primogenituræ, & ad quam transiit Israel ius, & propter quid transiitum est.

E *Primogeniti Israel.* Id est Iacob, cuius nomen mutatum est, ut vocaretur Israel. Genesis trigesimo secundo, & trigesimo quinto, ipse quippe fuit primogenitus secundum carnem, & aliquando manserunt in eo iura primogenituræ, scilicet quousque peccauit. Fuit autem primogenitus Ruben tam ex parte matris quam ex matre, quia Iacob nullum prius genuerat quam Lya mater sua istum primum habuit. Genesis vigesimonono. & quod plus est, ipsa fuit prima vxor Iacob, scilicet quæ prius ab eo cognita est licet prius desponsata fuisset Rachel, eodem capitulo. *sed cum vi.*

for thorum patris sui. Hec fuit, quia cognouit uxorem patris sui Balam, quæ erat ancilla Rachelis, & hoc non latuit Iacob. Gen. 35. & tamē ipse tacuit hoc vsque ad mortem, qñ benedixit filiis suis: nam tunc expressit hoc improperando Ruben, & quasi maledicendo ei, s. Ruben primogenitus meus tu fortitudo mea, & principium doloris mei, prior in donis, maior in imperio, effusus sicut aqua non crescas, quia ascendisti cubile patris tui, & maculasti stratum eius. Gene. 49. etiam dñ hic, q propter hoc ablata sunt primogenita, & data sunt filiis Ioseph. Infamia est ergo dicere, q nō peccauit Ruben. *Data sunt primogenita eius.* Id est primogenita, quæ pertinebant ad eum. *Filijs Ioseph, filij Israel.* Filii Ioseph erant Ephraim, & Manasse: nam istis datæ sunt duæ sortes in terra Chanaan loco patris sui Ioseph, & ista duplex fors pertinebat ad primogenituram. Gen. 48. & dicitur filii Israel, referendo ad Ioseph, qui erat filius Israel, id est Iacob. *Et non est ille reputatus in primogenitum.* Id est nō fuit Ruben habitus tãquam primogenitus, quamquam vere esset primogenitus, s. quia non māsit ei aliquid de iuribus primogenituræ. Porro Iudas qui erat fortissimus inter fratres suos. Dicitur de Iuda, q fuit fortissimus inter fratres ad significandum, q ei conuenienter daretur principatus. Nam si esset vir ignauus, & timidus non conueniret ei principari, sed quia nullus de fratribus eius fuit tã fortis, & animosus cōuenit ei principatus potius quā ceteris. Et quod dñ, q fuit fortissimus intelligitur de ipso Iuda quantum ad seipsum: nam ipse fuit omnibus fratribus suis animosior, & eloquentior, vnde ipse confidētius, & lepidius loquebatur coram Ioseph, qñ putabat eum esse dominum Aegypti, & nesciebat eum esse fratrem suum. vt pater. Gen. 44. etiam intelligitur hoc de posteris suis, & quia ipsi fuerūt animosiores viris ceterarum tribuū, ideo Deus potius iuebat assumi duces belli de tribu Iuda, quam de aliis tribubus, vnde mortuo Iosue, quæsiuerunt Israelitæ qs esset princeps eorum q Iebusum, & Chananaum, & nñdit Deus Iudas erit dux belli, & ascendet. Iudi. 1. Iterum etiam cum pugnaturi essent omnes Israelitæ q tribum Benjamin contra viros Gabaa consuluerūt dominum in Silo, dicentes: Quis erit in exercitu nostro princeps certaminis q filios Benjamin? Et respondit dominus Iudas sit dux vester. Iudi. 20. *De stirpe eius principes germinati sunt.* Id est de stirpe Iuda descendunt principes Israel, quia in ista tribu fuerunt reges, & alii principes. *Primogenita autem reputata sunt Ioseph.* Id est iura primogenituræ non fuerunt data Iudæ quāquam esset fortissimus, sed data sunt filiis Ioseph, s. duplex pars hereditatis, quæ vocat̃ ius primogenituræ.

Quid continetur nomine iurium primogenituræ.
Quæst. V.

QVAERITUR de iure primogenituræ, quid continebatur nomine iurium primogenituræ. Respondendum est, q fm consuetudinem antiquitatis, & veteris testamenti multa continebantur nomine iuris primogenituræ. Primum erat, q primogenitus benediceretur a patre moriēte, & non alii, vel si alii benedicerent, talem benedictio prima, & præcipua erat primogeniti, vt patet Gen. 27. de Esau, & Iacob: nam Esau erat primogenitus Isaac, & ipsum benedicere voluit pater, & tñ quadam fraude factum est, vt benediceret Iacob, & vocauit se primogenitum, dicens. Ego sum Esau primogenitus tuus. Et tñ si benedictio daretur indifferenter primogenito, vel minori, non dixisset Iacob se esse primogenitū, etiam quia dixit Esau de Iacob: Nunc surripuit benedictionem meam.

F Secundum erat, q primogeniti crebantur quibusdam vestibus excellentioribus aliis, & hoc in quibusdam festiuitatibus, sicut est positio communis, & colligitur aliquo modo ex litera. Gen. 27. cum Rebecha vestiuit Iacob vestibus Esau valde bonis, quas apud se hēbat: et illa vestimenta erāt pulchra, & fragrantia. Sic patet ibidē cū dñ. Statimq; vt sensit vestimētōrū illius fragrantia, ait: ecce odor filii mei, sicut odor agri pleni. Et sic videt, quod per istas vestes excellebat primogenitus non primogenitum: Et hoc satis verisimile est, quia in multis aliis pertinentibus ad honorem excellebat primogenitus non primogenitum.

G Tertium erat, q primogenitus honorabatur magis apud patrem in mensa, & suscipiebat maiorem partem ciborum, sicut patet Gen. 43. cum dicitur, q fecit Ioseph fratres suos sedere ad mensam, & dicitur minimus iuxta ætatem suam sedebat primogenitus iuxta primogenita sua, & tamē si non esset aliqua differentia in primogenito ad ceteros differentia honoris in mensa nō dicitur, quod sedit primogenitus iuxta primogenita sua.

Quartum erat, q primogeniti apud antiquos erāt sacerdotes, sicut patet de Melchisedech, qui est filius Noe, & ipse est primogenitus eius, & dñ de eo Gene. 14. q erat sacerdos Dei altissimi. Idē patet ad Hebr. 7. sic etiam Exo. 19. dicitur, q sacerdotes etiam non accederent ad montem, ne percuteret eos Deus, & illi dicuntur esse primogeniti secundum omnes expositores, etiam Exo. 24. dicitur, quod misit Moyses iuvenes de filiis Israel, & obtulerunt holocausta, & illi er dicuntur esse primogeniti ab expositoribus, hoc patet efficacius, quia Deus voluit accipere primogenitos de omnibus tribubus Israel sibi in ministros, quia tamen illi peccauerant, iussit ne aliquis accederet ad ministrandum sibi, nisi filii, Leui. Nu. 1. & 3. & 16. & 18. & tamen, quia primogeniti tenebatur ad ministeriū, istud fecit, quia pro quolibet primogenito Israelitarum daretur Deo vnus Leuita, & quia plures fuerunt primogeniti Israel quam Leuita (nam excefferunt in ducētis septuaginta, & tribus) iussit Deus, q pro quolibet istorum darentur quinque sicli sacerdotibus, eo q ipsi seruebant pro illis, si tñ non obligarentur primogeniti ad istā seruitutē sacerdotalē Deo, non iuberet Deus, q pro quolibet eorū daret certū precii. De hoc Nu. 3. Quintū erat, q primogeniti hñt duplū de hereditate quā quilibet de fratribus minoribus. Deuter. 21. s. ipse est principiū liberorū eius, & huic debetur primogenita, dabitq; ei de his, quæ habuerit cūcta duplicia. Sextū erat principatus: nā primogenito debebat principatus inter fratres suos, & si aliqs futurus erat rex, ipse primogenitus efficiebatur rex, de hoc Gene. 49. s. Ruben primogenitus meus tu fortitudo mea, prior in donis, maior in imperio, id est Ruben, quia primogenitus erat maior aliis imperio, id est in auctoritate principadi. Septimo q pertinebat ad primogenitos in veteri testō erat, q ipsi redimerentur a dño, s. q præsentarentur in tēplo corā dño post quadraginta dies a natiuitate sua, & tradebant sacerdotibus, & nō dimittebāt eos quousq; darent quinq; sicli p eis. Nu. 18. & ibi declaratū est. Istud tñ potius videbat ad onus quā ad honorē, quia istud insurgebat ex quādā obligatione, quā primogeniti hēbant ad Deū, & nō alii, s. quia ipsi liberati fuerunt a Deo in Aegypto ab Angelo percutiēte, q occidebat primogenitos Aegyptiorū, & ex illa die fuerūt oēs primogeniti Israelitarū specialiter obligati Deo p hoc beneficio liberationis, & accepit eos in suos, & quia ipsi erāt inepti ad ministrandū sibi pp peccatū fabricationis vituli, voluit q se redimerent dando precium eis, qui ministrabāt Domino pro illis. Num. 3. & 8.

An principatus regnatiuus esset de iure primogenituræ.

Quæst. V I.

QUÆRITUR vterius, an de iure primogenituræ esset principatus regnatiuus.

Rñdēdum, q̄ istud potest intelligi dupliciter, vno modo, q̄ cuilibet primogenito deberetur principatus iste tanquam ius determinatum primogenituræ, alio mō, q̄ in stirpe illa, de qua futuri essent reges, deberetur principatus iste primogenitis, & non aliis. Accipiēdo primo modo, non erat principatus regnatiuus de iure primogenituræ, quia non competebar cuilibet primogenito, q̄ esset rex, nec etiam erat hoc possibile, cum rex vnus sit respectu plurimorum, primogeniti autem multi sūt, & cuilibet eorum responderēt paucissimi subditi. Et ex hoc patet, q̄ dato, q̄ alio modo cōpetat principatus regnatiuus primogenito, non est proprium ius primogenituræ ius regendi, cū non comperat omni primogenito, sed magis ȳr comperere per accidens. Accipiendo autem secūdo modo est dubium. Quidam enim dicunt, q̄ de iure primogenituræ est principatus iste, quod patet, quia Genes. 49. dixit Iacob, Ruben primogenitus meus prior in donis, maior in imperio. Ergo ius imperandi pertinebat ad eum in eo, q̄ primogenitus.

Secundo patet, quia seq. lib. c. 21. dī, q̄ Ioathan habuit filios multos, & dedit omnibus munera auri, & argenti, regnum autem tradidit Ioram, eo q̄ esset primogenitus. ergo v̄r, q̄ ex iure primogenituræ comperet regnum. In q̄rūm v̄r, q̄ non comperat regnare ex iure primogenituræ: nam tunc in Israel comperet regnum primogenito tribus Ruben, vel illius tribus, ad quam translata sunt iura primogenituræ, & tñ non translata sunt iura Ruben in aliquos, nisi in tribum, Manasse, & Ephraim, & in tribum Iudā, vt patet hic. Et tamen primus, & secundus reges Israel nō fuerunt de aliqua istarum tribuum; sed de tribu minimi filii Benjamin: nam Saul, & filius suus Isboseth fuerunt de tribu Benjamin, vt patet 1. Regum nono. Quod autem Benjamin esset minimus filiorum Iacob, patet Genes. 42. & 43. Et ibi sæpe vocatur minimus.

Secundo patet, quia quando cepit regnum in Iudā, Dauid, qui erat minimus fratrum suorum, vnctus est in regem 1. Reg. 16.

Tertio patet, quia Salomon habuit multos fratres maiores supra 3. c. Et tamen ipse factus est rex tertio Regum 1.

Responderi potest, quod istę obiectiones non obstant, quia dato, quod deberetur principatus regnatiuus alicui, Deus poterat illum auferre ei propter peccatum, vel sine peccato, & tamē istę obiectiones procedunt in principatu regnatiuo tradito mādato Dei. Sic enim fuit de regno tradito Sauli, & filio suo Isboseth: nam Deus pronunciauerat per Iacob: Gene. quadagesimonono non auferendum esse regnum, siue sceptrum de tribu Iudā, & tamen ipse iussit ad tempus, quod acciperetur Saul in regem primo Regum nono. Sic etiam translatus fuit regnum ad tribum Iudā, dato quod comperet primogenitis de iure, ex electione Dei datum est Dauid, qui erat minimus fratrum suorum. Sic enim fuit in Salomone: nam Deus pronunciauerat de ipso, quod esset rex, vt colligitur secundo Regum septimo. Et patet clare infra vigesimo secundo. Et in electione Dei non est arguēdum, quia ipse potest, cui voluerit, auferre ius, & dare cui voluerit, cum in manu eius sit omne ius, & potestas regnorum, vt patet Daniel. quarto, scilicet. Donec scias, quod dominetur excelsus in regno hominum, & cuiusque voluerit det illud. Si tamē reges assum-

Alph. Tost. in Lib. I. Paralip.

A pti fuissent a populo non ex mandato Dei, assumerentur de primogenitis.

Sed adhuc dicendum, quod hoc non obstante nō erat de iure primogenituræ accipi reges de primogenitis, sed magis pendebat ex potestate patrū designare quem vellent filiorum suorum esse regem, & patet hoc in Salomone: nam cum viuentē Dauid, Adonias filius eius fecisset se vngi in regem, venit Nathā propheta ad Dauid, & retulit quomodo regnabat Adonias nesciēte Dauid, & etiam Bethsabee dixit hoc ad Dauid, & subintulit. Veruntamen domine mi rex in te oculi respiciunt totius Israel, vt iudices eis quis sedere debeat in solio tuo post te. 3. Reg. 1. Si autem ad primogenitum de iure pertineret regnum, non spectaret totus populus sententiam regis, scilicet quis deberet post eum regnare, quia iam de iure constaret, & etiam rex non posset tollere ius alicui, sine causa, ergo non pertinebat regnum ad primogenitum.

Secundo patet, quia Bethsabee ex consilio Nathā prophete, cum conquereretur Dauid, quod regnaret Adonias, & non Salomon ait, Domine mi tu iurasti per Deum ancillæ tuæ, Salomon filius tuus regnabit post me, & ipse sedebit in solio meo. 3. Regum 1. Si tamen determinate comperet regnum primogenito, non liceret Dauid iurare, q̄ regnaret Salomon, cū nō esset primogenitus. Et dato, q̄ Dauid iurasset hoc, fortē ex aliqua lenitate, Bethsabee ex consilio Nathā prophete non proponeret istud iuramentum Dauid ad adiuvandum se ex illo, sciens quod iuramentum istud esset contra ius, & talia non obligant, sed potius qui iurat peccat, & tamen Nathā propheta suadet Bethsabee, q̄ allegaret istud iuramentum contra Dauid, ergo sciebat, q̄ tale iuramentum illicitū non erat, & consequenter ius regnandi nō pertinebat determinatē ad primogenitos.

Tertio patet, quia Roboā filius Salomonis habuit filios multos, lvigintiocto, & sexaginta filias; & inter illos non erat primogenitus Abia, quia tamen ille erat sapientior, & potentior reliquis, & etiam quia diligebat plus matrem illius quam alias vxores, cogitabat eum facere regem, & fecit sequenti libro capitul. 11.

Quarto patet, quia inter filios regis Iosiaz, moriente patre, primogenitus erat Ioachin, & tñ populus accepit in regem Ioachaz, qui erat minor 4. Reg. 23. Et sequenti lib. capit. vltim. & 2. Esdra 1. Quod autem Ioachaz esset minor patet, quia ipse quando cepit regnare erat annorum viginti trium 4. Reg. 23. Et regnavit solum tribus mēsis, & illico frater eius Ioachin regnavit, & tamen quando cepit regnare, erat annorum vigintiquinque, patent omnia eodem capitul. Et sic quasi duobus annis erat maior Ioachin quam Ioachaz; & tamen populus assumpsit in regem Ioachaz, & non Ioachin. Ergo non debebatur determinatē principatus regnatiuus primogenito.

Dicendum igitur, quod non competebar ex lege, vel ex aliqua necessitate antiquæ consuetudinis, vel ex iure naturæ regnum primogenito, & ideo a principio inter Israelitas non succedebant determinatē primogeniti, sed illi, quos patres designabant successores, postea tamen, quia inter gentes consuetum erat, quod primogeniti succederent in regno, & etiam, quia ratio naturalis dictabat potius debere principari primogenitum, & habere quemlibet honorem, nisi aliquid obstarer, consueverunt etiam Israelitæ facere, quod primogeniti succederent, & sic inualuerat inter eos iam ista consuetudo quasi pro lege, & iam succedebant primogeniti,

non tam ex iure primogenituræ, quam ex consuetudine præscripta, vel saltem antiquata. Sciendum tamen, quod licet principatus regnatiuus non competuerit primogenitis semper iure suo, tamen saltem quidam principatus honoris competebat cuilibet primogenito inter fratres suos, & hoc siue ante vetus testamentum secundum consuetudinem omnium gentium, siue in veteri testamento. Ad primam rationem in contrarium dicendum, quod ibi non intelligitur de regno, sed solum de aliquo honore, vel principatu, quod patet, quia Iacob dixit Ruben primogenitus meus, prior in donis, maior in Imperio. Et non dixit, quod haberet ius regnandi, immo, quod maius est, videtur, quod istud Imperium, quod competit primogenito sit amicabile alijs fratribus, quia dicitur maior Imperio, & sic cuilibet fratri potest competere illud Imperium, & tamen magis competit primogenito, quam alijs, principatus tamen regnatiuus, vel ius regnandi non diuiditur, sed vnicum est: ideo si vni competit non competit alijs integrè, vel secundum partem: ideo oportet, quod intelligatur de alio principatu, vel honore, qui posset competere secundum magis, & minus, & patet hoc magis, quia loquebatur hoc Iacob specialiter ad Ruben primogenitum suum, & tamen satis constabat ei de illo, quod etiam si non peccauisset contra patrem, quod non posset esse rex, quia populus Israelitarum non poterat tantum multiplicare viuente Ruben, quod aliquis deberet super eum regnare: intelligebat ergo de quodam alio principatu honoris, & præeminentiæ. Ad secundam rationem dicendum, quod Iosaphat dedit Ioran filio suo regnum, quia primogenitus erat, non quidem tanquam ex iure primogenituræ competere regnum, sed quia inter Israelitas erat consuetum, quod daretur principatus primogenito, sicut inter alias gentes, & propter istam consuetudinem tradidit ei regnum, cum esset primogenitus.

An duplex pars hereditatis fuerit de iure primogenituræ.
Quest. VII.

QUÆRITUR vltius, an de iure primogenituræ fuerit duplex pars hereditatis in veteris testamento, & inter istos filios Iacob.

Aliquis dicet, quod sic, quia Genesis quadragessimono. dixit Iacob Ruben primogenitus meus prior in donis, maior in Imperio. & tamen prior in donis dicitur ille, qui maiora dona recipere debebat à patre quam alij.

Secundo patet, quia Deut. vigesimoprimum dicitur: Cognoscat eum primogenitum suum dabitque ei de his, quæ habuerit cuncta duplicia.

Tertio patet, quia dicitur hic, quod quia Ruben peccauit, translata sunt primogenita ad filios Ioseph, & tamen illi nihil habuerunt super ceteros filios Iacob, nisi quod cum ipsi essent filij Ioseph, & non Iacob, debebant reputari in successione bonorum Iacob tanquam vnus, & suscipere vnicam sortem sicut quilibet alius de filiis Iacob vnicam sortem suscepit, & tamen susceperunt duas sortes: ergo videtur, quod iuri primogenituræ competeat duplicitas sortis.

Respondendum ad hoc, quod aut queritur de iure primogenituræ postquam fuit data lex Moyfi aut prius. Si post datam legem Moyfi, non est dubium quin de iure primogenituræ esset duplicitas sortis, & hoc non solum in viris nobilibus, inter quos apud nos seruatur ius primogenituræ, sed etiam inter quoscunque, quia Deus dederat legem generaliter de quolibet homine, quod primogenitus suus haberet duplum de hereditate eius super quemlibet fratrem: Deut. vigesimoprimum.

Si autem queratur de iure primogenituræ ante datam legem: dubium est an competere ista duplicitas hereditatis, nam non habetur manifestè, quod competere, & de hac nunc dubium est inter filios Iacob, quod ipsi fuerunt ante legem datam Moyfi, in qua statutum fuit de duplici sorte primogeniti, & dicendum est, quod non est dubium quin plus de hereditate patris competere primogenito quam alijs, & tamen an istud esset duplum, vel in aliqua alia quantitate non apparet, cum solum dixerit Iacob Ruben primogenito suo, quod erat maior imperio, & prior in donis, id est maior in donis, quæ suscipere debebat ex hereditate paternâ quam alij filij, & non dicitur in qua quantitate. Satis tamen videtur dicendum, quod etiam tunc esset duplicitas sortis de iure primogenituræ, & multi arbitrabuntur cum litera ista dicat, quod data sunt primogenita filiis Ioseph, & tamen illi non acceperunt super reliquos fratres nisi duplicem sortem. Hæc est enim positio communis, & satis verisimilis. Mihi tamen videtur dicendum quod primogenito ante legem Moyfi datam non competeat determinatè duplicitas sortis, sed competeat aliquid super fratres suos, quantum tamen istud esset pendebat ex voluntate patris, qui aliquando dabat primogenito suo plusquam duplicem sortem, & aliquando minus sicut ei placebat. Patet hoc, nam Abraham habuit filios multos, scilicet, ex Sara, & Agar, & Cetura, & Isaac factus est primogenitus dispositione Dei, quia Deus dixit ad Abraham in Isaac vocabitur tibi semen, Gen. 21. & Abraham dedit alijs filiis solum quædam munera, ipsi autem Isaac dedit omnia, quæ habebat, Gen. 25. f. Deditque Abraham cuncta, quæ possederat Isaac filio suo. Filijs autem concubinarum largitus est munera. Et vocat filios concubinarum filios vxorum minus principalium, & sic primogenito data sunt hic ferè omnia. Iacob autem dedit Ioseph filio suo, quem fecit primogenitum aliquid minus, quam duplicem sortem. Nam dixit prius, quod duo filij Ioseph, scilicet Ephraim, & Manasse, essent ei tanquam Ruben, & Simeon filij sui. Et postea dixit ad eundem: Do tibi partem vnam extra fratres tuos, quæ tuli de manu Amorrhæi in gladio, & arcu meo Gen. 48. Et ista fuit pars, quam possedit Iacob in Sichem quando erat in terra Chanaan: ideo illam accepit specialiter Ioseph, & ibi sepultus est, Iosue vlti. & sic solum competiuit ei duplex hereditas ratione adoptionis filiorum, & non iure primogenituræ. Pars autem illa modica, quam habuit in Sichem competiuit ei ratione primogenituræ translata in eum, & tamen illa non erat vna sortis, ita vt haberet duplum super quemlibet fratrem suum tanquam primogenitus. Si autem velit quisquam tenere priorem positionem: non oportet quod responderet ad argumenta in contrarium, quia illa adiuvant: si tamen teneamus præcedentem immediatè positionem, quæ videtur esse verior in debet. Ad primum quod verum est, quod primogenitus debebat esse maior in donis, & tamen quæritur esset iste excessus non apparet determinatum, sed erat in voluntate patris, vt dictum est. Ad secundum dicendum, quod illud bene concludit quod duplicem partem consequeretur quilibet primogenitus, & tamen istud solum loquitur post legem datam, & tamen non innuit an sic fuerit ante legem datam. Ad tertium dici potest vno modo, quod filij Ioseph acceperunt primogenita non quidem quantum ad duplicem sortem cum illam non consecuti sunt iure primogenituræ translata in eos, sed iure adoptionis, quia Iacob adoptauit eos, dicens: duo filij tui Ephraim, & Manasse, sicut Ruben, & Simeon reputabuntur mihi, & tamen postquam erant adoptati necesse erat, quod quilibet succederet equa-

liter cum alijs filiis Iacob, nisi ipse diffiniret, & sic nullus eorū habebat duplicem sortem, sed quilibet vnā. Si autē dicas, q̄ quamquam quilibet haberet vnam, tamen dicebantur habere duplicem sortem, quia ambo habebant duas sortes, & tamen ambo debebāt habere vnicam cum succederent loco vnus, s. patris sui Ioseph.

Dicendum est, quod hoc verum est si isti habuissent illas duas sortes tanquam succedentes auo, s. vt nepotes, quia tunc haberēt solum ius patris in successionē, & etiam tūc deberet vnus illorum habere istas duas sortes, & tamen non successerunt ipsi Iacob tanquam auo, sed tanquam patri, quia per adoptionem facti sunt filii cum dicat, ipse Iacob ad Ioseph, duo filii tui, qui nati sunt tibi in terra Aegypti mei erunt Ephraim, & Manasses, sicut Simeon, & Ruben reputantur mihi.

Item patet, quia si isti habuissent iure primogenituræ duplicem sortem non fuisset diuisa ista fors per duos fratres, quia ius primogenituræ indiuisibile est, & vni competit, & tamen duo filii Ioseph habuerunt istas duas sortes, ergo non perueniunt iure primogenituræ, sed adoptionis.

Sed obijciatur, quia dicitur hic in litera, quod primogenita data sunt filiis Ioseph, ergo multis simul diuisa sunt primogenita, & istud fuit in Ephraim, & Manasse, qui acceperunt duas sortes.

Dicendum, quod hoc nihil probat, quia non intelligitur, quod primogenita data sunt filiis Ioseph, id est filiis Ioseph simul manentibus, s. Ephraim, & Manasse, sed data sunt filiis Ioseph per successionem, quia nūc erant apud vnum primogenitum, & postea apud alium.

Item patet hoc ex iure primogenituræ in lege: nā primogenitus habebat duplicem sortē, & ipse solus habebat illam, deinde filii sui non diuidebant hereditatem equaliter, sed etiam primogenitus habebat duplicem sortem, vt patet Deuteronom. vigesimoprimum. Quod autem iura primogenituræ non competuerint filiis Ioseph diuisim, sed tanquam vni, patet quia dicitur: Primogenita autem reputata sunt Ioseph, & sic ipsi personæ conueniebant, & non filiis, & hoc est, quia postquam Iacob adoptauit Ephraim, & Manasse filios Ioseph, dixit ad eum, do tibi partem vnam extra fratres tuos: Gen. 48. & quantum ad istam reputata sunt ei primogenita, & non in duobus fortibus filiorum.

Secundo modo potest dici, quod ista duplex fors data est filiis Ioseph, & non fuit iure primogenituræ, sed quia voluit tūc Iacob adoptare filios Ioseph, quia tamē postea in lege determinata fuit duplex fors pro primogenito Deuteronom. vigesimoprimum, dixit hic Esdras, quod filii Ioseph susceperant iura primogenituræ.

Tertio modo dici potest, quod ista duplex fors data fuit Ioseph pro filiis suis loco primogenituræ, & tamen nō erat determinatum ante legem datam, quā tūc deberet suscipere primogenitus, sicut super quēlibet alium. Ideo sicut nunc suscepit Ioseph duplicem sortem, ita potuisset ei dare Iacob triplicem, vel quadruplicem. Nam Abraham dedit primogenito suo soli plusquam omnibus alijs simul, quamquam alii essent septem fratres, s. sex ex Cetura, & vnus ex Agar, Gen. 25. & supra primo, accidit tamen, q̄ daret Iacob duplicem partem primogenito, & sic postea Deus statuit debere fieri in lege, prima tamen trium solutio-
num melior est.

A An filijs Ioseph, vel ipsi Ioseph, data fuerint iura primogenituræ. Quæst. VIII.

QVAERITVR vterius, an iura primogenituræ data fuerint filiis Ioseph, vel ipsi Ioseph. Videtur primo, q̄ non, quia primum ius primogenituræ erat q̄ primogenitus benediceretur a patre moriente, & tamen filii Ioseph, vel ipse Ioseph, non fuerunt specialiter benedicti a Iacob, sed omnes filii Iacob benedicti fuerunt: Gen. 49. Et dicitur benedixitque singulis benedictionibus propriis.

B Secundo patet, quia aliud ius primogenituræ erat, quod primogeniti vteretur quibusdam vestibus specialibus inter fratres suos, vt probatū est supra in quadam quæstione, & tamen Ioseph, aut filii sui non leguntur vsquam hoc priuilegio inter fratres suos vfos fuisse.

C Tertio patet, quia primogenitus honorabatur magis in sedendo ad mensam, & recipiendo a patre abundantiorē partem ciborum, & tamen non vñs fuit aliquis de filiis Ioseph hoc priuilegio, sed potius alii de filiis Iacob, vt colligitur Genes. quadagesimotertio. Quarto patet, quia ad primogenitos pertinebat esse sacerdotes, & tamen non fuit aliquis sacerdos de tribu Ephraim, vel Manasse, sed omnes fuerunt de tribu Leui: Nume. 3. & 16. & 18. Quinto patet, quia ad primogenitum pertinebat esse maiorem in honore, & principatu ceteris filiis, & tamen non habuit talem honorē, nec principatū aliquis de filiis Ephraim, vel Manasse inter Israelitas, sed potius erant principes de tribu Iuda, vt patet hic. Etiam in communibus honoribus multæ tribus præferebantur Ephraim, & Manasse, vt patet in ordine vexillorum, quæ habebant in castris in deserto: Nu. 2. patet et in computatione facta in deserto bis: Nume. 1. & 26. nam sex tribus computabantur ante Ephraim, & Manasse, patet in ordinatione etiam offerendi. Nam in dedicatione tabernaculi in monte Sinai obtulerunt omnes duodecim principes duodecim tribuum, quilibet die sua, & tamen princeps Ephraim tribus obtulit die septima, & princeps Manasse tribus obtulit die octaua: Num. 7.

D Sexto patet, quia ad primogenitos pertinebat, q̄ redimerentur quinque siclis, & tamen non solum redimebantur primogeniti de tribu Manasse, & Ephraim, sed etiam primogeniti omnium tribuum, Num. 3. & 18.

Respondendum, q̄ iura primogenituræ, quæ pertinebant ad Ruben data sunt Ioseph, & filiis suis succedentibus sibi, quæcunque illa fuerint, siue multa, siue pauca. Vnde absolute est verum, quod iura primogenituræ translata sunt omnino in Ioseph. Considerandum tamen, quod inter iura primogenituræ quædam pertinuerunt ex necessitate, quæ in lege non fuerunt mutata, sed potius per legem confirmata fuerunt.

E Alia autem pertinebant ad primogenituram ex quadam ratione leui, vel consuetudine, quorum quædam in lege mutata sunt, & alia fuerunt ommissa, s. quod lex nihil de illis expressit, & vtraque fuerunt infirma, & sic vocantur non proprie iura primogenituræ, quod ius dicit aliquid, qd debitum, & necessarium est, & tñ ista non erant necessaria. Solum autem mansit tanquā de necessitate in iuribus primogenituræ ipsa duplicitas sortis, quia Deus in lege confirmauit istud Deuter. 21. ideo quando nominatur ius primogenituræ in veteri testamento, non intelligitur proprie, nisi fors duplex, quamquam aliqua alia veniant ex consuetudine in iure primogenituræ.

Ad rationem primam in prium dicendum, q̄ benedicti a patre, non erat aliquid de necessitate iuris
K 3 primo.

primogeniturę, ita quod primogenitus solus benediceretur, vel ille principaliter, sed erat cōsuetum apud quosdam, sic Isaac facere volebat, vt colligitur Genesis 27. & tamen Iacob filius suus non seruauit istum morem, quia omnibus filiis suis benedixit benedictionibus proprijs: Gen. 49. & non magis ei, in quem transferunt primogenita, quam alijs, sed cuilibet benedicebat iuxta merita, & sic Deus ei iubebat, vnde quibusdam potius maledicebat, quam benedicebat, vt patet de tribus primis, scilicet Ruben, Simeon, & Leui.

Ad secundum dicendum, quod primogenitum vti vestibis honorabilioribus non competebat tñquam necessario ex iure primogeniturę, sed ex affectione quorundam patrum, qui nimis diligebant primogenitos super alios filios, & sic fuit de Isaac, qui nimis diligebat Esau, eo quod libenter vesceretur de cibis, quos ille afferebat de venatione: Gen. 37. hoc autem non seruabatur apud oēs patres, ideo ista cēremonia forte non fuit obseruata inter filios Iacob, vel dato, quod obseruata fuerit communiter ante legem datam, quia tamen postea in lege non fuit cōfirmata ista cēremonia sicut duplicitas sortis non obseruata fuit, vel saltem non legitur obseruata.

Ad tertium dicendum, quod consuetudo erat, & valde rationalis inter antiquos, quod primogeniti honorarentur apud patres in mēsa magis, quam alij, & quod daretur illis maior portio ciborum, quod etiā obseruatur vsque hodie apud multos, & forte ista custodita fuit semper in veteri testamento, quia tamen erat quoddam pertinens magis ad vrbānitatem, & voluntatem patris, quam ad ius filij, non inerat necessario iuri primogeniturę: ideo nominata primogenitura non intelligimus istud ius, quia non erat tanquam necessario debitum, fuit tñ seruata ista cōsuetudo inter filios Iacob; nam faciebat Iacob, qd filij sui sederēt ad mensam secundum ordinem natiuitatis sue, & ēt dabantur eis partes ciborum inęuales secundum istum ordinem. Et hoc patet Gen. 43. f. Sederunt coram eo primogenitus iuxta primogenita sua, & minimus iuxta ætatem suam, & mirabantur nimis sumptis partibus, quas ab eo acceperant, & sic videtur quod isti filij Iacob soliti erant sic sedere in domo patris sui, & ob hoc dicitur quod mirati sunt nimis, scilicet quia viderunt, quod fecerat eos sedere sicut solebant sedere, & etiam mirabantur de distributione partium, quas dederat eis secundum ordinem natiuitatis. Dicendum tamen, quod hoc iure nunquam fuit vsus Ioseph in domo patris sui, nec etiam Ephraim, & Manasse. Et ratio huius est, quia quamquam Ruben meruit perdere primogenita ex eo tempore, quo cognouit Balan uxorem patris sui, tamen Iacob nunquam molestauit eum super hoc, sed finxit se nescire vsque ad mortem, quando benedixit filiis suis: nam tunc increpuit eum: Gen. quadagesimonono, tunc ēt transtulit ius primogeniturę in Ioseph, & filios eius: Gen. quadagesimo octauo, ideo in tota vita sua fuit Ruben in possessione iuris primogeniturę, cum nondum pater priuasset eum, & sic ipse sedebat prior ad mēsam, & accipiebat maiores partes ciborum. Vnde Ioseph ostendit hoc, quando venerunt ad eum omnes isti fratres sui: nam fecit, quod sederent ad mensam iuxta ordinem natiuitatis sue, & sic mirati sunt. Si tamen mutasset Iacob istum ordinem postquam peccauit Ruben, non tenuisset Ioseph modum istum in faciendo sedere eos, scilicet, quod primogenitus sederet iuxta primogenita sua, & minimus iuxta ætatem suam: nam tunc non haberent aliquid, de quo admirarentur cum non fieret sic in domo patris sui.

Ad quartum dicendum, quod ius sacrificandi,

vel ministrandi Deo specialiter non pertinebat solū ad primogenitos ab antiquo, sed etiam pertinebat ad minores, & quęcunque volebat, offerebat Deo holocaustum, & ipse ministrabat, quia nulli erat hoc interdictum: Sic patet de Abel filio Adam: nam ipse nō erat primogenitus, sed Cain: & tamen ipse offerebat Domino holocaustū de primogenitis gregis sui Gen. 4. Cum autem dicitur, quod Melchisedech, qui erat primogenitus Noe erat sacerdos Dei altissimi, concedendum est, & tamen non sequitur ex hoc quin etiam alijs non primogenitis liceret esse sacerdotes. Et cum obijcitur, quod soli primogeniti Israelitarum debebant esse sacerdotes, & quia peccauerunt, fecit Deus accipi loco illorum Leuitas: ergo isti tenebantur, vt essent sacerdotes. Dicendum quod tenebantur Domino, non tamen vt essent sacerdotes specialiter, sed tenebantur Deo ad quodcunque ipse vellet, sicut serui tenentur domino non ad determinatum genus ministrationis, sed quodcunque dominus petiuerit, & ob hoc Deus faciebat, quod se redimerent dando pro se precium, sicut qui seruus est non potest liberari, nisi pro se precium dederit. Etiam dicendum, quod ista obligatio non erat ex eo, quod isti erant primogeniti, sed quia Deus liberauerat illos in Aegypto ab angelo percutiente, ideo si liberauisset primogenitos, & nō primogenitos omnes tenerentur. Etiam patet hoc, quia ista obligatio non fuerat semper, sed solum ex die liberationis ab angelo percutiente, sic dicitur Num. 3. Meum est omne primogenitum: ex quo percussi primogenitos in terra Aegypti. Dicendum tamen quod inter antiquos, quanquam liceret cuilibet offerre Domino sacrificiū quod vellet, quia tamen offerre erat dignitas: quando aliqui offerebant loco communitatis eligebantur de primogenitis, eo quod vniuersaliter dabatur eis maior honor quā alijs.

Ad quintum dicendum quod principatus regnatus nō erat determinatē de iure primogenitorum, & tamen habere aliquem honorem, vel principatum qualemcūque, erat de iure primogeniturę, sed istud specialiter collatum est tribui Iuda, vt patet hic in littera, & hoc quia prenunciauerat Iacob reges futuros de tribu Iuda, & quod fratres sui laudarent eum, Gen. 49. & non fuit confirmatum in iure primogeniturę istud in lege, sicut confirmata est duplicitas sortis, ideo non videbatur pertinere necessario ad primogenitos.

Ad sextum dicendum, quod redimi primogenitos magis pertinebat ad onus quam ad honorem, & pertinebat ad omnes primogenitos, & istud non potuit assignari specialiter inter duodecim filios Iacob, eo quod illi non fuerunt liberati in Aegypto, quia obligatio illa habuit ortum ex die, quo Deus liberauit primogenitos Israelitarum occidendo primogenitos Aegyptiorum, & completa fuit obligatio per legem, Numeri tertio & octauo & decimo octauo. vbi Deus iussit, quod primogeniti redimerentur, quia sui erant, eo quod liberauerat eos ab angelo percutiente. Ista tamen liberatio non fuit facta viuētibz duodecim filiis Iacob, quia ipsi mortui fuerunt antequam Israelitę exirent de Aegypto, Exodi primo, ideo inter eos non poterat esse redemptio primogenitorum, sed fuit post exitum de Aegypto, & quia non solum in Aegypto liberati fuerant primogeniti vnius tribus sed omnium: debuerunt primogeniti omnium tribuum esse obligati, & redimi, & sic factum est.

An transierit in filio Ioseph totum ius primogenituræ Ruben, & quare dicuntur filij Ioseph accepisse primogenita, quia collationem alicuius partis acceperunt.
Quæst. IX.

Quare potius ius primogenituræ Ruben data est Ioseph quam alteri de filiis Iacob. Quæst. X.

QUÆRITUR vterius, an totum ius primogenituræ Ruben transierit ad filios Ioseph, vel si fuit aliqua pars collata filiis Iudæ, & cum nomine primogenituræ contineantur multa, quare propter collationem solius duplicis sortis, vel alicuius partis hæreditatis dicuntur filii Ioseph accepisse primogenita.

Ad primum dicendum s^m Nicolaum, q^d non fuit totum ius primogenituræ collatum filiis Ioseph, sed quantum ad duplicem sortem Iudæ collata est quædam pars quantum ad ius principandi. Dicendum tñ, q^d non fuerit, proprie loquendo, aliqua pars iuris primogenituræ collata filiis Iudæ, sed totum ius collatū est filiis Ioseph, quod pater ex litera, q^d dicitur, q^d Ruben erat primogenitus, & tñ quia violauit thorum patris sui non est reputatus in primogenitum, sed data sunt primogenita filiis Ioseph. Si tamen aliqua pars primogenitorum data fuisset filiis Ioseph, & alia filiis Iudæ, non diceretur simpliciter, q^d data sunt primogenita filiis Ioseph, sed nominaretur illud ius, q^d datū fuisset eis specialiter, vel si vellent scriptura dicere simpliciter primogenita data filiis Ioseph, diceret et simpliciter illa data filiis Iudæ, quia illis data est potestas regnandi, quæ non est minor quam duplicitas sortis, imo maior. Ideo si vtrunq; pertineret ad ius primogenituræ, potius deberet absolute ius regnandi, & principandi vocari absolute ius primogenituræ quam ius duplicis sortis. Secundo pater hoc, quia dñ hic in litera, q^d de stirpe Iudæ principes germinati sunt, primogenita aut reputata sūt Ioseph, & sic distinguuntur ista duo quasi ex opposito, s. principatus, & iura primogenituræ, si tñ principatus esset pars iurium primogenituræ, non distingueretur ius primogenituræ q̃ ius principandi, sed distingueretur duplicitas sortis, & ius principandi tanquam duæ partes iuris primogenituræ, & nō distinguuntur sic, sed ex opposito, ergo nullo modo petiuit inde principatus, qui esset pars iuris primogenituræ. Tertio patet, quia hic dicitur de Iuda, q^d de stirpe eius germinati sunt principes, & dicitur, q^d hoc factum est, quia erat fortissimus, ergo non compete-
bat ei iste principatus tanquam primogenito, vel habenti partem iuris primogenituræ, sed quia erat fortissimus, accepti sunt principes de stirpe eius.

Ad secundum dicendum, q^d nomine iuris primogenituræ, loquendo large, multa comprehenduntur, & tñ, quia quædam illorum non veniunt ex necessitate, cum lex non confirmauerit illa, nō intelligimus illa nomine iuris primogenituræ, & sic fuit de omnibus septē supra assignatis in quadam quæstione præter duplicitem sortis, quia nullum illorum confirmatum fuit in lege, nisi duplicitas sortis, ideo quantum ad aliam duplicitem sortis, dicimus eum absolute primogenitum. Vel si aliquis est primogenitus per hoc non intelligimus eum necessario habere, nisi ius duplicis sortis, & sic fuit de Ioseph, quia data fuit ei duplex sortis, vel aliqua pars hæreditatis super id quod dabatur aliis, ideo per hoc solum dicimus sibi data primogenita, illi tamen qui largius accipiunt ius primogenituræ, solent illud diuidere, & dicunt partem fuisse datam Ioseph, & partem Iudæ. De hoc declaratum est Genes. quadagesimo octauo, & Iosue decimo quarto.

QUÆRITUR vterius cum ius primogenituræ ablatum fuerit ipsi Ruben, & dari debet alteri de filiis Iacob, quare potius datum est Ioseph, quam alicui alteri.

Responderi potest vno modo, quod istud factum est per Iacob iudicio Dei, quia a Deo motus faciebat, & dicebat hæc, patet istud de benedictionibus, quas protulit super filios suos instante morte. nam illas prophetice dixit: Gen. 49. f. Congregamini, vt annūciem quæ ventura sunt vobis diebus nouissimis. Et tamen annunciare futura non potest nisi ipse, qui Deus est, vel qui a Deo reuelationem habet: Isa. 41. f. Annūciate quæ ventura sunt in futurum, & sciemus, quia dñ estis vos. Et tñ inter illa locutus est de principatu Iudæ, vt patet eo. c. Etiam qñ transtulit ius primogenituræ in Ioseph, & benedixit duobus filiis eius, prophetice locutus est: nam dixit iste quidē erit in populos, & multiplicabitur, sed frater eius iunior maior illo erit, & semen illius crescet in gentes. Genes. 48. de his tamen, quæ homo agit, Deo impellente, vel iubente non oportet reddere rationem, quia ipsa voluntas Dei ratio istorum est. Immo nec homo faciens, quod Deus iubet, scit cur illud fiat, nisi quia Deus iubet.

Alio modo potest dici, q^d Iacob poterat transferre ius primogenituræ propter peccatum Ruben, & poterat transferre in quocunque vellet filiorum suorum, transtulit autem in Ioseph, quia rationabilius erat in eum transferri, quam in aliquem alium.

Et quidam adhuc rationem dant, dicentes: quod cum Ruben priuatus fuerit iure primogenituræ succedere debebat ille, qui propinquior esset etate, & iste erat Simeon, quia tamen peccauerat ille, sicut Ruben quamquam non tam grauiter, cum Iacob arguat eū Gen. 49. dicens: Simeon, & Leui vasa iniquitatis belantia, in consilium illorum non veniat anima mea: Et sic non solum non debuit iste succedere in ius primogenituræ, sed potius maledictus fuit, cum dicatur ibidem: Maledictus furor eorum, quia pertinax, & indignatio eorum, quia dura, diuidam eos in Iacob, & disperdam illos in Israel. Post hunc sequebatur Leui in ordine natiuitatis. Gen. 29. Sed quia ipse peccauerat eodem modo quo Simeon, & maledictus fuerat eadem maledictione, qua Simeon eod. c. non debuit ipse succedere in iure primogenituræ. Post hunc autē erat Iudas: Gen. 29. Et ipse poterat habere iura primogenituræ, quia non peccauerat, ita, vt mereretur priuari illis, & tamen dicunt, quod Iacob voluit diuidere illa inter viros duarum vxorum principalium, s. Lyæ, & Rachelis, filiis autem ancillarum non oportuit dari aliquid, & quia Iudas erat primus inter filios Lyæ, qui poterat succedere in iuribus primogenituræ, & inter filios Rachelis primus erat Ioseph, diuisa fuerūt iura inter istos, s. quod Iudæ daretur principatus, & Ioseph daretur duplex sortis.

Sed dicendum, quod ista ratio non multum conuenit, quia ius primogenituræ vnius est, & non multorum, ideo vnus debuisset succedere in ea, & non diuidi inter Iudam, & Ioseph.

Dicendum igitur videtur aliter, scilicet, quod Iacob dedit ius primogenituræ ipsi Ioseph potius quam alicui alii, quia istud rationabiliter erat tam ex parte sua, quam filiorum suorum, & hoc, quia Ioseph benefecerat specialiter ipsi Iacob: nam aluit eum, & totam domum suam in Aegypto, & propter honorem ipsius fuerunt apud Pharaonem, nullus

tamen aliorum filiorum cōtulerat aliquid ipsi Iacob: F ideo potius tenebatur transferre primogenitum in Ioseph, quam in alium. Conueniebat etiam hoc ex parte fratrum suorum: nam ipse sustētauerat eos in Aegypto, & etiam postea sustētauit quamdiu vixit: ideo ipsi debebant ei deferre honorem. Et quia ius primogeniturę honorem dabat, potius paterentur omnes fratres, quod susciperet Ioseph istud ius primogeniturę quam aliquis alius, ideo Iacob ei contulit, & dedit ei duo, primum fuit, quia propter eum adoptauit duos filios eius, scilicet Ephraim, & Manassē, ut ipsi haberentur tanquam filij Iacob, & haberent duas sortes sicut duo de filiis Iacob, & sic videbatur effici maior quolibet fratre suo in duplo. Secundum fuit, quia dedit Iacob ipsi Ioseph specialiter quandam partem, quam possederat in Sichem, & tulerat eam de manu Amorrhęi: Gen. 48. cap.

An iuste Ruben fuerit priuatus iure primogeniturę.

Quęst. XII.

QUÆRITVR vltius, an iuste priuatus fuerit Ruben iure primogeniturę. Respondendum est quod sic, & hoc patet dupliciter. Primo quia priuatus est sententia Dei, ideo iuste priuatus est. Pater hoc, quia Iacob priuauit eum, vel denunciavit priuatum in verbis illis, quę dixit Genesis quadragessimono, scilicet Ruben primogenitus meus, tu fortitudo mea, & principium doloris mei, prior in donis, & maior in Imperio, effusus es sicut aqua, non crescas, quia ascendisti cubile patris tui, & maculasti stratum eius. Iacob tamen dicebat ista, Deo mouente, nam loquebatur propheticę. Quod patet; quia dixit, quod annunciarer filiis suis, quę ventura erant in diebus nouissimis, & tamē ista non poterat nunciare nisi Deus ei reuelaret, & inter illa dixit de priuatione iuris primogeniturę Ruben in eo quod dixit, non crescas, id est non excedas alios fratres tuos, quamquam excedere deberes, sicut dixerat Iacob prior in donis, maior in Imperio, id est in istis duobus debebas excedere, ergo non fuit iniustum priuari Ruben, quia à Deo priuatus est.

Secundo patet, quia Iacob priuauit eum pro causa iustissima, scilicet quia fecerat ei grauissimum dolorem: sic enim dixit Iacob Rubē, primogenitus meus tu fortitudo mea, & principium doloris mei, id est primus dolor grauissimus, quem sustinui, fuit cum cognouisti Balā vxorem meam, sed iste erat iustissimus dolor, non solum patris ad filium, cum tanto magis in hoc offenderet, quanto magis ex eo, quod filius erat, diligere teneretur, sed etiā inter extraneos, ideo lex humana concessit, quod vir reperiens vxorem suam simul cum adultero, posset vtrunque occidere, & subdit causam, quia tam iustum dolorem compescere non potuit, ut patet C. de adult. in l. Gracchus. Item patet, quod ista causa esset rationabilis, & sufficiens ad priuandum Rubē iure primogeniturę, quia Iacob expressit illam, dicens, non crescas, quia ascendisti cubile patris tui, & maculasti stratum eius, & tamen si non esset sufficiens ad hoc, non expressisset eā Iacob, potissime, quia erat turpis.

Item patet, quia maxima iniuria, vel de maximis quas poterat inferre filius patri, erat, quod ipse cognosceret vxorem illius, & fecit hoc Ruben: ideo non solum quantum ad seipsum merebatur priuari iure primogeniturę, sed etiam priuari iure hereditatis, & cum emolumento & vtilitate, quam à patre consequi poterat.

An potuerit iuste Iacob priuare Ruben iure primogeniturę.

Quęst. XII.

QUÆRITVR vltius an Iacob potuit priuare iuste ipsum Ruben iure primogeniturę.

Aliquis dicit quod non: nam quanquam meretur priuari Ruben, non licebat Iacob priuare eum, quia licet aliquis mereatur mortem, non licet alicui inferre illam, nisi iudici.

Respondendum, quod Iacob iuste potuit priuare Ruben iure primogeniturę. Primo patet, quia Iacob auctoritate Dei priuauit illum, cū Deus mouerit illū ad loquendum propheticę verba, per quę priuaretur Ruben iure isto, ut patet Gen. 49. & tamen quod quis agit auctoritate Dei iustum est, & iuste fit. Secundo patet, quia cum Ruben mereretur priuari iure primogeniturę, oportet quod daretur aliquis, qui posset eum priuare, quia aliās daremus, quod aliqua crimina essent, quorum ad nullum posset pertinere castigatio illorum, & ista est maxima deordinatio, ideo necesse est, quod aliquis posset priuare Ruben primogeniturę iure. Non est tamen aliquis, ad quem pertineret hoc, nisi pater suus: nam quādo filius meretur exheredari, non exheredit eum iudex, sed pater, a fortiori ergo cum auferre ius primogeniturę in veteri testamento, & inter antiquos esset minus quā exheredare, posset illud pater, & non aliquis alius; ideo non requirebatur aliquid aliud ad hoc, quod iuste priuaret, nisi hoc haberet iustam causam priuandi. Tercio patet hoc, quia Deutero. 21. dicitur, quod si habuerit vir duas vxores vnā dilectam, & aliam odiosam, & filius odiosę fuerit primogenitus, non poterat filium dilectę facere primogenitum. Ex hoc patet à contrario sensu, quod cū lex dicit non licere patri priuari primogenitum suum iure primogeniturę propter odium matris eius, quod liceat ei in aliquo casu si iustam causam habuerit priuare iure primogeniturę, & tamen Iacob habuit iustissimam causam ad priuandum Ruben, quia non poterat esse maior: ideo iuste priuauit eum. Quarto patet, quia scriptura refert hic istam priuationem tanquam iustam, & ob hoc subdit causam ad illam, dicens: quod Ruben erat primogenitus, sed cum violasset thorum patris sui, data sunt primogenita eius filiis Ioseph, & non est ille reputatus in primogenitum.

An potuerit priuare eum iuste iure totius hereditatis, & quare non fecit si potuit.

Quęst. XIII.

QUÆRITVR vltius an potuit Iacob iuste priuare Ruben totius hereditatis iure, & si potuit, quare non fecit. Respondendum quod

Ruben quantum ad seipsum merebatur exheredari, & non solum exheredari, sed etiam occidi, quia cognouerat vxorem patris sui, & non solum ipse de rigore iuris, sed etiā tota posteritas sua propter eum in æternum merebatur exheredari, sicut quando aliqui grauissima crimina commiserunt, scilicet crimen lese maiestatis priuantur filij, & alij posterij successione parentum, quia non succedunt illis, sed bona eorū confiscantur, ut patet extra de hereticis cap. Vergentis. ita ergo hic, cum commisisset Ruben crimen pessimū contra patrē merebatur ipse priuari successione Iacob, quē offenderat, & etiam tota posteritas sua. Dicendū in est, quod si potuisset exheredari Ruben, ita quod non exheredaretur posterij sui, exheredatus fuisset, ut personaliter pateretur, quod personaliter gesserat, & tamen nō poterat exheredari ipse quin etiam omnes posterij sui exheredati essent, ideo nō fuit exheredatus potissime, quia ista hēditas qua priuari debebat Ruben non erat aliquid quod posset peruenire ad eum,

eum, sed ad posteros suos, quia erat hereditas in terra Chanaan, ut patet ex donatione, quam fecit Iacob ipsi Ioseph: nam dixit, Do tibi partem unam extra fratres tuos, quam tuli ab Amorrhæo in gladio, & arcu meo, Gen. 48. Apparet ergo, quod hereditas reliquorum filiorum Iacob ibi erat, & tamen Ruben non erat peruenurus in terram Chanaan, quia in Aegypto mortuus est, ideo priuarentur posterius propter peccatum Ruben, hoc autem Deus noluit, ideo solum incitauit ipsum Iacob ad hoc, quod priuaret iure primogenituræ Ruben, & tamen non ad hoc, quod priuaret eum iure hereditatis.

Sciendum tamen, quod si hereditas ista fuisset solum aliquid temporale, forte fuisset priuata posteritas Ruben propter ipsum, quia non est inconueniens temporaliter puniri filios pro patribus, & tamen ista exhereditatio indirecte esset poena spiritualis, quia si tribus Ruben priuata esset hereditate Iacob, desineret esse pars populi eiusdem cum alijs filiis Iacob, quia iam non pertineret ad eos, & ideo non egrederetur cum eis de Aegypto, nec etiam susciperet legem Moysi, aut alia beneficia Dei, quia esset reprobata illa tribus, & exclusa de populo electo, unde manerent filij Ruben in idolatria, & nunquam efficerentur pars populi, quæ lex non fuit data, nisi illis, qui descendebant de Iacob, quibus promissa erat terra Chanaan, & iam non pertinebat ad Ruben aliquid de illa promissione, & sic periret illa tribus inter idolatras. Noluit ergo Deus, quod Iacob priuaret Ruben hereditate, sed solum iure primogenituræ, & maneret ius ei hereditatis, sicut cuilibet alteri non primogenito. Ideo quando Iacob increpuit Ruben in morte, non dixit ei, quod priuabat eum iure hereditatis, quia ascenderat cubile patris sui, sed dixit non creascas, id est non habeas aliquam excellentiam inter fratres tuos, quæ est in iure primogenituræ, quam excellentiam alias habiturus eras.

Quomodo accepti fuerunt de tribu Iuda principes, eo quod Iudas fortissimus erat. Quæst. XIII.

QUÆRITUR vterius quomodo de tribu Iuda accepti fuerunt principes, eo quod erat fortissimus Iudas: nam non videtur, quod propter fortitudinem debeat principatus dari, quia fortitudo non est maximum bonum, quod requiritur in principe, sed alia sunt maiora. Item patet hoc, quia Vegetius in libr. De re militari, ubi ponit excellentiam bellorum, & unde proueniat dicit, quod non prouenit ex multitudine, nec ex fortitudine, inquit, quod Romani non vicerunt ceteras gentes multitudine, quia multo plures erant barbari, nec etiam fortitudine, quia robustiores erant Hispani, sed doctrina militari, & exercitatione vicerunt. ita ergo, & in principe potius requiritur potentia, quæ ad doctrinam pertinet, quam robur. Item patet hoc quia communis assertio est, quod qui bono sunt intellectu vigentes, aliorum sunt domini, & rectores, & tamen robur non pertinet ad bonum intellectum: immo Arist. primo Poli. cap. 3. ponit corpora eorum, qui sunt serui naturaliter esse robusta, & intellectum debilem: corpora autem dominorum ponit fragilia, & intellectum excellentem. Respondendum est, quod potissimum, quod requiritur in principe est prudentia, eo quod prudentia est principum operationis, vires autem corporis sunt tanquam organa executiua, & tamen hic dicitur de Iuda, quod principes nati sunt de eo, quia erat fortissimus, scilicet non solum erat fortissimus, sed etiam erat prudens, & tamen in prudentia conueniebat cum fratribus suis ceteris: in robore autem excedebat alios, ideo expressum est, quod de eo fuerunt principes propter fortitudinem, scilicet quod quamquam causa

A principalis esset prudentia, quia tamen non erat illa, in qua differabat ab alijs, expressum est id, per quod ipse specialiter meruit habere principatum.

Aliter dici potest, & magis concorditer ad intentionem scripturæ, quod principes descendunt de tribu Iuda propter fortitudinem, & non aliquo modo propter prudentiam, & dato, quod viri aliarum tribuum essent prudentiores viris de tribu Iuda, datus est principatus viris Iuda, quia fortiores erant, & accipitur fortitudo non solum pro robore corporis, sed etiam pro vigore animi, quem vocamus animositatem, & patet, quod propter hoc daretur principatus: nam sic etiam factum est tempore Machabeorum, quia Mathathias pater Machabeorum moriens instituit quomodo filij sui resisterent gentibus, & dixit: Confortamini filij, ecce Simeon frater vester, scio, quod vir consilij est ipsum audire semper, & ipse erit vobis pater, & Iudas Machabeus fortis viribus a iuuentute sua sit vobis princeps militie. Ecce qualiter Simeon erat prudentior, quam omnes filij Mathathie, & tamen Iudas factus est princeps, quia robustior erat, ita autem hic Iudas, & posterius sui fuerunt fortissimi inter fratres suos, ideo facti sunt principes. De hoc primo Mach. 2. Considerandum autem circa hoc, quod princeps, aut eligitur pro pace, vel pro bello, si pro pace, quamquam requiratur in eo animositas ad reprimendum malitias subditorum iuxta illud: Noli effici iudex, nisi virtute valeas irumpere vitia: & tamen precipue requiritur prudentia, quia ipsa est, per quam omnia iudicantur, si autem sit princeps, ad quem magis expectet gubernatio tempore belli, quam pacis, eligendus est potius vir animosus, & confidens circa terribilia, etiam si prudentia non sit in eo grauis, quam vir prudentissimus, tepidus tamen nimis, quia qui prudentia non excellit alios potest suppleri, quod sibi deficit per consilium aliorum, & ipse cum sit animosus poterit exercere bella, si tamen aliquis timidus sit dato, quod prudens nimis sit, etiam si habeat multos consiliarios prudentes nihil proficiet, quia timor, & pusillanimitas faciet nullum terribile aggredi, vel sustinere, & ita ordinauit Mathathias pater Machabeorum: nam ipse ordinabat principem ad agendum bella contra Gentiles, qui impugnabant obseruatores legis, ideo fortissimum virum instituit principem, dicens, Iudas Machabeus fortis viribus a iuuentute sua, & ipse sit vobis princeps militie, & aget bellum populi, ita autem erat nunc, quia Iudei principes instituebant, ut communiter pro bellis: nam pro regulatione politica habebant alium modum regiminis, scilicet septuaginta seniores, qui vocabantur domus consilij, & etiam alios iudices per singulas vrbes de quo declaratum est Nu. 11. & Deuter. 18. ideo eligebant Israelitæ semper virum animosum in principem, vel, quando Deus suscitabat eis aliquos principes dabat, ut communiter viros bellicosos in principes.

E *An verum sit, quod de tribu Iuda orti sint principes ex eo, quod Iudas fortissimus erat. Quæst. XV.*

QUÆRITUR vterius quomodo est verum, quod de tribu Iuda principes orti sunt, quia erat Iudas vir fortissimus, & videtur, quod non sit, quia intelligitur hoc, quod aliquando orti fuerunt principes de tribu ista, & non semper, & tunc non est aliquid speciale, quia non solum in tribu Iuda, sed etiam fere in omnibus alijs tribubus fuerint aliqui, qui essent principes totius Israel, patet enim de Iosue, qui fuit princeps totius Israel, & fuit de tribu Ephraim. Nume. 13. Alod etiam iudex secundus Israel fuit de tribu Benjamin, Iud. 3. Barach etiam iudex fuit de tribu Nephthali: ludicum

Indicum 4. Gedeon autem iudex Israel fuit de tribu Manasse: Indicum 6. Thola autem iudex Israel fuit de tribu Issacar: Indicum 10. Iair autem fuit de tribu Gad, cum esset Galodites, ut colligitur eod. cap. vel saltem fuit de tribu Manasse. Alij etiam fuerunt de alijs tribubus, ut Samson de tribu Dan: Indicum 13. Heli autem, & Samuel quorum alter sacerdos, & alter propheta, & Leuita fuerunt iudices, & ambo de tribu Leui, non ergo erat aliquid speciale in tribu Iude, quod aliquando essent principes de illa cum etiam esset hoc in omnibus alijs tribubus. Si autem dicatur, quod semper fuerunt principes de tribu ista, aut illi fuerunt reges, aut illi principes. De regibus non est verum, quia etiam de tribu Benjamin fuerunt reges aliquando, scilicet Saul, & Isboseth filius eius antequam essent reges de tribu Iuda, ut patet primo Regum 10, & 2. Regum 2. fuerunt etiam reges de alijs tribubus, quia postquam diuisum est regnum in regno Iuda, & Israel fuerunt reges de multis tribubus, cum aliqui occiderentur a viris aliarum tribuum, & regnarent pro eis, ut patet ex toto processu tertij, & quarti Regum. Si autem intelligatur de alijs principibus, non est hoc verum, quia non fuerunt semper principes de tribu Iuda, sed aliquando erant de alijs tribubus, ut declaratum est supra de iudicibus.

Respondendum, quod istud intelligitur hic de omnibus principibus, qui fuerunt in populo, siue tempore Regum, siue prius, quamquam principaliter intelligitur de regibus. Patet hoc: nam loquendo de regibus semper fuit principatus in tribu Iuda, quia licet primus rex Hebræorum fuerit ipse Saul de tribu Benjamin, quia tamen immediate post eum regnavit David, & postea semper fuerunt reges de hac tribu, habetur tanquam nunquam fuerit rex de aliqua tribu, nisi de Iuda, quia de modico non curatur: potissime etiam, quia vivente Saule vnctus fuit in regem David paucis tempore postquam regnare ceperat Saul, ut declaratum est primo Regum 16. & duravit sic principatus regalis in tribu Iuda semper usquequo destructus est status Iudæorum per hoc, quod ducti sunt in Babylonem. nec obstat, quod de alijs tribubus fuerint reges in regno Israel, quia istud factum est per accidens propter peccatum virorum Iuda, & tamen principatus populi Dei semper mansit in tribu Iuda in domo David. Si autem loquamur de alijs principibus, qui fuerunt post captivitatem Babylonis vivente Esdra, qui scripsit librum istum, illi erant de tribu Iuda: nam Zorobabel filius Salathiel de tribu Iuda erat princeps tunc, ut patet Aggei primo, & secundo, & Zacharia 4. Si autem dicamus de principibus, qui fuerunt a principio exitus de Aegypto usque ad tempus, quo ceperunt reges de tribu Iuda. Dicendum quod multi fuerunt de alijs tribubus, quod patet de iudicibus, sicut supra dictum est, & tamen dicebantur adhuc esse tunc semper principes de tribu Iuda propter duo. Primo, quia quando Israelita petebant a Domino, quis esset princeps eorum, semper dabat eis principem de tribu Iuda, ut patet post mortem Iosue: nam illico consulerunt dominum, quis ascenderet ante eos, & pugnaret contra Chananeum, & respondit Deus Iudas ascendet, & erit dux belli: Indicum primo. Iterum etiam cum pugnare vellent omnes tribus contra filios Benjamin, consulerunt dominum, dicentes, quis erit in exercitu nostro princeps contra filios Benjamin? & Deus respondit Iudas sit dux vester: Indicum 20. Secundum erit, quia quamquam eligerentur principes populi de alijs tribubus, semper tribu Iuda habebat principatum super alias tribus, & principes eius erant excellentiores principibus omnium aliarum tribuum: sic patet, quia in deserto Moyses regebat totum populum, & tamen princeps de tribu Iuda erat

excellentior omnibus viris de populo: nam vexillum eius precedebat omnia vexilla in loco castrametationis, & motionis castrorum, ut patet Nume. 2. & 10. Etiam, quando dedicatum est tabernaculum princeps Iuda obrulit prima die, & deinde principes aliarum tribuum, Nume. 7. sic etiam tempore Iosue, & Iudicum dato, quod aliquis iudex esset, qui non esset de tribu Iuda, semper princeps tribus Iuda erat honorabilior in rebus pertinentibus ad totam communitatem, quam omnes alijs principes tribuum, & sic semper principes populi videbantur esse de tribu Iuda. Sortiti sunt autem hoc viri Iuda ex prænuntiatione Iacob: nam ipse moriens dixit. Iuda Te laudabunt fratres tui: manus tua in cervicibus inimicorum tuorum: adorabunt te filij patris tui: catulus leonis Iuda, ad prædam fili mi ascendisti, Requiescēs accubisti, ut leo, & quasi leona: Quis suscitabit eum: Non auferetur sceptrum de Iuda, &c. Gen. 49. & sic ab exitu de Aegypto cepit tribus Iuda habere principatum inter alias, ut patet in numeratione, quia prius numerata est, quam alia ad locandum castra. Nume. 2. sic etiam in oblatione. Nume. 7. & in omnibus alijs pertinentibus ad honorem.

○ Filij ergo Ruben primogeniti Israel Enoc, & Phallu Hefron, & Charmi. Filij Ioel Samaia filius eius: Gog filius eius: Semei filius eius, Micha filius eius, Reia filius eius, Baal filius eius, Beera filius eius, quem captivum duxit Thelgathphalnasar rex Assyriorum, & fuit princeps in tribu Ruben.

Filij autem Ruben. Hic ponitur secundum huius patris, in quo describitur Ruben generatio, & dicitur.

Filij autem Ruben primogeniti Israel. Sunt isti, qui sequuntur, & vocatur Ruben primogenitus secundum carnem, quia iura translata sunt ad Ioseph, ut dictum est. Enoc. Ponuntur hic quatuor filij Ruben, & totidem ponuntur Gene. 46. & ab istis nominantur quatuor familie in tribu Ruben. Nume. 26. iste Enoc non est ille, qui translatus est in Paradisum. Ecclesi. 44. quia ille fuit in prima etate seculi ante diluvium, ut patet Gene. 5. & supra primo cap. iste autem filius Ruben non.

Phallu Hefron. Iste Hefron non est, de quo habetur supra 2. & etiam precedenti cap. quia ille fuit filius Phares nepos Iude: iste autem fuit filius Ruben.

Et Charmi. Iste Charmi non est ille, de quo habetur supra 2. quia ille fuit de tribu Iuda, & fuit pater Achor, qui furatus est de anathemate Iericho, Iosue 7. & supra 2. iste autem fuit de tribu Ruben.

Filij Ioel Samaia filius eius. De isto Ioel non dicitur cuius filius fuerit, & tamen secundum regulam declaratam precedenti c. debet dici filius eius, qui est immediatus, scilicet Charmi, & tamen scriptura, quia breuiloqua est omittit interdum ista, sic patet supra primo c. cum dicitur. Adam, Seth, Enos, Chainam, & de quolibet illorum intelligitur, quod fuit pater alterius, vel quod genuit eum: iste Ioel non est ille de quo dicitur precedenti c. quia ille fuit de filiis Simeon: iste autem est de tribu Ruben: etiam non est iste ille propheta Ioel, qui est secundus inter prophetas minores: nam ille fuit multo tempore post istum plusquam sexcentis annis. Quod patet, quia iste Ioel natus fuit in Aegypto, & mortuus: nam pater suus Charmi natus fuit in terra Chanaan, & ingressus est in Aegyptum cum patre suo Ruben, & avo suo Iacob: Gen. 46. & sic post introitum in Aegyptum post quadraginta, vel quinquaginta annos ad plus, Charmi gigneret Ioel, & tamen manserunt

ferunt in Aegypto Israelitę annis ducentis, & quinde- A
cim, vt declaratum est Gen. 15. & Exo. primo, mane-
rent ergo, anni centum sexagintaquinque a natiui-
tate istius Ioelis, vsque ad exitum de Aegypto, & tñ
nullus hominum illo tempore tamdiu vivebat, quia
ad plus vivebant vsque ad annos centum, & quadra-
ginta, vel quasi, vt patet Exo. 6. ideo iste Ioel moreret
aliquanto tempore ante exitum de Aegypto, & tamē
ab exitu de Aegypto vsque ad edificacionem templi
fuerunt anni quadringenti octoginta, vt patet 3. Reg.
c. 6. postea autem vsque ad Oziam cuius tempore, p-
phetavit Ioel fuerunt anni ducenti, vt patet computā-
do tempora media Regum, ideo plusquam sexcenti
quingenta anni essent inter natiuitatē istius Ioel,
& Ioel prophete. Iste Semaia, de quo hic dicitur, non
est ille, de quo habetur pręce. c. quia ille fuit de filiis
Simeon: iste autē est de filiis Ruben. Etia nō est ille Se-
maia, de quo sup. 3. qā ille est de tribu Iuda, & iste nō.
Gog filius eius. Aliquando Gog est nomen gentis,
sicut dicimus Gog, & Magog, de quibus multa loquit
Ezechiel. capit. 49. De his etiam habetur Apocaly. c.
20. & tamen an istę sint gētes speciales, vel an sint ali-
qui populi significati per interpretaciones istorū no-
minū, sicut August. vult innuere, declarabitur ibidē:
aliquando accipitur pro viro, & sic est hic.

Semei filius eius. Multi Semei habentur supra 2. & 3.
& pręcedenti c. tamen iste non est aliquis illorū, quia
illi sunt de tribu Iuda, iste autem de tribu Ruben: etiā
nō est iste Semei, qui maledixit David, de quo 2. Reg.
17. quia fuit de tribu Benjamin, vt patet ibidem, & 3.
Regum 2. iste autem fuit de filiis Ruben. Micha filius
eius. Non est iste Micha filius Miphiboseph, de quo
habetur 2. Regum 9. nam ille erat pronepos Saulis de
tribu Benjamin, iste autem erat de tribu Ruben.

Et Reia filius eius. Non est iste Reia ille, de quo habet
pręcedenti c. quia ille fuit de filiis Iuda: iste autem est
de filiis Ruben. Baal filius eius. Aliquādo est Baal no-
men, & sic sepe dicitur in libris Regum, & Iud. quod
aliqui coluerunt Baal, vel Baalin, & cultus istius idoli
maxime fuit augmentatus per Achab regem Israel
propter vxorem suam Iezabel 2. Regum 16. fuit autē
destructus postea, & omnes cultores eius occisi per
Iehu regem Israel, quarto Regum 10. Secūdo modo
accipitur pro nomine loci sic habetur pręcedenti c. D
cum dicitur, quod vniuersi vituli sortis Simeon per-
ueniebāt vsque Baal, & est necessariū nomē alicuius
terre. Tertio modo accipitur pro viro, & sic accipitur
hic. Beera filius eius. Iste Beera est iste, qui vocatur in-
terdum Beeri, & est pater Osee prophete, vt infra di-
cet. Quem captiuum duxit Thelgathphalasar rex Assyriorū.
Iste Beera vivebat in regno Israel eo tempore, quo
Thelgathphalasar transtulit in terram Assyriorum
duas tribus, & dimidiā, & multos de tribu Nephtali
infra in ltera, & 4. Re. 15. & iste cum ceteris transla-
tus est illuc. Et fuit princeps in tribu Ruben. Ista fuit causa
p̄cipua, quare translatus est, qā erat princeps in tribu
Ruben, & sic poterat concitare reliquos de tribu illa
ad rebellandum regi Assyriorum, ideo transtulit eū in
Assyriam. Vocatur autē princeps alicuius tribus ille, q
maior est in tota tribu, sub quo sunt principes familia-
rū, & iste principatus veniebat ex progenie, sicut prin-
cipatus regalis internos per successionē, & iste prin-
ceps tribus erat, quasi dominus respectu omnium de
tribu, & subijciebantur ei immediate principes fami-
liarum: deinde principes domorū, quousque perue-
niatur ad viros singulos, quę sunt partes minimę do-
morum: isti principes veniebant per lineam primo-
genitorum, de habitudine quorum declarātū est Nu.
primo, & tñ aliquando mutabatur principatus de illa
linea in aliam pp aliā causā, vt declarātū est supra 2.

Quomodo hic Semei filius eius Gog, an omnes referantur
ad vnum. Quęst. XVI.

Q V A E R I T V R quomodo dicitur hic Semei
filius eius, Gog filius eius, & sic de ceteris
an referantur omnes ad vnum, vel fuerunt
per successionem, s. quilibet ad immediatū.

Dicendum, qd dupliciter posset hoc accipi, vno mō,
q oēs isti referantur ad vnum, s. ad Ioel, & fuerūt filij
eius, sicut dicebatur cap. pręcedenti, s. alio mō, q refe-
ratur ad diuersos, s. q tot generationes fuerint, quot
exprimuntur hic viri, & sic Semei erit filius Ioel, &
Gog filius Semei, & Semei filius Gog, & sic de cete-
ris. Dicendum q iste secundus modus est verus: nam
primus nō potest stare, quia hic dicitur, q Beera fue-
rit ille, qui ductus fuit a rege Assyriorū Thelgath-
phalasar, si ergo omnes referantur ad Ioel sequitur,
q pronepotes Ruben ducti fuerunt in captiuitatem
ab Assyrijs, sed hoc non videtur possibile, quia a nati-
uitate Ruben vsque ad captiuitatem illam fuerunt
plusquam octingenti anni, & tamen in tribus genera-
tionibus, quę sunt vsque ad pronepotes non poterāt
transire tot anni. Dicendum igitur, q refertur quili-
bet ad immediatū, & sic tot generationes essent,
quot viri nominantur hic, & sic posset iste Beera vlti-
mus eorum captiuus duci a Thelgathphalasar rege
Assyriorum, quod alias erat impossibile.

An Osea propheta fuerit filius Beera,
Quęst. XVII.

Q V A E R I T V R vterius an iste Beera fuerit
pater Osee prophete. Respondendum est,
q hoc non apparet: nam non ponitur inti-
tulo eius, de qua tribu erat, nec ponitur ali-
quis locus, per quem possumus intelligere tribū, ideo
de eo variē sentiūt multi: nam Hieronimus, & histo.
Scho. & Epiphanius Historiographus dicunt eū fuisse
de tribu Issachar, & secundum positionem istorū de-
clarātū est. 4. Re. 13. vbi agebatur de gestis istius pro-
phete, & aliorum octo contemporaneorum. Hebręi
tñ, & Nicolaus volunt, q fuerit iste de tribu Ruben,
motiuum autē est propter similitudinem nominis, qā
pater Osee vocat Beeri, vt patet Osee primo: iste autē
vocatur hic Beera, & idem est, quia nomina propria
hebraica variantur interdum ex parte finis, & interdū
ex parte principij, vt declaratum est pręcedenti cap. &
supra 2. Aliud motiuum est, quia conuenit in tēpore:
nā de Osee dicitur, quod prophetauit in diebus Ozie,
& Ioathan, & Achaz, & Ezechie Regum Iuda, Osee
primo, & iste Beera fuit etiam tempore Ozia, nam
ista captiuitas facta per Thelgathphalasar fuit in diebus
Phacee regis Israel, & tñ iste cepit regnare anno quin-
quagesimo secūdo Ozie regis Iuda. 4. Regis 15. & tñ
iste Beera ductus est in Assyrios cū alijs de tribu Ru-
ben, & tunc dicimus, q Osee fuit de magno genere,
quia fuit filius principis tribus Ruben, & ad ipsum p-
ueniebat principatus per lineam, & tamen quid isto-
rum sit verum, non apparet. Vtrunque tamen est satis
verisimile, nec est aliquid, quod nos inducere debeat
ad vnum, vel ad alterum, nisi auctoritas dicentis. Et
quia Hieronimus tenet istum fuisse de tribu Issachar,
videtur ei potius fauēdum: si quis tñ potuerit firmio-
ri testimonio contrarium probare, ei insistemus, quia
nihil valet cuiuscūque auctoritas, vbi apparet veritas:
cum auctoritas non p̄bet, nisi per pręsumptionem,
veritas autē manifesta facit probationem necessariam.

An verum sit, quod Beera ductus fuerit in captiuitatem.
Quęst. XVIII.

Q V A E R I T V R vterius qñ potuerit esse, q iste
Beera ductus fuerit in captiuitatē a Thelgathpha-
lalar:

Isaia: nam fuerunt paucae generationes inter Rubē, & istum Beera, & fuerunt valde multi anni, & sic videtur, quod non sufficerent tam paucae generationes ad continuandum tempus, quod fuit inter natiuitatem Ruben vsque ad captiuitatem istam factam per Thelgathphalasar: nam fuerunt in isto tempore, quasi mille anni, quia Ruben genitus est ante introitum in Aegyptum per quinquaginta annos, vel quasi. Nam Ioseph erat annorum triginta, quando stetit coram Pharaone rege Aegypti ad interpretandum somnia. Gen. 41. & post hoc transferunt septem anni fertilitatis, qui immediate ceperunt, & duo anni sterilitatis: nam quinque anni supererant de sterilitate, quando introiuit Iacob in Aegyptum, Gen. 45. & sic erat Ioseph annorum triginta nouem, quando descendit Iacob in Aegyptum, & tamen Ruben esset annorum plusquam decem super Ioseph. Quod satis colligitur ex eo, quod habetur Gen. 30. nam nato Ioseph voluit immediate reuerti in terram suam Iacob, & tamen Ruben natus fuerat a principio de Lia uxore eius, ideo ad minus necesse est Rubē esse plusquam decem annorum super Ioseph, & sic esset annorum quinquaginta ad minus in introitu in Aegyptum: deinde vsque ad exitum de Aegypto fuerunt anni ducēti, & quindecim, ut probatum est Gen. 15. & Exo. primo: ab exitu de Aegypto autem vsque ad edificationem templi fuerunt anni quadringenti, & octoginta. 3. Re. 6. deinde de regno Salomonis supererant anni triginta septem, quia in principio quarti regni sui fuit facta ista edificatio e. c. & regnavit annis quadraginta. 3. Re. 11. postea anni decem, & septem Roboam eo. lib. c. 14. & tres anni Abiē eod. lib. c. 15. & quadraginta unus annus Asa eod. c. & viginti quinque anni Iosaphat eo. lib. c. vlt. & octo anni Ioram 4. Reg. 8. & unus annus Ochozīe eo. c. & sex anni Athaliae Reginae eo. lib. c. 11. & sequenti lib. c. 22. & quadraginta anni Ioas. 4. Re. 12. & anni viginti nouem Amasīe eo. lib. c. 14. & quinquaginta duo anni Azarias eo. lib. c. 15. anno autem quinquagesimo secundo huius coepit regnare Phacee rex Israel, & in diebus illius Thelgathphalasar fecit istam captiuationem eo. c. & omnes anni isti simul sunt mille, & quatuor, & tamen non potuerunt tot anni transire in tam paucis generationibus. Respondendum, quod hic fuerunt decem generationes, quae sunt in vndecim viris quorum quilibet genuit sequentem se, scilicet Rubē, Charmi, Ioel, Samaia, Gog, Semei, Micha, Reia, Baal, Beera, & Osee: subtrahantur autem ab istis anni quinquaginta duo quibus regnavit Ozias, quia tempore illius natus erat Osee, cum prophetauit in diebus eius, ut pater Osee primo, & sic manebunt nongenti, & quinquaginta duo anni, & si diuiderentur istae generationes per equale oporteret, ut quilibet virorum istorum gigneret anno nonagesimo quinto vitē suā, & hoc non est improbabile, nec dissimile vero, quia licet quilibet istorum gigneret aliquos filios anno trigesimo, vel quadagesimo: etiam poterat gignere aliquos anno nonagesimo quinto, simile patet de hominibus ante diluuium, quia aliqui gignebant, quando erant septuaginta, vel octoginta annorum, ut Chai nam, & Malaleel, gignebant autem, cum essent annorum quingentorum, ut patet de Noe. Gen. 5. sic etiam declaratum est supra 2. quod aliqui tempore isto gignebant anno nonagesimo quinto: nam qui vivebat annis centum, & triginta bene poterat gignere anno nonagesimo quinto: nam Abraham vixit annis centum septuaginta quinque solum, Gen. 25. & tamen postquam erat annorum centum, & quadraginta, genuit sex filios, ut probatum est sup. 2. capi.

Secundo modo potest dici, sicut aliqui solent respondere in alijs locis, quod sint multi viri eiusdem nominis, & illi subtrahantur, & unus solus nominetur; sic enim

F dicunt in genealogia Christi, cum dicitur: Salmō genuit autem Booz, Booz autem genuit Obed, quod fuerint tres viri nomine Booz succedentes, & unus illorum fuerit filius Salmō, & ille fuerit pater Obed, & sic voluit, quod subtrahantur duo illorum: isto modo poteramus ponere duas, vel tres generationes subtrahere, quia tres, vel quatuor viri vocarentur eodem nomine, & tunc essent tredecim, vel quatuordecim generationes, aut plures, & tunc non oporteret dici, quod quilibet istorum gigneret in anno nonagesimo quinto, sed satis esset, quod gigneret anno quinquagesimo, aut parum plus. Sed ista solutio non multum placet, cum possit haberi alia verisimilior.

Tertio modo potest dici, quod subtrahantur aliquae G generationes, non tamen propter similitudinem nominis, sed quia non continuatur hic generatio: nam dicitur, quod Ruben genuit Charmi, postea sequitur filij Ioel Samaia filius eius, Gog filius eius, & sic de omnibus ponitur successio, & tamen non ponitur de Ioel, cuius filius fuerit, ideo potest dici, quod inter Charmi filium Ruben, & inter Ioel fuerunt quatuor, vel quinque generationes, aut plures, & illae subtrahantur, & sic a Ruben vsque ad Osee essent generationes decem, & sex, aut plures, & in istis poterant transire anni nongenti, & quinquaginta, & quilibet istorum gigneret in anno quadagesimo quinto, vel quasi, & isti omnes modi sunt, praesupponendo, quod isti, qui nominantur hic, non fuerint omnes filij Ioel, sed quilibet fuerit pater sequentis se, nec tamen per hoc derogatur illi regulae, quae posita est precedenti cap. & in alijs: cum dicebatur, quod quando de aliquo non dicitur, cuius filius sit, intelligendum est, quod ille, qui ante eum ponitur fuerit pater eius: nam hoc assertum est ibi cum exceptione, scilicet, nisi in alio loco scriptura appareat, quod ille non sit pater eius, vel aliqua ratio sit, quae probet illum non esse patrem eius: hic autem potest esse sic. Nec etiam per hoc concedimus id, quod negauimus supra 2. quod essent tres viri nomine Booz, & duo illorum subtraherentur: nam hic non confitemur subtrahere aliquos propter similitudinem nominis, sed quia non continuantur generationes, nec est simile hic, & ibi, quia ibi ponitur de quolibet cuius filius sit, cum dicatur Salmon genuit Booz, Booz autem genuit Obed, & sic ponitur Ruth 4. & supra 2. & Matth. primo, & tamen hic non ponitur continuatio generationis, quia non ponitur quis fuerit pater Ioel, & sic possunt subtrahere ibi multae generationes.

Quarto modo potest dici, quod hic non continetur generatio ista a Ruben per intermedios, sed quod omnes isti septem hic nominati fuerint filij Ioel, & sic fuerunt omnes fratres, & omnes tempore Thelgathphalasar regis Assyriorum, & tunc omnes generationes intermediae inter filium Ruben, & istum Ioelem subtrahantur, & illae erunt quindecim, vel decem, & sex: potest enim teneri primum, vel tertium, vel quatum istorum, sed non secundum.

Fratres autem eius, & vniuersa cognatio eius, quando numerabantur per familias suas, habuerunt principes Iehel, & Zachariam. Porro Bala filius Azaz, filij Samma, filij Ioel, ipse habitauit in Aroer vsque ad Nebo, & Beelmeon. Contra orientalem quoque plagam habitauit vsque ad introitum heremi, & flumen Euphratem. Multum quippe iumentorum

torum numerum possidebant in terra Galaad. In diebus autem Saul preliati sunt contra Agarenos, & interfecerunt illos, habitaueruntque pro eis in tabernaculis eorum in omni plaga, quæ respicit ad orientem Galaad.

Fratres autem eius, & vniuersa cognatio. Refertur hoc ad Beera, qui erat princeps tempore captiuationis Thelgatphalasar.

Quando numerabantur per familias suas. Idest fratres Beera, & tota cognatio Ruben numerabatur per familias: nam quando aliqua tribus numeranda erat, diuidebatur per familias, & familia quælibet per domos, & domus quælibet per viros, & sic computatis omnibus domibus alicuius tribus sciebat tota summa illius tribus, & iste erat modus artificiosus numerandi, qui habetur Num. primo, & 2. Tribus autem Ruben numerabatur per familias suas, quia habebat familias quatuor, scilicet Enochitarum, Phaluitarum, Eltronitarum, Charmitarum: Num. 26. & deinde quælibet istarum familiarum diuidebatur per domos, ut dictum est.

Habuerunt principes Ieiel, & Zachariam. Isti duo erant principes, quando numerabatur tribus Ruben: Loquitur hic scriptura de aliqua speciali numeratione, quæ forte fuit tempore, quo translati fuerunt filij Ruben per Thelgatphalasar in Assyrios: nam non poterant isti duo esse principes, quandocunque numeraretur tribus ista, cum isti fuerint fratres Beera, idest, cognati eius, ut dicitur hic, & ille fuit tempore, quo ducti sunt filij Ruben in Assyrios. vel potest intelligi, & magis proprie de numeratione illa, quæ facta est in tribu ista tempore Ioathan regis Iudæ, vel tempore Ieroboam regis Israel, de quibus numerationibus habetur infra.

Porro Bala filius Azaz. Bala aliquando est nomen vrbis, & aliquando nomen mulieris, quæ fuit ancilla Rachelis, & vxor Iacob, Gen. 30. aliquando autem est nomen viri, & sic accipitur hic, fuerunt autem omnes isti viri famosi, & principes temporibus suis, ideo nominantur hic.

Filij Samma filij Ioel. Nō est iste Samma ille, de quo supra 2. quia ille fuit frater Dauid de tribu Iuda: iste autem fuit de tribu Ruben, sed videtur iste Samma esse ille, qui vocatur Samaia supra in litera, eo quod ille est filius Ioel, & sic dicemus istum Ioel, & illum esse eundem.

Ipsæ habitauit in Aroer. Fuit iste Bala, & de quo hic dicitur vir potens, & diues nimis, & tenuit terram multam, ideo ponitur hic locus habitationis sue, & fuit in Aroer: est enim Aroer ciuitas quædam in terra duorum Regum Amorrhæorum in orientali parte eius, & est sita apud torrentem Arnon, ut patet Deuterono. 2. ista ciuitas est maxime orientalis in tota terra, quam possederunt Israelitæ, & ideo dicitur, quod ipsa est principium tribus Ruben, & sic Iosue 13. vbi enarrantur ciuitates fortis Ruben ponitur ista prior, etiam quando nominatur terra, quam ceperunt Israelitæ de manu duorum Regum Amorrhæorum ponitur ista prima ciuitas Deuterono 2. & est ex parte orientis, ut patet hic cum dicatur, quod iste habitauit contra orientalem plagam: etiam quando nominatur terra duodecim tribuum ultra Iordanem, & citra Iordanem Aroer ponitur prima ciuitas: Sic patet, nam quando Dauid, qui erat rex omnium duodecim tribuum iussit numerari omnes viros bellatores de regno suo incepta est numeratio in vrbe Aroer. 2. Regum vlt.

Vsq̃ue ad Nebo. Nebo est nomen montis in terra

A duarum tribuum, & dimidiæ ultra Iordanem, sic patet Deutero. vlt. scilicet: Ascendit Moyses de campibus Moab super montem Nebo in verticem Phasga. Vel potest esse nomen vrbis a qua denominaretur ille mons, & tamē necesse est, quod Nebo sit aliquando nomen montis.

Et Baalmeon. Nomen ciuitatis est in tribu Ruben, Iosue 13. & vocatur ibi oppidum Baalmeon. *Contra orientalem quoque plagam habitauit.* Scilicet iste Bala. Vocatur autē plaga orientalis respectu totius fortis Ruben, quia nihil erat magis orientale in sorte illa, quam terra in qua habitabat iste Bala. Incipiendo autem ab Aroer versus Baalmeon veniebat ab oriente ad occidentem, & etiam habitauit iste ad orientalem partem Aroer, & tamen ultra Aroer ad orientem non erat terra populata ab antiquo, sed erat desertum: iste autem cepit habitare ibi.

Vsq̃ue ad introitum heremi. Heremus est ad partē orientalem Aroer versus mare rubrum: nam ibi sunt solitudines magnæ versus sinum Persicum maris rubri.

Et flumen Euphratem. De quatuor fluminibus Paradisi est, ut patet Gen. 2. & transit per terminos terre Chanaan, quam tenuerunt Iudæi, ideo Gen. 15. dixit Deus ad Abraham, semini tuo dabo terram hanc a fluuio Aegypti vsque ad flumen magnum Euphratē. Simile Deuter. 11. & Iosue primo, vsque ad fluuium istum pertingebat possessio istius Bala.

Multum quippe numerum iumentorum possidebat in terra Galaad. Ponitur ratio; quare iste Bala voluit occupare tantam terram: nam etiam in heremo habitauit, & dicitur habitasse in terra Galaad, eo quod tota illa terra vocatur terra Galaad, & est terra multa: nam Deut. 3. dicitur, quod Moyses dedit medietatem terræ tribui Ruben, & Gad, & illam medietatem dimidiæ tribui Manasse: fuit autem hoc semper in tribu Ruben ex eo tempore, quo venerunt Israelitæ de Aegypto, quod viri de hac tribu haberent pecora multa: nam ab hoc petierunt tribus Ruben, & Gad terram Galaad in possessionem à Moysē, Num. 32. cap. filij Ruben, & Gad habebant pecora multa, & erat illis in iumentis substantia infinita.

In diebus autem Saul preliati sunt contra Agarenos. Hic interponitur vnum bellum, quod fecerunt viri de tribu Ruben, & non narratur in alio loco scripturæ, & fuit istud in diebus Saul, qui fuit primus rex Israel, & fuit bellum contra Agarenos, idest contra filios Agar descendentes ab Ismahel: nos autem vocamus nunc Agarenos omnes de impiissima secta Machometi tanquam omnes descenderint ab Agar, sed non est verum, quia à multis alijs gentibus descenderunt. Nam Ethiopes, & Libyes, & maior pars Africanorum pertinet ad sectam Machometi, & tamen illi descendunt à multis alijs gentibus de quibus declaratum est supra primo capi.

Et interfecerunt illos. Istud fuit magnum bellum: nā perierunt multi de Agarenis, quos Israelitæ superauerunt innocato Deo, ut patet infra in litera.

Habitaueruntque pro eis in tabernaculis eorum. Idest habitauerunt loco ipsorum in tabernaculis, idest tentorijs portatilibus: nā Agareni, scilicet filij Agar, & Ceturæ pro maiori parte non habitabant in vrbibus, nec in domibus, sed tentoria sibi portabilia faciebant, & hoc fuit propter officium pastorale, & etiam propter frequentem mutationem habitationis: nam cum in aliquo loco manserunt aliquanto tempore, & videtur eis alius locus salubrior, & delectabilior ad habitandum, subito mutant locum, & sic sunt, quasi in continua mutatione, ita ut nunquam sint in aliquo loco tanquam habitatores, sed tanquam manentes in castris, sic enim sunt multæ gentes in Africa, quas

Lucanus

Genus Turcarum a quo sit ortum.

Ab Italis Lucanus Numidas vocat, idest nullam humum, vel Zingari, certam terram tenentes, sed vagantes per diuersa loca, & istę gentes vocantur a nobis vulgariter Alarabes: tenent autem istum ritum vsque hodie quem a progenitoribus suis acceperunt.

In omni plaga, quę respicit ad orientem Galaad. Habitant isti filij Ruben in terra Galaad, & in circuitu eius. Agareni autem morabantur apud desertum, & in deserto in terra magis orientali, quam sit terra Galaad, & illam terram acceperunt nunc filij Ruben, sed propter quid pugnaverunt contra Agarenos?

Respondendum, quod hoc fuit propter habitationem, nam filij Ruben habitabant apud Agarenos, & desiderantes terram eorum pro pascuis pugnaverunt contra illos, & occiderunt eos. Pro quo considerandum, quod terra Agarenorum erat coniuncta terrę Ruben, & tamen erat magis orientalis, & est terra, quam habitauerunt isti Agareni: nam Agareni dicuntur ab Agar, vel largę possunt dici Agareni filij Ceture, & de istis dicitur Gen. 25. quod Abraham fecit eos habitare ad orientalem partem, & tamen Abraham morabatur tunc in terra Chanaan in Bethsabee, & aliquando in alijs locis: ergo terra in qua habitabant Agareni, erat orientalis terra Chanaan, & hoc fecit cautę Abraham: nam Deus reuelauerat ei, quod daret totam terram Chanaan posteris suis, Gen. 13. & 15. & isti posterii erant futuri de stirpe Isaac, & non aliorum filiorum suorum, Gen. 21. scilicet in Isaac vocabitur tibi semen: etiam significatum fuerat ei, quod posterii sui obtinerent terram illam bello occidendo habitatores eius, & quia si habitarent ibi filij sui descendentes de Cetura, & Agar, filij sui descendentes ex Isaac occiderent eos in reditu de Aegypto ad possidendum terram, ideo vt non periret aliquid de semine suo voluit, quod filij sui ex Agar, & Cetura non habitarent in terra Chanaan, sed longe inde, ideo ipse viuens separauit eos a filio suo Isaac, faciendo, quod habitarent longe a terra Chanaan, & dicitur, quod habitauerunt ad orientalem plagam, Gen. 25. & tunc coeperunt habitare in istis desertis, quę sunt ultra terram Galaad, & ideo, quando diuisa est tota terra Chanaan, & terra duorum Regum Amorrhęorum per sortes, non peruenit fors aliqua ad terram istorum Agarenorum, ideo non inquietauerunt, nec pugnaverunt contra eos pro tunc Israelitę: Postea vero tempore regis Saulis, cum isti de tribu Ruben haberent pecora multa, & vellent habere maiorem terram extenderunt se versus orientem extra sortem suam, & ibi erat habitatio Agarenorum, & sic dicitur, quod habitauerunt ad orientalem plagam, & quod filij Ruben acceperunt terram eorum, quę erat ad orientem terrę suę.

An Israelitę peccauerint pugnando contra Agarenos.
Quest. XIX.

QUÆRI TUR vterius an peccauerunt Israelitę pugnando contra istos Agarenos. Aliquis dicet, quod sic, quia non habebant iustam causam pugnandi.

Primo quia non erant isti de gentibus, contra quas licebat Israelitis pugnare vniuersaliter, scilicet contra Chananęos: nam omnes isti erant de stirpe Abraham quidam per Agar, & alij per Ceturam. Secundo patet, quia non habebant iustam causam pugnandi propter locum: nam Iudęi habebant generaliter causam iustam pugnandi contra omnes istos, qui tenebant loca eorum: Deus namque dederat eis terram Chanaan diuidens per sortem, & ideo quicumque manebant in terra illa post diuisionem istam, manebant contra

F voluntatem dominorum, & habebant Israelitę iustam causam pugnandi contra eos, cum detinerent res suas, & tamen isti non tenebant terram Israelitarum, quia morabantur extra terram Chanaan, & non solum extra terram Chanaan, sed etiam extra terram duorum Regum Amorrhęorum ad orientem eius, ideo non habebant iustam causam pugnandi contra illos, consequenter peccarent: potissimę, quia illi erant pertinentes ad cognationem Hebręorum aliquammodo cum essent omnes filij Abraham, & grauius sit, quod aliquis moueat bellum iniustum contra cognatos suos, quam contra alios.

G Respondendum est, quod non peccauerunt filij Ruben pugnando contra gentem istam, sed habuerunt iustam causam pugnandi. Quod patet, quia Israelitę adiuti fuerunt a Domino in bello isto: nam clamauerunt cum pugnarent, & Dominus exaudiuit eos, & fuit bellum istud, quasi factum a Deo, vt dicitur infra, scilicet traditi sunt in manus eorū Agareni, quia Dominum inuocauerunt cum preliarentur, vulneratique sunt multi, & corruerunt, quia bellum Domini fuit: Deus tamen non adiuuat peccatores, quia ipse odit iniquitatem, & omnes, qui operantur mendacię. Psalmo 5. & diligit summę equitatem: Iustus Dominus, & iustitias dilexit, equitatę vidit vultus eius Psalmo 10. ergo isti fouebant bellum iustum, quia alias Deus non exaudiret eos. Secundo patet, quia isti cum pugnarent clamauerunt ad Dominum, vt adiuuaret eos, & etiam crediderunt, quod Deus adiuuaret, vt patet in litera, & tamen si isti haberent bellum iniustum, & crederent se habere bellum iniustum, non clamarent ad Dominum, quia non crederent se exaudientes, cum Deus non exaudiat orationes peccatorum. 3o ergo habebant iustum bellum, vel saltem putabant se illud habere. Tertio patet, quia Esdras describit istud factum tanquam in modum laudis Dei, qui tradidit gentes istas in manus Israelitarum, & in laudem Israelitarum, qui optimę pugnaverunt, & exauditi sunt a Deo, quia sperauerunt in eo. Si tamen peccauissent Israelitę faciendo istud bellum, non describeret Esdras per modum laudis, sed potius per modum increpationis, sicut in alijs vitijs, quę sepe reprehenduntur in scriptura. Quarto patet, quia manifestum est, quod poterant habere iustam causam Israelitę ad pugnandum contra Agarenos, quia cum illi essent finitimi eorum, forte irruerant in terram suam ad occupandum aliquid de ea, vel fecerunt prędas aliquas, vel similes offensas, quas solent facere finitimi inter se, & pro istis haberent Israelitę iustam causam pugnandi contra eos, & occidendi omnes, & postea occupandi terram eorum: nam sic competebat Israelitis pugnare interdum contra illos, qui non erant in terra Chanā, Deutero. 20.

Ad primam rationem in contrarium dicendum, quod non peccauerunt pugnando, quamquam isti non essent Chananęi: nam etiam contra non Chananęos poterant Israelitę habere iustam causam pugnandi: sic patet de bello contra Madianitas, quia Deus iussit, quod Israelitę se haberent hostiliter contra eos, Numer. 25. & sic fecerunt, quia deleuerunt eos, Nume. 31. & tamen Madianitę non erant Chananęi, sed erant de stirpe Abraham a quodam filio suo Madian nomine, nam Madian filius Ceturę, & Abraham, Gene. vigesimo quinto, & supra primo, sic etiā fuit de bello contra Amalecitas, quia Deus iussit deleri omnes matulos, & feminas, magnos, & paruos, & etiam pecora, primo Reg. 15. & tamen isti non erant Chananęi, sed de stirpe Isaac, quia Amalecitas erant filii Amalec, & Amalec fuit filius Elphaz primogeniti Elau, & fuit nepos Elau, & pronepos Isaac supra primo, & Gen. 36.

Gen. 36. Ita ergo poterant pugnare contra istos Agarenos, licet non essent Chananei. Differabat tamen, quia contra Chananos erat bellum licitum Israelitis, etiam si non haberent aliquam causam specialem, sed solum ex hoc, quod Chananei erant, poterant pugnare contra eos, & tamen contra alias gentes non licebat pugnare sine causa aliqua speciali.

Ad secundum dicendum, quod quamquam non manerent in terra Chananorum isti Agareni, poterant Israelitae habere iustam causam pugnandi contra eos, propter aliquas iniurias illatas, vel damna data, quia Deus dabit regulam Deut. 20. qualiter Israelitae pugnare deberent contra Chananos, & qualiter contra civitates, quae non essent in terra Chanaan, & ponuntur diversi modi pugnandi, & tamen Deus non poneret istam regulam, nisi liceret aliquando Israelitis pugnare contra gentes, quae non essent in terra Chanaan, id est licebat interdum pugnare contra talem gentem.

Argumentum con.

Secundum argumentum.

Tertium argumentum.

Sed adhuc obijcietur, quod non licuit hoc Israelitis, quia fecerunt ex iniquo motu, sed ampliandum terminum suum, ut occuparent terram Agarenorum, quae erat pascualis, & ista erat causa illicita. Secundo patet, quia, quando Israelitae pugnabant contra aliquam gentem, quae non esset de terra Chanaan, debebant prius offerre pacem urbi, quam pugnarent, & si reciperet illos non debebant pugnare, sed habere gentes illas in tributarias: Deut. 20. & tamen istam pacem non videtur obtulisse Israelitae Agarenis, sed pugnaverunt contra eos, ideo videtur, quod peccaverunt. Tertio patet, quia dato, quod non susceperunt pacem illi, quibus offerebatur, non poterant Israelitae occidere omnes, quia foeminas, & paruulos relicturi erant, viros autem multos occidere poterant Deut. 20. & tamen non legitur hic, quod dimiserint aliquos vivere, ideo videtur, quod peccaverunt. Respondendum quod non peccaverunt, quia habuerunt iustam causam pugnandi, sicut supra dictum est. Ad primam rationem istarum dicendum est, quod quamquam filii Ruben haberent pecora multa, & non videretur eis sufficere terra sua, sed indigerent terra Agarenorum, tamen non apparet, quod propter desiderium eius pugnaverint: & dato, quod desiderarent terram illam, tamen causa, quae movit eos ad pugnandum, non fuit desiderium terrae illius, sed alia causa iusta. Ad secundam dicendum, quod quandoque aliquae gentes, quae non essent de terra Chanaan offendent Israelitas, & moverent bellum contra eas Israelitae tenebantur offerre sibi pacem, & si reciperent conditionem pacis, & aperirent Israelitis portas tanquam dominis, non licebat Israelitis occidere quemquam, sed populus serviebat eis sub tributo, & recipiebant satisfactionem offensae, vel damni de bonis eorum: Deut. 20. & hic cum Agareni non essent Chananei tenebantur ad hoc Israelitae, & credendum est, quod sic fecerint, & tamen Agareni confidentes viribus suis, quia multi erant, & habebant adiutores plurimos non susceperunt pacem, sed pugnaverunt contra Israelitas, & dato, quod non legatur hic, quod obtulerint eis pacem, nihil sequitur, quia potius intelligendum est, quod obtulerint illam, quia credendum est, quod observarent legem temper, nisi quando appareret contra, sic quilibet presumit bonus, nisi probet contra. Hic autem non apparet de transgressione, ideo credendum est, quod observaverint eam: potissime, quia Deus adiuvit eos, & non adiuvarent si agerent contra legem. Ad tertiam dicendum, quod Israelitae servaverunt istam legem: nam non occiderunt foeminas, & paruulos: immo nec ipsos viros magnos occiderunt, sed viuentes acceperunt eorum millia, ut patet in littera, nec occiderunt aliquos, nisi eos, qui in bello se defendebant, quos non potuerunt Israelitae capere, nisi occiderent eos. De paruulis autem, & mulieribus verisimilius est, quod non occiderent, sed acciperent eos Israelitae ad vendendum.

Qui erant isti Agareni. Quaest. XX.

QUAE RITUR ulterius, qui erant isti Agareni, & quos pugnaverunt Israelitae. Nicolaus & Hebraei dicunt, quod isti non fuerunt filii Agar descendentes ab ea per Ismahalem filium suum, sed fuerunt filii Ceturae, & vocantur Agareni, quia ipsi volunt, quod Cetura & Agar sint eadem mulier, licet differant nomina, & ad hoc dicunt, quod Cetura non est nomen proprium feminae, sed significat thurificatam, & vocatur ipsa Agar thurificata, quia postquam exclusa est de domo Abrahae nullo viro commixta est, sed servavit se mundam, & redolentem, quasi thus, id est mortua Sara Abraham fecit eam reuocari ad se, & genuit ex illa filios sex, Gen. 25. Motivum autem eorum est, quia dicitur infra, quod Ithurai, & Naphai prebuerunt eis auxilium, & isti sunt de filiis Ismahelis, ideo videtur, quod erant Agareni de filiis Ceturae. Dicendum tamen, quod ista positio non stat, sed quod isti fuerunt Agareni, id est de filiis Agarae nunquam recedendum est a verbis sacrae Scripturae sine necessitate: nulla autem necessitas hic est, quod dicamus istos esse filios Ceturae, & non Agar descendentes per Ismahalem, ideo dicendum est, quod sunt filii Agar, sicut significat nomen, & sunt denuati ab ea per Ismahalem filium suum, quia non habuit alium filium Agar. Quod autem dicunt, quod Agar, & Cetura sunt eadem mulier, & ideo filii Ceturae vocantur Agareni. Dicendum quod falsum est, primo, quia Gen. 25. dicitur: Abraham vero aliam duxit uxorem nomine Ceturam, & hoc fuit post mortem Sarae, si tamen fuisset ista Agar, non diceretur, quod accepit aliam uxorem, quia iam acceperat Agar in uxorem a principio, quando genuit ex ea Ismahel. Gen. 16. & manebat semper illa uxor eius, ideo non diceretur nunc, quod accipiebat aliam uxorem, & tamen, quando accepit nunc Ceturam dicitur, quod accepit aliam uxorem, ergo non erat ipsa Agar. Secundo patet, quia de Agar dicuntur aliqua, quae non conveniunt Ceturae: nam erat Aegyptia, & famula Sarae: de Cetura autem non exprimitur, quod esset ancilla, id est credendum est, quod esset libera: immo innuitur, quod sit libera, quia aliter exprimeretur conditio eius: Etiam de Agar dicitur, quod erat Aegyptia, de Cetura autem non exprimitur de qua gente esset, per quod apparet, quod esset de terra Chanaan, in qua habitabat tunc Abraham: de his, Gen. 16. & 25. Tertio patet, quia Gen. 25. dicitur, quod Abraham dedit filio suo Isaac omnia, quae possidebat, filijs concubinarum autem largitus est munera, ergo habebat Abraham saltem duas concubinas, siue uxores minus principales, & tamen non legitur habuisse, nisi Agar, & Ceturam, nec leguntur alij filij eius, ergo Agar, & Cetura fuerunt duae: Potissime quia, Gen. 25. ubi dicitur filijs concubinarum largitus est munera, ponuntur Ambe, id est Agar, & Cetura, & filij earum. Quarto patet, quia si eadem mulier esset Agar, & Cetura, non ponerentur generationes eius distinctae, & tamen, Gen. 25. ponuntur primo filij Ceturae deinde filij Agar, & per Agar solum enarrantur filij Ismahelis, per Cetura autem narrantur multi: Patet etiam hoc, quia supra primo c. distinguitur generatio Abrahae in tres partes, nam filios Isaac, & Ismahelis, & Ceturae, & in fine cum libet progeniem istarum dicitur: hi sunt filij Ceturae, vel hi sunt filij Ismahelis: ergo non sunt eadem filij ex Ismahel, & ex Cetura, nec etiam Agar, & Cetura. Quinto patet, quia non est verisimile, quod Abraham acciperet Agar, & gigneret ex ea post mortem Sarae, quia iam Agar esset annorum multorum, & non esset apta ad concipiendum. Quod patet, quia Agar concepit, & peperit Ismahalem, quando Abraham erat annorum octoginta, & sex, Gen. 16. nunc autem cum mortua est Sara erat Abraham annorum centum viginti, & septem: nam Abraham erat maior Sara decem annis, Gen. 17. scilicet:

Responsio doctor. adversus Nicolaum, & Hebraeos.

scilicet: Putasne centenatio nascetur filius, & Sara nagenaria pariet: Et tamen Sara mortua est, cū esset annorum centum viginti septem, Gen. 23. ergo tunc erat Abr. huiusmodi centum triginta septem annorum: Dato ergo, q̄ acciperet in uxorem Agar, quę vocaret Cetura, cum genuerit ex ea sex filios, Gen. 25. esset ad minus Abraham annorum centum quadraginta trium, ex quo apparet, q̄ Agar esset tunc, quasi octoginta annorum ad minus, nam q̄ prima vice acciperet Abraham Agar in uxorem esset ad minus viginti annorū, quia in tempore illo non contrahebant matrimonium viri, nec femine in tam tenera etate, sicut nunc, & sic addendo quindecim annos, qui supererant vsque ad annum centesimum Abrahę, esset tunc triginta quinque annorum Agar, quibus addant quadraginta tres anni in fine quorum habuit filium aliquem Abraham, ut supra probatū est, erunt septuaginta octo anni, quos tunc haberet Agar, & tñ non est verisimile, q̄ in tanta etate assumeretur nouior ad concipiendum: nam etiā si ipsa posset concipere, non posset Abraham gignere ex ea pp̄ senectutem nimiam: nam q̄ erat centum annorum in generatione Isaac dñ corpus suū emortuum ad Ro. 4. & ad Hebręi 11. a fortiori ergo cum esset annorum centum quadraginta trium non posset gignere, & esset corpus omnino emortuum, nisi adiunaretur calore menstrui femine iuuenis. Oportet ergo dici, q̄ ista Cetura non esset Agar, sed aliqua puella tenera, quam mortua Sara acciperet Abraham, & iō ex ea posset Abraham gignere multos filios, sicut genuit sex. Quod aut̄ dicunt, q̄ fuerint isti Agareni de filiis Ceture, & non de filiis Agar, quia dñ infra, q̄ Ithurei, & Napheci prębuerunt eis auxilium, non est conueniens motuum, quia illi Ithurei, & Napheci erant etiam Agareni, cū essent de filiis Imahelis filij Agar. quia si Imahelis non habebat bellum q̄ oēs descendentes ab Imahelis, scilicet q̄ quatuor gētes ipsarum, & alię de ipsis venerunt in auxilium illarum, exprimitur nomina specialia illarum gentium, q̄ venerunt in auxilium. scilicet Ithurei & Napheci: si aut̄ nō exprimerentur nomina illarum gentium, sed diceretur, q̄ Israelitę pugnaverunt q̄ Agarenos, & Agareni venerunt in auxilium eorum, non est illud intelligibile, iō illi, q̄ quos pugnabant, vocati sunt Agareni nomine generali, & illi, qui venerunt in auxilium eorum vocati sunt nominibus specialibus Ithurei, & Napheci, q̄ essent generaliter Agareni. Apparet igit̄, q̄ isti Agareni nō fuerunt de filiis Ceture, sed de illis duodecim gentibus, quę descenderunt ab Agar per Imahelem, etiam patet, quod Agar, & Cetura, non sunt eadem mulier, de quo etiam declaratum est magis Gen. 25.

Filij vero Gad ē regione eorum habitauerunt in terra Basan vsque Selcha, Ioel in capite. & Sapham secundus, Ianai autem, & Saphath, & Basan. Fratres vero eorum secundū domos cognationum suarum Michael, & Mosollam, & Sebe, & Iorai, & Iachan, Zie, & Heber, septem.

Filij vero. Hic ponitur secundum principale huius c. de progenie filiorum Gad, & dicit Nicolaus, quod agitur hic incidentaliter de eis, eo q̄ ipsi prębuerunt auxilium filiis Ruben contra Agarenos, ut patet infra in littera.

Sed dicendum, quod falsum est, quia non agitur de eis incidentaliter, sed principaliter, sicut de filiis Ruben, & ratio est, quia Esdras intendebat in libro illo

F enarrare progenies omnium duodecim tribuum, & sic facit, ut patet incipiendo supra primo c. 2. vsque ad 9. ideo oportebat, quod etiam enarraret de tribu Gad, de Manasse, & quia non est visus aliquis locus oportunior, quam hic post tribum Ruben, & Gad, & dimidia tribus Manasse simul habitabant in terra Galaad, & Esdras sequitur hic ordinē cōtinuitatis habitationis tribuum. Nam pręcedenti c. ideo post tribum Iuda enarrauit de tribu Simeon, quia habitabat tribus Simeon intra sortem Iude Iosue 19. enarrauit hic de tribu Gad, & dimidia tribu Manasse post tribum Ruben.

G Etiam non est verum, quod fuerint filij Gad, & dimidię tribus Manasse adiutores tribus Ruben in hoc bello, sed etiam ipsi fuerunt principales bellatores, cū omnes istę duę tribus, & dimidia haberent terram finitimam cū terra Agarenorum, & etiam acceperint partem illius terre, quam tenuerant Agareni, ut patet infra in littera, & dicitur. *Filij vero Gad ē regione eorum habitauerunt.* Id est habitauerunt contra filios Ruben a fronte, nam erat terra duorū Regum Amorihęorum diuisa in tres partes pro duabus tribubus, & dimidia, & illę habitabāt ex opposito, quia vna iuxta aliam, ita quod regiones earum a fronte se respicerent.

In terra Basan. Est Basan quedam regio ultra Iordanem ad orientem, quę erat in regno Og regis Amorihęi, ut patet Deut. 3. & Iosue 13. & in terra ista habitauit tribus Gad. Vsque Selcha. Est enim Selcha nomen ciuitatis, quę erat in terra regis Og, ut patet Deute. 3. scilicet vniuersam Galaad, & Basan vsque Selcha, & Edrai ciuitates regni Og. idem patet Iosue 12. & 13.

Ioel in capite, & Saphan secundus. Ponuntur hic nomina principum in tribu Gad, & dñ quod primus eorū erat Ioel, quia iste erat in capite, id est erat post in dignitate, quia fortē erat princeps totius tribus, vel dicitur, quod erat in capite, id est, in principio sortis, scilicet incipiendo terrā tribus Gad perambulare ab oriente versus Occidentem erat in prima parte istius magis orientali, quę vocatur caput habitatio Ioel, & omnium de familia sua, ita intelligitur de Saphan, quod erat secundus, scilicet in dignitate, quia Ioel esset princeps totius tribus, & Saphan esset princeps secundus in dignitate ab illo. Vel intelligēdo aliter, scilicet, quod Ioel habitabat in prima parte Orientis, & Saphan, & alij, qui erant de familia sua, habitabant in parte coniuuncta, & sic alij principes continuabantur vsque ad occidentem terre illius. Iste Ioel non est ille, de quo supra dicitur, quia ille est de tribu Ruben, nec etiam ille, de quo habetur pręcedenti capi. quia ille est de tribu Iuda: iste Saphan non est scriba regis, vel templi, qui tulit librum inuentum in domo domus Iosue 4. Regum vigesimoprimum, & sequenti lib. cap. 24. quia ille erat de tribu Iuda: iste autem est de tribu Gad. etiā iste fuit multo tempore ante illum, ut infra declarabitur.

Ianai autem, & Saphath in Basan. Isti erāt alij duo principes tribus Gad, & habitabant in Bitan, est autem Bitan regio, de qua supra dictū est. Est autē iste Saphath differens ab illo, qui erat pater Elisei, nam Eliseus fuit Saphath tertio Regum decimonono, & quarto Regum tertio, & tamen non sunt isti duo idem, eo quod non fuerunt in eodem tempore, quia iste Saphath fuit tempore Ieroboā regis Israel, vel tempore Ioathan regis Iudę, & tamen sub nullius istorum tempore fuit Eliseus cū ipse fuerit tempore regis Achab, & Ioram, & aliorum sequentium, & mortuus est tempore Ioas regis Israel quarto Regum 13. sed fuit alius, quia nomina propria multum eorum differunt.

Fratres vero eorum secundum domos cognationum suarum. Vocantur fratres istorum quatuor principum prędictorum

dictorum isti septem, qui sequuntur: non quidem quod fuerint filij eiusdem patris, vel matris cum dicatur secundum domos cognationum suarum, id est, quod erant de diuersis cognationibus, & sic non poterant esse filij eiusdem patris, sed vocabantur fratres, quia omnes isti erant de eadem tribu, & erant simul principes: & quilibet princeps vnus familie, vel domus, & omnes eodē tempore. *Michael, & Mosolla*. Michael aliquando est nomen Angeli, vt patet Dan. 10. & Apocal. 12. aliquando est nomen viri, vt hic, & sepe nominatur Michael hic, & in sequentibus cap. sed non est idem.

Et Sebe, & Iore, & Iachan. Nomina ista sunt ignota, quia non referuntur aliquę historie de istis in Scriptura. Est autem Sebe aliquando nomen ciuitatis, quod est in sorte Simeon, vt patet Iosue 19. aliquando est nomen viri, vt patet hic. Iachan est nomen viri: ab isto volunt aliqui nominari quādam mansionem in deserto, quę vocatur Beneiaacan, id est, filiorum Iacan Num. 33. & eadem mansio vocatur Beroth filiorum Iathan: Deut. 10. Sed falsum est, quia illa mansio vocabatur sic quando transierunt Israelitę per desertum cum Moyles scripserit illam sic nominari, & tamen iste Iacan, de quo hic dicitur fuit multo post. scilicet tempore Ioathan regis Iude, vel Ieroboam regis Israel, ideo non est idem. *Et Ier, & Ieber septem*. Isti duo etiam sunt fratres aliorum, & dicitur quod erant septem. scilicet septem fratres filij vnus viri. scilicet Abiahil, & erant omnes principes tempore suo.

Quo tempore fuerunt isti, qui hic nominantur.
Quest. XXI.

QUÆRITUR De istis, qui nominantur hic, qui viri erant, vel quo tempore erant.
Respondendum, quod hic enarratur continuo alicuius progeniei, sed solum ponuntur principes quidam familiarum, vnde illi quatuor supra positi, & etiam isti septem, qui nominantur hic, fuerunt principes in tribu Gad, & omnes eodem tempore, & ponuntur isti propter quandam computationē factam tempore cuius ipsi erant principes. Sciendū autem de tempore, quo fuerunt isti, quia aliquis putauit, quod fuerunt isti principes familiarum tribus Gad, scilicet, illi, a quibus a principio denominate sunt familie, & sic essent filij Gad. Et patet hoc, quia dicitur hic fratres eorum secundum domos cognationum suarum. Dicendum tamen, quod non fuerunt isti capita familiarum nec filij Gad, quia familie Gad solum fuerunt septem Num. 26. & etiam solum fuerunt sex filij eius: Gen. 46. & tamen hic ponitur vndecim principes. Secundō patet, quia nomina istorum, & illorum nullo modo conueniunt, & tamen si isti fuissent filij Gad saltem in pluribus eorum nomina, quę habentur hic, & Gen. 46. & Numeri 26. conuenirent. Tertiō patet, quia non potuerunt isti esse filij Gad: nam filij Gad mortui sunt in Aegypto. Nam omnes septem filij Gad descenderunt de terra Chanaan in Aegyptum cum auo suo Iacob Gene. quadagesimo sexto: & tamen manserunt Israelitę in Aegypto annis ducentis, & quindecim, vt probatur est Gen. decimo quinto, ideo iam mortui essent omnes isti quando exirent Israelitę de Aegypto, & tamen isti principes, qui nominati fuerunt hic, fuerunt in terra Chanaan, cum ponantur hic habitationes eorum: ideo non potuerunt isti esse filij Gad. Dicendam ergo, quod isti fuerunt principes, qui aliquo tempore simul dominati sunt in sorte Gad: quādo tamen hoc fuerit tripliciter potest dici: vno modo quod fuerunt tempore, quo translata est tribus Gad per Thelgat-

Alph. Tost. in lib. I. Paralip.

A phalasar in Assyrios: sic enim dicitur, quod Beera erat princeps in tribu Ruben, quando Telgatphalasar captiuauit Rubenitas. Secundo modo potest dici, quod isti fuerunt principes in tribu Gad eo tempore, quo pugnatum est contra Agarenos, & istud videtur valde rationabile propter duo. Primō quia in bello ordinatur exercitus, & ponuntur certi duces, ideo pro isto bello assignarentur duces in tribu Gad, & essent isti, qui nominantur hic. Secundum est, quia de bello isto dictum est supra, & etiam dicitur infra, ideo videtur, quod pertineat ista enarratio ducum ad bellū. Tertius modus est, quod isti duces fuissent tempore, quo facta est numeratio populi Gad, & Ruben, & Manasse, quę fuit tempore Ioathan regis Iuda, vel Ieroboam regis Israel, quia de illa agitur infra. Et dicendum, quod iste modus est verus, & non aliquis de duobus præcedentibus, eo quod dicitur in litera omnes hi numerati sunt in diebus Ioathan regis Iuda, & refertur ad istos duces: nam post nomina istorum ducum sequitur immediatē illa clausula, scilicet, omnes hi numerati sunt in diebus Ioathan, alij autem modi quamquā sunt colorati, non sunt veri.

C Hi filij Abiahil, filij Huri, filij Iara, filij Galaad, filij Michael, filij Iesefi, filij Geddo, filij Buz.

Hi filij Abiahil. Istud refertur ad septem duces supra positos, qui fuerunt fratres, & filij istius Abiahil.

Filij Huri. Scilicet, Abiahil fuit filius Huri. Non est iste Huri ille de quo habetur supra 2. nec etiam ille de quo habetur Exo. 31. & 35. & 26. quia vterque illorum est de tribu Iuda, iste autem est de tribu Gad.

Filij Ioreb, filij Galaad. Iste Ioreb differt ab illo Iore, de quo supra dicitur, quia ille est de progenie istius Galaad aliquando est nomen viri, aliquando nomen montis: nomen montis est supra in litera, vbi dicitur de terra Galaad, & est ille mons ultra Iordanem ad Orientem, & vocatus fuit Galaad a Iacq̃b quando ipse, & Laban socer suus inierunt ibi fœdus: Gen. trigessimoprimo: & interpretatur cumulus terrestris, vel acruus testimonij, quia positus fuit ibi cumulus lapidum in testem. eodem capitu. aliquando est nomen viri, & sic accipitur hic. Et non est iste Galaad, de quo supra secundo, nec Iosue decimosextimo: quia ille fuit de filiis Manasse, & nominata est ab eo quædam familia Galaaditarum in tribu Manasse Numeri vigesimosexto: iste autem est de tribu Gad.

Filij Michael. Iste Michael differt ab illo, de quo supra, quia ille est de progenie istius.

Filij Iesefi, filij Iedo, filij Buz. Ista sunt nomina incognita, quia non reperiuntur de eis historie in Scriptura, nec est iste Buz ille, qui vocatur Buzi, & est pater Ezechielis prophete, vt patet Ezech. primo, quia fuit de tribu Iuda, iste autem de tribu Gad: etiam ille fuit tempore Ieroboam regis Israel, vt aliqui putant, immo ante multo, ille autem fuit tempore Sedecie: nam ductus est in Babylonem, & ibi prophetauit Ezechiel, vt patet Ezech. primo.

Qui fuerunt isti, qui hic nominantur.
Quest. XXII.

QUÆRITUR De istis, qui ponuntur hic, cum dicitur filij Abiahil, filij Huri, &c. Qui fuerunt, & quomodo computantur, & quare ponuntur hic.

L Respon-

Respondendum, quod hic ponunt octo generationes ascendendo: nam non sunt omnes isti filii eiusdem viri, sicut septem supra positi erant filii Abiahil, sed sunt octo viri in linea ascendentium, & ultimus eorum est prior origine, & pater omnium aliorum: tamen non est ista linea continuata usque ad principium tribus, istum modum tenet beatus Lucas in genealogia Christi computando eam ordine conuerso incipiendo a Christo, qui ultimus est, & perueniendo usque ad Adam: Lucæ 3. Hic tamen non continuauit Esdras ordine conuerso genealogiam usque ad ipsum Gad principem tribus, vel usque ad aliquem de filiis eius, qui fuerunt capita familiarum: nam non vocatur aliquis de filiis eius Buz, ut patet Genes. 46. & Numeri 26. ubi ponuntur nomina filiorum eius, & dicendum quod ratio, quare positi fuerunt isti hic est, quia per lineam istorum deriuati sunt principes tribus Gad: nam septem principes supra positi, qui erant fratres, & filii Abiahil dominabantur in tribu Gad, & quia ipsi descendebant per lineam omnium istorum, ponitur hic enarratio lineæ ordine conuerso, & continuatur usque ad Buz per octo generationes, & non ponuntur plures, quia forte isti fuerunt viri valde famosi temporibus suis, quorum durabat memoria inter Hebræos tempore Esdræ: ideo voluit describere istos, & non continuauit generationes alias reducendo usque ad principium tribus, eo quod viri præcedentes forte non fuerunt famosi, sicut isti.

Fratres quoque filii Abdiel, filii Guni principes domus in familiis suis. Et habitauerunt in Galaad, & in Basan, & in viculis eius, & in cunctis suburbanis Saron usque ad terminos. Omnes hi numerati sunt in diebus Ioathan regis Iuda, & in diebus Ieroboam regis Israel.

Fratres quoque filii Abdiel. Posita fuit supra generatio per lineam ascendentium per octo gradus, & primus eorum fuit Abiahil: hic autem ponuntur alij, qui fuerunt fratres illorum de cognatione illa, scilicet, fuerunt sibi contemporanei, & etiam de eadem tribu, non tamen fuerunt fratres, id est eiusdem patris, vel matris, & patet hoc, quia illi fuerunt filii Abiahil, & isti sunt filii Abdiel, Abdiel tamen, & Abiahil non sunt idem, eo quod Abiahil fuit filius Vri, ut patet supra, & Abdiel est filius Guni, ut patet hic. Nominantur autem isti omnes, quia fuerunt principes de tribu Gad tempore illo, quo facta est computatio sub Ioathan.

Filii Guni. Non continuatur hic generatio multum, sicut supra continuatur per octo gradus, & ratio est, quia forte in linea illa fuerunt multi viri famosi, & computantur omnes: hic autem fuerunt isti duo soli, ideo ipsi soli ponuntur.

Principes domus in familiis. Refertur istud ad omnes supra positos ab illo loco filii vero Gad: nam omnes hic positi fuerunt principes, & de popularibus nulli computantur. Et dicitur, quod fuerunt principes domorum in familiis, quia ista tria sunt subordinata, scilicet, tribus, familia, & domus: nam tribus continet sub se familias, familia autem quilibet continet sub se domos, & domus iam non diuiditur, nisi per viros. In qualibet autem tribu est vnus princeps, & in qualibet familia vnus, & in qualibet domo vnus: & principes domorum subordinantur

principibus familiarum, & principes familiarum principi tribus. Isti autem qui nominantur hic, erant principes domus, id est, quilibet eorum princeps erat vnus domus siue cognationis, & aliqui eorum erant principes familiarum, ideo dicitur de domo, & de familiis: erant tamen septem familie solum in tribu Gad. Numeri 26. ideo septem istorum poterant esse principes familiarum, ceteri autem essent principes minorum domorum.

Et habitauerunt in terra Galaad, & Basan. Duæ terræ sunt ultra Iordanem in terra duarum tribuum, & dimidiæ, & cuiuslibet istorum pertinebant filii Gad.

Et in viculis eius. Vocantur viculi parua rura, villæ autem dicuntur rura maiora, vrbes verò vocantur loca murata.

Et in cunctis suburbanis Saron. Suburbana dicuntur esse loca coniuncta vrbi, scilicet, habitatio iuxta urbem extra muros, & dicuntur suburbana, vel dicuntur suburbia, quasi suburbe posita, quia incipiunt computari a menibus vrbis. Sic enim vocantur suburbana spatia duorum millium passuum, quæ dabantur cuiuslibet vrbi Leuitarum, & computabantur incipiendo a menibus vrbis per circuitum, de quo Numeri 35. & Iosue 21. Saron est nomen montis ultra Iordanem, & possunt vocari suburbana Saron per Metaphoram loca adiacentia monti Saron per circuitum, & in omnibus istis habitauerunt filii Gad.

Usque ad terminos. Id est, usque ad terminos fortis Gad, quasi dicat, isti principes supra nominati possederunt totam terram Gad a termino usque in terminum.

Omnes hi numerati sunt in diebus Ioathan regis Iuda. Hic declarat ad quid positi fuerint omnes principes, qui supra nominati sunt, & dicitur quod omnes isti nominati sunt in diebus Ioathan, quasi dicat, ad hoc positi fuerunt hic, ut sciatur, qui fuerunt principes in computatione illa tribus Gad, quæ facta est tempore Ioathan. Nam quodcumque fiebat computatio personarum alicuius tribus, diuidebatur per familias, & familiæ per domos, & in qualibet familia, & domo ponebatur vnus princeps, & sub illo fiebat computatio domus sue, vel familie: ideo ad hoc in omni computatione oportebat præsupponi principes, & quia computatio ista fuit aliquid famosum, posuit Esdras principes, qui fuerunt in ea: iste Ioathan, de quo hic fuit rex Iuda, & fuit regis Ozii filius: fuit autem vir excelsus, & bellicosus, de quo patet sequ. lib. cap. 27. & 4. Regum 16. *Et in diebus Ieroboam regis Israel.* Etiam facta est computatio tribus Gad in diebus Ieroboam. Fuit aut duplex Ieroboam rex Israel, quidam fuit primus rex Israel, qui fuit seruus Salomonis, & in diuisione regni constitutus est in regem super decem tribus, & fecit vitulos aureos. tertio Regum 12. Secundus fuit Ieroboam filius Ioas rex Israel, & fuit vir valde famosus in bellis, & liberauit Israelitas de manu Syrorum, restituitque eis ciuitates ablatas. quarto Regum 14.

An numerationes, quæ fuerunt factæ tempore Ioathan, & Ieroboam fuerint eadem. Quæst. XXXII.

QUÆRITUR an ista numeratio tribus Gad, quæ facta est tempore Ioathan, & illa quæ facta est tempore Ieroboam fuerint eadem. Respondent quidam, quod non, quia Ieroboam fuit multo tempore ante Ioathan, ut patet ex processu tertij & quarti Regum. Respondendum est, quod Ieroboam fuit duplex rex Israel, ut dictum est nunc, & primus eorum vocabatur filius Nabath, qui peccare fecit Israel, & secundus erat filius Ioas: hic autem non apparet

ret sub quo horum fuerit. Si enim dicamus, q̄ fuit tē-
pore primi Ieroboam impossibile fuit, q̄ esset eadem
computando, quia a principio regni Ieroboam vsque
ad principium regni Ioathan fuerunt anni ducenti,
& duo, vt patet computando tempora omnium re-
gum intermediorum: nam Ieroboam cepit regnare
in eadem die in Israel, in qua cepit Roboam in Iuda.

3. Regum 12. regnauit autem Roboam 17. annis: eod-
dem lib. cap. 14. & Abia tribus: eodem lib. capit. 15. &
Afa. 41. eod. cap. & Iosaphat vigintiquinque: eod. lib.
cap. vlt. & Ioran octo. 4. Reg. 8. Ochozias vno, eo. ca.
Athalia sex seq. lib. cap. 22. Ioas quadraginta. 4. Reg.
12. Amasias viginti nouem: eod. lib. capit. 14. Azarias
quingenta duobus: eod. lib. ca. 15. & tunc inceptit
regnare Ioathan, & isti anni sunt ducenti, & duo: si
autem accipiatur, q̄ fuerit alius Ieroboam, scilicet, si
Ius Ioas tunc videretur esse dubium, an tempore eius
potuerit fieri ista computatio, ita q̄ esset eadem cū
computatione, quę facta est tempore Ioathan. Nico-
laus autem dicit, q̄ ista computatio fuit eadem, quia
Ioathan, & Ieroboam fuerunt contemporanei: ideo
in fine regni Ieroboam, & principio regni Ioathan
quod esset idem tempus. fuit ista computatio. Et pa-
tet hoc, quia inter finem regni Ieroboam, & inter
principium regni Ioathan fuerunt anni quindecim
solum: nam cepit regnare Zacharias filius Ieroboam
anno 38. Ozis. 4. Reg. 15. & tunc mortuus est Iero-
boam anno quintodecimo: eo. c. Dicit autē, q̄ in istis q̄n-
decim annis potuit coincidere Ioathan cum Ieroboam,
eo q̄ cepit regnare Ioathan ante mortem patris sui
Ozis, qui fuit Ozias leprosus, & postquam percussus
est gubernauit semper Ioathan palatium: eo. c. & sic
si Ioathan inciperet regnare saltem decem, & sex an-
nis ante mortem patris sui Ozis, coincideret in vno
anno cum Ieroboam rege Israel, quia vltimus vnus
esset primus alterius. Sed dicendū v̄, q̄ nō fuit eadē
computatio, quę facta est sub Ieroboam, & sub Io-
athan, eo q̄ intelligitur hic de Ieroboam primo; nā cū
fuerint duo, & non exprimitur quis illorum fuerit,
debet intelligi de illo, qui per excellentiam vocatur
Ieroboam, & istud competit primo Ieroboam, quia
ille fuit valde famosus, eo q̄ ipse fuit primus rex Isra-
el in diuisione regni. Etia fuit valde famosus pp pec-
cata magna, quia ipse fuit principium idolatrię oīum
regum Israel. Ideo q̄ncunq̄ dī de aliquo rege Isra-
el, q̄ erat malus subdit, q̄ secutus est viam Ieroboam
filij Nabath, qui peccare fecit Israel. Sic patet ex toto
processu 3. & 4. Regum, quia toties hoc dī, quot re-
ges Israel fuerunt, & adhuc pluries. Secundo patet,
quia dato, q̄ vellemus, q̄ fuerit facta ista computatio
tempore secundi Ieroboam, sicut vult Nicolaus, nō
stat, nā non potuit coincidere Ioathan cum Ieroboam,
quia iste Ieroboam regnauit annis quadraginta vno.
4. Reg. 14. & tamē anno vigesimo septimo regni sui
cepit regnare Ozias in Iuda: eod. lib. cap. 15. manent
ergo tredecim, vel quatuordecim anni, in quibus co-
incidit regnum Ozis cum regno Ieroboam, & tamē
Ozias regnauit quingenta duobus annis: eodem
cap. de quibus subtrahendo quatuordecim manebūt
triginta octo vsque ad mortem Ozis, & tunc cepit
regnare Ioathan, & tamen Ioathan non solum nō
regnavit triginta octo annis ante mortem Ozis: im-
mo etiam non erat natus tanto tempore ante mor-
tem eius, quia Ioathan erat annorum vigintiquinq;
quando cepit regnare: eod. cap. ideo non potuit co-
incidere cum Ieroboam. Tertiō patet, quia dato, q̄
computeus secundum q̄ vult Nicolaus, scilicet, q̄
quindecim anni fuerint inter mortem Ieroboam, &
Ozis, adhuc non potuit coincidere Ioathan cum Ie-
roboam, quia oporteret tūc, q̄ saltem decem, & sex

Alph. Toft. In lib. I. Paralip.

A annis ante mortem Ozis Ioathan regnaret pro eo,
& gubernaret palatium, & tamē hoc non potuit esse
quia Ioathan erat vigintiquinque annorum, quādo
mortuus est Ozias, & ipse cepit regnare, de quibus
subtractis decem, & sex manent nouem, & sic oporteret
q̄ quando regnare cepit, vel gubernare palatium
Ioathan loco patris sui, esset annorum nouem ad
plus: & tamen hoc non videtur possibile, quia ipse po-
situs est, vt suppleret vices patris: nam dicitur 4. Reg.
15. & seq. lib. cap. 26. q̄ gubernabat palatium, & iudi-
cabat populum terrę. Puer tamen nouem annorū
non poterat iudicare populum cum vix intelligat se-
ipsum, ideo dicendum, q̄ etiam quantum ad hoc nō
poterat coincidere. Quartō patet, quia dicitur hic, &
B in diebus Ioathan regis Iuda, in quo significatur, q̄
iam rex erat quando ista computatio facta est: de re-
gno tamen suo non est dubium, quin possit coincide-
re cum regno Ieroboam. Dicendum igitur, q̄ nullo
modo potest dici fuisse hic vnicam computationem
sed duas: & tamen tunc videtur dubium, sub quo Ie-
roboam ponemus primam computationem istarū:
dicendum videtur vno modo, q̄ deberet poni sub
primo Ieroboam, & hoc propter duo. Primo quia vi-
detur hic debere intelligi Ieroboam ille, qui per ex-
cellentiam sic vocatur quod magis competit primo
quā secundo, vt supra probatum est. Secundū est,
quia si ponatur vna computatio tempore Ieroboam,
& alia tempore Ioathan, & fuerit ille secundus Iero-
boam, erit modicum tempus inter vnā computa-
tionem, & aliam, & non videtur, q̄ in breui tempo-
re fierent multę computationes.

In primum autē est vna rō. scilicet, quia dī hic, q̄ oēs isti fue-
runt numerati in diebus Ieroboam, & Ioathan: ideo
vtrique fuerunt in ambabus computationibus: & tū
hoc non pōt esse si fuerit vna computatio istarū tpe
primi Ieroboam: ideo v̄ q̄ fuit tempore secundi.
Et hoc tenendum est, quia aliās non posset bene sal-
uari litera, quę dicit oēs hi numerati sunt in diebus
Ioathan regis Iudę: & in diebus Ieroboam regis Is-
rael. Ad primā rōnem in primum dicendum, q̄ rōna-
bilis erat accipi Ieroboam pro primo, q̄ pro secundo,
q̄n non apparet pro quo accipiatur: & quia tamē hic
indirecte apparet accipi debeat pro secundo Ioathan,
non accipiet pro primo. Ad secundā dicendum, q̄
aliquē ex causis nouiter emergētibz sit computatio
frequenter in breui tpe, sicut in secundo anno ab exi-
tu de Aegypto facta est computatio oīum Israelita-
rū in deserto: anno quadagesimo ab exitu de Aegy-
pto facta est alia computatio. Num. 26. potissimē, q̄
hic potest esse satis magnum tempus inter vnā cō-
putationem, & aliam, vt si dicamus primam compu-
tationem istarum fuisse factam primo anno regni Ie-
roboam, & secundam fuisse factam anno vltimo re-
gni Ioathan: nam fuit tps intermedium nonaginta,
& quinque annorum. Quod patet quia a principio
regni Ieroboam vsque ad principium regni Ozis fue-
runt anni 27. 4. Reg. 15. Ozias autem regnauit annis
quingentaduobus: eod. cap. & Ioathan annis de-
cem, & sex: eod. cap. qui sunt nonaginta, & quinque.
Sed adhuc dicendū, q̄ nō fuerunt tot anni inter vnā
cōputationē, & aliā, q̄ nō posset idē homo tpe. illo
vivere in principatu annis nonagintaquinque.

An verum sit, quod viri de tribu Gad habitauerint in
terra Galaad. Quęst. XXIIII.

QUÆRITUR vterius quomodo dicitur hic,
q̄ viri de tribu Gad habitauerūt in terra Ga-
laad: nam terra Galaad possessa fuit a dimi-
dia tribu Manasse: Deuter. 3. & Iosue. 13.

Respondendum, q̄ terra Galaad est quedam provincia magna, quæ est in circuitu cuiusdam montis nomine Galaad, & ille mons protenditur ab Oriente in Occidentem, & vna medietas terræ Galaad est ad partem Meridianam montis illius, & alia medietas est ad partem Aquilonarem: illa autem medietas, quæ est Meridiana fuit data tribui Ruben, & Gad: medietas autem Aquilonaris fuit data tribui Manasse, vt patet Deuteronomio 3. scilicet, terram possedimus vsq; ad mediam partem montis Galaad, & ciuitates illius dedi Ruben, & Gad: reliquam autem partem Galaad tradidi dimidiæ tribui Manasse.

Idem patet Iosue 13. vbi in sorte dimidiæ tribus Manasse ponitur medietas terræ Galaad, & cum hic dicitur, quod isti principes habitauerunt in terra Galaad, intelligitur de illa medietate, quæ est ad Meridiem montis.

An principes Gad habitauerint in Basan. Quæst. XXV.

QUÆRITUR Vterius quomodo dicit hic, q̄ habitauerunt isti principes Gad in Basan, quia ista terra pertinet ad mediam tribum Manasse: Deuteronomio 3. & Iosue 13. Aliquis dicit, q̄ sic fuit de Basan, sicut de terra Galaad, scilicet, q̄ est diuisa in duas partes, & vna medietatem haberet tribus Gad, & aliam medietatem dimidia tribus Manasse.

Sed dicendum, q̄ non stat, quia totam terram Basan tenuit dimidia tribus Manasse. Deuteronomio 3. scilicet. Reliquam autem partem Galaad, & omnem Basan regni Og tradidi dimidiæ tribui Manasse. Aliquis dicit, q̄ verum est, q̄ Manasses tenuit omnem Basan, quæ erat in terra regis Og, sed non omnem Basan absolute, quia aliqua pars Basan erat extra regnum Og, & patet, quia litera dicit: Deuteronomio 3. & omnem Basan regni Og. Sed dicendum est, q̄ hoc non stat, quia tota terra Basan erat intra regnum Og; vt patet Iosue 12. scilicet, Og dominatus est in monte Hermon, atque in vniuersa Basan, vsque ad terminos Gessuri: ergo non potest poni talis distinctio de Basan, sicut ponebatur de terra Galaad. Sed dicendum est, quod tota terra Basan erat in regno Og, & illa data est dimidiæ tribui Manasse, & tamen aliqua pars parua illius data est tribui Gad, & illa quasi pro nulla computatur: ideo dicitur, quod dimidia tribus Manasse habuit totam terram Basan, eo quod per defectum istius particule nihil videbatur deficere dimidiæ tribui Manasse de tota Basan, & illa pars paruula erat, quæ nunc tenebatur a tribu Gad, in qua habitabant isti principes filij Ruben. Hic incipit Eldras enarrare historiam illam, quæ supra inchoata est de bello Israelitarum contra Agarenos, quia ibi tacta est, sed non enarrata, & dicitur.

Filij Ruben, & Gad, & dimidiæ tribus Manasse, viri bellatores, scuta portantes, & gladios, & tendentes arcum, eruditique ad prælia quadraginta quatuor millia, & septingenti sexaginta procedentes ad pugnam. Dimicauerunt contra Agarenos. Ithuræi verò, & Naphæi, & Nodab præbuerunt eis auxilium. Traditique sunt in manus eorum Agareni, & vniuersi, qui fuerunt cum eis, quia Deum inuocauerunt, cum præliarentur, & exaudiuit eos, eo quod credidissent in

eum. Ceperuntque omnia, quæ possederant Camelorum quinquaginta millia, & ouium ducenta quinquaginta millia, asinos duo millia, & animas hominum centum millia. Vulnerati autem multi corruerunt. Fuit enim bellum Domini. Habitaueruntque pro eis vsque ad transmigrationem.

Filij Ruben, & Gad, & dimidia tribus Manasse. Dicitur de istis duabus tribubus, & dimidia, eo quod omnes simul habitabant in eadem terra vltra Iordanem, & quod omnes istæ simul pugnaverunt contra Agarenos, vt patet hic.

Viri bellatores. Id est, viri apti ad bellum, & exercitati in armis, & maximè competit hoc tribui Gad, quia in ea erant fortissimi bellatores: vnde in benedictionibus, quas dedit Moyses super omnes tribus, quando mortuus est laudatur tribus Gad de fortitudine belli: Deuteronomio 33. scilicet, Benedictus in latitudine Gad: quasi Leo requieuit, cepitque brachium, & verticem, id est, vno ictu gladij abscidit caput, & brachium, scilicet, medietatem corporis. Etiam Iacob in benedictionibus suis locutus est de bellis Gad, scilicet, Gad accinctus præliabitur ante eum, & ipse accingetur retrorsum: Genesio 49. Vocantur isti bellatores ab actu bellandi, quia ista vice omnes simul pugnaverunt. Scuta portantes, & gladios. Ista erant arma, quibus maximè utebantur isti: nam omnes agebant pedestre bellum: cum tempore, quo factum fuit istud bellum in diebus Saulis, nondum cepisset vsus equorum ad bellum in terra Israel, sed cepit iste vsus tempore Dauid, de quo declaratum est primo Regum 13. & 2. Regum 8. In Hebræo habetur.

Scutum portantes, & gladium. Et ponitur singulare pro plurali, quia non poterant plures homines portare vnum scutum, vel vnum gladium: & sic sepe fit in Hebræo, nā mutantur numeri. Et tendentes arcum. Etiam iste modus pugnandi erat satis vsitatus inter antiquos, & potissimè contra Agarenos, quos pugnaverunt nunc isti Israelitæ: nam pater illorum Ismahel fuit sagittarius: Genesio 21. c. Moratus est in solitudine factusque est iuuenis sagittarius. Eruditique ad prælia. Omnes isti quorum summa ponitur hic, erant experti in bellis, ideo processerunt nunc confidenter contra Agarenos. Quadraginta quatuor millia, & septingenti sexaginta procedentes ad pugnam. Scilicet, omnes, qui nunc pugnaverunt contra Agarenos erant vsque ad summam istam. Verum est, q̄ in istis duabus tribubus, & dimidia plures erant viri bellatores quam isti, & tamen isti erant electi, cum dicantur, q̄ erant eruditi ad prælia: ideo isti soli præcesserunt nunc ad bellum.

Dimicauerunt contra Agarenos. Non vocauerunt isti alios Israelitas in adiutorium suum contra Agarenos, quia putauerunt se sufficere ad pugnam contra illos, propter robur, & experientiam bellicam, vel forte noluerunt vocare alios, quia si adiuarēt eos vellēt habere partem de terra, quā tenebant Agareni, & hoc nolebant duæ tribus, & dimidia, ideo neminem vocauerunt. Ithuræi verò, & Naphæi, & Nodab præbuerunt eis auxilium. Ista litera est ambigua, quia non vñ ad quid referat illud relatiuum eis: an ad Israelitas, an ad Agarenos, id est aliqui dicunt, q̄ istæ tres gentes venerunt in auxilium Israelitarum: alij autem dicunt, q̄ venerunt in adiutorium Agarenorum, sed dicendum, q̄ venerunt in auxilium Agarenorum, & patet primo ex ordine relatiui, quia semper debet referri ad immediatam, nisi aliud appareat ex sententia: & tñ hic agit magis immediate de Agarenis, quā de Israelitis: id est intelligit de eis. Scdō patet, quia si duæ tribus, & dimidia voluissent habere aliquos

Quaest. 27.

aliquos auxiliores contra Agarenos: verisimilius est, quod petiissent illud ab alijs Israelitis cognatis suis: & tamē de illis nullus iuit in bello isto cum duabus tribubus, & dimidia: ideo null⁹ irer de extraneis, scilicet, de Ithurcis, & Naphcis. Tertiò patet, quia videtur quod isti adiuuerint Agarenos, quia dicitur in litera, traditi sunt in manus eorum Agareni, & vniuersi, qui fuerunt cum eis: ergo auxiliores erant Agarenorum, & non Israelitarum. Quartò patet, quia isti Ithurci, & Naphci erant cognati Agarenorum: immo etiam ipsi erant Agareni, vt declarabitur infra. ideo non est verisimile, quod contra cognatos suos preberent auxilium hostibus. Nam dato, quod sit possibile, tamē verisimilius est, q̃ preberent auxilium cognatis suis contra hostes, quā hostibus contra cognatos suos: & sic dicendum est, q̃ isti auxiliū prebuerunt Agarenis, & non Israelitis.

Traditique sunt in manus eorum Agareni. Scilicet, viti sunt ab Israelitis, & non solum vicerunt eos occidendo, & effugando de terra, sed quod maius est, partem maximam istorum viuētem, scilicet, centum millia ceperunt hominum infra in litera, & hoc est propriè tradi in manus alterius, quando viuens quis capiatur ab hoste. *Et vniuersi, qui fuerunt cum eis.* Isti erant Ithurci, & Naphci, qui adiuuerunt Agarenos, & etiam ipsi occisi sunt in bello, & capti sunt viuētes ab Israelitis, sicut Agareni. *Quia Dominum inuocauerūt cum preliarentur.* Scilicet, ideo preualuerunt Israelitæ contra Agarenos, quia inuocauerunt Dominum: nā cum essent in bello fortè timuerunt, & inuocauerunt eum, quia Agareni erant multi, & sic quamquam isti Israelitæ essent viri fortes, & exercitati ad bellum, magis consecuti sunt victoriam ex adiutorio Dei specialis ex fortitudine sua, vel peritia bellica, ideo dicitur infra, quod fuit bellum Domini. *Et exaudivit eos.* Scilicet, adiuuando eos contra Agarenos, sicut p̃tebāt. *Quia credidissent in eum.* Refertur ad exauditionem, id est, ideo exauditi sunt, quia habuerunt confidentiā de Deo, quod liberaret eos, nam istud est, quod requiritur ad hoc, quod consequatur homo a Deo quod petit, scilicet, quod credat certissimè, quod Deus faciet, scilicet, quod facere potest, & etiam quod tanta est sua bonitas, quod faciet, & qui non habet istam fidem certam non potest consequi a Deo quod petit, sic patet Iacobi cap. 1. scilicet. Postulet autem in fide nihil hēsitans: qui enim hēsitat, similis est fluctui maris, qui a vento mouetur, & circumfertur: nō ergo existimet homo ille, quod accipiat aliquid a Domino: & Christus dixit ad Apostolos, quod propter infidelitatem suam non potuerunt eicere quendam demonem de corpore hominis: Matth. 17. isti Israelitæ confidenter perueniunt nunc a Deo, & bono corde, & fortè voverunt aliquid se daturos, sicut labes petiuit a Domino, quod liberaret eum de manu hostiū, & vovit aliquid p̃cedenti capit. *Ceperunt omnia, quæ possederant.* Ponitur p̃da magna, quam consecuti sunt Israelitæ ex bello isto: nam occiderunt omnes Agarenos, & acceperunt eos: ideo omnia, quæ illi possidebant prouenerūt eis, idem etiam fuit de illis, quæ possidebant Ithurci, & Naphci, qui adiuuerunt Agarenos contra Israel.

Camelorum quinquaginta millia. Magna multitudo nimis camelorum fuit, eo quod terra illa abundat nimis in Camelis super omnes terras, & etiam in Dromedarijs, & de hoc dicitur Isa. 60. Inundatio Camelorum operiet te, Dromedarij Madian, & Ephā. Et istæ terræ sunt coniunctæ terræ Chanaan, & sic veniebat ex illis inundatio Camelorum, quæ operiebat terram Chanaan. In terra etiam Israel erant multi cameli, & tamen maior erat multitudo in terra Agarenorum, & quia nunc consecuti fuerunt isti omnes Camelos Agarenorum consecuti sunt tantam multitudinem.

Asinos duo millia. In contrarium autem fuit in bello, quod fecerunt Israelitæ contra Madiā: nam non ceperunt aliquem Camelum, & ceperunt sexaginta millia asinorum: Numeri 31. & animas hominum centum millia, scilicet, acceperunt centum millia hominum viuētium, ceteri autem in bello occisi sunt, & computantur hic animæ, tam pro paruulis, quā pro mulieribus, & pro viris: nam de mulieribus, & paruulis esset maior multitudo, quæ euaderet, eo q̃ isti non pugnant: de viris autem adultis plurimi perirent in bello.

Vulnerati autem multi corruerunt. Dicitur hoc ad tollendum dubium, scilicet, quod aliquis putaret, quod in tota terra Agarenorum, & auxiliorum suorum non fu erunt nisi centum millia hominum, tam in paruulis, quā mulieribus, & viris: & isti viuētes. Illi autem qui mortui sunt in bello erant plurimi.

Fuit enim bellum Domini. Id est, specialiter fuit istud bellum Dei: ponitur hoc ad tollendum dubiū, quia aliquis diceret quomodo potuerunt Israelitæ cum essent pauci, scilicet, quadraginta quatuor millia pugnare contra tantam multitudinem, & preualere, & accipere tot captiuos? Et dicitur, quod hoc fuit, quia bellum Domini fuit, id est, Deus adiuit illos.

Habituaueruntque pro eis vsque ad transmigrationem. Scilicet, duæ tribus, & dimidia occupauerunt terram Agarenorum occisis illis, & expulsis, & habitauerunt in illa, & durauit istud vsque ad transmigrationem, id est, vsquequo ipsi translati sunt de terra sua in terram Assyriorum.

Sciendum autem, quod tres fuerunt transmigrations Iudeorum. Prima fuit per Thelgarphalasar regem Assyriorum, & iste inchoauit transmigra-
 D Israel, sed non compleuit: nam transtulit habitatores Galilæe, & terram Nephthali, & terrā Galad, in qua habitabant duæ tribus, & dimidia: de hac transmigatione. 4. Re. 15. & facta est ista, dum regnaret in Israel Phacee filius Romeliæ, & in Iuda regnabat Ioathan. eod. cap. Secunda transmigratio fuit facta per Salmanasar regem Assyriorum. Ipse enim transtulit omnes decem tribus Israel cum rege suo Osee filio Ela: & ex illo tempore desijt esse regnum Israel, quia nulli manserunt ferè. De hoc. 4. Reg. 17. Pauci tamen effugerunt manus Salmanasar non quidem aliqua tribus integra, sed partes tribuum, scilicet, aliqui viri de Ephraim, & aliqui de Simeon, & sic de ceteris tribubus, vt patet seq. lib. cap. 34. Et isti cum essent pauci non ausi fuerunt super se regem constituere, sed adhererunt regno Iuda, & facti sunt tamquam pars eius, vt declaratum est. 4. Regum 23. Tertia transmigratio fuit per Nabuchodonosor regem Chaldeorum, & in hac transmigravit totum regnum Iuda in Babylonem. scilicet, tribus Iuda, & Benjamin, & illi, qui de alijs tribubus habitabant tunc in terra illa, & nō manserunt tunc aliqui in terra nisi viri pauci, & pauperes, vt essent agricolæ, & vinitores. 4. Reg. 4. & 25. Sed ad huc ista transmigratio diuisa est in duas, quia primo transmigravit Ioachim rex in Babylonem, & cum eo decem millia virorum. 4. Reg. 24. postea regnavit Sedecias annis vndecim, & in fine regni illius transmigravit totus Iuda, & Benjamin per Nabuchodonosor, & Nabuzardam principem militiae. 4. Regum vigesimoquinto. & sic sunt transmigrations quatuor: Viri de primis duabus transmigrationsibus nūquam redierunt, sed manserunt in terra Assyriorū, & manent vsque hodie. De transmigrationsibus autē alijs duabus redierunt plurimi: nam post septuaginta annos,

ta annos, sicut prædixerat Ieremias. cap. 25. redierunt omnes quotquot voluerunt redire de Babylone, quæ rex Cyrus dedit eis potestatem ad redeundum in Ierusalem, & edificandum templum Domino, ut patet primo Esdræ 1. De ista transmigratione, de qua dicitur hic, dicendum quod fuit prima: nam non potest esse tertia, neque quarta, eo quod illa fuit transmigratio virorum de regno Iuda, ut declaratum est. Iste autem duæ tribus, & dimidia erant de regno Israel: non etiã fuit hoc in secunda transmigratione, quia in prima transmigraverunt habitantes in terra Galaad. quarto Regum 15. & tamen duæ tribus, & dimidia habitabant in terra illa, ut patet Numeri 32. & Deuteronomio 3. & supra in litera. Secundò patet, quia prima transmigratio facta est per Thelgatphalasar. 4. Regum 15. Secunda verò per Salmanasar. 4. Regum 17. & tamen ista facta est per Thelgatphalasar: nam dicitur infra in litera, quod propter peccata istorum Deus suscitavit contra eos spiritum Philistini regis Assyriorum, & Thelgatphalasar, & trãstulit Ruben, & Gad, & dimidiam tribum Manasse: ideo manserunt isti in prima transmigratioe, & usque ad tempus illud tenuerunt terram Agarenorum, & tenuissent maiori tempore, nisi fecisset eos transmigrae rex Assyriorum.

Quanto tempore terram Agarenorum isti possederunt.
Quest. XXVI.

QUÆRITUR Quanto tempore possederunt isti terram Agarenorum.

Respondendum est, quod fuit factum bellum tempore regis Saulis, sed non constat, in quo tempore regni eius etiam trãslati sunt isti Israelitæ tempore Ioathan: & tamen non constat, quo tempore eius: computando tamen regnum utriusque fuerunt quasi trecenti, & sexaginta anni, ut aliqui volūt, vel magis trecenti, & quadraginta: nam Saul regnabat cum factum est istud bellum, ut patet supra in litera. Ipse autem regnavit annis quadraginta. Act. 2. Deinde David annis quadraginta. 3. Regum 2. & Salomon totidem. 3. Regum 11. Roboam autem decem, & septem. 3. Regum 14. Abias autem annis tribus, eodem lib. cap. 15. Asa autem annis quadraginta uno: eodem capit. Ioaphat verò annis viginti quinque: eodem lib. cap. ultimo. Ioram verò annis octo. 4. Regum 8. Ochozias autem anno uno: eodem cap. Athalia annis sex: sequenti lib. capit. 22. Ioas autem annis quadraginta, quarto Regum 12. Amasias verò annis vigintinove: eodem lib. cap. 14. Azarias autem annis quinquaginta duobus: eodem libro, capit. 15. Ioathan autem annis decem, & sex: eodem capit. qui simul sunt anni trecenti quinquaginta octo, & hoc fere tempore potuerunt duæ tribus, & dimidia possidere terram Agarenorum: deinde Agareni redierunt ad possidendum terram suam, vel ad quas gentes devenirent non apparet.

Quæ nam gentes fuerint Ithuræi, & Naphæi.
Quest. XXVII.

QUÆRITUR Quæ fuerunt gentes isti, quæ habentur hic, scilicet, Ithuræi, & Naphæi, qui præbuerunt auxilium Agarenis.

Respondent aliqui Doctores nostri, quod iste fuerunt duæ gentes de habitantibus in terra Chanaan, vel prope, quorum una vocabatur Ithuræorum, de qua videtur dici Lucæ 3. quod fuit Philippus frater Herodis Tetrarchæ Ithurææ, & Trachonitidis regionis, & sic volunt, quod gens Naphæorum fuerit alia similis, & isti dicunt, quod Ithuræi venerunt in auxilium

Israelitarum, quia erant in terra sua, & sic quando dicitur in litera Ithuræi, & Naphæi præbuerunt eis auxilium: intelligunt isti de Israelitis: nam secundum literam videtur posse referri ad utrumque: alij autem tenent, quod Ithuræi, & Naphæi fuerunt filij Ismahelis: ideo dicunt, quod isti Agareni, quibus præbuerunt auxilium non fuerunt filij Agar deriuati per Ismahelem, sed fuerunt filij Ceturæ, quæ est eadem cum Agar, & istud tenent Hebræi, & sic cum fuerint sex filij Ceturæ putant, quod ex omnibus illis, vel ex aliquibus eorum nominati fuerint Agareni. Alij tenent quod isti Ithuræi, & Naphæi fuerint filij Ismahelis, & etiam Agareni fuerint filij eius, & tamen dicunt, quod vocantur Agareni illi, qui de Ismahele descenderunt per unum filium eius Cedina.

Dicendum tamen, quod nulla istarum trium positio est conveniens, sed est addenda quarta, scilicet, quod Ithuræi, & Naphæi fuerunt filij Ismahelis, & etiam Agareni fuerunt filij eius, & nominantur Agareni omnes filij Ismahelis, qui fuerunt duodecim principes: Genes. 25. & supra primo: & ab his nominatæ sunt gentes duodecim, vel familiæ, & omnes erant Agarenorum, quod patet, quia Agareni dicuntur ab Agar, & illa fuit mater Ismahelis: Genes. 16. & 21. ideo necesse est omnes filios Ismahelis vocari Agarenos: Ithuræi autem, & Naphæi sunt filij Ismahelis, quia Ithuræi appellantur ab Ithur, & Naphæi a Naphis, & isti fuerunt duo filij Ismahelis, supra primo, & Genes. 25.

Dicendum tamen quod non vocantur Ithuræi, & Naphæi hic Agareni, eo quod gentes, contra quas pugabant Israelitæ vocantur Agareni, & si Ithuræi, & Naphæi venerunt in auxilium Agarenorum, & nihil per hoc declararetur: ideo gentium illarum, quas pugabant Israelitæ non expressa sunt nomina specialia, sed vocati sunt Agareni nomine generali. Istarum autem duarum gentium expressa sunt nomina propria, scilicet, quod essent Ithuræi, & Naphæi, quamquam etiam essent Agareni. Alia etiam causa fuit, quia hic ponuntur tres gentes, quæ præbuerunt auxilium Agarenis, scilicet, Ithuræi, & Naphæi, & Nodab: & duæ primæ gentes sunt Agareni: tertia autem non, quia non venit ab aliquo de duodecim filiis Ismahelis: ideo non potuit hic dici convenienter, quod Agareni præbuerunt eis auxilium, quia non erant omnes Agareni, sed posita fuerunt nomina propria istarum gentium, ut per hoc sciatur, qui essent Agareni, & qui non: ista positio est vera. Aliæ autem tres non possunt stare. De prima patet, quæ dicebat Ithuræos, & Naphæos fuisse gêtes venientes in auxilium Israelitarum: nã manifestum est, quod Ithuræi dicuntur ab Ithur, & Naphæi a Naphis, & tamen Ithur, & Naphis sunt filij Ismahelis, & nepotes Agar, ideo non poterant esse gêtes alienigenarum. Item non stat, quia dicitur, quod veniebant isti in auxilium Israelitarum, & tñ probatum est supra, quod non veniebant in auxilium eorum, sed in auxilium Agarenorum. Secunda positio non stat, quia ista vult, quod Agareni sint de filiis Ceturæ, & quod Cetura, & Agar sint eadem mulier: & tamen istud improbatum fuit supra in quadam questione. Tertia positio non stat, quia ista vult, quod descenderint tam Ithuræi, & Naphæi, quam Agareni per Ismahelem ab Agar, & tamen volunt, quod solum vocarentur Agareni descendentes ab uno filio Ismahelis, scilicet, Cedina: hoc tamen est rationabile, quia Agareni vocantur propter Agar, & tamen Agar fuit mater respectu omnium descenduntium de Ismahele, quia fuit mater Ismahelis, ideo omnes filij Ismahelis vocabuntur Agareni, & sic tenendum est.

An bellum istud fuerit bellum Domini.

Quest. XXVIII.

QVAERITUR ulterius quomodo dicitur hic, quod bellum istud fuit bellum Domini. Respondendum, quod loquendo generaliter omnia bella sunt bella Dei, eo quod non pendet ex voluntate humana, vel ex fortitudine, quod evenit bellorum talis, vel talis sit, sed sicut Deus iudicat, ita fit. Sic patet. 1. Macha. 3. scilicet, sicut fuerit voluntas Dei in caelo sic fiet, idest, non est in potestate nostra, sed in potestate Dei celi, quod moriamur in bello, vel quod preualeamus: dicuntur tamen aliqua bella specialiter fieri a Deo, quando ipse agit totum quod agere deberet hostis. Sic enim dicitur Exo. 14. Dominus pugnabit pro vobis, & vos radebitis: idest ipse faciet totum bellum contra hostes, & vos manebitis in silentio, nihil facientes. Sic enim dicitur Iosue 10. quod quando stetit Sol pugnavit Deus pro Israelitis: & sic etiam vocantur aliqua bella specialia Domini: unde est quidam liber bellorum Domini. Num. 21. Hic autem fuit sic, quia Deus fecit aliquid specialiter pro Israelitis ad conferendum eis victoriam, quam alias forte non habuissent, & hoc poterat esse, quod incideret timorem cordibus Agarenorum, ut non auderent stare coram facie Israelitarum. Sic enim faciebat Deus, quando pugnant Israelites contra Chanaanos: Exodi 23. & Deuteronom. 7. scilicet. Terrorem meum mittam in praecursum tuum, & occidam omne in populum, ad quem ingredieris. Vel poterat Deus dare Israelitis vires magnas, & animositatem, ut auderent pugnare contra Agarenos, & prevalerent, quod alias viribus suis non facerent: sic patet Deuter. 8. scilicet. Ne dicas in corde tuo, fortitudo mea, & robur manus meae haec mihi omnia prestitit, sed recorderis Domini Dei tui, quod ipse vires tibi praeberit, ut impleat pactum suum. Vel poterat hoc fieri, quod Deus percuteret Agarenos quadam cecitate vel turbatione animi, ita ut non possent se defendere ab Israelitis dato quod esset paucitas Israelitarum. De cecitate patet in Syrijs, qui venerunt mandato Benadad regis Syriae ad capiendum Eliseum, & percussit eos Deus cecitate: duxitque eos Eliseus in urbem Samarie, & posuit in manu hostium suorum, ita ut potuissent omnes occidi sine periculo. 4. Regum 6. De turbatione mentis patet in Madianitis, qui venerunt ad pugnandum contra Israel: nam iuit Gedeon ad illos per noctem cum trecentis viris habentibus lampades, & tubas in manibus, & turbata sunt castra Madianitarum, & seipso occidebant: Iudi. 7. Sic etiam fuit in Ammonitis, Moabitibus, & Idumaeis, qui venerunt ad pugnandum contra regem Iosaphat: nam turbavit eos Deus, ita ut in Meridie non cognoscerent se, & surrexerunt in se invicem, & se mutuo occiderunt sequenti libro cap. 20. Sic etiam fuit quando solus Ionathas cum armigeris suis iuit ad pugnandum contra infinitam multitudinem Philistinorum: nam turbavit Deus castra, & non poterant Philistini resistere Ionathae, sed in brevi ipse, & armiger eius occiderunt viros viginti, & fugati sunt reliqui, qui erant in castris: primo Regum 14. vel poterat hoc fieri, quod Deus terreret ipsos Agarenos in aliquo signo sensibili, utpote, quod faceret terram tremere, vel quod audiretur fragor celi, sicut factum est contra Philistinos, qui venerant ad pugnandum contra Israel in Maphat: nam dicitur intonuit autem Dominus fragore magno in die illo super Philisthim, & exterruit eos, & ceciderunt a filiis Israel. Vel poterat Deus hoc facere tanquam contra se multos hostes in auxilium Israelitarum: & hoc poterat dupliciter fieri, uno modo, quod audirent strepitum multitudinis magnae contra se venientis, & neminem viderent, & hoc poterat fieri, tam per diem, quam per noctem. Per noctem quidem sicut fuit quando Syrii obsederant Samariam: nam fecit Deus audire sonitum curruum, & equorum in castris Syrii, & dixerunt Syrii mercede conduxit adversum nos rex Israel reges Aegyptiorum, & Hetheorum, & pre timore fugerunt, & reliquerunt omnia sua in castris. 4. Regum 7. Per diem autem factum est quando pugnavit David contra Philistinos: nam fecit Deus Angelum quendam, vel multitudinem Angelorum ambulare super cacumina pyrorum, quando incepit David pugnare, & audiebatur magnus strepitus, quasi multi bellatores laterent intra pyrorum arbores: & ideo terri Philistini fugerunt. 2. Reg. 5. & infra 14. Poterat etiam hoc fieri, quod ipsi Agareni viderent venientem contra se magnam multitudinem, ut quia Deus faceret apparere Angelos in corporibus assumptis de aere, & quamquam non pugnarent saltem terrerent Agarenos ad hoc, quod fugerent. Sic enim fuit quando Syrii obsederunt urbem, in qua erat Eliseus ad capiendum eum: timuitque nimis puer Elisei: nam tunc fecit Deus apparere multitudinem curruum, & equorum igneorum, & equitum in circuitu montis ad defensionem Elisei, & dixit Eliseus plures sunt nobiscum, quam cum illis. 4. Reg. 6. Vel poterat fieri, quod Deus adjuvaret Israelitas pugnando realiter contra Agarenos, sicut fuit tempore quando stetit Sol orate Iosue: nam misit ante hoc Deus lapides magnos grandinis super Amorheos in descensu Bethorum, & plures perierunt percussi lapidibus, qui occisi gladio Israelitarum: Iosue 10. Multi alij adhuc modi sunt, de quibus aliquid factum est primo Regum 23. & in quibusdam alijs locis, & per quemlibet istorum poterat nunc istud bellum esse bellum Dei, idest, specialiter factum a Deo.

Axilium Israelitarum: & hoc poterat dupliciter fieri, uno modo, quod audirent strepitum multitudinis magnae contra se venientis, & neminem viderent, & hoc poterat fieri, tam per diem, quam per noctem. Per noctem quidem sicut fuit quando Syrii obsederant Samariam: nam fecit Deus audire sonitum curruum, & equorum in castris Syrii, & dixerunt Syrii mercede conduxit adversum nos rex Israel reges Aegyptiorum, & Hetheorum, & pre timore fugerunt, & reliquerunt omnia sua in castris. 4. Regum 7. Per diem autem factum est quando pugnavit David contra Philistinos: nam fecit Deus Angelum quendam, vel multitudinem Angelorum ambulare super cacumina pyrorum, quando incepit David pugnare, & audiebatur magnus strepitus, quasi multi bellatores laterent intra pyrorum arbores: & ideo terri Philistini fugerunt. 2. Reg. 5. & infra 14. Poterat etiam hoc fieri, quod ipsi Agareni viderent venientem contra se magnam multitudinem, ut quia Deus faceret apparere Angelos in corporibus assumptis de aere, & quamquam non pugnarent saltem terrerent Agarenos ad hoc, quod fugerent. Sic enim fuit quando Syrii obsederunt urbem, in qua erat Eliseus ad capiendum eum: timuitque nimis puer Elisei: nam tunc fecit Deus apparere multitudinem curruum, & equorum igneorum, & equitum in circuitu montis ad defensionem Elisei, & dixit Eliseus plures sunt nobiscum, quam cum illis. 4. Reg. 6. Vel poterat fieri, quod Deus adjuvaret Israelitas pugnando realiter contra Agarenos, sicut fuit tempore quando stetit Sol orate Iosue: nam misit ante hoc Deus lapides magnos grandinis super Amorheos in descensu Bethorum, & plures perierunt percussi lapidibus, qui occisi gladio Israelitarum: Iosue 10. Multi alij adhuc modi sunt, de quibus aliquid factum est primo Regum 23. & in quibusdam alijs locis, & per quemlibet istorum poterat nunc istud bellum esse bellum Dei, idest, specialiter factum a Deo.

Filij quoque dimidia tribus Manasse possederunt terram a finibus Basan usque Baalermom, & Sanir, & monte Hermon. In gens quippe numerus erat. Et hi fuerant principes domus cognationis eorum: Ephraim, Iessi, & Eliel, Ezriel, & Jeremia, & Odoia, & Iediel viri fortissimi, & potentes, & nominati duces in familijs suis. Reliquerunt autem Deum patrum suorum.

Filij quoque. Hic ponitur tertium principale huius cap. de progenie dimidia tribus Manasse, & dicit Nicolaus quod ponitur de illa incidentaliter, quia fuit in auxilium tribui Ruben in pugna contra Agarenos, & tamen falsum est, sicut probatum est supra in illo versu. Filij vero Gad ubi agitur de progenie Gad, & dicitur. *Filij quoque dimidia tribus Manasse.* Fuit divisa ista tribus in duas medietates: nam una medietas eius habebat pecora multa, ideo voluit cum Ruben, & Gad accipere possessionem in terra Galaad ante Iordanem: sic patet Deuteronom. 3. & Iosue 13. eo quod terra illa erat conveniens alendis pecoribus. Num. 32. Alia medietas Manasse accepit possessionem in terra Chanaa ad Occidentalem partem Iordanis: simul cum tribu Ephraim. Iosue 17. *Possederunt terram a finibus Basan.* Ponitur hic locus habitationis eorum: deinde ponuntur aliqui principes, & dicitur quod possederunt a finibus Basan. Est enim Basan regio, ut supra dictum est, & non est sensus, quod possederint a

finibus Basan, id est, quod non possederint terram Basan: nam tota terra Basan data est dimidię tribui Manasse: Deuteronomio. 3. & Iosue 13. sed est sensus, quod possederunt a finibus eius, scilicet, ab vna extremitate eius, & ipsam totam possederunt: & deinde alias terras, dicitur tamen a finibus Basan, quia Basan erat regio maximę Aquilonaris in terra duarum tribuū, & dimidię, quia est coniuncta terrę Ammonitarū, & idem est, qđ dicatur, qđ possederunt a finibus Basan, & qđ dicatur possederunt a finibus filiorum Ammon, & ponitur hic terminus inclusivę, quia terra, quę ponitur terminus possessionis, est pars possessionis.

Vsq̃ue Baalhermon. Vnum nomen proprium est, sicut Hieronymus accipit, & est nomen alicuius regionis, & nominatur aliquando in libro Iosue. Sic enim patet Iosue 11. & putant Hebrei, quod Baalhermon dicantur esse due dictiones, & Baal sit nomen appellativum significans vallem, & Hermon sit nomen montis, & sic terminus iste est in valle montis Hermon, & tamen dicendum est, quod Baalhermon est vnum nomen montis: sic pater Iudic. 3. scilicet, (Sydonium Atque Heueum, qui habitabat in Libano de monte Baalhermon, vsq̃ue ad introitū Emath:) Nam si voluerimus ibi accipere Baal pro valle. Dicemus de monte vallis montis Hermon, & istud ridiculum est, quia nō facit sententiam aliquam: ideo oportet, quod Baalhermon sit ibi nomen montis.

Et Sanir. Iste est alius terminus terrę dimidię tribus Manasse, & est nomen montis.

Et montem Hermon. Mons Hermon est alius terminus terrę istius.

Sciendum tamen, quod Sanir, & Hermon nomina sunt eiusdem montis, vt patet Deuteronomio. 3. scilicet, Tulimus terram de manu regū Amorrhęorum a torrente Arnon vsq̃ue ad montem Hermon, quem Sidonij Sarion vocant, & Amorrhęi Sanir: Et sic habet tria nomina: hic tamen dicendum, qđ Sanir, & Hermon ponuntur pro duobus montibus, cum ponantur tanquam duo termini terrę illius: potest tamen intelligi dupliciter: vno modo quod idē mons secundum continuationem sit Hermon, & Sanir: & tamen in vna parte vocatur Hermon, & in alia Sanir: & propter hoc ponuntur istę due partes tanquam duo termini terrę dimidię tribus Manasse. Aliter potest dici, quod mons Hermon vocatur etiā Sanir, & Sarion: Deuteronomio. 3. & tamen istę mōs, Sanir, de quo hic dicitur, est alius ab illo Sanir, & Hermon, de quo dicitur Deutero. 3.

Sciendum autem, quod hic ponuntur termini terrę istius ab Aquilone, & Occidente: nam terra Basan est terminus a parte Aquilonis, quia cōiungitur terrę filiorum Ammon, vt dictum est. Alij autem tres termini, scilicet, Baalhermon, & Sanir sunt ex parte Occidentis, quod patet, quia Deuteronomio. 3. ponuntur duo termini terrę istius, scilicet, a torrente Arnon est in parte Orientali terrę duarum tribuum, & dimidię, vt colligitur Deuteronomio. 2. & 3. & Iosue 12. & 13. ideo Hermon est in parte Occidentali, cum isti duo termini ponantur tanquam oppositi: patet etiam quia Iudi. 3. ponitur Baalhermon terminus terrę Chanaam, & tamen non potest esse terminus terrę Chanaam, & dimidię tribus Manasse, nisi sit inter vtranque, & tamen tota terra duarum tribuum, & dimidię est Orientalis respectu terrę Chanaam, vt patet Nume. 32. & Iosue primo: ergo Baalhermon est terminus Occidentalis dimidię tribus Manasse: & est Orientalis respectu terrę Chanaam.

Ingens quippe numerus erat. Id est, magna erat multitudo dimidię tribus Manasse, & dicitur hoc ad redigendum causam superioris dicti, scilicet, quia dimi-

dia tribus Manasse accepit hereditatem multam, quę continetur intra istos terminos, & hoc fuit, quia multitudo magna erat, & indigebat magna terra. Sic enim Deus dixerat: Numeri 26. Istis diuidetur terra iuxta numerum vocabulorum in possessiones suas, pluribus maiorem partem dabis, & paucioribus minorem.

Et hi fuerunt principes domus cognationis eorum. Id est, isti, qui sequuntur, fuerunt principes in domibus, & familijs ipsorum. Domus autem est nomen cognationis, & est minor cognatio, quā familia, & quā tribus, vt declaratum est supra. & tamen hic non accipitur domus pro vna dōmo: prout est sub familia: sed accipitur domus pro tota cognatione dimidię tribus Manasse, & ista non solum est maior, quā domus, sed etiam maior quā familia: quia in tribu Manasse fuerunt familię multe, scilicet, octo: Num. 26. & medietas istarum tenuit terram, de qua hic dicitur, & sic erant quatuor familię: tamen nominatur hic vna domus, scilicet, quia congregatio istarum familiarum quatuor erat domus. Sic etiā interdum omnes duodecim tribus vocantur vna domus, sicut cum dicitur domus Iacob benedicite Domino. Psalm. 113. & omnes duodecim tribus vocantur domus Iacob, quia descendebant de stirpe Iacob.

Epher, & Iesi. Iste Epher non est Epher, de quo dicitur supra primo: nam ille fuit de filijs Madiā, & ab illo nominati sunt Aphricani: Etiam non est iste Epher, de quo præcedenti cap. quia ille est de tribu Iuda, & iste de tribu Manasse. Etiam iste Iesi non est ille, de quo supra 2. quia ille est de tribu Iuda, & iste non.

Et Eliel, & Ezer, & Ieremia. Iste Ieremia non est Ieremias propheta, quia Ieremias fuit de tribu Leui: nam sacerdos fuit de sacerdotibus, qui morabantur in Anathoth: Iere. 1. iste autem est de tribu Manasse. Etiam iste fuit multo tempore ante illum, scilicet, tempore Ieroboam regis Israel. *Et Odoia, & Iediel.* Iste Odoia non est ille, de quo dicitur præcedenti cap. nam ille non fuit de tribu Manasse, sed Iuda, iste autem de Manasse. *Viri fortissimi, & potentes nominati duces in familijs suis.* Scilicet, isti septem fuerunt principes domorum, & familiarum, & fuerunt viri potentes, quia præerant multis de tribu earum. Hic patet, quod domus, quę supra ponebatur erat collectio multarum familiarum, cum ibi diceretur, quod erant omnes isti principes domus cognationis, & hic dicitur, qui sunt principes in familijs.

Isti principes, qui fuerunt, & quo tempore. Quest. XXI.

QUÆRITUR Qui fuerunt isti principes, & quando. Aliquis dicit, qđ fuerunt principes ipsarum familiarum de tribu Manasse. Nō fuerunt isti tribu Manasse familię septem: Nume. 26. & fuerunt principes earum septem, & aparet hoc primo, quia dicitur hic, qđ isti erant principes in familijs: & tñ proprie principes familiarum dicuntur esse capita, & isti fuerunt a quibus denominare sunt familię. Secundo patet, quia hic ponuntur septē principes, & tot fuerunt principes familiarū istarū: Nu. 26. Tertio patet, quia ponitur hic vnus de principibus familiarū. I. Epher, & tñ manifestū est, qđ ab hoc venit familia Epheritarum. 26. Dicendum tñ, qđ hoc non stat, quia nō pñt poni isti primi duces, & capita familiarū, quia nomina istorū nō cōcordāt cū nomibz illarū. Nullum enim nomen concordat nisi Epher, vt patet comparando ista nomina ad ea, quę hñc Nu. 26. etiā quia poni hic nomina familiarum nihil erat ad propositum. Secundo patet, quia si ponerentur hic capita familiarum non ponerentur nisi tria, vel quatuor, quia in tota tribu Manasse fuerunt septem familię.

Numeri 26. & sic medieta Manasse non poterat habere nisi tria, vel quatuor capita familiarum, & tamen hic ponuntur septem: ideo non sunt capita familiarum tribus istius. Ad primam rationem in contrarium dicendum, quod vocantur isti principes familiarum, & verum est, & tamen non fuerunt prima capita, sed alij postea deriuati ab illis: nam omni tempore erant capita familiarum aliqua ne perderetur principatus, qui fuerat a principio, & habitudo regiminis populi.

Ad secundam dicendum, quod quamquam hic fuerunt illi septem, a quibus denominatę sunt familie: tamen non fuerunt isti, sed potius sequitur contrarium: nam si isti essent de primis capitibus familiarum, non ponerentur hic cum immediate tribus Manasse non essent, nisi tres, vel quatuor principes familiarum: etiam quia non consonant nomina istorum, cum nominibus illorum.

Ad tertiam rationem dicendum, quod quamquam Ephraim fuerit caput vnius familie, non sunt isti septem capita septem familiarum: nam non potuerunt capita familiarum habitare in terra ista, eo quod omnes illi viri mortui fuerunt in Aegypto, vel in deserto, & tamen isti principes, de quibus hic dicitur, habitauerunt in dimidia tribu Manasse in terra duorum regum Amorrhęorum. Item dicendum, quod iste Ephraim non sit idem cum illo Ephraim de quo Num. 26. quia multi vocabantur sic: sic patet precedenti cap. ubi quidam in sorte Iudę vocabatur Ephraim.

Item patet efficacius, quia iste Ephraim habuit familiam, quę habitauit in terra Chanaan, & non in terra duorum regum Amorrhęorum, quod patet, quia medietas tribus Manasse, de qua hic dicitur habitauit ultra Iordanem ad Orientem cum tribu Ruben, & Gad, ut supra dictum est: & alia medietas habitabat ad Occidentem Iordanis cum tribu Ephraim. Iosue 17. & in sorte illa, quę erat post Iordanem habitabat familia Ephraimitarum. Aliqui ergo dicunt, quod isti principes non fuerunt capita prima familiarum, sed fuerunt principes in familiis: eo quod tempore quo commissum est bellum contra Agarenos, & isti fuerunt principes tunc omnium pugnantium contra Agarenos, & hoc est rationabile, quia dictum fuit hic immediate de illo bello. Aliter dicunt, quidam quod isti erant principes in dimidia tribu Manasse eo tempore, quo translata est in Assyrios per Thelgatphalasar, & hoc etiam est rationabile. Primo, quia immediate dicitur de translatione istarum duarum tribuum, & dimidię in Assyrios. Secundo, quia postquam posuimus nomina istorum principum sequitur: Reliquerunt Deum patrum suorum, qui suscitauit contra eos spiritum Phul regis Assyriorum, & Thelgatphalasar, & transtulit Ruben, & Gad, & dimidiam tribum Manasse.

Tertio patet, quia sic etiam quando computantur supra generationes in tribu Ruben, ponitur generatio usque ad Berra, & dicitur, quod illum duxit captiuum Thelgatphalasar rex Assyriorum, & ipse fuit princeps in tribu Ruben. Aliter potest dici, quod isti principes fuerunt tempore Ieroboam regis Israel, & Ioathan regis Iudę: quia tunc factę sunt duę enumerationes istarum duarum tribuum, & dimidię: sicut dicitur supra: omnes hi numerati sunt in diebus Ioathan regis Iudę, & in diebus Ieroboam regis Israel.

Dicendum autem, quod quamquam qui libet istorum modus sit satis verisimilis, iste tamen tertius est verisimilior potissimum, quia duo istorum possunt coincidere: nam illi, qui erant principes tempore Ioathan regis Iudę fuerunt principes quando translata sunt iste duę tribus, & dimidia in Assyrios, quia tempore Ioathan regis Iudę transtulit Thelgatphalasar duas tribus, & dimidiam in Assyrios 4. Reg. 15. Sciendum

autem, quod quamquam isti septem dicantur principes in familiis, non erat quilibet eorum princeps vnius familie, quia in ista dimidia tribu Manasse non erant nisi tres, vel quatuor familie, & tamen hic ponuntur septem principes. Erant igitur quidam illorum principes familiarum, alij autem erant principes domorum magnarum in familiis. Reliquerunt autem Deum patrum suorum. Item refertur ad duas tribus, & dimidiam, quod omnes iste peccauerunt: etiam verum est hoc de omnibus tribubus decem Israel, quia peccauerunt, & translata sunt in Assyrios, quia tamen hic agitur solum de duabus tribubus, & dimidia, refertur istud ad illas, & dicitur, quod reliquerunt deum patrum suorum id est, qui benefecerat eis specialiter adducendo illos de Aegypto, & conferendo alia beneficia.

Et fornicati sunt post deos populorum terrę, quos abstulit Dominus coram eis, & suscitauit Deus Israel spiritum Phul regis Assyriorum, & spiritum Thelgatphalasar regis Assur: & transtulit Ruben, & Gad, & dimidiam tribum Manasse, & adduxit eos in Lachela, & in Habor, & Ara, & Fluium, Gozan usque in diem hanc.

Et fornicati sunt post deos populorum terrę. Id est, conuerunt deos gentiliū. Accipitur fornicari in Scriptura pro colere idola per Metaphoram, quia sicut femina, quę relicto viro suo alteri commiscetur, fornicatur ita qui deserit Deum verum, quem colere tenetur, & colit idola, dicitur fornicari cum idolis, & dicitur fornicati sunt post deos populorum, id est, fornicati sunt sequendo illos. Quos abstulit Dominus coram eis. Potest referri ad populos, vel ad deos eorum, scilicet, quod Deus abstulit populos istos de conspectu Israelitarum, & intelligitur de Chanaanis, nam ad introitum Israelitarum occidit Dominus Chananęos sicut dicitur Exo. 23. Terrorem meum mittam in precursum tuum, & occidam oem populū, ad quem ingredieris. Vel potest intelligi de diis, scilicet, quia Deus destruxit deos istorum populorum, nam ipse destruxit deos Aegypti Num. 33. eap. Nam, & in diis eorum exercuerat vitionem. Primus tamen sensus est melior. Significatur in hoc ingratitudo, & stultitia Israelitarum: de ingratitudine patet, quia Deus benefecerat eis auferendo istos populos de terra, ut illam sibi traderet, & tamen ipsi noluerunt Deum colere, qui sibi hoc bonum prestiterat, sed deos populorum occiderunt. De stultitia patet, quia aliquis colitur in Deum, quia extimatur summum bonum, & tamen isti dii populorum non erant summum bonum, sed miseri, cum non potuerint liberare cultores suos de manu Israelitarum: stultum erat ergo tales colere deos, quibus ipsi Hebrei potēiores erant. Sic. n. fecit Amasias rex Iuda qui pugnas vicit Idumęos, & captos deos illorum in bello adorauit, & Deus misit Prophetam ad increpandum illum, ut diceret, cur adorasti deos, qui non liberauerunt populum tuum de manu tua? sequenti lib. capitulo 25. Et suscitauit Deus. Posita fuit culpa Israelitarum, quia idola coluerunt: hic ponitur pena, scilicet, quod de terra sua translati fuerunt, & hoc fuit per regem Assyriorum, & dicitur, quod Deus suscitauit reges Assyriorum contra Israelitas, ut transferrent eos de terra sua. Spiritum Phul regis Assyriorum, & spiritum Thelgatphalasar regis Assur. Isti fuerunt duo reges Assyriorum, qui persecuti fuerunt Israelitas quousque transtulerunt eos in Assyrios. Primus fuit Phul, qui non

non tranſtulit quemquam eorum, ſed grauauit eos tributis. Secundus fuit Thelgatphalaſar, qui tranſtulit duas tribus, & dimidiam, & etiam tribum Nephthali 4. Reg. 15. Vocatur vnus iſtorum rex Aſſyriorum, & alius rex Aſſur, & tñ idem eſt, quia Aſſyrij dicuntur ab Aſſur. Et tranſtulit Raben, & Gad, & dimidiam tribum Manaſſe. Non ſolum tranſtulit iſtos, ſed etiam tribum Nephthali 4. Reg. 15. Dicitur tamen hic ſolum de iſtis, quia Scriptura ſolum narrat hic ſtirpem, & geſta duarum tribuum, & dimidiæ. Et adduxit eos in Alam, & Habor, & Ara, & flumini Gozan. Iſta ſunt loca in terra Aſſyriorum, ad que tranſlate ſunt iſte tribus, & tamē an ſint nomina fluminum, an vrbiū aut regionū, declaratum eſt 4. Reg. 18. ubi dicitur collocauit eos in Ala, & in Habor, fluminis Gozā. *Uſque ad diem hanc.* Ideſt manſerūt iſte due tribus, & dimidia in terra Aſſyriorum, ad quam tranſlate ſunt vſque ad diem hanc, ideſt vſque ad diē, in qua Eſdras ſcripſit librum iſtū: nam nōdum redierant de captiuitate, nec etiam vſque hodie redierunt, neq. ynquam redibunt, quia captiuitas illarum tribuum perpetua eſt.

Quomodo Deus ſuſcitauit ſpiritum Phul regis Aſſyriorum, & Thelgatphalaſar. Quæſt. XXX.

QUÆRITVR quomodo dicitur hic, q. Deus ſuſcitauit ſpiritum Phul regis Aſſyriorum, & Thelgatphalaſar: nam videtur, quod in hoc faciebat malum, nam iſti reges moti ſunt ad nocendum Iſraelitis, & ad transferendum eos de terra ſua, & in hoc malum faciebant, quia non mouebantur bono deſiderio: ideo Deus mouebat eos ad malum.

Reſpondendum eſt, quod Deus mouebat iſtos reges ad bonum, quia Iſraelitę merebantur mala multa, cum eſſent colentes idola, & Deus mouebat iſtos reges Aſſyriorum ad puniendum eos: iuſtum tamē erat iſtos peccātes puniri: ideo Deus mouebat eos ad iuſtū, ſed aliquis dicit, quod iſti reges Aſſyriorum non mouebantur ad puniendum Iſraelitas, quia erant idolatre: nam etiam ipſi Aſſyrii erant idolatre; ſed puniebant eos ad exercendum dominium, & ad augēdam gloriam, & non putabant ſe a Deo adiuuari ad faciendum hoc, ſed quod in fortitudine ſua faciebant iſtud: ſic patet Iſa. 10. & tamen motus, quem habebant iſti reges, erat à Deo: ergo Deus mouebat eos ad malū. Reſponderi poteſt dupliciter, vno modo, quod Deus non mouebat reges Aſſyriorum ad nocendum Iſraelitis, vel captiuandum eos: ſed mouebat per modum ſubtractionis auxilij, & iſta ſubtractio erat tripliciter: vno modo, quod reges Aſſyriorum, & alij hoſtes eorum, qui potentes erant interdum deſiderarent nocere eis, & tamen Deus auferebat de corde eorum cogitationes iſtas, & non deſiderabant nocere: ſic enim hoſtes Iudeorum non deſiderabant nocere eis ter in anno. Nam ter in quolibet anno aſcendebant omnes Iudei ad tēplum Domini tam magni quā paruuli, ita vt non relinqueretur aliquis in vrbus niſi ſcōminæ, & hoſtes Iudeorum ſciebant hoc, quia quolibet anno fiebat, & tamen nunquam volebant temporibus illis capere aliquas vrbes Iudeorum, & nec inſidiabantur ad capiendum, vt patet Exo. 34. cap. cū rulero gentes à facie tua, & dilatauero terminos tuos, nullus inſidiabit tēre tuę aſcendere te, & apparere in cōſpectu Domini Dei tui ter in anno. Secūdo modo fiebat hoc, quia quamquā hoſtes Iudeorum deſiderarent eis nocere, & poſſent illud facere: Deus auferebat eis, opportunitatem inducendo alia negocia maiora, per que impediretur malum, quod volebant inferre Iudeis: ſic patet de Senacherib rex Aſſyriorū, qui diſpoſuerat ſe ad deſtruendum Ieruſalem, Eze-

chias autem timens conſuluit Dominum ſuper hoc, & ille reſpondit: noli timere, ecce ego immitam ei ſpiritum, & audiet nunciū, & reuerſetur in terrā ſuā. 4. Reg. 19. & ſic factum eſt, quia Deus fecit, quod audiret nunciū dicentem, quod Tharea rex Ethiopū veniebat ad pugnandum contra eum, & immiſit ei Deus ſpiritum, ideſt, cogitationem, ſcilicet, vt iret ad pugnandum contra regem Ethiopum, & ſic non pugnauit illa vice contra Ieruſalem. Tertio modo Deus adiuuat, quia interdum hoſtes Iudeorum potentes deſtruere ipſos volebant deſtruere, & Deus reſiſtebat illis realiter. Sic fuit in ſto Senacherib, qui poſtea voluit delere Ieruſalē, & Deus percussit exercitū eius, & coactus eſt fugere in terram ſuā. 4. Reg. 19. Iſta auxilia ſubtrahebat nunc Deus, quia non reſprimebat cogitationes regum Aſſyriorum de non nocendo Iudeis: etiam non auferebat eis opportunitatem nocendi inferendo alia negocia maiora, per que impedirentur nocere illis: nec etiam reſiſtebat nocentibus, & omnia iſta faciebat quādo Iſraelitę erant boni: ideo nunc, cum non faceret aliquid iſtorum, dicebatur mouere hoſtes ad nocendum eis. Secundo modo poteſt dici, quod Deus mouebat reges Aſſyriorum ad nocendum Iudeis, ita quod realiter impelleret cor eorum ad nocendum, & aliās forte nō mouerentur reges iſti, & tamen iſte motus non erat de ſe malus, quia poterat eſſe ad bonum, ſcilicet, vt Iſraelitę punirentur pro peccatis. Et ſi ad iſtam intentionem facerent reges Aſſyriorum non ſolum non peccarent, immo mererentur faciēdo: Deus autem mouebat ad iſtum finem, quamquā non tam expreſſe, quia ſolum apparebat ipſis regibus Aſſyriorū, quod deſiderabant nimis punire Hebręos, & tamen neſciebant vnde proueniebat eis hoc: ideo vtebantur iſto motiuo ad malum, ſcilicet, ad gloriam ſuam, & ad exercendum crudelitatem in Hebręos: Sic enim eſt de multis alijs, que a Deo cauſantur, tam in voluntate noſtra, quā in intellectu, quem nos non accipimus ad illum finem, ad quem Deus cauſat: De intellectu patet: nam Deus mouit intellectum Caiphe ad cogitandum, q. expediebat vnum hominem mori, p. populo, ne tota gens periret, & tamen non intellexit ipſe id, quod Deus intelligebat, ideſt, ad illum finem, ad quem Deus, quia Deus dicebat ad hunc finem, q. per mortem Chriſti totum genus humanū ſaluaretur: Caiphas autem dicebat ad hanc intentionem, q. ſi non moreretur Chriſtus, periret totus populus Ieruſalem, quia venirent Romani, & tollerent locum eorum, & gentem. Ioan. 11. De voluntate autem patet, quia Deus inclinauit voluntatem Samſonis, vt deſideraret accipere mulierem de filiabus Philithinorum, & ipſe neſciebat, quare inclinabatur ad hoc, ſed ſolum videbat, q. inclinabatur nimis, & q. placebant mulieres illę in oculis eius, nec ſciebat dare aliam cauſam voluntatis ſuę, vnde dixit ei pater. Nunquid non eſt mulier in filiabus fratrum tuorum, quia vis accipere vxorem de Philithim, qui incircumciſi ſunt? Et Samſon ait: hęc mihi accipe, q. placuit oculis meis. Iudi. 14. Et tamen Deus ponens hanc inclinationem in voluntate ſua, inclinabat eum ad occasionem habēdam Philithinis nocendi, ſcilicet, quia cū Samſon haberet vxorem de Philithinis iraceretur eis, ppter offeſas, & puniret eos. Sic dicitur eodem cap. Paren-tes autem eius neſciebant, q. res a Domino fieret, & quæreretur occaſiones contra Philithim. Ita ergo nūc mouebat Deus ſpiritum regum Aſſyriorum contra Iſraelitas ad bonum, & ipſi ſcientes ſe moueri, neſciebant a quo, nec ad quem finem mouebantur, & ſic Deus non mouebat ad malum. Vtraque ſolutio eſt bona, ſed iſta ſecunda eſt melior, & magis conuenit literę

literæ dicenti: suscitauit Deus spiritum Phul regis Assyriorum: suscitare autem magis dicit aliquid posituum quàm subtractionem positiui, quæ est aliquid priuatiuum.

Qui erant isti reges Assyriorum, Quæst. XXXI.

QUÆRITUR Vterius, qui erant isti reges Assyriorum, qui suscitari sunt à Deo contra Israelitas, & an sit vnus rex, vel multi.

Respondendum, quod ad huius euidentiam, considerandum est fuisse quatuor reges Assyriorum, qui persecuti sunt Iudæos. Primus fuit Phul, & iste regnauit tempore Ozæ regis Iudæ, & Manassæ regis Israel, & nocuit solis Israelitis, & non regno Iudæ, quod patet 4. Reg. 15. scilicet, Cunctis diebus Manassæ veniebat Phul rex filiorum in Thersa, & dabat ei Manassæ mille talenta argenti. Secundus fuit Thelgatphalasar, & regnauit post istum in Assyria, & in Iudæa regnabat tunc Ioatham, & in Israel regnabat Phacee filius Romelæ, iste etiam nocuit solis Israelitis, & plus nocuit quàm Phul, quia Phul solum exegit tributa magna ab Israelitis, sed non transtulit quæquam Israelitarum de terra sua in Assyrios. Thelgatphalasar autem transtulit duas tribus, & dimidiam in Assyrios, vt patet hic, & insuper tribum Nephthali, & Galilæam, & quasdam vrbes aliarum tribuum. 4. Reg. 15. Tertius rex fuit Salmanasar, & iste regnauit in Assyria tempore Osee filij Ela regis Israel, & tempore Achaz, & Ezechie filij eius regum Iudæ, vt patet 4. Reg. 17. & 18. iste nocuit plusquam alij reges duo, & tamen solis Israelitis nocuit: nam ipse transtulit omnes tribus Israel cum rege suo, nec remansit aliquis de regno illo, nisi pauci, qui effugere potuerunt, nulla tamen tribus integra mansit. Quartus rex fuit Senacherib, qui successit isti, & ille non potuit nocere Israelitis, quia iam regnum Israel non manebat, cum translatum esset in Assyrios, sed nocuit regno Iudæ: nam conatus est transferre omnes de regno Iudæ in Assyrios 4. Reg. 18. Iste autem malum exitum habuit, quia exercitus suus percussus est ab Angelo, & ipse occisus fuit a duobus filiis suis. 4. Reg. 19. Sed circa hoc aliqui dubitant, & dicunt, quod Phul, & Thelgatphalasar, & Salmanasar fuit idem rex Assyriorum, sed vocatur diuersis nominibus, sicut multi alij viri in diuersis locis Scripture variè appellatur. Et probatur hoc primo, quia dicitur hic, & transtulit Ruben, & Gad, & dictum fuerat de istis duobus, scilicet, Phul, & Thelgatphalasar: si tamen essent duo, diceretur de eis, & transtulerunt: ideo rex est idem. Secundo patet, quia Salmanasar nocuit plus Israelitis quàm Phul, & Thelgatphalasar, vt probatum est: cum ergo Esdras agat hic de pena inflata Israelitis per reges Assyriorum, si isti non essent idem rex, faceret mentionem hic Esdras potius de Salmanasar, quàm de aliquo alio, & tamen nihil dicit, ergo videtur, quod sit idem, quod Thelgatphalasar, & Phul. Dicendum est, quod non sunt isti duo reges idem, sed oportet poni quatuor reges differentes, sicut supra declaratum est, & probatum fuit hoc. 4. Reg. 15. & apparet adhuc primo, quia hic ponuntur Phul, & Thelgatphalasar, si tamen esset idem rex, non poneretur nisi vnum nomen: nam licet aliquis habeat diuersa nomina, & appelletur variè in diuersis locis Scripture, tamen in eodem loco non appellatur nisi vno nomine, & tamen hic ponuntur duo simul: ergo sunt duo viri. Secundo patet, quia dicitur Phul regis Assyriorum, & Thelgatphalasar regis Assyriorum. Si tamen esset idem rex datus, quod vellet Scriptura ponere duo nomina simul eiusdem, sicut dicitur Marcus Tullius Cicero, & significant eundem

A virtum, tamen non poneret regis nisi semel: ita vt diceretur suscitauit Deus spiritum Phul Thelgatphalasar regis Assyriorum, & Thelgatphalasar regis Assyriorum: ergo duo reges sunt. Tertio patet, quia ponitur hic coniunctio copulatiua, scilicet, Phul, & Thelgatphalasar: & tamen ista semper facit diuersitatem realem: ideo sunt duo. Quarto patet, quia dicitur suscitauit Deus spiritum Phul, & spiritum Thelgatphalasar, & sic sunt duo spiritus, si tamen esset idem rex solum poneretur semel spiritus, ideo dicendum, quod isti duo reges differunt inter se, & etiam Salmanasar differt ab eis eadem ratione, & Iosephus 9. antiqui. Ponit istos reges distinctos. Ad primam rationem in contrarium dicendum, quod quamvis isti sint duo reges, dicitur singulariter transtulit, quia vnus eorum solum fecit hoc. Nam Phul non transtulit aliquos Israelitas de terra, sed solum imposuit tributa: Thelgatphalasar autem transtulit istas duas tribus, & dimidiam, & de eo dicitur, transtulit, sicut supra declaratum est.

B A secundam rationem dicendum, quod non fit hic mentio de Salmanasar quamvis sit distinctus ab istis, & etiam nocuerit Israelitis magis quàm isti, quia hic non agit Esdras de tota translatione Israelitarum in Assyrios, sed de translatione duarum tribuum, & dimidiæ: istæ autem translatae sunt per Thelgatphalasar Phacee regis Israel, & non per Salmanasar: postea autem tempore Osee regis Israel Salmanasar transtulit totum Israel residuum: ideo non oportuit hic fieri mentionem de Salmanasar, sed de Phul, & Thelgatphalasar, quia soli isti duo nocuerunt duabus tribubus, & dimidiæ.

CAP. VI.



EILI Leui, Gerson, Caath, & Merari filij Caath, Amram, Isaac, Hebron, & Oziel. Filij Amram Aaron, Moyse, & Maria: filij Aaron Nadab, & Abiu, Eleazar, & Ithamar. Eleazar genuit Phinees, & Phinees genuit Abiue. Abiue verò genuit Bocci, & Bocci genuit Ozi, Ozi genuit Zaraiam, & Zariaas genuit Meraioth. Porro Meraioth genuit Amaria, & Amarias genuit Achitob, Achitob genuit Sadoc, & Sadoc genuit Achimaas, Achimaas genuit Azaria, Azarias genuit Iohannam, Iohannam genuit Azariam. Ipse est, qui sacerdotio functus est in domo, quam ædificauit Salomon in Ierusalem.

D Dicto in precedentibus de stirpe duarum tribuum, & dimidiæ, & eius actibus, hic dicitur de stirpe Leuitica, & de accidentibus eius, & diuiditur in tria, quia primo agitur de stirpe Leuitarum.

Secundo de officijs eorum. ibi. *Isti sunt quos constituit.*

Tertio de habitaculis ipsorum, ibi. *Et hæc habitacula eorum.*

Prima in duas, quia primò agitur de stirpe Sacerdotum.

Secundò de progenie Leuitarum, ibi. *Filij ergo Leui.*

An hic sit ordo continuus ad præcedentia. Quæst. I.

QUÆRITUR Circa primum an sit hic ordo continuus ad præcedentia. Respondendum sicut dicebatur in alijs, quod ordo propriè consideratur in historijs, ubi sunt patres historiæ, quæ ad se habent naturalem habitudinem, quia vna præcessit aliâ tempore: hic autem describuntur progenies, in quibus non potest idem ordo seruari, eo quod non dependet vna progenies ex alia. Eset autem quidam ordo, si progenies illorum hominum, qui prius tempore fuerunt, prius ponerentur, & tamen etiam hoc non seruatur hic, quia præcedenti cap. posite fuerunt aliquæ generationes duarum tribuum, & dimidiæ, qui fuerunt prope tempus regis Ezechie. Hic autem incipiunt progenies tribus Leui à principio, scilicet, antequam descenderet Iacob in Aegyptum, & tamē inter ista tempora trāsierunt multi anni plures quàm ostingenti: immo plures, quàm mille, sicut probatur præcedenti cap. in quadam quæstione. Dicendum ergo, quod nullus alius ordo est hic, nisi quod Esdras describit hic progenies omnium Israelitarum tribuū, & postquam descripsit progeniem, & actus vnus tribus: incipit describere progeniem & actus alterius, & cum posuerit supra de tribubus duabus, & dimidia, subiungit hic de tribu Leui.

Quare post duas tribus, & dimidiam ponitur de tribu Leui. Quæst. II.

QUÆRITUR vterius quare ponitur de tribu Leui post duas tribus, & dimidiam: nam videtur hic seruari aliquis ordo. Triplex enim ordo esse potest in tribubus: vnus est secundū natiuitatem ipsorum filiorum Iacob, qui sunt capita tribuū & alius est secundū dignitatem, & alius est secundū cohabitationē, vel sortem. Primus istorum non seruatur hic: nam Leui non fuit natus post Manasse, nec post Gad, de quibus dicitur immediate supra, sed ante omnes illos, quia ipse fuit tertius filius Iacob, & antequam Lia pareret quatuor filios, non concepit Rachel, nec aliqua ancillarum: Gen. 29. & 30. potissime, quia Manasses non fuit filius Iacob, sed nepos, & ideo natus est multo tempore post omnes filios suos. Secundus ordo, scilicet, dignitatis non seruatur hic, quia nō fuit tribus Gad, & Manasse dignior tribu Leui: nā tribus Leui nō ponebat inter xij. tribus sub vexillis eorū, sed in circuitu tabernaculi: ideo potius videbat dignior ista tribus alijs, quia ista sola admittebat ad ministeria Dei, & si quis de alijs tribubus vellet ministrare, occidebatur. Num. 3. 16. & 18. Tertius ordo, scilicet, cohabitationis non seruatur hic: nam aliquādo inter alias tribus illæ, quæ propinquæ erant in sortibus habitationis, ponebantur simul: sic patet supra 4. ubi tribus Simeon ponitur post tribum Iuda, quia recepit sortem intra illam: sic etiam præcedenti capi. tribus Gad, & dimidia tribus Manasse enarrantur simul cum tribu Ruben, quia fuerunt istæ duæ tribus, & dimidia in eadem sorte, vel parte terræ, & tamen non fuit sic de Leui, quia non accepit Leui habitationem specialiter cum aliqua tribu, sed erat tota progenies Leui dispersa per omnes tribus, scilicet, quod in qualibet tribu dabantur aliquæ ciuitates Leuitis ad habitandum, vt patet Iosue 21. & infra in litera: ideo nullum ordinem habet Leui ad tribum Manasse, vel Gad, de quibus immediate dicitur

Respondendum, quod non est aliquis ordo inter tribum Manasse, de qua dicitur immediate ante hoc, & inter tribum Leui, & eodē modo de Leui, & Gad, sed est ordo inter Ruben, & Leui, & dicendum, quod est

hic ordo natiuitatis: nam Ruben fuit primus filius Iacob, & post eum fuit Simeon, quia in illo dictū fuit supra 4. non est iam vltra dicendum. Post Simeon sequitur Leui: ideo de eo dicitur hic: fuerunt tamen interposite tribus Gad, & dimidia tribus Manasse, cū prius debuisset dicere Scriptura de Leui, & hoc fuit, quia Scriptura nimis obseruat habitudinem sortis, vt patet supra de Iuda, & Simeone, qui habebant sortem simul ita præcedenti cap. cum dictum fuisset de Ruben subiunctum est de Gad, & dimidia tribu Manasse, quia illæ habitabant in eadem terra cum tribu Ruben: dicto autem de illis Scriptura redijt ad continuandum ordinem natiuitatis, & ideo dicitur hic de Leui.

De quibusdam, quæ ad intelligentiam eorum, quæ hic dicuntur, debent præsupponi. Quæst. III.

QUÆRITUR vterius de quibusdam, quæ debent præsupponi ad intelligentiam eorū, quæ dicuntur hic de tribu Leui, & sciendū, quod Leui habuit tres filios, scilicet, Caath, Gerson, Merari, à quibus debent denominari tres familie principalis tribus Leui, & tamen familia Caath diuiditur in duas, quia de ipsa descendit Aaron, de quo incepit quædam progenies specialis: nam Aaron, & filij sui fuerunt Sacerdotes: ceteri autem fuerunt Leuite minoris gradus: ideo vna linea fuit in stirpe Caath, quæ vocata est Aaronitarum, siue Sacerdotū, alia erat Caathitarum, qui tenuerunt nomen familie à patre suo, & ista familia est proprie Leuitarum, quia non habebant alium gradum maiorem, quàm quod erant Leuite, & sic omissa familia Sacerdotali, quæ dignior erat manebant tres familie Leuiticæ, scilicet, Caathitarum, Gersonitarum, Meraritarū. Caathitæ vocantur à Caath, & ad istos pertinebat portare ea, quæ honorabiliora erant in tabernaculo, scilicet, arcam fœderis, & altaria, & omnia vasa eorum, & portabant ea in humeris suis. Ad Gersonitas autem pertinebat portare omnia operimenta tabernaculi tam pelles quàm velamenta. Ad Meraritas autem pertinebat portare columnas, & tabulas tabernaculi, & atrij. De his patet Num. 3. & 4. Et tamen Caathitæ, qui portabant vasa recipiebant illa à Sacerdotibus velata ne ipsi viderent ea, & morerentur: Num. 4. In portatione autem aliarum rerum non erat periculum. Etiam Meraritæ, & Gersonitæ portabant onera super plaustra. Caathitæ autem portabant super humeros suos in vestibus, vt patet Num. 7. Et istud erat, quia onera sua erant sacra, & honorabilius portabant ab hominibus quàm a iumentis. De his Num. 3. & 4. & 7. magis declaratum est.

Filij Leui Gerson, Caath, Merari. Isti tres fuerunt filij Leui, qui geniti sunt in terra Chanaan antequam descenderet Iacob in Aegyptum, & descenderunt cū eo: Gen. 46. & ponuntur isti tres, quia fuerunt principium omnium generationum Leuitarum, vt tangit Exo. 6. & etiā hic debet enarrari progenies omnium, ideo ponuntur ipsi prius.

Filij Caath, Amaram, Isaar, Hebron, & Ozie. Computat hic prius progeniem Caath, quia ipse fuit caput sacerdotum cum descenderit ab eo Aaron. Iste Amram est pater Moyse, Isaar est pater Core, qui rebellauit in deserto contra Moysem, & Aaron ad usurpandū summum sacerdotium. Hebron nomen viri est, & differt ab illo, de quo habetur supra 2. quia ille erat de tribu Iuda: iste autem est de tribu Leui, etiam Hebron aliquando est nomen loci in tribu Iuda, in quo regnavit David, & ubi sepulti sunt Patriarchæ. Isti quatuor filij Caath faciunt quatuor familias particulares: ideo Numeri 3. vocantur populi Amramitarum, Isaaritarum, Hebronitarum, & Ozielitarum. *Filij Amram, Aaron, Moyses &*

Moyſes, & Maria. Omittit oēs alios filios Caath, quia illi pertinuerunt ad gradum ſimplicium Leuitarum, & enumerat filios Amram, quia de eo deſcenderunt Sacerdotes, & fuerunt iſti tres filij Amram. Ponitur autē prius Aaron quamquā fuerit Moyſes dignior. Primo, quia Aaron erat maior etate: nam tribus annis excellēbat Moyſen, quia in exitu de Aegypto erat Aaron annorum octoginta trium, & Moyſes erat annorum octoginta Exod. 7.

Secundum erat, quia hic ponitur progenies Sacerdotalis tanquam dignior omnibus, & tamen Aaron fuit pater Sacerdotū, cum ipſe fuerit primus, & ſummus Sacerdos: Moyſes autem non fuit ſacerdos: ſed cōputatus eſt ipſe, & filij ſui inter Leuitas ſimplices, infra 23. ideo Aaron debuit prāponi hic. Maria autem fuit ſoror iſtorum, & fuit etate maior viroque, quia quando natus eſt Moyſes, & expoſitus fuit in flumine habens ſolum tres menſes, Maria manſit à longe conſiderando quid eueniret de puero, & locuta eſt prudenter ad filiam Pharaonis, quā accepit puerum: Exo. 2. & non potuiſſet facere Maria ea, quā habētur ibi, niſi iam eſſet quindēcim annorum, vel quaſi, & tamen in natiuitate Moyſi Aaron erat ſolum trium annorum, ut dictum fuit, ergo Maria erat maior utroque, ſed poſita fuit poſterior, quia erat ſemina, & illi erant viri. *Filij Aaron.* Omittuntur filij Moyſi, & Marię, de filiis Marię cauſa eſt plana, quia cum ipſa eſſet ſemina non denominauerat familiā aliquam, ſed trāſibat in familiam illius viri, à quo acciperetur in vxorem. Filij autem non nominantur à matribus, ſed à patribus, cum ſint de familia eorum, & non matrū. De Moyſe autem quare non ponatur hic progenies eius, cauſa eſt, quia filij ſui computantur inter Leuitas minores: infra 23. & filij Aaron computantur inter Sacerdotes, & iſta eſt linea dignior, ideo omiſit filios Moyſi, ut enarraret filios Aaron. *Nadab, & Abiu, Eleazar, & Ithamar.* Iſti quatuor erant filij Aaron, & fuerunt conſecrati in Sacerdotes cum eo in monte Sina: Exod. 29. & Leui. 8. Nadab, & Abiu erāt antiquiores, ideo nimis honorabiliores erant in populo, & cōputabantur inter ſeniores, ſic dicitur Exo. 24. ſcilicet, Moyſi dixit Deus: Aſcende ad Deum tu, & Aaron, & Nadab, & Abiu, & ſeptuaginta ſeniores Iſrael. Et non fuerunt ibi Eleazar, & Ithamar: ideo non reputantur iſti ita honorabiles, ſicut Nadab, & Abiu. Iſti duo primi filij Aaron mortui ſunt in principio Sacerdotij ſui: nam conſecrati fuerunt per ſeptem dies, in quibus non miniſtrauerunt: Leui. 8. quia tot diebus durabat conſecratio Sacerdotum. deinde die octauo vocauit eos Moyſes, & iuſſit, q̄ facerent ſacrificia, & fuit illa prima dies miniſtrationis eorum, & in illa mortui ſunt: nam errauerunt in miniſtrando, quia obrulerunt ignem alienum: Leui. 10. Manſerunt autem alij duo, ſcilicet, Eleazar, & Ithamar, & iſti duo fuerunt Sacerdotes, ſed quia Eleazar erat antiquior, fuit ipſe ſummus Sacerdos, & deriuati ſunt Sacerdotes minores. *Eleazar genuit Phinees.* Omittitur hic generatio Ithamar, eo quod ab illo deſcenderunt Sacerdotes minores, & ab Eleazar pontifices, & non curatur hic de generatione Sacerdotum minorum. Iſte Eleazar fuit ſecundus pontifex: nam mortuo Aaron in deſerto in monte Or iuſſit Deus, quod Moyſes indueret filium eius Eleazarum veſtibus Sacerdotalibus: immo, & cum nondum eſſet mortuus Aaron induſtus fuit coram eo Eleazar ſilius tuus veſtibus pontificalibus, ut moreretur gaudens Aaron, quod relinqueret ſibi filium ſuum ſucceſſorem in honore: Nu. 20. *Phinees genuit Abiſue.* Eleazar pater Phinees factus eſt Sacerdos anno quadrageſimo ab exitu de

A Aegypto, & introiuit in terram Chanaan, vixitque toto tempore quo Iſrael de morte amborum ſimul agitur. Fuit autem Eleazar ſepultus in Gabaath, quę eſt ciuitas quādam in monte Ephraim, quā pertinebat ad Sacerdotes: Iſue vlti. Et tunc accepit ſummum Sacerdotium Phinees, qui fuit tertius pontifex: Iſte eſt, qui occidit in deſerto Zambri principem tribus Simeon coeuntem cum Madianitide, & perſecit vtrumque pugione in locis genitalibus. Nu. 25, & ob hoc placatus eſt Deus ab ira ſua, & promiſit ei Sacerdotium æternum eodem cap. iſte cepit eſſe pontifex in principio temporis iudicij, vnde ipſe, & Othoniel primus iudex fuerunt contemporanei,

B *Abiſue vero genuit Bozi.* Iſte Abiſue non habet memoriam in Scriptura, quia non fecit aliqua geſta magnifica, vel memoratu digna, fuit autem tempore iudicij.

Bozi genuit Ozi. Iſte etiam fuit tempore iudicij, & fuerunt viri line ſana: nam nec in cultu Dei, qui ad eos præcipue pertinebat, fuerunt ferētes, cum temporibus ſuis idola colerentur in Iſrael.

C *Ozi genuit Zariaam.* De iſto Ozi dicitur, quod priuatus fuerit ſummum Sacerdotio, quia iſti de ſtirpe Eleazari erant mali, & datum fuit ſummum Sacerdotium Heli, qui fuit de progenie Ithamar, de qua nullus ſummus Sacerdos fuerat, & habuit ipſe Sacerdotium, & aliqui de nepotibus eius vſque ad Abiathar, qui fuit ſummus Sacerdos tempore Dauid, & Salomon priuauit eum ſummum Sacerdotio 3. Re. ca. 2. nam etiam tunc miſit eum exulem in Anathoth.

Et Zariaas genuit Maiaroſ. Iſte Maiaroſ non fuit ſummus Sacerdos, ſed quia deſcendebat directe de ſtirpe eorum, & poſtea etiam de ſtirpe eius deſcenderunt ſummi Sacerdotes, ideo ponitur hic in linea eorum. Illi autem, qui hoc tempore medio fuerunt Sacerdotes ſummi, non ponuntur hic, quia illi erant de ſtirpe Ithamar, qui non narratur hic.

Porro Maraioth genuit Amariam. Etiam iſte non fuit ſummus ſacerdos, ſed habebatur tamquam Sacerdos ſimplex, & ſic fuerunt omnes de ſtirpe Eleazari quouſque Deus reduxit Sacerdotium ad domum Eleazari tempore Sadoch, ut infra declarabitur.

D *Et Amarias genuit Achitob.* Alius Achitob fuit de ſtirpe Ithamar, & de filiis Heli ſummi Sacerdotis, & fuit etiam ſummus ſacerdos: nā ipſe erat pater Achimelech ſummi Sacerdotis, qui dedit Dauid panes, & gladium. primo Reg. 21. nam ipſe vocatus eſt filius Achitoba Saule. primo Regum 22. ſed iſte Achitob, de quo hic, fuit de ſtirpe Eleazari, & non fuit ſummus Sacerdos.

E *Achitob genuit Sadoc.* Iſte Sadoc fuit tempore cuius reductum eſt ſummum ſacerdotium ad domum Eleazari: nam tempore ſuo occiſi ſuerunt à Saule omnes Sacerdotes de ſtirpe Heli propter Achimelech, qui dederat Dauid panes, & gladium, & tunc nō potuit aliquis ſuccedere de ſtirpe illa, quia nullus manebat, eo quod vnus, qui manſerat, ſcilicet, Abiathar fugit ad Dauid. primo Regum vigefimo ſecundo, & vigefimo tertio, & dato, quod manſiſſet aliquis de ſtirpe illa in regno Saulis, non permiſiſſet Saul, quod ille eſſet ſummus ſacerdos, eo quod erant ſibi nimis exoſi viri de ſtirpe illa. Rediit ergo ſacerdotium ſummum ad domum Eleazari, & quia tunc erat Sadoc viuens de linea Eleazari factus eſt ſummus Sacerdos ipſe, & ſic rediit ſummum ſacerdotium ad ſtirpē Eleazari, & manſit ſemper poſtea in illa, & de hoc dixerat Deus, primo Regum 2. Suſcitabo mihi ſacerdotem fidelem, qui iuxta cor meum, & animam meā faciat, & edificabo ei domum fidelem, id eſt, domum perpetuam: hoc autem dicebatur ad Heli ſummum ſacerdotem

facerdotem de domo Ithamar, scilicet, quod Sacerdotium non mansurum esset semper in stirpe eius, quia rediret ad domum Eleazari, in qua fuerat prius, & contigit, quod rediret tpe Sadoc, cepit autē Sadoc esse summus Sacerdos eo tempore, quo Dauid erat profugus a facie Saulis, & mansit sic vsque ad mortē Saulis: deinde etiam cum regnavit septē annis, & dimidio in Hebron ipse Dauid, & Isboseth filius Saulis regnaret super vndecim tribus. 2. Reg. 2. & 5. manebat Sadoc in summo Sacerdotio, sicut prius: tamē Dauid tenebat ad Ithamar, qui ad eum confugiebat in summum Sacerdotem. Postea vero toto reducto regno in manum Dauid, ipse noluit priuare Sadoc summo Sacerdotio, quod competeret ei ex proge-
 nie, & quia Deus prænunciauerat, quod reduceretur summum Sacerdotium in domum Eleazari, & cessaret de domo Heli, qui erat de Ithamar. 1. Reg. 2. & tamen nunc noluit priuare Abiathar summo Sacerdotio, quia ipsum diligebat nimis, eo quod fuisset socius eius in omnibus laboribus quando fugiebat a facie Saulis, immo si Dauid potuisset licitē potius ex desiderio suo egisset, quod solus Abiathar esset summus Sacerdos. Vt ergo faueret ipsi Abiathar, voluit, quod essent simul duo summi Sacerdotes, quod aliquantulum videbatur esse contra legem, quæ vnicum posuerat, & sic toto tēpore Dauid fuerūt isti duo Sadoc, & Abiathar summi Sacerdotes Dauid. 1. Re. 8. & 20. immo Dauid moriens ordinavit, quod essent duo summi Sacerdotes vnus de familia Eleazar, & alius de Ithamar, & de Eleazar erat Sadoc, de Ithamar verò erat Abiathar infra 24. Et tñ iste ordo non seruatus est mortuo Dauid, cum mansissent aliquanto tempore Abiathar, & Sadoc in summo Sacerdotio, Salomon priuauit Abiathar sacerdotio, quia coniurauerat cum Adonia, & misit eum in exilium in urbem Anathot, & extunc non fuit aliquis Sacerdos summus de stirpe eius, nec de tota domo Ithamar, sed solum de stirpe Sadoc, & ibi completum est verbum Domini contra domum Heli. 3. Reg. 2.

Sadoc genuit Achimaas. Iste Achimaas erat cursor velocissimus, & erat cursor Dauid, & iste est, de quo dicitur. 2. Reg. 18. Cucurrit Achimaas per viam Compēdij, & venit ad nunciandum Dauid de victoria Ioab contra Absalonem. Iste Achimaas filius Sadoc, & Ionatham filius Abiathar erant tempore Dauid filij duorum summorum Sacerdotum, & erant cursores eius velocissimi. Nam quando introiuit Absalom in Ierusalem fugiēte Dauid, isti duo ibant, & redibant de loco, in quo erat Dauid in Ierusalem, vt audirent ea, quæ fiebant, & isti latuerunt in puteo Bahurin, & abscondit eos mulier extenta sindone super os putei, cum sicaret ptisanas. 2. Reg. 17. & fuit postea Sacerdos iste Achimaas, & hoc fuit tempore Salomonis.

Achimaas genuit Azariam. Iste Azarias etiam fuit summus Sacerdos, & differt ab illo, de quo infra dicitur. Aliqui putāt istum fuisse Ioiada summum Sacerdotem, qui fuit Sacerdos tempore Ioas regis, & ante eum multo tempore, & ipse vnxit Ioas in regem. 4. Reg. 11. & sequenti lib. cap. 23. Sed de hoc infra dicitur.

Azarias genuit Iohanan. Iste Iohanan etiam fuit summus Sacerdos, & videtur ministrasse tempore Amasie, vel forte alicuius partis regni Ioas.

Iohanan genuit Azaria. Iste est alius Azarias, scilicet, qui fuit summus Sacerdos tempore Ozie regis Iuda, & prohibuit eum, ne vsurparet officium Sacerdotis sequenti lib. cap. 26.

Ipse est, qui Sacerdotio functus est in domo, quam edificauit Salomon in Ierusalem. Idest iste ministravit in templo

Salomonis in Ierusalem. Alij autem Sacerdotes fuerunt, qui ministrauerunt in domibus tabernaculi Moyfi, quod erat per varia loca, scilicet, aliquando in Silo, & aliquando Nobe, & postea in Gabaon, vt declaratum est primo. Reg. 7. sed postquam fuit templum Salomonis factum solū fuit ministratio in eo, & ibi ministravit iste.

Quare fit hic mentio, quod Azarias ministraverit Sacerdotium in templo Salomonis. Quest. 1111.

QVAERITVR quare dicitur de isto, q̄ ministravit in templo Salomonis, nam etiam multi alij Sacerdotes summi ministraverunt ibi. Aliquis dicit, q̄ ponitur de isto, quia fuit iste, qui ministravit prius in templo isto, & sic est sensus, quod functus est Sacerdotio in templo Domini, id est primus omnium Sacerdotum ipse ministravit ibi, sed dicendum, quod hoc non stat, quia alij ministraverunt ante istum, vt patet. Primo, quia iste fuit Azarias Sacerdos tempore Ozia regis sequenti lib. cap. 26. Et tamen ante Oziam regem fuerunt multi reges post Salomonem, & tempore omnium illorum erant summi Sacerdotes, qui ministrabant in templo Salomonis.

HSecundo patet, quia Sadoc fuit primus Sacerdos qui ministravit in templo Salomonis, nam ipse erat summus Sacerdos tempore eius, & vnctus est in summum Sacerdotem, qñ vnct⁹ fuit Salomon in regem infra. cap. vlti. & 3. Reg. 2. Et tamen Salomon in principio regni edificauit templum: ideo Sadoc esset primus, qui ministraret in eo. Aliquis autem dicit, quod dicitur iste functus Sacerdotio in templo Salomonis, quia fuit vltimus eorum, qui ibi Sacerdotio functi sunt.

Sed dicendum, quod hoc non stat, quia ipse Azarias fuit tempore Ozie regis Iuda, vt supra probatum est, & tamen post Oziam fuerunt multi reges in Iuda, & tempore eorum fuerunt summi Sacerdotes multi, ideo non fuit iste vltimus.

ISecundo patet, quia Helecias fuit Sacerdos tempore Iosie multo tempore post hoc. 4. Reg. 22. & sequē. lib. 34. Ipse, enim inuenit librum in domo Domini, qui lectus est coram Iosia vt patet ibidem, & tamen iste Helecias ponitur infra.

Tertio patet, quia Saraias fuit Sacerdos magnus tempore Sedecia. 4. Reg. vlti. Et ipse iugulatus est coram Nabuchodonosor eodem. cap. Et Ieremias vlti. Et tamen de isto Saraias infra ponitur.

Quarto patet, & clarius, quia infra dicitur, quod Iosedech filius Saraię egressus est quando transfudit Dominus Iudam per manum Nabuchodonosor in Babylonem: ergo omnes summi Sacerdotes, qui fuerunt ante Iosedech ministraverunt in templo Salomonis, & sic non potuit esse vltimus Azarias.

KDicendum ergo, q̄ de Azarias specialiter dicitur, quod ministravit in templo Salomonis, quia ipse fuit specialis Zelator contra regem Oziam: nam Ozias voluit vsurpare officium summi Sacerdotis, & ipse postponens timorem regis propter cultum Dei egressus est contra eum, & cum eo octoginta Sacerdotes viri fortissimi, & restiterunt regi dicentes: Non est tui officij Ozia, vt adoleas incensum Domino, sed Sacerdotum, hoc est filiorum Aarō, & quamquam Rex comminaretur eis non curabant, & cum percussisset Deus regem lepra festinatō expulerunt eum de templo sequenti lib. capitu. 26. In hoc autem fuit vir magnę virtutis, & animositatis apponendo se regi potenti sub periculo capitis: ideo laudes eius narrantur, & dicitur, quod ipse est, qui ministravit in templo

templo Salomonis, scilicet, dignius quàm ceteri, cum ipse magis zelauerit cultum Dei, & honorem templi, quàm omnes Sacerdotes præcedentes, & sequentes. Alia causa est, quia sequen. lib. capitu. 26 dicitur de eo Esdras, quando ager de rege Ozia, ideo ut intelligatur, quod iste est ille, de quo ibi dicitur: hic quoque dicitur, quod iste est ille, qui ministravit in templo Salomonis.

Genuit autem Azarias Amariã, & Amarias genuit Achitob, Achitob genuit Sadoc, & Sadoc genuit Sellum. Sellum genuit Helciam, & Helcias genuit Azariam, Azarias genuit Zaraïam, & Zaraïas genuit Iosedech. Porro Iosedech egressus est quando transtulit Dominus Iudam, & Ierusalem per manus Nabuchodonosor.

Genuit autem Azarias Amariam. De isto non habetur aliqua historia, & iste videtur ministrasse tempore Ioathan, vel saltem tempore Achaz regis cum pater suus Azarias ministraverit tempore Ozie.

Et Amarias genuit Achibob. Etiam de isto Achibob nihil habetur, & differt iste ab illo, de quo supra dicitur, iste Achibob, vel pater eius Amarias est ille Sacerdos Vrias, qui erat tempore Achaz, cui iussit Achaz facere altare in templo ad similitudinem altaris Damasci, & ille fecit, abstulitque altare Domini de loco suo, & vasa cetera posuit in pavimento extra sedes suas. 4. Reg. 16. Et fuit pessimus Sacerdos iste idolatra fauens regi in idolatria.

Achitob genuit Sadoc. Non putet aliquis, quod repetitur hic generatio superior. Nam supra dicebatur Amarias genuit Achitob: Achitob genuit Sadoc, & sic etiam dicitur hic, quia non repetitur hic generatio, sed continuatur, & tamen contingit, quod multi viri appellentur eodem nomine, &, quod plus est eisdem nominibus, quibus appellantur supra Auus, Pater, & Filius, appellantur etiam hic Auus, Pater, & Filius.

Et Sadoc genuit Sellum. Etiam iste Sellum fuit summus Sacerdos tempore Ezechie in principio regni eius, ut aliqui volunt, sed falsum est, quia tunc prænunciatum est contra Sobuan præpositum domus Dei, quod Helcias filius Sellum esset aliquando summus Sacerdos, & in eo esset totus honor templi, & Sobua expelleretur de terra sua Isa. 22. Ideo magis videtur, quod iste Sellum fuerit Sacerdos tempore regis Amon, & Manasse: nam filius eius Elcias fuit Sacerdos tempore Iosie regis.

Sellum autem genuit Elciam. Tempore huius Elciæ facta est restauratio templi, & iste conflatit pecuniã ad faciendum vasa: etiam ipse inuenit librum in domo Domini dum fieret ista restauratio, & misit illum ad Iosiam regem tradens Sapham scribẽ. 4. Reg. 22. & sequen. lib. capitu. 34. & sic fuit contemporaneus Iosie.

Elcias genuit Azariam. Iste Azarias fuit Sacerdos tempore Ioachaz regis filij Iosie, & tempore Ioachim regis, & alterius Ioakin regis, quia isti regnauerunt paucis temporibus, scilicet, non 12. annis completis, ut colligitur. 4. Reg. 23. & 24.

Azarias genuit Saraïam. Iste Saraïas fuit vltimus eorum, qui ministraverunt in templo edificato a Salomone, quia iste fuit tempore Sedecie, quando capta est Ierusalem a Chaldeis, & ductus est a Nabuchodonosor in Babel, & ibi coram eo occisus est. 4. Reg. vlti. &

A Iere. vlti. *Et Saraïas genuit Iosedech.* Iste Iosedech fuit de linea summorum Sacerdotum, & tamen non ministravit in templo Salomonis, quia viuentis patre suo Saraia combustum est per Nabuzardan. 4. Reg. vlti. Porro Iosedech egressus est. Scilicet, egressus est de terra sua, quia ductus est captiuus in Babylonẽ, & ibi mortuus est, habuit tamen filium nomine Iosue, vel Iesus, quod idem est, & ille redijt de captiuitate Babylonis, & fuit primus Sacerdos magnus post reditum de Babylone. sic patet primo Esdre. cap. 3. ideo vocatur Iosue filius Iosedech, vel Iesus filius Iosedech. e. cap. & Aggei primo, & 2. & Zacha 3.

Quando transtulit Dominus Iudam, & Ierusalem. Potest accipi dupliciter Iuda, vno modo pro regno, alio modo pro tribu, accipiendo primo modo non distinguitur Ierusalem a Iuda, quia Ierusalem erat ciuitas in regno Iuda: accipiendo secundo modo distinguitur, quia Ierusalem non est in sorte Iude, sed in sorte Benjamin: Iosue. 18. Si autem accipiat primo modo non ponitur Ierusalem tamquam aliquid distinctum a regno Iuda, quia tamen erat caput in regno Iuda, ponitur nominatim, & aliæ vrbes sub nomine communis Iuda. Sic enim quamquàm rector alicuius populi sit vnus de populo, dicitur rector, & populus dicunt hoc, vel faciunt, quia de principali fit expressio, licet posset includi tamquam vna pars. Accipiendo secundo modo ponitur Ierusalem pro tota tribu Benjamin, & est sensus, quod Deus transtulit Iudam, & Benjamin, & intelligitur de translatione in Babylonẽ. *Per manus Nabuchodonosor.* Scilicet ipso mandante, quod dicitur ille rem facere, qui fieri iubet, sicut dicitur Salomon edificauit templum. 3. Reg. 6. id est, illud edificari iussit. Hic finitur linea summorum Sacerdotum, qui fuerunt ante captiuitatem Babylonis, & ministraverunt in templo Salomonis. Post hoc autem non ponitur hic linea aliqua illorum, ideo de omnibus Sacerdotibus, qui fuerunt tam a principio ab Aaron vsque ad captiuitatem Babylonis, quàm de illis, qui postea fuerunt vsque ad destructionem Ierusalem per Romanos: dicitur in fine. cap. in quadam questione. *Filij ergo Leui.* Hic ponitur secundum in quo describit Eldias progeniem Leuitarum minorum. Et dicendum, quod hic omittit ipse progeniem Sacerdotum minorum, qui fuerunt tam de stirpe Eleazari, quàm Ithamar eo, quod non erat necesse enarrari illam lineam, sed incipit progenies familiarum Leuitarum.

Quare non ponitur hic progenies Sacerdotum minorum: sicut progenies Leuitarum. Quest. V.

QVAERITUR circa hoc quomodo Esdras subtrahit hic progeniẽ Sacerdotum minorum, & ponit progeniem Leuitarum, qui sunt in minori gradu: nam Sacerdotes minores maioris dignitatis sunt, quàm quicunque Leuitę.

Respondendum, quod non oportuit hic agi de progenie Sacerdotum, sed de progenie Leuitarum, & non quidem tamquam Leuitę sint digniores, sed quia volebat hic tangere Esdras de officiis tam Sacerdotum quàm Leuitarum, & hoc quantum ad omnes familias Leuitarum, ideo oportuit, quod tangeret aliquid de quacunque familia Leuitarum, ut quando postea poneret officia illarum, sciretur, quę erant istę familię positis quibusdam personis cuiuslibet illarum. Officium autem summi Sacerdotis, & minorum idem est: nisi quantum ad differentiã quarundam ceremoniarum paucarum, de quibus declaratum est Numeri 18. Ideo ad cognoscenda officia Sacerdotum minorum sufficiebat, quod positi fuissent sacerdotes

cerdotes magni. Alia causa fuit, quia hic describuntur loca data sacerdotibus, & Leuitis: & ponitur quæ loca fuerint data sacerdotibus per se, & quæ Caathitis, & quæ Meraritis, & quæ Gersonitis: ideo ad cognoscendum istas familias oportuit scribi aliquas progenies in qualibet earum. Non est autem sic de summis sacerdotibus respectu minorum, quia non dant alia loca maioribus Sacerdotibus, & alia minoribus, sed indistincta sunt, ideo posito de sacerdotibus maioribus non oportuit poni progeniem minorum sacerdotum, sed progeniem Leuitarum, & dicitur.

Filij ergo Leui, Gerson, Caath, & Merari. Et hæc nomina filiorum Gerson, Lobni, & Semei, filij Caath, Amram, & Isaac, & Hebron, & Ozieli. Filij Merari, Moholi, & Muli. Hæ autem generationes Leui secundum familias eorum. Gerson Lobni filius eius. Zamma filius eius. Ioab filius eius. Addo filius eius. Zara filius eius. Zethrai filius eius.

Filij ergo Leui, Gerson, Caath, & Merari. Repetitur generatio a capite, scilicet, a Leui, & ponuntur tres filij eius, & cuiuslibet eorum progenies textitur.

Et hæc nomina filiorum Gerson. Ponit hic prius nomina filiorum istorum trium filiorum Leui. Deinde ponit progenies eorum distincte ibi.

Hæ autem cognationes. Circa primum ponuntur hic prius nomina filiorum Gerson, eo quod ipse fuit primogenitus, licet quidam contrarium asserant.

Lobni, & Semei. Ab istis venerunt duæ familiae particulares, scilicet, Lobnitarum, & Semeitarum: ut patet Num. 3. & tangitur Num. 26.

Filij Caath. Ille erat secundus filius Leui, & tamen ab eo descenderunt maiores in dignitate, scilicet, sacerdotes, & etiam Luite: minores qui fuerunt Caathite, excellentiores fuerunt quam Gersonite, & Merarite. Nam ipsi portabant vasa magis sacra.

Amram, Isaac, Hebron, & Oziel. Isti quatuor erant filij Caath, & ab Amram descenderunt duæ familiae particulares, scilicet, sacerdotalis per Aaron vna, & alia Leuitica per filios Moysi, & illi vocati sunt populi Amramitarum: Num. 3. Isaac, Hebron, & Oziel genuerunt tres familias particulares, quæ vocantur Isaacitarum, Hebronitarum, & Ozielitarum, & omnes isti fuerunt pure Leuite, quia non fuerunt aliqui eorum, qui haberent dignitatem superiorem, sicut quidam de Amramitis.

Filij Merari, Moholi, & Muli. Ille Merari fuit tertius filius Leui, & ab eo fuerunt duæ familiae particulares, scilicet, Moholitarum, & Mulitarum, siue Moholitica, & Mulitica: Num. 3.

Hæ autem cognationes Leui. Postquam posuit filios filiorum Leui describit familias ab eis descendentes, & dicitur.

Hæ autem cognationes Leui secundum familias eorum. Id est iste, quæ sequuntur sunt cognationes Leui. Est enim cognatio nomen generale ad tribum, familiam, & domum, & sic dicitur, quod iste, quæ sequuntur sunt cognationes, id est, domos particulares assignatæ in familijs, quæ sunt minores, quam familie, vel accipitur cognatio pro progenie, scilicet, iste sunt generationes deriuatæ in singulis familijs, & istud intendit littera, & hic non ponuntur domus, sed nominantur viri descendentes directe a capite cuiuslibet familie.

F Gerson Lobni filius eius. Est hic sententia decurtata, scilicet, ista est progenies Gerson, Lobni filius eius, scilicet, iste fuit filius immediatus. *Iaad filius eius.* Scilicet, filius Lobni, & non Leui. *Zamma filius eius.* Scilicet, filius Iadaa. *Ioab filius eius.* Scilicet, filius Zamma. *Addo filius eius.* Non est iste propheta Addo, qui scripsit diligentissime totam historiam Abie regis Iuda, sequen. lib. cap. 13. quia ille multo post fuit. *Zara filius eius.* Non est iste Zara, de quo seq. lib. cap. 14. quia ille erat Aethiops, & rex potens, iste autem est Leuita. *Zethrai filius eius.* Non est iste Zethrai, de quo habetur supra 2. quia ille erat Ismahelites, ut ibi dicitur, vel erat de tribu Iuda, ut alij volunt, & tamen nullo modo poterat esse de tribu Leui: iste autem erat Leuita.

An omnes hic nominati sint filij eiusdem viri. Quest. VII.

QUÆRITUR De istis, qui computantur hic, quomodo sint accipiendi, scilicet, an quod omnes sint filij eiusdem viri, vel quod sint secundum successionem, quod quilibet sit filius præcedentis se. Dicendum est, quod non sunt omnes isti eiusdem filij, scilicet, filij Gerson, sed debent accipi secundum successionem, ita quod quilibet sit filius præcedentis se. Primo, quia hic ponuntur septem viri, & non possunt omnes isti poni filij Gerson, quia supra in litera ponuntur filij Gerson, & solum ponuntur duo, scilicet, Lobni, & Semei, etiam Num. 3. & 4. ponuntur filij istius, & non ponuntur nisi isti duo, ideo non debet dici, quod isti septem sint filij eius. Secundò patet, quia si isti essent filij Gerson ponerentur hic omnes filij eius, & tamen non ponitur hic nisi Lobni, & subicitur Semei, de illis duobus, qui supra appositi fuerant. Dicendum ergo, quod non sunt omnes isti filij Gerson, sed sunt descendentes ab eo. Pro quo sciendum, quod Gerson habuit duos filios, scilicet, Lobni, & Semei, ut patet supra in litera, & Num. 3. & ponitur progenies vnus eorum hic, scilicet, Lobni, & subicitur progenies Semei, & omnes isti, qui ponuntur hic sunt descendentes de Lobni. Idem intelligendum est, quando computatur progenies Caath, & Merari, scilicet, quod quandoque dicitur filius eius intelligitur de descendentes.

Quomodo a Gerson ponuntur isti descendentes, & vsque ad quod tempus perueniant. Quest. VII.

QUÆRITUR vltèrius quomodo ponuntur isti descendentes a Gerson hic, & vsque ad quam progeniem, & tempus perueniant, & quare non ponuntur plures. Aliquis dicet, quod non ponuntur hic plures, quia Elldas voluit assignare progenies Leuitarum vsque ad captiuitatem Babylonis, vel vsque ad tempus suum, & quia iste progenies perueniunt vsque illuc non ponuntur plures. Sic enim factum est in progenie Dauid supra. 3. nam enarrata est vsque post captiuitatem Babylonis. Sed dicendum, quod hoc non stat, quia hic solum ponuntur septem generationes incipiendo ab ipso Gerson, qui fuit caput ipsarum, & tamen ipse non possunt extendi vsque ad tantum tempus, quia Gerson natus erat, quando introiuit Iacob in Aegyptum. Gen. 46. & tamē ab illo tempore vsque ad captiuitatem Babylonis fuerunt plures, quam mille, & centum anni: nam sicut probatum est præcedenti capit. a generatione Ruben, vsque ad finem regni Ozie regis fuerunt mille, & quatuor anni, & tamen inde vsque ad captiuitatem Babylonicam fuerunt quasi mille, & septingenti anni, computando tempora regum intermediorum. Quam

quàm ergo subtrahantur quadraginta anni, quos posset habere Ruben, quando ingressus est in Aegyptum cum Jacob, manebunt plures, quàm mille, & centum anni, & triginta, & tamen in tanto tempore necesse est, quòd transirent plus quàm quindecim generationes, & hic non ponuntur nisi septem, ideo non potuerunt istę septem generationes pertingere vsque ad captiuitatem Babylonis, & a fortiori non potuerunt peruenire vsque ad tempus Esdrę. Dicendum igitur, quòd hic ponuntur septem generationes continue, & tamen istę vsque ad modicum tempus pertingunt, nō curauit tamen ponere plures Esdras, quia isti fuerunt viri famosi temporibus suis, & sequentes non. *Filij Caath, Aminadab filius eius.* Hic ponitur progenies Caath secundi filij Leui, & non ponitur sic aliqua progenies continuata a Caath, sicut a Gerson, sed ponuntur multi de varijs lineis sub progenie Caath, & dicitur. *Aminadab filius eius.* Non tamen ponitur Aminadab supra inter quatuor filios Caath, nec etiam ponitur Numeri 3. vbi etiam sunt istę progenies Leuitarum omnes. Ideo dicendum videtur, quòd iste Aminadab non sit alius a quatuor filijs Caath supra positis, sed sit aliquis eorum, qui habet duo nomina, sicut multi reperiuntur, qui habent plura nomina.

Filij Caath, Aminadab filius eius, Core filius eius, Asir filius eius, Elcana filius eius, Abiasaph filius eius, Asir filius eius, Thahath filius eius, Vriel filius eius, Ozias filius eius, Saul filius eius. Filij Elcana, Amasai, & Achimoth, & Elcana. Filij Elchana, Sophai filius eius, Nahath filius eius, Eliab filius eius, Ieroham filius eius, Elcana filius eius. Filij Samuel, primogenitus Vasseni, & Abia. Filij autem Merari, Moholi, Lobni filius eius, Semei filius eius, Oza filius eius, Sammaa filius eius, Haggia filius eius, Asaia filius eius. Isti sunt quos constituit Dauid super cantores domus Domini, ex quo collocata est arca, & ministrabant coram tabernaculo testimonij, canentes donec ædificaret Salomon domū Domini in Ierusalem. Stabant autem iuxta ordinem suum in ministerio. Hi vero sunt, qui assistebant cum filijs suis de filijs Caath, Heman cantor filius Ioel, filij Samuel, filij Elcana, filij Ieroham, filij Eliel, filij Thohu, filij Suph, filij Elcana, filij Ioel, filij Mahath, filij Amasai, filij Elcana, filij Ioel, filij Azarię, filij Sophonię, filij Thahath, filij Asir, filij Abiasaph, filij Core, filij Isaar, filij Caath filij Leui, filij Israel. Et frater eius Asaph, qui stabat a dextris eius, Asaph filius Barachię, filij Satnaa, filij Michael, filij Basaia, filij Melchię, filij Athanai, filij Zara, filij Adaia, filij Ethan, filij Zamma, filij Semei, filij Ieth, filij Gerson, filij Leui. Filii autem Merari fratres eorū, ad sinistram, Ethan

Alph. Toft. In Lib. I. Paralip.

A filius Cusi, filij Abdi, filij Maloch, filij Asabię, filij Amasię, filij Helcię, filij Amasai, filij Bonni, filij Somer, filij Moholi, filij Musi, filij Merari, filij Leui. Fratres quoque eorum Leuitę, qui ordinati sunt in cunctum ministerium tabernaculi domus Domini. Aaron vero, & filii eius adolebant incensum super altare holocausti, & super altare thymiamatis in omne opus sancti sanctorum, & vt precarentur pro Israel, iuxta omnia, quę pręceperat Moyses seruus Dei. Hi sunt autem filii Aarō: Eleazar filius Phinees filius eius, Abisue filius eius, Bocci filius eius, Ozi filius eius, Zarahia filius eius, Meraioth filius eius, Amarias filius eius, Achitob filius eius, Sadoc filius eius, Achimaas filius eius. Et hęc habitacula eorum per vicos, atque confinia, filiorum, & Aarō, iuxta cognationes Caathitarum: ipsis enim sorte contigerant. Dederunt igitur eis Hebron in terra Iuda, & suburbana eius per circuitum: agros autē ciuitatis, & villas Caleb filio Iephone. Porro filijs Aaron dederunt ciuitates ad cōfugiendum Hebron, & Lobna, & suburbana eius. Iether quoq;, & Esthemo cū suburbanis suis, sed & Helon, & Dabir cū suburbanis suis. Asan quoq;, & Bethseme, & suburbana earū. De tribu autē Benjamin Gabee, & suburbana eius, & Almath cū suburbanis suis, Anathoth quoq; cum suburbanis suis. Oēs ciuitates tredecim cum suburbanis suis per cognationes suas. Filijs autē Caath residuis de cognatione sua dederūt ex dimidia tribu Manasse in possessionē vrbes decē. Porro filijs Gerson per cognationes suas de tribu Issachar, & de tribu Aser, & de tribu Nephthali, & de tribu Manasse in Basan, vrbes tredecim. Filijs autē Merari per cognationes suas de tribu Ruben, & de tribu Gad, & de tribu Zabulon, dederunt sorte ciuitates duodecim. Dederunt quoque filii Israel Leuitis ciuitates, & suburbana earū: Dederuntq; per sortē ex tribu filiorū Iuda, & ex tribu filiorū Simeon, & ex tribu filiorū Benjamin, vrbes has, quas vocauerunt nominibus suis, & his, qui erant ex cognatione filiorū Caath, fueruntq; ciuitates in terminis eorum de tribu Ephraim. Dederunt ergo eis vrbes ad confugiendum Sichem cū suburbanis suis in monte Ephraim, & Gazer cum suburbanis suis, Iecmaam quoque cum suburbanis suis, & Bethhoron

M Similiter,

similiter, necnon, & Helon cum suburbanis suis, & Gethremmon in eodem modum. Porro ex dimidia tribu Manasse, Aner, & suburbana eius, Balaan, & suburbana eius; his videlicet, qui de cognatione filiorum Caath reliqui erant. Filijs autem Gerson de cognatione dimidię tribus Manasse, Gaulon in Basan, & suburbana eius, & Altharoth cum suburbanis suis. De tribu Issachar Cedec cum suburbanis suis, & Dabereth cum suburbanis suis, Ramoth quoque, & suburbana eius, & Anem cum suburbanis suis. De tribu vero Aser, Masal cum suburbanis suis, & Abdon similiter, Asach quoque, & suburbana eius, & Robob cum suburbanis suis. Porro de tribu Nephthalim Cedec in Galilęa, & suburbana eius, Ammon cum suburbanis suis, & Carithaim, & suburbana eius. Filijs autem Merari residuis: de tribu Zabulon, Remmono, & suburbana eius, & Thabor cum suburbanis suis. Trans Iordanem quoque ex aduerso Iericho contra Orientem Iordanis, de tribu Ruben, Bosor in solitudine cum suburbanis suis, & Iassa cum suburbanis suis, Cademoth quoque, & suburbana eius, & Mephaath cum suburbanis suis. Necnon de tribu Gad, Ramoth in Galad, & suburbana eius, & Manaim cum suburbanis suis, sed & Hesebon cum suburbanis suis, & Iezer cum suburbanis suis.

Filijs Caath, Aminadab filius eius. Omnes isti sequentes sunt descendentes ab isto per rectam lineam, sicut dicebatur supra de Gerson. *Core filius eius.* Scilicet, Filius Aminadab. Aliqui volunt, quod iste Aminadab sit Isaac, siue Isuar filius Caath, & satis rationabile est: quia hic Core ponitur filius Aminadab, & tamen Core filius Isuar est, Numeri decimosexto, & hoc conuenit, quia Core de familia Caathitarum est. *Asir filius eius.* Core habuit multos filios, qui fuerunt viri boni, & Deus fecit miraculum propter illos: nam Core fuit malus surgendo contra Moysen, & Aaron, & absorptus est a terra, & tamen cum filijs eius essent in tabernaculo cum illo, & aperta fuisset terra ad deuorandum Core, non absorpti sunt filijs eius, sed manserunt in aere pendentes, quousque terra clauderetur, & ista est positio communis, quę satis colligitur, Numeri vigesimosexto, scilicet, Aperuit terra os suum, & deuorauit Core, morientibus plurimis: & factum est magnum miraculum in Israel, vt Core pereunte, filij illius non morerentur. Et saepe fit mentio de istis filijs Core in libro isto, & vocantur Coritę, vel cognationes Coritarum, infra 9. & infra 33. & 35. & 26. Hic tamen non ponitur nisi vnus de filijs eius, & per eum continuantur generationes, & hoc, quia iste erat pręcipuus. *Elcana filius eius.* Aliqui putant istum fuisse patrem Samuelis Prophetę: nam ille fuit filius Elcana, vt patet primo Regum, cap. primo. Sed nō stat. Primò, quia pater Elcana est Ierohan,

vt patet ibidem: & tamen hic pater Elcana est Asir. Secundo patet, quia iste Elcana est nepos Core, & tamen non poterat pater Samuelis esse nepos Core, quia Core mortuus est anno secundo ab exitu de Aegypto, vt declaratum est Numeri 16. & sic omnes filij sui erant iam nati: quicumque ergo illorum gigneret Elcana, necesse est, quod gigneret eum ad plus nonaginta annis, vel quasi post exitum de Aegypto: quia in tempore illo vltra centum annos nemo poterat viuere, ad hoc quod esset potens ad gignendum. Detractis ergo quadraginta annis, quibus manserunt Israelitę in deserto, manebunt sexaginta anni ad plus post introitum in terram Chanaan, post quos gigneretur Elcana pater Samuelis. Sed non poterat stare, quia ab exitu de Aegypto vsque ad natiuitatem Samuelis multi anni fuerunt, scilicet plures, quàm quadringenti, vel quasi: nam genitus est Samuel viuente Heli sacerdote, & existente ipso summo sacerdote, vt patet primo Regum primo, & tamen non vixit in sacerdotio, & iudicatura, nisi quadraginta annis, primo Regum 4. Quo mortuo computatur regnum Saul simul cum tempore, quo iudicauit Samuel, quod est quadraginta annorum, Actum 13. Deinde quadraginta anni, quibus regnauit Dauid, 2. Regum 5. & postea tres anni, quibus regnauit Salomon, antequam inciperet ædificare templum, 3. Regum 6. Quibus subtractis de quadringentis, & octoginta annis, qui fuerunt ab exitu de Aegypto vsque ad ædificationem templi, manebunt anni trecenti quinquaginta septem, & tamen ab exitu de Aegypto vsq; ad generationem Samuelis isto modo non poterant transire, nisi duę generationes, cum omnes filij Core nati essent in exitu de Aegypto, & tamen in duabus generationibus, scilicet, Elcana filij Asir, & Samuelis filij Elcana, non poterant transire ad plus, nisi anni centum, & octoginta, vel ducenti, ideo nullo modo potuit iste Elcana esse pater Samuelis. *Abiasaph filius eius.* Scilicet, Filius Elcana. *Thahath filius eius.* Scilicet, Filius Abiasaph. *Vriel filius eius.* Vriel aliquando est nomen Angeli, & aliquando nomen viri, sicut Michael, & Gabriel. *Ozias filius eius.* Non est iste Ozias Rex filius Iuda, quia ille fuit de tribu Iuda, iste autem fuit de tribu Leui. *Saul filius eius.* Non est iste Rex primus Israel, quia ille fuit de tribu Benjamin, primo Regum nono, & decimo, iste autem fuit de tribu Leui. *Filijs Elcana.* Continuuat supra progeniem Caath vsque ad Saulem, nunc redit ad ponendum progeniem vnus de posteris eius, scilicet, Elcana.

Amasai, & Achimoth, & Elcana. Isti tres sunt filij Elcana, & sic iste Elcana est filius illius Elcana, & nominatur hic iste Elcana cum progenie sua, quia descendit ab eo Samuel, vt patet infra. *Filijs Elcana.* Iste est secundus Elcana, de quo immediate dictum est. *Sophai filius eius.* Scilicet, Filius Elcana.

Nabath filius eius. Scilicet, Filius Sophai. *Eliab filius eius.* Scilicet, Filius Nabath, & non est iste Eliab frater Dauid, quia ille fuit de tribu Iuda, supra 2. Iste autem est de tribu Leui. *Ierohan filius eius.* Scilicet, Filius Eliab.

Elcana filius eius. Scilicet, Filius Ierohan. Iste Elcana est pater Samuelis. Et patet, quia immediate ponitur Samuel, & duo filij sui. Etiam patet magis, quia omnes isti, qui ponuntur hic, ponuntur etiam primo Regum primo, in progenie Elcana, quamquam aliquantulum variantur literę in nominibus quibusdam: Ierohan enim pater Elcana vocatur ibi Ierohan, sicut hic Eliab vocatur Eliu, Nabath vocatur ibi Thohu, Sophai vocatur ibi Suph, sed istę mutationes, consuetę sunt in nominibus Hebręis. *Filijs Samuel.* Non ponitur hic, quia sit

fit pater Samuelis, & tamen notum est, quod Eleana. Et dato quod non constaret, vteremur illa regula, quæ posita est, & probata supra 4. scilicet, quod quando ponitur aliquis in progeniebus istis, & non ponitur quis sit pater eius, debet intelligi, quod ille, qui immediate præcessit, sit pater: & ita est hic.

Primogenitus Vasseni, & Abia. Isti duo erant filij Samuelis, & primogenitus erat Vasseni, & alius Abia, & tamen primo Regum octauo iste Vasseni vocatur Ioel, & alius vocatur Abia: isti duo fuerunt, quorum occasione ceperunt esse reges in Israel: nam Samuel iudicabat Israel, & cum senuisset, posuit duos filios suos iudices in Bersabee, qui non tenuerunt viam patris, sed secuti sunt auaritiam: ideo Israelitæ venerunt ad Samuelem, & petiuerunt regem, sicut cæteræ gentes, primo Regum octauo. Ecce qualiter Esdras nunc solum continuauit stirpem istam vsque ad filios Samuelis, & non curauit extendere vsque ad tempus suum, & hoc quia isti fuerunt viri famosi, scilicet, Samuel, & duo filij sui, ideo non curauit plus extendere: quia forte non fuerunt alij viri famosi in stirpe ista.

Filij autem Merari. Iste est tertius Leui, a quo familia Meraritarum, & ponitur hic progenies sua.

Moholi filius eius. Duos filios habuit Merari, scilicet, Moholi, & Musi, & ponitur hic progenies deriuata per Moholi, & taceatur de Musi.

Lobni filius eius. Scilicet, Filius Moholi: Non est iste Lobni, ille de quo supra dicitur, quia ille est filius Gerson. *Semei filius eius.* Multi Semei ponuntur præcedentibus cap. & non coincidit iste cum aliquo illorum. Etiam non est iste Semei, de quo supra in littera: quia ille est filius Gerson, & iste est de posteris.

Merari Oza filius eius. Non est iste Oza, qui percussus est a Domino, quia tetigit arcam, quando erat in plaustro, & portabatur in ciuitatem Dauid, 2. Reg. 6. & infra 13. quia ille multo post fuit.

Aggida filius eius. Scilicet, Filius Oza. *Sammaa filius eius.* Non est iste Sammaa frater Dauid, de quo supra 2. quia ille erat de tribu Iuda, & iste de tribu Leui. *Afaia filius eius.* Scilicet, Filius Sammaa. Isti non continuantur vsque ad Esdras, sicut supra dicebatur de filiis Caath, sed computantur quædam generationes propter quosdam viros famulos, qui ibi fuerunt, & cum peruenerit linea vsque ad illos, cessat.

Isti sunt. Hic ponitur secundum principale huius cap. scilicet, de officiis Leuitarum. Et diuiditur in duo, quia primo ponitur de officiis simplicium Leuitarum, secundo de officiis sacerdotum ibi. *Aaron vero.* Circa primum dicitur. *Isti sunt quos constituit Dauid super cantores.* Non refertur ad præcedentes, quia non fuerunt omnes præcedentes cantores: cum non fuerint cantores de omnibus familiis Leuitarum, sed de quibusdam infra 15. & tamen supra ponuntur omnes familie Leuitarum. Secundo patet, quia illi, qui constituti sunt cantores, erant tempore Dauid, & tamen illi, qui supra ponuntur non erant tempore Dauid, sed a principio Leuitæ incepit computatio eorum: ut patet supra in littera: ideo refertur ad sequentes: nam de eis est verum, quod fuerunt super cantores. Pro quo sciendum, quod Dauid, cum fuerit vir valde deicola, desiderauit nimis ampliare cultum Dei, & ad hoc distinxit sacerdotes per vices suas, ut ordinate ministrarent, infra 24. Distinxit etiam Leuitas per officia sua, & fecit cantores, quos diuisit per viginti quatuor sortes, infra 25. Distinxit etiam ianitores, & thesaurarios templi, & habentes alia officia, infra 26. Et de hoc tangit hic leuiter Esdras, & ibi perfecte declarabit. In Hebræo dicitur: Isti sunt, quos constituit Dauid super manus cantantium. Vbi nos dicimus super cantores, sed idem est, scilicet, quod isti ha-

berent potestatem super alios. *Ex quo collocata est arca.* Isti cantores, de quibus infra dicitur, fuerunt positi, antequam fieret distinctio generalis in officiis Leuitarum: nam illa distinctio facta est paulo ante mortem Dauid, quando ipse congregauit omnes principes Israel, ad ordinandum cum eis de fabricatione templi futura: ista autem ordinatio cantorum facta est modico tempore, postquam cepit regnare Dauid super totum Israel, eo quod facta est coram arca, quando collocata est. Pro quo sciendum, quod Dauid in principio regni sui super totum Israel congregauit omnes principes Israelitarum, & iuit cum eis ad reducendum arcam Domini de Cariathiarim de domo Aminadab, quæ manserat ibi ex tempore, quo reducta est de terra Philistinorum, primo Regum sexto, & 2. Regum sexto, & infra 13. & volebat ponere eam in domo sua, & propter percussione Oza posuit eam in domo Obededon, & post tres menses transtulit eam in domum suam, 2. Regum sexto. Et parauit tunc sibi locum, in quo esset honorifice, & constituit Leuitas cantores, qui coram ea quotidie cantarent laudes Domini, & istos ordinauit per vices suas: de hoc infra 16. Interim autem erat tabernaculum Domini, quod fecerat Moyse in vrbe Gabaon, ideo summus sacerdos Sadoc, & sacerdotes minores, & alij Leuitæ erant ibi, ad facienda ministeria Domini, eodem cap. & durauit hoc quandiu arca mansit in domo Dauid, scilicet, tota vita sua, & etiam plusquam decem annis de regno Salomonis: nam semper ibi fuit, quousque translata est inde in templum, quod fecit Salomon, tertio Regum octauo, & sequenti libro, cap. sexto. Salomon autem non finiuit templum Domini vsque ad annum decimum regni sui completum, & iam erat annus vndecimus, ut patet tertio Regum sexto, & sic fuerunt quadraginta anni, vel plures, quibus continuatus fuit iste status cantorum coram arca. Et dicitur, ex quo collocata est arca, scilicet, in domo Dauid. *Et ministrabant coram tabernaculo testimonij canentes.* Ministratio sua erat solum in canendo. Et dicitur coram tabernaculo testimonij, idest, quod fecit Moyse in deserto, & istud erat in Gabaon eo tempore, quo erat arca in domo Dauid, ut patet infra 16. ideo iussit ibi Dauid, quod Sadoc summus sacerdos, & fratres sui starent in tabernaculo Domini in Gabaon. & offerrent ibi holocausta Domino super altare, iuxta omnia, quæ scripta erant in Moyse lege. Sed dicitur hic tabernaculum foederis, quædam domus, quam parauerat Dauid, in qua erat arca in Ierusalem, & ista vocabatur tabernaculum testimonij, propter arcam testimonij, quæ ibi erat, & sic vbicumque esset, diceretur esse in tabernaculo testimonij, & tamē ablata arca, non vocaretur locus ille tabernaculum testimonij: tabernaculum tamen, quod fecerat Moyse in deserto, vocabatur tabernaculum testimonij, dato quod non esset ibi arca. Sic patet infra 16. cum dicitur, quod Sadoc summus sacerdos erat in Gabaon in tabernaculo testimonij, quando arca erat in domo Dauid. *In Ierusalem donec edificaret Salomon domum Domini in Ierusalem.* Idest, Semper mansit arca in domo Dauid, & cantores fuerunt semper coram ea, quousque consummatum est templum Salomonis: nam tunc portata fuit arca de domo Dauid, & postea fuit in templo, tertio Regum sexto, & sequenti libro, cap. sexto. *Stabant autem iuxta ordinem suum in ministerio.* Idest, Ministrabant semper secundum ordinem, quem dederat eis Dauid ad ministrandum: nam distinxit eos per vices suas, infra decimosexto. *Hi vero sunt, qui assistebant cum filiis suis.* Isti omnes, qui sequuntur, & nominantur, erant patres cantorum, filij autem eorum non nominantur. *De filiis Caath Heman can-*

for filius Ioel, filij Samuel. Ponuntur hic cantores de omnibus familijs Leuitarum, & primo de familia Caath, & princeps cantorum in hac familia fuit Heman, qui est cantor famofus, de quo infra 25. Etiam fuit iste valde sapiens, & comparatur Salomoni in sapientia, 3. Regum 4. & fuit filius Ioel, & nepos Samuelis Prophetæ. Iste est, qui vocatur Vasseni primogenitus Samuelis, supra in litera, & hic vocatur Ioel: sic etiam vocatur 1. Regum 8. Ista fuit causa præcipua, quare Esdras continuauit supra progeniem Caath vsque ad filios Samuelis, scilicet, quia Heman filius vnus de Samuelis filijs fuit hic cantor præcipuus. *Filij Elcana filij Ierohan.* Scilicet, Samuel erat filius Elcana, & Elcana erat filius Ierohan. Hic ponitur ordo conuersus: nam supra ponebatur generatio Heman, descendendo ab ipso Caath capite familie vsque ad ipsum, & hic ponitur eadem generatio, ascendendo ab Heman vsque ad Caath, sed mutantur hic aliqua nomina, quantum ad aliquas literas. *Filij Eliel.* Scilicet, Ierohan erat filius Eliel. Iste vocatur Eliab, supra in litera, & primo Regum primo, vocatur Eliu. *Filij Thohu.* Scilicet, Eliel erat filius Thohu. Iste vocatur Naath, supra in litera, & primo Regum primo vocatur Thohu, sicut hic. *Filij Suph.* Iste vocatur supra in litera Sophai, & primo Regum primo vocatur Suph, sicut hic. *Filij Elcana.* Iste Elcana est alius ab Elcana patre Samuelis. Et ista fuit causa quare primo Regum primo, cum ponerentur multi aui Samuelis, scilicet, quatuor, non positus fuit quintus, quia ille vocabatur Elcana, sicut pater, & videtur coincidere, & quibusdam causaret errorem. *Filij Mahath.* Scilicet, Iste Elcana fuit filius Mahath: & tamen supra in litera non vocatur sic, nec est mirum, quia mutantur nomina, sed vocatur ibi Elcana, vel Thahath. *Filij Masai.* Iste vocatur supra in litera Amasai, & aliquando in Hebræo de principijs nominum auferuntur literæ, sicut ille, qui vocatur Aram, Ruth 4. & Matthæi primo vocatur Ram, supra 2. *Filij Elcana.* Iste est alius Elcana, quia tres viri nomine Elcana ponuntur in progenie Samuelis. *Filij Ioel.* Non est iste Ioel, de quo supra dicitur, quia ille est filius Samuelis, & iste est plusquam tritauus Samuelis, vt patet ex ordine progeniei. Iste etiam non est Ioel Prophetæ, quia ille fuit tempore Ozia Regis, quando prophetauit Osee, vt patet in duobus prologis Hieronymi super Ioel, & tamen iste fuit multo tempore, antequam essent reges in Israel, & fuit ante Samuelem. *Filij Azarias, filij Sophonia.* Istæ generationes subticentur supra, & diligentius eas enarrauit hic Esdras, quam superius. Non est iste Azarias ille, de quo habetur supra in litera, quia ille fuit de sacerdotibus magnis de genere Aaron, iste autem fuit de progenie Caath. Et fuerunt quatuor summi sacerdotes, qui vocarentur Azarias, supra in litera. Etiam iste Sophonias, de quo hic, non est Sophonias Prophetæ: quia ille fuit non multo tempore ante captiuitatem Babylonis, scilicet, in diebus Iosia, vt patet Sophonia primo. Et tamen iste fuit multo tempore ante omnes reges Iuda, & Israel. *Filij Thahath.* Iste Thahath non est ille, de quo dicitur supra in litera, vt aliqui volunt, & tamen idem est. *Filij Asir.* Iste non nominatur sic supra in litera. *Filij Abiasaph.* Azarias fuit filius Abiasaph, & iste supra ponitur. *Filij Core.* Iste est Core, qui rebellauit contra Moysen, vt supra adductum est. *Filij Isaar.* Iste Isaar vocatur supra Aminadab, vt patet in litera: nam ibi dicitur, quod Aminadab fuit pater Core, & hic dicitur, quod Isaar est pater Core. *Filij Caath.* Iste est princeps familie vnus. *Leui.* Iste est caput totius tribus. *Filij Israel.* Iste est Iacob, & sic deducitur tota generatio ordine conuerso ab Heman vsque ad Ia-

cob. Et frater eius Asaph. Refertur hoc ad Heman, scilicet, Asaph erat frater Heman, eo quod ambo erant principes cantorum: sic enim ponuntur infra 25. Asaph, & Heman, & Idithum. Et vocantur isti fratres, non quod essent vere fratres ex vno patre, vel matre, cum essent de duabus familijs, sed vocantur fratres, idest, participes in officio, quia ambo erant simul principes inter cantores. *Qui stabat a dextris eius.* Hic significatur ordo, quem habebant cantores in tabernaculo coram arca. Pro quo sciendum, quod tres erant principes cantorum de tribus familijs Leuitarum, scilicet, Eman, Ethan, & Asaph. Eman erat de familia Caath, & Asaph de familia Gerson, & Ethan de familia Merari, vt patet in litera. De qualibet familia istarum erant multi cantores, & erant distincti per vices, & tamen de omnibus tribus erant quotidie simul canentes, & erant tres chori in tabernaculo illo, & in medio choro erat Heman cum filiis suis, & omnibus de familia, tanquam maioris dignitatis. Ad partem dextram erat Asaph cum omnibus filiis suis, & alijs cantoribus suis. De familia Gerson ad partem sinistram erat Ethan cum cantoribus de familia Merari. *Asaph filius Barachia.* Sicut supra continuauit ordine conuerso progeniem Heman principis cantorum, ascendendo vsque ad Leui principem tribus: ita hic continuat progeniem Asaph. Iste Barachias pater Asaph non est ille, de quo dicitur Matthæi vigesimotertio, scilicet, A sanguine iusti Abel vsque ad sanguinem Zachariæ filij Barachia, quia ille Zacharias, & Barachias erant sacerdotes, iste autem non erat sacerdos, sed Leuita. *Filij Samaa.* Iste non est Samaa, qui ponitur in progenie Heman supra, quia ille est de familia Caath, iste autem est de familia Gerson.

Filij Michael. Non est iste Michael, de quo habetur præcedenti cap. quia ille fuit de tribu Gad, iste autem est de tribu Leui. *Filij Basaia, filij Melchia.* Iste Basaias erat pater Michael, & erat filius Melchia. Iste Melchias non est Melchias, de quo supra in litera: quia ille erat summus sacerdos, & iste Leuita. Etiam ille fuit tempore Iosia Regis, 4. Regum vigesimo secundo, & sequenti libro, cap. vigesimo quarto, iste autem fuit multo tempore ante Dauid, cum fuerit tritauus Asaph: & tamen Asaph fuit tempore Dauid. *Filij Athanai, filij Zara.* Omnes isti computantur per successionem ascendendo. Iste Zara non est ille, de quo supra in litera, quamquam etiam ille sit de familia Gerson, sicut iste.

Filij Zamma. Alius est, qui vocatur Zamaa in ista familia Gerson, supra in litera. *Filij Semei.* Multi vocantur sic etiam supra in litera, sed iste non videtur fuisse aliquis istorum. *Filij Ieth.* Aliquando Ieth accipitur pro quodam filio Chanaan, qui vocatur Hethus, & a quo nominati sunt Hethæi, de quo Genesis vigesimo septimo dixit Rebecca: Tadet me vitæ meæ propter filias Heth, idest, propter filias Hethæorum, quas accipit Esau in vxores. Hic autem accipitur pro nomine cuiusdam Leuitæ de stirpe Gerson.

Filij Gerson. Scilicet, Ieth erat filius Gerson: Habebat autem Gerson solum duos filios, scilicet, Lobni, & Semei, supra in litera, & Numeri 3. Et iste erat aliquis illorum: tamen nominatur hic alio nomine, quia multi sunt binomij, vel trinomij. *Filij Leui.* Iste erat caput tribus, & erat pater Gerson. *Filij autem Merari.* Hic ponitur progenies alterius principis cantorum, scilicet, Ethan, qui fuit de filiis Merari. Et dicitur. *Filij Merari fratres eorum.* Idest, Fratres filiorum Gerson, & Caath, de quibus dicebatur. Et non sunt fratres, tanquam sint ex eodē patre, vel matre, quia erant a tribus familijs Leuitarum descendentes, sed dicuntur fratres in officio, & cōmunica-

municatione, quia communicabant omnes simul quotidie, cantando coram arca testamenti, infra 16.

Ad sinistram. Idest, Erat ad partem sinistram tabernaculi: nam in medio erant cantores de progenie Heman: ad dextram autem de filiis Asaph, supra in litera: ad sinistram autem de filiis Hethan, de quorum progenie hic agitur.

Ethan filius Cusi. Iste Ethan erat princeps cantorum de familia Merari tempore suo, ideo ponitur post, & erat filius Cusi. Aliqui putant, quod iste erat ille Cusi, qui venit ad David, & misit eum in Ierusalem, ut destrueret consilium Achitophel, & factum est. 2. Regum 15. & 16. & 17. Et vocatur iste Cusi Arachites, quia erat de aliqua vrbe sic nominata, & satis conueniens est, quod ille esset, quia Cusi fuit tempore David: nam iste Ethan fuit cantor institutus tempore David in fine regni sui, & sic pater eius Cusi poterat esse tunc viuens, & esse amicus David, sicut dicitur 2. Regum 15. & 16.

Filius Abdi. Non est iste Abdias Propheta, nec Abdias dispensator Achab regis Israel. 3. Regum 18. quia iste Abdi fuit ante David, cum nepos suus Ethan fuerit contemporaneus David, & tamen Abdias Propheta fuit multo tempore post David, scilicet, temporibus Ioathan, & Ezechiae, & Oziae regis Iuda, ut declaratum est. 4. Regum 15. Abdias autem dispensator Achab etiam fuit multo tempore post David, quia omnes reges Israel fuerunt post David, cum nondum diuisum fuisset regnum tempore eius, ad hoc quod inciperent duo regna, scilicet, Iuda, & Israel. *Filius Maloch.* Non est Maloch id, quod Moloch, quia Moloch est nomen idoli. Leuit. 20. & est Deus Ammonitarum, cui Salomon construxit templum propter vnam de vxoribus suis. 3. Regum 11. & vocatur aliquando Melchon. 4. Regum 23. sed hic Maloch nomen viri est.

Filius Hasabie. Iste Hasabias non est ille, de quo supra dicitur. *Filius Amasia.* Non est iste Amasias, de quo dicitur supra 3. quia ille fuit rex Iuda, & erat de stirpe David, iste autem fuit de Leuitis. Etiam ille fuit multo tempore post istum: quia omnes isti fuerunt ante David, & ille Amasias fuit multo tempore post David. Etiam non est iste Amasias, de quo dicitur Amos 7. quia ille erat sacerdos Bethel tempore Ieroboam regis Israel, ut patet ibidem, & sic fuit multo tempore post David, iste autem fuit ante David. *Filius Helcia.* Iste Helcias non est, de quo habetur supra in litera: quia ille fuit sacerdos magnus de filiis Aaron, & iste fuit Leuita de stirpe Merari. Etiam fuit iste ante illum multo tempore, quia Helcias fuit tempore Iosue regis. 4. Regum 22. & sequenti libro, 34. ille autem fuit ante David multo tempore. *Filius Amasia.* Non est iste Amasias, sicut Abdi non erat Abdias. *Filius Boni.* Non est iste genitius nominis adiectiui Bonus, sed est nomen proprium. Etiam est de quibusdam alijs nominibus Hebraeis, in quibus errant quidam nostrorum putantes illa esse nomina Latina, sicut dicitur filius Gemini, 1. Regum 9. & 3. Regum 2. & putant aliqui esse genitium de geminus, a, um, sed falsum est: quia est nomen proprium, quod apud Hebraeos dicitur lemini. *Filius Somer.* Sic vocabatur ille, cuius erat mons, in quo edificata est Samaria. Nam 3. Regum 16. dicitur, quod Amri Rex Israel emit montem Samariam a Somer duobus talentis argenti, & edificauit urbem, & vocauit eam nomine Somer domini. montis Samariam: & ille Somer fuit multo tempore post illum, quia ille fuit tempore Amri, iste autem fuit ante David magno tempore. *Filius Moholi.* Non est iste Moholi filius Merari, de quo supra in litera: quia iste est nepos Merari, & ille est filius. *Filius Musi.* Iste Musi est filius Merari, & Mohol, qui ponebatur hic, non est Alph. Tost. la Lib. I. Paralip.

A frater Musi, qui supra ponitur, sed est filius eius, & tamen iste nominauit filium suum de nomine fratris sui. *Filius Merari.* Iste est caput familiae Meraritarum vnus de tribus filiis Leui, supra in litera, & Numeri 3. *Filius Leui.* Iste est caput totius tribus. *Fratres quoque eorum Leuitae.* Idest, Istorum supra positorum erant fratres omnes Leuitae: nam hic solum ponuntur cantores de tribus familijs Leuitarum, & praeter eos erant multi alij Leuitae deseruientes in alijs ministerijs, & erant fratres istorum, scilicet, de istismet familijs, quia inter Leuitas non erant, nisi istae tres familiae, quae habentur hic. *Qui ordinati sunt in cunctum ministerium tabernaculi domus Domini.* Idest, Qui dispositi sunt ad omnia ministeria tabernaculi. Multa ministeria erant Leuitarum praeter esse cantores, & omnia illa habebant alij Leuitae, qui nominantur hic expresse, de quibus ministerijs, infra 9. & 23. & 26. Et non curauit nominare illos hic Esdras, quia isti erant praecipui propter tres principes cantorum, qui erant viri famosi, quorum progenies ponuntur hic. Ianitorum autem, & thesaurariorum, & aliorum officialium templi non erant describenda generationes, eo quod non fuerunt inter eos aliqui viri tam famosi, sicut isti tres principes cantorum: nam etiam Prophetae erant. Vnde Eman, qui ponitur hic primus, vocatur videns, id est, Propheta, infra 25. & etiam Asaph Propheta: vnde Psalmi sui habentur inter sacras scripturas, infra 16. & in Psalterio ponuntur multi Psalmi, qui fuerunt Eman, & Ethan, & Asaph, & Idithum, ut patet ex titulis eorum. Et dicitur hic, in ministerium tabernaculi domus Domini, id est, illius domus quam fecerat David in Ierusalem, vbi poneretur arca quousque fieret templum sibi: nam in illo tabernaculo ministrabant omnes Leuitae, cantando, & faciendo alia, quae pertinebant ad ministeria eorum. Et non intelligitur de tabernaculo, quod fecit Moyses, quia in illo tabernaculo nullus Leuita ministrabat, sed soli sacerdotes introibant illuc, Numeri 18. & ad Hebr. 9. & ita intelligitur nunc de istis Leuitis, quia isti ministrabant in domo quam fecit David, antequam edificaretur templum Salomonis, ut patet supra in litera. Postquam vero factum est templum Salomonis, non licuit eis introire in domum interioriorem templi, quae erat loco tabernaculi Moyse, sed soli sacerdotes ingrediebantur illuc. *Aaron vero.* Hic ponitur de officijs sacerdotum in generali, quia non determinantur aliqua particularia officia, quia illa habentur in libris Moyse. Et dicitur. *Aaron vero, & filij eius.* Istud non refertur ad ea, quae supra dicta sunt: quia Aaron, & filij sui nunquam fecerunt aliquod ministerium sacerdotale coram arca in domo, quam fecit David, eo quod illa fuit multo tempore post Aaron: sed refertur ad ipsa ministeria absolute, scilicet, quod pertinebat ad Aaron, & ad filios eius facere ista ministeria sacerdotalia, quae habentur hic, & non pertinebat ad aliquem alium.

B

C

D

E

Adolebant incensum super altare holocausti. Accipitur

hic incensum non pro thymiamate, vel aromatibus, quae cremabantur, quia ista non cremabantur in altari holocaustorum, sed in altari thymiamatum: sed accipitur incensum pro quacunque re cremata, & significat sacrificium: nam sacrificium cremabatur in altari holocaustorum. *Et super altare thymiamatis.* In isto offerebatur incensum proprie. Ista erant duo altaria, quae fuerunt in templo Salomonis. Altare holocausti erat, in quo cremabantur omnia genera sacrificiorum, & erat extra tabernaculum in atrio eius, & etiam in templo Salomonis erat extra ipsum templum, ita ut posset videri a populo, cum nullus illuc accederet nisi sacerdotes, ut patet Exodi 27. & 3. Regum sexto. Et istud altare erat opertum laminis

neis in tabernaculo Moyfi, & intus erat ligneum. Exodi vigesimo septimo, in templo autem Salomonis erat totum de ere, de quo sequenti libro, cap. 4. Secundum altare erat thymiamatis, & istud erat in tabernaculo Moyfi intra ipsum tabernaculum, ita ut a nemine videretur, nisi a sacerdotibus, qui illuc introibant, & quotidie introibat bis illuc unus sacerdos in mane, & in vespere, qui ponebat thymiam in quodam vase aeneo, & prunas simul super altare illuc, & cremabatur ibi thymiam. Etiam ipsemet sacerdos componebat lucernas septem, quæ erant in candelabro, locando eas bis per diem, & emundando, & apponendo oleum, quando oportebat. Exodi trigesimo, In isto altari nihil aliud fiebat, nisi quod cremabatur thymiam, & nunquam fiebat aliquod sacrificium super illud, nec fundebatur sanguis, nisi semel in anno in die propitiationis, eodem cap. Eadem cæremonia fiebat in isto altari in templo Salomonis. Nam Zacharias pater Beati Ioannis legitur introivisse illuc sorte ad offerendum incensum. Lucæ primo. Erat autem istud altare intra templum Salomonis, ita ut nemo de populo videret illud, sed solus sacerdos, qui ingrediebatur ad ministrandum.

In omne opus sancti sanctorum. Debet intelligi coniunctio, scilicet, & in omne opus, id est, quod Aaron, & filij sui ministrabant in altari holocaustorum, & thymiamatum, & etiam in omne opus Sancti sanctorum, id est, ad omne opus sanctum, & per hoc intelliguntur omnia ministeria sacerdotalia, quæ fiebant in Sancto sanctorum, id est, intra templum, sine tabernaculum. Et vocatur Sanctum sanctorum dupliciter, Vno modo pro quadam domo secretissima, in qua erat arca testamenti, & vocatur Sancta sanctorum communiter. Alio modo accipitur pro prima parte tabernaculi, in qua erat altare thymiamatis, & mensa propositionis, & candelabrum, & sic accipitur hic. Quod patet, quia si acciperetur pro Sancta sanctorum, ut est domus, in qua erat arca, non esset verum, quod Aaron, & filij sui ministrarent ibi, quia solus Aaron, siue summus sacerdos introibat in Sancta sanctorum, & hoc semel in anno in die propitiationis, ut patet Leuitici decimosexto, & ad Hebr. 9. Ideo oportet intelligi de prima parte tabernaculi, in qua ministrabant omnes sacerdotes, ut patet ad Hebr. 9. & Exodi vigesimo septimo. Et intelliguntur per hoc duo ministeria alia, scilicet, positio panum in mensa propositionis, de quo Leuit. 28. & incensio lucernarum. Exodi 27. & 30. Potest etiã intelligi ad ministerium, quod erat solius summi sacerdotis, scilicet, introire in Sancta sanctorum, & istud pertinebat ad Aaron, & non ad filios eius.

Et ut precarentur pro Israel. Intelligitur istud de deprecatione, quæ fiebat in sacrificio: nam quandoque offerbat aliquis quicquam sacerdoti, ad offerendum Domino super altare, orabat sacerdos pro illo. Maxime autem erat hoc in sacrificijs pro peccato, quæ tunc dicitur, quod oraret sacerdos pro offerente, & remitteretur ei peccatum. Leuit. 4. & 5. & ista deprecatio erat proprie sacerdotum, quia ista fiebat cum oblatione sacrificiorum, & tamen nullus poterat facere cæremoniæ sacrificij, nisi sacerdos. Numeri 3. & 18. Ideo nullus poterat facere istam orationem. Erat etiã alia oratio specialis summi sacerdotis, quam fundebat pro toto populo in die propitiationis. Leuit. 16. Quia illa non poterat fieri per aliquem sacerdotem minorem, cum nulli liceret facere cæremoniæ diei illius, nisi summo sacerdoti, eodem cap. Et ideo quamquam Leuitæ orarent pro populo, cum canerent semper coram Domino, proprium officium sacerdotum ponitur hic esse oratio pro populo, sicut orationes illæ, quæ

fuerunt a sacerdotibus nostris, quando consecrant, sunt propriæ eis, nec licet alicui non sacerdoti uti illis.

Iuxta omnia, quæ præcepit Moyses servus Dei. Noluit Esdras exprimere omnia ministeria sacerdotum, ideo retulit se ad libros Moyfi, in quibus ista plene descripta erant. Et vocatur Moyses servus Dei in multis locis scripture, quia erat specialiter servus Domini. Nam ipse Deus laudavit eum, dicens, quod in toto populo non erat aliquis tam fidelis ei, sicut Moyses, Num. 12.

Hi autem sunt filij Aaron. Posita fuit supra sacerdotum ministratio, hic ponitur eorum generatio, & non ponitur, nisi progenies magnorum sacerdotum: nam de sacerdotibus minoribus nihil ponitur.

Eleazar filius eius. Scilicet, Filius Aaron. De alio filio suo, scilicet, Ithamar non fit hic aliqua mentio, eo quod ab illo descenderunt sacerdotes minores solum, quamquam per accidens fuerunt pauci sacerdotes magni de progenie eius, scilicet, Heli summus sacerdos, & filij eius usque ad Abiathar, ut supra declaratum est. Omnes isti, qui sequuntur fuerunt de stirpe Aaron per lineam summorum sacerdotum, & computati fuerunt supra, sed repetiuit eos scriptura hic usque ad Achimaas, qui fuit filius Sadoc, ut patet in litera. Sed dicitur, quare usque ad Achimaas fuerunt omnes enarrati, & non fuerunt continuati ulterius: nam plures sacerdotes summi fuerunt, ut patet supra in litera. Potest dici, quod fuit computatio facta usque ad istum, quia iste fuit, qui ministravit in templo Salomonis prius, incipiendo ibi ministrare. Nam Sadoc pater suus ministravit in templo Salomonis, quia ipse fuit summus sacerdos tempore Salomonis, & vinctus est, quando fuit vinctus Salomon, infra ultimo cap. & 3. Regum 2. Ipse tamen ministravit in summo sacerdotio, priusquam esset Rex Salomon, & edificaverit templum: nam tempore David ministravit in Gabaon, infra 16. Achimaas autem fuit primus, qui ministravit in templo Salomonis, incipiendo ministrare, ideo usque ad istum continuata fuit progenies. Aliter potest dici, quod extenditur progenies usque ad Achimaas, quia ipse fuit primus, qui ministravit in templo Salomonis: quia dato, quod pater eius Sadoc fuisset summus sacerdos tempore Salomonis, tamen non ministravit in templo: quia non fuit consummatum templum usque ad annum vndecimum regni Salomonis. 3. Regum 6. Et forte ante istos decem annos mortuus est Sadoc, & primus, qui ministravit, fuit ipse Achimaas in templo, ideo extenditur generatio sacerdotum usque ad ipsum.

Et hæc habitacula. Hic ponitur tertium principale huius cap. scilicet, de habitationibus Leuitarum. Pro quo considerandum, quod Leuitæ non acceperunt aliquam sortem possessionis inter filios Israel. Quælibet enim tribus accepit unam sortem possessionis in terra, Leuitæ autem erant una tribus, & tamen non acceperunt possessionem aliquam: quia Deus iussit, quod non acciperent aliquam possessionem inter Israelitas, quia ipse erat sors eorum. Numeri 18. & Deuteronomi. 18. & Iosue 13. Ideo necesse fuit, quod darentur eis loca ad habitandum per diuersas tribus, scilicet, quod quælibet tribus daret eis aliquas vrbes, & maior tribus dabat plures vrbes. Fuerunt autem istæ vrbes quadraginta octo distinctæ per diuersas tribus, ut patet Numeri 35. & Iosue 21. Istæ autem vrbes ponuntur hic nominatim, scilicet, quas vrbes quælibet tribus dederit. Quare autem Leuitæ non acceperunt unam sortem terræ per se, sicut alie tribus: & quare dato, quod non acciperent possessiones agrorum, sed solum vrbum, non acceperunt eas simul, & multa alia circa hoc, declaratum est satis Iosue 13. Per vias, atque confinia. Id est, Fuerunt istæ habitationes eorum

eorum in diuersis locis, & confinijs terrarum: nam non habitauerunt omnes simul, vt dictum est, sed habitauerunt dispersi per vicos, & vrbes, quæ eis assignatæ fuerunt in diuersis locis.

Filiorum, scilicet, Aaron, iuxta cognationes Caathitarum. Idest, Ista loca, quæ sequuntur, primo fuerunt filiorum Aaron, idest, sacerdotum, qui descendebant ab Aaron: & hoc iuxta cognationes Caathitarum, idest, diuidendo cognationes Caathitarum per se: nam erant multæ cognationes eorum, quia Caath genuit quatuor filios, scilicet, Amram, Isaar, & Hebron, & Oziel. Ab Amram venerunt duæ cognationes, scilicet Sacerdotalis, & Amranitica: nam per Aarō filium Amram deriuata fuit progenies sacerdotalis. Alij autem Amranitæ vocati sunt generali nomine Amaranitæ. Ab Oziel, & Hebron, & Isaar venerunt tres cognationes Leuitarum: de hoc patet Numeri 3. Scilicet, Cognatio Caath habebit populos Amranitas, Isaaritas, Hebronitas, & Ozielitas. Per istas familias diuisa est quædam fors data familiæ Caath: & rursus, sicut erant quinque familiæ intra Caathitas, ita factæ sunt quinque sortes in ipsa possessione Caathitarum.

Ipsæ enim sorte contigerant. Idest, Ista loca data fuerunt filiis Aaron, & contigerunt eis sorte, quia diuisa sunt omnia loca pertinentia ad possessionem Caathitarum in quinque partes per quinque sortes. Quomodo enim potuit esse, quod diuiderentur sorte possessiones, & tamen quod maior possessio daretur maiori familiæ, videbatur esse incompatible: & tamen Deus sic fieri iubebat, & declaratum est Numeri vigesimo sexto.

Dederunt igitur eis Hebron in terra Iuda. Scilicet, Sacerdotibus dederunt loca ista, quæ secuntur, scilicet, Hebron fuit prima ciuitas, & ista erat in sorte Iuda. Iosue decimo quinto, Eratque de famosioribus locis totius terræ illius.

Et suburbana eius per circuitum. Vocantur suburbana spatia coniuncta vrbi, & erant duo millia passuum in circuitu cuiuslibet vrbs. Numeri trigesimo quinto. Nam cuiuslibet vrbi dabantur ista spatia. Hoc autem erat, quia nulla vrbs sacerdotum, vel Leuitarum habebat agros, aut vineas in circuitu, quia Leuitæ non vacabant agriculturæ: nam accipiebant redditus de templo Domini. dabantur tamen eis suburbana duorum millium passuum in circuitu vrbs, ad alenda pecora in eis, & ad alias necessitates. Numeri 35.

Agros autem ciuitatis. Agri vocantur terræ, quæ colluntur ad seminandum, & aliquando large accipiuntur agri tam pro vineis, quam pro terris, quæ seminantur, & istos agros non acceperunt sacerdotes, quamquam pertinerent ad vrbes.

Et villis. Vocantur villæ rura, quæ non erant murata, quæ pertinebant ad territorium Hebron.

Caleb filio Iephone. Idest, Dederunt ei villas, & agros. Hoc est verum de illis agris, quæ erant extra spatia duorum millium passuum: quia ceteri, qui erant iuxta spatia ista, pertinebant ad suburbana, & destruebantur vineæ, vel quæcunque res multæ essent in eis, ad hoc quod fierent loca pascualia, cum solum darentur suburbana ista ad alendum pecora Leuitarum: Numeri 35. Sed erant aliqui agri intra territorium Hebron, & tamen erant extra suburbana, & isti cum rurebus, & viculis, quæ erant in circuitu vrbs dati fuerunt Caleb filio Iephone: hoc autem fuit, quia antequam diuideretur terra tota, & darentur vrbes Leuitis, Caleb, qui erat de tribu Iuda, petiuit a Iosue, quod daret sibi urbem Hebron in possessionem, & data fuit. Iosue decimo quarto, & decimo quinto. Postea autem diuisa est tota terra per sortes: & deinde data sunt vrbes Leuitis de qualibet tribu, & inter eas prima fuit Hebron, Alph. Tost. In Lib. I. Paralip.

A & tamen quia ista pertinebat ad tribum Iuda, & data fuerat Caleb, ne esset donatio irrita, mansit ei, quod haberet rura, & vicules in circuitu, & omnes agros, & vineas. Sic autem fiebat de qualibet tribu, quia cum acciperentur vrbes de istis tribubus, manebant agri, & viculi pro viris, qui erant de tribu illa, & ipsæ vrbes dabantur Leuitis.

Totius filijs Aaron dederunt ciuitates ad confugiendum. Scilicet, Dederunt ciuitates istas, quæ infra sequuntur. Sed dicetur, quomodo dicitur, quod datae fuerunt eis ciuitates ad confugiendum, quia in tribu Iuda non fuit, nisi vna ciuitas confugij, scilicet, Hebron: vt patet Iosue 2. Respondendum, quod verum est, & sic debet hic intelligi litera, scilicet, quod non legatur tota in vno contextu, scilicet, dederunt ciuitates ad confugiendum, idest, quod omnes istæ ciuitates, quæ ponuntur hic, vel multæ earum fuerunt ad confugiendum, quia solum fuit ciuitas Hebron, sed est sensus, quod dederunt ciuitates, scilicet, istas, quæ sequuntur hic filiis Aaron, & dederunt eis ad confugiendum Hebron, quia ista sola fuit in sorte eorum ad confugiendum.

Et Lobna. Ista est ciuitas in sorte Iuda, quam acquisit Iosue post stationem Solis. Iosue 10. Et fuit in sorte Iuda. Iosue 15. & fuit in hac vrbe Jeremias pater Amithal vxoris Regis Iosia. 4. Regum vigesimotertio, & vigesimo quarto. Ista ciuitas rebellauit Regibus Iuda, eo tempore quo Iдумæi recesserunt, ne præstarent tributa Regibus Iude, & hoc fuit tempore Ioram filij Iosiah. 4. Regum 8 & sequenti libro, cap. 21.

Et suburbana eius. Istud erat generale de qualibet vrbe, quod cum qualibet dabantur suburbana duorum millium passuum & siue esset ciuitas magna, siue parua non fiebat aliqua differentia in suburbanis, sed in omnibus dabantur æqualia suburbana duorum millium passuum, quia Deus in omnibus ponebat regulam generalem. Numeri 35.

Ether quoque. Ista est alia ciuitas, quæ vocatur Iosue 21. Iether, & modica differentia est, quia in Hebræo sæpe solent mutari principia, & fines nominum priorum per additionem, & subtractionem in principijs, vel in finibus nominum, vt supra declaratum fuit in multis. *Esthemo.* Ista est alia ciuitas, de qua dicitur supra 4. Ielba patrem Esthemo: ista ciuitas vocatur Iosue vigesimo primo Senon, vbi ponuntur istæ omnes ciuitates. *Sed & Helon.* Ista ciuitas est in sorte Iuda, Iosue decimo quinto, & data fuit sacerdotibus. Iosue vigesimo primo, & vocatur Hileph in Hebræo.

Et Dabir. Ista vocatur Cariathsepher, idest, ciuitas literarum. Iosue 15. & Iudicum 1. Fuit autem data sacerdotibus, Iosue 21. *Asan quoque.* Ista ciuitas vocatur Ain, Iosue vigesimo primo, & pertinet ad tribum Simeon, & etiam vocatur Asan, vel Asen, supra 4. & Iosue 19. & quamquam aliqui putant, quod ista est, quæ vocatur Ain in sorte Simeon inter ciuitates sacerdotales, Iosue 21. Non est ipsa, sed illa, quæ vocatur Iethan: nam Ain, & Asen duæ vrbes sunt distinctæ in sorte Simeon, Iosue 19. & supra 4. *Et Bethsemes.* Duplex est ciuitas Bethsemes, vna est in sorte Iuda, Iosue 15. alia est in sorte Issachar, Iosue 19. Hæc autem accipitur Bethsemes pro illa, quæ est in sorte Iuda: quia sacerdotes non acceperunt possessionem nisi in sorte Iuda, & Simeon, Iosue 21. In alijs autem tribubus habuerunt possessionem alij Leuitæ.

Sciendum autem, quod non ponuntur tot ciuitates in sorte sacerdotum hic, & Iosue 21. Quia ibi ponuntur nouem, hic autem solum octo. *De tribu Benjamin.* Hic ponuntur vrbes, quæ datae sunt de tribu Benjamin Leuitis: nam illæ, quæ supra posite fuerunt, pertinebant ad Iudam, & ad Simeonem, quæ quæquæ non exprimatur simul, & tamen de vtraque tribu fuerunt,

sed quia tribus Iuda, & Simeon habebant quasi eandem sortem, ut patet Iosue 19. ponuntur vrbes eorum quasi datae de eadem tribu. *Gabee, & suburbana eius.* Ista est ciuitas in sorte Benjamin, & non est idem, quod Gabaon. Iosue 18. Sic etiam ponitur Iosue vigesimoprimum, ubi vocatur Gabee, vel Gabae.

Sciendum autem, quod vna ciuitas de tribu Benjamin subtrahitur hic, scilicet, Gabaon. Nam illa fuit data sacerdotibus. Iosue 21. & tamen hic non ita plenè enarrantur ciuitates istae, sicut ibi: ista fuit causa, ut aliquando templum Domini fuerit positum in Gabaon, scilicet tabernaculum Moysi, infra 16. cap. Quia ista ciuitas pertinebat ad sacerdotes, alioquin non videretur poni ibi tabernaculum, sed falsum est: quia non obseruabatur hoc de necessitate, scilicet, quod ciuitas, in qua poneretur Sanctuarium esset de ciuitatibus sacerdotalibus: nam Ierusalem fuit locus templi, & tamen ipsa non fuit ciuitas sacerdotalis. *Et Almath.* Ista vocatur Almon, Iosue vigesimoprimum, & fuit de tribu Benjamin, quamquam non ponitur Iosue decimo-octauo, inter vrbes sortis Benjamin: quia credendum est, quod ponitur ibi, cum ponatur certus numerus vrbum, & tamen ponatur aliud nomen eius, quia multae vrbes erant binomine, vel trinomine. *Anathoth.* Ista ciuitas est de sorte Benjamin, & ponitur etiam Iosue vigesimoprimum, & tamen non ponitur sub hoc nomine Iosue decimo-octauo inter vrbes sortis Benjamin, ista est ciuitas, de qua fuit Ieremias: nam Ieremiae primo dicitur, quod fuit de sacerdotibus, qui erant in Anathoth. *Omnes ciuitates tredecim per cognationes suas.* Scilicet, Omnes ciuitates datae sacerdotibus distinctis per cognationes, id est, domos particulares fuerunt tredecim. Et hoc patet, quia de tribu Iuda, & Simeon datae sunt nouem vrbes: de tribu autem Benjamin quatuor. Iosue vigesimoprimum. Hic tamen non ponuntur nisi vndecim, scilicet, octo de sorte Iudae, & Simeon, & tres de sorte Benjamin, ut patet hic. *Filii autem Caath residuis de cognatione sua.* Dicitur hoc, quia sacerdotes erant de stirpe Caath, & tamen praeter illos erant adhuc multae cognationes Caathitarum, scilicet, Amranitae, Hebronitae, Iesaaritae, Ozielitae, Numeri tertio. Et istis datae sunt vrbes, quae sequuntur hic. *Dederunt ex dimidia tribu Manasse vrbes decem in possessione.* Ista vrbes fuerunt pro omnibus istis quatuor familiis Caathitarum. Sed dicit aliquis, quomodo datae fuerunt decem vrbes de dimidia tribu Manasse, quia Iosue vigesimoprimum dicitur, quod fuerunt datae duae? Etiam non erat rationabile, quia de tribu Iudae, & Simeon simul non fuerunt datae nisi nouem vrbes sacerdotibus. Iosue vigesimoprimum. Quomodo ergo de dimidia tribu Manasse darentur decem vrbes, non est verisimile. Respondendum, quod solum fuerunt datae duae vrbes, ut patet Iosue. *Quod autem dicitur hic, quod datae sunt decem vrbes, non refertur ad dimidiam tribum Manasse, tanquam de illa sorte fuerint datae vrbes decem, sed est iensus, quod omnes vrbes, quae datae fuerunt istis Caathitis fuerunt decem, & tamen duae illarum fuerunt de dimidia tribu Manasse, & de tribu Ephraim quatuor, & de tribu Dan totidem.* Iosue vigesimoprimum. Hic autem expressum est solum de dimidia tribu Manasse: & est modus loquendi breuis, & subintelligitur de alijs duabus tribubus, sicut habetur in Iosue. Sic etiam est quantum ad quasdam vrbes, quae supra tacentur, & exprimuntur Iosue vigesimoprimum. Sciendum autem, quod ista dimidia tribus Manasse erat, quae habitabat ad Occidentem Iordanis: de cuius sorte habetur Iosue decimo-septimo. Nam alia dimidia tribus Manasse morabatur ultra Iordanem in terra, Galaad, & de illa datae

sunt vrbes Gersonibus, infra in litera. Porro filijs Gerson per cognationes suas. Ista est familia Gersonitarum, quae habuit sub se alias cognationes particulares: & datae sunt ei vrbes tredecim, & non nominantur hic, sed infra in litera nominantur quaedam, omnes autem istae nominantur Iosue vigesimoprimum. *De tribu Issachar, & de tribu Aser, & de tribu Nephthali, & de tribu Manasse.* De istis quatuor tribubus datae sunt vrbes Gersonitis. Et accipitur hic tribus Manasse pro dimidia tribu, quia diuisa erat ista tribus in duas partes, & habebat duas possessiones, & est ista dimidia tribus, quae habitabat ad Orientem Iordanis in terra Galaad, & non ponitur hic, quas vrbes dederit qualibet tribus istarum, sed infra in litera ponitur, & Iosue vigesimoprimum. *In Basan vrbes tredecim.* Id est, Ista vrbes erant in Basan: Non est autem intelligendum, quod omnes istae tredecim vrbes fuerunt in Basan, quia istae tredecim datae sunt ab omnibus istis quatuor tribubus, ut patet hic, & Iosue vigesimoprimum, & tamen non habitabant omnes istae tribus in Basan, sed sola dimidia tribus Manasse possidebat terram Basan totam, ut patet Deuteronom. 3. & Iosue decimotertio. Est autem modus iste loquendi breuis, & obscurus, & sic patet supra in multis. *Filii autem Merari per cognationes suas.* Hic ponuntur vrbes, quae datae fuerunt familiae Meraritarum, quae est tertia familia Leuitarum, & habuit multas cognationes particulares, & per omnes fuerunt distributae istae vrbes. *De tribu Ruben, & de tribu Gad, & de tribu Zabulon.* De istis tribus tribubus datae fuerunt filijs Merari ciuitates. Quot autem fuerint, & quae ciuitates istae, patet Iosue vigesimoprimum, & infra in litera. *Dederunt sorte ciuitates duodecim.* Id est, Ista vrbes datae fuerunt per sortes, quia ipsi Leuitae inter se sortiti sunt de illis. *Dederunt quoque filij Israel Leuitis ciuitates, & suburbana earum.* Scilicet, Quandoque dabant Israelitae vrbes Leuitis, dabant & suburbana, quia nulla ciuitas danda erat sine suburbanis, quia non proficeret ad vsus Leuitarum, si non essent suburbana ad alenda pecora.

Dederuntque per sortem. Hic incipit ponere in particulari, quae vrbes fuerunt datae quibuslibet Leuitis. Et dicitur, quod dederunt per sortem, quod potest intelligi dupliciter. Vno modo, quod datae sunt per sortes vrbes, id est, quod si in vna tribu erant quindecim, vel viginti vrbes, & debebant dari duae, vel tres Leuitis, ponebatur fors, quae essent illae tres, quae darentur. Alio modo potest intelligi, quod non dabantur per sortem vrbes ipsis Leuitis de possessione Israelitarum, sed dabantur illae, quas determinabat populus dandas, & tamen postquam datae erant, ponebatur fors, quae vrbes illarum quibus Leuitis competerent.

Ex tribu filiorum Iuda, & ex tribu filiorum Simeon, & ex tribu filiorum Benjamin. De possessione istarum tribuum datae fuerunt ciuitates Leuitis, qui erant de genere sacerdotali, & quae de istis tribubus tribus solum fuerunt datae vrbes sacerdotibus, ponuntur omnes tres simul.

Vrbes has. Scilicet, Illas, quae supra nominatae sunt, & fuerunt ibi nominatae vndecim, & tamen tredecim fuerunt, ut patet Iosue 21. *Quas vocauerunt nominibus suis.* Id est, Sacerdotes accipientes vrbes istas, vocauerunt eas nominibus suis, id est, a se positis: quia forte mutauerunt nomina earum, quae prius habebant, & immutauerunt alia in signum dominij. *Et hae vrbes erant de cognatione filiorum Caath, id est, etiam illae, qui uenerunt de cognatione Caath datae fuerunt vrbes & sunt illae, quae sequuntur.* Vocantur autem de cognatione Caath omnes, qui fuerunt de stirpe Caath praeter

præter sacerdotes: nam descenderunt ab eo quatuor familiae, scilicet, Amranitarum, Hebronitarum, Iesaaritarum, Ozielitarum, & prima diuisa est in duas familias, quia quædam fuit sacerdotalis, & alia simplex Amranitica. Omnes isti præter sacerdotes vocantur hic de cognatione filiorum Caath, idest, descendentes ab istis quatuor filiis Caath, scilicet, Amram, Hebron, Isaar, Oziel: supra in litera. & Numeri 3. *Fueruntque ciuitates in terminis eorum de tribu Ephraim.* Idest, datae fuerunt istis ciuitates de tribu Ephraim, & fuerunt in terminis eorum, idest, in terra possessionis suæ. fuerunt autem tribus tres, quæ dederunt vrbes istis Caathitis, scilicet, Ephraim, & Dan, & dimidia tribus Manasse. Iosue 21. & hic in litera. Et nominantur hic vrbes istæ, quæ supra non fuerunt nominatæ.

Dederunt ergo eis vrbes ad confugiendum. Debet ista litera exponi, sicut supra exponebatur illa. Porro filiis Aaron dederunt ciuitates ad confugiendum. Nam falsum est, quod datae fuerint vrbes de tribu Ephraim ad confugiendum: nam in tota tribu Ephraim non erat nisi vna ciuitas refugij, scilicet, Sichem, vt patet Iosue 20. sed debet sic litera exponi. Dederunt de tribu Ephraim vrbes, idest, dederunt istas, quæ infra sequuntur, & dederunt ad confugiendum urbem Sichem, quia illa erat ciuitas refugij.

Sichem cum suburbanis suis. In ista ciuitate sepulta fuerunt ossa Ioseph, quæ translata fuerunt de Aegypto. Iosue ult. Ibi etiam sepulti sunt omnes patriarchæ, quorum corpora de Aegypto educta sunt, vt patet Actuum 7. *In monte Ephraim.* Idest, in sorte Ephraim. vocatur mons Ephraim terra Ephraim, quia erat montuosa, & ideo fere vbique dicitur de sorte Ephraim dicitur, de monte Ephraim, vt patet Iosue 17. & 20. & 21. & primo Regum primo. *Et Gazer.* Ista ciuitas est in sorte Ephraim. Iosue 21. Et ista est ciuitas, quam tenuerunt Chanaanæi in sorte Ephraim, & fuerunt tributarij, vt patet Iosue 16. Et Iudi. primo Manserunt autem Chanaanæi in vrbe illa vsque ad tempus Salomonis: nam tunc ascendit Pharaon rex Aegypti, cuius filiam habebat Salomon in vxorem, & pugnavit contra urbem Gazer, & occidit Chanaanæos, deditque urbem filiae suæ in dotem. 3. Regum 9.

Iecmaon. Ista est alia ciuitas, quæ vocatur Ceban Iosue 21. *Et Bethhoron.* Duplex ciuitas est, quæ vocatur Bethhoron, scilicet, Bethhoron superius, & Bethhoron inferius, & ponitur vtraque ciuitas in sorte Ephraim Iosue 16. *Similiter nec non, & Helon.* Idest, Etiam fuit data ciuitas Helon. Ista ciuitas vocatur in Hebræo Aialon, & tamen differt ab alia Aialon, quæ ponitur in tribu Dan. Iosue 19. Ista ciuitas non ponitur Iosue 21. vt aliqui volunt, sed falsum est, quia licet non ponatur in tribu Ephraim, tamen ponitur in tribu Dan. Hic autem litera brevis est, quia tacet quædam tribus, de quibus datae sunt vrbes. Et etiam tacentur aliquæ vrbes, quia de tribu Dan fuerunt quatuor vrbes datae. Iosue 21. Et hic non ponuntur nisi duæ, & tacentur duæ vrbes, scilicet, Eltheco, & Gabaon. Iosue 21. quia litera ista est brevis. *Et Gethremmon in eundem modum.* Est ciuitas Gethremmon in tribu Dan. Iosue 21. Porro ex dimidia tribu Manasse. Ponuntur vrbes, quæ datae sunt de dimidia tribu Manasse, & est ista dimidia tribus Manasse, quæ habitabat ad Occidentem Iordanis: nam illa medietas dedit vrbes Gersonitis.

Aner, & Balaan. Iste sunt duæ vrbes huius tribus, sed non nominantur sic Iosue 21. sed Aner vocatur ibi Thauach, & Balaan vocatur ibi Gethremmon, & ista nomina habentur Iosue 17.

In sorte Manasse his videlicet qui de cognatione filiorum Caath reliqui erant. Ista est declaratio præcedentium, quia

A dicebatur, quod datae fuerunt istæ vrbes filiis Caath. Et dicitur his, qui reliqui erant, quod intelligitur de illis, qui residui erant, scilicet de sacerdotibus: nam sacerdotes fuerunt positi tanquam cognatio principalis inter Caathitas, & cæteri appellantur residui respectu illorum.

Filijs autem Gerson. Hic ponitur quæ vrbes datae fuerint Gersonitis, quæ erat secunda familia Leuitarum. *De cognatione dimidiæ tribus Manasse.* Ista erat dimidia tribus Manasse, quæ habitabat ultra Iordanem ad Orientem. *Gaulon in Basan.* Ista erat vna de ciuitatibus refugij. Iosue 2. Nam sex vrbes refugij erant, tres ad Orientem Iordanis, & tres ad Occidentem, quarum nomina ponuntur eodem cap. Ista ciuitas vocatur aliquando Gaulon, vt patet hic, & Iosue 20. & 21. & aliquando Golan. Deute. 4. Et dicitur, quod ista ciuitas erat in Basan, quia terra Basan tenebatur a dimidia tribu Manasse. Deute. 3. & Iosue 13.

Et Ashtaroth. Ista est ciuitas in sorte Manasse, quæ fuit metropolis in regno Ag regis Basan: ideo dicitur regnasse in Ashtaroth, vt patet Iosue 12. & 13. Vocatur ista ciuitas Basra. Iosue 21. & tamen non est ista, de qua dicitur Isa. 63. Quis est iste, qui venit de Edom tinctis vestibus de Bosra, quia ista ciuitas erat in terra Edom.

De tribu Issachar Cedès. Datae fuerunt ciuitates quatuor de tribu Issachar Gersonitis. Iosue 21. Et vocatur prima earum Cedès. Et non est ista Cedès, quæ est ciuitas refugij, de qua Iosue 20. Nam illa est in sorte Nephthali, vt patet ibidem, & ista in sorte Issachar. Ista vocatur Cesion. Iosue 21. *Dabereth.* Ista est alia ciuitas, quæ vocatur Dabereth. Iosue 21. *Ramoth.* Ista est ciuitas in terra Galaad, pro qua pugnavit Achab rex Israel contra Benadad Regem Syriæ, & ibi occisus est 3. Regum ultimo. Et postea factus est Iehu rex Israel super urbem illam 4. Regum nono. Et vocatur Ramoth Galaad: & est vna de ciuitatibus refugij, vt patet Iosue vigesimo, & ibi dicitur, quod est in sorte Gad. *Et Anem.* Ista est alia ciuitas. Sed non vocantur sic istæ vrbes, Iosue vigesimoprimum. Nam Ramoth vocatur Iaramoth, & Anem vocatur ibi Engannim, & accidit propter multipliciter nominum: quia idem locus saepe binomius, vel trinomius est. *De tribu vero Aser.* Etiam de ista tribu datae fuerunt vrbes Gersonitis, & fuerunt vrbes quatuor, Iosue vigesimoprimum. *Massal.* Ista ciuitas vocatur Massalathon. Iosue vigesimoprimum. *Et Abdon.* Alia ciuitas est, & eodem nomine appellatur. Iosue vigesimoprimum. *Similiter Asach.* Ista ciuitas vocatur Elcath, Iosue vigesimoprimum. *Et Rohob.* Sic etiam appellatur Iosue vigesimoprimum. Ista est ciuitas quædam, quæ est circa terminos terræ Israel ad partem Aquilonarem, & est iuxta terram Emath, ideo Numeri decimotertio dicitur, quod exploratores mali a Moyse venerunt vsque Rohob intrantibus Emath, idest, ciuitas Rohob est iuxta introitum terræ Emath, quæ est in extremo Aquilonaris lateris terræ Israel. Numeri trigesimoquarto. Porro de tribu Nephthali. Idest, Etiam de tribu Nephthali datae sunt vrbes Gersonitis ad habitandum.

Cedès in Galilea. Ista ciuitas est in terra Galilææ versus Iordanem, & est ciuitas refugij, vt patet Iosue vigesimo. Et non est ista Cedès de tribu Issachar, de qua supra habetur.

Et Ammon. Aliquando est nomen viri, qui fuit pater Ammonitarum, & illi filius Loth. Genesis decimonono. Aliquando est nomen urbis, & sic accipitur hic, & vocatur ista ciuitas Iosue vigesimoprimum Amothdor, & ad idem redit, quamquam mutantur aliquæ literæ.

Cariatthaim. Alia ciuitas est ista, quam illa, quæ vocatur Cariatthaim: quia illa est in sorte Iuda, & vocatur

atur ciuitas Sylharum Iosue 15. Ista autem est in sorte Nephthali; & vocatur Carcham Iosue 21. Et aliter differt in literis. *Filijs autem Merari residuis*. Ista est tertia familia Leuitarum, quæ vocatur Meraritharum. Et dicuntur isti residui, scilicet, de tota tribu Leui; quia demptis Caathitis, & Ierfonitis, de quibus supra dictum est, non manent aliqui de tribu Leui, nisi Merarithæ. *De tribu Zabulon*. Fuerunt Merarithis vrbes datæ de tribus tribubus, scilicet, de Zabulon, Ruben, & Gad, vt patet supra in litera.

Remono. Ista est prima ciuitas, quæ Iosue 21. vocatur Ietheran. *Et Thabor*. Istud est nomen montis aliquando, vt patet Iosue 19. & est in sorte Issachar eodem cap. In isto autem monte Christus transfiguratus est coram discipulis suis, vt patet Luca 9. & Mar. 9. Et Matthæi 17. Et vocatur ibi mons excelsus: quia erat valde excelsus inter omnes montes illius regionis. Aliquando autem accipitur pro nomine vrbs, & sic est hic, & non accipitur sic Iosue 21. quia non vocatur ibi Thabor, sed Carthan.

Sciendum etiam, quod hic omittuntur duæ vrbes de terra Zabulon: nam datæ fuerunt quatuor de illa Merarithis. Iosue 21. Hic autem solum ponuntur duæ. *Trans Iordanem quoque ex aduerso Iericho*. Hic ponitur quæ vrbes fuerint datæ Merarithis de tribu Ruben. Et dicitur trans Iordanem, quia tribus Ruben erat ad orientalem partem Iordanis extra terram Chanaan. Et dicitur ex aduerso Iericho, quia Iericho est ad partem occidentalem Iordanis in terra Chanaan, & omnia loca quæ sunt in terra duarum tribuum, & dimidiæ dicuntur esse ex aduerso Iericho. *Contra Orientem Iordanis*. Id est, Tribus ista habet sortem ad Orientalem partem Iordanis: nam per hoc quod dixit trans Iordanem non apparet an ad Orientalem, vel occidentalem partem eius sit, quia vtrunque est trans Iordanem: ideo limitatur hic, quod est ad orientalem partem Iordanis.

De tribu Ruben. Iste sunt ciuitates, quæ datæ fuerunt de tribu Ruben Merarithis. *Bosor in solitudine*. Bosor est nomen ciuitatis, & accipitur aliquando pro quadam vrbe, quæ est extra terram Israel, de qua erat Balaam: sic dicitur 2. Pet. 2. c. f. Secuti sunt viam Balaam ex Bosor, id est, qui venit de Bosor. Hic autem est nomen ciuitatis in tribu Ruben in deserto, & est vna de ciuitatibus refugij, vt patet Iosue 20. & 21.

Et Iajsa. Ista est alia ciuitas, & tamen non nominatur sic Iosue 21. Sed Iazer, vt aliqui volunt, Ista est quæ vocatur Misor. *Et Cademoth*. Ciuitas est in tribu Ruben, & vocatur Iosue 21. Misor, vel Iazer. *Et Mephath*. Ista ciuitas nominatur Maspha Iosue 21. Et est differentia aliqualis: sicut consuevit esse plerumque in nominibus Hebrais. *Nec non, & de tribu Gad*. Ponuntur vrbes, quæ datæ fuerunt Leuitis de tribu Gad, quæ est ad Orientalem partem Iordanis. *Ramoth in Galaad*. Ista ciuitas non est Ramoth, de qua supra dicitur, quia illa erat in sorte Issachar, & ista in sorte Gad, & ista proprie est Ramoth Galaad, de qua verificantur illa, quæ supra dicebantur: nam in illa mortuus est Achab. *Et Manaim*. Quædam ciuitas est in sorte Gad, quæ vocata est Manaim a Iacob, quando veniebat de terra Syria in terram Chanaan: nam habuit ibi obuios Angelos Dei, & dixit. Castra Dei sunt hæc, vocauitque nomen loci illius Manaim, siue secundum proprietatem Hebraicam Mahanai quod interpretatur castra, vt patet Genes. 32.

Et Hesebon. Ista ciuitas est in sorte Gad, & vocatur Hesebon. Iosue 21. Et ista est ciuitas præcipua terræ quorundam Regum Amorrhæorum: nam in hac regnabat Seon rex: ideo vocabatur rex Hesebon. Numeri 21. Et Iosue 12. & 13.

Et Iezer. Ista ciuitas vocatur Iazer Iosue 21. Et ista

est ad quam iuerunt explorandam quidam missi a Moyse Numeri 21. Et istæ sunt omnes vrbes, quas acceperunt Leuitæ de manu Israelitarum in possessionem suam.

De successione summorum sacerdotum.
Quest. VIII.

QUÆRITUR nunc circa successionem summorum sacerdotum. Nam summi sacerdotes fuerunt viri potentes in populo sub regibus, & aliquando per eos populus gubernatus est, sicut per reges, immo & aliquando ipsi reges fuerunt in populo, sicut accidit tempore Machabeorum: quia Irchanus, & Aristobolus, & ceteri successores de progenie Machabeorum simul erant sacerdotes, & reges in populo: vt patet per Iosephum. 13. Antiquitatum. Origo autem summorum sacerdotum capit in Aaron: nam ipse fuit frater Moyse, & anno primo quo Israelitæ egressi sunt de Aegypto, dedit Deus legem, & fecit fabricari tabernaculum, & consecrari sacerdotes, & isti fuerunt Aaron, & quatuor filij sui: Nadab, & Abiu, Eleazar, & Ithamar: quorum ipse Aaron factus est summus sacerdos, & filij sui fuerunt minores sacerdotes, de quorum consecratione patet Exo. 28. & 29. & Leui. 8. Rexit autem Aaron summum sacerdotium per triginta nouem annos vsque ad annum quadragesimum exitus de Aegypto: nam in deserto obiit in monte Hor. Numeri 20. Et erat tunc mensis quintus anni illius. Numeri 33. Secundus summus sacerdos fuit filius eius Eleazarus. Pro quo sciendum, quod summum sacerdotium erat per successionem, & competebat primogenitis, & quia Eleazarus erat primogenitus Aaron eo tempore, quo mortuus est, successit ipse in sacerdotio, & iussit Deus, quod Aaron antequam moreretur, nudaretur veste pontificali, & indueretur Eleazarus filius eius coram eo, & sic vidit Aaron filium suum successisse sibi in honore pontificali, & tunc mortuus est. Numeri 20. Mansit autem Eleazarus in summo sacerdotio ab ultimo anno egressionis de Aegypto, & introitu in terram Chanaan vsque ad tempus, quo mortuus est Iosue: nam ambo mortui sunt quasi in eodem tempore, vt patet Iosue ultimo. Tertius sacerdos magnus fuit Phinees filius Eleazari, & iste cepit post mortem Iosue in principio Iudicum, & fuit contemporaneus Caleb, & Othonieli, qui fuit primus iudex: ipse etiam factus est sacerdos, antequam essent iudices: nam illud responsum Dei, quod habetur Iudi. primo, scilicet, quæ tribus deberet pugnare contra Chananeos. Sic ait Ioseph. 5. Antiquit. scilicet, Eodem tempore mortuus est Eleazarus pontifex filio suo Phinees sacerdotium derelinquens: cuius sepultura facta est in Gabatha ciuitate: post horum itaque transitum Phinees prophetauit secundum Dei voluntatem, ad delendum Chananeorum genus, tribui Iude præbendum esse principatum. Etiam iste Phinees erat sacerdos eo tempore, quo contigit bellum undecim tribuum contra Benjamin propter viros Gabaa, & venit totus populus ad eum in Silo ad consulendam Dominum per ipsum Iudi. 20. Iste accepit summum sacerdotium ex munere Dei: nam promisit ei Deus sacerdotium æternum: eo quod zelo suo zelatus fuerat, & occiderat Zambri principem tribus Simeon coeuntem cum Madianitide. Numeri 25. & primo Macha. 2. Quartus sacerdos fuit Abiue filius Phinees, vt patet supra in litera: nam iste successit ei, de quo nihil dignum memoria scriptum reperimus. Fuit autem iste tempore Othonielis primi iudicis Israel, & fortè aliquanto tempore simul

mul cum Ahod secundo iudice Israel. Quintus sacerdos fuit Bocci filius Phinees. Et etiam de isto nihil memorabile dicitur: nam nec fuerunt isti sacerdotes circa cultum Dei bene se habentes, quia idola colebantur tempore eorum: nam tempore iudicum semper colebantur idola, nisi cum surgeret aliquis iudex nouus, quia tunc recedebant Israelitæ ab idolis, & tota vita eius colebant Deum, quo mortuo ad idola vertebantur; vt patet Iudicum 2. Iste Bocci fuit nunc vltimus sacerdos de stirpe Phinees: nam transiit eo mortuo sacerdotium ad domum Ithamar suscipiente illum Heli summo sacerdote. Et iste Bocci vocatur Ioseph, vt ait Iosephus 8. Antiquit. Sextus summus sacerdos fuit Heli de familia Ithamar, qui fuit vir laudabilis tempore suo: nec in eo aliquid reprehensibile inuentum est, nisi quod in senectute existens filios suos remisse castigauit. Nam cum committerent graua scelera, non corripiebat eos: ideo Deus misit Prophetam ad eum, dicens, quod auferretur sacerdotium de domo sua. primo Regum 2. & 3. Heli autem, cum non esset de progenie sacerdotum, assumptus fuit in summum sacerdotem propter magnam probitatem suam, & hoc factum est volente populo, & Deo. De populo patet, nam populus simul dedit ei summum sacerdotium, & potestatem iudicatiuam: in quo ipse præsidebat populo tam in temporalibus quam spiritualibus. De temporalibus patet, quia iudex quicumque esset in Israel tempore suo principabatur toti populo. Heli tamen quadraginta annis iudex fuit in Israel, vt patet primo Regum 4. Contulit etiam ei populus summum sacerdotium, priuando eum qui successurus erat: nam obierat tunc Bocci, siue Ioseph, quod idem est, summus sacerdos de posteris Phinees, cui successurus erat Voochar filius eius, & tamen populus fecit, quod ille non succederet, & contulit sacerdotium Heli propter malitiam, & inepititudinem sacerdotum, de domo Phinees. Fuit etiam factum hoc auctoritate Dei, quia non solum Deus voluit, quod sacerdotium istud trāsiret ad Heli, sed etiam promisit ei, quod sacerdotium maneret in domo sua in aeternum; vt patet primo Regum 2. scilicet, Loquens locutus sum, vt domus tua, & domus patris tui ministraret in conspectu meo in sempiternum. Nunc autem absit a me dicit Dominus, sed quicumque glorificabit me glorificabo eum: qui autem contemnunt me, erunt ignobiles. Et sic patet, quia si filij Heli non fuissent conuersi ad malum, nunquam abtulisset Deus sacerdotium de domo ipsorum. Tenuit autem multo tempore sacerdotiū Heli, sed cum iam esset senex, & caligassent oculi eius, nec posset ministrare, illud filio suo dereliquit: habuit enim duos filios, scilicet, Ophni, & Phinees, qui ministrabant loco patris, quamquam pater semper esset vt princeps, vt patet primo Regum 2. Septimus sacerdos fuit Phinees filius Heli. Et iste non fuit sacerdos post patrem, sed viuentem eo tenuit sacerdotium, quia pater suus praecepit hoc, cum ipse esset impotens propter senectutem, vt ait Iosephus 5. Antiqui. Mortuus est ambo filij Heli, scilicet, Ophni, & Phinees occisi sunt in bello, quando capta fuit arca a Philistinis: ipsi enim custodiebant eam tunc primo Regum 4. & Heli mortuus est, quando audiuit arcam Domini captam, quod tempore istorum septem sacerdotum summorum mansit arca, & totum tabernaculum, quod fecerat Moyses in Silo: nam Israelitæ potuerunt arcam, & tabernaculum Domini in Silo viuentem Iosue: vt patet Iosue 18. Et mansit ibi vsque ad tempora ista. Nam primo Regum 4. habetur, quod arca Domini

A ducta fuerit de Silo a duobus filiis Heli in castra, & tunc capta est a Philistinis, nec rediit vltra illuc, sed stetit in terra Philisthinorum mensibus septem 4. Regum 6. Et tunc reducta fuit in terram Israel, & posita est in Cariathiarim primo Regum 7. tabernaculum etiam translatum fuit ex tunc de vrbe Silo in urbem Nobe: nam tempore Saulis ibi erat, & sic fuit tempus quo stetit templum Domini, & arca in Silo quasi annorum trecentorum, & quinquaginta. Quod patet, quia ab exitu de Aegypto vsque ad adificationem templi fuerunt anni quadringenti, & octoginta, vt patet 3. Regum 6. a quibus subtrahantur quadraginta anni ab exitu de Aegypto vsque ad introitum in terram Chanaan, & septem anni, vel quasi, qui transierunt ab introitu in terram Chanaan vsque ad tempus, quo arca fuit locata in Silo cum tabernaculo: Istud declaratum est aliquantulum ex eis, quae habentur Iosue 14. & 18. deinde subtrahantur anni quadraginta a morte Heli sacerdotis, qui computantur sub Regno Saulis, & tamen fuerunt sub tempore Samuelis, & Saulis: subtrahantur etiam quadraginta anni, quibus regnauit Dauid 2. Regum 5. Et tres anni, quibus regnauit Salomon antequam inciperet adificare templum 3. Regum 6. manebunt trecenti quinquaginta anni, quibus manserit arca Domini in Silo, & translata fuit deinde in Cariathiarim. Octauus summus sacerdos fuit quidam filius Phinees, qui erat frater Ichabod. Nam Ichabod fuit filius Phinees, qui natus fuit post mortem patris: nam vxor audita morte viri, pra dolore inclinauit se, & peperit primo Regum 4. & vocatus est puer Ichabod, id est, inglorius, quia tempore eius translata fuerat gloria ab Israel, & erat septem mensium puer iste ab vtero, quando egressus est: vt ait Iosephus 5. Antiqui. Iste habuit fratrem maiorem nomine Achitob; Et iste suscepit summum sacerdotium mortuo Phinees patre suo. De hoc dicitur primo Regum 14. Erat Achias filius Achitob fratris Ichabod filij Phinees, qui ortus fuerat ex Heli sacerdote. Nonus sacerdos summus fuit Achias secundum quosdam, quod videtur satis verisimile. Quia tempore Saulis in bello contra Philistinos ipse habebat arcam in castris, & per eum consuluit Saul Dominum. Iste erat frater Achimelech sacerdotis magni, quia vterque erat filius Achitob: De Achia patet primo Regum 14. De Achimelech patet eodem lib. cap. 21. & 22. Alij tamen putant, quod Achias, & Achimelech fuerunt idem vir: nam de vtroque legitur, quod fuerit filius Achitob, & satis rationabile est hoc. Iste Achimelech ministravit in tabernaculo Domini, quod erat in vrbe Nobe tempore Saulis, & ipse dedit panes, & gladium Dauid fugienti a Saule, primo Regum 21. Cum autem Saul hoc compersisset, fecit eum occidi, & simul octoginta quinque sacerdotes indutos ephod lineo, & postea totam urbem Nobe percussit gladio, vt deleteret totum genus Achimelech, scilicet, Domum Heli, primo Regum 22. Et tunc completum est quod dicitur eodem lib. cap. 2. scilicet, quod maxima pars Heli periret, cum veniret ad aetatem virilem. Decimus summus sacerdos fuit Abiathar filius Achimelech: nam cum tota domus patris sui deleteretur in vrbe Nobe, ipse accepto ephod, & rationali, fugit ad Dauid, qui per desertum latebat a facie Saulis primo Regum 22. Et fuit iste Abiathar sacerdos magnus, quia erat filius sacerdotis magni Achimelech, & fuit sacerdos toto tempore, quo regnauit Dauid: ideo quando ponuntur principes, & officiales domus Dauid, ponitur Abiathar sacerdos eius, scilicet, sacerdos summus 2. Regum 8. & 20. & infra 18. Considerandum, quod tempore, quo occisus fuit Achimelech summus sacerdos, translatus fuit tabernaculum de vrbe Nobe, quia Saul deiecit

deleuit totam illam urbem vsque ad fundamenta primo Regum 22. Et sic mansit tabernaculum Domini in vrbe Nobe, quasi quadraginta annis: nam a morte Heli summi sacerdotis, quando capta est arca translatum fuit tabernaculum, & ab illo tempore vsque ad mortem Saulis fuerunt anni quadraginta, qui computantur sub Regno Saulis Act. 13. Et tamen post istam mortem sacerdotum modico tempore vixit Saul, vt colligitur ex processu primi Regum cap. 22. vsque ad finem, & ibidem declaratum est. Et sic fuerunt quasi quadraginta anni mansionis tabernaculi in Nobe, & in isto tempore non mansit arca in tabernaculo, sed erat in Cariathiarim in domo Aminadab primo Regum 7. & 2. Regum 5. & infra 13. Ministrauerunt autem in Nobe duo sacerdotes magni, scilicet, Achitob, & eius filius Achimelech. Achitob enim erat summus sacerdos tempore, quo Samuel Propheta regebat populum cum esset iudex. Achimelech autem fuit summus sacerdos dum regnaret Saul. Post hoc autem tabernaculum Domini translatum est in Gabaon, quae erat ciuitas tribus Beniamin. Iosue 18. Et hoc propter honorem Saulis, qui tunc erat rex, & erat de tribu Benjamin primo Regum 9. Patet hoc, quia quando Dauid regnabat post mortem Saulis, tabernaculum Domini erat in Gabaon infra 16. Et mansit ibi vsque ad tempus, quo perfectum fuit templum Salomonis: nam antequam finiret templum, iuit ipse in Gabaon ad offerendum Domino holocausta: vt patet 3. Regum 3. Et ibi erat altare quod fabricauerat Moyses, & totum tabernaculum: vt patet sequenti libro cap. primo. Mansit autem ibi annis quinquaginta, & amplius tabernaculum. Quod patet, quia translatum est illuc tempore Saulis, destructa vrbe Nobe, saltem vno anno, vel duobus ante mortem eius, & postea regnauit Dauid annis quadraginta, & Salomon vndecim, antequam finitum esset templum 3. Regum 6. Et sunt simul quinquaginta, & duo vel tres anni, & hoc tempore mansit ibi tabernaculum, & nunquam cessauit vsus illius, vsquequo fabricatum est templum Salomonis & inceperunt ibi sacerdotes ministrare. Sciendum autem, quod Abiathar fuit quintus summus sacerdos de domo Heli, & Ithamar, & ipse fuit vltimus: nam non successit aliquis de stirpe sua in summo sacerdotio, sed ipse viuens priuatus est summo sacerdotio per Salomonem, & exilio traditus, vt maneret semper in vrbe Anathoth, & ibi mansit vsque ad mortem 3. Regum 2. Iste non ministravit in aliquo loco sanctuarij, quia semper erat cum Dauid. Sanctuarium autem erat tunc in Gabaon, & ibi ministrabat tanquam summus sacerdos Sadoc infra 16. Vndecimus sacerdos fuit Sadoc. Et iste fuit de stirpe Phinees, & Eleazari: tempore enim huius sacerdotium, quod ablatum fuerat de domo Phinees restitutum fuit ei, & primus, qui cepit esse sacerdos in hac restitutione fuit Sadoc. Modus autem fuit, quia tempore Saulis erat sacerdos magnus Achimelech, quem occidit Saul, & deleuit stirpem Heli: ideo non mansit tunc aliquis de stirpe illa, qui esset summus sacerdos, & dato, quod maneret hic ipse Saul, quia erat sibi tota illa progenies exola, ideo constituit sacerdotes de progenie Phinees, quae non offenderat eum, & primus fuit Sadoc, qui veniebat per rectam lineam ab Eleazaro, vt Phinees.

Sciendum autem, quod tempore quo filij Ithamar tenuerunt summum sacerdotium, priuati fuerunt sacerdotio quinque descendentes de stirpe Eleazari, scilicet, Ozi, Zaraias, Meraioth, Amarias, & Achitob, vt patet supra in litera. Et posuit Elidras nomina istorum inter summos sacerdotes, quamquam non fuerint summi sacerdotes, & non posuit nomina illorum, qui interim fuerunt pontifices de stirpe Ithamar, eo quod

non durauit sacerdotium in illis. Isti autem quinque nominantur aliter a Iosepho 8. Antiqui. Nam Ozi vocatur ibi Voochar, & Zaraias vocatur Ioathan, & Meraioth vocatur Matroth, & Amarias vocatur Aiophi, & Achitob vocatur Achithobi. Illi autem quinque, qui tenuerunt sacerdotium de domo Ithamar isto tempore vocati sunt Heli, Phinees, Achitob, Achimelech, Abiathar: vt supra patet: Iosephus tamen in fine quinti Antiqui. vocat eos Heli, & Phinees, Ozi, & Heli, & Abiathar.

Sciendum autem, quod iste Sadoc, qui fuit vndecimus sacerdos, non fuit post Abiathar, qui decimus extitit, sed ambo fuerunt simul sacerdotes tempore Dauid: nam quando occisus fuit Achimelech pater Abiathar, cepit Abiathar esse summus sacerdos apud Dauid, & Sadoc cepit esse summus sacerdos Saul, & postea mortuo Saul ambo erant simul sacerdotes Dauid primo Regum 8. & 20. Et sic fuit toto tempore Dauid. Mortuo autem Dauid, etiam ambo fuerunt sacerdotes Salomonis aliquanto tempore: vt patet 3. Regum 4. scilicet, Sacerdotes autem Salomonis Sadoc, & Abiathar. Sic etiam fuit de Heli summo sacerdote, & Phinees filio eius: nam ambo fuerunt simul sacerdotes, & prius mortuus est Phinees, quam Heli pater suus: vt patet primo Regum 4. De isto Sadoc non apparet, an ministraverit in templo Salomonis: nam a multis creditur, & non irrationabiliter, quod quamquam fuerit sacerdos tempore Salomonis, nunquam ministravit in templo Salomonis, quia mortuum esse asserunt, antequam consummaretur templum, quod fuit anno vndecimo Regni Salomonis 3. Regum 6. Duodecimus sacerdos fuit Achimaas filius Sadoc. Et iste est, qui erat cursor velocissimus Dauid, & erat ipse cum Ionathan filio Abiathar obseruans ea, quae fiebant in Ierusalem, vt irent ambo ad referendum ea Dauid 2. Regum 17. Iste etiam fuit ille, qui cucurrit ad Dauid per viam compendij, & nunciauit ei de victoria Ioab contra Absalonem 2. Regum 18. Iste fuit primus, qui creditur ministrasse in templo Salomonis, quia iam mortuus fuerat pater suus Sadoc, & ideo est positio communis, & rationalis, quod propter hoc supra Elidras in litera enarrauit nomina sacerdotum vsque ad Achimaas solum, incipiendo ab Aaron, eo quod ipse fuit primus, qui ministravit in templo Salomonis. Pater autem suus Sadoc ministravit solum in Gabaon: immo ipse solus fuit sacerdos, qui ministravit ibi, quia destructa vrbe Nobe, quando deleta fuit posteritas Heli summi sacerdotis, translatum fuit tabernaculum in Gabaon: vt supra probatum est, & tunc cepit esse sacerdos Sadoc, & sic non ministraret aliquis in Gabaon, antequam ipse ministraret, & ibi ministravit illo paucio tempore, quo superstit de vita Saulis post translationem tabernaculi illuc. Ministravit etiam tempore Dauid ibi: nam infra 16. dicitur, quod Dauid dixit ad Sadoc, quod ministraret ipse, & fratres sui in Gabaon coram altari, quod fecit. Quomodo postea autem an Achimaas filius eius ministraverit ibi aliquanto tempore, non apparet. Tertiusdecimus sacerdos fuit Azarias. Et iste creditur fuisse tempore Salomonis, & Roboam filij sui. & fuit filius Achimaas supra in litera. Quartusdecimus sacerdos fuit Iohanam filius Azariae. Et iste esset tempore Roboam, & Abia, & forte aliquanto tempore dum regnaret Aza rex, sed de istis non reperitur aliquod memoria dignum scriptum. Iste autem creditur fuisse sacerdos Ioiada, qui fecit Ioas esse regem Iuda, & vixit eum, & tenuit occultum in domo Domini sex annis 4. Regum 11. & sequenti lib. cap. 22. & 23. Quintusdecimus sacerdos fuit Azarias. Et iste ministravit tempore Oziae regis: nam dicitur supra in litera, quod

iste est, qui ministerio functus est in domo, quā ædificauit Salomon, & intelligitur de ministerio, quod fecit excellentius alijs, eo quod restitit regi Ozia volenti usurpare actum sacerdotalem, & sic vocatur Azarias sequenti lib. cap. 26. Oportet igitur, quod iste Azarias ministrauerit tempore Ozia, & etiam Amasia, & quodam tempore regis Ioas, si fuit successor, & filius Ioiaðæ sacerdotis, quia Ioiaða mortuus est tempore Ioas, vt patet 4. Regum 12. & sequenti lib. cap. 24. Decimus sextus sacerdos fuit Amarias filius Azaria. Et iste ministravit tempore Ioathan, & fortè tempore Achaz. Decimus septimus sacerdos fuit Achitob, supra in litera, qui fuit filius Amariae. Et iste creditur fuisse contemporaneus partim Achaz, & partim Ezechia filio eius. Decimus octauus sacerdos fuit Sadoc. Et iste fuit contemporaneus aliquantulum Ezechia, & filio eius Manasse, & non est Sadoc, qui fuit sacerdos tempore Dauid. Decimus nonus sacerdos fuit Sellum, qui fuit contemporaneus partim Manasse, & Amon filio suo, & partim Iosia. Vicesimus sacerdos fuit Helelias, supra in litera, & iste fuit qui inuenit librum in domo Domini tempore Iosue regis 4. Regum 22. Et sequenti libro cap. 34. Et fuit iste vir excellens: nam de eo prædixerat Dominus, quod daret sibi omnem honorem templi. Isa. 22. Vicesimus primus sacerdos fuit Azarias filius Helchie. Et iste fuit contemporaneus tribus filiis Iosia, vel fortè ipsi Iosia pro aliqua parte regni, & Ioachaz, & Ioachor filiis suis. Vicesimus secundus sacerdos fuit Saraia filius Azaria, supra in litera. Et iste fuit tempore Sedechia, quando capta est ciuitas Ierusalem a Chaldeis, & ipse ductus est coram Nabuchodonosor in Reblata, & ibi fuit occisus 4. Regum vltimo. & Iere. vltimo. Et isti fuerunt viginti duo sacerdotes, qui fuerunt ab Aaron vsque ad captiuitatem Babylonis: quorum vndecim fuerunt ante ædificationem templi Salomonis, & alij vndecim ministraverunt in templo Salomonis, vt patet ex dictis. Vicesimus tertius sacerdos fuit Iosedech filius Saraia. Et iste non fuit sacerdos in Ierusalem, quia pater suus Ieraias ministrabat, sed mortuo illo, veniebat principatus ad Iosedech, & ductus est in Babylonem, & sic nunquam ministravit in summo sacerdotio, quia in Babylone non faciebant Israelitæ aliqua sacrificia, nec caeremonias vllas sacerdotales: sicut declaratum est 4. Regum vltimo. in quadam questione. Fit de isto Iosedech dicitur hic, quod iste est, qui egressus fuit quando transtulit Dominus Iudam, & Ierusalem per manum Nabuchodonosor: & iste ductus est in Babylonem. Vicesimus quartus sacerdos fuit Iesus, siue Iosue filius Iosedech. Et iste est, qui regressus est de Babylone cum Zorobabel, & fuit princeps sacerdotum in Ierusalem, vt patet primo Esdrae 2. & Aggei primo, & 2. & Zacha. 4. Vicesimus quintus sacerdos fuit Heliasib filius Iosue, de quo fit sepe mentio in libro Neemiae, & in libro Esdrae, & Iosephus 11. Antiqui. ait Sub idem tempus, & Ioachin defuncto principe sacerdotum, filius eius Heliasib principatum sacerdotalem suscepit. Et iste fuit tempore regis Assueri, & reginae Esther, vt patet eodem libro.

Sciendum autem, quod sacerdotes illi, qui supra positi sunt post ædificationem templi Salomonis, non vocantur eisdem nominibus in sacra scriptura, & apud Iosephum: nam Iosephus 10. Antiqui. vocat Ioram eum, quem nos vocamus Iohanam, & vocat ipse Anxioram, quem nos vocamus Azariam, & vocat Fideam, quem nos vocamus Amariam, & vocatur apud eum Sudeas, qui apud nos vocatur Achitob, & vocatur Illus apud ipsum, qui apud nos vocatur

A tur Sadoc, & ipse vocat Ioathan eum, quem nos vocamus Sellum, & ipse vocat Vriam eum, quem nos vocamus Helchiam, & ipse vocat Neriam eum, quem nos dicimus Azariam, & ipse vocat Zaroth eum, quem nos vocamus Saraiam. Ponit insuper tres sacerdotes inter istos, scilicet, Edeam, Saloni, & Helchiam. Sed fortè Iosephus vocat summos sacerdotes eos, quos aliquando contingebat ministrare loco summorum sacerdotum, quamquā non essent summi sacerdotes. Aliter potest dici, quod verè Iosephus computet omnes, qui fuerunt summi sacerdotes, & scriptura ponit pauciores, quia solum ponit successionem per lineam directam, scilicet, patrem, & filium, & tamen interdum contingeret, quod duo vel tres fratres filij eiusdem summi sacerdotis succederent sibi in summo sacerdotio, quia fortè aliquis eorum moreretur sine liberis, & succederet frater suus. Simile patet, quia fuerunt quinque sacerdotes summi de stirpe Ithamar, & nullum eorum posuit hic scriptura, sed continuauit progeniem Phinees, quamquam in illa non essent tunc aliqui sacerdotes magni, & sic isti vigintiquinque, quos numerauimus secundum sacram scripturam, essent in veritate vigintiocto. Vicesimus nonus sacerdos fuit Iudas filius Heliasib. De quo Iosephus 11. Antiqui. scilicet, defuncto Heliasib principe sacerdotum, filius eius Iudas principatum sacerdotalem suscepit. Tricesimus sacerdos fuit Ioannes filius Iudæ. Et fuit pater eius Iudas tempore Esther reginae vxoris regis Assueri. Aliqui etiam putant, quod iste fuerit sacerdos magnus Eliachim, qui fuit tempore Iudith, de quo Iudith 4. sed an sit verum, ibi dicitur. Iste Ioannes summus sacerdos habebat fratrem nomine Iesus, & ille habebat quendam amicum nomine Vagos, qui fuerat princeps tempore Arthaxerxis, cuius confidentia Iesus contra Ioannem fratrem suum sacerdotem magnum altercatus est, & Ioannes Iesum fratrem suum in templo occidit: ex quo habuit occasionem Vagos, vt Iudæos in seruitutem redigeret tanto scelere conspecto, & eos per septem annos oppressit, nec permisit eis offerre hostias in templo, vel facere alias caeremonias, nisi prius daret sibi quolibet anno quinquaginta dragmas, & hoc septem annis durauit: de quo Iosephus 11. Antiqui. Tricesimus primus sacerdos fuit Iadus filius Ioannis, de quo aliquando in secundo libro Machabæorum. Et fuit iste Iadus tempore, quo Philippus pater Alexandri dominabatur in Græcia. Iste habuit alium fratrem nomine Manasses, propter quem facta est magna contentio de sacerdotio: nam Sanabalarth quidam princeps Darij missus ad Iudæos dedit filiā suā huic Manasse, tanquam propter eum haberet ciuitatem in pace, cum summi sacerdotes essent principes Iudæorum. Iste autem Manasses prohibebatur a fratre suo, & a populo accipere aliquid de sacerdotalibus, & ministrare in altari, vel quod dimitteret vxorem. Ipse autem significauit Iocero suo, quod diligebat filiam eius, & tamen propter eam carebat honore sacerdotij. Dixit autem Sanabalarth, quod non solum ei sacerdotium, sed etiam principatum sacerdotij, & potentiam, et honorem omnium locorum sibi subiectorum daret, desiderabat enim ne filiam suā dimitteret. Dicebat etiam, quod ei templum ædificaret ad instar Ierusalem super montem Garizin, qui omnibus montibus Samariae altior erat, sed ad hoc licentiam regis Darij habere volebat. Contigit autem ipso tempore Darij regem Persarum ab Alexandro superari, et tunc Sanabalarth Iocero Manasse elegit octo milia de viris iuis, & iuit ad Alexandrum expugnantem urbem Tyri, referens quomodo haberet generum fratrem Iadi sacerdotis summi, velletque

velletque ædificare templum ei in monte Garizin, F
essetque hoc utile Alexandro, quia gens Iudæorum
diuisa in duas partes propter duo templa, non facili-
ter vniretur ad repugnandum regi, sicut si esset vna
gens propter vnitatem templi. Concessitque Alexan-
der hoc templum ædificari. Quod Sanabalath ædifi-
cavit, putans magnum honorem inde euenturum
filix suæ, & nepotibus suis, quia essent summi sacer-
dotes gentis Iudæorum. Et factum est igitur templum
illud, & mansit vsque ad tempus Christi, in quo co-
lebatur Deus iuxta easdem cæremonias, quæ fiebant
in Ierusalem, & tamen contra legis prohibitionem
factum, quia non licebat esse duo loca, in quibus offer-
rentur sacrificia, sed vnicum. Leui. 17. Sed adhuc nec
tam strictè seruabantur cæremonix in templo montis
Garizin. Vnde Iosephus ait, quod si quis culpam G
habuisset apud Ierolymitas de cibo illicito, seu de
transgressionem sabbatorum, aut de similibus peccatis,
ad Sichimitas recedebat, dicens: se iniuste cul-
pari. Tempore autem sacerdotis huius Iadi, de quo
dicebatur, Alexander pugnabat contra Tyrum, mi-
sitque nuncios ad Iadum principem sacerdotum in
Ierusalem, vt mitteret ei victualia, & alia necessaria
in Tyrum, & conferrent omnia, quæ conferebant
prius Dario. Respondit Iadus se sacramentum Da-
rio dedisse, nec eo viuente posse pactum transgredi.
Festinauit autem Alexander ire Ierolymam, vt
eam destrueret, & tunc tremefactus sacerdos ma-
gnus, post sacrificia facta, & responso accepto, exi-
uit obuiam Alexandro, quem conspiciens Alexan-
der nomen Domini adorauit, & principem sacer-
dotum veneratus est, de quo latius dicetur in fine
secundi libri. Hæc igitur sub Iado sacerdote tempore
Alexandri facta sunt. Tricesimus secundus sacerdos
fuit Onias filius Iadi, qui fuit vir honorabilis. Alius
tamen Onias fuit paulo ante tempore Machabæorum.
Fuit autem iste Onias tempore Ptolomæi regis Aegy-
pti, qui vocabatur filius Lagi, & fuit successor Alexan-
dri. Tricesimus tertius sacerdos fuit Simon filius
Oniæ, qui iustus appellatus est, cuius laudes magnæ
ponuntur Ecclesiast. 50. cap. Et incipit. Simon Oniæ
filius sacerdos magnus. Et etiam iste fuit tempore
Ptolomæi filij Lagi. De omnibus præcedentibus ha-
betur per Iosephum 11. Antiquitatum. Tricesimus
quartus sacerdos, fuit Eleazarus frater Simonis iusti:
nam Simon moriens reliquit filium paruum nomi-
ne Ioram, qui ad ministrandum in sacerdotio aptus
non erat: ideo Eleazarus frater patris sui Simonis sa-
cerdotium suscepit. Et fuit iste tempore Ptolomæi
Philadelphi regis Aegyptiorum, & ipse fuit qui ma-
xime cupidus fuit in congregatione librorum, habuit-
que in bibliotheca sua viginti quinque millia ultra li-
brorum: iste enim magnis sumptibus transferri fe-
cit legem Dei de Hebræo in Græcum per septuaginta
interpretes. De quo Iosephus 12. Antiquitatum, &
de hoc latè diximus in prologo super librum istum,
qui incipit. Si septuaginta interpretum: hoc enim
tempore scripti sunt duo libri apud Hebræos, scilicet, K
liber Sapientix, qui Parænetos dicitur: etiam Ecce-
siasticus, qui Iesus filius Sirach appellatur: in quo
de ipso S. mone summo sacerdote, cuius temporibus
scriptus est, mentio fit. Tricesimus quintus sa-
cerdos fuit Manasse. Et iste fuit pater Eleazari,
scilicet, filius primi Oniæ frater. Et iste fuit tem-
pore Ptolomæi Evergetis regis Aegypti: de hoc Io-
sephus 12. Antiquitatum. Tricesimus sextus sacer-
dos fuit Onias filius Simonis iusti, qui paruulus reli-
ctus fuerat moriente patre, quando Eleazarus pater
eius summum sacerdotium accepit. Iste fuit vir
auarus, & tenax nimis: vnde propter suam tenaci-

tatem regem Syriæ, qui terræ Ierolymorum domi-
nabatur, prouocare habuit, nisi obstitisset pruden-
tia cuiusdam Iosiphi filij sororis Oniæ: de qua occul-
ta refert Iosephus 22. Antiquitatum. Tricesimus
septimus sacerdos fuit Simon. Et non est iste ille,
qui vocabatur alio nomine, & erat minoris gloriæ,
& operum. Tricesimus octauus fuit Onias. Et iste
fuit vir sanctus. Et iste est, de quo dicitur 2. Macha-
bæo ultimo. quod apparuit Iudæ Machabæo, per somnia,
quando pugnare debuit contra Nicanorem. Aliqui
autem volunt, quod fuit aliquis de sacerdotibus præ-
cedentibus, qui vocabatur Onias: vt supra patet.
Nec tamen est iste ille, de quo dicitur 2. Machabæo-
rum quarto, quod occisus fuerit a Menelao, & An-
dronico. Tricesimus nonus sacerdos fuit Iesus fra-
ter Oniæ: nam filius Oniæ infans erat adhuc ineptus
ad summum sacerdotium. Erant autem isti tres fra-
tres, & vnus erat Iesus, qui vocauit se Iasonem. Iste
est, qui fuit facinorosus valde: de quo habetur 2.
Machabæorum quarto. Et fuit ibi contentio inter
eum, & Menelaum: de quo satis ibi habetur. Huic
autem rex iratus abstulit sacerdotium. Fuit igitur sa-
cerdos quadragesimus Menelaus frater ipsius, qui
etiam ipse pessimus fuit: de quo 2. Machabæorum
quarto, Quadragesimus primus sacerdos fuit Alchi-
mus vir malus, & patriæ accusator, & simoniacus.
Huius tempore Antiochus Rex Syriæ, qui Epipha-
nes dictus est, multos Iudæorum occidit, & coegit
eos dimittere legem Dei, & filios non circumcidere,
vt patet primo Machabæorum primo. Eo tempore fuit
Mathathias sacerdos de vrbe Modin, qui habuit ma-
gnum zelum legis, & conuocauit omnes Iudæos,
qui haberent zelum Dei, & libenter se morti expo-
nerent propter legem, & venerunt cum isto in mon-
tes, & ibi parauerunt se ad resistendum Gentilibus,
quod fecerunt vsque ad mortem Mathathix, & tunc
ordinauit ipse Iudam filium suum principem belli,
primo Machabæorum 2. Et non fuit iste Mathathias
summus sacerdos, sicut multi de nostris opinantur,
cum ipse fuerit tempore Iasonis, & Menelai, & Al-
chimi. Nec etiam ille Iudas fuit illico summus sa-
cerdos, vt mortuus est Mathathias, sed adhuc mane-
bat Alcimus summus sacerdos, cum ipse esset de stir-
pe sacerdotum. Quadragesimus secundus sacerdos
fuit Iudas Machabæus, qui viuente Alcimo factus est
sacerdos: vnde Alcimus accusabat eum apud regem
Syriæ, vt patet ex processu secundi Machabæorum.
Ex hoc tempore fuerunt sacerdotes summi de gene-
re Mathathix vsque ad Ircanum fratrem Aristoboli,
qui fuit paucis tempore ante Christi natiuitatem. Et
fuerunt isti simul sacerdotes, & principes populi. De
gestis autem Iudæ Machabæi non oportet dici, quia
notissima sunt in toto primo, & 2. libro Machabæo-
rum. Quadragesimus tertius fuit Ionathas frater Iu-
dæ Machabæi. Nam non reliquit Iudas aliquem fi-
lium, qui succederet ei in principatu, & in summo
sacerdotio. De pontificatu Ionathæ patet primo Ma-
chabæorum 10. Quadragesimus quartus sacerdos fuit
Simon Machabæus frater Iudæ, & Ionathæ: nam
mortuis fratribus suis accepit ipse summum sacerdo-
tium, quia nullus illorum reliquerat successorem, de
sacerdotio eius patet primo Machabæorum decimo-
quinto. Istorum enim fratrum opera magna sunt,
quæ apparent in eisdem libris Machabæorum. Qua-
dragesimus quintus sacerdos fuit Ioannes Hircanus
filius Simonis, qui vocatur sacerdos summus, pri-
mo Machabæorum ultimo. Deinde posteri huius
fuerunt viri multorum operum: de quibus hic pa-
rum dicemus, relinquentes omnia pro fine omnium
Machabæorum, vbi late ponentur. De his autem
Iosephus

Iosephus duodecimo, & decimotertio, & decimo-
 quarto Antiquitatum: Quadragesimus sextus fuit Ari-
 stobolus filius Hircani, qui fuit vir acris ingenij, &
 tres fratres suos, & matrem vinculauit, sibi que dia-
 dema regni posuit, & sic fuit simul rex, & summus
 sacerdos. Rediit autem Regnum Iudæorum tempo-
 re istius Aristoboli, & fuit annis quadringentis, &
 septuaginta quinque, postquam desierat Regnum
 Iudæorum, ducto Sedecia in captiuitatem Babylo-
 nis. Quadragesimus septimus sacerdos fuit Alexan-
 der filius Ioannis Hircani, & frater precedentis Ari-
 stoboli. Cuius modus fuit, quia Aristobolus ma-
 trem suam, & tres fratres vinctos tenebat, quia ipse,
 cum non esset maior, usurpauit summum sacerdo-
 tium, repugnante matre contra iura fratrum. Mor-
 tuo autem Aristobolo, vxoreius soluit fratres Ari-
 stoboli a vinculis, & maiorem eorum nomine Iam-
 naus, qui postea Alexander dictus est, regem con-
 stituit, & summum sacerdotem, quia ista duo simul
 erant. Quadragesimus octauus sacerdos fuit Anti-
 gonus: nam Alexander præcedens duos filios habuit,
 & Aristobolum, & Hircanum. Primogenitus au-
 tem Hircanus erat, & quia ignauus, & vitæ solitariæ
 erat, noluit mater eum regem instituere, sed sum-
 mum sacerdotium ei dedit, eo quod innocentis vitæ
 erat. Fuerunt autem bella aliqua inter Aristobolum,
 & Hircanum: nam aliquando sacerdos erat Hircanus,
 & aliquando Aristobolus: a principio enim sacer-
 dos erat Antigonus, sed postea sacerdos fuit Aristobolus:
 deinde mortuo Aristobolo, sacerdos fuit Hircanus,
 & sic Aristobolus est sacerdos quadragesimus
 nonus. Deinde fuit sacerdos quinquagesimus qui-
 dam filius Aristoboli nomine Alexander, vt quidam
 volunt, sed iste postea occisus est a militibus Pom-
 peij. Quinquagesimus primus sacerdos fuit quidam
 parui filius Antigoni. Sed istum fecit natando oc-
 cidere Herodes, vt ipse solus principatum Iudæorum
 obtineret: in quo nimis doluit soror sua Mariane vxor
 Herodis, & ex eo tempore semper fuit illi infesta,
 quousque post magnam indignationem fecit eam
 occidere Herodes. Quinquagesimus secundus sacer-
 dos fuit quidam nomine Iesus, qui aliquanto tem-
 pore, viuente primo Herode, possedit summum sa-
 cerdotium. Sed postea Herodes iratus istum pon-
 tificatu priuauit. Quinquagesimus tertius sacerdos
 fuit quidam nomine Simon, quem ipse Herodes sa-
 cerdotem instituit, deposito Iesu sacerdote. Quin-
 quagesimus quartus sacerdos fuit quidam nomine
 Amathias: sed istum postea Herodes sacerdotio priua-
 uit, putans, quod ipse fuisset conscius seditionis con-
 tra eum factæ, & tamen ille erat vir benignus, &
 mitis. De his Iosephus decimosexto, & decimose-
 ptimo Antiquitatum. Quinquagesimus quintus sa-
 cerdos fuit Azarus, vel alio modo Eleazarus, quem
 Herodes pontificem fecit, deposito Amathia. Quin-
 quagesimus sextus sacerdos fuit quidam nomine Io-
 sephus, qui tempore Amathia, de quo supra dici-
 tur, summus sacerdos fuit solum per vnam diem.
 Cuius causa fuit, quia Amathias summus sacerdos
 erat, & cum in die expiationis, qui est dies decimus
 mensis septimi facere debuisset caeremonias, visum
 est sibi per noctem euidam sceminæ copulari: ideo
 propter somni pollutionem sacerdotio fungi non po-
 tuit: sed Iosephus Helimi filius cognatus eius pro eo
 fuit. Quinquagesimus septimus sacerdos fuit alius
 Mathias: nam duo fuerunt Mathia summi sacerdo-
 tes tempore Herodis: vnum enim Herodes pontifi-
 catu remouit, alterum verò, qui seditioni causam
 dederat, igni tradidit, Quinquagesimus octauus sa-

A cerdos fuit Eleazarus frater Ioazari: nam Archelaus
 Herodes mox vt in Iudæam venit Ioazarum pontifi-
 catu remouit, exprobens ei, quod cum seditiosis con-
 uenerit. Eleazarum autem fratrem eius ad pontifi-
 catum subrogat. Quinquagesimus nonus sacerdos
 fuit Ioazarus, vt quidam volunt, frater Eleazari, qui
 prius pontifex fuit quam ipse, quem Herodes sacer-
 dotio priuauit. Sed istum aliqui volunt eundem esse
 cum Ioazaro, de quo supra dictum fuit. Sexagesi-
 mus sacerdos fuit Iesus filius See: hunc enim Hero-
 des Archelaus subrogauit Eleazaro: nam cum pauco
 tempore in sacerdotio manere permisit, Sexagesi-
 mus primus sacerdos fuit alius Eleazarus, quem Cy-
 rinus Beromanus, restitutis rebus Archelai, ab offi-
 cio pontificatus deponit, cum a multitudine seditio-
 nem passus esset. Sexagesimus secundus sacerdos fuit
 Annanus, quem subrogauit Cyrinus in pontificatu
 Ioazaro. Et ille est, qui vocatur in euangelio Annas,
 ad quem Christus ductus est prius quam ad Caiphan:
 quamquam tunc Annas pontifex non esset, sed Cai-
 phas: fuerat tamen alijs temporibus Annas pontifex,
 & tunc erat socer Caiphæ: Sexagesimus tertius pon-
 tifex fuit Ismael filius Iabi, quem quidam rector Ro-
 manorum nomine Valerius Gracchus pontificatu ho-
 norauit Annanum priuans: Sexagesimus quartus
 pontifex fuit Eleazarus Annæ, siue Anani, quod
 idem est, pontificis filius, quem idem Valerius Grac-
 chus pontificatu præfecit, cum pauco tempore Ismae-
 lem, quem iam sacerdotio præfecerat sacerdotio re-
 mouisset. Sexagesimus quintus sacerdos fuit Simon
 Cami filius, quem idem Valerius sacerdotem effecit:
 nam cum vno anno Eleazarus pontifex fuisset, eum
 sacerdotio priuans, Simonem subrogauit. Sexage-
 simus sextus sacerdos fuit Iosephus nomine Emphas:
 nam cum Simon vno anno ministrasset Valerius eum
 sacerdotio remouit, & Iosephum ei fecit successo-
 rem. Hæc omnia fecit Valerius Romanorum rector,
 qui vndecim annos Iudæam totam rexit, & huic suc-
 cessit Pilatus missus a Romanis, vt eandem Iudæam
 regeret. Erat autem Christus tempore horum pon-
 tificum: nam iste Ioseph, de quo dictum est, fuit
 Caiphas, vt ait Iosephus decimo octauo Antiquita-
 tum, qui sententiam contra Christum protulit, di-
 cens. Expedit vt homo vnus moriatur pro populo
 Ioan. undecimo. Sexagesimus septimus sacerdos fuit
 Ionathas filius Annæ, quem Vitellius Romanus sa-
 cerdotem instituit, deposito Iosepho, qui Caiphas
 appellabatur. Quod fecit Iudæis se arbitrans bene-
 ficium conferre. Sexagesimus octauus sacerdos fuit
 Theophilus frater Ionathæ, quem idem Vitellius sa-
 cerdotem instituit, deposito fratre eius Ionatha, &
 tamen isti duo sacerdotes, & cæteri, qui sequuntur,
 post Christi mortem fuerunt, cum ipse sub Caipha
 pontifice mortuus fuerit. De his omnibus Iosephus
 decimo octauo Antiquitatum, vbi de morte iniustis-
 sima Christi, & eius laudibus agit. Sexagesimus no-
 nus sacerdos fuit Boethus Simonis, cui cognomen-
 tum Canthera fuit: hunc enim Agrippa rector Iu-
 dæorum, mortuo Tiberio Imperatore Romanorum,
 sub Caio Imperatore constituit, deposito Theophi-
 lo filio Annæ.

Septuagesimus sacerdos, vt quidam volunt, fuit
 Simon frater Boethi, quem Agrippa Rex sacerdo-
 tem constituit,

Septuagesimus primus sacerdos, fuit Mathias fi-
 lius Annæ Pontificis, qui fuerat tempore Christi:
 nam Agrippa Simonem Cantherum Pontificatu pri-
 uauit, & denuo Ionam Annæ filium sacerdotem
 constituit, qui alias summus sacerdos fuerat, & eo
 spoliatus extiterat, reputans eum cæteris digniorem.
 Ionæ

Ionathamen gratum non fuit tantam recipere dignitatem, pro qua read Agrippam supplicabat, dicens: Tu quidem, o Rex meo honore congaudens, hanc mihi restituis proprio consilio dignitatem, licet me hoc pontificatu nunquam dignum iudicauerit Deus: semel tamen cum indutus sim stola sacerdotali, sufficit mihi: prius enim fui dignius indutus, quam nunc sum denuo recepturus: tu vero si modo vis, ut accipiat dignior hunc honorem, agnosce: quia omni peccato mundior apud Deum, & apud te Rex frater mihi est, qui possit ad hunc honorem dignius accedere. In his ergo sermonibus Rex Agrippa colaudans Ionathae voluntatem Mathiae, fratri eius pontificatum tradidit.

Septuagesimus secundus sacerdos fuit Elionæus, quem Agrippa constituit sacerdotem, spoliato pontificatu Mathiae, quem prius ipse pontificem constituerat. De his omnibus Iosephus decimonono Antiquitatum, cap. quinto.

Septuagesimus tertius sacerdos, fuit Ioseph filius Cami, quem Herodes instituit.

Septuagesimus quartus pontifex fuit Ananias filius Iubedæi, quem Herodes sacerdotem instituit, deposito Ioseph filio Cami.

Septuagesimus quintus sacerdos fuit Ismahel filius Iabi, quem Agrippa pontificem instituit.

Septuagesimus sextus fuit pontifex Ioseph filius Simonis, cui Agrippa sacerdotium dedit, & Ismahelem eodem pontificatu priuauit.

Septuagesimus septimus sacerdos fuit Annanus filius Annani, quem sacerdotem Agrippa fecit, priuato Ioseph de pontificatu: Ille Annanus fuit ille Ananias, ad quem Paulus dixit: Percutiat te Deus paries dealbate, Actuum vigesimotertio. Cum ipse Ananias eum alapa percussisset. Postea cum malediceret ei Paulus, & accusaretur a Iudæis, quod maledicebat principi populi, & summo sacerdoti dixit Paulus: se nescire, an ille summus sacerdos esset. Ille Annanus, siue Ananias fuit filius Annæ sacerdotis coram quo Christus præsentatus est, prius quam præsentaretur Caiphæ summo sacerdoti. Et de hoc Iosephus, & alij Iudæi dicunt, quod scilicet nimium fuerit: quia omnes filij sui successiue pontificatum tenuerunt, cum ipse prius multis temporibus pontificatum tenuisset: Ille Annanus fuit, qui Iacobum Ierosolymitarum Archiepiscopum, qui frater Domini dicebatur, lapidari fecit: ut ait Iosephus vigesimo Antiquitatum, capitu. 25. Scilicet, Annanus credens se tempus habere opportunum, Sexto mortuo, & Albino in itinere, fecit Iudicum concilium, & quosdam deducens ad semetipsum inter quos, & fratrem Iesu, qui dicitur Christus nomine Iacobum, quasi contra legem agentes accusans, tradidit lapidandos. Qui autem videbantur esse moderatissimi ciuitatis, & circa legis integritatem habere sollicitudinem, grauiter hoc tulerunt, miseruntque latenter ad Regem, rogantes eum, ut scriberet Annano, ne talia perpetraret, cum neque prius recte fecisset. Quidam vero eorum etiam Albino occurrerunt ab Alexandria venienti, eumque docuerunt, quia non liceret Annano præter illius voluntatem, congregare concilium. Albinus autem eorum sermonibus flexus, cum iracundia scripsit Annano interminatus eum poenas exoluere. Quapropter Agrippa Rex sublatum ei pontificatu, quod tribus mensibus habuerat, Iesum Danæi filium in eius loco constituit.

Septuagesimus octauus pontifex fuit Iesus Danæi filius, quem Agrippa rex, deposito Annano, in sacerdotio subrogauit.

Septuagesimus nonus sacerdos fuit Iesus filius Ga-

F malielis, qui Iesu Danæi filio pontificatu priuato, in honore succedere meruit.

Octogesimus sacerdos, ut aliqui volunt, fuit Iesus Gamalielis filius, quem Agrippa sacerdotio priuauerat.

Octogesimus primus fuit Mathias Theophili filius, sub cuius pontificatu bellum Romanorum contra Iudæos incepit.

Octogesimus secundus fuit Finasus, qui tempore belli Iudaici contra Romanos per discordiam in pontificem assumptus est. Et iste fuit vltimus pontifex Iudæorum, cum post bellum Iudaicum pontifex nullus fuerit, quia & in bello illo templum, & ciuitas concremata sunt. De istis autem Iosephus vigesimo Antiquitatum. Fuit autem conditio istorum pontificum a principio, ut de stirpe Aaron per lineam rectam descenderent, nec vnus substituere-tur, quousque alius descenderit, & hoc durauit annis multis, scilicet, vsque post reditum de Babylone tempore Machabæorum: nam tunc prius Antiochus, & princeps militiæ eius Licias Oniam, cui cognomentum erat Menelaus, de pontificatu deposuerunt, & constituerunt pontificem Ioachim ex genere quidem Aaron, sed non ex domo sacerdotum summorum. Postea autem Machabæi summum sacerdotium susceperunt, in quorum domo durauit vsque ad tempora Herodis: sed pontificatus sapius mutabatur, nec alicui viro nobili tradebatur, sed populares principatum istum suscipiebant, ut securius esset regnum Herodis. Fuerunt autem a temporibus Herodis vsque ad diem, qua ciuitas per Titum cum templo simul concremata est, anni centum, & septem, in quibus summi sacerdotes viginti octo fuerunt: quoniam frequens eorum fiebat mutatio, tam propter auaritiam Romanorum, & Iudæorum pontificatum vendentium, quam propter mutuas seditiones. De his Iosephus vigesimo Antiquitatum. De his etiam idem multa in septem libris de bello Iudaico.

C A P. VII.



RORRO filij Issachar, Thola, & Phua, Iasub, et Semirom, quatuor. Filij Thola, Ozi, et Raphaia, et Ieriel, et Iemai, et Iesem, et Samuel, principes per domus cognationum suarum. De stirpe Thola viri fortissimi numerati sunt in diebus David, vigintiduo millia sexcenti: Filij Ozi, Izrahia, de quo nati sunt Michael, et Obadia, et Ioel, et Iesia, quinque: omnes principes cumque cis per familias, et populos suos accincti ad prælium, viri fortissimi, triginta sex millia. Multas enim habuerunt uxores, et filios. Fratres quoque eorum per omnem cognationem Issachar, robustissimi ad pugnandum, octoginta septem millia numerati sunt.

DESCRIPTA in precedentibus progenie Leuitarū, hic agitur de progenie reliquarum tribuum, & agitur simul de Issachar, Benjamin, & Manasse, Nephthali, & Ephraim. & diuiditur in partes sex secundum quod hic agitur de sex tribubus: primò de tribu Issachar: secundò de tribu Benjamin, ibi. *Filij Benjamin*. Tertio de filijs Nephthali, ibi. *Filij Nephthali*. Quarto de tribu Manasse, ibi. *Torò filij Manasse*. Quinto de tribu Ephraim, ibi. *Filij autem Ephraim*. Sextò de filijs Aser, ibi. *Filij Aser*.

An ea, quæ hic scripta sunt, sint ad precedentia continuata.
Quæst. I.

QUÆRITUR circa primum, an ea, quæ habentur hic, sint continuata ad precedentia? Respondendum sicut in alijs communiter dicitur, quod non potest esse ordo continuatus in istis propriè sumptus, quia huiusmodi ordo consideratur in historijs, quarum partes sibi succedunt habitudine naturali: & tamen hic describuntur progenies non habentes inter se dependentiam, ideo nō potest esse talis: est tamen quidam ordo, in quantum tales generationes, quæ posterius fuerunt, posterius describuntur.

Quare post tribum Leui immediatè agitur de tribu Issachar.
Quæst. II.

QUÆRITUR vterius quomodo de tribu Issachar agitur immediatè post tribum Leui: nā non videtur seruari hic aliquis ordo. Quod patet, quia non est ordo natiuitatis, nam post Leui non fuit natus Issachar, sed Iudas, Gen. 29. postea autem Dan, & Nephthali, deinde Gad, & Aser, Gen. 30. Ideo omnes isti ordine natiuitatis Issachar præcedere debuissent. Non seruatur etiam ordo cohabitationis, quia non habitabat specialiter Leui cum Issachar, sed per omnes tribus Leuire erant dispersi. Etiam non obseruatur ordo dignitatis, quia post Leui non sequitur Issachar in dignitate, sed potius deberet præcedere ad Simeon, & Ruben, de quibus supra 4. & 5. dicitur: nam Iudas erat prima tribus in dignitate, ut patet ex locatione castrorum. Numeri secundò. & ex tempore offerendi in dedicatione, quia princeps tribus Iuda prima die obtulit sacrificium ante ceteros principes in dedicatione tabernaculi, Num. 7. Princeps tamen Issachar sequebatur post Iudam: nam immediatè obtulit princeps Issachar tribus post principem Iudæ, scilicet die secunda, & deinde alij principes, Num. 7. Sic etiam in castrametatione, nam princeps Issachar locabat castra post principem Iudæ.

Dicendum, quod hic seruatus fuit ordo alicuius dignitatis, non quidem dignitatis in castrametando, sed dignitatis capiti tribuum, scilicet, quia illa tribus, quæ habet caput dignius, prius ponatur. Sic autem est de Issachar respectu Leui, nam post Leui ordine natiuitatis sequitur Iudas, de quo dictum fuit supra 2. 3. & 4. Propter causam assignatam ibidem: deinde sequebatur ordine natiuitatis duo, I. Nephthali, & Dan, & alij duo, I. Gad, & Aser ante Issachar, & tamen quia isti quatuor erant filij ancillarū, & Issachar erat filius Liæ, quæ erat domina, debuit poni Issachar ante tribus illas, licet ordo in quibusdam illorum non nimis attendatur.

Quare hic agitur de progeniebus omnium tribuum præter quam Dan, & Zabulon.
Quæst. III.

QUÆRITUR vterius, quare agitur in libro isto de progeniebus omnium tribuum, & non agitur Alph. Tost. in Lib. I. Paralip.

A de tribu Dan, & Zabulon: nulla enim descriptio istorum inuenitur. Hic respondent Hebræi, & Nicolaus quod scriptor libri huius transtulit omnes istas progenies per libros genealogiarum singularum tribuum, quia inter Hebræos libri progenierum erant. De Zabulon autem, & Dan dicunt, quod libri genealogiarum ipsorum non inuenti sunt post reditum de Babylone, ideo non potuit Esdras scribere aliquid illorum. Hoc autem videtur habere colorem, quia in libris Esdræ interdum dicitur de quibusdam, qui non potuerunt ostendere, de qua progenie erant; ideo quanquam gererent se pro sacerdotibus, vel Leuitis non suscepit eos populus in hac possessione, sed exclusit illos Esdras.

B Dicendum tamen magis videtur, quod Esdras nō posuit aliquid de istis duabus tribubus, quia noluit, licet eorum progeniem sciret: verisimile est enim quod Esdras omnia hæc sciret, quia prophetice scribebat, cum omnes scriptores sacre scripture prophetice scripserint: non ergo oportet, quod Esdras transcriberet ista de alijs libris, sed spiritu prophetico ea haberet, quia alioquin sequeretur magna absurditas, scilicet, quod Esdras, vel aliquis alius scriptor librorum sacrorum transcribens esset ex alijs libris humanis, nam cum illi mendaces essent, quia humana auctoritas mentiri posset, mendacium quoque in sacra scriptura ponerent. Et hoc non est recipiendum, quia tunc non esset nobis magis certa auctoritas istius libri, quam vnus de historiographis Gentilium, cum vterque solo humano ingenio scripsisset. Nisi forte dicas, quod Esdras transtulit progenies istas de genealogijs tribuum: & tamen illas spiritu prophetico sciebat esse veras, nam tunc eodem modo diceremus, quod etiam istarum duarum tribuum, quarum non habebantur genealogie, sciret ipse progenies, & scribere posset sine libris genealogiarum.

Dicendum ergo, quod Esdras non omisit scribere de tribu Dan, & Zabulon, tanquam non starent genealogie ipsorum, vel Esdras nesciret illas, sed quia Esdras iudicauit non expedire illas describi, quia forte non fuit aliquid magnificum, & dignum memoria in his duabus tribubus propter quod describi deberent.

C Circa primum dicitur. *Torò filij Issachar*. Scilicet sunt isti, qui sequuntur.

D *Thola*. Iste est primus filius Issachar à quo nominata est familia Tholaitarum, Numeri vigesimo sexto. Non est autem iste Thola, de quo habetur Iudicum decimo, quia ille fuit dux, & iudex in Israel, & verum est, quod fuit de tribu Issachar, & tamen fuit post istum Thola plus quam quadringentis annis, quia iste Thola natus est in terra Chanaan antequam descenderet Iacob in Aegyptum, quia ipse fuit vnus de descendantibus illuc, Genesis quadragesimo sexto: ille autem Thola de quo habetur Iudicum decimo, fuit tempore Iudicum, cum transissent multi anni temporis Iudicum, ut patet accipiendi viginti annos, vel quasi, quos haberet iste Thola, quando descendit in Aegyptum cum auo suo Iacob, & deinde anni ducenti & quindecim quibus manserunt Israelite in Aegypto, & viginti septem vel plus, qui transierunt ab exitu de deserto vique ad principium Iudicij, & quadraginta, qui fuerunt ante hoc ab exitu de Aegypto vique ad introitum in terram Chanaan, & postea anni quadraginta, quibus iudicauit Ieremias, Iudicum octoginta, quibus iudicauit Aioth, eodem capitulo. & postea anni quadraginta, quibus iudicauit Barac Iudicum quinto. & totidem quibus iudicauit Gedeon, Iudicum octauo. & tres quibus iudicauit Abimelech, Iudicum nono, qui sunt simul anni quingenti & quinque, & post Abimelech iudicauit

dicauit illico Thola, Iudicum decimo. ideo fuerunt inter natiuitatem illius, & tempus iudicandi istius anni quingenti & quinque, & consequenter multi fuerunt intermedij inter istum Thola, & illum: potissime ga in Aegypto mortui sunt omnes, qui introierunt illuc cum Iacob, vt patet Exo. 1. & tamen ille Thola filius Issachar descendit cum Iacob, Gen. 46. ideo mortuus est in Aegypto, & nō potuit esse ille, qui fuit Iudex in Israel. *Et Phua.* Iste vocatur Phua, Gen. 46. & Nu. 26. & ob hoc denominatur familia Phuaitarum. *Iasub.* Iste vocatur Iob, Gen. 46. & vocatur Ieresub, Nu. 26. & ab eo deriuata est familia Iebusitarū, eo. cap. & huic consonat istud nomen Iasub. *Et Simaron quatuor.* Isti quatuor dicti fuerunt filij Issachar. Iste Simaron vocatur Semron, Gen. 46. & vocatur Semrē, Nu. 26. & ab eo deriuatur familia Semrenitarum, eod. cap. *Filij Thola.* Describitur hic progenies pro primogenitura Issachar, s. Thola. *Raphaia.* Aliqui ponuntur eiusdem nominis precedentibus capitulis, sed differt iste ab illis, quia illi sunt de alijs tribubus. *Et Ieriel.* Non est Ieriel qui vocatur Iediel supra quinto, quia ille fuit de tribu Gad, iste autem est de tribu Issachar. *Et Semei.* Nō est iste Semei, qui frequenter nominatur supra, quia differt in nomine ab illis, & etiam sunt de diuersis tribubus. *Et Iebsem.* Nomen viri est hic, & tamen aliquando accipitur pro nomine gentis, sic dicitur 4. Reg. 19, filios Reseph, & filios Eden, qui erant in Thelassar, Idem patet Isa. 37. *Et Samuel.* Non est iste Samuel propheta, quia ille fuit de stirpe Levi, preced. cap. iste autem est de stirpe Issachar. Etiam iste fuit multo tempore ante illum: nam iste fuit nepos Issachar. Ex quo apparet, quod in Aegypto natus fuerit, & tamen Samuel propheta fuit post exitum de Aegypto multo tempore, s. tempore regis Saulis, quia ipse vnxit eum in regem 1. Reg. 10.

Principes per domos cognationum suarum. i. isti filij Thola erant principes cognationum, idest specialium domorum, nam à patre Thola eorū nominata est quaedam familia Tholaitarum, a qua omnes isti descenderunt, & tamen isti filij Thola nominauerunt quasdam speciales cognationes in familia Thola, & iste erant domus, nam sub familia sunt cognationes minores, quæ vocantur domus, vt declaratum est supra 5.

De stirpe Thola viri fortissimi numerati sunt in diebus David. Ista stirps Thola erat familia maior in tribu Issachar, ideo fuerunt in ea viri multi.

Vigintiduo millia sexcenti. Iste fuit numerus virorū fortium, quia non computabantur nisi viri potentes ad pugnam. Fuit autem ista computatio facta tempore David, scilicet, quando ipse fecit numerari totū populum, vt patet secundo Reg. vltimo, & infra 21.

Filij Ozi. Iste fuit vnus de filiis Thola, cuius describitur hic progenies. *Izrahia.* Iste solus ponitur filius Ozi, & tamen dicitur filij Ozi, quia de habente vnū filium dicitur, q̄ habet filios. sic patet Gen. 46. cum dicitur, filij Dan Vāa, & sic non habuit nisi Vm in filium, & tamen dicitur habuisse filios.

De quo nati sunt Michael. Idest à Izrahia, qui habuit filios quatuor, qui nominantur hic. Et iste Michael non est, de quo dicitur supra quinto cap. & in alijs locis, quia illi fuerunt diuersarum tribuum.

Et Obadia, & Ioel, & Iesia. Isti erant fratres. Iste tamen Ioel nō est propheta de minoribus, quia ille fuit multo tempore post, scilicet regnante Ozia rege Iuda, & tamen iste Ioel vel natus est in Aegypto, vel parum post, quia est in generatione quarta respectu Issachar, vt patet in litera. Iste Iesia non est Iesus, de quo preceden. cap. & supra secundo, quia illi sunt de alijs tribubus. Ab his quinque principibus deriuati sūt multi viri, & populi, vique ad summa, quæ ponitur hic,

cū isti fuerint principes quinque domorum. Et dicitur per familias suas, non quidem, quod fuerint aliquæ familiæ deriuatæ ab istis, cū isti fuerint de familia Tholaitarum, sed accipiuntur familiæ largè pro domibus, vel paruis cognationibus, & sic habebant isti familias, quia sicut erāt quinque principes, ita erāt quinque familiæ. Fuerunt etiam multi populi deriuati ab istis, scilicet, quia viri descendentes ab istis populauerunt multas vrbes, & villas.

Accincti ad prælum viri fortissimi. Idest descendentes ab istis quinque principibus fuerunt viri fortissimi, & erant omnes parati ad bellum.

Triginta & sex millia. Ista summa fuit quando computata est progenies istorum tempore David, nam omnes istæ numerationes referuntur ad David, cū ipsius tempore dicatur facta numeratio precedens. Et ista numeratio, quæ habetur, hic non exprimitur quando facta fuerit: oportet quod intelligatur, quod fuerit facta tempore David.

Multas enim habuere vxores & filios. Hic redditur causa, quare cū isti essent pauci principes, potuerūt habere tantam summam filiorum tempore computationis factæ sub David: & dicitur, quod hoc fuit, quia isti habuerunt multas vxores, scilicet, quia quilibet eorum habebat multas vxores simul, & ideo poterat gignere multos filios, nam licebat istis habere multas vxores, quia non erat vetitum in veteri testamento, sicut declaratum est 2. Reg. 6. Et errant illi, qui dicūt non licuisse alicui in veteri testamento, aut aliquando ab exordio seculi habere multas vxores sine dispensatione speciali. Et sic asserit papa extra de diuor. cap. Gaudemus. Et tamen quia illa assertio non est preceptum, quod procedat ex potestate iurisdictionis, cui ex necessario teneantur obedire omnes fideles, sed est quædam assertio expositiua veritatis alicuius scripturæ, in qua expositione non vult papa sibi attribui maiorem auctoritatem, quā alijs expositoribus, immo potius econuerso, si aliquis melius exponat, standum ei est, vt ipsemet asserit in decretis, dist. 20. cap. de libellis, & commentarijs, licebit nobis recedere ab illa assertionem, dicendo, quod licuit iam in lege naturæ, quā in veteri testamento alicui accipere plures vxores, nec egebat ad hoc dispensatione, nisi aliud obstarat, vtpote si esset rex, quia non licebat regi accipere vxores plurimas. Deuteronomij decimo septimo, vel si veliet accipere vxores alienigenas de Chanaanais, quia istud erat contra legem, Exodi trigesimo quarto, & Deuteronomij septimo. ideo non poterat fieri sine dispensatione. Sic autem isti, cū haberent vxores plurimas, poterant gignere multos filios: dato quod ipsi essent multi à principio: sic enim quando aliquis habet valde multos filios in sacra scriptura, ita vt de eo admirādū sit, quomodo illos habere potest, exprimitur, quod illos habeat ex multis vxoribus. Sic patet Iudicum octauo. de Gedeone, qui habuit septuaginta filios masculos, & dicitur: Habuitque septuaginta filios, qui egressi sunt de fœmore eius, eo quod plures haberet vxores. Sic enim dicitur de Roboam filio Salomonis, quod habuit viginti octo filios, & sexaginta filias: & dicitur, quod habuit vxores decem & octo, & concubinas sexaginta, sequenti libro cap. 11.

Fratres quoque eorum per omnem cognationem Issachar robustissimi ad pugnandum. Positæ fuerunt summa quantitas cognationum Issachar, scilicet, quantus fuerit numerus virorum in illis tempore numerationis factæ sub David. Hic autem dicitur in generali de omnibus alijs familijs quantus fuerit numerus computatorum: ideo dicitur, per omnem cognationem Issachar, idest, per omnes alias familias,

lias, & domos Issachar, quæ non sunt de principibus supra enumeratis descendentes. *Octoginta septem millia numerati sunt.* Fuit hoc tempore David, quando iussit computari populum. Et sic colligendo istas tres summas particulares, quæ ponuntur in litera, resultât ex eis centum & triginta nouem millia & sexcenti viri, qui fuerunt inuenti in tota tribu Issachar tempore computationis factæ sub David. *Filij Benjamin.* Hic ponitur secundum huius cap. scilicet de Benjamin filiis. Et considerandum quod de filiis Benjamin agitur in toto sequē. cap. hic tamen præponuntur aliqua de tribu illa, & postea supplentur ibi, quæ desunt hic.

Quare hic Esdras posuit aliquid de tribu Benjamin.

Quæst. IIII.

QUÆRITVR quare posuit hic Esdras aliquid de tribu Benjamin, cum sequen. cap. de istis ponatur, vel si ponitur, quare hic ponitur aliquid de Benjamin?

Respondendum, quod posuit hic Esdras aliquid de tribu Benjamin, & quia non compleuit, posuit illud sequen. cap. subiens ea, quæ hic deficiunt. Sed adhuc obijcietur, quia poterat Esdras hic ponere totum, quod pertinebat ad tribum Benjamin, & nihil infra haberet suppleendum, vel poterat infra ponere omnia compicere, ita quod nihil oporteret præponi hic.

Responderi potest vno modo, quod verum est, quod Esdras potuisset sic facere, & esset rationabiliter factum, & tamen non possunt cogi scriptores sacre scripturæ ad istum ordinem, sed interdum cum inceperint dicere de aliqua re, omittunt illam, & transeunt ad aliam, sic fit sæpius, & ita facit hic Esdras. Aliter potest dici, quod hoc fuit factum ex causa speciali, scilicet, quod voluit ponere Esdras hic narrationem de Benjamin in ordine suo, sicut ponebat de alijs tribubus, quia tamen debebat specialis mentio fieri de Benjamin propter Saul, qui descendit de ista tribu, fecit aliquid speciale Esdras in hac tribu, quod non fecit in alijs: fuit enim tribus Benjamin honoratior omnibus tribubus Israel præter tribum Iuda, eo quod de ea reges descenderunt, qui dominarentur toti Israel, scilicet, Saul, & Isboseth filius eius, & non descenderunt de aliqua alia tribu: voluit ergo specialiter agere Esdras mentionem de Benjamin describendo progeniem eius, potissime per lineam, per quam descendit Saul, & non solum computauit progeniem Benjamin usque ad ipsum, sed etiam usque ad captiuitatem Babylonis & tempora sua, quando liber iste scriptus est. Simile enim fit supra secundo, quando enarratur progenies Iudæ usque ad David, & ibi sistit, & tunc omittit ista, deriuatur progenies per alias lineas: deinde supra cap. 3. reuertitur scriptura ad narrandum progeniem David, & narrat eam usque ad tempora Esdræ, quando scriptus est iste liber, & dicitur.

Filij Benjamin Bela, et Bechor, et Iadihel, tres.

Filij Benjamin Bela, & Bechor, & Iadihel tres. Id est isti tres fuerunt filij Benjamin. Iste Bela vocatur Bela. Gen. 26. sicut hic, & ab eo deriuata est familia Belaitarum. eod. cap. Iste Bechor vocatur Bechor, Gen. 46. & Nume. 6. non vocatur sic, sed aliquo alio nomine, quia inter familias deriuatas a Benjamin non ponitur aliqua, quæ sic nominaretur. Iste Iadihel non ponitur Gen. 46. sub hoc nomine, sed fortè est ille, qui vocatur ibi Abel.

Alph. Toft. in Lib. I. Paralip.

Quare scriptura solum ponit quatuor filios Benjamin.

Quæst. V.

QUÆRITVR quomodo non ponit hic scriptura nisi tres filios Benjamin, cum fuerint multi alij, nam Gen. 46. ponuntur decem filij Benjamin. Aliquis dicit, quod non erant iam nisi tres familie de filiis Benjamin, scilicet, quia quanquam genuerit decem filios Benjamin, non habuerunt omnes isti familias à se descendentes. Quod patet, quia Gen. 46. ponuntur decem filij Benjamin, & tamen Nu. 26. ponuntur solum quinque familie de filiis eius, ex quo patet, quod quinque illorum, vel nunquam habuerunt filios, vel si habuerunt, mortui sunt, de quibus declaratum est satis, Nu. 26. ita poterit dici, quod quæquam in deserto tempore Moyse fuerint quinque familie filiorum Benjamin, postea perierunt tres illarum, & manserunt tres denominatæ a tribus filiis, & istæ tres familie manebant tempore Esdræ, quando scripsit librum istum. Sed dicitur, quod non stat, quia tempore Esdræ manebant omnes cognationes Benjamin, quæ à principio fuerant, ut patet sequen. cap. ubi ponuntur quinque filij Benjamin, à quibus familie nominatæ sunt. Sed dicendum est, quod ponuntur hic solum tres filij Benjamin, quia non intendebat hic Esdras agere nisi de progeniebus istorum trium, & sic facit, & tamen sequenti cap. quia supplet ea, quæ defecerunt hic, dicit quod fuerunt quinque filij Benjamin, scilicet, à quibus deriuatæ sunt quinque familie, nam præter istos fuerunt alij, sed non habuerunt familias.

Filij Bela: Esbon, & Ozi, & Oziel, & Ierimoth, & Vrai, quinque principes familiarum, et ad pugnandum robustissimi: numerus autem eorum vigintiduo millia, et trigintaquatuor.

Filij Bela: Esbon, & Ozi, & Oziel, & Ierimoth, & Vrai. Ponitur hic progenies deriuata per primum filium Benjamin: & ponuntur hic quinque filij eius primus est Esbon. Est autem Esbon interdum nomen ciuitatis, quæ vocatur Esbon, de qua præced. cap. & fuit metropolis regni regis Seon, unde vocatur Seon rex Esbon. Iosue 13. Alio modo accipitur ut nomen viri, & sic accipitur hic. *Et Ozi.* Non est iste, de quo dicitur supra in litera, quia ille fuit de tribu Issachar: iste autem est de tribu Benjamin. *Et Oziel.* Non est iste, de quo præced. cap. quia ille fuit filius Caath, & Nepos Leui: iste autem est de tribu Benjamin. Ierimoth autem aliquando est nomen vrbs, cuius regem occidit Iosue, ut patet Iosue 19. & 12. & est in tribu Iuda, Iosue decimoquinto: hic autem accipitur pro nomine viri. *Quinque principes familiarum.* Id est isti quinque filij Bela sunt principes familiarum in tribu Benjamin. *Et ad pugnandum robustissimi.* Scilicet omnes isti, qui computati sunt de Benjamin sub istis quinque principibus, fuerunt viri robustissimi, nam soli viri bellatores computati sunt. *Numerus autem eorum viginti duo millia & triginta quatuor.* Id est omnes isti peruenerunt ad istam summam sine alijs filiis Benjamin. Ista computatio fuit facta tpe David, sicut facta fuit computatio eorum, qui fuerunt de stirpe Issachar supra in litera, nam tunc viri bellatores de omnibus tribubus Israel computati sunt. 2. Reg. vlt. & infra 21.

An hæc, quæ hic scribuntur, habeant veritatem, quia videntur repugnare multis.

Quæst. VI.

QUÆRITVR quomodo potest stare ista litera, quia videtur repugnare multis: nam dicitur hic,

N 2

quod

quod filij Bela fuerunt quinque principes familiarum, & tamen Num. 26. ponuntur solum de filiis Bela duo principes familiarum, scilicet, Herod, à quo familia Heroditarum, & Noemā, à quo familia Noemitharum, & sic sunt duæ familie solum de filiis Bela. Etiam hoc est contra id, quod dicitur sequenti cap. ubi ponuntur nouem filij Bela, & sic videtur, quod sunt nouem principes familiarum descendentes de Bela.

Respondendum, quod solum fuerunt in tota tribu Benjamin familie septem, quarum quinque denominatae sunt à quinque filiis Benjamin, & duæ nominatae sunt à duobus nepotibus eius filiis Bela, scilicet, Herod, & Noeman, sicut dicitur Nume. 26. & sic tenendum est, quod non fuerunt vere plures familie, quam ibi exprimuntur, eo quod ibi conatur Moyses ponere numerum familiarum, & illi principaliter intendit, ideo ponuntur ibi sufficienter, & quæcunque alia nominentur familie, non erunt propriae familie, sed largè, ideo dicendum, quod quando hic dicitur, quod fuerunt quinque principes familiarum descendentes de Bela, accipiuntur largè familie, prout al. quando familia est nomen cognationis, quæ immediate subiicitur tribui, & per quam diuiditur tribus: aliquando autem est nomen cognationis generaliter, siue parua, siue magna, & tunc significat familias proprie dictas quæ ponuntur Nume. 26. quam hic illi duo nominantur alijs nominibus quam ibi: & alij tres non nominauerunt familias, sed domos, quæ largè vocantur familie. Ad id autem quod habetur sequenti cap. dicendum quod ibi ponuntur filij nomen Bela, & tamen non descenderunt ab omnibus his familie proprie dictæ, & vel domus sed fuerunt tot filij eius, & sic filij Bela fuerunt triplices, quia a quibuscumque eorum nominantur sunt familie proprie dictæ, & fuerunt duo, & illi ponuntur Nume. 26. alij autem fuerunt nominantes familias vel domos, & isti fuerunt quinque & ponuntur hic. Alij autem fuerunt siue nominantes familias & domos, siue non denominantes aliquid, & omnes isti simul fuerunt nouē, & ponuntur sequenti cap. Sciendum autem quod omnes, qui ponuntur Num. 26. de filiis Bela ponuntur hic, & qui ponuntur hic etiam ponuntur sequenti cap. tamen non è conuerto.

Porro filij Bechor: Zamira, & Ioas, & Eliezer, & Elio Enai, & Amri, & Ierimoth, & Abia, & Anathoth, & Almathan, omnes hi filij Bechor. Numerati sunt autem per familias suas principes cognationum suarum ad bella fortissimi, viginti millia & ducenti. Porro filij Iadihel: Balan: Filij autem Balan, Iehus, & Benjamin, & Aod, & Chanaana, & Zethan, et Tarsis, et Ahisabab. Omnes hi filij Iadiel principes cognationum suarum viri fortissimi, decem et septem millia et ducenti ad prælium procedentes. Sephan quoque, et Haphaum filij Hir, et Alim filij Aher. Filii autem Nephthali: Iafiel, et Guni, et Afer, et Sellum filij Bala. Porro filius Manasse Elreel: concubinaque eius Syra peperit Machir patrem Galaad. Machir autem accepit uxorem filijs suis.

Porro filij Bechor: Zamira, & Ioas. Iste Bechor est secundus filius Benjamin, de quo supra pater. Iste Ioas non est ille, de quo habetur supra tertio, quia ille fuit rex Iuda de posteritate Dauid: iste autem fuit de tribu Benjamin. Etiam non est iste ille Ioas, de quo habetur quarto Reg. 13. & 14. & quia ille fuit rex Israel, & non fuit de tribu Iuda, nec Benjamin, sed de alijs tribubus. Etiam quia necesse est, quod iste fuerit multo tempore ante illum, scilicet, plus quam sexcentis annis, quia iste Ioas fuit nepos Benjamin, & sic oportet, quod natus fuerit paulo post introitum in Aegyptum, cum pater suus Bechor filius Benjamin natus fuerit in terra Chanaan, & descenderit in Aegyptum cum auo suo Iacob. Genesis quadagesimo sexto, & tamen ille Ioas, qui fuit rex, fuit plus quam sexcentis annis post exitum de Aegypto: ut patet computando quadringentos & octoginta annos post exitum de Aegypto usque ad edificationem templi Salomonis tertio Regum sexto, & postea triginta septem annos quibus regnauit Salomon, postquam cepit edificare templum, cum totum regnum suum fuerit annorum quadraginta, tertio Regum undecimo: & postea decem, & septem anni Roboam tertio Regum decimo quarto, & deinde anni tres Abia, eodem libro, capitulo decimo quinto. & postea quadraginta unus annus Asa, eodem cap. & viginti quinque anni Iosaphat eodem libro capitulo vltimo. & octo anni Ioram quarto Regum octauo. & unus annus Ozia eodem cap. & sex anni Ahab eodem libro capitulo undecimo, & quadraginta anni Ioas rex Iuda eodem libro capitulo decimo, & viginti nouem anni Amasie, eodem libro, capitulo decimo quarto. cui fuit contemporaneus Ioas rex Israel, eodem capitulo. & sic sunt isti anni simul sexcenti octoginta septem. Ideo oportet, quod fuerit alius Ioas distinctus ab illis.

Et Eliezer. Non est ille, de quo dicitur Genesis viginti quarto, quia ille fuit seruus Abraha, qui iuxta ad petendum uxorem pro Isaac, eodem cap. ille autem fuit multo post, cum sit nepos Benjamin.

Et Elio Enai. Non est iste ille, de quo dicitur supra tertio, quia ille fuit de filiis Iuda: iste autem de filiis Benjamin. Etiam ille fuit multo tempore post istum, quia iste fuit nepos Benjamin, in Aegypto natus: ille fuit post captiuitatem Babylonis, ut declaratum est ibidem.

Et Amri. Non est iste Amri, de quo 3. Reg. 16. quia ille fuit rex Israel, & pater Achab, & sic non fuit de tribu Benjamin, cum de tribu Benjamin nullus fuerit rex Israel, eo quod tribus Benjamin erat de regno Iuda 3. Reg. 12. Etiam quia Amri fuit plus quam sexcentis annis vel quasi post exitum de Aegypto. Quod patet computando tempora omnium regum supra positorum, sicut supra computabatur.

Et Ierimoth. Aliquando est nomen urbis, ut supra dictum est, & aliquando nomen viri, & hic accipitur pro vico, & tunc non est iste Ierimoth, de quo dicitur supra in litera, quia ille fuit de filiis Bela, & iste est de filiis Bechor, ut patet ex litera. Et Abia. Non est iste Abia, de quo supra 3. & 3. Reg. 14. & 15. quia ille fuit rex Iuda de stirpe Dauid: iste autem fuit de tribu Benjamin. Et etiam fuit iste ante illum plus quam quingentis annis. Et Anathoth. Anathoth accipitur aliquando pro urbe quadam, quæ fuit in tribu Benjamin. Iosue 18. & fuit datus sacerdotibus, præced. cap. de qua urbe fuit Ieremias, ut patet Iere. 1. & aliquando accipitur pro nomine viri, & sic est hic. Et Almathan. Iste etiam est filius Bechor, & non dicitur hic de istis filiis Bechor, quæ fuerunt principes familiarum, sicut dicitur de filiis Bela, quia non legitur de aliquo istorum, quod nominauerit aliquam urbem, vel familiam, vel domum, licet in litera dicatur Numerati.

Numerati sunt autē per familias suas per principes cognationum. Idest isti, qui ponuntur hic fuerunt principes cognationum, & familiarum, & quando numerati sunt tempore Dauid, numerabatur per se quaelibet familia ipsorum. Nō accipit hic familia proprie, quia Nu. 26. Vbi ponuntur familiae omnium tribuum, nō ponit descendisse aliquam familiam de filiis Bechor, vel ab aliquibus alijs filiis Benjamin, nisi a Bela, cuius duo filij nominauerunt duas familias, ideo oportet, quod isti nominauerint familias, idest domos, siue cognationes particulares. *Ad bella fortissimi.* Vocantur omnes isti fortissimi ad bella, quia soli viri potētes pugnare numerati sunt. *Viginti millia & ducenti.* Ista cognatio Bechor, quę fuit vna familia, habuit tot viros bellicos tempore computationis illius. Porro filius Iadibel Balan. Hic ponit progeniem tertij filij Benjamin, Iadibel: nam tres filij eius positi fuerunt hic, & iste est tertius, & narratur iam progenies illius, fuitque filius eius Balā: nec tamē est iste Balan, qui fuit ariolus, & conatus est maledicere Israelitis, Nu. 22. quia ille vocatur Balaam, & iste vocatur Balan. Etiam quia ille non fuit de stirpe Israelitarum, sed de stirpe Ammonitarum, vel Syrorum, aut Madianitarum, vt declaratum est, Nu. 23. iste autem fuit de stirpe Israelitarum, cum fuerit de filiis Benjamin. *Filij autem Balan, Iheus, & Benjamin.* Iste Balā habuit multos filios, & vnus vocatus est Benjamin, sicut primus parens istius tribus. *Et Aioth.* Iste differt ab illo, qui vocatur Aioth, & est nomen viri qui fuit Iudex Israel de tribu Benjamin, de quo Iud. 3. est etiā Aioth nomen loci, de quo primo Reg. 19. cum dicit, quod Dauid, & Samuel erant in Aioth in Ramatha. *Et Chanaana.* Non dicitur Chanaana à Chananeis, quia nullus de stirpe Benjamin potuit descendere à Chananeis, sed est Chanaana nomen viri. *Et Zethan.* Non est iste Zethan, de quo dicitur supra primo, quia ille fuit ante Abraham, cū esset filius Heber: iste autem fuit de progenie Abrahę. Etiam Zethan nō est Lotan, quia ille fuit filius Seir principis Horreorum, supra primo cap. quia nō fuit ille de stirpe Israel, sed Horreorum: iste autem est de tribu Benjamin. *Et Tharsis.* Non est iste Tharsis filius Ianam, & nepos Iaphet, de quo dicitur supra primo, quia ille fuit ante Abraham, & iste multo post. *Et Iasabab.* Iste est vnus de filiis Iadibel, & non est iste Iasabab de quo preced. cap. quia ille fuit de tribu Leui filius Caath: iste autem fuit de tribu Benjamin. *Omnes hi filij Iadibel.* Scilicet omnes supra nominati. *Principes cognationum suarum.* Idest isti omnes erant principes in cognationibus suis. Et accipiuntur hic cognationes pro domibus particularibus, nam omnes isti fuerunt sub eadem familia. *Viri fortissimi.* Scilicet constituti in ætate virili, in qua erant fortes ad pugnandum. *Decem & septem millia & ducenti.* Idest tota summa istius familie Iadibel fuit tanta. Et sic ponuntur tres hic summe à tribus filiis Benjamin, quę collectę faciunt quinquaginta novem millia virorum & quadringentos viginti quatuor. *Ad prælium procedentes.* Idest omnes erāt tales, qui poterant ad bellum procedere, quia enumerabantur in ætate virili. *Sephaum quoque, & Hapham.* Isti etiā fuerunt Benjamin filij. *Filij Hir.* Et etiam filij Hir fuerunt filij Benjamin. *Et Asim filij Aher.* Asim fuit etiam filius Benjamin, & Aher. Eodem modo dicunt Hebrei, quod isti ponuntur hic in fine cognationis Benjamin, & non determinatur de eis in quāto numero fuerint, quia dubitabat Esdras an essent de tribu Benjamin, vel de alia. Sed hoc non stat, & probat hoc Nicolaus, quia scilicet quod hebrei dicunt, iste Esdras fuit tempore Aggæi prophete, & Zacharię, & instructis eis scribebat istum librum, ideo illis docentibus eum, non poterat ipse errare. Secundò patet & efficacius, quia si dubi-

Alph. Tostum Lib. I. Paralip.

tasset Esdras de istis, an essent de familia, & tribu Benjamin, vel de aliqua alia, non scripsisset in libro isto, quia in sacra scriptura non debet esse aliquid dubium, cum innitatur ei tāquam veritati necessarię. Tertiò patet, quia Esdras scribens hoc erat propheta, & propheticè scribebat, sicut quilibet alius de scriptoribus sacre scripture, quia aliās nō teneretur scriptura eius firmiter, cū sacra scriptura requirat maiore auctoritatem, & certitudinem, quā sit certitudo humani ingenij. Quartò patet, quia vt Hebrei dicūt, quod Esdras habebat genealogias omnium tribuum, & per eas scribebat librum istum, & ob hoc cum non haberet genealogiam Zabulon, & Dan, nihil scripsit de istis tribubus: sciret ergo Esdras per illas genealogias, an isti essent de progenie Benjamin, an de alia tribu. Quintò patet & efficacius, quia isti erant de progenie Benjamin, nam fuerunt principes familiarum, quia iste Sephaum vocatur Suphan, Nu. 26. & ab eo nominat familia Suphanitarum, & Aphan, qui hic ponitur, nominatur Vphan, Nu. 26. & ab eo dicitur familia Vphanitarum. Iste autem qui vocatur hic Apher, vocatur Nu. 26. Ahiram, & ab eo appellatur familia Ahitanitarum. Et iste, qui vocatur hic Hir comprehenditur sub illis, qui nominantur Nu. 26. & est sensus, quod etiam isti fuerunt filij Benjamin, quanquam non enarrētur hic aliqui descendentes ab eis, sicut ab alijs tribubus supra positis. *Filij autem.* Hic ponitur tertium huius scilicet, de filiis Nephthali, & dicitur. *Filij autem Nephthali Iasibel.* Iste autem Nephthali fuit filius Iacob ex Bala ancilla Rachelis. Gen. 30. Et iste primus filius Nephthali, qui vocatur hic Iasibel, vocatur etiam sic Gen. 45. & Nu. 26. & nominatur ab eo familia Iasibellarum. *Et Guni.* Iste vocatur Gian, Gen. 46. & Guni, Nu. 26. & ab eo deriuatur familia Gunitarum. eod. c. *Et Ieser.* Iste nominatur Gen. 46. Gester. & Nu. 26. eodem modo, & ab ea nominata est familia Ieseritarum, *Et Sellum.* Iste vocatur Silē Gen. 46. & Selem Nu. 26. & hic vocatur Sellum, nam pauca differentia est ista, & sepe fit talis mutatio in nominibus Hebreis. Non est tamen iste Sellum ille, de quo dicitur supra tertio, quia ille fuit filius Iosue de progenie Dauid: iste autē est de tribu Nephthali. *Filij Bala.* Idest omnes isti fuerunt filij Bala: est enim Bala nomen mulieris, quam accepit in uxorem Iacob, & genuit ex ea Nephthali: & sic omnes isti dicuntur filij Bala, idest nepotes eius, cum essent filij Nephthali. Porro filius. Hic ponitur de tribu Manasse, & agitur de dimidia, nā diuisa est tribus Manasse in duas partes, & vna medietas habitabat ad orientem Iordanis cum tribu Ruben, & Gad, & de ista dictum est sup. 6. Alia autem habitabat ad occidentem Iordanis apud tribum Ephraim, & de ista medietate dicitur hic. Porro filius Manasse Esreel. Scilicet vnus de filiis Manasse vocatus est Esreel, & iste constituit vnā familiam in tribu Manasse. Aliqui putant istum Esreel esse illum, qui vocatur Asriel, de quo dicitur Num. 26. Et tamen non conuenit, cum dicatur, quod Asriel erat filius Galaad, & Galaad erat filius Machir, Num. 27. & Iosue 17. ille tamen Esreel fuit filius Manasse.

Concubinaque eius Syra peperit Machir patrem Galaad. Aliqui putant, quod Syra sit nomen proprium, & falsum est tamen, quia est nomen adiectiuum, vt patet in Hebreo, vbi ponitur nomen significans Syros, & sic ista concubina, cuius nomen non ponitur hic, erat Syra, id est de terra Syrię. Et pōt referri istud ad Manasse, scilicet quod concubina eius peperit Machir, vel ad Esreel, quod ipse fuit pater Machir, & tamen primū verius est, eo quod iste Machir dicitur esse filius Manasse. Num. 26. & Iosue 17. Vocatur autem pater Galaad, quia fuit dominus gentis Galaad, vt aliqui volunt. Sed falsum est, quia

iste nunquam fuit in terra Galaad, cum in Aegypto mortuus fuerit. Etiam quia familia Galaaditarum, quæ fuit de tribu Manasse, non fuit in terra Galaad, quæ est ad orientem Iordanis, sed in terra Chanaan ad occidentem Iordanis, ut patet Iosue 17. Dicendum ergo, quod accipitur hic Galaad pro viro, scilicet, quod iste Machir genuit Galaad, & ille fuit vir famosus, & pugnator, ut patet Iosue 17. & ab eo nominata est familia Galaaditarum, Num. 26. *Machir autem accepit uxorem filijs suis.* Id est accepit uxorem pro filijs suis. Sed dubium est, quomodo poterat accipere unicam uxorem pro multis filijs, quia una uxor non potest esse multorum virorum, nec unquam fuit aliqua lex quæcunque barbara, vel consuetudo, quæ permetteret eidem mulieri habere multos viros, licet multe leges satis rationabiles permiserint eidem viro habere multas feminas, nisi fortè loquamur de politia Platonica, & Socratica, quæ habetur in primo libro Thimei Platonis, de quo Aristo. 2. Polit. cap. 1. illa tamen politia à nullo unquam homine observata est. Dicendum igitur, quod potest accipi hic singulare pro plurali, sicut multoties accipitur in hebræo, & sic dicitur quod accepit uxorem, id est uxores pro filijs suis. Alio modo potest dici tenendo litteram, quod accepta est uxor una pro duobus filijs, vel multis, non quidem simul, sed successivè, quia prius habuit eam unus de filijs Machir, deinde habuit alius, mortuo illo, quia sic erat consuetudo inter hebræos, siue ante Moyse legem, siue postea, scilicet si frater maior haberet uxorem, & moreretur sine liberis, quod frater minor acciperet uxorem illius, & suscitaret semen fratri suo. Sic patet Matth. 22. ubi dicitur de septem fratribus, qui successivè acceperunt eandem uxorem, quilibet, ut suscitaret semen alteri. Quod autem esset ista consuetudo ante legem, patet Gen. 38. cum mortuus est Her primogenitus Iudæ, non relicto semine, nam dixit Iudas ad Onam filium secundum, quod intraret ad uxorem fratris sui, ut suscitaret ei seminem, & ille sciens, quod non nascebantur sibi liberi, sed fratri suo, non cognoscebat uxorem. De veteri testamento, quod esset ista consuetudo, patet Deute. 25. Ita ergo se haberent isti duo, quod unus frater susceperet prius uxorem, & illo mortuo alius susceperet eam.

Happhim et Sapham : et habuit Sororē nomine Maacha : nomen autem secundi Salphaad.

Happhim, & Sapham. Isti fuerunt filij Machir. Aliqui autem volunt, quod fuerint illi, qui vocantur Suphan, & Vphan, Num. 26. sed falsum est, quia illi sunt de filijs Benjamin, & nominantur ab eis duæ familiæ in stirpe Benjamin, ut patet ibidem. *Et habuit sororem Maacha.* Ista Maacha fuit aliqua mulier notabilis, & ideo ponitur hic inter viros. Et potest intelligi, quod esset soror Machir, vel quod esset soror alicuius de filijs Machir. Et ista Maacha dicitur infra uxor Machir, & fortè fuit alia, quia non esset eadem soror, & uxor, cum iste gradus primus cognationis servaretur apud Hebræos.

Nomen autem secundi Salphaad. Debet hoc intelligi secundum corticem litterarum de secundo filio, ita quod Salphaad esset secundus filius Machir. Sed in hoc est difficultas, quia Nu. 26. dicitur, quod Machir genuit Galaad, & Galaad genuit multos filios, quorum unus fuit Hephher, & Hephher fuit pater Salphaad, sed proavus eius.

Aliquis autem dicet, quod quanquā fuit proavus eius, fuit etiam pater, quia omnes maiores in linea ascendentium vocantur patres, & omnes minores in linea descendentium vocantur filij, siue sint nepotes, siue pronepotes; & ideo erit Salphaad filius Machir, sed dicen-

dum, quod non stat, quia quanquam possit vocari filius, cum sit pronepos: tamen non potest vocari filius sicut hic, quia dicitur nomen secundi Salphaad, in quo innuitur, quod verè erat filius, & tamen non erat primogenitus, sed secundus in ordine natiuitatis. Aliquis ergo dicet aliter, quod iste Salphaad fuit filius Machir secundus, sicut hic dicitur, & tamen non fuit ille, de quo dicitur Nu. 26. quia ille fuit filius Hephher. Sed dicendum, quod adhuc istud non stat, quia dicitur Nu. 26. quia ille Salphaad non habuit filios, sed filias, & ponuntur ibi nomina ipsarum, ita hic dicitur, quod Salphaad natus sunt filie quodammodo, & non filij, & ideo fuit iste Salphaad ille, de quo ibi dicitur. Responderi potest, quod iste Salphaad fuit filius Machir non quidem carnalis, sed per adoptionem, quia adoptavit eum in filium, sicut sepe autem adoptabāt nepotes, sicut fecit ipse Iacob, qui adoptavit Manasse, & Ephraim duos nepotes suos, Gen. 48. Aliter potest dici, quod iste est filius carnalis, non tamen ipsius Machir, sed alicuius filij sui, quia hic ponuntur duo filij eius, scilicet Haphim & Sapham, & potest dici quod unus sit filius, & alius nepos, & Salphaad sit filius nepotis, & tunc Haphim erit Galaad, & Sapham erit Hephher, & nomen filij secundi Hephher erit ipse Salphaad. Aliter potest dici, quod ponatur hic filius secundus pro filio mediato, scilicet qui immediate descendit ab aliquo, vocat filius eius primus: qui autem descendunt mediante alio, sicut nepotes, vel pronepotes, isti vocantur filij secundi: sic autem fuit de Salphaad, qui fuit pronepos Machir, ideo vocatur filius eius secundus.

Nataque sunt Salphaad filie. Et peperit Maacha uxor Machir filiū, vocavitque nomen eius Phares. Porro nomen fratris eius Sares, & filij eius, Vlan, & Recen: filius autem Vlan, Badan. Hi sunt filij Galaad, filij Machir, filij Manasse. Soror autem eius Regina peperit Virum decorum, & Abiezer, et Mohola.

Nataque sunt Salphaad filie. Id est iste Salphaad de quo hic dicitur, habuit filias & non filios. Dicit Nicolaus, & Hebræi, quod iste Salphaad est, qui lapidatus fuit in deserto, quia colligebat ligna in sabbato, Nu. 15. Motuum autem est, quia filie Salphaad dixerunt: pater noster mortuus est in deserto, nec fuit in seditione, quod cōcitata est contra Dominum sub Core, sed in peccato suo mortuus est, Nu. 27. Sed an istud verum sit, eo. ca. declaratum est. Dicitur de isto Salphaad, quod habuit filias & non filios, eo quod filie sue fuerunt famosæ in sacra scriptura, quia propter eas determinata sunt aliqua dubia, & introductæ sunt aliquæ leges, ut patet de lege successionis, quæ facta est ad petitionem ipsarum, Nu. 27. Patet etiam de lege Phendi cum viris eiusdem tribus, Nu. 36. & ob hoc fit mentio de illis in multis locis scripture. Acceperunt autem istæ filie Salphaad possessionem loco patris sui in terra Chanaan ad occidentalem partem Iordanis in sorte dimidiæ tribus Manasse, Iosue 17. Et peperit Maacha uxor Machir filium. Ista Maacha differt ab illa, de qua supra dicitur, quia illa fuit soror Machir: ista autem est uxor eius, & tamē non erat eadē soror, & uxor. Vocavitque nomen eius Phares. Fuit iste Phares vir famosus, ideo nominatus est hic, & tamen non fuit ille de quo supra secundo. quia ille fuit de tribu Iudæ, & fuit filius eius. nominataque est ab ipso familia Phareitarum, de qua fuit David supra secundo, & Nu. 26. & Matth. 1. Ab isto autem Phares non descendit David, nec Christus etiā, quia neuter istorum fuit de tribu

tribu Manasse. Porro nomen fratris eius Sares. Idest frater Sares fuit Phares. Et etiam iste Sares fuit aliquis vir nobilis & famosus in tribu Manasse, ideo de eo fit hic mentio specialis.

Et filij eius Vlan, & Recen. Isti duo fuerunt filij Phares, & nominantur hic eadē ratione, qua pater suus, scilicet propter famositatem. *Filius autem Vlan Badan.* Non est iste Badan ille, de quo dicitur primo Reg. 12. scilicet Misit Dominus Ieroboal, & Badan: nam Badan accipitur ibi pro Sāsone, qui fuit à Deo ad liberandū Israelitas, & fuit vnus de iudicibus, & vocatur Badan, scilicet filius Dan, quia fuit de tribu Dan. Iudi. 1. & 14. iste autem fuit de tribu Manasse.

Hi sunt filij Galaad. Scilicet omnes supra positi sunt filij Galaad, idest deriuati ab eo, nam in tribu Manasse ferē omnes familie deriuatæ sunt à Galaad, quia filij eius erant, qui famillas nominabant, & tamen non fuit nominata ab eo, nisi vna familia Galaaditarū. Nu. 26. *Filius Machir, filij Manasse.* Scilicet, Galaad erat filius Machir, & filius Machir erat filius Manasse, & ille erat filius Ioseph.

Soror autem eius Regina. Scilicet soror Manasse, vel soror Galaad, nam ad quemcunque istorum potest referri. Et est Regina nomen proprium mulieris, sicut regnum est nomen proprium vrbis vel terræ, vt pater in secundo Polit. *Peperit virum decorum.* Fuit iste vir per excellentiam decorus, ideo scriptura vocauit eum decorum sub nomine cōmuni, & non curauit de nomine proprio. In Hebræo tamen habetur Seor. Et dicunt Hebræi, q̄ est nomen proprium viri: potest tamen significare pulchritudinem, vel esse nomen viri. Hieronymus tamē accepit pro nomine pulchritudinis. Hebræi autem pro nomine proprio. Et secundum Hieronymum dicitur, q̄ vir iste decorus erat Abiezer, qui in litera ponitur, & sic erant duo filij istius femina Regina, s. Abiezer, & Mohola: & tamen secundum Hebræos sunt nomina trium virorū, s. Seor. *Abiezer.* Nō est ille, de quo dicitur Iudi. 8. Nōne melior est racemus Ephraim vindemijs Abiezer? Nā accipitur ibi Abiezer pro quodā capite familie vnus in tribu Manasse. Nu. 26. & ille fuit filius Galaad, vt patet ibidem: iste autem fuit filius sororis sue Regine. *Et Mohola.* Iste Mohola non fuit Mohola, de quo preced. cap. quia ille fuit filius Merari, & nepos Leui: iste autem est de progenie Manasse.

Erant autem filij Semida: Ahin, & Sechē, & Leci, & Aniam. Filij autē Ephraim: Suthala, Bared filius eius: Thahath filius eius, Elada filius eius, Thahath filius eius, & huius filius Zabad, & huius filius Suthala, & huius filius Ezer, & Elad.

Erant autem filij Semida. Iste Semida fuit vnus de filiis Galaad, à quo nominata est familia Semidarum, quæ est in tribu Manasse. Nu. 26. *Ahin, & Sicheu.* Ahin aliquando est nomen vrbis, quæ est in sorte Simeon, vt patet Iosue 19. & supra 4. aliquādo est nomen viri, & sic accipitur hic. Sicheu autem aliquando est nomen vrbis, quæ fuit in sorte filiorū Ioseph in monte Ephraim. Iosue 20. & ipsa data est Leuitis ad habitandum cum alijs ciuitatibus. Iosue 21. & preced. cap. & aliquando accipitur pro viro, & sic filius Emor regis vrbis Sichē, qui desiorauit Dinā filiam Iacob vocatus est Sichē, vt patet Gen. 34. sic et accipit hic p viro.

Et Leci, & Aniam. Etiam nomina virorum sunt, qui tempore suo fuerunt famuli, & tamē apud nos nulla Alph. Ios. in Lib. I. Paralip.

A est eorū memoria, quia nō h̄ de eis aliqua scriptura.

Filij autem Ephraim. Hic ponitur quintum huius c. scilicet de tribu Ephraim, & dicitur. *Filij autē Ephraim Suthala.* Idest isti, qui sequuntur fuerunt filij Ephraim, quorum primus fuit Suthala.

Bared filius eius. Pōt intelligi, q̄ sit filius Ephraim, vel Suthala, & dicetur Bared filius eius, idest etiam Bared fuit filius eius, idest Ephraim sicut Suthala. Vel referē ad Suthala, s. Suthala fuit filius Ephraim, & Bared fuit filius Suthala, & sic potest intelligi istis duobus modis de omnibus illis. *Thahath filius eius.* Scilicet filius Ephraim, vel filius Bared. Non est iste Thahath ille, de quo habetur preced. cap. quia ille fuit de tribu Leui, & de familia Thahatitarum: iste autem fuit de familia Ephraim. *Et huius filius Zabad.* Scilicet, filius Thahath, vel filius Ephraim. *Et huius filius Suthala.* Scilicet filius Zabad vel filius Ephraim. *Et huius filius Ezer, & Elad.* Iste Ezer nō est, de quo fit mentio aliquando supra, quia iste est de alia tribu quam illi: Iste Elad non est, à quo deriuati sunt Eladij, qui habitant in Græcia, nam illi fuerunt de filiis Noe immediate, vt patet supra primo.

An omnes isti hic enumerati fuerint filij Ephraim.

Quest. VII.

Q VÆRITVR circa hoc de dispositione ista, scilicet, an omnes isti sint filij Ephraim, ita q̄ sint filij immediati eiusdem viri, vel sint descendētes per successionem, ita quod quilibet sit filius precedentis se?

Respondendum, quod ad vtrunque potest esse aliqua ratio. Primo quod non fuerint omnes filij eiusdem patris immediate, sed descendentes per lineam. Et primo pater, quia aliās superflue diceretur de quolibet filius eius, quia satis erat q̄ noīarentur oēs isti, & intelligeretur, q̄ erant filij Ephraim. Secundo patet, quia ponit hic bis Suthala, & tñ si oēs essent filij eiusdem patris, non vocarentur aliqui duo eodem noīe, quia nunq̄ vidimus hoc accidere in filiis eiusdem patris, ideo fuerunt descendentes per successionē. Tercio patet, q̄ si oēs isti essent fratres filij Ephraim, de quolibet diceretur per se filius eius, vel de nullo eorum, & tamen dicitur iter de quolibet, & postea in fine eorū dicitur de duobus simul, s. filij eius Ezer, & Elad: ergo oportet q̄ isti duo non sint filij Ephraim, sed viri precedentis, s. Suthala. In cōtrarium videtur, q̄ non fuerint descendentes ab eodem per successionem, sed fuerint filij eiusdem patris immediate. Primo patet, quia dī, q̄ oēs isti descenderunt, vt inuaderent possessiones Gethæorum, & Gethæi mauerunt illos, & occiderunt, & sic patet q̄ oēs, isti simul vivebant, quia simul descenderunt in bellū. Etiam quia oēs isti simul mortui sunt, & tamē si isti essent descendentes per successionē, & non essent filij Ephraim, nō possent oēs simul descendere in bellum, quia essent hic octo generationes, & tamen nullus homo vivit per tot gnationes, sed ad plus videt quartam & quintam: potissimē quia oēs isti iuerunt ad bellum, & sic non erant aliqui eorum nimis veteres, quia non competit bellū nisi iuuentuti. Secundo patet quia dī, q̄ luxit pater eorum Ephraim multis diebus, si tamē descēdissent isti ab Ephraim per successionem multas, non posset Ephraim superuivere ad hoc, vt lugeret mortū istorum, quia esset valde magnū tempus, in quo transiret istę generationes, & tamē luxit eos, ergo vī, q̄ superuiebat, & cōsequenter omnes isti erant filij eius immediati. Tercio patet, quia dicitur, q̄ post mortem eorum Ephraim pater ipsorum ingressus est ad vxorem suā, quæ cōcepit, & peperit: si n̄ isti oēs deriuati fuissent per diuersas gnationes ab Ephraim, esset ipse

nimis fenex: & dato quod aliquo modo posset vivere, non tamē posset gignere: genuit tñ, ut patet in litera: ergo non fuerunt isti per successiones ab eo derivati, sed fuerunt omnes filij eius.

Ad rationes in contrarium potest faciliter responderi. Ad primum cum dicitur, quod superflue diceretur de quolibet illorum, quod erat filius eius, quod sufficiebat quod ponerentur omnia nomina ipsorum, & tamen ponitur istud de quolibet. Dicendum, quod non est superfluum, quia aliquando ponitur istud de quibusdam, qui sunt filij eiusdem viri, ut declaratum est supra 4. & 5.

Ad secundum dicendum, quod quanquam ponantur hic duo viri eiusdem nominis, scilicet Suthala, & Thathath, non sequitur, quod deriuarentur isti per successionem, quia licet ut communiter non asuescamus, quod idem pater habeat multos filios eiusdem nominis, aliquando tamen fit, sicut declaratum est supra 3.

Ad tertiam rationē, cum dicitur, quod de duobus istorum dicitur simul filius eius, & in alijs non, sed de quolibet eorum dicitur per se. Dicendum est, quod causa breuitatis omisit in illis, quia ita fuerunt illi duo filij Ephraim, sicut ceteri. Ideo dicendum, quod omnes isti fuerunt filij Ephraim, & inter se fratres, & non descenderunt ab eo per successiones diuersas.

Occiderunt autem eos viri Geth indigenę, quia descenderant, ut inuaderent possessiones eorum. Luxit igitur Ephraim pater eorum multis diebus, & venerunt fratres eius, ut consolarentur eum. Ingressusque est ad uxorem suam, quę concepit, & peperit filiū, & vocauit nomen eius Beria, eo quod in malis domus eius ortus esset: filia autem eius fuit Sarra, quę edificauit Bethoron inferiorem, & superiorem, & Ozenfara. Porro filius eius Rapha, & Reseph, & Thale: de quo natus est Thaam, qui genuit Laadam: huius quoque filius Ammiud, qui genuit Elisama, de quo ortus est Nun, qui habuit filium Iosue.

Occiderunt autem eos viri Geth indigenę. Id est omnes isti filij Ephraim occisi fuerunt a Gethęis, qui erant indigenę, id est naturales de terra. Dicitur autem indigena, id est inde genitus, scilicet de terra illa, in qua moratur. Et est sensus, quod isti filij Ephraim descenderunt in terrā Gethęorum ad inuadendum possessiones eorum, & cum Gethęi essent indigenę, id est nati in terra illa, sciebant passus difficiles, & obseruauerunt filios Ephraim in aliquo loco tali, quem nesciebant filij Ephraim, & sic potuerunt eos occidere.

Aliquę literę habent occiderunt eos viri Geth indigenę, id est mortuiniusta. Sed litera corrupta est, cum tam in Hebręo, quam in libris nostris correctis habeatur indigenę, sicut habitatores, sed facilis est corruptio per defectum vnius literę. *Quia descenderant, ut inuaderent possessiones eorum.* Scilicet filij Ephraim descenderunt in terrā Gethęorum, ut acciperent possessiones illorū, & Gethęi tunc occiderunt eos, accipiendo ipsos in loco, in quo non erat defensio. *Luxit igitur Ephraim pater eorum multis diebus.* Perierunt autem oēs filij sui ferē, ideo dolebat nimis pro hoc, nec debebat consolari. Sic enim dicitur per Rachel. Iere. 31. f. Vox in Rama audita est ploratus & ululatus Rachel plorans

filios suos, & noluit consolari, quia non sunt. *Et venerunt fratres eius, ut consolarentur eum.* scilicet cum esset Ephraim in tanta calamitate propter mortem filiorum suorum, venerunt fratres sui ad eum, ut consolarentur ipsum in tanta calamitate, & consolatus est aliquo modo, procurauitque iam ut haberet alios filios. *Ingressusque est ad uxorem suam.* Scilicet cognouit eam carnaliter. *Quę concepit, & peperit filiū, & vocauit nomen eius Beria.* Istud nomen fuit impositum a patre propter dolorē mortis præteritorum filiorum. *Eo quod in malis domus eius ortus esset.* Scilicet ideo vocatus est Beria a patre, quia ortus est in malis domus eius, id est tunc quando domus sua erat in aduersitatibus, & hoc erat cum filij sui mortui erant.

Interpretatur autem Beria in malo, vel cum malo, quia be in Hebręo significat in vel cum, & ra significat malū, & sic dicitur iste in malo, id est cum malo genitus, quia tempore magnę aduersitatis domus suę natus est. *Filia autem eius fuit Sarra.* Scilicet filia Ephraim fuit Sarra, quę fuit mulier notabilis, ideo ponitur hic propter magnifica opera, quę egit. *Quę edificauit Bethoron superiorem & inferiorem.* Nomen ciuitatis est Bethoron: & fuit duplex Bethoron vna superior, & alia inferior, scilicet quia vna est in locis eminentibus, & alia in locis planis, & vtraque est in sorte Ephraim, ut patet Iosue 16. & 17. Et ista mulier edificauit istas duas vrbes, non quidem nouiter fundamenta faciendo, sed reedificando, quia illę vrbes fuerunt in terra Chanaan, antequam Israelitę introirent in terram illam: nam ipse ponuntur in diuisione sortitū, Iosue 16. quia in bello Israelitarum contra Chananeos ad capiendum vrbes illas multę fuerunt diruptę vsque ad solū, quas oportuit restaurari per Israelitas habitantibus in istis vrbus, & sic Sarra edificauit, & reparauit Bethoron superiorem & inferiorem, sic patet, quia Iosue 11. dicitur, quod omnes ciuitates, quas capiebant Israelitę, quę non essent in loco fortis, cremabantur, & diruebantur: quę autem erant munitissimę, & in locis fortibus, non fuerunt combustę, nec diruptę præter urbem Assor, quam flamma combussit, cum ergo ciuitates illas vellēt habitare Hebręi oportebat, quod reedificaret illas. Sic etiam fuit de duabus tribubus, & dimidia habitantibus in terra duorum regum Amorrhęorū. Nam postquā capta est illa terra, & vellēt viri Ruben, & Gad, & dimidię tribus Manasse habitare ultra Iordanem, ad adiuuandū fratres suos, edificauerunt vrbes in terra Galaad, & tñ manifestū est, quod illę vrbes, quas ipsi edificauerunt iā edificatę erāt, quia edificauerunt Arathoth, & Dibon, & Aroer, & tñ illę edificatę erant eo. cap. nam in illis habitabant Amorrhęi, antequā venirent Israelitę in terram illam, Nu. 32. accipitur ergo ibi edificare, perficere eā, quę aliquo modo destructa erant. *Et Ozenfara.* Nomen ciuitatis est, quę appellata fuit ab ista muliere Sarra. *Porro filij eius Rapha, & Reseph, & Thale.* Isti tres erant filij Ephraim filij Ioseph, & fuerunt positi hic ad describendum progeniem Iosue. *De quo natus est Thaam.* Iste Thaam fuit filius Thabe, quia relatio fit ad immediatā, & Thabe est immediatus. Thaam autē & Thathath non sunt idem, quia vnus est prior alio. *Qui genuit Laadam.* Scilicet Thaam genuit Laadam, & iste est in stirpe Iosue. *Huius quoque filius Ammiud.* Iste Ammiud non est pater cuiusdam principis de filiis Israel, de quo habetur Nu. 7. nam prius fuit ille quam iste, vel eccontrario, vel saltem non fuit iste de cognatione illa, de qua fuit ille princeps.

Genuit Elisama. Iste Elisama non est Heli, de quo habetur supra 1. quia ille fuit paucō tpe post Noe, iste autē fuit post Iacob, & quę aliqui noluerunt, quod iste Elisama sit ille, de quo habetur Nume. 7. tamen ipse est, nā ibi dicitur Elisama filius Ammiud, & sic dicitur hic.

Sic etiam dicitur Num. primo, & 2. licet aliqui contrarium velint, sicut supra dictum est.

De quo ortus est Nun. Iste Nun egressus est de Aegypto cum alijs Israelitis, & mortuus est in deserto, & etiam Elisama pater eius: nam Elisama fuit princeps filiorum Ephraim in exitu de Aegypto: Num. 1. & 2. & omnes qui numerati sunt à viginti annis & supra mortui sunt in deserto, ut patet Num. 14. & dicitur ibi, quod Iosue, & Caleb soli euaserunt, ut patet eod. cap. & Nu. 26. ergo Nun, qui erat pater Iosue, & maior vicesimo anno, & Elisama auus eius mortui sunt in deserto.

Qui habuit filium Iosue. Scilicet Nun genuit Iosue: ideo vocatur semper Iosue filius Nun. Et iste fuit princeps in toto populo post mortem Moysi: nam ipse introduxit Israelitas in terram Chanaan, & quaesivit eam de manibus Chanaanorum, & per sortes diuisit, ut patet Num. 3. & 31. & Iosue 13. & propter ipsum introducit hic ista numeratio genealogie sue, quia fuit princeps magnus.

Quis nam fuerit iste Ephraim qui supra nominatur.

Quaest. VII.

QVAERITUR circa id quod supra dicitur, quod Ephraim genuit omnes illos, qui supra nominantur, quis fuerit ille Ephraim, scilicet an fuit Ephraim filius Ioseph, à quo nominata est vna tribus, vel aliquis descendens de progenie eius. Quidam dicunt, quod omnes isti fuerunt simul filij Ephraim, & quod mortuo Ioseph viuentem tamen Ephraim patre eorum, cum adhuc manerent Israelitae in Aegypto, isti voluerunt ire in terram Chanaan, & ibi occisi sunt à Gethcis. Dicunt autem fuisse causam duplicem. Prima fuit, quia Ioseph moriens dixit. Visitationem vos Dominus post mortem meam, & ascendere vos faciet de terra ista, asportate vobiscum ossa mea: Gen. vlt. & sic isti intelligentes, quod Deus dederat eis tempus iam ad descendendum de Aegypto, voluerunt ire in terram Chanaan, & portare secum ossa Ioseph. Secunda fuit, quia isti de tribu Ephraim erant viri superbi, eo quod Iacob auus Ephraim praeposuerat Ephraim ipsi Manasse in benedicendo, quamquam Manasse esset primogenitus: Gen. 48. ideo propter superbiam confidentes iuerunt ad terram Chanaan. Et dicunt isti, quod iuerunt per terram Philistinorum: nam sicut dicitur Exod. 13. via propinquissima de Aegypto ad terram Chanaan est per terram Philistinorum, & via longior est per desertum: Deus tamen noluit Israelitas ducere per terram Philistinorum, ne videntes contra se bella insurgere redirent in Aegyptum eod. cap. isti autem intraverunt per terram Philistinorum, & Gethci insidiantes eis, occiderunt ipsos, & hoc quia voluerunt egredi de Aegypto ante tempus determinatum à Deo: nam Deus determinauerat annos quadringentos ad peregrinandum, cum dixit. Quadringentis annis peregrinum erit semen tuum in terra non tua: Gen. 15. & tamen nunc nondum erant completi anni quadringenti, sed deficiebant multi, Quod patet, quia isti quadringenti anni inceperunt computari à natiuitate Isaac, cum dixit Deus. Peregrinum erit semen tuum: Gen. 15. & tamen semen Abraham non fuit computatum in anno suo, nisi in Isaac, ut patet Gen. 21. ca. In Isaac vocabitur tibi semen. Erat autem Isaac annorum sexaginta, quando genuit Iacob, Gen. 25. dein de Iacob erat annorum centum, & triginta, quando introiit in Aegyptum, ut patet Gen. 47. cum dixit. Dies annorum vitae meae centum, & triginta sunt parui & mali, & non perueniunt ad dies patrum meorum.

Arum. & sic à natiuitate Isaac usque ad introitum in Aegyptum fuerunt anni centum, & nonaginta, & deficiunt anni ducenti, & decem ad complendum quadringentos, vel ducenti, & quindecim secundum veritatem, ut probatum est Gen. 15. Ephraim etiam erat annorum plus quam nouem, ut aliqui volunt, sed saltem esset trium, vel quatuor, quia genitus est in septem annis fertilitatis: Gen. 41. & quando descendit Iacob in Aegyptum iam erat tertius annus sterilitatis: Gen. 45. & sic à natiuitate Ephraim usque ad exitum de Aegypto, quando complendi erant anni peregrinationis, restabant anni ducenti, & viginti ad minus, & tamen nullus poterat viuere tanto tempore: ideo multo tempore ante exitum de Aegypto accideret istud. Huic autem consonat, quod in litera dicitur, scilicet, quod Ephraim genuit Rapha, & Reseph, & Thabe, & inde computantur generationes per successionem, & in sexta generatione fuit Iosue, ut patet in litera, & tamen Iosue fuit de exeuntibus de Aegypto: nam ipse missus est in exploratorem de Cadesbarne, & erat tunc plus quam viginti annorum: nam ipse erat de computatis à viginti annis, ut supra ut patet eod. cap. 14. & 26. ideo oportet, quod iste Ephraim esset in Aegypto, & moreretur multo tempore ante exitum de Aegypto, quia alias non possent esse tot generationes eius in exitu de Aegypto. Sed huic positioni multa aduersantur.

CVnum est, quod Nicolaus obijcit, scilicet quia dicitur hic, quod Sarra filia Ephraim aedificauit Bethoron inferiorem & superiorem, & tamen non poterat aedificare, nisi iret in terram Chanaan, sed non poterat aliqua filia Ephraim illarum ire, quia à natiuitate Ephraim usque ad exitum de Aegypto fuerunt anni ducenti, & viginti ad minus, ut supra probatum est, & ab exitu de Aegypto usque ad introitum Chanaan fuerunt anni quadraginta: Exod. 16. & Deut. 10. & dein de prius quam possideretur terra Chanaan pacifice ab Israelitis, ad hoc, quod diuideretur per sortes, transierunt septem anni vel plures, ut declaratum est Iosue 14. & magis patet hoc Eccl. 7. & tunc diuisa est terra per sortes, & potuerunt Israelitae aedificare vbes, quas accipiebant in possessionem, & sic essent anni ducenti, & sexaginta septem ad minus à natiuitate Ephraim usque ad tempus, quo ista mulier posset aedificare urbem Bethoron, manifestum tamen est, quod non poterat usque ad tantum tempus viuere filia Ephraim, quia dato, quod esset Ephraim octoginta, vel nonaginta annorum, manerent centum, & octoginta anni ad minus usque ad tempus illud, & non poterat tanto tempore viuere aliquis vir, vel mulier tempore illo, quia ad plus, ad centum, & quadraginta annos & quasi extendebatur vita humana illo tempore, ut patet Exo. 6. non ergo potuit esse ista filia Ephraim, sicut isti volunt.

ESecundo patet, quia non erat verisimile, quod isti soli de tribu Ephraim auderent ire in terram Chanaan, cum multi populi essent, contra quos pugnaturi erant, & ipsi soli non poterant occupare terram Chanaanorum.

Tertio patet, quia non est verisimile, quod nondum adueniente tempore recedendi de Aegypto isti filij Ephraim recederent de Aegypto, cum nulli alij Israelitarum recederent, nec etiam pater suus Ephraim, sed adhuc manebat in terra Aegypti, cum post mortem istorum alios filios genuerit in Aegypto, ut patet in litera.

Quarto patet, quia motiua istorum non sunt conuenientia, nec verisimilia: nam dicunt, quod isti volebant ducere ossa Ioseph in terram Chanaan, quia dixerat Ioseph: Visitationem vos Deus, & tamen ista visitatio

quo nondum venerat, cum Deus non iuberet adhuc Israelitis recedere de Aegypto, sed postea iussit tempore Moyfi.

Quintò patet, quia isti dicunt, quòd faciebant hoc, quia dixerat Ioseph: Asportate vobiscum ossa mea, & tamen isti non asportabant ea, quia alias periissent ossa Ioseph in terra Philistinorum, cum isti mortui fuerint ibi, nec redierint in Aegyptum. Et tamen Moyses portauit ossa Ioseph in terra Chanaa de Aegypto, quando recesserunt Israelitæ inde: ideo non portabant isti ea.

Sextò patet, quia non habebant intentionem portandi illa, sed solum ibant ad inuadendum possessiones eorum, ut patet hic in litera.

Secunda positio aliorum est, quòd isti filij Ephraim, qui descenderunt in terram Gethæorum fuerunt illi, qui iuerunt contra prohibitionem Moyfi versus terram Chanaan, de quo Num. 14. nam tunc occisi sunt plurimi. Et dicunt, quòd postea Ephraim genuit istos, qui habentur hic. Sed ista positio non stat.

Primò quia isti, qui nunc descenderunt ad Gethæos erant solum filij Ephraim, & ipsi solum perierunt, ut patet ex litera, & tamen illi, qui contra mandatum Moyfi conati sunt introire in terram Chanaan, non erant soli filij Ephraim, sed etiam totus populus: nam dicitur Num. 14. quòd populus voluit ascendere in terram Chanaan paratissimus ascendere ad locum, de quo Dominus locutus est, quia peccauimus, & Moyses prohibuit, & sequitur, quòd illi contenebrati ascenderunt in verticem montis, arca autem testamenti, & Moyses non recesserunt de castris, in quo innuitur, quòd ferè totus populus iuit in montem præter Moysem, & arcam: non ergo fuit tunc occisio istorum filiorum.

Secundò patet, quia hoc dato Ephraim viueret, & tamen hoc non potest stare, quia sequeretur, quòd esset iam plusquam ducentorum, & viginti duorum annorum: nam sicut supra probatum est, à natiuitate Ephraim usque ad exitum Israelitarum de Aegypto fuerunt anni ducenti, & viginti, & tamen ista accisio in montem contra mandatum Moyfi: Num. 14. accidit secundo anno ab exitu de Aegypto, ut ibidem probatum est, non poterat tamen tanto tempore viuere Ephraim, quia nullus homo ad tantam perueniebat ætatem, sed vix ad medietatem, sed Ioseph pater Ephraim centum, & decem annis solum vixit: Genes. vlt.

Tertio patet, quia sequeretur tunc, quòd Ephraim exiisset de Aegypto, quando exierunt omnes Israelitæ sub Moyse. Quod patet, quia dicitur, quòd post mortem istorum filiorum Ephraim venerunt fratres sui ad consolandum eum: ergo erat ipse ubi erant fratres sui, & tamè nullus Israelitarum manebat in Aegypto, quando eduxit eos inde Moyses: ergo etiam ipse Ephraim egressus esset de Aegypto. Hoc tamen falsum est, quia in Aegypto mortuus est. Nam Exod. primo dicitur, quòd tota illa cognatio defuncta est prius quam inciperet Aegyptij opprimere Hebræos, & vocatur cognatio illa, scilicet qui ingressi sunt in Aegyptum cum Iacob, & etiam illi qui nati erant de stirpe Iacob, antequam ipse descenderet in Aegyptum: Ephraim tamen natus erat, antequam descenderet Iacob in Aegyptum: Gen. 41. & 48. ergo non solum non exiuit de Aegypto, sed etiam non vidit tempus, in quo affligebantur Israelitæ ab Aegyptijs.

Quartò patet, quia dato, quòd egredere Ephraim de Aegypto, non posset post mortem istorum filiorum suorum gignere, quia tunc esset ipse annorum ducentorum, & viginti duorum ad minus, in qua ætate nullus hominum gignere potest, etiam si contin-

geret aliquid ad tantam peruenire, & tamen ipse Ephraim post mortem istorum genuit alios filios: ideo non potuit esse quod isti dicunt.

Quintò patet, quia filij Ephraim, ut isti dicunt occisi sunt à Gethæis, & sic dicitur hic in litera, & tamen ipsi, qui contra mandatum Moyfi voluerunt intrare in terram Chanaan, non occisi fuerunt à Gethæis, sed ab Amalecitis, & Chananæis, ut patet Num. 14. scilicet. Descenditque Amalecites, & Chananæus, qui habitabat in montibus, & percussit persecutus est eos.

Sextò patet, quòd non stat, quia hic dicitur, quòd isti occisi sunt à Gethæis, quia descenderunt, ut inuaderent possessiones eorum, & tamen illi, de quibus Num. 14. non ibant ad inuadendum possessiones Gethæorum, sed solum ibant ad introeundum in terram Chanaan, ut obedirent Deo, sicut dicitur eodem cap. Parati sumus ascendere ad locum, de quo Dominus locutus est, quia peccauimus. Et tunc Moyses vetuit hoc. Et sequitur. At illi contenebrati ascenderunt in verticem montis. Ergo non ibant intentione occupandi possessiones Gethæorum: non ergo potest stare ista positio.

Tertia positio est, quam tenet Nicolaus, exclusis omnibus alijs, scilicet, quòd iste Ephraim, qui habuit filios istos, non fuerit Ephraim filius Ioseph, sed fuerit aliquis alius de eadem tribu, habitans in terra Chanaan, postquam venerit Israelitæ de Aegypto, & habuit istos filios, qui dicuntur hic. Ipsi autem ad ampliandum sortem suam descenderunt semel ad pugnandum contra Gethæos, & cum illi essent indigenti, id est naturales de terra illa, & scirent vias, & loca difficilia, clauerunt filios Ephraim in aliquo difficili loco, & occiderunt eos. Ille etiam Ephraim habuit filiam Sarā, quæ hic dicitur, & illa ædificauit Bethoron superiorem & inferiorem. Et cum arguitur, quòd hic ponitur progenies Iosue descendens ab isto Ephraim, & tamen Iosue exiuit de Aegypto cum alijs Israelitis. Respondet, quòd non est idem Ephraim, sed quòd illud superius intelligitur de Ephraim, qui natus est in terra Chanaan, & istud inferius intelligitur de Ephraim filio Ioseph, qui natus est in Aegypto.

Sed adhuc ista positio non est multum conueniens, ut probabitur immediate.

Quarta positio sit, quòd iste Ephraim fuerit filius Ioseph, qui fuit caput tribus. Et ad hoc sunt multa verisimilia, potius quam ad aliquam aliam positionem.

Primum est, quia hic incipit enarrare Esdras de tribu Ephraim, & in principio narrationis progeniei cuiuslibet tribus ponitur caput ipsius tribus, & hic ponitur Ephraim in principio istius computationis: ergo oportet intelligi de Ephraim, qui erat, à quo tribus denominata est, & non de aliquo alio, quia ridiculum esset dici quòd computatio alicuius tribus inciperet ab aliquo, qui non esset caput tribus, cum nunquam in hoc libro factum sit.

Secundò patet, quia si iste Ephraim non esset caput tribus, sed aliquis de tribu illa, poneretur hic, quis erat pater eius, ut sciretur de quo dicebatur, quia propter hoc describuntur progenies, ut sciat de quo libet viro, cuius filius sit, & tamen non ponitur de isto Ephraim: ergo oportet intelligi, quòd ipse esset pater tribus istius.

Tertio patet, enarrando filios istius, ponuntur alij qui de illis, qui fuerunt filij Ephraim, & habentur Num. 26. nam Subthala, qui est hic primus filius Ephraim, ponitur etiam ibi primus filius eius, & ab eo nominata est familia Subthalatarum, & Bared, qui hic ponitur secundus, ponitur etiam secundus hic, a quo nominata

mainata est familia Baheridarum, & Hahath, qui hic A ponitur tertius, ponitur etiam ibi tertius, & ab eo nominata est familia Hahanitarum: non ergo fuerunt isti filij alterius Ephraim, nisi illius, à quo nominata est tribus Ephraim.

Quarto patet, & efficacius, quia postquam dictū est de isto Ephraim, quod genuit alios filios post mortem priorum, sequitur. Porro filij eius Rapha, & Reseph, & deinde computantur sex generationes vsque ad Iosue per successionem ab Ephraim, & tamen Iosue egressus est de Aegypto cum Moyse, & erat plusquam viginti annorum, quando egressus est, ut patet, Num. 14. & 26. ergo ad hoc, quod iste sex generationes fluere, oporteret, quod essent centum, & viginti anni ad minus, vel quasi, & sic iste Ephraim oportuit, quod esset plusquam cētum, & viginti annis ante exitum de Aegypto, & sic non potuit esse alius, nisi ille, qui fuit filius Ioseph, & caput tribus istius.

Dicendum autem, quod modus istius occasionis fuit, non sicut dicebatur in prima positione, sed cum habitarent Israelitę in Aegypto viuēte Ephraim, antequam Aegyptij inciperēt opprimere eos, habebat Ephraim filios istos, & habitabant filij Israel in terra Gessen, ut patet Gen. 46. & illa est in extremitate terrę Aegypti: nam propter hoc Ioseph petiuit illam à Pharaone ad habitationem fratrum suorum, ut ibi existentes non conuersarentur cum Aegyptijs, qui detestabantur pastores ouium, ut patet eodem capit.

Quod patet, quia fluvius Aegypti ponitur terminus C terre Chanaan: Gen. 15. & Iosue 13. scilicet. Semini tuo dabo terram hanc, à fluuio Aegypti vsque ad flumen magnum Euphratem. Terra autem Philisthinorum est maximè meridiana in terra Chanaan.

Quod patet, quia est ferè tota Philisthęa in sorte Iude, & tamen fors Iudę est terminus meridianus terrę Chanaan. Vtrunque patet Iosue 15. ideo per terram Philisthinorum erat transitus de terra Aegypti ad terram Chanęorum: Exod. 13. & sic Israelitę habitantes in extremo Aegypti, & Philisthini erant confines: ideo aliquando faciebant prędas adinuicem, & sic contigit, quod filij Ephraim volentes ampliare terminos suos, descenderunt semel in terram Geth: nā Geth est quedam ciuitas vna de quinque metropolibus terrę Philisthinorum, ut patet Iosue 13. & primo Reg. 6. Habitatores autem Geth clauferunt istos in aliquo loco, cum ipsi non benè scirent introitus, & exitus terrę, sicut Gethgi, qui erant indigenę, id est oriundi de terra illa, ut dicit littera, & occiderunt eos. Et non fuerunt isti multi viri, sed pauci de filijs Ephraim, & postea Ephraim genuit alios filios.

Sed obijciatur, quod hoc non stet. Primò quia nō videtur, quomodo filij Ephraim irent in terram Philisthinorum, quia non permitterent eis Aegyptij exire de terra: nam tempore Moyse, quamquam peterent à Pharaone, quod permitteret eos ire ad sacrificandum, non permittebat quemquam eorum exire de terra, sed potius patiebatur ipse, & tota Aegyptus mala multa, ne aliquem permitterent exire, ut patet Exod. 10.

Secundò arguitur, quia dicitur hic, quod Sarra filia Ephraim ædificauit Bethoron inferiorem & superiorem, & tamen si fuerit iste Ephraim filius Ioseph, non potuit aliqua filia sua, vel filius ædificare Bethoron, quia istę vrbes sunt in terra Chanaan, ut patet Iosue 16. & tamen à natiuitate Manasse vsque ad tempus, quo Israelitę pacificè inceperunt possidere terrā Chanaan, trāsierunt anni ducenti, & sexaginta, & septem ad minus, ut declaratum fuit supra, & vsque ad tantum tempus non poterat viuere aliqua filia, vel

A filius Ephraim.

Ad primum dicendum, quod verum est, quod cū Israelitę ceperunt opprimi ab Aegyptijs, posuerunt Aegyptij magnas custodias super eos, ne fugerent de terra, & tunc non possent filij Ephraim ire ad faciendū istum insultum contra Gethęos, & tamen istud factū est antequam Aegyptij inciperent opprimere Israelitas. Quod patet, quia tunc vivebat Ephraim, & postea etiam vixit, & genuit filios, ut habetur in littera, & tamen viuente Ephraim non oppressi fuerunt Israelitę ab Aegyptijs, quia Exod. primo dicitur, quod defuncta est tota illa cognatio Ioseph, & fratrum suorum, & surrexit postea rex nouus, qui ignorabat Ioseph, & ille incepit opprimere populum, ante hoc autem Israelitę erant liberi in Aegypto, & poterant ire quocunque vellent: ideo cū tempore Ephraim duraret ista libertas, poterant filij sui descendere ad terram Gethęorum, ad pugnandum contra eos, & inuadendum possessiones eorum, nec impedirent eos ad hoc Aegyptij.

Ad secundum potest responderi tripliciter, Vno modo, quod ista Sarra fuerit vere filia Ephraim, soror istorum, qui occisi sunt, & ipsa ædificauit Bethoron superiorem & inferiorem, & tamē quod istę fuerint ciuitates in Aegypto, quamquam alię eiudem nominis fuerint in terra Chanaan. Et istud est satis verisimile, quia Israelitę ædificauerunt aliquas vrbes in Aegypto, scilicet Phiton, & Rameses, Exo. primo, ita ista mulier, cū esset potēs, ædificare posset duas vrbes.

Secundo potest dici, quod istę vrbes fuerint in terra Chanaan. Et hoc verisimilius est, quia Bethoron superius & inferius sunt duę vrbes in sorte Ephraim. Iosue 16. & tūc dicitur, quod cū terra Chanaan, & Aegyptus sint coniunctę, fortè Israelitę existentes in Aegypto dabant de filiabus suis vxores Chanęis, & recipiebant ab eis, cū nondum esset hoc prohibitū, sed postea fuit prohibitum per legem: Exod. 34. & Deut. 7. & sic ista filia Ephraim, cū esset mulier magni generis de principibus Israelitarum, daretur in coniugem alicui principi Chanęorum, & posset ædificare de nouo Bethoron superiorem & inferiorem. Et hoc est satis verisimile, quia istę duę vrbes erant factę, quando Israelitę iuerunt in terram Chanaan, quia cū diuideretur terra per sortes, istę duę vrbes ceciderunt tribui Ephraim. Et patet hoc, quia Iosue 10. dicitur, quod cū Iosue pugnaret contra quinq; reges, misit Dominus lapides de cœlo, cū essent in descensum Bethoron vsque ad Zecha, & sic iam erat vrbs Bethoron, quando Iosue iuit in terram Chanaan.

Tertio potest dici, quod ista Sarra ædificauerit vr-
bem Bethoron, id est reedificauerit vtramque Bethoron, quia istę duę vrbes ceciderunt in sorte Ephraim, & cū essent diruptę per bella, ista mulier, quę potens erat, reedificauit illas. Et tunc dicitur, quod nō accipitur ædificare propriè, sed pro refectione, quia prius erant ædificatę istę vrbes, quam irent Israelitę in terram Chanaan, ut probatum est. Etiam dicitur tunc, quod ista Sarra non fuit filia Ephraim istius, de quo hic dicitur, quod ista fuerit filia sua immediata, sed fuit filia sua, id est de stirpe sua, sicut aliquādo pronepotes dicuntur filij proauorum. Positio autem Nicolai non poterat stare, quia ipse vult, quod intelligeretur primus illorum de quodam Ephraim, qui non fuit princeps tribus, sed fuit ortus de illa tribu, & quod filij sui essent isti, qui mortui fuerunt, & quādo postea dicitur de generationibus, quę continuantur vsque ad Iosue dicit, quod intelligantur de Ephraim, qui fuit caput tribus, & tamē istud est irrationabile, quia littera ponit

ponit hic vnicum Ephraim: ideo non potest fieri relatio ad illum, de quo nullo modo hic dicitur, quia istud est abuti omni scriptura. Porissimè quia supra dicitur de illo Ephraim: Ingressus est ad uxorem suā, & postea sequitur: Porro filij eius Rapha, &c. & continuantur ibi sex generationes vsque ad Iosue: ergo istemet est Ephraim, qui supra ponebatur, sed iste, ad quem refertur relatiuum, est Ephraim filius Ioseph: ergo etiam iste Ephraim, de quo in principio dicitur, est filius Ioseph. Posset autem aliquantulum tolerari, & colorari positio Nicolai, si poneret hic bis Ephraim: nam quamquam esset idem, possemus cauillare, & dicere, quod vnus erat caput tribus, & alius non. Teneda ergo est positio præcedens.

Possessio autem eorum, & habitatio. Idest ista loca, quæ G sequuntur, erant habitatio, & possessio filiorum Ephraim in terra Chanaan.

Bethel, cum filiabus suis. Bethel est ciuitas quedam, quam tenuerunt filij Ephraim. Vocantur autem filie eius villæ paruulæ, quæ erant in circuitu Bethel, & viculi, quia omnia ista loca erant subiecta Bethel, & ideo vocantur filie, sicut filius est subiectus patri. Et iste modus loquendi est sæpe in Iosue, & in alijs libris.

Et contra Orientem Noram. Noram est quedam ciuitas in sorte Ephraim ad Orientalem partem eius, & vocatur Iosue 16. Noarata, quia sæpe mutantur nomina propria in Hebræo, addendo vel diminuendo.

Ad occidentalem plagam Gazer. Gazer est quedam ciuitas sortis Ephraim ad Occidentalem partem sortis, sic dicitur Iosue 16. Descendit ad Occidentem iuxta terminum Ieffete vsque Gazer. Ista ciuitas Gazer est in qua permiserunt filij Ephraim habitare Chananeos, quamquam esset in sorte sua, vt essent tributarij eorum, Iosue 16. & mansit in potestate Chananeorum semper vsque ad tempora Salomonis, & tunc Pharaos rex Aegypti ascendens in terram Israel, pugnavit contra urbem Gazer, & cepit eam, & dedit in dotem filie sue tertio Reg. nono.

Et filia eius. Idest villæ parvæ, quæ vocantur filie Gazer. Etiam tradite fuerunt in possessionem Ephraim.

Sichem quoque cum filiabus suis. Ista ciuitas erat vna de ciuitatibus refugij: Iosue 20. Et tradita fuit Leuitis ad habitandum, Iosue 21. & præcedenti cap. & in ista sepulti sunt omnes patriarche, quorum ossa de Aegypto adducta sunt: Act. 7. In ista enim vrbe filius regis Emor cepit Dinā filiam Iacob, & oppressit eam, tenuitque in domo patris sui, propter quod sequuta est mors Sichimitarum: Gen. 34. & loca in circuitu istius data sunt Ephraimitis.

Alia cum filiabus eius. Ista alia est ciuitas existens in sorte Ephraim.

An verum sit, quod Bethel fuerit in possessione Ephraim.
Quest. IX.

QUARRITUR, quomodo dicitur supra, quod Bethel fuit in possessione Ephraim: nam Bethel fuit in sorte Benjamin, vt patet Iosue 18. Responderi potest vno modo, quod Bethel verè fuit in sorte Benjamin, & non Ephraim & tamen Ephraimitæ tenuerunt eam ex permissione, Beniamitarum, quia forte etiam filij Benjamin tenebant aliqua loca terre Ephraim, sic etiam Ierusalem pertinebat ad tribum Benjamin: Iosue 18. & tamen viri Iuda habitauerunt in sorte Benjamin in Ierusalē, Iosue 15. & Iud. primo, & hoc creditur fuisse ex permissione filiorum Benjamin. Alio modo potest dici, quod duplex erat Bethel, & vna erat in tribu Benjamin, de qua Iosue 18. & alia erat in sorte Ephraim, & ista est, de qua hic dicitur. Et quomodocumque sit,

dicendum, quod illa Bethel, quæ est, in qua templum erat vnus vituli fabricati à Ieroboam, fuit ista Bethel, quæ erat in sorte Ephraim, eo quod rex Ieroboam erat de tribu Ephraim, & posuit templum in sorte tribus sue, & non poterat poni aliquis vitulus aureus per Ieroboam in Bethel, quæ erat in sorte Benjamin, dū possideretur à filiis Benjamin, eo quod filij Benjamin erant subiecti regno Iuda, & rex Israel non posset aliquid facere in locis possessis à filiis Benjamin. Et ista secunda positio rationabilior est.

Iuxta filios quoque Manasse Bethsan, & filias eius, Thanach, & filias eius, Mageddo, & filias eius, Dor & filias eius, in his habitauerunt filij Ioseph, filij Israel. Filij Azer, Ienna, & Iesua, & Iessui, & Baria, & Sara soror eorum. Filij autem Baria, Heber, & Melchiel, ipse est pater Barfaith. Heber autem genuit Iephlat, & Somer, & Hothā, & Suaa sororem eorum. Filij Iephlat, Phosech, & Chamaal, & Asoth. Hi filij Iephlat. Porro filij Somer, Ahi, & Roaga, & Haba, & Arā. Filij autem Helem fratris eius, Supha, & Ienna, & Selles, & Amal. Filij Supha, Sue, Har-napher, & Sual, & Heri, & Iamra, Bosor, & Od, & Samma, & Salusa, & Iethran, & Bera. Filij Iether, Iephone, & Phaspha, & Ara. Filij autem Olla, Arce, et Hanel, et Refia. Omnes hi filij Aser, principes cognationum, electi atque fortissimi duces ducum: numerus autem eorum ætatis quæ apta esset ad bellum, vigintisex millia.

Iuxta filios quoque Manasse. Idest habuerunt filij Ephraim iuxta filios Manasse, idest in sorte filiorum Manasse istas vrbes, quæ sequuntur: nam erant filij Manasse, & Ephraim quasi mixti in sortibus suis.

Bethsan, & filias eius. Ista ciuitas Bethsan non videtur esse illa, in qua suspensa sunt cadavera Saul, & filiorum suorum, quia illa erat in terra Philistinorum, vt patet primo Reg. vlt. Et tamen ista erat in sorte filiorum Manasse, & illi non habebant vrbes Philistinorum, sed magis filij Iuda: ideo dicendum, quod illa Bethsan erat in sorte Iuda. Ista autem erat alia ciuitas, quia frequenter eadem ciuitas habet multa nomina, & etiam multe ciuitates habent idem nomen.

Thanach, & filias eius. Ista erat ciuitas magna, & vna de regalibus: nam rex istius occisus fuit per Iosue, vt patet Iosue 22. & fuit in sorte Manasse, licet habitarent in ea filij Ephraim: ideo aliquando dicitur de ista vrbe, quod erat in sorte Ephraim, & aliquando in sorte Manasse. Patet, quia Iosue 17. dicitur, quod Thanach fuit hereditas Manasse in tribu Issachar. Et Iudic. primo. Dicitur Manasse quoque non deleuit Bethsan, & Thanach, & sic videtur, quod pertinebat ad Manasse.

Mageddo. Ista est ciuitas Manasse: Iosue 17. & Iudic. primo. Et ista est, apud quam occisus fuit Iosias rex, cum pugnare vellet contra Pharaonem regem Aegypti, & apud illam fecit planctum magnum pro Iosia rex quidam nomine Adadremon, in cuius adiutorium venerat Iosias, de hoc dicitur Zach. 12. Plan-

planctus magnus in Ierusalem, sicut planctus Adad-
remon in campo Mageddon. *Dor*, & filius eius. *Dor* est
ciuitas magna, & vna de regalibus, quæ habebat sub
se prouinciā magnā, de qua dicitur Iosue duode-
cimo Rex *Dor*, & prouinciā *Dor* vnus, & est ista ci-
uitas sorte Manasse, vt patet Iosue decimosextimo,
& Iud. primo. *In his habitauerunt filij Ioseph, filij Israel.* Sci-
licet in his vrbibus habitauerunt filij Ioseph, filij Israel,
scilicet tam de tribu Ephraim, quam de dimidia tri-
bu Manasse, cum omnes isti essent filij Ioseph. *Filij Is-
rael.* Id est filij Iacob, scilicet quia Ioseph fuit vnus de
filijs Iacob. *Filij Afer.* Hic ponitur sextum scilicet
de filijs Afer, & ponitur quatuor filij. *Ionna.* Ille
est primus, & vocatur Ianna, Numeri vigesimo-
sexto. Et ob hoc nominatur familia Iannitarum,
quæ est prima in familijs Afer, & Genesis quadrage-
simosexto, nominatur Iabne, sed idem est. *Et Iesua.*
Ille vocatur Iessai Numeri vigesimo sexto, & Gen.
quadagesimo sexto, & ab hoc nominatur familia Ies-
uitarum: Numeri vigesimo sexto, & Gen. 46. &
nominatur Melchie: Numeri vigesimo sexto, & Gen. 46. &
nominatur ab hoc familia Melchietarum, vt aliqui
volunt. Quamquam alij dicant, quod ista familia no-
minatur à Melchiel filio Beria, & nepote Afer: Gen.
46. & istud verisimilius est, & magis dicendum, quod
ille Iessui est, qui Numeri vigesimo sexto, vocatur Af-
bel, & ab eo familia Asbelitarum. *Baria.* Ille vocatur
Baria Gen. 46. & vocatur Bue Numeri 26. & ab hoc
familia Breuarum. *Et Sara soror eorum.* Nominatur hic
Sara filia Afer, quia ista fuit vna de descendens in
Aegyptum cum Iacob anno suo: Gen. 46. Et alij vo-
lunt, quod nominatur propter honorem Saræ vxoris
Ab. ille, vel forte nominatur, quia fuit mulier famo-
sa tempore suo, & nominatur inter viros, sicut alia Sa-
ra filia Ephraim, de qua supra in littera, quæ edificauit
vrbem Bethoron superiorem, & inferiorem, & pro-
pter istas vrbes fuit iacecla, ita forte ista Sara fecit ali-
quid famosum.

Filij autem Baria. Ille Baria erat primogenitus A-
fer, ideo ponitur hic progenies eius. *Hebel, & Mel-
chiel.* Isti duo nati fuerunt in terra Chanaan ante-
quam descenderet Iacob in Aegyptum, ideo ponun-
tur in numero descendens cum Iacob: Genesis
quadagesimo sexto, non est ille Heber ille, de quo
supra primo, quia ille fuit ante Abraham, ille autem
fuit de posteris Iacob, & ille nominatur Asbel: Num.
26. & ab eo familia Esbelitarum: nam sepe mutantur
nomina hominum, & locorum. Ille Melchiel est à
quo nominatur familia Melchielitarum: Numeri
26. & sic familie tres in tribu Manasse nominantur à
filijs Afer, & due familie à nepotibus eius, & sic inter-
dum nominantur familie à nepotibus, sicut patet in
tribu Manasse Num. 26.

Ipsa est pater Bariaith. Scilicet Melchiel fuit pater
Bariaith, & ille fuit aliquis vir famosus.

Heber autem genuit Iephlat. Hic omittitur progenies
Melchiel, quia ipse erat minor, & solum fuit positus
vnus filius eius, & ponitur progenies Heber, & om-
nes isti tres sunt fratres, quorum primus est Iephlat,
& progenies eius ponitur hic.

Et Somer. Sic vocabatur Dominus montis Sama-
ria, qui vendidit montem Anni regi Israel ad adifi-
candum ibi vrbem, & ex nomine domini vrbis vo-
cata est vrbis Samaria tercio Reg. decimosexto, & ta-
men non est ille ille Somer, quia ille fuit multo tem-
pore post.

Et Othon. Ille videtur vocari secundum quosdam
Helen, qui infra ponitur.

Et Sula sororum eorum. Ista ponitur hic ex eadem
Sula ex qua supra ponebatur Sara, scilicet quia fuit

A mulier famosa. *Filij autem Iephlat.* Ille est filius He-
ber, & ponitur hic progenies eius.

Iphosch, & Chamaal, & Asoph. Isti tres erant fra-
tres, & non sunt viri famosi, ille tamen Asoph non
est Asaph, de quo precedenti capitulo, quia ille est de
tribu Leui, & princeps cantorum, ille autem fuit de
tribu Afer, & etiam ille fuit multo tempore ante il-
lum. Porro filij Somer. Ille est secundus filius Heber,
& ponitur progenies eius.

Achi, & Roaga, & Iaba, & Aran. Isti etiam incogni-
ti sunt, quia non fit mentio de eis in scriptura, non est
iste Aran, de quo habetur supra primo, quia ille est fi-
lius Sem, & nepos Noe, ille autem fuit multo post,
cum sit de posteris Iacob, etiam non est ille Aran, de
quo Gen. undecimo, quia ille fuit frater Abraham, qui
mortuus est in terra Chaldeorum, ille autem multo
post Abraham fuit. *Filij autem Helen fratris eius.* Ille
Helen videtur esse, qui vocatur Iupia Othian, quia fi-
lios illorum fratrum ponit hic scriptura: nam iam
posuit de alijs duobus, scilicet de Iephlat, & Somer:
ideo ponit hic de tertio, scilicet de Othian, & vocat
eum alio nomine, sicut sepe in scriptura mutantur
nomina, & patet hoc magis, quia dicitur hic fratris eius,
quod refertur ad Somer, de quo supra dicebatur. *Su-
pha, & Iemma, & Sebes, & Anan.* Nomina istorum qua-
tuor incognita sunt, licet temporibus fuerint famo-
sa, & ponuntur hic nomina ista, quia omnes isti fue-
runt principes in tribu Afer, vt patet infra in littera. *Fi-
lij Supha sue Arapheth, & Sual, & Beri, & Samra.* Ille
Supha est primogenitus Helen: neco dicitur hic
progenies eius, & primus filius suus vocatur Sue,
quod est nomen viri, & non est adiectiuum, scilicet
filius auri, sic enim vocabatur ille Chanaan, qui de-
dit filiam suam in vxorem Iude: Gen. 28. sic etiam vo-
cabatur rex Aegypti, qui regnabat quando Osee rex
Israel rebellauit contra Sardaniasar regem Assyrio-
rum quarto Reg. 17. & vocatur ibi Sua, sed idem est
Sua, & Sue, quia mutantur littere in nominibus He-
braeis. Sual est nomen viri hic, & aliquando est nomē
regionis, de qua 1. Reg. 13. scilicet vnus cuneus perge-
bat contra vā Ephraim ad terram Sual. Quamquam
aliqui libri nostri corrupti habeant ibi ad terram Sual.

Eisfor, & Odor. Etiam isti sunt filij Supha, & est Bolor
aliquando nomen vrbis, quæ est in monte Ruben, &
fuit vna de ciuitatibus refugij, & est in solitudine. De
hac Deut. quarto, & Iosue 25. aliquando etiam acci-
piuntur pro vrbibus, de qua erat Balaam ar. 1. qui ve-
nit ad male creandum Israelitis iuxta Petri cap. 2.
scilicet: Secuti sunt viam Balaam, & Bolor. Hic au-
tem accipiuntur pro nomine viri: Odor est nomen pro-
prium viri, & non est latinum. *Et Samal.* Non est ille
ille, qui est frater Dauid. De quo supra secundo, quia
ille fuit de tribu Iuda, & iste de tribu Afer. *Et Salusa.*

Non est idem Salusa & Salia, quia Salia est nomen
regionis, per quam transiit Saul ad inquirendum afi-
nas patris sui primo Reg. nono, Salusa autem est no-
men viri. *Et Iera.* Non est ille ille, de quo dicitur
secundo Reg. 17. quod accepit in vxorem Abigail fi-
liam Ithar, & toror in Dauid, & genuit ex ea Amala,
quia ille fuit de alia tribu.

Et Bera. Non est ille Bera, de quo supra quinto, nā
ille fuit princeps in tribu Ruben, tempore quo Tel-
gaiaphalasar duxit captiuos in Assyrios viros de tri-
bu Ruben, ille autem est de tribu Afer. Bera ille fuit
aliquanto tempore ante illum. Inam Bera non est
Beria, de quo supra dicitur. *Filij Esber.* Ille Esber non
ponitur supra sub isto nomine, sed credendum est, q
sit aliquis de superioribus, quia progenies illorum
computatur hic. *Iephlat.* Non est ille Iephlat pater
Calet, quia ille fuit de tribu Iuda, vt patet supra quar-

10. & Iosue 14. Iste autem Iephone est de tribu Aser. *F*
Et Phaspha, & Ara. Isti principes erant, sed incogniti
sunt. *Filij autem Oola.* Est enim Oola nomen viri, ali-
quando tamen accipitur. Oola pro meretrice quadā,
& inducit quandam Metaphoram Deus de illa Eze-
ch. 23. cum loquitur de duabus sororibus meretrici-
bus, & vna vocabatur Oola, & alia Ooliba, & Oola
significat regnum Israel, & Ooliba significat regnū
Iuda, hic autem pro viro accipitur. *Arech.* Est hic no-
men viri, & tamen aliquando accipitur pro nomine
cuiusdam saltus, in quo morabatur Dauid cum fugie-
bat à facie Saulis, primo Reg. vigesimosecundo. *Et*
Aniel, & Resia. Nomina principum incognita. *Omnes*
hi filij Aser. Scilicet supra nominati.

Principes cognationum electi. Scilicet omnes, qui po-
nuntur hic sunt principes cognationum, idest domo-
rum, quæ sunt particulares cognationes in tribu A-
ser. *Atque fortissimi duces ducum.* Idest isti erant du-
ces ducum, quia erant magni principes, & alij prin-
ces erant eis subiecti, & hoc potissime intelligitur de
illis, qui erant principes familiarum: nam in tribu
Aser erant quinque familiæ, vt patet Numeri vige-
simosexto, & in qualibet illarum erat vnus princeps, &
cum in qualibet familia essent multe domus, quæ
sunt cognationes particulares, & in qualibet vnus
dux, oportebat, quod essent multi duces sub duce
cuiuscunque familiæ, & sic quilibet istorum erant du-
ces ducum. *Numerus autem eorum ætatis, quæ apta esset*
ad bellum viginti sex milia. Ista summa fuit tempore
Dauid quando computata fuit tota multitudo Israe-
litarum de omnibus tribubus, & fuerunt in tribu A-
ser isti, & ponuntur hic duces istarum familiarum,
& domorum, quia tempore computationis illius e-
rant duces super quamlibet domum, & familiam, per
quos computabatur ipsa multitudo, & dicitur hic
ætatis, quæ apta esset ad bellum, scilicet, quod om-
nes isti numerati sunt in tali ætate in qua possent pu-
gnare, quia non computabantur aliqui Israelitæ nisi
a viginti annis, & supra, eo quod prius non transi-
bant ad nomen, & numerum in populo, vt patet E-
xodi 30. & in tali ætate iam incipiebant esse apti ad
bellum.

C A P. VIII.



BENIAMIN autem genuit Bale
primogenitum suum Asbal se-
cundum, Ahara tertium, Noaha
quartum, & Rapha quintum.

DESCRIPTA in præcedentibus progenie
multarum tribuum, de quibus dicendum
fuit, hic agitur vltimo de tribu Benjamin,
& diuiditur in duo, quia primo ponitur
progenies Benjamin in generali, deinde descenditur
in speciali ad progeniem Saulis regis Israel ibi. In
Gabaon autem.

An iste sit ordo continuatus ad præcedentia.
Quæst. I.

QUÆRITVR circa primum, an sit ordo
continuatus hic ad præcedentia.
Respondendum sicut supra, quod non
potest esse hic ordo continuatus, cum con-
tinuatio propria sit in historijs, hic autem non est hi-
storia aliqua. Posset etiam dici, quod est aliquo mo-
do recapitulatio, quia supra dictum est de Benjamin,

deinde, quibusdam interpositis, subiunctum est de
filijs Benjamin. Potest tamen aliquo modo hic esse
ordo conueniens, quia in præcedentibus dictum est
de omnibus filijs Iacob enarrando progenies illorum,
& quia Benjamin fuit filius vltimus, conueniens fuit
dici de eo vltimo loco.

Quis ordo hic obseruatur.

Quæst. II.

QUÆRITVR vltius quis obseruatur hic
ordo cum supra immediate dictum fuerit
de progenie Aser, & hic dicatur de proge-
nie Benjamin: nam Aser non est ante Be-
niamin immediatus in ordine natiuitatis, cum Aser
fuerit filius Lyæ, & postea peperit Rachel filium suū
Ioseph: Genesis trigesimo, & deinde magno tempore
natus est Benjamin in terra Chanaan: Genesis tri-
gesimoquinto. Non est etiam ordo dignitatis, quia
Aser non est dignior quam Benjamin, cum Benia-
min sit natus ex Rachele vxore præcipua, & Aser na-
tus fuerit ex Lya, quæ minus diligebatur. Etiam non
fuit ordo cohabitationis, quia Aser, & Benjamin non
habituauerunt simul, sed potius in sortibus nimis di-
stantibus, vt patet Iosue decimonono. nam fors quin-
ta, quæ fuit nimis septentrionalis, fuit pro tribu Aser,
& fors prima, quæ fuit nimis meridiana fuit filiorum
Benjamin, Iosue decimo octauo. Dicendum, quod
non fuit aliquis ordo prædictorum, sed magis est hic
ordo recapitulationis: nam præcedenti capitulo posi-
ta fuit progenies Benjamin ex quadam parte in loco
ei conuenienti, & tamen non fuit tota progenies po-
sita, hic autem suppletur id, quod ibi minus erat, &
fit hoc præcipue propter Saulem, nam Saul fuit de tri-
bu Benjamin, vt patet primo Reg. nono, & etiam
hic in litera, & sic computatur progenies ipsius dili-
genter propter honorem ipsius, quia rex erat, & fuit
primus de regibus Israel. Circa primum dicitur.

Beniamin autem genuit Bale primogenitum suum. Iste vo-
catur Bale præcedenti capitulo, & Genesis quadrage-
simosexto, & vocatur Bale Numeri vigesimosexto,
& hic & ab hoc nominata est familia Baleitarum: Nu-
meri vigesimosexto.

Asbal secundum. Iste fuit secundus in ordine nati-
uitatis, & vocatur Asbal Genesis quadagesimosex-
to, & ponitur ibi in tertio loco, quamquam fuerit se-
cundus in ordine natiuitatis.

Et Ahara tertium. Iste est qui Boclora vocatur præ-
cedenti capitulo, vel Bethor Gen. 46.

Noaha quartum. Iste non ponitur sub eodem no-
mine Genesis quadagesimosexto, nec Numeri vi-
gesimosexto, nec præcedenti capitulo, quia mutan-
tur nomina istorum secundum consuetudinem He-
braicam.

Et Rapha quintum. Iste etiam non vocatur sic Ge-
nesis quadagesimosexto, nec Numeri vigesimosex-
to, quamquam ibi ponantur plures filij Benjamin,
quam hic.

Quare hic ponuntur quinque filij Benjamin, & Gen. cap.
quadagesimosexto ponuntur decem.

Quæst. III.



QUÆRITVR quomodo ponuntur Genesi
quadagesimosexto, decem filij Benjamin,
& hic solum quinque.

Respondendum est quod hic ponuntur
quinque, sicut Numeri 26. vbi narrantur familie Be-
niamin. Et ratio huius est, quia hic describitur pro-
genies deriuata à Benjamin, & tamen non fuit deu-
uata progenies ab eo per omnes filios suos, quia quæ-
que

que illorum mortui sunt sine liberis, vel fortè filij illorum postquam nati sunt perierunt sine liberis, & idem est. Et propter hoc cum Num. 26. describantur familie in singulis tribubus, non ponuntur nisi quinque familie Benjamin derivate à quinque filiis eius, & isti ponuntur hic quamquam non sub eisdem nominibus, cum multi sint viri habentes multa nomina, sicut sepe declaratum est, & aliquando vocantur vno nomine, & aliquando alio.

Fueruntque filij Bale Addar, & Gera, & Abiud, Abisue quoque, & Namã, & Ahoc, sed & Gera, & Sephuphan, & Huran: Hi sunt filij Ahod principes cognationum habitantium in Gabaa, qui translati sunt in Manahath. Naaman autem & Achia, & Gera ipse trāstulit eos, & genuit Oza, & Abiud. Porro Saharaim genuit in regione Moab postquam dimisit Hufim, & Bara vxores suas. Genuit autem de Hodess vxore sua Iobab, & Sebia, & Mofa, & Molchon: Iehus quoque, & Sechia, & Marma. Hi sunt filij eius principes in familijs suis. Mehusim vero genuit Ahitob, & Elphaal. Porro filij Elphaal Heber, & Misaa, & Samad: hic ædificauit Ono, & Lod, & filias eius. Baria autem, & Sama principes cognationum habitantium in Aialon.

Fueruntque filij Bale Addar. Hic describitur progenies primogeniti Benjamin, scilicet Bale, & fuit filius suus Addar. *Et Gera.* Aliqui dicunt de Hebræis, quod iste Gera fuit pater illius Semei, qui maledixit David: nam ille vocabatur Semei filius Gera de filiis Iemini, id est Benjamin secundo Reg. sed hoc non potest stare, quia iste Semei fuit tempore David, & sic pater suus Gera esset tunc, vel paulo ante, & tamen iste Gera, de quo hic dicitur, non potuit esse tempore David, quia iste fuit nepos Benjamin, & omnes filij Benjamin nati fuerunt ante descensum Iacob in Aegyptum: nam omnes decem filij Benjamin computantur inter descendentes in Aegyptum: Gen. 46. & sic nepos Benjamin nasceretur triginta, vel quadraginta annis post introitum in Aegyptum, & tamen Israeliteret in Aegypto annis ducēis, & quindecim, ut probatum est Gen. 15: deinde ab exitu de Aegypto usque ad introitum ædificationis templi Salomonis fuerunt anni quadringenti, & octoginta, & sic sunt anni septingenti demptis quinque, subtrahantur autem ab istis anni, qui trāstulerunt à tempore, quo maledixit Semei David, & à tempore, quo vivebat Gera pater illius Semei usque ad ædificationem templi Salomonis, & triginta, vel quadraginta anni ab introitu in Aegyptum usque ad natiuitatem nepotum Benjamin, & erunt ad minus plusquam sexcenti anni, & tamen nullus hominum poterat tanto tempore vivere: ideo oportet, quod esset alius Gera, qui maledixit David, & iste præcederet illum annis quasi sexcentis. Motuum autem leuissimum est, quod aliquis propter nominis identitatem credat esse rerum thei primo in genealogia Christi, quia ille fuit de tribu Iuda, iste autem est de tribu Benjamin. *Abisue quo-*

que. Non est iste, de quo supra sexto, nam ille fuit de filiis Levi, & fuit quartus summus sacerdos, iste autem fuit de tribu Benjamin, in qua nullus sacerdos fuit. *Et Namã.* Aliquando est nomen feminae, quæ vocatur Noeman, vel Noema: Gen. 4. tamē hic accipitur pro viro. *Et Ahoc.* Nomen incognitum est. *Sed Gera, & Sephuphan, & Huran.* Iste Gera est etiam filius Bale filij Benjamin, de quo in litera dicitur, & sic habuit duos filios eiusdem nominis vel, sicut alij volunt, Gera nō est filius Bale, ita quod sit alius Gera ab illo supraposito, sed siciplemer, & isti, qui sequuntur sicut filij eius, sed verius est quod iste sit alius ab illo Gera, de quo supra dicitur, & sit frater eius. iste Huran, de quo hic dicitur est Hurai, de quo dicitur præcedenti capitulo, quia ibi ponuntur filij Benjamin, & filij Bale, & ponuntur quinque, & mutantur ibi nomina, quia consuetudo Hebræa est sic, vnde nullus eorum vocatur ibi idem nomine, quo hic, & tamen necesse est dici, quod aliqui istorum sint iidem cum illis, qui ibi ponuntur, eo quod illi sunt filij Bale, & isti sunt filij eiusdem Bale. *Hi sunt filij Ahod.* Iste vocatur alio nomine Aioth, ut quidam volunt, sed in hoc modicum differt. *Principes cognationum habitantium in Gabaa.* Aliqui volunt, quod incipiat hic in speciali computari progenies Saulis, eo quod dicitur hic de habitantibus in Gabaa, & tamen Saul fuit de vrbe illa. Vel potest dici, quod incipit in illo versu ibi: Patriarche. Vocantur autem principes cognationum, quia erant domini familiarum & domorum, quæ sunt cognationes particulares. Fuerunt autem in Gabaa cognationes multe, quia fortè fuerunt ibi multe domus cognationum de tribu Benjamin, iste est Gabaa, in qua fuerunt viri, qui vexauerunt libidine nimia ipsam mulierem Leuite, & occiderunt eam: Iud. 19. & propter hoc tota tribus Benjamin periit tam viri, quam feminae præter sexcentos viros: Iud. 20. *Qui translati sunt in Manahath.* Id est transierunt in Sepulchrum: accipitur enim Manahath in Hebræo pro Sepulchro, & sic dicunt, quod trāstati sunt in Sepulchrum, id est occisi sunt omnes, eo quod in vrbe Gabaa omnes perierunt, & etiā omnes de tribu Benjamin propter mulierem Leuite, ut dictum est. Sed dicendum est, quod accipitur hic Manahath pro aliqua vrbe, ad quam transierunt filij Benjamin, quia cum prius habitarent in vrbe Gabaa trāstierunt ad urbem Manahath ex aliqua causa, vel aliquis fortè illos illuc transtulit, & hoc magis significat litera, cum dicat, quod translati sunt in Manahath. *Noeman autem, & Achia, & Gera ipse transtulit eos.* Isti tres sunt tres de præcedentibus filiis Bale, & dicitur, quod isti transtulerunt eos, quia isti tres erant principes domorum, & transtulerunt omnes de cognationibus suis in Manahath. videtur tamē esse Manahath in terra Moab, quia dicitur inf. porro Saharaim genuit in regione Moab. Iste Achia est, qui vocatur Aquor sup. in litera, & idem est, quia talis mutatio fit in Hebræo, & non est iste Achia, de quo dicitur primo Reg. 14. quia ille erat sacerdos de progenie Heli eod. capit. iste Gera est, qui sup. ponebatur. *Et genuit Oza, & Abiud.* Scilicet iste Gera, de quo immediate dicitur, quod ipse genuit istos, vel potest intelligi de Noeman, qui est frater primus, & iste Abiud nō est ille, de quo dicitur sup. in litera. *Porro Saharaim genuit in regione Moab.* Quia forte illuc transtulit ad habitandum, quando dicitur supra, quod omnes isti translati fuerunt in Manahath postquam dimisit Hufim, & Bara vxores suas, scilicet iste Gera habebat duas vxores Hufim, & Bara, & dimisit illas repudiando eas, quia licitum erat Iudeis repudiare vxores, & tamen istud videtur fuisse factum antequam daretur lex, quia iste Gera erat nepos Benjamin, & tamen tempore nepotum eius nō erat data lex,

ra lex, quia isti in Aegypto mortui fuerunt eo quod isti nati fuerunt pauco tempore post introitum in Aegyptum, & tamen manserunt Hebrei in Aegypto annis ducentis, & quindecim, ut declaratum est Genes. 16. Husim est hic nomen mulieris, quamquam aliquando accipitur pro viro, unde filius Dan vocabatur Husim: Gen. 46. Bera etiam nomen mulieris est, & tamen aliquando est nomen viri, ut cum dicitur Beera, sup. quinto, & etiam Bera, precedenti cap. Hic autem pro viro accipitur, dimisit autem istas duas uxores Gera, quia fornicatæ fuerant, vel quia non erant ei gratæ, & tamen pro quacunq; causa poterat vir dimittere uxorem in veteri testamento, ut declaratum est Deut. 24. *Genuit autem de Hodes uxore sua Iobab.* Erat uxor quam habuit Gera postquam dimisit duas, quæ nominatæ sunt, vel fortè antequam dimitteret illas. Iste Iobab non est Iob, ut aliqui putant, quia ille non fuit de stirpe Hebræorum, sed magis videretur fuisse de stirpe Idu meorum, de quo dictum est sup. primo aut aliquis illorum, quia multo tempore ante istum fuerunt. *Et Sebia, & Mosa, & Molchon.* Iste Molchon non est Moloch, quia Moloch est nomen idoli, nec Melchon, quia idem est, ut patet quarto Reg. 23. & infra 20. & iste Molchon ponitur precedenti cap. *Iebus quoque, & Sechia, & Marma.* Nomina virorum sunt, & aliqua ipsarum posita sunt precedenti cap. ubi narrabatur progenies Benjamin. *Hi sunt filij eius.* Potest referri ad Gera, de quo supra dicebatur, vel ad Neeman qui erat primus in illis tribus, qui transfulerunt omnes istos in Manahath. *Principes in familijs suis.* Idest omnes isti erant principes familiarum: nam hic non enarrantur nisi illi, qui erant principes familiarum, & domorum, alij autem viri simplices omittuntur. *Mehusim verò.* De isto Mehusim non ponitur cuius filius erat, sed satis potest dici secundum regulam declaratam supra quarto, quod est filius illius, qui immediate præcedit cum non appareat aliud in scriptura. *Genuit Achitob.* Iste Achitob non est aliquis de illis, de quibus dicitur sup. sexto, quia omnes illi fuerunt de stirpe sacerdotum, iste autem est de tribu Benjamin. *Et Elphaal.* Iste Elphaal est princeps, sed incognitus sicut multi alij, qui ponuntur hic. *Porro filij Elphaal Heber.* Iste Heber non est ille, de quo dicitur precedenti cap. quia ille est de filiis Aser, iste autem de filiis Benjamin. Etiam non est iste, de quo dicitur supra primo, quia ille fuit ante Abraham multo tempore, iste autem fuit de posteris Abrahæ. *Et Miftam, & Samath.* Nomina virorum sunt principum in tribu Benjamin, sed non sunt cognita, quia de eis nihil habetur in scriptura. Non est iste Semath ille, de quo habetur sequenti libro cap. 24. quia ille erat Ammonita, & fuit pater illius, qui occidit regem Ioas in lectulo suo eod. cap. *Hic edificavit Ono, & Lod.* Nomina sunt duarum urbium in sorte Benjamin, quamquam non ponuntur talia nomina in alio loco scripturæ, quia Iosue 18. ponuntur omnes ciuitates Benjamin, & tamen non ponuntur inter eas iste, sed credendum est, quod nominantur ibi alij nomines, vel quod magis tenendum est, iste urbes non fuerunt à principio in sorte Benjamin, sed isti viri de tribu Benjamin condiderunt illas, ille autem quæ ponuntur in sorte Benjamin: Iosue 18. erant de illis urbibus, quæ erant in terra quando Israelitæ introierunt in terram Chanaan, & diuiserunt eam per sortes. *Et filias iacentia in circuitu istarum ciuitatum.*

Bara autem, & Sama principes cognationum. Idest principes domorum, quæ sunt cognationum. Idest hic non ponuntur nomina principum familiarum. *Habitantium in Aialon.* Idest iste cognationes habitabant in vrbe Aialon, quæ ab istis deriuatæ sunt, vel qui-

bus isti præerant tempore suo, quamquam non deriuatæ essent ab istis, sed à prædecessoribus eorum. Ista est ciuitas, de qua dicitur Iosue 10. sol contra Gabaon ne mouearis, & luna contra vallem Aialon.

Quomodo isti duo hic nominati potuerunt esse principes habitantium in Aialon.

Quest. IIII.

QVAERITUR quomodo poterant isti duo Bara, & Sama esse principes cognationum habitantium in Aialon, quia isti duo viri erant de tribu Benjamin: ideo cognationes, quibus isti præessent, essent in sorte Benjamin, & tamen Aialon non erat in sorte Benjamin, sed in sorte Dan, ut patet Iosue 19.

Respondendum vno modo, quod quamquam dicitur Aialon fuisse in sorte Dan, ut patet Iosue 19. & tamen etiam fuit alia Aialon in sorte Benjamin, quia interdum ciuitas eiusdem nominis erat in vna tribu, & in alia, sic patet de Afor, quia erat vna Afor in tribu Iuda, Iosue 15. & alia in sorte Nephtali: Iosue 19. Sed obijciatur, quia Iosue 18. ponuntur omnes vrbes, quæ erant in sorte Benjamin, quam ille, quæ habentur Iosue 18. & vna illarum fuit Aialon, licet non nominetur ibi eodem nomine: sic enim est interdum de alijs ciuitatibus, quæ multa nomina habent sicut est in Hebron, quæ vocatur Hebron, & Chariatharbe, & Mambre, ut patet Gen. 23. & Iosue 14. Aliiter potest dici, quod ista Aialon erat in sorte Dan, & tamen isti duo viri fuerunt principes cognationum existentium in Aialon, quia fortè transferunt multi de viris Benjamin ad habitandum in sorte Dan: sic enim dicitur supra, quod isti viri de tribu Benjamin habitabant in Gabaon, & translati sunt in Manahath, quia Manahath est nomen alicuius regionis, & frequenter viri de vna tribu habitabant in sorte alterius: sic enim fuit de viris Iuda, qui habitauerunt in Ierusalem: Iosue 15. & Iud. primo, & tamen Ierusalem pertinebat ad sortem Benjamin Iosue 18. prima tamen solutio satis stat, potissime ex hoc, quia quando Iosue dixit: Sol contra Gabaon ne mouearis, & luna contra vallem Aialon, & sol, & luna circa oppositionem, cum vterque appareret super terram circa occasum solis, & tamen in oppositione, cum sol, & luna sint in punctis oppositis, vel diaci, non declinat vnus magis ad Septentrionem, vel ad Meridiem, quam alius, & tñ sol apparebat in parte Occidentali iuxta Orientem apud urbem Gabaon, & luna in parte Orientali in valle Aialon, ideo necesse est, quod essent in opposito æqualiter declinando ad Meridiem, vel ad Septentrionem, & tñ fors Benjamin, in qua erat Aialon erat nimis meridiana, & fors Dan, in qua erat Aialon, erat maximè Septentrionalis, tñ fors Benjamin esset prima de septem à parte meridiana, & fors Dan esset vltima de septem procedendo versus Aquilonem Iosue 18. & 19. Ideo non conuenienter posset apparere sol contra Gabaon, & luna contra Aialon, nisi esset Gabaon in sorte Benjamin, sicut Gabaon. Vtrunque tamen potest saluari.

Hi fugauerunt habitatores Geth. Et Ahio, & Sefac, & Ierimoth, & Zabadia, & Arod, & Heder, Michael quoq; , & Iespha, & Ioha filij Baria. Et Zabadia, & Mosollā, & Ezechiel, et Heber, et Iesamari, et Ieslia, et Iobab filij Elphaal, et Iacim, et Zechri, et Zaddi, et Eliocnai, et Selethai, et Heliel, et Adaia, et Bar-

raia, & Samarat filij Semei. Et Iespaha, & Heber, & Heliel, & Abdō, & Zechri, & Hanā, et Hanania, & Ellam, & Anathothia, & Iephdaia, & Phan uel, filii Sefac, & Samsari, & Sophoria, et Otholia, et Iersia Elia, et Zechri filij Ieroan. Hi Patriarchę, et cognationum principes, qui habitauerunt in Ierusalem.

Hi fugauerunt habitatores Geth. Refertur istud ad Bara, & Sama, qui fuerunt principes cognationum Aialon. Sciendum autem, quod Geth est una de quinque metropolibus terre Philistinorum, de quibus Iosue 13. & primo Reg. 6. in hac autem ciuitate fuit rex Achis coram quo immutauit faciem suam Dauid, primo Reg. 23. & postea venit ad habitandum cum eo in Geth, eod. lib. c. 27. habitabant autem Philisthini in Geth, & tamen pertinebat illa ciuitas ad terram Israel, quia tota terra Philistinorum erat intra terram Chanaan, ideo conabantur Israelitę excludere de terra ipsos Philisthinos, & pugnaverunt semel contra Gethęos, & fugauerunt eos, fuit autem istud aliquod magnum bellum, sed scriptura est hic nimis breuiloqua.

Et Ahio. Non sunt illa, quę sequuntur nomina ciuitatum, sicut Geth, de qua immediate dicebatur, sed sunt nomina virorum, qui fuerunt de stirpe Benjamin, & fuerunt principes cognationum, quę erant in Abiaion, sicut Bara, & Sama. Non est iste Ahio, de quo dicitur, 2. Reg. 6. quia ille erat de tribu Leui, cum esset sacerdos, vel Leuita: nam ipse, & frater suus Oza posuerunt arcam super planstrum, & portabant eam, quando percussus fuit Oza: iste autem est de tribu Benjamin. *Et Sefac.* Non est iste Sefac, de quo habetur 3. Reg. 14. quia ille fuit rex Aegypti, qui regnauit in Aegypto, quę regnabat in Iuda Roboā filius Salomonis, & ipse abstulit thesauros domus Domini, & domus regis: nam ille fuit Aegyptius, iste autem est de tribu Benjamin: etiam non est iste Sefac, de quo aliquando dicitur in Ezechiele, & Ieremia rex Sene habet post illos, quia ille est iudex gentilis, qui non pertinebat ad filios Israel. *Et Ierimoth.* Aliquando est Ierimoth nomen viri, quę sunt in Iorte Iuda: Iosue 15. & ipsa fuit una de ciuitatibus regalibus terre Chanaan: nam regem eius expugnaverunt, & occiderunt Israelitę. Iosue 10. Aliquando autem est nomen viri, & sic accipitur hic, & etiam precedenti c. nam Ierimoth nomen viri est ibi de tribu Benjamin, & tamen non est iste, sed multo prior eo.

Et Zabadi, & Arod. Iste Arod non est Ared, de quo dicitur precedent. c. quia ille fuit de filio Aser, iste autem est de filijs Benjamin. *Elder.* Non est iste Elder primogenitus Iude, quod fuit maior, & occisus est a dño: Gen. 38. & 46. iste autem natus est multo tempore post introitum in Aegyptum, ut patet computando generationes intermedias inter istum, & Benjamin. *Michael quoque.* Non est iste aliquis de illis, qui habent. 5. 4. quia ille fuit de tribu Iuda, & iste de Benjamin. *Filij Baria.* De isto non apparet cuius filius sit, ideo secundum regulam datam supra 4. poterat dici, quod iste esset filius Iota, tamen dicendum est finem quoddam, quod fuit filius Benjamin. quod ille sit ille, qui vocatur Baria, a quo nominatur familia Parietarum. Sed hoc non stat, quia iste Bersa, vel Brie pertinet ad tribum Aser, & ibi est familia Beitarum. Nume. 26. ideo oportet, quod sit filius Iota, vel alterius de tribu Benjamin. *Zabadi.* Non est iste Zabadi, qui supra ponitur, sed alius in eadem tribu Benjamin. *Et Mosollam.* Sepe ponitur istud nomen Mosollam supra, & tamen non eundem in istis cum aliquo superiorum, quia sunt de alijs tribubus. *Et Zechri.* Nomen principis est in tribu Benjamin, sicut omnia, quę ponuntur hic. *Et Heber.* Alph. Tost. in lib. I. Paralip.

A Non est iste aliquis de supra positus: nam sepe ponitur istud nomen Heber, sed differunt, quia quidam sunt de alijs tribubus, alii vero quę fuerint de tribu Benjamin coincidunt cum isto. *Et Esamari, & Lesia.* Incognita nomina sunt, quia non reperimus de eis historias, & tamen sunt nomina principum. *Et Iobab.* Non est iste Iobab, de quo dicitur, quod sit Iob, nec est qui supra ponitur, nec ille de quo habetur 5. 1. *Filii Helphaal.* Iste Helphaal videtur quibusdam esse ille, de quo dicitur supra in littera, & quod ponatur hic cognatio eius, sed non est verum, quia ibi ponuntur filii sui, & sic non est credendum, quod repetatur hic de illo, nisi appareret manifeste. *Iacim.* Non est iste Iacim a quo derivata est familia Iacinitarum, quia illa familia fuit in tribu Simeon: Num. 26. & vir ille Iacin est de filiis Simeon. Gen. 46. & Nume. 26. aliquando tamen Iacin est nomen columnę vnius, quę erat in templo, ut patet 3. Reg. 7. cum dicitur: Cumque statuisset columnam dextram vocauit eam Iacin, & erexit secundam, & vocauit eam nomine Booz. Idem patet seq. lib. 4. cap. 3. hic autem accipitur per nomine viri. *Et Zechri, & Zabdi.* Iste Zabdi non est ille, de quo habetur Iosue 7. quia ille fuit pater Achor, qui furatus est de anathemate Iericho, & fuit de tribu Iuda eo. c. & 5. 2. *Et Elionai.* Non est iste Elionai, de quo habetur 5. 3. quia ille fuit de tribu Iuda, iste autem de tribu Benjamin.

C *Et Seletai, & Hebiel.* Nomina principum sunt in tribu Benjamin. *Et Aida.* Aliqui nominantur sic in superioribus, & tamen iste differt ab omnibus illis, sic patet 5. 4. & 6. *Et Barasa, & Samarath.* Nomina principum sunt, licet inusitata in scriptura, cum non sint historie de illis.

Filij Semei. De isto Semei non apparet cuius filius sit, sed potest dici, quod sit filius Samarath, de quo immediate dicitur. Posset autem aliquis dicere, quod iste sit Semei, qui maledixit Dauid, cum fugeret a facie Abiaion. 2. Reg. 16. & ad hoc erit aliquis color, quia ille per multas generationes dicitur a Benjamin, ita ut satis potuerit esse tpe Dauid. *Iesphan.* Non est iste Iesphan, de quo supra dicitur, quia filij diuersorum patrum sunt, & littera distinguit eos hic. *Et Heber.* Sepe ponitur Heber in tribu ista, & in quibusdam alijs, sicut in tribu Ater precedent. c. & tamen non est iste aliquis illorum, de quo supra dicitur. *Et Heliel.* Non est iste Heliel, qui supra ponitur, sed ambo sunt de eadem tribu. *Et Abdō, & Zechri.* Non est iste Zechri, de quo habetur supra in littera, quia ille erat filius Elphaal, & iste est filius Semei. *Et Hanan.* Non est id, quod Chanaan, quia Chanaan est filius Cham nepos Noe, cui maledixit ipse Noe. Gen. 9. f. maledictus Chanaan, seruus erit fratribus suis, & ille est, a quo nati sunt septem populi Chananęorum, de quibus Gen. 10. *Et Anania.* Non est iste Ananias, qui contregit cathenas ligneas de collo Ieremie, dicens, sic collum frangam iugum Nabuchodonosor post duos annos dierum de collo omnium gentium. Et mortuus est propter hoc Ananias illo anno: Ierem. 28. Multi etiam alii vocati sunt Ananias, sicut vnus de tribus pueris, qui fuerunt in fornace in Babylone: Daniel 3. sic etiam Ananias fuit qui baptizauit Paulum Act. 9. *Et Elam.* Nomen incognitum est. *Et Anathothia, & Iephdaia.* Nomina principum sunt inusitata in Sacra scriptura.

E *Et Phanuel.* Aliquando Phanuel est nomen viri, vel castri, in qua erat magna turris, & in isto loco Gedeon penuit panes a viris loci quando ibat persequendo Madianitas, & noluerunt dare irridentes eum, permisit ergo, quod quando rediret de bello destrueret turrim ipsorum, & sic factum est, quia destruxerunt turrim, & occidit habitatores loci: Iud. 8. Iste locus vocatus est Phanuel, quod interpretatur facies Domini, quia in ipso loco apparuit Angelus Iacob, & luctabatur cum eo.

eo, & ipse vocauit locum Phanuel, dicens vidi Dominum: Gene. 32. Aliquando accipitur pro nomine viri, & sic est hic.

Filij Sefac. Ille Sefac fuit aliquis princeps magnus in sorte Benjamin, & etiam filii sui fuerunt principes. *Samari, & Seoria.* Nomina sunt inusitata in scriptura.

Et Otholia. Non est Atholia id, quod Otholia, quia Athalia est nomen feminae, quae regnavit sex annis super Iudam occiso vulgato semine regio, & postea occisa est mandato Ioudae sacerdotis. 4. Regum 11. & sequenti libro capitu. 23. Hic autem Othalia est nomen viri.

Et Gersia, & Elia. Non est iste Elias propheta, quia ille non fuit de tribu Benjamin, sed magis fuit de tribu Gad, vel Rubeniam ipse erat de vrbe Thebes, id vocatur Thesbites, & dicitur, quod erat de terra Galaad, & tamen viri Benjamin non habitabant in terra Galaad, sed solum duae tribus, & dimidia, vt patet Nume. 32. & Deuter. 3. & Iosue 13. ideo non fuit ille. Patet de hoc 3. Reg. 17. vbi dicitur Elias esse Thesbites de habitatoribus Galaad.

Item patet hoc, quia Elias fuit tempore regis Achab. 3. Regum 17. vt patet, & 18. & tamen isti qui ponuntur hic fuerunt multo tempore prius, scilicet ante tempora Saulis, ideo non potuit esse iste idem cum illo.

Et Zechri. Ille Zechri non est ille, de quo supra dicitur, quia ille vocatur filius Heiphaal, iste autem est filius Sechath, *Filij Eroan.* Idest omnes isti erant filii Eroan.

Hi Patriarchae, & cognationum principes. Refert ad omnes supra positos, & dicitur, quod erant patriarchae, id est principes, & patres, scilicet non fuerunt hic nominati alii, nisi principes familiarum, & domorum, de aliis autem tacuit scriptura. Et dicitur, quod hi sunt patriarchae, id est principes, & patres, vel patriarchae, id est principes patrum, & sunt principes cognationum accipiendo cognationem pro familia, & pro domo indifferenter, quia alias non possent esse tot principes cognationum, cum in tota tribu Benjamin non sint, nisi quinque familiae: Nu. vigesimo sexto: potissime, quia multi filii eiusdem patris vocantur hic principes familiarum, & tamen non possunt esse principes familiarum, nisi qui sint a diuersis patribus, & hoc verum est in descendentibus a capite tribus, vel quasi immediate, quia illi denominantur diuersis familiis, licet non sint a diuersis patribus, & tamen postea in processu generationis, necesse est principes diuersarum familiarum esse a diuersis patribus.

Qui habitauerunt in Ierusalem. Idest omnes isti habitauerunt in Ierusalem, quia ibi fuerunt diuersae cognationes particulares, quae sunt domus, & principes illarum erant isti, qui nominantur hic.

An verum sit, quod isti fuerint principes cognationum, quae erant in Ierusalem. Quae. V.

QVAERITUR quomodo poterant isti, qui nominantur hic esse principes Ierusalem, quia in Ierusalem habitabant viri Iuda, Iosue decimo quinto, & Iud. 1. & ideo necesse erat, quod cognationes, quae ibi habitarent essent de tribu Iuda.

Respondet Nicolaus, quod viri Iuda, & Benjamin posederunt Ierusalem quilibet iure suo: nam fors diuisit Benjamin, & Iudam, & cecidit linea per medium Ierusalem, & medietas illius pertinuit ad tribum Iudam, & medietas ad Benjamin. Sed hoc non potest stare, sicut declaratum est Iosue 18.

Aliter ergo dicit aliquis, quod cognationes Benjamin erant in Ierusalem, quia Benjamin habebat Ierusalem in sorte sua: Iosue decimo octauo, & ibi declaratum est.

Sed dicitur, quod non stat, quia dato, quod Ierusalem pertineret ad sortem Benjamin tenebant locum illum, ideo ipsorum essent cognationes, & non Benjamin.

Respondendum, quod Ierusalem vere fuit in sorte Benjamin, & non in sorte Iuda, & tamen viri Benjamin concesserunt viris Iuda habitare in vrbe illa, & non habitauerunt soli viri Iuda, sed etiam cum eis viri Benjamin, scilicet aliqua pars vrbis pertinebat ad Benjamin, & aliqua ad Iudam, quia mixti habitabant, & hoc patet Iosue 25. vbi dicitur, quod viri Iuda perguauerunt contra habitatores Ierusalem. Idem Iudicum 1. & etiam dicitur de viris Benjamin, quod habitauerunt in Ierusalem, & pugnauerunt contra Chananeum habitantem ibi, & hoc non poterat esse, nisi simul aliqui de viris Iuda, & aliqui de viris Benjamin habitarent in Ierusalem, & sic potuerunt esse hic cognationes Benjamin, qui supra habetur.

In Gabaon autem habitauerunt Abigabaon, & nomen vxoris eius Maacha, filiusque eius primogenitus Abdon, & Sur, & Cis, & Baal, & Nadab, Gedur quoque, & Ahio, & Zacher, & Macelloth. Et Macelloth genuit Samaa.

In Gabaon. Hic ponitur secundum, scilicet de generatione Saulis in particulari, licet aliqui velint supra hoc incipere dicitur.

In Gabaon autem habitauerunt. Scilicet omnes isti, qui sequuntur positi erant fuerunt cognationes Ierusalem, hic autem ponuntur cognationes Benjamin, quae fuerunt in Gabaon. *Abigabaon.* Ille fuit princeps de viris Benjamin in vrbe Gabaon, & Hebraei dicunt in Gabaon habitauit pater Gabaon, aut enim interpretatur pater, & Gabaon est nomen vrbis, scilicet pater vrbis Gabaon, & volunt, quod iste fuerit aliquis vir potens, & quasi de primis in vrbe Gabaon. Hiero. autem accepit Abigabaon pro nomine proprio viri, qui ibi habitauit. Virumque autem satis potest stare. *Et nomen vxoris eius Maacha.* Non est ista Maacha, quae fuit vxor regis Abia. De his 3. Reg. 15. & sequenti lib. cap. 11. Nec etiam est Maacha, de qua habetur preced. c. quia vxor regis Roboam, & regis Abia fuit multo tempore post hanc, cum ista Maacha fuerit ante Saulem, nec et ista Maacha, est, de qua hanc preced. c. 1. quod fuerit soror Machi, quia illa fuit de alia tribu, & fuit et multo tempore ante hoc ponitur in hic Maacha, quia fuit aliqua mulier famosa in tribu Benjamin. *Filiusque eius primogenitus Abdon.* Scilicet filius Abigabaon, & Maacha vxoris suae, non est iste Abdon, de quo habetur supra in litera, quia ille fuit filius Semei, iste autem fuit primogenitus Abigabaon. Etiam ille fuit de cognationibus habitantibus in Ierusalem, iste autem fuit de cognationibus habitantibus in Gabaon. *Et Sur.* Aliquando est nomen regionis desertae in Arabia iuxta Aegyptum, & est Sur etiam desertum Cades. Sic enim patet Gen. 16. f. Angelus Domini inuenit Agar in solitudine, quae est in via Sur in deserto. Patet et Gen. 15. f. Habitauit autem ab Eui usque Sur. Et istud est desertum, per quod ambulauerunt Israelitae tribus diebus non inuenientes aquam quando exiuerunt de Aegypto: Exo. 15. & ibi fuit missio, quae vocatur Mara propter amantudinem aquae eod. c. Aliquando autem est nomen viri, & sic accipitur hic. *Et Cis.* Ille Cis est pater Saulis. 1. Regum 9. & 10.

Et Baal. Aliquando Baal est nomen idoli frequentati in scriptura, ut patet 3. Reg. 16. & 18. & colebatur illud idolum nimis a rege Achab. Aliquā autem accipitur pro nomine viri, & sic est hic, sic etiam quidam alius vocabatur Baal princeps in tribu Ruben supra 5. *Et Nadab.* Non est iste Nadab rex Israel filius Ieroboam, qui occisus fuit a Baasa, cum regnasset paucos annos. 3. Reg. 15. quia ille fuit de tribu Ephraim cum pater suus Ieroboam esset de tribu Ephraim. 3. Reg. 11. Secundo patet, quod iste fuit multo tempore ante illum: nam iste fuit ante Saulem, ut patet hic, & tamen Saul fuit multo tempore ante Ieroboam, cum tempore Ieroboam fuerit diuisum regnum. Alius etiam fuit Nadab filius Aaron, qui mortuus est prima die, qua fecit sacrificium: Leuiti. 10. sed neuter illorum est, quia ille Nadab est de tribu Leui, iste autem de tribu Benjamin, etiam fuit ille Nadab mortuus in deserto Sinai, iste autem fuit de habitantibus in Gabaon.

Gedor quoque. Aliquando Gedor est nomen viri, sicut hic, aliquā autem est nomen urbis, vel regionis, & fuit ista ciuitas in sorte Iudæ, Iosue 15. & regionem huius acceperunt filii Simeon pugnantes contra Chanaanos supra 4. *Et Ahio.* Alius Ahio ponitur supra in littera, sed differt ab isto, quia ille fuit filius Elphaal, vel alicuius de precedentibus, iste autem fuit habitator Gabaon, & fuit filius Abigabaon, alius autem fuit Ahio, de quo 3. Reg. 6. sed ille erat sacerdos, vel Leuita: nam ipse, & frater suus Oza portabant arcam super plaustrum, quando percussus est Oza, ut patet ibidem. Sed ille differt ab isto, quia erat Leuita, iste autem est de Benjamin.

Et Zacher, & Macelloth. Multi vocantur sic, ut patet seq. c. & in aliis locis, sed iste non est, de quo habetur seq. c. quia omnes de quibus ibi habetur, fuerunt post captiuitatem Babylonis, & isti qui habentur hic fuerunt prius. *Et Macelloth genuit Sama.* Iste Sama non est, de quo habetur supra 2. quia ille erat frater Dauid, nec de quo habetur supra in littera, nec aliquis de precedentibus, quia illi pertinebant ad alias tribus.

An verum sit, quod isti habitauerint in Gabaon.
Quæst. VI.

QUÆRITUR quomodo dicitur hic, quod habitauerunt isti in Gabaon, quia videtur, quod habitauerunt in Gabaa: nam hic ponitur pater Saulis, & tamen Saul habitauit in Gabaa, ut patet primo Reg. c. 10. & 2. Regum c. 21. Aliquis dicit, quod Gabaa, & Gabaon idem sunt, nec differunt, nisi per finem dictionum, talis autem mutatio sepe fit in Hebræo. Dicendum tamen, quod falsum est, quia Gabaa, & Gabaon ponuntur Iosue 18. in urbibus Benjamin, & ponuntur tanquam diuersæ, quod patet ex summa earum: nam si ponatur pro eadem non proueniet summa, quæ ibi ponitur. Dicendum igitur, quod diuersæ urbes fuerunt Gabaa, & Gabaon, & tamen potuit esse, quod illi viri, qui habitauerunt prius in Gabaa, habitauerunt postea in Gabaa, quia interdum mutantur cognationes totaliter de loco ad locum, sic patet supra, cum dicitur hi sunt principes cognationum habitantium in Gabaon, qui translati sunt in Manahath, sicut igitur de Gabaa transferuntur habitatores in Manahath, ita de aliis locis oportet, quod transirent habitatores Gabaa, & forte transferuntur Saulis habitaret prius in Gabaon, habitauit postea in Gabaa viuente ipso Saule. Aliiter potest dici, quod datus est Gabaon, & ibi fuerit fundamentum stirpis eorum, tamen cognatio Saulis transiit ad habitandum in Gabaa. Et sic Cis pater eius habitabat ibi.

Alph. Tost. in lib. I. Paralip.

A Habitaueruntque ex aduerso fratrum suorum in Ierusalem cum fratribus suis.

Habitaueruntque ex aduerso fratrum suorum in Ierusalem cum fratribus suis. Potest intelligi dupliciter, vno modo, quod istæ cognationes supra posita habitauerunt in Ierusalem cum fratribus suis, id est cum aliis cognationibus Benjamin, de quibus dictum est prius, quod erant habitatores Ierusalem, & dicitur, quod erant ex aduerso, scilicet quia cum essent istæ diuersæ cognationes habitauerunt in diuersis locis urbis, & quædam cognationes erant a fronte, vel ab opposito ad alias cognationes. Alio modo potest intelligi, quod istæ cognationes Benjamin habitauerunt ibi cum fratribus suis, id est cum viris Iuda, eo quod viri Iuda habitabant in Ierusalem, & etiam simul viri Benjamin, ut supra declaratum est, & viri Iuda vocabantur fratres virosum Benjamin, quia omnes Hebræi inter se vocantur fratres. Exo. 21. & Deut. 15. & habitauerunt ex aduerso, quia cum isti essent viri diuersarum tribuum non miscebantur in habitando, sed habitabant in diuersis partibus urbis.

Quomodo verum sit, quod isti ex aduerso fratrum suorum habitauerunt. Quæst. VII.

QUÆRITUR quomodo dicitur hic, quod isti habitauerunt ex aduerso fratrum suorum in Ierusalem: nam supra dicitur, quod habitauerunt in Gabaon.

C Aliquis forte dicit, quod Ierusalem, & Gabaon sunt idem locus, quia frequenter idem locus habet multa nomina, sicut patet in Hebræo, quod vocatur Hebræo, & Chariatarbe, & Måbre: Gen. 23. & Iosue 14. ita Ierusalem potest vocari Gabaon. Dicendum, quod falsum est, quia Gabaa, & Ierusalem ponuntur tanquam duæ urbes in sorte Benjamin, Iosue 18. & si dicamus, quod sint diuersa in nomine, & in re non, summa illa ciuitatum, quæ ibi ponitur, non poterit prouenire. Secundo patet, quia seq. lib. c. 1. dicitur, quod venit Salomon de Gabaa in Ierusalem. Simile patet. 3. Regum 3. ideo duo loca sunt. Respondendum aliter, quod istæ cognationes habitauerunt in Gabaa, & non in Ierusalem, & dicuntur habitasse ex aduerso fratrum suorum in Ierusalem, id est habitauerunt in Gabaa, quæ erat ex aduerso Ierusalem, & in Ierusalem habitabant fratres ipsorum, scilicet viri de tribu Benjamin, & sic illa determinatio in Ierusalem non refertur ad istud verbum habitauerunt, sed ad quoddam participium subintellatum, scilicet ex aduerso fratrum suorum habitantium in Ierusalem. Ita volunt quidam exponere, sed non conuenit, quia dicitur habitauerunt ex aduerso fratrum suorum in Ierusalem cum fratribus suis, & tamen non poterant habitare cum fratribus suis habitantibus in Ierusalem, nisi ipsi habitaret in Ierusalem. Si autem diceretur solum habitauerunt ex aduerso fratrum suorum in Ierusalem, & non subderetur cum fratribus suis, posset colorari istud dictum, & tamen, quia in littera additur cum fratribus suis, non posset stare. Alio modo respondendum est, quod habitauerunt isti in Ierusalem, scilicet hic narratur plures filii a Bigabaon, quorum quidam habitauerunt in Gabaa, & cognationes aliorum habitauerunt in Ierusalem, & sic primi ipsorum habitaret in Gabaa, & ultimi habitaret in Ierusalem. Aliiter etiam potest dici, & melius, quod habitauerunt omnes istæ cognationes prius in Gabaa, deinde quædam ipsarum, vel omnes transferuntur in Ierusalem, sicut omnes istæ cognationes, quæ erant in Gabaa transferuntur in Manahath, ut patet 5. in I. Sa. & ideo postquam transferuntur in Ierusalem habitauerunt ibi cum fratribus suis, id est cum viris Iuda, vel fratribus suis, id est cum viris Benjamin, sicut supra fuit expositum.

Ner autem genuit Cis, & Cis genuit Saul, Porro Saul genuit Ionathan.

Ner autem genuit Cis. Iste Ner fuit pater Cis, & auus Saulis, ut patet hic, & Cis genuit Saul, sic patet primo Regum nono. & decimoquarto. fuit iste Cis aliquis de viris laudabilibus, & honorabilibus in tota tribu, vel familia sua.

An verum sit, quod Ner genuerit Cis.
Quaest. VIII.

QUAE R I T V R quomodo dicitur hic, quod Ner genuit Cis, quia non videtur, quod Ner genuit Cis, sed magis genuerit Abner, sic patet primo Regum cap. decimoquarto, s. Abner filius Ner.

Respondent quidam, quod Ner non erat pater Cis, & tamen adoptauit eum, sic tenet Nicolaus.

Sciendum autem, quod Cis pater Saulis, & Ner pater Abner fuerunt fratres, & Abner, & Saul fuerunt patruales, id est filii duorum patrum, qui erant inter se fratres, & hoc patet 1. Reg. 14. ubi ponitur Abner filius Ner, & Ner filius Abiel, & eod. lib. ca. 9. ponitur Saul filius Cis, & Cis filius Abiel, & sic Cis, & Ner erant fratres ex eodem patre. cum ergo dicitur, quod Ner fuit pater Cis, dicit Nicolaus, quod fuit frater eius maior, & forte adoptauit eum, vel mortuo patre vtriusque, ipse Ner curam gessit de Cis tanquam de filio suo, & sic vocatur pater eius. Hoc tamen non videtur satis verisimile: nam patres adoptiui non sunt patres, nisi per Metaphoram, & ideo tales locutiones non sunt consuetae in Scriptura, nisi raro in locis, in quibus scriptura tolerat Metaphoram, ideo quantum possumus cauere debemus, ne taliter scripturam exponamus, nisi in locis, in quibus excusari non potest. Hic tamen potest dici aliter, & conuenienter, s. quod iste Ner fuerit vere pater Cis. Quod patet, quia dicitur, quod genuit eum, & tamen ad patrem adoptiuum conuenit dici, quod sit pater, sed non dicitur, quod genuit. Etiam patet seq. cap. quia dicitur Ner autem genuit Cis, ideo videtur, quod ipse fuerit pater, quia alias scriptura non frequentaret talem modum loquendi in historiis, in quibus non competunt Metaphorae. Dicendum tamen est, quod iste Ner, & ille, qui fuit pater Abner, primo Reg. 14. non sunt idem, sed iste est pater illius, quia Ner, & Cis sunt fratres, ut patet ibidem, & tunc dicendum, quod iste Ner est Abiel, de quo dicitur 1. Reg. 9. quod sit pater Cis, & tamen hoc fit, quia idem vir habet multa nomina sepe, sicut supra declaratum est in plurimis. Sed adhuc obijciatur, quia supra in litera dicitur, quod Abigabaon habitauit in Gabaon, & nomen primogeniti eius Abdon, & Sur, & Cis, & tamen Abigabaon non est Ner, nec Abiel. Respondi potest multipliciter; vno modo, sicut supra dicebatur, s. quod idem vir habet multa nomina, & sic vocabitur iste pater Cis, Ner, Abiel, & Abigabaon, quia sic multi habent tria, vel quatuor nomina, sicut Esau vocatur Esau Edom, & Seir, ut colligitur Gen. 25. & rex Ochozias vocatur Ochozias, & Achazias, & Ioathan, ut declaratum est. 4. Reg. 8. Secundo potest dici, quod iste Cis, de quo hic dicitur, quod est filius Ner, non est ille Cis, de quo supra dicitur, quod est filius Abigabaon, & sic differrent Abigabaon, & Ner, quia non erant nomina eiusdem viri. Tertio potest dici, quod iste Cis sit ille, de quo supra dicitur, & sit filius Abigabaon, & tamen Abigabaon non sit nomen viri, sicut vult Hieron. sed sicut volunt Hebraei dicitur Abigabaon pater Gabaon, & sic non est nomen proprium illud, sed aliud, s. Ner, vel Abiel, vel quaecumque nos voluerimus, quia tamen Hieronymus tenet, ut Bigabaon sit nomen proprium, magis tenendi sunt duo modi primi. Porro Saul genuit Ionathan. Propter istum scribitur totum illud capitulum, quia ipse fuit primus rex Israel, a quo accepit magnam

honorem tribus Benjamin, ideo voluit diligenter describere progeniem eius Esdras, & per hoc, quod tergerit praecedentem. c. de tribu Benjamin, repetit hic de illa. Habuit autem Saul quatuor filios, qui nominantur hic, & tres illorum, qui erant viri fortissimi mortui sunt in bello cum Saule, primo Reg. vlt. & infra 10. Quartus autem, qui non iuit ad bellum euasit, & constitutus fuit post mortem Saulis in regem per Abner principem exercitus Saulis. 2. Reg. 3. iste Ionathan primus filius Saulis fuit vir clarissimus inter Hebraeos, vir audacis animi, & cordis generosi, ipse solus cum armigero suo processit contra castra Philistinorum, in qua erat innumerabilis multitudo, s. triginta milia currum, & sexcenta milia equitum, & reliquum vulgus, sicut arena, quae est in litore maris. 1. Reg. 13. & occidit viginti Philistinos in parua parte agri, & turbauit omnia castra Philistinorum, & conuertit illa in fugam. 1. Reg. 14. Ipse etiam fuit cordis generosi, & clementissimi: nam cum vidit, quod Dauid percussisset Philisthaum, & ferebat caput eius ad Saulem, anima eius colligata est animae Dauid, & dilexit eum, sicut animam suam, & iniuit fedus cum illo, spoliavitque se Ionathas tunicam, qua erat indutus, & dedit eam Dauid, & reliqua vestimenta sua usque ad gladium, & arcum suum, & usque ad baltheum. 1. Reg. 18. opposuitque se morti sepius propter Dauid contra patrem suum Saulem, ita ut pater suus semel voluerit eum percutere lancea, primo Reg. 20. propter hoc igitur mortuo Ionathas Dauid fecit planctum inconsolebilem dicens, Doleo super te frater mi Ionathas decore nimis, & amabilis super amorem mulierum, sicut mater amat unicum filium suum, ita te diligebam. & multa alia: De quibus 2. Reg. c. 1.

Et Melchisue, & Aminadab, & Esbaal.

Et Melchisue, & Aminadab, & Esbaal. Duo istorum s. Melchisue, & Aminadab cum ipso Ionathan mortui sunt in bello simul cum patre suo Saule, Esbaal autem non mortuus est. Isti vocantur sic c. seq. & tamen qui vocatur hic Aminadab vocatur Iesai. 1. Reg. 18. & qui vocatur Melchisue, vocatur ibi Melchisua, sed idem est. Sciendum autem, quod ibi ponuntur solum tres filii Saulis, hic autem, & seq. c. ponuntur quatuor, quia tot fuerunt, & cum ibi subtrahatur de quarto eorum, qui vocatur Esbaal, ratio autem ibi posita est. Iste qui vocatur hic Esbaal, & etiam seq. c. vocatur Isboseth. 2. Reg. 2. c. & idem est, quia frequenter idem vir vocatur pluribus nominibus, sicut dictum est. Vel forte secundum Hebraeos ista nomina competunt ei ex eadem significatione, quia Esbaal interpretatur vir Baal, siue vir idoli, Isboseth interpretatur vir confusionis, vel verecundiae, quia idolum confusio est, vel verecundia eius qui facit illud: magis tamen erendum est ista nomina competere ei a voluntate quam propter aliquam causam, cum sint nomina imposita a naturae, & potissime, quia nunquam legitur de Isboseth, quod coluerit idola, nec etiam tempore suo aliquis in Israel legitur coluisse idola, quia tempore Samuelis, antequam regnaret Saul, proiecerunt Israelitae omnia idola sua, & adhaeserunt Deo, suadente Samuele 1. Reg. 7. & postea non leguntur coluisse idola usque ad tempus Roboam filii Salomonis, 3. Reg. 14. licet Salomon prius propter uxores suas coleret idola de populo, tamen nullus legitur tunc coluisse. 3. Reg. 11.

Filius autem Ionathan Meribbaal. Non ponitur aliquis de cognatione Saulis, qui descenderet ab istis quatuor filiis Saulis, nisi per Ionathan, ideo describitur progenies eius solius, vel forte dato, quod alii filii Saulis haberent prolem, non curauit Esdras describere progeniem alicuius illorum, nisi Ionathae, qui erat primogenitus, & etiam magis inclytus inter fratres suos.

Quid istorum verius sit. Quæst. IX.

QUÆRITUR quid istorum verius sit. Respondetur, quod utraque est satis verisimilis responsio: nam sæpe in præcedentibus ponuntur quatuor, vel quinque filii alicuius, & non continuatur progenies per aliquem eorum, nisi per vnum, ita hic continuaretur per Ionathan.

Dicendum tamen, quod veritas est, quod nullus istorum quatuor filiorum Saulis habebat aliquos filios, nisi Ionathan, & hoc, quia forte adhuc illi erant iuvenes, quando mortui sunt in bello, vel dato, quod non essent iuvenes, & habuissent filios, illi mortui erant: nam Isboseth, qui erat quartus istorum, & regnavit post mortem Saulis erat annorum quadraginta quando regnare cepit. primo Reg. 2. & ideo iam iste posset habere filios.

Constat tamen, quod nullus istorum habebat quando mortuus est, quia quando David cepit regnare quasiuit, an superesset aliquis de stirpe Saulis: nam dixit, putas ne est aliquis, qui remanserit de domo Saul, ut faciam cum eo misericordiam propter Ionathan? Et respondit quidam nomine Siba, superest filius Ionathæ. 2. Reg. 9. & sic non fuit repertus tunc aliquis de stirpe Saulis, nisi Miphiboseth filius Ionathæ.

Aliquis forte diceret, quod plures inuenti sunt, & tamen David non curauit inquirere alios, qui non erant de stirpe Ionathæ.

Dicendum tamen, quod falsum est, quia postea regnante David Gabaonitæ petierunt, ut deleteretur tota domus Saulis propter eos, & Deus hoc concessit, & dicitur, quod pepercit David Miphiboseth filio Ionathæ, ne interficeretur propter iurandum, quod erat inter Ionathan, & David, & sic non pepercit alicui de reliquis, & tamē inter omnes de progenie Saulis nullus fuit, nisi septem quorum quinque erant filii Merob filii Saulis, & alii duo erant filii Saulis ex concubina sua Respha 2. Reg. c. 21. Et sic nullus supererat de progenie istorum quatuor filiorum Saulis, nisi de progenie Ionathæ: nam supererat tempore David Miphiboseth solus filius Ionathæ, & nepos eius Micha. 2. Reg. 9. & ideo etiam si voluisset Eldas delere progeniem aliorum non potuisset. Sed dato quod quilibet aliorum habuisset prolem, forte nullus eorum, nisi Ionathæ proles enarrasset scriptura, quia iste erat primogenitus, & dicitur.

Filius autem Ionathæ Meribbaal, & Meribbaal genuit Micha, filii Micha, Phiton, & Melech, & Tharaa Ahaz, & Ahaz genuit Ioiada, & Ioiada genuit Alamothe, & Azmothe, & Zamri. Porro Zamri genuit Mosa, & Mosa genuit Banaa cuius filius fuit Rapha, de quo ortus est Elasa, qui genuit Asel. Porro Asel sex filii fuerunt his nominibus Ezricam, Bocheru, Ismahel, Saria, Obdiactanam. Omnes hi filii Asel, filii autem Ezech fratri eius Vlam primogenitus, & Iehus secundus, & Eliphalet tertius, fueruntque filii Vlam viri robustissimi, & magno robore tēdentes arcum, & multos habentes filios, ac nepotes usque ad centum quinquaginta. Omnes hi filii Benjamin.

Alph. Tost. In lib. I. Paralip.

A Filius Ionathan Meribbaal. Iste vocatur Miphiboseth 2. Regum 9. & 16. & 19. & hic vocatur Meribbaal, quia idem vir sæpe habet multa nomina, sicut patet de Isbaal, qui vocatur hic Isbaal, & tamē vocatur Isboseth 2. Reg. 2.

Et Meribbaal genuit Micha. Iste Micha erat paruulus filius Miphiboseth, qui nutriebatur in Iodebar, & iussit David, quod Siba seruus Miphiboseth, & tota cognatio eius tolleretur agros Miphiboseth, & inde daret cibos Micha filio Miphiboseth, ipse autem Miphiboseth comederet semper in mensa regis secundo Regum nono.

B Filii Micha Phiton, & Melech, & Tharaa, & Ahaz. Phiton est nomen viri, ut patet hic, aliquando tamen est nomen urbis, quæ erat in Aegypto, & ædificauerunt eam Israelitæ quando opprimebant eos Aegyptii: Exo. 1. f. Aedificauerunt vrbes tabernaculorum Pharaoni Phiton, & Rameses. Melech apud Hebræos est nomen commune, & significat regem, quamquam mutatur aliquid in nomine, hic tamen est nomen viri, aliquando autem Melech est nomen vxoris Esau, ut patet Gen. 28. f. Duxit vxorem absque his, quas prius habebat Melech filiam Ismahel. Tharaa est aliquando nomen patris Abraham, interdum vocatur Tharaa, & interdum Thare, hic autem Tharaa est filius Micha. Ahaz est proprie nomen in forma Hebræa, pro quo latini consueverunt dicere Achaz.

C Et Ahaz genuit Ioiada. Nō est iste Ioiada ille, qui fuit sacerdos magnus, & fecit Ioas regē, & occidit Athalia. 4. Reg. 11. & sequenti libro capitu. vigesimotertio, quia ille fuit de tribu Leui, iste autem de tribu Benjamin.

Et Ioiada genuit Asmoth. Raro sunt ista nomina usitata in scriptura, quia non habentur de eis historia.

D Et Asmoth genuit Zamri. Non est iste Zamri, qui occidit regem Israel nomine Heba cum esset in cōuiuio, & regnavit pro eo septem diebus, & deinde combussit se cum palatio regis. 3. Reg. 16. quia iste Zamri fuit de tribu Benjamin, ille autem nō, quia viri Benjamin erant de regno Iuda, iste autem erat de regno Israel cum factus fuerit rex, & ante hoc erat princeps militiæ regis Israel, cum quo non manerent habitando aliqui de viris Benjamin, cum essent hostes eius propter regem Iuda.

Porro Zamri genuit Mosa. Non est iste, de quo dicitur supra in litera, quia ille vocatur Moosa, & iste Mosa, & ille erat filius Heber, vel Noemā, iste autem est filius Zamri.

Et Mosa genuit Banaa. Non est iste Banaa, de quo dicitur 2. Reg. 4. Erant enim duo principes latronum, f. Banaa, & Rechab fratres, & occiderunt regem iacentem in lecto. Iste autem Banaa multo tempore post fuit, quia illud accidit tempore David, istud autē postea.

E Cuius filius Raphaia. f. filius Banaa. Multi enim sunt, qui vocant Raphaia in præcedentibus, & tamen non coincidit iste cum aliquo illorum, quia illi sunt de aliis tribubus.

De quo ortus est Elasa. Non est Elasa id, quod Elisa, quia Elisa est filius Iauan pronepos Sem supra. Iste autem fuit plusquam mille annis post, t. paulo ante captiuitatem Babylonis, ut patet computando generationes medias ab ipso Ionathan, qui fuit contemporaneus David usque ad istum Elasa, & computando etiam tot generationes, vel quasi descendendo a David per lineam regiam.

Quæ genuit Asel. Asel aliquando est nōmē commune apud Hebræos, & significat nemus, vnde Genes. vigesimoprimum. vbi dicit litera nostra Abraham plantauit

tauit nemus in Bersabe; in Hebræo dicitur plantauit **F** A sel: hic autem accipitur pro nomine viri. Porro *A sel* sex fuerunt filij *his nominibus*. Fortè quilibet præcedentium habuit multos filios, & tamen non curauit Esdras ponere nomina illorum, sicut nomina filiorum istius, quia forte isti fuerunt excellentiores alijs; vel magis famosi cum fuerint paulo ante tempus Esdræ.

Ezrichan. Nō est iste ille Ezrichan, de quo supra 3. quia ille fuit de tribu Iuda de stirpe Dauid. Iste autem fuit de tribu Benjamin.

Bochru. Etiam iste est frater Ezrichan, sed non alius, de quo habetur sequenti cap. quia ille erat Leuita, iste autem est de tribu Benjamin, & vocatur etiam *Bochru* sequenti cap. *Ismahel*. Non est iste Ismahel filius Abrahæ, à quo descenderunt Ismahelites, quia ille fuit multo tempore ante hunc. Etiam non est Ismahel tēpore captiuitatis Babylonicæ, qui occidit Godoliam principem Iudæorum, quem reliquerant Chaldei in terra, vt patet quarto Regum ultimo. & Ierem. 40. & 41. & tamen ille differt ab isto, quia fuit de tribu Iuda: nam dicitur ibidem, quod fuit de semine regio, & tamen reges solum erant de tribu Iuda.

Obdia. Idem etiam ponitur sequenti cap. *Hanan*. Nō est iste ille Hanan, de quo dicitur supra primo. quia ille non fuit de progenie Israel, & ille fuit, qui inuenit aquas calidas in solitudine, cum pasceret asinas patris sui Sebeoni. *Omnes hi filij A sel*. Dicitur hoc ne intelligatur, quod isti dependebant a se inuicem per successionem, sicut supra primo dicitur: Adā, Seth, Enos, Cayna, & nō sunt omnes fratres, sed quilibet est filius præcedentis se. *Filij autem A sel fratris eius*. Iste A sel fuit filius Elefa, & fuit frater A sel, ideo dicitur hic fratris eius; scilicet A sel cuius progenies descripta fuit.

Vlan primogenitus. Alius etiam vocatur Vlan præcedenti ca. & tamen differt ab isto, quia non est in eadem tribu, & non est idem Vlan, quia Vlai est nomen castri, vel ville, apud quam vidit Daniel quandam visionem, vt patet Daniel 8. scilicet cum essem in Susis castro vidi me esse super portam Vlai.

Ieus secundo. Aliquando Iehus est nomen regionis: sic accipitur Iob primo, scilicet: Vir fuit in terra Hus nomine Iob, & vocatur regio ausitidis. Aliquādo autem est nomen viri, sicut hic, & etiam sic accipitur supra primo, & tamen ille, qui ibi ponitur, non est iste Iehus: de quo hic dicitur, quia ille fuit multo tempore ante, cum iste fuerit tempore captiuitatis Babylonicæ, & quidam putant illum fuisse Iob, sicut dictum est.

Eliphales tertius. Iste Eliphales non est, qui vocatur supra Eliphalech, & fuit tertius filius A sel.

Fueruntque filij Vlan viri robustissimi. Iste Vlan fuit primogenitus A sel, & ponuntur hic filij eius, nec extenditur generatio, nisi vsque ad filios suos. Et causa huius est, quia isti fuerunt contemporanei EIdre post captiuitatem Babylonis.

Et magno robore tendentes arcum. Scilicet isti viri robusti, & potissimum exercitati circa arcum, & hoc habuerunt a patre suo Ionatha, nam ille fuit sagittator, qui se nimis exercebat in arte balutandi, & sic quando voluit ire ad occultandum Dauid in agro, misit puerum suum ferentē sagittas, & arcū, & per emissionem sagittarum dedit ei signum de latendo, vel apparendo, primo Regum 20. & Dauid laudauit ipsum Ionathan de arte sagittaria in planctu suo, scilicet: Sagitta Ionathæ nunquam redijt retrorsum. Et gladius Saul non est tenerius manis, secundo Regum primo.

Et multos habentes filios, & nepotes. Scilicet isti filij Vlan habuerunt multos filios, & nepotes, qui multiplicati fuerunt filij, & nepotes in hac progenie, nam interdum valde multiplicantur progenies, & inter-

dum nihil crescunt, sed potius minuuntur.

Centum, & quinquaginta. Scilicet omnes filij, & nepotes Vlan simul peruenerunt ad numerum centum, & quinquaginta. Aliqui autem dicunt centū, & quinquaginta millia, & referuntur ad totam tribum Benjamin, scilicet quod in illa fuerunt centum, & quinquaginta hominum, & tamen hoc falsum est, quia litera nihil ponit de mille in Hebræo, neque in Latino: potissimè, quia tota ista litera refertur ad Vlan, de quo immediatè dicebatur, & tamen de stirpe illius non erāt tot viri cum solum haberet filios, & nepotes, & sic debet intelligi, quod erant centum, & quinquaginta: intelligendo de filijs Vlan: erant autem isti tēpore Esdræ, ideo posuit numerum omnium ipsorum. *Omnes hi filij Benjamin*. Istud refertur ad omnes supra positos, quia omnes erāt de tribu Benjamin in diuersis cognationibus.

C A P IX.



VNI VERSVS ergo Israel dinumeratus est, et summa eorū scripta est in libro Regum Israel, & Iuda: translatiq; sunt in Babylonē pp delictū suū.

DESCRIPTO in præcedentibus catalogo generationum, quæ fuerunt à Iacob vsque ad captiuitatem Babylonis, hic agitur de computatione, & summa Israelitarū post captiuitatem Babylonis, & diuiditur in tria, quia primo ponitur continuatio præcedentium: secundo executio præsentium ibi. *Qui autem habitauerunt*. Tercio continuatio subsequens ibi. *In Gabaon autem*.

An ista, quæ hic habentur ad præcedentia sint continuata.
Quest. 1.

QUÆRITVR circa primum, an ea, quæ habent hic sint continuata ad præcedentia, & an sint ita immediate post illa. Respondendum, q̄ continuatio potest accipi dupliciter, vno modo, q̄ omnia, quæ habentur hic fuerunt facta post præcedentia, ita q̄ ea, quæ sunt prima hic fuerint post illa, quæ sunt ibi vltima. Alio modo, q̄ ista sint post illa, s. q̄ vltima eorū, quæ habentur hic, sint post vltima, quæ habent in præcedentibus, q̄q̄ prima, quæ habentur hic non fuerint post vltima, quæ sunt in præcedentibus. Accipiendo autē primo mō dicendum, q̄ non est hic continuatio: nam aliqua habent hic, quæ fuerunt ante, quædam alia, quæ habentur in præcedentibus: nam supra tertio ponunt multæ generationes, quæ fuerunt post captiuitatem Babylonis: nam tempore Sedeciæ facta est illa captiuitas, & tñ post Sedeciā fuerunt ibi multæ generationes positæ: sic etiam fuit præcedenti c. Nam ibi ponuntur generationes continuatæ vsque ad tempus EIdre post captiuitatē Babylonis: hic autē incipit litera agere de his, quæ fuerunt in captiuitate Babylonis, iō aliqua eorū, quæ habentur in superioribus repetuntur hic, & sic non est continuatio, accipiendo autē secūdo mō dicendum, q̄ est ordo continuatus, quia supra dicebatur de generationibus, quarumlibet tribu vsq; ad captiuitatem Babylonis, vel post, incipiendo à primordijs ipsarum tribuum: hic autē agitur de ipsa captiuitate, & de eis, quæ fuerunt post captiuitatem, & sic est ordo continuatus. Pro quo sciendū, q̄ post captiuitatē Babylonis redierūt in terram Chanaan ipsi Israelitæ, qui captiui erant, & incēperunt habitare in diuersis locis: de quorum habitatione, & habitudine postquam redierunt, hic agitur, & fuit hoc rationabiliter ita dictum, quia modus manēdi Israelitarū in terra post captiuitatē Babylonis fuit aliquantulū differens à mō se habēdi ante

re captiuitatem, ideo debuit aliquid tangi hic de isto modo.

Circa primum dicitur. *Vniuersus ergo Israel dinumeratus est.* Istud ponitur hic per modum prologi respectu eorum, quæ infra habentur, scilicet ducti fuerunt in Babylonem, & dicitur vniuersus Israel, id est omnes duodecim tribus, vel vniuersus Israel, id est totum regnū Iuda, quia aliquando accipitur Israel pro Iuda: sicut enim dicuntur gesta aliquorum Regum Iuda, descripta esse in libris Regum Israel, sic patet de Iosaphat rege Iudæ, scilicet: Reliqua gestorum Iosaphat scripta sunt in verbis Iehu, quæ digessit in libro Regum Israel: sequenti lib. c. 20. & in Iosaphat de regibus Iuda erat, sic etiam eod. lib. 33. dicitur, quod reliqua gestorum Manasse continentur in sermonibus Regum Israel, & tamen Manasse erat de regibus Iuda.

Et summa eorum scripta est in libro regum Israel, & Iuda. Scilicet in libro isto narrantur aliquæ generationes, & raræ, & tamen in lib. Regum Israel, & Iuda fuerunt scriptæ particulariter omnes generationes Iuda & Israel.

Translatique sunt in Babylonem propter delictum suum. Id est translati fuerunt de regno Iuda, & manserunt in Babylone septuaginta annis, sicut dixerat Ieremias, & postea redierunt in terram suam, Ierem. vigesimo quinto. & dicitur propter delictum suum, quia nimis peccauerunt Israelitæ ad hoc, quod transferrentur, nam Deus mittebat eis prophetas continue, & non exaudiebant eos, & facta est plaga eorum insana-

Quomodo fuerit facta ista numeratio, quæ hic dicitur.

Quæst.

II.

QUÆRITUR quomodo facta est ista numeratio, de qua hic dicitur, in qua numeratus est vniuersus Israel.

Respondent quidam, quod hoc factum est tempore regni David: nam ipse fecit computari totum populum duodecim tribuum, qui subiectus erat regno suo, ut patet 2. Reg. c. vlt. & infra 21. & tunc vere computatus est totus Israel, quia omnes de duodecim tribubus numerati sunt. 2. Reg. vlt. Sed dicit aliquis, quod non intelligitur de ista computatione, quia hic dicitur, quod computatus est totus Israel, & translatus in Babylonem, & sic videtur, quod post computationem illam in breui fuerit Babylonis captiuitas, quia alias non diceretur, quod numeratus est Israel, & translatus est in Babylonem. Dicitur potest duobus modis. vno modo, quod fuit ista numeratio facta in captiuitate Babylonis, id est paulo ante quam transferrentur viri Iuda in Babylonem, & vocatur ista computatio totius Israel. Alio modo potest dici, quod iste fuerunt duæ computationes, vna fuit, quæ facta est in regno Iuda paulo ante quam transferrentur in Babylonem Iudæi, secunda fuit, quæ ante hoc facta est, id est in omnibus tribubus Israel paulo ante quam transferrentur in Assyrios. Aliter etiam potest dici, quod istæ numerationes non fuerunt aliquæ computationes factæ de toto populo, ita quod totus populus congregaretur, & numeraretur, sicut factum est in deserto bis, viuente Moysè. Num. 1. & 26. sed fuit quædam descriptio historica, scilicet historiographi describentes gesta temporum, scribebant progeniem virorum illis temporibus secundum successiones suas, & sic in illis libris erant descriptæ omnes progenies Israelitarum.

An computatio ista vna, vel plures fuerit.

Quæst.

III.

QUÆRITUR vterius de ista computatione, an fuit vna vel plures, & an fuerint soli viri de regno Iuda. Alph. Tost. in lib. I. Paralip.

Ada computati, vel omnes de duodecim tribubus.

Aliquis dicit, quod computati fuerint omnes de duodecim tribubus. Primo, quia dicitur hic, vniuersus Israel dinumeratus est, & tamen regnum Iuda non vocatur Israel, & si aliquando vocetur Israel, non potest vocari totus Israel, sed pars quædam. Secundo patet, quia dicitur summa eorum descripta est in libro Regum Israel, & Iuda, & tamen si hic computarentur soli viri de regno Iuda, non poneretur summa eorum in libro Regum Iuda, & Israel, sed solum in libro Regum Iuda, oportet ergo, quod fuerint computati omnes Israelitæ. In contrarium videtur, quod computati fuerint omnes viri de Iuda, & solum isti. Et patet hoc, primo quia Esdras non agebat hic principaliter, nisi de regno Iuda, potissime quia intendebat describere statum eorum post reditum de captiuitate, & tamen decem tribus Israel nunquam redierunt de captiuitate, sed vsque hodie permanent in terra Assyriorum, ergo fuerunt computati hic soli viri Iuda, qui redierunt de Babylone. Secundo patet, quia dicitur hic translatique sunt in Babylonem propter delictum suum, manifestum est tamen, quod ista captiuitas Babylonis solum fuit quantum ad regnum Iuda, quia viri de tribubus decem Israel in Assyrios translati fuerant, & non in Babylonem: nam Thelgathphalasar, & Salmanasar transfulerunt illos. 4. Reg. 15. & 17.

C Respondendum, quod ista numeratio non intelligitur de omnibus duodecim tribubus, sicut supra dictum est, & ratio adhuc potissima est, quia Israelitæ habuerunt tres captiuitates. Prima fuit per Thelgathphalasar regem Assyriorum, qui transfudit duas tribus, & dimidiam, quæ erant in terra Galaad, & fere totam tribum Nephtali, de qua 4. Reg. 18. & supra 15. Alia fuit captiuitas facta per Salmanasar regem Assyriorum, & ista fuit maior, quia omnes tribus Israel, quæ relictæ fuerunt transfudit in Assyrios cum rege suo, ita ut iam non relinquerentur aliquæ tribus in terra, nec rex, nec fuit postea regnum Israel. 4. Reg. 17. & 18. & de istis captiuationibus, quæ fuerunt, ista fuit maior tam propter multitudinem captiuorum, quam propter durationem temporis, quia ista captiuitas durauit in æternum. Captiuitas autem virorum de regno Iuda solum durauit annis septuaginta, ut patet Ierem. 25. Et tamen hic fit mentio de captiuitate Babylonis, & non de aliqua duarum, ergo solum intendit scriptura dicere de numeratione istarum gentium, quæ fuerunt in regno Iuda, tamen istæ pertinuerunt solum ad captiuitatem Babylonis.

D Dicendum tamen, quod licet non fuerint computatæ omnes duodecim tribus Israel, tamen plures fuerunt computati quam viri de tribu Iuda, & Benjamin qui fuerunt in regno Iuda.

E Pro quo sciendum, quod Israelitæ, qui erant in decem tribubus translati sunt in Assyrios per Thelgathphalasar, & Salmanasar, & non mansit aliqua tribus integra in terra, nec tamen potuerunt Assyrii captiuare omnes Israelitas, sed multi effugerunt de manibus eorum, unde sequenti lib. c. 34. fit mentio de filiis Ephraim, & Simcon, & Manasse, & Nephtali habitantibus in terra Chanaan tempore Iosias, & tamen fuit Iosias multo tempore post captiuationem factam per Assyrios quasi per octoginta annos, vel plus, quia illa captiuitas facta est in principio regni Ezechia, & ille regnavit annis viginti nouem, quarto Regum decimo octauo. & postea Manasse annis quinquaginta quinque, quarto Regum vigesimo. & Ammon annis duobus eod. ca. & Iosias plusquam duodecim annis antequam fieret id, quod dicitur de reliquijs istarum tribuum sequenti libro capitul. 34. & non solum fuerunt aliqui de istis tribubus superstites, sed etiam de omni-

bus tribubus Israël. Dicendum est, quod aliqui superfuerunt, qui effugerunt manus Assyriorum, & hoc potuit esse dupliciter.

Vno modo, quod quoniam Assyrii pugnaverunt contra Israelitas sub Salmanasar, non pugnaverunt contra omnes vrbes, & ideo aliquæ illarum manserunt intactæ. Secundo potest dici, & melius, quod quando Salmanasar pugnat contra Israelitas ad captiuandum eos, plurimi ipsorum fugerunt de terra videtes, quod non possent se defendere, & manserunt in regnis propinquis quousque Salmanasar transtulit de terra Israelitas, quos captiuauerat, tunc enim ipsi redierunt, & tenuerunt loca, in quibus prius habitabant. Sic enim fecerunt viri Iuda, nam quando Nabuchodonosor obsidebat Ierusalem tempore Sedeciae, multi de regno Iuda fugerunt in terram Ammon, & Moab, & alias gentes vicinas, & post recessum Chaldeorum audientes, quod mansisset Godolias princeps terræ, redierunt omnes in terram Iuda, & collegerunt ibi vindemiam magnam Ierem. 40. De istis reliquiis apparet sequenti libro capituli trigesimo quarto cum dicitur. Congregauerunt Leuitæ pecuniā de Manasse, & Ephraim ex vniuersis reliquiis Israel. Et sic videtur innuere, quod de omnibus tribubus Israel erant reliquæ istæ. Israelitæ habitauerunt in ciuitatibus suis prioribus, & non fecerunt per se regnum, sed subiecerunt se regno Iuda, & sic erant iam fere omnes tribus reductæ ad regnum Iuda, sicut a principio fuerant, viuentem Dauid, & Salomone, & sic manserunt vsque ad captiuitatem Babylonis. Quare autem non constituerunt super se regem istæ tribus, & quare subiecerunt se regno Iuda declaratum est 4. Reg. 23. & sic quando translati fuerunt viri de tribu Iuda, & Benjamin in Babylonem, translati fuerunt etiam cum eis viri de omnibus istis tribubus, & manserunt ibi per septuaginta annos, & postea cum eisdem Iuda, & Benjamin redierunt de Babylone, & manserunt in terra vsque ad tempus Christi, & postea etiam per Romanos dispersi fuerunt. Isti autem omnes fuerunt simul computati cum tribu Iuda, & Benjamin antequam ducerentur in Babylonem, & sic verum est, quod totus Israel fuit numeratus, & consonant rationes assignatæ pro vtraque parte. Ista autem computatio poterat fieri dupliciter, vno modo, quod computarentur omnes de regno Iuda, scilicet tam viri Iuda, & Benjamin, quam aliarum tribuum, & assumeretur summa eorum, & describeretur in libro.

Alio modo potest intelligi, quod in libro, in quo scribebantur historiae temporum, ponerentur progenies omnium tribuum subiectarum regno Iuda per successiones suas, & continuaretur ista computatio vsque ad captiuitatem Babylonis, & sic esset scriptus totus populus in libro regum Iuda, & Israel.

Ad primam rationem cum dicitur, quod vniuersus Israel dinumeratus est: conceditur, quod non fuit numerata sola tribus Iudæ, & Benjamin, & tamen nec fuit numeratio facta omnium duodecim tribuum, sed quandiu manebat regnum Israel, & non erant translati Israelitæ in Assyrios, quia de illo nihil intendit hic scriptura, sed totus Israel numeratus est, id est viri de omnibus tribubus, qui erant in regno Iuda, cum ibi manserint viri de omnibus tribubus, ut supra probatum est.

Ad secundam dicendum, quod scripta fuit summa ista in libro regum Iuda, & Israel, non tamen intelligendo, quod essent diuersi libri vnus Iuda, & alius Israel, in quibus describerentur ista, sed erat idem liber, quod patet, quia dicitur hic in libro, & ille erat vere liber regum Iuda, & tamen, quia isti dominabantur regno Iudæ, & etiam omnibus tribubus Israel, quæ

relictæ fuerant post captiuitatem Assyriorum, dicebantur reges Iuda, & Israel.

Ad primam rationem pro alia parte, cum dicitur, quod Esdras non agebat hic principaliter, nisi de regno Iuda, ideo non ageret de tota summa Israelitarum, dicendum quod non agit hic de numeratione populi Israel, quæ numeratio fuerit antequam viri de regno Israel ducerentur in Assyrios, sed de toto Israel, quando subiectus erat toti Iudæ regno, scilicet post captiuitatem factam per Assyrios reliquæ manentes in terra subiecerunt se regno Iuda.

Ad secundam quando dicitur, quod translati fuerunt in Babylonem, & hoc non potest competere, nisi viris de regno Iuda, dicendum quod totus Israel translatus est in Babylonem, eo quod de omnibus tribubus erant iam aliquæ reliquæ, quæ cum tribu Iuda, & Benjamin translatae sunt in Babylonem.

Quis fuerit liber iste, in quo numerus Israelitarum scriptus est.
Quæst. 1111.

QUÆRITUR vltterius quod fuit iste liber, in quo scriptus est iste numerus Israelitarum. Aliqui respondent, quod fuit quidam liber, qui non habetur nunc in sacra Scriptura, sicut nec liber Abdo prophetae, nec Abia Silonitis, & aliorum multorum, de quibus fit mentio sequenti libro capitu. 12. & 13. & infra vltimo capitu. & istud tenent Hebræi.

Alii autem dicunt, quod ista summa posita fuit in libro, in quo facta est computatio per Ioab: nam Ioab mandato Dauid computauit totum Israel. 2. Reg. vlt. & rededit in scriptis, & ibi mansit summa, & istud tenet Nicolaus. Sed ista posicio non est satis rationalis. Primo, quia dicitur hic, quod vniuersus Israel dinumeratus est, translatusque sunt in Babylonem, in quo innuitur, quod paulo post numerationem translati sunt, vel quia illi, qui numerati sunt translati fuerunt, & tamen qui computati sunt tempore Dauid non fuerunt translati in Babylonem, nec etiam quicquam eorum, quia a computatione facta sub Dauid vsque ad captiuitatem factam in Babylone fuerunt anni multi, quot nullus hominum viuere potuit: nam facta est computatio circa finem regni Dauid, & sic forte supererant duo, vel tres anni de regno eius, deinde Salomon regnauit annis quadraginta. 3. Reg. 11. Roboam decem, & septem annis eod. lib. c. 14. Abia autem tribus eod. lib. cap. 15. Aza autem annis quadraginta vno eod. ca. Ioaphat autem annis viginquique eod. lib. c. vlt. Ioram annis 8. 4. Reg. 8. Ochozias anno vno eod. c. Athalia annis sex. 4. Reg. 11. & sequenti lib. ca. 22. Ioas annis quadraginta. 4. Reg. 12. Amasias annis viginquonem eod. lib. c. 14. Azarias annis quinquaginta duobus eod. lib. c. 15. Ioathan annis decem, & sex eod. c. Achaz annis totidem eod. lib. ca. 16. Ezechias annis viginti nouem eod. lib. c. 18. Manasses annis quinquaginta quique eod. lib. c. 21. Ammon annis duobus eod. capitu. Iosias annis triginta vno eod. libro cap. 22. Ioachaz tribus mensibus eod. lib. ca. 23. Ioachim annis vndecim eod. ca. & 24. alius Ioachim tribus mensibus, & decem diebus eod. c. & sequenti lib. cap. vltim. Sedecias annis vndecim. 4. Reg. 24. & 25. & tunc fuit captiuitas Babylonis, & tamen isti anni aggregati sunt simul quadringenti triginta sex, nullus tamen hominum poterat tanto tempore viuere, potissime, quia omnes numerati erant iam supra viginquos annos, ideo nullus illorum potuit numerari in Babylonem, & sic oportet intelligi de alia numeratione, cum dicatur hic de istis numeratis, quod translati sunt in Babylonem. Secundo patet, quia dicitur hic,

hic, quod vniuersus Israel dinumeratus est: Summa eorum descripta est in libro Regum Iuda, & Israel, & tamen summa illorum quos numerauit Ioab nō fuit scripta in libro. Quod patet infra 27. scilicet Ioab filius Saruie cepit numerare. Et sequitur. Idcirco numerus eorum, qui fuerant recensiti non est relatus in Fastis regis. Ergo non fuit illa summa scripta in libro Regum Iuda nec Israel, & tamen ista summa tota descripta est, ergo alia numeratio fuit. Tertiō patet, quia in computatione, de qua hic dicitur descriptus, & numeratus fuit totus Israel, & tamen in computatione Ioab non fuit totus Israel numeratus. Patet hoc, quia dicitur hic vniuersus Israel numeratus est. Et infra vigesimo septimo dicitur. Ioab filius Saruie cepit numerare, nec cōpleuit, quia super hoc ira dñi irruerat in Israel: non ergo potest esse ista numeratio, quę facta est sub Dauid, nec descripta fuit in libro illo quę Ioab scripsit tunc.

Sed dicendum est, quod scripta fuit ista summa in quodam libro, qui vocabatur liber Regum Iuda, & Regum Israel: a principio nō erat vnus liber, sed duo, eo quod erant duo regna, & in libro Regum Iuda scribebantur omnia gesta particularia Regum Iuda. In libro autem Regum Israel scribebantur omnia gesta Regum Israel: nunc autem erat vnus liber Regum Iuda, & Israel, eo quod Iuda, & Israel erant vnum regnum: nam reliquę, quę manserunt de omnibus tribubus subiecerunt se regno Iuda, vt precedenti questione declaratum est, & ideo cum describerentur ibi gesta Regum, & populi sui, erat liber ille Regum Iuda, & Israel. Considerandum vltius, quod iste liber nunquam fuit de sacra Scriptura, vt patet 2. ad Timotheum 3. scilicet: Omnis enim scriptura diuinitus spirata utilis est ad docendum ad arguendum, & corripiendum, ad erudiendum in iustitia, vt perfectus sit homo Dei ad omne opus bonum intractans.

Rationes autem magis in fundamento positę sunt tertio Regum quarto, quare iste liber, & quidam alij, qui allegantur in sacra Scriptura, non fuerunt positi in scriptura, sicut alij libri, sed erant isti duo libri purę historici, & facti a prophetis, & verissimi, ideo in magna auctoritate habebantur, & allegantur in Scriptura sacra tanquam eorum auctoritas firmissima sit. Isti libri habebant completę omnes generationes, ideo Esdras remittit ad illos, si quis curiosus ea, quę hic desunt, in eis inquirere velit: ex hoc etiam patet contra id, quod plurimi tenent, quod libri Regum Iuda, & Israel, qui sepe allegantur in tertio, & quarto Regum sit iste liber Paralip. Nam hic allegatur liber Regum Iuda, & Israel, ergo non est iste, de quo magis declaratum est tertio Regum cap. 14.

Qui autem habitauerunt primi in possessionibus, & in vrbibus suis Israel, & sacerdotes, & Leuitę, & Nathinnai commorati sunt in Ierusalem, de filiis Iuda.

Qui autem. Hic ponitur secundum. Presentiū executio, & diuiditur in duo, quia primo ponitur de omnibus tribubus in generali, secundo de sacerdotibus in speciali, ibi. De sacerdotibus autem. Circa primum dicit.

Qui autem habitauerunt primi in possessionibus, & in vrbibus suis. Id est isti, qui sequuntur fuerunt primi, qui habitauerunt in possessionibus suis in reditu de Babilone. Et dicitur in vrbibus, & in possessionibus, quia quidam habitabant in vrbibus, & alij vero in agris, vel in montibus, ibi erant possessiones sue, & ob hoc dicebantur habitare in possessionibus. Israel, & sacerdotes, & Leuitę, & Nathinnai commorati sunt in Ierusalem. Per

A Israel intelligitur totus populus de omnibus tribubus cum in reditu de Babilone fuerint viri de omnibus tribubus, sicut supra declaratum est. Sacerdotes, & Leuitę sunt de tribu Leui, quę est extra omnes duodecim tribus Israel, & etiam isti ducti sunt in Babilonem, quia Leuitę, & sacerdotes semper fuerunt in regno Iuda propter templum Domini, quod erat in Ierusalem. Immo cum Leuitę, & sacerdotes habitarent in vrbibus diuersis per sortes tribuum Israel, quando Ieroboam rex Israel fabricauit vitulos aureos, & constituit sacerdotes de extremis populi. 3. Re. 12. & 13. fuerunt omnes sacerdotes, & Leuitę de vrbibus suis, quas habebant in terra decem tribuum, & venerunt in terram Iuda, & ibi morati sunt: sequenti libro c. 11. & manserunt ibi semper, ideo tempore captiuitatis Babilonicę ipsi ducti sunt illuc cum ceteris. Nam & quidam summus sacerdos, scilicet Iosedech filius Saraię ductus est illuc supra 6. c. Alius autem summus sacerdos, scilicet Saraias pater eius occisus fuit coram Nabuchodonosor in Reblata. 4. Regum vltimo, & Iere. vltimo. Fuerunt autem isti reducti de Babilone cū ceteris, & habitauerunt in Ierusalem. Nathinnai autem dicuntur esse quidam ministri templi, qui non sunt Leuitę, nec sacerdotes, nec etiam populares de Israel, sed ministrant templo, & isti sunt Gabaonitę: nam Iosue, & totus populus reduxerunt eos in seruitutem æternam templi ad portandum aquas, & cędendum ligna: Iosue 9. Et isti etiam ducti sunt in Babilonem cū alijs Israelitis, & postea reducti fuerunt, & vocantur iā Nathinnai in libro isto, & in libro Esdrę, cum in libris Regum, & Iosue vocarentur Gabaonitę, & Gabaonita nomen gentis, & patrię est, Nathinnai autem nomen ministerij, & habitauerunt omnes isti in Ierusalē, & in alijs ciuitatibus terre, & etiam dispersi per agros, & rura.

Quę sit intentio eorum, quę hic ponuntur.

Quest. V.

D Q VÆRITVR quę est intentio eorum, quę ponuntur in hoc capitulo, cū agatur simul hic de sacerdotibus, & Leuitis, & reliquis popularibus. Respondendum, quod aliqui putant intentionem huius esse agere de generationibus populi post reditum de Babilone: nam sicut in precedentibus actum est de generationibus Israelitarū vsq; ad captiuitatem Babilonis, ita hic continuari debuit de ipsis post reditum de Babilone vsque ad tempora Esdrę: nam Esdras fuit in Babilone & rediit inde, & vixit aliquot annis post reditum de Babilone, vt patet per libros, quos descripsit, & in illo tempore fuerunt aliquę generationes, & status populi, & ista debuerunt enarrari per Esdram. Dicendum quod hic non est similitudo ad ea, quę fiebant in alijs capitulis precedentibus, quia ibi describebatur progenies cuiusque tribus per se. Hic autem nō agitur, sed de omnibus mixtim sic dicitur. Secundo dicendum, quod non sit aliquid simile hic precedentibus, quia in illis narrabantur generationes tribuum: hic autem non describuntur aliquę progenies, nisi in fine capituli, vbi ponitur progenies Sams, quę enarrata fuerat precedenti cap. Sed dicendum, quod ponitur hic status populi post reditum de Babilone, & non computantur hic aliquę generationes, sed solum declarantur aliqua de statu populi post reditum, & precipue agitur de Leuitis. Et sciendum, quod eorum, qui redierunt de Babilone quidam habitauerunt in Ierusalem, alij vero in alijs vrbibus, & agris. & hic agitur solum de statu illorum, qui manserunt in Ierusalem, & sic dicitur hic, quod isti Israelitę sacerdotes, Leuitę, & Nathinnai cōmorati sunt in Ierusalem.

Quare

Quare agitur specialiter de habitantibus ibi. Quæst. VII.

QUÆRITUR ulterius, cur agitur specialiter de habitantibus ibi, vel quomodo fuerunt aliqui habitantes ibi, & alij non.

Respondendum est, quod Esdras præponit istud ad declarationem quarundam historiarum, quæ ponuntur in primo, & secundo libro Esdræ, scilicet de edificatione templi, & urbis, & de bellis, quæ habuerunt Israelitæ propter edificationem templi, & urbis, de quibus etiam patet in libro Neemiæ. Omnia tamen ista facta sunt in habitatoribus Ierusalem, scilicet contra urbem illam, & in ipsa, & sic debuit de habitatoribus eius fieri mentio. De alijs autem non oportebat. Pro quo considerandum, quod Cyrus rex Persarum, & Medorum, qui dedit licentiam Iudæis redeundi in Ierusalem, non dedit propter aliud, nisi ut ædificarent templum domini, quod destructum fuerat, ut patet primo Esdræ primo, & sic principaliter venerunt in Ierusalem ad edificationem templi, non tamen omnes habitauerunt in Ierusalem, sed plurimi habitabant in alijs urbibus, & in agris, sicut supra dicitur, scilicet: Qui autem habitauerunt primi in possessionibus, & in urbibus suis. Idem etiam patet primo Esdræ secundo.

Sciendum autem, quod multi Iudeorum recusabant habitare in Ierusalem: primo, quia multi eorum, qui nunc redibant de captiuitate fuerant prius in terra Iuda, ut patet primo Esdræ 3. cum dicitur, quod plurimi de sacerdotibus, & Leuitis, qui viderunt templum prius, cum fundatum esset, & hoc templum in oculis eorum flebant voce magna, & multi vociferantes in lætitia eleuabant vocem. Et isti desiderabant manere in locis, in quibus prius fuerant, ideo volebant esse in Ierusalem. Secundum erat, quod si plurimi habitarent in Ierusalem non esset eis tanta abundantia omnium rerum, sicut si morarentur per diuersa loca, ideo volebant habitare extra Ierusalem. Tertium erat, quia habitantes in Ierusalem maioribus laboribus grauabantur quantum ad edificationem templi, & urbis, quam illi, qui morabantur extra Ierusalem. Quartum, & præcipuum erat, quod illi, qui morabantur in Ierusalem erant infestis habentes hostes, & erant odiosi omnibus gentibus in circuitu, & mouebantur multa bella contra illos ne ædificarent urbem, sicut patet primo Esdræ 4. cum Samaritani scripserunt Artaxerxi regi: ne permitteret ædificari urbem, quia sequerentur inde magna scandala, & ille prohibuit. Et aliquando erant ædificantes Iudæi murum Ierusalem, & Samaritani ex insidijs surgebant ad occidendum Hebræos, ideo ipsi cum ædificarent, erant accincti gladijs, & una pars ædificabat, & alia pars armata erat in circuitu propter hostes, ut patet Neemiæ 3. Istos autem labores multi fugiebant, ideo determinatum est communi decreto, quod decima pars totius populi, qui venerat de Babylone habitaret in Ierusalem, & aliæ nouem partes disperſe per vrbes. Post hoc vero adhuc multi de populo ex deuotione obtulerunt se ad manendum in Ierusalem, quamquam non tenerentur sorte. Nam licet decima pars manere deberet ex decreto communi, non tamen determinatum est electione, vel mandato, quod manerent, sed sorte hoc factum est, & tunc supra illos, quos fors tenebat multi se obtulerunt sponte, & populus totus benedixit istis, quia faciebant aliquod opus perfectionis, ut patet Neemiæ 11. De istis autem manentibus ibi agitur hic, & quia quidam erant de populo, alij vero de sacerdotibus, & Leuitis, & alij de ministris templi, qui erant Nathinnæi, siue Gabaonitæ: dicitur hic de omnibus illis: præcipue tamen de sacerdotibus, & Leuitis designando aliqua officia eorum, & habitudinem principatus in ministrando.

F De filiis Iuda, & de filiis Benjamin. De filiis quoque Ephraim, & Manasse.

Et de filiis Benjamin. Isti fuerunt præcipui redeuntes de captiuitate Babylonis: nam licet de alijs tribubus redierint aliqui, tamen plures erant isti, eo quod erant istæ duæ tribus integræ. Aliæ vero erant partes quedam, vel reliquæ. Etiam istæ erant, quæ verè pertinebant ad regnum Iuda, quæ fuerant semper sub illo, aliæ autem sero redierunt. Et intelligitur hoc solum de illis, qui habitauerunt in Ierusalem, & non de omnibus, qui redierunt in terram Iudææ.

G *De filiis quoque Ephraim, & Manasse.* Non est intelligendum, quod de istis solis tribubus redierint aliqui in Ierusalem, & in terram Iuda, sed etiam de omnibus tribubus Israel, quia de omnibus illis fuerunt aliqui residui post captiuitatem Assyriorum, ut declaratum est supra.

An verum sit, quod de filiis Ephraim, & Manasse habitauerint aliqui in Ierusalem post reditum de Babylone.

Quæst. VII.

H **Q**UÆRITUR quomodo dicitur hic, quod de filiis Ephraim, & Manasse habitauerunt aliqui in Ierusalem post reditum de Babylone: nam omnes tribus regni Israel ductæ sunt in Assyrios per Telgathphalasar, & Salmanasar reges Assyriorum. 4. Regum 15. & 17. ideo non manserunt, nisi duæ tribus regni Iuda, scilicet Iuda, & Benjamin, & isti duci potuerunt in Babylonem, & inde redire.

Respondendum est, quod de filiis Ephraim, & Manasse, & etiam Zabulon, & Nephtali, & aliorum tribuum redierunt aliqui de captiuitate Babylonis. Hoc autem fuit, quia Assyrii captiuauerunt decem tribus Israel, sed non potuerunt omnes ipsos de singulis tribubus captiuare, sed aliqui effugiebant manus eorum, & alij manserunt in terra post illam captiuitatem, & vniti sunt regno Iuda, & cum venisset Nabuchodonosor contra Sedeciam de omnibus istis duxit aliquos in Babylonem: cum in terra non dimiserit, nisi pauperes agricolas, & vitatores. 4. Regum ultimo, & Iere. 40. & sic oportet, quod de singulis tribubus Israel ducerent aliquæ in Babylonem, & inde reducerentur ipsi, vel alij de stirpe illorum, & multi ipsorum habitauerunt in Ierusalem, de quo magis dictum est supra, & de istis dicitur hic.

Quomodo filij Ephraim, & Manasse potuerunt habitare in Ierusalem. Quæst. VIII.

K **Q**UÆRITUR ulterius quomodo isti filij Ephraim, & Manasse potuerunt habitare in Ierusalem, quia qualibet tribus habebat sortem sibi distinctam, sicut distincti sunt Ioseph a primogenito, & ita iussit Deus postea manere, scilicet ne transiret possessio de tribu in tribum, vel de familia in familiam. Nu. ultimo. Respondendum, quod a principio quilibet tribus habuit sortem specialem, & tamen a principio mansit distinctio ista, & postea non, quia post decem tribus pro maiori parte ductæ sunt in Assyriam, & manserunt reliquæ quedam de omnibus tribubus in terra ipsarum non mansit eis, sed acceperunt eam Samaritani, quos duxit Salmanasar de terra Assyriorum, ideo coacti sunt ipsi, qui manserunt habitare in locis extra suas sortes, & sic manserunt vsque ad captiuitatem Babylonis, post captiuitatem etiam non potuerunt viri de istis tribubus redire in loca sua, sed necesse erat, quod manerent in locis aliarum tribuum, cum loca

loca sua occuparētur à Samaritanis, & ideo nihil magis differebat, q̃ habitarent tunc in Ierusalem, quam in quocunque alio loco terre Iuda, & Benjamin, cum nullus locus illarum sortium pertineret ad istas tribus. Dicendum tamen, quòd Ephraim, & Manasse habitauerunt in Ierusalem post reditum de Babylone: non quidem tanquam hoc concederetur eis ex priuilegio, sed magis fiebat ex necessitate: nam fuit diuisus totus populus in decem partes, & decima pars redeuntium de Babylone habitauit in Ierusalem, vt patet Neemi. 11. Et quia aliqui de tribu Manasse, & Ephraim fuerūt de ista parte decima, habitauerunt etiam in Ierusalem cum alijs de tribu Iuda, & Benjamin. Item non solum non fuit aliquod priuilegium, quod cōcederetur istis habitare in Ierusalem, sed potius fuit eis magna laus, quia illi, qui sponte se obtulerunt ad habitandum in Ierusalem, a toto populo laudati sunt, vt pater Neemi. 11. scilicet Benedixit autem populus omnibus viris, qui se sponte obtulerant, vt habitarent in Ierusalē. & hoc, quia faciebant opus perfectionis. Et sic non fuit contra ius, quòd filij Ephraim, & Manasse habitarent in Ierusalem.

Othei filius Amiud, filij Amrai, filij Omrai, filij Bonni. De filijs Phares filij Iuda, & de Siloni Afaia primogenitus, & filij eius. De filijs autem Zera, Ichuel, & fratres eorum sexcenti nonaginta.

Othei filius Amiud, filij Amrai filij Bonni. Isti fuerunt de stirpe Iuda, & Benjamin, Manasse, & Ephraim, sicut supra dicitur, & tamen non constat, de qua illarum determinate fuerint. Iste Amiud, de quo hic dicitur non est ille Amiud, qui fuit princeps in tribu Ephraim, vt patet Numer. primo, & de hoc supra 7. nam ille fuit in Aegypto ante introitum in desertum: nam filius suus Elifalua fuit princeps in exitu de Aegypto, vt patet Nume. primo, & 7.

De filijs Phares filij Iuda. Iste Phares fuit vnus de illis duobus, quos genuit Iudas ex Thamar nuru sua, vt patet, Gen. 38. & de ista stirpe venit Dauid, & etiam venit Christus, vt patet supra 2. & Ruth 4. & Matth. primo. *Et de Siloni.* Iste Siloni est aliquis vir nobilis in tribu Iuda.

Afaia primogenitus. Intelligendum est, quòd iste Siloni fuit aliquis vir de familia Phares, & tamen non ponitur progenies sua supra, & ab illa descendit Afaia primogenitus eius, & de progenie istius fuerunt aliqui nunc habitantes in Ierusalem.

Et filij eius. Id est filij Afaia, qui fuit primogenitus Siloni, habitauerunt nunc in Ierusalem. *De filijs autem Zera.* Iste Zera est, qui vocatur alio nomine Zare, & fuit frater Phares genitus a Iuda, & fuit iste Zare, qui habuit in digito suo filium ligatum, & propter illud vocatus est Zare, alias Zarā, id est splendens, vel oriēs, quia filium splendebat, Gen. 38. & de familia istius fuerunt nunc habitantes aliqui in Ierusalem, & fuerunt, qui nominantur hic. *Ichuel, & fratres eorum sexcenti.* Id est habitauit Ichuel in Ierusalem, & fratres sui, id est cognati, & ipse cum cognatis suis, & filij Phares simul fuerunt sexcenti, & nonaginta.

Qui nam fuerunt isti, qui hic nominantur. Quest. IX.

QUÆRITUR qui fuerunt isti, qui nominantur hic, & quò ponitur tam paruus numerus eorū. Respondendum, quòd isti fuerunt illi, qui ponuntur primo Esdræ 2. nam ibi ponit de regressu de Baby-

lone, & dicitur in principio capituli: Hi sunt filij provincie, qui ascenderunt de captiuitate, & reuersi sunt in Ierusalem, & Iuda, vnusquisque in ciuitatem suam. Et ponuntur ibi numeri, & nomina eorum, & postea in fine cap. dicitur: Habitauerunt ergo sacerdotes, & Leuitę, & de populo, & cantores, & ianitores, & Nathinnæi in vrbibus suis, vniuersusque Israel in ciuitatibus suis, ita etiam dicitur hic, quòd isti sunt, qui habitauerunt primi in possessionibus, & in vrbibus suis, Israel, & sacerdotes, Leuitę, & Nathinnæi. Cum autem queritur quomodo ponuntur hic tam pauci, dicendū quòd valde plures ponuntur Esdræ primo cap. 2. nam ibi ponuntur multe summe particulares, & ex omnibus resultat summa populi, scilicet quadraginta duorum millium trecetorum, & sexaginta, vt patet ibidē: hic autem sunt paucissimi. Respondendum est secundum Nicolaum, & alios tripliciter, vno modo, quòd scriptura aliquando ponit totam summam redeuntium de Babylone, & aliquando partem illius, & hic dicit, quòd posuit Esdras partem summe istius, & primo Esdræ 2. ponitur summa, ideo maior est illa, quam ista. Secundo modo dicitur, quòd in Hebræo sunt aliqui viri habentes multa nomina, & aliquando nominant vno eorum, & aliquando alio. Patet hoc in multis, vt in Esau, & Ochozia, & plurimis, ita hic cum interdū mutantur nomina, idem nomē, quòd ponitur in vno loco scripture nō ponitur in alio. Tertius modus est, quia dato, quòd aliquis non habeat multa nomina, idem tamen nomen poterit multipliciter mutari a principio, vel à fine, & sic eadem persona videbuntur esse multe. Primus modus est aliquantulum conueniens, quia potest esse, quòd hic ponatur minor summa, quā prima Esdræ 2. licet iidem viri sint illi, qui ponuntur hic: & ibi, duo modi sequentes non conueniunt hic, quia illi comperūt solum pro diuersitate nominis, scilicet non ponantur eadem nomina hic, & ibi, sed non cōpetunt pro diuersitate summe. Et hoc etiam nō stat, quia non ponuntur primo Esdræ 2. solum tot nomina, quot hic: nam si ibi ponerentur tot, dato q̃ essent alia hic, & ibi, posset stare, & tamē ponuntur ibi multa & hic pauca. Dicendū igitur, q̃ illi, qui ponuntur primo Esdræ secundo, sunt illi, qui ponuntur hic, & tamen non ponitur hic tanta summa, sicut ibi, nec etiā eadem nomina, & hoc propter duo, vel tria. Primò, quia potest dici, quòd hic ponuntur soli principes, & tamen primo Esdræ secundo, ponuntur omnes, tam principes, quā subiecti principibus. Et hoc patet, quia ibi ponuntur quadraginta duo millia, & plus: hic autem ponuntur paucissimi, quia fortē mille, vel pauciores poterant esse principes omnium illorum. Secundò potest dici, quòd hic solum ponitur de illis, qui habitauerunt in Ierusalem, nam non omnes, qui redierunt de Babylone habitauerunt in Ierusalem, sed quidam eorum: nam totus populus fuit diuisus in decem partes, & vna illarum habitauit in Ierusalem, & aliqui de alijs, qui se sponte obtulerunt ad habitandū ibi: Neemię 11. Et tamē omnes, qui redierunt de Babylone, erāt quadraginta duo millia trecenti sexaginta: exceptis seruis, & ancillis: primo Esdræ secundo, ideo poterit hic esse decima pars illorum cum eis, quorum summa hic ponitur, & cum alijs quorum summa nō habetur hic. Tertio potest dici, quòd scriptura aliquando vult ponere summam maiorem, & aliquando minorem, & hic posuit minorem summā, quam primo Esdræ secundo, sicut dicit Nicolaus, & tamen iste modus tertius minus verisimilis est, quam duo præcedentes. Nam scriptura non facit varietatem eiusdem rei in diuersis locis, nisi propter aliquam rationem, & sic tenebitur aliquis de duobus præcedentibus modis.

I Paralip.

Cap.IX.

Porro de filiis Benjamin Salo filius Mosollam filij Odoia filij Afana, & Iobania filius Ieroam, & Ela filius Ozi filij Mochori, & Mosollam filius Saphatie filij Rahuel filij Iebaniae, & fratres eorum per familias suas nongentiquingentasex. Omnes hi principes cognationum per domos patrum suorum. De sacerdotibus autem Ioiada Ioiarib, & Iachin, Azarias quoque filius Helcie.

Porro de filiis Benjamin. Hic ponitur, qui fuerunt nunc habitatores in Ierusalem de filiis Benjamin, cum supra positum sit de filiis Iuda, & Manasse, & Ephraim.

Salo filius Mosollam. Iste Mosollam non est, qui infra ponitur: nam ibi ponuntur multi, quorum quidam sunt de filiis Leui, & alij de filiis Benjamin, & tamen a quolibet illorum differt iste Mosollam, & non venit iste Mosollam ad habitandum in Ierusalem, sed mortuus est in Babylone, & filius eius Salo venit ad habitandum in Ierusalem. Alias potius diceretur de Mosollam, quod de filiis Benjamin ipse venit, quia quod venit Salo filius eius.

Filij Odoia. Non est iste, de quo infra dicitur, quia ille est de tribu Leui, nec est de quo dicitur supra quarto, quia ille est de filiis Iude: iste autem est de filiis Benjamin. *Filij Afana.* Scilicet Odoia fuit filius Afana.

Et Iobania filius Ieroam. De quo Ieroam dictum est precedenti cap. sed non est iste de quo hic dicitur: iste Iobania non pertinet ad genus Mosollam, ita quod ipse fuerit in linea illa, sed fuit contemporaneus Salo filio Mosollam, & ambo venerunt ad habitandum in Ierusalem. Iste Salo non est Salon, de quo supra dicitur, quia ille est de tribu Iuda de filiis Phares, iste autem fuit de filiis Benjamin.

Et Ela filius Ozi. Iste Ela venit etiam ad habitandum in Ierusalem cum predictis, & non est iste Ela, de quo dicitur tertio Regum decimo sexto, quia ille fuit rex Israel filius Basaa, & fuit tempore Asa regis Iuda: iste autem non fuit de tribu illa, quia iste fuit de tribu Benjamin: ille autem fuit de tribu Issachar, quia Ela fuit filius Basaa tertio Regum decimo sexto, & Basaa fuit de tribu Issachar tertio Regum decimo quinto. Iste Ozi non est ille de quo dicitur supra sexto, quia ille fuit de progenie Aaron: iste autem fuit de progenie Benjamin. Et ille fuit primus, qui in stirpe Eleazari priuatus est summo sacerdotio, ut ibidem declaratum est. Etiam iste Ozi non est Ozi, de quo dicitur Nume vigesimo sexto, quia ille fuit filius Gad a quo nominata est familia Ozinitarum. Etiam iste Ela non est, qui fuit pater Olee ultimi regis Israel, quarto Regum decimo quinto & decimo septimo, quia ille non potuit esse de stirpe Benjamin, cum esset rex Israel, & tribus Benjamin pertinebat ad regnum Iuda.

Filij Mochori. Potest hoc intelligi, quod Ozi erat filius Mochori, vel quod filij Mochori venerunt ad habitandum in Ierusalem, sed primum est verum.

Et Mosollam filius Saphatie. Mosollam est, qui venit ad habitandum in Ierusalem, & non est iste Mosollam, de quo supra dicitur, quia ille fuit filius Odoia: iste autem filius Saphatie. Iste Saphatias non est ille, de quo dicitur supra tertio, & secundo Regum tertio, quia ille fuit quintus filius David de tribu Iuda: iste autem fuit de filiis Benjamin, ut patet ibidem.

Et hi filij Rahuel. Scilicet iste Saphatias est filius Rahuel: aliquando enim ipse pater Iethro vocatur Rahuel, vel Rahuel, ut patet Nume decimo, & Exo. secundo,

F & tertio, & tamen non est idem iste, & ille. *Filij Iebaniae.* Non est iste Iobania, de quo supra dicitur, quia ille est filius Ieroam, iste autem non.

Et fratres eorum per familias suas. Scilicet isti fuerunt precipui de filiis Benjamin, qui venerunt nunc ad habitandum in Ierusalem, & cum eis venerunt alij de familiis suis, qui vocantur fratres eorum. Et dicitur per familias suas, id est per diuersas cognationes. Erant nongenti quinquaginta sex, sicut hic dicitur, & isti erant viri precipui inter alios, quia multi alij erant cum istis: tamen non nominantur, nec computantur, eo quod illi non fuerunt precipui, sicut isti.

Omnes hi principes cognationum suarum. Potest referri ad quolibet de istis nominatis, scilicet, quod ipsi erant principes familiarum, siue domorum, & tunc alij, qui subticentur usque ad summam, quae ponitur hic, erunt de illis familiis, licet non sint principes. Alio modo potest intelligi, quod isti omnes, siue nominati, siue non nominati usque ad summam istam fuerunt filij Benjamin, & fuerunt principes familiarum, vel cognationum, & tunc habebitur una de duabus expositionibus, quam supra dedimus in responsione ad questionem precedentem, scilicet quod omnes isti quorum summa ponitur hic, fuerunt principes, & illi quorum summa ponitur primo Esdræ secundo, fuerunt tam principes, quam subditi, ideo ponatur ibi maior numerus, quam hic.

Per domos patrum suorum. Id est quilibet istorum erat princeps alicuius familie in domo patris sui, scilicet quia a predecessoribus cuiuslibet istorum nominata erat aliqua familia, & in illa erat princeps vnus istorum, & sic de omnibus.

De sacerdotibus autem. Hic ponitur secundum huius partis, in quo agitur in speciali de sacerdotibus, & Leuitis, & magis agitur hic de eis, quam de omnibus aliis simul, & forte causa huius est duplex. Prima quia institutus sacerdotum, & Leuitarum erat precipuus, quam reliqui populi, cum isti essent ministri Dei, & alij non. Secunda causa est, quia Eldras erat Leuita, vel sacerdos, ut aliqui volunt, ideo voluit potius agere de illis, qui pertinebant ad progeniem suam, & secundum veritatem ipse erat de progenie sacerdotum magnorum, ut patet primo Esdræ septimo, & dicitur.

De sacerdotibus autem Ioiada Ioiarib, & Iachin. Isti fuerunt sacerdotes precipui, qui de captiuitate redierunt ad habitandum in Ierusalem. & non est iste Ioiada ille, de quo dicitur quarto Regum vndecimo, qui constituit Ioas in regem, quia ille mortuus est tempore Ioas regis, ut patet quarto Regum duodecimo, & sequenti libro cap. decimo quarto, & sic non potuit usque ad captiuitatem Babylonis viuere, iste autem rediit post captiuitatem Babylonis in tertiam Iuda. Etiam iste non est Ioiarib, qui fuit vnus de principibus vigintiquatuor sortium: nam tempore David fuerunt sacerdotes diuisi per vigintiquatuor sortes, & prima fors illarum fuit Ioiarib, ut patet infra 34. Iste Iachin non est ille, de quo habetur Nume vigesimo sexto, quia ille fuit filius Simeon, & ab eo nominata est familia Iechinitarum. Iste autem fuit de tribu Leui.

Azarias quoque filius Helcie. Iste Azarias fuit sacerdos, qui venit in Ierusalem de captiuitate Babylonis, & non est iste Azarias aliquis, de quo habetur supra tertio, ubi ponuntur multi huius nominis: nam vltimus illorum, qui fuit propinquior captiuitati Babylonis, fuit Azarias pater Saraie, ut patet ibidem, & tamen ille mortuus fuit antequam esset captiuitas Babylonis, quia filius suus Saraias erat summus sacerdos, quando facta est captiuitas, & ipse occisus est a Nabuchodonosor in Reblara, quarto Regum vltimo, ideo non poterat ille ire in Babylonem, & postea redire, ut nuntiat.

straret in templo Domini post reditum de Babylone: potissimè, quia Iosedech filius istius Azariæ translatus est in Babylonē, & non redijt, sed Iosue filius eius venit de Babylone, & ministravit in Ierusalem, ut patet primo Esdræ tertio, vocatur autem iste Azarias filius Elciæ, & fuit Elcias iste alius ab illo, de quo dicitur supra sexto, quia ille fuit pater Azariæ, & avus Saraïæ, qui occisus est tēpore Nabuchodonosor, & iste fuit sacerdos tempore Iosie regis, quarto Regum vigesimosecundo. Hoc volunt quidam. Alij autem volunt contrarium, scilicet quod iste Azarias fuit filius Elciæ, qui ministravit tempore Iosie, & sit pater Saraïæ, qui occisus est, & mortuum huius est valde conveniens, quia iste Azarias vocatur supra sexto filius Elciæ, sicut hic, & Elcias vocatur hic filius Sellum, qui vocatur Mosollam, & Mosollam vocatur hic filius Sadoc, & etiam Sellum vocatur filius Sadoc supra sexto, & Sadoc dicitur, filius Achitob, supra sexto, & hic vocetur filius Meraioth, & idem erit. Si tamen teneatur positio ista, videntur due difficultates. Prima est, quia non videtur quomodo Azarias potuerit redire de Babylone ad ministrandum in Ierusalem, quia Azarias fuit pater Saraïæ, & ministravit in summo sacerdotio ante ipsum, sed ille, qui incipiebat ministrare, semper ministrabat usque ad mortem, ideo prius moreretur Azarias, quam inciperet ministrare Saraïas, & tamen Saraïas erat summus sacerdos tempore, quo fuit captivitas Babylonis, primo Regum ultimo. Ideo non potuerat Azarias tunc vivere, & a fortiori non poterat redire de Babylone ad ministrandum in Ierusalem. Itē patet, quia dato, quod iste Azarias non moreretur illico, ut inciperet ministrare Saraïas, ipse tamen ministraret ante eum, & deinde Saraïas tempore captivitatis Babylonicæ esset ad minus plusquam viginti annorum Azarias, quando inciperet ministrare, quia nō poterant aliqui fungi sacerdotio in etate parva: cum & ipsi Leuitæ, qui erant in minoribus officijs non possent consecrari in Leuitas ante annum vicesimum, vel tricesimum. Nunc, quarto, & octavo: a fortiori igitur summi sacerdotes, qui erant maioris auctoritatis nō ministrarent in etate parvula, esset igitur saltem viginti annorum, quando inciperet ministrare, & postea filius suus Saraïas ministravit ante captivitatem Babylonis, quarto Regum ultimo, & etiam ille esset viginti annorum ad minus, & tunc Azarias esset plusquam quadraginta annorum, & postea Iosedech nepos suus ductus est in Babylonem, & ille erat iam vir, quia sic fit mētio de illo, sicut de viro supra sexto. Et sic etiam esset iste ad minus viginti annorum, quando duceretur in Babylonem, & cōsequenter Azarias esset tunc sexaginta annorum ad minus, & postea duxit captivitas Babylonis per septuaginta annos: Iere. vigesimo quinto, qui sunt centum, & triginta anni, iō tot annorum, nullus tamen hominum ad tantam etatem poterat pervenire illo tempore, & sic dicit Iosephus. Antiqui. quod post Moysen nullus legitur vixisse annis centum, & triginta, nisi Ioiada sacerdos de quo habetur sequenti lib. cap. 24. Item difficultas est, quia nō potest videri, quomodo Azarias esset in linea summorum sacerdotum, & ipse nō ministraret ante filios suos, vel forte ministraret, & cessaret ab administratione, & deinde per annos plus, quam septuaginta ministraret.

Item non stat, quia tunc Azarias summus sacerdos duceretur in Babylonē, & diceretur de eo, quod translatus esset in Babylonem, & non diceretur de aliquo alio summo sacerdote, cum non essent duo summi sacerdotes simul, & tamen istud dicitur solum de Iosedech: supra sexto, scilicet. Porro Iosedech egressus

A est, quando transtulit Dominus Iudam, & Ierusalem per manus Nabuchodonosor. Ergo iste Azarias pater Saraïæ non fuit translatus in Babylonem, nec inde redijt.

Secunda difficultas est, quia non sunt hic eadem generationes omnino istorum, qui ponuntur supra sexto, nam ibi Elcias vocatur filius Sellum, hic autem vocatur filius Mosollā. Item Sadoc vocatur ibi filius Achitob: hic autem vocatur filius Meraioth.

Dicendum igitur videtur, sicut prius dicebatur, quod iste Azarias non fuit pater Saraïæ, sed ille mortuus est multo tempore ante captivitatem Babylonis, iste autem natus est in Babylone, & postea venit Ierusalem.

B Filij Mosollam, filij Sadoc, filij Meraioth, filij Achitob pontifex domus Dei.

Filij Mosollam. Nec est ille, qui sic vocatur supra sexto, quia ille fuit Leuita, & iste est sacerdos.

Filij Sadoc. Non est iste aliquis de illis, qui vocantur Sadoc supra sexto, quia illi fuerunt sacerdotes multo tempore ante captivitatem Babylonis: iste autem fuit in ipsa captivitate, vel paulo ante.

Filij Meraioth. Nō est iste, qui sic vocatur supra sexto, quia ille fuit ante David, ut ibi declaratum est, iste autem multo post.

Filij Achitob. Iste Achitob nō est aliquis de illis, qui vocati sunt sic supra sexto, quia vnus illorum fuit de stirpe Eleazari, alius autem fuit de stirpe Ithamar, scilicet Achitob pater Achimelech, de quo dicitur primo Regum vigesimosecundo, quia illi fuerunt multo tempore ante istum.

Pontifex domus Dei. Idest iste fuit pontifex, siue summus sacerdos in templo.

Quis nam fuerit iste summus sacerdos.

Quæst. X.

Q VÆRITUR circa hoc quis fuit iste summus sacerdos, & quando fuit.

D Respondendum, quod litera nostra videtur significare, quod Azarias fuerit pontifex: eo quod pontifex non potest determinare, vel denominare aliquem istorum præter Azariam, quia ipse ponitur in recto, & omnes alij ponuntur in genitivo. Sed tantum stat difficultas quomodo potuerit Azarias esse pontifex, quia in reditu de Babylone Iosue filius Iosedech fuit summus sacerdos, qui vocatur alio nomine Iesus Iosedech, ut patet primo Esdræ tertio, & Aggei primo, & secundo. Iste autem Azarias non potest esse idem cum illo, quia ille fuit filius Iosedech, iste autem fuit filius Elciæ.

Item non potest dici, quod fuerit filius eius: nā aliquis fortè hoc assereret, sed falsum est, quia post Iosue filium Iosedech non fuit pontifex Azarias in Ierusalem, sed Eliasib, ut ait Iosephus 10. Antiquita. Et declaratum fuit supra 6. in questione de omnibus summis sacerdotibus. Dicendum tamen, quod istud potest dupliciter poni vno modo, quod Azarias fuerit summus sacerdos, & quod fuerit Iesus Iosedech, qui reuersus est de Babylone, & primus ministravit post reditum, & cum dicitur, quod iste differt ab illo, sicut supra producitur. Dicendum quod idem est, licet vocetur diuersis nominibus, quia sæpe consuetum est, quod idem homo diuersis nominibus appelleretur, & idem est de patre, & avus eius, quia etiam illi habebunt multa nomina, & nominabuntur hic aliter, quam in alijs locis. Secundo dici potest, quod iste pontifex nō fuit Azarias, sed Achitob, & quod fuit pontifex ante captivitatem

ptiuitatem Babylonis multo tempore, & tunc erit sensus, quod iste Azarias descendit de progenie istorum sacerdotum, qui nominantur hic, & terminatur progenies in Achitob, quia ipse fuit vir magnę dignitatis: nam ceteri erant sacerdotes simplices, Achitob autem fuit pontifex, & hoc satis stat, quia si aliquis summus sacerdos haberet multos filios per quemlibet illorum posset deriuari vna linea progeniei, & tamen per vnicum filium deriuaretur linea summi sacerdotis, & ideo Azarias descendit per omnes istas generationes a sacerdotibus minoribus vsque ad Achitob, qui fuit sacerdos magnus, & non curauit scriptura magis continuare progeniem eius, quia cum sciretur, quod ille fuerat summus sacerdos, etiam sciretur de omnibus precedentibus patribus suis, quod fuissent summi sacerdotes, & ista positio est multum rationabilis. Si tamen velimus tenere aliam, possumus. Et cum obijciatur, quod hic ponitur pontifex in recto, & non potest referri ad aliquem alium, nisi ad Azariam, qui est in recto: dicendum, quod potest suppleri, scilicet pontifex domus Dei, idest & ille fuit pontifex domus Dei, licet talis modus suppletionis non multum conueniat Latinitati.

Porro Adaias filius Ieroam filij Phasur, filij Melchiae, & Maasai filius Adiel filij Iezra filii Mosollai filij Mosollamith filij Emer; fratres quoque eorum principes per familias suas mille septingenti sexaginta fortissimi robore ad faciendum opus ministerij in domo Dei. De Leuitis autem Semeia filius Hassub & filij Ezricam, filij Hasebia de filiis Merari. Bachachar quoque carpentarius, & Galal, & Mathamia filius Micha, filij Zechri, filij Azaph, & Obdia filius Semeie, filij Galal filij Idithum, & Barachia filius Aza, filij Elcana, qui habitauit in atrijs Nehophati. Ianitores autem Sellum, et Achub, et Thelmon, et Ahimam, et frater eorum Sellum princeps vsque ad illud tempus, in porta regis ad Orientem obseruabant per vices suas de filiis Leui. Sellum vero filius Core filii Abiasaph, filii Core cum fratribus suis, et domo patris sui. Hi sunt Coritae super opera ministerii custodes vestibulorum tabernaculi, et familiae eorum per vices castrorum Domini custodientes introitum. Phyncees autem filius Eleazar erat dux eorum coram Domino.

Porro Adaias. Hic ponuntur Leuitae, qui venerunt in Ierusalem de Babylone, & vnus princeps eorum fuit Adaias, & iste non est aliquis eorum, qui supra nominati sunt, quia in alijs tribubus illi ponuntur.

Filius Ieroan. Non est iste Ieroan, de quo supra secundo, quamquam ille fuit Leuita, quia iste fuit post captiuitatem Babylonis: ille autem fuit ante tempora David, cum fuerit auus Samuelis prophetae supra sexto. De isto Ieroan, qui hic ponitur dicendum, quod mortuus fuerit in Babylone, & filius suus rediit, vel pauco tempore forte ante captiuitatem Babylonis

F mortuus est in terra Iuda. *Filius Phasor.* Iste Phasor non est Phasur, de quo dicitur Hier. 20. scilicet. Et odiuit Phasur filius Eminer. Nam ille fuit sacerdos, vt patet ibidem, iste autem fuit Leuita.

Filius Melchia. Iste autem fuit aliquis Leuita precipuus tempore suo, & propter hoc generatio Adaia solum extenditur vsque ad ipsum.

Et Maasia. Iste Maasia Leuita est, sed non fuit ille, qui ponitur supra 6. quia omnes illi fuerunt ante tempus David, & iste fuit post captiuitatem Babylonis.

Filius Adiel. Iste etiam Adiel non est, de quo supra 6. propter eandem causam, quia isti sunt multum posteriores ad illos. Etiam non est ille, de quo supra 5. quia ille non est de tribu Leuitarum, & iste sic.

Filius Iechra. Nomen inusitatum est, & differt Ietra, & Iechra, siue Ietrahaan, quia sepe illud nomen supra ponitur.

Filius Mosollam. Non est iste Mosollam aliquis eorum, qui supra ponuntur, quia illi sunt de alijs tribubus, scilicet de Benjamin, iste autem est de Leui. Etiam non est ille, de quo precedenti c. quia eodem modo ille est de tribu Benjamin.

Filius Mosollamoth. Non est nomen vsitatum in scriptura. *Filius Emer.* Non est iste Emer de quo Iere. 20. quia ille fuit sacerdos, iste autem fuit Leuita.

Fratres quoque eorum. Scilicet non solum isti nominati hic de Leuitis redierunt, sed etiam fratres eorum, idest alij de eadem familia, vel cognatione, & non ponuntur hic, nisi duo principes in omnibus his, scilicet Adaias, & Maasias, quia ceteri non sunt principes, qui venerint in Ierusalem, sed sunt filij eorum isti, & illi mortui sunt ante reditum de Babylone.

Principes per familias suas. Idest isti duo habuerunt fratres alios, idest cognatos in eadem familia Leuitarum, & illi fuerunt principes familiarum, idest cognationum particularium: nam familie proprie sumptae non erant, nisi tres in tota tribu Leui, scilicet Iertonitarum, Meraritarum, Caathitarum, Leui. 3. & de Meraritis nihil dicitur hic, sed infra.

Mille septingenti sexaginta. Omnes isti erant Leuitae, qui venerunt ad habitandum in Ierusalem, & fuerunt subiecti illis principibus familiarum, de quibus hic dicitur, vel potest intelligi, quod omnes fuerint principes familiarum, idest cognationum paruarum, & tamen essent tunc valde paruae cognationes, cum tot essent principes cognationum.

Fortissimi robore. Erant omnes iuuenes in etate robusta, in qua poterant exercere ministeria sacerdotum, vel Leuitica quantumcunque graua.

Ad faciendum opus ministerij in domo Dei. Potest intelligi de Leuitis, vel de sacerdotibus, quia sicut supra dicebatur, & est positio maltorum, omnes isti sunt Leuitae: potest tamen dici, quod sint sacerdotes: cum enim dicatur, de Leuitis autem Semeia: in quo innumerus isti, qui hic ponuntur non sunt Leuitae: satis tamen potest intelligi de Leuitis, & tunc accipiantur Leuitae infra specialiter pro aliqua familia Leuitarum, & siue accipiant, vt sacerdotes, vel Leuitae conuenit eis, quod hic dicitur, scilicet quod ministrarent in domo Dei: nam Leuitae licet non ministrarent faciendo sacrificia, ministrabant tamen in custodia portarum, & thesaurorum, & aliarum rerum: de quibus infra in libro 2. & infra vigesimotertio, & vigesimo quarto, & vigesimo sexto: sacerdotes autem ministrabant in domo Dei, & adhuc magis proprie, quia ipsi faciebant sacrificia, & introibant in templum proprie dictum ad ponendum thymiam super altare, & ad panes propolitis conficiendos, & ad omnia alia ministeria Sanctorum, quia ipsi proprie ministrabant: Leuitae autem dicebantur proprie ministrare in templo, sed magis submissimè.

subministrare sacerdotibus. De Leuitis autem Semeia filius Asub. Scilicet illi, de quibus dictum est supra, erant sacerdotes: isti autem sunt Leuire, & venerunt in Ierusalem de Babylone: isti principes familiarum, qui habentur hic: si autem velimus intelligere, quod etiam præcedentes sunt Leuire, intelligitur, quod hic dicitur de Leuitis, id est de quadam familia Leuitarum speciali. Iste Semeia, de quo hic dicitur non est ille, de quo habetur sequenti libro cap. duodecimo, quia ille fuit tempore Roboam filij Salomonis, ut patet ibidem, iste autem fuit tempore captiuitatis Babylonis.

Et filij Ezrichan. Iste Ezrichan non est ille, de quo supra tertio, quia ille fuit filius Iuda: iste autem de tribu Leui. Etiam non est ille, de quo præcedenti capi. quia ipse fuit filius Benjamin, iste autem de tribu Leui. Et dicitur, quod filij Ezrichan redierunt in Ierusalem, & ipse non rediit, quia alias non diceretur de filiis Ezrichan, non tamen fuerunt posita nomina eorum, sed patris sui, quia forte ille fuit famosior, quam filij sui.

Filij Asobim. Scilicet Ezrichan fuit filius Asobim, & non extenditur generatio ulterius, quia forte alij non fuerunt viri famosi, vel non oportuit extendi plus ad enarrandum generationem, quia sufficiebat istud ad differentiam istius Ezrichan ab alijs inueniendam.

De filij Merari. Merari fuit vnus de filiis Leui: supra 6, & ab eo nominata est familia Meraritarum, Nume. tertio, & quarto, & de ista familia venerunt in Ierusalem isti, qui sequuntur.

Bacchar quoque carpentarius. Iste fuit vnus de redeuntibus de Babylone de stirpe, Meraritarum, & non vocatur carpentarius, quasi ipse carpentarius esset, quia Leuitæ non exercebant huiusmodi officia manualia, sed in domo Domini ministrabant iuxta ministeria sua, & ista officia per laicos exercebantur: vocatur autem carpentarius ex cognomine, sic multi habent cognomina, quæ nihil atinent quantum ad rem significatam eis, sed imponuntur ad placitum, sicut nomina propria. Aliter potest vocari iste carpentarius, licet non esset, quia in domo Domini dirigebat carpentarios in opere, vel præerat eis iubendo quid facerent, & istud est satis rationale: nam post reditum de Babylone ceperunt Israhelites edificare templum Domini, & ibi forte isti præfuerunt carpentarijs: nam Leuitis committere solent, quando ipse fecit restaurari templum: nam Salmeh, & Abdias erant præpositi operum de filiis Merari. Zacharias autem, & Mosollam erant de filiis Caathi: sequenti libro capi. trigesimo quarto, & ita iste tunc esset præpositus carpentariorum.

Et Galal. Non est iste Galal filius Obed, qui pugnavit contra Sichem, de quo Iudicum nono, quia ille fuit multo tempore ante istum plus, quam sexcentis annis, ut patet computando tempora Iudicum, & Regum inter mediorum.

Et Mathania filius Micha. Iste fuit alius de redeuntibus, & non est iste Mathanias, de quo quarto Regum vigesimo quarto, quia ille est filius Iosæ, qui postea vocatus est Sedecias: iste autem est Leuita. Etiam iste Micha, de quo præcedenti capi. quia ille fuit filius Mithobeth, & nepos Ionathæ de tribu Benjamin, ut etiam infra patet. Iste autem est de filiis Leui.

Filij Zechri. Scilicet Micha est filius Zechri, & tamen non est iste Zechri, de quo præcedenti capi. quia ille fuit de filiis Benjamin, & iste de Leuitis.

Filij Asaph. Non est iste Asaph de quo supra sexto, quia ille fuit vnus de principibus cantorum tempore David eod. capi. & infra vigesimo quinto, nam a tempore David usque post captiuitatem Babylonis transierunt tot anni, quot vivere non potuerunt iste pa-

ce generationes, scilicet tres, quæ ponuntur inter Machaniam, & Asaph: nam plures fuerunt, quam anni quingenti, cum supra declaratum sit in quadam questione, quod a tempore, quo David computauit populum usque ad captiuitatem Babylonis fuerunt anni ad minus quadringenti triginta, & sex, quibus addantur septuaginta anni, quibus durauit captiuitas Babylonis, erunt plus, quam quingenti anni, & tamen non poterant isti tanto ipse vivere, scilicet Zechri, & Micha, & Mathanias, qui faciunt tres generationes, quæ non possunt durare trecentis annis, sed intelligendum est, quod iste Asaph fuit alius ab illo, & fuit multo tempore post.

Et Obdia filius Semeia. Iste Obdia fuit alius Leuita rediens de captiuitate Babylonis, & non est iste Obdia, de quo præcedenti capi. nec de quo infra in litera, quia ille est Obdia de filiis Benjamin, iste autem est de filiis Leuitarum: iste Semeias, de quo hic, non est ille, de quo supra in litera, nec etiam de quo sequenti libro ca. 12. quia ille fuit multo tempore ante istum, sicut dictum est supra.

Filij Galal filij Idithun. Iste Galal non est, de quo supra dictum est, quia ille Galal fuit vnus de redeuntibus in Ierusalem post captiuitatem: iste autem non, sed fuit auus cuiusdam de redeuntibus. Et etiam iste non est ille, de quo Iudicum nono, quia multo tempore prius fuit. Etiam iste Idithun, de quo hic dicitur non est ille, de quo infra vigesimo quinto, quia ille fuit tempore David princeps cantorum, & tamen non poterant esse tam paucæ generationes inter Idithun, & istum Obdiam pronepotem eius, cum fuerint plus quam quingenti anni inter David, & reditum de Babylone: in quo tempore multæ generationes essent, sed fuit alius Idithun multo tempore post illum, quia idem nomen sepe est multorum virorum.

Et Barachia filius Asa. Iste Barachia etiam fuit vnus de Leuitis redeuntibus, & non iste est Barachias, de quo Christus loquitur Matth. 23. quia ille fuit sacerdos cum occisus sit inter templum, & altare, iste autem fuit Leuita, ut patet hic, iste Asa non est ille, de quo supra tertio, quia ille fuit rex Iuda: iste autem fuit Leuita.

Filij Elcana. Iste Elcana non est aliquis de illis, qui habentur supra 6. quia vltimus illorum fuit Elcana pater Samuelis, & tamen etiam de illo manifestum est, quod non potuit esse iste Elcana, quia inter illum, & istum necesse est fuisse multos annos, quia à diebus illius Elcana usque ad reditum de Babylone essent anni plus, quam sexcenti, ut patet præsupponendo computationem supra factam, & quia à fine regni David usque ad reditum de Babylone fuerunt plus, quam quingenti, & tamen David regnavit quadraginta annis. 2. Reg. 5. & Saul regnavit totidem ante hoc computando tempora Samuelis cum illo, Act. 13. & antequam inciperet computari principat' sub Samuele, necesse esset, quod Elcana esset plusquam quadraginta annorum, quia filius suus Samuel non inciperet gubernare populum antequam esset annorum viginti, & his simul sumptis erunt plus, quam sexcenti, & viginti anni à natiuitate Elcana usque ad reditum de Babylone, & in tanto tempore multæ generationes transiunt, ideo non potuit iste esse pater Samuelis.

Qui habitauit in atrijs Nethophati. Potest referri ad Barachiam, scilicet quod ille habitauit in atrijs Nethophati, id est post reditum de captiuitate fabricato templo habitauit iste Barachias in atrijs Nethophati, id est in quibusdam exedris, vel domibus, quæ erant in atrio templi, & vocabantur Nethophati ab aliquo viro sic nominato, vel potest Nethophati esse nomen loci sic accipit infra 11. & 2. Re. 23. cum dicitur. Eled Nethophatites, & Marianethophatites, sive vrbe Nethophati, & sic habitauit

habitant in atrijs Nethophati, id est in domibus vrbis Nethophati: nam Leuitę habitabant per diuersa loca, & poterat esse, quod iste habitaret in Nethophati, vel potest referri ad Elcana, qui fuit ante captiuitatem Babylonis, & potuit habitare in vrbe Nethophati.

Ianitores autem. Hic ponuntur quedam ministeria Leuitarum, & vnum erat, quod essent ianitores templi: nam diuisit Dauid ianitores, sicut habetur infra vigesimo sexto.

Sellum. Ille fuit princeps ianitorũ, quia erat in porta præcipua templi, scilicet in porta apud domum regis, quę est orientalis, & nõ est iste Sellum, de quo dicitur supra tertio, quia ille fuit vnus de filijs Iosif: Simile patet Iere. vigesimo secundo. etiam non fuit Sellum, de quo supra sexto, quia ille fuit de familia summorum sacerdotum, iste autem fuit de Leuitis, & ille fuit multo tempore ante istum.

Et Achub, & Thelmon. Nomina inusitata sunt: fuerunt tamen isti principes ianitorum.

Et Ahyman. Non est iste Achymaas, de quo supra sexto, & secundo Regum quinto decimo septimo, & decimo octauo, quia ille fuit summus sacerdos filius Sadoc, iste autem fuit Leuita: etiam ille fuit multo tempore ante istum, scilicet plusquam quingentis annis.

Et frater eorum Sellum. Ille Sellum est de quo supra dictum est, & vocatur frater istorum trium, & iste fuit inter ipsos maior.

Princeps vsque ad illud tempus in porta regis. Scilicet fuit Sellum princeps inter alios ianitores, & vsque ad tempus istud obseruabat domum Domini ad portam orientalem, & dicitur in porta regis, non quidem, quod templum tempore Eisdre haberet aliquam portam, quod esset porta regis, cum post reditum de captiuitate nõ fuerit aliquis rex vsque ad Ioannem Hircanum, & Aristobolum filium eius, qui fuerunt de stirpe Machabeorum multo post Eisdram, sed vocabatur porta regis, quia retinuit nomen primum. Nam antequam diceretur Israelitę in Babylonē erat palatium regis apud templum, & erat quedam porta atrij templi, per quam intrabatur in domum regis: de ista porta habet quarto Regum 11. scilicet. Tertia pars vestrum introeat Sabbatho, & obseruet excubitu domus regis. Et idem sequenti lib. cap. vigesimo tertio, nunc autem cum fabricatum est templum, quod destructum erat, facta est porta vna in loco, in quo erat prius porta regis, & vocata est porta regis, sicut prior.

Ad orientem obseruabant per vices suas. Scilicet isti quatuor principes obseruabant ad portam orientalem: nam licet Sellum esset princeps respectu omnium, tamen adhuc alij tres erant principes Leuitarum ianitorum, & omnes custodiebant portam orientalem templi, sed erant distincti per vices, & sicut erant quatuor principes erant quatuor sortes ianitorum, & seruebant per quatuor tempora ministrando in custodia portarum, sic enim cantores erant diuisi per viginti quatuor sortes, seu vices infra 25.

De filiis Leui. Scilicet omnes isti erant Leuitę, & etiã illi, qui sequuntur. *Sellum vero filius Core.* Ille Core fuit, qui perijt absorptus a terra, quia surrexit contra Moysen, & Aaron, & cum ipse esset malus, filij sui valde boni, & Deus miraculum fecit ad liberationem ipsorum, ne absorberentur a terra. Nu. 26. & ob hoc magnam laudem habent in scriptura. Non est intelligendum, quod iste Sellum fuerit filius Core immediatus, quia iste Sellum ministravit in templo post reditum de Babylone, vt patet hic, & tamē Core fuit tempore Moysi in deserto, & fuerunt, quasi mille anni inter tempus, quo surrexit ille Core contra Moysen, & tempus redeundi de Babylone, vt patet colligendo annos quin-

gentos, & plus, qui fuerunt a morte Dauid vsque ad reditum de Babylone, vt supra declaratum est, & annos quadringentos, & octoginta, qui fuerunt ab exitu de Aegypto vsque ad principium regni Salomonis, 3. Re. 6. & sic sunt, quasi mille anni, in quibus multę generationes transierunt.

Filij Abiasaph. Ille est alius Leuita, nec est pater Core, qui surrexit contra Moysen, quia pater illius fuit Isaar: Numer. decimo sexto, sed potest accipi secundum quosdam, quod iste Core non sit ille, qui surrexit contra Moysen, & tunc dicitur, quod iste Sellum fuit filius immediatus Core, & nepos Abiasaph, & satis rationabile est. Tenendo tamen, quod iste Core fuerit, qui surrexit contra Moysen dicitur, quod non fuit Abiasaph pater eius, & etiam, quod dictio filij nõ ponitur in genitiuo, sed est nominatiuus pluralis, & est sensus, quod etiam filij Abiasaph fuerunt in reditu de Babylone.

Filij Core cum fratribus suis, & domo patris sui. Hic accipitur Core pro illo, qui surrexit contra Moysen, nam posterij sui fuerunt ministri in templo post reditum de Babylone, & dicitur cum fratribus suis, scilicet cum alijs venientibus de alia cognatione, & cum domo patris sui, id est cum tota familia Core, quę vocatur domus, vel potest accipi domus pro cognatione, quę minor est, quam familia.

Isti sunt Corite super opera ministerij. Scilicet isti supra dicti sunt Coritę, id est familia Coritarum, & dicuntur super opera ministerij, scilicet quia positi erant ad ministrandum domino in Sanctuario in custodia portarum, sicut infra dicitur. *Custodes vestibulorum tabernaculi.* Vocatur vestibulum pars quedam, quę est ante portam domus, & illam custodiebant Coritę, quia multę portę erant in templo, & in vestibulis earum manebant isti Coritę custodientes. *Et familie eorum per vices.* Scilicet familiam Coritarum habebat sub se particulares familias, quia quęlibet cognatio poterat diuidi per minores cognationes, & quęlibet illarum vocabatur hic largę familia, vel possunt vocari familie ipsę sortes Coritarum: nam cognatio erat magna, & diuisa est in multas partes, vt illę partes per tempora, & vices ministrarent, & quęlibet illarum vocabatur vna familia. *Castorum Domini custodientes introitum.* Id est Coritę custodiebant introitum templi, & vocatur templum castra Domini: vel castrum, quia factum erat ad modum castris propter loci fortitudinem: vnde & aliquando vocatur turris in scriptura: sic enim Michęas vocat illam dicens esse turrem nebulosam, vel turrem gregis.

Phinees autē filius Eleazar erat dux eorum coram Domino. Id est iste Phinees erat princeps omnium Coritarum coram Domino, id est in ministrando Domino.

Quis nam fuerit iste Phinees.

Quest. XI.

QUÆRITUR de isto Phinees, quis erat. Quodam respondent, quod fuit Phinees summus sacerdos, quod patet, quia dicitur, quod fuit filius Eleazar, & tamen Phinees summus sacerdos filius Eleazari fuit supra sexto. Nec laus autem tenet contrarium, dicens, quod fuit alius, & hoc probat dupliciter. Primo, quia multum tempus fuit inter Phinees summum sacerdotem, & inter reditum de Babylone, quia Phinees fuit in exitu de Aegypto, cum ipse occiderit in deserto Zambri principem tribus Simeon cocuntem cum Madianitide: Numer. vigesimo quinto & tamen ab exitu de Aegypto vsque ad reditum de Babylone fuerant, quasi mille anni, vt supra declaratum est.

Secundo

Secundo patet, quia Phinees filius Eleazari erat Sacerdos, iste autē erat Leuita, cum esset princeps Coritarum, potest tamē teneri, quod fuerit iste Phinees filius Eleazari summi Sacerdotis, & tunc non est sensus, quod iste Phinees fuerit post reditum de Babylone, & principaretur Coritis, sed quod descendentes ab eo principarentur Coritis, & sic accipitur persona non pro persona, sed dignitate. Ad rationem primam dicendum, quod illa militat, si fortē teneremus quod Phinees filius Eleazari viueret nunc, cum Iudēi redirent de Babylone, quia istud non poterat esse, sed dicimus, quod accipitur Phinees pro Sacerdotibus suis. Ad secundum dicendum, quod non erat iste Phinees Leuita, sed summus Sacerdos, & cum dicitur, quod erat Leuita, eo quod praeerat Leuitis. Dicendum, quod non stat, quia ipsi Leuitae habebant principes de familijs suis, & super eos erant Sacerdotes principes, sicut patet de ordinatione Leuitarum a principio: nam Ithamar filius Aaron erat princeps duarum familiarum Leuitarum, & Eleazar erat princeps omnium principum Leuitarum, ut patet Num. 3. & tamen tam Eleazar, quam Ithamar erant Sacerdotes, & sic Sacerdotes praeerant Leuitis, licet non immediatē. Dicendum tamen, quod licet istud posset defendi, rationabilius est tamen dici, quod iste Phinees non fuerit summus Sacerdos nepos Aaron, sed fuerit aliquis Leuita de familia Coritarum, qui cum ceteris rediit de Babylone, & fuit princeps omnium, & ratio huius est, quia dicitur hic, quod Phinees erat dux eorum coram Domino, in quo significatur actuale ministeriū, & tamen non poterat actualiter ministrare ille Phinees tempore reditus de Babylone, ideo non accipitur pro eo. Secundo patet, quia accipitur hic non pro persona, sed pro dignitate Sacerdotali, quae erat in domo Phinees, non diceretur de Phinees, sed magis de Aaron: nam ipse fuit primus summus Sacerdos: ideo nomen dignitatis significabatur ex persona eius potius quam ex persona alicuius Pontificis posterioris, sicut tota natura humana significatur nomine Adam, & non alicuius alterius viri: & tamen dicitur hic de Phinees: ergo accipitur pro persona, & non pro dignitate Sacerdotali. Tercio patet, quia si acciperetur pro dignitate Sacerdotali non solum Phinees esset dux Coreitarum, sed etiam omnium Leuitarum: nam omnes Leuitae erant sub potestate summi Sacerdotis, ut patet Num. 3. & 8. & 18. ideo non diceretur dux Coreitarum, & tamen dicitur dux eorum: ergo non erat summus Sacerdos, sed aliquis Leuita, qui vocaretur Phinees, & fuit in captiuitate Babylonis, & vocatur filius Eleazar: non quidem illius, qui fuit filius Aaron, sed alterius, qui sic vocaretur in familia Coritarum in Hebræo dicitur.

Primo Dominus erat cum eo. Et intelligunt Hebræi de Eleazaro filio Aaron, & de Phinees filio suo. scilicet prius fuit Deus cum eo, quia a principio fuit bonus, scilicet, quando occidit Zambri principem tribus Simeonis coeuntem cum Madianitide Num. 25. nam tunc Deus promisit ei Sacerdotium sempiternum, eodem cap. Sed postea dicunt, quod Deus recessit ab eo propter aliqua peccata. Intelligendo tamen sic, non est aliqua sententia in his verbis, quia diceretur, quod Phinees filius Eleazar erat talis cum quo Dominus a principio fuisset, sed istud non erat ad propositum aliter sententię superioris, vel inferioris: ideo litera nostra intellexit, quod Phinees filius Eleazar erat princeps eorum coram Domino, & hoc satis colligitur ex verbis literę Hebraicę: nam ubi ponitur primus in Hebræo, litera nostra ponit ducem, quia qui primus est, dux est eorum, quorum est primus: & ubi dicitur, quod Deus erat cum eo, dicit litera nostra, quod erat co-

Alph. Tost. in lib. I. Paralip.

ram Deo dux iste, scilicet, quod in operibus, quae faciebant coram Domino ministrando iste Phinees erat dux eorum.

Porro Zacharias filius Mosollamia, ianitor portae tabernaculi testimonij. Omnes hi electi in ostiarios per portas, ducenti duodecim, & descripti in villis proprijs quos constituerunt Dauid, & Samuel videns in fide sua tam ipsos, quam filios eorum.

Porro Zacharias filius Mosollam. Iste Zacharias erat Leuita, & differt ab illo Zacharia, de quo habetur quarto Regum decimo quinto, quia ille fuit rex Israel de filijs Iheui: iste autem fuit Leuita post captiuitatem Babylonis, & sic fuit multo tempore post illum. Etiam non fuit iste Zacharias filius Ioiade, quia ille fuit tempore regis Ioas, & ab eo occisus est sequenti lib. cap. 24. iste autem fuit multo tempore post reges Israel, & Iuda. Etiam ille fuit Sacerdos, scilicet, filius summi Sacerdotis, iste autem fuit Leuita. Etiam iste Mosollam non est aliquis de precedentibus.

Ianitor portae Tabernaculi testimonij. Non erant alij ianitores in porta Tabernaculi, nisi iste. Pro quo sciendum, quod Tabernaculum testimonij vocabatur Tabernaculum, quod fecit Moyses in deserto, in quo erat Arca. Et vocabatur sic, quia intra illud erat testimonium, id est, ipsa Arca continens tabulas, in quibus erat lex, & illae erant testimonium contra Israelitas, istud autem testimonium tabernaculi cessauit postquam fabricatum est templum Salomonis, sicut declaratum est 3. Regum 6. & tamen ipsa pars interior templi, quae erat clausa parietibus per gyrum, & insuper vocabulo trito vocabatur tabernaculum testimonij, quia ibi erat arca custodita, sicut in priori tabernaculo Moysi, & in isto tabernaculo erat, nunc vnica porta, scilicet, ad partem Orientalem eius, reliquae autem partes non habebant portam, sicut patet 3. Reg. 6. & apud portam illam erat iste ianitor, erat autē alia pars templi, quae vocabatur exterior, in quam intrabant Sacerdotes, & Leuitae ad ministrandum, & populares ad orandum, & ista vocatur atrium, quae solum habebat parietes in circuitu, & non tectum, & in ista erant multae portae per quatuor ventos mundi, & ibi erant multi Leuitae custodientes, & de istis dicitur infra, quod erant dispositi ostiarii per quatuor ventos coeli. Erat autem honorabilior custos, qui custodiebat portam tabernaculi siue templi interioris, eo quod illa erat venerabilior. Omnes hi electi in ostiarios per portas. Id est, omnes supra positi fuerunt electi post reditum de Babylone, ut essent ostiarii, & quidam erant in portis atrij, qui erant exteriores, alij verò in portis tabernaculi, scilicet, in porta vnica, quae erat interior, & fuit facta ista electio per populum, vel per Sacerdotes, qui habebant administrationem super Leuitas, ut supra dictum est. Ducenti, & duodecim. Quamquam hic non exprimantur nomina omnium istorum, tamen exprimitur saltim numerus, scilicet, quod omnes isti simul tam ianitores portarum exteriorum, quam interiorum erant ducenti, & duodecim. Descripti in villis proprijs. Id est assignati erant per villas suas, scilicet, quod quamquam habitarent, ut communiter in Ierusalem, tamen non erat ibi habitatio eorum, sed habebant loca, quae assignata fuerant eis a principio in habitationes, & ibi manebant toto tempore, quo non ministrabant, & cum veniret tempus suum, ut ministrarent, veniebant in Ierusalem ad templum, & quia mansio sua immobilis non erat in Ierusalem, sed

alijs locis nominabantur capita eorum per alias vrbes, & non per Ierusalem. Isti assumpti fuerant ianitores tempore Dauid, scilicet, quod ab eo tempore inceperat iste ordo, secundum quem nunc isti ministrabant.

Quos constituerunt Dauid, & Samuel videns. Idest constituti sunt in ianitores per Dauid, & Samuelem, qui vocatur videns, idest, Propheta, quia temporibus suis sic vocabatur Propheta, primo Regum nono, & non est sensus, quod Samuel, & Dauid instituisent istos, quia non potuissent tanto tempore viuere, sed est sensus, quod Samuel, & Dauid instituerunt ordinem ministrandi istorum Leuitarum, qui durabat etiam in istis, qui nunc ministrabant, quamquam multa tempora media intercidissent.

In fide sua. Potest intelligi dupliciter, vno modo referendo ad Dauid, & Samuelem, scilicet, quod ipsi in fide sua, idest, in deuotione sua statuerunt istum ordinem: nam fuerunt valde zelantissimi circa cultum Dei, & desiderantes illum ampliare, & ad hoc fecerunt ordinationes Sacerdotum, & Leuitarum. Secundo potest intelligi referendo ad istos Leuitas, scilicet, quod instituti sunt in fide sua, idest, instituti sunt ad ministrandum secundum fidem suam ita quod non petatur ab eis ratio ministrationis: sic enim dicitur tertio Regum duodecimo, & quarto Regum vigesimo secundo, de prepositis operum, quod non fiebat sibi ratio expensarum, sed in fide pecuniam tractabant, idest, committebatur fidelitati sue.

An verum sit, quod Dauid, & Samuel constituerint Leuitas istos. Quest. XII.

QVAERITVR Quomodo Dauid, & Samuel constituerunt Leuitas istos, vt ministrarent: nam videtur impossibile, quia istud institutum est in fine regni Dauid, quando iam erat senex, & plenus dierum, vt pater infra vigesimo tertio, & tamen tunc mortuus erat Samuel, vt pater primo Regum vigesimo quinto. ideo non constituerunt ambo istam ministrationem. Aliquis dicet, quod Dauid, & Samuel constituerunt istam ministrationem a principio, postea vero mortuo Samuele Dauid promulgauit eam, cum iam esset mortuus Samuel.

Sed dicendum, quod non stat, quia Dauid non poterat constituere ista antequam esset rex: & tamen nunquam fuit rex Iude, nec Israel viuente Samuele, quia Samuel mortuus est, quando Dauid fugiebat a facie Saulis, primo Regum vigesimo quinto. ideo nunquam constituerunt ambo istud. Nicolaus autem dicit, quod non constituerunt Samuel, & Dauid istud, sed Samuel dedit doctrinam Dauid qualiter deberet istud constituere. Sed istud non stat omnino, quia qui suaderet alteri aliquid constituere non constituit illud, & sic non diceretur, quod Dauid, & Samuel constituerunt, sed quod Dauid constituit. Secundo pater, quia etiam non videtur hoc, quod Samuel aliquando consuluerit Dauid facere ista, & hoc videtur propter duo. Primo, quia Dauid recepit omnia ista a Deo reuelante tam ea, que iussit fieri in templo, quam ordinationes Sacerdotum, & Leuitarum, vt pater infra 28. omnia venerunt scripta ad manum Domini, vt intelligerem vniuersa opera exemplaris, ideo non opus erat vt quisquam hominum eum doceret, cum Deus eum perfecte doceret. Secundo pater, quia non videtur aliquod tempus, in quo Samuel conuenienter docere posset Dauid ista, eo quod mortuus est Samuel, cum adhuc nondum esset rex Dauid, sed profugus ambularet a facie Saulis, & Sa-

Fmucl non auderet communicare Dauid ne incurreret suspicionem aliquam, quam conciperet contra eum Saul. Sicut pater quando Deus misit eum ad vngendum Dauid in Bethlehem, non audebat ire illuc, dicens; audiet enim Saul, & interficiet me, primo Regum decimosexto.

G Dicendum ergo videtur, quod Dauid non habuit consilium ad hoc a Samuele; nec etiam ambo simul stauerunt aliquando quidquam super hoc, quia nunquam fuerunt simul in aliquo tempore, in quo possent constituere, sed intelligitur copulatiue, & non copulatiue, scilicet Dauid, & Samuel constituerunt. i. Samuel prius per se constituit aliquid circa ordinem Leuitarum, & Sacerdotum, & postea etiam Dauid statuit alia circa idem, & tunc stat verum de vtroque quod constituit istud, licet ambo non constituerint simul. & istud rationabile est valde: nam de Dauid non est dubium quoniam ipse per se sine Samuele constituerit multa circa Sacerdotes, & Leuitas infra vigesimo tertio, & vsque ad finem libri: de Samuele autem satis est verisimile, quia ipse erat Propheta Domini, & per hoc sciebat quid Deus vellent. Etiam erat princeps populi, quia erat iudex, & tempore suo nemo alius principabatur in Israel, & sic posset facere quidquid vellent, & non solum dum ipse solus erat iudex poterat statuere hoc, sed etiam tempore Saulis poterat illud facere, quia Saul quando fuit bonus obediuit Samueli in omnibus tamquam patri, vt satis colligitur primo Regum a ca. nono, vsque ad decimum quintum. Item pater efficacius, quia infra vigesimo sexto, habetur quomodo Samuel, & Saul constituerint Leuitas thesaurarios in templo Domini, & per manus eorum consecrauerint thesauros Domini cum dicitur. Hec autem vniuersa sanctificauit Samuel videns, & Saul filius Cis, & Abner filius Ner, & Ioab filius Saruie. Sicut ergo Samuel, & Saul disposuerunt Leuitas in thesaurarios, ita disponent de eis ianitores, & quedam alia officia licet nihil istorum factum fuerit plene vsquequo Dauid illa instituit, de quibus late infra vigesimo tertio vsque ad finem libri.

I *Tam ipsos quam filios eorum.* Idest non solum Dauid, & Samuel statuerunt, quod illi Leuitae, qui erant tempore ipsorum ministrarent in his officiis, sed etiam quod omnes posteriorum ministrarent in eisdem, vt non oporteret quotidie circa hoc fieri nouam ordinationem. Et fiebat hoc in veteri testamento vbi officia Sacerdotalia, & Leuitica, consequebantur progeniem, quia licebat Sacerdotibus, & Leuitis habere vxores, & cum filij legitimi essent ex honesto matrimonio procreati, iustum erat, quod ipsi succederent in honoribus patrum: nunc autem secus est, quia Sacerdotibus, & alijs viris Ecclesiasticis non licet habere vxores, ideo si aliquando filios habuerunt illegitimi sunt, & ob id indigni sunt, vt in paternis dignitatibus succedant, cum etiam in secularibus dignitatibus ipsi illegitimi locum succedendi non habeant, & sic post reditum de Babylone ceperunt illi ministrare in domo Domini in omnibus officiis, quorum patres, & aui ministrauerant prius in eisdem, & ob hoc dicitur, quod ordinatum fuit tam de patribus, quam de filiis, scilicet per omnes successiones.

K In ostiis domus Domini, et in Tabernaculo vicibus suis. Per quatuor ventos erant ostiarii, idest, ad Orientem, et ad Occidentem, et ad Aquilonem, et ad Austrum. Fratres autem eorum in viculis morabantur, et veniebant in Sabbathis suis de tempore vsque ad tempus. H.

His quatuor Leuitis creditus erat omnis numerus ianitorum, & erant super exedras, & thesauros domus Domini. Per gyrum quoque templi Domini morabantur in custodijs suis, vt cum tempus fuisset ipsi mane aperirent fores. De eorum grege erant, & super vasa ministerij: ad numerum enim, & inferebantur vasa, & offerebantur. De ipsis et qui credita habebant vtenfalia Sanctuarij, præerant similæ, et vino, et oleo. et thuri, et aromatibus.

In ostijs domus Domini, & in Tabernaculo. Potest intelligi dupliciter: vno modo, quod quidam erant Leuitæ ministrantes in custodia portarum atrij, in quo erant multæ portæ, & alij Leuitæ erant custodientes portam vnicam Tabernaculi, quæ erat porta interior, & tunc dicebantur aliqui ministrare in ostijs domus Domini, idest, in ostijs atrij, & alij in Tabernaculo, idest in ostio Tabernaculi, quod vnum erat. Secundo potest intelligi, quod quidam Leuitæ erant ostiarij, siue in portis exterioribus, siue in interiori, & omnes isti habebant vnum officium, scilicet, ianitorum, & de istis dicitur: In ostijs domus Domini, idest, quod seruiebant in custodia portarum totius domus Domini. Alij Leuitæ habebant alia ministeria, sicut cantores, qui continuè laudabant Dominum in templo, & isti erant diuisi per vigintiquatuor sortes infra vigesimoquarto: & de istis dicitur, quod ministrabant in Tabernaculo, scilicet, in atrio, nam non intrabant Leuitæ in Tabernaculum interius, vbi erat sancta Sanctorum, sed solus summus Sacerdos, etiã non introibant in partem Tabernaculi priorem, vbi erat altare Thymiamatum, & candelabrum, & mensa propositionis, sed Sacerdotes minores introibant illuc ad ministrandum, de quo ad Hebræos nono. Leuitæ autem solum introibant in atrium, & ibi cantabāt, quia tamen isti non manebant in portis custodientes sicut ianitores, sed intra atrium caneant, dicebantur ministrare in Tabernaculo. Et quamquam vtraque expositio sit conueniens, secunda est melior.

Vicibus suis. Idest, ministrabant per vices, & tempora tua: nam erant distributi per familias, & sortes, & vna familia ministrabat vna hebdomada, & alia sequenti hebdomada, & sic continuabatur ministerium inter Leuitas, sicut dicitur intra fratres eorum veniebant in Sabbathis suis de tempore vsque ad tempus.

Per quatuor ventos erant ostiarij. Idest, erant ostiarij dispositi per portas respicientes ad quatuor ventos coeli, & dicitur de quatuor ventis ad significandum totum circuitum Sanctuarij: nam ad quancunque partem mundi respiciamus necesse est, quod vertatur ad aliquem ventum, idest, ad partem, de qua solet flare aliquis ventus. Intelligendum autem, quod hoc verum de portis atrij, quia atrium templi, habebat portas per omnes partes suas, vt populus libius intraret, & tamen in Tabernaculo non erat nisi vna porta ad partem Orientalem, vt colligitur tertio Regum sexto. ideo isti ianitores, de quibus hic dicitur erant ianitores atrij.

Idest ad Orientem, & Occidentem, & ad Aquilonem, & ad Austrum. Nominat hic quatuor partes mundi oppositas a quibus flant quatuor venti, quos Cardinales appellamus, scilicet, ab Oriente Subtolanus, & ab Alph. Toft. in lib. I. Paralip.

A Occidente Fauonius, & a Meridie Auster, & a Septentrione Aquilo. Alij autem octo sunt collaterales istorum quatuor, quia quilibet illorum habet duos collaterales, & sic efficiuntur duodecim venti flantes a duodecim cardinibus mundi. Nos tamen quatuor illorum communius appellamus, quàm alios, quia alij non sunt tam cogniti apud vulgus, ideo de eis non est aliqua mentio hic.

Fratres autem eorum in viculis morabantur. Scilicet alij Leuitæ fratres istorum Coreitarum, qui erant eis similes in officijs, morabantur in viculis, scilicet, per diuersa loca in circuitu Ierusalem, & istud commune erat omnibus Leuitis a principio, quia habitarent in diuersis tribubus: Iosue vigesimo primo. & supra sexto. Nunc quoque post reditum de Babylone factum est etiam hoc: nam habitabant dispersi per loca sicut prius: præter illos, qui nunc in Ierusalem habitabant ad replendum urbem propter causam supradictam.

Et veniebant in Sabbathis suis. Idest, veniebant in Sabbathis ad ministrandum: omnis enim ministratio incipiebat in Sabbatho, & finiebat in alio Sabbatho. Pro quo sciendum, quod istud fuit generale tam apud Sacerdotes, quàm apud Leuitas, quod ipsi ministrarent de Sabbatho in Sabbathum: istud non fuit tempore Moyse, quia ipse solum statuit de officijs, quæ pertinebant ad Leuitas, & quæ ad Sacerdotes: tamen non statuit an deberent ministrare simul, vel per successionem: Dauid autem instituit istud, distinxit enim Sacerdotes per vigintiquatuor sortes infra 24. & ministrabant eo ordine, quo ibi habentur, scilicet, secunda post primam, & tertia post secundam, & quælibet ministrabat vna hebdomada incipiens in Sabbatho, & finiebat in die veneris sequenti, & in eadem die veniebat tota illa fors Sacerdotum, cui competeat ministratio sequenti hebdomada in Ierusalem, & ministrabat in Sabbatho, & in tota hebdomada sequenti, & recedebant ad loca sua illi, qui ministrauerant præcedenti hebdomada, & sic succedebant ibi omnes vigesimoquarto sortes Sacerdotum, & illa fors, quæ nunc ministraret non ministrabat vsque ad vigintiquatuor hebdomadas, quæ faciunt dimidium annum ferè, & tanto tempore quiescebat quælibet fors Sacerdotalis in loco suo, & denuo redibat ad ministrandum. Idem

D modus erat in Leuitis cantoribus: nam distincti erant per vigintiquatuor sortes, sicut Sacerdotes infra vigesimoquinto: ideo quælibet fors seruiebat per vnam hebdomadam, & post vigintiquatuor hebdomadas iterum seruiebat. De ostiarijs autem, & alijs Leuitis habentibus officia dicendum est, quod diuisi etiam erant per sortes, vt patet supra in litera: & tamen quot erant sortes eorum non apparet, sicut de cantoribus: ideo etiam ipsi ministrabant per hebdomadas, sicut cantores incipientes in Sabbathis, & finiebat in eisdem. De ista administratione de Sabbatho in Sabbathum habetur quarto Regum vndecimo, scilicet. Tertia pars vestrum introeat Sabbatho, & obseruet excubias domus regis. Tertia autem pars sit ad portam Seir, & tertia pars ad portam, quæ est post habitaculum scutorum, & custodietis excubias domus Messa. Duæ vero partes ex vobis omnes egredientes Sabbatho. Et sic dicuntur intrare Sabbatho, qui veniebant nouiter ad ministrandum Sabbatho: dicuntur egredi Sabbatho, qui die Sabbathi expleta ministracione sua recedebant de templo; idem patet sequenti lib. c. 23. scilicet, tertia pars vestrum qui veniunt ad Sabbathum Sacerdotum, & Leuitarum, & ianitorum erit in portis. Et sic patet, quod omnes ministraciones Sanctuarij, tã Sacerdotum, q̃ Leuitarum incipiebant Sabbatho, & finiebant Sabbatho. De tempore vsque ad tempus. Idest istud fiebat per diuersitatem temporum,

quia de longo tempore ad longum tempus veniebat ministratio cuilibet sorti Sacerdotum, & Leuitarū, quia de Sacerdotibus, qui nunc ministrabat nō debebat ministrare vsq; ad vigintiquatuor hebdomadas, & ita erat de cantoribus, de alijs autem Leuitis nō apparet quantum tempus haberent inter ministrationem, & ministrationem, eo quōd nesciretur quot erant sortes ipsorum. *His quatuor Leuitis creditus erat omnis numerus ianitorum.* Idest, His quatuor Leuitis supra nominatis erant crediti, idest commendati, vel dati omnes alijs ianitores, quia isti quatuor erant principes illorum, & isti sunt Sellū, & Acub, & Thelmon, & Achiman, vt patet supra in litera.

Et erant custodientes exedras, & thesauros domus Domini. Idest isti ianitores non solum custodiebant portas templi, vt non introiret aliquis immundus, vel cui nō cōpeteret introire, sed etiam custodiebant exedras, idest quasdam paruas domos: iste enim erant in circuitu templi intra atrium, & in eis erant thesauri templi, & vestes Sacerdotum, & Leuitarum, cū quibus ministratio fieri debebat, & etiam in domibus illis morabantur Sacerdotes, & Leuitę eo tempore, quo ministrare debebant: istas autem exedras, & thesauros reconditos in eis custodiebant isti ianitores, quia sicut quidā volunt, iidem erant ianitores, & custodes thesaurorū sed an hoc verum sit infra 25. declarabitur.

Per gyrum quoque templi Domini morabantur in custodijs suis. Ponitur locus habitationis istorum ostiariorū, & dicitur, quōd habitabant per gyrum templi. s. intra atrium in quibusdam domibus, quę coniunctę erant muro templi per circuitum, & illę vocantur exedre: & in eis manebant per noctem, vt clauderent portas templi a parte interiori, & quando opus esset illas aperirent in aurora, & dicitur in custodijs suis. i. in domibus assignatis custodibus ad manendum, & illę vocantur exedre, vel dicitur in custodijs, quia habitabant intra atrium templi permanentes semper in custodijs, idest, in actu custodiendi. *Vt cum tempus fuisset ipsi mane aperirent fores.* Ista est causa quare morabantur custodes intra atrium. s. quia si morarentur extra, non possent venire tam promptę ad aperiendum ostia templi quocūque tempore opus esset aperiri, sicut si manerent in templo, potissime, quia necesse erat aliquos manere semper per noctem intra templum, eo quōd Sacerdotes faciebant quotidie sacrificium matutinū & vespertinum, quia istud erat iuge, vt patet Exo. 29. & Num. 28. Sacrificium tamen vespertinum incipiebat cremari ab occasu Solis, & durabat tota nocte vsque ad ortum Solis, vt patet Leuit. 6. ideo oportebat Sacerdotes ibi esse tota nocte ad disponendum sacrificia ista in altari. In Hebręo dicitur, quolibet mane, quolibet mane ipsi super clauem. Et est sententia de curiata, & barbara, & dicitur bis quolibet mane, ad significandum continuitatem, & loco huius litera nostra plenę posuit, vt cum tempus esset, ipsi mane aperirent fores. Et satis significat hoc litera Hebraica, scilicet, ipsi super clauem, idest, ipsi habebant potestatem, & officium aperiendi quolibet mane, & quolibet mane, idest, in tempore, & potissime dicitur de mane, quia portę aperiebantur in aurora, per diem autem non clauderantur.

De horum genere erant, & super vasa ministerij. Idest nō solum Coritę custodiebant portas, sed etiam de genere eorum erant aliqui, qui custodiebant vasa ministerij. Considerandum est, quōd in templo erant magna thesauri auri, & argenti, & lapidum preciosorum ad fabricandum vasa pro ministerio Domini, & etiā ad emēdum de thesauris, id quod opportunum esset templo Domini. Alia autem erant in templo Domini, quę non proprię erant thesauri, cum non esset

massa auri, & argenti, vel aliarum rerum preciosarū, sed erant vasa fabricata ad quotidianam ministrationem in templo. Prima vocabantur thesauri domus Domini, & secunda non. Prima etiam custodiebantur in locis magis secretis, quia non oportebat ea ad ministrandum educi. Secunda autem non erant in tam secreta custodia cum deberent prestari ad quotidianā administrationem: & de istis dicitur hic, quōd quidam de genere ianitorum tenebant ea, & non apparet ex hoc an ianitores custodirent thesauros, quāquam appareat, quōd de genere ipsorum erant, scilicet, de genere Coritarum, & sic potest stare, quōd nō essent iidem thesaurarij, & ianitores.

Ad numerum enim inferebantur vasa, & offerebantur de ipsis. Ponit modum, quo isti thesaurarij se habebant circa administrationem officij sui in istis vasis, scilicet, quōd ad numerum recipiebant ea, & ad numerum offerebant. Quando enim aliqua vasa a summo Sacerdote nouiter dabantur istis thesaurarijs, recipiebant ea ad numerum, & tenebantur dare rationem de illis summo Sacerdoti, quomodocūque peteret, & etiam ipsi quomodocūque dabant illa Sacerdotibus ad ministrandum dabant ad numerum, vt tenebantur Sacerdotes reducere eis eadem vasa: quando enim thesaurarij recipiebant a summo Sacerdote dicebantur vasa inferre, quando verō dabant ea thesaurarij Sacerdotibus ad ministrandum, dicebantur offerri.

Et qui credita habebant utensilia Sanctuarij. Idest thesaurarij, qui habebant commenda vasa Sanctuarij, vocantur utensilia ab utēdo quęcūque ad vsum pertinent, & ideo omnia supellectilia vocantur utensilia, quia ad vsum pertinent, & maxime competunt hoc vasis.

Præerant similia. Ponitur quid pertinebat ad officium thesaurariorum, scilicet, nō solum custodiebant ipsi vasa aurea, & argentea, & ænea, quę pertinebant ad ministrationem Sanctuarij, sed etiam custodiebant similia, idest, farinam, & oleum, & vinum, & thus, & aromata. Nam oportebat ista esse in templo ad quotidianam ministrationem, & ab aliquo custodiri debebant, & non competeat hoc alicui magis quā thesaurario.

Ad quid ea, quę hic ponuntur pro templo Domini erant, Quęst. XIII.

QUÆRITUR Ad quid erant ista, quę ponuntur hic pro templo Domini.

Respondendum est, quōd ista quinque erant necessaria ad ministrationes Sacerdotales. Erant enim ministrationes multę, quę declarate sunt Numeri decimo octauo. potissima autem ipsarum erat oblatio sacrificiorum, & ad istam requirebantur multa: primum erat ipse carnes, quę offerebantur: nam occidebantur aliqua animalia, & cremabantur supra altare secundum partem, vel totaliter secundum modos diuersos sacrificij, scilicet, holocausti, & hostiæ pacificę, & pro peccato, de quorum ceremonijs habetur Leui. primo, & tertio, & 4. & 5. & 7. istud autem nō pertinebat ad thesaurarios, scilicet, custodire animalia, quę offerenda erant, quia ista custodiebantur in agris. Secundum erat percipiens ad sacrificia, quod vocabatur libamentum: nā cum omni sacrificio pacifico, & cum holocausto libamentum dandum erat: Numeri decimo quinto. Istud autem libamentum continebat quinque, scilicet, similia, vinum, & oleum, & sal, & thus. Tria prima dabantur cum mētura: nam in maioribus sacrificijs ponebatur plus de istis, & in minoribus minus, vt patet

pater Numeri 15. de duobus secundis, scilicet, thure, sale, ponebantur ad voluntatem offerentium: nam cum de istis parum dandum esset, non erat numerus, nec mensura, de his duobus pater Leuit. 2. Hæc autem omnia necesse erat seruari in Sanctuario, cum esset quotidianus usus sacrificiorum, ideo thesaurarii ista seruare debebant, sicut, & ipsi quotidie dabant vasa Sacerdotibus ad ministrandum, ita & simul darent similam, vinum, oleum, & thus, & sal, sine quibus non poterant ministrare. Nihil tamen dictum est hic de sale, quia fortè Scriptura non curauit, & tamen sal erat maximè necessarium in omni sacrificio, unde alia libamenta non dabantur in omnibus sacrificijs: sal autem ponebatur in omnibus: sic pater Leuit. 2. scilicet. Non auferes sal fœderis Dei tui de sacrificio tuo, in omni oblatione offeres sal. Erat autem alia ministratio Sacerdotum ponendo panes super mensam propositionis de Sabbatho in Sabbathum, vt pater infra in litera; & Leuit. vigesimoquarto. Et fiebant panes illi de simila, quorum modum posuimus Leuit. vigesimoquarto. Et ob hoc oportebat, quòd Sacerdotes haberent similam, de qua conficerent illos, & istam tenebant thesaurarii templi. Alia ministratio erat componere quotidie lucernas in eadem delubro bis in die, scilicet, in mane, & vespere: Exodi trigesimo. & hoc fiebat ponendo oleum in vasis lampadum, & locando lichnum, ideo ad hoc thesaurarii custodire debebant multum de oleo.

Alia ministratio erat Sacerdotum, scilicet, quod ponerent quotidie incensum super altare thymiamatum mane, & vespere: Exodi trigesimo. Et ad hoc oportebat, quòd multa aromata custodirentur in templo, de quibus cremarentur in altare, vel vt ex illis cum alijs speciebus fieret thymiamatum: nam thymiamatum componebatur ex multis, & omnia illa vocantur generaliter aromata. De pondere autem illorum, etiam ponebant Sacerdotes super panes propositionis thus, vt declaratum est Exodi vigesimoquinto, & Leuit. vigesimo sexto. & ad hoc oportebat, quòd multum thus haberent thesaurarii templi, & istud etiam intelligebatur nomine aromatum. Ponuntur autem hic quinque, & tamen sunt sex, quia subteritur sal, & quedam eorum sunt ad multas ministraciones erat, scilicet, vt de ea poneretur in quolibet sacrificio holocausti, & pacifico: Numeri decimo quinto. Secundum erat, vt de ea formarentur panes propositionis a Sacerdotibus: Leuit. vigesimo quarto. oleum autem erat ad ministraciones duas. Prima erat in sacrificijs: nam ponebatur oleum cum quocunque holocausto, & hostia pacifica: Numeri decimo quinto. secunda erat in collocatione, & dispositione candelabri, cum Sacerdotes quotidie infunderent oleum in lampades. Tertia ministratio erat, licet oleum in vnguentum, quod vocatur oleum vñctionis, quo vngebatur summus Sacerdos, & reges, & vasa Sanctuarij antequam applicarentur sacre administrationi. Sic enim iussit Deus a principio totum Tabernaculum, & omnia vasa eius vngi, & sic factum est, vt pater Exodi trigesimo primo, & quadragesimo, & septimo. Num. Vinum autem ad vnicam ministracionem necessarium erat, quia solū de illo ponebatur in sacrificijs. Numeri decimo quinto, potest etiam esse alia ministratio olei, & similitudine, quæ quodammodo reducit ad prædictas, scilicet, quod faciebant lagana, & coliridas, & alia genera panum frictorum in sartagine, de quibus Leuit. secundo, & septimo. de his etiam dicitur infra in litera, quòd Sellus erat pater Mathathie Corie, qui erat princeps

Alph. Tost. in lib. I. Paralip.

A eorum, quæ frangebantur in sartagine. Oleum etiam ad eandem ministracionem erat, quia similia frangebantur in oleo, & sic cuilibet istorum respondebant multi vsus. Aromata autem erant necessaria ad multas ministraciones, prima erat ad hoc, quòd cremaretur in sacrificio thus, & cum ipsis carnibus, vt tolleretur malum odorem, & ideo in omni sacrificio offerebatur thus, nisi fuisset sacrificium ignominiosum sicut erat illud quòd fiebat ad ostensionem veritatis Zelotypi: Numeri quinto. Secunda erat, vt poneretur, & maneret semper thus super panes propositionis in mensa, vt pater Leuit. vigesimoquarto. Tertia erat ad hoc, quòd poneretur in confectioe thymiamatis, quia ibi erant multæ species, de quibus erat thus: Exodi trigesimo. Quarta erat ad conficiendum oleum vñctionis, quia illud fiebat ex varijs aromatibus, vt pater eodem capitulo. omni ergo ista custodienda erant in templo a thesaurarijs pro istis ministracionibus. Sed obijcietur, quòd istud non erat necessarium, quia quandoque alius quis offerebat sacrificium, ipse etiam offerebat libamenta, scilicet, vinum, oleum, & similia, in mensura certa: Numeri decimo quinto. ipse etiam offerebat simul sal, & thus, Leuit. 2.

B Respondendum, quòd sicut supra dictum est ea, quæ ponuntur hic non solum proficiunt ad sacrificia, sed etiam ad multa alia, ideo licet aliquo modo ipsi populares darent ea, quæ necessaria erant in sacrificijs, quando offerebantur: illa tamen non darentur pro alijs ministracionibus, quia ipsi nullam aliarum faciebant: ideo pro illis necesse erat seruari ista in Sanctuario, scilicet, pro panibus propositionis, pro necessitate lucernarum, pro oblatione thymiamatis in altari, & pro confectioe olei vñctionis, & thymiamatum.

C Aliter adhuc dicendum, quæ etiam populares non providebant sufficienter in his pro sacrificijs: nam sacrificia erant duplicia, quedam erant spontanea, & alia erant ex necessitate. Spontanea fiebant a populo, & in his ipsi populares dabant omnia necessaria: alia autem erant sacrificia ex necessitate, & ista adhuc erant duplicia, quedam erant sine temporis determinatione, alia autem in temporibus determinatis. Prima dabantur a populo, & illa non oportebat per Sacerdotes recipere, quæ necessaria erant: sic erat de sacrificijs pro peccato secundum diuersos modos: Leuit. 4. & 5. & sacrificia ad emundationem, sicut sacrificia pro parientibus: Leuit. 12. & pro emundatione leprosum: Leuit. 14. & pro emundatione fluentium semine, & mulierum fluentium sanguine extra tempora menstruum: Leuit. decimo quinto. ad hæc omnia tenebantur populares quando talia peccata, & delicta fierent, vel tales emundationes inciderent, & tamen non erat tempus certum, in quo ista fieri deberent: cum per accidens esset, quòd aliquis incideret in tales immunditias, quibus deberet mundari per sacrificia.

D Alia erant sacrificia necessaria & determinati temporis, & istorum quedam erant iugia, scilicet, sacrificium matutinum, & vespertinum, quæ quotidie offerebantur in vespere, & in mane: alia erant, quæ offerebantur certis diebus, sicut sacrificia Sabbathorum, & Kalendarum, & Phate, Azymorum, & Pentecostes, Clangoris, & Expiationis, & Tabernaculorum, de quibus Numeri vigesimo octauo, & vigesimo nono. & in his quamquam offerrentur aliqua sacrificia spontanea, quæ essent similia istis, nunquam cessabant ista, vt pater ibidem, & tamen ista non fiebant a populo, sed de expensis templi, ideo oportebat, quòd etiam pro istis sacrificijs, quæ multa erant Sacerdotes haberent recondita in templo omnia necessaria, & ista custodiebantur a thesaurarijs.

Filij autem Sacerdotum vnguenta ex aromatibus conficiebant. Et Mathathias Leuites primogenitus Sellum Coritæ, præfectus erat eorum, quæ in sartagine frangebantur. Porro de filiis Caath fratribus eorum, super panes erant propositionis, ut semper novos per singula Sabbatha præpararent.

Filij autem Sacerdotum. Hic ponitur vnum officium Sacerdotum, scilicet, conficere vnguentum ex aromatibus, nam Leuitæ, qui erant thesaurarii, custodirent omnia, quæ supra dicta sunt: non faciebant ipsi aliquid de eis, sed Sacerdotes faciebant omnia hæc, ideo ipsi accipiebant ista aromata, & miscebant ea in pondere, & proportionem, de quibus Exo. 30. & conficiebant inde oleum vntionis, quod vocatur hic vnguentum. Etiam conficiebant Thymiam, quod erat alterius modi, scilicet, tamquam pulvis minutissimus. Exo. 30.

Vnguenta ex aromatibus conficiebant. Aromata vocantur large omnes illæ species odorifere, ex quibus fiebat mixtio, ut fieret inde oleum vntionis, vel thymiam, quia omnium istorum confectio pertinebat ad Sacerdotes, & hoc erat propter dignitatem istorum, & non licebat alicui hominum facere vnguentum talis compositionis, ut eo vngeretur, nec tale thymiam, ut eius odore frueretur sub poena mortis: ut patet Exo. 30. & ista etiam videbatur alia causa, quare solis Sacerdotibus licebat conficere thymiamata, & vnguenta, scilicet, ne alij assuefacerent se ad faciendum talem compositionem, & aliquando pro seipsis facerent, ut patet Exo. 30. in sententia: nam ea quæ homo frequenter facere solet facilius inclinatur ad faciendum: & sic si ista facerent populares, interdum postea vellent pro se facere.

Et Mathathias Leuites. Non est iste Mathathias pater Machabeorum, quia ille multo tempore post istum fuit, quia iste fuit in reditu de Babylone, Machabej autem fuerunt plusquam per trecentos annos postea, ut colligitur per Iosephum 10. & 11. & 12. Antiqui. Etiam quia iste Mathathias fuit Leuites, idest, de officio Levitarum: Mathathias autem pater Machabeorum fuit Sacerdos: nam tres filij sui, scilicet, Iudas, Ionathas, & Simeon, successivè fuerunt Sacerdotes, ut patet per processum primi Machabeorum.

Primogenitus Sellum Coritæ. Iste Sellum erat ille, de quo supra dictum est, quod fuit filius Core, & quia iste Mathathias fuit primogenitus patris sui Sellum fuit princeps inter fratres suos.

Præfectus erat eorum, quæ in sartagine frangebantur. Idest habebat curam de omnibus illis, quæ frangebantur in sartagine ad necessitates templi. Pro quo sciendum, quod in Sanctuario fiebant diuersa genera panum ad offerendum cum sacrificijs: nam fiebant lagana oleo lita, etiam fiebant coliride, quæ erant frixe in oleo & etiam panes de simila perfundebantur oleo: Leui. 2. & 7. & istud fiebat potissime in sacrificijs pacificis: Leui. 7. & quando populares offerebant ista sacrificia dabant cum eis istos panes frixos: Leui. 7. quia tamen interdum debebant fieri sacrificia de sumptibus templi, & pro eis erant necessaria varia genera panum frixorum: oportebat, quod Sacerdotes, vel Leuitæ frigerent ista in sartagine, & ad faciendum ista erat positus princeps Mathathias Corita.

Porro de filiis Caath fratribus eorum super panes erant propositiois. Vocantur filij Caath omnes Leuitæ, qui erant de stirpe Caath præter Coritas: nam de stirpe Caath descendit Aaron de cuius progenie fuerunt

Sacerdotes, & isti non computantur inter Leuitas: descenderunt etiam præter Sacerdotes quatuor familie, scilicet, Amramitarum: lessaritarum, Ozielitarum, Hebronitarum: Num. 3. & oēs isti erant Leuitæ simplices, & isti erant super panes propositionis: habebant curam de illis: vocatur autem panes propositionis, quia proponebant coram Domino: nam erat quedam mensa aurea intra templum ante sancta Sanctorum, ubi Deus habitare dicebatur, & super mensam illam erant semper duodecim panes magni in memoriam duodecim filiorum Israel: Leui. vigesimoquarto: & quia ponebantur ibi quasi coram Domino vocantur panes propositionis: Hebræi autem vocant illos panes facierum, & dicunt, quod istud erat, quia illi panes ex utraque parte habebant eandem faciem, quia non erant facti in clybano, in quo pars inferior aduretur, vel contraheret nigredinem, sed erant facti in quibusdam vasis de ferro, sicut fiunt hostie, & sic contrahant eandem faciem ex utraque parte, sed falsum est, ut probatum fuit Leui. vigesimoquarto, & primo Regum 21. sed vocantur panes facierum, idest, faciei, quia coram facie Domini semper sunt in mensa propositionis, & istud est quod accepit litera nostra vocando panes propositionis, scilicet, quia proponuntur coram facie Dei.

Ut semper novos per singula Sabbatha præpararent. Idest ad officium istorum pertinebat hoc. Modus autem erat, quod qualibet die veneris ad vesperum coquebantur isti panes propositionis, qui semper erant duodecim, & in eodem die ad vesperum, vel in aurora diei Sabbathi ponebantur recentes super mensam propositionis, & manebant ibi per septem dies usque ad diem veneris sequentem, & ponebantur tunc: ponebanturque in mensa propositionis, & auferebantur duodecim panes priores, qui iam erant duri, & illi pertinebant ad cibos Sacerdotum, ut patet Leui. vigesimoquarto, & iste modus fiebat per omnia Sabbatha. Erant autem illi panes tam sacri, ut non liceret alicui comedere de illis, nisi Sacerdotibus, ut patet Matth. 12. & Mar. 2. & Luc. 6. & tamen in necessitate nimia Abimelech Sacerdos dedit de illis ipsi David fugienti a facie Saulis primo Regum vigesimo primo. de ceremonijs autem istorum panum, & de omnibus quæ eos tangunt declaratum est satis Leui. 24. & 1. Regum 21.

An verum sit, quod Mathathias Corita præfesset ijs quæ frangebantur in sartagine. Quæst. XIII.

QUÆRITUR Quomodo dicitur hic, quod Mathathias Corita præerat ijs quæ frangebantur in sartagine, & quod filij Caath habebant curam de panibus propositionis: nam omnia ista pertinebant ad Sacerdotes: pater de panibus propositionis, ubi iubetur, quod Aaron, & filij sui coquant illos: de ijs autem quæ frangebantur in sartagine patet infra 23. Respondendum, quod circa panes propositionis, & ea quæ frangebantur in sartagine considerabantur duo: primum erat, quod materialia confiderabantur duo: primum erat, quod panes in templo servarentur. Secundum erat, quod panes formarentur, vel quod in sartagine frigerentur. Primum istorum pertinebat ad Leuitas, quia ipsi erant thesaurarii: de hoc dicitur supra in litera, quod qui credita habebant utensilia Sanctuarij præerant simile, & vino oleo, & thuri, & aromatibus. Secundum pertinebat ad Sacerdotes: de hoc patet infra 23. Sacerdotes autem super panes propositionis, & ad simile sacrificium, & ad lagana, & azyma, & sartagine, & ad torrendum, & super omne pondus, atque mensuram, scilicet, quia Sacerdotes erant super panes propositionis, quia ipsi

ipsi conficiebant eos, & coquebant, ut postea ponerent in mensa propositionis, etiam erant super sacrificium simile, id est, habebant curam de oblatione, quæ fiebat de simila, quia ipsi debebant accipere de illa quantum oportebat, & coquere, vel frigere, vel sic offerre, sicut requirebant ceremoniæ. erant etiam super lagana, quia lagana sunt quedam genera panum, quæ offerebantur cum sacrificijs, de quibus declaratum est Leui. secundo, & septimo. ista lagana coquebant, vel frigebant Sacerdotes. etiam ipsi erant super Azyma, quia ad eos pertinebat facere panes Azymos, qui interdum necessarij erant pro sacrificijs, ut patet Leui. septimo. etiam erant super omne pondus, & mensuram, id est, ad eos pertinebat accipere de quolibet libamento certam mensuram, sicut habetur Numeri 15. etiam accipiebant pondus certum de aromatibus, & alijs rebus ad compositionem thymiamathis, & oleum unctionis: erant etiam super sartagine, id est, ipsi frigebant omnia, quæ in sartagine frigenda erant: erant etiam ad torrendum, quia torrere debebant in clybano, vel in craticula interdum panes, sicut habetur Leui. 2. omnia ergo hæc Sacerdotes pertinebant, & Leuitæ non poterant se intromittere de aliquo istorum, cum autem dicitur hic, quod Mathathias Corita erat princeps eorum, quæ in sartagine frigebantur: non est sensus, quod ipse frigeret illa, vel Leuitæ, qui erant sub potestate sua, sed Sacerdotes hoc faciebant: & tamen habebat ipse curam omnium, quæ frigebantur in sartagine, quia debebat dare similitam determinato tempore, & oleum ad frigendum quantum necessarium esset de quolibet, & istud erat ministerium, quia cum multi Leuitæ essent thesaurarij quibusdam commutabatur simila, & oleum ad faciendum inde panes frigos, & etiam ipsi habebant vasa, in quibus hæc fierent, & offerebant omnia parata Sacerdotibus, quando ipsi deberent frigere aliquid in sartagine, & Mathathias Corita habebat curam præcipuam de istis, ideo dicebatur præfectus eorum, quæ frigebantur in sartagine, alij thesaurarij tenebant similitam necessariam ad faciendum panes propositionis, & alios panes, qui in clybano, vel craticula torrebantur Leui. 2. & isti erant filij Caath, scilicet, Leuitæ, qui erant Ebronitæ, Ozietitæ, Amramitæ, Gessaititæ autem erant ipsi Coritæ, ad quos pertinebant quæ frigebantur in sartagine. Et cum dicitur hic, quod filij Caath erant super panes propositionis, ut temper novos præpararent: est sensus, quod dabant similitam, & omnia necessaria ad hoc, quod præpararentur, & tamen ipsi non præparabant illos, sed Sacerdotes,

Hi sunt principes cantorum per familias Leuitarum, qui in exedris morabantur, ut die ac nocte iugiter suo ministerio deservirent.

Hi sunt principes cantorum. Hic non ostenditur quid demonstretur, & tamen debet intelligi de Leuitis, & specialiter de Caathitis, de quibus dictum est: nam de omnibus familijs Leuitarum erant aliqui cantores, ut patet supra 6. nam de familia Caath erat Heriman, de familia Gerson erat Ataph, de familia Merari erat Ethan.

Per familias Leuitarum. Scilicet. Quia, in qualibet familia erat unus princeps cantorum, sicut supra dictum est domus parva in circuitu laterum templi intra clausuram atrij templi, in quibus morabantur Sacerdotes, & Leuitæ, & etiam erant thesauri templi, ut patet Alph. Tost. in lib. I. Paralip.

A supra. Non erant autem ibi omnes Sacerdotes, & Leuitæ, sed illi soli, qui ministrare debebant tempore suo, sicut semper erat una fors de viginti quatuor sortibus Sacerdotum in ministerio, & una fors Cantorum, & alia ianitorum, & alia officialium quorummcumque templi, & cum illi expleissent hebdomadam ministrationis sue egrediebantur de exedris templi, & ibant ad habitandum in civitatibus suis, & alij, qui ministraturi erant sequenti hebdomada morabantur in exedris, & sic semper erant ibi aliqui habitantes: hoc autem conferebat Sacerdotibus, & Leuitis ad magnam munditiam dupliciter, vno modo, quia non poterant pollui cum vxoribus, cum non liceret eis egredi de Sanctuario tempore, quo ministrabant, & vxoribus suis non liceret intrare ad eos, & sic non miscebantur eis: nam si miscerentur efficerentur immundi, & non liceret eis offerre sacrificia, vel ministrare in aliquo genere ministrationis. Alio modo non polluebantur immunditijs, scilicet, communibus, quæ solent accidere per contactum, nam existentibus eis in templo, non accidebat, quod tangeret aliquid, in quo polluerentur.

B Ita ut die, & nocte iugiter in suo ministerio deservirent. Ista est causa, quare morabantur per noctem in exedris, scilicet, quia ministrare debebant in templo per noctem, & tamen si non manerent in exedris, non possent ministrare in die, & nocte: ergo oportebat, quod haberent domos exedrarum intra atrium templi, in quibus manerent quando ministrabant.

At verum sit, quod isti ministraverint per diem, & noctem. Quæst. xv.

QVAERITUR Quomodo est verum, quod isti ministrabant per diem, & noctem, ideo oportebat, quod manerent in exedris.

D Respondendum, quod istud refertur tam ad Sacerdotes, quam ad Leuitas quia de omnibus verum est, quod ministrabant die ac nocte in suis officiis. De Sacerdotibus patet, quia ad eos pertinebat offerre sacrificia, cremare thymiana, & parare lucernas. Duo autem istorum non exegant, quod Sacerdotes manerent intra templum per noctem, quia adolere thymiana, & disponere lucernas candelabri fiebat bis in die, scilicet, in aurora, & in vespere, & eodem tempore fiebat utrumque, & Sacerdos, qui faciebat unum, faciebat aliud, ut patet, Exodi trigesimo. & sic non fiebat per noctem aliquid horum: sacrificia tamen fiebant per noctem. Pro quo sciendum quod quedam erant sacrificia, quæ fiebant a populo siue ex necessitate siue sponte, & alia fiebant de sumptibus templi, ut declaratum est supra in quadam questione. Prima istorum fiebant semper per diem, & communiter ante prandium, post meridiem autem iam transierat hora sacrificiorum, sicut declaratum est. **E** tertio Regum decimo octavo, ubi dicitur. Postquam transiit meridies, & illis prophetantibus venerat tempus, quo sacrificium offerri solet. Sic etiam patet quarto Regum tertio, scilicet. Factum est mane quando sacrificium offerri solet. Alia sunt sacrificia de sumptibus templi, & ista sunt duplicia. Prima sunt, quæ non fiunt quotidie, sed in festiuitatibus Sabbathorum, Kalendarum, Phale, Azymorum, Pentecostes, Expiationis, Clangonis, & Tabernaculorum, & omnia ista offerebantur ante meridiem, vel in meridiem, sicut alia communia sacrificia. Secunda erant sacrificia iugia, & ista distinguebantur in matutinum, & vespertinum: matutinum fiebat oriente Sole, & de isto dicitur quarto Regum tertio. Factum est igitur mane quando sacrificium offerri solet.

Sacrificium vespertinum offerebatur in occasu Solis: erat enim vnus agnus anniculus, q in quolibet vespere immolabatur, & sacerdos diuidebat illū in frusta, & minutatim ponebat super altare ad cremandum, vt sic duraret tota nocte crematio illius: sic patet Leuit. 6. scilicet. Hæc est lex holocausti, cremabitur in altari tota nocte vsque mane. Oportebat autem sacerdotem esse presentem, qui poneret frusta rim carnes super altare per totam noctem: ideo sacerdotes necessario morabantur intra atrium templi in exedris. De Leuitis autem ministrantibus idem modus erat. Patet de ianitoribus: nam ianitores debent claudere ianuas, & aperire quocunque tempore opus esset, ideo manere debebant in atrio in exedris, sicut dicitur supra per gyrum templi morabantur in custodijs suis, vt cum tempus fuisset ipsi mane aperirent fores. De thesaurarijs autem idem patet, & hoc propter duo; primo, quia necesse erat, quod ad bonam custodiam thesaurorum templi, quæ eis commissæ erant, ipsi manerent in exedris, vbi erant thesauri.

Secundò patet hoc, quia ipsi thesaurarij habebant vasa quotidianæ ministrationis, sicut supra dicitur. scilicet de eorum gñe erant super vasa ministerij, & isti p noctem ministrabant sacerdotes in sacrificijs, & indigebant istis vasib: ideo oportebat, quod essent thesaurarij in templo per noctem ad dādum omnia ista. Etiam ipsi habebant vestes, quibus sacerdotes vtebantur in ministrando, habebant etiam similitudinem oleum, & vinum, & thus, & aromata, & omnia necessaria ad sacrificia, vt patet supra: ideo vt darent ea sacerdotibus p sacrificio, quod faciebant per noctem, oportebat q manerent ipsi in templo. De cantoribus etiam dicendum est, quod morabatur in exedris, & ministrabant die ac nocte, quia ipsi cantabant laudes coram Domino: & hoc maxime quando fiebant sacrificia. Et quia per noctem faciebant sacrificium, sicut per diem, cantabant Leuitæ per noctem, sicut per diem, & sic omnes ministri Leuitarum, & Sacerdotum per diem, & noctem ministrabant coram Domino, & ideo oportebat, quod omnes morarentur in exedris tempore ministrationis.

An propter puritatem deberent isti in Sanctuario morari. Quest. XVI.

QVAERITVR Vltcrius de alia causa habitationis in exedris, scilicet, propter puritatem, quæ requirebatur in ministratione, vt supra tangebatur, an propter puritatem istam deberent morari in Sanctuario.

Respondendum est, quod sicut morabantur sacerdotes, & Leuitæ in templo tempore ministrationis suæ propter necessitatem ministrationis, vt declaratum est præcedenti questione: ita etiam morabantur ibi propter puritatem. In quo præsupponendum, quod nullus incurrens aliquam immunditiam de legalibus poterat ministrare coram Domino, immo etiam non poterat accedere ad templum, aut ad aliquam rem sacram, & si accederent morerentur, vt patet Leuit. 15. immunditiæ autem multiplices erant secundum legem, de quibus Leuit. 11. & vsque ad 21. & Nume. 5. & 19. & in multis locis omnes istas non poterat aliquis euitare faciliter, si communicaret cū alijs hominibus in locis prophanis: Ideo vt nihil posset impedire ministrationem sacerdotum, & Leuitarum, manebant semper in Sanctuario tempore ministrationis, vt sic non incurrerent immunditiam. Patet enim hoc de sacerdotibus: nam tempore, quo cōsecrati sunt Aaron, & filij sui, iussit Deus, vt non exi-

Frent per septem dies de Sanctuario: Leuit. 8. & etiam tempore illo non licebat eis bibere vinum: Leuit. 10. Potissimum autem in quo possent Sacerdotes, & Leuitæ pollui, si non manerent in templo tempore ministrationis, erat commisceri vxoribus suis, & tamen qui commiscebantur illis erant immundi vsque ad vespertinum, & lauabant carnem suam: Leuit. 15. & sic die illo iam non poterant ministrare. Cum autem vxores suæ non possent accedere ad eos, quia non introibant ad exedras ipsorum, non poterant pollui in hoc. Etiam non poterant pollui in contactu aliarum rerum, quia in templo non erat aliquid immundum: nam non erant ibi mortui, nec ossa mortuorum, nec etiam carnes immundæ, vel mulieres menstruatae, vel viri fluētes semine, vel alia huiusmodi, in quibus homines poterant pollui. Et sic vix aut nullo modo poterant pollui Sacerdotes, vel Leuitæ: nisi ipsi vellet se sponte polluere. Hoc autem verum est, nisi ex quibusdam nimis excogitatis, vt pote circa pollutionem carnis: nam licet in templo Sacerdotes, & Leuitæ non possent commisceri vxoribus vel alijs, ita vt polluerentur: tamen poterant pollui somnio nocturno, & tunc oportebat eos cessare a ministratione, & exire extra templum, & urbem vsque post occasum Solis sequentis diei, vt patet Deuteronom. vigesimoterrio, scilicet. Si fuerit inter vos homo, qui nocturno pollutus sit somnio, egredietur extra castra, & non reuertetur priusquam ad vespertinum lauetur aqua, & post Solis occasum regredietur in castra. Sic enim aliquando contigit Sacerdotibus, & Leuitis, & cessauerunt a ministratione. Considerandum tamen, quod cum ista esset immunditia vnus diei solum: expleto illo, qui immundus erat redibat de extra castra, & introibat in templum, & ministrabat sequenti die. & non solum accidebat hoc in Sacerdotibus Minoribus, & Leuitis, sed etiam in Sacerdotibus magnis interdum. Sic enim fuit de quodam Sacerdote nomine Matthias, qui fuit Sacerdos magnus tempore Christi post natiuitatem suam, & ante mortem regnante Herode in Iudæa, & ille in die expiationis, quæ est decima die Septembris secundum Hebræos facturus erat omnes ceremonias diei illius: quia non licebat alicui nisi Sacerdoti magno celebrare ceremonias illius diei: Leuit. 16. nocte autem præcedenti visum est isti Matthiæ se cuidam mulieri commisceri: & sic pollutus est somnio: vnde non potuit sequenti die ministrare, & quia non poterat aliquis illo die ministrare nisi summus Sacerdos, constitutus fuit Iosephus Elimi filius cognatus Matthiæ in summum Sacerdotem, & in illa die solum functus est summo Sacerdotio, & iste fuit summus Sacerdos, qui pauciori tempore durauit in Sacerdotio: de hoc Iosephus decimoseptimo. Antiqui. Alio modo poterant pollui Sacerdotes, & Leuitæ per contactum rei immundæ, scilicet, ossium mortuorum, & similibus rerum, quia aliqui poterant nescientibus ipsis projicere ossa mortuorum intra templū, & omnes qui intus essent polluerentur: sic etiam factum est tempore Iosephi viuentis: nam Samaritani inuidentes Iudeis voluerunt polluere templum istorum, & cum intraret festum Azymorum, & Phasc, quod per septem dies agitur, consuetudo erat aperiri portam templi ex media nocte, & tunc Samaritani quidam occulsi Ierosolymam venientes per omnes porticus templi, & per totum phanum ossa mortuorum proiecerunt, & sic polluti fuerunt omnes Iudæi intrantes templum per septem dies, & non potuit festum Azymorum celebrari, vt ait Iosephus 18. Antiqui. Ista tñ rarissima erant, iō Sacerdotes, vel Leuitæ existētes in templo vix poterant pollui poterant: si autem essent extra templum vix poterant

rant sine pollutione manere, & sic conueniens erat, quòd tempore ministrationis sue manerent in templo tam Sacerdotes quàm Leuitæ, & expleta ministratione recedebant in domos suas. Sic patet de patre beati Ioannis Baptiste Lucæ primo, scilicet, & factum est, vt impleti sunt dies officij eius abiit in domum suam, quasi dicat toto tempore ministrationis sue non recedebat de templo.

Capita Leuitarum per familias suas principes manserunt in Ierusalem.

Capita Leuitarum per familias suas. Idest capita Leuitarum manserunt in Ierusalem. Et dicitur per familias suas, quia quælibet familia Leuitarum habebat vnum caput, siue principem, & omnes isti manserunt nunc in Ierusalem. Et principes permanserunt nunc in Ierusalem. Scilicet principes populi: nam per capita intelliguntur principes Sacerdotum, & Leuitarum: per principes autem intelliguntur ipsi principes tribu populi. Omnes autem isti manserunt nunc in Ierusalem.

Quomodo omnes principes Leuitarum in Ierusalem manserint. Quæst. XVII.

QUÆRITUR quomodo manserunt omnes principes Leuitarum in Ierusalem, quia Leuitæ habebant habitationes per diuersa loca terræ Israel: sicut patet supra 6 & Iosue 21. non ergo manere debebant omnes in Ierusalem. Respondendum, quòd Leuitæ tempore pacis manebant diuisi per loca sua, sicut a principio eis fuerant distincti: nunc tamen erat tempus belli, & laboris. De labore patet, quia edificandum erat templum, & muri Ierusalem destructi restaurandi, ideo opus erat plures esse ibi quàm alio tempore. De bellis patet, quia Samaritæ insidiebantur Hebræis, quia construebant muros vrbis, & templum, & oportebat eis repugnare, unde edificantes urbem erant accincti gladijs, & medietas faciebat opus, & alia medietas tenebat arma, vt patet Neemi. 3. ad hoc autem erant necessarii multi viri bellatores, ideo principes omnium Leuitarum manserunt nunc in Ierusalem: licet non ibi plures omnes Leuitæ Sacerdotes, sed erant multi plurimi eorum: sic etiam de alijs popularibus solum, dum durauit iste insultus, & edificatum fuit templum, & ciuitas, postea verò Leuitæ redierunt ad habitandum in locis suis, & veniebant ad ministrandum de tempore in tempus, vt patet supra in litera.

An verum sit quod omnes principes populi in Ierusalem manserint. Quæst. XVIII.

QUÆRITUR vterius quomodo dicitur hic, quòd omnes principes, scilicet, principes populi manserunt in Ierusalem: nam videtur, quòd non manserit nisi decima pars eorum, quia Neemi. 11. dicitur, quòd posita est fors: & decima pars populi mansit in Ierusalem, nouem vero partes in ciuitatibus. Respondendum est, quòd sicut dictum est præcedenti questione: ciuitas Ierusalem erat magna, & indigebat multis habitatoribus tam propter bella, quàm propter opera, & ad hoc decima pars populi sorte accedebat manere principes populi in Ierusalem. Optimates absque sorte in medio populi habita-

A bant, reliqua vero plebs misit sortem, vt tollerent vnam partem de decem, qui habitaturi essent in Ierusalem, & sic principes sponte se obtulerunt ad morandum ibi sine sorte, & fors decimæ partis solum fuit de popularibus.

In Gabaon autem commorati sunt pater Gabaon Iahiel, & nomen vxoris eius Maacha. Filius primogenitus eius Abdon, & Sur, & Cis, & Baal, & Ner, & Nadab: Gedor quoque, & Achio, & Zacarias, & Macelloth. Porro Macelloth genuit Semaan. Isti habitauerunt è regione fratrum suorum in Ierusalem cum fratribus suis. Ner autem genuit Cis, & Cis genuit Saul, & Saul genuit Ionathan, & Melchisue, & Abinadab, & Esbaal. Filius autem Ionathan Miribbaal, et Miribbaal genuit Micha. Porro filij Michæ, Phiton, et Melech, et Taraa, et Aham. Ahâ autem genuit Iara, et Iara genuit Alamath, et Azmoth, et Zamri. Zamri autem genuit Mofa; Mofa vero genuit Baana: cuius filius Raphaia genuit Elasa, de quo ortus est Afel. Porro Afel sex filios habuit his nominibus: Ezricam Bochrû Ismahel Saria Obdia, Anâ, hi filij Afel.

In Gabaon. Hic ponitur tertium principale huius. capi. scilicet, sequentium continuatio, & repetitur hic progenies Saulis, sicut posita fuerat præcedenti. c.

Quare hic ponitur progenies Saulis. Quæst. XIX.

QUÆRITUR quare ponitur hic progenies Saulis, cum supra posita fuerit in progenie Benjamin. Aliquis dicit, quòd hoc fuit ad supplendum aliquid, quod forte deficiebat. Sed dicendum, quòd non stat, & hoc propter duo. Primo, quia progenies Saulis est in tribu Benjamin, & de tribu Benjamin dictum fuerat supra. 7. cum alijs, & quia ibi non fuerat plene descripta tota progenies, fuit posita iterum præcedenti capitulo. Iam progenies Benjamin, & ibi enarrata est progenies Saulis plenè vique ad captiuitatem Babylonis, & post, scilicet vique ad tempus, quando Esdras scripsit librum istum: ideo non oportebat, quòd replicaretur progenies illa. Secundo patet, quia non potest poni ista replicatio ad addendum, quia non additur hic quodquā, immo plures generationes ponuntur præcedenti cap. quàm hic, vt patet inspiciendo vtrumque. Dicendum ergo, quòd ista replicatio facta est propter continuationem, & illa, quæ habetur præcedenti capitulo. facta est propter additionem. Patet de illa, quia supra. 7. dictum fuerat de progenie Benjamin, & quia non fuerat plene dictum, replicatum est præcedenti cap. hic autem vult continuare Esdras ea, quæ dicuntur hic ad ea, quæ sequuntur. Nam in libro isto duo principaliter intendebantur. Primum erat enarrare generationes continuando illas, quæ non fuerant in alijs libris continuatæ. Secundo est historias temporum omittas ponere, & alibi positas repetendo supplere. Primum iam expletum est, quia omnium duodecim

cim tribuum progenies descriptæ sunt: nunc autem restat secundum, scilicet temporum historias supplere, & istud vult incipere Esdras a regno Saulis a morte eius, & ad hoc vult facere continuationem, & quia dicturus est de morte Saulis vult hic ponere immediatè ante illud de progenie eius. Sed adhuc obijciatur, quod fecit hoc Esdras superflue, quia tunc frustra fuit, quod precedenti cap. poneret istam progeniem, quia satis esset, quod poneretur hic.

Respondendum, quod melius sic factum fuit, quod semel poneret tantum: & patet hoc, quia precedenti cap. continuabat Esdras lineas tribuum, & agebat ibi de tribu Benjamin, quæ erat vltima, ideo debuit describere ibi id, quod pertinebat ad illam progeniem, & quia progenies Saul erat in tribu Benjamin, de cuius ibi describeretur progenies Saulis: postea autem interposuit de statu Hebræorum post reditum de Babylone, & si nunc non repeteret progeniem Saulis, non videretur continuatio istius literæ sequentis cum præcedenti: ideo debuit hic iterum poni progenies Saulis, & subtrahit hic Esdras quosdam, quos posuerat supra, quia non intendit hic agere de progenie Saulis ad enarrandum ea principaliter: sed magis, ut videatur continuatio literæ, & dicitur. *In Gabaon autem commorati sunt pater Gabaon.* Ponitur hic de loco habitationis progeniei Saulis: nam hoc fuit in Gabaon: postea autem fuit Gabaa ubi habitabat Saul. Sed quomodo hoc fiet, declaratum est præcedenti cap. in quadam quæstione, & dicitur, quod in Gabaon moratus est pater Gabaon, & non ponit nomen eius. Erat enim iste princeps magnus in tribu Benjamin, & vocabatur pater Gabaon, quia ipse erat dominus vrbis Gabaon, vel quia erat princeps, & caput cognationum habitantium ibi, utpote si descendebat ipse per lineam primogenitorum tribus Benjamin, vel filius familia, quæ habitabat in Gabaon. Ex hoc patet, quod non erat Abigabaon, de quo dicitur præcedenti cap. nomen proprium viri, quia sequeretur tunc, quod hic etiam deberet dici Abigabaon, & tamen posuit tamquam nomen commune, dicens pater Gabaon, & tamen in Hebræo tam hic quam præcedenti capitu. dicitur Abigabaon, & forte non curauit Esdras ponere nomen istius patris Gabaon, quia fortè erat tam famosus vir, quod dicendo Gabaon pater, etiam si nihil aliud diceretur intelligeretur quis erat ille. Etiam Hieronymus aliquo modo se correxit hic, dicens pater Gabaon cum dixisset, præcedenti capitu. Abigabaon: melius tamen dixisset, si voluisset, ubique, pater Gabaon, *Iahiel*. Istud erat nomen istius patris Gabaon, & ista fuit causa quare Hieronymus posuit hic pater Gabaon, & præcedenti cap. dixit Abigabaon, quia ibi solum ponebatur Abigabaon in Hebræo, & poterat esse nomen proprium, vel commune: hic autem Abigabaon *Iahiel*: ex quo apparet, quod *Iahiel* erat nomen proprium illius, & Abigabaon, & duo nomina, scilicet, pater Gabaon, ita quod iste *Iahiel* esset pater Gabaon.

Et nomen vxoris eius Maacha. Fuit mulier famosa, & nominatur hic, sicut viri, & tamen non fuit ista Maacha vxor Roboam mater Abiæ, nec etiam alia Maacha vxor Abiæ, & mater Asa de quibus 3. Reg. 15. & sequenti lib. cap. 11. Et hoc probatum est præcedenti capitu. *Filius quoque eius primogenitus Abdon.* Iste Abdon fuit inter filios *Iahiel* princeps, & primogenitus, & non est iste de quo dicitur præcedenti cap. ante progeniem Saulis. Ibi enim ponitur duplex Abdon, & vnus est idem cum isto, & primus differt ab isto.

Et Sur. Aliquando est nomen terræ, ut declaratum est præcedenti cap. & aliquando est nomen viri, sicut hic. *Et Cis.* Sic vocabatur pater Saulis, sed an iste

F Cis sit pater Saulis, vel alius, cum bis fiat hic mentio de Cis, declaratum est præcedenti c. *Et Baal.* Aliquando est nomen viri, hic autem accipitur pro nomine viri. *Et Ner.* Sic vocabatur Abner princeps militie Saulis, & erat Ner frater Cis, ut dicitur hic, quāquam infra dicitur, quod Ner est pater Cis.

Et Nadab. Non est iste Nadab rex Israel filius Ieroboam, quia multo tempore prius fuit iste, quā ille, cum iste fuerit ante omnes reges Iuda, & Israel, & ille fuerit secundus rex Israel post diuisionem regni. Etiam non est iste Nadab primogenitus Aaron, quia ille fuit multo tempore prius, & mortuus est in deserto, & fuit de tribu Levi: iste autem de tribu Benjamin. *Gedor quoque.* Aliquando est Gedor nomen loci, & aliquando nomen viri, hic autem accipitur pro viro. *Et Haio.* Non est iste ille Haio, cuius frater erat Oza, qui percussus est a Domino tempore Dauid, quando portabatur arca de domo Aminadab in urbem Ierusalem 2. Reg. 6. & infra 13. quia ille fuit de tribu Levi, iste autem de tribu Benjamin.

G *Et Zacharias.* Iste est, qui vocatur Zacher præcedenti cap. & idem est, & non est Zacharias, qui fuit rex Israel 4. Reg. 14. & 15. quia ille fuit multo tempore post istum: nec etiam fuit iste Zacharias, de quo dicitur supra in litera, quia ille est de tribu Levi: iste autem de tribu Benjamin, & ille erat filius Mosollam, iste autem est filius *Iahiel*. *Et Macelloth.* Raro ponuntur talia nomina. Porro *Macelloth* genuit *Samaa*. Iste *Samaa* non est frater Dauid, de quo supra 2. quia ille erat filius *Ithai* de tribu Iuda, iste autem est de tribu Benjamin.

H *Isti habitabant è regione fratrum suorum in Ierusalem cum fratribus suis.* Idest habitabant ex aduerso, scilicet, isti de prædictis cognationibus, scilicet, filij *Iahiel*, & descendentes ab eis habitauerunt in Ierusalem è regione fratrum suorum, idest, ex aduerso, quia in Ierusalem habitabant alij de tribu Benjamin, qui erant fratres istorum, vel intelligitur de filiis Iuda: quia illi erant fratres filiorum Benjamin, cum omnes Iudæi inter se dicantur fratres, & habitabant viri Iuda in Ierusalem, & cum eis simul habitabant isti viri de tribu Benjamin: quomodo autem in Ierusalem, quæ erat ciuitas habitata a viris Iuda potuerunt habitare filij Benjamin, declaratum est præcedenti capitu. in quadam quæstione.

I *Ner autem genuit Cis.* Iste Ner est, qui vocatur alio nomine *Iahiel*: nam pater Cis non fuit Ner pater Abner: quia iste Ner fuit frater Cis, ut patet primum Reg. 14. sed accipitur hic Ner pro *Iahiel*, qui vocatur hic pater Gabaon, & præcedenti cap. vocatur Abigabaon, ipse est, qui vocatur Abiel primo Reg. 9. sed idem vir habet sæpe multa nomina, ideo ille vocatur aliquando *Iahiel*, & aliquando Abiel, & aliquando Ner.

Et Cis genuit Saul. Non legitur an habuerit Cis alios filios. Fuit autem Saul vir corpore magnus super omnes filios Israel: nam ab humero, & sursum excedebat omnes de populo, ut patet primo Reg. 10. & ipse fuit primus regum Hebræorum.

K *Et Saul genuit Jonathan.* Quatuor genuit, qui habentur hic, quorum tres mortui sunt, & vnus regnauit post patrem. Iste *Jonathan* fuit primogenitus Saulis, & excellentior inter omnes filios eius. de cuius laudibus dictum est præcedenti capitu.

Et Melchisue. Iste vocatur aliquando Melchisue, ut patet primo Reg. 14. *Et Aminadab.* Iste vocatur Iesui primo Reg. 14. & tamen præcedenti capitu. vocatur Aminadab, sicut hic.

Isbaal. Iste est, qui vocatur alio nomine *Isboeth* 2. Reg. 2. & vocatur præcedenti cap. *Isbaal*, & idem est.

Filios autem Jonathan Meribaal. Iste Meribaal est *Meriboseph*.

phiboseth filius Ionathę 2. Reg. 9. & vocatur Meribaal precedenti cap. Erat autem iste claudus utroque pede. 2. Reg. 4. & factum fuit istud, quia cum mortuus fuisset Ionathas in bello, & mater sua timens fugeret audito de morte Ionathę, cecidit paruulus in terram, & factus est claudus utroque pede. 2. Reg. 4.

Et Meribaal genuit Micha. Iste Micha erat filius paruulus Miphiboseth: cui seruiebat tota cognatio Sibę: dum Miphiboseth comederet in mensa David. 2. Reg. 9. Porro filij Micha Phiton. Aliquando est Phiton nomen ciuitatis in Aegypto, quam edificauerunt Israelitę, dum tenerentur captiui. Exod. primo. Aliquando autem est nomen commune significans demonem familiarem respondentem inquisitionibus: & aliquando accipitur pro habente talem spiritum, de hoc primo Reg. 28. scilicet, Est mulier habens Pythonem in Endor, & Deutero. 18 dicitur, quod nemo sit, qui Pythones consulat: hic autem accipitur pro viro. *Et Melech.* Aliquando autem est nomen foemine. Sic enim vocabatur vxor Esau filia Ismahe- lis soror Nabaioth: Gen. 28. hic autem accipitur pro viro: aliquando autem est nomen commune in Hebręo, & significat regem.

Et Thara. Non est iste Thare pater Abraham. Gen. 11. quia ille aliquando vocatur Thare, & aliquando Thara: nam ille fuit plusquam mille annis ante istū, vt patet computando tempora media, scilicet, Thare erat annorum septuaginta quando genuit Abraham: Gen. 12. & postea vixit Abraham annis centum ante quam gigneret Isaac: Gen. 17. & 18. Deinde fuerunt anni quadringenti, & quinque vsque ad exitum de Aegypto, quibus peregrinatum est semen Abraham, vt probatum est Gen. 15. licet ibi dicatur, quod fuerint quadringenti, & postea fuerunt ab exitu de Aegypto vsque ad edificationem templi Salomonis anni quadringenti octoginta. 3. Reg. 6. qui sunt simul anni mille, & quinque, & ipso tempore nasceretur iste Thara, vel post aliquantulum, quia quando David regnabat in Ierusalem erat Micha paruulus, cum fecit David vocari ad se Miphiboseth patrem eius. 2. Re. 9. & ideo in principio regni Salomonis, quando cepit edificari templum, vel paulopost posset Micha habere omnes istos filios.

Ahaz autem genuit Iara. De isto Ahaz non dicitur hic cuius filius sit, & tamen dicendum est, quod fuit filius Micha, quia precedenti cap. sic dicitur, & tamē hic propter breuitatem, & quia iam ibi dictum fuerat, non curauit Esdras repetere. Secundō patet per regulam probatam supra 4. scilicet, quod quando ponitur hic nomen alicuius, & non dicitur cuius filius ille sit, intelligendum est, quod fuit filius eius, qui prece- dit se, nisi contrarium constet ex alio loco Scripturę. *Et Iara genuit Alamath.* Iste Iara vocatur pręcedenti capitu. Ioiada, quia est binomius, & tamen non est ille Ioiada: de quo 4. Reg. 11. & 12. quia ille fuit Sacerdos magnus de tribu Leui: iste autem fuit de tribu Benjamin. Iste Alamath est, qui vocatur Azmoth precedenti cap. nam ibi dicitur, quod Ioiada genuit Azmoth, & tamen ille, qui vocatur ibi Ioiada vocatur hic Iara.

Et Azmoth, & Zamri. Non est sensus, quod Iara genuit Alamath, & Azmoth, & Zamri, & q̄ isti tres sint fratres, sed est sensus Iara genuit Azmoth, siue Alamath, & Alamath genuit Zamri, & causa breuitatis subicitur verbum, sicut supra primo dicitur: Adam, Seth, Enos, Cainam, Malaleel, & in quolibet intelligitur, quod genuit alium, vel quod fuit pater eius. Sed adhuc est hic alia difficultas, quia ponitur Alamath, & Azmoth, & non sunt isti duo viri. quorum vnus genuerit alterum, vel fuerit pater eius, sed est idem

A vir. Quod patet precedenti capitu: nam ibi describitur tota ista generatio, & non ponitur Alamath distinctus ab Azmoth, quia ibi dicitur Ahaz genuit Ioiada, & Ioiada genuit Azmoth, & Azmoth genuit Zamri, & sic sunt tres generationes ab Ahaz vsque ad Zamri: si autem Alamath, & Zamri sint duo viri, erunt quatuor generationes, quod est contra illud: ideo tenendum est, quod Alamath, & Azmoth sunt idem: si tamen aliquis tenere vellet, quod sint quatuor generationes, poterit dicere, quod ibi Scriptura subicitur vnam, & eam expressit hic, & vtrunque potest stare.

Et Zamri genuit Mooza. Non est iste Zamri, qui regnauit in Israel septem diebus, & combussit se cum palatio regis 3. Reg. 16. & probatum est precedenti capitu.

Mooza vero genuit Baana. Non est iste Baana vnus de duobus latronibus Berothitis, qui occiderunt regem Isboseth in lecto suo. 2. Reg. 4. nam ille fuit mul- to ante istum.

Cuius filius Raphai. Iste vocatur Raphaia pręcedenti ca. & idem est, quia in nominibus proprijs Hebrejs sape fit additio, vel subtractio ex parte principij, vel finis, vt sape dictum est.

Genuit Helisa. Non est iste Helisa, de quo supra primo, quia ille fuit filius Iauā, & nepos Iaphet, & ab eo nominate sunt quędam insule Helisa. Ezechi. 27. scilicet, Hiacynth, & purpurā de insulis Helisa facta sunt operimentum tuum, quia ille Helisa fuit ante istum plusquam mille, & ducentis annis, vt patet pręsupponendo computationem annorum inter Thare, & Thara supra positum, & addendo annos, qui fuerunt inter Helisa, & Thare: Genes. 11. & annos, qui verisimiliter poterant esse inter Thare, & Helisa.

De quo ortus est Hefel. Iste Hefel fuit in captiuitate Babylonis, vel quasi parum ante tempora Esdrę.

Porro Hefel sex filios habuit his nominibus. Exprimit Esdras omnes sex filios istius Hefel, quia fuit propinquus temporibus suis, & isti omnes erant viri famosi.

Exricham. Iste est primus, & non est ille, de quo habetur supra 3. quia ille fuit de filiis Iuda: iste autem fuit de filiis Benjamin.

D *Bochru.* Alius est, qui vocatur Bochrī, sed differt ab isto. *Ismael.* Vnus fuit fillus Abraham: Genes. 16. & alius Ismael filius Nathanię. 4. Regum vlti. & Iere. 40. & alius Ismael de filiis Simeon supra 4. & ab omnibus his differt iste, quia illi fuerunt de alijs tribubus. Primus enim fuit ante omnes tribus Israel cum nondum esset natus Iacob a quo descenderunt Israelitę, & iste fuit de tribu Benjamin. Secundus fuit de filiis Iudę cum esset de semine regio. 4. Regum vlti. Tertius fuit de filiis Simeon supra 4. & iste de Benjamin. *Saria.* Non est idem Saria, & Saraia, quia Saraia fuit summus Sacerdos, qui occisus fuit coram Nabuchodonosor in Reblata tempore captiuitatis Babylo- nice. 4. Reg. vlti. & ponitur inter summos Sacerdotes supra 6. iste autem fuit de tribu Benjamin. *Obdia.* Iste ponitur precedenti cap. *Anan.* Non est iste qui fuit filius Sebeō, qui inuenit aquas calidas in solitudine, cum pasceret asinas patris sui: Genes. 36. & supra primo, quia ille fuit de genere Horrazorum, qui non sunt Israelitę: nec de filiis Abraham: iste autem fuit de filiis Benjamin, qui sunt Israelitę.

E *Hi filij Afel.* Idest, omnes supra positi sunt filij Afel, qui fuerunt viri famosi tempore suo, & subicitur hic filij Afelch, qui fuit frater eius, & habuit filios, & nepotes multos, scilicet, centum, & quinquaginta, vt patet precedenti capituli. Non enim curauit Esdras hic repetere, cum supra posuisset.



PHILISTHIIM aut pugnabant contra Israel, fugeruntque filij Israel Palæstinos, & ceciderunt vulnerati in monte Gelboe. Cumque appropinquassent Philisthei persequentes Saul, & filios eius percusserunt Ionathā, & Abinadab, & Melchisua filios Saul. Et aggrauatum est prælium contra Saul: inueneruntque cum sagittarij, & vulnerauerunt iaculis. Et dixit Saul ad armigerum suum. Eua gina gladium tuum, & interfice me, ne forte veniant incircumcisi isti, & illudant mihi. Noluit autem armiger eius hoc facere timore perterritus. Arripuit ergo Saul ensē, & irrui in eum. Quod cum vidisset armiger eius videlicet mortuum esse Saul: irrui etiā ipse in gladium suum, & mortuus est.

DICEBATVR in pcedētibz, q̄ in libro isto t̄gunt̄ duo principaliter, primū est de progenierū cōtinuatione, q̄a in alijs libris omiſſe fuerāt multæ pgenies enarratæ, iō historiæ efficiebant̄ obscuræ. In isto aut̄ libro pgenies omniū tribuū enarrando continuat, vt nulla historia pp defectum continuationis progenierum reperiatur difficilis. Secundum est de suppletionē historiārum, quia in multis locis historiæ omnino omiſſæ sunt: in alijs verò leuiter tactæ, ita vt intellectum legentibus dubium redderent: in isto autem libro omnia supplēt̄. Et quia de primo istorum, scilicet, de progenierū enarratione iam plenē dictum est, ponitur hic secundum, scilicet, de suppletionē historiārum omiſſarum. Et quia in libro isto principalis intentio erat de Dauid, quod fuit famosior, & Deo acceptabilior inter omnes reges, agitur hic de eo; & diuiditur in tria. Primò ponitur eius in regem diuina electio, secundò a populo solennis facta vnctio, sequenti cap. tertio Regum gubernatio infra 13. Circa primum ponuntur quatuor: nam fuit electio Dauid per reprobationē Saulis, cum Saul esset prius rex quā assumeretur Dauid, & ille esset malus, ideo priuatus est regno, & traditus est in manus Philistinorum, vt occideretur, & primo ponitur Saulis, & filiorum suorum occisio: secundò occisorum villificatio, ibi.

Die igitur altero. Tertiò villificationum honorabilis pumulatio, ibi. Hoc cum audissent. Quarto ad Dauid regni facta translatio, ibi. Mortuus est ergo.

An ea, quæ hic habentur, ordinem habeant ad præcedentia. Quæst. 1.



QUÆRITVR circa primum an ea, quæ habentur hic fuerint facta immediate post præcedentia, vel sit ordo mutatus. Respondendum, quod non potuit hic esse propriè continuatio, quia continuatio est propriè in historijs, in quibus vna pars præcedit naturaliter alteram, & ponitur ante illam, supra verò non ponebatur aliqua historiæ principaliter, sed enarrationes generationum: hic aut̄ ponuntur historiæ, ideo non pōt

Fesse propria p̄tinuatiō, q̄a nec illud est ante istud, nec istud est ante illud, sed est aliqualis cōtinuatio, quia s. cōputauit Esdras progenies omniū tribuum, & finiuir in p̄genie Saulis, qui est de tribu Benjamin, ideo hic subdit de historijs pertinentibus ad Saulem, scilicet, de morte eius, & est ista continuatio non secundum partes temporis, sed secundum similitudinem rei, de qua agitur cum actum sit de progenie Saulis, & hic agitur de morte eius, & ista fuit causa, quare in fine præcedentis cap. agitur de progenie Saulis, de qua dictum fuerat supra 8. & repetitur ibi, vt continuetur ista historia ad præcedentem, quia alias non posset continuari. Circa primum dicitur.

Philisthij autem pugnabant contra Israel. Ista pugna fuit vltima, quam habuit Saul contra Philistinos. Sæpe enim contra eos pugnauit, & obtinuit, vt colligitur ex processu primi libri Regum. Nunc autem vltimo pugnauit contra eos in monte Gelboe, & occisus est ab eis: primo Reg. cap. vlti.

Fugeruntque viri Israel palæstinos. Mox enim, vt conuenerunt in bellum Israelitæ cū Philistinis, timuerunt Israelitæ, & fugerunt a facie Philistinorum, Deus enim incutiebat eis timorem, vt fugerent, & maneret solus Saul, & occideretur: nam si totus populus vellet pugnare, oportebat esse vnum de duobus, scilicet, quod aut Philistini non possent superare Israelitas, & fugerent a facie ipsorum, vel Israelitæ, occiderentur a Philistinis. Neutrum tamen Deus nolebat. Nam nolebat, quod fugerent Philistini a facie Hebræorum, quia sic nō occideretur Saul, & tñ Deus intendebat occidere Saulem in hoc bello propter iniquitates suas, vt patet infra in litera, scilicet, mortuus est ergo Saul propter iniquitates suas, eo q̄ præuaricasset mandatum Domini, & ob hoc Deus noluit respondere ei in isto bello per Sacerdotes, nec per Prophetas, nec per somnia: primo Reg. 28. ideo Saul consuluit Phitonissam, & illa etiam respondit, quod occideretur in bello: voluit ergo Deus, quod Philistini superarent Israelitas. Rursum autem nolebat Deus, quod Israelitæ perirent manibus Philistinorum: nam non erat iratus toti populo, sed regi, qui malus erat, & ad hoc debuit conuerrere populum in fugam, vt pauci morentur, & facere, quod maneret Saul, & filij sui in bello, vt ipsi occiderentur, & sic fugerent Israelitæ Palæstinos. Vocantur autem Philistini ipsi Philistini, & in hoc accedimus ad modū pronuntiandi Hebraicum, quia vbi nos dicimus Philisthij dicunt Hebræi Phelestin, & melius dicitur Phelestinus, quā Philisthinus: licet ex alia ratione melius dicamus Philisthinus, eo quod litera prima apud Hebræos in hoc nomine relaxatur in sonoritate, & magis ponit ph, quā pro p sola, & isto modo loquuntur Græci, & etiam Poetæ Latinorum vocantes terram illam Palæstinam: sic ait Ouidius libro de Arte amandi, scilicet.

Terra Palæsthina septimo culta viro.

Idest terra Philistinorum culta fuit, id est, habitata a viro septimo, id est, a Iudæo: nam Iudæi vocantur septimi, quia septimum diem colunt, & septimum annum remissionis in quo terram non exercent.

Et ceciderunt vulnerati in monte Gelboe. Bellum commissum fuit in monte Gelboe: primo Reg. 28. & 31. & ibi mortui sunt multi de Israelitis, & istud fuit in fuga: nam in acie pauci occisi sunt, quia illico conuersi fuerunt in fugam, & in monte isto mortuus est Saul, & filij sui. Est autem mons Gelboe in sorte Iudæ circa urbem, quæ vocatur Iezrael. Quod patet, quia primo Reg. 28. dicitur, quod castrametati sunt in monte Gelboe, & tamen primo Reg. 29. dicitur, quod castrametatus est Israel super fontem, quæ erat in Iezrael.

rahel, & sic fons Iezrahel & mōs Gelboe ppe sunt, vel vnū est in alio: ob hoc autē mons iste maledictus fuita Dauid, dicente: Mōtes Gelboe, nec ros, nec pluuia veniant super vos, nec sint ibi agri primitiarum, quia ibi abiectus est clypeus fortium 2. Reg. primo.

Cumque appropinquassent Philisthai. Postquam fugerunt Israelitæ serui Saulis, mansit Saul cum filiis suis in bello, & cum paucis de domesticis suis, qui omnes viriliter decertantes cum tanta Philisthinorum multitudine occisi sunt. Vocantur autem isti Philisthæi, & Philisthini, & Palæsthini, quod idem est.

Persequentes Saul, & filios eius. Habebat Saul quatuor filios, scilicet, Ionathan, Aminadab, Melchisua, & Isboeth, siue Isbaal: tres primi istorum venerunt ad bellum cū patre suo Saule, & mortui sunt ibi. Quartus verò Isboeth non venit in bellum, ideo non fuit occisus, sed constitutus est in regem super Israel per Abner principem militiæ Saulis, & dicitur persequētes Saul, & filios eius, quia fugientibus Israelitis in primordio non manserunt aliqui, qui essent bellatores nisi Saul, & filij sui, & istos incepterunt persequi Philisthini.

Percusserunt Ionathan, & Aminadab, & Melchisua filios Saul. Isti tres occisi sunt, quia viriliter pugnabant, & potissime Ionathas, qui erat vir fortissimus, & isti tres erant maiores filij Saulis, vt creditur, & mortui sunt, alius verò minor, vel ignauior mansit in domo, & nō fuit occisus. De istis tribus filiis Saulis, quare occisi in bello, cū ipsi non peccassent, sed pater eorum Saul: declaratum est primo Reg. vlti. vbi multa dubia soluta sunt, quæ spectant ad istud capitulum: nam ea, quæ ponuntur hic, ponuntur ibi.

Et aggrauatum est prelium contra Saul. Scilicet, mortuis filiis suis non manebat aliquis in bello nisi ipse, & pauci de familiaribus in circuitu eius, ideo totum bellum aggrauatum est super eum, quia semel venerūt Philisthini ad percutiendum eum. Sciendum tamen, quod q̃ omnes Philisthini venerūt q̃ eū, nō cognouerunt eum esse regem, quia aliās illico rapuissent eum, & forte conarentur ipsum accipere viuentem, sicut ipse timebat, & tamen non tenuerunt eum viuentem nec mortuum eadem die, sed sequenti die, cū Philisthini detraherent spolia occisorum inuenerunt Saulem, & filios eius occubuisse in bello. Itē pater hoc, quia dicitur inuenerunt Saulem. Si enim ipsi cognouissent Saulem, quando occiderunt eum non diceretur, quod inuenerunt ipsum occubuisse, quia antequam occuberet cognoscerent eum, & forte Deus voluit facere, quod Philisthini non cognoscerent Saulem, & filios eius antequam occideretur, ne conarentur eos viuentes accipere, quod si fieret reddideret in magnum dedecus Israel. Sic enim dixit Saul ad armigerum suum, euagina gladium tuum, & interfice me: ne forte veniant incircuncisi isti, & interficiant me illudentes mihi.

Inueneruntque eum sagittarij. Idest non potuit Saul abscondere se a sagittarijs, sed inuenerunt eum, & percusserunt, cum iam ipse esset de extremis belli, & fugere noller.

Et vulnerauerunt eum iaculis. Idest percusserunt sagittis, quia sagitta vocatur iaculum a iaciendo in Hebræo dicitur.

Inclinatus est sagittis. Idest inclinatus est ad terram, vel ad mortem præ vulneribus sagittarum. De Saule autem an peccauerit veniendo ad istud bellum, cum sciret se ibi occidendum, & an teneretur venire, quāquam sciret hoc, cum Deus disposuisset de eo, quod moreretur, & cur non fugit de bello, cum vidit super se totum pōdys belli aggruari, & an peccaret si fugeret, & cur non dixit Saul filiis suis, quod recederent

A de bello, ne morentur cum sciret eos morituros si ibi manerent, & an peccaret si illud eis reuelaret, & an desperauit Saul committens se bello, in quo sciebat se non posse euadere, & multa alia dubia declarata sunt satis primo Reg. vlti.

Et dixit Saul ad armigerum suum. Iste erat quidam, qui portabat arma Saulis coram eo: ita erat modus antiquorum nobilium bellatorum, scilicet, quod essent armigeri coram eis, qui portarent semper arma ipsorum vsque ad locum belli, & quando oporteret darent eis arma ad pugnandū, sic dicitur primo Reg. 14. de Ionatha, qui solus cum armigero suo transiit ad castra Philisthinorum, & turbauit illa: occiditque viginti viros, & reliquos in fugam conuertit. Omnis autem alijs fugientibus adhuc manebat iste armiger Saulis apud eum, & sic locutus est nunc ad ipsum de occisione sua.

Euagina gladium tuum, & interfice me. Timebat Saul mortem, quam putabat iam se non posse euadere, quia Deus prænunciauerat eam: etiam, quia ipse videbat iam se positum in manibus hostium, & ne occiderent eum hostes voluit occidi ab alio. Ipse tamen volebat se occidere: ideo petebat ab armigero, quod occideret eum. An Saul peccauerit petendo, quod occideret eum armiger suus, & an magis peccaret si ipse se occideret, quā si faceret se occidere per armigerum suum, & an habuit iustam causam petendi ab armigero, quod eum occideret propter Philisthinos instantes: declaratum est primo Reg. vlti.

Ne forte veniant incircuncisi isti. Istud dixit Saul propter duo: primo ad reprobationem Philisthinorum. Secundo ad confirmationem dicti sui. De primo patet, nam Israelitæ omnes erant circuncisi, & habebat pro magno opprobrio, quod aliquis esset incircuncisus, & quia omnes Philisthini erant incircuncisi, maxima offensa, & vituperium, quod eis se inferre posse putabant Israelitæ, erat, quod vocarēt eos incircuncisos. Sic enim pater ex verbis patris, & matris Samsonis ad eum: nam cum ipse peteret vxorem Philistinam sibi dari, dixerunt pater, & mater. Nunquid non est mulier in filiabus fratrum tuorum, quia vis accipere vxorē de Philistijm, qui incircuncisi sunt? Iudi. decimo quarto. Sic etiam Ionathas loquens ad armigerū suum, ait. Veni transeamus ad stationem incircuncisorum horum. primo Regum decimo quarto, & Dauid cum veller maledicere Philisthæo ait. Quis est enim Philisthæus hic incircuncisus? Et iterum. Quis est iste Philisthæus incircuncisus, qui ausus est maledicere exercitui Dei viuentis? primo Regū 17. ideo Saul volens maledicere hostibus suis non putauit se posse dicere grauius, quā vocare eum incircuncisum. Secundum erat ad confirmationem dicti sui, quia volebat Saul, quod armiger suus occideret eū, & hoc erat, quia magna vilipensio erat, quod occideretur rex Israel ab hominibus tam turpibus, & ad significandum eorum turpitudinem, & contemptibilitem vocauit eos incircuncisos: nam tanto erat sua mors magis iniuriōsa, & contemptibilis, quanto occideretur ab hominibus contemptibilioribus, & huiusmodi erant Philisthini, quia erāt incircūcisi: ideo dixit, ne veniant incircuncisi.

Et illudent mihi. Primo Regum vltimo. dicitur: Interficiat me illudentes mihi, & ista est sententia magis completa, quia Saul non solum timebat illudi, sed etiam occidi. Putabat enim quod Philisthini caeperent eum viuentem, & primo interrent ei mille opprobria: deinde etiā occiderent eum: intolerabilior tamen sibi erat illusio quā mors, cū ipse esset rex Israelitarum: timebat autem hoc Saul satis rationabiliter, quod apparebat ex duobus. Primo ex eo, quod

quod ante hoc fecerant: nam acceperunt viuentem Samsonem Philisthini, & abstulerunt oculos eius & cogeabant eum trahere lapidem molarem, sicut asinum, & in festiuitatibus suis faciebant eum coram se venire, & ludere sicut infanum, vt patet Iudi. decimosexto. Secundò patet ex eo, quòd postea fecerunt Philisthini: nam non inuenerunt Saulem, & filios eius viuentes, sed cum mortuos reperijssent, absciderunt caput Saulis, & miserunt illud per totam terram Philisthinorum, vt annuncietur in templis, & populis ista victoria, & demum affixum fuit caput ipsum in templo Dagon, cadauer autem eius, & filiorum suorum ducta fuerunt in Bethsan urbem Philisthinorum, & ibi suspensa sunt de muro: infra in litera, & primo Regum ultimo. Si ergo ista fecerunt viri Philisthinorum super Saulem, & filios eius mortuos: quanto magis fecissent si eos viuentes tenere potuissent: rectè ergo credebat Saul, quòd si Philisthini superuenirent, occiderent eum illudentes ei.

Noluit ergo armiger eius ei hoc facere. Id est noluit occidere eum quamquam iuberet.

Timore perterritus. Primo Regum vlti. dicitur. Nimo enim fuerat timore perterritus, quasi dicat, cum Saul dixit ei, quòd occideret ipsum: apparuit ei ista res grauissima, quia nò poterat maius malum pati Saul, & cum diligeret eum armiger suus, audito hoc stupuit nimis, nec remanserunt in eo vires: ideo licet vellet occidere Saulem, non posset: & tamen dato, quòd posset, nolisset occidere eum. An peccauit Saul dicendo armigero suo, quòd occideret eum, & an peccauerit armiger, quia non occidit ipsum, declaratum est primo Regum ultimo.

Arripuit igitur Saul ensē, & irruit super eum. Vidit Saul, quòd Philisthini appropinquabant, & non poterat euadere, & armiger suus nolebat eum occidere, ideo occidit seipsum. An vero Saul fuerit vir animosus se occidendo, vt ab hostibus nò villificaret, & illuderetur, vel fuerit pusillanimis, declaratum est primo Regum ultimo.

Quod cum vidisset armiger eius videlicet esse mortuum Saul. Noluerat armiger suus occidere eum quamquam Saul iubeat, eo quòd diligebat nimis eum, & putabat aliquo modo posse euadere: nunc autē cum Saul se occidisset, ipse quoque exosus vitam suam occidit se. Noluit enim superuiuere regi Sauli.

Irruit etiam ipse super gladium suum. Irruere super gladium est, quòd quis ponat manubrium gladij in terra, & mucronem in pectore: & sic perforetur venter. Potest autē aliquis seipsum percutere gladio, vt moriatur, & tamen non est illud irruere super gladium, sed solum quando ponitur extremitas gladij in terra, & extremitas in ventre, & impellit se quis super eum, vt infigatur.

Et mortuus est. Fuit enim vulnus magnum, ideo mortuus est illico. An peccauerit iste Armiger Saulis occidendo se mortuo Saule: declaratum est primo Regum ultimo.

Quare armiger Saulis se occidit.

Quest. II.

QVAERITVR de isto armigero Saulis quare se occidit.

Respondent quidam Hebrei, quòd iste armiger Saulis fuit Doeg, Idumæus, qui erat nimis acceptus Sauli: nam erat primus inter seruos eius: primo Regum vigesimo secundo, & iste offenderat nimis Dauid accusans eum apud Saulem, & etiam accusauit Abimelech Sacerdotem magnum, qui dedit panes, & gladium Dauid, & propter hoc oc-

cifus est ipse Abimelech cum octogintaquinque Sacerdotibus de domo sua, & ciuitas Nobe destructa est vsque ad pecora, & hæc omnia fecit Doeg: nam cum nullus de seruis Saulis vellet occidere Sacerdotes ad mandatum Saulis, ipse Doeg solus occidit omnes illos: primo Regum vigesimo secundo. propter hæc omnia timebat nimis Doeg ipsum Dauid: credebatur tamen, quòd mortuo Saule illico regnaret Dauid: ideo, ne, si viueret, pateretur per eas grauissimas ab eo, voluit se potius occidere in bello. Ista positio videtur quibuldam satis rationabilis, nihil tamen de hoc constat.

Alio modo potest dici, quòd fecit hoc armiger Saulis ex nimia dilectione: nam noluit occidere Saulem quamquam ille iuberet, eo quòd diligebat eum: ideo cum mortuus esset nunc Saul, noluit superuiuere ipse, quia iam nullum bonum superesse credebatur mortuo illo: quem maximè diligebat. Sic enim fuit de Anchise Troiano patre Aeneæ: nā cū Aeneas destructa Troia discurrentibus Græcis per urbem, vellet capere patrem Anchisem, & ducere eum in Italiam, recusabat hoc Anchises dicēs se nolle viuere postquam Troia iam delera erat: sic pater per Virgilium 2. Aeneidos, scilicet.

Ab sit, vt excisa possim superuiuere Troia.

Talia perstabat memorans fixusque manebat.

Sic etiam apud quasdam gentes barbarorum est etiā cum quis habens plures vxores moritur, ea quæ ab illo maximè diligebatur, vel, quæ se magis ab illo diligebat, cum eo moriente simul se ignem mittit, & sic idem ignis vtrumque cremat. Tertiò modo potest dici, quòd eadem causa impulit armigerum Saulis, quæ impulit Saulem ad occidendum se, scilicet, ne illuderetur a Philisthinis. Vidit enim iam instare ille armiger Philisthinos, & sciebat, quòd nequaquam poterat euadere: ideo voluit se occidere, in quo consequeretur has vtilitates. Prima erat, quòd leuius peteretur quàm si occideretur ab hostibus: nam si incideret in manus hostium, inferrent ei vulnera grauissima: ipse autem leuiter se occidit. Secunda erat, quia si Philisthini caperent eum viuentē illuderent ei, cum esset vir honorabilis familiaris vaide regi, & etiam illuderent Sauli iam mortuo coram ipso, & hoc ille molestum haberet tam pro se quàm pro Saule, ideo potius voluit se occidere quàm mortem a Philisthinis spectare.

Interijt ergo Saul, & tres filij eius, & omnis domus illius pariter concidit. Quod cū vidissent viri Israel, qui habitabant in castris, fugerunt, & Saul, & filij eius mortuis dereliquerunt vrbes suas, & huc illucque dispersi sunt: veneruntque Philisthij, & habitauerunt in eis. Die igitur altero detrahentes Philisthij spolia castrorum, inuenerunt Saul, & filios eius iacentes in monte Gelboe. Cumque spoliaissent eum, & amputassent caput, armisque nudassent.

Interijt ergo Saul. Ista est summa predictorum, scilicet mortuus est i die illa Saul, & tres filij eius, scilicet illi tres, qui supra nominati sunt: nam quartus eorum Isboseth non iuit in bellum: ideo non fuit mortuus. Et omnis domus illius pariter concidit. Dicitur aliquando de

de familiaribus eius, qui eum nimis diligebant: nam ibi omnes mortui sunt. Vel dicitur hoc propter filios, quia domus significat cognationem, & cognatio tota Saulis cecidit nunc, quia isti tres filij Saulis, qui mortui sunt in bello erant viri strenui, & bellatores, in quibus seruanda erat posteritas Saulis, & regnum, quia tamen illi mortui sunt, & non mansit nisi Isboeth, qui fuit ignauus ad regnandum, & post modicum occisus est, dicitur tunc tota domus eius periisse: magis tamen intelligitur de filiis, & familiaribus, & reliquis de cognatione Saulis morientibus in bello, quia primo Regum ultimo dicitur mortuus est ergo Saul, & tres filij eius armiger illius, & vniuersi viri eius in die illa pariter, ideo viri Saulis vocantur domus eius, quæ concidit.

Quod cum vidissent viri Israel, qui habitabant in campestribus. Hic ponitur dispositio facta in Israelitis ex morte Saulis, & filiorum eius. Pro quo considerandum est, quod istud bellum factum fuit in sorte Iudæ in monte Gelboe circa urbem Iezrahel, & erat locus prope terram Philistinorum, est autem terra illa aliter montuosa, sed non omnino, & illi, qui habitabant in terra illa de Israelitis timentes Philistinos, qui propinqui erant, quod occiderent eos, fugerunt de locis suis ad alias vrbes Israel, quæ distantiores essent a locis Philistinorum, & sic dicitur, quod cum vidissent viri Israel, scilicet, quod mortuus erat Saul, & filij sui: & dicitur, qui habitabant in campestribus, id est, in terra campestri, quæ est aliquid montuosa, & aliquid plana, vnde distinguuntur tres modis terrarum in Scriptura, scilicet, montuosa, alia plana, alia campestris, & campestris est media in caliditate inter vtranque, de hoc colligitur Iosue 11. ista terra campestris est regio aliquantulum magna in sorte Iudæ, in qua sunt aliquæ vrbes, vt patet Iosue 15. & sunt quatuordecim, & sunt istæ vrbes ad partem meridiam terræ Israel iuxta terram Philistinorum, ideo fugerunt omnes de illis vrbus, vt patet primo Regum ultimo, scilicet, (Videntes viri Israel, qui erant trans Iordanem, quod fugerent viri Israelitæ, & mortuus est Saul, reliquerunt ciuitates suas, & fugerunt.)

Et Saul, & filij suis mortuis dereliquerunt vrbes suas. Id est cum vidissent, quod Saul, & filij sui mortui erant, & etiam fugerant, Israelitæ reliquerunt vrbes campestris in quibus manebant.

Et huc illucque dispersi sunt. Id est dispersi sunt per alias vrbes terræ Israel euntes ad habitandum in diuersis locis, cum dimisissent vrbes suas timore Philistinorum.

Veneruntque Philistini, & habitauerunt in eis. Erant vrbes istæ campestris propinque terræ Philistinorum, ideo Philistini videntes vrbes vacuas habitauerunt in eis, & tenuerunt eas vsquequo David regnavit aliquanto tempore, & faciens multa bella contra Philistinos abstulit eis loca, in quibus morabantur, & tulit frenum tributi de manu ipsorum, vt patet secundo Regum octauo, & infra d. cimo octauo.

Die igitur. Hic ponitur Secundum huius capituli scilicet, Saulis, & filiorum suorum mortuorum vilificatio: nam Philistini exercuerunt super eos ignominiosa, & dicitur.

Die igitur altero. Refertur ad diem, quo factum est bellum, & mortuus est Saul, & filij sui: nam in eodem die quieuerunt Philistini post bellum, & manserunt in castris: sequenti autem die inceperunt tollere spolia occisorum, & tunc factum est hoc.

Detrahentes Philistini spolia occisorum. Corruerant enim aliqui in bello, quorum plurimum fugiendo fuerant occisi, & nunc ierunt Philistini ad tollendum

A omnia spolia ipsorum, scilicet, arma, & vestes. *Inueniunt Saul, & filios eius iacentes in monte Gelboe.* Cognouerunt enim eos, quia forte habebant aliqua insignia regalia, per quæ cognoscerentur: nam apparatus ipsorum esset excellentior, quàm reliquorum, vel forte multi Philistinorum sepe viderunt Saulem, & filios eius, & nunc cognouerunt eos mortuos, & dicitur, quod inueniunt eos in monte Gelboe, quia ibi factum fuerat bellum, & licet aliqui de fugentibus corruerunt extra montem Gelboe, tamen Saul, & filij sui, qui non fugerant, corruerunt in loco belli.

Cumque spoliassent eum. Scilicet, Saulem. Spoliauerunt enim eum armis, quæ miserunt per terram Philistinorum, vt viderentur, & postea consecrauerunt ea in templo Astarothe, vt ibi semper manerent, vt patet infra in litera, & primo Regum ultimo. Aliqui dicunt, quod spoliauerunt eum regalibus insignijs, & tamen falsum est, quia antequam venirent Philistini ad tollendum spolia, iuuenis Amalecita inueniens Saulem semimortuum abstulit ei coronam, & armillam, quæ erant regalia insignia, tulitque ea ad David marrentem tunc in Siceleg. 2. Regum primo.

Et amputassent caput. Non amputauerunt capita filiorum Saulis, sed solum Saulis, vt patet hic, eo quod Saul rex erat, & dehonoriatio summa illius sufficiebat. Alia autem causa assignata est primo Regum ultimo, quare abscissum est caput Saulis, & non filiorum suorum.

C *Armisque nudassent.* Habebat enim Saul arma pulchra, qualia regem habere decebat: ideo abstulerunt illa.

An verum sit, quod nunc Saul haberet arma.
Quest. 111.

QUÆRITUR quomodo poterat nunc habere Saul arma, quia in bello, quod fecit contra Philistinos non est repertus ensis, vel lancea in manu totius populi nisi in manu Saulis, & Ionathæ filiorum eius: 1. Re. 13. ideo non videtur, quod posset habere alia arma nisi gladium, vel lanceam.

D Respondendum, quod Saul tunc habebat arma pulchra, & non solum ipse, sed etiam quilibet de populo, qui venerat in bellum. Et cum dicitur, quod non est nuncius gladius, & lancea in manu totius populi. Respondendum est, quod illud fuit in principio regni Saulis, cum nouiter cepit pugnare contra Philistinos, nam tunc erant sexcenti viri cum eo, & nullus habebat gladium, nec lanceam, nisi ipse, & filius suus Ionathas: eo. cap. & tamen postea habuit multa bella Saul contra Philistinos, & contra alias gentes, in quibus potuit habere arma multa: nam tunc pugnavit contra Philistinos, & erant in exercitu illo triginta milia currum, & sexcenti milia equitum, & reliquum vulgus, sicut arena, quæ est in litore maris plurima: primo Reg. 13. & totus ille exercitus fugit a facie Israel turbatus, & occisi sunt plurimi, & acceperunt Israelitæ multa arma: primo Reg. 14. iterum etiam pugnavit Saul contra Philistinos quando David occidit Goliath Gethem, & tunc etiam multa arma ceperunt Israelitæ: primo Regum decimo septimo. Multa quoque alia bella fecit Saul contra gentes plurimas, & obtinuit arma multa, & diuitias: primo Regum 14. scilicet, Et Saul confirmato regno super Israel pugnabat per circuitum aduersus omnes inimicos eius contra Moab, & filios Ammon, & Edom, & reges Soba, & quocumque se verteret, superabat. Potuit ergo colligere arma multa ex his bellis, & cum istud tueretur ultimum bellum quod fecit totus populus eius, poterat esse bene armatus.

Miserunt

Miserunt in terram suam, ut circumferretur, & ostenderetur idolorum templis, & populis. Arma autem eius consecrauerunt in phano dei sui.

Miserunt in terram suam. Scilicet Philisthini miserunt caput illud in terram suam, ut circumferretur per terram. Etiam miserunt arma, & tamen non fuerunt circumducta per terram Philistinorum, sicut caput, sed posita fuerunt in templo Astaroth.

Ut circumferretur. Id est, ut duceretur per totam terram Philistinorum.

Et ostenderetur idolorum templis, & populis. Ostendebatur caput illud per totam terram Philistinorum ad magnam letitiam populi, quia hostis suus maximus Saul iam perierat, & ostendebatur in populis ad significandum letitiam habitatorum terrae, & magnam excellentiam pugnatorum, & ostendebatur in templis idolorum ad laudem ipsorum, & ad significandum, quod virtute deorum suorum obtinuerat victoriam illam. Sic enim fuit quando tenuerunt Samsonem viuentem: nam obtulerunt hostias magnificas Deo suo Dagon, & cum epularentur, dicebant. Tradidit Deus noster inimicum nostrum Samson in manus nostras: Iudi. 16. Quomodo autem Philisthini poterant existimare, quod consequerentur victoriam per Deos suos, cum aliquando illi non potuissent resistere Deo Hebræorum, & quid in hoc opinabantur Philisthini, declaratum est primo Reg. vlti.

Arma autem eius consecrauerunt in phano Dei sui. Iste Deus erat Astaroth, qui vocatur Deus Philistinorum, quia forte erat specialiter Deus quantum ad aliqua, sicut dicitur primo Reg. vlti. Posuerunt arma eius in templo Astaroth, & consecrauerunt illa, scilicet, assignauerunt ea ad hoc, quod semper essent in templo Astaroth, & quidquid ponitur ad cultum Dei offerendo dicitur consecrari Deo, & sic fuit de istis armis. Consuetudo erat enim apud antiquos tam Hebræos, quam Gentiles pro rebus magnifice gestis in bello ponere aliqua insignia armorum in templo Dei, vel idolorum. De Iudæis pater, quia quando Dauid occidit Philistæum abtulit ei gladium, & arma, & posuit ipsum gladium in templo Domini apud Ephod. primo Reg. 21. & etiam 18. De Gentilibus autem pater hic: nam isti Philisthini posuerunt arma in templo Astaroth, & etiam caput in templo Dagon.

Propter quid, Philisthini posuerunt arma Saulis in templo Astaroth. Quæst. IIII.

QUÆRITUR ad quid posuerunt Philisthini arma Saulis in templo Astaroth. Respondendum, quod una ratio fuit ad laudem idolorum, ut attribuerent eis victoriam, quam acceperant: sicut Iudæi attribuebant victorias suas Deo vero, licet in hoc errarent Philisthini, quia dii sui non habebant aliquam virtutem ad dandum eis victoriam, cum non essent dii, sed dæmonia. Secunda causa erat, quia locus erat publicus: nam volebant Philisthini, quod ista victoria tam præclara maneret ad æternam memoriam in terra sua, istud autem esset per arma, scilicet, quod manerent arma in loco in quo possent videri a populo: nullus tamen erat locus magis publicus, quam templum Astaroth, ad quem conueniebant omnes Philisthini ad aliquas festiuitates, ideo conuenienter ibi poni potuerunt. Tertia causa fuit ad ostendendum aliquid admirandum de victoria habita contra Saulem, & hoc propter magnitudinem eius: nam erat vir stature giganteæ, quia excede-

bat totum populum ab humero, & sursum, ut patet primo Regum decimo septimo. arma autem eis admiranda erant iuxta magnitudinem suam, ideo posuerunt ea ad memoriam æternam, ut populus videns arma admiraretur hostis sui magnitudinem, & sic magis laudaret victoriam de eo habitam.

Et caput affixerunt in templo Dagon: Hæc cum audissent viri Iabes Galaad omnia, scilicet, quæ Philisthini fecerant super Saul, confurrexerunt singuli virorum fortium, & tulerunt cadauera Saul, & filiorum eius, attuleruntque ea in Iabes, & sepelierunt ossa eorum subter quercum; quæ erat in Iabes.

Et caput affixerunt in templo Dagon. Istud fuit solum de capite Saulis: nam capita filiorum eius abscissa non fuerunt: fuit autem istud caput affixum in templo Dagon; quia Dagon erat deus magnus Philistinorum, quod patet, quia quando tenuerunt Philisthini Samsonem obtulerunt magnificas hostias deo suo Dagon; & dixerunt tradidit Deus noster inimicum nostrum Samson in manus nostras: Iudi. decimo sexto. Etiam in templo istius Dagon fuit posita Arca Fœderis Dei Israel, quando Philisthini tulerunt eam de manibus Iudeorum in bello: primo Regum quinto. Considerandum de illo capite Saulis, quod affixum est in templo Dagon, quod non seruatum fuit in æternum ibi, sicut arma in templo Astaroth, quod illa poterant seruari, & caput non: nisi forte dicatur, quod detractæ sunt medullæ, & sola ossa crani seruata sunt, & sic poterat magno tempore tene-ri affixum in templo Dagon ad perpetuam memoriam, sicut fuit de armis in templo Astaroth. Quare autem Philisthini affixerunt arma in templo Astaroth, & caput in templo Dagon, & non affixerunt ambo in eodem templo, & quare in templo Beelzebub, qui erat deus famosus Philistinorum, ut patet quarto Regum primo, non fuit positum aliquid, declaratum est primo Regum ultimo.

Hæc cum audissent. Hic ponitur tertium huius capituli, scilicet, vultificatorum honorabilis tumulatio: nam postquam corpora Saulis, & filiorum suorum in terra Philistinorum passa sunt ignominias honorata fuerunt a viris Iabes, qui illa sepelierunt solenniter, & dicitur hoc cum audissent secundum Ieremiam istam deberet inferri ad mortem Saulis, & filiorum suorum, & tunc non esset verum, quod propter hoc, quod audirent Philisthini mortem Saulis, & filiorum suorum irent ad accipiendum cadauera eorum de terra Philistinorum, sed deberet subintelligi illud quod habetur primo Regum ultimo, scilicet, quod Philisthini tulerunt cadauera Saulis, & filiorum suorum, & suspenderunt ea de muro Bethsan, quæ est ciuitas Philistinorum, & audientes viri Iabes istud iuerunt in Bethsan, & tulerunt in terra cadauera illa. Sic enim exponit ista litera: cum infra dicitur, cum audissent viri Iabes Galaad omnia, quæ Philisthini fecerant super Saul: vocantur viri Iabes Galaad a quadam vrbe, quæ est in terra Galaad in sorte duarum tribuum, & dimidiæ vltima tribuum, & illa vocatur Iabes. Semel enim ista ciuitas deleta fuerat per Israelitas, quando totus Israel aggregatus est ad pugnandum contra tribum Beniamin propter habitatores Gabaa: nam tunc viri Iabes non venerunt in congregatione illa, & reliqua Israelitis.

Israelitę irati propter hoc decreuerunt, quodd occide-
rentur omnes, quierant in vrbe Iabes tam magni,
quam paruuli, viri & feminaę præter puellas virgines,
& inuentę sunt quadringentę in vrbe, reliqui autem
occisi sunt: Iudic. vltimo, nunc autem isti viri Iabes
fuerunt gloriosi impendentes Sauli tale beneficium,
quale nulli de Israelitis impenderunt. Et istud fuit,
quia Saul specialiter benefecerat viris Iabes cum Na-
as rex Ammon vellet omnibus illis auferre oculos
dextros, & tunc Saul pugnans contra Ammonitas
fugauit eos, & liberauit viros Iabes.

Omnia igitur, quę Philistiim fecerant super Saul, Scilicet
audiuntur quomodo Philistini occiderant Saul-
lem, & filios eius, & suspenderunt corpora eorum in
muro Bethlan. Nam tunc incitati sunt ad eundum
illuc, vt furarentur inde illa cadauera, & redderent
Sauli gratiam pro gratia.

Consurrexerunt singuli virorum fortium. Sponte isti iue-
runt: nam nullus eis iussit, nec suasisit, sed ipsi consilio
habito iuerunt, & surrexerunt ad hoc omnes viri for-
tes, qui erant ad pugnandum.

Et tulerunt cadauera Saul, & filiorum eius. Ista cadaue-
ra pendebant in muro Bethlan. Nam sicut villifica-
uerant Philistini Saullem caput suum mittendo per
totam terram Philistinorum, & postea affigendo
in templo Dagon, ita & villificauerunt cadauer Saul-
lis, & filiorum suorum, suspendendo illa in muro Beth-
lan cum intentione, quodd manerent ibi aliquanto
tempore, & fortę postea intendebant tradere illa ca-
nibus, vel facere aliqua ludibria eis, vt quodd dimit-
terent illa insepulta.

Attuleruntque ea in Iabes. Ambulauerunt isti tota
nocte vsque ad urbem Bethlan, & acceperunt inde
cadauera pendentia in muro Bethlan, vel in platea
Bethlan, quodd idem est, sicut declaratum est primo
Reg. vii.

Et sepelierunt ossa eorum subter quercum, quę erat in Iabes.
Ista erat aliqua magna quercus in Iabes, & sub illa
tandem in loco famoso sepulti fuerunt Saul, & tres
fuij eius, manserunt autem cadauera eorum ibi, vs-
que ad tempus magnum præteritum de regno Da-
uid quando facta est fames in terra, & ipse, oraculo
Domini occidit septem viros de stirpe Saulis in vin-
dictam sanguinis Gabaonitarum. Illos enim reli-
quit in patibulis vsquequo stillauit super eos imber,
& tunc iussit deponi, & sepeliri in Gabaa, vbi erat se-
pulchrum Auecorum Cis. Et tunc David tulit ossa
Saulis, & filiorum eius de Iabes, & sepeliuit illa in
Gabaa, scilicet in latere montis, vbi erat sepulchrum
Cis patris Saulis, & ibi manserunt postea omnes tu-
mulati. De hoc 2. Reg. 21.

An isti sepulti fuerunt in nemore Iabes.

Quæst. V.

QVAERITVR quomodo dicitur hic, quodd
sepulti sunt in nemore Iabes.

Respondendum, quodd verę isti sepulti
sunt in nemore Iabes, & tamę ibi erat quę-
dam quercus valde magna, & famosa, & sub illa se-
pulti sunt isti, & factum est hoc ad sollemnitatem,
quia voluerunt viri Iabes facere sepulchrum honora-
bile Sauli, & filijs suis, & ad hoc elegerunt locum
honorabilem, non erat tamen in illo nemore ali-
quis locus tam famosus sicut sub illa quercu magna:
ideo ibi sepulti sunt, erant autem in terra Chanaan
magnę quercus, & ilices, sicut patet de ilice Mam-
bre, sub qua habitauit Abraham, vt patet Genesis
decimooctauo. Quercus etiam magnę erant, &
fortes in terra illa, vnde in scriptura quercus famosę
Alph. Tost. in Lib. I. Paralip.

A sunt, sic patet Amos secundo. Ego exterminauit a
facie eorum Amorrhęum, cuius altitudo cedro-
rum altitudo eius, & fortis ipse quasi quercus. Et in
alijs locis ipse quercus laudantur quasi magnę. Sic
enim in Iabes Galaad poterat esse aliqua famosissima
quercus, sub qua sepelirentur isti. Sed obijcietur,
quodd non potuerint sepeliri in nemore, quia dicitur
hic, & sepelierunt ossa eorum subter quercum, quę
erat in Iabes: ergo intra urbem erat quercus, nemus
tamen non erat in vrbe.

Respondendum, quodd quercus ista non erat in
vrbe Iabes, sed in nemore extra urbem, & cum dicitur,
quodd erat in Iabes intelligitur de territorio, quia
sic multa dicuntur fieri in aliqua vrbe, si sunt in ter-
ritorio eius, sicut dicitur Iosue quinto, in litera He-
breę, quodd cum esset Iosue in Iericho apparuit ei An-
gelus Domini euaginaturn habens gladium, & ta-
men constat, quodd non erat Iosue in vrbe Iericho,
quia nondum eā ceperant Israelitę, sed postea cepe-
runt Iosue decimosexto. patet etiam in litera nostra,
quę dicit ibi, cum esset Iosue in agro Iericho, ita hic.
Apparet autem istud adhuc, quia Israelitę non sepe-
lierant aliquos in vrbe sed extra, eo quodd quicunque
tangeret sepulchrum contrahebat immunditiam, &
ideo volebant Hebręi fugere eam quantum possent
ne impedirentur accedere ad Sanctuarium, & ad
alias res sacras, ideo nullo modo ponerent sepulchra
in vrbibus, vbi erat magna conuersatio hominum,
& possent faciliter pollui: extra urbem autem in lo-
cis separatis non erat occasio ad pollutionem, ideo
fierent sepulchra.

Item patet hoc Numeri decimonono, cum dicitur,
si quis in agro tetigerit cadauer occisi hominis,
vel sepulchrum, in quo innuit, quodd sepulchra in a-
gro erant, fuit autem speciale in Dauid, qui pro se, &
successoribus suis regibus Iuda fecit sepulchra in ca-
stro montis Sion in quodam loco separato regalis pa-
latij, & ibi sepeliebantur omnes reges Iuda: nam de
quolibet dicitur dormiuit cum patribus suis, & sepul-
tus est in ciuitate Dauid, vt patet tertio Regum 14. &
15. & per totum tertium, & quartum librum Regū.
Considerandum autem, quodd cum isti viri Iabes tan-
tam misericordiam exercuissent cum Saule, & filijs
suis, Dauid cum cepit regnare misit eis ad reddendum
gratias multas promittens, quodd ipse retribueret eis
pro hoc beneficio secundo Regum secundo. De ca-
daueribus autem istorum an combusti fuerint, sicut
dicitur primo Regum vltimo, vel forte manserint in-
tacta, quia dicitur secundo Reg. 21. quodd Dauid tran-
stulit ossa istorum Iabes in urbem Gabaa, & non pos-
sent ossa transferri si combusti fuissent cadauera, de-
claratum est primo Reg. vii.

Et ieiunauerunt septem diebus. Mor-
tuus est ergo Saul propter iniquitates suas,
eo quodd præuaricatus sit mandatum Do-
mini, quodd præceperat, & non custodierit
illud.

Et ieiunauerunt septem diebus. Scilicet postquam
sepelierunt illa, ieiunauerunt septem diebus ad cere-
monias funeris Saulis solemniter explendas. Dauid
aut audita morte ista planxit nimis, & tamen nõ ieiu-
nauit nisi vna die, vt patet 2. Reg. 1. quare aut ieiunau-
erunt pro mortuis viri Iabes, & ad quid profuit istud
ieiuniũ mortuis, & an ad aliquid profuerit, & quare
ieiunauerunt septem diebus, & non pluribus, nec pau-
ciorib? solum, & quare enim isti ieiunauerint septem
diebus;

diebus: David & viri sui non ieiunauerunt nisi vna die, & de quibusdam alijs dubijs circa ista, & totam historiam istius capituli, declaratum est satis primo Regum ultimo. *Mortuus est.* Hic ponitur quartum huius capituli, scilicet regni translatio: nam fuit translatus de Saule ad David, vt patet in litera, & hoc fuit propter iniquitates Saulis, quia peccauit nimis, & dicitur:

Mortuus est igitur Saul propter iniquitates suas. Scilicet mortuus est per manus Philistinorum, vt supra in litera patet, & dicitur, propter iniquitates suas intelligendo, quod mortuus est tali morte propter iniquitates: nam si accipiamus mortem absolute, non moritur aliquis propter iniquitatē, quia etiam si nullam haberet iniquitatem moreretur: nā nō est mors iam propter peccata nostra, sed propter legē à Deo datam: nam peccauit Adam, & Deus dedit legē de morte futura propter peccatum illius in omnes homines: sic. n. dicitur, q̄ per peccatum introducta fuit mors, vt patet Sap. 1. de isto statuto loquitur Apostolus ad Hebr. 9. Statutum est de vnoquoque homine semel mori, sed verum est, q̄ mortem esse amaram, vel repentinam aut huiusmodi prouenit ex peccato, & ita fuit in Saule: nam non fuisset traditus manibus Philistinorum, nisi peccauisset nimis, & ob hoc etiā antequam occideretur, Deus puniebat eum nolendo ei respondere per prophetas, nec per sacerdotes, nec per somnia primo Reg. 28. *Eo quod prauaricasset mā datum Domini, quod praeceperat ei.* Intelligitur de precepto pugnandi contra Amalecitas, & nō parcendi alicui, & non tenuit istud preceptum Saul, quia non occidit regem Amalec, nec etiam pecora primo Reg. 15. *Et non custodierit illud.* Idem est prauaricari illud, vel non custodire, quia prauaricari est transgredi, & tamen possunt differre, scilicet, quod accipiat prauaricari pro facere contrarium, & est aliquid positiuum, non custodire autem sola negatio est, & quamquam non custodire absolute preceptum non sit peccatum, tamen non custodire illud tempore, & loco debitis peccatum est, & sic intelligitur hic.

Quae nam fuerint iniquitates Saulis. *Quaest. VI.*

QVAERITVR, quae fuerint iniquitates Saulis, propter quas mortuus est. Respondendum est, quod non potest nobis patere de omnibus peccatis eius: nam postquam semel cepit esse malus, nunquam ad bonum rediit, sed fuit tanquam obstinatus. Sunt tamen quaedam peccata eius manifestata de quibus agitur in scriptura.

Prima iniquitas est, quia iussit ei Samuel, quod nō offerret vsquequo veniret in Galgalam, sed expectaret ibi septem diebus, & antequam omnino complerentur isti dies, Saul obtulit sacrificium non expectato Samuele primo Reg. 13. & propter hoc peccauit nimis, & Samuel increpuit eum dicens: Stulte egisti, non custodisti mandatum Domini, quod si non egisses iam nunc preparasset Dominus regnum tuum super Israel, sed nequaquam vltra conlurget.

Secundum peccatum fuit, quia Deus iussit Sauli, q̄ occideret omnes Amalecitas vsque ad pecora nemini parcens, ipse autem pepercit regi Amalec, & omnibus gregib⁹ optimis, & ob hoc dixit ei Samuel: Scidit hodie Deus à teregnum Israel, & tradidit illud proximo tuo meliori te, & ibi dixit, quod non parceret ei Deus nec flecteretur penitentia primo Reg. 15. Tertium peccatum fuit inuidia, quam concepit Saul contra David, & odium iniustum cum desiderio occidendi eum primo Reg. 18. Quartum peccatum fuit multiplex persecutio eius, in qua toties peccauit quoties

eum persecutus est. Nam primo conatus est eum percutere lancea, cum psalleret coram eo, quando à domo arripiebatur 1. Reg. 18. Iterum etiam conatus est eum occidere psallentem, sed lancea non tetigit eum 1. Reg. 19. Iterum etiam persecutus est eum iussitq̄ circumdari domum eius, & capi ipsum atq; duci ad mortem, sed liberatus est per Michol vxorē suam eodem capit. Multae etiā alię persecutiones eius fuerunt contra David, de quibus à capit. 19. vsque ad 27. primi libri, in quibus grauiter peccauit Saul. Quintum peccatum fuit, quia fuit Saul periurus: nam ipse iurauit, vel promisit David, quod iam non noceret ei, & confessus est iniquitatem suam, & tamen postea persecutus est eum primo Regum vigesimo quarto, & vigesimo sexto. Sextum peccatum fuit Saulis, quia persecutus fuit iniuste amicos David: nam & filium suimet Ionatham percutere voluit lancea, quia respo- debat pro David secundo Regum vigesimo. Septimum peccatum fuit, quia sacerdotes Domini iniuste occidit, & urbem Nobe deleuit destruens paruulos, & magnos, & etiam pecora, cum nihil mali meruissent primo Regum vigesimo secundo, sed solum propter odium David factum est hoc. Octauum peccatum fuit, quia non sperauit in Domino, quando debuit ire ad bellum Philistinorum, sed quæsiuit extraordinaria remedia, de hoc dicitur hic, q̄ non sperauit in Domino, & sicut laus est alicui regi bono, q̄ sperauerit in Domino, sicut patet de Ezech. 4. Reg. 18. ita peccatum est de aliquo, quod non sperauerit in eo, & sic dicitur hic de Saule, quod nō sperauit in Domino. Nonum peccatum eius fuit, quod consuluit pythonissam: nam Deus prohibuerat in lege consului pythones Deut. 18. & iusserat occidi habentes tales spiritus Leu. 20. Ipse quoque Saul occiderat illos primo Reg. 18. & tamen incidit in eādem culpam vadens ad consulendum pythonissam eodem capit. de istis iniquitatibus etiam declaratum est eod. cap.

An mortuus fuerit propter omnes istas iniquitates.
Quaest. VII.

QVAERITVR vltius, cum fecerit Saul omnes istas iniquitates, an propter omnes illas mortuus fuerit.

Respondendum, q̄ vno modo potest intelligi, q̄ mortuus fuerit propter omnes istas, id est, q̄ quolibet istarum meruerit mortem Saulis. Alio modo, quod omnes istae simul aggrauauerint sententiam, quae deberet dari contra Saulem, ita quod propter omnes simul sumptis mortuus fuerit Saul, & non moreretur pro vnica, vel pro paucis solum. tertio, modo potest accipi, quod Deus imputauerit Sauli mortem propter istas simul, quamquam mereretur ex vna ipsarum, vel paucis, vel quod Deus intulerit ei mortem non propter quamcunque ipsarum, sed propter aliquas specialiter, quamquam per quamlibet earum per se mereretur.

K Respondendum est, quod primus modus satis est verus, scilicet quod propter quamcunque iniquitatē istarum Saul meruit mortem, nam quolibet earum erat tam grāuis, quod erat morte digna, & tamen, q̄ pro qualibet istarum per se Deus infligeret mortem, quam intulit Sauli, non potest stare, quia vel intulerit pro omnibus simul, vel pro quibusdam per se, vel pro vnica, vel pro qualibet tamē per se occidi est impossibile, cum vnica fuit occisio. De secundo modo dicendum, quod non potest stare, quia Saul meruit per quamlibet istarum iniquitatum mortem, & non oportuit, quod omnes istas committeret ad hoc, q̄ occideretur, quia etiam si vnā, vel duas omisit, nihi-

nihilominus occideretur. Dicendum ergo tertio modo, quod Saul commisit omnes iniquitates supra positas, & etiam multas alias, quæ non sunt scriptæ, & tamen non fuit punitus pro omnibus illis, quia quædam illarum fuerunt, quas etiam si commisisset non fuisset occisus, nec ablatum fuisset regnum suum, sic patet de prima iniquitate in non expectando Samuelem primo Regum decimotertio: nam quamquam Samuel dixit, quod iam non consurgeret regnum eius, tamen si non commisisset postea iniquitatem non occidendo omnes Amalecitas, nec peccando priuasset eum Deus regno, quia postquam peccauit in hoc dixit ei Samuel. Scidit Deus à te regnum Israel hodie primo Reg. decimoquinto. Ex quo patet, quod pro priori peccato non scissum fuerat. Patet etiam quia post istud peccatum secundum iussit Deus Samueli, quod vngeret Dauid in regem tamquam iam priuatus esset Saul regno, & post primum peccatum non fecit hoc: ideo non videtur, quod propter illud Deus non occisurus erat Saulem, nec ablaturus ei regnum, nisi peccasset postea.

Item patet hoc ex litera, quia dicitur hic mortuus est Saul propter iniquitates suas, eo quod preuaricasset mandatum Domini, & non custodiuit illud, & deinde dicitur, & insuper pythonissam consuluerit: ergo videtur, quod istud non fuit de illis peccatis, propter quæ mortuus est Saul, & ablatum est ei regnum.


Item patet, quia quando Deus induxit Philistinios contra Saulem ad vltimum bellum, in quo mortuus est, intendebat occidere eum, & tamen nondum consuluerat pythonissam, sed postea consuluit. Quod patet, quia quando Philistini congregati sunt contra Saulem, perterritus est nimis plusquam alijs vicibus, quando exiturus erat ad bellum secundo Reg. vigesimooctauo. Et hoc erat, quia iam Deus deseruerat eum. Etiam patet, quia consuluit tunc Saul Dominum per sacerdotes, & per Prophetas, & tamen noluit ei dare responsum, & solebat alijs vicibus dare, ideo apparet, quod proposuerat eum occidere, tamen post hoc consuluit pythonissam: nam cum Deus nullo modo respondere vellet, quæsiuit, an esset aliqua pythonissa per quam posset interrogare eodem capitulo: non ergo fuit istud peccatum de illis, propter quæ priuatus est Saul regno, & occisus est à Philistinis. Dicendum ergo, quod quamquam posset tene occisus est, & si non propter omnes, quas fecit, cum tamen rationabiliter videtur dicendum, quod mortuus fuerit propter vnicam iniquitatem, & propter illam regno priuatus sit, scilicet quia non obediuit Dominum, & tamen occidit omnes, sed reliquit regem, & preuaricasset mandatum Domini, quod preceperat ei, nec custodiret illud. Et istud est mandatum de occidendo omnes Amalecitas, quia Saul in omnibus istis peccatis non transgressus est aliquod mandatum Dei specialiter sibi datum, nisi in bello contra Amalec.

Item patet hoc, quia post illud peccatum illico Deus fecit vngi Dauid in regem primo Regum decimosexto, & tamen non fecisset eum vngi, nisi omnino esset priuatus Saul, & posteritas sua iure regni, & sic, quamquam postea fecerit multa alia peccata, tamen non fuit pro illis priuatus iure regni, nec etiam pro illo occisus est, etiam si quodlibet illorum per se mereretur priuationem regni, & mortem.

A Sed insuper etiam pythonissam consuluerit, nec sperauerit in Domino, propter quod interfecit eum, & transtulit regnum eius ad Dauid filium Isai.

B Sed insuper pythonissam etiam consuluerit. Super omnia peccata sua, per quæ mortem merebatur addidit istud, quod pythonissam consuluit, & istud erat graue peccatum, quia in lege vetitum erat Deuteronomij decimooctauo, ne quis consuleret augures, vel quemcunque modum diuinationis exerceret, & ipsi habentes spiritus pythnicos iubebantur occidi, vt patet Levit. vigesimo. Item Saul fuerat valde zelator contra pythones, quia ipse abstulerat de terra omnes ariolos, & magos, & habentes pythones primo Regum vigesimooctauo. Quod ergo incideret ipse in illud, quod damnabat, reprehensibile valde erat. Nec sperauit in Domino. Id est non habuit spem in Deo, quod daret sibi auxilium contra Philistinos: ideo magis timuit hac vice, quam omnibus alijs in bello, vt patet primo Regum vigesimooctauo. Vel dicitur, non sperauit in Domino, scilicet quod recurrit ad demones, cum consuluerit pythonem, & tamen Deus, licet non responderet ei per sacerdotes, nec per Prophetas, nec per somnia, non debebat recurrere ad demones, sed exponere se auxilio Dei faciendo quantum poterat humano. Propter quod interfecit eum. Id est quia spreuit mandatum eius contra Amalecitas, & insuper consuluit pythonissam, & fecit alia mala. Et dicitur interfecit eum, id est, tradidit eum interficiendum hostibus, & idem est, quod Deus aliquem per se occidat, vel quod alteri occidendum tradat: sicut enim dicitur tradere aliquos in manus aliorum, eo quod procurat, quod per eos occidantur, sicut est in homicidijs casualibus. Nam tunc dicitur, quod Deus tradidit eos, qui occiduntur in manus occidentium: Exod. vigesimo primo. Et transtulit regnum eius ad Dauid filium Isai. Id est transtulit ius regni, quia fecit eum vngi viuentem Saule, & per hoc dedit ei ius regnandi, & abstulit Sauli, vel intelligitur de ipso regno quantum ad possessionem, quia Deus fecit, quod moreretur breuiter Saul, & post mortem eius illico fecit vngi iterum Dauid in regem, & regnum Iuda fuit sub eo. Deinde mortuo Isoboseth filio Saulis secundo Regum quarto. factus est Dauid rex super totum Israel secundo Regum quinto, & tunc cessauit totaliter regnum in progenie Saulis, & fuit semper in progenie Dauid vsq; ad captiuitatem Babylonis. Multa autem dubia pertinent ad istud capitulum, quæ subiciui hic, eo quod satis late declarata sunt illa secundo Reg. vigesimooctauo, & trigesimo primo.

C A P. XI.



IO tua.

CONGREGATVS est igitur omnis Israel ad Dauid in Hebron, dicens: Os tuum sumus, & ca-

DESCRIPTA in precedentibus Dauid ad regnum electione, hic agitur de eius vntione, quia per vntionem reges fiebant, & diuiditur in tria, quia primo ponitur predicta vntio: secundo Iebuseorum debellatio, ibi.

Abijt quoque. Tertiò principum Dauid enarratio, ibi. Hi principes,

An hic sit ordo continuatus ad precedentia.

Quæst. I.

QVAERITVR, an ea, quæ habentur hic habent ordinem continuatum ad precedentia, vel est aliqua mutatio; & an fuerint ista immediate post illa, vel interiecto aliquanto tempore.

Respondendum ad primum, quod hic est ordo continuus, quia supra agebatur de electione David in regem, per quam à Deo electus est, & translatus fuit regnum in ipsum quantum ad ius, hic autem agitur de ipsa reali traditione regni, quæ facta est per istam vñtionem, ideo necesse est fuisse illa ante ista.

Ad secundum dicendum, quod ista non fuerunt immediate post illa, quia supra agitur de morte Saulis, & de translatione regni in David, quod fuit quando viri Iuda assumpserunt David in regem super tribum illam mortuo Saule, & fuit istud septem annis, & dimidio ante vñtionem istam, de qua hic dicitur. Quod pater, quia tot annis regnavit David in Hebron super tribum Iuda 2. Reg. 5.

Circa primum dicitur. *Congregatus est igitur omnis Israel ad David.* Ista congregatio fuit cum regnasset iam David septem annis, & dimidio in Hebron mortuo Isboferth filio Saulis: nam prius sola tribus Iuda sequebatur David tunc, & congregatæ fuerunt omnes tribus ad David, & fecerunt eum regem super Israel, de quo magis latè patet seq. cap.

In Hebron. Ista est ciuitas in sorte Iudæ, quæ vocatur Hebron, & Chariatharbe, & Mambre, ut patet Gen. 23. & Iosue decimo quarto, & decimo quinto. In ista vrbe sepultus fuit Adam, ut pater Iosue 14. scilicet: Maximus Adam inter Enachim situs est. Idest sepultus in Hebron inter Enachim, idest, inter gigantes, qui ibi morabantur, ibi etiam sepultus est Abraham, Isaac, & Iacob, & tres vxores eorum, Genesis quadragesimo nono. erat ista ciuitas metropolis in tota sorte Iudæ, ideo quando David regnabat super tribum Iuda sedes regni erat in Hebron secundo Regum secundo, & ibi genuit filios sex, secundo Reg. tertio, ista congregatio facta est à David in Hebrō, quia ibi erat sedes regni sui quando totus Israel voluit eum sibi regem facere, dicentes: Os tuum sumus, & caro tua. Istud dixerunt Israelitæ ad probandum intentionem suam esse iustam, quia per hoc probabatur, quod cōueniens erat eum fieri regem super Israel, & est sensus, nos sumus os tuum, & caro tua, quia sumus de ossibus tuis, & de carne tua, nam sumus omnes de eadem progenie.

Quoties, quomodo, & quando vñctus fuerit David in regem.

Quæst. II.

QVAERITVR de ista congregatione, & vñctione David quam fecerunt tunc Israelitæ quando fuit, & quoties, & quomodo vñctus est.

Respondendum, quod David vñctus fuit ter in regem: primo cum adhuc esset paruulus pascens gregem: nam tunc vñxit eum Samuel viuentem Saule, & fuit ista vñctio in Bethlehem occultè in domo Iſai. primo Regum decimo sexto, & per istam non fuit affectus aliquod regnum quantum ad possessionem, sed solum quantum ad aliquod ius, ut declaratum est eodem capitulo. Secunda vñctio fuit post mortem Saulis: nam illico, ut mortuus est Saul confuluit dominum David an ascenderet ad aliquam de ciuitatibus Iuda, & ascendit de Siceleg, quæ erat in terra Philistinorum in Hebron, quæ erat in sorte Iudæ, & ibi illico vñctus est in regem ab omnibus vi-

Fris Iuda secundo Regum secundo. Ista vñctio facta est in Hebron, & fuit publicè. Per eam acquisiuit David possessionem regni super tribum Iuda. Tertia vñctio fuit, quando David fuit in Hebron post mortem Isboferth filij Saulis, & omnes tribus Israel congregatæ venerunt ad David in Hebron, & vñxerunt eum in regem. Erat autem tunc David annorum triginta septem, & dimidio, quia quando vñctus est rex super Iudam erat annorum triginta secundo Regum quinto, & tamen postea annis septem, & dimidio constitutus est rex super totum Israel: nam totidem annis regnavit in Hebron, ut patet eodem capitulo. Et etiam dicitur ibidem, quod David erat triginta annorum quando factus est rex, & quadraginta annis regnavit, scilicet septem, & dimidio in Hebron, & triginta tribus in Ierusalem. Quantæ autem erat ætatis David prima vice, quando vñctus est per Samuelem, non apparet, declaratum tamen fuit de hoc primo Reg. cap. 16.

De ceremonijs, & oleo, quo vñctus fuit David, & à quibus personis.

Quæst. III.

QVAERITVR vltius de istis tribus vicibus, quibus vñctus est David, quo oleo vñctus est, & quæ ceremoniæ obseruatae fuerunt, & à quibus personis vñctus est.

Respondendum ad primum, quod vñctio regum debebat fieri regulariter de oleo sacro, sicut patet de Salomone: nam ipse vñctus est oleo ducto de tabernaculo Domini, tamen oleum tabernaculi sacrum erat, de hoc tertio Regum primo. poterat tamen fieri in oleo communi ista vñctio, quia non erat istud necessarium. De oleo autem, quo prima vice vñctus est David magis credendum est, quod fuerit commune, quam sacrum. De hoc declaratum est primo Regum decimo sexto. De secunda vñctione, quæ facta est, quando David assumptus est in regem super Iudam potest dici, quod facta fuit in oleo sacro, vel in communi. Quod fuerit in oleo communi patet, quia tunc David assumebatur solum in regem super Iuda, & aliæ tribus Israel erant sub Isboferth filio Saulis, erantque ista duo regna inter se pugnantia tunc: nam facta est longa concertatio inter domum David, qui erat rex in Hebron, & inter domum Saulis, idest inter seruos Isboferth filij Saulis: ideo non permitterent filij Israel, quod serui David acciperent aliquid de tabernaculo, quod erat tunc in terra ipsorum, scilicet in Gabaon, quæ pertinebat ad tribum Benjamin. De hoc declaratum est primo Regum septimo, & tamen oleum sacrum erat in tabernaculo, quia inde accepit illud Sadoc sacerdos, quando vñxit Salomonem tertio Regum primo, ideo non potuit illa vice vngi oleo sacro. Quod autem tunc potuerit vngi oleo sacro patet, quia tunc Abiathar summus sacerdos erat cum David, & fuit cum eo omnibus diebus, ex quo occisi sunt sacerdotes Nobe per Saulem primo Regum vigesimo secundo, & fuit postea cum eo in omnibus laboribus suis usque ad mortem tertio Reg. secundo, & sic erat nunc cum illo, & tamen ille erat summus sacerdos, & poterat conficere oleum sacrum, quia ad filios sacerdotum pertinebat istud sup. 9. & ista erat res, pro qua licite poterat fieri oleum sacrum, ideo satis verisimile esset, quod conficeret tunc oleum, & illud seruaret ad vñtionem David. De hoc declaratum est secundo Reg. 2. De tertia vñctione dicendum videtur, quod facta fuerit in oleo sacro: nam tunc David assumptus est in regem à toto populo, & poterat duci sine impedimento oleum de Sanctuario: ideo credendum

dum est, quod ductū fuerit, & ille vnctus fuerit oleo A sacro, si tamen aliquis velit dicere, quod vnctus fuerit oleo communi, non est insistendum contra eum, cū non possit patere secundum necessitatem quid verum sit.

Per quos istæ vnctiones factæ fuerunt.

Quæst. IIII.

QVAERITVR de secundo, scilicet per quos factæ sunt istæ vnctiones. Respondendum est de prima, quod facta est per Samuelē, qui vnxit Dauid in medio fratrum suorum primo Reg. decimosexto, & infra vigesimo octauo. De secunda non apparet per quem facta fuerit: nam secundo Reg. secundo dicitur, quod viri Iuda venerunt in Hebron, & vnixerunt ibi Dauid, & tamē istud intelligitur de populo congregato ad honorem vnctionis, quia vnctio est sicut coronatio regis, & illa debet fieri cum magna solemnitate, vnctio tamen per vnicam personam facta est; sed de ista non apparet, quæ esset. Dicendum tamen, quod esset aliquis sacerdos, quia officium istud pertinebat ad sacerdotes, sicut aliæ ministraciones sacræ, sicut dicitur quarto Regum vndecimo, & sequenti libro capitulo vigesimo tertio, scilicet: Vnxit quoque regem Ioia pontifex, & filij eius. Et quia ista vnctio erat maxime venerationis fieret semper per sacerdotem maximi honoris, & ille erat summus sacerdos: ideo per eum fieret, & quia Abiathar erat summus sacerdos Dauid secundo Regum octauo, & vigesimo, & semper cum illo fuit, vt declaratum est precedenti quæstione, ipse vngeret eum nunc, & istud asserendum videtur. De tertia vnctione dicendum, quod non patet manifeste per quem facta fuerit, & tamen fuit facta per aliquem de summis sacerdotibus ex ratione supra assignata, erant tamen duo summi sacerdotes Dauid isto tempore: nam ab occisione Abimelech sacerdotis summi primo Regum vigesimo secundo. fuerunt simul duo summi sacerdotes: nam Sadoc factus est sacerdos magnus per Saulem, vt declaratum est supra sexto, Abiathar autem illico, vt confugit ad Dauid habitus est ab eo pro summo sacerdote. Nam gerebat officium summi sacerdotis, quia consulebat Dominum in rationali & Ephod, & tamen consulebat Dominum, & indui istis vestibus pertinebat ad summum sacerdotem, quia vestis præcipua summi sacerdotis, qua nunquam vtebatur aliquis de minoribus, fuit rationale & Ephod, vt patet Exodi vigesimo octauo. Et tamen Abiathar vtebatur istis scpe, & consulebat in eis Dominum primo Regum vigesimo tertio, & trigesimo, & sic gerebat officium summi sacerdotis, & toto tempore quo vixit Saul, quamquam Abiathar esset summus sacerdos, & Sadoc, tamen Abiathar solus erat sacerdos Dauid, & Sadoc erat sacerdos totius Israel, mortuo autem Saule & viuente Isboeth filio eius Sadoc erat sacerdos in toto Israel, & Abiathar solum in tribu Iuda, & apud Dauid. Ideo isto tempore non erat dubium, si Dauid vngeretur, an vngeretur per Abiathar, vel Sadoc, eo quod Sadoc nullo modo pertinebat ad Dauid, & tamen postquam totus Israel venit ad Dauid, vt vngeret eum, etiam Sadoc cepit pertinere ad Dauid, & fuit sacerdos eius, sic patet secundo Regum octauo, & vigesimo, vbi Sadoc, & Abiathar ponuntur sacerdotes Dauid, & sic poterat dubitari, an vngeretur per Abiathar, vel per Sadoc, & quemlibet eorum ponamus, satis est conuenienter factum.

Quæ ceremonie in vnctione Dauid obseruabantur.

Quæst. V.

QVAERITVR de tertio, scilicet quæ ceremonie obseruatæ fuerunt in vnctione Dauid. Respondendum, quod in vnctionibus regum seruabantur septem, vel octo ceremonie, quæ positæ fuerunt quarto Regum nono, & istæ semper seruabantur nisi conditio temporis, vel loci, in quo fiebat vnctio, aliquid prohiberet, sicut fuit in ipso Iehu eodem capitulo, qui vnctus fuit in bello, & non erat ibi locus ad seruandum omnes istas ceremonias, nec seruatae fuerunt, sed quædam illarum, vt ibidem declaratum est, nunc tamen vnctio Dauid facta est solemniter conueniente toto populo, & non fuit aliquod impedimentum, quia nullus aduersabatur magis, de quo sequenti capitulo, ideo credendum est, quod omnes ceremonie obseruatæ fuerint in Dauid.

Heri quoque, & nudius tertius cum adhuc regnaret Saul, tu eras, qui educebas, et introducebas Israel. Tibi enim dixit Dominus Deus tuus: Tu pascis populum meū Israel, et tu eris princeps super eum. Venerunt ergo omnes maiores natu Israel ad regem in Hebron, et iniit Dauid cum eis scædus coram Domino, vnixeruntque eum regem super Israel iuxta sermonem Domini, quem locutus est in manu Samuel.

Heri quoque, & nudius tertius. Ponitur hic alia ratio, quare Israelitæ acceperunt Dauid in regem, scilicet quia ipse solebat pugnare pro Israel eo tempore, quo viuebat Saul. Et dicitur heri, & nudius tertius, id est ab aliquanto tempore ante hoc, & est modus loquendi vulgatus, per quem significamus aliquantum tempus sicut dicitur, si bos cornupeta fuerit ab heri, & nudius tertius: Exod. 21. id est ab aliquanto tempore, & tamen fm propriam significationem non significat nisi tres dies, quia nudius est aduerbium, & significat absolute tempus, & limitatur cum ista additione primus, & secundus. *Cum adhuc regnaret Saul, tu eras, qui educebas, & introducebas Israel.* Id est non solum mereris regnum ex nunc, sed ex maiori tempore, quia non solum nunc tu defendis Israel, sed etiam viuente Saule tu faciebas omnia bella pro Israel: nam quando occidit Goliath Gertheum constituit eum Saul principem super viros belli, & acceptus erat in conspectu totius populi, & faciebat multa bella contra Philistinos 1. Reg. 18. & ibi dicitur, quod omnis Israel, & Iuda diligebat Dauid: ipse. n. ingrediebatur, & egrediebatur ante eos. Et dicitur, tu educebas, vel introducebas Israel, s. tu introducebas Israel in terrā Philistinorum ad pugnandum cum illis, & et tu reducebas de bello, quia tu eras dux, & sic dicitur 2. Reg. 5. tu eras educens, & reducens Israel. *Tibi n. dixit Dominus Deus tuus.* Id est de te dixit hoc: nam Deus non locutus fuit Dauid, sed prophetis, qui denūciauerunt Dauid, quod futurus esset rex super Israel. *Tu pascis populum meum Israel.* Id est tu reges illū: rex. n. est sicut pastor, qui curam habet de gregibus, ita et ipse curam habet de subditis, & ideo Arist. vocauit regem pastorem 8. Ethicorum, & allegat ad hoc auctoritatem Homeri in iliade, qui Agamemnonem patrem, & pastorem populorum appellauit, vel potest dici istud ad quādam translationem frequentatam in scriptura, scilicet, quia Dauid ante hoc erat pastor ouium, & Deus trāstulit eum, vt esset pastor hominum, vt officium, vel

Rex appellat. pastor.

status, ad quem quis mutatur habeat nomen precedentis: sic enim fuit de Petro, & Andrea, qui erant piscatores, & Christus vocauit eos, ut essent pastores hominum, ut patet Matthæi quarto, & Luc. quinto, scilicet: Vidit Iesus duos fratres Simonem, & Andream: (erant enim piscatores) & ait illis, venite post me, & faciam vos fieri piscatores hominum. Sic & de Dauid, qui erat pastor ouium, dictum est pastor hominum Psalm. septuagesimo septimo, scilicet: Et elegit Dauid seruum suum, substituit eum de gregibus ouium, & de post sciantes accepit eum, pascere Jacob seruum suum, & Israel hereditatem suam.

Et tu eris princeps super eum. Idem est, quod tu pascas, sed pascere est nomen per appropriationem conueniens, esse autem principem conuenit ad literam, & sic dicitur secundo Regum quinto, tu pascas populum meum Israel, & tu eris dux super Israel.

Venerunt ergo omnes maiores natu Israel ad regem in Hebron. Repetitio est sententiæ precedentis, scilicet congregatus est omnis Israel ad Dauid, & dicitur, quod venerunt maiores natu, idest seniores, qui erant maiores natiuitate, idest numero annorum alijs hominibus, & ad istos proprie pertinebat venire, eo quod isti representabant totum populum, cum essent maioris auctoritatis, quam ceteri, & sequenti capitulo ponitur qui erant principes, qui venerunt de qualibet tribu ad vñctionem Dauid, & quot fuerunt, qui venerunt cum illis de eisdem tribubus.

Et inijt Dauid cum eis fœdus. Istud fuit quantum ad legem regni, quia iurauit Dauid aliquid obseruare populo, & populus iurauit aliquid obseruare regi, & ista capitula iurata vocabantur fœdus, vel lex regni. Ex constitutione Saulis in regem facta fuit quadam compositio inter eum, & populum, & illam scripsit Samuel in libro, & recitauit coram toto populo, & postea posuit eam coram Domino, ut patet primo Regum decimo, & sic solet fieri quandocunque aliqui nouiter constituuntur in reges, quia inter eos, & populum fiunt aliquæ compositiones, quæ vtrique debeant obseruari.

Coram Domino. Dicitur fieri coram Domino, quod publicè fit, vel magis dicitur fieri coram Domino, quod fit sub inuocatione nominis Dei dato, quod illi, qui hoc faciunt, sint in loco secreto, vel soli sint, sic patet de Ionatha, & Dauid, qui in sylua inierunt fœdus, ut nullus hoc sciret, & tamen dicuntur illud fecisse coram Domino primo Regum vigesimotertio. Etiam iterum Dauid, & Ionathas soli erant in agro, & dicebantur ibi loqui coram Domino, ut patet primo Regum vigesimo, & sic cum in isto fœdere interciderent iuramenta, quæ fiebant ad confirmationem, & illa erant per inuocationem nominis Domini, dicebatur istud fœdus fieri coram Domino.

Vnixeruntque eum regem super Israel. Idest super totum Israel, quia omnes tribus venerunt ad consentiendum vñctioni, prius autem vñctus erat solum super Iudam.

Iuxta sermonem Domini, quem locutus est in manu Samuel. Idest factum est istud neut Deus prædixerat per Samuelem, istud fuit pronuntiatio in verbis, & in rebus, quando Samuel vixit Dauid in regem primo Regum decimo sexto, & ex hoc patet, quod fuit vñctio illa per Samuelem facta, ad hoc, quod Dauid regnaret super totum Israel, & non super solum Iudam, quamquam prius regnaret in sola tribu Iudæ, deinde super totum Israel. Et patet hoc quia Dauid vñctus est in regem, eo quod Saul reprobatus fuit, & sic substitutus fuit in locum eius, &

tamen Saul erat rex super totum, ideo Dauid vñctus debebat in regem super totum Israel,

Quare omnes tribus Israel fuerunt congregatae ad Dauid in Hebron.

Quest. VI.

QVAERITUR quare omnes tribus Israel congregatae fuerunt ad Dauid in Hebron, ut vngerent eum.

Respondendum est, quod Saul fuit primus rex Israel, qui electus est à Deo, ut esset rex: ideo Israelitæ quamdiu vixit tenuerunt eum in regem, licet malus esset. De filiis autem eius post mortem suam non mansit aliquis nisi Isboseth, & illum acceperunt in regem tanquam legitime succedentem omnes Israelitæ præter tribum Iudæ, quæ tenuit Dauid in regem mortuo Saule, durauit autem regnum Isboseth super vndecim tribus Israel, quasi tanto tempore sicut regnum Dauid super Hebron, deinde mortuo Isboseth manserunt aliquanto tempore omnes vndecim tribus Israel sine rege, & tunc deliberauerunt venire ad Dauid, ut vngerent eum in regem, & moti fuerunt ad hoc propter duo vel tria. Primum est, quia ipsi considerabant, quod in progenie Saulis nullus esset, qui posset ei legitime succedere: nam filij sui omnes mortui erant, quia tres in bello mortui sunt, precedenti capitulo, & quartus occisus fuit à latronibus cum regnaret, nisi loquamur de filiis ex concubina: nam habebat duos filios Saul, qui adhuc vivebant, & erant filij Reipha concubine eius secundo Regum vigesimoprimo. Istos enim duos suspendit postea Dauid petentibus Gabaonitis eodem capitulo: isti autem succedere non poterant in regno, quia erant illegitimi, non habebat etiam Saul nepotes, qui succederent, nisi quinque filios filie sue Merob, quos susceperat ab Adriel Molathite secundo Regum vigesimoprimo, quos suspendit postea Dauid petentibus Gabaonitis, sed etiam isti non competeant successio, quia erant nepotes ex filia, & filia non succedebat in iure regni: ideo nec filij eius, potissimè quia in veteri testamento nunquam filie succedebant existente aliquo filio: Numeri vigesimoseptimo, & sic erat hic, quia habebat Saul vnum nepotem ex filio, scilicet Miphiboth filium Ionathæ, & ad illum pertinebat directè successio, eo quod erat filius primogeniti Saulis, scilicet filius Ionathæ, & tamen iste succedere non debuit, nec populus voluit, quia erat deformis, cum esset claudus utroque pede secundo Regum quarto, & nono, & sic non erat aliquis in stirpe Saulis nisi isti, ut probatum fuit super. Et tamen istis non debebatur successio: ideo cogitabant Israelitæ, quem constituerent in regem, & per hoc habuerunt occasionem ad vngendum Dauid. Secundum fuit ipsa diuina denunciatio, quia Deus denunciavit Dauid per prophetas, quod futurus esset rex super Israel, & vñctus esset per Samuelem ad hoc, & istud cognoscebant Israelitæ: ideo volebant obedi-
re diuine iussioni vngendo eum. Tertium fuit ipsa probitas Dauid: nam erat vir strenuus in bellis potius defendere Israelitas ab hostibus potius, quam quicunque alius constitueretur in regem, quod patebat ex præterita experientia: ideo voluerunt constituere eum potius, quam alium. Quartum fuit, quia forte Israelitæ timuerunt: nam dum viveret Isboseth erat pugnax inter domum Dauid, & Isboseth, & Dauid in omnibus prosperabatur, domus Isboseth autem diminuebatur in omnibus, ideo à fortiori cum nullum regem haberent, & esset sicut oves sine pastore, poterat facilius Dauid impugnare omnes tribus Israel, & subijcere eas sibi, & sic præ-

premerentur ab eo, quia sponte non se subiecerant. Voluerunt ergo dum Dauid adhuc nulla mouebat bella, sponte venire ad eum, & constituere illum sibi regem.

De rationibus, quas allegauerunt Israelitæ ad Dauid, an fuerint conuenientes. *Quæst. VII.*

QVAERITVR vterius de rationibus, quas Israelitæ allegauerunt, quod Dauid deberet esse rex eorum, an illæ sint conuenientes.

Respondendum, quod allegauerunt hic tres rationes. Prima fuit, quia dixerunt caro tua, & os tuum sumus, in qua probant ex consanguinitate, quod competeret ille eis in regem. Secunda fuit heri quoque, & nudius tertius, in qua inducunt, quod propter magna beneficia, quæ Dauid contulit Israelitis, conueniens erat, quod eum regem facerent, scilicet quia semper pugnauerat pro eis contra hostes etiam tempore Saulis, & nullus alius in toto Israel erat, qui laborasset tantum pro toto populo: ideo nullus erat, qui de bono communi magis deberet premiari, & tamen honor regalis est bonum à communitate impensum, quia rex non est vnus, vel aliquorum specialium, vel vnus communitatis, totius aut multarum, ideo non debebat aliquis constitutioni, quia Deus disposuerat, quod Dauid regnaret super totum Israel, & prænunderat hoc per Samuelem, ideo nullum alium accipi licebat in regem. Considerandum autem, quod hic sunt tres rationes allegatæ à populo ad ostendendum, quod ipsi non veniebant ad vngendum Dauid in regem, tanquam timerent se inuitos ei subiiciendos, nisi se sponte subijcerent, & quia appareret eos propter timorem egisse nisi aliquam rationem huius facti ostenderint, posuerunt tres rationes, per quas ostendunt se rationabiliter inductos ad accipiendum Dauid in regem. Sciendum autem, quod istæ tres rationes non probant idem, sed probant tria diuersa. Prima ratio probat, quod poterat licitè Dauid accipi in regem. Secunda probat, quod honestum, & iustum erat. Tertia probat, quod necessarium illud erat. De primo patet: nam Dauid quamquam esset bonus, & contulisset multa beneficia Hebræis, non poterant eum in regem constituere licitè, nisi esset de genere Hebræorum, sic patet Deuteronomij decimo septimo, scilicet: Non poteris alterius gentis hominem regem facere, qui non sit frater tuus. Ideo dixerunt os tuum sumus, & caro tua, idest de genere tuo sumus cum simus ex eadem carne, & ex eodem ossè: ideo possumus te licitè regem constituere. Si autem aliquis diceret, quod per hoc probabatur, quod deberent ipsum accipere in regem, falsum est, quia istud competit cuicunque alteri in Deo: nam omnes tribus Israel poterant dicere cuicunque Israelitæ os tuum sumus, & caro tua. De secunda ratione patet, nam ista probat duo: primum, quod iustus erat Dauid regem fieri ex natura retributionis, quam aliquem alium. Secundum, quod vtilius erat populo ex natura gubernationis. De primo istorum patet, quia non erat aliquis in toto Israel, qui tanta beneficia contulisset Israelitis, sicut Dauid, & cum honor regis datus à communitate alicui potest esse præmium bonorum operum impensorum communitati, ut patet quinto, & octavo Ethicorum, iustus erat retribui Dauid istum honorem, quam cuicunque alij. De secundo patet, quia vtilius erat populo ex natura gubernationis, nam non erat aliquis in toto regno Israel, de quo crederetur, quod magis pos-

Alph. Tolle Lib. I. Paralip.

set defendere Israelitas ab hostibus, quam de Dauid, & istud erat maximè necessarium propter quotidiana bella, quæ habebant Israelitæ cum Philistinis, & cum alijs gentibus propinquis: ideo vtilius erat toti regno Israel, quod Dauid regnaret, quam quisquam alius de populo, vtrique pars istarum patet ex eadem litera cum dicitur, heri quoque, & nudius tertius cū adhuc viueret Saul tu educebas, & introducebas Israel, idest non solum postquam mortuus fuit Saul tu defendisti regnum Israel ab hostibus, sed etiam antequam moreretur tu educebas, vel introducebas Israel, idest tu regebas populum quantum ad omnia bella, ideo pro tantis beneficijs tam diuturnis iustum est, ut tibi regalem honorem impendamus, & iste est primus modus. Potest intelligi de secundo, scilicet heri, & nudius tertius, cum adhuc viueret Saul tu educebas, vel introducebas Israel, idest non solum postquam mortuus fuit Saul, non est aliquis, qui tam prosperè defendere nouerit populum sicut tu, sed etiam, viuentis Saule, nullus erat similis tibi, nec etiam ipse Saul, quia tu educebas, & introducebas tunc Israel. Considerandum autem, quod ista ratio etiam non probat, quod debitum erat ipsi Dauid regnum, quia dato, quod gubernaret populum melius, quam omnes de terra, & maiora beneficia impendisset, non erat regnum sibi tradendum, sed alicui alteri ius regnandi competebat, sed solum probat, quod erat iustum, & vtile regnum tradi Dauid. Tertia ratio est prophetica reuelatio, siue diuina determinatio: nam Deus dixerat tu pascies populum Israel meum, & eris princeps super illum, & tamen Deus habet omnia iura regnorum terre, & potest illa dare cui voluerit, & auferre cui voluerit: Dan. quarto, scilicet: Donec scias quod altissimus dominatur in regno hominum, & cuicunque voluerit dabit illud. Sed hoc constabat Israelitis ex verbo Samuelis, ideo necessarium erat, quod tribueretur regnum Dauid.

Vbi habentur ea, quæ hic scripta sunt, scilicet tu pascies populum meum, &c. *Quæst. VIII.*

QVAERITVR vterius vbi dicta sunt ea, quæ habentur hic, scilicet tu pascies populum meum Israel, & tu eris princeps super eum.

Respondendum est, quod non reperitur aliquis locus, in quo ista verba sic formaliter dicta fuerint, sed satis est, quod hic dicitur, quod dicta fuerint, quia constat ex hoc, quod aliquando, & alicubi dicta sunt, licet nos nesciamus, vbi vel quomodo, & sic est de multis alijs. Aliter autem videtur dicendum, quod Deus dixit ista verba de Dauid per Samuelem primo Reg. decimo quinto, vel decimo sexto, vel decimo tertio. nam Samuel locutus est in locis istis de Dauid dixit enim primo Reg. decimo tertio, ad Saulem: Nequaquam regnum tuum ultra confurget, quæsiuit enim Deus virum iuxta cor suum, & præcepit ei, ut esset dux super populum suum. Et illud intelligebatur de Dauid, conuenit autem satis illa litera isti, quia hic dicitur tu pascies populum meum Israel, & eris princeps super illum, ibi autem dicitur & præcepit ei, ut esset dux super populum suum, vel potest intelligi, quod dictum fuit primo Regum decimo quinto, per Samuelem, quia ibi dixit Samuel ad Saulem: Scidit Deus regnum Israel à te hodie, & tradidit illud proximo tuo meliori te. Et intelligebatur de Dauid, & fortè quando illa verba dicta sunt addidit Samuel alia de Dauid, vel potest intelligi, quod dictum fuerit primo Reg. 16. quia ibi habetur de vocatione Dauid in regem, & verisimile est, quod multa loqueretur Samuel Saul, licet ibi scripta non sint, vel

Q 4 potest

potest intelligi, quòd dicta fuerint hic primo Reg. vigesimo octavo, cum dixit Samuel surgens à mortuis: Faciet tibi Dominus sicut loquutus est in manu mea, & scindet regnum de manu tua, & dabit illud proximo tuo David. Dicendum tamen, quòd in quocunque loco istorum intelligantur dicta fuisse hæc verba, non reperiuntur omnino ad literam sicut hic, & tamen magis consonant cum eis, quæ habentur primo Regum decimotertio, quam cum quibuscunque alijs. modus tamen est eorum, qui allegant, quòd non semper allegent quantum ad verba, sed magis quantum ad sententiam, & etiam quidam allegant plures partes sententiæ, & alij minores, & sic videntur esse multa, & est idem. Patet hoc, quia aliter allegavit istud Abner, & aliter populus; nam Abner uoluit probare per sermonem Domini, quòd totum regnum Israel deberet transire ad David, & ait, hæc faciat Deus Abner, & hæc addat ei, si quomodo iuravit Dominus David sic faciam cum eo, ut transferatur regnum de domo Saul, & eleuetur thronus David super Israel, & super Iudam, secundo Regum tertio, populus autem allegavit idem dictum Dei aliter, scilicet tibi dixit Deus, tu pasces populum meum Israel, & eris dux super eum. Similis modus est semper allegandi Christi, & Apostolorum, in nouo testamento, in quo allegant semper auctoritates veteris testamenti non quantum ad literam, sed quantum ad sensum.

An Israelite tenebantur mortuo Isboseth accipere David in regem. *Quæst. VIII.*

QUÆRITUR ulterius an tenebantur nunc Israelite accipere David in regem mortuo Isboseth. Dicendum videtur, quòd sic, quia David à Deo vnctus fuerat in regem, & promiserat ei Deus regnum Israel, ideo tenebantur Israelite sibi dare illud, cum Deus possit auferre, & dare cuicunque voluerit iura regnorum. Confirmatur hoc magis, quia Israelite tenebantur obedire Deo, sed ipsi sciebant, quòd Deus promiserat regnū David, quia ipsi hoc confessi sunt, scilicet tibi dixit Dominus, tu pasces populum meum Israel, ideo si darent illud alicui alteri, peccarent agentes contra conscientiam.

Item patet, quia non solum Deus promiserat istud regnum David, sed etiam realiter illud tradiderat vngendo eum per Samuelem Prophetam primo Reg. decimosexto, & de hoc constabat Israelitis, quia ipsi sciebant istam vnctionem fuisse factam, cum manifestatum fuerit post mortem Samuelis, ideo tenebantur eum accipere in regem.

Item confirmatur magis, quia Deus limitauerat tempus, in quo istud impleri deberet. Nam dato, quòd fecisset Deus vngi David in regem, si nihil aliud fecisset, aut dixisset, non constaret, quando volebat, quòd regnaret David, nec tenebantur Israelites accipere eum in regem, si manerent aliqui successores Saulis, & tamen Deus determinauit plura nunc, quia dixit Samuel ad Saulem, scidit Deus regnum Israel à te hodie, & tradidit illud proximo tuo David primo Regum vigesimo octavo. ergo oportebat, quòd post mortem Saulis regnum traderetur David, potissime cum nunc non maneret aliquis successor Saulis. De priori vice quādo traditum est regnum Isboseth mortuo Saule. An peccauerit populus in hoc, declaratum fuit primo Regum secundo, & tamen dato, quòd ibi non peccaret populus, peccaret hic, quia tunc habebat aliquem colorem ad non accipiendum David in regem, eo quòd tunc erat vnus

de filiis Saulis, qui videbatur posse legitime succedere. Nunc autem nullus filius eius erat, nisi illegitimus, nec etiam nepos, cui competeret successio, ideo si traderet alteri extraneo, de quo nihil Deus locutus fuisset, nec esset de stirpe Saulis, peccarent grauer. Dicendum etiam, quòd David habebat ius ad pugnam contra Israelitas, & subijciendum eos sibi, ut tenerent eum in regem, si ipsi nollent, sicut potest Dominus agere bellum contra subditos suos, vel vassallos, si volunt eum sine causa iustissima excludere de dominio suo, & tamen David non curauit pugnare contra Israelitas, sed expectabat semper quòd ipsi ipso te conuerterentur ad eum, nam potius ipse horrebat fundere sanguinem Israelitarum, ut dominaretur eis quam dominari vellet effuso sanguine eorum, & ideo toto tempore regni Isboseth non curauit David agere magna bella, ut reduceret ad se regnum, sed bella erant inter Ioab principem militiae David, & Abner principem militiae Isboseth pro alijs rebus minoribus. Et etiam mortuo Isboseth, cum populus nullum haberet regem, David non commisit bellum contra populum, ut subijceret illum sibi, quod facilliter potuisset, sed expectauit, quòd populus per se rediret ad eum, & sic factum est, ut patet hic, & secundo Reg. 5.

De federe facto inter David, & Israel, & de ceremonijs illius. *Quæst. IX.*

QUÆRITUR ulterius de isto federe, quòd factum est hic inter David, & Israel quomodo factum est, & quæ erant ceremoniæ illius. Respondendum, quòd fedus erat quidam modus contractus nimis validi, in quo erat promissio ex altera parte, vel ex vtraque ad faciendum aliquid, & ista promissio firmabatur iuramento, & ut esset ad huc firmior, fiebant aliæ ceremoniæ, scilicet, quòd occidebantur animalia, & diuidebantur in duas partes, scilicet quodlibet animal in duas medietates, & istæ erant altrinsecus positæ, ita ut inter eas esset transitus, & illi qui faciebant foedus inter se, transibant per medium illarum diuisionum, & significabant per hoc, quòd quicunque foedus fraudaret, vel violaret, diuideretur in duas partes sicut illa animalia. Vel fiebat alio modo, quòd occisus, scilicet animalibus accipiebatur de sanguine eorum, & aspergebantur ipsi, qui faciebant foedus, & significabatur, quòd sanguis eorum effundendus esset, qui violarent fedus, sicut sanguis eorum animalium fundebatur. Istæ ceremoniæ obseruatur tunc nunc, quamquam non fiat hic expressa mentio de illis. Satis est enim dici, quòd factum est fedus, nam non poterat fieri fedus, nisi ceremoniæ istæ obseruarentur. De primo modo faciendi fedus patet Genesis decimoquinto. nam sic fecit Deus fedus cum Abraham, sic etiam fecit fedus populus tempore regis Ezechie cum Domino. Ierem. trigesimo quarto. De secundo modo patet Exod. vigesimo quarto. nam tale fedus fuit inter Deum, & populum in datione legis. De istis federibus magis dictum est primo Reg. 18. & Iosue ult. & 4 Reg. 23.

Abijt quoque David, & omnis Israel in Ierusalem. Hæc est Iebus, vbi erant Iebusæi habitatores terræ.

Abijt quoque. Hic ponitur secundum huius capituli, scilicet Iebusæorum debellatio. Nam pugnavit David Iebusæos, qui habitabant in Ierusalem, & cepit fortificationes.

scilicet castrum montis Sion. & dicitur. *Abijt quoque David, & omnis Israel in Ierusalem.* Intelligendum est, quod David ante hoc erat rex Iuda solum, non ideo imminere sibi cura de his, quæ pertinebant ad totum Israel, sed ad solum regnum Iuda, nunc autem, quia factus est rex super totum Israel, volebat disponere de his, quæ pertinebant ad totum regnum, & quia Ierusalē erat ciuitas præcipua in tota terra Israel, & apta ad hoc, quod esset metropolis regni: voluit in primis pugnare ad capiendum illam urbem, ut faceret ibi sedem regni, & dicitur quod abiit in Ierusalem, scilicet, quia nunc quando vnctus est, erat in Hebron, vbi prius regnabat quando erat rex super solum tribum Iudæ. supra in litera. Et dicitur quod omnis Israel iuit cum eo, idest plurimi de Israel congregati fuerant de omnibus tribubus Israel viri plurimi ad vngendū David in regem supra in litera, & illico ut fuit vnctus venerunt cum eo de Hebron in Ierusalem illi, qui venerant ad vngendum eum in regem.

Hæc est Iebus. Idest ista ciuitas Ierusalem est, quæ vocatur alio nomine Iebus, & forte vocabatur sic à Iebuseis habitantibus in ea, sicut hic dicitur.

Vbi erant Iebusæi habitatores terre. Iebusæi erant vna de septem gentibus terræ Chanaan, & tenebant isti Ierusalem, & alia loca propinqua. Sic dicitur Iosue 15. scilicet, non potuerunt filij Iuda delere Iebuseum habitatores Ierusalem, & cum ista esset magna gens, non solum tenebat urbem Ierusalem, sed etiam alia loca vicina. Quod patet, quia dicitur hic, vbi erant Iebusæi habitatores terre, idest terræ, quæ erat in circuitu Ierusalem, nam si de sola vrbe Ierusalem intelligeretur, solum diceretur vbi erant Iebusei, & tamen non diceretur habitatores terre, quia istud esset superfluum. Sed obijciatur quomodo David iuit nunc ad pugnantis temporibus: nam Iosue occidit regem Ierusalem, ut patet Iosue 10. deinde mortuo Iosue illico pugnaverunt viri Iuda contra habitatores Ierusalem, & occiderunt illos, Iudic. 1. Filij quoque Benjamin pugnaverunt contra eos, eod. cap.

Respondendum est, quod Ierusalem capta fuit post mortem Iosue per filios Iuda & Benjamin, & tamen solum fuit capta pars vrbis, quæ plana erat, & fuerunt expulsi Iebusei de illa: fortilitium tamē vrbis, scilicet, castrum montis Sion non potuit capi, ibi autem manserunt Iebusei vsque ad tempora David, quando fuit factus rex super totum Israel. Et hoc colligitur Iosue decimo quinto, cum dicitur: Iebuseum autem habitatores Ierusalem non potuerunt filij Iuda delere, sed habitauit Iebuseus cum filiis Iuda in Ierusalem. Idem patet Iud. 1. de filiis Benjamin pugnantibus contra Ierusalem. David autem nunc pugnavit contra castrum ad capiendum illud. Quod satis patet, nam tempore Saulis quando pugnavit David contra Philistæum attulit caput eius in Ierusalem, primo Reg. 17. ergo erat tunc Ierusalem pertinet ad Israelitas, sed fortilitium manebat in potestate Iebuseorum, & nunc David accepit illud & habitauit ibi. Fluxerunt autem multi anni inter captionem vrbis, & captionem templi Salomonis anni quadringenti, & octoginta. 3. Reg. 6. de quibus subtrahantur tres anni, quibus regnauerat Salomon, quando ceperat edificare templum, eod. cap. & triginta tres anni, quibus regnavit David super totum Israel. 2. Reg. 5. & 1. Reg. 2. & tamen in principio regni huius cepit David castrum montis Sion in Ierusalem, subtrahantur etiā anni quadraginta ab exitu de Aegypto vsque ad introitum in terram Chanaan, & subtrahantur anni, quibus dominatus est Iosue postquam introiit in terram Cha-

naan, quos Iosephus vult esse vigintifex, manebunt anni trecenti octoginta & octo, quia subtrahuntur de eis nonaginta duo, tanto tempore manserunt Iebusæi in castro montis Sion postquam capta est Ierusalem. De istis Iebuseis, qui erant in Ierusalem quomodo potuerunt manere ibi tanto tempore post captam urbem, & an viri Iuda non possent eos inde expellere de facto vel de iure, & quomodo poterant tot annis inclusi in castro procurare sibi necessaria ad vitam, declaratum est Iosue 15.

Dixeruntque qui habitabant in Iebus ad David. Non ingredieris huc, Porro David cepit arcem Sion, quæ est ciuitas David. Dixitque. Omnis qui percusserit Iebusæum in primis: erit princeps, & dux. Ascendit igitur primus Ioab filius Saruiæ, & factus est princeps.

Dixeruntque habitatores Iebus ad David. Non ingredieris huc. Scilicet illi, qui habitabant in castro montis Sion dixerunt hoc ad David: nam in parte plana ciuitatis nullus de Iebusæis habitabat, sed Israelitæ: & dixerunt Iebusæi. Non ingredieris huc per modum irrisuionis, quia confidentes de fortitudine loci non timebant, quod David posset illuc intrare, & ista habetur magis. 2. Reg. 5. cum dicitur: Non ingredieris huc nisi abstuleris cæcos, & claudos odiētes animam David, & iccirco in proverbio dicitur: cæcus, & claudus non intrabunt in templum. De istis cæcis, & claudis qui erant, & quomodo oderāt animam David, & dicebant non ingredietur huc David, declaratum est satis eod. cap.

Porro David cepit arcem Sion. Ex hoc patet quod supra dicebatur, scilicet, quod non pugnavit nunc David contra totam Ierusalem, sed solum contra fortilitium vrbis, quia aliās diceretur, quod cepisset urbem, dicit tamen solum, quod cepit arcem Sion, & ista est castrum vrbis, & non est intelligendum, quod sit vnica turris, sed multe erant: vocatur tamen turris singulariter, quia totum castrum erat tam forte ex omni parte, quod videbatur vna turris, vel totum esse turris: erat tamen satis magnæ latitudinis, nam ibi habitabant multi Iebusæi, & habitauerāt quasi per quadringentos annos post urbem captā, ut supra dictum est, Vocatur autem turris Sion, quia mōs ille, in quo erat istud castrum vocabatur Sio, vel alio nomine Moria, ut patet sequenti lib. cap. 3.

Quæ est ciuitas David. Istud castrum montis Sion vocatum est ciuitas David. Aliqui enim errant circa hoc dicentes, quod ciuitas David vocatur tota Ierusalem, quia ipse habitavit in ea, & hic dicitur, quod cepit Iebus, & illa fuit ciuitas David. Sed falsum est, quia ipse non cepit totam urbem. Alij putant quod ciuitas David sit Bethlehem, quia de illa erat oriūsus David, & aliquando vocatur ciuitas vel castrum eius: sic patet Ios. 7. scilicet, Scriptura dicit, quia ex semine David secundum carnem, & de Bethlehem castello, vbi erat David, venit Christus. Et vtrunque est falsum, quia ciuitas David vocata est illa, quam ipse nunc cepit, & tamen non cepit Bethlehem, nec Ierusalem sed castrum montis Sion, quod erat in Ierusalem, ideo illud vocatum est nunc ciuitas David, & ibi ipse habitavit, & ibi constructum fuit postea templum per Salomonem, & ibi David fecit quendam locum congregatum ab humana cōversatione in quodam horro pro sepulchris regum, & fecit sepulchrum valde magnum, in quo sepelirentur omnes reges de stirpe sua,

fua, ideo dicitur de quolibet rege de tribu Iuda, quod sepultus est in ciuitate Dauid: nisi de quibusdam valde malis, de quo declaratum est 4. Reg. 21.

Dixitque omnis, qui percusserit Iebuseum in primis. No-
lebat Dauid comittere alicui de viris suis soli bel-
lum contra Iebuseos, quia nullus posset solus preua-
lere contra eos, sed voluit omnes incitare fortiter ad
pugnandum, & ad hoc proposuit premium, dicens:
Qui percusserit Iebuseum in primis, s. percusserit ali-
quos de existentibus in turribus illius castris. Sic enim
Caleb pugnans contra Chariathsepher dixit, qui per-
cusserit Chariathsepher, dabo ei Axam filiam meam
uxorem, scilicet, qui incepit percutere urbem Iosue
15. & Iudic. 1. *Erit princeps & dux.* Idest erit princeps
exercitus. Magnum enim premium promittebat
Dauid percutienti Iebuseos, quia faciebat illum prin-
cipem super omnes bellatores Israel, & sic erat do-
minus secundus post Dauid, & ob hoc omnes desi-
derabant nimis pugnare fortiter contra Iebuseos:
quia premium erat magnum.

Ascendit igitur primus Ioab filius Saruie. Scilicet iste
ascendit primus in castrum montis Sion, & percussit
aliquos de Iebuseis. Erat enim Ioab vnus de viris for-
tissimis Dauid, & erat magni cordis, fecitque bella
grauissima pro Dauid, vt colligitur ex processu secun-
di libri Regum. Fuit autem Saruia mater Ioab, & so-
ror Dauid: nam Dauid habuit duas sorores, s. Saruiā,
& Abigail. Peperit autem Saruia tres filios viros for-
tes, & famosissimos, s. Ioab, Asael, & Abisai. Abigail
autem peperit Amasam, qui fuit princeps exercitus
Absaloni contra Dauid. 2. Reg. 17. & postea fuit prin-
ceps militie Dauid, & occisus fuit dolose à Ioab: de
de hoc 2. Reg. 19. & 20. De istis duabus sororibus, &
filijs earum patet supra 2. dicitur etiam de Ioab quan-
docunque nominatur quod fuit filius Saruie ad si-
gnificandum, quod erat de progenie Dauid: cum
Saruia esset soror Dauid.

Et factus est princeps. Scilicet principes belli, nam
semper fuit Ioab princeps belli viuente Dauid vsque-
quo eum deposuit de honore propter mortem Ab-
saloni. 2. Reg. 19. & 20. & tamen tunc Ioab contra
voluntatem Dauid vsurpauit sibi principatum belli
occidens dolose Amasam, quem Dauid principem
instituerat. 2. Reg. 20. & postea semper tenuit prin-
cipatum militie vsque ad mortem Dauid, & ante mor-
tem eius ipse fuit partialis cum Adonia ad constituen-
dum eum in regem contra voluntatem Dauid. 3. Re-
gum primo. & Dauid moriens iussit Salomoni filio
suo, quod occideret eum, eodem lib. cap. 2. & sic fa-
ctum est.

An Ioab, quia accepit urbem Sion, factus fuerit princeps.
Quest. X.

QUÆRITUR quomodo dicitur hic, quod Ioab
factus est nunc princeps, quia cepit urbem
Sion: nam videtur, quod non potest stare,
quia ipse erat princeps ante hoc. Tempore
enim, quo Dauid regnauit in Hebron super Iudam
erat Ioab princeps exercitus eius, vt patet. 2. Reg. 3.

Respondendum est, quod prius erat princeps, &
tamen etiam nunc factus est princeps, & potest hoc
intelligi, quia forte a principio fuerat sibi traditus
principatus sponte, & poterat eum Dauid amouere à
principatu, & quemcunque alium instituere quan-
docunque vellet, eo quod principatus compete-
bat ei ex gratia: nunc autem datus est sibi principatus pro-
pter merita, & ex pacto, ideo tenebat iam illum iure
suo, & sic dicebatur nunc factus princeps, scilicet, iure
suo, cum prius esset princeps ex conuersione Da-

uid. Potest intelligi aliter, scilicet, quod fuerit factus
princeps Ioab ante hoc, & tamen non erat confirma-
tus: nunc autem fuit confirmatus: & confirmari in
principem est, sicut principem fieri: cum interdum
per confirmationem tribuatur ius nouum, quod prius
non erat. Tertio modo potest dici, & melius, quod
Ioab erat princeps exercitus Dauid ante hoc cum re-
gnaret in Iuda, nunc autem incipiebat esse rex totius
Israel, ideo si Ioab maneret nunc princeps militie eius,
sicut prius, conferebatur ei de nouo aliquid, & quan-
tum ad hoc potuit poni in premium cuiusque per-
cutienti primò Iebuseos: nec preiudicabatur Ioab,
quia non auferebatur ei ius antiquum. Nam forte
dato quod alius percussisset prius Iebuseos non cessa-
ret Ioab esse princeps supra exercitum totius Israel,
super quem non erat prius princeps ipse Ioab, quia
tamen Ioab erat vir nimis desiderans honorē, & erat
cordis acerrimi, etiam quia videbatur sibi dedecus
fieri si alius iam inciperet esse maior illo sub Dauid:
cum ante hoc nullus fuisset, pugnavit durissime, vt
primus percuteret Iebuseos, & sic factum est.

Habituauit autem Dauid in arce, & iccir-
co appellata est ciuitas Dauid: edificauitque
urbem in circuitu a Mello vsque ad gyrum.
Ioab autem reliqua urbis extruxit. Proficie-
batque Dauid vadens & crescens, & Domi-
nus exercituum erat cum eo. Hi principes
virorum fortium Dauid, qui adiuuerunt eu-
m, vt rex fieret super omnem Israel iuxta ver-
bum Domini, quod locutus est ad Israel, &
iste numerus robustorum Dauid. Iesbaam
filius Achamoni princeps inter triginta. Iste
leuauit hastam suam super trecentos vulne-
ratos vna vice.

Habituauit autem Dauid in arce. Idest in castro montis
Sion, que vocatur arx, siue turris propter castrum in-
terius dictam. Ista habitatio fuit illico, vt cepit ca-
strum, & tunc non habebat ibi Dauid constructa pa-
latia, sed habitauit, vt potuit. Pauco autem tempore
post misit Hiram rex Tyri ad Dauid artifices, & ligna
cedrina, & edificauerunt ei domum magnam in mon-
te Sion, vt patet infra 14. & 2. Reg. 5.

Et iccirco appellata est ciuitas Dauid. Idest quia habita-
uit ibi Dauid appellata est ciuitas Dauid. Dux autem
runt causæ, quare sic vocaretur. Prima fuit, quia Da-
uid cepit eam, vt patet supra: Secunda, quia habitauit
ibi, vt hic dicitur.

Edificauitque urbem in circuitu. Intelligitur hoc de
urbe montis Sion, quia castrum illud erat paruum &
Dauid ampliauit illud: & dicitur, quod edificauit ur-
bem in circuitu, idest fecit muros in circuitu totius
montis Sion ad occupandum maius spacium. Vel
potest intelligi de muris ipsius urbis exterioribus, scilicet,
Ierusalem, quia forte erat illa male murata, & Da-
uid refecit partem illam, quæ destructa erat, vel certe
proxima, sed melius intelligitur primo modo, vt pa-
tet. 2. Reg. 5. scilicet, edificauit per gyrum a Mello, &
intra.

A mello vsque ad gyrum. Multi errant in hoc non
ne putantes, quod sit vna dictio a Mello, & tamen al-
tum est, quia sunt duæ, nam a est prepositio: Mello
est ablativus, & est Mello nomen ciuitatis vici-
nis magnæ, quæ erat apud castrum montis Sion, & ab
illo

illo loco incepit Dauid facere muros vsque ad gyrū, id est vsque ad muros antiquos claudendo magnum spacium muro quod prius clausum non erat, & hoc, vt maioris capacitatis esset ciuitas Sion.

Ioab autem reliqua vrbis extruxit. Scilicet manebant adhuc aliquę partes vrbis montis Sion reficiende, & illos extruxit Ioab, vel forte magis erant loca ista sine muro, & Ioab fecit aliquam partē muri in illis vsque ad locum, vbi inceperat adificare Dauid.

Proficiebatque Dauid vadens & crescens. Istud intelligitur de Dauid postquā fuit factus rex Israel, nam quotidie augebatur honor eius, & magnitudo potestatis, ideo dicebatur proficere, scilicet in omnibus, quę incipiebat, & dicebatur vadens, id est semper ad maiora bona, & crescens, scilicet, in magnitudine honoris, & potentie. Sic etiam dicitur 2. Reg. 3. Dauid proficiens, & semper seipso robustior: domus autem Saul decrescens quotidie. Sed illud intelligitur de habitudine regni Iuda, quando Dauid erat rex Iuda solum, & Isobeth rex totius Israel: nam crescebat quotidie Dauid, & decrescebat Isobeth. Istud autem intelligitur de statu Dauid postquam erat rex Israel, & comparatur ad alios reges gentium, qui erant in circuitu terre Israel, nam ipse quotidie crecebat plus in honore, & diuitijs quā alij reges vicini.

Et dominus exercituum erat cum eo. Istud erat, quod faciebat tantum Dauid crescere, quia Deus erat cum eo, scilicet, adiuvans eum in omnibus, ad quę manū mittebat. Sic enim erat, quando Dauid institutus fuit princeps belli à Saule, quia in omnibus, ad quę mittebat eum Saul, prudenter se agebat, & dominus erat cum eo, primo Reg. 18. Potissimè quia Deus promiserat Dauid, quod exaltaret nomen eius nimis. 2. Regum 7. & in omnibus bellis, ad quę manum mittebat prosperabatur, quia Deus custodiebat eum, ne incideret in manus hostium. 2. Reg. 8. seruauit Dominus Dauid in omnibus, ad quęcunque profectus est. Circa omnia autem, quę habentur in tota litera præcedenti huius cap. fuerunt multa dubia, quorum plurima subtrahuntur hic, & declarata sunt. 2. Reg. 5.

Hi principes. Hic ponitur tertium huius cap. siue principum, siue virorum fortium Dauid enarratio, & ponitur hic de istis, quia supra actum est quomodo Dauid fuit rex Iuda, & postea Israel, & quia isti viri fortes, qui erant cum eo, adiuerunt illum ad omnia hæc, ponuntur hic nomina eorum, postquā dictum fuit de regno Dauid. & sunt ista nomina istorum poni in sacra scriptura propter admirandam eorum fortitudinem, quia egerunt opera nimis magnifica, & ista fecerunt in fauorem Dauid adiuuādo eum ad acquirendum regnum, quod Deus ei promiserat: sic dicitur in litera, & quia fuerunt in hoc ministri Dei iustum fuit laudes eorum, & nomina poni in sacra scriptura. Secundum fuit, quia scriptura sacra est ad instructionem nostram, vt pater 2. ad Tim. 3. scilicet, Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei ad omne opus bonum instructus. Sic enim instrumur per magnifica opera istorum virorum fortium, quia simut illi expoluerunt se sepius ad mortem pro Dauid, vt fauerent iustitiæ: ita & nos contra omnem hostem pro iustitia viriliter decertare debemus, vel saltem sicut isti corporaliter pugnaverunt, & fecerunt opera magnifica, ita & nos taliter pugnare debemus contra carnem, & demonis, & seculi tentamenta, & ista est cautela, quam readunt sancti quare libri Machabeorum legantur in Ecclesia, cum sola bella contineant, & dicuntur quod sunt propter similitudinem belli spiritualis ad corporale, & dicitur.

A *Hi principes virorum fortium Dauid.* Istud potest intelligi dupliciter. Vno modo quod isti tres primi, qui sequuntur, fuerunt principes virorum fortium Dauid, quia viri fortes eius fuerunt triginta, vel quasi, & quia nulli peruenerunt ad fortitudinem istorum trium primorum, dicebantur isti esse principes omnium virorum fortium. Alio modo potest intelligi, quod referatur hoc ad omnes viros fortes, qui infra nominantur, & dicitur, quod hi sunt principes virorum fortium Dauid, scilicet, quia Dauid habuit multos alios viros fortes præter istos triginta, vel quasi: & tamen illi non erant tam excellentes sicut isti, ideo non fuerunt expressa nomina illorum, sed istorum, eo quod isti erant principes illorum in fortitudine, & etiam erant principes illorum in potestate, quia Dauid subiecerat illos istis, & omnes isti erant duces militum, licet Ioab esset dux totius militie.

Quia adiuerunt eum, vt rex fieret super totum Israel. Propter hoc ponuntur nomina eorum hic, scilicet, quia adiuerunt Dauid in opere iustissimo, & erant tanquam ministri Dei. Omnes isti erant cum Dauid antequam fieret rex Israel cum adhuc regnaret in Iuda, & ideo dicitur quod adiuerunt eum, vt fieret rex, & non solum erant cum eo quando erat rex Iude, sed etiam in deserto, quando fugiebat à facie Saulis, comitabantur eum adiuvantes illum contra omnem hominem. Nam de quibusdā ipsorum exprimitur hic, quod fecerint aliqua gesta magnifica antequam Dauid esset rex, vt patet in litera.

C *Iuxta verbum Domini, quod locutus est ad Israel.* Id est adiuerunt isti Dauid, vt esset rex secundum quod Deus prædixerat eum futurum esse regem, & hoc dixit ad totum Israel.

Intelligendum est, quod Deus non locutus fuit toti Israel, sed locutus fuit Samueli de toto Israel, dicens: quod totus Israel acciperet eum in regem. Vel locutus fuit ad Samuelem, vt ipse denunciaret hoc toti Israel. Sic enim Deus dicitur loqui ad aliquem mediantibus prophetis.

Et iste numerus robustorum Dauid. Hoc potest intelligi de omnibus infra sequentibus, qui exprimuntur in litera, & non debet istud exponi dupliciter sicut præcedens litera, quia illa videbatur magis competere tribus primis, qui erant principes inter omnes fortes, sed hic vocantur robusti, & competit hoc omnibus triginta, vel pluribus hic nominatis.

Iesbaam filius Achamoni princeps inter triginta. Iste fuit primus de viris fortibus Dauid, & ponitur primus, non quidem, quia prius cum eo habitauerit quā alij, sed quia fuit maior viribus, & magnitudine gestorum ceteris viris fortibus Dauid, vt patet ex eo quod dicitur hic de illo, & 2. Regum 23. nam nō enarratur tanta fortitudo de aliquo, sicut de isto, vt patet hic, & secundo Regum 23. Dicendum autem quod nomina ista virorum fortium, qui ponuntur hic, habentur etiam secundo Regum 23. & ibi est magna difficultas circa istum primum principem, quia ibi dicitur: Sedens in cathedra sapientissimus princeps inter tres vbi dicitur hic Iesbaam filius Achamoni, & aliqui intelligunt, quod ille erat Dauid, quia dicitur sedens in cathedra: & tamen nullus sedebat in cathedra nisi Dauid, qui erat Rex: etiam quia dicitur sapientissimus, & hoc pertinet ad Dauid, quia erat propheta: iste autem vir primus de fortibus Dauid non erat sapientissimus, sed solum bellator. Etiam quia dicitur, quod erat tenerrimus ligni vermiculus, & hoc pertinebat ad Dauid, quod non videtur pertinere ad viros bellatores robustissimos. Sed probatum est quod non poterat hoc intelligi de Dauid, quia hic ponuntur nomina fortium Dauid, & ille fuit primus, ideo non

non fuit ipse Dauid, sed aliquis de viris suis, diuersitas autem procedit non ex litera hebraica, quia eadem ferè dictiones habentur hic in Hebræo, quæ secundo Regum 23. & tamē sunt multæ dictiones in Hebræo, quæ possunt accipi tanquam nomina propria, vel tanquam communia. Accipiendo autem nomina, quæ ponuntur hic, & secundo Regum vigesimotertio communibus erit sensus ille, quem ponit Hieronymus secundo Regum vigesimotertio, scilicet sedens in cathedra sapientissimus. Accipiendo autem ut propria, erit sensus, qui habetur hic, scilicet, Iesbaam filius Achamoni: de hoc autem satis declaratum est. secundo Regum 23. & conclusum, quod ista litera nostra est conueniens veritati hebraicæ: & illa, quæ habetur secundo Regum 23. non satis conuenit. Ille Iesbaam fuit princeps non solum inter omnes viros fortes, sed etiam inter tres primos, qui erāt fortissimi: ideo aliquando dicitur de eo quod erat princeps inter tres, id est inter tres primos fortes: quorum ipse erat vnus, & aliquando dicitur, quod erat princeps inter triginta, sicut hic comparādo ad omnes viros fortes Dauid: nam si erat princeps respectu ipsorum trium fortissimorum, à fortiori esset princeps respectu ceterorum, qui erant minores istis tribus.

Iste leuauit hastam suam super trecentos vulneratos vna vice. Ponitur hic fortitudo magna istius Iesbaam & est, quod vna vice leuauit hastam suam super trecentos vulneratos, id est vna vice in bello ipse solus occidit trecentos viros hasta sua. Et non est intelligendum, quod leuauit hastam suam super trecentos vulneratos, scilicet, quod isti iam vulnerati essent, vel occisi, quia tunc nullius fortitudinis bellicæ erat leuare hastam super istos, quia quilibet puer paruulus poterat facere istud, sed est sensus, quod leuauit hastam suam contra trecentos, & omnes occidit, quia pro eodem accipiuntur hic vulnerati, & occisi. Etiam dicitur vna vice ad ostendendum magnitudinem fortitudinis, nam si in diuersis vicibus hoc fecisset non videbatur magnæ virtutis, quia poterat qualibet vice occidere vnum, & hoc quilibet homo etiam paruæ fortitudinis facere poterat, sed occidit eos vna vice, id est vno bello, & istud fuit magnæ fortitudinis, quod contra trecentos vnus præualeret.

De controuersia, quæ habetur hic, & in 2. Reg. cap. 23.

Quæst. XI.

QUÆRITUR circa hoc, quomodo dicitur hic, quod leuauit hastam suam super trecentos, quia secundo Regum 23. dicitur, quod leuauit hastam super octingentos, scilicet, qui interfecit octingentos, impetu vno.

Aliquis dicit, quod occidit vna vice trecentos, & deinde multis vicibus cōpleuit vsque ad numerum octingentorum. Sed istud non stat, primo quia sicut dicitur hic, quod leuauit hastam suam super trecentos vna vice, ita dicitur secundo Regum 23. quod interfecit octingentos impetu vno. Secundo patet, quia ponuntur ibi, & hic ista ad ostendendum laudes maximas istius Iesbaam, & tamen, quod in diuersis vicibus ipse occideret quingentos viros, qui sunt residui ultra trecentos, quos occidit vna vice, non erat magna fortitudo, quia multi alij tortiores erant, ideo oportet, quod intelligatur, quod vna vice occiderit octingentos.

Aliquis dicit, quod occidit iste Iesbaam octingentos vna vice, sicut dicitur secundo Regum vigesimotertio. & tamē hic ponitur minor summa, ideo contingit, quod ponantur trecenti. Sic enim fit sapienter quando eadem res enarratur frequenter in scriptura,

Et nam non ponitur eadem summa vtroque, sic patet in numeratione populi, quam iussit fieri Dauid: nam ponitur summa eius secundo Regum vltimo, & etiam ponitur infra vigesimoprimum. & tamen non est vtroque æqualis.

Respondendum est, quod hoc non potest stare propter duo. Primo, quia si ibi poneretur tota summa: hic autem poneretur pars eius, scilicet, trecenti viri si nulla alia causa esset, posset dici eadē ratione, quod iste percussit quatuor viros vna vice, & istud nihil erat: ideo oportet, quod aliqua alia causa sit, quare non ponatur hic talis summa sicut ibi. Secundo patet, quia iste liber est suppletiuus omnium aliorum, ut declaratum est in prologo primo, ideo oportet, quod hic ponantur semper plura quam alibi, vel saltem æqualis summa, quia suppletio augmentum dicit. Patet hoc, quia secundo Regum vltimo, ponitur summa numerati populi per Dauid, & ibi est valde minor quam hic, ideo sic deberet fieri, quod summa, quæ habetur secundo Regum vigesimotertio, deberet esse minor quam ea, quæ habetur hic, & tamen est contrarium accidit.

H Dicendum igitur, quod ista summa, quæ habetur hic non est pars illius, quæ habetur secundo Regum 23. licet illa sit maior, quam ista, quod patet, quia cum iste liber sit suppletiuus non enarraret id quod in alijs libris dictum est, nisi aliquid addere intenderet, & tamen hic non additur, sed minuitur. Sed dicendum quod est ista distincta summa ab illa, eo quod iste Iesbaam fecit duo bella famosissima: vnum fuit in quo occidit octingentos viros impetu vno, & quia istud fuit maximum, positum fuit secundo Reg. 23. aliud autem fuit, in quo occidit trecentos viros impetu vno: & istud fuit minus quam primum: & fuit satis famosum, ideo cum non fuisset positum, 2. Reg. 23. voluit scriptura illud supplere hic, & posuit trecentos viros. Cum autem obijciatur, quod ponitur hic minor summa quam 2. Reg. 23. dicendum, quod si ista pertineret ad illam poneretur hic maior, vel saltem equalis, & tamen non est ista pars illius, sed fuit quedam alia distincta ab illa, quæ fuit minor. Dicitur de isto, quod fuit princeps inter triginta, id est inter omnes robustos Dauid, qui vocantur triginta, quanquam plures fuerint, ut patet infra in litera, & 2. Reg. 23.

I Et post eum Eleazar filius patris eius Ahohites, qui erat inter tres potentes. Ille fuit cum Dauid in Pheodomim quando Philistini congregati sunt ad locum illum in prælium. Et erat ager regionis illius plenus hordeo.

K Et post eum Eleazar filius patris eius. Ille fuit secundus de fortibus Dauid, & erat fortior omnibus reuerentibus, sed erat minor quam Iesbaam. Ille Eleazar non erat filius Aaron, quia ille fuit multo tempore ante hoc, quia ille factus est sacerdos in deserto Exo. 29. & Leui. 8. & mortuus est quasi eo tempore quo Iosue, ut patet Iosue vltimo. Ille autem fuit tempore Dauid, & dicitur iste filius patris Iesbaam, tenens quod Iesbaam & Eleazar erant filij duorum fratrum. In Hebræo dicitur. *Filius Dodo.* Et Dodo potest esse nomen proprium, vel commune: si autem sit commune significat patrum eius, & sic accipit litera nostra. Si autem sit proprium, debet dici filius Dodo: & sic accipiunt Hebræi: & eadem diuersitas est, secundo Regum 23. & Iudicum 10. & in omnibus his locis, & similibus litera nostra ponit patrum eius: Hebræi autem interdum ponunt, ut nomen proprium, & in:

& interdum vt commune. *Ahohites*. Istud est nomen denominatum de loco, scilicet, Ahohites, idest de vrbe Ahohi, sed 2. Reg. 23. ponitur Ahohi: & alii qui intelligunt quod sit nomen proprium viri, scilicet quod filius patris eius Ahohi, idest, quod vocabatur sic pater eius: & tamen non accipitur nisi pro loco, qui dicitur Ahohi, idest filius patris eius, qui erat de vrbe Ahohi, & hoc magis significatur hic cum dicitur Ahohites. *Qui erat inter tres potentes*. Iste Eleazar erat inter tres potentes, scilicet secundus de tribus primis potentibus: nam erant multi ternarii virorum fortium, vt declaratum fuit 2. Reg. 23. *Iste fuit cum David in Aphesdomim*. Est Aphesdomim nomen loci, in quo conuenerunt Philisthini ad bellum contra David, & pugnavit iste contra multos. *Quando Philisthij congregati sunt ad locum illum in praelium*. David erat in Aphesdomim, & congregati sunt Philisthini illuc in bellum, siue congregati fuerint contra David, siue contra habitatores loci illius, sed 2. Reg. 23. ponitur plus de litera, scilicet, qui erat cum David, quando exprobrauerunt Philisthini, & congregati sunt illuc in praelium, & est sensus quod cum maneret David in aliquo loco Philisthini miserunt ad exprobandum ei, scilicet, quod dicerent ei, quod erat vir timidus & ineptus non audens pugnare cum eis, & hoc dicebant, vt incitarent eum ad pugnam, sicut Goliath per quadraginta dies maledicebat quotidie Israelitis, quia nullus audebat cum eo inire singulare certamen, primo Reg. 17. & tamen David abstulit istud opprobrium de Israel pugnando contra Goliath: ita nunc Philisthini cupiebant pugnare contra David, & vt incitarent eum exprobrabant ei, & tunc conuenerunt ad locum, in quo erat David ad bellum. De isto bello an factum fuerit, cum fugeret David a facie Saulis, vel postquam factus est rex Iuda, declaratum est. 2. Reg. 23.

Et erat ager regionis illius plenus hordeo. Philisthini veniebant ad destruendum illum agrum, & populus non poterat defendere illum quia fugit. Iste autem defendit agrum ab hostibus, & erat ager plenus hordei, scilicet prope tempus messis. Sed obijciatur, quia secundo Regum vigesimo tertio dicitur erat quippe ager ibi plenus lente. Dicendum quod erant duo agri simul, vnus plenus lente, & alius plenus hordeo, & isti hostes volebant destruere vtrumque agrum: scilicet, quod idem ager quandam partem lentis habebat, & quandam Hordei. Quomocunque autem intelligatur, quia secundo Regum 23. solum dictum fuerat de lente, voluit hic supplere scriptura de hordeo.

Fugerat populus a facie Philisthinorum. Hi steterunt in medio agri, & defenderunt eum. Cumque percussissent Philisthaeos dedit Dominus salutem magnam populo suo.

Fugeratque populus a facie Philisthinorum. Intelligendum est, quod in isto bello non erat David, quia tunc esset sibi magna ignominia, quod ipse fugeret cum reliquo populo, & iste solus vir resisteret hostibus, & fugaret eos, sed est sensus quod iste vir erat cum alijs de loco illo, & quanquam illi iuerunt in bellum non iuit illuc David, & tunc fugiente populo iste pugnavit contra hostes. *Hic stetit in medio agri*. Veniebant Philisthini ex vtraque parte ad vastandum agrum, & ipse stetit in medio eius vt defenderet eum ab omnibus. *Et defendit eum*. Scilicet resistit Philisthinis, & non potuerunt ipsi vastare agrum quanquam ad hoc descendissent. *Cumque percussisset Philisthaeos*. Scilicet ipse

A solus percussit eos, quia iam totus populus fugerat a facie Philisthinorum, vt patet in litera.

Dedit Dominus salutem magnam populo suo. Idest dedit magnam liberationem per manum istius: nam cum populus fugeret a facie Philisthinorum, ipsi poterant occidere multos in fuga, & postea vastaret omnes agros regionis istius, & omnia ista impediuit Eleazar, sed 2. Reg. 23. ponitur latius istud factum, scilicet quod Philisthini congregati sunt in praelium in Aphesdomim, & viri Israel ascenderunt contra illos: stetitque iste Eleazar in medio agri, & percussit Philisthaeos donec obrigesceret manus eius cum gladio, & fecit Dominus salutem magnam in die illa: populusque, qui fugerat reuersus est ad caesorum spolia, scilicet postquam populus fugiens vidit quod solus Eleazar superauerat hostes, reuersi sunt ad tollendum multitudinem spoliis virorum occisorum ab Eleazar, & ista fuit magna gloria Eleazar, quod ipse solus occideret hostes omnes, a quibus totus populus fugiebat.

Descenderunt autem tres. Posuit supra de tribus viris fortibus in speciali de quolibet loquendo: nunc autem ponit vnum factum laudabile, quod omnes tres fecerunt, scilicet portando aquam de cisterna Bethlechem. Sciendum autem quod quanquam hic fiat mentio de tribus, qui fecerunt hoc magnificum opus tanquam omnes tres supra positi fuerint, non fuit tamen supradictum nisi de duobus, & tertius omittitur, qui tamen ponitur. 2. Reg. 23.

C Quare superius fuerunt solum positi duo, & hic fit mentio de tribus, qui fecerunt mirabilia. Quasi. XLI.

Q V A E R I T U R quare cum fuerint isti tres viri potentes, fit hic mentio de tribus, & non fuerint positi supra nisi duo. Respondebit aliquis, quod hoc factum est, quia primus istorum trium erat David sicut videtur colligi. 2. Reg. 23. scilicet. Sedens in cathedra sapientissimus princeps inter tres, & istud competit David, qui fuit primus. Sed dicendum quod non stat, quia dicitur hic, quod isti tres viri descenderunt in Bethlechem ad hauriendum aquam pro David, & ipse noluit eam bibere, dicens: nunquid sanguinem istorum bibam? ergo non erat aliquis ipse de euntibus. Secundo patet, quia iste, qui ponitur hic secundus, scilicet Eleazar, ponitur secundus. 2. Reg. 23. & postea ponitur alius, qui vocatur Sema, de quo nulla mentio fit hic expresse, ideo oportet, quod sit ibi tertius vir, qui hic non ponitur. Tertio patet ex illis, quae dicuntur de istis viris, quia ista, quae dicuntur hic de Iesbaa dicuntur. 2. Reg. 23. de illo, qui sedebat in cathedra: ergo ille erat Iesbaam: etiam ea, quae dicuntur hic de Eleazar dicuntur ibi de eodem, & tamen ea, quae habentur ibi de tertio, scilicet, Sema non ponuntur hic, nec etiam dicuntur de aliquo infra posito: ergo necesse est, quod ille subtrahatur.

Aliquis dicet quod verum est, quod subtrahatur, & causa huius taciturnitatis est, quia iste tertius non fecit per se aliquod opus magnificum, sed cum alijs duobus, cum descendit in Bethlechem pro aqua, & ideo quando fit mentio de alijs duobus, per se non fit mentio de isto, cum autem fit mentio de quodam facto communi, nominantur tres, vt subintelligatur iste.

Sed dicendum quod istud non stat, quia iste non vocaretur de tribus primis fortissimis nisi fecisset aliquid excellentius quam omnes alij, qui erant post ipsum, & tamen multi post istum fecerunt aliqua gesta magnifica. Secundo patet, quia 2. Reg. 23. ponuntur gesta istius.

Pro quo considerandum, quod multa erant gesta istius, & Eleazari facientes eadem, quae etiam interdum

dum nos diximus referentes aliorum positionem. **F** Dicendum tamen, quod fuerunt gesta istius, & illius distincta, & Eleazar, de quo supra dictum est fuit ille, qui solus stetit, & percussit Philisthinos donec obri-
gesceret manus eius cum gladio, & populus fugiens vidit occisos hostes ab Eleazar, & reuersus est ad de-
trahenda spolia cesorum. Tertius autem fortissimus erat Sema de Arari, qui fuit quando congregati sunt Philisthini ad destruendum agrum terre Israel, & ipse stetit in medio agri solus, quia totus populus fugerat, & defendit populum ab hostibus, & agrum. 2. Reg. 23. & tamen propter similitudinem aliqui faciunt idem esse, sed falsum est.

De controuersia circa ea, quae hic dicuntur, & 2. Reg. 25. cap. scilicet de Eleazar, & Sema. Quæst. XIII.

QUÆRITUR vterius quomodo potest stare istud, quod id quod dicitur de Eleazar hic, quod defendit agrum plenum hordei: dicitur de Sema. 2. Reg. 23.

Aliquis dicet, quod idem sunt, sed falsum est, quia ibi ponuntur tanquam duo, quia Eleazar dicitur esse secundus, & post eum dicitur esse Sema de Arari. Sed dicendum est, quod isti fuerunt duo: potuit tamen quilibet eorum facere simile ei, quod alius fecit, quamquam ambo non agerent simul, nec in eodem tempore. Ideo satis stat, quod vnus defenderit agrum & etiam alius diuersis vicibus, & temporibus.

Secundo potest dici, quod sicut Eleazar, & Sema non sunt idem vir, ita nec sunt gesta eadē vtriusque, & istud verum est. Quod patet, quia de Sema dicitur. 2. Regum 23. quod defendit agrum plenum lente: hic autem dicitur, quod defendit agrum plenum hordeo, ideo non est idem bellum. Secundo patet, quia de Eleazar dicitur hic, quod defendit agrum, & etiam dicitur. 2. Regum 23. quod conuertit Philisthinos in fugam, & populus, qui fugerat rediit ad cesorum spolia, & non dicitur hoc de Sema, eod. cap. non sunt ergo idem vir, nec idem factum.

Sed tunc dicetur, quomodo ponitur hic istud factum Eleazar?

Respondendum est, quod hoc fit, quia Eleazar fecit duo gesta magnifica. Vnum fuit, quod ipse pugnauit semel contra multos Philisthinos in acie, non tamen ad defendendum aliquem agrum, & tunc populus, qui erat cum eo fugit, mansitque ipse solus, & pugnans occidit multos Philisthinorum, & populus videns stragem, rediit ad tollenda cesorum spolia.

Alius fuit quod iste Eleazar semel pugnauit contra Philisthinos, nam ipsi volebant vastare agros: eratque quidam ager plenus hordeo, & stans in medio defendit eum ab hostibus, & fugit populus, & tamen non rediit tunc ad tollenda cesorum spolia, & sic fuit istud secundum factum minus primo, ideo de alio dicitur 2. Reg. 23. & de isto dicitur hic per modum supplementi.

Responsio autem ad dubium principale de Sema, & Eleazar patet ex hoc. Pro quo magis considerandum quod hieerant tres viri fortissimi David, & quia liber Regum est liber principalis, in quo debent ista poni, debuerunt ibi isti tres viri, & gesta cuiuslibet illorum poni, & sic factum est: nam de omnibus tribus dicitur singillatim. Considerandum tamen quod isti tres se habent sic, quod quilibet eorum fecit aliquid speciale, & omnes tres fecerunt aliquid commune. Iptem autem commune ponitur tam hic quam ibi. De specialibus autem sciendum, quod duo illorum fecerunt singillatim multa opera magnifica: vnus autem Sema fecit vnicum opus singillatim, ideo secundo Regum vigesimotertio, ponitur de quolibet

eorum vnum opus magnificentius, quod egerit. Iesbaam autem fecit opus maximum, quod occiderit octingentos viros vno impetu, & istud ponitur secundo Regum 23. & subtrahitur aliud, & quia liber iste est suppletiuus, suppleuit illud, & ponitur hic de occisione trecentorum vna vice. Similiter Eleazar fecit duo opera, scilicet, primum quod fugiente populo solus percussit hostes, quousque manus obri-
gesceret cum gladio, & deinde populus rediit ad tollenda spolia cesorum, & istud erat maximum, & ponitur secundo Regum 23. subtrahitur autem aliud de defensione agri pleni hordeo, & istud suppletur hic, quamquam minus esset. Sema autem solum habuit illud actum magnificum, qui habetur 2. Reg. 23. ideo cum scriptura eum ibi semel posuerit, noluit repetere hic Esdras, & ista est causa, quare quamquam sint tres isti viri fortes non ponuntur hic nisi duo, quia ponuntur hic ad supplendum ea, quae habentur minus secundo Regum 23. & tamen ibi nihil deest de factis Sema, ideo non oportuit hic aliquid repeti de illo, sicut de alijs duobus. Item per istum modum possumus respondere, quando dicitur hic, quod ager erat plenus hordeo, & 2. Reg. 23. dicitur, quod erat plenus lente. Dicemus enim quod non est diuersitas, quia ager plenus hordeo, de quo fit hic mentio, est defensio ab Eleazar, qui fuit secundus de fortibus: ager autem plenus lene fuit defensio a Sema, qui erat tertius de fortibus. 2. Reg. 23. patet igitur quod non subtrahitur hic Sema, tanquam nihil egerit magnificum, sed ex causa dicta. Et dicitur.

H Descenderunt autem tres de triginta principibus ad petram, in qua erat David ad speluncam Odollam, quando Philisthijm fuerant castrametati in valle Raphaim. Porro David erat in Presidio, & statio Philisthinorum in Bethlechem. Desiderauit igitur David aquam, & dixit: O si quis daret mihi aquam de cisterna Bethlechem, quae est in porta. Tres ergo isti per media castra Philisthinorum perrexerunt, & hauserunt aquam de cisterna Bethlechem, quae erat in porta, & attulerunt ad David, ut biberet. Qui noluit, sed magis libauit illam Domino, dicens: Absit ut in conspectu Dei mei hoc faciam, & sanguinem istorum virorum bibam, quia in periculo animarum suarum attulerunt mihi aquam. Et ob hanc causam noluit bibere. Haec fecerunt tres robustissimi.

Descenderunt autem tres de triginta principibus. Non erant isti de numero triginta virorum, sed erant principes triginta virorum, quia si computentur omnes, plures proueniunt quam triginta, ut patet infra in libro 2. Reg. 23. Ad petram, in qua erat David. Ista petra erat aliqua magna rupes cauata, quae erat in deserto, in qua stetit David, quando fugit a facie Saulis, & erat in sorte Iudae. Ad speluncam Odollam, & fugit illuc David, quia locus ille erat valde secretus, nec poterat scire Saul, ubi esset: etiam quia locus ille erat valde defensus propter naturale suum, & si subito irruerent aliqui hostes super David posset se tueri. Primum tamen

tamen magis intendebat, quia nolebat David magis obsideri in aliquo loco quātumcunque munito, quia saltem fame caperetur. Vocatur autem ista spelunca Odollam, quia erat apud quandam urbem nomine Odollam, & est Odollam in sorte Iudæ, Iosue 15. erat etiam ista ciuitas vna de ciuitatibus regalibus cuius regem occiderunt Iosue, & Israelite, Iosue 15. ista ciuitas est, de qua accepit Iudas filius Iacob uxorem: nam dicitur quod diuertit ad virum Odollamitem, Gen. 38. Sciendum autem, quod istud factum est in principio fugæ David à facie Saulis, nam cum primo fugit, nec ferret gladium venit ad Abimelech sacerdotem in Nobe summum, accepitque ab eo panes, & gladium Goliath, 1. Reg. 21. Inde fugit in terram Philistinorum ad regem Achis in urbem Gerth: putans quod non cognosceretur ibi euaderetque, sed cognitus est, fingens insaniam euasit, eod. cap. & deinde rediit in terram Israel ad speluncam Odollam, & audierunt cognati eius, & multi alij viri de oppressis gre alieno, & amaro animo, & facti sunt quasi quadringenti, primo Reg. 22. & tunc descenderunt isti tres viri fortissimi ad David: fueruntque cum eo in omnibus aduersitatibus suis, redieruntque in terram Iudæ cum illo mortuo Saule, 2. Reg. 2.

Quando Philistini fuerant castrametati in valle Raphaim. Istud non refertur ad tempus, quo isti venerunt ad David, sed ad tempus, quo iuerunt pro aqua in Bethlehem, quia tunc erant Philistini in valle Raphaim. Potest intelligi, quod erat etiam Philistinorum exercitus tunc in Raphaim valle, cum isti descenderunt ad David: & tamen primum melius est. Vocatur vallis Raphaim vallis gigantum. Sic enim dicitur, quod castra Philistinorum erant tunc in valle gigantum 2. Reg. 23. nam Raphaim in Hebræo significat gigantes, sicut dicitur, quod Iosue quippe Og resisterat de stirpe gigantum, Deut. 3. & tamen Iosue 12. dicitur, quod fuit de reliquis Raphaim: est autem ista vallis Raphaim in termino Iordis Iudæ, & Benjamin, ideo Iosue 15. dicitur, quod transit fors Iudæ in summitate vallis Raphaim, & de tribu Benjamin idem dicitur Iosue 18.

Porro David erat in presidio. Istud presidium est illud, de quo dicitur primo Reg. 22. cunctis diebus apud eum, cum quibus David mansit in presidio.

Et statio Philistinorum in Bethlehem. Idem erant castra Philistinorum in Bethlehem, sicut iuxta urbem Bethlehem, nam intra urbem non poterant locari castra: dicitur tamen aliquid esse in aliqua urbe quod est in territorio illius, sicut pater de Iericho: Iosue 5. quia dicitur in Hebræo, quod Iosue erat in Iericho quando apparuit ei Angelus: & tamen non erat intra urbem, sed in agro, ut patet in litera nostra. Etiam quia non dum cepit Israelite Iericho, ut patet ibidem, & 1. Reg. cap. sed dicitur, quod ista litera non potest stare, quia dicitur, quod erant castrametati Philistini in valle Raphaim, & illico dicitur, quod erat statio Philistinorum in Bethlehem. Aliquis volet forte hoc saluare per aliquam improprietatem terminorum, sed non potest stare, quia idem ponitur 2. Reg. 23. Dicendum igitur, quod dupliciter potest saluari: vno modo quod vallis Raphaim, & Bethlehem sunt simul, ut patet si illa vallis agit territorium Bethlehem, quia tunc statet statio Philistinorum partim in Bethlehem, & ideo in viroque per se dicebantur esse Philistini. Secundo potest dici, & melius quod castrametati & habere stationem differunt, quia habere stationem est ubi extat populus ad bellum ordinatus, & non habet ibi tentoria sua, quia bellatores nunquam pugnant & potius impediuntur ad pugnandum: locus autem

A fixationis castrorum est ubi ponuntur omnia vidualia, & sarcinæ exercitus, & iste locus semper distat à loco pugne, ut colligitur 1. Reg. 17. & sic castra Philistinorum, idem tentoria, & sarcinæ erant in Bethlehem, scilicet apud Bethlehem: statio autem, idem apparatus bellicus erat in valle Raphaim aliquantulum distans à loco castrorum, & tamen non multum distabat, quia vallis Raphaim transit inter Ierusalem, & Bethlehem: & est Bethlehem ad partem meridianam, & Ierusalem ad Aquilonem, ut colligitur Iosue 15, & 18. & ibi probatum est. Et tamen Ierusalem non distat à Bethlehem nisi duabus paruis leucis, ut patet in libro de Situ terre sancte. Ergo non multum distat vallis Raphaim à Bethlehem, & sic poterat esse statio in Bethlehem, & castra in valle Raphaim.

B *Desideravit ergo David.* Scilicet desideravit aquam, ut patet in litera. Et dixit: O si quis daret mihi aquam de cisterna Bethlehem. Magnum desiderium fuit, quia forte habebat malam aquam, vel nullam, ut infra declarabitur, & fuerat ipse nutritus in urbe Bethlehem, 1. Reg. 16. *Quæ est in porta.* Hoc dicitur ad differentiam, quia multe cisternæ essent in Bethlehem, nam tota ciuitas Bethlehem non poterat habere sufficientiam aquæ ex vna cisterna: erant ergo multe: melior tamē omnibus erat, quæ erat in porta urbis, ideo expresse dixit, quæ erat in porta. *Tres ergo isti.* Scilicet Iesbaam, Eleazar, Sema, qui erant viri tres primi fortissimi descenderunt, nemine eis iubente aut suadente ut satisfacerent desiderio David.

C *Per media castra Philistinorum perrexerunt.* In hoc designatur periculum magnum, quia ad eundem ad portam Bethlehem non poterant transire nisi per media castra Philistinorum, cum illa essent iuxta Bethlehem, & in hoc appareret animositas istorum, & robur nimium, quia non timuerunt transire per media castra hostium, ubi erant multa millia bellatorum.

Et hauserunt aquam de cisterna Bethlehem, quæ erat in porta. Multæ cisternæ erant in Bethlehem, quia vna non poterat toti populo ciuitatis sufficere, sed nulli fuerat isti tres viri idem ad cisternam, quæ erat in porta, quia aqua eius erat sanior, & dulcior cæteris, & ob hoc de illa solum hauserunt aquam. Et dicitur, quæ erat in porta, idem apud portam, & potest intelligi, quod erat extra urbem apud portam vel intra urbem.

D *Et attulerunt ad David, ut biberet.* Isti tres viri eundo, & redeundo transierunt per castra Philistinorum, sed vidētes Philistini tantam animositatem eorum non ausi sunt tangere illos. *Qui noluit.* Scilicet noluit David bibere aquam istam, quanquam isti tres viri ad hoc attulissent eam: & causa ponitur in litera.

Sed magis libauit illam Domino. Idem obrulit eam in sacrificio, sicut si offerret carnes animalium. *Dicens absit, ut in conspectu Dei mei hoc faciam.* Quasi dicat illicitum videtur, quod ego faciam istud coram Domino, idem Deo vidente, quasi dicat, quod cum ipse videat istud, reputaret mihi ad malum, si biberem istam aquam. *Et sanguinem istorum virorum bibam.* Quasi dicat: Absit ut bibam sanguinem virorum: nam bibendo istam aquam, videbatur bibere sanguinem virorum, quia isti tres viri exposuerant sanguinem suum, & animam suam, ut afferrent aquam. *Quia in periculo animarum suarum attulerunt mihi aquam.* Idem cum periculo animarum. Et accipit in pro eum, iuxta illud Gen. 32. In baculo meo transiui Iordanem, idem cum baculo. *Et ob hanc causam noluit bibere.* Scilicet ista causa videbatur sibi sufficiens ad non bibendum. *Hoc fecerunt tres viri robustissimi.* Scilicet tres primi, nam erant triginta viri fortes in exercitu David, & alij tres fortiores eis: & alij tres fortissimi inter omnes, & isti sunt qui primo nominantur, & secundo Reg. 23. Iesbaam, & Eleazar, & Sema.

An David desiderauerit aquam propter necessitatem, vel delectationem. *Quaest. XIIII.*

QUAE R I T V R circa istos tres viros, & David: & primo quomodo David desiderauit aquam, scilicet, propter necessitatem, vel propter delectationem.

Aliquis dicit, quod propter necessitatem, quia hostes conuenerant contra David, ut patet in litera, & sic videbatur David quasi obsessus: contingit tamen obsessos in ciuitatibus interdum carere aqua.

Dicendum tamen quod David non desiderauit aquam ex necessitate, quia aliam aquam habebat in loco, ubi erat: sed desiderauit propter delicias, scilicet, quod nutritus erat in Bethlehem, & concupiuit aquam illam plusquam aquam aliarum regionum. Item patet hoc, quia sicut communiter asseritur, David erat nunc in Ierusalem, & ibi habebat aquam, quia non est verisimile, quod in tota vrbe nulla aqua esset. Secundo patet, quia si David propter necessitatem istam aquam desideraret, non solum ipse, sed etiam totus exercitus siti periret, & non posset manere in loco, & ante hoc mutauissent castra, ne deficeret aqua, & tamen non mutauerant, ideo habebant aquam. Tercio patet, quia si David propter necessitatem desiderasset non magis curasset de aqua, quae erat in Bethlehem quam in quocunque alio loco, & tamen specialiter desiderauit aquam Bethlehem, ideo propter delicias hoc fecit. Confirmatur istud, quia non poterant aliqui ire pro aqua in Bethlehem nisi transiret per medium castrorum hostilium, ut patet hic, & 2. Reg. 23. & ad alia loca poterat David mittere pro aqua, ita ut non transirent portantes eam per castra hostium, & tamen desiderauit aquam, quae erat in cisterna Bethlehem, quae non poterat afferri, nisi transiendo per medium hostium: ergo desiderauit ex delitijs. Quarto patet, quia si desideraret ex necessitate non magis curaret habere aquam de vna cisterna Bethlehem quam de alia, & tamen desiderauit specialiter de aqua cisternae, quae erat ad portam, ut patet in litera, ideo desiderauit ex delitijs. Idem vult Iosephus 7. Antiqui. dicens: David itaque socijs ait: bonam aquam habemus in regione nostra: & praecipue laudabat eam, quae erat in puteo iuxta portam: mirabaturque si esset qui ex ea poculum ei preberet quod magis optaret, quam si quis ei magnam pecuniam ad tempus praefens offerret.

Si peccauerit David desiderando aquam de cisterna Bethlehem. *Quaest. XV.*

QUAE R I T V R vterius an David peccauit desiderando aquam de cisterna Bethlehem.

Aliquis dicit quod sic, quia concupiuit illam, quae non poterat haberi sine periculo animarum: exponere tamen animam subditorum pro sola delectatione domini, peccatum graue est.

Secundo patet, quia David reprehendit se de hoc, quod fecerat nolens bibere aquam, dicens: Absit ut in conspectu Dei hoc faciam, & sanguinem virorum istorum bibam.

Respondendum quod David non peccauit desiderando aquam, quia per solum desiderium non sequebatur aliquod inconueniens, quia aqua illa secundum se non erat illicita ad potum. Etiam David non voluit habere illam cum periculo alicuius, nam non est putandum, quod ipse iussit illis tribus viris fortissimis quod irent in Bethlehem pro aqua, sed ipse erat cum viris suis, & dixit: O si quis mihi daret aquam de cisterna, quae est in Bethlehem in porta, & tunc isti tres viri putantes se nimis placituros David si afferrent

F aquam: exposuerunt se periculo, ut afferrent illam, & tamen David nesciebat an illuc iussit. Vnde sciendum, quod si David iussisset illis viris ire pro aqua, peccasset. Vel si dixisset verba ista coram viris suis, ut inclinaret animos aliquorum ad eundum, vel si sciret quod ibant aliqui illuc, & non prohiberet, quia istis tribus modis ipse exponeret viros suos morti, ut delectaretur bibendo aquam: nihil tamen istorum fuit, sed David protulit ista verba desiderij putans, quod nullo modo haberi poterat id, quod desiderabat: sicut interdum desideramus impossibilia nobis, scilicet esse impassibiles, vel immortales: & gaudemus proferendo talia verba desiderij, licet sciamus illud nobis esse impossibile. Deinde cum illi tres viri attulerunt aquam, miratus est David, ideo bibere noluit, & sic non peccauit desiderando aquam, sicut si desiderasset eam, & tamen nullus illuc iussit pro ea.

G Ad primam rationem in contrarium dicendum, quod peccatum esset exponere viros aliquos periculo, ut afferrent aquam, & tamen David neminem exposuit, ut dictum est, sed solum desiderauit.

Ad secundam dicendum, quod David non redarguit se quasi male egisset mittendo viros pro aqua, sed coercuit se ne biberet aquam sic allatam, nam & si non fuisset peccatum in mittendo, erat quasi peccatum, vel inhonestum, & irreuerentia bibendo illam aquam, ut infra declarabitur.

H Quod genus sacrificij erat istud, de quo hic dicitur, quod David libauit istam aquam in conspectu Domini. *Quaest. XVI.*

QUAE R I T V R vterius quomodo libauit David istam aquam in conspectu Domini, & quod genus sacrificij erat hic.

Respondendum, quod tria erant genera sacrificiorum, scilicet holocaustum, hostia pacifica, & victimae pro peccato, ut patet Leuit. 1. & 3. & 4. Ista tamen sacrificia erant de animalium carnibus, ut patet ibidem. Aqua autem vel panis aut quaecunque alia res non poterat offerri in sacrificium: aliquando tamen istae res offerebantur tanquam preparatoria sacrificij, quae vocantur libamenta, & sic offerebantur farina, & vinum, & sal, & thus, & oleum, ut patet Leuit. 2. & Num. 25. sed isto modo non poterat offerri aqua, quae non computatur inter libamenta. Hieronymus autem super locum istum, & etiam Scholastica historia, dicunt, quod ex hoc patet, vinum, quod ponebatur in sacrificio Domini, aqua mixtum esse: & inducitur sic, quia non legitur, quod Deus iuberet offerri aquam, quando aquam in sacrificio, nunc tamen David obtulit eam, ideo non apparet quomodo offerretur, nisi mixto vino quod offerebatur in sacrificio. Dicendum quod an vino sacrificij poneretur aqua non constat, cum non habeatur ex aliquo loco scripturae, sed potius videtur dicendum, quod non misceretur aqua, quia sacrificium consistit in ceremonijs, & Deus iubet Hebraeis, quod nullam ceremoniam facerent in cultu suo, nisi quae in lege scripta esset, Deuteronomi 10. decimo, scilicet, Quod praecipio tibi, hoc tantum facito Domino, nec addas quidquam, nec minuas. Et tamen non scriptum erat in lege, de aqua ponenda in sacrificio, ideo videtur, quod non misceretur. Potest tamen, quod misceretur aqua vino non probatur ex loco isto, sicut vult Hieronymus, & Historia scholastica, quia istud concluderet si nullo modo posset aqua offerri Domino, nisi mixta vino, nam potius aqua per se offerri effundendo illam coram Domino. Sic enim fecit Samuel quando totus Israel congregatus

gregatus est ad eum in Masphath: nam tunc hauserunt aquam, & effuderunt coram Domino, & ieiunauerunt, & tamen manifestum est, quod illa erat aqua pura, quia nihil ibi aliud oblatum est, ut patet primo Regum septimo. Nec obstat de agno, quem ibi obtulit Samuel: quia illud postea fuit, ut patet ex litera, poterat etiam offerri alio modo aqua ad aspergendum carnes sacrificiorum, ut patet secundo Machabæorum primo, scilicet, Et iussit eos haurire aquam, & auferre sibi, & sacrificia, quæ imposita erant iussit sacerdos Nee- mias aspergi aqua. Dicendum ergo videtur, quod ista aqua fuit effusa coram Domino per modum oblationis, & forte diffundebatur per cornua altaris, sicut sanguis animalium oblaturum, vel saltem ad basim eius, ut patet Leuitici 1. & 3. & 4.

Cur David non biberit aquam istam, postquam sibi allata fuerit.

Quæst. XVII.

QUÆRITUR ulterius, quare David non bibit istam aquam, postquam sibi allata est, cum nimis concupivisset eam, antequam afferretur. Respondendum, quod fecit hoc David primo in reverentiam Dei: nam illi tres viri attulerunt aquam per medium hostium, & videbatur hoc nullo modo possibile, nisi Deus voluisset specialiter servare eos incutendo timorem hostibus, ne insurgerent in illos, & ob hoc dignum erat, ut Deo offerretur, cum ipse deberet gratias, & laudes referre pro hoc beneficio, quod specialiter ipsi David contulisset. Secundum erat ad subiugandum desiderium proprium: nam dehaberetur, libenter biberet eam: voluit tamen coercere desiderium suum ad virtutis exercitium: quia magnum opus virtutis est in conspectu, & præsentia rei delectabilis coercere passionem, ideo propter istud periculum admonet Aristoteles secundo Ethicorum, Ne faciamus iudicium de eligibili in præsentia rei delectabilis, sed abiente ea, & ponit exemplum de iudicio Troianorum, quando educebatur Helena in concilium. Tertium fuit ad exaltandum, & laudandum opus magnificum istorum trium virorum. Fecerant enim rem toto sæculo admirandam, cum soli tres per medium castrorum hostilium bis confidentes transirent. Noluit ergo David, quod totus labor eorum serviret delectationi suæ, quia tunc factum, quod est contra conditionem operationis humane, quia finis semper est melior his, quæ sunt ad finem, ut patet primo Ethicorum, cap. primo. Voluit ergo ordinare actum istum ad finem optimum, & quia non est maior aliquis, quam cultus Dei: ordinavit illum ad cultum Dei effundendo aquam in sacrificium; fecerunt actum admirandum, irrumpendo per castra hostium, sed etiam David fecit opus laudabile aquam nimis concupitam non bibendo, sed Domino in sacrificio effundendo.

Si David bibisset aquam illam, an peccasset.

Quæst.

XVIII.

QUÆRITUR ulterius, an David peccasset, si bibisset aquam illam, quam tulerunt tres viri. Aliquis dicet, quod sic, quia ipse dixit, absit utrum virorum bibam: bibere tamen sanguinem virorum peccatum est. Etiam non dixisset absit, ut hoc faciam, nisi malum esset illud fieri. Respondendum, quod non peccaret faciendo.

Alph. Tost. In Lib. I. Paralip.

A istud. Quod patet, quia si peccaret bibendo aquam illam, aut hoc esset, quia illicitum erat bibere aquam, utpote si esset interdicta ei, vel quia illicite eam habuisset. Primum non stat, quia aqua illa non erat interdicta ad bibendum, sicut nec aliqua alia aqua. Secundum etiam non stat, quia non habuit eam illicite, cum ipse non iussisset, nec procurasset, ut aliquis exponeret se periculo, ut haberet illam aquam, ut supra declaratum est, ideo postquam oblata est ei, poterat licite bibere: noluit tamen bibere propter tres causas supra positas, potissime, quia videbatur committi quedam irreuerentia, si aquam cum tanto labore habitam quasi potum communem bibere vellet, ideo effudit illam coram Domino. Ad rationem in contrarium dicendum, quod bibere sanguinem virorum poterat dupliciter intelligi: vno modo, quod ipse iuberet viris exponere sanguinem suum periculo, ut haberet aquam pro ipso: alio modo, quod ipse biberet aquam, pro qua illi sanguinem exposuerant, quamquam David non iussisset. Accipiendo primo modo, peccatum erat bibere sanguinem virorum, non quidem principaliter in bibendo, sed in iubendo. Accipiendo secundo modo non erat peccatum, & sic fuit hic, immo quocunque modo acciperetur, non videbatur peccatum esse in bibendo, sed erat peccatum in iubendo, vel procurando quod aliqui se exponerent ad mortem pro illa aqua. Et quando David dixit: Absit ut bibam sanguinem, non intellexit per hoc quod erat peccatum bibere aquam, quam tulerunt viri, sed erat quedam irreuerentia, scilicet, quod rem cum tanto labore acquisitam in usus suos leuissimos expenderet, quia videbatur quedam irreuerentia, ideo dixit: absit hoc a me: nam non solum David nolebat committere peccatum, sed etiam nec irreuerentiam, aut saltem diminuire magnitudinem operis illorum trium virorum, quod fieret si ipse aquam oblatam ei biberet, ideo libavit illam Domino, & sic fecit opus supererogationis: potuisset tamen licite illam bibere.

D Abisai quoque frater Ioab ipse erat princeps trium, & ipse levavit hastam suam contra trecentos vulneratos, & ipse erat inter tres nominatissimus, inter tres secundos inclutus, & princeps eorum. Veruntamen usque ad tres primos non pervenerat Banaia filius Ioiadæ, viri robustissimi, qui multa opera perpetrarat de Cabsael, ipse percussit duos Arihel Moab. Et ipse descendit, & interfecit leonem in media cisterna temporariis, & ipse percussit virum Ægyptium: cuius statura erat quinque cubitorum, & habebat lanceam, ut liciatorium texentium. Descendit igitur ad eum cum virga, & rapuit hastam, quam tenebat manu, & interfecit eum hasta sua. Hæc fecit Banaia filius Ioiadæ, qui erat inter tres robustos nominatissimus, inter triginta primus.

Abisai quoque. Hic ponitur secundus ternarius virorum fortium: nam tres primi viri erant fortissimi super omnes, scilicet, Iesbaam, Eleazar, & Semai. Tres secundi erant valde fortes, sed minus, quam primi tres, & istorum trium princeps erat Abisai,

R de

de quo hic dicitur. Deinde erant triginta viri fortes in exercitu, sed minus quam isti. *Frater Ioab*. Tres fratres erant, scilicet, Ioab, Abisai, & Asael, & mater eorum erat Saruia soror Dauid, vt patet supra 2. & Abisai erat fortior istorum, & ponitur hic in secundo ternario virorum. Erat iste Abisai interdum dux in bellis Dauid. Nam Ioab erat dux vnius partis militum, & ipse alterius, vt fuit in bello contra Ammonitas, vt patet 2. Regum decimo. Fuit etiam dux in bello contra Idumaeos: & occidit decem, & octo milia virorum, vt patet 2. Regum 8. & infra 18. ipse erat princeps trium, idest, erat fortissimus in secundo ternario, & ipse erat vnus de isto ternario. Secundus erat Banaias. Secundus vero non nominatur hic. *Et ipse leuauit hastam suam contra trecentos vulneratos*. Non est intelligendum, quod essent trecenti viri vulnerati ab alijs: & ipse leuaret hastam contra eos ad pugnandum, quia ista non erat magna virilitas, quia faciliter poterant occidi homines iam vulnerati. Sic enim fuit de Levi, & Simeon filijs Iacob, qui occiderunt omnes habitatores vrbs Sichem, quae erat ciuitas regalis, cum ipsi essent vulnerati per circumcisionem, quam triduo ante acceperant, Genes. trigesimoquarto, sed est sensus, quod ille leuauit hastam suam ad pugnandum contra trecentos viros, & vulnerauit eos, atque occidit, sic patet 2. Regum vigesimotertio, scilicet, ipse est qui leuauit hastam suam contra trecentos, quos interfecit. *Et ipse erat inter tres nominatissimus*. Scilicet, inter tres de secundo ternario, quia non erat de primo. *Inter tres secundos inclutus*. Tres primi erant, qui supra nominati sunt, & non erat de illis Abisai, sed de secundis tribus, & inter eos erat inclutus, idest, famosus.

Et princeps eorum. Scilicet, in fortitudine, qui erat fortior eis, sed non in potestate, quia non erant subiecti ei, sed solum ipsi Ioab, qui erat princeps belli, vt patet supra in litera, & sic erat de omnibus fortibus alijs: nam Vrias Hethaeus, qui erat vnus de triginta fortibus, vt patet infra in litera, & 2. Regum vigesimotertio, vocauit Ioab dominum suum, quia erat princeps belli, 2. Regum vndecimo. *Veruntamen vsque ad tres primos non peruenerat*. Hoc dicitur, quia dictum fuit de Abisai, quod erat inclutus inter tres secundos, & princeps eorum, & sic putaret aliquis, quod erat tam fortis, sicut quis de tribus primis, ideo dicitur, quod ad tres primos non peruenerat, idest, non erat aequalis alicui eorum in fortitudine.

Banaias filius Ioiadae. Iste est secundus in secundo ternario, & fuit iste vir famosus, de istis tamen viris magis dictum est, 2. Regum vigesimotertio. Ideo hic breuiter dicitur. Aliqui putant Ioiadam patrem Banaiae fuisse summum sacerdotem, qui vocabatur Ioiada, vt patet 4. Regum vndecimo, & duodecimo, & sequenti cap. vigesimotertio, & vigesimoquarto: & ideo dicit, quod Banaias fuit sacerdos, sed istud improbatum est, 2. Regum vigesimotertio. *Viri robustissimi*. Scilicet, Ioiada pater Banaiae fuit robustissimus, & sic filius eius Banaias fuit robustus, & ob hoc non est tam admirandum, quod a patribus robustis nascantur filij fortes.

Qui multa opera perpetrarat. Scilicet, Multa opera fortia fecerat Ioiada. Et sic dicitur 2. Regum vigesimotertio, quod erat vir magnorum operum, & idem est.

De Cabsel. Nomen ciuitatis est in sorte Iudae, & est prima, quae ponitur in sorte Iudae a Meridie versus terram Idumaeorum, vt patet Iosue decimoquinto, & de illa ciuitate erat Banaias.

Ipse percussit duos ariel Moab. Aliqui accipiunt ariel pro nomine proprio, alij accipiunt appellatiue, & ratio diuersitatis est, quia ariel in Hebraeo significat leonem, & sic accipitur 2. Regum vigesimotertio, vbi po-

nitur ista litera, & dicitur ipse percussit duos leones Moab, aliquando dicitur vt nomen proprium ciuitatis, Isaiae 29. Vae Ariel, Ariel ciuitas, quam expugnauit Dauid: vnde Hebraei dubitant circa hoc, quia aliqui volunt, quod fuerint isti duo leones veri, quos occiderit Banaias in terra Moab. Alij volunt, quod fuerint duo milites fortes in terra Moab, qui vocabantur leones propter fortitudinem, & ferocitatem, sicut Christus vocatur leo de tribu Iuda, propter fortitudinem, quia nullus potest ei resistere, Apocalyp. 5. & propter hoc Hieronymus variat in translatione nostra, quia eadem res enunciat hic, & 2. Regum vigesimotertio, & tamen ibi accepit ariel pro leone, & hic accepit, vt nomen proprium; Quidquid tamen sit, in Hebraeo semper ponitur ariel, & videtur dicendum, quod debeat hic poni ariel, vt nomen appellatiuum pro leone, & tamen differentia est, quia potest accipi pro leone proprie, vel appropriate pro homine forti.

Et ipse descendit, & interfecit leonem in media cisterna tempore niuis. Istud fuit opus magnificum Banaiae, quia occidit leonem in cisterna, & dicitur, quod erat tempore niuis, quod aliqui inducunt ad significandum facilitatem occidendi, scilicet, quia in diebus niuis leo erat frigore gelidus, & non poterat resistere Banaiae, sed istud non stat, quia scriptura narrat istud factum ad laudem Banaiae, & tamen intelligendo sic, magis diminueretur gloria operis sui. Sed dicendum, quod dicitur in diebus niuis, ad significandum quomodo poterat esse leo in cisterna, & dicitur, quod erat in diebus niuis, scilicet, quia erat os alicuius cisternae opertum niue, & leo non videns incidit in cisternam, & Banaias audiuit leonem rugientem, & descendit in puteum, & baculo, quem portabat in manu leonem occidit, vt ait Iosephus septimo Antiquitatum. de leonibus autem Moab, quos vocauit hic scriptura Ariel, dicit Iosephus ibidem, quod fuerint viri insignes in terra Moab, & Banaias prouocatus ab eis virtute sua interfecit eos.

Et ipse percussit virum Aegyptium. Istud est aliud opus magnificum Banaiae: fuit autem iste vir Aegyptius magnitudine, & robore admirandus, vt patet hic, sed vbi occiderit eum, scilicet, in Aegypto, vel in terra Israel, non apparet: Dicit tamen Iosephus septimo Antiquitatum, quod iste Aegyptius prouocauit Banaiam ad bellum, eratque Banaias inermis, & Aegyptius armatus, abstulitque ei iaculum, & amma, & propria lancea occidit eum.

Cuius statura erat quinque cubitorum. Istud ponitur ad significandum magnitudinem corporis, quia communiter nullus vir ad tantam magnitudinem peruenerit, sed omnes sunt infra quatuor cubitos: Goliath tamen cum quo pugnavit Dauid erat sex cubitorum, & vnius palmi, primo Regum decimoseptimo.

Et habebat lanceam, vt liciatorium textentium. Istud ponitur ad significandum magnum robur viri, scilicet, quia portabat lanceam tantae grossitiei, vt liciatorium textentium: similiter etiam dicitur de Goliath, 1. Regum 17. & 2. Regum 21. vocatur liciatorium quoddam axis textorum, super quam tela renouitur, & est magna grossitiei descendit igitur ad eum cum virga, scilicet, descendit ad locum certaminis, quia vir Aegyptius prouocauerat Banaiam ad bellum, & assignauerat locum, in quo pugnarent, & Banaias descendit ad eum habens solum virgam paruulam in manu sua, & hoc dicitur ad significandum robur, & animositatem Banaiae, qui non formidauit inermis cum viro forti, & armato pugnare. *Et rapuit hastam, quam tenebat manu*. Scilicet, Extorsit eam viribus de manu Aegyptii. *Interfecit eum hasta sua*. Scilicet, Postquam extorsit hastam percussit illum, & occidit armis suis. Sic etiam fuit de Dauid.

Dauid, qui extorsit gladium de manu Goliath, postquam percussit eum lapide, & sic iugulauit eum, 1. Regum 17. *Hæc fecit Banaïas filius Ioiadæ.* Scilicet, Ista tria opera magnifica, quæ enarrata sunt, & multa alia, quæ non scribuntur, quia sacra scriptura est breuiloqua.

Qui erat inter tres robustissimos nominatissimos. Inteligitur de robustissimis secundi ordinis, quia non erat de primo ternario. Et vocantur isti robustissimi large, quia accipitur hic robustissimus, idest, valde robustus. Alij tamen tres erant robustiores istis, qui proprie vocantur robustissimi. Etiam vocatur iste Banaïas nominatissimus inter tres, idest, valde famosus, sed non erat famosior inter eos, quia Abisai erat famosior, & fortior, & ponitur primus in isto ternario, & etiam vocatur princeps inter istos, vt patet in littera, & sic habetur 2. Regum 23. vbi isti tres non vocantur robustissimi, sed solum robusti, & Banaïas non dicitur nominatissimus, sed nominatus solum inter tres. *Et inter triginta primus.* Isti triginta erant fortes in exercitu Dauid, & erant præter duos ternarios viros, de quibus supra diximus, & erant minus fortes isti triginta, quam quilibet illorum, & tamen erant fortiores, quam quilibet de reliquo exercitu, ideo isti erant nominati nominibus suis, & isti ponuntur hic in catalogo fortium, & 2. Regum 23.

Sed dicit aliquis, quomodo erat Banaïas inter triginta primus, quia ipse erat vnus de triginta. Illi enim infra nominantur, sed erat vnus de secundo ternario.

Dicendum, quod Banaïas non erat primus inter triginta, ita quod esset vnus eorum primus in ordine, sed dicitur primus inter triginta, idest, excellentior omnibus triginta viris: de quorum numero ipse non erat, & hoc dicitur, quia ipse non erat fortior aliquo de supra nominatis, ideo vt comparetur alicui in fortitudine dictum est, quod erat primus inter triginta, idest, fortior illis. Sed 2. Regum 23. refertur istud ad omnes tres de secundo ternario, & dicitur qui erant inter triginta nobiliores, idest, quilibet istorum trium erat nobilior, idest, famosior in robore, quam reliqui triginta viri.

Veruntamen vsque ad tres non peruenierat. Posuit autem eum Dauid ad auriculam suam. Porro fortissimi viri in exercitu Asael frater Ioab, & Elchanam filius patru eius de Bethlehem, Sammoth Arodites, Helles Phalonites, Ira filius Acces Thecutes, Abiezzer Anathotes, Sobbochai Husatites, Ilai Ahonah Netophatites, Ethai filius Ribai de Gaaba filiorum Benjamin, Banaia Pharathites, Hurai de torrente Gaas, Abiel Arabathites, Azmoth Bauramites, Eliaba Salabonites, filij Assem Gezonites, Ionathan filius Sage Aratithes, Ahiam filius Sachar Ararithes, Eliphal filius Vr, Hephher Meheratites, Ahia Phelonites, Hefro Carmelites, Naharai filius Azbai, Ioel frater Nathan, Mibaar filius Agarai, Selec Ammonites, Naharai Berothites, armiger Ioab filij Saruiz, Ira Iethreus, Gareb Iethreus, Vrias Hethæus, Zabab filius Oholi, Adina filius Siza Rubenitæ. Alph. Tost. In Lib. I. Paralip.

A tes, princeps Rubenitarum, & cum eo triginta: Hanan filius Maacha, & Iosaphat Mathanites, Ozia Altharothites, Samma, & Iehiel filij Hothan Arorites, Iedihel filius Samri, & Ioha frater eius Tholaites, Elihel Mahumites, & Ieribai, & Iosia filij Elnaen, & Iethma Moabites, Elihel, & Obed, & Iasiel de Masobia.

Veruntamen vsque ad tres non peruenierat. Scilicet, Non peruenit ad tres, qui erant in primo ternario: quia illi erant robustiores omnibus, nec etiam peruenit vsque ad Abisai, quia ipse erat famosior in isto secundo ternario, vt patet in littera.

Posuit autem eum Dauid ad auriculam suam. Idest, Fecit eum secretarium suum: nam loquebatur ei secretè ad aurem, sic patet secundo Regum vigesimotertio, scilicet, Fecit eum sibi Dauid auricularium a secreto. hoc fuit, quia erat vir fortis, & probus. Et non solum hoc, sed etiam fecit eum principem super legiones Celethi, & Phelethi, 2. Regum 8. & 20. & infra 18. erat autem iste magnus principatus: Tempore autem Salomonis factus est Banaïas princeps exercitus loco Ioab, quia ipse occidit Ioab, vt patet 3. Regum 2.

Porro fortissimi viri in exercitu. Scilicet, Isti, qui sequuntur sunt viri fortissimi in toto exercitu Dauid, & sunt triginta: non tamen sunt fortiores aliquo de præcedentibus, sed minores illis sex viris de duobus ternarijs, qui supra nominati sunt: ideo non vocantur fortissimi simpliciter, sed fortissimi in exercitu: sex autem supra positi non dicuntur fortissimi de exercitu, nec computantur in eo, sed per se numerantur, & distinguuntur per duos ternarios.

Asael frater Ioab. Iste erat primus inter triginta, & erat de numero eorum. Iste est Asael, quem occidit Abner dux Israel in bello, & erat velocior cursor inter omnes Israelitas, sicut capræ, quæ morantur in montibus, 2. Regum 2.

Et Elchanam filius patru eius. Iste Elchanam, & Asael erant fratruales, scilicet, filij duorum fratrum, & erant ambo consobrini Dauid, quia Asael erat filius Saruiz, sororis Dauid, supra 2. & Elchanam erat filius alicuius de fratribus Dauid.

De Bethlehem. Idest, Asael, & Elchanam erant de Bethlehem, quia pater Dauid erat de Bethlehem, 1. Regum 16. & 17. Sed isti erant nepotes eius, vt dictum est. *Sammoth Ararithes.* Iste vocatur Sema, 2. Regum 23. & vocatur Ararithes, idest, de vrbe Arari, eodem cap. sape tamen in Hebræo variantur nomina propria in fine, vel in principio, vt supra 2. & 4. declaratum est. *Helles Phalonites.* Iste non vocatur sic, 2. Regum 23. sed Helas de Phelti, sed ad idem redit, vt tamen dictum est multa istorum nominum propriorum variantur a parte finis, vel principij.

Iras filius eius. Iste vocatur Ira, 2. Regum 23. & dicitur Ira filius Aces de Thecua: sic vocatur pastor Iudæ, qui ibat cum eo ad tondendas oues, & cum quo misit agnum ad meretricem, quæ erat in biuio, vt patet Genesis trigesimo sexto.

Aces Thecutes. Iste erat pater præcedentis, vt dictum est, quia tamen filius erat fortior nominatur prius, quam pater suus. *Abiezzer Anothites.* Idest, De vrbe Anathot: est ista ciuitas parua parum distans a Ierusalem, vt patet in quodam prologo Hieronymi super Ieremiam: & de ista vrbe fuit Ieremias, vt patet Ieremiam primo, scilicet, Verba Ieremiam filij Elchizæ de sacerdotibus, qui fuerunt in Anathot.

Sobocai Sorites. Iste vocatur Mobonai de Vfat: sed **F** idem est, quia sæpe idem vir, & idem locus habent multa nomina in scriptura. *Isai Ahobites*. Iste vocatur Selonachovtes, & idem est, sed variatur nomen, ut dictum fuit. *Marari Nethophatites*. Iste vocatur Macharai, 2. Regum vigesimotertio. *Heled filius Baana Nethophatites*. Idest, De vrbe Nethophati, & exprimitur hic istud nomen viri: non quod iste Baana esset de istis viris fortibus: sed quia fuit vir famosus tempore suo: nam non exprimuntur hic patres aliorum, nisi raro. *Ethai filius Ribai de Galaad*. Iste Ethai creditur a quibusdam fuisse Ethai, qui venit ad David, & erat de terra Geth, & fugit cum eo de Ierusalem, 2. Regum decimoquinto, & ipse fuit vnus de principibus tribus in bello contra Absalom, eodem libro, cap. 18. & satis est verisimile: Et dicitur de Galaad, idest, de vrbe Galaad, vel de terra Galaad: & tamen 2. Regum 23. dicitur de Iebeth, & idem est: Erat autem iste secundum veritatem de vrbe Geth, 2. Regum 15. & 18. & tamen eadem vrbs habet multa nomina, scilicet, quod aliquando vocetur Geth, & aliquando Iebeth, & aliquando Galaad, sicut Ierusalem vocatur Salem, & Ierusalem, & Helia, & Luza, & Bethel, ut declaratum est Genes. 12. & 28. *Filiorum Benjamin*. Idest, Ciuitas Galaad, de qua erat Ethai, erat in sorte filiorum Benjamin. Et dicitur hoc, quia alia terra Galaad erat in sorte duarum tribuum, & dimidia, scilicet, Ruben. & Gad, & dimidia Manasse, Numeri 32.

Baram Pharathonites. Iste vocatur Banai Anfrathonites, 2. Regum 23. & idem est, sed mutantur nomina, ut dictum est. *Viri de torrente Gaas*. Aliqui intelligunt, quod viri de torrente Gaas erant etiam de triginta viris fortibus, & tamen non exprimuntur hic nomina eorum, sed hoc non stat, quia si aliqui præter istos essent viri de torrente Gaas, essent viri fortes David multo plures, quam triginta, & tamen scriptura intendit enarrare viros fortes David triginta solum, præter sex, qui erant in duobus ternarijs, & erant famosissimi. Secundo patet, quia isti viri fortes differebant a reliquo exercitu, quia erant fortiores omnibus alijs, ideo scriptura posuit nomina eorum expresse, & non posuit nomina aliorum de exercitu, & tamen si viri de torrente Gaas essent aliqui præter eos, qui exprimuntur hic, non haberentur nomina eorum expresse, & sic non differrent a reliquo exercitu, quod falsum est, ideo oportet quod isti viri de torrente Gaas sint aliqui de immediate præcedentibus, vel de immediate sequentibus: Vel potest esse, quod sit aliquis vnus vir de torrente Gaas, cuius nomen non ponitur hic, sed per hoc, quod dicitur de torrente Gaas, sciebatur quis esset. Et istud concordat literæ, quæ habetur 2. Regum 23. vbi dicitur Dai de torrente Gaas, & est nomen viri. *Abial Arabatites*. Iste vocatur Abialbon, 2. Regum 33. sed idem est. *Azmoth Baraanites*. Iste vocatur Asmaneth de Beroni, 2. Regum 23. & idem est. *Eliaba Salomonites*. Iste vocatur Eliaba de Solboni, 2. Regum 23. **K** *Filij Ason Gesonites*. Idest, Filij istius fuerunt viri fortes de fortibus David, & exprimuntur nomina eorum, 2. Regum 23. scilicet, Jonathan, & Aram. *Jonathan filius Saga*. Non est iste Ionathas filius Saulis, quia ille non potuit esse de viris fortibus David, quia mortuus fuit, antequam David regnaret. Item patet, quia iste Jonathan vocatur filius Saga, & ille fuit filius Achar.

Filius Achar Aratites. Ponitur hic nomen patris istius, quia fuit vir famosus, & vocatur Aratites de vrbe Arar. *Eliphal filius Vraphel Meruchatites*. Iste vocatur Eliphelech, 2. Regum vigesimotertio. *Haia Pelonites*. Iste vocatur Haiam filius Saræ Arorithes, 2. Regum vigesimotertio. *Afrai Carmelites*. Iste vocatur Ephraim de Carmelo, 2. Regum vigesimotertio.

Nooras filius Asdi. Iste non habet aliquod nomen, quod similetur ei, 2. Regum 23. Quantacumque; tamen diuersitas sit in nominibus, constat, quod eadem sunt, quæ dicuntur hic, & ibi: quia vtroque enarrat scriptura nomina virorum fortium David, sed multi viri sunt binomij, & trinomij. *Ioel frater Nathan*. Iste Nathan videtur fuisse Propheta Nathan, qui tempore suo fuit vir famosus, & nimis familiaris David, Ecclesiastici 47. & verisimile est, quod frater eius esset de viris fortibus David. *Mabar filius Agarai*. Iste est, qui vocatur Boni de Gadi, 2. Regum 23. *Selech Ammonites*. Aliqui putant istum esse de terra Ammonitarum, sed falsum est: erat autem de quadam vrbe Israel, quæ vocabatur Ammoni: sic dicitur 2. Regum 23. **G** *Seleth de Ammoni*. *Nootari Berotithes Armiger Ioab filij Saruia*. Iste vocatur Naarai Berotithes, idest, de vrbe Berotith, 2. Regum vigesimotertio, & vocatur armiger Ioab, quia Ioab filius Saruie erat princeps exercitus totius Israel, & habebat armigeros seruientes sibi, qui ferebant arma eius coram eo in bello, & iste erat vnus illorum. *Hiras Getreus*. Non est iste Hiras, de quo supra habetur, quia ille erat Thecuites, ut patet in litera: iste vocatur Hira Gethreites, 2. Regum vigesimotertio. *Gareth Gethreus*. Iste erat de eodem loco, ideo dicitur 2. Regum vigesimotertio. Gareth, & ipse Getrites. *Vrias Hethaus*. Iste est maritus Bethsabee, quem fecit occidi David in bello, ne cognosceretur adulterium eius cum Bethsabee, 2. Regum vndecimo, & iste **H** est vltimus de viris fortibus David, ut patet 2. Regum vigesimotertio, isti autem, qui sequuntur vsq; ad principium sequentis capituli, fuerunt aliqui viri fortes, sed non sunt tam fortes, sicut triginta iam descripti: ideo non positi fuerunt in catalogo virorum fortium, 2. Regum vigesimotertio. Esdras tamen, qui recapitulauit omnia illa gesta in istis libris addidit quosdam super triginta fortes, qui tamen non fuerunt tam fortes, sicut prædicti, & sunt illi, qui sequuntur. *Iadab filius Oli*. Iste putatur fuisse de tribu Ruben, sicut sequentes.

Adina filius Semgar. Non est iste Sangar, qui fuit Iudex Israel, & occidit sexcentos de Philistinis in vomere, Iudicum 3. **I** Quia ille multo tempore fuit ante istum. *Rubenites princeps Rubenitarum*. Idest, Iste Adina erat de tribu Ruben, & erat princeps omnium Rubenitarum, scilicet, quia erat ipse maior in tota tribu Ruben, & descendebat per lineam primogenitorum, vel erat princeps Rubenitarum, scilicet, omnium Rubenitarum, qui erant in exercitu David.

Et cum eo triginta. Scilicet, Ipse erat princeps triginta virorum. *Anam filius Maacha*. Isti qui ponuntur hic, creduntur a quibusdam esse triginta viri, qui erant cum Adina Rubenita, & tunc dicendum esset, quod non ponuntur hic omnes, sed subintelliguntur multi. Aliter potest dici, & melius, quod isti qui ponuntur hic, sunt alij viri fortes præter illos, qui erant cum Adina. Maacha aliquando est nomen feminae, & illa fuit mater Roboam Regis Iuda, & etiam fuit alia Maacha vxor Roboam. De hac 3. Regum 15. & sequenti libro, cap. 11. Hic autem Maacha est nomen viri, quia in progeniebus raro nominantur matres, sed semper patres, nisi interdum propter magnam dignitatem matrum, vel propter fauorem aliquarum personarum, sicut Ioab dicitur esse filius Saruie, & illa est mater sua, ut patet supra 2. & nunquam exprimitur nomen patris sui: hoc autem fit in fauorem Ioab Saruia mater Ioab erat soror David: pater autem Ioab non erat de cognatione David, ideo propter honorem David, potius exprimitur nomen matris Saruie, scilicet, quam patris eius, in alijs autem rarissime reperitur, vel quasi nunquam, ideo dicendum, qd Maacha est

est nomen patris, nec est inconueniens idem nomen esse viri, & focminæ, sicut aliquando contingit in nostro idiomate. *Et Iosaphat Mathanites.* Non est iste Iosaphat, qui fuit Rex Israel, & ponitur in genealogia Saluatoris, quia ille non fuit de viris fortibus David tempore. *Ozias Astharothites.* Nec etiam iste est Ozias Rex Iuda, qui fuit percussus lepra in fröte, quarto Regum decimoquinto. Quia ille fuit multo tempore post David, sed quidam alius vir de vrbe Astharoth, qui non erat de genere Regali, nec de tribu Iuda, sed de aliqua de duabus tribubus, & dimidia. Quod patet, quia Astharoth erat ciuitas præcipua Regis Og: unde ipse dicitur regnasse in Astharoth, vt patet Iosue duodecimo, & decimotertio. Et tamen tota terra Regni Og, & Sehon, data fuit in possessionem duarum tribuum, & dimidiæ, vt patet Deuteronom. 2. & 3. & Iosue decimotertio. *Sema, & Iael filij Bethan Arcerithæ.* Iste Sema nõ est ille, qui fuit frater David, supra 2. cap. quia iste est filius Bethan. Alius vero erat filius Isai. *Lediel filius Samri.* Omnes isti videntur fuisse Rubenitaræ, & cum Adina principe Rubenitarum, de quo supra dicitur. *Et Ioa frater eius Thosaites.* Idest, Frater Lediel: nam ambo erant de viris fortibus David. *Heliel Manishes.* Idest, De vrbe Mana, vel Manaim. *Geribai, & Iosia filij Elnane.* Iste Iosias non est ille, qui fuit Rex Iuda, quia ille fuit multo tempore post David: omnes autem isti fuerunt tempore David. *Iethina Moabites.* Idest, De terra Moab, fortè enim fuit iste de progenie Moabitarum, & postea conuersus est ad Iudaismum: Vel vocatur sic, quia habitauit, aut negociatus est aliquando in terra Moab. *Heliel, & Obed, & Iosiel de Mosabathi.* Isti erant de eadem origine, & coincidunt cum multis alijs in nomine, qui fuerunt ante David, & postea, & tamen necesse est istos fuisse distinctos ab omnibus illis in persona, & tempore.

C A P. XII.



I quoque venerunt ad David in Siceleg, cum adhuc fugeret Saul filium Cis.

In præcedentibus descripti sunt adiutores David magis principales, hic subiunguntur adiutores minus principales, & diuiditur in duo, quia primo ponuntur adiutores David in Saulis persecutione: Secundo in Regni adeptione, ibi. *Iste quoque est numerus.*

An iste sit ordo continuatus ad præcedentia.
Quest. I.

QUÆRITUR circa primum, an ea, quæ habentur hic, habeant ordinem cõtinuatum ad præcedentia, & an sint facta immediate post illa, vel interposito aliquo tempore.

Respondendum, quòd non est hic ordo cõtinuus: nam ea, quæ habentur præcedenti cap. non fuerunt prius, quàm ista: nam præcedenti cap. ponuntur duo, scilicet, de Regno David in Ierusalem, & de numero virorum fortium eius: hic autem agitur de alijs duobus, scilicet, de viris, qui venerunt ad David cum fugeret a facie Saulis, & de exercitu, qui venit ad vngendum eum de omnibus tribubus in Regem super Israel, & tamen prius fuit persecutio David a Saul, de qua habetur hic: quàm constitutio eius in Regem super Israel, de qua præcedenti cap. & priusquàm haberet David omnes viros fortes, quorum catalogus ponitur præcedenti capitulo. Prius enim fuit cõ-
Alph. Tost. In Lib. I. Paralip.

A gregatio virorum Israel de singulis tribubus ad vngendum David in Regem, de quo habetur hic, quàm vnctio ipsa, & pugna contra Ierusalem, de qua habetur præcedenti cap. vt satis patet ibi, & secundo Regum quinto. Dicendum tamen, quòd ea, quæ habentur in hoc cap. inducta sunt quasi incidentaliter ad declarationem præcedentium, quia in fine præcedentis capituli agebatur de viris fortibus David, qui adiuuerunt eum in omnibus laboribus suis: hic autem occasione illorum agitur de multis alijs, qui adiuuerunt cum in fuga sua a facie Saulis, & in assentione Regni, & ponuntur hic per modum suppletionis: quia in libris Regum nihil de istis dictum fuerat, & patet ista ratio, & continuatio ex principio capituli. quia dicitur: Hi quoque venerunt ad David in Siceleg, cum adhuc fugeret Saul. Cum autem quæritur, an inter ista, & illa aliquod tempus interciderit, vel fuerint ista immediate facta post illa: ablata est quæstio ex prædictis, cum dicamus, quòd ea, quæ habentur præcedenti cap. non fuerunt ante ista, sed post. Circa primum dicitur.

Hi quoque venerunt etiam ad David. Ista est continuatio literæ huius ad præcedentem, scilicet, sicut illi, qui habentur præcedenti capitulo. fuerunt viri fortes, qui adiuuerunt David in omnibus laboribus suis, ita etiam isti, de quibus habetur hic, fuerunt qui venerunt in auxilium eius, & propter hoc agitur hic de omnibus simul.

C *In Siceleg.* Ciuitas est in terra Philisthinorum de Regno Geth. Erat enim Geth ciuitas Regalis, scilicet, metropolis Regni, in qua regnabat Achis, & cum fugisset David ad illum in Geth orauit ne maneret ibi simul cum Rege in ciuitate regali, quia esset onerosus ei, sed daretur sibi locus ad habitandum, & tunc Achis dedit ei regni sui urbem Siceleg, in qua habitaret, & esset sua, vt patet primo Regum vigesimo septimo. Ista ciuitas in diuisione terræ cecidit in parte Simeon, vt patet Iosue decimonono, & tamen nunquàm possessa est a filiis Israel vsque ad tempora David, sed semper erat in potestate Philisthinorum, & Achis dedit eam David: cepitque ex illo tempore esse ciuitas Regum Iuda, quamquam prius esset filiorum Simeon, vt patet primo Regum vigesimo septimo. Et ibi satis declaratum est. Ista ciuitas erat, quam combusserunt Amalecitaræ, & rapuerunt vxores David, & omnia, quæ ad eum pertinebant, 1. Regum 30. & in litera.

Cum adhuc fugeret Saul filium Cis. Idest, Isti venerunt ad eum, quando fugiebat a facie Saulis: fuit enim Cis pater Saulis, primo Regum nono. Et dicitur hoc ad differentiam quorundam, de quibus præcedenti cap. quia quidam de fortibus David, de quibus ibi habetur, venerunt ad David, postquàm ipse cepit regnare. Isti autem, qui ponuntur in principio, scilicet, venerunt ad eum, cum esset in Siceleg, scilicet, multo prius. Alij autem venerunt ad David, quando erat in deserto terræ Iuda absconditus a facie Saulis: alij autem venerunt, quando redibat David de bello Philisthinorum contra Saulem in Siceleg, & alij venerunt, quando David vnctus est in Regem super totum Israel, & de omnibus habetur infra in litera, ideo de singulis assignatur, quo tempore venerint ad auxiliandum.

Quomodo intelligatur aduentus istorum, de quo hic dicitur. *Quest. II.*

QUÆRITUR ad declarationem istorum, quæ dicuntur hic de diuersis temporibus aduentus virorum ad David, quomodo intelligatur, quia tota litera fundatur super hoc.

Respondendum, quod David erat gener Saulis: acceperat enim Michol filiam eius in uxorem, primo Regum decimooctavo. Saul autem invidit eum propter tantum mulierum, scilicet, percussit Saul mille, & David decem millia, eodem cap. Conatus est etiam saepe Saul occidere David, missa lancea ad eum, eodem cap. & cap. decimonono. Postea etiam per insidias conabatur eum occidere, quousque necesse fuit, ut fugeret David a facie eius, consilio Ionathae, eodem libro, cap. vigesimo. Et fugit ad Regem Achis in urbem Geth putans, quod ibi posset evadere, quod non cognosceretur, non ibat in habitu simplici: cognitus tamen fuit a servis Regis, & dixerunt: iste est David, de quo canebant in choro dicentes, Saul percussit mille. Timuit ergo David, & mutavit vultum suum fingens se insanire, & defluebant salivae per barbam eius, & impingebat in parietes, quem cum vidisset Rex Achis, putans quod esset vere insanus, dixit: Quid introduxistis istum ad me? An defuncti nobis furiosi? primo Regum vigesimoprimum. Tunc David dimissus a servis Regis Achis, fugit rediens in terram Iuda, & latuit in deserto in spelunca Odollam, & misit aliquem nunciare fratribus suis, & cognationi suae, quod ibi lateret, venitque ad eum tota domus patris sui, & omnes viri, qui erant in angustia constituti aere alieno, & amaro animo, & factus est princeps eorum: fueruntque cum eo quasi quadringenti viri, primo Regum vigesimosecundo. Et isti sunt, de quibus habetur infra in littera de tribu Gad undecim principes, qui venerunt ad eum, quando latebat in deserto, tunc etiam venerunt multi de filiis Iudae, & Benjamin, quos timuit David, putans, quod venirent ad insidiandum ei, & tunc Abisai, qui erat consobrinus David, locutus est tanquam princeps illorum, dicens: Tui sumus, o David, pax tibi, & pax adiutoribus tuis: suscepitque eos David, & constituit principes turmae. Post haec autem cognovit Saul, quod David lateret in deserto Ared, & occidit octoginta, & quinque sacerdotes propter eum, primo Regum vigesimosecundo. Ante hoc tamen, cum venissent omnes quadringenti viri ad David in speluncam Odollam, recessit inde cum eis in terram Moab, & commendavit patrem suum, & matrem Regi Moab, & ipse mansit in quodam praesidio terrae Moab, deinde Propheta Gad dixit ad eum: Noli manere in praesidio, sed vade in terram Iuda, & tunc venit in saltum Ared, & ibi cognovit Saul de eo, eodem cap. Interim autem cum occideret Saul sacerdotes, manebat David in saltu Ared, & venerunt ad eum viri de urbe Ceila, ut adiuverent eos contra Philistinos, qui diripiebant areas, & iuit illuc David, primo Regum vigesimotertio. Inter haec tamen conveniunt alij ducenti viri ad David: nam quando erat in spelunca Odollam, solum habebat quadringentos, primo Regum vigesimosecundo. Sed cum iuit in Ceilam, habebat quasi sexcentos viros, eodem lib. cap. 23. & isti ducenti erant partim de undecim principibus de tribu Gad, & partim de viris Iudae, & Benjamin, qui venerunt ad David cum Abisai: nam nulli alij hoc tempore leguntur venisse ad David, ut patet hic in littera: eripuit autem David urbem Ceila, & areas eius de manu Philisthinorum, & mansit ibi quandiu fuit nuntiatum Sauli, & cognito David, quod vellet illuc descendere Saul ad capiendum eum, fugit in desertum, & vagabatur quasi incertus, latuitque in solitudine: Ziphai autem ierunt ad Saulem, dicentes, quod traderent ei David, & persecutus est eum in deserto: cinxitque eum in modum coronae apud petram diudentem. Soluit tamen Saul obsidionem audito, quod Philisthini infudissent se super terram, 1. Regum 23. Iterum post hoc latuit David in locis occultissimis montis Enga-

di, & persecutus est eum Saul, & ibi absceidit David oram chlamydis Saulis in spelunca, in qua purgabat alium; cessavitque Saul pietate motus persequi David, primo Regum vigesimoquarto. Tunc autem David, & viri sui descenderunt ad desertum Carmeli, & morabantur ibi, acciditque illud, quod legitur de Nabai Carmelo, primo Regum vigesimoquinto. Et cepit David mulierem eius in uxorem, 2. cap. Post haec vero descendit David ad desertum Ziph, & iterum Ziphai venerunt ad Saulem, dicentes ei, quod lateret ibi David: iuitque illuc Saul cum tribus millibus virorum, & cum dormiret totus exercitus, descendit David cum Abisai in castra, & accepit lanceam, quae erat ad caput Saulis, & vas aque, & recedens postea clamavit: doluitque Saul, quod persequeretur iniuste David, primo Regum vigesimosexto. Timuit autem tunc David, quod cum saepe persequeretur eum Saul, aliquando incideret in manus eius, ideo deliberavit fugere in terram Philisthinorum, & iuit ad Regem Achis in urbem Geth, recepitque eum benigne, & dedit ei urbem Siceleg ad habitandum, mansitque ibi David quatuor mensibus: nam post illos factum est bellum Philisthinorum contra Saulem, in quo mortuus est Saul, primo Regum ultimo, & tunc rediit David in terram Iuda. Sed dum maneret in Siceleg, confluxerunt ad eum multi viri de cognatis Saulis, scilicet, isti, qui habentur hic in principio cap. usque ad illum versum: Sed de Gad transfugerunt ad David. Ideo dicitur hic, hi quoque venerunt ad David in Siceleg, deinde autem cum Philisthini moverent bellum contra Saulem, Achis Rex Geth duxit secum David in bellum, putans, quod adiuveret fideliter Philisthinos contra Saulem, sed non placuit satrapis Philisthinorum, & insisterunt, quod rediret in Siceleg, primo Regum decimonono. Dum autem rediret de bello in Siceleg, venerunt ad eum multi viri de tribu Manasse, & isti adiunxerunt eum in bello contra latrunculos Amalecitas, qui succedebant Siceleg infra in littera in versu illo: Porro de Manasse transfugerunt usque ad illum locum: iste quoque est numerus exercitus: post haec autem mortuo Saule, mansit David in Siceleg, planxitque ibi eum, & Jonathan aliquot diebus, secundo Regum primo. Et deinde consuluit Dominum si ascenderet in terram Iuda, & iussit, quod ascenderet in Hebron, & ibi unctus est in Regem super tribum Iuda, secundo Regum secundo cap. Erat autem tunc Isboseth filius Saul Rex super undecim tribus Israel: fuitque longum bellum inter domum David, & domum Isboseth hoc sedem libro, cap. secundo, & tertio. Duravitque hoc fere per septem annos, & dimidium, quibus regnavit super Iudam, & dum haec fierent, multi de tribubus Israel videntes, quod Deus faueret David, veniebant in auxilium eius, & sic quotidie efficiebatur principatus eius maior, & copiosior exercitus, & ad hoc intelligitur hic, quod habetur infra, scilicet, sed per singulos dies veniebant ad David ad auxiliandum ei, viginti dies fieret grandis numerus, quasi exercitus Dei. Post haec mortuo Isboseth Rege Israel, cum regnasset David septem annis, & dimidio, super Iudam in Hebron: convenerunt omnes Israelitae constituere eum in Regem super totum Israel, & congregati sunt de omnibus tribubus Israel viri multi ad unctionem istam, & incipit ab illo versu. Iste quoque est numerus exercitus usque ad finem capituli, & per istud potest haberi sententia totius capituli de diversis temporibus conveniendi principes ad David.

Qui erant fortissimi, & egregij pugnatore, tendentes ad eum, & utraque manu fundis

fundis saxa iacentes, & dirigentes sagittas: de fratribus Saul ex tribu Benjamin. Princeps Ahiezer, & Ioas filij Samaa, Gabaathites, & Iazihel, & Phalet filij Azmoth, & Baracha, & Iehu Anathotites, Samaias quoque Gabaonites fortissimus inter triginta, & super triginta; Ieremias, & Iehziel, & Iohanam, & Iezabad Gaderothites, & Eluzai, & Ierimuth, & Baalia, & Samaria, & Saphatia Aruphites. Elcana, & Iesia, & Azchirehel, & Ioezer, & Iesbaam de Caram, Ioela quoque, & Zabadia filij Ieroam de Gedor. Sed, & de Gaddi transfugerunt ad Dauid, cum lateret in deserto viri robustissimi, & pugnatōres optimi, tenentes clypeum, & hastam: facies eorum quasi facies leonis, & veloces quasi capreae in montibus. Ezer princeps, Obdias secundus, Eliab tertius, Masmana quartus, Ieremias quintus, Ethi sextus, Eliel septimus, Iohanam octauus, Elzebad nonus, Ieremias decimus, Machbanai undecimus. Hi de filijs Gad principes exercitus: nouissimus, centum millibus praeerat, & maximus mille. Isti sunt, qui transierunt Iordanem mense primo, quando inundare consuevit super ripas suas, & omnes fugauerunt, qui morabantur in vallibus ad Orientalem plagam, & Occidentalem. Venerunt autem, & de Benjamin, & de Iudā ad praesidium, in quo morabatur Dauid. Egressusque est Dauid obuiam eis, & ait: Si pacifice venistis ad me, vt auxiliemini mihi, cor meum iungatur vobis: si autem insidiāmini mihi pro aduersarijs meis, cum ego iniquitatem in manibus non habeam, videat Deus patrum nostrorum, & iudicet. Spiritus vero Domini induit Amasai principem inter triginta, & ait: Tui sumus, o Dauid, & tecum fili Isai, Pax, pax tibi, & pax adiutoribus tuis: te enim adiuvat Deus tuus. Suscepit ergo eos Dauid, & constituit principes turmae.

Qui erant fortissimi, & egregij pugnatōres. Scilicet, Omnes isti, qui sequuntur, erant viri fortissimi, scilicet, in robore, & animositate: nam cum isti venirent in auxilium Dauid, & esset tunc Dauid in aduersitate, quod erat adhuc profugus a facie Saulis, & erat quotidie in bellis: nam non procurabat victum, nisi de bello, & praeda, primo Regum vigesimo septimo. Non expediebat alicui venire ad eum, nisi esset vir fortis, & exercitatus in bello: dicuntur etiam isti egregij pugnatōres, id est, qui optime nouerant artem Alph. Tost. In Lib. I. Paralip.

A bellicam, & propter exercitationem erant audaciores effecti: nam Aristoteles tertio Ethicorum, cap. de fortitudine, ponit quinque modos fortitudinis, & vnus est de fortitudine militari, quae est confidentia accepta ex exercitio bellico: nam quia multa sunt ignauia belli, vt ait Aristoteles eodem cap. Et ista non timent exercitati in bello scientes, quod ignauia sint: timent tamen illa, quae non sunt exercitati nescientes, quod sint ignauia, ideo ad perfectum vsum fortitudinis bellicae non solum requiritur, quod aliquis sit robustus corpore, & animosus: sed etiam quod sit in bello exercitatus, & ista duo significantur hic cum dicitur fortissimi, & egregij pugnatōres.

Tendentes arcum. Id est, Vtentes arte balistaria, quia isti tendunt arcum ad iaciendum sagittas.

Et vtraque manu fundis saxa iacentes. Erant isti ambidextri, quia vtraque manu aequaliter utebantur vt dextra. Et ista est magna virtus belli ad releuationem laborum, vt possit esse vtraque manus, tanquam dextra, & sic durauit robur bellicum diu sagittatione, quod non fit in alijs hominibus: ideo Plato in ordinatione suae politicae legis tradidit, quod homines per exercitium fierent ambidextri: quia alias vna manus erat utilis, & alia inutilis, vt patet secundo Politicorum, cap. vltimo. Hoc autem conuenit soli homini, quod possit esse ambidexter: in alijs autem animalibus nunquam reperitur, vt ait Aristoteles secundo libro de Animalibus. Erat autem hoc consuetum inter Israelitas, quod per exercitium fierent ambidextri: vt patet de istis, & etiam de omnibus viris tribus Benjamin dicitur, & potissime de viris Gabaa, quod erant viri fortissimi ita sinistra, vt dextra praeliantes ludicum vigesimo.

Et dirigentes sagittas. Scilicet, Erant balistarii. Ponitur hic duplex ars balistaria, scilicet, quaedam in illis, qui vtuntur arcu, qui sola manu extenditur. Alij vero vtuntur balistis, qui aliter curuantur, & fortiora iacula emittunt. Primum tangitur, cum dicitur tendentes arcum. Secundum, cum dicitur, dirigentes sagittas, vel potest totum pertinere ad idem, ita quod vnum sit expositio alterius.

De fratribus Saul. Id est, De cognatis eius, quasi dicat, licet Saul esset inimicus Dauid, tamen cognati eius adiuuabant Dauid. *Ex tribu Benjamin.* Id est, Erant isti de tribu Benjamin. Nam Saul de eadem tribu erat, vt patet primo Regum 9. Et intelligitur hoc de omnibus istis, qui ponuntur vsque ad illum versum, sed de Gadi transfugerunt ad Dauid. *Princeps Ahiezer.* Scilicet, Princeps omnium istorum, qui transfugerunt ad Dauid de cognatione Saulis fuit Ahiezer.

Et Ioas filius Samaa. Potest intelligi, quod omnes isti, qui ponuntur hic erant principes alicuius partis exercitus, & tamen primus erat Ahiezer, & maior. Aliter potest intelligi, quod solus Ahiezer erat princeps omnium virorum, qui venerunt nunc ad Dauid de cognatione Saulis, & tunc dicitur, quod omnes isti, qui ponuntur hic erant subiecti Ahiezer.

Gabaatides. Id est, De vrbe Gabaa: ista est quaedam ciuitas in sorte Benjamin, Iosue decimo octauo, & in ista accidit illud facinus de vxore Leuitae, quae vexata est in libidine, & mortua est, ludicum decimonono, & vigesimo. De ista ciuitate erat Saul, & in ea habitabat, vt patet primo Regum decimo, & decimotertio, & sic isti, qui erant de cognatione Saulis, erant de Gabaa. *Et Iaziel, & Phalet.* Differt iste ab illo, de quo habetur supra primo, quia ille fuit filius Heber, & in diebus eius diuisa est terra: ideoque vocatus est Phalet, quod interpretatur diuisio, scilicet, cum prius esset terra labij vnus, diuisa est p multa idiomata, Gen. 10. & 11. & supra 1. Iste autē Phalet fuit multo post, s. tpe

I. Paralip.

Cap. XII.

Dauid, Filij Azmoth. Non est iste Azmoth, de quo præcedenti cap. quia ille ponitur in catalogo virorum fortium Dauid, vt patet ibi 2. Regum 23. Isti autem, qui ponuntur hic sunt distincti ab illis, vt patet in principio cap. scilicet, hi quoque venerunt ad Dauid in Siceleg. *Et Baracha, & Iehu Anathotites.* Iste Baracha est, qui vocatur Barachias, & Iehu nomen visitatum erat apud Hebræos, sicut quodcunque aliud nomen, & vocatur Anathotites a quadam vrbe.

Samaïas quoque Gabaonites. Quidam Propheta vocabatur Semeias temporibus Salomonis, & Roboam, & iste scripsit opera Roboam prima, & nouissima: & ille est, quem misit Deus ad Roboam, & viros Iuda, & Benjamin, ne pugnarent contra decem tribus Israel pro diuisione Regni, sequenti libro, cap. 12. Et tamen differt iste Semeias ab illo. Vocatur Gabaonites, idest, de vrbe Gabaon, quæ erat in sorte Benjamin, Iosue decimo octauo. In ista ciuitate fuit templum, scilicet, tabernaculum Moyfi tempore Saulis, & Dauid: nam quando Saul occidit sacerdotes, & destruxit ciuitatem Nobe, in qua erat tabernaculum: transtulit illud in urbem Gabaon, vt declaratam est supra 6. Fuit autem ibi toto tempore eius, & deinde tempore Dauid: nam ipse constituit ibi Sadoc summum sacerdotem, & alios sacerdotes, & Leuitas, ministrantes cum eo, infra 16. & etiam tempore Salomonis erat ibi tabernaculum: nam ipse ascendit illuc ad offerendum hostias Domino super altare, quod erat ibi, vt patet 3. Regum 3. & sequenti lib. cap. 1. *Fortissimus inter triginta.* Scilicet, Samaïas, & non est sensus quod erat fortissimus inter triginta, qui ponuntur in catalogo virorum fortium Dauid, præcedenti capitu. quia isti distincti sunt ab illis: sed est sensus, quod iste erat princeps super triginta viros fortes, & inter omnes illos ipse erat fortior, & hoc significat litera sequens, scilicet.

Et super triginta. Idest, Erat princeps super triginta viros, & erat fortior omnibus illis.

Ieremias. Non est iste Ieremias Propheta, quia ille fuit sacerdos, vt patet Ieremiæ primo. Iste autem fuit de tribu Benjamin, vt patet hic: Etiam, quia iste fuit multo tempore ante illum, scilicet, plusquam ducenis annis; nam ille fuit tempore Regis Iosia paucis temporibus ante captiuitatem Babylonis, immo ipse erat in terra, quando capti sunt Iudæi per Babylonios, vt patet Ieremiæ 39. & 40. & iste fuit tempore Saulis, & Dauid.

Et Iezimel, & Iohanam. Non est iste Iohanam, qui fuit vnus de principibus, qui venerunt ad Godoliam præpositum terræ Iudæ post captiuitatem Babylonis, & vocatur Iohanam filius Chareæ. 4. Regum ultimo cap. quia ille multo tempore fuit post istum.

Et Zedab Gadarotites. Sic nominatur a quadam vrbe, quæ dicitur Gadara. *Eluzai, & Ierimuth.* Aliquando est Ierimuth nomen viri, sicut hic: aliquando autem est nomen vrbis, quæ dicitur Ierimoth, vel Ierimuth: & erat in sorte Iudæ, Iosue decimo quinto. Occidit autem Regem eius Iosue in die, qua stetit Sol, cum alijs quatuor Regibus latentibus in spelunca, Iosue decimo, & duodecimo.

Et Baalia, & Samaria, & Saphatia Aruphites. Nomina sunt raro visitata in scriptura.

Elcana. Sic vocabatur pater Samuelis, sed differt iste ab illo, quia iste erat de genere Leuitarum, vt patet supra, Genes. Iste autem erat de tribu Benjamin, vt patet hic: cæteri autem hic nominati raro habent similia nomina in scriptura.

Quare veniebant ad Dauid, vt adiuuarent eum, qui erant de stirpe Saulis. *Quæst. III.*

QVAERITVR circa ea, quæ dicuntur hic, quare isti, qui erant de stirpe Saulis veniebant ad Dauid, vt adiuuarent eum contra Saulem.

Respondendum, quod vna causa est, quia multi istorum erant zelatores iustitiæ: videbant autem, quod Saul iniuste persequebatur Dauid, ideo volebant ei auxiliari cupientes propter veritatem iustitiæ, familiaritatem destruere, vt patet primo Ethicorum, & sic veniebant ad adiuuandum eum contra Saulem. Alia causa est, quia multi videbant Deum esse cum Dauid: quia adiuuabat eum in omnibus, ad quæ extendebat manum, & sic scientes, quod præualiturus esset contra Saulem veniebant in auxilium eius, sic patet infra in litera de illis, qui venerunt de Iuda, & de Benjamin ad Dauid, loco quorum dixit Abisai ad Dauid: pax tibi, & pax adiutoribus tuis: te enim adiuvat Dominus Deus tuus, & sicut illi videbant, quod Deus adiuuabat Dauid, ita, & reliqui: Istud autem videbant in multis, in quibus Deus specialiter adiuuabat Dauid, de quibus infra dicitur. Tertia causa est, quia Deus volebat Dauid deducere ad statum regalem, & quia multa ante hoc passurus erat a Saule, & adiutoribus eius, voluit ei dare fautores, & ad hoc fecit, quod multi sponte mouerentur ad veniendum in adiutorium Dauid. Secunda causa tamen est magis communis: nam etiam sic erat inter Gentiles respectu Hebræorum, quia quando videbant, quod Deus eis fauebat, veniebant ad faciendum federa cum eis, sic fuit de Abimelech Rege Geraræ, qui venit ad Isaac, vt faceret fedus cum illo: & dixit Isaac ad Regem Geraræ, & seruos suos: Quid venistis ad me hominem, quem odistis, & expulistis a vobis? Qui responderunt: Vidimus tecum esse Dominum, & ideo diximus, sit iuramentum inter nos, & inuenimus fedus, vt non facias nobis quidquam mali, Genes. vigesimo sexto, & tamen Isaac erat vir simplex parue potestatis, & subiecit se ei Rex Geraræ, quia vidit Dominum esse cum illo, sic etiam quamquam Dauid esset vir parue potestatis comparatus Sauli, qui erat dominus totius Regni Israel, tamen quia videbatur Deus velle adiuuare Dauid in omnibus, confluiebant isti ad Dauid.

Quare Dauid voluit recipere istos de stirpe Saulis. *Quæst. IIII.*

QVAERITVR vterius, quomodo Dauid voluit recipere aliquem istorum ad se, & concedere eis, quia isti erant de cognatione Saulis, cum vocentur hic fratres eius, & Saul periequebatur Dauid ad mortem. Verisimiliter ergo premere debebat, quod isti veniebant ad capiendum eum, vt traderent in manus Saulis, sicut Zipha venerunt bis ad explorandum loca deserti, vbi erat Dauid, & nunciauerunt Sauli de eo: venitque Saul ad capiendum illum, primo Regum vigesimo tertio, & vigesimo sexto.

Respondendum verum esse, quod satis rationabiliter Dauid præsumere poterat, quod isti insidiabantur, & non deberet eos recipere: recepit tamen, quia certificatus est per aliquem modum de fide illorum, & de bona intentione, & satis verisimile est, quod dubitauerit de fide illorum a principio: nam quando venerunt in adiutorium eius viri de tribu Iuda cum Abisai, dubitauit de fide illorum, & dixit: Si pacifice venistis ad me, vt auxiliemini mihi, cor meum iungatur vobis. Si autem insidiamini mihi pro aduersarijs

uersarijs meis, cum ego iniquitatem in manibus non habeam, videat Deus patrum nostrorum, & iudicet: ut patet infra in litera, a fortiori ergo dubitaret de fide istorum, cum isti essent de genere Saulis: sed credendum est, quod per aliquem modum accepit certitudinem de fide illorum. Primus modus esse poterat, quod Dauid dubitaret a principio de fide istorum, & postea loqueretur cum eis, & interpositis aliquibus tractatibus, vel iuramentis consideret eis: sic enim fuit de viris Iuda, de quibus nunc dictum est: nam non credebant eis, quod venirent in fauorem suum, & locutus est, si pacifice venistis &c. ut patet supra, & tunc respondit Abisai loco omnium dicens: Tui sumus o Dauid, & tecum fili Isai: pax ibi, & pax adiutoribus tuis, & tunc suscepit eos Dauid, & constituit illos principes turmae, quia per ista verba, & alia, quae subticentur certificatus fuerat de fide ipsorum, ut patet in litera: sic etiam fieret de istis cognatis Saulis, quod interponeret cum eis aliqua pacta ad certitudinem. Secundus modus esse potest, scilicet, quod Dauid certificaretur per aliquem Prophetam, quod isti viri veniebant bono corde ad eum: nam aliqui Prophetae erant cum Dauid eo tempore, quo fugiebat a facie Saulis: patet de Propheta Gad, qui erat cum illo, quando erat in terra Moab, & dixit ei: noli manere in praesidio, sed proficiscere, & vade in terram Iuda, & tunc venit in saltum Ared primo Regum 22. Ita nunc esset aliquis Propheta, scilicet, Gad, vel Nathan, qui erat nimis familiaris Dauid, & ille certificaret eum ex parte Dei de fide istorum. Tertius modus esse poterat, scilicet, quod Deus moueret cor Dauid ad credendum, quod isti veniebant verè in fauorem eius, & satis verisimile est, scilicet, quod sicut mouebat corda istorum ad veniendum, ut auxiliaretur Dauid, ita moueret cor eius ad confidendum, quod verè intendebant ei fauere.

An isti viri, & alij, qui venerunt ad auxiliandum Dauid, peccauerint. Quæst. V.

QUÆRITUR ulterius an isti viri, qui venerunt nunc ad auxiliandum Dauid, & alij de quibus quod sic, infra, peccauerint in hoc. Aliquis dicet, in regno, quod malum est: ergo peccabant. Apparet hoc, quia Dauid erat hostis Saulis regis, & isti ibant in auxilium Dauid, & sic auderet ipse pugnare contra Saulem propter fauorem istorum, & fieret seditio in regno: si tamen isti adiuuarent Dauid, non posset ipse mouere bellum contra Saulem. Aliquis dicet, quod Dauid erat bonus vir, & non mouebat aliquas seditiones: ideo quamquam isti venissent in auxilium eius, non peccabant, quia non praestabant ei patrocinium ad malum. Sed hoc non stat, quia istud dependebat ex voluntate Dauid, ipsi enim subijciebant se ei ad fauorem suum in omnibus. Si igitur Dauid vellet fauere eorum superbiens aliqua mala facere, sequeretur peccatum ex fauore eorum: ideo quantum ad ipsos non differebat, an Dauid esset bonus, vel malus, quia ipsi committebant totum suum fauorem Dauid. Respondendum, quod isti non peccauerunt, veniendo in auxilium Dauid, eo quod non faciebant aliquod malum, nec mouebantur iniusta causa iustissimam, & quod Saul iniustissimè persequeretur eum ad mortem interdum per insidias: ut patet primo Regum 18. & 19. & interdum verò frangendo iuramenta praestita de securitate eodem lib. cap. 23. & 25. ideo in iniuria publica, quae erat de facto poterant eum omnes adiuuare de facto. Alia causa erat, quia Dauid non erat sicut persona priuata, sed sicut

A rex: nam dato, quod Saul possideret Regnum de facto, tamen omnes sciebant, quod ius pertinebat ad Dauid, eo quod Deus repulerat Saulem, quando dixit ei Samuel: Scidit Deus Regnum Israel a te hodie, & tradidit illud proximo tuo meliori te primo Regum 15. sciebant etiam, quod Deus fecisset vngi Dauid in regem per Samuelem, & ipse successurus esset Sauli eodem lib. cap. 16. Saul autem nitebatur occidere Dauid, & sic volebat agere contra dispositionem Dei de successione regni, ideo Israelitae poterant licite adiuuare Dauid contra Saulem in ista manifesta iniuria, quae ei volebat inferre. Tertia causa est, quia Deus mouebat istos ad auxiliandum Dauid, & tamen quando aliquis mouetur a Deo, non peccat in his, quae agit: **B** licet videatur agere contra legem, quia qui a Deo mouetur, solutus est legibus: Secunda ad Corin. 3. Vbi spiritus Domini, ibi libertas. Confirmatur autem ista maximè, quia non solum mouebantur ad auxiliandum Dauid illi, qui erant de cognatione sua: sed etiam illi, qui erant fratres Saulis hostis sui, ut patet hic, quod non poterat fieri nisi valde esset iniusta causa Saulis, quia in pari causa turpitudinis potius adiuuarent cognatum suum. Sed aliquis obijciat, quod non mouebantur bono animo isti, qui veniebant ad Dauid, sed magis animo praedandi, ut ex praeda viuerent, & ditarentur, quia primo Regum 22. dicitur Quod congregati sunt ad eum omnes, qui erant in angustia constituti, & oppressi aere alieno, & amaro animo: isti tamen non mouentur nisi ad praedandum, cum nihil habeant: & propter hoc desiderant bella: ideo peccabant. Dicitur potest vno modo, quod isti prosequerentur bonam causam, si autem prosequerentur bono, vel malo animo in potestate eorum erat: nam poterant hoc bono animo consequi, ideo nihil ad nos attinet de hoc iudicare, cum constet eorum opus bonum esse. **C** Aliter potest dici, quod non solum bonam causam, sed etiam bono animo isti prosequerentur. Quod patet, quia dixerunt tui sumus o Dauid, te enim adiuuat dominus Deus tuus, id est, Deus adiuuat te: nos volumus fauere tibi. Cum verò obijciatur, quod venerunt in auxilium Dauid viri constituti in angustia: dici potest, quod isti non venerunt, ut praedarentur, sed ut adiuuarent Dauid, & tamè venerunt isti potius quam alij, quia maiorem causam habebant isti ad veniendum quam alij, scilicet, quia praeter bonum, quod procurarent Dauid, adiuuando eum, procurarent etiam sibi ipsis bonum, quia facilius sic viuerent, quam manentes in terra. Aliter potest dici, quod isti veniebant ad prosequendum utilitatem suam, adiuuando Dauid, & tamen intendebant eam prosequi honestè, scilicet, quod illi, qui erant oppressi aere alieno, non grauarentur a creditoribus suis, cum soluere non possent: nam etiam Deus iubebat, quod non grauarent Israelitae debitores suos Deute. 15. & Leui. 25. illi verò, qui erant constituti in paupertate, ita ut vix haberent unde viuerent, intendebant acquirere cum Dauid victum de praeda, & in hoc non peccarent, quia Dauid mouebat bellum contra illas gentes, contra quas licite poterat mouere, scilicet, contra hostes Iudaeorum: unde, & ipse Dauid de nullo sustentabatur, nisi de praeda toto tempore, quo fuit in terra Philistinorum, primo Regum 27. & tamen non imputatur hoc Dauid ad peccatum, & scriptura enarrans peccata eius, non enarrauit istud inter illa: sic ergo ministri Dauid non peccarent in praeda, quamquam inde viuerent, & ditarentur. *Sed, & de Gadi.* Positi fuerunt supra adiutores Dauid, qui fuerunt de cognatis Saulis de tribu Benjamin: hic autem ponuntur adiutores eius, qui fuerunt de tribu Gad usque ad partem illam, venerunt autem, & de Benjamin, & dicitur de Gadi, id est,

ideſt. de Gad, ſcilicet, de tribu Gad, quia in nominibus Hebraiſtepe ſit mutatio addendo, vel ſubtrahendo in principio aut in fine, & ſepe dictum eſt ſupra 2. & 4. cap. *Transfugerunt ad David.* Dicuntur transſugere, quia propriè transfuga eſt, qui de vno exercitu fugiens vadit ad exercitum hoſtium, vel quocunque vadit in adiutorium hoſtium, ita videbatur de iſtis, quia iſti erant de Regno Saulis: David autem erat hoſtis eius, & ipſi veniebant in auxilium David, ideo dicebantur tranſire ad hoſtes ſive tranſugere.

Cum lateret in deſerto. Scilicet, Poſtquàm fugeràt a facie David. Et erat abſconditus in deſerto: nā multo tempore latuit in deſerto Iuda, ſcilicet, antequam inciperet Saul eum inquirere, & poſtquàm inquiſiuit quouſque deſcendit in terram Philiſthinorum ad regem Geth, de quo primo Regum 22. vſque ad 27. ſcilicet, *Viri fortiffimi.* Robore, & animoſitate. Et *pugnatores optimi.* Scilicet, Exercitati nimis in bello, & per hoc habentes magnam cōfidentiam in pugnādo. *Tenentes clypeum, & haſtam.* Modus bellandi iſtorum erat in clypeo, & haſta: nam ſicut superiores, qui venerant ad David pugnabant in arcu, & funda: ita iſti pugnabant in clypeo, & haſta.

Facies eorum quaſi facies leonis. Iſtud ponitur ad magnam laudem iſtorum, in bello: nam erant viri valde animoſi, ſicut leones, & facies eorum erant ſicut leonis, ſcilicet, qui non formidabant aduentum alicuius pugnantis, quia ſic faciebat leo inter omnes beſtias, Prouerb. 30. ſcilicet, Leo fortiſſimus beſtiarum: ad nullus pauebat occurſum. Et *velociores quaſi caprea in montibus.* Iſta etiam eſt magna virtus belli ad proſequendum hoſtes fugientes, vel ad fugiendum quando oportuerit, & ſignificatur maxima velocitas in curſu per hoc, quòd capreis comparantur: nam capra eſt animal velociſſimum, & ſic ſcriptura, cū voluiſſet nimiam velocitatem Aſael deſcribere in curſu, dixit, Porro Aſael curſor velociſſimus fuit quaſi vnus ex capreis, quā morantur in ſyluis 2. Regum 2. cap. erant autem filij Gad in bello laudabiles inter omnes Iſraelitas, & ideo potius in Antiquis Prophetis laudatur Gad de bello quam aliqua alia tribus: ſic patet in benedictione Iacob ſup filios ſuos Gen. 49. ſcilicet, Gad accinſus praeliabitur ante eum, & ipſe accingetur retrorſum. Hic etiam Moyſes in benedictione, quā benedixit ſingulis tribubus Iſrael: nam Iudauit Gad de fortunaſue belli. ſcilicet, Benedictio in latitudine Gad quaſi leo reſpicit, cepitque brachium, & verticem, id eſt, in vno ſu abſcidiſt brachium cum capite. Erat autem tribus Gad in terra duarum tribuum, & dimidia vltra Iordanem, & inde venerunt in auxilium David, & ideo dicitur infra, quòd tranſirent Iordanem menſe primo, quando conſuevit inundare ſuper ripas ſuas. *Ezer princeps.* Hic ponuntur vndecim principes, qui venerant de tribu Gad, & exprimuntur nomina eorum, & ponuntur per ordinem ſecundum maioriſtatem in principatu, & dicitur. *Ezer princeps.* Id eſt, primus princeps, & deinde ponuntur alij: ſubdit autem iſtorum non nominantur hic, ſed dicitur, quòd minimus eorum præerat centum viris: maximus autem præerat mille. *Eliab.* Sic vocabatur quidam de tribu Ruben, qui fuit in ſeditione Core contra Moyſen, & Aaron in deſerto: Numeri 16.

Maſſai. Sic vocabatur quidam de duodecim filiis Iſrahel Gen. 15. *Ieremias.* Non eſt iſte Ieremias, qui fuit Propheta, quia multo poſt hoc fuit: nec eſt Ieremias, de quo habetur ſupra in litera, quia nomen iſtud multis conueniebat. *Berith.* Aliquando eſt nomen viri, vt hic, & aliquando nomen idoli ſicut patet in legenda beati Bartholomæi, vbi dicitur de idolo Atharoth, & Berith: ſic etiam patet Iudicum 9. vbi

dicitur, quòd in vrbe Sichem erat phanū Baal berith, & Baal eſt nomen commune idoli: Berith autem eſt nomen ſpeciale. *Iohanān.* Non eſt iſte de quo habetur ſupra in litera, quia iſte erat de tribu Gad, & non de tribu Benjamin. Etiam non eſt iſte Iohanān filius Core, de quo 4. Regum vltimo cap. quia multo poſt hoc fuit princeps exercitus. *Noniffimus centum militibus præerat.* Id eſt, Minimus eorum in poteſtate præerat militibus. Et *maximus mille.* Scilicet, Maximus poteſtate. De intermedijs autem dicendū eſt, quòd præeſſent medio modo, ſcilicet, quingentis, vel ſexcentis, & ſecundum alias habitudines inter centum, & mille.

Quomodo duces de tribu Gad ad David venerunt.
Quæſt. VI.

QUÆRITVR quomodo venerunt iſti duces de tribu Gad ad David. Aliquis dicet, quòd venerunt tempore, quo David erat in deſerto, quia dicitur in litera, quòd venerunt ad David cū lateret in deſerto. Aliquis autem dicet in contrarium, quòd venerunt ad eum, quādo erat rex: quòd patet, quia dicitur hic, quòd minimus iſtorum principum præerat centum viris: maximus autem præerat tria millia virorum ad minus: David tamen nunquam habuit tot viros in deſerto, quia ad plus habuit ſexcentos: nam quando ipſe erat in Ceila habebat quatuorcentos viros primo Regum 23. poſtea etiam quādo voluit David delere domum Nabal Carmeli habebat ſexcentos viros eodem lib. cap. 25. & quando deſcendit in terram Philiſthinorum habebat etiam ſexcentos viros eodem lib. cap. 27. Et iam exiuerat de deſerto, ergo videtur, quòd nondum venerant ad eum principes de tribu Gad. Et hoc tenet Nicolaus propter rationem aſſignatam. Sed iſta poſitio nullo modo ſtat, quia in litera dicitur, quòd iſti venerunt ad eum cū adhuc lateret in deſerto, & tamē poſtquàm fuit rex nunquam latuit in deſerto, vt patet ex proceſſu totius ſecundi Regni, quia nullus erat propter cuius timorem lateret, ideo neceſſe eſt, quòd tunc iſti viuente Saule antequam David eſſiceretur rex, quā tunc fugiens a facie eius, latebat in deſerto, vt patet primo Regum cap. 22. vſque ad 27. Cū autem obſervatur, quòd iſti principes habebant pluſquā tria millia virorum, & tamen David non habebat tunc vltra ſexcentos viros: dicendum, quòd verum eſt, quòd iſti præerant pluſquā tribus millibus virorum, & tamen non habebant eos ſecum quando venerunt ad David, & iſtud ſatis veriſimile eſt, quia David erat hoſtis Saulis, & quicunque adiuuaret eum, eſſiceretur hoſtis Saulis: ideo plurimi de militibus iſtorum timore Saulis noluerunt ſequi dominos ſuos cūdo ad adiuuandum David, & ſic fere non habuerunt iſti vltra trecentos viros ſecum: nam iſti cū omnes cognatis David vix peruenierunt ad quadringentos viros, vt declarabitur ſequenti quaſtione ſcriptura tamē enarrauit hic magnitudinem principatus iſtorum propter honorem David, vt ſignificaretur, quod valde magni viri veniebant ad adiuuandum eum. Nicolaus autem videns non poſſe euadere iſtam rationem, tenet contra literam, quā nec ipſe ſaluat, nec poſſet ſaluat tenendo ſententiam ſuam.

In qua parte deſerti erat David, quando Duces de tribu Gad venerunt ad eum.
Quæſt. VII.

QUÆRITVR vltcrius dato, quòd iſti viri venerunt ad David, quando erat in deſerto, quā tempore

tempore venerunt, vel in qua parte deserti tunc erat David. Respondendum, quod isti viri venerunt eo tempore, quo David erat in spelunca Odollam, quando primo rediit quasi solus de terra Philisthinorum fugiens a facie regis Achis. Quod patet, quia ad David conuenerunt quadringenti viri a principio fugæ suæ: quando erat in spelunca Odollam primo Regum 22. Alij autem ducenti conuenerunt ad ipsum, dum esset in præsidio in terra Moab. Quod patet, quia quando conuenerunt quadringenti viri ad David in spelunca Odollam, non legitur ipsum habuisse aliquos secum primo Regum 22. Deinde fugit in terram Moab, & mansit in præsidio, & postea iuit in saltum Ared eodem cap. deinde in Ceilam eodem lib. cap. 23. Et quando fuit in Ceila, habebat sexcentos viros eodem cap. nec habuit postea aliquos, quia quando descendit in terram Philisthinorum solum habebat sexcentos primo Regum 27. Ideo solum cōtulerunt viri ad David in duobus locis, scilicet, in spelunca Odollam, & in præsidio terræ Moab, & saltu Ared, & tamen in Odollam conuenerant quadringenti: ideo in præsidio conuenerunt ducenti, & tamen illi, de quibus infra dicitur, scilicet, viri Iuda, & Benjamin conuenerunt ad David, dum esset in præsidio: vt patet infra in litera: ergo videtur, quod isti vndecim principes conuenerunt ad eum, dum esset in spelunca Odollam, alioquin omnes conuenissent isti ad eum dum esset in præsidio, & tunc sequeretur aliquod, quod videtur inconueniens, scilicet, quod omnes isti vndecim principes de tribu Gad cum omnibus illis, qui venerunt de tribu Iuda, & Benjamin non essent vltra ducentos viros, & etiam non diceretur hic quomodo conuenerint ad David, vel vnde illi quadringenti viri, qui conuenerunt in spelunca Odollam. Item patet hoc aliquantulum ex ordine literæ, quia post istos ponitur de viris Iuda, & Benjamin qui conuenerunt ad David in præsidio infra in litera, & tamen ante hoc conuenerant illi, qui venerunt ad eum in spelunca Odollam primo Regum 22. ergo videtur, quod isti duces venerint ad David in speluncam Odollam. Item patet hoc magis ex litera, quia, vt supra probatum est, non conuenerunt viri ad David antequam descenderet ad terram Philisthinorum nisi in spelunca Odollam, & in præsidio, & in deserto Ared, & tamen isti duces conuenerunt ad David, dum esset in præsidio: quia dicitur hic, quod venerunt quando David latebat in deserto, ideo conuenerunt in spelunca Odollam, & in deserto Ared: sed non conuenerunt in deserto Ared, quia dicitur hic, quod venerunt quando David latebat David in deserto, & tamen quando fuit in deserto Ared non latebat: sed potius dicitur, quod apparuit, vt patet primo Regum 22. Ergo fuit quando erat in spelunca Odollam: nam ibi vere latuit. Item patet hoc, quia in deserto Odollam legitur conuenisse aliquos, ideo magis credendum est, quod conuenerunt in deserto Odollam, quam in deserto Ared.

Isti sunt qui transierunt Iordanem. Scilicet, isti vndecim principes de tribu Gad. Dicit Nicolaus, quod hoc ponitur ad significandum animositatem eorum, quia transierunt quando inundabat. Aliqui putant, quod istud fuit quando venerunt ad auxiliandum David, sed non est verum: vt infra dicitur. Iordanis est de magnis fluuijs terræ Iudæ, & est in parte Orientali terræ Chanaan diuidens illam ab alijs regionibus: Numeri 24. *Mense primo.* Scilicet, In Martio: nam apud Hebræos principium mensium est in Martio: vt declaratum est Exo. 12. *Quando inundare consuevit super ripas suas.* Id est, quando consuevit crescere aqua Iordanis, ita vt exeat super ripas suas, scilicet, quod non capiatur in alueo, & istud consuetum est fieri semel in

A quolibet anno in mense primo. *Et omnes fugauerunt, qui morabantur in vallibus.* Scilicet, Isti processerunt ad pugnandum contra habitatores Iordanis, & occiderunt omnes habitantes in vallibus apud Iordanem. Et intelligendum, quod isti erant aliqui gentiles, qui residui fuerant in terra apud Iordanem, & isti pugnauerunt contra eos, vt possiderent terram eorum, quæ debita erat Iudæis. *Ad orientalem plagam, & Occidentalem.* Scilicet, Ad omnem partem illarum vallium.

Pro quo sciendum, quod Iordanis est fluuius qui iabitur in terra Iudæa per quandam magnam vallem, quæ Aulon appellatur, vt patet in libro de Situ terræ Sanctæ, & ibi est terra fertilior, & delectabilior, quam sit in tota regione Chanaan: ideo multi habitabant in illa valle, & quidam ad partem orientalem Iordanis, alij verò ad occidentalem: isti autem transierunt Iordanem eo tempore, quo inundabat, & occiderunt habitatores vallium.

Quomodo fuerit istorum transitus. Quest. VIII.

QVAERITVR quomodo fuit transitus istorum, & ad quid transierunt Iordanem, & non est intelligendum, quod transierunt mense primo anni, quia iste fuit transitus multo tempore antequam venirent ad David, vel multo tempore post, vel tunc quando venerunt.

C Aliquis dicet, quod venerunt quando ad David conuenerunt, vt auxiliarentur ei: Sed istud non stat, quia si isti essent de tribu Gad, sicut litera dicit, manifestum erat, quod debebant transire Iordanem ad hoc, quod venirent, vt auxiliarentur David, quia tribus Gad habebat sortem suam extra Iordanem ad orientem in terra duarum tribuum, & dimidiæ. David autem latebat in deserto Odollam, quod est in sorte Iudæ, & ob hoc est ad occidentalem partem Iordanis, cum Iordanis sit terminus orientalis totius terræ Chanaan: Numeri 34. & fors Iudæ sit in terra Chanaan, & in illa sit desertum Odollam: Iosue 15. Sed dicendum, quod isti principes transierunt Iordanem alio tempore, quam quando venerunt ad auxiliandum David, siue illud fuerit prius, siue postea; nam ista vice, de qua hic dicitur transierunt ad pugnandum: cum dicatur, quod occiderunt omnes habitatores vallium: nunc autem non transibant ad pugnandum contra aliquos habitatores terræ, sed ad auxiliandum David, nec est credendum, quod ipsi tunc vellent vacare huic bello, quia intentio eorum erat veniendi ad auxiliandum David. Dicendum tamen hic est, quod ponitur istud bellum, quamquam non pertineat ad ea, quæ dicuntur de David, voluit tamen scriptura exprimere laudes istorum, scilicet, quod essent viri fortes, & bellicosi, quasi ipsi fuerunt, qui pugnauerunt contra habitatores vallium Iordanis, & occiderunt eos, & fugauerunt alios.

E Quare specialiter fit mentio de transitu eorum, quando Iordanis inundare consuevit. *Quest. IX.*

QVAERITVR vltterius quare specialiter dicitur, quod transierunt quando Iordanis inundare consuevit super ripas suas. Respondet Nicolaus, quod istud est ad significandum animositatem eorum, scilicet, quia ausi sunt tali tempore transire Iordanem: nam tunc difficillimum est transire illum propter multitudinem aquarum.

Dicendum tamen, quod hoc ponitur ad significandum opportunitatem belli, scilicet, quod faciliter isti potuissent occidere omnes habitatores vallium, eo quod essent insperati, nihil cogitantes de bello: nam quando

quando Iordanis non inundat potest transuadari, si-
cut dicitur Iudicum 3. scilicet, Duxit eos ad vada, quæ
transmittunt in terram Moab. Quando autem inun-
dat non potest transuadari, eo quod replet, & etiam
exit ripas suas, & cum non habeat pontes, securi sunt
tunc illi, qui habitant ad vnam partem, quod illi, qui
habitant ex alia parte eius, non transibunt ad eos, quia
habent tunc Iordanem pro muro, & ideo isti viri de
tribu Gad transierunt quando Iordanis inundabat ad
hoc, quod inuenirent hostes suos securos non timen-
tes bellum, & sic eos faciliiter cederunt: fuit tamen
magna virilitas, quod isti exponerent se ad transeun-
dum Iordanem tali tempore, quo nullus eorum tran-
sire auderet.

*Quomodo dicitur quando Iordanis inundare
consuevit. Quæst. X.*

QUÆRITUR vltius quomodo dicitur hic
quando Iordanis consuevit inundare super ri-
pas suas. Respondendum est, quod Ior-
danis quolibet anno inundat nimis, ita vt exeat ripas
suas, & occupet circa adiacentem terram planam, &
hoc fit infallibiliter quolibet anno, & ob hoc dicitur
hic quando inundare consuevit, scilicet, quod ista
inundatio, quæ fuit quando transierunt isti, non fuit
casu, sed consuetum est quolibet anno illam fieri. Fit
etiam tempore determinato anni, scilicet, semper in
primo mense anni: hoc significatur hic cum dicitur:
transierunt Iordanem mense primo quando inundare
consuevit. Item patet hoc Iosue 3: cum dicitur: Ior-
danis autem ripas alvei sui tempore messis impleue-
rat, scilicet, quando transierunt Israelitæ per Iorda-
nem, & diuisus est: nam tunc erat mensis primus.
Quod patet, quia dicitur tempore messis, & tamen
messis incipit inter Hebræos post medietatem mensis
primi: nam non poterant Hebræi mittere falcem in
segetem vsque ad diem, quo offerebāt Domino ma-
nipulum spicarum: Leui. 23. & ex illa die incipiebant
metere: illud tamen erat die 16. mensis primi: vt pa-
tet eodem cap. & ibi declaratum est: erat ergo tunc
mensis primus quando inundabat Iordanis, quia erat
principium messis. Secundo patet, quia Israelitæ die,
qua transierunt Iordanem castrametati sunt in Gal-
galis: Iosue 4. & ibi fecerant Phase die 14. mensis pri-
mi: Iosue 5. ergo in mense primo transierunt ante
diem quartam decimam, & tamen inundabat tunc
Iordanis: ergo in mense primo est inundatio eius.
Item patet hoc Ecclesiast. 24. scilicet, Qui adimplet
quasi Euphrates sensum: qui quasi Iordanis multi-
plicat in tempore messis. Ergo consuetum est Ior-
dani in tempore messis multiplicare aquas suas.

*Vnde prouenit quod inundatio Iordanis sit tempore
messis. Quæst. XI.*

QUÆRITUR vltius cum inundatio ista sem-
per proueniat in Iordane tempore messis, vn-
de hoc prouenit: nam si fuisset aliqua inū-
datio specialis, quasi casu, non poterat dari causa rea-
liter se habens: sed ex aliquo accidenti venisset, quia
tamen quolibet anno accidit, necesse est dari aliquam
causam semper manentem.

Aliquis dicit, quod accidat istud ex multitudine
imbrium: nam sic multa alia flumina inundant. Sed
dicendum, quod hoc non stat, quia imbres non acci-
dunt quolibet anno realiter: ideo licet aliquo anno
euenirent, & inundaret Iordanis, tamen non fieret
quolibet anno. Item dato, quod quolibet anno im-
bres essent in terra illa: tamen non semper acciderent

in diebus messis, scilicet, mense primo, & tamen iste
inundationes semper fiunt mense primo, vt prece-
denti quæstione declaratum est: ergo non fit ex imbri-
bus. Tertiò patet, quia si fieret inundatio propter im-
bres in terra illa, non magis fieret in Iordane quam in
alijs fluminibus terræ Chanaan, sed omnia flumina
inundarent, & tamen de Iordane dicitur specialiter
Ecclesiast. 24. quod inundabat in diebus messis, &
non de aliquo alio fluuiio terræ Chanaan: ergo non
fit propter imbres. Quarto patet efficacius, quod nul-
lo modo posset fieri propter imbres, quia non solum
non fiunt imbres quolibet anno tempore messis in
terra illa, sed etiam nunquam fiunt, & habetur pro
miraculo vel quasi, quod aliquando in diebus messis
imber eueniat: sic patet primo Regum 12. Quando
voluit Samuel probare, quod filij Israel peccauissent
petendo regem: nam dixit: Nunquid non messis tri-
tici est hodie? inuocabo dominum, & dabit voces, &
pluuias, & scietis, quia grande malum fecistis vobis in
conspectu Domini: petentes super vos regem. Et ta-
men non esset signum sufficiens ad ostendendum hic
descensus pluuiarum, si in mense illo consueuissent
interdum venire pluuiæ: ergo nunquā tempore mes-
sis descendunt pluuiæ, & sic non fit inundatio propter
imbres. Aliquis dicit, quod fit inundatio propter
aquas resolutas ex niuibus: nam licet terra Chanaan
sit magis calida quam ista cum sit in tertio, & quarto
clymate, tamen ibi niues aliquando sunt, sic patet
precedenti cap. & 2. Regum 23. scilicet, quod Bana-
ias descendit, & interfecit leonem in media cisterna
tempore niuis. Sed istud non stat, quia si aquæ resolu-
uerentur ex niuibus, cum niues non eueniant regu-
lariter in quolibet anno, potissimè in terra tam calida,
non fieret inundatio quolibet anno, sed raro, & tamē
quolibet anno fit ista inundatio, vt dictum est prece-
denti quæstione, ergo non fit ex casu niuis. Secundo
patet, quia si fieret propter niues cadentes in terram,
non semper fieret eodem tempore, quia niues non
semper accidunt eodem tempore, & tamen fit ista
inundatio semper tempore messis mense primo, vt
dictum est: ergo non fuit propter niues. Tertiò pa-
tet, quia si fieret propter niues cadentes in terrā Cha-
naan, non fieret ista inundatio tempore messis, sed
magis fieret in hyeme, quia niues illo tempore ac-
cidunt, & illico resoluuntur, & tamen nunquam ac-
cidit ista inundatio in hyeme, sed tempore messis, ergo
non fit propter niues cadentes. Quarto patet, quia si
fieret propter niues isto modo, non solum esset inun-
datio Iordanis, sed etiam aliorum fluminum terræ
Chanaan, cum per totam terram contingeret ninge-
re, & tamen non inundant alia flumina, sed Iordanis
solum, vt supra dictum est, ergo non fit propter niues
sic cadentes. Dicendum, quod inundatio Iordanis
non fit propter imbres, nec propter niues cadentes
super faciem terræ Chanaan, sed fit propter niues ex-
stantes in monte Libano. Pro quo sciendum, quod
mons Libanus est magnus mons, & altissimus in to-
ta terra Chanaan, & ideo semper sunt niues in illo, &
ista est causa, quare vocatur Libanus, quia in Hebræo
Libanus sine Lebani interpretatur candidum, scilicet
quia ille mons semper est candidus propter colorem
niuium ibi existentium. Ad radices autem Libani
nascitur Iordanis, quia sunt ibi duo fontes, quorum
vnus vocatur Ior, & alius Dan, & post aliquantulum
terræ tractum in vnum confluunt, & efficiunt flumen
Iordanis, vt patet in libro de Situ terræ Sanctæ. niues
autem, quæ sunt in monte Libano in hyeme non re-
solvuntur inde aquæ ad faciendum inundationem: ma-
piente autem vere, scilicet, primo mense, qui est Mar-
tius.

tius, & est principium messis propter calorem temporis, liquefiunt niues Libani pro maiori parte, & aquæ defluentes ad radices Libani incidunt in flumē Iordanis: ideo necesse est, quod tunc inundet: ex hoc autem sequitur, quod nullo alio tempore anni inundet Iordanis nisi in mense primo, quia non potest prius inundare, eo quod ante tempus illud propter frigus hyemis constringens non potest resolui nix in aquam. Si autem aliquis dicat, quod ante tempus illud possunt resolui niues, quia terra illa est nimis calida, quod satis apparet, cum illo tempore, quo Iordanis inundat iam sint segetes maturæ, & colligantur: istud tamen non fit ex sortis calore: ideo sufficit calor ad liquefaciendum niues, qui sufficit ad maturandum segetes. Dicendum, quod in terra plana ante tempus messis magnus calor est: ita ut sufficiat maturare segetes, & tamen in locis altissimis nondum est aliquis calor, sicut super montem Libanum: ideo nondum incipiunt niues liquefieri, nisi inceperit tempus messis. Quod autem post tempus messis non posset fieri inundatio, patet, quia tempore messis resoluantur niues Libani, qui resolui possunt, & postea in toto anno nihil resoluitur, dato, quod eueniat maior calor: vel si est aliqua resolutio est tam parua, ita ut non confluat inde quantitas notabilis aquæ, quæ requiritur ad faciendum inundationem, ideo nullo alio tempore Iordanis potest inundare. Ex hoc etiam sequitur quare alia flumina terræ Chanaan non inundent, scilicet quia Iordanis solus nascitur ad radices Libani, & ipse solus recipit aquas relictas ex niuib: nam licet per diuersas partes montes, tamen omnes confluant in vallem subiectam Libano, & quia Iordanis labitur per illam vallem, necesse est omnes aquas resolutas de niuib: Libani recipi in Iordane, & sic ipse solus inundat in tota terra Chanaan. Sed aliquis volet proteruire dicens, quod non sint semper niues in Libano, ex quibus fiat ista resolutio, & inundatio Iordanis: sed sit aliqua alia causa. Dicendum ergo, quod in Libano semper sunt niues, de quibus fiat resolutio, ut patet Ieremiæ agri nix Libani: aut auelli possunt erumpentes aquæ frigide, & defluentes? Quasi dicat non. Cum ergo non deficiat, potest fieri resolutio quolibet tempore ex illis niuib: iam dicto, & sic quolibet anno erit inundatio.

Venerunt autem. Hic ponitur aduentus aliorum ad adiutorium Dauid de tribu Iuda, & Benjamin, qui venerunt ad eum, quando erat in præsidio. *De Benjamin, & Iuda.* Viri de tribu Benjamin venerunt nunc cum viris de tribu Iuda, quia Saul erat inimicus Dauid, & ille erat de tribu Benjamin: ideo Dauid rationabiliter haberet exosos, & suspectos omnes de tribu Benjamin: viri autem Iuda erant de progenie Dauid: ideo viri Benjamin venerunt cum viris Iuda, ut propter eos Dauid non haberet suspectos ipsos, quia illi poterant testificari de eis, quod bono animo venirent ad adiuvandum Dauid.

Ad Præsidium, in quo morabatur Dauid. Ex hoc apparet, quo tempore venerunt isti ad Dauid, scilicet, quando manebat in præsidio. Est enim præsidium quoddam castrum in terra Moab, in quo mansit Dauid aliquanto tempore: nam postquam Dauid fugiens a facie regis Achis, stetit in spelunca Odollam, & congregavit eos ad se quadringentos viros, & recessit in terram Moab, & commendavit patrem, & matrem regi Moab, ipse vero cum viris suis habitavit in præsidio quod erat quoddam castrum terræ Moab, & ibi fuit toto tempore quo mansit in terra Moab, i. Re-

A gum 22. & dum ibi maneret, venerunt in auxilium eius isti viri, de quibus hic dicitur.

Egressusque est Dauid obviam eis. Fecit hoc Dauid propter duo. Primò ut honoraret eos, cum ipsi venierunt ad adiuvandum eum. Secundò ut componeret cum eis foedera, & sciret qua intentione veniebant ad eum, prius quam reciperet secum in arce.

Et ait si pacifice venistis ad me, ut auxiliemini mihi. Id est, Si venistis animo pacifico, ita ut velitis habere pacem mecum, & auxiliari mihi. *Cor meum iungatur vobis.* Id est, Iungetur, scilicet, do vobis fidem, quod si vos venistis pacifice ad me, cor meum iungatur vobis, quia cordialiter vos diligam, & ego quoque vobis auxiliabor. Vel dicitur cor meum iungatur vobis, id est, volo, quod iungatur per modum pacti, quia sicut isti dabant fidem Dauid de adiuvando eum, ita etiam ipse dabat fidem de defendendo illos, quia ipsi quoque recurrerant ad eum, quia indigebant defensore, quia plurimi istorum confugientium ad eum erant viri constituti in angustiis, & oppressi a re alieno, & amaro animo primo Regum 22. Quod autem ipse promitteret securitatem, & defensionem confugientibus ad se, patet de Abiathar, qui fugit ad Dauid, & dixit ei Dauid: mane mecum, ne timeas, si quis quaesierit animam tuam, quæret etiam animam meam, mecumque saluaberis, eodem cap.

Si autem insidiamini mihi. Id est, Si venistis ad me, fingentes vos esse adiutores, & tamen intenditis me occidere, vel tradere in manus Saulis. *Pro adversariis meis.* Id est, loco adversariorum meorum, scilicet, quod facitis hoc tanquam adversarii, vel pro adversariis meis, id est, facitis, ut complaceatis adversariis meis: vel quia illi vobis mandauerunt, & vos vultis exequi. *Cum ego iniquitatem in manibus non habeam.* Id est, Si ego fecissem aliquod malum contra Saulem, iustum esset, quod ipse manifestè, vel occulte aut per fraudes, siue qualitercunque quæreret me ad mortem, & vos vice eius poteratis istud exequi: tamen ego non feci aliquam iniquitatem, ideo valde iniustum esset, quod vos per istam fraudem velleris me tradere in manus Saulis, ut me occidat. Et dixit cum ego iniquitatem in manibus non habeam, id est, cum nullum peccatum fecerim contra Saulem: nam quia manus est organum maxime operativum, omnes operationes nostræ, siue bonæ, siue malæ dicuntur esse in manibus.

Videat Deus patrum nostrorum, & iudicet. Id est, Ego oro, quod ipse respiciat ad tantam iniquitatem, & iudicet, id est, puniat intendentes malum: ecce quam blande, & dulciter loquebatur Dauid ad capiendum corda virorum, quæ nondum cognoverat: nam poterat ipse dicere, si autem insidiamini mihi, ego delebo vos, quia maioris potestatis erat Dauid tunc quàm isti, qui veniebant ad eum, ut declarabitur sequenti quaestione, quia tamen responsio mollis frangit iram, & sermo durus suscitatur furorem. Prouer. 15. Voluit blande loqui, & dixit: videat Deus patrum nostrorum, eo quod ille erat verus Deus, nec putabat alium esse Deum, qui posset punire iniquos: etiam quia quandoque aliqui iurabant, vel imprecabantur aliquid semper nominabant Deos suos, & si aliquando duo de diuersis gentibus aliquid inter se iurabant, inuocabant Deos utriusque: sic enim fuit inter Iacob, & Laban socerum suum quando inierunt foedus in monte Galaad. Nam Laban inuocauit Deum Nachor, & Iacob Deum Abraham, & Isaac: Genes. 31. Dauid autem, & isti viri, qui veniebant ad eum, erant de eadem gente, ideo inuocauerunt eundem Deum, scilicet, Deum patrum suorum.

Spiritus vero induit Abisai. Id est, Spiritus Domini sine

sine audacia impulit Abisai ad loquendum ista, quæ sequuntur, & dicitur, quod induit eum, idest, venit super ipsum, vel possedit eum.

Sciendum, quod iste Abisai erat frater Ioab, & Asael filius Saruizæ sororis David, vt patet 2. Regum 2. & supra 1. cap.

Principem inter triginta. Aliqui existimant, quod veniebant nunc triginta viri de Iuda, & Benjamin ad David, & princeps illorum erat Abisai, ideo vocatur hic princeps inter triginta: sed istud non est satis verisimile, quia credendum est, quod plures essent isti quàm triginta, cum tam de tribu Iuda, quàm de tribu Benjamin venerunt, nunc venerint aliqui ad David. Sed dicendum, quod vocatur princeps inter triginta, idest, inter triginta viros, qui sunt in catalogo fortium David: nam præcedenti cap. & 2. Regum 23. ponuntur nomina fortium David, & inter illos ponitur Abisai: non est tamen ipse vnus de triginta fortibus, sed est primus de secundo ternario fortium. Nam fortissimi inter viros David erant sex, qui distinguebantur per duos ternarios, & in secundo ternario erat princeps Abisai, & post istos erant triginta viri in vno ordine, & illi erant minus fortes quàm sex primi, qui erant in duobus ternarijs, dicitur tamen Abisai princeps inter triginta, idest, princeps super triginta in fortitudine, quia fortior erat quolibet de illis triginta: sic enim dicitur præcedenti cap. quod Banaias erat inter triginta primus, & tamen manifestum est, quod non erat de numero illorum triginta, cum esset secundus in secundo ternario fortium, vt patet ibidem: sed erat primus inter triginta, idest, fortior omnibus triginta in robore: iste Abisai vocatur hic in Hebræo Amasai, sed idem est, quia vt dictum est præcedenti cap. & hic sæpe idem homo est multinominis, sicut idem locus.

Et ait tui sumus ò David. Idest, non credas, quod venimus, vt insidiamur tibi: sed tui sumus, idest, volumus esse tui. *Et tecum fili Isai.* Repetitio eiusdem sententiæ est ad exaggerandum: nam idem est David, quod filius Isai cum David esset filius Isai primo Regum 16, & 17. licet vocetur interdum pater David Iesse, quod idem est: Isaiæ 11. & Matth. primo, competit autem iste modus hominibus passionis, siue ad iram, siue ad gaudium. Et hoc propter magnitudinem passionis desiderant nimis exprimere, quod intendunt, & quod non sufficit ad eandem rem semel dici, vtuntur synonymis ad repetendum sæpe eandem sententiam per diuersa verba idem significantia. Sic enim quando decem tribus voluerunt recedere de domo David, diuidendo Regnum Roboam, dixerunt. *Quæ nobis pars in David, & quæ hæreditas in filio Isai? Reuertere Israel in tabernacula tua* 3. Regum 12. sic etiã quando Siba voluit auertere totum Israel a David clauit buccina, & dixit: non est nobis pars in David, nec hæreditas in filio Isai, 2. Regum 20. & in illis duobus locis dictum fuit propter magnitudinem iræ: hic autem dictum fuit propter magnitudinem gaudij, & affectionis, quam habebant isti viri ad David.

Pax, pax tibi. Duplicatio sermonis est ad nimis exprimendum propter magnum desiderium, quod habebant isti viri de bono David.

Et pax adiutoribus tuis. Scilicet, Omnibus viris, qui tecum sunt ad adiuvandum te: nam tunc erant quadringenti viri cum David. Quod patet, quia David esset in spelunca Odollam, collegit ad se quadringentos viros: perrexitque in terram Moab, & mansit ibi cum eis in præsidio primo Regum 22. & tamen isti viri Iuda, & Benjamin, de quibus hic dicitur, venerunt ad David, quando erat in præsidio, vt patet in litera: ergo habebat tunc David quadringentos vi-

ros, qui erant adiutores sui. *Te enim adiuvat dominus Deus tuus.* Idest, quia Deus te adiuvat, nos volumus te adiuvare, & hoc dicebant ad significandum, quod iuste agerent adiuvando eum, cum Deus faueret illi, & tamen non faueret si non esset causa eius iusta.

Suscepit ergo eos David. Suscepit benigne, tanquam amicos, & defensores, & introduxit secum in præsidium, in quo morabatur.

Et constituit principes turmæ. Non est intelligendum quod constituit omnes istos, qui nunc venerunt principes turmæ, sed aliquos eorum, qui erant excellentiores, sicut Abisai, & potest intelligi de turma, quæ nunc venit ad David, quia multi erant tam de tribu Iuda quàm de tribu Benjamin, scilicet, quod constituit non iter principes in illa turma, quia quando multi debent pugnare, vel prædari necesse est, quod sit multitudo ordinata per duces suos, & turmas: alioquin multi faciliter perirent, & deleterentur a paucis, vel potest intelligi de turma, quam habebat prius David: nam habebat quadringentos viros, quos congregavit ad se quando erat in spelunca Odollam primo Regum 22. & poterat nunc constituere aliquos de viris Iuda, & Benjamin, qui veniebant ad eum principes super illam turmam: sed sensus est primus melior, quia verisimile est, quod viri quadringenti, qui prius venerant ad eum, iam essent distincti per principes suos: potissime, quia ante hoc venerant ad David vnde principes de tribu Gad, vt patet in litera, & illi acciperent principatum super turmam.

Quare David de fide, & intentione istorum dubitavit. Quæst. XII.

QUÆRITUR circa prædicta, quare David dubitavit de fide, & intentione istorum, qui veniebant ad eum de Iuda, & Benjamin, & ideo voluit scire intentionem eorum, prius quam acciperet eos, & tamen non dubitavit de fide fratrum Saulis, qui venerunt ad eum, vt patet supra in litera: nec quasiuit ab eis, qua intentione venirent, & tamen magis dubitandum erat de fide illorum, quàm istorum, cum illi essent cognati Saulis.

Respondendum est esse verum, quod David rationabilius deberet dubitare de fide illorum, quàm istorum propter causam dictam, & sic dubitavit. Quæstio autem præsupponit falsum, & fundatur secundum intentionem quorundam, qui putant, quia David non dubitauerit de fide illorum, & hoc, quia in litera nihil dicitur. Sed istud motiuum nullum cum multa fiant, quæ non scribuntur: potissime cum ratio dicat, quod magis debuisset David suspicari contra illos, quàm contra istos: potest tamen dici repliciter, vno modo, quod David dubitavit nimis de intentione illorum, & tamen ablatum fuit dubium, quod per aliquem Prophetam, cum sæpe Prophetæ occurrerent ei, cum fugeret a facie Saulis, vt supra dictum est, vel forte cognouit hoc querendo a domino: responsum per summum sacerdotem: nam David habebat secum Abiathar in ista fuga, & iste erat summus sacerdotis, scilicet, Achimelech, & quando David dubitabat de aliquo induebatur Abiathar Ephod, & quærebat a Domino, & illico respondere: sic enim fuit quando erat in Ceila, & quando an Saul descenderet ad capiendum ipsum, & quando erat in Siceleg iterum consuluit dominum an persequeretur latrunculos, & comprehenderet eos primo Regum 23. & 30.

Secundò potest dici, quod David dubitavit de fide istorum, & etiam exiuit eis obuiam sicut nunc viri Iuda, & Benjamin: firmavitque cum eis pactum: tamen

men nihil de hoc dicitur, & forte istud est, quia dato, quod scriptura non exprimeret, satis per se intelligi poterat, quia non erat verisimile, quod cognatos Saulis inimici sui susciperet in societatem non inquirendo prius quomodo venirent ad ipsum, nec firmando aliqua pacta cum eis: etiam hoc poterat intelligi, dato quod non scriberetur, quia cum David nollet suscipere viros Iuda, qui erant de tribu sua, nisi ponendo prius pacta cum eis, a fortiori nollet recipere illos, qui erant consanguinei hostis sui, nisi cognita prius voluntate eorum, & praescita aliqua securitate.

Tertio modo potest dici, quod David non dubitauerit de fide illorum, ideo non petiit aliquam securitatem, dubitavit tamen de fide virorum Iuda, & Benjamin, de quibus rationabiliter minus dubitari debebat. Ratio autem diversitatis est, quia viri Iuda, & Benjamin venerunt ad David in loco, in quo ipse poterat timere Saul, & servos eius, scilicet, quia erat tunc in terra Israel: ideo potuit esse, quod viri de tribu Iuda, qui erant de cognatione David, convenirent cum Saule, quod traderent David in manus eius, ut acciperent ab eo aliquid: vel saltem haberent eum gratum, sicut fuit de Ziphais, qui venerunt bis ad Saul, & ostenderunt ei locum, in quo latebat David, ut eum gratificarent sibi, primo Regum 23. & 26. Et tamen Ziphai erant de tribu Iuda, de qua erat David: nam civitas Ziph est in sorte Iuda: Iosue 15. Timere ergo debuit rationabiliter David, quando venerunt ad eum isti viri Iuda, & Benjamin, & debuit, querere securitatem: quando autem venerunt ad eum fratres Saulis, non debuit timere nec petere securitatem, quia illi venerunt ad eum in tali loco, in quo non poterant sibi nocere, scilicet, in terra Philistinorum: nam iam erat David in Siceleg quando venerunt ad eum fratres Saulis, & quia Siceleg erat in terra Philistinorum non timebat David Saul: patet hoc in principio cap. 27, scilicet, ibi quoque venerunt ad David in Siceleg de fratribus Saulis. David autem in Siceleg existens non timebat Saul, qui erat in territorio illius, quare David fugit in terram Philistinorum. Nam dixit in corde suo aliquando incidam viro de manu Saul, nonne melius est, ut fugiam, & salvetur anima Philistinorum, ut debuit sperare Saul, cesseretque me, quod erat in cunctis finibus Israel: Et cum ibi esset venerunt ad eum cognati Saulis, ideo non erat vili causa petendi securitatem ab eis, cum non timeret ibi David Saul. Si tamen isti cognati Saulis venissent ad David, dum manebat in terra Israel quaesivisset ab eis securitatem, & maiorem quidem, quam nunc quaesivit a viris Iuda, & Benjamin.

Quomodo David ausus sit exire obviam ad loquendum, cum non sciret, qua intentione ad eum veniebant. Quæst. XIII.

Q V A E R I T U R ulterius cum David nondum sciret, qua intentione veniebant ad eum viri Iuda, & Benjamin, quomodo ausus est eis exire obviam ad loquendum.

Respondendum est, quod David non timebat eos, quamquam vellent ei nocere, quia plures viros ipse tunc habebat quam erant isti, qui veniebant ad eum: nam ipse habebat quadringentos viros, quod patet, quia David erat in praesidio quando venerunt ad eum isti viri Iuda, & Benjamin, ut patet in litera,

A & tamen ipse collegerat prius quadringentos viros, dum esset in spelunca Odollam, & inde perrexit in terram Moab: mansitque in praesidio, primo Regum vigesimo secundo: habebat ergo quadringentos viros, quando erat in praesidio. Quod autem isti, qui venerunt nunc, non excederent ducentos patet, quia David suscepit istos, ut patet in litera, & tamen quandiu mansit in terra Israel non habuit plusquam sexcentos viros, primo Regum 23. & 25. cum vero descendit in terram Philistinorum habebat etiam solum sexcentos eodem libro, capitu. vigesimo septimo: ideo non poterant isti esse plures, quam sexcenti. David ergo timebat istos, dato quod vellent ei malum inferre, ideo securus exiit obviam eis ad sciendum quid intenderent.

B Sed tunc dicitur ad quid ergo David exiit obviam illis ad loquendum sibi, quia poterat loqui eis recipiendo eos in praesidio.

Dicendum, quod David exiit obviam istis, quia nesciebat quid intenderent, & si reciperet eos in praesidio, consideret eis cum poneret eos in domo sua, non tamen expediebat, quod consideret eis quousque sciret intentionem eorum, quia aliàs timeret, quod aliquod malum intenderent: ideo expediuit, quod David exiret obviam eis.

Quare Abisai locutus est potius ad David, quam aliquis alius. Quæst. XIII.

C Q V A E R I T U R ulterius quare Abisai potius locutus est ad David, quam aliquis alius. Respondetur ad hoc tripliciter: vno modo, quod hoc factum est magis ad reddendum securum David: nam David suspicabatur contra istos, ut patet ex verbis suis, scilicet, Si autem insidiamini mihi &c. Ideo voluerant ipsi pacificare eum melius, quo poterant: venerant autem ideo viri Benjamin cum viris Iuda, ut propter illos, qui erant magis cognati David, auferretur suspitio de eis: quanto ergo aliqui essent magis cognati David, tanto per eos magis tolleretur suspitio: non erat tamen aliquis tam cognatus David, inter omnes istos sicut Abisai: nam ipse erat filius sororis David secundo Regum, & supra secundo, Ideo ipse potius debuit loqui quam quisquam aliorum, quia magis accepta essent verba eius David, & magis crederet ei.

D Secundo potest dici, quod hoc factum est, quia quando sermo dirigitur ad multos tanquam ad universitatem, qui inter omnes honorabilior est, respondere debet, & tamen inter omnes istos Abisai erat honorabilior, cum ipse esset filius sororis David, etiam quia erat princeps inter triginta, ideo ipse debuit respondere.

E Tertio potest dici, quod hoc factum est, quia spiritus movit Abisai: nam si spiritus accipiat pro spiritu Dei manifestum est, quod Abisai solus deberet respondere, quia ipsum solum tangebatur spiritus Domini, cum dicatur hic Spiritus verò induit Abisai principem inter triginta: si autem accipiat pro audacia eodem modo dicendum est, quod ipse fuit audacior ceteris, scilicet, quod magis pullavit eum audacia, quam alios, quia forte alij conspecto David prae verecundia, vel timore non audebant loqui: istum autem induit audacia, ideo ipse primus locutus est.

Quisnam fuerit iste spiritus, de quo hic fit mentio. Quæst. XV.

Q V A E R I T U R ulterius quis fuit iste spiritus, de quo hic dicitur, quod induit Abisai. Aliqui dicunt,

dicunt, quod fuit spiritus propheticus, quia iste est, qui vocatur magis spiritus in scriptura: sed istud non stat, quia spiritus propheticus est ad reuelandum aliquid occultum, scilicet, futurum, vel quomocunque aliter incognitum quod non possit sciri, nisi supernaturaliter: hic tamen Abisai non reuelauit aliquid futurum, vel aliquod incognitum, sed dixit, quod ipse, & socij sui volebant esse adiutores Dauid: ideo non fuit spiritus propheticus. Aliquis autem dicet, quod vocatur spiritus, id est, quaedam volitio a Deo inspirata, scilicet, quod Deus mouit voluntatem Abisai, vt responderet hoc, scilicet, tui sumus o Dauid.

Sed dicendum, quod licet hoc satis posset stare: tamen non est aliquod motiuum ad dicendum, quod ista volitio fuerit a Deo inspirata. Ratio huius est, quia tunc vocaretur spiritus Domini, & tamen vocatur spiritus absolute: ideo non apparet; quod fuerit aliquid a Deo inspiratum. Dicendum tamen, quod spiritus proprie in scriptura accipitur pro flatu ventorum, quia spirare idem est quod flare: sic patet Genes. primo. Spiritus Domini ferebatur super aquas. Id est, ventus a Deo missus flabat super aquas, & illud. Spiritus procellarum pars calicis eorum, id est, imperus venti. Psalmo 9. Accipitur tamen per transumptionem spiritus pro quacunque re mouente seipsam, sicut ventus habet principium motus in seipso, & quia quacunque res viuens habet principium motus, dicitur ipsa esse spiritus, vel habere spiritum, & sic potissime operationes animae suae vocantur spiritus, & inspirationes Dei factae in nobis vocantur spiritus, & quia immutatio intellectus nostri ad prophetizandum est quaedam inspiratio, vocatur spiritus Domini, primo Regum 10. scilicet, insiliet in te spiritus Domini, & prophetabis, & mutaberis in virum alterum. Motus etiam causatus in anima nostra a Deo ad faciendum quodcunque, vocatur spiritus, primo Regum 11. Scilicet, Spiritus Domini insilijt in Saul, cum audisset verba nuntiorum Iabes. Et accipitur spiritus ibi pro quodam impetu iracundiae, vel confidentiae, quo diuisit boues in frusta, & iussit, quod omnes de Israel sequerentur eum in bello sub interminatione similis poenae eodem capitu, quando tamen motus cordis, istius animae nostrae non est a Deo vocatur spiritus, sed non Dei: sic patet 3. Regum 22. Scilicet, Stetit spiritus, & ait: ego decipiam. Et vocatur ibi spiritus daemon, qui iuit ad decipiendum regem Achab: sic enim dicitur. Quiescite ab homine cuius spiritus in naribus eius est. Id est, Ira: Isa. 2. Et tamen hic accipitur spiritus absolute, ideo videtur, quod accipiat pro spiritu hominis, id est, pro audacia, vel fortitudine, quam homo potest concipere, & non pro audacia specialiter missa a Deo, & sic dicitur, quod cum Abisai esset vir nobilis ante alios concepit audaciam ad respondendum Dauid, & iste fuit spiritus, qui induit eum, non tamen est inconueniens, sed satis verisimile, quod Deus moueret eum ad dicendum ista, quia Deus dirigebat specialiter negocia Dauid, & sic dirigeret Abisai ad loquendum, quia ista locutio pertinebat ad honorem Dauid, cum per hoc securus redderetur, & acciperet subiectos adiutores sibi.

In quo nam viderat Abisai Deum adiuuare Dauid.

Quest.

XVI.

QVAERITUR vterius quomodo dixit Abisai ad Dauid: te enim adiuuat dominus Deus tuus, & in quo videbat ipse, quod Deus adiuuabat Dauid. Dicendum, quod istud dixit Abisai ad iustificandum intentionem suam, scilicet, quod ipse, & socij sui veniebant ad adiuuandum Dauid, quia vi-

debant, quod Deus adiuuabat eum, & iustum erat, quod ipsi adiuuarent illum, quia Deus a iuuabat, quia per hoc apparebat, quod fouebat iustam causam. Videbant autem Abisai, & socij sui, quod Deus adiuuabat Dauid in multis, quia, vt aliqui volunt, viderant quomodo Deus liberauerat eum miraculo de obsidione, quam fecerat ei Saul, quando cingebat eum in modum coronae apud petram diuidentem, primo Regum 23. Viderunt etiam quomodo Deus tradidit Saulem in manus Dauid in spelunca montis Engadi, eodem lib. cap. 24. Viderunt etiam quomodo iterum tradidit Saulem in manus eius in deserto Ziph, quando Dauid inuenit Saulem dormientem, & accepit lanceam, quae erat ad caput eius, potueratque eum occidere, sed noluit, eodem lib. cap. 26. Et sic per alia infortunia, quae ostendebat ei apparebat, quod volebat eum adiuuare. Dicendum tamen, quod istud non stat, quia nihil istorum, quae isti dicunt, adhuc ostenderat Deus Dauid: nam isti viri venerunt ad Dauid, dum esset in praesidio, vt patet hic: & tamen tunc nihil istorum fuerat, quia Dauid fuit in praesidio, deinde in deserto Ared, primo Regum 22. Et postea in Ceila, & deinde in deserto Ziph, eodem lib. cap. 23. Et ibi liberauit eum Deus de obsidione Ceila, qua cingebat eum Saul in modum coronae, eodem cap. & postea fuit in deserto Engadi, & ibi tradidit Deus Saulem in manus eius, eodem lib. cap. 24. Et postea in deserto Ziph, eodem lib. cap. 26. Dicendum ergo, quod per hoc non potuerunt scire, an Deus adiuuaret Dauid, quia nondum ista fuerant.

Sed sciendum, quod cognoscitur Deus esse cum aliquo, vel adiuuare eum, quodcunque faciat aliquid speciale pro eo intelligendo negocia eius, quod non facit pro ceteris: sic enim rex Gerar cognouit Deum esse cum Isaac, quia in breui tempore fecit eum diuitem, & quando ferebat, terra dabat centuplum: Genes. 26. scilicet, Vidimus dominum esse tecum, ideo diximus sit iuramentum inter nos. Sic etiam Putiphar dominus Ioseph, cognouit Dominum esse cum illo, quia omnia negocia eius prospera faciebat, Genes. 39. Scilicet, Fuit Dominus cum Ioseph, & erat vir in cunctis prospere agens, habitauitque in domo domini sui, qui optime nouerat Dominum esse cum eo, & omnia, quae gereret ab eo dirigi in malum illius: Ita erat de Dauid, quia Deus dirigebat negocia eius mirabiliter, quod omnibus notum erat: nam ipse adhuc puer, & inermis pugnavit contra Goliath de stirpe gigantea, occiditque eum gladio suo, primo Reg. 17. postquam etiam factus est princeps belli sub Saule in omnibus prospere agebat, & occidebat multos Philistinorum sine periculo suo, eodem lib. capitu. 18. Bis etiam Saul conatus est percutere Dauid lancea, & Deus liberauit eum, eodem lib. capitu. 19. iterum etiam conatus est tenere eum, quando lando domum suam, & Deus liberauit eum in manu uxoris suae, eodem lib. cap. 19. iterum etiam cum Saul mitteret ad capiendum Dauid, qui erat cum Samuele in Ramatha, Deus fecit viros Saul prophetare, & quamquam staret coram eis Dauid, non tenebant eum, & cum misisset secundos, & tertios nuntios, omnes prophetauerunt, & postea etiam ipse Saul per prophetas vadens ad tenendum ipsum coactus est a Deo prophetare die, & nocte nudus coram Samuele, eodem capitu. & multa alia similia fecerat Deus pro Dauid, in quibus manifeste ostendebatur adiutorium Dei. Haec autem omnia iam viderant isti viri, qui nunc venerunt ad Dauid, quia ista facta sunt, dum manebat Dauid postquam fugit a facie Saulis: haec omnia patent ex ordine primi libri Regum.

Porro

Porro de Manasse transfugerunt ad Dauid, quando veniebat cum Philisthijm aduersus Saul, ut pugnaret, & non dimicauit cum eis, quia inito consilio remiserunt eum principes Philisthinorum dicentes. Periculo capitis nostri reuertetur ad dominum suum Saul. Quando igitur reuersus est in Siceleg, transfugerunt ad eum de Manasse Ednas, & Iozabad, & Iediel, & Michael, & Ednas, & Iozabad, & Eliu, & Salati, principes militum in Manasse. Hi præbuerunt auxilium Dauid aduersus latrunculos. Omnes enim erant viri fortissimi, & facti sunt principes in exercitu.

Porro de Manasse. Hic agitur de viris, qui venerunt in auxilium Dauid de tribu Manasse.

Transfugerunt ad Dauid. Proprie dicitur transfugere, quia transfuga est, qui transit ad exercitum hostilem, sic autem fuit de istis, quia Dauid erat hostis Saulis, & isti erant subditi Saulis, ideo cum venirent in adiutorium Dauid dicebantur transfugere. Sciendum autem quod tribus Manasse erat diuisa in duas medietates, quia medietas eius accepit possessionem cum tribu Gad, & Ruben ad Orientem Iordanis in terra duorum Regum Amorrhæorum Deutero. 3. & Iosue 13. Alia autem medietas accepit possessionem cum nouem tribubus in terra Chanaan ad Occidentalem partem Iordanis, Iosue 17. Nunc autem non constat, de qua medietate Manasse essent isti auxiliares, qui nunc venerunt ad Dauid, vel an essent de vtraque medietate.

Quando veniebat cum Philisthijm, ut aduersum Saul pugnaret. Quotidie veniebant de Israel aliqui adiutores ad Dauid, quia semper apparebat magis iustitia eius, & iniquitas Saulis, ista autem de Manasse fuerunt nouissimi, qui venerunt ad Dauid cum esset profugus a facie Saulis: nam venerunt quoniam Dauid ibat ad pugnandum cum Philisthinorum: postquam enim fugit Dauid a facie Saulis multo tempore latuit, & vagatus est per desertam terram Israel. Reg. 22. vsque ad 27. deinde descendit in terram Philisthinorum, & mansit ibi cum rege Achis quatuor mensibus. eo. lib. cap. 27. & tunc motum est bellum inter Saulem, & Philisthinos, & cum irent omnes reges Philisthinorum illis, rex Achis ducebat secum Dauid ad adiuvandum Philisthinos. 1. Reg. 28. & 29. post hoc autem non mansit Dauid in terra Philisthinorum decem diebus, quia tunc mortuus est Saul, & rediit illico Dauid in terram Iuda, ut declaratum est supra, & sic nulli alij post istos venerunt ad Dauid in auxilium quam Saul pugnaret, non tamen per hoc apparet, quod Dauid habebat intentionem pugnandi contra Saulem, & Israel super Philisthinos: imple tamen ostendebat, quod habebat intentionem pugnandi contra Saulem, & nimis conquestus est, quia Philisthijm habuerunt suspitionem 2. Et non dimicauit cum eis. Id est, non adiunxit eos ad dimicandum contra Saulem. Quia inito consilio remiserunt eum principes Philisthinorum. Isti principes erant principes reges Philisthinorum per quinque ciuitates, quarum Alph. Tost. in lib. I. Paralip.

A erant Metropoles. i. Accaron. Gaza, Ascalō, Azotus, Geth, & multe alie vires erant sub istis quinque, & principes istarum Metropollum vocantur aliquando reges, & aliquando satrapæ, ut patet Iosue 13. & primo Reg. 6. vnus istorum erat Achis rex Geth, cum quo erat Dauid, & duxit eum ad bellum confidens, quod adiuuaret eum fideliter. Alij autem principes Philisthinorum videntes Dauid in acie scandalizati sunt dicentes, quid sibi volunt Hebrei isti reuertatur vir, & sedeat in loco, in quo constitumisti eum, & non descendat nobiscum in prelium, ne fiat nobis aduersarius cum preliari ceperimus. Quomodo enim placare potest aliter dominum suum, nisi in capitibus nostris? 1. Regum 29. & tunc Achis remisit Dauid in Siceleg. Dicentes periculo capitis nostri reuertetur ad dominum suum Saul. Id est, cum periculo nostro reuertetur, quasi dicat, ipse occidet aliquos de nobis in bello, & tunc reuertetur ad dominum suum, nec redibit quouisque aliquod malum nobis inferat. De Dauid autem quando init in bellum cum rege Achis an intenderet pugnare contra Israelitas, vel contra Philisthinos, aut quid intenderet agere, & si pugnaret contra Philisthinos, an peccaret, & etiam si pugnaret contra Israelitas an male ageret, declaratum est. 1. Reg. 29.

Quando ergo reuersus est in Siceleg. Scilicet, de bello rediit in Siceleg: nam principes Philisthinorum dixerunt reuertatur vir, & sedeat in loco, in quo constitumisti eum, & tunc rediit die tertio in Siceleg. 1. Regum 29.

Transfugerunt ad eum de Manasse. Scilicet, isti noui principes de tribu Manasse, qui exprimitur hic, transfugerunt ad Dauid: nam licet viderunt isti bellum Philisthinorum motum esse contra Saulem, potius voluerunt descendere in terram Philisthinorum ad adiuvandum Dauid, quam adiuuare Saulem, vel forte quando isti descenderunt nondum incipit erat bellum, sed primum verisimilius est, quia isti obuiauerunt Dauid cum iam redirent de bello, sicut dicit littera. *Principes militum in Manasse.* Scilicet, omnes isti nouem erant principes militum, de subditis autem suis nulla fit mentio.

Hi præbuerunt auxilium Dauid aduersum latrunculos. Scilicet, contra latrunculos Amalecitas. Nam interim, ut Dauid iuit cum Achis ad bellum venerunt Amalecites, & intruerunt super vibem Siceleg, rapueruntque omnia, quæ in ea erant, scilicet, uxores Dauid, & virorum suorum, & filios, & filias, atque substantiam, & abeuntes urbem succenderunt: cum vero rediit Dauid in Siceleg reperijt urbem combustam, & tunc secutus est latrunculos, & reperijt eos in agro, occiditque illos, & in isto bello auxilium præbuerunt Dauid isti principes, qui venerunt de Manasse.

Omnes enim erant viri fortissimi. Redditiuum causæ est, scilicet, poterunt præbere auxilium omnes viri fortissimi. Vel reddit causam inferioris dicti, scilicet, quod facti sunt principes in exercitu, & hoc quia erant viri fortissimi.

Et facti sunt principes in exercitu suo. Quia erant viri honorabiles, & libenter confugerant ad eum.

Quo tempore isti nouem principes ad Dauid fugerunt. Quæst. XII.

QUÆRITUR Quo tempore confugerunt ad Dauid isti nouem principes de tribu Manasse, & omnes illi fratres Saulis, de quibus dicitur in principio cap. Resp. ostendendum quod fratres Saulis confugerunt ad Dauid, quando erat in Siceleg ante bellum, in quo mortuus est: isti

S vero

vero principes Manasse confugerunt ad David quādo redibat de bello in Siceleg, sicut dicitur in litera.

Sed dicitur, quod hoc non potest stare, quia David habebat sexcentos viros quando descendit ad regem Achis in terram Philistinorum. primo Regū vigesimo septimo. & tamen quando pugnavit contra latrunculos, qui succederant Siceleg, solum habebat sexcentos viros, & quadringentos eorum duxit in bellum, ducentos vero dimisit ad torrentem Besor, qui non potuerunt sequi exercitum, primo Regum trigésimo, ergo non venerunt aliqui viri ad David dum erat in Siceleg, quia tunc plures quā sexcenti fuissent cum eo, quando pugnavit contra latrunculos.

Aliquis forte dicet, quod David solum habuit sexcentos viros in illa pugna, quia quamquā venerūt ad eum fratres Saulis, de quibus dicitur in principio cap. tamen forte non suscepit eos, quia erant sibi nimis suspecti propter cognationem Saul.

Sed hoc non potest stare, quia si David non suscepisset illos, Scriptura non diceret quomodo hic transfugerunt ad David in Siceleg, quia frustra erat, quod venirent ad eum si non susceperet eos.

Item non est verisimile, quod David non susceperet illos cum sponte venirent ad adiuvandum eum, nec erat verisimile, quod propter suspicionem eos expelleret, quia erat iam David in terra Philistinorū, in qua non timebat Saulem, quia non poterat tradi in manus eius.

Aliquis ergo dicet aliter, scilicet, quod David suscepit istos, & non fuerunt tamen cum eo in bello cōtra Amalecitas, sed soli sexcenti viri, qui descenderant cū David in terram Philistinorum adiuvarent eum in isto bello. Sed istud non stat, quia nullo modo est verisimile, quod omnes isti viri transfugissent ad adiuvandum eum, & tamen quod postea non adiuvarent illum in isto bello tam periculoso ad recuperandum filios, & uxores, & totam substantiam quam perdiderat: potissimē quia de illis sexcentis viris, quos habebat David multi prę fatigatione non potuerunt descendere in bellum, sed manserunt lassī ad torrētem Besor. 1. Regum 30. Cum ergo esset defectus bellatorum, isti qui venerant de fratribus Saulis, & de principibus Manasse, adiuvarent David in hoc bello.

Item falsum est istud, quia licet posset hoc aliquo modo sustineri quantum ad cognatos Saulis, de quibus in princip. cap. tamen non potest stare quantum ad principes, qui venerunt de Manasse, quia de illis dicitur hic, quod prębuerunt auxilium David contra latrunculos. Dicendum ergo quod David habebat sexcentos viros, vel quasi quādo descendit in terram Philistinorum; nam aliquando dicitur quod habebat sexcentos, & aliquando quasi sexcentos, quia 1. Reg. 23. dicitur quod erant quasi sexcenti viri, & eod. lib. cap. 25. & 27. dicitur q̄ erant sexcenti, & illi fuerūt antequam venirent fratres Saulis, de quibus supra in principio literę, & etiam antequam venirent novem principes Manasse, de quibus hic dicitur, postea verō venerunt isti, & adiuvarent David in bello contra Amalecitas, manseruntque semper cum eo, & quando dicitur, quod erant sexcenti viri cum David in bello contra Amalecitas, dicendum quod isti etiam cōputantur ibi, quia tamen erant pauci non faciebant quantitatem notabilem super sexcentos viros, & ē ibi computantur cum sexcentis viris, & cum dicitur hic, quod erant principes de Manasse, non est intelligendum, quod quilibet eorum pręesset multis viris: nam ipsi cum paucis viris, vel quasi soli venerunt ad David, & alij, quibus ipsi pręerant, noluerunt venire, quia forte timebant Saulem, sicut dictum fuit supra de vi-

decim principibus de tribu Gad, quorum minimus pręerat centum viris, & maximus pręerat mille viris, & tamen quando venerunt ad David non habebant omnes simul quadringentos viros, ut supra in quadā questione declaratum est.

Sed & per singulos dies veniebant ad David ad auxiliandum ei, usque dum fieret grādis numerus, quasi exercitus Dei.

Sed & per singulos dies veniebant ad David. Id est non solum venerunt isti, qui supra nominati sunt ad David, sed etiam multi alij: nam per singulos dies ad eum veniebant aliqui auxiliares, de istis tamen qui supra positi sunt, facta fuit specialis mentio, eo quod erant viri nimis honorabiles, & quia veniebant multi simul.

Ad auxiliandum ei. Videbant enim quod Saul, & sui sequaces persequerentur eum iniuste: ideo zelo iustitię veniebant ad auxiliandum ei.

Usque dum fieret grādis numerus. Id est tanta erat cōgregatio quotidiana, quod pervenit exercitus David ad valde magnum numerum.

Quasi exercitus Dei. Potest dupliciter intelligi, uno modo quod erat iste exercitus magnus, sicut exercitus Dei, quia exercitus eius magnus est lob vigesimo quinto, scilicet, Nunquid est numerus militū eius? quasi dicat, non, quia sunt multi milites. Et sunt milites Dei omnes Angeli eius, quia sicut miles est ad exequendum pręceptum ducis, ita & Angeli exequuntur pręceptum Dei, & vocantur ministri eius ad Hebr. 1. f. Omnes sunt administratores spiritus in ministeriū missi. Sic etiam Psalm. 103. dicitur, Qui facit Angelos suos spiritus, & ministros suos ignem vrentem, & vocantur ministri sui Angeli eius. Potest aliter intelligi quod erat exercitus David grādis quasi exercitus Dei, id est, a Deo congregatus, scilicet, ea quæ a Deo fiunt sunt perfecta, quia Dei perfecta sunt opera: Deuter. 32. & quia iste exercitus erat a Deo congregatus, & bene ordinatus, videbatur quod a Deo congregatus esset. Vel vocatur iste quasi exercitus Dei, quia apparebat manifestē, quod Deus congregabat illum: nam David non habebat diuitias quas daret venientibus ad se, ut alliceret aliquos ad veniendum ad se, & quod maius est, non mittebat ipse ad vocandum eos, sed ipsi sponte veniebant, licet essent cognati Saulis, ideo videtur, quod non movebantur aliquo motu humano, sed Deus movebat illos ad veniendum, & sic exercitus erat Dei.

Quando fuerit istud, quod hic dicitur. *Quasi. x p III.*

QUAE RITUR ulterius, quando fuit istud quod dicitur hic. Aliquis dicet, q̄ fuit, qñ David erat in deserto. f. q̄ quotidie veniebant ad eū multi de tota terra Israel. Sed dicendū q̄ hoc nō stat, quia dicitur hic, usq; dum fieret grādis numerus, quasi exercitus Dei, & tñ nūquā David habuit in deserto tñ exercitus, quia non fuerunt viri sui ultra sexcentos, tot enim fuerunt, quando descendit in terram Philistinorum. 1. Regum 27. Etiam tot fuerunt postquā rediit de terra illa in terram Iuda cum iā esset rex. 2. Reg. 15. Oportet igit, q̄ intelligat de alio tpe postquā factus est David. 1. rex. Nā postquā mortuus est Saul, rediit David in Hebron, & factus est ibi rex sup Iuda, regnavitq; septem annis, & dimidio. 2. Reg. 2. & 3. Et hoc tempore multi de vndecim tribubus, qui erant subditi Isboseth veniebant ad David in Hebron, & auxiliarentur ei, & quotidie sic crescebat exercitus

nis eius, & decreſcebat exercitus Iſboſeth. 2. Regum 3. ſcilicet. Facta eſt longa concertatio inter domum Saul, & inter domum Dauid: Dauid proficiens, & ſemper ſeipſo robuſtior: domus autem Saul decreſcens quotidie. Et intantum peruenit, ut etiam Abner princeps exercitus Iſboſeth veniret ad Dauid, ut traderet ei totum regnum Iſrael eodem capitulo, & iſta congregatio quotidiana durauit ſemper uſquequo mortui ſunt fautores domus Saulis, ſcilicet, Abner, & Iſboſeth, & tunc totus Iſrael conuenit ad Dauid in Hebron, & conſtituit eum in regem ſuper omnes tribus, ſecundo Regum quinto. Iſte ſenſus conuenit valde ordini literę, quia ſupra poſitum eſt de omnibus, qui venerunt ad Dauid dum lateret in deſerto, & etiam dum eſſet in Siceleg, & infra ponitur de congregatione omnium tribuum ad vngendum Dauid in regem ſuper totum Iſrael: Iſtud autem quod eſt intermedium oportet, quod intelligatur de tempore medio, & iſtud fuit tempus, quo regnauit Dauid in Hebron: nam illico, ut redijt Dauid de Siceleg in terram Iuda, factus eſt rex in Hebron ſuper tribum Iuda. 2. Reg. 1. & 2. cap.

Iſte quoque eſt numerus principum exercitus, qui venerunt ad Dauid, cum eſſet in Hebron, ut transferrent regnum Saul ad eum iuxta verbum Domini. Filij Iuda portantes clypeum, & haſtam ſex millia octingenti expediti ad prælium.

Iſte quoque. Hic ponitur ſecundum huius cap. ſcilicet, de auxiliatoribus Dauid in regni adeptione: nã ponuntur hic omnes viri, qui conuenerunt de ſingulis tribubus ad vngendum Dauid in regem ſuper totum Iſrael, & dicitur.

Iſte quoque eſt numerus exercitus principum, qui venerunt ad Dauid. Scilicet, hic deſcribitur numerus exercitus & principum de ſingulis tribubus, qui venerunt ad Dauid.

Cum eſſet in Hebron. Eſt Hebron ciuitas in ſorte Iudaſolue 15. Et eſt de famoſioribus illius ſortis, fuit autem data ſpecialiter in ſortem Caleb principi de tribu Iuda ſolue decimoquarto. Et ipſe deleuit ex ea tres gigantes eodem libro, ca. decimoquinto. Poſtea vero data eſt Sacerdotibus in ſortem, ut in ea habitarent, eodem libro, cap. vigefimo primo. & ſupra decimoquarto. Ibi etiam Abraham, Iſaac, & Iacob cum hanc ciuitatem prius aſcendit Dauid quam ad aliquã aliam mortuo Saul quando redijt de terra Philiſthini, & ibi conſtitutus eſt in regem, ſecundo Regum ſecundo cap. Manſitque ibi ſeptem annis, & diſeth regnaret ſolum ſuper tribum Iuda dum Iſboſeth regnaret ſuper vndecim tribus Iſrael, ſecundo Regum quinto. Et ibi genuit filios ſex. 2. 3. & ſupra 3. cap. Ibi autem manebat poſt mortem Iſboſeth, & tunc conuenerunt omnes Iſraelitę ad conſtituendum eum in regem ſuper totum Iſrael.

Ut transferrent regnum Saul ad eum. Scilicet, ut facerent eum regem ſuper totum Iſrael, quia tamen Saul fuerat ante hoc primus rex ſuper totum Iſrael, videbatur regnum debitum filiis eius poſt mortem, quia nunc Dauid vngebatur in regem ſuper totum Iſrael dicebatur transferri regnum Saulis ad Dauid.

Iuxta verbum Domini. Non debet intelligi iuxta verbum Domini, ideſt, ſicut Deus præcepit, quia Deus non præceperat Iſraelitis, quod conſtituerent Dauid in regem, ſed dicitur iuxta verbum Domini, ideſt, ſi

Alph. Toſt. in lib. I. Paralip.

A cut prædixit Deus. Nam ipſe prænuſciauit, quod regnum Saulis transferendum eſſet ad Dauid, primo Regum decimoquinto, cum dixit Samuel: Scidit regnum Iſrael a te hodie, & tradidit illud, proximo tuo meliori te. Et ponitur iſtud ad ſignificandum iuſtam translationem regni, ſcilicet, quod non fuerunt Iſraelitę mori propter aliquem fauorem ad faciendum hoc, nec grauauerunt poſteros Saulis auferendo eis regnum, quia Dei voluntate factum eſt, quę ſatis manifeſta apparebat per Prophetam, cum Deus iuſſiſſet Samueli, ut vngeret eum in regem, & vnxit illum, primo Regum decimoſexto.

Filij Iuda. Hic ponitur de ſingulis tribubus, quot viri veniebant ad vnctionem Dauid, & primo ponuntur de tribu Iuda, quia ipſa erat dignior inter omnes tribus, poſſime nunc, cum eſſet rex de tribu illa.

B *Portantes clypeum, & haſtam.* Ideſt, viri armati, qui vtebantur clypeo, & haſta: licet enim iſta vnctio Dauid facta fuerit in pace, tamen non veniebant ad eam niſi viri pugnatores portantes arma, ut ſic appareret decus exercitus.

Sex millia, & triginta. Computando duces, & milites, quamquã in aliquibus tribubus computantur per ſe duces, & per ſe milites, ut patet infra.

Expediti ad prælium. Ideſt omnes iſti.

Quare tam pauci de tribu Iuda venerunt ad vnctionem Dauid. *Quæſt. XIX.*

C **Q**UÆRITUR Quid modo de tribu Iuda venerunt tam pauci ad vnctionem Dauid, ſcilicet, ſex millia: nam de quibuſdam alijs tribubus veniebãt quadraginta millia, & ultra, ut patet in litera, tribus tamen Iuda erat maior omnibus, ita ut plures pugnatores eſſent in hac tribu q̃ in quacũque alia. Patet de duabus numerationibus Iſraelitarum factis in deſerto, ſcilicet, ſecundo anno ab exitu de Aegypto, & anno quadageſimo: nam in quacũque illarum fuit valde maior numerus virorum de tribu Iuda quã de quacunque alia tribu: Numeri primo, & vigefimoſexto.

D Aliquis fortẽ dicet, q̃ iſtę tribus mittebant nunc viros de ſeipſis ad vnctionem regis ex mandato eius, & quia rex paucos iuſſit ire de hac tribu, quamquã eſſet maior alijs, pauci iuerunt. Sed iſtud non ſtat, quia Dauid non iuſſit Iſraelitis, q̃ venirent ad vngendum eum, quia ipſe ſolus erat rex ſuper tribum Iuda, & nemo iuſſit Iſraelitis venire ad vngendum eum, ſed ipſi non habentes aliquem regem conuenerunt inter ſe, ut vngerent Dauid in regem, & tũc congregati ſunt omnes ad vngendum eum, & illi qui ibant de aliqua tribu ad iſtam vnctionem, ibant nomine totius tribus, nec compellebatur aliquis ire, ſed ibant quot volebant: vnde quilibet tribus conabatur mittere viros multos, & honorabiles, ut appareret honorabilior in oculis Dauid, & acquireret maiorem fauorem a rege nouo. Aliter ergo dicet aliquis, q̃ quamquã in tribu Iuda eſſent multi viri plures quã in quacunque alia tribu, non curauerunt venire ad iſtam vnctionem, quia fortẽ non gaudebant nimis de hac vnctione, vel contemnebant regem nouiter vnctum. Dicẽdum q̃ nõ ſtat hoc, quia potius viri de tribu Iuda gaudebant magis de iſta vnctione quã viri aliarum tribuum, & hoc p̃ duo. Primo q̃a acquirebat eis magn⁹ honor, cũ Dauid, q̃ erat de gñe ipſorũ, fieret rex ſup totũ Iſrael, & ipſi erãt valde accepti illi. Secũdo q̃a p hoc ceſſabat labor eorũ nimius, & quotidiana periculũ: nã qñ Dauid erat rex ſup ſolã tribũ Iuda, & Iſboſeth ſuper vndecim tribus Iſrael, erat continuũ bellũ inter ambo regna, & neceſſe erat, quod ex vtroque

E multi

multi corruerent : nunc autem translato toto regno in David, nullum esset bellum, sicut prius, ideo gauderent. Nec etiam dici potest, quod tribus Iuda contemneret regem, quia ipsa est, quae maximè honorabat eum, & ipsa sola secuta fuit eum per septem annos, & dimidium pugnando contra reliquas tribus, secundo Regum quinto.

Aliquis autem dicet aliter, scilicet, quod venerunt pauci de tribu Iuda, quia licet ista tribus aliàs erat maior numero omnibus alijs, tamen tunc parua erat, quia interdum aliquae progenies crescunt, & interdum minuuntur, & sic non potuit mittere tribus Iuda plures viros quàm alia tribus.

Sed dicendum, quod istud non stat, quia ista tribus erat nunc maior, quàm quaecunque alia : immo maior quàm tres, vel quatuor. Quod pater in numeratione quam iussit fieri David : nam de sola tribu Iuda fuerunt quingenta millia virorum pugnatorum, & de omnibus alijs undecim simul sumptis fuerunt non gēta millia virorū. *Re. vlr.* Siue mille millia, & centū, & centū millia, infra 21. Patet ēt hoc, quia quā David regnabat sup solā tribū Iuda, ipse pugnabat p̄ oēs tribus Israel, si tñ nō esset magnae multitudinis nō posset p̄ oēs pugnare. Dicēdū ergo aliter quod de ista tribu fuerūt plures viri in vnctione David q̄ de quacunque alia tribu, & tñ ponuntur solum sex millia, quia iste est numerus eorū, qui venerunt ad hoc, quod interessent vnctioni, & tñ ante hoc magna pars tribus Iuda erat cum David, quia totus exercitus eius, qui erat cum eo in Hebron erat de viris Iuda, & isti non computantur inter uenientes, quia isti ante hoc manebant semper cum David : ēt prāter istos fere tota tribus Iuda erat occupata parando cibos, & congregando de diuersis partibus regni, pro ista magna festiuitate vnctionis David : nam conuenerunt plusquam ducenti millia virorum, ut pater in litera : ideo illi non poterant venire ad festiuitatem assistendo, & sic nō misit tribus Iuda nisi sex millia virorum, inter quos non computantur illi, qui erant ante hoc cum David in curia, & ēt illi, qui dispergebantur per totam terram, ut congregarent cibos pro hac solennitate.

De filiis Simeon virorum fortissimorum ad pugnandum, septem millia centum. De filiis Leui, quatuor millia sexcenti.

De filiis Simeon. Computatur post Iudam tribus Simeon nō secundum ordinem natiuitatis, quia prior fuit Ruben, nec secundum ordinem dignitatis, quia digniores sunt Benjamin, & Ephraim, sed secundum ordinem fortis, scilicet, quia tribus Simeon accepit sortem suam intra sortem tribus Iuda Iosue 19.

Virorum fortissimorum ad pugnandum. Non est intelligendum, quod omnes isti essent viri valde electi in robore, sicut signat istud nomen fortissimus, sed vocantur viri fortissimi omnes, qui sunt in etate virili, ita ut possint ad bella procedere, & iste est modus loquendi sacrae Scripturae, sic pater secundo Regum ultimo, scilicet, inuenta sunt de Israel nongenta millia virorum fortium, qui educerent gladium, & sic omnes educere potentes gladium ad pugnandum, vocantur viri fortes.

Sex millia, & centum. Ista tribus parua erat in numero, nec erat aliqua minor : nam in numeratione facta in deserto anno quadagesimo ab exitu de Aegypto fuerunt solum vigintiduo millia virorum in hac tribu. Numeri vigesimo sexto. Et propter hoc ista tribus accepit minimā sortem inter omnes tribus Israel : unde non accepit aliquam sortem separatam, sed de sorte Iuda abscissa est quaedam pars, & tradita fuit tribui

Simeonis in sortem Iosue 19. Misit ergo paucos viros nunc. Alia etiam fuit causa huius paucitatis, quia viri de tribu Simeon erant occupati querendo, & congregando cibos pro ista solennitate, sicut viri de tribu Iuda. Nam infra dicitur, quod viri Iuda paraauerunt cibos pro venientibus ad solennitatem, & in hoc adiuuerunt eos omnes alię tribus propinque vsque ad tribum Issachar, & tamen nulla tribus erat magis coniuncta viris Iuda quàm tribus Simeon, cum possessio sua sit in medio fortis Iudę Iosue 19. ideo viri de tribu Simeon nimis occuparentur circa istam ciborum congregationem, ideo non possent mittere multos ad solennitatem.

De filiis Leui. Hic ponitur quot venirent de tribu Leui ad istam solennitatem, & ponitur tribus Leui post tribum Simeonis secundum ordinem natiuitatis, quia Leui natus est post Simeonem. Genes. 29.

Quatuor millia sexcenti. Cognatio Leuitarum erat parua, ideo pauci venerunt : nam in alijs tribubus erat multo plures quàm in ista tribu : nam in alijs computantur viri a viginti annis, & supra : Numeri primo, & vigesimo sexto. Qui verò minor erat non computabatur, in progenie autem Leuitarum computabatur ab vno mense, & supra, & tamen Leuitę erant semper pauciores : nam bis numerati sunt sic, & non peruenerunt ad vigintitria millia : Numeri 3. & 26. Et tamen alię tribus erant, in quibus fiebat computatio ab anno vicefimo, & reperiabantur septuaginta millia, vel quasi, ut patet ibidem.

Quomodo hic ponitur cognatio Leuitarum. Quæst. XX.

QUÆRITUR Quomodo ponitur hic cognatio Leuitarum tanquam vna de tribubus, quia nō computatur inter tribus : nam duodecim sunt tribus Israel, & tamen si cognatio Leuitarum esset tribus, essent tredecim, quia filij Iosue habuerunt duas tribus, scilicet, Ephraim, & Manasse.

Respondendum est, quod Leuitę erant filij Leui, & quia singuli filij Iacob constituiebant tribum Leui, constitueret vnam tribum : Deus tamen elegit Leuitas in partem suam, volens quod ministrarent sibi, & voluit quod esset separati a reliquo populo, nec esset pars populi, nec etiam computarentur cum populo, unde de quando Deus iussit, quod acciperetur summa omnium virorum Israel, dixit, quod non computarentur Leuitę inter eos. 1. tribum Leui noli numerare, nec ponas summam eorum cum filiis Israel, sed constitue eos super tabernaculum testimonij : Numeri primo. Iussit etiam Deus, quod non haberent Leuitę aliquam partem hereditatis cum alijs Israelitis, quia ipse volebat esse hereditas illorum : Num. 18. & Deus ter. 18. & Iosue 13. Distinctio autem tribuum erat per distinctionem sortium in terra promissionis. scilicet, quod libet tribus haberet vnam sortem, fuerunt autem assignatę duodecim sortes, & inter illas nulla fuit data Leuitis, ideo ipsi non computabantur tanquam vna tribus. Sciendum tamen, quod aliquando Leuitę intelliguntur nomine duodecim tribuum, & aliquando non : nam si id, de quo agitur, sit pertinens ad aliquam vtilitatem secularem, vel ad aliqua onera communia, intelliguntur Leuitę nomine duodecim tribuum : si autem id, de quo agitur, pertineat ad cultum Dei, qui communis erat, intelliguntur Leuitę nomine duodecim tribuum. Prima pars patet, quia vtilitas secularis est habere possessionem, & tamen quando dicitur, quod singulis tribubus, & familijs dabantur possessiones, non intelliguntur Leuitę nomine tribuum, quia ipsi non accipiunt aliquam sortem possessionis. De oneribus patet,

pater, quia pertinet ad onera secularia ire ad bellum, & soluere tributa, & tunc nomine tribuum non intelliguntur Leuitę, vt si dicatur, quod omnes tribus Israel pugnaverunt, non est sensus, quod Leuitę pugnaverunt, quod patet, quia quando computabatur totus populus per turmas suas, scilicet, qui erant potentes ad bellum, iussit Deus, quod non computaretur Leuitę cum eis. Num. primo. Secunda particula patet, quia si aliquid pertinebat ad Deum, & dicebatur, quod totus Israel, vel omnes tribus deberent facere illud, intelligebantur etiam Leuitę, quia cultus Dei communis erat omnibus, sic patet Deutero. 27. vbi iussit Deus, quod sex tribus benedicerent obseruantibus legem, & sex tribus maledicerent violentibus eam, & ponitur ibi vna de tribubus Leui. eod. ca. sic etiam cum beatus Ioannes ageret de conuersione seculi designari per duodecim tribus Israel ad Christum, posuit tribum Leui vnam de duodecim tribubus: Apocap. 7. eo quod conuersio ad Christum, de qua ibi agitur, pertinet ad cultum Dei. Hic autem non erat aliquod onus seculare, nec aliqua vtilitas, sed erat conuenire ad solennitatem vnctionis regis, & rex erat omnibus communis tam Leuitis, quam secularibus: ideo ponuntur hic Leuitę inter alias tribus.

Quomodo assignantur duodecim tribus cum Leuitę computati fuerint vna tribus.

Quest. XXI.

QVAERITVR. Vltius cum aliquando Leuitę computentur inter tribus, & aliquando non, quando computati fuerint vna tribus, quomodo assignabuntur duodecim tribus Israel, nam siue computetur Leui, vt tribus, siue non, nunquam ponuntur nisi duodecim tribus, ideo oportebit vnam tribum tolli, vel duas tribus copulari in vnam.

Respondendum est, quod semper sunt solum duodecim tribus, & istę debebant proprie computari per duodecim filios Iacob, de quibus ablatus est Leui, & manebant vndecim tribus, diuisa fuit autem cognatio Ioseph in duas tribus per duos filios Ioseph, scilicet, Manasse, & Ephraim, qui acceperunt duas sortes ex speciali privilegio. Gen. 48. Et alias tota cognatio Ioseph erat vna tribus, ideo si interdum computetur Leui: Dicendum est, quod tribus Ioseph erit vna, & copulabuntur tribus Manasse, & Ephraim, nec vocabitur tunc tribus Ephraim, & Manasse, sed tribus Ioseph: sic enim patet Deuteronom. 27. in benedictione, & maledictione obseruantium, & violentantium legem: nā non nominatur ibi Manasse, aut Ephraim, sed Ioseph. Si tamen interdum debebat nominari Ephraim, vel Manasse, vel si princeps cuiuslibet tribus deberet agere aliquid, & deberet esse vnus princeps pro tribu Ioseph, dubium esset an illud deberet agere princeps de tribu Ephraim, vel de tribu Manasse. Aliquis dicit, quod princeps de tribu Manasse deberet hoc agere, quia Manasse erat primogenitus Ioseph, & ad eum pertinebat iste honor. Dicendum tamen est, quod pertineret ad principem tribus Ephraim, quia ista tribus erat maioris dignitatis quod significauit Iacob: nam quādo Ioseph applicuit istos duos pueros Manasse, & Ephraim auro eorū Iacob, vt imponeret eis manus, & benediceret, posuit Manasse ad dextram, & Ephraim ad sinistram: Iacob autem transuersauit manus, & posuit dextram super Ephraim, & sinistram super Manasse, Ioseph autem dixit, non ita conuenit pater, quia iste est primogenitus, pone dextram tuam super caput eius, qui renouēs atque firmi, & iste quidem erit in populo, & multiplicabitur, sed pater eius minor erit maior illo, & Alph. Tost. in lib. I. Paralip.

A semen illius crescet in gentes: Genes. quadagesimo octauo. Et semper fuit tribus Ephraim maioris honoris quā Manasse: nam quando in deserto diuisę fuerunt duodecim tribus per quatuor vexilla datum est vnum vexillum Ephraim, & nullum Manasse, sed potius tribus Manasse fuit sub vexillo tribus Ephraim. Numeri secundo. Etiam in dedicatione Tabernaculi Moyse quando singuli principes tribuum obtulerunt munera sua singulis diebus, princeps tribus Ephraim obtulit priusquam princeps tribus Manasse, vt patet Numeri septimo. Dicendum etiam quod si aliquando nominetur tribus Ioseph, & oporteat intelligi solum vnam tribum, scilicet, Manasse, vel Ephraim, intelligetur tribus Ephraim, sic patet Apo. septimo. vbi exprimitur tribus Manasse, & postea exprimitur tribus Ioseph, per quam non potest intelligi ibi, nisi Ephraim, & tamen non legitur alicubi, quod nominata tribu Ioseph, intelligatur solum tribus Ephraim: est tamen quādam difficultas in eodem capitulo. quia cum beatus Ioannes dicat ibi se nominare duodecim tribus Israel, nominauit Leui, & Ioseph, & Manasse, & non nominauit Dan. Cur tamen hoc factum fuerit, vel quomodo sufficienter nominantur duodecim tribus Israel non nominato Dan, ibidem declarabitur.

C Ioiada quoque princeps de stirpe Aaron, & cum eo tria millia septingenti. Sadoc etiam puer egregie indolis, & domus patris eius principes vigintiduo.

Ioiada quoque princeps de stirpe Aaron. Iste Ioiada venit etiam ad istam solennitatem, & nominatur specialiter, quia erat princeps in stirpe illa, vt hic dicitur: non tamen erat Sacerdos magnus, vt infra declarabitur in quadam questione de hoc.

Et cum eo tria millia septingenti. Isti sunt præter quatuor millia, & sexcentos Leuitas, de quibus supra dicitur, quia illi fuerunt in alia congregatione. Iste autem cum esset princeps habuit secum aliam specialem multitudinem, scilicet, tria millia, & sexcentos.

Sadoc etiam puer egregie indolis. Iste etiam fuit Sacerdos, & venit ad vnctionem Dauid: nominatur autem specialiter, quia fuit de magnis principibus cognationis Leuitarum: nam erat iste Sadoc, qui fuit summus Sacerdos, vt multi arbitrantur: de hoc tamen infra dicitur in quadam questione. Et dicitur egregie indolis, quia quamquā esset in ætate puerili habebat vires viriles, & per hoc erat signum, quod quando esset vir, esset magnæ virtutis: nam ex studiis suis cognoscitur puer.

Et domus patris eius. Id est tota domus siue familia venit cum illo, quia iste Sadoc erat princeps in congregatione sua.

Principes vigintiduo. Scilicet cum Sadoc veniebāt vigintiduo principes, qui omnes erant minores Sadoc, quia erant de domo patris eius.

Quis fuerit iste Ioiada, de quo fit mentio.

Quest. XXI.

QVAERITVR. De isto Ioiada, de quo hic dicitur, quis erat. Aliqui n. dicunt, quod iste erat Ioiada summus Sacerdos, qui fuit tempore regis Ioas, & constituit Ioas in regem, occiditq; Athaliah reginam. 4. Reg. 11. & sequenti lib. capitu. 23. & 24. Et istud apparet, quia fit hic mētio specialis de eo

inter Sacerdotes. Et etiam dicitur, quod erat princeps, & tamen princeps Sacerdotum est ille, qui est summus Sacerdos.

Sed obijcietur, quod non possit stare, quia non viueret tato tempore, vt posset pertingere ad dies regis Ioram, qui fuit multo post hoc.

Aliquis dicet, quod sic, quia iste fuit longeuus nimis, nam vixit centum annis & triginta sequenti lib. ca. 24. Et dicit de eo Iosephus 9. Antiqui. Quia post Moysen non fuit repertus aliquis, qui viueret centum, & triginta annis, nisi iste Ioiada.

Dicendum tamen, quod dato, quod vixerit tanto tempore, non potuit peruenire ad annos regis Ioram, quod patet, quia oportebat ad hoc, quod viueret plus quam ducentis annis, sed non peruenit ad eos. Patet hoc discurrendo tempora media, nam esset iste Ioiada ad minus viginti quinque annorum, vel plus isto tempore, quando venit ad vnctionem Dauid, cum ponatur hic tamquam vir, & princeps, & non nominetur puer, sicut Sadoc. Deinde regnavit Dauid triginta tribus annis super totum Israel post istam vnctionem, secundo Regum 5. & tercio Regum secundo, Deinde Salomon 40. annis, 3. Regum vndecimo. deinde Roboam 17. annis. eodem lib. capitu. 14. postea Abia tribus annis. eodem lib. cap. 15. deinde Asa 41. annis. eodem cap. postea Iosaphat vigintique annis. eodem lib. cap. vlti. postea Ioram annis 8. vt patet 4. Regum 8. cap. deinde Ochozias anno vno, eod. ca. & postea vixit adhuc Ioiada plusquam ad 23. annum regni Ioas: nam in tempore illo fiebat constructio sacratorum templi ad mandatum eius, quarto Regum duodecimo. Sed colligendo istos annos sunt quasi ducenti, & decem: ideo non potuit Ioiada tanto tempore viuere, & consequenter ille Ioiada, qui erat tempore regis Ioram summus Sacerdos non est iste, qui venit nunc ad vnctionem Dauid, sed aliquis alius Sacerdos: ille autem Ioiada non poterat esse natus hoc tempore, sed multo post natus fuit, scilicet, regnante Salomone, quasi anno vicefimo regni eius, vt patet per eandem computationem, quam supra fecimus, scilicet, tollendo omnes annos priores quousque maneant solum centum, & triginta quibus vixit Ioiada.

Quis fuerit summus Sacerdos tempore Ioas regis.

Quest.

XXIII.

QVAERITUR Vterius cum iste Ioiada non fuit ille summus Sacerdos, qui fuit tempore regis Ioas, an fuerit aliquis summus Sacerdos tempore isto, vel quis fuit. Aliquis dicet quod fuit summus Sacerdos Ioiada, quia dicitur hic Ioiada princeps de domo Aaron: princeps tamen in domo Aaron erat summus Sacerdos, qui vocatur princeps, & maximus inter fratres suos: Leui. vigesimo primo. Etiam patet hoc, quia cum isto iuerunt tria millia, & septingenti de filiis Aaron, & sic videtur, quod erat honorabilissimus in tota tribu Leuitarum, sed istud competit summo Sacerdoti, ideo ipse erat summus Sacerdos.

Respondendum, quod non erat iste Ioiada tunc summus Sacerdos. Quod patet, quia summus Sacerdos erat semper vnus, scilicet, ille, qui veniebat per lineam primogenituræ ab ipso Aaron, vt colligitur Leui. 21. fuerunt tamē tempore Dauid, & Saulis duo summi Sacerdotes propter discordiam, & nullus istorum fuit Ioiada, ideo nunquam fuit summus Sacerdos. Patet hoc, quia regnante Saule erat Achimelech summus Sacerdos, qui ministrabat coram Domino in Tabernaculo, quod erat in vrbe Nobe. 1. Reg. 21. Et istum occidit Saul cum omnibus cognatis suis, &

deleuit totam urbem propter Dauid. eod. lib. cap. 22. Et tunc transfuit Saul Sanctuarium de Nobe in Gabaa, & constituit ibi summum Sacerdotem de stirpe Eleazar, ipsum Sadoc, vt declaratum est supra 6. ideo mortuo Saul habebat Dauid duos summos Sacerdotes. scilicet, Sadoc, & Abiathar. 2. Reg. 8. & 20. & infra 18. Habebat autem Abiathar in summum Sacerdotem, quia erat filius Achimelech summi Sacerdotis, 1. Regum 22. Et maximè quia fuerat cum eo in omnibus laboribus, quos sustinuit Dauid 3. Reg. 2. & insuper quia Dauid erat ei obligatus nimis, cum propter eum deleta fuisset tota domus patris eius. 1. Reg. 22. cum dixit Dauid: ego sum reus omnium animarum patris tui, & propter hoc debebat ei dare fauorem, vt maneret in honore suo, & sic fecit, quia ipse fecit qd toto tempore suo Abiathar esset summus Sacerdos, & etiam paulo antequam moreretur cum ordinaret cultum Domini, constituit duos principes Sacerdotum, scilicet Abiathar, & Sadoc, infra 24. cap. Sadoc autem fuit Sacerdos, quia constitutus erat Sacerdos magnus post Saulem occiso Achimelech. Et Dauid non ausus est auferre illi summum Sacerdotium, cum iuste pertineret ad eum, quia ipse erat de linea primogenitorum domus Eleazar, & ad istam domum ablatum est, quod summum Sacerdotium, sed ad tempus ablatum est, quando datum est Heli summo Sacerdoti, & durauit vix ad Achimelech, nam illi erant de domo Ithamar, & non pertinebat ad eos secundum legem Sacerdotum, & insuper Deus predixerat, qd Sacerdotium auferretur de domo Heli, & transfiret ad aliam domum, in qua semper maneret primo Reg. 2. De his magis declaratum est. 3. Reg. 2. Manserunt ergo isti duo summi Sacerdotes tempore Dauid, & tamen postea Salomon abstulit summum Sacerdotium ab Abiathar, & fecit, quod solus Sadoc esse summus Sacerdos. 3. Regum 2. non potuit ergo Ioiada esse summus Sacerdos tempore Dauid, aut Saulis, cum isti duo fuerint summi Sacerdotes, nec videbatur aliqua causa, quare fieret summus Sacerdos. Sed aliquis dicet, quod forte iste Ioiada constitutus fuit Sacerdos, per Samuelē occiso Achimelech, & mansit Sacerdos tempore Dauid, & postea mortuo ipso successit ei Sadoc, & tunc dicit, quod Sadoc non erat tunc summus Sacerdos, quando Dauid vnctus est super totum Israel in regem, sed istud non stat, quia si moreretur Ioiada summus Sacerdos constitutus per Saulem non faceret Dauid quod succederet ei alius, quia ipse habebat alium summum Sacerdotem viuentem, scilicet, Abiathar, & non curaret constituere duos summos Sacerdotes, cum lex solum disposuisset de vno, & tamen tempore Dauid erant semper simul duo summi Sacerdotes, scilicet, Sadoc, & Abiathar, vt probatum est, ergo iam erat summus Sacerdos Sadoc, quando vnctus fuit Dauid. Item patet istud, quia immediate legitur de Sadoc, qd esset summus Sacerdos, nam Dauid reduxit arcam Domini in Ierusalem in domum ministrum, & constituit ibi Leuitas, & Sacerdotes ad ministrandum, & alios Sacerdotes, & Leuitas constituit in Gabaa, vbi erat templum, in quo iussit Dauid, vt Sadoc esset tamquam summus Sacerdos, & alij summi Sacerdotes ministrarent sub eo. infra 16. Et tñ si Ioiada fuisset summus Sacerdos tpe vnctionis Dauid, ipsum constituisset Dauid summum Sacerdotem in Gabaa, & non Sadoc. Dicendum ergo, quod iste Ioiada non fuit summus Sacerdos: fuit tamen quidam princeps magnus inter Sacerdotes tempore suo, quia forte erat de progenie summorum Sacerdotum, & propter hoc nominatur hic expresse, & erant cum eo tria millia, & septingenti viri.

An iste Sadoc sit ille, qui fuit summus Sacerdos cum Abiathar tempore David. Quest. XXIII.

QVAERITUR Vterius an iste Sadoc, de quo hic dicitur fuit ille, qui erat summus Sacerdos cum Abiathar tempore David. Aliquis dicet, quod sic, quia dicitur hic, quod erat magnus princeps, scilicet, quia venerunt cum eo vigintiduo principes de domo patris eius, & iste erat magnus honor, ideo videtur quod ipse erat summus Sacerdos. Item patet hoc, quia sit hic specialis mentio de eo, & tamen non fieret mentio nisi esset honoratissimus in tribu Aaron, quod pertinet ad summum Sacerdotem.

Dicendum, quod non apparet manifestè an iste Sadoc esset summus Sacerdos, & causa huius est, quia dicitur hic, quod erat puer egregie indolis, & tamen si esset puer non posset ministrare, nec esse summus Sacerdos, vel saltem ministraret alius pro eo quousque veniret ad etatem, in qua esset potens ministrare, & tamen de Sadoc videtur quod erat iam vir, cum iam esset summus Sacerdos, ideo quod non esset iste Sadoc. Satis tamen potest dici, quod esset iste, quia si non esset valde puer poterat ministrare, & sic esset summus Sacerdos, si pertinebat ad eum ex conditione generis sui, ideo potest hic teneri quodcumque.

De filiis autem Benjamin fratribus Saul tria millia, magna enim pars eorum adhuc sequebatur domum Saul.

De filiis autem Benjamin fratribus Saul. Ponuntur illi, qui venerunt ad vñctionem David de tribu Benjamin, & vocantur filij Benjamin fratres Saulis, quia erat Saul de ista tribu, primo Regum nono. Et omnes de eadem tribu vocantur fratres: nam etiam omnes Hebraei inter se vocantur fratres: Deuteronom. decimo quinto.

Tria millia. Pauci venerunt de hac tribu, & pauciores quidem quàm de quacunque alia, & ratio huius fuit duplex. Prima, quia multi de ista tribu discurrebant ad congregandum cibos pro ista solennitate: nam tribus Israel omnes, quæ erant iuxta tribum Iudæ usque ad Issachar adiuuabant in hoc viros Iudæ, ut patet infra in litera: tribus tamen Benjamin coniuncta est forti Iudæ, quia latus Aquilonare Iudæ, & latus Meridianum Benjamin sunt idem, ut patet Iosue decimo quinto, & decimo octavo, quia eadem loca ponuntur in latere vtriusque sortis. Secunda causa fuit, quia tribus Benjamin non erat bene contenta, quod ante hoc Saul erat rex super totum Israel, qui erat de tribu Benjamin, & nunc quoque multi de illa tribu fauebant domui Saulis, ut de illa fieret rex, ut dicitur in litera: ideo pauci voluerunt venire de hac tribu.

Magna enim pars eorum adhuc sequebatur domum Saul. Idest multi de ista tribu sequebantur domum Saulis, scilicet, quia volebant, quod non cessaret regnum de illa domo, ideo volebant venire ad yngendum David in regem, quem putabant hostem illius domus.

Quid intendebant facere isti de tribu Benjamin. Quest. XXV.

QVAERITUR Quomodo dicebantur isti sequi domum Saulis, & quid intendebant facere? Respondendum, quod cum ante hoc regnum fuisset in domo Saulis, & per hoc tota tribus Benjamin esset Alph. Tost. in lib. I. Paralip.

A honorata nimis, volebant viri de hac tribu, quod maneret semper regnum in domo ista, & ideo intendebant constituere aliquem in regem de posteritate Saulis, Sciendum tamen, quod non manebat aliquis filius Saulis, qui posset succedere, sed manebant nepotes, manebant namque solum octo viri de domo Saulis, quod patet, quia quando Gabaonites petiuerunt, ut daretur sibi tota domus Saul ad delendum eam, dicitur quod David eripuit solum Miphibosech, & sic omnes alij occisi sunt. 2. Regum 21. & tamen non fuerunt occisi nisi septem viri: ergo videtur, quod solum octo viri manebant. Erant autem duo istorum filij Saulis ex concubina nomine Relspha: ideo non poterant succedere, quia in dignitate regali non succedunt illegitimi, erant autem quinque nepotes Saulis. scilicet, filij Merob filie Saulis, & Adrielis Mozathithæ. eod. cap. & ad istos non pertinebat successio directè, quia sicut mater eorum non poterat succedere in regno, ita nec ipsi poterant succedere iure matris. Isti autem septem fuerunt, qui postea suspensi sunt ad petitionem Gabaonitarum. eodem cap. Alij autem filij Saulis non reliquerant filios nisi solus Ionathas, qui erat primogenitus Saulis, cum ponatur primus inter filios eius semper, ut patet primo Regum 14. & supra 8. & 9. Et ad istum pertinebat successio iure primogeniture, sed mortuus est in bello, 1. Regum ultimo. Mansit autem vnus filius eius, scilicet, Miphibosech, qui erat claudus vtroque pede. 2. Regum 4. & 9. Et ad istum directè pertinebat successio regni: plurimi autem de tribu Benjamin intendebant istum constituere in regem, vel saltem filium eius Micha, qui non erat claudus, sicut pater suus. primo Regum nono. Ideo spem habentes de hoc noluerunt ire ad vñctionem David, quia tamen David fuit valde bonus, omnes postea consenserunt in eum, ut esset rex, & cessaret contentio filiorum Benjamin.

Porro de filiis Ephraim viginti millia octingenti, fortissimi robore, viri nominati in cognationibus suis, et ex dimidia tribu Manasse decem, et octo millia singuli per nomina sua, venerunt, et constituerunt regem David. De filiis quoque Issachar viri eruditi, qui nouerant singula tempora ad precipiendum quid facere deberet Israel, principes ducenti: Omnis autem reliqua tribus eorum consilium sequebatur.

Porro de filiis Ephraim. Ista est alia tribus de filiis Ioseph, & fuit valde honorata inter Israelitas, quia de quatuor vexillis deserti ipsa habuit vnum Num. 2. de hac etiam tribu fuerunt omnes reges Israel facta diuisione regni tempore Roboam: nam primus eorum. scilicet, Roboam fuit de ista tribu. 3. Reg. 11. Et consenserunt alij, vel plurimi ipsorum. Viginti millia octingenti. De ista tribu iuerunt multi ad vñctionem David, eo quod non erant multi ipsorum occupati congregando cibos pro ista solennitate, sicut erant occupati viri de alijs tribubus supra positis, eo quod sortes illarum tribuum erant magis coniuncte forti Iudæ, & quia ad tribum Iudæ principaliter pertinebat congregare necessaria pro ista solennitate, cum fieret in Hebron, quæ est ciuitas tribus Iudæ, quæ erant magis propinquæ, adiuuabant magis tribum Iudæ. Fortissimi robore. Idest, fortes pugnatōres: erant enim viri de tribu Ephraim animosi valde,

valde, & superbi plusquam viri aliarum tribuum, quod patet ex multis scandalis, quæ fecerunt ipsi, & nullum fecit aliqua de alijs tribubus: patet enim hoc de Gedeone: ipse enim erat iudex Israel, & erat de tribu Manasse: pugnavitque contra Madianitas: & habuit mirabilem victoriam Iud. 6. & 7. Soli autem viri de tribu Ephraim superbierunt, quia non vocavit eos, & clamabant contra Gedeonem, & dicitur, quod Iurgantes fortiter erant, & prope vim inferentes, Gedeon autem non potuit compescere iram ipsorum, nisi verbis blandis humiliando se, & exaltando illos, dicens: quid enim tale facere potuit quale vos fecistis, nonne melior est racemus Ephraim vindemijs Abiezri in manus vestras tradidit Dominus principes Madian Oreb, & Zeb. Cum locutus esset istud requievit spiritus eorum, quo inflabantur contra eum. Iudi. 8. Iterum etiam cum Iephthe Galadites pugnavisset contra Ammonitas, & non iussent illuc viri Ephraim, habita victoria mirabili inviderunt filij Ephraim Iephthe, & dixerunt: Quare vadens ad pugnam contra filios Ammon vocare nos noluit, ut pergeremus tecum? ideo incendemus domum tuam. voluerunt ergo tunc Ephraim pugnam contra Iephthe: ipse vero occidit quadraginta duo millia de eis Iudi. 12.

Viri nominati in cognationibus suis. Scilicet omnes isti viri Ephraim, qui venerunt adunctionem David erant viri generosi, & nominati in cognationibus suis.

Et ex dimidia parte tribus Manasse. Hic ponitur, quot venerint de tribu Manasse adunctionem istam. Et sciendum est, quod sola tribus Manasse erat divisa in duas medietates, ut supra dictum est, & una habitabat ad Orientalem partem Iordanis in terra duorum regum Amorrhæorum: alia vero citra Iordanem ad Occidentem apud sortem Ephraim, hic autem dicitur de medietate illa, quæ erat citra Iordanem, & ideo ponitur post Ephraim: de alia autem medietate, quæ erat ultra Iordanem infra ponitur numerus venientium de illa adunctionem istam cum tribu Ruben, & Gad.

Decem, & octo millia. Quamquam esset solum medietas tribus, tamen misit decem, & octo millia virorum ad istam vocationem, quia pauci occupabantur de ista tribu, querendo, & congregando cibos pro solennitate istius vocationis, sicut occupabantur de quibusdam alijs tribubus.

Singuli per nomina sua. Id est, omnes isti erant congregati, & descripti nominatim, qui erant viri de quibus fiebat mentio in tribu sua.

Venerunt, ut constituerent Regem David. Scilicet, ad vocationem supradictam: nam omnes tribus Israel conveniunt in hac sententia, quod vngerent David in Regem.

De filiis quoque Issachar. Hic ponitur, quot venerunt de tribu Issachar, & multi venerunt de hac tribu, quia non fuerunt aliqui de ista tribu occupati in preparatione, & congregatione ciborum pro solennitate, sicut de alijs tribubus. Quia infra dicitur, quod omnes, qui erant de alijs tribubus usque ad Issachar adjuverunt fratres suos de tribu Iuda, & sic qui erant de tribu Issachar non adjuverunt eos.

Eruditi viri, qui novissent singula tempora. Aliqui putant istos fuisse Astrologos, qui cognoscerent tempora: & tamen falsum est, ut infra dicitur sequenti questione.

Ad precipiendum quid facere deberet Israel. Erant nimis prudentes, & quia ad sapientem pertinet ordinare, teste Aristotele, isti disponebant de singulis temporibus quid deberet facere Israel in illis, & totus populus sequebatur consilium eorum, quia erant vi-

ri valde prudentes, & magnæ auctoritatis in toto Israel. *Principes ducenti.* Ponitur hic numerus principum, sed non ponitur numerus virorum, qui veniebant cum eis, sed satis innuitur, quod deberent esse multi principum subditi, cum essent tot principes: omnis autem alia tribus eorum consilia sequebatur, scilicet, tota tribus Issachar, & ideo isti erant tamquam patres, & principes.

Quomodo principes isti ducenti omnia tempora scirent ad precipiendum Israel. Quest. XXVI.

QUÆRITUR Quomodo dicuntur isti ducenti principes scire omnia tempora ad precipiendum Israel. Aliqui volunt, quod isti erant viri instructi in lege, & per hoc sciebant precipere populo quid facere deberet, & etiam omnia tempora, in quibus fieri deberet quicquid ad cultum Dei pertinebat. Et de hoc exponunt illud, quod habetur Gen. 49. Issachar asinus accubans inter terminos vidit requiem, quod esset bona. Requiem in studio legis. Quia ad studium requiritur quietatio anime, & etiam corporis, & in quiescendo anima fit prudens, & sapiens. 7. Physico. Sed istud non stat, quia litera non potest intelligi de quiete studij, sed magis de quiete, quæ est in terra propria non discurrendo hinc, & inde, ut quies opponitur peregrinationi, & patet hoc ex litera, quia in benedictione Zabulon dixerat Iacob. Zabulon in litore maris habitavit, & in statione navium pertingens usque ad Sidonem, & per hoc innuitur, quod viri de tribu Zabulon discurrerent per mare afferendo, & portando merces, quia de hoc solent vivere illi, qui morantur in litore maris, & quia subditur immediate benedictio Issachar, crederet aliquis, quod sic navigaret Issachar, sicut Zabulon: ideo dixit Iacob, quod non, sed quod quiesceret in terra sua, scilicet, Issachar asinus fortis, scilicet, quod sicut asinus est animal pigrum valde, ita & tribus Issachar erat valde pigra, quia cum habitaret iuxta mare non discurrebat in navigijs ad negociandum, & dicitur Accubans inter terminos, id est, iacens, & non discurrens, quamquam esset iuxta terminos maris: vidit requiem quod esset bona, & terram, quod optima, id est, vidit quod bonum erat quiescere in terra sua non discurrendo per mare exponendo se diversis periculis, potissime quia terra erat optima, id est, fertilis ad hoc, quod posset sufficienter sustentari de fructibus eius. Secundo patet, quia non est verisimile, quod tanta esset vacatio virorum de tribu Issachar in studio legis: nam nunquam reperitur in aliquo loco Scripturæ de aliqua tali vacatione. Item patet hoc, quia non pertinebat talis vacatio ad aliquam de tribubus Israel, quia populus erat sic ordinatus, quia tota tribus Levi vacabat cultui Dei, & studio sacrę Scripturę, eo quod non occupabatur alicui agriculturę, vel militię, immo dato, quod vellent occupari non poterant, quia Deus iusserat, quod Sacerdotibus, & Levitis darentur vrbes sine territorijs, ita ut non haberent locum ad plantandum vineas, nec ad serendum agros, sed solum dabantur eis parva suburbana apud vrbes ad alendum peccora sua in eis. Numeri trig. simo quinto. & Iosue decimo tertio. Et hoc erat, quia de decimis, & alijs iuribus Sanctuarij sustentari debebant Sacerdotes, & Levitę: Numeri 18. & Iosue 13. non habentes ergo, in quo occuparentur vacabant studio sacrę Scripturę, populares autem de omnibus duodecim tribubus Israel vacabant agriculturę, & militię, & non studio legis, quia tota tribus Leviitarum debebat pro eis, & ob hoc Deus obligabat Sacerdotes, & Levitas ad respondendum de omnibus rebus

bijs legis, vt patet Aggai 2. scilicet, Interroga Sacerdotes legem. Et Malachie 2. dicitur. Labia Sacerdotis custodiunt scientiam, & legem requirent ex ore eius, quia Angelus Domini exercituum est. Tertio patet, quia dato, quod viri de tribu Issachar vacarent nimis studio legis: tamen non pertineret ad eos precipere aliquid populo de his, quae pertinebant ad legem, quia istud erat de officio Sacerdotum, & Leuitarum, & nulli licebat intromittere se de his, quae pertinebant ad Sacerdotes, & Leuitas sub pena mortis, vt patet Num. primo, & 3. & 16. & 18. Quartò patet, quia dato, quod istud esset verum; tamen non conuenit litera, quia hic non agitur de obseruatione cultus Dei, sed de illis, quae pertinebant ad populum quantum ad bellum, & pacem, & reliquum statum populi. Quod patet, quia dicitur, quod consilijs eorum obediebat aliqua tribus Issachar: si tamen isti essent periti circa legem non sequeretur populus consilium eorum, sed praeceptum, quia ea, quae de lege erant pertinebant ad praeceptum, & non ad consilium. ideo non erant isti eruditi circa legem, sed circa negocia deliberatiua, quae cadunt sub consilio, & ista pertinent ad dispositionem, & regimen populi.

Aliqui ergo dicunt aliter, quod isti erant eruditi circa Astrologiam, & sciebant tempora quibus pugnandum esset, & quibus quiescendum, & sic quantum ad omnes alias res: nam ista, vel sciunt Astrologi, vel conantur ea scire.

Dicendum tamen, quod istud non stat, quia ista scientia est superstitiosa, & dato, quod interdum posset aliquid sciri, licet cum multis dubijs, peccatum tamen esset talia inquirere, & erat istud nimis prohibitum Hebraeis: sic patet Iere. 10. scilicet, Iuxta vias gentium nolite discere, & a signis celi nolite metuere, quae timeantur gentes. Et quando aliqui per Astrologiam conati sunt inquirere, an pugnandum sit, vel non, & sic de alijs, metuunt signa celi, ideo peccatum est talia inquiri ad dirigendum operationes humanas per hoc, non ergo laudarentur in Scriptura tales sapientes, sed potius vituperarentur, & interdiceretur ars eorum, & tamen isti laudantur hic nimis, & populus sequebatur consilium eorum, ideo non erat peritia sua circa Astrologiam. Nec obstat, quia dicitur hic, quod isti sciebant tempora ad praecipendum quid facere deberent filij Israel: nam non intelligitur de temporibus inquisitis per Astrologiam, sed de temporibus in consilio humano ad faciendum istud, vel illud.

Dicendum ergo, quod isti erant viri eruditi, scilicet, in prudentia. Nam propter experientiam rerum, & subtilitatem ingenij erant acuti in consilijs, & ideo sciebant de singulis rebus disponere quando essent agende, & quomodo, & totus Israel sequebatur istos in consilijs. Ideo dicebantur ipsi scire tempora ad praecipendum populo quid ageret.

Porro de Zabulon, qui egrediebantur ad praelium, & stabant in acie instructi armis bellicis, quinquaginta millia venerunt in auxilium, non in corde duplici.

Porro de Zabulon. Hic ponuntur illi, qui venerunt de tribu Zabulon ad vnctionem David.

Qui egrediebantur ad praelium, & stabant in acie instructi armis bellicis. Idest omnes isti, qui venerunt de tribu Zabulon erant de illis, qui egrediebantur ad praelium: nam non erant pueri, vel senes, sed viri, qui poterant ad bellum egredi, & qui poterant stare in acie instructi armis bellicis. Quinquaginta millia. De ista tribu

A venerunt multi eo, quod erat magna tribus, & desiderabat complacere David, sicut apparet ex litera: ideo venerunt quot potuerunt.

Non in corde duplici. Idest veniebant cum vero corde, quia diligebant David: ideo ex toto corde volebant adiuuare eum ad hoc, quod fieret rex.

Propter quid hic dicitur, quod viri Zabulon venerunt ad David non in corde duplici. Quasi. XXVII.

QVAERITVR Quo dicitur, quod venerunt viri Zabulon ad David, & non in corde duplici: nam ad hoc nihil agebat duplicitas, vel simplicitas cordis, cum totus Israel vellet vngere David in regem?

Respondendum, quod istud ponitur ad designandum, quod quamquam totus Israel conueniret ad David in Hebron, quod aliqui poterant venire magis ad impediendum vnctionem David, quam ad procurandum eam, vt si aliqui non diligerent David venirent cum alijs Israelitis ad hoc, quod impedirent. Quia dato, quod plurimi intenderent vngere David in regem, alij irent ad perturbandum hoc per modos subtiles, vt si persuaderent alijs, quod peterent a David ante vnctionem suam aliquam conditionem grauem, quam forte ipse non acceptaret, & per hoc discorderet populus ab eo, & vngerent aliquem in regem: sic enim fuit quando conuenit totus populus Israel in Sichem ad vngendum Roboam in regem, & petiuerunt ab eo, quod minueret tributum, quem imposuerat pater suus, ipse vero noluit, & per hoc facta est diuisio regni 3. Reg. 12. Quod autem aliqui essent intendentes perturbare vnctionem David, patet saltem de viris Benjamin, quia dicitur supra, quod magna pars eorum sequebatur adhuc domum Saulis, manifestum est igitur, quod illi procurarent per se, & per amicos suos impediri vnctionem David, vt rediret ad domum Saulis regnum, vel maneret in illa. Patet etiam hoc, quia dicitur hic, quod viri Zabulon venerunt nunc in auxilium David, & tñ non erat auxilium ad aliquid aliud, nisi vt vngeretur in regem: ergo videtur, quod praesumatur, quod aliqui vellet impedire vnctionem David, quia alias non indigeret aliquo auxilio, & sicut dicitur, quod venerunt isti, & non in duplici corde, sed in vero corde ad praebendum auxilium David, si aliquis vellet impedire istam vnctionem, quod pugnarent contra eum, & propter hoc veniebant armati.

Et de Nephtali principes mille, & cum eis instructi clypeo, et hasta, triginta et septem millia. De Dan etiam preparati ad praelium, vigintiocto millia sexcenti. Et de Aser egredientes ad pugnam, & in acie prouocantes, quadraginta millia. Trans Iordanem autem de filijs Ruben, & de Gad, & dimidia parte tribus Manasse instructi armis bellicis, centum viginti in illia. Omnes isti viri bellatores expediti ad pugnandum corde perfecto venerunt in Hebron, vt constituerent regem David super vniuersum Israel. Sed & omnes reliqui ex Israel vno corde erant, vt rex fieret David. Fueruntque ibi apud David tribus diebus comedentes, & bibentes.

bibentes. Præparauerant enim eis fratres sui. Sed, & qui iuxta eos erant vsque ad Issachar, & Zabulon, & Nephtali, afferebant panes in asinis, & camelis, & mulis, & bob⁹ ad vescendum, farinam palatas, vnam passam, vinum, oleum, boues, arietes ad omnem copiam: gaudium quippe erat in Israel.

Et de Nephtali principes mille. Ponitur hic numerus virorum Nephtali, qui venerunt. Et ponitur numerus tam principum quam subditorum, & hoc est speciale, quia in alijs tribubus ibant principes cum alia multitudine ad vñtionem Dauid, & non ponitur numerus principum eo, quod erant pauci principes. Et tamen hic, quia fuerunt multi principes simul, expressus est numerus eorum: sicut etiam fuit in tribu Issachar, in qua fuerunt ducenti principes, vt patet supra in litera.

Et cum eis instructi clypeo, & hasta triginta octo millia. Omnes isti ibant instructi armis, quia timebāt, quod aliqui impedirent vñtionem Dauid, & illi pugnaret contra ipsos, sicut dicebatur supra de viris Zabulon.

De Dan etiam præparati ad prælium. Hic ponitur numerus virorum Dan, & dicitur, quod erant præparati ad prælium, scilicet, accincti armis propter causam dictam.

Vigintiocto millia, & septingenti. Quilibet enim tribus mittebat multos, & quia tamen quædam erant parua, mittebant paucos.

Et de Aser egredientes ad pugnam, & in acie prouocantes. Iste est numerus virorum Aser. Et dicitur egredientes ad pugnam, scilicet, quod omnes isti, qui iuerunt de tribu Aser erant viri, qui poterant ire ad bellum. Et dicitur prouocantes in acie, id est, qui poterant stare in acie, & prouocare alios ad bellandum.

Viginti millia. Pauciores fuerunt de ista tribu, quam de immediate positis, eo quod erat minor in multitudine pro tunc quam prædictæ.

Trans Iordanem autem. Hic ponitur de numero virorum, qui venerunt de duabus tribubus, & dimidia, & dicitur trans Iordanem, quia istæ duæ tribus, & dimidia habitabant ad orientalem partem Iordanis in terra duorum regum Amorrhæorum.

De filiis Ruben, & Gad, & dimidia parte tribus Manasse. Ista duæ tribus, & dimidia tenebant terram ultra Iordanem, & computantur tanquam vna tribus, & ponitur numerus, siue summa vna omnium ipsorum, sicut fit de qualibet tribu per se. fuit autem data ista terra istis duabus tribubus, & dimidiæ per Moysen antequam transirent Iordanem, & subijcerent sibi terram Chanæeorum, & istud fuit, quia terra illa ultra Iordanem erat nimis pascualis, & istæ duæ tribus, & dimidia habebant infinitam substantiam in pecoribus & iumentis: ideo petiuerunt istam terram sibi dari tanquam sibi convenientem Num. 32.

Instructi armis bellicis. Id est omnes veniebant armati ex causa supra assignata.

Centum, & viginti millia. Quilibet istarum tribuum erat magne multitudinis, ideo venit magna summa militum de eis.

Omnes isti viri bellatores. Refertur ad omnes viros de omnibus tribubus, qui supra ponuntur. Et dicitur, quod erant omnes bellatores, id est, exercitati ad bellum.

Et expediti ad pugnam. Id est omnes veniebant accincti armis, sicut parati ad pugnam.

Cum corde perfecto venerunt. Id est cum recta intentione, quia quilibet eorum volebat, quod Dauid

vingeretur in regem, & nullus intendebat impedire. Vocatur autem cor perfectum, quandocunque aliquis in toto corde suo aliquid vult, & non claudicat in duas partes.

In Hebron. Iste est locus in terra Iuda, in quo prius regnabat Dauid, & ibi manebat quando conueniunt omnes Israelitæ ad vngendum eum.

Sed, & omnes reliqui ex Israel. Scilicet, qui manserunt in vrbibus. De qualibet nam tribu venerunt aliqui ad vngendum Dauid, & multi alij manserunt in vrbibus, qui non venerunt ad istam vñtionem. De venientibus autem dictum fuit supra, quod veniebant in corde perfecto ad adiuvandum Dauid, vt fieret rex, ideo etiam dicitur hic de manentibus in vrbibus, quod illi habebant intentionem, vt Dauid fieret rex.

Vno corde erant, vt Dauid fieret rex super vniuersum Israel. Istud erat in omnibus Israelitis, quia ipsi non habebant regem, & oportebat, quod aliquem acciperent, quia non poterat alius populus gubernari, & tunc non sciebant aliquem ad hoc aptiorem quam Dauid, eo quod Deus prænuñciauerat de eo, quod futurus esset rex, & insuper erat vir bellator, qui viuente Saul optimè faciebat bella Israelitarum contra Philistinios, & insuper, quia ipse erat vir benignus, valde, & cõpatiens subditis, & melius ab eo tractaretur, quam ab aliquo alio. Istas causas expresserunt Israelitæ quando loquuti sunt nunc ad Dauid in Hebron super vñctione sua. Fueruntque ibi apud Dauid tribus diebus. Tres diebus durauerunt ceremoniæ, & lætitiæ vñctionis: nam ibi loqueretur populus ad regem, & faceret cum eo aliqua pacta de modo regendi regnum. Nam quandocunque assumebatur aliquis in regem fiebat lex regni, id est, quedam compositio de modo regendi: sic patet in electione Saulis: nam dicitur, quod Samuel loquutus est ad populum legem regni, & scriptum est in libro, & reposuit coram Domino primo Regum. Ita fieret nunc, & in quocunque alio rege.

Comedentes, & bibentes. Scilicet, illis tribus diebus comederunt, & biberunt sollemniter propter gaudium vñctionis regis: faciebat enim Dauid expensas omni populo. Præparauerant enim ei fratres sui. Declaratur quomodo potuerunt tot viri conuenientes in Hebron habere cibos pro tribus diebus, quia erant vni trescenta millia, vt patet in litera, & dicitur, quod fuit, quia fratres sui, id est, viri de tribu Iuda præparauerant eis: sciuerant enim per aliquot dies prius aduentum eorum: ideo congregauerunt illos de tota terra pro illis diebus. Et vocantur viri Iuda fratres eorum, scilicet, omnium virorum Israel, qui conueniunt ad istam vñtionem. & quamquam dicatur hic, quod fratres eorum, scilicet, viri Iuda præparauerunt cibos, intelligendum est, quod Dauid faceret istas expensas: cum omnes Israelitæ conuenirent propter solam causam eius, scilicet, vt eum vngeret. Confirmatur hoc, quia quando Dauid portauit arcam Domini in montem suum, & conueniunt plurimi de Israel ad ad solennitatem oibus illis dedit cibos, vt patet 2. Regum 19. A fortiori ergo nunc cum solum prouenerunt causa sua faceret expensas toti populo, qui prouenerunt. Sed, & qui iuxta eos erant. Id est non solum viri Iuda præparauerunt cibos Israelitis venientibus ad istam solennitatem, sed etiam alia tribus, quæ erant iuxta tribum Iuda adiuvabant illos ad congregandum cibos. Iuxta ad Issachar, & Zabulon, & Nephtali. Id est omnes tribus, quæ erant coniunctæ tribui Iudæ vsque ad tribum Issachar, & Zabulon, & Nephtali adiuvauerunt viros Iudæ, & Iste erant tribus Beniamin, & Simeon, & Ephraim, & Manasse, quæ sunt magis coniunctæ tribui Iudæ, & istæ nominatæ, vt patet Iosue 15. & vsque ad 20. viri ponitur situs omnium sortium terræ promissionis.

Afferbant panes. Scilicet, quæcunque necessaria ad victum, & maximè panes. Et intelligitur de coctis, quia infra ponitur farina. Non est autem intelligendum, quod omnes istæ tribus ferrent cibos, & darent eos gratis, sed ferebāt, & vendebant, & tamen in hoc adhuc faciebant gratiam, quia copiam dabant victualium in Hebron, quæ aliter haberi non poterant.

In asinis, & camelis, & mulis, & bobus. Omnia ista sunt animalia apta ad ferendum onus. Abundant autem cameli in terra illa, sicut oues, vel vaccæ in alijs regionibus, unde de Iob, qui habitauit in terra illa, dicitur quod fuit possessio eius septem millia ouium, & tria millia camelorum, ut patet Iob primo.

Farinam. Scilicet, ad formandum panes. *Palatas.* Scilicet massam de ficibus, quæ redacta est in modum casei, & illa massa comprimitur inter tabulas: ideo vocantur palatæ a palis inter quos comprimuntur, sic dicitur 2. Reg. 16. f. Cum ceterum massis palatarum, & duobus vtribus vini. Abundant autem ficus maxime in terra Iudæorum: ideo formabantur in massas in modum caseorum, & seruabantur ad victum, sicut casei de lacte, & alia victualia. Et propter hoc quædo aliqui volebant providere alijs de multis victualibus inter alia ferebāt massas de ficibus: sic dicitur primo Reg. 25. de Abigail, quæ tulit ad David ducentos panes, & duos vtres vini, & quinque arietes coctos, & quinque lata polentæ, & centum ligaturas vtræ passæ, & ducentas massas caricarum, idest, sicuum: sic etiam 2. Reg. 16. dicitur de Siba, quod occurrit David cum duobus asinis, qui erant onerati ducentis panibus, & centum ligaturis vtræ passæ, & centum massis palatarum, idest, caseorum de ficibus, & sic nunc ferebantur etiam palatæ ad prouisionem victus.

Vuam passam. Consuetudo erat in terra Chanana facere multas vuas passas, & ex illis accipiunt partem victus, ideo qui voluit alicui providere de victualibus in terra illa cum ceteris dant sibi vuam passam, sunt autem distinctæ istæ vuæ per ligaturas, ideo dicitur primo Reg. 25. quod Abigail obtulit David centum ligaturas vtræ passæ, & Siba obtulit totidem ligaturas 2. Reg. 26.

Vinum. ad potum. *Oleum.* Ad condimentum ciborum.

Boues arietes. Adducebantur, ut occiderentur. Et idem intelligendum est de omnibus alijs generibus pecorum, & volatilium, quæ pro tempore haberi poterant.

Ad omnem copiam. Idest omnia ista dabantur in magna copia, eo quod de tota terra in circuitu congregabantur cibi in Hebron, ut patet supra.

Gaudium quippe erat in Israel. Istud est redditum causæ quantum ad omnia superiora, scilicet, quod isti cibi in omnibus generibus habebantur in magna copia, eo quod erat gaudium in Israel, scilicet, quia gaudebant omnes Israelitæ, quod vngeretur David in regem, & ideo procurabant, ut beneficeret, & sine impedimento, quia quilibet diligenter se habet circa ea, in quibus gaudet: nam facientes ex gaudio faciunt, sicut agentes ex habitu: illi tamen faciunt promptè, ita facientes delectabiliter. Aliter potest intelligi, scilicet, quod adducebantur victualia in magna copia, quia erat gaudium in Israel, idest, quia homines quando sunt in gaudio comedunt, & bibunt abundantius, quam alias, & quia viri Iuda, & alij vicini eorum cognoscentes gaudium istud, sciuerunt, quod oportebat colligi multos cibos, ideo collegerunt in magna copia propter gaudium.



IN IIT autem consilium David cum tribunis, & centurionibus, & vniuersis principibus, & ait ad omnem cœtum Israel: Si placeat vobis, & a Domino Deo nostro egredietur sermo, quem loquor: mittamus ad fratres nostros reliquos in vniuersas regiones Israel, & ad Sacerdotes, & Leuitas, qui habitant in suburbanis vrbiū, ut congregentur ad nos, & reducamus arcam Dei nostri ad nos. Non enim requisuimus eam in diebus Saul.

DICTO in præcedentibus de David in regem unctione, hic agitur de eius regni dispositione: & est ordo conueniens, quia prius vngendus erat in regem, quam disponeret in regno aliquid. & quia tunc homo rectè se habet quando prius respicit ad ea, quæ Dei sunt, quam ad illa, quæ sunt necessitatis humanæ iuxta illud. Querite primum regnum Dei, deinde cetera adjicientur vobis Matth. 6. idè David in principio regni sui prius se intromisit de diuino cultu, & deinde de temporali apparatu. Circa diuinum cultum se habuit tripliciter. Primum in arcæ reportatione: secundo in templi ædificatione infra 17. scilicet, quia disposuit ædificare templum Domino: tertio in diuini cultus ampliatione infra 23. scilicet, quia ordinauit officia Sacerdotū, & Leuitarum Miscetur autem inter hæc aliqua pertinentia ad secularia scilicet, bella eius, ut sequenti cap. & infra 18. & vsque ad 22. Prima in duas, quia primo arcæ portatio incepta interruptitur: secundo iterū incipit, & consummatur infra 15. Prima in duas, quia primo agitur de David qualiter prudenter se habuit in diuinis: secundo qualiter prudenter, & viriliter se habuit in humanis sequenti capitulo. Prima in duas, quia primo ponitur arcæ portatio incepta: secundo occasio propter quam fuit interrupta, ibi. Cum autem peruenissent.

Anea, quæ hic habentur sint continuata ad præcedentia. Quæst. I.

QUÆRITUR Circa primum an ea, quæ habentur hic, habeant ordinem continuatum ad præcedentia, & an fuerint facta immediate post illa, vel interiecto aliquanto tempore: Respondendum, quod hic est ordo conueniens: nam præcedenti cap. ponebantur duo, primum de congregatione multorum virorum ad David, quando ipse erat profugus a facie Saulis, secundum est de congregatione multorum virorum ad vngendum eum in regem super totum Israel, & respectu amborum est rectus ordo. De primo patet, quia illud fuit antequam David esset rex viuentis Saule: istud autem fuit mortuo Saule postquam David factus est rex super totum Israel, quia tunc fecit afferri arcam de Cariathiarim, ut patet hic. De secundo patet, quia illud est de unctione David in regem super totum Israel, istud autem fuit post unctionem, quia prius ipse vnctus est, quam administraret, & tamen fuit quedam administratio congregatio populi ad ferendum arcam de Cariathiarim: adeo ordo rectus est. Cum autem quæritur an ea, quæ habentur

betur hic, fuerint immediate post superiora, vel interiecto aliquanto tempore, dicendum, quod non apparet de quantitate temporis, quod fuit inter vñctionem suam, & portationem arcæ, satis enim videtur, quod modicum tempus interciderit inter vtrumque, de quo declaratum est 2. Reg. 6. in principio. Circa primum dicitur.

Inijt autem consilium David. Intēdebat David ampliare cultum Dei reducendo arcam Domini de Cariathiarim in alium locum honorabiliorem, & quamquam hoc esset bonum, nec oporteret multum deliberari, quantum ad hoc noluit facere sine consilio populi.

Cū tribunis, & centurionibus, & vniuersis principibus. Per istos intelliguntur omnes principes populi, & cum illis voluit David deliberare super hoc, quia dispositio regiminis non pertinebat ad multitudinem popularem, sed ad principes. Vocantur autem principes constituti super mille, centuriones verò principes constituti super centum.

Et ait ad vniuersum cœtum filiorum Israel. Intelligendum est, quod prius David inijt cōsiliū in secreto, cum principibus, & illi approbauerunt sententiam regis, deinde congregata ad se tota multitudo, quæ erat in curia sua proposuit illis id, quod concordauerat cū principibus, & præposuit per modum deliberationis, vt si fortē aliquid aliud indicarent illi, quibus nunc proponebatur. Vel potest intelligi, quod solum proposuit hoc David semel centurionibus, & tribunis, & tunc deliberauerunt super hoc, nec fuit postea propositum multitudini, & tamen dicitur. Ait David ad vniuersum cœtum filiorum Israel, id est, ad omnes principes Israelitarum: nam principes continent in virtute populum: ideo quando aliquid faciunt principes populi, dicitur illud facere totus populus, & sic David cum loqueretur nunc ad omnes principes Israel, dicebatur loqui ad totum Israel. Et cum dicitur hic ad vniuersum cœtum Israel quomodocunque accipiat, nō potest intelligi, quod ad omnes viros Dei Israel vocaretur: nam ipse dixit nunc, quod bonum erat, quod vocarentur omnes filij Israel, qui non erāt præsentes, sed dicitur ad vniuersum cœtum Israel, id est, ad multos de Israelitis, quia sic consuevit loqui Scriptura ponendo omnes pro multis.

Si placet vobis. Quamquam bonum esset istud op⁹, nolebat illud agere David sine voluntate populi, vel saltem volebat inducere populum, vt placeret ei, ideo dixit si placet vobis.

Et a Domino Deo nostro egreditur sermo quem loquor. Id est si ab eo egreditur sermo iste, faciemus illum, quia bonum est, quod obediamus Deo, & dixit hoc, vt non putaret populus, quod faciebat propter David, sed propter Deum.

Mittamus ad fratres nostros reliquos. Loquebatur David istud ad multitudinem, quia sibi erat præsens, & tamen, quia multi ad hoc erant absentes de Israelitis, dixit, quod mitteret ad vocandum reliquos, scilicet, absentes.

In vniuersas regiones Israel. Id est mittamus ad omnes tribus Israel, & sortes possessionum, vt omnes veniant, accipiuntur hic omnes regiones Israel pro solis lacis, & non intelliguntur Leuitæ, vt patet, quia dicitur ad vniuersas regiones Israel, & ad Sacerdotes, & Leuitas, qui habitant in suburbanis, & tamen si intelligerentur Leuitæ nomine regionum Israel, non fieret ista expressio. Ratio huius est, quia hic dicitur de regionibus, id est, de sortibus terrarum, & tamen Leuitæ non habebant aliquam sortem terræ, quia solum erat diuisa tota terra promissionis in duodecim sortes pro duodecim tribubus laicorum, de

quibus non erant Leuitæ: ideo oportuit, quod posquam exprimerentur vniuersæ regiones Israel, adhuc exprimerentur Sacerdotes, & Leuitæ.

Et ad Sacerdotes, & Leuitas. Id est etiam vocentur Sacerdotes, & Leuitæ, isti nanque principaliter venire debebant ad istam arcæ portationem, vt infra declarabitur in quadam quæstione.

Sciendum autem, quod Leuitæ accipiuntur dupliciter, scilicet, pro nomine cognationis, & pro nomine officij. Accipiendo primo modo Leuitæ significat totam tribum Leui, & tunc Sacerdotes sunt Leuitæ: cū omnes Sacerdotes sint de stirpe Leui. Accipiendo secundo modo Leuitæ significat quendam gradum minorum ministrorum: nam omnes de cognatione Leui erant ministri Sanctuarij, vt patet Num. primo. & tamen diuidebantur in duas partes, quia quibusdam committebatur ministrare in altari, & in alijs maioribus ministerijs, & isti vocantur Sacerdotes, fuit autem istud commissum Aaron, & filius eius. Num. 3. & 18. Ideo omnes descendentes de stirpe Aaron erant Sacerdotes, & illi soli erant Sacerdotes, reliqui autem de cognatione Leui acceperunt alia ministeria minora, quod portarent tabernaculum de loco ad locum, quando mouendum esset, & figerent illud in loco suo, quando standum esset, & alia ministeria similia, vt patet Num. 3. & 4. Omnes autem isti ministri maiores vocabantur Leuitæ nomine generali, & accipiendo isto modo nomine Leuitarum non accipiuntur Sacerdotes, sed exprimiuntur vtrique, & sic accipitur hic. *Qui habitant in suburbanis vrbium.* Non solum habitabant in suburbanis, sed etiam in vrbibus, tamen per hoc intelligitur de vtrisque. Expressum est enim de eo, quod minus videbatur, vt intelligeretur illud, quod magis videbatur.

Pro quo Sciendum, quod Leuitæ non acceperunt aliquam sortem terræ, sicut aliæ tribus, quia Deus iussit, quod non acciperent Numeri 18. & Iosue 13. eo, quod Deus futurus esset eis in sortem, & habundantiam, vt patet ibi, sed solum data sunt vrbes ad habitandum, & illæ non fuerunt simul in aliqua parte terræ promissionis, sed erant disperse per omnes sortes, quia quælibet tribus dabat aliquas vrbes Leuitis, & sic erant dispersi per totum Israel, & cum istis vrbibus non dabatur eis territoria ipsarum, in quibus possent habere agros, & vineas, quia Deus volebat, quod Leuitæ non haberent agros nec vineas nec vacarēt agriculturæ, dabantur tamen eis quædam spacia in circuitu cuiuslibet vrbis, scilicet, duorum millium passuum ad hoc, quod possent ibi pascere pecora sua, &umenta, quæ proueniebant eis ex decimis, & ista spacia vocabantur suburbana vrbium, quia erant sub vrbibus, id est, iuxta urbem posita. In istis suburbanis faciebatur interdum Leuitæ alios viculos, in quibus habitarent, erat tamen habitatio sua potissima in vrbibus. Dicitur tamen nunc David, quod vocarentur Leuitæ, qui habitabant in suburbanis, vt nulli viderentur omitti de habitantibus in vrbibus, quam in alijs locis.

Vt congregentur ad nos. Scilicet, vt veniant in Ierusalem, vbi nūc erat David: nam quando David erat rex super solam tribum Iuda habitabat in Hebron: cum verò factus est rex super totum Israel habitauit semper in Ierusalem, ideo dicitur regnasse septem annis, & dimidio in Hebron, & triginta tribus annis in Ierusalem 2. Reg. 5. Nunc autem iam ceperat esse rex super totum Israel, qñ istud dixit: ideo in Ierusalem morabatur, & patet hoc maxime, quia ipse volebat decurrere arcem in domum suam, & tamen infra dicit, quod noluit eam mittere in ciuitatem David, quia dñs per cussit Ozam. Et tamen ciuitas David vocatur ciuitas Sion, quod est in terra Ierusalē, vt patet 2. Reg. 5. Ego

Ergo in Ierusalem habitabat quando voluit congregare Israelitas nunc, & illuc omnes venturi erant.

Et reducamus arcam Domini Dei nostri ad nos. Arca Domini erat nunc in Cariathiarim in domo Aminadab, & David volebat, quod reduceretur inde in Ierusalem.

Non enim requisuimus eam in diebus Saul. Id est non requisuimus eam ad portandum ipsam toto tempore Saulis. Ideo iustum est, quod nunc requiramus eam ducendo illam ad locum honorabiliorem.

Quid nam facere intendebat David vocans ad se omnes Israelitas. Quest. II.

QVAERITUR Quid intendebat David facere, cum vocaret omnes Israelitas ad se. Respondendum, quod David erat vir valde deicola, sicut ait Iosephus 7. Antiqui. & desiderabat nimis ampliari cultum Dei, & quia arca Dei erat res maxime venerationis in toto veteri testamento, voluit illam David nimis honorare, & tamen nunc non erat in loco honorabili, cum esset in domo Aminadab in Gabaa: ideo volebat eam reducere ad locum honorabiliorem, & ad hoc parauerat ei locum in domo sua, ut ibi maneret honorabiliter, & ministraret coram ea, sicut factum est infra 15. & 16. Pro hoc tamen considerandum est, quod arca Domini debebat esse in tabernaculo in loco secretissimo eius, qui vocabatur Sancta sanctorum. Exo. 26. & Leui. 16. & ad Hebr. 9. Et semper fuit ibi usque ad tempora Heli summus Sacerdotis. Interdum tamen quando Israelitae ibant ad bellum, educebant arcam de loco suo, & portabant secum ad bellum, ut in praesentia eius Deus auxiliaretur eis. Sic enim factum est in diebus Heli in bello, quod fuit contra Philistinos: nam duo filii Heli iussu populi portauerunt arcam in castra, & victi sunt atque fugati Israelitae, man in terra sua. 1. Re. 4. Fuit ibi septem mensibus: nam cum conarentur tenere eam Philistini Deus immittebat quoddam genus magnae pestis super urbem quamcumque in quam arca intraret, & sic nullus Philistinorum volebat eam tenere in urbe sua eodem lib. ca. 5. Tandem coacti sunt, ut cessaret pestis, remittere eam ad Israelitas, & venit arca in Bethlames oppidum Israelitarum eodem lib. cap. 6. Et tunc viri de urbe Cariathiarim propria auctoritate non congregato Israel tulerunt eam in Bethlames in Cariathiarim, & locauerunt ipsam in domo cuiusdam nomine Aminadab, qui erat Sacerdos, ut custodiret eam eodem lib. ca. 7. Non tamen erat ibi nimis honorabiliter, quia non fierent coram ea aliqua caeremonia: ideo desiderauit portare illam ad locum honorabiliorem, ubi posset fieri caeremoniae, scilicet, quod Leuitae, & Sacerdotes facerent caeremonias aliquas coram ipsa, sicut infra 16. & infra declarabitur in quadam quaestione.

Hoc quod David volebat, cum esset per se bonum, quare vocauit principes ad consilium. Quest. III.

QVAERITUR vterius, cum istud quod David nunc volebat, esset per se bonum, & non indigeret aliqua deliberatione, quare vocauit principes ad consilium: an deberet reduci arca de loco in quo erat ad alium.

Respondendum, quod hoc fecit David propter multa: primum erat, quia David forte nesciebat an in mutatione arcae posset accidere aliquod peccatum, utpote si Deo erat acceptus locus ille, in quo nunc erat arca, & nolebat, quod ad alium mutaretur, ideo

A voluit ad hoc habere consilium. Secundum fuit, quia David volebat mutare arcam de Cariathiarim in domum suam, & forte aliqui Israelitae reputarent ad praediciendum, quod moueretur arca de loco, in quo erat, quia in terra ipsorum erat, & propter eam forte putabant se aliqua bona habere: potissimum, quia David volebat illam quasi sibi appropriare cum transferret eam ad domum suam, ideo noluit agere sine consensu populi. Tertium fuit, quia David volebat facere istam translationem honorabiliter, & non poterat hoc fieri nisi totus populus concurreret ad faciendum eam, & quia hoc videbatur aggrauatorium, scilicet, quod populus conuocaretur ad istam translationem, & tamen non consuleretur prius an fieri deberet: ideo prius consilium habuit cum principibus. Quartum fuit, quia David voluit se habere nimis prudenter, & benignè cum subditis suis. Quando enim princeps superbus est, vult sibi arrogare omnem potestatem, & imperium, & nullius consilium sequi, & molestus subditis suis. Quia ergo nunc David rex nouus erat, & videri nolebat arrogare sibi aliquid, & superbire, noluit tantam rem agere proprio consilio, sed requisuit consensum populi. Quintum fuit, quia David volebat, quod fieret solenniter ista translatio, & quod totus populus gauderet in illa. Quando tamen aliquid agimus non ex propria intentione, sed ex imperio alterius, & necessitate, non gaudemus: cum verò proprio arbitrio agimus gaudemus, & quia populus promptè istud ageret, & delectabiliter si daretur sibi aliquis honor, ideo voluit David ponere populum in consilio an deberet fieri translatio, & per hoc reputabant sibi honorem datum, & cum gaudio omnes istud egerunt.

De quibusdam nominibus, quae dixit David scilicet: placet vobis, & a Domino egreditur sermo iste. Quest. IIII.

QVAERITUR Vterius quomodo dixit hic David si placet vobis, & a Domino egreditur sermo quem loquor, quia dicebat, quod mitterent ad vocandum fratres suos, ut transferretur arca. si sermo iste egrediebatur a Domino non oportebat ad hoc sciri an sermo iste egrederetur a Domino, & istud non videtur quomodo posset sciri. Respondendum est, quod David ad persuadendum, quod fieret istud dixit si sermo, quem ego loquor egreditur a Domino, id est si ipse me mouit ad loquendum hoc, & placet ei, quod fiat istud mittamus ad vocandum fratres nostros, poterat autem sciri an sermo iste egrederetur a Domino per hoc, quod dixit David, scilicet, si placet vobis, quasi dicat, Si istud quod ego dico, placuerit vobis, signum est, quod sermo iste egreditur a Domino. Et probatio est, quia quod magna multitudini populi dicatur aliquid, & omnes vno corde veniant in vnam sententiam non videtur posse fieri nisi a Domino, quia commune est, quod tot sentus sint, quot capita sunt, cum ad diuersitatem corporum sequatur diuersitas animorum. Quod autem multitudo non discordet videtur esse ab aliquo principio superiori, scilicet, a Deo, qui reducit omnes in concordiam: nam sicut ad eum pertinet facere concordiam in sublimibus suis: Iob vigesimo quinto, ita etiam pertinet facere concordiam in terris, & sic dixit David, quod si placeret populo facere hoc, signum erat quod Deus mouerat ipsum ad loquendum istum sermonem. istis signis vivebantur nimis Iudei ad cognoscendum voluntatem, & opera Dei, sic patet de Eliezer seruo Abrahae, qui posuit signum ad sciendum, an Deus direxerat viam eius.

eius. Quod prima puella, a qua peteret aquam, daret ei aquam, & camelis suis. Genes. vigesimo quarto. & sic factum est, & putauit per hoc Eliezer viam suam directam fuisse a Domino: & istud signum erat satis rationale ad inuestigandum istud occultum, quia non proueniebat hoc a casu, sed orauit Dominum sub cōditione, scilicet, quod si vellet innuere ei, quod direxerat viam eius, quod ostenderet ei hoc signum, scilicet, quod prima puella, a qua peteret aquam, daret ei, & camelis suis, & erat istud signū rationale, quia erat difficile. Nam non videbatur, quod aliqua puella ad prima verba peregrinis sine vlla prece, & precio vellet haurire aquam pro decem camelis, potissimē, quia iam erat vespere, & puella desiderabat velociter redire in urbem. Genes. vigesimo quarto. Quia ergo puella aliqua istud vellet, videtur quod nō poterat fieri nisi a Deo inclinante eam specialiter ad volendum hoc, & quia Eliezer istud precatus fuerat, ut per hoc ostenderet viam suam esse directam, manifestum signum erat, quod Deus direxerat viam eius. Sic etiam Ionathas filius Saulis cupiens ascendere in castra Philisthinorum ad pugnandum voluit accipere a Deo signum, an vinceret, vel non, & ad hoc orauit, ut si Deus facturus erat pro eo, quod quando appareret in conspectu Philisthinorum dicerent ei Philisthini: ascēdite ad nos, si autem Deus nollebat tradere illos in manus eius, quod Philisthini dicerent, Manete donec transeamus ad vos, & sic Ionathas iuit in castra Philisthinorum cum armigero suo, & cum apparuisset coram illis dixerunt ascendite ad nos, & ostendemus vobis rem, tunc vero Ionathas cognouit, quod Deus vellet tradere Philisthinos in manus eius, & irruit in aciem, turbauitque illos, & occidit multos primo Regum decimo quarto. sic autem erat nunc de Dauid. Nam difficile erat, quod totus populus concordaret in eodem verbo, ideo si omnes concordarent, signum erat, quod a Deo egrediebatur sermo.

Quis nam erant centuriones, & tribuni, cum quibus Dauid de translatione arce deliberauit. Quæst. V.

QUÆRITUR Vterius, qui erant isti tribuni, & centuriones, cum quibus Dauid nunc deliberauit de translatione arce. Aliquis dicit, quod isti fuerunt tribuni, & centuriones, qui cōstituti fuerunt in deserto, & cōtinuatus fuit ordo eorum vsque ad tempus istud. Nam cum Moyses solus non posset totum populum regere iudicando causas singulorum, consilio Iethro diuisit totum populum per decanos quinquagenarios, centuriones, & tribunos, qui populum regerent iudicando in paruis causis: Exod. 18. & mansit populus, ut isti voluit, semper distinctus per centuriones, & tribunos, & isti erant nunc principes tempore Dauid.

Sed dicendum, quod non stat, quia distinctio illa per istos principes facta est ad dandum eis iurisdictionem in causis paruis, & tamen post exitum de deserto non iudicauerunt ipsi, sed erat domus consilij, quæ habebat septuaginta iudices, & erat ipsa maior curia, ad quam vitimo deuolvebantur causæ per appellationem, erant etiam minores iudices, qui constituebantur in singulis locis. Erat enim in quolibet loco saltem vnus iudex de ipso loco, & cuilibet istorum dabatur duo Leuitæ tamquam assessores, eo quod isti erant periti in lege, & sic definiebantur omnes causæ, ut ait Ioseph. 4. Antiqu. & declaratum est Nu. 11. & Deuteronom. 18. ideo non manerent nunc illi tribuni, & centuriones, qui prius erant.

Item patet hoc, quia non poterat ille ordo conue-

Fnire aliquo modo populo existenti in terra Israel, sed solum populo existenti in deserto, & causa huius est, quia in deserto totus populus erat simul quasi vnus populus, ideo poterant diuidi per centuriones, tribunos, & decanos, & tamen dum essent in terra promissionis habitabant diuisi per diuersa loca, & esset aliquis locus, qui non posset habere tribunal propter paucitatem virorum, nec centurionem, nec quinquagenarium, etiam interdum maneret magna pars populi sine iudice, quæ non posset distingui tali modo, utpote si in aliquo populo essent 18. viri, ibi non poterant esse decani duo, quia decani præerant decem viris. Etiam non sufficiebat vnus decanus, quia vnus solus decem viris præerat, ideo maneret magna pars populi non distincta per iudices. Etiam in deserto subieciabantur singuli viri decanis, & quinque decani vni quinquagenario, & duo quinquagenarii centurioni vni, & decem centuriones vni tribuno, & omnes tribuni immediate ipsi Moyse, ut declaratum est. Exod. 18. nunc tamen si aliquis locus esset quadraginta virorum, haberet quatuor decanos, & illi non essent subiecti alicui quinquagenario, ita esset de quinquagenariis respectu centurionum, & de centurionibus respectu tribunorum, ergo non erat populus distinctus isto modo.

G Sed dicendum est, quod ista distinctio centurionum, & tribunorum solum erat in exercitu, habebat autem Dauid ordinatum exercitum suum, & illum distinxerat per centuriones, & tribunos, & alios principes minores, & isti erant maiores in regno suo. Scia curia, ideo cum istis iniuit consilium. Reliquus autem populus, qui non erat ascriptus militiæ non erat distinctus per centuriones, & tribunos, sed habebat iudices suos super se, sicut supra dictum est.

Quare Dauid congregare fecit totum populum. Quæst. VI.

QUÆRITUR Vterius ad quid fecit Dauid congregare totum populum in translatione arce. Dicendum, quod propter multa. Primò propter honorem, quia Dauid volebat solennizare nimis istam translationem, & hoc non poterat fieri nisi totus populus congregaretur, ideo voluit congregare totum populum. Secundum fuit, ut non putaret populus esse contentum: nam si non vocaretur populus, Dauid cum seruis suis faceret istam translationem, putaret populus se contemni, & esset hoc molestum. Dauid autem volebat se habere benigne cum subditis suis, & ideo illos voluit vocare omnes, non tamen est intelligendum, quod vocarentur sub necessitate, sed inuitabatur venire ad illam solemnitatem, veniebant autem, qui volebant, & reliqui manebant in tabernaculis suis. Tertiū fuit ad tollendū quādam opinionem, quæ erat causa discordiæ inter Israelitas. scilicet, aliqui putarent Deum pertinere ad se solos, & non ad alios. Nam si solus Dauid cum seruis suis transferret arcam in domū suam: putaret totus populus, quod Dauid existimabat Deum ad se solum pertinere, cum arca eius ipse solus transferret. Hoc tamen erat scandalosum, ideo voluit, quod totus populus congregaretur ad portandum arcam, & sic crederent, quod ad omnes pertinebat Deus: nam in lege facta sunt iustitiae tollendū istam opinionem: Deus enim iussit, quod quilibet transiens ad numerum, scilicet, in anno vicesimo ætatis suæ daret dimidium sili Deo pro anima sua, & quia si aliquis daret magis, putaret se magis pertinere ad Deum, vel esset per hoc honorabilior in populo ad cuius numerum transibat, unde Deus, quod diuites non possent dare plusquam dimidium.

dum fisci, & pauperes non possent dare minus. Exo. A
trigesimo. Hoc etiam faciebat interdum populus: nā
quando diuisa est terra promissionis per sortes, & ter-
ra ultra Iordanem data est duabus tribubus, & dimi-
dia, & terra citra Iordanem data est nouem tribubus,
& dimidia, collocatum est templum in terra nouem
tribuum, & dimidia, & quia Iordanis diuidebat vtrā-
que terram, ita vt viderentur esse duo regna, vel duo
populi, viri de duabus tribubus, & dimidia, fecerunt
altare nimie magnitudinis apud Iordanem, vt si ali-
quādo post multa tēpore viri de nouem tribubus, &
dimidia, dicerent ad viros de duabus tribubus, & di-
midia, quod Deus Israel non pertinebat ad eos, nec
tēplū eius, & ceteronē, quia Deus posuerat Iorda-
nem tamquam terminum ad distinguendum popu-
lum suum ab alijs gentibus, possent respondere viri
de duabus tribubus, & dimidia, quod ipsi pertinebant
ad Deum Israel, & probarent istud per altare magnū,
quod constructum esset ab antiquo apud Iordanem
in terra ipsorum ad honorem Dei Israel: Iosue 22. Et
sic voluit Dauid, quod populus non colligeret opi-
nionem istam scandalosam ex opere suo, ideo voca-
uit omnes ad translationem arcæ.

Quare Leuitæ, & Sacerdotes fuerunt specialiter vocati.
Quæst. VII.

QVAERITVR vltcrius quare Dauid fecit voca-
ri specialiter Leuitas, & Sacerdotes.
Respondendum est, quod fuit propter multa. Pri-
mum est propter omnes illas causas, propter quas vo-
catus est reliquus populus, & precipue ne viderentur
contēni, potissime cum ipsi essent ministri Dei. Se-
cundum est, quia dato, quod deberent vocari Leuitæ
non sufficiebat generalis vocatio, sed requirebatur
specialis, & hoc, quia nomine totius Israel non intelli-
gebantur Leuitæ cum hic vocarentur omnes tribus
Israel, & cognatio Leuitarum non est aliqua de duo-
decim tribubus Israel, vt præcedenti capitu. declara-
tum est. Tertium fuit propter specialem necessita-
tem, quia magis necessarij erant Sacerdotes, & Leui-
tæ in translatione arcæ, quam reliqui de populo, &
ista necessitas erat in tribus. Primo in portatione ar-
cæ: nam non poterat portari arca ab aliquo nisi a Le-
uitis, quia alias quicunque accederet ad illam, more-
retur. Num. primo, & non solum non poterant eam
portare populares, sed etiam nec quilibet Leuita: nā
erant distincti Leuitæ per tres familias, scilicet, Caathi-
tas, Meraritas, Gersonitas, & ad solos Caathitas
pertinebat portare arcam: Num. 3. & 4. Secundum
erat propter solemnitatem melodiarum: nam quan-
do portabatur arca debebant cantari coram illa lau-
des Domini, & tamen istud non pertinebat nisi ad
Leuitas, quia quidam de ipsis erant cantores, & per-
tinebat ad eos facere Psalmos infra 25. vnde, & in ista
portatione arcæ facti sunt aliqui Psalmi per Asaph
principem cantorum, & fratres eius, & illi ponuntur E
J. decimo sexto. Tertium erat propter sacrificia: nam
cum portaretur arca immolabantur coram ea anima
lia: nam cum illi, qui portabant arcam transiissent
sex passus, immolabantur septem tauri, & sex arietes
secundo Regum sexto, & infra decimo quinto. sacri-
ficia tamen non poterant fieri nisi per Sacerdotes,
quia alias, qui faceret, moreretur. Num. 3. & 16. &
18. Ideo oportuit, quod specialiter vocarentur Sacer-
dotes, & Leuitæ ad istam translationem.

Quare Leuitæ vocati non venerunt, Quæst. VIII.

QVAERITVR vltcrius cum nunc congregati
essent omnes Israelitæ, & vocati Leuitæ non
venerunt: sic enim patet infra 15. cum dixit Dauid,
quia non eratis præsentēs a principio percussit nos
Deus, nunc ergo sanctificamini, & afferte arcam: ergo
videtur, quod nunc non fuerunt in portatione arcæ,
quæ prima fuit, sed solum in secunda, quæ fuit de do-
mo Obededom in domum Dauid.

Responderi potest dupliciter, vno modo, quod
Leuitæ vocati non venerunt ad portationem istam
arcæ, quia non potuerunt, vel propter aliquam
aliam causam, sed solum populus. Et istud satis con-
cordat literæ isti, quia quamquā fiat hic mentio,
quod vocati fuerunt Leuitæ, tamen non fit mentio,
quod venerint, & fit mentio de popularibus.

Secundò potest dici, quod Leuitæ vocati vene-
runt ad istam translationem, & tamen non fecerunt
ceteronias portationis, & propter hoc fuit pecca-
tum: sic autem intelligitur quod dicitur infra 15. sci-
licet, quia non eratis a principio præsentēs, percussit
nos Dominus, id est, quamquā essetis præsentēs lo-
caliter tamen non eratis præsentēs ministrando, &
hoc sufficiebat ad hoc quod Deus percuteret Israel,
Primus tamen modus magis concordat literæ, quia
infra 15. dicitur, quod Dauid dixit illicitum est, vt a
quocunque portetur arca Dei nisi a Leuitis, quos ele-
git Dominus ad portandum eam. Et ob hoc dixit eis,
vos estis principes familiarum Leuitarum, sanctifica-
mini, & afferte arcam Domini: nam a principio, quia
non eratis præsentēs percussit nos Deus.

Quare in diebus Saulis non requisierant arcam Domini.
Quæst. IX.

QVAERITVR vltcrius quare dixit hic Da-
uid, quod in diebus Saulis non requisierant
arcam Domini.

Respondendum est, quod arca Domini a
multis diebus erat extra Sanctuarium, & locus suus
erat in sanctuario intra Sancta sanctorum, nunc autē
manebat in Gabaa in domo Abinadab, & non erat
ibi in magno honore, ideo videbatur negligenter se
habuisse Saul circa illam, & totus populus tempore
suo. Nam debuerat Saul facere vnum de duobus, sci-
licet, quod portaret arcam Domini in sanctuarium,
vbi erat locus suus, vel poneret eam in alio loco ho-
norabiliore, vbi fierent coram ea aliqua ceteronias:
nam in Gabaa in domo Abinadab non fiebant ali-
quæ ceteronias coram arca, sed solum erat inuoluta
operimentis suis, & custodiebatur ibi: sic patet primo
Reg. 7. cum dicitur, quod posuerunt Eleazarum filium eius
ad custodiendum eam, nunc autem Dauid voluit eā
transferre ad locum honorabiliorem.

*An Saul, & populus suus peccauerit non locando arcam
in alio loco honorabiliore, Quæst. X.*

QVAERITVR vltcrius an peccauit Saul,
& populus tempore suo, quia non requisi-
uerunt arcam ad mutandum eā de Caria-
tharim.

Respondendum, quod si peccauisset Saul aut po-
pulus hoc fieret propter vnum de duobus, scilicet,
quia non reducta fuit arca in sanctuarium, vel quia
non fuit posita in alio loco honorabiliore. De primo
dicendum, quod non peccabat Saul, nec quicquam
in hoc, quia Deus licet assignasset Sancta sanctorum,

ut esset locus arcae Exo. 16. & Leui. 16. & ad Hebraeos. 9. non fuit hoc sub necessitate, ita ut contrarium faciendo, peccaretur. Quod patet, quia aliquando arca educebatur de sanctuario, & portabatur ad bellum, sicut fuit tempore Heli primo Regum 4. & iterum tempore Saulis portata est in castra eodem lib. capi. 14. Sic ergo licebat educi eam de Sancta sanctorum: ita licebat, quod maneret extra in quocunque loco, dum tamen esset locus mundus, & honestus, hoc tamen differebat, quia quando erat arca intra Sancta sanctorum, erat discooperta: cum verò educeretur de loco ipso operiebatur velamentis suis per Sacerdotes, ne videretur nuda ab aliquo homine, quia moretur etiam si esset Leuita: Nume. 4. & non discooperiebatur quousque iterum reponeretur in sanctuario, ubique ergo esset alibi, necesse erat esse velatam, & sic erat in Cariathiarim in domo Abinadab, & hoc observato poterat ipsa licite esse in quocunque loco honesto: sic patet de Bethsamitis: nam quando venit arca de terra Philistinorum disponebant eam tenere apud se, & tenuissent nisi accidisset casus grauis, scilicet, quod perierunt plusquam quinquaginta millia, quia viderunt illam primo Regum 6. Patet hoc etiam de viris Cariathiarim, ut porrarent ad se arcam Domini, & illi portauerunt, & tenuerunt apud se eodem lib. capitu. 7. Et sic tam Bethsamitas, quam viri Cariathiarim putabant licite teneri arcam in Cariathiarim, & sic non peccauit Saul nec populus tenendo arcam extra sanctuarium illo tempore. Si autem queratur quantum ad secundum dicendum, quod si secundum legem cautum esset, quod coram arca fierent aliquae ministraciones, peccauisset Saul, & populus non ponendo arcam in loco venerabili, & quod ante illam essent Leuitae, & Sacerdotes ministrantes, lex tamen nihil istorum determinauerat, ideo non apparebat manifestè, quod erat peccatum in non ponendo eam in loco honorabiliori. Dicendum tamen, quod videtur fuisse quadam irreuerentia in hoc, scilicet, quod Saul toto tempore regni sui non poneret eam in loco honorabiliori cum habuisset ad hoc opportunitatem: nam regnauit annis quadraginta, ut patet capitu. 13. Et in illis fuit magno tempore in pace: poterat ergo honorabiliter transferre arcam ad alium locum, & de hac irreuerentia accusat tempora eius David, dicens, non enim requisuimus eam in diebus Saul, quasi dicat, male fecimus in hoc, & tamen non voluit dicere non requisuimus eam Saul, ne videretur accusare specialiter Saulem, quia per hoc videretur David malum animum habere ad eum, cum fuisset hostis eius, & ipse nunc accusaret illum, ideo retorfit culpam in totum populum, & non in Saulem, quamquam ille maxime erat culpabilis.

Quare David non dixit de tempore Samuelis.
Quaest. XI.

QUARE ITUR vltius quare non dixit David de tempore Samuelis: nam Samuel fuit index super Israel antequam regnaret Saul. nam quando capta est arca a Philistinis indicabat Heli summus Sacerdos terram Israel, & ipse erat tunc tamquam Dominus, sed cum audiuit, quod capta esset arca a Philistinis, corruit de sella, & mortuus est. Post eum autem Samuel iudicauit Israel annis viginti, vel plus, ut probatum est primo Reg. 7. Et tempore tuo reducta fuit arca de terra Philistinorum in terram Israel cum solum manserit septem mensibus in terra Philistinorum primo Regum 6. Ipse tamen non posuit eam in sanctuario, nec fecit

F poni in loco honorabiliori, ut fierent coram illa aliquae ceremoniae. Dicendum, quod David non voluit accusare tempora Samuelis, sed solum Saulis propter multa. Primo, quia dum Samuel iudicauit Israel fuerunt bella multa, & Israelitae non erant liberi de potestate Philistinorum: nam tunc erat statio Philistinorum in terra Israel ad recipiendum tributa, ut patet primo Regum 10. & 12. Et ibi declaratum est, & opprimebantur tunc nimis Israelitae a Philistinis, quia cogebantur non habere aliquem sub ferrarium in tota terra Israel, sed quicunque vellet parare ligonem, vel vomerem, vel alia instrumenta agriculturae cogebatur descendere in terram Philistinorum eodem lib. c. 13. Intantum, quod in principio regni Saulis cum vellet pugnare Saul contra Philistinos, non fuit aliquis gladius aut lancea in manu cuiusquam nisi in manu Saulis, & filij sui Ionathae. Et sic non habuit Samuel opportunitatem in tempore, quo fuit iudex ad faciendum hoc: habuit tamen Saul tempore suo: ideo accusata sunt tempora Saulis & non Samuelis. Secundum fuit, quod Samuel erat propheta maximus ipse suo, & credebatur David, quod si sciuisset Deo acceptum esse, quod mutaret arcam mutauisset eam, & et putauit, quod forte aliquam reuelationem haberet Samuel de non mutando arcam de Cariathiarim, & propter hoc non mutauit eam. Nam istud est commune in prophetis, quod omnia, quae faciunt excusantur a nobis, eo quod putamus, quod instinctu Dei egerint, cum Deus eis loquatur. Sic patet de Samuele, qui fecit sacrificium extra templum, & construxit altare in Ramatha, & in Masphat, & in Galgala. 1. Reg. 7. & 10. & 11. Et David fecit sacrificium in monte Carmelo 3. Reg. 18. & in Deus iussit, quod sub pena mortis nullus faceret sacrificium nisi in templo, & dicitur, quod erat ad ostium tabernaculi. Leui. 17. & Deuter. 12. & Iosue. 22. sed isti excusantur a nobis, quia erant prophetae, & dicimus, quod Dei instinctu fecerunt. Tertium est, quia David voluit istam culpam retorquere in populum, scilicet, in eos, qui tunc erant, & non in antiquos, quia magis honestum est, quod quis seipsum arguat, quam alios, & in istis, qui nunc erant viri tempore David erant pueri tempore Samuelis, vel nondum erant nati, & sic de eo, quod tunc factum est non poterat eis imponi aliqua culpa, & in tempore Saulis qui paulo ante fuerat, omnes isti, qui erant nunc, erant viri, & attinebat ad eos aliquid de depositione regni, erant igitur in culpa, quia tempore Saulis non requisuerunt arcam, & ideo tempora eius arguenda sunt.

Quare non redarguit David tempora Isboseph.
Quaest. XII.

QUARE ITUR vltius quare David non redarguit tempora Isboseph, sicut redarguit tempora Saulis. Nam magis modernus fuit Isboseph, quam Saul, & sic propter causam dictam praecedenti quaestione populus magis erat arguendus, quod tempore Isboseph non transfulerit arcam, quam tempore Samuelis. Respondendum, quod David nihil dixit de temporibus Isboseph propter multa. Primo, quia potest intelligi tempus Isboseph per tempus Saulis, ita ut tam regnum Saulis, quam Isboseph computetur sub diebus Saulis, eo quod Isboseph erat successor Saulis, & successore, & ille, cui succedit fictione iuris reputatur eadem persona, & sic diceretur, quod David etiam redarguit tempora Isboseph, quia in diebus Isboseph fuerit negligens circa arcam, & tamen non expressit aliquid de Isboseph, quam intelligitur per Saulem, simile patet 1. Reg. 3. & de dominatu Saulis, & in tunc non pugnabat David contra Saulis, quia

quia iam mortuus erat, sed contra domum Isboseth, A
vocat tamen domus Isboseth domus Saulis, quia
fuit filius eius, & successor in regno. Secundo potest dici
quod non redarguuntur tempora Isboseth, eo quod
in tempore suo non fuit opportunitas ad transferen-
dum arcam de loco suo, quia totum tempus Isboseth
fuit in bellis, & quod maius est, semper Isboseth suc-
cumberebat, sic patet. 2. Reg. 3. facta est longa concer-
tatio inter domum Saul, & inter domum David: David
proficiens, & semper seipso robustior; domus autem
Saul decrescens quotidie: & in hoc fuit semper Isbo-
seth usquequo per insidias occisus est eo. lib. cap. 4. &
sic Isboseth vacans his bellis non potuit transferre ar-
cam Domini ad locum honorabilem, quia ad hoc re-
quirebatur magna pars, & gaudium populi. Tertium B
fuit, quia sicut dictum fuit precedenti questione Da-
vid volebat accusare populum, & ut honeste accusa-
ret volebat se accusare cum illis: sic enim dixit hic in
litera, scilicet non enim requisivimus eam in diebus
Saul, quia in diebus Saulis totus Israel erat unus popu-
lus, & culpa de non transferendo arcam pertinebat
ad totum Israel, & tamen in diebus Isboseth non fuit
sic, quia fuit populus divinus semper, nam tribus Iuda
accepit David in regem, omnes autem alie tribus
acceperunt Isboseth in regem. 2. Reg. 2. cap. Ideo non
poterat esse culpa omnium simul, sed vel esset culpa
regni Israelis solius, scilicet Isboseth & suorum, vel so-
lius regni Iuda, scilicet David & suorum, ideo non poterat
convenienter redargui tempus Isboseth. Quartum, C
& precipuum fuit, quia Isboseth nullo modo erat cul-
pabilis in hoc, nam arca erat in Cariathiarim, ut patet
hic in litera, & 1. Regum 7. Pertinebat in Cariathiarim
ad sortem Iuda Iosue decimo quinto. Et tota illa terra
erat subiecta tunc David: nam mox ut mortuus est
Saul, constitutus fuit David in regem super tribum
Iuda, & sic Isboseth nunquam habuit principatum
super tribum Iuda, unde nec potuit transferre aliquan-
do arcam. 2. Reg. 2. cap.

An David peccabat non transferendo arcam toto tempore
preterito. Quest. XIII.

Q V A E R I T U R ulterius an David peccabat non
transferendo arcam toto tempore preterito, D
& quare non transtulit eam cum iam fuisset
rex Iuda post septem annos & dimidium, se-
cundo Reg. 5. Dicendum quod propter multa. primo,
quia, ut aliqui volunt, David non poterat transferre
arcam, quia erat in regno Isboseth: & tamen tunc
erat bellum inter Isboseth, & David. Sed hoc non
stat, quia arca translata fuit in Cariathiarim, quando
primo venit de terra Philistinorum, 1. Reg. 7. Et nunc
etiam quando David eam transtulit, erat in Cariathia-
rim, ut patet in litera: est tamen Cariathiarim in sorte
Iude Iosue decimo quinto. Ideo non obstat diuer-
sas regni Isboseth, & David, quin posset David trans-
ferre eam in aliquem alium locum. Aliqui dicunt
aliter, scilicet, quod quanquam arca esset in regno Iu-
de, tamen non poterat David eam transferre, quia de-
bebat transferri in sanctuarium, ubi erat locus suus, &
tamen sanctuarium pro tunc erat in regno Isboseth:
nam erat in urbe Gabaon. Quod patet, quia quando
Salomon iit ad altare Domini, quod fecerat Moy-
ses in deserto, erat in Gabaon, ut patet tertio Regum
tertio, & sequenti libro capitulo primo. Et tamen
altare illud erat ad ostium tabernaculi, ut patet Exo-
di vigesimo nono, & Levitici primo, & decimo septi-
mo, & Iosue vigesimo secundo. Sed hoc non stat, quia
quanquam esset tabernaculum in Gabaon, & esset
Gabaon de regno Isboseth, scilicet, de sorte Benia-
min. Tost. in Lib. I. Paralip.

min Iosue 18. poterat David facere translationem
arce, quia non cogeatur ferre illam in sanctuarium,
sed poterat ferre in quemcunque locum mundum
& honestum. Quod patet, quia nunc non transtulit
eam in tabernaculum, sed in domum suam in Ieru-
salem infra in litera, & infra 15. Dicendum ergo quod
alie cause fuerunt. Prima fuit, quod David volebat
facere istam translationem, & tamen debebat fieri
honorabiliter, & quia erat ipse occupatus bellis con-
tra servos Isboseth, non poterat convenienter eam
transferre. Secundum fuit, quia David forte per ali-
quem prophetam cognoverat se futurum regem to-
tius Israel, ideo ut magis solennizaretur translatio, vo-
lebat expectare tempus, in quo esset rex super totum
Israel, & sic nunc mox ut factus est rex super Israel,
fecit istam translationem. Quod patet, quia dixit:
non enim requisivimus eam in diebus Saulis: & si
tamen postquam ipse factus est rex super totum Israel
aliquanto tempore mansisset non procurans istam trans-
lationem, non dixisset solum, quod non requisiverat
arcam in diebus Saulis, sed etiam dixisset de tempo-
ribus suis, quod non requisiverat eam, & non dixit:
ideo videtur quod fuit hoc in principio regni sui su-
per Israel. Tertium fuit, quia David noluit preiudi-
care viris Israel, nam licet esset arca in terra sua, eo
tempore, quo ipse erat rex super Iudam, tamen illa
pertinebat ad totum populum, & mutatio eius de lo-
co ad locum fieri debebat de consensu totius popu-
li. Et tamen tunc David solum preerat tribui Iuda,
ideo non poterat convenienter transferre arcam: expe-
ctavit ergo quousque esset rex super Israel: & tunc
mutavit illam. Quartum est, quia poterat esse, quod
in toto regno Iuda non erat aliquis locus, ad quem
convenienter transferretur arca de Cariathiarim,
maxime si Deus revelauerat, quod illa deberet esse in
Ierusalem, sicut revelavit, quod elegerat Ierusalem
ad hoc quod fieret ei ibi templum, sequenti lib. cap. 6.
Et hoc patet, quia arca non fuit nunc translata de Ca-
riathiarim ad aliquem locum regni Iuda, sed in Ieru-
salem, & ille est locus sortis Benjamin, ut patet Iosue
decimo octavo. non ergo potuit convenienter David
transferre arcam quamdiu fuit rex super Iudam, sed
quando cepit regnare super totum Israel.

Quare David non transtulerit arcam in sancta sanctorum.

Quest. XIII.

Q V A E R I T U R ulterius cum nunc David
transtulerit arcam de Cariathiarim, quare
non transtulit eam in sanctuarium, ut esset
intra sancta sanctorum, sicut statutum erat
de ea, nam locus eius erat ibi. Levi. 16. & ad Hebræos
nono. & an David peccavit non transferendo illuc,
nam David erat vir deicola, & faciebat translationem
istam propter honorem magnum Dei cum magnis
sumptibus: si tamen sciret se peccare transferendo
ad domum suam, nullo modo vellet tanta expendere
in vanum: potissime offendendo Deum: non ergo
peccavit transferendo in domum suam. Cum au-
tem dicitur quare David non transtulit in templum
arcam. Respondendum quod hoc fuit propter mul-
ta. Primo ad evitandum frequentes mutationes ar-
ce, quia non decebat hoc ad reverentiam eius, & ta-
men si transferretur nunc in sanctuarium oportebat
fieri in brevi aliam translationem, nam David dispo-
suerat edificare Domino templum honorabile in Ie-
rusalem, ut colligitur secundo Regum 7. & infra 17.
& 23. Et istud fuit in principio regni sui. Construc-
to autem templo mox erat illuc introducenda ar-
ca. Si autem nunc transferretur arca in sanctuarium,
T quod

quod erat in Gabaon, oportebat rursus transferri de Gabaon in Ierusalem, ideo potius voluit transferre nunc in Ierusalem quam in Gabaon. Secunda causa fuit ad euitandum laborem populi, & magnitudinem expensarum: nam ad hoc, quod transferretur arca honorabiliter totus populus cōgregandus erat, sicut nunc: in quo erat labor populi, s. quod venirent de extremis finibus Israel: etiam erat magnitudo expensarū, quia David daturus erat cibos toti populo tam viris, quā mulieribus, sicut fecit in ista translatione: nam dedit cuique tortam panis vnam, & vnam assaturam carnis bubalæ, & similitam oleo frixam, secūdo Regum 6. & infra 6. erant etiam magnæ expensæ in trāslatione propter sacrificia, nam cum portaretur arca de domo Obededom in domū David, cum transfissent qui portabant arcam sex passus immolabātur septem tauri, & sex arietes infra 15. Ideo melius fuit transferri nūc in Ierusalem semel, quam transferri in Gabaon, ita vt fieret bis translatio. Tertium fuit propter deuotionem David. Nam ipse erat nimis deicola, & volebat sepe interesse cæremonijs cultus diuini, quod non poterat facere cum ipse habitaret in Ierusalem, & arca esset in Cariathiarim, & templum in Gabaon, ideo oportuit, quod vnum illorum transferret in Ierusalem ad hoc, quod propter illud posset ibi fieri sacrificia & cantari diuinæ laudes, & esset locus orādi Dominum. Visum est autem David conuenientius mutare arcam quā tabernaculum, ideo mutauit illam.

Quare David non reduxit de Ierusalem in sanctuarium Gabaon arcam. *Quæst. XV.*

QUÆRITUR vltius cum David transtulerit arcam in Ierusalem putans, quod in breui faceret Domino ibi templum, & postea responsum fuerit ei, quod non ædificaret templum Domino ipse, sed filius eius. 2. Reg. 7. & infra 17. quare non reduxit arcam de Ierusalem in sanctuarium Gabaon.

Respondendum q̄ si David sciisset prius quā transferret arcam in Ierusalem, quod Deus non permitteret ei ædificare templum, fortē non transtulisset arcam in Ierusalem, sed vel reliquisset eam in Cariathiarim, vel transtulisset in Gabaon, vbi erat sanctuarium: postquam tamen trāsulerat eam in Ierusalem cognouit, quod non ædificaturus esset ipse templum Domino, sed filius eius, vt patet ex ordine litere, secundo Regum 6. & 7. cum tamen habuit eam in Ierusalem noluit reducere in Gabaon, & causa fuit primo ad euitandum labores, & expensas, sicut dictum est precedenti quæstione. Nam sufficiebat ipsam arcam ductam fuisse in Ierusalem ad hoc, quod poneretur ibi in sanctuario quando fieret, & tamen si reduceretur nunc in Gabaon oportebat bis laborari, scilicet, ducendo, & reducendo, & in hoc fierent magnæ expensæ, quas voluit euitare David, potissimē quia nō erat aliquod inconueniens, quod maneret arca in Ierusalem, licet esset extra templum, quia sicut fuit in Cariathiarim plusquam quadraginta septem annis cum paruo honore, poterat esse in Ierusalem quousque edificaretur templum cum maiori honore. Secundum fuit, quia David desiderabat nimis habere apud se tabernaculum Domini vel arcam, vt haberet locū orandi, quod non esset si faceret reducere arcam in Gabaon. Tertium fuit, quia volebat David facere, q̄ in magno honore teneretur arca, & cum magna diligentia fierent cæremoniæ coram ea. Si tamen maneret in Cariathiarim, vel reduceretur in Gabaon: dato quod iuberet ibi fieri cærimonias, non fierent cum

F tanta diligentia, & veneratione, sicut presente David: ideo voluit potius tenere arcam in Ierusalem.

Quare David mutauerit arcam de Cariathiarim nolens eam in sanctuario ponere. *Quæst. XVI.*

QUÆRITUR vltius cum David non interderet ponere arcam in sanctuario, quare mutauit eā de Cariathiarim, quia vtroque erat extra locum suum.

Respondendum, quod hoc fuit propter duo. Primum fuit propter honorem Dei, nam cum esset arca in Cariathiarim, non fiebāt aliquæ ministrations, nec canebantur laudes diuinæ coram illa. Ista enim erat quædam irreuerentia, quia manebat ibi arca in loco priuato tanquam supellex parui honoris, ideo voluit facere, quod illa esset in loco honorabiliore, & ob hoc dixit hic in litera: non enim requisuimus eā in diebus Saul, id est non quæsiuimus eam ad honorandum ipsam, ideo nunc honoremus eam, & istud intendebat David facere, nam parauit ei tabernaculum honoratissimū in domo sua, & fecit ibi esse Leuitas, qui omni tempore canerent coram arca, & posuit ianitores, & alios officiales domus illius, sicut erat in tabernaculo testimonij, vt patet infra 16.

H Sed obijcietur, quia David poterat facere omnia ista non transferēdo arcam de Cariathiarim, scilicet, quod poneret Leuitas cantores, & ianitores in Cariathiarim, vt facerent omnia, quæ facturi erant in Ierusalem in domo David.

Respondendum sicut dictum est precedenti quæstione, scilicet, quod dato, quod David iuberet facere omnes cæremonias in Cariathiarim, non possent fieri cum tanta veneratione, & diligentia in Ierusalem, sicut propter peccatum David, sed posito, quod possent fieri cum tanta diligentia, David potius veller habere arcam in Ierusalem quā quod esset in Cariathiarim, & est ad hoc. Secunda causa, quia David erat vir deicola, & desiderabat habere apud se oratorium, vbi fierent cæremoniæ legis, & hoc non poterat esse nisi haberet secum tabernaculum Domini, vel arcam. Tertium fuit propter bonum publicum, nā Ierusalem erat locus famosior in toto regno suo, & ibi habitabat semper rex, & propter hoc conueniebāt plurimi de omnibus partibus Israel illuc. Erat ergo bonum, quod esset ibi oratorium, scilicet tabernaculum vel arce, vt per hoc omnes homines, qui veniebāt ad curiam incitarentur, & assuefierent ad deuotionem.

K Et respondit vniuersa multitudo, vti fieret. Placuerat enim sermo omni populo. Congregauit ergo David cunctum Israel a Sihor Aegypti vsque dum ingrediaris Hermath, vt adduceret arcam Dei de Cariathiarim. Et ascendit David & omnis vir Israel ad collem Cariathiatim, qui est in Iuda, vt afferret inde arcam Domini Dei sedentis super Cherubim, vbi inuocatū est nomē eius. Imposueruntque arcam Dei super plaustrum nouum de domo Abinadab. Oza autem & frater eius minabant plaustrum. Porro David, & vniuersus Israel ludebant coram Deo omni virtute in canticis, & in citharis, & psalterijs, et tympanis, et cymbalis, et tubis.

Et respon.

Et respondit vniuersa multitudo, vt ita fieret. Scilicet tota multitudo, quæ erat in curia regis, vel multitudo principum, cum quibus inuit consilium, non potest intelligi de tota multitudine Israel, quia nōdum congregata erat sed nunc iussu est congregari.

Placuerat enim sermo omni populo. Reddituum causa est, s. omnes responderunt quod fieret, quia placebat nimis omnibus translatio arcæ, & hoc quia erat magnus honor Dei, & bonum publicum, sicut supra declaratum est in quaestionibus.

Congregauit ergo David cunctum populum Israel. Scilicet inuit illum congregari: non est intelligendum, quod David cogeret quenquam venire ad istā translationem arcæ, sed solum fecit denunciari per totum Israel, quod arca transferēda erat, & tunc omnes gaudentes venerunt sponte propter deuotionem cognita bona voluntate regis: non est etiam intelligendū, quod totus populus nunc conuenerit ad translationem istam, quod patet, quia solum conuenerunt ducenta viginti quatuor millia, vt patet in litera, & tamē paulo ante hoc ad vñctionem David conuenerunt plusquam trecenta millia, & multi alij manserunt in vrbibus, qui non venerunt, præcedenti cap. sed dicitur totus Israel, idest multi de Israel, quia iste est modus loquendi scripturæ.

A Sihor Aegypti vsque dum ingrediaris Hemath. Isti sunt duo termini in quibus exiit multitudo terræ Israel, & est sensus, quod totus Israel, qui intercluditur inter istos duos terminos, fuit congregatus nunc. Est enim Hemath ciuitas quædam in extremitate terræ Israel in latere aquilonari, vbi coniungitur Syriæ, & ibi regnabat quidam rex Syrorū nomine Tohu, qui fuit amicus David: & misit ad eum magna munera, quia expugnauerat regem Adadezer. 2. Reg. 8. Quod autem sit terminus aquilonaris terræ Israel, patet Numeri 34. vbi ponitur termini istius. Sihor est alius terminus in parte opposita, scilicet, Meridiana, & Sihor significat in Hebræo fluium: est enim nomen commune, sicut apud nos istud nomen fluius, & tamen Hieronymus accepit hic tanquam nomen proprium, velut si esset nomen alicuius loci in extremitate Aegypti.

Sed dicendum quod debet accipi, vt nomen appellatum pro fluiuo, nam sepe ponitur iste fluius Aegypti pro termino meridiano terræ Chanaan, vt patet Genesis decimo quinto, scilicet, Semini tuo dabo terram hanc à fluiuo Aegypti vsque ad flumen magnum Euphratem. Sic etiam patet Iosue 13. vbi ponitur fluius turbidus Aegypti pro termino meridiano: & ponitur Hemath pro termino aquilonari, qui est terminus meridianus terræ Chanaan putatur à plurimis esse quidam paruus fluius, qui dicitur Riuus, vt dicit Historia scholastica, & Nicolaus, & multi nostrorum tenent, & nos etiam aliquando dicimus referendo aliorum positionem, & tamen semus fluius in toto Aegypto, immo in toto orbe, quia iste est vnus de quatuor fluminibus, qui egrediuntur de paradiso terrestri, vt declaratum est Gen. 2. Et patet hoc, quia dicitur hic per excellentiā à Sihor Aegypti, idest à fluiuo Aegypti, & tamē si esset aliquis paruus fluius Aegypti, non vocaretur fluius Aegypti per excellentiā, sed vocatur sic, ergo intelligitur de fluiuo turbido, qui irrigat Aegyptum. Et tamen nullus alius est irrigans Aegyptum nisi Nilus, qui vocatur turbidus propter humores suos, & alluiones: nam quando impletur inundat super terram planam, & ibi turbantur aquæ sue in puluere. De hoc magis Alph. Tostan Lib. I. Paralip.

A declaratum est Exo. 2. Non est autem intelligendum quod terra Aegypti, & terra Chanaan coniungantur in aliquo loco, & ibi sit terminus fluius Nili, quia inter terram Chanaan, & Aegypti iacent solitudines Arabica, ita vt non possent coniungi, sed Nilus circa partem occidentalem Aegypti exit per solitudines arabicas versus terram Chanaan in latere meridiano eius, vbi est sita terra Philistinorum, & ibi intrat Nilus in mare Mediterraneum per vnā de portis suis, nam in septem alueos diuiditur prius, quā intret in mare, & ibi est Nilus terminus terræ Chanaan.

Et ascendit David, & omnes viri Israel ad collem Cariathiarim. Erat arca in Cariathiarim in colle, nam Abinadab, in cuius erat domo, habitabat in excelso vrbis, & illuc ascendit David cum omnibus viris Iuda, scilicet, cum omnibus, qui nunc conuenerant ad portandum arcam.

Qui est in Iuda. Scilicet ciuitas Cariathiarim est in sorte Iuda, vt patet Iosue 15.

Vt afferrent inde arcam Domini Dei. Vocatur arca Domini, quia pertinebat specialius ad Deum quam aliqua alia arca, cum ipse iussisset eam fieri. Etiam quia continebatur ibi fœdus, quod fecerat Deus cum Israelitis, scilicet, tabulæ lapideæ in quibus erant præcepta decalogi, & ob hoc vocatur arca fœderis.

Sedentes super Cherubim. Refertur ad Dominum, scilicet, quod Deus sedet super Cherubim, & potest dupliciter intelligi, vno modo, quod sedet super Cherubim, idest super vnum ordinem angelorum, qui sic vocatur, & est octauus ordo, & ita intelligunt multi de nostris. Aliter potest intelligi, quod Deus sedet super Cherubim, idest super duos Cherubim aureos, qui in lateribus arcæ erant.

Pro quo sciendum, quod coopertorium arcæ erat de auro purissimo, nec erat ibi aliqua tabula, & de extremitatibus illius procedebant duo Cherubim, qui extendebant alas ex aduerso contra se, & velabant ipsum opertorium arcæ, quod vocatur propitiatorium. In illa autem concauitate, quæ inter alas erat Cherubim dicebatur Deus sedere, ideo sedebat super Cherubim. De hoc Exodi vigesimo quinto, & trigesimo sexto.

Vbi inuocatum est nomen eius. Idest super arcam inuocatum est nomen eius, quia ibi erat specialiter.

Imposueruntque arcam Domini super plaustrum nouum. Scilicet ad ferendum eam de Cariathiarim in Ierusalem posuerunt super plaustrum. Dicitur enim plaustrum currus à plaudēdo dictus, quia mittit sonitum quando mouetur.

De domo Abinadab. Erat enim arca in domo Abinadab, quia ibi fuerat reposita, & tunc de domo eius sumptum est plaustrum ad portandum illam, vt patet primo Regum septimo, & secundo Regum sexto.

Oza autem, & fratres eius minabant plaustrum. Iste Oza erat filius Abinadab, in cuius domo seruabatur arca, sic patet secundo Regum capitulo sexto, scilicet, Oza, & Haio filij Abinadab minabant plaustrum. Et quanquam exprimat ibi de solis Oza, & Haio: tamen hic exprimitur de Oza, & multis fratribus eius: & ipsi minabant plaustrum, quia erāt Leuitæ ad quos pertinebat istud.

Porro David & vniuersus Israel ludebant coram Deo. Iste ludus erat exultationis, & deuotionis, cum portarent arcam, & erat ludus in canendo, & psallendo in instrumentis musicis. Et dicitur David & vniuersus Israel, quia omnes de Israel, qui assistebant, & nouerant psallere in organis musicis psallebant. Alij autem canebant, & sic erat lætitia in omnibus.

Omni virtute. Idest iuxta vires suas, quia quilibet

tantum canebat quantum poterat & psallebat iuxta **F** vires, sic enim dicitur secundo Reg. 6. q̄ David percutiebat in organis, & saltabat toris viribus ante Dominum, idest quātum poterat saltare, ita de omnibus alijs intelligendum est.

In canticis. Istud erat generale ad totum populū, quia omnes canebant prę exultatione. *Et in citharis, & psalterijs, & tympanis, & cymbalis, & tubis.* Omnia ista sunt organa musica, & non solum ista erant ibi, sed etiam omnia alia genera musicorum vasorum, quę haberi poterant in Israel, sicut dicitur 2. Reg. 6. c. David autem, & omnis Israel ludebant coram Domino in omnibus lignis fabrefactis, & in citharis, & lyris, tympanis, & sistris, & cymbalis. Citharę sunt organa antiqua, quę inter antiquos erant cōmunissima. Nūc **G** autem vix in vsum veniunt. Psalterium autem instrumentum cognitum est, & erat valde vřitatum apud Iudeos, & maxime David vřebatur isto instrumento, vnde ipse dixit in psalterio decachordo psallam tibi, idest in psalterio decem Chordarum, Psal. 143. & 2. Reg. 6. dicitur in lyris, vbi dicitur hic in psalterijs, & non est idem instrumentum secundum modum nostrum accipiendi communem, & tamē Hieronymus pro eodem accepit hic. Tympana vocantur instrumenta de ligno quadrato, vel rotūdo facta, quę postea chorio trimi superextenso circumdantur manente interius magna cōcauitate, quę cum percutiuntur manu, vel baculo sonitum pulchrum reddunt, & dicuntur tympana à tinniendo, quia percussa tinnitum reddunt, idest sonitum, & inde vocatur tympanistria vir, vel femina percutiens tympanum, sic dicitur Psal. 67. scilicet in medio tympanistarum iuencularum. Cymbala dicuntur esse quędam parua instrumenta facta de ære, vel de ferro cōcaua, quę manibus tenentur, & percutiuntur, & vocantur vulgariter le terreue-las. Tubę instrumenta communia sunt, eo. 2. Reg. 6. ponuntur sistra: non tamen sunt idē secundum communem modum accipiendi, sed dicuntur sistra instrumenta facta de ligno tenui circulari in cuius altera parte corium extenditur, & in circuitu ligni ponuntur crepitacula parua de ferro, flamine rotundę, quę inuicem percussę sonitum reddunt. Hic autem accepit Hieronymus tubas pro sistris.

Psalteriū
Cymbali
Tympanū
quę sūt.

Sistrum
quid sit.

An verum sit quod David, & omnis populus iuerint ad tollendum arcam de Cariathiarim. Quęst. XVI.

QUÆRITVR circa hoc quomodo dicitur hic, quod David, & omnis Israel iuerūt ad tollendum arcam de Cariathiarim, quia non videt, q̄ erat arca in Cariathiarim, sed in Gabaa, sic patet 2. Reg. 6. c. & imposuerūt arcam Domini super plaustrum, tuleruntque eam de domo Abinadab, qui erat in Gabaa, & iterum dicitur ibi, cumque tulissent eam de domo Abinadab, qui erat in Gabaa custodiēs arcam Domini, ita patet hoc 1. Reg. 7. Cū dicitur, quod intulerunt arcam Domini in domum Abinadab in Gabaa.

Lirani
resellitur.

Respondendum quod aliqui sumpserunt occasionem erradi ex isto loco, de quibus fuit Nicolaus: nam putauerunt, quod arca Domini quando ducta est de Bethsames fuit primo posita in Cariathiarim: deinde fuit portata in Gabaa, & ibi fuit posita in domo Abinadab de cuius domo nunc transducta est.

Sed dicendum quod hoc nullo modo stat. Quod patet, quia hic dicitur, quod iuit David, & omnis Israel ad portandum arcam de Cariathiarim, ergo nō fuerit translata de Cariathiarim in Gabaa. Secundo patet, quia si fuisset arca primo posita in Cariathiarim deinde translata in Gabaa, expressisset scriptura ali-

quid de modo, quo stetit in Cariathiarim, & quomodo translata fuisset inde in Gabaa, & quare hoc, & tamen nulla mentio fit de isto, sed solum dicitur, quod viri Cariathiarim reduxerunt arcā Domini de Bethsames, & intulerunt eam in domum Abinadab in Gabaa, ergo non fuit translata de Cariathiarim in Gabaa. Dicendum ergo, quod fuit error eorum, qui putauerunt fuisse duas translationes vnam de Bethsames in Cariathiarim, & aliam de Cariathiarim in Gabaa, quia idē locus est Cariathiarim & Gabaa. Quod patet, quia dicitur hic, quod David & omnes Israel iuerunt in Cariathiarim pro arca Domini, & intulerunt eam de domo Abinadab, & tamen 2. Reg. 6. dicitur, quod iuerunt pro arca Domini in Gabaa, & intulerunt eam de domo Abinadab, nec valet, quod si aliquis dicat, quod David transtulit bis arcam, scilicet vna vice de Cariathiarim, & alia vice de Gabaa, quia istud nō pōt stare, nisi David trāsferret eā de vno loco in alterū, qđ falsum est, qā David volebat trāsferre eā in domū suā in Ierusalem, non ergo transferret de Cariathiarim in Gabaa, vel ē contrario. Secūdo patet hoc quia eadem, quę ponuntur hic, quando dicitur, quod transtulit David arcam de Cariathiarim ponitur 2. Reg. 6. quod transtulit eam de Gabaa, nec est differentia in aliquo: istud tamen impossibile erat, nisi sit eadem translatio, ideo non fuit arca Domini posita in Cariathiarim deinde in Gabaa: tamen David solum transtulisset eam, scilicet, de vno loco, licet, de Cariathiarim, vel de Gabaa, & tamen hic dicitur quod transtulit eam de Cariathiarim, & 2. Reg. 6. dicitur quod transtulit eam de Gabaa, ergo nō fuerunt ista diuersa loca, in quibus poneretur arca. Sed dicendum, quod fuit vnus locus Cariathiarim, & Gabaa, & hoc potest dupliciter intelligi. Vno modo, quod eadem ciuitas habebat duo nomina, & aliquando vocetur Cariathiarim, & aliquando Gabaa, sicut et de Hebron, qui vocatur Hebron, Mambre, & Cariatharbe, Gen. 23. & Iosue 14. Sic etiā ciuitas Dabir vocatur Dabir, & Cariathsepher, vt patet Iosue 15. & Indi. 1. sic etiam est de multis alijs, & sic patet Iosue 15. & ciuitas Cariathiarim hic, & vocabitur Gabaa. 2. Reg. 6. & vtroque modo. 1. Reg. 7. Secundo modo potest dici, q̄ Cariathiarim sit nomen proprium vrbis, & non habeat aliud nomen, Gabaa autem sit nomen appellatiuum, nam Gabaa in Hebræo significat collem, vt ait Iosephus. 6. Antiq. licet multi Hebræorum interdum accipiūt pro valle, & sic dicitur, quod iuit posita arca in vrbe Cariathiarim in quodam loco excelso vrbis, qui vocatur Hebræicē Gabaa, & sic est sensus verus. Quod patet, quia in Hebræo ponitur hic Gabaa, vbi nos dicimus colli, i. quod David, & omnis Israel ascenderunt ad Gabaa Cariathiarim, & tamen nostra habet ad collem Cariathiarim, & tamen 2. Reg. 6. noluit facere litera mētionem de vrbe Cariathiarim, sed de colle vrbis vbi erat arca, ideo dixit portata fuit de Gabaa, idest de colle. Occasio autem errandi fuit hic, quia Hieronymus idem nomen Hebræum quod est verē appellatiuum aliquando transtulit, vt proprium, aliquando, vt appellatiuum. Melius autem fuisset, quod semper poneret illud appellatiuum, scilicet pro colle sicut hic posuit, & sic intelligitur, quod habetur primo Regum septimo. Ad primam rationem in contrarium dicendum, quod pro nomine proprio alicuius loci, & ille colli erat in Cariathiarim, ideo idem erat portari arcam de Cariathiarim, quod de Gabaa. Ad secundam rationem dicendum, quod 1. Reg. 7. dicitur quod viri Cariathiarim reduxerunt arcam de Bethsames, & intulerunt eam in domū Abinadab in Gabaa, idest posuerunt eam in vrbe

in vrbe Chariathiarim in quodam colle, qui vocatur A
Hebraice Gabaa, & in illo erat domus Abinadab.

Quis nam fuerit modus portandi arcam.

Quest. XVIII.

QVAERITVR vterius quis fuit modus portan-
di nunc arcam de Chariathiarim. Responden-
tes, quia semel est portata arca de Chariathiarim vs-
que ad domum Obededom Gethai: deinde elapsis
tribus mensibus portata est de domo Obededom in
domum Dauid. De prima portatione agitur hic: de
secunda infra 15. Ideo de prima solum queritur hic,
& dicendum quod modus portandi eam fuit, quod
cui venisset Dauid cum toto Israel in Chariathiarim
ad domum Abinadab filij eius, s. Oza, & Haio dispo-
suerunt arcam coaptantes eam: & posuerunt super
plaustrum novum quod portabatur a bobus. Scien-
dum tamen quod arca super plaustrum erat velata
operimentis suis: habebat namque arca tria operimen-
ta, primum erat velum, quod pendeat ante arcam:
nā deponebatur, & inuoluebatur arca in illo. Secun-
dum erat quoddam velamen factum de pellibus ia-
cynthinis. Tertium erat quoddam pallium totum ia-
cynthinum, vt patet Nu. 4. His tribus operimentis erat
velata arca quodcumque erat extra sancta sanctorum,
ideo cum portaretur nunc in plastro habebat ista
tria operimenta, licet scriptura nihil dicat: alioquin
ipsi Leuitae qui portabant eam morerentur videntes
eam nudam, & etiam totus populus, Nu. 4. sic patet
de Bethsamitis, de quibus mortui sunt plures, quam
quingentam illa, quia viderunt arcam Domini
1. Reg. 6. Leuitae etiam, s. Oza, & fratres eius minabāt
plaustrum, quasi dicat, ipsi soli faciebāt hoc, quia erāt
Leuitae. Populares autem non audebant accedere,
sed erant populares aequaliter distantes ab arca, & ca-
uebant in voce, & in vasis musicis, & isto modo por-
tauerunt arcam de Chariathiarim vsque ad domum
Obededom Gethai, de qua portatione agitur hic.

Quomodo super arcam inuocatum erat nomen Domini.

Quest. XIX.

QVAERITVR vterius quomodo dicitur hic, q
nomen Domini erat inuocatum super arcam.
Respondendum, quod Deus vbique est, & vbique
inuocari potest: dicitur tamen inuocari nomen Do-
mini in aliquo loco, vbi Deus specialiter est, & credi-
tur ibi a populo esse, quia tunc inuocant eum tanquā
existentem in loco illo, & velut non esset in alijs, sic
Deus erat specialiter super arcam potius quam in
alijs partibus sanctuarij, & specialius in sanctuario
quam in alia parte vrbis Ierusalem, & specialius in
Ierusalem quam in alijs vrbibus Israel. Et ob hoc
dicitur inuocari nomen aliquando Domini in san-
ctuario suo, & aliquando super arcam, vt patet hic, &
2. Reg. 6. & aliquando dicitur inuocari nomen eius in
Ierusalem, vt patet 3. Reg. 11. & sequenti lib. cap. 6.
specialius tamen nomen Domini inuocatum erat su-
per arcam quam in aliquo loco alio, eo quod ibi spe-
cialius erat. Pro quo sciendum quod arca federis erat
intra sancta sanctorum in loco secretissimo, & habe-
bat arca super se coopertorium, quod vocatur propi-
tatorium, & in duobus lateribus eius erāt duo Cher-
& extendebant alas: & aduerso, ita vt ala vnus tan-
geret alam alterius, & cum extremitates quatuor a-
larum Cherubim se coniungerent, manebat locus va-
uus, & occultus inter alas eorum super propitatio-
rium.

Al. h. Tostin Lib. I. Paralip.

rium, quod est coopertorium arcae, vt patet Exo. 25.
& 36. in illa vacuitate credebatur ab Israelitis Deus
esse realiter, & specialiter per quandam represen-
tationē manifestam, vnde scriptura dicit eum sedere
super Cherubim, s. super alas Cherubim intra illam
concauitatem, vt patet 2. Reg. 6. & Psal. 79. & appare-
bat Deus specialiter ibi, atque audiebatur vox eius:
vnde quando Moyses volebat aliquod occultum, &
dubiū a Deo addiscere, intrabat in sancta sanctorum,
& ibi audiebat responsum loquentis ad se, & illa vox
formabatur inter alas Cherubim super arcam, vt pa-
tet Num. 7. Cumque ingrederetur Moyses taberna-
culum federis, vt consuleret oraculum, audiebat vo-
cem loquentis ad se de propitiatorio, quod erat super
arcam inter duos Cherubim: vnde loquebatur ei in
nullo alio loco. Non audiebatur autem vox Dei ma-
nifeste, & omni tempore, nisi ibi, ideo locus iste erat
sacratissimus, & nō licebat alicui hominum introire
illuc nisi Moyse, qui introibat quādoque volebat
ad querendum de aliquo dubio, licebat etiam sum-
mo sacerdoti introire illuc, sed solum semel in anno
in die propitiationis, quae est in mense Septēbris Le-
uiti. 16. & ad Hebr. 9. & tūc sacerdos iste portabat co-
ram se vas plenum prunis imposito desuper thymia-
mate, vt exhalaret inde vapor grossus, & multus effu-
scans oculos sacerdotis, vt non videret id, quod erat
inter alas Cherubim, vbi formatur vox, Leuit. 16. Et
etiam tunc nō licebat alicui hominum stare in anteriori
parte tabernaculi, quae erat extra sancta sanctorum, &
hoc vt ille nō audiret verba, quae Deus loqueretur sa-
cerdoti de propitiatorio: Licebat etiam minoribus
sacerdotibus introire coram arca cū summo sacerdo-
te tunc solum, qñ mouendū erat tabernaculū de vno
loco ad alium, vt operirent arcam velamentis suis, &
traderent eam Leuitis portandam, Nu. 4. Nulli autem
hominum licebat aliqui introire in sancta sanctorum
propter magnam reuerentiam loci: qñ tamen Iudej
simplices crederent, q Deus erat, qui loquebatur in-
ter alas Cherubim, & sic etiam scriptura dicat, fal-
sum est, quia Deus non loquebatur nec loqui potest,
sed erat quidā angelus, qui assumebat corpus de aere,
& latebat in concavitāte illa inter alas Cherubim, &
ibi loquebatur. Assumebat corpus de aere, quia ali-
ter loqui non potest angelus, cum vox non possit for-
mari, nisi per organa, & angelus est incorporeus, ideo
necesse est, q assumat corpus de aliqua materia ele-
mentali, s. de aere, & ista erat causa propter quam alae
Cherubim quatuor coniungebantur inter se super ar-
cam, vt maneret inter eas locus occultus, vbi angelus
lateret in corpore assumpto ad formandum voces, ne
posset videri quādo introiret illuc summus sacerdos.
propter hoc etiam sancta sanctorum erat locus obscu-
rus, & non ponebatur ibi aliqua lucerna, qñ esset lo-
cus nimis venerationis: sicut ponebantur lucernae in
candelabro in anteriori parte tabernaculi, Exo. 26. pro-
pter hoc etiam quādo summus sacerdos introibat in
sancta sanctorum, ferebat in manibus vas prunarum
superimposito thymiamate, vapor grossus inde ascen-
dens, vt impediret eum videre angelum latentem in-
ter alas Cherubim. Et causa huius erat, q Iudej cre-
debant eū, qui loquebatur in propitiatorio esse Deū:
& si viderēt corpus assumptum putarēt Deū habere
corpus, & sic crederent se verē viderē Deū, & etiam
daretur occasio ad idolatriā, ideo Deus nunq se voluit
demonstrare in aliqua forma humana, vel alicuius ani-
malis, ne daret occasionem faciendi imaginem aliq
similem, & adorandi illā, vt patet Deut. 4. Custodite
sollicitē animas vestras, non vidistis aliquam similitu-
dinē in die, qua locutus est vobis Dominus in Horeb
de medio ignis, ne forte decepti faciatis vobis stul-

tam similitudinem, aut imaginem masculi, vel femine similitudinem omnium iumentorum, quę sunt super terram, vel auium sub coelo volantium atque reptilium, quę mouentur in terra, siue piscium, qui sub terra morantur in aquis. Quod autem ille, qui loquebatur in propitiatorio nō erat Deus, sed angelus. & alia multa circa hoc, declarata sunt Exo. 25. & magis 28.

An Israelite peccauerint ponendo arcam super plaustrum.
Quaest. XX.

QVAERITVR vterius an peccauerūt Israelite ponentes arcam super plaustrum.

Aliquis dicet q̄ non, quia si peccauissent Dominus puniisset eos propter hoc: & tamen non puniuit, ideo nō peccauerunt. Et si aliquis obijciat, q̄ punitus est Oza, nā occisus est, dicetur, q̄ non occisus fuit propter hoc, sed quia tetigit arcā q̄n erat prona ad cadēdum, vt patet infra in litera. Dicendum quod filij Abinadab, qui posuerūt arcam super plaustrum peccauerunt, quia lex iubebat, quod portaretur super humeros. Propter hoc autem Leuitis, & Meraritis, qui portabant columnas, & tabulas tabernaculi, & Gerlonitis, qui portabant pelles, & operimenta tabernaculi iussit Deus dari plaustra ad portandum hęc: Caathitis tamen, qui portabant arcam, & duo altaria, & candelabrum, & mensam, & alia vasa sanctuarij, nō data sunt plaustra, sed iussit Deus, quod portarent onera super humeros suos, Num. 7. & hoc fuit propter magnam reuerentiam, & sanctitatem illorum vasorum, quia honorabilius erat, quod portarentur ab hominibus quā a iumentis. Isti autē posuerunt nunc arcam super plastrū, ideo peccauerūt, quia quidquid erat contra legem, peccatum erat, & morte dignum. Item patet hoc quia infra 15. cap. Dauid redarguit istam portationem, dicens q̄ Deus percusserat Israel, quia non debite portabatur arca, & quando postea portauit eam de domo Obededom in domum suam non portauit super plaustrum, sed sacerdotes, & Leuitę portabant eam humeris suis, vt patet infra 15. & 2. Reg. 6. Cum autem obijcitur, q̄ nō peccauerunt hic Leuitę, eo q̄ non puniuntur. Dicendum q̄ ista ratio non stat, nam licet pena detur propter peccatum, non tamen semper datur, quando homines peccant, quia Deus est patiens, & longanimis, & multę misericordię, Exo. 34. & Nu. 14. & frequenter expectat nos ad penitentiam, vt misereatur nostri, & non inferat penam Isa. 30. Aliter potest dici, q̄ poena fuit data p̄ isto peccato, siquod mortuus fuit Oza, quanquam infra in litera dicatur, q̄ mortuus est pro alia causa, & tamen ibi declarabitur, quod aliquo modo fuit mortuus propter hoc.

An populares, & Dauid peccauerint, ex eo quod arca Domini fuerit posita super plaustrum. *Quaest. XXI.*

QVAERITVR vterius an Dauid, & populares peccauerint in hoc quod arca posita fuit super plaustrum contra legem.

Aliquis dicet, q̄ non, quia populares nihil faciebant in hoc, cum soli sacerdotes, & Leuitę ponerent eam, & ministrarent coram illa. Sed dicendum, q̄ hoc non stat, quia dato q̄ populares non peccarent faciendo, poterant tamen peccare non repugnando facientibus contra legem: potissimē quia illud erat notorium, siquod arca nō deberet portari super plaustrum, sed super humeros Leuitarum, Nu. 7. & non resistentibus talibus peccatis publicis cū possint peccare. Sic patet de Ilaia, in cuius tempore rex Ozias vo-

Fluit thurificare coram Domino in templo, quod erat contra legem, & quia ipse non clamauit contra hoc, vt non fieret, dixit se peccasse, & omnes alios, qui non redarguerent regem, cum potuissent, vt patet Isa. 66. Vā mihi, quia tacui, quia vir pollutus labijs ego sum, & in medio populi polluta labia habentis ego habito. Et tamen taciturnitas sua nō fuit, quia nisi non increpuit regem, & etiam populus dicitur habuisse labia polluta, quia non redarguit regem cum potuisset. Dicendum q̄ his non obstantibus non peccauit Dauid, nec populus in non prohibendo Leuitis q̄ non portarēt arcam super plaustrum, quia ad Leuitas pertinebat portare arcā, & facere omnem ministracionem, quę requireretur circa eā: & dato q̄ male agerent, non erant seculares iudices conuenientes ad iudicandū super hoc. Item quia poterat esse, quod Deus reuelasset eis, q̄ placeret sibi q̄ portaretur super plaustrum. Seculares autem non se debebant intromittere ad iudicandum an agerent cōtra legē, cum in casu isto possent isti excusare factum suum, & ideo Dauid non increpuit se, nec aliquos populares super facto isto, & tamen si peccauissent ipse accusasset se, & alios cum essent nunc nimis deuoti erga Deum. Cum autē obijcitur, q̄ peccauit Isaias, & alij de populo, quia nō prohibuerunt regem Oziam thurificare coram Dño, dicendū q̄ nō est simile: primò, quia factū Ozie nullo modo poterat excusari: eo q̄ fiebat ab illo, qui non poterat aliquo modo ministrare corā arca Dñi, nec in aliqua ministracione sanctuarij, quia nō erat de genere Leuitarū, ideo debebat, & poterat a quocunque redargui, quia faciebat id, quod non pertinebat ad eū. Secus autem erat nunc in portatione arce super carum, quia Leuitę faciebant istud siue bene, siue male facerent, ad eos pertinebat ministratio, ideo non erat aliquis, qui se intromitteret super eos. Alia causa erat, quia quādo Ozias vsurpauit ministracionē sacerdotū erāt sacerdotes maiores eo in dignitate, ad quos pertinebat ex officio redarguere quemcunque uolentem vsurpare istud, & tamen nunc in portatione arce Leuitę ministrabant, & non erant aliqui superiores eis, ad quos pertineret ex officio in talibus redarguere eos, ideo quanquam populus non redargueret nūc Leuitas portantes arcam super plaustrum, non peccaret, quia nō tenebatur ad hoc quisquam de populo.

Quare portabant arcam super plaustrum cum lex precipere, vt portaretur humeris. *Quaest. XXI.*

QVAERITVR vterius cum esset contra legem, quod portaretur arca super plaustrum, sed quod portaretur humeris Leuitarum, cur portabant eam super plaustrum.

Respondendum, quod motuum poterat esse duplex, scilicet remotum, & propinquum: motuum remotum erat, vt non laborarēt, quia portando eam super humeros laborabant. Motuum autem propinquum erat causa excusatiua, nam sciebant Leuitę quod si in aliquo agerent contra legem peccarent, & morerentur, ideo quanquam laborarent portando arcam super humeros portarent eam, & tamen habuerunt causam excusatiuam, ideo putauerunt quod non punirentur, dato quod portarent eam super plaustrum, & fuit ad hoc duplex causa: Prima est, quia arca fuerat ante hoc in terra Philistinorum, & quando reduxerunt illam in Bethlames, portauerunt illam super plaustrum primo Regum 6. Deus tamen nō percussit propter hoc Philistinos, sed potius eleuauit ab eis manū suam, cū ante illud percuterent eos, ideo putauerunt, q̄ sic futurū esset in eis, & sic non punirentur.

inuerunt portare illam super plaustrum. Secunda causa fuit, quia lex illa de portando arcam super humeros fuit data in deserto, vbi erat officium Leuitarum portare semper arcam in terra Chanaan: tamen postquam situatum erat tabernaculum non mouebatur, nisi rarissime, & per accidens, ideo poterant putare, quod illa lex solum fuerat data pro deserto, & sic non obligaret iam, & sic poterant illam portare super plaustrum, vel quomocunque alias: dum tamen honeste portarent, & tamen ista motiua non fuerunt sufficientia ad excusandum peccatum eorum. De primo patet, quia licet Philisthini non peccarent portando arcam, tamen peccarent Leuitae. Ratio huius est, quia absolute non erat peccatum portare arcam super plaustrum vel quomocunque alias, sed solum erat peccatum inquantum erat contra legem, ideo solum peccarent in hoc illi, qui obligabantur seruare istam legem: Philisthini tamen non obligabantur seruare eam, quia erat pure positiua, & lex positiua non obligat nisi illos quibus datur: ista tamen lex non fuit data Philisthinis, nec alicui genti, nisi Israelitis, vt patet Exo. 19. & Psal. 148. Qui annunciat verbum suum Iacob, iustitias, & iudicia sua non manifestauit eis, id est nulli nationi manifestauit legem suam nisi Iudaeis, ergo Philisthini non obligabantur seruare istam legem, & consequenter non peccabant non obseruando illam. Leuitae autem obligabantur seruare illam, & peccauerunt non obseruando. Secundo patet, quia dato, quod Philisthini vellent seruare istam legem, non poterant, quia ad seruandum eam requirebatur, quod facerent arcam portari a leuitis, Num. 7. & tamen ipsi non habebant aliquos Leuitas, quibus hoc iuberent, ideo quomocunque portarent eam non peccabant. De Leuitis autem istis secus erat, quia isti poterant seruare legem, si vellent: & tamen non seruauerunt, ideo peccabant. Secunda excusatio non valet, nam lex data in deserto non solum obligauit in deserto, sed etiam omni tempore, quo fuerunt Israelitae in terra Chanaan, immo, quod plus est, lex magis obligabat Israelitas postquam essent in terra Chanaan, quam cum erant in deserto, vt patet Deutero. 12. vbi dicit Moyses, quod cum venirent Israelitae in terram possessionis suae non facerent, sicut in deserto vbi quilibet faciebat quod rectum videbatur, sed obseruarent omnia precepta, & iudicia, & ceremonias, ideo quam nunc essent Israelitae in terra sua, obligabantur portare Leuitae arcam super humeros, & non in plaustro, & sic peccarent contrarium faciendo.

Quare Leuitae portauerunt arcam super plaustrum nouum.

Quest. XXIII.

QVAERITVR vterius quare dicitur hic, quod portauerunt Leuitae arcam super plaustrum nouum.

Respondendum quod ab intentione quaerunt ipsi plaustrum nouum, in quo nihil adhuc portatum fuit, & istud fuit propter duo. Primum propter imitationem Philisthinorum, nam vt dictum est precedenti questione Leuitae portauerunt arcam super plaustrum ad imitationem Philisthinorum, quia ipsi super plaustrum reducerunt eam de terra sua in terram Israel 1. Reg. 6. ideo nunc voluerunt Leuitae portare illam super plaustrum nouum. Secundum fuit propter venerationem arcae, in quo ipsa portabatur nihil adhuc fuisse portatum, vt sic per hoc videretur ei dedicari illud plaustrum, sic enim erat de carnibus sacrificiorum, quae sanctae erant, si quod quando coquebatur in aliqua olla seculari, oportebat quod illa olla esset noua ad hoc, quod non fuisset ibi aliquid prius.

Alph. Tost. in Lib. I. Paralip.

A coctum, & postquam coquebatur carnes in tali olla si esset fictilis confringebatur, ne coqueretur postea aliquid seculare in illa. Si autem esset aenea defricabatur nimis, vt non posset ibi aliquid manere de carnibus sacris, quod patet Leuit. 6.

Quare Oza, & filij sui minabant plaustrum. Qd. XXIII.

QVAERITVR vterius, quare dicitur hic quod Oza, & fratres sui minabant plaustrum.

Respondendum quod hoc dicitur, quia isti erant Leuitae, nam erant filij Abinadab, & ille erat sacerdos, vel Leuita, quod patet, quia arca fuit tradita filio eius Eleazaro ad custodiendum, & dicitur, quod sanctificauerunt eum ad custodiendum arcam, 1. Reg. 7. & tamen non committeretur ei aliquid tale, nisi esset sacerdos, vel Leuita: ergo erat de hoc genere. Pertinebat autem ad Leuitas portare arcam, ideo nullus de populo audebat se coniungere eis in hac ministracione, & dato quod nunc Leuitae non portarent arcam humeris suis, sicut lex iubebat, tamen portabant eam aliquo modo: & hoc non pertinebat aliquo modo ad populares, quia omnes tales ministraciones erant eis vetitae: Deus enim iusserat, quod soli Leuitae ministrarent ei, & quod viri de alijs tribubus non se immiscerent eis sub pena mortis, Nu. 1. Nunc autem minare plaustrum erat portare arcam; ideo non audebat aliquis popularis accedere ad currum, in quo ferebatur arca, sed soli Leuitae minabant boues. Populus autem aliquo modo distans cantabat, & psallebat Domino in vasis musicis.

An peccaret populus cantando, & psallendo coram arca.

Quest. XXV.

QVAERITVR vterius an populus peccabat cantando, & psallendo coram arca. Aliquis dicit quod sic, quia populus non se poterat intromittere de aliqua ministracione pertinente ad Leuitas, vt dictum est preced. questione, & tamen cantare, & psallere coram arca pertinebat ad leuitas. Quod patet, quia infra 16. constituit Dauid cantores de Leuitis, qui canerent omni tempore coram arca, etiam infra 25. instituit Dauid Asaph, & Heman, & Iditum, qui essent cantores tam ipsi, quam fratres eorum, ideo populares si se intromitterent de hac ministracione, peccarent. Aliquis dicit, quod non peccarent, quia licet cantare coram arca esset officium Leuitarum, tamen istud fuit institutum post istam portationem arcae. Quod patet, quia Dauid quando erat senex congregauit totum Israel, & voluit ordinare cultum Domini infra 23. vsque ad finem libri, & tunc ordinauit cantores de Leuitis infra 25. ideo ante hoc peccarent populares, quanquam ipsi cantarent coram arca, eo quod ista ministratio non pertinebat tunc specialiter ad Leuitas, sicut nulla lex obligat antequam feratur. Dicendum, quod hoc non stat, quia cantare coram arca semper fuit ministratio Leuitarum, eo quod generaliter quidquid pertinebat ad Sanctuarium fuit commissum sacerdotibus, & Leuitis. Popularibus autem nihil commissum est, sed generaliter fuerunt exclusi a ministracione sanctuarij, Nu. 1. & 18. & cum dicitur, quod Dauid ordinauit, quod Leuitae essent cantores, non est intelligendum, quod ante hoc non pertineret istud officium ad eos, quia omni tempore Leuitae fuerunt cantores, immo, quod plus est, de omnibus familijs Leuitarum erant cantores: sunt enim tres familiae Leuitarum, scilicet, Caathitarum, Gerionitarum, Meraritharum, & in qualibet familia istarum erat vnus princeps cantorum. Inter Chaathitas erat princeps Heman: inter Gerio-

nititas erat princeps Asaph : inter Mieraritas erat princeps Ethan, vt patet supra sexto. Sed est sensus, quod Dauid ordinauit cantores non quid ē faciendo, quod officium cantandi coram arca pertineret ad eos, quia istud ante hoc habebant, sed ordinauit modum, quo cantarent, s. designando eis certa tempora, in quibus cantarent, & etiam distinguendo ipsos per vices suas, scilicet, quod quidam cantarent vno tempore, & alij alio, & ad hoc distinxit vigintiquatuor sortes inter ipsos, quod aliquando cantarent illi, qui erant de vna sorte, & aliquando qui erant de alia infra 25. Sic enim fecit de sacerdotibus. Nam posuit inter eos duos principes magnos, & diuisit totam multitudinem sacerdotum per vigintiquatuor sortes infra 24, & tamen ante hoc pertinebat ad sacerdotes ministrare, q̄a non constituit eis hoc Dauid, sed Dominus per Moysen : ergo quanquam Dauid ordinauit modum, quo canerent Leuitę : non dedit ipse eis officium, sed pertinebat ad eos a principio ex quo data est lex, & ideo si populares se intromitterent de officio cantandi coram arca, vel intra sanctuarium semper pertinuit ad leuitas, & quādocunque se intromitterent populares de isto officio in eo casu, in quo pertinebat ad Leuitas peccarent. Ad hoc tamen sciendum, quod cantare istud poterat esse duobus modis, vno modo q̄ aliquis vellet cantare, tanquam minister & in apparatu, & intraret in sanctuarium, misceretque se alijs Leuitis in hoc. Alio modo potest cantare aliquis laudes Dei absolute non in quantum minister, nec iuxta arcam aut intra sanctuarium, nec miscet se in hoc alijs Leuitis. Accipiendo primo modo cantare semper pertinuit ad officium Leuitarum, & isto modo si aliquis de popularibus vellet cantare laudes Dei peccaret : quia vsurparet officium Leuitarum. Si autem secundo modo accipiat, licebat cuilibet populari cantare laudes Dei, immo erat valde meritorium : sic patet circa actus ordinum : legere enim epistolam in apparatu, & cum solennitate ad solum subdiaconum pertinet, & legere sic euangelium ad solum diaconum, ideo si aliquis popularis cantaret in apparatu, & cum solennitate epistolam vel euangelium, peccaret mortaliter, si tamen aliquis laicus sine solennitate, & habitu vellet legere euangelium vel epistolam, non peccabit, immo merebitur : sic fuit nunc de Dauid, & popularibus, qui canebant, & psallebant, quia non canebant induti habitu illo, quo utebantur Leuitę : nec etiam faciebant hoc tanquam pertineret ad eos ex officio, sed extraordinarię, sed etiam nec appropinquabāt ipsi ad arcam sicut Leuitę, sed procul existentes canebant, ideo licebat eis facere hoc. Sed obijciunt, q̄ Dauid faciebat hoc indutus habitu Leuitę, q̄a indutus erat ephod lineo. 2. Reg. 6. f. Porro Dauid accinctus erat ephod lineo, & ministrabat ante faciem Domini. Dicendum, quod verum est, q̄ Leuitę utebantur ephod, & tamen nō erat habitus proprius ipsorum, sed etiam conueniebat popularibus, ideo Dauid poterat vti illo. Aliter potest dici, quod ephod, quo utebatur Dauid non erat tale, sicut ephod, quo utebantur Leuitę, ideo non vsurpauit habitum eorum, & sic non peccauerunt populares canendo nūc, & psallendo coram arca, quia non faciebant sicut Leuitę.

Cum autem peruenissent ad arcam Chidon, tetendit Oza manum suam, vt sustentaret arcam : bos quippe lasciuiens paululum inclinauerat eam. Iratus est itaque Dominus contra Ozam, & percussit eum, eo

quod tetigisset arcam, & mortuus est ibi coram Domino. Contristatusque est Dauid, eo quod diuississet Dominus Ozam : vocauitque locum illum diuisio Ozę vsque in presentem diem. Et timuit Deum tunc temporis, dicens : Quomodo possum ad me introducere arcam Dei? Et ob hanc causam non adduxit eam ad se, hoc est, in ciuitatem Dauid, sed auertit in domum Obededom Gethęi. Mansit ergo arca Dei in domo Obededom tribus mensibus, & benedixit Dominus domui eius, & omnibus, quę habebat.

Cum autem. Hic ponitur secundum huius capituli, in quo ponitur occisio, propter quam portatio arcę fuit interrupta propter mortem Oza : nam intendebat Dauid portare arcam in domum suam, quia tamen Dominus percussit Ozam, noluit eam tūc illuc portare, sed reliquit in domo Obededom Gethęi, & dicitur. *Cum autem peruenisset ad Areachidon.* Ista arca est inter urbem Chariathiarim, & Ierusalem : vocatur hic Areachidon, & secundo Regum 6. vocatur Areachidon, sed idem est : habet enim multa nomina sicut sæpe in scriptura idem locus, & idē vir habet multa nomina, vt supra declaratum est de Hebron, & Ierusalem, & Dabir.

Tetendit Oza manum suam, vt sustentaret arcam. Inclinatebatur enim arca ad cadendum, & Oza, qui erat filius Abinadab, & tunc erat propinquissimus arcę, voluit tenere eam, & ad hoc extendit manum.

Bos quippe lasciuiens paululum inclinauerat eam. Reddit causam, i. quia arca erat prona ad cadendum propter boues : quia vnus bos lasciuiens, id est inordinatę, & saltando ambulans fecit currum inclinari, & tamen moueri ad casum. Dicitur hic de vno boue, & sic accipitur pro eodem calcitrare & lasciuiere : vnde lasciuiere accipitur pro motibus impetuosiss, & inordinatis iuuenum.

Iratus est itaque Dominus contra Ozam. Accipitur ira largę, nam proprię ira est quidā motus animi, secundum quam inclinatur animal ad vindictam expetendam, & causatur ex accēssione sanguinis circa cor. Deus autem non est animal, nec est in eo aliquis motus. Sed dicitur esse in eo ira per similitudinem ad nos : nam nos, quando sumus irati percutimus, & cum sumus pacati non ita, cum Deus percutit pos, putatur esse iratus, & si modicum percutit, dicitur parum iratus. Si autem multum, dicitur magna ira eius, & sic fuit hic, quia percussit nimis Ozam, ideo dicitur nimis iratus ei. *Et percussit eum.* Scilicet occidēdo ipsum.

Eo quod tetigisset arcam Dei. Idest ibi coram Domino. Idest corruit mortuus coram arca, vt declarabitur in quadam quęstione. *Et mortuus est ibi coram Domino.* Idest corruit mortuus coram arca, vt declarabitur in quadam quęstione, ideo quidquid fiebat coram arca videbatur fieri coram Domino, & quia corruit mortuus coram arca, dicitur fuisse mortuus coram Domino. *Contristatusque est Dauid,* eo quod diuississet Dominus Ozam. Idest doluit nimis, quia videbatur gaudium suum in tristitiam, & videbat q̄ non erat accepta Deo talis translatio. *Et accipitur hic diuidere pro occidere.*

Possumus non subdiaconus epistolam canere.

Vocauitque locum illum diuifio Oza. Idest vocatus est locus ab euentu, fcilicet quia ibi occifus fuerat Oza. *Vfque in prefentem diem.* Idest nomen illud impofitum, tunc manet vfque in prefentem diem; fcilicet ad diem vfque quo fcriptus fuit liber ifte, & fuit hoc poft reditum de captiuitate Babylonis: nam tunc fcriptus illum Efdras, vt probatum eft in prologo auctoris fuper librum iftum.

Et timuit Dominum tunc temporis. Scilicet Dauid timuit illum, non eft intelligendum, quod Dauid ante hoc non timeret Dominum, quia femper eum timuit, fed eft fensus, quod eum magis nunc timuit, quam prius timebat, vifa ifta plaga.

Dicens quomodo poffum ad me introducere arcam Domini? Idest quomodo poffum introducere in domum meam in locum, quem parauit ei? quali dicat, non poffum commodum introducere, quia ficut percuffit Ozam pro hac leuitate, ita percutiet, & multos in domo mea.

Et ob hanc caufam non eam adduxit ad fe. Scilicet propter timorem, quem concepit, vifa ifta plaga, noluit introducere eam in domum fuam.

Hoc eft in ciuitatem Dauid. Expositio eft ad fignificandum, quod domus eius erat in ciuitate Dauid, & poft ea ibi collocata fuit arca, & etiam templum per Salomonem ibi fabricatum eft. Vocatur autem ciuitas Dauid castrum montis Sion. Accepit enim illud Dauid de potestate Iebufcorum, & vocauit illud ex nomine fuo ciuitatem Dauid, vt patet fupra vnde cimo, & fecundo Reg. quinto. Sed adduxit eam in domo Obededom, qui erat quidam Leuita quoufque fciret, quid de ea difponendum effer.

Mansit ergo arca Dei in domo Obededom tribus menfibus. Mansit ibi hoc tempore, quia poft iftos tres menfes fcituit Dauid quomodo benedixerat Deus nimis domui Obededom propter arcam, & tunc tranftulit eam in domum fuam.

Et benedixit Dominus domui eius. Scilicet multiplicando omnia, que habebat, benedicere enim multiplicationem fignat, vt patet fecunda ad Corinth. 9. fcilicet: Qui parce feminat parce metet, qui feminat in benedictionibus de benedictionibus metet. Et fic opponitur hic benedictio parcatati, fed parcatas fignificat auaritiam, & diminutionem rerum: ergo benedictio fignificabit liberalitatem, & multiplicationem.

Et omnibus, que habebat. Idest benedixit de omnibus, que habebat Obededom multiplicando illa, & fuit ifta benedictio duplex, vna fuit, quia Deus multiplicauit domum Obededom, fcilicet faciendo, quod ipfe plura haberet, quam prius habuerat. Alia benedictio fuit fpecialiter in fingulis rebus quantum ad qualitates earum, faciēdo quod quilibet illarum bene fe haberet, vt pote quod totum vinum, quod habebat Obededom effer melius, quam vina, que erant in tota terra, & animalia eius effer faniora, & pulchriora, & fortiora, quam animalia aliorum virorum, & fic de fingulis alijs rebus, & propter hoc ponitur hic duplex benedictio, fcilicet benedixit Dominus domui Obededom, & benedixit Dominus omnia, que habebat.

An occifus fuerit Oza, quia tetigit arcam.
Quæft. XXVI.

QUÆRITUR, an Oza fuit occifus, quia tetigit arcam. Respondendum, quod caufa fua occifionis fuit multiplex, & tamen precipua fuit, quia tetigit arcam: fic enim dicitur in litera, iratus eft itaque Dominus contra Ozam, & percuffit eum, eo quod tetigiffet arcam. Sed tunc aliquis

A dicit, quare percuffus eft Oza, cum tetigiffet arcam, quia hoc non videbatur effer illicitum, cum Leuitæ poffent tangere arcam, & portare eam? Aliquis dicit, quod peccauit Oza tangendo arcam, eo quod non erat ipfe Leuita, ad quem pertineret iftud facere. Ad laicos autem non pertinebat in aliquo cafu tangere arcam. Sed dicendum, quod hoc non ftat, quia manifestum eft, quod Oza erat Leuita: pater enim fuus Abinadab Leuita erat: non enim aliter fuiffet pofta arca in domo eius, cum ducta fuit in Cariathiarim, & tamen ibi pofta eft primo Regū 7. Item patet hoc, quia Ifraelitæ fanctificauerunt Eleazarum filium Abinadab ad custodiendum arcam eodem cap. & tamen fanctificatio, & custodia arce nullo modo pertinebat ad aliquem laicum. Item patet hoc per Iosephum quinto Antiquitatum dicentem, quod viri Cariathiarim introduxerunt arcam in domum cuiusdam Leuitæ nomine Abinadab, qui videbatur effer iuftus, & vita religiofus, & filij eius miniftrabant arce. Aliquis dicit aliter, fcilicet, quod ifte Oza Leuita erat, & tamen non erat facerdos: ideo peccauit tangendo arcam, quia non pertinebat hoc nifi ad sacerdotes, fic dicit Iosephus feptimo Antiquitatum, fcilicet extendens ille manum fuam, & volens eam retinere, cum facerdos non effer, quoniam eam attingere præfumpfit, extinctus eft. Sed ifta poftio non ftat, quia ifte Oza iam tetigerat eam alias, ipfe enim, & fratres eius portabant eam in plauftrum, & ipfe impofuerat eam fuper plauftrum in domo patris fui Abinadab: nam de ipfa domo portabatur: ideo à principio, cum tetigit eam ad ponendum fuper currum, mortuus fuiffet. Secundò quia ad Leuitas pertinebat tangere arcam: ipfi enim portabant eam de loco ad locum fuper humeros fuos: Num. feptimo, & in hoc tangebant eam: ideo nō moreretur Leuita aliquis propter hoc. Quod autem dicit Iosephus, quod tangere arcam pertineret ad sacerdotes, verum eft iftud quando erat nuda, quia tunc foli sacerdotes poterant eam tangere licite: ipfi enim intrabant in fancta Sanctorum, & velabant arcam operimentis fuis, & tradebant eam Leuitis portandam, etiam iterum cum figendum effer tabernaculum, deponebant Leuitæ arcam, & erecto tabernaculo sacerdotes introducebant arcam intra fancta Sanctorum, & difcooperiebant eam. Si autem aliqua vice iftarum tangerent Leuitæ, vel videret eam nudam moriebantur, vt patet Num. quarto, fed iftud non applicatur ad propositum. Aliquis autem dicit, quod mortuus eft nunc Oza, quia tetigit arcam, cum effer nuda, fed iftud non ftat, quia non erat nunc nuda: nam fi nuda effer, cum portaretur coram omnibus viderent omnes illam, & moreretur totus populus: fic enim fuit de viris Bethfamitis, de quibus mortui funt plures quam quinquaginta millia, eo quod viderunt arcam primo Reg. 6. Hoc tamen falum eft, quia nullus mortuus eft, nifi Oza, & ipfe mortuus eft quando tetigit arcam, & non prius: ergo non erat arca nuda. Alij autem dicunt, quod fuit mortuus, quia cum deberet portare arcam fuper humeros, impofuit eam fuper plauftrum. Dicendum, quod licet ifta fuerit aliqua caufa mortis Oza, ficut declarabitur fequenti quaftione, tamen non fuit caufa principalis, quia in litera dicitur, quod percuffit eum Dominus, eo quod tetigiffet arcam: ideo ex hac parte accipi oportet caufam principalem. Aliqui autem dicunt, quod mortuus fuit, quia erat immundus, & tetigit arcam. Nam tradunt Hebræi, quod precedenti nocte ifte Oza cognouerat vxorem fuam, & ifta erat immunda fecundum legem, nec licebat alicui fic immundo accedere ad Sanctuarium, vel tangere aliquam rem facram quoufque lauaret totum corpus fuum aqua, & manebat

nebat sic immundus usque ad solis occasum. *Leu. x. f.* Sed istud non videtur esse firmum, quia verum est, quod si cognouisset uxorem precedenti nocte, & nunc tangeret arcam, erat peccatum, & occideretur, & tamen tunc prius occisus fuisset, scilicet quando posuit arcam super plaustrum: nam ipse & fratres sui posuerunt eam super plaustrum, & minabant illud, ut pater supra in litera, & secundo Regum 6. & tamen tunc non mortuus est: ergo nunc non fuit mortuus pro hac causa. Si autem aliquis vellet tenere istam positionem, debet dicere, quod Oza non tetigit arcam, quando posita est super plaustrum, sed fratres eius posuerunt eam: ipse enim abstinuerat se ab ea, ut non percuteretur à Deo. Nunc autem videns subito, quod arca casura esset, non attendit, quod immundus esset, sed occurrit ei cadenti, & Deus percussit eum, ista positio fuit satis rationabilis, & satis sustentabilis. Aliter potest dici, & forte melius, scilicet, quod occisus fuit Oza, quia tetigit arcam irreuerenter: erat enim arca vas sanctissimum inter omnia vasa Sanctuarii, ideo cum magna veneratione tractanda erat, & tunc si aliquis tractaret eam irreuerenter dato, quod ad aliquod bonum finem faceret, peccaret, & hoc videtur magis consonare literæ, quia dicitur hic percussit eum super temeritatem, & sic iungendo utrumque, apparet, quod remere tetigit arcam, idest stultè, vel irreuerenter, & sic merebatur occidi, dato quod rem bonam ageret.

An occisus fuerit Oza, quia posuit arcam super plaustrum.

Quæst. XXVII.

QUÆRITUR vterius, an occisus fuit Oza, quia posuit arcam super plaustrum, quod erat contra legem. Respondendum, quod aut queritur an fuerit ista causa sola mortis sue, vel principalis, vel quod esset aliqua causa qualicumque. Si primo modo, dicendum quod non, quia causa principalis mortis Oza fuit, quia tetigit arcam, ut dicitur in litera, & etiam declaratum est precedenti questione. Si autem accipitur secundo modo, dicendum, quod fuit causa mortis sue positio arcæ super plaustrum, quia istud erat contra legem, & Deus solebat preuaricantes ceremonias suas occidere: sic enim fuit de Nadab, & Abiu filiis Aaron, qui errauerunt in ceremonia ignis, & occisi sunt à Domino: Num. cap. 14. sic etiam fuit de ducentis, & quinquaginta viris socijs Core, qui voluerunt usurpare ceremoniam oblationis incensi, & Deus occidit illos Numeri 16. Sed tunc dicitur quomodo positio arcæ super currum fuit causa mortis Oze? nam non fuit mortuus, quando posuit eam, sed postea quando tetigit eam in itinere. Respondendum sicut dictum est, quod non fuit sola causa mortis sue ponere arcam super plaustrum, licet esset causa sufficiens ad hoc, ideo si non tetigisset postea arcam, quando videbatur casura non occisus fuisset, & ob hoc etiam fuit tunc occisus, quando tetigit eam, quia ista fuit causa principalis mortis sue, & tamen fuit causa huius tactus, & mortis positio arcæ super currum, scilicet, quod si non posuisset eam super currum, Deus non induxisset eum ad talem casum, in quo deberet tangere arcam, & propter hoc mortem mereretur. Interdum enim unum peccatum est causa alterius, & non solum hoc modo, sicut dicit Gregorius, scilicet, quod peccatum, quod per penitentiam non deletur, mox suo pondere ad aliud trahit, sed magis alio modo, scilicet quia interdum homines offendunt Deum per aliquod peccatum, & tunc non punit eos temporaliter & corporaliter, & tamen punit aliter, scilicet permittendo eos venire in tale tempus, vel locum, ubi habeant magnam

pronitatem ad peccandum, & peccent, & si non offenderissent Deum prius, non permitteret Deus venire illos in tale tempus, in quo sit sibi quasi necessarium peccare: istud enim significat Dominus in oratione sua, dicens, Et ne hos inducas in tentationem, idest non permittas nos venire in talem locum, vel tempus ubi tentemur, & sit nobis difficile resistere, sed libera nos à malo, idest libera nos à tentatione graui, cui difficile est resistere. Interdum autem Deus permittit hominem venire in tales tentationes, ut sit ei difficillimum non peccare, sed quasi necessarium, & propter illud peccatum Deus infligit ei postea mortem, vel aliam penam, & tamen Deus non permittit cadere in tale peccatum, nec deuenire in tale locum, nec deuenire in tale tempus, nisi qui offendit Deum per alia peccata priora, ita fuit hic, idest quod offendit Oza Deum ponendo arcam super plaustrum, & Deus non occidit eum tunc, sed permisit venire in tale tempus, in quo videretur sibi debere tangere arcam casuram, & propter hoc occideretur. Sed tunc dicitur cum non solus Oza posuisset arcam super plaustrum, sed alij Leuitæ adiuuassent eum quomodo non occisi sunt illi? Dicendum sicut supra, quod causa principalis mortis Oza non fuit ponere arcam super plaustrum, sed tangere eam, quando casura videbatur, & quia nullus Leuitarum tetigit eam tunc nisi Oza, ipse solus occisus est. Sed adhuc dicitur cum ista positio arcæ super plaustrum fuerit causa quare Deus permiserit, quod deueniret Oza ad talem opportunitatem, ut tangeret arcam, & moreretur, quare non fuit factum sic de alijs, ut etiam tangerent ipsam arcam, quando casura erat, & morerentur? Responderi potest dupliciter, vno modo, quod omnes isti permitti sunt à Deo peruenire ad aliquas tentationes, in quibus peccarent, & occiderentur, & tamen prius fuit hoc de Oza, quam de alijs, etiam Oza punitus est in hoc, quod erat manifestum toti populo, & pertinebat ad propositum sacræ scripturæ: ideo descriptum est. Alij autem forte puniti sunt secrete, & in aliquo quod non pertinebat ad propositum sacræ scripturæ: ideo non fuit descriptum de morte eorum. Aliter potest dici, quod solus Oza permittus est à Deo venire in talem opportunitatem peccandi, & in mortem. Alij autem non, & hoc, quia Oza magis peccauit, quam ceteri: nam forte Oza fuit precipuus in ponendo arcam super plaustrum, & reliqui sequebantur preceptum, & sic attribuit sibi quasi totum peccatum: ideo ipse solus cadere in ipsam tentationem permittus est.

An peccaret Oza tangendo arcam, quando ipsa casura erat.

Quæst. XXVIII.

QUÆRITUR vterius dato, quod non pertineret ad Ozam tangere arcam, vel quod ipse esset immundus, an peccabat tenendo arcam, quando ipsa casura erat, vel si debebat potius illam permittere cadere in terram. Respondendum est, quod fundamentum huius dubij est, an licebat alicui propter necessitatem facere aliquid de ceremonijs sacris, quod alias non pertinebat ad eum. Respondendum est, quod aut aliquis, ad quem non pertinet sacrum facere, vult illud facere propter necessitatem omissionis, vel propter necessitatem constructionis. Vocatur autem necessitas omissionis, quando necesse est omitti aliquam ceremoniam sacramentali nisi aliquis faciat eam, ad quem non pertinet de iure facere, ut pote statutum erat in lege, quod in die propitiationis summus sacerdos faceret certas ceremonias, & ingrederetur in sancta Sanctorum, & non licebat hoc facere nisi ei sub pena mortis: *Leu. 16.*

& ad Heb. 9. si contingeret, quod illa die summus sacerdos egrotaret, vel pollueretur, aut haberet aliquid aliud propter quod non posset ministrare, an liceret alicui sacerdoti minori facere illas ceremonias: nam non erat alius summus sacerdos, qui suppleret locum eius cum esset vnicus summus sacerdos. Si autem concedatur, quod licebat sacerdoti minori supplere locum eius, erit hic necessitas omissionis, scilicet, quod permittitur isti sacerdoti minori facere ceremoniam, quæ aliàs non licebat ei, & hoc, quia necesse est omitti illam nisi iste vel alius, cui non licet supplere eam, sic etiam pro singulis festis, & singulis alijs diebus statuta erant in lege veteri sacrificia: Numeri 28. & 29. Ponatur quod aliquo die deficeret sacerdotes in templo, ita quod ibi nullus esset, nec haberi posset qui faceret sacrificium, an liceret alicui Leuitæ facere sacrificium? Si dicatur, quod licebat, erat ista necessitas omissionis, & sic possunt poni multa alia exempla. Necessitas autem destructionis est, quando aliquid sacrum necesse esset destrui, nisi aliquis, ad quod non pertinebat faceret aliquam ceremoniam sacrâ, vtpote non licebat alicui laico, vel Leuitæ intrare in tabernaculum fœderis, detur tamen, quod succederetur, & non essent sacerdotes, qui occurrerent, vel ipsi non sufficerent ad occurrendum, an liceret laico ingredi tunc in tabernaculum fœderis ad extinguendum ignem, & si permittatur fiet propter necessitatem destructionis, accipiendo primum membrum distinguendum est. Quod autem ceremonia sacra, quæ debet fieri sit ex potestate characteris, aut non. Si primo modo non potest suppleri per aliquem quantumque sit necessitas, vtpote consecratio corporis Christi sit à sacerdote, & hoc virtute characteris imperfetti in ordine: ideo non potest hoc effici per non sacerdotem: nam si aliquis laicus, vel in quocunque ordine sacro infra sacerdotalem conetur conficere, peccat nimis, & ultra hoc nihil facit, quia non erit ibi corpus Christi: ideo dicendum, quod circa talia quantumque necessitas sit, non licebit alicui facere ceremoniam sacram, quam aliàs non licebat facere, vtpote si aliquis laboret in extremis, & petat Eucharistiâ, nec sit aliquis sacerdos, qui conficiat, non debet quicquam ad absoluendum pendere ex characteris ordinis sacerdotalis. Si autem aliquis sit in mortis articulo, & non sit presens aliquis sacerdos, nec haberi possit, non licebit propter hoc alicui non sacerdoti absolueri illum, & dato, quod proferat verba absolutionis nihil confert, quia istud pendet ex clauibus, quas iste non habet, idem est de collatione ordinum sacrorum, quos non potest conferre nisi Episcopus, & dato, quod aliquis alius faceret omnes illas ceremonias collationis ordinis nihil confert. Dicendum tamen est, quod in lege veteri nunquam accidebat iste casus, quia nihil erat ibi, quod penderet ex potestate characteris, nec erat ibi aliquis character, nec ordo, sicut inter nos, sed erant nudæ ministrationes, ideo quamquam secundum ordinationem legis quadam pertinerent ad Leuitas, & quadam ad sacerdotes minores, & quadam ad sacerdotem magnum, poterat tamen de facto Leuita facere id, quod pertinebat ad sacerdotem, & si sacerdos, factum erat, cum non esset ibi aliqua spiritalis virtus, quæ penderet ex characteris sed erant omnes ministrationes corporales, quæ de facto poterant fieri per quemcunque. Secundum membrum huius partis erat in illis, quæ non pendunt ex characteris, an propter necessitatem omissionis possint suppleri, & dicendum est, quod aut in talibus statutum est aliquid de supplendo, vel non sup-

plendo, aut nihil: si statutum est, tenendum est, siue dicat posset suppleri, siue vetet: sic enim est in plurimis ceremonijs noui testamenti: nam licet conficere Eucharistiâ dependet à characteris, tamen ministrare illam egrotantibus, vel quibuscunque petentibus nudæ ministrationis est, nec pendet ex aliquo characteris, iura tamen decreuerunt, quod nullus ministraret Eucharistiâ, nisi sacerdos, & in necessitate posset eam ministrare diaconus, & quamquam aliquis in articulo mortis petat Eucharistiâ, & illa sit confecta, & non sit presens sacerdos, vel diaconus, non licebit laico assumere Eucharistiâ, & ministrare illam morituro, sic etiam est de executione ordinis diaconalis: nam legere Euangelium pertinet ad diaconum, & quamquam in diaconatu sit character, tamen legere Euangelium in habitu & cum solemnitate nudæ ministrationis est, & quilibet potest de facto illud efficere, & tamen quantacunque necessitas esset, non licet alicui non diacono in habitu diaconali, & cum solemnitate Euangelium cantare, quia iura sic decreuerunt. Si autem circa hoc nihil statutum sit, tunc considerata sunt duo, scilicet necessitas, an sit magna, vel parua, & officium, quod sit an nimis distet à conditione, & statu eius qui facit, & secundum hoc poterit iudicari an ceremoniæ possint licite suppleri. Primum est necessitas, & attendendum, quod si necessitas ceremoniæ est parua, ita quod satis potest excusari sine scandalo, & sine magno detrimento cultus diuini, non potest suppleri per aliquem, cui aliàs non licebat hoc facere. Si autem sit magna necessitas, & detrimentum cultus diuini, suppleri potest. Sic patet 1. Paralip. 29. scilicet in solemnitate Pasquali postquâ Ezechias purgauerat templum Dei ab idolatria, & congregauerat populum ad faciendum ceremonias legis, defuerunt sacerdotes, etiam pauci erant, & non sufficiebant: ideo adiuerunt eos Leuitæ, cum dicitur: Sacerdotes verò pauci erant, & non poterant sufficere, vt pelles holocaustorum detraherent, vnde & Leuitæ fratres eorum adiuerunt eos, donec impleretur opus, & sanctificarentur antistites. Pertinebat autem ad solos sacerdotes facere sacrificia, & omnes ceremonias sacrificiorum. Leuitis autem nullo modo licebat accedere ad altare: Num. 3. & 16. & 18. & tamen nunc propter necessitatem adiuerunt Leuitæ sacerdotes detrahendo pelles holocaustorum. Hoc autem, quia erat magna necessitas, nam erat magnus scandalus, quod tunc non fierent multa sacrificia, cum tunc totus populus conuenisset ad purgandum templum, & ad obseruandum ceremonias legis, diminuebatur etiam nimis in hoc cultus Dei, quia Achaz rex impiissimus pater Ezechie fecerat cessare omnes ceremonias cultus diuini, & posuerat idola in templo, & postea clauferat illud, vt nemo illuc introiret: sequenti libro capit. 28. & 19. Ezechias autem filius eius vir deicola animauerat populum, vt zelaret legem Dei, & restituerent ceremonias perditas, & tunc purificauerunt templum, excludentes inde omnem immunditiam idolorum, quod facto, omnes de populo propter magnam leuitiam offerebant sacrificia multa. Si autem propter defectum sacerdotum cessarent sacrificia, ita quod non possint adiuuari per Leuitas, impeditur iste magnus cultus Dei, qui valde deuote ei impendebatur, & refrigeret magna deuotio populi, qui tunc incipiebat cum magno fœnore ceremonias legis: ideo vt non impediretur tantum bonum, fuit rationale, vt Leuitæ adiuaarent sacerdotes ad detrahendum pelles. Sic etiam factum est de supplementatione officij summum sacerdotis: nam ad solum summum sacerdotem pertinebat facere ceremonias diei expiationis, & introire illa die in sancta Sanctorum, &

tamen

tamen si contingeret summum sacerdotem impediri, utpote quia egrotaret, vel pollueretur, supplebat sacerdos minor vicem eius, & pro illa die erat summus sacerdos: sic enim refert Iosephus 17. Antiq. accidisse viuentem Christo, & regnante Herode in Iudæa: nam Mathias, qui erat tunc summus sacerdos nocte præcedenti diem expiationis, quæ est decima dies Septēbris, visus est sibi per somnium cuidam femina commisceri, & sic pollutus est: ideo non potuit sequenti die facere ceremonias, quia non habuit spacium ad se purificandum: nam tales erant immundi vsque ad solis occasum sequentem: Leu. 15. & ob hoc ministravit pro eo illo die Iosephus filius Helim cognatus eius secundum carnem: erat enim magna necessitas ad hoc, quod fieret ista suppletio: nam non erat aliqua dies solemnis tantæ necessitatis apud Hebræos, sicut dies expiationis: in illa enim confitebatur summus sacerdos omnia peccata populi super caprum emissarium, & per hoc remittebantur omnes iniquitates populi: Leu. 16. In nulla autem alia solemnitate fiebat sic remissio peccatorum, ideo non debebat omitti talis suppletio, quia esset magnum scandalum populi, & diminutio cultus diuini, considerandum erat, quod officium illud, vel ceremonia, quæ supplebatur, modicum distaret à conditione illius personæ, quæ supplebat. Ob hoc autem non posset aliquis pure laicus supplere aliquas ceremonias sacerdotales, quia nimis distant in gradu, cum inter sacerdotes, & mere laicos sint Leuitæ medij. Propter hoc etiam non possent supplere ceremonias summi sacerdotis, quia inter Leuitas, & summum sacerdotem est alius gradus medius, scilicet sacerdotum minorum, Leuitæ quoque non poterunt supplere ceremonias maximas sacerdotum minorum, vel ministrare in altari, quia multum istæ distant secundum dignitatem à ceremonijs Leuitarum possunt tamen Leuitæ supplere ceremonias minimas sacerdotum minorum, & istud est tollendo pelles animalium immolatorum, & lauando intestina ad hoc, quod essent munda pro sacrificio, istud patet secundo Paralip. 29. nam quamquam esset ibi magnus defectus sacerdotum, non adiuuerunt eos Leuitæ ad iugulandum animalia in latere altaris, nec ad fundendum sanguinem holocaustorum, & aliorum sacrificiorum super cornua altaris, vel ad basim, nec etiam ad ponendum ligna super altare, vel ad componendum carnes in eo, ut cremarentur, quæ omnes sunt ceremoniæ sacrificij: Leu. primo sed solum adiuuerunt Leuitæ sacerdotes tollendo pelles animalium, eo quod istud erat minimum ministerij sacerdotale, quia quantum ad istud non accedunt ad altare, sic etiam est quando sacerdos minor supplet locum sacerdotis magni in die expiationis: nam modicum distat status eius à statu summi sacerdotis. Primo quia ille debet esse talis, ad quem possit summus sacerdotum venire iure hereditario, & ideo ille, qui supplet locum sacerdotis magni debet esse de genere suo, si posset haberi, sic patet in suppletionem illa, quæ refert Iosephus 17. Antiquitatum. Nam Iosephus suppleuit locum Mathie, & erat cognatus eius secundum carnem. Etiam quilibet sacerdos magnus differebat modicum in statu à summo sacerdote in officio, licet esset secus in iurisdictione. Nam minor sacerdos poterat introire in tabernaculum, & facere sacrificia, & ponere panes super mensam propositionis, & accendere lucernas candelabri, & facere cetera, quæ facit summus sacerdos: Exod. 27. & 30. ut ibi declaratum est. Solum autem differt summus sacerdos à minori, quia ipse poterat introire in sancta Sanctorum semel in anno, & minor sacerdos non: Leuit. 16. & ad Hebr. 9. & tamen aliquando introibant

minores sacerdotes in sancta Sanctorum, scilicet quando mouendum erat tabernaculum: nam tunc locabant arcam, & tradebant eam velatam Leuitis, & rursus quando figendum esset tabernaculum, minores sacerdotes introibant cum magno sacerdote in sancta Sanctorum portantes arcam velatam, & ibi descooperiebant eam, & relinquebant in loco suo: Numeri quarto, ideo conuenienter poterat supplere officium summi sacerdotis per minorem sacerdotem. Secundum membrum principale erat, an debeat fieri suppletio propter necessitatem destructionis, & tunc videtur dicendum generaliter, quod quicumque homo cuiuscunque status sit, & etiam si sit constitutus in peccatis, potest facere licite immo meritorie aliquam ceremoniam, quæ aliàs non erat ei licita, sic patet de ceremonijs noui testamenti, scilicet non licet alicui laico sumere Eucharistiam manibus suis, & tollere eam de loco ad locum, & tamen si videret, quod cremabatur Ecclesia, & esset ibi Eucharistia, siue in aliquo vase, siue per se, licebat ei tollere illam manibus suis, dum tamen faceret cum reuerentia qua posset, ne cremarentur species illæ sacramentales: nam sine dubio cremari possunt, & putrescere, cum sit aliquid creatum, & satis fragile. Corpus autem Christi, quod sub eis latet, cremari non posset, licet maneat in medio ignis, quia iam Christus est impassibilis, cum resurrexerit, iuxta illud ad Rom. 6. f. Christus resurgens à mortuis iam non moritur, & mors illi ultra non dominabitur. Sic est si aliquo casu Eucharistia iaceret in luto, vel in aliquo loco inhonesto, & non esset aliquis sacerdos, qui eam tolleretur, posset, immo deberet quilibet laicus eam inueniens tollere de loco illo, & ponere in loco honestiori, dum tamen hæc omnia fiant cum magna reuerentia, immo si aliquis inueniens eam sic, credens se indignum tangere eam dimitteret illam propter hoc iacere in terram, grauitur peccaret, quasi sicut ille, qui in lutum proiecerat, & tamen ille grauissime peccauit, ut patet in Decret. 1. q. 1. cap. interrogo vos. Similia autem poterant accidere in testamento veteri: non enim licebat alicui hominum intrare in sancta Sanctorum, nisi summo sacerdoti in die propitiationis, ut supra dictum est, si tamen contingeret succendi domum illam poterat quilibet occurrere intrando in eam, quia alias statum, & talis necessitas excusat omnem gradum, & statum, & conditionem, quia tollit legem posituam, & tamen si hostes portarent eam, poterant laici eripere de manibus eorum, & tollere si nullus Leuita esset, qui hoc faceret. Etiam non licebat alicui Leuitæ, vel populi videre arcam Domini, vel alia vasa tabernaculi nuda, alioquin moreretur, & tamen si hostes prædarentur illa vasa licebat ea videre cuilibet, & manibus eam tenere. sic in multis alijs casibus est, & sic dandum est pro regula generali, quod vbicumque necessitas destructionis euenit, non habet locum lex positua, & omnes ceremoniæ cessant, & potest quilibet facere quod alius facit. Sic autem fuit in proposito: nam boues portantes arcam calcitraverant, & inclinauerant eam, ita ut videretur casura, & si caderet, frangeretur, & esset opprobrium totius Israel: ideo tangendo eam, ut non caderet, dato quod ipse esset immundus, scilicet quod cognouisset uxorem suam, vel etiam dato, quod non esset Leuita, non peccaret, sed potius mereretur. Potest tamen dici, quod peccauit tangendo eam, quia boues modicum inclinauerant arcam, & non videbatur vere casura, nec erat periculum, ipse tamen voluit tenere eam: ideo superbie egit, & fuit temerarius in hoc, quia non debebat accedere ad illam nisi ex magna necessitate, & sic est 2. Reg. 6. quod percussit eum Dominus super temeritatem suam, vel potest dici, quod arca vere videbatur casura, & licite

licitè poterat ipse tenere illam, & tamen tenendo eā commisit quandam irreuerentiam, & propter hoc mortuus est. Nam quidquid istorum fiat semper debet fieri cum magna veneratione. Et hoc potest significari per id, quod habetur 2. Regū 6. f. percussit eum super temeritatem suam, i. propter irreuerentiam, quā commisit: nam qui temere agit, irreuerenter agit, s. impetuosè non obseruata modestia. Aliter etiam potest dici, q̄ dato, quod liceret cuicunque homini in hoc casu tangere arcam propter necessitatem, tamen non licuit Oze, eo q̄ respectu ipsius non erat necessitas: sibi. n. imputandum erat, qui fuit in culpa, vt talis necessitas eueniret: sic enim est de iure in excusatione à sententia excommunicationis, & à quibusdam alijs penis, quia timor, qui potest cadere in constantē virum excusat ab istis, & tamen si aliquis fuit in culpa, & præstitit occasionem, vt incideret in talem timorem, non excusatur propter timorem: sic. n. fuit de Oza: nam ipse peccauit ponēdo arcam super plaustrum, cum debuisset portare hameris suis: ipse enim præstitit causam ad istam necessitatem, quia talem se constituit, vt inde posset sequi ista necessitas, ideo licet postea secuta fuerit, & propter eam ipse tetigerit arcam, non excusatur, sed habetur, ac si tetigisset eam sine necessitate.

Quo genere mortis Oza mortuus est.

Quest. XXXIX.

QVAERITVR vterius quo genere mortis Oza mortuus est. Respondendum, quod multis modis poterat Deus percutere Ozam, vt moreretur: poterat enim percutere eum aliqua peste, quæ in ictu oculi occideret eum, & esset ista percussio per modum egritudinis, & non per modū pene ab extra inflicte, vel poterat fieri per aliquam penā ab extra inflictam, vt pote quod Deus mitteret aliquod fulmen super ipsum, & occideret illum, vel veniret aliquis ignis de cælo, & cremaret eum, sicut ad preces Elias descendit ignis de cælo, & deuorauit duos quinquagenarios, & centum viros cum eis quarto Reg. primo, vel poterat hoc fieri immisso aliquo lapide de cælo, sicut Deus misit lapides magnos grandinis super quinque reges Amorrhæos, & exercitum suum fugientes à facie Iosue in die, qua stetit sol, & plures occisi sunt lapidibus, quam gladio Hebræorum, vt patet Iosue 10. vel poterat aliquis Angelus bonus venire ad vexandum eum, & subito strāgulare ipsum comprimēdo guttur eius, vel alias torquendo in corpore. Sic enim fuit de Moyse, quando reuertebatur de terra Madian in Aegyptum, & ducebat filium incircuncisum: nam Dominus occurrit ei in diuerforio, idest Angelus eius, & volebat occidere eum quousque Sephora sumpto lapide acuto circumcidit carnem præputij pueri: Exod. quarto. Vel poterat esse aliquis dæmon, cui traderetur Oza ad occidendum, & ille subito occideret eum: sic enim fuit de septem viris, qui susceperunt successiue Saram filiam Raguelis in uxorem: nam accipiebant eam solo desiderio carnis: ideo traditi sunt dæmoni, qui vocabatur Asmodeus, & suffocabat eos illico antequam cognosceret eam, vt patet To. 6. & interdum etiam traditur aliquis homo non solum à Deo, sed etiam à prelati potestate diaboli, vt occidat eum diabolus in penam peccati, & per hoc saluetur, sicut fecit Apostolus qui tradidit Corinthium diabolo, vt occideret eū, & saluus fieret spiritus eius in die Domini in 1. ad Corinth. quinto. Multis quoque alijs modis hoc fieri poterat, quia tot modis potest Deus rem facere, quot voluerit. Dicendum tamen, quod ista mors qualiscūque fuerit, subitanea fuit. Quod patet, quia si esset

A per aliquantam moram, putaretur, quod naturaliter eueniebat. Deus autem nolebat istud, sed quod appareret, quod illa mors fuisset ab eo inflicta propter peccatum Oze, ideo oportet, quod esset subitanea: nam mors subitanea sine nulla causa precedente raro naturaliter euenire solet. Dicendum etiam, quod ista mors nō fuit causata per modum egritudinis, ita q̄ Deus immitteret ei aliquam pestē per quā periret nullo malo extra inflicto, sed fuit causata per aliquid extra inflictum, & apparēs causa huius est, quia Deus volebat ostendere, q̄ ista mors infligebatur ab eo, vt omnes timerent eum, & nullus auderet errare in ceremonijs legis. Simile patet Num. 16. vbi occisi sunt ducenti quinquaginta viri, quia obtulerunt incensum, cum non pertineret ad eos, & iussit Deus thuribula eorum extendi in laminas, & affigi altari holocaustorum, vt omnes Israelitæ videntes eas, scirent quomodo mortui fuissent illi viri, quia usurpauerant sacerdotium, & deinceps nullus auderet accedere ad altare, qui non esset de genere Aaron, si tamen ista mors fuisset per causam intrinsecam, & non per aliquid extra inflictum, putaretur, quod naturaliter euenisset, quia interdum solent sic aliqua naturaliter euenire, ideo debuit esse per causam extrinsecam apparentem, deinde dicendum, quod licet plures modi poterant esse ad infligendum mortem istam, sicut supra declaratum est, tamen magis credendum est, quod per ignem fuit occisus Oza, quam per alium modum: iste enim est modus, per quem Deus magis puniebat: nam quando Israelitæ murmurauerunt in deserto contra eum accensus est ignis, & deuorauit eos: Num. 11. Et potissimè appareret hoc, quia iste occisus est, eo quod peccauit in ceremonijs Dei, s. tangendo arcam indebite, & tamen illi, qui errabant circa ceremonias, vt communiter puniebantur per ignem, sic patet de Nadab, & Abiu duobus filiis Aaron, qui errauerunt in ceremonia ignis offerēdo ignem alienum, & egressus est ignis à Dño, & cremauit eos Leuit. 10. sic ēt fuit de ducentis, & quinquaginta viris, qui voluerunt offerre incensum coram Dño, cum non pertineret ad eos, & ignis egressus est & combussit illos: Num. 16. & pro hac causa cum populus murmuraret contra Moysē, & Aaron, ignis egressus est, & combussit de populo quatuordecim millia, & septingentos eodem capit. ideo quamquam scriptura non exprimat genus mortis, magis credendum est, quod fuerit per ignem, quam alias.

Quare hic dicitur, quod Oza mortuus fuerit coram Domino.

Quest. XXX.

QVAERITVR vterius quare dicitur, quod mortuus est Oza coram Dño. Respondendum, quod mortuus est coram arca, & in illa Deus erat specialiter, vt supra declaratum est, ideo dicebatur mori coram Dño. Ratio autē quare mortuus fuit coram arca fuit duplex, prima, vt moreretur statim postquam peccauit, nam mortuus est Oza, quia tetigit arcam, ideo ad hoc, q̄ appareret, q̄ propter hoc moriebatur debebat mori illico: nam si moreretur post aliquantum tempus posset putari, q̄ moriebatur ex alia causa: debuit ergo mori coram arca, s. q̄ mox, vt tetigit eam corrueret mortuus coram illa. Secunda causa erat, vt puniretur in eo, in quo deliquerat: ipse. n. deliquerat tangendo arcam, ideo coram arca mori debuit. Sic. n. fuit de Nadab, & Abiu filiis Aaron, qui peccauerunt accipientes ignem alienum ad offerendum cum deberet illum accipere de altari holocaustorum, combussitque illos, & dicitur: Egressus ignis à Domino deuorauit eos, & mortui sunt.

funt coram Domino. Et accipitur ibi Deus pro altari holocaustorum, quia ibi specialiter erat Deus, & ibi ipsi peccauerunt: Leu. 10. sic etiam fuit de illis ducentis quinquaginta viris, qui volebant offerre incensum, & ignis egressus à Domino, idest ab altari combussit eos dum erant offerendo: Num. decimosexto. Peccauerat autem Oza coram arca, ideo coram ea mori debuit.

Quid nam suspicandum sit de statu ipsius Oza.
Quæst. XXXI.

QUÆRITUR vltius de statu istius Oza quid suspicandum sit. Aliquis autem dicet, quod periit eternaliter, quia mortuus est in peccato mortali, & morietes sic pereunt.

Patet hoc, quia iste peccauit tangendo arcam, & illico mortuus est, ideo periit in peccato mortali. Respondendum est, quod aut queritur an in aliquo modo iste poterat saluari, vel an suspicandum sit, quod damnatus sit aut saluus. Si autem primum queratur dicendum certum esse, quod iste poterat saluari: nam iste peccauit, potuit tamen conteri, quia spacium habuit, in quo contereretur, ideo potuit saluari. Et patet quia contritio non eget longo tempore, sed quidam motus subitaneus animæ est. Iste autem non periit in eo instanti, in quo peccauit, nec in ipso, in quo sibi pena inflicta est, sed aliquamdiu durauit illa pena licet modicum, & in illo modico etiam in pena constitutus dolere poterat, & non periret, vt declarabitur infra in quodam exemplo. Si autem queratur de secundo dicendum, quod non apparet quid manifeste tenendum sit, & tamē satis possumus suspicari, quod saluus sit, quia pena ista fuit grauis, scilicet mors, quæ est vltimum terribilium tertio Ethi. Peccatum tamē non fuit grauissimum, quia alia sunt grauiora nimis: ideo satis credendum est, quod ista pena fuit ei inflicta ad expiationem totius culpe: sic enim patet de multis alijs qui in peccato mortui sunt, & tamen de eis tenetur, quod salui sint, scilicet genus humanum diluuiū periit propter peccata Genes. 7. Et Sodomitę perierunt igne celesti: Gen. 19. Aegyptij perierunt in mari Rubro in peccato persecutionis: Exod. 14. Israelitę quoque sepe occisi fuerunt à Deo in deserto per ignem, & pestem, & alios modos propter murmurationem: Num. 11. & 14. & 21. & tamen de istis dicit Hieronymus super Naum, scilicet: Scitote ideo temporaliter pro peccatis fuisse punitos, ne in eternum punirentur, quia non iudicat Dominus in idipsum bis. Illud etiam tenet Magister sententiarum 4. dist. 25. Patet etiam per Beatum Bernardum lib. 2. speculi virginalis, cum dicit de quodam clerico, qui insinuat est monialibus, dum iuerunt ad dicendum matutinum, & abscondit se in lectulo cuiusdam, ipsa ignorante, vt cum rediret de matutino cognosceret illam, interim autem diabolus venit, & suffocauit clericum iacentem in lecto, quem inuenientes moniales admirate sunt quomodo hoc accidisset, & cum lachrymis orauerunt Dominum, vt indicaret eis statum illius, apparuitque eis non post multum significans se purgatorij teneri cruciatibus, & inde illarum precibus posse eripi, eo quod in ipsa quasi subitanea demonis suffocatione de peccato suo doluit, & purgatorio igni relictus est. quanto magis iste Oza, qui vigilans erat quando à Domino punitus est, & poterat habere maius spatium penitendi.

Quare mortuo Oza contristatus fuerit Dauid.
Quæst. XXXII.

QUÆRITUR vltius quare contristatus fuit nunc Dauid mortuo Oza. Respondendum, quod propter multa. Primo ex cōpassione eius, qui mortuus est: dolebat enim, quod tam subito, & pro tam leui culpa à Domino occideretur, & hoc dicitur in litera, scilicet contristatus est Dauid, eo quod diuississet Dñs Ozam, idest occidisset. Secundo propter letitiam totius populi, quæ turbabatur: nam magna exultatio erat populi nunc quādo portabatur arca, omnes quippe cantabant, & psallebant in vasis musicis, nūc vero mortuo Oza conuersum est gaudium suum in luctū, & cythara sua in vocem flentium, & iam nō canebat sicut prius, hoc aut erat molestum Dauid, qui inchoauerat istam translationem cum magna iocunditate. Tercio propter offensam Dei. Sciebat. n. Dauid, quod ista translatio non esset nimis accepta Deo cum ipse percuteret Ozam propter errorem, qui acciderat in illa. Quarto dolebat Dauid propter seipsum, quia frustrabatur gaudio iam concepto: disposuerat. n. adducere arcam Dñi in domum suam, & fabricauerat ei locū. Nunc aut propter mortem Oze nō audebat eam illuc ducere, vt patet ex litera, ideo tristabatur, quia nō euenerat sicut ipse volebat.

Quare Dauid tunc timuerit Dominum. *Quæst. XXXIII.*

QUÆRITUR vltius quomodo dicitur hic, & timuit Dauid tunc temporis Dñm, quia videtur ex hoc, quod prius non timeret Dñm. Respondendū, quod Dauid ante hoc timebat Dñm, vt semper timuit, & tamen nunc timuit eum plusquā prius propter casum istum accidentem, quia ea, quæ presentia sunt sensibus, magis immutantur, quam ea, quæ solum intelliguntur. Nunc aut Dauid vidit aliquid horrendum à Deo factum, ideo mutatus est nimis ad timendum. Sed obijcietur, quod Dauid non timeret nūc magis Dñm, quam prius, quia aut hoc erat, quia nūc magis cognoscebat potentiam Dei ad puniendum, aut quia magis sciebat, quod Deus esset modicum patiens circa offensas suas, & quod illi committeret penam. Non quantum ad primum, quia Dauid sciebat Deum esse omnipotentem, ideo poterat inferre quancunque penam vellet, nec de hoc aliquis homo dubitare posset, quamquam nunquam vidisset experimentum aliud quod seueritatis Dei nisi esset infidelis. Secundum et nihil agit, quia Dauid ante hoc sciebat experientiam quō Deus consueuerat acriter punire offensas suas, sicut enim fuit in filiis Aaron Nadab, & Abiu, qui pro paruo errore à Dño combusti sunt Leu. 10. & ducenti quinquaginta viri volentes offerre incensum combusti fuerunt Num. 16. & quod magis nouum erat de Bethsamitis perierant plusquam quinquaginta milia, quia viderant arcam primo Reg. 6. non ergo poterat magis instrui Dauid per aliqua experimenta diuine seueritatis. Dicendum, quod Dauid motus fuit nunc ad timendum Deum magis, quam prius non propter primum, scilicet quod cognosceret magis potentiam eius, quia et sine experimento sciebat eam, sed propter secundum, scilicet quia habuit experimentum de diuina seueritate. Et cum obijciatur, quod Dauid iam habuerat multa experimenta de ista seueritate, dicendum quod multa transierant, & tñ nullum illorum Dauid viderat. Nouissimum. n. illorum erat mors Bethsamitarum, quia viderant arcam, & tñ Dauid non vidit illud, immo nec erat natus, quā illud accidit, sed postea per decē quasi annos natus est. Quod patet, quia arca ducta est à Philistinis iudicante Heli summo sacerdote, & tñ ipse mor-

Contritio
pōt esse in
motu sub
tanco.

mortuus est audito, quod arca capta esset à Philistinis 1. Reg. 4. & successit ei in principatu iudicatio Samuel: nam totum tempus sequens computatur sub Samuel, & Saul. Stetit autem arca in terra Philistinorum mensibus septem 1. Reg. 6. qui subtrahendi sunt de tempore Samuelis, & post hoc illico accidit mors Bethsamitarum cum reduceretur arca de terra Philistinorum eo. c. Dies in Samuelis, & Saulis, qui computatur sub regno Saulis fuerunt quadraginta anni, ut patet Act. 13. & sic à principio iudicatur Samuelis usque ad mortem Saulis fuerunt anni quadraginta, & in David erat annorum 30. quoniam mortuus est Saul, quia 2. Reg. 5. dicitur, quod triginta annorum erat David, quoniam constitutus est rex super Iudam, & in constitutus est rex mox post mortem Saulis, ut colligitur eod. lib. c. 1. & 2. Ergo decem annis cepit Samuel iudicare Israel antequam David nasceretur, & in solum septem menses transierant de tempore Samuelis, quoniam arca reducta est de terra Philistinorum, & accidit mors Bethsamitarum, ut supra dictum est: ergo quasi decem annis ante natiuitatem David fuit mors Bethsamitarum, & sic David non potuit videre aliquod experimentum diuine seueritatis, quam sciret, siue crederet multum fuisse ante eum, & tamen, ut dictum est non tamen immutant ea, quae intelliguntur sicut ea, quae sensibus percipiuntur. Et ideo huius est, quia timor passio quaedam est in parte sensitua, non mouetur autem ista pars ad aliquam afflictionem nisi ab alio moueatur, potest tamen intellectus mouere istam partem ad gaudium, tristitiam, vel timorem, secundum quod representat sibi aliquid tamquam bonum, vel tamquam malum, ea tamen, quae per solum intellectum fiunt cum sint multum spiritualia, non possunt vehementer mouere partem sensitiuam, quae est de conditione corporis, ideo indiget similibus sibi ad hoc, quod immutetur, & quia ea, quae videntur sunt multum materialia, & praesentia maxime immutant partem affectiuam ad quamcunque passionem, & sic nunc David videns istam seueritatem Dei, quod nunquam viderat, timuit nimis plusquam sciendo, quam tempore praeterito Deus exercuisset aliquas seueritates.

David, quam speciem timoris habuit.

Quaest. XXXIII.

QVAERITUR ulterius, quam speciem timoris habuit nunc David. Respondendum est ad cuiusmodi huius, quod multi sunt timores, scilicet naturalis, humanus, seruilis, initialis, castus, filialis, amicalis. Primus est naturalis, secundum quem naturaliter formidamus ea, quae nocua sunt corpori, & fugimus illa, & iste timor non dicit aliquod vitium, sed solum naturae affectionem, secundum quam euitamus id, quod nocuum est corpori, non distinguendo an ex iusta causa, vel ex iniusta, nec ita, ut propter eum faciamus aliquod malum, vel non, & talis timor est in omnibus viris etiam virtuosus, cum in eis maneat conditio naturae, & iste fuit in Christo, per quem mori timebat, cum dixit: Tristis est anima mea usque ad mortem. Et iterum: Pater si fieri potest transeat à me calix iste: Matth. 26. Secundus est timor humanus, secundum quem homo timet sibi infligi mala in corpore ab illis, qui potestatem habent, iste timor aliquantulum coincidit cum naturali, & tamen differt, quia naturalis non laudatur, nec vituperatur, iste autem aliquantulum est vituperabilis: nam tunc timorem humanum vocamus, cum propter timorem nocuum corpori à virtute recedimus. Et patet hoc, quia si non esset vituperabilis, non esset de numero fugiendorum, quia ista duo conuertuntur secundum Aristotelem in Ethicis. Quod autem sit de fugiendis patet Matth. 20. cum dicitur. Nolite timere eos, qui occidunt cor-

Apus, animam autem non possunt occidere. Timor autem naturalis non est de numero fugiendorum, quia non est aliquod malum. Tertius timor est mundanus, secundum quem timeamus pati damna in rebus possessis, & iste est vituperabilis, quia est mundanus, quoniam propter timorem diuinorum à virtute recedimus, & iste est peior quam humanus, quia licet vterque inducat peccatum, tamen humanus inducit peccatum ex causa maiori, & rationaliori, quam mundanus, inquantum melius est corpus nostrum, quam diuitiae. Nullus istorum trium est respectu Dei, sed aliarum rerum. Quartus timor est seruilis, & est ad Deum, secundum quem timet homo offendere Deum ne puniat eum, vel secundum quem timet penas absolute à Deo sibi inferri: vocatur seruilis, quia est ad modum seruorum: serui, enim non timent offendere Deum, quia diligunt eum, sed quia sciunt, quod inferrentur eis graues penas, pro hoc itaque non diligit eum, nec desiderat vitam eternam, sed solum, ut euitet penas eternas, vel temporales, Deum colit, deum habere timorem seruilem. Quintus timor est initialis, secundum quem homo incipit bonus esse, & tamen nondum perfecte bonus est: sicut, enim est in omnibus virtutibus moralibus, quia quando quis habet habitum virtutis tamen delectabiliter agit, & ipsa delectatio, quae est in opere, mouet hominem ad agendum, cum autem aliquis vult esset bonus, & tamen nondum habet habituatam virtutem operatur bonum, sed non promptè, & cum delectatione, quia nulla delectatio adhuc est in opere, sed solum operatur bonum propter bonum finem, qui mouet ad agendum, & sic operationes istius non sunt simpliciter tam bonae, sicut operationes hominis habituari: ita nunc dicendum est de timore, quia quoniam homo incipit esse bonus, colit Deum non quidem timore penarum, quae infligentur si non coluerit eum, sed quia diligit eum, & nolle offendere ipsum, & tamen nondum agit istud delectabiliter, & cum magno seruire, cum nondum sit exercitatus per opera virtutis, & quia istud pertinet ad incipientes vocatur timor initialis, cum vero aliquis exercitatus fuerit per opera virtutis, & ardentè dilexerit Deum, iam non est sicut incipiens, sed sicut perfectus, ideo timor qui in eo est, non vocatur initialis, sed sanctus, siue castus. Differunt ergo timor initialis, & castus sicut dispositio, & habitus, & sicut magis perfectum, & minus perfectum. Sextus timor est castus, & iste est proprie quoniam vxor timet offendere virum non quidem quasi putet ab eo sibi penas infligendas, sed quia diligit eum nolle offendere ipsum. Timor autem filialis, & amicalis secundum speciem non videntur differre à timore casto, quia omnes tres sunt secundum quos timeamus offendere aliquem solum propter dilectionem, sed possunt differre aliquo modo, secundum obiecta, scilicet quia amicalis ad amicum, & castus ad maritum, & filialis ad patrem, & tamen ista non sunt obiecta propria istorum timorum, secundum quae differant in specie, quia nec etiam virtus, secundum quam aliquis liberaliter erogat amico, vel extraneo, vel cognato, differt in specie, quia obiectum liberalitatis non est ille, cui erogatur, isti tres timores, qui sunt iidem in specie sunt, secundum quos Deum virtuosè timeamus, & pertinet iste timor ad virum perfectum. De his sex timoribus tangit aliquod Augustinus, & Cassiodorus super Psalmum, & Beda, & de his Magister sententiarum tertio distinct. 34. nunc autem dicendum est de David, quod timuit nunc Deum timore serui, scilicet vidit, quod occiderat Ozam pro paruo delicto, ita timuit, quod occideret aliquos in domo sua, si illuc iret arca.

Quare dixit David quomodo ad me introducere possum arcam Domini.

Quaest. XXXV.

QVAERITVR vltcrius quomodo dixit David quō possum ad me introducere arcam Dñi. Respondendum, q̄ David ante hoc putabat, q̄ Deus nō irascebatur pro parvis delictis, vel non inferebat illi-
co punitiōem; & sic disposuerat, q̄ arca Dei esset in domo sua propter deuotionem, & alias causas supra assignatas in quadā quaest. nunc aut vidit David, quod pro paruo delicto puniuit illico Ozam occidendo eū: credidit ergo, q̄ cum in domo sua essent multi, & necesse esset, q̄ interdum committerēt multa peccata, q̄ in breui occideret omnes, ideo noluit introducere eam in domum suam. Sed obijcietur, q̄ non debebat David timere hoc, quia arca fuerat in domo Abinadab in Gabaa plusquam quadraginta octo annis, & tamen ibi nulli nocuit, quod patet, quia tempore, quo occisi sunt Bethsamites translata fuit arca de Bethsamites in Cariathiarim 1. Reg. 6. & 7. & à tempore percussio-
nis Bethsamitarum vsq; ad mortem Saulis fluxerunt anni quadraginta, vt probatum est quaest. antepēnult. Post hoc regnauit David septem annis, & dimidio in Hebrō super Iudam 2. Reg. 5. & postea factus est rex Israel, & translata fuit arca de domo Abinadab postquam ipse fuit rex Israel, vt patet hic, ergo fuerunt ad minus quadraginta octo anni, quibus mā-
sit arca in domo Abinadab, & in toto isto tēpore nulli legitur nocuisse Deus in domo Abinadab, ideo sic
putare debuisset David, q̄ fieret in domo sua. Respon-
dendum, q̄ David hoc non putauit propter duo. Primo q̄ verisimile erat, q̄ potius noceret Deus in domo David propter arcam, quam in domo Abinadab: nā domus Abinadab erat domus viri priuati, vbi pau-
ci erant, & insuper filij eius Eleazarus erat sanctifica-
tus ad custodiendum arcam 1. Reg. 7. Ideo parum po-
terat ibi offendi Deus propter arcam, ita vt noceret familie Abinadab, secus aut erat in domo David, qui erat rex, & erat magna domus eius, & multi viri, & fe-
minæ in ea, quorum plurimi erāt imperfecti, ideo ve-
risimile est, q̄ in multis offenderēt Deum, & propter presentiam arcē percuterentur: timuit ergo. Secun-
dum fuit, quia licet David sciret, q̄ in domo Abinadab Deus nullum nocumētum intulerat propter ar-
cam, & sic putaret, q̄ fieret in domo sua, tamen nunc vidit seueritatem magnam de puniendo Ozam pro paruo delicto, ideo poterat credere q̄ nunc non erat
tempus miserendi, sicut prius, quia Deus quodam tempore magis se ostendit misericordem, quā alio, & alio tempore magis punitorem, quam alio. Sic n-
fuit totum tempus legis veteris tempus, s. magnē se-
ueritatis, quia Deus acriter puniebat peccata, quam-
quam essent parua, vt patet de filiis Aaron Leu. 10. & de ducibus, & quinquaginta viris Num. 16. & de Israe-
litis murmurantibus eod. lib. c. 11. & 14. & 16. & 21. & de Bethsamitis videntibus arcam 1. Reg. 6. & de plu-
rimis alijs, tempus autem noui testamenti est tempus magnē misericordiē Dei: nam quamquā magna pec-
cata fiant tam in Ecclesia, quā in seculo, plurima eo-
rum impunita manent pro nunc, hoc aut significatū
est in datione vtriusque legis: nam lex vetus data est cum sonitu buccinarum, & tonitruis, & fulguribus, & monte ardente, & fumo, & caligine, ita vt populus
prē timore non posset sustinere vocem, quē audieba-
tur. Lex aut noua data est cum magna tranquillitate, quia cum sederet Christus in monte aperiens os suū
docebat discipulos suos de regno Dei Matth. 5. & ibi fuit principium legis nouę, de lege veteri habet Exo. 19. & 20. & Deut. 5. Istam differentiam vtriusque le-
gis posuit Apostolus ad Hebr. 22.

An peccauerit David faciens arcam poni in domo Obededom.

Quaest. XXXVI.

QVAERITVR vltcrius an David peccauit facies poni arcam in domo Obededom. Aliquis dicet, quod sic, quia procurabat ei mortem, vel occasio-
nem ad mortem, quantū in se erat: nam ipse timuit, q̄ moreretur si introduceret arcam in domum suam, vel quod aliqua nocumenta fierent, ideo noluit eam
introducere in domum suā. quod ergo vellet David ponere arcam in domo Obededom, volebat eum ex-
ponere periculis, quē ipse formidabat, & istud erat contra charitatem fraternam. Respondendum, quod non peccauerit David ponendo arcam in domo Obededom propter tria. Primo quia ipse nō coegit Obededom ad suscipiendum eam in domo sua, sed ipse
sponte suscepit eam in domo sua, immo credidit ma-
gnam honorem sibi per hoc prestari. Dato ergo q̄ aliquod periculum esset in tenendo arcam in domo non peccabat David tradendo eam Obededom cum ipse eam susceperet sponte. Secundum erat, quia non erat verisimile de domo Obededom, quod ibi fieret
aliquod nocumentum propter arcam, quia erat do-
mus priuata, in qua erat pauca familia, & parum pote-
rat Deus offendi propter presentiam arcē. In domo autem David secus erat, cum esset ibi familia multa nimis, quia erat domus regia: ideo poterat David ra-
tionabiliter formidare arcam, & tamen tradere eam
secure Obededō. Tertia causa potest esse, quia Obededom erat Leuita, & ad ipsos sacerdotes pertinebat
seruare arcam: ideo licet aliquod periculum posset
euenire custodiendo illam, non peccaret David tra-
dendo illam custodiendam alicui Leuitę. Quod autē
iste Obededom esset Leuita, inf. in quadam quaestio-
ne declarabitur.

Quomodo ausus est Obededom accipere arcam in domo sua.

Quaest. XXXVII.

QVAERITVR vltcrius quomodo Obededom ausus est accipere arcā in domo sua, cū vidisset
nunc, quod propter delictum tam paruum circa arcā Deus intulisset mortem Oza, quia debuisset credere
quod sic fieret in domo sua. Patet hoc de Bethsamitis, quia cum occisi fuissent apud eos plusquam quin-
quaginta propter arcam, noluerunt tenere eam apud se, sed dixerunt, quis poterit stare in conspectu Domi-
ni Dei sancti huius? & ad quem ascender à nobis? primo Reg. 6. dicendum, quod non timuit Obededom
recipere arcam Domini in domo sua, quia ipse erat Leuita, & sciebat ceremonias custodiēdæ arcam, qui-
bus obseruatis sciebat, quod non inferretur aliquod
dānum ei, nec domui suę, ad custodiendum autem eas ipse se volebat disponere: ideo non formidabat
accipere illam, sed potius reputabat ad honorem, q̄ arca, quæ erat vas sanctissimum, & solebat custodiri
in loco occultissimo Sanctuarij poneretur nūc in do-
mo sua: quod autem non timeret, incitauit eum id, quod factum est de Bethsamitis: nam ibi fuit pericul-
tio magna cum periissent plusquam quinquaginta millia, & putauerunt Bethsamites, quod nullus veller.
accipere arcam propter periculum. Quod patet, quia dixerunt: Quis potest stare in conspectu Domini Dei sancti huius? & ad quem ascender à nobis? id est quis
volet eam accipere de manu nostra? primo Reg. 6. & tamen illico accepit eam Abinadab, nec formidabat
accipere eodem libro capitulo septimo, & cum mā-
sisset in domo istius per quadraginta octo annos, vt declaratum est supra in quadam quaestione, nihil ma-
lum intulit, hoc autem accidit, quia diligenter obser-
uabatur

uabatur nequis circa eam committeret aliquam irreuerentiam, unde Eleazarus filius Abinadab sanctificatus fuit ad custodiendum eam 1. Reg. 7. ita intēdebat facere Obededom, scilicet aliquis in domo sua custodiret eam, ne committeretur aliqua irreuerentia contra illam, ideo non formidauit accipere eam.

Quis nam fuerit iste Obededom.
Quest. XXXVIII.

QUÆRITUR vltcrius quis fuit iste Obededom, & quomodo Dauid voluit committere ei arcā. Videtur enim quod nullo modo debuisset committere, quia arca non erat committenda, nisi alicui viro, qui esset vita religiosus, & esset sacerdos, ad quem alias ex officio pertineret custodire eam, vel ministrare coram ea. De Obededom autem non erat sic, quia non solum non erat sacerdos, nec Leuita, sed etiam, nec videbatur de stirpe Israelitarum, sed de progenie Philisthinorum, quod patet, quia vocatur Gethæus, & tamen Gethæi sunt de vrbe Geth, quæ erat vna de quinque metropolibus Philisthinorum, vt patet Iud. 13. & 1. Reg. 6. & sic Goliath Philisthæus, contra quem pugnavit Dauid vocabatur Gethæus, vel de Geth, vt patet primo Regum 17. & 2. Reg. 21.

Respondendum, quod Obededom non erat de genere Philisthinorum, sed erat de filiis Israel, & de stirpe Leuitarum, sic enim patet infra 15. Nam inter Leuitas de secundo ordine cantorum ponitur Obededom, & propter hoc proprie ponebatur arca in domo eius. Cum autem obiicitur, quod erat de stirpe Philisthinorum, quia vocatur Gethæus, dicendum quod non sequitur, nā potest vocari Gethæus, quia fecit aliquid in vrbe Geth, vel quia moratus est ibi aliquanto tempore: sic enim consueuimus multos viros nominare a regionibus illis, a quibus non fuerunt nati, & interdum apponuntur eis ista nomina, sine aliqua causa pro sola voluntate, sicut consueuimus facere de nominibus propriis, quorum non est causa in imponendo, sed sola voluntas. De isto tñ Obededom rōnabiliter dici potest, quod erat Gethæus, scilicet vocatus est sic, quia mansit ibi cum Dauid quatuor mensibus: cum enim fugeret Dauid a facie Saulis descendit in terram Philisthinorum ad Achis regem vrbs Geth, & mansit cum eo ibi quatuor mensibus vsque ad mortem Saulis 1. Reg. 27. Et descendunt cum eo tunc sexcenti viri eod. c. Et propter hoc quando redierunt postea in terram Israel vocati fuerunt Gethæi semper, sic patet 2. Reg. 15. f. Ambulauerunt iuxta eum legiones Celethi, & Pheleti, & omnes Gethæi pugnatores validi sexcenti viri, qui secuti fuerant eum de Geth precedebant regem. de Obededom autē satis verisimile est, quod ipse misit Dauid in Geth, quia de omnibus tribubus contribuebant ad Dauid, vt auxiliarentur, & dum fugeret a facie Saulis, vt patet preced. c. & tunc verisimile est, quod aliqui etiam de Leuitis confugerent ad eum, sicut Abiathar, qui fuit filius summi sacerdotis confugit ad ipsum 1. Reg. 22. Dicit autem historia schol. quod iste nō vocabatur Obededom, sed Obed, & tamen dicitur Obededom, idest Obed filius Edom. Et tunc Obededom non est vnū nomen, nisi per compositionem, & tunc Obed non est Gethæus, sed Edom pater eius, unde dicit, quod fuit posita arca in domo cuiusdam Leuitæ nomine Obed filii Edom Gethæi. Accipit autem hoc ex modo loquēdi Iosephi 7. Antiquit. qui solum vocat istum Obed, & tamen dato, quod sic esset, stat dubium tunc de patre suo Edom quomodo vocaretur Gethæus: non est enim putandum, quod vere Edom fuerit Gethæus cōuersus ad Iudaismum, & Obed fuerit natus in Iudæa.

Alph. Tost. In Lib. I. Paralip.

Amo. Nam hoc dato Obed non esset Leuita, quia non sunt Leuitæ, nisi qui descendunt de stirpe Leuitarum.

Aliquis potest dicere, quod iste erat de stirpe Leuitarum, eo quod mater sua erat de stirpe Leuitarum, licet pater suus esset Gethæus: concedendum, quod poterat fieri tale matrimonium, & tamen tunc non pertineret Obed ad familiam Leuitarum, quia filii inter Hebræos nunquam pertinebant ad familiam matrum, sed patrum.

B Dicendum ergo esset, quod iste etiam Edom fuit Gethæus, idest aliquis de illis viris, qui descenderunt cū Dauid in vrbem Geth, & tamen ipse erat de stirpe Leuitarum, & propter hoc Dauid potuit secure committere huic arcam cum esset de genere Leuitarum, quia alias pertinebat ad eum ex officio custodire arcam.

Quare permisit Dauid tribus mensibus permanere arcam in domo Obededom.

Quest. XXXIX.

QUÆRITUR vltcrius, quare Dauid permisit arcam manere tribus mensibus in domo Obededom, & postea duxit illam in domum suam. Rōndendum est, quod Dauid videns, quod Deus percusserat Ozam pro paruo delicto contra arcam, putauit quod sic faceret in quacunque domo esset, & sic non ausus est introducere eam in domum suam, ne omnes morerentur, qui ibi erant, sed posuit in domo Obededom donec disponderet, quid de illa fieret, tempore autē isto benedixit Deus domui Obededom propter arcam, & audiuit hoc Dauid, ideo nō permisit eā amplius ibi manere, & hoc propter duo. Primo quia Dauid a principio non receperat eam, quia putabat, quod nulla domus posset sustinere illam propter magnam seueritatem Dei, nunc autem videbat, quod in illis tribus mensibus nulli nocuisset in domo Obededom: Ideo factus est securus, quod etiam in domo sua nulli noceret, sic voluit eā ad se ducere. Secundum fuit propter vtilitatem, quæ inde poterat sequi: nam benedixerat valde Deus domui Obededom, & omnibus quæ possidebat propter arcam, in tantum quod omnes, qui cognoscebant eum inuidebant ei de tanta prosperitate, & abundantia rerum subita veniente, vt ait Ioseph. septimo Antiquitatum. Ideo voluit Dauid, quod ista benedictio potius fieret in domo sua, & sic transtulit ad se arcam.

In quo fuerit benedictio domus Obededom.

Quest. XL.

QUÆRITUR vltcrius in quo fuit ista benedictio domus Obededom. Respondent Hebræi, & historia scholastica secundum eos, quod vxores Obededom, & concubinae eius, & nurus suæ pepererunt masculos, & iumenta sua duplices factus.

E Dicendum tamen, quod istud nihil est, quia per hoc non appareret Israelitis, quod Deus benedixerat domui Obededom propter arcam, quia arca solum mansit in domo eius tribus mensibus, vt patet in litera, & vxores suæ, & concubinae, & nurus, & animalia, aut conceperunt ante aduentum arcæ ad domum Obededom, aut post introitum in domum eius. Si autem ante introitum, iste partus nō attribueretur arcæ, quia Deus non benediceret domui Obededom propter arcam, nisi postquam inciperet esse arca in domo eius, & sic iste partus, quā esset, pēpere eueniēs nō imputaretur arcæ, sed alteri causæ priori: si autē mulieres, & animalia conciperent post aduen-

aduentum arce, poterat esse iste cōceptus prosper p. F
pter arcam, & tñ non posset apparere, q̄ erat pp arcā,
quia non parerent manente arcā in domo cum solū
maneret ibi tribus mensibus, & tñ ante finem istorū
trium mensū apparuit benedictio Dei in domo Obe-
dedom propter arcam, ideo nō fuit in conceptu mu-
lierum, vel aliorum animalium. Sed dicēdum, q̄ ista
benedictio fuit in prospero statu omnium bonorum
Obededom, s. q̄ omnes in domo sua erāt sani, & sem-
per gaudentes, & multiplicauit Deus diuitias eius
nimis in illis tribus mē sibus, & animalia eius semper
fuerunt sana, & robusta, & panis, & vinum in domo
eius erant optima, & omnia alia, quæ ipse possidebat
erant in meliori dispositione, quā res possesse ab aliis,
& in hoc apparebat prosperitas sua.

*Quomodo Israelitæ cognoscebant, quod benedictio, quæ erat in
domo Obededom esset propter arcam.*

Quest. XLI.

QUÆRI TUR vterius quō sciebant Israeli-
tæ, q̄ ista benedictio, vel multiplicatio, quæ
erat in domo Obededō fiebat propter ar-
cam: nam poterat fieri propter aliam cau-
sam, licet arca esset in domo eius.

Respondendum, q̄ hoc cognoscebant in multis.
Primo, quia añ aduēti arce erat pauper Obededom, H
& post aduentum eius locupletatus est, ideo rationa-
biliter attribuebatur arce, s. q̄ ista benedictio veniret
propter illam: sic enim dixit Iacob ad Laban Genes.
30. f. Modicum habuisti antequā venirem, & nunc di-
ues effectus es, benedixitque dñs tibi ad introitum
meum. Secundum erat, q̄ quicūq; opera aliquius ho-
minis prosperantur in omnibus plusquam opera alio-
rum hominū, iudicatur Deus esse cum illo, & quod
Deus dirigit eum, sic patet de Isaac, qui seminauit in
terra Philisthinorum, & collegit centuplum factusq;
est diues in breui, ideo putauerūt Philisthini, q̄ Deus
esset cum eo, & venerunt ad eum dicentes. Vidimus
tecum esse dñm, & iccirco diximus, sit iuramentū in-
ter nos, q̄ non facias nobis quicquam mali. Genes. 26.
Sic etiam fuit de Ioseph, qñ erat seruus Puthipharis
Aegyptii: nam ille cognouit Deum esse cum eo, quia
prosperabantur omnia negocia in manu eius. Genes.
39. f. Fuitque dñs cum eo, & erat vir in cunctis prospe-
re agens, habitabatque in domo Dñi sui, qui optime
nouerat Dominum esse cum eo, & omnia, quæ gere-
ret, ab eo dirigi in manu illius, sed ita factū est in Obe-
dedom, q̄ in isto paucō tpe, quo mansit arca in domo
sua prosperatus est in omnibus negotiis, ideo conue-
nienter arguebatur, q̄ Deus erat cum eo. Tertiū erat,
quia modus operādi hominis est modus nature: ope-
ratur enim natura per successionem, ideo homines,
qñ ditantur modo humano, & naturali, ditantur fm
successionem, nunc autem Obededom ditatus est su-
bito, quia in tribus mensibus ditatus fuit tantum, q̄
omnes inuidebant ei, ideo apparebat manifeste, quod K
istud ditari non proueniebat naturaliter, sed a Deo: ra-
tionabiliter ergo arguebat, q̄ propter arcam, quæ erat
in domo sua ditatus fuit tam excellēter in paucō tpe.
Quartum erat, quia in domo Obededō omnes erant
sani tam homines quam animalia, & pp hoc diuitiæ
multæ congregabantur, q̄ tñ ista duo simul eueniant
iudicatur prosperitas a Deo specialiter missa. Sic patet
Plal. 104. Et reduxit eos in argento, & auro, & nō erat
in tribubus eorū infirmus, & intelligitur de Hebreis,
quos eduxit Deus de Aegypto cum multo auro, &
argento, & fecit, q̄ in tanta multitudine virorum, &
mulierū nullus esset infirmus. Et sic propheta signi-
ficat per hoc mirabilem educationem Dei de Aegy-

pto, & q̄ manifeste a Deo dirigerentur cum ista bo-
na haberent, & tñ ista habebat Obededom cū in om-
nibus prosperabat, ergo apparebat manifeste, q̄ Deus
benedicebat ei, & tunc rationabile erat attribui arcæ
cum illa esset in domo sua. Quintum erat, quia q̄ ali-
quis homo prosperetur nimis circa aliquam rem vnā
interdum contingit naturaliter, vt q̄ aliquis inueniat
thesaurum, & q̄ subito efficiatur diues: & q̄ homo ta-
men in omnibus prosperetur, & in nullo mordeat eū
calamitas, non est naturale, nisi interdum Deus alicui
velit dare hoc ad modicum tempus ex speciali gratia,
& ex hoc sequitur, q̄ nullus homo est, quod non rixe-
tur cū fortuna sua, eo q̄ nō est prospera ex omni par-
te: sic enim Boetius de consol. lib. 2. Prosa 4. Quis est
enim tam compositæ felicitatis, vt non ex aliqua par-
te cum status sui qualitate rixetur? Anxia enim res est
humanorum bonorum conditio, & quæ, vel tota nū-
quam proueniat, vel nunq̄ perpetua subsistat. Huic
census exuberat, sed est pudori degener sanguis. Hūc
nobilitas notum facit, sed angustia rei familiaris incli-
sus esse mallet ignotus. Ille vtroq; circumfluit vitam
celibem deflet. Ille nuptiis felix, orbis liberis alieno
censum nutrit heredi. Alius prole beatus, filii, filiaue
delictis mectus illachrymat. Iccirco nemo facile cum
fortunæ suæ conditione concordat. Obededom autē
eo tpe, quo habuit arcam in domo sua fuit prospera-
tus quantum ad omnia, vt patet in litera, s. benedixit
dñs domui Obededom, & omnibus, quæ habebat, iō
manifeste apparet, q̄ a Deo fiebat propter arcā. Sex-
tum erat, quia qñ homines ditantur, vel prosperantur
pp magnam prudentiam, & sollicitudinē, & laborem
circa negocia imputatur aliquid operi suo, q̄ di-
tetur, cum tñ aliqui sine prudentia labore, & sollicitu-
dine quasi non attendentes ditantur, necesse est attri-
bui istud Deo. Sic enim dicit Arist. 1. lib. de bona for-
tuna, q̄ bene fortunati faciunt omnia prospere, & qñ
petitur ab eis quando fecerūt illud, quod tam prospe-
re euenit, nesciunt dare causam, sed dicunt se pari ali-
quid simile eis, qui a Deo fiunt, id est, q̄ ipsi non fece-
runt, sed passi sunt recipiēdo, Deus autem illud fecit,
sic autem erat apud Obededom, quia ipse nō erat vir
magnæ negotiationis prudentiæ, sollicitudinis, & la-
boris, sed venerunt sibi omnia ista, eo quasi non ad-
uertente, ideo imputandum erat Deo, quod talia fa-
ceret, & sic apparebat manifeste, quod Deus bene-
dixisset Obededom propter arcam, quam in domo
tenebat.

CAP. XIII.



Is it quoque Hiram rex Tyri
nuncios ad David, & ligna cedri-
na, & artifices parietum, lignorū-
que, vt edificarent ei domum. Cognouitque
David, eo quod cōfirmasset eum Dominus
in regē super Israel, & subleuatum est regnū
suum super populum eius Israel.

DICTO in precedētib; de deuotione David
& bona habitudine in diuinis, hic agitur de
eius prudentia in humanis, & diuiditur in
duo, quia primo agitur de prudentia eius in
amicorum congregatione. Secundo de hostium de-
bellatione, ibi. *Audientes autem.*

Prima in duas, quia primo agitur de congregatio-
ne amicorum exteriorum. Secundo de congregatio-
ne amicorum interiorum, ibi. *Accipit quoque David.*
An

An ista sint ad præcedentia continuata.

Quæst. I.

QUÆRITUR circa primum an ea, quæ habentur hic sint continuata ad præcedentia, & an fuerint facta immediate post illa, vel interiecto aliquanto tempore. Rndendū, q non apparet an fuerint ista post præcedentia, vel è contrario, quia vtrunque esse poterat. Dicendum tñ est rationabiliter, q hic est ordo conueniens, quia nunq est recedendum ab ordine literę sacre Scripturę, nisi propter aliquā cām manifestā, qñ apparet, q alius ordo fuerit, q ille, qui tenetur in litera scripturę. & tamē hic non apparet aliqua causa cur dicamus, quod non sit ordo continuus, ideo dicendum, quod fuit ordo continuatus. Ad secundū dicendū, q nō fuerint magno tempore ista post præcedentia: immo nō fuerunt magno tempore postquā Dauid cepit esse rex. Quod patet, quia hic ponuntur tria, scilicet de rege Hiram, & de vxorib⁹ Dauid, & de bellis Philisthinorū, quodlibet tñ istorum fuit paucō tempore postquā factus est Dauid rex super totū Israel. De primo patet, quia sciens Hiram Dauid esse regem misit ad eū artifices, & ligna ad fabricandum domum. Credendū est ergo, q paucō tempore postquam cōstitueretur in regem misit ad eum, quia non est verisimile, q postquā Dauid factus est rex Israel, & cepit habitare in Ierusalē, maneret magno tempore nō habens domos quales decebat ipsum habere, ideo in principio regni mitteret ad eum. De secundo patet, nam dñ hic, quod vidit Dauid, quod regnum suum confortatum esset super Israel, & accepit vxores alias, manifestū est tamen, q regnum Dauid confortatū est mox, vt ipse factus est rex, quia nullus erat in regno, qui ei repugnare veller, sed omnes prompte obediebant sibi, & venerunt in auxiliū eius, quando vnctus est in regē, vt patet supra 12. Ideo in principio regni sui acciperet istas vxores, & cōcubinas. De 3. patet, quod infra dñ, q audientes Philisthim, quod vnctus esset Dauid in regē super Israel venerunt, vt quererent eum: certum est tñ, q paucō tempore postquam Dauid vnctus est in regem audirent illud Philisthini, iō modico tempore postquam cōstitutus est in regem, credendum est, quod istud acciderit, & tñ 2. Reg. 5. & 6. mutatur ordo, qui habet hic, quia prius ponuntur oīa, quæ habentur hic, q ea, quæ habentur præcedenti c. iō oportet dicere, quod in aliquo loco istorum sit ordo mutatus: in quo mutet tñ non apparet nobis, quia satis verisimile est de quocunque eorum, q fuerit paucō tempore postq Dauid cōstitutus est in regem super Israel. Si tñ velimus tenere, q non sit hic ordo conueniens, & sic 2. Re. 5. & 6. satis potest teneri, & aliquāliter potest hoc induci, quia inter istam translationem arcę, quæ hñ præcedenti c. & aliam, quæ hñ præcedenti cap. non intercederunt, nisi tres menses, quibus mansit arca in domo Obedom. Ei in istis tribus mensibus non potuerūt fieri oīa, quæ habentur hic, s. duo bella Philisthinorū, & ædificatio domorum Dauid per artifices Hirā. Secūdo patet, quia Dauid nolebat transferre arcā ad locū honorabilem, quem parauerat ei, & erat locus iste in domo sua, vt patet 2. Re. 6. & infra 16. ergo iā ædificauerat Dauid domos, sed iste erāt, quas fabricauerūt ei hic, quam id, quod habetur præcedenti c. 3. quia mabebat iā domos pro se, & locum optimū pro arca, vt patet sequenti c. & infra 16. cum tunc locauit arcā in tabernaculo, quod ei præparauerat. Ideo oportebat, q tota ista fabricatio fuisset ante trāslationem arcę, quæ habetur præcedenti c. vel fieret in tribus mensibus, qui

Alph. Tost. In lib. I. Paralip.

A solum intercederunt inter primam, & secundam translationem: nā tribus mensibus mansit arca in domo Obedom præcedenti c. & tñ nō poterat fieri tanta fabrica in tribus mensibus, iō iam facta erat, qñ fuit prima translatio arcę de Chariathiarim in domum Obedom, de qua in præcedenti c. & sic est ordo mutatus. Posset autē sustineri, q hic sit ordo continuus, sicut supra dicebatur, & tñ rationabilius est, q sit ordo mutatus, sicut nunc probatum est, potissime, quia 2. Reg. 5. & 6. tenetur iste ordo, & non ille, qui ponitur hic in litera. Circa primum dicitur. *Misit quoque Hiram rex Tyri.* Est Tyrus ciuitas in terra Chanaan in extremitate eius in litore maris: in qua fuit tēpore Dauid quidam rex nomine Hiram amicus eius, de quo dicitur infra in prima quæstione, & iste misit ad Dauid, quæ habentur hic. *Nuncios ad Dauid.* Scilicet ad salutandum eum, si erant amici ex antiquo, vel ad componenda fœdera, siue ad cauendas nouas amicitias.

Et ligna cedrina. Ista sunt ligna preciosissima in toto monte Libano: sunt enim magna, & quasi imputribilia, qualia decebat esse in palatijs regis.

Et artifices parietum. Isti vocantur cémentarij, quia parieres, & fundamenta domorum construunt. Erāt autem isti cæsores lapidum, & politores, quia parietes palatij regalis non fiebant de terra, sed de lapidibus.

Lignorumque. Idest etiam misit artifices lignorum ad fabricandum tecta domorum, & alias partes operis, in quibus ligna sunt.

C *Vt ædificarent ei domum.* Scilicet vt ædificarent domum Dauid: nam ante hoc non habebat palatia talia, qualia decebat habere regem. Venerat enim nouiter ad habitandū in Ierusalē, vbi non fuerāt palatia regalia, sed priuatorū. Decebat autē regalē amplitudinem pulchriora, & preciosiora habere ædificia.

Cognouitque Dauid, quod confirmasset eum dominus in regem super Israel. Scilicet non videbat aliquem aduersantem sibi, sed omnia pacata erāt in regno suo, obediebantque sibi omnes ad nutum.

D *Et subleuatum est regnum eius super populum eius Israel.* i. honor suus, & potestas regalis eleuata est super populum Israel, quia tenebat Dauid in magna reuerentia ab omnibus de populo suo, vel pōt intelligi, q regnū Dauid subleuatum est, s. quia prius erat solū rex super tribū Iuda, & Israelitę venerunt, & vnixerunt eum in regem super totū Israel supra 11. & 2. Re. 5. & sic erat nunc subleuatus ad maiorem honorem regalem.

Quis nam fuerit iste Hiram rex Tyri.

Quæst. II.

QUÆRITUR quis erat iste Hiram rex Tyri, de quo hic dicitur. Respondendum, q propinquus erat Hiram regi Dauid in regno, quia regna vtriusque se continebāt. Est enim Tyrus ciuitas quædā olim famosa, quæ erat in litore maris mediterranei in extremitate terre Chanaan, & huic fuit subiecta magna pars terre Chanaan apud montem Libanum, cui imperabat iste rex Hiram. De hac vrbe fuit Cadmus, qui condidit Thebas vrbe Græcorum, cum exularet per totum orbē querens sororem suam Europam à Ioue raptam, vt dicit Ouidius 3. Meta. hanc ciuitatem condidit Agenor rex, vt ait Gualterius Alexandreidis lib. terio scilicet.

Soluitur in cineres ab Agenore condita primum.

Nobilis illa Tyrus.

Tempore huius Agenoris viuebat Iuppiter inter mortales, & regnabat in Græcia, rapuit autem quadam die Europam virginem filiam eiusdem regis Agenoris ludentem cū alijs virginibus apud mare, &

portauit eam in naui, cuius infigne erat vnus Taurus, & ob hoc poetæ habuerunt occasionem fingendi, q̃ Iuppiter in figura Tauri albi rapuit Europam, portauitque eam in dorso suo super equora, vt ait Ouidius secundo, & tertio Metam. & Seneca tragoedia quarta, cuius nomen est Hippolytus carmine tertio, quod incipit.

Diua non miti generata ponto:

Ista ciuitas ab antiquo fuit famosissima inter omnes vrbes, & opulentissima ppter negociationes nimias, quia negociatores de omnibus partibus orbis veniebant ad eam, nec est aliqua in tota scriptura, quæ magis laudetur, quam ista, vt patet Ezechiae vigesimo septimo. Tantæ autem fuerunt diuitiæ huius vrbis, q̃ rex eius elenatus in superbiam magnam dixit se esse Deum, & Deus fecit prophetari contra urbem mala, vt patet Ezechiae vigesimo sexto, & vigesimo octauo. Fuit autem postea ista ciuitas destructa per Alexandrum Magnum, vt patet Alexandreidis libro tertio. Postea autem reedificata est, floruitque magno tempore, & ibi moratus est Origenes vir clarissimus, atque sepultus, vt patet in libro de Situ terræ Sanctæ. In hac vrbe regnabat Hiram tempore Dauid, qui vidēs Dauid exaltatum super totum Israel voluit esse amicus eius, & misit ei ista, quæ habentur in litera. vocatur autem iste rex Tyri, non quidem, quod solum dominaretur in vrbe Tyri, sed quia Tyrus erat Metropolis regni eius: de ista vrbe fuit Dido nobilissima mulier, quæ magnā Carthaginem in Aphrica condidit, fugit enim de vrbe Tyri cum multis Tyrijs propter timorem, & odium fratris sui Pigmalionis, qui occiderat maritum suum Sicheum, & profecta in terram Aphricæ ad regnum Hyarbæ Getuli, qui tunc in terra illa dominabatur, petiuitque ab eo spaciū loci ad condendum urbem, concessitque ei tantum terræ spaciū quantum circundare posset vno corio bouis, volens eam isto modo a petitione repellere: ipsa autem corium bouis per subtilissimas corrigias extenuauit, ita vt circundare posset magnam urbem quāta postea Carthago stetit, & ob hoc Carthago vocata est Byrsa, quia de corio bouis facta est, sicut ait Isidorus in Etymologiis. Huius vrbis rex Hiram fuit valde amicus Dauid quandiu vixit, & ideo mortuo eo misit ad salutandum filium suum Salomonem, qui regnabat pro eo, vt patet 3. Regum quinto, & sequenti lib. capitulo secundo. Et iste erat, qui dabat Salomoni ligna cedrina, & abiena de monte Libano, & dabat ei cæsores lignorum, & cæsores lapidum pro opere templi, & faciebat omnia ista portari in ratibus per mare. 3. Regum 5.

Vnde ortum habuit amicitia istorum regum, & an rationabilis fuerit ista amicitia.

Quæst. III.

QUÆRITVR vterius vnde habuerunt ortum amicitia: quas contraxit Hiram cum Dauid, & an rationabiliter Dauid potuerit habere Hiram in amicum.

Respondendum ad primum, q̃ Hiram erat rex Tyri, & regnum Tyri est in confinibus regni Israel: immo regnum Tyri est, quædam pars terræ Chanaan, quæ pertinebat ad regnum Israel, sicut infra declarabitur, videns autem Hiram, quod Dauid fieret rex super totum Israel putauit, quod expediret sibi habere eum in amicum, eo quod erat rex potens, & propinquius regno suo, ipse vero habebat regnum paruum, nec poterat resistere Dauid, si vellet contra eum pugnare, ideo expediebat ei, q̃ haberet Dauid in amicū, & sic procurauit per beneficia prouocare animū Da-

uid ad amicitiam, & sic misit ligna, & artifices ad fabricandum domum Dauid.

Ad secundum dicendum, q̃ quibusdam dubium est, an Dauid licite contraheret amicitias cum Hirā, eo q̃ putant illum esse de genere Chananæorum. Iudæi tamen non debebant cōtrahere aliquas amicitias cum Chananæis, nec communicare cum eis, sed occidere illos, tñ viros, quā feminas, & paruulos. Exo. 34. & Nu. 33. & Deut. 20. & Iosu. 2. Sed circa hoc dici pōt, q̃ regnum Hiram erat intra terram Chanaā, quæ data erat Israelitis, tñ ipse Hiram rex, & etiam viri sui nō erant de stirpe Chananæorum, sed de stirpe Aegyptiorum. Prima pars patet. s. quod regnum Tyri esset intra terram Chanaan, quia Numer. 34. vbi ponuntur termini terre Chanaan dicitur, quod terminus occidentalis terræ Chanaan erat mare mediterraneum in toto illo latere occidentali, & tamen Tyrus est in illo littore maris, ergo est in terra Chanaan. Item patet hoc, quia Genesi. decimo, dicitur: Facti sunt termini Chanaan venientibus a Sidone Gerarati. Id est Sidon est vnus terminus, & Gerara alius, & tamē Tyrus, & Sidon sunt duæ vrbes propinquæ. Nam dicitur Matthæ. decimo quinto, quod ambulabat Christus in finibus Tyri, & Sidonis, & sic erant iidem fines vtriusque. Cum ergo esset Sidon in extremitate terræ Chanaan, esset etiam Tyrus in terra illa. Item patet hoc, quia ciuitas Tyri ponitur in quadam sorte Israelitarum, s. in sorte Aser, & ibi etiam ponitur Sidon Iosue decimonono, ergo erant de terra Chanaan istæ duæ vrbes, quia Israelitæ solum diuidebant per sortes terram Chanaan, vt patet Numer. 34. ergo erant istæ vrbes in terra Chanaan. Item patet hoc, quia in terra Tyri, & Sidonis habitabant Chananæi, vt patet Matthæ. decimo quinto. Egressus Iesus secessit in partes Tyri, & Sidonis, & ecce mulier Chananæa a finibus illis egressa. Ideo in terra illa habitabant Chananæi. Aliquis forte dicet, quod non habitabant Chananæi ibi, quamquam mulier illa egrederetur de finibus illis, quia poterat esse, quod a casu illa mulier esset ibi, & viri illius terræ non essent de stirpe Chananæorum. Hoc tamen stat, quia Mar. 7. dñ. Erat autem mulier gentilis Syrophænissa genere, & ista vocat mulier Chananæa. Matt. decimo quinto. Vocatur tñ Syrophænissæ habitantes in terra Thyri, & Sidonis, quæ vocatur terra Phæniceorum, ergo viri regionis illius sunt de genere Chananæorum, cum idē sit Sirophænissæ, & Chananæa: Erat igitur terra Tyri, & Sidonis in terra Chanaan, & pertinebat ad regnū Israelitarum. Secundum erat, quod iste Hiram non esset de stirpe Chananæorum, & etiam viri de regno suo, vel saltem multi de eis. Etiam patet hoc, quia conditores vrbis Tyri, & Sidonis fuerunt Aegyptij, nam Phænix veniens de Aegypto condidit urbem illam, vt quidam ferunt. Alij autem dicunt eam conditam ab Agenore, sed quomodocunque sit nō fuerūt Chananæi illi, qui condiderunt Tyrum, & Sidonem. De stirpe tamen istorum conditorum fuerunt reges sequentes: de quibus erat Hiram, ideo non fuit ipse de genere Chananæorum, sic enim dicit Histo. s. q̃ in diebus Iosue Phænix, & Chatinus de Thebis Aegyptiorum in Syriam profecti in regione Tyri, & Sidonis regnauerunt, & postea dñ quo ædificauerunt Tyrum, & Sidonem, & sic non erat iniustum, q̃ Dauid haberet Hiram in amicum cum non esset de stirpe Chananæorū. Aliter ēt posset dici, q̃ licet eē Hiram de stirpe Chananæorum poterat Dauid ad tempus habere eum in amicitias: licet esset intentio Dauid omnes Chananæos destruere, sicut lex iubebat, tamen quia non poterat aliquis simul destruere, poterat tenere amicitias cum aliquibus eorum, qui sibi serua-

et fidem quousque destrueret alios. Aliter etiam potest dici, scilicet quod David poterat seruare amicitias semper cum Hiram, & etiam omnes reges Israel, si forte aliquod beneficium speciale fecisset eis: sic enim Raab, & omnes de cognatione sua liberati fuerunt de occasione Iericho, licet essent Chananæi, quia Raab liberauerat exploratores Iudæorum a morte: Iotue secundo.

Quare misit Hiram ligna cedrina ad David.
Quæst. IIII.

QUÆRITUR ulterius, quare Hirā misit ligna cedrina ad David ad edificandum domum. Respondendum, quod Hiram volebat acquirere amicitiam David, & istud putabat posse facere per aliqua obsequia, quia obsequium parit amicos, ut Terentius ait in Andria. Non putauit autem, quod posset facere ei in presenti aliquod obsequium magis gratum, quam mittere ei materiam ad edificandam domum. Erat enim David rex nouus, & nondum habebat domos in Ierusalem, ideo gratum esset, quod fabriarentur sibi domus. Alia causa erat, quia dato, quod David vellet edificare domos, non haberet in terra sua pulchram materiam ad construendum domos regales, ligna autem abiena, & cedrina, quæ erat materia conueniens, non erant in terra David, sed in terra regis Hiram in monte Libano, ideo oportebat, quod ad hoc, quod David edificaret domos pulchras, dato quod ipse vellet scindere materias, mitteret in regnum Hiram ad montem Libanum, ideo præoccupauit Hiram mittere ei omnia ligna necessaria, ut magis eum sibi placaret. Patet hoc, quia quando Salomon voluit construere templum, misit ad regem Hiram, ut mitteret sibi de Libano ligna cedrina, & abiena ad fabricandum templum, & tunc mittebat ea Hiram per mare 3. Regum 5. si tamen Salomon habuisset ea in terra sua non misisset pro eis ad regnum Hiram cum tanta magnitudine expensarum, sicut patet eod. c. Tertia causa fuit, quia dato, quod David vellet mittere ad scindendum ligna seruos suos in monte Libano, qui erat in regno Hiram, non haberet aliquos viros, qui scirent scindere ligna, sed oportebat, quod quereretur illos de terra Hiram, sic patet de Salomone, quando voluit edificare templum domino: nam dixit ad Hiram, non est in populo meo, qui sciat scindere ligna, sicut Sidonii, ideo orauit, ut serui regis Hiram scinderent illa. Quarta erat ad excusandum expensas David, volebat enim Hiram tantum complacere David, ut omnia hæc ministraret expensis suis.

Quare misit Hiram ad David fabros, & artifices.
Quæst. V.

QUÆRITUR ulterius, quare Hiram misit nunc ad David fabros parietum, & artifices lignorum, nam videbatur sufficiens, quod mitteret ei materiam, scilicet ligna cedrina, quæ non poterant haberi in regno David, poterat tamen David habere artifices, ideo non oportebat, quod mitteret illuc artifices.

Respondendum, quod hoc factum est propter multa. Primo quia Hiram voluit beneficium magnificum impendere David, istud autem erat, quia volebat ei edificare domos, ideo voluit complete agere, scilicet non solum mittere materiam, sed etiam artifices.

Considerandum autem, quod non solum Hiram misit de terra sua ligna, sed etiam lapides ad fabricandos parietes: sic enim factum est in ædificatione templi sub Salomone: nam serui Hiram dolauerunt lapides in monte Libano, ut patet 3. Regum 5. Secundo, quia voluit Hirā facere pulchras domos David, & ad hoc requirebantur famosi artifices, non erant autem tales in terra Israel, quia nesciebant scindere ligna, nec etiam lapides, unde quando voluit Salomon edificare templum nescierunt Israelitæ scindere ligna in monte Libano, sed serui Hiram scindebant illa. Unde dixit Salomon: Scis enim quoniam in populo meo non est vir, qui nouerit ligna cedere, sicut Sydonii. Serui autem Salomonis adiuuabant seruos Hiram facientes, quæ illi iubebant 3. Regum 5. & seq. lib. c. 2. Sic enim fuit de lapidibus, quia nesciebant serui Salomonis parare lapides subtiliter, sicut decebat ad opus templi, & quidam serui Hiram, qui vocantur Biblii polierunt lapides. Cedere autem lapides in lapidicina erat opus rude, sed ad istud præerant magistri Sidoniorum Hebræis: nam dicitur, quod cementarii Salomonis, & Hiram dolauerunt lapides, & quadrauerunt eos. Biblii autem præparauerunt ligna, & lapides ad edificandum templum 3. Regum 5. a fortiori ergo tempore David essent pauciores artifices lignorum, & lapidum in terra Israel. Hoc autem sciens Hiram non solum misit materiam, sed etiam artifices. Et dato, quod essent artifices lignorum, & lapidum in terra Israel, tamen non erant tam eruditi, sicut Sidoni, & Tyrii de regno Hiram, ideo voluit Hiram mittere artifices, & ligna. Tercio erat hoc ad excusandum expensas David, quia cum ipse vellet in hoc bene facere David, non attendebat, quod David quereretur ea, quæ ipse non mitteret, sed potius ipse voluit mittere omnia. Ratio tamen secunda potissima est.

Quomodo cognoscebat David regnum suum confirmatum esse a Domino, & quod subleuasset eum. Quæst. VI.

QUÆRITUR ulterius, quomodo vidit David, quod confirmasset dominus regnum eius super Israel, & subleuasset eum.

Respondendum est, quod hic sunt duo. Primum est, quomodo regnum David erat confirmatum, & subleuatum. Secundum est quomodo sciebat ipse, quod a Deo confirmaretur, & subleuaretur.

Respondendum est ad primum, quod regnum alicuius dicitur esse confirmatum, quando nullus est in regno suo, qui ei resistat, nec perturbet in aliquo de pertinentibus ad ius regni, sed pacifice possidet. Dicitur autem subleuatum regnum alicuius, quando ipse perfecte habet iura regni, & esset natus in magno honore super omnes de regno suo. Vtrunque istorum habebat David, quia ipse possidebat regnum pacifice, & habebatur in magno honore a subditis suis cum omnes desiderarent ei complacere, ut patet 5. 12. Ad secundum dicendum, quod David sciebat, quod Deus confirmauerat regnum eius, eo quod ista confirmatio non facta fuerat opere humano: est enim principium, quod omnis actio reducenda est in aliquem agentem, & quia confirmatio ista facta est, necesse est, quod fieret a Deo, vel ab hominibus. Non fuit autem facta ab hominibus, ergo fuit facta a Deo. Patet hoc, quia David non erat tam potens per se, nec per amicos suos, quod subiiceret sibi totum regnum Israel, cum prius solum dominaretur super tribum Iuda, etiam dato, quod fuisset David potens ad faciendum hoc, tamen non fecit viribus suis, nec industria: nam non pugnavit contra Israelitas, ad hoc, quod subiicerentur ei, nec etiam orauit, ut subiicerentur sibi, sed illi sponte venerunt ad vngendum eum in regem secundo Regum 5. & supra 11. Ideo constabat manifeste, quod Deus fecerat hoc, scilicet inclinando corda Israelitarum, ad hoc, quod facerent istud. Aliter etiam sciebat David istud, scilicet, quod

Deus iusserat eum vngi in regem, cum eēt in domo patris sui. 1. Re. 16. Nunc vero factus est rex, ideo credere debebat, q̄ ista p̄firmatio facta fuerat a Deo, qui prius illum fecerat vngi in regem.

Accepit quoque Dauid alias vxores in Ierusalem, genuitque filios, & filias.

Accepit quoque Dauid. Hic ponitur secundū. s. de copulatione amicorum interiorum, nam Hirā erat extraneus, qui factus fuerat nunc amicus Dauid, isti vero, quos nūc copulabat erant intranei. s. de regno suo, quia accepit nunc vxores, & concubinas, per quas acquirit multos amicos, & dī. Accepit quoq; Dauid alias vxores in Ierusalem. s. postquam factus est rex super totum Israel, & cepit habitare in Ierusalem, nam prius habebat Dauid sex vxores, quas in Hebron tenebat, genueratq; ex eis sex filios, dum regnaret super Indā, vt patet 2. Re. 3. & supra 3. c. & solum dī hic de vxoribus, tñ non solum accepit vxores, sed ēt cōcubinas, vt patet 2. Re. 5. & supra 3. Genuitque filios, ac filias. Exprimuntur autē hic nōia eorum, hic erant multa dubia. s. quare accepit Dauid in Ierusalem, cum iam haberet sex, qñ erat in Hebron. Etiam an peccauit accipiendo tot vxores. Tertio an omnes mulieres quas habuit Dauid fuerunt vxores eius, vel aliquæ vxores, & aliquæ concubinae. Quarto an peccauit Dauid habendo cōcubinas: de his tamen, & de multis alijs declaratum est. 1. Reg. 5.

Qua fuerunt filiae Dauid. Quæst. 13. 2. 1.

QVAERITVR quæ fuerunt filie Dauid, & quō non nominantur hic, cum dicatur, q̄ habuit filios, & filias. Nam hic solum ponuntur nōia filiorum. Aliquis diceret, q̄ plures eorum, q̄ ponuntur hic sunt viri, & tñ inter eos sunt aliqua nōia mulierum. Dicendū, q̄ hoc non stat, quia oēs isti sunt viri, vt patet 2. Re. 5. & magis supra 3. Nam nōiatis oībus istis dī oēs hi filij Dauid, absque filijs concubinarum. Dicendum tñ, q̄ Dauid habuit filias, quia supra 3. dī, q̄ habuit filiam Thamar. Aliquis tñ dicer, quō dī hic, q̄ Dauid genuit filios, & filias? Nam nō habuit nisi vnā filiam. s. Thamar, quia supra 3. c. ponitur numerus filiorū Dauid, & dī oēs hi filij Dauid habuerūt sororem Thamar, & nulla alia ponitur. Et tunc dicer aliquis, q̄ illa filia vocatur filie pluraliter, nam de habente vnum filium dī, q̄ hēt filios, vt patet Ge. 46. s. filij Dan Vsin, solus. n. Vsin erat filius Dan, & tñ dī filij Dan: sic ēt fm legem humanam liberorum nomine continetur ille, qui vnicus est. Dicendū tñ, q̄ hoc non stat, habuit namque Dauid multas filias, sicut ēt filios, & tñ de nulla earum fit mētio, nisi de Thamar: voluit. n. scriptura facere mētionem de digniori. Ideo nōia virorum posuit. Nōia autē feminarum subtrixit, nam & ipsum nomen Thamar, nunq̄ scripsit scriptura inter filios Dauid, nisi supra 3. q̄ de illis dixerit 2. Re. 3. & 5. & supra 3. c. & hic. Rō autē quare specialiter fuit expressa Thamar, & non aliæ filiae Dauid, potuisset esse duplex: primo, quia de illa fit mentio in alio loco scripturæ ipsa. n. est pp̄ quam mortuus est Amō primogenitus Dauid, quia deflorauit illam 2. Reg. 13. ideo vt qñ legeretur illa historia sciret, cuius filia erat Thamar, positus fuit nomen eius inter filios Dauid. De alijs autē filiabus Dauid, nulla hī historia in Sacra scriptura, ideo non oportuit nōiari alias filias. Secūda causa fuit, quia forte Thamar fuit filia alicuius, q̄ erat vxor Dauid. Aliæ autē erant filie cōcubinarū, & non curauit scriptura nōiare filias cōcubinarum, quia erāt par nē dignitatis pp̄ matres. Quod autē Thamar esset filia alicuius vxoris Dauid, patet, immo cuiusdā dignioris

inter vxores Dauid, nam mater istius erat filia Pholmai regis Gessuri. Nam erat soror Absalom ex patre, & matre, vt colligitur 2. Reg. 13. Nam pp̄ hoc occidit Absalom fratrem suum Amon pp̄ eam. s. oēs isti fratres erant fratres, & tñ Absalom, & Thamar erant fratres ex patre, & matre. Amon autē erat frater ipsorum ex patre. Quod autē Absalom esset filius filie regis Gessuri, patet 2. Re. 3. ideo ēt Thamar erat filia illius. Non habebat autē Dauid aliam vxorem præter istam, q̄ ēt filia regis, nisi Michol filiam Saulis, ideo nominaret ista pp̄ dignitatem matris, Quod autē filia concubinarum non nominarentur, patet etiam, quia filij concubinarum, qui digniores erant, non fuerunt nominati, vt patet supra 3. Cum dī omnes hi filij Dauid absque liberis concubinarum, habueruntque sororem Thamar, ergo nec filij, nec filia concubinarum nominantur, & aliæ filiae essent filia concubinarum.

Et hæc nomina eorum, qui nati sunt in Ierusalem. Lamia, & Sobad, Nathan, & Salomon, Iebar, & Elisu, & Eliphaleg: Noga quoque, & Napheg, & Iaphie, Elilama, & Baliada, & Eliphaleth. Audientes autē Philisthim, eo quod vnctus esset Dauid in rege super vniuersum Israel, ascenderunt omnes, vt quærerent eum. Quod cum audisset Dauid egressus est obuia eis. Porro Philisthim venientes diffusi sunt in valle Raphaim. Cōsuluitque Dauid Dominum, dicens: Si ascendam ad Philisthæos, & si trades eos in manu mea. Et dixit ei Dominus: Ascende, & tradā eos in manu tua. Cumque illi ascendissent in Baalpharasim percussit eos ibi Dauid, & dixit: Diuisit Deus inimicos meos per manū meam, sicut diuiduntur aquæ, & ita circo vocatum est nomen illius loci Baalpharasim. Dereliquerunt ibi Deos suos, quos Dauid iussit exuri.

Et hæc nomina eorum, qui nati sunt in Ierusalem. Non nōiantur hic illi qui nati sunt in Hebron dum regnaret Dauid super Iudam, quia illi nōiati sunt 2. Re. 3. & 5. 3. Hic autē solū agit mētionem de vxoribus, quas accepit Dauid in Ierusalem, ideo solum curauit nōiare filios illarum. intelligendū est ēt, q̄ non nōiantur hic oēs filij, quos genuit Dauid, sed solum illi, qui eiāt nati ex vxoribus, nam filij concubinarum nō nōiantur, vt patet 5. 3. vbi nominatis omnibus istis dī oēs hi filij Dauid absque liberis concubinarum. Nomina autē illorum non ponuntur hic, nec in aliquo loco scripturæ propter indignitatem, sicut præcedenti questione dictum est. Samua. Iste fuit primus eorum, qui nati sunt in Ierusalem, & vocabatur sic quidam frater Dauid. 1. Regum 16. & supra 2. & forte propter illud Dauid nominauit sic istum puerum. Sobad. Sic etiam vocabatur quidam rex Syrorum, vt patet 2. Regum quarto. Nathan. Non est iste Nathan propheta, quia ille non fuit de genere Dauid, sed fuit in diebus eius, & fuit valde familiaris ei. Item patet, q̄ non esset iste Nathan propheta, quia iste Nathan fuit filius Dauid, & Bethabee, vt patet 5. 3. & tñ Nathan p̄pheta venit ad increpādū Dauid, qñ cognouit adulterū Bethabee, & iecit

& fecit occidi Vriam virum eius. 2. Regum 12. ergo non erat iste Nathan. *Et Salomon.* Iste successit David in regno, & edificauit templum, istos quatuor filios habuit David ex Bethsabée vxore Vriæ, de reliquis autem sequentibus non habetur ex quibus vxoribus illos suscepit, nec nominantur vnquam illę vxores. *Ieber.* Iste vocatur Iehaar. 2. Regum quinto, & supra 3. sed idem est. *Et Helisu.* Iste vocatur Limasa supra tertio, sed idem est, vocatur tamen magis Helisua, quia David habuit duos filios, quasi eiusdē nominis quorum alter vocabatur Helisua, & alius Helisama, vt patet 2. Reg. 5. *Et Heli.* Sic vocabatur summus sacerdos in cuius tempore rapta est arca a Philisthinis 1. Regū primo, & quarto. *Et Heliphaleth.* Sic vocatur 2. Regum quinto, & supra 3. *Noga quoque, & Nageg.* Ista nomina raro ponuntur in scriptura, & vocantur Noge, & Napheg. 2. Regum 5. & supra tertio. *Et Iaphie.* Iste vocatur Iaphia 2. Regum 5. sed idem est. *Helisama.* Iste est alius ab eo qui supra vocabatur Helisama, vel Helisua. *Et Baliada.* Iste vocatur Heliade supra tertio, & Heliada 2. Regum quinto, sed idem est. *Et Helipheleth.* Aliquando vocatur Haliphalech, sed idem est. *Audientes autem.* Hic ponitur tertium principale huius capitul. scilicet de inimicorum expugnatione, & diuiditur in duo, nam bis pugnavit David contra Philisthinos in principio regni sui, ibi. *Alia vice.* Circa primum dicitur. *Audientes autem Philisthim, quod David vnctus esset super vniuersum Israel in regem.* Terra Philisthinorum est coniuncta terræ Israel, ideo est quædam pars terræ illius, & fuit diuisa per sortes inter Israelitas, ceciditque in axima pars eius tribui Iudæ in sortem, nā ibi ponuntur plures ciuitates terræ Philisthinorum de famosioribus, scilicet Gaza, Azothus, & Geth, Iosue decimo quinto, & istæ vrbes sunt de Metropolibus terræ Philisthinorum, vt patet Iosue 13. audierunt ergo Philisthini, quod David vnctus esset in regem super totum Israel satis cito, postquā ipse vnctus est. *Ascenderunt omnes, vt quærent eum.* Scilicet ascenderunt omnes, vt quærent ipsum ad occidendum, & dicitur, quod ascenderunt omnes, scilicet omnes gnati reges Philisthinorum, nam erat tota illa terra diuisa per quinque Metropoles, scilicet Ascalon, Gaza, Geth, Acaron, Azotus, & istorum erant quinque reges, siue quinque Satrapæ, vt patet Iosue 13. & 1. Regum sexto, quando autem ibant in bellum, omnes ibant simul, sic enim conuenerunt contra Saulem in bello, quo ille occisus est 1. Reg. 29. sic etiam conuenerunt nunc contra David, ideo dicitur, ascenderunt omnes, vt quærent eum. *Quod cum audisset David.* Scilicet, q̄ veniebant Philisthini ad quærendum eum. *Egressus est obuiam eis.* Scilicet manebat tunc David in Ierusalem, & iam intrauerant Philisthini in terram Israel, quando ipse hoc audiuit, ideo egressus est eis obuiam prope Ierusalem. Porro Philisthim diffusi sunt in valle Raphaim. Posuerunt ibi tentoria ad instruendum acies contra David, quia iam erant prope Ierusalem.

Sciendum autem, q̄ David confirmato regno suo, sicut supra dicitur erat securus, nec putabat, q̄ aliqua gens vellet mouere bellum contra eum: Philisthini autem congregauerant exercitum suum, & veniebant contra David, ipse vero nesciebat, nec audiuit quousque fuerant Philisthini in terra Israel, & tunc dum ipse congregaret exercitum cōtra Philisthinos perueniunt illi, vique in Ierusalem, & non poterat longius ab vrbe egredi, quam vsq; in vallē Raphaim, ibi inuenit existentes Philisthinos iam diffusos per vallē. Quia iam fixerant ibi tentoria sua. Et vocatur vallē Raphaim, idest Gigantium, & est nomen appellatum Hebræo significat Gigantium, & est nomen appellatum.

Alph. Tost. In Lib. I. Paralip.

A tiuum. Hieronymus tñ interdum non curat exponere ista noīa, tanquam appellatiua, sed ponit ea, sicut iacent in Hebræo velut si essent propria: Iosephus tñ 7. Antiq. vbi ponit istam historiam vocat vallem gigantum, vbi nos dicimus in valle Raphaim: est autē ista vallis prope Ierusalem, quasi inter Ierusalem, & Bethlehem: nam Bethlehem est de tribu Iuda ad partem Meridianam, Ierusalē autē est de tribu Benjamin ad partem Aquilonarem, & inter vtrunq; locum trāsit limes diuisionis, & transit per vallem Raphaim, vt patet Iosue 15. & 18. & nō potest distare per duas leucas a Ierusalem, vt colligitur in eisdem locis. *Consultitque David dominum.* Confidebat enim valde David in domino, & nolebat aliquid facere, nisi consulto eo, vt sciret euentum belli, & etiam qualiter pugnare deberet. *Dicens ascendam ad Philisthæos.* Vel nunquid erit bonum, q̄ ascendam.

B *Si trades eos in manu mea.* Si ascendero ad pugnandū nunquid trades eos in manu mea. *Dixit ei dominus ascende, & tradam eos in manu tua.* Per hoc tribuit ei securitatem de victoria belli, & tamen non securabat, an morerentur aliqui in bello ex parte David, vel non.

Cumque illi ascendissent in Baalpharasim. Posuerāt castra sua Philisthini in valle Raphaim, & scientes, q̄ veniret David ad pugnandum contra eos, reliquerunt tētorium in valle Raphaim, & recesserunt inde aliquantulum ad pugnandum acies suas: nam non potest fieri bellum inter castra, cum ibi nō possint ordinari acies, & peruenerunt ad locum quēdam, qui vocatur Baalpharasim, non quidem, q̄ tunc vocaretur sic, sed postea fuit vocatus propter istud bellū, vt patet infra in litera, & sic ponitur hic per anticipationem: nam scripta sunt multo tempore ista postquam facta sunt, iō potuit scriptura vti anticipatione in hoc.

Percussit eos ibi David. Scilicet occidit quosdam, & alios conuertit in fugam, plurimi tamen fuerunt, qui fugerunt per diuersas partes.

Et dixit diuisit Deus inimicos meos per manum meam, sicut diuiduntur aquæ. Dixit hoc David, quia cito Philisthini fugerunt a facie eius non expectato longo bello, & tantus terror eos tenebat, q̄ non fugiebant cōs simul versus eandem partē, sed diuisi sunt per diuersas partes, sicut factum est de Ammonitis, contra quos pugnavit Saul, & dispersi sunt, ita vt non manerent duo pariter, primo Regum 11. & dicitur hic diuisit Deus inimicos meos per manum meam, idest diuisit eos, sed fecit me ministrum, & dicitur, sicut diuiduntur aquæ, idest sicut faciliter diuiduntur aquæ, ita faciliter diuisi fuerunt coram me fugientes. *Et iccirco vocatum est nomen loci illius Baalpharasim.* Interpretatur Baalpharasim vallis diuisionis, & vocatus est sic locus ab euentu, scilicet quia diuisi fuerunt ibi hostes sui corā eo. *Dereliqueruntque ibi Deos suos.* Idest fugiebant Philisthini magno timore circumdati, ideo non habuerunt spacium accipiendi aliquid eorum, quę habebāt in castris: vnde & Deos suos, quos tulerant secum in bellum, dimiserunt ibi. *Quos David iussit exuri.* Erant enim idola, & non erant ad aliquem vltum vtilia, sed potius nociua, ideo iussit exuri.

Quare Philisthini quærebant David, cum audierunt ipsum esse vnctum in regem.

Quæst. VII.

QUÆRITVR quare dñ hic, quod cum Philisthini audierunt David esse vnctum in regē super Israel, venerunt, vt q̄rerent eū. Rñdendū q̄ hoc potuit eē pp̄ multa: primo q̄ Israelitæ erāt hostes Philisthinorū, & volebāt Philisthini semp̄ eos habere subiectos, sicut aliquñ tenuerāt, qñ nō dabāt eis

locum, ut haberent fabrum ferrarium in toto Israel, sed descendebat quilibet in terram Philistinorum ad fabricandum, & corrigendum instrumenta agriculturę, primo Reg. 13. ad hoc autem oportebat, quod Israelitę non haberent aliquem defensorem, qui eriperet eos de manu Philistinorum: David tamen erat fortis bellator, qui poterat eos eruere, ideo venerunt omnes ad querendum eum, sicut stirparent eum de terra, antequam confortaretur in regno. Secundum erat, quia David erat per hoc inimicus eorum: nam Israelitę erant hostes Philistinorum: cum ergo David fieret sponte princeps eorum, efficiebatur hostis Philistinorum, ideo querebant eum ad mortem. Tertium erat, quia credebant Philistini, quod David vellet pugnare contra eos, ideo voluerunt preoccupare: sciebant, enim, quod David successerat in regno loco Saulis, qui fuerat rex super totum Israel. Ille autem fuerat occisus a Philistinis, primo Reg. vlt. ideo propter offensam, & dedecus populi vellet nunc David expetere vindictam a Philistinis de morte Saulis, ideo voluerunt ipsi pugnare contra eum, cum David contra eos pugnatus esset.

Quare Philistini intulerunt bellum contra David illico, ut audierunt ipsum esse constitutum regem.

Quęst. VIII.

QUARE I T V R vterius quare Philistini illico, ut audierunt David esse constitutum regem super Israel, intulerunt ei istud bellum: nam poterant differre illud in alia tempora. Respondendum quod hoc voluerunt propter multa: primo, quia sciebant Philistini, quod cum nouiter David esset constitutus in regem, non esset tam confortatus in regno, sicut post aliquanta tempora, ideo voluerunt statim pugnare contra ipsum, ut propter minorem potentiam eius possent facilius illum eradicare de terra. Secundum erat, quia Philistini sciebant, vel rationabiliter presumebant, quod David vellet pugnare contra eos in ultionem mortis Saulis, & propter dedecus regni Israel, ideo voluerunt preoccupare eum, quia magna differentia est, quando bellum committendum est, an quis inuadit, vel sustineat inuasorem: nam videtur maioris audacie inuadere, & sic incutit timor inuaso propter audaciam inuasoris, & iste timor nimis diminuit de viribus inuasi: sic enim saepe in bellis ponitur, quasi pro augurio, quod illi, qui audent inuadere victores sunt: sic enim dixit Timotheus Iudæis, Machabeus pugnaturus erat contra Timotheum, & erat torrens medius. Cum appropinquauerit Iudas, & exercitus eius ad torrentem aquarum, si transierit ad nos prior non poterimus sustinere eum, quia potes poterit aduersum nos, si vero timuerit transire, & posuerit castra citra flumen transfretum ad illos, & poterimus aduersus eum. 1. Machab. 5. & sic factum est, nam Iudas transiit prius torrentem, & debellauit Timotheum, sicut autem iste Timotheus utebatur hoc augurio, ita & ceteri comprouinciales faciebant. Philistini tamen erant de terra illa, ideo ipsi multum confiderent in talibus auguriis, & sic potius voluerunt egredi, quam sustinere aggredientem. Tertium erat, quia magna distantia erat ad facilius vincendum, quod ipsi egrederentur contra David, vel sustinerent eum aggredientem, nam si David aggredere Philistinos, esset ipse tunc paratus ad bellum, & habens multum exercitum, Philistini autem forte paucum haberent, & non essent parati, quia ipsi nescirent an bellum mouendum esset, si autem David aggredere Philistini ipse non esset paratus, & Philistini venirent parati, quia nemo bellum aggreditur, nisi paratus, & sic facilius possent deicere David prevalendo contra eum, & ista fuit forte causa potissima, nam ipsi tam secrete para-

uerunt se ad pugnam, quod non potuit audire David quousque essent in regno eius, & sic non potuit egredi obuiam illis, quousque venerunt circa Ierusalem ad vallem Raphaim, ut patet supra in litera.

Quartum erat, quia magna utilitas videbatur Philistinis si egrederentur contra David: nam aggrediendo eum pugnaturi erant contra ipsum in terra sua: si autem sustinere deberent, oporteret quod David pugnaret contra eos in terra ipsorum: magna autem differentia erat in hoc, quia si pugnarent Philistini contra David in terra Israel, & vincerent ipsum, poterant facilius capere aliquam de locis terre eius, quam si pugnarent in terra ipsorum, & deberent postea persequi David fugientem ad terram suam: si autem vincerentur a David in terra Israel, non inferret eis tanta mala, quia non posset capere facilius aliqua loca de terra ipsorum, sicut si pugnaret in terra ipsorum: immo ipsi, qui vincerentur a David, possent inferre ei damna in terra sua, quia quando irent ad pugnandum contra eum, dum ipsi transirent per terram eius damna multa inferrent: multo ergo utilius erat, quod Philistini aggredere David, quam quod sustinerent eum aggredientem, & tamen si Philistini differrent istud bellum ad alia tempora, crederent, quod David aggredere eos, ideo voluerunt pugnare contra ipsum mox, ut audierunt eum constitutum in regem.

Quare Philistini non pugnaverunt contra David dum regnaret solum super Iudam. Quęst. IX.

QUARE I T V R vterius quare Philistini non pugnaverunt contra David eo tempore, quo regnauit super Iudam, & pugnaverunt illico, ut regnauit super Israel. Aliquis dicit, quod Philistini nescierunt David regnasse super Iudam, eo quod forte paucio tempore regnauit, sed sciuerunt quando postea constitutus est rex super Israel, & tunc instruxerunt bellum contra ipsum. Dicendum, quod hoc non stat, quia necesse est, quod Philistini sciuerint David regnare super Iudam: nam multo tempore regnauit, scilicet septem annis, & dimidio, ut patet 2. Reg. 5. & 3. Reg. 2. & in tanto tempore bene potuerunt scire, quod regnaret. Aliquis dicit, quod Philistini nescierunt, quod regnaret super Iudam, quia regnum Iudam erat valde distans a terra Philistinorum, ita ut in tanto tempore non perueniret fama ad eos, nec ipsi etiam possent ire ad pugnandum contra David in tam longinquo, regnum autem Israel erat propinquum terre Philistinorum, ideo mox, ut regnauit super Israel. Dicendum, quod ista ratio procedit ex magna ignorantia propter tria. Primum, quia regnum Iuda, & Israel non erant duo regna, sed vnicum: nam Saul dominatus fuerat ante hoc super Iudam, & Israel, etiam David regnabat nunc super Iudam, & Israel, ideo si poterat peruenire fama ad Philistinos de David, quod regnaret super totum Israel mox, ut constitutus esset in regem, poterat etiam peruenire fama ad eos, quod regnaret super Iudam mox, ut factus esset rex Iuda. Secundum est, quia terra Israel, & Iuda erat tota una terra continua: nam tota terra Chanaan cum terra duorum regum Amoritarum ultra Iordanem diuisa fuit ab Israelitis in duodecim partes pro duodecim tribubus, & una sors istarum data est tribui Iudę, ut patet Iosue 15. usque ad 20. & sic quando David regnabat super tribum Iuda regnabat super unam partem istarum duodecim, cum vero regnabat super totum Israel, regnabat super omnes duodecim partes, ideo poterat peruenire fama ad Philistinos in breui, quod David regnaret super totum Israel: poterat etiam peruenire fama, quod regnaret super Iudam. Tertium est, & efficacius, quia regnum Iudę erat propinquius terrę Philistinorum secundum se totum quam regnum Israel, eo quod Philistini habitabant ad partem meridionalem terrę Chanaan.

naan versus Aegyptum, fors aut tribus Iuda erat Meridiana magis inter oēs sortes aliarū tribuum, vt colligit Iosue 15. vsq; ad 20. Item patet hoc clarius, quia fors Iudæ, & terra Philisthinorū erant mixtæ: nam fere tota terra Philisthinorum erat in sorte Iudæ, qđ patet, quia quinq; ciuitates Metropoles solum erant in terra Philisthinorum, s. Ascalon, Azotus, Acaron, Geth, Gaza, vt patet Iosue 13. & 1. Reg. 6. & tamē tres istarū, s. Acaron: Azotus: & Gaza erant in sorte Iudæ, vt patet Iosue 13. necesse erat igitur, qđ mox, vt Dauid fieret rex super Iudam, cognoscerent illud Philisthini, qđ habitabant Philisthini inter viros Iuda. Dicendū ergo, qđ Philisthini cognouerunt, qđ Dauid factus est rex super tribū Iuda, & intulerunt ei bella multa, & tñ scriptura non facit mentionē de illis, sicut facit mentionē de bellis, quę intulerunt ei postquā regnauit super Israel. Sed dicendū, qđ istud non stat rōnabiliter pp̄ quatuor, primo qđ scriptura intēdit nimis explicare gesta Dauid, cum iste fuerit laudabilior inter oēs reges Iudæorū, & Deo magis acceptus, iō si multa bella fecisset qđ Philisthinos, dū regnauit sup Iudā, describeret saltē aliqua illorū scriptura, tñ nullū illorū descriptū est hic, nec in 2. lib. Regū, in quo per totū enarrant gesta solius Dauid, ergo nō pugnauerunt qđ eum Philisthini. Secundū est, quia dato, qđ non poneret aliqđ bellū in lib. 2. Reg. de his, quę fecit, vel passus est Dauid cū Philisthinis, dū regnaret sup Iudam, tñ saltem ponerent in isto libro, qđ iste liber est supplementus eorū, quę deficiebāt in aliis libris, & porissime in libris Regū, vt ait Hieronymus in Epistola ad Paulinū c. 7. & in plogo Galeato sup librū Regū, & hoc significat nomē suū, s. Paralip. idest relictorum, s. quia agit de illis, quę omīssa sunt in aliis libris, & tñ hic nō ponit de aliquo bello, qđ fecerit Dauid cū Philisthinis, vel passus fuerit ab eis, dū regnaret super Iudā, sed ponit hic, quasi eadē verba, qđ ponunt in 2. libro Regū quantū ad ista bella, quę nūc passus est, a fortiori ergo supplerat fuissent hic aliqua si omīssa fuissent ibi, & sic vī, qđ nullū tunc bellū contigerit. Tertiū est, qđ dato, qđ in libro Regū, nec in isto nō fieret mētio spāli- sthinis qđ regnabat super Iudā, saltē fieret de eis mentio in generali, s. qđ diceret, qđ fecit aliqua bella, & tñ in isto libro, & in 2. Regum non dī generaliter, vel spāliter, qđ fecerit aliqua bella Dauid, vel sustinuerit a Philisthinis, ergo nullū factū est. Quartū est, quia hic dī, qđ mox, vt audierunt Philisthini Dauid esse factū regē super Israel, venerūt oēs, vt quęrerent eū, in quo significat quoddā initium pugnandi qđ ipsum, ergo vī, qđ ante hoc non pugnant qđ eum. Dicendum ergo, qđ quandiu regnauit Dauid super Iudā, licet hoc sciuerint Philisthini, nunquā mouerūt bellum qđ ipsum, & tñ mox, vt constitutus est rex super Israel mouerūt qđ eum bellum. Causa autem, quare tunc non mouebant bellū, fuit triplex, prima fuit, quia cū regnaret Dauid super Iudā, non habebāt eū Philisthini tanquam hostem, quia licet Dauid pugnasset qđ eos quandiu vivebat Saul, & ipse erat subditus ei, & tñ postea factus est amicus Philisthinorū, qđ factus est inimicus Saulis, & fugit a facie eius: nam tunc descendit in terram Philisthinorum, & receptus est ab eis benigne, quia Achis rex Geth dedit ei urbem Siceleg, in qua maneret donando eā illi in suā, vt patet 1. Reg. 27. & ibi declaratur est. Dauid quoq; seruauerat Philisthinis firmitatem, quia nō commiserat prādā aliquam in terra eorum, nec bellū intulerat, aut aliquid aliud hostile vnde tantum confidebat de eo rex Achis, qđ duxit eū secum in bellum qđ Saulem, & Israelitas, & laudabant illum, qđ nunquā inuenisset in eo aliquid mali omnibus diebus, quibus fuisset apud eum primo Regum

A vigesimonono, & quod amplius est, quando omnes Philisthini congregati fuerunt contra Saulem, & Israelitas, remiserunt eum de bello, vt maneret in terra Philisthinorum, & tunc poterat ipse multa mala infligere, quia fere nullus erat in terra illa, qui posset ei resistere, & tamen nullum damnum intulit, sed potius pugnavit contra hostes Philisthinorum, s. contra Amalecitas, qui combusserāt urbem Siceleg, quę erat de terra Philisthinorum 1. Regum vigesimonono. & trigesimo postquam autē Dauid factus est rex Iuda, nihil mutauit contra eos de priori conuersatione, iō non tenebant eum, vt hostem, sed vt amicum, & sic non pugnant contra eum, cum vero factus est rex Israel, tenuerunt eum, vt hostem, quia putauerunt, qđ ipse vellet vlcisci mortē Saulis, & filiorum suorum, & dedecus Israelitarum, & etiam propter alias causas, quę in duobus quæstionibus præcedentibus expresse sunt, ideo pugnauerunt contra eum, postquam fuit rex Israel.

B Secundum erat, quandiu regnauit Dauid super Iudā regnabat Isboseth filius Saulis super vndecim tribus Israel 2. Reg. 2. c. & erat semper bellum inter eos eod. lib. cap. 3. Facta est longa concertatio inter domū Saulis, & domum Dauid. Putabant ergo Philisthini, quod Dauid nunquam pugnaret contra eos quandiu esset rex Iuda, sed potius confederaret se eis propter duo. Primū erat odiū domus Saulis, qđ Saul, & fautores sui persecuti fuerāt nimis Dauid: tūc tñ regnabat filius Saulis, ideo putabant, qđ non faueret Israelitis qđ eos, sed potius eis contra Israelitas: cum princeps Israelitarum esset hostis suus, & de domo Saulis. Secundum erat, quia Dauid habebat continuū bellū qđ Isboseth, & cū esset ipse minor, putabant, qđ peteret fauorem, & auxilium ab eis contra Isboseth, ideo qđ nunquam vellet inquietare eos, & sic non pugnant contra eum. Quando autem factus est rex super Israel cessauerant omnia ista, quia iam mortuus erat Isboseth, & non habebat aliquam hostilitatem cōtra domum Saulis, cum oēs essent de illa domo iam subiecti ei, & iam non faueret Philisthinis contra Israelitas, eo quod non erant hostes sui, sed subditi, ideo cōueniebat Philisthinis iam bellum mouere contra Dauid. Tercium erat, quia Philisthini mouebant nunc bellum contra Dauid ne ipse prius moueret contra eos, vt supra declaratum est, & tamen quandiu regnabat Dauid super Iudam, non timebant Philisthini, qđ moueret bellum contra eos, eo quod ipse erat occupatus in bellis quotidianis contra domum Saulis, vt patet 2. Re. 3. nunc verō cum factus est rex super totū Israel non formidabat aliquos in regno suo, nec erat intentus alicui bello, cū dicatur supra in litera, quod confirmatum erat regnum eius super Israel, ideo putauerunt Philisthini, quod mox vellet ei inferre illum, ideo voluerunt præoccupare, scilicet quod d ipsi prius inferrent ei bellum.

Quare Philisthini non mouerunt bellum contra Isboseth.
Quæst. X.

QUÆRITVR vltius quare Philisthini nō mouerunt bellum contra Isboseth, quādiu regnauit super Israel cum ipse successerit Sauli. Nam videbatur eadem ratio, quę in Dauid: nam persequēbantur Dauid, eo quod erat rex Israel.

Respondendum, quod Philisthini scientes Dauid regnare super Israel putauerunt, quod eis illico inferret bellum, ideo voluerunt præuenire eum inferendo sibi bellum: de Isboseth autem nihil tale suspicabantur propter quatuor, ideo non curauerunt ei inferre

I. Paralip.

Cap. XIII.

ferre bellū. Primum fuit, quia mortuo Saule, David, & Isboseth facti sunt reges in discordia, scilicet David super tribū Iuda, & Isboseth super vndecim tribus Israel, & illico in ceperunt bella inter eos: sic cum vacarent bellis intestinis non poterant inferre bellū extraneis, scilicet Philisthinis, & sic non erant solliciti Philisthini, quod bellum inferrent sibi Israelitę: propter quod nec curabant pugnare cōtra Isboseth, nec contra David. Secundum fuit, quia Isboseth a principio regni sui apparuit valde ineptus ad regnandum, quia non erat homo alicuius animositatis: putabant ergo, quod satis sibi esset, quod regeret regnum suū: quāto magis, quod vacaret bellis extraneorum. Tertium fuit, quia si Philisthini inferrent bellum Israelitis hoc esset, vt subijcerent eos sibi, & non poterant facere istud sine damno magno, quia multi suorum morerentur in bello: nunc autem eis non laborantibus, nec periculum sustinentibus eueniret eis, quod volebāt, quia Israelitę inter se erant diuisi, mutuo pugnaret, quousque vtraque pars deficeret, & tunc Philisthini sine labore dominarentur eis. Quartum fuit, quia si Philisthini vellent pugnare contra Isboseth, quandiu erat bellum inter ipsum, & David, timeret yterque ipsorum, quod sicut Philisthini pugnabant nunc contra vnum, ita pugnarent postea contra aliū, & sic delerent eos diuisim, ideo David, & Isboseth concordarent inter se, & pugnarent ambo contra Philisthinos, quia sepe similia accidunt, quod Philisthini timentes noluerunt contra aliquem ipsorum bellum committere.

Quare dicitur omnes Philisthinos ascendisse contra David.
Quest. XI.

QUÆRITVR vterius quare nunc dicitur, quod omnes Philisthini ascenderunt contra David, quia ipsi erant quinque reges, & David erat vnus.

Respondendum, quod dicuntur omnes Philisthini ascendisse contra David: non quidem, quod nullus maneret in terra, qui non ascenderet, sed quod omnes principes Philisthinorum ascenderent: erant autē quinque reges in terra Philisthinorum: nam erat diuisa tota terra per quinque ciuitates metropolitanas, & quęlibet illarum habebat regem, & ponuntur nomina earum Iosue. 13. & primo Regum 6. nunc autem omnes isti quinque reges venerunt contra David. Et ratio huius fuit, quia David erat rex potens. Nam Israelitę erāt magnus populus nimis, cū essent duodecim tribus, quarum quęlibet habebat multas vrbes, vt patet in diuisione sortium suarum Iosue 15. & vsque ad 20. ideo si veniret vnus rex Philisthinorū solus non preualeret contra David, quia illi non erāt proprie reges, sed reguli, quia regna istorū erant valde parua: vnde vocantur reguli Iosue 13. & aliquando non vocantur reges, sed Satrapę, idest principes simplices, vt primo Regum 6. & 29. Alia causa fuit, quia David erat fortissimus bellator, & nouerāt hoc Philisthini: nam ipse occiderat fortissimum eorum Goliath Gethęum, primo Regum 17. ipse quoque fecerat multa bella contra eos, & occiderat plurimos eo. libro cap. 18. & 19. ideo formidabant eum nunc, & nolebant ire cōtra ipsum sine magno apparatu bellico, & non erat istud speciale in David: nam etiam pugnabant sic contra Saulem. Nam in bello, in quo mortuus est Saul, omnes Philisthini conuenerant cōtra ipsum, vt patet primo Reg. 29. scilicet. Cōgregati sunt ergo vniuersa agmina Philisthim in Apher. Tertia causa erat, quia volebant Philisthini delere David quanto facilius possent: poterant autē tanto fa-

cilius, quanto esset eorum maior multitudo, ideo cōgregati sunt omnes, vt ascenderent contra eum.

Quare David consulebat Dominum, an deberet contra Philisthinos ascendere. *Quest. XII.*

QUÆRITVR vterius quare David consulebat Dominum, an ascendere deberet contra Philisthinos.

Respondendum, quod propter multa. Primū erat, quod David erat vir valde Deicola, & credebatur nimis omnibus, quę dicebantur a Deo, & in hoc merebatur, ideo propter exercitium credendi, & merendi frequentabat diuinam consolationem: aliqui autē erant infideles Iudęi, & idolatre, & vt nō darent gloriam Deo, vel quia non credebant verbis eius, vel quia nolebant confidere in eo, nec petere aliquod signum ab eo: sic enī fuit de Achaz pessimo idolatra, quē monuit Isaias, vt peteret signum à Domino in celis sursum, vel in infernum deorsum, & hoc ad laudem Domini, & noluit Achaz, dicens: non petam, & non tentabo Dominum, & quamquam diceret, quod faciebat, vt non tentaret Dominum, falsum erat, quia faciebat, vt non daret ei gloriam, & ob hoc iratus est contra eum Isaias nimis, & dixit: Audite ergo domus David: nūquid parum est vobis molestos esse hominibus, quia molesti estis, & Deo meo? Isa. 7. Alij autem volebant consulere Deum, & tamen, vt non darent gloriā Deo Israel, consulebāt idola: sic fuit de Ochozia rege Israel, qui misit ad consulendum Beelzebub Deum Acaron, an posset euadere de egritudine quarto Regum primo, & Deus valde conquestus est ibi per Eliam, dicēs: Nunquid non est Deus in Israel, vt mitteres ad consulendum Beelzebub Deum Acaron. mouebatur ergo David ad consulendum Dominum, quia per hoc honorabat eum. Vnde Iosephus dicit 7. Antiqui. Quod nihil sine consilio Domini, & propheta faciebat. Et hoc satis est apparens: nam bis consuluit Dominum in Ceila, primo Regum 23. & iterum in Siceleg eo. lib. c. 30. & iterum hic, & sic credendum est in omnibus alijs bellis suis, quod consuleret Dominum, quamquam nō expresse habeatur. Secundum fuit ad sciendum euentum belli. Nam poterat esse, quod Deus denunciaret ei, quod caderetur in bello, vel fugaretur, & tunc ipse non egrederetur ad hostes, sed defenderet se in vrbe, vel poterat esse, quod diceret ei, quod non egrederetur ad bellū, sed differeret ad aliud tempus: si autem Deus diceret, quod egrederetur ad bellum, esset iam securus de victoria, & ideo animosius ageret, & facilius vinceret hostem. Tertium erat, quia ex ista consultatione sequebatur magna utilitas quantum ad modum belli, quia non solum diceret Deus, quod pugnaret, sed etiam instrueret aliquatim in modo pugne: sic enim fuit in sequenti pugna: nam dixit Dominus David: Non ascendes post eos, sed recede ab eis, & venies contra eos ex aduerso pyrorum: cumque audieris sonitum gradientis in cacumine pyrorum, tunc egredieris ad bellum, vt patet infra in littera. Et fecit sic David, & vicit: Non habuisset tamen istam instructionem, si non consulisset Dominum, ideo bonum erat, quod consuleret.

Quis modus erat consulere Dominum.
Quest. XIII.

QUÆRITVR vterius quis erat modus, quo David poterat consulere Dominum. Respondendum, quod triplex modus reperitur in scriptura, scilicet per sacerdotes, & per prophetas, & per somnia, vt patet primo Regum 28. cum dicitur: Con-

Consuluit dominum, & non respondit ei per somnia, nec per sacerdotes, nec per prophetas, quasi dicat, q̄ non erant plures modi consulendi eū. Et satis patet, quia postquam per istos tres modos cōsuluit dominum, & non habuit ab eo responsum diuertit ad consulendum dāmones per mulierem Pythoniā eod. cap. primus autem modus erat per somnia, & de isto modo dubitatur qualiter Deus responderet. Dicit autem Historia scholastica, q̄ fiebant sacrificia, & deinde supponebatur quedam herbe capiti sic enim dicit de Rebeca, quando consuluit dominum pro parvulis, qui collidebantur in utero suo, Gene. 25. quæ iuit ac montem Moria, ubi Abraham fecerat altare domino, & immolatis hostijs incubuit pellibus sacrificij ad dormiendum, & per somnia accepit oraculum, & dicit, q̄ forte Rebeca per morem gentium, quem viderat obseruari à parentibus suis supposuit capiti suo speciem quandam laudi, quam tripodem vocant, & ramos arboris, quæ dicitur agnus castus, ut visiones capitis phantasticas dormiens non sentiret. Sed dicendum, quod non tenebant Iudei istum modum consulendi dominum per somnium, quia iste modus erat gentilis, & superstitiosus, quem valde volebat Deus vetari. Sed dicendum, quod modus erat, quod ille, qui volebat consulere dominum per somnium disponeret se prius per ieiunia, & per orationes, & per quæcunque alia genera bonæ operationis, & tunc peteret à domino, quod reuelaret ei per somnium, id de quo querebat, & Deus interdum concedens reuelabat, & iste modus erat vsitatus: sic patet 33. c. per somnium in visione nocturna, quando irrui sopor super homines, & dormiunt in lectulo suo, & tunc aperuit Deus aures virorum, & erudiēs eos instruit disciplina. Iste modus erat vsitatus apud prophetas: sic enim fecit Ieremias, quando orauerunt Israelitæ, ut consuleret dominum pro eis, an deberēt descendere in Aegyptum, vel non, & orauit per decē dies, & die 10. respondit ei Deus Iere. 42. sic etiam faciebat Daniel, quia quando dubitabat in aliquo, ieiunabat pluribus diebus, & orabat quousque Deus ei reuelaret, sic patet Dan. 10. scilicet. In diebus illis ego Daniel iugebam, trium hebdomadarum diebus, panem desiderabilem non comedi, & caro, & vinum non introierunt in os meum, sed neque vnguēto vntus sum, donec complerentur trium hebdomadarum dies. Et tūc sequitur ibi, q̄ Deus misit ei angelū, qui reuelauit sibi id, de quo querebat. Secundus modus consulendi dominum erat per prophetas, Deus enim loquebatur prophetis, & qñ aliqui dubitabant super aliquo, recurrerant ad prophetas, & ipsi respondebant eis. Istud enim fiebat dupliciter. Nam quidam prophetæ erant quibus Deus interdum tantum spirantem dabat, ut scirent ea, quæ querenda erant ab eis antequam quærentur, sicut sepe accidit in Elia, & Elisco: de Elia patet 4. Reg. primo, qui respondit nuntijs Ochozie, anteq̄ quærent ab eo aliquid. De Elisco patet sepe 4. Reg. 5. & 6. & declaratum est eo lib. 4. & cū aliquis veniret ad tales prophetas super aliquo dubio, illico respondebant ei. Alij autē prophetæ erant, quibus Deus non reuelabat secreta, anteq̄ quærent de illis, & quis consuleret tales prophetas suū diem, sue per noctem, sicut fuit de Isaia, qñ misit ad consulendum eum Ezechias super facto Senacherib, ut patet 4. Reg. 19. & Isa. 37. Nam ipse orauit dominū, & tñdit sibi: sic etiam fuit de Ieremia, qñ consuluerunt eum viri Iuda, an deberent descendere in Aegyptum Iere. 42. Tertius modus consulendi dñm erat per sacerdotes non quidem per quemcunque sacerdotē, sed solum per sacerdotē magnū. Pro quo sciendū, q̄

A inter cætera vestimenta summi sacerdotis erant duo, quorū vnū vocabatur Ephod, & aliud rationale, quæ ambo erant inuicem ligata, ita ut nunq̄ separarentur, & pendebant solum super pectus vsque ad zonam, & super dorsum vsque ad zonam, & non super brachia, & erat foramen per quod mittebatur caput, & in parte anteriori super pectus erat rationale ad magnitudinē vnus palmi, & erat quadratū, & in eo duodecim lapides preciosi, de cuius fabricatura patet Exo. 28. & ibi declaratum est. Quandoque sacerdos magnus induebatur isto vestimento, Deus rñdebat ei ad quæcunque dubia peteret propter rationale. Et sic dñs capi. portabit Aaron, i. summus sacerdos iudicium filiorū Israel in pectore suo, i. portabit super pectus rationale, per quod responderetur ad omnia dubia, de quibus quæsierint iudicia filij Israel, qñ autē aliquis vellent consulere dominum per sacerdotē induebatur summus sacerdos rationale, & Ephod, & quærebat, & rñdebat: sic patet primò Reg. 23. quando Dauid consuluit dominum in Ceila, an Saul descenderet ad capiendum eum, & an viri Ceila traderēt ipsum in manus eius, & tunc dixit ad Abiathar summum sacerdotē: applica Ephod, i. indue te Ephod, & cum indutus fuisset, quæsiuit quæ dicta sunt. Idem patet eod. lib. c. 30. de hoc tñ quomodo Deus responderet quærenti, an per fulgorem lapidū rationale, vel Ephod, vel in scripto, vel per verbum, & an quærens proponeret quæstionem verbo, vel scripto, declaratum est Exo. 28. & magis, primo Regum 23.

Per quem modum Dauid consuluit Dominum.

Quæst. XIII.

QUÆRI TUR vterius per quē modū istorum Dauid nunc consuleret Dominum.

Respondendum q̄ nunc vsus est primo mō rñdendi, s. per somnia, quia modus iste consulendi erat difficilior, & magis incertus, eo q̄ tardius rñdebat, & qui poterat vti aliquo de duobus modis alijs, non utebatur isto primo mō. Dauid autē poterat vti quolibet duorū aliorū modorū, iō non consuleret per somnia. De alijs duobus modis dicendum, q̄ Dauid poterat vti quocunque illorū, & non apparet quo illorū vsus fuerit. Quod patet, quia Dauid habebat nūc prophetas, per quos cōsuleret dñm, habebat etiam sacerdotes. De prophetis patet, quia habebat secum Nathan prophetā, qui fuit in diebus suis, ut patet Eccl. 47. & iste erat nimis familiaris ei, & reuelauit sibi de edificacione templi, & de filio suo regnatura post eum 2. Re. 7. & infra 17. & 22. iste etiam venit ad dicēdū sibi de pena, quæ infligenda sibi erat, quia occiderat Uriam, & acceperat vxorē eius Bethsabee 2. Re. 12. habebat etiam secum Gad prophetā, qui qñ fugiebat a facie Saulis, reuelauit ei, q̄ nō maneret in p̄sidio, sed veniret in terram Iuda 1. Re. 22. iste et̄ reuelauit sibi de pena, quæ infligenda erat ei, q̄ numerauit populū 2. Re. vlti. & infra 21. Habebat et̄ alios prophetas, de quibus non fit tanta mentio, & per quemlibet istorum poterat consulere dñm. De sacerdotibus patet, nam habebat secum duos summos sacerdotes, s. Abiathar, & Sadoc, ut patet 2. Re. 8. & 20. & per quemlibet istorum poterat consulere dñm: de Abiathar patet, nam rer consuluit dñm per illum, s. bis in Ceila, & semel in Siceleg, ut patet 1. Re. 23. & 30. de Sadoc et̄ manifestū est, quia ipse erat summus sacerdos, & poterat indui rationale, & Ephod, & tunc Deus rñderet ei. Et̄, quia iste Sadoc propheta, ut patet 2. Re. 15. cum dixit Dauid ad eum, o videns reuere in ciuitatem in pace, & tñ prophetæ vocabantur videntes, ut patet 1. Re. 9. s. qui n. propheta dñs hodie vocabatur

vocabatur olim videns. Dicendum tñ, q̄ quamquam F
vtroque istorum modorum posset David consulere
dominum: tñ verisimilius est, q̄ cōsuluerit p̄ sacerdo-
tes, quam per prophetas pp̄ duo: primò, quia facilior
modus erat habendi rñsionē per sacerdotes: illico. n.
vt querebatur per sacerdotes rñdebarur a dño, vt pā-
ter in omuibz consultationibus, quas fecit David p̄
Abiathar 1. Re. 23. & 30. qñ aut querebatur per pphe-
tas differebat Deus rñsum ad multos dies, sicut in cō-
sultatione, quam fecerunt Israelitē per Ieremiam, di-
stulit Deus rñsum vsque ad septem dies, vt patet Iere.
42. & in consultatione, quā fecit Daniel distulit Deus
rñsum vsque ad tres hebdomadas Daniel 10. Secūda
causa, quia excusatio questionis apparet, q̄ per sacer-
dotem fuerit facta consultatio: nam qñ fiebat per p̄-
phetā, ille qui dubitabat, exponebat totum negociū
prophete, & ille postea orabat dominum, vt respon-
deret super hoc negocio, vt patet in consultatione fa-
cta per Ieremiam ab Israelitis Ieremias 42. In mō aut
consulendi per sacerdotes erat iam certa forma visita-
ta consulendi talis, sicut ista, quæ ponitur hic, quod
patet, quia hic dicitur ascendam ad Philisthēos si tra-
des eos in manu mea, & sic proposuit David, quando
consuluit dominum per Abiathar, scilicet si tradent
me viri Ceile in manus Saulis, & sic descendit Saul,
sicut audiuit seruus tuus, & iterum eo. lib. c. 30. propo-
suit David quæstionem per Abiathar sacerdotem, si
persequar latrunculos hos, & comprehēdam eos, an
non: Dixitque in dominus, persequere: apparet ergo,
quod David consuluit nunc dominum potius per
sacerdotes, quam per prophetas.

Quomodo adiunxit Deus David contra Philisthinos.

Quæst. XV.

QUÆRITUR vterius qualiter Deus nunc
adiunxit David in bello cōtra hostes, & quō
dixit David diuisit Deus inimicos meos.
Respondendum q̄ David adiutus fuit à
Deo nunc specialiter in isto bello, nā ipse dixit diui-
sit Deus inimicos meos per manum meam, & 2. Re.
5. dicitur: Diuisit dominus inimicos meos coram me.
Et sic vtroque attribuitur ista victoria Deo. Modus
autē quo David adiutus fuit à Deo, poterat esse mul-
tiplex: nam poterat adiuuare eum conferendo sibi
vires maiores, quam prius habebat, & viris suis, & nō
possent Philisthini sustinere eos. Sic fecit Deus Israeli-
tis, quia dedit eis vires cōtra hostes, vt patet Deut. 8. f.
Ne diceris in corde tuo, fortitudo mea, & robur ma-
nus meæ hæc mihi præstiterunt, sed recorderis domini
Dei tui, q̄ ipse tibi vires præbuit, vt impleverit pactum
suum, sicut iuravi patribus tuis. Alius modus erat, q̄
Deus incuteret timorem magnū Philisthinis, & non
auderent stare ante faciem Israelitarum: sic enim p̄-
misit Deus Israelitis, q̄ faceret contra Chanaanēos, vt
patet Exo. 23. f. Terrorem meum mittam in præcur-
sum tuum, & occidam omnem populum, ad quem
ingredieris: cunctorumque inimicorum tuorum co-
ram te terga vertam. Alius modus esse poterat, s. q̄
Deus terreret Philisthinos faciendo, q̄ viderent ali-
quam magnam multitudinem exercitus venientem
contra se. Sic enim patet 4. Re. 6. quando Syri obse-
derunt Elīzū in vrbe Dothaim. Nam fecit Deus, q̄
apparerent multi currus ignei, & equi ignei cum
affessoribus suis armatis. Alius modus erat, q̄ Deus
faceret, q̄ audirent aliquem tumultum magnum tā-
quam aduenientis exercitus contra se, quem tñ non
viderent, sicut fuit, quando Benadad rex Syriæ obse-
derat regem Ioram in Samaria: nam fecit Deus audire
sonitum curruum, & equorum, & exercitus magni

per noctem, & omnes Syri, qui erant in castris fugi-
runt relictis omnibus, quæ habebant in castris, vt pā-
tet 4. Reg. 7. Alius modus erat, q̄ Deus faceret aliquē
terre motum sub pedibus Philisthinorum, & immi-
teret fragorem de coelo, & sic fugerent Philisthini ti-
mentes ne terra aperiret os suum, & deuoraret eos.
Sic enim fuit, quando Israelitæ erant congregati in
Masphath ad faciendum sacrificium cum Samuele,
& venerunt Philisthini armati, vt delerent eos, & tūc
orante Samuele Deus intonuit de coelo fragore ma-
gno, & terra concussa est sub pedibus Philisthinorū,
& fugerunt a facie Israelitarum 1. Reg. 7. & patet per
Iosep. 6. Antiqu. Alius modus erat, q̄ Deus mitteret
de coelo lapides super Philisthinos, & occideret eos:
ipsi aut fugerent a facie lapidum: sic enim fuit, quan-
do Iosue persequabatur quinque reges Amorrahos:
nam Deus misit lapides de coelo magnos, & occide-
runt plures de Philisthinis, quam occiderant Hebrei,
vt patet Iosue 10. Alius modus esse poterat, s. q̄ Deus
mitteret aliquē angelum, vel multos visibiliter, aut
inuisibiliter, & illi occiderent multos de Philisthinis,
& cogerent reliquos fugere: sic enim factum fuit, qñ
Senacherib obsederat Ezechiam in Ierusalem: nam
angelus domini venit per noctem, & interfecit in ca-
stris Assyriorum centum octogintaquinque millia
4. Reg. 19. Quis autē modus istorū fuerit hic, vel mul-
torū aliorum, quibus Deus poterat fugare Philisthi-
nos, non apparet. Dicendum tamen videtur, quod
non fuit hoc per aliquid, q̄ extra apparet, s. q̄ audiret,
vel viderent, aut per quamcunque aliam plagam ex-
tra inflatam: nam si aliquid tale fuisset, verisimile est,
q̄ scriptura illud expressisset, sicut infra in litera in
alio bello, quod fecerunt Philisthini contra David:
nam dicitur, q̄ Deus adiunxit eum faciendo, q̄ ange-
lus esset in cacumine pyrorum, & moueret arbores
audireturque, quasi multitudo exercitus venientis
Philisthinos. Sed dicendum, q̄ Deus adiunxit nunc
David incutiendo solum timorem Philisthinis, ita vt
non auderent stare ante faciem Israelitarum, & hoc
satis apparet, quia Deus permiserat Israelitis, q̄ qñ
pugnarent contra Chanaanēos immitteret timorem
illis, vel fugerent a facie Israelitarum Exo. 23. f. Ter-
rorem meum mittam in præcursum tuum, & occi-
dam omnem populum, ad quem ingredieris: cūcto-
rumque inimicorum tuorum coram te terga vertā.
Philisthini autem erant Chanaanæi, cum habitarent
intra terminos terre Chanaan: Iosue 13. ideo videret
Deus isto modo adiuuandi David contra eos. Et sic
videtur generaliter dicendū, q̄ quodocūque Deus
adiuabat Israelitas contra aliquos de terra Chana-
næi si non apparet alius modus, per quem adiuuaret eos,
credendum est, quod adiuuaret incutiendo terrorem
hostibus.

Quomodo dixit David Deum diuissse inimicos suos.

Quæst. XVI.

QUÆRITUR De secundo quomodo dixit
David, diuisit Deus inimicos meos.
Respondendum est, quod istud bellum
factum est opere Dei, vt declaratum est
præcedenti quæstione, & sic dicitur, quod Deus diui-
sit inimicos: potest tamen accipi diuisio dupliciter,
vno modo pro occisione, alio modo pro dispersio-
ne, de primo patet præceden. cap. scilicet contrista-
tus est David eo, quod diuississet dominus Ozam, vo-
cavitque locum illum diuisio Oza, & sic accipitur
diuisio pro morte. Nam 2. Reg. 6. ponit ista historia, &
dicitur. Contristatus est David, eo q̄ percussisset do-
minus

minus Ozam, & vocatum est nomen loci illius percussio Ozæ, & tunc intelligetur, quod dominus occidit hostes David: nam multi de Philisthinis perierunt in hoc bello: Accipiendo secundo modo pro dispersione est sensus, quod Deus fecit dispergi Philisthinos a facie David, & istud est verius: nam Philisthini non potuerunt consistere coram David, sed fugerunt, & tantus paor obtinuit eos, quod non audebant ire simul per viam terræ sue, sed dispersi sunt per multas partes ita, ut non manerent duo, vel tres simul fugientes: sic etiam fuit quando pugnavit Saul contra Ammonitas obidentes labes Galaad: nam percussit eos, & fugerunt, ita ut non relinquerentur duo pariter 1. Reg. 11. dicitur etiam hic per manum meam, in quo innuit David, quod istud bellum fuit factum a Deo principaliter, ipse autem fuit tanquam minister, ideo dixit Deus diuisit inimicos meos, sicut tanquam principale agens per manum meam, id est per me tanquam per ministrum, vel instrumentum, sed 2. Reg. 5. dicitur. Diuisit Deus inimicos meos coram me, id est me videte. Et in hoc attribuitur Deo magis actio quam hic, quia ibi tota actio attribuitur, sicut David non fuerit agens, sed recipiens, hic autem solum attribuitur Deo actio principalis, & David attribuitur actio instrumentalis. Sunt autem aliqua bella, in quibus tota actio spectat ad Deum, sicut fuit in occisione Aegyptiorum in mari rubro: nam Israelitæ nihil fecerunt in hoc, sed solum viderunt quomodo Deus suffocabat Aegyptios. Exo. 14. 6. Dominus pugnabit pro nobis, & vos tacebitis; & nihil ageris. Sic etiam fuit quando Deus occidit Amorrhæos latentes in scopulis apud torrentem Arnon inclinando scopulorum capita usque ad aquam torrentis, & suffocando ibi Amorrhæos, ut scriptum est in libro bellorum Domini, & habetur Num. 21. & ibi declaratum est, & tamen ista duo pro eodem accipiuntur, quae eadem res narratur hic, & 2. Reg. 5. Et dicitur, sicut diuisum est, quasi dicat, sicut aquae facilius diuiduntur in multas partes, nec resistunt diuidere volenti, ita inimici mei facilius dispersi sunt coram me, quia per timorem, quem Deus eis incussit illico fugerunt: sic enim dicitur Prouer. 21. Sicut diuisiones aquarum, ita cor regis in manu Domini: & quocunque voluerit, vertet illud, id est sicut facile est, quod in aqua fiant multae diuisiones, ita facile est, quod cor regis sit in manu domini, & vertat illud quocunque voluerit quamquam rex sit potens.

Quare Philisthini duxerunt in bellum Deos suos.

Quæst.

XVII.

QUÆRITUR vterius ad quid Philisthini duxerunt Deos suos in bellum.

Respondendum est, quod quælibet gens credebatur Deum suum esse Deum verum, & esse potentem ad bene faciendum sibi, quia alias non teneret eum in bello, quando ergo aliqua gens superabat aliam in Philisthinis, quando tenuerunt Samsonem, qui erat hostis eorum, & nocuerat eis nimis, fecerunt magnū festum, & obtulerunt hostias magnificas Deo suo David, dicentes: Tradidit Deus noster inimicum nostrum quando iuerunt cum Hectore contra Græcos, & occiderunt multos, intraueruntque in naues ipsorum, & volebant eas comburere, ferebant secum Deos suos, scilicet Iouem, & alios, ut ait Ouidius 12. Metamor. Ob hoc autem, quando aliqua gens obtinebat victoriam ad laudem Dei sui ponebat aliqua insignia belli in tēplo eius, significans per hoc, quod illa victoria fuisset collata a Deo. Sic etiam quando Philisthini pugnan-

Ates contra Israelitas tenuerunt arcam in bello posuerunt eam in templo Dagon. primo Regum quinto, & iste erat Deus eorum specialiter. Sic etiam quando pugnaverunt Philisthini contra Saulem, & occiderunt eum, amputauerunt caput eius, iusseruntque illud circumferri per omnia templa idolorum ad laudem ipsorum, & postea infixum est in templo Dagon, ut maneret ibi, & arma consecrauerunt templo Astharoth, ut manerent ibi in memoriam eternam. primo Regum ultimo. & supra 10. sic etiam faciebant Israelitæ: nam quando David occidit Goliath Philisthæum. primo Regum 17. posuit gladium eius, quem acceperat in templo domini post Ephod eod. lib. c. 18. & 21. **B**gentes ergo putantes se adiuuari a diis suis in bello credebant, quod magis adiuuarentur ab eis si haberent eos presentes quam si non essent. Ideo multoties ducebant eos secum in bellum, & ob hoc Philisthini duxerunt Deos suos nunc secum, sic etiam Idumæi quando pugnaverunt contra Amasiam regem Iuda duxerunt secum Deos suos in bellum, & capti sunt ab Amasia seq. lib. c. 25. Hebræi quoque faciebant istud: nam sepe ducebant secum arcam domini in bellum, sic. n. fuit tempore Heli summi sacerdotis: nam portata est in castra, & capta fuit tunc a Philisthinis primo Regum quarto, iterum etiam ducta est in bellum, quando pugnavit Saul contra Philisthinos eodem lib. decimo quarto.

Quare David precepit comburi Deos Philisthinorum.

Quæst.

XVIII.

QUÆRITUR vterius, quare David iussit Deos Philisthinorum comburi, & an bene fecit in hoc.

Respondendum est, quod bene fecit, & meritorie, quia sic iubebatur in lege: Deuter. 7. Causa autem motiua prima fuit, ut non transgrediretur legem: nam Deuter. 7. dicitur: Sculptilia eorum igne combures, nec assumes ex eis tibi quicquam, & non concupisces argentum, & aurum, de quibus facta sunt, nec inferes quippiam ex idolo in domum tuam ne fias anathema, sicut & illud est. Et sic si erant idola de metallo tenebantur ea comminueri, & redigere in puluerem quantum possent, ita ut nullus posset capere aliquam vtilitatem ex eis, si autem erant lignea debebant ea comburere, si vero lapidea debebant illa confringere, ista autem forte erant lignea, ideo combussit illa David. Vel dato, quod essent aurea, vel argentea poterant comburi, & redigi in pulueres, sicut Moyses combussit vitulum aureum, quem fecerant Israelitæ Exodi 32. & Deut. 9. redegitque eos in puluerem, & dedit ad bibendum de illis cum aqua populo. Secunda causa fuit, ut auferret occasionem viris suis idolatræ, quia si manerent illa idola penes viros David, forte aliqui illorum inclinarentur ad colendum ea: **E**sic enim factum est, quando pugnavit Amasias contra Idumæos: accepit enim in bello Deos ipsorum, & seruauit, & postea coluit, iratusque nimis Deus contra ipsum misit ei ad dicendum per prophetam, cur adorasti Deos, qui non liberauerunt populum suum de manu tua? & respondit Amasias. Nunquid consiliarius regis es? Quiesce ne interficiam te. Propter hoc autem traditus est in manus Ioas regis Israel, & ductus est captiuus in Ierusalem, & postea etiam serui sui fecerunt coniurationem contra ipsum, & fugit a facie eorum in Bachis, ibique occiderunt eum eod. cap. & 4. Reg. 14. Tertia causa fuit propter cultum Dei: volebat enim David exaltare cultum Dei quantum poterat, & quia cultus Dei, & demonum aduersantur, deprimendo vnum exaltatur alius. Conabat ergo David quan-

quantum poterat cultum idolorum deprimere, non poterat autem magis deprimere illum, quam cremando ipsos Deos, ideo nunc venerunt dii Philisthinorum ad manus eius & cremavit illos, sic etiā illi, qui erant vere cultores Dei conabatur inferre cultui idolorum quantamcunque ignominiam possent, sic fuit de Iehu rege Israel, qui finxit se colere Baal, ut inueniret omnes cultores eius, quos inuentos occidit, & de templo idoli fecit latrinas 4. Reg. 10. Nec poterat magis vilificari, quam quod de templo maximæ venerationis fierent latrinæ maximæ turpitudinis, & per hoc prouocaret Dauid viros suos ad non colendum idola, cum videret eos, ita vilificari a Dauid. Quarta causa fuit ad faciendum, quod viri Dauid non timerent Deos Philisthinorum. Nam quod diuersæ gentes haberent varios Deos, & quolibet crederet Deum suum esse verum Deum, tamen credebant, quod Deus vnius gentis erat potentior diis aliarum gentium, & sic apud omnes gentiles asserbatur Iouem esse maximum Deorum, ideo vocatur pater omnipotens, ut patet sepe per Ouidium, & alios poetas, s.

At pater omnipotens misso perfregit olympum. Fulmine.

Solus Iuppiter autem erat, qui fulminabat. Vnde ait Priscianus in primo minoris ponens ista verba pluit, tonat, serenat esse exceptæ actionis, eo quod ad solum Iouem pertineant. Sic autem Philisthini, quamquam essent infideles, credebant quod Deus Hebræorum esset potentior quam dii ipsorum, & quod non possent dii sui liberare eos de manu Dei Israel, unde quando Israelitæ duxerunt arcam in castris Philisthinorum timuerunt nimis, & gemuerunt, dicentes: Venit Deus in castra: vix nobis, quis nos seruabit de manu Deorum sublimium istorum? Hi sunt dii, qui percusserunt Aegyptum omni plaga 1. Re. 4. & sic multi Israelitarum simplices, quamquam colerent Deum Israel, putabant quod dii Philisthinorum erant dii, & poterant facere bonum, vel malum, & ob hoc timebant eos, sicut in bellis possent sibi nocere, & sic interdum non tam confidenter pugnabant contra Philisthinos. Voluit ergo ostendere Dauid, quod dii Philisthinorum nullius potestatis erant, & ideo quod non essent timendi. Hoc autem ostendebat cremando illos coram seruis suis. Simile fecit Iosue: nam a principio timebant Israelitæ pugnare contra Chanaanæos, & ob hoc quadam die cum cepisset Iosue quinque reges latentes in spelunca vrbis Maceda cōduxit eos viuos, & extēdit in terra, posuitque pedes suos super colla eorum, & fecit, quod serui sui similiter ponerent, ut amplius non timerent reges Chanaanæorum, cum nunc conculcarent eos.

Alia etiam vice Philisthiim irruerunt, & diffusi sunt in valle. Consuluitque rursus Dauid Deum, & dixit ei Deus. Non ascendas post eos, recede ab eis, & venies contra illos ex aduerso pyrorum. Cumque audieris sonitum gradientis in cacumine pyrorum, tunc egredieris ad bellum. Egressus est enim Deus ante te, ut percutiat castra Philisthiim. Fecit ergo Dauid, sicut præceperat ei Deus, & percussit castra Philisthinorum de Gabaon usque Gazera. Diuulgatumque est nomen Dauid in vniuersis regionibus, & dominus dedit pauorem eius super omnes gentes.

Alia etiam vice. Hic ponitur secundam huius partis, scilicet bellum, quod habuit Dauid cum Philisthinis postquam regnavit super Israel, & dicitur.

Alia etiam vice Philisthini irruerunt. Scilicet aliud etiam bellum fecerunt post præcedens, & istud vix, quod fuerit modico tpe post illud, & dicitur irruerunt, s. super terram Dauid, ut subito occuparent eam, & præuenirent Dauid inopinatum. *Et diffusi sunt in valle.* Id est extenderunt se per vallem, & posuerunt ibi tentoria sua, non dicitur hic, quæ vallis erat ista, sed intelligendum est, quod erat vallis Raphaim, in qua fuit præcedens bellum. Et patet hoc 2. Reg. 5. s. Et addiderunt adhuc Philisthiim, ut ascenderent, & diffusi sunt in valle Raphaim. Et ponitur ibi istud bellum. *Consultuitque rursus Dauid dominum.* Intelligendum est, quod cōsuluit ex eisdem causis, ex quibus consuluerat in bello præcedenti, quæ declarate sunt supra in quadam quæstione. Etiam intelligendum est, quod cōsuluit per sacerdotem magnum, sicut supra declarauimus, & dixit ei Deus, non ponuntur hic verba cōsultationis Dauid, quia intelligendum est, quod eisdem verbis usus est hic, quibus supra in consulendo, ascendam in Philistheos si trades eos in manu mea. *Non ascendes post eos.* Id est non ascendes ex aduerso illorum: sic dicitur 2. Reg. 5. s. Non ascendes obuiam eorum, sed gyra post tergum illorum. Et dicitur non ascendas post eos, id est non ascendas directe contra faciem ipsorum, ita quod velis fugare eos, & currere post ipsos versus terram suam. Hoc dicitur, quia Philisthini diffiderant se in valle Raphaim, & direxerant acies suas contra terram Israel, de qua Dauid venturus erat, Dauid autem intendebat acies suas dirigere directe contra faciem Philisthinorum Deus autem iussit, quod non faceret sic, sed quod veniret ex parte posteriori ipsorum. *Sed recede ab eis, & venies contra illos ex aduerso pyrorum.* Scilicet Dauid iturus erat contra faciem Philisthinorum directe, & quoniam appropinquaret eis non debebat ponere ibi acies, sed recedere ab eis, id est a facie ipsorum, & regyrare exercitum suum in circuitu exercitus Philisthinorum, ut constitueret acies suas in parte illa, contra quam erant posteriora Philisthinorum, & tunc Philisthini conuerterent acies in oppositam partem contra Dauid, & sic essent dorsa eorum contra quandam multitudinem pyrorum, quæ erat versus Ierusalē, ita ut cum Philisthini fugerent a facie Dauid non possent fugere contra terram suam, sed versus Ierusalem, ista littera ponitur magis clare 2. Reg. 5. s. Non ascendas obuiam illorum, sed gyra post tergum eorum, & venies ad eos ex aduerso pyrorum. *Cumque audieris sonitum gradientis in cacumine pyrorum tunc egredieris ad bellum.* Hic instruxit Deus Dauid circa tempus pugnandi, s. quod non moueret acies suas contra Philisthinos immediate, ut figeret eas, sed expectaret usque quo audiret vocem gradientis in cacumine pyrorum, & tunc moueret aciem contra Philisthinos, quia tunc veniebat Deus ad adiuvandum ipsum.

Egressus est enim Deus ante te. Id est quando audieris sonitum gradientis in cacumine pyrorum, tunc intelliges, quod Deus est egressus in auxilium tuum ad pugnandum contra Philisthinos. *Ut percutiat castra Philisthiim.* Intelligitur, quod Deus percuteret castra, id est, quod Angelus ab eo missus occideret aliquos de castris Philisthinorum, vel quod ipse percuteret castra, id est faceret, quod percuterentur a Dauid terrendo Philisthinos, & faciendo, quod inciderent in manus Dauid cum aliis possent fugere ab eo. Fecit ergo Dauid, sicut præcepit ei Deus. Sed regyravit direxit acies contra faciem Philisthinorum, sed regyravit post tergum eorum, & venit ex aduerso pyrorum, & non mouit illas quousque; audiuit sonitum gradientis in cacumine. De Gabaon usque Gazera. Id est duravit percussio de Gabaon usque ad urbem Gazera, siue Gazer. Est enim Gabaon ciuitas in sorte Benjamin Iosue 18. & in ista fuit tabernaculum Moyse posuit per Saul, quoniam deleta est ciuitas Nobe, & occisi sunt sacerdotes, &

& manebant ibi tempore David: mansit vsque ad Salomonem: nam ipse ascendit de Ierusalem in Gabaon, vt offerret ibi holocausta coram domino sup altare, quod fecerat Moyses in deserto, vt patet 3. Re. 3. c. & sequenti lib. c. 1. Gazer, quæ ponitur hic vocatur aliquando Gazer, sicut patet 2. Reg. c. 3. & creditur illa esse ciuitas quædam in sorte Ephraim, & in ista vrbe manebant Chananei multo tempore, quia noluerunt eos delere Israelitæ, sed fecerunt sibi tributarios, vt patet Iosue 16. & Iud. 1. Manserunt autem Chananei longo tempore ibi, & et nunc manebant: nã non fuit capta ciuitas vsque ad tempus Salomonis, qui accepit filiã Pharaonis regis Aegypti in vxorem, & ascendit ille Pharaon in terram Israel pugnavitque Chananeos habitantes in Gazer, & cepit urbem, deditque eam in dotem filiæ suæ 3. Re. 9. *Dimulgatumque est nomen David in vniuersis regionibus.* Scilicet per istas victorias duas mirabiles, quas nunc habuit Chananeos dimulgatum est nomen suum in omnibus regionibus orbis, quia istud non poterat esse, sed in regionibus modicum distantibus à terra Chanaan, & fuit famosus tunc David plusquam alij reges contemporanei sui: sic enim dicitur 2. Re. 7. *Dedi tibi nomen iuxta nomen magnorum, qui sunt in terra. Et dedit pauorem eius super omnes gentes.* Scilicet super omnes gentes in circuitu: cum enim vidissent, quod tam faciliter expugnasset bis omnes Philistinos, qui contra eum veniebant congregati, mirari sunt omnes, & iam nemo audebat bellum mouere contra David, timens, quod faciliter superaretur ab eo.

Quo tempore fuit factum istud bellum.
Quest. XIX.

QUÆRITUR de isto bello, quod habetur hic quo tempore fuerit factum, & quare illud fecerint Philistini. Rõndendum ad primũ, quod ex litera non apparet, quoniam factum fuerit, sed dicens. Hoc patet, quia dicitur hic alia vice ascenderunt Philistini, scilicet quod mox debellauit sunt, vt nunc ascenderet iterum David, & hoc satis apparet, quia ponit istud bellum immediate post præcedens tam hic, quam 2. Re. 5. & non interponuntur alia gesta David, si in aliquantulum tempus fuisset inter ista duo bella, alia gesta interponerentur, quæ fuissent inter illa. Ad secundum dicendum, quod Philistini potuerunt istud bellum facere nunc propter duo, primo in vindictam suscepti dedecoris: venerant enim ante hoc omnes Philistini ad pugnandum David: ipse vero tam faciliter fugauit eos, sicut si esset acies paruulorum. Erubuerunt ergo nimis Philistini, quod ad pugnandum a David, id exortati sunt se mutuo iussu David fuerat subiectus Philistinis, quoniam manebat regi Achis, vt patet 1. Re. 27. & 28. Erubescerant ergo Philistini nunc minores esse, quam David: cum ante hoc maiores essent eo, id volebant decertare David viri, est, quoniam pugnantes Israelitis cum Philistinis venit armatus, & dixerunt. Venit Deus in castra, vt nobis: quis nos poterit liberare de manu Deorum sublimium istodum David Hebræos, quamquam essent, quasi desperati, & dixerunt: confortamini, & estote viri Philistini ne seruiatis Hebræis, sicut illi seruiunt nobis: confortamini, & bellate, primo Regum 4. & tunc pugnantem contra Hebræos occideruntque triginta milia, & ceperunt armam eod. cap. ita nunc propter dedecus, & ne subirentur, acriter David pugnare

A volebant, & quia vindicta conuenientius, & honestius expetitur, quando sine interuallo fit, cum tunc magis videatur bellum continuatum, quam victoria alterius partis voluerunt Philistini illico pugnare David. Secunda causa fuit, quia putauerunt Philistini, quod sic facilius delerent David: nam esset David gaudens, & gloriosus de successu bellico, & putaret quod Philistini contrafactis nunc viribus non possent cito instaurare bellum, & sic non haberet curam de congregando exercitum contra eos. Illi vero subito contra eum venirent parati in armis, & non concederent ei locum se disponendi ad bellum, & sic facilius expugnarent eum. Tertium erat, quia voluerunt Philistini incutere timorem David, vt per hoc minus auderet pugnare David eos. si enim ipsi superati fuerant in superiori bello, & illico redibant instructi in armis, significatur, quod erant valde animosi, scilicet quia propter præcedentem victoriam David non terrebantur, sed putabant se posse obtinere contra ipsum. Etiam significabatur se esse potentes nimis, cum superiori bello vires eorum contrafacte, & dispersæ fuissent, & nunc sine dilatione iterum possent restaurare bellum.

Quare hic ponuntur duo bella David.
Quest. XX.

QUÆRITUR vltius quare ponuntur hic ista duo bella David contra Philistinos simul, & nulla alia. Respondebit aliquis, quod non fecit David aliqua alia bella contra Philistinos. Sed dicendum, quod hoc non stat, quia multa bella fecit David contra illos antequam esset rex, quoniam subditus erat Sauli, & etiam, quando fugiebat a facie eius, vt patet 1. Re. 18. & 19. & 23. Sed de istis bellis non est curandum: fuerunt autem alia bella David contra Philistinos postquam fuit rex Israel, & fuerunt post ista, sic patet 2. Reg. 8. & infra 18. Nam tunc abstulit David trenum tributum de manu ipsorum. Fecit etiam alia bella, de quibus habetur, secundo Regum vigesimoprimo, & ista fuerunt in senectute sua, ita vt quadam die Philistinus quidam occisurus fuerat eum, quia deficiebat iam viribus, & ex illa die dixerunt serui sui, quod nunquam iret cum eis ad bellum, eodem cap.

Sed dicendum est, quod ponuntur hic ista duo bella sola simul: primo, quia contigerunt simul, scilicet, quia inter vnum, & aliud fuit modicum tempus, quia vt dictum est præcedenti questione, Philistini illico vt superati sunt a David instaurauerunt aliud bellum contra ipsum, & sic quantum ad hoc est ordo naturalis in scriptura, scilicet, quod cum nulla gesta David fuerint ista duo bella, quod nulla describantur.

Secundum fuit propter similitudinem istorum duorum bellorum inter se, nam cetera bella, quæ David fecit contra Philistinos erant per modum aggressionis, vt communiter: ista autem duo fuerunt per modum resistentiæ, quia Philistini in vtroque fuerunt aggressores, & David restitit eis, & occidit atque fugauit. Etiam fuit similitudo inter ista duo bella inter se, quia ambo facta fuerunt in eodem loco, scilicet in valle Raphaim, vt patet hic in litera, & secundo Regum quinto.

Tertium fuit, quia ista fuerunt duo bella, per quæ David acquisiuit magnam famam, nam dimulgatum est nomen eius in vniuersis regionibus, & Dominus dedit pauorem eius super omnes gentes, vt patet in litera, in alijs autem bellis sequentibus non acquisiuit istam famam, quia iam eam acquisierat, ideo fuerunt ista duo bella specialiora inter se quam alia bella David, & simul posita fuerunt. Quartum fuit, quia inter bella David contra Philistinos, quæ ipse egit postquam

rex erat, non fuerunt aliqua duo mirabilitet facta, sicut ista. Quod patet, nam in primo ipsorum dixit David diuisit Deus inimicos meos coram me, sicut diuiditur aque, scilicet quod ipse Deus fecit illud bellum: de secundo autem patet magis manifestè: nam angelus Domini commouit cacumina pyrorum, & mouit Philisthinos ad fugam, & etiam dicitur in litera: egressus est Deus coram te, vt percutiat castra Philisthim: de alijs autem bellis non sic dicitur, ideo ista fuerunt mirabilia alijs, scilicet facta specialiter opere Dei, & alia non, ideo ponuntur ista duo simul.

Quomodo autem sunt Philisthini victi a David instruere bellum contra ipsum.

Quest. XXI.

QVAERITUR vterius cum Philisthini victi fuissent in superiori bello tam facili ter a David, quomodo autem sunt instruere rursus bellum contra ipsum, quia debuissent cessare, sicut quando secunda vice pugnaverunt, & victi sunt, cessauerunt pugnare: nam tunc fuit paupior eius super omnes gentes, qui erant in circuitu.

Respondendum, quod Philisthini resumpserunt bellum secundum, quia quamquam victi fuissent in primo a David non desperabant, quod possent vincere eum in secundo, quia iuxta existimationem humanam bella in plurimum dependent a fortuna: licet secundum veritatem aliud sit. Etiam sic putabant, quod accidentale fuisset, quod David superaret Philisthinos in illo bello, & sic credebant, quod ipsi viribus suis, vel a fortuna poterant superare etiam David in secundo bello. Nec debet aliquis vir animosus pauere propter hoc, quod aliquando vincatur ab hoste suo, sed debet semper animosior esse, & resumere bellum si expedit, sicut dixit David ad Ioab pro morte Urie Ethiei, & quorundam aliorum. Non te frangat res ista. Varius est enim euentus belli: & nunc hunc, & nunc illum gladius occidit, vt patet 2. Reg. 11. Sed dicet, quod Philisthini videbant quod istud bellum precedens factum non fuerat viribus David, sed Dei, quia miraculose fugati fuerunt a facie David, & sic nunc non erat bellum ipsorum contra David, sed contra Deum, & formidare deberet tale bellum. Responderi potest multipliciter vno modo, quod Philisthini non cognouerunt bellum precedens factum fuisse specialiter viribus Dei, sed quod David viribus suis superauerat eos, vel casu istud euenerat, vel forte propter imprudentiam ipsorum, qui non se habuissent caute contra David in bello: nunc autem credebant, quod possent emendare id, in quo erratum fuerat precedenti bello, ideo volebant instaurare acies contra David. Aliter potest dici, quod quamquam cognouissent, quod Deus fecerat bellum precedens pro David, nunc vellent pugnare contra eum, licet crederent, quod Deus adiuuaret eum iterum, & hoc faciebant, tanquam volentes potius mori, quam pati dedecus, & videri minores David, cum David fuisset ante hoc minor eis, & seruus ipsorum: sic enim factum est, quando pugnabant Philisthini contra Israel in diebus Heli summi sacerdotis, & fuit ducta arca in castra, nam timuerunt Philisthini, & desperabant se posse liberari de manu Israelitarum, dicentes, venit Deus in castra, vt nobis, quis non liberabit de manu Deorum sublimium? Et hoc non obstante confortauerunt, & exhortabantur, vt pugnarent contra Israelitas, & non subijcerentur eis, sed potius morerentur dicentes. Confortamini, & estote viri Philisthini, ne seruiatis Hebrejs, sicut illi seruiuerunt nobis, confortamini, & bellate, primo Regum quarto. Ita nunc quamquam

scirent, quod Deus volebat adiuuare David in bello potius vellent ipsi mori pugnando, quam videri minores David. Tertio potest dici, quod Philistini putabant quod possent preualere contra David, & contra Deum suum & hoc crederent, quia Israelites adduxerunt semel in castra arcam Domini, & Philisthini putabant illam arcam esse Deum Israel, vnde quando venit arca in castra, dixerunt: venit Deus in castra, quis nos liberabit de manu Deorum istorum sublimium? Et tamen tunc pugnaverunt Philisthini, & superauerunt Hebreos, ceperuntque arcam, & tenuerunt captiuam in terra sua 1. Reg. 4. & 5. ergo, ita nunc crederent se posse preualere contra David, & contra Deum suum. Quarto potest dici, quod licet Philisthini crederent Deum Israel esse potentior omnibus dijs gentium, & quod nullus posset eripere eos de manu illius, si ipse vellet pugnare contra eos, tamen credebant, quod aliquando Deus Israel volebat adiuuare seruos suos, scilicet si haberent eum placatum, & aliquando nolebat eos adiuuare, sed potius adiuuabat hostes suos contra eos: Istud experti fuerant Philisthini: nam quando arca Dei Israel ducta est in castra, & iubilauerunt Israelites tanquam iam obtinuissent propter presentiam arce, timuerunt nimis Philisthini, & tamen pugnaverunt viriliter, & occiderunt triginta millia de Israelitis ceperuntque arcam 1. Reg. 4. Postea autem cum perducta esset arca in terram Philistinorum, & posita in templo Dagon fecit eum cadere ante se, & confregit manus eius, & caput, & insuper percutiebat peste quicunque ciuitatem, in qua esset, ita vt compellerentur Philisthini transferre eam per diuersas ciuitates, & cum in omnibus esset grauissima pestis coacti sunt remittere eam in terram suam cum magno honore, & muneribus eo. lib. c. 5. & 6. Et sic arca federis, quae secundum opinionem Philistinorum erat Deus Israel, non liberauit suos in bello, nec seipsam, nec etiam sui non potuerunt eam liberare de manu Philistinorum, ipsa tamen quando fuit sola in terra eorum percussit illos, & Deos suos. ex quo apparebat, quod Deus Israel noluerat liberare suos in bello, quia forte offenderat eum, sed postea, quando misertus est percussit Philisthinos, & et Deos eorum: ita erat opinio fere omnium gentium habitantium in circuitu Israelitarum, quod patet, quando Holofernes voluit pugnare contra Hebreos, Achior, qui erat princeps Ammonitarum in exercitu eius narrauit ei originem Hebræorum, & dixit, quod perquireret, an Israelites fecissent aliquod peccatum contra Deum suum, & sic secure posset contra eos pugnare, quia obtineret, si autem non peccauissent non pugnaret contra eos, quia in opprobrium daretur, vt vinceretur ab eis, vt patet Iudith. 5. ita ergo Philisthini crederent, & ita potest dici, quod Philisthini errabant circa deitatem, & credebant, quod aliquis Deus poterat esse vno tempore potentior, quam alio, scilicet quia adiuuaretur a pluribus dijs, vel quia tempus domini eius tunc erat, sic. n. opinabantur fere omnes gentes, & sic Virgilius introducit Deos contententes inter se cum vocati essent in bellum a Ioue super bello Aeneæ Troiani contra Turnum regem Rutilorum, & ostendit quomodo plures dii fauebant vni, quam alteri, vt patet 10. Aeneidos, & sic Philisthini crederent, quod quicquid superioi bello Deus Israelitarum fuerat potens contra eos, nunc non esset potens, sed forte dii ipsorum essent potentiores, & adiuuarent eos contra David, & contra Deum Israel. Sexto potest dici, quod Deus Israel dedit Philisthinis istam audaciam ad pugnandum secundo contra David, & hoc faciebat propter maiorem gloriam David, & propter peccata Philistinorum. Interdum. n. Deus permittit, quod aliquis homo faciat id, propter quod puniatur, vel moueat bellum contra alium in quo pereat, & hoc, quia ipse meretur perire, sic. n. patet de Chanaanais, quos occidit Iosue, scilicet Deus incitauit eos ad pugnandum, vt caderent in manus eius, vt patet Ios. 11. scilicet Deus incitauit, vt induerentur corda eorum, & pugnarent contra Israel.

Israel, & caderet, & non mererentur nulla clementia. Sic etiam fuit de Amasia Rege Iuda, qui offenderat Deum adorando Deos Idumæorum, ideo ipse incitauit eum ad pugnandum contra Ioas regem Israel, ut caderet in manus eius, & sic factum est, ut parer sequenti libro, cap. 25. & 4. Regum 14. Ita & nunc Philisthini peccauerant contra Deum, & in superiori bello puniti fuerant aequaliter, & tamen non plene pro peccato suo, ideo incitauit eos Deus, ut iterum pugnarent contra Dauid, & vincerentur, & sic sufficienter punirentur pro peccatis suis.

Quare Philisthini non aggressi sunt Dauid tertia vice.

Quæst. XXII.

QUÆRITUR vterius quamquam in ista secunda vice superati fuerint Philisthini a Dauid, quare non aggressi sunt eum tertia vice, quia sicut quamquam victi fuissent prima vice, non timuerunt aggredi secunda, ita quæ secunda vice vincendum, & non ausi sunt Philisthini instaurare rursus bellum, quia bis victi sunt, & valde faciliter, quod vel fiebat viribus Dauid, vel opere Dei sui. Si primo modo non audebant iam resistere ei, quia sicut bis fuerat ei impares viribus, ita & semper credebant se futuros impares, unde stulte, & inutiliter pugnaret contra ipsum: si autem viribus Dei fiebat, formidabant eum nimis, quia sicut nunc faciliter bis eos fugauerat, atque disperderat, ita semper eos fugaret: & hoc credebant, quia videbatur sibi, quod Deus Israel diligebat nimis Dauid, & pugnaret pro eo: Sic etiam Gentiles credebant, quod aliqui homines erant valde dilecti a Dijs, & pugnabatur pro eis: sic enim dixit Claudianus Poeta Gentilis in libro de laudibus Stiliconis loquens de Imperatore Theodosio:

O nimium dilecte Deo, cui militat aether:

Et coniurati veniunt ad classica venti.

Et dixit hoc, quia cum semel pugnaret Theodosius contra quendam tyrannum potentem, sagittæ quas mittebat milites illius tyranni, postquam modicum volarent per aerem, conuerterebantur in eos, & percutiebant illos, ut ait August. in lib. de Ciuita. Dei, & poterant hoc præsumere Philisthini, quia videbant, quod Dauid erat vir valde deicola, & nimis religiosus circa Deum suum, & propter hoc Deus diligebat eum: nam per contrarium ipsi Gentiles arguebant contra Israelitas: sic enim Rablæces nuncius Sennacherib arguebat contra Israelitas, quod non deberent confidere in Domino, quod liberaret eos de manu eius, quia ille est cuius altaria nuerat, quod offenderant Deum auferendo altaria eius, & propter hoc non adiuuaret eos. Tertium fuit ex parte Dei: nam Deus incitauerat Philisthinos ad hoc, ut pugnarent contra Dauid duabus vicibus præcedentibus: & hoc fecerat ut diulgaretur nomen Dauid, & ut punirentur Philisthini pro peccatis suis, & quia in illis duabus vicibus sufficienter puniti fuerant, noluit incitare eos amplius, ut pugnarent contra Dauid: etiam quia nomen Dauid sufficienter fuerat diulgatum per ista duo bella, ideo non oportebat plura fieri.

Quare Deus diuersum modum pugnandi, & vincendi Philisthinos fecit. Quæst. XXIII.

QUÆRITUR vterius, quare Deus fecit diuersum modum pugnandi, & vincendi Philisthinos in isto bello secundo, quam in primo. Nam in primo bello Deus fugauit Philisthinos incutendo eis timorem, ut declaratum est supra in quadam Alph. Toft. In Lib. I. Paralip.

A quæstione. In secundo autem bello fecit sonitum exercitus audiri inter pyreta, quando erat sonus gradientis in cacumine eorum. Respondendum, quod poterat Deus multis modis dare Dauid victoriam contra Philisthinos, sicut declaratum est supra in quadam quæstione, & poterat etiam semper per eundem modum dare illi victoriam: voluit tamen, quod essent modi diuersi ad magis magnificandum potestatem suam, & sapientiam: nam sicut in varietate operum cognoscitur sapientia artificis, ita in varietate dandi victoriam, cognosceretur potestas Dei, & sic fuerunt isti duo modi multum distincti: quia vnum fuit per solam incussionem timoris in corde, alius autem fuit per sonitum extra apparetem; & sic Philisthini cognoscerent magnitudinem potentie Dei Israel, si potestas sua non erat alligata ad vnum modum: ista etiam fuit causa, quare Deus fecit, quod Dauid vinceret Philisthinos in duobus bellis: nam potuisset Deus in primo bello tradere Philisthinos, & non in duobus bellis: nam potuisset in primo bello tradere eos in manu Dauid, ita ut tantum noceret eis, & tot occideret de illis, sicut fecit in duobus bellis: noluit tamen propter duo; primo, quia maior potentia magnificabatur tradendo bis Philisthinos in manus Dauid, quam tradendo semel, & sic non crederetur quod factum fuerat hoc casu, vel quod Deus Israel habebat potestatem limitatam ad aliquod tempus, sed cum tempore poterat præualere contra hostes suos, quod non appareret in vnico bello, etiam si esset ibi magna occasio. Secundum erat propter diuulgationem nominis Dauid, quia magis diulgabatur nomen eius vincendo bis totam multitudinem Philisthinorum, & fugando illam, quam si semel vinceret: dato quod illa vice multos occideret, quia qui semel vincit potest intelligi fecisse casu, qui autem bis vincit æqualiter intelligitur facere viribus proprijs, scilicet, ex aliquo principio habente se vniuniformiter.

Quare Deus iussit Dauid, ut non veniret in obuiam Philisthinis. Quæst. XXIIII.

QUÆRITUR vterius, quare iussit Deus hic Dauid, ut non veniret in obuiam Philisthinis, scilicet contra faciem ipsorum, sed regyraret exercitum suum in circuitu exercitus Philisthinorum, & sic veniret ex aduerso pyrorum. Respondendum est, quod Deus volebat adiuuare Dauid ostendendo Philisthinis, quod propter exercitum, quem habebat Dauid palam, latebat alius in insidijs post tergum Philisthinorum, & viderent se Philisthini in medio vtriusque exercitus, & non possent se defendere, sed fugerent per diuersas partes: volebat autem Deus, quod exercitus ille, quem ipse volebat fingere, crederetur a Philisthinis latere intra multitudinem arborum, & ad hoc oportuit, quod Dauid faceret istam regyrationem, & non veniret directe contra eos. Pro quo sciendum, quod acies Philisthinorum veniebant ex parte vrbs Bethlehem contra Ierusalem, & Dauid erat in Ierusalem, & inter vallem Raphaim, in qua Philisthini nunc locauerant castra, & apud urbem Ierusalem erat multitudo arborum pyrorum: ideo Dauid vadens de Ierusalem contra castra Philisthinorum transire debebat apud multitudinem illam pyrorum: Dauid autem intendebat sic facere, scilicet quod procederet directe contra faciem Philisthinorum, & poneret acies suas ex illa parte contra Philisthinos, nec iret directe, sed iussit Deus, ut non iret obuiam Philisthinis, sed quando accederet iuxta eos regyraret exercitum suum in circuitu exercitus Philisthinorum, & tunc Philisthini conuerterent facies suas contra Dauid, & dorsa contra Ierusalem, & contra arbores pyrorum, & sic quando exercitus, qui latere debebat inter arbores sonaret, turbarentur Philisthini, quia ille exercitus veniret a tergo eorum, & non possent

sent ante nec retro fugere, sed necesse erat, quòd diuiderentur in multas partes,

*An peccaret Dauid procedendo contra Philisthinos,
Quaest. XXV.*

QUAE R I T V R vltius, an Dauid peccaret procedendo cōtra Philisthinos per talem fallaciā, scilicet, vt fingeretur exercitus latere inter arbores a tergo Philisthinorum. Respondendum est, q̄ non peccauit, & hoc propter multa. Primo, quia non fuerunt hic aliquaē verā insidiā: nam non erat aliquis exercitus inter arbores, sed auditus est sonitus, tanquā exercitus venientis a tergo Philisthinorum. Secundo, quia Deus iubeat istud, & dato quòd aliā talia faceret esset peccatum, nunc quia Deus iubeat non esset peccatum: nam praeceptum Dei excusaret, & non solum Deus volebat, quòd essent tales insidiae, scilicet, apparentes, sed etiam interdum iubeat fieri veras insidias: sic enim fuit, quādo pugnavit Iosue contra viros vrbis Ahi: nam iussit Deus, quòd poneret insidias post urbem, & ipse inciperet pugnare contra eos, qui erant in vrbe, & simularet fugam procul recedens ab vrbe, vt sic viri Ahi persequerentur Hebrēos: & tunc illi, qui manerent in insidijs intrarēt in urbem, & cremarent eam Iosue 8. Tertio patet, quia nihil est illicitum contra hostem, dum tamē veritas in promissis ei seruetur: nam ex eo quod aliqui hostes sunt, habent sibi procurare quāta mala potuerint, ideo quilibet debet sibi cauere ab alio: cum intelligat, quòd oportet modum sibi possibilem nocere ei. Quodcunq; ergo euenerit nō est contra legem hostis, quia non est aliqua fraus, nec celeritas, vbi nulla debet haberi securitas. Quātum ad illa autem, quae inter se componunt hostes, tenentur ad inuicem sibi seruare veritatem, quia in hoc securus quilibet debet esse de illo, quod sibi promittitur, in eo autem quod non promittit hostis hosti suo nullo modo debet esse securus, cū ad hostem pertineat nocere hosti, quantū potuerit, & tacite intelligitur, quòd hostis nocebit hosti in omnibus illis, de quibus nō exprimitur, quia si nihil exprimeret, in omnibus nocere posset: Dauid autem non promiserat Philisthinis seruare aliquid, ideo poterat facere contra eos quamcunque fraudem veram, vel apparentem.

*Quare Deus praecepit Dauid, ne ascenderet post eos.
Quaest. XXVI.*

QUAE R I T V R vltius, quare Deus dixit Dauid, non ascendes post eos recede ab illis: nam poterat facere Dauid omnia, quae supradicta sunt de exercitu abscondendo inter arbores nō faciendū istud. Pro quo sciēdum, quòd Deus nolebat, quòd Dauid nō iret directē cōtra Philisthinos ad hoc, quòd lateret exercitus Angelorum inter arbores: Deus tamen iussit, quòd Dauid iret primo contra eos directē, & quando accederet circa castra Philisthinorum, non poneret ibi acies suas, sed fugeret ab eis, id est, retrocederet a Philisthinis, & regyraret exercitum suum in circuitu exercitus Philisthinorum, & poneret acies in parte opposita. Dicendum, quòd hoc fuit conueniens fieri, quia Deus volebat, quòd quando inciperet pugnare Dauid, audiretur strepitus exercitus venientis inter arbores pyrorum, & volebat quòd Philisthini intellexerent, quòd ibi erant insidiae latentes, ita vt timerent, & cōuerterentur in fugam, & ob hoc debuerunt Hebrēi ostendere aliquid per quod Philisthini crederent, quòd insidiae latebant inter arbores: si enim Dauid venisset ex parte illa posteriore exercitus, & nō regyrasset per circuitum exercitus Philisthinorum, non

habuissent Philisthini occasionem suspiciādi, quòd latebat exercitus inter arbores, & sic quando fieret motus arborum, non illico crederent, quòd exercitus latebat ibi: nunc autem quia Dauid venerat de Ierusalem per locum arborum, & ibi positurus erat aciem, noluit tamen, sed regyravit exercitum suum per circuitum exercitus Philisthinorum, & posuit aciem in parte opposita & dedit occasionē suspiciādi, quòd reliquisset insidias aliquas inter arbores, & tunc quando inciperet Dauid pugnare, audirent Philisthini sonitum inter arbores: illico crederent, quòd latebat ibi exercitus propter priorem praesumptionem. Ideo sic decebat fieri.

G *Quare iussit Deus Dauid, quòd exercitum suum ex aduerso pyrorum poneret. Quaest. XXVII.*

QUAE R I T V R vltius, quare Deus iussit, quòd Dauid poneret exercitum suum ex aduerso pyrorum. Aliquis dicet, quòd hoc factū est, quia Deus volebat, quòd inter arbores audiretur sonitus, tanquā exercitus aduenientis, & lateret ille exercitus inter arbores. Sed dicitur, quòd hoc etiā facere poterat Deus in quacunq; alia parte: nā ex quacunq; parte Dauid aciem suam posuisset, Deus poterat facere, quòd ex parte opposita audiretur sonitus venientis exercitus. Dicendum, quòd hoc non potest stare, quia Deus volebat facere sonitum exercitus venientis, & tñ quòd nō esset aliquis exercitus, & appareret aliquid in forma exercitus: si ergo sonitus iste audiretur in aliquo loco plano, vbi nō essent arbores, vel aliqd aliud, in quo posset exercitus occultari, crederent Philisthini, quòd esset phantasma, vel aliquid factum opere magico, & audiret sonitus exercitus, & nihil videret, & sic non curarent de illo sonitu. Ad hoc igitur, q̄ terreretur, vt fugerent, oportebat quòd poneretur aliquis locus, in quo posset occultari magnus exercitus, & ibi audiretur iste strepitus: tñ enim putaretur vere, quòd esset exercitus latens in insidijs, & fugerent: istud autē erat, quia bellum fiebat per diem: si autem finisset factum per noctem, poterat vbiq; fieri iste sonitus, dato q̄ non esset ibi locus ad latendum: quia tenebrae noctis facerēt istud esse credibile: sic enim factum est, qñ rex Syriē Benadad obsidebat regem Israel in Samaria: nā cum essent Samaritae in magna fame, fecit Deus, per noctem audiri in castris Syriae sonitum curruum, & equorum, & exercitus plurimi, & fm veritatem nihil erat, quia tñ tenebrae erant, putauerunt, quòd venirent exercitus, & dixerunt: conduxit rex Israel aduersum nos reges Hethazorum, & Aegyptiorū, & uenerunt sup nos, & prae timore isto fugerunt relinquentes castra sua, 4. Reg. 7. Nunc autē erat dies, & non poterāt sic deludi Philisthini, ideo oportebat quòd sonitus fieret in loco, in quo posset occultari exercitus. Nullus autem alius erat, nisi inter arbores: ideo debuit ponere exercitum contra pyrorum arbores: istud verum est, nisi forte voluisset Deus, quòd appareret fieri sonitus in quacunq; parte etiam non occulta: sic enim fuit quando Syri obsidebant Elifaeum in vrbe Dothaim; nam timuit eius puer propter multitudinem exercitus, & dixit Elifaeus: Noli timere, quia multo plures sunt nobiscum, quā cum illis, & ostendit puero montem plenum curribus igneis, & equis igneis, & erant assessores super illos: vt pater 4. Regum 6. Nunc autem non dignatus est Deus ostendere talem exercitum Philisthinis, quia forte non erant digni videre eum: ideo fecit, quòd audiretur sonitus exercitus, & non videretur aliquid, & sic debuit fieri in loco pyrorum, vt lateret.

Quomodo

Quomodo, & qui, & a quo fiebat iste sonitus.
Quest. XXVIII.

QVAERITVR ulterius de isto sonitu, qui fiebat a quo fieret, & quomodo fiebat. Respondendū, q̄ quidam volunt, q̄ erat ventus, qui percutiebat capita pyrorum: sic enim ait Iosephus 7. Antiq. s. q̄ non prius Dauid inciperet dimicare, donec arbores vento flante mouerentur. Dicendū autē, q̄ forma sonitus ipsius erat tanq̄ aliquis ambularet sup̄ cacumina arborum, & cōcuteret frōdes, iō dī cum audieris sonitum gradientis in cacumine pyrorum: & dicendum, q̄ iste sonitus caufabatur ab Angelis multis, vel ab Angelo vno, & poterat fieri multipliciter: vno modo, q̄ Angeli caufarent ventum quendā, qui cum magno fragore cōcuteret arbores, & mouerentur: alio modo pōt intelligi, q̄ ipsimet Angeli concuterent arbores sine aliquo vento. Tertio modo pōt intelligi, q̄ Angeli in corporibus assumptis formarent aliquos sonitus pertinentes ad exercitum, & ēt concuterent arbores, vt vere putaret, q̄ exercitus latebat ibi. Primus modus istorū satis est possibilis. Nā sic factū est, q̄ Israelitae erant in deserto in mansione, q̄ vocatur sepulchra cōcupiscentiā. Nā dī ibi, q̄ ventus egrediens a Dño arreptas transmare coturnices derulit, & demisit in castra. Num. 11. & ibi declaratum est, q̄ ille ventus ab Angelis fiebat: nō tñ cōuenit iste modus in p̄senti: q̄ si ventus cōcuteret frondes arborum perflaret ille ventus castra, & tunc nō putaretur, q̄ aliquis exercitus lateret inter arbores, sed q̄ vento flante cōcutiebatur, & sic nō proficeret aliquid ille sonitus q̄ a Dño fieret, quia non attenderent ad illū Philisthini. Secundus modus rōnabilius est, s. q̄ Angeli concuterent arbores, nō existente aliquo vento, & p̄ hoc magis poterat moueri Philisthini ad putandū, q̄ esset aliquis exercitus latēs inter arbores, cū audirent arbores inoueri, & nō flaret aliquis ventus, a quo mouerentur. Sed adhuc iste modus nō est oīno sufficiens, quia si solum cōcuterentur arbores, nō fieret sonitus talis, quantum solet facere exercitus: quia in exercitu auditur in clangor tubarū, fragor armarū, strepitus quadrigarū. & aliquis sonitus, nisi qualem solent facere arbores, & p̄ hoc non putaretur exercitus venire. Tertius ergo modus ponendus est, s. q̄ Angeli in corporibus assumptis facerent istū sonitum, & tunc poterat ipsi tunc reddebat sonitum equorum, armorum, quadrigarū. & tunc q̄ Syris obsidentibus Samariā Deus fecit audiri sonitum exercitus venientis contra eos: nā fecit distinctos sonos equorum, & quadrigarum, & aliarum rerū, quae solent esse in exercitu. Sic patet 4. Re. 7. l. Siq̄dem Dñs sonitū audiri fecerat in castris Syriae curruum, & equorum, & exercitus plurimu, ita ergo fieret hic.

Quare dixerit Deus Dauid: tunc egredieris ad bellum, quando audieris sonitum gradientis, &c. Quest. XXIX.

QVAERITVR ulterius, quare dixerit Deus Dauid; cū audieris sonitū gradientis in cacumine pyrorū, tunc egredieris ad bellum. Respondendū vno modo, q̄ Deus volebat q̄ Dauid pugnaret eo tpe, quo ipse adiuuaret eum, quia aliās non pualeret cōtra Philistinos. Vt autē sciret Dauid, q̄ Deus incipiebat adiuuare eum, dedit ei signum, s. q̄ q̄n audiret sonitū gradientis in cacumine pyrorū: tunc intelligeret se adiuuari a Deo, & inciperet pugnare, & hoc significare vī cutiat castra Philisthinorum, i. tūc cum audieris istum sonitum Deus egredietur ad pugnandum cōtra castra Philisthinorum: & tunc potes tu egredi. Secundo pōt Alph. Toft. In Lib. I. Paralip.

A dici, q̄ hoc factum est ad hoc, q̄ Philisthini crederent latere insidias inter arbores, & sic fugerent a facie Dauid. Nam si Dauid inciperet pugnare contra Philisthinos, anteq̄ audiretur sonitus exercitus inter arbores, non proficeret, q̄ postea fieret iste sonitus, quia tunc non audirent illum Philisthini propter clamores magnos, qui fierent, postq̄ inciperet bellum, ideo debuit fieri anteq̄ inciperet Dauid pugnare, & tunc Philisthini audirent sonitum illum, & suspicarentur, q̄ ibi latebat aliquis exercitus, & cum illico Dauid inciperet pugnare crederent Philisthini, quod latebant aliqui inter arbores, & quod inter eos, & Dauid fuerat conuentum, vt simul inciperent ad pugnandum, & sic nimis timerent Philisthini. Alij autem dicūt, quod factum est hoc: quia Deus sciebat quādam horam, in qua ille, qui aggrediretur hostem suum superaret: Dauid autem nesciebat illam, ideo Deus dedit ei signum ad cognoscendum illam horam, s. quando audiret sonitum gradientis in cacumine pyrorum. Sed dicendum, q̄ istud non stat propter duos. Primo, quia ista est superstitio, s. q̄ aliqua hora esset habens hanc efficaciam, s. q̄ aggrediens hostem suum in illa vincat: nam tempus nō habet tales vires. nec etiam corpora coelestia. Et dato q̄ aliquid tale esset, Deus non diceret hoc Dauid ne instrueret eum in obseruationibus dierum, & temporū ad incipiēdas al. quas res, quia per hoc habetur introitus ad omnes superstitiones, & Deus vult maxime cauere omnes superstitiones: Quod patet Iere. 10. s. luxta vias gentium nolite discere, & a signis celi nolite metuere, quae timent gentes, quoniam leges populorum vanae sunt. Idest, regulae datae a Gentilibus de obseruando tempora, & alias superstitiones magicas, & astrologicas vanae sunt. Secundum est, quia iste sensus non concordat literae, in qua dicitur egressus est enim Dominus ante te, vt percutiat castra Philisthinorum: non ergo faciebat hoc aliqua hora, aut virtute celi, sed Deus, qui in illo tempore volebat adiuuare Dauid.

Quomodo egressus est Dominus, vt percutiat Philisthinos.
Quest. XXX.

QVAERITVR ulterius quomodo intelligitur, q̄ Dominus egressus est, vt percutiat castra Philisthinorum ante te. Respondendū est, quod potest dupliciter intelligi: vno modo, quod Deus percuteret castra Philisthinorum, idest, traderet illa in manu Dauid ad percutiendum. Aliter potest intelligi, q̄ egressus est ad percutiendum, i. q̄ vere Deus, siue Angelus percussit aliquos de Philisthinis: p̄supponēdū est autē, p̄ quocunq; istorū sensuum, q̄ Deus nihil istorum faciebat, sed Angeli sui faciebāt: nam ipsi sunt ministri eius ad omnia illa, quae Deus facere vult ad vtilitatem electorum, vt patet ad Hebraeos. 1. s. Omnes sunt administratorij spiritus in ministerium missi propter eos, qui hereditatem capiunt salutis. Et Psal. 102. Qui facit Angelos suos spiritus, & ministros suos ignē vrentem: etiam Deus multa istorum per se facere nō posset, quia consistunt in motu, & operatio Dei non potest consistere in motu, cum esse suū non sit in motu, & esse, & operatio in eo sunt idem, vt declaratum est, Exodi 23. & 25. & Iosue 11. Angeli autem possunt facere operationes, quae consistant in motu, eo quod esse suū non habet simplicitatem aternitatis, nec sunt puri actus. Accipiendo ergo primo modo intelligitur, quod vnus Angelus Dei, vel multi in assumptis corporibus, facerent inter arbores sonitum exercitus, & per hoc Philisthini fugerent a facie Dauid, & si traderentur in manus eius, dicerentur illi Angeli percutere castra Philisthinorum, idest, tradere

ea Dauid ad percutiendum. Nam si non fecissent Angeli illum sonitum exercitus, non fugarentur Philisthini a facie Dauid. Accipiendo secundo modo est sensus, quod non solum Angeli fecerunt illum sonitum ad hoc, quod Philisthini putarent, quod veniebat exercitus contra eos, & fugerent, sed et quod illi percussissent aliquos de Philisthinis, istud enim poterat esse: nam Angelus Domini venit in castra Sennacherib per noctem, & occidit ibi centum octogintaquinque millia virorum, 4. Reg. 16, & sic in isto exercitu occiderentur Philisthini aliqui ab Angelis, quamquam non apparerent Angeli in figura assumpta: sic etiam in multis alijs bellis factum est: nam quando quinque Reges Amorrhæorum fugiebant a facie Iosue in die, qua stetit Sol, misit Deus lapides magnos de caelo, Iosue 10. & illi missi fuerunt ab Angelis, cum Deus nihil istorum per se agat, sicut supra declaratum est, & iste modus est satis verisimilis, quamquam uterque potest stare.

An verum sit, quod Dauid percussit Philisthinos de Gabaon usque Gazera. Quæst. XXXI.

QUÆRITUR vltius, quomodo dicitur hic, quod percussit Dauid castra Philisthinorum de Gabaon usque Gazera. Nam videtur, quod percussio computanda sit ab illo loco, a quo inceperunt fugere Philisthini, & tamen ipsi ceperunt fugere a loco illo, in quo erant castra, scilicet, de valle Raphaim. Dicendum, quod dicitur percussisse eos de Gabaon, quia quamquam fugere inceperunt ex loco castrorum, tamen non incepit percussio ex ipso loco, sed apud urbem Gabaon, & hoc forte fuit, quia cum audierunt Philisthini sonitum exercitus de medio pyrorum, & viderunt Hebræos simul insurgentes contra se, plurimi eorum timuerunt, & fugerunt. Aliqui autem manserunt, & illos occiderunt Iudæi, & dum occiderent eos fugerunt reliqui, & Israelitæ persecuti sunt eos, nec potuerunt consequi illos usque ad urbem Gabaon, & ibi inceperunt percutere eos, & duravit percussio usque ad urbem Gazera: Hoc autem fuit, quia Israelitæ fatigati non potuerunt eos ultra prosequi, vel quia illi iam erant tantum dispersi, quod non reperiabantur duo, vel tres pariter, & sic Israelitæ non poterant eos persequi, quia oportebat, quod etiam ipsi diuiderentur ad persequendum illos, & istud non expediebat Israelitis. Vel potest dici, quod ciuitas Gazera pertinebat ad Philisthinos, & ibi recollecti sunt fugientes, nec potuerunt eos prosequi Israelitæ. Et hoc satis verisimile est, quia ciuitas Gazer est in sorte Ephraim, & isto tempore adhuc pertinebat ad Chanaanos: nam filij Ephraim permiserunt eos ibi habitare, ut essent tributarii ipsorum, Iosue 16. & Iudicium 1. & duravit hoc usque ad tempus Salomonis, quando Pharaon Rex Aegypti ascendit in terram Israel, & occupauit urbem illam, deditque eam in dotem filiae suae, 3. Regum 9. Poterant ergo nunc Philisthini intrare in urbem Gazer, ut ibi euaderent, & desinerent Israelitæ prosequi eos. Sed tunc dicitur, quomodo Philisthini pugnautes in valle Raphaim fugerent contra urbem Gabaon, & Gazera. Nam cum ipsi vellent fugere in terram suam, debebant fugere versus Meridiem, quia terra Philisthinorum est in parte maxime Meridiana totius terrae Chanaan, & ideo deberent fugere per loca sortis Iudæ: quia illa sunt maxime Meridiana in omnibus sortibus Israelitarum: fugerunt tamen versus Aquilonem ad urbem Gabaon, quæ est in sorte Benjamin, & ad urbem Gazer, quæ est in sorte Ephraim: istæ autem sortes sunt magis Aquilonares, quam sors Iudæ. Dicendum, quod hoc factum est, quia Israelitæ compulerunt Philisthinos sic fugere: nam quando Philisthini posuerunt castra sua in valle Raphaim, Dauid veniebat

contra eos ex parte Aquilonari, scilicet de Ierusalem, & ibi positurus erat aciem suam, sed regirauit exercitum suum in circuitu exercitus Philisthinorum ad partem oppositam, & sic erat exercitus Dauid a Meridie, & exercitus Philisthinorum a parte Aquilonari: multitudo autem pyrorum, inter quod auditus est sonitus latetis exercitus, erat adhuc magis Aquilonaris, quæ castra Philisthinorum, & ob hoc quod Philisthini voluerunt fugere: non potuerunt directe contra Meridiem, nec contra Aquilonem fugere, sed inter utrumque fugerunt: magis tamen declinauerunt ad Septentrionem: ideo venerunt primo in Gabaon, qui erat locus magis Septentrionalis, quam vallis Raphaim, ubi factum est bellum: eo quod Gabaon est in sorte Benjamin: deinde venerunt in urbem Gazer, quæ adhuc est magis Aquilonaris, scilicet, in sorte Ephraim, & ibi cessauerunt Israelitæ persequi Philisthinos propter causam dictam.

Quomodo diuulgatum est nomen Dauid in omnibus regionibus per ista bella. Quæst. XXXII.

QUÆRITUR vltius, quomodo dicitur hic, quod diuulgatum est nomen Dauid in omnibus regionibus per ista bella, nam non poterat diuulgari per omnes regiones, etiam si fecisset plura, & mirabiliora bella, quam nunc fecit. Nam non potest fama vnius hominis extendi per totum orbem, quantumcumque ille famosus sit: nam etiam fama alicuius urbis magnæ non extenditur per totum orbem, & sunt in illa multi viri famosi: a fortiori ergo non poterit extendi fama vnius hominis: sic enim fuit de urbe Romana, quæ in tempore illo, quo gloriosior erat non transcederat fama eius Caucasum montem, nec peruenerat ad Indos, ut ait Boetius de Consolat. lib. 2. prosa 7. f. Actate denique Marci Tullij, sic ipse quodam loco significat, nondum Caucasum montem Romanæ Reipublicæ fama transcederat, & erat tunc aduulsa Parthis etiam ceterisque: id locorum gentibus formidolosa: Vides ne igitur quam sit angustia, quam compressa gloria, quam dilatare, ac propagare laboratis? an ubi Romani nominis transire fama nequit, Romani hominis gloria progredietur? quasi dicat, Non vnumquam fuit tanta fama Dauid, sicut urbis Romanæ per orbem: ideo non fuit nomen suum diuulgatum per omnes regiones, sed dicitur in cunctis regionibus, scilicet, in multis, quia sic loquitur sacra scriptura: sic enim dicitur Genes. 11. Omnes prouinciæ veniebant in Aegyptum, ut emerent escas. Et tamen manifestum est, quod non veniebant omnes prouinciæ, sed multæ: quia si omnes venirent, non potuisset Aegyptus dare alijs omnibus prouincijs sæculi saltem in vno mense: potius fime quia etiam si vellent non possent omnes prouinciæ venire in Aegyptum. Vel potest intelligi, quod veniebant omnes prouinciæ in Aegyptum, scilicet, prouinciæ propinquæ. Ita hic diuulgatum est nomen Dauid in omnibus regionibus, scilicet, in omnibus regionibus propinquis, & istud est magis verisimile, & magis consonat modo loquendi scripturæ: Modus autem multiplicandi famam Dauid, fuit super omnes regiones, quæ nunc fecit bella mirabilia, & quamquam prius esset incognitus, cum non fecisset aliqua nimis excellentia, & sciuerunt, quod bis vicisset Philisthinos mirabiliter, & tamen illi erant gens multa, & populus robustus.

Quis nam fuerit modus incutiendi timorem Dauid super omnes gentes. Quæst. XXXIII.

QUÆRITUR vltius, quomodo dicitur, quod Deus dedit pauorem Dauid super omnes gentes, quis enim fuit modus incutiendi timorem? Respondendum, quod licet dicatur, quod super omnes gentes

gentes fuit paupor David, non est intelligendum, nisi de gentibus propinquis: quia illæ gentes, quæ non audierant nomen David, non poterant timere eum: & tamen multæ gentes erant, ad quas non peruenierat fama eius, ut declaratum est precedenti questione: ideo in illis non esset paupor eius. fuit autem nomen David solum divulgatum per regna aliquantulum vicina: ideo super gentes illas esset paupor eius. Quamquam in hoc considerandum est, quod paupor accipitur aliquando pro timore, aliquando pro admiratione. Accipiendo primo modo non veniebat paupor David super omnes gentes, quæ audierant nomen eius, quia solum ille gentes timuerunt eum, quibus poterat nocere, nec erat verisimile, quod noceret alicui, nisi vicinis cum quibus poterat communicare: distantibus autem non posset nocere, & tamen nomen suum posset extendi ad multos distantes. Accipiendo pauporem pro admiratione, dicendum quod ad omnes illas gentes, ad quas peruenit nomen David peruenit etiam paupor: quia omnes admirabantur de tam mirabilibus victorijs David, & tam faciliter habitis. Modus autem, quo Deus daret pauporem eius super gentes poterat esse duplex. Primus est, quod Deus nihil faceret specialiter in dādo pauporem David super gentes, sed in dando ei victorias, de quibus gentes pauperent: habuerat David duas victorias mirabiles contra Philistinos, ex quibus sequebatur paupor in omnibus audientibus. Cum ergo Deus esset causa illarum victoriarum, etiam diceretur esse causa infligens pauporem illi, quia quidquid est causa antecedens, est causa consequens. Secundus modus est, quod Deus specialiter causaret in cordibus gentium propinqua pauporem David. Nam in manu Dei sunt corcunque passionem voluerit, sed ad gaudium, ad tristitiam, ad timorem, ad iram, & sic de cæteris passionibus: sic patet Proverb. 21. f. Sicut divisiones aquarum, sic cor regis in manu Domini, & quocunque voluerit vertet illud. A fortiori ergo corda aliorum hominum erant in manu Dei, si cor regis est in manu eius, cum ipse sit potentior: Deus autem inquit istum timorem gentibus, quibus vult, ut subiciantur alijs, & deleantur ab eis propter peccata sua: sic enim fuit de Chanaanais super quos Deus posuit timorem Israelitarum, ut fugerent a facie ipsorum, & occiderentur ab eis, ut habetur Exod. 23. f. Terrorem meum mittam in præcursum tuum, & occidam omnem populum, ad quem ingrederis, & cunctorum inimicorum tuorum coram te terga vertam. Sic etiam quando Israelitæ peccabant, Deus incutiebat timorem cordibus eorum, Levit. 26. scilicet, Qui de vobis remanserint dabo pauporem in cordibus eorum, in regione hostium terrebit eos sonitus folij volantis, & ita fugient quasi gladium: cadent quasi bella fugientes: nemo vestrum audebit inimicis resistere: Aliquando Deus immittit timorem quibusdam gentibus, ut non noceant alijs: sic enim fuit quando filij Iacob occiderunt omnes viros viribus Sivebant venire super Iacob, & domum suam ad delendum illum, Deus tamen incussit timorem omnibus gentibus per circuitum, ut non auderent persequi Iacob: Sic patet Genes. 35. scilicet, Cumque profecti essent, terror Domini inuasit omnes per circuitum civitatis, & non sunt ausi persequi recedentes. Sic etiam factum est nunc, quia cum David bis vicisset Philistinos, forte omnes gentes in circuitu vellent insurgere contra eum ad delendum ipsum, ne divulgaretur contra eum, ideo Deus incussit timorem omnibus gentibus, ut non auderent insurgere contra David in bellum, & sic daretur ei pax ab omnibus gentibus.

Alph. Tost. In Lib. I. Paralip.

A bus, per circuitum: Quod factum est, nā post istud infra 17. dicitur, quod David habebat pacem ab omnibus gentibus, & magis patet 2. Reg. 7. & per hoc voluit ipse nunc ædificare templum Dño, sed prohibitus est, ut patet ibidem.

C A P. X V.



E C I T quoque sibi domos in civitate David, & ædificavit locum arcæ Dei, tetenditque ei tabernaculum. Tunc dixit David.

B Illicitum est, ut a quocunque portetur arca Dei, nisi a Levitis, quos elegit Dominus ad portandum eam, & ad ministrandum sibi usque in æternum.

I N præcedentibus dicto de arcæ portatione, quæ interrupta est, hic agitur de eadem portatione: secundo de venerabili situatione, sequenti cap. Prima in duas, quia primo ponitur quedam conveniens præparatio pro arcæ portatione: secundo agitur de ipsa translatione, ibi. Igitur dicendum. Prima in duas, quia primo ponitur præparatio quedam conveniens, quantum ad illa, quæ arcam portabant: secundo quantum ad eos, qui istam portationem solennizabant, scilicet, quantum ad illos, qui cantabant in circuitu arcæ, ibi. Dixitque David principibus.

An hic sit ordo continuatus ad præcedentia. Quest. I.

Q V A E R I T U R circa primum an ea, quæ habentur hic sint continuata ad præcedentia, vel fuerint facta prius. Et dato, quod sint continuata, an fuerint facta immediate, vel aliquanto tempore interiecto. Ad primum dicendum, quod ista sunt continuata præcedentibus. Nam illa duo bella, de quibus hñ præced. cap. & fabricatio domus David per artifices Hiram regis Tyri, prius facta sunt, quæ ea, quæ habentur hic, & et illa quæ habentur supra 13. & tñ ista facta sunt post illa, quæ habentur supra 13. ergo facta sunt post ea, quæ habentur præced. cap. Patet hoc, quia præced. cap. probatur est, quod bella, quæ habentur ibi, fuerint prius, quæ portatio arcæ de Cariathiarim in domum Obededom, de qua hñ supra 13. Illa tñ portatio fuit ante istum, quia hic agit de portatione illa, quæ fuit de domo Obededom in domum David. Iō a fortiori ista erunt facta post illa, quæ hñ præced. cap. Ad secundum dicendum, quod non apparet an fuerint ista facta immediate post illa, vel quanto tempore. Dicendum tñ, quod necesse fuit interponi aliquantum tempus, quia post quæ facta sunt ea, quæ hñ præced. cap. fuerunt facta ea, quæ hñ supra 13. ut dictum est. Et tñ ea, quæ hñ supra 13. fuerunt ante ea, quæ hñ hic per tres menses: iō necesse est, quod plus quæ tres menses intercederint inter ea, quæ hñ præced. cap. & hic, fuerunt autem isti tres menses, quibus mansit arca Dñi in domo Obededom, supra 13. Circa primum dñ. Fecitque sibi domos. Continuatur ad præcedentia, scilicet non solum David fecit illa bella contra Philistinos, quæ habentur præcedenti cap. sed etiam fecit sibi domos regales ad habitandum. In civitate David. Vocatur civitas David castrum montis Sion in Ierusalem. Et vocatur sic, quia David acquisivit castrum illud de potestate Iebusæorum, ut patet 2. Regum 5. & supra 11. voluitque vocari ex nomine suo civitatem David. Et fuerunt in isto castro palatia Regis, & templum Domini. Populus autem extra castrum habitabat in parte inferiori urbis: nam in Ierusalem erant tres clausuræ, siue tres muri, ut tangitur 4. Regum vigesimo secundo, & ibi declaratum est.

Et edificauit locum arce Dei. Fuit enim quoddam palatium magnum, in quo posita est arca: & ibi fiebant omnia ministeria per sacerdotem, & Leuitas. De quo declarabitur in secunda questione. *Tetenditque ei tabernaculum.* Istud tabernaculum erat aliquod tentorium de pellibus, vel de lino factum, sicut solent esse tentoria, quæ portantur ad bellum. Quod patet, quia dicitur tetendit. Et non potest intelligi hoc de aliquo edificio facto de ligno, vel lapide, quia ista non extenduntur, sed solū factū de pellibus, vel panno: intra istud tabernaculū latebat arca, ut non videretur ab omnibus. *Tunc dixit Dauid.* Scilicet, Facta ædificatione dixit ista, quæ sequuntur de portatione arce: non tamen est intelligendum, quod immediate post ædificationem illam dixerit, sed postea dixit: Ponitur tamen hic ad continuationem eorum, quæ dicuntur, ut declarabitur infra questione tertia.

Illicitum est, ut a quocunque portetur arca Domini, nisi a Leuitis. Dauid volebat nunc dare formā qualiter portanda esset arca de domo Obededom in domū suā, & dixit ista, quæ sequuntur. Nā in priori portatione fuerat error, & occisus est Oza: iō volebat Dauid quod nunc caute, & secundum legem ista fierent, & ad hæc præmisit quod arca non poterat ab aliquo licite portari, nisi a Leuitis: eo quod ad officium suum pertinebat istud, & quicumque vellet usurpare hoc, vel immiscere se eis, occideretur a Domino, Num. 1. & 16. & 18. *Quos elegit Dominus ad portandum eam.* Deus repulit ceteras tribus a sua ministracione, & fecit Leuitas esse ministros suos, iō iussit Num. 1. quod non computarentur Leuitæ cum popularibus, sed ipsi separarentur ad omnes necessitates tabernaculi, & portare debebant ipsi arcam, & omnia, quæ erant in Sanctuario, ut patet Num. 3. & 4. Portatio tamen arce specialiter assignata fuit Leuitis, qui erant de stirpe Caath, ut patet ibidem. *Et ad ministrandum sibi usque in eternum.* Id est, Deus elegit Leuitas, ut sibi ministrarent semper: iō non debet eis sufficere, quod ministrarent usque, nunc, sed etiam debent semper ministrare, & nunquam licet laicis ministrare. Possunt accipi hic Leuitæ, ut Leuita dicit genus, vel ut dicit officium. Nā primo modo omnes de stirpe Leui vocantur Leuitæ, & sic etiam sacerdotes vocantur Leuitæ, & tunc verum est, quod Deus elegit Leuitas ad ministrandum sibi, quia cum Leuitæ, qui minores sunt, quam sacerdotes, ministrant Deo diuersis ministracionibus, accipiendo etiam Leuitā, ut dicit officium, verum est, quia Leuitæ sunt in gradu tunc inferiori, quam sacerdotes, & competunt eis ministraciones minores. Nam debent seruire in eis, quæ iusserint sibi sacerdotes, ut patet Numeri 3. & 8. & 18.

Quæ fuerunt ista domus, quas dicitur hic edificasse Dauid. *Quest. II.*

QUÆRITUR quæ sunt istæ domus, quas dicitur hic edificasse Dauid. Respondendum, quod istæ fuerunt domus, quas fecerunt sibi artifices Hiram regis Tyri. Nā misit Hiram artifices, & ligna cedrina ad Dauid ad fabricandum domos, præced. cap. Nec est dicendum, quod istæ sint aliæ domus ab illis: quia tunc aut Dauid edificauisset istas, antequam Hiram mitteret ei artifices, & ligna ad edificandum domum, vel post. Non prius, quia si Dauid faceret sibi aliquas domos illas essent pulchræ, & magnæ, quales decebat habere regem: & tunc non erat necesse, quod Hiram mitteret eis artifices, & ligna ad fabricandum domum, quia non est verisimile, quod miserit Hiram ista, nisi quia sciebat, quod Dauid non habebat domos convenientes statui suo. Nec etiam est dicendum, quod Dauid edificauerit sibi istas domos, postquam artifices Hiram edificauerant sibi domum: quia domus illa esset valde solennis: nam materia erat excellens, scilicet, ligna cedrina: non enim poterant pretiosiora ligna po-

Eni in ædificatione domus. Etiam artifices erant valde eruditi: nam propter hoc Hiram miserat artifices de terra sua, scilicet, quia in terra Israel non erant tam eruditi artifices, sicut Sidonij, & Tyrij, ut probatum est præcedenti cap. & patet 3. Regum 5. Si tamen Dauid faceret aliquam domum sibi, postquam serui Hiram fecerant sibi domos, hoc esset, quia vellet facere domos excellentiores ad habitandum. Istud tamen non poterat, cum nec haberet materiam tam excellentem, nec artifices tam peritos, ideo non fecit sibi aliquas domos. Secundo patet, quia si fecisset Dauid sibi aliquas domos post illas, quas fecerunt serui Hiram habitaret in eis, & tamen ipse habitabat in domibus, quas fecerant serui Hiram, ut patet infra 17. cap. Ecce ego habitō in domo cedrina. Et tamen ista erat domus, quam fecerant serui Hiram, quia Hiram miserat ligna cedrina Dauid ad edificandum ea, præcedenti cap. Non ergo fuerunt aliæ domus istæ, de quibus dicitur hic a domibus, quas edificauerunt serui regis Hiram, de quibus præcedenti cap. sed hic fit repetitio ad tenendum ordinem artificialem in procedendo, quia hic describitur de portatione arce in domum Dauid: ideo fecit scriptura mentionem de illa domo, dicens quod edificauit sibi Dauid domos, & hoc quia serui regis Hiram edificauerunt pro eo.

Quis fuerit locus arce, quem edificauit Dauid.
Quest. III.

QUÆRITUR ulterius quis fuit iste locus arce, quem edificauit Dauid. Respondendum, in quo posuit quoddam palatium magnum, in quo poneretur arca, & ibi ministrarent Leuitæ, & sacerdotes coram ea, & fuit istud palatium in domo Dauid. Vnde nunc dicitur, quod tulerunt arcam in domum Dauid, ut patet hic, & sequenti cap. & 2. Regum 6. Non tamen erat istud palatium aliquis locus communis in domo Dauid, ad quem multi intrarent, sed erat aliquis locus separatus, ad quem nullus de domo Dauid intrabat, nisi quando intraret ad orandum. Nam ista domus per se claudabatur, & aperiebatur: & Leuitæ habebant curam de claudendo, & aperiendo eam: vnde constituti fuerant de Leuitis quidam ianitores, qui obseruarent ianuam istius palatii, ut non ingrederetur illuc aliquis immundus, nec quisquam nisi cum deuotione, & reuerentia: de hoc patet infra in litera, & sequenti cap. Dauid quoque quamquam haberet istud palatium in domo sua, non introibat illuc quādoque, nec sub qualicumque dispositione, sed prius mundabatur: sic enim patet 2. Regum 13. quādo mortuus est puer, quem genuerat Dauid de Bethsabæe de adulterio. Nam tunc surrexit Dauid de terra, & lotus, & vinctus est, & mutauit vestem: ingressusque est in domum Domini, & adorauit, & sic non intrauit illuc quousque faceret omnes istas dispositiones, eo quod faciebat differentiam inter domum suam, & domum Dei: pars tamen domus, in qua habitabat Dauid, adhuc erat aliquantulum sanctificata propter propinquitatem alterius partis domus, in qua erat arca: vnde Salomon noluit Dauid uxorem suam habitare in domo, in qua habitauerat Dauid: quia ibi fuerat arca, ut patet, sequenti libro, capit. octauo, scilicet, Non habitabit uxor mea in domo Dauid Regis Israel, eo quod sanctificata sit, quia ingressa est in eam arca Domini. In isto palatio magno erant Leuitæ quotidie ad canendum laudes Domino per ordines suos, & erant ianitores qui custodiebant portam, ne introiret aliquis immundus, & erant distincti isti Leuitæ. Cantores in tres partes, quia quidam chorus erat ad dextram, & alius ad sinistram, & alius in medio, ut patet supra sexto, &

& aliquantulum sequenti cap. In isto etiā palatio magno erat altare, in quo fiebant holocausta: quia interdum Dauid offerebat ibi sacrificium, & etiam ceteri de populo. Et hoc pater, quia quando Adonias filius Dauid fugit ad tabernaculum a facie Salomonis tenuit cornu altaris, ut pater 3. Reg. 1. & quādo Ioab ē fugit a facie Salomonis introiuit in tabernaculū, tenuitq; cornu altaris, eo. lib. cap. 2. Erat ē ista domus priuilegiata, sicut tabernaculū Moysi, q̄q non ex necessitate, saltem tñ ex quadā honestate, iō illi, qui timebant cōfugiebāt ad illud tabernaculū, sic enim fuit de Adonia, q̄ timēs Salomon frater suus occideret eū, confugit ad istud tabernaculū, 3. Reg. 1. Ioab quoq; timens Salomonē fugit illuc, & obseruabat aliquam reuerētiā Salomon illi templo. Nā iussit ipsi Ioab, q̄ exiret ad hoc q̄ occideretur extra, & cū nolisset exire iussit, q̄ occideretur interius, & sic factū est, eo. lib. cap. 2. In isto autē palatio erat quoddā tentoriū de pellibus iacynthinis magnū extēdū ad vnā extremitatē domus, & in illo ponebat arca, ut non videret ab oībus: Sic patet infra 7. cū Dauid dixit ad Nathan Prophetā: Ecce ego habito in domo cedrina, arca autē federis Dñi sub pellibus est. Id est, tentorio facto de pellibus iacynthinis, qñ ē arca portabatur in bellum, portabatur simul istud tentoriū de pellibus, ut figeretur in campo, & ibi posset arca honeste poni: sic enim patet, qñ Urias venit de bello ad Dauid, & iussit ei Dauid, ut ascenderet in domū suā: ipse autē dixit, q̄ non descenderet, inquit: arca Dei, & Israel habitat in papilionibus: & dñs meus Ioab, & serui dñi mei sup faciem terræ manent, & ego ingrediar domum meam? q. d. non est iustum, q̄ ego ingrediar in domum meam: cum arca Dei sit sub papilione, id est, sub tentorio facto de pellibus in bello, 2. Reg. 11.

Quando, & ad quid Dauid dixerit ista verba: Illicitum est, ut a quocunque arca portetur. Quæst. IIII.

QUÆRITUR vltius, quando dixit Dauid ista verba, illicitum est, s. vta quocunq; portet arca, & ad qd hoc dicebat. Rñdendū, q̄ Dauid volebat portare arcam de domo Obededom in domum suā, & volebat dare formam portādī. Nam in superiori portatione, quæ fuit de Cariathiarim in domū Obededom acciderat error, & mortuus fuerat Oza, supra 13. Et fuit istud, quia portantes arcam nō bene se habuerant: iō voluit nūc ordinare, qui portarent arcā, & noluit hoc cōmittere laicis, q̄ ipsi indigni erant ad tāgendū eā, & morerent, si tangerent. Nā Oza erat Leuita, & quia tetigit indebite arcā mortuus est: a fortiori morerentur illi, q̄ nō erant Leuitæ: iō statuit, q̄ Leuitæ portaret arcā: & ad hoc p̄supposuit dicens illicitū est, ut a quocunq; portet arca Dei, nisi a Leuitis, quos elegit Deus, & deinde particulariter incepit ordinare de modo portationis vocando Leuitas, ut pater infra in littera. Ad aliud dicendū, q̄ ista verba dicta fuerūt a Dauid tunc, quando ipse incipiebat disponere de portatione arce in domum suam. Sed obijciatur, q̄ dñs in littera fecit Dauid sibi domos in ciuitate, & edificauit locum arce, & sequitur tunc dixit Dauid: illicitū est, ut a quocunque portetur arca, & sic necessario refertur ad immediatum, s. de edificatione domus. Dicendum, q̄ nō refertur ad illud tempus. Nam manifestum est, q̄ ista verba dicta sunt ad dādum formam de portatione arce in domum Dauid, & tamen ipse edificauerat domos, & parauerat locum arce multo prius, quā durauerat arcam in domum suam: nā sicut declaratum est precedenti cap. prius edificauit Dauid domum, & parauit locum arce, quā portaretur de Cariathiarim in domū Obededom: nā illa prima vice intēdebat Dauid portare arcā in domū suā, & portauisset, nisi super-

Alph. Toft. In Lib. I. Paralip.

Anenisset impedimentum de morte Oza, ut patet supra 13. Et tamen Dauid nō inciperet portare arcam in domum suā, nisi iam parasset ei locū, & tñ ista verba, quæ habentur hic nō fuerunt dicta pro prima portatione, sed pro secūda. Quod patet, q̄ Dauid hic dicit, q̄ nō eratis hic a principio, p̄cussit nos Dñs. Dicendū ergo, q̄ hic subintelligendū est aliqd, ad quod referat lra ista, s. q̄ fecit Dauid domos, & parauit locū arce, & portauit eā de Cariathiarim in domū Obededom, & post tres mēses, qñ sciuit Dauid, q̄ bñdixerat Dñs domū Obededom p̄ arce: disposuit se ad portādū illā in domū suā, & tñ sequitur ista littera, s. tunc dixit Dauid illicitum est, ut a quocunq; portet arca, nisi a Leuitis, & sic in principio istius c. debet subintelligi totū quod habetur supra 13.

An verum sit, quod Deus elegerit Leuitas, ut ei in æternum ministrarent. Quæst. V.

QUÆRITUR vltius quomodo dicitur hic, q̄ Deus elegit Leuitas, ut ministraret sibi in æternum: nam non fuit ista ministratio sempiterna, quia iam cessauit adueniente lege euangelica, ita q̄ iam nihil licet facere de illa, & quicūque voluerit obseruare aliquam ceremoniam legis veteris iam peccabit, sicut dixit Apostolus ad Galat. 3. Euacuati estis a Christo, qui per legem iustificamini. Et iterum: Si circumcidimini, Christus vobis nihil prodest. Aliquis dicet, quod ministratio Leuitarum fuit æterna, quia licet aliquando cessauerit: tamen data est cum intentione semper manendi: sic enim est in legibus humanis, quia si aliqua lex datur in ciuitate cum intentione semper manendi, dicitur perpetua, & tamen manifestum est, quod illa aliquando cessabit: nam ciuitas aliquando desinet esse, & consequenter non erit aliqua lex. Dicendum, quod istud non stat, quia lex veteris testamenti non fuit data cū intentione semper manendi: nam Deus dedit illam, & aliquādo daturus erat legem nouam, & ab æterno ipse intendebat dare aliquādo legem nouam, ideo non dabatur cum intentione semper manendi. Dicendum autem, quod lex vetus pōt vocari p̄petua multis modis. Primo modo, q̄ vocat illa lex p̄petua, q̄ nō datur cū diffinitione alicuius t̄pis, i. q̄ non exprimit in ipsa quāto t̄pe durare dēt: sic enim fuit de lege veteri. Nam data fuit sine p̄finitione t̄pis: Dato. n. q̄ legislator intēderit eā aliqñ mutare, vocaret p̄petua, q̄ nō fuit exp̄ssum in ipsa t̄ps certū, quod duraret. Secūdo modo pōt vocari p̄petua, q̄ mansura erat quādiu maneret status iudaicus. Nā lex dāt politie existētī, qñ aut cessat politia, cessat etiā lex, & ob hoc si aliqua lex nunq̄ cessat quousq; destruat politia, cuius est lex: recte illa dñ lex æterna, q̄ cessatio non venit ibi legi p̄ se, sed p̄ alterū: sic. n. factū est in lege veteri: nā ipsa duratura erat quādiu duraret status iudaicus, & ē tādū durauit, post mortē aut Christi captiuitatis iudeis p̄ Romanos cessauit status iudaicus, iō cessauit lex: nō ergo tollit qñ sit p̄petua. Tertio modo pōt vocari lex vetus p̄petua, q̄ magno t̄pe duratura erat, & fm modū loquendi sacre scripturæ vocat p̄petuū, quod magno t̄pe durat: sic patet Exo. 21. & Deut. 15. de illo seruo, q̄ elapso anno remissionis, dicebat, diligo dominū meū, vxorē, & liberos: nō egrediar liber. Nam dñs ibi, q̄ debebat esse seruus in seculū, siue in æternū, & tñ manifestū est, q̄ seruitus ista nō durabat in æternū, nec ē t quādiu vivebat ille seruus: sed in anno iobelī efficiebat liber, ut patet Leuit. 25. & tñ annus iobelī erat annus quinquagesimus, eod. cap. Ideo t̄ps minus, q̄ quingenta annorū vocat æternū, t̄ps aut quo durauit lex vetus tuit magnū: q̄ a datione legis vsq; ad natiuitatem Christi fuerunt anni mille quingenti, & quadraginta & quinque: ut patet cōputando t̄ps, sicut cōputat eum

Multipli-
citer lex
vetus po-
test voca-
ri perpe-
tua.

Quod
magno
tempore
durat per-
petuum,
dñ apud
Hebræos

Paulus Orosius in libro de Ormesta mundi, & tamen Christi adhuc durabat lex usque post resurrectionem suam. Ideo magno tempore duravit lex vetus ad hoc quod posset vocari aeterna, & quia quandiu duravit lex vetus, duravit ministratio Levitarum, bene dicitur, quod Deus elegit Levitas ad portandum arcam in aeternum, & ad ministrandum sibi.

Congregavitque vniuersum Israel in Ierusalem, ut afferretur arca Dei in locum suum, quem praeprauerat, necnon & filios Aaron, & Levitas. De filiis Caath, Vriel princeps fuit, & fratres eius ducenti viginti. De filiis Merari, Asaia princeps, & fratres eius ducenti triginta. De filiis Gerson, Ioel princeps, & fratres eius centum triginta. De filiis Elisaphan, Semeias princeps, & fratres eius ducenti. De filiis Hebron, Eliel princeps, & fratres eius octoginta. De filiis Oziel, Aminadab princeps, & fratres eius centum duodecim.

Congregavitque vniuersum Israel. Scilicet, Volebat David portare arcam de domo Obededom in Ierusalem in domum suam, & ad hoc congregavit totum Israel. In Ierusalem. Ista congregatio fuit facta in Ierusalem, quia David erat ibi, & totus populus debebat ire cum eo ad portandum arcam. Ut afferretur arca Dei in locum suum, quem praeprauerat ei. Locus iste erat palatium quod fecerat David in domo sua, ubi poneretur arca, & ibi Levitae cantarent coram Domino. Necnon & filios Aaron, & Levitas. Idest, Etiam vocavit sacerdotes, & Levitas. Sacerdotes enim vocantur filii Aaron, quia omnes de illa progenie erant sacerdotes, & nulli alij, ut patet Numeri 3. & 16. & 18. Levitae vocantur illi, qui erant in minori gradu ministrationis, qui dati fuerant sacerdotibus ad subleuandum laborem eorum, & ad hoc quod ministrarent ad mandatum ipsorum, ut patet Numeri 3. & 8. & 18. De filiis Caath, Vriel princeps fuit. Ponuntur hic familiae Levitarum, & in qualibet familia erat unus princeps, & omnes illi principes venerunt nunc ad portandum arcam, & cum quolibet illorum principum veniebant multi de familia illa. Et ponitur prius princeps familiae Caath, quia ista familia erat dignior inter omnes istas familias Levitarum, ut infra declarabitur in quadam quaestione. Et fratres eius ducenti, & viginti. Vocantur fratres omnes, qui erant de illa familia Caath. Et sic venerunt ducenti, & viginti Levitae Caathitae ad portandum arcam. De filiis Merari, Asaia princeps. Ista erat secunda familia Levitarum, & in illa erat princeps Asaia, quando portata fuit arca. Et fratres eius ducenti viginti. Scilicet, Tot venerunt de illa familia Merari, sicut de familia Caath. De filiis Gerson, Ioel princeps. Ista est tertia familia Levitarum, in qua erat princeps Ioel, quando fuit portata arca, & ipse fuit in ipsa portatione: non tamen est iste Ioel Propheta. Nam ille multo tempore post fuit, scilicet, temporibus Oziae Regis Iudae: nam Prophetae ordinantur in libris suis secundum processionem temporis, ut patet in omnibus duodecim Prophetis minoribus, qui ponuntur in eodem volumine. Nam colligendo tempora prophetiae ipsorum ex titulis suis, reperietur, quod ita se habent in ordine librorum, sicut se habuerunt in tempore viuendi, & tamen Osee ponitur ante Ioel, & cepit prophetare Osee in diebus Oziae regis Iudae, ut patet Osee primo. Ergo

tempore Oziae, vel post cepit prophetare Ioel, & sic dicit Hieronymus in quodam prologo, qui incipit: In hoc Propheta. Scilicet, quod tempora non assignantur in Ioel, eo quod eisdem temporibus prophetauit, quibus Osee ponitur. Iste ergo Ioel fuit tempore David, qui praecessit per multos annos ad regem Oziam, scilicet, plus quam per ducentos, ergo non est iste Ioel Propheta, sed fuit ille multo tempore post. Et fratres eius centum triginta. Scilicet, De familia Gerson venerunt centum, & triginta Levitae. De filiis Elisaphan Semeias princeps. Ista est alia familia, quae ponitur sub familia Caathitarum. Quare tamen ponatur hic, ut familia distincta declarabitur infra in quadam quaestione. Iste Elisaphan est cognatus Aaron, & ideo copulatus fuit filiis eius, quando occisi sunt a Domino propter ignem alienum. Leui. 10. Et ab eo nominata est quadam familia Levitarum. Et fratres eius ducenti. Scilicet, De familia Elisaphan venerunt ducenti Levitae ad translationem arcae. Et ista familia erat minor quam praecedentes. De filiis Hebron Eliel princeps. Hebron aliquando est nomen viri, quae ponitur in sorte Iudae Iosue 15. In qua regnavit David septem annis, & dimidio, quibus regnavit super Iudam 2. Regum 5. & 3. Regum 2. aliquando autem est nomen viri, & erat unus de filiis Caath, nepos Levi, & sic accipitur hic, & nominata fuit ab eo familia Hebronitarum. Et fratres eius octoginta. Scilicet, De ista familia solum venerunt octoginta Levitae, quia minima erat numero inter omnes. De filiis Oziel Aminadab princeps. Iste Oziel fuit filius Caath, & ab eo nominata est quadam familia Ozielitarum inter Levitas, & in ista erat nunc princeps Aminadab, qui ponitur in Genealogia Christi Matt. primo, quia ille fuit de tribu Iudae ut patet ibidem. Iste autem fuit de familia Levitarum: ideo non est idem. Item ille fuit antequam iste, quia ille Aminadab in Aegypto mortuus est: nam non egressus est de Aegypto, nec fuit in deserto cum alijs Israelitis. Nam alias ipse fuisset princeps in tribu Iudae, & tamen filius eius Naafon fuit princeps in tribu illa. Nam in secundo anno exitus de Aegypto, in principio fuit facta computatio omnium tribuum, & assignati fuerunt principes in singulis tribubus, fuitque Naafon filius Aminadab princeps in tribu Iudae, Numeri 1. & 2. Et tamen si pater eius Aminadab viveret, ipse esset princeps in tribu illa. Iste autem Aminadab fuit tempore David, ideo multo tempore fuit ille ante istum. Et fratres eius centum, & duodecim. Idest, De ista familia Oziel fuerunt centum, & duodecim Levitae in portatione arcae.

Quare hic ponitur numerus principum Levitarum.

Quest.

V I.

QVAERITUR de istis Levitis, quare ponuntur hic principes eorum, & numerus ipsorum. Respondendum est, quod David volebat facere translationem arcae, & ad hoc volebat congregare omnes sacerdotes, & Levitas, & congregavit illos. Et hic posuit, qui erant principes istorum Levitarum, & de quibus familijs erant. Pro quo sciendum, quod quamquam nunc venerunt sacerdotes, & Levitae ad istam translationem arcae, tamen non ponitur numerus sacerdotum, nec etiam de quibus familijs erant: de Levitis autem ponitur de quibus familijs erant, & non erant distincti per familias, sed una erat familia omnium, scilicet, de stirpe Aaron: Levitae autem distincti erant per familias, quia cum essent plures filii Levi, erant multae familiae Levitarum. Non ponitur etiam numerus sacerdotum, quia de ipsis non erant tot,

tot, sicut de Leuitis. Et venerunt fere omnes ad istam portationem. Non est tamen credendum, quod omnes siue Leuitæ, siue sacerdotes venerunt: quia necesse erat, quod manerent aliqui ad ministrandum in tabernaculo Domini. Nam Moyses statuerat quædam sacrificia, & caeremonias, quæ fierent quotidie in Santuario. Et pro administratione in his necesse erat, quod manerent aliqui sacerdotes, & Leuitæ in Santuario. Ceremoniæ autem erant, quia necesse erat quotidie fieri sacrificium matutinū, & vespertinum, quod vocatur iuge sacrificium, Numeri 28. Præter alias caeremonias, & sacrificia, quæ fiebant quotidie sponte. Ponitur autem de qualibet familia Leuitarum, quot Leuitæ venerint, & ponitur etiam quis erat tunc in illa familia, ex eo quod Leuitæ de qualibet familia veniebant cum principe suæ familiae, vt qualibet familia ministraret ordinate in officio sibi debito: fuit autem numerus Leuitarum, qui nunc venerant ad istam translationem arcæ, mille, & sexaginta duo præter principes, vt patet adiungendo, partiales numeros, qui ponuntur hic, & etiam præter sacerdotes, quorum numerus non exprimitur.

Quare fuerit totus Israel congregatus ad portandum arcam.

Quest. VII.

QUÆRITUR vterius, quare nunc congregatus fuit totus Israel ad portandum arcam. Respondendum, quod non fuit congregatus totus Israel ita, vt nullus vir maneret in urbibus, sed dicitur totus Israel congregatus, quia plurimi de Israel venerunt, & de qualibet tribu venerunt multi, sicut fuit in alia translatione, quæ fuit de Chariathiarim ad domum Obededom, supra 13. Volebat enim David honorabiliter facere istam translationem, & hoc non poterat esse, nisi conueniente multitudine populi. Ideo congregauit totum populum. Et sic incepit facere prima vice, quando intendebat transferre arcam de Chariathiarim in domum suam, & impeditus est. Nam tunc congregauit totum Israel a Sior Aegypti vsque ad Emath, supra 13. cap. Multæ aliæ causæ fuerunt, quare totus populus congregatus est, quæ posita sunt, eodem cap. in quadam quaestione. Sciendum etiam, quod quando arca nunc translata est de domo Obededom in domum David, ipse David fecit summum panis, & partem aſſe carnis bubalæ, & frixam oleo simulam, vt patet 2. Regum 6. Et ob hoc etiam plurimide populo sponte veniebant, quia sciebant quod rex magnifice prouideret eis in cibis.

Quis nam erant isti principes Leuitarum.

Quest. VIII.

QUÆRITUR vterius de istis familijs Leuitarum, quomodo ponebantur tot, & qui erant isti principes: nam non concordant istæ familia cum illis, quæ habentur Numeri 3. & 4. & 26. Respondendum est, quod omnes Leuitæ nominati sunt a Leui filio Iacob, accipiendi large Leuitas pro omnibus tam sacerdotibus, quam Leuitis, habuit autem Leui tres filios, scilicet, Caath, Gerson, & Merari, vt patet Exodi 6. Ab istis autem deriuatae sunt familiae Leuitarum. Nam a Caath vocata est familia Caathitarum, a Gerson familia Gersonitarum, a Merari familia Meraritarum. Prima tamen familia, quæ erat tam etiam de ea descenderunt sacerdotes. Pro quo sciendum, quod Leui genuit Caath, & Caath habuit quatuor filios, scilicet, Amram, & Iesaa, & Hebron, &

A Oziel. Exodi 6. Ab Amram autem geniti sunt Aaron, & Moyses: filij autem Moyſi manserunt inter Leuitas simplices: filij autem Aaron computati fuerunt sacerdotes. Nam Aaron, & filij sui consecrati fuerunt in sacerdotes. Exo. 29. & Leui. 8. Et postea descenderunt semper sacerdotes de eis: manserunt ergo alij tres filij Caath, scilicet, Iesaa, Hebron, & Oziel, a quibus deriuatae sunt soli Leuitæ. Et sic ponuntur quatuor familiae Leuitarum intra familiam Caath, vt patet Nu. 3. scilicet, familia Caathitarum, & Iesaitarum, alia autem duæ familiae nominatae a duobus filijs Leui, scilicet, Gerson, & Merari subdiuise fuerunt. Nam Merari habuit duos filios, scilicet, Moholi, & Musi, & ab illis nominatae sunt duæ familiae, scilicet, Moholitarum, & Musitarum: Numeri 3. Gerson autem habuit alios duos filios, scilicet, Lebni, & Semei, & ab eis deriuatae sunt duæ familiae, scilicet, Lebnitica, & Semeitica: vt patet Numeri 3. & 26. In qualibet autem istarum familiarum erat vnus princeps. Nam sicut inter sacerdotes erat vnus princeps, scilicet, summus sacerdos, ita etiam in qualibet familia erat vnus Leuita princeps, & sub illo erant omnes de illa familia, & ad præceptum eius dirigebantur in omnibus officijs suis. Modus autem accipiendi principes in istis familijs erat, scilicet, quod consideraretur ille, qui fuit primus in familia, & computarentur descendentes ab eo per lineam primogenitorum, & ad quemlibet illorum pertinebat, quod esset princeps in familia, sic enim fiebat in summis sacerdotibus, quia ad cognoscendum quis deberet esse summus sacerdos considerabatur linea Aaron, & illi, qui descendeabant ab eo per lineam primogenitorum, habebant, quod essent sacerdotes magni: sic etiam in quocunque principatu seculari fiebat inter Israelitas siue in principatu regali, siue in principatibus, qui erant in alijs tribubus.

Quare hic non ponuntur omnes familiae Leuitarum.

Quest. IX.

QUÆRITUR vterius quare non ponuntur hic omnes familiae Leuitarum quæ ponuntur Numeri 3. Nam ibi sunt octo familiae, scilicet, quatuor familiae de Caath, scilicet, Amramitæ, Iesaitæ, Hebronitæ, Ozielitæ. Duæ verò de Merari, scilicet, Moholitica, & Musitica, & alia duæ de Gerson, scilicet, Semeitica, & Lebnitica. Aliquis dicet, quod omnes istæ familiae nunc erant, & tamen de aliquibus earum venerunt Leuitæ ad portationem arcæ, & de alijs non. Sed dicendum, quod non est satis rationale, quia David vocauit omnes sacerdotes, & Leuitas, vt patet hic. Ideo saltem de qualibet familia venirent aliqui licet non omnes de familia. Aliter ergo dici potest, quod aliquæ istarum familiarum, quæ a principio fuerunt: postea esse deserunt, quia forte illi qui erant tunc principes istarum familiarum, quando distinctæ sunt, non habuerunt postea filios, vel aliqui descendentes ab eis non haberent filios, & sic poterant perire aliquæ familiae, ita quod non extendetur successio earum. Ita fuit in quibusdam tribubus. Nam quilibet de filijs Iacob nominabat vnā tribum, & deinde quilibet filius illius, qui nominabat tribum nominabat vnā familiam: unde si haberet aliquis de filijs Iacob haberet decem filios: erant decem familiae in tribu eius. Et tamen in tribu Benjamin fuerunt decem filij, vt patet Genes. 46. Et tamen non fuerunt in tribu illa, nisi quinque familiae, vt patet Numeri 26. Et hoc fuit, quia quinque filij eius non habuerunt posteritatem, vt declaratum fuit ibidem. Patet etiam hoc supra 8. Nam ibi enim computarentur filij

filij Benjamin: solum positi fuerunt quinque, eo quod ab illis solis descenderunt aliqua familiae: alij autem non habuerunt prolem. Aliter potest dici, quod manerent omnes familiae Leuitarum nunc, & tamen nominantur hic alijs nominibus. Et plures familiae accipiunt nomen vnus. Sic enim patet Numeri 26. Nam ibi ponuntur omnes familiae Leuitarum, & solum nominantur sex, & tamen, eodem lib. cap. 3. nominatae fuerant octo familiae. Aliter autem dicendum est, & istud est magis verum, scilicet, quod Numeri 3. vbi prius ponuntur istae familiae ponuntur tres familiae principales, & deinde ille subdividuntur: nam familia Caath, Gerson, & Merari sunt principales, eo quod nominatae fuerunt a tribus filiis Levi. Deinde familia Caath diuiditur in quatuor, scilicet, Amramitas, Ozielitas, Hebronitas, Iesaaritas: familia autem Gerson diuiditur in duas, scilicet, Lebniticam, & Semeiticam: familia autem Merari in alias duas, scilicet, Moholiticam, & Musiticam, & sic sunt octo familiae per subdivisionem, quia coinciderent cum eis tres familiae principales, quae diuiduntur in eas: hic autem sola familia Caath subdividitur in quatuor: aliae autem duae non diuiduntur: unde de filiis Merari vnus princeps ponitur hic. Et de filiis Gerson alius: ideo sunt hic sex familiae, & Numeri 3. sunt 8. & tamen Numeri 26. ponuntur sex sicut hic, licet non per eadem nomina.

*Vbi accidit diuersitas nominum hic, & Numeri
tertio in Leuitis. Quaest. X.*

QVAERITUR vltius dato, quod non ponantur hic tot familiae sicut Numeri 3. Quare tamen illi, qui hic ponuntur, non ponuntur sub eisdem nominibus. Nam familia Elisaphan, quae hic ponitur non habetur Numeri 3. Vbi est prima distinctio istarum familiarum, nec eodem lib. cap. 26. Nec alibi. Aliquis dicet, quod ista familia Elisaphan est aliqua de quatuor familijs, per quas diuiditur familia Caathitarum, & tamen nominatur hic alio nomine, quia aliquis alius ponitur hic in principem istius familiae, qui non ponitur Numeri 3. Dicendum tamen, quod non stat, quia tunc necesse esset, quod descenderet iste Elisaphan de familia Amramitarum, vel Iesaaritarum. Nam quatuor sunt familiae Caath, & duae ponuntur hic eisdem nominibus, quibus Numeri 3. Scilicet, familia, Ozielitarum, & Hebronitarum, & manent aliae duae, scilicet, Amramitarum, & Iesaaritarum: ideo ista familia Elisaphan esset aliqua istarum, & sic descenderet ab Amram, vel Iesaar. Sed falsum est, quia iste Elisaphan est filius Oziel, vt patet Leui. 10. Cum dicitur. Vocatis autem Moyse, & Misaël, & Elisaphan filijs Oziel, patris Aaron, ait ad eos. Erat ergo iste Elisaphan de familia Oziel. potest ergo dici, quod hic aliqua familia diuisa sunt, & aliae perierunt. Primum patet, nam familia Ozielitarum est vna de quatuor familijs, quae habentur Nu. 3. & tñ Elisaphan erat de filiis Oziel, & ponit hic habere familiam: ergo oportet, qd familia Ozielitarum esset diuisa in familiam Ozielitarum, & Elisaphan. Secundum patet, quia manent nunc tres familiae de Caathitis de illis, quae ponuntur Numeri tertio, scilicet, Amramita, Iesaarita, & Hebronita: hic tamen non ponuntur nisi duae, scilicet, Hebronita, & Caathita. Ideo subtrahitur vna, quia tamen exprimitur familia Caathitarum, quae erat familia generalis, oportet, quod intelligatur per eam vna familia particularis, scilicet, Amramitarum, vel Iesaaritarum, & tunc manebit altera non expressa, & de illa dicetur, quod perijt: Potest tamen dupliciter accipi quod perierit, vno modo, quod totaliter perie-

rit, scilicet, quia non fuerit continuata progenies in familia illa, sicut dicebatur supra de familijs quinque tribus Benjamin; quod perierint: alio modo, quod vna familia transierit in nomen alterius, scilicet, quod per unionem duae familiae efficiantur vna, & vocentur nomine vnus, vtpote si familia Hebronitarum, & Ozielitarum vniretur, & vocaretur solum familia Hebronitarum, sic enim accipitur Numeri 26. vbi enarrantur omnes familiae Leuitarum, & ponuntur solum quinque, & tamen manifestum est, quod aliae non perierunt, cum ponantur hic aliqua, quae non exprimentur ibi. Et istud fuit multo tempore post illud, quia illud fuit in deserto, quando Moyse numeravit secunda vice omnes Israelitas. Ideo oportet, quod aliqua familiae subtrahantur ibi, quae tamen tunc essent: nam ibi ponuntur istae, scilicet, familia Lebni, & Hebron, & Moholi, & Musi, & Cori: hic tamen non ponitur familia Ozielitarum, nec Amramitarum, sed solum familia Cori, quae erat familia Iesaaritarum, & vocatur familia Lebni, familia Gerson: nam Gerson habuit duos filios, scilicet, Lebni, & Semei, a quibus deriuatae sunt duae familiae, scilicet, Lebnitica, & Semeitica Numeri 3. & subtrahitur Semeitica, quia per familiam Lebni intelligitur ibi tota familia Gerson. Familia Hebron est vna de familijs Caathitarum, quae sunt quatuor, scilicet, Amramita, Iesaarita, Ozielita, & Hebronita: Numeri 3. familia Moholi est vna de familijs Meraritarum, quia duo fuerunt filij Merari, scilicet, Musi, & Moholi, Numeri 3. & ab his deriuatae sunt duae familiae, scilicet, Moholitarum, & Musitarum. Familia Musi est alia de familijs Merari, vt dictum est. Familia Cori descendit a quodam Leuitae nomine Core, qui periit in seditione contra Moysem: nam terra eum absorbit Numeri 26. Et filij sui fuerunt boni, & non absorpti sunt, vt patet ibidem. Ille autem Core erat filius Iesaar, vt patet Numeri 16. Et ab illo nominata est familia Iesaaritarum vna de Caathitis, Num. 3. Et sic ponuntur ibi duae familiae Caathitarum, & subtrahuntur aliae duae, & ponitur vna familia Gerson, & subtrahitur alia. De Merari autem nihil subtrahitur, & tamen ille familiae, quae subtrahuntur, perierunt, vel quia nunc tempore David, exprimitur, scilicet, familia Ozielitarum, quae erat vna illarum, ideo oportet dici, quod aliae duae intelligebantur per illas duas per hoc, quod duae familiae, vel tres vniantur in vnam, & habentur sicut vna familia, & sic esset hic.

Quare in familia Merari, & Gersoni non fuerunt positi principes, & familiae sicut in qualibet aliarum.

Quaest. XI.

QVAERITUR vltius cum hic scribantur quatuor familiae Caathitarum, & in qualibet earum ponantur Leuitae, qui veniebant ad portationem arcae, & etiam princeps suus, quare de familia Gersoni, & Merari non fuit sic factum, vt in qualibet earum ponerentur duae: nam quaelibet istarum habet duas in quas subdividitur, vt patet Numeri 3. Respondendum est, quod familiae multae aliquando vniantur in vnum propter paruitatem numeri ipsarum, scilicet, aliqua familia est, quae tam paucos viros habet, vt non mereatur dici familia, & tunc illa vnitur alteri, vt ambae sint vna familia, & transit in nomen eius. Sic autem erat nunc in familia Gersonitarum, & Meraritarum, quia quamquam quaelibet istarum esset subdivisa in duas familias, vt patet Numeri 3. tamen nunc quaelibet erat multum diminuta, vt non posset per se facere vnam familiam: ideo vniantur duae in vnam. Ista etiam erat causa quare interdum

terdum vna familia diuidebatur in duas, scilicet, quia crescebat nimis, ita vt haberet maiorem numerum quam reliquæ familiæ regulariter, & tunc illa diuiditur in duas. Sic fuit de familia Ozielitarum, quæ magna erat, & diuisa fuit in familiam Ozielitarum, & Elisaphan, & sic vtrunque ponitur hic, scilicet, vni plurium familiarū in vnam, & diuisio vnius in multas.

Quare hic ponitur familia Caath. Quest. XII.

QUÆRITUR vterius quomodo ponitur hic familia Caath, & rursus familia Hebronitarū, Ozielitarum, & Elisaphan: nam iste non possunt esse distinctæ familiæ. Nam pars non ponitur in numerum contra totum, nec totum cōtra partem: familia tamen Caath diuiditur in quatuor familias particulares, vt patet Numeri 3. Et vltra illas nihil manet in familia Caathitarum: ideo si iste quatuor exprimantur non potest exprimi familia Caathitarum tanquam condistincta contra illas. Respondendum, quod familia Caathitarum si proprie accipitur, significat totā multitudinem descendentem a Caath præter filios Aaron, & tunc non potest condistingui aliqua de illis quatuor familijs contra familiam Caathitarum, quia tunc aliqua familia distingueretur contra seipsam, quod non potest stare. Alio modo potest accipi familia Caathitarum specialiter pro aliqua de istis quatuor familijs, & tunc potest distingui familia Caathitarum contra alias tres sicut quælibet illarum particulariter potest distingui contra tres. Iste modus denotandi familias reperitur aliquando in alijs tribubus, vt pote quod aliquæ familiæ denominarentur a patribus, & aliæ a filijs, vt patet in tribu Manasse: nam filius eius fuit Machir, & omnes familiæ Manasse deberent esse vna familia, scilicet, Machiritarum cum vnicum filium habuerit Manasse, scilicet, Machir, & tamen sunt septem vel octo familiæ in tribu ista Numeri 26. Etiam Galaad fuit filius, & nominata fuit ab eo familia Galaaditarum, quæ fuit distincta a familia Machir patris sui. Etiam Galaad habuit filios, & nominatæ fuerunt ab eis sex familiæ distinctæ a familia Galaaditarum, quæ erat patris sui, eodem cap. Istud sic, scilicet, quod aliquis haberet duos filios, & vnus eorum denominaret familiam per se, & alius nullam: sed extenderetur per progeniem eius nomen familiæ patris sui: sic enim fuit de Machir, qui habuit filium Galaad, a quo nominata est familia Galaaditarum: ad quod necesse erat, quod haberet Machir saltē duos filios, scilicet, Galaad, & alium, & Galaad nominaret per se vnam familiam distinctam a familia Machir patris sui, & alius frater suus non nominaret aliquam familiam, sed illa quæ nominanda erat ab eo nominaretur nomine patris sui. Si autem Machir solum duos haberet filios, & quilibet illorum nominaret per se vnam familiam, impossibile erat, quod maneret familia Machir, sic etiam fuit de Galaad, qui nominaret saltem septem filios, & vnus illorum non nominaret aliquam familiam, sed per progeniem suam filiorum nominaret vnam familiam distinctam a familia Galaaditarum: sic fuit hic. Nam Caath conuenit intra se quatuor familias propter quatuor filios, scilicet, Amram, Oziel, Hebron, Iesaa, & si quilibet istorum nominet vnā familiam, cessabit omnino familia nominata a Caath, quia non erit aliquis de posteris suis, per cuius stirpem deriuetur, sed vocabuntur omnes istæ quatuor familiæ generaliter Caa-

Athitæ. Si autem a quatuor filijs Caath nominarentur tres familiæ solum, per quantum eorum poterat nominari familia patris sui Caath, & sic familia Caathitarum esset distincta ab alijs tribus familijs filiorum Caath: sic accipitur hic: nam ponuntur tres familiæ particulares nominatæ a filijs Caath, scilicet, Hebronitarum, & Ozielitarum, & Elisaphan. Potest ergo alia familia particularis nominari familia Caath ab aliquo de alijs duobus filijs Caath, scilicet, Amram, vel Iesaa: sic enim factum est in tribu Ioseph. Nam Ioseph erat vnicus filius Iacob, ideo debebat nominari ab eo vnica tribus, & tamen a duobus filijs suis, scilicet, Ephraim, & Manasse nominatæ fuerunt duæ tribus, scilicet, Ephraitarum, & Manassitarum, & aliquando condistinguitur tribus Manasse contra tribum Ioseph, quod non posset fieri si acciperetur proprie tribus Ioseph pro omnibus descendantibus ab eo, & tamen accipitur tribus Ioseph interdum specialiter pro tribu Ephraim: sic patet Apo. 7. vbi ponitur tribus Manasse, & postea dicitur de tribu Ioseph, ex quo necesse est, quod per tribum Ioseph ibi solum intelligatur tribus Ephraim.

An familia Caath ponatur pro familia Amram, vel pro familia Iesaa. Quest. XIII.

QUÆRITUR vterius cum hic ponatur familia Caath non pro omnibus cognationibus Caathitarum, sed pro aliqua illarum particulariter pro qua illarum ponitur. Patet hoc, quia hic ponitur familia Hebronitarum, & Ozielitarum, & manent alij duo filij Caath, a quibus nominantur duæ familiæ, scilicet, Amram, & Iesaa: vnde posset intelligi per familiam Caath familiam Amramitarum, vel familiam Caathitarum, & dubiū, quæ illarum intelligatur. Respondendum est, quod hic potest dici dupliciter, vno modo, quod familia Amram, & Iesaa manent tanquam familiæ distinctæ. Alio modo, quod ambæ vniantur in vnam familiā: accipiendo primo modo dicendum, quod nomine Caath intelligeretur illa familia, quæ esset excellentior inter istas duas, quia per excellentiam competeret hic nomen familiæ Caath, ideo competeret excellentiori. Ista autem erat familia Amram. Nam fuit Amram dignior alijs filijs Caath propter duo. Primo quia ab eo venerunt omnes sacerdotes, & etiam multi Leuitæ: nam filius Amram fuit Aaron. Ab alijs autem filijs Caath non fuerunt descendentes aliqui sacerdotes, sed solum Leuitæ. Secundum est, quia illi Leuitæ, qui ascenderunt ab Amram fuerunt excellentiores alijs Leuitis: nam Moyses fuit filius Amram, & filij Moysi erant per quos extendebatur familia Amramitarum, & manebat adhuc ista cognatio, quia infra 23. Dicitur, quod filij Moysi hominis Dei computati sunt inter Leuitas, & illud erat tempore David. Etiam patet hoc ex ordine preponendi, nam inter omnes quatuor familias Caathitarum Amramitæ prius nominantur Numeri 3. Et sic familia Amramitarum intelligitur nomine Caath. Si autem accipiatur secundo modo, scilicet, quod duæ familiæ Amramitarum, & Iesaitarum copulentur in vnam familiam, erit videndum, quæ familia illarum erat minor, quia illa transiret in nomen alterius, & sic intelligitur per familiam Caath illa vnica copulata ex duabus. Et tamen haberet illa nomen ab illa familia, quæ maior esset.

Vocauitque David Sadoc, & Abiathar sacerdotes, & Leuitas, Vriel, Azaiam, Ioel, Semeiam, Elihel, & Aminadab, & dixit ad eos.

Vel

Vos qui estis principes familiarum Leuitarum sanctificamini cum fratribus vestris, & afferte arcam Domini Dei Israel ad locum, qui ei preparatus est: ne ut a principio, quia non eratis praesentes percussit nos Dominus, sic & nunc fiat illicitum quid nobis agentibus. Sanctificati sunt ergo sacerdotes, & Leuitae, ut portarent arcam Domini Dei Israel. Et tulerunt filij Leui arcam Dei, sicut praeceperat Moyses, iuxta verbum Domini humeris suis in vestibus.

Vocanturque David Sadoc, & Abiathar. Isti duo erant sacerdotes magni tempore David, nam Sadoc fuerat factus summus sacerdos regnante Saule post occisionem sacerdotis virbis Nobe. Abiathar autem erat filius summi sacerdotis Achimelech, & iuit ad David in persecutione Saulis, primo Regum 22. Et habuit eum tanquam summum sacerdotem. Nam per eum consulebat Dominum in rationali, & ephod, eodem lib. cap. 23. & 30. Et tamen istis ornamentis non utebatur aliquis nisi summus sacerdos: Exo. 28. Fuerunt igitur tempore David ambo summi sacerdotes simul: cum ante eum semper esset vnicus summus sacerdos, & postea etiam semper sic fuerit. Quare tamen hoc factum est per David, declaratum fuit satis supra 6. Et 12. *Et sacerdotes.* Scilicet, Sacerdotes minores, qui erant sub istis duobus summis sacerdotibus. *Et Leuitas, Priests, & Isaiam.* Non intelligitur hic de omnibus Leuitis, quia non fuerunt vocati omnes, sed solum principes, ut patet hic cum dicatur infra, vos, qui estis principes familiarum Leuitarum, quorum nomina ponuntur. Et patet, quia isti sex, qui nominantur hic sunt illi, qui vocantur supra principes singularum familiarum. *Et dixit ad eos, vos qui estis principes familiarum Leuitarum.* Scilicet, Isti sex erant principes familiarum Leuitarum, nam sex familie Leuiticae ponuntur hic, & sex principes illarum ad quos nunc loquebatur David, quorum nomina ponuntur in litera. Etiam sacerdotes erant principes familiarum Leuitarum, ut infra declaratur. *Sanctificamini.* Id est, Mundamini ad ferendum arcam, quia non licet alicui immundo tangere eam. *Et afferte arcam Domini Dei Israel.* Scilicet, Vos afferte eam, & non tangerent eam laici, ne moriantur faciendo contra legem. *Ad locum, qui ei preparatus est.* Scilicet, Afferte eam de domo Obededom ad domum David, ad locum, quem ei parauerat: nam fecerat palatium magnum, & pulchrum, in quo poneretur, & ibi construxerat altare, & etiam posuerat tentorium de pellibus iacynthinis, ut declaratum est supra in quadam questione. In illo autem tentorio arca velanda erat. *Ne ut a principio.* Id est, Feratis vos arcam, ut non eueniat nobis sicut a principio in prima portatione, quae fuerat de Cariathiarim in domum Obededom. nam tunc, quia non fuerunt obseruatae ceremonie portationis, Deus percussit Ozan: ideo David volens vitare simile, dixit ad Leuitas, quod ipsi afferrent arcam. *Quia non eratis praesentes, percussit nos Dominus.* Id est, Quia non veneratis ad portationem: ad hoc, quod faceretis seruari omnes caeremonias portationis arcae, Deus percussit nos, scilicet, occidendo Ozan. Et loquebatur David in persona totius populi, scilicet, quod percutiendo Ozan Deus videbatur percussisse totum populum: nam Oza erat pars populi, & qui tangit partem tangit totum, sicut dicit lex, qui auriculam hominis tangit, totum hominem

tetigisse videtur. *Sic, & nunc fiat illicitum quid nobis agentibus.* Id est, Sicut propter absentiam vestram in prima vice accidit error in portatione: ita & nunc si vos non portaretis arcam, sed nos, id est, laici, de quibus erat David, fieret aliquid illicitum, quia non pertinebat ad populares tangere arcam, sed ad solos Leuitas, & sacerdotes. *Sanctificati ergo sunt sacerdotes, & Leuitae.* Id est, mundificati, quia non licebat aliter ad res sacras accedere. *Ut portaretur arca Domini Dei Israel.* Scilicet, ut portarent eam de domo Obededom in domum David. *Et tulerunt filij Leui arcam Domini.* Vocantur filij Leui omnes siue sacerdotes siue Leuitae minores, quia omnes descendebant de stirpe Leui: hic autem accipitur pro Leuitis, qui non erant sacerdotes, ut patet infra in litera, scilicet, cumque adiunxisset Deus Leuitas, qui portabant arcam. Aliquando tamen sacerdotes portabant illam: sic patet Iosue 3. Nam ibi sacerdotes portabant arcam, in transitu Iordanis: ipsi etiam portauerunt eam, quando Israelitae iustitauerunt per septem dies urbem Iericho, eodem lib. cap. 6. Et in hoc sacerdotes non portabant, quia maiori gradui competit adus minoris gradus: licet non e contrario: sic sacerdos potest facere omnia, quae facit diaconus: sed non e contrario. sacerdotes autem erant maiores Leuitis in gradu, ideo poterant ipsi portare arcam, sicut Leuitae. *Sicut praeceperat Moyses.* Id est, Moyses praecepit, quod populares non portarent arcam: sed soli Leuitae: nec etiam tangerent aliquid quod sacrum, ut patet Numeri primo & 3. & 18. *Iuxta verbum Domini.* Refertur ad praeceptum Moysi, id est, Moyses praeceperat iuxta verbum Domini: nam Deus iubebat Moysi, quod ipse deberet iubere populo. Et ob hoc dicitur Numeri 9. Quod Deus iubebat per manum Moysi, id est, Deus iubebat Moysi, ut iuberet. *Humeris suis in vestibus.* Id est, Portauerunt in humeris suis per vestes. In hoc autem Israelitae expleuerunt praeceptum Domini, scilicet, quia Leuitae portauerunt arcam, & etiam, quia non portauerunt eam super plaustrum, sicut fecerant alia vice portando de Cariathiarim in domum Obededom, sed portauerunt super humeros suos, & hoc cum vestibus. Erant enim vestes quaedam ligna longa, quae extendebantur in duobus lateribus arcae, & egrediebantur ad vtranque partem, scilicet, ad quatuor angulos laterum. Et erant isti duo vestes mulli in circularis aureis infixis in lateribus arcae, & sic firmiter se tenebant, & portabantur sic arca a quatuor viris ad minus, sic etiam erat de mensa propositionis, quae habebat alios duos vestes, per quos portabatur, ut patet Exo. 25. & 13. Omnia etiam alia vasa sanctuarii siue de auro, siue de argento essent, siue de aere portabantur in vestibus, licet non haberent vestes sibi affixos: nam inuoluebantur vestes, & sic portabantur vasa: Numeri 4. De portatione arcae humeris hominum patet Numeri 7. Non enim licebat portare eam nec alia vasa sanctuarii super plaustrum, aut super iumenta, sed super humeros hominum propter dignitatem suam. Aliae autem partes sanctuarii, scilicet, tabulae, columnae, & velamenta portabantur in plaustris a Gersonitis, & Meraritis, Numeri 7.

De quibusdam verbis, quae dixit David, vos qui estis principes. Quest. xiiii.

QVAERITUR quomodo dixit hic David, vos qui estis principes familiarum Leuitarum sanctificamini: nam dicebat hoc sacerdotibus, & Leuitis, & tamen sacerdotes non erant principes familiarum Leuitarum, sed soli Leuitae qui nominantur hic. Respondendum secundum aliquos, quod recte dicit David, vos

vos qui estis principes familiarum Leuitarum, eo quod princeps solum loquebatur ad principes Leuitarum, scilicet ad istos sex, qui ponuntur hic. Isti enim erant principes sex familiarum Leuitarum, ut patet supra in littera. Dicendum tamen, quod hoc non stat, quia David loquebatur hic tam ad sacerdotes quam ad Leuitas, ut patet in littera, quia dicitur vocavit David Sado, & Abiathar, & sacerdotes, & Leuitas, & tunc dixit eis, vos qui estis principes familiarum Leuitarum. Secundo patet, quia David loquebatur hic de portatione arce, & illa non solum pertinebat ad Leuitas, sed etiam ad sacerdotes: nam sacerdotes caneant coram arca in tubis sacris quando portabatur, ut patet infra in littera. Tertio patet, quia David dixit hic, vos qui estis principes familiarum Leuitarum, sanctificamini. Et tamen non solum sanctificati sunt Leuitae, sed etiam sacerdotes, quia in littera dicitur, sanctificati sunt ergo sacerdotes, & Leuitae, ergo David loquebatur tam ad sacerdotes quam ad Leuitas, & sic David dixit tam sacerdotibus quam Leuitis: sanctificamini vos, qui estis principes familiarum Leuitarum. Et quando obijciunt, quod solum sex Leuitae, qui ponuntur hic erant principes familiarum Leuitarum. Dicendum, quod princeps alicuius familie dicitur dupliciter: uno modo ille, qui est maior in aliqua familia, scilicet quia est de maiori genere, ut patet, quia descendit per lineam progenitorum. Et isto modo semper erat unus princeps in qualibet familia, & ille erat de progenie illius familie, & erat nobilior. Alio modo vocatur princeps alicuius familie ille, qui praerit omnibus de illa familia, licet non esset de progenie illa. Accipiendo primo modo, isti sex Leuitae, qui ponuntur hic erant principes familiarum Leuitarum, quia non erant de eis, sed de alia stirpe: accipiendo secundo modo sacerdotes erant principes familiarum Leuitarum, eo quod Leuitae traditi fuerant Aaron, & filius eius ad ministrandum sub eis, & ad faciendum quicquid illi iuberent Numeri 2. & 8. & 18. Etiam specialiter erant subiectae familie Leuitarum sacerdotibus: nam Aaron habebat duos filios, scilicet Eleazar, & Ithamar. Erat autem Ithamar princeps duarum familiarum Leuitarum, scilicet Gersonitarum, & Meraritarum, & Eleazar erat princeps familie Caathitarum in speciali, & in generali erat princeps omnium principum Leuitarum, ut patet Nu. 3. & sic David poterat vocare hic tam sacerdotes quam Leuitas principes familiarum Leuitarum.

Quae sanctificatio erat ista, quam iubeat David fieri in sacerdotibus, & Leuitis. Quaest. XV.

QVAERITUR ulterius quae sanctificatio erat ista, quam David iubeat fieri in sacerdotibus, & Leuitis ad portandum arcam. Respondendum est, quod secundum legem erant multae immunditiae caeremoniales, quarum aliquam si quis incurrisset non poterat introire in Sanctuarium, nec tangere aliquam rem sacra. Iste immunditiae erant multiplices. Quaedam erant per contactum, ut si quis tetigisset rem morticinam, & si tetigisset serpentem vivum, vel mortuum, & si tetigisset cadaver hominis mortui, vel occisi, vel cadaver cuiuscunque bestiae, quod non licebat ad esum: siue esset per se mortua, siue occisa. Etiam si quis tetigisset leprosum, vel fluentem semine, aut sanguine, vel etiam si quis fuisset pollutus somnio nocturno, vel si accideret quis ad mulierem cognoscendo eam carnaliter, vel si quis comedisset de cibis vetitis, & sic de multis alijs generibus immunditiarum de quibus Leui. 11. vsq; ad 17. Et est 22. cap. 2. Nu. 19. Et Deute. 14. & 23. In omnibus autem his requirebatur lustratio, siue sanctificatio, & ista fiebat multipliciter: nam in quibusdam

A fiebat mundificatio per aquas lustrationis, quae erant aquae commixtae cineribus vitulae ruffae, & istud erat si quis pollueretur tangendo cadaver humanum, vel ossa eius, vel sepulchrum Nu. 19. In alijs autem non fiebat purificatio cum cineribus vitulae ruffae, sed in sola aqua, sed istud erat dupliciter. Nam quidam lauabant carnem suam totam in aqua, alij vero lauabant carnem, & vestes. De primo patet, ut si quis cognosceret mulierem suam, vel alienam lauare debebat totam carnem suam uterque, & manebant immundi vsq; ad vespertinum: Leui. Sic est si quis pollueretur somnio nocturno, lauabat carnem suam Deute. 23. De secundo patet, ut si quis tetigisset carnem viri fluentis semine, vel mulieris fluentis sanguine, siue in tempore menstruum siue extra, lauabat carnem suam, & vestimenta sua. Durabant autem istae purificationes diuersimode: nam quidam postquam polluebantur manebant immundi multis temporibus, sicut leprosi, & viri fluentes semine, & mulieres patientes fluxum sanguinis extra tempora menstruum. Nam quandiu duraret lepra, & ille fluxus sanguinis, vel seminis, durabat immunditia, & insuper postquam durasset ista immunditia manebant adhuc praedicti per septem dies immundi, & illa non erat iam immunditia realis, sed caeremonialis quantum ad opinionem legis, ut patet Leui. 14. & 15. Alij autem etiam quorum immunditia durabat solum per septem dies, & istud erat in quibusdam quorum immunditia contrahebatur per unicum actum, & non durabat immunditia realis, nisi in alio actu: sic enim erat de tangentibus mortuum, quia illi polluebantur solum, quando tangebant, & tamen durabat ista pollutio per septem dies, & sic pollutus debebat aspergi aquis lustrationis tertio, & septimo die, & tunc in septimo die erat mundus, ut patet Nu. 19. Sic etiam erat si quis coiret cum muliere, quae pateretur fluxum sanguinis: nam manebat immundus per septem dies. Leui. 15. In alijs autem regulariter durabat immunditia vsq; ad Solis occasum eiusdem diei, in quo contrahebatur immunditia, vel sequentis, ut patet Leui. 11. & 15. & 17. Et Deute. 14. & 23. Si autem aliquam istarum immunditiarum incurrisset quis de sacerdotibus, vel Leuitis, non poterat tangere arcam, vel prope eam accedere ad ministrandum in ista portatione. Ideo iussit eis David, ut sanctificarentur, id est, mundarentur si in aliquam incurrisset, & non solum volebat David, ut mundarentur ab immunditijs praeteritis, sed etiam cauere, ne incurrerent in aliquas: potissime in illas, quae erant voluntariae: sic enim erat de cognoscendo uxorem: nam cauere debebant nunc Leuitae per aliquot dies, ut non accederent ad uxores suas cum deberent tangere arcam: sic enim fuit quando Israelitae debuerunt accipere legem: nam iussit Deus per tres dies ante hoc, quod lauerent vestimenta sua, & non appropinquarent vxoribus suis, ut patet Exo. 19. a fortiori ergo nunc Leuitae deberent cauere, ne accederent ad uxores suas cum deberent portare arcam, & ab omnibus his sanctificati sunt Leuitae, & sacerdotes, ut portarent arcam.

Quisnam error fuerit in portatione arcae. Quaest. XVI.

QVAERITUR ulterius circa ea, quae dicuntur hic de errore vitando, qui acciderat in priori portatione arcae, quando occisus est Oza, quis error significetur hic fuisse. Respondendum, quod hic posset aliquam colligi ex littera, quod fuerint duo errores. Primus est, quod Oza, qui tetigit arcam erat immundus, & hoc colligitur, quia hic David praecipit sacerdotibus, & Leuitis, quod sanctificent se, ut non incidat error sicut prius, & tamen nunc iubet, quod sanctificentur, ergo error prior erat, quia non sanctificati sunt Leuitae quorum unus fuit Oza, qui tetigit arcam, & mortuus est. Et huic consonat id quod multi

multi dicunt, s. q. Oza cognouerat uxorem suam nocte precedenti anteq. portaretur arca. Secundum est, q. hic posset colligi, q. populares portauissent arcā prima vice, vel saltem se immiscuissent portationi eius ministrando aliquid, & hoc patet, quia Dauid dixit, quia nō eratis præsentes a principio percussit nos Dñs: sic, & nūc afferte vos arcam Dñi, ne fiat quid illicitum nobis agentibus q. d. q. in prima vice populares portauerunt arcā propter absentiam Leuitarum, & ideo, q. nunc essent Leuitæ præsentes, vt propter ipsorum absentiam non facerent populares aliquid illicitum portando arcam, vel ministrando in portatione eius. Dicendum tamē, q. primum istorum potest satis stare, s. q. Oza fuerit immundus, quia accessit ad uxorem suam, & tñ non est ista causa principalis nec verisimilior mortis, vt declaratum est supra 13. in quæstione de cā mortis Oze. Secundum autem istorum non stat, nā non est verum, q. populares portauerint arcam, vel immiscuerint se portationi eius: nam supra 13. & 2. Re. 6. Dicitur, q. Oza, & frēs eius minabant plaustrum, & tñ manifestum est, q. isti erant Leuitæ, vt ibi etiam declaratum est. Secundo patet, quia si peccatum fuisset in hoc populares paterentur, quia accedebant ad arcam, & tñ nullus popularis passus est, sed solus Oza: ideo non fuit peccatum per hoc, q. aliqui populares portarent arcam. Tertio patet, quia si populares peccauissent, litera expressisset peccatum illorum dicendo de morte Oze. Et tñ dicitur, q. ipse mortuus est, quia tetigit arcam: ergo nō fuit aliquis alius error nisi in opere Oze. Dicendum tamē, q. dato, q. Oza non fuisset immundus, nec etiam populares se immiscuissent portationi arcæ, habebat Dauid causam dicendi ista propter mortem Oze. Quod patet, quia Oza mortuus fuerat, quia præuaticatus est aliquam cæremoniam in portatione arcæ. Ideo Dauid volebat, q. obseruarentur nunc omnes cæremonie, quia in quacūq. erraretur mors sequeretur. Vna autē cæremonia erat, q. omnes essent mūdi. Ideo iussit Dauid, quod sanctificarentur omnes Leuitæ: non tñ per hoc innuitur, q. perierit Oza, quia erat immundus: nā poterat mori propter præuicationem cuiuscunque cæremonie: alia cæremonia erat, q. soli sacerdotes, & Leuitæ portarēt arcam. Ideo Dauid dixit, q. cauerent, quod ipsi portarent eam: ne si aliquis alius portaret, sequeretur plaga in populo. Cum autem dicitur, quia non eratis præsentes, percussit nos Dominus, non est sensus, quod propter absentiam Leuitarum populares portauissent arcā, sed q. si ipsi non dirigerent in modo portationis sequeretur aliquis error. Et sic quia a principio in prima portatione non interuenerant Leuitæ erratum fuit in cæremoniis, & propter hoc Oza occisus est, nō tñ innuit in hoc, q. Oza peccauerit in aliquo alio, nisi in tangendo arcam: nec ē, q. laici immiscuerint se portationi arcæ. Et nunc cum dñs, ne fiat aliquid illicitum nobis agentibus, est sensus, q. Leuitæ interessent ad portandum arcam, & ad faciendum oēs cæremonias, q. si ipsi non interessent forsitan intromitterent se populares, & facerent aliquid illicitum, sed nō ex hoc sequitur, q. in priori portatione populares fecerint aliquid illicitum.

Propter quam causam vocauit nunc Dauid principes Leuitarum, & sacerdotum. Quæst. XVII.

QVAERITVR vltius ad qd Dauid vocauit nūc istos principes Leuitarū, & sacerdotū, & locutus est eis. Respondendū, q. Dauid volebat, q. portaret arca in domum suam, & ad hoc volebat tradere formā portationis. Illud autē pertinebat ad sacerdotes, & Leuitas: iō fecit vocari principes sacerdotū, & Leuitarum, q. isti imperabant alijs sacerdotibus, & Leuitis.

F Et id quod isti iuberent sequerent alijs. Et hoc patet, q. vocauit Sadoc, & Abiathar, q. erāt principes sacerdotū. Et sub eorū potestate ceteri erant infra 23. Vocauit et sex Leuitas quorū nomina ponuntur hic, eo quod isti erāt principes sex familiarū Leuiticarū, vt patet supra in litera. Vocauit autē Dauid illos ad duo, primum est ad portationem arcæ, s. vt assignaret portatores arcæ, & vt nō erraret in aliqua cæremonia portationis: vt patet supra. Secundū erat vt ordinaret cātōres, & ianitores, & alios officiales ad solennizandū istam portationem: nā Leuitæ caneant qñ portabat arca, vt patet infra in litera.

G Dixit Dauid principibus Leuitarum, vt constituerent de fratribus suis cantores in organis musicorum, nablīs videlicet, & lyris, & cymbalis, vt resonaret in excelsis sonitus lætitie. Constitueruntque Leuitas Heman filium Ioel, & de fratribus eius Asaph filium Barachie: de filijs verò Merari fratribus corū, Ethan filium Casai, & cum eis fratres eorū. In secundo ordine Zachariam, & Benatiachel, & Semiramoth, & Ietihel, Anieliab, & Banaia, & Maasiam, & Mathathiam, & Eliphalu, & Maceniam, & Obededom, & Iehel ianitores. Porro cantores Heman, Asaph, & Ethan in cymbalis æneis conrepantes. Zacharias autem, & Oziel, & Semiramoth, & Iaihel, & Anieliab, & Maasias, & Banaias in nablīs arcana cantabant. Porro Mathathias, & Eliphalu, & Macenias, & Obededom, & Iehel, & Ozaziu in citharis pro octaua caneant epinicion. Chonenias autem princeps Leuitarū prophetie præerat, & ad præcinendam melodiam. Erat quippe valde sapiens. Et Barachias, & Elcana ianitores arcæ. Porro Sebenias, & Iosaphat, & Nathanael, & Amalai, & Zacharias, & Banaias, & Eliezer sacerdotes clangebant tubis coram arca Dei, & Obededom, & Iehias erant ianitores arcæ.

K *Dixitque Dauid.* Hic ponit secundum huius partis, de illis, q. portationem arcæ solennizabant, & ponunt hic officiales arcæ: tam p. tempore portationis arcæ postea, s. cantores, & ianitores. Ad constituendum autē illos incitauit Dauid, q. ipse erat vir valde deuotus, & desiderabat augere cultum Dei: iō voluit quāto iō lenius poterat portari arcam. Ad quod voluit, quod instituerent cantores. Et dñs. *Dixitque Dauid principibus Leuitarum.* Isti principes erant illi sex, qui nominantur supra principes sex familiarum. Vt constituerent de fratribus suis cantores. Solum ad illos sex principes Leuitarum loquutus est, & non ad sacerdotes, quia de sacerdotibus nullus cantor constituendus erat, sed de Leuitis. Habebant autē isti sex principes potestatem super oēs Leuitas. Ideo ad eos pertinebat constituere cantores, & alios officiales de Leuitis, & dñs de fratribus suis, & de alijs Leuitis, q. erant de progenie sua, & erant sub potestate eorum. *In organis musicorum.* Id est Vt constituerent cantores, q. cantarent in organis. Caneant

Organū, quid sit, gnificet.

Canebāt enim dupliciter Leuitæ, scilicet, quidam in sola voce, alij autē in voce, & organis. Et vocant organa musicorum generaliter omnia instrumenta ad canendum, quia organum non accipitur specialiter pro quodam instrumento musico, sicut vulgariter loquimur, sed pro omnibus instrumentis tam musicis quā non musicis, quia organum est nomen Græcum, & est tam cōe, sicut istud nomen instrumentum apud nos. Sic. n. dicimus, quod omnes potentia corporales habent organa, i. instrumenta, per quæ operantur, & in quibus sunt. *Nablis videlicet, & lyris, & cymbalis.* De lyris, & cymbalis quod sint dictum est supra 13. Nablu autē coincidit aliquantulum cū psalterio: unde Ebrardus ponit ista duo pro eo dicens:

Psalterium Græci, nos organa, nabla Iudei.

Et resonaret in excelsum sonitus latitiæ. Scilicet, isti cantores constituiebant, ut magnas voces emitterent, & audirent a longe sonitus illi, & etiam in excelso audirent, & sic apparet, quod Israelitæ valde gaudebant. *Constitueruntque Leuitas Heman filium Ioel.* Id est, Constituerunt Leuitas istos, qui sequuntur in cantores. Primus fuit Heman, & iste fuit princeps cantorum in familia Caathitarum, & erat valde sapiens, fecitque aliquos Psalmos, qui ex nomine eius intitulantur, & pater istius erat Ioel: non quidem Ioel Propheta quia ille fuit multo tempore post, scilicet tempore Ozia regis: sed fuit iste quidam alius de Leuitis tempore David, & fuit de familia Caathitarum, ut patet supra 6. *Et de fratribus eius Asaph filium Barachia.* Iste Asaph fuit alius Leuita princeps cantorum in familia Gersonitarum sapiens valde, qui multos Psalmos fecit. Et de fratribus eius, scilicet de fratribus Heman: nam Heman erat de familia Caathitarum, & Asaph de familia Gersonitarum supra 6. Et viri de istis duabus familiis dicebantur fratres inter se, eo quod erant de eodem genere, scilicet omnes de tribu Leui. *De filiis vero Merari fratribus eorum, Heman.* De tertia familia Leuitarum, quæ erat Merari fuit constitutus alius princeps cantorum, scilicet Ethan, & dicitur de filiis Merari fratribus eorum, id est, fratribus Caathitarum, & Gersonitarum, de quorum familiis erant Heman, & Asaph, & vocantur fratres propter causam dictam. *Filius Casia.* Iste vocatur Chusi supra 6. Nam dicitur ibi Ethan filius Chusi. Ex quo apparet, quod erat binomius: multi enim sunt similes in sacra scriptura: sic est de Iacob, qui vocatur Iacob, & Israel: sic etiam Esau vocatur Edom, & Esau, & Seir. Genes. 25. Et sic de Beato Petro, qui vocatur Petrus, & Simon, & Caphas, & Bariona. *Et cum eis fratres eorum.* Id est, isti filii Leuitarum. Et cum eis erant fratres eorum, id est, omnes de illa familia cum isti essent principes, & subijcerent eis in officio suo reliqui de familiis eorum. *In secundo ordine Zachariam.* Positi fuerunt supra cantores tres, qui erant principes, hic ponuntur alij cantores, qui erant minores, & ponuntur tredecim, qui sepe nominantur hic. Iste Zacharias non est pater Beati Ioannis Baptiste, quia ille fuit multo tempore post: nec etiam fuit Zacharias filius Ioiade sacerdotis magni, qui lapidatus fuit mandato regis Ioas sequenti lib. cap. 24. Nam ille fuit multo tempore post hoc, scilicet tempore Ioas regis. Iste autem fuit tempore David. Item ille fuit de genere sacerdotum: nam erat filius Ioiadæ summi sacerdotis sequenti lib. cap. 24. Iste autem erat de genere Leuitarum. *Et Banaias.* Non est iste Banaias, qui fuit vnus de viris fortibus David 2. Re. 23. Et supra 11. Nam ille fuit de tribu Iuda, ut ibi declaratum est. Iste autem fuit de genere Leuitarum. Et dato, quod esset iste Banaias de genere sacerdotum, tamen iste, de quo hic dicitur Leuita erat, & non potest cum illo convenire. *Et Mathathias.* Non est iste Mathathias pater Machabæorum, ut patet 1. Macha. 2. cap. Quia ille fuit multo tempore post istum: fuerunt enim Machabæi pauco tempore ante Chri-

stum: multo tempore post reditum de captiuitate Babylonis, & tamen iste fuit tempore David, multis annis ante captiuitatem Babylonicam. *Et Obededom.* Iste est Obededom in cuius domo fuerat posita arca, & propter hoc fuit arca posita in domo eius, scilicet quia ipse erat Leuita, & pertinebat ad eum seruare arcam. *Ianitores.* Id est, Isti de secundo ordine erant Ianitores. Potest intelligi, quod ante hoc isti erant Ianitores in templo, vel quod nunc constituti fuerint, ut essent ianitores arce in domo illa, quæ edificauit David. Porro cantores Heman, & Asaph, & Ethan. Positum fuit supra, qui erant cantores: hic ponitur quibus instrumentis utebantur in canendo: nam erant determinata cantoribus instrumenta, ita ut quidam vterentur quibusdam, & alij alijs. Erant autem isti tres, qui nominantur hic principes cantorum in tribus familiis Leuitarum, ut supra declaratum est, & utebantur eodem genere instrumenti musici. *In cymbalis æneis contrepantes.* Id est, Canebant isti in cymbalis, & ibi faciebant concordiam ad cantum suum, & ibi est pulchra melodia cum in organo musico redditur consonantia vocum: sunt enim cymbala instrumenta ferrea, vel ænea parua, quæ duabus manibus tenentur, & concutiuntur ad reddendum sonitum consonantem vocibus. Poterat tamen esse, quod antiquitus ista instrumenta ferrea vel ænea parua, quæ duabus manibus tenentur, & concutiuntur ad reddendum sonitum consonantem vocibus aliter formata essent, quia talia quotidie mutantur ab humana voluntate, & ingenio. *Zacharias autem, & Oziel, & Semiramoth, & Iaihel, & Ameliab, & Maasias, & Banaias.* Ponebantur supra princeps cantorum, qui erant in primo ordine, & quibus organis utebantur. Hic autem dicitur de cantoribus secundi ordinis, quibus organis vterentur, & diuidebatur in duas partes, quia quidam istorum utebantur nablis. Alij autem cytharis, nam octo primi utebantur nablis, & sex secundi utebantur citharis, & cantabant etiam diuersa cantica, & omnes isti, qui ponuntur hic sunt iidem cum illis, qui ponuntur supra, sed repetuntur hic nomina eorum ad ostendendum, quibus organis vterentur. *In nablis arcana cantabant.* Est nablum instrumentum simile psalterio, & ut dicit Nicolaus in hoc differunt, quia nablum digitis tangit, psalterium autem plectro pulsatur. Cantabant etiam arcana, i. aliqua cantica de rebus arcanis. Porro Mathathias, & Eliphalu, & Mathenias, & Obededom, & Iehel, & Ozariu. Hic ponuntur sex alij cantores de secundo ordine, qui distinguuntur ab octo precedentibus in organis quibus cantabant, & etiam in canticis. *In citharis.* Istis organis utebantur: est enim cithara instrumentum antiquum, & inter veteres valde celebratum nunc autem valde in usum venit. *Pro octaua caneabant epinicion.* Isti octo cantores cantabant in octaua, vel pro octaua, & cantabant epinicion, i. canticum sic incipiens, ut aliqui volunt, sed postea declarabit hoc in quadam questione. *Chonenias autem princeps Leuitarum.* Iste erat princeps Leuitarum in cantu, quia fuit sapientior ceteris, & non est iste Chonenias, de quo dicitur sequenti lib. cap. 32. quod dicitur ibi, quod ipse erat pfectus, sicut hic dicitur, quod erat princeps Leuitarum: nam hic ponitur princeps cantorum, ibi autem ponitur princeps eorum, qui recipiebant in domo Domini decimas, & primitias in horreis. Etiam iste Chonenias fuit multo tempore ante illum, scilicet plusquam trecentis annis: nam ille fuit tempore David, & ille fuit tempore Ezechia regis, ut patet ibidem, sed fuit alius Chonenias, quia multi coincidunt in eodem nomine eodem tempore, vel diuersis. *Prophetia præerat.* Id est, Erat prepositus in faciendo Psalmos, & canendo illos, vocatur enim Prophetia quæque laus Dei. Et ideo quoniam Leuitæ caneabant aliquas laudes Dei, dicebantur prophetare: sic patet infra 25. scilicet Igitur David, & in ministerium magistratus exercitus segregauerunt filios Asaph, & Heman, ut prophetarent in citharis, & psalterijs, & tamen in citharis nihil sit nisi canere.

re. Etiam patet eodē cap. cū dicitur fuit autem numerus eorum, q̄ erudiebant canticum Dñi &c. & sic isti, q̄ dicebant prophetare erant doctores cantici. *Ad præcinnendam melodiam.* Idest, Iste Chonenias erat princeps prophetiæ, i. Psalmorum faciendorū, & hoc ad præcinnendum melodiam, i. vt cantarent illos Psalmos in voce, & sic erat iste Chonenias eruditus in duobus, scilicet in componēdo Psalmos sapienter, & in modulando alios dulciter. *Erat quippe valde sapiens.* Ista causa ponit quare iste esset princeps prophetiæ, scilicet quia erat valde sapiens: nā aliter non poneretur princeps omnium cantorum. Et attenditur ista sapientia in sciendo componere Psalmos subtilius quā alij, & in modulando eos dulcius. *Et Banachias, & Elcana ianitores arce.* Isti duo erant ianitores arce, scilicet custodiendo eam, ne aliquis accederet ad ipsam, nec introiret ad tabernaculum illud de pelilibus iacynthis in quo erat posita in domo David. Iste Elcana non est Elcana pater Samuelis: de quo dicitur primo Regum, primo cap. quia ille fuit aliquāto tempore ante istum: nam Samuel filius Elcana erat senex antequam Saul constitueretur in regem: unde dixit ego senui, & incanui, porro filij mei vobiscum sunt. primo Regum 12. & mortuus est Samuel regnante Saule, eodem lib. cap. 25. Et post hoc regnavit David super Iuda, & deinde super Israel, & nunc erat iste Elcana tempore David custos arce: ergo non poterat esse Elcana pater Samuelis, quia videbatur, quod ille multo tempore ante hoc mortuus fuerit, & forte ante regnum Saulis, cum incipiente regno Saulis iam senuisset, & incanuisset Samuel filius eius. Porro *Sebenias.* Hic ponitur de sacerdotibus, qui ministraverunt nunc in ista portatione arce coram illa, & nominantur hic octo sacerdotes. *Et Iosaphat.* Non est iste rex Iosaphat, de quo habetur sequenti lib. cap. 17. & 18. Quia ille fuit multo tempore post hoc, cum fuerit filius Abia. Etiam ille fuit de tribu Iuda, & erat rex, iste autem erat Levita. *Et Nathanael.* Non est iste Nathanael de quo dicitur Ioan. primo, q̄ vidit Iesus Nathanael ad se venientem, & dixit de eo: Ecce vere Israelita, in quo dolus non est. *Et Zacharias.* Non est iste Zacharias, de quo supra habetur, quia ille primus erat de cantoribus secundi ordinis, & iste est de genere sacerdotum, quia isti erant octo qui ponuntur in hoc versu. Et clangebant tubis, erant sacerdotes, vt patet in litera. *Et Amasai.* Non est iste Amasa filius Abigail sororis David, de quo habetur supra 2. Et ille fuit princeps exercitus in bello, quod fecit Absalom contra David. 2. Re. 17. Et postea David reconciliauit eū sibi, & fecit principem exercitus excluso Ioab, quia occiderat Absalonem eodem lib. cap. 19. Et postea occidit eū Ioab ductus in via, q̄ successerat in principatu eius eodē lib. cap. 20. Quia ille fuit de tribu Iuda, iste autem erat de sacerdotibus. *Et Banaias.* Aliqui putant, q̄ iste fuit ille Banaias, q̄ ponitur inter viros fortes David 2. Re. 23. Et supra 3. & 11. tamen falsum est, quia ille erat de tribu Iuda, iste autem erat sacerdos. Iosephus tamen tenet, q̄ fuerit ille Banaias de stirpe sacerdotum, & tenendo sic satis concordaret, & q̄ diceremus istum Banaiam esse illum virum fortem, sed non est idem: multi enim vocantur hoc nomine. *Et Eliezer.* Iste Eliezer non est ille, de quo habetur Exo. 4. Quia ille fuit filius Moyfi, iste autem fuit multo tempore post. Etiam non est iste Eliezer, de quo Genes. 24. Quia ille fuit servus Abraham, quē misit pro Rebecca, vt acciperetur pro vxore ab Isaac, & sic fuit multo tempore ante hos sacerdotes. *Clangebant tubis.* Idest, Isti octo, qui ponuntur hic clangebant in tubis argenteis: nam erant in sanctuario tubæ argenteæ ad canendum in festiuitatibus, & istis utebantur nunc Levitæ in portatione arce, *Coram arca Domini.* Scilicet, Quando portabatur,

Postea etiam coram illa clangebatur, sed non apparet an isti sacerdotes, qui nunc clangebant, clangerent tunc. *Et Obededom, & Achimaas erant ianitores arce.* Scilicet, Custodientes, ne quis introiret ad locum, in quo custodiebatur arca intra tentorium factum de pelilibus iacynthis, quod erat in domo David.

Quis nam ordo erat in portatione istius arce.
Quest. XVIIII.

QUÆRITUR circa ea, quæ dicta sunt hic de ordinatione in portando arcam, quis ordo erat. Respondendum, quod in ista portatione arce quidam erant portantes arcam, & alij erant solennizantes portationem, portantes autem erant Levitæ. Et isti erant quatuor portantes eam per duos vectes, Et quando isti fatigabantur succedebant eis alij Levitæ, vel adiuuabant eos. Et de istis portatoribus nihil hic dicitur, nisi quod portabant arcam super humeros suos in vectibus: alij autem erant solennizantes portationem arce. Et ad hoc conuenerant sacerdotes, & Levitæ, & populares: de popularibus nihil dicitur hic. Et tamen intelligendum est, quod David distinxerat populum in septem choros, vel saltem elegerat de populo cantores, & psallentes in vasis musicis, & distinxerat eos in septem choros, vt ordinate se haberent, scilicet, vt quidam canerent, & alij responderent vicibus suis. Et sic dicitur 2. Regum 6. q̄ erant cum David septem chori. Sacerdotes autem conuenerunt ad istam solennitatem, & habebant hic duo officia, primum erat, quia sacrificia offerebant. Nam cum transissent illi, qui portabant arcam sex passus offerebantur septem tauri, & septem arietes, vt patet hic. Et in hoc multi sacerdotes essent occupati, vt cito explerentur tot sacrificia. Aliud officium eorum erat clangere tubis, & sic dicitur hic de octo sacerdotibus, qui clangebant tubis ante arcam: Levitæ autem proficiebant nunc in portatione arce in duobus, vt quidam volunt. Primum erat, quia quidam ipsorum erant in circuitu arce diligenter cauentes, ne quis de popularibus accederet ad arcam. Et istos vocat Nicolaus ianitores arce. Istud tamen non est satis recipiendum, vt infra declarabitur in quadam questione. Ideo dicendum, quod Levitæ solennizabant nunc portationem arce solum in cantando. Quidam in voce sola, & alij in voce, & organis. Et fuerunt distincti isti in duos ordines, & in quodam erant quidam cantores, & in alio alij, vt patet in litera, & sequenti questione.

Quomodo se habebant nunc isti Levitæ in cantando.
Quest. XX.

QUÆRITUR magis de istis Levitis, quomodo se habebant nunc in cantando. dicendū est, q̄ de omnibus familijs Leuitarum conuenerunt hic alij ad portationem arce, vt patet supra in litera. pauci autem ipsorum portabant arcam, ideo reliqui canebant, sed ad hoc, quod ordinate canerent fuerunt hic distincti p̄ duos ordines: nam non fit mentio nisi de primo, & secundo ordine cantorum. Et vocatur ordo primus, & secundus multipliciter, scilicet quia illi, qui erant in primo ordine, erant excellentiores alijs in sapientia, & in cantu: qui vero erant in secundo ordine, erant minus sapientes: vel vocatur primus ordo, & secundus, q̄ vna pars Leuitarū canētiū p̄cedebat arcā, & vocabatur primus ordo, scilicet p̄cedēdo localiter. Alius ordo subsequēbatur arcā, & vocabatur secundus, q̄ succedebat. Aliter pōt dici, q̄ erāt duo ordines cātorū, sicut in ecclesia sunt duo chori cātorū cātando Psalmos. Et vocaretur primus ordo ille q̄ inchoabat,

inchoabat, sicut cum vnus dicit vnū versum, & alius alium. Isti duo ordines non erant distincti taliter, vt illi, qui erant de vna familia Leuitarum, essent in vno ordine, & qui de alia familia, essent in alio ordine, quia tunc cum essent ad minus tres familie principales Leuitarum, scilicet Gersonitarum, Caathitarum, Meraritarū, essent tres ordines cantorum, & tamē erant soli duo, sed distinguebantur sic isti ordines, q̄ de qualibet familia Leuitarum essent aliqui in primo ordine, & aliqui in secundo. Patet hoc, quia in primo ordine erant isti tres principes, scilicet Heman Asaph, & Ethan. Et tamē Heman erat Caathita, & Asaph Gersonita, & Ethan Merarita, vt patet sup. 6. & sup. in litera declaratum est. Et dicitur etiam hic, quod cum quolibet istorum erant fratres sui, idest viri de familia sua, & sic patet, quod in primo ordine erant Leuitę de omnibus familijs, sic de ordine secundo intelligendū est. Et istud erat satis rōnabile ad tollendum inuidiam. Nam si ponerentur Leuitę de vna familia in primo ordine, & Leuitę de alia in secundo ordine, illi qui ponerent in secundo, quererent quasi p̄tēnerent plusq̄ ceteri. Nunc autem cum de omnibus familijs essent cantores in primo ordine, & secundo, erant omnes familie equales, & nulla haberet occasionem querelę. Sciendum autem, quod in primo ordine cantorum erant tres principes, scilicet Heman Asaph, & Ethan, quia erant de tribus familijs, & erant sapientiores reliquis. In secundo ordine erant principes quatuordecim, qui ponuntur in illo versu qui incipit, in secundo ordine Zachariā, erat tamen vnus cantor sapientior adhuc omnibus, qui vocabatur Chonenias, & iste p̄ceperat vtrique ordini cantorum, & hoc quia erat valde sapiens, vt dicitur in litera. Sciendum etiam, q̄ illi, qui erant in primo ordine cantorum differebant a cantoribus secundi ordinis in organis, quibus utebantur: nam cantores primi ordinis utebantur cymbalis: nam dñs in litera, quod Heman, & Asaph, & Ethan in cymbalis ēneis cōcrepabant. Cantores autem secundi ordinis alijs organis utebantur, sed adhuc isti de secundo ordine differebant inter se in duobus, scilicet in organis, & in canticis. Patet, quia octo principes secundi ordinis canebant in nablīs, & cantabant arcana, scilicet illi, qui ponuntur in versu qui incipit, Zacharias autē, & Oziel. Alij autē sex principes eiusdē ordinis cantabant in lyris pro octaua epinicion, scilicet illi, qui ponuntur in versu, qui incipit: Porro Mathathias, de quibus infra dicitur.

An illi de secundo ordine erant Leuitę, vel cantores.

Quest. XX.

QUÆRITVR vltius de istis, qui erant nunc in secundo ordine an essent Leuitę cantores, vel ianitores. Aliquis dicet, q̄ erant ianitores, quia in illo versu, qui incipit in secundo ordine Zachariam ponūtur omnes, qui erant de secundo ordine, & dñs in fine ianitores, & sic apparet, q̄ omnes illi erant ianitores, in quantum vñ, quia supra in litera repetuntur omnes qui ponuntur in p̄dicto versu, & distinguuntur in duas partes, & ponuntur in vna parte octo, & in alia sex, & de octo qui ponūtur simul dicitur, q̄ cantabāt arcana in nablīs, vt patet in versu, qui incipit: Zacharias autē, & Ethan in lyris epinicion pro octaua, vt patet in versu, qui incipit: Porro Mathathias. Oportet ergo ponidum igitur, q̄ qui ponuntur in secundo ordine cantores sunt, vt patet ex ratione assignata. Item quia hic distinguuntur duo ordines, & primus eorum pertinet ad cantores: ergo etiam secundus. Quod patet, quia alij non vocarentur secundus, quia secundus ha-

Alph. Tost. in Lib. I. Paralip.

Abet consequentiam ad primum, & participant in aliquo, ideo ambo debent esse eiusdem rei, sed primus est cantorum: ergo etiam secundus. Cum autē obijciatur, q̄ isti erant ianitores. Rñderi potest dupliciter. vno modo, q̄ non refertur hoc ad omnes, qui ponuntur in isto ordine, sed solum refertur ad istos vitimos, scilicet ad Obededom, & ad Ieiel. Nam de Obededom iterum dñs, quod erat ianitor arcę, vt patet infra in litera. Aliter potest dici, q̄ omnes isti, qui erant in secundo ordine erant ianitores, & isti non vocatur ordo secundus ianitorum, sed cantorum. Per accidens, n. erat q̄ essent ianitores ad hoc, vt ponerentur in isto secundo ordine. Considerandū tñ quod omnes isti principes, qui ponuntur in secundo ordine, erant simul ianitores, & cantores. Erant, n. ianitores, in quantum tenebantur obseruare ad ianuas tabernaculi Moyfi, vel istius domus, in qua erat arca posita ad hoc, vt non introiret aliquis ad locum sibi non debitum, erant autē cantores, in quantum constituti erant ad canendum coram arca nunc, & etiam postquam posita esset in loco suo in domo David. Hic autem non ponuntur in ordine in quantum ianitores, sed in quantum cantores, vocantur tamen ianitores ad exprimēdum omnes titulos, & dignitates eorum.

De officio ianitorum.

Quest. XXI.

QUÆRITVR vltius de istis ianitoribus de quibus hic, qui erant, vel quod erat officiū suū. Respondendum est, fm Nicolaum, quod hic vocantur aliqui ianitores eo, q̄ in ista portatione erant iuxta arcam custodientes, nequis accederet ad eam de popularibus, vel de Leuitis, ad quos non pertinebat, vtpote q̄ aliquis Leuita non accederet temere ad arcam, sicut fuit de Oza in prima portatione, qui tetigit arcā temere, & Deus percussit illum super temeritatem suam 2. Reg. 6. Et hoc potest aliquo modo persuaderi, quia vocantur specialiter ianitores arcę. Nam infra in litera dicitur, quod Achimaas, & Obededom erant ianitores arcę. Dicendum tamen, quod hoc non fiat, quia licet posset concedi, q̄ aliqui Leuitę cōstituti essent ad hoc solū, vt cauerent, ne quis accederet ad arcā, tñ nō poterāt p̄ hoc vocari ianitores, q̄ ianitor nō est vbi ianua nulla est. In portatione tñ arcę non erat arca sub aliqua ianua, quia portabāt per viā. Ideo non vocarentur aliqui ianitores, sed possent vocari custodes arcę. Dicendum est, q̄ aliqui istorum erant ianitores arcę, & aliqui ianitores templi, non tñ sic Nicolaus vult. Pro quo nunc sciendum, q̄ antequā David portaret nunc arcam ad domum suam, & ēt postea, erat tabernaculū Dñi, quod fecit Moyse in Gabaon, & ibi erant sacerdotes, & Leuitę. Sacerdotes quidem ministrabant in officijs suis: Leuitę verō erant cantores, & ianitores. Nam custodiebant quidam eorum introitum templi, & isti fuerunt cantores in ista portatione arcę, cum oēs Leuitę nunc cantarent corā arca p̄ter illos, qui portabant eam. Alij autē fuerunt ianitores arcę, scilicet assignati, vt custodirent eam postquam fuit posita in domo David. Possunt tamē vocari ianitores arcę illi, qui custodiebant eam ante hoc dum esset in domo Obededom. Nā ibi erat posita in custodia quousq; portaret ad alium locū, ideo necesse erat, q̄ aliquis hñret curā spālem de illa, ne qs accedere posset indebite ad locū eius, & eēnt isti custodes duo vel tres, q̄ vocarentur ianitores. Sic, n. fuit qñ arca mansit in Cariathiarim. Nā sanctificauerunt Eleazarum filium Abinadab, vt custodiret eam primo Reg. 7. & sic ille posset dici ianitor. Istud est satis verisimile, quia cum ponunt ianitores arcę, ponit Obededom inter illos. Et manifestum est, q̄ cū Obededom haberet arcam

Y in

In domo sua, q̄ ipse est ianitor eius. Et aliquis alius de Leuitis cum eo. Sciendum aut̄, q̄ aliqui vocant̄ hic ianitores absolutē, & alij vocant̄ ianitores arcē. Illi qui erant ianitores in Sanctuario Dñi in Gabaon, vocant̄ ianitores absolutē. Qui autē erant ianitores in domo Obededom, vel postea in domo, in qua Dauid posuit arcam vocant̄ ianitores arcē. Et rō huius est, quia nō solebant poni ianitores pro arca nisi nunc calu, sed illi, qui erant ianitores, erant ianitores templi, qui verō erant ianitores arcē non erant ianitores, nisi per accidens, ideo nominantur cum quadam denominatione.

Quare tam pauci cantores ponebantur in secundo ordine, Quæst. XXII.

QVAERITUR vterius quomodo in secundo ordine cantorum ponebantur tam pauci cantores, sc̄ quatuordecim, vt patet in litera. Nam omnes Leuitę erant nunc cantores, vt supra declaratum est. Et illi distincti fuerunt in duos ordines, sed ipsi erant saltem mille sexaginta, & duo, vt patet sup. in litera, computando omnes illos, qui ponuntur de singulis familijs. Ideo in secundo ordine cātorum ad minus plures essent, q̄ ducenti. Respondendum, q̄ multi cantores erant in secundo ordine, & isti quatuordecim, qui ponuntur hic non erant soli cantores secūdi ordinis, sed erant principes cantorum istius ordinis. Poterat aut̄ esse, q̄ in isto ordine essent plures, q̄ quingenti, vel sexcenti cantores, quia tñ in oī ordine semper dantur principēs, & subiectus, assignati fuerūt quatuordecim principes in isto ordine. De alijs aut̄ cantoribus, q̄ erāt sub eis in isto ordine, nulla mentio fit. Sic. n. patet de cātoribus primi ordinis, quia ibi solum noīantur tres principes, sc̄ Heman Asaph, & Ethā. Et non exprimuntur aliqui subiecti, sed dñ cum fratribus suis, i. q̄ illi tres principes cum fratribus suis, i. cum Leuitis de sua cognatione, ita isti quatuordecim q̄ ponunt hic in sc̄do ordine erant principes sc̄di ordinis. Et ob hoc exprimunt̄ noīatim, subditi aut̄ sui erāt Leuitę de cognatione sua. Sed obijciēt q̄ in sc̄do ordine cantorū essent tot principes, sc̄ quatuordecim, cum in primo ordine solum essent tres principes. Rñdendum, q̄ istud erat propter minoritatē principum. Principes. n. de sc̄do ordine erāt parui, quia q̄libet eorū hēbat paucos sub se. Ideo cum essent multi Leuitę in isto ordine, necesse erat, q̄ essent multi principes. In primo aut̄ ordine erant magni principes, sc̄ tres, eo q̄ quilibet illorū principabat̄ oībus Leuitis de familia sua, q̄ erant in illo ordine. Et quia erant solū tres familie principales Leuitarum, fuerunt solum tres principes istius ordinis.

Quales viri erant principes cantorum, & quomodo in eis mansit principatus. Quæst. XXIII.

QVAERITUR vterius de isto Heman, Asaph, & Ethan, qui erant principes cantorū primi ordinis, qui viri erant, & q̄ō mansit in eis iste principatus. Rñdendum, q̄ isti tres fuerunt viri valde sapiētes in duobus, sc̄ in inquirendo veritatē mirabiliū Dei, de quibus facerent Psalmos. Et in sciendo modulari dulciter Psalmos iam cōpositos. De primo patet, nā Psalmi sunt q̄dam laudes Dei, & cōponebant̄ ab istis Leuitis, qui inquirebant historias legis veteris, & de mirabilibus, q̄ reperiēbant in scriptura formabant istos Psalmos, vt patet in Psal. 102. & 103. & vsq; ad 106. & in multis alijs, sc̄ Psal. 77. Et quia aliqui Leuitę erant sapiētiores, q̄ alij tam in historijs sacre scripture, q̄ in rebus naturalibus, illi nouerāt melius cōponere Psal. q̄ alij. Erant et̄ aliqui, qui melius nouerant artē modu-

Flandi, sc̄ dandi sonitum conueniētem Psalmis, & istud minus proficiebat ad laudē Dei. Et quia isti tres erant sapientiores oībus alijs Leuitis in duobus prædictis, ideo fuerunt positi principes cantorum. Sciēdum et̄ q̄ sapia istorum valde laudatur. Patet de Asaph, nam ipse laudatur nimis inf. seq. capit. q̄ erat valde sapiens ideo Dauid constituit eum principem ad laudandum Dñm in domo illa, in qua erat arca constituta per ipsum, etiam alij duo, sc̄ Heman, & Ethan laudantur nimis in sapientia, intantum, q̄ comparatur aliquantulum Salomoni, vt patet 3. Reg. 4. cum dñ: Quod erat Salomon sapientior cunctis omnibus, & erat sapientior Ethan Ezraitha, & Heman, & Galgal, & Dorda filijs Maol. & tamen non compararetur Salomoni in aliquo nisi essent valde sapientes. Sciēdum etiam, q̄ isti composuerūt multos Psalmos cum essent principes cantorum. Nam Heman composuit Psal. 87. qui incipit Dñe Deus salutis nostre, vt patet ex titulo Core, sed ibi declarabitur, Ethan aut̄ composuit Psal. 88. qui incipit Misericordias Dñi. Nam dicitur in titulo intellectus Ethan Ezraithę. Illi et̄, qui erant subiecti Heman fecerunt Psalmos multos sub eius correctione: nā filij Core erant subiecti, etiam quia Corethę erant de familia Caathitarum. Nam pater Core erat Iesaar & Iesaar erat filius Caath: Num. 16. Heman tamen erat princeps in familia Caathitarum, vt patet supra 6. Ideo filij Core erāt subiecti ei, & fecerūt sub emendatione eius multos Psalmos: nam Psal. 41. qui incipit: Quemadmodum desiderat ceruus, factus fuit ab eis, quia in titulo eius dicitur in fine intellectus filijs Core, etiam Psal. 43. factus est ab eis. Et incipit: Deus auribus nostris: patet ex titulo. Nam dicitur in fine Psalmis filijs Core: Psalmus etiam 44. eorum est, & incipit: Eructauit cor meum: patet ex titulo. Nam dicitur in fine pro his, qui comitabantur filijs Core ad intellectum: Psalmus etiam 47. est filiorum Core, & incipit: Magnus Dominus: patet ex titulo, sc̄ pro filijs Core secunda sabbathi. Alios etiam Psalmos fecerunt; nam Psal. 43. qui incipit. Quod dilecta, eorum est, patet ex titulo, sc̄ in finem pro torcularibus filijs Core: Psalmus etiam 84. eorum est, qui incipit: Benedixisti Domine terram tuam, patet ex titulo, sc̄ filijs eorum est, patet ex titulo, sc̄ filijs Core, Psalmus cantici. Asaph aut̄ plures Psalmos fecit, quam alij principes Leuitarum: nam Psal. 49. qui incipit Deus deorum ab eo factus est, patet ex titulo, quia dicitur Psalmus Asaph: Psal. 72. eius est, & incipit: Quod bonus Deus Israel, patet ex titulo, sc̄ defecerunt laudes Dauid filij Iesse: Psalmus Asaph, & oēs Psal. 11. sequentes vsq; ad Psalmus: Quod dilecta, facti fuerunt ab Asaph, vt patet ex titulis eorum. Sciēdum aut̄ circa istos tres principes Leuitarum, q̄ ipsi fuerunt constituti principes cantorum nunc, quando portabatur arca, & erāt oēs tres in primo ordine, & quilibet in sua familia, vt supra declaratum est, postquā et̄ portata est arca posita à istum ordinem in domo illa, in qua fuit arca posita à Dauid: nam ibi caneant Leuitę distincti per tres choros. Erat. n. Heman cum familia Caathitarum in medio: Asaph ad dexteram cum familia Gersonitarum, vt patet supra 6. Postea et̄ cum Dauid esset senex, quod ret cantores, & ianitores pro tēplo Salomonis, quod postea facturus erat constituit istos tres tanquā principes cantorum, & filiorum eorum cum eis. Distinxit eos aliter, scilicet per viginti, & quatuor sortes, vt quilibet fors ministraret suo tempore infra 25. Et sic manserunt postea semper quamdiu stetit Iudęorum status.

De alijs sex Leuitis de secundo ordine cantantibus arcana in nablīs.

Quaest. XXIII.

QVAERITVR vterius quō dī, q̄ Zacharias, & Oziel cum alijs sex Leuitis de secundo ordine cantabant arcana in nablīs, & q̄ erant ista arcana. Alii qui putant, q̄ erant arcana, i. secrete dicta, ita q̄ nemo audiret illa. Sed istud nihil est, quia isti cātabant. Ideo necesse est, q̄ vox eorum audiretur: non.n. loquebantur secrete. Sed dī, q̄ cantabant arcana, i. aliqua quae erant secreta pp altitudinem intelligendi, s. quia cantabant de aliqua materia excellentiori, q̄ alij Leuitae. Ita q̄ non oēs intelligerent. Et poterat hoc esse, quia aliqui de istis Leuitis cantabant Psalmos factos de historijs precedentibus in lege veteri, sicut est Psal. 77. & Psal. 103. & 104. & 105. & multi alij, & isti manifesti erant. Alij autē Leuitae erant prophetae, & p̄dicebant futura. Et illa non intelligebantur ab oībus. Et tunc proprie dicerent cantare arcana: sic forte esset de istis, quia poterant cantare aliqua futura, sicut David praedixit in multis Psalmis, vel pōt dici, q̄ cātabāt arcana, i. cantabāt aliquas laudes pro secretis Dei, q̄ intelligebant, vel pro iudicijs secretis, q̄ Deus faciebat. Et sic intitulantur aliqui Psalmi. Patet de Psal. 45. & incipit. Deus nī refugium, & titulus eius est in finē Psalmis David de arcanis, vel potest dici, q̄ canebant arcana, i. aliqua iudicia occulta, quae Deus fecerat ad quae pauci attendebant, vel paucula intelligebant.

De Mathathias, & alijs cantoribus quinque de secundo ordine.

Quaest. XXV.

QVAERITVR vterius quō dī in litera, q̄ Mathathias, & alij quinque cantores de secundo ordine in citharis canebant epinicion pro octaua. Rndendū, q̄ variē hī ista litera, quia in quibusdam libris dī epinicion, & in alijs symbrion, sed pro eodem accipiunt. Et putant doctores nī, q̄ interpretatur epinicion, vel symbrion victori Deo, triumphus, vel palma. Et dicūt sic incipiebat. Et quamquam multa alia cantarent, q̄ tñ sepe redibant ad principium huius cantici, videbatur, q̄ semper cantarent epinicion. Et dicunt, q̄ cantabant pro octaua, i. pro etate octaua resurrectionis: nam septem etates distinguuntur in seculo ante diem iudicii. Aetas autē post resurrectionē erat octaua tā seculi, q̄ damnatis. Et dicunt, q̄ cantabant Deo victoris triumphū pro octaua, s. quia in octaua resurrectionis Deus perfecte triumphabit de hostibus suis, cum oēs mali inclusi erunt in tenebris inferni. Et erit tūc Deus victor. Et mors, q̄ dñabatur electis erit iam superata, vt patet primo ad Corin. 15. vbi loquitur Apostolus de resurrectione dicens: Tunc fiet sermo qui scriptus est, absorpta est mors ī victoria. vbi est mors victoria tua? vbi est mors stimulus tuus? Et iterum dī ibidem: Oportet autē illum regnare donec ponat oēs inimicos sub pedibus eius, nouissimē autē inimica destruetur mors. Et sic ibi erit Deus plene victor. Et pro illa octaua resurrectionis canitur victori Deo triumphus: sic ēt exponunt nī doctores q̄ncunq; sit mētio de octaua, sicut patet in aliquibus Psalmis. Nā Psal. 6. intitulator in fine, p octaua Psal. David, & ēt Psal. David in fine Psalmi. David pro octaua. Et intelligunt p octaua resurrectionis. Sed dicendū, q̄ istud nō stat, quia dictio hebraica, q̄ ponit hic, non significat id, q̄ ipsi volunt, s. victori Deo triūphus, vel palma, q̄ ista vel ad augēdū, siue superandū. Ideo nō ē triūphus aliis hic, q̄ Deo cāte, vel reddat. Itē patet, q̄ cū dī, q̄ octaua significet hic octauā resurrectionis nimis est alienū ā veritate. Primo q̄ illi duo Psal. 6. & 8. q̄ intitulantur a veritate. Primo q̄ illi duo Psal. 6. & 8. q̄ intitulantur a veritate.

Alph. Toft. in Lib. I. Paralip.

A tulantur p octaua, nihil loquunt de statu resurrectionis, sed magis de statu p̄nti, s. de nequitia malorū, & de petitione liberationis, maxime q̄a Psal. 11. dī: Tu Dñe seruabis nos, & custodies nos ā gñatione hac in eternum. Ideo ille, qui composuit Psalmos, loquebat tūc de statu p̄nti. Scđo pater, quia nimis est istud allegoricum, s. q̄ dicat istud pro octaua, i. pro octaua resurrectionis: nā Hebrei non distinguebant sic etates, sed fuit aliqd inuentū ā scriptoribus nīis. Tertio patet, q̄a Hier. non sequit istā sniam in litera. Nā si ipse intelligeret, q̄ verbū, q̄d ponit hic ī Hebreo significet victori Deo palma, vel triumphus, non posuisset nomen Hebreorum, s. epinicion, vel symbrion, sed vertisset in latinum. Ideo autē intelligendū est. Pōt autē dupl̄r intelligi, vno mō, q̄ isti Leuitae canerent quoddam canticum, q̄d incipiebat epinicion, vel symbrion. Et istud psonat intentioni, & l̄fē Beati Hier. cum ipse dicat, q̄ canebāt epinicion. Et tñ si istud significaret aliqd q̄d verti possit in latinum, & non esset sic in cantico vertisset illud Hier. in latinū, sed nō vertit, iō credēdū est, q̄ fuerit aliqd de ipso cantico. Aīr pōt dici, & melius fm l̄fam Hebraicā, q̄ in Hebreo hī canebāt in citharis, p octaua ad fortificandū, vel ad superandū, & ē sensus, q̄ canebant p octaua, i. in instro facto de octo cordis, sicut aliqñ canebāt in psalterio decē cordarū, vt patet Psal. 42. & 142. Et aliqñ in alijs instris. Ideo cōtingebat, q̄ aliquādo Psalmus cantaret in instro octo cordarum. Et sic dicebatur Psalmus in octaua, vel pro octaua. Et ob hoc intitulantur Psalmi ab instris, in quibus canebantur. Sic ēt poetē nominant interdum metra sua ab instris, cum quibus canebant, sicut dñr versūs lyri, idest qui canebantur cum lyra. Et ēt poetē vocantur lyri ex eadem causa. Sic ēt vocatur Horatius poeta lyricus, vel dicuntur versūs lyri ā lyrim, quod est varietas, quia non procedunt fm eandē legem metrorum, sed interdum idem poeta vtitur plusquam duodecim varietatibus metrorum. Nam Horatius vtitur decem, & octo varietatibus metrorū in libro odorū, & in epodon, vt patet intueti. Sic ergo compositores Psalmorum nominabant illos ab instrumentis. Et dī, q̄ cantabant ad fortificandū, vel ad superandū, s. quia isti octo principes de secūdo ordine superarent alios excellentius canendo: sic. n. fit inter cantores, quia quando sunt duo vel tres chori canentium, quilibet chorus nititur superare alios, potissime quando canitur in magnis solennitatibus. Et istud consonat veritati literae.

An verum sit Chonenian principem prophetarum praesse prophetia.

Quaest. XXVI.

QVAERITVR vterius quomodo dī hic, quod Chonenias princeps prophetarum prophetiae praerat. Nam vī, quod non possit aliquis praesse prophetiae: nam prophetia ā Deo datur. Et ipse solus deam, cui vult, nec potest homo ingenio naturali, vel voluntate sua habere prophetiam, sicut dicitur 2. Pet. 1. f. Non enim voluntate humana aliquādo allata est prophetia, sed spiritu sancto inspirati locuti sunt sancti Dei homines. Principes autem, qui ponuntur constituunt voluntate humana. Ideo nō p̄nt praesse prophetiae. Rndendū, q̄ prophetia proprie accipit pro quodā spū, vel illuminatione intellectus facta ā Deo supernaturaliter ad intelligendū occulta, siue sint p̄terita, siue futura, q̄ naturalr sciri nō p̄nt. Et sic vocam⁹ pphetas Isaiā, & Ieremiā, & alios, quorū libros hēmus in scriptura. aliqñ autē accipit prophetia largē pro oī laude diuina, & sic illi, qui cōponebant Psalmos laudis diuinae, dicebant pphetē, & cārando illos dicebant prophetare: sic enim accipitur prophetia ad similitudinem

dinem prophetie proprie dictę, quia illa est cognitio quedā supernaturalis de rebus occultissimis ad quas nullus peruenire pōt, nisi à Deo supernaturaliter eleuetur. Ita prophetia isto mō est quedam sapientia ad componendos Psalmos laudis diuinę, & ad modulandum eos. Et ista paucis conuenit. Et ideo ad similitudinem primę vocatur prophetia. Differt tñ inter utrāque prophetiam, quia prophetia proprie dicta nō est sapientia, quę acquiri possit aliquando ingenio humano, sed à solo Deo datur. Prophetia autē secundo mō acquiritur humano ingenio, quia ad illā pertinet multiplex sapientia, q̄ humanitus hñ, s. cognitio historiarū sacre scripturę, vt fm illas formentur Psalmi, & cognitio rerum naturalium, quę pertinet ad prophetiā: nam interdum de ipsa dispositione rerum vniuersi Psalmi componūtur, sicut patet in Psal. 103. qui totus est de rebus naturalibus. Alij autem sunt de historijs sacre scripturę, sicut est Psal. 77. & Psal. 104. & 105. & 106. & multi alij. Est. n. quantū ad hoc necessaria rhetorica ad exornationē verborum sapienter dictorū. Est etiā necessaria musica ad modulationem vocum, nam omnia ista canendo dicebantur. Secundo differunt, quia prophetia primo mō dicta est aliqñ in oībus valde simplicibus, sicut patet de Amos, qui erat rusticus, & pastor, vt ait Hier. in Epist. ad Paulinum c. 7. Sic etiam ipse Amos dixit c. 7. de seipso: Non sum propheta, & non sum filius prophete, sed armentarius. Ego sum villicans sicomoros. Prophetia tñ secundo modo dicta nunquam est nisi in homine sapiente. Cū in ea includantur multę cognitiones scientificę, vt dictum est, Et hoc verum est nisi Deus infuderit illam: nam ē sapientia, quę humanitus pōt hñ, potest haberi in infusione, sicut fuit in Salomone, cui Deus dedit per infusionem cognitionem rerum naturalium. Nā disputauit de lignis, quę sunt à cedro, qui est in libano vsq; ad hyssopū, qui egreditur de pariete. Et differuit de iumentis, volucris, & reptilibus, & piscibus 3. Reg. 4. Et habuerat omnia ista à Deo per infusionē, seq. lib. c. 1. & 3. Reg. 3. Prophetiam quoq; istam, quę est ad canendum Psalmos, interdum Deus dat homini per infusionem, sicut fuit de Saule, qui cum venisset ad gregem pphetarum insilijt in eū spiritus Dñi, & incepit prophetare in medio eorum 1. Reg. 10. Et illa prophetia nihil aliud erat nisi canere diuinas laudes. Tertio differunt inter se, quia prophetia secundo modo dicta est quidam habitus scientificus, vel multi habitus simul, s. musicus, rhetoricus, theologicus, & physicus, sicut sup. declaratum est. Et habentes istos habitus semper manent sapientes, & si dormiant, vel actualiter non cogitent. Prophetia autē primo modo dicta non est habitus, quia tunc ille, qui semel haberet spiritum propheticum posset prophetare quandoq; vellet, q̄ retineret sibi habitum, per quē operaretur. Et tñ hoc falsum est, quia prophete interdū poterāt prophetare, interdum non. Patet de Eliseo, qui qñ quęsitus fuit à tribus regibus de penuria aque, nesciuit rñdere quousq; cecinit psaltes, & facta est super eum manus Dñi 4. Reg. 3. Iterum ē, cum veniret ad eum mulier Sunamitis, nesciuit ad quid veniret. Et dixit ad puerum suum, dimitte illam, quia anima eius in amaritudine est. Et Dñs celauit à me, nec indicauit mihi eo, lib. c. 4. Moyses quoq; bis ad quęstionem filiarū Salphaad, & filiorum Manasse rñdere nesciuit, quousq; consuluit Dñm, & eruditus est: Num. 27. & 36. Ieremias quoque consultus ab Israelitis an descenderent in Aegyptum, nesciuit rñdere vsque ad decē dies, cum Dñs ei locutus est: Ier. 42. Daniel ē per tres hebdomadas visionem intelligere non potuit, quousque missus est Gabriel ad declarandum: Dan. 10. Et ideo cōtingit, q̄ prophete primo modo dicti interdū

apparent sapientes sup. humanam additionem. Et interdum apparent rustici nihil loqui scientes, s. qñ nō tangit illos spiritus propheticus. Prophetę tñ secundo modo dicti semper sunt equaliter sapientes cum sint sapientes per habitum. Illi vero nō hñt habitum, sed fit in eis quedam illustratio supernaturalis à Deo rapitū transiens, per quam eleuātur nimis ad intelligendum quandiu manent in hac illustratione. Et illa desinente redeunt in priorē statum, s. si prius erant simplices, & indocti, tunc ē erunt. De ista autē prophetia, cui preerat Chonenias dicendum, q̄ erat secundo modo dicta. Quod patet primo, quia dñ q̄ preerat. Et tñ non pōt aliquis preesse in prophetia, fm humanam ordinationem, ipse vero à Dauid, & alijs Leuitis constitutus erat princeps in prophetia: ergo erat talis prophetia, q̄ humanitus hñi poterat. Secdo patet, quia dñ. Erat. n. valde sapiens, & istud ponitur p. causa cur ipse preesset prophetię, illi tñ qui sunt pphete primo mō nō sūt sapientes, q̄ sapia dicit habitū, pphetia autē actū transeuntē nō cātū ex aliquo actu exñte in nobis. Sicut ē patet hoc de alijs principibus cātorū, q̄ ē dicebant pphete: nā ipsi vocant sapientes. Tertio patet, q̄ dñ hic, q̄ preerat prophetię ad precinendum melodiā. Et sic vñ, q̄ ista prophetia erat in cantando Psalmos. Et ista nō est prophetia proprie dicta. Quarto patet, q̄ 25. dñ, q̄ Asaph, & Heman, & Iditum, & alij Leuitę pphetabant in citharis. Et sic propheta illa erat in canendo, & non intelligendo aliquid supernaturaliter. Hoc mō insilijt in Saulē q̄ s. propheticus, qñ habuit obuium gregē pphetarum. Et insilens in se spū cepit prophetare inter eos 1. Reg. 10. Sic ē oēs illi, quibus preerat Samuel & ē tñ nuncijs Saulis. Et ipse Saul dicebatur prophetare, quia spiritus Domini insiliebat in eos, & faciebat, q̄ cantarent cantica diuinę laudis 1. Reg. 19. Et patet hoc magis, quia dicitur ibi, q̄ Saul prophetauit cum ceteris coram Samuele, & cecinit nudus tota die illa, & nocte. Et sic pro eodem habet, q̄ prophetauerit, & cecinerit. Quinto patet, quia Heman vocabatur videns, i. propheta, & etiā dicebatur prophetare inf. 25. Et tñ ipse habebat prophetiam tuā in hoc, q̄ cantabat coram Domino. Et erat doctor cantici eod. cap. Etiam comparatur ipse Salomoni in sapientia 3. Reg. 4. Et tñ neutrum conuenit prophetię primo modo dictę. Argumentum autē factum in principio quęstionis concedendum est, s. q̄ non esset Chonenias propheta primo modo, sed secundo.

Que tuba erant illę, quibus sacerdotes clangebant

Quest. XXVII.

QVAERITUR vltorius cum dicat hic, q̄ sacerdotes clangebant tubis corā arca, q̄ tubę erant istę. Rñdetur aliquis, q̄ istę erant tubę, quęcunq; possent hñi: nam in ista solennitate portationis arce pgregata sunt infra musica omnium generum, vt esset magna festiuitas. Sic dñ 2. Reg. 8. f. Dauid autē, & oīs Israel laudabant coram Dño in oībus lignis fabrefactis. Id est in omnibus organis musicis. Dicendum tñ, q̄ non stat, quia in tali solennitate sacerdotes non vterentur tubis popularibus, & prophanis. Sed dicendum, q̄ istę erant tubę sacre, quas Deus iusserat fieri. Pro quo iussu dñ, q̄ Deus iussit Moyse in deserto, vt faceret duas tubas argenteas ad conuocandum multitudinem. Et istis tubis clangere debebant Israelitę, qñ irent ad bellum, & si esset aliqua dies magnę solennitatis, vel cōuiuiorum, aut letitię clangebatur in his tubis Nu. 10. Nunc autem erat magna solennitas portationis arce, ideo sacerdotes clangerunt in tubis. Et quantum Deus solum iusserit fieri duas tubas argenteas, ita dñ sunt postea multę. Et ideo poterant multi sacer-

dores clangere, ut declarabitur inf. in quadam quæst. Istis et tubis utebantur sacerdotes tempore iobelci, scilicet canere debebant per uniuersam terram denunciandolibertatem, quæ erat in anno quinquagesimo iobelci: *Leu. 25*. Iste et buccinæ portabantur ad alios usus solennitatum. Causa autem quare portatæ sunt tubæ coram arca fuit propter quoddam præceptum, quod Deus dederat in simili negotio, scilicet quoniam Israelitæ circumdederunt urbem Iericho per septem dies semel in die: nam iussit Deus, quod portaretur arca in circuitu urbis, & sacerdotes tollerent septem buccinas quarum usus est in iobelco, & præcederent arcam fœderis: *Ios. 6*. Et sic tunc ad honorem arcæ præcedebant sacerdotes clangentes, ita & nunc in portatione arcæ de domo Obededom in domum Dauid, sacerdotes clangerunt tubis.

Quare clangebant sacerdotes tubis coram arca potius, quam Leuitæ.

Quæst. XXVIII.

QUÆRITUR ulterius quare sacerdotes hic clangebant tubis coram arca. Et cur non potius Leuitæ. Nam ut quod ad eos pertinebat: nam omnia ministeria pertinebant ad Leuitas præter hoc, quod erat accedere ad altare sacrificando, & intrare in sancta sanctorum, & et in tabernaculum ad cremandum thymiam, & ponendum panes in mensa propositionis, & parandum lucernas in candelabro: *Nu. 18*. Et ibi declaratum est: istud tamen ministerium clangendi tubis erat extra Sanctuarium. Ideo ad Leuitas pertineret. Secundo patet, quod Leuitæ caneant hic coram arca in omni genere musicorum vasorum, & et cantabant, ut patet in litera. Clangere tamen tubis erat cantare in vasis musicis: ideo et pertinet ad Leuitas. Item tertio patet, quia cantare, & nunc ad populares: ergo à fortiori pertineret ad Leuitas. Patet hoc, quia *1. Reg. 6*. dicitur quod Dauid, & omnes Israel ludebant coram Domino in omnibus lignis fabrefactis: ergo possent ludere in tubis. Respondendum est, quod sacerdotes clangebant tubis nunc coram Domino, & Leuitæ non clangebant in illis. Et si concedamus, quod Leuitæ clangerent aliquibus tubis non tamen in talibus in quibus clangerent sacerdotes, nec licebat hoc eis aliquo modo. Et istud erat, quia Deus concesserat spiritui istud ministerium sacerdotibus, ut patet *Nu. 10.1*. filij Aaron sacerdotum in generationibus vestris. Semper ergo obseruandum erat, quod sacerdotes clangerent in illis tubis. Et sic siue clangeretur tubis in Sanctuario super sacrificijs, siue iretur ad bellum ad clangendum sicut Deus iussit, siue clangeretur in temporibus iobelci, semper sacerdotes clangere debebant. Sic factum est quoniam circumdederunt septem buccinas quarum usus erat in iobelco. Ob hoc autem Leuitæ non audebant accedere ad istas tubas, quia morerentur sicut si accederent ad alia vasa sacra, quæ omnia interdicta erant eis. De hoc *Ios. 6*. Cum autem nunc ad solennitatem portationis arcæ clangeretur esset tubis, oportebat quod sacerdotes clangerent. Ad primam rationem in prium dicendum, quod verum est, quod omnia ministeria, quæ erant extra templum, pertinebant regulatim ad Leuitas, & tamen fuit specialiter in clangore tubis: *Nu. 10*. Ad secundum dicendum verum esse, quod Leuitæ caneant nunc in omni genere organorum musicorum. Et ideo poterant canere in tubis, non tamen caneant, quæ erant sacre, & specialiter à Deo reueruatæ præ sacerdotibus, sed tubæ illæ, quibus Leuitæ nunc clangerent essent prophane. Ad tertium dicendum, quod omnia, quæ licebant popularibus circa cultum Dei licebant

Alph. Tost. in Lib. I. Paralip.

A à fortiori Leuitis. Et cum dicitur quod Dauid, & omnes Israel caneant in omnibus lignis fabrefactis. Dicendum, quod non caneant in talibus tubis, quales erant sacerdotales potissimè quia nihil concluditur ex illa litera, cum ibi dicatur, quod ludebant in omnibus lignis fabrefactis, id est in organis ligneis. Tubæ tamen, quibus sacerdotes utebantur argenteæ erant, ut patet *Nu. 10*. Patet ergo quod solis sacerdotibus licebat clangere in his tubis.

Quomodo septem sacerdotes clangebant tubis.

Quæst. XXXI.

QUÆRITUR ulterius quomodo nunc dicitur hic, quod septem sacerdotes, qui ponuntur in litera clangebant tubis: nam non poterant clangere nisi duo, eo quod isti sacerdotes clangebant tubis sacris, sicut supra declaratum est. Et tamen tubæ sacre solum erant duæ, quod patet, quia *Nu. 10*. Deus iussit Moyse, ut faceret duas tubas argenteas productiles. Ipse autem non excederet mandatum Dei, ideo non faceret nisi duas. Et sic non possent plusquam duo sacerdotes tubis clangere. Respondendum, quod bene potuerunt septem sacerdotes clangere tubis sacris, quia erant tunc septem tubæ sacre, vel plures. Et patet hoc, quia sic est factum est, quoniam circumdabatur ciuitas Iericho: nam Deus iussit, quod septem sacerdotes acciperent septem tubas, quarum usus est in iobelco, & clangerent ante arcam. Ideo oportet, quod iam essent septem tubæ. Cum autem dicitur quod Deus iussit, quod Moyses faceret duas tubas non est sensus, quod obligauit eum ad non faciendum plures, quam duas, sed quod obligauit eum ad faciendum saltem duas, si tamen Moyses vellet facere plures, ita quod populus afferret multum de argento ad faciendum illas, non peccaret Moyses faciendo multas. Deus autem iusserat solum de duobus per duo. Primo quia istæ duæ tubæ sufficiebant ad id, ad quod iubebat Deus illas fieri: nam aliquando clangendum erat una tuba, & aliquando duabus, ut patet *Nu. 10*. Secundum erat, quia istæ tubæ debebant fieri de argento eo. c. Difficile autem erat fieri multas tubas de argento, potissimè quia ante illud factum fuerat Sanctuarium, & omnia vasa eius in deserto, & ibi expenderat populus multum de argento, & auro, ut patet *Exod. 35*. Ideo nolebat Deus onerare nimis populum iubendo fieri multas tubas. Si tamen populus sponte offerret argentum ad faciendum plures tubas, Deus non increparet, sed potius acceptaret bonam voluntatem eorum, quia illud erat opus supererogationis. Et omnia opera supererogationis Deus remunerat iuxta illud: *Quidquid supererogaueris ego veniens reddam tibi: Luc. 10*. Sed aliquis obijciat, quod peccarent Israelitæ si facerent plures, quam duas tubas, quia *Deut. 12*. dicitur: *Quod præcipio tibi hoc tantum facito Domino Deo tuo, nec addas quidquam, nec minuas*. Ergo peccatum erat addi ad id, quod Deus iusserat, ipse tamen iussit duas tubas fieri. Ideo peccaret Moyses plures faciendo. Respondendum, quod circa ceremonias cultus diuini in sacrificijs, & oblationibus, quando à Deo determinata erant, non licebat alicui addere, vel minuere. Et istud erat ad tollendum ne inciderent Israelitæ in ceremonias idolatrarum. Nam si Israelitæ præter ceremonias legis possent addere quascunque vellent, obseruarent simul ceremonias cultus diuini, & cultus idolorum, quod erat Deo odibile. Ideo circa ceremonias sacrificiorum, & oblationum sicut peccatum erat deficere, ita et erat peccatum superaddere. In alijs tamen rebus, in quibus non erat periculum incidendi in cultum demonum, si opus bonum esset, non erat peccatum superaddere ad id, quod Deus iubebat, sed potius meritorium. Sic erat hic in faciendis tubas argenteas, quia iusserat Deus solum fieri duas tubas, ut non grauaret populum iubendo dari mul-

tum de argentó. Si tñ populus vellet subire istā grati-
tutē, vt multū argentum daret poterat licitē facere
multas tubas, immo merebatur faciendo. Sic ē Deus
iusserat dari decimam de fructibus terrę, & aialibus.
Si tñ quis vellet dare septimam, vel octauam partē p
decima non peccaret, sed magis mereret. Quod autē
ista esset intentio Dei, qñ dixit ne addas quidquā, nec
minuas, patet quia ibidem agebat de ritu sacrificiorū,
& dicebat in fine, qñ disperdiderit Dñs à facie tua gē-
tes, & habitaueris in terra earū, ne imiteris eas, nec re-
quiras cērimonias earū, dicens, sicut coluerunt gētes
istę deos suos, ita & ego colā, nō facies similiter Dño
Deo tuo: oēs. n. abominationes, quas aduersat Dñs
Deus tuus, fecerunt dijs suis. Et tunc sequitur qđ pre-
cipio tibi hoc tñ facito Dño Deo tuo, ne addas qđ-
quam, nec minuas, scilicet obserua solū cērimonias
sacrificiorum, quas Deus iubet, & non oblerues cum
eis cērimonias dēmonum.

Quare in portatione arcę clangerunt sacerdotes septem tubis.

Quest. XXX.

QVAERITVR vltius quare nūc septem sacer-
dotes clangerunt tubis in portatione arcę. Ali-
quis dicet, qđ nō pōt dari aliqua causa circa numeros,
quia qđ sint septem sacerdotes, vel plures clangerentes
pendet ex sola voluntate, & non ex aliqua rōne, qđ po-
tius reperiatur in hoc numero, qđ in alio. Et sic rarissi-
mē datur causa de numeris, sed pendet ex voluntate.
Dicendum tñ, qđ aliqua causa fuit, quare essent septē
potius, qđ in alio numero. Prima rō pōt esse, quia for-
tē non erant nisi septem buccinę sacrę, & nunc ppter
magnitudinem solennitatis oēs traditę fuerūt sacer-
dotibus ad clangendum. Si autē plures fuissent, plures
darentur. Secundo pōt dici, & melius, qđ Israelitę mo-
ti fuerunt nunc ad faciendum, qđ septem sacerdotes
clangerent buccinis pp quoddam simile, quod Deus
iusserat. Nam qñ debuit lustrari ciuitas Iericho iussit
Deus, qđ septem sacerdotes tollerent septē buccinas
quarum erat vsus in iobeleo. Et quia tunc arca porta-
batur extra templum inter totam multitudinem, &
clangebatur in septem buccinis coram ea. Et nūc ē
portabatur extra templum in multitudine populi, vi-
debatur conueniens, qđ clangeretur in septem bucci-
nis coram illa. Et ista videtur esse causa potior.

Igit David, & omnes maiores natu Israel,
& tribuni ierunt ad deportandam arcam fē-
deris Dñi de domo Obededom cum lētitia.
Cumq; adiunisset De⁹ Leuitas, qui portabāt
arcam fēderis Dñi, immolabantur septē tau-
ri, & septē arietes. Porro David erat indutus
stola byssina, & vniuersi Leuitę, qđ portabāt
arcā fēderis cātoresq; & Chonenias princeps
prophetiæ inter cātore, David autē indutus
erat Ephod lineo. Vniuersusq; Israel deduce-
bāt arcā fēderis Dñi in iubilo, & sonitu buc-
cinę, & tubis & cymbalis, & nablīs, & citha-
ris concrepantes. Cumq; peruenisset arca fē-
deris Dñi vsq; ad ciuitatē David, Michol fi-
lia Saul prospiciens per fenestram, vidit regē
David saltantem atque ludentem, & de-
spexit eum in corde suo.

Igitur David. Hic ponitur secundum principale huius
cap. s. de ipsa arcę translatione. Et dñ. *Igitur David,*
& omnes maiores natu Israel. Dupliciter vocantur maio-
res natu: vno modo, qđ sunt seniores, & maiores sunt
in natiuitate, idest, quia a maiori tēpore nati sunt, sã
pluribus diebus. Alio modo maiores natu, i. nobilio-
res gñe. Et dicitur maiores natu, i. maiores in stirpe, de
qua nascuntur: hic tñ, & quasi semper accipitur pro
senioribus, vt patet ex Hebręo. *Et tribuni.* Vocantur
tribuni principes super mille viros. Nā in populo erāt
ordinari exercitus pro tpe belli, & erāt assignati prin-
cipes super illos, & princeps mille virorum vocabat
tribunus. An isti tribuni essent de ordine illorum, qui
constituti sunt in deserto consilio Iethro, declaratum
est supra 13. *Ierunt ad portandum arcam fēderis Domini.*
Vocatur arca fēderis, quia in ea seruabāt fēdus, quod
Deus pepigerat cum populo. Nam in exitu de Aegy-
pro suadet Deus populo qđ susciperet legē suā, & pro-
miserunt qđ facerēt qđqđ Deus iuberet Exo. 19. Deus
autē dedit illis tunc decē pcepta in voce tube, eo. lib.
cap. 20. Et quia ad illa decē pcepta specialiter fēdus
extēdebatur, cū Deus illa solum protulisset voce sua,
& reliqua dixisset Moyse in secreto, vocabant illa decē
pcepta fēdus Dei. Et quia illa scripta erant in duab;
tabulis lapideis Exo. 32. & positę fuerūt tabulę in ar-
ca, Exo. 25. dicebatur arca fēderis, i. in qua seruabatur
tabulę cōtinētes fēdus. Et dñ hic qđ David, & tribuni,
& seniores portabāt arcā: non qđ ipsi soli iuissent ad
portandū eā, qđ totus Israel conuenerat ad hoc, vt pa-
tet supra in litera. Erant tñ isti magis principales. *De*
domo Obededom. Manserat in domo eius tribus mēsb;
quia David noluerat eā transferre in domū suā vlti-
morte Ozę. Et tamen post tres mēses vidēs qđ bñdi-
xisset Dñs domui Obededom pp arcam, voluit eam
trāsferre in domū suā. *Cum lētitia.* Scilicet totus Israel
gaudebat de ista translatione, eo qđ honorabiliter fie-
ret. *Cumq; adiunisset Deus Leuitas, qui portabāt arcā.* Idest
cum adiunisset eos ad portandū illā sine aliquo nocu-
mento. In quo autē consisteret istud adiutoriū, decla-
rabitur infra in quadā qñe. *Immolabantur septē tauri,*
& septē arietes. In recognitionē bñficii, i. quia Deus
adiuuabat eos offerebant ei ista sacrificia. Porro David
indutus erat stola byssina. Idest tunica linea, & 2. Reg. 6.
dñ, qđ erat indutus Ephod lineo, & idem est. Depone-
rat enim David insignia regalia in portatione arcę,
patet etiā infra in litera. *Et vniuersi Leuitę, qui portabāt*
arcam. Idest etiam Leuitę, qui portabant arcam indui
erant stolis byssinis. Isti portantes arcam erant qua-
tuor Leuitę, qui tenebāt eam per extremitatem duo-
rum vectium. Et tamen mutabantur isti per vices,
scilicet si quidam fatigarentur qđ succederent eis alij.
Cantoresque. Idest etiam cantores erant indui stolis
byssinis. Cantores erant nunc omnes Leuitę preter
portantes arcam. Et illi induebantur pñdictis tunicis,
quia iste erat habitus communis omnium Leuitarū.
Et Chonenias princeps prophetiæ inter cantores. Idest etiam
Chonenias, qui erat princeps prophetię, idest istius
cantus erat inter cantores ad iubendum illis quid can-
tarent, & qualiter se haberent. Et ipse etiam indutus
erat stola byssina. *David autem indutus erat ephod lineo.*
Repetitio sententię est, quia supra dictum fuerat, qđ
David indutus erat stola byssina: & tamen idem est
ephod lineum, & stola byssina. Nam vbi dicitur hic
indutus erat stola byssina dicitur 2. Reg. 6. Porro Da-
uid accinctus erat ephod lineo. *Vniuersusq; Israel deduce-*
bant arcam fēderis Domini. Scilicet totus Israel pñ-
sens erat in ista portatione arcę. Intelligendo totum,
idest valde magnam partem eius, quia de qualibet tri-
bu multi conuenerant. Et dicitur quod vniuersus
Israel deducebat arcam, i. pñsens erat in deductione
eius.

clūs: nam populus non deducebat arcam, sed soli Leuitę. Non. n. licebat alicui laico accedere ad arcam immo neq; videre eam nudam, quia aliās moreretur sicut fuit de Bethfamitis 1. Reg. 6. Ille tñ dñ deducere, qui solemnizat deductionem, & pñs est illi. *In iubilo.* Id est in voce iocunda, quia omnes clamabant pñ iocunditate. Et talis clamor vocatur iubilus. *Et sonitu buccinę.* Scilicet resonabat buccina in ista portatione. Et potest intelligi de buccinis, quibus clangebant sacerdotes: nam seprē sacerdotes clāgebant buccinis, vt patet in litera, vel pōt intelligi de aliquib⁹ alijs buccinis nō sacris, qbus vreret⁹ popul⁹: nā 2. Reg. 6. dñ, q David & oīs Israel ludebant coram Dño in oībus lignis fabrefactis: esset ergo ibi buccina cū ceteris organis. *Et tubis.* Aliqñ accipiuntur pro eodem tube, & buccinę, vt patet de tubis sacris: nā illę vocant⁹ tube Nu. 10. & s. in litera. Et tñ vocant⁹ buccinę Ios. 6. Sacerdotes tollant septem buccinas quarū vltus est in iubilo. Et istę erant buccinę sacre: nam pp hoc iubebat Deus, q sacerdotes clangerent in eis, et patet hoc ps 80. cum dñ Neomenię canite tuba: buccinare tñ non cōperit nisi buccinę, & tñ buccinat⁹ in tuba: ergo tuba est buccina. Et ē pñt esse istę tube sacerdotū, vel laicorū. *Et cymbalis citharis cōcrepantes.* Cōcrepare est qñcunq; aliquis voce cōcinit, & musico organo pullat, & voci suę consonos reddit sonitus in organo. De cymbalis. nablīs. & citharis quid sint sup. in litera declaratū est. *Cumq; peruenisset arca fœderis Domini vsq; ad ciuitatē Dauid.* Id est cū ducta fuisset de domo Obededom vsq; ad castrum mōtis Sion, vbi erat domus Dauid. Et vocatur ille locus ciuitas Dauid, s. quia Dauid cepit illud castrum de potestate Iebuseorum 2. Reg. 5. & sup. 1. 1. Et nominauit locū in noīe suo. Aliqui putant ciuitatē Dauid vocari totam vrbe Ierusalē, sed errāt, vt patet in pñdictis locis. *Michol filia Saul.* Ista fuit prima vxor, quam accepit Dauid, nam cum esset Dauid sub Saule promissit ei Saul, q daret ei in vxorem filiā suā pro centum preputijs Philistinorum 1. Reg. 18. Et tenuit illam Dauid quandiu mansit cum Saule: Postquam aut cepit esse profugus à facie eius coactus est relinquere vxorē. Et Saul in odiū Dauid dedit eam aliter viro, s. Phalti filio Laïs de vrbe Gallim 1. Reg. 25. mās: q; Michol cū illo licet inuita, q ipsa diligebat tñm Dauid, sed pñ cogebat eā ad hoc. Et accepit in eis sex filios, vt ibi patet, tandē cum Abner princeps militū Isboferh velle concordare cum Dauid reducere regnum ad ipsum, petijt Dauid, vt prius reduceret ei vxorē suā Michol. q aliās nō videret faciē eius. Ille aut accepit eam à viro suo Phalti, ducebatq; ad Dauid, & vir suus sequebatur eam plorans. vsq; Bauad 2. Reg. 3. mansit aut postea semper cum illo vsq; ad mortem eius. *Prospiciens per fenestram.* Quamquam illuc, sed mansit in domo, & nunc qñ portabatur arca voluit respicere quō portaretur, & prospiciebat per fenestrā domus suę. *Vidit regem Dauid saltantem atq; ludente. n. Saltabat. n. Dauid corā arca: nā dicebant ibi cānentes, & fiebant tripudia, Dauid aut saltabat tripudians. Despexit eum in corde suo.* Propter duo despexit Michol ipsum Dauid: Primū quia mutauerat habitū regalē, & erat nūc indutus tunica byssina, q erat habitus humilis. Scđm erat pp indecētem motum corporis: Nā ad regem decet magna maturitas, & grauitas in motu, quia alias non vñ hñt maiestatem. Dauid aut tanq; vnus de iuenculis nullius auctoritatis saltabat, & ludēbat corā arca. Et q magis est saltabat totis viribus s. 2. Reg. 6. Et sic erat iniquus magis indecēs.

Alph. Tott. in Lib. I. Paralip.

A Despexit aut illū in corde suo, s. non dixit alicui tunc aliqđ verbū sonans despectionē Dauid, sed intra se iudicauit, q David non esset tantę maturitatis, nec reuerentię quantę prius esse putabatur, vel in quanta prius tenebatur. Hic aut nō dicitur qualiter Michol postea increpuit Dauid super hoc, sed habetur secundo Regum capitulo sexto.

Vbi erat domus Obededom.

Quest. XXXI.

QVAERITVR vbi erat domus Obededom de qua portata est arca in domum Dauid, & quō portata est. Aliquis putabit, q domus Obededom erat extra Ierusalem in aliqua vrbe in itinere, quo veniebat de Cariathiarim in Ierusalem, & quia apud illam urbem contigerat mors Oze, fecit eā ibi poni Dauid in domo Obededom, & nūc de illa vrbe allata est. Sed dicendū, q nō stat, q domus Obededom esset in aliqua vrbe extra Ierusalem, qā sic nō diceretur, q ducta est arca de domo Obededom, sed noīaret⁹ illa ciuitas, vel saltē vtrunq; noīaret⁹. Sic patet qñ portata est arca de vrbe Cariathiarim in domum Obededom. Dñ q portata fuit de Cariathiarim, vel de Gabaa. Et quamquā esset ibi in domo Abinadab, tñ potius dñ, q fuerit ducta de Cariathiarim, vel de Gabaa, q de domo Abinadab, vt patet 2. Reg. 6. & s. 13. Et tñ nunc dñ q portata fuit arca de domo Obededom ī domum Dauid: ergo vñ q non erat domus Obededom extra urbem Ierusalem. Secundo patet, quia dñ hic, & 2. Reg. 6. q cum Leuitę portantes arcam transissent sex passus, immolabātur septem tauri, & septem arietes. Et tñ si fuisset domus Obededom extra Ierusalē in alia vrbe, & ad singulos sex passus deberēt immolari septem tauri, & septem arietes, nō fuisset finita ista portatio multis diebus. Et tñ ista portatio non durauit vltra vnā diem, quia seq. c. vbi fit mentio de cibis, quos dedit Dauid venientibus ad portationem arcę dñ, q diuisit vniuersis per singulos à viro vsque ad mulierem tortam panis, & partem assę carnis bubulę, & similitam oleo frixā. Iste tñ cibus non erat nisi pro vno die. Ideo vñ, q non durauit portatio nisi vno die. Oportet ergo, q esset domus Obededom intra Ierusalem, vel apud illā, & non esset in aliqua alia vrbe extra. Ioseph⁹ aut 7. Antiq. ait q qñ mortuus est Oza, dimisit Dauid arcā in agro cuiusdā Leuitę viri iusti nomine Obededom. Vocatur aut ager aliqua domus, q erat apud urbem in aliquo pñdio. Nā vñ pñdiorū solent facere aliquas domos in medio pñiorū tuorum circa vrbes, & ibi hñt instrumenta agriculturę, vel exercēt alia opportuna. Historia aut scholastica dicit, q relicta fuit arca ī domo Obededom in suburbio vrbis Ierusalem. Oportet ergo dici, q vel domus Obededom esset iuxta Ierusalē in suburbio, vel esset intra. Et satis vñ dicendum, q esset intra, & ēt q non multū distaret à domo Dauid, quia alias difficillimum videbat⁹ quō posset duci arca, nisi in multis diebus cum ad singulos sex passus immolarentur septem tauri, & septem arietes. Etiam erat alia difficultas, s. quia fierent magni sumptus in hoc. Nam oportebat valde multa animalia immolari.

In quo Deus adiunabat Leuitas.

Quest. XXXII.

QVAERITVR vltterius quomodo dicitur hic cum adiunisset Deus Leuitas, qui portabant arcam. Quid erat in quo adiunabat illos.

Respondent Hebręi etiam Nicolaus, quod Deus adiunabat Leuitas, scilicet ad portandum arcam, ita quod arca portabat se nihil facientibus, nec laborantibus Leuitis. Sic etiam dicunt, quod

quando transire debuerūt Israelitę Iordanem, & portabant sacerdotes arcā, ipsa arca volauit super aquas, & portauit sacerdotes secum, qui eam volebant portare. Vnde ipsa non fuit portata ab aliquo, sed potius portauit volentes portare se. Istud fm fuit improbatum Iosue 2. De primo tñ, s. q̄ arca portaret se, nunc dicendum, q̄ falsum est, quia istud erat magnum miraculum, & si accidisset, non esset verisimile, q̄ scriptura tangendo hic historiā omisisset illud, cū intentio sacrę scripturę sit laudes Dei enarrare. Et in hoc magna laus Dei esset. Secundo patet, q̄ Deus nō facit miraculū sine aliqua necessitate, vel vtilitate manifesta, s. qñ non pōt fieri aliquid ope humano supplet illud Deus per miraculū, vel ēt si est magna vtilitas, vt potē si multi pueritātur ad Dñm, vel aliquid aliud bonū excellens fiat, hic tñ nihil tale apparet. Ideo non est ponendū miraculū. Tertio patet, quia nunq̄ debemus dicere alicubi esse miraculū, nisi vbi non possumus ef fugere. Et tñ hic pōt dari modus, per quem nō sit hic miraculum in isto adiutorio quod Deus prestabat Leuitis portantibus arcam, vt j. declarabitur: ergo nō est miraculum. Quarto patet, q̄ si hic fuisset miraculū, ita q̄ arca portaret seipsam, Leuitę non tägerent eā, sed permetterent, q̄ per se moueretur ad on̄sionē miraculi. Et si ipsi portarent eam tangendo eā manibus, dato q̄ illa seipsam moueret, putarent, q̄ Leuitę mouerent eam. Et sic occultaret miraculū, & fieret inutile, hoc tñ nullo modo est pcedendum, quia nec Deus vellet facere aliqd̄ miraculū, q̄ maneret sic absconditū, & ēt ipsi Leuitę si viderent, q̄ Deus miraculosē volebat mouere arcam, non tangerent eam, vt appareret miraculū. Dicendum ergo q̄ arca non mouebat seipsam, nec alleuiabantur aliquo modo Leuitę in pōdere, s. q̄ Deus minueret aliquid de pondere arcę, quia etiā istud miraculum esset, & oēs rōnes supra assignatę q̄ hoc militarent. Aliquis autē dicet, q̄ Deus adiuuabat Leuitas in portatione arcę, s. q̄ arca erat tanti ponderis, vt à Leuitis portari non posset. Deus autē supplebat id, quod deerat eis adiuuando ad motum. Dicendum tñ, q̄ hoc non stat, quia quamquam hic sit aliquis color magis, quam in pcedentibus, s. necessitas miraculi, iuxta p̄suppositum eorū, tñ falsum p̄supponunt. Nam non erat arca tanti ponderis, vt non posset portari à Leuitis. Nam arca erat paruę magnitudinis, s. in longitudine cubitorum duorum, & semis, & in latitudine cubiti, & dimidij, & altitudine cubiti, & dimidij: Exod. 35. & 36. Intra arcam autem solum erant duę tabulę lapideę paruę, & vna aurea cum manna, & virga Aaron, quę fronderat. Ad Hebrę. 9. & in latere arcę liber legis, vt patet Deuter. 31. Ista autem parui ponderis erant, nisi quis dicat, q̄ tabulę lapideę erant magni ponderis, sed falsum est, q̄ quando Moyses descendit de monte, portabat eas in manu sua: Exod. 32. & Deut. 9. Ideo poterāt quatuor viri portare istam arcam. Et sic erat ipsa disposita, scilicet positis duobus vextibus in duobus lateribus arcę, & per quatuor extremitates illorum quatuor viri tenerent eam ad portandum. Et si aliquis dicat, quod tam ponderosa erat, quod à quatuor viris portari nō poterat, ponerentur octo, vel duodecim, vel decem, & sex, quod satis fieri poterat extendendo vextes. Itē patet hoc, quia si ista arca esset tanti ponderis, vt nunc oporteret, quod Deus adiuuaret Leuitas ad portandum eam, necesse esset etiam, quod à principio istud fuisset, scilicet quod Deus adiuuaret Leuitas ad portandum. Et tamen nunquā ponitur alibi, quod Deus adiuuaret Leuitas in portatione nisi nunc: ergo non est verum, quod arca esset tantę difficultatis in portando.

Item patet, quod si arca nullo modo portari pos-

set, nisi Deus supernaturaliter adiuuaret portantes, frustra fuisset à principio, quod Deus instituisset, q̄ Leuitę portarent arcam, quia ipsi nō poterant portare eam, sed Deus portabat illam. Et tamen Deus instituit, quod portarent eam Leuitę. Et ipse nihil facit frustra: ideo non erat ipsa tanti ponderis.

Item patet, quia quando Philisthini rapuerunt arcam in bello portauerūt eam in terram suam primo Reg. 5. Et postea etiam incipiente plaga portabant de vrbe in urbem eodem cap. Et tamen nunc non est dicendum, quod Deus supernaturaliter adiuuaret illos ad portandum arcam, cum ipsi fecissent omnia hæc contra Deum Israel, quia erant hostes Iudeorum. Et satis erat, quod Deus permetteret, quod ipsi portaret eam non impediendo illos, sed quod adiuuaret eos nullo modo est verisimile, & tamen portauerunt ipsi arcam, ergo videtur, quod ipsa non erat tam grauis, vt portari non posset. Dicendum ergo, quod Deus adiuuabat Leuitas, qui portabant arcam non quidem dando vires ad portandum, quia ipsi habebāt naturaliter vires ad portandum, sed non impediendo eos in portatione, vel non inferendo aliquod nocumentū. Et dicitur pro tanto, quia quando portata fuit arca prima vice de Cariathiarim in domum Obededom, q̄ za tangens arcam mortuus est: timebatur ergo nunc in ista portatione, quod portantes paterentur aliquod nocumentum, & quia non ledebantur dicebat Deus adiuuare illos non inferendo malum, quod ipsi timebant, vel disponendo eos taliter, vt non mererentur aliquod malum sibi infligi.

Quare septem tauri, & septem arietes offerebantur.
Quest. XXXIII.

QUÆRITUR vterius quare offerebantur septem tauri, & septem arietes cum transissent, qui portabant arcam sex passus. Dicendum, q̄ hoc fiebat propter duo. Primo ad solemnitatem istius portationis: nam Dauid cum esset vir decola, cupiebat facere istam portationē honorabilis, quā poterat, & quia magnus honor erat offerre Domino hostias multas, faciebat Dauid offerri in quibuslibet sex passibus quatuordecim animalia, scilicet arietes septem, & tauros septem. Secundum erat, quod Dauid volebat reddere gratias pro beneficio, quod Deus prestabat populo, & Leuitis: nam cum vidisset Dauid in priori portatione percussum fuisse Ozam à Deo, timebat etiam, quod in ista aliquis percuteretur. Et ob hoc monuit Leuitas satis caute agere, vt non sequeretur aliqua plaga, vt patet sup. in litera, & nunc cum videret, quod Leuitę portantes arcam illę si erant, referens gratias Deo pro tanto beneficio tacebat offerri istas hostias. Et vt continuaretur istud beneficium vsquequo reponeretur in loco suo, continuabat Dauid in singulis sex passibus offerre septē tauros, & septem arietes.

De controuersia, quę habetur hic, & secundo Reg. cap. 6.
Quest. XXXIII.

QUÆRITUR vterius quō dicitur hic, q̄ erant septem arietes, & septē tauri, quia 2. Reg. 6. dicitur immolabāt bouē, & arietē. Rñderi pōt, q̄ offerrebat vnus bos, & vnus aries de sumptibus Dauid offerrebantur sex arietes, & sex boues, sed 2. Reg. 6. vtraque victima non fuit posita, sed solum victima populi, & subtrahitur oblatio Dauid, hic autem exprimitur vtraque oblatio, s. populi, & Dauid. Aliter etiā pōt dici, s. q̄ 2. Reg. 6. ponit solū aries, & taurus vnus. Hic

Hic autem ponuntur septem, quia sepe in libris Regum subtrahuntur aliqua, quæ exprimuntur in hoc libro sicut in multis alijs locis patet. Nam iste liber suppletius est eorum, quæ dimissa sunt in alijs libris, & potissimè in libris Regum. Et ob hoc vocatur Paralip. i. omisso, quia de omisso agit, ut ait Hiero. in epistola ad Paulinum cap. 7. & in prologo Galeato super libris Regum. Sed obijcietur ad hoc, quia hic dicitur, quod erant septem arietes, & septem tauri in oblatione, & 2. Reg. 6. dicitur, quod offerebatur aries, & taurus. Et etiam dicitur, quod cum David erant septem tauri, & victima vituli. Potest ergo dici tertio modo ad hoc, quod cum David erant septem chori canentium. Et in quolibet illorum offerebatur vnus taurus, & vnus aries post sex passus. Et sic cum essent septem chori, offerebatur septem arietes, & septem tauri. Et ob hoc 2. Reg. 6. dicitur, quod postquam transissent sex passus, qui portabant arcam, immolabatur vnus taurus, & vnus aries, eo quod ibi solum dicitur de immolatione, quæ fiebat in quolibet choro, & hic dicitur de immolatione omnium septem chororum simul, ideo hic dicitur quod immolabantur septem tauri, & septem arietes, quia agit de omnibus simul. Et cum dicitur 2. Reg. 6. quod erant cum David septem chori, & victima vituli. Et postea dicitur, quod offerebatur vnus aries, & vnus taurus. Dicendum quod ibi non significatur diuersæ oblationes, sed est sensus quod cum David erant septem chori, & victima vituli, id est in quolibet choro offerebatur vitulus, scilicet taurus. Et sic innuitur oblatio illa, quæ fiebat post sex passus, scilicet, quod offerebatur vnus taurus, & vnus aries, quia tamen ibi non perfecte expresserat, immediatè subdidit quæ erat ista victima vituli, & quomodo offerret, dixit quod cum transcendissent qui portabant arcam sex passus, immolabatur vnus taurus, & vnus aries.

Quare potius immolabantur septem tauri, quam plures.

Quest. XXXV.

QUÆRITUR vterius quare cum transisset arca sex passus immolabantur potius septem tauri & septem arietes, quam plures vel pauciores, & quare fiebat hoc potius post sex passus, quam post plures vel pauciores. Respondendum est secundum quosdam, quod circa istos numeros, & similes, non est aliqua causa, sed sola voluntas est pro causa, volebat enim David offerre septem arietes, & septem tauros, & non plures, nec pauciores, ideo fiebat. Et si voluisset plures, immolasset plures, sed non venit ei in mentem plures offerre, nec pauciores solum. Aliquis dicit quod David offerebat septem tauros, & septem arietes propter perfectionem quæ Deo debetur significandam: Deus enim summè perfectus est. Et ista perfectio designat numerum septenarium, eo quod in septem diebus fuit creatio omnium rerum, & quies Dei à creatione. Etiam quia per septem dies tota vita nostra voluitur. Etiam quia per septem planetas tota corruptibilium machina principaliter gubernatur. Vt ergo appareret quod tota ista perfectio originè traheret ex Deo tanquam ex prima causa, offerebat septem tauros, & septem arietes. Aliter & melius dicitur, quod David offerebat septem arietes, & septem tauros, quia sicut supra dictum fuit, sex arietes, & sex tauri offerebantur à David, & vnus aries offerebatur à populo. Et ideo volebat David pro singulis passibus offerri singulos arietes. Et sic cum ista oblatio fieret post sex passus, offerebat David sex tauros, & sex arietes: populus autem offerebat vnum taurum, & vnum arietem, & istud videtur quibusdam melius dictum esse. Dicendum tamen aliter, & melius secundum veritatem, scilicet quod offerebantur potius septem arietes, & septem tauri quam plures, eo quod erant septem chori canentium cum

A David, per quos choros erat populus distinctus, & a quolibet choro offerebatur victima equalis, scilicet vnus aries, & vnus taurus. Cum autem queritur quare potius fiebat ista oblatio post sex passus, quam post plures vel pauciores: dici potest quod hoc pendebat ex voluntate David, nam poterat hoc facere post decem passus, vel post quatuor: dicendum tamen videtur, quod aliqua ratio mouerit David. Et est ista, scilicet quia David offerebat istas victimas referens gratias pro beneficijs susceptis. Et quia homo habet bonum suum ex toto vniuerso, cum omnia, quæ sunt in vniuerso ei subiecta sint, ut patet Psalm. 4. scilicet Omnia subiecisti sub pedibus eius, &c. & etiam Aristot. 2. Physic. dicit nos sumus quodammodo finis omnium: offerebat David sex tauros, & sex arietes in memoriâ sex dierum, in quibus omnia creata sunt, quæ ad vtilitatem hominis sunt.

Quomodo in portatione arce poterant tot animalia immolari, & cremari.

Quest. XXXVI.

QUÆRITUR vterius quomodo poterant tot animalia immolari, & cremari in portatione arce, scilicet quia post sex passus immolabantur septem arietes, & septem tauri. Et sic necesse erat, quod valde sepe iteraretur ista oblatio cum essent multi sex passus. Aliquis dicit quod in hoc nulla mora erat. Nam post sex passus ista animalia immolabantur, id est occidebantur, sed non cremabantur super aliquod altare, nec fiebant aliqua ceremoniæ sacrificiorum, quia si istæ fierent esset magnus tempus in transferendo arcam de domo Obededom in domum David, sed omnia ista animalia, quæ immolabantur reseruabantur occisa ad hoc, quod postea cremarentur quando arca deducta esset in domum David. Et iste modus videtur satis verisimilis, nam faciendū sic, parua mora esset, quod post singulos sex passus offerrentur septem tauri, & septem arietes, cum non essent decoriandi, nec lauandæ carnes, nec expectandū erat, ut cremarentur super altare, sed cadauera reseruarentur, ut postea cremarentur simul in domo David. Etiam patet hoc, quia dicitur quod postquam David locauit arcam in domo sua obtulerunt holocausta, & pacifica coram Domino, scilicet omnia illa animalia, quæ prius occisa fuerant coram arca in portatione fuerunt ibi oblata, scilicet combusta in altari, & factæ fuerunt alię ceremoniæ sacrificiorum. Item patet hoc, quia non dicitur in litera, quod post singulos sex passus septem tauri, & septem arietes cremabantur in sacrificio, sed solum dicitur, quod immolabantur. Sic etiam dicitur 2. Reg. 6. Et tamen immolari solum significat iugulationem istorum animalium. Et sic non oportet concedi ex litera, quod fiebat aliquid aliud, nisi quod ista animalia occiderentur coram arca, sed non cremarentur. Postea autem explerentur ceremoniæ sacrificiorum in domo David coram arca. Et non erat istud difficile, nec etiam magnæ morę propter tot sacrificia, quæ simul cremarentur. Nam Salomon vna vice obtulit mille hostias simul super altare Domini in Gabaon, ut patet sequen. lib. cap. 1. & 3. Reg. 3. Aliter potest dici, & forte melius, quod ista animalia immolabantur, & cremabantur coram arca quicunque transissent sex passus illi, qui portabant eam, sed non erat difficile hoc fieri. Primo, quia inter domum Obededom, & domum David non erat magna distantia, quia domus Obededom erat in Ierusalem sicut domus David, ut supra declaratum est, ideo non fieret sepius ista immolatio. Secundum erat propter multitudinem sacerdotum, quia sacerdotes omnes ferè de toto Israel conuenerant ad istam portationem arce. Et cum essent multi, cito poterant occidere animalia, & decoriare, & facere alias ceremonias sacrificiorum. Tertium erat, quia in sacrificijs istis non cremabantur omnes carnes animalium, sed soli adipēs. Nam erant ista sacrificia pacifica, & in hostijs pacificis nihil cremabatur de carnibus,

nibus, sed soli adipēs. Carnes autem remanebant pro sacerdotibus, & offerentibus. Et hoc verum est, nisi cū offerretur aries, quia tunc cum adipibus cauda, & renes offerendi erant. *Leuit. 3.* Istud autē cito cremari poterat pp̄ paucitatem, & magnitudinē ignis. Quartū erat, quia altare, in quo offerebantur ista sacrificia, esset valde magnum, vt possent capi multa sacrificia simul, & magnitudo ignis ibi existentis deuoraret omnia ista quasi subito. Quintum erat, quia fortē non offerebātur oīa ista sacrificia in vno altari, sed in multis, quia cū essent septē chori canentium cum Dauid, & quilibet chorus offerret vnum taurum, & vnū arietem, vt supra dictū est, poterat esse, q̄ in quolibet choro esset vnum altare, in quo cremaretur victima illius chori, & sic facilius cremarentur oīa sacrificia. Nec obstat, q̄ nō deberet fieri sacrificium, nisi in vno altari, & in vno loco, quia illud regulariter intelligitur esse verum, s. q̄ Deus iusserat solum fieri sacrificium super altare holocaustorum quod erat ad hostium tabernaculi. *Leuit. 17.* & *Iosue 22.* Et illud iubebatur, q̄ p̄supponebatur, q̄ arca semper erat intra sanctuarium. Nunc tamē acciderat, q̄ esset extra sanctuarium, ideo poterat corā illa offerri. Et sic cessabat obligatio illa ad offerendum in vno loco, de quo tamen magis dicitur sequen. cap. Et tūc poterat offerri sacrificium in multis altaribus, dum tamē oīa essent coram arca, quia per hoc non videbāt offerri multis dijs s̄m multitudinem altarium, sed vni Deo cuius præsētia specialiter significabatur in arca. Iste modus faciendi sacrificia post singulos sex passus rationabilior est q̄ primus, licet ille videatur facilior. Et ratio est, quia ille modus faciendi sacrificia erat cōtra omnem consuetudinem sacrificiorum, s. q̄ immolarentur animalia, & tamen q̄ non illico cremarētur, nec in eodem loco, in quo immolabant, sed reſeruarentur cremanda pro alio tempore & loco. Non videtur autē q̄ Dauid tantum vellet deuare à consuetudine sacrificiorum, ideo iste secūdus modus magis tenendus est, si quis tamen velit tenere primum non insisto.

Quod genus sacrificij fiebat nunc de istis animalibus.
Quest. XXXVII.

QUÆRITUR vltērius de istis animalibus, quæ oblata sunt hic, q̄ genus sacrificij fiebat de eis. Nam multa oblata sunt. Respondendū, q̄ istud pender ex p̄cedenti q̄nē. Nam duobus modis dicebatur ibi, q̄ poterat fuisse facta oblatio, & crematio illorum sacrificiorū. Tenendo primum modum, s. q̄ in domo Dauid omnia cremata essent coram arca. Dicendum esset q̄ fuerunt ista animalia immolata in holocaustum, & in hostias pacificas, s. tria genera sacrificiorum erāt in veteri testamento, s. holocaustū, hostia pacifica, & hostia pro peccato. Et de istis essent duo genera sacrificiorum, s. holocausta, & pacifica. Et patet hoc, quia seq. c. d̄r q̄ attulerunt arcam Dei, & cōstituerunt eam in medio tabernaculi, & obtulerunt holocausta, & pacifica. Tenendo autem secundum modum positū ibidem, qui venior est, s. q̄ ista sacrificia cremarentur post singulos sex passus. Dicendum q̄ non apparet manifestē quod genus sacrificiorum nunc fuit. Videtur tamen dicendum q̄ fuerit solum hostia pacifica. Nam sacrificium triplex est, s. holocaustū, & hostia pacifica, & pro peccato. Sacrificiū pro peccato est solum ad tollendum peccata, & istud fiebat ab Israelitis in certis casib⁹ s̄m obligationem legis ad tollendū aliqua peccā, quæ erant c̄ceremonias legis, de quo declaratum est *Leui. 4.* & *5.* Et istud erat sacrificium tristitię, quia offerebatur pro peccatis, pro quibus humiliari debebamus. Holocausta

flum principaliter erat ad laudē Dei: ideo carnes holocausti totaliter cremabantur in altari ad laudē Dei, nec proueniebat de eis quicquam sacerdotibus, nec offerentibus *Leuit. 1.* Hostia autem pacifica fiebat ad gratiarum actiones, & erat hostia iocūditatis *Leui. 7.* Et illa comedebatur totaliter a sacerdotibus, & ab offerentibus, nec dabatur quidq̄ Deo de illa nisi adipēs. Et in quibusdam cauda & renes, *Leui. 3.* & *7.* Dicēdū de his, q̄ nō erat sacrificium pro peccato aliqua oblatio istarum. Nam sacrificium pro peccato est sacrificiū tristitię, & tūc nūc erat letitia magna in toto populo, q̄ d̄r supra in litera q̄ Dauid, & maiores natu Israel, & tribuni iuerunt ad portandum arcam cum letitia magna. Item quia sacrificium istud, vt cōiter non offerebatur ab Israelitis nisi p̄ aliquo peccato speciali necessitate legis, nūc tūc nō offerebāt pro aliquo peccato populi, sed sp̄te propter solennitatē portationis arcę. Ideo nō oblatū fuit hic aliquod sacrificium pro peccato. Et dicēdum videtur, q̄ solum fuit hic oblata hostia pacifica in omnibus istis sacrificijs. Et causa est multiplex: prima est, quia omnia ista sacrificia fiebant ad exultationem populi: nullum tamen est sacrificiū quod ita fiat ad exultationem populi sicut pacificū. Eo q̄ illud totaliter est sp̄taneum. Et etiam quia populus de illo comedit, & nō de alijs. secunda causa est, quia hostia pacifica propriē est ad reddendum gratias pro beneficio suscepto, vel ad inclinandum Deum, q̄ conferat nobis aliquod beneficium, quod cupimus, vt patet *Leui. 7.* vbi distinguit hostia pacifica per gratiarum actiones, & per hostiam votiuam. Omnia tamen ista animalia offerebātur ad gratiarum actiones, quia vt supra declaratū est: Dauid faciebat ista offerri, eo q̄ Deus adiuuabat Leuitas in portatione arcę, s. q̄ non paterentur aliquod nocumentum, ideo non conueniebat in præsenti alia hostia, nisi pacifica. Tertia causa fuit, quia nunc Dauid offerebat septem taurōs, & septē arietes post singulos sex passus, & ad istud requirebatur magna mora in sacrificijs, nisi Dauid inquireret aliquem modum facilem ad illa faciendū. Et sic verisimile est, q̄ tenuerit modum faciliorē, qui teneri poterat circa hoc. Nullus autē modus facilior erat q̄ q̄ omnia ista sacrificia essent pacifica. Nā si fierent holocausta, oporteret cremari oēs carnes, & adipēs, & intestina, vt patet *Leuit. 1.* & in hoc traheretur magna mora: et si essent sacrificia pro peccato cum in eis sint longę c̄ceremonię, fieret mora, vt patet *Leui. 4.* & *6.* Tenendo autē, q̄ ista essent sacrificia pacifica, pauca mora esset explēdo illa, q̄ in pacificis soli adipēs cremant regulariter, vt patet *Leui. 3.* Et istud facile fuit, sed difficile erat cremari oēs carnes sicut in supradictis sacrificijs. Quarta causa erat, quia istud genus sacrificij conueniebat nunc magis intentioni Dauid q̄ aliud genus. Et rō est, quia si offerretur holocaustū, vel hostia pro peccato, nihil prouēturū erat inde offerentibus Deo soli, vel Deo, & sacerdotibus. Nunc autē Dauid congregauerat totum populum ad portationem arcę, & egebat cibis pro eis. Et si offerret hostias pacificas oēs carnes prouenirent populo, quia quędam pars proueniret sacerdotibus, & alia offerentibus. Dauid *Leuit. 7.* Et de parte illa, quę proueniebat sacerdotibus, poterant ipsi sufficienter habere ad cibū. Reliquam autem partem, quę proueniebat offerenti, ipse daret populo, de qua posset populus habere quasi sufficienter ad cibum. Ideo in tota ista portatione arcę non legitur Dauid aliquid aliud carnis bulę asinę, & simillam olco fixam, sequenti cap. Et hoc intelligendum est, quod dederit super partes sacrificiorū, quę ei proueniebat. Nā de illis non oportebat exprimere, quia manifestum erat, q̄ daret partes alias

illas populo, quia ipse non egebat tanta multitudine carnum. Et poterat hoc facere Dauid, quia quicumque aliquis offerebat hostias pacificas, poterat iutare quocumque vellet ad comedendum de partibus, quae sibi proveniebant, dum tamen illi essent mundi, ut colligit Deuter. 12. Et ibi declaratum est. Nunc autem totus populus esset mundus cum convenirent ad portationem arcae: Dauid dixerat sacerdotibus, & Levitis, quod sanctificarentur ad istam portationem. scilicet in lege ista: ita est credendum est de ista portatione, quod in ea sanctificati fuerint populares, & sic poterant comedere de carnibus. Si autem Dauid fecisset, quod ista alia offerrent in holocausto, vel pro peccato, nihil de carnibus eorum posset dare populo, sed propter, quod aliunde prouideret eis. Credendum est ergo magis, quod potius fieret hostias pacificas, in quibus posset Deum colere, & dividere populo de cibis, quam quod faceret aliud genus sacrificii, in quo solum Deum colens non haberet, unde prouideret populo. Sed obijciatur, quod istud non sit verisimile, quia magis credendum est, quod Dauid obtulerit holocausta, quia Dauid in omnibus istis intendebat colere Deum maxime, quam posset: nullum tamen sacrificium est, propter tam directe sit ad laudem Dei, sicut holocaustum. Nam totum ipsum cremat in honorem Dei, quod non fit in aliis sacrificiis, ideo magis offerret holocaustum, quam alia genera sacrificiorum. Respondendum est, quod propter causas dictas omnia sacrificia, quae fecit Dauid in itinere dum portaret arcam in domum suam fuerunt pacifica. Et tamen postquam posita fuit in domo eius in tabernaculo ei parato, priusquam desineret solennitas portationis, obtulit Dauid holocausta multa. Quod patet, quia sequens. c. dicitur attulerunt arcam Dei, & constituerunt eum in medio tabernaculi, & obtulerunt holocausta, & pacifica coram domino. Quod autem duraret tunc solennitas portationis, patet, quia post ista holocausta, & pacifica dedit toti populo cibos, & dimisit illos ire in domum suam, ut patet ibidem.

Quae caeremoniae fuerunt factae coram arca in domo Obededom. Quest. XXXVIII.

QVAERITUR ulterius de tempore precedenti quo arca fuit in domo Obededom, scilicet tribus mensibus, quae caeremoniae fiebant coram ea. Respondendum est, quod in domo Obededom non fuerunt factae aliquae caeremoniae sacrificiorum coram arca, nec aliquae, quae fiebant secundum legem. Pro quo sciendum, quod Moyses iusserat fieri multas caeremonias sacerdotales in Sanctuario, una erat, quod fierent sacrificia in altari holocaustorum: Exo. 29. Alia erat, quod propositionis ponerentur super mensam auream in mane, & in vespere sacerdotes locarent lucernas candelabri: Exo. 27. & 30. Alia erat, quod quotidie eisdem temporibus aliquis sacerdos cremaret thymiam suam super altare thymiamatis intra tabernaculum: Exo. 30. De istis dicendum, quod nulla illarum poterat fieri coram arca, nisi prima, scilicet quod offerrentur sacrificia, sicut nunc factum est in portatione eius. Aliae autem omnes fiebant in Sanctuario. Et quia nunc erat Sanctuarii in Gabaon ibi fiebant omnes istae caeremoniae. Et ideo dicendum, quod in domo Obededom, & etiam in domo Dauid postquam ibi posita fuit arca: non fiebat aliqua praedictarum caeremoniarum. Et ista fuit causa quare cum Dauid poneret arcam in domo sua, & reliquisset ibi levitas ad canendum coram domino, misit Sadoc summum sacerdotem, & alios sacerdotes fratres suos, & etiam multos de Levitis in Gabaon, ubi erat tabernaculum Domini, ut ibi ministrarent: sequenti capitulo scilicet, quia non poterant fieri omnes caeremoniae legis coram arca: alias enim frustra fuissent missi illuc ad faciendum ali-

A quas caeremonias, unde dixit Dauid ad Sadoc, quod faceret in tabernaculo Domini in Gabaon iuxta omnia, quae scripta erant in lege Moysi, ut patet ibidem. Manet autem prima caeremonia, scilicet sacrificiorum. Et de ista dicendum, quod adhuc non plene fiebat caeremonia sacrificiorum coram arca, scilicet quod non omnia sacrificia fiebant coram arca, sed plurima fiebant in Sanctuario. Pro quo sciendum, quod quaedam sacrificia erant necessitatis, sicut sacrificium iugiter matutinum, & vespertinum, & sacrificia sabbathorum, & sacrificia aliarum solennitatum, de quibus habetur Num. 28. & 29. Etiam quaedam erant sacrificia necessitatis, scilicet illa, quae iubebant homines facere pro aliquibus peccatis, de quibus Levit. 4. & 5. & Num. 5. & 15. Etiam erant sacrificia necessitatis aliqua, quae iubebantur fieri in purificationibus, sicut si aliquis fuisset leprosus, & postea mundaretur: debebat offerre sacrificia: Levit. 14. Et si mulier peperisset pro emundatione sua offerebat sacrificium. Etiam mulier longo tempore patiens fluxum sanguinis extra tempus menstruum. Et vir patiens fluxum feminis offerebat aliqua sacrificia: Levit. 15. Et sic de multis aliis. De omnibus istis sacrificiis, quae erant necessaria secundum legem, dicendum, quod nullum offerebatur coram arca, sed omnia in Sanctuario domini in Gabaon. Et hoc patet sequenti. cum dixit Dauid ad Sadoc sacerdotem magnum, quod offerret in Gabaon holocausta domino iugiter mane, & vespere in altari holocaustorum: iuxta omnia, quae scripta sunt in lege Domini, quoniam precepit Israel. ergo videtur, quod omnia sacrificia, quae in lege precepta erant, fiebant in Gabaon, & nullum coram arca dum in domo Dauid. Aliae erant sacrificia spontanea, quae non erant iuxta a legem, & de istis dicendum, quod poterant offerri coram arca. Et sic faciebat Dauid saepe offerri de illis multa. Faciebat etiam aliud, scilicet quod Levitae cantarent coram arca domini. Istud tamen non erat ministerium sacerdotale, sed Leviticum. Et sic ista duo fiebant in domo Dauid coram arca, scilicet offerebantur sacrificia spontanea, & cantabant laudes divinae. De domo autem Obededom dicendum, quod quandiu ibi fuit arca, aliqua caeremonia istarum, scilicet nullum sacrificium factum fuit, nec etiam cantabantur aliquae laudes Dei, eo quod arca non fuerat posita ibi, ut esset in loco honorabiliore, sed ut esset ibi in custodia quousque de illa disponderetur, ubi maneret. Et sic fuit de toto illo tempore, quo mansit arca in Chariathairim in domo Aminadab: nam non fuerunt factae ei ibi aliquae caeremoniae, sed solum sanctificatus fuit Eleazarus filius Abinadab ad custodiendum eam, primo Reg. 7. Quid tamen erat, quod fieri poterat in domo Dauid coram arca, & quod fiebat in Gabaon in Sanctuario, declarabitur magis sequenti cap.

Quomodo portabat Dauid stolam byssinam, Quest. XXXIX.

QVAERITUR ulterius quomodo Dauid portabat stolam byssinam, siue Ephod lineum, cum esset habitus Levitarum, & ipse non esset Levita: nam qui ministrabat se alicui ministratori, vel rei pertinenti ad sacerdotes, vel Levitas, moriebatur: Num. 1. & 3. & 16. & 18. Quod autem Ephod lineum esset habitus Levitae, & in illa administratione pertinet ad illos, patet, quia ipse satis monuerat supra sacerdotes, & Levitas, quod ipsi portarent arcam caute, & essent praesentes, ne propter absentiam illorum populares aliquid illicite facerent. scilicet in lege. Quo ergo Dauid usurparet aliquid pertinet ad Levitas, cum timeret nimis propter mortem Oze, etiam cum ipse alias admoneret ne usurparet aliquid Leviticum, nec permitteret usurpari. De stola autem byssina, qua Dauid indutus

ductus erat potest dici dupliciter. Vno mō, q̄ non erat similis in figura stolis Leuitarum, & per hoc distinguebatur ab eis: & sic non vsurpabat habitum sacri leuiticum. Alio modo pōt dici, q̄ Leuitē induti erāt nunc stolis byssinis, vt patet hic: & tamē iste habitus non erat proprius ipsorum, sed erat habitus cōis oīb⁹ non sacerdotibus. Et ideo poterant vti illo Leuitē, & populares. Sic enim est de vestib⁹ lineis albis, quibus vtuntur omnes ministri Ecclesię, nam illē non sunt sacre, nec benedictę, vnde quilibet laicus potest indui licitē tali veste, nisi faciat in cōtemptu ministracionis diuinę. Habitus autem sacerdotum diaconorum, & subdiaconorum ad ministrandum in altari, est sacer: ideo non potest aliquis laicus licite indui illo. Dauid autem nunc indutus est stola byssina, sicut Leuitē, q̄a tamen non erat illa propria vestis Leuitarum, sed cōis omnibus, non peccabat Dauid vtendo illa.

Qualis erat habitus Leuitarum in ministracione. Q̄. XL.

QVAERITVR vterius quis erat habitus, quo Leuitē vterētur in ministrando. Respondendum, q̄ vtebantur Leuitē quadam veste linea alba super oēs alias vestes suas, quibus vtebantur, q̄n non ministrabant. Et patet hoc, quia Samuel erat Leuita, & ipse vtebatur ipsa veste ministrādo coram Dño. 1. Reg. 3. f. Samuel autē ministrabat ante faciem Dñi puer accinctus ephod lineo. secundo patet quia hic in portatione arcę ministrabant Leuitē portando arcam, & cantādo, & dī q̄ oēs Leuitē qui portabant arcam, & cantores induti erant stolis byssinis. tertio patet, quia q̄n Salomon fecit templum Domini finitis vasis eius, voluit etiam facere vestes pro ministris, & tunc fecit vestes, pro sacerdotibus, & etiam pro Leuitis. Et dī q̄ fecit stolas Leuitarum dicentū hymnos ex bysso ducenta millia, vt ait Iosephus de Antiq. Videtur ergo q̄ quodocunque Leuitē canebant vel faciebant aliam ministracionem induebātur istis stolis, sed quanq̄ Leuitē vterētur semper istis stolis, tamen non erat habitus proprius ipsorū, nec erat sacer, nec etiā Deus dederat Leuitis aliq̄ vestem specialem ad ministrandum. Quod patet, quia Exo. 28. vbi agitur de vestibus ministrorum: Deus iussit fieri vestes pro summo sacerdote, & pro minoribus. Pro Leuitis autem nihil. Etiam patet, quia quando Deus iussit consecrari Leuitas, nō iussit, q̄ induerentur aliquibus vestibus, vt patet Num. 8. Et tamen q̄n consecrati sunt sacerdotes iussit illos indui vestibus suis, & in eis cōsecrati sunt, vt patet Exo. 29. & Leui. 8. Sciendū tamen, q̄ q̄n Leuitē cōsecrati sunt nouiter, Deus iussit vestes eorū mundificari, Nu. 8. vt per hoc significaretur, q̄ deponebant iam laicales status in mundiciam: nullam tñ vestem specialem eis dedit. Et ob hoc q̄n vterentur Leuitē in ministrādo stolis byssinis, nō erant illę vestes sacre, nec etiam habebant aliq̄ vestē sacram pp̄ qd̄ licet induerētur laici stolis byssinis, nō peccarent, & sic Dauid indutus est stola byssina nūc. Ex hoc autem nunc venit conditio habitus Ecclesiastici in ministrando. Nam sicut in veteri testō soli sacerdotes, qui erant ministri altaris acceperunt à Deo vestes sacras Exo. 28. ita & in nouo testō soli sacerdotes diaconi, & subdiaconi qui sunt ministri altaris vestibus sacris vtuntur ministrādo in altari, & sicut Leuitē in veteri testō, qui non ministrabant in altari, sed cantabant in templo, dum fierent sacrificia non habebant aliquas vestes sacras, & tñ vtebantur quibusdam vestibus lineis, quibus cōiter non vtebantur populares, ita & oēs ministri Ecclesię, qui non accedūt ad altare, sed faciunt alia officia, induuntur vestibus albis non sacris, & sic quātū ad hoc tot⁹ habitus ecclesiastic⁹ in ministrādo puenit ex habitu ministrorū veteris testi.

Quare induerit se Dauid in portatione arcę tunica byssina. Quæst. XLI.

QVAERITVR vterius quare Dauid indutus fuit nūc tunica byssina in portatione arcę. Respondendum q̄ pp̄ multa. Primo quia licet Dauid nō accederet ad arcam, quādo portabatur, nec misceret se sacerdotibus, & Leuitis in ministracionibus suis: tamen ipse aliquo mō ministrabat ad portationē arcę, quia ipse habebat secū septem choros canentium, vt patet 2. Reg. 6. Et etiam dī ibi, q̄ Dauid, & oīs Israel ludebant coram Dño in omnibus lignis fabrefactis, sed q̄n in ecclesia aliquis laicus in defectum, vel ex deuotione accedit ad canendum cum ministris Ecclesię, ipse pōt indui veste alba non sacra, qua ceteri ministri Ecclesię vtuntur. Et in illa honestius canet, q̄ sine illa, ita nūc cū Dauid adiunaret Leuitas ad solennizādam portationem arcę canendo, voluit vti stola byssina, qua ipsi vtebantur. secunda causa erat, quia Dauid voluit se nimis humiliare nunc coram Dño in portatione arcę, & ad hoc noluit gerere regalia insignia, sed accepit humilē habitum Leuitarum. Sic enim patet in responsione sua ad Michol vxorem suam, q̄n increpuit eū ex ista humiliatione. Nam dixit ludam, & vilior fiam q̄ factus sum coram Dño. 1. Reg. 6. Tertia cā erat, quia Dauid volebat coram arca Dñi ludere saltando, & tripudians, & ista erat magna leuitas, nec decebat tantā leuitatē esse in habitu regali, ad quem pertinet maiestas: ideo voluit deponere habitum regalem, & assumere tunicam istam byssinam.

Quare Michol despexit Dauid. Quæst. XLII.

QVAERITVR vterius quare Michol despexit nunc Dauid, q̄n vidit eum ludentē corā arca, & an rationabiliter despexit. Respondendum q̄ Michol habuit motum ad cōtemnendum Dauid, quia ipsa erat superba. Erat enim filia regis Saulis, qui fuerat rex primus totius Israel, & inter vxores Dauid ipsa erat prima, nā cepit eam, q̄n manebat cum Saule, & nulla aliarum vxorum Dauid erat filia regis, nisi filia Ptolomei regis Gessuri, & tñ ille erat paruus rex, & gentilis, & sic erat precipua Michol inter omnes vxores Dauid: vnde nulla causa est eum despiciere nisi ipsa, & non solum despexit in coram de suo, sed etiam locuta est ei verba contumeliosa, & pungitina, dicēs. Quam gloriolus fuit hodie rex Israel discooperiens se ante oculos ancillarum seruorum suorum, & nudatus est quasi si nuderetur vnus de scurris. secundo Reg. 6. Causa autem fuit ex parte Dauid quare contēneret eum, f. quia vidit ipsum discooperitum regalibus ornamentis, & ludentē. Primum erat, quia Dauid deposuerat regalia insignia: debet enim semper rex esse in magna grauitate, & maiestatem, vt habeatur nimis reuerendus, cum dicatur vnde, q̄n vtebantur Leuitē in ministrādo stolis byssinis, nō erant illę vestes sacre, nec etiam habebant aliq̄ vestē sacram pp̄ qd̄ licet induerētur laici stolis byssinis, nō peccarent, & sic Dauid indutus est stola byssina nūc. Ex hoc autem nunc venit conditio habitus Ecclesiastici in ministrando. Nam sicut in veteri testō soli sacerdotes, qui erant ministri altaris acceperunt à Deo vestes sacras Exo. 28. ita & in nouo testō soli sacerdotes diaconi, & subdiaconi qui sunt ministri altaris vestibus sacris vtuntur ministrādo in altari, & sicut Leuitē in veteri testō, qui non ministrabant in altari, sed cantabant in templo, dum fierent sacrificia non habebant aliquas vestes sacras, & tñ vtebantur quibusdam vestibus lineis, quibus cōiter non vtebantur populares, ita & oēs ministri Ecclesię, qui non accedūt ad altare, sed faciunt alia officia, induuntur vestibus albis non sacris, & sic quātū ad hoc tot⁹ habitus ecclesiastic⁹ in ministrādo puenit ex habitu ministrorū veteris testi.

diminuerat nimis honorē regalē, & etiam honorem A viri virtuosī, quia talis motus non decet virum probum, & non negauit Dauid quin ista nō cōuenirent ei. Et etiam q̄ per hic vilificaretur, sed potius concessit dicens, viuit Dominus, quia iudam & vilior sū plusquā factus sum, & ero humilis in oculis meis 2. Reg. 6. Causa tamen quē mouebat Dauid ad hoc erat iustissima, s. quia Deus benefecerat ei, s. cū prius esset pastor, & nūc exaltasset eum ad hoc quōd esset rex. Ideo dicebat q̄ ipse humiliaretur nimis quam ipse posset. Et propter hoc abiectis vestibus regalibus accepit habitū pauperē, & saltabat corā arca tanq̄ vir nullius valoris. Et tamen nō humiliasset se Dauid coram aliquo hoīum, nec pp aliq̄ aliam causam. Sic enim ipse significauit, dicens: viuit Dñs, quia iudam ante Dñm, qui elegit me, vt essem dux super populū Israel, & iudam, & vilior sū plusquam factus sum, & ero humilis in oculis meis. 2. Reg. 6. Michol autē non attēdebat ad fauorem deuotionis Dauid, quē honestabat opus suum, sed solum attendit ad opus Dauid, quod in se inhonestū videbatur: ideo despexit eū.

An peccauerit Michol despiciens Dauid propter saltationem. Quæst. XLIII.

QVÆRITVR vterius an peccauit Michol despiciendo Dauid propter saltationē corā arca. Respondendum q̄ Michol habet aliquid quod excuset eam, & aliquid quod accuset, de primo patet, quia Michol mora fuit causa rationabili, nam in se opus Dauid inhonestū erat, quia nimis detrahebat per hoc honori regio, & bonū erat, q̄ a talibus abstineret, ne omnino veniret in contēptū. Et Michol hac intētionē increpuit eum. secundum erat, quia Michol habuit iustum animū increpandi, nam non despexit eū quasi maliuola, nā ipsa diligebat nimis Dauid, & semel increpuit eum a morte, vt patet 1. Reg. 19. etiā nunc qñ increpuit illum propter istam saltationem bono animo egit. Nam prius salutauit eū, & postea locuta est verba aliquāliter mordacia, vt patet 2. Reg. 6. f. Et egressa Michol filia Saul in occursum Dauid benedixit eum, & ait, q̄ gloriosus fuit hodie rex Israel, &c. Est etiā q̄ accuset Michol, s. quia ipsa increpuit Dauid de cultu Dei. Humiliauerat enim se Dauid pp Deum coram arca, & propter hoc magis laudandus erat q̄ increpandus: Michol tamen eū increpuit. Quāq̄ igitur Michol habuerit aliq̄ cām increpandi: tamen maior causa subsistebat in prius ad non increpandū, & sic peccauit aliquāliter Michol increpando Dauid, & data est sibi pena a Deo, s. q̄ nunq̄ pareret. Sic dicit 2. Reg. 6. Igitur Michol filiæ Saul nō est natus filius. Et hoc forte fuit, vt ille non regnaret super Israel, quia Michol erat prima vxor Dauid. Etiam erat dignior, quia erat filia regis, ideo si aliquis filius nasceretur ex ea, potius ille debebat succedere Dauid in regno q̄ alij: Deus tñ noluit, q̄ aliquis pertinens illo mō ad stirpem Saulis regnaret super Israel, ideo nō habuit filiū. Et per hoc grauiter punita est, cum femine maritata nimis desideret filios.

CAP. XVI.

ATTULERUNT igitur arcam Dei, & constituerunt eam in medio tabernaculi, quod tetenderat ei Dauid, & obtulerunt holocausta, & pacifica coram deo.

DETERO in p̄cedētibz de arcē portatione: hic agitur de eius portationis veneratione. Fuit autem veneratio arcē in tribus. Primò in diuino sacrificio. secundo in beneficio collato populo, ibi. Cumque compleisset. Tertiò in diuino obsequio, s. constituendo ministros, qui ministrarent coram arca, ibi. Constituitque.

An hic sit ordo continuus.

Quæst. I.

QVÆRITVR circa primū an ea quæ habētur hic, fuerint facta post p̄cedentia, ita q̄ habeāt continuationē, & an fuerint facta immediatē vel aliquanto tempore postea. Respondendum q̄ ista habent ordinem continuatum ad p̄cedentia. Nam agebatur supra de portatione arcē. Hic autem agitur de honore illo, qui sibi exhibitus est in domo Dauid, prius tamē ducta est q̄ honoraretur. Ad secundum dicendum, q̄ nullum tēpus fuit inter p̄cedentia, & ista, quia supra dī, quō portata fuit arca ad domum Dauid. Hic autē dī quō immediatē post portationem fuit sacrificium oblatum coram ipsa hic in principio literę. Ideo eodem die virūque factum est. Circa primum dicitur. Attulerunt igitur arcam Dei. Scilicet attulerunt eam ad domum Dauid, inter castrum mōtis Sion. Et constituerunt eam in medio tabernaculi, quod tetenderat ei Dauid. Leuitē posuerunt eam in loco illo, quia ipsi portabāt eam. Et vocatur hic tabernaculum tentorium magnum factum de pellibus iacynthinis, quod erat in quodam atrio, & sub illo tentorio posita est arca, vt occulta maneret, & non potest accipi tabernaculum pro domo, vel palatio in quo erat arca, quia dī in medio tabernaculi, quod tetenderat. Et tñ non pōt extendi aliquid nisi sit de pellibus vel lino, & sic erat tentorium, sub quo erat arca. Et illud tentoriū erat, in quodam palatio magno, in quo erant Leuitē ad canendum coram arca, & etiam sacerdotes faciebant ibi sacrificia. Et obtulerunt holocausta, & pacifica. Scilicet postquam fuit arca constituta in suo tentorio, facta fuerunt in palatio illo sacrificia corā arca: & ista fuit prima ministratio, quē facta est coram arca postq̄ fuit posita in domo Dauid: duo genera sacrificiorū fuerunt hic oblata, s. holocaustum, & hostiē pacificę. Est enim holocaustum sacrificium in quo carnes totius animalis cremantur in altari cum intestinis capite, & pedibus Leuit. 1. Et nihil inde dat offerentibus. Sacerdoti autem prouenit sola pellis, vt patet Leuit. 6. hostia pacifica dicitur esse qñ offertur animal in sacrificium pro gratiarum actione, vel ad placādum Deū, vt aliquid nobis concedat, Leuit. 7. Et soli adipēs cremantur in altari. Carnes autem cedunt in ius offerentium, & in ius sacerdotum, Leuit. 3. & 7. Coram Domino. Idest coram arca, nam in arca representabatur Deus specialiter, eo q̄ nullum vas erat in toto sanctuario, in quo magis appareret virtus diuina quā in arca, vt supra 13. declaratum est.

Quare fuerunt oblata sacrificia postquam fuit posita arca in suo tentorio. Quæst. II.

QVÆRITVR quare nunc oblata fuerūt sacrificia coram arca postq̄ fuit posita in tentorio suo. Dicendū q̄ hoc factum est quasi ad dedicationē domus. Nam parata fuerat domus illa, vt ibi maneret arca, & non fuerat adhuc facta ibi aliqua ministratio per q̄ dedicaretur dom⁹, ideo nūc cum arca fuit locata in tentorio suo, oblata fuerunt sacrificia corā ea in domo illa, & per hoc domus iam erat dedicata cultui Dei, & non pertinebat ad aliquā popularem ministracionem. secunda causa fuit, quia arca

arca ante hoc honorata fuerat in sua portatione: nā omnia sacrificia, quæ habentur præfenti cap. facta fuerunt coram arca, cum portaretur: nunc autem opus erat, ut exhiberetur aliquis honor arcæ quiescenti. Et ob hoc postq̃ ipsa locata fuit in suo tentorio fuerunt facta sacrificia corā illa, & non recessit populus a portatione arcæ, quousque fuerunt finita ista sacrificia.

Quæ erant ista sacrificia.

Quæst. III.

QUÆRITUR vltius quæ sacrificia erant ista, quæ nunc facta sunt coram arca. Rñderi pōt dupliciter. Quidam dicunt q̃ nunc non fuerunt immolata aliqua animalia, sed illa quæ occidebantur corā arca cum portaretur, fuerunt nunc cremata in altari, nam cum portaretur arca post singulos sex passus offerebātur septem tauri, & septem arietes præcedenti cap. & 2. Reg. 6. Et nullū animal istorū cremabatur tunc corā arca, ut non cogerentur nimis morari portantes arcam, sed fuerunt omnia reseruata, ut postea cremarentur cum esset arca posita in loco suo. Et sic nūc omnia animalia, quæ fuerant occisa in portatione arcæ, cremarentur in holocaustum, & in hostias pacificas, & nullum de nouo immolaretur. Iste tamen modus ponendi q̃ aliquatiter esset verisimilis, erat nimis q̃ consuetudinem sacrificiorum, quia in alijs illico, ut animalia occidebantur cremabantur in altari, vel fiebant alię ceremoniæ, quæ exigerētur s̃m genus sacrificij illius. Aliter ergo dicendum, q̃ nunc fuerunt oblata holocausta, & hostiæ pacificæ de alijs animalibus. Nam aīalia illa, quæ immolata sunt dum portaretur arca, cremabantur illico, ut declaratum fuit præced. cap. in quadam q̃ōne, nunc verò alia animalia occisa sunt, & de eis factum est sacrificium holocaustorum, & hostiarum pacificarum in honorem arcæ iam quiescētis, & in dedicationem domus.

Quare oblata sunt potius holocausta, & hostiæ pacificæ quàm alia genera sacrificiorum.

Quæst. IIII.

QUÆRITUR vltius quare potius nūc oblata sunt holocausta, & hostiæ pacificæ quàm alia genera sacrificiorum. Respondendum quòd erāt tria genera sacrificiorū, s. holocaustum, hostia pacifica, & sacrificium pro peccato, ut patet Leuitici primo, tertio, & quarto. de his facta fuerunt nunc duo genera sacrificiorum, scilicet, holocaustū, & hostia pacifica. Et ratio huius est, nam sacrificium pro peccato regulariter non offerebatur nisi quādo populus, vel aliqua persona priuata incidisset in aliq̃ culpam de illis, in quibus lex imponebat satisfactionē per sacrificia. Nunc autem fortè non habebat populus aliquod tale peccatum, ideo nō obtulit sacrificiū pro peccato. secundum erat, quia dato q̃ populus pro aliquo peccato teneretur ad aliquod tale sacrificiū, non posset illud offerri coram arca, sed debet offerri in sanctuario Domini in Gabaon, quia omnia sacrificia, quæ erant de necessitate, offerri debebant in Gabaon, quia ibi erat tunc sanctuarium. Sola autem sacrificia spontanea offerri poterant coram arca in domo David, ut colligitur infra in litera, & ibi declarabitur in quadam quæstione. Omnia autem sacrificia similia pro peccato cadunt sub necessitate legis, ideo non poterāt offerri in domo David corā arca. Tertiu est, quia sacrificium pro peccato est sacrificium tristitię, in quo offerens debet tristari & humiliare se, quia peccauit. Nunc autem non erat tempus tristitię, sed exultationis, quia totus populus gaudebat nimis de arcæ portatione, ut patet præcedenti cap. Holocaustū autē decebat nunc offerri, eo q̃ ipsum specialiter est ad honorē Dei, cū totū cremaretur in altari Leuit. 1.

F quod non fit in alijs sacrificijs Leuit. 3. 4. & 5. Hic autem David maxime intendebat honorem Dei, quia pro honore eius arca, quæ erat in Cariathiarim in loco quasi incognito, & sine honore, ducta fuit nunc, ut esset in loco honorabili. Et etiam propter hoc fuit tam honorabiliter portata. Holocaustum ergo fuit sacrificium quod maxime hic debebat offerri, & tamen dum portaretur, non fuit oblatum aliquod holocaustum, sed solę hostię pacificæ propter causas expressas in quadam q̃ōne præced. cap. fuerunt etiā nūc hostię pacificę oblatę, quia multū cōueniebant huic solennitati. Primo, quia hostia pacifica est sacrificiū exultationis, & nunc fuit magna exultatio populi in portatione arcæ, & in eius positione in loco suo. secundo, quia populus debebat nunc epulari post arcę portationem, & non poterat comedere de carnibus alterius sacrificij. De carnibus autem hostiæ pacificæ cōmederent populares, eo quòd maxima pars carniū hostię pacificę pertinebat ad offerentem, siue autem populus offerret, siue David, populus comederet de carnibus istis, quia David concederet eas populo. Tertio quia hostia pacifica est pro gratiarum actione, Leuit. 7. Nunc autem erat maxime necessaria gratiarum actio Deo, qui concesserat, ut posset portari arca in domum David sicut totus populus desiderabat, & non acciderat aliquod nocumētū in portatione eius, sicut in prima portatione, in qua occisus est Oza supra 13. & 2. Reg. 6.

An licebat offerri sacrificia coram arca,

Quæst. V.

QUÆRITUR vltius quomodo nūc oblata sunt sacrificia coram arca, & an licebat offerri. Aliquis dicet, quòd non, quia Leuit. 17. dicitur, q̃ nullus offerret aliquod sacrificium nisi ad ostium tabernaculi super altare holocaustorum, & quicumque extra locum illum offerret sacrificium esset reus sanguinis. Et sic periret de populo suo quasi sanguinem fuisset. Item patet quia Israelitæ confessi sunt nefas esse offerre alicubi sacrificium nisi super altare, quod erat ad ostium tabernaculi, Iosue 22. Item Deut. 12. dicitur: Cauē ne offeras holocausta tua in omni loco, quem videris. Et eum, quem elegerit Dñs in vna tribuum tuarum. Et tamen nunc Deus elegerat urbem Gabaon, cum ibi esset sanctuariū pro nūc, ideo nefas erat alibi offerre.

I Respondendum est, q̃ licitum erat nunc offerri sacrificia in domo David coram arca, nec peccauit David aut populus in hoc, quia aliās David cum intederet in omnibus placere Deo, non fecisset tantos sumptus Deo displicendo. Pro quo considerādum, quòd Deus iussit offerri sacrificium in vnico loco totius Israel: non quidem q̃ s̃m se malum esset in multis locis offerri, sed potius erat bonū, quia quanto in pluribus locis Deus laudatur, tanto melius est, sed fuit istud præceptum datū ad tollendū periculum. Erāt enim Israelitę nimis suspecti de idolatria cū fuissent assueti ad illam, & si permitterentur offerre sacrificia vbicunque vellent, aliqui secretè offerrent sacrificia demonibus, vel saltem cum ceremonijs diuini sacrificij miscerent superstitionem demonum, ideo ut hoc non posset fieri, iussit Deus, quòd omnes de Israel offerrent in vnico loco valde publico, & quando quis offerret multi alij assisterent, qui viderent an tenuabāt ceremonias legis, vel superstitionem demonum. Et sic nulli esset locus idolatradi in sacrificio. Quòd autē ista esset intētio quare Deus iussit offerri omnia sacrificia in vno loco patet, quia Leuit. 17. vbi ponitur istud præceptum subditur causa. Et nequaquam vltra immolabūt hostias suas demonibus, cum quibus fornicati sunt. Quasi dicat, faciendo sic, q̃ offerret in vno

uno loco non immolabūt hostias demonibus. Cum ergo istud præceptum datū fuisset ad tollendum periculum, poterat in eo satis dispensari, quādo non esset periculum. Et ob hoc aliquando Deus iussit offerri extra sanctuarium, s. in monte Garizin, & Ebal, Deut. 27. Etiam iussit Samueli, q̄ tolleret vitulum, & irret in Bethlehem ad offerendū illum Dño 1. Reg. 16. Sepe etiam prophetas, & viros sanctos sine mandato Dei expressum legimus extra locum sanctuarij sepe immolasse, vt patet de Elia, qui fecit sacrificium in monte Carmello 3. Reg. 18. Samuel quoque fecit sacrificiū in multis locis, s. in Ramatha, & in Maspha, & in Galgalis, vt patet 1. Reg. 7. & 11. & non accusamus eos de hoc, quia circa eos non erat suspitio, q̄ ipsi inciderent in idolatriam in sacrificijs suis. Sic autē nūc dicendum, q̄ pp̄ multa reputamus licitum fuisse offerre sacrificia in domo Dauid corā arca, & etiam in itinere, cum portaretur. Primo quia nunc erat Dauid præfens, qui erat propheta. Et sicut credimus facta ab alijs pphetis licitē fuisse facta, q̄a putamus q̄ Deo inspirante illa egerint, ira de Dauid putandum est, q̄ Deus moueret eū ad omnia hæc, ideo licitē ageret. Secundo quia nō erat hic locus periculi incidendi in idolatriā, quia totus populus erat præfens, & omnes sacerdotes, ideo videri poterat an in sacrificando obseruaretur ceremoniæ legis, vel superstitiones demonum. Tertio & principaliter propter præsentia arcæ, nā licebat offerri in sanctuario super altare holocaustorum, quia ibi representabatur Deus specialiter, sed in arca representabatur specialius, quā in alio loco, cum Deus diceretur sedere super arcam inter Cherubim. 2. Reg. 6. & supra 13. Et non dī hoc de aliquo alio vase totius sanctuarij, ideo pp̄ præsentiam specialia, & non solum est dicendum, q̄ hoc liceret Dauid specialiter, sed cuicunque de toto populo licebat offerre sacrificium coram arca vbicunque illa esset, dū tamen offerret per illos, qui erāt ministri legitimi ad immolandum. Et ideo non solum nunc immolata fuerunt sacrificia coram arca postquam posita est in domo Dauid, sed etiā dum portaretur in via, presenti cap. & etiam in vrbe Bethsames, quando reducta est a dea de terra Philistinorum, 1. Reg. 6. Scriptura tamē nihil habet, q̄ Deus iusserit immolari corā arca, nec etiam iussit vnquam, & ratio est, quia Deus iusserat, q̄ arca poneretur in tabernaculo intra sancta sanctorū, & ibi esse debebat, vt patet Exo. 26. & non præsupponebatur, q̄ aliquā arca deberet esse extra sanctuarium, ideo quādoque offerretur sacrificium in altari holocaustorum, offerebatur coram arca, quæ intra tabernaculum latebat. De arca tamen per se existente, an coram ea deberet offerri aliquod sacrificiū, nihil dictum est in lege. Nūc autem accidebat, quod arca esset extra sanctuarium, & eadem ratio erat de illa, quod offerretur coram ipso sacrificium sicut corā tabernaculo, ideo licitum erat offerri nūc sacrificia. Erat tamen differentia in hoc, quia in tabernaculo licitum erat offerri sacrificia, & etiam necesse erat aliquā legem ibi offerri. De arca autem nō erat sic, quia licitum erat coram ea offerri sacrificia. Et tamē nō erat necesse offerri ibi aliquod sacrificium, immo quod plus est sacrificia illa, q̄ ex necessitate offerri debebant non poterant offerri corā arca, sed in sanctuario, vt colligit infra in litera, & ibi declarabitur in quadam questione. Ad primam rationem in cōtrarium dicendum, q̄ Deus iusserat offerri oīa sacrificia in sanctuario ad hostium tabernaculi ad euitandum idolatriam, sed etiam nunc immolādo coram arca non videbatur idolatria, quia erat locus publicus, & etiā ibi erant ministri sacrificiorum, ideo licitū erat offerri,

A Itē iubebat Deus offerri omnia sacrificia in sanctuario, quia existente arca intra sancta sanctorum nullus alius locus erat, in quo appareret p̄sentia Dei specialiter q̄ in sanctuario. Et tamē q̄n erat arca extra sanctuarium erat etiam ibi specialiter Dei p̄sentia, ideo poterant offerri ibi sacrificia. Ad secundā dicendum q̄ dixerunt Israelitæ nefas esse offerri sacrificia alibi, nisi in altari holocaustorum. Et hoc verum erat regulariter, & tamen in aliquo casu speciali licitū erat: vt potest si Deus mandaret alibi offerri, sicut mādauit Samueli offerre in Bethlehē, vbi nō erat sanctuarium. 1. Reg. 16. quia illo tempore erat in Nobe eo. lib. cap. 21. & iussit Dauid, q̄ offerret sacrificium in area lebusei. 2. Reg. vlt. & infra 21. vel si ille, qui offerret sacrificiū esset talis, de quo non posset præsumi q̄ incideret in idolatriam, sed magis crederetur, q̄ Deo iubente illud faceret, sicut fuit de Elia, qui immolauit Domino in monte Carmelo. 3. Reg. 18. Sic etiam de Samuele, q̄ immolauit Dño in Ramatha, & Maspha, & Galgalis. 1. Reg. 7. & 11. vel etiam si daretur aliquis locus equipollēs sanctuario, & sic erat arca. Nā ita representabatur p̄sentia Dei in illa manifeste sicut in toto sanctuario. Ad terciā dicendū, q̄ non licebat Israelitis offerre sacrificia in quacunque vrbe vellent, sed solum in illa quam elegisset Dñs. Dicebatur autem Deus eligere aliq̄ vrbē, non quidē quia iuberet q̄ ibi ei sacrificaret, sed per hoc, q̄ sanctuariū eius in quo representabatur p̄sentia eius erat in illo loco. Et quia arca representabat diuinam p̄sentiam vbicunque esset, sicut totū sanctuarium, immo plus, licitū erat offerre sacrificiū vbicunque erat arca. Et vere dicebatur Deus illum locum elegisse.

Cumque compleisset Dauid offerens holocausta, & pacifica, benedixit populo in nomine Domini, & diuisit vniuersis per singulos à viro vsque ad mulierem tortā panis, & partē assæ carnis bubalæ, & trixā oleo similā,

D Cumque compleisset. Hic ponitur secūdū huius partis, scilicet, veneratio arcæ in beneficio populo exhibito dando eis cibos, nam Dauid non dedit cibos populo nunc, nisi quia interfuerāt portationi arcæ. Et in hoc honorauit eā, & dī. Cumque compleisset Dauid offerens holocausta, & pacifica. s. posita q̄ fuit arca in loco suo, oblata fuerunt corā ea holocausta, & hostiæ pacificæ, vt supra dictum est, & q̄ diu durauit ista oblatio, Dauid & totus populus fuerunt p̄sentes in illa. Et finita oblatione reuersus est Dauid cū populo, & dedit cibos toti populo. Benedixit populum in nomine Domini. Id est inuocauit super populum nomen Dñi, s. orando, q̄ Deus beneficeret toti populo, quia oēs deuotē venerant ad istā portationē arcæ. Et diuisit vniuersis per singulos à viro vsque ad mulierem. Ad istam portationem arcæ non solū venerant viri, sed etiā mulieres deuotæ. Et etiam Dauid nunc oībus tam viris q̄ mulieribus cibos dedit, & diuisit vniuersis, i. in tota vniuersitate populi, & hoc p̄ singulos, i. faciendo q̄ singulis daretur, nam non fuit aliquis, qui non haberet istos cibos qui hic noīantur. Tortā panis. Torta vocatur vnus panis à torquendo dictus, quia inter manus pistoris torquetur anteq̄ formetur, s. dū est massa rudis. Et partem assæ carnis bubalæ. Id est de bubalo dabit cuicūque vnā partē carnis assæ quātū sufficeret pro vno viro. Et hoc erat equale inter viros, & feminas, quia nō dabatur viris maior portio ciborum q̄ feminis. Et trixam oleo similam. Nā simila est farina delicata alba, quæ aliās vocāt adeps frumēti, vt patet Psal. 147. Qui posuit fines tuos pacē, & adipe frumenti satiat te. Hic autē accipitur simila pro pane iam

iam formato de illa farina delicatissima, & iste panis erat tenuis, & frangebatur in oleo ad hoc q̄ esset suavior in gustu. Et cuilibet de populo dabatur vna per modum fructus, vel alicuius superadditi ad cibos. Sic etiam ponitur. 2. Reg. 6. nisi q̄ ponitur ibi colirida ubi dicitur hic torta, sed pro eodem accipitur.

Quomodo benedixit David populum post sacrificia. Q̄. VI.

QUÆRITUR quomodo dicitur hic, q̄ David benedixit populum post sacrificia. R̄ndendū est, q̄ b̄ndicere est quasi bona dicere, & ideo quocunque modo aliquis bona dicat alteri, benedicit ei. Cōtingit tamen q̄ ista benedictio aliqui fiat à maioribus in minores, & aliqui à minoribus in maiores, vel ab equalibus inter se. Primo mō patet, sicut Deus d̄r benedicere nos, iuxta illud: benedicat nos Deus Deus noster, benedicat nos Deus, & metuant eum oēs fines terre, Psal. 66. De secundo patet, sicut nos dicimus benedicere Dñm, iuxta illud: Benedicā Dñm in omni tpe, Psal. 33. Et illud: B̄ndicite omnia opa Dñi Dño, Dan. 3. Et isto mō b̄ndicere nihil est nisi bona referre, s. quia annunciamus laudes Dei, & mirabilia, quę ipse fecit, & in hoc benedicim⁹ ei. Aliqñ etiam inter hoīes ipsi minores benedicunt maioribus, sicut dicitur Gen. 47. s. & benedicto rege egressus est foras, i. q̄ Jacob benedixit regi Pharaon, & tamen Jacob valde minor erat, & ista b̄ndictio fit p̄ imprecationē solā bonorū, vt q̄ diceret Jacob Pharaoni Deus exaltet thronū regni tui super oēs inimicos tuos, & longeuum te efficiat, & pax, & abūdātia oriatur in diebus tuis, vt per te in omnibus rectē agamus. Isto mō etiā competit b̄ndictio respectu equalium, quia vnus hō alteri sibi equali bona imprecatur. Et ob hoc qñ aliquis salutat aliū d̄r ei benedicere: sic enim d̄r. 2. Reg. 6. Et egressa Michol filia Saul in occursum David benedixit eū, i. salutauit eum, quia illi, qui saluant alios, imprecantur eis bona, vt cum d̄r: pax vobis sit: vel, sustineat vos Dñs. Sciendum etiam, q̄ benedicere aliqñ accipitur pro ipsa relatione vel imprecatione bonorū, siue sit inter equales, siue minorū ad maiores, siue ē contrario. Aliqñ aut̄ est benedicere bona imprecata efficere, nullum verbum dicendo, & ista benedictio est excellentior q̄ verbalis, & pertinet ad maiorem potētiam, & pertinet potissime ad Deū, qui pōt nobis conferre bona, quę precamur: sic patet Nu. 6. cum dixit Deus, q̄ sacerdotes benedicerēt populo in ista forma, s. b̄ndicat tibi Dñs, & custodiat te: ostendat Dñs faciem suā tibi, & misereatur tui. Conuertat Dñs vultum suum ad te, & det tibi pacē. Et tūc sequitur: Inuocabunt nomen meū super filios Israel, & ego b̄ndicā eis, q. d. ad sacerdotes nō pertinebat benedicere, sed solum inuocare nomē Dñi, dicēdo Dñs b̄ndicat tibi, & Deus solus b̄ndicebat, s. ipse solus conferebat bona, quę sacerdotes imprecabantur, sic etiā accipitur supra 13. & 2. Reg. 6. s. Benedixit Dñs domui Obededom pp̄ arcam, i. multiplicauit bona eius. Et illa benedictio non erat in verbo, sed in re. Sic etiā aliquādo hō d̄r benedicere alteri, i. benefacere sibi, vt accipitur infra in litera, s. reuersus est David in domum suam, vt benediceret etiam domui suę, i. non solum David b̄nfecit tabernaculo Dñi, & loco arcę, sed post hoc etiam reuersus est, vt benediceret domui suę, i. vt benefaceret ei gerendo curā de illa. Hic aut̄ accipitur solum pro imprecari bona, s. q̄ David gaudēs, q̄ oīa, quę pertinebāt ad istam solēnitatem expleta fuissent bene sicut erat in corde suo, conuersus est ad populū, & imprecatus est ei bona, dicens: Deus conuertat faciē suam ad vos, & longeuos efficiat vos: detq; videre filios filiorū vsque in quartam gñationē, ita vt quiete

F pacatissima, & cunctorū bonorū copia perfruantur. Et hoc dicebat David, q̄a viderat, q̄ oēs lētis cordibus ad arcē portationē accesserāt. Pōt ēr accipi hic b̄ndictio pro ipsa reali b̄ndictione, q̄ est bonū efficere, & hoc, q̄a David dimisit cibos per totū populū, sed primus modus melior est, quia hic ponūtur ista duo tanquam distincta, s. benedicere, & diuidere, cibos.

Quare dedit David cibos populo. Quæst. VII.

QUÆRITUR vterius quare nūc David dedit cibos populo, cum non essent in aliquo op̄e eius. R̄ndēdū q̄ fuit pp̄ multa. Primo pp̄ honorem arcę, nā David cum esset vir deicola voluit expēdere multa ad portationem arcę honorabiliter faciendā, quod apparuit in multitudine sacrificiorum quę fecit, nā post singulos sex passus, offerebātur septem arietes, & septem tauri corā arca, vt patet p̄ced. cap. & 2. Reg. 6. & quia ad magnū honorē arcę pertinebat q̄ congregaretur populus multus, & darentur cibi oībus de populo, vt lētarēntur de portatione arcę, ideo voluit David oībus dare cibos. Nam aliās non tantum gauderet populus de portatione, si postea non fieret aliqua iocunditas in cibis. Secundū erat, quia David conuocauerat totū populū ad portandū arcam, & hoc faciebat causa sui, i. quia volebat q̄ arca Dñi esset in domo sua, & benediceret ei sicut benedixerat domui Obededom, & non poterat fieri ista festiuitas nisi populo adueniente, ideo cum veniret populus pp̄ causam David, iussū erat q̄ ipse omnibus pvideret de cibis. tertiu fuit ad oñdēdū magnificētiā suā, nā David erat rex magnificus, & magnificētiā oñdēdū in actib⁹ magnis, q̄ excedūt cōes exp̄ias. Sic. n. erat q̄ toti populo daret cibos. 3. Ethic. de magnificētia. Decebat ergo q̄ aliqñ David oñderet talē actū magnificētię: nunq̄ in tā cōueniēter oñdere potuit sicut nūc qñ cōgregauerat totū populū ad portationē arcę, ideo nūc toti populo cibos dedit. Sic etiā erat de multis alijs regib⁹, q̄ ad oñdēdū magnificētiā suā totū populū suū inuitabāt. Sic. n. rex Assuerus tertio anno imperij sui fecit cōuiuiū grāde in vrbe Susis oībus principib⁹ regni sui centū & viginti septē diebus, & durauit cōuiuiū centū & octoginta diebus, & deinde septē diebus inuitauit totū populū, qui inuentus est in vrbe Susan, vt patet Esther. 1.

An David dederit etiam potum cuilibet de populo. Q̄. VIII.

QUÆRITUR vterius quō David solū dedit istos cibos, qui habētur hic cuilibet de populo, nā ponit hic cibos, & nihil d̄r de potu, nō est tñ cōpletū cōuiuiū, vbi potus deest. R̄ndēdū, q̄ aliqui voluerūt dicere, q̄ David dederit etiam pullā vini cuilibet de populo, & dicūt istud poni in litera, & ista est positio multorū Hebr̄corū, qui dicūt in Hebr̄co haberi ampullā vini, vbi nos dicimus hic, s. xā oleo similā. Sed falsum est, q̄a dictio Hebraica ibi posita nō pōt significare ampullā vini, sed ipsi mouentur ad hoc, q̄a nesciūt aliter quō r̄ndēant huic rōnī, q̄ fuerit cōuiuiū sine potu. Pōt tñ aliter tolli incōueniēs, potissime q̄a nunq̄ est litera distorta a sensu suo pp̄ aliqd, quod nobis videat magis, vel minus rōnabiliter dictū. Aliqs ergo dicet, q̄ David aut̄ nullū dedit populo, nisi id, q̄d habetur hic. Potū aut̄ nullū eis dedit, eo q̄ sine exp̄sis poterāt habere potū aquę. David aut̄ noluit dare nisi id, quod erat necessariū, & sed dicēdū q̄ non stat, primo quia istud obuiabat intentioni David, nam ipse volebat lētificare populū, vt esset consummata lētitia in portatione arcę. Si tamen David

David dans populo cibos non dedisset vinum, sed dimitteret populum, ut de aqua biberet, non letificaret populum, sed potius contristaret, quia vinum est id, quod letificat hominem, ut patet Psalm. 103. Ut educat panem de terra, & vinum letificet cor hominis. Vinum est, per quod magis obliuiscitur quis angustias suas, & laborum praeceptorum, quam per omnes alios cibos. Proverb. 31. Date siceram mœrentibus, & vinum his, qui amaro sunt animo: bibant, & obliuiscantur egestatis suae, & doloris sui non recordentur. Secundum erat, quia valde videbatur irrationabile, quod daretur ad regalem magnificentiam ostendendam conuiuium imperfectum, & sic erat, si daretur cibus sine vino. Tertio patet, quia praesupponitur falsum, scilicet quia ista, quae dedit David erant necessaria. Vinum autem non erat necessarium, quia poterat suppleri per aquam, quia aut accipitur necessarium pro necessario, vel pro utili, aut comodecenti. Si primo modo falsum est, quia solus panis, & aqua sunt de necessitate vitae Eccle. 29. Initium vitae hominis aqua, & panis, & vestimentum, & domum, praeterea turpitudinem. Si autem secundo modo, manifestum est, quod vinum utile est, & condecens ad cibos potiusquam ea, quae David dedit hic. scilicet caro, & similia frixa, nam saltem similia frixa pertinet omnino ad superabundantiam. Dicendum ergo quod David dedit cuilibet de populo vinum, & tamen Scriptura non curauit expressere per duo. primo, quia est si non exprimeretur in-bos populo, intelligebatur, quod etiam daret eis vinum, quia alias faceret rem imperfectissimam, quod non erat de eo concedendum. Secundum est, & precipuum, quia de cibis necesse erat fieri expressionem, de potu autem non. Et ratio est, quia in cibis poterat esse nimia diuersitas in multitudine ciborum, & in precio eorum, ideo ut sciretur quos cibos David dedisset, oportebat quod exprimeretur de omnibus. In potu autem non est sic, quia nullus potus potest dari in conuiuium nisi vinum, in quo non potest esse varietas, tam in multitudine, quam in precio, sicut in cibis: ideo non necesse est exprimere, quod David dedisset vinum cuilibet de populo, & tamen subintelligendum est.

Quare non dedit David populo plura cibaria quam ista.
Quasi.

IX.

QUAE RITUR Vtlerius quomodo David non dedit populo plura cibaria, quam ista. Nam videtur, quod in his non erat nisi cibus pro vna vice. Rationem potest, quod David fecit istam portationem in vna die de domo Obedom in domum suam, & pro illa dedit cibos populo. Pro reditu autem in terram suam non dedit eis aliquos cibos, pro vna vice tamen sufficiebant isti cibi, qui nunc fuerunt hic dari. Dicendum tamen videri melius, quod cum David vocauisset populum ad istam solemnitatem, & populus veniret propter causam suam, ipse voluerit providere populo totum, non potuit tamen providere populo in ueniendo de terra sua in Ierusalem, quia nesciebat, qui erant, qui venturi erant, nec de quibus locis. Et tamen postquam venerunt ad portandum arcam, voluit eis providere tam in stando, quam in redeundo, & ad hoc dedit eis omnes partes sacrificiorum pacificorum, ex quibus poterant sustentari duobus diebus. Pro quo sciendum, quod sicut declaratum est praeced. cap. in quadam questione, quod omnia animalia, quae oblata fuerunt coram arca, quae portabant offerebant in hostias pacificas. De hostijs autem pacificis maxima pars carnum prouenit offerenti. Immo omnes carnes animalis: nam praetexticulum, & arum dexterum cedebant in ius Sacerdotis immolantis Leui. 7. Obluit autem David nunc tot animalia, quae forte sufficerent duobus, vel tribus diebus, Alph. Tost. in lib. I. Paralip.

A cum post singulos sex passus portationis arcae offerretur septem tauri, & septem arietes praeced. cap. & 2. Re. 6. omnes istae carnes proueniebant David, qui iubebat ista animalia immolari, & ipse daret illa populo cum non essent sibi necessariae. Potissime cum esset ipse daret ultra hoc carnes, & panem, ut patet in litera: & propter hoc cum illis hostijs pacificis offerunt multi panes, ut patet Leui. 7. Si per gratiarum actionem fuerit oblatio, offerret panes absque fermento conspersos oleo, & lagana azyma uncta oleo, coctamque; similam, & collyridas olei admixtione conspersas, panes quoque fermentatos. Et de istis esset quaedam pars proueniebat Sacerdoti, & ceteri panes cedebant offerentibus, & sic cum oblatae fuissent multae hostiae pacificae in die portationis arcae, offerrentur etiam multi panes cum illis. Poterant autem comedi ista omnia eodem die, quo offerebantur, vel sequenti. Nam si erat hostia pacifica pro gratiarum actione, debebat comedi eadem die, qua offerebatur, vel sequenti. Nam si erat hostia pacifica pro gratiarum actione debebat comedi eadem die. Si autem ex voto poterat comedi eodem die, & sequenti. Et si aliquid superesset usque ad diem tertium, non licebat comedi, sed igne cremandum erat. Ista autem oblatio pacifica facta nunc a David poterat dici pro gratiarum actione. scilicet quod offerebat agens gratias pro liberatione Leuitarum, quia portantes arcam nulum nocumentum sentiebant. Vel poterat esse ex voto. scilicet quod David voueret post singulos sex passus offerre Domino septem tauros, & septem arietes, si Leuitas custodientes arcam illesos custodiret. Et quocumque modo dicebatur licebat comedi de hostijs illis eodem die, & sequenti, vel saltem eadem die, & sic populus habebat multos cibos de partibus istorum sacrificiorum. Et insuper David, ut complere daret eis cibos pro illa die, qua stabant, & forte pro aliqua die in redeundo, superaddidit singulis tortam panis, & partem carnis assae bubale, & simillam oleo frixam.

Constituitque coram arca Domini de Leuitis, qui ministrarent, & recordarenur operum eius, & glorificarent atque laudarent Dominum Deum Israel: Asaph principem, & secundum eius Zachariam. Porro Iaihel, & Semiramoth, & Ieihel, et Matathiam, et Eliab, et Banaïam, et Obedom Gethi super organa psalterij, et lyras, Asaph autem ut in cymbalis personaret, Banaïam verò, et Azihel Sacerdotes canere tuba iugiter coram arca foederis Domini. In illo die fecit David principem ad confitendum Domino Asaph, et fratres eius.

E Constituitque. Hic ponitur tertium huius partis, scilicet licet, veneratio arcae in diuino obsequio, & diuiditur in tria, quia primo ponitur Leuitarum, & Sacerdotum ministrantium nominatio. Secundo cantus eorum determinatio: ibi. *Confitemini Domino*. Tertio vtriusque confirmatio, vel stabilitio, ibi. *Dereliquit itaque*. Dicit ergo. *Constituitque coram arca Domini de Leuitis, qui ministrarent*. Scilicet, postquam finita fuit solemnitas portationis arcae, & populus remissus est ad propria, ordinauit David ministros de Sacerdotibus, & Leuitis, qui ministrarent coram arca. scilicet quia ista ministratio esset quotidiana, quandiu ibi maneret arca, & usque ad aedificationem templi per Salomonem. Et dicit de Leuitis, id est de Sacerdotibus, & Leuitis. Nam Leuita dicit

dicat hic genus, & non officium, & sic comprehendit Sacerdotes, cum tam isti quam illi essent de stirpe Leui. Patet hoc, quia non solum ministrabant hic Leuitæ, sed et Sacerdotes, ut patet in litera: nam Sacerdotes tubis clangebant, & istud nomen ministrationis est nimis generale, & significat tam ministrationes Sacerdotum in offerendo sacrificia, & clangendo tubis, quam officia Leuitarum in canendo coram arca, & custodiendo ianuas domus. Et recordarentur operum eius. Istud intelligitur specialiter de Leuitis, qui recordarentur operum Domini canendo laudes eius. Et fiebat hoc in Psalmis, quos Leuitæ componebant. Nam plurimi eorum continent historias antiquas, in quibus refertur, quod Deus aliqua miracula fecerit, vel aliqua beneficia populo suo contulerit, & patet hoc in primo Psalmo istorum duorum, qui ponuntur in litera, patet etiam Psalm. 77. & Psalm. 104. & 105. & 106. Et in quibusdam alijs, in quibus pura historia de mirabilibus, & de beneficijs Dei contextitur. Ista autem cum essent antiqua ibant in obliuionem, nisi homines aliqui referrent illa. Ideo Leuitæ recordabantur illorum. scilicet componendo Psalmos de istis, Et glorificarent atque laudarent Dominum Deum Israel. Glorificare est gloriam dare. Est autem gloria clara cognitio cum laude: quoniam ergo laudamus aliquem de rebus magnis, & per hoc facimus nomen suum, & famam apud multos innotescere, dicimur eum glorificare. Sic erat de Deo, quia aliqui erant, qui famam Dei Israel non audierant, & Leuitæ proferendo laudes eius faciebant nomen Dei venire in cognitionem illorum: ideo glorificabant Deum. Laudare autem est proferre magna facta alicuius, quia laus est sermo explicans magnitudinem, siue ex hoc sequatur diuulgatio nominis, siue non. Et est glorificare quasi inferius aliquid laudare, quia quicumque aliquem glorificamus laudamus illum. Et tamen quicumque laudamus aliquem non semper glorificamus illum, quia contingit, quod laudemus aliquem, & per hoc nomen suum non diuulgetur nimis: utrumque faciebant Leuitæ cantando coram Domino.

Asaph principem. Istum constituit Dauid nunc principem cantorum coram arca. Sic dicitur infra, in illo die fecit Dauid principem ad confitendum Domino Asaph.

Et secundum eius Zachariam. Id est, fecit secundum principes post Asaph Zachariam, vel fecit eum principem de secundo ordine cantorum. Sic. n. accipitur præced. cap. cum ponuntur Heman, Asaph, & Ethā, principes cantorum. Deinde in secundo ordine ponuntur Zacharias, & alij tredecim. Ita et erant nunc duo ordines cantorum, & primi, & excellentioris ordinis erat princeps Zacharias. Porro Iahiel, & Semiramoth, & Ichibel, & Matathiam, & Eliab, & Banaïam, & Obededom Gethai. Ponuntur hic varietates Leuitarum quantum ad organa musica, quibus utebantur. Et dicitur, quod quidam utebantur lyris, & psalterijs. Alij vero cymbalis, & isti primi octo, qui ponuntur in hoc versu, canebant in psalterijs, & lyris, & dicitur,

Super organa Psalterij. Organum est nomen generale ad omnia instrumenta tam musica, quam non musica. Et sic Psalterium vocatur organum. Nos tamen accipimus organa specialiter pro quodam vase musico, quo in Ecclesijs utimur. Et lyras. Id est, isti Leuitæ, qui nominantur hic habebant potestatem super organa Psalterij, & super lyras. scilicet, quod nulli alij canebant in psalterijs, & lyris nisi isti. Ponitur autem hic Obededom, & iste videtur esse ille, in cuius domo fuit arca. Nam sic dicit Iosephus 7. Antiqui, quod iste erat Leuita religiosus. Ponitur etiam Banaïas, & iste erat Leuita. Alius autem est Banaïas Sacerdos infra in litera. Sciendum etiam quod omnes isti octo, qui ponuntur hic nominantur præced. cap. & erant in secundo ordine

cantorum. Asaph autem, ut in cymbalis personaret. Erat iste princeps Leuitarum primi ordinis cantorum, & ipse canebat in cymbalis, quæ sunt vasa musica cneæ, quæ concussa tinnitum reddunt. Et sunt semper duo, & tenentur utraque manu, de quibus diximus præcedenti capitulo.

Banaïam vero, & Azihel Sacerdotes canere tuba iugiter. Hic ponitur de ministratione, quam habebant Sacerdotes coram arca in illa domo David. Et ponuntur duo Sacerdotes, scilicet, Banaïas, & Azihel: Banaïas putatur a quibusdam esse ille vir foris, qui ponitur in cathalogo fortium David. 2. Regum 23. & supra vndecimo. Et hoc tenet Iosephus 7. Antiqui, & tamen non est satis bene dictum, quod ille esset Sacerdos: erat namque laicus de tribu Iuda, ut declaratum est supra vndecimo.

Canere tuba iugiter. Scilicet, omni die, quia quolibet die ministrabant coram arca. Nicolaus autem dicit, quod iste clangor Sacerdotum, & etiam clangor Leuitarum fiebat quotidie dum celebraretur sacrificium matutinum, & vespertinum, sed hoc non videtur satis verum, ut declarabitur hic in quadam questione. Et tamen dato quod non celebraretur hic sacrificium matutinum, & vespertinum, quotidie clangebatur tubis propter solemnitatem.

Coram arca fœderis Domini. Scilicet, in domo illa, in qua erat posita arca. Sciendum autem quod istæ tubæ, quibus clangebatur, erant de tubis sacris, & ob hoc instituit Dauid Sacerdotes, ut clangerent in eis. Nam non licebat Leuitis clangere eis: Num. 10.

In illo die fecit Dauid principem ad confitendum Domino Asaph. Id est in illo die, quo fuit arca posita in domo David: nam illico voluit disponere de arca quomodo ministraretur coram illa, ut omnia ordinata fierent, vel potest intelligi in illo die, id est, in illo tempore, ita quod paucis diebus post istam portationem arce fecit Dauid istam ordinationem. Sic accipitur aliquando, sic habetur Nameri septimo: cum dicitur: Factum est autem in die, qua compleuit Moyses tabernaculum, & erexit illud, vixitque, & sanctificauit cum omnibus vasis suis, & obtulerunt principes Israel munera coram Domino. Manifestum est tamen, quod non fuerunt facta omnia ista eodem die, nec fieri potuerunt, ut probatum fuit ibidem. Et dicitur, quod constitutus fuit Asaph princeps ad confitendum Domino, id est, ad laudandum. Ipse enim fuit princeps cantorum, qui laudabant Dominum.

Et fratres eius. Id est, Leuitas de cognatione sua. Erat enim Asaph de familia Gersonitarum, ut patet supra 6. Et non est intelligendum, quod Dauid constituerit Asaph, & fratres suos principes, quia tunc principes essent, & non vnus princeps, sed intelligitur copulatiue, & non de copulato extremo, scilicet, constituerunt Asaph principem ad confitendum Domino, & constituerunt fratres eius, scilicet, ut essent cum eo adiuuando eum in cantu: non tamen erant ipsi principes, sed solus Asaph.

Quare constituit Dauid, ut canerent pro recordatione operum Dei.
Quest. X.

QVAERITUR Quare Dauid constituit Leuitas ad hoc quod recordarentur operum Dei canendo. Respondendum est, quod multæ utilitates sequuntur ex hoc. Prima erat, quia aliqui erant, qui non cognoscebant Deum nescientes magnitudinem suam, nec virtutem, sed reputabant Deum Israel tamquam vnum de dijs gentium. Cum autem Leuitæ canerent laudes, & mirabilia Dei, apparebat quod Deus Israel fecisset

fecisset aliqua magnalia, quæ nullus de diis gentium facere posset. Et illi, qui audiebant hoc incipiebant cognoscere, quod Deus Israel erat solus Deus, & erat maior diis gentium, sicut patet in littera in cantico illo cum dicitur horribilis nimis super omnes deos. Omnes enim dii populorum demonia. Dominus autem celos fecit. Secundum erat, quia intendebat David concitare omnes Israelitas ad laudandum Deum, & ut deuote ipsum colerent. Erant autem Israelitæ populis nimis terrestres, qui non mouebatur in Deum pro magnitudine, & bonitatem eius, sed pro utilitatem suam. Et sic non mouebatur nisi pro beneficiis. Oportebat igitur, quod ad hoc, quod mouerentur Israelitæ efficaciter enarrarentur eis sepe laudes Dei. Et hoc faciebant Leuitæ canendo Psalmos. Tertium erat, ut memoria beneficiorum Dei non iret in obliuionem, & non cessaret cultus eius. Nam si non narrarentur sepe beneficia Dei inter Israelitas veniret in obliuionem, & sic nesciret populus quid fecisset eis Deus, vel pro quid colebant eum, & consequenter tepescerent in deuotione circa eum, & forte desererent cultum eius. Cum autem enarrabantur sepe beneficia eius, populus recordabatur bonorum sibi collatorum, & sciebat Deo se esse obnoxium ad colendum eum. Quartum erat pro laudem Dei. Nam magis laudabat Deus cum enarrabantur virtutes, & magnalia eius, quam cum nihil de eo dicebatur. Est tamen homo obligatus ad laudandum, in quam Deo cultum quendam exhibemus. Non est autem aliquis cultus Deo magis acceptus, quam laudare ipsum. Nam magis placet hoc, quam quod sacrificetur sibi, ut patet Psalm. 49. cum Deus dicit: Audi popule meus, & loquar tibi: non in sacrificiis tuis arguam te: holocausta enim tua in conspectu meo sunt semper, id est, non redarguam te quia non des mihi sacrificia. Et sequitur: Non accipiam de domo tua vitulos, nec de gregibus tuis hircos, id est, non capiam a te ista animalia pro sacrificio, quia non egeo illis. Et subditur causa, quoniam mecum sunt omnes feræ bestiarum, iumenta in montibus, & boues. Cognoui omnia volatilia celi, & pulchritudo agri mecum est. Si esuriero non dicam tibi, meus est enim orbis terra, & plenitudo eius. Nunquid manducabo carnes taurorum, aut sanguinem hircorum potabo? Et semolam Deo sacrificium laudis, & redde Altissimo vota tua: Et iterum ibidem dicitur: Sacrificium laudis honorificabit me. Conuenienter ergo statuebatur, quod Leuitæ recordarentur beneficiorum Dei. Quintum erat, ut non venirent in obliuionem causæ ceremoniarum: Deus enim instituerat multas ceremonias obseruari ad cultum suum, quæ habebant causas, & propter hoc principaliter iusserat illas obseruari, ut per obseruationem illarum recordarentur Israelitæ beneficiorum Dei. Sicut Deus statuit, quod celebraretur Pascha quartadecima die mensis primi in memoria, quod Deus liberauerat illa die Israelitas de Aegypto. Et tunc etiam immolauerant agnum, & comederunt tunc azyma, ut recordarentur, quod egressi fuissent de Aegypto cum pauore, & celeritate magna. Et tanta fuit celeritas, quod non ausi fuerant fermentare massam, sed azymam eam tulerunt, & in itinere postea fecerunt panes azymos: sic dicitur Deuter. 16. Septem diebus comedes absque fermento afflictionis panem, quia in pauore egressus es de Aegypto, ut memineris diei egressionis tuæ de Aegypto omnibus diebus vite tuæ. Etiam Deus iussit, quod primogenita hominum redimerentur quinq; siculis, & darentur primogenita Leuitarum pro primo genitis aliarum tribuum, eo quod ab illo die, quo Deus

A liberauerat primogenita Israelitarum ab Angelo percutiente primogenita Aegyptiorum: fuerunt omnes primogeniti Israelitarum obligati Domino. Num. 3. & 8. Sic etiam iussit, quod primogenita pecorum offerrentur Domino, & hoc quia liberauerat primogenita pecorum Israelitarum in Aegypto, quoniam Angelus exterminator occidebat omnia primogenita pecorum Aegyptiorum, ut patet Exo. 12. & 13. Sic etiam iussit, quod Israelitæ facerent festum tabernaculorum quolibet anno mense septimo, eo quod Deus fecerat Israelitas per desertum habitare in tabernaculis. Sic patet Leui. 23. scilicet omnes, qui de genere Israel est, manebit in tabernaculis, ut discant posteri vestri, quod in tabernaculis habitare fecerim filios Israel, cum educerem eos de Aegypto. Et non solum iubebat Deus fieri istas ceremonias propter illa beneficia, sed etiam volebat, quod per istas ceremonias recordaretur beneficiorum præstitorum: sic patet Exo. 13. cum dicitur. Cum interrogauerit te filius tuus cras, quid est hoc. Rñdebis ei, cum induratus esset Pharaon, & noluit nos dimittere, occidit Dominus omnem primogenitum in terra Aegyptia primogenito hominis usque ad primogenitum iumentorum. Idcirco immolo Domino omne quod aperit vuluam masculini sexus. Et omnia primogenita filiorum meorum redimo. Sic etiam generaliter Deus iussit, quod redderet causa de omnibus ceremonijs, & præceptis iudicialibus, ut patet Deut. 6. dicens: Cum interrogauerit te filius tuus cras, dicens: quid sibi volunt testimonia hæc, & ceremoniæ, quæ præcepit Deus? Dices ei, serui eramus in Aegypto, & duxit nos Dominus in manu forti, & introduxit in terram, super quam iurauit patribus nostris, præcepitque nobis, ut faciamus omnia legitima hæc. Iubebat etiam Deus interdum aliqua signa in terra ad memoriam beneficiorum aliquorum, sicut quia transierunt Israelitæ per Iordanem, & apertus fuit fluuius, iussit Deus, quod duodecim lapides educerent de Iordane, & portarentur in Galgalam, ut ibi manerent in memoriam, quod duodecim tribus Israel egressæ de Aegypto transierunt Iordanem pede sicco. Et iussit alios duodecim lapides existentes extra alueum poni intra pro eadem causam, ut patet Iosue 4. scilicet quod quoniam viderent Israelitæ illos lapides recordarentur, quod Deus fecerat diuidi Iordanem coram eis, & sic erat valde utile, quod Leuitæ recordarentur operum Dei facientes Psalmos de illis.

An verum sit, quod Asaph fuerit factus princeps.
Quest. XI.

QUÆRITUR Vtlerius quomodo dicitur hic, quod Asaph fuit factus princeps ad confitendum Domino. Nam dicitur quod non erat ipse princeps, sed magis Heman, vel Ethan, & quod isti erant sapientiores. Patet, quia isti duo comparantur Salomoni in Sapientia, & non Asaph, ut patet 3. Reg. 4. scilicet. Erat sapientior Salomon cunctis hominibus, & erat sapientior Ethan Ezraita, & Heman, & Galgal, & Dorda filijs Maol. Item sapientior erat Chonenias quam isti tres. Nam isti tres positi fuerunt principes cætorum in tribus familijs, & Chonenias fuit positus princeps super omnes, ut patet præcedenti capitulo. & datur ibi causa, scilicet, quia erat valde sapiens. Item dato, quod Heman, vel Chonenias non essent principes super Asaph, & alios, saltem non esset Asaph maior eis, & tamen hic dicitur, quod erat princeps.

Respondendum, quod Asaph fuit nunc positus princeps inter cantores, qui manserunt coram arca, & non fuerunt inter eos Chonenias, nec Heman, nec Ethan. Pro quo sciendum, quod non fuit idem ordo nunc manente arca in domo David, qui fuit

prius cum portaret, vel postea ædificato templo Salomonis, nec et antequam portaret arca, & edificaret templum. Nam antequam arca portaret in domum David, sed maneret in Cariathiarim, erat tabernaculum Domini in Gabaon. Et tunc vivebant isti tres principes cantorum, scilicet Hemā, & Asaph, & Ethā, & sapientissimus eorum Chonenias. Et erant isti cantores in tabernaculo Domini in Gabaon, & ibi erant distincti cantores Levitarum per tres familias, & princeps Caathitarum erat Hemā consistens cum cantoribus suis in medio Sanctuarii; princeps Gersonitarum erat Asaph consistens cum cantoribus suis ad dextram partem Sanctuarii, princeps familie Meraritarum erat Ethā consistens in parte sinistra Sanctuarii. Et iste ordo ponitur §. 6. Et tunc non præerat Chonenias super omnes familias, sed tres nominati erant supremi principes non subordinati invicem, & duravit hoc usquequo ducta fuit arca de domo Obededom in domum David. In portatione autem arcæ fuit alius ordo, scilicet quod omnes cantores Levitarum divisi sunt in duos choros, siue in duos ordines. Et in primo ordine erant cantores de omnibus tribus familiis Levitarum, & in secundo ordine et de omnibus tribubus, & tamen in primo ordine erant principes tres, scilicet Hemā, Asaph, & Ethā, quilibet inter cantores familie suæ, quamquam omnes essent in eodem ordine. In secundo ordine erant quatuordecim principes, & primus erat Zacharias, & deinde alij, qui ponuntur præced. cap. in versu, qui incipit in secundo ordine Zacharias. Et deinde super omnes cantores primi, & secundi ordinis erat unus princeps, cui omnes erant subordinati, scilicet Chonenias. Et iste ordo ponitur præced. ca. deinde posita arca in domo David fuit alius ordo. Nam non manserunt ibi omnes Sacerdotes, & Levites, qui fuerunt in portatione arcæ, sed pauci de Sacerdotibus, & pauci de Levitis. Et ceteros autem misit David in Gabaon, tam Sacerdotes, quam Levitas, ut ministrarent ibi coram Domino. Nam Sadoc summus Sacerdos missus est illuc, & Hemā, & Iditum, & omnes alij Levites electi, ut patet §. in littera. Et tunc de tribus principibus cantorum non mansit aliquis coram arca nisi Asaph, & fratres eius. Et sic dicitur hic, quod constitutus est princeps ad confitendum Domino, scilicet princeps ad canendum inter omnes illos, qui stabant coram arca. Et tamen non simpliciter princeps omnium cantorum. Et quia maior valde erat ministratio Sanctuarii in Gabaon, quam ministratio coram arca in domo David, missi fuerunt omnes principes Levitarum ad ministrandum in Gabaon propter Asaph. Et iste ordo duravit toto tempore, quo vixit David, & etiam postquam cepit regnare Salomon quasi undecim, vel duodecim annis regni sui usquequo consummatum est templum, quia ante consummationem eius semper mansit arca in domo David, & Sanctuarium in Gabaon. David autem ante mortem suam statuit ordinem, quem tenere deberent Sacerdotes, & Levites. Et istum tenuerunt semper post mortem David in templo ædificato per Salomonem, & in templo ædificato post reditum de Babylone usque ad natiuitatem Christi. Et tunc non fuerunt Hemā, Ethā, & Asaph principes omnium cantorum, sicut in portatione arcæ, nec et fuit princeps omnium Chonenias, sicut in eadem portatione arcæ præced. ca. Nec etiam fuit princeps solus Asaph, sicut quandiu mansit arca in domo David, ut patet hic, sed fuerunt distincti omnes Levites per vigintiquatuor partes. Et quælibet pars ministrabat suo tempore §. 25. & sic ista littera solum intelligitur de ordine cantorum, quæ fuit quædiu mansit arca in domo David. Ad primam rationem in prius dictam, quod Hemā, & Ethā erant viri sapientes valde, & comparatur Salomoni in sapientia, sed ex hoc non apparet clare an essent sapientiores quam Asaph: dato tamen quod essent sa-

pietiores, non sequitur, quod ipsi deberent esse principes cantorum, & non Asaph, quia istud aliquo modo vigeret si omnes Levites simul essent, & constitueret Asaph in principem cantorum, & non Hemā, nec Ethā, & tamen nunc non erant omnes cantores simul, sed quidam in domo David coram arca, alij vero in Sanctuario Domini in Gabaon. Et Asaph erat princeps cantorum, qui erat coram arca. Credendum est autem, quod multo plures cantores erant in templo Domini quam coram arca, & sic principes eorum Hemā, & Ethā possent esse digniores quam Asaph, qui erat princeps cantorum, qui erat coram arca. Ad secundum dicendum, quod Chonenias erat sapientior omnibus cantoribus præced. ca. Et ideo si simul manserent omnes cantores, debebat princeps eorum esse Chonenias, sicut in portatione arcæ, quando fere omnes simul erant præced. cap. hic tamen solum agitur de cantoribus, qui manserunt coram arca, & princeps eorum fuit Asaph. Chonenias autem fuit de illis, qui in templo Domini ministraverunt. Ad tertium dicendum verum esse, quod Asaph non debebat esse maior Hemā, & Ethā, & Chonenias, sed saltem esset equalis eis. Et sic fuit, quia non præerat aliquibus illorum, cum Heman, & Ethā, & Chonenias essent in Sanctuario Domini in Gabaon, & Asaph præesset cantoribus, qui erant coram arca.

An Zacharias fuerit secundus.

Quest. XII.

QUÆRITUR Vterius quo dicitur hic, & secundus eius Zachariam. scilicet quod Asaph fuit primus, & Zacharias fuit secundus. Aliqui dicunt, quod istud intelligitur de duobus ordinibus cantorum, qui ponuntur præced. cap. qui fuerunt in portatione arcæ. scilicet quod illi duo ordines cantorum manserunt nunc coram arca, qui erant in portatione eius. Sed dicendum, quod istud non stat, primo patet, quia in primo ordine cantorum, sicut habetur præcedenti cap. erant tres principes, scilicet Heman, Ethā, & Asaph. Et tamen nunc princeps erat hic princeps nisi Asaph, quia alij duo erant principes inter cantores, qui erant in Sanctuario in Gabaon infra in littera: ergo non ponitur hic primus, & secundus ordo, qui habetur præced. cap. Secundo patet, quia in secundo ordine cantorum, qui ponitur præcedenti cap. in versu, qui incipit in secundo ordine Zachariam, ponuntur quatuordecim principes cantorum. Hic autem soli octo. Tertiò patet, quia hic dicitur, quod isti canebant in organo Psalterij, & lyris. Et tamen præced. cap. distinguuntur principes cantorum secundi ordinis in duas partes, & de primis dicitur, quia in nablis arcana cantabant. De secundis dicitur, quod cantabant in citharis pro octava, ergo non sunt isti illi, qui ponuntur ibi in secundo ordine. Quartò patet, & efficacius, quia sicut fuit declaratum præcedenti cap. omnes cantores familiarum Levitarum divisi fuerunt in duos ordines, & in quolibet eorum erant Levites de omnibus tribus familiis. Et tamen nunc non poterant esse Levites coram arca de omnibus familiis, ita quod omnes convenissent in Gabaon plurimi Levitarum erant in Sanctuario Domini in Gabaon. Dicendum ergo quod hic non manserunt illi duo ordines cantorum, qui fuerunt in portatione arcæ, eo quod nunc pauci de Levitis manserunt coram arca redeuntibus omnibus alijs in Gabaon, sicut declaratum est præced. questione. Istorum autem, qui manserunt coram arca, princeps maximus fuit Asaph. Et de hoc dicitur hic, quod fecit eum David principem ad confitendum Domino. De Zacharia autem dicitur, quod fuit secundus. Et potest intelligi dupliciter, uno modo, quod omnes cantores, qui manserunt coram arca fuerunt indivisi, & princeps eorum, cui omnes subordinabantur, erat Asaph, & sub hoc erant alij principes minores, & primus

& primus istorum post Asaph, qui erat secundus in ordine omnium principum erat Zacharias, & deinde alij, & ob hoc vocat secundus eius. i. secundus post eum. Alii potest intelligi, quod isti pauci, qui manserunt coram arca de cantoribus diuisi fuerunt in duos ordines, & princeps primi ordinis fuit Asaph, & iste est princeps maximus. Princeps secundi ordinis erat Zacharias. Et ob hoc vocat secundus princeps. i. princeps secundi ordinis. Et iste modus est verior. scilicet quod de duobus ordinibus cantorum, qui fuerunt in portatione arce assumpti fuerunt aliqui Leuitę, qui manerent coram arca, & illi, qui erant de primo ordine, manserunt in primo ordine, & qui de secundo, manserunt in secundo, & principes de eisdem ordinibus manserunt cum eis. Erat. n. Asaph vnus de tribus principibus primi ordinis, ideo mansit princeps super illos, qui manserunt de primo ordine coram arca. Zacharias autem erat vnus de principibus secundi ordinis præced. cap. & tunc mansit princeps illorum, qui erant de secundo ordine. Sciendum in quo in secundo ordine cantorum, qui fuerunt in portatione arce, erant principes quatuordecim præcedenti cap. Nunc verò cum non manserunt coram arca omnes illi Leuitę, qui erant de secundo ordine, etiam non manserunt omnes principes Leuitarum eiusdem ordinis, unde solum ponunt hic octo Leuitę cum Zacharia. Et omnes isti erant principes secundi ordinis.

Quomodo canebant aliqui super organa Psalterij, & alij aliter.

Quæst. XIII.

QVAERITVR Vterius quomodo dicitur de istis Leuitis, quod erant super organa Psalterij, & Lyras. & dicitur de Asaph, quod erat super cymbala.

Rõndendum est, quod cantores Leuitarum canebant in voce, & in organis musicis: & ob hoc vtriusque varijs organis ad faciendum multiplicem & consonantem melodiam. Dabant autem quibusdam Leuitis quatuor organa, & alij alia, & in illis canebant. Et quia cantores, qui nunc manserunt coram arca erant de primo, & secundo ordine, cantores qui fuerunt in portatione arce tenuerunt eundem modum, quem illi. Erant autem illi distincti inter se primo in organis musicis. Nam de illis, qui erant in primo ordine dicitur, quod in cymbalis aeneis cõcrepabant. scilicet Hemã, Asaph, & Ethã. Qui autem erant in secundo organo canebant in alijs, ut patet præced. cap. Nam quidam canebant in cytharis, & alij in nablis. secundo differebant in rebus, quas cantabant, quia de quibusdam dicitur, quod in nablis arcana cantabant. De alijs verò dicitur, quod canebant in cytharis pro octaua psalmodie. Ita nunc Asaph fuit de principibus primi ordinis, ideo ipse canebat in cymbalis, sicut omnes tres principes eiusdem ordinis. eod. cap. Zacharias autem, & alij de quibus hic erant de secundo ordine: id est canebant in alijs organis. scilicet in psalterijs, & liris, ut patet in litera.

Quare fecit David Sacerdotes canere tuba. Quæst. XIII.

QVAERITVR Vterius quare dicitur hic, quod David fecit Sacerdotes canere tuba iugiter coram arca Domini. Dicendum, sicut sanctum fuit declaratum, quod iussit Sacerdotes canere, quia isti tubę erant subbeant quod non licebat alicui canere in tubis sacris, nisi Sacerdotibus, ut patet Numeri 10. Sed tunc dicitur, quare iubebat quotidie cani in his tubis, quia Deus determinauit ipsi, in quo caneret, ut patet Numeri 10. scilicet si quando habebitis epulum, & dies festos, & Kalendas canetis tubis super holocaustis, & pacificis victimis. Et in quodam die non erant Kalendę, quia illi sunt primi dies mensis, nec tunc erat quotidie dies festus, nec habebat epulum. Ideo non licebat iugiter cani tuba.

Alph. Tost. in lib. I. Paralip.

A Rõndendum, quod quotidie canebant Sacerdotes tubis coram arca propter solemnitatem eius, quia ille clangor tubarum nimis sollemnizabat omnes ceremonias, quę fiebant coram arca. Et cum dicitur, quod clangeretur tuba in Kalendis, & diebus festis, quę non erant quotidie, dici potest dupliciter. vno modo, quod illud præceptum est affirmatiuum, scilicet, quod Sacerdotes tenerentur diebus illis clangere tubis. Et tamen nihil negat. san in alijs diebus possent tubis canere. Et sic David faciebat, quod quotidie caneretur tuba cum esset nimis diligens ad solemnizandum arcam. Secundo potest dici, quod solum liceret diebus illis clangi tuba. Et tamen hic accidebant illi dies. Nam dies festus dicitur dupliciter. vno modo, quia est festum ordinarium, & consuetum, & sic erant in veteri testamento pauca festa, de quibus habetur Leui. 23. Cum dicitur hæc sunt ferię Domini. Et Numeri 28. & 29. Alia erant festa, quę voluntarię fiebant a populo propter laudem Dei ex aliqua causa, sicut postea sunt institutum festum purificationis templi tempore Machabeorum, ut patet 2. Machab. primo. Et festum inuocationis, vel dedicationis secundi templi post reditum de captiuitate Babylonis, & vocatur solum Enceniorum, de quo Io. 10. Sic etiam fuit festum Machabeorum, quando Iudæi occiderunt hostes suos, & constituerunt diem solemnem, & celebratur 14. & 15. die mensis Adar, scilicet, triginta diebus ante Phasem, ut patet Esther. 9. Sic etiam poterant quotidie instituire festiuitates, quorum observatio duraret singulis annis, vel fieret solum semel. Ita nunc factum est existente arca in domo David, quia ipse propter honorem arce faciebat omnes dies solemnes saltem quantum ad obseruationem ceremoniarum: Ideo poterat quotidie cani tuba. Item Deus iussit cani tuba propter solemnizationem ceremoniarum. Et ob hoc cum in festiuitatibus, & Kalendis, & etiam quando populus aliquod magnum conuiuium facit, sunt homines dispositi ad solemnizandum magis cultum Dei, offerendo plura sacrificia, & astando ceremonijs: Ideo Deus specialiter iussit his diebus cani tuba, & tamen clangor ille erat non propter dies festos, nec propter Kalendas, nec epulas, sed propter sacrificia, quia in illis diebus fiebant, sic patet Numeri decimo, scilicet. Si quando habebitis epulum, & dies festos, & Kalendas, canetis tubis super holocaustis, & pacificis victimis, ut sint vobis in recordationem Dei vestri. David tamen quotidie faciebat offerri multas victimas in honorem arce, quamquam non esset dies festus, nec epulum, nec Kalendę. Ideo satis conueniebat, quod quotidie faceret clangi tubis coram arca.

An verum sit, quod Sacerdotes canerent iugiter tubis coram arca.

Quæst. XV.

QVAERITVR Vterius circa hoc, quod dicitur hic Nicolaus, scilicet, quod Sacerdotes canebant iugiter tubis coram arca in sacrificio matutino, & vespertino, an hoc verum sit.

E Dicendum, quod Nicolaus putauit hoc esse verum, quia dicitur hic, quod canebant tuba iugiter. Et ipse intelligit, id est, in sacrificio iugi. Vocatur autem iuge sacrificium ipsum matutinum, & vespertinum, ut patet Numeri vigesimo octauo. Et tamen non potest hoc stare, quia non offerebatur coram arca Domini sacrificium iuge. Nam sacrificium iuge erat de ceremonijs maxime necessarijs legis, quod propter nullam causam dimittendum erat, etiam si multa alia sacrificia fierent, ut colligitur Leui. octauo, & Numeri 28. Omnia tamen talia fiebant in

bant in Sanctuario Dñi in Gabaon, vt j. pbabit. Item patet hoc magis clarè, quia j. in lra dñ. q. David iussit Sadoc summo Sacerdoti, & fratribus eius, q. offerret in Gabaon in Tabernaculo Dñi holocausta sup altare holocaustorum iugiter mane, & vespere. Nō ergo poterat fieri sacrificium iuge matutinū, & vespertinum coram arca Dñi cum offerret in Gabaō. Dici tñ pōt, q. offerri faceret David alia sacrificia corā arca mane, & vespere, sicut matutinū, & vespertinū, q. offerebant in Sanctuario, & tñ ista non erant illa, q. vocant in lege matutinū, & vespertinū. Dicendū igitur q. non clangebant Sacerdotes tubis corā arca in sacrificio matutino, & vespertino, cū ibi non offerrent, sed clangebant qñ offerebāt quēcunq; alia sacrificia, siue holocaustorū, siue pacificorū, q. sic De⁹ iusserat Nu. 10. f. canetis tubis sup holocaustis, & pacificis victimis.

Confitemini Domino, & inuocate nomen eius, notas facite in populis adinventiones eius.

Confitemini. Hic ponit s̄m huius partis, f. cantus determinationis. Et diuidit in tria, quia primo populus Iudaicus ad laudandū Deum inducit. Secundo totus orbis ad hoc persuadetur ibi. *Canite Domino omnis terra.* Tercio qdam additio ad cantum apponit, ibi. *Et dicite saluamur.* Circa primum dñ. *Confitemini Domino.* Sciendū, q. hic ponunt duo Psalmi, qui habent in Psalterio. Et ponunt ordine p̄uerso. Nā primus eorū est Psal. 104. Secundus est Psal. 95. & dñ. *Cōfitemini Dño.* Duplex est confessio, vt ait Nicol. f. quādā confessio humilitatis s̄m quā quis cognoscit errorem suum, & p̄fitē illum. Secūda est cōfessio diuinę laudis. Et dicit, q. prima p̄mittit hic cum dñ. *Confitemini Domino.* Et secunda ponit ibi cum dñ. *Cantate ei, & psallite.* Et hoc quia ad hoc, q. exaudiat oīo alicuius debet prius humiliari, Eccl. 3. 5. Oīo animę humiliantis se celos penetrabit. Sed dicendū, q. hoc non stat, quia hic nō ponit aliqua cōfessio peccatorum, quod patet, quia dictio Hebraica hic posita significat laudē, & nō fateri, vel asserere peccata. Iō dicēdū, q. totū pertinet ad diuinā laudē. f. *Confitemini Domino.* Id est laudate eū. Et ponit hic laus eius in gñali, deinde in spāli. *Et inuocate nomen eius.* Pōt dupliciter intelligi, vno mō, q. inuocet nomē Dñi in laude. f. quia laudando Deū solet homo facere mentionē de noīe Dei: & laus est Dei, q. exprimat nomē eius tamquā laudabile. Secundo pōt intelligi q. inuocet nomen Dñi in adiutorium, f. qñ fuerimus in aduersitatibus, q. noīemus nomen Dñi, & saluabimur iuxta illud Actū 4. f. Nec. n. nomen aliud est sub celo datum hominibus, in quo oporteat nos saluos fieri. f. nisi nomen Iesum. & laus Dei est, q. homo inuocet nomen eius in tribulationibus, quia per hoc asserit Deum habere virtutem ad liberandum. Nā alias non inuocaret nomē eius: sic patet de gubernatore, qui dixit ad Ionam surge, & inuoca Deum tuum, si forte cogitet de nobis, & non pereamus: hic tñ accipitur inuocare primo mō. *Notas facite populo adinventiones eius.* Dñ hoc ad Hebræos, q. ipsi notificent omnibus populis miracula excogitata Dei, ad hoc q. Gentiles scirent miracula Dei. Vocantur autem adinventiones modi operandi, vel viuendi nouiter inuenti. Et sic dicuntur adinuētiōes, quia inueniuntur, & communiter in Scriptura vocantur adinventiones modi viuendi, quos reperiēbant Israelitę contra legem Dei, & Deus nō dederat eis illos, sed quasi de mente sua confinxerant: dicuntur adinventiones. Et sic sepe dñ q. Israelitę offēdebant Deum in adinventionibus suis. Nunc autē vocantur adinventiones aliqui modi proprii operandi Dei excogitati a Deo, qui

non erāt cōes hominibus, nec alijs dijs. Sic enim sunt omnia opera miraculorum, quia nullus homo, nec quisquam de dijs gentium miraculum facere pōt, vnde Deus verus adinuenit sibi istum modum operandi, & vocat adinuentio sua. Sic dñ Psal. 110. Magna opera Dñi exquisita in oēs voluntates eius. i. miracula, quę sunt opera Dei magna sunt exquisita. i. excogitata, vel adinuenta ab eo. Et quia Scriptura volebat mouere Hebræos ad narrandum miracula Dei gentibus dixit, q. notas facerent populis adinventiones eius. Alia litera habet notas facite populis cogitationes eius, & alia litera dicit annunciate inter gentes opera eius, sed idem est, quia adinventiones Dei sunt miracula ab eo facta, quę vocantur opera inquantum ab eo fiunt, & vocantur cogitationes inquantum Deus quidquid agit, cum consilio agit, quia agens sine cogitatione, vel est ens irrationale, sicut inanimata, & bruta, vel habēs imperfectum vsum rōnis, sicut stulti. Possunt autē vocari adinuētiōes Dei non quilibet miracula, sed quādā, quę pertinent ad quādam cautelam, vel prudentiam. Nam q. Deus subuerit vrbes Sodomorum, & genus humanum deleuerit dilunio vniuersali: Genes. 7. & 19. miracula sunt, pertinent tñ ad magnam potentiam, & non ostendunt specialiter aliquam cautelam, vel prudentiam: ideo non vocantur adinventiones, sed solum miracula. Alia autē erat miracula, quę simul importabant potētiā Dei, & quādam prudentiam, sicut q. Deus fecit sonitum curruum, & equorū in castris Syrię per noctem, & fugerent Syri tamquam si persequerētur eos hostes, cum secundum veritatem, nihil esset. 4. Reg. 7. sic erat quando Deus excecauit Syros venientes ad capiendum Elisæum, ita vt videntes eum non agnoscerent, sed portarentur ab ipso ad urbem hostilem, & cum fuerunt in medio vrbis tunc viderunt, q. erant in terra hostili. eod. lib. cap. 7. Et sic de multis.

Cantate ei, & psallite ei, & narrate omnia mirabilia eius, laudate nomen sanctū eius, lætetur cor quærētium Dominum. Quærite Dominum, & virtutem eius, quærite faciem eius semper. Recordamini mirabiliū eius, quę fecit, signorum illius, & iudiciorū oris eius.

Cantate ei, & psallite. Ponitur hic laus Dei magis in speciali. Nam supra dicebatur in generali. *Confitemini Domino,* scilicet, quod laudaremus eum, quia tamen multipliciter laudari potest, ponuntur hic modi varij, & vnus est in voce, & de hoc dicitur hic canite. Alius est in vasis musicis, & de hoc dicitur psallite. Nam psallere est in vasis musicis cantare, & inde dicitur Psalterium vas musicum decem cordarum.

Et narrate omnia mirabilia eius. Ponebatur supra laus Dei quantum ad modum proferendi, scilicet, in voce, & in vasis musicis: hic ponitur laus Dei quantum ad materiam, de qua agere debent laudantes Deum, scilicet, de mirabilibus eius. Nam de hoc est præcipua materia Psalmorum. Et dicitur narrate omnia mirabilia eius, scilicet, tam illa, quę continent aliquam specialem cautelam, & vocantur adinventiones, quā illa, quę solam potestatem videntur generaliter continere, & vocantur mirabilia.

Laudate nomen sanctum eius. Scilicet, dicendo, q. nomen Dei est gloriosum super oīa noīa, & ipsum solum est laudabile. Nam laus est sermo exprimens magnitudinem.

magnitudinem, & nullus est verè magnus nisi Deus: ideo nomen suū solum est laudabile, iuxta illud Psal. 47. Magnus Dñs, & laudabilis nimis, idest, quia magnus est, & nimis laudabilis. Alia litera habet. Laudamini in nomine sancto eius, & alia litera: Exultate in nomine sancto eius. Et idem est, quia non solū homo debet laudare nomen Dñi, sed et debet seipsum laudare, & dicere se esse felicem, quia talem Deū habet, sic patet Psal. 143. Beatus populus, cui hæc sunt, & Beatus populus, cuius Dñs Deus eius. Et Psal. 145. Beatus cuius Deus Iacob adiutor eius. Sic et Moyses laudabat gentem Israelitarum super alias gētes pp Deū, quem habebat Deut. 4. Nec est alia natio tam grādis, quæ habeat Deos appropinquantes sibi, sicut adest Deus noster cūctis obsecrationibus nr̄is. Rectè ergo dñs laudamini in noīe sancto eius. Et iā illi, qui habebāt Deum Israel in Deum debebant gaudere pp hoc, iō dñs: Exultate in noīe sancto eius. Vocat nomen suum sanctum. i. incontaminatū, quia magnæ reuerētiæ est, & non debet noīari ad res vanas, & immundas. Nam non effugiet impunitus, qui sic illud noīauerit. Exo. 20. & Deut. 3. *Letetur cor quærentium Dominum.* Idest, q̄pliciter intelligi, vno mō de illis, qui quærūt Dñm in aduersitate ad hoc, q̄p liberet eos. Et tunc est sensus, quod quærentes Dñm letent, quasi dicat, Deus est magnus, & pōt succurrere quærentibus eum. Ideo letari debent, qui quærent eū potiusquā illi, qui quærent in aduersitatibus suis deos impotentes liberare eos, sic fuit de Israelitis, qñ portauerunt arcam Dñi in bellū, & cōfidentes, quod posset eos liberare iubilabāt voce magna in castris, & audierunt Philistini, & dixerūt: non fuit tanta exultatio heri, & nudius tertius: vñ nobis venit Deus in castra, vñ nobis. Ipsi verò Philistini, quia quærebant deos in adiutorium suum, de quoniam viribus nō confidebant, tristabant, dicētes: Quis liberabit de manu deorū sublimiū istorū? 1. Reg. 4. Sic et Elias, qñ habuit disceptationē cū Prophetis Baal, quis Deus daret ignē in sacrificio suo, gaudebat nimis, cōfidēs quod Deus Israel daret ignē, & insultabat Prophetis Baal, quia nō possent habere ignem: & irridens dicebat clamare voce maiore: Deus. n. est, & forsitan loquit, aut in diuerso, aut in itinere, aut certe dormit, vt excite. Cultores autē Baal quærentes eum, quia non plenē cōfidebant de eius adiutorio, tristabant, & affligebant se percutientes lāceolis vique ad effusionem sanguinis. 3. Reg. 18. Secundo mō pōt intelligi letet cor quærentium Dñm. i. cultorum eius. Nā quærentes Dñm est colere ipsum, & sic aliqñ Israelite faciebant pactum, vt quærerēt Dñm, sic dñs sequēti lib. c. 15. Si quis non quæserit Dñm Deū Israel morietur, vt quærent Dñm. Et tñ scdus fiebat de seruādo legē Dei. Debent autē letari cultores Dñi, eo q̄p colligant de dño suo si sciunt se habere dñm excellētiorem q̄ alijs, dato q̄ non sciant an eis bñficiū sit. *Quærite Dominum, & virtutem eius.* Idest, quærite eum in aduersitatibus, vt liberet vos, vel quærite per legē faciēdo, quæ ipse iubet. Et pp hoc ponunt duo. i. q̄rite Dñm. i. quærite eum ad colendum, & virtutem eius. i. quærite magnitudinē, & potentiam eius ad hoc, q̄p liberet vos: virtus. n. proprie significat vltimum de potentia rei, iō qñ aliqua res facit actū valde excellētem in potentia dñs facere fm virtutem. Sic et loquēdo de virtutibus moralibus sola fortitudo, quæ coincidit aliquo mō cum robore vocat virtutem absolutē. Sic patet Sapientie 8. cum dñs: Sobrietatem, & sapientiā docet, & iustitiam, & virtutē, quibus nihil vilius in vita hominibus. Et sic vocat hic fortitudo virtus absolute.

Alph. Tost. in lib. I. Paralip.

- A** Ceteræ autē virtutes morales cardinales, vocantur nominibus suis. *Quærite faciem eius semper.* Idest, semper venite ante faciem Dñi ad colendum eum, vel ad petēdum aliquid ab eo. Dñs aliquis venire corā facie Dñi, qñ veniebat ad locum illū, in quo Deus spāliter dicebat esse. Istud autē erat in Sanctuario. Nam nomen suum inuocabat, super arcam inter alas Cherubim, 2. Reg. 6. & 8. 13. Et quia non erat aliquis locus orōnis puenientior q̄ in Sanctuario, vbi Deus spāliter esse dicebat, dñs quærite faciem eius semper. i. venite semper ad orādū in Sanctuario. Et sic qñcunq; Israelitæ veniebāt in Sanctuario dicebant apparere corā Dño. Sic patet Exo. 23. s. ter in anno apparebit oēs masculinum tuū in cōspectu meo. Et iterū non apparebis in cōspectu meo vacuus. Idem Exo. 33. & dñs, semper. i. p. i. pibus competentibus, quia non est semper orōni vacandum. Sic. n. dñs in
- B** Decretis de psecra. dist. 5. nunquā cadat psalteriū de manu tua, & gloriā ibi. i. horis competentibus. *Recordamini mirabilia eius, quæ fecit.* Assignauit. n. iā Prophetam modum, quo deberent laudare Deum Israelitæ. s. canendo in voce, & psallendo in organis. Et et locū, in quo deberent laudare. s. in Sanctuario Dñi cū dñs: *Quærite faciem eius.* Nunc ponit quid debent dicere laudando. Et dñs recordamini mirabilia eius. s. mirabilia Dei sunt ab antiquo facta. Nunc autē vos enarra te ea, & sic recordabimini, & facietis alios recordari. *Signorum illius.* Signa sunt mirabilia quædam, sicut dñs Actuū 6. q̄ Stephanus plenus grā faciebat signa magna, & prodigia in populo. *Et iudiciorum oris eius.* Possunt vocari iudicia Dei leges quas ipse dedit. Et pertinet ad directionem negotiorum formalium, vel vocantur iudicia miraculosa quædam per modum iustitiæ facta. Et istud magis conuenit, quia hic agitur de mirabilibus Dei, & non de lege eius.

A quo fuerunt facti isti duo Psalmi. Quæst. XVI.

- Q**VAERITVR Circa ea, quæ dicta sunt, & primo circa istos duos Psalmos, qui fecit illos. Et non est dubium nisi de David, & Asaph. Constat. n. q̄ isti duo Psalmi fuerunt facti qñ arca portata est, & posita in domo David. Et tunc nō potuit fieri aliquis istorum Psalmorum nisi per David, vel Leniras cantores. Aliqui autem dicunt, quod iste Psalmus est Asaph. Et hoc propter duo, primo quia dicitur hic, quod David constituit Asaph principem ad confitendum Domino, & ponitur immediate Psalmus de confessione Dei, scilicet, Confitemini Domino: Ideo videtur quod pertineat ad Asaph. Secundo patet, & efficacius, quia quædam Bibliæ habent supra vbi dicitur: in illo die fecit David principem ad confitendum Domino Asaph, & fratres eius. Hæc præcinentes. Et sequitur immediate: Confitemini Domino. Ideo videtur, quod Asaph, & fratres sui Leuitæ cantores composuerint istos Psalmos. Dicendum tamen, quod hoc non stat, quia isti Psalmi fuerunt compositi per David, vt patet ex titulis. Nam secundus eorum in ordine istius literæ, qui est vigesimus quintus, intitulat Psalmus David, quando domus edificabatur. Et primus in ordine literæ, qui est 104. intitulatur Alleluia cum duobus sequentibus, & tamen Psalmi præcedentes sunt Psalmi David, ideo etiam iste quamquā Alleluia sit titulus, quia pertinet ad eundem auctorem, ad quem præcedentes. Et sic necesse est dici, quod sunt Psalmi David, quos David composuit in laudem Dei, qñ arca ducta est in domum suam. Cū autem dñs q̄ composuit istos Psalmos Asaph erat motuum istius. i. quod hic agitur de constitutione eius in principem cantorum, & subiungunt immediate isti

Psalmi, ideo rationabiliter creditur a quibusdam, q̄ facti fuerint ab Asaph. Et cum obijciatur, quod tituli eorum significant ipsos factos a David. Posset respondere quod isti Psalmi fuerunt facti ab utroque, & in quantum fuerunt facti ab Asaph ponuntur hic. In quantum verò facti sunt a David, ponuntur in lib. Psalmodum. Est et differentia aliquanta inter eos. Nam iste primus Psalmus, i. Confitemini, multo plura continet, i. plusquam in duplo in Psalterio, q̄ hic. Sed hoc non obstat dicendum est, q̄ isti Psalmi fuerunt facti a David, & solus David fecit illos, licet ponantur plura hic q̄ in Psalterio, vel etiam ponantur alia verba. Nam sepe eadē res vario modo scribitur, sicut cum sunt diversi traslatores eiusdē, ita fuit hic, quia David fecit istos Psalmos, & David colligauit eos in lib. Psalmodum, & scripsit vno modo. Esdras autē scribens istum librum Paralip. interseruit eos hic, quia faciebāt ad propositum, & scripsit alio modo. Et tñ vnus modus fuit, quo David scripsit illos. Ad primam rationem in prium dicendum, q̄ quāquam isti Psalmi ponantur hic cum agitur de officio Leuitarum, & q̄ Asaph fuit constitutus in principem super Cantores, non sequitur, q̄ Asaph illos composuerit, sed fecit eos David, & tñ fecit tpe portationis arce. Et quia agitur hic de portatione arce ponuntur etiam simul Psalmi. Ad secundam dicendum, q̄ illa additio, i. Hec precipientes non est de litera, vt patet in Hebreo, & et in Biblijs correctis. Quod patet, quia rarissime inueniuntur in Biblijs. Habetur tñ in quibusdam earum, quia fuit aliquā glosa interlinearis, & aliqui librarij errantes inseruerunt illam in textu. Sed adhuc dicendum, q̄ dato, q̄ ponatur in textu non est q̄ hoc, quia non significat q̄ Asaph, & fratres sui istos Psalmos componerent, sed ipsos cantaret cū dicatur hec precipientes. Et patet hoc, quia non poterat esse, q̄ oēs cantores cōponerent istos Psalmos, sed aliquis illorum, & oēs alij cantarent illos. Et tñ dñ hic hec precipientes, ideo nō colligitur ex hoc, q̄ Asaph, vel aliquis Leuitarum istos Psalmos componerent. Sed David fecit illos, qñ portata fuit arca in domum suam, & Leuitę cantauerūt illos coram Domino ad laudem eius.

Propter quid ponuntur hic isti Psalmi. Quest. XVII.

QVAERITVR vltius ad quid ponuntur hic isti Psalmi, quia iste non est liber Psalmodum, sed historiatur: liber autē Psalmodum per se distinctus est, ideo ibi debuerunt poni, & non hic.

Rñdendum, q̄ Psalmi dicuntur esse laudes diuinae factę pp̄ aliquas causas sp̄ales, vt pote si aliquā liberabat David ab aliquo periculo faciebat Psalmos in laudem Dei, sicut est Psal. 33. i. Benedicam Dñm in omni tpe, quem fecit qñ liberauit eū Dñs de manu regis Achis mutando vultum suum, sic et qñ pugnavit David q̄ Goliath fecit Psal. 143. i. Benedictus Dñs Deus meus, vt patet ex titulis eorum. Et ita est de multis alijs. Et ad sciendum pro quibus causis fiebant isti Psalmi apppositi fuerunt eis tituli ab Esdra, qui fecit collectionem Psalmodum, & ideo in quolibet Psalmo est titulus significans causam eius, vel materiam, vel tempus, quo factus est. Sic autem isti duo Psalmi, qui ponuntur hic fuerunt cantati, qñ portata est arca in domum David. Ideo licet non sit consuetudo Scripturę miscere Psalm. historijs, tñ aliquā tñ Cantica, quām Psalmi miscuntur. Et ob hoc positi fuerunt hic. Sic. n. est de Psal. 17. qui incipit: Diligam te Dñe, quem fecit David qñ liberauit eum Deus de manu Saulis, & omnium inimicorum eius, vt ponitur in titulo suo. Et quia istud fuit finis omnibus bellis David, ponit, 2. Reg. 22. iste Psal. Sic etiam ponunt Cantica multa

F in varijs historijs Biblię, quę tñ nos solemus habere in lib. Psalmodum, sicut est de Cantico Moyfi, Exo. 15. Cantemus Dño gloriosę. Et de Cantico Annę. 1. Reg. 2. Exulauit cor meum, & de cantico Ezechie: Isaia 38. Et sic de multis alijs: volens ergo Esdras curiosę distribuere portationem arce in domū David, non solum scripsit ea, quę facta sunt, sed etiam cantus, quos tunc cecinerunt Leuitę cantores.

An verum sit quod David fecerit istos Psalmos. Q̄. XV III.

QVAERITVR vltius qñ potest esse, q̄ isti duo Psalmi sint facti a David, quia hic ponitur aliquid quod non pertinet ad tempus suum. Nā dicitur infra, dicite salua nos Deus noster, & congrega nos de gentibus. Et sic oratur ibi, q̄ Israelitę, qui erant dispersi per varias gentes congregaretur in terram Israel ad cantandum laudes Dño, & tñ non fuerunt Israelitę dispersi per varias gentes ante captiuitatem Babylonicam. Et postea in captiuitate Romanorum nihil tale factum fuerat ante David. Ideo ipse non diceret salua nos de nationibus. Aliquis dicit pp̄ hoc, q̄ verum sit, q̄ ipsi Psalmi non sint facti a David, sed per Asaph, sicut dicebant quidam. Dicendum tñ, q̄ hoc non stat, quia Asaph, & David fuerunt in eodem tpe, cum dicatur supra in litera, q̄ David fecit principem Asaph ad confitendum Dño coram arca. Item Asaph fuit vnus de tribus principibus cantorum qñ portata fuit arca in domum David preced. cap. ideo si non potuerunt isti Psalmi fieri a David, ga ante eum nō fuerunt dispersiones Israelitarum, eadē non potuerunt fieri ab Asaph, cum eodem tempore fuerit. Dicendum ergo, q̄ dupliciter potest stare, vno modo, q̄ dicamus istos Psalmos factos esse a David, & q̄ illa particula, i. Congrega nos de nationibus. fuerit Prophetice dicta. Ita q̄ David sciret futuram captiuitatem Babylonis, & alias particulares dispositiones Hebręorum. Et exnunc orabat pro dispersis dicens: Congrega nos de nationibus. Aliquis dicit, q̄ hoc non potest stare, quia si aliquid futurum prædiceretur hic, vt pote q̄ dispergendi essent Israelitę per varias captiuitates, poterat dici a David. Et tñ hic non prædicitur captiuitas, sed oratur pro iam existentibus in captiuitate, vel dispersione cum dicitur: Congrega nos de nationibus. Etiam quia videtur, q̄ iste, qui orabat erat aliquis de dispersis cum dixerit congrega nos. Ideo non potuit esse dictum a David. Nam hic non est prænuntiatio Prophetica, sed oratio. Dicendum, q̄ satis potest stare, q̄ istud fuerit dictum a David. Pro quo præsupponendum, q̄ David in spiritu cognouit dispositiones futuras Israelitarum. Et cum hic procedat per modum laudis, & orationis, orauit loco illorum, qui essent tempore futuro in captiuitate tanquam esset vnus de illis, dicens: Congrega nos de nationibus. Et hoc, quia David erat vnus de populo, & poterat loqui nomine totius populi. Et sic non est ista Prophetia: est tñ oratio præsupponens cognitionem Propheticam de dispersionibus futuris Israelitarum. Secundo modo potest dici, q̄ ista particula non fuerit posita a David, sed ab Esdra, qui scripsit librum istum, & posuit istos Psalmos factos a David: ipse tñ addidit aliquid ad illos conueniens temporis suo. Fuit autē tempore Esdrę captiuitas Babylonicę, & multi redierant de hac captiuitate. Alij autē adhuc manebant in Babylone, & in alijs gentibus, & in fine istorum Psalmodum posuit Esdras istam particulam orationis: Dñm pro reuersione populi. Et hoc aliquā colligitur, quia ista particula ponitur in lib. Psalmodum: Psal. 105. & non ponitur in aliquo istorum duorum Psalmodum, vt patet ibi: Psal. 95. & Psal. 104. Et

Et tamen hic ponitur in fine Psalm. 95. f. Cantate Domino canticum nouum. Ideo videtur potius quod fuerit ista particula addita ab Esdra.

An tenerentur Israelitæ predicare gentibus.

Quest. XIX.

QVAERITVR vterius circa id quod dicitur supra, scilicet, notas facite populis adinventiones eius, id est notificare gentibus mirabilia eius, an tenerentur Israelitæ predicare gentibus, ad hoc, quod aliquando erat de Iudeis tempore legis veteris respectu gentilium, sicut est de nobis respectu infidelium, qui nunc sunt. De nobis enim a principio fuit obligatio ad prædicandum fidem catholicam gentibus. Nam in primitiua Ecclesia tempore Apostolorum fuerunt obligati Apostoli, & alij assignati ad officium prædicationis erant obligati ad prædicandum gentibus, quia sic dixerat Christus Mar. vlti. scilicet, *Ite per vniuersum mundum, & prædicate Euangelium omni creaturæ.* Nunc autem postquam Euangelium denunciatum est per totum orbem, & omnes gentes audierunt famam nominis Christi, non manet iam obligatio nobis ad hoc, quod discurremus per orbem prædicando Euangelium gentibus. Siquis tamen illud faceret, mereretur nimis. Cum tamen aliquis videret fideles promptos ad credendum, si quis eis prædicauerit, & ipse instructus est in fide, tenetur eis, vel per modum publicæ prædicationis, vel per modum particularis consilij, & suasionis declarare fidem Christi, quia aliàs subtraheret proximo auxilium debitum, quod maius est, quam si subtrahat ei cibum tempore necessitatis. Istud autem est, quando quis sponte debet prædicare verbum Domini, secus quando cogitur aliquis negare fidem, vel profiteri illam, & tunc omnes homines obligati sunt ad confitendum nomen Christi, vel quidquid aliud est in fide. Sic enim dixit Christus. *Qui me erubuerit confiteri coram hominibus negabo ego eum coram patre meo.* Matth. 10. De veteri testamento dicendum, quod quando man sit status ille, Hebræi erant obligati ad aliquamhibitionem communicatio cum gentilibus, quàm Christianis cum infidelibus. Et ratio huius fuit, quia Iudæi erant viri imperfecti faciles ad idolatriam, & timebatur nimis de eorum subuersione. Nam si communicarent cum gentilibus peruerterentur ab eis, ut colebant idola. Et ob hoc Deus vetuit Israelitis comedere cum Gentilibus, ne aliquando Gētilis vocans Iudæum ad cenam apponeret ei cibos consecratos idolis. Etiam & dare filias suas illis, ne filij propter matrem, vel patrem conuerterentur ad idola, ut patet Exo. 34. & Deutero. 7. In nouo testamento erant viri perfectiores, & non timebatur de eis, quod peruerterentur a Gentilibus deueniendo ad idolatriam, sed potius ipsi conuerterentur Gentiles ad Christum. Et ob hoc non erat verita Christianis communicatio cum Gentilibus, sed potius quibusdam eorum erat positum sub præcepto, ut communicarent cum eis ad hoc, quod prædicarent illis, quia aliàs fieri non poterat. Et ob hoc etiam Apostoli non abstinebant a cibis Gentiliū sicut Iudei, sed potius comedebant cum eis, etiam si apponerent sibi cibos consecratos idolis, dum tamen ex isto cibo non scandalizaret proximus, ut patet prima ad Corinthi. 8. & 10. Et ob hoc beatus Paulus redarguit beatum Petrum, quia non subtrahebat se a cibis Gentilium, dicens: *Restitui ei in faciem, dicens: Si Tu cum Iudeis sis Gentiliter viuis, & non Iudaicè, quo-*

A modo cogis gentes Iudaizare? Ad Gala. 2. & ob hoc beatus Paulus dixit: *Omnibus omnia factus sum, ut omnes Christo lucrificiam, id est, cum omnibus Gentilibus communicauero modo, quo ille gentes communicant, ad hoc, quod omnes illas lucrificerem Christo conuertendo eas ad eum, quod fieri non poterat, nisi communicando cum eis a principio eo modo quo ipsi communicabant.* Propter hoc autem non fuit aliquando inter Iudæos obligatio aliquorum ad hoc, quod discurrerent prædicando Gentilibus per orbem, ut conuerterentur ad Iudaismum, cum potius diuagatio ista, & communicatio essent prohibita Israelitis: si tamen interdum contingeret, quod aliquis Gentilis promptus esset ad conuersionem, & videret hoc aliquis Iudæus instructus in lege tenebatur ei prædicare instruendo eum in lege. Sed adhuc non erat istud sub tanta necessitate, sicut nos obligamur ad prædicandum infidelibus, quia lex Evangelica obligat omnem hominem, cum sine ea non sit salus Mar. vlti. scilicet, *Qui crediderit, & baptizatus fuerit, saluus erit, qui autem non crediderit, condemnabitur.* Lex autem vetus non obligabat omnes homines, sed solum illos, qui descendebant de stirpe Iacob, nam solum fuerat eis data: Exo. 19. Et ad eos solum dirigitur: Leui. 17. Si autem loquamur de prædicatione illa secundum quam tenebatur aliquis, vel negare fidem veteris testamenti, vel prædicare illam, utpote si ab aliquo tyranno ad hoc cogeretur, tenebatur illam confiteri, & prædicare, & propter hoc mori. Sic enim refert Apostolus ad Hebræ. 11. ubi ponit laudes fidei, & laudat illos, qui pro fide multis se periculis exposuerunt dicens: *Alij ludibria, & verbera experti sunt: insuper, & vincula, & carceres: lapidati sunt, secti sunt, tentati sunt, in occasione gladij mortui sunt.* Et non intelligitur hoc de martyribus noui testamenti, sicut aliqui simplices existimabant, quia legitur illa Epistola in solemnitatibus martyrum, sed de martyribus veteris testamenti, qui pro fide passi sunt hæc, ut patet ibidem. Hæc autem vera sunt, quando cunque aliquis non iubebatur specialiter a Deo prædicare gentibus. Nam si iuberetur, manifestum est, quod tunc publice tenebatur Gentilibus illis prædicare. Sic enim fuit de Propheta Iona, quem Deus misit ad prædicandum in ciuitatem Ninive, quæ erat ciuitas Gentilium, scilicet, Metropolis regni Assyriorum, & peccauit Ionas, quia nolebat ire illuc fugiens a facie Domini, sed postea Deus coegit eum ire, ut patet longe primo, & 2. & per totum. Aliqui etiam Prophetæ prædicauerunt Gentilibus non quidem verbo, sed facto per aliqua signa, quæ mittebant ad illas gentes ex præcepto Dei: sic fuit de Ieremia, qui misit cithenas ligneas ad regem Edom, & ad regem Moab, & Ammon, & regem Tyri, & regem Sidonis per manus nunciorum, qui venerant ad regem Sedeciam. Et illud fuit ad significandum, quod omnes istæ gentes traderentur in captiuitatem sub potestate regis Nabuchodonosor Iere. 27. Ista autem littera intelligitur de Iudæis scientibus legem, scilicet, quod notas facerent in populis adinventiones Dei, id est, prædicarent miracula eius inter gentes, quando haberent opportunitatem ad hoc. Et tamen istud aliquando erat ex necessitate, & aliquando erat locus super rogationis, ut patet ex dictis.

De mirabilibus, & signis, quæ canere debebant Israelitæ.

Quest. XX.

QVAERITVR vterius de mirabilibus, & signis, & iudicijs Dei, quæ ponuntur hic, quæ deberet cantare Israelitæ.

Responden-

Respondendum, quod omnia ista sunt nomina miraculorum, & tamen significant istud sub rationibus specialibus, & quamquam ponantur hic solum tria nomina, multa alia sunt. Vocantur enim ista mirabilia inquantum important aliquam potestatem excellentem, & quia omnia talia facta a Deo sunt ex potestate immensa, qualis non reperitur in aliqua alia re, omnia vocantur generaliter miracula. vocantur signa illa miracula, quæ sunt solum, vel saltem principaliter ad probationem alicuius veritatis. Et sic miracula prima, quæ fecit Moyses coram Pharaone, scilicet, conuersio virgæ in colubrem, & colubri in virgã, fuerunt signa, quia ad hoc solum facta sunt, vt probaretur, quod Moyses missus fuerat a Deo ad Pharaonem, vt dimitteret populum Israel exire de terra sua Exo. 5. Et ista vocantur ibi signa. Vocantur etiam ista ostenta ab ostendendo, scilicet, quia per hæc ostenditur, siue probatur id quod aliquis probare vult. Et sic dixit Dominus ad Moysen, qd faceret omnia ostenta, quæ posuerat in manu sua coram Pharaone: Exo. 10. Vocantur etiam iudicia miraculosa, quando sunt pœnalia, scilicet, si Deus facit aliquod miraculum in pœnã alicuius, & illa pœna iuste infligit, dñ illud miraculosum iudicium. Sic etiam vocabantur iudicia illæ plagæ, quas Deus intulit super Aegyptios, quando nolebant dimittere populum eius. Et tamen omnes illæ plagæ miraculosæ erant. Alia vocantur prodigia, scilicet, quando sunt aliqua opera mirabilia, quæ significant aliquid futurum mali, vel boni. Et dicuntur prodigia, quasi procul ad digito, scilicet, quia futurum significant. Aliquando tamen prodigia accipiuntur pro iudicijs, quæ sunt miracula pœnalia, vt patet Psal. 77. vbi dicitur de mirabilibus Aegypti, & vocantur prodigia. Erant tamen pœnalia. Et aliquando prodigia vocantur quęcunque alia miracula, vt patet Actuum 7. cum dicitur de beato Stephano, quod faciebat prodigia, & signa magna in populo. Et tamen illa erant miracula, qualia faciebant alij viri sancti noui testamenti. Alia vocantur monstra, scilicet, quando aliquid accidit contra consuetum ordinem naturæ particularis, & dicuntur monstra a monstrando, quia cū euenerit aliquod malum futurum demonstrant. Sic enim fuit de multis, quæ contra naturę cursum acciderunt, & significauerunt destructiones regnorum, vel bella magna, sicut refert Augu. 3. de Ciui. Dei circa finem. Et Isidorus 11. Ety. cap. de monstis, & transformatis. Differunt tamen monstra a prodigijs, quia quamquam ambo significant aliquid futurum, tamē monstra dicuntur communiter ea, quæ naturaliter eueniunt per errorem naturę. Prodigia autem sunt super virtutem naturę: nam miracula sunt. Secundo differunt, quia prodigia significant indifferēter bonū, vel malum futurum. Monstra autem semper malum significare dicuntur. Scriptura autem posuit hic solū tria genera miraculorum, scilicet, mirabilia, signa, & iudicia, quia per hæc intellexit omnia alia.

Semen Israel serui eius, filij Iacob electi eius.

Semen Israel serui eius. Litera ista refertur ad omnia præcedentia. I. o semen Israel. confitemini Domino, & inuocate nomen eius, & cantare, & psallite ei. Et sic constructio istius Psalmi debet incipere ab ista vocatione. Vocatur semen Israel omnes Israelitæ, quia omnes descenderunt de semine Iacob, qui vocatur Israel. Deus enim mutauit nomen eius, dicens. Non vocaberis vltra Iacob, sed Israel: Gen. 32. & 35. vocatur Israel seruus Dei, quia Iacob coluit Dominum in toto corde suo, & vocauit eum in tribulatio-

nibus suis, scilicet, quando ibat in Mesopotamiam: Gen. 28. & quando redibat, & timuit Elau fratrem suum: Gen. 32. Etiam coluit Deum per obsequium. Nam ipse vnxit oleo lapidem in Bethlehem: promittens, quod ibi coleret Dominum. Etiam ipse fuit primus, qui decimas ex voto dare voluit omni tempore: Gen. 28. scilicet, Si fuerit Dominus mecum, & custodierit me in via, per quã ambulo, & dederit mihi panem ad vescendum, & vestimentum ad induendum, reuersusque fuero prosperè ad domum patris mei, erit mihi Dominus in Deum, & lapis iste quem erexi in titulum, vocabitur domus Dei: cunctisque, quod dederis mihi, decimas offeram tibi.

Filij Iacob electi eius. Repetitio sententię est propter pulchritudinem, quemadmodum sepe fit in canticis, & in alijs operibus rhetoricis. Nam idem est Israel, & unus eius, & Iacob electus eius, cum sit vna persona. Nam Iacob est nomen impositum ei a nativitate: Gen. 25. Israel verò est nomen a Deo ei datum: Gen. 32. & 35. Et iste modus loquendi sepe est in Scriptura, sicut cum dixit Siba ad Israelitas, Quæ nobis pars in Dauid, & quæ hereditas in filio Isai? 2. Reg. 20. Et tamen idē est Dauid, & filius Isai, quia Dauid erat filius Isai primo Reg. 16. Sed iste modus loquendi pertinet ad hominem passionatum, siue propter magnam laetitiam, siue magnam tristitiam, vel iram, vel odium, aut aliam passionem, vt magis declaratum est supra 12. Et vocatur Iacob electus Dei, quia Deus elegit illum ad seruiendum sibi. Alia litera habet semen Abraham ad seruiendum sibi. Alia litera habet semen Abraham, & filij Iacob electi eius, sed ad idem pertinet, quia idem est semen Israel, & semen Abraham. Est enim Israel Iacob, qui est nepos Abraham, & omnes descendentes ab eo descendunt ab Abraham, & ideo idem est semen vtriusque.

Quomodo Iacob vocatur electus Dei? Quæst. XXI.

QVAERITUR, quomodo vocat hic Iacob electus Dei. Respondendum, quod potest hoc dupliciter intelligi, vno modo, quod sit ista electio generalis, sicut fuit in patribus eius Abraham, & Isaac, & erit specialis respectu gentium. Nam Deus elegit Abraham, & posteros eius ad colendum eum. Et fecit etiam eis promissionem de dando terram Chanaan. Gen. 13. & 15. Et sic dicitur elegisse eos propter quendam specialem amorē, & non propter multitudinem, vel fortitudinem cōtū super alias gentes, vt patet Deutero: 7. & 26. & Exod. 19. capitu. Te elegit Dominus Deus tuus, vt sis ei populus peculiaris de cunctis populis, qui sunt super terram. Non quia cunctas gentes numero vincebatis, iunctus est vobis Dominus, & elegit vos, cum omnibus sitis populis pauciores, & elegit vos, cum omnibus dilexit vos Dominus, & custodiuit iuramentū, quod iurauit patribus nostris, & cū istis modis potest dici electus Dei, & etiam Isaac. Alio modo potest dici Iacob electus Dei specialiter, vt distinguitur contra Abraham, & Isaac, scilicet, quia totaliter fuit electus a Deo, & non Abraham nec Isaac. Nam licet Deus elegerit Abraham in seruū sibi, & fecerit ei promissiones, tamen non elegit totum semen eius. Quod patet, quia Abraham genuit Ismahelē: Gen. 16. Et non fuit semen Ismahelis electum a Deo. Nam dixit Deus ad Abraham: In Isaac vocabitur tibi semē, quasi dicat, non in Ismahel. Idem patet Gen. 17. scilicet Sara vxor tua pariet tibi filium, vocabiturque nomen eius Isaac, & constituam pactum meum illi in fœdus sempiternum, & semini eius post eū: super Ismahel quoque exaudiui te, quasi dicat, pactum meum erit cum Isaac filio tuo, & non cum Ismahelē, & tamen ego

ego exaudiui te super Ismahel, scilicet, concedendo ei, quod uiuat sicut tu petisti. Genuit etiam Abraham alios sex filios ex Cethura post mortem Sarę vxoris suę. Gen. 25. & tamen isti filij non pertinuerunt ad populum Dei, sed transierunt in numerum Gentilium. Soli enim filij Isaac fuerunt cultores Dei, & ad illos seruata est repromissio: minima ergo pars seminis Abraham fuit electa. Semen etiam Isaac non fuit totaliter electum a Deo. Habuit enim Isaac duos filios, scilicet, Iacob, & Esau, & fuit electum semen Iacob, sed non semen Esau, quia de Esau venit populus Idumęorum, & isti non susceperunt legem Dei, sed potius aduersati sunt populo Dei inferendo eis bella, ut patet Abdię vnico. & non permiserunt Idumęi transire Israelitas per terram suam ad possidendum terram Chanaan eis promissam, sed dixit rex Edom: Non transibis per me alioquin armatus occurram tibi. Num. 20. Et sic factum est. Nam rex Edom egressus est cum infinita multitudine ad extremum regni sui, ut non permetteret transire Israelitas per terram suam, eodem capitu. Semen autem Iacob fuit totaliter electum a Deo, quia habuit Iacob duodecim filios, de quibus ortę sunt duodecim tribus. Num. primo, & 2. Et omnes illę fuerunt a Deo electę. Nam Iacob cum omnibus filiis, & nepotibus suis descendit in Aegyptum tempore famis. Deinde completis annis quadringentis quibus peregrinaturus erat semen Abraham, & affligendus in terra nō sua. Gen. 15. Omnes de stirpe Iacob, qui erant in Aegypto, exierunt in legem in deserto in monte Sinai: Exodi cap. 34. Et sic specialius fuit electus Iacob a Deo, quā Abraham, & Isaac, qui secundum partem fuerunt electi.

Ipsę Dñs Deus noster: in vniuersa terra iudicia eius. Recordamini in sempiternum pacti eius: sermonis, quem pręcepit in mille generationes. Quem pepigit cum Abraham, & iuramenti illius cum Isaac. Et constituit illud Iacob in pręceptum, & Israel in pactum sempiternum, & dicens: Tibi dabo terram Chanaan, funiculum hęreditatis vestrę.

Ipsę Dominus Deus noster in vniuersa terra iudicia eius. Est sententia incompleta, & debet aliquid subintelligi, scilicet, quod ipse, qui est Dominus Deus noster, est Deus vniuersę terrę, & Deus noster, & iudicia sua sunt in vniuersa terra. Ponitur istud ad laudem Dei, scilicet, quod ipse iudicat omnes gentes, & ponitur hic iudicium pro pena iustę inflictę, sicut declaratum fuit supra in quadam quęstione. Recordamini in sempiternum pacti eius. Dicitur hoc ad semen Israel, quia illud pactum fuit factum ad semen Israel, ideo ipsi debebāt recordari eius. Istud pactum est, quod habetur infra, scilicet. Tibi dabo terra Chanaan. Et sermonis quem pręcepit. Sicut supra dicebatur Iacob, & Israel, & dicitur sermonis, quem pręcepit, idest, quem voluit obseruari per seipsum. Et accipitur pręcipere improprie: nam nihil Deus pręcepit Israelitis in isto pacto, sed promissit, quod obseruaret illud, vel accipitur pręcepit, idest, statuit, quia Deus statuit seruari istum sermonem in sempiternum. In mille generationes. Idest Deus voluit, quod duraret istud pactum tempore quo durarent mille generationes, & accipitur determinatum pro indeterminato, scilicet, quod duraret multo tempore. Quem pepigi cum Abraham. Idest istud pactum de dando terram Chanaan fuit factum cum Abraham. Nam Gen. 15. Deus iussit Abraham

A occidere vaccam triennem, arietem triennem, & capram triennem, & diuidere ista in duas partes altitricus, & transiit tunc Deus inter diuisiones animalium occisorum, quia iste erat modus facientium fœdus. Et quia Deus erat incorporeus, nec poterat transire fecit, quod lampas ignis transiret loco eius inter animalia diuisa, & tunc dicitur: in illa die pepigit Deus fœdus cum Abraham, dicens: tibi dabo terram hanc a fluuio Aegypti vsque ad flumen magnum Euphratem. *Et iuramenti illius cū Isaac.* Idem est, scilicet, quia illud, quod Deus pepigit cum Abraham iurauit postea ipsi Isaac, ut patet Gen. 26. quando apparuit Deus Isaac volenti descendere in Aegyptum, & dixit ei: Ne descendas in Aegyptum, sed quiesce in terra, quā dixerō tibi: tibi enim, & semini tuo dabo vniuersas regiones has complens iuramentum, quod spopodi Abraham patri tuo. Alia litera habet: Memor fuit in sculum testamenti sui, & alia, Recordatus est in eternum pacti sui, vbi dicitur hic: Recordamini in sempiternum pacti eius. Et differunt istę literę in sententia: nam cum dicitur hic recordamini in sempiternū pacti eius: refertur ad Israelitas, scilicet, quod ipsi laudarent Dominum, sicut supra dicebatur, & laudando eum facerent mentionem de isto pacto, quod Deus fecerat cum Abraham de dando ei terram Chanaan. Et pertinebat hoc ad laudem Dei, scilicet, quod ipse ex magna benignitate sua promiserat Abraham dare terram Chanaan, quamquā non esset ei obligatus ad aliquid. Cum autem dicitur in alia litera, memor fuit testamenti sui, vel recordatus est pacti sui. Refertur ad Deum, & est sensus, quod Deus non oblitus est pacti. Et dicitur hoc, quia Deus fecit istud pactum cum Abraham, & nō erat complendum vsque post quadringentos, & quadraginta annos. Et tamen post istos annos oblitus est complere pactum, sed compleuit. Patet hoc, quia Deus fecit istud pactum cum Abraham, Gen. 15. & eadem die dixit sibi: Scito pręnosces, quod peregrinum futurum sit semen tuum quadringentis annis in terra non sua, & affligent eos. Generatione autem quarta reuertentur huc. Fuerūt autē consummati isti quadringenti anni in exitu de Aegypto, & postea fuerunt Israelitę in deserto quadraginta annis, & post illos incepit Deus tradere terram Chanaan, paulatim in manus Hebręorum. In tanto autem tempore dubium erat an Deus obliuisceretur pacti sui, & tamen, quia compleuit illud post istos omnes annos, dicitur quod recordatus est pacti sui. Et vna litera ponit pactum, & alia testamentum, sed idē est. Nam pactum dicitur quando est promissio facta alicui. Testamentum autem dicitur, quia est testificatio, idest, quia illa promissio est facta cum testificatione. Idē enim est, quod aliquis iuret, & quod testificetur, quia p hoc, quod iurat, testificatur, quod verum erit id, quod promittet. *Et constituit illud Iacob in pręceptum.* Refertur ad pactum pręcedens, & est sensus, quod Deus promissit illud Abraham, & postea Isaac, & deinde Iacob. Nam cuilibet istorum trium Patriarcharum Deus promissit per se dare terrā Chanaan. De Abraham, & Isaac iam dictū est: de Iacob patet Gen. 28. cum dixit Deus. Terram in qua dormis tibi dabo, & semini tuo: Eritque germen tuum quasi puluis terrę: dilataberis ad Orientem, & ad Occidentem. Et accipitur hic pręceptum largē. Nam nihil Deus pręcepit Iacob per hoc, quod promissit ei terrā Chanaan, sed potius obligauit se ei ad aliquid dandum, sed est sensus, quod poluit illud in pręceptum, idest, sicut pręceptum Dei est firmum, & semper manēs, ita pactum illud quod Deus fecit cum Iacob de dando ei terram Chanaan debebat esse semper manens. *Et Israel in pactum sempiternum.* Idest Deus constituit

stituit illud ipsi Israel in pactum sempiternum, & est repetitio sententiae, quia idem est, quod constituit illud in praeceptum Iacob, & quod constituit in pactum Israel, quia Iacob, & Israel idem sunt, & pactum, & praeceptum, pro eodem etiam accipiuntur hic. *Dicens tibi dabo terram Chanaan.* Istud fuit in sententia id, quod promisit Abraham, & Isaac, & Iacob, & sic completum est. Nam post quadringentos, & plusquam quadraginta annos ab ista promissione, Deus cepit tradere terram Chanaan in manus Israelitarum egredientium de Aegypto.

Funiculum hereditatis vestrae. Conversio sermonis est, nam cantores, qui canebant istum Psalmum, loquebantur hic ad populum dicentes: Deus promisit Abraham terram Chanaan funiculum hereditatis vestrae: id est, quae est funiculus, vel pars hereditatis vestrae. Nam Israelitae possidebant illam terram tamquam in sortem hereditatis suae, & dicitur funiculum hereditatis, quia antiquitus, & etiam nunc distinguebantur, & mensurabantur possessiones per funiculos. Et ideo funiculus hereditatis vocabatur possessio alicuius, sic dicitur Psal. 115. Funes mei ceciderunt in praecularis, id est in loco optimo. Potest vocari hic terra Chanaan funiculus hereditatis Iudaeorum dupliciter. Vno modo, quia terra ista fuit eis specialiter data in sortem quasi Israelitae cum omnibus gentibus dividerent orbem ad habitandum per funiculos, & terra Chanaan cederet Israelitis per funiculum, & reliquus orbis cederet omnibus gentibus. Alio modo potest intelligi, quod terra Chanaan sit funiculus hereditatis Israelitarum, scilicet, quia ipsi dividerunt illam inter se per funiculos. Nam postquam obtinuerunt eam de manibus Chanaanorum, fecerunt in ea decem sortes per funiculos, scilicet, novem sortes pro novem tribus, & unam pro dimidia tribu Manasse, ut colligitur Iosue. 13. usque ad vicesimum. Aliae autem duae tribus, & dimidia, scilicet, tribus Ruben, & Gad, & dimidia tribus Manasse, acceperunt possessionem extra terram Chanaan in terra duorum regum Amorrhoeorum ad Orientem Iordanis. Num. 32. & Iosue primo.

Quomodo puniebat Deus Gentiles. Quaest. XXII.

QUAE RITUR ulterius circa id, quod supra dicitur, scilicet, quod iudicia Dei sunt in universa terra, id est, quod Deus infligit penas Israelitis pro peccatis, & etiam alijs gentibus, quomodo Deus puniebat Gentiles, cum illi non essent subiecti legi eius. Etiam quia Deus solum dicebatur punire peccata Israelitarum, ut colligitur Deut. 6. scilicet, Non ibitis post deos alienos cunctarum gentium, quae in circuitu vestro sunt, quoniam Deus emulatur Dominus Deus tuus in medio tui. Id est Deus non emulatur inter alias gentes, sed solum in medio tui, id est, in Israelitis. Sic etiam patet Amos. 3. 1. Tantummodo vos cognovi ex omnibus cognationibus terrae. Idcirco visitabo super vos omnes iniquitates vestras, quasi dicat, quia solum cognovi vos ex omnibus cognationibus terrae, solum visitabo peccata vestra, & non aliarum gentium. Respondendum est, quod Deus puniebat Israelitas pro peccatis, & omnes alias gentes, & tamen magis puniebat Israelitas, quam reliquas gentes, & sic dicebantur iudicia sua ponere in universa terra, id est, penas dare super omnes homines habitantes in terra. Considerandum tamen circa hoc, quod quaedam erant peccata, eo quod secundum se mala erant, aut secundum naturam, etiam nulla lege existente, alia erant peccata solum in qua-

tum erant contra aliquam legem positam a Deo. Accipiendo secundo modo, Deus non puniebat peccata Gentilium, quia ipsi nunquam peccabant in transgressione legis Dei, quia licet facerent contra illam, non peccabant, quia non obligabantur servare illam, sed soli Iudaei: ideo ipsi soli puniebantur in peccatis contra legem. Accipiendo primo modo dicendum, quod quaedam erant peccata secundum naturam, quae erant contra Deum, ut idolatria, & blasphemiae, & alia contra proximum, ut homicidium, furtum, fornicatio, & similia. Loquendo de primis dicendum, quod Deus puniebat Gentiles pro peccatis idolatriae aliquantulum, sed non nimis. Et ratio huius est, quia licet naturaliter homines cognoscant Deum esse, & quod idola non sunt dii, tamen non tam manifeste cognoscebatur Deus nec tam manifesta erat offensa, quae fiebat contra proximum, sicut offensa, quae fiebat contra proximum. Ideo pro talibus peccatis parvae poenae infligebantur Gentilibus a Deo. Et etiam raro infligebantur. Quod patet, quia omnes gentes colebant idola, & tamen Deus nunquam deleuit aliquam gentem propter hoc, quia alias debuisset omnes delere. Et tamen deleuit Deus aliquam gentem pro alijs peccatis, ut pro quibusdam speciebus luxuriae, & pro similibus, & sic intelligitur, quod habetur Deuteronom. 6. Non ibitis post deos alienos cunctarum gentium, quae in circuitu vestro sunt, quoniam Deus emulatur Dominus Deus tuus in medio tui. Et sic vult, quod quantum ad pactum idolatriae Deus solum erat emulatur, vel principaliter inter Israelitas, quam inter alias gentes. Si autem essent peccata contra proximum, Deus puniebat illa inter alias gentes, sicut inter Israelitas. Sic etiam de peccato Sodomorum. Nam subvertit Deus quatuor civitates incendio celesti. Gen. 19. & Deuter. 29. Sic etiam Deus intulit multas alias penas Gentilibus pro similibus peccatis. Nam deleuit Deus Chanaanos pro illicita libidine, ut colligitur Levitic. 18. cum ponuntur abusus, qui possunt fieri in libidine, & postea sequitur: Omnes enim execrationes istas fecerunt accipere terrae, qui fuerunt ante vos, & polluerunt eam. Cavete ergo ne, & vos similiter euomat cum paria feceritis, sicut euomit gentem, quae fuit ante vos. Et in his peccatis pauca differuntia est in punitione Israelitarum, & aliarum gentium. In punitione autem pro peccato idolatriae magna poenitentia erat, quia Israelitae maxime puniebantur pro peccato idolatriae. Aliae autem gentes modicum poeniebantur pro peccato idolatriae, & multum pro peccatis, quae erant contra proximum. Nec tamen est intelligendum, quod nunquam punirentur Gentiles pro idolatria, quia aliquando pro idolatria, & alijs superstitionibus occidebantur multi de Gentilibus. Sic patet Deuteronom. decimo octavo, cum dicitur, quod Israelitae non lustrarent filios per ignem, nec obsecrarent somnia, nec essent malefici, incantatores, & diuini, & inquirentes veritatem a mortuis, & sequitur: Omnia haec abominantur Dominus, & propter superstitiones Gentilium fuerunt aliqua causa, ut ipsi Chanaan expellerentur de terra. Punit ergo Deus in Gentilibus omnia peccata, quae naturaliter iudicantur esse peccata, licet magis illa, quae sunt contra proximum, quam ea, quae sunt contra Deum. Ad primam rationem, quae habetur Deuteronom. 6. Dicendum, quod illud intelligendum est de peccato idolatriae Iudaei, ut patet ibidem, & in illa magis puniebantur Iudaei, quam Gentiles. Et tamen aliquo modo puniebantur Gentiles, ut patet Deuteronom. decimo octavo. Ad secundum, quod habetur Amos tertio, dicitur,

dum, quod intelligitur de peccatis, quæ erat transgressio legis a Deo positæ. Et in istis solum peccabant Iudæi, & ipsi soli puniebantur, eo quod non poterat aliquis peccare in legem nisi obligaretur ad seruandum illam. Et tamen non obligabantur Gentiles ad legem seruandam, ut supra dictum est. Quod autem intelligatur de hoc, patet in eadem auctoritate, quia dicitur tantummodo vos cognoui ex omnibus cognationibus terræ, quod intelligitur de datione legis, quæ solum data est Iudæis, ut patet Psal. 147. scilicet: Qui annunciat verbum suum Iacob iustitias, & iudicia sua Israel: non fecit taliter omni nationi, & iudicia sua non manifestauit eis. Si tamen intelligatur de peccatis, quæ sunt peccata iudicio naturali, non potest stare, quia Deus isto modo non solum cognouit Iudæos, scilicet, dando eis legem naturalem, sed etiam omnes alias gentes: nam omnibus gentibus data est lex naturæ, quæ est scripta in mentibus eorum, ut patet ad Ro. 2. scilicet: Cum enim gentes, quæ legem non habent, naturaliter ea, quæ legis sunt, faciunt, eiusmodi legem non habentes ipsi sibi sunt lex, qui ostendunt opus legis scriptum in cordibus suis, testimoniū reddente illis conscientia ipsorum. Et sic puniuntur Gentiles pro peccatis, quæ sunt contra legem naturæ, cum ipsi habeant legem naturæ scriptam in cordibus suis.

An pactum de dando terram Chanaan fuerit sempiternum.

XXIII.

QUÆRITUR vltius quomodo dicitur hic: Recordamini pacti eius in sempiternum. In quo significat, quod pactum illud de dando Iudæis terram Chanaan durauit in sempiternum. Sed falsum est, quia iam non possident terram Chanaan nec possederunt eam post destructionem Ierusalem per Romanos. Nam tunc fuerunt dispersi omnes Iudæi super totum orbem. Responderi potest multipliciter: vno modo, quod istud pactum fuit in sempiternum, id est in longum tempus, ita, quod non durare debebat verè in sempiternum, vel vsque ad finem sæculi, sed aliquo longo tempore, quod in Scriptura vocatur sempiternum, vel æternum. Alio modo potest intelligi, quod istud pactum fuit ad hoc, quod verè duraret in sempiternum, id est, vsque ad finem sæculi. Et tamen fuit impeditum istud propter peccata Iudæorum. De primo patet, quia si aliquis seruus de genere Hebræorum nolebat exire liber anno. 7. reuertere ad uxorem, & filios, perforabatur auris eius, & manebat seruus in æternū Deo. 15. Manifestum est istud, quia ista seruus non poterat durare quinquaginta annis. Nam omnes, qui essent serui qualitercunque, in Iobelo, qui erat de quinquaginta in quinquaginta annos, ut patet Leui. 25. Sic ergo poterit hic vocari sempiternum, quod durauit, quamquam non sit valde factum. Et dicitur, quod istud fuit tempus ex quo factum est istud pactum vsque ad vltimam destructionem Iudæorum per Romanos. Nam toto tempore quo Iudæi ducti fuerunt in captiuitatem Babyloniam, & alij in Assyrios. Tamen adhuc durabat pactum illud, quia postea redierunt, qui erant in captiuitate Babylonis in terram Chanaan, & possederunt eam vsque ad destructionem per Romanos. Postea autem non reuersi sunt Iudæi in terram suam: nec iam vniquam reuerturi sunt, ideo pactum istud intelligebatur vsque ad destructionem per Romanos, & vocatur istud pactum sempiternum, quia durauit quasi duobus millibus annorum, immo pluribus. Nā

A Iosephus primo Antiqui. dicit, quod a tempore Moyse vsque ad tempus, quo ipse describat librum illum fuerunt quasi duo millia annorum, & fuit Iosephus tempore destructionis Ierusalem per Romanos: nā ipse fuit vnus de duobus Iudæorum, qui pugnaverunt contra Romanos, quod patet in lib. eiusdem Iosephi de bello Iudaico. Et tamen a tempore quo istud pactum fuit inter Deum, & Abraham fluxerunt plusquam quadringenti anni vsque ad dationem legis, quod patet, quia die qua factum est istud pactum, dixit Deus ad Abraham. Scito prenosces, quod peregrinum futurum sit semen tuum in terra non sua quadringentis annis, & affligent eos. Generatione autem quarta reuertentur huc Gene. decimo. **B** quinto. Et sic completi fuerunt isti quadringenti anni in exitu de Aegypto, & tamen lex data est in deserto post exitum de Aegypto anno primo egressionis mense tertio. Exodi decimonono. ideo fuerunt secundum computationem Ioseph a pacto isto vsque ad destructionem Ierusalem quasi duo millia, & quadringenti anni. Et istud est tempus, quo durauit pactum. Secundo modo accipiendi dicitur, quod istud pactum factum est in æternum, scilicet, quod Deus intendebat conseruare vsque ad finem sæculi istud pactum. Et tamen propter peccata Iudæorum occidendo Christum, & persequendo sequaces suos, dispersi sunt omnes Iudæi de terra Chanaan, nunquam ad illam redituri. Si tamen non peccassent Iudæi, dato quod Christus venisset, & data fuisset lex noua, mansissent semper in terra Chanaan, & recepissent legem Christi, & habuissent inter alios Christianos quandam excellentiam, scilicet, quia de semine illorum fuerat Christus. Et etiam, quia ipsi fuerant primi principes fidei cum Apostoli essent Iudæi, qui vocantur principium creature Dei, scilicet, in introducendo fidem ad Romanos. Vtroque modo potest intelligi. Et tamen Iudæi fortè quando dicebant istud pactum esse sempiternum: intelligebant, quod semper realiter duraturum esset: nam nesciebant, quod aliqua peccata euenirent, propter quæ interromperetur.

D *An pactum, quod fecit Deus cum Abraham, durauit in mille generationes. Quæst. XXIII.*

QUÆRITUR vltius quomodo dicitur hic, quod istud pactum, quod Deus fecit cum Abraham de dando sibi terram Chanaan durauit in mille generationes. Aliquis dicet, quod istud verum est, & per hoc habebitur limitatio ad id, quod dicebatur, scilicet, quod debebat pactum istud durare in sempiternum, & intelligitur in sempiternum, id est in mille generationes. Dicendum tamen, quod hoc non stat, quia secundum veritatem non durauit istud pactum per mille generationes, quia ad plus durauit per duo millia, & quadringentos annos secundum computationem Iosephi, ut declaratum est præced. questione. licet pauciores sint secundum computationem Pauli Orosij libro de Ormesta mundi, quia vix accedunt ad duo millia. Sed quidquid sit non poterant esse milles generationes in tam paucis annis, immo nec in decem millibus annorum, quia vna generatio est tempus, quod intercidit inter illud tempus, quo aliquis genuit filium, & tempus quo moritur, & sic computantur generationes Genes. quinto. Et sic rationabiliter computando vnam generationem cum alia esset quælibet saltem viginti annorum. Nam si aliqua est parua alia est magna. Et hoc modo mille generationes durarent per annos saltem viginti millia. Nam interdum vna generatio durat centum annis, vel plus, ut patet Genes. decimo quinto. vbi qua-

tuor generationes durauerant quadringentis annis cum dicitur. Scito prænoscens, quòd futurum sit peregrinum semen tuum in terra non sua quadringentis annis, & affligent eos, generatione autem quarta reuertentur huc. Et sic quælibet generatio durauit annis centum. Et tamen non fuerunt nisi quatuor viri, per quos computantur istæ quatuor generationes, vt declaratum est eodem capit. dicendum ergo, quòd non ponuntur hic mille generationes ad significandum aliquam durationem certam, qua durauerit pactum istud, sed ponitur numerus certus pro incerto, scilicet, quòd deberet durare in mille generationes, idest, in multas generationes. Et hoc verum est, quia multis generationibus durauit. Nam ponuntur ab Abraham vsque ad Christum generationes quadraginta duæ, & omnibus istis durauit istud pactum, & insuper pluribus, quia a natiuitate Christi vsque ad destructionem Ierusalem per Romanos trāsierunt aliquæ generationes, cum fuerint anni quasi septuaginta quinque, vel plures. Quòd autem fuerint generationes quadraginta duæ ab Abraham vsque ad Christum, patet Mat. primo. Similis autem modus loquendi est in Scriptura sæpe, cum ponitur numerus certus pro incerto, vt patet Genes. 31. Cum dixit Iacob ad Laban. Decepisti enim me per decem vices. Et tamen manifestum est, quòd non decepit eum decem vicibus, sed solum bis, vel ter, vt patet eo. lib. capitu. 30. Sic etiam dicitur Genes. quarto. Septuplum ultio dabitur de Cain. De Lamech verò septuagies septies. Et tamen non est verum, quòd septuagies septies grauius puniendus esset ille, qui occideret Lamech, quàm puniretur ipse Lamech pro occisione Cain. Sic etiam dicitur. Matthe. 18. cum quæsiuit beatus Petrus, Domine quoties peccabit in me frater meus, dimittam ei vsque septies? Dicit illi Iesus. Non dico tibi vsque septies, sed vsque septuagies septies. Et tamen non potest ibi poni pro numero certo, quia tunc non teneretur aliquis dimittere fratri suo rancorem nisi vsque septuagies septies. Et tamen falsum est, quia sequeretur tunc, quòd aliquando posset quis habere fratrem suum exosum, & non teneretur parcere ei, scilicet, postquam iam pepercisset septuagies septies, sed istud absurdum est, & contra totam Euangelicam positionem, cum teneamur diligere inimicos nostros, & benefacere his, qui oderunt nos. Matthe. quinto. Accipitur ergo septuagies septies pro multoties, vel semper, & sic est hic de mille generationibus, quæ significant multas generationes, licet non sint mille.

An Deus iurauerit Isaac observare istud pactum.
Quest. XXV.

QUÆRITUR vltèrius quomodo dicit hic, quòd Deus iurauit ad Isaac observare istud pactum de dando Israelitis terram Chanaan. Nam non iurauit hoc, sed solum promisit. Iuramentum autem factum fuerat ipsi Abraham, vt patet Genes. vigesimo sexto, cum dicitur: Ne descendas in Aegyptum, sed quiesce in terra quam monstrauero tibi. Tibi enim dabo terram hanc complens iuramentum, quod sponendi Abraham patri tuo. Et non reperitur aliquis alius locus, in quo iurauerit Deus ipsi Isaac super observatione istius pacti. Respondendum, quòd Deus non iurauit ipsi Isaac seruare pactum de dando terram Chanaan, sed obligauit illud seruare sub viribus iuramenti præstiti Abraham. Nam dicitur tibi dabo omnes regiones has complens iuramentum, quod sponendi Abraham patri tuo. Nihil tamen magis est, quòd aliquis iuret expresse super

aliquare, vel quòd promittat illam rem seruare sub virtute iam præstiti iuramenti. Et istud observatur in iudicialibus, & etiam in vniuersitatibus. Nam cum incepta est aliqua causa, & iurauit quis super vno articulo, non cogitur iurare super reliquis specialiter, sed sub virtute iam præstiti iuramenti quæritur ab eo de dicenda veritate. Ita ergo quamquam non iurauerit Deus ipsi Isaac super observatione pacti, quia tamen iurauerat Abraham, & sub virtute illius præstiti iuramenti nunc promisit Isaac observare illud pactum, dicebatur iurare super illo.

G Cum essent pauci numero, parui, & coloni eius. Et transierunt de gente in gentem, & de regno ad populum alterum. Non dimisit quemquam calūniari eos, sed increpauit pro eis reges. Nolite tangere Christos meos, & in Prophetis meis nolite malignari. Cantate Domino omnis terra, annunciate ex die in die salutare eius. Narrate in gentibus gloriam eius, & in cunctis populis mirabilia eius. Quia magnus Dominus, & laudabilis nimis, & horribilis super omnes Deos. Omnes enim dij populorum idola: Dominus autem cælos fecit. Confessio, & magnificentia coram eo, fortitudo, & gaudium in loco eius. Afferte Domino familiæ populorum, afferte Domino gloriam, & imperium, date Domino gloriam nomini eius. Leuate sacrificium, & venite in conspectu eius, & adorate Dominum in decore Sancto.

I Cum essent pauci numero. Istud non refertur ad præcedentem tententiam, sed ad inferiorem, scilicet, quòd quamquam Israelitæ pauci essent, quibus promissa fuit terra Chanaan, transierunt de gente in gentem, & nemo ausus est nocere eis. Et dicitur pauci numero, quia quando facta est promissio ista Abraham, solus ipse erat. Nam nondum erat natus Isaac, quòd patet, quia promissio facta est Genes. dicimoretio, & decimo quinto. Et Isaac natus est Genes. vigesimo primo. Si autem intelligatur de tempore, quo erant peregrini in terra Chanaan pauci erant, scilicet, Abraham, & Isaac, & filij Isaac Esau, & Iacob, de hoc ad Hebræ. vdecimo dicitur. Fide Abraham moratus est in terra repromissionis tamquam in aliena, in catulis habitando cum Isaac, & Iacob coheredibus repromissionis ipsius. Si autem intelligatur de tempore, quo erat Iacob in Aegyptum pauci erant: nam solum parui septuaginta animæ computando filios, & filias paruos, & magnos. Genes. quadagesimo sexto, & Exo. primo. Si autem intelligatur de tempore, quo exierunt Israelitæ de Aegypto, quamquam millia virorum erant multi eo, quòd erant sexcenta millia virorum Exodi duodecimo, tamen non erant multi in multitudinem gentium, quia omnibus alijs populis in multitudine minores erant Deuteronom. septimo, scilicet: Nō quia cūctas gētes numero vincebatis vobis iūctus est Dominus, & elegit vos, cum sis omnibus populis pauciores. Sed quia dilexit vos Dominus, & custodiuit iuramentum, quod iurauit patribus vestris.

Parui

Parui. Idest, etiam erant parui isti Iudæi quibus facta est promissio, & non intelligitur parui corpore, sed parui viribus, quia non habebant multos adiutores, nec famulos ad subiiciendam sibi terram illam.

Et coloni eius. Idest non erant isti quibus promissa est terra indigens, siue oriundi de terra illa, sed erant coloni, idest, habitantes in terra, qui aliunde venerat ad habitandum: ideo alia litera habet hic, & aduenæ eius, ubi dicitur hic, & coloni eius. Sic etiam vocabantur aliquæ ciuitates coloniæ Romanorum, quia Romani accipientes illas de manibus hostium mutabant habitatores eorum, & ponebant viros venientem de alijs locis ad habitandum in illis. Et sic est quædam ciuitas, quæ vsque hodie Colonia appellatur, positionem, & propter eius laudem, scilicet, quia si Hebræi, quibus promissa fuit terra Chanaan, fuerint viri multi, & potentes, & oriundi de terra illa: non fuisset difficile, quod ipsi efficerentur Domini terræ illius, cum tamen essent pauci numero, & parui viribus, & non essent oriundi de regione illa, non erat possibile, quod ipsi obtinerent terram viribus suis. Obtinuerunt tamen illam, ideo oportet, quod opera Dei obtinuerint illam, & istud est ad laudem Dei. Alia litera habet cum essent numero breui, paucissimi, & incolæ eius, & idem est, quæ erant in numero breui, i. in paruo numero, quamquam brevis magis significat quantitatem continuam, quam discretam. Et cum dicitur paucissimi melior litera est, quam ista, quæ dicit parui, quia pauci significat numerum, & paruus significat quantitatem continuam. Alia litera habet cum essent viri pauci, & modici, & aduenæ in ea, & idem est. Nam erant viri pauci, sicut hic dicitur, & erant modici, idest, parui viribus, & erant aduenæ in ea, idest, aduenæ in illa terra, quam Deus eis promittebat, & illud declarat literam istam in qua dicitur, & coloni eius, idest, habitatores peregrinantes.

Et transierunt de gente in gentem. Etiam istud dicitur ad laudem Dei, scilicet, quod cum Israelitæ essent paucissimi, & transierunt de gente in gentem, Deus non permisit, quod quisquā noceret eis. Et istud erat mirabile, quia gentes extraneæ solent nocere peregrinis transcurrentibus per terram suam, cum non habeant auxiliatorem. Istis tamen nullus nocuit cum transierunt de gente in gentem, quamquam pauci essent.

Et de regno ad populum alterum. Repetitio sententiæ est, quia qui transit de gente in gentem transit de vno regno in alterum, vel de populo vnius regni transit ad populum alterum. Ista tamen repetitio sepe fit hic, sicut in canticis. Nam istud canticum est. Et potest hoc intelligi de Abraham, qui transiit de gente in gentem. Ipse enim est primus eorum quos Deus sequabatur, quæ erat terra natiuitatis sue, in qua Chaldæorum, & patrem suum, & cognationem suam. Vnde ipse dicitur liberatus de Vr Chaldæorum Gen. decimoquinto. Et venit inde in Mesopotamiam Syriæ cum Thare patre suo, & fratre suo Na-chor, & tota domo Thare Gen. vdecimo. Mortuo autem Thare dicitur Abraham, quod egredieretur de terra sua, & de domo patris sui, & iret in terram Chanaan quam monstraret ei, & ibi benediceret illi Gen. 12. Et tunc descendit Abraham in terram illam postea autem vigente fame in Aegyptum, quod Aegyptij occiderent eum propter uxorem suam. Et dixit ei, quod vocaret se sororem suam, & accepta est a Pharaone, &

A postea reddita Abraham cognito, quod esset vxor eius eodem capitu. Iterum etiam vigente fame descendit Abraham in terram Gerare ubi erat Abimelech, & Sara vocauit se sororem Abraham, & accepta est a rege: Gen. vigesimo. Sic etiam fuit de Isaac. Nam ipse peregrinatus est descendens de terra habitationis sue in terram Palestinarum Gen. 26. Iacob autem peregrinatus est primo vadens de terra Chanaan in Mesopotamiam: Gen. vigesimo octauo habitauitque ibi magno tempore, scilicet, per viginti annos quousque habuit vxores, & greges Gen. 31. Deinde rediit de Mesopotamia in terram Chanaan, & peregrinatus est per diuersa loca: tandem cum esset annorum centum, & triginta descendit in Aegyptum cum tota domo sua, scilicet, cum septuaginta animabus Gen. quadragesimo sexto, & Exo. primo. Deinde Israelitæ post annos multos cum multiplicati essent, & oppressi ab Aegyptijseducti sunt a Domino, & venerunt in terram Chanaan.

Non dimisit quenquam calumniari eis. Idest, quāquā transirent per diuersa regna, & sepe non permisit, quod aliquis noceret eis, quāquā multi desiderabant illis nocere, & accipere bona ipsorum.

Et corripuit pro eis reges. Idest Deus puniuit aliquos reges pro Israelitis, scilicet, quia nocere volebant eis, & Deus hoc volebat euitare. Alia litera habet non reliquit hominem nocere eis, & idem est, quod non reliquit calumniari. Et istud apparet, quia sepe voluerunt aliqui nocere istis, & non potuerunt. Patet de Abraham, quia viri de Vr Chaldæorum voluerunt nocere Abraham, & cognationi eius. Liberavit autem inde Deus Abraham, Gen. decimoquinto. Etiam quando descendit in Aegyptum propter famem terræ Chanaan, rex Aegypti accepit Saram vxorem suam in vxorem. Et tamen antequam cognosceret eam Deus percussit illum, & totam domum suam plagis magnis, & reuelavit Pharaoni, quod esset vxor Abraham. Et tunc Pharaon dimisit illam: Gen. duodecimo. Etiam Deus increpuit quatuor reges pugnantes contra vrbes Sodomorum propter Abraham. Nam quatuor illi reges pugnaverunt contra quinque reges Sodomorum, & obtinuerunt, duxeruntque illos captiuos, & cum eis Loth habitantem in Sodomis, qui erat consobrinus Abraham, & tunc Abraham armavit familiam suam ad pugnandum contra quinque reges, & Deus tradidit eos in manus eorum: accepitque cunctam prædam, quam illi tulerant de Sodomis. Gen. decimoquarto. Iterum etiam Abraham descendit in terram Philistinorum, morabaturque in Gerara apud regem Abimelech: vocauitque vxorem suam sororem, quam accepit Abimelech, sed Deus conclusit omnem vulum am domus Abimelech, & apparuit per noctem ipsi Abimelech iubens, quod redderet vxorem viro suo, alioquin moreretur Gen. vigesimo. Idem fuit de Isaac, quando descendit in Geraram. Nam Philistini conabantur nocere ei, & quando ipse fodiebat puteos aquarum Geraritæ rixabantur dicentes, nostra est aqua, quoadusque recessit ab eis Isaac, & multiplicatus est nimis in diuitijs: tunc timuit eum nimis Abimelech rex Gerar, & iuit ad componendum cum eo fœdus, dicens. Vidimus tecum esse Dominum, ideo diximus. Sit iuramentum inter te, & nos, ne quidquam mali facias nobis. Gen. vigesimo sexto. Sic etiam fuit de Iacob. Nam Esau frater suus minabatur ei ad mortem, quia surripuerat ei benedictionem paternam. Gen. vigesimo septimo. Et postea in reditu de Mesopotamia in terram Chanaan egressus est Esau cum quadringentis viris armatis, & timebat eum nimis Iacob. Deus tamen flexit Esau ad misericordiam, vt non noceret fratri suo.

suo. Genes. trigesimo secundo, & trigesimo tertio. Postea autem habitauit apud Sichem, & filij sui occiderunt in dolo omnes Sichimitas propter sororem suam quam filius regis stuprauerat. Et congregati sunt tunc omnes habitatores urbium vicinarum, ut venirent ad delendum Iacob, & domum suam: sed tunc Deus immisit timorem magnum super omnes illas gentes, & non ausae fuerunt persequi Iacob, & filios suos recedentes Genes. trigesimo quinto. Sed ante hoc cum Iacob moraretur in Mesopotamia in domo Laban, voluit Laban per fraudem accipere mercedem eius, sed Angelus Domini reuelauit ipsi Iacob in somnis qualiter facere deberet de gregibus ad hoc, quod nascerentur oues illius coloris cuius ipse volebat eos nasci. Genes. trigesimo primo. Postea etiam fugit Iacob de Mesopotamia cum omnibus rebus suis ingnorante Laban, Et persecutus est eum Laban septem diebus inuenitque in monte Galaad. Sed praecedenti nocte apparuerat Deus per somnium ipsi Laban, & terruit eum, iussitque, ut nihil dure loqueretur contra Iacob. Genes. trigesimo primo. Postea etiam descendit Iacob cum tota domo sua in Aegyptum, & mortuo ipso rex Aegyptiorum voluit opprimere nimis Israelitas, & oppressit magno tempore, sed postea Deus corripuit regem, & Aegyptios propter Israelitas, scilicet, infligendo decem plagas grauissimas. Et ad extremum submersit regem, & exercitum eius in mari rubro transeuntibus Israelitis pede sicco, ut patet Exod. septimo vsque ad decimum quintum. Postea etiam cum transirent per desertum voluerunt Amaliciae pugnare contra Israel, & pugnauerunt contra Israel. Deus tamen percussit Amalicias per manum Iosue. Exod. decimo septimo. Sic etiam fuit de Chananeo rege Arad, contra quem pugnauerunt Israelitae, & deleuerunt urbes eius. Numer. vigesimo primo. Sic etiam fuit de Schon, & Og regibus Amorrhæorum, quos Israelitae occiderunt Deuteronom. secundo, & tertio. Sic etiam de omnibus regibus Chanaanorum. Nam triginta, & unum reges per varias clades occiderunt, Iosue duodecimo.

Nolite tangere Christos meos. Ista verba sunt Dei, & diriguntur ad Gentiles, qui volebant nocere Israelitis. Et dicit eis: Nolite tangere Christos meos, idest, Israelitas seruos meos. Christus in Greco significat vnctum, & pertinet ad reges, & ad Sacerdotes, qui vngebantur oleo sacro. Et dicitur istud nunc de omnibus Israelitis ad significandam dignitatem ipsorum, scilicet, quia Deus habebat eos tamquam reges, vel Sacerdotes. Sic enim Deus dixit eis, quando dedit legem: Mea est omnis terra, sed vos eritis mihi in regnum Sacerdotale de cunctis populis Exo. decimono.

Et Prophetis meis nolite malignari. Etiam sunt verba Dei ad Gentiles, ne nocerent Israelitis quando transirent per terram suam. Et dixit. Nolite malignari, idest, inique agere contra Prophetas meos, & vocauit omnes Israelitas Prophetas ad exprimendam dignitatem eorum. Nam Prophetæ habent specialem collocationem cum Domino, & reuelat eis mysteria, quæ non reuelat alijs hominibus. Ita erat de Israelitis respectu aliarum gentium, quia quandoque ipsi volebant, Deus respondebat eis per Sacerdotes, & Prophetas. Alijs autem gentibus non respondebat, & ob hoc Moyses laudauit Israelitas, dicens. Nec est alia natio tam grandis, quæ habeat Deos appropinquantes sibi, sicut adest Dominus cunctis obsecrationibus nostris. Deuteronom. quarto. sic etiam dixit Core, quando insultabat Moyfi, & Aaron. Omnis populus sanctorum est, & in ipsis

Fest Dominus, cur eleuamini super populum Domini? Nume. decimosexto. Quasi dicat, non oportet, quod vos erigamini super alios in sanctitatem specialem, vel collocationem ad Deum, quia omnis populus est sanctorum, idest, omnes de populo sunt sancti, & in ipsis est Deus, scilicet, specialiter sibi collocando. Hic finit iste primus Psalmus in quo exhortabatur David Israelitas, ut laudarent Deum, & incipit secundus Psalmus. Et tamen in spalterio multo plura sunt. Nam ponitur de descensu Ioseph in Aegyptum, & exaltatione eius, & de afflictione Israelitarum manentium in Aegypto, & de plagis inflicis Aegyptijs propter eos, & de liberatione eorum inde, & transitu in terram Chanaan.

G *Cantate Domino.* Hic ponitur secundum huius partem, in quo totus orbis ad laudandum Dominum persuadetur. Et dicitur.

Cantate Domino omnis terra. Idest laudate eum, scilicet omnes, qui in terra sunt, possunt cognoscere operationem Dei super se, quia ipse, qui gubernat eos, dat vitam, & punit pro malis. Et istud naturaliter cognosci potest, quia inuisibilia Dei per ea, quæ facta sunt a creatura mundi intellecta conspiciuntur, ad Rom. primo.

H *Annunciate ex die in diem salutare eius.* Idest quotidie annunciate salutare eius, vel ex die in diem, idest, quotidie crescite in annunciendo salutare eius. Alia littera habet plus, scilicet, Cantate Domino canticum nouum cantate Domino omnis terra. Cantate Domino, & benedicite nomini eius: annunciate de die in diem salutare eius. Hic autem breuius scripsit Esdras, & vocatur salutare Dei salus, quæ nobis a Deo inducitur. Et quodlibet bonum homini a Deo datum vocatur salus eius, quia per illud saluatur, idest, liberatur a quodam malo. Et est sensus in hoc, quod omnes gentes debent laudare Deum propter beneficia generalia, per quæ saluantur. Nam Deus dat omnibus esse, viuere, & moueri iuxta illud Actuum decimo septimo, scilicet. Deus est in quo sumus, viuimus, & mouemur: Deus etiam tribuit nobis quotidiana alimenta, ipse quoque liberat nos ab omnibus aduersitatibus, in quas quotidie incidere possemus, nisi ipse impediret eas dando culibet Angelum suum, qui in his auxiliatur ei iuxta Dei voluntatem. Ista autem nos debemus annunciare quotidie, ut omnes sciant, quod tota vita nostra, & omne bonum nostrum pendet a Deo.

Narrate in gentibus gloriam eius. Istud dicitur Hebreis, ut ipsi narrarent gloriam Dei, idest, magnitudinem suam, propter quam debet esse gloriosus inter gentes. gloria enim est clara cognitio cum laude, & pertinet ad famam, scilicet, quando aliquis vir est famosus, & ab omnibus cognoscentibus eum laudatur, dicitur esse gloriosus, & non debebat narrari ista gloria inter Gentiles, quia si Deus gloriosus erat inter Gentiles, fama sua erat inter illos, & non oportebat, quod enarraretur aliquid eis, sed est sensus, quod Deus faceret magna, propter quæ esset gloriosus si illa cognoscerentur. Et Hebraei, qui cognoscebant illa, debebant narrare Gentilibus ea. Et sic narrabant gloriam Dei, idest id propter, quod efficeretur gloriosus.

In cunctis populis mirabilia eius. Eadem sententia est, quia mirabilia Dei erant gloria eius cum de illis deberet gloriari. Et cum illa narrabantur inter gentes, narrabantur in omnibus populis, & ponuntur hic mirabilia generaliter pro omnibus speciebus miraculorum, ut declaratum est supra in quadam quaestione. Quia magnus Dominus, & laudabilis nimis. Subditur cautius inter, periorum, scilicet, quod Dei mirabilia narrari debeant inter gentes, scilicet, quia magnus est, & laudabilis nimis, idest dignus

gnus magna laude, ideo iustum est, ut laudetur. *Terribilis nimis super omnes Deos.* Id est, Magis terribilis est, quam Dij gentium. Istud etiam ponitur ad laudem eius, nam laus debet dari propter magnitudinem perfectionis. Nam laus est sermo explicans magnitudinem. Apparet autem magnitudo Dei in duobus, scilicet, in eo quod potest saluare cultores suos, & benefacere eis. Et in hoc, quod potest aduersarios eorum delere, & quosunque peccatores punire. Quantum ad primum dicebatur supra ante nunciare ex die in diem salutem eius, id est, salutem, quam omnibus hominibus tribuit. De secundo dicitur, Terribilis super omnes Deos, scilicet, in infligendis poenis terribior est, quam alij Dij. Nam non erat aliquis Deus gentium, qui tam graues, & manifestas poenas infligeret aduersariis, sicut Deus Israel. Et hoc cognoscebant Gentiles. Vnde quando arca Domini venit in castra, timuerunt Philisthini, dicentes: Vae nobis, quis nos liberabit de manu Deorum sublimium istorum? Isti sunt Dij, qui percusserunt Aegyptum omni plaga, i. Regum 4. Deus etiam percutiebat omnes vrbes Philistinorum plaga magna notorie: nam cum teneretur arca eius in vna vrbe, fiebat ibi plaga magna, & cum exiret de vrbe cessabat, & cum ingrederetur in aliam urbem incipiebat ibi magna plaga, & De Dijs autem gentium non reperiebatur, quod infligerent tales plagas, ideo erat iste Deus terribilis super omnes Deos. *Omnes Dij populorum idola.* Hic subditur probatio, scilicet, quomodo Deus Israel esset terribior super omnes Deos, scilicet, quia Deus Israel erat verus, Deus qui fecerat coelum, & terram: ideo poterat bonum, & malum facere. Alij autem dij gentium non erant dij, sed solum figura posita ad representandum: ideo dicuntur idola, quia Idolum in Greco idem est, quod forma, vel figura. Vnde species visibilis existens in oculo vocatur idolum. Alia litera habet omnes dij gentium sculptilia, & idem est, quia sculptilia sunt statuae factae de ligno per dolaturam cauando, & planando, quod est sculpere. Alia litera habet omnes dij gentium daemonia, & sic est litera communis Psal. xxi. sed melior est ista, scilicet, omnes dij gentium idola, vel sculptilia, quia daemon in Greco significat substantiam intelligentem. Et sic omnes Angeli vocantur daemones, quia intelligunt. Et hoc modo negasse est etiam verum Deum esse daemonem, quia substantia intellectualis est. Est tamen differentia, quia mali Angeli vocantur cacodaemones. Noluit autem significare hic scriptura, quod dij gentium erant substantiae intelligentes, quia per hoc modicum viderentur differre a Deo vero, & etiam tunc possent facere bonum, vel malum, quod scriptura non vult, sed vult significare quod dij gentium erant ligna, vel lapides, quibus nullum opus competit, & hoc proprie significatur per sculptilia, & idola. *Dominus Angelos fecit.* Ista est probatio potestatis Dei Israel, quasi dicat. Si Deus Israel potuit facere coelos, a fortiori poterit facere quaecunque alia bona, vel mala: quia nihil videtur maioris potestatis esse, quam coelos facere. Quod autem Deus fecisset coelos, non poterant probare Israelitae, quia non habebant aliquod testimonium. Ad hoc tamen istam erat per libros sacrae scripturae, quod Deus fecisset coelos. Et hoc sufficebat eis ad laudandum eum, & ad persuadendum Gentilibus, quod laudarent ipsum. De alijs autem dijs gentium nullus asserbat, quod fecissent coelum, & terram. Nam etiam ipsi cultores sui non asserbant hoc, quia nihil credebant esse creatum, sed mundum asserbant esse aeternum, iuxta positionem Philosophorum, Aiph. Tost. In Lib. I. Paralip.

A Confessio, & magnificentia coram illo. Confessio est laus. Magnificentia autem est magnitudo status, siue maiestas. Et vtrunque erat coram Deo. Et potest intelligi dupliciter: vno modo de Deo, prout erat in Sanctuario: alio modo de eo, prout est in coelo empyreo. Accipiendo primo modo dicitur esse confessio coram Domino, quia in Sanctuario semper erat laus coram Deo, cum ibi essent Leuitae canentes iugiter, sicut pater supra in litera de Leuitis canentibus coram arca: Erat etiam ibi magnificentia, id est, maiestas: quia locus Dei in tabernaculo erat in magno honore propter excellentem apparatus. Nam ibi erant multa vasa aurea, & argentea, & pulcherrima operimenta, & omnia alia magni pretij, & decoris, quae ostendebant excellentiam maiestatis alicuius ibi existentis. Accipiendo secundo modo pro coelo empyreo etiam verum est, quia est ibi coram Deo semper confessio. Nam Cherubim semper clamant Sanctus, Sanctus, Sanctus, Dominus Deus Sabaoth, Isaia 6. Et quatuor animalia non habent requiem nocte, & die, clamantia coram Deo, Ezech. 1. & 10. Etiam viginti quatuor Seniores quos vidit Beatus Ioannes, adorabant Dominum, & laudabant, & Angeli multi in circuitu animalium, & seniorum, & erat numerus eorum millia millium dicentium, laus Deo nostro, & cetera. Apocalyp. 5. Est etiam ibi magnificentia, quia ibi est Deus in tota maiestate sua, & cernitur ab animabus Beatorum. Nec est aliquid tam gloriosum videre, aut cogitare quale illud est, sicut dixit Apostolus prima ad Corinth. 2. scilicet, Scriptum est, quod oculus non vidit, nec auris audiuit, nec in cor hominis ascendit, quae praeparauit Deus diligentibus se. Hic tamen accipitur confessio, & magnificentia pro illa magnificentia, & confessione, quam Deus habebat in templo, quia de illa, quae est in vita aeterna raro loquuntur Hebraei. *Fortitudo, & gaudium in loco eius.* Potest etiam istud exponi, sicut clausula praecedens. Nam locus Dei est duplex. Vnus est in templo vbi specialiter erat super arcam inter alas Cherubim, 2. Regum 6. Et alius est in coelo empyreo: Accipiendo primo modo est fortitudo in loco eius, id est, templo, quia ibi apparet manifestius praesentia eius, & operatio sua: eo quod ibi respondebat in voce ad quaesita, quod non faciebat in alijs locis. Est etiam gaudium ibi, quia omnes qui ibi sunt gaudent. Nam cantare pertinet ad gaudendum. Et quia plurimi ministrorum, qui erant in templo cantabant laudes Dei, accipiendo pro coelo empyreo etiam verum est: nam ibi est fortitudo in loco Dei, scilicet, quia oēs, qui ibi sunt fortes sunt, & non subiiciuntur alicui infirmitati, nec iam erit in eis corruptio, & est ibi gaudium, quia illi, qui ibi manent in aeternum cum Domino gaudebunt, & nunquam superueniet eis aliqua tristitia. Eo quod absterget Deus omnem lachrymam ab oculis Sanctorum suorum, & non esurient, nec sitient amplius, nec cadet super illos Sol, nec ullus aestus, quia priora transierunt, Apocal. 7. Hic tamen accipiendus est primus sensus, scilicet, pro fortitudine, & gaudio, quod erat in Sanctuario, & necesse est sic accipi, ut patet ex alia litera, quae habet gloria, & decor ante vultum eius fortitudo, & exultatio in Sanctuario eius, & idem est: nam vbi dicitur hic confessio, dicitur ibi gloria: & idem est, quia confessio est laus, & est gloria est cum laude, scilicet, clara cognitio cum laude, & ponitur ibi decor vbi dicitur hic magnificentia, & idem est: quia magnificentia significat hic maiestatem, & maiestas consistit in quodam apparatu excellenti, & pulchro. Et dicitur fortitudo, & exultatio in Sanctuario eius vbi nos dicimus in loco eius: & idem est, quia Sanctuarium erat locus Dei. Alia littera habet confessio, & pulchritudo in conspectu eius: sanctimonia, & magnificentia in sanctificatione eius. Et idem est, quia pulchritudo,

tudo, & decor idem sunt, quod maiestas, vt supra dictum est. Sanctimonia, & magnificentia ponuntur vbi hic fortitudo, & gaudium. Et ista aliquantulum differunt: nam sanctimonia est quædam sanctitas observata in caeremonijs cultus diuini, & ista erat in Sanctuario cum ibi fierent omnes caeremoniæ legis: magnificentia est maiestas, quæ etiam erat in templo, vt dictum est. Et dicitur in sanctificatione eius, id est, in templo: quia ibi erat locus sanctus Dei, & non alibi propter specialem præsentiam eius, vel etiam quia ibi sanctificabantur Deo sacrificia, & omnia alia. *Afferre Domino familiæ populorum.* Est sententia imperfecta, quia non dicitur quid afferre debent, & postea cõpletur cum dicitur. *Afferre Domino gloriam, & imperium.* Et dicitur familiæ populorum: quia omnes familiæ, id est, cognationes populorum debent laudare Dominum. *Afferre Domino gloriam, & imperium.* Scilicet, Laudate eum dicendo, quod gloriosus est, & date ei imperium non quidem in re, quia nullus potest Deo dare quicquam: nec etiã ipse bonis nostris indiget, Psal. 15. Bonorum meorum non eges: sed in voce debemus Deo dare imperium, dicendo, quod Deus habet imperiũ super omnes gentes, & ipse facit quidquid vult, & etiam debemus orare per modum desiderij, vt regnum eius maneat in æternum, quamquam necesse sit, quod maneat etiam si nos non oremus, sed debent fieri tales orationes ad significandum desiderium nostrum circa bonum Dei, quod ipsi Deo acceptum est. Alia litera habet: *Afferre Domino gloriam, & fortitudinem:* & idem est, quia gloria ponitur vtroque, & imperium, & fortitudo pro eodem accipiuntur: quia ille, qui imperat fortior est potestate omnibus, quibus imperat. Alia litera habet: *Afferre Domino patriæ gentium: afferre Domino gloriam, & honorem.* Et idem est, quia patriæ gentium idem sunt, quod familiæ: eo quod in diuersis patrijs diuersæ familiæ, id est, cognationes sunt. Etiam ponitur honor vbi dicitur hic imperium, & ad idem pertinet: quia ille, qui imperat super alios honoratus est. *Date Domino gloriam nomini eius.* Id est, Date Deo laudem pro nomine eius, quia debet esse nomen Dei laudatum a nobis. *Leuate sacrificium, & venite in conspectu eius.* Hortabatur supra David Israelitas, & etiã Gentiles ad laudandum Deũ in voce. Hic autem hortatur ad laudandum eum in re, & est laus realis, quando quis exhibet reuerentiam alteri. Nam laus proprie est sermo explicans magnitudinem. Interdum tamen magnitudo alicuius significatur per caeremonias exterius sibi exhibitas sine aliquo sermone, sicut cum quis humiliatur coram alio, & facit alias caeremonias. Ita est de Deo, quia si quis sibi exhibet sacrificium laudat eum. Nam sacrificium soli Deo datur, nec fuerunt vnquam aliqui homines quantumcunque errarent, qui offerrent sacrificium alicui, nisi Deo vero: vel ei, quem ipsi existimarent Deum verum, & sic quando aliquis offerebat Deo sacrificium, manifestè profitebatur illum esse Deum: quia aliàs non offerret ei sacrificium, ideo valde laudabat Deum quicumque sacrificium offerebat. Et dicitur hic leuate sacrificium, id est, animal quod debet sacrificari. Nam sacrificium proprie non est, nisi quando animal est immolatum, & sunt in eo caeremoniæ, quas Deus iussit, & istud non pertinet nisi ad sacerdotes. Hic tamen dicitur gentibus, & omnibus ludæis leuate sacrificium. Ergo solum intelligitur de animali, quod debet sacrificari. Item patet, quia dicitur, & venite in conspectu eius. Et sic postquam leuabant sacrificium, debebant venire in conspectu eius. Et tamen falsum est, quia sacrificium non poterat fieri, nisi in conspectu Dei in Sanctuario, & sic accipitur sacrificium pro animali viuente, quod immolandum erat.

Et venite in conspectu eius. Id est, Venite ad templum Domini in quo ipse est, quia ibi eritis in conspectu eius. Erat autem modus ad hoc, quod populares volentes offerre sacrificia, prius eligerent animalia munda, & immaculata ad offerendum, quia non reciperentur animalia munda, nec maculata, Leuitici 22. Nisi esset parua macula, & hoc in quibusdam sacrificijs solum, eodem cap. Deinde separabat volens offerre partem quandam farinæ non habentis sursum, quæ vocabatur simila, & quandam partem olei, & vini, & thuris, & salis: quia ista erant libamenta necessaria pro holocaustis, & hostijs pacificis, vt patet Leuitici 2. & Numeri 15. Et ista accipiebantur in mensura certa iuxta modum animalis, quod offerebatur, quia cum quibusdam animalibus offerebatur maior quantitas de istis, & cum alijs minor, vt patet Numeri 15. & ista vocantur libamenta, quæ sunt quædam accessoria, & quasi condimenta sacrificij, & omnia hæc ferebat simul cum animali offerendo viuenti ipse, qui offerre debebat, & introibat in Sanctuarium vsque ad certum locum, & ibi erant sacerdotes, qui suscipiebant istas oblationes, scilicet, ad ostium tabernaculi, vt colligitur Leuitici primo, & in multis alijs locis.

Et adorate Dominum in decore sancto. Consequens est ad præcedentia, scilicet, postquam aliquis veniebat ad offerendum Domino sacrificium, orabat in templo, dum fieret sacrificium suum per sacerdotes, & tunc dicebatur. *Adorate Dominum in decore sancto,* id est, existentem in templo in magna maiestate, quæ est quidam decor, vt declaratum est. Alia litera habet: *Tollite hostias,* & introite in atria eius, id est, in atrium tabernaculi. Nam Sanctuarium Domini, quod fecit Moyses habebat duas partes, quarum vna erat in circuitu vallata tabulis deauratis, & de super operta cortinis, & alijs velamentis ex omni latere, & ista vocatur tabernaculum foederis, spatium quadrangulum in longitudine cubitorum centum, & in latitudine cubitorum quinquaginta. Et per loca ista laterum, erant positæ columnæ altitudinis quinque cubitorum, & ex eis pendebant velamina de bysso retorta ad claudendum spatium quadrangulum in medio, intra quod erat tabernaculum, de quo dictum est, & magnum spatium in circuitu eius, quia tabernaculum erat solum in longitudine cubitorum triginta, & in latitudine decem, vt colligitur Exodi vigesimo sexto, & ibi declaratum est. Iste circuitus exterior vocabatur atrium tabernaculi, & non habebat aperturam tecti, sed solum in lateribus, & intra illud erat altare holocaustorum, quod non ponebatur intra tabernaculum, & habebat ostium in latere Orientali, & intra illud atrium erant sacerdotes facientes sacrificia, & alias caeremonias. Et quando aliquis popularis volebat offerre sacrificium, introibat in illud atrium vsque ad altare holocaustorum, in quo fiebant sacrificia, & ibi offerebat animal viuens, cum suis libamentis, vt supra dictum est. De his magis declaratum est Exodi decimo sexto, & atriij eius, & ponitur hic atria pluraliter pro singulari: quia vnusquisque habebat quatuor spatia per atrium erat, quia tamen habebat quatuor spatia per quatuor latera in circuitu tabernaculi, vocantur de pluraliter. Aliquis autem dicet, quod intelligitur de templo Salomonis, in quo erant quatuor atria, quia declaratum est, 3. Regum 7. Sed non potest stare, quia tempore quo factus est iste Psal. per David, non erat fabricatum templum Salomonis, quia illud fuit factum post mortem David, nisi forte diceretur, quod illud dicitur prophetice, sed non est satis verisimile. Potius n. cre-

dendum est, quod inuitaret Iudæos, & omnes gentes ad adorandum Dominum in Sanctuario, quod tunc erat, quàm in illo Sæctuario, quod postea erat factum. Alia litera habet: Adorate Dominum in decore Sanctuarij, ubi dicitur hic adorare Dominum in decore Sanctuario, quia sacrificia fiebant in Sanctuario, quod erat pulchrum propter velamenta, quæ habebat in circuitu, & propter Leuitas, qui canebant in Sanctuario cantus iocundos. Sed idem est dici in decore sancto, & in decore Sanctuarij, cum nihil sit, nisi conuerti literam. Alia litera habet: Adorate Dominum in atrio sancto. Et ista adhuc clarior est, quàm omnes aliæ literæ: vocabatur atrium sanctum propter sanctitatem ceremoniarum, quæ ibi fiebāt, & propter munditiam magnam, quia non licebat alicui immun-do accedere ad illud, aliàs moreretur vt patet Leui. 15.

An omnes gentes teneantur Deum laudare. Quest. XXVI.

QUÆRITUR vltcrius circa ea, quæ dicta sunt hic de laude Dei: cur omnes gentes tenerentur laudare Deum. Et videtur, quod sic, quia dicitur hic, Cantate Domino omnis terra. Et itemino gloriam nomini eius. Respondendum, quod homo potest obligari Deo dupliciter. Vno modo per legem naturæ, id est, ex dictamine naturalis rationis: alio modo ex lege data: Accipiendo secundo modo soli Iudæi obligabatur Deo ad aliquas ceremonias, eo quod eis solus Deus dederat legem in qua continebantur ceremoniæ cultus eius. Et sic non tenebantur aliqui Gentiles Deo ad aliquid, quia nullus eorum dederat legem, vt patet Psal. 147. f. Qui annūciat verbum suum Iacob nationi, & iudicia sua Israel. Non fecit taliter omni nationi, & iudicia sua non manifestauit eis. Accipiendo primo modo, dicendum est, quod tenentur omnes gentes Deo ad aliquid. Et istud teneri est duplex, quodam est ad agendum aliquid, vel euitandum circa ipsum Deum. De primo dicendum, quod tenentur omnes homines proximis suis ad subueniendum eis in necessitatibus inuitabilibus, & in quibusdam aliis, in quibus vident proximis suos propter ignorantiam periculi, vel male se habere, teneretur eis ad consilium, & eruditionem. Sic enim dicitur Ecclesiastici: Vnicuique mandauit Deus de proximo suo. Et istud est propter legem naturalem, quam Deus posuit in conscientia nostra. Ad Roman. 2. scilicet, Cum gentes, quæ legem non habent, naturaliter ea, quæ legunt sibi lex, faciunt, eiusmodi legem non habentes, ipsi dōus suis testimonium reddente illis conscientia ipsorum. Et secundum istam legem tenentur determinare bonorum non tenentur determinate, quia ad quædam bona tenentur, & ad alia non. Et aliquando tenentur, & aliquando non, quia ista est conditio præcepti affirmatiui. Et ad ista tenetur homo homini propter seipsum, eo quod est sibi similis in specie, & cum diligere tenetur ex similitudine: cum omne animal diligit sibi simile, Ecclesiastici 13. Tenetur etiam maxime homo homini propter Deum, scilicet, quia ipse indidit animæ cuiuscunque hominis legem istam naturalem, secundum quam teneretur ad aliquid proximo suo. Aliud teneri est secundum quod tenemur Deo ad colendum ipsum. Et dicendum est, quod istud est propter beneficia, quæ ab eo recipimus, & quotidie recipimus, scilicet, beneficium creationis, & gubernationis, & illuminationis in fide, & bonis operibus: Etiam quia ipse est

Alph. Tott. In Lib. I. Paralip.

A Dominus vniuersalis, & omnes tanquàm serui tenentur ei. Et secundum hoc est quædam virtus, quæ vocatur latria, secundum quam impendimus Deo aliquem cultum, in quantum est sibi debitus sub ratione dominij collatorum beneficiorum. Et ad istam pertinent omnes ceremoniæ cultus diuini. Considerandum tamen est, quod ista virtus non habet operationes determinatas secundum naturam, scilicet exhibeamus Deo istum cultum, vel illum. Et ratio huius est, quia obligatio nostra ad Deum est secundum rationem naturalem. Et tamen ratio naturalis non terminat distincte istum cultum, vel illum particulariter, sed istum solum habetur ex aliqua lege posita, quæ dirigat virtutem latriæ circa actus particulares. Sic enim

B innuit Aristoteles quinto Ethicorum, distinguens iustum naturale, & legale, siue positium: quia naturale habet eandem vim, semper, & vbique. Legale autem consistit in opinione, & ponit exemplum; vt sacrificare capram, sed non duas oues. Sacrificare enim istud, vel illud actus latriæ est, sed non potest dirigi, nec certificari, nisi per legem posituam. Dicendum tamen, quod in vniuersali certificatur aliqui actus latriæ, vt pote cuilibet benefactori tenemur regratiari verbo, & opere si possumus, vel saltem verbo: & quia maxima beneficia a nobis recepta conferuntur a Deo, tenemur Deo naturaliter ad gratiarum actiones. Etiam Deus est maximum ens, quia est id, quo nihil maius, nec melius excogitari potest. Et quia laus est sermo explicans magnitudinem, ei naturaliter tenemur ad aliquam laudem: quia etiam si nihil aliud sit tenemur pro beneficijs reddere gratiarum actiones. Et quia non possumus reddere aliquid, cum Deus bonorum nostrorum non egeat, tenebimur in vocem reddere: & ista gratiarum actio erit laus. Dicendum tamen, quod non obligamur determinate ad talem, vel talem laudem. Sed istud pender ex lege positua, vel ex voluntate cuiuscunque secundum quod homo varijs ad Deum affici potest, & sic David hortabatur his omnes gentes ad laudandum Deum, quia naturaliter ad hoc omnes tenebantur. Sed aliter Israelitæ, quàm aliæ gentes, eo quod ipsi obligabantur naturaliter, & insuper ex lege data.

An omnes gentes tenebantur sacrificare Domino. Quest. XXVII.

QUÆRITUR vltcrius, an tenebantur Israelitæ, & omnes aliæ gentes sacrificare Domino, quia dicitur hic leuate sacrificium, & dicitur ad omnes gentes. Respondendum est, quod sacrificium est quedam ceremonia cultus diuini, & est actus latriæ. Nā sicut supra dictum fuit, nulla vnquàm gens fuit quantuncunque erraret, quæ afferret sacrificium, nisi Deo vero, vel ei, quem putabant Deum verum. Et propter hoc quamquam multæ aliæ ceremoniæ sint, quæ exhibeantur Deo in cultum: nulla tamen est, quæ magis determinate pertineat ad Deum, quia oēs aliæ, quæ Deo offeruntur, vel exhibentur, et hoibus exhibentur sicut laus, & adoratio, & similes. Sacrificium tamen soli Deo tribuitur. Dicendum, quod sacrificium non est de naturali obligatione, quia alias omnes gentes tenerentur ad sacrificandum Domino, & omni tempore duraret ista obligatio, & tamen nunc non durat, quia non sunt aliqua sacrificia. Non enim fit sacrificium, nisi cum aliquod animal immolatur. Et ob hoc dicendum, quod minime tenebatur Gentiles offerre Domino sacrificiū. Et dato, quod tenerentur, non tenebatur eo modo quo dicit hic David: quia ipse dicit de sacrificio, quod fiebat Deo Israelitarum in Sanctuario eius per sacerdotes, cum dicatur: tollite hostias, &

Introite in atria eius, & tamen non tenebantur Gentiles ad hoc propter duo. Primo, quia non tenebantur ad aliquid Deo Israelitarum. Nam licet omnes gentes naturaliter scire poterant, quod erat aliquis vnus verus Deus, & illum tenebantur colere: tamen non poterant scire naturaliter, an esset ille Deus, qui colebatur a Iudeis specialiter, vel ab aliqua alia gente, vel forte a nulla coleretur, immo vt communiter putabatur ille Deus ignotus esse etiam a maxime sapientibus. Sic enim fuit de Atheniensibus, qui erant maxime sapientes in illo tempore suo, & cum ponerent titulos omnibus aris Deorum, posuerunt super quādam aram titulum Deo ignoto. Et cum reipexisset Beatus Paulus illam aram, dixit quod ille erat verus Deus, quem ipse predicabat, Actuum 17. Secundum erat, quia dato, quod omnes gentes scirent Deum Israel esse verum Deum, & nullum alium esse Deum, non tenebantur obseruare legem, quam dederat Iudeis. Primo, quia non constabat eis an illa lex fuisset data eis a Deo, vel aliquis cōfinxisset eam de corde suo. Secundum erat, quod dato, quod scirent Gentiles istam legem datam fuisse Iudeis a Deo vero, non obligabantur obseruare eam, quia lex solum obligat illos, quibus datur, sed nō fuit data ista lex Gentilibus, sed solum Iudeis, ideo non obligabantur Gentiles. Et sic dicendum, quod istud quod dixit hic Dauid de sacrificio non cadat sub obligatione, sed incitat Gentiles ad opera supererogationis.

An essent accepta sacrificia Domino, quæ vellent Gentiles offerre. Quæst. XXVIII.

QUÆRITUR vltius, dato quod Gentiles vellent offerre Domino sacrificia, an essent ei accepta. Et quomodo debebant illa fieri. Respondendum est, quod aut Gentiles, volebant offerre in templo Domini iuxta caeremonias legis, aut volebant offerre in regionibus suis, iuxta alias caeremonias. Si primo modo, aut ipsi volebant conuerti ad fidem, aut non. Si primo modo poterant facere sacrificia, sicut Hebræi, quia obligabantur iam ad legem per hoc, quod conuertebantur ad Deum. Et sic non erat aliqua diuersitas inter Hebræos, & Gentiles conuersos ad Iudaismum. Si autem secundo modo, scilicet, quod nolabant conuerti, & tamen volebant offerre sacrificia secundum caeremonias legis non permittebantur, vt declarabitur sequenti questione. Si autem volebant offerre sacrificia in regionibus suis, & non iuxta caeremonias, aliqui distinguere, quod aut isti Gentiles sciebant Deum Hebræorum esse verum Deum, aut non, sed ista distinctio nihil est, quia siue scirent, siue nescirent non tenebantur ad aliquas caeremonias legis. Sed dicendum est, quod Gentiles poterant sacrificare Deo vbicunque animalibus, & qualitercunque vellent, & de quibuscunque animalibus, & sub quibuscunque caeremonijs. Ratio huius est, quia quod Hebræi sacrificarent solum de ouibus, bobus, & capris, & quod solum in Sanctuario, & sub certis caeremonijs pendebat ex lege a Deo data, quia alias non magis erat licitum, sic quam aliter facere. Et tamen Gentiles non erant obligati ad aliquam legem, cum non suscepissent illam, ideo poterant in omni loco offerre sacrificium, licet Iudæi solum possent in vno loco, scilicet, ad ostium tabernaculi, Leuit. 17. & Deuter. 12. Poterant etiam offerre de quibuscunque animalibus, dum tamen essent munda, & tamen non haberentur apud homines in contemptum, licet Iudæi non possent offerre, nisi de bobus, ouibus, & capris, vt colligitur Leuit. 1. 3. & 4. Nec etiam reperietur in tota lege, quod de alijs speciebus

animalium offerretur. Poterant etiam facere quascunque caeremonias in sacrificijs suis, licet non obseruarent caeremonias holocaustorum, & hostiarum pacificarum, & pro peccato: dum tamen non facerent aliquam caeremoniam, quæ dirigeretur in caeremoniam alicuius idoli: & dato, quod facerent aliquas caeremonias similes caeremonijs idolorum, sed nō fierent cum intentione honorandi idolum, non erat peccatum. Simile patet in cibis consecratis idolis, quia illi consecrabantur per aliquas caeremonias idolorum. Et tamen qui comedebat de illis cibis, nō peccabat nisi haberet cōscientiam laeam, si quæ putaret, quod idolum aliquod erat, & poterat conferre aliquam virtutem alijs consecratis in nomine suo, vt patet 1. ad Corinth. 8. & 10. Hebræi tamen non poterant offerre sacrificia, nisi sub certis caeremonijs, dato, quod bona intentione illa offerrent, & ad cultum solius Dei. Et sic Gentiles poterant offerre sacrificia ad honorem Dei vbicunque, & qualitercunque vellent. Et Deus acceptabat sacrificia illa, sicut sacrificia Hebræorum si facerent propter cultum eius. Hæc omnia patent in Noe, qui fuit tempore Gentilitatis: nam tunc nulla lex erat, nisi lex rationis scripta in cordibus hominum, & tamen in exitu de arca post diluuiū ipse obtulit Domino sacrificia de omnibus animalibus tam volucribus, quam quadrupedibus mundis, Genet. 8. Et placuit Domino valde istud sacrificium. Nam dicitur ibi, quod odoratus est Dominus odorem suauitatis, eodem cap. Ita ergo de omnibus alijs gentibus, licet non offerrent animalia, quæ offerebant Hebræi, nec sub eisdem caeremonijs, placebat Deo sacrificium ipsorum.

An permitterentur Gentiles offerre sacrificia Domino in Sanctuario. Quæst. XXIX.

QUÆRITUR vltius si vellent Gentiles offerre sacrificia Domino in Sanctuario, sicut offerebant Hebræi, an permitterentur. Pro responsione premittendum est, quod postquam innotuit valde fama Dei Israel multi de gentibus veniebant etiam de longissimis partibus terrarum in templum Domini in Ierusalem, & orabant ibi. Et de istis dubium erat, an possent offerre sacrificia. Patet hoc, quia Eunuchus Aethiops Princeps Gazarum Candacis Regine Aethiopum, qui erat vir potens venit in Ierusalem adorare Dominum. Et cum reuerteretur sedens in curru suo, Philippus predicauit ei Christum, & conuertit eum ad fidem, Actuum 8. Sic etiam patet, quia Salomon compleuit templum, & orauit ad Dominum nimis, interposuitque in oratione illa, quia quādo alienigenæ, qui non erant de terra Israel, venirent de terra longinqua, & orarent ad Dominum in templo illo, Deus exaudiret ipsum de cœlo, & compleret preces eius. Et subditur ibi, quod multi venirent de extraneis ad orandum, cum dicitur: Alienigena cum venerit de terra longinqua, audietur enim nomen tuum, & manus tua fortis, & cetera. Quasi dicat, quia nomen tuum audietur per vniuersam terram multi alienigenæ venirent ad templum istud, vt patet 1. Regum 8. Et sequenti libro, cap. 6. Etiam quia templum factum in Ierusalem erat in magna deuotione in toto orbe, vt patet 2. Machabæorum, cap. 3. Ideo multi conuenerunt de Gentilibus ad illud. Nunc dicendum, quod quam ista Gentiles ex deuotione vellent Domino sacrificare, non permittebantur, & hoc propter duo. Primo, quia nō poterant in eis teneri caeremoniæ offerentium. Nā quā aliquis offerebat animal ad immolandum, debebat introducere illud in Sanctuariū vique ad altare holocaustorum, & ibi erant sacerdotes, qui suscipiebant illud, vt declaratum est supra in I. sa, & colligitur Leuit. 1. Nō licebat

bat tamen Gentilibus introire in Sanctuarium ad partem illam, ad quam introibant Israelitæ laici, & peccabant Israelitæ si permitterent introire Gentiles, ut patet Ezechia 44. scilicet, Sufficiant vobis omnia scelera vestra domus Israel, eo quod inducitis filios alienos incircuncisos corde, & incircuncisos carne, ut sint in Sanctuario meo, & polluant domum meam. Vnde si quis Israelitarum introduceret aliquem Gētilem in templū dignus erat morte, sic enim patet de Iudæis, qui voluerūt occidere propter hoc Beatum Paulum: nam quādo ipse purificatus est, introiuit in templum, & putauerunt Iudæi, quod introduxisset secum Trophium Ephesium, quem viderūt cum illo in ciuitate, & acceperunt Paulum, trahebantque eum extra templum ad occidendum. Act. 22. Secundum erat, quia animalia, quæ offerrent Gentiles censebātur habere maculam, & quia animalia maculata non recipiebantur in oblationem, etiā non recipiebantur animalia de manu Gentilium: sic patet Leuit. 22. s. De manu alienigenæ non offerentis panes Deo vestro, & quidquid aliud dare voluerit, quia corrupta, & maculata sunt omnia, non suscipietis ea. Considerandum tñ, quod aliqua erant, quæ per se offerebantur in sacrificium, & aliqua in libamenta, ut panis, vinum, oleum, thus, sal. Alia autē erant, quæ non offerebantur per se, sed erant mediata ad offerendum, sicut erat pecunia, & alia, quæ poterant commutari, & vendi, & ex eis emi aliquid ad sacrificandum: prima nō recipiebantur a Gentilibus, & de hoc intelligitur textus allegatus Leuit. 22. s. De manu alienigenæ non offerentis panes Deo vestro, & quidquid aliud dare voluerit, quia corrupta, & maculata sunt omnia. Et intelligitur de ipsis, quæ per se offeruntur, quia illa poterant esse maculata per cēmonias Gentilium, sed non poterāt maculari pecuniæ: Vel dato, quod ille macularentur, cum postea emerentur animalia in sacrificium de illis pecuniis, nō erant maculata animalia, quia Gentiles tradebant pecunias sacerdotibus, qui erant ministri templi: & illi emebant de pecuniis illis id, quod pertinebat ad sacrificia, & isto modo multi Gentilium offerebant pecunias pro sumptibus sacrificiorum: sic patet de Seleuco Rege Asiæ, qui dabat omnes pecunias de thesauris suis necessarijs ad sacrificia templi, 2. Machab. 3. s. fiebat, ut ipsi reges, & principes templum maximis muneribus illustrarēt, ita ut Seleucus rex Asiæ de redditibus suis præstaret omnes sumptus ad ministerium sacrificiorum pertinentes, sic etiā patet de Arthaxerse rege Persarum, qui scripsit Esdræ principi Iudæorum, dicens, quod quidquid argenti, & auri necessarium esset ad sumptus sacrificiorum usque ad talenta centum, & usque ad vini bathos centum, & bathos olei centum: Salve adique mensura tribuatur. Et subditur, omne quod ad ritum Dei coeli pertinet, tribuatur diligenter in domo Dei coeli, ne forte irascatur contra regnum regis, & filiorum eius, ut patet primo Esdræ 7. Nullus tamen istorum principum offerebat aliquod animal, quod de manu eius susciperetur.

Commoueatur a facie eius omnis terra: E ipse enim fundauit orbem immobilem. Lætentur cœli, & exaltet terra, & dicant in nationibus: Dominus regnavit: Tonet mare, & plenitudo eius, exultent agri, & omnia, quæ in eis sunt. Tunc laudabunt ligna saltus coram Domino, quia venit iudicare terram. Cōfitemini Domino, quoniam bonus: quoties in æternum misericordia eius, & dicitur: Alpha. Tost. In Lib. I. Paralip.

A grega nos, & erue de gentibus, ut confiteamur nomini sancto tuo, & exaltemus in carminibus tuis: Benedictus Dominus Deus Israel ab æterno usque in æternum, & dicat omnis populus, Amen; & hymnum Deo. Dereliquit itaq; ibi coram arca fœderis Domini Alaph, & fratres eius, ut ministrarent in conspectu arcæ iugiter per singulos dies, & vices suas. Porro Obededom, & fratres eius sexaginta octo, & Obededom filium Idithum, & Hofa constituit ianitores.

Commoueatur a facie illius omnis terra. Hic inuocat creaturas irracionales ad laudem Dei, sicut inuocantur per tres pueros iacentes in fornace, quos misit Nabuchodonosor in cantico illo: Benedicite omnia opera Dñi Domino, Daniel. 3. Et dñr cōmoueatur a facie eius omnis terra, sed significandū lætitiā: nam res animata, quæ gaudent mouētur exterius. De rebus inanimatis ad significandum, quod gaudeant dñr, quod cōmoueātur. Potest ēt intelligi hoc per modū reuerentiæ, s. quod terra quasi volēs Deo reuereri, moueat se ad humiliandū se. Mouetur tñ interdū terra naturaliter per terremotum, sed istud non fit ad reuerentiā Dei, licet ipse velit hoc fieri. Ali-
C ter pōt intelligi, quod accipiatur terra pro hoībus habitantibus in ea, & sic dicat in alia litera. Pauca a facie eius omnis terra: pauere tñ non pertinet, nisi ad rem animatā. Ipse enim fundauit orbem immobilem. Potest intelligi vno modo, quod istud sit declaratio præcedentis reddendo rationem, quia aliquis diceret quō Propheta dicit hic, quod cōmoueatur terra a facie Dñi, quia terra immobilis est? Respondebitur, quod licet aliās nō possit moueri, tñ bene pōt moueri a facie eius, s. mādante ipso Deo, quia ipse fundauit eā immobilem, i. cum ipse Deus potuerit ei dare, quod esset immobilis, potuit etiā dare, quod moueatur quādo ipse voluerit. Alio modo pōt intelligi, quod sit hic diuersa locutio, s. quod primū intelligatur de terra, i. de habitatoribus eius, & secundū de ipsa terra. Ideo primo dñr, quod cōmoueatur terra. Secundo dñr, quod fundauit Deus eā immobilem. Aliiter pōt dici, quod est hic snia intercisiua: nā debet hic subintelligi aliqd quod non habetur hic, & tñ habetur in aliā lra in isto Psal. Nā dñr cōmoueatur a facie eius vniuersa terra, dicite in nationibus, quia Dñs regnavit, etenim correxit orbem terræ, quod nō cōmouebitur. hic tñ quia deficit snia de medio, est lra obscura, & coīcidit aliquo modo iste sensus cum præcedenti. Et dicitur hic, quod fundauit Deus orbem immobilem, quia totus orbis secundum se non mouetur, id est, secundum partes suas: nam terra nullo modo mouetur, sed manet in centro. Alio modo potest intelligi, quod est immobilis, scilicet, motu recto: nam licet moueatur maxima pars orbis motu circulari, scilicet, omnes cœli tamen nō mouentur motu recto, & ideo immobilis est orbis totus. *Latentur cœli.* Potest intelligi vno modo de lætitiā, quæ est per metaphoram. Nam cœlum dicitur lætari, quando est serenū, & dñr tristari cum aer turbidus est, vel intelligitur de cœlo, i. de habitatoribus eius: nā in cœlo habitāt Angeli quos inuocat ad lætitiā David, & sic aliqñ inuocantur cœlum, & terra in testes, i. Angeli habitantes in cœlo, & homines, qui mouentur in terra. Iuxta illud Deut. 32. s. Audite cœli, quæ loquor, audiat terra verba oris mei. Id est, Angeli habitantes in cœlo, & homines terræ. *Exaltet terra.* Si intelligatur per metaphoram, est sensus, quod terra exaltet, id est, floreat: nam quando terra emittit flores, & arbores frondeſcunt,

terra dicitur esse lata. Cum vero terra nullum florem habet, sicut in hyeme, est tristis: Vel potest intelligi de terra, idest, de habitantibus in terra, qui debent exultare propter Deum. *Et dicant in nationibus, quod Dominus regnavit.* Non refertur ad cœlum, & terram, de quibus dicebatur immediate, sed refertur ad homines, scilicet, dicant in nationibus, idest, homines dicant in nationibus, idest, inter omnes gentes: quia Dominus regnavit, idest, omnes gentes clament Dominus regnavit, & istud est ad laudem Dei: dicitur autem regnare, scilicet, super omnes gentes, & super totum orbem: quia ipse est Rex Regum, & Princeps omnium Regum terræ, Apocal. 1. Et in manu eius sunt omnes fines terræ, Psal. 94. Istud autem non competit alicui, nisi soli Deo, *Tonet mare, & plenitudo eius.* Incitatur mare ad laudandum Dominum, & dicitur, quod tonet mare, idest, faciat magnos fluctus: nam quando fluctus mare concutuntur ad litora in rupibus, causatur inde magnus sonitus, tanquam tonitruorum. Alia litera habet commoveatur mare, & idem est, quia per cōmōtionem fluctuum causatur sonitus ille magnus. Vocatur plenitudo maris plenitudo aquarum, quæ facit mare sonare. *Exultent agri, & omnia, quæ in eis sunt.* Agri exultant, quando semina in eis germinantia virescunt, multiplicantur, & crescunt: & illa, quæ in eis sunt, idest, semina eorum lætantur, scilicet, omnia terræ nascentia, quando pullulant, & crescunt, nec leduntur temporis importunitate. Alia litera habet, gaudebunt campi, & idem est. Licet ager significat terram, quæ colitur, & seminatur. Campus autem significat terram, quando nō colitur, sed germinat mittendo herbas, & quæcunque terræ nascentia. *Tunc laudabunt omnia ligna saltus.* Idest, Etiam ligna saltus gaudebunt floreando, & germinando. *A facie Domini.* Scilicet, Deus faciet, quod ligna exultent: nam ipse confert virtutem omnibus, ut crescant. *Quia venit iudicare terram.* Potest intelligi vno modo, quod gaudebunt omnia ligna sylvarum, idest, homines sylvestres, quia Deus venit iudicare terram. Sunt enim aliqui homines parvæ potestatis, qui interdum opprimuntur a viris magnis, & non possunt consequi iustitiam contra illos propter potentiam illorum, & in die iudicii consequuntur iustitiam, quia tunc discutientur omnes errores. Ideo gaudebunt tunc, idest, in die iudicii omnia ligna sylvarum, idest, homines simplices, qui sunt tanquam ligna sylvarum: quia venit iudicare terram, idest, quia Deus venit ad iudicandum, & faciet eis iustitiam. Alio modo potest intelligi ad literam de lignis sylvarum, scilicet, quod exultabunt a facie Domini, idest, quod Deus poterit facere illa exultare, & subditur causa, quia venit iudicare terram, idest, quia Deus tam potens est, ut possit iudicare terram; poterit etiā facere, quod exultent ligna sylvarum. *Confitemini Domino, quoniam bonus.* Deficit hic vnus versus de isto Psal. sicut habetur in Psalterio, & repetitur laus Dei, quæ fuerat a principio, cum dicitur: *Confitemini Domino, quoniam bonus,* idest, laudate eum, quia bonus est, scilicet, ex hoc, quia Deus est bonus. Etiam si nullum bonum nobis faceret, erat dignus, ut laudaretur a nobis. *Quoniam in æternum misericordia eius.* Ista est alia causa, quare Deum debemus laudare, scilicet, quia non solum bonus est Deus, sed etiam benefacit nobis, cum dicatur, quod misericordia eius est usque in æternum semper miseretur, & benefacit nobis. *Et dicite.* Hic ponitur tertium huius partis in quo additio quadam apponitur. Nam istud quod habetur hic non est in aliquo Psalterio duorum prædictorum, sed est in Psal. 105. & fuit additum hic ab Esdra, & tamen an fuerit istud dictum a David, vel ab Esdra, declaratum fuit supra in quadam quæstione. *Et dicite, salua*

nos Deus Saluator noster. Idest, Omnes gentes dicant: salua nos Deus Saluator noster, scilicet, libera nos de angustiis, & quamquam competere possit omnibus ista clausula, tamen magis proprie competit solis Hebræis, ut patet ex sequenti litera, scilicet. *Et congrega nos, & erue de gentibus.* Idest, Congrega nos de universis terris Gentilium, ad quas dispersi fuimus: & erue nos de potestate ipsorum. Istud siue dictum sit a David, siue ab Esdra intelligitur de illis, qui fuerunt post captivitatem Babylonis: nam tunc dispersi fuerunt Israelitæ per multas gentes, & manserunt semper sic, & desiderabat Esdras, quod congregarentur omnes Israelitæ, & venirent ad terram Chanaan, in qua laudarent Dominum in templo. *Ut confiteamur nomini tuo.* Scilicet, Congrega nos, ut veniamus ad templum tuum in terram Chanaan, & confiteamur nomini tuo, idest, laudemus illud. *Et exultemus in carminibus tuis.* Idest, Exultemus dicendo carmina tua: quia illi, qui caneant coram Domino, sicut Leuitæ, gaudebant nimis canendo. Alia litera habet: Et gloriemur in laude tua. Et idem est, quia accipitur gloriari, idest, delectari. Alia litera habet, & canamus laudantes te, idest, fac quod congregemur ad laudandum te in cantu, & idem est. *Benedictus Dominus Deus Israel.* Istud potest intelligi dupliciter. Vno modo, quod sit conclusio istius cantici, scilicet, quod cum David dixerit omnes laudes superiores cōcludat in hoc, benedictus Dominus Deus Israel. Alio modo intelligitur per modum dependentiæ ad superiorem sententiam, scilicet, congrega nos de nationibus, scilicet, ut laudemus te dicentes: *Benedictus Dominus Deus Israel.* *Ab æterno, & usque in æternum.* Idest, Non sit principium, nec finis in laude tua, sed ab æterno fuerit benedictus, quod est esse benedictum sine principio, & sit benedictus usque in æternum, idest, non sit finis in benedictione. Considerandum autem, quod benedictio potest dupliciter accipi. Vno modo pro imprecatione boni super aliquem, & sic dicimur nos benedicere Dominum orantes, quod colatur in vniuersa terra, & omnes gentes obediant ei. Alio modo accipitur benedictio pro ipsa bonitate, quam aliquis habet interdum est effectus benedictionis. Accipiendo primo modo Deus non potest esse benedictus ab æterno, quia non fuit aliqua creatura ab æterno, quæ posset benedicere Deum: erit tamen benedictus usque in æternum: & istud verum est, nisi accipiat æternum large pro aliquo longo tempore, sicut sæpe accipitur in scriptura, quia tunc verum erit, quia Deus benedictus est ab æterno, scilicet, a magno tempore ante hoc. *Et dicat omnis populus, Amen.* Scilicet, Leuitæ, qui cantarent laudes dicerent: *Benedictus Dominus Deus Israel ab æterno usque in æternum, & totus populus respondet, Amen.* Ad significandum desiderium suum, quod Deus est semper benedictus. *Et hymnum dicit.* Idest, Omnis populus laudet Deum. *Dereliquit.* Hic ponitur tertium principale huius cap. scilicet, vtriusque cōfirmatio, & ponit hic officiales de Leuitis, & sacerdotibus ad ministrandum Domino coram arca, & ad ministrandum coram tabernaculo Dñi in Gabaon. Et dicit. *Dereliquit itaque ibi coram arca faderis Domini Asaph, & fratres eius.* Scilicet, Postq̃ completa est solennitas portationis aræ, & repositionis eius in loco suo, & consummati sunt isti Psalmi prædicti: conuertit se David ad disponendum de modo, quo ministrari deberet coram arca, quandiu manebat in domo eius. Et ad hoc dicit, quod dereliquit coram arca Asaph, & fratres eius, scilicet, quod ceteris dedit licentiam recedendi in regiones suas, & istis Leuitis iussit, quod manerent coram arca ad ministrandum. Erat enim Asaph sapiens,

sapiens, & princeps inter cantores de familia Gersonitarum. Fratres autem eius vocantur alij Leuitæ de cognatione Gersonitarum, quorum ipse fuit princeps, & manserunt ibi coram eo ad cantandum. *Vt ministrarent in conspectu arcæ.* Ministratio istorum erat in duobus, scilicet, in canendo, & in ministrando arcam. Ideo dicuntur isti habere duo officia, scilicet, quod erant cantores, & ianitores arcæ: non poterant autem habere aliam ministrationem, quia reliquæ ministrationes pertinebant ad sacerdotes, scilicet, faciendi sacrificia, & offerendi incensum, & similes. Isti tamen Leuitæ simplices erant. *Iugiter.* Id est, Continue ministrarent, scilicet, omni die ministrabatur coram arca, sicut fiebat in Sanctuario Domini, & forte ministrabatur in mane, & in vespere, sicut in Sanctuario, in quo fiebat sacrificium, matutinum, & vespertinum. *Per singulos dies.* Ista videtur esse additio superabundans: quia idem est iugiter, quod per singulos dies, sed non est superabundans, quia non refertur ad continuitatem ministrationis, sed ad permutationem ministrorum, scilicet, per singulos dies, id est, quod quidam ministrabant vno die, & alij alio. *Et vices suas.* Id est, Ministrabant per vices suas, id est, per tempora designata, quia non est intelligendum, quod omnes Leuitæ simul ministrarent quotidie coram arca, sed quidam ministrabant vno die, & alij altero: Nec etiam est intelligendum, quod fieret inter Leuitas illa distinctio per vices, quæ habetur infra 25. sed quedam alia, vt infra in littera declarabitur. *Porro Obededom.* Posuit supra Dauid ministros arcæ ad canendum coram ea: hic ponit ministros ad custodiendum illam, qui vocantur ianitores arcæ. Et dicitur. *Porro Obededom, & fratres eius sexaginta octo.* Omnes isti fuerunt constituti ianitores arcæ, & positus fuit Obededom tanquam princeps ianitorum, & cum eo illi, qui erant fratres sui, id est, de cognatione sua. *Et Obededom filium Idithum.* Ille est alius Obededom. Nam ille, de quo supra dicitur, fuit in cuius domo fuit arca posita, & mansit ibi per menses tres, quando portabatur in domum David, supra 13. 2. Reg. 6. & sic ille fuit nunc princeps custodum arcæ, sicut tunc fuerat ipse solus custos arcæ, & vocatur ille Obededom absolute. *Alius autem vocatur Obededom filius Idithum,* & iste ponitur cum expressione nominis paterni, vt videatur esse distinctus ab illo Obededom, qui seruauit arcam in domo sua. Et fuit nunc præcipuus custos arcæ. Sciendum autem, quod iste Idithum fuit vnus Leuita sapiens inter cantores, & ipse quoque dicitur fecisse aliquos Psalmos, aut saltem intitulantur nomine eius, sicut est Psal. 38. Cuius titulus est Psalmus David per Idithum. *Et Hofa constituit ianitores.* Id est, Omnes præcedentes constituit ianitores arcæ, & cum eis Hofa: non est iste Asaph, quia ille erat princeps cantorum, vt patet supra in littera.

Quare administrauerint omnes in eodem loco.
Quæst.

XXX.

QUÆRITUR circa hos, quare Dauid quosdam ministros reliquit coram arca Domini, & alios misit in Gabaon ad Sanctuarium, & quomodo solutum erat. Respondendum est, quod istud non potuit fieri, quia erat contra intentionem David. Nam David volebat habere arcam in domo sua, & illam honorare. Ideo necesse erat, quod Leuitæ, & sacerdotes ministrarent in duobus locis: nam in templo fierent omnes illæ caeremoniæ, quæ secundum legem fieri iubebantur, & tamen David volebat habere ar-

Alph. Tost. In Lib. I. Paralip.

A cam in domo sua, ideo necesse erat, quod faceret ministrari in duobus locis, vel non ministrare coram arca, quia illa erat ministratio minus principalis, vel reduceret Dauid arcam, & tabernaculum in locum vnum propter rationes assignatas, supra 13. in quadam quaestione, ideo oportebat, quod faceret ministrari in duobus locis. Sciendum tamen, quod ministratio quæ fiebat coram arca erat minus principalis, quia non erat de necessitate legis, sed ex voluntate David: illa autem, quæ fiebat in Sanctuario erat principalis, & de necessitate legis. Ideo plures sacerdotes, & Leuitæ fuerunt in ministratione in Gabaon, quam in domo David coram arca, vt infra declarabitur, & patet in littera.

Quam ministrationem faciebant coram arca.
Quæst. XXXI.

QUÆRITUR vltius de ista distinctione ministrationis, scilicet, quæ ministratio fiebat coram arca. Aliquis dicet, quod solum canebatur coram ea quotidie, & custodiebatur in domo illa, in qua erat. Et patet hoc, quia solum ponitur hic de Asaph, & fratribus eius, qui separati sunt, vt ministrarent coram arca, scilicet, canendo, & de Obededom, & fratribus eius, qui essent ianitores. Nulli tamen istorum poterant ministrare in alijs ministrationibus, quia omnes isti erant Leuitæ: & Leuitis non competeat alia ministratio, si tamen alia ministratio fuisset coram arca, diceretur hic de ministris, quos eligeret Dauid ad faciendum illam ministrationem. Sed dicendum quod hoc non stat, quia non est verisimile aliquo modo, quod in toto tempore, quo mansit arca in domo David, s. plusquam quadraginta annis nunquam fieret aliquod sacrificium coram ea, & tñ si non essent aliqui sacerdotes, qui ministrarent coram arca non fieret sacrificium, quia Leuitis non competeat sacrificare, quia alioquin morerentur: Num. 3. & 16. Ideo aliqui sacerdotes erant ibi. Secundo patet, quia in ista domo, in qua erat arca erat altare, & tamē ad nihil vtile esset, nisi fierent ibi sacrificia: ideo oportet, quod ibi essent sacerdotes, qui sacrificarent: Patet hoc 3. Regum 1. vbi dicitur de Adonia, quod fugit in tabernaculū Domini metu Salomonis, & tenuit cornu altaris: Etiam eodem libro, cap. 2. dicitur, quod Ioab fugit in tabernaculum Domini, & tenuit cornu altaris, ergo erat ibi altare ad faciendum sacrificia. Tertio patet, quia manifestum est, quod aliqui sacerdotes manserunt coram arca ad ministrandum. Nam supra in littera dicitur, quod Dauid præcepit Banaiam, & Oziel sacerdotes canere tuba iugiter coram arca, ergo saltem isti erant de sacerdotibus coram arca, de quibus non fit hic mentio. Quarto patet, quia Dauid obtulit multa sacrificia coram arca, quando portabatur, & etiā postquam posita est in loco suo, vt patet supra in littera, & præcedenti cap. ideo nullo modo est verisimile, quod postea quandiu mansit arca in domo David, plusquam quadraginta annis, nō offerretur ibi aliquod sacrificium, sed istud non poterat esse, nisi sacerdotes essent coram arca, ideo necesse est, quod Dauid separauerit aliquos sacerdotes ad ministrandum coram illa. Dicendum igitur, quod coram arca fiebant ministrationes sacerdotum, & Leuitarum: ministrationes Leuitarum erant duæ, s. cantare coram arca, & custodire illam, & ad hoc Dauid elegit duas diuisiones Leuitarum. Nam Asaph, & fratres sui, i. illi, qui erant de cognatione sua assumpti sunt, vt essent cātores, vt patet in lra. Et Obededom, & fratres sui, & alij, de quibus dñ in littera assumpti sunt, vt essent ianitores arcæ, vt in littera dicitur: sacerdotes autem ministrabant principaliter offerentes

Aa 4 sacrificia,

sacrificia, & secundo clangendo tubis sacris coram arca. De clangentibus dicitur supra in litera, quod erant duo, scilicet, Banaias, & Oziel, qui iugiter canebant tubis coram arca. De sacerdotibus offerentibus sacrificia nihil dicitur hic, & tamen subintelligendum est, quod multi fuerunt, licet non exprimitur: quia verisimile erat, quod aliqui ministrarent sacrificando propter causas supra assignatas, & potissime, quia etiam hic non fit mentio nisi de Leuitis, & tamen manifestum est, quod etiam sacerdotes fuerunt separati ad clangendum tubis coram arca, ut patet supra in litera, & sicut illi subticentur hic: ita illi, qui sacrificabant subticentur ubique.

Quod officium habebant ianitores. Quest. XXXII.

QUÆRITUR. ulterius de istis ianitoribus arcæ, quod officium habebant. Respondendum est, quod ianitores arcæ erant, sicut ianitores Sanctuarij. In Sanctuario autem erant ianitores sedentes super singulas ianuas, ut viderent si illi, qui ingrediebantur, erant viri mundi, qui possent intrare in Sanctuariū: alioquin non recipiebantur, & etiam illi faciebant, quod quilibet intraret usque ad locum, ad quem licitum erat sibi intrare, ita erat coram arca in domo illa, quam constituerat ei David, scilicet, quod aliqui Leuitæ constituti erant ad hoc, quod custodirent portam domus illius, ne intrarent aliqui laici, vel immundi, & quando laici intrarent, solum intrarent usque ad locum, qui competeat eis: etiam custodiebant, ne quis introiret ad arcam, quæ erat sub quodam operimento de pellibus iacynthinis intra illam domum, quam constituerat David, ut declaratum fuit supra in litera: nam postquam aliqui erant intra Sanctuariū, poterat esse, quod vellent accedere ad locum, in quo erat arca, & hoc non licebat eis, debebant autem Leuitæ observare ne istud fieret, & istud erat officium ianitorum.

De distinctione Leuitarum per vices. Quest. XXXIII.

QUÆRITUR. ulterius de ista distinctione Leuitarum per vices, de qua dicitur hic: an sit illa, de qua habetur infra 25. Aliqui putant, quod sic, cum ibi dicatur, quod David distinxit cantores per vices, & hic etiam manifestum est, quod ista distinctio ab eo facta fuerit. Dicendum tamen, quod non stat primo, quia illa diuisio, de qua habetur infra 25, fuit facta a David in senectute sua, ut colligitur infra 23. & usque ad finem libri. Ista autem facta est quasi in principio regni David super Israel, quando duxit aream in domum suam. Secundo patet, quia illa diuisio fuit generalis ad ordinandum totum statum sacerdotum, & Leuitarum quem deberent tenere, postquam est edificatum templum Salomonis, & ob hoc ponuntur ibi diuisiones omnium sacerdotum infra 24. & diuisiones omnium Leuitarum, cantorum, ianitorum, & thesaurariorum, infra 25. & 26. Hic autem non fuit ordinatus status generalis Leuitarum, & sacerdotum, sed solum ille, quem tenere deberent quandiu maneret arca in domo David. Tertio patet, quia infra 25. diuiduntur Leuitæ per vigintiquatuor vices, & ponuntur ibi omnes Leuitæ, scilicet, Heman, & Asaph, & Idithum, & ceteri principes cognationum Leuitarum. Nunc tamen coram arca non manserunt omnes Leuitæ cantores, sed solum Asaph cum fratribus suis, scilicet, qui erant de cognatione sua. Reliqui autem principes, scilicet, Heman, & Ethan ministraverunt in Sanctuario Domini in Gabaon infra in litera. Dicendum ergo, quod ista diuisio Leuitarum per vices non fuit illa, de qua habetur infra 25. sed alia particularis, scilicet, quia una cognatio Leuitarum, vel

F saltem magna pars eius mansit ad ministrandum Domino coram arca in domo David, & ista fuit diuisa a David per sortes, ut qualibet illarum ministraret suo tempore, & tamen non dicitur de istis sortibus, quot erant, sicut dicitur infra 25. de sortibus, quæ fuerunt in alia diuisione, quod fuerunt 24. Iste enim paucæ essent, quia Leuitæ, qui diuidebantur hic per vices, erant pauci.

G Sadoc autem sacerdotem, & fratres eius sacerdotes coram tabernaculo Domini in excelsis, quod erat in Gabaon, ut offerrent holocausta Domino super altare holocaustorum iugiter mane, & vespere iuxta omnia, quæ scripta sunt in lege Domini, quam præcepit Israeli. Et post eum Heman, & Idithum, & reliquos electos unumquemque, vocabulo suo ad confitendum Domino, quoniam in æternam misericordia eius. Heman quoque, & Idithum canentes tuba, & quatientes cymbala, & omnia musicorum organa ad canendum Domino. Filios autem Idithum fecit esse portarios. Reuersusque est omnis populus in domum suam, & David ut benediceret etiam domui suæ.

H Sadoc autem. Hic ponitur qui fuerunt illi, qui iuerunt ad ministrandum Domino in Gabaon in Sanctuario. Nam quando portata est arca in domum David fere omnes sacerdotes, & Leuitæ conuenerunt ad portationem, ut colligitur precedenti cap. Et tunc David separauit quosdam, ut ministrarent coram arca tam de sacerdotibus, quam Leuitis, & illi manserunt in Ierusalem. Aliqui autem sacerdotes, & Leuitæ iuerunt ad ministrandum in Gabaon, & dicitur. Sadoc autem sacerdotem. Id est, summum sacerdotem: nam duo erant summi sacerdotes David, scilicet, Sadoc, & Abiathar, ut patet 2. Regum 8. & 20. & infra 18. Et vocatur Sadoc sacerdos per excellentiam, scilicet, quia summus sacerdos erat, & iste fuit princeps eorum, qui ministrabant in Sanctuario in Gabaon. Et fratres illius sacerdotes. Id est, etiam fuerunt cum eo sacerdotes alij, qui erant fratres sui, id est, de cognatione sua.

K Coram tabernaculo Domini. Istud est tabernaculum, quod fecit Moyses in deserto, & portabatur per terram Israel, ponebaturque in diuersis locis secundum varia tempora: nunc autem tempore David fuit fabricatum est. Aliud autem etiam vocabatur tabernaculum Domini: tunc scilicet domus illa, quam fecerat David, ubi erat arca, ut patet 3. Regum 1. & 2. Nam ibi dicitur, quod Adonias, & Ioab iugerunt ad tabernaculum Domini, & tenuerunt cornu altaris, nisi illud quod erat in Ierusalem, ubi erat arca, ut declaratum est ibidem.

In excelsis, quod erat in Gabaon. Id est, in Sanctuario, vel in altari, quod erat in Gabaon. Vocatur enim excelsa sepiissime in libris Regum, & sequenti lib. altaria, quæ erant extra Sanctuariū Domini: nam de regibus, qui redarguuntur dicitur excelsa non abtulit, sed adhuc quæ erant extra templum. Et patet, quia de ibidem, immolabat populus in excelsis, & aliqui coram altare, quod est in Sanctuario vocatum excelsum, ut patet hic, & 3. Re. 3. scilicet, Abijt itaq; Salomon in Gabaon, ut immolaret ibi. Illud quippe erat excelsum maximum. Id est, altare

altare maximæ venerationis, quia erat in sanctuario Domini. Prouenit autem istud ex æquiuocatione nominis Hebraici, quia in Hebræo dicitur, bamoth, pro altari, & etiam pro altitudine, vel excelsio. Et idem significat dictio Latina, quia altare idem est, q̃ alta ara. *Vt offerrent holocausta Domino.* Nomine holocaustorum intelliguntur hic omnia genera sacrificiorum, scilicet, hostiæ pacificæ, & pro peccato, quia non solum erat de necessitate legis offerri holocausta, sed etiam interdum alia genera sacrificiorum, & omnia ista offerebantur in sanctuario in Gabaon. *Super altare holocaustomatis.* Holocaustum, & Holocaustoma idem est, & non vocatur altare holocaustomatis, quasi ibi solum holocaustum offerretur, quia offerebantur omnia genera sacrificiorum, cum nullum aliud esset altare, in quo offerri liceret sacrificia, vt patet Leui. 17. Et Iosue 22. Sed vocatur altare holocaustorum a principali, quia inter omnia genera sacrificiorum excellentius erat holocaustum, q̃a magis pertinebat ad Dominum, vt declaratum est Leui. primo. Sciendum autem, quod duo erant altaria tantum in sanctuario, scilicet, altare holocaustorum, in quo fiebant omnia genera sacrificiorum, & aliud erat altare thymiamatum, in quo cremabatur quotidie incensum mane, & vespere. Primum istorum erat aneum, scilicet, factum de lignis setim, & opertum laminis aeneis, & erat extra tabernaculum ad portam eius. Nam non poterat esse interius, vt fumus inde ascendens non offuscaret operimenta tabernaculi, vt patet Exo. 27. Et ibi declaratum est. Aliud erat de lignis setim, & erat opertum laminis aureis per totum, & super illud cremabatur in mane, & in vespere thymiana. Exo. 30. Hic autem solum fit mentio de altari holocaustorum, quia ministratio principaliter, scilicet, sacrificiorum solum erat in illo. *Iugiter.* Id est, Omnibus diebus, nulla erat dies qua non offerretur sacrificium quod vocatur iuge, & dato, quod superuenirent alia sacrificia, quæ essent spontanea, nunquam omittebatur sacrificium iuge. *Mane, & vespere.* Id est, Sacrificium iuge conferebatur mane, & vespere quotidie, & ob hoc sacrificium iuge vocatur matutinum, & vespertinum. De ritu autem istorum sacrificiorum secundum omnes suas caeremonias, patet Leui. 6. Et ibi satis declaratum est, & Numeri 28. *Iuxta omnia, quæ scripta sunt in lege Domini.* Istud potest intelligi dupliciter: vno modo tanquam determinatio præcedentium, scilicet, iuxta omnia, quæ scripta sunt in lege Domini, id est, in sacrificium matutinum, & vespertinum offerebantur iuxta omnes caeremonias, quæ scriptæ erant in lege Domini: nam Moyses scripsit in lege caeremonias omnium sacrificiorum, & hoc potissime in libro Leuita principio vsque ad 8. cap. Aliter potest accipi subintelligendo aliquid, scilicet, quod offerebant sacerdotes, scilicet, sacrificium mane, & vespere iuxta omnia, quæ scripta sunt in lege Domini, id est, non solum hoc faciebant sed et omnia alia, quæ scripta sunt in lege Dñi. Et hoc verum est, quia sacerdotes obligabantur facere in Gabaon omnia, quæ iubebat Deus in lege, eo quod ibi erat sanctuarium Domini. *Quam præcepit Israeli.* Id est, Deus dedit legem istam Israelitis, scilicet, per manum Moysi, & voluit semper obseruari ab eis. *Et post eum Heman, & Idithum.* Refertur hoc ad Sadoc. De quo supra dicebatur, scilicet, quod post eum, & alios sacerdotes erat Heman, & Idithum. Isti erant Leuitæ: Sadoc autem erat sacerdos, & computantur hic principes sacerdotum, & post eum erant principes Leuitarum, Heman, & Idithum: Heman erat princeps familie Caathitarum, vt supra 6. Idithum autem erat princeps familie Meraritarum, quod patet, quia tres erant familie Leuitarum, s. Caathitarum, Gersonita-

rum, Meraritarum, & Heman erat princeps Caathitarum supra 6. Asaph autem erat princeps Gersonitarum, eodem cap. Ideo solum manebat princeps Meraritarum, & iste esset nunc Idithum, qui ponitur hic princeps cum Heman principe Caathitarum. verum est tamen, quod princeps Meraritarum ponebatur esse Ethan supra 6. Et præcedenti cap. & tamen nunc non fit mentio de illo, & sic videtur, quod iste Idithum esset princeps Meraritarum. Isti est de cuius nomine aliqui Psal. intitulati fuerunt, vt dictum fuit supra in litera. *Et reliquos electos.* Id est, etiam cum istis segregauit alios electos inter Leuitas, & vocantur electi illi, qui constituebantur principes aliquorum Leuitarum, vel sacerdotum, eo quod illi erant excellentiores alijs, & propter hoc magis electi. ex hoc innuitur, quod præter istos fuerunt constituti alij in principes sacerdotum, & Leuitarum, & tamen non nominantur, quia isti nominati hic erant maiores omnium principum. *Vnumquemque vocabulo suo.* Id est omnes isti, qui eligebantur in principes, & etiam qui erant constituti sub eis erant distincti per nomina. Et quando David illos elegit, & distinxit per officia, & vices, scripsit eos per nomina sua, scilicet, tales, & tales pertinent ad talia officia, & tales ad alia. Sicut in Ecclesia scribuntur Hebdomadarij in quadam tabula, vt sciatur, qui debent ministrare in altari, & in choro. *Ad confitendum Domino.* Id est, Officium istorum erat ad laudandum Dominum. Istud refertur ad Leuitas, de quibus immediate dictum est, scilicet, ad Heman, & Idithum: quia isti erant principes Leuitarum. Ad quos pertinebat cantare, sed & offerre sacrificia, & tuba canere coram Domino, vt supra declaratum est in quadam questione. *Quoniam in æternum misericordia eius.* Potest intelligi dupliciter, vno modo, quod accipiat materialiter, scilicet, quod iste esset cantus Leuitarum, ita quod quando ipsi cantarent dicerent in æternum misericordia eius. Alio modo, q̃ ponatur hic, vt reddituum causæ, scilicet, quod propter hoc Leuitæ canere debebant coram Domino, quia misericordia eius est in æternum, scilicet, homo tenetur laudare Deum pro beneficijs collatis. Ipse autem confert beneficia per misericordiam suam, quæ durat in æternum. Ideo propter istam misericordiam Leuitæ debebant semper Deum laudare. *Heman quoque tuba canentes, & quatiētes cymbala.* Posuit supra distinctiones Leuitarum quantum ad officia, hic autem ponit differentias eorum quantum ad vasa musica, quibus utebantur. Et dicitur, quod Heman, & Idithum, qui erant principes Leuitarum existentium in sanctuario Domini in Gabaon, canebant tuba, & quatiēbant, id est, percutiebant cymbala. Vtebantur istis tubis ad canendum tempore sacrificiorum. Et etiam quatiēbant, id est, percutiebant cymbala eodem tempore. Nam cymbala pulsantur per eorum mutuam percussione, Nam semper sunt duo cymbala, & tenentur duabus manibus, & percussa sonitum reddunt, cum cymbala sint laminæ aræ, vel ferreæ grossæ, & concavæ rotundæ, quæ intra se aerem recipiunt, & p̃ percussione cōsonantem sonitū reddunt. *Et omnia Musicorum organa ad canendum Deo.* Id est, Etiam dedit illis omnia alia organa musica, in quibus canerent, quia Leuitæ utebantur omnibus generibus organorum musicorum, vt fieret pulchrior harmonia, & solennior propter multiplici- tatem organorum. Et patet hoc, q̃a Leuitæ magis insi- stebant laudi diuinæ, q̃ populares, & in populares in portatione aræ canebat in omnibus lignis fabrefactis, vt patet 2. Re. 6. Ergo a fortiori Leuitæ. Item David inuitat nos ad laudandum Dñm in omnibus generibus musicorum valorum, vt patet Psal. vlti. Ideo Leuitæ canerent in omnibus illis, quia cum ipse David insti- tuisset

tuisset cantus, quibus utebantur Leuitæ, & omnia alia pertinentia ad eos, daret ipsis omnia instrumenta, in quibus suadebat Dominum laudandū esse. *Filios autem Idithum fecit esse portarios*. Isti erant portarii sanctuarij Domini, quod erat in Gabaon, & officium suum erat distinguere mundos ab immundis, & recipere ad sanctuarium illos, quibus licebat illuc introire, reliquos verò excludere. Sciendum autem, quòd non omnes filij Idithum fuerunt portarii in Gabaon, quia vnus eorum, scilicet Obededom fuit ianitor arcæ in domo Dauid, vt patet supra in litera. *Reuersusque est omnis populus in domum suam*. Refertur istud ad portationem arcæ: de qua supra, scilicet, omnes de populo, qui venerunt coram arca steterunt ibi quandiu fiebant sacrificia, & cantabantur Psal. de quibus supra in litera. Et post hoc Dauid ordinauit, qui de Leuitis, & sacerdotibus manere deberent ad ministrandum coram arca, & qui deberent ire in Gabaon ad ministrandū in sanctuario, & his expletis omnis populus, qui erat simul cum Dauid, redijt in loca sua, relicta arca in domo Dauid. *Et Dauid, vt benediceret etiam domui suæ*. Id est, Etiam Dauid reuersus est in domum suam, vt benediceret illi, id est, vt haberet de ea, quasi dicat, in omnibus superioribus Dauid intentus erat circa honorem diuinum in portatione arcæ, & non curabat de rebus suis. Nunc autem expletis his, quæ pertinebant ad cultum Dei redijt ad considerandum ea, quæ pertinebant ad vtilitatem domus suæ, & familiæ.

Ex quo Sadoc ministrabat in Gabaon, vbi erat alius sacerdos Abiathar. Quæst. XXXIII.

QUÆRITUR circa ea, quæ dicta sunt, cum dicitur hic, quòd Dauid fecit, quòd Sadoc ministraret in Gabaon, vbi ministrabat, vel qd factum est de alio summo sacerdote, scilicet, Abiathar. Habebat enim Dauid duos summos sacerdotes, scilicet, Sadoc, & Abiathar, 2. Regum 8. & 20. Et infra 18. De Sadoc autem dicitur hic, quòd ipse missus est in Gabaon ad ministrandum ibi coram Domino cum fratribus suis, scilicet, qui erant de cognatione sua. De Abiathar autem nō dicitur vbi ministrauerit, vel quid fecerit. Aliquis dicet, quòd etiam Abiathar missus est in Gabaon ad ministrandum cum Sadoc, & intelligitur per hoc, quòd dicitur: Sadoc autem sacerdotem, & fratres illius sacerdotes. Dicendum, quòd non stat, primò quia non est rationabiliter dictum, quòd Abiathar intelligatur per fratres Sadoc, & non exprimatur, quia Sadoc erat summus sacerdos, & etiā Abiathar, & non erat maior ratio, quare vnus exprimeretur quā alius: ideo vel exprimerentur ambo tanquam æquales in gradu, vel subicerentur ambo in particulari, & diceretur de sacerdotibus in generali: Et tamen fuit expressum de Sadoc, & non de Abiathar. Ideo videtur, quòd non subintelligatur Abiathar. Secundo patet, quia cum dicitur, & fratres eius, intelliguntur sacerdotes minores, qui erant de cognatione Sadoc, & tamen non erat Abiathar de sacerdotibus minoribus, ideo non intelligeretur appellatione minorum sacerdotum. Tertiò patet, quia dicitur, & fratres eius, per quod significantur sacerdotes, qui erant de cognatione Sadoc, & tamen Abiathar non erat de cognatione Sadoc, sed erat de duabus cognationibus omnino distinctis, quæ non reducebantur in aliquod vnum principium vsque ad Aaron, qui fuit primus sacerdos. Quòd patet, quia fuit Abiathar de stirpe Ithamar, & Sadoc de stirpe Eleazar, vt declaratum est satis 3. Regum 2. Et isti soli fuerunt filij Aaron superstitēs, a quibus deriuatæ sunt duæ familiæ sacerdotales, & sacerdotium summum pertine-

bat ad progeniem Eleazar, eo quòd ipse fuit primogenitus Aaron respectu Ithamar, & ipse Eleazar fuit factus summus sacerdos mandato Domini per Moysen in deserto nondum mortuo Aaron patre suo. Numeri 20. Et post eum filius suus Phinees suscepit summum sacerdotium, & Deus promisit ei, quòd maneret sacerdotium in domo sua in sempiternum. Numeri 25. Sed postea tempore Heli summi sacerdotis translatum est sacerdotium ad domum Ithamar, & fuit primus sacerdos in hac progenie Heli, & deinde quatuor nepotes sui, & vltimus fuit Abiathar, qui per Salomonem expulsus est de summo sacerdotio, & mansit solus Sadoc 3. Regum 2. Et ibi de hoc satis declaratum est. Et sic patet, quòd Abiathar, & Sadocerant de duabus cognationibus non coincidentibus, vnde non poterat Abiathar intelligi per fratres Sadoc. Dicendum ergo, quòd Abiathar summus sacerdos non ministravit in Gabaon, sed coram arca. Pro quo sciendum, quòd Abiathar erat filius Achimelech summi sacerdotis, & tempore Achimelech ipse solus erat summus sacerdos: Saul tamen occidit ipsum, & alios sacerdotes vrbs Nobe propter Dauid, primo Regum 22. Et tunc transfudit tabernaculum Domini Saul de Nobe in Gabaon, & constituit Sadoc summum sacerdotem de stirpe Eleazari, de qua non fuerant aliqui summi sacerdotes ex tempore Heli, tunc ministrabat Sadoc in Gabaon, quandiu vixit Saul, & interim Abiathar filius Achimelech summi sacerdotis tenebatur a Dauid pro summo sacerdote, & induebatur rationali, & ephod, sicut summus sacerdos, primo Regum 22. & 23. Post mortem autem Saulis septem annis, & dimidio, quibus regnauit Dauid in Hebron super Iudam, Sadoc erat summus sacerdos in Gabaon super vndecim tribus Israel: Abiathar autem erat summus sacerdos in regno Dauid. Cum autem reunitum est regnum, & traditum in manu Dauid, habuit Dauid istos duos summos sacerdotes Sadoc, & Abiathar, & quia ante hoc nunquam ministrauerat Abiathar in Gabaon, noluit Dauid, quòd nunc ministraret, sed Sadoc, qui ministrauerat ibi semper, ministraret etiam nunc. Et hoc erat valde conueniens, quia tota ministratio sacerdotalis, & Leuitica diuidebatur nunc in duas, scilicet, in illam, quæ fiebat coram arca, & in illam, quæ fiebat in sanctuario Domini in Gabaon, & quia erant duo summi sacerdotes, decebat vt vnus illorum præesset ministrantibus in Gabaon, & alter ministrantibus coram arca. Sadoc autem præfuit ministrantibus coram arca, vt patet in litera, Abiathar autem præfuit ministrantibus coram arca. De quo nihil dicitur. Nec tamen propter hoc suspicandum est, quòd non ministrauerit ibi, quia etiam nihil dicitur supra in litera de sacerdotibus ministrantibus coram arca in sacrificijs. Et tamen manifestum est, quòd ministrabant ibi, vt probatum est supra in quadam quæstione, & sic princeps istorum Abiathar subicitur. Alia causa est, quia Abiathar erat nimis familiaris Dauid, eo quòd tenebatur ei Dauid nimis propter patrem suum Achimelech: nam ille occisus fuerat cum tota domo sua propter Dauid, primo Regum 22. Cum dixit Dauid: Reus ego sum omnium animarum patris tui. Etiam quia Abiathar fuerat cum Dauid in omnibus eius laboribus, vt patet 3. Regum 2. Portasti arcam Domini coram Dauid pater meo, & sustinuisti laborem in omnibus, in quibus laborauit pater meus. Et ob hoc volebat Dauid secum habere semper Abiathar: si autem ministraret, in Gabaon non posset illum secum habere continē, ideo fecit, quòd ministraret coram arca in Ierusalem, quia ibi ministratio manebat semper: Dauid autem erat semper in Ierusalem, & non in Gabaon.

Quomodo

*Quomodo sustentabantur illi, qui ministrabant coram
arca.*

Quest. XXXV.

QUÆRITUR ulterius cum isti Leuitæ, & sacerdotes sic se haberent, quod quidam ministrabant in Gabaon in templo, & alij coram arca in Ierusalem, quomodo sustentabantur illi, qui ministrabant coram arca. Et quomodo diuiderentur redditus, & iura sacerdotalia, & Leuitica. Considerandum est pro hoc, quod iura Leuitarum solum erant in decimis, accipiebant enim omnes decimas filiorum Israel, Numeri 18. Sacerdos autem magnus habebat decimam partem decimarum, scilicet centesimam omnium fructuum totius Israel. Alij autem sacerdotes minores habebant iura sacrificiorum, & oblationum, & omnium primitiarum, & redemptionem primogenitorum, & omnia, quæ dabantur ex voto, & multa alia, de quibus Numeri 18. Et ibi late declaratum est. Aliquis autem dicet, quod omnia ista iura recipere debebant sacerdotes, & Leuitæ, qui ministrabant in sanctuario Domini in Gabaon. Illi vero, qui ministrabant coram arca sustentarentur aliunde, eo quod omnes isti redditus instituti fuerunt a principio pro ministrantibus coram Domino. Numeri 18. Et tamen olim antequam David transferret arcam in domum suam tota ministratio fiebat in sanctuario Domini, ideo ministrantibus ibi solum dari debebant omnia ista iura. Ad declarationem huius considerandum est, quod quamquam Leuitæ haberent omnia iura sua propter hoc, quod ministrabant coram Domino, tamen aliqua erant, quæ dabantur eis propter ministracionem quotidianam, & alia solum dabantur, quia erant Leuitæ: ut patet Deute. 18. Cum dicitur, quod si Leuita voluerit manere coram Domino semper ministrando, dabitur ei id, quod datur quotidie ministrantibus in templo Domini, ultra id, quod in vrbe sua ex successione paterna sibi debetur. Et istud est, sicut in Ecclesiis præcipue cathedralibus, quia redditus sunt distincti in duas partes, scilicet, in præbendam grossam, & distributiones quotidianas. Præbenda grossa datur cuicunque canonico integre, etiam si non seruiat actualiter, dum tamen resideat certo tempore anni: distributiones autem quotidianæ non dantur quotidie seruientibus, nisi ex causa speciali, ita erat inter Leuitas: nam omnibus Leuitis, & sacerdotibus datur fuerant vrbes, & suburbana ad habitandum, & pastus pecora. Numeri 35. Et habebant ibi Leuitæ domos. Ista autem data fuerant eis, quia Leuitæ erant, & tamen proueniebant successione iure hereditario a patribus in filios, etiam si non ministrarent in sanctuario. Et de hoc dicitur Deutero. 18. Excepto eo, quod ei in vrbe sua ex paterna successione debetur. Aliud erat, quod dabatur Leuitis, quando actualiter residebant seruientes in sanctuario. Et istud erat tanquam quotidianæ distributionis, & erat certum quid quod dabatur Leuitis ministrantibus quotidie. Et si pauci venirent, illi suscipiebant illa iura omnia illius diei, & si multi, etiam inter illos diuidebatur: sicut fit in distributionibus quotidianis in Ecclesiis cathedralibus. Et ad hoc erant assignati pro quolibet tempore certi Leuitæ, qui ministrarent coram Domino per vices suas. Et illi, quibus eueniebat fors ministrandi, recipiebant omnes prouentus temporis illius. Si tamen contingeret, quod aliquis Leuita, qui non esset de illis, quibus competebar ministrare secundum sortem, vellet ire ad sanctuarium, & manere in vrbe sanctuarij omni tempore ex deuotione ministrandum, sicut illi, qui ministrabant secundum sortem eis competentem, ut patet Deutero. 18. loquendo de

A primis redditibus Leuitarum, & sacerdotum non est aliquod dubium, quod illi debebantur non propter quotidianam ministracionem, sed ex successione paterna: ideo siue ministrarent in sanctuario, siue coram arca, siue in quocunque alio loco, non erat dubium, quin cuilibet proueniret id, quod debebatur ei ex paterna successione. De secundis autem redditibus est dubium, quod illi dabantur continue ministrantibus, & residentibus tanquam quotidiana distributiones pro eo tempore, quo ministrabant. In hoc tamen dici potest dupliciter, vno modo, quod diuidebantur æqualiter isti redditus secundum proportionem numeri personarum existentium in sanctuario, & ministrantium coram arca, siue essent sacerdotes, siue Leuitæ. Alio modo, quod illi, qui erant in sanctuario perciperent omnes istos redditus. Et illi, qui erant coram arca Domini nihil perciperent, sed David prouideret eis. Primum est satis rationabile, nam isti redditus dati fuerunt propter ministracionem, quæ fiebat coram Domino. Manifestum est, tamen quod illi, qui ministrabant coram arca, ministrabant coram Domino, quia a principio arca erat in sanctuario, & propter eam fiebat ministratio principaliter, cum ipsa esset vas sanctissimum totius sanctuarij. Nunc autem cum illa esset separata a sanctuario, ministrantes coram illa dicebantur ministrare coram Domino, eo quod ibi specialius representabatur Deus, quam in alijs partibus sanctuarij, cum Deus diceretur sedere super arcam inter cherubim, ut patet 2. Regum 6. Et supra 13. Item patet, quia isti sacerdotes, & Leuitæ qui ministrabant nunc coram arca iubente David ministrabant prius in sanctuario, & percipiebant redditus ordinarios. Quod autem nunc ministrarent sicut prius, & non perciperent aliquid de redditibus illis, videbatur esse satis irrationabile. Ideo non est credendum, quod illi priuarentur iuribus sacerdotilibus, & Leuiticis sibi debitis, sicut si ministrarent in sanctuario. Secundus modus est, quod isti qui ministrabant coram arca nihil perciperent de redditibus Leuiticis, & sacerdotilibus, sed omnes cederent in partem eorum, qui ministrabant in sanctuario. Et tamen isti, qui nunc ministrabant coram arca sustentarentur ab ipso David. Et hoc est verisimile: primo quia sicut David fuit tam magnificus colendo Deum in portatione arce, quod faceret tam magnas expensas in cibis populi, & in sacrificijs, cum ad singulos sex passus eorum, qui portabant arcam faceret occidi septem tauros, & septem arietes, præcedenti cap. Ita nunc daret omnia necessaria pro istis sacerdotibus, & Leuitis, qui ministrabant coram arca. Secundo patet hoc, quia David propter causam suam transtulerat arcam in domum suam, scilicet, ut Deus benediceret domui suæ sicut benedixerat domui Obededom, ut colligitur supra 13. Ideo iustum erat, quod ipse prouideret omnibus ministrantibus coram arca. Tertio patet, quia redditus illi, qui dabantur pro quotidiana ministracione Leuitis, & sacerdotibus, erant sicut distributiones quotidianæ Ecclesiarum. Et tamen de distributionibus istis sic est, quod siue pauci, siue multi ad horas venirent consequuntur eas integre. Et ratio huius est, quia siue pauci siue multi sint, æquale est officium diuinum, quia faciunt pro quo dantur illæ distributiones. Sic autem erat inter Leuitas, & sacerdotes, quia antequam separaretur arca a sanctuario, omnes Leuitæ veniebant ad ministrandum in sanctuario, & erat eis labor minor, quia diuidebantur tempora ministracionis per multos: nunc autem cum multi illorum ministrarent coram arca, erant pauciores, qui ministrabant in sanctuario, & ob hoc sæpius oportebat eos ministrare. Et sic cum æqualis labor maneret eis nunc cum essent pauci

pauci sicut prius, cum essent multi, debebantur eis **F** aequales redditus, & tamen prius debebantur omnes redditus sanctuarij ministrantibus in sanctuario, ideo nunc solis illis. Vterque modus est satis verisimilis, sed primus videtur rationabilior, cum isti, qui ministrabant coram arca censerentur ministrantes in sanctuario, & ibi personaliter residentes, cum ministrarent coram Domino sicut supra dictum est. Et tunc dicitur, quod cum essent nunc duo summi sacerdotes, vnus coram arca, & alius in sanctuario in Gabaon, diuiderentur redditus per medium inter eos, scilicet, quod quilibet reciperet ducentessimam partem fructuum totius Israel. De redditibus autem sacerdotum dicendum erat, quod diuidebantur inter eos, qui erant coram arca, & in Gabaon, sicut inter ipsosmet, **G** qui erant in Ierusalem. De Leuitis autem idem dicendum est, quia si tam pauciores sacerdotes, & Leuitae erant coram arca, quam in Gabaon, minor pars eis dabatur.

Quae erant caeremoniae, quae fiebant coram arca Domini.
Quaest. XXXVI.

QVAERITUR vltcrius, quae erant caeremoniae, quae fiebant coram arca Domini, & quae fiebant in sanctuario in Gabaon. Nam sacrificia fiebant in Gabaon, & etiam coram arca, vt patet in litera. Et sic de quibusdam alijs ministrationibus, in quibus videbantur coincidere. Respondendum, quod in sanctuario in Gabaon poterant fieri omnes caeremoniae legis, & tamen non erat necesse fieri ibi omnes, quia poterant fieri alibi quaedam illarum. De arca autem dicendum est, quod non poterant fieri coram ea omnes caeremoniae legis, sed quaedam, & tamen nulla caeremonia legis, quae necessario fieri deberet coram arca. Et pro hoc datur regula, quod omnes caeremoniae, quae erant de necessitate legis, fieri poterant in sanctuario, & necesse erat fieri ibi illas, & tamen nulla istarum erat, quae fieri posset coram arca. Aliae caeremoniae erant spontaneae, & de istis dicendum, quod poterant fieri in sanctuario, & etiam coram arca, & non erat necesse aliquam illarum fieri in sanctuario. Ad hoc autem sciendum, quod in lege ponebantur quaedam caeremoniae Leuitarum, & aliae sacerdotum. Caeremoniae Leuitarum erant, quod essent ianitores templi, & cantores. Caeremoniae sacerdotales erant multae. Prima erat offerre quotidie bis thymiamata mane, & vespere, Exo. 30. Secunda erat quotidie locare lucernas in candelabro ponendo oleum, vel faciendo alias dispositiones. Exo. 27. & 30. Tertia erat ponere panes propositionis super mensam in tabernaculo, Leuiti. 24. Quarta erat clangere tubis sacris tempore sacrificiorum Numeri 10. Quinta erat introire in Sancta sanctorum semel in anno in die propitiationis Leuiti. 16. Et ad Hebraeos. 9. Sexta erat facere sacrificia in altari holocaustorum, vel vbiunque, & alias caeremonias pertinentes ad hoc. Septima erat purificatos a lepra, & ab alijs immunditijs ostendere, & reconciliare communitati mundorum. Leuitici decimo tertio & decimo quarto. Et ob hoc Christus dixit leprosis, Ite, & ostendite vos sacerdotibus. Lucae 17. De ministrationibus Leuitarum, dicendum quod non determinabant certum locum quaedam illarum, sicut laudare Dominum. Et ideo iste non solum fieri poterant in sanctuario, sed etiam vbiunque alibi. Aliae autem concernebant locum, sicut esse ianitores. Et tamen iste poterant observari, vbi erat arca, sicut vbi erat in sanctuario. Et ratio huius est, quia Leuitae ianitores in sanctuario habebant istud officium, quod non permitterent quemquam accedere ad locum in-

debitum, & fiebat istud potissime propter arcam, quia nihil erat in toto sanctuario maioris venerationis, & a cuius visu, & tactu maxime abstinendum esset quam arca. Cum in visione eius esset maximum periculum, scilicet, mors: Numeri 4. Et primo Regum 6. Ideo cum esset arca in domo Dauid, vel vbiunque esset, conueniens erat poni aliquos ianitores, nam cum posita fuit in domo Abinadab, consecrauerunt Israelitae Eleazarum filium eius ad custodiendum eam. Et cum esset in domo Obededom, ipse erat Leuita, & custodiebat eam, vt declaratum est supra 13. Et ob hoc tempore, quo fuit arca in domo Dauid, fuerunt cantores, & ianitores de Leuitis in sanctuario in Gabaon, & etiam in domo Dauid coram arca, de ministrationibus autem sacerdotalibus secus erat. De prima, quae erat cremare thymiamata quotidie super altare thymiamatum, dicendum quod erat necessaria, quia quotidie bis fiebat, in mane, & in vespere. Exo. 30. Et ob hoc fieri debebat in sanctuario, & non sufficiebat si alibi fieret, potissime, quia non poterat fieri alibi, cum istud altare thymiamatum non sequeretur arcam, sed esset semper in sanctuario coram Sancta sanctorum. De secunda caeremonia, quae erat locare lucernas in candelabro, dicendum quod erat necessaria, quia fiebat quotidie bis lege iubente: Exo. 27. & 30. Et non poterat fieri alibi nisi in sanctuario, potissime quia candelabrum illud, in quo lucernae erant disponendae, erat vnicum, & erat semper in tabernaculo ante velum Sancti sanctorum: Exo. 26. Tertia caeremonia, scilicet, ponere panes propositionis super mensam, erat necessaria, quia debebat fieri quolibet sabbatho, & non poterat fieri nisi in sanctuario, quia mensa propositionis erat in tabernaculo ante Sancta sanctorum: Exo. 26. Et Leuiti. 24. Quarta caeremonia, scilicet, clangere tubis in diebus festis, & in sacrificijs erat sub necessitate, & tamen non determinabat sibi locum, quia poterat clangi tubis vbiunque fieret sacrificium. Ideo dicendum, quod cum in sanctuario Domini in Gabaon necesse esset fieri festiuitates, & sacrificia: necesse erat fieri ibi clangorem tubarum sacrarum, & tamen etiam coram arca clangebatur tubis sacris iugiter, vt patet supra in litera, cum dicitur, quod Deus instituit Banaiam, & Oziel sacerdotes, vt canerent tubis iugiter coram arca. Quinta caeremonia erat ingredi in Sancta sanctorum in die propitiationis, & ista erat necessaria, quia necesse erat quolibet anno fieri semel Leuiti. 16. Et ad Hebraeos. 9. Et non poterat fieri alibi nisi in sanctuario, quamquam vnus de summis sacerdotibus esset coram arca in domo Dauid. Et ratio est in duobus, primo quia ingredi debebat sacerdos magnus die illa in Sancta sanctorum, & tamen Sancta sanctorum est quaedam domus quadrata, quae erat pars posterior tabernaculi, vt patet Exo. 26. Et ibi declaratum est, & sic non poterat esse Sancta sanctorum, nisi vbi erat Sanctuarium. Secundum est, quia fiebant die illa caeremoniae multae sacrificiorum necessarium, quae non poterant fieri nisi in sanctuario. Sexta caeremonia erat facere sacrificia, & de ista dicendum, quod quaedam sacrificia erant necessaria, & alia spontanea: necessaria fieri debebant in sanctuario, spontanea autem poterant fieri coram arca. De primis sciendum, quod tripliciter poterat aliquod sacrificium esse necessarium. Primo modo per legem iubentem absolute. Secundo per legem iubentem sub conditione, & quando illa conditio implebatur, esset simpliciter necessarium sacrificium. Tertio modo, quando sine lege sacrificium sit necessarium per solam hominis voluntatem. De primo patet in sacrificio iugi. Nam sine conditio aliqua fieri debebat quotidie: etiam si multa alia sacrificia

crificia occurrerent: non debebat illud omitti. Sic etiam erat de sacrificijs, quæ fiebant in solennitatibus, scilicet, in sabbathis, & kalendis, & Phasæ, & Pentecoste, & die Clangoris, & festo Propitiationis, & Tabernaculorum, quia pro omnibus his erant sacrificia designata, quæ non debebāt omitti propter quæcunque alia accidentia. De his Numeri 28. & 29. De istis dicendum est, quod necesse erat fieri illa in sanctuario in altari holocaustorum. Secundo modo sacrificia sunt necessaria per conditionem: sicut cum dicitur lex, quod mulier, quæ peperit suscepto semine offerat agnum anniculum, vel par turturum. Leui. 12. Et sic quando adueniret ista conditio, scilicet, quod mulier, quæ pareret offerre debebat. Sic etiam si peccaret populus, vel sacerdos, vel princeps, vel priuata persona offerre debebant sacrificia certa, & quamquam accidens esset, quod aliquis peccaret: tamen postquam peccaret necesse erat, quod offerret sacrificia determinata. Leuiti. 4. & 5. Et Numeri 5. Sic etiam si aliquis incideret in lepram, & sanaretur, vel mulier fluere sanguine extra tempus menstruum, vel vir fluere semine, & sanarentur, debebant offerre sacrificia pro purificatione. Leuiti. 14. & 15. Sic etiam de multis alijs casibus, in quibus obligabantur Israelitæ facere sacrificia. Tertio modo erat sacrificium necessarium per voluntatem, sicut accidit in votis, quæ in vouendo sunt voluntaria, & in complendo sunt necessaria: unde si quis voueret quodcunque genus sacrificij, iam obligabatur ad reddendum illud in sanctuario. De omnibus his modis dicendum, quod sacrificia sic necessaria offerri debebant in Sanctuario; nec sufficiebat, quod offerretur aliquod illorum coram arca: specialiter tamen dicendum de sacrificijs, quæ erant necessaria ex voto, quod ista semper debebant offerri in Sanctuario, nisi in vouendo aliquis dixisset: volo offerre tale, vel tale sacrificium coram arca: alias autem siue aliquid exprimeret, siue absolute voueret offerre sacrificium, tenebatur illud offerre in Sanctuario. Sacrificia autem spontanea erant, quæ pro sola voluntate offerebantur, nec habebant aliquam necessitatem præcedentem sicut in sacrificijs imperatis a lege, nec aliquā subsequētem sicut in sacrificijs factis ex voto, sed fiebant gratis sine voto, & ista poterant indifferenter offerri in Sanctuario, vel coram arca. Ratio autem prædictorum est, quia dicitur hic in littera, quod Dauid iussit, quod Sadoc, & fratres sui sacerdotes offerrent sacrificium iugiter mane, & vespere coram tabernaculo in altari holocaustorum, & quod facerent omnia iuxta legem Moyfi ibi, & coram arca non iubeat fieri aliquid eorum, quæ iubebantur fieri in lege Moyfi, ideo videtur, quod omnia, quæ aliquo modo habebant necessitatem ad fieri, debebant fieri in Sanctuario, & nihil illorum coram arca, quæ autem erant pure spontanea, non erant secundum legem Moyfi, id est, non habebant necessitatem aliquam ex lege directe nec indirecte, & illa poterant fieri coram arca.

An Heman, & Idithum canerent tubis coram arca.
Quæst. XXXVII.

QUÆRITUR vltius quomodo dicitur hic, quod Heman, & Idithum canebant tubis coram arca, quia canere tubis non pertinebat nisi ad sacerdotes, vt patet Numeri 10. Scilicet, filij Aaron sacerdotis clangent tubis: eritque hoc legitimum sempiternum in generationibus vestris. Aliquis dicit, quod Heman, & Idithum, de quibus hic dicitur non essent Leuitæ simplices, sed sacerdotes, & sic liceret eis clangere tubis, dicendum tamen, quod

A hoc non stat, quia isti erant Leuitæ. Nam supra 6. dicitur, quod Heman erat de progenie Caathitarum princeps inter cantores illius progeniei. Etiam patet, quia infra 25. Vbi ponuntur officia Leuitarum ponuntur Heman, & Idithum, & Asaph, & tamen si essent sacerdotes, non ponerentur vigintiquatuor ibi, sed infra vbi ponuntur vigintiquatuor sortes sacerdotum: erant ergo Leuitæ, sed licuit eis clangere tubis. Pro quo sciendum, quod quidam erant tubæ argenteæ sacra ductiles, quas iussit Deus facere Moyfi. Numeri 10. Et alia erant tubæ corneæ, vel ligneæ non sacra. In primis istarum clangebant soli sacerdotes, & de his dicitur Numeri 10. Filij Aaron clangerent tubis, & nunquam Leuitæ clangebant eis. Secundis autem utebantur Leuitæ, quia non erant sacra, & non solum ipsi, sed etiam laici, vt patet præcedenti cap. cum dicitur, quod vniuersus Israel deducebat arcam Domini in iubilo, & sonitu buccinæ, & tubis, & cymbalis, a fortiori ergo Leuitis liceret vti tubis istis. Quod autem essent quædam tubæ sacra argenteæ, & alia non sacra corneæ, patet Psalmo 97. Scilicet, psallite Domino in cythara, & voce Psalms in tubis ductilibus, & voce tubæ corneæ. Tuba ductilis est tuba argentea sacra: sic enim patet Numeri 10. Vbi iussit Deus istas tubas fieri, dicens. Fac tibi duas tubas argenteas ductiles, quibus conuocare possis multitudinem. Ita nunc dicendum, quod erant coram arca tubæ argenteæ sacra, quibus clangebant sacerdotes, & tubæ corneæ non sacra, quibus clangebant Leuitæ. Patet hoc, quia supra in littera dicitur, quod constituit Dauid Banaïam, & Oziel sacerdotes canere iugiter tuba coram arca. Et dicitur hic postea, quod Heman, & Idithum canebant tuba, ideo reddenda sunt singula singulis, scilicet, tubæ sacra sacerdotibus, & tubæ corneæ Leuitis, quia alias frustra ponerentur quidam sacerdotes canentes tubis, quidam Leuitæ, sed attribueretur hoc totum Leuitis quibus competeat canere in templo, & coram arca.

An distinctio officiorum, quæ hic habetur sit illa, quæ ponitur infra cap. 25. Quæst. XXXVIII.

QUÆRITUR vltius de ista distinctione officiorum sacerdotum, & Leuitarum, quæ ponitur hic an sit illa, quæ habetur infra 25. Respondendum, quod non, quia ibi ponitur ordinatio sacerdotum, & Leuitarum pro toto tempore futuro post adificationem templi Salomonis, in quo esse debebat Sanctuarium, & arca, & tamen hic ponitur ordo, quem habebant sacerdotes, & Leuitæ illo tempore, quo mansit Sanctuarium in Gabaon, & arca erat in domo Dauid. Secundo patet, quia infra vigesimoquarto, & 25. distinguuntur omnes sacerdotes in vigintiquatuor partes, & omnes Leuitæ in totidem partes. Hic autem non distinguuntur omnes sacerdotes, nec omnes Leuitæ, sed soli Leuitæ Caathitæ, & Meraritæ. Illi autem, qui erant Gersonitæ erant coram arca cum Asaph, vt colligitur supra in littera, & ibi declaratum est: etiam non fuerunt nunc omnes sacerdotes in Sanctuario, sed quidam coram arca: dicendum ergo, quod non coincidit iste cum illo ordine sacerdotum, & Leuitarum, qui habetur infra vigesimoquarto, & 25. quia ille fuit ordo generalis pro omnibus Leuitis, & sacerdotibus, hic autem ponuntur duo ordines particulares, scilicet, vnus ordo sacerdotum, & Leuitarum existentium coram arca, & alius ordo sacerdotum, & Leuitarum manentium in tabernaculo Domini in Gabaon.



VM autem habitaret Dauid in domo sua, dixit ad Nathan Prophetam: Ecce ego habito in domo cedrina, arca autem foederis Domini sub pellibus est. Et ait Nathan ad Dauid: Omnia, quæ in corde tuo sunt, fac: Dominus enim tecum est.

DESCRIPTO in præcedentibus de Dauid deuotione in arcæ veneratione, hic agitur de eius deuotione in templi ædificatione, & diuiditur in duo, quia primo agitur de Dauid desiderio circa templi ædificationem: secundo agitur de eius studio circa materiæ præparationem infra 22. Prima in tres, quia primo ponitur prædictum desiderium ad templi ædificationem. Secundo intentionis impedimentum per inimicorum debellationem sequenti cap. Tertio eiusdem impedimentum per Dauid præuaricationem infra 21. Prima in duas, quia primo ponitur Dei ad Dauid per Prophetam locutio: secundo eiusdem responsio, ibi. *Cumque venisset Rex*. Prima in duas, quia primo ponitur humana diffinitio: secundo diuina reuocatio ibi. *Igitur noce illa*.

An ista, quæ hic habentur sint continuata ad præcedentia, & fuerint immediate post illa an interiecto aliquanto tempore. Quæst. I.

QUÆRITUR circa primum, an ea, qui habentur hic habeant ordinem continuatum ad præcedentia, & an fuerint facta immediate post illa, vel interiecto aliquanto tempore. Ad primum dicendum, quod hic est ordo continuus, quia supra dicebatur de arcæ portatione, quæ fuit in principio regni Dauid. Hic autem dicitur de voluntate eius ad ædificandū templum, & fuit istud post illud. Quod patet, quia quando Dauid istud dixit, iam erat arca Domini in domo sua, quia dicitur hic, quod Dauid dixit ad Nathan Prophetam: ecce ego habito in domo cedrina, arca autem Domini sub pellibus est. Et istud erat, quod Dauid extenderat ei quoddam tentorium de pellibus iacynthinis, sub quo esset in domo sua præcedenti cap. Et Dauid volebat, quod iam non maneret sub illo tentorio pellium, sed fabricaretur ei domus pulchra, in qua honorabiliter maneret. Ad secundum dicendum, quod non apparet an paucio tempore, vel multo post præcedentia ista dicta fuerint, & facta, sed satis videtur dicendum, quod paucio tempore post acciderint. Nam Dauid erat vir valde deicola, qui semper cogitabat qualiter placeret Deo, ideo non erat verisimile, quod multo tempore, postquam duxisset arcam in domum suam, maneret: quando cogitaret qualiter ædificaret templum Domino, ubi esset arca. Circa primum dicitur. *Cum autem habitaret Dauid in domo sua*. Scilicet, In domo quam fabricauerant ei serui Hiram regis Tyri de lignis cedrinis supra 14. Et potest induci dupliciter ista litera. Vno modo ad significandum, quod Dauid deberet ædificare Domino domum, in qua maneret arca, scilicet, quia ipse habebat iam domum pulchram, in qua habitaret, ideo rationabilius erat, quod Deus haberet domum, vt habuit. Consonat litera sequens cum dixit Dauid. Ecce ego habito in domo cedrina, & arca foederis Dei sub pellibus est q. d. non est iustum me habere domum, & q arca Domini non habeat domum,

F nisi pelles: aliter potest induci, scilicet, q Dauid esset iam quietus ab omni hostili opere, ideo esset aptus ad fabricandum Dño domum, & intelligetur cum habitaret Dauid in domo sua, id est, cū habitaret pacifice in domo sua, & non cogeretur ingruentibus bellis exire de illa. Et huic concordat litera, quæ habetur 2. Re. 7. Vbi ponitur tota ista historia in sententia, & quasi p eadem verba, cum dicitur: Factum est autem cum sedisset rex in domo sua, & Dominus dedisset ei requiem vndique ab vnuerfis inimicis suis. *Dixit ad Nathan Prophetam*. Locutus est Dauid isti, quia erat Propheta, & familiaris suus, & voluit ab eo habere certitudinē, an placeret ei, q ædificaret ei domum, vel non. *Ecce ego habito in domo cedrina*. Ista est domus, quam ædificauerant ei serui regis Hiram: nam mox vt factus est Rex super totum Israel, misit Hiram rex Tyri artifices, & ligna cedrina ad Dauid, & ædificauerunt ei domum in castro montis Sion, quod vocatur ciuitas Dauid supra 14. & 2. Re. 5. Et erat ista domus cedrina, id est, facta de lignis cedrinis, non quod tota esset de cedro, quia maxima pars eius erat de lapidibus. Quod patet, quia supra 14. Dicitur, q misit Hiram rex Tyri ad Dauid ligna cedrina, & artifices parietum lignorumque, vt ædificarent ei domum: ergo videtur, q artifices parietum non erant artifices lignorum, & consequenter parietes non erant de lignis, sed de alia materia, licet dicatur domus cedrina, quia nullum lignum erat nisi de cedro. Dixit autem hoc Dauid ad probandum, q iniustum erat, q non fuerat ædificata vsque nunc aliqua domus pro arca, quia arca, quæ representabat Deum, cum diceretur Deus sedere super arcam iuxta duos cherubin 2. Re. 6. debebat honorabilius manere quam quicumque homo, sed Dauid habitabat in domo cedrina, quæ erat valde preciosa, ideo videbatur iniustum, q arca Domini maneret in loco non honorabili, scilicet, sub pellibus, & sic non solum perēbat consilium an deberet ædificare domum Domino, sed etiam arguebat probando, q deberet ædificare. *Arca autem foederis Domini sub pellibus est*. Hoc dicebat, quia arca Domini erat inuoluta, vel operta pellibus: sicut supra declarabatur in quadam quæstione. Vocatur autem arca foederis, quia in ea custodiebantur duæ tabulæ lapideæ, in quibus erant scripta decem præcepta legis, super quibus fuerat foedus initum inter populum, & Deum. Et ait Nathan ad Dauid. *Omnia, quæ in corde tuo sunt, fac*. Per ista verba innuebatur, quod vellet Dauid ædificare templum Domino ad habitandum. Ideo Nathan videns intentionem Dauid dixit ei: omnia quæcunque sunt in corde tuo fac, id est, habes intentionem ædificandi templum, ædifica illud sicut volueris. *Deus enim tecum est*. Id est, Deus adiuvabit te ad faciendum omnia, quæ inceperis. Nesciebat Nathan voluntatē Dei circa ædificationem templi, quia tamen erat aliquid rationabile, & pertinens ad honorem Dei, putauit quod ipse adiunaret quemcunque volentem ædificare templum, sed non fuit si-

Quidnam mouebat Dauid, vt vellet ædificare templum. Quæst. II.

QUÆRITUR circa hoc, quid mouit Dauid ad volendum ædificare templum Dño. Respondendum, q motus fuit rationabiliter: erat enim Dauid vir deicola, & cogitabat assidue quomodo placeret Deo, & quia videbatur rationabile, q placeret Deo habere domum pulchram pro arca, intendebat ei ædificare illam. Secundum motum erat ex quadā compassione hominis ad Deum. Iustum enim est Deū honorari q hominem iuxta illud 1. Macha. 9. Iustum est

est hominem subiectum esse Deo; & mortalem Deo paria non sentire. Sed homines habitabant in domibus pretiosis, ergo rationabilis erat arcam Dñi habitare in domo pretiosa, & hoc dixit ad Nathan, scilicet, Ecce ego habito in domo cedrina: arca autem fœderis Dñi sub pellibus est. Tertium motiuum erat ex habitudine Dei ad hominem, quia Deus vult, quod honorificemus eum: attribuendo ei ea, quæ nos vellemus pro nobis, & daremus principibus nostris, & quod non demus ei illa, quæ despecta sunt in oculis nostris, & quia Iudæi non dabant Deo talia obsequia, & munera qualia principibus suis, conqueritur de eis per Malachiam, vt patet Malac. 1. Scilicet, Ad vos o sacerdotes, qui despicitis nomen meum, & dixistis, in quo despeximus nomen tuum? Offertis super altare meum panem pollutum, & dicitis, in quo polluimus te? In eo, quod dicitis: mensa Domini polluta est. Si offeratis eam cum ad immolandum, nonne malum est? Et si offeratis claudum, & languidum, nonne malum est? offer illud duci tuo, si placuerit illi, aut si susceperit faciem tuam, dicit Dominus exercituum. Et nunc deprecamini vultum Dñi, vt misereatur vestri: de manu enim vestra factum est hoc, si quoniam suscipiat facies vestras, dicit Dñs exercituum. Nunc autem Dauid cum esset princeps, nolebat, quod sibi darent maiora obsequia, quam Deo, & tñ ipse habebat domum cedrinam, ideo saltem volebat, quod Deus haberet domum cedrinam.

Quis nam erat iste Propheta Nathan.

Quest. III.

QUÆRITVR vltius quis erat iste Propheta Nathan, quem consuluit hic Dauid. Aliqui respondent, quod iste fuit vnus de filiis Dauid ex Bethsabee, quia ponitur Nathan inter filios Dauid, vt patet 2. Regum 5. & supra 3. Dicendum tamen, quod non fuit filius Dauid, sed fuit contemporaneus eius. Quod patet, quia si esset iste Nathan filius Dauid, de quo supra 3. & 2. Reg. 5. non esset filius Dauid ex Bethsabee cum dicatur ibi, quod illi quatuor, scilicet, Sama, Sobab, Nathan, & Salomon nati sunt de Bethsabee filia Amiel, & tamen Nathan iam vir magnæ ætatis erat, quādo Dauid accepit prima vice Bethsabee, ideo non fuit filius eius. Patet hoc, quia Dauid prius accepit Bethsabee in adulterium quā in matrimonium: nam non accepit eam in matrimonium, quousque dixit se esse grauidam ex coitu adulterino, & occisus fuit Vrius 2. Regum 12. Nathan tamen venit ad increpandum Dauid, quia acceperat Bethsabee per adulteriū, & quia occiderat Vriam virum eius. Et prænuñciauit ei, quod filius, qui natus fuerat ex adulterio, moreretur 2. Regum 12. Ergo multo prius natus fuit Nathan quā Dauid acciperet Bethsabee, & sic non potuit esse filius Dauid. Dicendum ergo, quod Nathan non fuit filius Dauid, sed quidam vir sanctus, & Propheta tempore Dauid, qui fuit valde familiaris ei, & prænuñciauit sibi multa, & fere fuit cōtaneus Dauid. Nam a principio regni Dauid fit mentio de Nathan, & etiam in morte Dauid vivebat Nathan. Patet hoc, quia Nathan prænuñciauit Dauid, quod non ædificaret templum ei. Istud erat in principio regni sui super Israel, vt patet hic & 2. Regum 7. Etiam ipse denūciauit ei de filio suo Salomon nascituro, qui succederet ei in Regno, & ædificaret templum Domino, vt patet ibidem. Et infra 22. Ipse etiam fuit, qui increpauit Dauid nimis pro adulterio cum Bethsabee, & prænuñciauit bella futura in domo sua, quia ipse occiderat Vriam 2. Regum 12. Fuit valde laudabilis iste Nathan: vnde ponitur in catalogo sanctorum patrum veteris testamenti, & adiungitur temporibus Dauid,

A vt patet Ecclesiast. 47. Scilicet Post hæc surrexit Nathan Propheta in diebus Dauid, & quasi adeps separat us est a carne: Vixit autem Nathan vsque ad mortem Dauid, & postea, nam cum moriturus esset Dauid, & dubitaretur quis ei deberet succedere, & Adonias gereret se pro rege, Nathan fouebat partes Salomonis, & suaserit Bethsabee matri eius ingredi ad Dauid, & petere ab eo Regnum pro Salomone 3. Regum primo ipse etiam Nathan Propheta, & Sadoc summus sacerdos vixerunt Salomonem in Regem, eodem cap.

Quare consuluit Dauid Nathan de ædificatione

templi. Quest. IIII.

QUÆRITVR vltius quare Dauid consuluit nūc Nathan super ædificatione templi, quam facere intendebat. Dicendum, quod fuit propter multa. Primo propter magnam familiaritatem, quam habebat Dauid cum illo. Nam homines, qui volunt facere aliqua magna, prius colloquuntur amicis suis conferentes super illo, an fieri debeat, & qualiter fiat: Nathan autem erat tam familiaris Dauid, vt nihil faceret Dauid eo non consulto. Ideo nunc cum esset ista res grauis, noluit facere quousque conferret super illa cum Nathan. Patet hoc 3. Regum primo quando Adonias vnctus est in regem, nesciente hoc Dauid, dixit Nathan. Nunquid a Domino meo Rege exiuit hoc verbum, & mihi non indicasti seruo tuo, quis sessurus esset super thronum Dauid mei Regis post eum? Et sic Nathan quasi conqueritur, quod Dauid non reuelauerit ei hoc secretum antequam faceret, non auderet tamen sic conqueri, nisi tanta esset familiaritas eius cum Dauid, quod omnia alia secreta sua consueuisset ei reuelare. Secundum fuit, quia Nathan erat Propheta, per quem Deus multa reuelabat Dauid, & alijs Israelitis, & cum nunc aggressurus esset rem magnam, noluit aggredi Deo inconsulto, cum promptum esset sibi consulere Deum per Prophetam, & sic quando respondit Nathan ipsi Dauid, quod ædificaret Dauid erat promptus ædificare, nec quæsiuit vltius consilium. Tertium poterat esse, quia forte Dauid voluit istud reuelare Nathan tanquā viro prudenti, vt videret quid super hoc iudicaret. Et non consulebat Dauid Dominum per Nathan ad volendum scire responsum eius, quia tunc non respondisset Nathan inconsulto Deo, sed consulisset eum, & expectasset quid responderet, nunc tamen non consuluit Dominum, sed solum respondit de corde suo, dicens, omnia quæ sunt in corde tuo fac: Dominus enim tecum est, & postea Deus apparuit, & reuelauit contrarium. Ideo videtur, quod non consulebat eū tanquam Prophetam, sed magis tanquam virum prudentem, & familiarem sibi, de quo infra declarabitur in quadam quæstione.

Quare volebat Dauid consulere Dominum per Nathan.

Quest. V.

QUÆRITVR vltius si Dauid volebat consulere Dominum super ædificatione templi, ad quid volebat consulere eum per Nathan Prophetam, vel per aliquem alium, cum ipse esset Propheta, immo excellens inter Prophetas tantum, quod quando dicitur Propheta absolute, intelligitur de Dauid. Respondendum est, quod non consuluit Dominum per seipsum, sed per alium, vt aliqui volunt, quia licet ipse esset Propheta, tamen pro tunc non habebat spiritum prophetiæ: ideo consulebat per alium, qui haberet spiritum prophetiæ pro tunc. Dicendum tamen, quod hoc non fiat, quia nunquam vnus

whus Propheta consulebat Dominum per alium Prophetam ex quacunque causa; siue Deus sibi illico responderet, siue non, nec reperietur aliquando de aliquo, qui nominetur Propheta; quod consuleret Dominum per alium, etiam si Deus non reuelaret sibi immediate, quod volebat. Et patet hoc de Iere. a quo iudæi, quæsierunt an deberet descendere in Aegyptum, & per decem dies orauit, nec respondebat ei Deus, & tamen nullum alium Prophetam super hoc quæsiuit, sed expectauit vsquequo Deus ei reuelare voluit die decimo, vt patet Iere. 42. Sic etiam fuit de Daniele, qui interdum per tres hebdomadas erat dubius super aliqua re, & consulebat Dominum, quid fieri deberet super illa, vel qualiter intelligeretur: Danielis 10. Et tamen nunquam consulebat tunc alium Prophetam super hoc, licet essent alij Prophetæ famosi in Babylone, a quibus posset querere, quorum vnus erat Ezechiel, vt patet Ezech. primo. Et sic Dauid non consulebat Dominum nunc per Nathan, tantum nunc non haberet spiritum propheticum, & ante hoc habuisset aliquando: nam ipse consueuerat semper consulere Dominum per alios: sic enim patet quando erat profugus a facie Saulis: nam consuluit ter Dominum per Abiathar summum sacerdotem, scilicet, in Ceila, & in Siceleg, primo Regum 23. & 30. Postea etiam, quando voluit redire de terra Philistinorum in terram Iuda consuluit sic Dominum 2. Regum 2. cap. sic etiam quando factus est rex super Israel, consuluit bis Dominum super bello contra Philistinos 2. Regum 5. Et supra 14. Dicendum ergo, quod Dauid non erat Propheta cui Deus loqueretur per se sicut alijs Prophetis, & patet hoc ex duobus. Primo quia si Deus consueuisset ei loqui per se, non consuleret ipse Dominum per alios Prophetas, sed per seipsum; sicut declaratum est supra de alijs Prophetis, qui nunquam consulebant Dominum per alios, sed per seipsos: Dauid autem sepe consuluit Dominum per alios. Secundo patet, quia alij Prophetæ, quibus Dominus per se loquebatur, non recipiebant responsum diuinum in aliquo per interpositam personam, sed per seipsos, & tamen Dauid sepe recepit diuina mandata, & responsa per alios. Patet enim, quia in deserto locutus est Dominus ad Prophetam Gad, vt denunciaret Dauid, quod non maneret in præsidio terre Moab, sed veniret in terram Iuda, primo Regum 22. nunc etiam non locutus est Deus ipsi Dauid per se, sed per Nathan declarando ei, quid intenderet facere ipsi Dauid. Iterum etiam cum peccaret Dauid in adulterio, non comminatus est ei per seipsum Deus, sed per Nathan denunciauit sibi omnia mala. 2. Regum 12. Iterum etiam, quando peccauit Dauid numerando populum: Deus locutus est ei bis per Prophetam Gad, scilicet, primo dando ei electionem de tribus generibus poenarum: secundo reuelando ei, quid deberet facere ad hoc, quod cessaret pestis, vt patet infra 21. Et magis 2. Regum vltimo, Non ergo erat Dauid Propheta, cui Deus per se loqueretur, & sic quocumque ipse vellet certificari de aliquo per Deum, oportebat, quod consuleret Dominum per alios Prophetas, sicut consulebat quilibet, qui non erat Propheta. Cum autem obijcitur, quod Dauid erat Propheta, immo excellens prophetarum, dicendum quod Propheta accipitur dupliciter in sacra scriptura. Vno modo pro illo, cui Deus reuelat aliqua abscondita, quæ non reuelat alijs hominibus, siue loquendo ei per Angelum suum, siue aliter, & sic proprie accipitur Propheta. Alio modo vocatur Propheta quicunque laudans Deum, si faciat aliquos Psalmos, vel cantica. Et isto modo omnes Leuitæ, qui canebant coram Dño, vocabantur Prophetæ, & dice-

rophe-
Pa dupli-
citer ac-
cipitur.

bantur prophetare in lyris, & psalterijs, & alijs organjs musicis, sic est supra 15. Chonenias princeps cantorum dicebatur princeps prophetiæ. differentias aut Prophetarum in istis duobus modis assignauimus satis late, supra 15. In quadam qñe. Isto modo secundo erat Dauid Propheta, & est excellentior omnibus Prophetis, quia non fuit aliquis, qui tot Psalmos componeret sicut Dauid, vt patet ex titulis eorum in lib. Psalmos. quia plures attribuantur ei soli, q̃ omnibus alijs simul sumptis: Prophetæ autem isto modo non habebant reuelationē a Dño, ita vt loqueretur eis, ideo qñ dubitabant sup aliquo consulebant Dñm sicut ceteri, q̃ non erant Prophetæ. Interdum tñ Deus inspirabat istis Prophetis cantoribus aliquid, & canebant aliqua futura, in quibus concordabant cū Prophetis primo modo, & sic Dauid multa cecinit, quæ futura erant, & potissime Dauid conuenit cū Prophetis primi modi, quia licet Deus nunq̃ loqueretur ei, tñ prophetiam istam secundi modi, quæ erat ars faciendi Psalmos & cantica diuinæ laudis nō acceperat humano ingenio, nec eruditione, & studio, sed Deus ei inspirauerat, iō excellentior erat inter oēs Prophetas secundi modi, & tñ hoc non obstante, non poterat per se consulere Dñm, sed si debebat consulere, oportebat quod per alium consuleret, & sic fuit hic, si forte ipse intendebat consulere Dominum per Nathan.

An Dauid locutus fuerit ad Nathan Prophetam, vt consuleret Dominum per eum, vel solum vt loqueretur ei.

H

QVAERITVR vterius cū nūc fuerit locutus Dauid Prophetæ Nathan sup ædificationē templi, an locutus fuerit consulendo Dñm per eum, vel solum loqueretur ei tanq̃ viro prudenti, & familiari, volēs habere consilium cum ipso. Rñdendum, q̃ vtraque pars poterat aequaliter teneri, sed magis dicendū est, q̃ Dauid solum locutus fuerat, vt petēs consilium tanq̃ a viro prudenti, quod patet primo, quia qñ Dauid dixit ego habito in domo cedrina, & arca Dñi sub pellibus est. Nathan rñdit ei illico, omnia q̃ sunt in corde tuo fac, quia Dñs tecum est, & tñ si ipse videret, q̃ Dauid peteret ab eo p̃ modum consultationis prophetice, non intraret sibi quousq; consuleret Dñm sup hoc. Secundo patet, q̃ dato, q̃ ipsi Nathan videret non esse opus, q̃ consuleret Dñm sup hoc, credens certissime, q̃ Deus vellet templum sibi ædificari, tñ saltem Dauid non assentiret ipsi Nathan, quousq; consuleret Dñm pro eo, & tñ non curauit vterius, sed contentus fuit cum dixit Nathan, omnia q̃ sunt in corde tuo, fac. ergo non quærebat per eū modū consultationis. Tertiū patet, quia ex verbis Dauid aequaliter colligitur, quod ipse nolebat consulere Dominum super hoc, quia ille qui consulit ambiguus est super re, de qua consulit, & tamen Dauid videbatur esse certus ex verbis suis de ædificatione templi, quod Deo placeret, immo quod esset iniustum non fieri: nam dixit, ecce ego habito in domo cedrina, arca autem Domini sub pellibus Domini si dicat iniustum est hoc, ideo non consuleret Dominum per Nathan. Quarto patet, & efficacius, quia si consuluisset Dauid Dominum per Nathan, & Deo nihil respondente diceret Nathan ad Dauid, omnia, quæ sunt in corde tuo fac, & postea Deus responderet, quod Dauid non ædificaret templum, esset magna confusio ipsi Nathan, & appareret mendax, & Dauid increparet eum nimis, & tamen nihil istorum appareret, quia Dauid non increpuit ipsum Nathan, ideo videtur, quod non consuluit Dominum per eum, sed per modum colloquutionis, & consilij humani locutus est ad eum.

Quomodo

Quomodo intelligitur, quod arca domini erat sub pellibus.

Quæst. VII.

QUÆRITUR ulterius quomodo dixit hic David arca domini sub pellibus est. Respondendum, quod potest intelligi dupliciter: vno modo, quod esset arca sub pellibus. id est sub quodam tentorio de pellibus iacynthinis. scilicet quod David construxit palatium, in quo esset arca, & in illo posuit quoddam tentorium de pellibus iacynthinis, in quo esset arca abscondita, ne videretur ab omnibus introeuntibus in domum illam, & hoc colligitur præced. cum dicitur. Attulerunt arcam Dei, & constituerunt illam in medio tabernaculi, quod tetenderat ei David. id est in medio tentorii, nam non potest intelligi de domo, in qua posita est arca, quia domus non extenditur, sed debet intelligi de tentorio facto de pellibus, vel de lino, quod extenditur, & colligitur pro voluntate humana, & quia erat nunc arca sub illo tentorio de pellibus dicebatur esse sub pellibus. Alio modo potest intelligi de velamento arcae. Pro quo sciendum, quod arca habebat tria velamenta, primum erat velum, quod pendebat ante sancta Sanctorum: secundum erat de pellibus iacynthinis: tertium erat pallium iacynthinum. Cum autem arca maneret intra sancta Sanctorum, erat discooperta. Cum vero mouendum erat tabernaculum inuoluebatur arca tribus prædictis velamentis. Num. 4. & sic portabatur inde: cum locarentur castra, reponebatur arca intra sancta Sanctorum, & ibi discooperiebatur, & sic nunquam erat discooperta, nisi quando erat in sancta Sanctorum. Ideo erat velata istis tribus velamentis, & quia vnum istorum erat de pellibus iacynthinis, dicebatur arca esse sub pellibus, quandiu sic operta erat. Et quocumque istorum duorum modorum intelligatur, erat arca minus honorabiliter, quam decebat, ideo quasi pro iniusto dicebat David arca domini sub pellibus est.

Quare voluit nunc David edificare templum.

Quæst. VIII.

QUÆRITUR ulterius, quare David voluit nunc edificare templum domino, eo quod arca erat sub pellibus, & quomodo ipse reputabat eam contemptibiliter esse, quando erat sub pellibus. Nam Deus sic instituerat, & non debet conari David magis honorare arcam, quam Deus eam volebat honorari, Deus tamen instituerat, quod arca semper esset sub pellibus, quia aut arca erat intra sancta Sanctorum, quando erant castra locata, aut erat extra. scilicet quando erant sub pellibus, si primo modo arca nuda erat. & tamen erat sub pellibus, quia erat in sancta Sanctorum. Et testum sancti Sanctorum, & totius tabernaculi erat quadruplex. scilicet vnum de cortinis, & aliud de sagis: tertium de pellibus arietum rubricatis: quartum de pellibus iacynthinis. Exod. 26. Et sic erat arca sub pellibus duplicibus. Si autem erat extra sancta Sanctorum, et erat sub pellibus, quia erat semper operta tribus velamentis, quorum secundum de pellibus iacynthinis. Num. 4. Et sic ubicumque erat, sub pellibus erat, & hoc innuit Deus loquens ad David hic in litera. scilicet non edificabis mihi domum ad habitandum, neque. nam mansi in domo ex eo tempore, quo eduxi Israel de Aegypto usque ad diem hanc, sed fui semper mutans loca tabernaculi, & in tentorio manens cum omni Israel.

Respondendum, quod quamquam Deus ordinasset arcam esse sub pellibus, David putavit inhonestum, & minus honorabile esse arcam latere sub pellibus, nec tamen in hoc resistebat ordinationi diuine, vel putabat minus bene ordinatum esse, quod arca esset sub pellibus. Alph. Tost. In Lib. I. Paralip.

A LIBUS, sed sciebat, quod hoc factum fuerat ex necessitate. Nam operimenta pellium pro arca instituta fuerunt in deserto, quando egressi fuerunt Israelitæ de Aegypto, & non potuit tunc edificari aliqua domus, in qua maneret arca, quia Israelitæ mutare debebant quotidie loca per desertum, quousque venirent ad terram Chanaan eis promissam, & sic oportebat, quod facerent aliquam domum portatilem, in qua poneretur arca, quando locaretur castra, & ista esset de tabulis paucis, & operimentis pellium, vel lini, & sic factum est, ut patet Exod. 26. Ideo ex necessitate fuit, quod arca esset sub pellibus: si tamen Deus non iussisset arcam, & tabernaculum fieri in deserto, sed in terra Chanaan. & postquam Israelitæ essent in quiete, non iussisset fieri habitationem arce de pellibus, vel panno, sed de lapidibus, & lignis pulchris, sicut factum est templum Salomonis, nunc autem Israelitæ quiescebant in terra Chanaan, & non erat arca mutanda quotidie de loco ad locum, ideo poterat fieri ei domus pulchra, in qua maneret, & sic illud, quod fuerat pulchrum, & bonum pro necessitate temporis in deserto, iam non erat honestum, & honorabile, & propter hoc David volebat mutare illud, quamquam a Deo fuisset factum, & iam credebatur non esse bonam illam ordinationem Dei propter mutationem temporis: sic enim fecit David in quibusdam aliis: nam instituerat Deus in deserto Leuitas in officiis suis, ita ut a viginti quinque annis supra ministraret in operibus tabernaculi usque ad quinquaginta, & post quinquaginta non ministrarent, sed erant custodes vasorum. Num. 8. Et etiam ista ministratio non incipiebat anno vicesimo quinto, sed anno tricesimo, & ob hoc omnes Leuitæ, qui numerati fuerunt in deserto ad subeundum onera, fuerunt nominati a triginta annis, & supra Num. 4. & tamen David postea instituit, quod Leuitæ ministrarent a viginti annis, & supra usque ad finem vitæ, & causa mutationis fuit, quia Leuitæ in deserto habebant magnos labores portando onera de loco ad locum, ideo incipiebant laborare in ætate fortissima, scilicet anno tricesimo. Cum autem erant in terra Chanaan, & fuit edificatum templum Salomonis, non erat mouenda arca de loco illo, sed ministratio Leuitarum solum futura erat in templo, & ob hoc non requirebantur manere vires in eis ad ministrandum, & sic sufficebat, quod inciperent ministrare anno vicesimo, sic patet infra 23. dixit David. Requiem dedit dominus Deus Israel populo tuo, & habitationem in Ierusalem, usque in sempiternum, nec erit officium Leuitarum, ut ultra portent tabernaculum, & omnia vasa eius ad ministrandum, iuxta præcepta quoque David nouissima supputabitur numerus filiorum Leui a viginti annis, & s. Et sic David mouebatur ad faciendum, quod arca domini non esset sub pellibus, licet Deus instituisset a principio, quod esset sub pellibus.

Propter quid dicebat David arcam domini esse sub pellibus.

Quæst. IX.

QUÆRITUR ulterius ad quid David dicebat nunc, quod arca Dei erat sub pellibus, & ipse in domo cedrina, & propter hoc volebat ei fabricare templum, nam etiam arca Dei erat in domo cedrina, nam arca fuit posita in domo David, & verisimile est, quod ipse poneret eam in loco meliori, & honestiori totius domus suæ, cum ipse esset vir valde deicola, cupiens per omnia placere Deo, & honorare arcam, & tamen domus David erat cedrina. scilicet quam edificauerant ei artifices regis Hiram. Ideo etiam arca domini esset in domo cedrina. Potest respondere multipliciter: vno modo, quod David volebat edificare

re dño meliorem domum, & respectu illius, quā in F
tendebat edificare; ista in qua nunc erat arca, nullius
valoris erat, quod patet ex magnitudine expensarum,
quas preparauit Dauid ad edificandum templum in-
fra 22. & 28. & 29. Et ex pulchritudine, & diuitiis ma-
gnis, quæ fuerunt in templo Salomonis, vt patet ter-
tio Reg. 6. & seq. lib. c. 3. & 4. ideo respectu illius adhuc
arca Dei non erat in loco honesto, sed videbatur esse
sub pellibus. Secundo potest responderi, & melius, q̃
quamquam arca existens in domo Dauid, esset in do-
mo cedrina, & tamen domus cedrina non erat habita-
culum eius, sed tentorium factū de pellibus iacynthi-
nis, qđ Dauid posuerat in illa domo, vt poneretur arca
sub illo, & non apparet oībus intransibis domum, G
Sicut arca nuda esset, & poneretur in domo cedrina,
diceretur proprie habitare in domo cedrina: sic, n. fuit
postea in templo Salomonis, nam fuit facta quædā do-
mus quadrata habens trabes cedrinas, & tabulas pa-
rietum cedrinas, & tota domus erat operta auro in te-
cto parietibus, & pauimento, & in illa ponebatur ar-
ca non habens aliquod operimentum, sed parietes do-
mus occultabant arcam, vt patet 3. Reg. 16. Et sic in-
tendebat facere nunc Dauid. Tertio potest dici, q̃ in
quocunque loco poneret arca esset sub pellibus sem-
per quousque fieret ei aliquod tēplū manens: nam ē
quando erat in tabernaculo intra sancta Sanctorū sub
pellibus erat, cum essent duo velamēta sanctuarii de
pellibus. Exo. 26. ideo Dauid intendebat per hoc face-
re domū manentem, in qua arca semper staret, & ibi
esset discooperta, nec essent iā aliq̃ pelles super eā, sed
tectum, & parietes de laminis aureis, sicut factum est
postea in templo Salomonis,

Igit̃ nocte illa factus est sermo Domini
ad Nathan, dicens: Vade & loquere Dauid
seruo meo: Hæc dicit Dominus: Nō ædifi-
cabis tu mihi domum ad habitandum, ne-
que enim māsi in domo ex eo tempore, quo
eduxi Israel de terra Aegypti, vsque ad diem
hanc, sed fui semper mutans loca tabernacu-
li, & in tentorio manens cum omni Israel.
Nunquid locutus sum saltem vni iudicum
Israel, quibus præceperam, vt pascere-
nt populum meum, & dixi, quare non ædificasti
mihi domum cedrinam?

Igitur nocte illa. Hic ponitur secundum huius par-
tis. i. diuina reuocatio. Nam reuocauit Deus sententiā
Nathan. Ipse quippe dixerat Dauid, q̃ faceret omnia,
quæ erāt in corde suo, & Deus dixit ei, q̃ non ædifica-
ret Dauid sibi templum, & dicitur. *Igitur nocte illa.* Da-
uid & Nathan locuti fuerant per diem de ædificatio-
ne templi, & sequenti nocte locutus est dominus ad
Nathan de reuocatione illius dicti.

Factus est sermo domini ad Nathan. Erat Nathan pro-
pheta, & solbat ei Deus loqui, & sic nūc locutus est,
& non fuit locutus Dauid per se, quia Dauid non erat
propheta de illis, quibus Deus loquebatur, vt declara-
tum est supra in quadam quæstione: de ista locutione
qualis fuerit infra declarabitur in quæstione quadam.

Dicens vade, & loquere Dauid seruo meo. Scilicet vade, &
reuoca eum ab intentione ædificandi templum, quā
iam concepit.

*Hæc dicit dominus, non ædificabis tu mihi domum ad habi-
tandum.* Scilicet domum ad habitandum, non ædifica-

bis tu, sed ædificabit filius tuus, vt patet in litera. Et di-
citur: nō ædificabis tu mihi domum, i. arcē meę, quia
Deus non indigebat domo, sed arca sua, in qua specia-
liter ostendebatur præsentia eius.

*Nec enim mansi in domo ex eo tempore, quo eduxi Israel,
vsque ad diem hanc.* Quasi dicat non est necesse, q̃ tu ædi-
fices mihi domum, quia sicut nunquam habitauī in
domo ex die, quo eduxi Israelitas de Aegypto, vsque
ad diem hanc, ita nec est necesse, q̃ nunc habitem in
illa, sed bene potero in dieb⁹ tuis manere sine domo.

Sed semper fui mutans loca tabernaculi. Id est nunquam
habui locum manentem, sed semper. i. quasi cōtinue
mutabam loca tabernaculi. Hoc dicit, quia arca facta
fuit in deserto, & ibi factum est tabernaculum, vbi nō
erat quies Israelitarum, sed mouebantur continue p
mansiones suas, & quando locabātur castra in aliquo
loco, erigebatur ibi tabernaculum, & ponebatur arca
in sancta Sanctorum nuda: manebatque ibi quandiu
Israelitæ manebant in loco ipso, cum vero castra mu-
tanda essent, operiebatur arca tribus velamentis suis,
& deponebatur totum tabernaculum, & tam arca,
quam tabernaculum portabantur a Leuitis in itinere
vsque ad locum in quo castrametandum foret, & ibi
rursus fiebat, sicut dictum est, & ita in omnibus castra-
metationibus, Numeri 4. & sic mutabat arca loca ta-
bernaculi.

Et in tentorio manens cum omni Israel. Istud intelligitur
H de tempore, quo manebat arca in aliquo loco castra-
metationis, nam quando mouebantur castra, diceba-
tur arca mutare loca tabernaculi, & quando figeba-
tur, rursus manebat ipsa in tentorio. Intra sancta San-
ctorum, quia locatis castris ponebatur arca in sancta
Sanctorum, & ibi erat in tentorio, quia operimētum
sancti Sanctorum non erat de tabulis, sed de velamen-
tis, quæ erant quatuor, scilicet de cortinis, de sagis, de
pellibus arietum rubricatis, de pellibus iacynthinis.
Exod. 26. & ista operimenta vocabantur tentorium,
quia extendebantur, & colligebantur. s. quando erige-
bantur tabulæ tabernaculi extendebantur ista operi-
menta super illas, vt velarent eas per omnia latera, vs-
que ad pauimentum. Exo. 26. Et quando deponeba-
I tur tabernaculum, auferebātur ista velamenta, & col-
ligebantur, vt portarentur in itinere. Numer. 3. & 4. &
dicitur q̃ manebat cum omni Israel, quia arca domi-
ni non quiescebat, nisi quiescente toto Israel, nec mo-
uebatur, nisi cū moueretur Israel, vnde quando Israe-
litæ per desertum deberent mouere castra, moueba-
tur arca præcedens eos ad significandum locum ca-
strorum, & tunc dicebat Moyses, surge domine, &
dissipentur inimici tui, & fugiant qui oderunt te a fa-
cie tua, cum autem perueniretur ad locū, in quo quie-
scendum esset, stabat arca, & dicebat Moyses, reuer-
tere domine ad multitudinem filiorum Israel, vt pa-
ter Numer. 10. Nunquid locutus sum saltem vni iudicum
Israel. Hic ponit aliam exultationem ad hoc, q̃ non
debeat ædificari templum. s. q̃ ante hoc Deus, nunquā
iussit alicui iudici Israel, q̃ ædificaret sibi templum,
ideo non erat in culpa Dauid si ē ipse non ædificaret.
Iudices fuerunt in Israel illi, qui gubernauerunt popu-
lum immediate post Iosue, vsque ad Saulem, qui fuit
primus de regibus.

*Quibus præceperam, vt pascere-
nt populum meum.* Deus
iussit iudicibus, q̃ pascere-
rent illum, & gubernarent,
sicut pastor regit oves pa-
scendo eas, & sic reges vocantur pastores, sic enim
Homerus vocauit Agamēnonem principem totius
exercitus Græcorum in bello Troiano, patrem & pa-
storem populorum, vt patet in Iliade, & retet illud
Arist. 8. Ethic. patet etiam ex hoc, q̃ iudices, vt in plu-
rimum voluntate, & p̃cepto Dei constituebantur in
Israel.

Israel. Quod patet, quia dicit hic, quod Deus preceperat illis, ut pascere populum Israel, & huic consonat id, quod habet sepe in lib. Iudicum. Nam de multis iudicibus dicitur suscitavit eis Deus salvatorem nomine Othniel, vel nomine Aod, ut patet Iudic. 3. 4. & 6. & in alijs locis. Et dixi quare edificasti mihi domum cedrinam. Quamquam precepi illis, quod pascere populum meum Israel, ideo nec tu eris in culpa, quamquam non edifices mihi domum, & dicitur quibus preceperam, ut pascere populum meum Israel, quia David poterat dicere, quod quamquam populus non edificasset domino templum precedenti tempore, non peccaret, quia obligatio ad faciendum hoc erat propter specialia beneficia. David autem acceperat a Deo specialius beneficium, quam quilibet de populo, eo quod Deus fecerat eum regem super Israel cum prius esset pastor ovium. Ideo licet non peccaret populares non faciendo templum domino tempore preterito, peccaret David: nunc autem dicitur, quod etiam si princeps esset super totum Israel, non peccaret non edificando domino templum, quia iudices de quibus dicitur hic, fuerunt constituti a Deo principes super totum Israel. Et tamen Deus non iussit eis, quod edificarent sibi templum. Ideo nec peccaret David, licet non edificaret templum cum esset Rex Israel.

Quare Deus respondit David in nocte sequenti.

Quest. X.

QUÆRITUR circa hoc quare Deus respondit David in nocte sequenti postquam locutus fuerat cum Nathan de fabricatione templi. Respondent quidam Hebrei, quod David erat facilis ad vouendum. Et si Deus non responderet illi, eo forte voueret fabricare templum Domino, & si voueret istud votum, non esset complendum, quia erat contra voluntatem Dei, & sic maneret votum David irritum, quod non expediebat. Voluit ergo Deus cito occurrere, antequam David voueret, & ob hoc in illa eadem nocte Deus locutus fuit ipsi Nathan, ut impediret intentionem David. quidquid tamen sit, videtur quod David vouerit edificare templum domino, ut patet Psal. 131. f. Memento domine David, & omnis mansuetudinis eius. Sicut iuravit domino votum vouit Deo Iacob. Si introiero in tabernaculum domus meae, si ascendero in lectum strati mei. Si dederero somnum oculis meis, & palpebris meis dormitationem, & requiem temporibus Iacob. De isto tamen voto quod intelligatur, magis declaratur in eodem Psal. Alii dicunt, quod hoc factum est, quod David habebat voluntatem promptam ad edificandum templum domino, & forte inciperet sequi die ad faciendum aliquam dispositionem, ut ergo non imitarentur se laboribus inutilibus, qui ad eum non pertinebant, Deus voluit prohibere nocte illa revelans istud prophetæ Nathan.

Quare potius revelavit Deus voluntatem suam David per prophetam Nathan, quam per alium.

Questio. XI.

QUÆRITUR ulterius, quare Deus potius istud revelavit David per prophetam Nathan, quam per aliquem alium. Respondetur potest vno modo, quod hoc fecit, quia forte non erat alius propheta in presenti, qui hoc revelaret David, nam licet propheta Gad tunc esset, noluit Deus eum revelare, quia forte non erat in Ierusalem, & sic non poterat prompte istud revelare David. Istud patet, quod propheta Gad fuerat ante hoc, nam quando David

A fugiebat a facie Saulis, ipse revelavit ei, quod non maneret in presidio, sed rediret in terram Iuda. 1. Regum 22. Etiam istemet locutus est David paulo ante finem regni sui, quando peccavit numerando populum, & dedit ei electionem de tribus penis, secundo Regum ultimo, & infra vigesimoprimo, sed forte iste Gad non erat tunc in Ierusalem, quando istud factum est. Nathan autem manebat in Ierusalem, cum esset valde familiaris David, ideo dictum est hoc ad Nathan. Alia causa fuit, quare videtur potissima, scilicet ad faciendum, quod Nathan cognosceret seipsum, & humiliaret se, nam responderat Nathan, quasi ex parte Dei ad hoc Deo inconsulto. Cum dixit omnia, quare in corde tuo sunt fac, Deus enim tecum est. Voluit ergo Deus humiliare eum, ostendendo, quod homo non potest scire, quod est placitum Deo, nisi ipse revelaverit, & quia ante hoc Nathan non consuluerat dominum, erravit: cum nunc Deus diceret contrarium, & sic iterum non responderet in similibus, nisi prius Deum consuleret, si autem Deus per alium respondisset David, non eruditur Nathan, circa hoc, ideo potius voluit respondere per Nathan.

Quomodo locutus est Deus ad Nathan.

Quest. XII.

QUÆRITUR ulterius, quomodo Deus locutus est nunc ad Nathan.

Respondendum, quod multipliciter poterat loqui. Vno modo per aliquem angelum suum faciendum, quod appareret ipsi Nathan in assumpto corpore de aere, & loqueretur ei, sic fuit de illo angelo, qui apparuit Iosue in agro Iericho. Iosue quinto. Et de angelo, qui apparuit Israelitis, & locutus est eis in valle flentium. Iudicum secundo. Et de angelis, qui apparuerunt Abraham, & postea Loth. Genesi. decimo octavo, & decimonono: sic de angelo Gedeonis, Iudicum 6. & de angelo, qui apparuit patri Samsonis, & matri. Iudicum 13. Secundus modus erat, quod appareret angelus in sola voce, id est, quod audiretur, & non videretur: sic enim erat de angelis, qui loquebantur in die, qua data est lex Iudeis, nam angeli audiebantur ibi ad galam, & tamen non videbatur corpus assumptum ab aliquo eorum, sed solum voces audiebantur Deut. 4. Tertius modus erat, quod Deus per somnium immutaret phantasiam prophetæ, & faceret eum intelligere ea, quare volebat, & sic contineuit Deus loqui prophetis: Num. 12. Quartus modus est per solam immutationem intellectus in vigilia, scilicet quod Deus illustraret intellectum prophetæ, eleuando eum supernaturaliter ad intelligendum aliqua, quæ aliter intelligere non poterat, & non fieret tunc aliqua mutatio in corpore, & sic fuit in Eliseo, quando coram tribus regibus factus est super eum spiritus domini, & prophetavit 4. Regum 3. Nam ibi non potuit esse aliquis modus, nisi iste quartus, ut declaratum est ibidem. Quintus modus est per immutationem intellectus cum ecstasi. Istud autem fit in vigilia, & tamen fit magna immutatio in corpore, ita ut illi, qui patiuntur ecstasim cadant in terram, deficiente virtute corporis, & non habent aliquam operationem sensualem, nec etiam naturalem, sed solum rationalem, in tantum, ut nesciant tunc an mortui sint, vel viuentes, sicut patet de Beato Paulo secunda ad Corinthios. 12. Quilibet istorum modorum poterat nunc esse in Nathan. Dicendum tamen videtur, quod fuerit in eo tertius modus, scilicet per somnium, ita quod Deus per somnium immutaret phantasiam suam, & faceret eum intelligere omnia, quæ habet hic, sicut si realiter aliquis loqueretur ei ista. Et hoc patet, quia hoc quod per noctem factus est sermo domini ad eum, in tempore: nam ista

vocatur visio noctis, sicut dñ Danie. 7. f. Aspiciebam visionem noctis. Idest per somnium, & patet magis, quia dicitur visiones capitis mei conturbabant me. i. somnia. Secundo colligitur, q̄ iste erat modus cōmuniōis reuelationis diuinæ ad prophetas, qui non erant in gradu excellentissimo, vt patet Deuter. 12. f. Siquis fuerit inter vos propheta Domini in visione apparebo ei, vel per somnium loquar ad illum. Nathan autē erat de pphetis huiusmodi, q̄ nō erant in summo gradu, sicut Moyſes, ideo verisimile est, q̄ Deus loqueretur ei per noctem.

*An propheta possit dicere falsum.
Quæst. XIII.*

QUÆRITUR vltius, quō Nathan propheta dixit hic falsum, cum esset propheta: nā ipse putauit, q̄ Deus vellet, q̄ Dauid edificaret templum ei, & sic dixit, q̄ faceret q̄d quid erat in corde suo: nā Deus nolebat hoc cū illico veruerit, & si propheta semel mentitus fuerit, nunq̄ adhibebitur ei fides certa in alijs, quę dixerit, quia sicut in vno mentitus est, ita in omnibus mentiri potest, sic patet in Decretis. dist. 9. c. Si ad sacras. vbi dicitur: Si ad sacras Scripturas permittimus aliqua mendacia officiosa, par ratio est, vt totam scripturę auctoritatē auferamus. Respondendum quod Nathan non dixit verū nunc, & verum est, q̄ ipse erat propheta: tñ nō est inconueniens prophetam sepe mentiri, quia prophetę homines sunt, & omnis homo mendax est, vt patet Psalm. 15. Considerandum tñ p hoc, q̄ prophetę vocantur prophetę p̄ spiritum prophetiū, quem aliquñ hñt, & iste spiritus non semp manet in eis, sed est quedam illustratio supernaturalis raptim transiens, & tñ dato, q̄ non semp hñant eā, vocant semp pphetę si semel habuerunt istam illustrationem, & quādiu manet ista illustratio in eis intelligunt id, quod non intelligunt alij homines, & tunc non possunt mentiri circa id, quod intelligunt, quia illa intellectio est à Deo, & Deus non mentitur iuxta illud secunda Petri 1. Nō enim voluntate humana allata est aliquādo propheta, sed Spiritu sancto inspirati loquuti sunt sancti Dei homines. Postq̄ autē cessauerit illa illustratio, prophetę manent tales, sicut alij hoīes, & dubitabant circa multa, & nesciunt, vt patet de Moyſe, qui bis nesciuit rñdere ad quæstiones sibi propositas: Nu. 27. & 36. ita multoties ipse incidens in aliquod dubiū introibat in Sancta sanctorum ad querendum de illo: Nu. 7. Sic ēt erat de Eliseo, qui qñ fuit quęsitus à tribus regibus sup aquarū penuria, nesciuit illico rñdere, quouiq; venit psaltes, & illo canente cepit prophettare Eliseus 4. Re. 3. & iterū cū veniret mulier Sunamitis ad Eliseum procubuit ad pedes eius, & nesciebat Eliseus quid vellet: dixitque ad puerū suū Gezi dimitte illā, quia aīa eius in amaritudine est, & Dñs celauit à me, nec indicauit mihi 4. Re. 4. Cum ergo contingat prophetas nescire, & dubitare, continget ēt falsum dicere circa ea, quę nesciunt, & dubitāt. Dicendū ergo, q̄ ad hoc, q̄ aliq̄s ppheta dicat verū infallibiliter, oportet, q̄ loquat pphetiā, q̄a tñ pōt propheta loq nō ppheticē, pōt tunc falsum dicere, & sic nō est inconueniens pphetā mentiri, sed pphetā ppheticē loquēte mentiri, est impossibile: p̄ hoc aut, q̄ p̄staret de aliquo, q̄ erat ppheta non tenebantur credere ei in omnibus, quę diceret, quouiq; cōstaret, q̄ loquebatur prophetice p illa vice, & ad hoc quacunque vice propheta loqueretur, tenebatur oñdere aliquod signum ad probandum, quod ex parte Dei loquebatur, alioquin non tenebatur populus ei credere Deutero. 13. & 18. Nathan autem erat propheta,

ta, & tñ non locutus fuit nunc prophetice ad Dauid sed sensu humano, ideo errare potuit, & errauit: postea autem locutus est prophetice cum dixit, q̄ Dauid non esset edificaturus templum, & tunc verum dixit. Motiuum autem ad hoc, q̄ Nathan loqueretur determinatē nondum cognita sentētia Dei fuit, quia videbatur ei, q̄ erat valde rationabile istud, quod Dauid volebat, eo q̄ pertinebat ad cultum Dei, & credebatur certissime, quod Deus illud acceptaret: ideo quia non dubitabat in hoc non curauit consiliere dominum super eo, sed dixit omnia, quę sunt in corde tuo fac: dominus enim tecum est. Si tamen aliquis dicat p̄ prædicta, q̄ dubium est in verbis propheticeis, qñ debeamus credere eis, & qñ non, cum nesciamus, qñ loquuntur prophetice. Dicendum, q̄ aut propheta de cuius verbis dubitatur est viuens, aut est mortuus, & manent verba eius scripta. Si primo modo dubium erat, & non poterat certificari, nisi per signum, q̄ ille propheta daret, qñ peteretur, & ob hoc obligabatur dare. Et istud dubium, nunquam nobis incidit, cū iam non sint aliqui prophetę, sed erat dubium tpe veteris testamenti, qñ erant prophetę. Si aut verba prophetę manent scripta in libris sacre Scripturę, non est dubitandum de aliquo illorum, sed præsupponendū est, q̄ oīa fuerunt prophetice dicta, quia alias non fuissent scripta in libris sacre Scripturę, & ideo iā nobis non est aliquod dubium circa verba prophetarum, cū non habeamus alia, nisi ea, quę scripta sunt in libris sacre Scripturę.

*An verum sit, quod a die, qua exierunt Israelitę de Aegypto, vsque ad diem regalem Dauid non habitauerit Deus in domo.
Quæst. XIII.*

QUÆRITUR vltius quō dixit hic Deus, non enim habitauit in domo ex die, qua eduxit Israel de Aegypto vsque ad diem hanc, nā vñ istud esse falsum, quod patet, quia in deserto poterat intelligi hoc verum, eo quod quadraginta annis, quibus ibi fuerunt Israelitę arca erat in tabernaculo foderis. Et illud non erat domus, sed erat tentorium factum de tabulis, & pellibus, & cortinis Exo. 26. Et tamen postquam Israelitę steterunt in terra Chanaan, fuit tabernaculum domini in domibus, nam fuit primo locatum in Silo. Iosue 18. & ibi erat domus, in qua erat Sanctuarium inclutum, vt patet 1. Regum 1. Et ibi declaratum est. Sed etiam fuit postea in Nob, & postea in Gabaon, & semper fuit tabernaculum in domo aliqua, patet hoc maxime, quia Deus accipitur hic pro ipsa arca, & tamen manifestum est, quod arca fuit in domo, & quando arca deducta est de terra Philistinorum, posita est in domo Abinadab in Chariathiarim, & ibi fuit vsquequo Dauid transfuit eam primo Regum 7. & 2. Regum 6. & supra 13. Postea autem posita fuit in domo Obededom 2. Regum 6. & supra 13. Etiam nunc in domo erat, quia erat in domo Dauid, ideo non videtur posse dici, quod non habitauerat in domo. Respondendum est, quod nunquā habitauit arca Domini in domo, vsque ad diem istam. Et patet hoc, quia habitare in domo dicitur duo. Primum est, q̄ arca operiretur immedie recto domus, & non hñet aliud operimentum suū, quā alias in illo diceretur habitare. Secundum erat, quia habitare importat securitatem, & non dñ habitare ille, q̄ nō manet securus in aliquo loco, nullū aut istorū habuit arca vsq; ad diem, quo locutus est Deus ista. Q̄ patet, quia semper arca erat sub pellibus, nam qñ erat in deserto, siue portaret per iter, siue maneret in tabernaculo, semper erat sub pellibus, nā qñ portabatur in iumento erat operata tribus velamentis, & vñ erat de pellibus

bus iacynthinis. Num. 4. Cum autem erat in tabernaculo erat sub pellibus, quia duo operimenta tabernaculi erant pelles, scilicet pelles arietum rubricatae, & pelles iacynthinæ. Exod. 26. Et ob hoc non dicebatur esse in domo. Postquam autem fuit arca in terra Chanaan, aut erat in tabernaculo, sicut fuit usque ad tempus Heli summi sacerdotis, vel extra tabernaculum, sicut fuit postea. Si primo modo, dicebatur arca non esse in domo, quia erat sub pellibus, ut supra dictum est. Si autem erat extra tabernaculum, sicut fuit in domo Abinadab, & Obededom, erat ibi sub pellibus, quia semper erat velata tribus velamentis suis, quorum unum erat de pellibus iacynthinis. Et patet hoc, quia semper erat arca operata istis velamentis, nisi quando ponebatur in Sancta sanctorum, ut colligitur Nume. 4. Et patet hoc, quia quando erat arca in domo David, manifestum est, quod erat in domo cedrina, cum ipsa domus David esset cedrina, ut patet in litera, & tamen dixit David, ego habito in domo cedrina, arca autem domini sub pellibus est, quod non est in domo cedrina, sicut ego, sed sub pellibus, eo quod erat sub quodam tentorio de pellibus iacynthinis, vel quia erat involuta quodam operimento iacynthinarum pelliū. Secundum erat, quia habitare significat securitatem, ut patet hic, quia in principio literę dicitur, cum habitaret David in domo sua, & 2. Reg. 7. ubi ponitur ista historia dicitur: Factum est autem cum sedisset rex in domo sua, & dominus dedisset ei requiem, undique ab universis inimicis. Et tamen nunquam fuerat in quiete in quocunque loco esset usque ad diem quo loquutus fuit ista dominus. Ideo nunquam habitauerat in domo. De tempore, quo fuit in deserto manifestum est, quia non manebant ibi Israelitæ ad quiescendum, sed erant in via ad terram Chanaan. De tpe autem quo fuit arca in terra Chanaan, patet quia quandiu aliquis manet in aliquo loco cum intentione non manendi ibi, sed procedendi ad alium locum, non constituitur domiciliarius, et si multo tpe maneat, ita erat de Deo, quia quāquā arca fuisset cum tabernaculo in Silo, & postea in Chariadedom, & postea in domo David, nunquam fuit intentio Dei, ut maneret arca eius in aliquo istorum locorum, sed elegerat, quod maneret in Ierusalem in templo, quod fabricaturus erat Salomon, ut patet seq. lib. c. 6. scilicet. A die qua eduxi populum meum de terra Aegypti, non elegi civitatem de cunctis tribubus Israel, ut edificaretur in ea domus nomini meo, sed elegi Ierusalem, ut sit nomen meum in ea. Ergo toto tpe præterito fuerat arca domini, tanquam advena in quocunque loco esset, quia in nullo habuerat intentionem Deus, quod maneret ibi arca securè, cum autem poncretur in templo Salomonis diceretur ibi habitare, eo quod semper mensura erat ibi, quandiu teneretur a Iudæis.

Quare dixit Deus potius, a die, quam ab aliquo alio tempore. *Quest. XV.*

QUÆRITUR ulterius quare dicitur hic: A die, qua eduxi Israel de Aegypto, non habitavi in domo, potius quam ab aliquo alio tpe, immo ut melius diceret a seculo, vel ab eterno, nunquam habitavi in aliqua domo, usque ad diem hanc, nā si Deus non habitavit in domo a die qua eduxit Israel de Aegypto, usque ad diem hanc, a fortiori, nec tpe præcedenti, eo quod nunquam in præcedenti tpe fuerat facta aliqua domus Deo. Rūderi potest, utrum, usque ad exitum de Aegypto, qui ei faceret domum, & postea habuit. Quod patet, quia antequam Abraham veniret in terram Chanaan mandato Dei, nullus homo.

Alph. Tost. In Lib. I. Paralip.

A & nulla gens erat specialiter a Deo electus: Abraham autem fuit primus electus a Deo, & semen eius post ipsum. Gen. 12. & tunc ipse habuit paucos successores, usquequo Israelitæ fuerunt in Aegypto, & creverunt ibi, ita ut toto tpe præcedenti non posset dici populus: in Aegypto autem creverunt Israelitæ ad magnam multitudinem, quasi germinantes. Exod. 1. Ita ut in exitu de Aegypto essent sexcenta millia peditum. Exo. 12. & tunc in Aegypto existentes non erant populus Dei, eo quod non colebant eum in toto corde, sed potius declinabant ad idola, ut probatum est Exo. 1. & potissimè, quia non dicitur populus esse alicuius regis, vel domini, nisi cum tu scipit leges illius: Israelitæ autem nullam legem a Deo acceperant, nec observabant, ideo non poterant vocari populus Dei. In exitu autem de Aegypto, scilicet anno primo, mense tertio, in principio mensis receperunt legem in monte Sinai. Exo. 19. Et non fuerunt plusquam quinquaginta dies inter exitum de Aegypto, & susceptionem legis, ut ibidem declaratum est, & tunc cepit populus Israeliticus esse populus Dei: ideo proprie dicitur ab exitu de Aegypto. scilicet quia prius non habebat Deus populum. & tunc habuit. Secundo potest dici, quod istud dicitur hic a fortiori. scilicet quod Deus nunquam habitauerat in domo ex tpe orbis conditi, & tunc dicitur, quod ab exitu de Aegypto non habitavit in domo, quia si ab illo tempore usque ad diem hanc non habitauerat in domo, a fortiori non habitauerat toto tempore præterito, quia prius Deus non habebat aliquos cultores, qui fabricarent ei domum, vel impedirent aliquem honorem, & habuit illos post exitum de Aegypto, & tunc ab illo tempore usque nunc non fabricaverant ei aliquam domum, nec fuerat ipse in aliqua domo fortiori, ergo prius non habitauerat in aliqua domo, quia non diceretur ipse habitare, nisi in domo, quæ fieret ad invocationem nominis eius. Tertio potest dici, quod dicitur ab exitu de Aegypto, eo quod prius non potuerat habitare Deus in aliquo loco, & patet hoc, quia accipitur hic Deus pro arca eius, ut patet, quia dicitur hic semper fui mutans loca tabernaculi, & in tentorio manens. Et istud non potest intelligi, nisi de arca, eo quod illa manebat in tentorio, & mutabatur cum tabernaculo, & tamen arca nunquam fuit ante exitum de Aegypto, & mox post exitum de Aegypto fuit, ideo ab illo tempore incipiebat Deus habitare posse in domo. Et quia nunquam habitauerat in domo, dicitur quod non habitavit in domo ab exitu de Aegypto, nam de temporibus præcedentibus aliquid dici superfluum erat, eo quod non fuerat arca facta ante hoc, & consequenter non poterat habitare in aliquo loco, & ista est veritas, & licet alii duo modi sint verisimiles, iste tamen est verus.

An rationes istæ sint inducæ ad propositum.

Quest. XVI.

QUÆRITUR ulterius quomodo inducuntur hic istæ rationes ad propositum Dei, scilicet non edificabis tu mihi domum, non enim mansi in domo ex tempore quo eduxi Israel de Aegypto, nam ista ratio non videtur agere ad propositum. scilicet quod David non edificaret templum domino, nā ex hoc non totum sequebatur, quod David non edificaret templum domino, sed etiam nec aliquis alius. Respondendum est, quod istæ rationes inducuntur a Deo ad probandum, quod David non deberet edificare templum domino, & prima est, non edificabis mihi domum, non enim mansi in domo ex eo tpe, quo eduxi Israel de Aegypto. Ista ratio per se non probat, sed debet subintelligi modus loquendi David, nam David putabat se peccare, si non faceret domum Domino, & quod istud esset valde iniustum, ut patet supra. Ecce ego habito in domo cedrina.

Bb 3

drina.

drina. Arca autem dñi sub pellibus est. q.d. istud iniustum est, Deus autem non vult hic probare, q̄ Deus non debeat ei domum ædificare, sed q̄ non obligetur ad ædificandum, nec peccet etiam si non ædificauerit & ad hoc dicit: non ædificabis tu mihi domum. i. non est necesse, q̄ tu mihi ædifices domum, ita q̄ non ædificando incurras peccatum, & subditur causa. s. n. n. mansi in domo ex eo tpe, quo eduxi Israel de Aegypto, i. in toto isto tpe, quo eduxi Israel de Aegypto, fui sine habitatione certa. Ideo ita potero nũc esse in diebus tuis. Secunda ratio inducta in litera est nunquid locutus sum vni iudicum Israel? quare non ædificasti mihi domum cedrinam? q.d. multi iudices fuerunt in Israel, & tamen ego nullum illorum increpui, dicens: Quare non ædificasti mihi domum cedrinam? ita nec increpabo te, quamquam non ædifices mihi illam, & dicitur, quibus præceperam, vt pascere populu meũ Israel. q.d. omnes isti iudices principes erant super totum Israel sicut tu: & ego dederũ eis principatũ istũ, quia præceperam eis, vt pascere populum meum Israel, & tamen nullum illorum increpui, ideo nec increpabo te propter hoc. Causa tamen quare Deus noluit, q̄ Dauid ædificaret sibi templum cũ ipse prõptus esset ad hoc, declarata fuit satis latẽ. 3. Regũ. 5. in quadam quæstione,

*Quare potius fit mentio de iudicibus, quam principibus,
Quæst. XVII.*

QUÆRITVR quare dixit hic Deus de iudicibus, nunquid locutus sum saltem vni iudicum, & fit mentio de iudicibus cũ fuerint alij potentiores principes in Israel, quã iudices. s. Moyses, & Iosue, & deinde reges. Nullus, n. principatus fuit minoris potestatis inter Israelitas, q̄ principatus Iudicum, vt declaratum est in prologo super librum Iudicum. Respõderi potest multipliciter, vno modo, q̄ istud dñi hic a fortiori. s. non p̄cepi alicui dño totius Israel, q̄ ædificaret mihi templum, nec ẽt alicui Iudicum, & hoc patet, quia dicitur hic saltem. s. nunquid locutus sum saltem vni Iudicum? Sed dicendum est, q̄ ista ratio quorundam non stat, quia non arguit a fortiori, nam esset a fortiori si ponerentur hic maxime principes Israel, quia quanto aliquis maiora bñficia a Deo recepit, tanto magis obligatur eũ colere, & diligere, vt patet Luc. 7. in parabola debitorum quorũ cuidam paucum, & alteri multum remissum est, sed quanto aliquis maior princeps esset in Israel, tãto maius beneficium a Deo suscepisset; cum oĩs principatus a Deo detur, ad Roma. 13. Nam etiam malis principibus ipse dat principatum, sic. n. dicitur, q̄ Deus regnare facit hypocritam propter peccata populi, vt patet Ioan. 34. iudices tamen erant minimi principes in Israel, vt declaratum est, ideo minus tenebant ipsi Deo ad ædificandum ei templum, quã alij principes Israel, ideo aliter dicendum est. Secundo dici p̄t, q̄ loquitur de iudicibus, intelligendo oĩs principes, qui fuerũt in Israel, siue reges, siue alij erant iudices, eo q̄ oĩs habebant potestatem iudicandi, & sic non fit mentio specialior, de quibusdam, q̄ de aliis. Tertio p̄t dici, q̄ dicitur hic de iudicibus solum, eo q̄ tpe ipsorum fuit solum opportunitas fabricandi domum dño, vel saltem tunc fuit maior opportunitas, quam tpe aliorũ principum. Patet hoc, quia primus princeps in Israel fuit Moyses, nam ipse eduxit Israelitas de Aegypto, & tũceperunt Israelitæ esse vnus populus per se cum fuerunt extra seruitutem Aegyptiorum. Iste non potuit, nec debuit ædificare domum Dño, quia toto tempore istius fuerunt Israelitæ in deserto, & ibi mortuus est Moyses. Deute. vlt. & tũc quando manserunt Israelitæ

in deserto, non debuerunt facere domum dño, quia nō erant ibi habitaturi. Post Moysen fuit princeps Iosue, vt patet Deute. 3. & 31. & tempore istius non potuit ædificari templum dño, quia iste introduxit Israelitas in terram Chanaan, & laborauit multo tpe pugnans c̄ Chanaanos, vt expelleret eos de terra, & postea diuisit totam terrã p̄ sortes; quibus expletis erat iam senex Iosue, & non poterat vacare tanto labori, quantus esset in ædificatione magnæ domus pro domino, potissime quia tempore Iosue, nondũ erant bñ pacati Chanaanæ, quia nouiter subiecti fuerant, & ga multi ipsorum adhuc supererant. Iosue 13. post Iosue secuti sunt iudices, & fuerunt quindecim. s. tredecim, de quibus habetur in toto libro Iudicum, & duo alij, qui non sunt ibi. s. Heli, & Samuel, vt declaratum est in prologo libri Iudicum, & tempus istorum fuit magnum. s. plusquam trecentorũ annorum, vt patet colligendo tempora eorum particulatim per librum Iudicum. Post istos fuit Saul rex, & deinde Dauid, & sic post iudices nondum regnauerat, nisi vnus rex ante Dauid. De Isbofeth aut̄ non est facienda mentio, quia fuit contemporaneus Dauid, & regnũ amborum fuit, quasi vnum pp̄ vnitatẽ tẽporis, & subditorũ, & sic nō fuerat añ Dauid, nisi vnus rex qui posset ædificare templum dño: fuerant tũ quindecim iudices, & sic pp̄ magnitudinem temporis maior fuit opportunitas iudicũ ad ædificandum templum dño, q̄ regnum, & sic fit mentio de illis. Quarto p̄t dici, q̄ de iudicibus fit hic mentio, & non de aliis principibus pp̄ multitudinẽ, quia quasi totum tempus præcedens fuerat ipsorũ, cũ ipsi fuissent quindecim iudices, vt dictum est. Alii autem principes fuerunt pauci.

Nunc itaque sic loqueris ad seruũ meum Dauid: Hæc dicit Dominus exercitũ. Ego tuli te cum in pascuis sequeris gregem, vt esses dux populi mei Israel, & fui tecum quocunq; prexisti, & interfeci oĩs inimicos tuos coram te, feciq; tibi nomen quasi vnus magnorum, qui celebrabantur in terra. Et dedi locum populo meo Israel. Plantabitur, & habitauit in eo, & vltra non commouebitur, nec filij iniquitatis atterent eos, sicut a principio ex diebus, quibus dedi iudices populo meo Israel, & humiliavi vniuersos inimicos tuos.

Nunc itaque sic loquere ad seruum meum Dauid. Supra posuit Deus rationes, propter quas non erat necesse, q̄ Dauid ædificaret templum domino, hic autẽ Deus reddit ei gratiam pro bona voluntate, quamquam nō sit necessaria, nec opportuna executio, & dicit, quod ipse fecit eum regem, cum esset prius pastor, & tamen faceret ei adhuc maiora bona, & dicitur ad seruum meum Dauid, quia erat Dauid specialiter seruus Dei propter magnam voluntatem, quam habebat ad colendum ipsum. Hæc dicit dominus exercituum. Deus Israel vocatur dominus exercituum, quia ipse erat verus Deus, & est Deus exercituum, idest angelorum, qui faciunt magnum exercitum, & vocantur milites Dei Job vigesimo quinto, scilicet. Nunquid est numerus militum eius? Scilicet angelorũ. Vel dñs exercituum. i. habens potestatem super oĩs exercitus, quia in manu eius est quis exercitus vincat, & q̄s vincat, siue multi, siue pauci sint ex vna parte, vel ex alia, sicut dixit

dixit Ionathas filius Saulis. 1. Regum 14. Non est Deo difficile saluare in multitudine, vel in paucis. Sic etiam dixit Iudas Machabæus, sicut fuit voluntas in coelo, ita fier.

Ego tuli te cum in pascuis sequereris gregem, ut esses dux populi mei Israel. Refertur hic istud beneficium maximum. scilicet Deus fecit Dauid de pastore regem, & dicitur ego tuli te. q. d. nisi ego te tulissem de pascuis semper mansisses in officio pastoralis, & nunquam fuisses exaltatus ad maiorem honorem. Intelligitur autem istud de prima vnctione Dauid in regem, nam Deus iussit Samueli prophetæ, q. vngeret vnū de filiis Isai Bethlehemitæ in regem, & fuerunt oēs presentati sibi successiue fm ordinem natiuitatis, & nullus eorū a Deo approbatus est, & cum nō reperiretur aliquis, in quo expleretur mandatum dñi, dixit Samuel ad Isai, nūquid expleti sunt filii? Et ille ait, superest minimus, q. est in pascuis, & fecit illum vocare Samuel, erat autē ille Dauid minimus fratrum suorum, & cum vocat⁹ fuisset vnxit illum Samuel in regē inter fratres suos.

1. Reg. 16. *Et fui tecum quocunque perrexisti.* Idest adiungi te in omnibus negotiis, quæ incepisti, & istud est secundum beneficium. *Et interfeci omnes inimicos tuos coram te.*

Idest interfeci omnes inimicos tuos, te vidente. Vel interfeci eos faciendo fugere a te. Deus dicitur interfecisse inimicos Dauid, quia bella Dauid, vt in plurimum fiebant opere Dei, sicut declarabitur infra in quadam quæstione. Ideo omnes illę interfectiones, & victoriæ attribuendæ sunt Deo. *Fecique tibi nomen quasi vnus magnorum, qui celebrantur in terra.* Istud est aliud

beneficium, q. præter alia bona, quæ Deus dedit Dauid, adhuc Deus dedit ei magnum nomen. i. famam, sicut vnus magnorum celebrantur in terra. i. tantam famam habuit, sicut quilibet de viris magnis, qui erāt in toto orbe tempore suo, sicut dicitur 2. Reg. 7. feci tibi nomen grande, iuxta nomen magnorum, q. sunt in terra. *Et dedi locum populo meo Israel.* Idest dedi Israelitis propter te locum ad habitandum, & ad adorandum. *Plantabitur, & habitabit in eo.* Non dicit hoc, quasi nouiter nunc deberet incipere populus Israel ad habitandum in terra, sicut arbor, quæ nouiter plantat⁹, ga-

iam ex multo tpe habitabat Israel in terra Chanaā, sed signatur, q. nunc tpe Dauid inciperet populus Israel hāre quietam habitationem, q. prius non habuerat. Nā habitare non signat solum manere in aliquo loco, sed et tibi quiete manere sine perturbatione, sic patet. s. in lra cum dñr: Cum habitaret Dauid in domo sua, & 2. Re. 6. vbi ponitur ista historia, dñr: Factum est cum sedisset rex in domo sua, & dominus dedisset ei requiē ab omnibus inimicis suis: Israelitæ autem ante hoc, nunquam habuerant quietem, sed semper persecuti fuerant eos Gentiles, vt patet infra in litera, cum dicitur: Nec filij iniquitatis atterent eos, sicut a principio, ex diebus, quibus dedi iudices super Israel. & sic nouiter inciperent nunc Israelitæ habitare in terra, & tempore præterito dicerētur habitasse. Plantare etiam significat quandam firmitatem, quia id quod plantatur agit radices deorsum, & manet firmiter in terra, nec impellitur hinc & inde, ita Israelitæ fuerant ante hoc in terra cum persecutione, nunc autem ceperunt habitare firmiter, quia nullus conquebat eos, sicut fuit tempore Salomonis, quando erat magna pax in Israel, & quilibet habitabat sub firmitate sua, & vite sua. 3. Reg. 4. Ideo nunc plantabatur populus Israel.

Et ultra non commouebitur. Idest non commouebitur ultra ab hostibus persequentibus eum.

Nec filij iniquitatis atterent eos. Chananæi, & alij Gentiles vocantur hic filij iniquitatis, quia erant viri mali, quos Deus reuerauerat in poenam Israelitarum, vt quando peccarent, illi affligerent eos, vt patet iudicū Alph. Toft. In Lib. I. Paralip.

Id autem non asseris sed inducit pro exemplo.

Id autem non asseris sed inducit pro exemplo.

Id autem non asseris sed inducit pro exemplo.

A secundo. Et de illis dicit, quod iam non atterent eos, idest non affligentur, sic patet 2. Regum 7. s. & non turbabitur amplius, nec addent filij iniquitatis, vt affligant eum. *Sicut a principio.* Idest a principio habitationis Israelitarum in terra Chanaan, quia ex tunc inceperunt Chananæi Israelitas persequi, vt patet ex litera sequenti. s. *Ex diebus quibus dedi iudices populo meo Israel.* Idest a tempore Iudicum semper fuerunt persecutores contra Israel, & nō prius, licet habitauerint Israelitæ in terra Chanaan ante tempus Iudicum, tamen persecutio ipsorum non fuit, nisi ex tempore Iudicum, quod patet, quia Iosue introduxit Israelitas in terram Chanaan, vt patet ex processu libri Iosue, & in temporibus eius Chananæi non persequiebantur Israelitas, sed potius Israelitæ occidebant Chananæos, & expellebant eos de terra, quousque obtinuerunt terram de manu ipsorum, vt patet per totum librum Iosue: mortuo autem Iosue successerunt iudices, & in temporibus eorum fuerunt bella. immo ipsi constituti sunt in iudices propter bella. Patet de primo iudice, qui vocabatur Othoniel, nam ipse fuit factus iudex propter regem Mesopotamiæ, qui opprimebat Israelitas. Iud. 3. & sic erat de omnibus iudicibus, nam mortuo vno non succedebat alius, sed manebat populus sine principe, quandiu hostes non persequiebantur eum, & cum hostes opprimerent Israelitas, rursus fiebat alius iudex, qui liberabat eos de aduersitate illa, vt colligitur Iudicum secundo, & quali per totum librum, post iudices etiam Israelitæ afflicti sunt ab hostibus, nam successerunt Reges, quorum primus fuit Saul, & in tempore istius Philisthini persequiebantur Israel, & etiam ipse Saul ab eis occisus est, 1. Regum vltimo, & supra decimo. Post Saulem erat nunc Dauid, & in tempore eius etiam Philisthini persecuti fuerant Israel, & fecerant duo bella contra ipsum, vt patet secundo Regum quinto, & supra decimo quarto, nunc autem Deus dicit, q. non affligerent amplius hostes populum Israel. *Et humiliavi vniuersos inimicos tuos.* Scilicet confregi vires inimicorum tuorum, & feci eos esse humiles cum prius essent superbi, ita vt iam non auderent insurgere contra Dauid, supra decimo quarto.

B in temporibus eius Chananæi non persequiebantur Israelitas, sed potius Israelitæ occidebant Chananæos, & expellebant eos de terra, quousque obtinuerunt terram de manu ipsorum, vt patet per totum librum Iosue: mortuo autem Iosue successerunt iudices, & in temporibus eorum fuerunt bella. immo ipsi constituti sunt in iudices propter bella. Patet de primo iudice, qui vocabatur Othoniel, nam ipse fuit factus iudex propter regem Mesopotamiæ, qui opprimebat Israelitas. Iud. 3. & sic erat de omnibus iudicibus, nam mortuo vno non succedebat alius, sed manebat populus sine principe, quandiu hostes non persequiebantur eum, & cum hostes opprimerent Israelitas, rursus fiebat alius iudex, qui liberabat eos de aduersitate illa, vt colligitur Iudicum secundo, & quali per totum librum, post iudices etiam Israelitæ afflicti sunt ab hostibus, nam successerunt Reges, quorum primus fuit Saul, & in tempore istius Philisthini persequiebantur Israel, & etiam ipse Saul ab eis occisus est, 1. Regum vltimo, & supra decimo. Post Saulem erat nunc Dauid, & in tempore eius etiam Philisthini persecuti fuerant Israel, & fecerant duo bella contra ipsum, vt patet secundo Regum quinto, & supra decimo quarto, nunc autem Deus dicit, q. non affligerent amplius hostes populum Israel. *Et humiliavi vniuersos inimicos tuos.* Scilicet confregi vires inimicorum tuorum, & feci eos esse humiles cum prius essent superbi, ita vt iam non auderent insurgere contra Dauid, supra decimo quarto.

C Quare ponuntur hic beneficia, quæ fecerat Deus Dauid.

Quæst. XVIII.

Q VÆRITUR ad quid ponuntur hic ista beneficia, quæ Deus fecerat Dauid, quia non videntur agere ad propositum, nam Deus intendit hic dare gratiam Dauid pro boni voluntate sua, quam habuit ad edificandum templū. Ista tamen beneficia iam præterita erant, & non poterant dari in remunerationem pro bono opere, quousque transierat, & sic videntur frustra poni.

Respondendum, q. ista bene consonant intentioni Dei. Intendebat enim Deus dare remunerationem Dauid pro bona voluntate, & ad hoc inducuntur hic ista beneficia: possunt tamen multipliciter accipi: vno modo, q. ponantur in remunerationem, quamquam sint præterita, quod dicatur, quod omnia ista bona, quæ Dauid ante hoc habuerat, non meruerat prius, sed nunc meruit per istam bonam voluntatem, quam nunc habuit volendo edificare templum, licet etiam multi tenent de beatitudine angelorum, quod angeli boni meruerunt suam beatitudinē per aliquos actus, quos habuerunt postquam fuerunt beati, vt rāgit Magister sententiarum, libro secundo, distin. 5. Secundo modo potest accipi q. ponantur hic ista beneficia ad incitandum Dauid magis in cultum Dei. Nam cū aliquis recordat bonorū susceptorū, nisi sit degene-

E

Id autem non asseris sed inducit pro exemplo.

Id autem non asseris sed inducit pro exemplo.

Id autem non asseris sed inducit pro exemplo.

Id autem non asseris sed inducit pro exemplo.

ris animi, mouetur ad famulandum benefactori, erat autem beneficia collata Dauid valde magna, ideo cū Deus referret illa Dauid moueretur Dauid magis ad colendum ipsum. Tertio potest dici, quod ista ponitur hic ad remunerationem indicandam in aliis beneficiis quæ Deus adhuc facturus erat Dauid, & ad hoc, quod adderet alia retulit iam ea, quæ præterierant. Quæ patet, quia postquam posuit beneficia, quæ supra habuerat, sequuntur alia, quæ nondum collata fuerant, scilicet et annuncio tibi, quod edificaturus sit tibi dominus domum, &c. Quarto dici potest, quod Deus fecit hoc ad ostendendum voluntatem suam bonam, quā habebat erga Dauid, vt sicut Dauid erga Deum bonā habebat intentionem colendi eum: Ita Deus habebat bonam intentionem erga Dauid ad benefaciendum ei, & vt appareat magis ista intentio, accumulatur hic omnia beneficia, siue quæ fecerat ei, siue quæ facturus erat, quia magis sic apparebat quam si solū referret ea, quæ facturus erat.

An verum sit Deum fuisse per omnia cum Dauid.
Quæst. XIX.

QUÆRITVR quomodo est verum, quod Deus fuit cum Dauid in omnibus, ad quæ perrexit. Dicendum, quod intelligitur hoc de omnibus negociis Dauid, quia Deus adiuuabat eū mirabiliter in illis, ita vt expedirentur faciliter, quæ alias non poterant expediri, sine magno labore, & longo tempore. Et in hoc dicitur Deus esse cum aliquo, vel ire cū eo, scilicet quodocunque negocia illius prosperantur in omnibus, sic pater de Isaac, de quo dixerunt Palesthini. Vidimus Deum esse tecum, ideo diximus sit iuramentum inter te, & nos. Gen. 26. & hoc dicebant, quia viderant eum prosperari, ita quod in pauco tempore creuerant nimis diuitiæ: nam seminauit vno anno in terra Palesthinorum, & collegit centuplum, vt patet eod. c. Sic etiam fuit de Ioseph, de quo dixit dominus suus Putiphar, quod Deus erat cum eo, eo quod omnia negocia prosperabantur in manu eius. Gene. 39. f. Fuit dominus cum Ioseph, & erat vir in cunctis prospere agens, habitabatque in domo domini sui, qui optime nouerat esse Dominum cum eo, & omnia, quæ gereret, ab eo dirigi in manu illius. Sic etiam fuit de negociis Dauid, quia omnia prosperabantur, vt patet in fuga eius a facie Saulis: nam cum misisset Saul nuncios ad tenendum Dauid, coacti sunt prophetare, & postremo ipse Saul coactus est prophetare, & sic non potuerunt tenere Dauid 1. Reg. 19. Sic etiā bis conatus est Saul percutere lancea Dauid, & tamen casso vulnere euasit eod. lib. c. 18. & 19. Etiam cum circumdarent serui Saulis domum Dauid ad tenendum eū, euasit manus eorum per fenestram dimissus ab uxore sua eod. c. 19. Sic etiam mirabiliter liberatus est coram Rege Achis fingendo stultitiam eodem lib. cap. 21. mirabilius iterum liberatus est a Saule in deserto Maon apud petram Diuidentem, quando Saul, & viri sui circumdabant Dauid in modum coronæ eodem libro capitul. vigesimotertio. Etiam quamquam Dauid fugeret a facie Saulis, Deus tradidit bis Saulem in manus eius, scilicet in spelunca, & iterum quando dormiebat, & accepit Dauid lanceam eius eod. lib. capit. 24. & 26. & generaliter in omnibus bellis Dauid ipse fuit prosperatus, vt patet ex discursu primi, & secundi Regum, & ex hoc apparebat, quod Deus erat cum illo, & cognoscebant istud populares videntes quanta Deus fecisset pro illo, ynde dicebant ei: Deus enim adiuuat te supra 12.

Quomodo intelligitur Deum interfecisse omnes inimicos Dauid.
Quæst. XX.

QUÆRITVR vterius quomodo dicitur hic, quod Deus interfecit oēs inimicos Dauid, quia non videtur hoc verum, quod coram eo Deus interficeret inimicos suos: nam Saul erat inimicus suus, & non fuit occisus corā eo. Et sic de multis aliis.

Respondendum est, quod Deus interfecit multos de inimicis Dauid. Et ob hoc dicitur interfecisse omnes, quia iste modus loquendi est sacræ Scripturæ, & dicitur istud, quia vt communiter, quando pugnabat Dauid contra hostes, occidebat eos. Primus hostis Dauid fuit Goliath Gethæus, & occidit illum 1. Reg. 17. Deinde constitutus fuit princeps belli super viros Saulis, & erant tunc Philisthini hostes, quia contra illos erat bellum, & ipse in quolibet bello occidebat multos, vnde semel cum occidisset plurimos ipsorum, accepit ducenta præputia eorum, quæ attulit ad Saulem 1. Reg. 18. Postea etiam pugnavit contra eos, & etiam contra Amalecitas, & contra gentem Gessuri, & Machati, & occidebat multos eod. lib. c. 19. & 27. & 30. postquam autem factus est rex super Israel, pugnavit bis contra Philistinos, & fugauit eos atque occidit 2. Reg. 5. & supra 14. Cum autem obicitur, quod Deus non occidit Saulem hostem Dauid coram eo. Potest dupliciter responderi, vno modo quamquam dicatur, quod occidit Deus omnes hostes Dauid, non est intelligendū, quod occidit omnes, vt nullus maneret, quia tunc occidisset omnes Philisthinos, qui erant hostes eius. Etiam quando venirent aliqui ad pugnandum contra Dauid nullus illorum superesset, qui non occideretur, & tñ multi fugientes euadebant, & sic non oportebat, quod Saul occideretur, quamquam esset hostis Dauid, quia multi alii hostes eius non fuerunt occisi.

Secundo potest dici, quod fuit occisus Saul inimicus Dauid coram eo: nam licet non occiderit ipse Dauid Saulem, nec pugnaverit contra eum, tamen Deus occidit eum propter Dauid: potuerat enim Dauid sepe occidere Saulem, sicut quando introiuit solus Saul in speluncā, in qua latebat Dauid, & viri sui, & nesciebat hoc Saul, & amputauit Dauid particulā chamiidis Saulis 1. Reg. c. 24. & iterum quando dormiebat Saul, & totus exercitus suus, & descenderūt Dauid, & Abisai ad castra eius, introieruntque in tentoriū eius, & acceperunt hastam, quæ erat ad caput eius, voluitque eum Abisai occidere, sed Dauid vetuit hoc fieri eod. lib. c. 26. & hoc faciebat Dauid, quia Saul erat rex vnctus a domino, Deus tamen occidit Saulem per manus Philisthinorum propter Dauid: nam occisus est Saul a Deo propter peccata sua supra 10. vnum tamen de peccatis eius grauibz fuit, quod iniustissime persecutus est sepe Dauid, ideo etiā propter hoc occisus est, & dicitur, quod occisi sunt omnes hostes eius corā eo, quod etiam verum est de Saule, quia corā Dauid, id est viuente eo occisus est, licet non fuerit præsens Dauid in occisione illa.

Quomodo inter alia beneficia collata Dauid ponitur nomen magnum, quod habuit.
Quæst. XXI.

QUÆRITVR vterius quomodo ponitur hic inter beneficia, quæ Deus fecerat ipsi Dauid, quod fecerat ei nomen quasi vnius magni, quia celebrant in terra: nam cū fama non sit aliqd quod nos debeamus desiderare, non debet nobis computari inter diuina beneficia. nam beneficium non est nisi de bono, quicumque tñ desiderat famam, peccat: nisi propter alium finem fama sit, & quicumque agit aliquod bonum

bonum propter famam, perdit illud, sicut dicitur de hypocritis Matth. 6. quod receperunt mercedem suam, scilicet eo, quod faciunt opera sua, ut videantur ab hominibus, & acquirant inde famam. Respondendum est, quod fama ponitur inter diuina beneficia, quia verè diuinum beneficium est, nec potest homini euenire, nisi ex quadam Dei dispensatione, & voluntate, sicut est in ceteris bonis fortune. Pro quo considerandum, quod fama est de bonis fortune, vel habet magnam connexionem cum illis, & est de maximis bonis fortune: nam maius est aliquem esse bonæ famæ, & gloriosum inter homines, quam diuitem esse, & si contingat aliquem esse diuitem sine fama, & aliquem esse famosum circa aliquod bonum sine diuitiis, eligibilis est recto iudicio famosum esse, quam diuitem esse, & tamen diuitem esse est quoddam bonum, quod homines existimant esse magnū, a fortiori ergo fama erit maius bonum, & desiderabilius. Cum autem obiicitur, quod non potest poni inter beneficia eo, quod non est bonum, nec desiderabile. Dicendum quod falsum est, pro quo sciendum, quod aut consideratur fama secundum seipsam, aut secundum legem Dei. Si primo modo fama nimis eligibilis est, quia omne habens rationem boni est desiderabile, fama autem habet rationem boni, immo magni boni, ut dictum est, ideo valde desiderabilis est, & propter hoc antiqui desiderauerunt eam nimis, & plurimi posuerunt felicitatem in ea. In tantum, quod aliqui colentes virtutem non poterant deiciā virtute propter desiderium aliorum bonorum, nec propter timorem malorum incidentium, & deiciebantur propter timorem infamie: sic enim fuit de Lucretia, quæ fuit flos matronarum Romanarum, nam ipsa valde dilexit castitatem coniugalem, & cum sollicitaret eam quidam cognatus mariti, & per noctem venisset ad lectum eius, & minaretur ei mortem, nisi consentiret, inuicta manebat volens potius mortem subire, quam virtutem perdere. Tandem minatus est ei, quod si non consentiret, occideret eam, & quendam seruum, poneretque in lecto eius vtrumque occisum, & diceret, quod occiderat ambos, quia inuenerat eos pariter commisceri, & sic territa Lucretia timore infamie future permisit adulterium, & tamē, quia virtutem desiderabat, ideo illa perditā, viuere nolebat, nam conuocatis omnibus cognatis suis, & viro flens exposuit eis casum, & tunc eis non aduertentibus gladio, quem occultè gerebat se occidit, ut ait Aug. primo de ciuitate Dei. Si autem consideremus famam secundum legem Dei non debemus eam desiderare, non quidem, quod mala sit, sed quia desiderium illius in nobis malum est, & ratio huius est, quia fama non est aliquod bonum necessarium nobis ad vitam, sed est bonum, quo fruimur, quia gaudemus in illo propter se, & sic, qui famam diligunt, constituunt quodammodo in illa felicitatem, quia ista est regula certissima, quod omne, quod desideratur, & non propter aliquem alium finem, est materia felicitatis, & tamen secundum veritatem fidei, & rationis summum bonum, quod est materia felicitatis, in solo Deo est, ideo solus Deus propter seipsum desiderabilis est. Et quia, ut communiter contingit nos famam desiderare non propter aliud delectabile, sed propter seipsam, est nobis interdum desiderium fame. Diuitem autem minus bonum sunt, quā fama, ut dictum est, & tamen licitè desideratur, eo quod sunt quoddam bonum necessarium, sine quo vita humana non potest agi sine magnis laboribus. Potest tamē fama agi sine fama, ideo licitum est desiderare diuitias, famam autem nequaquam, & propter hoc aliquando illicitum est desiderare diuitias, nam diuitie inquantum sunt necessaria ad competentem sustentationē

A vite, sunt necessariae, & desiderabiles propter alterum: non est peccatum desiderare illas, & tamen diuitie superabundantes non sunt necessariae ad sustentationem vitæ, & ob hoc non sunt ordinabiles ad aliquid. sed si desiderantur, oportet quod desideretur propter se, ut fruamur eis, & tunc peccatum est in desiderio illarum plusquam in desiderio fame: cum ipsa fama sit aliquid honestius, quam diuitie, & sic si aliqua res est, quæ nullo modo est necessaria ad vitam, non est desideranda, & peccatum est illam desiderari, nisi sit ipse Deus, & id per quod peruenitur ad Deum, & ob hoc etiam honor non est à nobis desiderandus, quia in eo non est constituenda felicitas, nec etiam bonum ad vitam, aut subordinabile ad felicitatem. Si tamen interdum contingat famam, & honorem effici bona necessaria, sunt tunc desiderabilia licite à nobis, & sic est si aliquis desiderat habere famam non ut in illa gloriatur, sed ut per illam incitet alios ad bene operandum iuxta illud Matth. 5. Luceat lux vestra coram hominibus, ut glorificent patrem vestrum, qui in celis est cum viderint vestra bona opera. Sic potest etiam aliquis desiderare honorem, & potentiam temporalem: non ut fruatur eis, sed ut per illa sit dispositus ad corrigendum vitia aliorum per timorem, & reuerentiam, quia viri honorati sunt omnibus reuerendi, & viri potentes sunt omnibus metuendi, & ideo ponebat Aristot. honorem temporalem esse organa felicitatis dicens, multa per amicos, & per potentiam temporalem operata sunt. i. Ethico. Et sic in aliquo casu licitum est famam desiderare, & saltem illa ponenda est inter diuina beneficia, si enenerit. Considerandum vltius, quod licet non debeat aliquis regulariter desiderare honorem, nec famam, debet tamen quilibet virtuosus conari summo labore, ne perdat honorem, vel famam, quam semel acquisierit, & ad hoc hortatur nos sacra Scriptura, sic dicitur Ecclesiasti. Curam habere de bono nomine, id est labore, ut habeas bonam famam, id est faciendo, ut non incidas in infamiam, & cōseruando bonam famam, quam habes, sic etiam dicebat Apostolus infra ad Corin. 9. scilicet. Melius mihi mori est, quam ut gloriam meam quis euacuet, id est quam, ut auferat aliquis famam meam, vel honorem, si tamen ista non essent bona, quamquam homo perderet illa, nihil videretur perdere, nec propter illa dolere deberet, ergo magna bona sunt cum potius debeat quis velle carere vita, quam carere illis postquam acquisierit. Est ergo fama beneficium diuinum, quia inter bona ponitur, quæ homini dari possunt.

Quomodo fama ponitur inter beneficia Dei.

Quæst. XXII.

QUÆRITUR vltius dato, quod fama sit aliquod bonum, quomodo ponitur inter beneficia Dei: nam interdum fama prouenit per errorem; nam multi homines sæpe falsis vulgi rumoribus magnum nomen habuerunt, ut ait Boetius de Consolatione lib. 2. prosa 7. quod tamen prouenit errore populi, non debet computari inter diuina beneficia. Respondendum est, quod fama ponatur inter diuina beneficia collata David, est propter tria, primo quia fama orta est ex rebus magnis, quas fecit David, sed Deus dedit ei, quod faceret bella magnifica, & alia opera, propter quæ extenderetur fama eius per totum orbem, ideo ipse dedit ei famam, & sicut beneficium erat, quod dedisset ei, quod faceret illa opera magnifica, ita erat beneficium, quod daret ei famam, quæ sequebatur ex illis operibus. Secundo modo fama ponitur inter beneficia diuina propter seipsam, quia ipsa prouenit ex quadam Dei

Dei dispensatione, & solum accidit illis hominibus, **F** quibus Deus vult accidere, & patet hoc, quia interdū aliqui homines faciunt opera magnifica, ex quibus deberet sequi rationabiliter fama, & tamen non consequuntur aliquam famam: & alij sunt, qui pauca, vel quasi nulla opera magnifica faciunt, & consequuntur inde magnam famam, & longo tempore manentem. Etiam patet, quia interdum aliqui conantur habere bonam famam, siue per bona, siue per mala opera, & non contingit eis habere illam. Sic fuit de quodam iuvene Ephesio, qui desiderans esse famosus nimis, cum non posset hoc cōsequi per opera bona magnifica, cogitauit facere pessimum opus, & magnum, vt inde consequeretur famam, scilicet quod cremaret templum Dianę Ephesinę, erat tamen templum illud honorabilius in toto orbe, vt colligitur Actuum 19. & putauit, quod occideretur propter hoc, & scriberetur tantum malum in historiis, vt sciretur destructio illius templi famosissimi, & sic saltē indirectē nomen illius iuuenis scriberetur in historiis, & maneret ad memoriam eternam. Cum autem cremasset templum, & captus esset, quęsitum est ab eo, cur hoc fecisset respondit, quod fecit, vt acquireret famā, ideo positum fuit decretum inter Ephesios, ne quis nomē illius iuuenis in aliqua historia scriberet, vt refert Frāciscus Petrarca 3. li. inuestiuarum contra medicum rusticum, procacem. Interdum etiam aliqui faciunt magnifica opera, & alij inuidentes glorię ipsorum conantur suppressere facta illa, vt non crescat fama, sic enim fuit de quodam viro sapiente, qui libros magnę doctrinę scripsit, & quia non erat de progenie Italicorum, omnes Itali, quasi vno animo coniurati, procurauerunt, vt nullum nomē haberet doctrina illius in regione ipsorum, & ideo a nullo nominatur, nec allegatur, quamquam secretē propter eruditionem a multis ipsorum legatur in abscondito: sic enim refert de seipso beatus Hierony. quod famuli sui in translatione Biblię, quam ipse fecerat de Hebręo in Latinū, vt patet in prologo huius libri, qui incipit si septuaginta Interpretum, dicens. Obrectatoribus meis tantum respondeo, qui canino dente me rodunt in publico detrahentes, & legentes in angulis. Alii autem non possunt acquirere magnam famam, quamquam fecerint magnifica opera, quia eorum laudes nullus scribit, quod tamen per inuidiam maleuolorum, vel per inopiam scriptorum aliquis famam non consequatur a Deo prouenit. In aliis autem ē contrariū facit, quia quidam sunt, qui licet non fecerint magnifica opera, consequuntur magnam famam, eo quod De⁹ facit, quod omnes sint eis beneuoli, & desiderēt bonum ipsorum, & laudent eos, etiā prouocat quosdā ad scribenda gesta ipsorum, & sic extenditur fama in longum tempus: in aliis autem permittit contrarium. Tertio modo fama ponitur inter beneficia Dei, eo quod ipse facit illam conseruari in quibus vult, & in aliis facit eam perire: nam quidā sunt, qui aliquo tempore magnam famam habent, sed cum nullus scribat gesta ipsorum morientibus eis fama perit, & si interdum gesta eorum scribantur libri ipsi pereunt cum auctoribus suis. Sic enim dicit Boetius de Cōsolatione li. 2. prosa. 7. scilicet. Sed quam multos clarissimos suis temporibus viros scriptorum inops deleuit obliuio, quamquam quid ipsa scripta proficiant, quę cum suis auctoribus premit longior atque obscura vetustas? In aliis autem fit contrariū, scilicet vt gesta eorū scribantur, & maneant in perpetuum, & hoc a Deo fit, ideo fama beneficium Dei est in illo, cui prouenit. Ad rationem in cōtrarium, cum dicebatur, quod sepe prouenit fama per errorem vulgi concedendum est. Et cum dicitur, quod illa, quę per errorem veniūt

non sunt beneficia Dei, dicendum, quod falsum est, quia licet aliquid accadat per errorem quantum ad hominem facientem, tamen respectu Dei nullus error est, quia ipse intendit, quod fiat illud, quod causat per errorem, vnde interdum ipse facit, quod aliquis erret, vt alius consequatur inde lucrum, vel q̄ aliquis erret, vt alius pereat, sic enim patet de illo, qui lapidem iacit, & a casu occidit alium: nam per errorem facit, & tamē Deus dicitur procurare, quod hoc fiat, vt patet Exo. cum dicitur, qui non est insidiatus, sed Deus tradidit illum in manus eius, constituam tibi locum, in quē fugere debeat. & sic occisus a casu dicitur Boetius 5. de Consola. Prosa prima, quod n. hil sit casu, vel fortuna, sed omnia habēt causam superiorem, quę intēdit tales effectus pducere, & hęc est Deus, qui secundum prouidentiam suā omnia gubernat & dirigit in fines suos, & sic quando aliquis per errorem vulgi consequitur magnam famam, Deus vult, quod populus erret, & quod ille consequatur famam ex errore populi, si deo fama quomodocunque proueniat, siue verē, siue falsē beneficium Dei est, & ob hoc omnes viri famosi tenentur Deo ad magnas gratiarum actiones, quia non potuerat eis illa fama prouenire, nisi Deus illud specialiter facere intendisset.

H *Qualis fuerit modus, quo Deus dedit famam David.*
Quest. XXI.

Q *V* **A** **E** **R** **I** **T** **V** *ulterius dato, quod David consecutus fuisset magnam famam a Deo, quis modus fuit, quo Deus sibi daret istam famam.*

I Respondendum est, quod multipliciter istam famam dare potuit. Primo modo dādo ei, quod faceret opera magnifica, ex quibus sequeretur dilatatio fame. Sic patet de duabus victoriis mirabilibus, quas Deus concessit David contra Philistinos supra 14. & 2. Re. 5. Nam ex illis secuta est magna fama David per totam terram, vnde dicitur ibidem post victorias illas, diuulgatum est nomen David in vniuersis regionibus. Secundo modo poterat Deus dare istam famam David prouocando omnes gentes ad hoc, q̄ laudarent eum, & tenerent ipsum tanquam virum honorandum nimis. Et hoc facile erat, quia Deus potest causare in cordibus hominum quācūque passionem, scilicet letitiam, tristitiam, audaciam, timorem, iram, odium, & amorem. Patet enim de seipso Iacob, quem volebāt persequi omnes ciuitates confines Sichimorum, quia filii sui occiderant Sichimitas dolose, Gen. 34. Et tamen Deus incitauit timorem magnū omnibus illis gentibus, & non ausē fuerunt persequi Iacob, & filios eius recedentes de terra, Gen. 35. Sic etiam fuit de ipso David cuius timorem Deus posuit super omnes gentes, vt patet supra decimo quarto, scilicet. Diuulgatum est nomen David in vniuersis regionibus, & dominus dedit pauorem eius super omnes gentes. Et sicut Deus incitauit omnes gentes ad timendum David, ita incitaret eas ad laudandum David, quia ad quācūque passionem potest Deus mouere cor hominis, iuxta illud Proverb. vigesimoprimum. Cor regis in manu domini, & quocūque voluerit, vertet illud.

De differentia, quę habetur hic, & secundo Regum capitul. septimo circa aliqua verba.
Quest. XXII.

Q *V* **A** **E** **R** **I** **T** **V** *ulterius quomodo dicitur hic, & dedit locum populo meo Israel, quia 2. Reg. 7. dicitur:*

dicitur: Et dabo locum populo meo. Respondendum quod in hoc non est magna diuersitas, eo, quod sacra Scriptura utitur talibus modis loquendi mutando sepe tempora, & potest hoc fieri propter certitudinem prophetie, quia ea, quę dicuntur propheticę, quę futura sint, tamen certa sunt, sicut illa, quę presentia sunt, vel iam preterierunt. Et ob hoc scriptura loqui de futuro, sicut de preterito in prophetis, & sic erat hic. Nam loquebatur Deus de templo, quod daturus erat in Ierusalem ad hoc, quod Israelitę ibi colerent Deum, sicut aliqui intelligunt. Et istud nondum fuerat implerum tempore David, sed implendum erat tempore Salomonis, qui edificauit templum, quia tñ illud certissimum erat, sicut si iam accidisset. Ideo ad hoc ponitur hic in preterito ad certificandum certitudinem euentus futuri, & 2. Regum 7. ponitur in futuro ad significandum veritatem rei, quia verę futurū erat id, quod hic prenunciabatur. Et potest intelligi alio modo, scilicet quod ponitur hic in preterito, & ibi in futuro, ad significandum diuersitatem locorū. Nam Deus daturus erat Israelitis locum, in quo Deū colerent, scilicet urbem Ierusalem, quam ad hoc elegit sequenti lib. c. 6. Et in illa edificandum erat templum, in quo coleretur Deus. Ista ciuitas tenebatur prius ab hostibus, & postea data est in manus Israelitarum. loquendo ergo quantum ad urbem, in qua futurum erat templum, erat verbum de preterito, quod Deus dederat locum populo suo Israel, quia iam dederat eis urbem Ierusalem, quam ceperat David de manu Amorrhęorum, & fuit ante hoc, vt patet 2. Reg. 5. & supra 11. vnde iam habebat domum cedrinam David in Ierusalem in castro montis Sion, quando Nathan locutus fuit hic ista, vt patet supra in litera. Secundus locus erat templum, & istud nō erat factū, nec fuit temporibus David, sed postea Salomon fabricauit illud, & propter hoc dicitur 2. Reg. 7. Dabo locum populo meo, scilicet Sanctuarium, quod postea fiet: sic respondet Nicolaus, sed ista expositio nō est satis conueniens, quia non potest hoc intelligi de templo, nec etiam de vrbe Ierusalem, sed necesse est hic: Et dedi locum populo meo Israel, plantabitur, & habitabit in eo, sed non potest intelligi de templo Salomonis, quia non habitauit ibi populus Israel, cum nullus laicus habitaret intus propter sanctitatem loci. Etiam non potest intelligi de vrbe Ierusalem, quia non habitabit ibi populus Israel. Non enim vocatur populus Israel illa parua multitudo, quę erat in Ierusalem, sed omnis multitudo Israelitarum, quę non poterat habitare in Ierusalem, sed habitabat in tota terra Chanaan. Et sic dicendum est, quod intelligitur de tota terra Chanaan, quę fuit tradita Israelitis ad habitandum. Et dicitur: Dedi populo meo locum, scilicet totum locum terre Chanaan, & istud clarum est, quia multi anni erant, quibus istum locum dederat Israelitis, scilicet a tempore, quo ipsi introierunt in terram illam cum Iosue, sed quia 2. Regum 7. dicitur: Et dabo locum populo meo Israel, debet dici, quod quamquam dedisset Deus locum istum Israelitis, tamen non pacifice possidebant, quia semper inquietauerant eos Chanaan, sicut dicitur in litera. Et ob hoc nunquam habitauerant Israelitę in terra proprię locum, quia habitare significat pacifice manere, si cut supra declaratum est. Et nunc Deus facturus erat, quod Israelitę pacifice manerent, sicut fuit tempore Salomonis, vt patet 3. Regum. 4. Ideo recte dicitur dabo locū, & patet, quod iste sit sensus, quia dñs dabo locū populo meo, Israel plantabitur, & habitabit in eo. q. d. ante hoc non erat plantatus populus, nec habitabat in loco illo pacifice, nunc autē hitaturus erat in pace,

A & sic de nouo dabatur populo, quod habitaret in loco illo.

Quomodo verum sit illud, quod hic dicitur, scilicet, quod populus plantabitur, & non commouebitur.

Quest. XXI.

QVAERITUR vltcrius quomodo est verū, quod hic dicitur, scilicet plantabitur, & nō commouebitur vltra, nec filij iniquitatis atterent eos. Nam videtur, quod postea cōmoti fuerunt Israelitę, & fuerunt pugne contra eos. Et etiam ipsi moti fuerunt de terra illa, quando ducti sunt in Babylonem, & nunc non habitant in terra ipsa aliqui eorum, sed dispersi sunt per totum orbem, Aliquis dicit, quod hic non promittebat Deus, quod nunquam Israelitę sustinerent aliquas tribulationes ab hostibus, sed quod non sustinerent eas tam grauitē, sicut a principio. Et hoc pater aliquatiter ex litera, quia dicitur: Nec atterent eos filij iniquitatis, sicut a principio, id est non illo modo, quo a principio atterebat, id est tam grauitē: aliquo tamen modo atterēt. Iste tamen sensus non stat. Primo quia dicitur hic, & nō cōmouebitur vltra, & nō dicitur hic, sicut prius, sed simpliciter dicitur, quod non commouebitur vltra. Secūdo pater, quia falsum est, scilicet quod Israelitę non affligerentur tam grauitē ab hostibus nunc, sicut a principio, quia post hoc fuerunt grauius afflicti, scilicet quando Syri premebant terram Israel, & erat rex clausus in vrbe Samarię, & pie magnitudine famis duę mulieres comederunt filium vnus 4. Regum 6. Postea etiam fuit grauius, quando Israelitę, scilicet decem tribus ducti fuerunt in Assyrios eo. lib. c. 17. Et postea duę tribus, quę vocabantur regnū Iuda ductę fuerunt in Babylonem eod. lib. ca. vltimo. Et postea grauius factum est per Romanos, quando omnes Iudęi, qui habitabant in terra illa partim occisi sunt, & partim dispersi per totū orbem, ita vt nullus maneret de eis in terra illa. Dicendum ergo aliter, quod verum est, quod Israelitę non erant vltra atterendi ab hostibus, nec etiam commouerentur de loco suo. Et tamen potest dupliciter intelligi, vno modo, quod Deus dicebat istud pro aliquo tempore paruo, in quo pax futura erat, & non atterentur Israelitę. Et quamquam dicitur, & non commouebitur vltra: non excluditur per hoc omne tempus, sed solum aliquod paruum tempus. Simile patet 4. Regum 6. vbi dicitur: Et vltra non venerunt latrones Syrię in Israel. .i. postquā duxit eos Elifęs cęcos in Samariam, Et tamen postea non post multos annos venerunt latrones Syrię in regnum Israel, & destruxerunt fere totam terram Israel, ita vt non relinquerent in toto regno, nisi quinquaginta equites, & centum currus, & decem millia peditum, eo. lib. c. 13. sic etiam dicitur Iia. 2. Et non exercebuntur vltra ad pręlium. Et intelligitur de tempore aduentus Christi: sic etiam patet Michę quarto. Et tamen manifestum est, quod post Christum fuerunt multa bella, & sunt quondie, ita graua, sicut fuerant ante eum, sed modicum tempus significatur per istud vltra, in quo Israelitę futuri erāt in pace, & istud fuit tempus Salomonis, quia non fuerunt aliqua bella in diebus eius, quę essent alicuius momenti, sicut dicitur 3. Regum 4. habitabat Iuda, & Israel absq; vilo timore vnuiusque sub vite sua, & sub ficu sua: a Dan vsque Bersabee cunctis diebus Salomonis. Sic etiam cum dicitur de tempore aduentus Messię, & non exercebuntur vltra ad bellum: intelligitur de aliquanto tempore, sed fuit ante natiuitatem Messię, & postea. Nam tunc erat tanta pax in toto orbe, quod non reperiebant Romani aliquam gentem,

gentem, cum qua pugnarent. Et ob hoc totus orbis subiectus fuit tunc Romanis sub Imperatore Octauiano. Et sic potuit ipse iubere tunc, quod describeretur vniuersus orbis, & vnusquisque iret in ciuitatē suam ad hoc, quod describeretur, vt patet Luc. 2. Et tūc Romani admirati de tanta pace fecerūt quoddam templum Paci tanq̃ deę, & vocauerunt illud templum Pacis eternum. Postea tamen redierunt bella, vnde tempore Neronis inceptū est bellum grauissimum Romanorum cōtra Iudeos, & illud fuit de maximis bellis, & grauissimis, quę fuerunt in toto orbe, vt refert Iosephus in principio libri de bello Iudaico. Secundo modo potest dici, quod hic dicitur, non cōmouebitur vltra, quia hic Deus intendebat, q̃ in eternum, idest vsque ad finem seculi maneret ista pax, & sic futurum erat, nisi peccata Israelitarum contrariū promerissent. Nam toto tempore quo regnauit Salomon antequam peccaret, fuit pax maxima: nam habitabat totus Israel vnusquisque sub ficu sua, & sub vite sua absque timore 3. Reg. 4. Postquam autē peccauit Salomon, Deus suscitauit ei hostes, vt patet eo. lib. c. 11. & post ipsum peccauerunt posterī sui, & secuta fuerunt semper mala graua quousque diuisum est regnum in duo regna: eo. lib. c. 12. & postea 10. tribus Israel, ductę sunt in Assyrios, & duę tribus, quę erant regnum Iuda, ductę fuerunt in Babylonem. Si autem non peccasset Salomon, nec posterī sui, mansisset semper populus in pace, & nunquam hostes persecuti fuissent Israelitas, & quamquam postea cōuersi fuissent ad Christum, semper mansissent in illa: quod magis declaratum est 2. Re. 7. Et iste modus est satis conueniens, s̃q̃ promissio illa, quę erat de terra, propter peccata illorum, quibus fit, daret pauco tempore, sicut patet Ier. 18. de prophetiis promissoriis, & comminatoriis, quę mutantur ad mutationem illorum, quibus fit promissio, vel comminatio.

Annuncio ego tibi, quod edificaturus sit tibi Dominus domum. Cumque impleueris dies tuos, vt vadas ad patres tuos, suscitabo semen tuū post te, qđ erit de filiis tuis, & stabiliam regnū eius: Ipse ædificabit mihi domum, & firmabo solium eius vsque in eternum. Ego ero ei in patrem, & ipse erit mihi in filium. Et misericordiam meam nō auferam ab eo, sicut abstuli ab eo, qui ante te fuit. Et statuam eum in domo mea, & in regno meo vsque in sempiternum, & thronus eius erit firmissimus in perpetuum. Iuxta omnia verba hæc, & iuxta vniuersam visionem istam, sic locutus est Nathan ad David.

Annuncio tibi. Supra referebantur beneficia, quę Deus fecerat David: hic ponuntur ea, quę facere promittebat, & dicitur. *Annuncio tibi ego, quod edificaturus sit domum tibi dominus.* Istud loquitur Nathan ad David ex persona Iua, (Ego denuncio tibi, q̃ Deus vult edificare domum tibi, s̃. facere, q̃ descendat à te quędam familia, in qua maneat semper dignitas regalis. Dicitur aliquis habere domum, qñ quis habet aliquā dignitatem, & habet successores, qui semper teneant illam dignitatem, vel hereditatem. Qñ autē aliquis habet filios, & tñ non relinquit eis aliquam certam di-

gnitatem, vel hereditatem, in qua semper succedant illi, qui sunt de illa progenie, non dñ habere domū, quia nō erit progenies sua certa, nec cognita, sed cito peribit memoria illius pgeniei. Et ob hoc in illis solis progeniebus dñr esse domus, in quibus est ius primogeniture, quia illa, quę sunt de iure primogeniture non possunt alienari, sed semper sunt in illa progenie, in qua semel sunt, & per illa cognoscetur certissime quis est de illa progenie, s̃. quia cum viderimus aliquē possidentem illa, quę pertinet ad ius primogeniture illius progeniei, sciemus illum esse de tali progenie. Sic. n. fecit Deus nunc David, quia si non dedisset ei regnum, vt maneret semper in progenie sua, non haberet domum, quia filij sui non succederent ei in alia. Nūc qua magna dignitate, per quam cognosceretur. Nūc autem cum deriuandum esset regnum semper per suam stirpem cognoscerentur filij sui ab omnibus.

Cumque impleueris dies tuos. s̃. dies assignatos tibi ad viuendum, quia cuilibet homini assignati sunt certi dies, quibus viuat, & postea non potest viuere, sicut dixit Iob. Breues dies hominis sunt, & numerus mensium eius apud te est. Constituisti terminos eius, qui præteriri non poterūt. Iob. 14. *Vt vadas ad patres tuos.* i. vt moriaris, & congregeris cum patribus tuis, qui iā mortui sunt, vel vt dicunt alij congregeris ad patres tuos, q̃ sunt in Lymbo. *Suscitabo semen tuum post te.* s̃. Salomonem, qui regnaturus erat post David. & cum dñr suscitabo intelligitur in regno, vel honore, quia iam erat suscitatus ad viuendum. *Quod erit de filiis tuis.* Scilicet Salomon, qui erat filius David ex Bethabee, & dñr, q̃ erit de filiis tuis, q̃a poterat esse, q̃ esset de semine David, & non esset de filiis eius, sed esset de nepotibus, vel pronepotibus, & tunc poterat esse sen sus, q̃ non succederent filij David ei in regno, sed alij de alia progenie, & tñ post aliquanta tpa alij de posteris David, s̃. nepotes, vel pronepotes reuerterent regnū, & ad hoc, q̃ magis gauderet David sciens, q̃ filij sui successuri erant in regno, dixit q̃ erit de filiis tuis.

Et stabiliam regnum eius. i. firmabo illud, s̃. non regnabit in contentione, nec habebit aliquem competitorem, pp̃ quem regnum eius sit infirmum, sed solus regnabit, ideo regnum eius firmum erit. Hoc dixit Deus David ad tollēdum ei timorem, quia David poterat timere, q̃ licet aliquis de filiis suis succederet in regno non prosperaretur in regno, quia haberet competitorem. Deus ergo dixit ei, q̃ stabiliaret regnum eius. i. q̃ confirmaretur, & nullus impediret. In David. n. fuerat sic, quia qñ ipse cepit regnare super Iudam habuit competitorem Isboeth filium Saulis, & facta est longa concertatio inter domum David, & domum Saulis 2. Re. 3. Ita poterat timere David, q̃ fieret in filio eius. *Ipse ædificabit mihi domum.* s̃. faciet templum. Nam Salomon edificauit templum domus. no 3. Re. 6. & seq. lib. c. 3. Istud dixit Deus ad consolādum David, quia cum voluisset David edificare templum ad honorem Dei, & Deus non permisisset, putaret se non esse acceptum apud Deum, qui dedignabatur de manu eius suscipere istum famulatum, iō, vt non affligeretur, licet non permisisset hoc facere, p̃misit, q̃ faceret filius suus. Et tunc putaret David, q̃ hoc non fiebat, quia Deus dedignaretur ipsum, & p̃geniem suā, sed quia aliqua cā specialis erat in eo ad non faciendum, quę nō impediret filium. Quare autē De⁹ noluit, q̃ David edificaret sibi tēplū, & voluit, q̃ edificaret illud Salomon, declarātū est 3. Re. 5. in qua dā qōne. *Et firmabo solium eius vsque in eternum.* Supra dixit Deus, q̃ stabiliaret regnū filij David, s̃. in persona sua: hic autē dñr, q̃ firmabit illud, s̃. in tota sua successione, quia dñr. Et firmabo solium eius vsque in eternum. Dñr istud ad plolandū David, quia qñ sciret ipse, q̃ filius

filius suus successurus erat ei pp̄ predicta: tñ forte crederet, q̄ vnicus filius ei successurus erat, sicut Saul habuit vnicum successorem in regno, s. Isboeth, & illi co transiit regnum ad Dauid post mortē eius 2. Re. 2. & 4. & 5. & de hoc dolet Dauid, quod progenies sua aliqñ esset in magno honore, & postea incideret in magnas calamitates perdendo regnū: Iō certificatur hic, q̄ filii sui possidebunt in eternū regnum Israel.

Ego ero ei in patrem, & ipse erit mihi in filium. s. diligam eum nimis, ita vt habeā eum, quasi filium, & ipse hēat me, quasi patrem. Istud dixit Deus ad includendū oīa genera bonorū, quia forte Dauid intelligeret, q̄ Deus solum conferret posteris suis hoc bonū, q̄ faceret eos reges, & nihil aliud. Et sic poterant adhuc pati multas calamitates. Iō volens significare, q̄ oīa genera bonorum eis conferret dixit: Ego ero ei in patrem, quia post dilectionem, quę est hominis ad seipsum, nulla maior est, q̄ patris, vel matris ad filiū. Et sic dixit istud Deus volens significare magnum gradum dilectionis, quem habiturus erat ad posteros Dauid. *Et misericordiam meam non auferam ab eo.* i. nūquam desinam ei misereri, s. q̄q̄ peccet nunquam auferam ei regnum, & in isto erat misericordia Dei. *Sicut abstuli ab eo, qui ante te fuit.* Abstulit Deus misericordiā ab illo, quia cū peccauit, abstulit ei regnum, & q̄q̄ quotidie lugeret, & ploraret Samuel p̄ Saule, quia Deus abiecerat eū, ne regnaret super Israel, non misertus fuit Deus, sed potius indignatus fuit p̄ Samuelem, eo q̄ orabat pro illo, primo 2. Re. 15. & 16. non erat sic futurum in posteritate Dauid. *Et statuam eum in domo mea, & in regno meo.* Idest firmabo eum in regem super Israel, & non solū intelligitur de ipso, sed etiam de posteritate sua, quia subditur vsque in sempiternum, & tñ non poterat Salomon regnare vsque in sempiternum. Iō intelligit de eo, & de successoribus suis, & dicit in domo mea, & in regno meo, i. in populo Israel. Nā totus iste populus vocatur domus Dei, sicut tota familia, quę moratur in aliqua domo sub patrefamilias, vocatur domus illius. Ita cum Deus specialiter esset rector totius populi Israel, dicebatur totus Israel esse domus sua tāquā totus ille populus esset vnā oeconomia patricularis, sicut accipitur Nu. 12. cum dixit Deus ad Aarō, & Mariam. Si quis fuerit inter vos propheta domini, in visione apparebo ei, vel per somnium loquar ad illum, at non talis seruus meus Moyses, qui in omni domo mea fidelissimus est, i. in toto populo Israel est fidelissimus, vocatur aut̄ totus populus Israel relictus esse rex omnium regnorū generaliter, & dominus regū terre Apoc. primo: patet hoc, quia ipse Deus dixit Samueli. Non te abiecerunt, sed me, ne regnem super eos 1. Reg. 8. q. d. ante hoc Deus regnabat super Israelitas specialiter, nam loquendo de regno generaliter non poterant Israelitę abicere regnum quin regnaret super eos, cum esset rex omnium gentium.

vsque in sempiternum. Idest istud regnum erit firmatum vsque in sempiternum, i. longo tempore.

Et thronus eius erit firmissimus in perpetuū. Eadē tñā est, quia thronus est sedes regia, quę esset firma in domo Dauid vsque in eternum. Considerandum, q̄ aliqua dñr hic, quę doctores nostri nolunt exponere de Salomone, sed de Christo, quia dicunt, q̄ non possunt competere Salomoni, sicut est illud. Ego ero ei in patrem, & ipse erit mihi in filium, & illud. Et misericordiam meam non auferam ab eo, & illud. Et statuam eum in domo mea, & regno meo vsque in sempiternum, & hoc tenet Aug. allegando ista verba in libris 71. qui incipit, Deus iudicium tuum regi da, & iustitiā tuam filio regis. Et titulus eius est in Salomonem. Et

A ponuntur ibi multa, quę dicit Aug. non posse conuenire Salomoni, sed Christo, sicut est illud. Orietur in diebus eius iustitia, & abundātia pacis, donec auferatur luna, dominabitur a mari vsque ad mare, & a flumine vsque ad terminos orbis terrarum. Et secundū hoc necesse esset, q̄ hic fieret transitus, s. q̄ cum scriptura incepisset loqui de Salomone, transiret ad loquendum de Christo, Nico, ēt dicit, q̄ ista litera partim exponenda est de Christo, & partim de Salomone, sed quādam principalius cōueniunt Christo, quā Salomoni. Dicendum tñ, q̄ oīa ista conueniunt Salomoni ad literā, & ēt illa, quę hñr Psal. 71. & quāquam aliqua illorū conueniunt Christo, tamē hic nō dicta fuerunt de Christo, vel saltem sensus historie non est ad Christum, sed ad Salomonem. Nec est aliquid in litera, quod ei plane non conueniat, vt declaratum est satis latē 2. Re. 7. Dicendum tñ, q̄ aliqua eorum, quę ponuntur hic dñr de Christo, licet intentio historie sit ad Salomonem. Patet quia Apostolus ad Hebr. 1. allegat istud dictum fuisse de Christo, s. cui dixit aliqñ dñs angelorum filius meus es tu, ego hodie genui te, & rursum. Ego ero illi in patrem, & ipse erit mihi in filium? Et necesse est, q̄ intelligatur hoc in sensu literalī, quia sacra Scriptura non arguit, nisi in sensu literalī, in mystico aut̄ non, sicut ait Dionysius in epistola ad Policarpum, q̄ mystica theologia non arguit, i. theologia, siue sacra Scriptura mysticē intellecta non est tantę auctoritatis, vt possimus ex illa arguere ad probandum, vel improbandum aliquid. **C** De Salomone aut̄ pp̄ laudes multas, quę ponuntur hic de eo, erat dubiū an saluus fuerit, vel perierit eternallyter. De hoc tñ declaratum est latissime in quadam questione 2. Re. 7. *Iuxta verba hæc. & iuxta vniuersam visionem istam sic locutus est Nathan ad Dauid.* Hic excusat se scriptura de repetitione, vt emittetur prolixitas. Nam Deus, qñ apparuit Nathan prophete per noctē, dixit ei omnia ista, & ponuntur hic, vt dicta Nathan a domino. Iterum aut̄ narrauit omnia hæc Nathan ipsi Dauid. Et scriptura deberet dicere, qñ narrauit, & vt nō reperat, dicit, q̄ dixit Nathan ad Dauid iuxta omnia verba, q̄ supra posita sunt, & dñr iuxta verba hæc, & iuxta vniuersam visionem, quia ista, quę dicta sunt hic dñr verba in quantum referuntur, & vocatur visio in quantum reuelata sunt ipsi Nathan visione imaginaria in somno, s. q̄ Deus immutauit phantasiā eius in somno, & fecit, q̄ appareret ei, q̄ ipse videbat Deū loquentem secum, & dicentem omnia hæc.

Quare inter beneficia Dauid ponuntur illa verba: Dedi locum populo meo, &c. Quest. XXXIII.

QUÆRITVR circa prædicta cum Deus referret beneficia, q̄ fecerat, & facturus erat ipsi Dauid. Quare posuit inter illa, Dedi locum populo meo: plantabitur, & habitabit in eo, & non commouebitur ultra, quia istud nō pertinet ad Dauid, sed ad populum.

Respondendum, quod factum est propter duo. Primo propter beneficium, nam licet beneficium populi esset directe, quod populus Israel plantaretur, & habitaret secure, tamen etiam beneficium erat Dauid quod populus esset in quiete. Nam Dauid erat rex, & filij sui successuri erāt in regno, & gloria eorum erat in bona habitudine populi, quia excellentia principātis est propter excellentiam subditorum, scilicet quāto aliqui subditi fuerint excellentiores, tanto princeps dignior est, vt patet primo Poli. cap. tertio. Sic autem erat si populus Israel plantaretur, & habitaret secure, quia tunc Dauid, & filij sui haberent multos subditos, & valde diuites. Si autem hostes persequerentur illos,

illos, & non habitarent securè in terra essent pauperes **F** propter bella, & etiam pauci, quia multi in bellis moriuntur, & multi ad alias regiones fugiunt, ut ibi gerere viuant, & sic principatus Dauid, & filiorum suorum efficeretur parvus propter paucitatem, & paupertatē subditorum iuxta illud Prouerbi. 14. scilicet. In multitudine populi dignitas regis, & in paucitate plebis ignominia principis. Erat ergo beneficium magnum Dauid, & filiis suis, quod Deus plantaret populum Israel, & faceret illum habitare securè. Secundū erat propter meritū, nam omnia ista beneficia data Dauid à Deo, aliquo modo fuerunt propter meritum Dauid, & quia Dauid non solum meruit pro seipso, sed etiā pro populo, ideo cum fiat hic mentio de merito bonæ voluntatis eius, & ponantur præmia ei impenſa, propter hoc ponitur etiam beneficium impenſum populo propter meritum Dauid, scilicet quod populus habitaret securè. Pro hoc considerandum est, quod rex, & populus suus sunt aliqua inter se cōnexa. Et ob hoc meretur rex pro populo, & populus pro rege, siue bonū, siue malum. De rege patet, quia rex, quando malus est meretur habere populum malum, & ideo dato, quod populus aliquando bonus sit, Deus facit insurgere eū contra regem suum, & male eum tractare, si malus est. Sic enim fuit de Amasia rege Iuda, qui habebat populum bonū subiectū sibi, & tamen, quia ipse coluit Deos idumeorū, propheta dixit ei, quod Deus intendebat malum cōtra ipsum, & traditus est postea in manus seruatorum suorum, qui eum occiderunt, ut patet sequenti. lib. c. 25. & 4. Re. 14. E contrario autem populus, quā malus est promeretur, ut Deus tradat ei malum regē, qui puniat eos, & depauperet, sic patet Iob 34. Qui regnare facit hypocritam propter peccata populi. Sic etiam patet Isa. 19. cum prænunciantur mala contra Aegyptum propter peccata ipsorum, & dicitur. Tradam Aegyptum in manus dominorum crudelium, i. faciam, quod Aegyptii habeant dominos crudeles, qui affligant eos. Et non solum isto modo meretur rex pro populo, & populus pro rege, sed et meretur rex, ut populus infligatur mala, & interdum populus meretur, ut rex mala patiatur. De primo patet, quia Dauid peccauit numerando populum regni sui, & tamen populus punitus est, quia occisi fuerunt peste plūsquam septuaginta millia, ut patet 2. Re. ultimo, & infra 21. De secundo patet, quia interdum cum populus malus sit, rex punitur, vel quicumque princeps, quia aliqualis culpa principis est, quod populus malus sit. Sic fuit de Heli summo sacerdote, qui erat iudex, & princeps Israel, & ipse bonus erat, & tamen, quia non correxit filios sibi subditos, qui mali erant, mortuus est, & translatum est summum sacerdotium de domo sua ad aliam domum, ut colligitur primo Re. 2. 3. & 4. ita est tertio, quā rex bonus fuerit merebitur bonum pro populo, vel populus bonus merebitur bonum pro rege. Et quia Dauid erat bonus rex meruit pro populo suo, quod viveret in pace, & non timeret hostes, & sic ponitur hic inter beneficia impenſa Dauid, quod populus suus plantaretur, & habitaret securè, scilicet quia ipse Dauid hoc meruerat.

Quare denunciavit Deus Dauid de edificatione domus.

Quest. XXV.

QUÆRITUR ulterius quare Deus denunciavit hic Dauid, quod edificaturus esset ei domum, quia istud non pertinebat ad tempora Dauid, bonum tamen hominis est in diebus suis solum, ut colligitur quarto Regum 20. & Isa. 39. quando Deus denunciavit regi Ezechie, quod omnia, quæ ipse possidebat ducerentur in Babylonē,

eo, quod ipse ostenderat illa nunciis regis Babylonis, & tamen non fieret hoc in diebus suis, sed in diebus filiorum suorum, & respondit Ezechias: Bonus sermo domini, quem locutus est, sit pax, & veritas in diebus meis, quasi dicat. Contentus sum de eo, quod dixit Deus, scilicet quod ista mala venirent in diebus filiorum suorum, & non in diebus suis. q. d. fiat pax in diebus meis, & non curo de temporibus successorum meorum, an fiat in eis pax. Respondendū est, quod Dauid erat vir valde bonus nimis acceptus Deo, & meruerat non solum pro se, sed etiam pro posteris suis, ideo non solum Deus voluit, quod in diebus eius esset prosperitas, sed etiam filiorum, & etiam, quod ipsi semper regnarent. Istud autem bonum erat Dauid: non iudicatur tamē aliquid esse bonum nostrum, nisi in quantum participamus illo, & delectamur in eo, utpote si quis habeat in domo sua thesaurum magnum, quem aliquis ei donauerit, & ipse nesciat de illo, & ob hoc sit semper in paupertate, non iudicabitur ille habuisse bonum, quod nunquam fuit delectatus in eo, nec magis ei profuit, quā si nihil unquam habuisset. Ita de Dauid erat, quia Deus propter merita eius volebat filiis suis præstare regnum, & alia bona post mortem eius, & si Dauid nesciret aliquid istorum futurum esse filiis suis, non magis gauderet, nec diceretur habere bonū, quā si nullum istorum bonorum futurum esset in filiis eius, ideo denunciatum est ei, quæ bona futura essent in filiis. Et ex hoc Dauid gaudebat dupliciter: primo quia sciebat, quod filii sui prosperandi essent post mortem eius, & sic moretur securus gaudens de prosperitate futura filiorum. Secundo gauderet, quia sciret, quod ista bona eveniebant illis propter eum, & ex hoc magis gauderet de ista prosperitate, quia magis erat sua, cum ipse esset causa eius, quā aliās. Si autem nihil declararet Dauid non gauderet, & sic meritum suum quantum ad hoc esset superuacuum, quia bonum, quod proneturum erat ei de prosperitate filiorum suorum, nihil erat, nisi gaudium, quod ipse haberet in vita sua, sciens futuram illorum prosperitatem. Sic etiam est de illis, qui conantur relinquere magnam memoriam de se ipsis post mortem. Nam memoria illa post mortem ipsorum non est eis aliquod bonum, quia ipsi nesciunt, an de eis memoria sit, nec in hoc gaudet, sed bonum ipsorum est, quia dum viuunt, gaudent estimantes, quod post mortem habebuntur in magno honore, & fama. Voluit ergo Deus declarare Dauid bona, quæ filiis suis facturus erat post mortem eius, ut nunc dum viveret gauderet de eis, & dixit: Annuncio tibi, quod dominus edificaturus sit tibi domum, i. faciet posteros tuos regnare: Etiam dixit: Suscitabo sementuum post te, quod erit de filiis tuis, & stabiliam regnum eius. Et istud erat secundum bonum, quia dato, quod filius Dauid regnaturus esset post eum, nesciebat an propter se haberet in regno, an haberet competitores, & sic non haberet Dauid plenum gaudium, & sic non haberet Dauid plenum gaudium. Ideo dixit Deus, quod stabiliam regnum eius, ut non formidaret Dauid, quod filius suus perderet regnum. Tertium bonum erat: Ipse edificabit mihi domum. Nam Dauid non permisit fuerat edificare domum domino. Et si non permitteretur aliquis de posteris eius, putaret se, & posteritatem suam à Deo contemnere: Ideo dixit, quod filius suus edificaret templum. Et sic sciret Dauid, quod non prohibitus fuerat ipse edificare templum, tantumquam ipse cum tota progenie sua contemneretur à domino, sed quia fuisset aliquod impedimentum in eo, quod non esset in filio suo, & sic ille edificaret. Quartum bonum erat, quia dixit Deus, & firmabo solum eius usque in sempiternum. Nam Dauid sciebat omnia prædicta, posset adhuc credere, quod unus filius

filius ei successoris erat, & deinde transiret regnum ad aliam progeniē, sicut fuit in Saule, qui uicum habuit successorē, scilicet Isboseth. & deinde transiit regnum ad Dauid. Et de hoc tristaretur sciens, quod aliquo tempore filii sui futuri essent in magna pēpitate, deinde venirent in magnam calamitatem priuati regali dignitate. Ideo denunciavit ei Deus, quod in eternum mansurum esset regnum in domo Dauid.

Quantum bonum erat, quia quamquam omnia ista essent, adhuc poterat esse sollicitus de posteris suis. Nam licet semper habituri essent regnū; poterat esse, quod haberent illud cum aduersitatibus, & Deus nō daret eis alia bona, nisi q̄ essent reges: ad significandū ergo vniuersalem prosperitatem filiorum Dauid, s. q̄ in omnibus eis prosperē eueniret, dixit Deus: Ego ero ei in patrem, & ipse erit mihi in filium, idest ita diligam eum, & beneficiam ei, sicut si essem pater eius, & ipse, ita me sentiret sibi esse gratum, sicut si eēt filius meus, & per hoc gaudebat Dauid bona sperans de posteritate sua. Ad rationem in contrarium, s. q̄ bona, quę eueniunt filiis alicuius post mortem eius, non pertineant ad eum, dicendum, q̄ falsum est. Nā multipliciter pertinent bona posterorum ad eos, qui iam mortui sunt, & potest tripliciter hoc esse. Primo modo dato, quod illi, qui mortui sunt, nescirent dum uiuēt aliqua bona, vel mala prouentura esse filiis suis, & amicis post mortem. Nec etiam post mortem aliquo modo cognoscunt hęc, sed solum ex eo, quod prouenit bonum, vel malum filiis, vel amicis uiuentibus dicitur habere bonum, vel malum ipse, qui mortuus est. Et istud est quantum ad opinionem nostrā, quia ille, qui mortuus est manet in memoria nostra. Et secundum illum esse, quod habet in memoria, potest ei accidere bonum, vel malum. Nam si aliquis mortuus est felix, & filii sui postea prosperantur, efficitur ille clarior in opinione nostra. Et per hoc ipse defunctus dicitur habere bonum ex prosperitate uiuentium. Sic etiam si mortuus est felix manet in honore magno in opinione nostra: Si tamen filii sui incidunt in calamitates imminuitur, vel obscuratur aliquantulum gloria memorię istius, & in hoc recipit malum quoddam, qui mortuus est. Istud tamen malum, vel bonum, quod euenit mortuis ex prosperitate, vel calamitate filiorum, vel amicorum uiuentium paruū est, quia non est tantum, nec tale, ut possit efficere felices eos, qui mortui sunt in miseria, nec potest efficerē miseros eos, qui felices mortui sunt. Ita est positio Arist. primo Ethic. pro nepotum autem fortunas. Et istud est, quia Arist. nihil iudicat de statu defunctorum, ideo nihil loquitur de bono, vel malo, quod eis uerē proueniat, & ipsi experiantur, sed de bono, vel malo, quod prouenit eis secundum, quod manent in opinione nostra. Secundus modus est ad hoc, quod defunctis proueniat bonum, vel malum ex bono, vel malo uiuentium, quod reuelatur eis post mortem, eo quod anime manent solutę corporibus, quę sunt cadum uiuere de bono, vel malo, quod futurum erat posteris suis, & amicis, poterunt uerē letari, & tristari de bono, & malo, quod eis eueniret, & tunc uerē habent bonum, vel malum mortui ex bono, vel malo uiuentium: patet hoc, quia mortui, siue sint in uita eterna, siue in purgatorio, siue in inferno, curam habent de uiuentibus, sicut patet de illo diuite, qui erat apud Lazarum, & rogauit patrē Abraham, quod mitteret Lazarum, & prędicaret quinque fratribus, quos habebat: ne ipsi uenirent in illum locum tormentorum: Lucę 16. Qui tamen curam habet de aliquo, necesse est, quod gaudeat de bono illius, & tristet de infortunio eius; mortui tamen aliquando per reuelationem sciunt bona, vel mala, quę accidunt amicis suis, & cognatis, ideo necesse est, quod tunc letentur, vel tristentur, & iste modus efficacior est, quam primus, & iste conuenit fidei catholice, ut patet Lucę decimosexto. Et de hoc Gregorius super Lucam, & Augustinus super Psalms, & Magister quarto sententiarū dist. vltima. Tertius modus est, quo bonum, vel malum successorum facit bonum, vel malū in mortuis, si quando illi antequam morerentur sciuerunt bonum, vel malum, quod euenturum erat illis, quia tunc non solum post mortem gaudebunt, vel tristabuntur, sed magis dum uiuunt patientur hoc: licet illud futurū sit. Iste modus est efficacior aliis duobus, quia hic tam in morte, quam in uita est malū, & iste fuit in Dauid tam in morte, quam in uita, cum reuelatum fuerit ei uiuēti, quod filii sui prosperandi eēnt, ideo valde pertinebat ad eius felicitatem, quod filiis suis eueniret aliquod bonum post mortem eius, & hoc reuelaretur ei. Cum autē obiicitur de Ezechia, qui dixit bonus sermo domini, fiat pax, & ueritas in diebus meis. Non est sensus, quod ipse non tristaretur de malo, quod euenturum erat filiis suis, quia propter hoc reuelatum est ei, sed non poterat mutari id, quod Deus volebat, ideo ipse dixit bonus est sermo domini, idest ego sum contentus, quod fiat sic: non quidē, quod non doleret de malo, quod euenturum erat filiis, sed quia nō poterat illud euitare, & quia pro peccato suo infligendum erat aliquod malum in diebus suis, vel filiorum suorum, uoluit potius, quod infligeretur in diebus filiorum suorum, quam in diebus suis, & ppter hoc dixit fiat pax, & ueritas in diebus meis. Et sic non probatur ex hoc, quod non eueniret Ezechię malum ex malo filiorum suorum post mortem eius, sed quod ipse magis uoluit malum esse in diebus filiorum suorum, quam in diebus suis.

Quare Deus non reuelauit mala, quę euentura erant filiis Dauid. Quęst. XXVI.

QUÆRITUR ulterius cum Deus reuelauerit hic Dauid bona, quę euentura erant filiis: quare etiam non reuelauit mala. Nam Salomoni filio Dauid euenirent mala ante mortem suam, quia habuit hostes. 3. Re. 11. & Roboam nepoti eius prouenerunt maiora mala, quia priuatus est maiori parte regni, scilicet cum prius haberet 12. tribus Israel, manerunt ei solum duę, tertio Regum 12.

Respondendum est, q̄ Deus reuelauit hic Dauid bona, quę euentura erant filiis suis, & non mala, ut nō affligeret eum. Nam Dauid meruerat nimis apud Deum pro bona uoluntate sua, quia uoluit edificare templum, & quia erat uir nimis deicola: pro bono autem non est reddendum malum, sed si Deus reuelaret Dauid mala, quę habituri essent posteris suis, affligeret eum grauiter per hoc, ideo non debuit ei hoc reuelare. Nam interdum ista afflictio, quę est sciendo mala futura posteris, est sola pœna inflicta pro aliquo peccato. Et declaratur hoc, quia interdum Deus denunciat alicui bona futura posteris eius in pręmium alicuius boni, quod fecit, sicut fuit nunc in Dauid, quia propter merita eius filii sui prosperandi erant post mortem ipsius, & illa bona non pertinebant ad eum, nisi in quantum ipse uiuens gaudebat de bono euenturo filiis, ut declaratum est pręcedenti quęstione. Si ergo gaudium solum de bono futuro datur aliqui in pręmium boni operis, dabitur ei interdū in pœnam mali operis sola tristitia, quę est pro malo futuro, sic patet in Dauid. Nam qñ ipse fornicatus est cū Bethsabee, denunciātū est ei, q̄ non exiret gladius de domo sua

Mortui gaudent & tristantur ex bonis, & malis suorum inter uiuos de gentium.

suā in eternum 2. Reg. 12. & quia peccauit Salomon F
denunciatum est ei, q̄ regnum suum diuideretur in
diebus filij sui Roboam, & duę solę tribus manerent
ei, decem transeuntibus ad Ieroboam 3. Reg. 11. Sic
etiā fuit de Ezechia: nam pro peccato suo, quia ostē-
dit diuitias suas nuncijs regis Babylonis, Deus denun-
ciauit ei, q̄ in tempore filiorum suorum ducerentur
omnia illa in Babylonem 4. Reg. 20. & sic isti solum
puniti sunt in afflictione, quam haberent sciēdo ma-
la futura posteris suis: Dauid autem nunc non pecca-
uerat, sed potius meruerat, ideo iniustum videbat, q̄
Deus reuelaret ei mala futura filijs suis, quia ex hoc
affligeretur, & puniretur, quasi pro peccato.

*De veritate verborum, quæ hic habentur, scilicet firmabo re- G
gnum eius in sempiternum. Quæst. XXVII.*

Q V A E R I T V R vltcrius q̄no dī hic, firmabo
regnum eius in sempiternum. Nam regnū
Salomonis, & filiorum Dauid non fuit in
sempiternum: nam cēssauit in captiuitate
Babylonis, q̄n ductus est rex illuc, & post reditum de
Babylone non fuerunt reges de tribu Iuda, sed aliud
genus principatus erat. Responderi potest tripliciter:
vno modo, q̄ Deus promisit in eternū firmandū esse
regnum Salomonis accipiendo eternum non p̄prie
pro eo, quod semper durat, sed pro aliquo tempore
longo, & sic interdum tempus quinquaginta annorū
vocalur eternum, sicut patet de seruo, qui volebat li-
berari anno septimo remissionis: nā de illo dī Deute.
15. q̄ erit seruus vsque in eternū, & tñ ille liberabat in
iobeleo: Leui. 25. & fiebat iobeleus de quinquaginta
in quinquaginta annos, & sic fuit hic regnum Salo-
monis in eternum, quia durauit saltem vsque ad ca-
ptiuitatē Babylonicam, & fuit istud tempus plusquā
quadringentorum annorum, vt pater computando
omnia tempora regum in processu 3. & 4. Regū. Se-
cundo potest dici, q̄ regnum Salomonis confirman-
dum erat in eternum, i. vsque ad finem seculi, & sic
Deus intenderet. Et tñ p̄p peccata Salomonis, & po-
sterorum suorum impeditum est, & sic verum est,
quod dī, i. firmabo solium eius vsque in eternum, q̄
Deus dicebat ad istam intentionem, vt in eternū ma-
neret, nisi esset impeditum ex parte filiorum Dauid,
& hoc satis verisimile est. Nam dato, q̄ Christus ve-
nisset, si nunquam peccarent posterī Dauid, nunquam
auferretur eius regnum, sed ē postquā conuersi eēnt
ad Christum manerent ipsi in terra Chanaan, in qua
tunc erant, & haberent semper reges de progenie
Dauid, quia tñ peccauerunt, nullū mansit de eis. Ter-
tio potest dici, q̄ istud verum est, i. firmabo solū eius
vsque in eternum, & q̄ vsque hodie maneat regnū
Dauid, & etiam maneat in eternum. Patet hoc, quia
regnum Dauid mansit manifeste vsque ad captiuita-
tem Babylonis. ita q̄ nunquam transiuit regnum ad
aliam progeniem: post captiuitatem mansit ē regnū
in progenie Dauid, licet non tam clarē, eo, q̄ p̄genies
Dauid erat tunc admixta progeniei sacerdotali, & re-
gebantur Israelitę partim per sacerdotes, & viros de
stirpe Dauid vsque ad aduentum Christi. Et hoc ne-
cesse est dici, quia, Gen. 49. dicitur. Non auferet sce-
ptrū de Iuda, nec dux de femore eius, donec veniat,
qui mittendus est. Ergo vsque ad Christi aduentum
mansit sceptrum in domo Iuda: postea autem transi-
uit ad Christum regnum, quia ipse fuit rex, licet non
modo temporali, cum dixerit: Regnum meum non
est de hoc mundo. Iosue 18. & tamen sacra Scriptura
vocat eum regem. Nam dicit, quod accipiet regnum
patris sui Dauid, & regnabit sapienter: Iere. 23. Regnū
autem Christi durat in eternum, vt patet Dani. 2. in

visione illa, qua vidit Daniel lapidem confringentē
statuam, qui factus est in montem magnum, & dicit,
quod in diebus regnorum illorum suscitabit Deus
cēli regnum, quod in eternum non dissipabitur, &
populo alteri nō tradetur, & istud fuit regnū Christi,
& tamen fuit Christus de semine Dauid, ideo durauit
regnum Dauid vsque in eternum.

*An verum sit, quod Deus abstulerit misericordiam a Dauid.
Quæst. XXVII.*

Q V A E R I T V R vltcrius quomodo dicitur
hic, & misericordiam meam non auferam
ab eo, sicut abstuli ab eo, qui fuit ante te:
nam videtur, quod Deus abstulerit mise-
ricordiam suam a Salomone, quia non mansit regnū
eius semper integrum, sed immediatē post mortem
eius diuisum fuit regnum in diebus Roboam filij
eius tertio Regum decimosecundo. Aliquis dicit,
quod ista promissio facta est sub cōditione subintel-
lecta, sicut sunt alie promissiones, & comminationes
diuine. Iere. 18. scilicet si gens illa manserit in statu
illo in quo erat, quando facta est promissio, vel com-
minatio, & tamen Salomon, & reliqua posteritas Da-
uid non mansit in statu illo, in quo erat Dauid, quan-
do facta est promissio, quia peccauerunt, ideo Deus
mutauit promissionem. Dicendum tamē, quod pecca-
rent filij sui, non auferret ab eis misericordiam, sed
puniret eos leuiter, vt pater secundo Regum septimo,
vbi ponitur ista historia, scilicet. Ego ero ei in patrē, &
ipse erit mihi in filium, qui si inique aliquid gesserit,
arguam eum in virga virorum, & in plagis filiorum
hominum: misericordiam autem meam non auferā
ab eo. Aliter dicit aliquis, i. quod istud intelligebatur
de Salomone in persona sua, quia solū dī de eo, i. Ego
ero ei in patrem, & ipse erit mihi in filium. Etiam ē,
quod ipse ædificabit templum domino, quod non
potest intelligi de alio, nisi de solo Salomone. Et de
hoc verum est, quod Deus nō abstulit ab eo miseri-
cordiam suam, quia quandiu ipse vixit, mansit regnū
suum integrum, & florens, & diuisum fuit tempore
filij sui. Sed dicendū est, q̄ hoc non pōt intelligi de
solo Salomone, sed de tota posteritate sua, quia dicit:
Qui si iniquē gesserit, arguam eum in virga virorum:
misericordiam autem meam non auferā ab eo, sicut
abstulisset partem regni filio Salomonis, quamquam
non auferretur ipsi Salomoni, diceretur abstulisse ab
eo misericordiam, sicut abstulit a Saule. Nam non ab-
stulit Deus regnum Sauli viuenti, nec etiam filio suo
Isboeth, sed fecit ne continuaretur in progenie illa:
Ideo necesse est, quod intelligatur hoc de tota proge-
nie Salomonis, quod Deus non ablaturus esset ab ea
misericordiam suam. Aliter ergo dicendum est, q̄
Deus non ablaturus erat misericordiam in tota po-
steritate Salomonis, sicut abstulit a Saule, q̄ pro pec-
catis Saulis Deus totaliter abstulit regnum postero-
ti eius, & tamen pro peccatis Salomonis, quamquam
regnum eius nunquam abstulit regnum postero-
rum eius, sed diminuit illud aliquantulum diuidendo in duas par-
tes, & hoc significatur 2. Regum septimo cum dicit:
Misericordiam autem meam nō auferam ab eo, sicut
abstuli a Saul, scilicet auferendo totum regnū, sicut
enim in virga virorum, idest corripiam eum, sicut cor-
ripuit viri filios suos, scilicet puniendo, sed non oc-
cidendo, ita ergo auferam partem regni, sed non oc-
totum: de hoc tamē declaratum est magis 2. Regum
7. in quadam questione.

Cumque

Cumq; venisset rex Dauid, & stetit coram Domino dixit. Quis ego sum Domine Deus, & quæ domus mea, vt præstares mihi talia? Sed & hoc parum visum est in conspectu tuo, ideoque locutus es super domum serui tui etiam in futurum, & fecisti me spectabilem super omnes homines. Domine Deus meus quid vltra addere potest Dauid, cum ita glorificaueris seruum tuum, & cognoueris eum? Domine propter famulum tuum iuxta cor tuum fecisti omnem magnificentiam hæc, & nota esse voluisti vniuersa magnalia.

Cumque venisset. Hic ponitur secundū principale huius cap. f. Dauid responsio. Nam Deus locutus fuerat omnia ista ad Nathan, vt diceret illa Dauid, & tunc venit Dauid ad respondendum domino, & dicitur.

Cumque venisset rex Dauid & sedisset coram Domino. Scilicet audiuit Dauid tanta bona, quæ Deus dixerat de eo, & venit ad reddendum ei gratias, & stetit coram Domino, idest coram arca Domini, in qua specialiter representabatur presentia Dei: nam introiuit in domum illam, in qua erat arca ad loquendum ista coram illa.

Dixit quis ego sum Domine Deus. Quasi dicat, non sum ego tanti valoris, vt merear tanta bona, quanta tu mihi contulisti, & quanta mihi in futurum promittis.

Et quæ domus mea, vt præstares mihi talia. Idest domus mea, idest familia mea, & cognatio patris mei, nunquam meruit, q tu mihi præstares. Istud est principium gratiarum actionis, & laudis diuinæ. Nam suscipiens beneficium non potest melius reddere gratiarum actiones, quam exaltando ipsum, quod datur, non potest magis exaltari ipsum donatum, quam cum ille, qui accipit constitetur se nullo modo mereri talia, & tanta, sic fuit de Dauid, quia ipse voluit de se excludere meritum, & quia potest aliquis mereri bonum per se, vel per alium, s. per coniunctas personas, exclusit vtrūque meritum a se Dauid, dicens: Quis ego sum, idest ego non merui, & quæ domus mea, idest, nec illi coniuncti mihi etiam meruerunt hoc, quia non erant tanti valoris, vt possent mereri talia.

Sed & hoc parum visum est in conspectu tuo. Refertur ad bona quæ iam Deus præstiterat Dauid, scilicet, quod fecit eum regem, cum prius esset pastor, & prosperum fecit eum in omnibus, occiditque omnes inimicos suos coram eo, & fecit eum gloriosum super omnes homines, sed hoc paucum visum est, idest non fuit Deus contentus facere solum ista beneficia Dauid, sed etiam voluit ei maiora beneficia præstare, promittens in futurum.

Ideoque locutus es super domum serui tui etiam in futurum. Idest quia parua vita sunt tibi beneficia, quæ iam mihi contuleras, voluisti loqui de domo mea in futurum, s. promittendo, q faceres mihi domum.

Et fecisti me spectabilem super omnes homines. Idest fecisti me gloriosum super omnes homines, quia nullus rex erat tam famulos tēpore Dauid, sicut ipse in terra illa propter magnas victorias, quas Deus ei dederat de hostibus. Sic dicit supra in litera. Feci tibi nomē quasi vnius magnorum, qui celebrantur in terra.

Domine Deus meus, quid vltra potest addere Dauid. Idest quid potest Dauid plus petere cum tu dederis ei tanta, quanta ipse non auderet petere, nec etiam plurima bonis indiger, quam tu ei dederis. Et ista est maxima laus beneficii, qn dicit beneficiatus, q tanta sibi collata sunt, quanta ipse nesciret petere, nec auderet, &

A hoc proprie conuenit Deo beneficienti nobis, quia Deus potens est superabundantius nobis benefacere quam nos petamus, & intelligere possimus, vt ait Apostolus ad Ephe. 3.

Cum ita glorificaueris seruum tuum. Idest glorificasti eum dando tanta bona, q iam ipse nescit plura petere.

Et cognoueris eum. Idest fecisti eum similem tibi. Nā Deus dī cognoscere aliquem, quando eum habet nimis sibi familiarem, & benefacit ei specialiter, quia ad amicos pertinet cognoscere nimis alios amicos suos, & benefacere eis. Sic enim dixit Deus ad Moysen. Exo. 33. f. Inuenisti gratiā coram me, & te ipsum noui ex nomine, quasi dicat, alios cognosco sub quadam cognitione generali, sicut homo cognoscit omnes de populo sub quadam communi cognitione, s. quia populares sunt, sed nescit nomina eorum, cum autē aliquis cognoscit alium ex nomine, significat ibi aliqua familiaritas, quia alias non cognosceretur nomē, nisi forte ille, cuius nomen cognoscitur, vir famosus sit. Cognoscebat ergo Deus Dauid, s. quia specialiter se habebat ad eum, & non cognoscebat eum sub cognitione generali, sicut cognoscebat alios.

Domine propter famulum tuum. Idest omnia ista fecisti propter me famulum tuum ad benefaciendum mihi, licet causa motiua dicatur esse bonitas Dei, quia bonum suiipsum est diffusiuum, & naturaliter se diffundit ad benefaciendum, & quia Deus est summum bonum, a seipso mouetur maxime ad benefaciendum. Sic patet de creatione rerum, ad quam inductus est a bonitate sua, & non ab alia causa, vt ait Boet. de conso. lib. 3. Metro. 9. f.

*Quem non externæ pepulerunt fingere cause
Materiæ fluitantis opus, verum insita summi
Forma boni liuore carens.*

Idest forma bonitatis insita Deo carens inuidia impulit Deum ad fingendum materiæ fluitantis opus, idest ad reducendum materiam primam in diuersarū formarum corpora.

Iuxta cor tuum fecisti omnem magnificentiam hæc. Idest tu fecisti omnia ista beneficia mihi, quæ pertinent ad magnificentiam, & hoc iuxta cor tuum, idest solum fecisti, quia voluisti, & non propter meritum meum, vel alterius, & dicitur omnem magnificentiam hæc, quia iuxta Aristotel. quarto Ethicorū, liberalitas est, qua quis bene se habet circa expensas mediocres, & communes, dando cui debet, & quantum debet, & sic de aliis circumstantiis. Magnificentia autē est circa expensas maximas, & non consuetas. Ita nunc, quia Deus dederat Dauid beneficia excellentia non dicebatur facere secundum liberalitatem, sed secundum magnificentiam.

Et nota esse voluisti vniuersa magnalia. Idest non solum voluisti mihi benefacere, sed etiam voluisti ostendere magnitudinem tuam conferendo tanta beneficia.

E Quare Dauid sedit coram domino, postquam locutus est ei Nathan propheta. Quæst. XXIX.

QUÆRITUR circa hoc quomodo Dauid sedit corā Domino, postquam locutus est ei Nathā. supra dicta, & ad quid. Respondendum est, q Dauid audierat tanta beneficia, quæ Deus ei præstiterat, & q dicebat adhuc in futuro se præstiturum, & noluit esse ingratus eis, ideo voluit ire ad sedendum coram Domino, vt ibi redderet ei gratias pro tantis. Modus autem erat sedenti coram Domino, s. quia Dauid sedit coram arca: nam Deus vbique est. Ideo ubicūque homo sit, potest loqui cum Deo, & est coram illo, & tamen in aliquibus locis Deus specialius est, quam in aliis, & quādo homo ibi fuerit dī proprie esse corā

domino. Eratautem arca domini in domo David in quodam palatio semoto a reliqua domo, & nunquam illuc introibat David, nisi quando ibat adorandum, & dicebatur ibi sedere coram domino, quodcumque ibi esset, & nunc intrauit David in domum illam, & dixit omnia ista coram domino, ideo dicebatur sedisse coram eo, & loquebatur, sicut in oratione consuevit homo loqui ad Deum, quod nullus ei rideat, ad istum locum consueuerat introire David, quodcumque veniebant ei aliquae aduersitates, vel prosperitates, ut oraret dominum reddendo gratias, vel pro reuelatione bonorum, vel pro reuelatione malorum, & tamen non introibat illuc David, nisi prius mundificaretur, quia ille erat locus sacer, sic patet, quando mortuus est filius David, quem suscepit ex adulterio cum Bethsabee. Nam fiebat David, & ieiunabat quousque moreretur puer, quo mortuo surrexit de terra, & lauit se, & unxit, mutauitque vestem, & ingressus est in domum David, & adorauit. 2. Reg. 12. ita ergo nunc factum est, quia David audiuerat magna bona sibi futura, ideo intrauit in domum illam ad agendum gratias domino.

An peccauerit David circa ea, quae dixit ad Deum.
Quaest. XXX.

QVAERITUR vltius, an peccauit David, & an verum diceret, cum ait. Quis ego sum Domine, & quae domus mea, ut praestares mihi talia? quia ex hoc innuebat se non mereri ista, & tamen merebatur ea, quia Deus propter meritum eius in volendo edificare sibi templum, dedit ei ista bona, ut colligitur ex litera.

Respondendum est, quod David non peccauit dicendo ista, immo valde meruit humiliando se coram Domino, & recognoscendo beneficia eius, quia cum David tanta suscepisset a domino, & nunc ei maiora promitterentur, obligabatur ad gratiarum actiones, & istud erat in recognoscendo beneficium. Sed hoc fecit David maxime dicendo, Quis ego sum, & quae domus mea? Et cum dicitur, an mentitus est David, In hoc dicendum, quod non fuit mentitus est David. Primo quia quamquam David pro bona voluntate sua mereretur aliquid de his, quae data sunt, tamen non merebatur omnia, quia non erat equa ponderatio operis sui, & bonorum, quae ei conferebantur: nam sicut bona opera, quae facimus non sunt condigna bono, quod habebimus in vita aeterna ad Rom. octauo, scilicet. Existimo, quod non sint condignae passionis huius temporis ad futuram gloriam, quae reuelabitur in nobis. Ita et non sunt semper condignae operationes nostrae bonis, quae Deus dat nobis in presenti, sed quia ipse summus bonus est, dat nobis plusquam mereamur de bono iuxta illud: Luc. 6. Mensuram bonam confertam, & coagitatam, & superfluentem dabunt in sinum vestrum. Ideo bona quae Deus nobis facit superabundant ad meritum nostrum, & sic fuit de David, unde non mentitus est dicendo, quis ego sum, & quae domus patris mei? scilicet, quia non merebatur ipse, nec domus patris sui talia.

Secundo patet, quia dato, quod David meruisset omnia ista de condigno, ita quod esset equiparatio meriti, & retributionis, non mentiretur David, dicendo quis ego sum: & quia maxime meretur homo per humilitatem quam per alias virtutes, & hanc solam principaliter respicit Deus in homine, sicut dixit Domina nostra, & habetur Luc. 14. Quia respexit humilitatem ancillae suae. Ad humilem autem pertinet se deprimere infra id, quod est, & considerare defectus suos, & non merita. Ideo humiles non mentiuntur quamquam di-

cant minora de seipsis, quam sint, quia ex habitu inclinatur ad hoc: nam propter habitum, qui inclinatur eos ad considerandum solos defectus suos, & nunquam excellentiam suam, non cognoscunt totam perfectionem suam, & interdum credunt secundum conscientiam suam, quod ipsi sint minoris perfectionis, quam sunt, & ita poterat esse in David, quod humilitas inclinaret eum ad hoc, quamquam vere mereretur ista: non ergo mentiebatur dicendo ista.

An peccauerit David dicens Deum fecisse eum spectabilem.
Quaest. XXXI.

QVAERITUR vltius, an David peccaret dicendo, quod Deus fecerat eum spectabilem super omnes homines.

Aliquis dicet, quod sic, quia in hoc videbatur David nimis se iactare, quia faciebat se excellentiorem omnibus hominibus, nullus tamen debet de se talia asserere, dato quod vera sint. Aliquis respondet, quod non peccauit David, quia licet diceret de se istud quod pertinebat ad magnam laudem, non dicebat coram hominibus a quibus glorificari posset pro his, sed coram Deo, qui non debebat eum glorificare. Sed dicitur, quod hoc non stat, quia si aliquis dicat laudes de se, etiam si illas solum dicat coram Deo peccat, sic patet Luc. 18. ubi reprehenditur quidam Phariseus, qui orans coram Domino dicebat: Domine gratias tibi ago, quia non sum sicut ceteri homines, raptores, iniusti, adulteri, ieiuno bis in sabba, decimas decimarum, quae possideo. Et tamen Christus increpat illum ibidem. Dicendum est, quod David non peccauit dicendo, quod Deus fecerat eum spectabilem super omnes homines, sed potius merebatur, quia ipse volebat Deo reddere gratiarum actiones pro beneficiis susceptis, sed non poterat hoc conuenienter agere, nisi referret illa beneficia ad laudandum ea, & quia erat potissimum, & quasi includens cetera, quod Deus fecisset eum spectabilem super omnes homines, retulit istud. Et hoc conuenienter factum est, primo quia sciebat David hoc verum esse, eo quod Deus asseruerat istud, dicens: Feci tibi nomen iuxta nomen magnorum, qui celebrantur in terra. Secundo quia David non dicebat hoc ad extollendum se, sed solum ad laudem Dei: nam nullus erat coram eo, qui audiret istas laudes, & non confiteretur David de seipso coram alijs hominibus, quod erat ipse stabilior cunctis hominibus, & tamen coram Deo bene confitebatur. Ad rationem in contrarium de Phariseo dicendum, quod ille peccauit dicendo illas laudes de se coram Deo, & non peccauit David. Ratio diuersitatis est multiplex. Prima quia iste Phariseus mentitus est, dicens: Non sum sicut ceteri homines, id est non sum malus sicut alij homines, & tamen ipse malus erat, quia ex hoc, quod dicebat se non esse malum, sicut ceteri, erat superbus, & superbia quaedam iniquitas est, potissime quia Pharisei male erant solum obseruantes bonitatem in habitu, & in his, quae foris apparebant, sed non in corde, ut colligitur Matth. 23. & tamen David non exaltabat se super alios homines, dicens, quod esset melior eis. Secundo peccauit Phariseus, quia condemnauit alios homines, vocans eos adulteros iniustos, & raptores. Etiam condemnauit in particulari publicanum illum, qui orabat coram Domino, dicens: Non sum sicut hic publicanus, iudicare tamen alios peccatum est, ideo ille peccauit. David autem neminem condemnauit dicens eum esse malum, ideo non peccauit dicendo hoc coram Domino. Tertio peccauit Phariseus, quia dixit hoc ex quadam superbia, scilicet, de iustitia sua, & preiudicando alios, ut patet Luc.

Luce 18. cum dicitur: Dixit Iesus ad quosdam, qui in se confidebant tanquam iusti, & aspernabantur ceteros parabolam de Pharisæo, & publicano. David tamen non dixit hoc confidendo de iustitia sua, & aspernando aliquem, sed humiliando se coram Deo, qui tanta bona fecerat ei. Quartò peccauit Pharisæus, quia ista publicè dicebat in templo, & poterant audiri ab alijs, & sic dicebat in laudem suam potius, quam in laudem Dei. David tamen dixit ista secretè, cum ipse solus esset coram Domino. Quintò peccauit Pharisæus, quia manifestè apparet, quòd dixit ista animo laudandi se, eo quòd non dixit beneficia, quæ Deus ei contulerat, sed bona, quæ ipse faciebat propter Deum. Nimis tamen differt in hoc, quia quando quis enarrat ea, quæ fecit propter Deum, attribuit sibi laudes, & non Deo, cum verò narrat aliqua beneficia, quæ Deus ei contulit, attribuit laudem Deo, & non sibi. Pharisæus autem dixit ea, quæ faciebat propter Deum, scilicet ieiuno bis in sabbatho, & decimas de omnium, quæ possideo. David autem dixit beneficia, quæ Deus ei contulerat, scilicet quòd fecerat eum spectabilem super omnes homines, ideo peccauit Pharisæus, & non David.

Utrum homini oranti sit licitum aliquod bonum de se dicere.

Quest. XXXII.

QUÆRITUR vltèrius an liceat homini in oratione sua dicere de se aliqua bona, quæ facit, vel quæ Deus ei fecit. Respondendum est, quòd quamquæ queratur de oratione, in qua quis loquitur ad Deum, potest etiam dubitari, quando quis loquitur ad proximos, an liceat sibi talia dicere, ideo dicitur, quòd aut queritur, quando homo loquitur ad Deum in oratione, vel cõtemplatione, aut quando loquitur ad proximum enarrando. Si primo modo dicendum, quòd aut bona illa, quæ homo vult dicere sunt de illis, quæ homo facit propter Deum, aut de illis, quæ Deus facit propter hominẽ. Si primo modo aut illa bona, quæ Deus nobis fecit sunt talia, quæ reddunt nos laudabiles, aut non: verbi gratia si Deus aliquem liberauit à morte miraculosè, non est propter hoc laudabilis ipse, nec habet in se aliquam maiorem perfectionem, quàm si non eripuisset eum. Sic etiam si Deus dedit homini diuitias, vel fecit pro eo aliquod miraculum cuius vtilitas omnino transiit. Nam propter hoc non redditur homo aliquàlter laudabilis, sed solum Deus laudatur, sed est ille, cui conferuntur, sicut si Deus fecit aliquem subito esse sapientem, qui prius erat insipiens, vel si fecit aliquem robustum corpore, vel animosum, aut prudentem in agendis, vel dedit ei Nam tunc etiam iste, cui talia conferuntur laudabilis est, quia istæ qualitates hominem perfectum reddunt, si aut fiat talia, quæ non reddant nos laudabiles non est malum dicere illa in oratione, vt si aliquis dicat, quòd Deus liberauit eum à morte, vel à periculo, vel à peccato, immo talis oratio est valde vtilis. Sic. n. orauit Iacob, Gene. 32. quando timebat fratrem suum Esau, dicens: Deus patris mei Abraham, & Deus patris mei Isaac, Domine qui dixisti mihi. Reuere in terram tuam, & in locum natiuitatis tuæ, & benefaciam tibi. minor sum cunctis miserationibus tuis, & veritatem tuam, quam explesti seruo tuo, in baculo meo transiit Iordanem istum, & nunc cum duabus turmis regressus est retulit ibi, quòd Deus fecerat eum diuitem, scilicet habentem duas turmas, cum prius non haberet, nisi vnum baculum. Et de talibus beneficijs Dei consulendū est cuiusque homini vt in oratione sua illa referat, quia per hæc se humiliat, & solum Deum

Alph. Tost. in Lib. I. Paralip.

A exaltat, & non videtur alius modus convenientior orandi, eo quòd homo cum talia dixerit, non potest de illis extolli, cum per ea non sit ipse laudabilis, sed solus Deus. Si autem sint talia beneficia Dei, de quibus homo possit aliquàlter esse laudabilis.

Dicendum est, quod possunt dici in oratione, dum tamen homo dicendo caueat, ne aduertat ad seipsum, & extollatur, sed consideret solam bonitatem Dei, qui talia voluit conferre. Et sic orauit hic David dicens, quod fecit eum spectabilem super omnes homines. Ex hoc enim laudari poterat David, si quæ gloriofior erat super omnes, si tamen ipse diceret hoc solum ad regnandum Deo, qui talia ei contulisset, & non ad cõsiderandum excellẽtiam sui ipsius, vt ipso gaudeat, & fruatur seipso. Sic etiam orauit Salomon. 3. Reg. 8. & seq. lib. ca. 6. Iste bonus modus orandi est, sed non est tam securus, sicut præcedens, eo quod in primo non potest aliquis extolli orando. In secundo autem potest extolli, & tamen propter hoc non est auferendus talis modus orandi, quin potius quod afficitur ad eum debet illum frequentare, quia facile est cauere inanem gloriã surgentem in oratione ex talibus, & debet quilibet frequentare talem modum orandi, in quo sentit se magis succendi in deuotionem, quia oratio ad nihil aliud est, nisi vt cor nostrum eleuetur in Deum. Si autem queratur de bonis illis, quæ homo facit propter Deum, videtur dicendum generaliter, quod homo non debeat dicere talia in oratione, quia per talia quantum ex se ipsis Deus non laudatur, sed homo, & non est ista intentio orationis, potissime quia promptum est per talia, quod homo surgat in inanẽ gloriã. Item quia talis fuit oratio Pharisæi, qui reprobatus est a Christo: nam ipse solum enarrauit bona quæ faciebat propter Deum, & non quæ recipiebat a Deo, dicens. Ieiuno bis in sabbatho, decimas de omnium, quæ possideo. Etiam non sum, sicut ceteri homines raptores, adulteri iniusti. Luc. 18. Item quia dicere talia non est placitum Deo, cum sit contra conditionem magnifici talia audire. Magnificus enim non libenter audit ea, quæ alii fecerunt pro ipso, sed ea, quæ ipse fecit pro alijs, & ideo quando quis vult impetrare aliquid a magnifico, non poterit suadere, si dicat, quòd pro eo magnis laboribus se exposuit, sed melius suadebit si referat alia beneficia, quæ ab eo recepit, & super illa petat adhuc alia recipere. Sic enim fecit Dea Thetis quando orauit Iouem: nam non retulit ei id, quod pro eo fecerat, sed alia beneficia, quæ ab eo susceperat. Sic etiam Lacones orantes suscipere auxilium Atheniensibus faciebant. Sic ait Aristotel. Ethicorum quarto capitul. de magnanimitate, scilicet. Videntur autem magnanimi in memoria habere eos, quibus vtrique benefecerunt, eos autem a quibus vtrique, vel passi fuerint, bene autem patiantur. Non minor enim qui patitur bene eo qui facit, vult autem superexcellere, & hoc quidem delectabiliter audit, hoc autem indelectabiliter, propter quod, & Thetis non dicere beneficia Ioui, nec Lacones ad Athenienses, sed quæ sunt bene passi, Deus autem valde magnificus est, ideo libentius audiet ea, quæ ipse pro nobis facit, quam quæ nos pro ipso fecimus. Item patet hoc, quia sic est modus cõmunis orandi in scriptura. Nam Iacob aliqua bona fecerat propter Deum, & tamen quando orauit, vt liberaret eum de manu Esau non retulit aliquod bonum, quod ipse fecisset propter Deum, sed bona, quæ Deus fecit pro ipso, in baculo meo transiit Iordanem, & nunc cum duabus turmis regredior. Gen. trigesimo secundo. Sic etiam quando Moyses orauit Deum, ne deleteret Israelitas propter vitulum aureum, non dixit quid ipse fecisset propter Deum, & alii Israelitæ, sed solum retulit, quòd Deus fecisset multa bona

pro ipso populo, ideo quod nunc non deberet delere eum, quia alias qui istud audirent, dicerent quod Deus non poterat introducere Israelitas in terram pro qua iurauerat eum, ideo occidit eos in deserto: Exo. 32. Sic etiam iterum, quando orauit ne deleret Israelitas pro murmuratione in Cadesbarne, sic orauit Num. 14. Et non est iste modus orandi conueniens, nisi quis referret bona, quae facit propter Deum ad intentionem laudandi ipsum, quia dedit ei virtutem faciendi talia pro nomine eius, alias autem inconueniens modus est. Si autem querat, an quis possit dicere talia bona de seipso aliis. Distinguendum est, sicut supra distinguebatur, scilicet, aut sunt bona, quae Deus facit propter nos, aut quae nos facimus propter Deum. Si primo modo, aut sunt talia, ex quibus reddimur laudabiles, aut non, si non reddimur laudabiles propter illa, licet referre illa cuicumque, immo bonum est, quia per hoc notas facimus laudes Dei coram omnibus hominibus, & non laudamus nosmetipsos, & istud est, ad quod hortatur nos tota sacra Scriptura, ut patet preeced. cap. s. narrate omnia mirabilia eius, laudate nomen sanctum eius. Et tamen illa mirabilia erant, quae Deus fecerat in deserto pro Israelitis, s. liberando eos de manu Pharaonis, & in mari rubro, & dando manna, & faciendo similia, ex quibus non reddebantur laudabiles Israelitae, sed solus Deus. Si autem essent talia, quae facerent laudabiliorē ipsum, cui collata sunt, licet sit laus Dei illa denunciari, tamen poterit sequi inanis gloria, quia confitetur se habere aliquam perfectionem, & maius periculum est in locutione communi ista dicere, quam in oratione: nam in oratione loquitur homo soli Deo, coram quo non potest se glorificare, sicut coram hominibus, ideo licet sit laus Dei talia referre, tamen non debet talia dicere, nisi qui de seipso est securus, quod non superbiat talia dicendo. Etiam non debent ista dici quibuscumque hominibus, sed illis solis, qui potius ea credent dici ad laudem Dei quam ad honorem dicentis, & hoc verum est, nisi aliquis referat bona, quae fecit quasi coniuratus ab alio, ut dicat, vel quia forte non potest aliter se defendere ab aliquo periculo, nisi alleget bona, quae fecit. Sic enim fuit de Abdia dispensatore regis Achab, cui dixerat Elias, quod iret ad dicendum regi, adest Elias, & ipse erat in perplexitate, quia si iret ad dicendum regi hoc, & postea non inueniretur Elias timebat, quod occideretur, si autem non iret ad dicendum ei obediendo verbis Eliae timebat, quod inducerent super eum maledictionem, ideo orauit Eliam, ne mitteret eum illuc, & ad persuadendum sibi narrauit bona, quae fecerat prophetis, s. quod eripuit eos a morte, quoniam querebat eos Iezabel ad occidendum, & pauit eos pane, & aqua in duabus speluncis 3. Reg. 18. & ibi late declaratum est in quadam questione, quando licet alicui referre aliis bona opera sua.

Domine non est similis tui, & non est alius Deus absque te ex omnibus, quos audiui mus auribus nostris. Quis enim est alius, ut populus tuus Israel gens vna in terra ad quam perrexit Deus, ut liberaret, & faceret populum sibi, & magnitudine sua atque terroribus eijceret nationes a facie eius, quem de Aegypto liberarat. Et posuisti populum tuum Israel tibi in populum usque in aeternum, & tu Domine factus es Deus eius. Nunc igitur Domine sermo, quem locutus es famulo tuo,

& super domum eius confirmetur in perpetuum, & fac, sicut locutus es, permaneatque & magnificetur nomen tuum usque in sempiternum, & dicatur dominus exercituum Deus Israel, & domus David serui eius permanens coram eo. Tu enim Domine Deus meus reuelasti auriculam serui tui, ut edificares ei domum, & ideo inuenit seruus tuus fiduciam, ut oret coram te. Nunc ergo Domine tu es Deus, & locutus es ad seruum tuum tanta beneficia, & cepisti benedicere domui serui tui, ut sit semper coram te: te enim Domine benedicente, benedicta erit in perpetuum.

Domine non est similis tui. Postquam David recognouit beneficia magna, quae Deus ei contulerat, enarrauit varias laudes eius, s. quod non sit aliquis similis ei in bonitate, nec equalis in potestate, aut in alia virtute.

Et non est alius Deus absque te ex omnibus, quos audiui mus auribus nostris. In hoc dat ei maximam laudem, quia non potest maior laus dici de Deo, quam quod Deus sit, quia istud nomen Deus importat maximam perfectionem, cum Deus sit id, quo nihil melius excogitari potest. Et dicit non est alius Deus absque te, quia nullus est, qui faciat tales virtutes, quales tu facis, & tamen cognoscitur aliquis esse Deus per magnas virtutes, s. per magnam potentiam, utpote, quia potuit creare celum, & terram. Ista differentia ponitur inter Deum verum, & alios: Psalmo 95. scilicet. Omnes dii gentium demonia, Dominus autem celos, & terram fecit, sicut etiam dicit Ieremias: Dii, qui celos, & terram non fecerunt, pereant, de terra, & de his, quae sub celis sunt, qui facit terram in fortitudine sua, preparat orbem in sapientia sua, & prudentia sua extendit celos. Cognoscitur etiam Deus per sapientiam, quia ad eum pertinet cognoscere futura: sic enim dicitur: Annunciate quae ventura sunt in futurum, & sciemus quia dii estis vos: Isaie 41. Et dicitur ex omnibus, quos audiui mus auribus nostris, quia de omnibus, quorum fama peruenerat ad David, non erat aliquis, qui faceret talia miracula, sicut Deus Israel, nec putabat, quod aliquis esset talis in tota terra, eo quod credebatur vnicui esse Deum.

Quis enim est alius, ut populus tuus Israel. Postquam laudauit Deum in seipso, laudat Israelitas, quod talem haberent Deum, & dicit: Quis est alius, ut populus tuus Israel? quasi dicat, nullus alius talis populus est in tota terra tanti honoris, sicut populus Israel, eo quod nullus populus habet talem Deum, sicut Israel. *Gens vna in terra, ad quam perrexit Deus, ut liberaret.* Quasi dicat nimis honorandi sunt Israelitae super alios homines, eo quod ipse iussit Deus in Aegyptum ad liberandum eos de manu Pharaonis, & non fecit hoc pro aliqua alia gente. Ex quo apparet, quod magis dilexit Israelitas quam alios populos.

Et faceret populum sibi. Id est iussit Deus in Aegyptum ad liberandum inde Israelitas, ut faceret eos populum suum postquam liberaret, & hoc factum est in monte Sinai, quando Deus dedit legem Israelitis, & per hoc fecit eos sibi populum peculiarem de cunctis populis terrae: Exo. 19. Et non fecit Deus, quod alia gens de toto orbe esset sibi populus specialis, ut patet ibidem.

In magnitudine sua. Id est per magnitudinem potētiae A liberavit Israelitas de Aegypto.

Atque terroribus eijceret nationes a facie eius. Intelligit de Chananais, quia Deus expulit septē populos Chananaeorum de terra introeuntibus Israelitis: Deute. 7. & Josue 3. & hoc fuit per magnos terrores, quia Deus misit terrorem super Chananæos, vt fugerent a facie Israelitarum: Exodi. 23. s. Terrorem meum mittam in præcursum tuum, & occidam omnem populum, ad quem ingredieris, cunctorumque inimicorum tuorum coram te terga vertam, emittens prius crabrones, qui fugabunt Heuëum, & Chananaum, anteq̃ tu introeas.

Quem de Aegypto liberarat. Id est postquam liberavit Israelitas de Aegypto, expulit nationes Chananaeorū de terra coram eis. *Et posuisti populum tuum Israel tibi in* B *populum vsque in æternum.* Id est fecisti, q̃ populus Israel esset populus tuus specialiter vsque in æternū, & hoc erat si custodiret legem sibi datā a Deo vsque in æternū, & haberet illa lex semper vigorem.

Et tu Domine factus es Deus eius. Scilicet accipiendo eos specialiter in curam tuam ad hoc, q̃ conferas illis specialiora beneficia quam aliis populis.

Nunc ergo Domine sermo quem locutus es famulo tuo. Orat hic David Deum, vt compleat promissiones suas: nā supra laudauerat eum, hic autem orat, & ponūtur illa verba laudis tanquā persuasoria, vt condescēdat Deus precibus eius, & orat cōfirmari sermonem, quem dominus locutus est, id est illa, quæ promissit ei de perpetuando regno, & aliis beneficiis, quæ habentur supra.

Et super domum eius. Potest hic teneri, &, expositiue pro, id est, & non copulatiue, & tunc est sensus, q̃ sermo quem locutus est Deus famulo suo David, & super domum suam, id est de domo sua, s. q̃ maneret regnum semper in domo eius confirmetur. Potest etiā accipi copulatiue, & tunc sunt duæ sententiæ. Prima est, q̃ sermo, quem locutus est Deus ipsi David confirmet, s. id quod locutus est de persona sua, & de populo. Alia sententia est, q̃ sermo quē locutus est Deus super domum David, id est super progenie eius confirmetur. Istud autem est, quia Deus promissit David duo. Primum est, q̃ pertinebat ad personam suam, & ad populum, scilicet, quod populus in diebus eius prosperaretur. Aliud erat quantum ad perpetuationem regni in progenie sua, & vtrumque petit David perpetuari.

Confirmetur in perpetuum. Scilicet sermo tuus: nam de vtroque dixerat Deus, quod maneret in perpetuū, scilicet, quod populus non affligeretur in perpetuum ab hostibus, & etiam, q̃ regnum maneret semper in domo David.

Permaneaturque, & magnificetur nomen tuum vsque in sempiternum. Id est fac, quod nomen tuum permaneat in perpetuum, s. faciēdo aliqua opera magnifica, propter quæ nomen tuum maneat in æternum, & istud erat si Deus faceret, q̃ populus suus nunquam iam ab hostibus inquietaretur, & etiam, q̃ maneret regnū in progenie David, quia quādiu ista beneficia manerēt, semper esset memoria nominis Dei.

Et dicatur dominus exercituum Deus Israel. Id est nōne Deus Israel, s. q̃ sepe fieret mentio de laudibus Dei, & nominaretur nomen eius, vel aliter, & dicatur dominus exercituum, quasi dicat. Cum continuaueris beneficia supradicta, videbitur potentia tua magna, & dicetur, q̃ Deus Israel est dominus exercituum, id est est potens super exercitus, & istud diceretur ad significandum excellētiā Dei super omnes Deos gē

Et domus David serui eius permanens coram eo. Id est, & erit domus David permanens coram dño, s. quia non recedet regnum de domo David, sicut Deus promissit, & sic dicetur manere in conspectu eius, quia vbiq̃ res maneat, coram Deo est, cum Deus vbiq̃ sit. *Tu enim Domine Deus meus reuelasti auriculam serui tui, vt edificares ei domum.* Id est tu dixisti mihi, q̃ edificares mihi domum faciendo, q̃ filii mei regnarent semper, q̃ ego non rogaueram hoc, ideo nunc rogo, q̃ facias, sicut prius promissisti. Et dñs reuelasti auriculam serui tui, id est aperuisti illam, quasi dicat. Non locutus fui ego prius ad te, vt edificares mihi domum, sed tu locutus es ad me, & in hoc aperuisti meam aurem: Nā ille, qui prius loquitur ad alium, dicitur aperire aurē eius, eo quod ante istud erat auris quasi clausa, cum nihil audiret.

Et ideo inuenit seruus tuus fiduciam, vt oret coram te. Quasi dicat ego non auderem rogare te tam excellenti, s. q̃ regnum maneret in æternum in progenie mea, quia tñ me non orante tu dixisti mihi, q̃ faceres mihi domum in æternum, rogo q̃ verbum tuum maneat, & ob hoc habeo audaciam ad rogandum istud, sed 2. Reg. 7. dicitur: Propterea inuenit seruus tuus cor suū, vt oraret corā te, id est, quia tu promissisti mihi prius, q̃ edificares mihi domum: seruus tuus, s. ego, inuenit cor suum, id est inuenit audaciam in corde suo ad petendum hoc, & aliās non inuenisset eam. *Nunc ergo Domine tu es Deus.* Id est quia tu es Deus obseruabis omnia illa, quæ promissisti. Nam Deus fidelis est, & seipsum negare non potest, & sic certissime faciet id, quod promissit, sic patet 2. ad Tim. 2. s. Ille fidelis permanet, & negare seipsum non potest.

Et locutus es ad seruum tuum tanta beneficia. Scilicet promissisti ei multa beneficia de perpetuatione regni in progenie sua, & de quiete populi nunquam vexandi ab hostibus. *Et cepisti benedicere domui serui tui, vt sit semper coram te.* Id est iā incepisti benedicere domui meæ faciendo, q̃ ego haberem regnum, & istud est principium quoddam ad hoc, q̃ domus mea habeat regnū in æternum, ideo rogo te, q̃ continues benedictionē istam. *Te enim Domine benedicente benedicta erit in perpetuum.* Id est si tu iudicas, q̃ ipsa permaneat, q̃ est benedicere ei, necesse est, q̃ permaneat in perpetuum, & hoc est, q̃ sit benedicta in perpetuum.

De quibusdam verbis dictis a David, s. quis ego sum domine, &c. Quest. XXXIII.

QUARE supra dixit David, quis ego sum Domine Deus, & quæ domus mea, vt prestares mihi talia, quia in hoc innuit, q̃ ipse non merebatur beneficia illa, quæ Deus ei promittebat, nec ēt domus sua. Et p̃ hoc quasi admiratur quō Deus talia beneficia promiserit, sed istud vñ esse superfluum, Nam posset David dicere istud conuenienter, si Deus semper daret bona hominibus pro meritis ipsorum, & tñ certum est, q̃ benefacit eis ēt si non mereantur. Nam ipse pluit super iustos, & iniustos, & facit solem suū oriri super bonos, & malos: Matth. 5. Rñdendum est, q̃ David rationabiliter dixit istud. Pro quo sciendum, q̃ quædam beneficia Dei sunt, quæ conferuntur hoībus, & non possunt conferri bonis, quin ēt cōferantur malis propter eorum permixtionem, & talia beneficia, licet s̃m veritatem vtriusq̃ proficiāt, tñ non videntur esse collata malis p̃ se, sed bonis solū, & p̃ accidens malis, inquantū non possunt p̃ficere bonis qñ etiam proficiant malis, & in talibus non solent hoīes referre sp̃ales gratiarū actiones. Sic est de serenitate aeris, & de fertilitate rporum, alia aut sunt beneficia, quæ possunt conferri bonis non conferendo malis,

licet sint permixti, & ista sunt duplicia. Quædam sunt generalia, quæ omnibus conferuntur, sicut esse, & vivere, & conseruare ab aduersitate, ista differunt a primis, quia alia conferuntur omnibus tã malis quã bonis simul, sicut pluuia descendens oĩbus proficit, & sol oriens, nec oportet aliã pluuiam bonis, & aliam malis proficere, vel vnum solem orientem bonos illuminare, alium vero malos, sed idẽ sol est, qui illuminat omnes eodem actu. In istis autem beneficiis cuilibet conferitur per se. Nam Deus cuilibet confert esse, & vivere, & cõseruari a nociuis, & esse vnius nõ est esse alterius, nec viuere, nec conseruari, ideo distincte conferuntur, & possunt conferri quibusdam non conferendo aliis. Quia tamen ista omnibus conferuntur, vocantur beneficia generalia, & pro his etiam non consueuerunt homines spãliter regratiari. Alia sunt beneficia specialia, quæ impermixte dantur hominibus, & ista sunt circa bona particularia, per quæ quidam homines excedunt alios, sicut in potentia, in diuitiis, in fama, in robore, in honore, in sapientia, & virtute. Et ista possunt conferri quibusdam non conferendo aliis, & sic Deus facit, quia nõ omnibus illa cõfert. Et pro istis homines consueuerunt Deo regratiari specialiter. De primis beneficiis, quæ dantur permixte bonis, & malis, dicendũ quod non dantur pro meritis specialiter, sed interdũ Deus, sine merito alicuius cõfert ista omnibus, & interdum propter meritum vnius multis confert, & de hoc intelligitur, quod habetur Matth. 5. Qui pluit super bonos, & malos, & facit solem suum oriri super iustos, & peccatores, & de talibus beneficiis non intelligitur hic. Secunda beneficia etiam sunt, sine merito: nam Deus dat nobis esse cum nondum fuerimus, & tamen non potest aliquis mereri, nisi sit, ideo necesse est multa de his beneficiis, sine merito conferri. Tertia beneficia habent se indifferenter, quia interdũ cõferuntur ex merito, & interdum sine merito. Et tamẽ ista magis consueuerunt conferri ex meritis quã alia precedentia. Et ob hoc quando homo nõ meruit ea, quæ sibi cõferantur, debet regratiari nimis, & ei nihil merito conferantur bona. De David autem dicendũ, quod ipse nunc dixit: Quis ego sum, & quæ domus patris mei, vt prestares mihi talia? Et innuit in hoc duo. Primum est, quod ista beneficia interdum conferuntur ex meritis, & quod homines tenentur pro illis ad regratiandum Deo. Secundum est, quod ipse non meruerat ea.

De primo dicendum, quod ista beneficia collata David poterant cadere sub merito, & idẽ ipse recte innuebat se non mereri talia, quamquam sub merito cadere possent.

De secundo dicendũ, quod David meruerat aliquid, quia propter illam bonam voluntatem, quam habuerat de edificando templum Domini, & quia erat vir deicola meruerat ista, vt innuitur supra in litera ex verbis Dei ad Nathan, & tamẽ David dixit hæc propter duo. Primum est, quia licet ipse aliquid meruisset forte non plene meruit tantum quantum sibi Deus dedit, & promissit, quia Deus semper abundantius benefacit, quam nos mereamur, & propter hoc adhuc dicere poterat David, quod nec ipse, nec domus sua meruerant talia beneficia sibi prestari, sicut quia non sufficienter hoc meruerant, & pro illo, quod non meruerat reddendũ erant gratiarũ actiones. Secundum erat, quia David erat humilis, & ad humilẽ pertinet se deprimere, ideo quamquam David meruisset omnia ista sufficienter, & de condigno, tamen deberet dicere, quod ipse, nec domus sua nihil horum meruerant, sed quia potius Deus faciebat hoc ex superabundanti bonitate sua.

In quo Israelita magis laudantur.

Quest. XXXIII.

QUÆRITUR vltius cũ David laudat hic Israelitas, qui habebant talem Deum, an in hoc sint laudabiles, vel in quo magis laudentur.

Respondendum est, quod Israelitæ erant laudabiles super alios populos, & Deo magis familiares in multis. Primum erat, quia Deus dedit legem Israelitis ad colendum eum, & etiam per quam ipsi viuerent inter se in negocijs foralibus, quam non dederat alijs populis, sicut dicitur Psalm. 147. scilicet: Qui annunciat verbum suum Iacob, iustitias, & iudicia sua Israel, non fecit taliter omni nationi, & iudicia sua non manifestauit eis. Laus tamen erat habere legem a Dño datam, & propter hoc dicit David non fuisse factum hoc alicui nationi. Secundum erat, quia dato, quod alię gentes haberent legem, quam ipsi sibi fecerant, vel quam a demonibus acceperant, tamen nulla gens habebat talem legem sicut Israelitæ, scilicet tam rationabilem, & honestam, tam in ceremonijs cultus diuini, quã in legibus foralibus pertinentibus ad ipsos populares, sic patet Deut. quarto, scilicet: Quæ est alia gens sic inclyta, scilicet, quæ habeat ceremonias iustaque iudicia, & vniuersam legem, quam ego proponam hodie ante oculos vestros. Quasi dicat nulla alia gens talem legem habet. Terrium erat, quia Deus eripuerat Israelitas de seruitute Aegypti adducendo eos inde cum magna potestate, inferendo plagas Aegyptijs, & postea miraculose in deserto pascendo, & dirigendo eos in columna nubis per diem, & in columna ignis per noctem, vt patet per processum Exodi, & libri Numerorum, & de hoc dicitur supra in litera, & secundo Regum septimo: Quis est alius, vt populus tuus Israel gens vna in terra, ad quam perrexit Deus, vt liberaret eam, & faceret sibi populum in magnitudine sua, atque terroribus eiiceret nationes a facie eius. Quartum est, quia Deus erat nimis familiaris populo Israel. Nam in omnibus, in quibus volebat populus consulere Deum, & scire veritatem de aliquo occulto, habebat eum sibi promptum. Nam quandoque volebat consulere per sacerdotem ingnum, Deus respondebat. Et quando volebant inquirere per prophetas, etiam Deus respondebat, vt declaratum est satis supra decimoquinto, & precedenti capitulo in quibusdam quæstionibus, quia alij laudatur populus Israel super alias gentes, quia alij non poterant inquirere veritatem occultorum, nisi per demones, & auguria, & isto modo imperfecte cognoscebant: nam interdum falsa reuelabantur eis pro veris, & interdum etiam demones nihil respondere volebant verum nec falsum, Israelitæ autem semper habebant Deum promptum ad respondendum sibi vera. De his Numeri vigesimotertio, scilicet: Non est augurium in Iacob, nec diuinitio in Israel, temporibus suis dicitur Iacob, & Israel, quid operatus sit Dominus. idest dicitur ei temporibus suis in reponibus opportunis, quoniam petiuerint quid Deus operatus sit. Quintũ erat, quia Deus erat presto ad exaudiendum orationes Israelitarum in omnibus, quæ deprecabantur eum, & non erat sic de dijs aliarum gentium, quia non exaudiebant cultores suos cito ad faciendum miracula falsa. Sic patet quando Elias disputauit cum populis Baal in monte Carmello, & conuentum est inter eos, quod ille Deus, qui exaudiret cultores suos dando ignem de celo, haberetur in Deum verum. Clamauerunt autem cultores Baal usque ad meridiem, & perfundebant se sanguine per-

percutiendo corpora sua lanceolis, ut exaudirentur, & tamen non exauditi sunt. Deinde ad primam vocem Elię venit ignis de celo 3. Reg. 18. de hoc Deut. quarto, scilicet: En populus sapiens, & intelligens, gens magna, nec est alia natio tam grandis, quę habeat Deos appropinquantes sibi, sicut Deus noster ad est cunctis obsecrationibus nostris. Multa alia sunt, de quibus Israelitę poterant laudari super omnes alias gentes, & tamē ista quinque sunt, de quibus eos precipue scriptura laudat. De his autem omnibus quid sit, in quo potius laudandi sint, Dicendum videtur, quod non laudantur, maxime quia habuerunt legem à Deo, quia in hoc magis videtur esse laus Dei, cuius legi Israelitę se subiecerunt, quam laus, vel utilitas Israelitarum. Quod patet, quia Deus hortabatur ipsos quasi orando, ut susciperem legem eius: Exod. 19. & ipsi ut seruirent ei receperunt eam. Si tamen precipuum beneficium Dei ad Israelitas consisteret in hoc, nō hortaretur Deus illos, nec promitteret beneficia si legē susciperent, sed potius ipsi orarent Deum, ut daret eis legem. etiam non erat maxima laus ipsorum, quod haberent legem optimam, quia lex nō est maxima perfectio, cum homo non sit propter legem, sed lex propter hominem, & bonam habitudinem eius. sed dicendū, quod maxima laus Israelitarum erat, quod Deus eduxisset eos de Aegypto, & de seruitute tam miraculose, & hoc, quia per istam liberationem Israelitę acquisierunt maximum bonum, scilicet esse liberos, cum ante hoc premerentur grauissima seruitute. Item quia per hoc ceperunt esse vnus populus: nam ante hoc non erant vnus populus, cum non haberent vnitatem principis, nec legis, sed solum erat quedam multitudo seruorum. Etiam quia ex hoc significata fuit maxima dilectio Dei ad Israelitas potius, quam ad aliquam aliam de gentibus, cum nullam gentem sic liberauerit, & ista est causa, quare potius sit mentio de isto beneficio in veteri testamento sepius, quam de alijs, scilicet quia maximum est.

Quomodo Israelitę sint populus Dei. Quęst. XXXV.

QVAERITUR vltterius quomodo Deus fecit sibi Israelitas esse populum. Respondendum est, quod Israelitę possunt dupliciter dici populus Dei, vno modo, quia erant aliquid Dei, & erant populus, ideo erant populus Dei. Omnia enim Dei sunt, quia ipse omnia fecit, & conseruat, & quia Israelitę erant quidā populus, necesse erat, quod esset populus Dei. Istō modo tamen potius dicuntur Israelitę esse aliqui, res, vel possessio Dei, quā populus eius, quia hoc modo non magis ad Deum pertinent homines, quā bruta. Secundo modo possunt vocari Israelitę populus Dei specialiter, & dicitur esse populus alicuius, qui est subiectus ei in eo, quod populus. Ad hoc autē, quod aliquis sit populus, necesse est, quod communicet in duobus, scilicet in vnitatem legis, & loci, quia ista duo requiruntur ad hoc, quod aliqui dicantur esse ciues, ut patet 3. Polit. Ad hoc ergo quod aliquis sit populus, requiritur, quod habeat legem, & ad hoc, quod sit vnus populus, requiritur, quod habeat vnitatem legis, & ad hoc, quod sit populus alicuius, requiritur, quod dicantur esse populus eius. Et tunc oportet, quod fm vnitatem legis dicant aliqui varie esse populi Dei. Est autē lex Dei duplex, quedam est naturalis, quam ipse nobis nescientibus inserit, de qua ad Rom. 2. Gentes, quę legem non habent, naturaliter ea, quę legis sunt habent. Alia lex est positiua, quam Deus dat hominibus verbo, vel scripto, quando vult. Primo modo omnes populi sunt vnus populus Dei, quia oibus dedit

Alph. Tost. in Lib. I. Paralip.

A vnā, & eandem legem naturalem in cordibus suis. Secundo modo non est aliquis populus Dei, nisi populus Israel, loquēdo de ipse illo, quo nōdū venerat Christus, eo quod solis Israelitis Deus dedit legem verbo, sic dicit Psal. 147. Non fecit taliter omni nationi, & iudicia sua non manifestauit eis. Iste secundus modus legis est specialis, ideo per eū efficitur aliquis populus specialiter populus Dei, per primum modum efficitur aliquis generaliter populus Dei. Solus ergo populus Iudaicus fuit specialiter populus Dei, quia solus ille suscepit legē à dño in voce, & quia ibi promissit obseruare legē Dei, & colere eum spālter vocat populus eius.

An obligabantur Israelitę esse populus Dei. Quęst. XXXVI.

QVAERITUR vltterius, an Israelitę obligabātur esse populus Dei. Respondendum, sicut dictū est precedenti quęstione, quod populus Dei dicitur esse aliquis dupliciter, primo modo generaliter per legē naturalem. secundo modo specialiter per legem positiuam. Accipiendo primo modo omnes populi sunt populus Dei, & sic necessario populus Israel erat populus Dei, & non obligabat ad hoc, quod esset populus Dei, sed necessario erat populus Dei, sicut hō non obligat ad esse hominē, sed necessario est homo, & istud est, quia naturaliter hōi inest lex, per quā dicatur esse de populo Dei. Accipiendo autem secundo modo est sensus, an obligaretur homo quilibet de Israelitis ad hoc, quod susciperet legē illam, quam Deus dedit. Et tunc dicendum est, quod aut intelligitur, quod obligarentur homines ad illā legem Deo dante illam, aut quod obligarentur ad eam, etiam si Deus non daret illam, sed tenerentur homines operari per illam sicut per legem naturā, etiam si Deus illam expresse in verbis, vel scriptis non daret. Accipiendo secundo modo dicendum, quod Israelitę non obligabantur ad istā legē, quia erat obligare eos ad impossibile: nam ipsi non poterant excogitare oīa, quę tradita sunt eis a Deo in lege, nisi aliquis eis diceret. Etiam dato, quod illa possent excogitare a casu, tamen non poterant certificari, an placeret Deo, quod obseruarent omnia ista, vel non. Si autem accipiat primo modo, dicendū quod aut Deus daret istā legem Israelitis, aut alijs gentibus. Si secundo modo, dicendum quod non obligarentur Israelitę accipere eam, nec effici populus Dei hoc modo, eo quod lex ista erat positiua, & non obligabat naturaliter ex seipsa, sed solum ex mandato, ideo solum obligaret illos quibus imponebat, dato namque, quod Israelitę sciret eū, quod daret istam legē esse Deum verum, nescirent tñ, an ipse veller, quod illi obseruarent istam legē si non daret eam illis, sed alijs gentibus, ideo non obligarent tenere eā. Si autē Deus iuberet Israelitis suscipere istam legem, dicendum est, quod aut ipsi crederent datorem huius legis esse verum Deū, aut non. Si autem non crederent, vel saltem dubitarent, non tenebantur accipere legē eius. Si autē constaret eis, quod erat verus Deus, tenebantur accipere illā. quia ad oē mandatū diuinū tenetur hō ex debito cum sit ei naturaliter subiectus, hoc tñ non obstante Deus non iussit Israelitis, quod susciperent legē eius, sed persuasit eis suscipere illam, inducendo ad hoc multa beneficia, quę eis contulerat, propter quę obligati erant suscipere legem, quā ipse daret: Exo. 19.

De modo, quo Deus factus est Deus Israelitarum. Quęst. XXXVII.

QVAERITUR vltterius quō Deus factus est Deus Israelitarum, sicut hic dicitur: nam videtur, quod hoc nō poterat esse: nam Deus verus naturaliter est

Deus omnium, & nullus est Deus præter ipsum, ideo
necesse est, q̄ ipse sit Deus oīum. Rñdendum est, q̄
Deus propriè nomen absolutum est, quia est nomen
naturæ, esse autem Deum istius, vel illius nō dicit na-
turam, sed relationē, ideo ille, qui est Deus verus est
absolute Deus, & etiam est Deus omnium, sicut ille,
qui est homo est absolute homo, & ad quemcunque
cōparatus est homo, cum tamen dī Deus istius, vel
illius accipit relatiue, & est magis dominus q̄ Deus,
& dī esse Deus alicuius, idest dñs eius, s. quia tenetur
sibi ille ad aliquem cultum, & quia Deus vult illi be-
ne facere in aliquo, & sicut potest esse aliquis populus
Dei dupliciter, s. generaliter, vel specialiter, ita potest
Deus dupliciter dici Deus alicuius. Primo mō Deus
dī esse Deus omnium, inquantū oēs sunt subiecti
ei, & tenentur ei ad aliquem cultum p̄ aliqua benefi-
cia sibi impensa, & quia omnibus impedit saltem be-
neficia naturalia, est Deus omnium, & isto modo nō
potest aliquis accipere Deum in Deum suū, quia om-
nes obligati sunt ad tenendum eum, vt Deum. Secū-
do modo dī Deus esse Deus alicuius specialiter, in-
quantū ille tenetur sibi specialiter ad aliquē cultū, vel
vult ei impendere illū, & Deus specialiter facit ei ali-
qua beneficia, & isto mō potest aliquis accipere Deū
in Deum suum, quia licet omnes teneamur colere
Deum, tamen determinate in isto cultu, vel illo non
tenemur cū naturaliter colere, & sic qñcunque aliq̄s
voluerit impendere Deo aliquem cultum spālem, ad
quē non teneretur ei s̄m naturam, dī accipere ipsum
in Deum. Sic enim Iacob accepit Deum in Deum
suum, vt patet Gene. 28. s. Si fuerit dñs mecum, & cu-
stodierit me in via, per quam ambulo, & dederit mi-
hi panem ad vescendum, & vestem ad induendum,
reuerfusque fuero prospere ad domum patris mei,
erit mihi dñs in Deum, s. modo speciali, & subditur:
Cunctorumque, quæ dederis mihi, decimas offeram
tibi. Et sic accipiebat Deum in Deum suum, quantū
ad istum cultū specialem, s. q̄ offerret ei decimas, quas
prius non tenebatur offerre, & sic Israelitæ acceperūt
Deum in Deum suum, obligando se ad obseruandū
legem illam, quam ipse eis dedit, sic patet Exodi 19.
Et sic Deus accepit Israelitas in populum specialem,
sicut ipsi acceperunt eum in Deum specialiter, vt pa-
tet ibidem.


De oratione David circa perpetuationem regni.
Quest. XXXVIII.

QVAERITVR vltcrius, quomodo Dauid ora-
uit hic dñm, vt confirmaretur verbum il-
lud, quod locutus fuerat de perpetuatione
regni in pgenie eius, quia istud certissimū
erat, nec poterat euitari: nam iam Deus dixerat: Qui
si inique aliquid gesserit, corripiam eū in virga viro-
rum, misericordiam autē meam auferam ab eo, sicut
abstuli a Saule, qui fuit ante te. 2. Reg. 7. Aliquis forte
dicet, q̄ Dauid dubitabat an esset ista propheta pro-
missionis, quæ mutaretur s̄m mutationem eius, ad
quem fiebat, vt patet Ierem. 18. & iō orauit, vt confir-
maretur ita, q̄ nullo modo periret regnum de domo
Dauid, dato q̄ peccarent filii eius. Sed dicitur, quod
hoc non stat, quia iam Deus promiserat, q̄ non mu-
taretur ista propheta: nam prius dixit, q̄ regnum mā-
neret in domo Dauid in eternum, deinde dixit, q̄ q̄
filii Dauid peccarent, Deus non auferret ab eis mise-
ricordiam suam, id est non auferret regnum, ideo sup
hoc non oportebat dubitari. Responderi potest mul-
tipliciter. vno modo, q̄ Dauid orauit istud, quamquā
sciret misericordiam esse, & sic fieret, & magis orabat

congratulando Deo, quam petēdo, vt fieret. Sic enim multa orat Ecclesia, quæ scit necesse esse fieri, etiam si non oraret illa, sicut petimus, q̄ nomen Dei sit benedictum in sæcula, & q̄ regnum eius maneat in æternū, & tamen scimus necesse esse, quòd regnum Dei maneat in æternum. Secūdo potest dici, q̄ Dauid orauit istud dubitando. nam licet Deus dixisset, q̄ maneret regnum domus Dauid in æternum, & q̄ non auferret misericordiam suam ab illo, tamen nesciebat, an ista diceret s̄m determinationē suam certam, vel secundum conditionē status Dauid, & dato, q̄ per ista verba, qui si inique aliquid gesserit misericordiam meam non auferam ab eo: significaretur, q̄ ista prophetia erat secundum certam Dei determinationē, tamē ignorabat Dauid adhuc per ista verba, an Deus sic velleret: multa enim similia fuerunt. Nam Deus dixit sēpe ad Moysen, q̄ non introiret in terram Chanaan, tamen ipse semper orabat, vt permitteretur illuc introire, & hoc, quia putabat, quòd Deus non dicebat istud secundum firmam sententiā suam, quousque Deus, dixit ei. Sufficit tibi, nequaquam vltra loquaris ad me de hac re. Deuter. 3. Sic etiam fuit de Samuele, per quem Deus predixit Sauli. Scidit Deus regnum Israel a te hodie. Et postea dixit: Porro triumphator in Israel non parces tibi, & pœnitundine nō flectetur. 1. Reg. 15. Et hoc significabat, quòd ista verba dicta erant s̄m firmam sententiā Dei, s̄pēnitundine non flectetur, & tñ hoc non obstante Samuel agebat pro Saule omnibus diebus vitæ suæ, & desiderabat, ne penitus abiiceretur de regno, quousque Deus increpuit eum, dicens: Quousque tu luges Saulē, cū ego abiecerim eum, ne regnet super Israel? 1. Reg. 15. & 16. & sic nūc quamquam verba illa dicta ad Dauid, s̄. misericordiam autem meam non auferam ab eo: significarent prophetiam istam esse secundum dispositionem Dei immobilem, tamen dubitabat Dauid, an dicta essent, s̄m statum præsēntis iustitiæ, ideo orabat, vt cōfirmaretur. Tertio potest dici, q̄ Dauid sciebat, q̄ quamquam filii sui peccarent, Deus non auferret ab eis regnum, tñ nesciebat si ipse peccaret, si Deus auferret ei regnū, quia in verbis illis non dixerat ad Dauid, nisi de filio Dauid, s̄. qui si inique aliquid gesserit rearguam eum in virga virorum, misericordiam autem meam non auferam ab eo, & tamen nihil dixit de Dauid, ideo poterat ipse dubitare si pp̄ aliquod peccatū suum, forte mutaretur ista prophetia, licet non mutaretur propter peccata filiorum suorum, & vt non accideret aliqd tale, pp̄ quod mutaretur, rogabat Deū, vt cōfirmaretur sermo iste. Quarto potest dici, quòd Dauid orauit, eo q̄ dubitabat, an maneret regnum in æternum in domo sua, & illud, qđ Deus dixit, misericordiam autem meam non auferam ab eo, non satisfaciebat, quia illud solum dictum fuit de vno filio Dauid, s̄. de Salomone, quod patet, quia in litera dicitur, quòd nasceretur de semine Dauid, & edificaret templū domino, & Deus acciperet eum in filium, & ipse acciperet Deum in patrem, & tunc sequitur, qui si inique aliquid gesserit corripiam eum in virga virorum, &c. Et sic de Salomone manifestum erat, quòd etiam si ipse peccaret non auferretur regnū in diebus eius, & tamen de aliis filiis Dauid nihil dictum fuerat, & sic timebat de illis, quòd in diebus ipsorum auferretur regnum, & ob hoc orabat, vt Deus confirmaret sermonem suum. Quinto potest dici, quòd ista oratio Dauid non dirigebatur principaliter ad perpetuationem regni, sed de ista certificatus erat, sed magis ad quietē populi, quia Deus promiserat, quòd Israel non vexaretur vltra ab hostibus, sicut in diebus iudicum, & de hoc non dederat Deus aliquam certitudinem, q̄ intelligeretur s̄m firmā Dei dispositionem, ideo

ideo orabat, quòd etiam confirmaretur sermo Dei, quantū ad hoc, sed quatuor modi præcedentes conueniētiore sunt literę, & veritati, quam iste quintus.

C A P. XVIII.



E A C T V M est autem post hæc, vt percuteret Dauid Philisthijm, & humiliaret eos, & tolleretur Geth, & filias eius de manu Philisthijm, percuteretque Moab, & fieret Moabitæ serui Dauid, offerentes ei munera.

D E S C R I P T O in præcedentibus desiderio Dauid ad ædificandū Domino templum, hic ponitur circa ædificationem istam superueniens impedimentum, quod fuit triplex, vt dictum est in principio præced. cap. Hic ponitur primum ipsorum, scilicet propter debellationem hostium. Nam quia vacabat bellis non potuit vacare ædificationi templi, vt patet 3. Reg. 5. scilicet: Tu scis voluntatem patris mei, & quia non potuerit ædificare domum Domini propter bella imminētia per circuitum, & circa hoc ponuntur duo, primò ponitur hostium debellatio, secundò regni Dauid ordinatio, ibi. *Regnavit ergo Dauid*. Prima in duas, quia primò ponitur bellum Dauid contra gentes, quæ erant sibi magis vicinę, scilicet contra Philisthinos, & Moabitas, secundò contra gentes magis extraneas, scilicet contra Syros, ibi. *Eo tempore*.

De continuatione ad præcedentia, & an ista immediate fuerint post illa.

Quæst. I.

Q V A E R I T V R circa primum an ea, quæ habentur hic, sint continuata ad præcedentia, & an fuerint facta immediate post illa, vel interiecto aliquanto tempore.

Ad primum dicendum, quòd hic est rectus ordo, quia prius facta sunt ea, quæ habentur præced. capit. quam hic, quia dicitur hic in litera: Factum est autem post hæc, vt percuteret Dauid Philisthijm.

Ad secundum dicendum, quòd nō apparet an fuerint facta ista immediate post præcedentia, vel fuerint interiectum aliquantum tempus inter illa. Constat tamen, quòd inter præcedentia, & hæc non fuerunt aliqua gesta notabilia Dauid: nam 2. Reg. 7. & 8. ponuntur istę historie, quæ habentur præced. cap. & hic. Et nihil additur, nec subtrahitur. Si tamen aliqua gesta notabilia accidissent saltem exprimerentur hic.

Cum iste liber factus sit ad supplendum in eo ea, quæ in alijs libris, & potissime in libris Regū deficient, vt ait Hieronym. in epistola ad Paulinum cap. 7. Et in cap. primo Galeato, qui incipit: Viginti duas literas, circiteret Dauid Philisthijm. Scilicet postquam Dauid vo-

luit ædificare templum Domino, & Deus prohibuit, pugnauit Dauid cum Philisthinis, & percussit eos, scilicet humiliant superbi ipsorum. Et humiliaret eos. Scilicet humiliant superbi Philisthini contra Israelitas, arbitrantes se superiores. Post istud autem bellū

& non ausi sunt ulterius exponere se Philisthini contra Israelitas, vel humiliant eos, scilicet ad faciendū, quòd Philisthini soluerent tributa Israelitis, sicut Israelitas prius soluebant eis. Et tolleretur Geth, & filias eius de manu Philisthijm. Id est bellando contra Philisthinos

A abstulit urbem Geth, quæ erat de terra Philisthinorum, & filias eius, scilicet alias vrbes minores subiectas ei. Nam Geth erat vna de metropolibus terræ Philisthinorum, primo Reg. 6. & Iosue 13. & sub illa erant multe alię ciuitates minores, quæ vocabantur filię eius, & omnes istas bello cepit Dauid, & adiunxit terrę Israel. *Percuteretque Moab*. Etiam pugnauit eo tempore contra Moabitas, qui erant in latere orientali terrę Israel, vt colligitur Num. 34. & Iud. 3. *Et fierent Moabite serui Dauid offerentes ei munera*. Bella fecit Dauid contra Moabitas, & cum cernerent se viribus minores subiecerunt se Dauid, & facti sunt serui eius, non quidem serui proprie dicti, sed serui, id est seruientes in solutione tributorum. Fecit autem magnam stragem Dauid in eis, quia secundo Reg. 8. dicitur, quòd percussit Moab, & mensus est cum funiculo coęquans terrę, mensus est autem duos funiculos, vnum ad occidendum, & vnum ad viuificandū.

An verum sit, quòd Dauid percuteret Philisthijm.

Quæst. II.

Q V A E R I T V R circa prædicta quomodo dicitur hic, factum est post hæc, vt percuteret Dauid Philisthijm: nam post ea, quæ habentur præced. cap. videtur, quòd Dauid non fecerit aliquod bellū contra Philisthinos, nec sustinuit illud, quia secundo Reg. 7. dicitur: Factum est autem cum sedisset rex in domo sua, & Dominus dedisset ei requiem vndique ab vniuersis inimicis suis, & eod. lib. cap. 8. ponitur ista historia, ideo videtur, quòd nūquam post illud pugnauit, quia alias non esset ei data requies ab omnibus inimicis suis.

Responderi potest, quòd Dauid habebat iam requiem ab omnibus inimicis suis, & tamen acciderunt ei post hæc ista bella, quæ habentur hic, nec per ista tollitur quin Deus dedisset ei requiem ab omnibus inimicis suis, & hoc potest stare dupliciter: vno modo, quòd dicatur, quòd Deus dedit requiē Dauid ab inimicis suis, scilicet ne ipsi insurgerent contra eum, & tamen non dedit ei requiem, quin ipse insurgeret contra illos, sic fuit hic. Nam sup. 14. ponuntur bella, quæ fecerant Philisthini contra Dauid, & post illa non ausi sunt insurgere contra Dauid, quia Deus dedit pauorē eius super omnes gentes eodem cap. Ipse tamen insurrexit nunc contra Philisthinos, vt acciperet vrbes eorum, & vniret terrę Israel, & tamen non obstante hoc non est intelligendum, quòd nullo modo hostes Dauid postea insurrexerint contra eum, quia aliqua bella facta sunt postea contra ipsum sicut bellum Absalō secundo Reg. 17. & 18. & alia bella Philisthinorum, & specialiter illud, in quo quidam Philisthæus conatus est occidere Dauid iam deficientem viribus, & occidisset, nisi fuisset ei auxiliatus Abisai frater Ioab, eodem lib. cap. 2. Sed intelligit hoc, quòd rara bella fuerunt contra ipsum post hæc, sed plurima ipse mouit contra hostes. Secūdo modo potest dici, quòd Deus dedit Dauid requiem ab hostibus, scilicet tam à bellis, quæ hostes facerent contra ipsum, quam à bellis, quæ ipse faceret contra hostes, & tamen post hæc acciderunt ista bella. Et hoc non est inconueniens, quia Dauid habebat bella continua cum hostibus, interdum aggrediendo, & interdum sustinendo. Nunc autem pauco tempore antequam vellet ædificare templum Domino cessauerant hostes prosequi ipsum, & ipse etiam mouere bella. Ideo saltem pro illo modico tempore dicebatur habere requiem ab vniuersis hostibus. Patet hoc, quia quamdiu Dauid fuit rex super Iudam, fuerunt bella continua inter ipsum, & Isboret filium Saulis secundo Reg. 3. cum dicitur: Fa-

Et est longa concertatio inter domum Saulis, & domum David. Cum verò factus est rex super totum Israel pugnavit contra Iebuseos tenentes castrum montis Sion in Ierusalem secundo Reg. 5. & sup. 11. Et postea Philisthini mox ut sciuerunt, quod regnabat super totum Israel, congregati sunt ad eum in bello, & superati sunt, & iterum congregati sunt contra eum in eodem loco, & victi fuerunt secundo Reg. 5. & sup. 14. & sic usque ad illud tempus semper fuit David in bellis, sed post hæc dedit Deus pauorem David super omnes gentes, & non ausè sunt pugnare contra ipsum, & extunc fuit ipse in pace, sup. 14.

De audacia Philisthinorum contra David.
Quest. 111.

QUÆRITUR ulterius quomodo Philisthini ausi fuerunt nunc pugnare contra David. Nā sup. pugnaverant bis, & fugati fuerant à facie David, & incusserat Deus timorem David super omnes gentes: non ergo videtur quomodo possent audere pugnare contra David.

Respondendum, quod ipsi non mouerunt bellum, sed David movit bellum contra eos, & tunc oportebat, quod ipsi se defenderent, etiam si scirent se impares viribus David, ne permitterent se indefensos occidi, & in hoc nihil audebant. Secundo modo potest dici, quod Philisthini ausi sunt mouere bellum contra David, licet prius non auderent, quia manifestum est, quod aliquo tempore post hoc pugnaverunt contra David egrediendo, ut patet secundo Reg. 21. quare non semper manebat eis idem timor, sed aliquo modo confidebant de se posse vincere. Sic enim fuit de Philisthinis, qui timuerunt aliquando Deum Israel, videntes, quod infligeret eis plagas, & coacti sunt dimittere arcam Dei de terra sua primo Reg. 5. & 6. & tamen post hæc fecerunt bellum contra Israel eod. lib. cap. 13. & 14. & quasi per totum. Tertio potest dici, quod timor David incussus fuerat super omnes Philisthinos, ita quod ipsi non auderent contra David pugnare pro tunc, eo quod in duobus bellis victi fuerant, & forte putabant, quod istud erat propter adiutorium Dei speciale ad David. Sciebant tamen Philisthini, & alię gentes, quę erant in circuitu terrę Israel, quod quando Israelitę erant cultores Dei, nulla gens poterat prequalere contra eos, si autem declinarent à lege Domini, faciliter tradebatur in manus hostium, ut patet ex verbis Achior Iudith 5. Et sic putarent Philisthini, quod quando David bis preualuit contra illos, erat cultor Dei specialiter, & ideo adiuuabat eum, nunc autem esset fortè in aliquo peccato, & Deus auerteretur ab eo. Ideo ausi sunt pugnare putantes se preualituros. Quarto potest dici, quod dato, quod Philisthini timerent David, tamen aggredierentur eum in bello, quia fortè volebant potius exponere se cuicunque periculo, quam videri minores David, qui bis superauerat eos. Sic enim fuit de Philisthijs, quando pugnant contra Israel, & venit arca Dei in castra. Nam timuerunt dicentes, venit Deus in castra: vñ nobis, non fuit tanta exultatio heri, & nudiustertius, vñ nobis, quis nos liberabit de manu eorum sublimium istorum? primo Reg. quarto, & tamen non obstante hoc dixerunt Philisthini inter se, confortamini, & estote viri Philisthini, ne seruiatis Hebręis, sicut illi seruiuerunt nobis, & tunc pugnaverunt fortiter, & superauerunt Israelitas eodem capit. ita forte accideret hic.

De ciuitate, quę vocabatur Geth.

Quest. 111.

QUÆRITUR ulterius, quę erat ista ciuitas Geth, & filię eius quas accepit David de terra Philisthinorum.

Respondendum est, quod tota terra Philisthinorum erat diuisa in quinque provincias paruas. Pro quo sciendum, quod terra Philisthinorum erat quedam pars terrę Chanaan declinās ad latus australe eius. Et quando diuisa est tota terra Chanaan, fuit etiam diuisa Philisthijs, & maxima pars eius cecidit in sortem Iudę, ut patet Iosue 15. Nam ibi ponuntur precipue vrbes terrę illius. Erat autem ista terra diuisa in quinque regiones paruas per quinque ciuitates metropolitanas, scilicet Aschalon, Azorhus, Acarō,

Gaza, Geth, ut patet Ios. 13. & primo Reg. 6. Et erat vna de istis quinque metropolibus, & habebat quilibet earum vnum regem, qui propter paruitatem potentię regulus vocatur. Sic dicitur Iosue 13. quod terra Philisthinorum in quinque regulos diuiditur. Vocantur etiam isti aliquādo satrapę, idest principes, vel potentes solum, & non reges, sic patet primo Reg. 6. & 29. Vna de istis quinque ciuitatibus regalibus erat Geth, de qua fuerat Goliath Philisthinus, quem occidit David primo Reg. 17. & in ista ciuitate fuit Achis rex. Nam quando fugit David à facie Saulis, fugit in terram Philisthinorum in urbem Geth ad Achis regem eius, primo Reg. 27. Et quia Geth erat ciuitas regalis, oportebat, quod haberet multas alias sub se,

H quę vocantur filię eius, idest subditę ei, de quibus vna erat Siceleg. Nam quando David fugit ad Achis in Geth dixit ei, quod non erat bonum, quod maneret cum illo in vrbe regali, sed quod daret sibi aliquam de vrbus regni sui in qua maneret. Et tunc dedit ei urbem Siceleg, in qua mansit toto tempore, quo fuit in terra Philisthinorum. *Vrbem Geth, & filias eius.* Idest alias minores vrbes de illo regno. Et quia Siceleg erat vna de illis etiam tunc obtinuit Siceleg de manu Philisthinorum, & habuit illam in specialem possessionem pro se, & alijs regibus Iuda: nam dum maneret David in terra Philisthinorum, dedit ei Achis rex illam urbem in suam, & ex eo tempore cepit esse regum Iuda, primo Reg. 27. Et tamen quando mortuo Saule recessit David de terra Philisthinorum, & venit in terram Iuda, mansit Siceleg in potestate Philisthinorum, nunc autem recuperavit illam David, & alias vrbes regni Geth de manu eorum. Sciendum autem quod secundo Reg. 8. dicitur, quod abstulit David frenum tributi de manu Philisthinorum, vbi dicitur hic, quod abstulit Geth, & filias eius, sed istud accidit propter quandam equiuocationem, quę est in Hebręo, de qua satis declaratum est ibidem.

An verum sit, quod David acquisierit Geth, & filias eius de manu Philisthinorum.
Quest. V.

QUÆRITUR ulterius quomodo dicitur hic, quod David acquisiuit de manu Philisthinorum Geth, & filias eius, quia ista vrbs cū alijs vrbus Philisthinorum iam fuerant acquirete ab Israelitis tempore Samuelis, antequam essent reges in Israel, quando pugnavit Samuel contra Philisthinos, & intonuit Dominus de cęlo super eos, & tunc sequitur: Facta est manus Domini super Philisthinos cūctis diebus Samuelis, & reddite sunt vrbes, quas tulerant Philisthię ab Israel ab Accaron vigine Geth. primo Reg. 7. & sic tunc fuit terra illa acquista de manu Philisthinorum.

Responderi potest vno modo, quod ista terra nunquam fuerat accepta de terra Philisthinorum nisi nūc.

Et cum dicitur, quòd accepta fuit tēpore Samuelis, dicendum, q̄ non fuit accepta ciuitas Geth, sed solū alię vrbes, quę erant apud Geth, quę prius fuerant de terra Israel, quia dicitur ibi, & reddite sunt vrbes, quas tulerant Philisthęi ab Israel ab Accaron vsque Geth, & non apparet an Accaron, & Geth cum alijs captę fuerint, vel solum vrbes, quę erant inter Accaron, & Geth. Secundo potest dici, q̄ ciuitas Geth fuit accepta de manu Philisthinorum tempore Samuelis, & iterum postea tempore David: & hoc quia Israelitę perdidērunt istam postquam acq̄sierunt eam, hoc autem satis verisimile est. Primò quia tēpore Samuelis dedit Deus victoriam Israelitis cōtra Philisthinos, & tamen postea tempore eiusdem, & tempore Saulis fuerunt Israelitę nimis subiecti Philisthinis, ita vt Philisthini premerent Israelitas tanquam seruos, & facerent, q̄ non haberent arma, nec esset aliquis faber ferrarius in toto Israel. Et ideo cum aliquis Israelita facere veller aliquod instrumentum agriculturę, vt vomeres, vel ligones, oportebat, q̄ descenderet in terram Philisthinorum, primo Reg. 13. Et ponebant leges Philisthini super Israelitas, & erat vna statio militum Philisthinorum in terra Israel ad cogendum Israelitas manere in obedientia Philisthinorum eo. lib. cap. 10. & 13. Et quando Saul voluit pugnare contra Philisthinos rebellando illis, primò deleuit stationē Philisthinorum, qui erant in terra Israel eod. lib. c. 13. Tempore ergo isto vel ante hoc, quando Philisthini reducebant Israelitas in tantam subiectionem, poterant accipere urbem Geth de terra Israel. Secundo patet hoc, quia inter Israelitas, & Philisthinos erant continua bella: & aliquando erant victores isti, & aliquando illi. Quando. n. vincebant Philisthini, accipiebant vrbes de terra Israel: cum verò vincebant Israelitę, accipiebant vrbes de terra Philisthinorum. Et sic sepe permittebantur vrbes de vno dominio in alterum: sic, n. patet primo Reg. 7. Cum dicitur, & reddite sunt vrbes, quas tulerant Philisthęi ab Israel, in quo apparet, q̄ alię vrbes prius possessę fuerant ab Israelitis, deinde Philisthini acceperunt eas bello de manu ipsorum. Et postea Israelitę recuperauerunt eas tempore Samuelis de manu Philisthinorum, ita poterant perdi postea, & recuperari tempore David. Tertiò patet de vrbe Accaron. Nam illa fuit prius in terra Philisthinorum, quia est vna de quinq; metropolibus terre illius: Iosue 13. & primo Reg. 6. Et Israelitę acq̄sierunt eam tempore Caleb de manu Philisthinorū: Iud. 1. postea aut perdidērunt eam. Nam tempore, quo arca Dei ducta est in terram Philisthinorum, Accaron pertinebat ad Philisthinos. Nam etiam ad ciuitatem illam ducta est arca, primo Reg. 5. Et satrapa illius ciuitatis obtulit munera arcę, quando reportabatur eod. lib. c. 6. Melius tamen dicēdum est, quòd istę duę vrbes, scilicet Accaron, & Geth fuerint tempore Samuelis acceptę de manu Philisthinorum, quam q̄ acceptę fuerint alię vrbes solum vsq; ad terminos earum.

De causa pugnandi David contra Philisthinos.
Quaest. VII.

QVAERITVR vltius, an David habuit iustam causam pugnandi cōtra Philisthinos. Respondendum, q̄ sic, quia si non habuissent iustam causam pugnandi fuisset bellū iniustum, & cum in bello sequantur multa damna, & occisiones, si bellum fuerit iniustum, magnū peccatum est. Et sic computaretur inter peccata David, quia scriptura computat peccata eius, & tamen non ponitur inter peccata sua 3. Reg. 15. ideo non pecca-

Auit in hoc. Habuit aut David causam pugnandi cōtra Philisthinos, quia illi erant vicini terrę suę, & sepe ingrediebantur in eam, & rapiebant, quòd poterant, vt patet ex discursu primi libri Regum, ideo ad refarciēdum saltē illa dāna, poterat licitę pugnare cōtra eos, cum ipsi non sponte satisfacere vellent pro illis. Secundum erat specialiter, quia ante hoc bis fecerant bellū Philisthini 3. David sine causa, in quo magnā iniuriā irrogauerant ei ingrediendo in terram suam, & faciēdo aliqua dāna, ideo pro illis poterat nunc David mouere bellum versa vice contra illos. Tertium & principalius erat, quia Philisthini tenebant occupatā terrā pertinentem ad dominium Israelitarum, & nolebāt eam dimittere, sed potius volebant accipere maiorē partem de terra eorum, ideo poterant pugnare contra illos quosque acciperent terram de manu ipsorū. Patet hoc, quia tota terra Philisthinorum erat intra terminos terrę Chanāā, & Deus iusserat illā diuidi inter Israelitas per sortes: Iosue 13. Et cecidit maxima pars huius terrę in sortem Iudę: Iosue 15. & per hoc pertinebat ad proprietatem suam, ideo licebat eis pugnare contra Philisthinos quousque eruerent illam terram de manu ipsorum. Quartum & principalissimum erat, quia Israelitę obligabantur pugnare cōtra Philisthinos. Nam Deus iusserat eis, q̄ deberent omnes Chananeos interficere in ore gladij viros, & feminas, paruulos, & senes, & non milererentur eorum. Deut. 20. Et si fortē Israelitę miseri eorum permitterent eos viuere: Deus induceret omnia mala super Israelitas, quę inducturus erat super Chananeos: Num. 33. & Iosue 23. Et quando aliqui ex pacto dimittebant aliquam gentem istarum viuere, Deus irascebatur eis, & nolebat adiuuare ipsos: Iud. 2. Ideo David nunc volens obedire p̄cepto Domini, pugnabat contra Philisthinos, quia erant Chananej.

Quomodo pugnavit David contra Moabites, & de qua gente erant. Quaest. VII.

QVAERITVR vltius de Moabitibus, contra quos David dicitur hic pugnassee, quę gens erat, & quō pugnavit contra eos. Respondendum, q̄ Moabites erant vnus populus magnus de progenie Loth, & erant cognati Israelitarū. Nā Loth erat filius Aram fratris Abrahę, vt colligitur Gen. 11. & q̄n perijt Sodoma, duę filię Loth putantes, q̄ nullus vir superesset in toto orbe, i quo possent concipere, procurauerunt cognosci a patre suo, & maior concepit ex eo, & peperit filium noīe Moab, & ex illo deriuatus est populus Moabitarū: Gen. 19. Iste populus accepit terram ad habitandum in latere terrę Chanaan, apud Iordanem ad orientalem partē eius, vt colligitur Num. 34. & Deut. 3. & Iud. 3. Et propter hoc cum Israelitę possederunt terram Chanaan, quia erant vicini Moabitibus, aliquando erant pugne inter eos. Et incepit causa discordię ab introitu Israelitarum in terram Chanaan. Nam transitori erant Israelitę per terram Moab, & petiuerunt cibos emptos pecunia, & tamen non concesserunt eis Moabites trāsitum, nec occurrerunt sibi cum cibis: Deut. 23. Sed potius rex Balach, qui tunc regnabat super Moabitas vocauit Balaam ariolum de Mesopotamia ad maledicendum Israelitis, vt perirent, sed non potuit maledicere, Deo impediēte: Num. 22. & 23. & 24. Dedit tamen consiliū cōtra Israelitas, quomodo inducerentur ad peccandum, & possent percuti: Num. 24. & 31. Et postea Moabites deceperunt eos per mulieres, & sacrificia demonum: Num. 25. Et tunc occisi sunt vigintiquatuor millia de Israelitis eodem cap. & ob hoc Israelitę semper habuerunt Moabitas exotos,

& procurabant eis mala, immo & Deus iusserat, q̄ Israelitę non quęrerent bona Moabitis omnibus diebus vite suę: Deut. 23. Postea autem fuerunt multa bella inter eos. Nam Eglon rex Moab multo tempore fuit Dñs Israelitarum, & oppressit eos. Postea autem fuit occisus per Aod iudicem Israel: Iud. 3. Et iterum fecerunt bellū Moabitę, & Ammonitę contra Israel tempore Iephthe iudicis Israel super petitione locorū, quę fuerant de terra Moab: Iud. 11. Saul quoque pugnavit sepe contra Moabitas, ut patet primo Reg. 14.

*Si licuit David pugnare contra Moabitas,
Quest. VIII.*

QUÆRITUR ulterius, an licuit nunc David pugnare contra Moabitas. Aliquis dicet, q̄ non, quia Deut. 2. vetuit Deus pugnari contra eos, cum dixit ad Israel: Non pugnes contra Moabitas: non .n. dabo tibi quicquā de terra eorū, quia filijs Loth tradidi eam in possessionem.

Respondendum, q̄ licitę pugnauit David contra eos, quia aliās peccasset grauissimę mouendo bella iniusta, & poneretur istud inter peccata sua, & tamen non ponitur, ut patet 3. Reg. 15. Secundō patet, quia 2. Reg. 8. & infra in litera dicitur, q̄ saluauit Dñs David in cunctis ad quę perrexerat, & adiunxit eum; & tamen Deus non adiuuat iniquos, quia odit omnes, qui operantur iniquitatem Psal. 5. Ideo licitę pugnabat nunc David contra Moab. Tertiō patet, quia Moabites erant in finibus terrę Israel, ut declaratum est præcedenti quæstione, & ob hoc aliquando mouerunt aliqua bella contra Israelitas, ut irrogarent eis aliqua damna, propter quę licitę pugnaret David contra illos, potissimę quia sepe fecerant hoc Moabites, s. tempore Iud. & tempore Saulis, ut declaratum est præcedenti quæstione. Et etiam fecerunt hoc tēpore aliorum regum Iuda, qui fuerunt post David, s. tempore Iosaphat seq. lib. capit. 20. Ideo ita verisimile est, q̄ facerent tempore David. Et haberet ipse iustā causam pugnandi contra eos. Cum autē obijcitur, q̄ Deus iussit, q̄ Israelitę non mouerentur in bellū contra Moabitas, dicendum q̄ hoc non obstat, quia illud fuit mādātum personale, & temporale, & non extenditur. Quod patet, quia illud mādātum datum fuit Israelitis venientibus de Aegypto in terram Chanaan, & fuit datū, quando transierunt per terram Moab, ideo non extendebatur ad successores sicut est nunc de iuribus localibus, & temporalibus. Secundō patet, quia non erat nunc illa causa, pro qua tunc vetitum fuit Israelitis pugnare contra Moabitas. Nam ipsi transibāt tunc per terram Moab, quę erat coniuncta terrę Chanaan, quā illi accepturi erāt in hereditatem, & ob hoc forte concupiscerent terram illam, & mouerētur ad pugnandum contra Moabitas, ut acciperent terram illam de manu ipsorum. Et tunc Deus iussit, quod nō mouerentur ad pugnandum, ut acquirerent terram ut patet: Deut. 2. f. Non pugnes contra Moabitas, nec in eas aduersus eos pręlium: non .n. dabo tibi quicquā de terra eorum, quia filijs Loth tradidi eam in possessionem. Et tñ si aliqua alia causa rationabilis pugnandi incideret, non verabat Deus pugnari contra Moabitas. Et sic fuit nunc, quia fortę pro aliquibus iniurijs, & damnis datis David pugnavit contra eos. Tertiō patet, quia si propter illud præceptū obligarentur Israelitę ad non pugnandum contra Moabitas, tolleretur homini iusta defensio, quę est de iure nature, s. q̄ in nullo casu, vel pro nulla re liceret Israelitis pugnare contra Moabitas licet Moabites offenderent eos. Et tñ istud est irrationabile, ideo non obligabatur Israelitę ex illo præcepto nisi pro tunc, quando

transierunt de Aegypto per terram Moab. Quarto patet, quia si teneretur isto præcepto nunquam licuisset Israelitis pugnare contra Moabitas, & tñ licuit, quia Aod iudex Israel, incitante Deo, pugnavit q̄ Moabitas: Iud. 3. Et patet hoc, quia dicitur ibidem: Suscitauit Deus saluatorem nomine Aod. Sic etiam Iephthe pugnavit contra Moabitas, & Ammonitas Iud. 11. & tñ spiritus Dei mouit eum ad hoc, ut patet ibidem. Sic etiam liceret nunc David ex alijs causis iustis pugnare contra Moabitas.

*Si licitum fuerit David habere Moabitas sibi in tributarios.
Quest. IX.*

QUÆRITUR ulterius, an licuit David subijcere sibi Moabitas in tributarios, & an licuit sibi delere illos. Respondendum est, q̄ Moabites erant hostes David, & ipse mouit bellum iustum contra eos, ut declaratum est præcedenti quæst. ideo poterat facere contra eos quicquid licebat fieri contra hostes, licitum est autem in bello iusto occidere, vulnerare, & prædari, ideo etiam David potuit omnia ista facere. Considerandum tñ, quod David pugnavit nunc contra Philistinos, & postea contra Moabitas, & non erat eadem habitudo ad utrosque: nam Philistini erant Chananęi, & tenebantur Israelitę occidere omnes illos in ore gladii: Deut. 20. ideo non solum licebat David occidere Philistinos, sed etiam tenebatur ad hoc data sibi opportunitate. Moabites autem non erant Chananęi, quia erāt filij Loth, & cognati Hebręorum, ideo non obligabantur Israelitę occidere eos. Poterant tamen occidere in casu. Pro quo sciendum, q̄ quando Israelitę pugnabant q̄ aliquam gentem, aut illa erat de Chananais, aut non. Si erant de Chananais tenebantur Israelitę delere illam vsque ad paruulos tam masculos, quam feminas, si autem non esset gens de Chananais tenebantur Israelitę offerre pacem cuicunque vrbi contra, quam irent ad pugnandum. Et si illi, qui erant in vrbe traderent se sine bello, nō licebat Israelitis occidere eos nec prædari, sed solum accipiebant eos in tributarios. Si autem non recipiebant pacem oblatam, nec aperiebant portas, pugnabant Israelitę contra gentem illam, & cum præualuissent occidebant omnes, qui erant in ciuitate præter feminas, & paruulos, qui accipiebant in seruos, & ancillas, & tota præda dividebatur exercitui Deuter. vigesimo. Istud verum erat, quando pugnabatur contra aliquam gentem existentem in vrbe sua, & Israelitę mouebant illud bellum. Si tamen Israelitę non mouerent bellum, sed alia gēs contra ipsos, vel dato, quod Israelitę mouerant bellum, si hostes sui exirent in campum ad pugnandum contra eos, nihil eorum, quę supradicta sunt habebāt locum, ideo erat tunc in potestate Israelitarum occidere eos, quos vincerent, vel facere eos seruos, vel tributarios, vel parcere eis. Sic autem factum fuit nunc in bello David contra Moabitas. Nam ipsi voluerunt resistere David in campo, & fuerunt minores viribus, redegitque eos David in potestatem suam. Et sic potuisset occidere illos omnes, si vellet, vel facere quodcumque aliud de eis, & sic fecit. Nam occidit plurimos, & multos aliorum dimisit eos viuere faciens sibi tributarios, ut patet secundo Reg. octauo, vbi dicitur: Et percussit Moab, & menius est eum funiculo coequans terrę, menius est autem duos, vnum ad occidendum, & vnum ad viuificandum, factusque est modo David seruicus sub tributis.

Eo tempore percussit Dauid etiam Adarezer regem Soba regionis Hemath, quoniam perrexit ut dilataret imperium suum usque ad flumen Euphratem. Cepit ergo Dauid mille quadrigas eius, & septem millia equitum, ac viginti millia virorum peditum. Subneruauitque omnes equos currum, exceptis centum quadrigis, quas reseruauit sibi. Superuenit autem, & Syrus Damascenus, ut auxilium preberet Adarezer regi Soba, sed & huius percussit Dauid vigintiduo millia virorum, & posuit milites in Damasco, ut Syria quoque seruiret sibi, & offerret munera.

Eo tempore. Hic ponitur secundum huius partis, scilicet bellum Dauid contra gentes magis extraneas. Nam Syri, qui quos nunc pugnavit magis extranei erant, quam Philistini, cum Philistini essent intra terminos terre Israel: Iosue 13. Syri autem non, & dicitur. *Eo tempore percussit Dauid, & Adarezer.* Idest ipse quo pugnavit contra Philistinos, & Moabitas etiam pugnavit contra Adarezer regem. Nam tunc Dauid nihil habebat faciendum nisi vacare bellis, ideo pugnavit contra omnes convicinos terre sue, contra quos habebat causam aliquam pugnandi. Fuit iste Adarezer rex potens sicut magis infra declarabitur in quadam quaestione. *Regem Soba.* Nomen est regionis, vel urbis. Potest enim Soba esse nomen urbis, quae esset metropolis in regno suo, & nominaretur solum rex illius urbis, quia erat caput regni sui. Sic patet de Og rege, de quo dicitur, quod regnavit in Astaroth, Iosue 12. & 13. manifestum est tamen, quod ipse alias urbes habebat praeter Astaroth, ut patet ibidem, & Deut. 3. Et tamen ista erat caput, & nominata est: sic enim quinque reges, quos occidit Iosue in die, quo stetit sol, vocantur reges quinque civitatum, scilicet unus rex Ierusalem, & manifestum est, quod quilibet eorum habebat plura quam unam civitatem. Vel potest Soba esse nomen regionis, cui praerat Adarezer, magis tamen dicendum est, quod erat nomen urbis, quia dicitur hic, quod erat rex Soba regionis Hemath, si tamen Soba esset nomen regionis, non diceretur Soba esse regionis Hemath, quia civitas, vel locus dicitur esse in regione, & non regio in regione. *Regionis Hemath.* Idest Soba, cui praerat Adarezer erat in regione Hemath. Quid autem sic Hemath, an civitas, vel regio declarabitur infra in quadam quaestione. *Quando perrexit, ut dilataret imperium suum usque ad flumen Euphratem.* Scilicet istud bellum Dauid fuit cum Adarezer, quando ipse exiit de terra sua, & pugnavit contra quasdam alias gentes ad dilatandum terminum suum usque ad Euphratem, quia regnum suum non pertingebat usque illuc. Et voluit illud dilatare, & forte ista fuit causa, quare pugnavit Dauid contra Adarezer, quia ille perueniens usque ad fluvium Euphratem tetigit forte aliquid de terra Dauid, & ipse motus est in bellum contra illum. Est enim Euphrates unus de quatuor fluminibus paradisi: Gen. 2. & transit per terminum aquilonis terrae Israel Gen. 15. *Cepit ergo Dauid mille quadrigas eius.* Hic ponitur id, quod cepit in bello, & fuerunt mille quadrigae, idest mille currus, significat tamen solum plaustrum falcatum. Nam saepe nominantur currus falcati in libris regum, quadriga autem dicitur a numero equorum, scilicet quadriga est currus falcatus his quatuor equos, si autem currus nullum equum

habuerit vocabitur currus, vel plaustrum, sed non quadriga. Iste quadrigae, quas cepit nunc Dauid, habebant singulae quatuor equos portantes eas, & habebant ipsi currus in lateribus rotarum infixos enses curuos in modum falcis, ut omnia obstantia refecarent, & ideo vocabantur currus falcati, id est habentes enses in modum falcium. Et super quemlibet currum erat saltem unus vir armatus habens ibi multa iacula, & sagittas, & alia genera armorum missilium, & alius erat in timone currus, auriga flectens currum hic, & inde. Et cum moueret currus magna velocitate, omnes per quos transibat, timebant, & cedebant ei propter timorem ensium infixorum lateribus rotarum, qui omnia lacerabant. Et vocantur isti currus aliquando ferrei, ut patet Iosue 17. non quidem, quod facti essent de ferro, quia non essent portabiles, sed quia enses ferreos lateribus rotarum affixos habebant. Et sic idem est esse currus ferreos, & falcatos. Erat autem iste Adarezer potens, & sic habebat mille currus. Nam magnum erat inter antiquos, quod aliquis posset habere tot currus, sic patet Iud. 4. de rege Iabin, qui erat rex Chanaan, & potentissimus, oppressitque valde Israelitas per viginti annos, & ad significandum maximam potentiam eius, dixit scriptura, quod habebat nongentos currus falcatos eod. cap. *Et septem millia equites.* Isti non erant aliqui de illis, qui in curribus equitabant, sed quidam pugnant in curribus, & isti non habent nomen, alij pugnant sedentes in equis, & isti vocantur equites. Isti soli manent in usu bellorum temporis nostri. Nam iam non est usus currum falcatorum. Et credo, quod ratio fuerit, quia iste modus pugnandi non competit omni regioni, sed solum regioni valde planae, & sicut inter antiquos maxime viguerit iste modus pugnandi in terra Chanaan, & in Aegypto, tamen iam abolitus est. *Ac viginti millia virorum peditum.* Etiam cepit in bello istos pedites, reliqui autem fugerunt. Sed de istis non dicitur hic, an occiderit eos, vel vendiderit in servos, credendum tamen est, quod occiderit eos, quia inf. dicitur, quod superuenit Syrus Damascenus ad adiuvandum Adarezer, & etiam huius percussit Dauid vigintiduo millia virorum. Ex quo apparet, quod etiam occiderat viros Adarezer, quia alias non diceretur, sed & idest etiam, quae est copulativa. *Subneruauitque omnes equos currum.* Fuerunt mille quatuor quadrigae quas cepit Dauid. Ideo oportebat, quod essent quatuor millia equorum, & omnes illos subneruauit, id est occidit, vel amputavit crura. Subneruare enim proprie est nervos crurum scindere, quibus cessis, animal non potest moveri, & fit ita inanimabile sicut si occideretur. *Exceptis centum quadrigis quas reseruauit sibi.* Hic apparet, quod quadriga non accipitur pro plaustro, sed pro quatuor equis plaustri, quia plaustrum non potest subneruari, sed solum equi eius, & est sensus, quod Dauid subneruauit tria millia, & sexcentos equos, qui trahebant nongentos currus, & cremauit ipsos currus, quadringentos autem equos, & centum currus ipsorum seruauit ad usum suum. *Superuenit autem, & Syrus Damascenus.* Scilicet postquam Dauid superauit Adarezer regem Soba, & fudit exercitum eius, superuenit gens Syrorum de Damasco in auxilium Adarezer. Pro quo sciendum, quod Damasceni a Damasco appellantur. Est enim Damascus civitas florentissima, & caput totius Syriae, ut patet Isa. 7. Terra tamen Syriae est magna, & est diuisa in duas partes. Quidam enim Syri vocantur Damasceni, qui sunt in parte illa in qua est Damascus. Alia autem pars Syrorum non vocatur Damasceni. Adarezer autem erat rex Soba, & illa terra est in Syria, tamen non est in Syria Damasci, sed in alia parte eius. Ideo serui Adarezer non vocabantur Damasceni, quia tamen omnes Syri inter se conicabant, & nunc Adarezer qui erat Syrus fuerat superatus a Da-

I. Paralip.

Ad David superuenerunt Syri Damasceni in auxilium eius, quamquam non essent de regno suo propter communicationem, & contra istos etiam pugnavit David. *Vt auxilium praberet Adarezer regi Soba.* Veniebant isti Damasceni ad auxiliandum Adarezer: David tamen mirabili celeritate bellum finivit, ita quod quando venit populus Damascenus, iam erat deletus exercitus Adarezer, & non potuit ei auxiliari, sed ipse commisit bellum David, & superatus est ab eo. *Sed & huius percussit David vigintiduo millia virorum.* Scilicet in bello, quod habuit David contra regem Syrorum Damascenorum, occidit vigintiduo millia virorum, & non dicitur hic, an isti viri essent equites, vel pedestres, vel existentes in curribus, ut dicebatur super. de viris regis Adarezer. *Et posuit milites in Damasco.* Scilicet vicit David Damascenos, & exercitum Adarezer, & subiecit sibi Syriam, & tunc posuit milites in Damasco, scilicet custodes arcium, & receptores tributorum, ut serviret Syria David sub tributo. Et quia Damascus erat caput totius Syriæ, posuit potius custodes in Damasco, quam in alijs locis. Vel forte nomine Damasci intelliguntur omnia loca regni Damasci, scilicet quod in illis posuit David custodes. *Vt Syria quoque serviret sibi, & offerret munera.* Id est posuit istos custodes, ut terra Syria, quæ subiugata fuerat ei in istis duobus bellis, offerret sibi munera, & maneret semper in servitio eius.

De Adarezer, & Syro Damasceno.

Quest. X.

QVAERITUR quis fuit iste Adarezer, contra quem nunc pugnavit David, & quis fuit Syrus Damascenus, qui superuenit in auxilium eius, & qualia fuerunt ista bella.

Respondendum est, quod Adarezer fuit rex potens in terra Syriæ, & dominabatur in illa Syria, quæ non pertinebat ad Damascum, voluit autem dilatare regnum suum versus terram David usque ad fluvium Euphratem. Et tunc David insurrexit contra eum, & fecit bellum, quod habetur hic. De hoc dicit Iosephus septimo Antiquitatum, quod Adrazarus filius Arai rex Sophinæ pugnavit contra David apud fluvium Euphratem. Et vocatur Adrazarus, id est Adarezer, & rex Sophinæ, id est Sobab. In auxilium huius venit Syrus Damascenus, & non nominatur hic quis rex fuerit iste: Iosephus tamen septimo Antiquitatum dicit, quod Adadus rex Syriæ Damasci audiens, quod David expugnasset Adrazarum tanquam amicus venit in eius auxilium, cum magno exercitu, de hoc etiam meminit Nicolaus in quarto lib. historiarum, sicut ibidem Iosephus dicit: Post hæc transacto multo tempore, quidam provincialium nomine Adadus fortissimus in Damasco, & alia Syria præter Phenicem imperavit, & abiit contra David regem Iudæ. Cumque multis prælijs dimicasset, novissime circa Euphratem victus est, qui tunc optimus regum robore, & fortitudine habebatur. Et etiam ait, quod filij istius Adadi usque ad decimam generationem regnaverunt. Et semper primogenitus accipiebat nomen patris, & succedebat in regno, ipsorum autem tertius valde potens, & reparare volens aui perditionem in isto bello Iudeis vastavit provinciam, quæ Samaria nuncupatur. Et dicit Iosephus ibidem, quod iste fuit Benadad, qui regnavit in Damasco tempore, quo in Israel regnavit Acab, & intulit ei multa bella. Erant autem isti duo reges Syriæ potentes, sed magis Syrus Damascenus, qui secundum Iosephum vocatur Adadus.

Cap. XVIII.

De causa belli David contra Adarezer regem.

Quest. XI.

QVAERITUR ulterius, an David habuit iustam causam pugnandi contra Adarezer regem Soba. Dicendum est, quod sic, quia David cum esset iustissimus ipse suo, nullum vellet iniuste vexare, & tamen pugnavit contra istum, ideo satis credendum est, quod habuit iustam causam pugnandi. Secundo patet quia Syri erant coniuncti terræ Israel, & ob hoc interdum lædebant eos inferendo damna. Nam multi latrunculi de terra Syriæ veniebant in Israel, & interdum ipsi reges veniebant ad pugnandum, ut patet 3. Reg. 15. & 20. & 22. & per totum processum quarti lib. Regum. Sic iste Adarezer regnans circa terram David, forte offendit eum in aliquo, propter quod David habuit iustam causam insurgendi contra eum. Non est tamen intelligendum, quod alias liceret David pugnare contra istum, scilicet accipiendum terram eius, vel solum desiderio occidendi, quia non erat iste de Chananeis, contra quos licebat Israelitis pugnare absolute ad occidendum eos. Nam Syria non erat intra terram Chanaan, sed in latere aquilonari eius. Et videtur dicendum, quod causa istius belli fuit, quia Adarezer voluit dilatare regnum suum usque ad Euphratem, & ad hoc pugnavit contra gentes, quæ erant usque ad Euphratem. Regnum autem David perveniebat usque ad Euphratem, quia ipse dominabatur toti terræ Chanaan, & terra Chanaan habebat Euphratem pro termino aquilonari: Gen. 15. Et tunc tangeret Adarezer aliquid de regno David, propter quod indignatus David pugnavit contra eum, & hoc videtur significari in littera, cum dicitur, quod pugnavit David contra Adarezer, quoniam perrexit, ut dilataret imperium suum usque ad flumen Euphratem, quod dicitur, quod dilatio illa fuerit causa istius pugne, quia aliter non scriberetur hic ista clausula, nisi aliquo modo pertineret ad causam istius pugne.

An Hemath fuerit ciuitas.

Quest. XII.

QVAERITUR ulterius de Hemath, de qua hic dicitur, an sit ciuitas, vel sit nomen alicuius regionis. Respondendum est, quod non apparet quid sit, & ideo utrumque potest dici, scilicet quod sit nomen ciuitatis, vel sit nomen regionis in Syria, & aliquis vult, quod magis dicatur esse nomen regionis, quam nomen urbis, quia dicitur hic regem Soba regionis Hemath, & sic regio erat, & non ciuitas. Item patet hoc, quia 4. Reg. 24. & 25. de Reblata ciuitate, quæ est in terra Hemath: ergo non est ciuitas, sed terra, in qua sunt multe urbes. Dicendum est, quod necesse est dici Hemath esse regionem, vel sive aliquam urbem magnam, quæ esset caput alicuius regionis. Et cum dicitur de Soba, quod erat in regione Hemath, non est sensus, quod Hemath esset regio, sed quod esset quedam ciuitas à qua denominaretur regio aliqua, vel terra Hemath. Sic enim erat de Samaria, quæ erat ciuitas, & tamen dicebatur aliquando terra, vel regio Samaritanorum, & sic dicitur Luce: In ciuitate Samaritanorum, ne introieritis. & tamen Samaria erat ciuitas, ut patet 4. Reg. 6. & 7. Et magis 3. Reg. 17. Sic etiam dicitur, quod Iesus transiit per unam ciuitatem Samarie: Luc. 9. Et sic significatur Samaria tanquam regio, & tamen erat ciuitas una, quæ erat metropolis totius regni Israel. Et quamquam Hemath quæ videretur posse stare, tamen dicendum est, quod Hemath erat ciuitas, & non regio, licet ab illa nominaretur quedam magna regio. Patet hoc primo quia dicitur in littera, quod Thou rex Hemath audiuit, quod David percussisset omnem exercitum Adarezer, si autem Hemath acciperetur pro regione, esset sensus, quod Thou erat rex totius regionis Hemath, & tamen hoc falsum est, quia Adarezer erat rex Soba, quæ erat in regione Hemath, & tamen

tamen erant isti duo hostes: Et sic haberent distincta regna, unde non posset esse Thou rex Hemath, si Hemath esset nomē prouincię, sed esset rex cuiusdā partis Hemath, & Adarezer rex alrerius partis, & nō magis vocaretur Thou rex Hemath, q̄ Adarezer. Oportet ergo q̄ Hemath sit nomen ciuitatis, & ab illa denominetur quēdā prouincia magna: Thou autē erat rex ciuitatis Hemath, & non prouincię, sed erant etiā alij dñi in illa prouincia. Et erat ibi quēdam ciuitas nomine Soba, quę erat caput regni Adarezer. Secundo patet, quia Nu. 34. vbi ponūtur limites terre Israel, ponuntur ibi multe vrbes tanquam termini. Si enim Hemath esset nomen alicuius regionis, non poneret conuenienter tāquam terminus terre Chanaan, quia non esset terminus limitatus, sed aliqua vna ciuitas poneretur pro termino, & tñ ponit Hemath pro termino, ideo nomē ciuitatis est, & non prouincię. Aliqui autē putant, q̄ ista ciuitas Hemath est ciuitas Antiochie, in qua Beatus Petrus tenuit primo sedem, & postea translata est in vrbein Romę. Alij vero dicunt, q̄ Reblata, quę est in terra Hemath, vt patet 4. Reg. 24. & 25. sit Antiochia, sed de hoc non consistit.

De quibusdam verbis, quę habentur hic, & 2. Reg. cap. 8.
Quest. XIII.

QVAERITVR quō dñ hic, q̄ David cepit mille quadrigas Adarezer, & tñ 2. Reg. 8. vbi ponitur ista historia, non dñ, quot quadrigas accepit, sed solum ponitur de centum curribus, quos sibi seruauit David. Rñdendum est, q̄ David cepit de exercitu Adarezer mille currus, quos habebat, quemlibet cum quatuor equis, & nongentos currus combussit, & subneruauit tria millia, & sexcentos equos eorum, reliquos astit cētum currus, & quadringentos equos ipsorum seruauit, & tñ 2. Reg. 8. vbi ponitur ista historia non fit mentio, quot currus accepit David de exercitu Adarezer, nec etiam dicitur, q̄ accepit aliquos. Sed quia postea dicitur, q̄ seruauit sibi cētum currus, & omnes reliquos iugales currum subneruauit: intelligitur, q̄ accepit aliquos currus in bello, sed non expressit ibi scriptura summam. Et quia in isto libro intentio Esdrę fuit supplementum, quę in alijs libris minus habebatur, expressit hic summam currum, quia erat mille, & manserunt centum.

De multitudine equitum, quos accepit David de exercitu Adarezer.
Quest. XIII.

QVAERITVR vterius quō dñ hic, q̄ accepit David septē millia equites de exercitu Adarezer, quia 2. Reg. 8. dicitur, q̄ accepit David ex parte eius mille, & septingentos equites. Rñdet Nicolaus, & quidam alij, q̄ in hoc non est alia difficultas, quia minor numerus intelligitur septē millia, qui capri sunt, tñ 2. Reg. 8. ponuntur mille, & ista positio non videtur satis conueniens. Nam si hic poneretur numerus equitum, & 2. Reg. 8. nihil poneretur, posset dici conuenienter, quod non supplementum hic id, quod ibi deficiebat, sicut ponitur hic, q̄ David mille quadrigas de exercitu Adarezer. Et non ponitur aliquis numerus secundo Reg. 8. vbi ponitur ista historia, & hic suppletur numerus ibi. Quod tamen ponatur hic quēdam pars numeri, & non totus numerus, nimis esset irrationabile, nisi esset aliqua causa specialis, potissimē cum ponatur, q̄ propheta, qui scripsit libros Regum, ignoraret illum

A numerum. Sed concedimus, quod ipse sciebat. Item si fortē poneretur aliquis numerus hic, & alius secundo Reg. 8. qui per modicum differrent, erat satis verisimilis ista varietas, eo quod interdum scriptura non curat ponere numerum s̄m vltimā taxationem suā, sicut etiam nos facimus, & quia hic scriptura supplet ea, quę deficiunt in alijs libris bene statet, quod suppleretur hic aliqua pars numeri, sicut 4. Reg. 24. dicit, quod regnauit Ioachim tribus mensibus, & sequenti libro capit. vlt. dicitur, quod regnauit tribus mēsis, & decem diebus. Sic etiam Gen. 15. dixit Deus, quod quadringentis annis peregrinum futurum esset semē Abrahę: Et tamen illi erant anni quadringenti, & quinque vt probatum est eod. capit. non curauit scriptura de illo paruo numero, & expressit numerum maiorem quasi p̄cisum: hic tamen secus est, quia hic ponuntur septem millia equites, & 2. Reg. 8. ponuntur mille, & septingenti. Dicendum ergo videtur, quod scriptura expressit ibi minorem numerum, q̄ hic, & verum est, quod fuerunt septem millia equitū, tamen posuit ibi scriptura mille, & septingentos, quia fortē isti erant principes aliorum, vt pote si erant distincti per decanos, vel per alios minores principes, & scriptura posuit hic omnes milites, siue principantes, siue subiectos, & ibi posuit solum principantes, vel poterat esse aliqua alia causa specialis excellentię, propter quam exprimerentur illi mille, & septingenti, & non alij, quia fortē expressis illis intelligebantur ceteri, vel fortē David fecit multa bella cum Adarezer, & cum aliquo illorum occidit mille, & septingentos equites, quos expressit ibi scriptura, milites autem occisos in omnibus bellis enarrat scriptura hic.

De varietate peditum occisorum. Quest. XV.

QVAERITVR vterius quomodo variatur hic numerus peditum occisorum, & 2. Reg. 8. quia in vno loco ponuntur viginti millia peditum. Et in alio ponuntur vigintiduo millia. Responderi potest vno modo, quod ponuntur in vno loco viginti millia, quamquam essent vigintiduo millia, eo quod de paruo numero non curat interdum scriptura, & subtrahit aliquam particulam, dum tamen exprimat maiorem partem numeri. Secundo potest dici, quod fuerunt diuersa bella. Et in vna litera istarum ponuntur pedites occisi in omnibus bellis, s. vigintiduo millia, & in alia ponuntur pedites occisi solum in quibusdam bellis, s. viginti millia, & subtrahuntur duo millia occisorum in alijs bellis. Tertiō potest dici, quod erant vigintiduo millia electorum, & quēdam litera posuit omnes pedites occisos, alia vero solum posuit pedites electos, scilicet vigintimillia.

De obligatione David circa equites currum, quos accepit.
Quest. XVI.

QVAERITVR vterius, an David obligabatur subneruare omnes equites currum, quos accepit in bello. Nam subneruauit omnes p̄ter centū quadrigas. Aliquis dicit, quod obligabatur subneruare: nam si non obligaretur non erat verisimile, q̄ veller perdere tantam multitudinem equorum. Nā cepit mille quadrigas, quę continebant quatuor millia equorum. Et de his solum reliquit centum currus, ideo oportet, quod occiderit equos nongentorum currum, scilicet tria millia, & sexcentos. Et tamen isti equi poterant sibi multum proficere ad bellum, quia habendo istos currus, & equos efficeretur vir potens. Nam Iabin rex Chanaan dicebatur rex potentissimus. Et tamen solum habebat nongentos cur-

currus falcatos: Iud. 4. Et dato, quod Dauid nollet vti illis ad bellum, sed vendere, haberet inde magnum pretium, quod patet, quia Salomon emebat currus, & equos ex Aegypto, & Coa. & quelibet quadriga costabat sexcentis siclis argenti, vt patet tertio Reg. 10. & sequenti libro cap. nono. Et tamen Dauid subneruauit istos equos, ideo videtur, quod obligabatur facere, quia alias non fecisset. Secundò patet, quia Iosue 11. Deus precepit Iosue pugnanti contra Chanaanos, quod equos subneruaret, & currus igne combureret: ita ergo Dauid facere tenetur. Respondendum est, quod Dauid non obligabatur subneruare equos, nec comburere currus, sed fecit, quia voluit, cuius causa poneretur sequenti quaestione, & patet hoc, quia nullum preceptum erat in lege ad faciendum hoc, sed generaliter diffiniebatur, quod contra quamcunque gentem pugnarent Israelitæ, siue contra Chanaanos, siue contra alios, prædam exercitui diuideret, vt patet Deut. 20. & Iosue octauo, nisi forte ciuitas subijceretur anathemati, quia tunc non licebat accipere aliquid de illa ad vsus humanos, sed omnia cremabantur, præter illa, quæ ponebantur in thesauris Dei. Sic factum est de vrbe Iericho, quæ fuit prima quam acceperunt Israelitæ in terra Chanaan: Iosue 6. & 7. Sic etiam erat de omnibus ciuitatibus Israelitarum, in quibus erant idolatræ: Deut. 13. Sic etiam fuit de tota terra Amaleitarum, primo Reg. 15. Nunc ergo cum currus, & equi intelligantur in præda, non obligabatur Dauid subneruare illos, sed poterat sibi referuare. Secundò patet, quia si equi, & currus essent illiciti ad vsus Dauid, & teneretur equos subneruare omnes subneruasset. quia preceptum generale erat, & tamen referuauit sibi centum currus, vt patet in littera, ergo non obligabatur subneruare aliquos, sed solum voluit hoc facere.

Ad rationem primam in contrarium dicendum, quod quamquam Dauid non obligaretur subneruare equos, & non subneruando eos multum inde lucraretur, voluit tamē subneruare, quia habuit ad hoc iustum motiū, vt declarabitur sequenti quaestione.

Ad secundum dicendum, quod preceptum illud datum Iosue nō obligauit Dauid, nec aliquem alium nisi Iosue, quia fuit preceptum personale datum certæ personæ, & non datum in legem. Etiam ipse Iosue non obligatus fuit omni tempore ad hoc, sed solum in illo bello, & poterat in alijs referuare sibi equos, & currus, & hoc, quia istud præceptum solum fuit sibi datum in illo bello, scilicet de equis, & curribus, quos ibi caperet: manebat ergo liberum Dauid, & quibuscunq; alijs retinere sibi currus, & equos quos in bellis caperent.

Quare equos, & currus, quos accepit Dauid subneruauit.
Quæst. XVII.

QUÆRITVR vterius, cum licitum esset Dauid retinere sibi istos currus, & equos quos cepit in bello, vt declaratum est præcedenti quaestione: & vtile valde sibi erat retinere illos, vel vendere, & non subneruare, cur subneruauit.

Respondendum, quod aut Dauid retineret sibi istos equos, aut venderet alijs gentibus, neutrum autem istorum erat sibi conueniens, ideo subneruauit eos. Non enim sibi conueniebat vendere illos, quia omnes gentes, quæ erant in circuitu regni Dauid erant hostes ei, & si venderet eis Dauid istos equos, & currus, munirentur inde ad pugnandum contra ipsum. Et propter hoc in quolibet regno interdictum est ne

F arma hostibus vendantur, Et sic expediebat magis Dauid perdere precia istorum equorum, & currum, quam vendere illos hostibus. Retinere autem sibi Dauid nolebat propter duo. Primo quia aequaliter erat contra legem, quia Deus iusserat Deut. 17. quod rex non multiplicaret sibi currus, & equos, ne redneret populum in Aegyptum equitatus numero subleuatus, Dauid autem erat vir valde deicola, & in omnibus volebat sequi legem ad litteram. Ideo nolebat tenere mille quadrigas equorum, quia erat multitudo magna. Secundum erat propter laudem Dei, quia si Dauid haberet secum currus in multitudine, vteretur istis ad bellum, quia iste erat apparatus virorum illius temporis ad bellum, & victoriæ, quas haberet. **G** Dauid viderentur esse in virtute currum, & equorum, sicut gentes confidebant in curribus, & in equis: vt ergo victoriæ suæ attribuerentur Deo, noluit habere currus, & equos, nec similes apparatus belli. Ista fuit causa quare Deus iussit Iosue, quod subneruaret equos, & cremaret currus, quos in bello caperet, vt declaratum est Iosue vndecimo. Quod autem ista fuerit intentio Dauid, satis colligitur Psal. decimonono, scilicet: Hi in curribus, & in equis, nos autem in nomine Dei nostri inuocabimus: ipsi obligati sunt, & ceciderunt, nos autem surreximus, & erecti sumus. Et etiam Psal. trigesimo secundo, dixit Dauid: Fallax equus ad salutem, in abundantia autem virtutis suæ non saluabitur. Non ergo curauit Dauid habere currus, & equos, sed subneruauit illos. Salomō autem filius eius, qui non tam recto corde sperauit in Domino, multiplicauit sibi currus, & equos in principio regni sui. Nam habuit quadraginta millia præsepia equorum currilium, & duodecim millia equestrium tertio Reg. 4.

Quare non subneruauit omnes equos, & currus.
Quæst. XVII.

QUÆRITVR vterius, cum Dauid subneruauerit equos quasi quatuor millia currum, quare reliquit centum quadrigas.

Respondendum est, quod fecit hoc propter duo. Primo quia non erat contra legem Dei: nam si retinisset sibi Dauid istas mille quadrigas equorum, faciebat contra legem Deuteronomij decimosextimo, scilicet: Non multiplicabit sibi rex currus, & equos, ne reducat populum in Aegyptum equitatus numero subleuatus. Quod autem retineret sibi centum quadrigas non erat multiplicare equos, ideo retinuit sibi. Secundum erat, quia Dauid volebat istas quadrigas equorum non ad bellum, sed ad ornatum, & ad ostendendum maiestatem regiam. Nam reges habebant currus falcatos quibus veherentur, & alij principes magni, & potissime illi, qui habebant spem regnandi utebantur curribus. Sic enim fecit Absalom, quando voluit regnare viuentis patre. Nam fecit sibi currum, & quinquaginta viros, qui præcederent eum secundo Regum decimo quinto. Adonias quoque quartus filius Dauid, qui regnare intendebat mortuo Absalom, fecit sibi currum, & viros quinquaginta præcedentes eum, & dicebat ego regnabo, tertio Regum primo. Dauid ergo, qui erat rex gloriolus tempore suo in tota terra, voluit ad apparatus regie maiestatis habere secum istos centum currus. Etiam volebat hoc ad exercitationem filiorum suorum, & aliorum de regno in apparatu bellico. Nam potissimus apparatus militaris gentium erat in curribus falcatis, & Iudæi non habebant tales currus, sed bello pedestri decertabant: vtile ergo

go fuit, quòd aliquando erudirentur ad modum pugnandi in curribus, ne essent minores Gentilibus in exercitatione bellica, & vt nosset omnem modum pugnandi.

De bello David contra Syrum Damascenum an fuerit iustum.

Quæst. XIX.

QUÆRITUR Vterius an David habuit iustum bellum contra Syrum Damascenum, de quo hic.

Respondendum, quòd habuit iustum bellum, quia Deus adiuuabat eum in omnibus his, vt patet in litera. Et tamen non adiuuaret iniustam causam pugnandi, vel saltem Scriptura non faceret mentionem, quòd Deus adiuuabat eum. Et hoc potest stare dupliciter: Vno modo dicendo, quòd David non mouit bellum contra Syrum Damascenum, sed sustinuit ab eo bellum quòd patet, quia dicitur. Quod superuenit Syrus Damascenus, vt auxilium ferret Adarezer regi Soba. Et tamen in sustinendo bellum non esset iustum, vel iniustum, sed in agendo, quia patet est inuoluntarium, & in eo non est culpa. Potissimum, quia cuilibet est permissa defensio ab hoste. Secundo potest dici, quòd dato, quòd David committeret bellum contra Syrum Damascenum habebat iustam causam. Nam Syrus veniebat in auxilium Adarezer, & David habebat iustum bellum contra Adarezer, vt declaratum est supra in quadam questione, ideo haberet etiam iustum bellum contra omnes fautores Adarezer.

De impositione tributaria in Syriam Damasci.

Quæst.

XX.

QUÆRITUR Vterius an licitè potuit David imponere tributum Syriæ Damasci, & habere ibi custodes ad hoc, quòd seruiret sibi Syria. Aliquis dicet, quòd non, quia quando Israelitæ pugnabant contra aliquam gentem, aut illa erat de Chananæis, aut non. Si de Chananæis tenebantur occidere omnes, quos possent, & si parcerent aliqui peccabant: Deuteronom. vigesimo. Si autem esset de alijs gentibus, tenebantur Israelitæ offerre pacem vrbi, contra quam vellent pugnare, & si aperiret portas, & traderet se Israelitis, non licebat eis occidere quemquam, nec prædari, sed habebant eos in tributarios. Si autem non aperiebant portas, debebant pugnare contra eos, & occidere omnes præter mulieres, & paruulos, eodem capitulo. Et tamen Syri Damasceni non tradiderunt se sponte David, sed pugnavit contra eos, ideo non poterat eos facere sibi tributarios, sed obligabatur occidere ipsos.

Respondendum est, quòd David potuit licitè imponere tributum Syris Damascenis, & Syris regni Soba, vel occidere eos, aut facere quodcumque volebat de hoste, dum tamen non teneretur lege ad aliquid certum faciendum de illo. Nam in bello iusto victori licet facere quodcumque voluerit de hoste: dum tamen non teneatur lege ad aliquid certum faciendum de illo: sic autem erat nunc de David, quia in bello iusto superauit Syros Damascenos, & Syros regni Soba, & lex non ardebat eum ad aliquid in hoc casu, ideo poterat facere quodcumque vellet. Sciendum tamen, quòd licet David viceret regem Adarezer, & occidit totum exercitum eius, vt patet infra in litera: tamen non accepit terram illius, quia non putat.

Alph. Tost. in lib. I. Paralip.

A gnauit contra vrbes regis Adarezer, sed solum contra vrbes Syrorum Damascenorum, & cepit illas, posuitque custodes in eis, vt gens terræ illius non posset sibi rebellare, sed manerent semper subditi tributis. Cum autem obijcitur, quòd David non poterat gentem istam subiicere tributis, sed cogebatur occidere omnes viros.

Dicendum, quòd illud quod habetur Deuteronomij vigesimo, intelligitur quando pugnabant Israelitæ contra aliquam gentem inclusam in vrbe. Nam tunc tenebantur offerre pacem. Quòd patet, quia dicitur ibi de aperitione portarum. Si tamen pugnaretur in campo, non tenebantur Israelitæ offerre pacem, nec habebat locum illa lex. Et sic poterant facere quidquid vellent post victoriam.

B Ratio differentia est, quia quando aliqua gens erat inclusa muris, nesciebatur de ea an haberet voluntatem pugnandi contra Israelitas, vel non. Ideo priusquam inciperent pugnare Israelitæ tenebantur offerre pacem, si tamen aliqua gens exiret in campum, iam de illa certum erat, quòd volebat pugnare, ideo non oportebat sibi offerri pacem, quia pax offerebatur pro dubio. Et sic in isto casu non erat aliqua lex, ideo poterant Israelitæ occidere victos in campo, vel imponere eis tributum, aut facere quodcumque aliud vellent, sic fuit nunc de Israelitis pugnantibus contra Syros, quia pugnaverunt in campo, ideo licet restiterint eis, poterant sibi imponere tributum, & non obligabantur occidere eos. Vel potest etiam dici, quòd hic obseruata fuit lex illa de offerenda pace, quia fortè David superauit in campo, Syros Damascenos, & occidit viginti duo millia, vt patet in litera. Deinde discurret per ciuitates singulas Damascenorum ad obtinendum eas. Et cum timerent Damasceni David, non ausi fuerunt resistere sibi, sed aperiebant sibi portas, & tunc secundum legem David poterat eis imponere tributum, & non poterat aliquid aliud facere contra eos.

D Adiuuitque eum Dominus in cunctis ad quæ perrexerat. Tulit quoque David Pharetras aureas, quas habuerunt serui Adarezer, & attulit eas in Ierusalem, necnon de Tebath, & Cuius vrbibus Adarezer æris plurimum, de quo fecit Salomon mare æneum, & columnas, & vasa ænea.

Adiuuit eum Dominus in cunctis, ad quæ perrexerat. Istud ponitur hic ad declarandum vera esse omnia supra prædicta. Nam multa bella David supra fecit contra reges potentes, & in omnibus prospere se habuit, de quò miraretur aliquis quomodo omnia ista sic euenirent, vel an esset istud aliquod fictum. Et dicitur, quòd Deus adiuuabat David in omnibus his, quasi dicat, propter hoc David potuit facere hæc, quia Deus adiuuabat eum in omnibus: alioquin non potuisset in omnibus prospere se habere.

Tulit quoque David Pharetras aureas, quas habuerant serui Adarezer. Inter reliquam prædam specialiter fit hic mentio de Pharetris aureis, quia illæ fuerunt magni ponderis auri, & ferebant eas serui Adarezer, quòd intelligendum est de aliquibus armigeris Regis. Nam ille ad ostendendam

D d dam

dam magnam gloriam suam cum esset rex diues fecerat Pharetras de auro, & quosdam alios apparatus bellicos, armigeri sui ferebant coram eo istas Pharetras aureas, & alia arma aurea, vt regalem ostenderet decorem.

Et attulit eas in Ierusalem. Totam prædam attulit Dauid in Ierusalē, q̄a ibi habitabat, & specialiter vasa aurea, & argentea, quæ accepit in omnibus bellis. Nam illa tulit in Ierusalem, & consecrauit Domino, vt patet infra in litera.

Necnon de Tebath, & Cun vrbibus Adarezer eris plurimum. Scilicet, de Syria Damasci tulit multam prædam, & tamen etiam de istis duabus vrbibus Adarezer tulit magnam copiam eris. Ista enim fuit preciosior præda terre illius. Sciendum autem, quod quāquam Dauid superauit prius in bello Adarezer regē Soba quā in Syrum Damascenum, tamen terram Damascenorum peragratus est Dauid, & subiecit eā sibi in tributum, & posuit custodes in ea, vt patet supra in litera. In terra autem regis Adarezer non discurrit Dauid ad acquirendum vrbes, nec legitur posuisse custodes in ea, nec fecisse illam sibi tributariam, sed solum Syriam Damasci, præter quam de istis duabus vrbibus, quas prædatus est, & inuenit ibi multum de ere. Vocantur aliter istę vrbes secundum Iosephū octauo Antiquita. scilicet, Tebath vocatur Bachan, & Cun vocatur Machon, nec istud est mirabile, quia fortē tempore Iosephi iam erant mutata nomina istarum vrbium.

De quo fecit Salomon mare æneum. Scilicet de illo ere, quod tulit de vrbibus Adarezer fecit mare æneum Salomon. Istud fuit in edificatione templi: nam fecit Salomon omnia vasa necessaria ad ministratiōē Sacerdotalem, & Leuiticam, & vnum de vasis ministratiōis Sacerdotalis erat mare æneum. Erat autem istud mare quoddam vas magnum rotundum ad figuram dimidię spherę, & erat locatum super duodecim boues æneos, & capiebat duo millia batos de aqua: magnitudo autem eius, & figura, & alia, quæ ad ipsum pertinent habentur tertio Regum septimo. Erat autem istud mare ad habendum in eo semper aquam, vt lauarentur ibi Sacerdotes, quando ministrare deberent, quia non licebat alicui Sacerdoti ministrare nisi prius lauaretur, & lauabant Sacerdotes manus, & pedes quocumque ministrabant, vt patet Exo. 30.

Et columnas. Istę fuerunt duę columnę positę coram porta templi Salomonis pulchrę nimis, habentes capitella opere reticulato intermixtis ordinibus malorum granatorum, de quorum figura, & opere habetur. 3. Reg. 7.

Et vasa anea. Multa etiam alia vasa fuerunt facta de ere, scilicet, fuscinule, & lebetes, & ignium receptacula, & generaliter omnia vasa, quæ seruiebant immediatē altari holocaustorum, quorum nomina, & numerus ponuntur. 3. Reg. 7. Et omnia fuerunt fabricata de isto ere portato de vrbibus regis Adarezer.

Quomodo fuerit Dauid adiutus a Deo. Quest. XXI.

QUÆRITUR Vterius cum dicitur, quod Dominus adiuit Dauid in omnibus, ad quæ pertexit, quomodo adiuit eum.

Respondendum, quod Dominus adiuit Dauid in omnibus bellis ad superandum hostes suos. Et potuit eum adiuuare multipliciter, vno modo augendo vires, & animositatem Dauid, & virorum suorum, scilicet, quod quamquā ante hoc essent impares viribus ceteris gentibus, tamen per hoc acquisierunt vires, ita vt possent superare illas gentes. Sic fuit

F de Hebręis, qui erant minores numero alijs populis: Deuteronom. 7. & superauerunt eos, quia Deus dedit sibi vires: Deuteronom. 8. f. Ne dicas in corde tuo, fortitudo mea, & robur manus meę hæc mihi omnia præstiterunt, sed recorderis Domini Dei tui, quod ipse tibi vires præbuit, vt impleret pactum suum. Alio modo poterat hoc fieri incutiendo timorem Dauid super hostes, ita vt non auderent ei resistere. Nā Deus infligit timorem homini, vel quancumque aliam passionem, eo quod cor hominis est in manu eius, & quocumque voluerit vertet illud Prouerb. 21. sic enim fecit Chananæis, quando Israeliaę pugnaturi erant contra eos, scilicet, incutiebat eis timorem, vt fugerent: Exo. 23. scilicet. Timorem meum mittam in præcursum tuum, & occidam omnem populum, ad quem ingredieris, cunctorumque inimicorum tuorum coram te terga vertam. Alio modo poterat hoc esse, quod Deus daret hostibus Dauid aliqua impedimenta pugnandi, vt quod mitteret aliqua animalia, quæ eos impedirent. Sic fuit quando pugnauerunt Israelitę contra Chananęos, nam Deus misit crabrones, id est, vespas ante faciem Israelitarum, vt morderent Chananęos, & fugarent eos, ne possent subsistere in bello: Exo. 23. & Sapi. 12. scilicet. Emmittam crabrones, qui fugabunt Heuęum, & Chananęum. Et quando aliquis fugiebat de Chananęis a facie Israelitarum, & latebat, ita vt non possent eum inuenire Israelitę, mittebat Deus crabrones post illum, qui erant tam venenosi, vt occiderent eum, nec poterant latere: Deutero. 7. scilicet. Insuper crabrones mittet Deus in eos, donec deleat Deus omnes, qui te fugerint, & latere potuerint. Alius modus erat, quod Deus faceret hostes Dauid indispositos ad pugnandum, vt quod incuteret ei aliquam passionem capitis, per quam ne scirent pugnare, nec defendere se a Dauid, sed traderentur in manus eius sine labore, sic fuit quando Syri circūdederunt urbem, in qua erat Eliseus, vt caperet eum, & portaret in Damascum ad regem Benadad. Nam percussit Deus illos cecitate non quidem, quod non viderent, sed quod non cognoscerent Eliseum, quem videbant, licet ante hoc eum cognouissent, & vidissent sepe, nec etiam cognoscerent loca, per quæ trāsibant, quamquā illa essent sibi frequentata. Et sic Eliseus duxit illos in Samariam, & posuit illos in medio hostium suorum, nec tamen illi cognoscebant, ubi erant quousque orauit Eliseus, vt aperirentur oculi eorum, & tunc cognouerunt, & timuerunt. 4. Reg. 6. Alius modus erat, quod Deus daret Dauid aliquas instructiones magnę prudentię, quas nescirent hostes eius, & sic non possent resistere ipsi. Sic fuit de Gedeone pugnante contra Madianitas, & limahelitas, qui tulit secum trecentos viros habentes lagenas in manibus, & buccinas in alijs, & circūdedit eos citum hostilem in circuitu per noctem, quando grauis sopor oppresserat omnes de castris, & subito apparuerunt lucernę in circuitu castrorum, & trecentę buccinę, & putauerunt Madianitę, quod infinita multitudo venisset super eos, & esset iam in castris, & sic turbati euigilauerunt, incēperuntque se mutuo percutere putantes, quod percuterent hostes, & ipsi fecerunt totum bellum nihil facientibus Israelitis nisi clangere buccinis Iudic. septimo. Alius modus erat, quod Deus summitteret interdum soporem in hostes Dauid, vel aliam passionem secundum quam non possent se defendere. Sic fuit quando Saul persequabatur Dauid. Nam Deus misit soporem grauem super Saulem, & omnes de castris, & deiecit lanceam, cum Abisai per noctem in castra, & accepit eū, sed non quæ erat ad caput Saulis potuitque occidere eū, sed noluit: 1. Re. 26. Alius modus erat, quod Deus faceret appere aliquem

aliquem exercitum magnum, cum David. s. multitudine magnam Angelorum, & hostes videntes fugerent. Sic enim fuit quando Syri obsederunt urbem, in qua erat Eliseus, & puer eius timuit. Oravitque Eliseus, ut aperiret Deus oculos pueri & aperuit, viditque montem plenum curribus igneis, & equis igneis, & sic consolatus est de timore suo. 4. Reg. 6. Si autem vidissent hostes illam multitudinem Angelorum, timuissent nimis, & fugissent, potissime quia aspectus eorum erat terribilis. s. quia videbantur currus ignei, & equi ignei. Alius modus erat, quod Deus mitteret aliquos Angelos, qui adiuuarent David, dato quod non viderentur. Et illi faciliter occiderent multos de hostibus. Sic enim fuit de Angelo, quem Deus misit in castra Senacherib, qui occidit in una nocte de Assyriis centum, & octoginta quinque millia virorum. 4. Reg. 19. Sic etiam Angelus occidit primogenita Aegyptiorum in una nocte, quando volebant dimittere Israelitas: Exo. 12. Alius modus erat, quod Deus mitteret Angelos, qui apparerent viri bellatores, & realiter pugnarent contra hostes. Simile fuit de Heliodoro, quem misit rex Celosyrie, ut acciperet pecuniam magnam quae erat in templo, & apparuit quidam Angelus in equo habens terribilem aspectum, & fustigavit eum, ita ut seminiortuus subito redderetur, ut patet 2. Machab. 3. Alius modus erat, quod Deus faceret appare re hostibus, quod terra movebatur sub pedibus eorum, & audirentur fragores de caelo, & territi fugerent, licet secundum veritatem non esset aliquis tremor, sic fuit quando Philistini congregati sunt contra Israelitas sacrificantes in Malphath, nam timuerunt, & oravit Samuel pro eis. Intonuit Dominus de caelo fragore magno super Philistinos, & fugerunt a facie Israelitarum occisi que sunt 1. Regum 7. Alius modus erat, quod Deus faceret, quod hostes David audirent aliquem sonitum tamquam exercitus magni venientis contra se subito, & nihil viderent: neque esset aliquis exercitus, & fugerent territi. Sic fuit quando Benadad rex Damasci obsidebat Samariam, ita ut Israelitae perirent fame. Nam fecit Deus audire in castris Syrorum sonitus currum, & equorum, & exercitus plurimi, & dixerunt Syri rex Israel conduxit reges Hetheorum, & Aegyptiorum, & ecce veniunt super nos. Et tunc praeter timore fugerunt Syri, & reliquerunt in castris omnia, quae habebant quarto Regum septimo. Poterat hoc etiam fieri per diem, dum tamen fieret inter arbores, vel in alio loco occulto, ut hostes possent audire tumultum, & nihil possent videre. Ideo putarent, quod aliquis exercitus magnus veniebat contra eos: sic enim fuit semel quando pugnavit David contra Philistinos: nam Deus insit ei, quod non procederet contra hostes quousque audiret sonitum gradientis in cacumine quarto. Et illud erat, quod Deus volebat facere audiri sonitum exercitus magni Philistinis. Et sic fugerunt a facie David. Alius modus erat, quod Deus faceret, quod arma, & reliqui apparatus bellici hostium, & sic non possent se defendere contra hostes. Et hoc factus bellicus sit melior quam alias erat, ideo etiam buchothonor, quem Deus misit contra Israelitas, & fecit quod apparatus suus ad bellandum esset indeficiens, ut patet Isa. 5. 1. Ecce festinus veniet velociter non est deficiens, nec laborans in eo, non dormitabit, nec dormiet, neque soluetur cingulum renum eius, nec tunc petur corrigia calciamenti eius, sagitte eius acutae, & omnes arcus eius extenti: ungulae equorum eius, ut Alph. Tost. in lib. I. Paralip.

A flix, & rores eius quasi impetus tempestatis. Istam fortitudinem, & apparatusum Deus ei dabat, ut puniret Indecos, ut patet Abacuch primo, scilicet, Domine in iudicium posuisti eum, & fortem, ut corripere fundasti eum. Simile patet Isa. decimo. Alius modus erat, quod Deus mitteret turbationem super hostes David. Et ipsi nescirent se defendere, vel non possent. Sic enim fuit quando Ionathas, & armiger eius ascenderunt ad castra Philistinorum, ubi erat innummerabilis multitudo, & misit Deus turbationem in castra, & solus Ionathas occidit viginti Philistinos, & ipsi etiam se percutiebant: fugitque totus exercitus a facie eius: primo Regum decimoquarto. Alius modus erat, quod Deus faceret, quod hostes inter se ipsos non se cognoscerent, & pugnarent contra se: sic enim fuit quando Moabitarum, Ammonitarum, & Idumaei voluerunt pugnare contra Iosaphath regem Iudae: Nam posite fuerunt duae partes eorum in insidijs, & tertia manifesta manebat. Et consurrexerunt filii Ammon, & Moab contra Idumaeos, putantes se esse hostes, cum essent loci, & occiderunt se ipsos mutuis vulneribus: periitque totus exercitus hostium, nihil faciente Iosaphath, immo nec vidente, sed postea cum veniret ad locum hostium inuenit omnes occisos sequenti lib. cap. vigesimo. Alius modus erat, quod Deus subito, & quasi insensibiliter per se, vel per Angelum suum deleteret aliquem exercitum: sic enim fuit quando Senacherib obsidebat Ierusalem, & Deus misit Angelum iuvenem per noctem, occiditque de castris Assyriorum centum, & octoginta quinque millia virorum, & non sentiebat vnus alium morientem: unde Senacherib diluculo surgens vidit castra sua plena cadaveribus, & cum paucis reuersus est in terram suam, quarto Regum decimonono. & Isai. trigesimo septimo. Alius modus erat, quod Deus mitteret de caelo lapidem, vel fulmina, aut aliud genus tempestatis super hostes David, & occideret multos. Sic enim fuit quando Iosue persequeretur quinque reges fugientes die, quo sterit Sol: misit enim Deus lapides grandinis magnos super Chanaanos in descensu urbibus Bethoron, & plures occisi sunt lapidibus, quam ceciderant gladio Hebræorum Iosue decimo. Alius modus erat, quod Deus subuerteret, & occideret per terremotum subito hostes David. Sic enim fuit de Amorrhæis, qui erant in insidijs apud torrentem Arnon ad occidendum Israelitas, quando transirent. Et erant in duabus cauatoris scopulorum. Inclinauit autem Deus scopulos usque ad torrentem, & ibi oppressit atque suffocavit omnes Amorrhæos, ut colligitur Numeri vigesimo primo, & patet in libro bellorum Domini. Multi alij modi possunt esse ad hoc, quod Deus destruat hostes cultorum suorum, de quibus in multis locis sacre Scripturae habetur. Nec est in hoc dubitandum, quod Deus tot modis potest aliquos occidere, quot modis voluerit, cum nihil effugiat potentiam eius. Et sic poterat David adiuuari a Domino aliquo de istis modis contra hostes, vel multis alijs.

De Pharetris aureis.

Quasi. XXII.

QVAERITUR Vterius de Pharetris aureis, quas tulit David seruis regis Adarezer, & ad quid portabant eas.

Respondendum est, quod non solum portabant isti Pharetras aureas, sed etiam quaedam alia arma aurea. Pro quo sciendum, quod quaedam sunt arma offensiva, sicut lanceae, & gladij, & quaecunque iacula: alia autem sunt defensiva, sicut lorica, scutum, & pelta. Alia autem sunt, quae neutrum horum

habent, sed magis sunt ad custodiam aliorum armorum, sicut pharetre, in quibus portantur sagitte, & similia vasa, arma autem offensiva nūquam sunt de auro, nec habent laminas auri, eo quod aurum nō est conueniens metallum ad nocendum, sicut ferrum quod omnia domat, & frangit Daniel. 20. Arma autem defensiva etiam non sunt de auro, quia nō sunt tam conuenientia ad sustinendum ictus bellicos, sicut arma ferrea. Interdum tamen operiuntur laminis aureis ad fulgorem, & pulchritudinē: dum tamē interiora sunt ferrea. Sic patet 1. Machab. 6. scilicet. Refulsit Sol in clypeos aureos, & resplenduerunt montes ab eis. Et ista scuta aurea erant Regum Gentilū, qui veniebant ad pugnandum contra Iudam Machabæum. Et illę laminę aureę non ponebantur in scutis propter aliquam vtilitatem bellicam, quia vtilius erat scutum de ferro puro, sed ponebātur ad pulchritudinem, & ad ostendendum dignitatem regiam, quia ista scuta solum portabant reges, & armigeri eorum, qui precedebant eos. Illa autem, quę non sunt propter arma, sed armorum vasa, possunt fieri de auro, & æqualiter sunt vtilia de auro, vel de ferro, & sic sunt Pharetre. Vnde nunc serui regis Adarezer portabāt Pharetras aureas, non tamen est intelligendum, quod omnes serui Adarezer portarent Pharetras aureas, sed solum aliqui, qui erant specialiter serui regis, sed armigeri sui, & isti portabant Pharetras aureas ad ostendendum regalem gloriam, ut etiam significaretur differentia regis, & aliorum, & cognoscerentur per hoc armigeri regis. Interdum autem sunt arma ad solam gloriam ostendendam, & non ad aliquem vsum bellicum, & tunc poterant omnia fieri de auro tam arma offensiva, quā defensiva, sicut fuit de Salomone, qui fecit ducenta scuta de auro purissimo, & trecentas peltas, & ducentas hastas etiam de auro, ut patet tertio Regum decimo, & sequenti lib. capit. nono. Ista autem non erant ad bellandum, sed ad decorem regum: nam quando Salomon exibat de domo sua precedebant eum scutarii sui ferentes ista scuta, & speitās, & lanceas, tertio Regum decimo-quarto.

Quid fecerit Dauid de Pharetris. Quæst. XXIII.

QVAERITUR Vterius de istis Pharetris aureis, quid factum est.

Respondendum est, quod Dauid omnia vasa aurea, & argentea, quę alias habebat in bellis in quacunque gente portabat in Ierusalem, & consecrabat illa Domino pro edificatione templi futuri, ut patet infra in litera, scilicet. Sed & omnia vasa ænea, & aurea, & argentea consecrauit Dauid Domino cum argento, & auro, quod tulerat ex vniuersis gentibus tam de Idumęa, & Moab, & filiis Ammon, quā de Philistiim, & Amalec. Iosephus autem octauo Antiquit. dicit, quod Dauid consecrauit istas Pharetras Domino, quas postea tulit Selaus rex Aegypti, quando pugnavit contra Roboam nepotem Dauid: nam tunc tulit thesauros domus Domini, & thesauros regios, & scuta aurea, quę fecerat Salomon, ut patet 3. Reg. 14.

An fuerit licitum fieri mare æneum, &c.

Quæst. XXIII.

QVAERITUR Quomodo fieri licuit mare æneum, & alia vasa templi Domini de cre, quod aliā fuit de terra idolatrarum. Nam id quod pertinebat ad idolatras non solum non poterat Deo applicari, sed etiam non licebat Iudeis transferre il-

F lud in vsus suos, nec etiam concupiscere licebat illud, Deuteronom. septimo. Item non solum hoc, sed etiam obligabantur Israelitę ea, quę erant in civitatibus idolatrarū cremare, & nihil ex eis accipere Deuteronom. decimotertio. Item patet, quia non poterat accipi aliquod donum de manu idolatrę ad cultū Dei, ut patet Leui. vigesimo secundo, scilicet. De manu alienigenę non offeretis panes Deo vestro, & quidquid aliud dare voluerit. Et subditur causa, scilicet. Quia corrupta, & maculata sunt omnia non suscipiens ea. Et tamen ea, quę possidebantur ab idolatris tam maculata erant si ipsi illa offerrent, sicut si Israelitę illa acciperent, & Deo traderent, quia macula eorum erat per hoc, quod possessa, & contrectata fuerant ab idolatris, & tamen non licebat suscipi ea si offerrent illa idolatrę, ergo etiam non licebat illa suscipi, quando non offerrent ea idolatrę, sed acciperent ea Israelitę, & offerrent Domino.

G Respondendum est, quod licitum erat de auro, & argento accepto de manu idolatrarum facere vasa ad ministrandum Domino, & de tali auro, & argento facta sunt omnia, quę erant in templo Salomonis, nā ipse Dauid parauit omnes impenas in auro, & argento, lignis, & lapidibus, & ceteris materijs pro edificatione templi, & vasorum eius, ut patet infra vigesimo secundo. Et tamen ipse congregauit illas materias in bellis, quę habuit contra varias gentes, scilicet. Ammonitas, Moabitas, Idumęos, Amalecitas, Philistinios, & Syros, ut patet infra in litera. Et in hoc non fecit Dauid contra legem. Nam sic factum fuerat tabernaculum Domini, quod Moyses fecit in deserto: Deus enim iusserat, quod quando Israelitę egrediuntur de Aegypto, peterent vasa aurea, & argentea ab amicis suis Aegyptijs, & Dominus dedit eis gratiam in oculis Aegyptiorum: & commodauerunt eis plurima vasa, quę illi secum tulerunt, ut patet Exodi tertio, & decimotertio. Et postea de illis factum est omne opus Sanctuarii. Nam Deus iussit, quod offerrent aurum, & argentum, & oblata sunt omnia vasa, quę erant in manibus Israelitarum: Exodi trigesimo quinto. Sciendum autem pro hoc, quod aurum, vel argentum, aut erat idolorum, aut idolatrarum. Si erat idolorum illud aurum, & argentum, de quo ipsa facta erant, & etiam, de quo erant facta vasa pro ministratione sua, de isto dicendum est, quod non licebat illud applicari ad cultum Dei, nec licebat Israelitis transferre illud in vsus suos, sed reputandum erat tamquam contaminatum, & immundum ad omnem vsum, ideo comminuendum, & cremandum erat. Sic dicitur Deuteronom. septimo, neque sces aurum, & argentum, de quibus facta sunt, neque allumes ex eis tibi quidquā ne offendas propter ea, quia abominatio est Domini Dei tui, nec inferes quippiam ex idolo in domum tuam, ne fias anathema sicut, & illud est, quasi spurcitiam detestaberis, & velut inquinamentum, ac sordes abominationis habebis, quia anathema est. Si autem erat aurum, & argentum idolatrarum, licebat Israelitis accipere illud in vsus suos, & etiam offerre Domino ad faciendum vasa, patet hoc, quia quando Israelitę pugnant contra quancunque gentem, siue essent de Chanaan, siue non, diuidebatur præda exercitui, ut colligitur Deuteronom. vigesimo. De non Chanaan, & de Chanaan patet Iosue 8. Quod autem liceret illa applicari Deo, patet, quia ex illis factum est tabernaculum Domini, quod Moyses fecit in deserto, ut supra declaratum est. Illud verum est, nisi cū ciuitas subiceretur anathemati, quia tunc non licebat Israelitis accipere aliquid in vsus suos, sed omne aurum, & argen-

& argentum ponebatur in thesauris Domini. Sic. n. A
fuit in vrbe Iericho, quę subiecta fuit anathemati, &
non acceperunt Israelitę quidquam de vrbe, sed om-
ne aurum, & argentum, & ferrum in thesauris Do-
mini posita sunt Iosue 6. Et ille qui accepit regulam
auream occisus est Iosue 7. Ad rationem primam in
contrarium dicendum, quod licebat applicari cultui
Dei, & vsibus humanis aurum, & argentum, quod
possidebatur ab idolatris: dum tamen de ea nō facta
essent idola, vel vasa pro ministratōe idolorum. Et
quod obijcitur Deuter. 7. non loquitur de rebus ido-
latrarum, sed de auro, & argento, de quo erant facta
idola. Et cum dicitur, quod si non licebat Israelitis ac-
cipere ista, a fortiori non liceret transferri in cultum
Dei, non est verum, quia interdum aliquę res idola-
trarum non erant licite ad vsus Israelitarum, & lice-
bant ad cultum Dei. Sic erat in rebus acceptis de ci-
uitatibus subiectis anathemati, sicut fuit in Iericho,
quia omnia vasa aurea, & argentea posita sunt in the-
sauris Domini, & nihil licuit accipere Israelitis. Ad
secundum dicendum, quod illud quod habetur Deu-
ter. 13. nō intelligitur de quibuscunque idolatris, sed
solum de Israelitis, quando conuertebantur ad idola-
triam. Nam si pauci de Israelitis colerent idola in ali-
qua vrbe illi lapidandi erant: Deuter. 17. Sicut tota ci-
uitas, vel maior pars eius hoc faceret, & cum publice
fieret, nullus illud puniret, tenebantur alij Israelitę pu-
gnare contra illam vrbe, & occidere viros, & for-
mas, & paruulos, & iumenta, & generaliter om-
nia iumenta, & deinde omnia cremanda erant cum
ipsa vrbe, nec licebat cuiquam accipere quidquam
de vrbe, sed ibi omnia cremabantur, & in æternum
manebat locus ille sine habitatione Deuter. 13. Istud
tamen non fiebat, quando Israelitę pugnabant cōtra
Gentiles Idolatras, quia illi non susceperant legem
Dei, ideo non puniebantur ab Israelitis tāquam ido-
latrę, sed tamquam hostes, vnde licebat accipere
omnia, quę illi possidebant in prędam, quia de hosti-
bus victis pręda obinetur. Quod autem fieret tanta
derelictionem criminis, quia idolatria est maximum
crimen. Etiam quia Deus volebat nimis punire
istud delictum, ne aliqui ad illud assuefierent. David
autem accipiebat nunc aurum, & argentum de Gen-
tilibus idolatris, ideo non obstabat illud, quin applica-
ri posset Domino, & etiam vsibus humanis.

Ad tertiam dicendum, quod non licebat accipere
de manu idolatrarū aliqua munera ad cultum Dei,
si illa munera essent ad sacrificandum, scilicet, ani-
ficio, vel panes, quę immediatē ponerentur in sacri-
taminata, & de hoc intelligitur Leuit. vigesimo se-
cundo. De minu alienigenę, non offeretis panes
Deo vestro, & quidquid aliud dare voluerit. Nam
non solum hoc, sed etiam non licebat ipsis Gentili-
bus introire in Sanctuarium Domini: Ezechielis
quadragesimo quarto. & Actuum vigesimo primo.
licebat tamen Gentilibus offerre aurum, & argen-
tum, & quameunque rem, quę per se non ponere-
tur in sacrificio, sed vrax illa emerentur sacrificia, vel
fabricaretur aliquid in templo. Sic patet de Seleuco
rege Celsyria, qui dabat de redditibus suis omnes
expensas necessarias in sacrificijs, vt patet secundo
Machabęo. tertio. Sic etiam rex Artaxerxes facie-
bat, dans de gratio suo vtique ad talenta centum ar-
genti, & centum batos vini, & centum batos olei,
& centum choros frumenti, & omne quod pertine-
bat ad ritum Dei, primo EIdrę 7.

Alph. Tost. in lib. I. Paralip.

Quod cū audisset Tou rex Hemath per-
cussisse videlicet David omnem exercitum
Adarezer regis Soba, misit Adoram filium
suum ad regem David, vt postularer ab eo
pacem, & congratularetur ei, eo quod per-
cussisset, & expugnasset Adarezer, aduersa-
rius quippe erat Tou Adarezer.

Quod cum audisset. Ponebatur supra bellum, quod
habuit David cum Adarezer, hic ponitur exultatio,
quam habuerunt quidam hostes Adarezer, quia vi-
ctus est, & dicitur: Quod cum audisset Tou rex He-
math. Scilicet, audiuit iste Tou, quod David vice-
rat Adarezer. Erat iste Tou rex in Syria: nam Syria
est magna prouincia, & in ea sunt multi reges, quo-
rum hic ponuntur tres, scilicet, Adarezer, & Tou,
& Syrus Damascenus, qui vocabatur Benadad. Et
isti dominabantur in diuersis partibus eius, scilicet,
Adarezer in Soba, & Tou in Hemath, quę erat
quedam ciuitas magna, & Metropolis regni. Bena-
dad autem in Damasco.

Percussisse videlicet David omnem exercitum Adarezer
regis Soba. Istud audiuit Tou videlicet, quod Ada-
rezer victus fuerat, & David occiderat omnem exer-
citum eius. Et patet hoc, quia supra dicitur, quod
cepit mille quadrigas eius, & septem milia equites,
& viginti milia peditum, & omnes istos occidit,
nec refertur habuisse Adarezer maiorem exerci-
tum.

Misit Adoram filium suum ad regem David. Iste Ado-
ram erat primogenitus Tou, & misit eum pater suus
ad David, vt peteret pacem, & multas diuitias tulit
iste Adoram ad David, sicut dicitur secundo Re-
gum octauo, scilicet. Et in manu eius erant vasa argē-
tea, & aurea, & grea, quę, & ipsa sanctificauit rex
David Domino, cum argento, & auro, quę sancti-
ficauerat de vniuersis gentibus, quas subegerat. Sciē-
dum autem, quod ista historia ponitur secundo Re-
gum octauo. Et tamen aliqua ponuntur ibi, quę sub-
ticentur hic, sicut est istud de muneribus, quę tulit
Adoram filius Tou ad David, & alia eorum, quę
ponuntur sunt mutata. Nam ibi dicitur, & posuit
David pręsidium Damasci, hic autem dicitur. Et
posuit milites in Damasco, eadem sententia est. Etia
dicitur hic, quod tulit David Pharetras aureas, quas
habuerant serui Adarezer. Et significatur ibi plus
quā hic, quia ponuntur ibi torques aureę, quę erāt
ornamenta colli, scilicet, circuli positi in collo, scilicet,
facti de auro. Et istos portabant serui Adarezer
ad ornatum, & excellentiam magnam, eo quod erāt
familiarissimi regi. Dicitur etiam quod habebant
arma aurea, scilicet, Pharetras, quę nominantur
hic, & alia arma, de quibus non fit mentio. Etiam ista
nomina vrbium Adarezer sunt mutata, quia hic vo-
cantur Tebath, & Echin, ibi autem vocantur Be-
the, & Beroth. Etiam filius Tou regis, qui vocatur
hic Adoram, vocatur ibi Ioram, & hoc forte erat,
quia vrbes erant binomię, vel quia liber Regum
fuit scriptus a Jeremia, vt declaratum est in Prolo-
go super istum librum. Et forte inter tempus vtrius-
que mutata sunt nomina istarum vrbium. De filio
autem regis Tou, dicendum est, quod erat binomius,
& sic ponitur hic vnum nomen eius, & ibi aliud, si-
cut fit de multis alijs. I. de Iacob, & Etan, & Iam, & Pe-
tro, qui in varijs locis Scripturę diuersa nomina ha-
bent, vt sepe dictum est.

Vt postularer ab eo pacem. Dicit. n. Iosue 8. Anti. qd.
q. iste Tou erat propinquus tenę Adarezer, & ti-

mult fortè, quòd sicut Dauid destruxerat exercitum Adarezer, ita destrueret regnum suum, misit ergo filium suum ad petendum pacem a Dauid, & obrulit ei munera multa, ut placaret ipsum. *Et congratularetur ei eo, quòd expugnasset, & percussisset Adarezer.* Magnas nam gratias agebat Tou ipsi Dauid, qui expugnauerat Adarezer, quia in hoc contulerat ei magnum beneficium.

Aduersarius quippe Tou erat Adarezer. Redditur causa quare Tou fertur congratulari Dauid de occisione Adarezer, scilicet, quia Tou erat hostis Adarezer, & erant inter eos bella, nunc autem debellato Adarezer cessaret pugna inter eos, eo quòd Adarezer non habebat iam aliquem exercitum, quo vteretur ad bellum còtra Tou, quia Dauid occiderat totum exercitum eius, ut patet in litera. Erant autem inter eos inimicitie, quia erant reges confines, & confines solent sibi inuicem nocere propter multa scandala, quæ accidunt in communicatione, & patet hoc, quia Tou erat rex vrbs Hemath, ut patet in litera, & Adarezer erat rex Soba, quæ est in regione Hemath, ut etiam patet in litera. Ideo habebant magnam occasionem hostilitatis.

An peccauerit Tou gaudens in occisione exercitus Adarezer.
Quæst. XXV.

QVAERITVR An peccauit Tou, quia gaudens est de occisione exercitus Adarezer, & congratulatus est Dauid propter hoc. Aliquis dicit, quòd sic, quia gaudere de morte alicuius est gaudere de malo. Gaudium tamen de malo semper est peccatum, ideo non reperitur in eo magis, & minus, & medium, sed semper est malum, sic ait Aristot. Ethic. 2. Vbi dicit, quòd quædam sunt, quæ mox nominata malitia sunt conuoluta. Et ponit exemplum, sicut gaudium de malo. Item Caro ait.

Morte repentina noli gaudere malorum.

Et sic contra mores est, quòd aliquis gaudeat de morte alterius. Respondendum est, quòd iste Rex Tou poterat hic licite gaudere, quia ipse non gaudebat de morte hostis sui, quia non erat mortuus, sed gaudebat de exercitus sui destructione, nec gaudebat hic directè de destructione exercitus, sed de utilitate, quæ proueniebat ei exercitu perduto. Nam quædiu Adarezer habebat exercitum, non erat in pace Tou, quòd Adarezer, qui erat hostis suus persequabatur eum, sed quilibet naturaliter desiderat quietem suam, & licitum est illam desiderare. Ideo licebat ei gaudere de destructione exercitus Adarezer: non in quantum per hoc proueniebat malum ipsi Adarezer, sed in quantum per hoc ipse acquirebat quietem, quam aliàs non videbatur posse habere.

Sed & omnia vasa aurea, & argentea, & ænea consecrauit Dauid rex Domino cum argento, & auro, quod tulerat ex vniuersis gentibus tam de Idumæa, & Moab, & filiis Ammon, quàm de Philisthiim, & Amalec. Abisai verò filius Saruiæ percussit Edom in valle Salinarum decem, & octo millia, & constituit in Edom præsidium, ut seruiret Idumæa Dauid. Saluauitque Dominus Dauid in cunctis, ad quæ perrexerat.

Sed & omnia vasa ænea, aurea, & argentea consecrauit rex Dauid Domino. Intelligitur de omnibus vasis, quæ obtulit ipsi Dauid Adoram filius Tou. Nam multa dedit ei, ut patet 2. Reg. 8. Et omnia illa consecrauit Dauid Domino, scilicet, vouit, quòd illa essent ad cultum eius pro ædificatione templi, & vasorum. Nam ipse parauit omnes impensas in auro, argento ferro, & cre pro Sanctuario, ut patet infra 22.

Cum argento, & auro quod tulerat ex vniuersis gentibus. Id est, etiam cōsecrauerat argentum, & aurum quod acceperat de omnibus gentibus, contra quas pugnuerat. Nam intentio Dauid fuit semper exaltare cultum Dei quantum posset, & ad hoc cogitauit ei factum templum, & ob hoc omnes diuitias, quas acquirebat in bellis seruabat pro ædificatione templi, ipse autem vivebat de redditibus regni sui, qui magis erant ei sufficientes ad sustentandū eum, & superabundandū.

Tam de Idumæa, & Moab, & filiis Ammon. De omnibus autem istis gentibus acquisiuit Dauid diuitias magnas, quia contra omnes illas fecit bella, contra Idumæos autem fecit bellum, quando subiecit sibi Idumæos in tributarios, & constituit præsidium in Ebdō, ut seruiret Idumæa Dauid. In litera. Occiderat enim tunc Abisai seruus Dauid decem, & octo millia Idumæorum, ut patet in litera, & 2. Reg. 8. Misit quoque Dauid Ioab ad Idumæam, & occidit omnes masculos terre Ebdon, ut patet 2. Reg. 11. Pugnavit autem Dauid contra Moabitas ante hoc, quando mensus est duos funiculos in terra Moab vnum ad occidendum, & alium ad viuificandum. 2. Reg. 8. Et fecit tunc sibi Idumæos tributarios. Pugnavit autem còtra Ammonitas quando Ioab, & Abisai iuerunt ad pugnam contra filios Ammon pro iniuria, quam intulerant filij Dauid infra 20. & 2. Reg. 11.

Quàm de Philisthiim, & Amalec. Pugnavit Dauid Philistinos sæpissime. Nam priusquam esset rex, & viueret cum Saule occidit multos Philistinos, quia ipse faciebat omnia bella Israelitarum còtra Philistinos. 1. Reg. 18. & 19. Et deinde cum fugeret a facie Saulis et pugnavit Philistinos, qui diripiebant areas vrbs Ceile. 1. Reg. 13. Postquam autem factus est rex super totum Israel, pugnavit bis Philistinos in principio regni supra 14. Deinde habuit aliquantam quietem, & rursus rediit ad bellandū contra Philistinos, & tunc abstulit frenum tributi de manu eorum 2. Reg. 8. Et abstulit urbē Geth cum filiabus suis supra in litera. Et in istis bellis egit magnas prædas in Philistinis. Pugnavit etiam contra Amalecitas, & istud fuit antequam esset rex, scilicet, quando erat in terra Philisthinorum. Nam quando erat in acie cum Philistinis contra Saulem, venerunt Amalecites, & prædæ sunt urbem Siceleg, in qua erant vxores Dauid, & virorum suorum, & omnia bona eius, & succederunt eam. Ipse autem veniens inuenta vrbe succensa percutus est Amalecitas, & occidit oēs præter quadringentos qui euaserunt in camelis. Cepitque prædam magnam 1. Reg. 30. *Abisai verò filius Saruiæ.* Iste Abisai erat frater Ioab principis militie Dauid, habebat namque Dauid duas sorores, scilicet, Abigail, & Saruiam, habuit Saruia tres filios, scilicet, Ioab, Abisai, & Aiael. Abigail autem habuit vnum filium, scilicet, Amasan supra 2. Et iste Abisai frater Ioab fuit strenuus vir in bellis, & ipse erat princeps exercitus interdum cum Ioab, sicut patet secundo Regum decimo, & sequenti cap. & nunc fecit cum Dauid principem exercitus Philistinos, ut patet in litera & 2. Reg. 8. Erat. n. vir aotus: nam ipse tolus descendit cum Dauid in castra Saulis lancea, primo Regum 26. Ipse quoque fuit primus inter triginta viros fortes

fortes David, secundo Regum vigesimotertio. & supra vndecimo. & ipse fuit princeps inter illos viros, qui venerunt ad David, quando erat in Presidio, & dixit, tui sumus o David, & tecum fili Isai, supra duodecimo. Ipse quoque liberavit semel David a morte, quando quidam gigas Philisthinus nitebatur occidere David deficientem iam viribus. secundo Regum vigesimoprmo.

Percussit Edom in valle Salinarum. Idest, pugnauit contra Idumæos, & percussit eos in valle Salinarum. i. in quadam valle vbi erat Sal. Erat enim David intentus multis bellis simul, & non poterat ire ad omnia. Ideo misit Abisai principē belli contra Idumæos. *Decem & octo millia.* Istos occidit, & reliqui fugati sunt.

Et constituit in Edom presidium. Idest, posuit milites in Idumæa ad custodiendum fortalicia eius, vt terra non rebellaret David.

Vt seruiret Idumæa David. Idest, vt seruiret ei sub tributo. Nam volebat David facere omnes istas gentes tributarias, sic dicitur, secundo Regum octauo. Et posuit in Idumæa custodes statuitque presidium, & facta est vniuersa Idumæa seruiens David.

Saluauitque Dominus David in cunctis, ad quæ perrexerat. Idest, seruauit eum a periculis in omnibus bellis, quæ fecit. Istud dicitur, quia David fecit hic multa bella contra multas gentes fortes, & in nullo eorum victus est, nec perdidit exercitum, nec passus est quicquam mali. Istud autem non poterat esse, nisi Deus specialiter cooperaretur ei. Ideo dicitur, quod saluauit eum Dominus in cunctis, ad quæ perrexerat.

De modo consecrationis circa ea, quæ consecrauit David Domino. *Quæst. XXVI.*

QUÆRITVR Circa id quod dicitur hic, quod consecrauit David Domino totum aurum & argentum, quod habuit de gentibus, contra quas pugnabat, quomodo fiebat ista consecratio, & an licebat David vti rebus istis consecratis.

Respondendum est, quod in ista consecratione non fiebat aliqua cæremonia, sed solum vouebat quis aliquam rem Deo, & per hoc dicebatur ei consecrata, sic patet Leui. vti. vbi agitur de istis votis, & consecrationibus. Sic David intendens ædificare templum Domino, congregabat aurum, & argentum, & alias materias pro ista ædificatione, & vouebat omnia hæc dare Deo, quod per hoc dicebantur esse consecrata. Cum autem quæritur an licebat David vti istis ad aliquem vsum postquam consecrabat illa Deo. Dicendum est quod aut ista applicabantur immediatè vñbus diuinis, aut non. Si applicabantur, non licebat David transferre illa ad alios vsus, vt pote si de isto auro, vel argenteo fierent aliqua vasa ad ministrandum coram Domino, quia postquam semel ministraretur in eis coecere illa ad vsus suos. Si autem non applicabantur illico ad cultum Dei, licebat David applicare illa ad vsus suos, dum tamen non alienaret ea, vt manerent semper pro Domino. Considerandum pro hoc per hoc quod aliquis aliquam rem vouebat Domino abdicabat a se proprietatem eius, & transferebat illam in Deum, siue in Sanctuarium. Et quia alienare non pertinet nisi ad habentem proprietatem, cum per alie-
nationem tradatur proprietas, & non posset quis transferre in alterum quod non habet in se formaliter, vel virtualiter, ideo cum quis aliquam re consecrabat Deo, non poterat illam postea alienare, nisi forte esset aliter, quæ posset commutari, vel redimi. Nam Leuitici vti. erant taxata precia rerum, vt si quis voueret seipsum, vel rem suam erat taxatum quantum debe-

Alph. Tost. in lib. I. Paralip.

A ret dare, & dando illud manebat homo liber, & res sua. Et hoc verum est, nisi voueretur animal immolaticium, quia illud non poterat commutari pro meliori, vel peiori, & si commutaretur de facto vtrunque cedebat in ius Dei, aurum autem, & argentum erant ipsemet pecunie, & in eis non erat aliquid redimendum, & ideo postquam David vouerat aurum, & argentum pro templo Domini, non videtur, quod poterat commutari, & quoniam non poterat David alienare aliquid istorum, quæ vouebat Domino. Sciendum tamen, quod in re est duplex ius. scilicet, proprietas, & possessio, & vnum non dependet ex alio. Et sic potest aliquis habere vnum non habendo aliud. Ex proprietate enim pendet posse alienare: ex possessione pendet vsus rei. Ideo quamquam vouens abdicabat a se proprietatem, tamen non abdicabat possessionem. Ideo licet non pos-

B set alienare, poterat vti re ad voluntatem suam. Si autem quis abdicaret a se vtrunque ius. scilicet, possessionem, & proprietatem, nihil habebat in re. Ideo nec poterat alienare illam, nec vti ea ad aliquid. Istud autem erat si quis voueret rem Domino, & immediate transferret eam in possessionem cultus diuini. scilicet, vt ex illa fieret aliquid factum. scilicet, vas ad ministrandum. Nam tunc cum nihil haberet in re illa nihil competebar ei de ea. Sciendum tamen, quod non transferebatur res aliqua consecrata Deo in possessionem cultus eius per hoc, quod poneretur in Sanctuario, sed per hoc, quod applicaretur alicui ministratio nisi sacra, sic patet de gladio Goliath, quem David consecrauit Domino, & positum est in Sanctuario: nam erat inuolutum pallio post ephod. Et tamen petente Da-

C uid gladium aliquem ad necessitatem suam cum nullo haberet, dedit ei Achimelech summus Sacerdos gladium Goliath, primo Regum 21. Ita nunc si David consecrasset Domino istud aurum, & argentum, & posuisset illud in Sanctuario, si non fierent aliqua vasa sacra de eo semper poterat David vti illo. Nam multa alia deposita erant in templo in auro, & argento, tamen non efficiebantur sacra, sed reddebantur dominis suis cum illa peterent, sicut patet de illo deposito, quod seruabatur in templo. 2. Machab. 3. David tamen non transtulit istud aurum, & argentum in templum, sed ipse tenebat penes se, & tenuit vsque ad mortem, & tunc dedit omnia illa Salomoni, vt ex eis edificaret templum Domini. Ideo poterat vti interim eis ad voluntatem suam, dum tamen per vsum istarum rerum non minueretur earum valor.

De veritate aliquorum verborum, quæ habentur hic, scilicet, quod David consecrauit Domino &c.

Quæst. XXVII.

QUÆRITVR Vterius quomodo dicitur hic, quod David consecrauit Domino omne aurum, & argentum, quod habuit a filiis Moab, & Ammon, & Edom. Philisthim, & Amalec, quia in hoc presupponuntur aliqua, quæ non videntur esse vera. Nam David nondum pugnauerat contra Ammonitas quoniam factum est istud quod dicitur hic, sed istud bellum postea fuit, vt patet infra 20. & 2. Regum 10. & 12. Et David non pugnauit contra Ammonitas, sed Abisai, & Ioab. 2. Regum 10. & 12. Item presupponitur, quod David pugnauit contra Idumæos, & tamen vñ, quod non pugnauerit, quia Abisai pugnauerit contra eos, vt patet hic. Item presupponitur, quod David consecrauit totum aurum, & argentum, quod congregauit de omnibus regionibus, quæ notantur hic pro templo Domini edificando. Et tamen saltem non vñ hoc verum de eo, quod congregauit pugnando contra Amalecitas, quia illud factum est antequam David esset rex super aliquod regnum scilicet, quando erat in terra Philistinorum, & pugnauit contra Amalecitas, qui succederant urbem Siceleg

1. Reg. 30. Et tamen Dauid nondum habebat intentionem ædificandi templum Domino, sed paulo ei ante hoc aduenerat. s. postquam fuit rex Israel. Nam ipse dixit qñ cepit hoc cogitare: Ecce ego habito in domo cedrina: arca autē Dñi sub pellibus est, præcedē. cap. & in Dauid non habebat domum cedrinam vsquequo Hiram rex Tyri misit ei artifices, & ligna cedrina ad ædificandum domum supra 14. Et illud fuit postquam factus est rex super totum Israel.

Rñdendum est, quod Dauid congregauit de omnibus his gentibus aurum multum, & argentum, & æs, quia sæpe pugnavit contra istas gentes, & omnia hæc, quæ in bellis lucratus est, consecrauit Deo pro ædificatione templi, quia ipse sufficienter poterat sustineri de redditibus regni sui. Ad primum in contrarium respondendum, quod verum est, quod quando facta sunt bella cōtra Syriam, de quibus hic maxime agitur, nondum facta fuerant bella contra Ammonitas, sed postea fuerunt, vt patet infra 20. & 2. Reg. 12. Et tamen hic non tenetur ordo naturalis narrando semper, sed aliquando fit anticipatio, & recapitulatio, vt teneatur ordo artificialis, & dicantur interdum simul ea, quæ non facta fuerunt simul, vt declaratur id, quod conuenit historiæ. Istud autem potuit fieri facilliter, quia ista nō fuerunt scripta illico, vt facta sunt, sed Esdras scripsit hæc multo tempore, scilicet, plus quàm per quadringētos annos postquam facta sunt. Et sic sciebat omnia antequam quidquam scriberet, & poterat præponere, vel postponere quodcumque ipse veller. Ad secundum dicendum, quod falsum præsupponitur in arguendo. Nam dicendo pugnavit personaliter contra Ammonitas, verum est enim quod a principio bellum fuit Ammonitas, & contra Syros adiutores eorum inceptum est per Ioab, & Abisai duos duces belli, vt secundo Regum decimo, & duodecimo. Et tamen quando iam prope erat, vt caperetur ciuitas Ammonitarum, Ioab vocauit Dauid, vt veniret ad bellum, & caperet urbem ne victoria attribueretur ipsi Ioab, secundo Regum duodecimo, & infra 20. Dato tamen quod non pugnasset contra Ammonitas Dauid, sed Ioab, dicebatur pugnare ipse Dauid, eo quod ex mandato Dauid pugnat Ioab, & ille dicitur aliquid agere cuius mandato illud fit, cum autem dicitur, quod non pugnavit Dauid contra Idumæos, sed Abisai, Dicendum, quod dubiū est, & declarabitur infra in quadam questione. Dato tamen, quod non pugnasset Dauid, sed Abisai, quia ille pugnat nomine Dauid, dicebatur pugnare Dauid. Aliter autem adhuc poterat responderi, quod hoc non præsupponitur, quod Dauid pugnavit contra istas gentes, sed solum dicitur, quod congregauit aurum, & argentum de istis gentibus. Poterat tamen congregare aurum, & argentum de istis gentibus non pugnando personaliter, sed mittendo pugnatōres, & pars prædæ acceptæ proueniret Dauid. Ad tertium dicendum, quod Dauid congregauit aurum, & argentum de omnibus istis gentibus, & totum illud consecrauit Domino pro fabricatione templi, & ipse pugnavit contra Amalecitas sæpe, quando erat in terra Philistinorum, & faciebat quotidie prædas, & bella, primo Regum 27. Etiam pugnavit iterum contra eos, quando ipsi succenderunt Siceleg, eodem lib. cap. 30. Et aurum, & argentum inde congregatum consecrauit Domino ad ædificationem templi. Non est tamen intelligendum, quod consecrauerit illico, vt pugnavit contra istas gentes Amalecitarum, sed seruauit sibi argentum illud & aurum, & postea quando incidit ei voluntas ædificandi templum Domini, consecrauit ei aurum, & argentum quod acquisiuit de Amalecitis cum auro, & argen-

F to, quod acquisiuit de alijs gentibus: nam non fuit consecratio, & acquisitio simul. Credendum etiam est, quod Dauid non solum consecrauit Domino istud aurum, & argentum, quod acquisiuit in bellis, sed etiam multum de auro, & argento, quod ipse acquisiuit de redditibus regni sui. Nam Dauid habebat magnum regnum, ex quo proueniebant ei multi redditus, & etiam ipse erat vir nimis intentus circa opera agriculturæ, vt patet infra 27. Et ex his multa acquirerebat, quæ poterat Domino consecrare ad ædificandum templum.

An fuerit licitum consecrare Domino aurum, & argentum acceptum Amalecitis. Quæst. XXVIII.

G **Q**VAERITVR Vterius an licuit Dauid aurum & argentum accipere de Amalecitis, & consecrare illud Domino. Aliquis dicet, quod non, quia Deus subiecerat interdicto omnia, quæ erant in terra Amalecitarum. Iussit enim quod omnia uiuentia occiderentur vsque ad pecora, & nihil concupiscerent Israelitæ de illis, quæ erant in terra Amalec, sed omnia destruerent, 1. Regum 15. Nulli tamen licebat accipere aliquid de terra, vel ciuitate supposita anathemati. Aliquis respondebit, quod verum est, quod non licebat Dauid accipere aliquid de illis, quæ erant in terra Amalec pro seipso, & tamen licebat accipere illud ad consecrandum Domino. Sic patet de anathemate Iericho, in quo nulli Israelitarum licuit accipere quicquam de præda. Et ille, qui cepit regulam auream lapidatus est Iosue 7. Et tamen aurum, & argentum, & æs, & ferrum posita sunt in thesauris Domini Iosue 6. sic posset facere Dauid. Sed dicendum est, quod hoc non stat, quia in terra Amalecitarum magnum anathema fuit positum, sicut ponebatur in ciuitatibus Israelitarum idolatrarum, scilicet, quia ibi non licebat aliquid accipi pro Deo, vel ad vsum Israelitarum, sed omnia cremanda erant cum urbe: Deuteronomio. 13. hoc apparet, quia Saul occisis Amalecitis seruauit multa pecora ad offerendū Deo, & tamē displicuit nimis Deo de hoc, & propter istud priuatus est regno, vt patet primo Reg. 15. Ideo etiā nec liceret Dauid ex hac parte pro Deo accipere aurum, & argentum de terra Amalec. Secundo patet, quia sic non liceret Dauid aliquid accipere pro seipso de terra Amalecitarum, & tamen accepit multa, quia quando ipse erat in terra Philistinorum cum Achis rege Geth sæpe introibat in terrā Amalecitarum, & prædabatur in ea, & faciebat stragem nimiam primo Regum vigesimo septimo. Et tamen non peccauit Dauid, vt probatum est ibidem.

K Respondendum, quod licuit Dauid accipere de terra Amalecitarum, quicquid posset, tam pro se, quàm ad consecrandum Deo. Quod patet, quia quicumque licet occidere, & prædari hostem suum, quando est iustum bellum, nisi lex specialiter in casu illo aliud determinet, & tamen Amalecitas erant hostes Dauid, & totius Israel, & lex non obligabat eum ad aliquem modum determinatum habendum contra eos. Ideo poterat prædari, & facere quodcumque veller. Cum autem obijcitur, quod non licebat aliquid accipi de terra Amalecitarum, sed omnia delere, dicendum, quod illud fuit præceptum personale, quod soli Sauli datum est, & eis qui cum eo erant. Ideo alij non obligabantur ad hoc. Etiam fuit aliud præceptum tpale, quia datum fuit pro certo tempore, re. i. pro illo quo Deus misit Saulem ad pugnandū contra Amalecitas: ideo si ante hoc voluisset Saul pugnare, cauisset, non obligabatur omnia delere, sed licebat ei prædari.

prædari quidquid posset. Hoc autem patet, quia istud præceptum datum fuit solum pro illa vice, ut colligitur ex verbis primo Regū 15. & sic non obligabat alijs temporibus. Sed aliquis obijciat, quod, hoc non obstante, obligaretur Dauid non accipere quidquam de terra Amalecitarum, quia licet istud præceptum fuerit personale, aliud fuit generale ad totum Israel: Deuteronom. 25. Et per illud obligaretur Dauid ad nihil accipiendum de terra Amalec, quia nomen gentis illius delendum erat, & non tantum prædari contra illam gentem. Respondendum dupliciter vno modo, quod illud præceptum fuit datum ad totum Israel simul, ut erat populus, & non ad personas priuatas, ut erant priuati: Dauid autem, quando pugnabat contra Amalecitas: primo Reg. 27. & 30. erat persona priuata, quia nondum erat rex saltem quantum ad possessionem. Ideo non obligabatur quantum ad illud præceptum. Secundo dicendum est, & melius, quod siue Dauid esset persona priuata, siue rex, poterat prædari de terra Amalecitarum, quia illud præceptum solum obligabat Israelitas ad delendum Amalecitas, & non ad aliquid aliud, poterant autem deleri occidendo ipsos, & prædando. Quod autem præceptum fuerit Sauli, quod ipse demoliretur terram Amalec, & nihil concupisceret de terra illa, sed omnia destrueret, fuit modus specialis agendi impositus, & ideo non obligabat Dauid nec aliquem alium.

De quibusdam verbis, quæ habentur hic, & 2. Reg. cap. 8. quod Abisai occidit, &c. Quæst. XXXIX.

QUÆRITUR vterius circa hoc, quod hic dicitur, quod Abisai occidit de Moabitis decem, & octo millia virorum, & 2. Regum 8. ubi ponitur ista historia, dicitur, quod Dauid cum reuerteretur capta Syria fecit sibi nomen in valle Salinarum cæsis duodecim millibus, & in hoc est magna diuersitas. Primo quia hic videtur, quod Abisai pugnauerit contra Idumæos, & ibi, quod pugnauerit Dauid. Secundo quia est differentia in loco: nam hic dicitur in valle Salinarum, & ibi dicitur in Gebelem. Tercio quia est differentia in summa occisorum, quia hic ponuntur decem, & octo millia, & ibi ponuntur duæ summae, scilicet, duodecim millia in valle Salinarum, & viginti tria millia in Gebelem. Respondet hic Nicolaus, quod bellum istud, & illud idem est, & tamen est differentia, quia hic nominatur Abisai, & ibi Dauid. Dicit autem, quod secundum veritatem Abisai fecit istud bellum, & tamen attribuitur Dauid, quia ipse erat rex, & Abisai erat seruus eius, vel dicimus, quod alijs facere iubemus. Sed dicendum, quod hoc non sufficit, quia solum tollit vnam difficultatem, scilicet, de diuersitate bellatoris, sed alias duas de diuersitate summae, & loci non tollit. Dicendum est, quod illud, quod dicitur 2. Regum 8. scilicet, quod fecit sibi Dauid nomen in valle Salinarum occis duodecim millibus, potest intelligi multipliciter, vno modo, quod Dauid non pugnauit contra Idumæos, sed Abisai loco eius, & quando dicitur, quod fecit sibi nomen in valle Salinarum, intelligitur, quod aliquæ gesta sua, & quia ille fornix retinebat memoriam gestorum Dauid, dicebatur nomen eius, id est fama sua. Et cum dicitur occis duodecim millibus, non est intelligendum, quod occidit illa duodecim millia in valle Salinarum, sed quod occidit alibi, & venit per vallem Salinarum, quæ est in terra Idumææ, fecitque sibi nomen ibi, scilicet, erigendo fornicem

A triumphalem. Secundo modo potest intelligi, quod Dauid fecit sibi nomen, id est, fornicem triumphalem, vel famam acquisiuit in valle Salinarum occis duodecim millibus, scilicet, in ipsa valle, & tamen dicemus, quod vallis Salinarum ista non erat in Idumæa. Et sic differt ab illa, in qua Abisai occidit decem, & octo millia, quæ erant in Idumæa. Et istud satis verisimile est: nam multæ sunt valles Salinarum, quia vbicunque fit Sal vocatur vallis Salina, quia communiter Sal fit in vallibus, propter aquas ex quibus fit, quæ in vallibus sunt. Tercio modo potest dici, quod Dauid fecit sibi nomen in valle Salinarum, occidendo ibi duodecim millia virorum. Et quod vallis Salinarum sit in terra Edom, & quod in eadem valle Abisai occiderit decem, & octo millia virorum. Et sic dicitur, quod fecerint duo bella in terra Edom vñ Dauid, & alterum Abisai, & vnum ponitur hic, & alterum. 2. Reg. 8. Quarto potest dici, quod Dauid fecit nomen in valle Salinarum, id est, acquisiuit famam occidendo duodecim millia, sed ista non fuerunt occisa per ipsum, sed per Abisai, quia tamen erat ille seruus Dauid, & fecit ex mandato eius dicebatur ipse fecisse. Ponuntur tamen hic decem, & octo millia, & 2. Reg. 8. duodecim millia, quia ibi ponitur minor summa, & hic suppletur, & tamen eadem res fuit ista, & illa, quis tamen istorum modorum sit verior posset dici, quod tertius, de hoc tamen magis declaratum est. 2. Reg. 8. de viginti tribus millibus occis in Gebelem non est aliquod argumentum contra prædicta eo, quod istud fuit quoddam bellum factum speciale in Gebelem, in quo Dauid occidit viginti tria millia virorum, & fecit sibi nomen, & istud nullo modo pertinet ad Abisai, & tamen an Gebelem sit in terra Idumææ, vel extra non apparet.

An iustum fuerit, quod Dauid subiceret sibi Idumæos. Quæst. XXX.

QUÆRITUR vterius an Dauid potuit licite subicere sibi Idumæos in tributarios. Respondendum est, quod sic, quia ipse habuit iustam causam pugnandi contra illos: erant enim Idumæi confines terræ Israel: nam ex parte Meridiana terra Edom tangit terram Israel: Num. 34. & Iosue 15. & regna vicina interdum sibi inferunt molestias, & habent causas pugnandi mutuo, quando tamen aliquis habet iustum bellum contra aliquam gentem, potest occidere, & prædari, & subicere in seruitutem, vel in tributum, aut facere quidquid voluerit, nisi a lege diliniatur certus modus in illo casu, sic autem fuit in bello contra Idumæos: nam non obligabatur Dauid ad certum modum agendi ex lege, ideo poterat facere, quod vellet: non enim erant Idumæi de stirpe Chanaanorum ad hoc, quod Dauid obligaretur occidere omnes, & nulli parcere, sed erant cognati Israelitarum, & vocantur fratres eorum Deuteronom. 23. scilicet. Non abominaberis Idumæum, quia frater tuus est. Et istud erat, quia Israelitæ, & Idumæi descenderunt a duobus fratribus, scilicet, Israelitæ a Iacob, & Idumæi ab Esau, ut colligitur Genes. 25. Cum dicitur, quod duæ gentes erant in vtero Rebeccæ, scilicet, duo pueri, a quibus deriuarentur duæ gentes. Fecit autem Dauid bellum contra Idumæos in campo, & superauit illos, ideo poterat occidere eos, si vellet, vel subicere tributo, quia lex, quæ habetur Deuteronom. 20. de offerendo pacem, solum intelligitur quando pugnatur contra urbem, & non quando pugnatur in campo, ut patet ibidem, fecit autem Dauid magnam stragem in terra Idumæorum, quia occidit omne masculinum eius, ut patet

patet 2. Reg. 10. fecit tamen David vnum speciale in terra Edō, scilicet, quod fecit sepe liri omnes, quos occiderat eodem capitu. & non faciebat hoc quando pugnabat contra alias gentes. Istud quod fecit nunc David, prænunciarum fuerat ex multis temporibus ante hoc, scilicet, antequam nascerentur conditores istorum populorum, scilicet, Israelitici, & Idumēi. Nam quando Rebecca gestabat in utero Esau, & Iacob, collidebantur paruuli, & consuluit Dominum super hoc, & ille ait, quod duę gentes erant in utero eius, & duo populi diuiderentur ex ventre, & maior minori seruiret: Gen. 25. Maior autem erat Esau, qui prius natus est, quamquā in eadem hora nati fuerint Iacob, & Esau eodem capitu. & populus Idumęorum descendens ab Esau seruiuit nunc minori, scilicet, populo Israelitarum. Etiam Gen. 27. in benedictione Esau dixit ei Isaac pater suus: viues in gladio, & fratri tuo seruiēs, & ista seruitus fuit nunc soluendo tributa.

De seruitute, quam habuerunt Idumęi.
Quest. XXXI.

QUÆRITUR Vterius de ista seruitute tributorum, quam imposuit nunc David super Idumęos, quanto tempore manserit, vel quomodo se habuerit.

Respondendum est, quod David subiecit sibi Idumęos in tributarios in illis bellis, & Etiam Moabitas, & Syros, & alias gentes, vt patet hic in litera in 2. Reg. 3. Tributum autem impositum super Syros pauco tempore mansit, saltem non videtur mansisse post mortem David, eo quod Syri erant multi, & potentes, & non possent reges successores David defendere semper iura tributorum, quę David adquisisset in terra illa: de tributis tamen impositis super Idumęos, & Moabitas, dicendum, quod multo tempore manserunt, etiam post mortem David: nam successores eius habuerunt istas gentes sibi in tributarias. Salomon enim successit David, & in tempore eius tam Moabitas, quā Idumęi soluerunt tributa solita, quia Salomon erat valde potens, & manebant Idumęi, & Moabitas valde fracti ex oppressionibus, quas fecerat David: ideo non potuerunt tempore Salomonis rebellare: verum est tamen, quod Idumęi voluerunt aliquo modo rebellare: nam quidam Idumęus de semine regio nomine Adad fugit in Aegyptum, quando David occidit omnē masculum in terra Idumęę, & mansit ibi semper dum viueret David, quo mortuo audiuit hoc Adad in Aegypto, & voluit regredi in Idumęam. & iste concitauit aliquo modo populum Idumęorum contra Salomonem, & in senectute sua Deus suscitauit sibi illum in hostem propter peccata eius, & faciebat ille aliquas prędas, & offensiones in terra Israel: tamen non potuit penitus auferre, quin Idumęi seruirent Salomoni sub tributo: postea successit Roboam filius Salomonis in regno, & tempore huius etiam manebant Moabitas, & Idumęi tributarij Israelitarum: & tamen diuisum fuit regnū in diebus eius, quando ipse constituendus erat in regem in Sichem. 3. Reg. 12. & duę tribus manserunt ei, scilicet, Iuda, & Benjamin, & decem acceperunt in regem Ieroboam, & tūc etiam diuise fuerint istę duę gētes tributarię, scilicet, Moabitas, & Idumęi: nā Moabitas manserunt tributarij regis Israel, qui regnabat super decem tribus, & Idumęi manserunt tributarij regis Iuda, qui regnabat super duas tribus, & hoc factum est ex conuentione, scilicet, quia isti duo reges diuiso regno conuenerunt inter se, quod diuiderent tributarios, vel forte factum est hoc viribus, quia

F Idumęi sunt coniuncti sortis Iudę in latere Meridiano, & orientali aliquid, vt colligit Iosue. 15. Moabites autē sunt pñcti terrę duarū tribuū, & dimidię, quę est ultra Iordanē, & pertinebat ad regem Israel: i deo rex Iuda defendit sibi Idumęos in tributarios, & rex Israel defendit Moabitas: manserunt autem Moabitas tributarij regum Israel multo tempore, scilicet, vsque ad regem Ochoziam filium Achab, vt patet 4. Reg. primo, scilicet, tempore Ieroboam primi regis Israel: post diuisionem regni, & tempore Madab filij eius, & Baasa, & Ela, & Zamri, & Amri, & Acab, qui fuerunt septem reges: de quibus habetur. 3. Reg. 12. capitulum vsque ad vlti. Mortuo autem Achab prauaricatus est Moab in Israel. 4. Reg. primo, idest violauit fidē, quā dederat de soluendo semper tributa, & quia Achab erat rex potens tempore eius, nunquam ausi fuerunt Moabitas negare tributa, sed mortuo eo, & succedere filio suo Ochozia illico negauerunt eod. cap. Erant autem magna tributa, quę quolibet anno rex Moab dabat regi Israel, scilicet, quolibet anno dabat sibi centum millia agnorum, & centum millia arietum cum velleribus suis, vt patet 4. Reg. 3. Ochozias autem filius Achab cuius tempore negauerunt Moabitas tributa, regnauit modico tempore, scilicet, duobus annis solum, & fuit vir iners, ideo non potuit reducere Moabitas ad soluendum tributa, quę soluebant tempore patris sui: successit autem ei frater suus Ioram. 4. Reg. primo, & ille fecit bellum contra Moabitas: nam vocauit ad se Iosaphat regem Iuda, & etiam regem Ebdon, & omnes tres reges iuerunt contra, & pugnaverunt, occideruntque plurimos: deinde cum rex Moab non potens se defendere clausus esset in vna vrbe, immolauit filium suum primogenitum per muros in conspectu exercitus Israelitarum prę angustia, quod videntes tres reges moti sunt compassionē, quod ad tantam calamitatē deductus esset rex ille miserabilis, vt filium suum primogenitum per angustia immolare cogeretur: recesserunt soluentes obligationem, & sic manserunt Moabitas in rebellionē non soluentes tributa regi Israel: nec vnquam postea leguntur soluisse. Idumęi autem soluebant tributa semper regi Iuda toto tempore, quo soluerunt Moabitas regi Israel, scilicet, tempore Roboam, qui fuit primus rex Iuda post diuisionem regni, & tempore Abas filij eius, & Asa, & Iosaphat: nā tempore Iosaphat tantum pertinebat dispositio regni Idumęę ad eum, & dicebatur non esse aliquis rex in Ebdon. 3. Reg. vlti. & tamen erat, vt patet 4. Reg. 3. sed postea tempore Ioram filij eius recesserunt Idumęi ne seruirent regi Iuda sub tributis 4. Reg. 8. Et hoc fuit, quia Ioram fuit valde malus, quia fuit deditus idolatrię, ambulauerunt Idumęi, qui non erant de regno suo, sed et ciuitas Lobna, quę erat in sorte Iudę recessit ne esset sub rege Iuda. 4. Regum 8. & sequenti lib. cap. 21. Et tunc impletum est quod dixit Isaac in benedictione Esau. In gladio viues, & fratri tuo seruiēs, tempus autem venit, quo excunes iugum eius de ceruicibus tuis. Gen. 27. & istud fuit nunc quando recesserunt, ne soluerent tributa sub Ioram. Postea autem Iuda Amasias, qui regnauit in Iuda pugnavit contra Idumęos, & superauit eos atque occidit plurimos, tamen non legitur, quod subiecit sibi illos in tributarios. De hoc 4. Reg. 14. & sequenti lib. cap. 15. manserunt autem Idumęi tributarij regibus Iuda quati cę postquam regnare cepit super totum Israel fecit ista bella, & subiecit sibi Idumęos, & Moabitas in tributarios. Regnauit autem David triginta, & tribus annis super

super totum Israel. 2. Reg. 5. & 3. Reg. 2. & infra 29. & post ipsum Salomon quadraginta annis. 3. Reg. 11. deinde Roboā decē, & septē annis: eod. lib. ca. 14. Postea Abiū tribus annis eod. lib. cap. 15. & deinde Afa quadraginta vno annis eod. cap. Deinde Iosaphat viginti quinque annis eo. lib. c. vlt. Et isti sunt anni cē- tum quinquaginta, & nouem, in diebus autem Iorā filij Iosaphat recessit Idumæa a solutione tributorū. 4. Reg. 8. Moabitæ autem quasi per totum istud tempus soluerunt tributa regibus Iuda: nam non poterāt deficere viginti anni. Quod patet, quia mortuo Iosaphat in principio regni Ioram filij sui subtraxerunt se Moabitæ ab Israel, & tamen non regnavit Iosaphat nisi viginti, & quinque annis: ergo non poterant esse adhuc viginti anni inter vnam subtractionem, & aliā. Patet hoc. 3. Re. vlti. vbi dicitur, quod regnavit viginti quinque annis Iosaphat, & tamen Iosaphat vixit multo tempore in regno Iudæ dum regnaret Achab in Israel. Quod patet, quia sepe descendit Iosaphat ad Achab in Samariam, & iuit cum eo ad bellum contra Benadad regem Syriæ. 3. Reg. vlti. & sequenti lib. c. 13. & 18. & in hoc transirent saltem plures, quā quinque anni. Et tamen Moabitæ manserunt semper soluētes tributa regibus Israel q̄diu vixit Achab, & post mortem eius recesserunt ab Israel, vt patet 4. Reg. primo videtur, quod iam regnauerat Iosaphat super Iudam plutquam quinque, vel sex annis, quando subtraxerunt se Moabitæ ab Israel, & isti demantur de vigintiquinque annis, quibus regnavit Iosaphat: non manebunt viginti anni, quibus se prius subtraxerunt Moabitæ a solutione tributorum facienda regibus Israel, quā Idumæa a solutione facienda regibus Iuda, & sic manserunt Moabitæ ad minus quassannis centum, & quadraginta soluentes tributa regibus Israel, & istud habuit exordium a David in istis bellis, de quibus hic.

Regnavit ergo David super vniuersum Israel, & faciebat iudicium atque iustitiam cuncto populo suo. Porro Ioab filius Saruix erat super exercitum, & Iosaphat filius Abi-lud a commentarijs. Sadoc autē filius Achitob, & Abimelech filius Abiathar Sacerdotes, & Sufa scriba. Banaias quoque filius Ioia dæ super legiones Gerethi, & Phelethi. Porro filij David primi ad manum regis.

Regnavit ergo. Hic ponitur secundum principale huius cap. scilicet, regni David ordinatio, & ponuntur officiales David circa dispositionem regni, & primo dicitur de ipso in persona sua qualiter se haberet, deinde dicitur de officialibus suis, & dicitur.

Regnavit ergo David super vniuersum Israel. Iam erat rex super totum Israel, quando ista faciebat, prius autē regnauerat super solam tribum Iudæ septem annis, & dimidio 2. Reg. 5.

Et faciebat iudicium atque iustitiam cuncto populo. Erat David valde iustus circa subditos: neminē enim grauabat, nec erat apud eum acceptio personarum, sed omnibus iuste iudicabat. Et dicitur, quod faciebat iudicium, & iustitiam, quia iudicium est in discussione, iustitia autem in executione. Propriē autem loquendo iustitia est quidam habitus secundum quem iusti dicimur, & iuste operamur, vt patet 5. Ethic. in principio, & tamen hic accipitur vulgariter, sicut conuenit dicere: iste operatur iustitiam, & ponuntur duo, scilicet, iudicium, & iustitia, quia vnum sine alio

parum valet. Iudicium est quasi ius dicere, & istud est in discussione causarum inquirendo veritatem, & postea rectē sententiando, iustitia autem est quasi ius tueri, id est, defendere, & istud est in executione. Nam per executionem defendimus ius, quia parum prodest iura condere nisi sit, qui tueatur, vnum autem sine altero parum valet: nam si quis veritatem inquirat, & rectē sententiar, nunquam tamen exequatur sententiam, nihil tamen prodest, velut si quis panem famelico porrigat, & tamen non permittat ei eum comedere. David autem vtrunque faciebat: ideo erat rex perfectē iustus, & non solum dicitur hic, quod faciebat iudicium, & iustitiam: sed etiam, quod faciebat hoc cuncto populo, & sic tā diuitibus, quā pauperibus iura seruabat, & ista erat magna virtus: nam aliqui iudices iniquē propter munera diuitibus ius reddunt, sed pauperibus nunquam, sicut dicitur Esa. primo. Omnes diligunt munera, & sequuntur retributiones, & postea dicitur: causa viduæ non ingreditur ad eos, & pupillum non iudicant.

Porro Ioab filius Saruix erat super exercitum. Hic ponuntur officiales David præcipui in gubernatione regni, & in domo sua, & primus est princeps militiæ, qui faciebat omnia bella, scilicet, Ioab filius Saruix: nam Saruix erat soror David, peperitque tres filios viros clarissimos, scilicet, Ioab, Abisai, & Asael supra 2. Iste Ioab fuit vir valde excellens in bellis, industrius nimis, & animosus: erat enim magni cordis, & faciebat omnia bella David: vnde ipse acquisiuit principatū militiæ virtute bellica: nam quando pugnabat David contra Iebuscos manentes in castro montis Sion in Ierusalem, proposuit præmiū, scilicet, quod qui prius tangeret fistulas domatum, & percuteret Iebuscum fieret princeps belli, Ioab autē percussit primo Iebuscum, & tergit fistulas domatū, & factus est princeps belli semper 2. Reg. 5. & supra 11. Iste seruauit in omnibus honorem David: nam quando pugnabat contra Ammonitas longo tempore egit graue bellum, & cum iam capienda erat ciuitas regalis Ammonitarum, noluit Ioab, quod sibi attribueretur tanta gloria, quod subiecisset Ammonitas, ideo misit ad vocandum David, qui in regno suo quiescebat, vt veniret antequam caperetur ciuitas, vt attribueretur gloria sibi, & non Ioab, vt patet 2. Re. 12. In quo fuit magna probitas Ioab, & ostēdebatur, quod verissimē diligebat David. Erat tamen Ioab duri cordis, & ideo, q̄q̄ esset vtilis David, tamen in multis offendit eum: erat quippe desiderator honoris, & inuidebat volentibus excellere eum, & quocunque modo, siue recte, siue per insidias conabatur delere competitores suos: sic enim fuit quando Abner princeps militiæ Isboseih tractabat cum David, quomodo efficeretur rex totius Israel, putans Ioab, quod si hoc eueniret Abner efficeretur princeps militiæ David, & ipse perderet honorem suum, vocauit Abner pacificē, & cumfingeret, q̄ vellet sibi loqui secretē, percussit eum in inguine, & mortuus est per insidias: licet Ioab sinxerit, quod occidit eum in vindictam sanguinis fratris sui Asael 2. Reg. 3. Et tunc David natus est grauisimē contra Ioab, & maledixit ei: tamen non ausus fuit ei nocere propter potentiam Ioab, dicens: viri isti filij Saruix dum mihi sunt: eod. capitu. Iterum autem offendit eum grauius, quando occidit Abtalom: nam cum esset bellum inter viros David, & Abtalom volentem regnare, erat Ioab princeps belli, & iussit David, quod si caperetur Abtalom nō occideretur, Ioab tamen occidit eum percutiendo ipsum tribus lanceis pendente in arbore secundo Regum decimo octauo, propter quod doluit David grauisimē, & nolebat videre viros suos. Dixit tamen ei Ioab, quod si non exiret,

exiret, & saluaret pacifice viros suos, quod omnes recederent ab eo, & esset ei peius, quam omnia mala, quae euenerant ei a iuuentute sua. Timuit autem Dauid animositatem Ioab, & inuitus egressus est, & quamquam acerrime doleret, coactus est ostendere vultum hilarem, & loqui in gaudio viris suis secundo Regum 19. post hoc autem Dauid priuauit Ioab principatu militiae, & tradidit illum Amase filio sororis suae Abigail, sed Ioab per insidias cum fingeret se vellet osculari eum, percussit eum in inguine, & mortuus est secundo Regum 20. & sic mansit Ioab semper in principatu militiae etiam nolente Dauid, nec ausus est Dauid nocere ei in aliquo, quia non poterat propter magnam potentiam Ioab, & fratris sui Abisai, sed postea moriens iussit Salomoni filio suo, quod occideret Ioab, & occidit eum in tabernaculo Domini 3. Regum secundo. Iste fuit exitus Ioab, & omnium probitatum, & bellorum clarissimorum, quae egit,

Et Iosaphat filius Achilud a commentariis. Iste erat alius officialis: & est a commentariis vna dictio, sicut acalculis, licet videatur esse ablatiuus cum prepositione. Aliqui putant, quod iste Iosaphat erat relator negotiorum regis, scilicet, quod reducebat ei in memoriam negocia, quae praeponebantur, vel quae incidebant, ut expediret illa. Sic intelligit Rab. Salom. sed non potest stare secundum literam nostram, quia a commentariis significat scriptorem, eo quod commentarius est scriptor non idem, qui scribit, sed qui compilat multa ad hoc, quod scribantur. Et idem dicitur commentum, id est, liber expositionis compilatus de pluribus ad declarandum aliquid vnu. Et sic dicendum, quod iste Iosaphat erat chronographus Dauid: nam scribebat omnia gesta eius, & historiam regni, & forte historias aliarum gentium, quae erant tempore Dauid, sicut fecit Propheta Gad, qui scripsit librum chronicarum de omnibus regibus, & gentibus, qui fuerunt in orbe tempore Dauid, ut patet infra capitu. vlti. & istud significat nomen: nam iste erat a commentariis, scilicet, quia commentabat, id est, compilabat omnia gesta Dauid, & regni sui in vnum: istud tenet Iosephus 8. Antiqui. dicens, quod Dauid habuit Iosaphat filium Achil ad conscriptiones gestorum, id est, scriptorem historiarum.

Sadoc autem filius Achitob, & Achimelec filius Abiathar Sacerdotes. Isti duo erant Sacerdotes Dauid, scilicet, Sacerdotes magni: nam de minoribus Sacerdotibus nullus hic ponitur, sed illi erant valde multi, & hic solum ponuntur principes officiorum, vel dignitatum.

Et Sufa scriba. Iste erat princeps scribarum in domo Dauid. Et non erat idem officium Iosaphat, & Sufa: nam Iosaphat erat scriptor historiarum. Sufa autem erat scriba, scilicet, princeps scribentium contractus, & negocia iudicialia: erat enim Sufa prothonotarius regis. Iste Sufa vocatur Saraias secundo Regum 8. nec est admirandum, quia erat binomius, sicut multi alij: nam filius regis Tou vocatur supra in litera Adoram, & secundo Regum octauo vocatur Ioram.

Banaias vero filius Iosade super legiones Celethi, & Phelthi. Id est Banaias fuit vir fortissimus secundi ternarii: ipse enim occidit duos leones terrae Moab, & occidit leonem alium in cisterna in diebus niuis cum solum haberet baculum in manu. Occidit etiam virum Aegyptium stature gigantis armatum, cum ipse Banaias esset inermis, & arripuit, extorsitque lanceam de manu Aegyptij: & occidit eum lancea sua 2. Reg. 23. & supra 1. litum dilexit nimis Dauid, & fecit eum sibi auricularium a secreto eod. capitu. & postea constituit eum principem super legiones Celethi, & Phel-

lethi de quibus infra dicitur. Porro filij Dauid primi ad manum regis. Scilicet, Dauid habuit multos principes, & officiales. Et tamen principes omnium, qui erant magis familiares regis ad manum eius, id est, qui semper erant coniuncti ei, erant filij sui.

An verum sit, quod essent duo summi Sacerdotes. Quest. XXXII.

QUAE RITVR Circa id, quod dicebatur de Sacerdotibus Dauid, quomodo ponuntur hic duo Sacerdotes summi: nam summus Sacerdos vnus erat secundum legem.

Aliquis dicit, quod isti non erant Sacerdotes magni, sed de minoribus, quia non dicitur hic, quod essent Sacerdotes magni Dauid, quod non potest stare: nam isti duo erant Sacerdotes summi, ut patet infra 24. Dicendum ergo, quod Dauid habuit duos summos Sacerdotes simul. Et istud nunquam alias fuit, quia secundum legem iubebatur, quod esset vnus summus Sacerdos. Accidit tamen, quod nunc essent duo, & causa huius fuit, quia tempore Saulis erat summus Sacerdos, qui erat Achimelec, qui erat de progenie Heli summi Sacerdotis: primo Reg. 22. & filius huius fuit Abiathar. Saul autem indignatus contra Sacerdotes, quia videbantur fauere Dauid, occidit Achitob summum Sacerdotem, & alios octoginta, & quinque cum eo indutos ephod lineo, & deinde occidit omnes, qui erant in vbe Nobe: tam viros, & paruulos, & feminas vsque ad infantia, & tunc Abiathar filius Achimelec Sacerdotis magni fugit de interfectione ad Dauid eod. cap. mansitque semper cum eo, & exercebat officium Sacerdotis magni: nam induebatur ephod, & rationali, & consulebat Dominum sepe pro Dauid primo Reg. 23. & 30. Et tamen hoc non pertinebat nisi ad summum Sacerdotem, quia istae erant vestes solius summi Sacerdotis, ut patet Exod. 28. Cum autem occisus fuit Achimelec summus Sacerdos, & alij de progenie sua transtulit Saul tabernaculum Domini de Nobe in urbem Gabaon, & constituit Sadoc in summum Sacerdotem, qui erat de alia progenie. f. Eleazari primogeniti Aaron: Achimelec erat de progenie Ithamar filij minoris Aaron, & summum Sacerdotium pertinebat secundum legem ad progeniem Eleazari, quia ille erat primogenitus, fuerat tamen translatus tempore Heli ad ipsum, qui erat de stirpe Ithamar propter peccata Sacerdotum de stirpe Eleazari, ut declarat Iosephus 5. Antiqui. Cum autem regnum Dauid super Iudam, & regnum Isboseth super Israel erant diuisa, erat Sadoc Sacerdos in regno Isboseth, & Abiathar erat Sacerdos in regno Dauid, cum vero totum regnum traditum fuit Dauid, erant isti duo summi Sacerdotes in regno suo, & ipse nullum eorum voluit amouere. Et ratio Sacerdotio, eo quod competebat ei secundum legem, cum esset de linea primogenitorum. Etiam secundum Prophetiam Dei competebat sibi, quia Deus praenunciauerat ipsi Heli summo Sacerdoti, quia propter peccata filiorum suorum, quia ipse noluit corrigere eos, auferretur Sacerdotium de domo sua, & Deus faceret sibi alium Sacerdotem in cuius domo maneret Sacerdotium in eternum, & iste erat Sadoc, qui factus est Sacerdos magnus occiso Achimelec: ideo non ausus est Dauid amouere eum a summo Sacerdotio. Etiam non amouit Abiathar, quia erat filius summi Sacerdotis & exercebat eorum eo officium summi Sacerdotis consulendo sepe Dominum, & vtendo vestibus pontificalibus, etiam Dauid erat nimis obligatus ipsi Abiathar. Primo propter patrem

trem suum Achimelec, qui in tempore sanis, & necessitatis magnæ dedit sibi panes, & gladium Goliath primo Regum vigesimoprimum. Etiam quia ipse Achimelec, & tota domus sua occisi fuerant propter Dauid, unde dixit Dauid ad Abiathar: Ego sum reus omnium patris tui. primo Regum vigesimo secundo. Secundo quia Abiathar fuit semper cum Dauid in omnibus laboribus eius, ut patet tertio Regum secundo. Ideo Dauid noluit priuare eum honore suo faciendo, quod careret summo Sacerdotio, sed potius statuit, quod essent semper duo summi Sacerdotes, vnus de domo Eleazar, & alius de domo Ithamar. Qui enim erat de domo Ithamar, esset de filiis Abiathar, qui verò de domo Eleazar, esset de filiis Sadoc, ut patet infra vigesimo quarto. Et mansit istud viuentem Dauid, postea autem regnante Salomone Abiathar perdidit summum Sacerdotium, quia coniurauerat cum Adonia fouendo partes eius contra Salomonem, & cum propter hoc potuisset occidi licite, noluit Salomon occidere eum propter labores, quos tolerauerat cum Dauid, sed priuauit eum summo Sacerdotio, & fecit ne veniret vnquam in Ierusalem ad templum, sed maneret in quadam villula sua nomine Anathot, & ex illo die perijt summum Sacerdotium de domo Ithamar, & redijt totaliter ad domum Eleazar in stirpe Sadoc, & fuit ipse solus Sacerdos magnus, ista omnia patent tertio Regum secundo. Et ob hoc vnctus fuit iterum Sadoc in summum Sacerdotem, quia nouiter acquirebat totum summum Sacerdotium, ut patet eodem cap. & infra vlti.

An verum fuerit Achimelec fuisse summum Sacerdotem.
Quest. XXXIII.

QVAERITVR vterius quomodo dicitur hic, quod Sadoc filius Achitob, & Achimelec filius Abiathar erant Sacerdotes Dauid: nam non erat Achimelec Sacerdos, sed Abiathar.

Aliquis dicet, quod Abiathar erat binominis, sicut multi alij, ut patet supra in littera de Suiā, qui vocatur Saraias secundo Regum octauo de Adoram, qui vocatur ibi Ioram, & sic iste vocabatur aliquando Abimelec, & aliquando Abiathar. Sed dicendum, quod hoc non stat propter duo. Primo quia si vocaretur hic Abimelec, & nihil aliud adderetur, poterat stare, & tamē dicitur, quod Abimelec filius Abiathar erat Sacerdos, & sic non potest esse, quod iste Abimelec sit Abiathar, sed necesse est, quod sit filius eius. Secundo patet, quia si iste Abimelec esset Abiathar, & mutaretur hic nomen, vocaretur hic Achimelec, & alibi vocaretur Abiathar, & tamen non stat, sed in omnibus locis, in quibus fit mentio de istis Sacerdotibus ponuntur, sicut hic: nam sunt tria loca, scilicet, hic, & secundo Regum octauo, & infra vigesimo quarto. Non ergo dicitur, quod iste Abiathar erat binominis.

Aliquis autem dicet, quod Abiathar erat iam mortuus, & ideo filius eius Achimelec factus est summus Sacerdos loco ipsius. Nam sic ordinabat Dauid, quod semper essent duo summi Sacerdotes, vnus de stirpe Eleazar, & alius de stirpe Ithamar infra vigesimo quarto. Sed hoc non stat, quia Abiathar vixit toto tempore, quo vixit Dauid: nam ipse fuit partiarum cum Adonia ad constituendum eum in regem, primo etiam post mortem Dauid ipse vivebat: nam Salomon priuauit eum, tunc summum Sacerdotem, & iussit manere in Anathot, tertio Regum secundo.

A Dicendum ergo, quod Abiathar vixit semper quandiu vixit Dauid, & fuerunt ipse, & Sadoc simul Sacerdotes magni. Et patet hoc primo, quia Salomon priuauit eum summo Sacerdotio post mortem Dauid, ut patet tertio Regum secundo, scilicet. Elecit Salomon Abiathar, ut non esset Sacerdos Domini. Nō poterat tamen eici de summo Sacerdotio nisi ante hoc teneret illud. Secundo patet, quia secundo Regum vigesimo vbi ponuntur etiam officiales Dauid, sicut hic, & secundo Regum octauo dicitur: Sadoc verò, & Abiathar Sacerdotes. Et tamen manifestum est, quod fuit post id, quod habetur secundo Regum octauo, vbi dicitur, quod Sadoc, & Achimelec erant Sacerdotes: ergo videtur, quod quando Achimelec filius Abiathar erat summus Sacerdos: etiam Abiathar erat. Dicendū est ergo, quod veritas huius fuit, quod Abiathar, & Sadoc fuerunt summi Sacerdotes semper viuentem Dauid, quia constitutum erat per Dauid, quod essent semper duo summi Sacerdotes vnus de domo Eleazar, & alius de domo Ithamar, & quia Abiathar erat Sacerdos, proueniebat summum Sacerdotium post mortem eius ad filium suū Achimelec. Et ideo viuentem eo aliquando ministrabat, & sic dicebatur Achimelec filius Abiathar summus Sacerdos, & aliquando ipse Abiathar, & fortē, ut communiter ministrabat Achimelec pro patre suo Abiathar, quia ille erat occupatus in negocijs alijs, sicut Heli summus Sacerdos habebat duos filios, & illi ministrabant eo viuentem in summo Sacerdotio primo Regum secundo. Et non solum iste Abiathar erat nunc summus Sacerdos cum Sadoc, sed etiam ipse erat precipuus: unde de eo solo dicit Iosephus octauo Antiqui, quod erat summus Sacerdos inquit: nō statuit autem de domo principem Sacerdotum Abiathar, qui eius amicus erat.

De cognatione Celethi, & Phelēthi.

Quest. XXXIIII.

QVAERITVR vterius, quia dicitur supra, quod Banaias erat super Celethi, & Phelēthi, qui erant isti Celethi, & Phelēthi.

Aliqui putant, quod isti erant aliqui magni iudices, & arguunt ex interpretationibus nominum, & istud vult tenere aliquo modo Rabi Salomon.

Dicendum tamen, quod Celethi, & Phelēthi nō erant viri, sed erant legiones militum, sic enim patet secundo Regum decimo quinto, vbi dicitur, quod legiones Celethi, & Phelēthi ibant cum Dauid, quando egressus est de Ierusalem fugiens Abiathar. Et dicendum, quod erant iste legiones virorum electissimi morum, qui semper propinqui erant Dauid, & erant custodes corporis eius: sic enim dicit Iosephus octauo Antiqui, quod dedit Banaie filio Ioiada custodiam corporis tui principatum, & conueniebat Banaie iste principatus, quia erat vir fortissimus, & cui nimis confidebat Dauid. Nam fecerat enim auricularium a secreto. secundo Regum vigesimo tertio, & octauo, & vndecimo.

De diuersitate, qua habetur hic, & secundo Regum Capitu. octauo, circa filios Dauid.

Quest. XXXV.

QVAERITVR vterius quomodo dicitur hic, quod filij Dauid erant primi ad manum regis: nam secundo Regum octauo vbi ponitur ista historia dicitur, quod filij Dauid erant Sacerdotes.

Respon.

Respondendum est, quod filij David non erant **F** Sacerdotes, quia non erant de familia Sacerdotum: omnes enim Sacerdotes erant de familia Aaron de tribu Levi. Sic etiam dicit Apostolus ad Hebræ. septimo, quod in tribu, de qua fuit Christus nihil locutus est Moyses, nec aliquis de illis præsto fuit altario. Nec est intelligendum, quod ex aliqua dispensatione permitteretur filijs David facere ministeria Sacerdotalia, & sic essent Sacerdotes in officio, quamquam non in genere: nam circa hoc nullus poterat dispensare, quia Deus dixerat, quod quicumque accedere vellet ad ministerium Sacerdotale præter filios Aaron occideretur. Numeri tertio. Etiam maior fuit rex Ozias, quam filij David, & tamen quando voluit offerre incensum Domino percussus est lepra: quarto Regum decimoquinto, & sequenti lib. capitu. vigesimo sexto. Vocantur ergo filij David Sacerdotes, idest, principes, quia Sacerdos non solum est nomen ministri diuini, sed etiam significat principem, & magnitudinem status, & quia filij David erant maiores inter omnes principes, quos habebat David, vocabantur Sacerdotes, & patet hoc, quia secundo Regum octauo, ponitur ista historia, & dicitur ibi, quod filij David erant Sacerdotes, hic autem ubi repetitur eadem, dicitur quod erant primi ad manum regis: erant enim principes custodum corporis David. Et hoc tenet Iosephus octauo, dicens: Seniores namque filij David circa corpus, & eius custodiam erant.

C A P. XIX.



ACCIDIT autem, vt moreretur Naas rex filiorum Ammon, & regnaret Anon filius eius pro eo. Dixitque Dauid. Faciam misericordiam cum Anon filio Naas. Prestitit enim mihi pater eius gratiam. Misitque Dauid nuncios ad consolandum eum super mortem patris sui.

DICTO in præcedentibus de impedimento Dauid circa templi edificationem propter bella, & consequenter de regni eius dilatione, hic agitur de ingratorum oppressione. Nam Ammonitæ ingrati beneficio Dauid reddiderunt ei contumeliam pro honore. Et diuiditur in duo, quia primò agitur de sociorum punitione, secundo de ingratorum destructione sequenti capitu. Nam Syri voluerunt adiuuare Ammonitas, & Dauid pugnavit contra illos. de pugna contra Ammonitas pater sequenti capitu. Prima in duas, quia primò ponitur seruis Dauid inflicta contumelia: secundo insurgens ex hoc pugna, ibi.

Videntes autem. Prima in duas, quia primo ponitur Dauid gratia: secundo Ammonitarum contumelia, ibi. *Qui cum peruenissent.*

De continuatione ad præcedentia, & de connexion.
Quæst. I.

QUÆRITUR circa primum, an ea, quæ habentur hic sint continuata ad præcedentia, & an fuerint facta immediate post illa, vel interiecto aliquanto tempore.

Respondendum est, quod hic est ordo continuus, quia licet non appareat an illa sint post præcedentia,

tamen semper teneendus est ordo literæ, nisi appareat aliunde, quod alius sit ordo. Hic autem non apparet, quod istud fuerit ante præcedentia. Ideo dicendum est, quod fuerit post illa. Item patet hoc efficacius, quia licet non appareat ex ista litera, an illa sint post præcedentia, tamen apparet hoc secundo Regum decimo, ubi ponitur ista historia, & dicitur ibi in principio literæ. Factum est autem post hæc, vt moreretur rex filiorum Ammon. Et refertur illud ad præcedentia, & tamen ibi præcedunt omnia, quæ præcedunt hic, quia idem ordo est hic, & ibi: ideo necesse est, quod ista fuerint post præcedentia.

Ad secundum dicendum, quod non apparet an modico tempore, vel multo fuerint ista post præcedentia. Sed videtur dicendum, quod non fuerint multi anni, & etiam, quod non fuerint aliqua facta notabilia Dauid inter ea, quæ habentur hic, & præcedenti capitu. verum est tamen, quod secundo Regum nono interponitur quadam historia inter ea, quæ habentur hic, & præcedenti capitu. scilicet, de Miphiboseph filio Ionathæ, & nepote Saulis, quomodo suscepit eum Dauid in gratiam, quia tamen ibi plene enarrata est, non curavit Esdras hic repetere aliquid de illa. Circa primum dicitur.

Accidit autem, vt moreretur Naas rex filiorum Ammon. Idest accidit post præcedentia, quod moreretur Naas rex Ammonitarum. Ille Naas fuerat amicus Dauid, & propter hoc motus fuit ad benefaciendum filio eius.

Et regnaret filius eius pro eo. Ille vocabatur Anon, vt patet in litera, & erat iuuenis: ideo secutus fuit malum consilium seniorum suorum, vt dehonoreret seruos Dauid.

Dixitque Dauid faciam misericordiam cum Anon filio Naas. Intendebat facere misericordiam cum isto Anon, idest, benefacere ei in omnibus in quibus posset, quia erat iuuenis, & nunc regnare incipiens, indigebatque auxilio Dauid, & pro principio beneficiorum suorum misit ad consolandum eum de morte patris sui.

Prestitit enim pater eius mihi gratiam. Idest, quia pater suus benefecit mihi, ego volo benefacere filio. Erat enim Dauid vir gratissimus, & memor acceptorum beneficiorum, & quamquam mortuus esset Naas, qui præstiterat ei istud beneficium, nec speraret ab eo, nec a posteris suis alia, recordatus est benefacere Anon filio eius iuueni. Quæ autem gratia fuerit ista, quam Naas præstitit Dauid infra dicitur in quadam quæstione.

Misitque Dauid nuncios ad consolandum eum super mortem patris sui. Mortuus erat Naas pater Anon, & Dauid mittebat eum consolari forte, dicens: quod licet mortuus esset pater tuus, & ipse ceter rex novus, & iuuenis, non angustiareris, quia ipse auxiliaretur ei in omnibus necessarijs, sed secundo Regum dicitur: Misit consolans eum super patris interitu. Idest super ipsa morte mittebat eum consolari, quia propter illam nimis angustiareretur Anon.

Quis fuerit iste Naas. Quæst. II.

QUÆRITUR quis erat iste Naas rex filiorum Ammon, de quo hic dicitur. Aliqui volunt, quod sit ille Naas, de quo habetur primo Regum decimo, contra quem pugnavit Saul in principio regni sui, & deleuit totum exercitum eius atque disperisit, ita vt non manerent duo pariter. Sed dicit aliqui, quod non potest stare, quia iste erat rex quando Saul incepit regnare: nam in principio regni eius accidit illud bellum, neque fecit aliquid aliud ille Saul.

Saul ante illud: nondum enim dimiserat habitum rusticum, sed veniebat de agro sequens boues illa die, qua venerunt nuncij de Iabes Galaad significantes iniuriam, quam fecerat eis Naas rex Ammon primo Regum vndecimo. Regnavit autem Saul quadraginta annis. Act. decimotertio, & post mortem eius regnaverat David super Iudam 7. annis, & dimidio. 2. Regum quinto. Et postea regnaverat super totum Israel ad minus plusquam quatuor annis, quia omnia, quæ fecit David postquam factus fuit rex Israel habentur in isto libro a capitu. i. i. vsque huc. & secundo Regum a quinto vsque ad 10. indigebant tribus, vel quatuor annis, & sic ad minus regnasset Naas 30. annis, quod aliquis non concederet fortè esse verum, quamquam sit possibile: ideo dicet, quod fuit alius Naas.

Respondendum est, quod istud non obstat: nam non sequitur ex præcedentibus, quod iste Naas tanto tempore regnasset: nam non est verum, quod Saul regnavit quadraginta annis, & cum dicitur Actuum 13. quod regnavit quadraginta annis, dicendum quod ibi computantur anni, quibus fuit Samuel iudex, & Saul rex, sicut est positio omnium doctorum sacre Scripturæ, & patet hoc, quia ab exitu de Aegypto vsque ad ædificationem templi Salomonis fuerunt anni quadringenti, & octoginta 3. Regum octavo, & colliguntur illi ex summis particularibus temporum, sicut probauimus ibidem inducendo: & tamen in illis summis particularibus immediatè post quadraginta annos quibus iudicauit Heli summis Sacerdos, ponuntur quadraginta anni, quibus regnavit Saul, & non interponuntur aliqui anni Samuelis. Ideo nemine esse, quod intelligantur anni, quibus iudicauit Samuel in quadraginta annis Saulis. Iudicauit autem Samuel plusquam viginti annis, vt colligitur primo Regum 7. nam ibi exprimitur de viginti annis, qui transierunt sub eo in Israel: & tamen post illud ipse iudicauit aliquanto tempore, & etiam filij sui post eum antequam Saul eligeretur in regem, vt patet primo Regum 7. & octavo, & sic iudicauit Samuel fortè plusquam viginti duobus annis, & Saul regnaret 18. annis residuis. Istud consonat sententiæ Iosephi 6. An aliquis dicentis regnasse Saul decem, & octo annis. Respondendum autem de quadraginta attribuit Samueli, & sic cum Naas regnaret in principio regni Saulis regnaret 18. annis viuentis Saule: deinde mortuo Saule vt patet 2. Regum quinto, postea regnavit super Israel, & dum regnaret accidit mors Naas regis Ammon, sed vt supra dictum est omnia gesta David, postquam regnavit super Israel vsque tunc, poterant esse in quatuor annis, & sic poterant esse a principio regni Saulis vsque ad mortem Naas anni quasi triginta, & istis satis verisimiliter viueret Naas in regno.

Dicendum ergo, quod iste Naas fuit ille rex, contra quem pugnavit Saul primo Regum 11. vel fuit aliquis successor eius, qui etiam sic nominaretur. Magis tamen videtur dicendum, quod fuerit Naas, qui pugnavit contra Saulem: nam sic melius recipet David, & beneficeret ei propter inimicitias, quas habebat cum Saule, quam aliàs cum esset David hostis Saulis.

De origine Ammonitarum.

Quest. III.

QUÆRITUR Vltorius, qui erant isti Ammonitæ quorum rex erat Naas.

Respondendum, quod Ammonitæ, & Moabitæ fuerunt duo populi derivati a duobus fratribus, scilicet, Ammon, & Moab: nam isti duo fuerunt filij Lohi contobrini Abraham, quos suscepit

A ex duabus filiabus suis post destructionem Sodome: maior enim filia peperit Moab, & interpretatur ex patre, scilicet, quia ex patre suo suscepit illum filium: minor peperit Ammon, & interpretatur filius populi mei, siue ex populo meo: ad significandum, quod suscepit eum ab vno, qui erat de populo suo, id est, de cognatione sua, & isti posuit nomē honestius, quam maior. multiplicati sunt autem postea isti duo iuvenes in prolem, & descenderunt ab eis duo populi, scilicet, Ammonitarum, & Moabitarum, vt patet Gen. 19. Isti nati sunt in terra Chanaan, & acceperunt ad habitandum loca propinqua terræ Chanaan, & habitauerunt simul, scilicet, Ammonitæ in vna regione, & Moabitæ in alia, & tamen istæ duæ regiones se tangebant in lateribus, & erant ista duo regna apud Iordanem ad Orientalem partem eius, vt colligitur Num. 34. & Deuteronom. 2. & tenuerunt olim isti duo populi totam terram coniunctam Iordani ex parte Orientis, sed postea duo reges Amorrhæi, scilicet, Sehon, & Og acceperunt magnam partem illius de vtraque regione, vt patet Num. 21. Postea autem Israelitæ pugnantes contra istos duos reges Amorrhæos acceperunt totam terram eorum, quæ olim fuerat Moabitarum, & Ammonitarum: Num. 21. & Deuteronom. 2. & 3. & propter hoc postea plusquam per trecentos annos rex Ammonitarum, & Moabitarum repetiuit totam istam terram ab Israelitis, dum esset iudex in Israel Iephth Galaadites, & factum est bellum super hoc, fugatique sunt Ammonitæ, & Moabitæ, & mansit terra in possessione Israelitarum, sicut prius Iud. 11. Ista est terra, quæ data fuit duabus tribubus, & dimidiæ ultra Iordanem: nam tota erat de regno Ammonitarum, & Moabitarum, vt patet Iosue 13. isti Ammonitæ, & Moabitæ fuerunt, per quorum terram introierunt Israelitæ in terram Chanaan, qñ rex Edom noluit concedere introitum eis per terram suam, vt colligitur Num. 21. & Deuteronom. 2. Timuerunt tamen tunc Ammonitæ, & Moabitæ Israelitas: ideo inuocauerunt Balaam ariolum de Mesopotamia, vt malediceret Israelitis, & morerentur, & non potuit maledicere, quia Deus impendebat linguam eius. Num. 22. & 23. & Deuteronom. 23. propter hoc autem in surrexit magna hostilitas Israelitarum contra Moabitas, & Ammonitas, & cū essent regiones eorū coniunctæ nullo intermedio, habebant inter se sæpe bella, & interdum poterant sibi benefacere.

Si fuit licitum, quod David mittent consolatores ad Anon. Quest. IIII.

QUÆRITUR Vltorius an licuit David mittere consolatores ad Anon regem Ammonitarum. Et videtur, quod non, quia Deut. 23. dñs, qñ Israelitæ non quærent bonum Ammonitis, & Moabitis: nec haberent cum illis pacem vsque in sempiternum. Consolari tamen erat habere pacem, & promittere se fauorabilem in omnibus, quæ posset, ideo videbatur facere David contra illam legem.

Respondendum, quod David non peccauit mittere consolatores ad Anon regem Ammonitarum, sed potius laudabiliter egit: nam David suscepit beneficium a patre eius Naas, & tamen nō rependerat ei aliquid pro illo, quia nō occurrerat: ideo manebat sēpnaturaliter obligatus successoribus ad suis benefaciendum: voluit ergo consolari Anon filium eius, & per hoc promittebat se præstaturum fauorem ei in omnibus. Est autem magna virtus, qñ quis nō obliuiscatur susceptorū bñficiorū, potissime qñ bñfactor nō sperat plura collaturus: aliqñ nāque reddūt vicem pro

pro beneficijs susceptis, & hoc, quia sciunt, quod per istam retributionem prouocabunt animos collatorum ad plura conferendum, & tunc illa retributio non est virtutis, sed vtilitatis acquirendę modus, nec est laudabilis. Cum autem collator beneficij non speratur plura posse conferre, sed potius est taliter dispositus, vt egeat sibi semper conferre, vtpote si incidit in paupertatem, vel in alia infortunia, tunc virtuosa, & laudabilis retributio est, quia non propter aliquem questum, sed propter solam virtutem fit: sic enim fuit nunc in Dauid: nam Anon filius Naas erat iuuenis, & nouus in regno, egebatque auxilio cuiuscunque: Dauid autē erat rex potens, & gloriosus tunc inter omnes reges terrę, vt patet 2. Reg. 7. & supra 17. Et sic non indigebat auxilio Anon nec aliorum regum vicinorum. Quod ergo veller consolari Anon solum erat propter virtutem, scilicet, quia nolebat obliuisci suscepti beneficij, & adhuc plus erat, quia istud beneficium non susceperat ab Anon, quem nunc volebat consolari, sed a patre eius: minus autem tenetur quis successoribus benefactoris sui, quā ipsi benefactori in quantum successor non est eadem persona realiter cum eo, cui succedit, sed quantum ad quandam iuris fictionem, & ad quādam naturę identitatem. Et ob hoc etiam minus mouemur ad benefaciendum successoribus benefactorum nostrorum, quā ipsismet benefactoribus, & sic Dauid laudabilis fuit in hoc, nec imputat ei sacra Scriptura ad peccatum. Cū autem obiicitur, quod Israelitę, nunquam deberent querere bona, nec habere pacem cum Ammonitis, & Moabitibus: potest responderi dupliciter, vno modo, quod Moabitę, & Ammonitę essent hostes Iudeorum, & Iudei nunquam procurarent habere pacem cum eis, nec benefacere sibi. Si tamen Ammonitę, & Moabitę prius benefacerent Israelitis, non prohibebatur ipsi respondere eis in similibus beneficijs, sicut colligitur Deuteronomo. 23. scilicet. Non facies cum eis pacem: nec quęres eis bona. Querere autem bona alicui est, quando quis querit quomodo benefaciat alteri, quando tñ respondet ei pro beneficio suscepto non dicitur querere ei bona, quia non est ab eo principij operationis. Et sic fuit nunc in Dauid, quia ipse non incepit benefacere Naas regi Ammonitarum, sed ille benefecit Dauid, ideo poterat Dauid, immo obligabatur, retribuere ei, & sic patet in litera, quia dicitur: Faciam misericordiam cum Anon filio Naas: prestauit enim pater eius mihi gratiam. Scilicet, pro gratia mihi: prestauit benefaciam illi. Secundo potest dici, & melius, quod Israelitis non prohibebatur benefacere Ammonitis, & Moabitibus quantum ad omnia, & habere pacem cum eis, quia tunc non possent recipere aliquem de illis, qui veller conuerti ad ritum Iudaicum, & tamen suscipiebant: nā Ruth fuit Moabitrix, & accepta est in vxorem a Maalon filio Noemi, & postea a Booz, & de stirpe eius descendit Dauid, vt patet Ruth. tertio, & quarto, sed solum prohibebantur Israelitę concedere honorem Moabitibus, & Ammonitis postquam conuerterentur ad Iudaismum, & etiam prohibebantur dare eis vxores de filiabus Hebręorum, & patet hoc Deuteronomo. 23. quia ibi ponitur de gentibus conuersis ad Iudaismum, qui deberent intrare in Ecclesiam Domini: & qui non. De Aegyptijs, & Idumęis dicitur, quod intrabunt in quarta generatione, de quibuscumque alijs dñ, q̄ intrabunt in decima generatione: de Moabitibus autē, & Ammonitis dñ, q̄ non intrabunt in Ecclesiam Domini, etiam post decimam generationem, nec in eternum, & propter hoc dicitur: Non quęres eis bonum omnibus diebus vitę vřque in sempiternum. Nam permittere alicui genti intrare in Ecclesiam Domini erat benefacere

ei, & quibusdam gentibus mittebatur illico intrare, scilicet, omnibus gentibus pręter Chananęos, Idumęos Aegyptios, Moabitas, & Ammonitas, quibusdam mittebatur in quarta generatione, scilicet, Aegyptijs, & Idumęis, alijs verō nunquam mittebatur eo, quod omnes occidendi erant, sicut erat de Chananęis. Et tamen si alicui Chananęorum licite daretur vita, licebat etiam ei intrare in Ecclesiam Domini, sicut patet de Raab, quę erat Chananęa cum esset de Iericho, & tamen accepta est in vxorem a principe totius tribus Iuda, scilicet, Salmon filio Naasson, vt patet Math. primo, & colligitur Iosue 6. Moabitę autem, & Ammonitę non iuebantur a Deo occidi, sicut Chananęi eo, quod Israelitę accepturi erant terram eorum in possessionem, sicut terram Chananęorum, Deuteronomo. secundo, & tamen ipsi soli vetabantur in eternum introire in Ecclesiam Domini Deuteronomo. 23. Est autem nō introire in Ecclesiam Domini, non accipere vxorem de filiabus Hebręorum, & etiam non habere aliquem principatum inter Israelitas: nam congregatio Israelitarum vocatur Ecclesia Domini, idest, multitudo, vel congregatio Dei. Si autem acciperet aliquis vxorem de mulieribus illius congregationis, introibat in Ecclesiam Dei, quia semen suum efficiebatur pars Ecclesię Dei, cum semen suum esset de stirpe Hebręorum: etiam si quis acciperet aliquem principatum inter Israelitas, dicebatur introire in Ecclesiam Dei eo, quod per istum principatum efficiebatur caput Ecclesię Dei, vt declaratum est Deuteronomo. vigesimo tertio. Ista duo non vetabantur alijs gentibus, & tamen vetabantur Ammonitis, & Moabitibus: ideo dicebatur Israelitę quantum ad hoc abominari Moabitas, & Ammonitas. Et dicitur, quod non quęrent eis bonum omnibus diebus vitę vřque in sempiternum, idest, nunquam permetterent eos introire in Ecclesiam Domini: nam si Israelitis liceret aliquando quęrere bonum Moabitibus, & Ammonitis, procurarent eis tunc omnem honorem, quem possent, & sic introducerent eos in Ecclesiam Domini, sicut faciebatur de alijs gentibus. Et tamen nunquam permettere debebant, quod introirent in Ecclesiam Domini. Ideo dicitur, quod non quęrent eis bona omnibus diebus vitę suę: alia tamen bona, quę non erant introductio in Ecclesiam Domini, non prohibebantur Israelitę facere Moabitibus, & Ammonitis, & sic Dauid fecit nunc, quia solum volebat misereri Anon filio Naas prestando sibi fauorem: tamen non introducebat eum in Ecclesiam Domini, scilicet, dando sibi vxorem de filiabus Hebręorum vel constituendo eum principem in aliqua dignitate inter Hebręos. Sed obiiciebatur, quod non possit hoc stare, quia non solum prohibebantur Israelitę, scilicet, introducere Moabitas, & Ammonitas in Ecclesiam Dei, sed etiam benefacere eis in alijs: nam dicitur Deuteronomo. vigesimo tertio. Non facies cum eis pacem. Et tamen facere pacem non erat introducere eos in Ecclesiam Domini, quod vetabatur, & tamen dictum est, quod non facerent pacem Israelitę cum Moabitibus & Ammonitis, quia per hoc perueniretur ad introducendum eos in Ecclesiam Dei.

Pro quo sciendum, q̄ aliud est facere pacem q̄ habere pacem: habere enim pacem nihil est nisi cessare a bello, vel non pugnare: facere pacem est ponere fœdera, vel conventiones inter aliquas gentes. primum non erat vetitum Israelitis, quia alias obligarentur semper pugnare contra Moabitas, & Ammonitas, quod falsum est. Secundum erat illicitum: nam facere fœdera pacis est, quando aliquę gentes volunt totaliter

totaliter redire in concordia, & ut istud semper daret, miscerent connubia: quia progenies inde surgens est utrumque, & per illam conseruabitur pax: hoc autem Deus volebat fieri in Moabit, & Ammonitis, quia prohibitum erat recipi illos in Ecclesia Domini. Ideo dixit, non facies cum eis pacem, scilicet per quam veniretur ad introducendum Moabitas, & Ammonitas in Ecclesiam Domini, & sic non vetabantur Hebraei aliud bonum facere Moabit, & Ammonitis, nisi introducere eos in Ecclesiam Dei, Dauid autem volens nunc consolari Anon regem Ammonitarum, non introducebat eum in Ecclesiam Domini, ideo non erat ei illicitum hoc.

De gratia, quam prestitit Naas Rex Dauid regi.
Quaest. V.

QUAE RITUR ulterius, quae fuit gratia, quam prestitit Naas rex Ammonitarum Dauid, pro qua nunc volebat Dauid benefacere filio eius. Respondet Rabbi Sa. & quidam alij Hebraei, quod Dauid tulit patrem suum, & matrem ad regem Moab, quando fugiebat a facie Saulis, manebantque cum eo, quando Dauid erat in praesidio cum viris suis. Rex autem Moab occidit patrem, & matrem Dauid, voluitque occidere eum, & viros eius, & tunc fugit ad Naas regem Ammonitarum, qui benigne suscepit eum, & prestitit, quae potuit ad consolationem eius. Quod autem pater, & mater Dauid fuerint cum rege Moab, quando Dauid erat in praesidio terrae illius, verum est, quia Dauid reliquit illos apud regem Moab, eo quod erant veteres, & non poterant cum eo, & viris suis discurrere hinc, & inde ad insultus bellicos, & praedas, ut patet 1. Regum 22. & tamen an rex Moab occiderit illos, & voluit occidere Dauid non apparet, sed Hebraei confingunt hoc, quia nunquam post illud fit mentio de patre, & matre Dauid. Istud autem motuum leuissimum est. Aliter potest dici, quod cum Dauid magno tempore fugerit a facie Saulis, & descenderit in terram Philistinorum, & Moabitarum, etiam descenderit in terram Ammonitarum, quae coniuncta erat terrae Israel, & ibi receptus fuerit benigne a Naas rege, & hoc satis verisimile est, quia Naas rex Ammonitarum erat hostis Saulis propter victoriam, quam obtinuerat de eo, & disperserat exercitum eius, ita ut non relinquerentur duo pariter, 1. Reg. 11. Dauid autem erat nunc hostis Saulis, & fugiebat a facie eius. Ideo credendum est, quod preciperet eum Naas benigne, quia ambo erant nunc hostes Saulis, & sciebat Naas, quod Dauid erat vir fortis, & bellicosus, qui poterat eum adiuuare contra Saulem, si opus esset, sicut quando Dauid descendit in terram Philistinorum, & mansit cum Achis rege Geth, ipse duxit eum secum in bellum contra Saulem, sciens eum esse hostem eius, 1. Regum 29. & Dauid promisit ibi facere multa contra Saulem, 1. Regum 28. & propter ista beneficia, quae tunc susceperat Dauid a Naas, voluit filio eius Anon benefacere.

Qui cum peruenissent in terram filiorum Ammon, ut consolarentur Anon, dixerunt principes filiorum Ammon ad Anon: Tu forsitan putas, quod Dauid honoris causa in patrem tuum miserit, qui consolarentur te, nec animaduertis, quod ut explorent, & inuestigent, & scrutentur terram tuam, venerint ad te serui eius. Igitur Anon pueros Dauid decaluauit, & rasit, & praescidit tunicas eorum a natibus usque ad pedes, & dimisit

Alph. Tost. In Lib. I. Paralip.

A eos. Qui cum abiissent, & hoc mandassent Dauid, misit in occursum eorum: Grandem enim contumeliam sustinuerunt, & praecipit, ut manerent in Iericho, donec crelceret barba eorum, & tunc reuerterentur.

Qui cum peruenissent. Hic ponitur secundum huius partis, scilicet, viris Dauid inflata contumelia, & dicit. *Qui cum peruenissent in terram filiorum Ammon.* Scilicet, In ciuitatem regalem in qua erat Rex, quae vocabatur Rabath: nam non erant consolaturi regem illico, ut introirent in terram Ammonitarum, sed cum peruenirent ad locum, in quo ipse erat. *Ut consolarentur*

B Anon. Id est, Ut dicerent ei verba consolatoria, quae iusserat eis dicere Dauid. *Dixerunt principes filiorum Ammon ad Anon.* Isti erant principes regni, & consiliarij regis, qui assistebant ei ad consulendum in omnibus, quae fieri deberent, potissime, quia Anon erat adhuc iuuenis, & nouus in regno, & nesciret quid oporteret fieri in singulis, nisi haberet consiliatores.

Tu putas forsitan, quod Dauid honoris causa in patrem tuum miserit, qui consolarentur te. Istud dixerunt principes ad Anon, quia forte ille susceperat bono animo nuncios Dauid, & credebat verbis eorum, & hilari vultu tractabat eos, tanquam nuncios amici patris sui, ideo principes dixerunt, quod non putaret, quod Dauid vellet honorare patrem eius Naas in hoc, sed magis mittebat Dauid nuncios ad explorandum terram.

C *Et non aduertis, quod ut explorent, & ut inuestigent, & scrutentur terram tuam venerunt ad te serui eius.* Quasi dicat, Non debes credere hoc, sed magis, quod venerunt insidiosae ad videndum terram tuam, ut destruant eam. Et ponitur explorare, inuestigare, & scrutari, & est multiplicatio in verbis, quia omnia ista idem significant, scilicet, quod veniebant illi ad inuestigandum, quae essent loca infirma terrae, per quae possent Israelitae introire, & capere vrbes, sic enim dixit Ioseph ad fratres suos fingens se ignotum, quando descenderunt in Aegyptum: Exploratores estis, & ut videatis infirmiora terrae venistis. Et iterum dixit: Immunita terrae huius considerare venistis, Genesis quadagesimo secundo.

D *Igitur Anon pueros Dauid decaluauit.* Putauit rex insipiens verum esse, quod dixerant filij principis, & ideo voluit inferre istis nuncijs Dauid poenam, tanquam exploratoribus regni venientibus in dolo, & decaluauit eos, id est, abstulit omnes pilos capitis sui.

Et rasit. Scilicet, Totam barbam ipsorum, & istud erat contra consuetudinem illius temporis, ideo erat magna ignominia.

Et praescidit tunicas eorum a natibus usque ad pedes. Vestes Hebraeorum etiam longe pertingentes usque ad pedes, & praescidit illas rex a natibus usque ad pedes, faciens, quod tota pars corporis, quae erat a natibus usque ad pedes esset discooperta. Et dicitur secundo Regum decimo. Praescidit vestes eorum medias usque ad nates. Id est, Praescidit vestes eorum per medium, quia in natibus est quasi medietas staturae hominis.

Et dimisit eos. Scilicet, Dimisit abire in terram suam eos sic delusos.

Qui cum abiissent. Scilicet, Recessissent de terra Ammonitarum. *Et mandassent Dauid.* Id est, Miserunt illud ad dicendum Dauid, ut ipse provideret super hoc, & non accipitur hic mandare pro imperare, sed pro mittere ad dicendum, sic enim est modus loquendi quarundam gentium, & sic etiam sacra scriptura conuenit dicere, ut patet Genes. 45. Cum dixerunt filij Iacob ad eum: Haec mandatur tibi filius tuus Ioseph. Id est, Haec mittit tibi ad dicendum, quia filius non iuberet patri,

sed potius rogaret, sic etiam dicitur Numeri 20. Hæc mandat tibi frater tuus Israel. Id est, Mittit tibi ad dicendum: nam ibi loquebatur Israelitæ ad Idumæos, & nō imperabant, sed potius orabant, q̄ permitterentur transire per terram Idumæorum, vt patet ibidem. *Misit in occursum eorum.* Scituit Dauid quanta contumelia eis fuerat inflicta, & noluit, quod sic confusi intrarent in terram suam, sed voluit quod manerent in aliquo loco semoti a communicatione hominum, quousque crescerent barbæ eorum, & possent honeste apparere coram alijs in terra Israel. *Et præcepit vt manerent in Iericho.* Ista est ciuitas in introitu terræ Chanaan ad Orientalem partem eius. Cuius muri miraculose corruerunt Israelitis lustrantibus urbem, Iosue 6. *Donec crescerent barbæ eorum. & tunc reuerterentur.* Scilicet, Postquam cresceret barba, honeste poterant apparere coram alijs hominibus, & tunc reuersuri erant, & non prius.

De iudicio temerario principum filiorum Ammon.
Quæst. VI.

QUÆRITVR, quare putauerunt principes filiorum Ammon, q̄ nuncij Dauid erant exploratores. Respondendum est, quod multiplex motuum habere poterant. Primum erat ex prudentia, quia ad prudentem pertinet cauere, & timere in illis, in quibus non est determinatus euentus, si possunt in malum exitum verti. Sic erat hic, quia dato, q̄ nuncij Dauid bona verba referrent, poterat esse quod malo animo venirent ad explorandum terram, vt traderetur in manu hostium, & istud ad quemlibet pertinet cogitare, quando videt homines extraneos in regno suo, nisi constet ei de intentione illorum. Sic fuit de Ioseph, qui videns fratres suos in Aegyptum, dixit eis: Exploratores estis, & infirmiora terræ videre venistis. Et sic non errabant principes Ammonitarum cogitando, quod serui Dauid essent exploratores, sed errauerunt iudicando ex abrupto illos esse exploratores, & condemnando tanquam exploratores, cū non constaret eis de veritate. Secundum erat speciale ex parte Ammonitarum, propter quod magis deberent suspicari exploratores venire in terram suam, quam alia gentes, scilicet, q̄a habebant maiorem causam timendi: nam rex eorum erat nouus in regno, & iuuenis, & forte non bene erant dispositæ res terræ illius propter mortem regis Naas, qui paulo ante hoc fuerat, ideo poterat suspicari rationabiliter, quod alia gentes insidiarentur eis tunc, quādo facilius erat eos debellare. Tertium erat ex parte Dauid, quia ipse erat vir bellicosus nimis, & subiecerat sibi in tributum omnes regiones, quæ erant in circuitu terræ Israel, scilicet, Moabitas, qui erant ad partem Orientalem, & Idumæos, qui erant partim ad Orientem, & partim ad Meridiem, vt colligitur de ambobus, Numeri 34 & Deuteronom. 2. & 3. & Philistinos, qui erant ad partem Meridianam, vt colligitur Iosue 13. & Syros, qui erant ad Aquilonarem partem, & sic non manebat aliqua gens de confinibus Israel, quæ nō esset subiecta Dauid in tributum, nisi Ammonite, poterant ergo verisimiliter præsumere, quod Dauid vellet etiam eos subijcere sibi in tributarios, & ad hoc mitteret exploratores, vt viderent terram, & caperent eam. Quod autem omnes gentes prædictas subiecisset sibi Dauid, patet 1. Regum 8. & præceden. cap. Quartum erat ex conditione Hebræorum, quia Hebræi erant infesti Moabitis, & Ammonitis propter duo. Primo propter legem, quia Deus iusserat Deuteronom. 23. Quod Israelitæ nō facerent pacem cum Moabitis, & Ammonitis, nec quærerent eis bonum omnibus diebus vitæ suæ. Secundo propter

bella, quæ inciderant inter Ammonitas, & Israelitas, quando rex Ammon repetiuit terram, quam tenebant Israelitæ, & indixit eis bellum tempore Iephthe Galaditis iudicis Israel, Iudicum 11. & sic putabant nunc, quod insidiarentur eis Hebræi sub colore pacis ad auferendum terram.

De quibusdam verbis, quæ dixerunt principes Anon.
Quæst. VII.

QUÆRITVR vltcrius, quare dixerunt principes Anon regi: Putas, quod Dauid honoris causa in patrem tuum miserit, qui te consolarentur? Et quare non dixerunt: putas, quod causa honoris tui Dauid miserit, qui te cōsolarentur? Vel quod dicerent absolute, putas quod causa honoris miserit Dauid? Respondendum est, quod hoc potuit esse propter multa. Primo, quia forte nuncij Dauid retulerunt in verbis cōsolatorijs, quod Dauid recognoscens gratiam, quam susceperat a Naas patre suo, mittebat ad consolandum eum. Cum ergo propter patrem fieret consolatio filio, dicebatur fieri causa honoris Dauid in patrem Anon, & quia ista verba audierant principes Ammonitarum, retulerunt illa, sicut dixerant serui Dauid. Secundo potest dici, quod principes Ammonitarum dixerunt hoc, dato quod nihil de his retulissent serui Dauid, quia color veniendi ad Anon erat propter patrem eius: nam sciebant isti principes, quod Naas rex Ammonitarū benefecerat Dauid. Et quod nunc Dauid si vellet mittere exploratores sub colore aliquo, non haberet alium colorem, nisi quod volebat consolari filium propter beneficia suscepta a patre, & sic retulerunt principes de honore patris. Tertio, quia dato, quod principes nihil scirent de beneficio collato Dauid a Naas, nec serui Dauid illud referrent, mouerentur rationabiliter ad dicendum hoc, quia cum Dauid nunc beneficeret Anon, mittendo ad consolandum eum, non faceret istud sine causa, non tamen promeruerat aliquid Anon apud Dauid, quia erat iuuenis, & nunc nouiter acceperat statum regalem, ideo faceret istud propter patrem suum, & sic isti dixerunt.

An peccauerunt Anon, & serui eius decaluando seruos Dauid.
Quæst. VIII.

QUÆRITVR vltcrius, an Anon, & serui eius peccauerunt, decaluando seruos Dauid. Aliquis dicet, q̄ non, quia rationabiliter præsumebant istos esse exploratores, vt declaratum est supra in prima quæstione istarum. Ideo rationabiliter poenam exploratorū eis infligebant. Rñdendū est, q̄ valde peccauerūt Anon, & serui sui faciendo hoc. Serui quippe Anon peccauerūt cōsulēdo hoc regi, ipse autē Anon peccauit credēdo eis, & iubēdo fieri cū esset iniūstū. Et patet hoc primo, q̄a Dauid intulit bella Ammonitis solū pp hoc, si tñ nō peccauissent Ammonitæ in hoc, bellū iniūstū a Dauid esset iniūstū, & tñ Dauid iuste pugnavit nunc, q̄a nō reprehenditur in aliquo loco scripturæ de isto bello, cum tñ ponantur peccata sua, 3. Regum 15. Ergo illi peccauerunt. Secundo patet, quia iniuriā fecerunt Dauid, Videntes autē filij Ammon, q̄ iniuriā fecissent Dauid, &c. Si tñ iuste fecissent, hoc, nō fecissent iniuriā Dauid, q̄a nemini facit iniuriā, qui vitur iure suo, ergo peccauerunt. Tertio patet, q̄a serui Dauid nihil mali egerāt, tan nec facere intendebant, & inflicta fuit eis poena, tanquam malefactoribus, ergo peccatum fuit. Quarto patet, quia serui Dauid veniebant ad benefaciendū Ammonitis, scilicet, ad offerendum regi eorum amicitiam, quam habebat Dauid ad ipsum, & ad offerendū ei

ei fatiorem David in omnibus. Ipsi vero retribuerunt pro hoc contumeliam cum deberent referre gratiarum actiones, ideo non solum peccauerunt, sed etiam aliquid inhumanum fecerunt, quia inhumanum est auxiliatorem expelli, idest, malum retribui auxiliatori, ut patet octauo Ethicorum. Ad rationem in contrarium dicitur, quod Ammonitae verisimiliter poterant suspicari, quod serui David essent exploratores, tamen non propter hoc sequitur, quod iuste illis poenam intulerint, cum illi non essent vere exploratores, sed consolatores Regis. Nec excusat eos suspitio in hoc, quia non potest precedi ex qualibet presumptione ad condemnandum aliquem, sed solum ex illa, quae est violenta. Ista autem non erat violenta, nec etiam omnino probabilis, sed satis remota, ideo non excusat eum: dato, quod Ammonitae omnino crederent seruos David esse exploratores, non debebant punire eos quousque constaret sibi, sed propter istum timorem iustum poterant eis iubere exire de regno, & quod non ingrederentur in aliquas urbes, ne viderent infirmiora terrae, & sic haberent remedium timoris sui, & nemini inferrent iniuriam. Nunc autem valde iniuste, & imprudenter fecerunt, quia non habita aliqua probatione qualicunque contra seruos David punierunt eos.

De modo punitionis in seruos David.

Quaest. IX.

QVAERITUR ulterius cum Anon veller punire seruos David, quare potius rasi barbas eorum, & scidit vestimenta a natibus usque ad pedes, & decalcauit eos, quam faceret aliquid aliud. Respondendum est, quod Anon volebat inferre contumeliam seruis David, & putauit non posse alio modo melius inferre quam sic, eo quod ista erat magna ignominia, ideo istud fecit eis: patet enim hoc, quia 2. Regum 10. Dicitur de istis: Erant enim viri confusi turpiter valde. Et hic dicitur grandem enim contumeliam sustinuerant: & patet hoc nam homines habent vestes principaliter ad operiendum verenda sic dicitur Ecclesiast. 29. Scilicet, Initium vitae hominis panis, & aqua, & vestimentum, & domus protegens turpitudinem. Nunc tamen reuelauit Anon pudenda istorum virorum scindens vestes eorum usque ad nates, ideo erat magna ignominia. Etiam quia raderetur dimidia barba ipsorum erat confusio magna propter tria. Primum quia insolitum erat barbam radi, sed nutriebant viri comam, & barbam apud antiquos. Quod ergo raderetur barba alicui, erat quasi deficeret ei aliquid de illis, quae erant de integritate naturae. Secundum erat, quia isti viri passi fuerant aliquid contra legem suam. Nam Deus iusserat, quod barbae fierant barbae istorum, ut patet Leviti. 19. Scilicet, Nec in rotundum attondebitis comam, nec radetis barbam. Quod tamen aliquis patiatur aliquid contra legem ignominia est, eo quod vivere contra legem illam Iudaei reputabant ignominiam. Sic patet de filiis Israel, qui circumcidebantur, & gentiles non esse, quod illi essent incircumcisi. Et dicebant eis hoc tanquam ignominiam. Sic dixerunt pater, & mater Samsonis ad eum, quare vis accipere uxorem de filiabus Philistinorum, qui incircumcisi sunt? Iudic. 14. Et Ionathas filius Saulis dixit ad armigerum suum, Veni transcamus ad stationem incircumcisorum hominum primo Regum 14. Quod ergo viri isti raderentur barbam contra legem, erat ignominia. Tertio patet, quia fecit Anon radi medietatem barbae cuiuslibet illorum, & ista erat maior confusio: nam etiam inter illos, quibus est vis raderi barbam ignominia magna est si quis dimidium barbae rasum solum habuerit. Et tamen isti rasi sunt in sola medietate barbae, ideo valde erant confusi. Quod autem decalcauerunt etiam erat magna confusio: nam quod sit contra vniuersalem morem, est quasi fiat contra naturam, & tamen contra morem omnium erat, & est, quod viri decalcauerunt, ideo confusio erat illos decaluatos esse. Et sic quamquam aliter posset eis nocere, tamen sic magis illudebat eis, & contemptibiles reddebat quam aliter, ideo fecit hoc.

De diuersitate in verbis, quae habentur hic, & 2. Regum cap. 10. circa iniuriam factam pueris David.

Quaest. X.

QVAERITUR ulterius quomodo dicitur hic, quod Anon decalcauit pueros David, & rasi eos, & praescidit tunicas eorum a natibus usque ad pedes, quia 2. Regum 10. Dicitur aliter, scilicet, Rasi dimidiam partem barbae eorum, & praescidit vestes eorum medias usque ad nates. Respondendum, quod ista idem sunt, & tamen secundum consuetudinem scripturae, quando idem factum narratur in pluribus locis, alicubi plus ponitur, & alicubi minus, potissime quando vnus locus est ad declarationem alterius. Sic autem est in praesenti, quia iste liber Paralipomenon est solum ad supplendum ea, quae omissa sunt in alijs libris, & potissime in libris Regum, sicut significat nomen suum, scilicet, Paralipomenon, idest, de omis, vel relictis. Et patet magis in Epistola Hieronymi ad Paulinum cap. 7. Et in prologo Galeato eiusdem, & sic 2. Regum 10. significantur duo, quae fecit Anon pueris David, scilicet, quod rasi barbam eorum, & quod praescidit vestes, hic autem ponuntur tria: nam additur aliud, scilicet, quod decalcauit eos. Modus ergo fuit, quod Anon fecit omnes pilos capitis istorum radi, deinde rasi medietatem barbae eorum, & reliquit aliam medietatem, ut turpiores apparerent, deinde scidit vestes eorum per medium, scilicet, super nates. Et secundum hoc concordatur littera ista, & illa: nam cum dicitur hic, quod decalcauit eos, istud verum est, & suppletur hic, cum non fuerit positum 2. Regum 10. Cum autem dicitur, & rasi, intelligitur de rasure barbae, & istud magis declaratur 2. Regum 10. quam hic, nam dicitur rasi quae dimidiam partem barbae eorum. Et quamquam iste liber sit quasi expositiuus librorum Regum, tamen aliqua habentur ibi plenius quam hic, quia ea, quae ibi plene scripta sunt non reperiuntur hic, nec expedit repeti. Cum autem dicitur hic praescidit tunicas eorum a natibus usque ad pedes dicitur ibi, scidit vestes eorum medias usque ad nates. Et est differentia, quia ibi dicitur vestes medias, & verum est, quia vestes istorum scidit per medium Anon: nam medium staturae hominis est super nates, & dicitur vestes medias, idest, per medium vestium, quia iste est modus loquendi, & dicitur hic usque ad pedes, & ibi dicitur usque ad nates, & idem est, quia potest accipi pars, quae manebat cooperta de corpore facta ista abscissione, vel pars, quae manebat nuda: si accipitur pars operta, dicitur usque ad nates, quia a capite usque ad nates manebat vestimenta operientia corpus, pars autem inferior erat nuda, & istud accipitur 2. Regum decimo. Cum dicitur, scidit vestes eorum medias usque ad nates. Si autem accipitur pars nuda erata natibus usque ad pedes. Et sic accipitur hic, cum dicitur, praescidit tunicas eorum a natibus usque ad pedes.

Ec 2

Videntes

Alph. T. ult. In Lib. I. Paralip.

Videntes autem filij Ammon, quod iniuriam fecissent David, tam Anon, quam reliquus populus miserunt mille talenta argenti, ut conducerent sibi de Mesopotamia, & de Syria Maacha, & de Soba currus, & equites. Conduxeruntque trigintaduo millia curruum, & Regem Maacha cum populo eius. Qui cum venissent castrametati sunt e regione Medaba. Filij quoque Ammon congregati de urbibus suis, venerunt ad bellum. Quod cum audisset David, misit Ioab, & omnem exercitum virorum fortium: egressique filij Ammon, direxerunt aciem iuxta portam civitatis; reges autem, qui ad auxilium eius venerat, separatim in agro steterunt. Igitur Ioab intelligens bellum ex aduerso, & post tergum contra se fieri, elegit viros fortissimos de universo Israel, & pertexit contra Syrum. Reliquam autem partem populi dedit sub manu Abisai fratris sui, & perrexerunt contra filios Ammon: Dixitque, si vicerit me Syrus, auxilio eris mihi, si autem superauerint te filij Ammon, ero tibi in praesidium. Confortare, & agamus viriliter pro populo nostro, & pro urbibus Dei nostri: Dominus autem quod in conspectu suo bonum est, faciat. Perrexit ergo Ioab, & populus, qui cum eo erat, contra Syrum ad praelium, & fugavit eos. Porro filij Ammon videntes, quod fugisset Syrus, ipsi quoque fugerunt Abisai fratrem eius, & ingressi sunt civitatem, reuersusque est etiam Ioab in Ierusalem.

Videntes autem. Hic ponitur secundum principale huius capituli, i. confurgens pugna: nam propter contumeliam factam in servis David, facta fuit ista pugna, quae habetur hic, & alia, quae habetur sequenti cap. & diuiditur in duo, secundum quod fuerunt duo bella facta contra adiutores Ammonitarum. Primum a solis servis David: secundum ab ipso David ibi. Videns autem Syrus. Circa primum dicitur. *Videntes autem filij Ammon, quod iniuriam fecissent David.* Scilicet, Postquam decalauerunt servis David, & miserunt eos, cogitauerunt super hoc, & viderunt, quod male fecerant, quod ista iniuria inflata illis viris, fuerat inflata David, qui erat rex potens, & poterat nocere Ammonitis. *Tam Anon, quam reliquus populus miserunt mille talenta argenti.* Potest referri hoc ad verbum praecedens, vel ad sequens: referendo ad praecedens est sensus, quod tam Anon quam populus suus viderunt, quod fecerant iniuriam David: referendo ad sequens est sensus, quod tam populus quam Anon miserunt ista mille talenta: viderunt enim Ammonites, quod fecerant iniuriam David, & quod David pugnaret contra eos, & ipsi non possent resistere ei, ideo conati sunt conducere milites stipendiarios, ut adiuvarent eos, & ad hoc dederunt mille talenta argenti. *Ut conducerent de Mesopotamia, & Syria, Maacha, & de Soba.* Scilicet, De omnibus his regionibus, quae erant pro-

pinquae terrae Ammon, conduxerunt milites, & dederunt eis ista mille talenta. Mesopotamia est regio quae in Syria, quae vocatur in Hebraeo Aram Naaram, i. Syria fluuiorum, & est illa pars Syriae, quae est apud Euphratem: nam diuidit eam Euphrates. Syria accipitur hic pro alia parte Syriae, quae non est apud Euphratem, & vocatur Syria absolute, quia aliae partes Syriae habent nomina specialia. Maacha non est nomen regionis, sed viri: nam quidam rex vocabatur sic: Vel potest esse quod Maacha sit nomen regionis, & dicatur rex Maacha, i. rex illius regionis. Soba est nomen regionis, quae est in Syria, vel est nomen urbis. Quod quid autem sit Soba est in Syria in regione urbis Hemath, ut patet precedenti cap. ubi dicitur. Quod Adarezer erat Rex Soba, regionis Hemath. Ab omnibus his ceperunt Ammonites currus, & equites. *Currus, & equites.* Currus est planistrum habens quatuor equos armatos portantes ipsum, & in rotis eius sunt enses curuati in modum falcis. Ideo vocantur isti currus falcati, de quibus magis declaratum est precedenti cap. Equites autem non sunt illi, qui pugnabant super currus, sed viri solis equis insidentes, & pugnantes. *Trigintaduo millia curruum.* Istos currus habuerunt Ammonites de omnibus regionibus supra positis. *Et Regem Maacha cum populo eius.* Idem, Etiam venit Rex Maacha cum populo suo ad adiuvandum Ammonitas. potest vocari Rex Maacha scilicet, quod Maacha sit nomen eius, vel quod sit nomen eius Regni. *Qui cum venissent, castrametati sunt e regione Medaba.* Scilicet, Omnes gentes istae venerunt ad adiuvandum Ammonitas, & posuerunt castra sua e regione urbis Medaba, scilicet, a fronte, vel contra urbem Medaba, quasi irent ad pugnandum contra Medaba, quia contra illam direxerant vultum suum: est enim Medaba ciuitas quaedam Ammonitarum, ad quam confugerunt quidam de urbibus Moabitarum, & Ammonitarum, quando cepit eas Sehon Rex Hesebon, ut patet Numeri vigesimoprimum cap. Iugum ipsum disperijt ab Hesebon, usque Dabon; lapsi peruenierunt in Ophe, & usque Medaba. Et in ista vrbe erat nunc Rex Ammonitarum, contra quem credebatur David venturum ad pugnandum, ideo istae gentes posuerunt castra apud Medaba ad defendendum ibi regem ab hostibus. *Filij quoque Ammon congregati de urbibus suis, venerunt ad bellum.* Ammonites erant pauci, & non poterant se defendere a David, ideo congregauerunt exercitum magnum de omnibus istis gentibus, & etiam isti conuenerunt de omnibus ciuitatibus suis ad ciuitatem, in qua erat tunc Rex, & diuisus est exercitus in duas partes, scilicet, milites stipendiarii fuerunt in una parte extra urbem, & Ammonites fuerunt in alia parte apud portam urbis, in qua erat Rex, sic colligitur 2. Regum 10. cum dicitur: Egreffi sunt filij Ammon, & direxerunt aciem ante introitum portae. Syrus autem, & Soba, & Rohob erant seorsum in campo. *Quod cum audisset David.* Potest istud intelligi de contumelia inflata viris suis, scilicet, quod quando David audiuit illam, fecit parari exercitum, & misit Ioab principem militiae cum exercitu suo ad pugnandum contra Ammonitas, vel potest referri ad apparatus belli, quem fecerant Ammonites, scilicet, quod congregauerunt milites de omnibus his nationibus, & posuerant eos apud urbem Raab in campo. Et intelligendum est de apparatu belli, i. quod illo a dicitur misit David exercitum suum cum Ioab, non est tamen intelligendum, quod omnia ista essent facta, quando David misit exercitum suum, sed quod essent istae gentes apud portam Medaba in campo, & Ammonites essent apud portam urbis, quia quamquam istae gentes venirent de terra sua non dirigerent aciem quouique viderent hostes. Sed est intelligendum, quod Ammonites illico post contumeliam inflatam

infectam seruis Dauid, congregauerunt istas gentes in adiutorium suum, sed quia non poterant tot gentes de diuersis regnis congregari secrete, & in breui, sciuit Dauid quod congregarentur antequam essent congregati. Et interim fecit ipse congregari exercitum suum, & misit illum cum Ioab. Cum autem dicitur hic, quod iste gentes erant simul in campo, & Ammonitae erant ad introitum portae urbis, debet referri ad sequentia; s. vt sciatur quomodo erat dispositus exercitus, quando venit Ioab ad pugnandum contra Ammonitas. Et de hoc potissime ad declarandum quomodo erant duae partes exercitus, & contra vnam pugnabat Ioab, & contra aliam Abisai, vt patet infra in litera. *Misit Ioab, & omnem exercitum virorum fortium.* Habebat enim Dauid electos iam viros fortes pro bellis, & ascripserat eos militiae suae, ita quod quando oportuerit congregari illos ad arma cito congregarentur. *Egressique filij Ammon direxerunt aciem iuxta portam ciuitatis.* Subintelligendum est, quod omnes filij Ammon de urbibus suis conuenerant in vrbe Medaba, in qua tunc erat rex, & manebant ibi expectando vsquequo venirent Hebraei ad pugnandum contra eos, milites autem stipendiarii erant simul in agro, & quando venit Ioab, egressi sunt Ammonitae de vrbe, & ordinati erunt aciem suam, posuerunt eam iuxta introitum urbis Medaba. *Reges autem, qui ad auxilium venerant separati, in agro steterunt.* Quatuor Reges erant, qui venerant in auxilium Ammonitarum, scilicet, Rex Syriae, & Rex Mesopotamiae, & Rex Maacha, & Rex Soba, vt patet supra in litera, & magis 2. Regum 10. Omnes isti steterunt separati ab Ammonitis, & fuerunt simul in agro distantes ab vrbe. *Igitur Ioab intelligens bellum ex aduerso, & post tergum contra se fieri.* Quando enim venit Ioab erant congregatae istae gentes, & posuerant in campo exercitum suum. Filij autem Ammon exeuntes de vrbe posuerant exercitum apud portam urbis, & manebat locus medius, in quo necesse erat, quod poneret Ioab exercitum suum si pugnare vellet contra aliquam de istis gentibus, & si introiret in medium, instaret sibi bellum a facie, & a tergo. Ideo dicitur, quod vidit Ioab, quod instabat sibi bellum ante, & post tergum. *Elegit viros fortissimos de vniuerso Israel.* Scilicet, De toto exercitu Israel elegit viros fortissimos, quot voluit, & accepit illos in partem suam. *Et perrexit contra Syrum.* Idest, Iuit ad pugnandum contra Syros. Omnes quatuor Reges, qui venerant in adiutorium Ammonitarum vocantur hic Syrus vno nomine, eo quod omnes congregati erant in vno exercitu. Etiam quia omnes isti erant Syri quamquam essent de diuersis partibus Syriae: nam Rex Maacha de Syria erat, & Rex Soba, quia Soba est de regione Hebraeorum. Mesopotamia quoque Syria est: nam Mesopotamia vocatur in Hebraeo Aran Naaraim, idest, Syria fluminum: contra omnes istos iuit ad pugnandum Ioab. *Reliquam autem partem populi dedit sub manu Abisai fratris sui.* Scilicet, De toto exercitu, quem duxerat Ioab de terra Israel elegit viros fortes, quos voluit, & mansit minor pars, & infirmior exercitus, & istam tradidit Abisai fratri suo: fuit iste Abisai vir gloriosus in armis, vnde ipse ponitur primus in numero triginta virorum fortium Dauid, 2. Regum 13. & supra 11. & ipse fuit dux militie contra Idumeos, & occidit decem, & octo milia, precedenti cap. & 2. Reg. 8. Ipse quoque eripuit Dauid a morte, cum quidam Philisthaeus niteretur percutere eum deficientem iam viribus: tradidit ergo Ioab ei partem exercitus, quia ipse erat bonus dux belli. Accipit autem Ioab maiorem partem exercitus, & fortiorum: minor vero tradidit fratri suo, quia ipse pugnaturus erat contra quatuor reges Syrorum, qui habebant magnum exercitum: Abisai autem contra Ammonitis.

Alph. Tost. In Lib. I. Paralip.

Atas, qui pauciores erant, & minores viribus, ideo accepit minorem partem. *Et perrexerunt contra filios Ammon.* Non intelligitur hoc de Ioab, & Abisai, quia Ioab non iuit contra filios Ammon, sed contra Syros, sed intelligitur de Abisai, & exercitu suo, s. qui iuerunt contra Ammonitas. *Dixitque si vicerit me Syrus auxilio eris mihi.* Ioab dixit hoc ad Abisai, quia pugnaturi erant 3 duos exercitus, & poterat vnus eorum superari ab hostibus. Ideo dixit Ioab, quod si ipse vinceret a Syris, veniret Abisai cum exercitu suo in auxilium eius, & si Ammonitae praevalerent contra Abisai, iret Ioab in auxilium eius. Et dicitur si vicerit me Syrus, i. si inceperit me vincere: nam postquam totaliter victus esset, parum proderat auxiliari, eo quod plurimi essent iam occisi, sed in principio victoriae succurrendum erat parti incipienti cadere. *Si autem superauerint te filij Ammon, ero tibi in praesidium.* Idest, Si inceperint praevalere contra te, ero tibi in praesidium, idest, defensionem antequam succumbas. *Confortare, & agamus viriliter.* Ioab erat vir animosus, & magis instructus in bellis: Abisai autem erat iunior, licet esset robustior. Et ob hoc Ioab confortabatur eum, vt non timeret, & quod agerent ambo viriliter contra hostes, licet esset magnus exercitus eorum. *Pro populo nostro, & pro urbibus Dei nostri.* Idest, Pugnemus fortiter pro gloria populi nostri, & ciuitatum nostrarum: nam si non pugnarent nunc fortiter Ioab, & Abisai, esset magna confusio Israelitarum, quia sustinerent ignominiam suam, quam intulerant eis Ammonitae, & forte istae gentes, quae congregatae erant, irent contra Israelitas, vt praedarentur terram ipsorum, & caperent vrbes, putantes tunc, quod non possent Israelite resistere eis. Si autem fortiter pugnarent Ioab, & Abisai, obtinerent magnam gloriam, & auferrent ignominiam, quam intulerant eis Ammonitae. Sed 2. Regum 10. dicitur: Et pugnemus pro ciuitate Dei nostri. Accipitur tamen ibi singulare pro plurali. Vel potest accipi ciuitas Dei specialiter pro illa ciuitate, in qua erat tabernaculum Domini: Sed primum est verius, quia hic dicitur pro urbibus Dei nostri. Et sic omnes vrbes terrae Israel vocantur vrbes Dei, quia Deus illas dederat Israelitis, vel illa terra erat specialiter terra Dei, & sic vocabat ipse eam hereditatem suam, Leuit. 25. Sic etiam 1. Regum 26. *Dominus autem, quod in conspectu suo bonum est faciat.* Idest, Nos faciamus, quod in potestate nostra est, scilicet, pugnare fortiter, deinde Deus faciat, quod voluerit de nobis, & bonum sibi visum fuerit, scilicet, dare nobis victoriam de hostibus, vel tradere nos in manus hostium: nam exitus belli non est in potestate hominum, siue pauci sint pugnantes, siue multi, sed in voluntate Dei, qui tradit victoriam, cui vult, sicut dixit Ionathas filius Saulis, non est differentia coram Deo coeli saluare in multitudine, vel in paucis, 1. Regum 14. Sic etiam dixit Iudas Machabeus: Melius est nos mori in bello, quam videre mala gentis nostrae. Sicut autem fuerit voluntas in caelo ita fiat, 1. Machabeorum 3. *Perrexit ergo Ioab, & populus, qui cum eo erant contra Syrum ad praelium.* Scilicet, Iuit ad pugnandum contra quatuor Reges Syrorum, qui erant in vna acie. Et vocatur Syrus communi nomine, sicut supra dictum est. *Et fugauit eos.* Quamquam Syri essent multi, tamen viri Ioab erant viri animosi valde, quia elegerat fortiores de toto exercitu, & etiam erant amaro animo propter contumeliam susceptam. Syri autem non pugnabant pro seipsis, sed conducti pretio, ideo ad primos ictus belli fugerunt. Potissime, quia dato, quod Syri voluissent resistere Ioab non potuissent, quia Deus adiuuabat eum specialiter nunc, cum foueret iustum bellum. *Porro filij Ammon.* Isti erant in alia acie, contra quos pugnabat Abisai.

Ec 3. Videntes

Videntes quod fugisset Syrus, ipsi quoque fugerunt Abisai fratrem eius. Idem, Viderunt Ammonitæ, quod tota multitudo Syrorum fugerat a facie Ioab, ideo ipsi fugerunt a facie Abisai fratris eius; & causa huius fuit; quia Syri erant magnus exercitus valde, & fugati fuerant a Ioab, non ergo possent ipsi resistere Abisai, cum essent parvus exercitus. Secundo, quia fugatis Syris sciebant, quod Ioab conuerteretur ad adiuuandum Abisai contra eos. Et tamen nunc non poterant resistere soli Abisai, a fortiori non possent resistere, quando pugnarent ambo contra eos. Tercio, quia exercitus Ioab erat fortior, quam exercitus Abisai, ut patet in litera, cum Ioab elegerit fortiores de toto Israel, & sic pugnarent Ammonitæ, plusquam contra duplicem resistantiam, quam prius, quod non possent facere. Ideo ne subito veniens Ioab deleteret eos, fugerunt a facie Abisai.

Et ingressi sunt civitatem. Posuerunt Ammonitæ exercitum suum apud portam urbis, ut patet supra in litera. Et quando voluerunt fugere, non potuit eis providere Abisai quin ingrederentur urbem, & non ausi sunt Israelitæ ingredi in urbem post eos, nec accedere ad illam, quia illi, qui erant super muros mitterent super eos tela, & saxa, sicut factum est apud istammet urbem pugnante Ioab, quando occisus est Urias Hethæus, 2. Regum 17.

Reversusque est Ioab in Ierusalem. Scilicet, Ioab cum toto exercitu, & etiam cum Abisai fratre suo rediit in Ierusalem post victoriam: Dicitur tamen solum de Ioab, eo quod ipse erat princeps maximus exercitus. Abisai autem erat constitutus ab eo pro ista vice. Reversus est autem Ioab in Ierusalem, eo quod ibi erat David, qui semper manebat in urbe illa, quæ erat metropolis Regni, & sic dicebatur regnare in Ierusalem, & non pugnavit nunc Ioab contra Ammonitas, quamquam soli essent destituti auxiliatoribus suis propter causas, quæ ponuntur infra in quadam questione, sed post aliquantum tempus renouatum est bellum, ut patet in litera.

Quare in principio non viderunt filij Ammon iniuriam, quam fecerant David. Quæst. XI.

QUÆRITUR circa dicta, quomodo filij Ammon viderunt nunc quod fecerant iniuriam David, & non viderunt prius antequam facerent. Respondendum est, quod a principio Ammonitæ solum consideraverunt id, quod erat verisimile, scilicet, quod servi David essent exploratores, & solum iudicaverunt illud ad quod passio eos movebat, scilicet, ad puniendum servos David. Postquam autem fecerunt hoc, quia iam cessabat passio impellens eos ad vindictam, ceperunt cogitare id, quod iustum erat intelligere, scilicet, quod isti erant servi David. Et ideo iniuria inflicta illis infligebatur David. Erat autem David Rex potentissimus, ideo verisimile erat, quod conaretur delere eos ad vindictam offensam. Secundum erat, quia iuxta conditionem timentium accidit istis, quia timentes semper arguunt contra se, & concludunt id, quod deterius est. Audaces autem arguunt pro se, & concludunt semper id, quod bonum eis est. Sic fuit de istis Ammonitis, quia a principio erant audaces habentes iracundiam contra servos David, quos putabant exploratores, & concluderunt pro se, sicut passio inclinabat, scilicet, quod punirent eos. Postquam autem punierunt eos, & cessavit iracundia facta retributione, ut ait Aristoteles quarto Ethicorum, cap. de mansuetudine, facti sunt timidi, & inceperunt cogitare contra se, & concludere, & tunc putarent quod David

bono animo misisset illos viros ad consolandum Anon, & ipsi indiscrete, & iniuste confudissent eos. Ideo quod David iustissime moveretur ad delendum illos. Tertium erat, quia cogitarent ipsi se malefecisse, eo quod punierant viros, de quibus nesciebant, an aliquid mali egissent. Quartum erat, quia dato, quod ipsi cognoscerent certissime, quod illi viri missi fuissent a David in exploratores, non debuissent eos sic afficere contumelijs, quia non expediebat sibi propter duo. Primo, quia dato, quod essent exploratores, tamen non veniebant occulte, ut exploratores, sed veniebant, ut ambasciatores regis David ad consolandum regem Ammonitarum. Ambasciatores autem debent esse tuti etiam apud hostes suos, quia istud est de iure gentium, cum non possent alio modo gentes semel inter se discordantes in concordiam venire. Secundum erat, quia dato, quod isti venirent occulte, quia tamen sciebant Ammonitæ, quod mittebantur a David etiam si essent exploratores, non deberent eos contumelijs afficere, quia per hoc moverent David ad indignationem, & faceret bellum contra eos, ipsi tamen non possent sustinere eum, cum esset rex potens, ex quo sequeretur destructio terræ eorum. Si autem dimitterent illos impunitos, non haberet David causam pugnandi contra eos, & forte non pugnaret: melius ergo fuisset, quod non tetigissent eos. Si autem timerent, quod illis explorantibus terram, sequeretur inconueniens, scilicet, quod denunciarent postea David infirmiora terræ, & quomodo illam capere posset, poterant hoc evitare excludendo illos de terra, non permittendo introire in urbes, nullam tamen infligendo contumeliam.

De cecitate Ammonitarum, quare post peccatum non petierunt veniam a David. Quæst. XII.

QUÆRITUR ulterius, cum Ammonitæ cognovissent se fecisse malum, quare non potius cognoverunt culpam suam, & petierunt veniam a David, quam quod congregarent exercitum ad pugnandum contra ipsum. Nam cum David esset clemens, forte acquiesceret precibus eorum, & non sequeretur ista bella. Respondendum est, quod Ammonitæ non petierunt veniam a David propter multa. Primo, quia desperaverunt, quod David veniam daret, cum esset tam graviter læsus. Secundo, quia videbatur eis quasi contra naturam esse hoc remittere. Nam si Ammonitæ fecissent iniuriam David quolibet alio modo, erat remissibilis aliquantulum, quod tamen David vellent benefacere eis, & pro beneficio ei contumeliam inferrent, erat irremissibile quasi apud homines: quia pro bono reddebatur malum. Sic peccatum in Spiritum sanctum dicitur irremissibile, quia illud solum est quod bonitatem, quæ attribuitur Spiritui sancto. Alia autem peccata sunt quod potestatem, quæ attribuitur patri, vel quod sapientiam, quæ attribuitur filio, & sunt remissibilia. De hoc tamen quid verum sit, & quomodo intelligatur irremissibile esse peccatum in Spiritum sanctum, declaratum est late Levit. 5. Tercio, quia timebant Ammonitæ maiora damna sustinere: putabant enim, quod David non remitteret tantam iniuriam, sed pugnaret contra eos, & insuper nuncios eorum ad se cunctes occideret, vel gravi poena afficeret, sicut ipsi affecerant servos David cunctes pacifice. Quarto, quia credebant bellum esse inevitabile, & si tractarent prius cum David, quod remitteret eis iniuriam, non decebat interim conducere milites stipendarios ad bellum, quia si hoc sciret David magis indignaretur, & non remitteret. Si autem cum tractarent pacem, non conducerent milites stipendarios, sed veniret contra eos in bellum, & ipsi essent destituti auxiliatoribus,

ribus, nec possent resistere David. Ideo putauerunt melius esse, quod mox ut intulerunt iniuriam David, quærerent defensores contra eos. Quinto, quia forte moti fuerunt isti a Deo, ad hoc, quod non solum pugnarentur ipsi, sed etiam Reges Syrorum cum eis: forte enim Reges Syrorum aliquid mali meruerant apud Deum, & volebat eis poenam inferre: voluitque quod David esset minister eius. Et ad hoc dedit Ammonitis in corde, ut conducerent Syros in auxiliares. Et sic utrique occiderentur per David, vel multa damna sustinerent.

An peccauerint Ammonita conducendo Reges Syrios contra David. Quæst. XIII.

QUÆRITUR ulterius, an peccauerint Ammonita, conducendo istos Reges Syrorum contra David, & dando eis mille talenta argenti. Respondendum est in pretio nulla est difficultas: nam si licuit Ammonitis habere auxiliares contra David, licuit etiam dare illis pecuniam, quia nemo tenebatur suis stipendijs militare, ut ait Apostolus 1. ad Corint. 4. An vero licuit eis auxiliares quærere contra David, est dubium. Et pro hoc considerandum, quod aut isti quærebant auxiliares ad pugnandum contra David, aut ad defendendum se de eo. Primo modo manifestum est, quod peccabant, quia Ammonita non habebant aliquam iustam causam pugnandi contra David, quia non læserat eos, sed potius David habebat causam iustissimam pugnandi contra illos, quia grauerat eos, & iniuriarum addebatur iniuria. Et sic tam bellum, quam omnia dependentia ex ipso, scilicet apparatus ad pugnandum, & etiam inde secuta, scilicet mors, vulneratio, & præda iniusta essent. Quidam tamen sic faciunt, quia cum grauerat alios læserat cogitant, quomodo illos omnino occidant, ut non oporteat se cauere ab eis, sed expellant a se istam sollicitudinem, & istud pessimum est. Hoc non videntur voluisse Ammonita: nam quamquam congregauerunt exercitum magnum de Syria, non inierunt in terram Israel ad pugnandum, sed manserunt in terra apud urbem Medaba, expectando an veniret David ad pugnandum contra eos, & ibi pugnaverunt contra Ioab, & Abisai, ut patet supra in littera. Si autem Ammonita conducerent gentes istas ad se defendendum: Dicendum, quod poterat esse hoc dupliciter: uno modo, quod quamquam peccauissent, vellent tamen manere illas, nihil satisfaciendo David pro iniuriis susceptis, & ad hoc congregarent exercitum, ut, si David vellet repetere satisfactionem, non posset propter multitudinem exercitus eorum. Secundo modo poterat esse hoc, quia Ammonita confiterentur peccatum suum, & peterent veniam, offerrentque satisfactionem David. Et si David nollet recipere satisfactionem iustam in extimatione bonorum temporalium, poterat ipsi congregare exercitum ad defendendum se a David. Si primo modo Ammonita congregarent exercitum ad se defendendum peccabant, quia ista defensio erat iniusta, cum non principaliter persona defenditur, sed peccatum, ne puniatur, nec pro eo satisfiat. Si secundo modo, iuste Ammonita congregabant exercitum ad se defendendum, quia ibi non defendebatur peccatum, de quo parati erant reddere iustam satisfactionem, sed perdone peccaret David pugnando contra Ammonitas, gaudentem. Et sic iam non pugnaret pro peccato, sed pro desiderio vindictæ, & ista non est iusta causa pugnare. Dicendum autem est de Ammonitis, quod voluerunt se defendere, & congregauerunt exercitum primo modo isto-

Alph. Tost. In Lib. I. Paralip.

Arum, scilicet quia peccauerant, & nolebant sustinere aliquam poenam pro peccato, nec offerre satisfactionem, & ad hoc congregabant exercitum, ut David non posset ab eis satisfactionem exigere. Et sic habuit iustam causam pugnandi, quia cum læsus esset, non attulerunt ei Ammonita aliquam satisfactionem, sed potius conduxerunt contra eum exercitum. Ex hoc autem potest apparere, quod aliquis iuste se defendit in bello, & quod iustum bellum infert quis ad repetendum iniurias: nam si quis defendat se ab aliquo, qui vult pugnare contra eum sine causa, manifestum est, quod licet per omnem modum se defendere, & occidere, & prædari in bello, cum bellum ex parte sua iustum sit. Si autem quis defendere vult se ab alio, quem læsit, aut offert sibi satisfactionem iustam, ne pugnet contra ipsum, aut non: si offert, & paratus est illico eam dare, peccat ille, qui mouet bellum contra eum quantumcunque iniuriam susceperit, & ille, qui se defendit iustum bellum fouet, & potest licite occidere, & prædari. Nec obstat si aliquis dicat, quod interdum tanta infligitur iniuria, quod non potest de ea satisfieri, nisi per mortem eius, qui intulit: nam satisfactio non est consideranda, sed magnitudinem delicti, ad hoc, quod æquiparetur iniuriæ data, sed sufficit, quod offeratur talis satisfactio, quam possit ipse qui iniuriam intulit sine corporis sui lisione sustinere, de quo magis immediate dicitur. Si autem ille, qui intulit iniuriam non offert se satisfacturum vere, & sine fraude; non potest iuste se defendere ab aduersario, sed ille iuste agat contra eum repetendo satisfactionem per bellum, quam ille non vult reddere in pace. Et sic limitandum est illud dictum commune, scilicet defensio omnibus licita est, & quod vim vi repellere licet. Et quod in istis duobus casibus. Primus quando ille, qui læditur nihil mali intulit. Secundus quando aliquid mali intulit, & tamen paratus est iustam satisfactionem præstare, alioquin vim vi repellere non licet. Considerandum autem est pro declaratione eorum, quæ dicta sunt de oblatione satisfactionis pro inflicto damno, vel iniuria, quia interdum aliter a iure offertur, & aliter a parte. Pro quo sciendum, quod satisfactio, aut offertur pro solo damno, aut pro sola iniuria, aut pro iniuria cum damno. Si primo modo, semper satisfactio fieri debet pro bona temporalia, quæ possidentur, vel quasi possidentur, quia damnum nunquam infligitur, nisi in rebus; de enim damnum, quasi diminutio rerum. Ideo per res debet satisfieri de illo, & in isto casu dicendum est, quod eodem modo satisfiat a iure, & a parte: quia utrobique per æqualitatem de satisfactione fieri a iure, quod quis læsus est, & sententia iudicis satisfiat a iure, & a parte; quia utrobique per æqualitatem de satisfactione fieri a iure, quod quis læsus est, & sententia iudicis satisfiat ei a parte aut fit satisfactio quod quis læsit alium, & ipse offert se satisfacturum ei de plano, & in utroque casu satisfactio fit reddendo æquale, vel si non potest reddi æquale, saltem reddatur, quod est possibile usque ad bonorum cessionem: Fallit tamen hoc, quia si interdum ius pro satisfactione damni non solum facit cessionem bonorum, sed etiam imponit aliam poenam, quia inferens damnum fuit in crimine, imponet tota ista poena, si iudicialiter satisfiat, & tamen si satisfactio offeratur a parte, non obligat pars offerre satisfactionem maiorem, quam usque ad bonorum cessionem, & quod plane satisfacet si peruenerit ad pinguiorem fortunam iuxta formam, cap. Odoardus. de solutionibus. Si autem aliquis offerat satisfactionem pro damno, & tamen non offerat eam æqualem damno, vel saltem quantam potest offerre, sicut supra dictum est, si pugnaverit contra aduersarium non potest iuste se defendere per bellum. Ideo mors, vulneratio, & præda, & quæcunque aliqua bellica ex parte sua secuta iniusta sunt. Si autem satisfactio offerri debet pro sola iniuria, est differenda, quia interdum iniuria talis, & tanta parua est, vel talis est

conditio personæ inferentis eam, utpote si est religiosus, vel saltem clericus, vel talis est conditio personæ patientis, utpote si est seruus, quod de rigore iuris non debeat satisfieri in illa iniuria, nisi dando res possessionis, vel aliquid de illis, & in isto casu debet satisfactio offerri eodem modo a iure, & a parte, vel a parte: nam a iure cogetur lædens soluere æstimationem iniuriæ integram, vel saltem quantum potest usque ad bonorum cessionem, sicut supra dicebatur de satisfactione damni dati, & sic etiam debet satisfieri a parte, quando lædens sine iudice offert se læsis satisfacturum de plano: nam tenetur ad integram æstimationem, vel saltem ad possibilem, & si non offerat istam satisfactionem, & propter hoc contra eum pugnet ille, qui læsus est iustam causam defendendi se non habet, ideo quidquid sequatur in bello ex parte sua iustum est. Interdum aut iniuria est talis, & tanta, ut pro ea de rigore iuris satisfieri debeat per corporalem punitionem inferentis, & tunc dicendum est, quod aliter satisfactio de iure fit, & aliter a parte offerenda est: nam in iudicio satisfiet per corporalem penam, si inferendo mortem pro morte, iuxta illud. Oculum pro oculo, dentem pro dente, liuorem pro liuorem, qualem quis plagam intulerit talem sustinere cogetur. Exo. 21. Et Leui. 24. Si autem satisfactio offeratur a parte, non tenetur offerre se occidendum, immo nec passurum mutilationem membri, vel saltem fustigationem, vel aliam poenam similem corporalem, dato quod de iure pro tali iniuria occidi deberet. Et ratio huius est, quia peccaret ille, qui offerret talem satisfactionem: nam iste sponte moreretur, nullus tamen debet sponte mori, quia qui sponte moritur, non occiditur sed seipsum occidit. Secus autem est cum a iudice occiditur, quia tunc inuitus patitur, & non cooperatur aliquid ad mortem suam. Secundum est, quia iste, qui offerret talem satisfactionem inducet, & hostem suum ad peccandum, scilicet, quia faceret eum iudicem ad occidendum se. Et tamen in tali casu nulla lex nec ratio iurisdictionem tribuit. Tertium est, quia ille, qui talem satisfactionem offerret, sponte laderet communitatem, cuius erat pars, nam sicut ille, qui seipsum occidit, non facit sibi iniustum, quia volens est, sed communitati, cuius est pars, facit iniuriam, quia iniuste destruit quandam partem eius, ut patet s. Eth. circa finem. Et ob hoc communitas punit tales se occidentes, utpote non sepeliendo eos, vel trahendo cadauera eorum per lutum, & puluerem, ut patet ibidem: ita iste, qui sponte se offerret hosti suo occidendum pro satisfactione laderet communitatem, peccat tamen quicumque communitatem lædit, quia agit contra maius bonum quam si laderet personam priuatam, cum bona communia sint amabiliora, & digniora bonis priuatis, ut patet primo Eth. circa principium. Quarto patet, quia ille, qui huiusmodi satisfactionem offerret, interdum ageret contra priuilegium aliorum, & grauaret eos, & etiam ille, qui acceptaret talem satisfactionem, peccaret, quia infringeret priuilegium aliquorum, sic patet de illo clerico, qui peccauerat in terra illa, in qua consuetudo erat, quod peccans sustineret certas percussiones baculorum, & ille, ut satisfaceret consuetudini, subiecit se istis percussuris. Et tunc respondetur, quod illi laici, qui percusserunt eum, etiam si volentem inciderunt in canonem. Siquis suadente. Et excommunicati sunt, quia fecerunt contra priuilegium clericale, nam dato, quod iste clericus in quantum erat persona priuata posset renunciare priuilegio introducto in fauorem suum, non poterat renunciare priuilegio introducto in fauorem totius ordinis clericalis. Et sic est istud, scilicet, quod laicus non posset percutere clericum, de hoc patet extra de sententia excommu-

nicationis cap. Contingit. Non ergo tenetur quis talem satisfactionem offerre hosti suo, etiam si grauissimam iniuriam intulisset, sed tenetur solum offerre ei satisfactionem, quæ sit præter læsionem corporis sui, & illa sufficit, unde non tenetur pars offerre maiorem pro iniuria quam pro damno, licet ius alio modo reddat satisfactionem. Et si quis talem satisfactionem obtulerit hosti suo, & ille non acceptauerit eam, quia non æqualis iniuriæ, & propter hoc pugnaverit contra iniuriantem, habet ille iustam causam defensionis, & faciet iustum bellum, & mors, vulneratio, præda, & quæcunque inde secuta ex parte eius, erunt iusta sicut in bello iusto. Si autem debeat offerri satisfactio pro iniuria, & damno, simul debet offerri, sicut supra dicebatur de ambobus diuisim, quia pro iniuria debet offerri, sicut pro iniuria, & pro damno tanquam pro damno, velut si iniuria, & damnum non prouenissent ex eodem actu, sed ex diuersis. Et ideo debet distinguui, sicut supra distinguebatur, in satisfactionem damni per se, & iniuriæ per se.

Considerandum ulterius circa id, quod tangebatur hic, scilicet, quando licet læso pugnare contra lædentem pro iniuria, vel damno dato, & quando licet lædenti defendere se ab hoste pugnante contra eum. Et dicendum, quod aut loquimur de læso mouente bellum, aut de lædente defendente se. Si primo modo, dicendum quod aut læsus, & lædens habent aliquem iudicem communem, aut non. Si habent iudicem communem, non licet læso mouere bellum contra lædentem per satisfactionem iniuriæ, vel damni. Et non oportet hic distinguere an lædēs offerat satisfactionem, vel non, quia siue offerat illam, siue non, immo, quod plus est, dato quod admonitus per partem satisfacere noluit, non licet parti mouere bellum pro damno, vel iniuria: sed expectabit, quod pars satisfaciatur, vel a iudice satisfactionem petet, auctoritate tamen sua non licet bellum inducere hosti. Si autem lædens, & læsus non habent aliquem iudicem communem, siue sit iniuria, siue damnum datum, aut lædens offert satisfactionem talem, qualem pars parti offerre tenetur: etiam si non sit talis qualis per iudicem redderetur, aut nullam offert. Si primo modo, non potest læsus mouere bellum contra lædentem. Et si mouerit est iniustum, & mors, vulneratio, præda, & quæcunque inde secuta ex parte eius iniusta sunt. Si autem nullam satisfactionem offert debet læsus petere illam, & si reddere voluerit lædens, non potest læsus mouere iustum bellum contra illum. Si autem noluerit reddere, vel non tantam, quantum debet, aut potest reddere, potest læsus indicare ei bellum. Et mors, liberatio, captiuitas, seruitus, præda, & quæcunque inde secuta ex parte istius iusta sunt. Si tamen non petiuerit satisfactionem læsus, & propter hoc quod lædens non offert illam, bellum mouerit iniustum est: quia debuerat petere prius satisfactionem. Et hoc verum est, nisi sciuerit, quod lædens parat se ad resistendum læso, ut non reddat satisfactionem. Et potest pugnare contra eum, tanquam contra expresse denegantem. Si aliquis dicet, quid si lædens, & læsus habent iudicem communem, & tamen ille non facit iustitiam læso, quamquam petat an poterit mouere bellum? Dicendum, quod debet petere coram iudice superiore, ut satisfaciatur. Sed quid si ille superior etiam iustitiam non facit? Dicendum, quod debet discurre per omnes iudices medios usque ad vltimum superiorem petendo satisfactionem. Sed quid si nec etiam ille superior iustitiam facit, cum non sit ultra remedium via iuris, an licebit mouere bellum? Dicendum, quod quamquam forte sint aliqui modi, per quos potest quis sumere satisfactionem sine iudice, utpote retinendo apud se aliquas res ad-

uersarij si prius illas habebat, etiam si non essent sibi obligatæ ex aliqua causa, vel clam auferendo illas sicut aliqui volunt, tamen mouere bellum pro damno, vel iniuria illata, quando iudex aliquis est non licet, & bellum inde secutum iniustum est, licet illa, quæ ablata fuerint vsque ad satisfactionem iniuriæ, vel damni non tenetur restituere ille, qui mouet bellum, cum aliàs illa essent sibi debita. Si autem loquamur quantum ad lædentem, qui se vult defendere a læso mouente bellum. Dicendum est sicut supra, quod aut lædens, & læsus habent aliquem iudicem communem, aut non. Si nullum iudicem communem habent, dicendum, quod aut lædens offert satisfactionem, aut non: si offert illam qualis debet offerri parti a parte, non potest iuste pugnare contra eum læsus. Et si pugnaverit habet lædens iustam defensionem, & mors, & vulneratio, & quæcunque damna in bello ex parte sua secuta iusta sunt. Si autem non offert satisfactionem, aut petit illam aduersarius, aut non, si non petit: aut ipse parat se ad defendendum contra hostem, & talem se exhibet, vt verisimiliter putet hostis læsus, quod non vult satisfacere, aut nihil tale facit. Si primo modo, licitum est læso mouere bellum contra lædentem nulla præmissa requisitione, & tunc lædens non potest iuste se defendere, sed quæcunque secuta in bello ex parte sua iniusta sunt. Si autem non se exhibet talem, vt putetur verisimiliter velle satisfacere de iniuria, vel damno; non potest læsus mouere iustum bellum contra eum sine requisitione, & si mouerit habebit lædens iustam causam defensionis, & bellum ex parte sua erit iustum. Si autem lædens, & læsus habent iudicem communem, non est tunc distinguendum, an læsus offerat satisfactionem parti sine iudice, aut non, quia siue offerat, siue non offerat, immo dato, quod expresse deneget, non potest mouere læsus bellum contra eum, & si mouerit habebit ipse iustam defensionem. Ratio huius est, quia sicut supra dictum est, nunquam licet læso mouere bellum contra lædentem, quando habent iudicem communem, quia potius debet pati læsionem. Et sic si mouerit bellum, cum non habeat auctoritatem ad mouendum, illud est iniustum: & consequenter alius potest se de iure defendere. Et ideo iste est alius modus, in quo cuicumque licet vim repellere, scilicet, quando ipse, & hostis suus habent iudicem communem. Sciendum tamen est, quod quando quis læsit alium, & petit læsus satisfactionem, & redens lædens, & læsus mouet bellum, licet possit lædens se defendere, tamen peccat in quantum noluit satisfacere admonitus, & dedit occasionem hosti suo pugnandi contra se.

An peccauerit Dauid pugnans contra Ammonitas sine admonitione. Quæst. XIIII.

QUÆRITUR vltcrius an Dauid peccauit pugnando contra Ammonitas nunc, cum non mouerit eos. Aliquis dicet, quod sic, quia cum Dauid esset læsus debebat petere satisfactionem iniuriæ priusquam moueret bellum. Et tamen non petiuit, sed misit exercitum suum contra Ammonitas. Respondendum, quod Dauid non peccauit, cum non redarguatur de isto bello, vt declaratum est supra in quadam quaestione. Cum autem obijcitur, quod debebat monere prius Ammonitas: responderi potest dupliciter, vno modo, quod Dauid monuit eos, & tamen ipsi recusauerunt satisfacere, sed potius congregauerunt exercitum ad defendendum se a Dauid, vt non satisfacerent ei. Et dato, quod non scriptum sit, hoc non obstat, quia multa facta sunt, quæ subti-

A centur in sacra scriptura propter breuitatem. Secundo modo potest dici, & melius, quod Dauid non monuit Ammonitas, vt satisfaceret, quia non obligabatur admonere. Nam læsus ad hoc, quod moueat iustum bellum contra lædentem, oportet quod moneat eum vt satisfaciat, nisi appareat manifeste, quod non vult satisfacere, utpote si paret se ad pugnandum, quia tunc superflua est requisitio, vt declaratum est præcedenti quaest. Sic autem fuit nunc, quia Ammonitas mox vt offenderunt Dauid, congregauerunt exercitum multum de Syria ad resistendum Dauid, vt non satisfacerent ei. Et cum audiuiisset hoc Dauid, non curauit admonere, quia inutile erat, sed misit exercitum suum ad bellum contra eos, & patet hoc, quia **B** in litera dicitur, quomodo Ammonitas congregauerunt exercitum de Syria, & filij quoque Ammon de urbibus suis congregati conuenerunt ad bellum. Et sequitur, quod cum audisset Dauid, misit Ioab, & omnem exercitum virorum fortium. Et sic non erat necesse, quod Dauid peteret satisfactionem ab Ammonitis, antequam pugnaret, vnde bellum suum iustum fuit contra eos, etiam non præmissa monitione.

Si licitum fuerit Syris in auxilium Ammonitarum venire. Quæst. XV.

QUÆRITUR vltcrius an licuit Syris venire in auxilium Ammonitarum contra Dauid. Aliquis dicet, quod non, quia isti mori fuerunt ex causa iniusta ad bellum, scilicet, vt acquirerent pecuniam. Nam pro mille talentis argenti, quæ dederunt eis Ammonitas, venerunt in bellum, vt patet supra in litera. Ita isti venerunt ad bellum desiderio prædandi, quia si præualerent contra Israelitas credebant se inde magnum lucrum in præda consecuturos. Respondendum, quod ista non obstant, quin iuste possent moueri Ammonitas ad pugnandum. Ad primum dicendum, quod licebat eis venire ad bellum etiam propter solam pecuniam. Nam licitum est cuique locare operas suas, & acquirere victum vndeunque, dum tamen sit iustus modus acquirendi. Manifestum est tamen, quod bellum iustum est aliquando, ideo licebit in bello iusto alicui locare operas suas, sicut locaret ad quemlibet alium laborem corporalem. Si ergo esset bellum iustum Ammonitarum contra Dauid, non tolleretur quin Syri iuste venirent in adiutorium Ammonitarum contra Dauid, quamquam propter pecuniam venirent. Ad secundum dicendum, quod dato, quod desiderio prædandi venirent Syri in adiutorium Ammonitarum, non peccarent. Et ratio est, quia sicut supra dictum est, licet cuique desiderare lucra quæcunque ad sustentationem vitæ, dum tamen illa iusta sint. Et tamen præda interdum iusta est, ideo licet alicui desiderare diuitem fieri de præda. Sic enim est in bello iusto, quia mors, vulneratio, seruitus, & quæcunque damna inde secuta iusta sunt, ideo si iustum esset bellum Ammonitarum contra Dauid, licite poterant desiderare Syri spolia in bello illo, & propter illa sola poterant moueri iuste ad bellandum. Dicendum ergo, quod in hoc solum attendendum erat, an Ammonitas iustum bellum fouerent, vel non. Si iustum bellum fouerent, & Syri hoc crederent, poterant licite adiuuare eos pro mercede, vel desiderio spoliolum. Si autem fouerent Ammonitas iniustum bellum, & hoc crederent Syri, peccarent adiuuando eos contra Dauid, & ita ipsi erant rei, & digni morte, sicut Ammonitas, quia cooperabantur malum facientibus: ad Roman. 1. Si autem Ammonitas fouerent iustum bellum, & Syri putarent, quod erat iniustum: & deside-

rio mercedis mouerentur ad adiuuandum eos, peccabant, quia agebant contra conscientiam. Et omne quod est contra conscientiam, ædificat ad gehennam, & peccatum est, ut patet ad Roman. 14. Et de resti. spoliat. cap. Literas, & de præscrip. cap. quoniam omne. Si autem Ammonitæ fouerent iniustum bellum, & Syri putarent, quod erat iustum, & propter hoc mouerentur ad adiuuandum eos, & alias non adiuuarent, etiam si magnas mercedes darent, non peccarent Syri, quia non agebant contra conscientiam. In hoc tamen nimis debebant cogitare an bellum esset iustum, vel iniustum. Nam ex leui cogitatione non debebant se exponere magno periculo, quale est in adiuuando ad bellum, cum inde sequatur mors, & multa alia damna. Et si aliquando inciderit dubium an bellum iustum sit, vel iniustum, potius cessandum est ab illo. Nam in tali casu si quis pugnaret, & secundum veritatem illud bellum esset iniustum peccaret, & teneretur de omnibus malis, quæ acciderent in bello, quia in dubio voluit se exponere magno periculo, cum per hoc det operam rei illicitæ, scilicet, exponendo se periculo. Et sic est in homicidijs casualibus, quia si quis dat operam rei illicitæ, & inde sequatur homicidium casu, dato quod illud sit contra voluntatem suam, tenetur de eo. Si autem sit dubium, an bellum sit iustum, & secundum veritatem sit iustum, ille, qui se exponit ad pugnandum, peccat, eo quod se immiscet magno periculo non certificatus an bene, vel male agat, & tamen id, quod inde acquiritur non oportet, quod restituatur, quia iuste acquisitum est, nisi acquirerens habeat conscientiam læsam, & non possit illam conformare, nec mutare, tenetur restituere id, quod accepit, ne ædificet ad gehennam faciendo contra conscientiam. Ideo dicendum generaliter, quod quicumque mouet bellum, vel adiuuat mouentem, si non est plene certificatus, quod bellum iustum est, siue sit iustum siue iniustum, peccat mortaliter, quia exponit se periculo. De Syris autem nunc dicendum est, quod peccauerunt adiuuando Ammonitas, quia Ammonitæ fouebant iniustum bellum, & Syri hoc sciebant, quia erat notorium, scilicet, quod Dauid vellet pugnare contra Ammonitas, quia contumelijs affecerant seruos suos. Adiuuare ergo istos ne satisfactionem facerent pro peccato, & offensa inflicta Dauid, peccatum erat.

De illis, qui pro stipendio militanti. Quest. xxi.

QUÆRITUR vltius circa statum militum stipendiariorum, an licitum sit alicui pro solis stipendijs adiuuare aliquando ad pugnandum, & occidere occurrentes hostes, & an isti stipendiarij si moriantur in bello, in bono statu decedant. Aliquis dicet, quod illicitum est pro stipendijs adiuuare aliquem ad pugnandum, & occidere occurrentes hostes, cum isti stipendiarij si moriantur in bello in bono statu non decedant. Primo patet, quia isti habent voluntatē occidendi homines & hoc pro solis pecunijs, & tamen occidere homines pro pecunijs, iniustum est, ideo isti peccant. Secundo patet, quia occidere homines sine causa, iniustissimum est, sed isti non habent aliquam causam, quia illi, quos occidunt non sunt hostes eorum, nec nocuerunt eis in aliquo, sed propter sola stipendia occidunt eos, ideo peccant. Tertio patet, quia occidere hominem sine auctoritate peccatum est, & tamen isti non agunt ex aliqua auctoritate, quia non accipiunt auctoritatem a lege ad pugnandum, cum illi contra quos pugnant non sint hostes sui. Et manifestum est, quod si non susceperint stipendia nullam omnino causam haberent ad pugnandum.

Stipendia tamen non sunt causa sufficiens ad hoc, quod quis moueat bellum contra alium, ideo peccant mouendo bellum. Quarto patet, quia si isti morerentur in illo statu, morerentur cum desiderio occidendi homines, qui nihil sibi nocuerunt, & iste est status periculosus. Quod tamen aliquis se exponat periculo animæ quando liberum est, si vult exponere se, vel non exponere, peccatum est, ideo malus est status istorum. Quinto patet, quia isti milites stipendiarij exponunt se periculo corporis in talibus bellis. Et hoc pro sola pecunia, vitam tamen periculo subijcere pro sola pecunia peccatum est, quia hic est magna deordinatio, scilicet, quod maius bonum exponatur periculo pro minori bono. Sexto patet, quia milites stipendiarij non possunt facere veram poenitentiam quādiu manent in illo statu, si tamen ille status non esset cum peccato semper coniunctus, & secundum se malus, posset fieri poenitentia in illo, ideo status malus est. Quod autem non possent stipendiarij veram poenitentiam agere, patet per Gregor. & habetur in Decretis de poeniten. distinct. 2. cap. falsas, & 4. Sententia distinct. 16. Cum dicitur: Falsas poenitentias dicimus, quæ non secundum auctoritates sanctorum pro qualitate criminum imponuntur: ideoque miles, vel negociator, vel alicui officio deditus, quod sine peccato exerceri non potest, si a culpis grauioribus irritus, ad poenitentiam venerit, vel qui bona alterius iniuste detinet, vel qui odium in corde gerit, recognoscat se veram poenitentiam non posse peragere, nisi negocium relinquat, vel officium deserat, & odium ex corde dimittat, & bona, quæ iniuste abstulit, restituat. Ecce qualiter dicitur, quod miles non potest agere veram poenitentiam, nisi dimittat officium si cut ille, qui habet odium in corde, donec dimittat, & ille, qui detinet bona alterius, donec restituat, sed manifestum est, quod ille, qui habet odium in corde semper est in peccato mortali, donec remittat, & qui detinet bona alterius donec restituat, ergo etiam, qui miles est, semper est in peccato, quousque officium deserat.

Respondendum est, quod milites stipendiarij possunt tenere officium illud sine peccato, & tamen est satis periculosus status eorum. Prima pars patet, quia cuilibet homini licet facere pro acquirendo victu, & sustentatione quicquid voluerit, dum tamen non faciat aliquid iniustum. Et tamen milites stipendiarij possunt interdum facere iustum. Ideo non est illicitum militibus stipendiarios vacare militia. Patet hoc, quia in bello iusto licitum est inferre mortem, & vulnera, & prædari, & quæcunque alia damna dare, sed milites stipendiarij possunt adiuuare ad bella iusta solum, ideo possunt facere, quod in officio suo nunquam peccatū interueniat. Secundo patet, quia leges humane priuilegiauerunt valde milites stipendiarios, in tantum, quod filius familias, qui non potest esse alijs dominus alicuius peculij, sit vere dominus, & habeat administrationem peculij castrensis, vel quasi castrensis. Vocatur autem peculium castrense stipendium militis, vel quæcunque alia lucra militaria, quæ ex castris habentur. Si tamen talis status esset illicitus, iura humana non priuilegiassent tantum peculium castrense, quod ad milites stipendiarios maxime pertinet, ergo status iste licitus est. Tertio patet, quia manifestum est, quod si aliquis dominus habet bellum iustum contra quempiam, omnes familiares eius iuste pugnant contra illum, & tamen familiares manent cum aliquo propter lucra, & sustentationem, ergo similiter licet stipendiarijs adiuuare aliquem ad bellum quando habuerit bellum iustum. Patet de Abraham Sodomo-
quatuor reges, qui prædati fuerant terram Sodomorum,

rum, & ad illud bellum duxit secum omnes seruos suos, scilicet, trecentos, & decem, & octo vernaculos: Genes. 14. Si tamen illi peccarent pugnando, non duxisset illos Abraham ad bellum: ergo videtur, quod iuste pugnabant, quia Dominus suus fouebat iustum bellum. Quarto patet, quia cum quis habeat iustum bellum, si conuocat amicos suos, & alios notos, & quoscunque ut gratis adiuuent eum, de illis manifestum est, quod iuste pugnant, nec aliquis dubitat de hoc, & tamen inter istos, & milites stipendiarios nulla est differentia, nisi quod stipendiarii agunt pro mercede, & isti agunt gratis, & tamen adiuuare aliquem ad bellum pro mercede ex eo, quod merces recipitur non est peccatum, cum liceat cuique operas suas locare, ergo licitus est status militum. Quinto patet, quia hoc dato auferretur omnia bella iusta: nam cum alicui inflicta est iniuria, ipse solus habet iustam causam pugnandi. Si autem non liceret militibus stipendiariis propter stipendia militare, non haberet iste aliquos adiutores, vel raro contingeret, quod fieret aliquod bellum magnum, & haberet quis omnes adiuuantes gratis. Ideo si damnaremus statum militum stipendiariorum, damnaremus indirecte omnia bella, dicendo nullum esse iustum ex quacunque causa inferretur. Sed hoc est falsum, quia multa bella iusta esse dicimus, ideo non est cum peccato status militum stipendiariorum. Sexto patet, quia Apostolus approbavit istum statum, dicens, Nemo cogitur suis stipendiis militare. Et ex hoc probauit, quod licebat prædicatoribus accipere, & petere temporalia ab illis, quibus prædicabatur 1. ad Corinth. 9. Et tamen si non esset licitum pro stipendiis militare, non probaret Apostolus statum suum ex statu militari, ergo licitum est militare pro stipendio. Septimo patet, & magis clare, quia quando Beatus Ioannes Baptista erudiebat omnes status hominum qualiter viuere debebant, accesserunt ad eum milites stipendiarii, & dixerunt. Quid faciemus, & nos? & ait: Neminem concutiat, neque calumniam faciat. Lucæ 3. Et sic Beatus Ioannes approbavit statum militum. Quod patet ex duobus; primo quia dedit illis doctrinam ad viuendum in illo statu: si tamen esset status illicitus, non daret illis doctrinam ad manendum in illo, sed doctrina esset, quod desererent eum, sicut si aliquis latro petuisset quomodo posset honeste viuere in illo statu, non daretur ei aliqua doctrina ad manendum in illo, sed diceretur, quod desereret illud. Secundo patet, quia Beatus Ioannes posuit tria in doctrina militum, scilicet, neminem concutiat, nec calumniam faciat, & contenti estote stipendiis vestris. In quo innuit, quod faciendo ista tria solum poterant bene viuere, nec oportebat, quod cauerent ab alijs, ad hoc, quod iuste tractarent negotium militare. Secunda pars erat, quod iste status erat valde periculosus, quod patet, quia accidunt in eo plura pericula, quam in alijs, utpote quia illi, qui habent officium militare interdum pro stipendijs adiuuari in bellis iniustis, quia qui solum volunt patrocinium. Sic est de aduocatis, quos videmus pauperes esse si in solis iustis causis patrocinium præstant. Secundo iusto, & est iniustum, & per hoc exponunt se graui periculo. Tertium est, quia quando milites peccant, grauius peccant quam alij homines, eo quod inferunt frequenter mortem, & vulnera multa, & prædas magnas agunt, depopulantur loca, & reddunt terram habitaram in solitudinem, nec est aliqua calamitas, quam manus militaris non inferat. In alijs autem officijs, quamquam quis peccet, tamen non peccat tam grauius, eo quod non potest tanta damna inferre, minus

A ergo periculosa cetera officia sunt. Quartum est, quia ex peccatis aliquando sequitur obligatio ad restituendum, & tamen in nullo officio est restitutio tam difficilis, sicut in bello, quia si quis gerat bellum iniustum, vel adiuuet in eo, tenetur ad omnia damna, quæ intulerit, & tamen vnus homo parui valoris potest vnā urbem incendere, & facere, quod pereant omnia, quæ in ea sunt, & in talibus esset impossibilis satisfactio per æqualitatem. Quintum est, quia illi, qui bella gerunt ad hoc, quod interim consequantur optatum, oportet quod diruant ecclesias, & male tractent loca sacra, & religiosi viris molestias inferant, quæ omnia culpabilia valde sunt. Sextum est, quia licet bellum sit iustum, non debent inferentes illud, infligere quæ potuerint, sed vsquequo subijciant sibi hostes, possunt facere quæcunque. Habita autem victoria non licet plura damna inferre quam sufficiat ad satisfactionem iniuriæ vel damni dati, pro quo pugnatur. Et si plura inferantur, bellum iniustum est quantum ad illa, & tenentur facientes ad restitutionem, sicut si esset bellum omnino iniustum. Et tamen postquam bellatores inceperint pugnare præ ira, quam conceperunt, vix possunt tenere modum, sed faciunt omnia mala, quæ possunt, ideo periculosum est talia agere. Septimum est, quia non debet quis adiuuare nisi in bello iusto. Et tamen difficile est discutere causas belli ad hoc, quod sit iustum, vel iniustum, quia illud debet colligi ex multis circumstantijs particularibus, ideo periculosum est talibus ambiguitatibus se exponere. Octauum est, quia in bello est periculum mortis, & nisi quis sit liber ab omni vitio poterit ibi mori, & ponet se in periculo pereundi æternaliter. Et saltem istud periculum non est in alijs negotijs, quia licet aliquis peccet, non est ex hoc in periculo pereundi æternaliter, cum illud officium non ingerat mortem, sicut officium militare. Nonum est, quia in bello sunt multi motus, per quos prouocantur homines ad varias passionēs. Et dato, quod quis sit purus a crimine quando ingredi debet bellum, difficile est quin in bello committat aliquod peccatum, & est in periculo moriendi in illo. Decimum est, quia milites propter potentiam armorum superbiunt, & alios homines contemnunt, & sic multas violentias eis inferunt, unde sunt prouiores ad peccandum quam ceteri. Undecimum est, quia cum in bello sit præda, & occisio, assuescunt milites per frequentia bella viuere semper de rapina, & committere alios excessus, & ideo istum modum viuendi frequentant etiam, quando non sunt in bellis. Et quia ista mala erant valde communia in militibus, Beatus Ioannes Baptista instruens eos qualiter viuere deberent, admonuit cauere ab his, dicens. Neminem concutiat, neque calumniam faciat, contenti estote stipendiis vestris: Lucæ tertio. Multa alia mala sunt, & pericula in officio militari propter quæ difficile est illud tractare sine peccato.

E Considerandum tamen est, quod cum sit possibile illud sine peccato agere, qui voluerit tenere istud officium, debet primo aduertere, ut nunquam patrocinium det nisi in bello iusto. Pro quo est considerandum, quod aut bellum est manifeste iustum, aut manifeste iniustum, aut dubium. Si primo modo, potest miles stipendiarius cum Dei timore, præsupposita recta intentione, adiuuare in illo bello, ut inde mercedem consequatur ad sustentationem vitæ. Si autem bellum iniustum sit, nullo modo debet miles stipendiarius in illo adiuuare, etiam si magna stipendia ei dentur, dato quod esset sibi quasi certum, quod obtineret in illo bello. Si vero sit dubium, aut tunc creditur bellum esse iustum, aut iniustum, aut neutra pars teneretur, sed omnino est indeterminatum.

Si primo modo, utpote si aliquid est de iure dubium, & tamen asseritur ab illis, qui possunt de iure respondere, quod bellum sit iustum, possunt milites stipendiarum patrocinium praebere. Si autem credatur bellum iniustum, peccarent patrocinium dando, quia agerent contra conscientiam, dato quod secundum veritatem illud bellum esset iustum. Si autem omnino est dubium, etiam peccarent in tali bello adiuvando, quia etiam in illo fiunt multa damna, & quod aliquis vellet illa facere nesciens an iuste agat, peccatum graue est, quia se exponit magno periculo.

Secundum est aduertendum, quod cum istud officium est, valde periculosum, non deberet quis illud frequentare si alium modum querendi victum habere possit honeste, quia in alijs modis viuendi non sunt tot pericula animae, & corporis, sed interdum, quis propter consuetudinem patriae aut conditionem temporis non inuenit alium modum querendi victum, vel forte, quia istud officium tenuit a iuuentute, & non est circa alium modum viuendi expertus, & instructus, vel forte non posset iam honeste secundum conditionem status sui viuere, deserto illo officio, tunc cum Dei timore potest illud frequentare, aliàs tamen si posset melius esset, illo deserto, aliud tenere.

Tertium est aduertendum, quod ille qui vult tenere officium militare, non debet moueri ad hoc ex aliqua ferocitate naturae, sicut quidam sunt naturaliter inclinati ad effusionem sanguinis, & propter hoc, ut habeant in quo se exercent iuxta suam passionem volunt exercere officium militare. Nam in istis peccatum esset pugnare, sed debent moueri propter duo. Primum est appetitus iustitiae, scilicet, ut illi, qui iniusta admiserunt, nec satisfacere volunt, per insulius bellicos a suis iniquitatibus reprimantur. Secundum est desiderium acquirendi cibum, & necessaria vitae honesta, scilicet, per mercedem, quam ex militia habent, quam forte non possent commode per alia officia obtinere.

Quantum aduertendum est, quod milites propter assuetudinem in armis non praedentur, & inferant violentias in tempore pacis. Nam cum tempore pacis milites nihil agendum habeant, & etiam pauca lucrentur, communiter volunt viuere de rapina, & furto, & violentia, opprimendo alios, debent tamen cauere ab istis, & contenti esse stipendijs suis, quae tempore pacis, & belli acquirunt. Hoc autem admonerat valde Beatus Ioannes Baptista dicens. Neminem concuratis, nec calumniam faciatis, contenti estote stipendijs vestris: Luce 3.

Quintum aduertendum est, quod fideliter se habeant in bellis, quia sicut mercedem recipiunt, ita fideliter praestent patrocinium exponendo se ad mortem pro illis a quibus mercedem recipiunt, & faciendo quidquid iustum est facere, secundum conditionem belli, sicut pro seipsis facerent. Et in hoc peccant milites stipendiarum scilicet, quia cum non pugnent pro seipsis, sed pro mercede, sapissime fugiunt ad primos ictus belli. Sic enim dixit Christus de pastore mercenario, scilicet, mercenarius, & cuius non sunt oues propriae, videt lupum venientem, & dimittit oues, & fugit, & lupus rapit, & dispergit oues. Mercenarius autem fugit, quia mercenarius est, & non pertinet ad eum de ouibus: Ioan. decimo. Sic etiam fuit nunc de istis militibus Syris, qui statim ut viderunt pugnantem contra se Ioab, fugerunt, ut patet 2. Regum 10. Scilicet, Iniuit itaque Ioab certamen contra Syros, qui statim fugerunt a facie eius. Et quando sic faciunt milites stipendiarum, tenentur ad omnia damna, & iniurias, quas sustinent illi, quibus patrocinium praestant, occasione fugae ipsorum,

de quo magis declarabitur infra in quadam quaestione.

Sextum est aduertendum, quia milites stipendiarum, & etiam illi, quibus patrocinium praestant, debent in bello iusto tenere istum modum, quod viquequo subiciant sibi hostes, vel cogant eos velle satisfacere, inferant omnia damna, quae potuerint, per quae putant, quod facilius inclinabuntur hostes ad satisfaciendum, vel cessandum a bello, vel diminuendum vires eorum. Postquam autem coacti fuerint hostes velle satisfacere, vel habita fuerit victoria, non debent inferre aliqua damna nisi vique ad satisfactionem iniuriarum, vel damnorum datorum, & ad solutionem expensarum factarum in bello, cum ipsi fuerint occasio istius belli nolendo satisfacere, sicut in iudicialibus victus victori in expensis condemnatur, quia ipse praestitit causam litigandi. Si autem praeter haec alia damna inferant, quantum ad haec est bellum iniustum, & tenentur facientes ad restitutionem.

Septimum est aduertendum, quia milites in bellis debent habere in magna reuerentia ecclesias, & loca sacra, & personas religiosas, quamquam pertineant ad hostes, ne aliquod malum eis inferant, etiam si inferendo damnum istis, putaretur bellum facilius finiendum, quia potius e contrario accidit: nam quando debita reuerentia exhibetur locis sacris, & ministris Dei, impenditur Deo magnus cultus, & propter eum specialiter istud fit. Et tunc Deus dirigit actiones illorum, qui sic eum honorant, & facilius obtinent in bello quam aliàs, quia in manu Domini sunt omnia bella sicut dixit hic Ioab ad Abia fratrem suum. Deus quod bonum est in oculis suis faciat. Et Iudas Machabeus dixit. Sicut fuerit voluntas in caelo, ita fiat, primo Macha. 3.

Octauum est aduertendum, quod cum in bello iusto pugnatur, antequam subiciantur hostes, licet pugnatoribus inferre omnia damna, quae potuerint, cauere tamen debent ab illis damnis, quae possunt infligere, per quae non habetur facilior exitus bellum: nam quaedam damna infliguntur quibusdam personis, quae etiam si non infligerentur, finiretur bellum, & obtineretur victoria, & tamen infligunt illa ex crudelitate, vel cupiditate, & talia inferre peccatum est. Et potissime cauendum est ab effusione sanguinis, quando sine illa effusione nihilominus obtineretur victoria. Multa quoque alia circa militarem exercitationem attendi possunt, ut iuste agatur, quae quilibet potest cogitando inuenire.

Ad rationes in contrarium respondendum est. Ad primam, cum dicebatur, quod milites stipendiarum habent voluntatem occidendi pro pecunijs, sed istud est iniustum: dicendum, quod iniustum est occidi hominem, ut accipiantur pecuniae eius, quia ad latrones, & fures pertinet. Etiam iniustum est, quod occidatur homo pro pecunijs, id est, quod si quis non habuerit aliquam causam occidendi hominem, & quia pecunia ei offertur illum occidit, iniustum est, quia iste accipit munera super innocentem, contra id quod habetur Psalm. 13. Et tamen miles stipendiarum in quo praestat patrocinium in bello iusto, non occidit pro pecunia, sed pro causa iusta, quia eadem causa est in principali cum praestatur fauor ad pugnandum, & etiam in stipendiarum, sed ille fouet bellum iustum, ergo iste. Cum vero obicitur, quod iste non occideret nisi pro pecunia, dicendum quod in isto actu sunt duae causae quantum ad stipendiarum militem, scilicet, una excusatiua, & alia incitatiua. Causa excusatiua est iniuria, vel damnum datum, pro quo bellum iuste indicitur, & infligitur. Et in ista succedit stipendiarum propter adhaesionem ad illum, cui praestat patrocinium

trocinium. Causa incitativa est merces, quam suscipit. Et verum est, quod ista non potest facere actum honestum, & excusabilem, & tamen nec reddit eum acceptabilem, quia licitum est cuique locare operas suas in officio iusto sicut est bellum iustum, potissime cum nemo cogatur suis stipendijs militare, sed mercedem licite petet ab eo cui patrocinium præstat, ut patet 1. ad Corin. 9.

Ad Secundum in contrarium cum dicitur, quod occidere hominem sine causa iniustum est, & tamen in milite stipendiario nulla est causa.

Respondendum, quod habet causam excusativam eandem, quam habet ille, cui patrocinium præstat. Nam succedit in ea in quantum elicitor vnum cum illo ad unitatem actus, scilicet, belli infligendi. Et cum obijcitur, quod si militi stipendiario non daretur merces, nullam haberet causam pugnandi, & tamen merces non facit actum licitum.

Dicendum, quod præter mercedem non habet stipendiarius aliam causam incitativam, & tamen habet aliam causam excusativam, scilicet, iustitiam eius, cui patrocinium præstat, quam debet requirere priusquam offerat se præstaturum patrocinium, & alias non debet offerre, etiam si sit magnitudo mercedis.

Ad tertium quando dicitur, quod occidere hominem sine auctoritate non licet, & tamen stipendiarii non habent auctoritatem a lege cum illi, contra quos pugnant non sint hostes sui: dicendum quod in casu, in quo ille cui patrocinium præstat potest bellum indicare non prohibente lege auctoritatem habent.

Ad quartum cum dicitur, quod si isti moriantur in bello, moriuntur cum proposito occidendi homines, qui sibi non nocuerunt, & istud est malum. Dicendum, quod verum est, quod status militaris est periculosus nimis propter vndecim mala, quæ supra declarata sunt in eo esse, & multa alia, quæ non fuerunt dicta, sed non est periculum in hoc, quod obijcitur, quia licet isti moriantur cum desiderio occidendi homines non est peccatum, quia cum liceat sibi occidere illos propter bellum iustum, quod fouent, a fortiori licebit desiderare illos occidere. Nec obstat, quod illi nunquam sibi nocuerunt, quia nocuerunt illi cui patrocinium præstant, & per hoc videntur nocuisse ipsi, cum succedant in eadem causa, quam habet ille, cui patrocinium præstant. Etiam quia istud nihil aggrauat, quia licitum est nobis desiderare mortem alicuius, etiam si nobis nihil nocuerit, dum tamen secundum legem ille mortem mereatur.

Ad quintum cum dicitur, quod milites stipendiarii exponunt se morti pro mercede, & ista est magna deordinatio, scilicet, exponere periculo maius bonum pro minori. Dicendum est, quod iste status periculosus est, & melius esset, quod quis alio modo non potest acquireret quam isto, & tamen quando quis citum est honeste tenere alium modum viuendi, licet non tamen istum.

Ad sextum tamen dicitur, quod milites stipendiarii non possunt facere veram poenitentiam, nisi dimittant illum statum. Dicendum quod etiam non dimisso illo possunt vere poenitere, cum non importet necessario peccatum mortale.

Ad auctoritatem Gregorij responderi potest tripliciter, vno modo, quod ibi loquatur Gregorius non de bona vita solum, sed de bona, & secura, & tunc verum est, quod ad hoc, quod aliquis secura viuatur, dimittere debet officium militare propter pericula multa, quæ in eo sic supra enarratum est, & hoc debet imponi in poenitentiam, non quidem per modum necessitatis, & præcepti, cum in isto officio pos-

A sit quis iuste viuere, sed per modum consilij.

Secundo modo dicendum, quod intelligit Gregorius, quod tenetur miles deferere militiam, ut veram poenitentiam agat, si ipse in militia exercet aliquem modum militandi, in quo semper est peccatum, ut pote patrocinium præstare in quocunque bello, vel prædari tam ab hostibus quam ab eis, quibus auxiliatur. Nam tunc debet ei poenitentia iniungi, quod deferat officium illud quantum ad illum modum militandi.

Tertio modo potest dici, quod istud intelligitur generaliter quodcumque quis habet aliquod officium, quod vix sine peccato exerceri potest, & in illo commisit valde grauia crimina, & est inclinatus ad continuandum ea, quandiu manserit in illo officio, si confessor viderit, quod est isti iam quasi impossibile recedere ab illo peccato retento officio, debet ei iniungere, quod officium deferat, & ille tenetur obedire. Hoc autem satis facile est, quia in quibusdam propter magnam assuetudinem ad peccandum sit quasi impossibile non peccare retento loco, vel officio, iuxta illud Ieremias decimotertio, scilicet, Si potest Aethiops mutare pellem suam, & pardus varietates suas, sic & vos poteritis bene operari, cum didiceritis malum. Et sic videtur intelligendum dictum Gregorij, quia non dicit solum, quod militi venienti ad poenitentiam iubendum sit, quod deferat officium, sed hoc iubendum est si venerit culpis grauioribus irretitus, cum ait. Ideoque miles, vel negociator vel alicui officio deditus, quod sine peccato exerceri non possit, si culpis grauioribus irretitus ad poenitentiam venerit, recognoscat se veram poenitentiam non posse peragere, nisi officium deferat, scilicet, si commisit culpas graues, & est inclinatus semper ad committendum similes, dum manserit in illo officio, tunc debet recognoscere se non posse veram poenitentiam peragere, nisi deferat officium. Si tamen quis honeste vius fuerit officio militari sicut satis possibile est, non debet obligari ad dimittendum officium ad hoc, quod veram poenitentiam peragat, quia illo retento potest peragere.

D De diuersitate, quæ habetur in quibusdam verbis, quæ habentur hic, & 2. Regum cap. 10. circa viros conductos. Quæst. XVII.

QVAERITUR vltius quomodo dicitur hic, quod Ammonitæ cōduxerunt citrus, & equites de Mesopotamia, & Syria Maacha, & de Soba, quia secundo Regum decimo, ubi ponitur ista historia dicitur, quod conduxerunt Syrum Rohob, & Syrum Soba, & a rege Maacha mille viros, & ab Istob duodecim millia.

Aliquis respondebit, quod isti, qui ponuntur hic, & ibi non sunt iidem, saltem aliqui eorum, sed liber iste posuit eum per modum suppletionis, quia sic est, modus vitatus, quod ea, quæ omittuntur in libris Regum, suppleantur hic.

E Sed dicendum, quod hoc non stat, quia ibi ponuntur quatuor principes, & hic totidem, & etiam tot viri ponuntur hic conducti sicut ibi. Ideo necesse est, quod isti, & illi sint iidem principes. Et dicendum, quod iidem sunt, tamen aliqui eorum nominantur alijs nominibus, quia cum dicitur hic, quod conduxerunt Syrum Rohob, est Rohob nomen regionis in Syria apud terram Israel, & rex terræ Rohob vocatur hic Syrus. De hoc patet Numeri 13. ubi dicitur, quod exploratores Israelitarum peruenierunt de Cadisbarne vsque ad terram Rohob, scilicet, quia illa est in latere Aquilonari terræ Israel, & est principium terræ

terre Syriæ. Est autem ciuitas Hemath apud istam regionem, vel ciuitatem Rohob, vt patet eodem capitulo, & Numeri trigesimoquarto. Ponitur etiam hic Rex Maacha, sicut tertio Regum decimo, & potest accipi Maacha pro nomine Regni, vel Regis: Ponitur etiam hic Soba, sicut dicitur secundo Regum decimo, Syrus Soba, idest, quod Rex Syrus de terra Soba venit ad istum bellum: Iste erat Adarezer Rex, quia ipse erat Rex in terra Soba, quæ est in Syria regionis Hemath, vt patet præcedenti capitulo. manet ergo Mesopotamia, quæ ponitur hic, & non ponitur secundo Regum decimo. Sed intelligendum est, quod Istob, de quo dicitur ibidem, quod conduxerunt ab eo duodecim millia virorum, erat ex Mesopotamia, & hic fuit positum nomen Regni, scilicet, Mesopotamia. Ibi autem nomen Regis, scilicet, Istob, & sic multotiens, quando ponuntur eadem personæ, vel eadem res in diuersis locis scripturæ, non ponuntur sub eisdem nominibus.

De discordia in verbis, quæ habentur hic; & secundo Regum decimo, circa multitudinem currum.

Quæst. XVIII.

QUÆRITUR vltius, quomodo dicitur hic, quod conduxerunt triginta duo millia currum ab istis Regibus, quia secundo Regum decimo, vbi ponitur ista historia dicitur aliter, scilicet, quod conduxerunt viginti millia peditum a Syro Rohob, & Syro Soba, & duodecim millia ab Istob, & a Rege Maacha mille viros.

Respondet Nicolaus, quod hic dicitur, quod conduxerunt triginta duo millia currum, idest, triginta duo millia virorum, existentium in curribus, quia licet non essent tot currus, erant tamen tot viri, quia in quolibet curru erant multi viri. Etiam dicit, quod istud non est sic penitus intelligendum, quia ista triginta duo millia virorum non erant in curribus omnes, quia etiam computantur habere pedites, vt patet comparando istam summam illi, quæ habetur secundo Regum decimo, scilicet, quod sint triginta duo millia currum, idest, triginta duo millia virorum cum curribus, & ista summa ponitur ibi, scilicet, quod conduxerunt Ammonitæ a Syro Rohob, & Soba, viginti millia peditum, & ab Istob conduxerunt duodecim millia. Secundo modo potest dici, quod fuerint secundum veritatem triginta duo millia currum, & tamen omisi fuerunt illi, secundo Regum decimo, & suppleantur hic, & pedites, qui ibi ponuntur subtrahuntur h. c. Et iste modus satis est conueniens, quia multa alia subtrahuntur hic, quæ habentur ibi, & è contrario, vt patet comparando ea, quæ habentur hic, & præcedenti capitulo, ad ea, quæ habentur secundo Regum octauo, & decimo. Quilibet tamen istorum modorum habet aliquid difficultatis. Primus enim non videtur conuenire, quia nimis videtur abusuum, quod triginta duo millia virorum, & potissime peditum, vocentur triginta duo millia currum, & tamen sic vocarentur hic. Secundus modus videtur aliquantulum difficilis, quia ponunt triginta duo millia currum, & non videtur quomodo tanta summa currum poterit congregari ultra nongentos currus, sicut patet de Iabin Rege Chanaan, quem scriptura dicit potentissimum. Et probat hoc dicens, quod habebat nongentos currus falcatos, vt patet ludicum quarto, & etiam Adarezer, quando erat in tota potentia sua, & pugnavit contra Dauid, habebat solum mille currus, vt patet præcedenti capitulo, & secundo Regum octauo. Item patet hoc, quia nimis videtur dissimile vero, quod secundo Regum decimo, solum computa-

rentur triginta duo millia currum, quia maior apparatus belli erat in triginta duobus millibus currum, quàm in quingentis millibus virorum, immo plurius quàm in sexcentis millibus, eo quod currus sunt magnorum sumptuum, & facilius est aliter habere centum millia virorum, quàm mille currus, sicut patet de Iabin Rege Chanaan, cuius exercitus erat quasi innumerabilis, & tamen solum habebat nongentos currus falcatos, ludicum quarto. Dicendum est, quod non est inconueniens, quod conuenirent in isto bello triginta duo millia currum, quia in alijs bellis adhuc maior apparatus fuit, sicut quando pugnaverunt Philistini prima vice contra Saulem: nam habuerunt in exercitu suo triginta millia currum, & sexcenta millia equitum, & reliquum vulgus peditum innumerabile, sicut arena, quæ est in litore maris plurima, primo Regum decimotertio. Dicendum tamen videtur, quod secundum veritatem non fuerint nunc triginta duo millia currum in isto exercitu Syrorum, & hoc, quia non videtur quomodo isti Reges possent habere tantam multitudinem, quia hic erant quatuor Reges, & vnus eorum, scilicet, Maacha non computatur in ista summa currum aliquid posuisse, sed dicitur, quod erant triginta duo millia currum, & Rex Maacha cum populo suo, præter hoc Rex Soba, scilicet, Adarezer, qui erat vnus de tribus residuis, non habebat aliquos currus, nec exercitum, quem nunc daret, quia mille currus, quos habuerat, & totum exercitum eius deleuit, & occidit Dauid, vt patet præcedenti capitulo, & secundo Regum octauo. Item patet, quia Adarezer licet esset destructus, erat adhuc potentior alijs Regibus, quia isti tres Reges in hoc bello fuerunt sub Adarezer, vt patet infra in littera. Ideo videtur, quod potentia eorum adhuc parua erat, & sic non poterant pertingere ad triginta duo millia currum. Item patet hoc efficacius, quia dato, quod potuissent isti Reges habere tantam multitudinem currum, tamen secundo Regum decimo, exprimitur quantum quilibet eorum dederit pro isto bello, scilicet, Syrus Rohob, & Syrus Soba viginti millia peditum, & Istob Rex Mesopotamiæ duodecim millia: non ergo intelligendum videtur, quod subtraherit ibi scriptura tantam multitudinem exercitus, quia illud quod expressum est, non est decima pars, nec vicesima in apparatu bellico de triginta duobus millibus currum. Si ergo fuisset ibi expressa magna summa, & hic aliquid adderetur, erat verisimile, & rationabile, quod non fuerit ibi expressa saltem pars vicesima exercitus, non est verisimile: potissime cum scriptura diligenter ponat ibi numeros, scilicet, quantum quilibet Rex dederit nunc de exercitu. Item patet hoc potius, quia ista summa concordat cum illa, quæ habetur secundo Regum decimo, accipiendo currus pro viris. Nam hic ponuntur triginta duo millia currum, & ibi ponuntur triginta duo millia virorum, idest, viginti millia, quæ dedit Syrus Soba, & Syrus Rohob, & duodecim millia, quæ dedit Istob Rex Mesopotamiæ. Cum autem dicitur, quod abusuum est, quod accipiantur triginta duo millia currum pro triginta duobus millibus virorum. Dicendum, quod non accipitur hic currus pro viro, quia ista erat improprietas abusu loquendi, sed dicuntur triginta duo millia currum, idest, triginta duo millia de curribus, scilicet, quod veniebant triginta duo millia cum curribus. Pro quo sciendum, quod in isto exercitu Syrorum fuerunt aliqui currus, quorum non ponitur numerus, & fuerunt etiam pedites, & equites, & computando equites, & pedites, & viros existentes in curribus erant triginta duo millia, & hoc concordat litteræ, secundo Regum decimo, vbi ponuntur triginta duo millia viro-

rum, & nihil dicitur de curribus. Patet ēr hic aliquantulū, quia dicitur, quod conduxerunt currus, & equites de his regionibus triginta duo millia currum. Si autem triginta duo millia currum essent solum ipsi currus: subtriceretur numerus equitum. Et tamen expressum fuerat, quod conduxerant currus, & equites, ergo oportet, quod in illo numero triginta duorum millium intelligantur equites, & pedites, & viri existentes in curribus.

De differentia, quæ habetur hic, & 2. Regum cap. 10. Circa multitudinem populi, qui venerunt cum Maacha.
Quest. XXI.

QUÆRITUR vltius quomodo dicitur hic, quod venit rex Maacha cum populo suo, quia 2. Regum 10. Dicitur, quod venit cum mille viris. Respondendum, quod in illo exercitu Syrorum fuerunt quatuor reges, scilicet, Syrus Rohob, Syrus Soba, & Istob rex Mesopotamiæ, & rex Maacha, & tres illorum dederunt illam summam, quæ habetur hic, scilicet, triginta duo millia currum, idest, virorum cum curribus, quod patet, quia 2. Regum 10. Dicitur, quod Syrus Rohob, & Syrus Soba dederunt viginti millia, & Istob rex Mesopotamiæ dedit duodecim millia. Rex autem Maacha dedit paruum exercitum, scilicet, solum mille viros, ideo non computatur in summa aliorum, & cum dicitur hic, quod venit cum populo suo. Et ibi dicitur, quod venit cum mille viris, intelligendum est, quod iste rex Maacha erat regulus, & non poterat congregare nisi mille viros, & congregando illos congregabat totum populum suum, ideo dicitur hic, quod venit cum populo suo toto 2. Regum 10. Dicitur quod venit cum mille viris, quasi idem sit venire cum toto populo, vel cum mille viris.

An Ammonitæ peccauerint in faciendo defensionem.
Quest. XX.

QUÆRITUR vltius an Ammonitæ peccauerint nunc defendendo se a David. Respondendum est, quod peccauerunt, quia ista est regula communis, quod si mouens bellum fouet in iustum bellum, defendens se habet iniustam defensionem, & e contrario si defendens se iuste se defendit, mouens bellum fouet iniustum bellum. Potest autem istud failere interdum, sed rarissime, sicut de Israelitæ iuste pugnabant contra Chananæos, & Chananæi iuste se defendebant ab Israelitis. Hic tamen ignorantia inuincibili diuini mandati, vel promissionis factæ Israelitis, de qua non constabat Chananæis, ideo iustissimam causam habebant defendendi terram suam, potissime quia Israelitæ non solum conabantur ad occidendum omnes Chananæos, quia Deus iusserat, quod nulli eorum parcerent Deuter. 2. Chananæis autem licitum erat pugnare pro defensione corporum suorum. Hoc autem nihil tale erat, quia causa, pro qua pugnabatur manifesta erat, sed David fouebat iniustum bellum, vt supra dictum est, ergo Ammonitæ habebant iniustam defensionem. Secundo patet hoc, quia quando aliquis læsit alterum, si non habet cum eo iudicem communem, & ille parat se ad defendendum a læso, ne possit ab eo satisfactionem petere, fouet iniustam defensionem, & potest læsus nulla monitione indicare ei iustum bellum, vt probatum est supra in quadam questione. Sed sic fuit de Ammonitis, quia ipsi læserunt nimis

A David, & nulla satisfactione oblata congregauerunt exercitum magnum ad resistendum ei, ne posset satisfactionem petere. Ideo poterat David iustum bellum mouere contra eos, & consequenter ipsi non habebant iniustam defensionem, quia oportebat, quod mox vt intulerunt iniuriam David, obtulissent satisfactionem condignam, vel saltem essent parati reddere illam, quando David peteret, & non pararent se ad bellum contra illum, & tunc David non poterat mouere iniustum bellum contra eos, nisi prius peteret satisfactionem, & illi eam negarent petenti.

De diuisione exercitus Ammonitarum in duas partes.
Quest. XXI.

QUÆRITUR vltius quare Ammonitæ diuiserunt exercitum in duas partes, & quare fecerunt, quod omnes milites stipendiarii essent in vna acie, & omnes Ammonitæ in alia. Ad primum dicendum, quod Ammonitæ fecerunt hoc, vt cautius pugnarent, & vt magis impedirent hostes suos in pugnando: nam disposuerunt exercitum taliter, quod vna pars erat in agro, & alia pars erat apud portam vrbs. Et si Israelitæ vellent pugnare contra aliquam istarum partium, necesse erat, vt intrarent in medium acierum, & tunc haberent bellum ab anteriori, & a tergo, & impedirentur nimis in pugnando, vnde quando Ioab vidit istam dispositionem exercitus, miratus est, & mutauit dispositionem belli, quam ipse intendebat facere. Nam ipse intendebat, quod ipse cum toto exercitu pugnaret versus eandem partem. Et videns hoc accepit vnam partem exercitus sui fortiolem, & aliam tradidit fratri suo Abisai, vt ipse pugnaret contra Syros, & Abisai contra Ammonitas, & sic essent duæ acies contra duas, & ambæ acies Israelitarum erant in medio duarum acierum hostilium, & vna respiciebat versus urbem, scilicet, Abisai acies. Et alia versus agrum, scilicet, acies Ioab. Et isto modo non haberent Israelitæ aliquos hostes a tergo, sicut intenderant facere Ammonitæ, vt dispergerent facilius Israelitas. Ad secundum dicendum, quod omnes Syri fuerunt in vna acie, & omnes Ammonitæ in alia, quia licet Ammonitæ conduxissent Syros mille talentis argenti, non bene confidebant eis, timentes forte, quod pro maiori pretio, quod acciperent ab Hebræis colluderent cum eis, & verterentur contra Ammonitas. Voluerunt ergo Ammonitæ procul esse ab eis, vt si aliquam fraudem molirentur, non possent sibi nocere.

De diuersitate locorum, vbi erant exercitus Ammonitarum.
Quest. XXII.

QUÆRITUR vltius dato, quod Syri, & Ammonitæ deberent diuidi in duas acies, quare acies Syrorum posita est in agro, & acies Ammonitarum apud portam vrbs.

E Respondendum, quod propter multa. Primum erat, quia volebant Ammonitæ, quod duæ acies pugnarent contra Israelitas, & quia ipsi erant pauciores quam Syri, voluerunt accipere locum faciliorem ad pugnandum, & forte propter vrbs defensionem facilius erat paucos pugnare apud portam vrbs quam multos pugnare in campo. Elegerunt ergo Ammonitæ pugnare apud urbem. Et patet hoc, quia in muris, & turribus vrbs erat magna multitudo Ammonitarum, qui exinde sagittis, & fundis, & iaculis pugnabant, & propter illos non auderent Israelitæ appropinquare muris: sicut patet 2. Regum 11. Quando mortuus est Urias in isto bello contra Ammonitas, eo quod accessit circa muros vrbs. Et David

uid increpuit super hoc Ioab, dicens. Quare accessistis ad murum ut praeliaremini, an ignorabatis, quod multa desuper ex muro tela mittantur? quis percussit Abimelech Ierobaal? Nonne mulier misit super eum fragmentum molae de muro, & interfecit eum in Thebes? eodem cap. Et cum propter hoc Israelitae non auderent accedere circa muros, manerent securi Ammonitae qui pugnabant iuxta portam urbis. Secundum erat, quia ut dictum est praecedenti quaestione, Ammonitae non plene confidebant de Syris, quos conduxerant, timentes, quod colluderent cum Hebraeis. Noluerunt ergo ponere eos apud portam urbis, quia forte introirent subito in urbem, & occuparent eam, traderentque Israelitis, ut fierent amici eorum, vel forte ipsi praedarentur eam, & vellent pro se accipere. Posuerunt ergo eos in agro, ut non possent in urbem introire, dato quod aliquod malum molirentur. Tertium erat, quia Ammonitae volebant pro se securitatem potiusquam pro militibus stipendiariis, & quia poterat esse, quod Israelitae praevalerent contra eos, voluerunt esse apud portam urbis, ut si opus esset ingrederentur in eam, & ibi se defenderent. Quartum erat, quia volebant Ammonitae, quod Syri stipendiarii sui pugnarent fortiter, exponentes se ad omnia pericula, & propter hoc noluerunt eis dare aliquem locum refugii, ut desperantes de refugio acuerent animos suos ad fortiter pugnandum. Si autem essent apud portam urbis, & scirent, quod poterant introire in eam, quando vellent, remissius pugnarent, & ex minori difficultate mouerentur ad fugiendum, & introeundum in urbem.

*De fuga Syrorum a facie Ioab, an peccauerint.
Quaest. XXIII.*

QVAERITUR ulterius an Syri peccauerunt fugientes a facie Ioab, cum essent stipendiarii Ammonitarum. Aliquis dicet, quod non peccauerunt, quia egerunt quod potuerunt, sed Ioab praevaluit contra eos. Dicendum videtur, quod non restiterunt Syri Israelitis quantum deberent, quia in primo ictu belli fugerunt, ut patet 2. Regum 10. Scilicet, Iniuit itaque Ioab certamen contra Syrum, qui statim fugit a facie eius. Et milites stipendiarii tenentur fideliter pugnare pro illis, a quibus mercedem accipiunt, & hoc propter duo. Primo quia mercedem accipiunt pro labore, & si non fideliter agunt, indigni sunt mercede. Secundo quia illi, qui conduxerunt eos confidunt eis, & ponunt salutem, & statum suum in manibus eorum, ideo si non fideliter agerent, graviter peccarent. Et ad hoc debent milites stipendiarii advertere. Primo ne colludant, quia ista est gravissima iniquitas eorum. Secundo ne remissae aliquid agant, sed toto conatu, sicut si bellum ipsum esset. Tertio ut non quocumque timore fugiant, sed exponant se morti, & quibuscumque terribilibus pro salute illorum a quibus mercedem accipiunt. Et hoc secundum conditionem belli, quia non oportet, quod omnibus terribilibus se exponant. Nec etiam est vituperabile si interdum fugiant, quia etiam ad virum fortem pertinet interdum fugere, vel magis cedere, scilicet, quando moriendum erat necessario nullam consequendo utilitatem. Si autem propter fraudem, vel negligentiam, aut irrationabilem fugam militum stipendiariorum aliqua damna sequantur eis, quibus patrocinium praestant, tenentur ad satisfactionem illorum. Et ista est una de causis, quare periculosus est status militum, quia interdum fugiunt non existente timore rationabili, & tenebuntur ad immensa damna, quae inde sequuntur. De Syris autem dici posset,

quod ipsi fuerunt in aliqua culpa, quia non sustinuerunt timorem debitum, sed statim in primo bellum impetu fugerunt 2. Regum 10. Potest etiam dici, quod non fuerint in culpa, quia forte tantus fuit timor, quem incussit eis Ioab fortiter pugnando, quod non poterunt stare ante faciem eius, & istud videtur rationabilius, quia non erat verisimile, quod Syri facerent aliquam fraudem colludendo cum Israelitis, quia erant hostes illorum, cum Adarezer, qui erat unus de istis regibus Syris, superatus fuisset a David, & destructus fuisset totus exercitus eius, ut patet praecedenti cap. & 2. Regum 8. Et propter hoc conaretur quantum posset contra Israelitas. Secundo patet, quia postquam nunc Syri victi sunt a Ioab, ipsi congregaverunt rursus exercitus ad pugnandum contra Ioab, & non fit mentio, quod Ammonitae rursus darent eis mercedem sicut prius, non ergo colluserant cum Iudaeis. Sed videtur, quod maxime dolerent, quod superati fuerant a Ioab, & propter hoc rursus congregaverunt exercitum contra eum.

Quare Ioab non pugnavit contra Ammonitas usque ad deletionem. Quaest. XXIII.

QVAERITUR ulterius cum nunc Ioab superatus fuisset Syros, & Ammonitas simul, & manerent Ammonitae destituti auxiliis, cur non pugnabant contra eos usque ad deletionem, quia facilius nunc erat pugnare contra illos quam prius. Respondendum est, quod Ioab noluit pugnare nunc contra Ammonitas propter multa. Primo quia difficilius erat nunc pugnare contra illos quam prius, quia prius Ammonitae erant in campo, & ibi faciliter, & in brevi fugaretur unus exercitus, vel alius, nunc tamen Ammonitae, quia non habebant auxiliares, non auderent exire in campum, sed manerent intra urbem, & difficile erat Israelitis pugnare contra eos sic propter duo. Primo quia non auderent accedere ad muros, eo quod desuper multae sagittae, lapides, & tela mittebantur. & multi Israelitarum perierunt simul quando accesserunt iuxta muros urbis Ammonitarum, cum mortuus est Vriah 2. Regum 11. Secundo quia bellum quod fit contra manentes in urbibus est diuturnum propter defensionem murorum, & non poterat Ioab etiam si viriliter pugnaret, delere faciliter Ammonitas urbe clausos, sicut disperferat Syros, & Ammonitas in campo manentes. Secundo principale erat, quia Ioab fecerat hoc bellum, quod ei iusserat David, & ne crederetur post hoc vellent David, ideo non ausus est bellum restaurare inconsulto David, sed rediit in Ierusalem. Tertium erat, quia forte ad restaurandum bellum, oportebit fieri aliquos apparatus de novo, vel accipi maiorem partem exercitus, rediit ergo in Ierusalem ad faciendum illos apparatus. Et sic postea fuit, nam ad bellum sequens non venit Ioab sicut prius, sed David collegit totum exercitum suum, & venit ad pugnandum contra Syros, ut patet infra in littera.

Videns autem Syrus, quod cecidisset coram Israel, misit nuncios, & adduxit Syrorum, qui erat trans fluvium. Sophach autem princeps militiae Adarezer erat dux eorum, quod cum annunciatum esset David, congregavit universum Israel, & transiit Iordanem, intravitque in eos, & direxit ex adverso aciem illis contra pugnantibus. Fugit autem Syrus Israel, & interfecit David de Syris septem millia currum, &

& quadraginta millia peditum, & Sophach exercitus principem. Videntes autem serui Adarezer se ab Israel esse superatos, transfugerunt ad David, & serui erunt ei: noluitque ultra Syria auxilium præbere filiis Ammon.

Videns autem. Hic ponitur secundum huius partis, scilicet pugna, quæ facta fuit à David, quia præcedens pugna fuerat facta à Ioab, & dicitur. *Videns autem Syrus, quod cecidisset coram Israel.* Id est quatuor reges Syrorum, qui fuerant in bello præcedenti, viderunt, quod ceciderant coram Israel, id est non poterunt sustinere Israelitas pugnantes contra se. *Alisit nuncios.* Scilicet ad ducendum plus de exercitu, quia credebant isti quatuor reges, quod si solum haberent exercitum, quem prius habebat, non possent resistere Israelitis. *Et adduxit Syrum qui erat trans fluvium.* Isti erant Syri habitantes ultra fluvium Euphratem ad partem aquilonarem. Et vocatur hic Euphrates fluvius absolute non expresso nomine proprio, eo quod per excellentiam erat ipse fluvius in terra illa: nam in terra Chanaan, & Syria non erat aliquis fluvius tam ingens, sicut Euphrates. Ipse enim est vnus de quatuor fluminibus paradisi: Genesis secundo. Et sepe vocatur in scriptura fluvius absolute. Sic patet Exodi vigesimotertio, scilicet: Ponam terminos vestros à mari Rubro vsque ad mare Palæsthorum, & à deserto vsque ad fluvium. Et non exprimitur quis fluvius erat, sed intelligitur Euphrates, quia ipse erat terminus terræ Chanaan: Genesis decimoquinto, scilicet: Semini tuo dabo terram hanc. Scilicet à fluvio Aegypti vsque ad fluvium magnum Euphratem. Sic et dicitur Psal. 71. Et dominabitur à mari vsque ad mare, & à flumine vsque ad terminos orbis terræ. Id est ab Euphrate vsque ad desertum, vbi erat terminus terræ. Considerandum autem pro hoc, quod Euphrates est terminus aquilonaris terræ Chanaan, Genesis decimoquinto. Non tamen tangit Euphrates in toto latere aquilonari terræ Chanaan, sed in quadam parte eius, & in alia parte ad meridiem eius est quedam pars Syriæ. Reliqua autem Syria est ad aquilonem. Et sic diuidit Euphrates Syriam. Isti autem quatuor reges pro maiori parte erant de terra Syriæ ad meridiem, partem Euphratis iuxta terram Chanaan. Nunc autem miserunt ad vocandum Syros habitantes ultra fluvium, scilicet ad aquilonarem partem Euphratis, qui erant remotiores à terra Chanaan. *Sophach autem princeps militiae Adarezer erat dux eorum.* Iste Adarezer erat vnus de quatuor regibus Syrorum, qui in superiore bello adiungerant Ammonitas, & ipse præcipue instituit, quod vocarentur Syri, qui erant ultra Euphratem ad restaurandum bellum contra Israel. Et Sophach dux militiæ istius duxit omnes illos Syros, qui erant ultra fluvium ad locum belli. *Quod cum annunciatum esset David.* Scilicet, quod Syri rursus congregarent exercitum contra eum. *Congregauit vniuersum Israel.* Voluit ipse ire ad bellum contra Syros, & ad hoc congregauit exercitum copiosum, scilicet omnes de Israel, sicut congregauerant Syri multum exercitum. Et non est intelligendum, quod David congregasset totum Israel, ita quod nullus maneret, sed congregauit multos. Et iste est modus loquendi scripturæ.

Et transfuit Iordanem. Erant enim isti reges Syrorum congregati apud urbem, in qua erat rex Ammonitarum, & illuc iuit David, & irruit super eos, & ex hoc patet, quod terra Ammonitarum, in qua facta Alph. Tost. in Lib. I. Paralip.

A ctum est nunc istud bellum, erat orientalis respectu terræ Chanaan, quia Iordanis erat terminus orientalis terræ Chanaan: Numeri trigesimoquarto. Et tamen David ad eundem contra Ammonitas transfuit Iordanem. Ideo terra Ammon ad orientem erat.

Item patet hoc, quia terra duorum tribuum, & dimidiæ erat orientalis ad terram Chanaan: Numeri trigesimo secundo, & Iosue primo. Et tamen terra illa, & omnes vrbes eius fuerant quondam pars regni Moab, & Ammon, vt patet Iosue decimotertio. Et colligitur Numeri vigesimoprimum, & Iudic. vndecimo. Ideo terra Ammonitarum erat ad orientem terræ Chanaan.

B *Et irruit in eos.* Scilicet subito David mouit bellum contra Syros congregatos, & hoc est irruere, scilicet cum impetu agere, & ex inopinato.

Et direxit ex aduerso aciem illis contra pugnantes. Scilicet direxit aciem suam David contra Syros, & illi ex opposito etiam acies suas direxerunt, & non fuit hic talis ordinatio belli sicut prius contra Ioab, quia diuisus fuit exercitus in duas partes, ita vt haberet Ioab hostes ab anteriori, & à tergo supra in litera.

Fugit autem Syrus Israel. Id est omnes Syri, qui nunc congregati erant fugerunt à facie David.

Et interfecit David de Syris septem millia currum, & quadraginta millia peditum. Ista fuit summa interfectorum, & non ponitur similis hic, & secundo Reg. decimo. Sed de hoc infra declarabitur in quadam questione: nam hic ponuntur septem millia currum, & ibi ponuntur septingenti.

Et Sophach exercitus principem. Iste Sophach erat princeps omnium Syrorum, qui venerant de ultra flumen: & percussus est in bello, & statim mortuus est secundo Regum decimo.

Videntes autem serui Adarezer se ab Israel esse superatos. Hoc viderunt in duabus pugnis. Nam prima vice superati sunt à Ioab, nunc verò superati sunt à David. isti serui Adarezer erant, qui venerant ultra flumen: nam ibi dominabatur Adarezer. Et non solum isti, sed etiam reges, qui in bello priori pugnaverant viderunt se victos, & ob hoc noluerunt ultra adiuuare Ammonitas, nec sequi intentionem Adarezer.

Transfugerunt ad David, & serui erunt ei. Non est intelligendum, quod transfugerent de terra sua ad habitandum in terra, vel vbi erat David, sed mutauerunt dominium manendo in terra sua, quia iam noluerunt esse subditi Adarezer, sed David. Et seruebant ei dando tributa.

Noluitque ultra Syria auxilium præbere filiis Ammon. Scilicet, quia viderunt se bis superatos desperauerunt se posse ultra pugnare contra David, ideo timuerunt præstare auxilium Ammonitis, & ob hoc Ammonites facilius capti fuerunt postea à David non habentes auxiliares, vt patet seq. c. & 2. Reg. 12.

Quis fuerit iste Syrus, de quo habetur hic.
Quæst. XXV.

QUÆRITUR quis est iste Syrus, de quo dicitur hic, quod videns Syrus, quod cecidisset coram Israel, adduxit Syrum, qui erat trans fluvium. Responderi potest dupliciter. vno modo, quod iste Syrus erat totus exercitus quatuor regum Syrorum, qui nunc pugnaverant contra Ioab. Et patet, quia sic dicitur supra, perrexit Ioab contra Syrum. Et iterum, si vicerit me Syrus, auxilio mihi eris. Et tñ Ioab pugnavit contra omnes quatuor reges Syrorum, quia tamē omnes quatuor faciebant vnum exercitum, vocabantur Syrus vno nomine. Alio modo potest dici, quod Syrus erat hic rex Adarezer.

zer. Ipse. n. misit pro istis Syris, qui erant ultra flumi-
Et ista est veritas, quia 2. Reg. 10. dicitur: Misit Adarezer,
& adduxit Syros, qui erant trans fluvium. Et misit
pro eis solus Adarezer, quia erant serui eius habitan-
tes in terra sua. Et ista fuit causa, quare Sophach prin-
ceps militiae Adarezer fuit princeps Syrorum.

*De diversitate, quae habetur hic, & 2. Reg. c. 10. circa principem
militiae exercitus, Quæst. XXVI.*

QUÆRITUR ulterius quomodo dicitur hic, quod
Sophach princeps militiae Adarezer fuit dux
eorum, quia 2. Reg. 10. dicitur Sobach. Re-
spondebit aliquis, quod fuerunt duo principes
militiae Adarezer, Et de uno ponitur hic, & de alio
ibi, & hoc non potest stare, quia eadem res narratur
hic, & ibi, ideo necesse est, quod iste princeps militiae,
de quo hic dicitur, & ille, de quo ibi sunt idem. Dicu-
dum ergo, quod idem vir erat, & tamen vocatur hic
Sophach, & ibi Sobach, quia erat binomius, sicut mul-
ti alij habent, qui interdum duo, & plura nomina ha-
bent, sic patet precedenti capit. de Adoram qui voca-
tur ibi Ioram. Sic etiam de Iacob, & Esau, & de Be-
ato Petro, qui multa nomina habent,

*De Syris, qui fuerunt in secundo bello contra David,
Quæst. XXVII.*

QUÆRITUR ulterius de isto bello secundo
Syrorum contra Israelitas, qui Syri fuerunt in
eo, & ubi factum est. Respondendum, quod
dupliciter dicitur de hoc, uno modo, quod qua-
tuor reges, qui erant in bello precedenti, videntes, quod
fugati fuissent à facie Israel, & quod non potuissent resi-
stere ei cum tam paruo exercitu, miserunt pro Syris,
qui erant ultra flumen, & etiam illi venerunt, & nunc
omnes simul pugnauerunt contra Israelitas. Et fin-
hoc dici debet, quod isti quatuor reges Syrorum, quam-
quam fugerunt à facie Israel, non abierunt in Syriam,
sed manserunt in terra Ammon, & miserunt inde ad
vocandum Syros, qui erant ultra flumen. Secundo po-
test dici, quod isti quatuor reges Syrorum, qui fuerant in
priori bello, non pugnauerunt iterum contra David,
& viros suos, sed abierunt in Syriam, nec curaverunt
prestare auxilium Ammonitis. Unus autem ipsorum
scilicet Adarezer dolens, quod superati essent ab Is-
raelitis, misit pro Syris, qui erant ultra fluvium, quod
venirent ad pugnandum contra David, & in isto bel-
lo non fuit Adarezer nec alij tres reges, qui fuerant in
precedenti bello, sed solus exercitus, qui venit de ul-
tra fluvium. Et ob hoc fuit princeps eorum Sophach
princeps militiae Adarezer, & non aliquis de regi-
bus, ut patet in littera, & secundo Regum decimo.
Quilibet modus istorum est satis verisimilis. De pri-
mo patet, quia ponitur hic magnus exercitus nimis,
scilicet septem millia currum, & quadraginta mil-
lia peditum, qui in bello mortui sunt, & insuper fuge-
runt quinquaginta, & octo millia virorum à facie Is-
raelitarum, ut patet secundo Reg. decimo. Et tamen
non erat verisimile, quod tantum exercitum haberet so-
lus Sophach princeps militiae Adarezer de Syris, qui
erant ultra flumen, sed magis videtur, quod exercitus
quatuor regum cum illo, qui venit de ultra flumen
fecerunt istam summam. Secundo patet, quia hic, &
secundo Regum decimo, dicitur quomodo fuge-
runt Syri ista vice à facie Israel, & sequitur: Viden-
tes autem universi reges, qui erant in praesidio Ada-
rezer victos se ab Israel, expaverunt, & fugerunt. Et
sic videtur, quod illi quatuor reges, qui fuerant in
bello precedenti, fuerunt etiam nunc in isto bello,

F De secundo modo patet, quia solus rex Adarezer
misit pro istis Syris, qui erant ultra flumen ad pugnan-
dum iterum contra Israel. Si tamen omnes isti qua-
tuor reges mansissent in terra Ammon ad faciendū
iterum bellum, omnes misissent pro militibus in ter-
ram suam. De hoc secundo Reg. 10. ubi dicitur de
Adarezer, quod misit, & non de alijs. Secundo patet, quia
ille, qui adduxit istos milites de ultra flumen, fuit So-
phach princeps militiae Adarezer, si in omnes isti re-
ges misissent pro militibus, quilibet haberet unū du-
cem militiae, qui duceret exercitum de terra sua, ergo
solus Adarezer misit. Tertio patet, & efficacius, quia
dicitur, quod pugnauerunt Syri contra Israel, & occisus
est Sophach princeps militiae, ut patet hic, & 2. Reg. 10.
Et sic Sobach fuit princeps militiae in isto bello fa-
cto nunc contra David. Sed si isti supradicti quatuor
reges, qui fuerant in precedenti bello, fuissent nunc
in sequenti, non fuisset Sobach princeps militiae, sed
aliquis de regibus, saltem ipse Adarezer, cuius servus
erat Sobach, & tamen fuit Sobach princeps militiae:
ergo non fuit in isto bello Adarezer, nec aliquis de tri-
bus regibus alijs. Hoc autem videtur verisimilius, li-
cet utrumque possit sustineri, & sic dicetur, quod qua-
tuor reges, qui superiori bello victi fuerant ab Israeli-
tis, fugerunt in terram Syriæ, & tres illorum non cu-
raverunt post hoc de Ammonitis. Rex autem Ada-
rezer doluit, quod succubuisset coram Israel, & hoc
quia ipse erat potentior inter omnes istos quatuor re-
ges, & magis dolebat de confusione sua, quam quili-
bet aliorum: etiam quia Adarezer erat hostis David,
cum David deleuisset totum exercitum eius, ut patet
precedenti c. & 2. Reg. 8. Ideo desiderabat Adarezer
adhuc pugnare contra David, si posset superare exer-
citum eius, & reparare aliquid de damnis, quæ fuisse-
rat à David, & ob hoc venerunt Syri de terra sua
de ultra flumen, & ipse non iuit nunc ad istud bel-
lum, sed misit Sobach principem exercitus sui cum
omnibus Syris. Et isti venerunt in terram Ammo-
nitarum, non quidem ad urbem, in qua prius fuerat
bellum, quia illa erat Medaba, ut patet supra in littera,
sed ad urbem Helā, ut patet 2. Reg. 10. & ibi invenit
David Syros cum principe eorum Sobach. Et non
fuit ibi aliquis de quatuor regibus, qui fuerant in pre-
cedenti bello, sed viri qui fuerint ibi alij reges, qui erant
subiecti Adarezer, & princeps eorum fuit Sobach,
quamquam non esset rex, sed ille erat princeps totius
militiae Adarezer. Ad primam rationem, quæ proba-
bat alium modum, si solus Sobach cum Syris, qui
erant ultra flumen venissent, non congregatus fuisset
tantus exercitus sicut hic ponitur. Dicendum viri quod to-
tus exercitus, quem habuit Adarezer in precedenti
bello fuit hic, licet non fuerit hic Adarezer, nec ali-
quis de alijs tribus regibus: & insuper congregavit So-
bach omnem exercitum Syrorum, qui erant ultra
flumen in terra Adarezer, & venerunt multi reges,
qui erant subiecti Adarezer in isto exercitu, & ob hoc
fuit valde magnus, quamquam non essent hic illi
quatuor reges, qui fuerant precedenti bello. Ad se-
cundum cum dicitur, quod reges, qui erant in pre-
sidio Adarezer, videntes se victos fugerunt ab Israel,
& tenuerunt David, ergo in isto exercitu fuerunt re-
ges quatuor qui fuerant in priori bello. Dicendum
quod verum est, quod in isto bello fuerunt aliqui
reges, & victi sunt ab Israelitis, tamen non fue-
runt aliqui de illis quatuor regibus, qui fuerant in
precedenti bello, sed quando Adarezer fecit vo-
cari Syros, qui erant trans flumen in terra sua,
venerunt multi reges, cum illis, quia multi re-
guli subiecti erant Adarezer, & isti pugnave-
runt nunc contra David, & victi sunt, & fugeruntque

runtque coram Israel. Et patet, quod ista sit intentio Iſa, quia 2. Reg. 10. dicitur: Videntes vniuersi reges, qui erant in praesidio Adarezer victos se ab Israel expauerunt, & fugerunt. Ergo isti reges, qui nunc fugerunt, erant de seruis Adarezer, & non erant illi quatuor reges, qui fuerant in praecedenti bello, quia illi non erant serui Adarezer, eo quod de quolibet eorum dicitur quantum exercitum dederit pro bello 2. Reg. 10. Et tamen si fuissent serui Adarezer, ipse Adarezer diceretur dedisse totum illum exercitum. Item patet hoc magis, quia 2. Regum 10. dicitur: Videntes reges, qui erant in praesidio Adarezer se victos ab Israel fugerunt. Et hic in litera dicitur: Videntes autem serui Adarezer se ab Israel esse superatos transfugerunt ad Dauid. Et sic pro eodem ponitur, quod fugerint serui Adarezer, vel reges, qui erant in praesidio Adarezer. Et tamen reges, qui fuerunt in praecedenti bello, non erant serui Adarezer: ergo non erant illi, qui fuerant in hoc bello, sed alij reges, qui erant serui Adarezer.

De diuersitate, quae habetur hic, & 2. Regum capit. 10. circa multitudinem curruum occisam a Dauid.

Quest. XXVIII.

QVAERITUR vltius quomodo dicitur hic, quod Dauid occidit septem millia curruum de Syris, quia secundo Reg. 10. dicitur, quod occidit septingentos currus. Respondet Nicolaus, quod solum fuerunt septingenti currus, sicut dicitur 2. Regum decimo. Et tamen in quolibet istorum curruum erant decem viri, & sic in septingentis curribus erant septem millia virorum, sicut accipiebatur supra, quod fuerint triginta duo millia curruum in primo bello Syrorum contra Ioab, & tamen solum erant triginta duo millia virorum sicut declaratum est supra in litera, & apparet secundo Reg. decimo. Sed istud quod dicit Nicolaus, quod in quolibet curru essent decem viri non videtur verisimile, quia etiam si sint congregati viri in curru non possunt capi decem viri armati in vno curru, aut vix capi possunt, quantomagis, quia illi, qui ibant in curribus ibant ad pugnandum, & habebant se taliter vt expedire pugnarent, & vnus non impediret alium mittere lanceas, vel curuare balistas, aut facere alia, quae requiruntur ad bellum. Sed cum dato, quod in curribus possent capi decem viri, si essent currus valde magni, tamen equi non possent onerare tantum pondus, cum viri isti essent armati, & deberent habere multa iacula, & alia genera armorum in curribus ad pugnandum: non ergo videtur, quod possent esse sub quolibet curru decem viri. Dicendum ergo aliter, scilicet quod erant septem millia curruum in isto bello secundo. Et tamen solum exprimuntur septingenti secundo Regum decimo, & hic exprimuntur omnes, & hoc quia fortius septingenti erant currus electi. Alij autem erant minores valoris. Et ideo septingenti currus electi fuerunt positi sub numero secundo Regum decimo. Alij autem non. Sic autem factum est Exodi decimo quarto, quando Pharaon persecutus est Israelitas exeuntes de Aegypto: nam dicitur, quod tulit sexcentos currus electos, & quidquid in Aegyptum curruum fuit. Et sic alij currus non electi non ponuntur sub certo numero, sicut currus electi, hic tamen, quia suppleto numero, sicut minus habentur in libris Regum, ponuntur omnes currus tam electi, quam non electi. Et sic interdum ponuntur hic aliqua, quae non habentur in libris Regum, & interdum ponuntur ibi aliqua, quae non habentur hic. Sic patet in isto bello: nam ponuntur hic septem millia curruum, & ibi

Alph. Tost. in Lib. I. Paralip.

A subtrahuntur cum non ponantur nisi septingenti, & contrario subtrahuntur hic quinquaginta octo millia virorum, quae in isto bello fugerunt a facie Israelitarum, & subtrahuntur hic.

C A P. XX.



EACTVM est autem post anni circulum, eo tempore, quo solent reges ad bella procedere, congregauit Ioab exercitum, & robur militiae, & vastauit terram filiorum Ammon: perrexeruntque, & obsedit Rabba. Porro Dauid manebat in Ierusalem, quando Ioab percussit Rabba, & destruxit eam.

DEScripta in praecedentibus pugnatione lociorum Ammonitarum, s. Syrorum, hic agitur de pugnatione ipsorum Ammonitarum. Nam totum bellum, quod factum est in praecedentibus, principaliter fuit contra Syros, qui erant adiutores Ammonitarum. Nam illi bis victi fuerant ab Israelitis. Ammonites autem solum semel, vt patet praeced. cap. & 2. Reg. 10. Hic autem solum ponitur destructio Ammonitarum, quia cum iam non haberent auxiliares facilius destructi sunt. Et diuiditur in duas partes, scilicet in partem principalem, & in incidentalem. Prima est de destructione Ammonitarum. Secunda de numero bellorum Dauid, ibi. *Post hac initium est.*

De ordine ad praecedentia, & si ista immediate fuerint post illa.

Quest. I.

QVAERITUR circa primum, an ea, quae habentur hic sint continuata ad praecedentia, & an fuerint facta immediate post illa, vel interiecto aliquanto tpe. Respondendum ad primum quod hic est ordo continuus. Nam praeced. c. dictum est de principio bellorum Dauid contra Ammonitas. Hic autem dicitur de bello ultimo, in quo destructi sunt Ammonites. Iam necesse est, quod ea, quae habentur hic fuerint facta post praecedentia. Ad secundum dicendum, quod inter ea, quae habentur hic, & praeced. c. paruum tps intercedit, non vnus annus completus: nam duo bella, quae habentur praeced. c. fuerint facta vno anno. Et istud quod habetur hic fuit factum in principio sequentis anni. Quod patet, quia dicitur hic, factum est post anni circulum eo tpe, quo solent reges ad bella procedere. Et sic non transierat annus plenus. Circa primum dicitur. *Factum est autem post anni circulum.* Id est ea, quae habentur hic acciderunt post circulum anni, s. q. finito anno, in quo facta sunt praecedentia in principio anni sequentis inceperunt fieri, quae habentur hic. Annus dicitur habere circulum, eo quod annus voluit in circulo, ideo necesse est omne tempus habere circulum, potissime, quando est completum, sicut annus: nam secus est de mense, & de hebdomada, quae non causantur ex integris reuolutionibus celi. Dies autem, & annus sunt duo circuli, quia fiunt per integras reuolutiones, sed magis annus facit integram reuolutionem, quam dies, quia annus facit integram reuolutionem, secundum motum primi mobilis, qui est motus diurnus, & secundum motum celi solis, qui est motus contra firmamentum. Dies autem facit integram reuolutionem quantum ad motum primi mobilis, sed non quantum ad motum circuli solis, quia semper declinat, vel eleuat in circulo suo ad Aquilonem, & Austrum, vsque

ad finem anni cum reditur de puncto ad punctum. Et tempore, quo solent reges ad bella procedere. Scilicet in principio veris. Tunc enim solent incipi bella propter temperiem temporis ad manendum in campo, & etiam quia tunc sunt pascua sufficientia iumentis in agro. Erat enim inceptum bellum cum Ammonitis ex anno precedenti, & nunc rursus congregavit David exercitum ad finiendum illud. *Congregavit Ioab exercitum, & robur militiae.* Ioab erat princeps militiae David, & ad eum pertinebat congregare exercitum, & etiam robur militiae. Quid autem sit istud robur militiae infra dicitur in quadam quaestione. *Et vastavit terram filiorum Ammon.* Scilicet segetes, & vineas destruxit, & succidit arbores, quia istud est, quod solent facere hostes in terram hostilem, vel intelligitur, quod ambulavit Ioab per multa loca terrae Ammon, & destruxit illa, & postea veniens obsedit urbem Rabba, in qua erat rex, sed primum verius est, quia destructio aliarum urbium facta est per David, postquam cepit civitatem Rabba, sic patet infra in littera, & 2. Reg. 12. *Perrexitque, & obsedit Rabba.* Ioab voluit obsidere urbem Rabba, & ad hoc prius vastavit regionem in circuitu ad hoc, quod non haberent Ammonites unde prouiderent sibi, & sic facilius caperentur. Porro David manebat in Ierusalem, quando Ioab percussit Rabba, & destruxit eam. Significatur in hoc, quod David non iuerit ad istud bellum, sed Ioab, & ideo quando percussa est ciuitas Rabba à Ioab, manebat David in Ierusalē, sed hoc non est verum, quia David cepit urbem Rabba, & destruxit eam 2. Reg. 12. de quo declarabitur infra in quadam quaestione.

De circulatione anni quando congregatus fuit exercitus David contra regem Ammonitarum. Quæst. II.

QVAERITUR circa id, quod dicitur supra quis anni circulus fuit quando David congregavit exercitum contra Ammonitas, de quo hic dicitur. Respondendum est, quod anno precedenti David cepit pugnare contra Ammonitas, pugnavitque contra eos, & adiutores eorum Syros, fecitque duo bella, in quibus mansit toto vere, & estate. Adueniente autē hyeme, quia non erat congruum tempus bellis, & in principio sequentis anni voluit restaurare bellum, & congregavit exercitum, ideo dicitur, quod solent reges ad bella procedere, quia in principio illius temporis David congregavit exercitum, ut superesset sibi ipsi illo anno ad finiendum sibi bellum contra Ammonitas. Et est istud in principio veris. Dicitur autē post anni circulum, vocatur circulus anni principium suum, quia tunc annus redit de puncto ad punctum, & principium anni secundum Hebræos coincidit cum tempore, quo solent reges ad bella procedere. Nam istud est in principio veris. Et tunc incipit annus secundum Hebræos. Incipit enim semper annus eorum circa æquinoctium vernale paulo ante medietatem mensis Martij, vel paulo post. De quo declaratum est Exod. 12. & Leu. 23. Et tunc omnia virere incipiunt, potissime in terra Chanaan, ubi istud erat, quia illa est partim in tertio, & partim in quarto climate, ideo est calidior, quam ista regio, quæ est in quinto climate.

Considerandum etiam, quod eo tempore, quo ista fiebant per Ioab, commisit David adulterium cum Bethsabee, ut patet secundo Reg. 11. & 21. Et colligitur infra in littera, & tamen non ponitur hic illa historia, quia latè posita fuit ibidem, & ob hoc cum precedenti c. ponatur historia, quæ habetur 2. Reg. 10. Et hic deberet poni historia, quæ habetur secundo Regum duodecimo in fine capituli, de hoc tamen magis declarabitur infra in quadam quaestione.

F De causa congregationis exercitus David contra Ammonitas. Quæst. III.

QVAERITUR ulterius ad quid David congregavit nunc exercitum contra Ammonitas, & an habuerit nunc iustum bellum contra eos.

Respondendum est, quod David ceperat pugnare contra Ammonitas. Et tamē quia Syri adiuerunt eos, nondum potuerat contra eos prevalere, ita ut caperet urbes eorum, quia bella precedentia magis fuerant contra Syros, quam contra Ammonitas, & de illis occiderat David omnem illam multitudinem, quæ habetur præced. cap. Et nullos adhuc legitur occidisse de Ammonitis: ut ergo illi non manerent impuniti, quos David directius intēdebat pugnare, restauravit nunc bellum contra eos. Cum autē queritur an istud fuerit bellum iustum. Dicendum, quod quoniam quis pro ingratissimis iniurijs, vel damnis datis fouet iustum bellum contra aliquam gentem, non licet ei plura damna inferre, quam quousque subiiciat sibi gentem illam ad satisfaciendum sibi, vel ipse inferat eis tot damna, ut per hoc satisfiat sibi de iniurijs, & damnis datis, & de expensis factis in illis bellis ad obtinendum satisfactionem. Cum autem obtinuerit istud, debet cessare à bellis, alioquin bellum, quod postea sequitur, iniustum est, quod sine causa factum est, & tenetur faciens refarcire omnia damna, quæ intulerit. David autem habebat iustam causam pugnandi contra Ammonitas pro iniuria inflata servis suis precedenti cap. Et quousque satisficeret sibi pro illa offensa foueret iustum bellum. Si autem David in priori bello habuisset satisfactionem de Ammonitis, non posset licite mouere aliud bellum contra eos. Si tamen nullam, vel non plenam satisfactionem obtinuisset, licebat ei mouere contra illos unum, vel multa bella, quousque satisfactionem plenam consequeretur, sed in priori bello nullam satisfactionem David consecutus fuerat de Ammonitis, sed solum de Syris, ideo licebat ei adhuc mouere bellum contra Ammonitas. Paret hoc, quia Ammonites offenderant David irrogando iniuriam servis suis. Syri autē offenderant eum adiuvando Ammonitas hostes suos, ideo de viroque satisfactio capienda erat. De Syris verò ceperat David aliqualem satisfactionem, quia in duobus bellis deleuerat magnam multitudinem eorum: nam in primo bello multi eorum ceciderunt, quamquam non ponatur numerus ipsorum. In secundo autē penerunt septē millia curruum, & 40. millia peditum, & fugerunt quinquaginta & octo milia virorum, ut patet præced. cap. & 2. Reg. 10. De Ammonitis autem nullam satisfactionem habuerat, quia nullos adhuc occidisse legitur, ideo restabat ei tempus per iustum bellum contra illos, quousque deleteret eos, vel integre sibi satisfacerent de iniuria inflata servis suis, & de damnis, & expensis factis in omnibus istis bellis, quia ipsi fuerunt occasio illorum.

De robore militiae, quid erat.

Quæst. IIII.

QVAERITUR ulterius quid est, quod vocatur hic robur militiae. Respondendum est, quod istud erat aliquid magnum. Nam sepe fit mentio de illo, sic patet tertio Regum primo. Cum dicitur: Celerthi, & Phelerthi, & robur exercitus David non erat cum Adonia. Dicendum ergo est vno modo, quod robur exercitus vocatur multitudo militum, propter quod exercitus dicitur esse fortis, & sic quoniam aliquis populus crevit ad magnam multitudinem, dicitur roborari. Et sic patet Exod. primo, cum dicitur: Filij Israel creuerunt, & quasi germinantes multiplicati sunt, ac roborati nimis, impleuerunt terram. Alio modo potest vocari robur

robur exercitus aliqua pars exercitus fortior, quamq̃ sit minor, & istud v̄r verisimilius. Et tunc putant aliqui legiones Celethi, & Phelethi erant robur exercitus David, eo q̃ isti erant fortissimi milites, & erant custodes corporis David, vt ait Iosephus 7. Antiquit. Sed istud non stat, quia Celethi, & Phelethi, & robur exercitus David differunt, vt patet 3. Reg. primo, cū dicitur: Sadoc vero, & Banaias, & Nathan Propheta, & Celethi, & Phelethi, & robur exercitus David non erat cum Adonia. V. detur ergo dicendum, q̃ robur exercitus David erant viri fortes eius, qui separati erāt à reliquo exercitu; habebat enim David duos ternarios virorum fortissimorum, quorum aliqui interdū pugnauerunt soli contra vnum exercitum. Et præter istos habebat triginta alios viros fortes minus, q̃ primos, & tamen erant fortiores reliquis de exercitu, de quibus secundo Regum 23. & supra vndecimo. Isti conuenienter vocabantur robur exercitus David, eo q̃ isti soli triginta sex viri valebant forte plusquā totus reliquus exercitus David.

De ciuitate Rabba, quam obsedit Ioab.

Quest. V.

QVAERITVR vterius, quæ erat ciuitas ista Rabba, de qua hic dicitur, & quare potius obsedit eam Ioab, quam aliquam aliam. Respondendum est, quod ista erat ciuitas, in qua tunc erat rex Ammon. Pro quo sciēdum, q̃ qñ in prima vice iuit ad pugnandum contra Ammonitas, iuit ad urbem Medaba, quia rex Ammon erat tunc in ea, & Syri adiutores Ammonitarum posuerant castra sua circa eam, & ēt omnes Ammonitæ conuenerant ad illam ad defendendum ibi regem, vt patet præced. c. Postea autem recessit rex Ammon de illa vrbe, & venit in illam urbem Rabba, ideo quādo Ioab iuit in ista secunda vice ad pugnandum p̃ eum, obsedit urbē Rabba. Est autem Rabba quedam ciuitas magna, & famosior in tota terra Ammonitarum. Ideo vocatur ciuitas regia quasi ipsa sit sedes regni, vt patet 2. Reg. 12. In ista ciuitate erat lectus ferreus regis Og. Erat. n. super magnitudinem aliorum, & habebat quendam lectum ferreum qui mansit in vrbe Rabba filiorum Ammon ad demonstrandum magnitudinem suam, vt patet Deut. 3. scilicet: Solus quippe Og rex Basan restiterat de stirpe gigantum, monstratur lectus eius ferreus, qui est in Rabba filiorum Ammon nouem cubitos hñs longitudinis, & quatuor latitudinis ad mensuram cubiti virilis. Ista etiam ciuitas erat posita inter duo flumina circundantia muros. Ideo vocabatur ciuitas aquarum, sic patet secundo Regum 12. scilicet: Capienda est ciuitas aquarum, scilicet Rabba, vt patet ibidem.

An David peruenisset Rabba, vel Ioab.

Quest. VI.

QVAERITVR vterius quō dicitur hic, q̃ David manebat in Ierusalem, qñ Ioab percussit Rabba, & destruxit eam, quia non v̄r, q̃ mansit ibi, sed ipse iuit ad bellum, & destruxit urbem, vt patet 2. Reg. 12. Respondendum, quod habebat duobus bellis contra Syros, de quibus præcedenti c. voluit David, quod pugnaretur contra Ammonitas, & ad hoc congregauit exercitum in principio anni, & misit Ioab cum eo. Ipse autem non intendebat ire ad bellum, sed mansit in Ierusalem. Ioab autem pugnauit magno tempore contra Rabba, & dū hæc agerentur David manebat in Ierusalem. & accidit tunc peccatum eius cum Bethsabee. Nam quadā

Alph. Tost. in Lib. I. Paralip.

A die cum esset in palatio suo vidit eam lauātem se in solario domus sue. Et concupiuit, & duci fecit, & etiā tunc accidit mors Vrie, quia David misit ad Ioab, vt poneret eum contra Ammonitas in loco periculoso. De isto peccato David, & de penitentia eius pro eo habetur latē 2. Reg. 11. & 12. Et ideo scriptura nihil hic replicuit. Quod autem isto tēpore acciderit peccatum hoc, patet quia 2. Reg. 11. ponitur id, quod hic, scilicet: Factum est post anni circulum, eo tempore, quo solent reges ad bella procedere. Et sequitur ibi de congregatione exercitus, & quomodo Ioab iuerit in terram Ammon, & tunc dicitur: David autē mansit in Ierusalem dum hæc agerentur, accidit vt surgeret David de strato suo post meridiem, viditque mulierem, se lauātem ex aduerso, & inde sequitur tota historia de adulterio David, & Bethsabee. Scriptura autem tetigit hic principium historie, & reliqua omisit, vt intelligatur, quod historia sit historia, quæ iam enarrata fuit 2. Reg. 11.

Quare David potius iuit ad bellum contra Syros, quam contra Ammonitas.

Quest. VII.

QVAERITVR vterius quare David non iuit nūc ad istud bellum cum iuerit ad bellum præcedens contra Syros adiutores Ammonitarum. Respondendum, q̃ David habebat Ioab principem militiæ, qui erat animosus, & prudens valde circa bella, & cum ipse duceret exercitum, non erat opus, q̃ David irer ad bellum, nisi interdum propter aliquā causam spālem. Ideo in principio bellorum contra Ammonitas, David non iuit illuc, sed misit Ioab cū exercitu, vt patet præced. capit. & 2. Reg. 10. Postea autem in secundo bello, videns David, q̃ congregatus erat maior exercitus Syrorum, q̃ prius, & q̃ bellum difficilius pararetur, congregauit et ipse maiore exercitū de toto Israel, & iuit ad pugnandum p̃ illos præced. c. Nunc aut iam Syri erant subiecti David, quia illi, qui erant serui Adarezer, & adiuuabant eum, videntes se victos esse à David bis, & iam non posse resistere ei, fecerunt pacem cum eo, & seruierunt sibi in tributis, & desierunt auxilium præstare Ammonitis præced. c. & 2. Reg. 10. Hoc vidēs David, & sciens, q̃ nullos defensores habebant Ammonitæ, credidit, q̃ faciliter poterant expugnari, ideo misit illuc solum Ioab cum exercitu, & ipse mansit in Ierusalem. Pugnavit autē Ioab magno tempore contra Rabba urbem filiorum Ammon quousq; iam erat in promptu, vt caperet. Et quia ex hoc magna gl̃ia acquireret Ioab, nolens ipse, q̃ ista gloria ascriberetur nomini suo, sed David, misit ad vocandum eum, dicens: Capienda est vrbs aquarum. Nunc ergo congrega reliq̃ partem populi, & obside ciuitatem, & cape eam, ne cum à me fuerit vastata, nomini meo ascribatur victoria. Tunc David congregato exercitu iuit, & cepit urbem vastauitque eam, vt patet 2. Reg. 12. & si qñ dicitur hic: Porro David manebat in Ierusalem, quando Ioab percussit Rabba, & destruxit eam. Non est sic punctuanda litera, vt tota vadat sub vno contextu. Sed sicut duæ sententiæ sic, s. porro David manebat in Ierusalem, quando Ioab percussit Rabba, idest quando pugnauit contra eam cogens eam ad deditionem: nā in continuis bellis multos Ammonitas occidebat, & sequitur alia clausula, scilicet & destruxit eam, non quidem Ioab, sed David, quia subintelligenda est in medio historia illa, quæ habetur 2. Reg. 12. vel potest aliter intelligi, q̃ David manebat in Ierusalem dum Ioab percussit Rabba, s. occidendo multos de illis in bello, & destruxit eam, idest incepit destruere: nam iam in promptu erat, q̃ destrueretur, quando Ioab misit ad vocandum

Ff 3

David:

David: nam dixit ei: Capienda est vrbs aquarum. i. in promptum est, q̄ capiat, vel pōt intelligi, q̄ Ioab percussit eam, & destruxit attēdendo causalitatem, quia s̄m veritatem Ioab fecerat omnia, quę sufficiebāt ad destruendum ciuitatem Rabba, & potuisset eā iā capere, si voluisset, & it̄ ut nō ascriberetur gloria nomini suo, sed potius David, misit ad vocandum David, ideo David cepit vr̄bem magis in voce q̄ in re, sed realiter, & s̄m causam Ioab cepit illam, & destruxit. Et hoc considerauit hic El̄dras dicens, q̄ Ioab percussit vr̄bem, & destruxit dum maneret David in Ierusalē, quia dum ipse maneret ibi, Ioab pręstitit causam ad omnia hęc, & potuisset eam destruere dum manebat ibi David. Et iste forte est conuenientior sensus, quam pręcedentes.

Tulit autem David coronam Melchon de capite eius, & inuenit in ea auri pondo talentum, & preciosissimas gemmas, fecitq; sibi inde diadema, manubias quoque vr̄bis plurimas tulit. Populum autem, qui erat in ea, eduxit, & fecit super eos tribulas, & trahas, & ferrata carpenta transire, ita ut dissecarentur, & contererentur. Sic fecit David cunctis vr̄bibus filiorum Ammon, & reuersus est cum omni populo suo in Ierusalem.

Tulit autem David coronam Melchon de capite eius. Melchon erat idolum Ammonitarum, & colebatur in vr̄be Rabath, & propter magnum honorem positum fuit super caput eius diadema regale, & illud abstulit David pro se. de isto Melchon quid sit, magis infra dicitur in quadam quęstione.

Et inuenit in eo auri pondo talentum. Erat enim ista corona auri ponderis, & valoris. Nam habebat vnum talentum de auro. Est enim talentum magnum pondus: nam de vno talento auri factum fuit candelabrum Sanctuarii, quod fecit Moyses cum omnibus vasis suis. Et tamen candelabrum erat aliquid magnum, ut patet intuenti figuram eius, & multitudinem partium suarum, sicut habetur Exod, vigesimo quinto. Et sic ista corona erat valde magna, & tamen facta est tanti ponderis propter honorem illius idoli, vel si facta est pro rege, fuit magis ad honorem, & ad admirationem, quā ut rex vteretur ea.

Et preciosissimas gemmas. Idest etiam in illa corona erant lapides preciosi multorum generum. Et illi erant forte maioris valoris, quā aurum.

Fecitque sibi inde diadema. Idest noluit David tenere illam coronam in tali figura, vel cum tanto pondere, ideo resoluit eam, & fecit sibi inde diadema regale.

Manubias quoque vr̄bis plurimas attulit. Idest etiam cepit multa alia spolia de vr̄be, & tamen nominatur specialiter illa corona Melchon, quia forte fuit maioris valoris, quā reliqua spolia, & vocantur spolia manubię, quia manibus accipiuntur. Dicuntur enim manubię a manu, & brios, quod est mensura. Et ideo aliquando manubię accipiuntur pro quibusdam ornamentis brachiorum, quę facta sunt ad mensuram ipsorum. Hic autem pro ipolijs accipiuntur, quia manibus tenentur.

Populum autem, qui erat in ea, eduxit. Postquam posita est captio vr̄bis, ponitur pēna inflicta habitatoribus vr̄bis, quę fuit satis grauis, & ad infligendam illam

eduxit populum de vr̄be. Et fecit super eos tribulas, & trahas, & ferrata carpenta transire. Acerrime occidit illos. Extrudebat enim eos in terra, & faciebat super eos transire tribulas, trahas, & carpenta ferrata, ut sic lacerarentur carnes eorum. Tribula vocatur instrumentum rusticum ad terendum fruges in area, & est factum de tabulis, sed in parte inferiori habet lapides acutissimos ad comminuendum paleas. Et vocatur tribula a terendo, quia omnia conterit. Nam officium suum est tritutare, idest multum terere. Et vocantur aliquando istę tribulę plaustra, sicut dicitur Amos primo, scilicet: Quia triturauerunt in plaustris ferreis Galaad. Traha genus est cruciatius. Et sunt instrumenta quędam ferrea facta ad lacerandum, & rumpendum, & dicuntur trahę a traho trahis, quia extendunt, vel rumpunt trahendo. Carpenta ferrata sunt quadrigę habentes rotas ferratas, & istas faciebat transire David super Ammonitas, ut lacerarentur carnes eorum, vel potest accipi carpentum pro aliquo genere cruciatius. Et dicitur carpentum a carpo, quia carpit, idest rumpit, vel scindit.

Ita ut dissecarentur, & contererentur. Scilicet ista genera cruciatuum lacerabant, & comminuebant carnes Ammonitarum. Nam dissecare est lacerare quasi in diuersa secare, & ista instrumenta faciebant ista duo. Nam cum essent ferrea, & acuta, & haberent aliquid curuitatis, carpebant, idest lacerabant carnes. Cum autem essent magni ponderis sicut sunt carpenta ferrata, comminuebant carnes, & ossa eorum, sed secundo Regum duodecimo, ponuntur alia genera tormentorum, quia dicitur: Populum eius adducens ferrauit, & circumegit super eos ferrata carpenta, & aliusque cultris, & transduxit in typo laterum. Et alia illorum concordant cum istis, & aliqua non. Et ideo credendum est, quod tam ista genera tormentorum, scilicet quę exprimuntur hic, quā illa, quę exprimuntur ibi fuerunt super Ammonitas inducta, & tamen hic supplentur illa, quę omissa fuerunt ibi. Cum autem dicitur, quod ferrauit eos, potest intelligi per hoc, quod dicitur hic, quod fecit transire super eos trahas, quia ferra est traha, quia trahit, & trahendo scindit, vel dicitur traha, quia trahit, idest rumpit, vel lacerat. Cum autem dicitur, & circumegit super eos ferrata carpenta, coincidit cum eo quod dicitur hic, scilicet fecit transire super eos ferrata carpenta. Cum autem dicitur, diuisitque cultris, non habet hic aliquid simile, quia non potest intelligi per tribulas, cum tribula, & gladius nimis differant, & tamen iam non manet aliquid aliud per quod intelligatur, cum dicitur. Et transduxit in typo laterum, aliqui intelligunt, quod posuit eos in fornace in qua coquebantur lateres, sed non consonat litera huic sensui. Nam typus non potest significare fornacem. Et etiam quia dicit, & transduxit eos in typo. Et tamen si intelligeretur de clibano non diceretur, & transduxit, sed diceretur, & posuit eos in typo laterum. Intelligendum est ergo, quod David fecit, quod traherentur Ammonites super multitudinem laterum ad rumpendum carnes eorum. Et lateres sunt durissimi, & asperi propter magnam decoctionem, ideo quando sunt prominentes, & trahitur quis super illos, magis rumpuntur carnes eius, quā si trahatur super lapides. Aliquis dicit, quod ista genera tormentorum, quę habentur hic, & secundo Regum duodecimo, sunt penitus eadem, & tamen nos nescimus ea concordare, sed ponuntur per diuersa nomina hic, & ibi. Dicitur, quod falsum est, quia necesse est in aliquo differre. Nam hic ponuntur solum tria genera cruciatuum, & ibi ponuntur quatuor, quia hic dicitur, quod fecit transire super eos tribu-

los, & trahas, & ferrata carpentaria. Ibi autem dicitur, quod ferrauit eos & circumegit super illos ferrata carpentaria, diuisitque cultris, & transduxit in typolaterum. Ideo necesse est saltem, quod vnum illorum, quæ ponuntur ibi, omnino differat ab his, quæ ponuntur hic. Et sic credendum est de omnibus alijs, nisi de carpentis ferratis, quæ coincidunt hic, & ibi. *Sic fecit David cunctis vrbus filiorum Ammon.* Idest ista genera tormentorum exercuit David prius in Rabba, vbi erat nunc rex Ammon. Deinde cepit reliquas vrbes Ammonitarum, & in omnib⁹ illis exercuit ista tormenta.

Et reuersus est cum omni populo suo in Ierusalem. Et reuersus est cum omni populo suo, ad significandum, quod in isto bello David contra Ammonitas nullus de seruis David perierit, eo quod iam vrbs erat in promptu, vt caperetur, quando David vocatus à Ioab iuit ad capiendum illam.

Quis nam erat iste Melchon.

Quest. VIII.

QUÆRITVR circa prædicta, quis fuerit iste Melchon, de quo dic dicitur, quod David accepit coronam de capite eius? Respondendum est, quod in hoc est dubium propter equiuocationem nominis hebraici. Nam in Hebræo ponitur hic Melchon, siue Melchā, & significat duo. Nam pōt esse nomen idoli, & est proprium, vel potest significare regem. Nam Melech in Hebræo significat regem, & Melchon, siue Melcham interpretatur rex eorum. Et sic pōt intelligi, quod David accepit coronam Melchon, i. illius idoli, vel coronam Melchol, i. regis eorum, s. quod quando cepit vrbes, cepit et coronam de capite regis ipsorum, & in hoc varauerunt scriptores. Nam Iosephus 7. Antiq. dicit fuisse coronam regis inquitens: Ipse verò tulit coronam regis Ammonitarum habentem pondus auri talentum, & lapides preciosos, & in medio sui sardonice, quod David gestabat in capite. Alij autem scriptores dicunt fuisse coronam idoli. Sic ait historia Scho. s. tulit diademam de capite Melchon, qui sonat rex eorum, & erat idolum Ammonitarum, & erant in diademate eius gemme precliosæ, quod conflauit David, & conueniens sardonice. Propter hoc et ipsemet Hier. coad. ista historia, dixit: Et tulit diadema Melchon regis eorum de capite eius, & Hieron. addit illud: nam in Hebræo solum dicitur ibi, & tulit diadema Melchon. Et ad declarationem istud. s. regis eorum. Hic autem voluit intelligere Hier. quod Melchon esset nomen idoli, ideo tulit solum, quod habebatur in Hebræo, s. tulit David coronam Melchon de capite eius. Dicendum autem, quod quamquam possit teneri vtrunque sine contradictione, tamen magis vtriusque consonare literæ, & veritati, quod Melchon nomen idoli, quod significet regem eorum. Primo patet, quia dicitur tulit diadema Melchon de capite eius. Ex quo apparet, quod quando David cepit istam coronam erat tunc in capite Melchon: Et tamen non potest intelligi de rege, quia quando ciuitas caperetur, & essent Ammonitæ in tanto periculo mortis, non est verisimile, quod rex esset in apparatu, ita ut haberet coronam tanti precij in capite, sed magis fugeretur Melchon idolum. Et erat ista corona in capite eius posita ad magnum honorem suum. Et reperit illam ibi David, & accepit de capite eius. Secundo patet, quia dicitur, quod habebat talentum auri, & gemmas preciosas. Et tamen nullus rex teneret in capite coronam tanti ponderis, sic esset in capite idoli, in quo poterat

Alph. Tost. in Lib. I. Paralip.

A esse maius pondus. Et patet hoc, quia talentum erat magnum pondus, quia de vno talento factum est totum candelabrum Sanctuarij cum vasis suis, & tamen habebat multas partes, & multa vasa in quibus infunderetur oleum, & sphenulas, & calamos, & lilia, vt patet Exod. 15. Aliquis autem dicit, quod ex hoc non apparet, quia licet apud Hebræos talentum esset magni ponderis, tamen apud alias gentes fortè erat minoris ponderis, sicut nunc accidit mensuras, & pondera variari secundum diuersitatem regionum. Dicendum, quod hoc non stat, quia iste liber scribebatur in Hebræo, & à viro Hebræo, & ad notificandum historiā istam Hebræis. Ideo ponerent talentum tale, quale erat apud Hebræos, & non quale apud alias gentes. si aliqua differentia erat. Item si non accepisset hic scriptura talentum sicut accipiebatur inter Hebræos, nominasset regionem illam secundum cuius consuetudinem accipiebat talentum, & tamen non nominauit aliquid. Ideo intellexit de talento quod erat apud Hebræos, quia aliquando esset hic magna confusio, & nesciretur quanti ponderis erat talentum, & nihil notificaretur per hoc potius, quam si non poneretur talentum, vel aliud nomen ponderis. Erat ergo talentum istud, quod accipiebatur apud Hebræos, & sic esset corona illa magni ponderis, & non esset apta, vt teneretur in capite Regis. Tertio patet, quia si accipitur Melchon pro rege, litera nostra secundo Reg. 12. non poterit stare, quia dicitur ibi, & tulit diadema Melchon regis eorum de capite eius. Manifestum est tamen, quod rex Ammonitarum, qui nunc erat non vocabatur Melchon, sed Anon; vt patet præcedenti cap. & secundo Reg. 10. Ipse enim intulit iniuriā seruis David, & propter eum facta sunt ista bella. Cū autem obijcitur, quod Hieronymus voluerit 2. Reg. 12. quod ista corona esset regis, dicens: Tulit diadema Melchon regis eorum, potest multipliciter intelligi. Vno modo, quod non ponatur hic regis eorum ad significandum, quod Melchon erat rex, sed ad declarandam interpretationem, scilicet Melchon regis eorum, i. quod Melchon interpretetur rex eorum. Secundo modo potest dici, quod dicitur rex eorum, idest quod ista corona erat regis Ammonitarum, quia licet nunc esset in capite idoli Melchō, rex Ammonitarum dederat eam illi. Tertio modo potest intelligi, quod ista corona erat regis ipsorum, scilicet quod illud idolum vocabatur rex Ammonitarum, eo quod Ammonitæ habebant eum pro maximo Deorum.

De idolo Melchon.

Quest. IX.

QUÆRITVR vltius de isto idolo Melchon quid erat. Respondendum est, quod Ammonitæ, & Moabitæ habebant multos Deos, & tamen inter eos habebant precipuum: nam Moabitæ habebant Chamos in Deum, vt patet Num. & Iud. 11. Ammonitæ autem habebant Melchon, & iste Melchon putabatur Deus magnæ virtutis apud Ammonitas, & ob hoc in honorem magnum eius posita fuit ei corona de auro habens talentum auri, & gemmas preciosas, vt patet in litera. Et istud idolum vocatur aliquando Melchon, & aliquando Moloch. Quod vocatur Melchon patet hic, & 2. Reg. 11. & 4. Reg. 23. Quod autem vocetur Moloch, patet 3. Reg. 11. Cum dicitur: Et Moloch idolum Ammonitarum. Quod autem idem sit Melchon, & Moloch, patet quia 3. Reg. 11. dicitur, quod Salomon fecit templum Moloch idolo filiorum Ammon in monte, qui est Jerusalem, & 4. Reg. 23. dicitur, quod destruxit Iosias templum, quod fecerat Salomō Deo Ammonitarum. Idola tamen interdum habent multa nomina sicut viri.

Sciendum autem, quod Salomon accepit mulieres multas de varijs regionibus, & quia accepit filiam regis Ammonitarum in uxorem inter alias, & inductus est per eam ad sacrificandum Melchon Deo Ammonitarum, & etiam fabricavit ei templum in monte Oliveti, qui est in Ierusalem 3. Reg. 11. Et istud templum postea destructum est à Iosia cum alijs templis idolorum, quæ fabricaverat Salomon 4. Reg. 23. Et habebat iste Moloch Deus in magna reputatione non solum apud Ammonitas sed etiam apud alias gentes, & etiam apud Iudeos, Nam offerebant sibi multi filios suos per ignem, scilicet, quod cremabantur in manibus idoli Moloch. Et per hoc dicebant sacerdotes Moloch tales pueros translatos esse ad Deos super æthera, & quod Deus Moloch beneficeret nimis patribus eorum prosperando eos in omnibus, quia obtulerunt sibi filios suos. De ceremonijs autem istius oblationis declaratum est Levit. 18. & 19. & quarto Regum 13. Huic idolo consuetudo erat inter Hebræos, quod multi offerrent filios suos, & erat apud Ierusalem quedam vallis, in qua fiebat ista consecratio, & oblatio, mansitque tempore omnium regum Iuda usque ad Iosiam qui destruxit templum, & vetuit fieri tales oblationes quarto Reg. vigesimo tertio, scilicet, Contaminavit quoque Thophet, quod est in valle filij Ennon, ut nemo consecraret filium suum aut filiam per ignem Moloch. Deus est venerator nimis istam crudelem oblationem: Lev. 18. & 20. scilicet: Si quis dederit de semine suo idolo Moloch, morte moriatur, populus terræ lapidabit illum. Et tamen hoc non obstante credebant Israelitæ se prosperari, si offerrent filios suos Moloch, & si colerent alia idola potius, quam Deum, ut patet Ier. 44. Ideo semper offerebant ei filios suos usque ad tempora Iosie regis, qui omnem idolatriam abstulit de terra 4. Reg. 23.

De impositione coronæ Melchon in capite David an peccaverit, Quest. X.

QUÆRITUR ulterius, an peccavit David accipiendo coronam Melchon, & imponendo sibi. Aliquis dicet, quod sic, quia tenebatur eam cremare, & redigere in pulverem ne veniret in usus humanos, ut patet Deut. 7. scilicet, Sculptilia eorum igne combures, non concupisces aurum, & aurum, de quibus facta sunt, nec assumes ex eis tibi quicquam. Et tamen David accipiebat coronam, ergo peccabat. Aliquis respondebit, quod David non poterat accipere coronam illam, ut vteretur ea in figura illa, in qua erat. Et tamen si conflaret aurum illud, poterat sibi licite facere inde coronam, & sic fecit. Nam dicitur hic in litera, quod de corona Melchon fecit sibi diadema David, & istud erat per conflationem auri. Sed dicendum, quod hoc non stat, quia hoc modo fieret fraus legi, & liceret Israelitis accipere aurum, & argentum de quibus facta erant idola aduersus Syros. Et tamen scriptura vetuit hoc dicens Deut. 7. Sculptilia eorum igne combures, nec concupisces aurum, & argentum, de quibus facta sunt. Qui tamen conflaret aurum, & argentum, de quibus erant idola ad usus suos, concupisceret aurum, & acciperet illud pro se: ideo non licebat illud conflare & accipere, nec etiam sine conflatione: ideo ista conflatio nihil profecit David ad excusandum eum. Aliter respondet Nicolaus, scilicet quod illa lex de cremando Sculptilia, & non accipiendo aurum, & argentum de quibus erant, solum intelligitur de idolis terræ Chanaan, & non de alijs gentibus, & tamen Melchon erat idolum Ammonitarum, & in terra ipsorum. Ipsi vero non erant Chananæi. Ideo poterat David licite accipere coronam Melchon, & etiam aurum, & argentum, de quibus essent

facta idola. Respondendum est, quod verum est, quod Deuteronomij septimo, ubi ponitur ista regula, scriptura loquebatur de Chananæis, & tamen non debet intelligi, quod dicitur de idolis, solum de idolis terræ Chanaan. Ratio huius est, quia licet aliquæ communicationes vetarentur Hebræis cum Chananæis, quæ non vetantur cum alijs gentibus sicut contrahere matrimonia, & facere pacem, ut patet Exod. 24. Et Deuteronomij septimo. Tamen id, quod pertinet ad cultum idolorum, commune erat quantum ad idola Chananæorum, & aliarum gentium, quia non magis Deus vetabat Israelitis colere idola Chananæorum, quam aliarum gentium. Et tamen, quod non acciperent Israelitæ idola pro seipsis, sed cremarent illa, & quod non concupiscerent argentum, & aurum, de quibus erant facta, erat ut per hoc non inducerentur ad colendum idola, & tamen ita inducerentur accipiendo idola aliarum gentium sicut Chananæorum, vel accipiendo aurum, & argentum, de quibus facta erant, sicut patet de rege Amasia, qui pugnavit contra Idumæos, qui non sunt Chananæi, & accepit Deos eorum in bello. Retinuitque illos sibi, quia pulchri erant, & inductus fuit ad colendum, coluitque illos, ut patet sequenti libro capit. 25. Ideo non magis observanda erat illa regula in dijs Chananæorum, quam in dijs aliarum gentium. Secundo patet hoc, quia David qui erat vir valde deicola observavit illam legem in dijs omnium gentium: Ideo non solum intelligebatur de dijs Chananæorum, sed etiam aliarum gentium. Responderi potest ergo dupliciter. Vno modo, quod illa lex solum habet locum in auro, & argento, de quibus facta erant idola, cum dicatur ibi non concupisces aurum, & argentum, de quibus facta sunt, & etiam habebit locum in vasis ministracionis illorum, quia per vasa inducuntur homines ad ceremonias idolorum. Et tamen si aliqua ornamenta, quæ erant aliorum virorum, vel mulierum, essent eis circumposita liceret Israelitis accipere illa. Et hoc patet ex duobus. Primo ex ipsa lege, quia dicitur non concupisces aurum, & argentum de quibus facta sunt, & non dixit de auro & argento, quod esset eis circumpositum per modum ornamenti. Secundo patet ex ratione motiva legis, quia propter hoc lex data est, scilicet ne cum Israelitæ acciperent ista moverentur ad colendum idola, & tamen non moverentur ad colendum ea nisi habendo statuas ipsorum, vel figuras, vel vasa, vel cultus ipsorum, quia per hæc desideraret scire, quomodo ministrabat idolis in illis vasis. Ornamenta autem, quæ alias pertinebant ad viros, vel mulieres, non poterant mouere ad idolatriam, ideo non vetarentur Israelitæ accipere illa. Secundo modo potest responderi, scilicet quod ista corona non erat idoli, quia non fuerat facta pro Melchon, ita ut esset ornamentum eius, quod sibi semper manere deberet, sed erat corona regis Ammonitarum. Et ipse propter honorem posuerat eam super caput Melchon: licebat ergo David accipere illam.

De controuersia, quæ habetur in quibusdam verbis hic, & secundo Reg. cap. 12. circa coronam Melchon. Quest. X.

QUÆRITUR ulterius circa istam coronam Melchon, quomodo potest stare id, quod hic dicitur, 2. Reg. 12. quia viri repugnare: nam ibi dicitur quod David tulit diadema Melchon de capite eius, & impositum est super caput David. Hic autem dicitur, quod de illa corona Melchon fecit David sibi diadema, & sic ibi innuitur, quod diadema illud quale habebat Melchon, impositum sibi David. Hic

Hic autem significatur, quod David resoluit illud, & non posuit super caput suum, sed de illo factum est aliquod diadema pro David. Responderi potest dupliciter.

Vno modo, quod quando David accepit diadema de capite Melchon, imposuit illud super caput suum ad videndum qualiter sibi coaptaretur, & tamen videns, quod erat magni ponderis, vel quod non decebat illud gestare in tali figura, fecit aurum illius resolui in conflatorio, & fecit sibi diadema alterius figuræ, & minoris quantitatis de illo. Primum istorum significatur 2. Regum 12. scilicet impositio coronæ Melchon in illa forma, in qua erat super caput David. Secundum significatur hic, scilicet fabricatio alterius coronæ pro David de illa corona, quam habebat Melchon.

Secundo modo potest dici, quod David accepit diadema Melchon, & nihil fecit in eo, sed non supposuit capiti suo in illa forma, in qua erat, sed redegit in massam, & fabricauit inde aliam coronam, & hoc significatur tam hic, quam 2. Reg. 12. Hic tamen significatur clare, ibi autem dicitur, quod diadema illud impositum est super caput David, scilicet non in figura illa in qua erat, sed in alia redigendo illud prius in massam.

De modo captionis urbis Rabba.
Quest. XI.

QUÆRITUR vltterius quis modus fuit captionis urbis Rabba, in qua erat rex Ammon.

Respondendum, quod David misit illuc Ioab principem militiæ sue, ille autem considerans qualiter cito capi posset ciuitas, procurauit, ut Ammonitæ non possent ducere necessaria de aliquo loco, & ad hoc vastauit totam regionem in circuitu, scilicet delendo tractus na scientia. Et post hoc obsedit ciuitatem tanquam illo expleto in breui ciuitas traderetur, hoc significatur super in littera, cum dicitur: Congregauit Ioab exercitum, & vastauit terram filiorum Ammon. Perrexitque & obsedit ciuitatem Rabba. Erat autem magna angustia ciborum, & aquarum in ciuitate. Nam licet mulieresque essent in circuitu non permittebat eis Ioab bibere de illis, ideo ex modico puteo omnes bibebant. Sic ait Iosephus 7. Antiquitatum, scilicet Porro Ioab Ammonitas obfessione fortiter affligebat, aquam auferebat eis, & rerum ceterarum vbertatem, multumque coquebat eos cibi, & potus inopia laborare. Ex modico namque puteo bibebant aquam omnes. Et licet esset eis totius auxilium, ne tamen deficeret non eo largus utebantur. In hac autem angustia fuerunt Ammonitæ longo tempore, & interim facta sunt multa bella inter eos, & Ioab. Et tunc occubuit Urias percussus cum Ammonitis essent diu afflicti, nec iam tolerabile esset malum, sed oportebat eos se tradere: sciens hoc Ioab scripsit ad David, ut veniret, & caperet urbem, quia in breui erat, ut caperetur, ne si ipse caperet eam nomini suo ascriberetur victoria. Venit autem David cum multis viis variis tormentis, deinde discurrans per totam terram Ammonitarum cepit vrbes, & similiter habitatores earum puniuit. An vero David occiderit Anon regem Ammonitarum, non apparet. Satis tamen videtur dicendum, quod sic, quia cum ipse occideret Anon Ammonitas pro iniuria inflata seruis suis, a fortiori occidere deberet regem, qui fuerat tota causa mali. Anon regem tunc, & tradidit regnum Ammonitarum post illud, cum David fugeretur a facie filii sui Abia. Ioab iste Sobi Ammonites filius Naas regis de urbe

A Rabba obtulit munera multa David, ut patet secundo Regum decimosextimo.

De crudelitate, quam fecit David contra Ammonitas, an peccauerit.
Quest. XII.

QUÆRITUR vltterius, an peccauit David faciendo tantam crudelitatem contra Ammonitas, scilicet faciendo super eos transire carpenta ferrata, & tribulos, & trahas, & diuidendo eos cultris, & ducendo in typo laterum, ut patet hic, & 2. Reg. 12.

B Aliquis dicet, quod peccauit, quia satis erat sibi, quod occideret illos, & prædaretur terram eorum. Respondendum est, quod David non peccauit faciendo hoc. Nam non redarguitur de isto bello, vel seueritate, quia non ponitur inter peccata sua. 3. Reg. 15. Et dicunt quidam, quod licuit sibi facere hoc ad exemplum aliorum, ne alii reges, vel gentes vicine auderent postea similia facere contra David.

Dicendum tamen est, quod verum est, quod causa motiua David ad tantam seueritatem exercendam fuit, ut aliis esset in exemplum. Si cut declaratum est 2. Reg. 12. Et tamen causa excusatiua eius non fuit illud. Nam si Ammonitæ non merebantur tales cruciatu, non licebat David ad relinquendum istud exemplum inferre eis tanta mala, quia hoc modo pro minimo peccato liceret infligi maximam penam, ut si iudex vellet aliquem semel mentientem atrocissima morte occidere, ut daretur exemplum aliis non mentienti. Manifestum est enim quia istud esset iniustum valde, quia non daretur tunc maior pena pro minimo delicto quam pro maximo.

C Ideo dicendum, quod quando tales seueritates exercuntur super aliquos, ut maneant in exemplum aliorum, ad hoc, quod iuste infligantur, oportet quod qui patiuntur eas mereantur illas, & tamen forte iudices aliquantulum temperarent rigorem, & darent minorem penam quam merebantur, nisi ut talia facta maneant in exemplum, & sic mouentur ad non miserendum, sed inferendum totam seueritatem, quæ de iure inferri potest. Ita fuit hic, quia Ammonitæ merebantur totam istam seueritatem sibi infligi. David tamen minuisse aliquid de illa, nisi quia timuit, quod aliæ gentes sequerentur factum Ammonitarum, ut ergo maneret perpetuus timor omnibus talia committentibus infligit Ammonitis totam seueritatem, quam merebantur. Sed tunc dicitur quomodo potuit esse, quod mererentur Ammonitæ tantam seueritatem cum non nimis offendissent.

D Respondendum est, quod totum hoc meruerunt, quia iniuria, quam Ammonitæ intulerunt, non fuit solum iniuria seruorum suorum, sed directius erat iniuria eius, cum facta esset ambasciatoribus suis. Iniuria autem non accipitur ex re, quod sit magna, vel parua, sed ex persona cui infligitur. Et ob hoc dicit philosophus 5. Ethic. Contra passum non est simplex iustum, quia si rex percutiat rusticum non est reperiendus, quia maior valde iniuria ei irrogaretur quam ipse retulerat. Et si rusticus percussit regem, non solum est reperiendus, sed etiam occidendus. David tamen erat rex gloriosissimus inter omnes reges terræ tempore suo, ut colligitur supra 17. & 2. Reg. 7. Ideo iniuria esset valde magna propter dignitatem eius. Secundo patet, quia ista iniuria fuit facta quasi contra naturam, eo quod David volebat benefacere Ammonitis consolando regem eorum, & ipsi retribuunt ei contumeliam pro gratia. Ideo ista iniuria erat valde maior quam si ab aliis fuisset inflata, & sic merebantur magnam seueritatem. Tertio patet, quia non solum Ammonitæ intulerunt iniuriam David deludendo seruos

seruos suos, sed etiam cogendo eum ter ad pugnandum. Nam pugnavit contra Syros adiutores Ammonitarum, & nunc tertio pugnavit contra ipsos Ammonitas, in quo erat magna iniuria, & magna dāna, coactusque est David multa expēdere in his, pro quibus Ammonitę multa mala merebātur a David pati.

De Ammonitis occisis a David in alijs vrbibus quam in Rabba circa crudelitatem. Quęst. XIII.

QVAERITVR ulterius, an David occiderit in quibuslibet vrbibus Ammonitas eo modo, quo fecerat in Rabba per varia tormenta.

Aliquis dicet, quod sic, quia dicitur hic, populum autem qui erat in ea eduxit, & fecit super eos tribulos, & trahas, & ferrata carpenta trāsire, ita ut desiccarentur, & contererentur, & sequitur, & sic fecit cunctis vrbibus filiorum Ammon. Respondendum, quod non est putandum, quod David occiderit totum populum vrbis Rabba per ista tormenta, ita ut nullum relinqueret, & etiam, quod in alijs vrbibus Ammonitarum sic faceret, quia tunc sequeretur desolatio totius terrę Ammō, nec maneret aliqua posteritas Ammonitarū, sed falsum est, quia Ammonitę post hoc fuerunt populus, sicut prius, & non solum hoc, sed etiam aliqui cognati regis Ammon, & fratres eius super fuerūt post hoc bellum: nam Sobi filius Naas regis Ammonites de vrbe Rabba superfuit, qui postea fuit amicus David, & obtulit ei munera, quando fugiebat a facie Absalonis, & transiit Iordanem veniens circa terram Ammonitarum. 2. Reg. 17. Sed intelligendum est, quod David occidit illos, qui fuerunt causa iniurię servis suis, scilicet Principes qui consuluerant hoc regi Anon, & cognationem suam, & alios, qui fauebant eis circa hoc. Et quia in vrbe Rabba quę erat regalis erant plurimi, qui fauerant in hoc, & fuerant origo istorum bellorum, occidit ibi David multos. In alijs autem vrbibus pauciores occidit. In qualibet tamen occidit aliquos, quia in qualibet erāt aliqui fautores, quibus placuerat de iniuria inflicta servis David, & fuerant occasio bellorum contra David, ut non satisfaceret ei pro iniuria inflicta. Et ideo quamquā David intulerit istam penam Ammonitis non occidit omnes, sed mansit populus Ammonitarum, sicut prius, & habuerunt etiam Ammonitę reges post hoc. Unde nō solum de alijs Ammonitis multi superfuerūt, sed etiam de cognatione Anon regis, qui hoc malū fecerat, manserunt aliqui illesi: nam sibi frater eius filius Naas regis mansit, & fuit postea amicus David, ut supra dictum est.

Post hęc initum est bellum in Gazer aduersum Philisthęos, in quo percussit Sobochai Vfatites, Saphai de genere Raphaim, & humiliavit eos. Aliud quoque bellum gestum est aduersum Philisthęos, in quo percussit Adeodatus filius Salt⁹ Bethlehemites fratrem Goliath Gethęi, cuius hastę lignum erat quasi liciatorium texentium. Sed & aliud bellum accidit in Geth, in quo fuit homo longissimus senos habens digitos, id est simul viginti quatuor, qui & ipse de Rapha fuerat stirpe generatus. Hic blasphemauit Israel, & percussit eum Ionathan

Filius Samaa fratris David. Hi sunt filij Rapha in Geth, qui ceciderunt in manu David, & seruorum eius.

Post hęc. Hic ponitur secundum huius capituli, scilicet pars incidentalis, & ponuntur tria bella, quę fecit David, & dicitur. *Post hęc initum est bellum in Gazer.* Scilicet post euerfionem terrę Ammonitarum. Est enim Gazer quędam ciuitas in terra Chanaan in sorte Ephraim, in qua erant Chananęi, quos permiserunt Israelitę manere in terra, ut seruirent sub tributō: Iosue 16. & Iud. primo, manseruntq. ibi vsque ad tempus Salomonis. Nam tunc ascendit Pharaō rex Aegypti socer Salomonis, & accepit urbem Gazer occisis Chananęis, deditque illam in dotem filię suę tertio Reg. 9. Sed an Gazer, de qua hic dicitur, sit illa, vel alius locus, non apparet. Nam secundo Reg. 21. vbi ponitur ista historia, quod istud bellum accidit in Gab, & sic est locus binomius. *Aduersus Philisthęos.* Ista tria bella, quę habentur hic fuerunt facta contra Philisthęos, ut patet ex litera. Nam omnes isti tres gigantes, qui occisi fuerunt in istis tribus bellis, erāt Philisthini, & erant de vrbe Geth, quę est terra Philistinorum. *In quo percussit Sobochai Vfatites Saphai.* Iste Sobochai erat vnus de triginta viris fortibus David, & ponitur in catalogo virorum fortium secundo Reg. 23. & supra 11. Et vocatur Vfatites, id est de vrbe nomine Vlati, sicut dicitur secundo Reg. 11. scilicet: Tunc percussit Sobochai de Vlati. Iste Saphai, qui fuit hic percussus vocatur Seph, vel Sephi secundo Reg. 21. Vbi ponitur ista historia, & tales mutationes nominum per additionem, vel subtractionem sunt, ut declaratum fuit supra. *De generatione Raphaim.* Id est de genere gigantum intelligitur de Saphai percusso, & nō de Sobochai percutiente, quia in istis tribus bellis occisi fuerunt tres gigantes. *Et humiliavit eos.* Scilicet Philisthini humiliati sunt in isto bello videntes, quod mortuus fuisset fortissimus eorum, scilicet Saphai gigas. Sic dicitur primo Reg. 17. quando David occidit Goliath: Vidētes Philisthini, quod mortuus esset fortissimus eorum, fugerunt. *Aliud quoque bellum gestum est aduersus Philisthęos.* Etiam istud fuit bellum David: nam ad omnia hęc bella ipse ibat nisi postquam conatus est percutere eum Iahin de Nob gigas deficientē viribus, & liberauit eum Abisai frater Ioab. Tunc iurauerunt viri David dicentes. Iam non egredieris nobiscum in bellum, ne extinguas lucernam Israel. Et ideo an David venerit ad ista bella, quę postiora sunt, dubium videtur, & declarabitur int. in quadam quęstione. *In quo percussit Adeodatus.* Adeodatus est nomen viri, nam quidam summi pontifices sic vocati sunt. Sic vocatus est etiam quidam filius Beati Augustini, quem suscepit antequam cōuerteretur ad veritatem fidei. *Filius saltus Bethlehemites.* Iste vir erat Bethlehemites, id est de vrbe Bethlehem, & erat filius saltus, sic enim vocabatur, quia in saltu forte fuerat nutritus, vel ibi conuersabatur inter pastores, & secundo Reg. 21. vocatur etiam polymitarius, & subicitur hic, & dicitur polymitarius, id est faciens vestes polymitas. Vocatur enim polymita vestis varię tincturę, & sunt vestes preciosę: sic enim Iacob fecerat filio suo polymitam vestem: Gen. 37. Quia diligebat eum nimis. Et dicitur polymita à polis, quod est pluralitas. & mitos, quod est gutta quasi multitudo guttarum, siue varietas tincturarum. *Fratrem Goliath Gethęi.* Goliath Gethęus fuerat occisus a David primo Reg. 17. Et nunc fuit occisus frater eius ab isto polymitario Bethlehemite. *Eius hastę, & lignum erat quasi liciatorium texentium.*

Istud ponitur ad significandum vires istius gigantis, & poterat vti hasta tanti ponderis. liciatorium texentium est quodam lignum grossum, & rotundum, quod vocatur axis telæ, & in eo voluitur, & cōplicatur totum, quod textitur. Et semper est istud lignum grossum. Sic dicit de Goliath Gethæo, quod hastile haste eius erat quasi liciatorium texentium. Ipsum autem feruū haste eius sexcentos siclos habebat ferri 1. Reg. 17.

Sed & aliud bellum accidit in Geth. Istud fuit tertium bellum, & est quartum in ordine. 2. Reg. 21. Et istud non fuit vbi alia, quia alia duo præcedētia quæ ponuntur hic fuerunt in Geth, vt patet 2. Reg. 21. siue in Gazer, quod idem est, vt dicitur hic, & istud vltimū fuit in Geth: est enim Gerh ciuitas, vna de quinque metropolibus Philistinorum, quæ ponuntur 1. Reg. 6. In ista ciuitate regnabat Achis, cū quo māsit Dauid quatuor mensibus, cum fugeret a facie Saulis 1. Reg. 27. Ista ciuitas postea fuit capta p Dauid de manibus Philistinorum, postquam Dauid regnare cepit super totum Israel, vt patet supra 18.

In quo fuit homo longissimus. Iste erat gigas, & quamquam essent alii duo gigantes, qui mortui sunt in prioribus bellis, tamē iste erat maioris stature quā ceteri.

Habens digitos senos. Iste erat gigas, & erat monstruosus, quia habebat digitos senos, s. in qualibet manu digitos sex.

Idest simul viginti & quatuor. Non habuit istam monstruositatem specialiter in aliqua manuum, vel pede, sed in vtraque manu, & in vtroque pede. Ideo habebat vigintiquatuor digitos cum ceteri homines haberent solum viginti. *Qui & ipse fuerat de Rapha stirpe gigantes præcedentes,* qui occisi sunt in superioribus bellis. Nam omnes quatuor isti gigantes, qui ponuntur partim hic, & magis 2. Reg. 21. fuerunt de stirpe Arapha, vt patet hic, & ibidem.

Hic blasphemauit Israel. Scilicet maledixit Israelitis, s. imprecando super eos aliqua mala, vel forte dixit, quod erant viri prauæ probitatis, & quod forte non auderent pugnare p̄ eum, sic fuit de Goliath Gethæo, p̄ quem pugnavit Dauid. Nam anteq̄ pugnaret cum illo veniebat per quadraginta dies quotidie ad castra Israelitarum petens si esset aliquis, qui auderet congregi cū debat Israelitas, & blasphemabat eos 1. Reg. 17.

Et percussit eum Jonathan filius Samaa fratris Dauid. Scilicet occidit eum Jonathan filius fratris Dauid, qui erat vir valde fortis. Iste Samaa pater Jonathan erat frater Dauid, & erat tertius de fratribus Dauid, vt patet primo Reg. 16. & 5. 2. Fuit autem iste Jonathan vir fortis nimis, & fuit vnus de viris fortibus Dauid, vt aliqui putant, quia in catalogo virorum fortium Dauid ponitur Jonathan 2. Reg. 23. & supra 11. Sed non est verū, quia non est ille Jonathan iste, qui occidit gigantem, quia iste erat filius Samaa fratris Dauid, & ob hoc erat de Berthehemires cum pater suus, & tota cognatio esset de Berthehem. Ille autem erat filius Saga, & erat Ararites, vt patet supra 11. *Hi sunt filij Rapha in Geth.* Scilicet isti tres gigantes, qui occisi sunt in superioribus bellis. Et alius quartus, qui occisus fuit per Abisai fratrem Ioab, de quo 2. Reg. 21. Fuerunt filij Rapha, siue Arapha, & de stirpe illius, & dicitur in Geth primo in vrbem Geth, quia omnes ibi nati sunt.

Qui occiderunt in manu Dauid, & seruatorum eius. Idest occiderunt isti gigantes per manum Dauid, & seruatorum Dauid, idest in bellis, quæ fecerunt Dauid, & seruatorum eius. De quo dicitur infra questione vltima.

De istis tribus bellis contra Philisthaeos, cur hic ponuntur.

Quæst.

XIIII.

QVAERITVR quare posuit hic scriptura ista tria bella, cum nihil attineant ad superiora, nec continuatur in hoc historia.

Respondendum est, quod hic texebatur historia secundi libri Regum, quæ incepit enarrari supra c. 11. Et fuit aequaliter continuata. Nunc autem facit hic Esdras magnam intercisionem: nam sequendo ordinē secundi libri Regum, oportebat de multis aliis dici, quia ea, quæ habentur supra in litera habentur 2. Reg. 12. s. de bello Dauid contra Ammonitas, deinde sequebatur historia de defloratione Thamar, & morte Amnon primogeniti Dauid 2. Reg. 13. Deinde exiliū Absalom, qui occidit eum eod. lib. c. 14. Postea coniuratio Absalom cum populo contra Dauid, & fuga Dauid de Ierusalem, & bellum Absalom, & mors ipsius eod. lib. c. 15. & 16. & 17. & 18. Deinde reductio Dauid ad regnandum, sicut prius, & reditus in Ierusalem cap. decimonono. Postea dissensio facta, & recessus populi ad Dauid propter Sibbam filium bochri. c. 20. Deinde fames, & occisio filiorum Saulis per Dauid ad petitionem Gabaonitarum cap. 31. Et ibidem ponuntur ista bella gigantum, quæ ponuntur hic. Omnia autem illa latissime ibi enarrata fuerant, ideo non curauit Esdras repetere ea hic, sed repetunt bella, in quibus occisi sunt isti gigantes. Sed dicitur quare fuerunt hic repetita ista bella, quia etiam ista posita fuerunt ibi satis latè: immo (quod plus est) latius fuerunt ibi posita quam hic. Nam 2. Reg. 21. Posita fuerunt quatuor bella gigantum, & hic subticetur primum illorum, quod præcipuum fuit, s. in quo Iabin de Nob conatus fuit occidere Dauid.

Respondendum est, quod verum est, quod ibi latè posita fuerunt ista bella, & tamen Esdras voluit illa repetere, quia multa interdum repetit in istis duobus libris, in quibus nihil addit ad id, quod habetur in libris Regum. Et tamen, quia fuerunt facta notabilia inter cetera gesta Dauid, repetunt ea, sic fuit de bellis istis. Nam ista fuerunt valde notabilia propter gigantes, qui occisi fuerunt in illis. Erant enim isti viri famosi labore, & corporis magnitudine.

Quare Esdras non posuit hic occisionem omnium gigantium.

Quæst.

XV.

QVAERITVR vltius cum Esdras reperit hic bella, in quibus occisi sunt gigantes, quare omisit vnum illorum. Nam quatuor fuerunt, vt patet 2. Reg. 21. Respondent Hebrei, & Nicolaus, quod istud factum est propter honorem Dauid. Nam in illo bello Iabin de Nob gigas, conatus est occidere Dauid, & occidisset eum deficientem iam viribus, & nisi succurrisset ei Abisai frater Ioab, & quia non est honor Dauid istud dici de eo, dicunt quod subticuit Esdras. Sed istud non est satis verisimile, quia etiam si ipse subticere iam exprefferat illud Ieremias 2. Reg. 21. Et non poterat celari. Item si propter honorem Dauid decēs esset istud celari, non solum subticuisset illud Esdras, sed etiam Ieremias. Ideo dicendum est, quod nō fuit propter hoc, sed magis, quia non curauit Esdras exprimere illud, sicut de multis aliis facit, quia quando enarrat hic historias, quæ habentur in 2. Reg. omittit aliquid, sicut patet de obsidione, & captione Rabba vrbis Ammonitarum, quæ ponitur hic, & 2. Reg. 12. Et tamē aliqua subticetur hic, quæ ponuntur ibi, nec tamen fit istud propter honorem Dauid, quia maior honor eius fuisset, quod exprimeretur illud.

An ista tria bella contra Philisthæos fuerint immediate post destructionem Ammonitarum. Quest. XVI.

QVAERITVR vterius quomodo dicitur hic, q post hæc initum est bellum. In quo innuit, q ista tria bella gigantum fuerunt facta post bella Ammonitarum. Et Nicolaus ponit hoc pro difficili, nec soluit, & dicit, quod non fuerunt omnia ista tria bella post bella Ammonitarum, quia saltem vnū bellum istorum, in quo mortuus est Goliath Gethæus, fuit post præcedentia, quia illud fuit primum bellum David. Ad hoc posset responderi dupliciter. Vno modo tenendo intentionem Nicolai, & quorūdam, scilicet, quod hic enarretur bellum in quo mortuus est Goliath Gethæus per David. Diceretur, quod quando dicitur initum est bellum, non oportet, quod extendatur ad omnia sequētia, sed solum ad id, super quod immediate cadit, & illud est bellū, in quo Subochoa occidit Suphai.

Et de isto dicitur, quod fuit post bella contra Ammonitas. Bellum tamen, in quo occisus est Goliath, quod est hic secundum in ordine nō sequitur, quod fuerit post bella Ammonitarum, nec est magnū argumentum si arguatur ex ordine literæ, quia interdū fit anticipatio, & recapitulatio, & non seruetur semper ordo naturalis.

Secundo modo, & verius dicendum est, q omnia ista tria bella, quæ habent hic fuerunt post bella Ammonitarum, & sic ordo est continuus in litera. & cū obijcitur de occisione Goliath in aliquo istorum bellorum, dicitur quod illud fuit antequam David esset rex viuente Saule, omnia autem ista facta sunt postq David erat rex super Israel, vt magis declarabitur infra in quadam quaestione.

De discordia, quæ habetur in quibusdam verbis positis hic, & secundo Reg. ca. 21. f. de quo genere erat Suphai gigas. Quest. XVII.

QVAERITVR vterius quomodo dicitur hic, q iste Suphai gigas erat de genere Raphaim, quia posita dicitur, quod erat de genere Rapha. Et 2. Reg. 21. dicitur, q erat de genere Arapha.

Aliquis dicet, q omnia ista idem sunt, sed fit aliqua mutatio in nominibus, addendo, subtrahēdo, vel alterando, sicut fit in multis aliis. Rñdendum est, q istud non est verum, quantum ad omnia. Pro quo sciendū, q Rapha apud Hebræos est nomen appellatiuū, & significat gigantes. Sic patet Deut. 3. cū dicitur. Solus quippe Og restiterat de stirpe gigantum. Et tamē Iosue 12. & 13. dicitur, q Og restiterat de reliquis Rapha, & sic est Raphaim, & gigas. Omnes autē isti tres erant gigantes, & de stirpe gigantum. Ideo dicitur hic, quod Sephi erat de stirpe Raphaim.

Rapha, & Arepha est nomen proprium, & nō apparet, an sit nomen viri, vel mulieris, & in Hebræo dicitur Orpa, vbi nos dicimus Arapha: Putant autem Hebræi, q sit nomen feminae, de qua nati sunt oēs isti gigantes, s. de stirpe eius, & volunt, q etiam fuerit mater Goliath Gethæi, & ē dicunt, q ista est Orpha, de qua habet Ruth primo. q fuit vxor Cheliō filii Noemi. Etia dicūt, q Goliath Gethæus pmissus est a Deo quadraginta diebus blasphemare cōtra Israel. 1. Reg. 17. propter meritum matris suæ Orpha, quia ipsa comitata est quadraginta passibus Noemi redeuntem in terram Israel.

Etia dicunt, q Goliath fuit filius vnus hoīs, & centū canū. De quibus satis dictū est, & improbata fuerunt. 1. Reg. 17. Et falsum est, quod ista Arapha sit Orpha, de qua Ruth primo, quia ista fuit de stirpe Moabi-

tarum. Nam Noemi dixit ad eā, & ad Ruth: Reuertimini filiæ Moabite. Ruth primo. Ista autem Arapha fuit de stirpe Philisthinorum de vrbe Geth, vt patet hic, & 2. Reg. 21. Decipiuntur tamen Hebræi ex similitudine literarum, quia vtraque vocatur in Hebræo Orpa. Dicendum ergo quod dubium manet, an sit Arapha nomen viri, vel feminae, & verisimilius est, quod sit nomen viri, quia progenies magis nominatur per lineam virorum, quam mulierum. Quidquid tamen sit, dicendum quod Rapha, & Arapha idem sunt, sed in Hebræo sæpe consueta est mutatio nominis per subtractionem, & additionem, sicut patet de Aram, qui aliquando vocatur Aram, & aliquando Ram. Nam supra 2. vocatur Ram. & Matth. primo vocatur Aram.

De audacia Philisthinorum contra David in mouendo bellum. Quest. XVIII.

QVAERITVR vterius quomodo Philisthini ausi sunt nunc mouere bellum contra David. Nā mouerūt ista tria bella, de quibus hic dicitur, cum Deus posuisset iam pauorem in corde eorum, ne auderent pugnare cū eum, vt patet supra 14. Rñderi pōt vno modo, q forte ista bella non facta sunt a Philisthinis contra David, sed David fecit illa cū Philisthinos. Et ideo quamuis ipsi timerent valde David, & non auderent mouere bellum cū ipso, tñ saltem defenderent se ab eo, qñ ipse inferret eis bellum. Alio modo potest dici, q Philisthini mouerint ista bella cū David, vel saltem aliqua illorum, & hoc verum est. Nam 2. Reg. 21. ponitur ista met historia, & dicitur: Factum est autem rursum consilium Philisthinorum aduersum Israel. Et sic Philisthini mouebāt ista bella. Et cum obijcitur, q Deus incusserat eis timorem, ne auderent iam pugnare cū David. Verum est pro illo tempore, quo illa dicta sunt. Nam tñ pugnauerant bis Philisthim contra David, & victi fuerant in vtroque bello faciliter. Ideo credentes se iam non posse præualere contra David, non ausi fuerunt mouere tertium bellum contra eum. Et tamen post aliquantum tempus ceperunt rursus confidere de viribus suis, propter istos viros fortissimos gigantes, quos secum habebant, & pugnaverunt contra David.

An in isto bello secundo contra Philisthæos fuerit occisus Goliath Gethæus a David. Quest. XIX.

QVAERITVR vterius de isto bello secundo, quod hic ponitur, in quo dicitur, q percussit Adeodatus fratrem Goliath Gethæi an fuerit bellum, in quo David occidit Goliath Gethæum, de quo primo Reg. 17. Rñdendum, q Nicolaus vult, q istud fuerit bellum David cōtra Goliath. Et q ponitur hic inter cetera. Ideo vult historia Schiedens, q David vocatur hic quatuor nominibus in occasione Goliath, scilicet Adeodatus, & filius saltus, & polymitarius, & Bethlehemites. Dicit, quod vocatur Adeodatus, quia fuit datus a deo ad liberationem Israelitarum de manu hostium. Dicit, quod vocatur filius saltus, quia nutritus est in saltu in pascuis, & inde sumptus est ad regnum. Vocatur polymitarius, quia mater eius fuit de genere Beseleel polymitarij, qui fecit cortinas templi, & vestes sacerdotales opere polymitatio: Exod. 26. & 28. Vel dicitur polymitarius, idest variatus colorum, quia multis modis diuinum cultum ampliavit. Sed dicendum est, quod non potest stare. Non enim fuit istud bellum David contra Goliath. Primo patet, quia hic ponit historia bellorum David, & seniorum suorum contra Philisthæos.

stheos. Et tamen bellum in quo mortuus est Goliath nō fuit de bellis David, & seruatorum suorum, sed fuit de bellis Saulis, quia tunc David non erat rex, nec habebat aliquam dignitatem, sed Saul erat rex, & ipse faciebat bellum illud. Quod autem omnia ista bella fuerint David, & in diebus suis postquam ipse fuit rex, pater, quia in fine literę dicitur, quod isti gigantes nati sunt de Rapha in Geth, & ceciderunt in manu David, & seruatorum suorum, ergo David habebat seruos tunc, & non habebat illos quādo occidit Goliath Gethem, quia tunc erat vir simplex, qui missus fuerat de pascuis a patre suo ad visitandum fratres suos, qui erant in bello. 1. Reg. 17.

Secundo patet, quia scriptura voluit hic continuare ordinem temporum, & posuit bella Philisthinorum, quę facta sunt post bella Ammonitarum. Nam dicitur in litera post hæc initum est bellum in Gazer aduersus Philistheos. Et tamen bella Ammonitarum facta sunt postquam David erat rex super totū Israel, ut patet hic ex ordine literę, cū de constitutione eius in regem Israel dictum fuit supra 11. Ideo bella ista cōtra Philisthinos facta sunt postquam David factus est rex, & sic non fuit in eis bellum Goliath. Et confirmatur hoc, quia manifestum est, quod saltem primum bellum istorum cōtra Philisthinos fuit factum post bella contra Ammonitas, cum dicatur hic. Post hæc initum est bellum, ideo necesse est, quod etiam bellum, in quo dicitur hic de Goliath, fuerit etiā post bella Ammonitarum, nisi forte aliquis dixerit, quod nō est ordo continuus in litera. Et tamen hoc nō stat, quia 2. Reg. 21. vbi ponuntur ista bella, dicitur fuisse tertium bellum illud, in quo dicitur hic de Goliath, & secundum illud, quod ponitur hic primum. Et primum quod ibi ponitur subicitur hic. Et sic necesse est, quod bellum Goliath, de quo hic dicitur fuerit in ordine post bellum, quod ponitur hic primum cōtra Philisthinos, & consequenter fuerit post bellum Ammonitarum.

Tertio patet, quia nullo modo videtur hoc consonare rationi, quia supra a c. 11. vsque ad finem istius libri tangit scriptura gesta David postquam fuit rex Israel, & si inquirantur omnia singillatim non inueniuntur aliquod de his, quę fecerit David antequam esset rex Israel, quomodo ergo interponetur hic illud, quā dicitur antequam esset rex Israel, & Iuda, & fere in principio annorum suorum? Idem argumentum est ex ordine secundī libri Regum, vbi ponitur ista historia 21. cap. Et tamen in toto secundo Regum solum ponuntur gesta David post mortem Saulis, postquā factus est David rex Iuda, nec reperitur interpositum aliqd aliud. Quomodo ergo interponeretur etiā ibi istud bellum Goliath, quod fecit David, antequam esset rex?

Quarto patet, quia litera non consonat ei. nam dicitur hic, quod Adeodatus polymitarius interfecit istū. Si tamen iste esset Goliath, quem interfecit David, diceretur manifeste, quod David illum interfecit, nec conueniunt ei ista nomina, scilicet Adeodatus: nam Adeodatus est hic nomen proprium, & David non vocatur sic: nec conuenit, quod dicit historia scholastica, scilicet, quod vocat Adeodatus, scilicet quia fuit A deo ad adiutorium Israelitarum: nam in natiuitate eius patet, & mater nesciebat, quod Danid aliquando perueniret ad ea, quę peruenit, nec etiam presumebant hoc aliquo modo, cum ipsi nollent eum vocare, quando Samuel inquirebat vngendum in regem inter filios David, 1. Reg. 16. Etiam quia si istud fuisset nomen David, aliquando vocaretur illo in sacra Scriptura, & tamen in nullo loco reperitur, vbi agitur de David, quod vocetur Adeodatus. Item nō conuenit, quia vocatur

polymitarius, & tamen David nō erat polymitarius. Et quod dicunt, quod mater eius erat de stirpe Beseleel polymitarii, videtur esse aliquid cōfictum, quod propter hoc vocetur polymitarius, quia multi alii ante eum de stirpe ista vocarentur polymitarii.

Quinto patet, & efficacius, quia dicitur hic, quod in isto bello Adeodatus occidit fratrem Goliath Gethem, tamen manifestum est, quod David non occidit fratrem Goliath, sed ipsum Goliath Gethem 1. Reg. 17. Dicendum ergo est, quod non fuit istud bellum, in quo David occidit Goliath, sed fuit quoddā aliud bellum, quod fecit David contra Philisthinos in senectute sua, cum esset rex Israel, & in eo quidam de viris suis fortissimus occidit fratrem Goliath Gethem.

Eratque ille vir Bethlehemites, & vocabatur Adeodatus, & polymitarius, quia forte habebat officium polymitarii. Et filius saltus, quia forte nutritus fuerat in saltu. Et tunc non est aliquid inconueniens contra literam de omnibus supra assignatis, quia erit tunc continuata ista litera cum precedenti, scilicet quia ista bella, in quibus mortui sunt gigantes fuerunt post bella Ammonitarum,

Item patet hoc auctoritate Iosephi 7. Antiq. qui ponit ista quatuor bella, in quibus occisi sunt gigantes, qui habentur hic, & 2. Reg. 21. Et de isto bello, in quo occisus est frater Goliath, dicit quod quidam vir fortissimus nomine Ephron de cognatione David, apparuit hic gloriosior omnibus aliis. & sic iste Adeodatus non erat David, sed quidam alius nomine Ephron de cognatione David. Hebrei tamen, & multi de nostris mouentur ad dicendum, quod fuerit istud bellum David cōtra Goliath propter duo. Primo quia fit hic mentio de Goliath. Secundo quia dicit, quod lignum lanceę eius erat, sicut liciatorium texentium. Et sic dicitur de Goliath primo Reg. decimosextimo. Sed ista non obstant,

De primo patet, quia non dicitur hic, quod in isto bello fuerit occisus Goliath Gethem, sed frater Goliath Gethem. David tamen non occidit fratrem Goliath, sed ipsum Goliath Gethem.

De secundo patet, quia istud, scilicet portare lignum lanceę, sicut liciatorium texentium, non pertinebat ad solum Goliath, sed etiam ad quemlibet virum fortissimum, & tamen omnes isti quatuor occisi hic. Et 2. Reg. 22. erant gigantes, & viri robustissimi. Ideo poterat quilibet illorum portare lignum lanceę, sicut liciatorium texentium,

Sed adhuc obijciatur, quod iste, de quo hic dicitur, fuerit Goliath Gethem, quia 2. Reg. 21. ponitur ista historia, & dicitur, quod Adeodatus percussit Goliath Gethem. Ideo istud erit bellum David. Dicendum, quod istud declarabitur sequenti quæstione.

An verum sit, quod Adeodatus percussit fratrem Goliath Gethem. Quest. XX.

QUÆRITUR vltius quomodo dicitur hic, quod Adeodatus percussit fratrem Goliath Gethem. Respondet Nicolaus, quia ista litera dupliciter se habet, vno modo occidit fratrem Goliath Gethem, & dicit, quod tunc est sensus, quod David occidit Goliath Gethem fratrem, scilicet fratrem gigantum, de quibus hic dicitur. Nam omnes fuerunt filii Arapha. Alio modo dicit, quod quoddā litera habet fratrem Goliath Gethem, & tunc dicit, quod est sensus, quod David inter alios viros, iniquos, & gentiles, sicut erat Goliath Gethem occidit ignorāter fratrem, id est fratrem suum, & propter hoc dicit secundum Hebreos, quod fuit prohibitus edificare templum Domino. Primus istorum sensuum non tenet, quia non est talis litera in Bibliis nostris, scilicet

scilicet percussit fratrem Goliath Gethæum, sed fratrem Goliath Gethæi.

Secundo patet, quia dato, quod staret illa litera nō staret sensus Nicolai: nam cum frater sit nomen relatiuum, oportet quod adiungatur ei id, ad quod refertur, & tamen intelligendo, sicut Nicolaus intelligit, non adiunguntur ei nomina, illorum gigantum, qui erant fratres Goliath. Sed magis ista litera significaret, quod Adeodatus occidit quendam Gethæū fratrem Goliath. Secunda expositio non stat, quia non videtur hoc aliquo modo significare, quod Adeodatus, siue David, ut ipse intelligit, occiderit fratrem suū, sed fratrem Goliath Gethæi. Et etiam quod dicunt, quod propter hoc David prohibitus est edificare templum domino: Ridiculus est, quod pro nulla effusione sanguinis prohibitus est, sed propter bella multa, quibus erat occupatus, ut satis declaratum fuit. 3. Reg. 5. Sed Nicolaus vult dare istum sensum, quia presupponit, quod istud bellum fecerit David. Et tamen de David nō habetur, quod occiderit fratrem Goliath, sed ipsum Goliath Gethæum. 1. Reg. 17. Ideo nolunt exponere istam literam plane, sicut iacet, scilicet quod occidit fratrem Goliath Gethæi, sed quod David occidit fratrem suū, sicut occidebat Gethæos, & alios gentiles, quod omnino est contra rationem, & contra sententiam literę, potissime quia istud bellum, quod habetur hic est illud, quod habetur 2. Reg. 21. Nam ibi ponuntur quatuor bella, quorum hic ponuntur tria. Et tamen ibi non potest intelligi, quod David occiderit fratrem suū, cum dicatur, quod Adeodatus percussit Goliath Gethæum. Ideo necesse est exponi istā literam aliter, quā Nicolaus exponit.

Et dicendum, quod vera litera est, sicut communiter habetur in Bibliis nostris, scilicet in quo Adeodatus percussit fratrem Goliath Gethæi.

Et intelligendum est, quod Goliath Gethæus erat gigas, quem David occidit antequam esset rex. 1. Reg. 17. Et habebat alium fratrem paruulum tunc, qui post aliquanta tempora factus est vir gigas, sicut Goliath, & etiam ipse vocabatur Goliath. Et quando David erat iam senex rex super Israel, iste erat vir fortis, sicut frater suus Goliath, & venit cum aliis Philistinis ad pugnandum contra Israelitas, & occisus est a quodam viro fortissimo David, qui vocabatur Adeodatus polymitarius.

An bellum David, quod habetur hic, & secundo Regum vigesimoprimum sint vnum, & idem.

Quest. XXI.

QUÆRITUR vltius, an istud bellum, quod habetur hic de Goliath fratre sit idem cum illo, quod habetur 2. Reg. 21. Aliquis vellet negare esse idem, quia hic dicitur, quod Adeodatus percussit fratrem Goliath Gethæi: Et ibi dicitur, quod percussit Goliath Gethæum, sed nō possumus negare, quia hic dicitur, quod Adeodatus filius saltus polymitarius Bethlehemites occidit istum fratrem Goliath, & ibi dicitur, quod Adeodatus filius saltus polymitarius Bethlehemites occidit Goliath, ergo eadem persona erat occisa hic, & ibi. Quia dicitur hic, quod lignum haste huius erat quasi licitorium texentium. Et idem dicitur ibidem.

Sed adhuc dicit aliquis, quod non sit idem bellum, quia licet persona occidens sit eadem, tamen fuerunt duo bella, & in uno occidit Goliath Gethæum, de quo ibi, & in alio fratrem Goliath Gethæi, de quo hic.

Sed istud nō stat, quia eadē historia omnino est, quæ

habetur 2. Reg. 21. & quæ habetur hic. Ideo necesse est, quod idem sit bellum, quod legitur hic, & ibi fecisse Adeodatus. Secundo patet, & efficacius, quod si fuissent duo bella, & in vno eorum occidisset Goliath Gethæum, quia iste Adeodatus non fuisset David, ut declaratum est quæstione penultima ante hoc, & tamē falsum est, quia David occidit Goliath Gethæum, primo Reg. 17. Ideo Adeodatus nō occidit Goliath Gethæum, & fratrem eius. Rndendum est, quod idem omnino bellum est, quod habetur hic, & 2. Reg. 21. Et cum ponitur hic frater Goliath Gethæi, & ibi Goliath Gethæus, dicendum, quod Goliath Gethæus, quem occidit David fuit gigas magnus, & habuit fratrem paruulum qui forte nondum erat natus, quā ipse occisus est à David, ideo parentes illius propter desiderium eius, qui erat vir fortissimus, fratrem eius postea natū vocauerunt nomine suo, scilicet Goliath. Sic. n. (scpe sit tempore nro, scilicet quod patres filijs sibi nascentibus imponunt nomina filiorum mortuorum propter desiderium illorū, ut videantur isti representare personas ipsorum. Iste etiam frater Goliath vocabatur Gethæus, scilicet de vrbe Geth, de qua fuerat frater suus. Iste quā factus est vir fortis iam senescere David forte ad vltionem sanguinis fratris sui processit ad bellum cum alijs Philistinis contra David, & ibi occisus est ab isto viro fortissimo David, qui vocabatur Adeodatus, & sic consonat ista litera cum ea, quæ habetur 2. Reg. 21. Quia hic dicitur, quod percussit fratrem Goliath Gethæi, quem occidit David: 2. Reg. 21. dicitur, quod percussit Goliath Gethæum, quia iste gigas licet non esset ille Goliath, quem occidit David, sed frater ipsius, vocabatur tamen Goliath Gethæus sicut ille per causam dictā, & sic est equiuocatio in nomine potissime in nominibus proprijs, quia multi vocant eodē noīe, & iste similitudines faciunt errare Hebræos, & multos de nris non valentes facere dissimilitudinem, & distinguere inter talia.

Quare hic dicitur gigantes cecidisse in manu David, & suorum seruorum. *Quest. XXI.*

QUÆRITUR vltius quare dicitur hic, quod isti gigantes, de quibus in litera, ceciderunt in manu David, & seruorum suorum. Rnderi potest sicut Nicolaus, & Historiam Scho. & alios, qui tenent, quod agatur hic de bello David & Goliath, quod dicitur ad significandum, quod quidam gigantes istorum ceciderunt per manum David, & alij per manum seruorum suorum. Nam Goliath, de quo hic dicitur sicut ipsos occisus fuit à David. Alij autem tres gigantes, de quibus hic, & 2. Reg. 21. occisi fuerant per manum seruorum suorum, quia tres viri fortissimi occiderunt illos, ut patet hic, & ibidem. Sed dicendum, quod hoc non stat, quia non agitur hic de bello David & Goliath, ut declaratum est sup. in quadam quæst. & sic David non occidit aliquem istorum quatuor giantū, de quibus hic, & 2. Reg. 21. Sed viri sui occiderunt illos, ut patet ex lra. Ideo dicendum, quod ista lra non est legenda copulatiuē, sed copulatiuē, intellige copulato extremo. Nam si legatur copulatiuē, aliqui eorum quod sint duę clausulę, scilicet quod hi gigantes, scilicet aliqui eorum ceciderunt per manum David. Et hi, scilicet quidam eorum occisi fuerunt per manum seruorum suorum. Et sic prima pars copulatiuę esset falsa. Accipiendo autem, quod sit de copulato extremo, non habet partes, sed totum legitur sub vna clausula, scilicet quod ceciderunt isti gigantes per manum David, & seruorum suorum. Nam si ceciderunt per manum seruorum David, verum erit, quod ceciderunt per manum David, & seruorum suorum. Dicitur tamen per manum David, & seruorum suorum, id est quod ceciderunt isti gigantes in bello facto per David, & seruos suos contra Philistinos.

stinos, & hoc verum est, quia licet isti gigantes occiderentur a quibusdam seruis Dauid, & non ab ipso Dauid, nec ab aliis, tamē occidebātur in bello, quia fiebat simul a Dauid, & seruis suis, & non faciebat illud Dauid per se, nec etiam serui eius, sed tunc dicitur, q̄ ad hoc oportebat, q̄ Dauid descēderet ad omnia ista bella, in quibus occisi sunt gigantes, & tamen falsum est, quia solum iuit ad primum eorum, s. in quo occisus est lesba de Nob, vt patet 2. Reg. 21. & in ipso bello conatus est gigas ille occidere Dauid deficientem iam viribus, & iurauerunt tunc serui sui, q̄ non descēderet vltra cum eis ad bellū, & sic videtur, q̄ ipse non interfuerit aliis tribus bellis posterioribus, in quibus tres gigantes occisi sunt.

Dicendum est, q̄ verum est, q̄ Dauid nō interfuit illis bellis, & tamen dicantur isti gigantes cecidisse in manu eius, & seruorum suorum, eo q̄ omnia bella, q̄ fiebant viuente Dauid fiebant iubente eo, ideo videbatur ipse omnibus interesse, & ipse cum suis dicebatur occidere omnes illos, qui in talibus bellis occidebantur per seruos suos.

C A P. XXI.



CONSURREXIT autem Sathā contra Israel, & incitauit Dauid, vt numeraret Israel. Dixitque Dauid ad Ioab, & principes populi.

Ite & numerate Israel a Bersabee vsque Dan, & afferre mihi numerum, vt sciam. Responditque Ioab. Augeat dominus populum suū centuplum quam sunt. Nonne domine mi rex omnes serui tui sunt? Quare hoc quærit Dominus meus, quod in peccatum reputetur Israeli? Sed sermo regis magis prauauit.

DESCRIPTO in precedentibus de impedimento Dauid ad edificandum templū Domini propter hostium debellationem: Hic agitur de impedimentis eius propter humerare populum. Nam propter elationem fecit numerare populum, propter quod sequuta est punitio in populo. I. diuiditur in tria, quia primo ponitur Dauid iussio, secundo Ioab executio, ibi. *Egressusque est Ioab.* Tertio diuina punitio, ibi. *Displicuit autem Deo.*

De continuatione ad precedentia, & si ista fuerint immediate post illa.

Quæst. I.

QUÆRITUR circa primum, an ea, quæ habentur supra, s. sint continuata ad precedentia, & an fuerint postea. Ad primum dicendum, q̄ hic est ordo continuus, quia præced. c. ponuntur quædam bella Dauid, non secū Dauid aliquod bellum, quia iam erat in senectute magna, & etiam habebat pacem ab hostibus. Et iste ordo ponitur in secundo lib. Reg. quia ea quæ ponuntur præced. c. ponuntur ibi, s. c. 21. Et ea, quæ ponuntur hic, ponuntur ibi c. 24. Ad secundum dicendum, q̄ inter ea, quæ habentur præced. c. & hic, fuit aliud idem ordo, qui ponit in 2. Reg. Nam ibi post bella postea præced. c. quæ habentur ibi c. 21. Sequitur

A quidam Psalm. Dauid, s. Diligam te Domine capi. 22. & ille est ordo continuus secūdm Iosephum sepr. Antiq. Nam dicit, q̄ postquam Dauid cessauit a bellis conuertit se ad faciendum cantica in Deum, cum iam pace altissima frueretur, & hymnos vario metro composuit, alios quidem trimetros, & alios quidem pentametros diueriaque faciens organa. Docuit, vt Leuitæ in illis dicerent hymnos Deo per diem sabbathorum, & alias solennitates. Interponitur etiam ibi ca. 23. Catalogus virorum fortium Dauid, sed ille iam positus fuit hic supra 11. de Psal. Dauid, qui ibi interponitur non curauit Esdras, sicut multa alia omittit hic, quæ habentur ibi. Circa primum dicitur.

B *Consurrexit autem Sathan contra Israel.* Idest surrexit Sathan ad vexandum Israelitas, desiderans q̄ puniretur, & fecit, quod sequitur.

Et incitauit Dauid, vt numeraret Israel. Istud fuit per modū tentationis, quia stimulabat cor Dauid faciēs, q̄ desideraret numerare populum, licet illud, nec esset vtile sibi, nec honestum.

Dixitque ad Ioab, & ad principes populi. Voluit, q̄ isti exequerentur numerationem populi. Et 2. Regum 24. Solum dī, q̄ iusserit hoc Dauid ipsi Ioab. Hic autē dī, q̄ etiam iussit aliis principibus, & istud verum est, quia solus Ioab non posset exequi istam numerationem in breui, sed oportebat, q̄ multi alii adiuuarent eum, qui discurrerent per loca varia ad faciendū particulares numerationes, ex quibus colligeretur summa totalis. Et tñ, quia Ioab erat princeps omnium expressum fuit solum de ipso 2. Reg. 24.

Ite & numerate Israel. Non erant numerandi omnes, qui erant in Israel, sed solum viri fortes, qui poterunt exire ad bellum, qui vocantur hic educentes gladiū, & pugnatōres, vt patet infra in litera.

A *Bersabee vsque Dan.* Isti sunt duo termini terræ Israel maxime distantes, intra quos includitur tota terra Israel. Et ponitur vnus eorum ad meridiem, s. Bersabee, & alius ad Aquilonem, s. Dan. Et sic sepe quando significatur tota terra Israel, ponuntur isti duo termini, vt patet 1. Reg. 3. s. Cognouit vniuersus Israel a Dan vsque Bersabee, q̄ Samuel esset propheta Domini. Simile patet 2. Reg. 17. & 24. & 3. Reg. 4. & in multis aliis locis. Est enim Bersabee quædam ciuitas in terra Philistinorum, in qua moratus fuit Abraham, & edificauit nemus quando fuit incola terræ Philistinorum. Gen. 21. Ibi etiam moratus est Isaac. Gene. 26. Et vocatur locus iste Bersabee, idest puteus iuramenti. Vel puteus septē, s. quia Isaac, & Abimelec rex Gerarē iurauerunt super quodam puteo, quē fodit Isaac in vrbe illa, vocatur puteus septem, quia Isaac dedit septem agnas Abimelech regi Gerarē in signum, q̄ ille puteus pacificē pertineret ad eum, & Abimelech suscipiens illas de manu Isaac, confiteretur puteum illū pertinere pleno iure ad Isaac, & si aliquod ius ipse habebat in puteo cedebat illud, vel donabat ipsi Isaac. Gen. 26. Est. n. Bersabee apud Geraram urbem Philistinorum. Ideo aliquādo ponitur Gerara terminus terræ Chanaā, vt patet Gen. 10. Et aliqñ Bersabee, vt patet hic. Dan est quædam ciuitas in extremo lateris Aquilonaris terræ Israel, quæ ptinebat ad tribum Dā. Et vocabat ista ciuitas prius Lais, vel Lefen, & postea filii Dan accipientes eam de manu Amorrhæorum, vocauerunt illam Dan a noīe patris sui, vel Lefendā, vt patet Iosue 19. & Iudi. 18. De mō autē, quo capta est ista ciuitas habet latē Iud. 18. Et vocata fuit postea ista ciuitas Paneas, & postea Cæsarea Philippi, apud quā Christus quæ fuit a discipulis suis, quem dicunt hoīes esse filium hominis Matth. 16. Apud istam urbē sunt duo fontes, de quibus nascitur Iordanis, de quo magis dictum est Iosue 19.

Et afferte mihi numerum, ut sciam. Ideo desidero scire numerum totius populi mei. Ideo offerte mihi illū. *Responditque Ioab.* Videbat Ioab, quod ex ista numeratione sequeretur aliqua plaga a Deo, ideo volebat persuadere regi, ne populum numeraret. *Augeat dominus populum suum centuplum quam sunt.* Scilicet Deus augeat populum Israel, qui est populus suus centuplum quam nunc est. Ista verba dixit Ioab ad tollendum auguriū. Nam aliqui insistentes superstitionibus nō audēt numerare res suas, timētes, quod si numerauerint illas, iam nunquam augebuntur, ideo ad tollendum istud augurium, ne putaretur, quod populus nunquam erat iam multiplicandus, quia numerabatur, dixit Ioab, augeat dominus populum suum centuplum quam sunt. Et 2. Reg. 24. dicitur. Augeat dominus Deus tuus ad populum quantum nunc est, iterumque centuplicet in conspectu domini mei regis. Et hic significatur minor multitudo quam ibi in duplo, eo quod dicitur ibi. Augeat Deus ad populum quantum nunc est, iterumque centuplicet. Hic autem solum dī de centuplicatione, & similes modi loquendi sunt in Scriptura. Sic enim quando Moyses voluit dicere Israelitis, quod erant multi Deuter. 1. dicens. Non possum solus sustinere vos, quia dominus Deus noster multiplicauit vos, & estis hodie, sicut stellæ celi plurimi. Ne putarent Israelitæ qui erant superstitiosi, esse in hoc augurium, ne multiplicarentur addidit, dicens. Dominus Deus patrum vestrorum addat ad hunc numerū multa milia & benedicat vobis.

Nonne Domine mi rex omnes serui tui sunt? Ista est vna ratio Ioab ad tuendum, quod non numeraretur populus, quali dicat Domine mi rex, si totus iste populus non esset populus tuus, sed solum quædam pars eius, iustū esset, quod velles numerare illos, ut scires quot sunt serui tui, & quot alieni, ne quisquam tibi illos subtraheret. Et tamen quia omnes serui tui sunt, superfluum est, quod illos numeres.

Quare hoc querit dominus meus, quod in peccatum reputetur Israel? Ista est alia ratio ad persuadendum, scilicet quod Dauid non deberet velle numerare populum, quia istud imputaretur Israelitis in peccatum, id est punirentur pro eo. Et tamen ipse cauere debebat quantum poterat damnum populi, nō ergo deberet illum numerare.

Sed sermo regis magis prauauit. Scilicet Ioab bene suaderet, ut non numeraretur populus, magis valuit sermo regis semper dicentis, quod numeraretur. Et cū Ioab vidit intentionem regis obstinatam in hoc, propter reuerentiam eius noluit plus redarguere factum suum, sed cessauit persuadere, & executus est mandatum regis.

Quomodo Satan surrexit contra Israel.

Quest.

II.

QUÆRITUR vltius, quare Satan dicitur, quod consurrexit contra Israel: nam ipse insurgit contra hominem ad inducendum ipsum ad peccatum, ut per hoc offendat Deum, & eternaliter puniatur. Hic tamen non peccauit Israel, quia populus non insit fieri istam numerationem, sed potius inuitus sustinuit istam cum Ioab, & alii principes exercitus resisterunt in hoc satis Dauid, ut patet hic, & magis secundo Regum vigesimoquarto.

Ideo non videtur, quod Satan consurrexit contra Israel, sed magis consurrexit contra Dauid, quia Dauid peccauit in ista numeratione, & non populus. Responderi potest dupliciter.

Vno modo, quod vere consurrexit hic Satan contra

F Dauid, quia incitauit eum ad peccandum, quod diabolus semper intendit, & non consurrexit contra populum, quia non induxit populum ad peccandum. Dicitur tamen consurrexisse contra populum, eo quod istud peccatum, quod fecit Dauid consurgente Satā contra eum, venit in penam populi tanquam si Satā consurrexisset contra populum ad infligendum ei istam penā, & iste est verē sensus literę. Secundo modo potest dici, quod Satā insurrexit nunc contra Israel, quia intentio sua fuit insurgendi nunc contra populum non ad inducendum aliquam culpam, sed ad inducendum penam nobis, quia ista est conditio impiorum inuidorū. Ideo conatur inferre hominibus quęcunque mala poterit. Et quia malum est duplex, scilicet culpe, & penę, aliquando conatur inducere hominem ad culpam, & aliquando, ut incidat in penam. Culpam tamen maius malum est, quod pena propter duo. Primo quia per culpam qualiscunque, & quantacunque offendit homo Deum, per penam autem non offendit, cum pena sit inuoluntaria, & potius sit emendatio offense diuinę. Secundo quia per culpam meretur homo penam æternam, ubi punietur in æternum cum diabolo, & Angelis eius: Matthę vigesimoquinto. Per penam autem, quam hic patimur, nullum malum meremur, sed potius de malis, quę meruimus, satisfacimus, ideo quia maius malum est culpa, quam pena, potius conatur diabolus inducere hominem in culpam, quam facere ut temporaliter puniatur, & tamen quando non potest vnum, saltem vult aliud, ut iuxta conditionem inuidorum habeat semper aliquod malum, de quo letetur. Et quia difficile erat inducere totum populum Israel ad peccandum, consurrexit ergo contra Dauid solum ad peccandum ipsum inducendo, & contra populum insurrexit procurando, ut puniretur peccante Dauid, & sic recte dicitur: Consurrexisse contra Israel Satan.

De controuersia, quę habetur in quibusdam verbis hic, & secundo Reg. c. 24. circa Satan. Quest. III.

QUÆRITUR vltius quomodo dicitur hic, quod Satan consurrexit contra Israel. Quia 2. Reg. 24. dicitur, quod addidit furor Domini irasci contra Israel, & ista videntur esse diuersa.

Respondendum est, quod secundum veritatem, Satan consurrexit contra Dauid, & contra Israel, sicut hic dicitur. Et tamen idem est, quod Satan consurrexit contra Israel, & quod furor Domini addiderit irasci contra Israel, sed vnu ponitur tanquam effectus, & aliud tanquam causa. Pro quo sciendum, quod diabolus cum sit inuidus semper conatur inducere homines ad quodcunque malum, ut declaratum est precedenti questione, & semper homines tentaret, & induceret eos ad malum, nisi a Deo compesceretur facere hoc, & istud est per operationem Angeli boni, qui continē custodit quęlibet hominem, & est datus ei in specialem defensionem. De quo declarat Magister 2. Sent. distinct. 11. Quando autem permittit tentare hominem, vel inferre ei aliqua mala, illico illud facit. Sic patet Iob primo, de ipso Iob, de quo dixit Deus ad Satan: Nunquid considerasti seruum meum Iob, quod non sit similis ei in terra? Et ait Satan nunquid frustra Iob timet Dominum? nonne vallasti eum atque domum eius, & vniuersam substantiam per circuitum muro, ut ego non possim tangere ea? Et sequitur: Sed extendi paululum manum tuam, & tange cuncta, quę possidet, & dixit Deus ad Satan: Ecce vniuersa, quę habet in manu tua sunt, tantum ne extendas manum tuam

tuam in eum. Et sic dedit Deus potestatem diabolo solum ad nocendum ei in rebus suis. Ideo non potuit nocere diabolus ei nisi in rebus. Et iterum dedit ei potestatem, ut noceret ei in corpore, & tunc nocuit, eodem capitulo. Istę autem permissiones, quas fecit Deus, ut aliqui puniantur, vel tententur, interdum sunt propter bonum eorum, qui tentantur, sicut fuit in Iob, ut ait Augustinus. & Hieronymus. & declarat Magister quarto Sententiarum dist. decimaquinta. Interdum autem Deus permittit aliquem tentari, vel puniri propter peccata preterita. Et tunc Deus dicitur illud facere propter iram, quia quodcumque aliquod malum nobis infligit ad punitionem. & vindictam pro peccatis preteritis, dicimus nobis eum iratum, & quia nunc Deus mittebat, quod Satan tentaret David, & peccaret, & populus propter hoc puniretur, dicebatur furor Domini irasci contra Israel, id est, dicitur irasci contra Israelitas, quia furor non potest irasci, sed est, quo homo irascitur formaliter. Et sic furor Dei fuit causa tentationis Satan: non quidem positiua, sicut absentia nauis est causa naufragij, ut ait Aristoteles secundo Physicę. Et ob hoc ponitur causa secundo Regum vigesimoquarto. Scilicet, quod addidit furor Domini irasci contra Israel. Et hic ponitur effectus sequens ex illa, scilicet, quod Satan consurrexit contra Israel, & quia ille modus loquendi erat aliquantulum obscurus, Esdras declarauit eum hic, dicens: Consurrexit Satan contra Israel. Et dicitur ibi, & addidit furor Domini irasci, scilicet, quia alijs vicibus iratus fuerat Deus contra Israel. Et paulo ante hoc quando intulerat famem per tres annos secundo Regum vigesimo primo, & nunc iterum irascebatur, ideo dicebatur addidit, scilicet, hoc super alias vices.

Quomodo tentabat Satan David.

Quest. II II.

QUÆRITUR vltius cum furor Domini alceretur contra Israel, quomodo tentabat nunc Satan David, quia in hoc non irascebatur Deus Israelitis, sed magis ipsi David permittendo, quod peccaret.

Responderi potest dupliciter: vno modo, quod David permissus fuit hic peccare propter populum suum, scilicet, quod Israelitę peccauerant, & ut ipsi punirentur Deus permisit David peccare, quem non permisisset aliis, nisi ex peccato eius sequeretur peccatum David, irascebatur Deus contra Israel. Sic enim ait Gregorius in Moralibus, quod sepe secundum merita subditorum disponitur vita rectorum. Etiam aliquando Deus irascitur principibus propter populos. Sic patet de Moyse principe Israelitarum, qui dixit ad Israelitas. Iratus est mihi Dominus propter vos, nec exaudiuit me. Deuteronomij tertio. Sed dicendum est, quod iste modus quamquam videatur aliquantulum coloratus, non est omnino verus, scilicet, quod Deus non erat permissurus, quod aliis peccaret David, sed quia volebat punire populum propter peccata eorum, permisit, quod peccaret David: nam ista magna iniuria esset, quod maius damnum sequeretur in David, qui mittebatur peccare, quam in populo. Quod patet, quia pena, quę infligebatur populo erat temporalis, pena autem, quę infligenda erat David pro hoc peccato erat temporaliter, non offendebar Deum. David autem

Alph. Tost. in lib. I. Paralip.

A per hoc, quod mittebatur peccare, offendebar Deum: ideo maior iniuria, vel damnum erat ei, quod permetteretur peccare solum propter populum, quam damnum quod infligebatur populo in hoc, quod puniebatur temporaliter. Et sic non est verisimile, quod Deus propter sola peccata populi permetteret ipsum David peccare nunc destituendo eum auxilio suo, quem alias non destitueret, nisi propter populum. Et sic videtur, quod cum nunc David permissus fuerit a Deo peccare, non fuerit hoc propter sola peccata populi, sed magis propter peccata ipsius, quia aliquid saltem leue committeret ipse David, propter quod mereretur destitui auxilio diuino quantum ad aliquem actum, & permitti peccare. Cum autem probatur positio ista per id, quod dicit Gregorius, quod sepe secundum merita subditorum ordinatur, vel disponitur vita rectorum.

B Dicendum, quod non intelligitur, quod Deus faciat rectores alicuius populi peccare, vel permittat ipsos peccare. Et tamen tunc permittuntur propter subditos, sed est sensus, quod Deus disponit vitam rectorum secundum merita subditorum, id est, dat illis talem rectorem, qualem ipsi merentur, scilicet, quod si mali sunt, dat eis malum rectorem. Et patet, quod iste sit sensus, quia Gregorius dicit istud in Moralibus super illud Iob trigesimo quarto. Scilicet, qui facit regnare hypocritam propter peccata populi, & tamen ibi significatur, quod si populus est malus, Deus dat eis regem, qui sit hypocrita: non quidem, quod faciat eum hypocritam, vel permittat eum fieri hypocritam propter sola peccata populi, sed quod illum, qui alias erat hypocrita ex voluntate sua, Deus fecit esse regem super populum malum, ut puniat illum iuxta peccata sua. Cum autem obijciatur de Moyse, quod ipse dixit ad Israelitas. Iratus est mihi Dominus propter vos, nec exaudire voluit.

C Dicendum, quod ibi Deus non induxit nec permisit Moysem peccare propter populum, sed Moyse volebat increpare populum, & videns malitiam illorum, tanto zelo iracundię inualuit, quod non prouocauit populum ad laudandum Deum pro aqua, quam dedit eis de petra in Chadesbarne, sed magis durissimę increpuit populum, dicens: Attendite rebelles. Et ibi peccauit Moyse, propter quod Deus non permisit eum intrare in terram Chanaan. Numeri vigesimo, & vigesimo-septimo. Et Deuteronomij trigesimo secundo. Et sic Deus non iratus est sibi propter populum, scilicet, puniendo eum, vel inducendo ipsum ad peccandum, vel permittendo, quod peccaret. Sed populus fuit occasio turbationis Moyse, in qua peccauit, & propter istud peccatum Deus non exaudiuit preces eius, nec misertus est sibi. Ideo dicitur, quod propter populum Deus iratus fuit sibi, & non exaudiuit eum.

E Secundo ergo modo dicendum est, scilicet, quod Deus permisit nunc David peccare, quia ipse meruerat hoc propter aliqua peccata, quę prius fecerat. Et tamen quia ista permissio redundauit in damnum Israelitarum, dicitur permisisse eum propter populum peccare, & foris dato, quod David mereretur alias permitti a Deo, quod peccaret, & ipse misereretur ei, nolletque ipsum permittere: tamen propter peccata populi, ut nunc punirentur per peccatum David, permisit Deus ipsum peccare.

*De modo persuasionis Satan erga David.
Quæst. V.*

QUÆRITUR ulterius quis fuit modus, quo Satan persuasit nunc David, ut numeraret populum.

Responderi potest vno modo, scilicet, quod apparuit Satan ipsi David in figura, vel effigie humana, sicut solent apparere Angeli Dei. Nam sæpe Angeli Dei apparent in hac forma, sicut fuit de Angelo apparente Gedeoni, quem putabat esse hominem, & quando ascendit in fumo cum sacrificio cognoscens illum esse Angelum timuit. Iudic. sexto. Sic etiam fuit de Angelo, qui apparuit patri, & matri Samsonis, & putabant esse illum virum. Iudic. decimotertio. Sic etiam fuit de Raphaele Angelo, qui duxit Tobiam per multa terre spacia in forma viri, & post multum tempus cognitus est esse Angelus, ut patet Tobie a capitu. quinto vsque ad decimūquartū. Dæmon autem ille modo se potest transfigurare, ut appareat vir, vel ut appareat Angelus. Sic enim dicit Apostolus secunda ad Corinthi. vndecima, scilicet: nam & ipse Satanas sæpe se transfigurat in Angelum lucis, & in ista forma poterat loqui ad David dicens ei, quod numeraret populum. Secundo modo poterat fieri hoc, quod Satan non appareret ipsi David in aliqua effigie, sed solum, quod tentaret eum stimulando cor eius ad hoc, quod numeraret populum, sicut diabolus solet nos tentare non apparendo nobis, vel loquendo, sed ostendendo aliquod obiectum delectabile, vel concupiscibile: aut mouendo phantasiam, ut aliquid appareat nobis bonum, vel malum, vel concitando sanguinem, aut choleram, vel alios humores in corpore, ut per hoc suscitetur aliqua passio, scilicet, libido, vel ira, aut quæcunque cupiditas. De primo modo, quod potuerit esse hic, apparet, quia dicitur hic, quod consurrexit Satan contra Israel, & incitauit David, ut numeraret populum, & ista incitatio poterat esse duobus modis dictis.

Dicendum tamen est, quod licet vterque modus fuerit possibilis, & aliquando contingens: tamen hic non fuit nisi secundus. Quod patet, quia si Satan apparuisset David, & loqueretur ei, intellexisset David aliquam fraudem esse, quia ille, qui appareret, aut esset Angelus bonus, aut malus: non videbatur, quod esset bonus, quia ille non veniret, nisi ad nunciandum aliquid valde bonum. Numeratio autem populi non erat aliquid tale, sed potius videbatur esse malum: potissimè cum non haberet aliquam causam: ideo suspicaretur malum David, & non moueretur faciliter. Cum autem Satan moueret cor eius solum, & non appareret extra, nec loqueretur, non haberet David causam suspicandi, quia non videretur istud esse ab aliquo alio; sed a seipso videretur moueri, & sic non crederet se decipi, sicut si appareret ei Satan. Secundo patet, quia si appareret ei Satan, & diceret numera populum, aut crederet David illum esse Satan, aut Angelum bonum. Si putaret illum esse Satan, certum est, quod nollet numerare populum suadente eo, quia diabolus semper incitat hominem ad malum. Si autem putaret eum Angelum bonum esse, crederet se obligatum esse ad numerandum populum, sicut ille iubebat, quia Angeli boni non veniunt ad nos nisi a Deo mittantur, quia omnes sunt administratores spiritus in ministerium missi propter eos, qui hereditatem habent eternæ salutis. Ad Hebræ. primo. Et tunc quando Ioab,

F & principes militiae suaderent David, ut non numeraret populum, & dicerent ei esse malum, David responderet, quod potius erat bonum, & necessarium, eo quod Deus iusserat ei hoc per Angelum suum, & sic desisterent illi dissuadere, & tamen David nihil respondit defendendo præceptum suum, sed solum instanter iubebat, quod numeraretur populus: ideo videtur, quod non apparuerat ei Satan, sed solum stimulauerat cor eius. Tertio patet, quia si Satan apparuisset David, & ille credidisset eum esse Angelum bonum bona fide deciperetur circa hoc credens ei, & ideo non diceret postea, peccauit, sed quando Deus ei reuelauit per Prophetam Gad tria genera poenarum, ipse conquereretur de Deo, dicens, quod ille deceperat eum mittens Angelum suum, qui induxerat eum ad hoc, sicut semel Ieremias conquerebatur de Deo, quia non sic euenerat, sicut putabat Ieremias in eo, quod sibi Deus præceperat: cum dicit conquerens deduxisti me Domine, & seductus sum, fortior me fuisti, & inualuisti, factus sum in derisum tota die. Ierem. vigesimo. Et tamen David cognouit peccatum suum, & nihil conquestus est, sed magis accusauit seipsum dicens, quod Deus auerteret iram suam a populo, & conuerteret super eum, ut patet infra in littera, & secundo Regum vigesimoquarto. Ideo non apparuerat ei Satan, sed solum tentauit stimulando cor eius, sicut dixit beatus Petrus ad Ananiam: Cur tentauit Satanas cor tuum mentiri te Spiritui sancto, & fraudari de precio agri? Actuum quinto.

*De desiderio David in numerando populum.
Quæstio. VI.*

QUÆRITUR ulterius quare David desiderauit numerare populum, cum nulla videretur in hoc ei esse utilitas.

Aliquis fortè dicit, quod motus fuit David ex quadam cupiditate, scilicet, quia faciebat, quod quilibet de numeratis solueret certam summam, & sic colligebatur magna summa pecunie David numerando populum.

Dicendum, quod hoc non stat, quia David non lucratus fuit ex hoc aliquid, quia non vexabat populum tributis, sed potius erat liberalis erogando multa populo: potissimè quia si aliquid consequi deberet David ex hoc, sciret illud Ioab, quando iubebatur sibi, ut numeraret populum, & ideo non diceret ipsi David, quare vellet numerare populum, quia iam sciret causam. Et tamen ipse Ioab significauit in verbis suis, quod David non haberet aliquam causam ad numerandum populum, cum dixit: nunquid non omnes, Domine mi rex, serui tui sunt? Quasi dicat, non habes aliquam causam numerandæ eos, cum omnes sint tui. Item patet, quia si David intenderet consequi aliquam utilitatem ex ista numeratione, quando dixit ad Ioab, quod numeraret populum expressisset hoc ei: & tamen solum dixit: ite & numerate Israel, & aserte mihi numerum, ut sciam, quasi intentio sua solum esset ad sciendum summam populi, & non ad aliquid aliud.

Dicendum ergo, quod duplex causa fuit hic ad hoc, quod David numeraret populum, scilicet, vna fuit impulsua, & alia finalis, & vna erat cognita David, & altera ignota. Causa impulsua fuit hic Satan, qui stimulauit cor David ad hoc, quod numeraret populum, & per hoc ipse peccaret, & populus, & ita

& ita desiderabat istam numerationem ex magno desiderio, sicut si aliqua magna utilitas, vel honor ex hoc sibi provenire deberet. Causa finalis erat quedam delectatio pertinet ad inanem gloriam. Volebat enim David totam summam populi sui scire, quia sciebat illum esse magnum, ut cognita particulariter, & distincte illa summa, extolleretur, & gauderet de tanta multitudine sibi subiecta: nam in hoc est gloria Regum, quod habeant magnos populos sibi subiectos. Sic patet Proverborum vigesimoquarto, scilicet. In multitudine populi dignitas regis, & in paucitate plebis ignominia principis. Et cum cogitant reges intra se tantam multitudinem sibi subiectam, gloriantur in hoc, & complacent sibiipsis, ut patet Sapient. sexto, scilicet. Audite reges, & intelligite, præbete aures vos, qui continetis multitudines, & placeatis vobis in tribus nationum. Ex ista causa sciebat se David moveri ad numerandum populum, & non cogitabat causam impulsivam, scilicet, demonis tentationem, quæ magis eum movebat: nam si solum fuisset istud desiderium in David demone non cooperante, ad hoc non fuisset motus faciliter, vel nullo modo ad numerandum populum, quia tamen Deus destituerat eum nunc, & Satan consurrexerat contra eum, suadebat cor eius nimium ad numerandum populum.

De modo numerationis populi. Quest. VII.

QUÆRITUR ulterius quomodo numeratus fuit nunc populus, scilicet, de quibus tribus fiebat numeratio, & qui erant, qui numerabantur.

Respondendum, quod David volebat, quod omnes tribus numerarentur, tam duodecim tribus laicorum, quam tribus Levitica, quia omnes isti erant subiecti sibi: nam in veteri testamento non erat distinctio iurisdictionum, sed tam laici, quam Sacerdotes, & Levitæ erant subiecti regi, & ipse iudicabat de Sacerdotibus in civilibus, & criminalibus, & condemnabat eos ad mortem, si deliquissent, sicut laicos, sicut fuit satis declaratum tertio Regum secundo. Et ibi satis colligitur ex litera. Et tamen loab non numeravit omnes tribus, quia dimisit tribum Beniamin, & Levi, ut patet infra in litera, & alia tribus solum numeratæ sunt. De his autem tribus dicendum, quod non omnes numerabantur, quia foeminae nunquam numerabantur, eo quod ille non erant ad bellandum, nec ad alios actus bellicos, propter quos fieret numeratio: item non numerabantur parvuli, quia intentio David erat sciens numerum bellatorum regni sui, ideo numerandi erant viri in tali ætate, in qua iam essent potentes ad bellum, sic significatur infra in litera. Cum dicitur: Et inuentus est numerus mille millia, & centum millia virorum educentium gladium. Et sic dicendum, quod numerati sunt viri a viginti annis, & supra, quia in illa ætate iam incipiunt homines esse potentes ad bellum, & etiam esse animosi propter morum cholera, & ardorem ætatis, & sic fiebat omnes alie numerationes Israelitarum: nam in principio secundi anni ab exitu de Aegypto numeratus est populus in deserto Sinai a viginti annis, & supra. Numeri primo. Item etiam anno quadagesimo ab exitu de Aegypto numeratus est populus in campibus Moab super Iordanem, Numeri vigesimo sexto. Sciendum etiam quod David iubens numerari Israel non dedit aliquam formam quantum ad illos, qui numerandi erant, sed solum dixit: Itē &

Alph. Tost. in lib. I. Paralip.

A numerate Israel, & hoc fuit, quia secundum legem erat iam datus certus modus numerandi. Ideo intellegebatur, quod deberet loab numerare iuxta illam formam. numerabantur autem homines per capita, ideo non poterat numerari, qui non habebat caput, nec transierat ad numerum populi, quod scilicet, ille, qui ante hoc non erat tamquam unus de populo, non poterat nunc numerari: transibant tamen omnes ad numerum secundum legem a viginti annis, & supra, scilicet, quando quis complebat annum vigesimum, offerebat dimidium siclum, & per hoc transibat ad numerum, scilicet, quia ante hoc non computabatur tamquam unus de populo, nec fiebat mentio de eo, ac si non esset: tunc verò incipiebat esse unus de populo, & faciebat numerum cum ceteris, & sic nunc solum numerati fuerunt illi, qui erant a viginti annis, & supra.

Si enumeratio incipit a vigesimo anno exclusive.

Quest.

VII.

QUÆRITUR ulterius dato, quod non computaretur aliquis nisi excederet annum vigesimum, an omnes excedentes annum vigesimum computarentur. Aliquis dicit, quod non. Primo, quia intentio David erat computare viros bellatores regni sui. Et tamen, sicut quidam non possunt esse bellatores propter defectum ætatis, ita alij non sunt bellatores propter excessum, scilicet, qui senio confecti sunt: ideo sicut minores vigesimo non computantur, ita, & maiores quam viri, scilicet, senio confecti non computabuntur. Secundo patet, quia dicitur hic in litera inuentus est numerus mille millia, & centum millia virorum educentium gladium, & tamen senio confecti non possunt educere gladium, ideo non computantur illi.

Respondendum videtur, quod omnes maiores vigesimo quæcunque ætatis essent computabantur. Et ratio huius est, quia in modo communi computandi computabantur omnes, qui transierant ad numerum, & tamen licet illi, qui erant minores vigesimo propter defectum ætatis non transirent ad numerum, nullus propter multitudinem ætatis excluderetur a numero. Sic patet Exodi trigesimo, ubi ponitur forma de transeuntibus ad numerum, & dicitur: Qui habetur in numero a viginti annis, & supra dabit precium. Et sic posuit terminum ad excludendam parvitatem ætatis: tamen nullum posuit ad excludendum magnitudinem. Alioquin posuisset duos numeros annorum. Et tamen solum dixit a viginti annis, & supra. Item patet hoc, quia sic observabatur in omnibus numerationibus, quas faciebant Israelitæ, quia numerabantur omnes a viginti annis, & supra, ut patet Numeri primo, & vigesimo sexto. Si autem diceretur, quod ibi non fuerunt numerati omnes, qui erant supra viginti annos quæcunque essent senes, sequeretur magnum inconueniens, scilicet, quod multi de illis, qui computati sunt in deserto introiissent in terram Chanaan. Pro quo sciendum, quod quando Israelitæ erant in Chadesbarne, & murmuraverunt, Deus dixit, quod nemo illorum, qui numerati erant a viginti annis, & supra, introiret in terram Chanaan. Si ergo esset aliquis terminus propter magnitudinem ætatis, utpote octoginta, vel nonaginta anni, in quo iam Israelitæ non numerarentur, essent multi de illis viris, qui essent supra illam ætatem, quando data est ista maledictio, & illi non prohibe-

Gg 2 rentur

rentur introire in terram Chanaam, & sic multi in-
troiissent, & tamen falsum est, quia soli duo vi-
ri, scilicet, Iosue, & Caleb ingressi sunt in ter-
ram Chanaam de omnibus illis, qui erant a vi-
ginti annis, & supra in deserto, quando posita est
maledictio, ut patet Numeri vigesimo sexto, er-
go videtur, quod omnes, qui supra viginti annos
quantecunque etatis essent senes. Ad primam ra-
tionem in contrarium dicendum, quod intentio Da-
uid non fuit nunc scire numerum virorum bellatorum,
scilicet, qui erant potentes ad bellandum, nec impe-
diebantur propter etatem, vel aegritudinem, aut
alias, quia tunc oporteret etiam dicere, quod ab ista
summa subtraherentur omnes, qui erant actualiter
infirmi. Et propter hoc non poterant pugnare,
quod nemo concederet, sed intentio David fuit hic
scire numerum populi sui. Nam dixit ite, & nume-
rate Israel, & tamen nomine populi intelliguntur om-
nes, qui iam transierunt ad numerum cuiuscunque
etatis sint: ergo omnes fuerunt computati etiam
senio confecti. Ad secundam dicendum, quod qua-
quam dicitur hic, inuentus est numerus mille mil-
lia, & centum millia virorum educentium gladium,
non excluduntur propter hoc senes ab isto numero,
quia non vocantur educentes gladium illi solum,
qui actualiter erant potentes ad educendum gladium,
sed omnes illi, qui tunc erant potentes, vel aliquan-
do fuerant potentes ad hoc, & hoc conveniebat om-
nibus, qui erant a viginti annis, & supra, quantumcu-
que essent senio confecti, & patet hoc per simile,
quia Numeri primo, dicitur: Tolle summam filio-
rum Israel a viginti annis, & supra omnium viro-
rum fortium procedentium ad bellum. Et tamen
ibi fuerunt computati omnes, qui erant a viginti an-
nis, & supra, etiam si essent senio confecti, ut supra
probatum est.

Egressusque est Ioab, & circuiuit vniuer-
sum Israel, & reuertus est Ierusalē: Deditque
David numerum eorum, quos circuierrat, &
inuentus est omnis numerus Israel, mille
millia, & centum millia virorum educenti-
um gladium. De Iuda autem quadragin-
ta septuaginta millia bellatorum. Nam Le-
ui, & Benjamin non numeravit, eo quod
inuitus exequeretur regis imperium.

Egressusque est. Hic ponitur secundum huius capit.
scilicet, precepti executio, quia postquam vidit
Ioab, quod David obstinato animo persistebat in
in hac sententia, quod numeraretur populus, no-
luit contendere cum eo, sed obediuit, & dici-
tur.

Egressusque est Ioab. Scilicet, de Ierusalem, vbi
erat cum David ad discurrendum per totam terram
Israel.

Et circuiuit vniuersum Israel. Ipse, & principes exer-
citus, qui erant cum eo circuiuerunt totam terram
Israel ad numerandum populum. Istud ponitur la-
tius secundo Regum vigesimo quarto. & Esdras sub-
trahit illud hic. Nam dicitur, quod Ioab, & princi-
pes exercitus exeuntes de Ierusalem transierunt Ior-
danem, & venerunt in Aroer, & transierunt per
terram Galaad vsque ad syluestria Dan. Et vene-
runt iuxta Sidonem, & prope moenia Tyri, redie-
runt in Bethsabee ad Meridiem terrae Iuda, & dein-

de venerunt in Ierusalem post nouem menses, & vi-
ginti dies postquam recesserant a rege, & significatur
in istis forma circueundi terram Israel, quam habuit
Ioab: nam ipse incepit in parte Meridiana, scilicet,
apud Ierusalem, & iuit ad Orientem transeundo Ior-
danem vsque ad Aroer, qui est locus maxime
Orientalis in tota terra Israel, ut colligitur Iosue de-
cimo tertio, & secundo Regum vigesimo quarto.
Et inde venit per partem Aquilonarem, scilicet,
per syluestria terrae Dan. Et postea ad partem Occi-
dentalem, scilicet, iuxta Sidonem, & moenia Tyri:
& deinde versus partem Meridianam ad urbem Beth-
sabee, & inde redijt in Ierusalem, de qua exierat fa-
ciens circulum perfectum. De quo magis declara-
tum est secundo Regum vigesimo quarto.

Et reuersus est in Ierusalem. Est Ierusalem Me-
tropolis regni Israel. Ibi manebat semper David,
& ad ipsum locum redijt Ioab finita numeratio-
ne.

Deditque David numerum eorum, quos circueerat. Id est,
dedit illi numerum illorum, quos circueundo
numerauerat, quia omnes scribebantur in libris
Ioab.

*Et inuentus est omnis numerus Israel mille millia, & cen-
tum millia virorum educentium gladium.* Id est, de toto
Israel inuentus est iste numerus. vocatur totus Is-
rael vnde cum tribus, quia tribus Iuda per se com-
putabatur, & dicitur educentium gladium, id est,
omnes isti erant iam in etate, in qua poterant edu-
cere gladium, vel aliquando eduxerant, scilicet, qui
erant ultra vigesimum annum: non tamen erant om-
nes actualiter dispositi ad educendum gladium, ita
quod omnes tunc haberent vires, quia multi erant
iam senio confecti, ut declaratum est precedenti
quaestione.

*De Iuda autem trecenta, & septuaginta millia pugnato-
rum.* Scilicet, de sola tribu Iuda erant isti pugnato-
res, licet plures ponantur, secundo Regum vigesi-
mo quarto, ut infra declarabitur in quadam qua-
estione.

Nam Leui, & Benjamin non numeravit. Istud poni-
tur hic ad excusandum paucitatem numeri, quia di-
ceret aliquis quomodo tam paucus numerus fuit de
omnibus tribubus Israel.

Respondet, quod non fuerunt numerate omnes
tribus. Nam tribus Benjamin, & Leui non fue-
runt numerate, de quibus poterat colligi satis ma-
gna summa.

Eo quod inuitus exequeretur regis imperium. Id est, Ioab
contra voluntatem suam numerabat populum ad
mandatum regis: ideo non plene numerabat, quia
quod quisque inuitus agit, nunquam perfecte ex-
plet.

*An Ioab numerans populum peccauerit pro-
pter imperium David.*
Quaest. IX.

QUAE R I T U R circa praedicta, an Ioab pec-
cauit exequendo imperium David de nume-
ratione populi. Aliquis dicit, quod sic, quia
David iubebat hic ipse Ioab malum facere,
& non tenetur subditus obedire Domino, quando-
cunque malum iusserit, quia per obedientiam eius
repugnaret Deo, cui magis tenetur. Aliquis forte
dicit, quod Ioab nesciebat istud esse malum, ideo
non peccabat obediendo regi. Dicitur tamen quod
non stat, quia ipse sciebat malum esse: nam di-
xit ad David: Quare hoc querit Dominus meus,
quod in peccatum reputetur Israel, ut patet supra
in litera:

in litera: ideo peccatum esse sciebat. Responden- A dum, quod Ioab nihil peccauit in hoc, aut valde modicum. Pro quo sciendum, quod in eis, quæ iubentur a Dñis, vel prælatis, quædam sunt manifestè bona, & alia manifestè mala, & alia dubia. Si sint manifestè bona, iustissimum est eis obedire, quia etiam præter auctoritatem iubendi sola ratio deberet mouere ad talia exequendum. Si autem sint manifestè mala, & in omnem euentum mala, non est obediendum eis, quia iam non habent auctoritatem mandandi, quia omnis potestas a Deo est, & ordinata est. Ad Roma. tertio. In quantum ergo recedit a Deo iubendo contrarium pro illo actu definit esse potestas, & non est sibi obediendum, sicut si non esset in potestate constitutus, sed persona priuata: non tamen ex hoc incidendum est in errorem quorundam credentium, quod quando dominus, & potissimè prælatus Ecclesiasticus est in peccato mortali, nullam habeat iurisdictionem, nec obediendum sibi sit, & quod deterius est, non solum auferunt eis potestatem iurisdictionis, sed etiam characteris dicentes, quod Sacerdos in mortali constitutus conficere non possit. Ista enim absurda sunt: nam de pertinentibus ad characterem, sicut est conficere, dicendum quod propter nullum peccatum mortale quantumcunque graue, & notorium possit impediri executio de facto, quin verè consecratus talis Sacerdos, & non solum hoc, sed etiam si sit ab Ecclesia præcisus, ut hæreticus, schismaticus, excommunicatus, interdictus, suspensus, & qui cunque similis, dato quod sit solemniter degradatus, quod est grauissimum: nam etiam in talibus manet character, qui per Ecclesiam tolli non potest, quamquam Papa conaretur hoc facere, cum sit character aliquid sacrum indelebile menti nostræ a Deo impressum. De actu iurisdictionis secus est, quia potestas iurisdictionis non est tam inhærens, sicut character. Ideo actus iurisdictionis potest facilius impediri: nam cum quæcunque iuridictio conferatur ab Ecclesia, potest Ecclesia illam tollere in casu rationabili, & a iure determinato. Et tamen propter hoc non est dicendum, quod propter peccatum mortale quilibet prælatus careat iurisdictione, ita quod sibi mandanti non sit obediendum, quia semper obediendum est licet sit in peccato mortali, etiam si sit notorium quousque per sententiam priuetur iurisdictione, vel suspendatur ab usu eius, vel sit tale peccatum, in quo incidens ipso iure sit priuatus executione iurisdictionis, sed solum hoc faciendum est, quod non obediatur in eis, quæ malè iusserit. Si autem ea, quæ iubentur sunt dubia, etiam dato quod magis suspicemur illa mala esse quam bona, obediendum est prælato propter auctoritatem iurisdictionis, & in hoc multum operatur potestas mandandi, & est vnum speciale, quia si quis auctoritate sua, & voluntate faceret aliquid, de quo dubitaret an bonum, vel malum esset, & magis suspicaretur esse malum quam bonum, peccaret mortaliter exponendo se periculo, & alibi iubente prælato fecerit quod dubium est, etiam si magis credatur malum esse quam bonum nihil peccat, sed magis meretur quam si propter scrupulum nollet obedire. Sic autem fuit nunc in Ioab, quia David iussit ei aliquid quod erat dubium, an esset bonum, vel malum, & magis putabatur esse malum, quam bonum, quia nulla causa videbatur, quare fieret: propter auctoritatem tamen David debuit Ioab obedire. Et quando obijciatur, quod Ioab sciebat istud esse malum, ideo non debebat obedire, dicendum quod non sciebat illud esse malum, sed suspicabatur, eo quod numeratio populi non habebat hic aliquam

Alph. Tost. in lib. I. Paralip.

causam, & non erat fieri consueta sine causa, ideo dubitabat Ioab, quia tamen ad timentem pertinet semper deteriora suspicari, loquebatur Ioab ad David in hoc tamquam esset manifestè malum, licet esset sibi dubium dicens. Quare hoc querit Dominus meus quod in peccatum reputetur Israel? Quia tamen David erat Propheta, & vir deicola, dubitabat Ioab an forte Deus dixisset hoc David, vel moueretur aliqua inspiratione eius, vel saltem haberet aliquam causam secretam, quam noluisse ei exprimere. Alio modo ad hoc dici potest, quod dato, quod Ioab sciret istud esse malum, si tamen paruum malum erat, poterat illud facere, ut non repugnaret David: nam Ioab erat princeps militie, & maior in toto regno post David, & cum David haberet nunc mentem obstinatum ad hoc, quod numeraretur populus, si non obedi- B diret ei Ioab, sequeretur necessario schisma, & magnum scandalum in regno, pro quo euitando poterat permitti illud malum paruum. Ista est sententia quorundam, sed non est satis iusta: nam propter scandalum recedendum est a veritate doctrine, & discipline, sed non a veritate vite, & sic si Ioab fuisset iudex, vel Dominus, potuisset permittere aliquid peccatum fieri non puniendo illud, vel differendo punitionem ad tempus, ut non sequeretur tantum scandalum, & tamen quod ipse committeret aliquod peccatum, etiam si minimum esset, dum tamen esset mortale, nullo modo fieri licebat pro euitatione maximi scandalii, etiam si totum regnum Israel perire deberet: & de hoc intelligitur illa regula, scilicet, vtilius scandalum nasci permittitur, quam veritas relinquatur, scilicet, veritas vite. extra de regulis iuris. capitulo. Qui scandalizauerit. Sic erat in Ioab, quia si peccatum erat numerari populum: cum nunc Ioab deberet illud exequi, faceret contra veritatem vite, quæ non est relinquenda propter scandalum. Ideo dicendum, sicut prius, scilicet, quod dubitauit Ioab, & propter hoc non peccauit exequendo mandatum, vel si fuit peccatum, quod fuit leue.

De quibusdam verbis, quæ dixit Ioab ad David, scilicet. Quare Dominus meus querit hoc, &c. Quæst. X.

Q VÆRITUR vltius, quomodo dixit Ioab ad David, quare Dominus meus querit hoc, quod in peccatum reputetur Israel: nam ista numeratio non erat reputanda Israelitis in peccatum, quia ipsi non faciebant illam, sed David, & illi inuiti patiebantur.

Responderi potest vno modo, quod Ioab intelligebat, quod reputaretur in peccatum ipsi David, & tamen propter auctoritatem eius noluit dicere, quod reputaretur in peccatum ei, sed populo. Et tamen David intelligeret per ista verba Ioab, quod ipse dicebat, quod imputaretur ei in peccatum. Aliter potest dici, quod David peccabat in hoc, & tamen Ioab putabat peccatum esse puniendum propter peccatum regis: ideo non locutus est de peccato David, sed de pœna populi, dicens, quod in peccatum reputetur Israel, id est, reputetur in pœnam peccati, scilicet, quod ita dabitur pœna populo pro hoc, sicut si peccaret.

Alio modo etiam potest dici, quod Ioab putabat, quod populus puniretur, quia numerabatur contra legem. Nam Deus dixit, quod quando tollenda esset iumenta populi, acciperetur dimidium sibi a quolibet, & non esset plaga disperdens, quasi dicat, si non solveretur precium, esset plaga disperdens, & tamen David iubebat numerari populum non soluto

precio, ideo timebat Ioab, quod esset plaga in populo, & sic reputaretur ei in peccatum.

De punitione populi.

Quest. XI.

QUÆRITUR ulterius cum in ista numeratione populi solum peccauerit Dauid, quomodo puniretur populus. Aliqui dicunt, quod forte populus consenserat sibi in hac numeratione, & ob hoc puniebatur. Sed istud non stat propter quinque. Primo, quia si propter consensum, vel fauorem præstitum regi ad hoc aliquis puniretur, potius deberet puniri ipse, qui principaliter mouebat istud, & operabatur, scilicet, Dauid, & tamen ipse non punitus est, non ergo puniebatur populus, quasi in hoc consensisset regi. Secundo patet, quia non cadebat in populum iste consensus, vel fauor: nam consentire, vel fauere eis, quæ rex facere vult pertinet ad principes, & consiliarios suos, qui sunt in curia eius, & tractant facta regni. Ad rusticos autem, & agricultores, qui per diuersa loca morantur ad colendum terram, non pertinet hoc, quia ipsi nihil sciunt de negotijs regis. Et tamen hic plurimi, qui fuerunt occisi fuerunt de popularibus, qui erant extra Ierusalem; nam cum extenderet Angelus manum suam super Ierusalem, Deus iussit illi cessare, ut patet infra in litera. Ideo videtur, quod non propter consensum, & fauorem præstitum circa istam numerationem puniebatur populus, quia sic soli principes morentur. Tertio patet, quia omnes principes exercitus repugnauerunt Dauid super ista numeratione, ut patet supra in litera. Et capiebat rex consilium cum illis: quomodo ergo verisimile erat, quod populares, quibus nihil pertinebat defectus regis fauerent ei in hoc. Quarto patet, quia non petebatur in hoc consensus populi, quomodo ergo consentiret, vel faueret? Non enim poterat esse iste consensus, nisi quod placeret eis de ista numeratione, quam rex faciebat, & tamen non est verisimile, quod placeret eis, nisi esset in eorum utilitate, quod falsum est, quia potius patiebantur damnum, cum ad istam numerationem faciendam oporteret principes discurrere per omnia loca terræ Israel, & in hoc aliquantulum grauarent eos, apud quos manerent, potissime quia istud erat aliquid insolitum, & homines non gaudent quando vident circa se fieri aliqua insolita. Quinto patet, quia Dauid dixit ad Deum: Ego sum, qui peccavi: isti oves sunt, quid fecerunt? vertatur, obsecro, manus tua contra me, & contra domum patris mei, ut patet infra in litera: & secundo Regum vigesimo quarto. Et sic Dauid dicit, quod populus nihil mali meruerat in hoc, sed solum ipse, & domus patris sui, ergo populus non præstitit fauorem ad hoc, quod fieret numeratio. Aliquis dicit aliter, scilicet, quod populus punitus est solum propter peccatum regis, dato quod nihil peccasset in hoc, aut in alio. Sed dicendum, quod ista sententia est dura, nec est vera: nam nullus punitur nisi propter peccatum, quod aliquo modo est suum. Et quando dicitur communiter, quod rex punitur pro peccato populi, est sensus, quod rex in aliquo peccauit, & populus consensit ei in peccato illo, fauendo, vel cooperando, vel quod minus est si rex peccauit, & populus potens prohibere eum non prohibuit, peccauit. Et istud peccatum non est peccatum regis, sed populi: nam peccatum regis est in quantum facit: peccatum autem populi in quantum fauet, vel saltem non prohibet, & sic quando punitus fuerit tunc populus, non punitur pro peccato regis, sed pro peccato suo. Dicitur tamen puniri pro peccato regis, quia illud peccatum ortum habuit a rege. Sic

etiam interdum populus peccat, & rex cum posset rigere, non corrigit, & quia ad eum pertinet corrigere, Deus requirit hoc de manu eius, iuxta illud Ezechie. tertio. & trigesimo secundo. Et sic peccat, & punitur pro ista omissione, sicut mortuus fuit Heili, quia omisit castigare filios suos, ut patet i. Regum quarto. Et tunc verè punitur rex, vel prælatus pro peccatis suis, scilicet, pro omissione. Dicitur tamen puniri pro peccatis populi, quia peccatum illud regis, vel prælati ortum habuit a peccato populi, scilicet, quia prælatus non omisisset nisi populus commisisset. Alius modus est, quo dicitur puniti populus pro peccato regis, & rex pro peccato populi, scilicet, quia aliquando rex peccauit grauiter, & etiam populus peccauit, & meretur infligi sibi poenam: Deus tamen parceret populo, vel differret poenam eius ad alterum tempus, nisi propter peccata regis, scilicet, quia rex grauiter peccauit, & vult, quod grauiter puniatur dolendo nimis, quod videat populum suum perire. In hoc casu populus pro peccato suo punitur, quia præsupponitur, quod meruerit, & tamen non puniretur tunc, nisi rex peccauisset, ut ipse simul puniretur, & in hoc casu non præsupponitur, quod populus faueret regi in aliquo peccato, vel non prohibuerit eum, cum posset, sed solum propter peccatum regis punitur populus eo tempore, quo alias non puniretur, & sic differt iste casus nimis a precedenti. Aliquis autem dicit, quod istud est iniustum, quod populus, qui nullo modo peccauit cum rege, puniatur propter peccata eius.

Dicendum, quod populus non punitur hic pro peccato regis, sed pro suo. Et tamen subtrahit ei Deus beneficium diuturnæ expectationis, quod alias impenderet, nisi obstarent peccata regis, quod autem aliquis noceat alteri peccatum est, quod ratem non beneficiat, & in casu, in quo non obligatur, non facit ei iniuriam. Et sic est hic de Deo. Interdum autem est sic de populo, scilicet, quod populus peccauit grauiter, & etiam rex. Et meretur rex incidere in calamitatem propter peccata sua, & tamen Deus non infligeret ei poenam totam, quam meretur, vel saltem illam differret, nisi pro peccatis populi. Et sic rex pro peccato suo punitur: & tamen pro peccato populi subtrahitur ei beneficium diuturnæ expectationis, quod alias non subtraheretur. Istis modis dicitur populus puniti pro rege, & rex pro populo. Quod tamen aliquando rex non peccauit in se, nec etiam populo permisit peccare, & puniuerit peccata eorum quantum potuerit, & tamen puniatur pro peccatis populi falsum est, nec Deus vnquam talem poenam intulit. Sic etiam quod populus non peccauit in se, nec regi peccanti fauerit, sed eum quantum potuerit ne peccaret impediuerit: & tamen puniatur pro peccatis regis, falsum est. Ideo etiam falsum est, quod populus non peccauit hic aliquo modo, & solum propter peccata regis punitus fuerit.

Dicendum ergo est, quod populus non peccauerat circa numerationem, quia non pertinebat eam fieri, nec fauerat in illa: fecerat tamen multa alia peccata, propter quæ merebatur istam plagam, quæ nunc inflicta est: & tamen Deus non dedisset eam nisi numeratus fuisset populus, & sic beneficium diuturnæ expectationis Deus subtraxit nunc populo propter peccatum Dauid, sed non puniuit propter peccatum regis aliquo modo, sed propter suum.

Quare populus, & non Dauid fuerit punitus a Deo.

Quæst.

XII.

QVAERITVR vltcrius cum populus non peccauerit in numeratione ista, & Dauid peccauerit, quare saltem Dauid non punitus est, sicut populus. Nam ipse non fuit punitus peste, nec etiam cognatio sua, vt colligitur in litera ex verbis Dauid, scilicet. Conuertatur manus tua super me, & super domum patris mei. Responderi potest vno modo, quod Dauid meruit magnam poenam pro numeratione ista, & tamen doluit nimis, quod offendisset Deum, & merito contritionis remissa est peccatū. Sic enim fuit quando Dauid adulteratus est cum Bethsabee, & occidi fecit Vriam. Nam Propheta Nathan declarauit ei magnum peccatum suum. Et tunc dixit Dauid peccaui Domine, & Nathan illico respondit: Dominus quoque transulit peccatum tuum non morieris. 2. Regum 12. Secundo modo potest dici, quod Dauid punitus fuit pro isto peccato, & tamen non fuit punitus immediate in peste illa, quæ inflicta est, sed Deus distulit poenam eius ad alia tempora. Solet enim Deus longo tempore expectare peccantes, quia ideo expectat nos Deus, vt misereatur nostri. Isai. 30. peccata autem populi, pro quibus nunc venit ista pestis, fortè erant iam ex multis temporibus, & non satisfecerat populus pro illis. Ideo Deus noluit diutius expectare, sed intulit poenam. Peccatum autem Dauid erat nouum, & Deus distulit poenam ad aliud tempus. Tertiò modo potest dici, quod Dauid punitus fuit nunc pro isto peccato, & fuit poena in duobus. Primò, quia populus iste peribat. Nam licet pestis in populo esset poena ipsius populi, tamen etiam erat poena Dauid, licet nõ tam directè, cum populus sit aliquid regis, sicut interdum Deus infligit homini in poenam peccati, quod occidit filios eius, & dolor susceptus ex illa morte fit maior poena peccati. Sicut si ipsi patri irrogaretur aliqua poena in corpore suo. Sic erat nunc, quia populus erat ipsius regis, & totum bonum regis est populus, quia excellentia principantis est secundum excellentiam subiectorum, vt patet primo Politic. cap. 3. Sed nunc multi de subditis Dauid excellentibus moriebantur, & per hoc minuebatur honor suus & potestas, ideo puniebantur. Item quia sicut dici- tur Proverbi. decimoquarto. In multitudine populi est dignitas regis, & in paucitate plebis est ignominia principis. Sed nunc populus Dauid minuebatur, ideo minuebatur gloria sua, & efficiebatur ignominiosus, & sic erat poena. Secunda poena fuit passio, quam tolerauit Dauid in corpore suo: nam videns Angelum Domini euaginatū gladium habentem, fuit nimis territus, ita quod non potuit ire ad templū Domini infra. Et dicunt, quod ex eo tempore rātus & in frigidum ita, quod immutātū est corpus eius, & in frigidum ita, quod calefieri nõ posset licet opertur vestibus, & propter hoc quæsitā est adolescens, cui cubaret in sinu Dauid, & calefaceret eum. tertiò Regum primò. Dicendum autem, quod istam numerationem populi, & ipse mortuus fuisset principaliter in ista peste nisi propter duo. Primò, quia doluit nimis de peccato, & orauit sibi remitti, vt patet infra in litera, scilicet. Peccaui nimis, vt hoc facerem, obsecro, aufer impietatem serui tui, quia insipiebam. Secundum fuit propter nimiam charitatē, quam Dauid habuit cum populo in conditionibus poenę sibi oblati. Nam dabatur ei opus in tribus, scilicet, quod septem annis famis esset, vel tres menses sterilitatis, & sige, aut tribus diebus pestilentia.

Alph. Tott. in lib. I. Paralip.

A secundo Regum vigesimoquarto. Si autem elegisset Dauid famem non pateretur, quia ipse posset habere fruges pro toto tempore. Si autem persecutionem hostium, etiam non pateretur, quia habebat fortissimos custodes, sed damnum erat in exercitu. Elegit tamen pestem, in qua poterat ipse primus perire, & quia in hoc habuit magnam charitatem cum populo, & ordinatum affectum, meruit nimis, & non percussit eum Deus peste. Non tamen propter hoc remisit totam poenam peccati, sed transulit eam. Sic enim factum est quādo Dauid occidit Vriam, & adulteratus est cum Bethsabee: nam ipse pro hoc a Deo occidendus erat, doluit tamen nimis, & dixit: Peccaui Domino. Illico autem Nathan dixit ei: Dominus quoque transulit peccatum tuum non morieris, secundo Regum duodécimo. Ecce non dixit Dominus remisit peccatum tuum, sed transulit, quamquā doluisset Dauid. Et translatio fuit, vt puniretur in eo, in quo deliquerat. Ipse autem deliquerat in duobus, scilicet, in homicidio, & adulterio. Pro adulterio datum est, quod moreretur paruulus natus de adulterio, Pro homicidio datum est, quod non exiret gladius de domo Dauid, eodem capiti. sicut factum est, quia postea tres filij eius occisi sunt gladio, idest, Amnon, secundo Regum decimo tertio, & Absalon, secundo Regum decimo octauo. & Adonias, tertio Regum secundo. Sic fuit hic, quia Deus transulit poenam istius peccati, & puniuit ipsum Dauid in eo, in quo peccauerat. Ipse autem peccauerat in quadam elatione de multitudine populi, & propter hoc numerabat illum, vt gloriaretur considerata tanta summa. Deus autem puniuit eum minuen- do de summa populi septuaginta millia virorum, qui perierunt peste, infra in litera. Et quia Dauid ex ista gloriatione consolaretur nimis, & letaretur, Deus dedit ei afflictionem in corpore suo vique ad mortē, scilicet, quod in frigidaretur corpus suum, & cum operiretur vestibus non calefieret, vt supra dictum est.

Quomodo peccauerit Dauid numerando populum.

Quæst.

XIII.

QVAERITVR vltcrius, in quo peccauit nunc Dauid numerando populum. Respondet Iosephus septimo Antiquita. & plurimi Hebræorum, quod peccatum fuit, quia numeratus est populus, & non fuit collecta summa pecuniæ. Lex enim iubebat, quod cum tolleretur summa filiorum Israel, quilibet daret dimidium sicli, & non esset plaga disperdens in populo. Ex quo innuitur, quod si tolleretur summa, & non pecunia, quod esset plaga disperdens in populo. Exo. trigésimo. Et motiuum suum ad dicendum istud est, quia vident, quod secuta fuit plaga in populo numerato post istam numerationem. Sed dicendum est, quod non fuit in hoc peccatum suum principaliter, sed magis in elatione, quia ipse voluit numerare populum propter elationem, vt gloriaretur de tanta multitudine populi. Ideo dato, quod colligeret summam pecunię ab omnibus numeratis, sequeretur plaga, quia iniuste mouebatur ad numerandum. Dicendum igitur, quod peccatum Dauid fuit in inani gloria, quam voluit habere de magna summa populi. Et etiam peccauit, quia cum numeraret populum, dato quod indebitè numerabat, saltem debuisset summam pecunię colligere.

Si plaga secuta est in populo propter numerationem, vel quia non tolleretur pecunia in numeratione. Quæst. XIII.

QUÆRITUR vterius si David collegisset istam summam a populo numerando illos, an sequeretur pestis. Et an propter hoc, quod non tolleretur pecunia in numeratione populi, deberet semper sequi plaga.

Respondendum est, quod ad hoc, quod populus posset iuste numerari, non solum requirebatur, quod colligeretur pecunia de numeratis, sed etiam quod esset aliqua causa iusta ad numerandum, quia alias si aliquis princeps numeraret populum pro causa illicita, ut pro inani gloria, vel aliqua utilitate indebita, quam inde consequeretur, & daret pecuniam Deo secundum legem, & propter hoc non veniret plaga, sequeretur, quod Deus permetteret alicui peccare, dum tamen daret pecuniam Sanctuario. Et sic etiam possent principes inter Hebræos committere quæcunque mala numerando populum, & tamen non punirentur de illis propter pecuniam, quam darent Deo, quod absurdum est. Dicendum ergo, quod illa lex: Exo. trigésimo, intelligitur in casu, in quo licite posset populus numerari. Nam sæpe populus numerandus erat ad multas necessitates, ut ad bella, & ad similia. Et tunc dato, quod esset causa iusta numerandi, si non solueretur certa summa, scilicet dimidium sicle a quolibet, esset plaga in populo. Dicendum etiam est, quod interdum aliquis rex vellet numerare populum sine causa, vel ex causa non honesta, & colligeret pecuniam a populo, peccaret dupliciter, scilicet, contra Deum, & populum. Contra Deum quidem, quia ex causa iniusta populum numerabat. Contra populum autem, quia cogebat populares ad soluendum pecuniam indebitam. Nam populus dabat pecuniam, & sic non erat necesse numerari illum. Cogebat rex populum sine causa dare pecuniam, & teneretur ei ad restitutionem, & ista forrè fuit causa quare David non iussit nunc, quod Ioab colligeret dimidium siclem a quolibet numerato, scilicet, quia sine aliqua causa, & utilitate populi faciebat illum nunc numerari solum, ut ipse gauderet de magnitudine summæ: ideo iniustum ei visum est, quod cogeret populum ad soluendum tantam summam pecuniæ sine causa, & sic non iussit. Cum autem queritur, si populus numeraretur, & non solueretur summa pecuniæ, an semper deberet sequi plaga.

Respondendum, quod in numeratione si aliqua culpa esset ex parte populi, non est dubium, quin sequeretur plaga. Si tamen est culpa solum ex parte regis iubentis numerari, non puniretur populus. Pro quo sciendum, quod aut numeraretur populus ex causa iusta, aut sine causa, vel ex causa inhonesta. Si primo modo, aut populus recusaret dare pecuniam, aut rex non peteret illam, vel nollet recipere. Si rex non peteret, aut recipere nollet, licet populus non solueret, non sequeretur plaga in populo, quia non peccabat populus, sed rex. Si autem populus recusaret dare pecuniam, puniretur populus. Et in hoc casu intelligitur Exo. trigésimo, scilicet, quod esset plaga disperdens in populo, si non daret quilibet de numeratis dimidium sicle. Si autem populus numeraretur sine causa, vel ex causa iusta, videtur quod non obligaretur ad soluendam pecuniam, dato quod peteretur, quia tunc sequeretur, quod lex obligaret populum ad sustinendum omnes fraudes, & calumnias, quas vellet facere princeps. Nam sæpe aliquis rex vellet numerare populum propter aliquam utilitatem, quam inde consequeretur. Et si qualibet vi-

Fice teneretur populus soluere pecuniam, posset rex sic spoliare populum occasione legis, quod absurdum est, ideo non tenetur soluere dimidium sicle, licet numerarentur, & non punirentur propter hoc.

De discordia, qua habetur in quibusdam verbis hic, & secundo Regum cap. vigesimo quarto, circa multitudinem numeratorum. Quæst. XV.

QUÆRITUR vterius quomodo dicitur hic, quod inuentus est de Israel numerus mille millia, & centum millia virorum, quia 2. Regum 24. dicitur, quod inuenti sunt octingenta millia virorum.

GRespondent quidam Hebræi, quod Ioab faciebat iniquitatem istam numerationem, ideo volebat afferre regi parvam summam, & ad hoc fecit duas summas, scilicet, unam parvam, & aliam maiorem, & illam parvam volebat offerre Ioab David. Et si forte irasceretur offerret ei maiorem, & summa parva istarum ponitur 2. Regum 24. & summa magna ponitur hic. Sed dicendum, quod hoc non stat, quia si Ioab propter hoc, quod inuitus faciebat, aliquid minus bene faceret in ista numeratione: Istud esset quantum ad releuationem laboris sui, scilicet, quod non totum populum numeraret, sicut dicitur supra in litera, quod tribum Benjamin, & Leui noluit numerare, eo quod inuitus exequabatur regis imperium, quod tamen faceret duas summas non pertinebat ad releuationem laboris, ideo non erat verisimile, quod hoc faceret. Secundo patet, quia non erat verisimile, quod Ioab daret summam minorem David. Et postea si irasceretur daret ei maiorem, quia tunc magis irasceretur David ipsi Ioab videns, quod voluisset ei illudere. Tercio patet hoc, & efficacius, quia tam hoc quod habetur hic quam 2. Reg. 24. fuit regi David exhibitum. Nam utrobique dicitur, quod Ioab dedit ipsi David istum numerum. Aliquis dicit aliter, scilicet, quod ponitur hic summa omnium tribuum: & tamen 2. Regum 24. non ponitur summa tribus Benjamin, & Leui cum alijs tribubus, & istud in quo excedit ista summa ad illam, est propter Leui, & Benjamin.

ISed dicendum, quod hoc non stat, quia tribus Benjamin, & Leui non fuerunt numerate, ut patet hic. Ideo summa earum non fuit posita hic, nec secundo Regum vigesimo quarto. Sed aliquis dicit, quod dato quod Ioab non numerasset istas duas tribus, nec dedisset illas regi: tamen Esdras, qui scripsit librum istum sciebat spiritu Prophetico quanta erat tunc summa illarum duarum tribuum, & adiunxit eam cum summa aliarum tribuum, quæ numerate fuerant a Ioab, & sic faciunt istam summam, quæ habetur hic.

KDicendum, quod adhuc istud non potest stare, quia hic solum ponitur summa de alijs tribubus præter Benjamin, & Leui, quia dicitur, quod ista summa, quæ habetur hic dedit Ioab ipsi David. Ideo non fuit ei data summa Benjamin, & Leui, sed aliarum tribuum. Dicendum ergo, quod discordantia istarum summarum est propter hoc, quod Ioab numeravit omnes tribus Israel præter Leui, & Benjamin, quæ perueniebant ad istam summam, quæ habetur hic, & dedit eam David in libro, in quo scripserat, & non dedit illam, quæ habetur secundo Regum vigesimo quarto. Postea autem David elatus ex tanta multitudine populi iussit illam scribi in libris historicarum suarum per summas particulares, & quia incepit plaga Domini in populo, dum scriberentur istæ summæ in libris regis non fuerunt scriptæ omnes summe particulares, ex quibus posset eligi ista summa, quæ habetur hic, sed poterat colligi ex illis ista sum-

la summa, quæ habetur 2. Reg. 24. Et ideo Ieremias, quando scripsit libros regum, secutus est libros fastorum regis, qui alias vocantur libri verborum dierum regum Iuda, qui sæpe allegantur in libris regum, & posuit solum illam summam, quam potuit colligere ex eis, & est illa, quæ habetur 2. Reg. 24. Esdras autem non curauit sequi illam summam, sed posuit summam totalem, quam collegit Ioab, & posuit illam hic. Istud colligitur infra 27. cū dicitur: Ioab filius Saruiz cepit numerare, nec compleuit, quia super hoc ira irruerat in Israel, & ideo numerus eorum, qui fuerant recessi non est relatus in fastos regis David. De hoc autem magis declaratum est 2. Reg. 24. in quadam questione.

De discordia, quæ habetur hic, & secundo Regum. capitu. vigesimo quarto circa numerum in tribu Iuda.

Quest. XVI.

QUÆRITUR vltius, quomodo ponitur hic minor summa in tribu Iuda, quam secundo Reg. 24. quia ibi ponuntur quingenta millia, & hic solum trecenta millia, & septingenta. Et istud est contra consuetudinem istius libri, quia iste liber est ad supplendum ea, quæ omissa fuerunt in libris regum, & ideo debet poni hic maior summa, quam ibi; sicut patet in summa tribuum Israel, quia ponuntur hic mille millia, & centum millia. Et ibi ponuntur solum octingenta millia, nec possumus negare quin fuerint quingenta millia, cū Scriptura ibi expresserit illud. Nam possumus dicere fuisse maiorem summam, quam exprimitur in sacra Scriptura, quia per hoc non repugnamus ei, & tamen dicere fuisse minorem, quam exprimitur, est negare Scripturam. Aliquis dicet, quod hic est minor summa tribus Iuda, quam ibi, quia ibi ponitur tota summa, quæ collecta est, & hic subtrahuntur omnes illi, qui mortui sunt in ista peste. Sed istud non stat, quia dato, quod omnes, qui mortui sunt in ista peste, essent de tribu Iuda, quod falsum est: non deficeret tanta summa, quia solum perierunt supruaginta millia, vt patet infra in litera, & secundo Reg. 24. Et tamen de tribu Iuda deficiunt hic centum, & triginta millia, quia hic ponuntur trecenta, & septuaginta millia, & 2. Reg. 21. ponuntur quingenta millia. Secundò patet, quia tota summa numeratorum de tribu Iuda, & de alijs tribubus fuit oblata David antequam inciperet pestis. Ideo non poterat detrahi de aliqua summa illarum numerus morientium in peste. Et tamen illa summa, quæ habetur hic, fuit exhibita regi, vt patet in litera. Ideo non fuit aliquid subtractum de ista summa 2. Reg. 24. quia etiam ibi dicitur, quod illa summa fuit data David. Dici potest, quod verum est, quod de tribu Iuda fuerunt quingenta millia, si Esdras quandam partem illius summæ. Sic enim inter dū sit in isto libro, quia narrantur ea, quæ habentur in libris regum, & ponuntur maiores numeri hic, quā ibi. Sic patet supra 19. in bello David contra Syros. Nam subtrahuntur ibi quingenta octo millia virorum fugientium de bello, quæ expressa fuerant secundo Reg. 10. ita forte factum est hic. Istud satis posset tolleri, sed quia non apparet aliqua causa, quare Esdras diminuerit istum numerum, non satisfacit. Nam nido de illo, & aliud est, quod ponat numerum, qui ibi ponitur, & tamen in minori summa. Nam primum potest fieri sine causa aliqua speciali, eo quod ea, quæ subtrahuntur hic, fuerunt posita in libris Regum. Secū-

A dum tamen non potest fieri sine causa, quia saltem poneret Esdras numerum, qui habebatur in libris Regum. Dicendum ergo videtur, quod Esdras subtrahit istum numerum hic ex causa. Nam secundum veritatem summa tribus Iuda oblata regi fuit quingentorum millium, sicut dicitur 2. Reg. 24. & illud erat computando omnes viros de tribu Iuda a viginti annis, & supra tam existentes in ministerijs regis, quam manentes in locis suis per sortem tribus Iuda: hic autem computati fuerunt omnes, qui erant in tribu Iuda demptis illis, qui erant in ministerio regis. Pro quo sciendum, quod cum David rex esset de tribu Iuda, ferè omnes seruitores sui, qui cum eo erant continuè in curia, & alij, qui erant per diuersa loca ministrando in officijs sibi datis a rege erant de tribu Iuda, & isti erant centum, & triginta millia, & erant iam scripti in libris regis propter officia regalia, quæ administrabant, & sic non oportebat eos numerari denuo. Ioab tamen quando tulit summam, & dedit eam David, non solum dedit de illis, qui erant per diuersa loca non administrantes aliqua officia regalia, sed etiam de illis, qui iam numerati erant, & administrabant officia regis. Esdras tamen non curauit hic ponere illos, qui erant assignati officijs regis, quia illi iam numerati erant, sed posuit summam illorum, qui non numerati fuerant. Et ideo deficiunt hic centum, & triginta millia de illa summa, quæ habetur secundo Reg. 24. De hoc etiam dictum est ibi magis in quadam questione.

De multitudine virorum tribus Iuda, & paucitate aliarum tribuum. Quest. XVII.

QUÆRITUR vltius, quomodo fuit tanta summa virorum de tribu Iuda, & tam paucæ summæ aliarum tribuum. Nam tribus Iuda habuit hic ferè tantum, sicut sex tribus de alijs quia tribus Iuda habuit quingenta millia, & aliæ tribus simul sumptæ habuerunt solum mille millia, & centum millia.

D Respondendum est, quod hoc poterat provenire ex multis simul collectis. Primum quia non accepta fuit hic summa de omnibus tribubus. Nam duæ tribus. scilicet Beniamin, & Levi fuerunt omisse. Non enim computauit eas Ioab, quia inuitus exequerebatur imperiū David, vt patet. Scilicet in litera. Secundū erat, quia tribus Iuda semper fuerat maior alijs tribubus, vt patet in duabus numerationibus, quæ factæ sunt in deserto. Scilicet in monte Sinai, & in caestribus Moab. Num. 1. & 26. Habebat enim tribus Iuda ultra septuaginta millia. Et quedā tribus erant, ad quas tribus Iuda erat tripla, & plus, eo quod quedā non excedebant viginti duo millia virorum, sicut fuit de tribu Simeon: Num. 26. Tertiū erat, quia contingit quedā progenies aliquo tempore esse multiplicatas, & alio tempore diminui, sicut patet de tribu Simeon. Nam in prima numeratione eius, quæ fuit in deserto Sinai anno 2. ab exitu de Aegypto fuerunt quinquaginta nouem millia, & trecenti, & postea anno quadragesimo ab exitu de Aegypto in computatione facta in caestribus Moab, ubi debebat esse maior multitudo filiorum Simeon, quā prius, fuerunt solum viginti duo millia, & ducenti viri: Num. 26. Ita forte contigit nunc, quod tribus Iuda esset multiplicata valde, & aliæ tribus essent diminutæ, & sic perueniret tribus Iuda ad tantam summam, & aliæ tribus ad tam paruam. Quartum erat, & precipuum ex accidenti temporis, in quo fiebat numeratio. Nam poterat numerari nunc vna tribus, in qua non essent hodie centum millia virorum, & vique ad duos menses essent ducenta millia virorum in ea, quod patet, quia in istis numerationibus solum

solum ponebantur illi, qui erant a viginti annis, & supra. Et illi, qui non habebant complerum vicesimum annum etiam si solum deficeret eis vnus mensis non computabantur. Et de istis, qui erant in anno decimonono, & nondum compleuerant vicesimum, poterant esse centum millia in vna tribu, & non computaretur aliquis eorum. Et si post vnum mensem, vel duos fieret computatio, omnes isti peruenissent iam ad annum vicesimum, & essent centum millia virorum in illa tribu plus nunc, quam prius. Et isto modo potuerat esse, quod si numeratio ista facta fuerat per vnum, vel duos menses prius, non fuerant trecenta millia virorum in tribu Iuda, & potuerat esse, quod si fuerat facta ista numeratio post hoc per duos menses, fuerant in omnibus tribubus Israel plusquam bis mille millia virorum. Et sic non est admirandum de tanta multitudine tribus Iudæ, nec de tanta paucitate aliarum tribuum.

De quibus tribubus intelligatur per hoc nomen Israel.
Quæst. XVIIII.

QVAERITVR vltcrius quomodo computatur hic Israel, id est, quæ tribus intelliguntur nomine totius Israel.

Respondendum est, quod a principio nomine totius Israel intelligebantur omnes descendentes di stirpe Iacob de quacunque tribu essent, etiam si essent de tribu Leui. Postea autem Deus voluit separare tribum Leui ad ministrandum sibi, & iussit, quod non computarentur Leuitæ cum alijs tribubus Israel, vt patet Num. primo, sed summa Leuitarum tollebat per se per alium modum: Num. 3. & 26. Verum est tamen, quod aliquando nomine totius Israel intelligebatur tribus Leui, & aliquando non. De quo satis declaratum est supra 12. in quadam questione. Manebant autem duodecim tribus, quæ intelligebantur nomine Israel, inter quas erat præcipua tribus Iuda. Et ista cepit postea per se computari, & tunc manserunt vndecim tribus, quæ intelligebantur communiter nomine Israel. Sed in hoc considerandum, quod aliquando computabatur tribus Iuda per se, quia diuisa erat ab alijs tribubus, & aliquando computabatur per se, quamquam non esset diuisa. De secundo pater, quia tempore Saulis non erat tribus Iuda distincta ab alijs tribubus, & tamen per se computabatur, & sic patet in bello Saulis contra Ammonitas. Nam dicitur, quod fuerunt filiorum Israel trecenta millia virorum, & de Iuda triginta millia. Et in bello Saulis contra Amalecitas dicitur, quod recensuit eos quasi agnos ducenta millia peditum de Israel, & decem millia virorum Iuda: primo Reg. 15. & 11. Sic fuit nunc, quia quando Dauid erat rex super totum Israel, tribus Iuda non erat diuisa ab alijs, & tamen computatur hic per se: quod autem tribus Iuda esset diuisa ab alijs, & per se computaretur fuit bis. Primo tempore, quo cepit regnare Dauid super Iudam mortuo Saule. Nam tunc erat tribus Iuda vnum regnum per se, & aliæ tribus vndecim vnum regnum, & tunc nomine totius Israel intelligebantur vndecim tribus. Deinde regnum fuit reunitum tempore Dauid, & omnes duodecim tribus erant vnum regnum, & poterant intelligi nomine Israel. Et durauit hoc tempore Dauid, & Salomonis, deinde deusum est regnum tempore Roboam filij Salomonis, manseruntque cum eo duæ tribus, scilicet, Iuda, & Benjamin, & aliæ decem tribus datæ sunt Ieroboam regi, vt patet tertio Regum 11. & 12. Et tunc nomine Israel solum intelligebantur decem tribus, & istud durauit semper postea, viquequo vii de regno Israel translati sunt in

Assyrios per Salmanasar regem, & mansit solum regnum Iuda, vt patet quarto Regum 17. Quando autem tribus Iuda per se nominabatur, & non erat diuisa ab alijs tribubus, intelligebantur nomine Israel semper vndecim tribus eo, quod ipsa sola tribus per se nominabatur. Et sic fuit hic, quia nunc regnum Israel erat vnum, & tamen nominata fuit per se tribus Iuda, ideo intelligebantur vndecim tribus nomine Israel.

Quare tribus Iuda per se numerabatur. Quæst. XIX.

QVAERITVR vltcrius cum tribus Iuda esset vna de tribubus Israel quare per se numerabatur, & condistinguebatur contra Israel. Non enim potest dici, quod erat de tribu Iuda, sicut de tribu Leui, quia tribus Leui licet esset vna de tribubus Israel: in non computabatur cum alijs tribubus, quia omnes de illa tribu applicabantur diuinis mysterijs: Num. primo. De tribu tamen Iuda nemo applicabatur ministratori Sanctuarij, quia omnes erant pure laici. Sic ait Apostolus ad Hebræ. 7. quod in tribu Iuda, de qua Christus, & Dauid fuerunt nemo altario præsto fuit nec locutus fuit Moyse quidquam de Sacerdotio in tribu illa. Dicendum est, quod tribus Iuda pars erat populi Israel cepit tamen per se computari, tamquam esset alius Israel, & hoc fuit propter duo. Primo propter multitudinem. Secundo propter dignitatem. De primo patet, quia ista tribus fuit semper maior, quam quælibet alia de tribubus Israel, vt patet in duabus numerationibus, quæ factæ sunt in deserto: Num. primo, & 26. Nam in vtraque excedit tribus Iuda ad omnes alias tribus, & erat plusquam tripla ad quædam tribus, vt patet comparando eam ad tribum Simeon: Num. 26. Sic etiam fuit semper maior multitudinem alijs, vnde in ista numeratione non solum fuit maior, quam quælibet alia, sed etiam fuit maior, quam quinque de tribubus Israel. Nam in tribu Iuda fuerunt quingenta millia virorum secundo Regum. vigesimo quarto. Et in alijs tribubus simul sumptis mille millia, & centum millia virorum supra in litera. Ideo non erat iustum computari tribum Iuda tamquam vnâ de alijs tribubus Israel, sed computabatur ipsa distincta ab omnibus alijs tribubus. Secundum fuit propter dignitatem, quia ista tribus erat dignior alijs. Et primo, quia de ista tribu credebatur venturum esse Messiam, vt colligitur in benedictione Iacob: Gen. quadragessimonono. Secundo, quia Iacob laudauerat istam tribum magis, quam alias dicendo principibus, & reges futuros de illa: eod. cap. cum dicitur: Iuda te laudabunt fratres tui: manus tua in ceruicibus inimicorum, adorabunt te filij patris tui. Et propter hoc in deserto tribus Iuda fuit magis honorata, quam aliæ. Nam castrametabatur prima inter omnes, scilicet, in plaga orientali, & ipsa habebat primum vexillum: Numeri secundo. Nam quando procedendum erat, ipsa præcedebat alias in itinere: Numeri decimo. Etiam princeps tribus Iuda fuit primus, qui obtulit munera sua in die dedicationis tabernaculi, ante principes aliarum tribuum, Numeri 7. Tercio, quia Deus voluit magis honorare istam tribum quam alias constituendo de ea duces populi. Nam mortuo Ioseph quæsierunt Israelitæ, quis eorum primus ascenderet contra Chanaan. Et respondit Deus Iudas sit dux vester, Iudic. primo. Iterum etiam quando peruenire volebant omnes Israelitæ contra tribum Benjamin, cōsuluerunt Dominum in Silo, dicentes: Quis erit in exercitu nostro princeps certaminis contra filios Benjamin? Et respondit Deus: Iudas sit dux vester. Iudic. vigesimo. Propter hoc autem tempore Saulis regis tribus Iuda erat magis honorata, quam aliæ tribus,

tribus, etiā magis, quā tribus Benjamin, licet Saul esset de tribu Benjamin: primo Regum nono. Nam tribus Iuda per se computabatur tunc, ut patet in bello contra Ammonitas: primo Regum. 11. & in bello Saulis contra Amalecitas: primo Regum. decimo quinto. Et non computabatur per se tribus Benjamin, nec aliqua alia. Quartò, quia de ista tribu venerūt semper reges postea, cum Deus promiserit David, quod regnum filiorum suorum stabiliretur in sempiternum, ut patet secundo Regum. 7. & supra 17. & Psalmi 88. & 131. Istud autem erat nunc tempore David, qui erat de tribu Iuda. Ideo computanda erat per se tribus Iuda.

Quare tribus Benjamin, & Leui non fuerunt numeratae.
Quest. XX.

QUÆRITUR ulterius quare Ioab non computavit nunc tribum Benjamin, & Leui. Respondet Nicolaus, quod hoc fecit, ut si David de eo conquereretur, vel irasceret, posset se excusare potius, quā si omisisset computare aliquam de alijs tribubus. Excusatio autem quantum ad tribum Leui erat, quia Leuitæ non computabantur, sicut Israelitæ, eo quod alij computabantur a viginti annis, & supra Exod. 30. Leuitæ autem computabantur ab vno mense, & supra Num. tertio, & 26. Quātum ad tribum Benjamin dicit, quod erat excusatio, quod non computauerat illam, quia erat valde parua in multitudine, ita ut de ea fieri mentio non deberet. Et hoc, quia omnes de tribu ista perierant, quando pugnaverunt Israelitæ contra viros Gabaa, præter sexcentos, qui euaserunt in petra Remō. Iudi. 20. & 21. Sed istæ excusationes non sunt satis rationabiles. De tribu Leui patet, quia David iubebat nunc numerari omnes Israelitas in quantum erant pars populi Israel, & quantum ad hoc non poterat aliquis computari, nisi qui transferat ad nomen, & numerum. Et istud erat a viginti annis, & supra Exo. 30. Et commune erat tam Leuitis, quā alijs Israelitis. Ideo cum deberent computari nunc Leuitæ tāquā habentes nomen in populo, computarentur a viginti annis, & supra. Et ideo non esset aliqua difficultas in computando de tribu Benjamin. Patet adhuc maninec obstat, quod fuerit ferē tota deleta, quando pugnatum est contra viros Gabaa, quia multi anni transierant ex illo tempore usque nunc, scilicet, quasi quadringenti, in quo tempore poterat multiplicari tribus Benjamin, ut esset maior, quā tribus Iuda nunc: quod patet, quia Israelitæ, quando introierunt in Aegyptū, erant solum septuaginta animæ computando viros, & paruulos: Exod. primo. Et manserunt in Aegypto solum ducentis, & quadringenta annis ferē, ut declarat Genes. decimo quinto. Et creuerunt tantum, quod in exitu de Aegypto erant sexcenta millia peditum præter paruulos: Exod. 12. Filij tra Remō fuerunt sexcenti viri potentes gignere, & datæ sunt eis vxores: Iudi. 21. Et habuerunt duplum tempus, scilicet, quasi quadringentos annos, qui ab illo tempore usque nunc fluxerant. Et ideo poterant esse vitra sexcenta millia virorum. Et sic non est verū, quod posset Ioab excusare se, quod non computasset illam tribum, quia paucissimi erant in ea, de quibus non erat curandum. Patet præsuppositum, quod ab exitu de Aegypto usque ad edificationem templi Salomonis fuerunt anni quadringenti, & octoginta tertio Regum 6. de quibus subtrahantur quadraginta anni, quibus manserunt Israelitæ in deserto, & vigin-

A ti, & septem anni, vel quasi, quibus Iosue vixit postquam introiuit in terram Chanaam, ut ait Iosephus quinto. Antiqui, Et duo, vel tres anni, vel pauci, quibus viueret David post istam numerationē, ut declaratum est tertio Reg. primo, & quatuor anni, quibus regnavit Salomon antequam fundaret templum tertio Regum. 6. manebunt quasi quadringenti, & decem anni, Et hoc præsupponendo, quod ille casus de viris Gabaa, qui accidit Beniamitis, cum alijs tribubus, fuerit illico post mortem Iosue antequam essent aliqui iudices in Israel, ut probatum est Iudi. dicimonono, & 21. Sic etiam tenet Iosephus quinto Antiqui. Illi tamen, qui dicunt, quod tribus Benjamin habebat paucos viros tempore istius computationis, decipiuntur, quia putant, quod iste casus fuit post tempora omnium Iudicum paucio tempore ante reges. Et motiuū est ex ordine literæ, quia iste casus ponitur ultimus in libro Iudi. non ergo tenent istæ excusationes Nicolai.

B Dicendum ergo videtur, quod Ioab non computavit tribum Benjamin, & Leui, quia inuitus exequabatur imperium David, ut patet supra in litera. Ideo si potuisset, non numerasset aliquam tribum, quia tamen necesse erat fieri numerationem, si potuisset numerasset solum quatuor, vel quinque tribus, & omisisset alias, quia tamen David cognosceret istam fraudem, non ausus est Ioab omittere tot tribus, sed omisit duas. Quare tamē magis omiserit istas, quā alias, fortē non fuit aliqua causa specialis, sed quia sic venit in mentem ipsi Ioab. Ita enim potuisset omittere quascunque alias duas, quāquā de tribu Leui posset dari aliqua causa, scilicet, quod difficilius erat computari istam tribum, quā aliam quamcunque, quia Leuitæ non habitabant in aliqua vna regione congregati, sicut quælibet alia tribus habebat sortem suam, sed erant dispersi per totum Israel, quia quælibet tribus dabat eis aliquas vrbes in quibus habitarent, scilicet, quadraginta octo, ut patet Nu. 35. Quare autem datæ fuerint de quolibet tribu: patet Iosue 21. & 5. 6. ideo oportet discurrere per omnes tribus ad computandum tribum Leui.

D *An David præceperit Ioab, quod tribus Leui etiam numeraretur.* *Quest. XXI.*

QUÆRITUR ulterius an David iussit, vel noluit, quod in ista computatione numeraretur tribus Leui cum alijs. Et dato, quod ista numeratio populi fieret ex iusta causa, an deberet tribus Leui computari cum alijs tribubus.

E Ad primum dicendum, quod intentio David fuit, vel fortē iussit expresse, quod tribus Leui computaretur nunc cum alijs tribubus, quod patet, quia dicitur supra in litera, quod Ioab non computavit tribum Leui, & Benjamin, eo quod inuitus exequeretur regis imperium. Si tamen David non iussisset, quod computaretur nunc tribus Leui, vel non esset ista intentio eius, frustra diceretur, quod non computauerat Ioab tribum Leui, & Benjamin. Voluit ergo David, quod computaretur nunc tribus Leui, quia volebat scire numerum omnium subditorum suorum, & tamen Leuitæ, & Sacerdotes, ita erant subditi regi, sicut laici, ut declaratum est supra in quadam questione.

Ad secundum dicendum, quod si fieret computatio ex causa iusta differebat ad quid illa fieret. Nam quædam erant in quibus Leuitæ reputabantur vna tribus Israelitarum, & quantum ad hoc computabantur cum alijs tribubus. Alia autem erant, in quibus Leuitæ non reputabantur cum ceteris tribubus. Et quantum ad hoc non computabantur Leuitæ cum

cum ceteris tribubus. Quæ autem erant illa, in quibus reputabantur, ut una tribus, & quæ erant, in quibus non reputabantur, declaratum est supra 12. capi. in quadam questione, unde si computaretur hic populus ad eundem ad bellum, vel ad soluendum tributum, aut ad alia onera, vel negocia temporalia, non computaretur Leuitæ inter alias tribus. Si autem computarentur ad aliquid, quod pertinebat ad cultum Dei, computarentur Leuitæ cum ceteris tribubus.

Displicuit autem Deo, quod iussum erat, & percussit Israel. Dixitque Dauid ad Deum. Peccaui nimis, ut hoc facerem. Obsecro, aufer iniquitatem serui tui, quia insipienter egi. Et locutus est Dominus ad Gad videntem Dauid, dicens. Vade, & loquere ad Dauid, & dic ei. Hæc dicit Dominus. Trium tibi optionem do, vnum quod volueris elige, ut faciam tibi. Cumque venisset Gad ad Dauid, dixit ei. Hæc dicit Dominus. Elige quod volueris: aut tribus annis pestilentiam, aut tribus mensibus te fugere hostes tuos, & gladium eorum non posse euadere: aut tribus diebus gladium Domini in mortem verfari in terra, & Angelum Domini interficere in vniuersis finibus Israel. Nunc igitur vide quid respondeam ei, qui misit me. Et dixit Dauid ad Gad. Ex omni parte me angustia premunt. Sed melius mihi est, ut incidam in manus Domini, quia multæ sunt miserationes eius, quam in manus hominum.

Displicuit autem. Hic ponitur tertium huius capit. in quo ponitur diuina punitio, & diuiditur in tria, quia primo ponitur poenæ electio. Secundo eius executio ibi.

Misit ergo Dominus. Tertiò eius ablatio ibi. Angelus autem. Circa primum dicitur.

Displicuit autem Deo, quod insserat. Id est displicuit Deo numeratio populi, quam iusserat fieri Dauid: nã fecerat eam ex elatione, quæ Deo displicet.

Et percussit Israel. Scilicet, pestilentia, ut patet infra. Et ponitur istud hic per anticipationem; nam nondum missa fuerat aliqua pœna quoniam Deus dedit optionem Dauid super hoc, ut patet infra. Aliqui tamen putant, quod fuit ista quædam poena inflata antequam daretur Dauid optio. De hoc tñ, quod sit verum declarabitur sequenti questione.

Dixitque Dauid ad Deum, peccaui nimis, ut hoc facerem. Id est peccaui nimis faciendo hoc: in quo autem Dauid cognouerit nunc se peccasse, cum prius putaret se bene agere, declarabitur infra 2. questione.

Obsecro, aufer impietatem serui tui. Id est rogo, quod dimittas peccatum meum, & intelligitur hoc tam de culpa, quæ de pœna. De culpa quidem, ne Dauid æterna liter puniretur. De pœna autem, scilicet, ne inferretur pœna temporalis pro hoc crimine. & quæquàm istud nomen impietas magis significet culpam quam pœnam, Dauid potius orabat hic pro dimissione pœnæ, quæ culpe. Nã de dimissione culpe certum erat, eo quod necesse est, quod Deus remittat homini culpam quicunque ingemuerit pro peccato. De pœna tamen erat dubium, an

fibi vellet remittere illam, ideo pro hac instabat orando. Quia insipienter egi. Id est nimis stultè egi numerando populum, & sic Dauid confitebatur culpam suam, & hoc est primum, quod requiritur ad hoc, quod oratio nostra accepta a Deo sit iuxta illud: iustus in principio sermonis accusator est sui.

Et locutus est Dominus ad Gad videntem Dauid, dicens. Acceptauit Dominus orationem Dauid. Ideo misit ei Prophetam nomine Gad, qui proponeret ei triagenera pœnarum, & eligeret Dauid, quod veller. Vocatur Gad videns, id est, Propheta, quia Prophetæ videbant ea, quæ alij non videbant, scilicet, futuros eventus, ut ait Hiero. in Epistola ad Paulinum: & istud nomen erat antiquum inter Hebræos, scilicet, quod illi, qui postea vocati sunt Prophetæ vocabantur a principio videntes: sic dicitur primo Re. 9. Olim in Israel sic loquebatur vnusquisque vadens consulere Dñm: venite eamus ad videntem. Qui enim Propheta dicitur hodie, vocabatur olim videns.

Hæc dicit Dominus trium tibi optionem do. In hoc faciebat Deus aliquam gratiam Dauid, quia dabat ei optionem inter pœnas: & istud proficiebat ei in duobus. Primo, quia posset eligere, quam reputaret minorem omnium trium pœnarum. Secundo, quia cum caderet aliquo modo sub electione, videretur minor pœna, quia difficilius fit homini, quod omnino inuitis patitur, quam quod aliquo modo voluntariè. Elige vnum, quod volueris, ut faciam tibi. Licet esset libertas quatum ad eligendum vnum de tribus, tamen non erat libertas simpliciter in eligendo, quia non poterat nihil eligere istorum, sed cogebatur aliquid de illis accipere. Cumque venisset Gad ad Dauid, dixit ei. Erat Propheta Gad in Ierusalem, ubi erat Dauid: ergo cadem die, qua sibi Deus reuelauit hoc reuoluit ipse illud Dauid. Hæc dicit Dominus. Elige quod volueris. Scilicet, quod istis tribus. Aut tribus annis pestilentiam. Scilicet, quod per totam terram Israel esset pestilentia per tres annos, licet non esset valde magna, sed 2. Reg. 24. dicitur: Aut septem annis veniet tibi famis in terram tuam, & non dicitur pestis, sed ista differentia infra in quadam questione declarabitur. Aut tribus mensibus fugere te hostes tuos. Dauid erat consuetus ante hoc tempore vincere hostes, & fugare illos. Si autem nunc fugaretur ab eis erat sibi magnum dedecus. Et sic duo mala incidebant Dauid in hoc. Primum erat damnum magnum exercitus, & terræ suæ: quod occiderentur multi de illa ab hostibus, quia non posset euitare, quin ret a facie hostium, sed etiam non posset euitare, quin multi de suis occiderentur ab hostibus. Nam sic dicitur hic tribus mensibus fugere te hostes, & gladium eorum non posse euadere. Secundum erat dedecus magnum Dauid, & regni sui. Nã ante hoc erat Dauid rex gloriosus inter omnes reges terræ, quia fecerat bella magnifica, & superauerat omnes gentes, contra quas pugnauerat, eo quod Deus adiuuabat eum in omnibus, ad quæ perrexerat supra 13. & etiam incuserat pauorem eius omnibus gentibus, ut nullus auderet pugnare contra eum supra 14. Quia autem nunc fugaretur semper ab hostibus, erat magnum dedecus sibi, & regno.

Et gladium eorum non posse euadere. Istud erat difficile, quia si viri Dauid fugarentur ab hostibus, & tamen possent se tueri intra mœnia vrbiū, esset tolerabile malum, & tamen nullo modo possent se defendere etiam intra vrbes, & sic occiderentur multi de exercitu Dauid.

Aut tribus diebus gladium Domini, & mortem versari in terra. Ista erat plaga pestis, sicut conter putatur, & tamen vocabatur gladius Domini, quia non erat sic pestis, quæ solet communiter accidere, sed sicut ali-

quid, quod specialiter fiebat a Deo, ideo erat maior, quam alia pestes. Et Angelum Domini interficere in vniuersis finibus Israel. Angelus erat, qui intulit istam plagam. Nam Dauid vidit eum habentem gladium euaginaturn, & contremuit. Et etiam Hornam Iebosus, & filij sui viderunt eum, & fugientes absconderunt se in domo infra littera. Et dicitur in vniuersis finibus Israel, quia in toto Israel fuit ista pestis. Et credendum est nullum fuisse locum, in quo aliqui non occiderentur. Nunc ergo vide quid respondeam ei, qui misit me. Hoc dicebat Gad, ut Dauid cito deliberaret, & eligeret. Nam cum omnia ista essent mala, forte Dauid morari vellet multo tempore deliberando, ut posset euadere electionem inter illa: ideo Gad instituit, quod cito deliberaret, ut ipse posset illico responsum dare Deo, qui misit eum ad ipsum.

Et dixit Dauid ad Gad, ex omni parte angustia me premunt. Scilicet non video aliquid istorum, quod cum desiderio eligam, quia quodcumque elegero angustia & labor est.

Sed melius mihi est, ut incidam in manus Domini. Id est melius mihi est eligere pestem trium dierum, per quod incido in manus Domini, quam aliquid de alijs tribus. Quia multe sunt miserationes eius. Id est vtilius est incidere in manus Domini, quia multae miserationes eius sunt, & forte ipse diminuet penam, vel cum misericordia illam infliget, quam incidere in manus hominum, in quibus nulla misericordia est.

Quam in manus hominum. Scilicet, hostium: nam vna de tribus penis erat, quod tribus mensibus fugeretur Dauid a facie hostium, & non posset euadere gladium eorum, & istam dixit sibi non esse bonam. De istis penis declarabitur infra in questionibus.

De percussione, quam Deus dedit Israel.

Quaest. XXI.

QVAERITVR circa hoc, quod dicitur supra, scilicet, quod percussit Deus Israel, quae percussio erat illa, an erat pestis, quae postea secuta est, vel aliqua alia pena. Quidam dicunt, quod postquam Dauid numerauit populum, & data est ei summa, Deus incepit punire populum immittendo pestem, vel aliam penam quaecumque, quod cum vidisset Dauid cognouit, quod pro peccato numerationis populi euenerat ista plaga, ideo doluit cognoscere peccatum suum, & dixit: Peccaui nimis, ut hoc agerem. Et tunc misit Deus Prophetam Gad ad ipsum, & secuta est. Et secundum hoc fuerunt duae penae pro peccato isto, vna antequam Dauid cognouit se peccasse, & alia postquam cognouit, & doluit. Et etiam dicunt isti, quod quando Deus intulit primam penam intendebat punire populum quantum peccauerat, & etiam occidere ipsum Dauid, qui peccauerat, quia nondum doluerat de peccato. Postea tamen cognouit Dauid peccatum, & fleuit, & Deus mutauit sententiam, & modum punitionis dedit Dauid, quod eligeret in tribus penis. Istud satis conuenit ordini litterae istius, quia primo dicitur hic, quod Deus percussit Israel, deinde quod Dauid cognouit peccatum, & postea data est electio de tribus penis. Alius modus dicendi est, quod non fuit data alia pena praeter pestem, de qua infra habetur. Et illa non fuit antequam Dauid cognosceret peccatum suum, sed postea, quando proposita fuit ei electio de tribus penis. Et cum dicitur hic, quod percussit Deus Israel, dicunt quod dicitur per anticipationem, quia multa ponuntur in scriptura per anticipationem, & recapitulationem. Vterque modus istorum posset sa-

ris tolerari: sed secundus est verus, quia dato primo modo fuisset modus cognoscendi Dauid peccatum suum per penam iustitiam, & tamen non cognouit per penam, sed per stimulum cordis, ut sequenti quaestione declarabitur. Secundo patet, quia cum supra ponitur, quod Deus percussit Israel, non dicitur quis modus plagae fuerit, & tamen si fuisset illa percussio distincta a peste, quam postea Dauid elegit, poneretur, quae pena fuisset: quia tamen Scriptura intendebat, quod vtraque erat eadem, supra nihil declarauit de modo penae, sed postea declarat. Tercio patet ex eo, quod habetur 2. Reg. 24. quia ibi ponitur ista historia, quae hic, & tamen nihil exprimitur ibi de illa percussione Dei, quae supra ponitur, antequam Dauid cognosceret peccatum suum, sed de illa solum peste, quam elegit Dauid, ideo videtur, quod nulla alia fuerit, sed quod istud ponatur hic per anticipationem.

De cognitione peccati Dauid. Quaest. XXIII.

QVAERITVR vterius cum Dauid putauisset a principio bene agere, iubendo populum numerari, quomodo cognouit postea, quod male egisset.

Responsio ista pendet ex praecedenti quaestione. Nam quidam putant, quod Deus infligit penam populo antequam Dauid cognosceret peccasse se, & postea cognouit, & deinde data est electio de tribus penis. Et secundum hoc dicitur, quod Dauid cognouit se peccasse per penam, quam Deus cepit infligere, eo quod Exod. 30. dicitur, quod quando numeraretur populus, si solueret quilibet dimidium siclum, non esset plaga disperdens in populo. Ex quo innuitur, quod si non solueretur istud precium, quod esset plaga in populo. Et quia non fuerat solum istud precium, & videbat nunc Dauid plagam in populo, manifeste cogitaret, quod ista euenerant propter numerationem populi, & sic cognosceret peccatum suum, & doleret. Iste modus conueniens esset, sed praesupponeretur, quod aliqua poena fuisset inflicta populo, antequam Dauid cognosceret peccatum suum, & tamen falsum est, quia nulla talis poena fuit, ut declaratum est praecedenti quaestione. Item patet, quia alius modus cognoscendi peccatum istud ponitur 2. Reg. 24. Dicendum ergo, quod Dauid potuit cognoscere peccatum istud dupliciter, vno modo per viam communem, scilicet, cessante passione, alio modo per quandam stimulum a Deo datum ad hoc cognoscendum. De primo patet, quia quando passio insurgit in homine iudicat bonum esse id, ad quod passio inclinat, licet malum sit, & postquam passio cessauerit cum relinquatur homo sibi ipsi, incipit iudicare malum, quod fecerat. Ista est conditio incontinentium, scilicet, quod antequam passio insurgat iudicant malum esse fornicari, inebriari, crapulari: adueniente autem passione iudicant ista bona esse, & eligunt illa: cessante autem passione, iudicant mala esse, quae fecerunt, & dolent, ut declarat Aristot. 7. Ethic. Ideo dicit, quod continens est egressius ab opinione, & penitius. Ita poterat esse in Dauid, quia per demonis instigationem, qui consurrexit contra Dauid, & Israel, ut patet supra in littera. Fuit in corde Dauid quoddam desiderium magni numerandi populum, & non erat illud, sicut desiderium insurgens a ratione, sed sicut desiderium passionale. Et ob hoc quandiu Satan instigabat Dauid, habebat Dauid iudicium de numeratione, quod bona esset. Contumacato autem peccato, cessauit passio, quia Satan iam non instigabat eum, sicut prius ad numerandum populum, & tunc relictus Dauid sibi ipsi, cognouit se peccasse. Secundus modus est

est per stimulum a Deo datum ad cognoscendum hoc. Verum est enim, quod Deus omni tempore pulsar cor hominis monendo illud ad bonum, & ut malum fugiat. Et ideo dicitur Deus semper stare ad ostium cordis nostri. Apocal. tertio, scilicet. Ecce sto ad ostium, & pulso, si quis audierit vocem meam, & aperuerit ianuam, introibo ad illum, & cenabo cum illo, & ipse mecum. Et iste est modus, quo homines conuertuntur ad bonum, quia alias impossibile erat hominem conuerri per seipsum, sicut dixit Christus Io. decimo quinto. Sine me nihil potestis facere. Istam tamen pulsationem Dei non semper audit homo, quia alias nunquam peccaret, sed quando fortis est mouet hominem, ita ut interdum videatur eum inuitum trahere, & tunc vocatur stimulus Dei. Et sic contingit, quod homines, qui peccauerunt, & nesciunt se peccasse, vel non considerant, moueantur a Deo pulsante cor eorum per somnium, vel in vigilia, ut cognoscant peccatum suum, & doleant, ut patet Iob. trigesimo tertio, scilicet. Per somnium in visione nocturna, quando irrumpit sopor super homines, & dormiunt in lectulo, tunc aperit aures virorum, & erudiens eos instruit disciplina, ut auertat hominem ab his, quae fecit, & liberet eum de superbia, eruens animum eius a corruptione, & vitam illius, ut non transeat in gladium. Vterque modus esse poterat nunc in David. Et tamen dicendum, quod fuit secundus, scilicet, stimulus Dei, sicut patet secundo Regum. vigesimo quarto. Nam data summa populi ipsi David sequitur. Percussit autem cor David eum postquam numeratus est populus, & dixit ad Dominum: Peccaui valde in hoc facto, sed precor, ut transferas iniquitatem serui tui. Et sic fuit cognitio peccati per cordis percussione, & ista percussio nihil est, nisi quidam motus cordis nostri, qui a Deo fit. Quod patet, quia non dicitur percussit David cor suum, sed percussit cor David eum, & sic ab alio motus est. Ista percussio facta est a Deo in David per noctem, sicut dicit Iob in praelegata auctoritate, quod patet, quia postquam cor David percussit eum sequitur: surrexit itaque David mane, & sermo Domini factus est ad Gad: ergo videtur, quod nocte precedente Deus percusserat cor David, & ideo surrexit sequenti die diluculo, ut quereret remedium in hoc. Sic etiam saepe percutiebat Deus cor David prohibendo eum, ne faceret malum, sicut quando latebat in spelunca cum viris suis, & introiuit illuc Saul solus ad purgandum aluum, absciditque David particulam chlamidis eius, & habuit intentionem occidere eum, & Deus illico mouit cor eius percutiendo, ne occideret Saulem, ut patet primo Regum vigesimo quarto, scilicet. Surrexit David, & praescidit oram chlamidis Saul silenter: post haec percussit cor suum David, eo quod abscidisset oram chlamidis Saul: dixitque ad viros suos. Propitius sit mihi Dominus ne mittam manum meam in eum, quia Christus Domini est. Et sic quamquam intenderet consilio terro- rum suorum hoc facere, quia tamen Deus percussit cor eius, dixit quod iam non occideret Saulem.

Quis erat iste Propheta Gad. Quæst. XXI III.

QVAERITUR vterius quis erat iste Gad, qui nunc venit ad David.
Respondendum est, quod tempore David erant multi Prophetae, & principaliter duo, scilicet, Nathan, & Gad. Istud fuit postquam David cepit esse rex. Nam antequam esset rex alius erat Propheta principalior, scilicet, Samuel, ipse tamen mortuus fuerat dum Saul persequeretur David primo Regum vigesimo quinto. Nunc autem isti

E duo erant precipui, & erant familiares David, reuelabantque ei illa, quae Deus volebat cognita esse David. Nam ut Nathan reuelauit David de regno suo perpetuando, & de filio suo Salomone nascituro, & edificaturo templum secundo Regum septimo, & supra decimo septimo. Reuelauerat etiam penam, quam infligetur ei pro peccato occisionis Urias, & adulterii cum Bethsabee, secundo Regum duodecimo. Propheta etiam Gad reuelabat etiam aliqua. Nam reuelauit nunc istas tres condiciones penarum, & postea reuelauit modum, quo cessaret plaga sacrificando Domino, ut patet infra in litera. Etiam reuelauit David, quod non maneret in praesidio, scilicet, quando David a facie Saulis fugiens iuit in terram Moab, manebat in praesidio. Et venit ad eum Propheta Gad dicens, quod non maneret in praesidio, sed iret in terram Iuda: primo Regum vigesimo secundo. Non fuit tamen tam familiaris Gad ipsi David, sicut Nathan. Nam omnia secreta sua reuelabat David ipsi Nathan, ut declaratum fuit supra decimo septimo in quadam questione: etiam in sacra Scriptura celebrior est Nathan, quam Gad, quia in catalogo patrum in Ecclesiastico ponuntur laudes Nathan, & non fit mentio aliqua de Gad, ut patet Ecclesiastico quadagesimo sexto.

Propter quam causam misit Deus Gad Propetam ad David. Quæst. XXV.

QVAERITUR vterius ad quid Deus misit Prophetam ad David, quia ipse erat Propheta, & poterat scire omnia, quae Gad reuelaret ei.
Respondendum, quod Prophetae non omnia sciunt, sed solum illa, quae eis declarantur a Deo, & illa nesciunt omni tempore, sed eo tempore solum, quo illustrantur, & ideo contingit alio tempore, quod Prophetae sint, sicut viri simplices, & nesciant respondere ad ea, quae interrogantur, sicut Moyses bis interrogatus fuit, & nesciuit respondere quibusque reulit questionem Deo, scilicet, semel a filiabus Salphaad. Nume. vigesimo septimo. Et iterum a filiis Manasse. Nume. trigesimo sexto. Sic etiam Ieremias quae rebat a Domino an Israelita deberent descendere in Aegyptum, & nesciuit respondere usque post decem dies: Ierem. quadagesimo secundo. Et Daniel interdum dubitabat super aliquo, & per tres hebdomadas orabat, & ieiunabat, ut reuelaretur ei, & tunc reuelabatur, Daniel decimo: & sic David, quamquam esset Propheta, poterat ignorare aliquid, & Deus reuelaret ei illud per alium Prophetam. Sed obijcietur, quod Prophetae omnia sciunt, quia Lucas septimo, Phariseus, qui inuitauerat Christum videns, quod Magdalena tangeret pedes eius, dixit intra se. Hic si esset Propheta sciret utique quae, & qualis esset mulier, quae tangit eum, quia peccatrix est. Et sic praesupponebat, quod Prophetae deberent scire omnia, alioquin non bene argueret, potissime quia non solum praesupponebat, quod Propheta debet scire omnia, quae exteriora sunt, sed etiam ea, quae sunt in corde hominis, scilicet, peccata, quia dixit sciret, quae & qualis esset mulier, quae tangit eum. Et addidit, quod Prophetae non sciunt omnia. Vno modo, quod istius potest tripliciter responderi. Vno modo, quod iste Phariseus non bene cognoscebat conditiones Prophetarum: nam Prophetae non sciunt omnia. Simile patet de Eliseo, qui habuit duplicationem spiritum Eliae, quarto Regum secundo. Et sic fuit famosissimus Prophetarum tempore suo. Et tamen quando venit ad eum mulier Sunamitis, & procubuit ad pedes eius, nesciebat quid illa quereret, quarto

quarto Regum. quarto. Nam dixit ad puerum suum. Dimitte illam, quia anima eius in amaritudine est, & Dominus celauit a me, nec indicauit mihi. Secundo modo potest dici, quod iste pharisæus sciebat, quod Propheta nesciebat omnia, & tamen, quia ipse, & alij Pharisæi inuidebant Christum, & eum exolum habebant, quia reuelabat malitiam eorum, offuscabat intellectus eorum in iudicando circa Christum, eo quod

tra impedit animum, ne possit cernere verum.

Vt ait Cato. Sic etiam est delibidine, quia passio illa facit errare incontinentes iudicando in particulari, ut ait Aristot. septimo. Ethic. Sic etiam est de inuidia, & de omnibus alijs passionibus. Et ista fuit vna de causis, quare Pharisæi non cognouerunt Christum facilliter, sicut cognosci poterat ex operibus suis. Tertiò potest dici, quod iste Pharisæus bene locutus est, eo quod ipse non intelligebat de quocunque Propheta, sed excellentissimo Prophetarum, scilicet, Messia. Nam erat in populo questio, an Christus esset Messias, ut colligitur Ioan. septimo, scilicet. De turba autem multi crediderunt in eum, & dicebant: Christus cum venerit nunquid plura signa faciet quam hic facit? Alij autem dubitabant cum dicitur ibidem. Nunquid verè cognouerunt principes, quia hic est Christus? sed hunc scimus unde sit: Christus autem cum venerit, nemo sciet unde sit. Et magis patet Ioan. decimo cum dixerunt Iudei ad Christum. Quomodo que animam nostram tollis? si tu es Christus, dic nobis palam. De Messia tamen præsupponebatur, quod sciret secreta cordium, & ideo non iudicaret homines per ea, quæ exterius audiuntur, & videntur, sed per ea, quæ in corde haberent, ut patet Ista. vnde decimo, scilicet. Non secundum visionem oculorum iudicabit: nec secundum auditum aurium arguet, sed iudicabit in iustitia pauperes. Qui tamen iuste iudicat, & non iudicat per ea, quæ videntur, neque per ea, quæ audiuntur, necesse est, quod iudicet per ea, quæ in corde sunt, quia nullus alius modus est ad iudicandum iuxta cordis, & ille est vnus locus efficacissimus ad probandum contra Hebræos, quod Messias futurus erat verus Deus: bene ergo arguebat Pharisæus, quod si Christus non cognoscebat, quæ & qualis erat Magdalenæ non erat Messias. Et ob hoc ipse respondit ad cogitationes eius, ostendendo per hoc se esse Messiam, quia non solum sciebat, quæ, & qualis erat illa mulier, sed etiam sciebat, quid cogitabat pharisæus in corde suo: Propheta autem alij non erant tales, sicut Messias, ideo multa ignorabant: ideo Dauid quam reuelaretur ei per Prophetam Gad.

Quare Deus non reuelauit punitionem Dauid, sicut Prophetæ. Quæst. XXVI.

QUÆRITUR vltius dato, quod Dauid posset aliquid ignorare, quod per alterum Prophetam posset ei reuelari, quare non reuelatum est potius ipsi Dauid quam alteri Propheta. Nam etiam Gad Propheta, qui reuelauit Dauid, ne sciebat illa, nisi Deus reuelasset illa ei, ut patet in littera, ita ergo reuelare posset ipsi Dauid. Responderi potest ad hoc multipliciter: primo quod Dauid non erat talis Propheta, cui istud reuelaretur. Pro quo sciendum, quod duplices erant Prophetæ. Quidam erant Prophetæ propriè dicti, scilicet, alijs autem erant Prophetæ secreta aliqua per Deum. Alij autem erant Prophetæ largè dicti, qui solum faciebant cantica de laudibus diuinis, etiam si nunquā

A Deus reuelaret aliquid eis, vel tangeret corda ipsorum. Sic patet de omnibus Leuitis, quia omnes cantores Leuitarum dicebantur Prophetare in organis, & circharis, & Psalterijs infra vigesimo quinto. Et quidam docebant alios in ista Prophetia. Et tamen Propheta propriè dictus non potest ab aliquo homine doceri circa actum Prophetandi, nec ipse potest alios docere, cum Prophetia solum sit quædam illustratio mentis humanæ facta a Deo supernaturaliter raptim transiens, per quam eleuatur homo ad intelligendum illa, quæ alijs intelligere non poterat. Dauid autem non erat Propheta primo modo, scilicet, quod Deus ei reuelaret aliqua secreta, sed solum erat Propheta, quia faciebat cantica diuinæ laudis, & in

B hoc excessit alios Prophetas, quia plures Psalmos, & cantica fecit quam omnes alij Prophetæ simul sumpti. Et ideo quando Dauid comparatur ad Moysen, & ad alios Prophetas, scilicet, an fuerit excellentior Prophetarum, est comparatio equiuoca, quia ipse non erat Propheta, sicut alij. Ideo si intelligatur an ipse erat excellentior alijs Prophetis, id est, quod plura secreta ei reuelata sint quam alijs, vel pluries Deus locutus fuerit ei quam alijs, non erit ipse excellentissimus Prophetarum, sed minimus omnium, quia nihil ei Deus reuelauit hoc modo, vel saltem non apparet tam manifestè, sicut de quolibet alio, quorum scripta habemus: sed erat excellentissimus Prophetarum secundi modi, scilicet, facientium cantica diuinæ laudis, quia nullus tot Psalmos, & cantica fecit, sicut ipse. Et sic dicendum, quod quamquam esset Propheta, quia tamen erat de Prophetis secundi modi, non fiebat ei aliqua reuelatio. Ideo si aliquid Deus veller ei reuelare, debebat ei reuelare per alterum, qui esset de Prophetis primi modi, & sic erat Gad. Ideo per eum reuelauit Deus istud Dauid.

C Confirmatur istud, quia quodcumque Dauid aliquid volebat scire a Domino, non consulebat eum per seipsum, sed alius consulebat loco eius. Sic patet quando erat Dauid in Ceila, quia bis consuluit pro eo Dominum Abiatar Sacerdos: primo Regum vigesimo tertio. Et iterum consuluit pro eo Dominum in Siceleg super Amalecitis: primo Regum trigésimo. Et iterum Achimelec Sacerdos consuluit pro eo Dominum, quando dedit ei panes, & gladium Goliath: primo Regum vigesimo primo. Si tamen Dauid Propheta esset primi modi, non consuleret Dominum per alterum, sed per se, sicut Ieremias oratione sua petiuit à Domino responsum an deberent descendere Israëlites in Aegyptum: Ierem. quadagesimo secundo, & Daniel oratione sua petebat a Domino interpretationem in dubijs, ut patet Danielis decimo, quando etiam Deus volebat aliquid reuelare Dauid, non reuelabat ei per seipsum, sed per alterum reuelauit. Bis enim reuelauit ei secreta per Nathan, ut patet supra decimo septimo, & secundo Regum septimo, & duodecimo. Bis etiam reuelauit ei secreta per Gad, ut patet hic, & primo Regum vigesimo secundo, & secundo Regum vigesimo quarto. Secundo potest dici, quod Deus non reuelauit Dauid istud per seipsum, sed per alterum ad maiorem confusionem eius, & humiliationem, scilicet, quod ipse peccauerat, & non erat dignum, quod pro illa vice Deus daret ei tantam dignitatem, ut per ipsum reuelaretur ei id, quod Deus volebat facere, sed magis, quod reuelaretur ei per alterum, tanquam ipse iam perdidisset istam dignitatem. Et patet hoc, quia quamquam Dauid nunc viderit Angelum percutientem, & locutus fuerit ad eum, ut conuerteret manum suam super ipsum, non respondit ei quidquam Angelus, sed præcepit Propheta Gad, ut diceret

diceret David, quod construeret altare, ut patet infra in litera. Et istud erat quasi regula: non solum in Prophetis secundi modi, quibus Deus nihil reuelabat, sed etiam in Prophetis primi modi, quibus Deus solebat loqui, quod quando ipsi peccarent non reuelaret eis Deus mala, quæ ventura erant ipsis per seipsos, sed per alios. Sic enim fuit de illo Propheta, quem Deus misit ad prænunciandum mala contra altare Bethel, & præcipit ei Deus, quod non comederet, nec biberet in loco illo, & seductus comedit. Et tunc reuelauit Deus alteri Propheta, qui sedux erat eum, quod non inferretur cadaver suum in sepulchrum patrum suorum, tertio Regum decimotertio, & tamen melior Propheta erat ille, qui peccauerat quam alius, per quem reuelatum est ei hoc: cum ille esset idolatra, & pessimus, ut patet ibidem, sed quia peccauit, debuit quantum ad hoc carere officio Prophetæ. Tertio factum est hoc, ut ista res magis nota fieret. Nam si Deus reuelasset hoc ipsi David, elegisset plagam, quam voluisset, & nesciret populus an Deus dedisset David istam electionem de tribus plagis. Et quia vtile erat, quod populus sciret hoc, non reuelatum est David per se, sed per alterum.

De electione David circa istas tres plagas.
Quest. XXVII.

QUÆRITUR vltius quare Deus dedit David electionem de istis tribus plagis. Respondendum, quod David merabatur occidi pro numeratione populi, & ipse etiam populus nimis affligendus erat pro alijs peccatis, quæ commiserat. Et si David non doluisset de peccato isto, Deus inflixisset penam quam voluisset, & occideret David, nec dedisset ei electionem super hoc, quia tamen David doluit nimis, promeruit, quod Deus remitteret partem penæ populo, & etiam, quod daretur sibi electio circa poenam, quam ipse veller infligi populo.

An David peccasset nolens eligere aliquam istarum trium poenarum. Quest. XXVIII.

QUÆRITUR vltius quid si David noluisse eligere aliquam penam istarum quid fieret, & an peccauisset.

Respondendum est, quod Deus dabat optionem David de istis tribus penis, volens ei benefacere, ut minus malum eligeret, & si David nollet eligere, priuaret se beneficio, quod Deus ei impendebat. Et tunc Deus infligeret penam, quam veller, & credendum est, quod infligeret pestem, sicut postea inflictæ est per electionem David, & tamen maior esset quam fuit, eo quod David nunc rogauit nimis Dominum super hoc. Et tamen si nollet uti beneficio sibi a Deo concesso, Deus infligeret tantum rigorem quantum aliàs infligere intendebat. Cum autem quæritur an David peccaret nolendo eligere. Dicendum, quod aut faceret hoc nolendo uti beneficio sibi a Deo concesso, aut quia dubitabat, quæ poena esset grauior, & volebat se magis submittere dispositioni diuinæ, quia Deus melius sciebat, quid expediret sibi quam ipsemet. Si primo modo dicendum est, quod David peccaret, quia quidam modus contemptus erat, quod nollet David uti beneficio à Deo concesso, cum potius deberet agere magnas gratiarum actiones, & cum magno desiderio amplecti illud, & Deus indignaretur valde super hoc. Sic enim fuit quando Achaz rex Iuda timebat, quod rex Syriæ, & Israel venirent coniurati contra ipsum,

& delerent eum. Misit enim Deus Isaiam ad eum dicens, quod non timeret, quia non fieret istud, & ad hoc dixit ei Isaias. Pete tibi signum a Domino Deo tuo in profundum inferni, siue in excelsum supra, idest, pete aliquod signum ad hoc, quod certificeris verum esse quod Deus tibi dixit. Et dixit Achaz non petam, & non tentabo Dominum. Et sic noluit uti beneficio sibi a Deo concesso, propter quod Deus iratus est, unde subdit, & dixit Isaias. Audite ergo domus David, nunquid parum est vobis molestos esse hominibus, quia molesti estis, & Deo meo? Isaias septimo. Quasi dicat, molesti estis ei in hoc, quod contemnitis beneficium eius. Si autem David nollet eligere propter secundum, non peccaret, quia committeret se dispositioni diuinæ, eo quod ipse melius sciebat quid minus graue erat, & vtilius David, sicut dicitur Matthæ. septimo. Pater vester celestis scit quid expedit vobis. Melius tamen fuit, quod David eligeret: cum Deus daret ei electionem inter ista tria. Nam si non expediret ipsi David eligere, non proposuisset ei Deus, quod eligeret.

De controuersia, quæ habetur in quibusdam verbis hic, & secundo Regum cap. vigesimoquarto, circa electionem poenarum.

Quest. XXIX.

QUÆRITUR vltius quomodo dicitur hic. Elige quod volueris, aut tribus annis pestilentiam, &c. quia secundo Regum vigesimoquarto, dicitur: Aut septem annis veniet tibi fames in terram tuam, & non ponitur ibi pestilentia.

Aliquis respondebit, quod Deus proposuit David omnia ista, scilicet, famem, pestem, hostes, & Angelum percutientem, & secundo Regum vigesimoquarto, ponuntur omnia præter pestem. Ideo cum iste liber sit suppletivus eorum, quæ habentur minus in libris Regum, suppleuit hic Esdras pestilentiam, & omisit famem septem annorum, quæ posita fuerat ibi.

Sed dicendum, quod hoc non stat, quia secundum hoc essent quatuor, inter quæ Deus daret optionem David, & tamen hoc falsum est, quia solum erant tria, cum dicat hic litera: Trium tibi optionem dabo. Et etiam secundo Regum vigesimoquarto, dicitur: Trium tibi optio dabitur. Ideo necesse est, quod dicamus solum fuisse tria. Et sic non exprimitur hic aliqua plaga, quam subtraheret Scriptura, secundo Regum vigesimoquarto.

Aliquis ergo dicit, quod solum fuerunt tres plagæ, & tamen coincidunt. Nam pestilentia, quæ ponitur hic erat eadem cum fame, quæ ponitur secundo Regum vigesimoquarto. Sed famem vocatur pestilentia, eo quod pascitur, idest, destruit homines. Et hoc patet ex quibusdam libris. Nam quædam Biblia habent hic, aut tribus annis pestilentiam famis. Et faciunt idem esse pestilentiam, & famem. Et sic Scriptura nominauit hic istam plagam pestilentiam, & secundo Regum vigesimoquarto, vocauit eam famem.

Sed dicendum, quod hoc non stat, quia si fames, de qua ibi, & pestilentia, de qua hic, essent eadem plaga: duratio vtriusque esset eadem, & tamen hic dicitur, aut tribus annis pestilentiam, & secundo Regum vigesimoquarto, dicitur: Aut septem annis veniet tibi fames. ergo non erat eadem plaga.

Respon-

Respondendum quod secundum veritatem primæ plaga erat fames septem annorum, & pestilentia trium annorum non erat aliqua de istis plagis, unde scriptores non faciunt mentionem de ista pestilentia trium annorum, sicut patet per Iosephum septimo Antiquitatum, & Historiam scholasticam, & alios scriptores, qui tamen litera ista posuit hic tres annos pestilentie. Dicendum quod plaga prima, quæ Deus posuit, erat fames septem annorum. Ex illa tamen sequi debebat pestis. Nam licet communiter pestis non sequatur ex sterilitate, sed ex saturitate, quia pestis à pastu dicitur: Tamen in illis septem annis non solum futura erat sterilitas terre, sed etiam terre nascencia futura erat rubiginosa, & pestifera, propter aerem corruptum, & sic indisponerent corpora humana. Unde in quatuor primis annis famis indisponerentur corpora per malitiam ciborum, ita quod in tribus annis sequentibus eiusdem famis multi perirent morbo victualium corruptorum. Et illa talis esset pestilentia trium annorum, & sic fames esset tanquam causa, & pestilentia, tanquam effectus eius, & ideo pertinent ad vnā plagā. Et quia principaliter ipsa fames erat plaga, ponitur secundo Reg. 24. Fames septem annorum. Et quia pestilentia secutura erat ex illa fame, noluit Esdras subticere illam, sed dixit, aut tribus annis pestilentiam.

Si fames euenisset, an hoc fuisset naturaliter, vel supernaturaliter.

Quest. XXX.

QUÆRITUR vterius, si Deus infligere voluisset septem annorum famem, sicut proposuerat in vna de plagis, quomodo hoc eueniret: an naturaliter, an supernaturaliter, & an in vna prouincia, scilicet solum terræ Israel, vel in omnibus aliis terris coniunctis.

Respondet aliquis, quod non eueniret naturaliter ista fames: nam si naturaliter ventura esset venisset realiter, quia ea quæ naturaliter se habent, vni formiter se habent, & non mutantur propter merita, vel demerita humana. Dicendum est, quod poterat euenire ista fames naturaliter, vel supernaturaliter. Primum patet, quia naturaliter euenire, poterat intelligi dupliciter: vno modo naturaliter, id est naturalibus instrumentis, alio modo naturaliter, id est per naturæ cursum nulla alia causa exterius adiuuante, vel mouente aliter, quam consuevit mouere. Accipiendo primo modo, intelligitur quod fames infligeretur instrumentis naturæ, scilicet medijs corporibus celestibus, quæ sunt instrumenta omnis generationis, quæ fit in terra, sicut dicit Aristotel. primo de Generatione, & corruptione, scilicet. Quod sol discurrens per circuitum obliquum est causa omnis generationis, & corruptionis, quæ fit in terra. Et secundo Physicorum dicitur: Quod sol & homo generant hominem. Accipiendo sic, poterat adhuc fieri dupliciter ista fames. Vno modo, quod Deus faceret, quod planetæ, & astra, quæ causant naturaliter famem, concurrerent in certo aspectu, & radiatione super terram Chanaan, alio modo, quod quamquam non conuenirent sustinere, vel alio aspectu, sed venissent illa astra, quæ alias secundum cursum naturæ ventura erant, & postea venerunt, quæ non causant naturaliter famem, quod Deus mutaret efficaciam illorum, & causarent famem. Accipiendo primo modo erat aliquid naturale, & aliquid supernaturale. Naturale erat, quod

Alph. Toit. In Lib. I. Paralip.

A la astra posita in tali aspectu tali tempore causarent famem. Super naturalem autem erat, quod illa astra venirent ad talem coniunctionem, vel aspectum, ad quæ alias ventura non erant, nec venerunt. Et istud poterat fieri à Deo, dato quod planetæ mouerentur velocius per circulos suos, quam alias, vel tardarent magis. Nam quibusdam velocius currentibus, & alijs magis solito tardantibus fieret quæcunque coniunctio, vel aspectus, quem vellet ille, qui faceret astra velocius, vel tardius solito currere. Et sic factum est alias, quando Deus fecit stare solē ad præces Iosue, vt patet Iosue 10. Sic etiam, quā retrocessit sol per decem lineas tempore

B Sedecie regis 4. Reg. 20. & tunc retrocesserunt omnes cœli, & tempore Iosue steterunt omnes stante sole, vt declaratum est eisdem capitulis. Et tunc iste effectus esset aliquo modo naturalis, & aliquo modo supernaturalis, quia partim erat causa naturalis, & partim supernaturalis. Aliquis dicit, quod esset naturalis simpliciter. Nam si aliquis homo egrotaret, & Deus educere aliquam herbam de extremis partibus terre, quæ naturaliter haberet virtutem curandi illum morbum, & non inueniretur in illa terra, in quo erat egrotus: non diceretur ista curatio supernaturalis, sed naturalis, quia Deus solum applicauerat herbam illam. Illa autem habebat naturaliter virtutem curandi morbum. Sic autem esset hic, quia corpora celestia in tali, vel tali habitudine virtutem habent naturaliter causandi famem, vel saturitatem. Solum ergo erat, quod Deus moueret illa corpora, vt essent in illa dispositione coniunctionis, vel aspectus, in qua possent causare famem, sicut qui applicaret egroti herbam, quæ naturaliter haberet virtutem curandi. Dicendum quod non est simile, quod Deus applicaret herbam egroti, & quod moueret corpora celestia ad talem aspectum, in quo causarent famem. Nam licet illa herba, quæ Deus applicaret egrotanti, non esset in terra illa, in qua erat egrotans, nec poterat pro tunc applicari egroti: tamen poterat alias adduci per omnem hominem, vel saltem erat adducibilis in quacunque parte terrarum esset. Secus tamen erat de motu corporum celestium ad talem, vel talem aspectum, quia non poterat illud fieri per homines, sed per Deum. Ideo istud erat miraculum, & illud non. Sed dicit, quod licet non posset fieri talis motus corporum celestium per hominem poterat fieri per angelos. Operationes tamen angelicæ non sunt miraculosæ, sed naturales, quia solus Dei operatio est miraculosa. Dicendum adhuc, quod erat ista operatio aliquantulum miraculosa, quia licet angeli moueant corpora celestia, tamen non possunt ipsi mouere in quacunque velocitate voluerint, quia determinata est potentia eorum, & non possunt, vt ait Aristot. 12. Meta. mouere velocius, quā mouent, & sic causatur vniuersitas motus, & licet forte secundum veritatem possent moueri in maiore velocitate, quam mouent, in non possunt mouere in quocunque gradu velocitatis, quia hoc pertinet ad potentiā infinitā, & forte talis erat velocitas, quæ requirebatur ad hoc, quod corpora celestia conuenirent quolibet anno illorum septem in aspectu, vt causarent famem, præsupposita habitudine, in qua nunc erant. Ideo videtur, quod erat operatio miraculosa, sed dicitur, quod non requirebatur ad hoc, quod fieret motus in magna velocitate, sed quod quædam corpora celestia starent, & alia mouerentur, & sic fieret coniunctio, vel aspectus quicunque sine velocitate magna motus.

C Dicendum, quod hoc verum est, & quod poterat fieri hoc per angelos, si Deus permitteret eis facere contra cursum communem naturæ, & sic non erat hoc pure miraculum. Dicendum tamen, quod erat ex magna parte operatio miraculosa, & magis miraculosa, quam naturalis.

Hh Alius

Alius modus erat ad hoc faciendum, quod Deus non moueret corpora celestia, aliter quam ipsa mouere debebant, sed daret eis virtutem cauſandi ſterilitatem, quam alias naturaliter non cauſarent. Et tunc dicendum, quod operatio eſſet aliquo modo miraculoſa, & aliquo modo naturalis. Nam quod Deus daret ſtellis virtutem cauſandi famem, quæ alias cauſarent ſaturitatem, ſupernaturale erat, quod tamen ipſæ ſtellæ ſuſcepit in ſeruitute illa a Deo cauſarent famem, naturale erat, ſicut animam creari, & corpori vniri miraculum eſt. Operationes tamen, quas poſtea habet anima vnita corpori naturales ſunt. Dicendum tamen, quod ambo iſti modi ſunt partim naturales, & partim ſupernaturales. Et tamen magis ſupernaturalis eſt iſte ſecundus quam primus, quod patet, quia in primo nihil fiebat ſupernaturaliter, niſi quod moueretur corpora celeſtia tali motu, quali non mouerentur alias, & iſtud poterat fieri per angelos. In ſecundo modo debebant fieri duo, ſcilicet, quod auferretur ſtellis virtus influendi, quam prius habebant, & daretur eis alia virtus. Iſtud autem facerent angeli. Nam iſtud eſt ſicut facere corpora coeleſtia de nouo. Angeli tamen non ſunt creatores, nec concreatores, nec poſſunt mutare aliquas naturales virtutes, & operationes rerum. Iſt ſ duobus modis poterat Deus cauſare famem illic ſeptem annis, & eſſet illa naturalis aliquo modo propter aliquam operationem naturæ, quæ ibi eſſet. Secundus modus principalis erat, quod eſſet iſta famis naturalis, id eſt per communem curſum naturæ, ita quod aliqua cauſa exterior non concurreret mouendo, vel adiuuando aliter quam facere ſolebat. Et iſto modo non moueret Deus corpora coeleſtia aliter quam ipſa mouebantur illo tempore, vt conuenirent ad aliquem aſpectum, in quo cauſaretur famis, nec etiam daret eis virtutem ad cauſandum famem, quam aliter naturaliter non cauſarent, & iſto modo dicendū, quod non poterat induci famis illis temporibus, quia tunc etiam non peccante Dauid eueniſſet, & tamen non euenit. Non tamen propter hoc debet aliquis negare, quod aliquādo famis purè naturaliter eueniat propter peccata, immo nunquam poteſt naturaliter venire, quin propter peccata eueniat, quia alias Deus infligeret hominibus aliquam penam, quam non mererentur, nec eſſet pro peccatis. Et hoc falſum eſt, quia ſic tolleretur providentia Dei, ſecundum quam omnia iuſtè gubernantur. Cauſa autem quare famis non poterat nunc iſto modo naturaliter induci erat, quia Deus ab æterno præſciderat illam famem non eſſe futuram, & Dauid non electurum eſſe famem, ſed peſtem. Ideo non ordinauerat ſic corpora celeſtia, vt naturaliter illo tpe concurrerent ad cauſandum famem. Alius modus erat, & præcipuus, quod cauſaretur iſta famis purè ſupernaturaliter. Et de hoc non eſt dubitandum, quin fieri poterat, & tunc fieret multiplicitas, ſicut Deus velle, ſcilicet tollendo pluuias, quæ naturaliter vètura eſſent, vel reddendo terram inhabilem ad producendum ſegetes, ſicut dicitur Plal. 106. Poſuit flumina in deſertum, & exitus aquarum in ſitum; terram fructiferam in ſaltuginem a malitia habitantium in ea. Poterat etiam hoc fieri ſi crederentur terræ naſcentia, & Deus mitteret locustas, vel beaſtas ad deuorandum omnia, ita vt nihil colligerent inde ludæi, vel mitteret hoſtes, qui omnia illa deuſtarent. De iſtis modis patet Leuit. 26. iubeat. Viſitabo vos velociter in egeſtate, & ardore, qui conficiat oculos veſtros, & contumiat animas veſtras: fruſtra teretis ſementem, quæ ab hoſtibus deuorabitur. Ponam faciem meam contra vos, & corruetis coram hoſtibus veſtris, & iubeiſcimini his, qui oderunt vos, fugietis, nemine perſequentē. Sinautem nec ſic obedietis mihi, addam correptiones veſtras ſeptuplum

propter peccata veſtra, & conteram ſuperbiam duritiæ veſtræ, daboque celum vobis deſuper ſicut ferrum, & terram æneam, conſumetur in caſſum labor veſter, non proferet terra germen, nec arbores poma præbunt. Sic etiam dicitur Deutero. 28. ſ. Sit celum quod ſuper te eſt æneum, & terra, quæ calcas ferrea, det dñs imbrem terræ tuæ puluerem, & de celo cadat ſuper te cinis donec conteraris. Multi alii modi eſſe poterant, per quos Deus ſupernaturaliter cauſaret famem in iſtis ſeptem annis.

Si famis eueniſſet, an fuiſſet ſuper omnes terras.

Quæſt. XXXI.

QUÆRITUR vltcrius, ſi eueniſſent iſti ſeptem anni famis, an eſſet iſta famis ſuper omnes terras, vel ſolum ſuper terram Iſrael.

Reſpondendum, quod eſſet ſolum ſuper terram Iſrael. Ratio huius eſt, quia iſta famis infligebatur pro peccato Dauid, & populi ſui, ſed in hoc nullus peccauerat, niſi Iſraelitæ. Ideo ipſi ſoli punirentur, niſi forte aliqua alia terra peccauiſſet in alio crimine. Et Deus, qui iudex eſt omnium hominum, velle punire habitatores terræ illius, poterat facere iſtam famem eſſe communem Iſraelitis, & illi genti. Declaratur iſtud, quia aut iſta famis eueniret ſupernaturaliter, aut pure naturaliter, aut partim naturaliter, & partim ſupernaturaliter.

Si primo modo manifeſtum eſt, quod poterat venire ſup Iſraelitas gentes, eo quod poterat Deus percutere illam terram non percutiendo aliam, ſicut potuit percutere vnū hominem non nocendo alteri, ſicut fuit in iſto angelo percutiente, qui occidebat quosdā de Iſrael, & alios, & patet in litera. Sic etiam fuit in angelo percutiente, qui ſolum percutiebat primogenitos, Exo. 12. Si autem ſecundo modo, ſcilicet purè naturaliter, dicendum, quod poterat eſſe iſta famis in vnā terra, & quod non eſſet in alia, quia ſic videmus in omnibus accidentibus naturalibus, vt in fame, peſte, frigore, & calore. Nam in quibusdam regionibus ſunt, & non in alijs. Immo quod plus eſt, dicendum, quod ſi iſta famis eueniret naturaliter, non poterat euenire ſimul in omnibus terris, & etiam, quod non poteſt eſſe aliquis effectus naturalis idem in toto orbe. Ratio huius eſt, quia omnes generationes, & corruptiones in terra ſunt per motum ſolis, & aliarum ſtellarum in circulo obliquo, id eſt in Zodiaco, vt ait Ariſt. primo de generatione, & corruptione. Et corpora celi non operantur ſolum per motum ſuum, ſed principaliter per aſpectum, & radiationem, & acceſſum, vel reſceſſum ſecundum latitudinem ad aliquam regionem, ſed impoſſibile eſt, quod corpora celeſtia in aliquo vno tempore habeant eundem aſpectum, & appropinquationem ad omnes partes mundi. Immo impoſſibile eſt, quod aliquis effectus naturalis ſit poſſibilis ſimul in tota terra. Et ſic dicendum de diluuio in diebus Noe, quod non euenit naturaliter, ſed Deus fecit rumpi fontes abyſſi magni, & apuit citharactas celi, Gen. 7. in quo ſignificatur, quod opere Dei venerit diluuium, & non naturaliter. Diluuia autem particularia poſſunt euenire naturaliter, ſicut fuit diluuium Ogigis regis in Theſſalia, & diluuium Deucalionis, & Pyrræ, de quo Ouidius primo Meta. Nam iſta ſolū tuerunt in Græcia, & in iſtulis vicinis. De hoc Aug. 18. de ciu. Dei, & Iſidorus 13. Etymolog. Si autem tertio modo partim naturaliter, & partim ſupernaturaliter eueniret iſta famis, poterat euenire vno de illis duobus modis poſitis præc. quæſtion. ſcilicet quod Deus moueret corpora celeſtia, vt conuenirent ad talem conjunctionem, vel aſpectum ſtellarum, quod cauſarent famem naturaliter, vel quod non mouerent corpora celeſtia aliter, quam ipſa mouebantur,

banur, sed daret eis virtutes cauſandi famem, quam naturaliter non cauſarent alijs. Si primo modo non ſolum poterat eſſe iſta fames in vna terra, ita quod nō eſſet in alia, ſed etiam neceſſe erat, quod non eſſet in omnibus cū fieret ope ſtellarū. Et tñ impoſſibile eſt, qd ſtelle habeant eundē aſpectum, & acceſſum ſimul ad oēs terras. Si aut ſecundo mō idem dicendum, quia mutaretur virtus ſtellarum, vt cauſarent famē, q̄ alijs non naturaliter cauſarent. Et tamen iſte ſtelle quarū mutaretur virtus, non poterant habere eundem aſpectum, & acceſſum ad omnes terras ſimul, ergo non poterat cauſari fames in omnibus terris, ſed in ſola terra Chanaan, vel in paucis ſibi vicinis.

Quomodo fuiſſet inflicta Iſraelitis plaga iſta famis.
Quæſt. XXXII.

Q V A E R I T V R vterius cum iſta fames futura eſſet ſolū in terra Iſrael, & nō in alijs locis vicinis: quō infligebat à Deo in plagā, quia poterant Iſraelitę hñe ſufficiens ſibi ſuſtentamentum de terris vicinis.

Rñdendum eſt vno modo, qd dato, qd terre coniūctę Iſraelitis non percuterentur fame, eſſet magna anguſtia Iſraelitis, quod de regionibus vicinarum terrarum ſuſtentationem habituri eſſent, & multi perirent propter inopiam. Secundo, quia non ſolum eueniret eis dānum propter raritatem, & valorem magnum ciborū, ſed etiam, quia Deus indiſponeret terram ad germinandum, & ſi iacerent ſemina non proficerent, & hoc modo ante ſeptem annos periret tota ſubſtantia Iſraelitarum. Sic factum eſt de Aegyptijs, qui habuerunt per ſeptem annos grauiffimam famem, ita quod terra nihil germinabat, & ante annum ſextum coacti ſunt vendere omnia, quę poſſidebant, & ſeipſos faceretur ſervos regis, Gen. 47. Tertio modo, qd adhuc ſequeretur maius nocumentum, ſcilicet quia non ſolum haberent cum magna cariffima, ſed etiam non poſſent illos habere, quia gentes, quę erant in circuitu Iſraelitarum erant hoſtes eorum, & Deus efferaret magis nunc illas gentes contra Iſraelitas in penam eorum, & ſic non darent eis cibos, vnde affligerentur nimis.

De poſitione duarum plagarum, quę videntur eſſe eadem.
Quæſt. XXXIII.

Q V A E R I T V R vterius quō ponunt hic due plagę, quę videntur eſſe eadem. Nā prima eſt hic, quod tribus annis veniret peſtilentia ſuper Iſrael. Secūda, quod veniret mors erat peſtilentia, quia David elegit iſtam tertiam. Et tamen dñ in litera, quod miſit dominus peſtilentiam in Iſrael.

Reſpondendum eſt, quod iſte due plagę non coincidunt. Et quando dicitur, quod ambę ſunt peſtilentia, dicitur qd quā in nomine conueniunt, differunt tamen in re, quia alius modus mortis erat in illis tribus annis peſtilentię, quā in tribus diebus. Et patet iſta differentia. Primo quia non eſt idem nomen: nam prima plaga vocatur peſtilentia ſimpliciter. Secūda autem vocatur gladius Domini, & mors, & anguſtia, vt patet in litera. Secūdo patet, quia eadem plaga eſſet penitus, poneretur equale tempus pro vtraque. Et tamen pro vna ponuntur tres anni, & pro alia tres dies, ideo valde differebant in gravitate. Tertio dicendum, quod differebant, quia peſtilentia, quę ponitur tanquā tertiam plagam erat per ſe plaga. Iſta tamen peſtilentia, quę ponitur hic tanquā

Alph. T oſt. In Lib. I. Paralip.

A prima, non erat per ſe plaga, ſed erat effectus alterius plagę. Nam plaga principalis erat fames ſeptē annorum, & ex illa ſecuta eſſet plaga peſtis per tres annos, ſicut declaratum fuit ſupra in quadam quæſtione.

Quomodo hoſtes venirent contra David.
Quæſt. XXXIII.

Q V A E R I T V R vterius quomodo venirent hoſtes per tres menſes contra David ſi illā plagam accepiſſet. Nam nunc omnes gentes, quę erāt per circuitum timebant Iſrael.

B litas, eo quod David ſubiecerat ſibi fere omnes illas gentes in tributarias, vt colligitur ſupra decimo octavo. Et hoc præcipue, quia Deus incuſſerat timorē David omnibus iſtis gentibus, vt patet ſupra 14. Et ſic tñ in breui, ſcilicet in tribus menſibus non videtur quomodo auderent inſurgere contra David, vt tantum malum ei inferrent, quod compararetur alijs duabus plagis.

Reſpondendum eſt, quod verum eſt, quod nunc omnes iſte gentes ſubiecte erant Iſraelitis, nec auderent quantum ex ſe erat inſurgere contra David, & tñ iſtud fieri deberet opere Dei, quia omnes iſte plagę miraculoſe venturę erant: fieret autem ſic, qd Deus confortaret corda gētiū vicinarum contra Iſraelitas, & immitteret eis odium, vel procuraret illud, vt ipſi deſiderarent valde pugnare contra David, ita qd nihil magis deſideraret, quam pugnare. Et tunc Deus diceret ſuſcitare hoſtes Iſraelitis. Sic enim fuit de Adad Idumęo, quem Deus ſuſcitavit in hoſtem Salomoni in ſenectute ſua 3. Regum 11. Et hoc ſatis apparet, quia ille Adad erat cum rege Aegypti, & audito, qd mortuus eſſet David, & Ioab, incidit ei magnum deſiderium veniendi in terram ſuam, vt pugnaret contra Salomonem. Et erat deſiderium illud magnum, ſed neſciebat a quo eſſet: vnde Pharaon rex Aegypti dixit ei: Quid deſicit vbi, vt quęras ire ad terram tuam? & ille dixit: Nulla re indigeo, ſed obſecro, vt dimittas me. eodem capitulo. Et ſic neſciuit reſpondere Adad quare vellet redire in terram ſuam, ſed ſolū dixit: Obſecro, vt dimittas me. Sic etiam ſepe dicebat Deus ſuſcitare hoſtes Iſraelitis, ſicut tempore Iudicum, quando peccabant Iſraelitę, dicebatur, quod Deus cōfortabat cōtra eos, vel ſuſcitabat hoſtes, vt patet Iudicum 3. ſcilicet. Qui cōfortavit aduerſum eos Eglon regē Moab, & copulavit ei filios Amon, & Amalec. Et ſic Deus poterat nunc concitare animos omnium gentium, quę erant in circuitu terre Iſrael, vt pugnarent cōtra David vno anno in iſtis tribus menſibus, & inferrent ei magna damna.

Quomodo non potuiſſet David effugere gladium inimicorum.
Quæſt. XXXV.

Q V A E R I T V R vterius quomodo dicitur non poſſet effugere gladium hoſtium in iſtis tribus menſibus, quia videtur, quod faciliter effugere poterat. Nam ſi David neſciret, quod iſta plaga ſibi miſſigenda eſſet, procederet confidenter contra hoſtes, ſicut prius conſueverat facere, & tunc Deus fortificaret hoſtes, & prævalerent contra eum. Et tamen cum iam Deus diceret ei, quod non poſſet ſe defendere ab hoſtibus, dato quod illi venirent ad inuadendum terram eius, non exiret contra eos, ſed maneret in aliquo loco forti, ſicut in Ieruſalem, & ibi maneret in obſidione, poſſime cum iſtud tempus eſſet paruum, ſcilicet trium menſium.

Reſponderi poteſt vno modo, quod David poſſet euadere

evadere si clauderet se in locis fortibus. Et tamen tunc hostes deuastrarent totam terram per circuitū, & non posset David defendere illam. Et hoc erat non posse effugere gladium eorum. Secundo modo potest dici, quod non posset effugere gladium, id est percussione realem in se, vel in exercitu suo. Nam non intelligitur, quod non posset effugere gladium eorū, scilicet ipsemet David, scilicet, quod exercitus suus, vel viri de regno suo non possent effugere. Et hoc verum erat, quia non poterant omnes Israelitæ cohiberi intra castra urbium suarum, ita quod nemo exiret in istis tribus mensibus. Et tunc hostes irruerent super eos, & opprimerent illos. Et istud est, quod Deus intendebat. Cum autem secundo queritur quomodo in tam paucō tempore possent hostes insigere Israelitis tanta damna, ut compararentur aliis duabus plagis, dicendum quod hoc poterat fieri faciliter. Nam in ista peste perierunt nunc septuaginta millia virorū, ut patet infra in littera. Et tamen hostes poterant occidere plures, quam septuaginta millia in tribus mensibus, eo quod Deus confortaret hostes contra David. Nam sicut solebat confortare David, & alios Israelitas contra hostes suos, ita confortaret nunc hostes contra David, & omnibus aliis modis, quibus solebat adiuuare miraculose eum contra hostes, de quibus supra cap. decimoquarto, adiuuaret hostes contra eum in penam delicti. Et sic non est dubium, quod in tribus mensibus possent occidere plusquam septuaginta millia virorum, immo in vna die, & insuper deuastrarent totam terram destruendo terrę nascencia, & succidendo arbores, & sic redderent eam inhabilem ad fructificandum, unde non solum esset occisio hostilis, sed etiam fames sequeretur.

Quomodo cessaret ista percussio post tres menses,

Quæst. XXXVI.

QUÆRITUR ulterius si istam plagam hostium elegisset David si semel iuscitarentur isti hostes contra eum, & opprimerent ipsum tam foriter, quomodo postea cessarent post tres menses: cum ista plaga deberet solum per tres menses durare, & ipsi cum semel preualerent contra David, semper vellent contra eum pugnare.

Respondendum est, quod multipliciter fieri poterat. Vno modo, quod Deus daret hostibus David desiderium non pugnandi contra ipsum. Nam sicut bella istorum trium mensium inceptum per hoc, quod hostes David incitati fuerant a Deo ad pugnandum contra ipsum, cum alias non desiderarent istud, ita etiam immitteret eis desiderium, non pugnandi iam contra David. Et hoc facile est, quia sicut dicitur Proverborum capitulo vigesimo primo, Cor regis est in manu Domini, & quocumque voluerit verteret illud. Ideo ad quamcunque passionem voluerit converteret illud. Secundo poterat hoc fieri per hoc, quod Deus incuteret iam timorem hostibus David. Nam ante hoc ipse confortauerat eos contra David, cum prius non auderet pugnare contra ipsum. Ideo finito illo tempore ipse incuteret illis timorem, ut iam non auderent pugnare contra ipsum: Nam sic incusserat a principio, quando David pugnabat contra istas gentes supra capitulo vigesimoquarto. Nam dicit. Quod dedit Deus pauorem eius super omnes gentes. Tercio modo poterat hoc fieri dando hostibus David aliam occupationem maiorem, propter quam dimitterent bellum contra David, ut prouiderent in illa. Sic fuit quando Senacherib erat apud Ierusalem, & volebat pugnare contra illam. Nam timuit Ezechias, & orauit Dominum super hoc, & ille respondit: No-

li timere a facie sermonum, quos audisti, quibus blasphemauerunt pueri regis Assyriorum me, ecce ego immittam ei spiritum, & audiet nuncium, & reuertetur in terram suam, & deliciam eum gladio in terra sua. Et dicitur: Immittam ei spiritum, id est ponam in corde eius desiderium, vel scrupulum ad redeundum, ut dimittat Ierusalem. Et sic factum est, quia audiuit, quod rex Aethiopiū egressus fuerat ad pugnandum contra ipsum. Et dimisit Ierusalem, ut expugnaret eum, quarto Regum, capitulo decimonono. Quarto modo poterat hoc fieri per hoc, quod hostes David sentirent iam non posse preualere contra David. Et fieret sic, quia David sciret per Dei certificationē, quod ista plaga hostium duratura erat solum per tres menses, in quibus ipse non auderet pugnare contra hostes in campo, & post tres menses sciret se liberatum ab illa plaga. Ideo si hostes venirent auderet pugnare contra illis. Ipsi autem hostes nescirent an iam David posset resistere eis: immo potius putarent, quod non posset, quia ipsi nescirent istud euenisse David ex plaga Dei data sibi ad tempus, sed ex accidenti, vel alias. Ideo confidenter pugnarent contra ipsum, & tunc David preualeret contra eos, sicut prius antequam ista plaga infigeretur ei, & hoc forte fieret ei bis, vel ter. Et cum iam hostes viderent se non posse preualere contra eum, sicut prius cessarent a bellis: sic factum est a principio regni David super Israel. Nam scientes Philistini eum in regem vinctum, congregati venerunt contra ipsum, & dispersit eos faciliter. Iterum etiam madentes, quod possent preualere, congregauerunt maiorem multitudinem contra eum, & etiam dispersi, & occisi fuerunt, secundo Regum quinto, & supra 14. Et tunc non ausi fuerunt amplius pugnare contra David.

An Deus iuste concitaret hostes contra David.

Quæst. XXXVII.

QUÆRITUR ulterius an Deus iuste ageret concitando hostes contra David. id est dando odium David in corde eorum, & incitando, ut venirent ad pugnandum contra eum.

Aliquis dicet, quod malum erat, quia non poterat fieri istud sine magno odio, quod conciperent hostes contra David, & odium peccatum est. Ideo cum Deus esset causa istius odii, malum faceret.

Respondendum, quod Deus non faceret malum in hoc. Nam quod Deus iubeat ministris suis, ut exequatur iustitiam, non est iniustum. Ita Deus mouebat hostes David, tanquam ministros suos contra David, & Israelitas, ideo bonum faciebat. Sic dicitur Sapient. capitulo quinto. Armabit creaturam ad uisionem inimicorum, & pugnabit cum eo cibus terrarum contra intentatos. Ipsi tamen hostes David forte non intelligerent se moueri a Deo, sed a seipsis, vel ex aliqua alia causa mouerentur secundum Deum suum, & propter illam conciperent odium ipsum: etiam si Deus non immitteret illud cordibus ipsorum. Fieret enim sic, quod Deus iustitiam faceret, quam causam belli inter David, & hostes, quia prius non erat, & daret eis animositatem ad pugnandum, ex quibus ipsi conciperent odium contra David, & desiderium pugnandi. Nam forte ante hoc non esset aliqua causa nimis mouens inter David, & hostes suos ad pugnandum. Et ideo hostes non pugnabant: etiam dato, quod desiderarent pugnare contra eum, quia Deus dederat pauorem David super omnes gentes, supra capitulo decimoquarto. Nunc autem ier Deus istum timorē de cordibus hostium, & ipsi reuertentes

tientes se confortatos pugnarent. Quod tamen Deus daret causam inter Israelitas, & hostes, propter quam pugnarent, & istud pertinebat ad poenam, & non ad culpam, iustum erat. Quod etiam confortaret hostes ad pugnandum, iustum erat, sicut inde ministris suis det armamenta, ut praeualeant in executione iustitiae contra iniquos. Sic etiam dicitur Abachuc primo de Nabuchodonosor: Domine in iudicium posuisti eum, & fortem, ut corripes fundasti eum, id est, ideo dedisti illi fortitudinem, quia volebas facere eum ministrum iustitiae tuae contra Iudaeos. Non ergo erat in istis aliquod malum.

An peccarent hostes pugnando contra David.

Quest. XXXVIII.

QUAE R I T U R vltius an hostes David, qui pugnarent contra eum in istis tribus mensibus, peccarent.

Respondendum est, quod forte haberent causam iustam ad pugnandum, ut si nunc aliqua insurgeret, & tunc haberent iustum bellum. Credendum est tamen, quod bellum eorum esset iniustum in totum, vel pro maiori parte. Nam nunc Deus solum Israelitis poenam, & non culpam infligeret. Quod tamen hostes fouerent iustum bellum contra Israelitas, pertinebat ad culpam, & non ad poenam, & ante hoc non habebant iustam causam pugnandi, ideo etiam nec haberent nunc. Sed aliquis dicet, quod haberent iustum bellum, quia Israelitae peccauerant, & illud peccatum erat dignum ista poena, ideo iuste isti infligerent illam.

Item patet, quia isti mouebantur a Deo ad hoc: & tamen qui agunt spiritu Dei, non peccant, quodcumque fecerint, quia non sunt sub lege. Et ita erat de istis, quia Deus mouebat illos, ideo non peccabant. Nam in eis erat iusta causa poenae infligendae, & etiam auctoritas ad infligendum, cum Deus faceret eos ministros suos in hoc.

Respondendum est, quod peccarent hostes David in isto bello, quia ipsi non haberent aliquam causam ad pugnandum. Et etiam quia concessis victoriis a Deo abuterentur, vertendo illas in magnam crudelitatem, nam quando isti praevalerent contra Iudaeos, deberent existimare, quod Deus Israelitarum traderet eos in manus ipsorum, cum ante hoc non possent se defendere ab eis, quando Deus ipsorum adiuuabat eos, & tamen habitis istis victoriis gentiles non dabant gloriam Deo Israel, sed diis suis. Sic patet de Philistinis, quibus multas plagas inflixerat Samson, & Deus tradidit illum in manus eorum. Ipsi tamen attribuerunt gloriam istam Deo suo Dagon, nam conuenerunt ad templum eius, & fecerunt epulas magnificas, & laudabant Deum Dagon dicentes: Tradidit Deus inimicum nostrum Samson in manus nostras. Iudic. capitulo decimosexto. Sic etiam fuit de Saule, quem Deus propter peccata sua reprobaauerat, & tradebat occidendum Philistinis, primo Regum vigesimo octauo, & supra decimo. Et tamen Philistinii gloriam victoriae illius attribuerunt diis suis, ideo fecerunt, quod caput Saulis circumferretur per omnem templum idolorum, & postea poneretur ad perpetuam rei memoriam in templo Dagon, & arma illius Deorum, significando, quod eis dedissent ipsi victoriam, ut patet supra decimo, & primo Regum vltimo. Et propter hoc Deus traderet postea istos in alicuius calamitates, & forte in manus David, ut patenter arguitur, quod istud bellum hostium contra David erat propter peccatum, ideo iustum erat.

Alph. Tost. In Lib. I. Paralip.

A Dicendum est, quod peccauerant Israelitae, & meruerant maiora mala, quam forte infligeretur eis per verba hostilia, & tamen non licebat hostibus pro illo peccato pugnare contra David, quia illud peccatum erat contra Deum solum, & non offenderat David hostes suos, etiam si grauius peccasset contra Deum pro hoc. Item cum dicitur, quod Deus mouebat Philistinios, & alias gentes ad hoc. Dicendum, quod hoc non iustificabat bellum ipsorum, quia licet Deus moueret eos, non putabant ipsi se moueri a Deo, & sic bellum erat tanquam personarum, & sine aliqua causa factum. Ideo erat iniustum, nam ipsi non putabant se a Deo moueri, nec etiam facere hoc propter aliqua peccata Israelitarum, sed desiderabant facere propter utilitatem suam, nec etiam se ministros Dei in isto, sic patet de Senacherib, quem Deus misit contra Iudaeos, & confortauit eum contra eos propter peccata illorum, & tamen putabat sic, sed quod a se ipso erat tota ista fortitudo. Ideo Deus puniuit eum, quamquam esset minister suus. Sic patet Isaiae, capitulo decimo, scilicet. Vae Assur virga furoris mei, & baculus ipse, in manu eorum indignatio mea contra populum furoris mei, mandabo illi, ut auferat spolia, & diripiat praedam, & ponat illum in conculcationem, quasi lutum platearum. Ille autem non sic arbitrabitur, licet ad conterendum erit cor eius. Dixit enim in fortitudine manus meae feci, & in sapientia mea intellexi, & abstuli terminos populorum, & principes eorum depradatus sum, & detraxi quasi puteus in sublime residentes, & inuenit quasi nidum manus mea fortitudinem populorum. Et tunc sequitur poena eius, scilicet: Nunquid gloriabitur securis contra eum, qui secit in ea, aut exaltabitur ferra contra eum, a quo trahitur, &c. Sic etiam fuit de Nabuchodonosor, quem Deus fortificauit, & vocauit ad puniendum Hebraeos, ipse tamen non putauit, quod Deus adiuuaret eum ad hoc, sed quod in fortitudine sua faciebat haec, de quo Isa. capitulo quinto, & septimo. Abachuc primo. Et postea isti duo reges traditi sunt in magnas calamitates, ut patet de Senacherib, qui occisus est a filiis, postquam exercitus suus destructus fuerat ab angelo, quarto Regum, capitulo decimonono. Nabuchodonosor autem factus, ut bestia, ambulauit cum bestiis agri, & comedit fenem, sicut bos certo tempore, quousque cognouit se peccasse. Et tunc restitutus est in regnum. Dan. 4. Ita fieret de hostibus David si nunc pugnarent contra eum, quia abuterentur potestate sibi a Deo tradita, exercentes magnas crudelitates, ideo ipsi traderentur postea in magnam poenam, & forte in manus David.

Qua fuerit ista plaga mortis.

Quest. XXXIX.

QUAE R I T U R vltius de ista plaga mortis, quam David elegit, quae plaga erat, an esset pestis, vel quid. Aliquis dicet, quod non erat pestis, quia tunc coinciderent duae plagae. Scilla, quae ponitur hic prima, & est pestilentia trium annorum, & ista tertia, quam elegit David.

Dicendum, quod ista non erat pestis eo modo, quo solemus accipere pestem pro corruptione in nobis causata ex corruptione aeris. Nam talis pestis licet sit morbus satis repentinus, tamen non poterat peruenire ad tantam celeritatem, sicut fuit in ista plaga, ut infra declarabitur. Potest tamen vocari pestis generaliter, eo quod subito homines rapiebat, & sic vocatur hic, nam dicitur, quod misit Deus pestilentiam in Israel. Sic etiam dicitur. 2. Regum 24. Aut tribus diebus erit pestilentia in terra tua. Et iterum. Immisitque Dominus

pestilentiam in Israel. Aliquis autem dicet, quod non erat morbus ista pestis, sed magis erat mors violenta, quae fit per vulnera, quod patet, quia angelus domini hñs gladium euaginato percutiebat istos, qui moriebantur. Respondendum, quod non erat mors violenta, quia angelus non infligebat vulnera, ita quod trucidaret homines, quia tunc nullo modo vocaretur pestis, sed magis hostilitas, vel bellum Domini, nec etiam angelus Domini habebat gladium ad percutiendum, sed apparuit cum illo gladio euaginato ad terrendum, de quo infra declarabitur in quadam quaestione. Veritas autem erat, quod mors ista erat magis per morbum, quam per vulnera, vel violentiam aliquam.

Sed tunc manet dubium, an fieret ista mors per aliquam corruptionem aeris, ex qua sequeretur corruptio in corporibus humanis, & subito morerentur, vel alias. Dicendum videtur, quod non esset ista mors ex corruptione aeris, quia non videtur, quod aer tantum corrupti posset, sed subito interficeret homines, nisi forte mutaretur a tota sua qualitate, nam in pestibus, quae alias eveniunt, quamquam homines quasi subito moriantur, postquam apparet in eis ille morbus: tamen non fit illa corruptio subito, sed ex multis diebus aer corruptus est, & non sentitur, & alterat paulatim corpora humana, & etiam non sentitur, quousque illa sint iam nimis male disposita, quia parvae alterationes non sentiuntur in nobis propter commissionem nostram ad alios actam, nam magis sentiuntur in bestiis, & auibus, sicut patet de cornicibus, quae clamant ante pluvias, quia sentiunt corpora sua immutari ab aere iam humefacto, corpora etiam nostra immutantur ab illo aere, & fiunt tenebrosa, & nos non sentimus, sed sentiunt illud pulices, & mordent nos grauius aliquanto tempore ante pluviam, quia caro nostra est iam magis tenera, quam prius. Ideo stimulus eorum potest magis infligi carni, quam prius, & reddunt eam magis rubeam propter sanguinem quem exhauriunt. Etiam quia propter ténertudinem est corpus facilius passibile, & perspicacius sentit, sicut homo magis dolet de percussione, quam asinus propter diuersam carnis ténertudinem. Non fuit tamen sic tempore Dauid: nam quando ipse elegit istam pestem, non erat aer dispositus ad aliquam corruptionem, & in ipsa die de mane usque ad horam prandii perierunt septuaginta millia virorum, ut declarabitur sequenti quaestione. Ideo in tam paucio tempore non poterat tantum corrupti aer, quin omnino exiret extra totam suam naturalem dispositionem. Secundo patet, quia si tanta corruptio fuisset in aere, non potuisset fieri, quando etiam corrumperentur terrae nascentia, & etiam morerentur pecora. Et sic non solum esset pestis in hominibus, sed etiam alia plaga terrae nascentium. Nihil tamen tale fuit, sed solum plaga in hominibus. Ideo non fuit hoc per corruptionem aeris. Tertio patet, quia si per aeris corruptionem fuisset istud, cum tantum esset aer corruptus, & subito corruptus, ut in tribus, vel quatuor horis occiderentur septuaginta millia virorum, nullus homo posset tante corruptioni resistere, ideo morerentur non solum illi, sed etiam omnes, qui essent in terra Israel. In aliis autem pestibus non moriuntur omnes homines, eo quod aer non est tam corruptus, ut valeat inficere omnes, sed aliqui sibi resistunt, & tamen aer nunc esset tam corruptus ad hoc, quod posset inferre tam subitam mortem, quod nullus posset ei resistere, & tamen multi non perierunt, ideo videtur, quod non fuerit per aerem corruptum.

Sed dicendum est, quod ista plaga fuit particularis, & non per aliquid commune, scilicet non erat aer, vel aliquid aliud naturale commune omnibus, quod inficeret eos, sed fuit plaga particularis, ita quod angelus

Domini quemlibet particulariter percutiebat, & moriebatur. Et hoc patet, quia Deus dixit: Aut tribus diebus gladium Domini, & mortem versari in terram, & angelum Domini interficere in omnibus finibus Israel. Si tamen ista esset pestis per aerem corruptum, angelus Domini nihil faceret, sed ille, qui inficeretur ab aere moreretur. Ideo videtur, quod plaga particulariter ab angelo infligebatur cuilibet, sicut si ipse percuteret quemlibet gladio. Modus autem percussio- nis poterat esse, quod angelus apponeret cuilibet aliquid pestiferum, quo appposito illico moreretur, utpote si applicaret illud angelus ad cor. Nam angeli subintrant corpora nostra, & poterant aliqua venenosa applicare cordibus, per quae in ictu oculi omnes homines morerentur. Sic enim fuit in percussione primogenitorum Aegypti, nam omnes occisi sunt eadem nocte, & omnes in media nocte, & nullus alius occidebatur nisi ipsi, quod non poterat fieri si esset per corruptionem aeris, vel per aliquam plagam naturalem communem, sed erat per particularem percussione, & sic significatur Exod. 12. vbi dicitur, quod angelus transibat de domo in domum, & percutiebat primogenitos. Sic etiam fuit in destructione exercitus Senacherib, nam in una nocte perierunt centum octoginta quinque millia insensibiliter, ita quod illi qui erant apud alios, non sentiebant eos percuti & mori, unde illi, qui non percussi sunt surrexerunt mane, & viderunt socios suos mortuos apud se, quorum mortem per noctem non sentierant cum infligeretur. 4. Re. 29. & Isa. 27. de ista morte dicit Ioseph. 7. Antiqui. Moriebantur non uno modo, ut facile languor potuisset agnosci, sed mors quidem inerat multis languorum occasionibus: alii enim super alium moriebatur, & latenter imminens malum velociter ferebat interitum. Alii siquidem peribant cum vehementibus doloribus, & amaro gemitu animam relinquebant. Alii vero ipsis passionibus marcescebant, ita ut neque curam exhibere corporibus preualerent, sed pro dolore deficerent. Alii autem repentinis tenebris eorum conatus abruptientibus suffocati protinus expirabant. Alii super mortuos, quos sepeliebant ipsi quoque moriebantur imperfectas relinquentes pariter sepulturas.

De duratione pestis. Quest. XL.

QUAERITUR ulterius de ista plaga pestis, quandiu duravit. Aliquis dicet, quod tribus diebus, quia Deus dixerat: Aut tribus diebus, & gladium Domini versari in vniuersis finibus Israel. Dicendum tamen, quod non tantum duravit, sed ut dicitur, solum duravit per tres, vel quatuor horas. Incipiente die usque ad horam prandii, vel sacrificii, nam Iosephus 7. Antiqui. dicit: Incipiente itaque pestifero languore eos ab hora matutina perire, usque ad horam prandii contummati sunt septuaginta millia. Alii dicunt, quod duravit usque ad horam, qua solet offerri sacrificium. Et istud est in mane, sicut dicitur, quarto Regum tertio. Factum est igitur mane, quando sacrificium offerri solet, &c. Et sic duraret modico tempore plaga ista. Sed obijcietur, quia 2. Regum 24. dicitur: Immisit Dominus pestilentiam in Israel de mane usque ad tempus constitutum. Et tamen tempus constitutum erat trium dierum, ideo tanto tempore duravit. Dicendum est, quod non duravit illis tribus diebus. Quod patet, quia dicitur: Immisit Dominus pestilentiam in Israel de mane usque ad tempus constitutum. Mane autem est pars diei, & refertur ad alteram partem eiusdem diei, & ideo si pestis durasset per tres dies, non diceretur de mane usque ad tempus constitutum, sed diceretur a primo

Cornix
eur futura
pluvia pra
dicat.

a primo die usque ad tempus constitutum: Secundo patet, quia dicitur ibidem: Immisit dominus pestilentiam in Israel de mane. Et postea sequitur: Venit autem Gad ad David in die illa, & iussit ei, quod faceret altare in area Hornam Iebusei, & cohibita est plaga. Ergo videtur, quod in ipsa die, in qua plaga inflata est cessabat. Ista est positio communis, scilicet quod non duraverit ista plaga per unam diem, & quando obijcitur, quod dicitur usque ad tempus constitutum, dicit Iosephus, quod intelligitur usque ad tempus prandij: tunc enim cessavit, sed istud non recipitur, quia in sacra scriptura tempus prandij non est aliquod tempus constitutum, ergo non potest intelligi de illo tempore, & sic dicunt, quod intelligatur de tempore sacrificij, quia erat tempus constitutum ad offerendum sacrificium. Nam dicitur 4. Regum 3. Factum est ergo mane, quando sacrificium offerri solet. Et ab aurora usque ad illud tempus fuit ista plaga. Dicendum est, quod ista est communis positio, scilicet quod non duraverit plaga per unum diem, & ob hoc posset sustineri ista positio, sicut supradictum est, magis tamen videtur dicendum, quod duraverit ista pestis per tres dies, & patet hoc, quia 2. Regum 24. dicitur: Immisit dominus pestilentiam de mane usque ad tempus constitutum. Sed tempus trium dierum constitutum erat ad inferendum istam plagam, ut patet in litera, ergo tanto tempore duravit. Nec obstat, quod dicitur, id est quod tempus constitutum vocetur tempus, quo sacrificium offertur, quia istud nullo modo est ad propositum, eo quod Deus nihil loquebatur ibi de sacrificio. Secundo patet, quia si intelligeretur de sacrificio: cum de hoc non fuisset facta aliqua mentio, sed esset impertinens, exprimeretur, quod duravit usque ad tempus constitutum pro sacrificio, sicut dicitur 4. Reg. 3. in alio facto impertinenti, factum est igitur mane, eo tempore quo sacrificium offerri solet, & tamen nihil expressum est hic, ergo non intelligitur de tempore illo. Tertio patet, quia si intelligatur de tempore constituto ad sacrificium, poterit intelligi, quod duraverit modicum, vel quod duravit usque ad solis occasum, nam sacrificium matutinum offerebatur in aurora, sacrificium autem vespertinum in occatu solis, & cum non exprimitur de quo sacrificio intelligeretur, poterit intelligi de tempore constituto pro sacrificio vespertino. Quarto patet, quia dato, quod intelligatur de sacrificio matutino, non posset stare, quia tunc nihil duraret ista pestis, eo quod dicitur, quod immisit Dominus pestilentiam in Israel de mane usque ad tempus constitutum. Et tamen sacrificium matutinum fiebat diluculo oriente Sole, ut declaratum est Leuit. 6. Et etiam colligitur 4. Reg. 3. scilicet factum est ergo mane, quando sacrificium offerri solet, & sic utrumque fiebat in mane, unde non esset aliqua distantia inter principium illis pestis, & finem, quod falsum est, quia dicitur de mane usque ad tempus constitutum. Quinto patet, quia isti dicunt, quod non poterat intelligi de hora prandij, sicut dixit Iosephus, eo quod sacrificium, quia erat tempus constitutum in lege. Ex eadem ratione dici poterit, quod duravit ista pestis per septem dies, eo quod septem dies erant tempus constitutum ad comedendum azima, & ad servandum sedum tabernaculorum. Leuitic. 23. & ad faciendum qualdam purificationes ab immundis. Leuit. 15. Sacerdotum esset hic tempus sacrificij. Secundo patet ad dicitur: Aut tribus diebus gladium Domini. Et postea quando subditur de executione eius: non dicitur quantum duravit, ergo presupponitur, quod duravit istis tribus diebus, alioquin exprimeretur tempus, quo duravit.

Alph. Tost. In Lib. I. Paralip.

A Ad rationem primam pro ista parte dicendum, quod dicitur immisit Dominus pestilentiam de mane usque ad tempus constitutum, id est usque ad tres dies, & tamen dicitur de mane, ut significetur, quod ab aurora primi diei cepit ista plaga, & duravit usque ad diem tertium: vel dicitur de mane, id est in mane illius diei, quo David elegit pestem, cepit pestis. Ad secundam rationem, cum dicitur, venit Gad ad David in die illa. Dicendum, quod non intelligitur de illa die, in qua cepit pestis, sed de illa die, in qua David vidit angelum habentem gladium euaginatam, ut colligitur ibi ex litera. Et ista erat dies tertia pestis: nam angelus Domini cepit percutere Israelitas, & percussit prius in omnibus finibus Israel, deinde venit in Ierusalem, & duobus diebus primis percusserat alia loca extra Ierusalem, & in die tertio apparuit in Ierusalem euaginatam gladium habens, & illa die venit Gad ad David. Istud satis colligitur ex litera. 2. Reg. 24. quia dicitur: Immisit Dominus pestilentiam in Israel de mane usque ad tempus constitutum, & mortui sunt ex populo a Dan usque Bersabee septuaginta millia. Et sequitur: Cumque extendisset angelus Domini manum super Ierusalem, ut disperderet eam misertus est dominus. Et sic prius fuit pestilentia in toto Israel, deinde in Ierusalem die tertio, & duravit usque ad tempus constitutum, id est per tres dies.

De discordia, que habetur circa tempus pestis, & verba Dei. Quæst. XXI.

C **Q**UÆRITUR ulterius dato quod ista plaga non durasset, nisi ab aurora usque ad tempus prandij, vel usque ad tempus sacrificij secundum positionem communem, quam etiam nos aliquando referimus sequendo aliorum positionem, quomodo staret, quod Deus dixit, scilicet, quod tribus diebus veniret pestilentia super Israel. Responderi potest, quod Deus destinaverat occidere certam summam virorum nunc pro isto peccato. Et dicebat, quod in tribus diebus occideret illos, ne tamen Israelita, tandiu vexarentur voluit illos viros occidere in tribus, vel quatuor horis, & sic nihil diminutum est de poena, id est de numero occidendorum, sed de tempore executionis, & sic fiet in eis, qui fuerint in purgatorio circa diem iudicii, nam post diem iudicii, non durabit poena purgatorii, sed omnes erunt in vita æterna, qui aliam in purgatorio erant. Aliqui tamen morientur tribus, vel quatuor diebus ante diem iudicii in charitate, quorum satisfactio, quæ restat agenda, requirebat decem, vel viginti annos forte, & necesse est, quod illi in illis tribus, vel quatuor diebus tolerant tantam poenam intensius, sicut toleraturi erant in viginti annis extensius. Sed tunc dicet aliquis, cum Deus non beneficeret in hoc Israelitis, ad quid mutaret tempus a se constitutum, cum tantum passuri essent in tribus, vel quatuor horis, sicut in tribus diebus?

E Dicendum, quod hoc beneficium aliquod erat Israelitis, quia cum esset illa plaga durissima, si per tres dies duraret, essent per illos tres dies semper cum magno timore, quia quilibet de seipso timeret, quod in illa peste occidendus esset. Etiam cum duraret magno tempore, putarent Israelitæ adhuc plures occidi, quam occisi essent, & ex hoc nimis anxiantur: cum autem nunc in tribus, vel quatuor horis finiret plaga, essent liberati a timore in brevi, & hoc erat eis magnū beneficium. Secundo modo posset dici, quod Deus propitius erat occidere certam summam Israelitarum in tribus diebus, quia sic exagebat eorum culpam, postea tamen misertus est ipsorum, & occidit pauciores, & solum in tribus, vel quatuor horis. Et cum obijci-

neceſſe erat, quòd Iſraelitę perdèrent regnũ, & tra-
deretur in manus hoſtium, quia cum tanto tpe fameſ-
ſiſſima eſſet terra Iſrael, non valerent ſe ſuſten-
tare Iſraelitę in illa, & fugerent ad terras alias, vbi
poſſent vivere, & tunc hoſtes introirent in terram Iſ-
rael, & occuparent omnia loca munita, nec eſſet re-
greſſus poſtea Iſraelitis, & ſic periret regnum, & gēs
Iſraeli eēt diſperſa per oēs nationes, nec eſſet poſtea
vñs populus, ſicut prius. Sexto quia data fame ſequē-
batur hoſtilitas. Nam cum tandiu Iſraelitę premerē-
tur fame, non haberent apparatus ad bellum, cum
ad bellum requirantur magni ſumptus, & multa vi-
ſualia, & ideo hoſtes irruerent ſuper eos, & faciliter
terram ipſorum deſtruerent, quia ſaltem fame coge-
rent eos ad deditiōem. Ideo nullo modo viſum
fuit Dauid tolerabile, quòd eligeret famem ſeptem
annorum.

Quare potius elegit pestem, quam plagam hostium.
Quæst. XLIIII.

QVAERITVR vltcrius quare non elegit plagam hostium per tres menses. Respondendū, quod hoc visum est Dauid durissimum. Primo quia nesciebat ipse quantum malum possent interire hostes in illo tempore. Nam si Deus adiuuaret illos contra Israel, sicut solebat adiuuare Israelitas cōtra eos, in breui possent deleri Israelitę. Nam Dauid adiutus à Deo subiecit sibi omnes gentes, quę erant in circuitu terrę Israel, scilicet Philistinios. Idumęos, Moabitas, Ammonitas, Syros, vt patet supra 18. & 2. Re. 8. & potuisset delere istas gentes si voluisset, ita vt nullus maneret. Nā in terra Idumęorū occidit Dauid omne masculū nū 2. Re. In terra Moabitarum fecit duos funiculos. Nam coequauit Moab terrę, & fecit vnum funiculū de Moabitis ad occidendū, & alium ad viuificandū 2. Re. 8. In terra Ammonitarum cepit omnes vires, & fecit super Ammonitas tribulās, & trahas, & carpenta ferrata, & diuisit eos cultris, traxitque in typolaterum 2. Regum 12. & præcedenti. A fortiori ergo omnes istę gentes congregatę, & adiutę à Deo poterant facile delere Israelitas. Secundo quia dato, quod Deus tantum malum inferret in peste, sicut hostes in persecutione, tamen cum magna clementia, & benignitate inferret illam pœnam, hostes autem cum magna seueritate sumentes per hoc vindictam de omnibus malis, quę passi fuissent ab Israelitis. Tercio quia de malis, quę Deus permetteret hostibus. Dauid tacere, nihil ipsi remitterent, sed conarentur si possent plura mala inferre, quā Deus permittebat, nec faceret vlla misericordia, Deus autem de malis, quę faceret posset, immo etiam de illis, quę determinasset, facere Israelitis, aliquid tolleretur misericordia motus, sicut dicitur 2. Re. 24. & infra in lra, quod cum extenderet angelus Dñi manum suā Ierusalem, vt percuteret eam, misertus est dñs super afflictione, & dixit angelo percutienti, sufficiat nunc, contrahere manum tuā. Et hoc est, quod principaliter considerauit Dauid in electione plagę, vt patet in litera, scilicet. Ex omni parte angustię me premunt, sed melius mihi est, vt incidam in manus Domini, quia multę sunt miserationes eius, quā in manus hominum. Quarto quia quateris paribus ista pœna intolerabilior esset, quā quateris alij magnā pœnā, quā ab hoste suo minorem, pp hoc, quod qui parit, dolet nimis, eo quod subiecit illi, quē maxime habet exosum. Etiam quia scit, quod ille valde gaudet de malo suo, & potissimē erat hoc in Dauid. Nam ipse habebat omnes gentes vicinas sibi iube-

*Quare non elegit David famem, sicut pestem,
Quest. XLIII.*

QUÆRITVR ulterius quare Dauid nō ele-
git famem septem annorum, quia videt,
quod in hoc posset magis prouideri, quam
in peste, quam elegit. Respondendum, q̃
nō elegit famē, quia visa est sibi importabilis. Primo
quia terra non posset aliquid germinare, quamquam
coleretur, iō oporteret, q̃ duceret cibis de regionibus
extraneorum, & ad hoc fierent sumptus infiniti,
quos non possent tolerare Israelitę. Secundū erat, q̃
dato, q̃ Israelitę ferrent cibos de alijs regionibus, &
feminarent in terra sua, vt aliquid colligerent: nihil
inde haberent, & sic perderent semina: vnde faciliter
exhaurirentur substantię eorum, & non haberet vnde
cibos emerēt. Tercio patet, quia si haberent vnde
emerent, forte nō darentur sibi cibi venales, eo q̃ oēs
gentes, quę erant per circuitum terrę Israel erant ho-
stes ipsorum Israelitarum, & contra omnes pugnavit
Dauid, & subiecerat sibi in tributū, vt patet supra 18.
ideo illi videntes Israelitas in angustia famis, nolent
eis succurrere, vt morerentur, & ipsi liberarentur à
tributis, & possiderent terram eorum. Quarto, quia
necesse erat Israelitas effici seruos gentium vicinarū,
vel oēs perire fame: nā cū ista fames duraret per septē
annos, non haberent pecunias ad emendū tanto tpe
cibaria: nā sic factū est in Aegypto, cū esset fames va-
lida: vendiderunt. n. Aegyptii pecora sua, & oīa mobi-
lia, & postea domos, & agros, & postea seip̃os vendi-
derunt regi, vt daret eis cibos, & tñ non potuerūt ha-
bere sufficientiā p̃ septem annis famis, vt patet, Gen.
47 à fortiori fieret nunc: nam ibi clementer tractabat
Aegyptios, & pro precio competenti dabat eis cibos:
nunc tamē cum Israelitę habituri essent illos de ma-
nu hostium, pro magno precio haberent, & in breui
cogerentur hostibus vendere omnia, quę erant in re-
gno Israel, & facere se seruos illorum. Quinto quia

Etas in tributum, q̄ ergo nunc ipse subijceretur illis, A erat sibi magna ignominia, & dolor, & volebat pari, potius quodcunque aliud.

Quæ istarum trium plagarum erat simpliciter peior.

Quest.

XLV.

QUÆRITUR de istis tribus plagis, quæ erat simpliciter peior. Dicendum, quod aut ista comparatio sit præsupposito, quod sciretur summa occidendorum in peste. 70. millium, aut nescito hoc. Accipiendo primo modo, manifestum est, quod pestis erat minus mala, quia consideratis inconuenientibus datis de fame, & de hostibus in duabus questionibus præcedentibus, in qualibet earum sequerentur plura mala Israelitis, quam occisio septuaginta millium virorum in tanto populo. Si autem nesciretur summa occidendorum, dicendum quod per quamlibet istarum plagarum poterat verisimiliter perire totus Israel. De hostibus, & fame declaratum est in duabus questionibus præcedentibus. De peste autem satis manifestum est, quod in illis tribus diebus poterat totus Israel perire, immo in vna die, sicut angelus domini occidit in vna nocte centum octogintaquinque milia Assyriorum de exercitu Senacherib. 4. Regum 19. & Isa. 27. & tamen hoc dato adhuc ista plaga minor erat, quam quæcunque alia, eo quod isti facilius morerentur, & non cum diuturnis doloribus, sicut fieret in fame, & hostilitate, nam in qualibet earum totus populus poterat perire, vt declaratum est. Et si dicatur, quod erat dubium an in aliis plagis periret totus populus, etiam dicitur, quod dubium erat an periret in peste, & ideo in hoc erat equalis conditio omnium plagarum. Item facilius erat homini ad tolerandum, quod a Deo per seipsum puniretur, quam quod mediantibus hostibus, & terræ sterilitate puniretur, sicut tolerabilius est alicui seruo, quod a domino suo sustineat alapam, quam quod dominus suus iubeat alteri seruo, vt eum alapa percutiat. Pests ergo minor erat est, vt incidam in manus domini; Tolerabilior est, n. ista plaga, quam alia.

Manet autem dubium de plaga hostium, & famis, quæ istarum esset peior. Dicendum est, quod per quamlibet earum poterat totus populus Israel destrui, vt declaratum est in duabus questionibus præcedentibus, & quantum ad hoc erant equales, sed aliquis dicet, quod melius erat plagam hostium sustinere, quam famis: sic diffiniuit Ieremias Thren. 4. Melius fuit occisus gladio, quam interfectis fame: quoniam isti extraherunt consumpti a sterilitate terre. Dicendum est, quod peior erat plaga hostium, quam famis, quod patet primo, quia David nullam magis refugit, quam plagam hostium, vt patet hic 2. Regum 24. 1. Melius est, vt incidam in manus domini, in quo multe miserationes sunt, quam in manus hominum. Et hoc erat incidere in manus hostium. Secundo patet, quia per vtrāq; plagam poterant perire omnes Israelitæ, & tamē si perirent fame, non oportet, quod subiicerentur hostibus. Si autem morerentur in manu hostium, traderentur illis, & in hoc esset maior pena, quia morerentur, & subiicerentur, & tamen morientes fame morerentur in toto honore suo. Tertio patet, quia tolerabilius est homini, quod percutiatur a Deo, quam quod percutiatur ab alio homine, sicut tolerabilius est homini, quod percutiatur a domino suo, quam a subdito suo, vel a tuebantur a Deo. Si autem fugerent hostes, percuterentur ab hominibus, ideo minus esset tolerabile, Quarto patet, quia gentes, quæ erant circuitu Israelita-

rum non scirent, quia istæ plagæ infligebantur eis a Deo propter peccatum, & ideo si famies opprimeret Hebræos, crederent gentes vicinæ, quod hoc naturaliter veniebat. Si autem fugarentur ab hostibus, non crederet, quod Deus hoc faciebat, sed quod ipsi propter suam ignominiam fugiebant, & quod iam nihil retinebant de probitate priori, vnde nimis inhonorabiles haberentur, quod non fieret si fame opprimerentur. Ad illud, quod dicit Ieremias. scilicet melius fuit occisus gladio, quam interfectis fame, potest tripliciter intelligi: vno modo, quod melius fuit eis, i. minora tormenta sustinuerunt, nam qui fame moritur multis diebus anxietur, & resolvitur, qui autem ab hostibus occiditur subito perit, & hoc intellexit Ieremias dans causam dicti sui. scilicet quia isti extraherunt consumpti a sterilitate terræ. i. qui moriuntur fame tabescunt, id est putrescunt, vel desiccantur antequam moriantur, & iste est locus cruciatus, qui non accidit occisus ab hoste. Secundo modo potest intelligi, quod melius est occisus gladio, quam interfectis fame. scilicet quantum ad seipsum, & tamen non quantum ad communitatem, cuius isti partes sunt, nam quod moriantur aliqui fame a Deo inflicta, nullum dedecus est, quod tamen occidantur ab hostibus, & subiiciantur eis dedecus est. Tertio modo potest dici, quod differt an famies sit inflicta a Deo, siue naturaliter eueniat, vel causetur propter obsidionem: nam primo modo nullum est dedecus famem patienti, quia non est in potestate hominis, quid Deus agere velit, vel offerre per operationes naturæ: pati tamen famem in obsidione potest esse dedecus, vt si oblesii pariuntur famem, quia non audent exire ad pugnandum cum hostibus. Ieremias autem loquitur de fame, quæ euenit propter obsidionem, & sic erat illa, quæ tunc passi fuerant Iudei a Chaldeis obsidentibus urbem, & deterius est sic mori fame, quæ perire gladio pugnando: famies tamen, de qua hic dicitur erat a Deo inflicta supernaturaliter, ideo nullum dedecus erat illam tolerare.

Quare David potius elegit pestem,

Quest. XLVI.

QUÆRITUR vltius, quare David secundum veritatem elegit pestem, & non aliam plagam.

Dicendum, quod sicut fuit declaratum supra in quadam questione, fecit hoc per populum, vt multi putant, Vide q. 42. quod falsum est. Dicendum, n. quod David non considerauit hic, nisi utilitatem. scilicet quæ plaga esset minor & illam voluit. Putauit autem pestem esse minorem, ideo illam elegit. Sic patet ex littera. scilicet Angustie me premunt ex omni parte, sed melius mihi est, vt incidam in manus domini, in quo multe misericordie sunt, quam in manus hominum. Si tamen David elegisset pestem, vt ista plaga esset contra sibi, & omnibus, non allegasset istam rationem. scilicet melius est mihi, vt incidam in manus domini, quia nihil ad propositum faceret. Item non est verisimile, quod si David credidisset aliquam de aliis plagis esse minorem, quam ista, quæ eligeret istam, quia in hoc videretur peccare, & imprudenter agere, eligens id quod magis nociuum erat populo. Nec obstat, quod David vellet istam plagam, eo quod erat communis sibi, & aliis: nam licet propter hoc vellet eam aliquo modo, tamen non erat ista causa principalis volendi, sed quia erat ista plaga minor alius,

De tempore in equali dato istis plagis. Q. XLVII.

QUÆRITUR vltius, quare Deus dedit istis plagis tempora tam in equalia. scilicet septem annos pro fame, & tres menses pro hostibus, & tres dies pro peste. Dicendum est, quod peccatum vnum erat,

erat, pro quo iste pene infligebantur. Ideo oportebat, **F** quod omnes essent aliquo modo equales, quia tamē erant inēquales in intensiōe, non debebat eis dari equale tempus durationis, quia sic essent totaliter inēquales, sed id, quod vna excedebat aliam per intensiōem, debebat suppleri in alia per extēsiōem, sicut flagellari, & comburi, inēquales pene sunt, sed poterunt equari ratione temporis, ut si vnus sit in igne per quartam partem hore, & alius flagelletur per tres horas, sic erat hic: nam pestis est grauior, quam hostes absolutē, & hostes, quam fames, ideo ad hoc, q̄ equarentur, dati fuerūt septem anni pro fame, & tres mēses pro hostibus, & tres dies pro peste, quia tantum malum infligeretur in tribus diebus pestis, sicut in tribus mensibus hostilitatis, & in septem annis famis. **G**

Si peccaret Dauid eligendo aliam plagam, quam pestem.
Quaest. XLVIII.

QUAE R I T V R vterius, an Dauid peccaret si eligeret aliam plagam, nisi pestem. Alii dicunt, quod sic, quia in alijs plagis Dauid poterat esse liber à malo. In peste autem erat morbus communis sibi, & alijs. Ideo quod vellet talem plagam, in qua non esset sibi periculum, sed populo, cum tamen non peccasset populus, sed ipse, peccatum erat. Respondendum est, quod cum Deus daret optionem Dauid non peccaret ipse vtendo iure suo alioquin diceretur, quod Deus instigaret aliquē ad peccandum, & tamen dedit Deus optionem Dauid in istis tribus. Ideo poterat quodcumque illorum vellet eligere licitē: illi autem, qui credunt, quod Dauid eligeret pestem, quia erat sibi, & alijs communis, ut ipse posset puniri, putant quod peccasset, si nō elegisset illam, & tamen isti adhuc errāt in fundamēto, quia putant, quod Dauid elegit pestem propter hoc, & tamen non elegit eam, nisi quia putabat esse minorem plagam, quam duas alias, ut patet in litera, & declaratum est supra in quadam quēstione.

De quibusdam verbis, quae dixit Dauid, scilicet melius est, ut incidam, &c. Quaest. XLIX.

QUAE R I T V R vterius quomodo dixit hic Dauid melius est, ut incidam in manus domini, eo quod omnes tres infligebantur à Deo. Dicendum quod verum est, quod per quamlibet earum incidebat Dauid in manum domini: tamen differt, quia poterat incidere in manū Dei quātum ad ordinationem. Omnes istae tres plagae erāt à Deo, quia ipse disposuerat, quod veniret quēcūque earum eligeretur à Dauid, & tamen quantum ad executionem non pertinebant omnes ad Deum, sicut patet de plaga hostium, quia licet esset ipse moturus eos ad pugnandum contra Dauid, & non Deus: sic etiam erat de fame, quia illa causaretur opere corporum celestium, vel locustarum, aut aliorum animalium destruētium terrae nascentia, vel per modos similes, & in omnibus istis executio non fieret per Deū, sed per aliquos ministrantes aliquo mō naturales. In peste autē executio erat per Deū, eo q̄ angelus suus percutiebat, ut patet in litera. Ideo in sola peste dicebatur Dauid incidere in manus dñi, in alijs autem nō, sed in manus hominum, vel aliarum rerum.

Quare dixit Dauid melius est mihi incidere in manus domini. Quaest. L.

QUAE R I T V R vterius quomodo Dauid posita electione de istis tribus plagis, cum dixit melius mihi est incidere in manus domini, quam in manus

hominum, quia per hoc nō sufficienter comprehendit omnes tres plagas, sed duas, scilicet pestem per manus domini, & hostes per manus hominum. Aliquis dicit, quod per manus domini intelliguntur duae plagae, scilicet pestis, & fames, eo quod vtraque infligebatur à Deo hominibus nō ministrantibus, sed istud non stat, quia tunc cum Dauid diceret. Melius mihi est, ut incidam in manus Domini. Non significaretur distincte, quam poenā istarum vellet Dauid, scilicet pestem, an famem, & tamen per hoc significauit se eligere pestem, ideo non significantur duae plagae per hoc. Aliter ergo dici potest dupliciter: vno modo, q̄ intellexit Dauid duas plagas dicendo, quam ut incidam in manus domini. Et manifestum est, quia vtraque plaga, scilicet hostilitas, & fames per homines infligeretur: de hostilitate manifestum est: de fame autem dicēdū, quod poterat infligi per homines, utpote si hostes vastarent terrae nascentia: nam istud erat positum Israelitis in maledictionem, quando mali erant, scilicet. Frustra seretis sementem, quae ab hostibus deuorabitur. Leui. 26. Vel dato, quod fames veniret opere corporum celestium, homines poterant adiuuare ad istam famem, scilicet quia necessarium erat, quod Israelitae non habentes cibaria in terra sua emerent à gentibus vicinis, & sic erat in potestate vicinorum vitā Israelitarum, scilicet an vellent dare eis segetes, & alia necessaria, vel non, & per hoc incidebant in manus hominum, quia vita sua erat in manu illorum. Secundo potest dici, quod Dauid nullam plagam habebat magis exosam, quam hostilitatem, & nullam magis acceptabat, quam pestem. Ideo vtranque nominauit, vnam eligens, & aliam maximē respiciens, scilicet Melius est mihi, ut incidam in manus Domini, quam in manus hominum. Aliam autem, quam nec maxime exosam habebat, nec maxime acceptabat, subiecit. Sed adhuc primus modus istorum est conuenientior.

I Misit ergo Dominus pestilentiam in Israel, & occiderunt de Israel septuaginta milia virorum. Misit quoque angelum in Ierusalem, ut percuteret eam. Cumque percuteretur vidit Dominus, & misertus est super multitudinem mali, & imperauit angelo, qui percutiebat: Sufficit, iam cesset manus tua. Porro angelus Domini stabat iuxta aream Hornai Iebusei, leuansque Dauid oculos suos, vidit angelum Domini stantem inter celum, & terram, & euaginatam gladiū in manu eius, & versum contra Ierusalem, & ceciderunt tam ipse, quam maiores natu vestiti cilicijs proni in terram. Dixitque Dauid ad Deum: Nonne ego sum, qui iussi, ut numeraretur populus? Ego qui peccaui: ego qui malum feci: Iste grex quid commouit? Domine Deus meus vertatur, obsecro, manus tua in me, & in domum patris mei, populus autem tuus non percutiatur.

Misit ergo. Hic ponitur secundum huius partis, scilicet pestilentiae immissio, & dicitur. Immisit ergo dominus pestilentiam in Israel. Scilicet in omnes terminos Israel, ut

ut pater infra: nam non erat aliquis locus, in quo non A essent aliqui percussit, & non erat ista pestilentia verè, sicut aliq ex corruptione aeris, sed per angelum Domini, sicut declaratum fuit supra in quadā questione.

Et ceciderunt de Israel septuaginta millia virorum. Accipitur hic Israel pro omnibus duodecim tribubus: nam non distinguitur hic tribus Iuda ab alijs tribubus, sicut distinguebatur supra in summa numerationis, quia tunc non moreretur aliquis de tribu Iuda: Sed non videtur hoc verisimile, quia ita peccauerant viri de ista tribu, sicut de alia. An inter ista septuaginta millia virorum computentur aliquę femine, vel paruuli, declarabitur in sequenti questione.

Misitque angelum in Ierusalem. Scilicet prius percussit B angelus in omnibus alijs locis terrę Israel, quam in Ierusalem, & ad vltimum venit illuc ad percutiendum aliquos in ea. Quare autem ad vltimum venerit in Ierusalem, & non potius à principio, cum ibi essent maxime peccatores, scilicet rex, infra dicitur.

Cumque percuteretur. Incepit angelus percutere in Ierusalem, & percussit aliquos. Vidit dominus, & misertus est. Modus loquendi est largus, nam Deus non videt, nec etiam miseretur, videre autē est passio animalis perfecti habentis oculos, Deus autem animal non est. Ideo videre non potest, sicut nec anima separata videt: Etiam non miseretur, quia misericordia est quedam passio, qua condolemus miseris: in Deo in nulla passio est, ideo nec misericordia. Scriptura in loquitur modo humano attribuens passiones: nam cum aliquis nostrum liberat alium a miseria, dicitur ei misereri, & quia Deus liberauit Ierusalem ab angelo percutiente, dicitur misertus ei. Et quia nullus nostrum alteri miseretur, nisi miseras eius viderit: ad hoc, quod Deus miseretur Ierusalem, oportebat, qd videret, ideo dicitur vidit, sed ista visio Dei non est, nisi intelligere, quia etiam nos dicimur videre aliquid cum intelligimus illud. Misereri autem Dei fuit sua dispositio immutabilis, qua ab eterno disposuerat liberare Ierusalem ab angelo percutiente, ut tamē ista intelligantur, exprimit illa scriptura per verba significantia humanas passiones.

Super magnitudinem mali. Idest erat iam magnū malum, quia perierant septuaginta millia virorum, ideo iussit cessare. Et imprauit angelo, qui percutiebat, sufficit, iam cesser manus tua. Iste erat angelus, qui habebat gladium euaginatū, & percussit in omnibus locis, & nunc iubetur cessare. Porro angelus domini stabat iuxta aream Hornam Iebusai. Iste Hornam erat quidam Iebusaeus, qui manserat in Ierusalem, de quo infra dicit, & morabatur in parte superiori vrbs, scilicet in castro montis Sion, vbi erat palatium David. Et in area istius fuit postea constitutum templum domini per Salomonem. Et angelus domini apparuit in illa area, ut David videret eum, quia ipse prope erat.

Leuauitque David oculos suos vidit angelū domini stantem inter caelum, & terram. Angelus erat in aere eleuatus, & cum non respiceret in altum, non videbat eū, cum autem leuauit oculos vidit eum. Et dicitur inter caelum, & terram, idest in aere medio, i. qd non erant pedes eius in terra. Quare autem sic erat infra dicitur,

Et euaginatū gladium in manu eius. Habebat enim figuram gladij, & erat euaginatū ad significandum, qd adhuc perfillebat in occisione. Et versus contra Ierusalem. Potest intelligi de angelo, qui erat versus cōtra Ierusalem, scilicet quod vultus eius erat contra Ierusalem, ad significandum, quod volebat occidere aliquos in Ierusalem, vel intelligitur de gladio, quod ille erat contra Ierusalem, & idem significatur per

Et ceciderunt tam ipse, quam maiores natu vestiti cilicijs

proni in terram. Scilicet viso angelo in habitu tam horribili, ceciderunt in terram, & tamen an fuerit hoc ex timore, vel ex reuerentia declarabitur infra, & dñ vestiti cilicijs, quia faciebant penitentiam pro peccato, ut Deus aduerteret iram suam ab eis. Sic enim quando Deus immiserat hostes cōtra Ioram regem, & erat obiectus in Samaria, & fames valida in vrbe, ita ut mulieres comederent filios suos. Indutus erat rex cilicio, & totus populus vidit cilicium, quod erat ad carnem eius 4. Regum 6.

Dixitque David ad Deum. Scilicet ista, quę sequuntur: & dixit ea per modum orationis. Nonne ego sum, qui iussi, ut numeraretur populus? Q. d. ista pēna datur pro numeratione populi. Ego tamen feci, quod numeraret, ideo super me vertenda est. Ego, qui peccaui, ego qui malum feci. Repetitio sententię est ad exaggerandū. Nā totum intelligitur de peccato numerationis populi. Et competit ista exaggeratio hominibus passionatis. siue per gaudiū, siue per iram, aut dolorem, vel aliās. Et sic David erat nunc in magno dolore, quia videbat populum perire per manū angeli, & ad expressiōnem desiderij sui magni repetebat sententiam.

Iste grex quid commeruit. Quasi dicat isti, qui percutiuntur, sunt greges mei, qui diriguntur ad mandatū, & voluntatem meam: ideo peccatum non est in illis, sed in me. Domine Deus meus vertatur, obsecro, manus tua in me. Idest de angelo tuo percutiente, quod conuertat manum suam super me ad percutiendum me.

Et in domo patris mei. Idest etiam percutiatur cognatio mea, quę est domus patris mei.

Populus autem tuus non percutiatur. Idest populus iste, qui est tuus, & nihil meruit non percutiatur pro peccato meo. Putabat enim David, qd pro peccato numerationis occideretur, sed falsum erat, quia occidebantur pro peccatis suis, quę alias fecerant.

Si in occisione septuaginta millia virorum intelliguntur mulieres, & paruuli. Quäst. LI.

Q V A E R I T U R circa predicta de septuaginta millibus virorum, de quibus hic dñ: an nomine illorum intelligatur aliquę femine, & paruuli, vel quomodo intelligendū est de istis, quia in tali occisione verisimile est, qd perirent femine, & paruuli cum viris. Aliquis dicit, quod ista pestis solum fuit in viris, & ratio est, quia fuit pro peccato numerationis, & tamen, nec nunc fuerūt numeratę femine, & paruuli, sed soli viri, ideo in eis esset solum pēna, & sic nullus paruulus, nec femina periit. Sed dicendum, qd hoc non stat, quia aut isti occiderentur, eo quod numerati fuerant, vel quia peccauerant in numeratione. Si primo modo, manifestū est, quod non solum septuaginta millia, sed omnes de populo perirent, quia omnes numerati fuerant, vel quia peccauerant in numeratione. Si secundo modo manifestum est, qd non solum septuaginta millia, sed omnes de populo perirent, quia omnes numerati fuerant, & tamen non perierunt, ideo non fiebat propter hoc. Iñ patet, quia poterat populus numerare, ita quod nihil peccaret, ut si rex numeraret eos inuitos: manifestum est, autem tunc, qd non punirentur pro hac numeratione, quia iniustissimè fieret. Si autem pro peccato numerationis, etiam non punirentur isti, sed solum illi, qui peccauerant inducendo, vel contentiendo, aut fauendo, quod populus numeraretur, & tamē David peccauit in hoc maxime, & si aliq fuit esset de principibus, & consiliarijs eius, & tamen isti, qui percutiebantur erant populares extra Ierusalem. Et illi, qui in hoc aliquo modo fauerant, vel potuerant fauere, nō percussit sunt, nec David, nec principes, aut cōsiliarij eius,

eius, quia isti omnes erant in Ierusalē, & ibi fuit parua F
plaga, ergo non fuit pro peccato numerationis. Secū-
do patet, quia dato, q̄ esset pro peccato numeratio-
nis, occiderentur aliqui paruuli, quia licet illi nō pec-
cassent, occiderentur pro peccatis patrum suorum.
Aliquis ergo dicet, q̄ fuerunt occisi multi paruuli, &
femine in ista peste, & intelliguntur noīe viroꝝ, s. q̄
oēs isti percussi essent septuaginta millia, & quidam
essent viri, & quidam paruuli, & quedam femine: no-
minantur tñ viri, quia digniores erant. sed dicendū, q̄
istud non stat, quia litera dicit septuaginta millia viro-
rum, iō oportet oēs istos septuaginta millia iudicare
esse viros, & si voluisset scriptura in ista summa intel-
ligere viros paruulos, & feminas non dixisset septua-
ginta millia virorum, sed septuaginta millia animarū
sic patet primo Macha. 2. Cum dñ de illis, qui occisi
sunt, q̄a nolebant se defendere in sabbathis, s. & occisi
sunt ipsi, & vxores eorum, & pecora, & filii vsque ad
mille animas hominum, quia noīe animę intelligit
omne viuens, iō non diceretur septuaginta millia vi-
rorum, sed animarum: dici pōt ergo duobus modis:
vno mō, q̄ ista pestis non fuit pro peccato numerationis,
sicut supra declaratū est in quadam qōne, sed
pro aliis peccatis populi, & quia in istis solum pecca-
uerant viri, iō soli viri occisi. Secundo mō pōt dici, q̄
hic occisi fuerunt viri paruuli, & femine licet plures
viri fuerint, q̄ paruuli, & femine simul. Scriptura tñ iō
lū dixit de viris pp duo. Primo q̄a consuetudo scriptu-
re est nunquam ponere numerum feminarum, nec
paruulorum, quia nō nominant, nisi qui transeunt ad
numerū & nomen, femine tñ, & paruuli nunq̄ tran-
seunt ad numerum, & nomen, sed solum, quę sunt à
viginti annis, & s. Exo. 30. iō non ponit summa mu-
lierum, nec paruulorū: sic patet Exo. 12. in exitu de
Aegypto dñ, quod fuerunt ferē sexcenta millia peditū
abique paruulis, & mulieribus, & cum eis erat vulgus
promiscuum multū. Certū est aut, q̄ paruuli, & mu-
lieres maiorem summā facerent, quam viri, & tñ nul-
la summa illorū ponit, nec includunt sub numero
sexcentorū milliū. Secūdo poterat fieri, q̄ licet in ista
peste aliq̄ paruuli, & femine perirent, fuerunt tñ pau-
ci. iō nō curauit scriptura aliqd exprimere de illis, sed
de solis viris, qui fuerunt septuaginta millia.

*Si percussi fuerint aliqui ab angelo in Ierusalem, & si intelli-
guntur in numero septuaginta millium virorum.*

Quaest. LII.

QVAERITVR vterius an aliqui fuerint percussi
ab angelo in Ierusalem, & si fuerint aliq̄ an in-
cludant in summa septuaginta millia virorū. Quidam
dñt ad primū, q̄ non fuerunt percussi aliq̄ in Ierusalē,
quia 2. Reg. 24. dñ. Cumque extendisset manū angelus
Dñi super Ierusalem, vt disperderet eam, misertus est
dñs super afflictione, & dixit angelo, sufficit nunc, cō-
tine manum tuam. Ergo videtur, q̄ nullū adhuc per-
cusserat, sed extendebat manum ad percutiendū qñ
Deus ei dixit hoc. Et tñ illico cessauit angelus Deo
iubente. iō nullus percussus est. Secundo patet, quia
summa occisorū fuit septuaginta milliū. Et isti occisi
fuerant, antequā angelus veniret in Ierusalē, vt patet
ex lra, s. Misit Dñs pestilētiā in Israel, & ceciderunt de
Israel septuaginta millia virorum. Et sequit: Misitq;
angelū in Ierusalem, vt percuteret eā. Et sic iā fuerant
occisi septuaginta millia, qñ venit Angelus in Ierusa-
lem, sed nulla aliq̄ summa virorum ponit de occisis,
ergo nulli occisi sunt in Ierusalē. Rñdendū, q̄ aliqui
occisi fuerūt in Ierusalem, sicut in alijs vrbibus Israel,
sed forte pauciores. Et patet, quia dicitur: Misit ange-
lū in Ierusalem, vt percuteret eam. Cumque percu-

teretur vidit dominus, & misertus est. Ergo iam per-
cutiebatur, quando Deus misertus est, vnde necesse
erat, quod aliqui perirent. Item patet 2. Reg. 24. quia
dicitur, quod Deus dixit angelo percutienti populū:
Sufficit: contine manum tuam. Ergo videtur, quod
tunc percutiebat populum. Ad primum in contrariū
dicendum, quod verum est, quod quando Deus mi-
sertus est, extendebat angelus manum ad percutien-
dum populum, tamen nō incipiebat tunc, sed aliquos
iam percusserat, & extendebat manum ad continuā-
dum percussione. Ad secundum dicendum, quod
summa occisorum fuit septuaginta millia, & aliqui
putant, quod solum fuerit ista summa de occisis in
alijs vrbibus extra Ierusalem, quod concordat ordini
literę, & quod occisi in Ierusalem non exprimantur,
sed dicendum est, & melius, quod ista summa septua-
ginta milliū virorum fuit de occisis tam in Ierusa-
lem, quā in alijs vrbibus, quia aliās non videret be-
ne positum, cum scriptura intēderet hic ponere sum-
mam omnium occisorum in ista plaga, & subiceret
occisos in Ierusalem, sed omnes includuntur sub ista
summa, & quando obicitur, quia dicitur: Et cecide-
runt de Israel septuaginta millia virorum, Et postea
sequitur. Misit angelum in Ierusalem, vt percuteret
eam. Ergo iam erant occisi omnes isti. Dicendum, q̄
est anticipatio, nam sepe ponuntur aliqua per antici-
pationem, & recapitulationem in scriptura, & patet.
quia dicitur: Ceciderunt de Israel septuaginta millia.
Et cum nomine Israel intelliguntur omnes vrbes he-
breorum, quia non distinguitur hic Iuda ab Israel.

*De discordia, quę habetur in quibusdam verbis, scili-
cet quod Deus misertus angelum ad percutiendū, &
quod iuberet ei ne percuteret.*
Quaest. LIII.

QVAERITVR vterius quomodo Deus mi-
sit angelum in Ierusalem ad percutiendū
eam, cum ipse iuberet ei, quod non percu-
teret, vt patet in litera. Responderi potest
dupliciter, vno modo, quod Deus intendebat occide-
re aliquos in Ierusalem, sicut postea factum est. Et ad
occidendum illos misit angelū, quo facto, cū angelus
nesciret an plures deberet occidere, extendebat ad-
huc manum ad percutiendū, & tunc Deus dixit,
sufficit nunc, contrahe iam manum tuam, scilicet q̄a
iam erat expleta executio sententię suę. Secundo po-
test dici, q̄ scriptura loquatur hic modo humano. In-
terdum enim homines irati iubent aliqua mala infer-
re alijs, & cum videant illa inferri si magna sunt, mo-
uentur misericordia, & iubent cessare, quamquam
prius intenderent, quod tota punitio inferretur. Sic
nunc scriptura fingit eum tanquam iratum contra
Ierusalem, & mittentem angelum, vt destrueret eam
totaliter, sicut dicitur 2. Regum 24. quia angelus ex-
tenderet manum, vt disperderet Ierusalem. Incepit
autem angelus hoc facere, & percussit aliquos, & tñ
Deus videns magnitudinem plagę misertus est, &
iussit angelo cessare, licet videretur prius intendere,
& misisse angelum ad hoc, quod totus Israel destrue-
retur.

*De missione angeli ad percutiendū prius Israel, quam
Ierusalem.* *Quaest. LIIII.*

QVAERITVR vterius quare Deus prius
misit angelum ad percutiendū in alijs
vrbibus Israel, quā in Ierusalē, quia potius
debebat incipere in Ierusalē, cum ibi essent
maximi peccatores, scilicet Dauid, q̄ iusserat nume-
rari

ari populum, & alij consiliarij eius. Rndendum est, qd hoc factum est, vt non impediretur id, quod Deus ordinauerat de percussione populi, nam statuerat, qd aliqui perirent de alijs vrbibus, & alij de Ierusalē. Si tñ inciperet plaga in Ierusalem, impediret ne alia loca percuterentur, iō debuit incipere in alijs: pater hoc, quia si plaga incepisset in Ierusalem, & vidisset Dauid angelum percutientē, sicut nunc vidit, aut oraret pro cessatione, & diceret ista verba, quę nunc dixit, f ego sum, qui peccaui, &c. aut, nec oraret, nec aliquid diceret. Si oraret, aut Deus exaudiret orationem eius, aut non. Si exaudiret orationem eius, cessaret plaga à populo. Et sic nullus percuteret in alijs vrbibus Israel, quod erat contra dispositionem Dei volentis occidere illos, quos occidit. Si aut non exaudiret orationem suā, sed percuteret, non videret aliqs modus cessationis, quia cessatio fuit nunc p orationē Dauid, & sic extenderetur pestis pluitquā nunc extensa fuit, eo qd meritis Dauid, & oratione sua deuota cessauit. Si autem Dauid non oraret percuteret populus. Et tñ etiā tñc nō videret aliqs modus cessationis eius, cū nunc cessauerit orāte. Ad hoc ergo, qd Deus percuteret illos, quos intendebat, & tñ nō respueret orationē Dauid, & daret terminus plagę, non videbatur alius modus conueniēs, nisi iste, i. qd percuterent pri^o alię ciuitates, & qd ibi nullus esset cuius meritis, & oratione Deus cessaret, non sisteret pestis, & cum postea percuteret Ierusalem, & videret illud Dauid, oratione eius cessaret. Secundo patet, quia intentio Dei erat, qd plaga cessaret faciendo sibi sacrificium in area Hornā Iebulę, vt populus crederet illū locū esse Deo valde acceptum, vt haberet venerabilis: cum pp sacrificium ibi factum cessaret pestis, & istud erat, quia Deus volebat, qd in area illa fieret postea templum p Salomonē, in quo esset tota deuotio populi, & ministratio cultus diuini, & vt anteqd fieret locus ille haberetur in magna reputatione tanq sanctus, voluit eum decorare isto dono, i. qd cessaret pestis facto ibi sacrificio. Si aut plaga incepisset in Ierusalem, vel fieret sacrificium in area illa, vel non: si fieret sacrificium in ea, cessaret pestis, quod erat qd in ieremiam Dei volentis percutere, quos percussit. Si aut non cessaret, non haberet locus ille venerabilior alijs ad constituendum ibi templum, & tñ Deus hoc intendebat, ideo vel non fieret ibi sacrificiū pro cessatione, vel si fieret, cessaret plaga. Si aut non fieret ibi aliquod sacrificium, non haberet modus ad reddendum locum illū venerabilē, sicut Deus facere intendebat. Iō aut simul fierent duo, qd Deus intendebat, scilicet quod occiderent illi, quos volebat, & quod redderetur locus areę venerabilis, non videbatur alius modus, nisi quod inciperet pestis in alijs vrbibus, & finiretur in Ierusalem facto sacrificio in area. Sed aliquis dicit, quod poterat fieri aliter, scilicet quod inciperet pestis in Ierusalem, & quod occiderentur omnes, quos Deus volebat occidi, & postea cessaret pestis in toto Israel. Dicendum quod iste modus non erat conueniens, quia iam cessasset plaga in Ierusalem, & sic non videretur cessasse propter sacrificium factum in area, & cum Ierosolymę viderent in area, & propter hoc cessaret pestis in alijs locis Israel: non esset ista manifesta probatio, sicut fuit quando pestis erat in Ierusalem, & facto sacrificio in area cessauit ibi, & sic non fuit alius modus conueniens ad faciendum hoc, nisi iste, quod postremo percuteret Ierusalem.

A De modo imperandi angelo, ne percuteret Ierusalem.

Quest. LV.

Q V ABRITVR vltterius cum dicatur hic, qd imperauit Deus angelo percutienti, dicens cesset iam manus tua. Quis modus fuit iste imperandi, & dicendi. Respondendum, qd non fuit istud per aliquam locutionem realem inter Deum, & Angelum. Et hoc propter duo. Primo quia Deus non poterat loqui. Secundo quia angelus non poterat audire, etiam si Deus sibi loqueretur. Primū patet, quia locutio non potest fieri sine organis naturalibus, vel fabricatis. Deus autem non habet naturalia organa sibi coniuncta, quia non est animal: etiam non habet illa fabricata per artem, sicut angeli fabricant, quando volunt apparere nobis, vel loqui, quia Deus non potest induere tale corpus formatum de aere ad hoc, qd loquatur, & operetur per illud, quia ista non possunt fieri sine motu: Deus autem non potest habere operationem cum motu, quia esse, & operari in Deo sunt idem, quia est purus actus, & esse summe simplex: etiam competit sibi hoc ex conditione eternitatis, quia eternitas dicit simultatē essendi, quia est interminabilis vitę simul tota, & perfecta possessio: & tñ essentia Dei non est in motu, iō nec operatio sua pōt esse cum motu: loqui tñ non potest fieri sine motu, quia locutio formaliter includit successionem: nam in locutione est saltem vna oratio, & ista est minima locutionum. In oratione aut sunt termini, & quilibet terminus habet literas, & syllabas, & ista nō possunt proferri, vt pote in ista dictione dñs, necessario pcedit ista syllaba, Do, ad illam syllabam, Mi, & illa ad aliam syllabam, Nus, & si istę tres syllabę non haberet aliquem ordinem pcessionis, nō esset iste terminus dominus, quia non magis incipet in, Do, quam in, mi, nec magis finiretur in, nus, quam in Do. Et sic destrueretur terminus. Includit ergo formaliter locutio successionē, sed impossibile est Deū loqui. Aliquis dicit, quod quamquam in Deo operante non sit successio, erit in opere suo, iuxta illud Boetij de Consola. lib. 3. Metro. 9. Stabiliſque manēs das cuncta moueri. Dicendum, quod non stat, quia verū est, quod in opere Dei potest esse successio, scilicet in re operata, non tamen in opere, idest in operatione, vel actu. Causa huius est, quia res operata postquam producta est, habet in se esse per quod manet, & operatur successiue, & illa conditio successionis suę non est à Deo, sed à conditione esse sibi traditi. Secus autem est in operatione Dei, quia operatio est in se aliquid dependens, & non habet esse, nisi id quod datur ab ea, à quo fit, & sic non est operatio, nisi quandiu operans operatur: si ergo operatio in successione est, necessario est, quod operans in successione illam producat. Alioquin datur oppositum, scilicet quod agens in instanti produceret, & tamen operatio ipsa consisteret in successione tantum, sequeretur, qd operatio pro toto ille esse, quod habebat in successione à nullo dependebat, nec causabatur ab aliquo, eo quod operans totum esse, quod dedit, tribuit in instanti, & tamē istud absurdum est, quia operatio non est, nisi ab operante, nec illa mouet, nisi quandiu ille operatur. Sed aliquis dicit fortē, quod Deus tradidit operationi totum esse in instanti, & tam illa non potuit suscipere illud in instanti, sed suscipit per successionem: sed hoc non stat, quia operatio, quę in successione est, semper habet aliam, & aliam partem. Et pars, quę est nunc differt realiter ab illa, quę est prius, nec differunt ex alio, nisi ex ordine pcessionis, quia si vna non pcederet aliam, omnes essent idem. Ideo quamquam diceretur de vna parte operationis, quod operans dedit illud

illud esse in instanti: tamē non posset hoc dici de aliis, **F** quę sequuntur, & differunt realiter à prima, quia si omnes illas causasset in instanti, non differrent realiter, sicut iste annus, & præcedēs differunt realiter, & tamen si iste non præcederet illum, nec subsequeretur, sed essent omnino simul, essent penitus idem annus: ita ergo est de operatione, quę si perducerentur omnes partes eius in instanti, essent oēs idem, non potest ergo Deus facere operationem aliquam, quę includat successionem, & ista est causa, quare omnes operationes, quę sunt proprię diuinę sunt in instanti, vt creatio, & suscitatio mortuorum, & illuminatio cęcorum, & siles, scilicet quia non potest ipse operari in successione. Secundū erat, quia dato, quod Deus loqui posset angelo non audiret, sed locutio solum est ad hoc, quod audiat, quia aliās inutilis est, sicut color coram cęco, iō non loqueretur, quod non posset angelus audire. Pater quia audire est actus organicus, qui fit mediante potentia auditiva, & sic pertinet ad animal, cum istę sint potentię sensitivę: angelus tamen non est animal, ideo non potest audire. Sed obijciatur, quia licet naturaliter non habeat angelus organum auditus: potest illud sibi fabricare de corpore aereo, sicut etiam angeli non habent naturaliter organum locutionis, & tamen sumunt corpus de aere, & loquuntur, sicut pater de tribus angelis, qui venerunt ad Abraham. Gen. 18, Et de multis aliis. Dicendum est, quod angeli non possunt audire, quamquam possunt loqui. Ratio huius est, quia loqui est agere, & audire est pati. Consistit enim loqui in quadam formatione vocis articulatę, & potest fieri istud per artem datis organis sufficientibus: nam in organis musicis fiunt soni, sed non sunt articulati, eo quod illa organa sunt imperfecta, quia requiritur in eis aliquid aliud, in quo specialius subtilietur aer, & collidatur, & tamen si reperiantur organa perfecta, poterit in eis per artificium formari vox articulata. Aliquis dicet, quod istud non stat, quia licet cautare sonum naturaliter fiat ex percussione, tamen articulare illum est specialis conditio rei animatę. Dicendum, quod hoc falsum est, quia multę res animatę sunt, quę non possunt articulare voces, sicut omnia animalia præter hominem, & tamen si conditio animę esset articulare vocē: in quibusdam brutis posset fieri articulatio. Ideo necesse est, quod proveniat hoc ex conditione organorum, scilicet quod homo habet talia organa, in quibus naturaliter articulatur vox, & non fit propter discretionem hominis, quia tunc posset homo aliquando formare sonos non articulatos, sed hoc impossibile est, nisi fortē aperuerit guttur, & os, vt non collidatur aer in palato, nec in dentibus. Item patet hoc, quia si in hominibus deficiat aliquis de dentibus anterioribus, non possunt plenē articulare voces: nam multę literę sunt quę nullo modo proferri possunt, ideo provenit ex conditione organi: nam si ex conditione animę veniret, omni tempore equaliter homo articuletur. Et ideo, quod in brutis non fiat articulatio vocis, cā est, quia organa sunt dissimilia organis humanis, sicut in asinis, & equis, in quibus sunt magna ora, & oblonga, ideo exufflatur aer non perfecte collisus, quod tamen requirebatur ad articulationem. Si ergo fiant aliqua organa talia, qualia sunt organa humana per partem poterunt in illis fieri voces articulatę, sed angeli facilius possunt talia organa fabricare de aere, eo quod aer est materia obediens cuicunque impressioni, & alterationi, & angeli sunt magni artifices, qui poterunt fabricare illa totaliter configurata organis humanis, ideo facile est, quod per artem fiat locutio in organo non humano, & sic erit locutio, & non ab animali: de auditione autem est impossibile, quia audire est passio sensitiva, & de-

terminat sibi formam, quę sit principium sentiendū, scilicet potentiam auditivam, ideo vbi non fuerit potentia auditiva impossibile est esse auditionem, sicut si sit homo mortuus, est ibi organum largē, quia tamen nō est potentia auditiva, nō audit. Ita est de angelis, quia licet assumant corpora de aere, in quibus sit figura aurium, non est ibi potentia auditiva, quia ista solum est in animali, ideo non poterit angelus in corpore assumpto audire. Idē etiam est de videre, & odorare, & alijs sensationibus, quia nullam potest habere, vnde licet angelus in corpore assumpto appareat alicui homini, angelus tamen non videt hominem, nec audit vocem eius. Sed tunc diceretur: ad quod habet ista organa, vel similitudinem organorum? **G** Dicendum, quod propter tria: primo quia angelus vult apparere homini, & videri: ideo oportet, vt sumat aliquod corpus, quia aliās, cum sit spiritus, non videbitur, & quia cum appareat in corpore vult assumere formam decentem, non est tamen aliqua magis decens, quam quod in forma humana appareat. Ideo fabricat sibi omnia organa, licet illis non utatur. Secundo quia licet angelus in corpore assumpto non utatur omnibus organis, utitur tamen quibusdam, scilicet locutionis, operativis, & motivis, scilicet ore, pedibus, & manibus. Tertio quia licet angeli non audiant, nec videant, tamen quando apparent hominibus, volunt eis ostendere, quod vident, & audiunt, vt credant homines, quod voces eorum audiuntur ab eis, & ipsi videntur, quia aliās non loquerentur ad eos cum crederent sibi non posse responderi, quia angeli non intelligerent quid ipsi dicerent, nec viderent, an essent eis presentes. Non ergo vident angeli, nec audiunt potius, quam si non assumerent corpus, & tamen scit, quis sibi presens est, & quantum homo procul est ab eo, sicut si hominem viderent, etiam intelligunt quid homo loquatur, sicut si audirent vocem eius. Apparet ergo, quod cum angelus non audiat vocē, Deus non loqueretur sibi dato, quod loqui posset, cum per alium modum posset ei indicare quid intenderet. Cū autem dicitur hic, quod Deus imperavit angelo, dicens: Sufficit iam. Potest intelligi dupliciter, vno modo, quod ista non esset locutio realis, sed esset aliquid vice locutionis, sicut nos per locutionem exprimimus ea, quę mente gerimus. Quia sunt ea, quę in voce sunt, earum, quę in anima passionum notę. Primo Perihier. Ita Deus poterat notificare angelo per quendam alium modum, id quod intendebat, & illa notificatio vocaretur locutio, quia idem operabatur, quod locutio. Alio modo potest dici, quod Deus nihil imperavit angelo in voce, vel in alio signo, quia iam angelus sciebat quid facere debebat. Ad significandum tamen modum cessationis pestis scriptura finxit Deū tanquam iubentem angelo percutere, & Deū præsentem esse illi percussioni. Et quia angelus cōtinuabat semper plagam, & Deus volebat, quod cessaret, oportebat, quod iuberet ei, quod cessaret, & ideo introducit hic Deus iubens angelo cessare.

Quomodo intelligantur aliqua verba, quę hic habentur scilicet. Cesset iam manus tua. Quęst. LVI.

QUÆRITUR vltius quomodo dicitur hic. Cesset iam manus tua, quia angelus non habet manum, nec operatur per illam. Aliquis dicit, quod verum est, quod non habet manum tanquam partem substantię suę: & tamen quando corpus de aere format, habet in eo manus, & alias partes organicas, vel similes organis. Nunc autem angelus sumpserat corpus, quia David vidit eum inter cælum, & terram, vt patet in littera. Etiam videtur, quod operabatur

rabatur manibus, quia habebat gladium euaginatū in manu versum contra Ierusalem. Dicendum tamē est, q̄ licet angelus haberet manum, & in ea gladium: non operabatur manu, nec gladio. De gladio patet, quia non trucidabat homines, sed moriebantur magis per modum morbi, quam vulneris: non etiā operabatur manu, quia sicut declaratum est supra in quadam questione, ista mors fiebat per hoc, q̄ angelus applicabat aliquid valde venenosum cordibus istorū, qui percutiebantur: quo tacto corde subito moriebatur homo, & sic subintrabit angelus corpora humana, & applicabat illud pestiferum cordi, & tamen non poterat angelus in illo corpore assumpto subintrare corpora humana, ideo non operabatur manu sua in plaga, quam inferebat. Sed dicendum est, q̄ Deus dixit ei cesset iam manus tua, id est nēmīnem occidas: nam manus est organum operatiuum, ideo oēs operationes nostrę attribuantur ei, etiā si ipsa non faciat, sicut sepe dicitur. Deus locutus est per manum Moysi. Vt patet Nu. 9. & tamen non poterat loqui per manum eius, sed per os: sic etiam consueuimus dicere istud negocium expedietur per manus meas, & tamen sepe dicimus hoc de negocijs, quę non indigēt aliqua manuali operatione, sed solo verbo. Aliter potest dici, q̄ hoc dictum est ad continuandum modū loquendi, quem iam introduxerat scriptura, & ut respondeant verba rebus, quę exterius apparebant, & tamen angelus percutiens apparuit euaginatū gladium habens. In quo significabatur, quod percutiebat gladio, licet non esset sic in re, & ad hoc, ut significaretur cessatio debebat ei dici cessatam percutere, vel cesset iam manus tua.

De apparitione angeli. Quest. LVII.

QUÆRITUR vterius quare angelus iste percutiens apparuit iuxta aream lebusai. Responderi potest tripliciter, vno modo, q̄ factū est, ut oēs viri de Ierusalē viderent angelum: nam area Hornam erat in castro mōtis Sion, & illud erat pars excelsior vr̄bis, & cum ibi esset, poterat videri ab omnibus, qui erant in vr̄be. Si autē esset in alio loco inferiori non videretur. Secundo modo patet, q̄ factū est propter Dauid, ut videret illum: nam Dauid erat in castro montis Sion, quia ibi erat habitatio eius, & angelus volebat se ostendere illi, ut oraret pro cessatione plage. Ideo apparuit circa locū, in quo erat Dauid, & sic dicitur, q̄ leuans Dauid oculos suos, vidit eum, & ceciderunt tam ipse, quam maiores natu proni in terram: si autem appareret in alia parte vr̄bis non videret eum Dauid. Tertio quia Deus volebat, q̄ cessaret nunc plaga per sacrificium, quod fieret in area Hornam, & ad hoc fecit, q̄ appareret angelus ibi, ut videretur habere vultū ad percutiendū, sicut vultus eius erat contra Ierusalem, & gladius euaginatū, & q̄ propter sacrificium, quod fieret in loco ipso, cessaret illico plaga, & haberetur locus ille venerabilis, & Deo acceptus.

Si angelus percutiens apparuit in Ierusalem habens gladium. Quest. LVIII.

QUÆRITUR vterius quare angelus apparuit nunc in Ierusalem, & an in alijs locis, in quibus percutiebat, apparebat sicut hic habens gladium euaginatū. Respondendum est, q̄ 1. patuit nunc in Ierusalem ad hoc, quod cessaret plaga: nam Deus volebat, quod cessaret oratione Dauid, scilicet cum ipse accuaret seipsum, dicens. Ego sum, qui peccauisti oues sunt & 2. Regum

A 24. & tamen Dauid non moueretur ex tanto feruore faciendum orationem istam, nisi videret angelū. Quod patet, quia antequam appareret iste angelus inceperat pestis, & Dauid affligebat se propter hoc, nā ipse, & seniores erant vestiti cilicijs, quando apparuit angelus, ut patet in litera, & tamen nondum fecerat Dauid illam orationem, s. Ego sum, qui peccauī, &c. propter quam Deus fecit cessare plagam, ideo expediebat, q̄ angelus appareret etiam in vultu terribili nunciū Dauid. Secundum erat ad infligendum penam Dauid, nam videns istum angelum timore magno contritus est, ita ut non posset ire ad templum Domini, ut patet infra in litera, & ex hoc causata est in eo infrigidatio carnis, ita q̄ licet operiretur vestibus, non calefieret, quousque quęsi est ei adoleſcentula virgo, quę calefaceret eum cubans in sinu eius, ut patet 3. Regum primo. Et nō fuisset ista pena inflicta Dauid, nisi appareret ei angelus, & tamen Deus volebat ei inferre istam penam pro numeratione populi. Ideo oportebat, quod appareret angelus habens gladium euaginatū.

Si angelus percutiens apparuit in alijs vr̄bis habens gladium euaginatū. Quest. LIX.

QUÆRITUR de alio, scilicet an apparebat angelus sic cum gladio euaginato in vr̄bis alijs, in quibus percutiebat. Rōndēdum est, q̄ nō, quia nō erat aliqua necessitas ex parte plage, eo q̄ angelus nō percutiebat gladio, nec manu, sed submiratione in corpore apponendo aliquid pestiferum cordi, & hoc nō poterat facere in corpore illo assumpto, quia propter magnitudinem non caperetur intra corpora humana. Etiam nō erat aliqua causa quare appareret in alijs locis, sicut in Ierusalem, quia ibi apparuit propter Dauid, & ut cessaret pestis, & tamen in alijs locis nō erat cessatura, quousque percuteretur Ierusalem. Etiam dicendum, q̄ in Ierusalem non apparuit angelus cum gladio euaginato, quando cepit percutere vr̄bē, quia tunc non apparuit, & percutiebat, postquam autem nullus percutiendus erat, apparuit angelus in vultu terribili, quasi vellet disperdere vr̄bem, & hoc, ut rogaretur Deus, ne disperderet eam. Sic enim cōſueuit Deus facere, quando vult rogari a nobis, ne aliquod malum inferat, ostendit se terribilem, quasi velit infligere, & tamen non vult, sic enim fuit, quando Israelitę fecerunt vitulū, & adorauerūt, dixit Deus ad Moysen: Cerno q̄ populus iste durę teruicis est: dimitte me, delebo eos faciamque te in gentem magnam. Exo. 32. Sic etiam Nu. 14. manifestum est autē, q̄ tūc Deus non intendebat delere Israelitas, quia si intendisset, non potuisset impediri. Et dicebat ad Moysen. Dimitte me, delebo eos. Quasi Moyses teneret eum violenter, ne posset illos delere, sed Moyses non tenebat eum, nec poterat. Dicebat tamen istud Deus ad significandum exterius, quod haberet magnum desiderium delēdi Israelitas, ut quanto tempore maius desiderium delendi illos ostenderet, tanto magis moueretur ad orandum pro illis, ne deleberentur, & Deus meritis orationis suę non deleberet illos. Sic fuit nūc in Ierusalē apparente angelo, quia volebat Deus nimis rogari. Ideo magnā terocitatē angelus ostēdit,

De apparitione angeli inter calum, & terram.

Quest. LX.

QUÆRITUR vterius quare angelus apparuit inter calum, & terram, sicut dicitur in litera: nam non poterat apparere in terra, cum appareret in forma humana. Dicendum quod factū est propter duo.

duo. Primo ut videretur ab omnibus, qui erant in vrbe: nam propter hoc apparuerat in area Hornam, & dictum est supra in quadam questione, scilicet quod erat locus ille sublimior totius vrbis, & posset inde videri ab omnibus, & tamen hoc non sufficebat, quia si esset in area Hornam in terra, quamquam esset ille locus sublimior vrbis, illi, qui essent in parte inferiori, non viderent eum obstantibus edificijs intermedijs, ut autem ista non obstarent, apparuit in aere in sublimi, scilicet inter cœlum, & terram. Secundo fuit hoc, & principalius, ut cognosceretur esse angelus: nam ille apparebat in effigie humana, & si in terra videretur nesciretur, an esset angelus, vel homo. Ideo ut sciretur, quod erat angelus apparuit in aere: nam cum videretur in aere pendens, manifestum erat, quod non erat homo. Sed aliquis dicet, quod etiam si non esset eleuatus in aere, appareret, quod erat angelus ex habitudine vultus, quia non appareret talis, sicut vultus humanus. Dicendum est, quod ex isto non cognosceretur sufficienter, quia Raphael angelus fuit multo tempore cum Tobia, & non cognouit, quod erat angelus, sed putauit eum semper hominem, quousque euauit, ut patet Tobie 5. cap. vsque ad 14. Si autem videretur in aere cognosceretur esse angelus, quia per hoc soliti erant Hebrei cognoscere angelos, de quibus prius dubitabant. Sic patet de Gedeone, cui apparuit angelus, quem putabat virum, & inuitauit eum ad cibum, & cum posuisset cibos super petram, tetigit eos angelus virga, & cremati sunt: ascenditque angelus ab eo, & tunc intellexit, quod erat angelus domini: Iud. 6. Sic etiam fuit de angelo, qui apparuit patri, & matri Samsonis: nam non cognouerunt eum esse angelum, quousque ascendit cum flamma altaris Iud. 13. Sed diceretur, quod poterat cognosci iste angelus, et si esset in terra, per gladium euaginatam, quem habebat, quia veniebat ad percutiendum populum. Dicendum, quod etiam per hoc non cognosceretur, quia sic fuit, quando Ioab erat in agro Iericho: nam reperit angelum Domini in agro habentem gladium euaginatam, & nesciens an esset angelus dixit ei: Noster es an aduersariorum? Et ille ait, nequaquam, sed sum princeps exercitus domini, & nunc venio: & per hoc cognouit Iosue, quod erat angelus, & adorauit eum, ideo non sufficebat ad cognitionem istius angeli, quod haberet gladium, nisi in aere esset.

Propter quā causam angelus habebat gladium in manu.

Quest. LXI.

QUÆRITUR vterius ad quid angelus habebat gladium in manu, quando apparuit David. Aliquis dicet, quod cum iste esset angelus percutiens populum habebat gladium ad percutiendum. Sed dicendum est, quod non fiat, quia qui moriebantur non percutiebantur gladio, sed morbo quodam, qui erat sicut pestis, ita quod non apparebat in eis aliquod vulnus, sed moriebantur, quasi illi essent. Aliquis ergo dicet, quod erat iste gladius ad terrendum. Et dicendum est, quod apparuit angelus cum gladio, propter duo. Primo ad significandum id, quod faciebat, nam veniebat iste angelus ad percutiendum populum, & si non haberet aliquod insignium per quod cognosceretur, putaretur, quod veniebat ad aliquid aliud, ut ergo sciretur, quod veniebat ad percutiendum populum, habuit gladium in manu, quod erat insignium occisionis: sic etiam alij angeli venientes ad aliqua ministeria exercendi apud nos, ostenderunt interdum insignia illius ministerij. Sic fuit de illo angelo, qui apparuit Iosue in agro Iericho, nam ille veniebat, ut liberaret Israelitas, & adiunaret eos contra Chananeos tanquam princeps exercitus. Si-

cut ipse dixit, quod non erat de Israelitis, nec de Chananeis, sed erat princeps exercitus domini, & ad significandum illud habuit gladium euaginatam in manu, quia tunc erat tempus belli Ios. 5. & per hoc signabat actualē defensionē Israelitarum, quod ipse exercere debebat. Sic etiam isto angelo erat necessarium insignium, ut cognosceretur, quod veniebat ad percutiendum populum, quia aliter licet cognosceretur quod erat angelus, & veneraret a David, tamen non fecisset David illā orationē. Ego sum, qui peccaui. Nec affligeret tamen in corde suo ad hoc quod Deus exaudiret eum. Oportuit ergo, quod appareret angelus cum gladio. Scdm erat, quia Deus volebat nunc punire David infligendo ei timorē grauissimum, ita ut in frigidaretur ossa eius, & maneret in ægitudine, vsque ad mortem, ut declaratum est. In quadam quest. & tamen si angelus ille appareret David, nec incideret in istam plagam, ideo oportuit quod appareret in vultu terribili, & cum gladio euaginato, quia sic maximē terreret ipsum David.

De gladio, quem habebat angelus. Quest. LXII.

QUÆRITUR vterius de isto gladio angeli, qualis erat, vel de quo erat. Respondendum est, quod non erat ferreus, quia si esset ferreus esset ad aliquā operationē, quia aliter frustra erat assumere eum, & tamen gladius iste, quē nunc assumpsit angelus non fuit ad aliquā operationē, quia nihil sciendum erat, sed ad signandum quod angelus vellet facere, & ad terrendum, ut declaratum est per eum. Quod non esset ferreus. Secundo patet, quia angelus debuit habere gladium perferentē sibi, eo quod res tunc est bene ordinata, quia omnia, quod sunt in illa inter se conueniunt, & etiam conueniunt fini suo, & tamen angelus iste assumpsit corpus non verum de carne & ossibus, sed solum apparens. scilicet de aere. Iam decebat gladium esse de aere, & non ferreum, quia corpori phantastico non coaptatur gladius verus. Dicendum ergo, quod erat iste gladius de aere taliter fabricatus, ut omnino appareret ferreus, sic etiam erat corpus angeli, non erat de aere, & tamen videbatur verum corpus humanum, & istud est, quia figura poterat fabricari ab angelis talis qualis est figura humana, & istud facile est. Sed difficultas est in colore, cum in corpore humano sint diuersi modi, & gradus coloris, & alij etiam in vestibus eius, quoniam omnes isti poterant inueniri in corpore aereo, & dicendum est, quod istud fit per magnam subtilitatem angelicā, & per cognitionem naturalium secretorum, nam colores causantur ex mixtione elementorum, & secundum diuersam mixtionem ipsorum sunt variae species, & gradus colorum. Angeli autem sciunt diuersimode perdenare aerem, ut ex illa diuersa perdenatione causent diuersas colores, sicut ex diuersa mixtione elementorum, & hoc maxime fit in aere, quia nullum elementum est tam passibile ad recipiendum diuersas impressiones, sicut aer.

Quo angelus haberet gladium contra Ierusalem. Quest. LXIII.

QUÆRITUR vterius quo dicitur hic, quod angelus habebat gladium versus Ierusalem, nam istud signat, quod erat extra Ierusalem, quia existendo in illa non poterat habere gladium versus ad eam, & tamen iste angelus erat in Ierusalem, quia erat in area Hornam Ierusalem, & illa est in castro montis Sion, vbi postea fabricatum est templum, & tamen castrum illud intra urbem erat, quia David habitabat in eo. Dicendum est, quod ista area erat in castro montis Sion, quod vocatur ciuitas David 2. Reg. 5. & supra 11. & est istud castrum in vrbe: est tamen ad quoddam latum vrbis iuxta muros eius, & ex alia parte est tota ciuitas, velut si castrum esset ad meridiem, & tota ciuitas ad septentrionem, vel e contrario, & sic angelus existens nunc in castro montis Sion, habebat vultum contra partem illam, in qua erat tota habitatio vrbis. Ideo dicebatur habere vultum contra Ierusalem non quidem contra urbem, sed contra habitationem vrbis.

De cilicijs, quibus induti erant rex, & seniores Ierusalem.
Quaest. LXIII.

A pter hoc non posset se tenere, sed fuit istud causa, vt caderet in terram.

De locutione Dauid, ad quem, & quō. Quaest. LXVI.

QVAERITVR vterius quō dicitur hic, q̄ quando apparuit angelus cecidit Dauid, & seniores, qui erant cum eo vestiti ciliciis: vnde vñ, q̄ antequam veniret angelus ad urbem erant vestiti ciliciis, & tunc est dubium ad quid vestiebantur ciliciis, cum nōdum appareret aliqua plaga. Responderi potest vno modo q̄ ex eo tempore quo Dauid cognouit se peccasse: timens q̄ Deus infligeret ei aliquam penam grauē induit se cilicio, vt Deus misereretur eius, nec inferret super eum totam indignationem suam, & sic manebant adhuc vestiti ciliciis quousque scirent, qd Deus faceret de eis. Secundo modo potest dici, q̄ plaga petitis durauit tribus diebus, sicut Deus cōstituit, vt patet in litera, & Deus incepit illam inferre mox, vt Dauid elegit eam, licet non incepit in Ierlm, sed in alijs vrbibus, & ex tunc Dauid indutus est cilicio, & alii seniores Ierusalem, qui cum eo erant, vt Deus misereretur eis, & alieniaret penam, quā dixerat se infligendum. Et non solum Dauid indutus erat cilicio, sed ēr seniores, q̄a fortē Dauid hoc iusserat pp afflictionē istā magnā, vt oēs peniterent: sic. n. fecerunt Niniuitae, nā audientes, q̄ Niniue subuertēda esset post quadraginta dies crediderunt, & praedicauerunt ieiuniū, & vestiti sunt sacco a maiori vsq; ad minore, & rex indutus est sacco, sed in cinere, & clamauit, & dixit: hoīes & iumentā, boues, & pecora non gustent quidquā, nec pascant, & aquam non bibant, & operiantur sacco hoīes, & iumenta, & clament ad Deū in fortitudine. Sic enā fecit Ioram rex Israel, qñ erat fames valida in Samaria pp obidionem, nā indutus cilicio ambulabat super murum, & populus vidit ciliciū, qd erat ad carnem eius. 4. Reg. 6. Tertio p̄r dici, q̄ Deus, & senes inceperāt indui ciliciis, postq̄ angelus incepit percutere Ierlm: nā licet nunc angelus apparuerit in area Hornā, tñ ante hoc percutiebat urbem, & ex tunc isti erāt induti sacco, sed modus p̄cedens melior est.

Propter quam causam ceciderunt rex, & seniores videntes angelum. Quaest. LXV.

QVAERITVR vterius, cum Dauid, & seniores, qui nunc erant cum eo ceciderunt viso angelo percutiente, an ceciderint pp reuerentiam, vel pp timorem. Aliquis dicit, q̄ manifestum est fuisse pp timorem, nam si pp reuerentiam fuisset, non diceret, q̄ cecidissent, sed q̄ se inclinassent: Dicendum, quod istud non probat, quia vbicunque in sacra scriptura d̄r de aliquo, q̄ inelinat se coram alio in reuerentiam, d̄r q̄ cadit pronus in terram, vt patet sapissime in Genom. Dicendum tñ, q̄ poterat intelligi vtroque modo istud esse factū, nā angelus mittebatur a Deo, & fortē pp reuerentiā inclinarent se Dauid, & senes corā eo, nam in veteri testō angeli adorabātur cum magna reuerentia: sic. n. Iosue videns angelum humiliavit se in terram, & adorauit eum in agro Iericho, & ad maiore reuerentiam abstulit calciamenta de pedibus suis. Iosue 5. Vel poterat esse ex timore, quia videntes angelum in vultu terribili, & cum gladio euaginato caderent in terram: & dicendum q̄ ista est veritas: nam ppter maximum timorem Dauid, non se potuit sustinere, sed cecidit in terram, & non solum hoc, sed etiā quae durauit in eo per totam vitam. Et colligitur hoc quia dicitur infra in litera: Et non pualuit Dauid ire ad altare, vt ibi obsecraret Deū: nimio enim fuerat timore perterritus videns gladium angeli domini. Si ergo propter hoc non potuerat ire ad altare, etiā propter

Alph. Tost. In Lib. I. Paralip.

QVAERITVR vterius ad quem loquebatur hic Dauid cum dicit, dixitque Dauid ad Deum, & quō loquebatur ad ipsum. Respondendum, q̄ aliqui putant, q̄ loquebatur Dauid ad angelum percutientem, & tunc est conueniens locutio, quia Dauid videbat hic angelum, non poterat loqui ei, & istud vñ hic consonare literae, quia dicitur: dixit Dauid ad dñm, ego sum, qui peccaui: dñe Deus meus veritatur, obsecro, manus tua in me. Et tñ manifestum est, q̄ ille, q̄ percutiebat non erat Deus, sed angelus. Ideo vñ, q̄ ad angelum loquebatur. Sed tunc dicet, quō poterit hoc stare, quia d̄r: dixit ad Deum. Respondendum est, q̄ istud non obstat, quia angelus saepe vocatur Deus in veteri testō: sic patet qñ rubus visus est ardere, & nō cremabāt. Exod. 3. quia ibi locutus est Deus de medio ignis, vt ibi d̄r, & tñ ille verē non erat Deus, sed angelus, sicut dixit beatus Stephanus, & h̄r Act. 7. Sic etiā fuit de illo, qui dedit legem Israelitis in monte Sinai: nam vocabat se Deum dicens. Ego sum dñs Deus tuus, qui eduxi te de terra Aegypti. Exod. 20. & tamen iste erat angelus, quia ad Gal. 3. d̄r, q̄ lex data est Moyse p angelos. Sed adhuc dicendum, q̄ hoc non obstante iste, ad quem locutus fuit Dauid, erat Deus, & non angelus, quod patet, quia 2. Re. 24. d̄r: dixitque Dauid ad dñm cum vidisset angelum cedentem populum, ergo angelus cedens populum non erat ille Deus, ad quē loquebatur Dauid. Cum autem obiicitur, quia infra in litera dicitur: Domine Deus meus veritatur, obsecro manus tua. Et hoc videtur intelligi de angelo. Dicendum est, q̄ in hoc loquebatur Dauid ad Deum, & tamen dixit veritatur manus tua, manus angeli tui, q̄a ipse est nunc, quasi manus tua, eo q̄ locutus populum percutit.

An Dauid peccauit petens a domino, vt conuerteretur manus sua in ipsam. Quaest. LXVII.

QVAERITVR vterius, an Dauid peccauit per hoc, quod dixit hic, scilicet conuertatur manus tua in me, & in domum patris mei. Aliquis dicit, quod peccauit, quia Dauid rogauit hic pro morte sua. Nullus tamen debet desiderare mortem, ideo peccauit. Secundo patet, quia Dauid dixit: Conuertatur manus tua super domum patris mei. Et sic orauit, q̄ occiderentur aliqui de cognatis suis, & tamē peccatum est desiderare mortem alicuius.

Respondendum est, quod non peccauit nunc Dauid, sed potius meruit, quia per ista, quae nūc dixit, Dominus misertus est, & fecit, quod cessaret pestis, iubens quod construeretur altare in area Hornam. Et patet hoc, quia Dauid accusabat se hic, & excusabat alios, & istud pertinet ad virum iustum, nam iustus in principio sermonis accusator est sui: non ergo peccauit. Ad primum in contrarium dicendum, quod desiderare mortem absolute peccatum est, & tñ desiderare eam sub aliqua conditione, si iusta est, non est peccatum, vt pote q̄ aliquis magis vellet mori, si mortem meruit, quam q̄ alius, qui nihil meruit, moriatur pro eo, vel q̄ ei sustineat aliquod malum. Sic autē erat nunc, quia populus non peccauerat in numeratione, nec merebatur mortem, sicut putabat Dauid. Ipse autem meruerat, quia numerauerat eū sine cā. Sigit potuisset Dauid euadere populo non moriente, nō elegisset mortem, & si eligeret eam peccaret, dato q̄ mereretur ipsam, & tñ quia populus occidebat, & crede-

bat ipse, & non poterat cessare plaga, nisi occideretur ipse, vel aliqui de domo patris sui, voluit tamen & potius ipse occideretur, quam populus periret. Et in hoc iustum voluit, quia iustius erat ipsum mori, quam populum iuxta suam extimationem. Ad secundum dicendum, & David non poterat eligere mortem propinquorum suorum simpliciter, quamquam illa iusta esset, sed solum in quantum erat penalis sibi. Pro quo sciendum, & David putabat pro isto peccato numerationis inferri plagam, & in hoc principaliter ipse peccauerat, quia iusserat, & forte aliqui de cognatione sua consenserant in hoc, quo dato poterat eligere mortem propinquorum dupliciter, vno modo in quantum erat iusta, & hoc sub conditione. scilicet si pro isto peccato aliqui occidendi erant, rogabant Deum, & occiderentur aliqui de cognatione sua potius quam alii, eo quod isti magis peccauerant, quam alii de populo. Alio modo poterat eligi ista mors, tanquam nocina sibi, quia David peccauerat, & pro hoc volebat carere omni bono in penam peccati, & infligi sibi quamcunque penam possibilem, & quia mors sua erat sibi maxime penalis, eligebat, ut ipse moreretur. Et quia mors cognatorum suorum erat sibi magis penalis, quam mors quorumcunque aliorum de populo, eligebat potius illos mori, quam quod alii morerentur de populo, ut in hoc ipse puniretur. Simpliciter tamen non eligeret mortem istorum. Alio modo potest dici, quod David dixit istud ex magnitudine doloris, non tamen quod sic intenderet, nam non intendebat, quod moreretur ipse, & cognati sui, sed multa dicunt homines pro dolore, quae simpliciter non eligunt.

De quibusdam verbis dictis a David. i. Ego sum, qui peccavi, &c. Quest. LXVIII.

QVAERITUR ulterius quomodo dixit hic David. Ego sum, qui peccavi: iste autem grex quod meruit? Nam populus puniebatur nunc pro peccato suo, ut declaratum est supra in quadam quaestione. Ideo aliquid meruerat, ut puniretur potius quam ipse David. Aliquis dicet, quod David dicebat hoc ex humilitate, quia humiles recognoscunt se peccasse in illis et, in quibus non peccaverunt, ut patet in c. Consilium, de observatione ieiunii. Sed dicendum, quod hoc non stat, sed potius dicebat hoc David, quia ita credebatur esse. Nam ipse numerauerat populum, & in hoc nemo videbatur peccare, nisi ipse, & credebatur, quod pro hoc infligebatur ista plaga, & erat ad istud motuum conveniens. scilicet quia quando David numeravit populum, illico Deus misit ad eum prophetam Gad ferentem tres condiciones penae, & sic non credebatur aliquem dignum esse pena ista, nisi seipsum. & verum est, quod peccatum David fuit occasio istius pene, & tamen populus puniebatur pro peccatis suis, sicut declaratum est supra: David tamen nesciebat hoc, sed credebatur populum pro peccato eius puniri, ideo dicebat. Iste grex quid commovit?

Angelus autem Domini precepit Gad, ut diceret David, ut ascenderet, extrueretque altare Domino Deo in area Hornam Iebusaei. Ascendit ergo David iuxta sermonem Gad, quem locutus ei fuerat ex nomine Domini. Porro Hornam cum suspexisset, & vidisset angelum, quatuorque filii eius cum eo, absconderunt se. Nam eo tempore terebat in area triticum, Igitur cum veniret David ad Hornam, conspexit eum Hornam, & pro-

cessit ei obuiam de area, & adoravit eum pronus in terram. Dixitque ei David. Da mihi locum areae tuae, ut aedificem in ea altare Domino, ita ut quantum valet argenti accipias, & cesset plaga a populo. Dixit autem Horna ad David: tolle & faciat dominus meus rex quodcunque ei placet, sed & boues do in holocaustum, & tribulas in ligno, & triticum in sacrificium, omnia libens praebeo. Dixitque ei rex David. Nequaquam ita fiet, sed argentum dabo quantum valet, neque enim tibi auferre debeo, & sic offerre domino holocausta gratuita. Dedit ergo David Hornam pro loco siclos auri iustissimi ponderis sexcentos, & aedificavit ibi altare Domino, obtulitque holocausta, & pacifica, & inuocavit Deum, & exaudiuit eum in igne de caelo super altare holocausti.

Angelus autem. Hic ponit tertium huius partis. scilicet pene reuelatio, quae facta est aedificato altari in area Horna, & dicitur. Angelus autem Domini precepit Gad, ut diceret David. Hic reuelatus est modus liberationis, & reuelavit eum angelus propheta Gad, ut ipse reuelaret eum David. An iste angelus fuerit angelus percutiens, vel aliquis alius non apparet. Ut ascenderet, strueretque altare Domino in area Horna, nam Iebusaei. Debat David ascendere, quia area Horna, in qua construendum erat altare, erat in parte superiori castrorum montis Sion, & domus David erat in parte inferiori castrorum. Ascendit ergo David iuxta sermonem Gad. i. ascendit illico ad area, sicut dixit Gad. Quem locutus fuerat ex sermone Domini. i. sermo Gad fuit ex sermone Domini, quia ipse Gad preceptum est, ut perciperet David, & sic fecit ipse, & vocat sermo Domini sermo angeli. Nam angelus locutus fuerat ad Gad, quia angeli in veteri testamento aliquando vocantur Deus, ut dictum est. scilicet in quadam questione, vel erat sermo Dei, quia licet angelus dixisset ipsi Gad: prius tamen Deus dixerat angelo. Porro Horna cum suspexisset, & vidisset angelum, angelum percutientem. Iste angelus apparuerat in area Horna, & illa erat apud domum eius, unde ipse vidit angelum cum gladio euaginato eo tempore, quo vidit eum David. Ipsi tamen primi qui viderunt fuerunt Horna, & filii, quia ipsi tunc erant in area, in qua apparuit angelus. Quatuorque filii eius cum eo absconderunt se. Habebat Horna quatuor filios in area terentes fruges, qui cum vidissent angelum in domo cum gladio euaginato, fugientes absconderunt se in domo. Nam eo tempore ferebat in area triticum. Declarat quomodo Horna, & filii sui viderunt angelum percutientem. scilicet quia ille apparuit in area, in qua pergit tunc Horna, & filios suos terere triticum: erat. n. forte finis mensis Maii, vel principium Iunii, quia eo tempore colligit triticum in terra Chanaan, quod illa regio calidior est, quam ista: cum illa sit partim in tertio climate, & ista sit circa finem quinti. Igitur cum veniret David ad Hornam. Veniebat ad eum, ut emeret oportebat, qui iusserat in illa sacrificium fieri, & ad hoc oportebat, quod accederet Horna. Conspexit eum Hornam, & processit ei obuiam de area. Quando angelus percutiens apparuit, erat Horna in area, ut patet. scilicet & fugit ipse, & filii sui, absconderuntque se in domo. Postea euauit angelus percutiens, & excluso timore rediit Horna ad area, & sic quando David venit ad eum, erat rursus terendo triticum in area, Et adoravit eum pronus in terram. Humiliauit se Horna coram David, eo quod rex erat, & dixit ei, quid causa est, ut veniat Dominus meus rex ad seruum suum? 2. Reg. 24. & illud subtrahitur hic dixitque

Dixitque ei David da mihi locum area tue, vt adificem in ea altare. Totam areā volebat ædificare, vt totus locus in circuitu eēt iā sacer. Ita vt quantum valet argenti accipias. i. Cū ista cōditione, vt accipiat in argento tantū quantū valet: forte enim moneta, qua vtebantur tunc Hebrei, erat tota de argento. *Dixit autem Ornam ad David, tolle, & faciat Dominus meus rex quodecunque ei placet.* Per hoc significabat Ornam se velle dare sine pretio areā quāquam David petiuiſſet eā, vt daret pretiū, & est hic mutatio personæ, quia dñr tolle, & faciat Dñs meus rex, quod placet ei, quia vtrunq; deberet esse in ſecūda perſona, vel vtrunq; in tertia. *Sed & boues in holocaustum, & tribulas in ligna.* Erat Ornam in hoc nimis liberalis, q̃a David ſolū petiuerat ab eo aream. Ipse autē offerebat ei boues, & tribulas: boues erant ad holocaustū, & tribulæ erant in ligna, i. vt cremarentur, & fieret ignis pro holocausto. *Et triticum in sacrificium.* i. triticum, quod excuſſum est in area volo præbere in sacrificiū, i. vt fiant ex eo libamenta, q̃ requiruntur in holocaustis, vt declarabitur infra in quadā q̃one. *Omnia libens præbeo.* Idest, Oīa ista do gratis, ſnolo pretiū: Vel libens præbeo, i. nō facio hoc pp̃ verecundiā illeſtus præſentia regis, ſed libenter iſtud facio. Et ſic Ornam ex magna liberalitate volebat dare cōplementū pro ſacrificio. Sed 2. Reg. 24. dñr: Habes boues in holocaustū, & pluſtrum, & iuga bouum in vium lignorū. Pluſtrū enim eſt quadriga. Et dñr pluſtrum a plaudendo, quia facit quendā ſonitū qñ mouetur, vel pōt accipi pro tribula, ſicut hic dñr. Nam tribula eſt inſtrumentū planū de tabulis, habens infixos lapides acutiſſimos in parte inferiori ad terendū ſegetes, & dñr tribula a terendo, & vtrunq; conuenit lñr: Nā poterat ibi eſſe pluſtrū, i. curruſ, quia ſegetes portantur ad areā in curru, manebatq; ibi curruſ: Vel accipitur pro tribula, quia ſic aliqñ accipitur in ſcriptura, vt patet Amos 1. Super tribus ſcleribus Damasci, & ſuper quatuor nō cōuertam eum, eo q̃ tritauerunt in pluſtris ferreis Galaad. Et tñ ad triturandū nō cōuenit pluſtrū, ſ. curruſ, ſed tribula. Ideo accipitur ibi pro tribula: etiam ponuntur ibi iuga bouum, quæ nō ponuntur hic: eo q̃ boues habebant iuga ad trahendū tribulā ſuper ſegetes: & hic exprimitur triticū, quod nō ponitur ibi, quia iſte liber eſt ſuppletius librorū regū, & illa, quæ ſubticent ibi exprimuntur hic, & multa, quæ hic ſubticentur exprimuntur ibi, quia nō curauit Eſdras oīa repetere hic, ſed potius voluit illa, quæ ibi omiſſa fuerant ſupplere hic. *Dixitque ei David, nequaquam ita fiet.* Scilicet, Non recipiam aream ſine pretio, ſicut tu offers. *Sed argentum dabo, quantum valet.* Idest, Dabo iuſtā æſtimationem in pecunia de argento. *Neque enim tibi auferre debeo, & ſic offerre Domino holocausta gratuita.* Idest, Non eſt iuſtum, q̃ ego ſic accipiam ſine pretio, & offerā Domino holocausta gratuita, i. quæ nihil conſtant, ſed gratis data ſunt, quia ſic Deus non acceptaret illa. *Dedit ergo David Ornam pro loco ſiclos auri iuſtiſſimi ponderis ſexcentos.* Quia nōlebat accipere ſine pretio, coactus eſt Ornam accipere pretium, ſcilicet, ſexcentos ſiclos de auro. Et tamen 2. Reg. 24. dicitur quinquaginta ſiclos. Sed quomodo hoc ſtet infra dicitur. *Et ædificauit ibi altare Domino.* Scilicet, De lapidibus, vel de terra. *Obtulitque holocausta & pacifica.* Duo genera ſacrificiorum ſunt, quæ nunc obtulit David, de quibus infra dicitur quare oblateret poenā peccati, & ceſſaret plaga a populo: vel inuocauit Deum rogando, quod oſtenderet ſignum, vt ſciretur quod plagam relaxaturus eſſet, & acceptaret ſacrificium. *Et exaudiuit eum in igne de cælo ſuper altare holocausti.* Idest, Exaudiuit eum mittendo ignem de cælo ſuper holocaustum eius. Nam per hoc apparebat, quod exaudiebat eum, quia approbabat ſacrificiū ſuum mittendo ignem de cælo ad cremandum illud.

Alph. Toſt. In Lib. I. Paralip.

De Angelo, qui apparuit Propheta Gad.

Queſt. LXIX.

QVAERITVR de iſto Angelo, qui apparuit Propheta Gad, & dixit ei, quod David fabricaret altare in area Ornam Iebuſæi, an fuerit Angelus percutiens, vel aliquis alius. Reſpondendum, quod non apparet. Quidam tamen dicunt, quod non potuerit eſſe Angelus percutiens, eo quod ille adhuc apparebat in area Ornam Iebuſæi, & manſit ibi vique quo David obtulit holocaustum in altari, quod ſecerat in area Ornam, quod patet, quia dicitur in litera, quod David obtulit holocausta, & pacifica ſuper altare iſtud, & exaudiuit illum Deus, præcepitque Angelo percipienti, vt conuerteret gladium ſuum in vaginam. Et ſequitur protinus videns David, quod exaudiſſet eum Dominus in area Ornam, immolauit ibi viſtimas. Ergo videtur, quod prius David conſtruxit ibi altare, & ſacrificium: fecitque quod Angelus conuerteret gladium in vaginam. Et tamen ipſe apparuerat in area Ornam gladio euaginato. Ergo videtur, quod nondum diſparuerat vſque poſt oblationem ſacrificij, & cognouit per hoc David ſe exauditum eſſe. Dicendum tamen videtur, quod Angelus percutiens non ſemper fuit in area Ornam cum gladio euaginato, quouſque David obtulit ibi ſacrificium: Quod patet, quia quādo Angelus apparuit in area Ornam, erat ibi Ornam, & quatuor filij ſui. Et cum vidiffent eum abſconderunt ſe fugientes ſupra in litera. Et tamen quando poſtea David venit ad Ornam, vt emeret ab, eo aream, erat iterum Ornam terēdo triticum in area, vt patet in litera. Si tamen ibi adhuc maneret Angelus, nō auſus fuiſſet Ornam redire in area propter vultum terribilem Angeli, & gladij: & tamen redijt, ideo videtur, quod non erat nunc ibi Angelus. Et ſic dicendum videtur, quod apparuit Angelus in area aliquanto tempore, ita vt videretur a toto populo. Poſtea autem diſparuit. Et forte percuffit poſt iſtud aliquos de populo. Et cum diſparuit venit ad Gad. Dixitque ei, quod peſtis ceſſatura erat ſi ædificaretur altare in area Ornam. Cum autem obijcitur, quod David prius obtulit holocaustum in area Ornam, quā Angelus conuerteret gladium in vaginam, & diſpareret. Dicendum, quod non eſt attendendum ad ordinem literæ in hoc, quia licet poſt ſacrificium David dicatur, quod Deus iuſſit Angelo conuertere gladium in vaginam, non eſt tenendum, quod tunc dixerit, ſed prius, quia ſape fit anticipatio, vel recapitulatio in ſcriptura. Et ſic ſupra fiebat, quantum ad numerum occiſorum in plaga iſta, quæ ponitur antequā occiderentur viri de Ieruſalem. Et tamen etiam illi fuerunt de numero iſtorum ſeptuaginta millium, vt declaratum eſt ſupra in quadam quaſtione. Et cum dicitur, quod protinus David videns, quod exaudiſſet Dominus in area Ornam, obtulit ibi viſtimas. Nam dicitur protinus, i. eſt, immediate. Et tamen ante iſtud ponitur immediate in litera, quod præcepit Deus Angelo, vt conuerteret gladium in vaginam, & conuertit. Dicendum, quod non reſertur illud ad conuerſionem gladij in vaginam, ſed ad aliud quod præcedit, ſcilicet, exaudiuit eum Dominus in igne de cælo in altari holocausti, & patet quod referatur ad hoc, quia litera dicit videns David, quod exaudiſſet eum Dominus. Et tamen iſta exauditio non fuit in hoc, quod Angelus conuerteret gladium in vaginam: ſed in hoc, quod daretur ignis de cælo, quod patet, quia dicitur inuocauit Deum, & exaudiuit eum in igne de cælo: ideo non reſertur ad Angelum, nec apparet ex hoc, quod tunc cōuerterit Angelus gladium in vaginam. Aliiter poteſt dici, q̃ verum eſt, q̃ Angelus

lus percussus non mansit in area Ornam, vsquequo F
 ædificauit altare Dauid, sed recessit inde. Et tamen
 apparebat per urbem cum gladio euaginato, & non
 reduxit illum in vaginam, quousque ædificatum est
 altare, & oblata fuerunt ibi holocausta. Et sic sta-
 bunt omnia, scilicet, quod Ornam, & filij sui latue-
 runt quando viderunt Angelum in area sua. Postea
 tamen disparuit inde, vel recessit, & tunc ipsi exclu-
 so timore redierunt ad aream, quia non erat iam ibi
 Angelus, qui terreret eos. Et sic Dauid quando ascen-
 dit ad Ornam, inuenit eum in area iam nihil timen-
 tem, & tamen Angelus apparebat adhuc discurrens
 per alias partes vrbs, cum gladio euaginato. Et cum
 Dauid obtulisset sacrificiū, iussit Deus Angelo, quod
 conuerteret gladium in vaginam, & conuertit. Et G
 tunc disparuit. Et sic credidit Dauid se exauditum
 fuisse, quia per hoc dabatur ei signum, quod plaga
 cessaret, cum Angelus conuertisset gladium in vagi-
 nam. Tertio modo potest dici, quod Angelus per-
 cussus apparuit in area Ornam. Et postmodum di-
 sparuit, ita quod nec apparebat in area, nec in vrbe.
 Et istud erat, quando Dauid ascendit ad emendum
 aream Ornam. Et propter hoc etiam Ornam, qui
 prius latuerat viso Angelo, redierat iam ad aream.
 Et cum dicitur, quod obtulit Dauid holocausta, &
 pacifica, & quod præcepit Deus tunc Angelo con-
 uertere gladium in vaginam. Non intelligitur de con-
 uersione gladij apparentis, ita quod videretur coram
 toto populo conuertere gladium in vaginam, sed in-
 telligitur de cessatione pestis, scilicet, quod Deus ius-
 sit Angelo, quod iam cessaret percutere. Et per hoc
 mittere videbatur gladium in vaginam, eo quod pu-
 tabatur a popularibus, quod ille gladius esset, quo
 percutiebantur, qui moriebantur. Sic exponitur se-
 cundo Regum vigesimoquarto, Cum dicitur, quod
 postquam Dauid fabricauit altare, & obtulit holocau-
 sta repropitiatus est Dominus terræ, & cohibita est pla-
 ga ab Israel. Et sic ponitur pro eodem cessatio pla-
 gæ, & conuersio gladij in vaginam. Et sic quocun-
 que modo istorum trium dicatur, apparet, quod An-
 gelus percussus non stetit cum gladio euaginato in
 area Ornam Iebusæi, in qua apparuerat, vsquequo
 Dauid obtulit holocaustum, sed antequam illuc ascē-
 deret, disparuerat, vel recesserat inde. Et tamen ex
 hoc nondum apparet, quod quærebatur, scilicet, an
 Angelus percussus fuerit, qui reuelauit istud Pro-
 phetæ Gad. Et dicendum, quod satis ipse potuit re-
 uelare, eo quod non semper stetit in area Ornam, vs-
 quequo fieret sacrificium. Et tamen an reuelauerit
 ipse non apparet. Satis tamen videtur dicendum,
 quod ipse reuelauit hoc, quia hic fiebat sæpe men-
 tio de Angelo percussente. Et postea dicitur: Ange-
 lus autem Domini præcepit Gad, &c. Ideo videtur,
 quod referatur ad Angelum, de quo supra fit sermo,
 scilicet, ad percussendum,

De Angelo percussente, si erat bonus, vel demon.

Quæst. LXX.

QUÆRITUR vltius, an iste Angelus per-
 cussus fuerit bonus, vel fuerit demon. Respon-
 dendum, quod vtrumque esse poterat,
 quia punitio bonorum, & malorum hominum indif-
 ferenter exercetur per Angelos bonos, & malos. In-
 terdum enim Angeli mali percutiunt malos, & inter-
 dum percutiunt bonos. Et etiam Angeli boni inter-
 dum percutiunt bonos, & interdum malos. De ma-
 lis Angelis, quod percutiant bonos, patet, quia Iob
 erat vir bonus simplex, & rectus timens Deum, & re-
 cedens a malo. Et Deus laudauit eum, quod non es-

set similis sibi in terra. Et tamen iste percussus est a
 Satan, vt patet Iob 1. Quod autem mali Angeli malos
 puniant, patet in Angelis, qui intulerunt plagas Aegy-
 ptijs. Nam illi erant mali, vt patet Psal. 77. scilicet, Misit
 in eos iram suam immisiones per Angelos malos. Sic
 etiam mali interdum vexantur a demonibus, sicut est
 in arreptitijs. Quod autem Angeli boni puniant in-
 terdum malos, patet de Angelis, qui euerterunt vr-
 bem Sodomorum. Nam duo Angeli boni erant, vt
 patet Genesis decimonono. Aliquando autem boni
 Angeli percutiunt bonos, eo quod datur eis potestas
 super illos ad aliqualem emendationem ipsorum, vt
 puniantur. Et de hoc non sunt tam manifesta exem-
 pla, sed istud fuit hic. Et ideo non obstat quantum ad
 prædicta, quod Angelus bonus, vel malus esset iste
 percussus, quia vtrumque esse poterat. Videtur ta-
 men dicendum, quod fuerit Angelus bonus. Nam di-
 citur in litera: Porro Angelus Domini stabat iuxta
 aream Ornam. Et iterum dicitur: Leuans Dauid ocu-
 los suos vidit Angelum Domini inter cælum, & ter-
 ram. Et tamen si esset Angelus malus, non vocaretur
 Angelus Domini, quia demones non vocantur An-
 geli Domini absolute, sed Angeli Domini mali, nec
 etiam vocantur Angeli absolute in scriptura; & sic
 etiam vocatur iste Angelus Domini sæpe ibidem.

*Quare Deus præcepit fieri altare in area Ornam
 Iebusæi. Quæst. LXXI.*

QUÆRITUR vltius quare Deus iussit, quod
 fieret altare in area Ornam Iebusæi, vt cessaret
 pestis. Respondendum vno modo, quod Deus
 fecit hoc ad reddendum locum illum venerabilem.
 Nam populus erat nunc in maximo periculo, quia pu-
 tabant, quod Angelus Domini vellet percutere om-
 nes, & liberati fuerunt per sacrificium factum in area
 illa. Ideo locus ille haberetur ab eis valde venerabi-
 lis, quia per eum placabatur Deus ab ira sua. Et istud
 fuit, quia Deus volebat, quod in loco illo ædificare-
 tur postea templum per Salomonem. Et istud debe-
 bat esse valde venerabile, eo quod omnes ceremo-
 niæ cultus diuini ibi fieri debebant, & totus popu-
 lus illuc confluere. Et quia non esset tantæ venerationis,
 nisi aliquod signum diuinæ acceptionis esset
 in loco illo, voluit Deus, quod antequam templum
 fieret, ipse locus per se esset venerabilis. Non po-
 terat autem esse magis venerabilis, quam quod Deus
 amouisset tantam plagam a populo propter sacrifi-
 cium ibi factum. Sed aliquis dicet, quod non fuit
 in ista area Ornam templum Domini ædificatum per
 Salomonem, quia sequenti libro, cap. 3. dicitur: Cœ-
 pit Salomon ædificare templum Domini in monte
 Moria. Et tamen area Ornam erat in castro montis
 Sion in Ierusalem, vbi habitabat ipse Dauid. Ideo vi-
 detur, quod non fuit in area Ornam.

Respondendum, quod ædificatum fuit templum
 in area Ornam. Quod patet, quia postquam Dauid
 obtulit hic holocaustum dixit: Hæc est domus Dei,
 & hoc est altare in holocaustum Israel, sequenti ca-
 pitulo: ergo ipse pronuntiabat, quod locus ille areæ, in
 quo nunc Dauid offerebat, futura esset domus Dei, &
 ibi offerretur a toto Israel holocaustum.

Secundo patet, quia sequenti libro, capitulo ter-
 tio dicitur: Cœpit Salomon ædificare domum Do-
 mini in Ierusalem in monte Moria, qui demonstra-
 tus fuerat Dauid patri eius, in loco, quem para-
 uerat Dauid in area Ornam Iebusæi. Cum autem
 obijciatur, quod mons Moria fuit locus ædificatio-
 nis, & non area Ornam. Dicendum, quod idem
 locus est: nam mons Sion est intra Ierusalem, &
 pars

pars excelsior est vrbs, ideo ibi erat castrum, & habitabat ibi Dauid. Et in parte superiori erat area Ornam, & ibi edificatum est templum, & mons Moria est idem, quod mons Sion. Ideo sequenti libro, capitu. tertio dicitur, quod area Ornam erat in monte Moria. Dicendum etiam, quod in ista area Ornam multo tempore ante hoc Abraham obtulit Isaac filium suum in holocaustum, quando aries datus est ei a Deo, vt immolaretur loco eius, sic ait Iosephus septimo Antiquitatum. Et hoc patet, quia oblatio Abraham fuit in monte Moria. Nam Genesis vigesimo secundo dicitur, quod praecepit Deus Abraham, vt iret in terram visionis. Et in Hebraeo dicitur ibi in terram Moria, quia Moria potest esse nomen proprium montis, vel nomen commune pro regione. Et littera nostra accepit ibi tanquam nomen commune, & tamen est nomen montis, sed non differt in hoc, quia idem est dici in monte Moria, vel in monte visionis, cum vtrumque sit idem. Et tamen sequenti libro, cap. tertio dicitur, quod cepit Salomon edificare templum in monte Moria. Ideo videtur, quod idem sit mons, in quo oblatu est Isaac, & in quo Salomon edificauit templum. Secundo dicunt aliqui, quod fuit factum sacrificium in area Ornam, vt videtur colligi infra in littera, scilicet, tabernaculum Domini, quod fecerat Moyses erat ea tempestate in Gabaon, & non prauauit Dauid ire ad altare, vt ibi obsecraret Deum. Nimio enim fuerat timore perterritus. Et tamen quid in hoc verum sit, ibi declarabitur in quadam quaestione.

De controuersia, quae habetur in quibusdam verbis hic, & 2.

Regum, cap. 24. de Ornam Iebusæo.

Quaest. LXXII.

QVAERITVR vltcrius de isto Ornam Iebusæo, quomodo vocatur hic Ornam, quia secundo Regum vigesimo quarto, vocatur Areuna. Aliquis dicet, quod non sunt idem vir Ornam, & Areuna. Et tamen hoc non stat, quia eadem historia ponitur hic, & ibi: & hic dicitur, quod Ornam Iebusæus vendidit arcam ad edificandum altare, & ibi dicitur, quod vendidit illam Areuna. Necessè est enim, quod eadem persona sit, quia istud idem negotium est, & solam semel factum. Aliquis autem dicet, quod eadem persona est, & tamen erat iste hominominus. Et sic vocatur aliquando Ornam, & aliquando Areuna, sicut multi alij homines binomij sunt, & trinomij, vt patet saepe in scriptura. Sed dicendum, quod hoc non stat, quia Areuna, & Ornam non sunt duo nomina, sed vnum, sed est mutatio formatione, vel subtractione, vel alteratione, de additione patet, quia aliquis vocatur Phalti, & aliquando Phaltiel. Nam primo Regum 25. dicitur, quod Michol data est in uxorem Phalti filio Laïs: & tamen 2. Regum 3. dicitur Phaltiel. Sic etiam vocatur aliquis aliquando Gessur, & aliquando Gessuri, vt patet primo Regum 27. & 2. Regum 3. & 14. Aliquando fit mutatio per subtractionem, sicut in isto nomine Aram, quia quidam de genealogia Christi vocatur Aram, Marthæ primo. Et aliquando vocatur Ram, vt patet supra 2. Per alterationem aut mutatur nomen, quando nec additur, nec subtrahitur ad easdem syllabas, vel litteras, sed mutantur aliqua littera, vel syllaba, ita quod maneat similitudo nominis prioris. Sic autem est hic Ornam, & Areuna. Ideo dicendum est, quod non erat binomius. Sed idem nomen est hic, & ibi, est tamen mutatum per alterationem quandam litterarum, & syllabarum.

Alph. Tost. In Lib. I. Paralip.

Quis erat iste Ornam Iebusæus. Quaest. LXXIII.

QVAERITVR vltcrius, de isto Ornam Iebusæo quis erat, & quomodo Dauid communicabat cum eo. Nam si erat Iebusæus, non videbatur licita communicatio Dauid cum eo. Dici potest dupliciter, vno modo, quod iste Ornam erat de genere Iudæorum. Et tamen vocatur Iebusæus, quia forte aliquando moratus est in terra Iebusæorum, vel fecit aliquid mirabile contra eos, & accepit nomen ab eis. Vtrumque est satis conueniens: de primo patet, quia Obededom, in cuius domo fuit arca, vocatur Gethæus, vt patet secundo Regum sexto, & supra 13. & 15. Et tamen ille erat Leuita, vt declaratum est supra 15. Nam ipse erat vnus de ianitoribus inter Leuitas, vt patet ibi, & supra 6. Et tamen Gethæi sunt Philisthini de vrbe Geth. Obededom autem vocatur Gethæus, quia cum Dauid habitauit in Geth, & etiam alij sexcenti viri, qui erant Iudæi, & cognati Dauid, & descenderunt cum eo in terram Philistinorum, vocantur Gethæi, secundo Regum decimo quinto, scilicet, quia cum Dauid habitauerant in terra Philistinorum in vrbe Geth: de secundo patet, quia Scipio Romanus vocatur Scipio, & Africanus, eo quod contra Africam pugnavit, & subiecit illam Romanis. Et sic vtroque modo poterat iste Ornam vocari Iebusæus, quamquam esset de stirpe Iudæorum. Et tunc non est aliqua difficultas, quomodo Dauid communicaret cum eo, quia cum esset Iudæus, licita erat communicatio eius. Alij autem dicunt, quod erat iste Ornam Iebusæus, scilicet, vere de stirpe Iebusæorum. Sunt enim Iebusæi quidam populus de septem populis Chananæorum, vt patet Deuteronom. septimo, & Iosue tertio. Et sic mansisset Ornam de genere Iebusæorum in Ierusalem. Et hoc videtur dicendum, scilicet, quod cum Dauid cepisset castrum montis Sion, reliquit istum de Iebusæis. Nam Iebusæi tenebant castrum montis Sion, antequam Dauid efficeretur Rex super totum Israel. Et cum factus esset Rex, perrexit illuc ad capiendum castrum, & cepit secundo Regum quinto, & supra 11. Et ibi dicitur, quod Iebusæi tenebant castrum: tunc Dauid relinqueret istum Ornam, quia placuisset ei ex aliqua causa, & ille vivebat vsque nunc. Et hoc etiam colligitur, quia iste Ornam habebat aream in castro montis Sion, super ipsum montem. Nam sequenti libro, cap. 3. dicitur, quod cepit Salomon edificare domum Domini in monte Moria in loco, quem parauerat Dauid in area Ornam. Et sic ipsa area erat in monte: Iebusæi autem habitabant in castro illius montis, antequam Dauid caperet castrum. Et sic videtur, quod iste Ornam cum cæteris Iebusæis ibi habitaret. Et cum postea pepercisset ei Dauid, ne occideretur, reliquit sibi domum suam, & aream, & alia, quæ habebat in ipso monte: hoc idem tenet Iosephus 7. Antiquitat. dicens: Erat autem Ornam genere quidem Iebusæus, Dauid autem præcipuus amicus: & propterea nihil mali ei fecit, quando civitatem deuastauit. Cum autem arguit, quod Dauid non poterat licite communicare cum isto Iebusæo, quia Israelitæ tenebantur occidere omnes Chananæos, de quibus erant Iebusæi, nec poterant eis misereri, Deuter. 20. Respondendum est, quod de lege communio omnes Chananæi occidendi erant. Et tamen interdum propter aliquam specialem causam poterant reservari, & honorari inter Israelitas. Sic enim fuit de Raab Ierichontina, quæ erat Chananæa, cum esset de vrbe Iericho, quæ erat Chananæorum, vt patet Iosue 6. Et tamen ipsa saluata est ab Israelitis, & tota cognatio sua propter eam, eo quod exploratores Israelitarum custodiuit, vt patet Iosue 2. & 6. Sic etiam poterat esse, quod iste Ornam

Iebusæus impendisset aliquod beneficium Dauid, vel Israelitis, propter quod cum caperent castrum, & occiderent alios Israelitas, permitterent eum viuere, vel poterat esse, quod iste Ornam erat aliquis princeps inter Iebusæos, qui erant in Ierusalem, & quando Dauid cepit castrum, forte interueniret aliquod pactum inter eum, & Ornam, quod permitteret ei viuere, & habere omnia bona sua. Et forte fecit hoc Dauid, ut facilius posset habere castrum montis Sion. Et sic non esset illicitum dimittere Ornam viuere, quamquam esset Iebusæus. Et hoc magis tenendum est.

Cur Dauid emere voluit aream Ornam.
Quest. LXXIIII.

QUÆRITUR vterius quomodo Dauid voluit nunc emere aream Ornam ad sacrificandum ibi, quia etiam si non emeretur, nec donaretur sibi, poterat offerre ibi. Nam Dauid volebat nunc aream Ornam, quia Deus iusserat, quod offerretur sibi in ea ad hoc, quod cessaret pestis. Istud autem solum semel fieri debebat. Ideo pro illa vice, non oportebat, quod area emeretur, nec donaretur, sed solum concederetur vsus eius pro illa vice. Aliquis dicet, quod Dauid voluit emere aream, eo quod non solum volebat illam pro ista vice, sed etiam ut fieret ibi templum Domini per Salomonem, & ad hoc oportebat, quod emeretur, vel donaretur. Dicendum est, quod hoc non stat, quia licet postea in ista area templum factum sit per Salomonem, tamen Dauid nunc quando voluit offerre in illa, nesciebat an futurum esset ibi templum, quia nesciebat aliquam dignitatem illius loci, nec etiam ipse obtulisset ibi, nisi quia præceptum est sibi. Postea tamen cum obtulisset, & vidisset, quod Deus exaudiret eum mittendo ignem super sacrificium, obtulit rursus victimas. Et sciuit locum illum esse sanctum, & Deo acceptum, quia exaudiuerat eum. Et tunc Dauid dixit: Hæc est domus Dei, & hoc est altare in holocaustum Israel. Et sic non emit Dauid aream ea intentione, ut ibi fabricaretur templum, sed quia volebat ibi offerre sacrificium pro cessatione plagæ. Ideo dicendum, quod Dauid solum intendebat offerre ibi sacrificium semel pro cessatione plagæ, si tamen non emeretur illam aream, sed gratis sibi concederetur pro illa vice, rediret postea in vsus humanos, quia postea Ornam tereret ibi triticum, sicut prius. Et hoc non videbatur honestum, quia si Deus exaudiret eum in loco illo faciendo, quod cessaret pestis, debebat haberi locus ille in magna veneratione pro tanto beneficio. Et tamen si rursus ad vsus humanos rediret, nulla esset veneratio eius. Ideo decebat, ut fieret locus ille sacer, & iam non rediret in vsus profanos. Et ad hoc oportebat, quod emeretur, vel donaretur, quia necesse erat, quod proprietates auferretur ipsi Ornam, cum locus ille sacer iam esset Deo dicatus, & non posset ab homine possideri.

Quare gratis offerebat Ornam Dauid non solum aream, sed etiam multa alia.
Quest. LXXV.

QUÆRITUR vterius, cum Dauid peteret ab Ornam, quod daret ei aream suam pro pecunia, quare offerebat gratis non solum aream, sed etiam boues, & plaustra, & tribulas, & iuga bouum, & triticum.

Responderi potest, quod Ornam voluit videri nimis liberalis propter regem, quia ipse erat amicus Dauid præcipuus, ut ait Iosephus septimo Antiqui-

tatum. Nunc autem videns tantam clementiam Regis, inclinatus est ad dandum omnia hæc. Vidit enim, quod Dauid cum esset Rex, poterat accipere aream istam, non petendo eam ab Ornam, & tamen humiliavit se ad petendum eam. Ideo credit Ornam, quod nimis honorasset eum in hoc, & voluit ipse rependere beneficium pro hoc honore, scilicet, quod non solum illa, quæ Rex petebat cum pecunia, daret ei sine pretio, sed etiam multa alia, quæ ipse non petierat. Et patet hoc, quia non solum de facto, sed etiam de iure poterat Dauid nunc accipere aream Ornam non petendo eam, dum tamen daret pretium pro ipsa, quia Deus iusserat, quod in illa area sibi sacrificaretur, ideo tenebantur Israelitæ illam aream habere pro sacrificio eius. Et sic dato, quod nollet Ornam dare illam, Israelitæ poterant illam accipere ab illo inuito.

Secundo patet, quia expediebat toti populo, quod in illa area offerretur sacrificium Domino, quia aliàs non poterat cessare plaga. Ideo si nollet dare aream, repugnaret in hoc bono publico maximo, & vellet quod periret populus. Ideo non solum poterant Israelitæ accipere ab eo aream, sed etiam tanquam hostem publicæ salutis poterant illum occidere, & sic cum teneretur Ornam dare aream in hoc casu, non erat necesse, quod peteretur ab eo, quia non erat in potestate sua non dare, sed erat satis, quod daretur sibi iustum pretium pro illa, & auferretur sibi etiam non requisito: a fortiori ergo Dauid posset facere, scilicet, tollere aream dando pretium, etiam si illam non peteret: inclinavit tamen se ad petendum, ideo ex hoc merebatur aliquid apud Ornam, ut ille sibi pro hoc rependeret. Item Dauid iuit nunc ad Ornam ad petendum aream: & in hoc maxime honorauit eum. Nam dato, quod Dauid vellet aream accipere prius petendo, tamen non oportebat, quod ipse iret ad Ornam ad petendum eam, sed iatis erat, quod mitteret aliquem seruum suum illuc, ut emeretur eam, vel quod mitteret ad vocandum Ornam. Et Dauid loqueretur ei super hoc. iuit tamen ipse Dauid ad Ornam existentem in area: ideo nimis honorauit eum, de quo miratus est Ornam, & dixit: Quid causæ est, ut veniat Dominus meus Rex ad seruum suum, secundo Regum vigesimo quarto. Et propter hoc Ornam vellet rependere Regi, quod posset pro tanto honore, & hoc fecit offerendo sibi aream, boues, triticum, & plaustra, quæ Dauid non petebat. Alio modo potest dici, quod Ornam fecit hoc propter Deum. Nam videbat plagam, quæ verfabatur in populo. Et Dauid dixit, quod volebat emere aream, ut faciendo ibi sacrificium cessaret pestis, sicut Deus dixerat. Ideo ut in hoc exhiberet Deo quoddam obsequium, voluit nimis liberalis esse in dando ea, quæ habebat, scilicet, aream, boues, plaustra, & triticum, quod erat in area.

Propter quam causam offerebat Ornam multa, quæ a Dauid non petebantur.
Quest. LXXVI.

QUÆRITUR vterius, dato quod offerret Ornam ista propter Deum, vel propter Regem, ad quid tamen offerebat omnia hæc, quæ non petebantur?

Responderi potest vno modo, quod Ornam offerebat omnia hæc in sacrificium. Nam sciebat, quod Dauid peteret aream ad faciendum in ea sacrificium Domino. Et ad sacrificium requirebantur multa. Ideo Ornam ex magna liberalitate voluit dare omnia requisita. Requiritur enim primo, in sacrificio locus, in quo fiat, & ad hoc Ornam dedit aream, ut ibi

ibi fabricaretur altare. Secundo requiruntur carnes, quæ debebant offerri in altari ad cremandum. Et ad hoc dedit Ornā boues. Tertio requiritur ignis, in quo cremetur holocaustum. Et ad hoc dedit iuga bouum, & plaustra, & tribulas. Requiritur quarto libamentum quod offertur cum carnibus sacrificij, scilicet simila. Et ad hoc dedit Ornā triticum, quod erat in area. Ista patent ex litera: Sed, & boues in holocaustum do, & tribulas in ligna, & triticum in sacrificium, omnia libens præbeo. Idem patet secundo Regum vigesimoquarto. Sed dicendum, quod illud non stat omnino, quia si Ornā voluisset dare omnia necessaria pro sacrificio Domini, plura adhuc dare debuisset. Quod patet, quia in holocaustis sacrificij semper ponuntur libamenta, ut patet Numeri decimoquinto. Sunt autem libamenta, vinum, & oleum, simila, sal, & thus, & omnia ista quinque debent necessario poni, ut patet Numeri decimoquinto. Ornā tamen non obtulit hic, nisi vnum de libamentis, scilicet, triticum pro simila. Oleum autem, & vinum, & sal, & thus, non obtulit, ideo non intendebat dare omnia necessaria ad sacrificium. Sed dicendum videtur, quod Ornā obtulit omnia hæc ad ostendendum magnam liberalitatem. Nam ponit aream solam David, & Ornā obtulit sibi aream, & omnia, quæ in illa erant. Non erant autem aliqua alia, quæ in area donari possent, nisi hæc, scilicet, boues, qui terebant triticum, & ipse tribulæ, quibus terebatur. Et iuga bouum, quibus vniebantur ad portandum tribulas, & plaustra, in quibus portatæ fuerant segetes de agris, & ipsum triticum, quod in area terebatur. Omnia autem hæc gratis concedebat Ornā.

De modo offerendi triticum in sacrificio.

Quæst. LXXVII.

QUÆRITUR vltius, quomodo offerebatur triticum in sacrificium. Nam sacrificium videtur fieri de animalibus, & non de tritico. Respondendum, quod sacrificium secundum modum largum nostrum dicitur esse occisio animalis in reuerentiam Dei ad cremandum in altari. Scriptura autem aliquando utitur isto modo loquendi generali. Et tamen accipiendo proprie sacrificium, non est de animalibus, sed de vino, oleo, & pane, & similibus. Sic accipitur Numeri: Anima si obtulerit sacrificium de simila, & tamen simila farina est. Et ibi multa genera panum dicunt offerri in sacrificium. Sic etiam accipitur saepe Numeri vigesimo octavo, & vigesimo nono, ubi sacrificium est ipsum libamentum. Pro quo considerandum, quod in oblationibus holocaustorum, & aliarum victimarum principale, quod offerebatur erat animal, ut cremarentur carnes eius in altari. Et ipsum animal vocatur hostia, vel victima, & non sacrificium. Sunt autem alia quasi accessoria per modum condimenti in istis oblationibus. Et ista vocantur libamenta, vel libamina. Sicut fit in cibus, quia aliquid ponitur proprie, ut cibus. Alia autem ponuntur, ut condimenta, & incitativa saporis. Sic autem in oblationibus ipse cibus animalis erant tantum. Erant enim libamenta quinque, scilicet, simila, vinum, oleum, sal, & thus, quæ apponebantur in oblatione. Et ista vocantur sacrificia. Et licet istud nomen conveniat omnibus libamentis simul, magis tamen convenit simile. Ideo interdum ponuntur ista simul, scilicet, sacrificium, & libamenta. Sicut patet Numeri vigesimo octavo, & vigesimo nono, cum dicitur, quod offerebantur holocausta cum sacrificio, & libamentis.

Alph. Toft. In Lib. I. Paralip.

Abus suis. Ideo patet d. sancta esse ista, scilicet, sacrificium, & libamen. Et vocabitur ibi sacrificium sola simila, & libamina vocabuntur alia quatuor, scilicet, oleum, vinum, sal, & thus. Et sic dixit Ornā, quod offerebat triticum in sacrificium, eo quod de illo poterat fieri simila, quæ erat sacrificium.

Quomodo offerebat Ornā triticum in sacrificium.

Quæst. LXXVIII.

QUÆRITUR vltius, quomodo Ornā offerebat triticum in sacrificium, id est, libamentum, quia inter libamenta non ponitur triticum, nec offerebatur aliquando, sed simila, quæ erat farina delicata, Numeri 15. Hic autem Ornā non offerebat farinam, sed triticum, quod in area habebat. Ideo non poterat dari in libamentum. Aliquis dicit, quod poterat offerri triticum. Nam Levitici 23. ponitur similis oblatio, scilicet, de spicis habentibus grana. Respondendum, quod non potest hoc stare. Primo, quia illa oblatio spicarum non erat aliquid, quod quotidie fieri posset, sed solum fiebat semel in anno in festo Azymorum, Levit. 23. Et non erat nunc illud festum, quia illud est die decima quinta, vel decima sexta mensis primi, Levit. 23. Et est ille mensis Martius apud nos. Et tamen nunc quando Ornā obtulit triticum erat finis mensis Maii, vel principium Iunii, cum iam collectum esset triticum de areis. Secundo patet, quia dato, quod nunc esset tempus faciendi illam oblationem, tamen non poterat fieri in Ierusalem, eo quod ista erat de oblationibus, cum esset statuta in lege, & nulla talium poterat fieri extra Sanctuarium Domini, quod erat nunc in Gabaon, ut probatum est supra 16 in quadam quæstione. Et tamen Ornā offerebat istud triticum in Ierusalem. Tertio patet, quia illa oblatio fiebat de spicis, Levitici 23. & tamen Ornā non offerebat spicas, sed triticum, quod excussisset in area. Nam tunc terebatur spicas, ut patet in litera. Quarto patet, quia dato, quod aliquis diceret, quod haberet Ornā aliquas spicas, quæ nondum essent contritæ, non potest stare, quod oblatio illa fiebat de spicis virentibus, Levitici vigesimo tertio. Ille tamen ipse non erant virentes, sed andæ, cum iam tererentur in area. Quinto patet, quia illa oblatio spicarum non fiebat de spicis tritici, sed de spicis hordei, Levitici 23. Nam de tritico non dabatur primitiæ Domino in spicis, sed in panibus, quia dabant de quolibet homine duo panes de tritico nouo in festo Penthecostes, siue Hebdomadarum, eodem cap. Non ergo poterat intelligi, quod offerretur sic triticum. Sed dicendum est, quod Ornā offerebat triticum in sacrificium, non quidem quod ipsum triticum esset sacrificium, id est, libamentum, sed ut eo fieret farina, quæ esset sacrificium, & ita intendebat Ornā, quod pro multis diebus offerebat ipse sacrificium, quia de tritico illo fieret multa farina, quæ sufficeret pro sacrificio multorum dierum.

Quomodo Ornā offerebat in sacrificio boues, & triticum, &c. Quæst. LXXIX.

QUÆRITUR vltius quomodo offerebat nunc Ornā boues, & triticum in sacrificio. Et quomodo istud acceptavit David, quia non licebat accipi pro sacrificio, eo quod Ornā erat Gentilis, & Deus iusserat non accipi aliquam oblationem ad sacrificandum de manu Gentilium, Levitici vigesimo secundo, scilicet, De manu alienigenæ non offeretis panes Deo vestro: & quidquid aliud dare voluerit, quia corrupta, & maculata sunt omnia, non suscipietis ea. Erat tamen Ornā Gentilis, quia erat lebutæus, ideo

non licebat de manu eius accipi talia sacrificia. Ali-
 quis respondebit, quod licitum erat accipi sacrificia
 ista de manu Ornam, quia ipse de genere Iudaorum
 erat, dato quod vocetur Iebusæus, quia vocatur sic, eo
 quod erat conuersatus aliquo tempore in terra Iebu-
 sæorum, vel fecerat aliqua bella contra Iebusæos.
 Dicendum quod qui tenent istam positionem, pos-
 sunt respondere, sicut dictum est. Et tamen ista posi-
 tio est aliquantulum falsa, quia videtur, quod erat de ge-
 nere Iebusæorum, sicut tenet Iosephus 7. Antiquita-
 tum. Et declaratum fuit supra in quadam questione.
 Aliquis ergo dicet aliter, quod verum est, quod Ornā
 erat de genere Iebusæorum, & quod non licebat de
 manu eius accipere sacrificium. Et sic etiam factum
 est, quia licet ipse offerret illa, Dauid non suscepit ea,
 ne appareret de area. Et de ipsa non est dubium quin
 posset accipi de manu eius, eo quod non erat res sacri-
 ficanda. Nam solum vetabantur, Israëlitarum recipere de
 manu gentilium ea, quæ ponenda erant in sacrificio
 sicut animalia, & similia, & vinum, & sal, & oleum,
 & thus, quæ erant libamenta sacrificiorum: pecuniam
 tamen ad emendum aliquid pertinens ad sacrificium
 poterant accipere. Et sic erat area, quia non erat ali-
 quid sacrificandum. Ideo poterat accipi de manu Gen-
 tilis, vt declaratum est Leuitici vigesimo tertio. Sed
 dicendum, quod hoc non stat, quia non solum Dauid
 accepit aream de manu Ornam, sed etiam boues pro
 sacrificio, vt patet secundo Regum vigesimo quarto,
 scilicet, Emit ergo Dauid aream, & boues argenti si-
 clis quinquaginta. Et cum dicitur, quod hic non fit
 mentio, nisi de sola area, nihil obstat, quia quamquam
 hic omittatur, exprimitur secundo Regum vigesimo
 quarto. Et locus ab auctoritate negatiue non tenet.
 Dicendum ergo, quod Dauid accepit id, quod offerebat
 Ornam, scilicet, aream, & boues, & tamen non eo mo-
 do, quo ipse offerebat, quia illi volebat dare gratis, &
 Dauid accepit pro pretio. Et cum obijcitur, quod de
 manu Gentilis non poterat accipi aliquid ad sacrifici-
 um. Dicendum, quod verum est si ipse offerret il-
 lud. Et tamen bene poterat emi farina, vinum, oleum,
 & animalia a Gentilibus, quæ ipsi Israelitæ offerrent
 Domino in sacrificium. Sic colligitur Leuitici vige-
 simo secundo, i. De manu alienigenæ non offeretis pa-
 nes Deo vestro, & quidquid dare voluerit. Ergo so-
 lum intelligitur de his, quæ ipse dare vellet offerendo,
 sed non de his, quæ emerentur ab eo. Nunc autem
 Dauid non accepit de manu Ornam boues gratis ad
 immolandum, sed emit illos, ideo poterat illos offer-
 re in sacrificium. Patet hoc, quia 2. Regum 24. Dicitur
 Emit ergo Dauid aream, & boues, argenti siclis
 quinquaginta. Licuit ergo istud facere Dauid licet
 esset Ornam gentilis.

*Quare Dauid voluit emere, & non accipere gratis aream,
 boues &c. Quæst. LXXX.*

QUÆRITUR vltius quare Dauid noluit acci-
 pere gratis de manu Ornam aream, boues, &
 alia, quæ dabat, sed voluit emere: nam cum
 Ornam esset amicus Dauid sicut ait Iosephus 7. An-
 tiquitatum, alia maiora forte daret aliis Ornam ipsi
 Dauid, & sic per ea Dauid de manu eius: ita ergo
 nunc poterat accipere ista, & offerre Domino, & offe-
 rendo ea, non offerret rem alienam, sed propriam.
 Dicendum est, quod Dauid fecit hoc propter multa.
 Primo quia sacrificium offerendum erat nunc pro re-
 missionem peccati, vt relaxaretur pestis. Et tamen Da-
 uid peccauerat in hoc principaliter. Ideo pro eo sacri-
 ficiū offerendum erat. Si tamen acciperet aream,
 & boues, & alia de manu Ornam sine precio, videre-

tur illa offerre Ornam, & non Dauid. Et sic videre-
 tur sacrificium fieri pro Ornam, & non pro Dauid.
 Voluit ergo Dauid emere boues, & aream, & omnia
 alia, quæ pertinebant ad sacrificium, vt videretur pro
 eo offerri, & non pro aliquo alio. Secundo factū est hoc,
 quia Dauid peccauerat, & poena ei erat infligenda.
 Erat autem poena quædam licet parua, quod offerret
 sacrificium pro relaxatione istius pestis, dando expen-
 sas, quæ fierent in eius factione. Et ideo noluit acci-
 pere aream, & boues gratis, quia tunc non sentiret ali-
 quam poenam in relaxatione pestis. Istud est, quod
 dixit Dauid ad Ornam: Nec enim auferre tibi debeo,
 & offerre Domino holocausta gratuita, id est, non est
 bonum, quod ego accipiam a te ista, quæ offers. Et
 sic offeram ego illa Domino, quia essent holocausta
 gratuita, id est, quæ mihi nihil constarent. Et sic non
 sentirem aliquam poenam, & Deus non acceptaret ta-
 lia. Tertio fuit hoc, quia Ornam erat Iebusæus, & nō
 poterat accipi aliquid ad sacrificandum de manu eius
 Leuiti. 22. Et vt declaratum est precedenti quæst. vo-
 luit ergo Dauid emere omnia hæc, vt istud opus non
 esset Ornam, & prohiberetur recipi, sed offerretur de
 manu Dauid, & non prohiberetur, duæ tamen causæ
 præcedentes sunt efficaciores. Nam ista tertia poterat
 euitari, scilicet, quod quamquam Ornam daret gratis
 aream, & boues, susciperentur in sacrificium. Nam
 si Ornam offerret illa Domino, non susciperentur,
 quia erat gentilis. Si tamen ipse daret ea Dauid gratis,
 poterat ea postea Dauid offerre Domino, & tunc nō
 reciperentur de manu alienigenæ, sed de manu He-
 brai. Item patet, quia Dauid non fecit mentionem in
 exultatione sua de hoc, quod Ornam esset gentilis, sed
 de duabus causis præcedentibus, scilicet, quod noluit
 accipere illa gratis, vnde dixit: Nec enim tibi auferre
 debeo, & sic offerre Domino holocausta gratuita. Et
 quamquā ista vera sint, tamen adhuc posset dici, quod
 licet Ornam esset de genere Iebusæorum, tamen iam
 erat cōuersus ad ritum Iudaicum postquam destructi
 erant alij Iebusæi, qui erant in Ierusalem, & sic pote-
 rant iam accipi oblationes de manu eius sicut de ma-
 nu aliorum Israelitarum, qui descendebant de stirpe
 Iacob. Et istud satis verisimile est, quia non videtur,
 quod Ornā permetteretur viuere inter Israelitas, po-
 tissime in loco sancto, s. in Ierusalem, nisi iam esset cō-
 uersus ad ritum Iudaicū. Et tamen si aliquis nollet cō-
 cedere istud, sed asserat, quod manebat Ornā in gentilitate,
 poterit responderi tribus modis sicut supra dicebatur.

*De discordia, quæ habetur in quibusdam verbis hic, & 2. Regum
 cap. 24. circa pretium. Quæst. LXXXI.*

QUÆRITUR vltius quomodo dicitur hic, quod
 Dauid dedit sexcentos siclos Ornam, quia 2.
 Regum 24. Dicitur, quod dedit quinquaginta.
 Aliqui respondent, quod Dauid emit ab Or-
 nam aream, & boues, plaustra, & triticum, & omnia,
 quæ habebat Ornam in area, & pro omnibus illis de-
 dit sexcentos siclos: pro area tamen sola dedit quinquaginta.
 Et sic ponitur hic pretium datum pro sola area.
 Sed dicendum, quod hoc non stat, quia potius est per
 contrarium. Nam istos sexcentos siclos, de quibus
 hic dicitur dedit Dauid pro sola area. Nam dicitur in
 litera: Dedit ergo Dauid Ornam pro loco siclos auri
 iustissimi ponderis sexcentos siclos. Et 2. Regum 24.
 Dicitur: Emit ergo Dauid aream, & boues, argenti
 siclis quinquaginta. Dicendum ergo aliter, quod Da-
 uid emit aream, & boues, & dedit pro eis quinquaginta
 siclos. Erat tamen differentia in siclis, quia qui-
 dam sicli erant magni valoris, alij autem minoris. Et
 tunc poterant quinquaginta sicli tantum valere, sicut
 sexcenti.

sexcenti. Et hoc potest stare dupliciter, vno modo, A quod tam hic, quam secundo Regum vigesimoquarto, ponatur pretium datum pro bobus, & area: & tunc dicitur, quod quinquaginta sicli erant magni, & aequiualebant sexcentis siclis paruis, de quibus hic dicitur. Alio modo potest dici, quod hic ponatur solum pretium datum pro area, quia dicitur: Dedit David Ornamentum pro loco siclos auri sexcentos. Et secundo Regum vigesimoquarto, ponatur pretium datum pro area, & pro bobus. Et tunc dicitur, quod sexcenti non erant tanti valoris, sicut quinquaginta, qui habentur ibi, eo quod ibi dicitur, quod illi dati sunt pro bobus, & area.

De controversia, quæ habetur in quibusdam verbis, circa pretium, scilicet, an dederit siclos, vel argentum.

Quæst. LXXXII.

QUÆRITUR vltius, quomodo dicitur hic, quod dedit David sexcentos siclos auri Ornamentum pro loco, quia supra dicitur, quod dedit argentum, scilicet, Da mihi locum areæ tuæ, ita ut quantum valet, argentum accipias. Et iterum dicitur: Nequaquam ita fiet, sed argentum dabo quantum valet. Aliquis dicit, quod David dixit se daturum argentum Ornamentum, & tamen forte illi non placuit, sed forte potius voluit accipere aurum, ideo dedit ei siclos de auro, licet promississet de argento. Sed dicendum, quod hoc etiam non stat, quia secundo Regum vigesimoquarto dicitur: Emit David aream, & boues argenti siclis quinquaginta. Ideo siclos dedit de argento, & non de auro.

Responderi potest dupliciter, vno modo, quod isti sicli secundum veritatem fuerunt de auro, & tamen promittebat David argentum, non quidem accipiendo argentum pro metallo illo, sed pro omni pecunia, quia consuetum est apud alias certas nationes monetam de quocunque metallo sic vocari argentum. Et istum modum secuta est hic sacra scriptura. Et sic dicitur secundo Regum vigesimoquarto, Quod dedit pro loco, & pro bobus quinquaginta siclos argenti. Et tamen erant de auro. Alio modo potest dici, quod verum est, quod non potuerunt dari ipsi Ornamentum sexcenti sicli de auro, & quinquaginta sicli de argento, quia vtrunque significat perfectam solutionem. Ideo vel erant isti sicli quinquaginta de argento, vel dati fuerunt sexcenti sicli de auro. Erant enim duplices sicli, scilicet, quidam de argento, & quidam de auro. Sicli de argento erant maiores nimis in magnitudine, & valore. Sicli autem de auro erant parui, & aequiualebant quinquaginta sicli de argento sexcentis siclis de auro. Scriptura autem non curauit insistere in hoc, ut declararetur, in qua specie monetæ facta est solutio, quia hoc modicum differebat, sed solum extrahit declarare valorem, & quia eiusdem valoris erant sexcenti sicli de auro, & quinquaginta sicli de argento, vna litera posuit quinquaginta siclos de argento, & alia sexcentos de auro.

De sacrificio facto a David. Quæst. LXXXIII.

QUÆRITUR vltius, quia hic dicitur, quod obtulerit David holocausta, & hostias pacificas, quæ sacrificia erant ista. Respondendum, quod tria erant genera sacrificiorum in lege, scilicet, holocaustum, hostia pacifica, & hostia pro peccato, ut patet per totum Leuiticum: Holocaustum erat sacrificium, quod fiebat solum ad honorem Dei, & non ad aliquam vtilitatem humanam. Et in isto omnes carnes cremabantur in altari,

& non cedebat aliqua pars earum offerenti, vel sacerdoti. Sed quicquid erat in animali præter pellem, & finum, totum comburebatur in altari, Leuitici primo. Pellis autem dabatur sacerdoti immolanti, quasi in mercedem laboris pro sacrificio, quod faciebat, ut patet Leuitici septimo. Hostia pacifica erat sacrificium, quod offerebatur pro pace, & hoc dupliciter, scilicet, quando aliquis volebat aliquid impetrare a Domino, & non poterat illud impetrare, nisi Deus esset sibi placatus, offerebat sacrificium. Et illud vocabatur pacificum, quia erat ad pacificandum sibi Deum, ut concederet quod ipse petebat. Et istud etiam vocabatur sacrificium votium, Leuitici septimo, & decimonono. Alio modo fiebat sacrificium pacificum pro gratiarum actione, scilicet, quando quis susceperat aliquod beneficium a Deo, quia illud non poterat suscipere, nisi Deus pacificatus fuisset sibi, offerebat sacrificium pacificum pro illa pace, id est, placatione, quam Deus habuerat cum illo, quando dedit sibi illud beneficium. De ritu sacrificiorum pacificorum habetur Leuitici tertio, & septimo, & decimonono.

Tertium erat sacrificium pro peccato. Et istud erat assignatum, ut offerrent Israelitæ quando peccarent, scilicet, si peccaret totus populus, vel si peccaret summus sacerdos, vel princeps terræ, vel aliqua persona priuata, quia pro quolibet erat assignatus certus modus sacrificij, ut patet de singulis Leuitici 4. De caeremonijs autem sacrificiorum pro peccato habetur Leuitici 4. & 5. & 6. Et Numeri 5. Non est tamen intelligendum, quod Israelitæ pro quolibet peccato debebant offerre sacrificium, sed in certis casibus, & maxime quando erat peccatum per ignorantiam in omissione alicuius caeremoniæ legis, ut declaratum est Leuitici 4. & Numeri 15. In quadam questione. Hic autem oblata sunt prima duo genera istorum sacrificiorum, scilicet, holocaustum, & hostia pacifica.

De causa oblationis duorum generum sacrificiorum.

Quæst. LXXXIIII.

QUÆRITUR vltius quare oblata sunt nunc ista duo genera sacrificiorum. Respondendum est vno modo, quod Deus iussit offerri sibi sacrificium nunc, ut patet in litera. Et forte expressit, quia ista duo genera sacrificiorum sibi offerrentur, ideo oblata sunt. Secundo potest dici, quod David obtulit ista duo, quia conueniebant intentioni suæ in præsentia. De holocausto patet: nam holocaustum ad solum Dei honorem offertur, & non ad aliquam vtilitatem humanam, sicut declaratum est præcedenti questione: sed David potissime intendebat honorare Deum in isto facto: Ideo principaliter obtulit holocaustum. De hostia pacifica, dicendum, quod conueniebat in præsentia, quia hostia pacifica offertur ad obtinendum aliquid vel in gratiarum actiones pro aliquo beneficio obtento, ut declaratum est præcedenti questione. Et tamen hic offerebatur sacrificium ad hoc, quod cessaret plaga. Conueniens autem erat, quod offerretur pacificum sacrificium potiusquam aliquod aliud. Vel potest intelligi, quod offerebatur sacrificium pro gratiarum actione. Nam iam certificauerat Propheta ipsum David, quod cessaret peccatus, & offerebatur sacrificium. Ideo erat quasi gratiarum actio pro illa cessatione. Et tamen pro gratiarum actionibus non offerebatur aliquod sacrificium nisi pacificum, quia sacrificium pacificum distinguitur per hostiam votiuam, & pro gratiarum actionibus: Leuitici 7. Conueniebant ergo nunc ista duo genera sacrificiorum.

De causa quare David non offerebat sacrificium pro peccato. Quæst. LXXXV.

QUÆRITUR ulterius, quare non offerebat hic sacrificium pro peccato, quia illud videbatur maxime convenire in presenti. Nam David peccaverat numerando populum, & pro hoc fuerat inflata plaga, & nunc tollenda erat per sacrificium, ideo videtur, quod debebat offerri sacrificium pro peccato. Respondendum est, quod sacrificium poterat esse pro peccato dupliciter, vno modo, quod esset pro peccato, id est, quod haberet tales ceremonias, quales habet illud genus sacrificij, quod vocatur pro peccato. Alio modo, quod sit pro peccato, id est, quod proficiat ad remissionem peccatorum. Accipiendo secundo modo dicendum est, quod omnia sacrificia sunt pro peccato, quia siue holocaustum, siue hostia pacifica proficiunt ad remissionem peccati. Sic patet de holocausto: Leuiti. primo, scilicet, Ponet manus super caput hostiæ, & acceptabilis erit atque in expiationem eius proficiens. Expiatio tamen est a peccatis, ideo holocaustum proficiebat ad remissionem peccatorum. Et hoc modo dicendum est, quod nunc oblatum est pro David sacrificium pro peccato, quia oblatum est holocaustum, & hostia pacifica. Et ista duo proficiebant ad remissionem peccati, cum David illa deuote offerret. Accipiendo primo modo dicendum, quod non fuit hic oblatum sacrificium pro peccato, quia illud non offerebatur pro omni peccato, sed solum pro quibusdam. Nam pro peccatis pertinentibus ad proximum fiebat interdum oblatio pro peccatis, ut patet Leuiti. 5. Et Numeri 5. In peccatis tamen, quæ erant contra Deum, non fiebat oblatio pro omnibus nisi pro illis, quæ erant per ignorantiam, & omissionem aliquarum caeremoniarum. Quando tamen quis scienter peccabat contra Deum per superbiam non expiatur peccatum illud per sacrificia, sed per contractionem, ut patet Numeri 15. Et ibi declaratum est. David autem nunc peccauerat per superbiam, scilicet, per quandam elationem faciendo numerari populum: ideo nullum sacrificium pro peccato debebat offerri pro hoc peccato. Et sic non obtulit nisi holocausta, & sic pacifica sacrificia.

Quomodo per ignem exauditus fuerit a Deo David. Quæst. LXXXVI.

QUÆRITUR ulterius quomodo Deus exaudivit nunc ipsum David per ignem, & quomodo ostendebat per illum ignem, quod Deus exaudierat David. Respondendum est, quod modus fuit, quia David fecit animalia occidi, & poni carnes eorum super altare. Et cum non appositus esset aliquis ignis, Deus misit de coelo ignem, & cremavit illa sacrificia. Dicebatur autem Deus per hoc exaudisse David dupliciter, vno modo, quia forte David oraverat Deum, ut ostenderet ei aliquod signum mirabile, per quod videret, quod pestis cessatura erat. Et Deus misit ad hoc ignem super sacrificiū. Ideo exaudiebat ipsum David dando signum, quod ipse petebat. Secundo modo potest intelligi, quod David petiit, ut cessaret pestis. Et propter hanc cessationem offerebat nunc sacrificium, & Deus exaudivit eum in igne, id est, ostendit per ignem, quod acceptauerat orationem suam. Nam si non acceptasset eam, non misisset ignem de coelo in quo decorabat, & honorabat sacrificium David. Etiam fuit sic de prima, quæ cepit Aaron ministrare postquam cōsecratus est in pontificem. Nam postis carnis super altare, venit ignis de coelo, & cremavit sacrificium. Est autem

F ignis signum valde conveniens ad offensionem detestatis. Nam per ignem intelliguerunt israelitæ, quis erat verus Deus. Cum enim contentio esset an Baal esset Deus, vel ille, qui dicebatur Deus Israel, conventum fuit inter Eliam, & Prophetas Baal, quia ille Deus, qui exaudiret cultores suos mittendo ignem super sacrificium, haberetur verus Deus. Et tunc venit ignis super sacrificium Eliæ, & habitus fuit Deus Israel tanquam verus Deus Israel 1. Regum 18. Sic etiam Elias cognitus fuit, quod erat homo Dei per ignem. Nam quinquagenarius dixit ad Eliam: Homo Dei descende de monte. Et dixit Elias, si homo Dei sum, descendet ignis de coelo, & consumet te, & quinquaginta duos 4. Regum primo. Et tunc descendit ignis de coelo super duos quinquagenarios. Et iudicium est Eliæ esse hominem Dei. Et sic in presenti cognitum est Deum acceptare sacrificia David per ignem, quem misit super illa, sicut sacrificia Aaron: Leuiti. 6. Et Ecclesiasti. 46. Interdum etiam fiebat sic ad offensionem diuinæ virtutis, ut patet 2. Machab. 2. De igne, qui ascendit de petra, & cremavit sacrificia. Sic etiam sacrificium Gedeonis igne coelesti crematum est, Iud. 6. Et sacrificium patris, & matris Samsonis, Iud. 13.

Præcepitque Dominus Angelo, & convertit gladium suum in vaginam. Protinus ergo David videns, quod exaudisset eum Dominus in area Ornam Iebusæ, immolavit ibi victimas. Tabernaculum autem Domini, quod fecerat Moyses in deserto, & altare holocaustorum ea tempestate erat in excelsu Gabaon, & non prævaluit David ire ad altare, ut ibi obsecraret Deum. Nimio enim fuerat timore perterritus, videns gladium Angeli Domini.

I Præcepitque Dominus Angelo, & convertit gladium suum in vaginam. Scilicet, Cum illa fierent, immo Deus Angelo percutienti, qui habebat gladium emarginatum, quod converteret eum in vaginam. Et potest intelligi dupliciter, vno modo, scilicet, quod vere converterit Angelus gladium in vaginam. Alio modo per similitudinem. Accipiendo primo modo potest intelligi dupliciter, vno modo, quod Deus iussit Angelo percutienti, quod converteret gladium in vaginam. Et tamen, quod non fuerit tunc quando David obtulit sacrificium, sed prius. Nam apparuit Angelus in area Ornam. Et postea discessit antequam David veniret ad offerendum sacrificium, quia alius non rediisset Ornam ad aream, nec fuerit in ea, quando venit ad eum David, ut emeret aream. Quod patet, quia quando Angelus apparuit a principio in area Ornam, videns eum Ornam, & filij sui fugerunt, & absconderunt se. Et tamen postea rediit Ornam ad aream, quia quando venit David ad emendū aream erat Ornam in ea, ut patet supra in litera. Et sic iam disparuerat Angelus percutiens, quia alias non auis fuisset Ornam redire ad aream, & tunc forte quando recessit Angelus de area misit gladium in vaginam. Et sic deberet poni ante hoc, tamen est ordo mutatus. Secundo modo potest dici, quod Angelus percutiens non reduxerat gladium in vaginam, quousque oblatum fuit sacrificium David. Et tamen non erat tunc in area, sed discurrerat per alias partes urbis, & finito sacrificio reclusit gladium in vaginam, ut significaretur cessatio pestis: accipiendo ista verba per similitudinem, id est, est sentus, quod Angelus reduxit gladium in vaginam, id est,

id est, cessauit a percussione. Nam per gladium, quem Angelus habebat euaginatam, significabatur, quod pestis versabatur. Cum autem reduceretur, significaretur, quod cessabat. Ideo dicitur, quod reduxit gladium in vaginam, id est, cessauit percutere. Potius tamen intelligenda sit ista litera secundum veritatem. Nam Angelus videbatur habere gladium in manu a Deo, ita visus est realiter mittere illum in vaginam.

Protinus ergo videns David, quod exaudivit eum Dominus.

Id est, Illico videns David, quod Deus exaudiverat eum.

Potest hoc referri ad literam precedentem, scilicet, precepit Dominus Angelo, & conuertit gladium in vaginam, scilicet, quod per hoc, quod Angelus conuertit gladium in vaginam, cognouit illico David, quod Deus exaudiverat eum, scilicet, quod cessauerat pestis,

vel potest referri ad id, quod prius dicitur. Exaudivit eum Dominus in igne de coelo. Et sic dicit hic, quod protinus vidit David, quod Deus exaudiverat eum, scilicet, protinus, ut venit ignis de coelo. Et istud verius est, quia supra dicitur, quod in hoc exaudivit eum Dominus.

In aream Ornam Iebusai immolavit ibi victimas.

Id est, Vidit, quod Deus exaudivit eum mittendo ignem de coelo in aream Ornam Iebusai. Et quia in alijs locis non faciebat hac Deus, credidit David, quod istud evenisset propter sanctitatem loci, scilicet, quia Deus acceptabat magis illum locum quam alia loca. Ideo voluit frequentare sacrificium ibi, ut sepe exaudiretur.

Et istae victimae fuerunt post illas, quae oblatae fuerunt pro liberatione a peste. Et in illis primis victimis exaudivit Deus David dando ignem de coelo. Tabernaculum autem Domini quod fecerat Moyses in deserto. Vult excusare hic scriptura ipsum David de immolatione facta in area Ornam Iebusai. Nam Leuiti. 17. dicitur, quod nemo offerret sacrificium nisi super altare holocaustorum ad ostium tabernaculi. Istud tabernaculum tamen erat tunc in Gabaon: ideo tenebatur David ire illuc ad offerendum sacrificium. Et tamen obtulit in area Ornam. Et sic videbatur egisse contra legem. Excusat autem eum scriptura, quod fecit hoc propter timorem. Et dicitur tabernaculum Domini, quod fecerat Moyses, scilicet, quia ad mandatum Moysi factum fuerat istud tabernaculum in deserto per artifices, ut patet Exo. 31. & 36. Quia tamen ipse iubeat dicebatur facere. *Et altare holocaustorum.* Duo altaria erant in templo, scilicet, altare holocaustorum, & thymiamatum. Altare holocaustorum erat de lignis setim opertum laminis aeneis, & in illo fiebant omnia sacrificia. Altare thymiamatis erat de lignis setim, & opertum laminis aureis, Exo. 30. Et in isto nunquam offerebatur aliquod sacrificium, sed cremabant thymiama mane, & vespere, Exo. 30. Et non fit hic mentio nisi de altari holocaustorum, quia quod est verum erat, quod altare thymiamatum erat in Gabaon. Sed notatio altaris thymiamati non faciebat ad propositum, eo quod hic scriptura volebat significare sacrificium debere fieri in Gabaon. Et tamen sacrificium fiebat in altare holocaustorum, & nunquam in altari thymiamatum: Exo. 30. Ideo non oportebat nominari hic altare thymiamatum. *Ea tempestate erat in excelso Gabaon.* Id est, Eo tempore erant tabernaculum, & altare in Gabaon. Nam tempestatas a tempore dicitur. Gabaon erat ciuitas in sorte Beniamin Iosue 18. Et ibi erat tempore David sanctuarium. Nam tempore Saulis erat in urbe Nobe, primo Regum 21. & 22. Occidit autem Saul omnes sacerdotes, & habitatores Nobe propter David, primo Regum 22. Et tunc translatus est sanctuarium in Gabaon. Nam cum Saul esset de tribu Beniamin, voluit honorare illam, & transiit sanctuarium in urbem de terra Beniamin, vel in Gabaon, & mansit ibi toto tempore Saulis. Postea etiam regnante David erat ibi tabernacu-

lum, & nunquam illud abstulit David, sed potius misit illuc Sadoc sacerdotem magnum cum alijs sacerdotibus, & Leuitis, ut ministrarent ibi supra 16. Et sic nunc circa mortem David manebat ibi tabernaculum. Mansit etiam post mortem eius ibi. Nam regnante Salomone antequam edificaret templum, erat tabernaculum in Gabaon. Et iuit illuc Salomon, obtulitque ibi mille hostias Deo, ut patet 3. Regum 3. Et sequenti libro cap. primo. *Et non praevaluit David ire ad altare.*

Id est, Non potuit David ire ad altare holocaustorum, quod erat in Gabaon, ut offerret ibi sacrificium. *Ut ibi obsecraret Deum.* Id est, Ut rogaret Deum ibi pro cessatione pestis, & pro hoc offerret sacrificium. Nam in Gabaon ire deberet ad hoc, quod faceret orationem

istam, & offerret ibi sacrificium, eo quod erat ibi tabernaculum Domini, quod fecerat Moyses. Et illuc secundum legem tenebatur ire quilibet offerens, Nam Salomon illuc iuit quando obtulit mille hostias, & petiuit sapientiam a Deo, ut patet 3. Regum 3. Et sequenti lib. cap. primo. *Nemo enim fuerat timore perterritus videns gladium Angeli Domini.* Ista est causa excusationis David. Nam ad offerendum tenebatur ire in Gabaon cum esset ibi altare Domini, nisi aliqua causa intercederet excusans eum. Et ista fuit, quia non potuit illuc ire propter nimium timorem, quem passus est quando vidit gladium Angeli percutientis. Nam cecidit ipse tunc in terram, & omnes seniores, qui erant cum eo, ut patet supra in litera.

An David peccauerit offerens sacrificium extra templum.

Quest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

Quaest. LXXXVII.

David, quando primo sacrificauit ibi orando pro cessatione pestis, & misit Deus ignem de coelo super holocaustum eius, in quo David vidit se exauditum, vt patet in litera, scilicet, Exaudiuit eum Dominus in igne de coelo super altare holocausti. hoc videns David obtulit postea multa sacrificia in loco ipso, credens per hoc, quod locus ille erat acceptus Deo ad sacrificandum ibi: cum exaudisset ibi eum. Nam si non esset acceptus ei, non decorasset locum illum tanto miraculo, mittendo ignem de coelo super sacrificium, quod offerebatur ibi. vel David obtulit multa alia sacrificia ibi videns se exauditum, scilicet, credidit, quod sicut Deus exaudiuerat eum ibi orantem, & sacrificantem pro cessatione pestis, ita exaudiret in quibuscunque alijs, pro quibus ibi oraret.

Alio modo dicunt quidam, quod intelligitur de sacrificio, quod obtulit David pro cessatione pestis. Et quod post hac non obtulerit ibi alia. Et tunc dicitur, quod videns, quod exaudisset eum Deus obtulit victimas ibi, scilicet, exaudiuit eum iubendo Angelo percutienti, quod mitteret gladium in vaginam, per quod significabatur pestem cessare. Et hoc erat, quod petebat David.

Dicendum tamen, quod primus modus est verior. Primo quia dicitur, quod videns David se exauditum obtulit victimas in area Ornam. Exauditio tamen David non fuit in hoc, quod Angelus percutiens mitteret gladium in vaginam, sed in hoc, quod Deus misit ignem de coelo super holocaustum eius, quia sic dicitur in litera, scilicet, Et exaudiuit eum in ignem de coelo super altare holocausti. Et tamen quando ista exauditio fuit, iam David obtulerat sacrificium, quia ignis de coelo non venit nisi super carnes sacrificij positas in altari. Ergo oportet, quod post oblationem illam, & cessationem pestis fuerint oblationes illa victimarum, de quibus hic dicitur.

Secundo patet, quia ista exauditio ponitur tanquam allicitiuum ad hoc, quod David offerret victimam in area Ornam. Et tamen non potuit hoc esse respectu primae oblationis, quae facta est pro cessatione pestis, quia illam David obtulit etiam si non exaudiret eum Deus, quia non offerebat nisi pro mandato Domini, scilicet, quia Propheta Gad dixit ei, quod offerret in area Ornam. Ideo dato, quod non exaudiuisset eum, vel exauditurus esset, offerret ibi ad obediendum mandato Dei. Et tamen istae victimae, de quibus hic dicitur, non fuerunt ex necessitate, sed solum David inclinatus est ad offerendum eas, quia exaudiuerat eum Deus in area illa, ergo non erat ista oblatio prima pro cessatione pestis, sed aliae victimae, quas David postea obtulit ex deuotione.

Tertio patet, & adhuc efficacius, quia dicitur in litera. Videns David, quod exaudisset eum Dominus in area Ornam Iebusaei obtulit victimas ibi. Et sic videtur, quod exauditio ista propter quam David obtulit victimas fuit in area Ornam Iebusaei. Et tamen, quod Deus exaudiret David iubendo Angelo mittere gladium in vaginam, non fuit in area Ornam, ideo oportet intelligi de sacrificio facto pro cessatione pestis in area Ornam, in quo Deus misit ignem de coelo super carnes existentes in altari, & istud verum est.

Quare reprehenditur Salomon, quod in excelsis obtulerit sacrificium, cum pater suus David etiam extra sanctuarium obtulerit sacrificium. Quæst. XC.

QVAERITVR vltius cum David sepe obtulerit sacrificium in area Ornam, quod erat offerre extra Sanctuarium, cur Salomon

inerepatur, quod obtulerit in excelsis extra sanctuarium? Nam 3. Regum dicitur, quod Salomon sequebatur viam David in omnibus, excepto, quod in excelsis immolabat, & succendebat thymiam.

Respondendum est, quod David obtulit sacrificium extra sanctuarium in duobus locis, scilicet, in area Ornam Iebusaei, & coram arca, scilicet, quando portabatur de domo Obededom in domum suam. Et postea cum esset in domo sua, vt patet supra 15. & 16. Et tamen in his non peccauit David. Nam immolari coram arca vtrunque illa esset, licitum erat, eo quod in ea representabatur maxime praesentia Dei, quia in aliquo de vasis totius sanctuarij, de quo declaratum est supra 15. & 16. In area Ornam non peccauit offerendo, eo quod Deus iussit ibi offerri, & approbavit locum, vt esset ibi locus sacrificij pro toto Israel. De Salomone autem secus erat, quia ipse offerebat holocaustum in multis locis, antequam fieret templum: nam erant constituta multa altaria per terram Israel, in quibus populus immolabat, cum nondum esset factum templum, vt patet 3. Regum 3. Scilicet, Attamen populus immolabat in excelsis, non enim adificatum erat templum nomini Domini usque in diem illam. Et sic Salomon offerebat in illis altaribus, in quibus populus offerebat, & tamen non erat aliqua excusatio pro istis altaribus ad hoc, quod offerentes ibi non peccarent. sicut erat excusatio pro oblatione facta in area Ornam, & coram arca. Ideo David non culpatur aliquo modo, quod obtulerit extra sanctuarium, & Salomon culpatur.

De excusatione David ad quid ponitur. Quæst. XCI.

QVAERITVR vltius ad quid ponitur hic ista excusatio David, scilicet, quod non potuit ire ad offerendum Domino sacrificium in Gabaon, vbi erat altare, quia nimio fuerat timore perterritus videns gladium Angeli Domini.

Respondet Nicolaus, quod hoc non fuit ad excusandum illam primam oblationem, quam David obtulit pro cessatione pestis, quia illa erat necessaria propter mandatum Dei, & non poterat peccare faciendo illam, sed potius peccaret, si non offerret ibi, sed iret ad offerendum in Gabaon, sed intelligitur de alijs sacrificijs, quae David postea obtulit in area Ornam, & potuisset ire ad offerendum illa in Gabaon, vbi erat sanctuarium Domini.

Sed dicendum, quod hoc non videtur stare, quia tunc non stat ista causa assignata in litera, scilicet, quod non potuit ire ad offerendum Domino in Gabaon, eo quod fuerat nimio timore perterritus. Nam dato, quod David incidisset ex isto timore in aliquam passionem corporis, scilicet, in frigidationem membrorum sicut asseritur, tamen potuisset ire in Gabaon, quia sicut potuisset ire in aream Ornam equitando, vel alijs, ita posset ire in Gabaon, ideo non est excusatio. Item patet, quia ista causa non videtur dari, nisi pro eo tempore, quo David erat in timore, scilicet, quando vidit Angelum percutientem. Nam dicitur. Nimio enim fuerat timore perterritus. Et tamen iste timor non durabat in David post cessationem pestis, quia iam Angelus percutiens recesserat, & nihil periculi erat, ideo videtur, quod non intelligatur de oblationibus, quas fecit David in area Ornam post cessationem pestis.

Sed dicendum videtur, quod hoc potest intelligi dupliciter, vno modo, quod intelligatur de sacrificio quod David potuisset agere, & non fecit, vel quod debuisset rationabiliter agere, scilicet, quando David

David vidit Angelum percutientem, significabatur enim in hoc, quod Deus volebat populum disperdere, & ad euitandum hoc rationabile fuerat, quod David iussit ad orandum, & sacrificandum Domino in Gabaon, & tamen non iuit. Et hoc fuit, quia quando ipse vidit Angelum, ipse iussit, sed tanto fuit timore perterritus, quod non potuit ire. Et hoc potest intelligi dupliciter, vno modo, quod propter timorem non potuit ire, scilicet, quia timor fecit membra eius pro tunc quasi paralytica, & contracta, ita quod moueri non poterat.

Alio modo potest intelligi, quod non potuit ire, scilicet, quod non ausus est. Nam timuit, quod si exiret de vrbe ad eundum in Gabaon, Angelus percuteret eum, vel forte, & melius timuit, quod, dum ipse iret in Gabaon ad orandum Domino, tota ciuitas percuteretur ab Angelo, cum offendisset se in vultu tam terribili. Ideo propter timorem Angeli, scilicet, ne percuteretur vrbe, dum ipse ibat in Gabaon, non potuit illuc ire, scilicet, putauit, quod non poterat ire conuenienter, sed credidit, quod breuiori remedio opus erat. Et ob hoc orauit Dominum in Ierusalem, & non iuit in Gabaon.

Secundus modus erat, quod intelligatur de oblatione illa, quam fecit David in area Ornam pro cessatione pestis, scilicet, quod Deus iussit illam fieri ibi. Et tamen vna de causis, propter quas fieri iussit, fuit, quia David non erat tunc dispositus ad eundum in Gabaon propter magnum timorem, quem conceperat ex visione Angeli. Primus tamen modus dicendi melior est, scilicet, quod non potuerit David ire, idest, non putauit esse expediens ire illuc propter timorem Angeli, scilicet, ne interim deleteret vrbe.

An licitum erat populo post finem pestis offerre sacrificia in area Ornam Iebusæi. Quæst. XCII.

QUÆRITUR vltcrius an licuit populo offerre sacrificia in area Ornam, postquam David obtulit ibi, & cessauit pestis. Aliquis dicit, quod sic, nam ille locus erat iam Deo acceptus ad sacrificandum, eo quod Deus exaudiuerat ibi David: ideo videbat, quod pro sacrificijs quorumcunque de populo esset iam locus aptus.

Secundo patet, quia Deus iussit David, quod offerret ibi sacrificium: ideo licitum erat offerri sacrificium ibi.

Tertio patet, & efficacius, quia non solum pro David, sed etiam pro toto populo erat locus ille aptus ad sacrificandum, quia David dixit. Hæc est domus Dei, & hoc est altare in holocaustum Israel, vt patet sequenti cap. ideo toti Israel licebat ibi offerre holocaustum, & alia genera sacrificiorum.

Respondendum est, quod non satis apparet an liceret ibi offerre sacrificium popularibus. Et tamen dato, quod licet, et offerre non erat licitum offerre ibi omnia genera sacrificiorum, sed solum quædam. Pro quo sciendum, quod quædam erant sacrificia de necessitate legis, & alia erant purè spontanea. Illa quæ erant de necessitate, nullo modo licebat ibi offerri. Nam sic erat coram arca, quia licebat coram illa offerre sacrificium. Et tamen sacrificium necessitatis non licebat ibi offerre, vt declaratum est supra 16. In alia genere quaestione. De sacrificijs autem spontaneis potest teneri vtrumque. Qui autem tenere voluerit, quod non liceret ea ibi offerre, respondebit ad rationem in contrarium.

Ad primam cum dicitur, quod per hoc, quod Deus exaudiuit David in loco isto dando ignem de cælo,

A offendit locum istum aptum esse ad offerendum sacrificia. Dicendum, quod non constat ex hoc, quia licet ex hoc appareat, quod pro illa vice fuerit locus ille aptus ad offerendum sacrificia, eo quod Deus ibi exaudiuit tunc David, tamen non apparet, quod pro alijs vicibus faceret locum illum licitum ad offerendum in eo, cum staret regula generalis, quod nullus offerre deberet, nisi ad ostium tabernaculi super altare holocaustorum: Leuiti. 17. Et Iosue 22.

Ad secundum dicendum, quod Deus iussit David nunc offerre sacrificium in area Ornam. Et per hoc erat locus ille sibi licitus ad offerendum, non tamen apparet an alijs esset licitus, quia istud mandatum fuit personale, & temporale, scilicet, datum fuit David.

B Et talia mandata non obligant alias personas, ad quas non dirigantur, nec etiam per tales dispensationes relaxant generaliter omnes obseruationes legis.

Ad tertium dicendum, quod illa verba David, scilicet, Hæc est domus Domini, & hoc est altare in holocaustum Israel. Possunt intelligi dupliciter. Vno modo de presenti, scilicet, iste locus est iam altare in holocaustum pro omnibus Israelitis.

Alio modo hæc est domus, & hoc est altare, idest, in isto loco edificabitur domus, & altare in sacrificium Israel. Et sic præfiguraretur templum, quo Salomon in loco illo edificaturus erat. Intelligendo primo modo, licitum erat Israelitis offerre ibi sacrificium: intelligendo secundo modo non significatur, quod erat licitum.

C Qui autem tenere voluerit, quod licitum erat Israelitis offerre ibi sacrificium, tenebit tres rationes supra positas. Et insuper, quia non solum David obtulit illa vice, qua Deus iussit sacrificium in area, sed etiam postea, Deo non iubente, obtulit victimas. Nam dicitur, quod videns, quod Deus exaudiuerat eum in area Ornam, obtulit ibi victimas, & tamen David non peccauit in hoc, nec increpatur, ideo licuit sibi offerre post cessationem pestis sine præcepto aliquo Dei. Et sic etiam liceret popularibus offerre in loco illo ex eodem motiue, ex quo offerebat David, cum Deus non iussisset David hoc facere. Et sic satis potest teneri, quod licebat popularibus offerre in area Ornam sacrificia, quæ non erant necessaria secundum legem. Sacrificia autem necessaria tenebantur offerre in Gabaon, vbi tunc erat tabernaculum Domini, quousque Salomon edificaret templum, quia tunc translata fuerunt quæ erant in Gabaon in templum Salomonis, & non licuit amplius offerri in Gabaon, sed omnes tenebantur offerri in templo Salomonis.

CAP. XXII.

DIXITQUE David. Hæc est domus Dei, & hoc altare in holocaustum Israel. Et præcepit, vt congregarentur omnes profelyti de terra Israel, & constituit ex eis latomos ad cædendos lapides, & poliendos, vt edificaretur domus Dei. Ferrum quoque plurimum ad clauos ianuarum, & ad commissuras atque iuncturas præparauit David, & eris pondus innumerabile. Ligna quoque cedrina non poterant æstimari, quæ Sidonij, & Tyrij deportauerunt

tauerunt ad Dauid. Et dixit Dauid, Salomon filius meus puer paruulus est, & delicatus: domus autem, quam ædificare volo Domino, talis esse debet, vt in cunctis regionibus nominetur. Præparabo ergo ei necessaria. Et ob hanc causam ante mortem suam omnes præparauit impensas.

POSITA in præcedentibus deuotione Dauid circa templi ædificationem, hic ponitur eius deuotio circa materiæ præparationem. Nam voluit Dauid ædificare templum Domino, & prohibitus est ab eo. Ideo ne omnino frustraretur desiderio suo, voluit materiam præparare, vt Salomon ex illa ædificaret templum Domino. Et diuiditur in duo, quia primo ponitur materiæ præparatio. Secundo Salomonis ad ædificandum exhortatio, ibi. *Vocauitque Salomonem.*

An hic sit ordo continuus ad præcedentia, & si ista fuerint post illa pauco tempore. Quæst. Prima.

QUÆRITUR circa primum an ea, quæ habentur hic sint continuata ad præcedentia, & an pauco tempore post illa fuerint facta vel multo. Ad primum dicendum, quod est continuatus ordo. Nam supra ponebatur de desiderio Dauid ad ædificandum templum Domino, & de bellis, per quæ impeditus fuit ædificare, hic autem ponitur de materiæ præparatione. Et hoc fecit Dauid in fine dierum suorum. Nam toto tempore præcedenti fuit occupatus circa bella, & non potuit templum ædificare, nec congregare aliquam materiam. Nunc autem in senectute cessauit a bellis, eo quod omnes gentes erant sibi subiectæ per circuitum. Et sic potuit congregare materiam. Sic enim continuat istam historiam Iosephus 7. Antiquitatum dicens, quod postquam exauditus est in area Ornam, & declaratum est sibi, quod ibi futurum erat templum, iussit numerari colonos, & instituit quosdam lapidum cæsores, & alios portatores. Ad secundum dicendum, quod inter istud, & præcedentia modicum tempus, vel quasi nullum fuit, eo quod quando Dauid obtulit holocaustum in area Ornam, declaratum est sibi, quod ibi ædificandum erat templum Dño, & illico iussit parari materiam. Et sic videtur litera continuare istam historiam, dicens: Dixit Dauid hæc est domus Dei, & altare in holocaustum Israel. Et præcepit, vt congregaretur omnes profelyti ex Israel, & constituit ex eis latomos ad cædendum lapides. Et sic videtur, quod modicum vel nullum tempus interciderit inter ista, & præcedentia, sed eadem historia continuata est. Circa primum dicitur. *Dixitque Dauid. Scilicet, Quando obtulit sacrificium in area Ornam. Hæc est domus Dei, & hoc est altare in holocaustum Israel.* Refert se ad ea, quæ habentur in præcedenti cap. scilicet, in isto loco, in quo nunc offero sacrificium, erit domus Dei, i. ædificabitur templum per filium meum Salomonem. Et hic et ædificabitur altare in holocaustum Israel, i. ædificabitur altare, in quo totus Israel offerat omnia sacrificia sua. Et sic factum est, quia postea ædificato ibi templo Salomonis fuit ibi altare, in quo Israelitæ offerebant omnia sacrificia sua, & non licebat alibi offerre. Et præcepit, vt congregarentur omnes profelyti de Israel. Quia Dauid cognouerat templum ædificandū esse in area Ornam per Salomonem filium suum. Et ipse erat adhuc tener, & non poterat vacare tanto labori, s. vt congregaret tantam materiam necessariam pro tanto opere, voluit ergo adiuuare eū præparando

materiam, vt ipse minus laboraret postea ædificando templum. Sic dicitur infra in litera. Ista autem materia erat in lignis, & lapidibus: ideo Dauid congregauit operarios ad ligna cædenda, & lapides. Et ad hoc fecit Dauid congregari omnes profelytos de Israel. Vocantur autem profelyti conuersi de gentilitate ad iudaismum, & multi erant huiusmodi inter Israelitas. Et omnes istos fecit Dauid laborare in hoc opere. Et dicuntur proprie profelyti peregrini, vel exules, & conuenit istis conuersis de gentilitate. Nam vocantur peregrini, & exules, eo quod relicta terra sua, & diis patrum suorum, venerunt ad manendum inter Hebræos, & tenendum ritum eorum. Et ob hoc vocantur isti semper in lege peregrini, & aduenæ, vt patet Exo. 12. Et in multis alijs locis. Et constituit ex eis latomos ad cædendum lapides, & poliendos. Scilicet, De istis profelytis fecit Dauid quosdā esse latomos. Est enim latomus qui operatur aliquid circa lapides. Et erant isti duplices artifices, quia quidam erant ad cædendum lapides rudes de lapidicina. Alij autem erant ad poliendum illos, & quadrandum postquam essent scissi, & ducti de lapidicina. Vt ædificaretur domus Domini. Scilicet, Erant isti lapides ad ædificandū ex eis templum Dño quod postea Salomon ædificauit. Ferrum quoque plurimum. Scilicet, ædificauit Dauid multum ferrum pro opere templi, s. quia ad multa necessarium erat, vt patet in litera. Et ista fuit causa quare in Iericho quā ciuitas fuit subiecta anathemati, iustum est, quod aurum, & argentum, & ferrum non conseruarentur in thesauris Dñi, vt patet Iosue 6. Ad clauas ianuarum. In templo Salomonis multe ianue erant, vt patet ex modo fabricationis, quæ ponitur 3. Reg. 6. Et ideo pro illis erant necessarij clauij. Et ad commissuras, & coniuncturas præparauit Dauid æris pondus innumerabile. Etiam ferrum istud erat ad coniuncturas lignorum, s. quod lignum iungendum est ligno, oportet ibi esse clauum, multæ tamen erant trabes, & ligna in templo Salomonis, quæ coniungi debebant, ideo necessarij erant clauij. Et ad commissuras secundū, quod fit in ianuis. Nam tabule ianuarum coniunguntur inter se, & in earum in castraturis ponuntur clauij, vt inuicem se teneant tabulæ, ne disiungatur vna ab altera. Etiam erat pondus innumerabile æris, quia magis erat necessarium æs templo Salomonis quā ferrum. Nam de ære fieri debebant vasa multa pro altari, etiam ipsum altare debebat operiri laminis æneis. Et vasa eius erant magna, sicut mare æneum, quod capiebat duo millia bathos de aqua, 3. Reg. 7. Et etiam luteræ, & sedes eorum, & multa alia vasa erant ænea, & requirebat multitudo æris pro illis, de istis vasis patet 3. Reg. 7. Vbi multa eorum nominantur. Habuit autem Dauid istud æs de Syria de ciuitatibus regis Adarezer, quando pugnavit contra eum, vt patet 2. Reg. 8. Et supra 18. Ligna quoque cedrina non poterant æstimari. In templo Domini non leguntur posita alia ligna nisi cedrina, & abiegna, vt colligitur 3. Regum 5. Et sequenti libro cap. 2. Eo quod ista cedrina, ligna pretiosa. Et adhuc de istis plura fuerunt deligna, quam abiegna, vnde hic solum fit mentio deligna cedrinis. Congregauit autem Dauid tot ligna cedrina, quod non poterat æstimari numerus ipsorum, quia opus Dauid quod intendebat facere, erat valde magnum, & indigebat multa materia.

Quæ Sidonij, & Tyrij, deportauerunt ad Dauid. Scilicet, omnia ista ligna, quæ congregauit Dauid pro ædificatione templi, fuerunt portata per Sidonios, & Tyrios. Isti enim erant de terra regis Hiram, qui in Tyro regnabat super Tyrum, & Sidonem, & in terra eius erat mons Libanus, de quo cedri, & abietes scindebantur. Ideo ipsi Tyrij, & Sidonij sciderunt ligna, & portauerunt ad Dauid. Et dixit Dauid: Salomon filius meus

meus puer paruulus est. Hic ponitur causa quare Dauid preparauit totam istam materiam ad edificandum, licet non esset per eum templum edificandum, scilicet quod Salomon, qui successurus erat Dauid, erat puer paruulus, & templū, quod erat edificaturus, erat magni laboris, & exigens multam materiam, ad quam non posset sufficienter laborare Salomō propter etatis teneritudinem. Ideo voluit adiuuare eum cōgregando materiam. *Et delictus.* Idest nutritus in delicijs. Et propter hoc erat minus aptus ad labores, quia nutriti in delicijs grauius ferunt quodcunque malū sibi superueniens, quam nutriti in laboribus, eo quod ab assuetis non fit passio propter similitudinem causatam. Et tamen actio semper causatur à contrarietate, vt patet 5. Phy. *Domus autem, quam adificare volo domino.* Idest quam volo, q̄ edificet meus filius Salomon. Nam ipse Dauid nolebat iam edificare domū Domino, eo q̄ sciebat se prohibitum esse à Deo edificare. *Talis esse debet, vt in cunctis regionibus nominetur.* i. debet esse talis, vt mereat nominari in omnibus gentibus. Et ad hoc requirebatur magnitudo operis, & pulchritudo, & preciositas: aliās enim non esset famosa. Et ad hoc requirebantur multę materię, & magni valoris. Nam si solum debuisset Salomon edificare aliquam paruam domum, dato quod esset puer, sufficiens esset ad congregandum expensas, nec requireretur, q̄ Dauid congregaret ei materiam, quia tamen Salomon erat paruulus, & opus istud erat valde magnū, requirebatur, q̄ Dauid adiuuaret Salomōnē congregando ei materias. *Preparabo ergo ei necessaria.* Quia ipse forte non erit sufficiens ad congregandum omnes materias, & edificandum domum, saltem ergo preparabo ei materiam, vt minus laborare habeat. *Et ob hanc causam ante mortem suam omnes preparauit impensas.* Iueit propter paruitatem Salomonis, & magnitudinem operis, congregauit Dauid omnes expensas necessarias, & non est intelligendum, q̄ congregauerit omnes, sed quasdam. Nam postea alias cōgregauit Salomon, vt patet 3. Regum 5.

De quibusdam verbis dictis à Dauid, scilicet hac est domus Dei, &c. Quæst. II.

QUÆRITVR circa ea, quę dicuntur hic, scilicet quomodo Dauid dixit hæc est domus Dei, & hoc est altare in holocaustum Israel, scilicet quomodo sciebat hoc Dauid. Alijs dicit, quod Dauid dixit hoc ex quadam presumptione. Nam cum Deus exaudisset eum in loco illo dādo ignem de cœlo, putauit, quod ille erat locus, quē Deus eligebat: cum hoc, quod fieret sibi templum ibi. Istud autem apparet aliquantulum rationabile. Nam ante hoc Deus habebat tabernaculum, quod fecerat Moyses, & non erat illud aliquantulum manens, sed mutabatur de loco ad locum, quia nondum Deus elegerat sibi aliquem locum, in quo maneret tabernaculum suum firmum, sicut ipse dixit ad Dauid, quando proponebat Dauid edificare ei templum, vt patet 2. Regum 7. & supra 17. Cum autem Dauid potuit colligere per duo signa, quod Deus eligeret illum locum, vt edificaretur templum. Primum erat, quia ipse iussit ei sacrificare in loco illo, & nō iubebat in alijs locis. Ideo apparebat, quod ille locus erat sibi acceptus. Secundum erat, quia Deus ostendit in loco illo signum, quod non ostendit in alijs: nam super sacrificium, quod ibi fiebat, misit ignem de cœlo, quod specialiter pertinet ad acceptionem Dei, & non fieret hoc in alijs locis, in quibus offerebat Dauid. Ideo crederet, quod ille locum illum Deus eligebat specialiter, vt fieret ibi templum: ibi secundo modo potest

A dici, quod factum est hoc per reuelationem prophete Gad. Nam ipse dixit Dauid, quod offerret sacrificium in area Hornam ad hoc, quod cessaret pestis. Ideo credendum est edificari templum. Et istud tenet Iosephus septimo Antiquitatum dicens: Vidēs rex orationem suam exauditam à Deo, & sacrificiū susceptum, decreuit, vt ille locus area populi vocaretur, quam vocem opportunē tunc pio templo ibi edificando præmisit. Deus enim missō ad eum p̄pheta dixit: templum illic filium eius esse facturum, qui succederet in regno. Tertio potest dici, quod istud fuit demonstratum Dauid per vocem angeli, vel per aliquod aliud signum ei datum de cœlo. Et huic satis conuenit, quod habetur sequenti lib. capi. tertio, scilicet. Cēpit Salomon edificare domum domini in Ierusalem in monte Moria, qui demonstratus fuerat Dauid patri eius in loco, quem preparauerat Dauid in area Hornam lebusi. Quocunque autem modo accipiatur dicendum est, quod Dauid non dicebat hoc ex aliqua leui imaginatione, sed quia per certitudinem sciebat, quod ibi edificandum esset templum.

Quare significauit Dauid templum esse futurum per hæc verba: hæc est domus Dei, quam per aliquid aliud.

Quæst. III.

QUÆRITVR vterius cum Dauid vellet significare hic futurum esse templum, quare potius significauit hoc dicendo, hæc est domus Dei, & hoc est altare, quam nominando aliquid aliud de eis, quę futura erant in templo, cum in eo multa vasa futura essent, scilicet arca, & altare thymiamatum, & alia. Aliqui dicunt, quod hoc factum est, quia altare holocaustorum erat vas dignissimum in Sanctuario, & voluit illud potius nominare Dauid, quam aliquid aliud. Dicendum, quod non stat, quia si hoc intendisset, potius dixisset, hæc est domus Dei, & locus arcę, quia arca erat vas dignissimum inter omnia vasa Sanctuarii. Nam super illam specialiter representabatur præsentia Dei specialius, quam super aliquod vas Sanctuarii. Et ideo ipsa ponebatur in loco secretiori, & honorabiliori, quam alia vasa Sanctuarii. Et tamen non expressit de illa, ideo nec expressit de altari propter dignitatem suam. Dicendum quod factum est hoc propter duo. Primo quia volebat hic Dauid significare locum Sanctuarii, & in Sanctuario erant vasa pertinentia ad diuinum cultum, & inter illa, quędam erant intra ipsum Sanctuarium, alia vero extra. Intra ipsum erant omnia præter altare holocaustorum, scilicet arca, & mensa propitiationis, & candelabrum, & alia vasa. Extra Sanctuarium autem solum altare holocaustorum erat, quod ponebatur extra, quia ibi cremabantur carnes animalium. Et si esset intra Sanctuarium, flamma inde confurgens cremaret aliquid, aut saltem fumus denigraret pulchritudinem Sanctuarii. Ideo quando Moyses fecit tabernaculum, omnia vasa posuit intra illud. Solum autem altare holocaustorum posuit foris in atrio ad ostium tabernaculi, vt colligitur Exo. vigesimo septimo. Sic autem Salomon, cum nunc faceret templum, omnia vasa sacra posuit intra illud. Solum autem altare holocaustorum posuit extra templum, ne fumus inde confurgens offuscaret totam pulchritudinem domus. Et sic non debuit exprimi aliquod vas, nisi altare holocaustorum, quia nomine domus Domini intelligebantur omnia vasa sacra, quę intra illam ponenda erant. Altare autem holocaustorum non poterat intelligi nomine domus eo, quod non erat intra domum, ideo nō debuit exprimi aliquod vas, nisi altare hol.

holocaustorum. Secundo potest dici, quòd istud factum est, quia David volebat reddere causam eorū, quæ fecit nunc. Nam nunc ipse obtulit sacrificium in area Hornam. Et per hoc videbatur agere contra legem, quæ vetabat offerri in aliquo loco præterquā in Sanctuario, & vt appareret, quòd David iuste hoc fecerat dixit, quòd in isto loco erat domus Dei, & altare holocaustorum, idest ibi edificari debebant. Et sic ille, qui nunc offerret ibi sacrificium non peccabat, eo quòd ibi erat domus Dei, & altare holocaustorum. Si autem David fecisset ibi aliquam aliam ministrationem, quæ non fieret in altari holocaustorū, sed in alio de vasis Sanctuarij: non solum nominasset ibi David locum domus, sed etiam illius vasis: vtpote si esset candelabrum, vel mensa propositionis, aut altare thymiamatis. In nullo tamen fuit nunc ministratio, nisi in altari, eo quòd David obtulit sacrificia in area Hornam, ideo non debuit nominari aliud vas, nisi altare holocaustorum.

Quare fuerunt omnes profelyti propter istud opus congregati.
Quæst. I I I I.

QUÆRITVR vltcrius quare Dauid ad istud opus fecit congregare omnes profelytos de Israel.

de mach.
Respondendum est, quòd ista opera, quæ
David iubebat hic fieri erant opera grossa, & magni
laboris, scilicet lapides cędere, & polire illos. Et sic de-
bebant committi hominibus minimę dignitatis, sed
inter Israelitas illi, qui nouiter conuertebantur erant
minoris dignitatis, quam alii, qui erant de genere lu-
dæorum: ideo non fuerunt alii assignati ad ista opera,
nisi profelyti, qui erant conuersi ad Iudaismum. Di-
cunt autem doctores nostri, quòd per hoc significa-
batur, quòd gentiles edificaturi erant Ecclesiam, sci-
licet illi, qui conuerterentur de eis, sicut nunc con-
uersi de gentilitate parauerunt materias pro tempore
Salomonis. Sed ista ratio mystica est. Nam secūdum
veritatem non erat ista causa, quę mouebat David ad
iubendum profelytis facere istud, sed solum, quia ipsi
erant minoris dignitatis, quam Israelitę, qui erant de
stirpe Iacob. Et dicit Nicolaus, quòd ita fuit de istis,
sicut de Gabaonitis, qui erant Chananæi, & positi fue-
runt, vt ministrarent in templo domini ad portandū
aquas, & ligna, vt patet Iosue 9. Sed non erat idē, quia
Gabaonitę erant serui, eo quòd obligati erant ad mor-
tem, cum essent Chananæi, & deceperunt Israelitas
dicentes se esse de partibus longinquis. Comperta au-
tem fraude, cum vellent Israelitę occidere illos, Io-
sue misertus illorum, & propter iuramentum præsti-
tum, mutauit mortem in æternam seruitutem: qui ta-
men conuertebantur nunc de gentilitate erant libe-
ri. Ideo nō obligabantur isti ad opera hæc potius quā
Israelitę, nec etiam David cogebat eos ad hæc, sed
pro mercede laborabant, vocauit tamen eos potius
David, quā alios ad istud opus, quia ipsi erant mi-
noris dignitatis, quā Israelitę.

*De controuersia, quæ habetur hic, & tertio Regum
capi. 5. in quibusdam verbis circa latomos.*

Quest. V.

QUÆRITVR vterius quomodo dicitur hic,
quod Dauid constituit latomos ad cædendū
lapides, & poliendum, quia 3. Regum 5. di-
cit, quod Salomō posuit istos latomos, scilicet octo-
giata millia latomorum in montem absque præpo-
sitis, qui præerant singulis operibus numero trium
millium.

Respondendum est, quod aliqui volunt, quod isti latomi, quos posuit hic Dauid erant illi, quos posuit Salomon, de quibus habetur tertio Regum 5. Et hoc tener Iosephus septimo Antiquitatum. Idem dicens, quod isti latomi erant octoginta millia, sicut ponitur tertio Regum 5. Dicendum tamen, quod non sunt iidem, quia illi fuerunt positi per Salomonem, & isti fuerunt positi per Dauid. Sed dicendum est, quod Dauid voluit parare materias necessarias pro templo domini, & ad hoc fecit, quod multi lapides, & ligna pararentur, quia istę erant materie magis necessariae, & magis communes. Et ad hoc constituit, quod essent latomi in monte, & etiam scissores lignorum. Mortuo autem Dauid, Salomon volens ædificare templum Domino, putavit non sufficere ad eius ædificationem materias, quas parauerat Dauid, ideo ipse rursus fecit, cędi lapides, & ligna. Et ad hoc misit latomos in montem, & illi erant octoginta millia absque præpositis operum, tertio Regum 5. Quod autem fuerint latomi, quos posuit Dauid non apparet; Iosephus autem vult, quod fuerint nunc octoginta millia, sicut habetur tertio Regum 5. Et hoc fortę, quia putavit, quod illi latomi quos Dauid habebat cum viueret, fuerint etiam postea per Salomonem destinati ad istud opus. Et sic utrobique erant octoginta millia latomorum.

De controuersia, qua habetur in quibusdam verbis hic, & 3.
Reg. c. 5. circa apparatus lapidum, & lignorum.
Luxst. VI.

QVAERITVR ulterius quomodo dicitur hic, quòd Dauid faciebat cædi lapides, & poliri ad ædificandam domum domini. Nam tercio Regum 5. dicit, quòd Biblii parauerunt ligna, & lapides ad ædificandum domum.

Respondent quidam, quod isti Biblij erant quidam latomi de istis protelytis. Et isti erant tubuliores cæteris latomis, & tradita est eis cura poliendorum lapidum. Sed dicendum, quod istud non stat, quia Biblij erant gentiles, & pertinebant ad terram regis Hiram, scilicet ad regnum Tyri, & Sidonis. Et ideo isti erant ministri in nauibus Tyriorum, & in suppellectilibus ipsorum, ut patet Ezechia 27. scilicet. Senes Biblij, & prudentes habuerunt nautas ad ministerium variae suppellectilis tuæ. Alio modo posset dici, quod protelyti poliebant lapides, scilicet quadrando eos, & complanando. Et tamen aliæfigurationes tubuliores, quæ faciunt sunt in ipsis lapidibus, fiebant per Biblios. Sed istud non stat, quia in lapidibus non fiebant aliæfigurationes, nisi quod poliebantur, & quadrabantur. Nam statuas non licebat Iudeis facere, potissime in opere templi, quia ab illo loco maxime debebat excludi omnis imago, & statua, ne Israelitæ inducerent ad colendum idola: unde propter hoc iussum erat, quod altare fieret de terra, & non de lapidibus, eo quod de terra non poterant fieri statuae, quia terra propter siccitatem dissoluitur, sicut fierent de lapidibus. Et si fieret altare de lapidibus non debebant tangi ferro: Exo. 20. scilicet, ut non fieret in eis aliqua statua. Item patet hoc, quia dato, quod aliquæ figuræ fierent in lapidibus tamfigurationes, quam parationes lapidum fierent per Biblios, quia 3. Regum 5. dicitur, quod Biblij parauerunt lapides ad ædificandum domum. Et tamen nomine parationis intelliguntur omnia, quæ fiebant in lapidibus. Biblij ergo parauerunt, & poliuerunt lapides. Dicendum ergo, quod latomi, quos David instituit hic cædebant lapides rudes de lapidicina, & ipsi poliuerunt illos, & Biblij nihil fecerunt hic. Quod autem dicitur tertio Regum 5. quod Biblij parauerunt lapides, intelligendum est de paratione tempore Salomonis, Nam

Nam Dauid volens omnes materias parare pro ædificatione templi, fecit cædi lapides, & ligna. Et ista cæsa sunt per profelytos, & non fuerunt ibi Sidonii, nec alii gentiles cædentes. Salomon autem postea fecit parari plures materias. Et tunc posuit de Israelitis multos scissores lapidum, quia tamen viri de regno Tyri erant in ista arte paratiores, curâ lapidum poliendorum commisit Salomon Biblijs, qui erant de terra Sidoniorum, & non Israelitis.

Quare Dauid fecit cædi ligna, & lapides propter domum Domini.
Quæst. VII.

QUÆRITUR vterius, quomodo Dauid fecit hic cædi lapides, & ligna ad ædificandum domum Domino. Nam ad ipsum non pertinebat ædificare illam, quia erat prohibitus.

Aliquis dicet, quod hoc faciebat Dauid intentione ædificandi domum Domino, eo quod tunc non erat a Deo prohibitus ædificare, sed postea prohibitus est.

Sed dicendum est, quod non stat, quia Dauid non ædificauit aliquid, nec cepit facere aliquem apparatus antequam esse prohibitus, quod patet, quia mox, ut incidit sibi cogitatio de ædificando templum Domino, locutus est illud ad Nathan, & in ipsa nocte apparuit Deus propheta Nathan, & misit illum ad Dauid prohibendo ædificare sibi templum, ut patet 2. Reg. 7. & supra 17. Secundo patet, quia quando Dauid fecit id, quod habetur hic, erat prohibitus ædificare templum Domino, quia istud fuit postquam Dauid obtulit sacrificium in area Ornam. Nam ibi cognouit, quod in loco ipso ædificandum erat templum Domino, ut patet supra in litera. Et tunc iussit parari omnes istas materias, ut patet ex ordine literæ, & supra in quadam questione. Et tamen Dauid multo tempore ante hoc, prohibitus fuerat ædificare templum Domino. Nam prohibito fuit paucio tempore postquam Dauid constitutus est in regem super Israel, ut declaratum est, secundo Reg. 7. oblatio tamen in area Ornam fuit paucio tempore ante mortem Dauid, cum esset iam valde senex, ut declaratum est præced. c. & 2. Regum 24. Ideo magno tempore prohibitus fuerat Dauid ante hoc ædificare templum. Dicendum ergo, quod Dauid fecit parari lapides, & ligna ad ædificandam domum Domino, non quidem ad hoc, quod ipse ædificaret eam, quia iam erat prohibitus, sed ad hoc, quod Salomon filius suus ædificaret eam ex his materiis. Sic patet supra in litera. Nam dixit Dauid, quod Salomoni erat tener, & puer, & domus quam ipse ædificare intendebat, esse talis debebat, quod nominaretur per vniuersam terram, ideo parauit ei impensas necessarias, quia credebat, quod ille non sufficeret ad hoc, vel quod multum laboraret in congregando istam materiã.

De preparatione ferri propter clauos portarum, & alias materias.
Quæst. VIII.

QUÆRITUR vterius quomodo Dauid præparauit hic ferrum ad clauos portarum, & alias materias ad singulos vsus suos, quia poterat esse, quod Salomon non ædificaret templum Domino, eo modo quo Dauid putabat. Et sic ista materialia, quæ ipse congregabat, non proficerent.

Aliquis dicet, quod Dauid cõceperat in corde suo quomodo deberet ædificare templum. Et pro hoc congregauit materiam competentem, & postea cum prohibitus esset ædificare, dedit filio suo formã, quã ipse cognouerat, ut iuxta eam ipse operaretur. Et sic materialia, quæ congregauerat Dauid, proficerent Salomoni.

Alph. Toft. In Lib. I. Paralip.

A Sed dicetur, quod adhuc istud non sufficit, quia dato, quod Dauid dedisset Salomoni certam formã ædificandi domum Domini, videretur fortè alius modus melior, & poterat sequi illum. Et sic materialia, quæ Dauid congregauerat, non erant sibi vtilia. Poterat autem licet hoc facere Salomon, quia non obligabatur sequi consilium patris sui per omnem modum, si sibi aliquid melius videbatur. Et sic etiam videtur Salomon aliquid declinasse ab intentione Dauid. Nam putabat Dauid se congregasse sufficientes materias pro ædificatione templi, & tamen Salomon fecit postea multo plures congregari tam in lapidibus, quàm in lignis, ut patet tertio Regum quinto.

B Dicendum ergo aliter, quod Dauid congregauit omnes istas materias, de quibus hic dicitur, & non poterant esse inutiles ad ædificationem templi futuram per Salomonem, eo quod Dauid dederat certam formam Salomoni de numero domorum, & magnitudine eorum, & de figuris, & quantitatibus omnium vasorum, & illam formam tenebatur sequi Salomoni, eo quod illa data fuerat a Deo, ut patet infra vigesimo octauo: ubi Dauid enarrat omnia vasa, quæ fieri debebant in Sanctuario, & materias eorum, & postea subdit: Omnia, inquit, venerant scripta manu Domini ad me, ut intelligerem vniuersa opera exemplaris. **C** Salomon autem tenebatur sequi formam, quã Deus tradiderat in hoc, & iuxta illam Dauid congregauerat materias. Ideo non poterant istæ materiæ, quas nunc Dauid congregauit, esse inutiles pro ædificatione, quam faceret Salomon.

De Sidonijs, & Tyrijs quomodo, & quando portauerunt ligna cedrina.
Quæst. IX.

QUÆRITUR vterius quando, & quomodo portauerunt Sidonij, & Tyrij, ad Dauid ista ligna cedrina, de quibus hic dicitur.

D Quidam respondent, quod portauerunt illa, quando Hiram misit ligna cedrina ad Dauid. Nã quando factus est Dauid rex super totum Israel Hiram rex Tyri misit ad eum artifices, & ligna cedrina supra 14. Et tunc portarent ei ista ligna. Sed dicendum videtur, quod hoc non stat, quia illa ligna non fuerunt portata ad ædificandum templum, sed ad ædificandam domum Dauid, ut patet ibidem, & 2. Reg. 5. Aliquis autem dicet, quod artifices Hiram tulerunt ligna multa ad ædificandum domum Dauid, & superfuerunt ex eis multa, quæ reseruauit Dauid ad ædificationem templi. Sed dicendum, quod istud non stat, quia cum illa ligna portarentur ad ædificationem solius domus: non poterant superesse tot, ut sufficerent ad ædificationem templi: potissimè, quia hic dicitur, quod ligna cedrina non poterant extimari, quæ Sidonij, & Tyrij deportauerunt ad Dauid: ideo oportet, quod alio tempore ista portauerint. Item patet, quia Dauid nunquam fecit preparationem aliquam in istis materijs grossis pro templo Domini viquequo sciuit locum eius, scilicet, in area Ornam Iebusei. Nam ut patet supra in litera, postquam Dauid dixit, hæc est domus Dei, & hoc est altare in holocaustum Israel, congregauit profelytos, ut cederent lapides. Ita etiam intelligendum est, quod tunc fecit cædi ligna. Dicitur igitur quod aliquos apparatus fecit Dauid pro templo Domini, antequam sacrificaret in area Ornam, & aliquos postea fecit, & aliquos etiam antequam prohiberetur ædificare templum Domini, & sic fuerunt tria tempora, in quibus Dauid congregabat materialia. Primum fuit a principio regni Dauid, & prius vsque ad tempus, quo voluit ædificare templum, & prohibitus est.

Kk

Secundum

Secundum fuit tempus ex quo prohibitus est viquequo sacrificauit Dauid in area Ornam. Tertium fuit ex quo sacrificauit Dauid in area Ornam vsque ad mortem suam. De primis duobus temporibus, patet 2. Reg. 8. & supra 18. f. Sed omnia vasa ænea, & aurea, & argentea consecrauit rex Dauid Domino cum argento, & auro, quod tulerat ex vniuersis gentibus ram de Idumæa, & Moab quam de filiis Ammon, & Philisthijm, & Amalec. Manifestum est tamen, q omnia ista bella fecerat Dauid antequam offerret sacrificium in area Ornam Iebusei, vt patet ex ordine libri tam hic quam in secundo Regum. Quod autem aliquæ comparationes istarum fuerint antequam Dauid prohiberetur ædificare templum patet, quia dicitur, quod aurum, quod habuit de Amalecitis consecrauit Domino. Et tamen pugna Dauid contra Amalecitas fuit antequam Dauid esset rex tam super Iudam quã super Israel, scilicet quando Amalecitas succenderunt Siceleg redeunte Dauid de bello, in quo mortuus est Saul. Nam tunc fecit magnam prædam in Amalecitis primo Reg. 30. Et postea factus est rex super Iudam, & de Iuda super Israel. Consecratio ergo auri, & argenti de præda Amalecitarum, pertinet ad primum tempus. Omnia autem alia, quæ congregauit Dauid, de terra Syriæ, & Ammonitis, & Moabit, Idumæis, & Philisthinis pertinent ad secundum tempus pro maiori parte, quia illa facta sunt postquam prohibitus est Dauid ædificare. Nam prohibitio habetur 2. Reg. 7. & supra 17. Et ista bella habentur 2. Reg. 8. & supra 18. & fuerunt etiam omnia antequam offerret in area Ornam, quia istud fuit in senectute Dauid, & post hoc non legitur aliqua bella fecisse.

Sciendum tamen, quod differenter Dauid congregabat materias pro templo in istis tribus temporibus. Nam in primo, & secundo tempore solum congregauit materias illas, quæ non poterant perire propter diuturnitatem temporis, & quæ non possent esse inutiles quæcunq; forma ædificationis mutaret, & istud erat in auro, & argento, & vasis æneis, & sic 2. Reg. 8. & supra 18. vbi ponuntur ea, quæ consecrauit Dauid de bellis solum ponuntur vasa ænea, & aurea, & argentea, quia nihil de alijs materijs congregabat. Et istæ materiæ erant viles ad templi ædificationem quæcunq; figura, vel quantitas daretur ei. Alia erant materialia, quæ non proficiebant secundum omnem formam, scilicet quia poterant proficere fabricando templum vno modo, & non prodesse fabricando alio modo, & sic erant lapides, & ligna. Ideo ista non congregauit Dauid vsque ad tertium tempus, scilicet postquam obtulit sacrificium in area Ornam, & sic nunc Dauid faciebat lapides parari, & ligna, quæ proficiebant ad ædificationem certo modo faciendam. Considerandū autem est, q factum fuit hoc modo, scilicet Dauid cognouit, q templum ædificandum esset in area Ornam, vt patet supra in litera. Et tunc disposuit se ad congregandum lapides, & ligna, & collegit profelytos ex omni Israel, misitque illos ad cædendum lapides, & poliendum, misit etiam ad cædendum ligna, quia tamen inter Israelitas non erat aliquis, qui sciret ligna cædere, sicut Tyrii, & Sidonii, misit Dauid ad Hiram, vt faceret sibi cædi ligna cedrina in monte Libano. Patet hoc, quia sic dixit Salomon ad regem Hiram. Non est in populo meo vir, qui nouerit ligna cædere, sicut Sidonii 3. Reg. 5. Et ex hoc credendum est, q Salomō habuit modum conueniendi cum Hiram rege Tyri, q serui sui cederent ligna, & deportarent ea de Libano eod. c. Et apparet hoc, quia quando Salomon locutus est ad Hiram petēdo ab eo ligna cedrina, & abiegna dixit. Tu scis, quia voluntatis patris mei fuit ædificare templum Domino, sed nō valuit propter bel-

la imminetia. Et sic Hiram cognosceret istam voluntatem Dauid, scilicet quod Dauid mitteret ei ad cædendum, quod serui eius cederent sibi ligna in Libano. Etiam credendum est, quod Dauid daret regi Hiram sustentationem in hordeo, vino, & oleo, & tritico pro domo sua, sicut dabat ei Salomon tertio Reg. 5. Esdras tamen nō curauit hic exprimere, quia putauit, quod poterat hoc intelligi per id, quod dictum erat de conuentione Salomonis cum Hiram eodem cap. De modo autem portationis credendum est, q ista ligna portata fuerint per mare, scilicet quod Sidonii cederent ea in Libano, & deponerent inde ad mare, & componerentur in ratibus portarenturque in Iopem, quæ erat ciuitas in litore maris, non multum distans à Ierusalē, & inde in curribus, vel per alia artificia portarentur in Ierusalem sicut portata fuerunt ligna, quæ fecit Salomon cædi in Libano, vt patet seq. lib. c. 2. & 3. Reg. 5.

De lignis, & lapidibus, quos congregabat Dauid pro templo.
Quest. X.

QUÆRITUR vltterius quomodo Dauid posuit etiam nunc congregare materiam istam lignorum, & lapidum, quia cum nesciret de forma, & quantitate templi, & conditione materialium, quas fortē Deus vellet poni in templo, poterant esse oīa ista, quæ nunc congregabat inutilia ad ædificationem, vel nō tam vtilia quantum ipse putat. Et rñdendum est, q verum est, q si Dauid nesciisset figuram, & quantitatem, & conditionem materialium, quæ ponendæ erant in ædificatione templi, nō potuisset conuenienter congregare materias istas, q fortē Deus vellet, q fieret de talib⁹ materijs, vt pote fortē nollet, q fieret de lignis cedrinis, & abiegnis, sed de aliquibus alijs. Sic, n. pro fabricatione arcis, & altariū, & parietum templi in deserto, elegit Deus, q fieret de lignis setim: Exod. 25. & 26. & 27. Sic ēt poterat nunc q nollet Deus fieri parietes templi, de lapidibus, sed de terra simplici, vel de lateribus, vel si fieret de lapidibus, esset certa species lapidis, vel nō polirentur lapides. Sic, n. fuit de altari, quod Deus iubebat facere Israelitis, scilicet q non esset de lapidibus, nec de alia materia, sed de terra. Et si de lapidibus fieret, q non polirentur lapides, nec tangerentur ferro Exod. 20. Si autem Dauid, non cognita voluntate Dei super his pararet istas materias, poterat errare nimis, & perdere omnes expensas, & labores, vt pote si Deus nollet sibi fieri templum de lapidibus politis. Et tñ Dauid omnes lapides poliri fecerat. vel si nollet fieri templum de lignis cedrinis, & abiegnis. Et tñ omnia ligna, quæ congregauerat Dauid, erant cedrina, & abiegna. Dicendum ergo, q Deus reuelauit Dauid de quibus materijs, & qualiter fabricatis vellet ædificari templum, etiam dedit sibi quantitatem, & figuram omnium partium templi, & figuram oīum valorum pro ministracione templi. Sic patet inf. 28. vbi Dauid enarrat oīa, quæ in templo fieri debebant, & post subdit: Oīa inquit venerūt ad me scripta manu Dei, vt intelligerē vniuersa opera exemplaris. Et tunc Dauid posset intrepide congregare materias pro templo, nec erraret in aliquo. Dicendum etiam est, quod illa scriptura facta manu Dei venit ad Dauid antequam inciperet congregare istas materias. Modus autem fuit, scilicet quod Deus sibi Dauid obtulit sacrificium in area Ornam Deus sibi reuelauit, quod in loco illo futurum erat templum, vt patet supra in litera, & sequenti lib. capit. 1. Et propter hoc dixit Dauid tunc: Hec est domus Dei, & altare in holocaustum in Israel. supra in litera. Et ista ostensio loci facta est Dauid per aliquem angelū, vel per aliquod aliud signū de cælo datum, vt probatum est.

est supra in quadam quaestione, & tunc venit aliqua scriptura de celo, in qua erant scripta omnia predicta.

Ideo dixit David, quod omnia venerant ad eum scripta de manu Domini. Tunc autem David congregaret materiam convenientem aedificationi, & sic quam postea non edificaret ipse, sed Salomon, non fierent materiae congregatae inutiles. Vnum autem erat, in quo poterat errari, scilicet multitudo, & paucitas materiae, quia quamquam cognosceret David speciem materialium congregandarum; & quantitatem aedificii, nesciret quantum de lapidibus, & lignis requirebatur pro illa aedificatione, & in hoc erravit. Nam putavit se congregasse sufficientem materiam in lapidibus, & lignis, ut colligitur ex litera, quia dixit, quod parauerat omnia necessaria, tamen non collegit, quia multa ligna, & lapides Salomon postea collegit pro eodem aedificio, ut patet seq. lib. ca. 2. & 3. Reg. 5.

De congregatione istorum lignorum, & lapidum facta in senectute. Quæst. XI.

QUÆRITUR ulterius, quare David ante hoc non congregauerat istas materias, & collegit eas in senectute.

Aliquis dicet, quod David prohibitus erat facere hoc, ideo usque nunc non fecit.

Dicendum, quod non stat, quia David solum prohibitus fuit, sed non fuit prohibitus congregare materias pro alio, ut edificaret, ut patet infra in litera. Nam dicit, quod voluerat ipse edificare templum Domino, & prohibitus fuerat. Ideo congregauerat impensas pro filio suo Salomone. Item si illa prohibitio aedificandi, quæ habetur 2. Reg. 7. & supra 17. extenderetur ad congregationem materialium, etiam nunc non licuisset David congregare materias, quia nunquam fuit absolutus ab hac prohibitione, ut patet hic. Tertio patet, quia David ante hoc etiam congregabat materiam pro aedificatione templi. Nam omne aurum, & argentum, & vasa ænea, quæ David habere potuit de omnibus gentibus, contra quas pugnavit, consecrauit Domino, ut patet 2. Reg. 8. & supra 18. Et declaratum est supra in quadam questione. Dicendum ergo, quod duplices erant materiae, quas David congregavit pro aedificatione templi. Quædam erant, quæ non poterant esse inutiles, dato quod mutaretur forma aedificationis, vel quantitas, vel figura faciendorum, sicut aurum, & argentum, & alia metalla. Aliæ erant materiae, quæ poterant esse inutiles, vel minus aptæ mutata forma aedificationis, sicut lapides, & ligna.

De primis dicendum, quod non solum David congregavit illa nunc postquam obtulit in area Ornam, sed magis congregauerat illa ante hoc, scilicet in omnibus bellis, quæ fecerat David, ut patet 2. Reg. 8. & supra 18. accipiendo de materiis. Secundo modo dicendum, quod non congregavit eas usque post oblationem in area Ornam, & hoc fuit propter duo. Primo propter occupationem in bellis. Nam toto tempore ante hoc fuerat David occupatus bellis, & non poterat congregare tales materias, quia requirebatur cessatio ab omnibus laboribus ad faciendum hoc.

Patet istud, quia in opere cedendorum lignorum, & lapidum, oportebat esse plusquam centum millia virorum. Nam in solis latomis erant octoginta millia virorum, quando Salomon edificavit templum Domino, & multi alii cedentes ligna, & multi prepositi istorum, ut patet tertio Regum quinto, & sequenti libro cap. secundo. Non poterat autem David dare tota millia hominum ad istud opus si vacaret bellis. Et ista fuit causa, quare Deus noluit, quod David

A edificaret templum, scilicet quia erat nimis occupatus bellis tertio Reg. 5. Alias autem materias, scilicet aurum, & argentum, & vasa ænea colligere poterat David tempore bellorum, immo potius isto tempore, quam alio colligeret, eo quod ista omnia erant de prædis quas David faciebat de diversis gentibus, ut patet secundo Reg. 8. & supra 18. secunda causa erat propter incertitudinem circa speciem materialium. Nam si David ante hoc congregasset lapides, & ligna, poterat errare, quia forte Deus nollet fieri sibi templum de illa specie lignorum, quæ David congregasset, vel forte nollet fieri templum de lapidibus, sed de terra, vel de lateribus, vel si de lapidibus forte non de lapidibus politis, sed de rudibus, sicut declaratum est supra in quadam quaestione. Et sic non debuit David congregare lapides, & ligna tempore præterito, sed solum postquam obtulit in area Ornam, eo quod tunc venit ad eum quadam scriptura facta manu Dei, in qua certificatus est de pertinentibus ad aedificationem templi tam ad materias, quam ad figuram, ut patet infra vigesimo octavo. Et tunc potuit David congregare securè materias istas. Alias autem materias David congregauerat ante hoc, scilicet aurum, & argentum, & vasa ænea; eo quod in istis non poterat errare, quia quicumque modus fabricationis esset proficerent semper aurum, & argentum, & vasa ænea.

An David ante mortem suam omnia necessaria præparavit pro templo. Quæst. XII.

QUÆRITUR ulterius quia dicitur infra, quod David præparavit ante mortem suam omnia necessaria pro aedificatione templi. Nam videtur, quod non paravit omnia necessaria.

Nam Salomon multo plura congregavit post mortem David, ut patet sequenti libro cap. 2. & tertio Reg. 5. Si tamen David congregasset omnia nihil Salomon postea congregaret de materialibus. Respondendum est, quod David congregavit pro templo Domini omnia, quæ putavit esse necessaria tam in auro, & argento, quam sub lapidibus, & lignis. Postea tamen visum est tempore Salomonis non sufficere illa, & fecit multo plura congregari. Nam in hoc poterat David errare, quia licet sciret magnitudinem operis, & figuram, & omnia alia, non sciret determinatè quanta materialia requirebantur pro istis, quia etiam ipsi artifices nescirent dicere. Et congregavit ipse illa, quæ putavit necessaria. Deinde inchoata magnitudine operis visum est plura esse necessaria. Secundo modo potest dici, quod David congregavit omnia necessaria pro templo Domini in lapidibus, & lignis, vel quasi, nec Salomon eguit pluribus, fecit tamen Salomon congregari multa alia, eo quod non solum ipse edificaturus erat domum Domini, sed et alias domos regias pro se, scilicet domum suam, & domum filiae Pharaonis, & domum saltus Libani, de quibus tertio Regum septimo, & fuerunt magnæ expensæ factæ in istis. Nam tredecim annis Salomon fuit in edificando istas domos, & templum Domini edificavit septem annis tertio Regum sexto, & septimo. Ideo pro illis domibus requirebantur multæ materiae lapidum, & lignorum sicut pro templo Domini, & omnes materias attulit Salomon de monte Libano de terra regis Hiram tertio Regum nono, David autem solum congregavit expensas pro domo Domini. Ideo oportuit, quod Salomon multo plures adhuc postea congregaret, de quibus tertio Regum quinto, & seq. lib. cap. 2.

De tempore quando hæc verba fuerunt dicta a David, scilicet Salomon filius meus, &c. Quæst. XIII.

De ætate Salomonis, quando David dixit de tempore Salomonis. Quæst. XIII.

QVAERITVR ulterius, quod tempus erat, quā David dixit istud, quod habetur hic, scilicet Salomō filius meus puer parvus, & delicatus est, parabo ergo ei omnia necessaria. Aliquis dicet, quod ista dicta sunt quā David obtulit sacrificium in area Ornam. Et quod simul fuerint dicta ista, & præcedentia, scilicet. Hæc est domus Dei, & hoc est altare in holocaustum Israel.

Dicendum est, quod hoc non stat, quia quā David dixit istud, certificatus erat, quod Salomō regnaturus erat. Et istud divulgatum erat principibus David. Nam ut patet in littera, ipse dixit, quod Deus dixerat Salomō regnaturum, & ædificaturum templum, ideo iussit, quod omnes principes adiuuarent eum. Et cum istud non erat certificatum, quando David obtulit sacrificium in area Ornam, quia tunc David erat sanus, & poterat per se moveri, cum ipse ascenderit ad aream Ornam ad emendam eam, & sacrificandum ibi, præced. ca. Et tamen quā notificatum est omnibus principibus David Salomon regnaturum fore, erat iam David in ægritudine, de qua mortuus est, & continue iacebat in lecto. Quod patet, quia David in senectute sua in frigidatus est, ita ut licet operiretur vestibus non calefieret. Et tunc cum appareret propinquus morti, cepit Adonias filius eius cogitare de successione regni, & peruenit usque ad hoc, quod publice fecit se vngi in regem. Et tamen hoc ignorabat David, quia iacebat semper in lecto, & tunc Nathan propheta cōquestus est, quod Adonias vinctus esset in regem, & tamen dixit, veruntamen Domine mi rex oculi totius Israel ad te sunt, ut dicas eis quis debeat sedere post te in throno tuo, & sic videtur, quod adhuc tunc nesciebant Israelitæ quem vellet David post se regnare. Et tunc David fecit Salomonem vngi, & extunc cognitum est, quod Salomon regnaturus esset. De quo 3. Reg. 1.

Dicendum ergo est, quod ista verba David dicta fuerunt postquam Salomon vinctus fuit in regem viuentem David, quia aliis principes non cognouissent, an Salomon successurus esset in regno, & ædificaturus templum esset. David tamen loquebatur eis tanquam scientibus hoc, ut patet ex hoc, & ideo dicendum est, quod istud factum est paucis temporibus ante mortem David, quā iam erat David in lecto semper, & cum operiretur vestibus non poterat calefieri 3. Reg. 1. Et tunc fecit vocari omnes principes regni sui, & denunciavit eis de paratione istarum materialium, & oravit, ut filium suum Salomonem adiuuarent in ædificatione templi, & iam ante hoc multo tempore fuerat facta numeratio populi, & sacrificium in area Ornam. Cum autem obicitur, quod ista verba David, & illa, quæ habentur supra, scilicet. Hæc est domus Dei, & altare in holocaustum Israel, fuerint simul dicta.

Dicendum, quod falsum est. Nam illa dicta sunt mox, ut David obtulit sacrificium in area Ornam. Et tunc Deus misit de celo scripturam omnium, quæ fabricanda erant in templo, & cepit congregare illa. Et cum magno tempore congregasset, iam omnibus paratis, ut sibi videbatur, vocavit Salomonem, & principes Israel, & dixit eis, quod iam parauerat omnia necessaria pro ædificatione templi, & hortatus est Salomonem ad opus, & principes ad adiuuandum eum, & necesse fuit magnum tempus fuisse inter oblationem in area Ornam, & ista verba, quia tunc David nondum cepit congregare materias lignorum, & lapidum, ut patet in littera. Et quando David locutus est ista ad Salomonem, parauerat omnia necessaria, ut patet in littera.

QVAERITVR ulterius de ætate Salomonis tempore, quo ista dicta sunt.

Aliqui dicunt, quod erat Salomon solum duodecim annorum. Ideo David dixit. Salomon filius meus puer parvus, & delicatus est. Etiam isti dicunt alibi, quod Salomon quando accepit sapientiam a Deo, erat duodecim annorum, eo quod ipse vocauit se puerum 3. Reg. 3. Sed hoc non conuenit, quia necesse est plusquam duos, vel tres annos intercidiisse inter ista, & illa. Nam istud factum est saltem aliquanto tempore ante mortem David. Et extunc cepit regnare Salomon, & regnauerat iam tribus annis, vel quasi, quando sapientiam petiuit a Deo, ut probatum est 3. Reg. 3. Ergo si nunc erat duodecim annorum, quando sapientiam peteret, esset iam saltem annorum quindecim.

Dicendum ergo, quod Salomon erat nunc plusquam duodecim annorum, scilicet decem, & sex, vel decem, & septem annorum, & quando sapientiam petiuit, erat annorum viginti, vel quasi, ut declaratum est 3. Reg. 3. Cum autem dicitur hic, & ibi, quod Salomon erat puer, & paruulus, & delicatus, erat verum dupliciter. Vno modo quantum ad ætatem. Nam etiam si esset quindecim annorum, vel viginti puer erat, vel puer vocatur. Alio modo vocatur puer comparando ad opus, scilicet quia considerata magnitudine operis, quæ nunc fieri debebat, & magnitudine regni, quod nunc gubernaturus erat, puer erat respectu istorum, quia non sufficiebat ipse ex seipso ad faciendum aliquid istorum, nisi Deus ei sapientiam dedisset, & multi eum in hoc opere adiuuarent. Et quia David volebat dare causam quare congregauerat impensas pro ædificatione Sanctuarii, ut hortaretur principes, quod adiuuarent Salomonem in ædificatione, nominauit eum puerum quasi ex teipso insufficiens ad hoc, nisi adiuuaretur.

Vocauitque Salomonem filium suum, & præcepit ei, ut ædificaret domum Domino Deo Israel. Dixitque David ad Salomonem. Fili mi, voluntatis meæ fuit, ut ædificarem domum nomini Domini Dei mei, sed factus est sermo Domini ad me, dicens: Multum sanguinem effudisti, & plurima bella bellasti. Non poteris ædificare domum nomini meo, tanto effuso sanguine coram me. Filius qui natus est tibi, erit vir quietissimus: faciam enim cum regnauerit ab omnibus inimicis suis per circuitum, & ob hanc causam pacificus vocabitur, & pax, & quietudinem dabo in Israel cunctis diebus eius, ipse ædificabit domum nomini meo, & ipse erit mihi in filium, & ego ero illi in patrem, firmaboque solium regni eius super Israel in æternum.

Vocauitque. Hic ponitur secundum huius c. scilicet Salomonis ad ædificandum exhortatio. Et primo ponitur causa exhortandi, secundo ipsa exhortatio, ibi.

Nunc ergo fili mi. Intelligendum est, quod David iam congregauerat impensas omnes, quæ sibi necessaria videbantur pro ædificatione. Et putabat se morti propinquum, ideo voluit disponere de omnibus, quæ ad ipsum pertinebant. Et ad hoc vocauit omnes principes regni sui, & Salomonem filium suum, & coram eis hortatus est eum, ut ædificaret templum Domino, & hortatus est principes.

principes, ut adiuuarent eum in edificando. *Et præcepit ei, ut edificaret domum domino Deo Israel.* Subintelligendum est, quod David dedit ei formam edificationis, quæ venerat ad eum scripta manu Domini, ut patet infra 28.

Dixitque David ad Salomonem. Ponitur hic præambulum in edificatione, ut Salomon non recuset istum laborem, quia diceret Salomon patri suo David, quare iniungebat ei istum laborem cum ipse subiuiisset illum. Nam melius potuisset David edificare templum, cum esset vir maturus, & habens omnia necessaria, quæ Salomon, qui erat puer, & delicatus. David excusat se dicens quod voluisset subire istum laborem, sed Deus non permisit.

Fili mi voluntatis mea fuit edificare domum nomini Dei mei. Id est ego desideravi hoc nimis, & propolueram hoc facere. Et dixit nomini Dei, & non dixit edificare domum Deo, quia si dixisset domum Deo, intelligebatur, quod edificabat illam, ut Deus habitaret in ea, Deus tamen non habitat in domibus manufactis, sed dixit nomini Domini, id est voluit fabricare templum, vel domum, in qua inuocaretur nomen Domini. Sic enim dixit Salomon in principio ordinis sui edificationis iam templo 3. Reg. 8. & seq. lib. c. 6. quod non fecerat illam domum Deo, ut ipse habitaret in ea, quia cælum, & cæli cælorum non possunt capere eum, quanto magis domus illa edificata, sed edificauit eam, ut exaudirentur in ea orationes seruorum suorum.

Sed factus est ad me sermo Domini. Scilicet in quo prohibitus sum edificare, & iste sermo habetur supra 17. & 2. Regum 7.

Dicens multum sanguinem effudisti, & plurima bella bella. Ista fuit causa prohibitionis, scilicet quia David in bellis erat assuetus, & sicut ante hoc semper erat in bellis, & in effusione sanguinis: Ita etiam post hoc futurus erat in multo pluribus bellis. Ideo non poterat edificare templum Domino.

Non poteris edificare domum nomini meo. Id est non habebis tempus oculi ad edificandum domum nomini meo, cum fueris occupatus tot bellis. *Tanto effuso sanguine coram me.* Id est cum tantum sanguinem effuderis in bello, & adhuc effusus es continuo, non poteris vacare edificationi. Ista litera videtur dicere, quod David prohibitus fuerit edificare templum Domino propter effusionem sanguinis, id est propter quadam irregularitatem tantam ab effusione sanguinis. Et ex hoc plurimi de doctoribus nostris etiam de sanctis putant, quod habuerit principium in veteri testamento irregularitas causata ex homicidio, cum David prohibitus fuerit edificare templum Domino propter effusum sanguinem. Sed istud falsum est, ut declarabitur infra in quadam questione. Et dicitur tanto effuso sanguine coram me, id est ego video, quod tantum sanguinem effudisti, & effusus es, ideo non conuenit, quod ego permittam tibi istum laborem edificandi domum mihi, quia non poteris vacare huic edificationi. *Filius qui nascetur tibi erit vir quietissimus.* Hic subditur causa, quare Salomoni conueniret ista edificatio, & non David, scilicet quia David nullus, Salomon autem habiturus erat magnam quietem, & sic poterat edificare templum Domino. & dicitur filius, qui nascetur, quia quoniam ista verba dicta sunt David, nondum natus fuerat Salomon, ut infra declarabit in quadam questione, & dicitur magis quietus, quam Salomon, cum non fuerint aliter bella quadraginta annis, quibus regnauit. Sic dicitur in litera, & pacem, & ocium dabo in Israel re David, qui semper fuit occupatus bellis, nisi in extremo senectutis sue. *Faciam enim eum requiescere.* ad multos inimicos suos per circuitum. Id est faciam,

Alph. Tost. In Lib. I. Paralip.

A quod habeat pacem cum omnibus hominibus habitantibus in circuitu terre Israel, qui sunt inimici sui. Omnia enim regna, quæ sunt in circuitu terre Israel habebant inimicitiam ad Israelitas, cuius causa declarabitur infra in quadam questione. *Et ob hanc causam pacificus vocabitur.* Id est quia tanta erit pax in diebus eius, quanta nunquam fuit in tempore alicuius de precedentibus regibus, nec futura erat tempore alicuius successoris, vocabatur pacificus. Ista est causa, quare vocatus est Salomon: nam Salomon interpretatur pacificus, & sic impositum fuit sibi istud nomen in natiuitate propter pacem futuram tempore suo. *Et pacem, & ocium dabo in Israel cunctis diebus eius.* Pax erat diebus Salomonis, quia non habebant Israelitæ aliquem, cum quo pugnarent. Erat autem ocium, quoniam non habebant Israelitæ aliquam occupationem. Nam tempore David erat ipse occupatus in bellis. Nunc autem tempore Salomonis, quia non habebant aliquæ bella, erat eis magnum ocium, & habitabat unusquisque sub ficu suo, & sub vite sua, ut patet 3. Reg. 4. Fuit autem datum istud ocium tempore Salomonis, ut ipse haberet opportunitatem edificandi templum, quia si occupatus fuisset bellis sicut David ex eadem causa impediret edificare templum Domino. *Ipse edificabit templum nomini meo.* Scilicet quia ipse habebit quietem, erit sibi opportunitas edificandi, & edificabit templum ad inuocationem nominis mei.

C *Et ipse erit mihi in filium, & ego ero ei in patrem.* Scilicet diligam eum sicut si ipse esset filius meus, & benefaciam sibi in omnibus, & ipse poterit recurrere confidenter ad me, sicut ad patrem in singulis, & ego benefaciam in omnibus, quæ petierit, sicut si essem pater eius.

Firmaboque solium regni eius super Israel in æternum. Id est faciam, quod regnum suum non mutetur, sicut regnum quoddam, scilicet quod ipsi regnauerunt, & non posterius sui, ut fuit in Saule, sed faceret Deus, quod regnaret Salomon, & etiam quod posterius sui succederet ei usque in æternum. Quo modo autem regnum Salomonis fuerit æternum, cum videatur aliquando cessasse, & diminutum fuisse tempore filij eius Roboam, declaratum est satis supra 17. & 2. Reg. 7. in quibusdam questionibus. Et hoc loco apparet contra Augustinum, & alios doctores nostros, qui volunt illa verba dicta 2. Reg. 7. scilicet Ego ero ei in patrem, & ipse erit mihi in filium. Intelligi solum de Christo, & non conuenire Salomoni. De quo etiam infra dicitur in quadam questione.

Cur David locutus est ista verba nunc filio suo Salomoni.

Quæst. XV.

Q VÆRITUR circa prædicta quare David vocauit nunc Salomonem, & locutus est ei hæc. Respondendum, quod David erat iam in extremo senectutis sue, & putabat se in breui moriturum, & disponebat de omnibus negociis, quorum dispositio pertinebat ad ipsum, ne per mortem suam sequerentur aliquæ intricaciones, & dubia. disposuerat autem de vno & maximo, scilicet quis regnatura esset de filiis suis post eum, assignauitque Salomonem, & fecit eum vngi in regem, dum viveret tertio Reg. primo. Et iam factum fuerat illud quando David voluit facere ea, quæ habentur hic, ut declaratum est supra in quadam questione. Erat autem aliud negocium magnum David, scilicet de edificatione templi, pro qua ipse parauerat omnia necessaria, ut patet supra in litera. A edificatio autem futura erat per Salomonem, sicut Deus iusserat, ideo nunc voluit David denunciare ei istam edificationem, ut post mortem suam illa inchoaret. Et ad hoc, ut magis istud imprimeretur menti Salomonis, vocauit eum coram principibus regni Israel,

Kk 3 rael,

rael. Nam congregauerat eos ad hoc, & ad ordinandum alia pertinentia ad cultum Dei, vt patet seq.c. & vsque ad 27. Alia causa fuit, quia etiam voluit hortari principes, vt adiuuarent Salomonem in edificatione, vt patet infra in litera. Et omnia ista poterant fieri simul conuocatis principibus, & Salomone, & erat melius sic fieri quam aliter, quia Salomon in conspectu principum magis aduerteret ad verba David quam eis absentibus, eo quod mortuo David si Salomon non faceret, quae iusserat ei David, principes, qui interfuerant huic iussioni, possent increpare Salomonem, quod non fieret si eis absentibus locutus fuisset David ad Salomonem. Etiam erat hoc conueniens ex parte principum: nam David hortatus est eos nunc, vt adiuuarent Salomonem in edificatione templi, & ipsi concesserunt coram Salomone increpare eos, quod non egissent ea, quae promiserant coram David, & non posset eos increpare si ista exhortatio ad principes facta fuisset absente Salomone, quia sic non posset increpare eos, licet fallerent fidem datam David.

An Salomon tenebatur edificare templum domino propter verba David, Quæst. XVI.

QVAERITVR vltius, cum David hortatus est Salomonem, vt edificaret templum Domino, an tenebatur ad illud.

Aliquis dicet, quod non tenebatur, quia nemo tenetur ad opus supererogationis, nisi aliquo modo se obligauerit tacite, vel expresse, edificare autem templum Domino erat opus supererogationis, cum non esset præceptum in lege, quod quis edificaret templum Domino. Ideo non tenebatur Salomon, Item non videtur, quod tenebatur ex præcepto patris, quia non videtur, quod filius teneatur subire omnes labores, quos sibi pater imposuerit, quia alias sequerentur inconuenientia.

Respondendum est, quod Salomon tenebatur ad mandatum David edificare templum Domino, eo quod David probabat mandatum suum habere causam ex mandato Dei, scilicet quia Deus iusserat, quod filius, qui nasciturus erat ipsi David, & successurus in regnum, edificaret templum Domino, vt patet in litera. Tenebatur autem Salomon credere patri suo dicenti hoc propter reuerentiam paternam. Etiam quia erat David vir sanctus, etiam quia congregauerat expensas pro edificatione, & dabat eas Salomoni. Non erat autem verisimile, quod David ista faceret, nisi Deus ei dixisset de filio suo, quod edificaturus esset templum. Item & efficacius pater, quia si Salomoni nollet credere patri suo David in hoc, poterat probare istud per Nathan prophetam, qui adhuc vivebat, vt patet 3. Reg. 1. Ille enim fuit, qui reuelauit David ex parte Dei, quod Salomon regnaturus esset, & edificaturus templum 2. Reg. 7. & supra 17. Item patet, quia ista duo erant annexa, scilicet succedere in regnum, & edificare templum, & in Salomon acceptabat successionem in regno, ideo tenebatur acceptare edificationem templi, quae coniuncta erat. Dicendum ergo, quod Salomon tenebatur edificare templum Domino, David dicente ei hoc. Ad primam rationem in præteritum dicendum, quod verum est, quod nemo tenetur ad opera supererogationis. Et tamen edificatio templi respectu Salomonis non erat opus supererogationis, sed cadebat sub præcepto, cum Deus iussisset, quod qui succederet David in regno edificaret templum. Ad secundam dicendum, quod verum est, quod non tenebatur Salomon ad omnia, quae mandare posset ei David, quia posset David iubere aliquid inhonestum, vel difficillimum, quod non debebat, vel non tenebatur subire Salomon, & in istud onus tenebatur suscipere, quia David mandabat hoc non a seipso, sed ex parte

Dei. Item dato, quod Deus non mandasset, tenebatur Salomon obedire David in hoc, quia istud erat aliquod honestum, & facile ipsi Salomoni, cum David parafset ei omnes impensas necessarias, vt putabatur pro edificatione, vt patet supra in litera: etiam dabat sibi adiutores multos, & omnes principes Israelitarum, vt patet infra in litera, & sic sine magno labore poterat exequi hoc. Item patet magis, quia in potestate David erat eligere sibi successorem, & eligebat Salomonem, qui erat minor inter fratres suos, cum potius conueniret regnum Adonia, qui erat maior. Ideo pro isto beneficio maximo, quod David faciebat Salomoni, tenebatur ipse subire istud onus, & quodcumque aliud maius si David illud imponeret, non dubitauit tamen Salomon subire illud, quia erat coniunctum iuri regnando.

De effusione sanguinis, propter quam prohibebatur David edificare templum. Quæst. XVII.

QVAERITVR vltius circa ea, quae dicuntur hic, scilicet quod David non poterat edificare domum Domino, eo quod effuderat multum sanguinem coram eo, quis erat iste sanguis, quem effudit, & quomodo propter istum prohibebatur edificare templum.

Respondent Hebraei, & Nicolaus cum eis, quod David effudit sanguinem impie, scilicet fuit causa effusionis, & etiam fudit aliquem per se, & dicunt, quod hoc fuit in sacerdotibus Nobe, qui occisi sunt propter David. Nam cum vitus fuisset David loqui cum Abimelec sacerdote quando fugit a facie Saulis, credidit Saul, quod coniurassent sacerdotes contra eum, & fecit occidere omnes sacerdotes urbis Nobe, & etiam omnes habitantes in urbe, & David fuit causa omnium istorum. Sic etiam ipse dixit ad Abiathar filium Achimelec. Reus ego sum omnium animarum patris tui, sciebam in die illa, quod cum esset ibi Doeg Idumaeus, procul dubio annuntiaret Saul. primo Regum 22.

Etiam dicunt, quod pro sanguine Uriæ, quem fecit David iniuste occidi fuit hoc, de quo 2. Reg. vnde primo. Etiam quia multos alios viros innocentes de aliis familiis occidi fecit, quorum aliqui erant de stirpe Moysi. Ideo dicunt, quod dicitur seq.c. Moysi quoque hominis Dei filii enumerati sunt.

Sed dicendum est, quod sanguis, quem hic David dicitur fuisse non est sanguis istorum, qui dicti sunt, nam erat sanguis effusus in bello, cum dicitur hic. Multum sanguinem effudisti, & plurima bella bellaisti. Et tamen isti, de quibus Hebraei dicunt, non fuerunt occisi in bello. Item non potest intelligi hic de sanguine sacerdotum, quia David non effudit sanguinem illorum, nec fuit causa. Et si aliquo modo peccauit, fuit culpa levis, vt declaratum est primo Reg. 22. in quadam quaestione. Et dato, quod David peccasset, tamen ipse non effudit sanguinem illorum. Hic autem dicitur de effusione sanguinis realiter facta a David.

Item non est verum, quod dicunt, quod David occiderit multos alios viros iustos. Et quod quidam erant de stirpe Moysi: nam peccasset David in illis: non peccauit tamen David in aliqua occisione, nisi in morte Uriæ Hethæi, vt patet 3. Reg. 15. Ideo nullum alium iniuste occidit. Item quod dicunt sequenti. c. f. Moysi quoque hominis Dei filii enumerati sunt. Nihil agit ad propositum, quia ibi non significatur aliqua occisio virorum de stirpe Moysi, sed numerantur inter Lenitas. Item dato, quod David peccasset in occisione istorum, non prohiberetur propter hoc edificare templum si nihil aliud esset, vt declarabitur sequenti quaestione.

si propter effusionem sanguinis principaliter prohibitus sit Dauid edificare templum. *Quest. XVIII.*

QUÆRITUR ulterius, an Dauid prohibitus est edificare templum primò propter sanguinem, quem effudit. Respondēt omnes doctores nostri ēt sancti, q̄ prohibitus est Dauid edificare propter irregularitatem sequentem ex occisione, quia multum sanguinem effuderat. Et ex hoc dicunt irregularitates novi testamenti habuisse locum, scilicet quia in veteri testamento irregularis erat, qui sanguinem effuderat. Et prohibebatur a facris, lab̄ edificatione tēpli. Rōdendum est, q̄ Dauid non fuit prohibitus edificare templum Dñi propter sanguinem, quem effudit. Quod patet, quia aut Dauid prohiberetur edificare propter peccatum effusionis sanguinis, aut propter irregularitatem sequentem ex effusione sanguinis. Non propter primum, quia Dauid occidit omnes iustos, quos occidit, s. faciendo bella Domini. & non solum non peccabat, immo merebatur faciendo illa. Et hoc verum est, nisi in occisione Vriē, in qua peccavit, & tamen non prohibetur hic edificare propter mortem Vriē, sed propter sanguinem effusum in bello, quia dicitur: Multum sanguinem effudisti, multa bella bellasti, non poteris edificare templum nomini meo. Oportet ergo, quòd intelligatur non de culpa, sed de irregularitate cōtracta ex effusione sanguinis, quæ irregularitas causatur etiam ex homicidio iusto, sicut patet in iudicibus ferentibus iustas sententias capitales: nam irregulares sunt. Sed dicendum, q̄ adhuc isto modo non prohibetur Dauid propter irregularitatem edificare. Nam in veteri testamento non erat aliqua irregularitas. Primo patet, quia si irregularitas esset, maximè ista consisteret circa sacerdotes, scilicet, quòd possent effici irregulares propter aliquos actus, & ipsi tenerentur abstinere ab aliquibus officiis propter irregularitatem potius, quam alij, sicut in nouo testamento, si laicus incurrat irregularitatem, non arcetur ab aliquo officio, vel actu, quem prius habebat, sed solum interdicitur sibi ne ordinetur, sacerdos tamen si incurrat irregularitatem, priuatur officio celebrandi, & quocunque alio sacro. Et tamen in veteri testamento sacerdotes non prohibebantur ab aliqua administratione propter occisionem, sed potius sacerdotes erant bellatores. Nam Iudas Machabæus erat summus sacerdos, & post eum frater suus Ionathas, & deinde Simon, & omnes isti erant maximè bellatores, & occiderunt plurimos de Gentilibus, & tamen post istas occisiones isti Machabæi faciebant sacrificia, & omnia ministeria sacerdotalia, vt patet de Ionatha, qui induit se stolam sancta, & celebrauit officia sacerdotalia post multa bella. Sic etiam Simon frater eius, & Iudas, vt patet sepe ex processu primi, & secundi Machabæorū. Et tamen si propter effusionem sanguinis sequeretur irregularitas, quilibet istorum debuisset priuari summo sacerdotio, vel non debuissent assumi in summos sacerdotes, quia quilibet eorum antequam assumere in summum sacerdotem fecerat multa bella: à fortiori ergo Dauid, qui erat laicus non incurreret irregularitatem propter effusionem sanguinis, nec ex hoc prohiberetur edificare templum Domino, si facientes effundentes sanguinem non prohibebantur ministrare.

Secundò patet, & efficacius, quia non solum propter effusionem sanguinis non efficiebatur aliquis irregularis, & priuabatur ab administratione sacrorū, sed potius quidam meruerunt à Deo effici summi sacerdotes propter effusionem sanguinis. Sic patet de Phinees filio Eleazar summi sacerdotis, qui occi-

Alph. Tostin Lib. I. Paralip.

dit Zambri concum̄s eum Medianitide. & promissit ei Deus propter hoc summum sacerdotiū in sempiternum. Nume. 25. Tertio patet, quia Mathathias sacerdos erat vir iustus, & tñ admonuit filios suos pugnare, & occidere gēiles, & filii sui erāt sacerdotes, vt patet primo Macha. 2. Quarto patet, quia sepe sacerdotes faciebant bella tempore Machabæorum, & quadam die multi ipsorum perierunt incaute bellando, vt patet primo Macha. 5. s. In die illa ceciderunt sacerdotes in bello, dum volūt fortiter facere. Quinto patet, quia si aliqua irregularitas contraheretur in veteri testamento, potius debebat homo per illam prohiberi ab officio digniori quàm a minori, & tamen non prohibebantur sacerdotes propter effusionem sanguinis ministrare in sacrificiis, & in omnibus aliis, quæ faciebant in templo Domini, a fortiori ergo non prohiberetur quis edificare templum propter effusionem sanguinis, quia minus erat edificare templum quàm ministrare in illo. Sexto patet, quia dato, quòd obseruaretur irregularitas in veteri testamento, scilicet, q̄ inciderent homines in illam propter effusionem sanguinis, non prohiberentur propter hoc edificare templum, quia edificare templum nō est aliquod officiū sacrum, quo priuatur quis per irregularitatem. Septimo patet, quia nunc seruatur irregularitas strictissime, eo quòd multis modis incurritur in irregularitatem.

Et tamen dato, quòd aliquis millesies incurreret irregularitatem, nō veraretur propter hoc facere Ecclesiam: ideo nec veraretur Dauid, nunc fabricare templum Domino propter sanguinem, quem effuderat.

Octauo patet, quia Dauid non fuit prohibitus congregare omnes impensas necessarias pro edificatione templi. Nam congregauit illas, & reliquit Salomoni, ergo nec prohibitus est propter effusionem sanguinis edificare templum. Quod patet, quia edificare tēplum potest dupliciter intelligi, s. vel manualiter agere, vel expensas ad agendum dare. Dauid autem non debebat fabricare aliquid manualiter, nec etiam fabricauit Salomon. Ideo si prohiberetur edificare, solum prohiberetur dare expensas pro edificatione, quia nihil aliud erat in edificando, nisi ista duo: non fuit tamen impeditus Dauid a Deo congregare omnia necessaria pro edificatione templi, nam congregauit illa, vt patet hic. Ideo non erat Dauid vere prohibitus edificare, sed solum denunciabat ei Deus, q̄ non posset edificare, quia non habebat opportunitatem, eo q̄ erat occupatus multis bellis. Nono patet, q̄ si Dauid fuisset prohibitus edificare templum propter irregularitatem causatā ex effusione sanguinis, etiam fuisset Salomon prohibitus: nam ipse incurrit hanc irregularitatem faciendo, q̄ occideretur frater suus Adonias. Etiam q̄ occideretur Ioab 3. Reg. 2. Immo quod plus est, magis irregularis fuisset Salomon quàm Dauid, quia Salomon fecit occidi Ioab in tabernaculo apud altare 3. Reg. 2. Dauid autem nullum occidit intra Sanctuarium, & tñ non fuit prohibitus Salomō p̄ hoc, ergo nec Dauid. Decimo patet, quia Salomō futurus erat rex, & sic erat iudex supremus in regno, & pertinebat ad eū punire malefcores, in quo necessitate erat, q̄ incurreret irregularitatem, q̄ multos occideret, & sic Deus non imposeret ei onus faciendi templum cum sciret, q̄ necessario ille incurrere deberet irregularitatem, & tñ imposuit. Ideo videtur, q̄ irregularitas, quam incurreret Salomon iubendo occidi quoscunque reos non impediret eum ab edificatione templi, & sic esset de Dauid.

Vndecimo patet, q̄ si p̄ effusionem sanguinis caret irregularitas in veteri testamento, non magis causa-

retur per multa homicidia, quam per vnum, & non magis per homicidia facta in bello quam per effusionem sanguinis alius. Et tamen Deus non dixit hic de effusione sanguinis, quam faciebat Dauid occidendo viros iniquos, qui erant in regno suo, quia certum est, quod multos occidit, vt patet 2. Regum. 1. De iuvene Amalecem, & ibidem c. 4. De latronibus occidentibus Isboseth, & 21. de filiis, & posteris Saulis, quos occidit propter Gabaonitas, sed solū de sanguine effuso in bello.

Ideo videtur, qd non prohibebatur Dauid edificare templum Domino propter aliquam irregularitatem causatam ex effusione sanguinis, sed propter occupationem magnam, quam habebat in effundendo sanguinem in bello.

Duodecimo patet, quia Salomon dedit causam regi Hiram, quare pater suus Dauid non edificasset templum domino, & non dixit, qd hoc fuerat propter impedimentum bellorum 3. Reg. 5. f. Tu scis voluntatem Dauid patris mei, & qd non potuerit edificare domum Domini propter bella imminencia per circuitum, donec daret Dominus eos sub vestigium pedum eius. Et sic videtur, qd Dauid propter sola bella, quæ imminabant in circuitu, non poterat edificare templum, & tamen postquam cessarent bella poterat edificare, cū dicatur, donec daret Dominus eos sub vestigio pedum eius, quasi dicat, tunc edificaret, ergo non prohibebatur propter effusionem sanguinis, quia si propter hoc prohiberetur, etiam si nullum bellum gessisset Dauid, non posset edificare templum cum multis occidisset tanquam iudex.

Decimotertio patet, quia Dauid prohibitus fuit, & Salomon non, & redditur causa quare non prohibitus fuerit Salomon. Et dicitur, qd fuit hec, quia erat in quiete, & habebat opportunitatem ad edificandum, vt patet in litera, f. Filius, qui natus tibi erit vir quietissimus: faciam enim eum requiescere ab omnibus inimicis in circuitu, & pacem, & oculi dabo in Israel cunctis diebus eius. Et sequitur. Ipse edificabit domum nomini meo. Cum ergo Salomō probaretur esse cōueniens ad edificandum templum solum ex hoc, qd habiturus erat quietem, Dauid solum prohiberetur edificare, quia nullam habebat pacem. Alioquin si Dauid esset inhabilis ad edificandum templum propter effusionem sanguinis, approbaretur Salomon ad edificandum, eo qd nullum sanguinem effusus esset, & sic non diceretur. Filius qui nascetur tibi, erit vir quietissimus, & ipse edificabit mihi templum.

Sed diceretur filius, qui nascetur tibi nullum sanguinem effunder. Et tamen non dicitur, nisi de quiete, ergo Dauid non fuit prohibitus edificare templum Domino, nisi quia in diebus eius non erat quies.

Dicendum ergo est, qd Dauid non verè fuit prohibitus a Deo edificare templum, sed solum denunciatum esse ei, quod in diebus suis non poterat edificari templum, eo quod erat occupatus bellis, & requirebat istud opus magnam vacationem ab alijs laboribus. Vel si velimus dicere Dauid fuisse prohibitus, fuit ista prohibitio, quia non poterat ipse vacare aedificationi propter bella. Et istud sonat omnia loca, in quibus agitur de habilitatione Salomonis, & inhabilitatione Dauid ad edificandum. Sic enim dicitur 3. Reg. 5. f. Nunc autem requiem dedit Deus meus mihi per circuitum, & non est Satan, nec occursum malum, quāobrem cogito edificare templum nomini Domini. Item patet Eccle. 47. f. Salomon imperauit in diebus pacis, cui subiecit Deus omnes hostes, vt conderet domum in nomine suo. Sola ergo occupatio Dauid circa bella fecit eum inhabilem ad edificandum, & sola

magna quies Salomonis habilitauit eum ad edificandum.

Cum autem obicitur ex litera ista, quæ videtur dicere contrarium, scilicet. Multum sanguinem effudisti, & plurima bella bellasti, non poteris edificare domum nomini meo tanto effusa sanguine coram me.

Dicendum, quod intelligitur solum de occupatione circa bella, scilicet multum sanguinem effudisti, idest multum sanguinem effundere consuetus es in bello, quia multa bella facis, & ob hoc non poteris habere opportunitatem ad edificandum templum mihi, quia ad hoc requiritur magnum ocium, & tunc semper es occupatus bellis. Et dicitur, non poteris edificare domum effuso tanto sanguine coram me, idest, quia effudisti vsque nunc multum sanguinem coram me, scilicet vidi, quod fecisti multa bella, & video, quod multa alia facturus es, ideo non poteris edificare templum. Quod autem iste sit sensus literæ, patet: quia dicitur, multa bella bellasti. Et sic prohibitio est propter bellum, & non propter sanguinem, etiam quia immediatè in litera quando habilitatur Salomon ad edificandum domum Domino dicitur. Filius, qui nascetur tibi erit vir quietissimus, ipse edificabit mihi domum.

Et sic videtur, quod propter quietem fuit Salomō habilis ad edificandum. Et Dauid, quia semper fuit in inquiete, non fuit habilis ad edificandum. Litera tamen turbat quoddam, quia videtur in se grauis, eo qd loquitur de preterito, f. multum sanguinem effudisti, ex quo videtur in superficie, quod Dauid impediebatur edificare domum Domino propter effusionem sanguinis, & tamen necesse est literam istam intelligi cum suppletionem propter omnia supra assignata.

De causa quare Dauid non edificauit templum Domino, dum erat in quiete. Quæst. XIX.

QVAERITVR vterius dato, quod Dauid non edificauit templum Domino tempore preterito propter occupationem in bellis, nunc tamen cum esset in quiete, nec habiturus esset aliqua bella, quare non edificauit templum domino.

Respondendum est, quod Dauid non ausus est edificare templum Domino, quia Deus dixerat ei, non poteris edificare domum nomini meo, & nesciebat, an ista prohibitio cessaret, ideo non audebat edificare, ne ageret contra voluntatem Dei. Deus autem non lebat ei dicere, quod edificaret, quia Dauid non erat nunc promptus ad hoc, quia toto tempore fuit Dauid occupatus bellis vsque ad numerationem populi, vt colligitur ex processu istius libri, & secundi Regum. Post numerationem autem Dauid incidit in egritudinem: nam corpus eius in frigidatum est, vt patet tertio Regum primo. Et sic si Dauid inciperet istud opus non posset consummare illud propter egritudinem. Etiam quia modico tempore vixit post hoc, & si aliquid fieret viuentem Dauid, non fieret tam diligenter, nec tam curiose, sicut volebat Dauid, cum ipse non posset interesse propter continuam egritudinem. Nam semper erat in lecto, ipse tamen volebat, quod illa domus fieret tam curiose, vt in omnibus rebus nominaretur, vt patet in litera. Non ergo fuit conueniens, quod fieret aliquid tempore Dauid.

Quare simpliciter prohibitus est David edificare templum Domino.

Quest. XX.

QUÆRITUR ulterius quare Deus prohibuit ipsi David simpliciter edificare sibi dicens: Non poteris edificare templum nomini meo. Quia cum prohiberet edificare eum propter bella, potuisset dicere, nunc non potes edificare templum Domino, quia multa bella tibi imminant. Et tamen quando vacaverit tibi, edifica si volueris.

Respondendum, quod David erat vir valde deicola, & postquam fuit rex desideravit facere templum Domino: toto tamen tempore septem annorum, & dimidij, quibus regnavit super Iudam secundo Reg. quinto, & tertio Reg. secundo. Non habuit aliquam opportunitatem edificandi, ideo non curavit: nam erat bellum quotidianum inter eum, & Isboeth regem Israel secundo Reg. tertio, scilicet: Facta est longa concertatio inter domum David, & domum Saul. Postquam autem factus est rex super Israel, habuit bella cum Iebuseis in Ierusalem, & postea bis pugnavit contra Philistinos secundo Reg. quinto, & supra 14. Hoc tempore non poterat edificare templum Domino, nec curabat. Postea vero videntes hostes fortitudinem David, cessaverunt inquietare eum. Incusserat enim Dominus paurem David super omnes gentes supra 14. Et tunc putans David, quod nulla bella iam habiturus esset, quia omnes gentes timebant ipsum, cogitavit edificare templum Domino, & dixit illud ad Nathan. Tunc Deus respondit, quod non poterat edificare templum, quia multum sanguinem effundebat. Videbat enim Deus bella multa, quæ imminabant David, & postea venerunt. Ideo sciens, quod non haberet aliquam opportunitatem edificandi, dixit ei simpliciter non poteris edificare, & non erat conveniens, quod Deus diceret David, nunc non potes edificare propter bella supervenientia, sed quando poteris edifica, si volueris, quia sequerentur ex hoc inconvenientia, scilicet quando David cessaret ab aliquo bello, & non videret aliud sibi imminere, inciperet edificare, & tamen superveniret rursus aliud bellum, quod David ignorabat, & perirent sumptus, & labores habiti in edificando, & sic depauperaretur David, & non prosperaretur in eo quod incipiebat.

Item sequeretur aliud inconueniens, quod per hoc esset minus dispositus ad bellandum. Nam ad hoc, quod David deberet edificare, minus congregaturus erat materiam lapidum, & lignorum, & ad istud requirebatur magna occupatio. Nam deberent dari plusquam centum millia virorum ad sciendendum lapides, & ligna, & ad portandum, quia in sola scissione lapidum de lapidicina præter artifices habebat octoginta millia operatorum tertio Regum quinto. Et si immineret aliquod bellum, essent omnes viri robusti, vel plerumque eorum occupati circa ista opera, non posset David parare se cito ad bellum. Videns ergo Deus, quod toto tempore David futurum, & bellum, dixit ei simpliciter: Non poteris edificare templum nomini meo, ne aliquando David credens se habere opportunitatem edificandi inciperet edificare, & postea periret, quod edificaverat. Nunc autem habens pacem quandam post bellum Philistinorum putavit se habiturum temperamentum, & volebat edificare templum Domino. Et tamen Dominus prohibuit eum sciens, quod in brevi ista bella sibi instarent secundo Reg. septimo. Et supra 17. Nunc autem in senectute cum iam nulla

bella habiturus esset, ostendit ei locum Deus templi, & dedit sibi descriptionem illius, cepitque David congregare materias necessarias ad edificandum, eo quod iam non erat impediendus bellis.

Quare Salomon non incepit edificare templum vivente David, scilicet in fine sue vite.

Quest. XXI.

QUÆRITUR ulterius, cum David prohibitus esset edificare domum Domino, cur saltem Salomon non edificabat eam in diebus David, non quidem in priori tempore vite, quia tunc, cum esset David occupatus bellis, etiam Salomon non posset edificare, sed in fine vite David numerato populo, quando congregabat materias ad edificationem: poterat enim Salomon incipere edificationem templi.

Respondendum, quod non fuit hoc propter multa.

Primo quia David non audebat facere istud, quia putaret se agere contra mandatum Dei. Nam vivente David Salomon erat sub manu eius, & nihil poterat facere Salomon, quin illud diceretur facere David iubendo, vel approbando, quia alias poterat illud prohibere, cum Salomonis cura pertineret ad eum. Et tamen David erat prohibitus edificare, ideo non poterat Salomon edificare vivente David.

Secundo patet, quia Salomon non erat dispositus tunc ad hoc, quia erat valde puer. Nam quando accepit sapientiam à Deo, erat puer, ut sequenti libro capit. primo, & tertio Reg. tertio. Et tamen illud fuit plus quasi per tres annos post ea, quæ habentur hic, ut declaratum est tertio Reg. 1. in quadam questione. Ergo à fortiori nunc esset valde puer, ita ut non sufficeret ad disponendum tantum opus.

Tertio patet, quia si Salomon inciperet edificare vivente David, oporteret, quod moriente illo delisteret per multa tempora quouique confirmaret regnum suum, confirmando omnes illos, qui erant sibi contrarii, scilicet Adoniā, & Iab, & Semei tertio Reg. secundo. Et in hoc tempore periret opus, quod interceptum erat, nec poterat si vellet Salomon vacare operi nondum regno suo bene pacato. Ideo non expediebat, quod vivente David inciperet Salomon edificare. Ista namque fuit una de causis propter quas Salomon non edificavit templum immediate ut ceperat regnare, sed in quarto anno regni sui cepit edificare, ut patet 3. Reg. 6.

Quarto non conveniebat, quia istud opus erat magnum, & Salomon non sufficebat facere illud solo iudicio suo, sed requirebatur maior industria. Et istud haberet Salomon, quando Deus daret sibi sapientiam, & vique nunc non dederat, ideo non expediebat, ut edificaret, & sic quamquam Salomon cepit regnare non cepit illico edificare, sed prius data est sibi sapientia, & tunc edificavit, ut patet tertio Regum tertio, & sexto. Sed aliquis dicet: Salomon nesciebat sibi sapientiam dandam esse à Deo, quia istud venit ex Dei munere. Quid ergo expectaret ad edificandum?

Dicendum, quod Salomon nesciebat sapientiam sibi dandam esse à Deo, quamquam desideraret illam nimis, ideo non expectaret, quod Deus sibi daret sapientiam, & edificaret, sed pacato regno suo cum veniret ad gratiam maturam aequaliter, in qua bene iudicaret de his, inciperet edificare.

De causa odij, & inimicitia, quam habebant Israelitis omnes gentes, quæ erant per circuitum.
Quæst. XXII.

QUÆRITUR vltcrius quomodo omnes gentes, quæ erant per circuitum terræ Israel inimicabantur Israelitis, vt litera dicit.

Dicendum, quod terra Chanaan non poterat habere gentes aliquas vicinas nisi ad vnum de quatuor lateribus, & in omnibus illis erant hostes. Nam in latere aquilonis terræ Chanaan est Syria, quæ extenditur ab occidente vsque ad orientem, vnde Hemath, quæ est in terra Syriæ, vt patet supra 18. est terminus aquilonaris in terra Chanaan, vt patet Num. 34. Ad latus occidentale est mare Mediterraneum, & totum illud latus clauditur mari: Num. 34. Ad latus meridianum erat terra Philistinorum, & partim terra Idumæorum Iosue 15. & Numeri 34. Ad orientem erat terra Moabitarum, & Ammonitarum: Moabitæ contra Meridiem, & Ammonitæ contra Septentrionem, quia ista duo regna perueniebant circa Iordanem, & ibi est pars orientalis terræ Chanaan: Num. 34. In omnibus istis partibus habebant Israelitæ hostes. Nam Syri, qui erant ad Aquilonem erant hostes Israelitarum, quia Dauid pugnaverat contra Syros Damasce nos, & contra Adarezer regem Soba, qui etiam erant in Syria, & subiecerat terras aliorum in tributum, vt patet secundo Reg. 8. & 10. & supra 18. & 19. A parte meridiana habebant Israelitæ Philistinos in hostes, quia Dauid pugnaverat sepe contra illos, & subiecerat eos tributo, acceperatque ciuitates de terra ipsorum, vt patet secundo Reg. 8. & supra 18. Ab oriente habebant Israelitæ hostes, scilicet Moabitas, & Ammonitas. Nam Dauid pugnaverat contra Ammonitas, & coequauerat eos terræ, feceratque de eis vnum funiculum ad occidendum, & alium ad viuificandum secundo Reg. 8. & supra 18. Ammonitas etiam valde oppresserat Dauid. Nam ceperat eorum ciuitates, & diuersis tormentis affecerat eos, scilicet faciendo super eos transire ferrata carpenta, & trahas, & tribulas, & diuidendo eos cultris, vt patet secundo Reg. 12. & supra 20. Ab Occidente autem erat mare Mediterraneum, & ibi non erant aliqui hostes, Philistini tamē tenebant quandam partem occidentis, licet præcipuè tenerent latus meridianum: sicut etiam Syri erant in latere aquilonari Israel. Et tamen quedam pars Syriæ erat in latere orientali, vt patet Isa. 9. scilicet: Eleuauit super eos hostes Syriam ab Oriente, & Philistini ab occidente, & deuorabunt Israel toto ore. Et sic ex omnibus partibus Israelitæ habebant hostes, & omnes isti quieuerunt tempore Salomonis.

Quomodo tempore Salomonis hostes Israelitarum fuerunt in quiete.
Quæst. XXIII.

QUÆRITUR vltcrius quomodo Deus fecit quiescere omnes hostes Israelitarum, qui erant tempore Salomonis.

Respondendum est, quod poterant vno modo quiescere ex oppressione præterita, scilicet Dauid tempore suo oppressit omnes gentes, quæ erant in circuitu terræ Israel diuersis cladibus, ita vt subieceret eas in seruitutem, vt declaratum est præcedenti questione. Ideo non audebant nunc insurgere contra Salomonem, quia contrafactæ erant vires earum.

Secundò erat propter eminentiam potestatis, & diuitiarum Salomonis. Nam fuit Salomon potentior in rebus pertinentibus ad militiam, quam Dauid, quia habuit quadraginta milia præsepia equorum curilium, & duodecim milia equestrium 3. Reg. 4.

F Putabant autem gentes per circuitum, quod Salomon erat vir magni cordis, sicut Dauid pater suus, & cum haberet tantam potentiam, & apparatus bellicum, nulla gens audebat insurgere contra eum nisi Deus specialiter incitasset aliquos, sicut fuit Adad Idumæus de genere suo, & Razon, qui factus est princeps latronum in Damasco. Deus enim suscitauit istos duos contra Salomonem in sehectute sua, vt patet tertio Reg. 11. Nulli autem alij ausi sunt insurgere contra ipsum.

Tertio & principaliter, quia Deus dabat istud in cordibus gentium, quod non auderent insurgere contra Salomonem, & dato, quod nullos viros Salomon haberet, posset istud fieri: nam sic incussit Deus timorem omnibus ciuitatibus, quæ erant in circuitu Sichem, ne insurgerent contra Iacob, qui nullius potestatis erat, & non sunt autem persequi eum fugientes: Genesis 35.

Quartò poterat fieri, quod Deus poneret istis gentibus tempore Salomonis aliquas difficultates, in quibus occuparentur, ad quos aduertentes non possent pugnare contra Israelitas. Alij modi multi poterant esse, quibus Deus moueret corda istarum gentium, vt non pugnarent contra Hebræos, quia cor hominis est in manu Domini, & quocunque voluerit vertet illud: Prouerb. 21.

De nomine Salomonis, quod vocaretur pacificus.
Quæst. XXIII.

QUÆRITUR vltcrius quomodo dicitur hic, quod Salomon vocaretur pacificus, propter pacem magnam, quæ futura erat tempore suo.

Aliquis dicet, quod istud intelligitur, quod cum in diebus Salomonis videretur tanta pax quanta non fuerat in tempore alicuius de præcedentibus regibus vocaretur pacificus. Sed hoc non stat, quia pacificus non accipitur hic, vt nomen commune, sed vt proprium, quia in Hebræo Salomon ponitur, vbi nos dicimus pacificus, ideo oportet, quod sit nomen proprium, & est sensus, quod propter pacem, quæ futura erat tempore Salomonis, ponebatur sibi hoc nomen. Sed tunc dicetur quomodo sciretur, quod ista pax futura erat tempore suo ad hoc, quod imponeretur sibi istud nomen, quia forte ille qui imponeret sibi nomen nesciret, an ista pax futura esset.

Respondendum est, quod Salomoni impositum est istud nomen per prophetam. Nam antequam nasceretur reuelauerat Deus per Nathan Prophetam qualis futurus esset, & etiam nomen suum indicauit, scilicet, quod vocaretur Salomon. Ideo quando natus est impositum fuit sibi hoc nomen. Sed tunc est dubium quomodo Dauid sciret, quis erat ille filius eius, cui hoc competeret. Nam postquam istud dixit Nathan, nati sunt multi filij Dauid. Nam Bethsabee, quæ erat mater Salomonis legitur habuisse quatuor filios ex Dauid, & inter illos fuit vltimus Salomon, vt patet supra 3. Nathan tamen non dixit primus filius, qui nasceretur tibi, secundus vel tertius. Ideo cum nondum designauerit quis esset, non cognosceret Dauid quis erat cui nomen Salomonis imponeretur. Aliquis dicet, quod cognitum fuit hoc ex tempore, quo dixit istud Nathan, scilicet, quod forte post istam reuelationem natus est illico Salomon. Et ideo intelligebat, secundum modum loquendi Nathan. Sed dicendum, quod non stat, quia non fuit natus Salomon mox post istam prophetiam, sed multi alij prius. Nam Salomon fuit filius Dauid, & Bethsabee Marthæ primo, & secundo Reg. 12. Et quando Nathan reue-

lauit istud, nōdum acceperat Dauid Bethsabee in vxore. Nam ista reuelatio ponitur 2. Reg. 7. Et adulterium Dauid cum Bethsabee ponitur 2. Reg. 11. Et natus est ex adulterio quidam puer, qui mortuus est secundo Reg. 12. Et postea autem nati sunt quatuor alij cum iam esset Bethsabee vxor Dauid. Et istorum quatuor fuit vltimus Salomon supra 3. Ideo non poterat cognosci isto modo. Dicendum ergo videtur, quod Nathan Propheta, qui reuelauit Dauid de illo filio nascituro, dixit ei quando nasceretur, & imposuit ei nomen. Non quidem, quod quando dixit istam prophetiam, dixerit ei quod tertius, vel quartus filius suus esset iste, qui regnaturus erat, sed solum dixit, quod regnaturus erat, & declarauit nomen eius, & subtrixit. Postea vero adueniente tempore, quo natus est Salomon, Nathan prophetauit ad ponendum ei nomen ex parte Dei, & vocauit eum Idida, idest amabilis Domino. Mater autem eius Bethsabee vocauit eum Salomon secundo Regum 12. Et tunc semper manet dubium, cum Nathan non posuerit ei istud nomen, sed Bethsabee illud posuerit antequam veniret Nathan, quomodo impositum est. Videtur dicendū, quod ipsa Bethsabee nihil sciebat, sed velut à casu imposuit ei istud nomen, Deus tamen mouit eam ad imponendum illud, & sic non fuit erratum in nomine, quia Deus mouit matrem ad nominandum illum filium sic, & neminem prius vocauerat Salomonem,

De quibusdam verbis dictis, scilicet ego ero ei in patrem, &c. de quo intelliguntur. *Quaest. XXV.*

QVAERITVR vltius circa hoc, quod hic dicitur, scilicet ego ero ei in patrem, & ipse erit mihi in filium: An intelligatur istud de Christo, vel de Salomone. Respondet Augustinus in libro de ciuitate Dei, & plurimi de doctoribus nostris, quod non intelligitur de Salomone, sed de Christo, quia ille est verus filius Dei. Et sic dicunt, quod quaedam alia, quae ponuntur hic, & secundo Regum 7. & supra 17. scilicet: Firmabo regnum eius in eternum. & alia, intelliguntur de Christo, quia regnū Salomonis non fuit firmatum in eternum. Dicendū est, quod ista intelliguntur de Salomone ad literam. Et patet ex hoc loco. Nam si solum ponerentur ista verba secundo Reg. 7. & supra 17. Posset dubitari, an de Christo, vel de Salomone intelligeretur, eo quod ibi non dicitur de quo filio Dauid intelligatur. Christus autem est filius Dauid sicut Salomon. Ideo poterat intelligi de eo sub nomine filij Dauid sicut de Salomone. Sed hic apparet, quod istud intelligatur de Salomone, quia Dauid vocauit hic Salomonem, & locutus est ad eum ista, asserens, quod ipse erat de quo locutus fuerat, ideo ipse debebat edificare templum. Et in hoc non est aliquod dubium. Sed tunc dicer aliquis, quod cum intelligantur de Salomone ad literam, non possunt intelligi de Christo. Sed dicendum, quod falsum est. Nam etiam de Christo oportet illa intelligi, quia ad Hebræos primo Apostolus ponit ista verba dicens: Et rursum: Ego ero ei in patrem, & ipse erit mihi in filium. Non potest tamen accipi ibi in sensu mystico, quia scriptura nunquam arguit nisi in sensu literali, ut ait Dionysius in epistola ad Polycarpum, scilicet: Mystica Theologia non arguit. Idest non sumit Theologia argumenta ex mystico sensu.

Dicendum ergo quod litera aliquādo habet duos sensus, quorum ambo sunt literales. Sed vnum intendit scriptura principaliter, quam alium, sic patet de illo, quod habetur Exodi duo decimo, scilicet: Os non comminuetis ex eo. Et accipitur ibi de agno

A Paschali in sensu literali, & etiam in sensu literali intelligitur de Christo, cuius crura non erant frangenda in cruce, nec aliquod de ossibus eius. Et patet, quia sic arguit Beatus Ioannes 19. capitulo, scilicet: Ad Iesum autem cum venissent, non fregerunt crura eius. Et subdit: Ut impleretur quod dictum est, os non comminuetis ex eo. Et tamen si non esset ille sensus literalis illius scripturae, non diceretur scriptura impleri sic, cum sensus mysticus non sit aliquid certum, nec est ille sensus, quem intendit scriptura. Ideo cum impletur id, quod mysticè significatur, nō dicitur scriptura impleri, eo quod possumus ponere quemcunque sensum mysticum voluerimus scripturae.

B *An verum sit, quod tempore Salomonis fuit ocium, & pax in Israel. Quaest. XXVI.*

QVAERITVR vltius quomodo est verum, quod dicitur hic, scilicet, quod Deus daret pacem, & ocium in Israel cunctis diebus Salomonis. Nam non fuit semper pax, quia duos hostes habuit Salomon, qui inquietabāt terram eius, scilicet Adad Idumæus de genere regio, & Razon in Damasco, tertio Reg. vndecimo.

Dicendum est, quod Salomon habuit pacem omnibus diebus suis, sicut hic dicitur. Et tertio Reg. 4. dicitur: Habitabat Iuda, & Israel absque vllō timore, vnusquisque sub vite sua, & sub ficu sua à Dan vsque ad Bethsabee, cunctis diebus Salomonis. Potest tamen intelligi dupliciter: vno modo, quod omnibus diebus Salomonis, scilicet quibus bene vixit, fuit pax in Israel. Et verum est, quod tunc nullos omnino hostes habuit Salomon: nam Adad, & Razon non insurrexerunt contra Salomonem nisi postquam peccauit, ut patet tertio Reg. 11. Tunc enim suscitauit istos duos, ut aliquo modo affligerent Salomonem, & minuerent gloriam regni eius. Alio modo potest intelligi, quod omnibus diebus quibus vixit Salomon, est pax. Et cum obijcitur, quod Adad, & Razon fuerunt hostes eius.

Dicendum, quod non fit mentio de illis, quia illi modicum hostilitatis tribuerunt, vel parum perturbauerunt pacem Israel, & hoc, quia fortè modico tempore durauit ista hostilitas, scilicet quia paucō tempore ante mortem Salomonis isti surrexerunt, vel dato quod multo tempore aduersarentur, potestas eorum parua erat, & modicum nocere poterant.

Nunc ergo fili mi sit Dominus tecum, & prosperare, & ædifica domum Domino Deo tuo, sicut locutus est de te, detque tibi Dominus prudentiam, & sensum, ut regere possis Israel, & custodire legem Domini Dei tui. Tunc enim proficere poteris, si custodieris mandata, & iudicia, quae praecepit Dominus Moyse, ut doceret Israel. Confortare, & viriliter age, ne timeas, neque paueas. Ecce ego in paupertate mea praeparaui impensas domus Domini auri talenta centum millia, & argenti mille millia talentorum, æris vero, & ferri non est pondus, vincitur enim numerus magnitudine. Ligna, & lapides praeparaui ad vniuersa impendia. Habes

numerus magnitudine. Id est ferrum. Et non sunt in pondere certo, quia tanta est multitudo, quod non potest habere numerum, & sic maior est magnitudo numerabilis, quam ipse numerus, qui eam debeat denominare, scilicet quia ad tantum numerum perueniret, quod excederet numeros à nobis usitatos. *Ligna, & lapides præparavi ad vniuersa impendia.* Id est etiam paravi ligna, & lapides ad vniuersa impendia, id est ad vniuersas expensas necessaria. Nam ligna tulerant sibi Tyrij, & Sidonij de Libano, ut patet supra, scilicet Ligna quoque cedrina non poterant estimari, quæ Sidonij, & Tyrij deportauerunt ad Dauid. Et tamen plura adhuc fuerunt necessaria, quia Dauid non potuit scire determinatè pro tanto opere, quanta essent ligna necessaria, & lapides, sed collegit, quot putauit necessaria, postea autem Salomon congregauit multo plura ligna tertio Reg. 5. Lapides autem habuit Dauid mittendo latomos in montem de profelytis Israel supra in litera. *Habes quoque plurimos artifices.* Istud erat secundum necessarium pro edificatione templi, & Dauid collegerat artifices multos de terra Israel, & magis de terris vicinis, quia ad quadam opera istorum Israelitæ erant indocti. Sic enim fuit in scissione lignorum. Nam Sidonij, & Tyrij scinderunt ea, eo quod non erat in Israel quiscumque sciens scindere ligna doctè. Sic enim dixit Salomon ad regem Hiran, scilicet. Tu scis, quod in populo meo non sit vir, qui nouerit ligna cedere sicut Sidonij. tertio Reg. 5. Et sic de quibusdam alijs artificijs, & ob hoc princeps omnium artificum in opere templi fuit quidam nomine Hiran de Tiro, quem misit rex Hiran ad Salomonem, ut in omnibus operibus præesset. Sic patet sequenti libro cap. 2. *Latomos, & cementarios.* Latomi sunt artifices lapidum, scilicet illi, qui cediunt eos rudes de lapidicina, vel qui eos poliunt. Cementarij vocantur fabricatores parietum, qui sciunt de lapidibus, vel alias parietes facere. Et vocantur cementarij à cemento, quia cementum est lutum, vel calx, qua lapides compaginantur, & sic dicitur, quod edificantes turrem Babylonis habuerunt lateres pro lapidibus, & bitumen pro cemento, id est loco calcis ad compaginandum lateres: Genes. 11. Aliqui accipiunt cementarios, id est ponentes fundamentum domorum, quia putant cementum esse fundamentum, sicut accipitur in vulgari, sed errant, quia puerilis modus loquendi est iste. *Artifices quoque lignorum.* Etiam habes multos de istis. Et erant quidam istorum ad cedendum ligna in Libano, alij verò ad parandum ea qualia esse deberent in opere. *Et omnium artium.* Multæ aliæ artes erant necessariæ pro opere templi præter dictas, & omnes illæ erant in artificibus, quos congregauerat Dauid. *Ad faciendum opus prudentissimos.* Id est omnes isti artifices erant periti, quia Dauid elegerat viros peritos, eo quod opus erat excellens. Et vocantur prudentissimi improprie. Nam prudentia est habitus directiuus eorum, quæ pertinent ad totam vitam, scilicet in agilibus, per quæ homo bonus, vel malus efficitur. Ideo prudentia virtus est 6. Eth. Ars autem habitus factiuus est, & differunt nimis à prudentia, ideo artifex sapiens non vocatur prudentissimus, sed peritissimus, vel sapientissimus, quia sapientia est virtus artis sexto Eth. Et sic vocamus aliquem sapientem statumficum. Scriptura tamen interdum non obseruat proprietatem terminorum. Sic accipitur Exodi trigessimoprimo. Vbi significatur peritia dum tabernaculum vbi dicitur: Ecce vocavi Beseleel tuum Dei, & sapientia, & intelligentia, & scientia in omni opere. Et tamen certum est, quod isti sunt habitus speculatiui, & non factiui, accipiuntur tamen pro

A arte perfecta. In auro, & argento, & ferro. In omnibus istis metallis erat necessaria ars in templo. Nam de ferro fiebant clauis ianuarum, de ære fiebant vasa altaris holocaustorum, de argento, & auro fiebant laminæ ad operiendum parietes templi, & etiam fiebant quedam vasa de auro, & argento. *Cuius non est numerus.* Scilicet tot sunt artifices, quos iam designaui ad istud opus, quod non est numerus eorum. *Surge igitur, & fac, & erit Dominus tecum.* Id est habes omnia necessaria ad edificandum, ideo nihil requiritur nisi executio, & sic surge, & fac, id est incipe iam facere, scilicet quando regnaueris post mortem meam, quia viuente Dauid nihil agere debebat ne videretur ipse Dauid agere, ut declaratum est sup. in quadam questione. *Et Dominus erit tecum.* Scilicet postquam tu apposeris animum tuum ad faciendum opus, si in aliquo indigeas adiutore, Dominus erit tecum ad te adiuuandum.

Quare non postulabat à Deo Dauid prudentiam pro filio suo, ut sciret edificare templum.

Quest. XXVII.

QVAERITUR circa prædicta cum Dauid suum præimprecaretur bona Salomoni, & oraret, ut Deus daret sibi prudentiam ad gubernandum regnum, quare etiam non petebat illam dari sibi pro edificatione templi. Nam duo opera magna facturus erat Salomon, scilicet templum edificaturus, & regnum gubernaturus, & in utroque erat magnus labor. Ideo sicut requirebatur prudentia pro gubernatione, & petiuit eam Dauid, ita debuisset petere pro edificatione templi. Dicendum, quod ad edificationem templi non requirebatur in Salomone magna prudentia, quia iam erant congregatæ materiæ, & artifices qui deberent opus excogitare. Nec etiam Salomon debebat laborare excogitando aliquem modum fabulem edificationis, quia iam erat forma data, quam non licebat transgredi, scilicet quia omnia venerant scripta manu Dei ad Dauid, ut patet infra 28. Non ergo requirebatur in Salomone pro edificatione templi, nisi constantia in opere, ita ut non affligeretur propter diuturnitatem, & desisteret ab eo. Pro gubernatione autem regni secus erat, quia nihil est, quod maiorem prudentiam requirat, nec sufficit prudentia vnius viri, sed multorum simul prudentium, & solertia requiritur, & ob hoc Dauid pro tota regni gubernatione petiuit prudentiam. Sic etiam ipse Salomon post mortem Dauid, quando petiuit à Deo sapientiam, siue prudentiam, solum petiuit prudentiam pro regimine populi, ut patet tertio Reg. 3. scilicet. Tu Domine fecisti regnare seruū tuum pro Dauid patre meo. Ego autem sum puer paruus, & ignorans egressum, & introitum meum, & seruus tuus in medio populi est, quem elegisti populi infiniti qui enumerari, & supputari non potest præ multitudinem: dabis ergo seruo tuo cor docile, ut inducere possit populum tuū, & discernere inter malum, & bonum. Si autem aliqua prudentia inquirebatur circa promissionem aliquorū in ista edificatione, erat pauca in comparatione ad prudentiam requisitam pro gubernatione populi, ideo solum petiuit Dauid prudentiam pro gubernatione.

De quibusdam verbis dictis à Dauid ad filium suum scire enim proficere poteris, &c.

Quest. XXVIII.

QVAERITUR vterius quomodo dicitur hic. Tunc enim proficere poteris, si custodieris mandata, & iudicia Dei, quia non solum homines dicuntur proficere in operibus suis custodiendo mandata, sed etiam

etiam quedam non custodiendo magis prosperatur. Rndent quidam, q̄ intelligitur de profectu, qui est in virtute, quia tunc proficit homo in virtute cum custodit legem Dei, & aliàs non. Sic etiam dicitur Iosue 1. Custodias, & facias omnia, quę scripta sunt in lege, tunc diriges viam tuam, & intelliges eam. Sed obijcietur, quia si hoc intenderet Dauid, non diceret tunc proficere poteris, si custodieris mandata, sed diceret tunc certissimè proficies. Rndendum, q̄ verum est, q̄ custodiens legem necesse proficit in virtute, & in dicit Dauid, tunc poteris proficere, idest tunc proficies, & nō poteris proficere aliàs, & sic exponitur negatiuè. Alio modo potest dici, q̄ intelligitur de profectu, & prosperatione in negocijs nostris, s. q̄ tunc homo proficiet in negocijs suis, & Deus dirigit eum ad consequendum omnia, quę intendit si custodit legem. Quod paret, quia Deus proposuit multa bona obseruatoribus legis, & q̄ auferret ab eis omne malum, & proposuit multa mala pro non obseruātibz legem, vt paret Leu. 26. & Deut. 28. Interdum tamen illi, qui mali sunt prosperantur saltem quantum ad ali quod tēpus, & de hoc est querela magna, & antiqua. Sic enim conqueritur Ieremias cap. 12. Quare via impiorum prosperatur, & bene est omnibus, qui prauaricantur, & inique agunt, plantasti eos, & radicem miserunt, proficiunt, & faciunt fructum. Prope es tu ori eorum, & longe impij viuunt, & subleuati sunt confortatiq; diuitijs, domus eorum securę sunt, & paratę, & non est virga Dei super illos, bos eorum concepit, & non abortiuit, vaca peperit, & non est priuata fetu suo. Egrediuntur quasi gentes paruuli eorum, & infantes eorum exultant iulibus. Dicendum est, quod aliquando impij prosperantur per alios impios, vt vnus impius puniat alium iuxta illud Iob 34. scilicet: Qui facit regnare hypocritā propter peccata populi, scilicet quia populus malus est, Deus facit, quod hypocrita, idest vir malus simulans se esse bonum regnet super illos, & puniat eos. Quidquid tamen sit, si impij aliquando prosperantur non est prosperitas eius diuturna, sicut dicitur Iob vigesimo, scilicet: Hoc scio à principio ex quo positus est homo super terram, quod laus impiorum breuis sit, & gaudium hypocritę ad instar puncti. Si ascenderit in celum superbia eius, & caput eius nubes tetigerit, quasi sterquilinium perdetur, & qui viderant eum dicent, vbi est? velut somnium auolans non inuenietur, transiet quasi visio nocturna: oculus qui eum viderat nō videbit, nec vltra intuebitur eum locus suus, filij eius atterentur egestate, & manus illius reddent ei dolorem suum. Panis eius in vtero illius vertetur in fel aspidum, diuitias quas deuorauit euomet, & de ventre illius extrahet illas Deus. Ipse quoque Iob, qui conquerebatur de prosperitate malorum, dixit illam breuem esse subdens: Tenent tympanum, & citharam, & gaudent ad sonitum organi, ducunt in bonū dies suos, & in puncto ad inferna descendunt. Quoties lucerna impiorum extinguetur, & superuenit eis inundatio. Erunt sicut paleę ante faciem venti, & sicut fauilla, quam turbo dispergit. Deus seruabit filiis illius dolorem patris, videbunt oculi eius interfectionem suam, & de furore omnipotentis bibet. Iob vigesimo primo. Dicendum tamen, quod licet prosperatio impiorum sepe accadat, rarius accidebat inter Hebręos, quam inter alias gentes. Et hoc erat propter duo. Primò quia erant viri imperfecti, & modicę fidei, & Deus promiserat obseruatoribus legis bona multa, & violatoribus multa mala cōminatus est. Si ergo viderent Hebręi, quod obseruatores legis non prosperabantur, sed violatores, putarent nullum Deum esse, vel non curarent de nego-

Quare im
pij prospe
rantur.

cijs eorum, & sic non colerent ipsum. Nam etiam cum Deus beneficeret obseruatoribus legis, dicebant Israelitę, quod nihil proficiebat colere Deum, vt patet Malach. tertio, scilicet Inualuerunt super me verba vestra, & dixistis: Vanus est qui seruit Domino. Et quod emolumentum, quod custodiuimus pręcepta eius? Et quia ambulauimus tristes coram Domino? ergo nunc beatos dicimus arrogantes, si quidem edificati sunt facientes impietatem. Tentauerūt Deum, & salui facti sunt. Si ergo ista dicebant Israelitę cum viderent modicum prosperare malos, multo peiora dixissent si boni opprimerentur & gauderent pessimi. Secundum erat, quia Israelitę erant adhuc carnales, & obseruabant legem Dei propter promissiones bonorum temporalium, & nō propter aliqua bona æterna, quia illa non intelligebant. Si autem ista temporalia auferrentur eis, putarent nullā mercedem esse laboris sui. Ideo non colerent Deum, & sic erat quasi regulare inter Israelitas, q̄ omnes obseruatores legis prosperarent in omnibus negocijs suis. Sic dicitur Deut. 12. & 16. scilicet: Letaberis in omnibus, ad quę manum miseris. Idest habebis finem letum, & optatum in omnibus, quę inceperis, scilicet obseruando legem sicut ibi dicitur. Nunc autem tēpore noui testamenti, cum sint viri perfectiores, & non expectemus mercedem laboris nostri in temporalium incunditate, sed in æterna (cum potius quidam nostrum fugiant omnia terrena bona) non scandalizamus, quod obseruatores legis opprimantur, & violatores eius prosperentur.

De mandatis, & iudicijs, quę Salomon seruare debebat.

Quęst. XXXIX.

QUATERITVR vltterius, quę erant mandata, & iudicia, quę dixit hic Dauid, quod obseruaret Salomon. Rndendum est, quod iussit ei seruare omnia mandata legis Moyſi, distinguiebantur autem mandata legis in tres modos, in moralia, cęrimonialia, siue legalia, & iudicialia. Moralia sunt pręcepta, quę naturaliter habent vigorem etiam si à Deo non sint data verbaliter, sic est de pręceptis decalogi, & alijs similibus, quę ex iure naturali inſunt, & etiam gentes, quę legem non habent naturaliter illa obseruāt, vt patet ad Rom. 2. De his pauca exprimuntur in lege Moyſi, quia quilibet illa cognoscit per se, quia dato, quod non exprimantur obligant. Cęrimonialia sunt pręcepta quędam viuendi, cęta in cęrimonijs cultus diuini, & ad ritum viuendi, & non habent ista aliquam rationem naturalem, vel motiuum in intellectu nostro, cur obseruentur, sed pender obseruatio eorum, & obligatio solum ex mandato eius, qui imposuit illa. Et ideo vocantur legalia, scilicet quia ex sola legis positione efficaciam habent obligandi. Iudicialia sunt pręcepta data ad iudicandum in negocijs foralibus. Et per ista dritur homo in comparatione ad hominem, ita vt nō noceat ei, nec pręiudicet. Ista habent aliqualem rationem plusquam cęrimonialia. Et tamen non sunt omnino pręcepta naturalia, quia cum sint de rebus multum particularibus, & naturale iudicium est de vniuersalibus, quę magis determinate se habent in essendo, non est de illis obligatio naturalis, sed de voluntate humana cum aliqua motiuo rationis Exodi vigesimo. Et Deuteronomij quinto, vbi est decalogus. Et Leuit. decimonono, vbi sunt multa similia. De iudicialibus habetur: Exod. 21. & 22. & 23. & Deuter. 23. & 24. & 25. Et in aliquibus alijs locis. De cęrimonialibus habetur per totum Leuiticum, & etiam Deut.

Deuteronomij duodecimo, vsque ad decimum nonū. Sunt autem ista tria genera præceptorum diffusa per omnes quatuor libros Moyſi incipiendo ab Exodo. Nam in Genesi nullum præceptum est, cum solum contineatur ibi nuda historia temporis illius, in quo lex non fuerat data, omnia autem ista alia præcepta intelliguntur hic per duo, scilicet per mandata, & iudicia. Nam iudicia sunt præcepta iudicialia. Mandata autem sunt tam moralia, quam cæremonialia.

Præcepit quoque David cunctis principibus Israel, vt adiuuarent Salomonem filium suum. Cernitis, inquit, quòd Dominus Deus vester vobiscum sit, & dederit vobis requiem per circuitum, & tradiderit omnes inimicos vestros in manus vestras, & subiecta sit terra coram Domino, & coram populo eius. Præbere igitur corda vestra, & animas vestras, vt quærat Dominus Deum vestrum, & consurgite, & ædificate Sanctuarium Domino Deo, vt introducatur arca fæderis, & vasa Domino consecrata in domum, quæ ædificatur nomini Domini.

Præcepit ergo. Hic ponitur exhortatio facta ad multitudinem principum: Nam hortatus est eos, vt adiuuarent Salomonem in ædificando. Et dicitur. Præcepit ergo David cunctis principibus Israel. Congregauit David omnes principes Israel, & locutus est eis nunc de ædificatione templi. Vt adiuuarent Salomonem. Scilicet vt susciperent in se partem sollicitudinis cum Salomone, quia magnum opus erat. Cernitis, inquit, quòd Dominus Deus vester vobiscum sit. Istud est allicium ad hoc, quòd principes simul cum Salomone ædificarent templum: Nam poterant dicere excusando se, quòd non poterant ædificare templum propter bella, & impedimenta hostium. David autem tollit hæc dicens: Cernitis, quòd Dominus Deus vester vobiscum sit, idest vos videtis, quòd Deus vos adiuuat reprimendo omnes hostes, & dando quietem magnam. Ideo non debetis ponere aliquam excusationem quin ædificetis.

Et dederit vobis requiem per circuitum. Scilicet quia nulla de gentibus habitantibus in circuitu terræ Israel pugnabat nunc contra Israelitas.

Et tradiderit omnes inimicos in manu vestra. Idest dedit vobis victoriam de istis, ita quòd poteratis occidere omnes illos si voluissetis.

Et subiecta sit terra coram Domino, & coram populo eius. Idest tota terra circumstantium subiecta est vobis sub tributo. Nam Syri, Ammonitæ, Moabitæ, Idumæi, & Philistini, qui habitabant in circuitu terræ Israel erant subiecti Israel sub tributo, vt patet secundo Regum octauo, & supra decimo octauo. Et dicitur. Terra subiecta coram Domino, & coram populo, quia Deus Israel erat specialiter rex Israelitarum, vt declarabitur infra in quadam quæst.

Præbere ergo corda vestra, & animas vestras, vt quærat Dominus Deum vestrum. Ad duo hortabitur David Israelitas, scilicet quòd seruant legem Domini, & quòd ædificarent templum. De primo dicit, præbere corda vestra, & animas vestras, vt quærat Deus vestrum, idest, vt custodiant legem eius. Nam nihil est quærere Deum nisi ambulare per viam suam ad inue-

niendum eum. Via autem Domini est lex sua, quia per nullum alium modum potest inueniri nisi per obseruationem legis. Et iste est modus vsuatus loquendi in veteri testamento. Sic patet sequenti libro capitulo decimo quinto, scilicet: Intrauit Asa ad corroborandum fædus, vt quærerent Dominum Deum patrum suorum in toto corde, & in tota anima sua. Si quis autem, inquit, non quæſierit Dominum Deum Israel moriatur à minimo vsque ad maximum, à viro vsque ad mulierem. Et dicitur hic præbere corda vestra, & animas vestras, & accipitur cor pro voluntate, quia cor est ad desiderandum. Anima autem est ad intelligendum ex modo vulgari. vel potest accipi cor pro parte affectiua passionali, & anima pro parte rationali, & est sensus, quòd homo debet quærere Deum subiiciendo se totum, scilicet tam desideria rationalia, quam affectiones suas passionales, regulando illas, secundum legem Dei.

Et consurgite, & ædificate Sanctuarium Domino Deo. Consurgere dicuntur, non quòd ante hoc sederent, sed quòd ante hoc non operabantur, & post hoc operaturi erant in ædificatione templi.

Vt introducatur arca fæderis. Scilicet causa ædificandi est vt introducatur arca fæderis in domum, quæ edificatur Domino. Nam non erat honeste vsque nunc, sed exigebat locum honorabiliorem, & istum haberet, quando introduceretur in sancta Sanctorum factum templo.

Et vasa Domino consecrata. Etiam introducenda erant in Sanctuarium vasa alia consecrata ad ministerium Domini, sed quæ erant ista, & ad quem locum introducebantur, dicitur infra in quadam quæst.

In domum, quæ ædificatur nomini Domini. Idest in domum, quæ edificabitur, quia nondum cæperat edificari, vel quæ edificatur, idest quæ proponit edificari nomini Domini, idest ad hoc, quòd inuocetur nomen Domini in illa.

De ædificatione templi, an tenebantur principes adiuuare Salomonem. Quæst. XXX.

QVAERITVR vterius, an principes tenebantur adiuuare Salomonem ad edificandum templum. Dicendum, quòd aut quæritur de obligatione aliqua, quam ipsi aliàs haberent, vel de obligatione, quæ causabatur ex præcepto. Si primo modo accipiat, non erant obligati principes ad adiuuandum Salomonem, quia solum Deus dixerat de Salomone, quòd edificaret ei templum secundo Regum septimo, & supra 17. Accipiendo secundo modo dicendum, quòd obligabantur principes ad adiuuandum Salomonem ex præcepto regis, quia istud erat opus valde licitum, & tenebantur obedire regi iubenti hoc, & quæcunque alia licita. Ideo David non locutus fuit hic per modum exhortationis, sed per modum præcepti. Nam dicitur, quòd præcepit David cunctis principibus, quòd adiuuarent Salomonem.

De congregatione principum per David facta. Quæst. XXXI.

QVAERITVR vterius ad quid David congregauerat istos principes. Respondendum, quòd David conuocauit eos ad disponendum cum eis de aliquibus rebus arduis, mouebat autem David ad hoc ex duobus.

Primo quia non erant aliqua bella nunc, per quæ impediretur. Nam tempore præcedenti David erat occu-

occupatus bellis, & non poterat vacare negocijs regni, & cultus diuini, nunc autem cessauerat à bellis, quia omnes per circuitum erant subditi, & vt patet supra in litera. Ideo habebat opportunitatem ad tractandum de his negocijs.

Secundò quia Dauid erat propinquus morti. Et quia negocia ista spectabant ad eum, voluit cum magna celeritate de illis disponere. Erat autem vnum negocium de statu regni post mortem Dauid. Nam iam fecerant, Dauid viuentem, vngi Salomonem in regem, vt patet Regum tertio capitulo primo, & vt declaratum est supra in quadam quaestione. Nunc autem debebat recordari aliqua de modo se habendi principes ad Salomonem postquam regnaret: Ideo congregauit illos. Secundum erat edificatio templi, quam non potuerat facere Dauid, & incumbere Salomoni. Voluit autem Dauid, quòd principes adiuuarent Salomonem, quia puer tener erat. Et ad hoc conuocauit eos presente Salomone. Et coram illo promitterent, quòd eum adiuuarent, vt postea non possent negare mortuo Dauid. Et hoc apparet in litera. Tertium, & precipuum erat, ordinatio cultus diuini quantum ad ministerium sacerdotis, & Leuitarum, qualiter illi ministrare deberent per tempora sua, & vices. Et hoc ordinauit Dauid ante mortem, vt patet sequenti capitulo, & vsque ad vicesimum. Et in hoc principes conuenerunt cum eo, vt patet sequenti capitulo, scilicet: Igitur Dauid senex, & plenus dierum constituit Salomonem filium suum super Israel regem, & congregauit omnes principes Israel. Et sequitur ibi de ordinatione Leuitarum.

De istis principibus qui erant. Quest. XXXII.

QVAERITVR vterius qui principes erant isti. Responderi potest dupliciter, vno modo, quòd erant principes tribuum, & familiarum: alio modo, quòd erant principes exercitus, vel aliqui instituti à rege, vt praesent in aliquibus dignitatibus. De primo patet. Nā in qualibet tribu erat vnus princeps, & in qualibet familia alius princeps tribu. Veniebant per successionem originis, scilicet illi, qui descendebat à patribus, & auctoribus tribuum semper per lineam primogenitorum erant principes tribuum. Et in qualibet tribu non poterat esse nisi vnus de his, eo quòd vnus erat qui ab eodem tempore descenderet semper per lineam primogenitorum, & ipse est primogenitus. Sic etiam in familijs erant principes descendentes ab auctoribus illarum familiarum per lineam primogenitorum. Isti principes tribuum erant honoratissimi in toto populo. Nam quando dedicatum est tabernaculum Moyse in deserto, isti duodecim principes obtulerunt munera sua per duodecim dies Num. 7. Et in computando populum isti ponebantur tanquam capita, vt patet Num. 1. forte istos principes tribuum, & familiarum, & cum eis principes Leuitarum congregauit nunc Dauid. De secundo patet, quia Dauid habebat exercitum magnum. Et constituerat principes super illum. Et isti habebantur tanquam maximi in populo. Et dicendum est, quòd isti principes exercitus conuenerant nunc. An verò cum eis etiam conuenerint principes tribuum, & familiarum, non apparet, patet hoc infra 25. scilicet Dauid, & magistratus exercitus segregauerunt in ministeriò filios Asaph. Et sic principes exercitus erant, qui cum Dauid ordinabant cultum diuinum. Et ipsi etiam nunc essent qui conuenerant, quando Dauid exhortatus est eos, vt adiuuarent Salomonem,

An verum sit, et quomodo Deus traderet omnes inimicos Israel in manus eorum. Quest. XXXIII.

QVAERITVR vterius quomodo erat verum, quòd Deus traderet omnes inimicos Israelitarum in manus eorum, & subiecta erat terra eis. Respondendum est, quòd omnes gentes, quae habitabant in circuitu Israelitarum erant ei subiectae, & non habebant aliquas alias in hostes. Ideo omnes hostes earum sibi subiecti erant. Nam non potest aliqua gens habere in hostes, nisi populos illos cum quibus aliquo modo communicat, quia in non communicantibus non possunt inferri damna, quae sunt causa bellorum, Israelitae autem non communicabant nisi cum gentibus illis, quae erant in circuitu terrae ipsorum. Et illas habebant in hostes. Omnes tamen ipsos sibi subiecerant, quòd patet quia Israelitae non habebant gentes aliquas in circuitu suo nisi ad quatuor latera, scilicet Syros habebant ex parte aquilonari, & aliquo modo ex parte Orientis, vt patet Isaie sexto, Moabitas, & Ammonitas habebant ex parte Orientis, Idumaeos autem, & Philistinos ex parte Meridiei, licet etiam Philistini aliquo modo erant ex parte Occidentis. Haec omnia probata sunt supra in quadam quaestione. Omnes istae gentes subiectae fuerant Dauid in bellis, vt patet secundo Regum octauo, & supra 18. Et subiectae fuerant tamen Dauid, quòd potuisset illas omnino delere, si voluisset, patet de Moabitis, quia coequauit Dauid Moabitas terrae, & fecit duos funiculos vnum ad viuificandum, & aliud ad occidendum 2. Reg. 8. Et si fecisset vtrumque ad occidendum, occidisset omnes Moabitas, quia omnes erant distincti per illos duos funiculos: & tamen misericordia motus non occidit. De Ammonitis patet, quia Dauid cepit urbem regiam Ammonitarum, & omnes alias, & ipsos diuersis tormentis affecit, faciens transire super eos carpenta ferrata, & tribulas, & trahas, & diuidens cultus 2. Reg. 12. & sup. 20. Et sic cum omnes ciuitates illorum ceperit, poterat omnes occidere. De Idumaeis patet. Nam fecit Dauid magna bella in Idumaea, subiecitque sibi eam in tributum, & occidit omne masculum in Idumaea, vt patet 2. Reg. 8. & 3. Reg. 11. De Syris patet, quia Dauid occidit omnem exercitum regis Adarezer. Et subiecit sibi in tributarios omnes Syros damascenos secundo Reg. octauo, & supra 18. De Philistinis patet: nam abstulit frenum tributi de manu eorum, & accepit urbem Geth, vt patet ibidem. Subiectis autem istis nationibus, nulla erat residua natio de hostibus Israelitarum, quae non esset subiecta illis, quia nulla alia gens erat in circuitu terrae Israelitarum, quae posset cum illis habere hostilitatem.

De quibusdam verbis dictis à Dauid, scilicet, quòd Deus subiecerat omnes hostes suos, an verum sit. Quest. XXXIII.

QVAERITVR vterius quomodo dicit hic Dauid, quòd Deus subiecerat iam omnes hostes suos per circuitum eius, quia viderunt, quòd non fuerunt subiecti tempore Dauid, sed tempore Salomonis subiecti fuerunt, vt patet tertio Regum nono. Et sequenti libro capitulo octauo, scilicet: Omnem populum, qui derelictus fuerat de Hebraeis, & Amorrhæis, & Pherezeis, & Heueis, & Iebusæis, qui non erant de stirpe Israel, de filiis enim, & de posteris, quos non interfecerant filij Israel, subiugauit Salomon in tributarios. Item patet hoc Ecclesiast. quadragesimo septimo, scilicet: Salomō imperauit in diebus pacis, cultumque

cit Deus omnes hostes, ut cōderet domum in nomine suo. Et sic non fuerunt subiecti omnes isti hostes tempore Dauid, sed tempore Salomonis.

Respondendum est, quod omnes isti hostes Israelitarum subiecti fuerāt tempore Dauid, quia ipse pugnando omnes superauit, sicut colligitur hic, & etiā ipse Salomon confessus est 3. Reg. 5. l. Tu scis voluntatem Dauid patris mei, & quod non potuerit aedificare domū nomini Domini propter bella imminētia per circuitum, donec daret Dominus eos sub vestigio pedum eius. Ergo dederat eos sub pedibus eius. Ad rationem in contrarium responderi potest dupliciter: vno modo, quod Dauid subiecit sibi omnes hostes Israelitarum, qui erant in circuitu terræ Chanaan, & Salomon nullos subiecit. Nam in circuitu erant Syri, Ammonitæ, Moabitæ, Idumæi, Amaleciti, & omnes istos subiugauerat sibi Dauid. Salomon autem non subiugauit quemquam de extraneis a terra Israel, sed solum de Chananæis habitantibus in terra Israel, ut patet tertio Regum nono, & sequenti lib. cap. 10. octauo, scilicet. Omnem populum, qui derelictus fuerat de Hethæis, & Amorhæis, & Pherezæis, & Hengis, & Iebusæis, qui non erant de stirpe Israel de filiis eorum, & de posteris subiugauit Salomon in tributarios. Et ista responsio consonat literę, quia dicitur hic dedit vobis dominus requiem per circuitum, id est dedit quietem ab omnibus inimicis, qui erant in circuitu terrę Israel. Secundo potest dici, quod Dauid subiugauerat omnes, qui pugnabant contra Israelitas faciendo bellum cōtra eos. Salomō autem subiugauit sibi Chananæos, non quidem pugnando cōtra eos, sed fecit sibi illos tributarios sine bello. Et sic viuente Dauid erat iam pax perfecta in terra Israel ab omnibus inimicis suis. Et tamen non erant omnes Chananæi subiecti tributo. Salomon autem fecit sibi tributarios illos, quos Dauid non fecerat tributarios, nec tamen per hoc non fuit aliqua pars acquisita de nouo, quæ prius non esset tpe Dauid.

Quomodo intelliguntur hæc verba dicta a Dauid, terram subiectam esse coram Domino, & populo.
Quest. XXXV.

QVAERITVR vltius quomodo dixit hic Dauid, quod terra erat subiecta coram Domino, & coram populo eius. Nam temper terra subiecta fuit Domino. Non autem accipietur hic subiecta esse quantum ad potestatem, ita quod Deus faciat quidquid voluerit in terra illa. Nam isto modo manifestum est, quod terra tota subiecta est Deo, & semper fuit, quia Deus siue in cęlo, siue in terra, facit semper quæ vult. Si autem accipietur subiectam esse, id est, sponte subiecti ad obediēdum Deo, non est sic verum, quod erant subiecti hostes Israelitarum Deo, quia Gentiles non colebāt Deum Israel, nec subiciebant se legi eius.

Respondendum est ad euidētiā huius, quod Deus, qui est generalis princeps omnium, ut patet Apocalyp. primo. scilicet. Dominus dominantium, princeps omnium Regum terrę. Erat specialiter rex Israelitarum, & princeps eorum, sicut vnus homo est rex vnus regni, ut colligitur primo Regum octauo, cum Samuel doleret, quod Israelitæ petuissent regem, dixit Deus: Non te abiecerunt, sed me, accipite regi regnare particulariter. Nam si Scriptura loqueretur de regno large dicto, non diceret Deus, quod Israelitæ petendo regem abiciebant Deum, ne regnaret super eos, quia etiam omnes alię gentes habebant reges, & tamen Deus dicebat.

Alph. Tostan lib. I. Paralip.

Atur regnare super illas, quia est rex omnium regum terrę, Apocalyp. primo. Intellexit ergo de regno particulariter sumpto. Nam cum quis est rex vnus regni, si alius accipitur in regem, non manet ille primus iam rex. Sic erat de Deo, quia cum ipse, posito hoc in regem, dicat se abiectum ne regnet, prius regnabat specialiter. Et propter hoc aliqui boni inter Israelitas nolebāt effici reges, quamquā in populus hoc vellet, eo quod putabant per hoc se præiudicare Deo, qui specialiter habebat dominium, & regimen Israelitarum. Sic patet de Gedeone iudice Israel. Iudicum octauo. Cui dixerunt Israelitæ: Dominare tu nobis, & filius tuus, & filius filij tui, quia liberaisti nos de manu Madian. Et ille ait: Non dominabor vestri, nec dominabitur in vos filius meus, sed dominabitur vobis Dominus Deus. Si tamen Deus dominaret generaliter non auferebatur dominium Dei generale, & tamen putauit, quod per dominium suum auferebatur dominium Dei, cum dixerit: Non dominabor ego vestri, nec dominabitur in vos filius meus, sed dominabitur vobis dominus Deus. Hoc præsupposito, erat Deus inter Israelitas tamquam rex particularis illius politiæ: ideo cum populus sit in regente, & regnum in rege, quodcunque malum inferretur Israelitis videbatur Deo inferri. Et quodcunque bonum accideret eis videbatur Deo euenire, quia erat rex Israel. Et sic hostes Israelitarum erant hostes Dei, & amici Israelitarum erant amici Dei. Sic enim ipse dixit Exodi vigesimotertio, scilicet: Si audieris vocem eius, & feceris omnia, quæ loquor, inimicus ero inimicis tuis, & affligam a filientes te. Et quia nunc omnes istę gentes, quæ prius erant hostes Israelitarum, nunc subiectę erant eis, dicebantur omnes subiecti fuisse Deo, non quidem tamquam Deo, vel gubernatori generali, sed tamquam regi specialiter Israel.

Ad rationem in contrarium cum dicitur, quod erant subiecti sibi ex necessitate, sicut alię gentes, aut sponte ad colendum eum.

Dicendum, quod non est sufficiens diuisio, quia subijci Deo, sicut subijciuntur, & omnes gentes, est subijci sibi tamquam gubernatori generali. Subijci autem sibi ad colendum Deum est subijci, sicut Deo. Isti autem non fuerunt subiecti nunc Deo tamquam gubernatori, nec tamquam Deo, sed sicut regi Israel.

De vasis consecratis, quæ ponenda erant in domum Domini.
Quest. XXXVI.

QVAERITVR vltius, quæ vasa erant ista consecrata, quæ inferenda erant in domum Domini, & in quibus locis ponenda erant.

Respondendum, & primò, quod in templo Salomonis fuerunt eadem vasa in figura, & officio, quæ erant in Tabernaculo factò per Moysen: fuerunt tamen multiplicata, & quædam eorum acceperunt maiorem quantitatem, ut declaratum est tertio Regum septimo. Ideo dicendum est de vasis templi Salomonis, sicut de vasis templi Domini, quod fecit Moyses. In Tabernaculo enim Moyses erant sex vasa principalia, & cum illis erant alia accessoria, quæ erant subministratiua ipsorum. Primo erat Arca, in qua erant tabulę legis. Et vocatur Arca fœderis. Ista ponebatur in loco sanctiori totius Tabernaculi, scilicet, in Sancta sanctorum. Secundum erat altare thymiamatis, in quo offerebatur quotidie bis thymiana mane, & vespere Exodi trigesimo. Et illud ponebatur

batur in prima parte Tabernaculi ante velum sancti F
sanctorum. eod. cap. Tertium erat candelabrum, in
quo erant septem lucernæ, & erat in eadem prima
parte Tabernaculi ad Meridiem Exo. 26. Quartum erat
mensa propositiois, quæ ponebatur cum panibus, &
thure, & multis vasis aureis, & argenteis in prima par
te Tabernaculi in parte Aquilonari. Exo. 26. Quintum
erat altare holocaustorum factum de lignis setim
opertum laminis aureis, in quo cremabantur omnia
sacrificia, & ponebantur ad ostium Tabernaculi ex
tra illud in atrio, ne flamma inde confurgens crema
ret cortinas. Aut saltem fumus inde ascendens eas
inficeret, de quo Exo. 27. & 29. & Leuit. 1. Sextum erat
labrum æneum, in quo erat aqua, ut lauarentur Sacer
dotes, quando introibant ad ministrandum. Nam ibi
lauabant manus, & pedes. Eratque istud vas in atrio
Tabernaculi. Exo. 30. Alia vasa erant minuta, quæ
subseruiebant istis. Et vasa candelabri, scilicet emundatoria,
& illa, in quibus ponebantur, quæ emunda erant.
Exo. 25. Etiam vasa mensæ propositiois, & altaris
holocaustorum. Exo. 25. & 27. Et illa seruientia vasa
erant coniuncta vasis principalibus. De omnibus his
vasis dicendum est, quod erant in templo Salomo
nis, quamquam essent plura, quam in Tabernaculo,
quod fecit Moyses, quia quedam alia nominantur.
3. Regum 7. Primum vas istorum, scilicet Arca foederis
erat eadem in templo Salomonis, & in Tabernaculo
Moysi. Et ideo dixit hic David, ut introducatur Ar
ca, scilicet, Arca foederis, quæ prius erat in alijs locis,
introducetur tunc in templum Salomonis, & nunc
introducenda erat ista in Sancta sanctorum. Nam tē
plum Salomonis erat diuisum in duas partes secun
dum longitudinem, scilicet, in domum interiorem,
scilicet, & exteriorem. Domus interior erat minor,
& ista erat Sancta sanctorum, eratque ibi Arca in me
dio domus, & apud parietem erant duo Cherubim
de lignis oliuarum, ut patet. 3. Regum 6. Secundum
vas erat altare thymiamatis, & istud fuit positum in
prima parte templi ante parietem Sancti sanctorum,
sicut in Tabernaculo Moysi. Erat autem velum San
cti sanctorum: ideo illi, qui ingrediebantur ad ponē
dum thymiana introibant intra Sanctuarium, ut pa
ret de Zacharia parte beati Ioannis: Lucæ primo.
Tertium erat candelabrum, in quo erant septem lu
cernæ, & nunc erant in templo Salomonis duo can
delabra, ut patet infra vigesimo octauo. & ista posita
fuerunt etiam in templo in prima parte eius ante Sā
cta sanctorum, sicut Moyses posuit candelabrum in
Tabernaculo suo. Exo. vigesimo nono. Quartum erat
vas, scilicet, mensa propositiois, quæ erat in eodem
loco, in quo in Tabernaculo Moysi. Quintum erat
altare holocaustorum, & istud erat extra templum
Salomonis in atrio Sacerdotum, quod non erat oper
tum tecto, sed vallatum parietibus, quia si esset intra
templum, fumus confurgens de sacrificijs inficeret
totam pulchritudinem templi. Et cum altari erant
multa alia vasa pertinentia ad illud, scilicet, mare
æneum, in quo lauabantur Sacerdotes, & luteræ
etiam cum sedibus suis, in quibus erat aqua ad abluē
dum carnes sacrificiorum. Omnia hæc erant in
atrio Sacerdotum extra templum Salomonis, de
quibus tertio Regum septimo. Sextum vas erat la
brum æneum in Tabernaculo Moysi, & loco huius
erat in templo Salomonis, scilicet, in atrio eius ma
re æneum. De quo nunc dictum est: omnia ista va
sa erant consecrata Domino, scilicet, dedicata ad
hoc, quod ministraretur Deo in illis, & etiam erant
consecrata, quia vngebantur oleo sacro, quod voca
tur oleum vnctionis, de quo Exo. 13.



GITVR David senex, & plenus
dierum regem constituit Salomo
nem filium suum super Israel, &
congregauit omnes principes Is
rael, & Sacerdotes atque Leuitas. Numera
tique sunt Leuitæ a viginti annis, & supra,
& inuenti sunt triginta octo millia virorū.
Et ex his electi sunt, & distribuit in ministe
rium domus Domini vigintiquatuor mil
lia: præpositorum autem, & iudicum sex
millia. Porro quatuor millia ianitores, &
totidem psaltes canentes Domino in orga
nis, quæ fecerat ad canendum.

D E S C R I P T A in præcedentibus deuotione
David circa templi ædificationem, hic po
nitur eius deuotio circa diuini cultus aug
mentationem, fuit enim augmentatus cul
tus diuinus per hoc, quod David ordinauit Sacer
dotes, & Leuitas in ministerijs suis secundum tem
pora sua, & vices, & diuiditur in duo, quia primo po
nitur ordinatio Leuitarum, & Sacerdotum ad diui
num obsequium. Secundò ponitur ordinatio prin
cipum Israel ad regis ministerium infra 27. Prima in
duas, quia primo ponitur Leuitarum diuisio in ge
nerali. Secundo magis in speciali sequenti capitu
lo. Prima in duas, quia primo ponitur de ministerio Le
uitarum quædam ordinatio. Secundo subditur eius
ratio ibi. (Dixit enim David requiem.) Prima in
duas, quia primo ponitur Leuitarum numeratio, &
per officia ordinatio. Secundo ponitur familiarum
Leuitarum distributio, ibi. Et distribuit eos.

An hic sit ordo continuus ad præcedentia, & si ista immedia
te sint post illa. Quæst. I.

Q VÆRITVR circa primum an ea, quæ ha
bentur hic habent ordinem continuatum ad
præcedentia. Et an fuerint facta immediatè
post illa. Ad primum dicendum, quod referē
do ea, quæ habentur præcedenti cap. ad aliqua, quæ ha
bentur hic: non est ordo continuus, ut patet quia dici
tur hic in principio, quod David constituit Salomo
nem filium suum regem super Israel. Et tamen Sa
lomon constitutus erat in regem, quando facta sunt
ea, quæ habentur præcedenti cap. quia, ut ibi probatū
est in quadam questione, Salomon erat rex, quando
David iubebat principibus, quod adiuuarent eū ad
edificandum templum. Nam aliàs, si non esset cogni
tum, quod Salomon regnaturus eēt post David, nō dice
ret David principibus, quod adiuuarent eum ad edifican
dum templum, quia ipse non edificaret templū, sed
ille, qui succederet David in regno, non fuit tamen
cognitum, quod David veller vngeri Salomonem in re
gem quousque vnctus est. Nam illa die, qua Adonias
fecit se vngi in regem viuentis David, populus erat
turbatus, quia nesciebat an veller hoc David, & nun
ciatum est ei. Et tunc iussit, quod Salomon vngeretur
in regē, & vnctus est. Et sic eadē die cognouit popu
lus, quod veller David Salomonē vngi in regē, & vnctus
est, & in hac agit de vnctione Salomonis, & quā facta
sunt, quæ habentur præcedenti cap. sciebat de Sa
lomone, quod futurus erat rex post David: ergo
illud

illud fuit ante illa: Quantum ad alia, quæ habentur hic satis videtur esse ordo continuatus, quia ista facta sunt in extremitate vitæ David, cum dicatur in litera, quod erat valde senex, quando fecit ista. Cum autem queritur an inter ista, & præcedentia fuerit aliqua temporis distantia.

Dicendum, quod non, sed videtur, quod fuerint facta in eodem tempore, scilicet, quod David congregauerit principes ad omnia ista simul, & quando fecerunt id quod habetur præcedenti capit. fecerunt id, quod habetur hic, & usque ad finem libri.

Circa primum dicitur. *Igitur David senex, & plenus dierum.* Scilicet, quando fecit David id, quod habetur hic erat valde senex, & ideo vocatur plenus dierum. Nam non sufficit dicere, quod erat senex, sed additum est, quod erat plenus dierum.

Regem constituit Salomonem filium suum. Bis Salomon vnctus est in regem, scilicet, semel viuentem patre suo David, & iterum post mortem eius. De prima vnctione patet tertio Regum primo. De secunda patet infra 29. Et fuit constitutio ista in regem propter cōtentionem: non enim curasset David constituere Salomonem in regem, dum ipse vivebat, nisi propter Adoniam, quia ille, inconsulto David, fecerat se vngi in regem tertio Regum primo. Et quia si non vngeretur Salomon post mortem David, fortè post mortem eius impediretur ab alijs fratribus suis, quia quilibet vellet esse rex. Ideo fecit eum David vngi, vt populus obediret ei, dum ipse viueret, & post mortem suam maneret in eadem obedientia.

Super Israel. Id est, super totum Israel, scilicet, super duodecim tribus, quæ intelliguntur nomine Israel, quia hic non distinguitur Iuda ab Israel, sicut supra duodecimo.

Et congregauit omnes principes Israel. Scilicet, omnes principes tribuum, & familiarum, vel omnes principes exercitus, quia sic dicitur, 25. f. David, & magi stratus exercitus, segregauerunt in ministerium filios Ataph. *Et Sacerdotes atque Leuitas.* Leuitæ sunt minores in gradu, Sacerdotes autem sunt maiores, quāquam sint de eadem tribu, & omnes istos vocauit David ad ordinandum de cultu Dei.

Numeratique sunt Leuitæ a viginti annis, & supra. Volebat David ordinare Leuitas per vices suas, & tempora ad ministrandum. Ideo oportebat, quod prius numeraret illos, vt sciret quot de illis dēbat ponere in qualibet sorte, & non numerabantur hic Leuitæ ab vno mense, & supra, sicut Numeri tertio, sed a viginti annis, & supra cuius causa declarabitur infra in quadam questione.

Et inuenta sunt triginta octo millia virorum. Computādo omnes familias Leuitarum, scilicet, Caathitas, Gersonitas, & Meraritas, non fuerunt plures inuenti, & per istos diuisa fuerunt officia Leuitica.

Ex his electi sunt, & distributi in ministerium domus Domini viginti quatuor millia. Potita sunt numero Leuitarum, vt omnes numerati applicarentur postea aliquibus officijs, & de istis accepti sunt vigintiquatuor milibus in ministerio domus, id est, vt seruirent Sacerdotibus in ministerio templi in omnibus, quæ illi iubebantur, & fuit ista maxima pars Leuitarum, quia illud ministerium, ad quod assumebantur erat magnæ occupationis. *Prepositorum autem, & iudicum sex millia.* Prepositi sunt, qui preponuntur alicui dignitati, vel officio, & aliqui putant prepositos esse distinctos a iudicibus, sed non sunt, quia iudices vocantur prepositi, eo quia preponuntur illis, in quos iurisdictionē exercent, de quo infra dicitur.

Porro quatuor millia ianitorum. Isti ianitores obseruabant ianuas Sanctuarij, & erant dispositi per omnes portas. Ios. in lib. I. Paralip.

quatuor ventos celi, vt patet supra 9. Pro quo sciendum, qd templum Salomonis habebat solum vnā portam, scilicet, in latere Orientali. In omnibus alijs partibus erat clausum. Et illa porta non custodiebatur a Leuitis, sed a Sacerdotibus. Atrium autē, quod erat in circuitu templi habebat portas ad quatuor vētos celi, scilicet, ad Orientem, Occidentem, Meridiē, & Aquilonem, & in qualibet porta istarum erant aliqui custodientes illam, vt infra declarabitur in quadam questione. *Et totidem psaltes.* Id est, quatuor millia cantorum: sic enim dicitur quarto Regum tertio, vocate mihi psalterem, id est, adducite cantorem.

Canentes Domino in organis, quæ fecerat ad canendum. Scilicet, isti quatuor millia Leuitæ canebant in organis, quæ fecerat David. Nam fecerat Acharam psalteria, & nabla, & cymbala, & tympana, & choros, & alia similia instrumenta, vt ait Iosephus 7. Antiquitatum: erat enim David peritus valde in canticis diuinę laudis, & fecit cantica multa, quæ Leuitę canerent, & organa musica, in quibus canerent.

De intentione David circa Sacerdotes, & Leuitas.

Quest.

II.

QUÆRITUR quæ fuit intentio David ordinando hic Sacerdotes, & Leuitas in diuinum ministeriū. Considerandum ad hoc, qd David voluit ordinare totum cultum diuinum, vt debitè se haberet, & ad hoc fecit prius numerari Sacerdotes, & Leuitas, vt postea assignaret eos certis officijs. Et primo fecit hoc de Sacerdotibus. Nam erant duæ familiæ Sacerdotalis descendētes a duobus filijs Aaron, scilicet, vna ab Eleazaro, & alia ab Ithamar, & in qualibet istarū erat vnus summus Sacerdos, qui præerat omnibus de illa familia Eleazari, & Achimelech filius Abiathar de familia Ithamar: sequenti cap. Reliqui autē Sacerdotes erant minores, & diuisi fuerunt omnes per vigintiquatuor sortes, vel partes, quarum quælibet habebat certum nomen, & in familia Eleazari, quæ erat magna, fuerunt decem, & sex sortes, & in familia Ithamar, quæ erat minor, fuerunt octo sortes, sequenti capit. Et Sacerdotes istarum sortium ministrabant per diuersa tempora secundum ordinem sortium suarum, vt declarabitur sequenti cap. manebant autem tres familiæ Leuitarum, scilicet, Caathitæ, Meraritæ, & Gersonitæ, & diuisi fuerunt etiam isti per officia sua, quia quidam facti sunt ianitores, alij cantores, alij thesaurarij, vt patet infra vigesimoquinto, & vigesimo sexto. fuerunt etiam rursus isti diuisi per sortes, quia cantores diuisi fuerunt per vigintiquatuor sortes infra vigesimoquinto. Ianitores etiam & thesaurarij per alios modos sortium, de quibus magis ibi declarabitur: ista fuit ordinatio Sacerdotum, & Leuitarum, quæ nunc facta est per David, & principes. Causa autem motiua ad faciēdum ordinationem istam fuit duplex, prima fuit, quia priori tempore erant Sacerdotes, & Leuitę deordinati, eo quod non erant certi, qui deberent ministrare, nec erant eis assignata certa tempora, sed erat aliqualis confusio inter ministrantes, & erat maior labor, nec ministrabatur tam debitè. Nunc autem David voluit reducere omnia ad ordinem, scilicet, diuidendo omnes Sacerdotes in sortes certas, & eodem modo Leuitas, & assignando illis sortibus tempora certa ad ministrandum, & sic ministrarent debitè temporibus suis, nec impediret vnus alium. Secunda causa erat propter mutationem modi ministrandi. Nam vsque nunc fuerant Sacerdotes ministrantes in diuersis locis, vbi erat Sanctuarium. Nam mutabatur de loco ad locum, nunc autē māsūrū erat

semper in Ierusalem. Ideo oportebat dari alium modum ministrandi. Nam iam non essent diuisi Sacerdotes per diuersa loca, scilicet, quidam ministrantes coram Arca, & alij in Tabernaculo, sicut erat ante hoc, vt patet supra 16.

De ordine dato a Dauid Sacerdotibus, & Leuitis in ministerio.
Quest. 111.

QVAERITVR vltcrius cum Dauid nunc derit ordinem conuenientem in ministerio Sacerdotum, & Leuitarum, quare iste ordo non fuit datus a principio a Deo in deserto, quando data est lex, vel saltem postquam fuit Sanctuarium in terra Chanaan.

Respondendum, quod hoc fuit propter duo. Primo, quia Deus preiudicauerat, quod Sanctuarium in terra Chanaan non mansurum esset firmum in eodem loco, sed aliquando esset in vno loco, & aliquando in alio, quousque Deus eligeret sibi locum, in quo maneret semper. Et tamen ante tempora Dauid non elegerat aliquem locum, in quo maneret, sed tunc elegit Ierusalem, vt dicitur sequenti lib. capitu. sexto. ordinatio autem ista Sacerdotum, & Leuitarum quędam hic conueniebat manente Sanctuario in eodem loco, sicut iam futurum erat. Ideo tempore precedenti, quando Sanctuarium sepe mutabatur, non conueniebat iste ordo. Nam fuit mutatum istud Sanctuarium de Sylo in vrbem Nobe, & de vrbe Nobe in Gabaon, & de Gabaon in Ierusalem, vt declaratum est primo Regum septimo. Secundum erat, quia antequam esset templum Salomonis, Sanctuarium, & Arca erant diuisa, quia magno tempore mansit Arca foederis extra Tabernaculum, quia post educta est de Sylo, & captiuata a Philistinis, primo Regum quarto, & quinto. Nec reducta fuit ad Sanctuarium vsquequo edificatum est templum Salomonis, & tunc posita est in illo, vt patet tertio Regum octauo, & sequenti lib. cap. 6. Et sic quandiu fuit Tabernaculum Domini in Nobe, & postea in Gabaon, fuit Arca ab eo disiuncta, & mansit in domo Aminadab in Cariathiarim supra decimotertio, & primo Regum septimo. Et postea in domo Obedom Leuite, & deinde in Ierusalem in domo Dauid, vt patet secundo Regum sexto, & supra decimotertio, & decimoquinto. Erant ergo isto tempore quidam Sacerdotes, & Leuitę ministrantes coram Arca in Ierusalē, & alij ministrabant in Tabernaculo in Gabaon, vt patet supra decimosexto. ordinatio tamen Leuitarum, & Sacerdotum, quę facta est hic non poterat conuenire illi tempori, in quo ministraretur in diuersis locis, eo quod omnes Sacerdotes erant hic diuisi per vigintiquatuor sortes, sequenti capit. Et Leuitę cantores per totidem infra 25. Et vna fors debebat ministrare post aliam. Si tamen ministrarent in diuersis locis, diuiderentur sortes, & non maneret iam idem ordo. Ideo non potuit dari iste ordo, nec aliquis alius Sacerdotibus, & Leuitis a principio ad hoc, quod duraret omni tempore, quia ille ordo, qui daretur, si conueniret tempori, in quo Tabernaculū, & Arca erant diuisa, & mutabantur de loco ad locū, non conueniret tempori, in quo ambo essent in eodem loco permanentes: nulla ergo lex data est ante hoc. Nunc verò cum templum edificaretur in Ierusalem, & ibi semper mansurum esset Sanctuarium, poterat dari lex vna, quę iam conueniret omni tempori, quia omni tempori manendum erat in eodem loco.

De auctoritate Dauid ad statuendum istum ordinem.
Quest. 1111.

QVAERITVR vltcrius an Dauid habuit auctoritatem ad statuendum modum, quem tenere deberent Sacerdotes, & Leuitę in cultu Dei. Aliquis dicet, quod sic, quia licet Dauid non haberet istam auctoritatem, tamen totus Israel poterat hoc scire, hoc autem fecit Dauid, quia congregauit omnes principes Israel, & Sacerdotes, & Leuitas, qui representabant totum populum. Et totus populus poterat hoc facere. Sed dicendum, quod hoc non stat, quia populus poterat disponere de illis, quę pertinebant ad gubernationem suipsius, sed non de illis, quę pertinebant ad cultum Dei, quia nesciebant an tales ceremonię Deo placerent. Item patet hoc efficacius, quia Deuteronom. duodecimo, dicitur, quod pręcepto tibi hoc tantum facito Domino Deo tuo, nec addas quidquam, nec minuas. sed ordinando isto modo, qui habetur hic, multa addebantur ad cultum Dei, quę prius non fuerant, ideo non licebat hoc omnibus Israelitis etiam simul sumptis facere. Aliquis dicet, quod licebat hoc facere Dauid, ex eo quod erat Propheta, & Prophete sciunt voluntatem Dei: & sic credere, quod Dauid sciebat istam ordinationem Deo placere. Sed dicendum, quod adhuc istud non stat, quia istud est verum de illis Prophetis, qui erant Prophete primi modi, quibus Deus consueuerat loqui, & reuelare aliqua occulta. Secus autem de Prophetis secundi modi, qui solum faciebant cantica diuine laudis, & Deus nihil sibi reuelabat, & sic erat de Dauid, vt declaratum est supra vigesimoprimo, in quadam questione. Ideo non crederetur ex hoc, quod Deus sibi reuelaret, quā

Dicendum, quod licuit Dauid, & populo facere istam ordinationem, quia faciebant auctoritate Dei. Vnde non faciebant ipsi, sed magis promulgabant ordinationem a Deo factam, & est modus, scilicet, quod Deus faceret istam ordinationem, & mitteret eam ad Dauid scriptam de celo. Et postea Dauid promulgaret eam cum omnibus de Israel: sic enim fuit de forma edificationis templi. Nam Deus misit sibi totam figuram templi, & partium suarum, & nomina materiarum, de quibus singula fieri debebant, vt patet infra 28. vbi cum Dauid retulerit Salomoni nomina vasorum, & materiarum eorum, dicit: Omnia hæc venerunt ad me scripta manu Domini, vt intelligerem vniuersa opera exemplaris. Ita credendum est de ista ordinatione. Nam Deus misit figuram templi, & partium suarum ipsi Dauid, quia poterat dubitare circa illam. Sed ita etiam poterat dubitare circa ordinationem Sacerdotum, & Leuitarum, ideo credendum est, quod de celo sibi hæc scripta misisset.

De ætate Dauid, quando hæc ordinauit.
Quest. 111.

QVAERITVR vltcrius quantę ætatis erat Dauid, quando fecit hæc, quę habentur hic: cum litera dicat, quod erat senex, & plenus dierum. Aliquis dicet, quod erat in magna ætate, vt patet nonaginta, vel centum annorum, quia hic significatur magna longęuitas, cum non solum dicatur, quod erat senex, sed etiam plenus dierum. Dicendum est, quod Dauid non poterat esse septuaginta annorum, quando fecit hæc, quod patet, quia Dauid erat triginta annorum, quando constitutus est rex super Iudam, vt patet 2. Regum 5. Regnauit autem postea quadraginta annis, scilicet, septem annis, & dimidio in Hebron, & triginta, & tribus in Ierusalē, vt patet 2. Reg. 5. & 3. Reg. 2. & infra 29. Ideo

29. Ideo solum peruenit ad septuaginta annos. Et tamen dicebatur esse senex, & habere plurimos annos ætatis, vel plenus dierum, sic etiam dicitur 3. Regum 1. Et tamen Dauid tunc erat eiusdem ætatis, cuius nunc dicitur: tamen senex, & plenus dierum, eo quod in isto paruo tempore Dauid peruenerat ad magnam senectutem: Nam senectus dicit corporis defectionem, quando iam omnes vires languent, & sic erat in Dauid: nam tantum fuerat debilitatus, quod cum operetur vestibus non calefiebat, sed oportuit, quod quæreretur sibi adolescentula, quæ cubaret in sinu eius, & calefaceret eum. 3. Regum primo, potest autem vocari plenus dierum dupliciter, vno modo, quia quamquam non vixisset multis diebus, tamen in illo tempore fecit opera multorum, qui autem pauca facit, dicitur paucis diebus viuere, etiam si multis annis vixerit. Qui autem nullum bonum facit quantumcumque vixerit dicitur nunquam vixisse, & qui multa bona explet etiam si pauco tempore vixerit, dicitur longissimo tempore vixisse, sic dicitur Sapient. 4. de viro sancto. Consummatus in breui expleuit tempora multa. Id est vir consummatus, vel perfectus in virtute in breui expleuit tempora multa. i. viuendo breui tempore vixit multis temporibus, eo quod in pauco tempore expleuit opera multorum annorum. Sic fuit de Dauid, qui opera multa, & magnifica fecit, plura quam fecerint omnes successores sui simul sumpti: ideo dicitur vixisse maiori tempore quam omnes illi, & consequenter erat plenus dierum. Secundo modo potest intelligi, quod Dauid erat plenus dierum, id est, habebat plenitudinem ætatis, quia quando quis accedit ad illam ætatem, ad quam rationabiliter homines accedere possunt cum plenitudine iudicii sui, dicuntur esse pleni dierum, sic erat de Dauid. Nam vixit septuaginta annis, & ista est mensura vite humane, cum bona corporis habitudine, quia post hoc non est vita, sed dolor, sicut dixit ipse Dauid, & habetur Psalm. 89. 4. Anni nostri, sicut aranea meditantur, dies annorum nostrorum in ipsis septuaginta annis. Si autem in potentibus octoginta annorum, amplius labor, & dolor. Sed ipse vixit septuaginta: ideo plenus dierum erat.

De anno determinato quando Dauid hæc ordinauit. Quæst. VI.

QUÆRITUR vltcrius, in quo anno determinate Dauid fecit istas ordinationes, quæ habentur hic. Quidam respondent, quod fecit in illo anno, quo adduxit Arcam de domo Obededom in domum suam, & patet hoc, quia tunc ordinauit de ministratione Sacerdotum, & Leuitarum supra 16.

Dicendum, quod non stat propter tria, primo, quia Dauid isto tempore, quo hæc fecit erat valde senex, & plenus dierum, & tamen tunc non erat senex, quia illud fuit quasi in principio regni sui, vt supra, vt declaratum est secundo Regum texto, & supra decimo tertio, vixit tamen Dauid postquam cepit regnare super Israel triginta & tribus annis, vt patet secundo Regum quinto. & tertio Regum secundo, & solum vixerat septuaginta annis, vt declaratum est præcedenti questione. Erat ergo Dauid tunc non in senectute, sed in medio ætatis. Secundo patet, quia Dauid prius constituit Salomonem in regem, quam faceret ordinationes istas de Sacerdotibus, & Leuitis, vt patet supra in littera. Salomon tamen non fuerat vnctus in regem, quando Dauid duxit Arcam de domo Obededom in domum suam: immo nec erat tunc natus, quod patet, nam Salomō natus est de Dauid, & Bethsabee. 2. Reg. 12. & tamen quando Dauid duxit Arcam in domum suam, nondum acceperat Bethsabee in

Alph. Tost. in lib. I. Paralip.

uxorem. Nam de translatione Arcæ habetur 2. Reg. 6. Et de adulterio cum Bethsabee habetur 2. Reg. 11. Et postea natus est vnus paruulus de Bethsabee ex adulterio, qui mortuus est. 2. Reg. 12. Et postea nati sunt quatuor successiue, quorum vltimus fuit Salomon, vt patet supra 3. Ideo multo tempore post translationem Arcæ in domum Dauid, natus est Salomō, & consequenter non fuerunt ista facta, quando portata est Arca in domum Dauid. Confirmatur istud, quia Dauid quando mortuus est paruulus genitus ex adulterio cum Bethsabee, introiit ad orandum coram Dño in domum, in qua erat Arca in Palatio suo, vt patet 2. Reg. 12. Et sic portata erat Arca tunc in domum Dauid, & tamen Salomon nondum natus fuerat, sed post illum paruulum nati sunt tres alij de Bethsabee, & quartus Salomon supra 3. Ideo iam erat Arca in domum Dauid. Tertiò patet, quia ordinatio quam fecit Dauid de Sacerdotibus, & Leuitis, quando translata est Arca in domum suam, fuit solum distinguendo Sacerdotes, & Leuitas. scilicet, qui ministrare deberent coram Arca in Ierusalem, & qui ministrare deberent in Gabaon. scilicet, Sadoc summum Sacerdotem, & quosdam Sacerdotes, & Leuitas cum eo, & alios fecit manere coram Arca in Ierusalē, scilicet, Asaph, & socios eius supra 16. nunc autem Dauid ordinauit statum Sacerdotum, & Leuitarum ministrantium in eodem loco, quia diuisit eos per sortes, & vna succedebat alteri in ministrando, vsquequo omnes ministrarent, & tunc ministrabat prima. Ideo non poterat ista ordinatio conuenire illi tempori: immo ista fuit vna de causis, quare non potuit ista ordinatio fieri, ante hoc, nec decuit, quod Deus illam fecisset prius, vt declaratum est supra in quadam questione.

Dicendum ergo, quod Dauid constituit Salomonem regem circa finem vite sue, & post hoc ordinauit ea, quæ habentur hic, fuitque istud anno vltimo vite eius. Quod patet, quia infra 16. dicitur, quod Dauid ordinauit omnia hæc anno quadragentesimo regni eius, & tamen non regnauit nisi quadraginta annis. 2. Reg. 5. & 3. Reg. 2.

Propter quid Sacerdotes principes, & Leuitæ congregati sunt ad Dauid. Quæst. VII.

QUÆRITUR vltcrius ad quid Dauid congregauit nunc omnes principes Israel, & Sacerdotes, atque Leuitas.

Dicendum, quod propter multa. Primo propter edificationem templi, quia volebat Dauid oēs illos exhortari de edificatione, quod filium suum Salomonem adiuaarent, vt patet præcedenti cap. cum dicitur. Quod præcepit omnibus principibus, vt adiuaarent eum. Secundum erat ad concordandum aliqua de statu regis Salomonis cum populo: nam nouiter fuerat vnctus in regem, & reges nouiter vncti solent facere aliquas concordias, vel pacta cum populis suis, & illa vocantur leges regni: sic enim fuit quando vnctus est Saul in regem. Nam Samuel scripsit legem regni, & publicauit coram populo, & posuit illam coram Domino, vt patet 1. Reg. 10. Ad faciendum tales concordias requirebatur totum, vel aliqui representantes totum regnum, & isti fuerunt oēs principes, & Sacerdotes, & Leuitæ, & propter hoc intelligendum est, quod non solum fuerunt hic principes exercitus, sed etiam principes tribuum, & familiarum, quia isti conuenientius representabant oēs tribus, & familias quarum erant, quam principes exercitus, qui curam gerebant exercitus. Tertium erat propter illas ordinationes Leuitarum, quæ nunc factæ fuerunt. Sed aliquis dicit, quod non erat necesse ad hoc vocari

totum populum, vel principes representantes totum populum, eo quod non tribuebant aliquam auctoritatem in ista lege, sed facta fuerat a Deo, ut supra dictum est. Respondendum, quod aut dicitur istam ordinationem a Deo fuisse datam, aut ab hominibus factam. Si erata Deo data, requirebatur, quod omnes de Israel conuenirent ad publicationem illius, ut susciperent illam, & obedirent sibi. Sic etiam in publicatione legis Moyse totus populus presens fuit; Exo. 19. Et Deus fecerat omnes illos purificari, & presentes esse, ut patet ibidem. Etiam in confirmatione legis omnes fuerunt presentes, & responderunt se acceptare legem; Exo. 24. Et postea in maledictionibus non obseruantium legem, & in benedictionibus obseruantium fuit totus populus presens. Et erant sex tribus ad vnam partem, & sex ad aliam, ut patet Deuteronom. vigesimo septimo. Ita autem hic cum reciperetur lex nouiter data a Deo, omnes presentes esse debebant. Item requirebatur presentia istius legis. Nam Leuitae, & Sacerdotes numerandi erant ad hoc quod distribuerentur per sortes, & ministeria, quod non fierent sine numeratione, & ad numerationem debebant esse presentes ipsi Leuitae, qui numerabantur, & etiam ipsi principes, qui numerabant presentes esse debebant, etiam debebant postea Leuitae diuidi. Et ad diuisionem istam, & assignationem officiorum conuenire deberent principes loco totius populi. Si autem data est lex ista ab hominibus: manifestum est, quod requirebatur presentia totius populi, vel aliquorum representantium populum, ut legem facerent, potissimum cum esset ista circa cultum Dei, & requirebatur maior prudentia, & maturitas circa illam.

*Propter quam causam Leuitae fuerunt numerati,
Quaest. VIII.*

QVAERITUR vltius ad quid fuerunt nunc numerati Leuitae.

Respondendum est, quod nunc Leuitae, & Sacerdotes diuidendi erant per officia, & sortes. Et ad hoc requirebatur numeratio. Nam ut sortes fierent aequales, vel quasi, oportebat, quod sciretur quot erant Leuitae, & Sacerdotes, & poneretur in vnaquaque sorte, quod opportunum erat poni: alias nulla fors potest statui, nec etiam sciretur quot sortes fieri deberent. Et qui Leuitae essent de ista, vel de illa sorte. Sed dicitur, quare ergo non fuerunt numerati Sacerdotes, quia etiam ipsi per sortes diuidendi erant?

Dicendum, quod illi numerati fuerunt, & tamen summa eorum non ponitur hic, eo quod Sacerdotes erant distincti a Leuitis, & de eorum diuisionibus, & sortibus habetur sequenti cap. Et ibi etiam non ponitur numerus eorum, sed ponuntur sortes, & dicitur, quod illi numerati fuerant ad faciendum istas sortes.

*De numeratione Leuitarum a viginti annis supra,
Quaest. IX.*

QVAERITUR vltius quomodo numerati fuerunt hic Leuitae a viginti annis, & supra, quia Leuitae non solent computari hoc modo, sed Deus iubebat illos computari ab vno mense, & supra, ut patet Num. 3.

Respondendum, quod Leuitae computantur multipliciter. Aliquando ad commutandum illos pro primogenitis popularium. Aliquando ad ministrandum in officiis suis, & aliquando ad cessandum ab officiis.

F Primo modo computabantur Leuitae ab vno mense, & supra, sic patet Num. 3. Nam ibi iussit Deus computari Leuitas ad hoc, quod darentur pro primogenitis omnium popularium. Nam primogeniti de popularibus obligati erant Deo, quia liberauerat eos ab Angelo percutienti in Aegypto, quia tamen abiecerat Deus omnes tribus praeter Leuiticam quantum ad hoc, quod sibi ministrarent: accepit Leuitas loco primogenitorum aliarum tribuum. Et quia primogeniti quando offerebantur Domino, offerebantur intra mensem, vel quasi, scilicet, quando purificabatur mater offerebatur filius in templo, & dabatur precium constitutum pro eo, sicut fecit Domina nostra de Christo: Luc. secundo. Accipi ergo debebant Leuitae in computationem ab vno mense, & supra, quia commutabantur pro primogenitis, qui in illa etate dabantur Deo. Secundo modo fiebat computatio Leuitarum ad ministrandum, & tunc computabantur interdum a triginta annis, & supra. Et interdum a viginti quinque annis. Istud autem fiebat, quia in principio ministrationis dabantur Leuitis leuiora ministeria, & postea dabantur grauiora, & sic a viginti quinque annis vsque ad triginta habebant leuia officia, & a triginta annis, & supra habebant grauiora, vel, ut alij volunt, in primis quinque annis non ministrabant, sed addiscebant officium ministrandi: in annis sequentibus ministrabant: ideo Num. quarto, computantur Leuitae a triginta annis, & supra. Numeri 8. computantur a viginti quinque annis. Tercio modo computabantur Leuitae ad cessandum a ministerio, & tunc computabantur a quinquaginta annis, & supra. Nam tunc cessabant ministrare, & efficiebantur custodes vasorum: Numeri 8. hic non debuit teneri primus modus, quia non computabantur Leuitae nunc ad commutandum eos pro primogenitis Israelitarum, sed ad ministrandum: ideo non computantur ab vno mense, & supra. Sed obijcietur, quod interdum Leuitae non numerabantur ad commutandum eos pro primogenitis Israelitarum, & tamen computantur ab vno mense, & supra, ut patet Numeri vigesimo sexto. Et non potest dici, quod ibi dantur in commutationes pro primogenitis aliarum tribuum, quia illa commutatio iam facta erat in Gabaon ab exitu de Aegypto in deserto Synai, quando tota tribus Leui data est Deo loco primogenitorum aliarum tribuum. Et non poterant dari pluries, quia quod semel datum est in solutionem, non potest dari iterum ad satisfaciendum de alio debito, quia quod meum est ex vna causa, ex altera causa effici meum non potest, nisi desinat esse meum. Computatio tamen facta Numeri vigesimo sexto, fuit anno quadragesimo ab exitu de Aegypto, quando iam erant Israelitae apud terram Chanaan iuxta Iordanem, ut patet ibidem: etiam ibi declaratum est. Ideo interdum numerabantur Leuitae ab vno mense, & supra. Et non pro commutatione.

K Dicendum, quod Leuitae aliquando computabantur ab vno mense, & supra. Et non in commutationem, sicut ibi, & non computabantur ad ministrandum, sed solum ad sciendum summam, & tunc non differebat, in qua etate computaretur: si tamen computarentur ad ministrandum, computarentur in etate, in qua possent ministrare, sed non possunt ab vno mense, & supra ministrare: saltem ergo ab anno vigesimo computarentur, & quia hic computabantur Leuitae ad distribuendum eos per officia, non debebant computari ab vno mense, & supra, sed in maiori etate, & sic computati sunt a viginti annis, & supra.

De computatione Leuitarum, quare non est facta secundum legem. Quest. X.

QVAERITUR ulterius dato, quod non deberent computari Leuitæ hic ab vno mense, & supra: tamen quare saltem non computabantur, sicut in lege, scilicet, a viginti quinque annis, & supra, vel a triginta annis, & supra, ut patet Numeri 4. & 8.

Respondendum, quod duo fuerunt propter quæ variatus fuit iste modus computandi a modo priori. Primum est, quia quando data est lex, & etiam toto tempore precedenti, pauci ministri sufficiebant pro cultu Dei, eo quod non fiebat sollemniter, sicut factus est postea ædificato templo Salomonis. Ideo sufficiebat prius accipi ministros a triginta annis, & supra: facto tamen templo per Salomonem, fuit cultus diuinus in magna sollemnitate, & requirebantur multi ministri, & si acciperentur omnes a triginta annis, & supra, non inuenirentur tot, quot erant necessarii. Ideo oportuit accipere ministros in minori ætate, ut plures inuenirentur, & sic accepti sunt a viginti annis, & supra. Secundum, & præcipuum erat propter mutationem ministrorum. Nam antequam fieret templum Salomonis erant ministrationses Leuitarum graues, scilicet, quia debebant portare Sanctuarium, & omnia vasa eius de loco ad locum, cum non esset Sanctuarium manens: & ad ista officia requirebatur robur virile, & sic computabantur Leuitæ a triginta annis, & supra: Numeri quarto, vel a viginti quinque annis, & supra pro alijs minoribus ministracionibus: Numeri 8. Nunc autem facto templo Salomonis Leuitæ non portaturi erant Tabernaculum, nec vasa eius de loco ad locum, eo quod iam mansurum erat Sanctuarium Domini firmum in Ierusalem, & sic reliquæ ministrationses Leuitarum essent leues, pro quibus sufficeret Leuitas esse a viginti annis, & supra. Et sic statutum est, & istam causam expressit David pro ista ordinatione, scilicet. Requiem dedit Dominus Israel populo suo, & habitationem in Ierusalem usque in æternum, nec erit officij Leuitarum, ut ultra portent Tabernaculum, & omnia vasa eius ad ministrandum. Iuxta præcepta quoque David nouissima supputabitur numerus filiorum Leuitarum a viginti annis, & supra, & ista fuit vna causa, & potissima, quare non potuit ista ordinatio Sacerdotum, & Leuitarum, quæ nunc facta est fieri a principio, eo quod ministeria, quæ tunc erant, nunc cessabant esse, & mutatis rebus, de quibus est lex, oportet mutari legem, vel cessare illam.

In qua ætate computabantur Leuitæ. Quest. X.

QVAERITUR ulterius cum Leuitæ computarentur hic a viginti annis, & supra, an computarentur omnes quantumcunque senes, vel solum usque ad aliquam ætatem. Quidam dicunt, quod solum computabantur a viginti annis usque ad quinquaginta, quia hic computantur Leuitæ ad ministrandum, & tamen in antiquo quinquagesimo cessabant Leuitæ ministrare, ut patet Numeri 8.

Respondendum est, quod Leuitæ computabatur hic ab anno viciniano, & supra in quacunque ætate essent. Et ratio est, quia hic computabantur ad ministrandum, & istæ ministrationses, quæ iam competebant Leuitis erant leues, cum non deberent portare aliqua onera, & sic in quacunque ætate poterant illas exercere. Cum autem dicitur Num. 8. quod Leuitæ in anno quinquagesimo cessabant ministrare, Alph. Tost. in lib. I. Paralip.

A non dicitur, quod cessarent simpliciter a ministracione, sed solum cessabant a portatione onerum, & ista erant difficilia, & tamen habebant alias ministraciones leues. scilicet custodire vasa sacra, & alia, quæ eis commendabantur: Num. 8. f. Cum quæ quinquagesimum annum ætatis impleuerint, seruire cessabunt, eruntque ministri fratrum suorum in Tabernaculo foederis, ut custodiant, quæ sibi fuerint commendata, opera autem ipsa non facient. Scilicet, opera grauiora, & tamen nunc iam cessauerant omnia opera grauiora. scilicet portatio onerum. Ideo poterant ministrare Leuitæ etiã post annum quinquagesimum usque ad mortem, & sic numerati fuerunt hic. Ideo dicitur hic a viginti annis, & supra, & non præfinitur aliquod tempus postea.

De multitudine virorum, scilicet, triginta octo millia. Quest. XI.

QVAERITUR ulterius de ista summa triginta octo millium virorum: an fuerit pro omnibus Sacerdotibus, & Leuitis, vel solum de Leuitis. Aliquis dicit, quod solum fuit summa Leuitarum, quia solum dicitur hic numerati sunt Leuitæ.

Dicendum est, quod hoc non obstat, quia Leuita aliquando est nomen officij, & aliquando nomen progeniei. Primo modo distinguuntur Sacerdotes a Leuitis, qui erant Sacerdotes superiores in gradu. Secundo modo non distinguebantur Leuitæ, & Sacerdotes, quia omnes erant de tribu Leui, & sic patet de Aaron, qui erat summus Sacerdos, & tamen ipse vocabatur Leuita, ut patet Exodi quarto. f. Aaron frater tuus Leuites scio, quod eloquens sit. Et sic poterat accipi hic Leuitæ pro nomine stirpis, & non officij.

Dicendum, quod verum est, quod poterant intelligi Sacerdotes nomine Leuitarum, & tamen non intelliguntur hic nomine eorum, sed tota ista summa est Leuitarum, quod patet, quia Leuitæ, & Sacerdotes fuerunt distincti per diuersa officia, & non pertinebant villo modo officia Sacerdotum ad officia Leuitarum, unde de Leuitis ponitur hic, & de Sacerdotibus sequenti cap. Et sic non intelligerentur Sacerdotes sub ista summa. Secundo patet, & efficacius, quia hic est summa triginta octo millia virorum, & omnes isti acceperunt officia Leuitica, ut patet in littera, scilicet. Vigintiquatuor millia eorum fuerunt pro ministerio domus, & sex millia iudicum, & quatuor millia ianitorum, & totidem cantorum, quæ sunt simul triginta octo millia: omnes tamen isti erant Leuitæ, quia ad Sacerdotes non pertinebant tales ministrationses, sed ille, quæ fiebant in altari, & sacrificijs cum accessorij, ut patet infra in littera. soli ergo Leuitæ fuerunt isti. Et tamen computati fuerunt hic omnes tres familie Leuitarum, & postea fit distinctio earum.

De Leuitis distributis in ministerium domus. Quest. XII.

QVAERITUR ulterius, qui erant isti Leuitæ, qui distributi sunt in ministerium domus. Et quod erat istud ministerium, quod faciebant isti vigintiquatuor millia virorum. Quidam dicunt, quod istud ministerium erat Sacerdotale, quia propriè Sacerdotes erant, qui ministrabant in domo Dñi, & sic volunt quod vigintiquatuor millia erant de Sacerdotibus. Et tunc dicitur, quod nomine Leuitarum intelliguntur hic Sacerdotes, sed istud improbatum est præcedenti questione: ideo dicendum, quod erant Leuitæ. Nicolaus in dicit, quod istud ministerium domus erat adiuvare

uare Sacerdotes in excoiatione animalium pro sacrificijs, & similibus, quæ eis iubebantur. Sed dicendum, quod hoc non stat, quia Sacerdotes habebant officium istud, & non pertinebat ad Leuitas, sicut nec sacrificare, & facere alia ministeria altaris, nisi in casu necessitatis magnæ, quando non erant Sacerdotes, qui sufficerent ad excoiandum animalia, & instabant multa sacrificia facienda, poterant eos adiuuare Leuitæ. Sic enim factum est tempore Ezechie regis. Nam tempore Achaz patris sui fuerat totus populus in idolatria, & cessauerat ministerium domus Domini: ideo tempore Ezechie, quando voluit restituere diuinum cultum, erant paucissimi Sacerdotes, & multæ hostiæ oblatae sunt propter solennitatem, & deuotionem populi tunc redeuntis ad cultum Dei, & quia pauci Sacerdotes erant, nec poterant facere omnes ceremonias sacrificiorum, adiunarunt eos Leuitæ ad excoiandum animalia, ut patet sequenti lib. cap. 29. Sacerdotes verò pauci erant, nec poterant sufficere, ut pelles holocaustorum detraherent, unde & Leuitæ fratres eorum adiuuauerunt eos, donec impleretur opus. Nunc autem ponatur lex de ministrando: ideo non daretur Leuitis in officium, quod ministrarent adiuuando Sacerdotes ad excoiandum animalia, quia aliàs non cõpeteret eis propter necessitatem, sed ex lege, & tamen ex necessitate solum competebar, ut declaratum est, Leuitis istud officium. Dicendum autem quod non apparet, quod ministerium domus Domini esset istud quod habebant nunc Leuitæ. Nam ultra ministeria, quæ ponuntur in litera, scilicet, esse iudices, & cantores, & ianitores, & prepositos, non reperiuntur aliqua alia in Scriptura. Sed aliquis dicet, quod aliud erat ministerium Leuitarum, scilicet, quia quidam erant thesaurarii, ut patet infra 26. Sed dicendum, quod hoc non stat, quia thesaurarii, & ianitores pertinebāt ad idem officium. Et ideo de quatuor millibus ianitoribus, qui ponuntur hic, erant quidam ianitores, & alij thesaurarii, ut colligitur infra vigesimo sexto, potissimè, quia dato, quod ianitores, & thesaurarii essent distincti, tamen non ponerentur vigintiquatuor millia de thesaurariis, quia pauci requirerentur ad illam ministrationem.

Dicendum ergo, quod istud ministerium domus Domini erat quasi officium extraordinarium, scilicet, quod non erat vnum officium, sed multa, scilicet, obedire Sacerdotibus in omnibus, quæ iuberent subseruendo eis ad ministeria sua: pertinebat enim ad Sacerdotes offerre sacrificia principaliter, & pro istis sacrificijs erant multa necessaria, scilicet, animalia, & libamenta, scilicet, farina, vinum, oleum, sal, & thus, & etiam ligna multa, & aqua ad lauandum hostias, & ut lauerentur ipsi Sacerdotes, quando ministrarent, & quamquam Sacerdotes vterentur istis faciendi sacrificia, tamen parare illa, & ducere ad templum, & offerre ipsis Sacerdotibus non pertinebat ad Sacerdotes, sed ad ministros inferiores, scilicet, ad Leuitas. Et quia occupationes istæ erant multæ plusquam in alijs officijs Leuitarum, assignati fuerant vigintiquatuor millia Leuitarum pro ista ministratione, & in alijs officijs erant pauciores, scilicet, de cantoribus, ianitoribus, prepositis, & iudicibus: sic etiam in Ecclesia fit. Nam Sacerdos solus consecrat in pane, & vino. Et tamen præsentare sibi panem, & vinum ad consecrandum, & portare vasa ad hoc, & lumen, & librum, & ornare altare, ad alios ministros inferiores pertinet, scilicet, ad diaconum, subdiaconum, & Acolitum, ut ait Magister quarto Sententia. distinct. vigesima quarta. Et in Decretis distinct. vigesima prima, cap. clericos. Et distinct.

vigesima quinta, cap. perlectis. Et quia istud ministerium Leuitarum, in quo subseruiebant Sacerdotibus non erat vnum, sed multa, non habet vnum nomen speciale, sicut ministerium ianitorum, & cantorum, sed vocatur generaliter ministerium domus Domini quàm ministerium aliorum Leuitarum, eo quod alij non subseruiebant Sacerdotibus, sed habebant ministeria sua determinata, ut cantores, & ianitores, & quia Sacerdotes ministrabant magis propriè in domo Domini, quàm Leuitæ, & isti Leuitæ subseruiebant Sacerdotibus, dicebantur isti habere ministerium domus Domini.

De officio prepositurae.

Quest. XIIII.

QVAERITUR vltius de Leuitis, qui erant prepositi, & iudices, scilicet, quod officium erat prepositura, & quorum erant iudices isti Leuitæ. Aliqui volunt, quod prepositi differant a iudicibus, & tunc dicentur prepositi in aliquo officio speciali quod hic non nominatur, & posset dici, quod isti erant thesaurarii, & vocarentur prepositi, quia preponebantur thesauris domus Domini, & sic vocantur infra vigesimo sexto.

Dicendum tamen videtur, quod prepositi, & iudices non differebant, sed ipsi iudices vocabantur prepositi, quia preponebantur illis, in quos exercebant iurisdictionem, & patet hoc, quia si officium prepositurae esset per se distinctum ab officio iudicium: poneretur per se summa iudicium, & per se summa prepositorum: & tamen ponitur eadem summa pro vtrisque, scilicet, sex millia virorum, quod non fit in alijs. In ianitoribus, & cantoribus: ergo non distinguuntur iudices, & prepositi. De iudicibus autem dubium est quorum erant iudices isti Leuitæ.

Respondendum est, quod erant iudices Israelitarum. Pro quo considerandum est, quod Israelitæ habebant duos modos iudicium, quidam erant iudices maiores, de quibus non appellabantur, & isti erant septuaginta, quorum maximus erat summus Sacerdos, & erant semper in vno loco, & vocabatur domus consilij, vel domus iudicium, & licet omnes essent iudices ad deliberandum quid deberet iudicari: in causis tamen vnus eorum sententiam proferebat, scilicet, solus summus Sacerdos, & a sententia illius non poterat appellari, & si quis repugnaret occidebatur, Deuteronom. 17. Isti duces condempnauerunt Christum ad mortem, ut ait Iosephus 18. Anticeps Sacerdotum, & seniores faciebant aliquid contra Christum, vel loquebantur, & vocantur seniores illi septuaginta iudices, qui erant sub summo Sacerdote, & ob hoc vocabantur seniores, quia successerant septuaginta senioribus, quos Deus dedit Moysi in deserto in socios, & coadiutores quantum ad regimen populi, ut patet Num. 11. Et sicut Moyses erat maior omnibus illis septuaginta, ita summus Sacerdos erat maior inter istos septuaginta seniores: infra istos erant alij iudices minores per singula loca Israel, & iudicabant causas minores, appellabaturque de eis ad domum iudicij, vel consilij, scilicet, ad septuaginta seniores, & isti iudices erant oriundi de locis illis, in quibus iudicabant, & quia isti non erant tam periti in lege, dabantur cuilibet iudici duo Leuitæ tamquam assessores, ut ait Iosephus 4. Antiquitatum. Et erat hoc, quia Sacerdotes, & Leuitæ nouerant bene legem, & non populares, sed potius ab illis querere debebant, ut patet Malach. secundo, scilicet. Labia Sacerdotis custodient scientiam, & legem exquiscent de ore eius, quia Angelus Domini exercituum est.

De hoc etiam patet infra 26. scilicet. Isaaitis vero præerat Chonenias, & filij eius ad opera forinsecus super Israel, vt docerent eos atque iudicarent. Sic etiam patet sequenti lib. cap. 19. scilicet. Constituit Iosaphat in Ierusalem Leuitas, & Sacerdotes, & principes familiarum ex Israel, vt iudicium, & causam Domini iudicarent habitatoribus eius. Et sic Leuitæ erant iudices super Israel, & isti sex millia virorum Leuitarum separati fuerant, vt distribuerentur per omnia loca Israel in iudices.

De numero ianitorum. Quæst. XIII.

QUÆRITVR vterius de ianitoribus quomodo ponuntur quatuor millia ianitorum, quia videtur, quod superfluum erat poni tam multitudinem ianitorum, cum vnica esset domus cuius ianuas deberet custodire. Respondendum est, quod ad sciendum hoc, oportet considerare de officio ianitorum, qualiter, scilicet, erant distributi, & quæ officia habebant, & dicendum est, quod ianitores non custodiebant aliam domum nisi templum Salomonis. Sciendum tamen est, quod templum Salomonis proprie dictum erat quædam domus habens in longitudine duplum quam in latitudine, & erat clausa parietibus, & tecto, intra quam erat arca fæderis, & omnia vasa præter altare holocaustorum cum vasis suis, vt declaratum est præcedenti cap. in quadam quæstione, & istud templum habebat vnicam ianuam exteriori, quæ erat in latere orientali. Ex omnibus autem alijs lateribus clausum erat: istam ianuam non custodiebant Leuitæ, qui vocantur hic ianitores, sed Sacerdotes, eo quod intra templum nullus Leuitarum introibat, sed soli Sacerdotes, & ipsi custodiebant ipsam ianuam, erat autem in circuitu templi quidam murus magnæ capacitatis, ambiens totum templum in circuitu, & intra illum murum, & templum caperetur multitudo hominum innumeras, & illud spacium vocabatur atrium templi. Erat autem illud spacium ad hoc, quod Israelitæ venientes ad orationem manerent ibi. Nam nemo introibat in templum, quia non solum eis, sed etiam nec Leuitis licebat introire illuc. Istud atrium habebat in circuitu suo quatuor portas ad quatuor ventos, scilicet, ad Orientem, Occidentem, Aquilonem, & Meridiem. Et in istis erant ianitores custodientes, officium autem eorum erat, quod custodirent ne quis accederet ad locum debitum, vel si aliquis esset immundus non permetterent eum intrare ad locum, in quo erant mundi. Item si quis impediabat ad istos pertinebat eijcere animalia bruta, ne introirent in Sanctuarium habebant etiam ianitores aliud officium, quia intra atrium templi in circuitu pariebantur quædam domus parua, quæ vocabantur exedrae, & illas custodiebant ianitores. De his etiam accipiebantur thesaurarij: nam templum habebat thesauros multos in auro, & argento, & vasis preciosis, & vestibus Sacerdotalibus atque Leuiticis. Et custodiebantur omnia hæc in exedris sub manu Leuitarum, qui erant ianitores. Considerandum etiam, quod isti ianitores non erant semper omnes actualiter custodiendo templum, & thesauros eius, sed aliquibus eorum commissa erat cura thesaurorum. Et isti diuidebantur per sortes, & quædam fors custodiebat vno tempore, & alia alio tempore. Alij autem, qui erant ianitores diuisi erant per quatuor sortes propter quatuor portas, quæ erant in atrio templi, & quælibet fors illarum diuidebatur per alias sortes minores, & vna pars custodie-

A bat vno tempore, & alia alio, ita quod semper erant aliqui custodientes, & aliqui quiescentes. Sciendum autem, quod isti, qui non custodiebant, ibant ad ciuitates, in quibus morabantur, & ibi manebant illo tempore, quo non ministrabant, & cum aduenisset tempus ministerij ipsorum, veniebant in Ierusalem, & ministrabant, de quo magis declarabitur sequenti quæstione. De modo istorum ianitorum patet supra nono, cum dicitur. Per quatuor ventos erant ostiarij, id est, ad Orientem, & ad Occidentem, ad Aquilonem, & ad Austrum. Sed obijcietur, quia ibi dicitur, quod omnes hi electi erant in ostiarios per portas ducentos, & duodecim. Dicendum, quod istæ erant portæ exedrarum, portæ tamen atrij, quæ erant exteriores, quatuor erant, scilicet, ad quatuor ventos celi: patet etiam de hoc infra vigesimo sexto vbi dicitur, quod Leuitæ ianitores fecerunt inter se quatuor sortes ad custodiendum in quatuor portis, & erant pauci Leuitæ, scilicet, ad Orientem erant sex Leuitæ, & ad alias portas erant quatuor, & hoc erat per diem, per noctem autem plures erant, sed de his magis declarabitur ibidem.

De ministrationibus Sacerdotum.

Quæst. XV.

QUÆRITVR vterius circa habitudinem Sacerdotum, & Leuitarum in ministrationibus suis, scilicet, cum quidam eorum ministrabant quid faciebant alij, vtpote de Sacerdotibus, qui erant diuisi in quadraginta quatuor sortes, & vna fors ministrabat vno tempore, & alia alio, & nunquam duæ sortes simul ministrabant, sic etiam Leuitæ cantores diuisi erant per totidem sortes infra vigesimo quinto. Et nunquam simul ministrabant duæ sortes. Dicendum est, quod Sacerdotes, & Leuitæ non habitabant omnes in Ierusalem, vbi erat Sanctuarium, sed habebant quadraginta octo ciuitates in quibus habitabant, erant dispersi per totam terram Israel per singulas tribus: Numer. trigesimo quinto, & Iosue vigesimo primo. Et quando Leuitæ, vel Sacerdotes ministraturi erant, veniebant in Ierusalem, & manebant ibi toto tempore ministrationis, in quibusdam domibus, quæ vocantur exedrae, & erant intra ambitum atrij, scilicet, inter atrium, & templum. Ministrabat autem quælibet fors Sacerdotum, vel Leuitarum per vnam hebdomadam, qua finita alia fors sequens veniebat ad ministrandum, & illi, qui ministrauerant præcedenti hebdomada, redibant in vrbes suas, & manebant ibi quandiu non ministrabant. Istud colligitur quarto Regū 11. scilicet. Tertia pars vestrum introeat sabbatho, & obseruet excubias domus regis. Et iterum dicitur. Assumētes singuli viros suos, qui ingrediebantur sabbathum cū his, qui egrediebantur ex sabbatho. Id est, quædam pars Sacerdotum, & Leuitarum veniebat ad ministrandum die sabbathi, & alia pars cessabat ministrare die sabbathi. Sic etiam dicitur sequenti lib. capit. vigesimo secundo, scilicet. Tertia pars vestrum, qui veniunt ad sabbatum Sacerdotum, & Leuitarum, & ianitorum erit in portis. Idem patet supra nono, & magis clare, scilicet. Fratres eorum in viculis morabantur, & veniebant in sabbathis suis de tempore ad tempus. Postquam autem aliqui cessabant ministrare, ibant in terram suam, & manebant in vrbibus, si tamen aliquis Leuitarum, vel Sacerdotum vellet semper manere in ciuitate, in qua erat Sanctuarium, vt semper ministraret per sortem, dabatur ei pars prouentuum, scilicet, de his, quæ proueniebant alijs Sacerdotibus, & Leuitis ministrantibus, vt patet Deute. 18. Et iste mo-

duſ erat ſe habendi Leuitarum, & Sacerdotum temporibus, quibus non miniſtrabant.

De multitudine cantorum. Quæſt. XVI.

QVAERITUR ulterius circa cantores, de quibus hic dicitur, quomodo erant tot cantores, ſcilicet, quatuor millia in domo Domini. Reſpondendum, quod erant quatuor millia cantorum, qui non miniſtrabant in eodem tempore, ſed erant diſtincti per vigintiquatuor ſortes, infra 25. & quælibet ſors miniſtrabat una hebdomada, ſicut ſupra dicebatur de ianitoribus, & alijs Leuitis, & Sacerdotibus, & finita miniſtratione redibat iſta ſors in terram ſuam, & ſuccedebat alia, & ſic per oēs vigintiquatuor ſortes, & tunc prima ſors redibat ad miniſtrandum. Officium iſtorum cantorum erat, quod quidam cantarent in voce, & alij cum organis muſicis, & illi, qui canebant in organis muſicis, erant diſtincti, quia quidam canebant in quibuſdam organis, & alij in alijs, ſicut dicitur ſupra 15. Quod Heman, & Aſaph in cymbalis concrepabant, & Zacharias, & Oziel in nablis arcana cantabant. Et iſti Leuitæ cantabant quotidie in mane, & in vespere, ſcilicet, tempore, quo fiebant ſacrificia, ſcilicet, quia offerebatur ſacrificium matutinum in aurora, & vespertinum in ſero, & illo tempore cantabant Leuitæ, ut ſolennius fieret ſacrificium, etiam in Sabbathis, & kalendis, & alijs feſtiuitatibus cantabant ſolennius, de hoc infra in litera. Et habebant iſti Leuitæ organa, quæ fecerat eis David, in quibus cantabant, ut patet ſupra in litera. Nam David erat ſapiens nimis in canticis, & ordinauerat multa cantica, quæ dicerent Leuitæ, & dederat eis inſtrumenta, in quibus cantarent.

Et diſtribuit eos David per vices filiorum Leui, Gerson videlicet, & Caath, & Merari. Filij Gerson, Leedam, & Semei. Filij Leedam principes Iahiel, & Zetham, & Ioel, tres. Filij Semei. Salomit, Oſihel, & Aram, tres: iſti principes familiarum Leedam. Porro filij Semei. Lehet, & Ziza, & Iauſ, & Baria, iſti filij Semei quatuor. Erat autem Lehet prior. Ziza ſecundus. Porro Iauſ, & Baria non habuerunt plurimos filios, & iccirco in una familia unaque domo computati ſunt. Filij Caath: Amram, & Iſaar, Hebron, et Oziel quatuor. Filij Amram: Aaron, et Moyſes. Separatusque eſt Aaron, ut miniſtraret in ſancto ſanctorum, ipſe, et filij eius in ſempiternum, et adoleret incenſum Domino ſecundum ritum ſuum, ac benediceret nomini eius in perpetuum. Moyſi quoque hominis Dei filij annumerati ſunt in tribu Leui. Filij Moyſi, Gerson, et Eliezer: filij Gerson. Subuel primus. Fuerunt autem filij Eliezer Rohobia primus, et non erant Eliezer filij alij. Porro filij Rohobia multiplicati ſunt nimis. Filij Iſaar Salomith primus. Filij Hebron, Ieriau primus, Amarias ſecundus, Ia-

ziel tertius, Iecmaam quartus. Filij Ozihel. Micha primus, Ieſia ſecundus. Filij Merari Moholi, et Muſi. Filij Moholi Eleazar, et Cis. Mortuus eſt autem Eleazar, et non habuit filios, ſed filias, acceperuntque eas filij Cis fra tres earum. Filij Muſi. Moholi, et Eder, et Ierimuth tres. Hi filij Leui in cognationibus, & familijs ſuis principes per vices, & numerum capitum ſingulorum, qui faciebant opera miniſterij domus Domini a viginti annis, et ſupra.

Et diſtribuit eos David per vices filiorum Leui. Ideſt omnes ſuprapoſitos, ſcilicet, triginta octo millia viro- rum, diſtinxit David per vices filiorum Leui, ideſt, per officia Leuitica, quia omnibus iſtis dedit officia, ſicut ſupra habetur.

Gerson, videlicet, & Caath, & Merari. Iſti ſunt tres filij Leui, & ſunt principes trium familiarum Leuiticarum, & dicitur, quod omnes iſti ſuprapoſiti diuiſi fuerunt per vices, ideſt, per familias filiorum Leui, ſcilicet, per tres familias nominata a tribus filijs Leui, ſuit facta diuiſio Leuitarum. Prima enim diuiſio Leuitarum eſt per tres familias, & deinde quælibet illarum diuiditur per alias minores familias, ſicut infra dicitur. *Ex Gerson, Leedam, & Semei.* Gerson fuit princeps unius familie, & filij eius fuerunt Leedam, & Semei, & iſti fuerunt prepoſiti ſuper theſauros templi infra 26. Iſte Leedam vocatur alio nomine Lobni, unde Num. 3. dicitur, quod habuit Gerson duos filios, ſcilicet, Lobni, & Semei, a quibus deſcenderunt duæ familie, ſcilicet, Lobnitica, & Semeitica. Iſte Semei non eſt ille, qui maledixit David, quando fugiebat a facie Abſalonis 2. Reg. 16. quia ille erat de tribu Benjamin, ut ibi declaratum eſt. Iſte autem erat de tribu Leui, etiam iſte fuit multo tempore ante illum, quia iſte fuit nepos Leui, & ſic mortuus eſt in Aegypto, ille autem fuit tempore David, cum maledixerit ei, & poſtea occiſus eſt per Salomonem 3. Reg. 2.

Filij Leedam principes Iahiel, & Zetha, & Ioel, tres. Continuat hic progenies: nam Leedam habuit tres filios, qui nominantur hic, & fuerunt principes, & nominantur alio modo infra 26. Poſſunt autem vocari iſti principes, ſcilicet, familiarum particularium, vel principes theſaurorum. Nam iſti fuerunt de theſaurarijs templi, ut patet infra 26. Et etiam fuerunt principes familiarum particularium ſub familia Gerson, ſic dicitur ibi, ſcilicet, de Leedam principem familiarum, Leedam, Gerson, Iahiel, & mutantur nomina iſtorum, quia illi, qui vocantur hic Ioel, & Zetha, vocantur ibi Ierſoni, & Ledan. Nec eſt hoc mirum, quia multi viri ſunt binomij, & trinomij, & qui vocantur hic Iahiel, vocatur ibi Iehiel per additionem litteræ, eo quod in nominibus Hebraijs ſæpe fit additio, & ſubtractio litterarum, ſicut declaratum eſt ſupra 21. in quadam quaſtione. Iſte Ioel non eſt Ioel propheta, quia ille fuit filius Phanuel, ut patet Ioelis primo, etiam iſte fuit multo tempore ante illum, quia ille fuit tempore regis Ozia, ut probatum eſt quarto Reg. 15. & iſte fuit, quando Iſraelitæ erant in Aegypto, vel paulo poſt exitum.

Filij Semei. Continuauit Scriptura narrationem progeniei Gerson per Leedam filium eius: hic ponitur progenies per alterum filium, ſcilicet, Semei. *Salomith, & Oziel, & Aram tres.* Iſti tres fuerunt filij Semei. Salomith aliquando eſt nomen viri, ſicut hic, & alii.

& aliquando nomen femine, sicut habetur Leui. 24. Nā Salomith erat mater illius viri, qui blasphemauit nomē Domini in deserto, & lapidatus est. Iste Oziel non est ille, a quo nominatur familia Ozielitarum Num. 3. quia ille fuit de familia Caath. Et iste est de familia Gerion. Iste Aram non est ille, de quo habetur Mat. primo, & est in genelogia Saluatoris. Nam ille est de tribu Iuda, & iste est de tribu Leui.

Isti principes familiarum Leedam. Idest omnes supra dicti sunt principes familiarum descendentiū a Leedam, & in hoc est dubium, quomodo istę sint familię Leedam, quia videntur esse familię Semei, quidam earum tenent, quod non sint omnes familię Leedam. Sed quid in hoc sit verum, dicetur infra in quadam quęstione.

Porro filij Semei Lebeth, & Ziza, & Iaus, & Baria. Iste Semei est filius Gerson, & non ille, qui supra ponitur licet quidam contrarium putent. Ideo positis principibus familiarum descendentiū a Leedam, ponuntur hic familię descendentes a Semei, & ponuntur quatuor filij Semei, qui putantur nominalle quatuor familias, & de istis tangitur infra 26.

Isti filij Semei quatuor. Scilicet, fuerunt filij eius immediati, & non descendētes ab eo per successionem, scilicet, filij, & nepotes. *Erat autem Lebeth prior, & Ziza secundus.* Hec ponitur ordo natiuitatis istorum: fuerant enim isti principes duarum familiarum.

Porro Iaus, & Baria non habuerunt plurimos filios. Isti sunt alij duo filij Semei, & primi duo, scilicet, Lebeth, & Ziza habuerunt multos filios, & quilibet eorum nominauit vnā familiam, sed Iaus, & Baria habuerunt paucos filios. *Et ideo in vna familia vnaque domo computati sunt.* Scilicet, si habuissent multos filios, scilicet, quilibet eorum nominasset vnā familiam, quia tamen erant pauci non potuerunt nominare duas familias, sed ambo nominauerunt vnā. Et dicitur in vna familia, & in vna domo, quia pro eodem accipiuntur hic. Ista tria sunt nomina progenierum, scilicet, tribus familia, & domus. Tribus est quędam congregatio multorum descendentiū ex eodem capite, & sic duodecim filij Iacob ponuntur duodecim capita tribuum, & multitudo descendens a quolibet eorum vocatur tribus. Deinde diuiditur tribus per familias. Nam ille a quo denominabatur aliqua tribus habebat filios, & a quolibet illorum poterat nominari vna familia, vnde familię sunt cognationes magis particulares sub eadem tribu, quęlibet enim tribus habet duas, vel tres familias aut plures, quę autem sint, pater Num. 26. Vbi ponuntur nomina aliarum cognationes magis particulares, quę vocantur domus, & quęlibet familia habet multas domos, quę illas non sunt aliarum cognationes, & sic quando diuiditur totus Israel, primo diuidebatur per duodecim tribus, deinde quęlibet tribus per familias suas, & postea familia quęlibet per domos, & quęlibet domus per viros, & ibi erat status. Sic patet Iosue 7. vbi Deus iussit, quod inquireretur, qui furatus fuerat de anathemate, & applicatę sunt omnes tribus Israel, & inuenta est tribus Iuda peccasse, & illa diuisa est per familias, & inuenta est familia Zare, & illa diuisa est per viros, & inuenta est domus Zabdi, & illa diuisa est familia non pro ipsa familia, quę sub iicitur immediate tribus, sed pro alia magis particulari, & illa iam est domus. Nam familia proprię dicta erat hic familia Gerion, eo quod ipse erat filius Leui, a quo nominabatur tribus, filij ergo Gerion non poterant iam nominare alias familias, sed domos, & ideo familia, &

A domus idem est hic, & ob hoc litera posuit vtrūque pro eodem.

Filij Caath: Amram, Isachar, Hebron, & Oziel, quatuor. Posita sunt supra deriuatio familię Gersonitarum, hic ponitur deriuatio familię Chaathitarum. Nam Caath fuit vnus de filiis Leui, & ista est familia nobilior, eo quod de ea nati sunt Leuitę Sacerdotes, vt infra declarabitur, & ponuntur quatuor filij Caath, a quibus nominatę sunt quatuor familię particulares, scilicet, Amramitę, Ozielitę, Hebronitę, & Isacharitę: Num. 3. Aliqui libri habent hic Chebron, vbi dicimus Hebron, & istud procedit ex conditione Gręci idiomatis, quia vbi nos ponimus literam, h, ponunt ipsi literam Chi, & illa durius sonat. Ideo dicitur Chebron, & non Hebron. Sic etiam dicitur Aram, sine Hiram pro Syria sepe in sacra Scriptura, vt patet Gen. 11. & tamen in Gręco scribitur Charan, & sic scribitur Actuum 7. quia ille liber translatus fuit de Gręco, & seruata fuit in latino conditio literarum, quę erant in Gręco.

Filij Amram, Aaron, & Moyses. Hic prosequitur Scriptura progeniē istorum quatuor filiorū Chaath, & primo ponitur progenies Amram, qui fuit primus eorum, & fuerunt duo filij Amram Moyses, & Aarō, & etiam Maria soror Moysi, vt colligitur Exo. 2. & 6. Et tamen non curauit hic Scriptura ponere Mariā, eo quod progenies eius non erat hic computanda, quia filij nunquam nominantur de progenie matris, sed patris, eo quod semen transiit in familiam viri, & potuit esse, quod acciperet Maria aliquem in virum, qui non esset de Leuitis, & progenie sua, & non pertineret ad tribum Leui, sed ad aliam, de qua esset vir suus, & ponitur Aaron ante Moysen, quia Aaron erat trium annorum quando natus est Moyses, vt colligitur Exo. 7. & Num. 33. Nam Moyses erat annorum octoginta in anno, quo exierunt Israelitę de Aegypto, & Aaron erat octoginta, & trium, & ambo mortui sunt eodem anno, scilicet, anno quadagesimo ab exitu de Aegypto, & erat tunc Aaron centum viginti trium annorum Num. 33. Et Moyses erat annorum centum, & viginti Deuteronom. 34. etiam ponitur Aaron ante Moysen, quia de Aaron descenderunt omnes Sacerdotes, & ipse fuit summus Sacerdos. De Moysē autem descenderunt aliqui Leuitę, vt patet infra in litera.

Separatus est Aaron, vt ministraret in Sancta sanctorum. Istud ponitur hic ad significandū distinctionem officij Moysi, & Aaron. Nam cum isti essent fratres, debebant habere eandem ministrationem, sicut fit in alijs familiis, & tamen Aaron separatus fuit ad hoc, quod haberet ministeriū Sacerdotale: Moyses autem, & filij sui habuerunt solum ministerium Leuiticum, quod erat minoris gradus, & ponitur hic, vt ministraret in Sancta sanctorum, id est, in Sanctuario, quod erat valde Sanctum. Nam non accipitur Sancta sanctorum pro illa domo secretissima tabernaculi, in qua erat arca fęderis. Nam tunc non diceretur, quod ministrabunt ibi Aaron, & filij eius: nam solus summus Sacerdos introibat in Sancta sanctorum quando erat dies propitiationis semel in anno, & alias nunquam, vt patet Leui decimosexto, & ad Hebrę nono. Filij autem Aaron, qui erant minores Sacerdotes non introibant in Sancta sanctorum. Et tamen hic dicitur, quod ministrabant. Ibi ergo non accipitur pro illa domo, sed pro Sanctuario generaliter. Item patet, quia dicitur, vt ministraret in Sancta sanctorum. Et tamen accipiendo Sancta sanctorum pro illa domo non erat ibi aliqua ministratio. Nam nunquam introibat quicquam illuc, nisi semel in anno ipse summus Sacerdos, & tunc nō ministrabat, sed

sed solum introibat ad orandum pro populo ferens sanguinem, & prunas: Leui. decimo sexto, & ad Hebra. nono, ergo accipitur pro reliquo Sanctuario, in quo ministratio erat Sacerdotum.

Ipsi, & filij eius in sempiternum. Idest data est eis ista ministratio, ut in eternum duraret. Nam nunquam fuit mutata de progenie Aaron ad aliam progeniem, sed quandiu mansit status Iudaicus, tandiu ministraverunt Aaron, & filij sui, & hoc facit ministrationem esse sempiternam.

Et adoleret incensum Domino secundum ritum suum. Istud erat aliud ministerium Aaron, & filiorum suorum, scilicet, adolere incensum, idest, cremare. Nam quotidie vnus de Sacerdotibus cremabat bis incensum super altare thymiamatum mane, & vespere: Exo. 30. Et pertinebat hoc tam ad Sacerdotem magnum, quam ad minores, & dicitur secundum ritum suum, idest, secundum ritum sibi traditum ad faciendum hoc, quia in hoc erant datae ceremoniae in lege, & in ceteris Sacerdotalibus officiis, quas obseruabant Sacerdotes quando ministrabant.

Et benediceret nomini eius in perpetuum. Scilicet, in officiis Sacerdotalibus, quae faciebant Aaron, & filij sui benedicebant Deo, quia ista erant officia sacra, vel dicitur, quod benedicebant nomini Domini, idest, benedicebant populo in nomine Domini. Nam Deus iusserat, quod Sacerdotes benedicerent populo, & dederat eis formam ad benedicendum, quae habetur Num. sexto, scilicet. Sic benedicetis filiis Israel, & dicitis eis. Benedicat tibi Dominus, & custodiat te: ostendat Dominus faciem suam tibi, & misereatur tui: conuertat Dominus vultum suum ad te, & det tibi pacem. & sequitur. Inuocabunt nomen meum super filios Israel, & ego benedicam eis. Et dicitur, quod ista benedictio debebat esse in perpetuum, idest, quod Aaron, & filij sui semper haberent istud officium benedicendi, quia erat Sacerdotale, & ministratio Sacerdotalis nunquam fuit tradita alteri familiae, sed mansit semper in filiis Aaron.

Moyse quoque hominis Dei filij annumerati sunt in tribu Leui. Idest filij Moyse non habuerunt aliquam aliam dignitatem, nisi quod numerati sunt inter Leuitas, & in hoc non habebant aliquam super alios Leuitas dignitatem, & dicitur hoc, quia cum Moyse fuerit Propheta maximus, & princeps populi, & ipse ordinauerit omnia ministeria Sacerdotalia, & Leuitica, videtur quod ipse, & filij sui deberent habere aliquam maiorem dignitatem quam ceteri, & dicitur, quod non habuerunt aliquid super ceteros, sed solum fuerunt computati in tribu Leui. & vocatur Moyse homo Dei, quia specialiter fuit Deo deditus, & Deus erat sibi valde familiaris: ideo loquebatur ei omnia, quae dicere debebat filiis Israel, & quodcumque Moyse vellet interrogare Deum super aliquo dubio, introibat in Sancta sanctorum, & audiebat ibi vocem Domini loquentis ad se de propitiatorio super arcam inter duos Cherubim: Num. 7.

Filij Moyse. Describitur hic progenies Moyse, & omittitur progenies Aaron, quia ab illo deriuata est progenies Sacerdotalis, & illa describitur sequenti c. & ibi diuiditur per officia sua. *Gerson, & Eliezer.* Non est iste Gerson filius Leui cuius progenies supra ponitur, sed Gerson filius Moyse. istum habuit Moyse de Sephora filia sacerdotis Madian, & vocauit eum Gerson, quod interpretatur peregrinus, vel aduena, quia quando eum genuit erat peregrinus, fugerat enim de Aegypto, in quo natus fuerat, a facie Pharaonis, & manebat in terra Madian, custodiens omnes oues Iethro Sacerdotis, & ibi genuit istum filium: Exodi secundo.

Et Eliezer. Iste est secundus filius Moyse, & non legitur habuisse alios, & quando Moyse de terra Madian redibat in Aegyptum mandato Domini, erat incircūcisus Eliezer, & propter hoc Angelus Domini voluit occidere Moysem, quod videns Sephora vxor eius tulit lapidem acutissimum, & scidit praepucium filij sui: Exod. quarto.

Filij Gerson, Subuel primus. Ponitur deriuatio progeniei istorum filiorum Moyse, & filius Gerson fuit Subuel, & dicitur, quod fuit primus, quia licet hic non ponantur alij filij Gerson, tamen alios habuit, & non nominauit aliquis familiam nisi iste primus, ideo alij subtrahuntur. Ne tamen putaretur, quod nullos alios habuisset Gerson, dicitur quod fuit Subuel primus, & de isto dicitur, quod fuit praepositus thesauri, ut patet infra 26. f. Subuel filius Gerson filij Moyse praepositus thesauri. An vero iste Subuel fuerit nepos Moyse, vel magis distans ab eo per lineam descendantium declarabitur. j. 26. *Fuerunt autem filij Eliezer Roboia primus.* Idest primogenitus, & non dicitur hic primus tanquam habuerit alios filios, quia nullum habuit, ut dicitur hic, sed etiam hoc existente, iste erat primogenitus, & nominauit familiam.

Et non erant Eliezer filij alij. Scilicet, non habuit Eliezer alios filios. Ideo sub eo non fuit nisi vna familia, vel domus. Porro filij Roboia multiplicati sunt nimis. Licet habuerit vnicum filium. f. Roboia: tamen iste genuit multos, & sic familia Eliezer fuit magna valde.

Filij Isaar Salomith primus. Hic omittitur Scriptura Amram, qui erat primus Caath, & transitur progenies ad numerandum familiam descendantem ab Isaar, qui fuit secundus filius Caath, ut pater. f. habuit autem Isaar filios multos, sed non nominantur hic nisi vnus. f. Salomith, & causa est, quia forte iste solus nominauit familiam, & non est iste Salomith, de quo habetur 8. & putant aliqui, quod iste Salomith sit Chore. Nam Chore fuit filius Isaar: Nu. 16. Et istud est satis rationale, quia filij Chore nominantur valde inter Leuitas, ut pater. j. 26. f. diuisiones ianitorum, & de Chornis enim nominantur inter facientes Psalmos. Ideo verisimile est, quod nominaretur pater eorum, ne familia sua esset incognita, & tamen constat Choritas esse filios Isaar. Ideo videtur, quod Chore sit Salomith, per quem deriuata est hic familia Isaar. Et vocatur Salomith primus, quia ipse fuit primogenitus Isaar, & dato, quod multos alios filios haberet, non nominauit alius familiam nisi iste. *Filij Hebron, Ierian primus.* Hic ponitur progenies tertij filij Caath. f. Hebron, & aliquando est Hebron nomen viri, & aliquando nomen loci, hic accipitur pro viro, & tamen interdum est nomen loci. f. ciuitatis, in qua regnauit Dauid septem annis, & dimidio 2. Reg. 5. Et est in sorte Iudae: Iosue 15.

Amarias secundus. Non est iste Amarias, qui ponitur supra 6. quia ille fuit de progenie summorum Sacerdotum, iste autem fuit de progenie Leuitarum.

Iaziel tertius teemaam quartus. Quatuor fuerunt filij Hebron, & a quolibet nominata est vna familia. Ideo ponuntur hic omnes quatuor. *Filij Ozziel Michas primus, & Iesias secundus.* Iste Ozziel est quartus filius Caath, ut patet supra, & habuit duos filios, a quibus nominatae sunt duae domus, vel familiae particulares. Iste Michas non est ille, de quo habetur 2. Reg. 9. quia ille erat filius Miphoboseth, & nepos Ionathae filij Saulis, & sic erat de progenie Benjamin. Iste autem erat de progenie Leuitarum. *Filij Merari: Moholi, & Musi.* Hic ponitur tertia familia principalis Leuitarum. f. Meraritarum. Nam Merari fuit tertius filius Leui, ut patet supra, & fuerunt suprapositae aliae duae familiae, scilicet, Gersonitarum, & Caathitarum, hic autem ponitur tertia. Et habuit Merari duos filios, Moholi,

Moholi, & Musi, a quibus deriuatae sunt duae familiae A
particulares, scilicet, Moholitarum, & Musitarum, vt
patet Num. 3.

Filij Moholi Eleazar, & Cis. Nominantur etiam filij
Moholi, quia ab eo descenderunt duae familiae parti-
culares nominatae per duos filios eius, & iste Eleazar
non est filius Aaron, de quo sequenti capitulo. quia
fuit de progenie Merari, & iste Cis non fuit pater Sau-
lis, de quo primo Regum nono, & secundo Regum
21. quia ille fuit de stirpe Benjamin.

Mortuus est autem Eleazar, & non habuit filios sed filias.
Ponitur istud ad ostendendum, quod ab isto Eleazar
non potuit iam deriuari alia familia, eo quod non ha-
buit filios, a quibus deriuaretur, & per quos con-
tinuaretur.

Acceperuntque eas filij Cis fratres earum. Scilicet, acce-
perunt eas in uxores, quia inter Hebraeos illi, qui erant
de eadem tribu & familia, contrahebant, & potissime,
quando moriebatur aliquis sine filiis maribus, quia
filiae eius accipi debebant a cognatis suis, sicut fuit de
filibus Salphaad, quae acceperunt maritos de cogna-
tione sua, iubente Deo, quia pater earum non habue-
rat filios: Num. 36. Et vocantur hic filij Cis fratres ista-
rum, id est, propinqui. Nam non erant fratres, sed pa-
trues, scilicet, filij patrum istarum puellarum.

Filij Musi, Moholi, & Eder, & Ierimuth, tres. Musi erat
secundus filius Merari, & ponuntur hic tres filij eius,
a quibus nominatae sunt tres familiae, & primus est
Moholi, sed non est iste Moholi filius Merari, quia il-
le est patruus istius, scilicet, frater patris sui Musi, scili-
cet, Ierimuth, aliquando est nomen urbis, & aliquan-
do nomen viri, hic accipitur pro viro, & Iosue poni-
tur pro vrbe. Nam de illa erat vnus de quinque re-
gibus, quos occidit Iosue in die, qua stetit Sol, vt pa-
tet ibidem.

Hi filij Leui in cognationibus suis, & familijs suis. Refer-
tur ad omnia praecedentia, scilicet, quod omnes supra
nominati fuerunt principes familiarum, & cognatio
num in tribu Leui. Cognatio est nomen generale ad
tribum, familiam & domum, familia autem est no-
men speciale cognationis, scilicet, quia est cognatio
minor quam tribus, & ponitur hic cognatio pro do-
mo, scilicet, quod omnes isti supra positi erant princi-
pes familiarum, & cognationum, scilicet, quia aliqui
eorum erant principes familiarum, aliqui principes
domorum, quae erant minores, quam familiae.

Principes per vices, & numerum capitum singulorum. Id
est omnes isti erant principes per vices, id est per sor-
tes, vel per familias, sic accipitur supra in litera, scili-
cet, & distribuit eos per vices filiorum Leui, Gerson,
Caath, & Merari, id est, distribuit eos per familias Ger-
son, & Caath, & Merari, quia istae sunt tres familiae Le-
uitarum, dicitur etiam, quod erant principes per nu-
merum capitum singulorum, scilicet, sub quolibet
istorum erat certus numerus capitum, id est, virorum,
quae quilibet familia, vel domus continet aliquos viros.

Qui faciebant opera ministerij domus Domini. Scilicet,
isti supra nominati erant principes omnium illorum,
qui faciebant opera ministerij, id est, quorumcunque
qui ministerationem habebant in domo Domini, si-
ue essent cantores, siue ianitores, iudices, & thesaura-
rij, & in quacunque alia ministeratione. Nam omnes
includebantur sub principibus istis, eo quod non erant
aliquae familiae, vel cognationes in tribu Leui nisi istae su-
pra assignatae.

A viginti annis, & supra. Scilicet, omnes isti Leuitae
computabantur a viginti annis, & supra, quia ante vi-
ginti annos non ministrabant nec transibant ad nu-
merum.

De diuisionibus Leuitarum. Quaes. XVII.

QVAERITVR circa praedicta de diuisioni-
bus istorum Leuitarum. Et dicendum est,
quod Leuitae sunt sub vna tribu, eo quod
Leui nominauit vnā tribum, cum esset fi-
lius Iacob, sicut quilibet de alijs filiis eius, quāquā
Leuitae non acceperunt hereditatem, sicut aliae tribus,
& ideo interdum non computantur Leuitae tanquā
vna de duodecim tribubus Israel, de quo declaratum est
supra 12. in quadam quaestione. Habuit autem Leui
tres filios, scilicet, Gerson, Caath, & Merari, a quibus
nominatae sunt tres familiae principales Leuitarum.
Gerson autem habuit filios duos, scilicet, Semei, &
B Lobni, & ab istis nominatae sunt aliae duae minores fa-
miliae, scilicet, Lobnitica, & Semeithica: Num. 3. Et
vnus istorum. Lobni vocatur hic Leedam, vt supra
declaratum est. Ab istis deriuatae fuerunt postea aliae
magis particulares, vt patet hic in litera. Et tamen de
istis pauca mentio fit in Scriptura. Secundus filius erat
Merari, a quo nominata est familia Meraritarum, &
habuit iste duos filios, scilicet, Moholi, & Musi, a qui-
bus nominantur duae familiae, scilicet, Moholitica, &
Musitica: Numeri tertio. Alius filius erat Caath,
& iste habuit quatuor filios, scilicet, Amram, Isaar,
Hebron, & Oziel, a quibus nominatae sunt quatuor
familiae particulares sub familia Caathitarum. habuit
autem Amram primus istorum duos filios, scilicet,
C Aaron, & Moylen. Aaron enim non mansit in mini-
sterio Leuitico, sed separauit eum Deus, & omnes
filios suos, vt ministrarent in officio Sacerdotali. Ideo
Aaronitae non computantur inter Leuitas. Mansit
autem Moyse filius Amram in gradu Leuitico, quia
non habuerunt filij sui aliam dignitatem, nisi quod
essent Leuitae, sicut dicitur in litera, scilicet, Moyse
quoque hominis Dei filij annumerati sunt inter filios
Leui, & sic soli filij Moyse vocantur de familia Amra-
nitarum. Alij tres filij Caath, scilicet, Isaar, He-
bron, & Oziel nominauerunt tres familias particula-
res, scilicet, Isaaritarum, Hebronitarum, & Ozielita-
rum, & sic istae quatuor familiae particulares inclu-
debantur sub familia Caathitarum, sic dicitur Num. 3.
D familia Caath habebat sub se populos Amramitas,
Hebronitas, Isaaritas, & Ozielitas: isto modo diuide-
batur tota tribus Leui.

Quare tam pauci hic nominantur de filiis Leui.
Quaes. XVIII.

QVAERITVR vltius de istis, qui nominantur
hic de filiis Leui, quomodo tam pauci nomi-
nantur. Nam incipit Scriptura continuare pro-
geniem alicuius, & omittit illam, sicut patet su-
pra in multis, nec potest dici, quod non nominantur
plures, quia non fuerunt plures descendentes de Le-
ui, quia hic ponitur, quod erant triginta octo millia
E Leuitarum, & tamen hic non computantur per enar-
rationem progeniei ipsorum nisi pauci, qui non ac-
cedunt ad quinquaginta. Aliquis dicit, quod po-
nuntur isti soli, quia isti erant viri excellentes tempo-
ribus, quibus factae sunt istae diuisiones Leuitarum,
& non curauit Scriptura de alijs.

Sed dicendum, quod non stat, quia isti, qui po-
nuntur hic, non fuerunt tempore istarum diuio-
num, eo quod istae diuisiones factae sunt tempore Da-
uid, & tamen nullus istorum poterat esse tempore
David, quia hic computantur descendentes a Leui
per diuersos filios suos, & ad plus nunquam compu-
tatur nisi vsque ad quatuor, vel quinque generatio-
nes a Leui: nullus tamen istorum poterat esse tunc,
quia

quia quatuor, vel quinque generationes durarent **F** ad plus per annos quadringentos. & tamen a Leui usque ad David fuerunt plures quam septingenti anni, quod patet, quia ab exitu de Aegypto usque ad fundationem templi Salomonis fuerunt anni quadringenti, & octoginta tertio Regum sexto, & ab introitu in Aegyptum usque ad exitum fuerunt anni ducenti, & quindecim, ut probatum est Genes. decimo quinto. Et antequam intraret Leui in Aegyptum erat annorum quadraginta, vel quasi, ut probatum est Genes. quadragesimo sexto. Et isti anni simul sumpti efficiunt annos septingentos, & triginta, & quinque: de quibus debent subtrahi quatuor anni, qui transierant fere de regno Salomonis, quando fundatum est templum tertio Regum octavo. Nam in ultimo anno regni David facta est illa computatio: manebunt ergo anni septingenti, & triginta unus a natiuitate Leui usque ad istam distributionem Leuitarum, & ideo in tanto tempore fluere plures quam septem, vel octo generationes, & tamen incipiendo a Leui non peruenitur hic ad plus nisi ad quatuor, vel quinque generationes, ergo non potuit esse aliquis istorum tempore David. Sed dicendum est, quod isti nominantur hic, & non alij, eo quod ipsi fuerunt principes familiarum, & domorum in tribu Leui, & nulli alij, & quia familiae, & domus nominantur ab illis qui, sunt primi in cognatione aliqua, solum nominatae fuerunt hic familiae, & domus a filiis, & nepotibus; & pro nepotibus Leui, & sic quot viri nominantur hic, tot fuerunt familiae, & domus descendendum a Leui. Patet hoc supra in litera, quia numeratis omnibus istis dicitur. Hi filij Leui in cognationibus suis, & familijs principes. Id est, omnes isti erant principes familiarum, & cognationum, & refertur ad omnes praecedentes, & ista est causa quare cum incipiat numerare progeniem aliquam Leuitarum, cito cessat numeratis duobus, vel tribus descendentibus, eo quod non fuerunt plures per illam lineam qui nominarent familias, & domos. Sed ceteri descendentes includuntur sub istarum familijs, & domibus.

Si Semei fuerit filius Gerson.

Quaest. XIX.

QVAERITUR ulterius quando supra dicitur filij Semei, Salomith, & Oziel: an ille Semei sit filius Gerson, vel sit de descendentibus ab eo. Aliqui putant, quod cum Gerson habuerit duos filios, scilicet, Leeda, & Semei, & dicat illico: filij Leeda principes Iahiel, & Zetha, & Ioel tres filij Semei Salomith, & Oziel, & sic volunt, quod Leeda, & ille Semei fuerint fratres, & postquam ponuntur tres filij Leeda, ponuntur alij filij Semei fratris sui. Sed dicendum, quod non stat, quia cum dicitur filij Semei, Salomith, Oziel, & Aram, sequitur: isti principes familiarum Leeda; ergo videtur, quod Semei, Salomith, Oziel, & Aram fuerint principes familiarum de stirpe Leeda. Secundo patet, quia postquam dicitur: Isti principes familiarum Leeda; sequitur cognatio Semei, & dicit. Porro filij Semei, & Leeth, & Ziza, & Iaus, & Baria, si tamen Semei, de quo supra ponebatur esset filius Gerson & frater Leeda, non repeteretur hic, & diceretur. Porro filij Semei. Ideo tota cognatio praecedens erat Leeda, & ille Semei, de quo supra dicebatur non erat frater Leeda. Tertio patet, quia postquam dicitur, Porro filij Semei, & Leeth, Ziza, Iaus, & Baria: leguntur isti filij Semei, quatuor. Si tamen Semei, de quo supra dicitur esset idem cum isto, & esset frater Leeda, non diceretur isti filij Semei quatuor, sed diceretur, isti filij Semei

septem, quia quatuor filij ponuntur istius Semei, & tres filij alterius Semei, de quo supra dicitur.

Dicendum ergo, quod ille Semei, qui ponitur prius in litera, non fuit frater Leeda, & filius Gerson, sed ille Semei, qui postea ponitur, & ille, qui primus fuit de familia Leeda. Sed motuum errandi est, quia non ponitur quis fuerit pater eius. Sed dicendum videtur, quod ille Semei primus fuerit filius Ioel, eo quod Ioel ponitur immediate ante ipsum, & interdum Scriptura sic ponit nomina aliquorum, subticendo quis fuerit pater eorum, eo quod innuit, quod praecedens sit pater sequentis, ut declaratum est supra quarto, & quinto. Vel potest intelligi, quod iste Semei erat idem, quod Ioel, sed erat binomius, sicut multi alij in Scriptura, ut patet supra de Leeda, qui vocatur alio nomine Lobni, scilicet, Nume. tertio, ut declaratum est supra in litera, & sic cum litera vocasset eum prius Ioel, postea vocavit Semei.

De separatione Aaron. Quaest. XX.

QVAERITUR ulterius cum dicatur hic, quod separatus est Aaron, ut ministraret in Sancta sanctorum, quare separatio fuit ista, & quare separatus est Aaron potius quam aliquis alius.

Respondendum est, quod Deus volebat habere ministros, qui colerent eum inter filios Israel, faciendo specialiter ceremonias cultus eius: nam licet totus populus deberet eum colere, tamen quia non poterant omnes occupari faciendos ceremonias, assignari debebant aliqui, qui specialiter haberent istud officium, & hoc facere debebant illi, qui essent magis obligati Deo, sed nullus erat inter Israelitas magis obligatus Deo, quam primogeniti, eo quod ipse liberauerat omnes primogenitos Israelitarum in Aegypto ab Angelo percunente primogenitos Aegyptiorum, & ex illo die omnes primogeniti Israelitarum pertinerunt ad Deum specialiter, sic enim ipse dicit, scilicet, Meum est omne primogenitum in terra Israel, ex die, quando eduxi Israel de Aegypto. Num. tertio, & octavo, & sic Deus accepturus erat in ministros suos omnes primogenitos Israelitarum: ipse tamen habuit ex omnes tribus Israel propter vituli fabricationem, & adorationem; quia omnes peccauerunt in illa praeter Leuitas, quia nihil peccauerunt in ea, vel minus quam ceteri, & etiam ipsi adiungerunt Moysen ad puniendum delinquentes: nam cum Moyses vidisset populum peccasse dixit. Qui Domini est, iungatur mihi. Id est quicumque habet zelum Dei veniat ad me, & congregati fuerunt tunc omnes Leuitae cum Moyses, & occiderunt de populo quasi viginti tria milia hominum, ut patet Exod. trigesimo secundo, & tunc Deus elegit tribum Leui ad ministrandum sibi, quia ipsa sola zelauit cultum Domini, & propter hoc fuerant ministri Dei de sola tribu Leui, sic patet Exod. trigesimo primo. Cum dixit Moyses ad Leuitas post occasionem idolatrarum. Consecratis manus vestras hodie Domino unusquisque in filio, & fratre suo, ut detur vobis benedictio, id est, ut ipse benedicat vobis dando potestatem ministrandi sibi: Moyses quoque benedixit omnibus Israelitarum Deuteronomio, & laudat Leuitas tanquam immunes ab idolatria, & quia occiderunt idolatras, cum dicitur. Qui dixit patri suo, & matri suae nescio vos, & fratribus meis ignoro illos, & nescierunt filios suos, hi custodierunt eloquium tuum, & pactum tuum seruauerunt. Elegit Deus propter hoc tribum Leui ad ministrandum sibi excludendo omnes alias, & sic iussit, quod non computa-

computarentur Leuitæ cum alijs de populo, sed per se tolleretur summa eorum, & ipsi soli ministrarent Nume. primo. Siquis autem accederet cum eis ad ministrandum occideretur, & tunc elegit Deus tamquam principem ministrorum suorum Aaron, & filios suos, & istis tradidit omnem curam de ministratione sibi faciendâ, quia tamen ipsi pauci erant, & non poterant soli sufficere ad faciendum omnium ministrationem necessariam, dedit illis Deus adiutores, & ad hoc fecit, quod tota alia tribus Levi ultra Aaron, & filios suos traderetur in potestate Aaron, & filiorum suorum, ut ad mandatum eius ministrarent in omnibus necessarijs pro cultu Dei: Num. tertio. Primogeniti autem tenebantur facere istam ministrationem, & seruire Aaron, & filiis suis ministrantibus, quia cum Deus repulerat omnes tribus a ministratione sua, fecit, quod Leuitæ reliqui adiuuarent Aaron, & filios in ministrando, & propter hoc totus populus obtulit Leuitas ipsi Aaron, & filiis suis pro seipsis, scilicet, quia ipsi tenebantur ministrare, & erant inhabiles: ideo dabant pro seipsis alios seruientes, & quia aliqui de primogenitis Israelitarum non poterunt hoc modo redimi, dederunt pro seipsis precium, scilicet, fecit Deus, quod darentur Leuitæ pro primogenitis Israelitarum, & quia plures erant primogeniti Israelitarum, quam Leuitæ, fecit Deus, quod pro illis primogenitis, qui supererant solueretur precium, scilicet, pro quolibet quinque sili, ut patet Num. tertio, & dati fuerunt isti sili Leuitis, eo quod ipsi ministrabant loco primogenitorum Israelitarum. Et iste fuit modus, quo tribus sola Levi ministravit, & quod separatus est Aaron, scilicet, quia ipse principaliter separatus est, & quod ipsi, & filii sui traditi sunt ministrationi. Alij autem Leuitæ non fuerunt principales ministri, sed dati sunt in adiutores, & seruientes ipsi Aaron. Hic tamen accipitur segregatio Aaron aliter, scilicet, quod segregatus est ab alijs Leuitis: nam erat Aaron de progenie Leuitarum, & videbatur, quod deberet habere idem officium, quod reliqui, & tamen habuit ipse specialem ministrationem, quia ipse separatus est ad hoc, quod ministraret in Sacerdotio. Reliqui autem de tribu Levi ministrabant in minoribus officijs.

De ministratione Aaron. Quest. XXI.

QVAERITUR ulterius de ministratione Aaron, & filiorum quid competeat eis. Nam dicitur, quod ministravit Aaron in Sancta sanctorum, & ad adolendum incensum.

Respondendum est, quod ministrationes Sacerdotales principales erant multe. Prima erat introire in Sancta sanctorum ad orandum cum sanguine, & thymiama, & non competeat hoc cuilibet Sacerdoti, sed solummo Sacerdoti semel in anno in die propitiatorium interduci minores Sacerdotes in Sancta sanctorum, scilicet, quando mouenda erant castra de loco ad locum, & velabatur arca, ut portaretur a Leuitis, ut patet Numeri, sed tunc licebat minoribus Sacerdotibus introire, quia non apparebat tunc gloria Domini super arcam in propitiatorio, sicut alijs temporibus, ut declaratum est Numeri. Secunda ministratione erat offerre thymiama super altare thymiama, & quod in altare istud opertum auro intra tabernaculum intra apud Sancta sanctorum, & quotidie unus de Sacerdotibus introibat bis ad cremandum in eo thymiama, scilicet, inane, & vespere: Exod. trigesimo. Tertia ministratio erat parare lucernas candelabrum

enim candelabrum de auro habens septem lucernas, & erat illud intra tabernaculum ad partem Meridianam eius Exo. 26. & Aaron, vel filij sui introire debebant quotidie bis ad disponendum lucernas, ut bene arderent, & fiebat in mane, & vespere, scilicet, quando cremabatur thymiama. Ideo idem Sacerdos faciebat vtrumque: Exod. trigesimo, & istæ duæ ministrationes pertinebant tam ad Sacerdotem magnum, quam ad minores. De apparitione lucernarum patet Exo. vigesimo septimo: nam dixit Deus. Collocabunt lucernam Aaron, & filij eius de thymiama. Patet ergo, quod idem Sacerdos faciebat vtrumque: Exod. trigesimo. Et tamen Sacerdotes minores poterant incendere, & disponere lucernas, ergo etiam ipsi poterant cremare thymiama. Quarta ministratio erat ponere panes in mensa propositionis: erat enim mensa propositionis de lignis setim operta laminis aureis. Exod. vigesimo quinto. Et erat intra tabernaculum ad latus Aquilonare eius: Exod. vigesimo sexto. Et super istam erant semper duodecim panes magni in memoriam duodecim tribuum Israel, & ponebantur isti panes in sabbatho: sequenti autem sabbatho tollebantur, & ponebantur alij recentes, & sic fiebat per omnia sabbatha, ut patet Levi. vigesimo quarto. Et hoc pertinebat tam ad Aaron quam ad filios eius, & ideo ipsi comedeant illos eod. capitu. Quinta ministratio erat immolare animalia in omnigenere sacrificiorum, scilicet, holocaustis, hostijs pacificis, & pro peccato: nam nulli licebat facere sacrificia, nisi esset Sacerdos, & istud pertinebat ad omnes Sacerdotes: nam quidam faciebant sacrificia vno tempore, & alij alio, sicut sortes eis eueniebant, ut patet sequenti capitu. Sexta ministratio erat cremare vitulum ruffam, quæ non erat in sacrificium, ut probatum est Nume. decimonono in quadam questione. Et tamen non licebat hoc facere nisi Sacerdoti, quia Eleazar filius Aaron faciebat istud eod. c. Septima ministratio erat iudicare de leprosis quæ erant mundi, & quando immundi, & facere circa eos ritum purificationis: nam ad solum Sacerdotem hoc pertinebat, ut patet Levi. 13. & 14. Ideo Christus dixit leprosis, qui petebant ab eo sanari. Ite ostendite vos Sacerdotibus. Lucæ 17. Istæ erant principales ministrationes Sacerdotum. Aliæ erant minus principales. Accessorie ad istas, sicut in sacrificijs requirebantur libamenta. Scilicet, farina, vinum, oleum, & similia, & paratio istorum libamentorum pertinebat ad Sacerdotes, ut patet infra in litera, scilicet, Sacerdotes autem super panes propositionis, & ad simile sacrificium, ad lagana, & azyma, & sartagine, & ad feruentem simillam. Etiam pertinebat ad Sacerdotes conficere thymiama ex aromatibus, & oleum unctionis, ut patet supra 9. f. Filij autem Sacerdotum vnguenta ex aromatibus conficiebant. Sic etiam erat de quibusdam alijs ministrationibus accessorijs ad præcedentes, quas soli Sacerdotes faciebant. Hic autem ponuntur in generali ministrationes istæ, quia dicitur separatus est Aaron, & filij eius, ut ministrarent in Sancta sanctorum, & per ministrationem in Sancta sanctorum intelliguntur omnes ministrationes, quæ erant in Sanctuario, & exprimitur in speciali ministratione illa, quæ erat in altare thymiamaus.

De differentia inter Moysen, & filios suos, & Aaron, & filios suos. Quest. XXI.

QVAERITUR ulterius quare Moyses, & filij sui voluerunt positi inter Leuitas, & Aaron, & filij sui fuerunt positi in maiori ministerio. scilicet, ut ministrarent in Sacerdotio. Nam videtur, quod rationabilis

tionabilius erat Moyſen, & filios ſuos exaltari, quàm Aaron, quia Moyſes erat vir ſanctus, cui Deus loquebatur, & ipſe laudauit eum ſuper oēs Iſraelitas, dicēs. Siquis fuerit inter vos Propheta Domini in viſione apparebo ei, vel per ſomnium loquar ad illum; at non talis ſeruus meus Moyſes, qui in omni domo mea fideliffimus eſt: ore enim ad os loquor ei palam, & nō per enigmata, & figuras Domini videt. vt patet Nu. 12. Etiam ipſe Moyſes non peccauit contra Dominum. Aaron autem peccauit, quia ipſe fabricauit vitulum aureum ad adorandum: Exo. 32. & Deus fuit iratus nimis in Aaron, & delere voluit eum: Moyſes tamen orauit pro ipſo, vt non deleteretur. Deut. 9.

Respondendum eſt, quod non eſt dubium, quin Moyſes potius merebatur effici ſummus Sacerdos, & qd filij ſui eſſent in maiori dignitate, quàm Aaron, & filij ſui. Et tamen dicit aliquis, quod hoc factū eſt, quia dignitates iſte debebant dari primogenitis, ſicut poſtea ſuccedebant primogeniti in ſummo Sacerdotio, & in alijs dignitatibus.

Sed dicendum, quod iſtud eſt nimis dubium, quia oportet ad hoc præſupponi, qd Caath fuerit primogenitus Levi ad hoc, quod Aaron, qui erat filius eius haberet ſummum Sacerdotium potius quàm aliquis alius de familia Gerſonitarum, vel Meraritarum, & tamen magis videtur, quod fuerit Gerſon primogenitus Levi: eo quod ipſe præponitur ſemper alijs duobus filijs Levi, vt patet hic in litera, & tunc Leedam, qui erat primogenitus Gerſon debebat habere ſummum Sacerdotium, & non Aaron, ſed non factum eſt ſic: ideo videtur, quod non fuerit propter primogenituram. Nam dato, qd Deus vellet, qd primogeniti haberent iſtas dignitates, ſicut poſtea fuit per modū ſucceſſionis: tñ a principio, cum adhuc nulla lex erat, poterat dari ſummum Sacerdotium alicui non primogenito, & poſtea ſtatueretur, qd primogeniti deſcendentes per lineam illius haberent ſummum Sacerdotium, & ſic Moyſes poſſet habere ſummum Sacerdotium, quamquàm non eſſet primogenitus, & deinde ceteri primogeniti.

Dicendum ergo, qd non fuit propter hoc, ſed noluit Deus dare ſummum Sacerdotium Moyſi, vt tolleretur ſcandalum, & vt lex per eum data reciperetur: nam ſi Moyſes attribueret ſibi ſummum Sacerdotiū, & filijs ſuis, putarent multi de populo, quod Moyſes faciebat oīa hæc, vt acquireret ſibi magnum honorē, & diuitias, & poſteris ſuis inter Iſraelitas, & ſic minus crederetur ei, & multi non aſſentirent eis, quæ ab eo dicebantur, ſed putarent, quod ipſe fingeret oīa hæc, & qd Deus loquebatur cum eo, vt acquireret honorē, & diuitias, habebant Iſraelitæ ad hoc aliquale motuum: nam Deus loquebatur in ſecreto Moyſi, & neſciebāt ipſi quid loqueretur, vel an loqueretur ei aliquid, habito ergo aliquali adminiculo exterius ad iſtam præſumptionem, crederēt quod Deus nihil ei loquebatur, ad tollendum ergo iſtam præſumptionē, noluit Deus dare Moyſi ſummum Sacerdotium, nec facere eum aliquo modo Sacerdotem, ſed ſimplicem Leuitam.

Confirmatur illud, quia Moyſes non erat ſummus Sacerdos: nec habebat aliq̃ dignitatem Sacerdotale, & tñ præſumebant qd eum aliquo modo Iſraelitæ, qd faceret oīa ad ſe extollendum: vnde, & Chore, & multi alij de Iſrael dixerunt ad Moyſen, & Aaron: Sufficiat nobis, quia oīs multitudo ſanctorum eſt, & in ipſis eſt Dñs, cur eleuamini ſuper populum Dñi? Nu. 16. a fortiori ergo ſi Moyſes accepiſſet ſibi ſummum Sacerdotium, vel aliam dignitatem pro ſe, & poſteris ſuis, habuiſſent Iſraelitæ occaſionē ſuſpicandi qd eū: Deus tñ volebat aliq̃ ſuſpicionem in hoc naſci, quia

eſſet nimis in detrimentū legis darā a Deo per Moyſen. ſ. quia dubiraretur an Moyſes a Deo ſuſceperat legem illam, quā dabat populo, ideo non fuit queniēs, qd daretur ſummum Sacerdotium Moyſi.

Sed dicit aliquis, daretur ſaltē filijs ſuis poſt ipſum, & ſic tolleretur ſuſpicio. Dicendum, qd idem inconueniens erat, ſi daretur filijs Moyſi, quod ipſi Moyſi: nam idem vult p̃r pro filijs, quod pro ſeipſo: ideo in acquirendo aliquid pro filijs ita ſuſpectus eſt, ſicut ſi pro ſeipſo deberet acquirere, & ſic maneret temper ratio præſumptionis. Item patet, quia Moyſes pro ſeipſo non egebat ſummo Sacerdotio, quia ipſe dum vivebat erat maior in populo, cū ſummus Sacerdos, & omnes alij ad vocem eius deberent dirigi, ſed ſolū vellet ſummum Sacerdotium, vel quemcunque aliū honorē pro poſteris ſuis, & ſic relinquēdo illis ſummum Sacerdotium, qd ipſe viuens non haberet illud, eſſet ſemper cā præſumptionis qd ipſum non ergo decuit, qd Deus daret ſummum Sacerdotiū Moyſi, vel alicui de poſteris eius, ſed qd manerent in ſtatu ſimplici, ita qd nullus poſſet eis inuidere: nec ſuſpicari quid contra ipſos decuit ergo, qd daretur potius ſummum Sacerdotium Aaron, & poſteris eius.

Dixit enim Dauid: Requiem dedit Dominus Deus Iſrael populo ſuo, & habitationem Ieruſalem vſque in æternum, nec erit officij Leuitarum, vt vltra portent tabernaculum, & omnia vaſa eius ad miniſtrandū. Iuxta præcepta quoque Dauid nouiſſima ſupputabitur numerus filiorum Levi a viginti annis, & ſupra, & erunt ſub manu filiorum Aaron in cultum domus Domini in veſtibulis, & in exedris, & in loco purificationis, & in Sāctuario, & in vniuerſis operibus miniſterij templi Domini. Sacerdotes autē ſuper panes propoſitionis, & ad ſimilæ ſacrificium, & ad lagana, & azyma, & ſartaginem, & ad torrendum, & ſuper omne pondus atque menſuram. Leuitæ verò, vt ſtent mane ad conſitendum, & canendum Domino, ſimiliterque ad veſperam tam in oblationem holocauſtorum Domini quàm in ſabbathis, & Kalendis, & ſolēnitatibus reliquis, iuxta numerum, et cæremonias vniuſcuiuſq; rei iugiter coram Domino, et cuſtodiant obſervationes tabernaculi ſcæderis, et ritum ſanctuarij, et obſervationem filiorum Aaron fratrum ſuorum, vt miniſtrēt in domo Dñi.

Dixit. n. Dauid. Hic ponit. ſ. poſitę ordinationis rō. ſ. ga. ſ. dñm fuerat. ſ. qd cōputarent Leuitę a viginti annis, & ſ. hic ponit rō quare hoc fieret, & ē addunt qd dñ de dñia miniſtrationis Leuitarū, & Sacerdotū, & dñ. Dixit. n. Dauid: Requiem dedit Dominus Deus Iſrael populo ſuo. Scilicet p̃cedētibz t̃pibz Leuitę cōputabant ad miniſtrandū a triginta annis, & ſ. Nūc autē cōputabunt a viginti annis, & ſ. eo qd fiebat illud, qd mōltæ tiones Leuitarū p̃cedētibz t̃pibz erant grauē. t. in portādo onera, & nō ſufficiebāt ad illa, nūc vni manu reſtatis. ſ. a triginta annis, & ſ. lō in illa ætate incipiebāt miniſtrare: Nume. 4. Nūc autē quia Deus dedit requiem

requiem Israelitis, s. quia mansurum erat tabernaculum semper in eodem loco, non oportebat, q̄ essent ministri in tanta etate, s. in anno tricesimo, sed sufficiebat, q̄ essent a viginti annis, & supra, quia leuita ministeria habituri erāt, & dicitur: Requiem dedit Deus populo suo Israel. Scilicet, q̄ iam non turbabitur ab hostibus, sicut dī 2. Regum 7. & supra 17. Vel dedit ei requiem, s. q̄ nō oportet, q̄ moueat iam Sanctuarium de loco ad locum, sicut prius. *Et habitationem in Ierusalem usque in aeternum.* Id est, Deus dedit habitationē pro se, & Sanctuario suo in Ierusalem usque in aeternum, & non oportebit, q̄ iam moueatur de loco ad locum, & portentur vasa Sanctuarii a Leuitis. *Nec erit officij Leuitarum, vt ultra portent tabernaculum, & omnia vasa eius ad ministrandum.* Id est, Antē hoc officium Leuitarū erat, q̄ portarent Sanctuarium Domini de loco ad locum, & etiam vasa eius, & etiam cum iam non erit mutandum, nunquā habebūt hoc in officium: & ponitur hic tabernaculum, tam pro tabernaculo, q̄ pro atrio eius, quia tabernaculum est domus facta de tabulis in circuitu, & supra velata cortinis, & alijs velamentis. Atrium autem erat quoddam spatium clausum velis, & columnis in circuitu tabernaculi, & a Leuitis portabantur illae columnae, & vela, sicut omnes partes tabernaculi: & tamen tabernaculum saepe accipitur pro toto Sanctuario, omnia autem vasa eius etiā portabantur a Leuitis, sarca, & altare thymiamatum, & altare holocaustorum, & candelabrū, & mensa propositionis, & labrum æneum cum vasculis istorum, vt patet Numeri. *Iuxta praecepta David nouissima supputabitur numerus filiorum Israel a viginti annis, & supra.* Id est, Propter hoc praecepta David nouissima, i. vltimae ordinationes factae a David, fuerunt q̄ Leuitae computarentur a viginti annis, & supra. Et vocantur illa praecepta David, non quod ipse praecepit, sed quod ipse promulgauerit, quia praeceptum a Deo datum est, & venit ista lex de cœlo ad David, sicut figura tabernaculi, & tota fabricatio venit ad eū scripta manu Dei, infra 28. Vocantur autem ista praecepta David nouissima, quia anno quadragesimo regni sui fuerunt data. Nam ista ordinatio, & numeratio factae sunt tunc, vt patet infra 26. & ille erat annus vltimus vitae, & regni David, quia solum regnavit quadraginta annis, vt patet 2. Regum 5. & 3. Regum 2. Et post hoc nihil ordinauit de pertinentibus ad statum regni, vel ad cultum Dei, sed illico mortuus est. *Et erant sub manu filiorum Aaron.* Scilicet, Omnes Leuitae, qui computantur a viginti annis, & supra erāt sub potestate Aaron, & filiorum suorum, quia tota ministratio cultus futurerent ad explendum omnes caeremonias, reliqua Leuitae dati sunt eis, vt subseruientes, & manebāt semper ad praeceptum Aaron, Numeri 3. & 18. Et ob hoc populus obtulit omnes Leuitas Aaron, & filiis suis in donum, Numeri 3. *In cultum domus Domini.* Id est, cantorum, ianitorum, iudicum propositorum, vt patet supra in litera. Et dicuntur omnia esse in cultum, id est, seruitium, vel ornatum domus Domini, quia omnia ista officia erant ad hoc, q̄ Leuitae subseruirent sacerdotibus per illa in templo. *In vestibulis, & in exedris.* Ponuntur hic loca in quibus ministrabant Leuitae, & primus est vestibulum. Dicitur autem vestibulum, scilicet, a vestibus, s. locus in quo vestes conseruantur, vel locus, in quo homines vestiuntur, & tamen ex vsu loquēdi, vestibulum dicitur aliquod spatium ante domos, & sic dicitur vestibulum portae, id est, aliquod spatium, quod est ante portam domus, ita nō vocabatur vestibulum spatium, quod erat inter templum, & murum exteriorem atrij. Et sic dicitur Alph. Toit. In Lib. I Paralip.

A tur totum clausum intra murum atrij vestibulum, & diuersae partes istius atrij vocabantur diuersa vestibula. Et sic dicitur inter vestibulum, & altare plorabant sacerdotes, id est, inter altare holocaustorum, & portam templi. Nam ibi erat quoddam spatium, quod vocabatur vestibulum, & ibi sacerdotes plorabant. In istis autem vestibulis Leuitae faciebant diuersa ministeria pertinentia ad sacrificia, & alias ministraciones sacerdotales, scilicet, disponendo materias ad praeceptum sacerdotum. Exedrae dicuntur esse quaedam domus in circuitu templi Salomonis per latera eius, & erant paruulae domus existentes intra murum atrij, & illae erant ad custodiendum ibi thesauros templi, & vestes etiam, ad hoc quod manerent ibi sacerdotes, & Leuitae tempore, quo ministrabant: nam sacerdotes, & Leuitae non morabantur omnes in loco Sanctuarii, sed dispersi per totam terram Israel in quadraginta octo ciuitatibus, Numeri trigesimo quinto, & Iosue vigesimoprimo. Quando autem veniebant in Ierusalem ad ministrandum, dabantur eis domus, in quibus manerent intra ambitum atrij, & istae vocantur exedrae, de hoc patet supra 9 cum dicitur: Quod Leuitae, & ianitores per gyrum templi morabantur in custodijs suis, vt cum tempus fuisset ipsi in mane aperirent fores. Et sic manebant intra atrium, vt clauderent, & aperirent. Cantores etiam manebāt intra atrium in istis exedris toto tempore, quo ministrabant per diem, & per noctem ad ministrandum semper, vt patet supra 9. scilicet, Hi sunt principes cantorum per familias Leuitarum, qui in exedris morabantur, ita vt die, & nocte iugiter in suo ministerio deseruirent. In istis exedris ministrabant Leuitae, quia ibi custodiebant thesauros templi, vt patet infra vigesimosexto, & faciebant quidquid aliud iuberent eis ibi sacerdotes. *Et in loco purificationis.* Id est, Ministrabant in loco purificationis. De isto loco est dubium quid erat, & potest intelligi vno modo, quod vocabatur locus purificationis, scilicet, in quo purificabantur sacerdotes, & etiam carnes sacrificiorum: erat enim quoddam vas magnum æneum rotundum in figuram hemisphaerii, capiens duo millia bathos de aqua, id est, duo millia amphoras, & vocabatur mare æneum: mare quidem, quia cōtinebat multitudinem aquae: æneum autem, quia erat factum de aere, & ibi sacerdotes lauebant pedes, & manus, quando ministrare debebant, sicut fiebat in labro æneo in tabernaculo Moyse, Exodi trigesimo. Erant etiam luteri multi ænei in modum amphorarum, & erant locati super sedes æneas pulchras, de quarum figura, & opere patet 3. Regum 7. Et in istis luteribus erat aqua ad abludendum leuitae carnes sacrificiorum, vt declaratum est ibidem. Omnia ista vasa erant ad purificationem, scilicet, sacerdotum, & sacrificiorum, & Leuitae ministrabant in istis, scilicet, replendo illa vasa aqua recenti, & auferendo aquam veterem, quando esset immunda. Non est tamen intelligendum, quod Leuitae portarent istam aquam de loco suo, sed Gabaonitae, qui erant Chananei cōuersi ad ritū Iudaicum erant assignati huic ministerio: nam ex eo q̄ fefellerūt Israelitas, condemnauerunt eos Israelitae ad eternā seruitutem, scilicet, vt portarent aquas, & ligna pro templo Domini, vbicunque esset, Iosue 9. Sed Gabaonitis non licebat introire ad loca sacra, scilicet, ad atrium sacerdotum, vbi erant ista vasa, scilicet, mare æneum, & luteri, vt declaratum est, 3. Regum 7. & 4. Regum 16. Ideo Leuitae acciperent ab eis aquam, quando illi accederent ad Sanctuarium, & introducerent ad loca vasorum: idem esset de lignis pro sacrificijs, ideo ministrabant Leuitae in loco purificationis. Alio modo potest intelligi

Intelligi locus purificationis, scilicet essent aliquæ hydræ paratæ in Sanctuario, in quibus deberent purificari immundi immunditia legali, & ad purificationem illam, tam ponendo aquam in vasis, quam faciendo caeremonias purificationis seruirent Leuitæ. Simile patet Ioan. 2. cum dicitur, quod erat Iesus in Chana Galilææ, quando voluit conuertere aquam in vinum, & fecit impleri sex hydras, & dicitur: Erant autem ibi lapideæ hydræ sex positæ secundum purificationem Iudæorum, capientes singulæ metretas binas, vel ternas. Et sic erant hydræ secundum purificationem Iudæorum, secundum conditionem purificationis, quia consuetudo erat, quod purificarentur, & ita forte erant multæ hydræ positæ in atrio templi ad purificationem Israelitarum, in quibus ministrarent Leuitæ, sed primum melius est, quia purificatio secunda magis videbatur secularis, quam sacra, scilicet quod quilibet posset facere illam: nam in quolibet loco Iudæorum erant tales hydræ positæ, & sic Chana Galilææ, quamquam esset viculus parvus, tamen erant ibi hydræ ad purificationem Iudæorum, & in Sanctuario omnes Leuitæ ministrantes vbicunque ministrarent in Sanctuario, quia nunquam ministratio aliqua diuina fiebat extra templum, & atrium eius. Dicebantur tamen illi Leuitæ ministrare in Sanctuario, qui ministrabant in loco magis sacro, sicut cantores, qui ibant ad atrium sacerdotum, ut ibi canerent, quando fiebat sacrificium mane, & vespere. *Et in vniuersis operibus ministerij templi Domini.* Id est, Etiam ministrabant in omnibus operibus, quæ fiebant in templo Domini, in quibus esset necessaria ministratio ipsorum, & per hoc tanguntur omnia ministeria Leuitarum: nam Leuitarum quidam erant cantores, alij ianitores, alij thesaurarij, alij iudices, & præfecti, & alij qui ministrabant generaliter in omnibus, in quibus sacerdotes indigebant ministerio eorum. Cantores significantur hic per ministerium, quod fiebat in Sanctuario, id est, in atrio sacerdotum cantando. Ianitores significantur per ministerium, quod fiebat in vestibulis. Ianitores autem manebant in vestibulis, id est, apud portas, & locus apud portam vocatur vestibulum. Thesaurarij significantur per ministrantes in exedris, eo quod thesauri seruabantur in exedris. Illi autem, qui ministrabant quoddam generale ministerium, erant illi, qui ministrabant in loco purificationis. Præpositi autem, & iudices erant, qui seruiebant ad omnia alia opera domus Domini, scilicet, erudiendo Israelitas, & iudicando eos, quod pertinet ad domus Domini ministerium. *Sacerdotes autem super panes propositionis.* Ponuntur hic aliqua de ministerio sacerdotum.

Sed aliquis dicet, quomodo ponuntur hic aliqua pertinentia ad sacerdotes, quia hic agitur de sacerdotibus, & officiis eorum, sed sequenti cap. ponuntur distributiones ipsorum.

Respondendum est, quod non ponitur hic principaliter ad declarandum quid pertineat ad ministerium sacerdotum, sed ponitur ad tollendum dubium: nam dictum fuerat hic de Leuitis, quod ministrabant in omne ministerium domus Domini seruendo sacerdotibus, putaretur etiam, quod ipsi conficerent panes propositionis, & frigerent similia in sartagine, & facerent omnia similia, quæ pertinebant ad disponendum materiam sacrificiorum, ideo dicitur, quod non, sed sacerdotes faciebant hoc: ipsi enim accipiebant a filiis Israel similitam, & formabant inde istos panes. De caeremonia autem circa istos panes, & quare ponebantur coram Domino, declarabitur infra in quadam questione. *Et ad similia sacrificium.* Id est, Etiam sacerdotes disponebant sacrificium, quod

fiabat de simila, id est, libamen. Considerandum autem est, quod sacrificium accipitur dupliciter, vno modo large secundum nostrum modum loquendi, & vocatur sacrificium animalis, quod immolatur, & sic dicimus esse tria genera sacrificiorum, scilicet holocaustum, hostiam pacificam, & pro peccato. Alio modo accipitur proprie pro libamento, & est libamen, vel libamentum aliquid quasi accessorium ad sacrificium, sicut condimentum ad cibos, & sunt quinque libamenta, scilicet simila, vinum, oleum, sal, & thus, ut colligitur Leuitici 2. & Numeri 15. Et ista vocantur sacrificium, & ipsum animal immolatum vocatur victima, vel hostia, & tamen adhuc omnia ista quinque libamenta non vocantur simul sacrificium, sed sola similia, & sic dicitur Numeri 28. & 29. Quod offerebantur carnes victimarum cum libamentis suis, & sacrificio. Et sic distinguitur libamentum a sacrificio, quia libamentum ponitur, & etiam sacrificium erit ipsa similia, sic dicitur Leuit. 2. scilicet Anima cum obrulerit oblationem sacrificij. Hic autem dicebantur esse sacerdotes ad sacrificium similia, id est, ad dispositionem farinae pro sacrificio coquendo illam in clibano, vel in sartagine, vel in craticula secundum diuersos modos, qui ponuntur Leuitici 2. Quomodo tamen, & quoniam ista similia parabatur a sacerdotibus, dicitur infra in quadam questione. *Et ad lagana.* Id est, Etiam sacerdotes habebant officium faciendi lagana. Nam in sacrificijs offerebant lagana: fiebant autem lagana de simila cocta in clibano, & postea perfundebat oleo, & vocantur lagana oleo lita, ut patet Leuitici 2. & 7. Ad quid autem proficiebant ista lagana, & in quibus sacrificijs ponerentur, declarabitur infra in quadam questione. *Et azyma.* Id est, Ad conficiendum panes azymos, quia isti necessarii erant pro quibusdam sacrificijs, scilicet in hostijs pacificis, ut patet Leuit. 7. *Et ad seruientem similia.* Istud etiam erat officium sacerdotum, & vocatur similia frixa in sartagine. Nam prius ponebatur aliqua pasta massæ in aqua, sicut nos lagana facimus, & particula massæ ponebantur in sartagine in oleo feruenti, & illa vocatur similia seruens: multoties autem ponebantur ista lagana, vel similia feruens in sacrificijs, de quo Leuitici secundo, & septimo, & infra dicitur.

Et super omne pondus, atque mensuram. Id est, Etiam sacerdotes habebant curam de omnibus, quæ constituebantur in pondere, & mensura, & pertinebant ad Deum. Istud intelligitur de libamentis, vel quasi: quorum quædam consistebant in pondere, & alia in mensura: nam vinum, oleum, & similia, dabantur in mensura certa pro libamentis, secundum differentiam animalium, quæ offerebantur: nam si quis offerret agnum anniculum in holocaustum, dabat duas decimas similia, & tertiam partem hin de oleo, & tertiam partem hin de vino. Si autem offerretur aries, vel ouis, dabatur cum eo vnam decimam similia, & quartam hin de vino, & quartam partem de oleo. Si autem offerretur bos, dabatur tres decimæ de simila, & medietas hin de oleo, & medietas hin de vino, Numeri decimoquinto. Omnia ista consistebant in mementis, & sacerdotes soli habebant curam de istis libamentis. Alia etiam erant quasi libamenta, scilicet, illa, quæ dabantur in purificatione leproforum, & fluentium semine, de quibus Leuitici decimoquarto, & decimoquinto. In pondere autem consistebat moneta de auro, & de argento, quæ debebant dari aliquando sacerdotibus, sicut quoniam quis laeserat alterum, & ille mortuus erat, nec relinquebat heredem, vel non sciebat ad quem pertineret res illa, in qua laeserat alterum, tenebatur dare eam sacerdotibus, ut patet Numeri: Etiam quoniam quis vouebat se Domino, vel aliquam aliam rem, erat statutum

statutum pretium, quod deberet dari sacerdotibus, & redimebatur res illa, quæ voto oblata fuerat. Ista pretia singularum rerum ponuntur Leuit. vlti. Et de omnibus istis Leuitæ habebant curam, quia ipsi suscipiebant hæc: ideo istud non vñ conuenire intentioni literæ, quia istud non erat onus, sed emolumentum, hic tamen de officiis, & ministracionibus agitur. Ideo dicendum, q̃ intelligitur de confectiōe thymiamatis, & olei vnctionis: nā thymiamata conficiebatur de multis aromatibus siccis, & cōtulis, atq; redactis in puluerem minutissimum, & oīa ista aromata erant in pondere certo. Quæ autē essent, & in quanto tepore, patet

Exo. 30. Sic etiā oleum vnctionis cōficiebatur ex multis aromatibus, & rebus liquidis sumptis in pondere certo: de qua confectiōe Exo. 30. Facere istas confectiōes pertinebat ad solos sacerdotes, vt patet sup. 9. scilicet, Filij autem sacerdotum vnguenta ex aromatibus conficiebant, & quātum ad hoc dicebantur præesse oībus, in quibus attendebatur mēsurā, & pondus. *Leuita vero.* Posita fuerunt quædam ministeria sacerdotū, de quibus poterat verisimiliter dubitari, an pertinerent ad Leuitas, hic agitur de ministerijs Leuitarū explicando aliquid de eis. *Vt stent mane ad confitendum,*

& *canendum Domino.* Id est, Ad officium Leuitarum pertinebat stare diluculo ante Dñm ad confitendum, & laudandum ipsū, & ad cantandum, s. cantica laudis: istud erat officium cantorum, qui erant quatuor milia, vt pater supra, & stabant quolibet mane cantando, s. qñ fiebat holocaustum matutinum, quod erat iuge.

Similiter, & ad vesp̃eram. Id est, Etiam erant ad Solis occasum cantando coram Domino, quādo offerebatur sacrificiū vesp̃erinum, quod incipiebat in occasu Solis, & durabat per totā noctem. De modo autē ministerij cantorum dicitur infra in quadam qōne. *Tam in oblationem holocaustorum Domini.* Id est, Leuitæ canebant, quando offerebatur holocausta Domini: dicuntur holocausta Dñi ad differentiā aliorum holocaustorū: nā holocausta ordinaria, quæ fiebāt ex necessitate ad cultum Dei, vocantur holocausta Dñi, & ista erant duo, s. sacrificium matutinum, & vesp̃erinum. Sacrificia autē holocaustorū oblata ex deuotione a popularibus non vocabantur holocausta Dei, sed plebis, & in illis duobus holocaustis, s. matutino, & vesp̃ertino assistebant semper Leuitæ canentes. *Quām in sabbathis, & calendis.* Id est, Etiam Leuitæ cantabant in diebus Sabbathorū, & Calendarum, dies Sabbathorum non accipiuntur, sicut aliqui volunt, pro quolibet die, sed solum pro septima die, quæ erat celebrior inter Iudæos, dies Calendarum erat principium mensis apud Hebræos.

Pro quo considerandum, q̃ dies Calendarum erat magnæ solennitatis nomine, & cæremonia, infra dicitur in quadam quæstione. *Et in solennitatibus reliquis.* Præter Sabbathum, & Calendas erant quinque solennitates, s. festum Azymorum, & Phase, quod durabat per septem dies, & incipiebat die decimaquarta mensis primi, s. Martij, & festum Penthecostes, siue festum Hebdomadarum, s. quia fiebat per septem hebdomadas post diem primum Azymorum, & festum Clauis, quod erat prima die mensis septimi, s. Septembris, & durabat vna die solum, sicut festum Penthecostes, & festum Propitiationis, siue Expiationis, quod fiebat die decima mensis Septembris, & durabat vna dies, & festum Tabernaculorū, quod fiebat die quartidies, & festum Tabernaculorū, quod fiebat die quartidies eiusdem mensis: hæc omnia habentur Leuitici vigesimotertio, & Numeri vigesimooctauo, & vigesimonono. In his diebus Leuitæ cantabant solennitates, quia erant magnæ festiuitates. *Iuxta numerum, & cæremonias vnusquisque rei.* Id est, Leuitæ cantores cantabant in omnibus his diebus, & faciebant omnia se-

Alph. Tost. in Lib. I. Paralip.

A cundum numerum, scilicet, quod erant pro singulis solennitatibus designata eis certa cantica, & in quibusdam solennitatibus plura cantica dicere debebāt, quām in alijs diebus, & hoc est dicere iuxta numerū, id est, cantare iuxta numerum canticorum assignatorum cuicunque diei, complendo illum numerum. Et dicitur iuxta cæremonias vnusquisque rei, quia præter differentiam in numero canticorum erat differentia in modo cantandi, & in cæremoniis apparatus ad cantandum, quia aliqua die induebantur vestibus pretiosioribus ad cantandum, quām alia. Et in hoc tenet Ecclesia modum veteris Testamenti, quia pro quolibet die habet diuersitatem aliquam in officio diuino, & plura vno die dicuntur, quām alio, etiam differentia

B est in cæremoniis, quia ministri Ecclesiæ non induuntur omnibus diebus eisdem vestibus ad diuinum ministerium. *Iugiter coram Domino.* Id est, Leuitæ cantores debebant manere iugiter coram Domino, id est, omni die, quia quolibet die cantabant in sacrificio matutino, & vesp̃ertino. Et dicitur iugiter, id est, omni tempore, s. tam per diem q̃ per noctem. Et etiā istud venerat, quia Leuitæ cantores tam per diem, q̃ per noctem manebant in Sanctuario, eo q̃ per noctem ministrabāt, sicut per diem, sicut dicitur supra 9. s. Hi sunt principes cantorum per familias Leuitarū, qui in exedris morabantur, ita vt die, nocteq; iugiter in suo ministerio deseruiant. Erat autem necessarium ministerium cantorum per noctem, quia cantabant tempore holocausti matutini, & vesp̃ertini quotidie, vt patet in litera, & tamen sacrificium vesp̃erinum fiebat per totam noctem, vt patet Leuitici 6. Ideo Leuitæ cantores per noctem manere debebant in Sanctuario. *Et custodiant obseruationem tabernaculi fœderis.* Id est, Custodiant ea, quæ obseruare debent ad cultum tabernaculi fœderis. Vocatur tabernaculum fœderis, quia in eo seruabatur arca fœderis, & illa vocatur arca fœderis, quia in ea erant tabulæ legis, super quam fuerat factum fœdus inter Deum, & Israelitas, vt obseruarent eam. Exodi vigesimoquarto, & dicitur vt custodiant obseruationes tabernaculi. Et propter hoc debent manere Leuitæ cantores iugiter coram Domino, vt sint semper sic obseruando quid iubeatur

C eis de pertinentibus ad tabernaculum fœderis, scilicet, ad quamcunque ministracionem, quam iuberent eis facere sacerdotes.

D *Et ritum Sanctuarij.* Idem est ritus Sanctuarij, & tabernaculum, & est repetitio sententię, vel potest intelligi distinctio, scilicet, quia tabernaculum significat solum templum, Sanctuarium autem significat tam templum, quām atrium eius, Leuitæ autem significāt aliquid pertinens ad tabernaculum, s. disponebant oleum, vinum, & farinam, quæ requirebantur pro ministracione quadam intra templum: nam intra templum erat mensa propositionis, in qua ponebantur panes, habere autem curam de similia ad conficiendū illos panes pertinebat ad Leuitas, vt patet supra 9. cū dicitur: Quod Leuitæ ianitores, qui habebant credita vtenilia Sanctuarij præerant similia, & vino, & oleo, & thuri, & aromatibus. Etiam in candelabro, quod erat intra templum ministrabant: ponendo oleum, & in altari thymiamatum, quod etiam erat interius ministrabant, cremando quotidie thymiamata, & tamen Leuitæ habebant curam de oleo, & thymiamate, supra 9. Et quantum ad hoc seruiebant in ritum tabernaculi, id est, templi: omnes autem alię ministraciones eorum erant in atrio templi, scilicet, ministratio cantorum, & ianitorum, & thesaurariorum, & in hoc obseruabant ritum Sanctuarij, id est, cæremonias requisitas in Sanctuario, quia Sanctuarium accipitur tam pro tēplo q̃ pro atrio, scilicet, pro

M in 2 omnibus

omnibus locis, in quibus aliqua ministratio cultus diuini fiebat. Et obseruationem filiorum Aaron fratrum suorum. Etiam debent manere Leuitæ semper in Sanctuario, vt custodiant obseruationem filiorum Aaron, idest, vt attendant quid iubent eis obseruare filij Aaron, scilicet, sacerdotes: nam sacerdotibus tradita est ministratio cultus diuini, Leuitis autem reliquis non tradita est directe ministratio aliqua sacra, sed ipsi dati sunt sacerdotibus in seruitores, vt facerent quicquid illi iuberent, Numeri 3. & 18. & dicitur.

Fratrum suorum. Quia Leuitæ erant fratres sacerdotum, eo quod erant de eadem tribu, & erant de eadem familia: nam sacerdotes erant de familia Caathitarum, & de ista erant multi alij Leuitæ, scilicet, Isaaritæ, Ozielitæ, & Hebronitæ, vt patet Numeri 3. Etiam sub familia Caathitarum erat quædam alia familia minor, scilicet, Amramitarum, & de illa erant sacerdotes, & etiam quidam Leuitæ: nam Aaron, & Moyse erant filij Amram, & posterij amborum vocati sunt Amramitæ. Posterij tamen Moyse manserunt inter Leuitas simplices, vt patet supra, scilicet, Moyse quoque hominis Dei filij annumerati sunt in tribu Leui. Posterij autem Aaron habuerunt sacerdotium, & non manserunt inter Leuitas, & sic Leuitæ, & sacerdotes erant tres. *Vt ministrent in domo Domini.* Idest, Ad mandatum sacerdotum debent esse semper præsto ministrare in domo Domini, scilicet, in atrio templi, quia siue templum, siue atrium vocatur domus Dñi, sic enim vocauit Christus ipsum atrium, quâdo exclusit vendentes, & ementes de illo, dicens: Domus mea, domus orationis vocabitur, vos autem fecistis illam speluncam latronum, vt patet Numeri vigesimoprimo, & Ioan. 2. Et quamquam dicatur ibi de templo, non intelligitur nisi de atrio, quia aliàs nõ essent ibi mensæ nummulariorum, & boues, & cathedre vendentium columbas. Nam non solum ista non introducebantur in templum, sed etiam nullus hominum introibat illuc, nisi quotidie vnus sacerdos, qui introibat ad cremandum thymiam, & disponendum lucernas in candelabro, cæteri autem tam sacerdotes, quàm Leuitæ, & laici foris manebant, expectantes quando ille finiret ministrationem, sicut patet de Zacharia patre Beati Ioannis, qui solus introiuit ad ponendum incensum, & apparuit ibi Angelus, populus autem totus expectabat foris, Lucæ 1.

De quibusdam verbis dictis a Dauid, scilicet, quod Deus dederat Ierusalem in habitationem æternam.

Quæst. XXXIII.

QVAERITVR circa supradicta cum Dauid ad probandum, quod deberent Leuitæ computari a viginti annis, & supra dixerit, quod Deus dederat Ierusalem in habitationem æternam, quomodo sciebat istud: nam Sanctuarium fuerat in alijs locis, & sæpe mutatum fuerat, ita poterat esse nunc, postquam poneretur in Ierusalem.

Dicendum, quod Dauid sciebat, quod semper mansurum erat Sanctuarium in Ierusalem: nam aliàs non iussisset Salomoni ædificare templum, quia esset totus labor inutilis: nam aliquando manebat Sanctuarium in aliquo loco paucio tempore, sicut in Nobe, & in Gabaon: nam in Nobe solum mansit tempore, quo fuerunt Samuel, & Saul: nam Samuel ministrauerat Domino in Sanctuario in Silo, 1. Reg. 2. & 3. Et postea viuente Saule, qui fuit simul cum Samuele, erat Sanctuarium in Nobe, 1. Regum 21. Et tamen viuente Saule translatum est in Gabaon, scilicet, quando ipse Saul occidit sacerdotes, & habitatores Nobe, 1. Regum 22. Postea etiam paucio tempore mansit in Ga-

baon, scilicet, toto tempore, quo regnauit Dauid, & tempore illo, quo Salomon ædificauit templum: nam illo ædificato ibi posita est arca, & omnia vasa sacra, & cessauit esse Sanctuarium in Gabaon. Si ergo tam paucio tempore in Ierusalem esse contingeret, fierent inutiles infinitæ expensæ, & immensi labores, quos Salomon tolerauerat, & populus suus in ædificatione templi. nõ ergo iuberet Dauid ædificari templum in aliquo loco, nec pararet tantas expensas, nisi sciret mansurum esse Sanctuarium semper.

Sed tunc manet dubium, quando, & quomodo Dauid sciuerit, quod deberet manere semper Sanctuarium in Ierusalem.

Quidam dicunt, quod fuit hoc quando obtulit in area Ornam, eo quod tunc dixit: Hæc est domus Dei, & hoc est altare in holocaustum Israel. Idest, hic fiet domus Dei, & altare, & verisimile est, quod Deus tunc reuelauerit ei, quod in loco illo mansurum esset templum in æternum, de quo dixit: Hæc est domus Dei, præcedenti cap. Sicut tunc reuelauit ei totam figuram ædificationis, quam misit ei de coelo scriptâ, infra 28. Alio modo potest dici, & melius, quod Dauid cognouerit istud multo ante hoc. Nam ipse congregabat expensas, scilicet, aurum, & argentum, & multa alia ad consecrandum Domino pro ædificatione templi, 2. Regum 8. & supra 18. Et illa bella fuerunt multo tempore antequàm Dauid offerret in area Ornam. Et tamẽ non cõgregaret Dauid expensas ad fabricandum templum, nisi sciret, quod alicubi mansurum erat templum in æternum, ergo tempore illo sciebat. Et est dicendum, quod sciuit Dauid templum futurum esse in Ierusalem, quâdo voluit ipse ædificare templum Domino, & prohibitus est ab eo per Nathan Prophetam: nam tunc dixit Deus Dauid illa verba, quæ Salomon refert sequenti libro, capit. sexto, scilicet, Benedictus Dominus Deus Israel, qui quod locutus est patri meo compleuit modo dicens: A die qua eduxi populum meum de Aegypto non elegi ciuitatem de cunctis tribubus Israel, vt ædificaretur in ea domus nomini meo, sed elegi Ierusalem, vt sit nomen meum in ea. Et sequitur ibi, quod Deus dixit Dauid, quod non ædificaret templum, sed filius suus Salomon, & Salomon dixit istud nunc esse completum, ergo ista verba dicta sunt ad Dauid, quando prohibitus est ædificare templum, 2. Regum 7. & supra 17. Vnde ibi ponuntur verba aliquo modo similia istis. Et ob hoc ex tunc cum magno desiderio congregabat Dauid materiam pro ædificatione.

Quomodo accepit Deus Ierusalem in habitationem æternam. Quæst. XXXIII.

QVAERITVR vltius quomodo fuit verum, quod Deus accepit Ierusalem in habitationem æternam. Nam non accepit, sed mutatum est Sanctuarium, quia iam non est ibi.

K Dicendum est, quod non accipitur proprie æternũ hic, cum dicitur, quod in æternum mansurum esset ibi Sanctuarium, sed vocatur æternum: quia multo tempore durat, sic enim interdum vocatur æternum illud, quod manet minus, quàm per quinquaginta annos, sicut erat de seruis, quorum aures perforabantur, quia dicitur de illis, quod manebant serui vsque in æternum, & tamen non durabat seruitus de quinquaginta in quinquaginta annos, vt patet ibidem. Dicendum tamen, quod licet aliquando accipiat sic æternũ, tamen hic non accipitur sic, quia si Dauid inuideret, quod mansurum erat Sanctuarium in Ierusalem solum per quinquaginta annos, non parasset aliquas expensas ad fabri-

fabricandum templum, potissime cum tantis laboribus, & sumptibus.

Aliquis dicet, q̄ debet intelligi, q̄ Sanctuariū manfurum erat in æternum in Ierusalem, & vere sic complendum erat. Et tñ propter peccata Israelitarum impeditum est, nā semel per Chaldaos propter peccata Iudaorū crematū est, & iterum p Romanos, sic enim dicebatur 2. Reg. 17. in quibsdā q̄onibus de regno filiorum Salomonis, & de quiete populi Israel, qui premittebantur durare in æternum, i. q̄ vere durasset in æternum, i. vīq; ad finem sæculi, nisi peccassent Iudæi, & dato q̄ Christus venisset, & esset lex noua, mansissent semper priuilegia Hebræorum, & fœdera Dei cū eis, & regnarent semp filij Salomonis, & maneret populus Israel in terra Chanaan, nec turbaretur ab hostibus. Dicendum autem est, quod hoc non stat, quia licet veniente Christo, si Iudæi non peccassent, maneret regnum in posteris Salomonis, & quies populi Israel in terra Chanaan, tamen non mansisset templum in statu suo, nec ministraciones, quæ in illo fiebant: nam Christus daturus erat legem nouam, per quam mutarentur omnes cæremonia legis veteris, & sic iam non maneret cultus ille, qui fiebat in templo, nec idem status sacerdotum, & Leuitarum, sed coleretur Deus in omni loco, sicut nunc vbicunque construuntur Ecclesiæ, ex quo nēcesse erat, quod periret status Sanctuarij Ierosolymitani, poterat autem esse vna de Ecclesijs excellentioribus totius orbis, tamen non secundum statum priorem, tota tamen fabricatio eius facta est secundum conuenientiam illius status, ideo non maneret nomen Domini ibi in æternum ad intentionem illā, qua Deus faciebat ædificari illud. Dicendum ergo aliter, scilicet, quod mansurum erat Sanctuarium in æternum in Ierusalem, scilicet, toto tempore, quo duraret Iudaicus status: nam si durasset status Iudaicus in æternum, mansisset templum istud in statu suo in æternum, periit tamen status Iudaicus, & sic etiam templum istud in statu suo periit, tamen status Iudaicus, & sic etiā templū Domini periit. Non tamen propter hoc tollitur, quin dicatur in æternum mansisse, quia sic dicimus legem alicuius politia esse æternam, quia datur cum intentione durandi semper. Si autem pereat politia, periit etiam lex, & tamen non propter hoc desinit vocari lex æterna, quia non cessauit ipsa, vt alia introduceretur, sed cessauit politia, qua cessante impossibile est manere legem.

Quomodo hæc verba, scilicet, Deus Dominus Israel requiem dedit populo suo sequantur ex predictis. Quæst. XXV.

QUÆRITVR vterius, cum Dauid vellet hic probare Leuitas numerandos esse a viginti annis, & supra, quia iam non haberent ministeria graua, sicut prius, ad quid dixit: Requiem dedit Dominus Deus Israel populo suo, quia istud videbatur esse impertinens: nam quod habitatio Dei in Ierusalem futura esset in æternū, faciebat aliquid ad hoc, quod minuerentur labores Leuitarum, tamen quod Deus daret requiem Israelitis, nihil attinebat ad ministerium Leuitarum.

Responderi potest quadrupliciter, vno modo, q̄ Dauid posuit istud, tanq̄ coniunctum ad id, per quod minuebatur labor Leuitarum: nam tollebatur labor eorum, quia habitatio Domini erat in Ierusalem in æternum, & Deus dedit ista duo simul, i. q̄ habitatio sua esset in Ierusalem, & q̄ populus habiturus esset requiem ab hostibus, ideo posuit vtrunq̄ Dauid, licet vnum esset impertinens. Secundo modo pot̄ dici, q̄ requies populi faciebat aliqd ad istud ministeriū, & est idē re-

A quies populi, quod habitatio Dei in Ierusalē in æternum, i. Deus dedit requiem populo suo. Id est, dedit sibi cessationem mouendi tabernaculū de loco ad locū, quia ante hoc totus populus laborabat in mouendo tabernaculum de vno loco ad alterum: nam licet laici nulla onera portarent de rebus Sanctuarij, sed soli Leuitæ, tñ aderant portationi ad solennizandum eam, sicut factum est in portatione arcē de Cariathiarim in domum Obededom, 2. Reg. 6. & supra 13. & in alia portatione eius de domo Obededom in domum Dauid, 2. Reg. 6. & supra 15. Nā cōgregatus est totus Israel, & factæ sunt magnæ expensæ, & solennitas, nunc autē Deus dederat requiem Israelitis ab isto labore, quia iam nunc congregari debebant ad mutandum Sactuarium de vno loco ad alterum. Tertio potest dici, q̄ hoc dictum est propter legem, quā hic volebat dare Dauid, i. q̄ nunc poterat conuenienter dari, & non prius: nam toto tempore præcedenti populus fuerat in aduersitate hostili, & non poterat vacare ordinationi cultus diuini. Nūc autem quia Deus dederat requiem Israelitis, poterant insistere ordinationi cultus diuini, sicut nunc facere incipiebant.

Quarto potest dici, quod ista lex dabatur nunc conuenienter, quia Deus dederat requiem Israelitis: nam temporibus præcedentibus, etiam si fuisset data, non potuisset obseruari propter bella, eo quod hic nominabatur, q̄ Leuitæ, & sacerdotes ministrarent per vices suas, & sortes, & tñ temporibus bellorum Leuitæ occupati, vel impediti propter bella, quæ forte irruerant super loca, in quibus ipsi habitabant, nō possent venire ad ministrandum temporibus suis, & sic non seruaretur lex ista. Nunc autē, quia Deus dederat requiem Israelitis, & semper mansuri erant in quiete, nō impedirentur Leuitæ, & sacerdotes ministrare tpius suis, iō poterat ista lex conuenienter hēre locum.

De quibusdam verbis hic dictis, scilicet, quod non erat officium Leuitarum vltra portare tabernaculum. Quæst. XXVI.

QUÆRITVR vterius quomodo dicitur, q̄ nō erat vltra officium Leuitarum, vt portent tabernaculum. In hoc innuitur, quod ante hoc erat officium suum portare tabernaculum. Pro respōsione est sciendum, q̄ Leuitis non fuit datum in lege a principio, nisi vnum officium, quod proprie vocaretur officium, i. portare onera Sanctuarij, etiam excubabant in circuitu Sanctuarij, tñ istud non vocabatur opus ipsorum, vt patet Num. 8. cum dicitur, q̄ Leuitæ, qui erant vltra quinquagesimum annū non debebāt facere opera, sed solū custodire vasa q̄ sibi cōmendarent ab alijs Leuitis, datæ sunt autem istæ duæ occupationes, vel ministeria Leuitis, quia Deus ordinauit officia eorum solum fm statum, quem habituri erant in deserto. Et tñ ibi non poterant facere, nisi duo, i. custodire tabernaculū, & portare illud, eo quod in deserto non offerebantur sacrificia, nec fiebant aliæ cæremonia legis, quia non habebant Israelitæ opportunitatem propter motum, nec etiā habebant materias sacrificiorū, i. carnes, & similia, vinum, oleum, & thus, cum irent per locum desertum, in quo nō erat hominū habitatio, Deut. 8. Et nā non erant obligati Israelitæ in deserto ad aliquā istarū cæremoniarum, sed solum postq̄ trāsirent in terram Chanaan, vt colligitur Deut. 12. Postea aut̄ facere tenebantur, & sic Leuitæ nihil facerent in deserto, nisi portare Sactuarium, & custodire. Pro custodia autem Deus statuerat, quod Leuitæ excubarent in circuitu tabernaculi per quatuor latera eius. Nam tabernaculum quadratum erat, & erat modus, quia ad latus Orientale vbi erat introitus, custodiebant sacerdotes, & cum eis Moyse,

& filij sui, ad Occidentem custodiebat familia Gersonitarum, ad Meridiem familia Caathitarum, ad Aquilonem vero familia Meraritarum, Numeri 3. & sic solum erant tres familiae Leuiticae, & una sacerdotalis, & iste excubabant per totum circuitum tabernaculi. Officium autem secundum quod proprie vocabatur officium, erat portare Sanctuariū, & vasa eius, & hoc erat sic dispositū: nā in tota tribu Leui erant solū tres familiae primae Leuitarū, & una familia sacerdotalis: sacerdotes enim nulla onera portabant, quia ministerium eorum erat dignius, s. ministrare in Sanctuario, vt in sacrificijs, & in alijs, de quibus dictum est supra in quadā questione: manebat ergo officium portandi in tribus familijs Leuitarum, & in istis erant diuisa omnia onera totius tabernaculi, & vasorum suorum: nam familia Caathitarum portabat vasa Sanctuarij, & non aliquam partem eius, sarcam foederis, & altare thymiamatum, etiam candelabrum, & mensam propositionis, & altare holocaustorum, & labrum aeneum, & haec omnia cum vasculis suis, quae erant sibi annexa. Gersonitae autē, & Meraritae portabant omnes partes tabernaculi, & atrij, & erant istae duplices, s. quaedam durae, vt tabulata, & columnae, & quaedam molles, s. operimenta, & vela. Partes autē duras portabant Meraritae, s. omnia tabulata, quibus claudebatur Sanctuarium in tribus lateribus, & columnas atrij, & tabernaculi, & bases earū. Partes autem molles portabant Gersonitae, s. cortinae, quibus operiebatur tabernaculū, & operimentum de sagis, & operimentum de pellibus arietum rubricatis, & operimentum de pellibus iacynthinis, quae oīa operiebant tabernaculum, Exo. 26. Portabant et tentoriū, quod pendeat ad fores tabernaculi, & velū quod erat ante Sancta sanctorū, & vela quibus circundabatur totum atriū, de quibus omnibus Numeri 3. Erat tñ differentia, quia Caathitae, qui portabant vasa Sanctuarij, ferebant ea in humeris, Gersonitae autē, & Meraritae, qui portabant partes Sanctuarij grauiiores, portabant eas in plaustris, Nume. 7. De modo autē, quo Caathitae portabant onera sua, quomodo illa prius inuoluebantur paleis, & disponebantur per sacerdotes, anteq̃ tangerent illa, anteq̃ disponerentur a sacerdotibus, patet Num. 4. Nō legitur ibi aliquod aliud ministerium traditū esse Leuitis, nec habuerunt aliud in deserto. Postq̃ autem fuerunt in terra Chanaan, habuerunt Leuitae aliqua ministeria in Sanctuario, in quibus ministrabant per tēpora, & si aliquis vellet semper ministrare poterat, vt patet Deuter. 18. Et tamen ista ministeria non erant determinata in aliquo loco legis: principale ministerium Leuitarum fuerat portare Sanctuarium, & vasa eius, & nunc dixit Dauid, quod nō esset vltra officium Leuitarum, oportet tabernaculum, & sic tollebatur officium eorum principale, & grauius, & loco huius introducta sunt multa alia, quae non erant prius, vel saltem non erant distincta, scilicet, quod quidam Leuitae essent cantores, alij ianitores, alij thesaurarii, alij iudices praepositi, alij seruientes in diuersis locis, siue ministerijs templi, vt patet supra in litera.

De subiectione Leuitarum sub manu Aaron,
Quaest. XXVII.

QVAERITVR vterius quia dicitur hic, quod Leuitae erant sub manu Aaron, & filiorū eius, qualis erat ista ordinatio, vel qualiter subiiciuntur sibi.

Respondendum est, quod Leuitae erant subiecti sacerdotibus ad ministrandum, in omnibus, quae iuberent sacerdotes. Nam ministratio in omnibus pertinentibus ad cultum diuinum tradita fuit Aaron,

& filijs suis, & nihil traditum fuit Leuitis, sed quia sacerdotes per se non sufficebant ad faciendum omnes ministrationes, dati sunt eis Leuitae in adiutores, & seruitores, ideo oblatis sunt Aaron, & filijs eius, tanquam munus, sic patet Nume. 3. Applica tribum Leui, & stare in conspectu Aaron sacerdotis, vt ministrent ei, & excubent, & obseruent quidquid ad cultum pertinet multitudinis coram tabernaculo testimonij, & custodiant vasa tabernaculi seruientes in ministerio eius, dabisq; dono Leuitas Aaron, & filijs eius, quibus traditi sunt a filijs Israel: Aaron autem, & filios eius constitues super cultum sacerdotij. Et sic Aaron, & filij sui constituebantur ad ministrandum, & Leuitae ad seruiendum eis. Ordo autem seruiendi erat, quod ipsi Leuitae habebant inter se principes suos, scilicet, quaelibet familia vnum principem de ipsa familia, & deinde familia cum principe suo subiiciebatur alicui sacerdoti ad cuius praecceptum apparabantur Leuitae, sic enim factum est tempore Moyfi in deserto: nam familiae Leuitarum erant tres, scilicet, Caathitarum, Gersonitarum, & Meraritarum: familia Caathitarum habebat in principem Elisapham filiū Oziel, qui erat de ipsamet familia. Gersonitae habebant in principem Eliasaphat de ipsa familia: Meraritae habebat in principem Suriel de ipsa familia. Et rursus familia Gersonitarum, & familia Meraritarum habebant Ithamar filium Aaron in principem, & familia Caathitarum habebat Eleazar filium Aaron in principem, & rursus omnes tres familiae Leuitarum cum principibus suis, & etiam ipse Ithamar princeps duarum familiarum, subiiciebantur Eleazar filio Aaron, vt patet de his omnibus Numeri 3. & 4. Ita fuit postea in omnibus temporibus, quod quaelibet familia Leuitarum haberet vnum principem de ipsa. Et tamen superessent aliqui sacerdotes, qui praessent Leuitis, & haberent curam de praecipiendo eis id, quod agere deberent, & sic erat nunc, & ideo dicebantur esse sub manu Aaron, & filiorum suorum, & non est intelligendum, quod quidquid sacerdotes vellent iubere Leuitis, tenerentur illi exequi, quia tunc tenerentur cantores seruire in officio ianitorum, & ianitores in officio thesaurariorum, & iudicum, quod falsum est, sed est sensus, quod erant officia iam determinata pro Leuitis, quia quidam erant cantores, alij ianitores, alij iudices, & praepositi, & isti in suis officijs seruiebant ad mandatum Leuitarum, sed non poterant eis iubere, vt ministrarent in alijs officijs.

Quid erant isti panes propositionis.

Quaest. XXVIII.

QVAERITVR vterius, cum dicatur hic, quod erant sacerdotes super panes propositionis, qui panes erant isti, & ad quid offerebantur. Respondendum est, quod Deus iusserat aureis, quae mensam de lignis setim, operam laminis aureis, quae vocabatur mensa propositionis, quia in ea ponebantur panes propositionis, Exodi vigesimo quinto. Isti panes fiebant a sacerdotibus, sic scilicet: accipiebant ab Israelitis farinam delicatam, quae vocabatur simila, & faciebant ex ea duodecim panes, quorum quilibet habebat duas decimas ephi, et erat magna quantitas panis, ita quod non possent duo homines comedere vnum panem illorum in vna die, quod patet, quia gomor est decima pars ephi, Exodi decimosexto. Et quilibet panis istorum habebat duas decimas, id est, duo gomor. Et tamen vnum gomor sufficebat homini, ad cibum in vna die. Nam solum dabatur vnum gomor de manna quolibet die Israelitis in deserto, pro toto

toto die, ergo panis habens duas decimas, scilicet, de simila sufficeret pro duobus hominibus vna die, de gomor quod dabatur cuilibet Israelita in vna die, habetur Exodi decimosexto. Conficiebantur autem isti panes a solis sacerdotibus, & ipsi coquebant eos, & fiebat hoc in singulis sabbathis, scilicet, quod ponerentur in sabbatho duodecim panes super mensa propositionis, & manebant ibi per septem dies, sequenti autem sabbatho tollebantur, & ponebantur alij duodecim recentes, vt patet Leuitici vigesimoquarto, & 1. Regum 21. Isti panes erant sacri, & non licebat alicui comedere de illis, nisi sacerdotibus, vt patet Matth. 12. & Marci 2. Et tamen in necessitate famis poterant dari laicis, si essent mundi, maxime a mulieribus, vnde quando David erat in necessitate famis, & petiuit ab Achimelec sacerdote summo, noluit ei dare, quousque dixit, quod illi qui veniebant cum eo, mundi erant ab heri, & nudius tertius, 1. Regum 21. & Matth. 12. & Marci 2. Isti panes vocantur ab Hebræis panes facierum, & a nobis vocantur panes propositionis, & dicit Rabbi Sa. quod vocantur panes facierum, quia habebant vtranque faciem similem, i. ex vtraque parte habebant faciem, eo qd non erant, sicut sacæ a nobis hostia. Sed dicendum, qd hoc non statim illi panes erant cocti in clibano, eo qd coquere aliquid in vasis ferreis non conuenit cuicunque cibo, sed solum cibo leuissimo, sicut est de hostia, quæ est delicata. Et tamen isti panes erant magni, & grossi, eo quod quilibet habebat duas decimas de simila, & sic nunquam possent coqui in massis, quia potius exuterentur, quam coquerentur, sed vocatur panes facierum, i. panes faciei, eo quod ponebantur coram facie Domini, sed in Hebræo ponitur plurale pro singulari, & sæpe mutantur numeri, & ob hoc dicuntur apud nos panes propositionis, quia proponuntur, s. coram Domino: nam Deus specialiter dicebatur esse in Sancta sanctorum. Et quod ibi super arcam inter Cherubim audiebatur vox eius, vt patet Numeri 7. Isti autem panes erant super mensam propositionis, quæ erat intra tabernaculum ante Sancta sanctorum, ideo cum ibi essent dicebantur esse coram Deo. Ratio autem quare isti panes ponebantur coram Deo, erat in memoria omnium Israelitarum, ideo erant duodecim panes in memoriam duodecim tribuum Israel, Leuitici 24. vt semper videretur oblatio eorum esse coram Domino, & per hoc Deus recordaretur ipsorum, sicut magis declaratum est ibidem in quadam quaestione.

An sacerdotes conficiebant panes propositionis.

Quæst. XXX.

QUÆRITUR vterius circa confectionem istorum panum propositionis: nam dicitur hic, qd sacerdotes conficiebant illos, & videtur quod non conficerent ipsi, sed Leuitæ, quia supra 9. dicitur, scilicet, Porro de filiis Caath erant super panes propositionis, vt semper novos per singula sabbatha prepararent. Secundo patet, quia dicitur ibi: Qui habebant vtenilia Sanctuarij, præerant simila, et vino, et oleo, et thuris, et aromatibus. Filij tamen Caath erant Leuitæ, quia ista erat vna familia Leuitarum, Numeri 3. Ergo ipsi conficiebant panes propositionis per singula sabbatha. Etiam Leuitæ præerant vtenilibus Sanctuarij, cum ipsi essent thesaurarij, vt patet infra 26. Et tamen ipsi præerant simila, de qua fiebant panes propositionis, ideo non pertinebat ad sacerdotes, sed ad ipsos conficere panes.

Respondendum est, quod isti panes propositionis erant valde sacri, et etiam solis Leuitis pertinebat comedere, et conficere illos. De confectione declaratum Alph. Toss. In Lib. I. Paralip.

Ad præcedenti quaestione, de confectione patet hic, quia dicitur, qd sacerdotes super panes propositionis erant.

Respondendum est ad rationem in contrariu, s. primam, qd Leuitæ non conficiebant panes. Et cum dicitur, qd filij Caath erant super panes propositionis, potest intelligi dupliciter, vno modo, qd isti filij Caath sint sacerdotes: nam de familia Caath erant sacerdotes: nam sacerdotes erant filij Aaron, & Aaron erat filius Amram filius Caath, Numeri 3. Et sic possunt ibi intelligi per filios Caath sacerdotes. Secundo potest dici, qd Caathitæ vocentur ibi Leuitæ. Et tunc dicitur, qd erant super panes propositionis, vt semper novos per singula sabbatha præpararent, & non est sensus, qd ipsi debebant facere illos panes, sed habebant curam ad hoc, qd illi fierent, & dabant sacerdotes similes quolibet sabbatho, vt facerent inde panes, & isto modo tam sacerdotes, quam Leuitæ erant super panes propositionis, scilicet, sacerdotes ad conficiendum illos, & Leuitæ solum ad parandum materiam. Ad secundam cum dicitur, qd Leuitæ præerant simila, vino, & oleo: & tamen ex simila fiebant panes: dicendum, qd verum est, qd præerant simila, & alijs: custodiendo illa, & congregando, vt tempore debito seruirent ad ministeria sacerdotalia. Ipsi tamen nihil conficiebant ex simila, & ex alijs, quod patet, quia etiam Leuitæ præerant aromatibus, vt patet supra 9. Et tamen ipsi nihil conficiebant ex aromatibus, sed soli sacerdotes, vt patet ibidem, s. Filij autem sacerdotum vnguenta ex aromatibus conficiebant. Ita esset de confectione panum propositionis.

Quomodo, & quando a sacerdotibus offerebatur sacrificium simila. Quæst. XXX.

QUÆRITUR vterius de sacrificio simila, quod etiam pertinebat ad sacerdotes, vt patet hic, quando offerebatur, vel quomodo sacerdotes habebant curam de illo. Dicendum est, quod supra declaratum fuit de sacrificio simile, quod est vnum ex libamentis, & visum est, quæ sunt libamenta. Nunc autem considerandum est, quod libamenta sunt quasi quedam condimenta, vel accessoria ad victimas, non tamen dabatur in omnibus generibus sacrificiorum.

D Pro quo sciendum, qd tria erant genera sacrificiorum, s. holocaustum, hostia pacifica, & pro peccato, vt patet per totum Leuiticum: de caeremonijs istorum diximus supra 21. in quadam quaestione: In sacrificio autem holocausti, & hostia pacifica offerebantur omnia quinque libamenta: in sacrificio autem pro peccato non offerebantur, vt patet Num. 15. & ibi sunt data cā de hoc.

Considerandum est vterius, qd quidam erant sacrificia ordinaria, s. quæ necesse offerenda erant, & in temporibus determinatis, & ista erant constituta a lege: alia autem erant sacrificia spontanea, vel saltem accidentia: ita qd non erant ordinaria. Sacrificia prima erant illa, quæ quotidie offerebantur, s. holocaustum matutinum, & vespertinum: Etiam in sabbathis erant ordinata alia sacrificia vltra holocaustum matutinum, & vespertinum: etiam in diebus Calendarum, & in festo Azymorum, & Penthecostes, & in festo Clangoris, & in festo Propitiationis, & in festo Tabernaculorum: quorum sacrificia determinata habentur Num. 28. & 29. Pro istis providebatur de expensis Sanctuarij tñ ad emendū immolanda, quam etiam vinum, & oleum, & similia, & thus, & tal, pro libamentis. Et interdum aliqui reges deuoti etiam de Gentilibus dabant omnes expensas necessarias, sicut fuit de Seleuco Rege Asia, vt patet 2. Mach. 13. Vel fiebat, vt ipsi reges, & principes locum tumulo honore ducerent, & templum maximis muneribus lustrarent, na vt Seleucus Asia Rex de redditibus suis præstaret omnes sumptus, ad ministerium

rium sacristarum pertinentes, sic etiam fuit de Artaxerxe rege Persarum, qui dabat tam pro animalibus emendis, quam pro ipsis libamentis omnia necessaria, ut patet primo Esdrae 7. Scilicet, Ego Artaxerxes rex statui atque decreui omnibus custodibus arce publice, qui sunt trans flumē, ut quodcunque petierit a vobis Esdras sacerdos scriba legis Dei coeli, absque mora detis usque ad argenti talenta centum, & usque ad vini batos centum, & usque ad frumenti coros centum, & usque ad batos olei centum, sal vero absque mensura, omne quod ad ritum Dei coeli pertinet tribuatur diligenter in domo Dei, ne forte irascatur contra regnum regis, & filiorum eius. Cum autem dabantur ista omnia, ad sacerdotes pertinebat disponere illa pro sacrificijs, scilicet, quod conspergerent similam oleo, vel frigerent eam in sartagine, vel coquerent in clibano siue craticula, iuxta diversum titum sacrificiorum: Leuiti. 2. Et tamen istud solum erat pro sacrificijs suprapositis, quæ erant ordinaria, & solvebantur de expensis sanctuarij, in sacrificijs autem spontaneis, siue factis accidentaliter, scilicet, quæ a populo offerebantur, non soli parabant sacerdotes similam, nec alia libamenta, sed ipsi offerentes conspergebant oleo, vel coquebant in clibano, vel craticula, aut frigeant in sartagine, & sic ducebant ad sanctuarium, ut colligitur Leuiti. 1.

Sed obiicietur, quod non pertinebat ad sacerdotes parare similam, sed ad Levitas, quia supra 9. Dicitur quod illi, qui præerant vtenfilibus sanctuarij præerant simila, vino, & oleo. Et tamen illi erant Levitæ, quia Levitæ sunt illi, qui præerant vtenfilibus templi, scilicet, thesaurarij, ut patet infra 26.

Respondendum est, quod sacerdotes parabant simila pro sacrificio sicut hic dicitur, Levitæ autem solum custodiebant illam, qui erant thesaurarij, & omnia, quæ custodire debebant ad usum sacrorum erant sub præte Leuitarum, & custodiebant illa in exedris, quæ erant in atrio templi. Vti tamen illis rebus in ministerio pertinebat ad sacerdotes, sic erat de simila, quia Levitæ præerant illi custodiendo eam, ut patet supra 9. Et tamen sacerdotes debebant accipere de ea quantum determinatum erat pro quolibet sacrificio, & tunc conspergebant oleo, & afferebant, sicut colligitur Leuiti. 2.

Quomodo sacerdotes se habebant circa lagana azyma.

Quest. XXXI.

QUÆRITUR ulterius cum dicatur hic, quod sacerdotes præerant ad lagana, et azyma, et sartagine, et ad similam feruentem, quomodo disponebant de illis, et in quibus sacrificijs.

Respondendum est, quod in lege cautum erat de sacrificijs, quomodo fierent, & quædam sacrificia fiebant de animalibus cum libamentis suis, & quia ista erant aliquantulum sumptuum, & non poterant pauperes frequentare illa, dabantur alia sacrificia minorum sumptuum, id est, quod possent offerre de pane solo, & sic constituit Deus quatuor genera sacrificiorum de pane, & quædam erant de sola farina non cocta, nec comixta aqua de simila. Secundum erat sacrificium de panibus coctis in clibano, & isti panes debebant esse sine fermento, & conspergebantur oleo, postquam cocti erant, & offerebantur sacerdoti. Tertium erat sacrificium de panibus coctis in craticula, qui etiam erant sine fermento, & conspergebantur oleo postquam erant cocti, & cum istis offerebantur oleo linita, & etiam cum sacrificio de clibano. Quartum sacrificium erat de sartagine, quando simila consperfa aqua frangebatur in oleo in sartagine, & non fiebat in modum laganarum nostrarum rotundarum, sed in modum paste longe

secundum latitudinem sartaginis, & postquam nimis frigeretur, ita ut esset panis durus, frangebatur in partes minutas, & conspergebatur iterum oleo, & sic offerebatur, de his omnibus Leuiti. 2. Ista erant sacrificia pauperum quando per se offerebantur sine carnibus animalium, interdum autem offerebantur ista sacrificia de pane cum carnibus animalium, & dabantur in modum libaminum. Sic enim erat in omnibus holocaustis, & hostijs pacificis: nam offerebatur saltem simila consperfa oleo, ut patet Numeri 15. Interdum autem offerebantur multa sacrificia de pane, sicut in hostijs pacificis, quæ erant pro gratiarum actione, in quibus offerebantur omnia ista, ut patet Leuiti. 7. Scilicet, Si pro gratiarum actione fuerit oblatio, offerent panes absque fermento conspersos oleo, & lagana azyma vincta oleo coctamque similam, & colyridas olei admixtione conspersas. Sic etiam sæpe sacerdotes offerebant hostias pacificas, sicut exigebant ceremoniæ quitatum, ut patet Numeri 28. et 29. Et tunc necesse erat, quod sacerdotes pararent ista omnia, scilicet, similam, et panes coctos in clibano, & ea, quæ frangebantur in sartagine, & etiam illa, quæ in craticula, & istud ponitur hic, & in istis intelliguntur omnia quatuor genera sacrificiorum de panibus, quæ habentur Leuiti. 2. Nam cum dicitur hic ad simila sacrificium, quod fiebat de simila sola non cocta, nec frixa in sartagine, nec comixta aqua, sed solum conspergebatur oleo, & offerebatur: per lagana, intelligebatur sacrificium tertium, quod fiebat in craticula, & tamen etiam cum sacrificio secundo, quod erat de clibano, offerebatur lagana oleo linita: Leuiti. 2. Per azyma intelligitur secundum genus sacrificij, quod erat de panibus coctis in clibano, & illi panes erant azymi: nam res nulla fermentata poterat Deo offerri, eo quod Deus vetuerat fermentum, & mel offerri in sacrificio suo: Leuiti. 2. Per sartagine, & similam feruentem intelligitur quartum genus sacrificij, scilicet, quod fiebat in sartagine, & illud vocabatur ad miferuens, eo quod in oleo feruenti coquebatur ad ministrandum, & in omnibus sacerdotes erant constituti. Sed obiicietur, quod frigere aliquid in sartagine ad Levitas pertinebat, & non ad sacerdotes, quia supra 9. Dicitur: Mathathias Levites primogenitus solum Coritæ præfectus erat eorum, quæ in sartagine frangebantur.

Respondendum, quod Levitæ non frangebant aliquid istorum, sed sacerdotes, ut patet hic in litera. Et ad illud dicendum, quod Coritæ, qui erant Levitæ præerant illis, quæ frangebantur in sartagine, non quod ipsi aliquid frigerent, sed quod conseruabant omnia illa, quæ frigi debebant: nam Coritæ erant thesaurarij, & ianitores infra 26. Ideo custodire debebant quid pertinebat ad ritum ministeriorum sanctuarij, specialiter habebant sibi commissam similam, & oleum, ad frigendum inde aliquid pro sacrificijs. Ipsi tamen nihil frangebant: sicut Levitæ præerant aromatibus, ut patet supra 9. Et tamen ipsi nihil conficiebant ex aromatibus, sed filij sacerdotum vnguenta ex aromatibus conficiebant, ut patet ibidem.

De ceremonijs cantorum. Quest. XXXII.

QUÆRITUR ulterius: circa Levitas cantores, de quibus dicitur hic, quod debebant stare quotidie ad laudandum Dominum, & coniugiter starent in sanctuario, quomodo se habebant in ceremonijs suis. Respondendum est, quod cantores erant quatuor millia, ut patet supra in litera, et erant diuisi per viginti quatuor sortes, vel partes, infra vigesimo quinto. Et

Et ministrabant successiue ille sortes, scilicet, quelibet una hebdomada vsque ad ultimam. Et deinde redibat prima ad ministrandum, & illi Leuitæ, qui erant de sorte, qui actualiter ministrabant, manebant in Sanctuario, & habebant domos intra atrium templi ad manendum, quæ vocantur exedre, & ibi manebant per noctem, & diem. In die enim ministrabant tempore sacrificiorum, & in nocte etiam quando fiebant sacrificia, & ob hoc non poterant morari per noctem extra atrium templi, sic patet supra 9. scilicet, Hi sunt principes cantorum per familias Leuitarum, qui in exedris morabantur, ita vt die, & nocte iugiter suo ministerio deseruirent.

Pro hoc autem considerandum, qd officium istorum erat cantare laudes Dei in Sanctuario, & cantabant eas, quando fiebant sacrificia ordinaria. In sacrificijs autem spontaneis, vel factis ex accidenti non cantabant Leuitæ. Erant autem sacrificia spontanea, & accidentalia quæcunque a populo offerebantur, & ista multa erant quotidie, tamen Leuitæ non caneant, cum fiebant sacrificia ordinaria erant illa, quæ statuta erant a lege pro certis diebus, & soluebantur de expensis Sanctuarij. Et ista erant quotidie duo, scilicet, holocaustum matutinum, & vespertinum, & in istis duobus caneant Leuitæ: matutinum fiebat in ortu Solis ante omnia alia sacrificia: de cuius ritu declaratum est Leuitici sexto: Sacrificium vespertinum fiebat in occasu Solis, fiebat enim tunc cremari, & durabat per totam noctem, Leuitici sexto, scilicet, Hæc est lex holocausti, cremabitur in altari tota nocte vsque mane. Hoc autem erat, quia particula holocausti non ponebantur simul, sed successiue cremabantur, ita vt duraret vsque ad auroram, & manebat ibi sacerdos, qui faciebat sacrificium tota nocte, etiam caneant dum fieret istud sacrificium per noctem, vt patet in litera, scilicet, Leuitæ vero, vt stent mane ad confitendum, & canendum Domino, similiter ad vespere in oblatione holocaustorum Domini. Id est, in holocausto matutino, & vespertino. Et ob hoc necesse erat, quod Leuitæ haberent domos extra Sanctuarium ad manendum. Erant alia sacrificia ordinaria, scilicet, quæ offerebantur in sabbathis: nam propter solennitatem diei duplicabantur sacrificia, scilicet, vt fierent quatuor holocausta, de hoc Numeri vigesimo quarto. Etiam erant multa sacrificia ordinaria in festiuitatibus Calendarum, & multa in festo Clangoris, & etiam in festo Propitiationis, & plurima in festo Tabernaculorum, Numeri vigesimo octauo, & vigesimo nono. In omnibus his sacrificijs Leuitæ intererant canendo, vt colligitur in litera cum dicitur. Vt stent ad confitendum Domino mane, & vespere, tam in oblationem holocaustorum Domini, scilicet, matutini, & vespertini, quàm in sabbathis, & Calendis, et solennitatibus: et nomine solennitatum intelliguntur hic illæ, quæ semel tantum in anno eueniebant, scilicet, festum Azymorum, et Penthecostes, et festum Clangoris, et festum Propitiationis, et festum Tabernaculorum.

Considerandum etiam, quod in his diebus Leuitæ obseruabant differentiam in canendo. Et hoc quantum ad duo. Primo, quantum ad numerum canticorum, quia in quibusdam solennitatibus dicebant quædam cantica, et in alijs alia, et plura in vno die, quàm in alio. Secundum erat quantum ad diuersum ritum, et ceremonias apparatus ipsorum cantorum, quia in quibusdam diebus induebantur solennius, quàm in alijs, et ista duo tanguntur in litera cum dicitur. Iuxta numerum, et ceremonias vniuscuiusque, id est, cantores cantabant iuxta numerum, scilicet, canticorum vniuscuiusque rei, id est, vniuscuiusque diei, vel solennitatis.

De festiuitate Calendarum.

Quest. XXXIII.

QVAERITVR vterius circa Calendas, de quibus hic dicitur, quod festum erat. Respondendum est, quod istud erat vnum festum in principio cuiuslibet mensis, scilicet, prima dies mensis cuiusque apud Hebræos erat venerabilis, & in ea offerebantur plura sacrificia, & libamenta, quàm in diebus profectis, & quàm in sabbathis. Quot autem libamenta essent, & quæ sacrificia, patet Numeri vigesimo octauo: Hebræi enim non incipiunt menses, sicut nos, qui habemus primordia mensium certa, sed incipit mensis apud eos in die coniunctionis Lunæ cum Sole, & vna lunatio apud eos facit vnum mensem, & ob hoc ipsi habent in anno nostro vnum annum, & quæsi dimidium mensem, eo quod in quolibet anno nostro sunt duodecim lunationes, & plus quàm vndecim dies tertiadecimæ lunationis, & ob hoc etiam ipsi aliquo anno habent duodecim lunationes, & aliquo anno tredecim, & sunt inter eos anni inæquales. sed quidquid sit semper in die prima lunationis, incipiunt menses, & est ibi solennitas eorum, & vocatur ista solennitas Calendarum, vel Neomenia, vt patet Psal. 80. scilicet, Buccinate in Neomenia tuba insigni die solennitatis vestræ. Sic etiam dicitur Isaia 1. Neomeniam, & sabbathum, & festiuitates alias non feram. Vocantur autem proprie Neomenia festum istud a neos, quod est nouum, & mene, quod est defectus, quasi nouus defectus Lunæ, scilicet, quia in coniunctione deficit lumen Lunæ, & vocatur nouus defectus dies ille, in quo coniunctio est, quia tunc maxime deficit Luna lumine. Nomen autem Calendarum non est proprium, sed est per similitudinem ad menses nostros, quia prima dies cuiuslibet mensis nostri est Calendarum. Ideo Hieronymus vocauit principium mensis Hebræorum Calendas, & sic vocatur saepe, vt patet Numeri 28. & 1. Regum 20. & 4. Reg. 4. & Isaia 1. Erat ista magna solennitas, & iubeat Deus in ea clangi buccinis sacris in signum lætitiæ, vt patet Numeri 10. & etiam Psal. 8. dicitur: Buccinate in Neomenia tuba insigni die solennitatis vestræ.

Cur in Calendis celebratur id festum.

Quest. XXXIII.

QVAERITVR autem quare in Calendis fiebat festum? Dicendum est, quia omnis immutatio, quæ fit in istis inferioribus est per opus Lunæ, & aliorum planetarum, sicut dicit Aristoteles primo Meteor. scilicet, Oportet mundum hunc inferiorem continuari superioribus lationibus. Id est, motibus corporum celestium, scilicet, quia virtus istius mundi est ex illo mundo superiori, & quia præcipue apparet mutatio ista ex opere Lunæ, voluit Deus, vt quidam dicunt, in primordiis mensium sibi offerri sacrificium, quia tunc est coniunctio Lunæ cum Sole, per quam ista inferiora vegetantur: sed non videtur esse causa conueniens, quia si propter hoc fieret, incitaret Deus quodammodo Iudeos ad honorandum, vel timendum illam, credens potestatem eius in istis inferioribus, cum propter eius operationem, & potestatem in istis inferioribus fieret sacrificium in lunatione qualibet, sed istud nimis erat contra intentionem Dei, qui intendebat potius abstrahere Hebræos a cultu, & timore stellarum, intantum quod iubeat eis, ne aspicerent Solem, & Lunam, & alia astra, ne deciperentur videndo illa, & colerent tanquàm Deos, Deuteronom. 4. scilicet, Caue ne forte eleuatis oculis ad cælum videas Solem, aut Lunam, & omnia astra cæli, & errore deceptus adores ea, & colas, quæ creauit

uit Dominus Deus tuus in ministerium cunctis gentibus. De timore autem stellarum patet Isaia 10. Scilicet, iuxta vias gentium nolite discere, et a signis coeli nolite metuere, quæ timent gentes, quia leges populorum vanæ sunt. Quomodo ergo Deus incitaret per istum modum Hebræos ad honorandum Lunam, & timendum eam? non est enim verisimile. Item non statuit, quia si fieret hoc propter operationem Lunæ in istis inferioribus, potius Deus statuisset aliquam solennitatem, vel multas ad significandum operationes magnas Solis in istis inferioribus tam in efficiendo, quam in significando quam operationes Lunæ; & omnium aliorum planetarum. Patet hoc, quia Aristo. primo de generatione, & corruptione dicit, quod secundum accessum, & recessum Solis in circulo obliquo, id est, in zodiaco ad nos fiunt generationes omnes, & corruptiones in terra, & sic nominatur sol causa omnium istorum tantumquam nullum aliud astrum esset aliquo modo causa. Patet etiam secundo Physicorum, scilicet, Sol, et homo generant hominem. Et non attribuit virtutem actiuam in generatione humana alijs planetis, sic etiam tertio de Anima dicit allegans auctoritatem Homeri, scilicet, talis est intellectus humanus, qualem in die ducit pater deorum, & virorum, scilicet, sol ut erat intentio Homeri, id est, talis est intellectus humanus, qualem eum efficit Sol in die, scilicet, in die natiuitatis nostræ, qui sol est pater deorum, & virorum, & sic posuit solem esse causam vniuersalem omnium rerum, & etiam ipsorum deorum. De Luna autem nihil dicitur in omnibus his, ideo potius deberet fieri festum aliquod pro his, quæ operatur Luna, & tamen non fit aliud festum ad significandum operationem solis in istis inferioribus, ergo nec fit festum Calendarum ad significandum operationem Lunæ.

Dicendum ergo, quod festum Calendarum fiebat propter tria. Primo ad mouendum Israelitas ad dandum Deo gratias de beneficijs, quæ recipiebant ab eo in quolibet tempore, et quia in principijs mensium erat quoddam principium temporis tam secundum humanam existimationem, quia distinguimus tempus per menses, quam secundum distinctionem naturalium operationum, quia in principijs lunationum semper fit aliqua mutatio temporis, licet interdum a ventis non sentiantur. Secundum erat, quia cum Deus vellet aliqua festa facere in principijs aliquorum temporum, ut homines ei gratias referrent pro beneficijs susceptis in illo tempore, non poterat esse tempus magis conueniens, quam in principijs lunationum, eo quod hic haberet minimam causam idolatræ, nam si fieret aliqua festiuitas aliquo tempore propter operationem solis cum sol omni tempore sit in fulgore, et magnitudine, et figura æqualis mouerentur Israelitæ ad colendum eum per istum honorem quem impendebant illo tempore. In Luna autem cum fieret festum in die coniunctionis, non erat incitamentum ad idolatræ, eo quod tunc Luna deficit lumine, nec videtur ab aliquo, corpora tamen celestia per pulchritudinem suam mouebant quosdam de Israelitis, sic patet Sapient. 13. cap. Solem, et Lunam rectores orbis terrarum putauerunt quorum specie delectati Deos putauerunt. Sic etiam de Deute. 4. Scilicet, Caue, ne eleuatis oculis in celum, ut videas Solem, et Lunam, aut cætera astra, & errore deceptus adores ea, & colas. Tertium erat, & præcipuum ad tollendum Israelitis occasionem idolatræ, nam nimis mouebantur Israelitæ, & aliæ gentes ad colendum Lunam, & vocabant eam Reginam celi, & offerebant ei placentas, & quia Luna renouatur in nouilunio, & incipit nunc cre-

scere lumen suum, offerebant ei tunc Israelitæ munera: ut ergo illud, quod oblaturi erant demoni, & Lunæ offerrent sibi, statuit Deus festiuitatem Calendarum in singulis exordijs mensium, ut tunc multa sacrificia, & ceremoniæ fierent ad honorem ipsius, & per istum modum venirent in desuetudinem cultus, quem Israelitæ faciebant Lunæ. Quod autem Israelitæ nimis afficerentur ad colendum Lunam patet, quia Ieremias increpauit totum populum super hoc, & responderunt sibi mulieres publicæ, quæ etiam si Deus veraret, non cessarent colere Lunam: Iere. 44. Cum dicitur: Sermonem, quem locutus es ad nos in nomine Domini, non audiemus ex te, sed faciemus omne verbum, quod egredietur de ore nostro, ut sacrificemus Reginæ celi, & libemus ei libamina sicut nos, & patres nostri, & reges nostri fecerunt in urbibus Iuda, & in plateis Ierusalæ, & saturati sumus panibus, & bene nobis erat, malumque non vidimus. Ex eo autem tempore, quo cessauimus sacrificare Reginæ celi, & libare ei libamina, indigemus omnibus, & gladio, & fame consumpti sumus. Quod autem Deus faceret sibi fieri solennitatem tempore illo, quo solebant munera offerri Lunæ, ut cessaret cultus eius per desuetudinem, est verisimile, quia simile fuit de omnibus sacrificijs legis, quia sicut omnes doctores consentiunt, & valde bene, causa potissima, quare Deus dedit tot genera sacrificiorum, & ceremoniarum in lege fuit, quod quamquam illa in se non proficerent, impedirentur per hæc Hebræi ad cultum demonum, cui assuefuerent colere Deum, & offerret sibi id, quod aliis demonibus oblaturi erant. Sic etiam factum est in Ecclesia de festo candelarum in principio Februarii, nam apud gentiles consuetudo erat quolibet anno in principio Februarii festum facere Dijs infernalibus, & animabus mortuorum, ne transferrent homines apparendo eis, & per noctem ambulabant in circuitu urbis cum multitudine candelarum, & quia difficile erat in Ecclesia tolli istum ritum gentilem, prouidit Ecclesia, quod aliquo modo iste ritus seruaretur, & ad hoc statuit festum candelarum in die purificationis Virginis, & tamen nunc non fit ad intentionem deorum infernalium: nos autem facimus in honorem Virginis. Ista fuit causa quare ille mensis, in quo fiebat istud festum, vocatur Februarius quod interpretatur purgatorius, vel purificatorius: nam Februa, & Februarum significant purificationes, ut ait Ouidius 2. Fastorum.

Ipse sacerdotem iactantem Februa vidi.

Id est, purificationes. Purificabatur enim tunc terra animabus mortuorum, quia credebant Gentiles, quod Dijs infernales, & animæ soluto corpore, quæ vocantur lemures, & solent apparere hominibus ad terrendum eos, redibant tunc in infernum, quia placabantur per istum honorem, qui eis impendebatur quolibet anno in ista die prima Februarii, & continuabatur semper ista festiuitas.

C A P. XXIII.



ORRO filijs Aaron hæ partitiones erant. Filij Aaron: Nadab, & Abiu, & Eleazar, & Ithamar. Mortui sunt autem Nadab, & Abiu ante patrem suum absque liberis, sacerdotioque functus est Eleazar, & Ithamar.

DESCRIPTA in præcedentibus ordinatione Leuitarum in generali, hic agitur de ordinatione eorum in particulari. Et diuiditur in tria, quia primo ponitur ordinatio eorum quantum ad sacerdotes, & doctores. Secundo quantum ad cantores sequenti cap. Tertio quantum ad sacristas, & ianitores infra 26. Prima in duas, quia primo agitur de ordinatione sacerdotum. Secundo de ordinatione doctorum, ibi. *Porro filiorum Leui.*

An hic sit ordo continuus ad præcedentia, & fuerint immediate post illa. Quæst. Prima.

QUÆRITUR circa primum an ea, quæ habentur hic sint continuata ad præcedentia, & fuerint facta sic immediate post illa, vel interiecto aliquanto tempore.

Respondendū, quod hic non narrantur aliqua gesta historica, inter quæ proprie possit considerari ordo successionis, sed narratur ordinatio sacerdotum, & Leuitarum. Et dicendum est, quod satis apparet istud debere fuisse post præcedentia, eo quod ibi saltem in principio præcedentis capituli agitur de numeratione Leuitarum, & congregatione principum ad faciendum istam ordinationem. Et non oportebat, quod fieret congregatio principum antequam numerarentur aliqui, siue sacerdotes, siue Leuitæ, poterat tamen esse ordo mutatus quantum ad quandam numerationem Leuitarum, quæ habetur præcedenti cap. scilicet, quod forte prius sacerdotes numerarentur, & disponerentur per vices suas quàm Leuitæ numerarentur, & tamen ordini rationis magis conuenit ordo qui habetur in litera quàm alius, eo quod præcedenti capitulo nondum ponitur aliquod ministerium Leuitarum in particulari, sed omnia ponuntur sequenti capitulo. & infra 26. Hic tamen agitur de ordinatione sacerdotum in particulari. Ideo dicendum videtur, quod fuerit istud post illud. Cum autem queritur an fuerit istud immediate post præcedentia, vel interiecto aliquanto tempore.

Dicendum videtur, quod fuerit immediate post præcedentia, quia David cum principibus suis quando congregati fuerunt anno quadagesimo regni David, ordinauerunt totum statum sacerdotum, & Leuitarum, nec cessauerunt quousque omnia ordinauerunt, & sic in eodem tempore facta sunt omnia, quæ habentur a capitulo præcedenti vsque ad finem libri istius. Circa primum dicitur. *Porro filijs Aaron hæ partitiones erunt.* Id est, Inter sacerdotes, qui erant filij Aaron erunt istæ partitiones, id est, sortes, quæ sepius determinata sunt ea, quæ pertinebant ad eos, quæ ad Leuitas, & est ista sententia dependens ex præcedentibus, scilicet, quod filijs Aaron, hæ partitiones erunt, id est, supra dictum, scilicet, de sacerdotibus, & Leuitis, & in speciali istæ sunt. *Filij Aaron Nadab, & Abiu, Eleazar, & Ithamar.* Ponuntur hic filij Aaron omnes, quos habuit siue mortui, siue qui supersuerant, eo quod volebat scriptura declarare partitiones sacerdotum, & in isto numero comprehenderentur, & quia Aaron fuit pater omnium sacerdotum, oportuit, quod nuncietur omnes filij eius, ut sciretur descendentes ab eis. *Mortui sunt autem Nadab, & Abiu ante patrem suum.* Posuit quatuor filios Aaron, & hic excludit duos, eo quod illi mortui sunt non habentes filios, scilicet, Nadab, & Abiu, & mortui sunt ante patrem, id est, priusquam moreretur Aaron, scilicet, quando inceperunt sacrificare, prima die ministracionis eorum. Quanto autē

A tempore ante patrem suum mortui sint, & ex qua causa declarabitur infra in quæstionibus. *Abique liberis.* Id est, non reliquerunt aliquos filios, quia iuvenes erant, quando mortui sunt, & ista est causa quare ponuntur hic, ut intelligatur, quod tota successio sacerdotum fuit per curam Eleazar, & Ithamar, eo quod Nadab, & Abiu nullos filios habuerunt. In Hebræo dicitur: Et filij non ipsis. Id est non erant filij eis tempore quo mortui sunt, & idem est. *Sacerdotioque successus est Eleazar, & Ithamar.* Ministraverunt in officio sacerdotali.

De intentione scripturæ. Quæst. II.

QUÆRITUR circa ea, quæ habentur hic, quæ intentio sit scripturæ hic. Respondendum est, quod intentio est diuidere sacerdotes per partes suas, ad hoc, quod essent certæ partes, quæ determinatis temporibus ministrarent, & voluit facere scriptura totam progeniem sacerdotalem quasi vnum cumulum, ut ille postea diuidatur in partes, & quia non poterant comprehendere omnes de progenie sacerdotali nisi poneretur caput sacerdotum, & linea descendentes ab eo: Ponitur hic Aaron qui fuit pater omnium, quia ante eum non erat ordo sacerdotalis in veteri Testamento, & ab eo deriuari sunt omnes sacerdotes, & ponuntur etiam omnes filij eius, ut sciamus quomodo descenderunt omnes sacerdotes per lineas illorum, & quæ sortes sacerdotum descenderunt a quolibet filio Aaron, & quia duo primi filij Aaron non habuerunt filios, excluduntur illi, & manent Eleazar, & Ithamar, a quibus descenderunt omnes sacerdotes, & progenies istorum diuisa est per omnes sacerdotes, quæ habentur hic. Prima autem diuisio fuit per duas domos, scilicet, isti duo filij Aaron fecerunt duas familias particulares, & sicut in familijs aliarum tribuum semper ponitur princeps familie cuiuslibet, ita in istis familijs ponuntur duo principes, qui erant duo summi sacerdotes, scilicet, Sadoc de linea Eleazar, & Achimelec de linea Ithamar. Deinde qualibet familia istarum subdiuisa est ei, quia familia Ithamar erat minor valde quàm familia Eleazar, omissa est familia Ithamar per octo partes, & familia Eleazar per decem, & sex, & isti fuerunt vigintiquatuor sortes sacerdotum, qui ministrabant semper coram Domino, scilicet, quilibet tempore suo per successionem, de quo magis infra dicitur.

Quare scriptura ponit hic omnes filios Aaron.

Quæst. III.

QUÆRITUR vterius quare ponuntur hic omnes filij Aaron, & quare dicitur, quod duo illorum mortui sunt absque liberis. Respondendum, quod scriptura intendebat colligere hic summam omnium sacerdotum ad hoc, quod diuideret eos per partes suas, & quia nullus relinquendus erat extra istas portiones, necesse erat, quod colligeretur summa omnium nullo omisso, istud autem non poterat esse nisi ponerentur omnes descendentes ab Aaron, quia ipse fuit pater omnium sacerdotum, & quia deriuatio facta est per filios suos immediatos, oportuit, quod ponerentur omnes filij, & quia duo filij Aaron, scilicet, Nadab, et Abiu non habuerunt filios non pertinebant ipsi ad istam numerationem, si tamen non ponerentur hic, aliquis dubitaret quomodo colligeretur hic tota summa sacerdotum, quia sciret, quod habuit Aaron quatuor filios, et tamen duo illorum non ponuntur hic, nec aliqui descendentes ab eis, ponuntur ergo hic, ut non dubitetur de

de eis, & tamen excluduntur illico, scilicet, quia non habuerunt filios aliquos, per quos continuaretur progenies sacerdotalis. Et cum dicitur, quod mortui sunt ante patrem suum, nihil facit nisi id, quod subditur, scilicet, absque liberis: nam siue isti morerentur antequam moreretur Aaron, siue postea, dum tamen non relinquerent liberos, non pertinebāt ipsi ad istam summam sacerdotum, quæ diuidenda erat per vigintiquatuor partes, & sic mortui fuissent relinquentes filios, siue morerentur ante patrem suum, siue post, semper computarentur, eo quod per filios eorum extenderetur progenies sacerdotalis, & multi de illis includerentur nunc in istis sortibus. Dicitur tamen, quia mortui sunt ante patrem suum, ad significandum veritatem historiæ, quia sic fuit, quod morerentur isti antequam Aaron, & satis magno tempore, ut infra declarabitur. Vel ponitur ad dandum causam dictorum, quia dicitur hic, quod mortui sunt absque liberis. Redditur causa quomodo hoc potuit esse, scilicet, quia mortui sunt in iuuentute, cum nondum forte acceperant uxorem, nam ante patrem suum mortui sunt.

De causa quare Eleazar, & Ithamar non suscitauerunt semen fratrum eorum. Quæst. 1111.

QUÆRITUR ulterius cum Nadab, & Abiu essent primogeniti Aaron respectu Eleazar, & Ithamar, quare non suscitauerunt semen eorum fratres sui Eleazar, & Ithamar: nam secundum legem Deute. 25. frater minor tenebatur suscitare semen fratris maioris, si moriebatur absque liberis. Ad euentiam huius considerandum est, quod Nadab erat primogenitus Aaron, quia ipsi habuerunt talem ordinem in natiuitate qualis ponitur hic in littera, & hoc patet, quia ubicunque ponuntur habent istum ordinem, sic etiam patet Numeri 3. Et ob hoc Nadab, & Abiu erant digniores alijs fratribus suis, & in populo habebant aliquem honorem, quem non habebant Eleazar, & Ithamar: nam quando Moyse debuit ascendere in montem ad accipiendum tabulas legis, iussit Deus ire cum eo honoratissimos de populo, scilicet, septuaginta seniores, & Nadab, & Abiu: Exo. 24. Et non ponitur ibi de Eleazar, & Ithamar, & sic isti duo erant maiores. Cum autem queritur, quare Eleazar, & Ithamar non suscitauerunt semen istorum duorum.

Dicendum, quod non tenebantur secundum legem suscitare semen amborum, sed alterius ipsorum, scilicet, primogeniti, & erat primogenitus Nadab, ideo de illo solo manet dubium, in quo modo non suscitauit semen illius Eleazar, vel Ithamar, & dicendum est, quod non suscitauit aliquis istorum semen Nadab. Primo quia forte lex ista non erat data tempore, quo mortui sunt Nadab, & Abiu, & sic non poterant obligari ad eam. Patet hoc, quia Nadab, & Abiu mortui sunt anno secundo ab exitu de Aegypto, ut infra declarabitur, & tamen lex de suscitatione seminis data est anno quadragesimo ab exitu de Aegypto, quando erat iam Moyse propinquus mortui, quod patet, quia ista lex habetur Deute. 25. Et non in alio libro legis, & tamen omnia, quæ habentur in libro illo dixit Moyse Israelitis anno quadragesimo ab exitu de Aegypto mense vndecimo, & incepit dicere prima die mensis, ut patet Deut. primo. Et sic lex de suscitatione seminis data est post mortem Nadab, & Abiu annis quasi triginta, & octo, vel quasi, unde non obligabantur Eleazar, & Ithamar suscitare semen Nadab fratris eorum.

Secundo potest dici, quod hoc factum est, quia

forte ista lex non habebat locum in duodecim tribubus Israel, quia non in tribu Leuitarum. Et ratio diuersitatis erat, quia aliæ tribus habebant possessiones, per quas cognoscerentur ipsæ progenies, & ob hoc iusserat Deus, quod non transiret hæreditas de tribu in tribum, ne confunderetur distributio sortium, sed manerent tribus, & familiæ distinctæ, sicut Deus distinxerat eas, Numeri ultimo. In tribu Leuitarum non erant possessiones, quia non habebant agros Leuitæ nec alia prædia, sed solas vrbes ad habitandum: Numeri 35. Et Iosue 21. Ideo in ista tribu non differebat, quod iungeretur alijs per matrimonium, quia non poterat ibi fieri confusio sortium. Sic erat de suscitatione seminis: nam illa fiebat, ut manerent defuncti in familia sua, & esset aliquis, qui succederet defuncto in possessione sua, ne cogeretur transire ad aliam familiam, & sic fieret paulatim confusio sortium, suscitando autem semen defuncti semper manerent eedem familiæ, quæ prius, eo quod illi, qui nascebantur per suscitationem seminis, erant de familia defuncti, & censebatur verus filius eius, in tribu tamen Leui, cum non essent possessiones, per quas cognoscerentur progenies, non poterant transire de vna familia in alteram, ideo etiam videtur, quod non oportebat inter Leuitas fieri seminis suscitationem, & patet simile per id, quod habetur Ruth 4. Nam Booz, qui voluit suscitare semen Maalon accipiendo uxorem eius habuit cum illa totam possessionem Maalon, sed inter Leuitas non poterat istud esse, quia non habebant possessionem, per quam cognoscerentur progenies.

Tertio potest dici, quod dato, quod lex de suscitatione seminis fuisset facta, quando mortui sunt Nadab, & Abiu, & haberet locum in Leuitis, sicut in alijs tribubus, non poterat nunc suscitari semen Nadab, quia forte non habebat, nec habuerat uxorem, nam erat satis iuuenis, & forte nondum illam acceperat. Sciendum tamen, quod moriente fratre primogenito, non tenebantur fratres minores suscitare semen eius, nisi cum relinquebat uxorem, & non filios. Sic patet Deute. 25. Cum dicitur: Quando habitauerint fratres simul, & vnus ex eis absque liberis mortuus fuerit, vxor defuncti non nubet alteri, sed accipiet eam frater eius. Et sic quando non haberet uxorem, scilicet, quia nunquam acceperat eam, vel si acceperat, & mortua erat, priusquam moreretur vir, non tenebantur fratres minores suscitare semen maioris. Et ratio est, quia tunc non dicebatur suscitare semen fratris sui maioris, sed semen suum, quando tamen manebat vxor defuncti, id, quod ex ea nascebatur, videbatur esse ipsius defuncti, & sic erat quasi quædam suscitatio, & identitas seminis, per quandam fictionem legis. Si tamen non habuisset aliquam uxorem moriens, & frater eius acciperet aliquam, de qua gigneret, nullo modo poterat fingi, filios inde genitos pertinere ad defunctum, quia non habebant cum eo aliquam conuenientiam, vel identitatem.

Quarto potest dici, quod forte Nadab, & Abiu habuerunt filios aliquando, & tamen illi mortui sunt, antequam morerentur patres eorum, & sic mortui sunt absque liberis. Sed dicendum, quod iste modus non est conueniens, quia tunc si non darentur superiores solutiones, tenerentur Eleazar, & Ithamar suscitare semen Nadab, si uxorem haberet, de qua suscitari posset. Ideo superiores tres modi tenendi sunt, vel aliquis eorum.

De morte Nadab, & Abiu quando mortui sunt.

Quæst. V.

QUÆRITUR ulterius, quomodo mortui sunt Nadab, & Abiu, de quibus dicitur, quod mortui sunt ante patrem, & quanto tempore mortui sunt ante illum.

Dicendum est, quod mortui sunt ambo in deserto Sinai prima die, qua inceperunt ministrare post consecrationem suam in sacerdotes. Pro quo sciendum, quod anno primo ab exitu de Aegypto mense tertio venerunt Israelitæ in desertum Sinai, & ibi data est lex. Exo. 19. Postea autem ascendit Moyses in montem pro tabulis legis: Exo. 24. Et ibi dixit sibi Deus, de modo ædificandi Sanctuarium sibi. Exo. 25. Vtique ad 32. Fuit autem in eodem anno constitutum Sanctuarium. Exo. 35. Vtique ad finem: Ita quod in principio anni sequentis, scilicet, prima die mensis primi eiusdem anni, Sanctuarium totum completum erat, & erectum est, & omnia vasa eius locata sunt in eo. Exo. 40. Tunc consecrauit Moyses omnia vasa Sanctuarii, vngendo illa oleo vntionis, vt colligitur Exo. 40. Et Numeri 7. Et ibi declaratum est. Et etiam in principio eiusdem anni Aaron, & filij sui consecrati sunt in sacerdotes, & hoc fuit mense primo anni secundi: nam in mense secundo eiusdem anni primo die mensis, cepit numerari totus populus Israel per tribus suas, & ordinatus est quantum ad modum procedendi, & castrametandi. Numeri primo, & 2. & durauit ista numeratio vique ad diem vicesimum mensis eiusdem, & ipso die recesserunt Israelitæ de monte Sinai. Numeri 10. Fuerunt tamen sacerdotes consecrati in monte Sinai, vt colligitur Numeri 3. ideo oportet, quod primo mense anni 2. Consecrarentur, & hoc in principio mensis, vt magis declaratum est Leuiti. 8. Et Numeri 7. Durauit autem consecratio sacerdotum per dies 7. Vt patet Leuiti. 8. Et in illis septem diebus non ministraverunt sacerdotes, quia nondum erat finita eorum consecratio, sed ceperunt ministrare die 8. Vt patet Leuiti. 9. Et tunc congregatus est totus populus ad solennitatem nouæ ministrationis, et Aaron ministravit principaliter, filij autem eius subministrabant ei, & tunc Nadab, & Abiu errantes in ministerio, quia acceperunt ignem alienum, combusti sunt a Domino. Leuiti. 10. & sic mortui sunt in principio anni secundi ab exitu de Aegypto: Aaron autem pater eorum mortuus est anno quadragesimo ab exitu de Aegypto mense 5. Die prima mensis, vt patet Numeri 33. Et sic fuerunt quasi triginta octo anni, & dimidium inter mortem Nadab, & Abiu, & patris eorum Aaron.

Propter quid mortui sunt Nadab, & Abiu.

Quæst. VI.

QUÆRITUR ulterius, quare mortui sunt Nadab, & Abiu, & qualiter. Respondendum, quod die prima post consecrationem suam, que erat dies octaua a principio consecrationis inceperunt ministrare Aaron, & filij sui, & quia Aaron sui subministrabant ei. Et quia Nadab, & Abiu erant maiores filij Aaron, commissæ fuerunt eis principales ministrationes, & propter hoc habuerunt ipsi occurrere errandi, & occisi sunt, sed Eleazar, & Ithamar, cum essent minores, habuerunt illa die ministrationes, in quibus non errauerunt: ideo ipsi non combusti sunt cum fratribus suis. Fuit autem modus, quia quolibet die tenebantur sacerdotes cremare thymiama super altare thymiamatis, quod erat

A in tabernaculo, & etiam disponere lucernas candelabri, vt patet Exo. 27. & 30. Et Leuiti. 24. Acceperunt autem Nadab, & Abiu duo thuribula, quæ debebant implere prunis, vt introirent in tabernaculum, & ponerent super altare thymiamatum, & super prunas ponerent thymiamata. Debebant autem accipere prunas istas de altari holocaustorum, quia ille erat ignis sacer, & errauerunt, quia acceperunt prunas de alio igne non sacro, qui erat in atrio tabernaculi, & cum vellent introire in tabernaculum ad ponendum thuribula super altare thymiamatū, egressus est ignis de altari holocaustorum, quod erat apud portam tabernaculi, vt patet Leuiti. 10. & combussit illos, corrueruntque mortui coram altari holocaustorum, vt colligitur Leuiti. 10. Flamma autem ista, quæ combussit Nadab, & Abiu egressa est miraculose de altari, quia prius non solebat egredi: ideo dicitur, quod ignis egressus a Domino combussit illos. Leuiti. 10. Etiam dicitur ibi, quod Deus suscitauit illud incendium, & non fuerunt combusti Nadab, & Abiu, sicut illi, qui cremantur igne: nam flamma tetigit eos subito, & non cremauit corpora eorum, nec etiam vestes, sed fuerunt integri, vt colligitur Leuiti. 10. & sic illa mors fuit potius voluntate Dei, quam actione ignis, quia non sufficebat illa flamma egrediens de altari, ad occidendum eos subito, sicut factum est. Vel dato, quod sufficeret, saltem non fuissent sic occisi: nam prius cremarentur vestimenta eorum, & aliquæ partes carnis, & tamen nec vestes eorum crematæ sunt, nec aliquid de carne, vt colligitur Leuiti. 10. Occasio autem mortis eorum, sicut quidam dicunt fuit, quia erant ebrij, & nesciebant præ vini turbatione quid agere deberent, & sic acceperunt de igne non sacro, cum accipere debuissent de igne sacro, qui erat in altari holocaustorum. Sed istud non stat, vt declaratum est Leuiti. 10.

Dicendum ergo est, quod isti erant noui in ministratione, eo quod nunquam ante hoc ministraverant, cum esset illa prima dies ministrationis, vt colligitur Leuiti. 8. & 9. & 10. Simul sumptis, & declaratum est præcedenti questione, & propter inexperience turbati sunt, potissime quia erant coram tota multitudine Israel, vt colligitur Leuiti. 9. & sic errauerunt assumendo de igne non sacro, & combusti sunt. De his autem, & etiam de effectu Nadab, & Abiu, scilicet, an perierunt æternaliter, cum videantur mortui in peccato mortali, declaratum est satis Leuiti. 10.

Quomodo intelligantur ista verba: Functus est sacerdotio Eleazar, & Ithamar. Quæst. VII.

QUÆRITUR ulterius, quomodo dicitur hic: Functus est sacerdotio Eleazar, & Ithamar: nā videtur, quod hoc non stet, quia aut accipitur hic de functione sacerdotij minoris, vel de summo sacerdotio. Si autem de minori, videtur superflue dictū, quia non solum isti duo functi sunt sacerdotio, sed etiam Nadab, & Abiu, quia illi ministraverunt coram Aaron, & ministrando mortui sunt. Leuiti. 10. Si autem accipiat de summo sacerdotio, non est verum, quod Eleazar, & Ithamar functi sunt sacerdotio, quia Eleazar fuit summus sacerdos post Aaron patrem suum. Nu. 20. Ithamar autem nunquam fuit summus sacerdos. Aliquis dicit, quod intelligitur istud de summo sacerdotio. Et verum est, quod Eleazar, & Ithamar ministraverunt in summo sacerdotio, quia multi fuerunt summi sacerdotes de stirpe Eleazar, & multi etiam de stirpe Ithamar: nā Heli summus sacerdos, & Phinees filius eius, & Achitob filius Phinees, & Achimelec filius Achitob, & Abiathar filius Achimelec fuerunt sacerdotes, & erant de

de stirpe Ithamar, ut patet ex eis, quæ declarata sunt 3. Regum 2. Patet etiam, quia Achimelec de quo hic dicitur, erat filius Abiathar, ut patet in litera, & erat de stirpe Ithamar, & tamen Abiathar erat summus sacerdos, & pater eius Achimelec, ut patet primo Regum 21. & 22. ideo fuerunt summi sacerdotes aliqui de stirpe Ithamar.

Dicendum est, quod hoc non stat, quia hic dicitur. Functus est Eleazar, & Ithamar sacerdotio, & oportet intelligi de eis, qui ministraverunt personaliter, & tamen manifestum est, quod Ithamar nunquam ministravit personaliter in summo sacerdotio, sed post Aaron ministravit Eleazar filius eius. Numeri 20. & post Eleazar ministravit filius eius Phinees, quia ipsi promissum fuit sacerdoti, & filijs eius in sempiternum. Numeri 25. nunquam ergo ministravit Ithamar. Quod autem intelligatur de ministratioe personali, patet Numeri 3. Cum dicitur: Mortui sunt Nadab, & Abiu, cum offerrent ignem alienum in conspectu Domini in monte Sinai, absque liberis: functique sunt sacerdotio Eleazar, & Ithamar coram Aaron patre suo. oportet ergo, quod ipsi ministraverint personaliter, & non intelligatur de posteris eorum, quia illi nunquam ministraverunt coram Aaron, sed prius mortuus est ille, quam ministrarent posteri ipsorum in summo sacerdotio. Debet ergo intelligi de ministratioe in minori sacerdotio, & istam habuerunt Eleazar, & Ithamar vivente Aaron, quia subministrabant ei, mortui Nadab, & Abiu. Cum autem obijcitur, quod hoc superflue dictum est, quia non solum isti, sed etiam Nadab, & Abiu ministraverunt coram Aaron. Dicitur potest vno modo, quod non ministraverunt: nam in principio ministratioe suæ mortui sunt, nec expleverunt aliquam ministratioem, eo quod incipiebant offerre thymianam, & cum accepissent ignem alienum antequam ponerent thuribula in altari, occisi sunt, nunquam ergo ministrasse dicuntur, quia nullam ministratioem compleverunt.

Alio modo potest intelligi, quod functi sunt sacerdotio Ithamar, & Eleazar, scilicet, post mortem Nadab, & Abiu: nam si Nadab, & Abiu superuixissent, illi principaliter subministrassent Aaron patri suo, sicut nunc inceperant, quia illa die qua mortui sunt principalis ministratio eis tradita est, & non legitur aliquid de ministratioe Eleazar, & Ithamar illa die, quia tamen mortui sunt Nadab, & Abiu, functi sunt sacerdotio Eleazar, & Ithamar coram Domino.

Et diuisit eos David, idest, Sadoc de filijs Eleazari, & Achimelec de filijs Ithamar secundum vices suas, & ministerium. Inuentique sunt multo plures filij Eleazar in principibus viris, quam filij Ithamar. Diuisit autem eis, hoc est filijs Eleazar principes per familias sexdecim, & filijs Ithamar per familias, & domos suas octo. Porro diuisit utraque inter se familias sortibus: erant enim principes Sacerdotum, & principes domus Dei, tam de filijs Eleazar, quam de filijs Ithamar. Descripsitque eos Semeias filius Nathanael scriba Leuites, coram rege, & principibus, & Sadoc sacerdote, & Achimelec filio Abiathar, principibus quoque familiarum sacerdotum, & Leuitarum, unam domum, quæ ceteris præ-

erat Eleazar, & alteram domum, quæ sub se habebat ceteros, Ithamar. Exiuit autem fors prima Ioiarib, secunda Iedei, tertia Harim, quarta Seorim, quinta Melchia, sexta Maiman, septima Accos, octaua Abia, nona Iesua; decima Sechenia, undecima Eliasib, duodecima Iacim, tredecima Hoppah, decimaquarta Isbaal, decimaquinta Belga, decima sexta Emmer, decima septima Hezir, decima octaua Aphses, decima nona Pheteia, vicesima Hezechiel, vicesima prima Iachin, vicesima secunda Gamul, vicesima tertia Dalaiu, vicesima quarta Maaziau. Hæ vices eorum secundum ministeria sua, ut ingreditur domum Dei, & iuxta ritum suum sub manu Aaron patris eorum, sicut præceperat Dominus Deus Israel.

Et diuisit eos David. Refertur ad Eleazar, & Ithamar, scilicet, isti erant duo filij residui Aaron, a quibus descenderunt omnes sacerdotes. Et dicitur, quod diuisit eos David, scilicet, voluit, quod ab Eleazar, & Ithamar descenderent duæ familie, & sacerdotes de familia Ithamar, non essent mixti sacerdotibus de familia Eleazar. Et sic fuerunt hic duæ diuisiones sacerdotum. Prima fuit, quia diuisa fuit tota progenies Aaron per duas familias derivatas a duobus filiis suis, scilicet, Eleazar, & Ithamar. Secunda diuisio fuit, quia postea quælibet istarum familiarum subdiuisa est in partes aliquas, scilicet, familia Ithamar in octo sortes, & familia Eleazar in decem, & sex, & sic fuerunt viginti, & quatuor sortes sacerdotum, quæ ministrabant.

Idest, Sadoc de filijs Eleazar. Ponit modum diuisionis primæ, scilicet, quia diuisa est tota congregatio sacerdotum per domum Eleazar, & domum Ithamar, & quia ad hoc, quod quælibet istarum esset una congregatio, vel domus, requirebatur vnitas principis, ideo posuit vnum principem, scilicet, Sadoc super omnes qui erant de domo Eleazar, & alium super omnes qui erant de domo Ithamar. Iste Sadoc erat summus sacerdos David: nam ipse, & Abiathar erant simul summi sacerdotes, ut patet 2. Regum 8. & 20. Et supra 18. licet ibi de filio Abiathar dicatur. Iste Sadoc vnxit Salomonem in regem, 3. Regum primo de quo magis dicitur in quadam questione. *Et Achimelec de filijs Ithamar.* Iste erat princeps inter omnes sacerdotes de domo Ithamar, & erat filius Abiathar summus sacerdos, ut patet in litera. Et constitutus est nunc in principem, quamquam pater suus viveret.

Secundum vices suas, & ministerium. Idest, diuisi sunt secundum familias suas, idest, secundum ministerium. Nam vices accipiuntur hic pro familijs sicut dicitur Leuiti cap. Distribuit eos David per vices filiorum Leuiti Gerson, Caath, & Merari, i. per familias, quia Gerson, Caath, & Merari tres familie sunt Leuitarum: Erant sensus, quod diuisit istos per vices, i. fecit eos principes duarum familiarum. Et diuisit eos per ministerium, idest, fecit, quod in diuersis temporibus ministrarent. Nam quælibet de viginti quatuor sortibus ministrabat tempore suo, & differabat ab alia per tempus ministratioe, a fortiori ergo distinguerentur, cum vnus esset princeps octo sortium, & alius princeps decem &

& sex sortium, ut patet in litera. Inuentique sunt multo plures filij Eleazar in principibus viris, quam filij Ithamar. Scilicet, Ad hoc, quod fierent istae sortes, oportuit numerari omnes sacerdotes, & numerata est per se domus Eleazar, & per se domus Ithamar, & inuenti sunt multo plures viri in domo Eleazar. Et dicitur in principibus viris, id est, plures viri, qui essent principes cognationum particularium reperti sunt in domo Eleazar, quam in domo Ithamar, nam cum multo plures essent viri de domo Eleazar, etiam plures cognationes particulares erant ibi, & qualibet illarum habebat vnum virum principem.

Diuisit autem eis, hoc est filij Eleazar principes per familias decem, & sex. Id est, Domum Eleazar, quae iam separata erat a domo Ithamar, diuisit Dauid per decem, & sex familias, vel sortes, quarum qualibet erat vna congregatio sacerdotum sub vno principe particulari: nam sicut domus Ithamar, & Eleazar habebant duos principes, ita qualibet istarum sortium, quae erant sub Ithamar, & Eleazar habebat vnum principem particularem, ita enim est de tribubus, & familijs: nam qualibet tribus habet vnum principem, & sub qualibet tribu sunt multae familiae, & qualibet etiam illarum habet vnum principem, ut colligitur Numeri primo, & secundo. *Et filijs Ithamar per familias, & domos octo.* Id est, Dedit Dauid octo principes in domo Ithamar, & diuisit totam illam domum in octo partes, siue in octo sortes, & cuilibet praeerat vnus princeps de ipsa domo Ithamar. Porro diuisit vtrasque inter familias sortibus. Id est, Postquam Dauid nerauit omnes de domo Ithamar, & Eleazar, & diuisit quamlibet domum in certas partes, posuit sortes super illas partes, & istae sortes non erant ad diuidendum, quia iam diuisae erant istae partes, sed erant ad distinguendum, quae esset prima, & quae secunda, & sic de alijs. Nam istae vigintiquatuor sortes ministrabant diuersis temporibus, scilicet, prima in primo tempore, & secunda post illam, & sic de alijs. & quia in hoc erat quidam honor, scilicet, qui primo ministrarent, determinatum est per sortes, ut cui prima fore ueniret, esset prima in ministrando, & cui secunda, esset secunda. In Hebraeo habetur. Diuiserunt eos sortibus istos cum istis. Id est, Diuisi fuerunt per sortes filij Ithamar, & filij Eleazar, & dicitur istos cum illis, id est, diuiserunt istos ad illos. Et hoc significat litera nostra, dicens, diuisit vtrasque inter se familias.

Erant enim principes Sanctuarij, & principes Dei, tam de filijs Eleazar quam de filijs Ithamar. Id est, De vtraque domo, i. Eleazar, & Ithamar erant principes in Sanctuario: nam de domo Eleazar erat summus princeps Sadoc, & de domo Ithamar erat summus princeps Achimelec. Et praeter istos in omnibus sortibus erant aliqui principes, ideo erant decem, & sex principes de domo Eleazar, & octo de domo Ithamar. Et isti vocantur principes Sanctuarij, quia praerant in his, quae pertinebant ad Sanctuarium. Vocantur autem principes Dei, principes in ministerijs diuinis, quia ipsi erant consequenter super omnes Leuitas, quia Leuitae subiectionem erant Aaron, & filijs eius, ut patet praecedenti cap. & Numeri 3. & 18. *Descripsitque eos Semeias filius Naathanael scriba Leuitae.* Scilicet, Postquam domus Eleazar, & Ithamar diuisae sunt per partes, & posite fuerunt sortes, quae esset prima, & quae secunda, & sic de ceteris, descriptae fuerunt omnes istae sortes, ut sciretur, quae erat prima, & quae secunda, & sic de alijs. Etiam ut sciretur, qui & quot Leuitae erant in qualibet sorte, & quis erat princeps in qualibet earum, & mansit istud in scriptura publica ad perpetuam rei memoriam, & distinctionem istarum sortium. Semeia au-

tem Leuitae scripsit istam numerationem. Et putant aliqui, quod ille sit Semeias Propheta, qui venit ad Roboam filium Salomonis, quando pugnare volebat contra decem tribus Israel propter diuisionem regni, & ipse etiam scripsit omnia gesta Roboam, ut patet sequenti libro cap. 12. Hoc autem non apparet, sed satis poterat esse: nam Semeias, qui nunc viuebat, poterat viuere etiam toto tempore Salomonis, & Roboam, ad hoc, quod scriberet omnia gesta Roboam: Nam istud factum est anno quadragesimo regni Dauid infra 26. & ille erat vltimus annus regni eius, ut patet infra 29. Regnauit autem postea Salomon annis quadraginta 3. Regum 11. & deinde Roboam annis decem, & septem, 3. Regum 14. Qui sunt anni quinquaginta septem, & satis poterat viuere toto hoc tempore Semeia post istam descriptionem. Magis tamen videtur, quod fuerit ille Semeias alius ab isto, quia de isto non habetur, quod fuerit Propheta: ille autem erat Propheta. videtur ergo dicendum, quod iste erat Leuita quidam simplex.

Coram rege, & principibus. Id est, Ista descriptio facta est praesente rege Dauid, & principibus regni sui, quos congregauerat ad faciendum istam ordinationem, vel tradendum eam executioni. *Et Sadoc sacerdote, & Achimelec filio Abiathar.* Id est, Etiam isti duo erant praesentes. Et ponuntur isti, quia erant principes sacerdotum. Vocatur Sadoc sacerdos, id est, summus sacerdos: nam ipse, & Achimelec erant nunc summi sacerdotes, & principes duarum domorum, scilicet, sacerdotalium, scilicet Ithamar, & Eleazar. Et de Achimelec non ponitur, quod erat sacerdos, sed solum, quod erat filius Abiathar, quia ostendendo, quod erat filius Abiathar, significatur, quod erat summus sacerdos, cum ipse Abiathar fuisset summus sacerdos. Et etiam supra 18. ponitur de isto Abiathar, quod erat summus sacerdos, scilicet, quod ipse, & Sadoc erant sacerdotes Dauid, id est, summi sacerdotes.

Principibus quoque familiarum sacerdotalium, & Leuitarum vnam domum, quae ceteris praeerat Eleazar. Id est, Etiam diuisit, vel assignauit principibus familiarum sacerdotalium, & Leuitarum domum Eleazar, quae ceteris praeerat, id est, quae erat excellentior omnibus: nam domus Eleazar erat excellentior, quam domus Ithamar. *Et alteram domum, quae sub se habebat ceteros Ithamar.* Id est, Etiam assignauit Dauid aliam domum, quae praerant omnibus alijs sacerdotibus, & Leuitis, quibus non praerant domus Eleazar. Ista litera est difficilis, quia ponitur hic, quae ceteris praerant, & iterum dicitur, quae sub se ceteras habebat, & refertur ad duas domos, & tamen videtur, quod hoc non potest conuenire nisi vni: nam necesse est, quod vna domus sacerdotum praesset quibusdam, & alia praesset ceteris, quibus non praerant prima, eo quod solum erant duae domus sacerdotales, quia tamen de vtraque dicitur, quod habebat ceteras sub se, vel quod praerant ceteris, est difficile. Aliqui dicunt, quod debet intelligi sic, scilicet, vnam domum Eleazar, quae praerant ceteris, id est, quae erat excellentior, quamquam non praesset omnibus, comprehendendo illos sub se, quia quidam comprehendebantur sub domo Ithamar. Et cum dicitur. Et alteram domum, quae sub se habebat ceteros. Intelligitur de comprehensione, scilicet, quod omnes, qui non comprehendebantur sub domo Eleazar, comprehendebantur sub domo Ithamar. Sed ista expositio non stat. Primo quod dicitur, quod domus Ithamar praerant, id est, erat excellentior ceteris, scilicet, domibus, & tamen non erant plures domus sacerdotales, ad quas compararetur

pararetur domus Eleazar, cum essent solum duæ domus, scilicet, Eleazar, & Ithamar. Si autem dicas, quod compareretur ad domos minores, quia erant vigintiquatuor domus sacerdotales.

Dicendum, quod non stat, quia tunc domus Eleazar non esset vna domus, sed decem, & sex, eo quod decem, & sex sortes includebantur sub domo Eleazar, vt patet supra in litera. Secundo patet, quia acciperetur hic præesse prima vice, idest, excellentiorem esse, & tamen non stat, quod secunda vice accipitur pro comprehendere, cum dicatur, vnam domum, quæ sub se habebat ceteros, ergo prima vice accipitur præesse pro continere, & non pro excellere. Dicendum ergo, quod tota difficultas est, quia accipitur hic ceteris, idest, nullis, prima vice, & secunda vice accipitur proprie, s. vnam domum, quæ ceteris præerat, idest, quæ multos de sacerdotibus, & Leuitis sub se habebat, & ista erat domus Eleazar. Et alteram domum, quæ sub se ceteras habebat, scilicet, domus Ithamar, quæ habebat sub se omnes, quos non habebat domus Eleazar. Vel potest accipi ceteris, idest, omnibus, & est sensus, quod domus Eleazar præerat omnibus, & tamen domus Ithamar præerat ceteris, quibus non præerat domus Eleazar. Sed quomodo hoc possit stare, quod ista videntur repugnare? Considerandum est, quod omnes sacerdotes diuisi erant in duas partes inæquales, & vna erat domus Eleazar, & alia domus Ithamar, domus autem Eleazar non præerat sacerdotibus de domo Ithamar, præerat tamen Leuitis, quibus præerat Ithamar. Hoc autem, quia quando Leuitæ distincti fuerunt per tres familias, scilicet, Caath, Gerson, Merari, erant tres principes istarum familiarum de ipsismet familijs, & tamen super illos principes adhuc fuerunt positi sacerdotes in principes, scilicet, quod familia Caathitarum cum principe suo subesset Eleazaro filio Aaron. Numeri 4. & familia Gersonitarum, & Meraritarum subesset Ithamar filio Aaron, eodē cap. Et rursus oēs tres familiæ Leuitarum cum principibus suis, & etiam ipse Ithamar, qui præerat duabus familijs, subesset Eleazaro filio Aaron. Numeri 3. Et iste erat alius ordo, quàm ille, per quem duæ familiæ subijciebantur Ithamar, & vna familia Eleazaro. Et istum sensum voluit hic sequi Hieronymus, eo quod in litera dicitur, principibus familiarum sacerdotalium, & Leuitarum, & tunc saluatur hoc in Leuitis, sed non in sacerdotibus, scilicet, vnam familiam, quæ præerat omnibus, idest, omnibus Leuitis, & hoc per vnum modum subordinationis. Et alteram domum, quæ habebat sub se ceteros, i. comprehendebat sub se omnes, quos non comprehendebat familia Ithamar, & hoc per alium modum ordinationis. Istud apparet, comparando Archiepiscopum ad Episcopos suffraganeos suos: nam comparando eum ad Archiepiscopatum suū distincta subiectio est Archiepiscopi, & episcoporum, quia illi, qui subijciuntur episcopis, nō subijciuntur Archiepiscopis, & e conuerso. Comparando tamen Archiepiscopum ad episcopos, subijciuntur ei omnes. Et est iste alius modus subordinationis, primus tamen modus magis conuenit proposito, scilicet, quod quidam sacerdotes, & Leuitæ comprehendebantur sub domo Eleazar, & ceteri sub domo Ithamar. Et hoc significat litera Hebraica, scilicet, Principibus patrum sacerdotum, & Leuitarum domui patris vnus comprehensus Eleazaro, & comprehensus ipsi Ithamar. Idest, in principibus patrum, i. cognationum sacerdotum, & Leuitarum vnus erat comprehensus sub Eleazaro, & alius erat comprehensus sub Ithamar, scilicet, quidam erant sub domo Eleazar de sacerdotibus, & Leuitis, &

alij erant sub domo Ithamar. Et ponitur bis comprehensus, & comprehensus, ad significandum multitudinem, scilicet, quod omnes, qui non erant sub Eleazar, erant sub Ithamar.

Exiuit autem fors prima Ioarib, secunda Iedei, tertia Harim, quarta Seorim, quinta Melchia, sexta Maiman, septima Accos. Hic ponuntur vigintiquatuor sortes sacerdotum, qui fuerunt de sacerdotibus domus Eleazar, & Ithamar, & prima fors fuit Ioarib, idest, nominata a quodam principe, qui vocabatur Ioarib, & sic erat de omnibus alijs sortibus, quia quælibet earum nominatur ab aliquo principe. *Octaua Abia, nona Iesua, decima Sechenia, undecima Eliasib, duodecima Iacim, tredecima Hoppa, quartadecima Isbaal, quintadecima Belga, sextadecima Emmer, septimadecima Hezir, octauadecima Aphses, nonadecima Pheteia, vicesima Hezechiel, vicesima prima Iachin, vicesima secunda Gamul, vicesima tertia Dalaiu, vicesima quarta Maaziau.* Idest, Sors octaua erat nominata a principe Abia. De ista sorte fuit Zacharias pater Beati Ioannis Baptiste, vt patet Luca primo cap. Fuit sacerdos nomine Zacharias de vice Abia.

Hæ vices eorum secundum ministeria sua. Idest, istæ sunt sortes sacerdotum distinctæ per vices suas, quia vna fors ministrare debebat vno tempore, & alia alio. Et dicitur secundum ministeria sua, idest, secundum tempus ministrationis, quasi dicat, secundum, quod sunt hic ordinatæ istæ sortes, quia prima est ante tertiam. Ita erat ordo in temporibus ministrandi. In Hebræo dicitur. Isti sunt numerati sui. Idest, istæ sunt suæ numerationes, scilicet, quod sicut habetur hic in ordine ministrationis, ita se habent in ordine ministrationis per tempus.

Vt ingrediantur domum Domini. Idest, istud totum est ad hoc, quod istæ diuersæ vices sacerdotum ingrediantur domum Domini ad ministrandum: nam tota ministratio sacerdotalis, & Leuitica erat in domo Domini, idest, in templo, quia non licebat alibi fieri caeremonias cultus diuini, vt patet Leuiti. 17. Et Deute. 12.

Et iuxta ritum suum. Idest, caeremonias suas. In Hebræo dicitur: Secundum iudicia sua. Idest, quod ministrarent secundum, quod iudicatum est de eis per legem, quod debeant ministrare.

Sub manu Aaron patris sui. Scilicet, Quamquam sacerdotes sint primo diuisi per duas domos, scilicet, Eleazar, & Ithamar, & postea per vigintiquatuor sortes, tamen omnes isti erant sub manu Aaron, idest, sub manu tenentis locum Aaron: nam Aaron non viuebat isto tempore, cum defunctus fuisset ante hoc quadringētis, & triginta, & septem annis fere. Quod patet, quia ab exitu de Aegypto vsque ad fundamentum templi Salomonis fluxerunt anni quadringenti, & octoginta, vt patet 3. Regum 6. De quibus subtrahant quasi quadraginta anni ab exitu de Aegypto vsq; ad mortem Aaron: nam mortuus est anno quadagesimo ab exitu de Aegypto mente quinto, die prima mensis. Numeri 33. subtrahantur etiam tres anni, qui fluxerant de regno Salomonis, quando fundatum est templum: nam in principio quarti anni regni sui fundatum est, vt patet 3. Regum 6. Manebunt anni quadringenti, & triginta, & septem fere inter mortem Aaron, & istam numerationem: nam facta est ista numeratio anno vltimo regni David, scilicet, quadagesimo, vt patet infra 26. Non ergo poterant sacerdotes ministrare nunc sub manu Aaron, sed ministrabant sub habente locum eius, & iste erat summus sacerdos, eo quod Aaron, cū vixit, erat summus sacerdos. *Sicut præcepit Dominus Deus Israel.* scilicet, quod omnes tam sacerdotes, quàm Leuitæ essent sub manu Aaron, vt patet Numeri 18. *De*

De Sadoc summo sacerdote. Quæst. VIIII.

A

De Abiathar summo sacerdote. Quæst. X.

QVAERITVR circa prædicta de Sadoc, de quo supra dicitur, quis erat ille.

Respondendum, quod ille erat summus sacerdos de stirpe Eleazar, ad quem directe pertinebat summum sacerdotium, & iste est, de quo Deus locutus est. 1. Reg. 2. f. Quod suscitaret sibi sacerdotem fidelem, & ædificaret ei domum fidelem, ambularetque coram Christo suo omnibus diebus, id est esset in præsentia regis Salomonis, qui erat Christus, i. vnctus a Domino in regem. Postea autem regnante Saule erant adhuc sacerdotes de domo Ithamar, & erat tunc Achimelech summus sacerdos, 1. Reg. 21. Dauid autem habuit aliquam familiaritatem cum illo, id est Saul putans, quod Achimelech, & sacerdotes de cognatione sua coniurauerant cum Dauid contra eum, occidit Achimelech, & alios sacerdotes de stirpe sua, & omnes habitatores urbis Nobæ, ut patet 1. Re. 21. & 22. tunc cessauit sacerdotium summum de domo Ithamar, quia Saul fecit sacerdotem summum de domo Eleazar, & iste fuit Sadoc, ministravitque usque ad mortem Saulis, & postquam mortuus est Saul, ministravit in terra Israel septem annis, & dimidio regnante Isboseth filio Saulis super undecim tribus, cum regnaret Dauid in Hebr. 6 super solium tribus Iudæ. Postea autem mortuo Isboseth, cum totus Israel accepit Dauid in regem super se, venit Sadoc cum ceteris Israelitis ad vngendum Dauid in regem. Et de hoc dicunt intelligi, quod habetur supra 12. f. quod Sadoc puer egregie indolis, & domus patris eius venerunt ad vngendum Dauid. Quidquid autem sit constat, quod Sadoc fuit postea summus sacerdos Dauid, ut patet 2. Re. 8. & 26. & supra 18. Et quando Dauid tulit arcam de domo Obededom in domum suam, & constituit ibi sacerdotes, & Leuitas, iussit Sadoc ire ad ministrandum ad tabernaculum Domini in Gabaon, & cum eo sacerdotes multos, & Leuitas, patet supra 16. Ille vixit usque ad mortem Dauid, & cum esset iam propinquus morti, & Adonias filius Dauid fecerat se vngi in regem, Abiathar summus sacerdos fouebat partes Adonias, Sadoc tamen noluit tenere cum eo, ideo quando iussit Dauid eodem die vngi Salomonem in regem, Sadoc sacerdos vnxit eum, ut patet 3. Regum 1. Et ob hoc Salomon habuit postea sibi valde familiarē Sadoc sacerdotem, ut patet infra 29. & 3. Regum secundo. Et postea descenderunt semper summi sacerdotes de stirpe eius.

De Achimelech summo sacerdote. Quæst. IX.

QVAERITVR vterius, quis erat iste Achimelech, de quo hic dicitur. Aliquis dicit, quod iste fuit summus sacerdos, de quo habet primo Reg. 21. & 22. Sed hoc non stat, quia iste summus sacerdos Achimelech fuit tempore Dauid circa finem vite eius, quia tunc constituit eum esse summum sacerdotem, & tamen ille Achimelech, de quo 1. Reg. 21. & 22. fuit tempore Saulis, & occisus est per eum, ut patet ibidem. Ideo non est idem Achimelech. Item patet, quia iste Achimelech, de quo hic dicitur, est filius Abiathar, ut patet in litera, & tamen ille, de quo dicitur 1. Re. 22. fuit filius Achitob, ut patet ibidem. Dicendum ergo, quod non est idem, sed iste Achimelech est filius Abiathar. Illius Abiathar, qui fuit summus sacerdos Dauid cum Sadoc, ut patet 2. Regum 20. Et iste positus est loco eius, ut patet, quia dicitur hic, quod erat filius Abiathar.

Alph. Toft. In Lib. I. Paralip.

QVAERITVR vterius de Abiathar, de quo hic dicitur, quis erat. Respondendum, quod iste fuit Abiathar filius Achimelech summi sacerdotis: nam tempore Saulis summi sacerdotes erant de stirpe Ithamar, & postea Achimelech, qui erat tempore Saulis erat de hac stirpe. Saul autem putauit, quod coniurauerat cum Dauid contra eum, & occidit ipsum, & omnes sacerdotes, qui erant in urbe Nobæ primo Reg. 22.

Tunc Abiathar filius Achimelech summi sacerdotis fugit de occisione, & venit ad Dauid, qui tunc profugus erat a facie Saulis, afferens tecum rationale, & Ephod eodem capitu. Et quia erat filius summi sacerdotis, suscepit eum Dauid in summum sacerdotem, & exercebat officium eius: nam ad summum sacerdotem solum pertinet indui rationale, & Ephod, & consulere Dominum in illo. Exo. 28. Abiathar tamen sepe consuluit Dominum pro Dauid, ut patet 1. Reg. 23. ubi bis consuluit, & iterum consuluit, quando Dauid volebat persequi Amalecitas primo Re. 30. Postquam autem Dauid factus est rex super Iudam, tenuit etiam Abiathar in summum sacerdotem, & erat ille summus sacerdos in regno Iuda, sicut erat tunc summus sacerdos Sadoc in terra Israel. Postquam autem Dauid factus est rex super totum Israel mansit etiam Abiathar summus sacerdos Dauid, ut patet 2. Reg. 20. Diligebat autem eum nimis Dauid, Primo, quia habebat magnam obligationem ad patrem suum, nam pater suus, & tota domus eius piebant pro Dauid, nam putauit Saul, quod ipse, & alii sacerdotes coniurauerant cum Dauid, & occidit eum, vnde dixit Dauid: Reus sum ego omnium animarum patris tui. Id est ego sum obligatus pro omnibus animabus, quæ perierunt de domo patris tui. 1. Reg. 22. ideo dixit ei: Mane mecum, ne timeas, si quis quaesierit animam tuam, quaeret & animam meam, mecumque seruaberis. Secundum erat, quia sustinuit cum eo omnes labores, nam in omnibus periculis, in quibus fuit Dauid, fuit cum eo Abiathar. Sic dixit Salomon ad eum, ut patet 3. Reg. 2. f. Vir sanguinis es, sed hodie non te occidam, quia portasti arcam Dei coram Dauid patre meo, & sustinuisti laborem in omnibus, in quibus laborauit pater meus. Vixit autem Abiathar, usque ad mortem Dauid, & etiam postea: nam instante morte Dauid, cum Adonias vellet regnare, fouebat partes eius iste Abiathar, ut patet 3. Reg. 1. & ob hoc Salomon habuit eum exosum, & post mortem Dauid priuauit eum summo sacerdotio, ut patet tertio Regum secundo, & hoc quia fouerat partes Adonias, ad hoc quod vngeretur, & etiam postquam vnctus est Salomon, & mortuus est Dauid, tractabat Abiathar cum Adonia contra Salomonem, ut colligitur ibidem, & sic priuauit eum sacerdotio, & condemnauit eum, ut nunquam veniret in Ierusalem, sed maneret semper in Anathot, ubi habebat agros suos, ut patet eod. c.

De modo quo fuerit constitutus in summum sacerdotem Achimelech. Quæst. XI.

QVAERITVR vterius, quomodo nunc constitutus est in summum sacerdotem, vel principem familiae Ithamar, Achimelech filius Abiathar, & non ipse Abiathar, cum viueret. Aliquis dicit, quod Abiathar mortuus erat, & cum ipse fuisset summus sacerdos, constitutus est filius eius Achimelech summus sacerdos. Sed dicendum, quod hoc non stat, quia Abiathar vivebat adhuc, nam toto tempore quo Dauid vixit, etiam vixit Abiathar, & etiam post mortem eius. Nam cum regnaret Salomon post mortem Dauid, vivebat Abiathar, & priuauit eum summo sacerdotio Salomon, ut

N n vt

vt patet tertio Reg. 2. Aliter dicet aliquis, f. quod Abiathar viuebat nunc, & tamen non fuit constitutus in principem sacerdotum ipse, sed filius eius, eo qd peccauerat fouendo partes Adonia contra Salomonem, Sed dicendum, qd hoc non stat, quia Abiathar non fuit priuatus sacerdotio viuendo Dauid, sed a Salomone priuatus est. 3. Regum 2. Item patet, quia non solum toto tempore Dauid fuit Abiathar sacerdos, sed etiam tempore Salomonis aliquanto tempore, vt patet tertio Regum quarto, Item patet, quia si tempore Dauid priuatus fuisset Abiathar summo sacerdotio, tunc completum fuisset illud, quod dictum fuit qd domus Heli in Silo, de quo 1. Reg. 2. & tamen illud completum est, quando Salomon amouit Abiathar de summo sacerdotio. 3. Regum 2. vt ibi dicitur: ergo non priuatus fuit tempore Dauid. Dicendum igitur est, qd Abiathar viuebat, qm facta est ista ordinatio, & erat tunc summus sacerdos, filius tamen eius Achimelech ministrabat in summo sacerdotio, eo qd forte erat occupatus iste Abiathar circa multa, vel non poterat ministrare propter aliquam ægitudinem. Nam sic quando Heli erat summus sacerdos, quia caligauerant oculi eius, nec poterat videre, ministrabat Phinees filius eius pro eo in summo sacerdotio, vt patet primo Reg. 2. & sic ait Iosephus quinto Antiquitatum, vnde non ex nunc, sed ex multo tempore ante Achimelech ministrabat pro patre suo Abiathar, & ob hoc interdum vocatur ipse summus sacerdos, vt patet secundo Reg. octauo & supra 18. vbi ponitur Sadoc, & Achimelech filius Abiathar sacerdotes Dauid, scilicet summi sacerdotes eius. Aliqui autem dicunt, quod iste Achimelech est Abiathar, & tamen vocatur Achimelech, quia habebat duo nomina, sicut multi in Sacra scriptura habent sæpe multa nomina. Sed dicendum, quod hoc non stat, quia tunc necesse esset, quod iste non esset filius Abiathar, & tamen hic dicitur, quod iste Achimelech erat filius Abiathar, ergo non erat idem cum Abiathar. Item si esset iste Abiathar, esset pater eius Achimelech, vt patet primo Regum 22. & tamen vocatur filius Abiathar, ideo non potest stare, sed tenendum est, quod supra dicebatur,

De summo sacerdotio, quomodo se habuit ante Dauid, & tempore eius. Quæst. XII.

QUÆRITUR vltius circa summum sacerdotium, cum hic ponantur duo principes, quomodo se habuit summum sacerdotium, ante hoc, & quomodo Dauid instituit nunc duos summos sacerdotes.

Respondendum est, quod Deus a principio dedit totum ministerium sacerdotale Aaron, & filiis eius, & ipsum Aaron fecit pontificem, & filios eius minores vt patet Exod. vigesimo octauo, & erat vnus summus sacerdos, & successit ei Eleazar filius eius, & postea Phinees nepos suus, & semper in his erat vnus summus sacerdos. Cum autem habuissent summum sacerdotium quatuor, vel quinque de stirpe Eleazar, deteriorati sunt nimis: ita quod iudicio Dei, & voluntate populi ablatum est ei summum sacerdotium, & tunc Heli, qui erat de stirpe Ithamar assumptus est in summum sacerdotem, & in iudicem, & promisit ei Deus, quod maneret sacerdotium in æternum in domo sua. Postea tamen cum declinasset Heli ad senectutem, ministrabant pro eo filii eius, qui multa scelera faciebant cocuntes cum mulieribus, quæ manebant ad ostium tabernaculi, & detrahebant homines a sacrificio, Heli autem cum audisset omnia mala, quæ faciebant filii sui, non castigauit eos, ideo Deus denunciavit ei per prophetam, qd quamquam promiserat ei, quod sacerdotium maneret in æternum in domo sua, qd iam

non maneret propter peccata filiorum suorum, sed ipse suscicaret sibi sacerdotem fidelem, & ædificaret ei domum fidelem. 1. Regum 2. veruntamen ministravit tunc Heli in summo sacerdotio, & ipso viuente ministravit etiam filius eius Phinees, & postea Achitob, quidam volunt, de quo 1. Reg. 14. Deinde Achimelech, & iste erat summus sacerdos tempore Saulis, quando erat tabernaculum in Nob, primo Reg. 21. Et quia putauit Saul, qd ille coniurauerat cum Dauid contra eum, occidit ipsum, & omnes sacerdotes, qui erant cum eo, & viros Nob vsque ad pecora, 1. Reg. 22. Tunc Saul non permisit, qd aliquis de stirpe Ithamar, de qua fuerat Achimelech fieret summus sacerdos, sed Sadoc, qui erat de domo Eleazar assumptus est in summum sacerdotium, & tunc rediit sacerdotium in domum Eleazar, quod iam a multis diebus perierat de domo illa. Fuit autem iste Sadoc sacerdos summus toto tempore, quo vixit Saul, nam interim non ausus est Abiathar filius Achimelech summi sacerdotis redire in terram, ad accipiendum summum sacerdotium, sed fugiebat cum Dauid a facie Saulis. Mortuo autem Saule, successit ei Isboseth filius eius super vndecim tribus Israel, & regnauit quasi septem annis, & dimidio, dum regnaret Dauid in Hebron, & tunc iste Sadoc erat sacerdos summus in tabernaculo Domini, quod translatum fuerat in Gabaon. Cum autem mortuo Isboseth totus Israel acciperet Dauid in regem, venit Sadoc ad Dauid, & tunc inciperunt esse duo summi sacerdotes, scilicet, quia induebantur rationali, & Ephod, sicut summus sacerdos, & consulebant Dominum, vt patet primo Regum 23. & 30. Postea etiam cum Dauid regnaret super Iudam, erat iste sibi summus sacerdos, & cum venit Sadoc neutrum priuauit summo sacerdotio, sed manerunt ambo, & sic fuit toto tempore Dauid. Mortuo autem ipso, priuatus est Abiathar summo sacerdotio per Salomonem, tertio Regum secundo, & tunc mansit solus Sadoc summus sacerdos, & post ipsum de stirpe sua fuerunt summi sacerdotes, & semper erat vnus summus sacerdos, & durauit hoc vsque ad tempus Christi, & vsque ad destructionem Ierusalem per Romanos, quando periit summum sacerdotium, & totus status Iudaicus: solum ergo fuerunt duo summi sacerdotes tempore Dauid,

De causa quare Dauid voluit, quod essent duo summi sacerdotes. Quæst. XIII.

QUÆRITUR vltius, quare Dauid voluit, qd essent duo summi sacerdotes, cum istud videtur contra legem. Aliqui dicunt, quod non erant duo summi sacerdotes, sed vnus, & isti duo principes non erant summi sacerdotes, sed alter eorum, qui erat de familia Eleazar, erat summus sacerdos, & ipse faciebat officia summi sacerdotis, & ipse solus habebat redditus, qui assignantur sibi Numer. capitu. decimo octauo. De hoc tamen, an verum sit, in alia questione dicitur. Nunc autem dicendum videtur, qd Dauid fecit, vel saltem esse permisit duos summos sacerdotes. Causa huius fuit, quia Abiathar fuit filius Achimelech summi sacerdotis, & ministravit multo tempore in summo sacerdotio, fugiente Dauid a facie Saulis, & et postquam regnauit in Hebron super Iudam. propter hoc ergo Dauid non audebat priuare Abiathar: et dato qd posset eum iurisdictione priuare, non priuaret, quia obligabatur ei nimis propter patrem suum, & etiam propter multos labores, quos tolerauerat cum eo, vt declaratum est supra in quadam questione. Etiam non audebat Dauid priuare Sadoc summo sacerdotio, quia ille consecutus fuerat illud pronuntiatione prophetica: nam

nam Deus dixerat contra Heli, q̄ priuaret domum eius honore sacerdotii, & suscitaret sibi sacerdotem fidelem, primo Regum secundo, & istud intelligebatur de Sadoc, nam omnia completa erant, sicut Deus sibi prädixerat, ideo crederet Dauid, q̄ egisset cōtra voluntatem Dei, & prænunciationem suam, priuando Sadoc summo sacerdotio, & sic nunc permisit, q̄ ambo manerent in summo sacerdotio, & manserunt toto tempore suo.

An Dauid fecit contra legem statuens nunc, quod essent duo summi sacerdotes.
Quæst. XIII.

QUÆRITUR vterius, quare Dauid statuit nunc, quod essent duo summi sacerdotes de cætero, & an in hoc faciebat contra legem, & quō potuit in isto dispensari. Aliquis dicit, quod non erat contra legem, quod fierent duo summi sacerdotes, quia lex non statuerat de vno vel de multis. Dicit potest, quod aliquo modo erat contra legem, quia in lege solum vnegebatur vnus summus sacerdos, nam mortuo Aaron solus Eleazar factus est summus sacerdos. Num. 20. post eum etiam Phinees filius eius solus erat summus sacerdos, & semper fuit sic vsque ad tempus Dauid, volebat ergo lex, quod esset vnus summus sacerdos. Aliquis dicit, quod secundum consuetudinem legis fiebat vnus summus, & tñ non prohibebatur fieri plures, & sic Dauid fecit plures. Dicendum, q̄ aliquo modo erat etiam cōtra legem, quia lex dicit, q̄ summus sacerdos debebat esse maximus inter fratres suos. Leu. 21. & tamen esse maximū vni soli conuenit, sicut esse primogenitū inter fratres. Item dicitur, q̄ ille, qui successurus erat iure patri suo in summo sacerdotio, debebat indui veste pontificali. Exod. 29. & Leu. 6. & 8. hoc autem vni conuenit. Itē Num. 18. assignantur redditus summi sacerdotis, & tamen vni. s. summo sacerdoti dicuntur dandi esse illi redditus, si autē plures summi sacerdotes essent, pluribus darentur isti redditus, ideo intentio legis erat, q̄ vnus esset summus sacerdos. Et sic dicendum, quod aliquo modo erat contra legem, q̄ essent duo summi sacerdotes, & sic nunc factum est. Dicit tamen potest, quod hoc non est admirandum, quia Dauid nūc mutauit totam ordinationem sacerdotum, & Leuitarū, quæ prius erat, & statuit nouam, vt patet præcedenti cap. ideo poterat etiam circa summum sacerdotium ordinare, faciendo duos summos sacerdotes de duabus familiis sacerdotalibus. Sed obijciatur, quod antequam Dauid haberet a Deo istam potestatem ordinandi circa sacerdotes, & Leuitas, erant duo summi sacerdotes, nam toto tempore quo regnauit Dauid in Iuda, & Israel, erant simul sacerdotes Sadoc, & Abiathar, vt declaratum est in duabus præcedentibus questionibus. Dicendum, quod Dauid tunc non instituit duos summos sacerdotes esse, sed tolerauit illos, nam Sadoc factus fuerat sacerdos tempore Saul, & videbatur ei ius quæsitum diuina prænunciatione, quæ habetur primo Regum secundo. Abiathar etiam videbatur habere ius ex successione, quia erat filius summi sacerdotis Achimelech. Dauid autem non videbat, quomodo posset istis auferre ius suum, & credidit fortē, quod voluntate Dei acciderat, quod fierent duo summi sacerdotes, ideo non ausus est aliquid eorum auferre summum sacerdotium. Sed aliquis dicit, quod licet Dauid non auderet hoc facere dum isti vivebant, tamen post mortem eorum poterat ordinare, q̄ esset vnus summus sacerdos, quia tūc ablata erat ista difficultas. Dicendum, q̄ non stat, quia eadem ratio esset in filiis: proueniebat. n. summū sacer-

Alph. Tost. In Lib. I. Paralip.

A dotium per successionē, vt patet Exod. 29. & Leu. 6. si ergo aliquis habuisset ius in summo sacerdotio, & filius eius haberet ius ad illud, ideo non posset auferre Dauid, vel non auderet auferre sacerdotiū filijs istorum, maxime autē, quia voluntate Dei facta est ista ordinatio de duobus summis sacerdotibus, sicut de omnibus alijs, quæ pertinent ad sacerdotes, & Leuitas, de quibus Dauid supra ordinauit.

Per quem duorum summorum sacerdotum poterat fieri ministerium diei propitiationis.
Quæst. XV.

QUÆRITUR vterius, cum essent duo summi sacerdotes, vt præsupponitur, quomodo poterat fieri ministerium diei propitiationis. s. per quem eorum fieret, nam die illa nō licebat alicui introire in Sancta sanctorum, nec facere alia sacrificia, nisi summo sacerdoti, vt patet Leu. 16. & ad Hebr. nono. De ceteris autem ministerijs, quæ fiebant per annum, non est dubium, eo q̄ illa poterant fieri per sacerdotes minores.

Respondendum est, quod cum essent duo summi sacerdotes, ambo haberent potestatem equalem. ideo cuilibet eorum conueniret officium summi sacerdotis, & illud pertinebat ad summum sacerdotium. ideo dicendum videtur, quod ille in cuius vice contingeret istud festum, ministraret faciendo cæremonias illius. Pro quo sciendum, quod sicut habetur supra in litera, sacerdotes fuerunt diuisi per vigintiquatuor partes, vel sortes, & erant decem, & sex sortes de domo Eleazar, & octo de domo Ithamar. Cū vero ministrarēt, qui erant de decem, & sex sortibus Eleazar, pertinebat officium summi sacerdotis ad Sadoc, qui erat princeps in domo Eleazar, cum vero ministraret aliqua de octo sortibus domus Ithamar, pertinebat officium summi sacerdotis ad Achimelech, qui erat princeps de domo Ithamar, & isto modo quamquā ambo essent summi sacerdotes, ministerium suum esset determinatum per tempora. Nicolaus dicit, quod hoc nō stat, quia dato isto mutaretur quolibet anno summus sacerdos, & sepe tempore Dauid fieret ista mutatio. Sed dicit, quod non legitur hoc factum in toto veteri testamento, ideo dicit, quod isti duo non erant duo summi sacerdotes, sed erant duo principes super duas familias sacerdotales, vnus tamen eorum solus erat summus sacerdos. s. Sadoc, qui erat de stirpe Eleazar, & ob hoc omnia ministeria summi sacerdotis per illum exercebantur. Dicendum tamen est, quod dicta Nicolai non multum stant. Cū enim dicit, quod sequeretur, quod quolibet anno fieret mutatio summi sacerdotis. Dicendum, quod non sequitur, quia isti duo erant summi sacerdotes, & quando ipsi viverent, non fierent alii summi sacerdotes, & sic non mutarentur aliquando, sed solum succederent eis aliqui per mortem, sed erat mutatio officij, & ista non solum fieret semel in anno, sed pluries. Scquādūcunque ministrarent, qui erant de domo Eleazar, pertinebat officium summi sacerdotis ad Sadoc, qui erat de stirpe Eleazar. Cum autem transiret ministratio ad aliquam de sortibus Ithamar, pertinebat ministratio in summo sacerdotio ad Achimelech, qui erat de stirpe Ithamar, & sic fieret mutatio plusquam quater, vel quinquies in anno, quia necesse erat toties vel pluries inuari ministracionem de domo Ithamar in domum Eleazar, & econuerso. Cum autem dicit, quod sequeretur, quod multis annis tempore Dauid factum fuisset hoc. Dicendum, quod hoc non stat, nam nunquam fieret ista mutatio, quia per istā ordinationem ministratum est, postquam fuit Sanctuariū

in templo Salomonis, ut declarabitur infra in quadā questione, sed tempore David nō fuit hoc, sed postea viuentē Salomone, ideo nunquam fuit facta ista mutatio tempore David. Item dato, quod incepisset obseruari ista ordinatio illico, ut facta est, nō fuisset quolibet anno facta mutatio viuentē David, quia per hoc importatur, quod multis annis hoc fieret, & saltem duobus, vel tribus, & tamen falsum est, quod David ordinauit istud anno quadragesimo regni sui, ut patet infra 26. Et ille fuit vltimus annus regni David, quia solum regnauit quadraginta annis, ut patet infra 29. ideo non fieret ista mutatio quolibet anno tempore David. Sed fortē aliquis dicet, quod argumentū Nicolai procedit quantum ad tempus, quod fuit ante istam ordinationem, nam viuentē David semper fuerunt isti duo summi sacerdotes, scilicet Sadoc, & Abiathar. Ideo si ambo essent verē summi sacerdotes, sequeretur, quod quolibet anno ista mutatio ministerii non fieri deberet, nisi post istam ordinationem de viginti quatuor sortibus sacerdotum. scilicet quod quando ministrarent aliqui de sortibus Ithamar, haberet officium summi sacerdotis ille, qui erat de stirpe Ithamar, scilicet Abiathar, siue Achimelech filius eius. Cum autē ministrarent aliqui de sortibus Eleazar, haberet officium summi sacerdotis princeps, qui erat de domo Eleazar, scilicet Sadoc, & tamen ista ordinatio non facta est ante quadragesimum annū regni David, ideo ante hoc non sequebatur mutatio ista ministrationis in summo sacerdotio. Quis autem modus fuerit inter Abiathar, & Sadoc quantum ad administrationē summi sacerdotii toto tempore David, declarabitur infra in quadam questione. Cum autem dicit, quod talis mutatio non legitur facta in veteri testamento.

Dicendum vno modo, quod verum est, quod non fiebat aliqua mutatio vigore istius ordinationis factae per David, eo quod ista non durauit, quia tempore Salomonis ablata est, & nunquam fuit tradita executioni, ut infra declarabitur in quadam questione. Aliiter potest dici, quod in veteri testamento fiebant istae mutationes, nam interdum sacerdotes summi priuabantur, & instituebantur alii, & cepit hoc fieri tempore Machabæorum, quando quidam Iudæi propter ambitionem emebant summum sacerdotium a regibus Sīriæ, & illi propter auaritiā priuabant quosdam summum sacerdotio, & dabant illud aliis, qui maiora precia dabant, ut patet de Menelao, & Iasone, & Andronico, & Onia, quorum suscitata sunt magna scandala in populo Iudeorum, propter mutationem, & venalitatē sacerdotii, ut patet 2. Machabæorum quarto. Etiam tempore Christi, & ante ipsum sacerdotia vendebantur propter auaritiā Romanorum, & erat iam eorum auaritiā maior, quā regum Asiæ, & ob hoc sacerdotia summa annalia esse constituerunt, ut quolibet anno reciperent pensionem ab illo, qui instituendus esset in sacerdotem summum. Sic dicit Ioann. 1. de Caipha, qui erat pontifex anni illius. Ex quo innuitur, quod anno præcedenti non fuerat pontifex, nec etiam anno sequenti futurus erat: alias non diceretur pontifex anni illius, sed diceretur absolute, quod erat pontifex.

An verum esset, quod isti duo, scilicet Sadoc, & Abiathar non essent summi sacerdotes.

Quæst. XVI.

QUÆRITUR vltius circa vltimum dictū Nicolai. scilicet quod isti duo principes non essent summi sacerdotes, sed solum essent principes duarum familiarum sacerdotum, & alter eorum, scilicet Sadoc esset summus sacerdos.

In hoc est dubium, an verum sit. Si quis autem consideret solum in superficie, videbitur satis stare, quod isti essent duo summi sacerdotes, vel quod essent duo principes solum familiarum, & alter eorum esset summus sacerdos.

Dicendum tamen est, quod ambo erant summi sacerdotes. Et patet primo, quia dicitur hic. Erant autē principes Sanctuarii, & principes Dei, tū de filiis Eleazar, quā de filiis Ithamar. Ecce quod equauit illos, sed manifestum est, quod aliquis istorum erat summus sacerdos: nam de Sadoc nullus dubitat: ideo ambo essent summi sacerdotes, quia ambo vocantur principes Sanctuarii, & principes Dei. Item quia isti accipiuntur pro eodē in scriptura. scilicet princeps sacerdotum, & summus sacerdos, & tamen ambo erant hic principes sacerdotum, ut patet in litera, ideo ambo erant summi sacerdotes. Tertio patet, quia si non essent isti duo summi sacerdotes, necesse esset, quod iam ablatum esset summum sacerdotium de domo Heli, qui erat de filiis Ithamar: nam ante hoc summi sacerdotes erant de filiis Heli, postquam ipse Heli cepit esse summus sacerdos, & semper mansit summum sacerdotiū in domo ista, quousque priuatus est aliquis de domo ista summo sacerdotio, sicut Deus prænuñciauerat 1. Reg. 2. scilicet quod Deus suscitaret sibi sacerdotem fidelē, & tunc cessaret sacerdotiū summum de domo Heli, istud tamen nondum erat completum, quia 3. Reg. 2. dicitur, quod quando Salomon priuauit Abiathar sacerdotio, impletus est sermo Domini, quem locutus est super domum Heli in Silo: ergo adhuc manebat summum sacerdotium in domo Heli, & sic iste Achimelech filius Abiathar erat sacerdos magnus. Quarto patet, quia tertio Regum secundo, dicitur, quod Salomon eiecit Abiathar, ut non esset sacerdos Domini, & tunc aut intelligitur de summo sacerdotio, aut de minori, non potest intelligi de minori sacerdotio, quia tunc sequeretur, quod omnes de posteritate Abiathar electi sint de sacerdotio, ita ut iam nullus ex illis ministraret in templo Domini, sed hoc falsum est, quia adhuc posteri Heli erant sacerdotes, & recipiebantur in ministerio sacerdotali, etiam si impletum esset contra illos, quod Deus prænuñciauerat de domo Heli, ut patet primo Regum, capitulo secundo, scilicet. Futurum est, ut quidquid remāuerit in domo tua, dicat: Dimitte me obsecro, ad vnam partem sacerdotalem, ut comedam buccellam panis. Si tamen non essent isti tunc sacerdotes minores, non reciperentur in partem sacerdotalem: ergo manebant adhuc in minori sacerdotio, & sic nondum erant priuati summo sacerdotio, sed priuati fuerunt per Salomonem, quando eiecit Abiathar. Quinto patet, quia Deus quando prædixit mala contra domū Heli, dixit quod suscitaret sibi sacerdotem fidelē, in quo innuebatur quod pena, quæ danda erat domui Heli, erat quod tolleretur de ea summum sacerdotium, cum suscitandus esset sacerdos fidelis. Si autem auferendum esset etiam sacerdotium minus, ita ut nullus de illa stirpe maneret in sacerdotio aliquo, non significaretur per hoc, quod Deus suscitaret sacerdotem fidelē, quia illud solum intelligitur de summo sacerdotio, qui erat vnus, & tamen non additur aliquid ibi ad significandum ablationem sacerdotii minoris: ergo solum sacerdotium magnū auferendum erat de domo Heli. Sed quæcunque pena fuerit ista, impleta est deus Salomonis, ut patet 3. Reg. 2. ergo tunc priuata fuit summi sacerdotis semper de ista domo viuentē David. Ista ordinatio, de qua hic facta est mentio per David. Ergo manebat adhuc summum sacerdotiū ipsi Abiathar, & consequenter erant duo summi sacerdotes, scilicet Sadoc,

doc, & ipse Abiathar, vel filius eius Achimelech, & sic isti duo principes, de quibus hic dicitur, erant principes sacerdotum, & ambo summi sacerdotes.

De modo quo se habebant summi sacerdotes in die propitiationis. Quest. XVII.

QUÆRITUR ulterius, cum tempore David essent summi sacerdotes. scilicet Abiathar, & Sadoc, quomodo se habebant circa administrationem summi sacerdotii. Non est autem difficultas aliqua, nisi in administratione, quæ fiebat die propitiationis, quia die illa ingrediebatur summus sacerdos in Sancta sanctorum, Levitic. 16. & ad Hebræ. nono, & hoc ad ipsum solum pertinebat, ministraciones autem, quæ fiebant aliis diebus, poterant fieri per sacerdotem magnum, vel per minores.

Dicendum est autem, quod non coincidebant Sadoc, & Abiathar in ista ministracióne. Pro quo considerandum, quod Sadoc, & Abiathar in ceperunt esse summi sacerdotes in eodem tempore, nam Achimelech pater Abiathar erat summus sacerdos tempore Saulis, & occidit illum Saul, ut patet primo Regum, capitulo vigesimo secundo. Tunc enim Saul instituit Sadoc in summum sacerdotem, ut ait Iosephus sexto Antiquitatum. Et Abiathar etiam cepit uti officio summi sacerdotis, quia induebatur Ephod, & rationali, & consulebat Dominum, quod non pertinebat ad aliquem, nisi ad summum sacerdotem, ut patet Exod. capitulo vigesimo octavo, & primo Regum capitulo vigesimo tertio, & trigesimo. Eo tamen tempore, quo David fuit profugus a facie Saulis, non exercebat Abiathar aliud ministerium summi sacerdotis, nisi consulere Dominum, nec etiam poterat uti alio, eo quod ibat cum David ad terram Philistinorum, & Moab, & ad alias regiones extra terram Israel in quibus non licebat fieri aliquam ceremoniam legalem. De Sadoc autem dicendum est, quod cum ipse esset summus sacerdos, & esset in loco sanctuarii. scilicet in Gabaon, ad quem locum transfulerat Saul tabernaculum, deleta urbe Nobe, in qua prius erat, faciebat omnes ministraciones summi sacerdotis, & introibat in Sancta sanctorum, quando vixit Saul. Quo mortuo, successit ei Isboseth filius suus, & tempore huius etiam ministravit Sadoc, ut summus sacerdos in Gabaon, quia undecim tribus manebant tunc, sub obedientia Isboseth, in cuius regno erat Gabaon, ubi erat tabernaculum Domini. Postea autem mortuo Isboseth, cum Sadoc venit ad David, quando electus est in regem super totum Israel, manet dubium. Nam toto tempore precedenti manifestum est, quod Abiathar, licet esset summus sacerdos, non potuit ministrare in die propitiationis, introeundo in Sancta sanctorum, quia Sancta sanctorum erat in tabernaculo, & Abiathar toto precedenti tempore non aunderet ire ad locum tabernaculi, eo quod erat in regno Israel, ubi dominabatur Isboseth, qui erat hostis David, & consequenter ipsius Abiathar, sed toto illo tempore ministravit Sadoc. De tempore autem sequenti quoniam Abiathar, & Sadoc erant cum David, est dubium quis eorum ministraret: satis tamen videtur dicendum, quod solus Sadoc fuit in principio regni sui super totum Israel portasset arcam Domini de Chariathiarim in Ierusalem, iussit quod Sadoc cum multis aliis sacerdotibus, & Levitis, ministrarent in Gabaon in tabernaculo Domini, & ceteri manerent in Ierusalem ad ministrandum coram arca, supra capitulo decimo sexto. Ille tamen summus sacerdos, qui esset in tabernaculo posset celebrare festum expiationis. Ideo videtur, quod solus Sadoc ministravit.

Alph. Toit. In Lib. I. Paralip.

Astravit in toto hoc tempore David. Postquam tamen facta est ista ordinatio de divisione sacerdotum per vigintiquatuor sortes, & per duos summos sacerdotes, aliter ministrandum erat, scilicet secundum mutationem sortium de domo Ithamar in domum Eleazar, & econtra, ut supra dictum est in questione decima quinta.

De principio observationis istarum ordinationum.

Quest. XVIII.

QUÆRITUR ulterius de ista ordinatione quam faciebat nunc David, quantum ad sacerdotes, & Levitas, quando debebat inicii observari. Aliquis dicet, quod mox, ut facta est, nam ista ordinatio non concernebat aliquod tempus, in quo observaretur, & non prius, & erat tunc opportunitas ad servandum illam: ideo nunc observanda erat.

Respondendum est, quod non erat inicienda servari usque ad templum Salomonis completum. Et patet primo ex ratione David precedenti capitulo. scilicet Requiem dedit Deus populo suo, & habitationem in Ierusalem usque in eternum. Et ob hoc dicit, quod ordinandum erat de cultu Dei aliter quam prius, & tamen manifestum est, quod nondum erat habitatio Dei in Ierusalem, usquequo esset edificatum templum Salomonis, ideo usque tunc non poterat observari ista ordinatio. Secundo patet, quia precedenti capitulo dicitur de Levitis, quomodo ministraturi erant manentes in exedris per circuitum templi, & infra 26. dicitur, quomodo Levitæ ianitores ministrare debebant, manendo in vestibulis portarum per quatuor ventos celi: manifestum est tamen, quod nihil istarum poterat fieri, quousque edificatum esset templum Salomonis, quia exedre, & vestibula, & omnia hæc erant in templo Salomonis, ideo tempore David non potuit hoc observari. Tertio patet, quia ista lex erat ad ministrandum in vno loco. scilicet quod omnes Levitæ, & omnes sacerdotes in eodem loco ministrarent: nam propter hoc dividebantur sacerdotes per vigintiquatuor sortes, & Levitæ cantores per totidem. scilicet ut una ministraret post aliam. ut colligitur supra in litera. Nunc autem tempore David non ministrabant omnes sacerdotes, nec Levitæ in eodem loco, quia quidam ministrabant in Gabaon, ubi erat tabernaculum Domini, alii vero ministrabant coram arca in Ierusalem, quia sic ordinaverat eos David, supra 16. & tamen arca, & tabernaculum nunquam fuerunt coniuncta usque post adificationem templi Salomonis, quia tunc arca, & omnia vasa sacra introducta fuerunt illuc, ut patet 3. Regum 8. & sequenti libro, cap. 6. Non ergo fuit ista ordinatio observata, usque post adificationem templi Salomonis, sed toto tempore David, & etiam Salomonis usque ad annum undecimum regni sui, quando consummatum est templum, mansit illa ordinatio sacerdotum, & Levitarum, quam fecerat David, scilicet quod quedam pars eorum ministraret in Gabaon, & alia ministraret coram arca Domini in Ierusalem.

De duratione sacerdotum, & Levitarum facta a David.

Quest. XIX.

QUÆRITUR ulterius de ista ordinatione sacerdotum, & Levitarum, quam nunc fecit David, quanto tempore duravit.

Respondendum est, quod aut quæritur de ordinatione sacerdotum maiorum, aut de sacerdotibus minoribus, & Levitis. De ordinatione sacerdotum maiorum, quam fecit, sicut essent duo summi sacerdotes.

N n 3 Dicen-

I. Paralip.

Cap. XXIII.

Dicendum, quod non mansit aliquo tempore, nec
cepit aliquando obseruari. Quod patet, quia Dauid
instituit, quod essent duo summi sacerdotes, scilicet
Sadoc, de stirpe Eleazar, & Achimelech filius Abia-
thar de stirpe Ithamar. Erat tamen nunc sacerdos sum-
mus ipse Abiathar, cum viueret, licet dicatur hic de
Achimelech filio eius, quod erat princeps sacerdo-
tum domus Ithamar, nam pater, & filius erant sum-
mi sacerdotes, & ambo computabantur pro vno sum-
mo sacerdote, quia erant de vna domo, & ordinatio
ista debebat incipi obseruari post edificationem tem-
pli Salomonis, vt declaratum est precedenti questio-
ne. Et tamen Abiathar priuatus est summo sacerdo-
tio ante illud tempus, ideo nunquam incepit ista or-
dinatio obseruari quantum ad istam particulam. Pa-
tet hoc, quia Salomon priuauit Abiathar summo sa-
cerdotio in principio regni sui, antequam inciperet
aedificare templum, nam de priuatione ipsius Abia-
thar patet tertio Regum secundo, de principio au-
tem aedificationis templi habetur tertio Regum se-
xto, Et tamen postquam eiectus est Abiathar de sum-
mo sacerdotio, nunquam fuit aliquis de stirpe eius
summus sacerdos, sed Sadoc, & illi, qui erant de stir-
pe sua, fuerunt summi sacerdotes, vt colligitur supra
6. & ibi declaratum est. Ideo nunquam cepit obserua-
ri ordinatio ista, quantum ad hanc particulam de duo-
bus summis sacerdotibus.

Dicendum tamen, quòd licet Abiathar, & Achimelech filius eius non manserint in summo sacerdotio, tamen non ablatum est, quin de progenie Abiathar esset semper vnus princeps super totam domum Ithamar. Nam nunc duo principes constituti sunt super istas duas domos, scilicet Sadoc, & Achimelech, & tamen non ablata est distinctio istarum domorù, quia semper fuerunt istæ domus duæ, & manserunt sortes earum distinctæ, sicut immediatè declarabitur. Ideo etiam manerent duo principes istarum domorum, quia alias non videretur, quomodo istæ essent duę domus: mansit ergo de stirpe Abiathar vnus princeps pro sacerdotibus domus Ithamar, ille tamē nunquam fuit iam summus sacerdos, sed solus princeps de domo Eleazar erat summus sacerdos. Si autem quæritur de sacerdotibus minoribus, & Leuitis, an manserint in ista ordinatione, & quanto tempore manserunt.

Dicendum est, quòd semper mansit ista ordinatio: Nam hic fuerunt institutę vigintiquatuor sortes sacerdotum, ad ministrandum coram Domino per diuersa tempora, & istę semper manserunt vsque ad destructionem Ierusalem per Romanos, quando omnino perijt status Iudaicus. Quod pater, quia tempore Christi obseruabatur hoc, nam Lucę primo dicitur, quòd Zacharias erat sacerdos de vice Abia, & tamen ista ponitur hic octaua in ordine sortium. Item dicitur Lucę primo. Factum est cum sacerdotio fungeretur Zacharias in ordine vicis sue, secundum consuetudinem sacerdotii, forte exiit, vt incensum poneret. Ergo adhuc illo tempore erat consuetudo, q̃ ministraretur secundum vices, & sortes sacerdotum. De Leuitis autem dicendum est, q̃ semper mansit ordinatio eorum, cum non appareat, q̃ mutata fuerit, nec etiam apparet aliqua ratio mutationis, sicut apparet de mutatione duorum summorum sacerdotum.

De ordine inter se circa summos duos sacerdotes.
Quæst. XX.

QVAERITVR, vterius, si mansissent isti duo summi sacerdotes, sicut Dauid ordinauerat, qualiter se haberent inter se,

Respondendum, quod habitudo istorum potest considerari quantum ad ministracionem in summa sacerdotio, vel quantum ad superioritatem respectu sacerdotum minorum. Capiendo de primo dicendum, quod ministraturi erant per vices suas, scilicet, quod quando aliqui de sortibus domus Eleazar ministrarent, pertineret officium summi sacerdotis ad Sadoc, qui erat de domo Eleazar. Cum autem ministraret aliqua sors de domo Ithamar, pertineret officium summi sacerdotis ad Achimelech, qui erat de domo Ithamar, sicut declaratum est supra in quadam quaestione. Et in hoc non erat aliqua difficultas, Secunda habitudo erat quantum ad redditus: nam summus sacerdos habebat magnos redditus, scilicet decimam partem decimarum, quæ erat centesima pars fructuum terre Israel. Omnes enim decime in veteri testamento proueniebant Leuitis integraliter. Sacerdotes autem nihil percipiebant de illis, sed habebant alia iura, de quibus sustentarentur, vt patet Nume. capitulo decimo octauo. Postquam autem Leuitæ suscipiebant decimas, tenebantur dare decimam partem illarum summo sacerdoti, eodem capitulo. Nunc autem cum isti redditus essent assignati in lege vni homini, erat dubium, quomodo se haberent percipiendo illos.

Et satis videtur dicendum , quòd perciperent eos æqualiter , quia ambo erant æqualiter summi sacerdotes , tam qui erat de stirpe Eleazar , quàm sacerdos de domo Ithamar , eo quòd ministrabat pluries : nam erant decem , & sex sortes de domo Eleazar , & octo de domo Ithamar , vt patet in litera . Et quidquid tamen ministrabat aliqua fors de domo Eleazar , pertinebat summum sacerdotium ad Achimelech , duplo ergo tempore ministrabat sacerdos de domo Eleazar , quàm sacerdos de domo Ithamar , & sic forte haberet duplos redditus , in hoc tamen nihil nobis refert , siue per medium , siue aliàs diuideret : constat tamen , quòd inter eos diuiderentur redditus , cum ambo essent summi sacerdotes . Tertia habitudo erat quantum ad superioritatem istorum , respectu minorum sacerdotum .

I Et dicendum, quòd isti poterant dupliciter consi-
derari. Vno modo in quantum principes duarum tri-
bularum sacerdotalium. Alio modo in quantum sum-
mi sacerdotes. Accipiendo primo modo, habebant
isti distinctos principatus, & subditi vnus, non erant
subditi alterius: nam vnus erat princeps omnium sa-
cerdotum, de domo Ithamar, & ad imperium
illi regebantur, & nihil poterat imperare eis princeps
domus Eleazar. Sic etiam Sadoc princeps sacerdo-
tum de domo Eleazar, præerat omnibus de illa do-
mo, & illi non subiiciebantur Achimelech principi
domus Ithamar. Secundo modo considerantur ut
ut summi sacerdotes: nam dato quod semper essent
summi sacerdotes ambo, tamen considerabantur, vt
summi sacerdotes eo tempore, quo ministrabant in
summo sacerdotio.

Et tunc dicendum, quòd omnes de vtraque familia subiiciebantur ei, qui pro tempore exercebat officium summi sacerdotis, & si aliquid occurreret faciens ipsorum, ad illum, qui tunc exercebat officium summi sacerdotis, pertinebat in hoc iubere. Sic colligitur in litera: Nam postquam ponuntur illi duo famulique sacerdotales, & principes eorum, iubentur, quòd còs ingredientur iuxta ritum suum sub manu Aaron patris eorum. scilicet sub manu illius, qui exercebat tunc officium summi sacerdotis, quia ille hēret locum Aaron in eo, quod est summus sacerdos, sicut Aaron, & nō poterat intelligi de ipso Aaron quātū ad iram, quia ille iam multis annis mortuus fuerat.

fuerat. s. quadringentis triginta & septem, vt declaratum est supra in expositione literæ.

De ordine successionis istorum sacerdotum.

Quest. XXI.

QUÆRITUR vltius circa sacerdotū successionem, cum nunc isti duo sacerdotes summi instituti fuissent a Dauid, quid fieret eis mortuis, an succederet eis quisquā, vel si acciperetur per electionem, & dato qd esset successio, an succederet vnus, vel multi.

Respondendum est, quod in veteri testamēto summum sacerdotium, & aliæ dignitates, tam ecclesiasticæ, quàm seculares erāt per successionem. Et de summis sacerdotibus patet manifestè Exo. 29. & Leuit. 6. scilicet. Offeret eam sacerdos qui patri iure succederet. Et agitur ibi de summo sacerdote: & iterum dicitur: Septem diebus vteretur illa, qui pontifex pro eo fuerit constitutus de filiis eius. Non erat ergo electio in summis sacerdotibus, sed successio, quia filius succedebat patri, & cum essent plures filii, primogenitus succedebat, quia primogenitis prauenerant dignitates paternæ in veteri testamento, sicut nunc in multis fieri solet: immo vbiunque successio est in dignitate, vel honore, si non est aliquid diuisibile, solus primogenitus succedit. Si autem summus sacerdos non habebat filium, succedebat ille, qui erat magis propinquus ex parte patris, nam cognati matris non succedebant, eo quod ratione matris nulla fiebat successio in veteri testamento, sed ratione patris, vel aut materni, vt colligitur Numer. capitulo vigesimo septimo, & ibi declaratum est, & apparet illud, quia cum summum sacerdotium veniret per successionē, erat obseruanda in illo eadem lex, quæ in successione bonorum, sed in successione bonorum nō stantibus filiis, succedebant patrui, & deinde alii propinqui. Numer. capitulo vigesimo septimo, ita ergo esset in summo sacerdotio. Sed dicitur. Quid si aliquis summus sacerdos reliquerit filios paruulos, qui non possent ministrare, quid fieret, an illi succederent in summo sacerdotio, vel aliquis alius?

Dicendum, quod succedebat vnus de filiis summi sacerdotis morientis, & tamen quia non poterant illi ministrare, ministrabat aliquis de propinquis eorum, sicut enim factum est sepe, vt ait Iosephus, vndecimo Antiquitatum. Immo interdum illi, qui ministrabant paruulis, efficiebantur summi sacerdotes, & non deuolebatur vltra sacerdotium summum ad paruulos filios sacerdotis morientis, quousque discederet ille, qui coeperat p eis ministrare, vt ait ibidē Iosephus. Cum autem quæritur, morientibus istis, an succederet vnus, vel multi summi sacerdotes. Dicendum, qd Dauid instituerat nunc duos summos sacerdotes, & si mansisset ordinatio illius, fuissent semper duo summi sacerdotes. s. vnus de stirpe Eleazar, & alius de stirpe Ithamar.

De sortibus sacerdotum, quæ hic ponuntur.

Quest. XXII.

QUÆRITUR vltius circa sortes vigintiquatuor sacerdotum, quæ hic ponuntur, quæ sortes erant istæ & quomodo fiebant.

Respondendum est, quod Dauid voluit cultum diuinum ampliare, & constitit sibi de voluntate Dei, fecit istam ordinationem, vt sacerdotes melius, & ordinabilius possent ministrare, & cum maiori solennitate. Et ad hoc cum essent duæ familiæ sacerdotum. Alph. Tost. In Lib. I. Paralip.

A tum, scilicet Ithamar, & Eleazar, posuit in qualibet earum vnum principem, qui erat summus sacerdos, & diuisit quamlibet familiam in partes: familia enim Eleazar erat magna, & diuisa est in decem, & sex partes, siue sortes. Familia autem Ithamar, quia minor erat, diuisa est in octo partes. Et voluit Dauid, quod istæ vigintiquatuor partes, vel diuisiones sacerdotum ministrarent per vigintiquatuor tempora distincta: ita quod quando ministraret vna pars, non ministraret alia. Et ad hoc, quod erat aliqualis causa emulationis propter differentiam honoris, scilicet cui parti daretur, quod prius ministraret, fecit Dauid, quod dirimeretur hoc sorte, & posite fuerunt sortes pro omnibus familiis, ad sciendum, quæ deberet esse prima, & quæ secunda, & quæ tertia, & sic vsque ad vicesimam quartam, & per sortes exiit, quæ esset prima, & quæ secunda, & sic de cæteris. Ideo vocantur istæ partes sacerdotum sortes: non quidem, quod per sortem fieret diuisio, quia Dauid posuit in qualibet parte istarum diuisionū tot Leuitas, quot voluit, & illos quos voluit, sed solum de ordine istarum partium sacerdotum ad ministrandum determinatum est sorte, & ex hoc provenit, qd istæ diuisiones sacerdotum vocarentur vigintiquatuor sortes.

Quomodo fuit hic Dauid vsus sorte.

Quest. XXIII.

QUÆRITUR vltius, quomodo Dauid vsus fuit hic sorte circa diuisionem sacerdotum, & Leuitarum, quia fors non videtur licita. pot. similē circa res sacras: hic tamen agebatur de ministratio- ne, & ordine ministrandi: ista tamen licita sunt. Aliquis dicit, quod non fuit vnus sortis, sed vocantur vigintiquatuor sortes sacerdotum, id est vigintiquatuor partes, quia pro eodem contulerunt accipienda.

Sed dicendum, quod non stat, quia tam in diuisione sacerdotum, quàm in Leuitarum fuit hic fors. Et patet hoc, quia dicitur supra in litera. Porro diuisit vtraque inter se familias sortibus. Item infra in litera dicitur: Miserunt & ipsi sortes contra fratres suos filios Aaron. Item dicitur iterum: Tam minores, quàm maiores omnes fors equaliter diuidebat. Ergo fors erat hic. Et non solum nunc in ordinatione istarum partium sacerdotum erat fors, sed etiam determinata iam aliqua parte sacerdotum, quæ esset prima, vel secunda in ordine, adhuc inter ipsos sacerdotes de illa parte diuidebatur sorte, quis ministrare deberet, vt patet Lucæ primo, de Zacharia patre beati Ioannis Baptiste, de quo dicitur: Factum est autem cum sacerdotio fungeretur Zacharias in ordine vicis suæ, sorte exiit, vt incensum poneret. Ergo per sortem fiebat ministratio.

Dicendum est, quod fors est duplex consultoria, & diuisoria. Et fors diuisoria non est tam illicita, sicut consultoria. De istis tamen quando liceat eis vti, & quid sint declaratum est satis latè Numeri capitulo vigesimo nono, & trigesimo tertio. Nunc autem dicendum, quod licet nobis non esset licitum sortē circa talia sortibus vti, tamen Iudeis multa licita erant, quæ non licent nobis, & hoc propter imperfectionem eorum, ideo Deus dedit eis, quod terram Chanaan sorte diuiderent Iosue. Etiam circa spiritualia concede- bat eis Deus sortem, nam in die propitiationis debebant offerre duos hircos, vnum in caprum emissariū, & alium Domino ad immolandum, & ponebatur fors, quis illorum esset caper emissarius, & quis offerretur Domino. Leuitic. capitulo decimo sexto. Ita ergo nunc a fortuna permitteretur sacerdoti-

bus ponere inter se sortes, ad sciendum, quæ pars eorum deberet esse prima, & quæ secunda, & sic de cæteris. Nam ista fors diuisoria erat, cum dicatur hic. Diuisit eos sortibus. Sortes in diuisoria non sunt, tam illicitæ, sicut sortes consultoriæ, potissime, quia istud erat ad tollendum magnam contentionem, & emulationem, quæ aliàs oriretur inter Iudeos, quibuslibet volentibus præcedere alios.

*Quomodo fiebat diuisio per sortes.
Quest. XXIII.*

QUÆRITUR vltius circa istas sortes sacerdotum. scilicet quando facta est diuisio, & ponebantur aliqui sacerdotes in vna parte, & alii in alia, quomodo fiebat hoc, scilicet istæ partes essent æquales, vel inæquales, & an assumebantur per familias, vel aliàs.

Respondendum est, quod duplex modus poterat esse ad faciendum hoc. Vnus est, quod consideraret Dauid prius numerum omnium sacerdotum, tam in domo Eleazar, quam in domo Ithamar, & vellent diuidere omnes illos in vigintiquatuor partes æquales, & tunc sciret quot sacerdotes proueniebant unicuique parti, & inciperet diuidere domum Eleazar, & reperrirerent in illa tot sacerdotes, ut facerent decem, & sex diuisiones, vel partes de istis, & diuideretur domus Eleazar, & inuenirentur in illa tot sacerdotes, quot sufficerent ad octo diuisiones, & fieret in ea tot, & sic essent plures duplo in familia Eleazar, quam Ithamar. Alio modo poterat fieri, quod istæ diuisiones non forent diuidendo totam summam sacerdotum in vigintiquatuor partes æquales, sed fieret hoc per cognationes. scilicet quod quælibet cognatio particularis sub familia Eleazar esset vna fors, & quælibet cognatio sub familia Ithamar esset alia fors, siue istæ familiæ essent æquales in numero personarum, siue non. Aliqui volunt, quod modus secundus istorum fuerit in hac diuisione, quia dicitur supra in litera. Inuenti sunt multo plures filii Eleazar in principibus viris, quam filii Ithamar, & ibi subditur, quod in familia Eleazar fuerunt decem, & sex sortes, & in familia Ithamar octo, & sic videtur, quod fuerit ista diuisio facta per capita familiarum, & quia erant plures vni principes cognationum in domo Eleazar, quam in domo Ithamar, fuerunt plures sortes in domo Eleazar. Secundo patet, quia dicitur in litera: diuisit filiis Eleazar principes per familias decem, & sex, & filiis Ithamar per familias, & domos octo. Ergo videtur, quod principes familiarum faciebant diuisiones esse multas, vel paucas, secundum quod multi, vel pauci erant in ipsis familiis. In contrarium videtur, quod primus modus fuerit. scilicet quod diuisa fuerit tota multitudo sacerdotum, & partes æquales. Et patet hoc, quia dicitur infra in litera. Miserrunt sortes, tam maiores, quam minores: omnis fors æqualiter diuidebat. Ergo per æqualitatem fiebat diuisio istarum partium sacerdotum. Respondendum est, quod in ista diuisione considerata fuit æqualitas, sicut dicitur in primo modo. scilicet quod diuiderentur sacerdotes per partes æquales, & tot essent in vna sorte, sicut in alia, & tamen attendebatur hoc, quod sacerdotes, qui erant de domo Ithamar, non miscerentur cum sacerdotibus de domo Eleazar, ita ut omnes facerent vnam sortem, sed quælibet domus habebat sortes suas impermixtas. Considerabatur etiam ista æqualitas in numero, ita quod non attendebatur, quod aliqui sacerdotes essent maioris status, vel dignitatis, aut sapientiæ, sed solum considerabatur æqualitas numeri. Sic patet in litera cum dicitur. Tam maiores, quam minores sorte æqualiter di-

uidebantur. Patet etiam sequenti cap. cum dicitur: Miserrunt sortes per vices suas: ex hoc tam maior, quam minor, doctus pariter, & indoctus. Et ratio huius erat, quia istæ partes sacerdotum fiebant nunc ad ministrandum, & tamen ministratio erat æqualis pro qualibet earum, scilicet in tempore æquali, & etiam officia æqualia, ideo æquales numero esse debebant ministri in quolibet sorte, quia aliàs grauarentur illi, quorum fors minor esset. Sciendum tamen, quod a principio considerata est æqualitas numeri in istis sortibus: postea tamen procedente tempore, dato quod plures essent in vna sorte, quam in alia, non dissoluebantur sortes priores, nec reducebantur ad æqualitatem, quia aliàs quotidie oporteret fieri in eis mutationem, quod inconueniens est. Et ideo contingebat quasdam sortes aliquando fieri magnas in multitudine personarum, & aliquando paruas, & tamen propter hoc non mutabantur, nec minuebantur incumbencia illis. Sciendum etiam, quod non attendebantur hic cognationes particulares. scilicet quod esset quælibet pars istarum vna cognatio. Sed contingebat interdum vnam cognationem particularem, si magna erat, diuidi in tres, vel quatuor partes, & contingebat interdum duas, vel tres cognationes particulares, quia parua erat effici vnam partem de istis, & obseruaretur æqualitas numeri.

Sciendum tamen, quod in quolibet istarum sortium ponebatur vnus princeps, & ille, qui semel erat princeps illius partis, faciebat semper partem a se denominari.

Ad rationem primam in contrarium dicendum, quod verum est, quod plures viri principes familiarum inuenti sunt in familia Eleazar, quam Ithamar, & tamen non fuit ista causa, quare plures partes essent in domo Eleazar, quam Ithamar, sed quia in duplo erant plures viri in familia Eleazar, quam Ithamar. Dicitur autem de pluribus principibus familiarum Eleazar, scilicet, quia sicut erant plures principes familiarum, ita etiam plures viri erant in familia ipsa, quam in familia Ithamar, & propter hoc fuerunt plures partes, vel sortes sacerdotum.

Ad secundam cum dicitur: Diuisit filiis Eleazar principes per familias, non vocantur hic familiæ cognationes particulares, quæ essent ante istam diuisionem, sed quando facta est ista diuisio, quælibet fors vocabatur iam familia, quia omnes coniuncti de vna sorte dicebantur, iam pertinere ad vnam familiam, & omnes descendentes de illis dicebantur esse eiusdem familiæ, & principes constituti super quamlibet istarum sortium vocabantur principes familiarum, non est in sensu, quod prius essent familiæ, & quot illæ erant, tot fierent nunc partes in ista diuisione.

*Quomodo ordinabantur sortes sacerdotum ad ministrandum.
Quest. XXV.*

QUÆRITUR vltius de istis sortibus sacerdotum, quomodo ordinabantur ad ministrandum. Aliquis dicit, quod istæ ministrabant per successionem, & factæ sunt ad hoc, quod omnes implerent vnum annum ministerionis. scilicet quod quælibet fors ministraret per medium mensem, & cum essent duodecim menses, vigintiquatuor sortes complerent annum.

Dicendum tamen, quod hoc non stat, sed ministratio fiebat per vnam hebdomadam, scilicet, quod quælibet fors istarum ministrabat vna hebdomada, incipiendo a sabbato in sabbatum, & sic in vigintiquatuor hebdomadis, scilicet in medio anno complebatur ministratio omnium, & tunc redibat prima ad ministrandum in principio mensis septimi, & deinde secundum.

secunda, & sic omnes per successionem, & in fine anni iterum complebatur ministratio, & sic fiebat circuitus, & ministrabat qualibet istarum partium sacerdos talium bis in anno, & incipiebat ministratio cuiuslibet partis in sabbato, & finiebatur sequenti sabbato, & veniebat tunc pars sequens ad ministrandum. Sic patet quarto Regum capit. 11. cum dicitur: Et assumētes singuli viros suos, qui ingrediebantur sabbatum, cum his, qui egrediebantur à sabbato. Id est quēdam pars sacerdotum ingrediebatur in templum die sabbati ad ministrandum, & alia pars cessabat in sabbato, & egrediebatur iam de ministratione sua. Sic etiam dicitur sequenti lib. cap. 23. scilicet. Tertia pars vestrū, qui veniunt ad sabbatum, scilicet quod in die sabbati veniebant de locis suis ad ministrandum. Et erat modus, quod isti sacerdotes de vigintiquatuor fortibus, quę ministrabant in Sanctuario, non habitabant omnes in Sanctuario, sed erant dispersi per totam terrā Israel in quadraginta octo ciuitatibus, quę dabantur sacerdotibus, & Leuitis. Num. 35. & Iosue 21. Et quādo tempus erat ministrandi, veniebant omnes de vna forte in loco Sanctuarij, licet essent de diuersis vrbibus, & die sabbati incipiebat ministrare, scilicet in die veneris ad noctem, quia tunc incipiebat sabbatum: sic patet supra 9. cum dicitur: Tres autem eorum in viculis morabantur, & veniebant in sabbatis suis de tempore ad tempus. Scilicet manebant in locis suis per medium annum, quo quēlibet fors quiescebat, & expleto illo tempore, veniebat ad ministrandum in Sanctuario in sabbato, scilicet quia tunc incipiebat. Sciendum etiam, quod tota illa hebdomada, qua sacerdotes ministrabant, manebant intra atrium tēpli in exedris, quę erant in circuitu templi, & istud erat propter duo: primum erat, vt essent pręsto ad ministrandum omni tempore opportuno, sicut dicitur supra 9. de Leuitis, Quod principes cantorum in exedris morabantur: ita vt die, & nocte iugiter suo ministerio deferuērēt. Sacerdotes autem ministraturi erāt tam per diem, quam per noctem, eo quod sacrificiū matutinum fiebat per noctem, & alia sacrificia spontanea fiebant per diem. In nocte autem fiebat sacrificiū vespertinum: nani incipiebat in occatu solis, & durabat per totam noctem, vsque ad auroram, vt patet Leui. 6. cap. Hęc est lex holocausti: Cremabitur tota nocte vsque mane. Secundum erat propter mūditiā, quia ad hoc, quod ministrarent sacerdotes, requirebatur, quod non haberent aliquam immunditiā legalem, & ista maximē contrahebatur cum mulieribus, & ideo non permittebatur vxoribus sacerdotū venire ad Sanctuarium in loco vbierant sacerdotes toto tempore, quo illi ministrabant, vt non haberent occasionem trangendi eas: nam sic polluerētur, & nō possent ministrare. Expletis autem diebus ministrationis, sacerdotes redibant ad loca sua, & tūc licebat eis tangere vxores, & versari circa quęcunque aliareriam si polluerentur in aliquibus legalibus immunditijs. Sic fuit de beato Ioanne, cuius pater Zacharias stans in templo ministrando, accepit reuelationē ab angelo de filio sibi nascituro, & tamen non cognouit vxorem, quoniam finiti sunt dies ministrationis eius, vt patet Lucę primo, scilicet. Et factum est, vt impleti sunt dies officij eius, abiit in domum suam. Post hos autem dies concepit Elisabeth vxor eius, & occubabat se mēlibus quinque: Toto autem tempore, quoniam ministrabant sacerdotes, manebant in locis extra urbem Sanctuarij, & vertabantur circa curam rerum suarum: non quidem in agricultura, quia sacerdotes, & Leuitę non habebant agros, quos colebant, cum Deus iussit, quod vrbes, quę dabantur sacerdotibus, & Leuitis, non haberent territorium, nisi

A suburbana quēdam ad alenda pecora in eis. Num. 35. & Iosue 21. Et ibi dicitur, quod ciuitas Hebrō data est sacerdotibus, & agri eius dari sunt Caleb filio Iephone: vacabant ergo sacerdotes circa curam pecorum, vel circa alia nō pertinentia ad agriculturam.

De modo ministrationis Quęst. XXVI.

Q VÆRITVR vltius de modo ministrationis, scilicet dato, quod aliqua fors sacerdotum ministrare deberet actualiter, qualiter se habebant sacerdotes illius in ministrando. Pro hoc sciendum, quod illi sacerdotes, quibus competeat ministrare aliquo tempore, faciebāt omnes ministrationes necessarias, erant autem ministrationes, facere sacrificium, parare lucernas candelabri, & ponere panes in mēsa propositionis, & cremare thymiam super altare thymiamatum. Illi autem habebant secum redditus, quia sacerdotes, qui offerebant sacrificia, habebāt aliquas partes de illis, vt pote in holocausto, sacerdos, qui faciebat holocaustum habebat pellem animalis. Leui. 7. & sacerdos, qui faciebat sacrificium pacificum, habebat inde pectusculum, & armum dextrum, vt patet Leui. 7. Sic etiam de sacrificio pro peccato cōsequēbatur sacerdos partes carniū. Leui. 6. Et de libaminibus, scilicet de simila, vino, & oleo, habebat sacerdos partem. Leui. 2. & 6. De ministratione autem, quę erat ponendo panes propositionis in mensa, & parando lucernas in candelabro, & cremādo thymiam in altari, non apparet, quam partem consequēbatur sacerdos, & tamen credendum est, quod aliquos redditus consequeretur pro hoc. Et propter istud quilibet de sacerdotibus illius partis, quę ministratura erat, vellent facere istas ministrationes, vt consequeretur inde vtilitatem. In hoc autem esset contentio, cum omnes decernerēt pro vtilitate: ideo datus fuit ad hoc modus, scilicet quod per sortem fierent istę ministrationes. Et erat sic, quod inter omnes sacerdotes de illa parte, quę ministrabat, ponebatur fors, & cui eueniret fors, ministraturus erat, & ei proueniebant omnia iura illius ministrationis, & sic tollebatur contentio: Sic patet Lucę primo cum dicitur: Factum est cum sacerdotio fungeretur Zacharias in ordine vicis sue, secundum consuetudinem sacerdotij, sorte exijt, vt incensum poneret. Ecce qualiter illi sacerdotes, qui erant de vice Abia, de qua erat Zacharias, ministrabāt tunc, & tamen per sortem euenit ipsi Zacharię, quod ministraret ponendo incensum. Et dicitur, quod hoc erat secundum consuetudinem sacerdotij, ergo videtur, quod consuetudo erat inter sacerdotes, quod sorte dirimeretur, quis ministraret. Alij autem dicunt, quod ponebantur sortes, vt sciretur, qui ministraturi erant: tamen non ponebantur in fauorem ipsorum, quibus proueniebant, sed in onus, scilicet quod omnia, quę proueniebant sacerdotibus illo tempore, quo ministrabant illi, qui erant de vna parte, diuiderentur inter omnes sacerdotes, qui erant de illa parte, & hoc secundum equalitatem, & tamen, quia ministratio non poterat fieri per omnes, sorte dirimebatur, quis ministraret. Et sic ministrare non erat fauor, sed onus, quia nihil magis consequēbantur ministrantes, quam nō ministrantes de redditibus, & iuribus sanctuarij. Vterque modus potest stare. Primus tamen conueniēior est eo quod lex iubeat, quod facienti sacrificia daretur illi prouentus, qui veniebant de sacrificijs, ad hoc ergo, quod seruaretur lex ponebatur modus, quod per sortem dirimeretur, quis ministrare deberet. Aliquis tamen dicit, quod iste modus est nimis inconueniēs, quia tunc aliquis sacerdos esset, qui nullos vnquam haberet redditus & periret fame, eo quod nunquam sibi sorte

forte proueniret, quod ministraret, & sic nihil con-
 queretur de iuribus sacerdotalibus. Dicendum ergo,
 quod, vel diuidebantur redditus æqualiter, & postea
 forte dirimebatur, quis ministraret: ita quod ministrans
 nihil magis haberet, quam ceteri non ministrantes,
 sicut dicebat secundus modus, vel dabitur aliquis alius
 modus, per quem prouideretur omnibus sacerdoti-
 bus ministrantibus, & non ministrantibus. Ad hoc
 dicendum est, quod fiebat inter sacerdotes veteris te-
 stamenti, sicut nunc fit in beneficijs ecclesiasticis: sunt
 enim aliqui fructus beneficiorum, qui vocantur por-
 tio grossa, & dantur equaliter presentibus in officio
 diuino, & non presentibus. Alij autem sunt fructus, qui
 vocantur quotidianæ distributiones, & solis presenti-
 bus dantur, & qui pluribus horis interfunt, lucran-
 tur plus de istis distributionibus: ita erat inter sacer-
 dotes, quod essent aliqui redditus, siue iura sacerdo-
 talia, qui equaliter danderentur inter omnes illos, qui
 erant de illa vice, ad quam pertinebat ministrare, &
 isti diuidebantur equaliter per omnes illos, & inde
 consequeretur aliqualem sustentationem. Preter hæc
 autem erant quidam redditus, qui assignabantur mi-
 nistrantibus, & pro quolibet ministracione assignabat
 certum quid, & quia illud quilibet sacerdos consequi
 vellet, propter hoc desideraret ministrare, forte diri-
 mebatur, quis ministrare deberet, ut consequeretur
 utilitatem illam, quæ assignabatur ministrantibus. Iste
 modus conuenit primo modo supra assignato, & etiã
 competit legi, quæ iubebat dari sacerdotibus offeren-
 tiis sacrificia aliquas partes de ipsis sacrificijs, ut su-
 pra dictum est.

De modo ponendi sortes. Quest. XXVII.

QVAERITUR vterius, quis modus fuit po-
 nendi sortes, ad hoc, quod sciretur, quæ pars
 istarum debebat esse prima, & quæ secun-
 da, & sic de cæteris.

Respondendum est, quod hoc poterat fieri multipli-
 citer, sicut multipliciter ponantur sortes diuisione.
 Credendum tamen est, quod fuerunt posite per in-
 scriptionem cartularum, scilicet quod scriberentur
 vigintiquatuor cedule & in vna diceretur prima, & in
 alia secunda, & sic de cæteris, & ponerentur omnes il-
 læ in aliquo inuolucro. Et tunc vnus de quolibet ista-
 rum diuisionum mitteret manum in illud inuolu-
 crum, & si cartula, quam educeret, haberet primam,
 esset illa fors prima. Et si in litera diceretur vicelima,
 esset fors vicelima, & sic omnes mitterent manum,
 & sciretur de quolibet diuisione, cuius ordinis esset in
 sortem, quam extraheret. Iste fuit modus, quo posite
 fuerunt sortes ad habendum possessiones tribuum,
 scilicet quod distinctæ fierent terre illæ, quæ dandæ
 erant cuiuslibet tribui, & factæ sunt tot cedule, quot erant
 tribus, & quilibet tribus misit manum ad inuolucrum,
 & litera, quam eduxit, significauit, quam partem ter-
 ræ habitura esset illa tribus, sicut declaratum est Io-
 sue 19. Et iste modus sortium conuenit sacræ Scri-
 pturæ, quia dicitur Prover. 16. Sortes mittuntur in si-
 num, sed à Domino temperantur: mitti autem in si-
 num est poni in aliquo inuolucro, ut quilibet dedu-
 cat sortem vnã.

Quare Deus permittebat Israelitas uti sortibus.

Quest. XXVIII.

QVAERITUR vterius quomodo Deus permit-
 tebat, quod Israelitæ vterentur sortibus in istis
 rebus, quæ erant aliquales præiudicij: nam per sortem
 poterat euenire minori maior dignitas, & è contrario,

quod iniustum est: nam magnum bonum non est per-
 mittendum fortunæ. Ista est causa, quam reddit Aristoteli.
 primo Ethic. ad probandum felicitatem non esse à
 fortuna, scilicet quia maximum bonum non est per-
 mittendum fortunæ, sed rationi attribuendum. Dici
 potest, quod hic modicum præiudicium vertebatur,
 quia non quærebatur aliquod ius ministrando. In cæ-
 teris autem æquales erant istæ partes sacerdotum, scilicet
 æquales redditus suscipiebant, & æquales admi-
 nistraciones exercebant. Aliiter dicendum, & melius,
 quod aliquale præiudicium vertebatur in hoc eo, quod
 quilibet de istis partibus Israelitarum volebat esse
 prior in ministrando, cum aliquis honor esset in hoc,
 & tamen dicitur, quod l. esset maioris præiudicij, res ista
 dirimeretur sorte, sic enim erat de quibusdam alijs
 magnis, scilicet in diuisione possessionum pro singu-
 lis tribubus: nam per sortem diuidebatur, ut patet Nu-
 26. & 34. Et poterat prouenire aliqua parua possessio
 per sortem, & è contrario. Sed dicendum, quod Deus vo-
 lebat per sortem dirimi, eo quod ipse mouebat sortes,
 & faciebat, quod cuiuslibet proueniret, id quod sibi co-
 petebat rationabiliter, utpote si inter istas partes sacer-
 dotum erat aliqua cæteris dignior, Deus faciebat, quod
 fors prima occurreret illi, quando mitteret manum
 in inuolucrum, & illi parti, quæ erat minus digna in-
 ter cæteras, faceret, quod occurreret fors vicelima.
 quarta, quia moueret Deus manum missam in inuol-
 lucrum ad illam sortem, quæ cõueniebat ei. Sicut dicit
 Prover. 16. scilicet. Sortes in sinum mittuntur, sed à
 Domino temperantur. Id est ipse mouet eas ad hoc, quod
 eueniant, sicut ipse vult. Et patet hoc in diuisione
 possessionum per tribus Israel: nam Deus dixerat, quod
 possessionum daretur maior, & paucioribus minor. Num-
 26. Et tamen ibidem iussit, quod l. omnia sorte dirime-
 rentur, si tamen fors libera esset, posset euenire maior
 pars terræ minori tribui, & è contrario: fiebat ergo
 hoc modo, quod Israelitæ dantebant terram in tot par-
 tes, quot erant tribus, & quia tribus inter se erant in-
 æquales, fecerunt sortes inæquales secundum portio-
 nem excessus tribuum, & postea posite fuerunt tribus
 tes in inuolucro, & Deus faciebat, quod maiori tribui
 proueniret maior fors, & minori minor. Et cuiuslibet
 illa, quæ ei conueniebat, & sic Israelitæ dabant maio-
 rem partem terræ pluribus, & minorem partem pau-
 cioribus, & omnia sorte diuidebantur.

De nominibus portionum. Quest. XXIX.

QVAERITUR vterius de nominibus istarum
 portionum: nam primo vocatur loiari, &
 sic de cæteris. Est dubium, quæ nomina
 sint ista.

Respondendum est, quod ista nomina sunt prin-
 cipium ipsarum sortium. Pro quo considerandum, quod
 quando diuisa est tota domus Ithamar in octo par-
 tes, & tota domus Eleazar in decem, & sex, positis
 fuit super quamlibet partem istarum vnus princeps,
 qui non erat princeps omnium, tanquam princeps
 cognationis, sed tanquam princeps constitutus in ali-
 qua multitudine, & a nomine illius vocabatur pars,
 & quia princeps primæ sortis vocatus est loiari, ipsa
 fors vocatur loiari, & sic de omnibus alijs. Isti autem
 fuerunt principes temporibus suis, & tamen nomina
 eorum manserunt semper in sortibus illis. Sic patet
 de sorte octaua, quæ vocatur Abia, nam tempore vo-
 cata fuit sic, quia etiam tempore Christi vocabatur
 sic, unde Lucæ primo dicitur, quod Zacharias erat sa-
 cerdos de vice Abia. Sciendum etiam, quod filij isto-
 rum principum, qui nunc erant, fuerunt postea etiam
 principes istarum sortium per successionem, ut patet illi
 qui

qui descendebat ab istis per lineam primogenitorum, essent rectores totius sortis, & dicerentur ceteri esse de familia ipsorum. Sic enim fuit de sacerdotibus, & Leuitis: nam Aaron, & filij sui fuerunt constituti in sacerdotes, & illi qui descenderunt postea ab Aaron per lineam primogenitorum, fuerunt semper principes omnium sacerdotum.

De istis sortibus, quomodo permanserunt impermixta.

Quest. XXX.

QUAE RITUR ulterius de istis sortibus sacerdotum, quomodo potuerunt postea obseruari impermixte, ita quod illi de vna sorte non permiscerentur viris de alia sorte.

Dicendum est, quod modus fuit, quia nunc quando diuisi fuerunt sacerdotes per partes, descripti fuerunt, qui, & quot erant sacerdotes cuiuslibet sortis, & positum est hoc in scriptura publica, ad perpetuam rei memoriam, sicut dicitur supra in litera: Descripsit eos Semeias filius Nathanael scriba Leuites coram rege. Postea autem omnes geniti ab illis, qui erant de vna sorte, erant etiam de ipsa sorte, & licet à principio essent sortibus equales, postea fiebant inaequales secundum, quod quaedam progenies multiplicantur, & alie minuuntur: scribebantur autem progenies istorum, scilicet quod nati ab aliquo scribebatur nomen eius, & aui, & proau, & sic de omnibus, ascendendo vsque ad illum, qui fuit, quando facta est ista diuisio, & tunc recurrebatur ad scripturam publicam, & sciebat origo cuiuslibet: istas genealogias diligenter seruabatur Iudei in scriptis, & quidam eorum etiam nunc seruant genealogias ex antiquissimis temporibus, & quando dubitabatur de progenie alicuius, recurrebatur ad illas genealogias, & per illas sciebat: intantum autem obliuiscuntur istae genealogiae, quod tempore Christi, qui fuit longè post David, sciebantur istae genealogiae: nam de Zacharia dicitur: Quod erat de vice Abia. Et si aliquis sacerdos non poterat ostendere de qua familia sacerdotali erat, vel de qua sorte, non recipiebatur inter reliquos ad ministrandum: sic enim fuit tempore Esdrae: nam multi de Leuitis, & sacerdotibus in redditu de Babylone perdiderant genealogias suas in captiuitate, & non potuerunt ostendere progenies suas, & separati fuerunt à reliquis, sicut refert se fecisse Esdras, ex timore huius quilibet seruabat diligenter genealogiam suam, vt non excluderetur a ministrando, & perderet omnes redditus.

Porro filiorum Leui, qui reliqui fuerant, de filiis Amram erat Subael, & de filiis Subael Iehedeia. De filiis quoque Rohobie princeps Iesias: Isaari vero filius Salemoth: filiusque, Salemoth Iahath, filiusque eius Ieriau primus, Amarias secundus, Iacziel tertius, Iehamaa quartus. Filius Oziel, Micha, filius Micha, Samir. Frater Micha Iesia, filiusque Iesiae Zacharias. Filij Merari, Moholi, & Musi. Filius Oziaui, Benno. Filius quoque Merari. Oziaui, & Soan, & Zacchur, & Hebri. Porro Moholi filius Eleazar, qui non habebat liberos. Filius vero Cis, Ierameel. Filij Musi, Moholi, Eder, & Ierimoth. Isti filij Leui secundum domos familiarum suarum. Miseruntque, &

A ipsi sortes contra fratres suos filios Aaron contra Dauid rege, & Sadoc, & Achimelech, & principibus familiarum sacerdotum, & Leuiticarum, tam maiores, quam minores omnes fors equaliter diuidebat.

Porro. Hic ponitur secundum huius c. scilicet de doctoribus, nam praecedentes erant sacerdotes, isti autem sunt Leuitae, & a multis putantur esse doctores: nullum tamen ponitur hic officium eorum, sed quod sit officium ipsorum infra declarabitur in quadam quaestione, & dicitur,

Porro filiorum Leui, qui reliqui fuerant. Hic sequitur diuisio filiorum, qui reliqui fuerant, id est, qui supererant ultra sacerdotes: nam supra posita fuit diuisio sacerdotum, & illi erant de tribu Leui, ideo quadam pars tribus Leui iam distributa erat per officia sua, manebat autem reliqua summa Leuitarum diuidenda.

Pro quo sciendum, quod tota tribus Leui habebat tres familias, scilicet Gersonitas, Meraritas, Caathitas. Familia Caathitarum diuidebatur in quatuor domos, scilicet Amranitas, Isaaritas, Ozielitas, Ebronitas. Domus Amram diuidebatur in duos viros, scilicet Moysen, & Aaron. De his omnibus Nume. 3. De Aaron venerunt sacerdotes, & illi erant iam descripti per officia sua: manebant ergo duae familiae integrae describende, scilicet Gersonitarum, & Meraritarum. Et de familia Caathitarum manebant tres domos, scilicet Ozielitarum, Ebronitarum, Isaaritarum, & quaedam pars Amranitarum, scilicet omnes filij Moysi. Et de omnibus his dicendum est, & dicitur de eis hic, & in duobus capitulis sequentibus.

De filiis Amram erat Subael. Iste Amram erat pater Aaron, & Moysi. Exo. 6. Et dicit Subael de filiis Amram, non quod esset filius eius, sed de filiis eius, scilicet pronepos eius: nam Amram genuit Moysen, & Moyses genuit Gerson, Gerson autem genuit Subael. Patet praecedenti cap. & infra 26. Et ponitur hic iste Subael de Amranitis, quia erat vnus de principibus thesaurorum templi, sicut dicitur infra 26. scilicet Subael filius Gerson filij Moysi praepositus thesauri.

Et filij Subael Iehedeia. Non est iste Iehedeia ille, de quo dicitur supra in litera, a quo denominatur secunda fors sacerdotum, quia ille fuit sacerdos, iste autem Leuita, sed de isto Iehedeia infra habetur.

De filiis quoque Rohobie princeps Iesias. De isto Rohobie non dicitur hic cuius filius erat, & tamen dicendum est, quod est de filiis Amram, scilicet filius Eliazer, & nepos Moysi, qui vocatur Rohobie praecedenti cap. Et habuit iste Rohobias filios multos, vt dicitur ibidem: tamen hic non nominatur, nisi Iesias, quia iste erat princeps, sed in qua dignitate, vel officio esset princeps, non habetur hic: infra autem declarabitur in quadam quaestione.

Isaari vero filius Salemoth. Aliqui putant, quod Isaari est nomen proprium viri, & tamen est nomen possessiuum, vel denominatiuū ab Isaar, est enim Isaar vnus de quatuor filiis Caath, & est nepos Leui. Nume. 3. & ab eo nominatur familia Isaaritarum. Hic autem dicitur Isaari, id est de Isaariis erat Salemoth. Iste Salemoth vocatur Salomith, mutatis quibusdam litteris: & est filius Isaar, vt patet praecedenti cap. scilicet filij Isaar Salomith.

Primus filius Salemoth Iahath. Iste etiam fuit princeps in cognatione sua, ideo nominatur hic. *Filius quoque Hebron Ieriau Amarias secundus, Iacziel tertius, Iehamaa quartus.* Iste Hebron est vnus de filiis Caath, a quo nominatur vna de quatuor familiis particularibus Caath,

Caath, scilicet Hebronitarum, & habet iste quatuor filios, qui nominantur hic, & fuerunt principes, & etiā nominantur precedenti cap.

Filius Oziel Micha. Iste Oziel est quartus filius Caath, & nominatur ab eo familia Ozielitarum. Iste Micha etiam fuit princeps alicuius domus, ideo nominatur. Et non est iste Micha, de quo habetur 2. Regum 9. quia ille erat filius Miphiboseph nepos Ionathē filij Saulis. Iste autem est de stirpe Leuitarum.

Filius Micha Samir. Iste Samir fuit princeps, & non ponitur precedenti c. sed hic additur. *Frater Micha Iesia.* Iste Iesia erat filius Oziel, & frater Micha. Fuit autem Micha primogenitus, & Iesias secundus: sic dicitur precedenti c. scilicet Filij Oziel Micha primogenitus, & Iesias secundus. *Filij Merari Moholi, & Musi.* Omnes supra numerati pertinebant ad familiam Caathitarum: hic ponitur de familia Meraritarum, quę erat secunda de familijs Leuiticis: Sola autē familia Gersonitarum subtrahitur: Hic erant isti duo Moholi, & Musi filij Merari, & ab eis nominatę sunt duę familię particulares, scilicet Moholitarum, & Musitarum, sub familia Meraritarum, ut patet Nu. tertio.

Filius Iozian Benon. De isto Iozian non dī cuius filius sit. Aliqui putant, quod sit filius Merari, & volunt, quod Iozian, & Ozian sint idem: nam infra dicitur. Filius quoque Merari Ozian, & tamē aliquando in hebreo additur litera, vel subtrahitur. Sed dicendum, quod non est idem, quia si essent idem, non repeteretur immediate, ut diceretur filijs quoque Merari Ozian. Sed dicendum videtur, quod iste Iozian sit filius Moholi, & non ponitur hic pater eius, quia ante hoc ponitur, & sepe sic facit scriptura. Et cum dicitur hic Benon: intelligunt quidam Hebręi, quod sit nomen commune, quia Benon interpretatur filius eius. Sed hoc non stat, quia si accipietur hic, ut commune, diceretur sic filius Iozian filij Bennis, & istud non est aliquid intelligibile. Etiam quia non poneretur quis esset filius Iozian, & tamen scriptura intendit ponere filium eius. Decipiuntur tamen, quia Benon consuevit accipi in Hebreo pro filo eius: sepe tamen est in Hebreo idem nomen proprium, & commune, sicut in multis alijs apparet, & quia Hieronymus vidit, quod non poterat hic accipi pro communi, posuit illud tanquam nomen proprium: sic etiam facit Iudi. ubi dicit: Ut filius patris eius. Et in Hebreo habetur filius Dodo, & Dodo est nomē commune significans patrem eius, & etiā potest esse propriū, & Hebręi acceperunt, ut propriū: Hieronymus autē, ut commune, quia non cōueniebat literę, si esset proprium. *Filius quoque Merari Ozian, & Soan, & Zacchur, & Hebrī.* Isti quatuor dicuntur filij Merari, & tamē an sint filij Merari immediati, vel an sint de filiis eius descendentes infra declarabit in quadam questione. Iste Zacchur non est ille, de quo hī sequenti cap. quia ille est filius Asaph: iste autē filius Merari. Etiam Hebrī est aliquñ nomen propriū in Hebreo, sicut hic, & aliquñ nomen commune, & significat Hebrum: nam ubi litera nostra ponit Hebrū in Hebreo ponitur Hebrī, sine Henri. Porro Moholi filius Eleazar non habebat liberos. Aliqui errant in ista litera, putantes, quod Moholi sit filius Eleazar, & tamen falsum est, quia Eleazar est filius Moholi, ut patet precedenti capi. filij Moholi Eleazar, & Cis. Etiam quia Moholi non poterat esse filius Eleazar, cum sit filius Merari. Iste Eleazar habebat filias, & non filios, ut dicitur precedenti. c. ideo filij Cis acceperunt eas in uxores, eo quod Cis erat frater Eleazar, & illi, qui erant de eadem cognatione, matrimonia contrahiebant inter Hebręos.

Filius vero Cis Ierameel. De isto Cis non dicitur hic cuius filius sit, & tamen est filius Moholi, ut patet precedenti c. & non curauit hic repetere Eldras, cū su-

praposuisset. *Filij Musi Moholi, & Eder, & Ierimoth.* Isti sunt filij Musi. Sed dicit aliquis, quomodo Moholi est filius Musi, cum sit frater eius, quia supra dicitur Filij Merari Moholi, & Musi.

Dicendum, quod idem nomen sepe competit pluribus, sicut fit inter nos, & sic hic fuit idē nomen istius & patris eius, unde Moholi erat filius Musi, & alius Moholi erat frater Musi. Ierimoth, qui ponitur hic, aliquando est nomen viri, & aliquando nomen urbis, hic accipitur pro viro, pro urbe autem accipitur Iosue 10. Nam rex de urbe Ierimoth fuit vnus de illis quinque regibus, qui latuerunt in spelunca, & quos occidit Iosue in die, quo sterit sol.

Isti filij Levi. Refertur ad istos immediate dictos, & non ad sacerdotes supra positos, licet illi essent de filiis Levi. Isti tamen erant pure Leuitę, sacerdotes autem habebant aliquid honoris, & ministracionis ultra Leuitas. *Secundum domos familiarum suarum.* Idest isti erant distincti per familias, & domos cum omnibus ferē familijs Leuitarum, sicut hic enumeratū est. *Miseruntque, & ipsi sortes contra fratres suos filios Aaron.* Idest isti Leuitę, qui erant prater filios Aaron, miserunt inter se sortes: nam diuisi fuerunt per sortes suas ad ministeria sua, sicut filij Aaron fratres eorum, idest qui erant de cognatione ipsorum, nam tam Leuitę, quā sacerdotes erant de tribu Levi. Et dicitur contra fratres suos, idest sicut fratres sui, & est modus loquendi improprius, aliquñ in vtimur eo in vulgari, & vtuntur eo potissime Hebręi.

Coram rege David, & Sadoc, & Achimelech, & principibus familiarum sacerdotalium, & Leuitarum. Sortes fuerunt positę coram istis, eo quod isti faciebāt diuisiones, sicut David principaliter, quia erat rex, & habebat auctoritatem a Deo ad faciendum ista, deinde erant Sadoc, & Achimelech, quia isti duo erant summi sacerdotes, ut patet supra in litera. Erant etiam ibi principes familiarum sacerdotalium, & Leuitarum. Principes familiarum sacerdotalium erant illi vigintiquatuor viri a quibus denominantur vigintiquatuor sortes sacerdotum. De principibus autem familiarum Leuitarum infra dicitur in quadam questione.

Tam maiores, quā minores omnes fors equaliter diuidebat. Iste fuit modus sortium, i. quod diuiderentur Leuitę per partes æquales, ita ut tot Leuitę essent in vna diuisione, sicut in alia. Et dato, quod aliqui essent excellentiores alijs, non attendebatur ad hoc, ut maioritas dignitatis suppleret defectum numeri, sed maiores & minores æquales erant in ista diuisione, ideo dicitur, quod tā maiores, quā minores fors æqualiter diuidebat.

Quod officium erat Leuitarum. Quest. XXXI.

QUÆRITUR circa prædicta de istis Leuitis, & ponuntur hic, quod officium habebant, nam nullum officium eis assignatur.

Aliqui volunt dicere, quod isti essent doctores populi, & sic tenet Nicolaus. Istud autem posset colligi aliquāliter sic, quia officia Leuitarum erant ista, quod quidam erant cantores, alij ianitores, alij thesaurarii, alij iudices, & præfecti, alij seruientes ad diuersum ministerium domus Domini, ut patet precedenti c. & tñ de cantoribus ianitoribus, & thesaurarijs habet sequenti c. & infra 26. ergo videtur, quod isti erant iudices, eo quod illi supererant de omnibus ministrantibus.

Sed istud non stat, quia necesse est, quod aliqui istorum haberent alia ministeria prater præposituram, & dicaturam, nam aliqui erant thesaurarii, ut patet infra 26. Hic. n. ponitur Subael de filijs Amram, & tñ ille ponitur infra 26. præpositus thesaurorum. Etiam necesse est, quod aliqui istorum essent ianitores, & alij cantores,

tores, vt postea diceretur. Alij dicunt, q̄ isti erant, qui seruiebant ad diuersum ministerium domus: nā præcedenti c. inter cetera officia Leuitica dicitur, q̄ quidam erāt, qui seruiebant in ministerium domus Domini, & de his erant plures Leuitæ, quā de omnibus alijs officijs: nam erāt vigintiquatuormillia, & tñ de alijs officijs erant pauciores, scilicet de cantoribus quatuormillia, & de ianitoribus totidem, & de iudicibus sex millia. Istud autem conuenit in proposito, eo q̄ isti Leuitæ, qui computantur hic, erant de multis familijs, vt patet in litera. Sed dicēdum, q̄ hoc nō fit, quia isti Leuitæ, qui cōputantur hic erant de multis familijs, vt patet in litera: nam Leuitæ, q̄ ministrabant in ministerio domus Domini, differebant à cātoribus, iudicibus, ianitoribus, & thesaurarijs, vt patet præcedenti c. Et tñ de istis Leuitis, qui ponuntur hic, quidam cantores erant, & quidam ianitores, & quidam thesaurarij, & alij iudices. De cantoribus patet, quia omnes erant de progenie Heman, & Asaph, & Idithum, & istis tres erant de tribus familijs Leuitarū, scilicet Caath, Gerson, & Merari, vt patet supra 6. & hic agitur de progenie Caath, & Merari, quātum ad omnes familias suas particulares, ideo in istis includunt cantores. De ianitoribus patet, quia ianitores erant de stirpe Core, vt patet infra 26. Et tamen Core erat filius Isaar: Num. 16. & de progenie Isaar agitur hic, ideo ianitores includuntur in istis. De thesaurarijs patet, quia infra 26. dicitur, q̄ Subael filius Gerson filij Moyfi erat præpositus thesauri: & tamen iste Subael ponit hic, ergo etiam ponuntur hic thesaurarij. De propositis, & iudicibus patet, quia infra 26. dicitur, quod de Isaaritis, & Hebronitis, erant principes ad iudicandū Israel, & docendum, & tamen de Hebronitis, & Isaaritis agitur hic in litera: ergo non differunt isti à iudicibus, & præpositis.

Dicendum ergo est, q̄ hic non ponuntur Leuitæ specialiter pertinentes ad aliquod ministeriū, sed ponuntur oēs Leuitæ, qui postea diuiduntur p̄ ministeria sua. Et p̄ter hoc, quia sicut p̄batū est, de istis, qui ponuntur hic, erant aliqui ianitores, alij cantores, & alij thesaurarij, alij iudices, & p̄fecti. Si tñ pertinerēt isti ad aliquod officiū speciale, solū cōpeteret eis vnū de illis ministerijs, ergo non pertinet isti ad aliquod speciale officiū. Secundo patet, quia ponuntur hic Leuitæ de omnibus familijs Leuitarū, tñ de Caathitis, q̄ de Merarijs: si tñ esset aliquod vnū ministeriū, non assignarentur oēs familiæ ad illud. Sed obiciet, q̄ si hic intentio literæ esset ponere oēs Leuitas, nō determinando aliquod officiū eorum, ponerentur oēs familiæ Leuitarum, & tñ nihil agitur hic de familia Gersonitarum, cū nullus eorum nominet: ergo vñ, q̄ non est intentio literæ numerare hic oēs Leuitas, sed ponere illos, qui pertinebant ad aliquod sp̄ale ministerium. Dicendum, q̄ intentio literæ est enarrare oēs Leuitas, qui pertinebant ad quodcunque ministeriū. Et tamen nihil dixit de Gersonitis, eo quod de illis satis dixerat in præcedentibus.

Propter quam causam fuerunt positi isti Leuitæ a David.

Quest. XXXII.

QUÆRITUR vltius, ad quid positi fuerūt hic isti Leuitæ, cum per hoc non determinetur aliud ministerium ipsorum, & tamen scriptura incipit enarrare ministeria Leuitarum.

Dicendum est, quod scriptura voluit assignare hic omnia ministeria sacerdotum, & Leuitarum: Posuit autem prius de sacerdotibus ministeria, & sortes: nūc autem incipit ponere de Leuitis, & ad hoc præmittit aliquid cōmune, scilicet, quæ sunt familiæ Leuitarū:

A deinde incipit declarare officia eorum in particulari.

Pro quo sciendum, q̄ sacerdotes, & Leuitæ sunt de eadem tribu Levi, & diuiditur ista tribus in tres familias, scilicet Caathitarum, Gersonitarum, Meraritarū. Deinde familia Caathitarum diuidit̄ in quatuor familias particulares, scilicet Amranitarum, Isaaritarū, Hebronitarum, & Ozielitarum, vt patet Num. 3. Familia autem Amranitarum habebat duo capita, scilicet Aaron, & Moysen. De Aaron venerunt omnes sacerdotes, quorum sortes, & officia determinantur supra. Manet autem nunc, q̄ determinetur de officiis omnium Leuitarum, & sunt isti, qui sunt in duabus familijs integris Gersonitarum, & Caathitarum, & in tribus familijs particularibus sub Caath, scilicet Hebronitis, Ozielitis, & Isaaritis, & quadam parte familiæ Amranitarum, scilicet de filiis Moyfi. Ideo omnes istos copulat hic in summa scriptura, vt sciatur, q̄ ipsi sunt, quorū officia ponuntur sequenti c. & infra 26. & est conueniens modus, svt prius ponantur illi, qui diuidendi sunt per sortes, & officia, vt sciatur, qui sunt: deinde ponantur officia eorum.

Sed aliquis dicet, q̄ hoc non erat necesse, quia præcedenti c. enarrata fuit tota ista progenies Leuitarum.

Dicendum, q̄ hic enarratur iterum ad addendum: nā ibi ponebatur tota progenies Leuitarū ad hoc, q̄ sciretur, quot erant de eis in quolibet officio. Leuitico, ideo dicitur ibi, q̄ erant quatuor millia ianitorū, & totidem cantorum, & sex millia iudicum, & vigintiquatuor millia de alijs, qui seruiebant ad diuersa ministeria domus Domini: hic autem scriptura voluit ponere aliam cōditionem circa officia Leuitarum, scilicet quomodo per sortes diuidebantur, & qualiter ponebantur sortes, ideo repetiuit illos inter quos debebāt esse istæ sortes, & ministeria. Alia causa fuit, quia præcedenti cap. posita fuerat tota progenies tribus Levi, tam in sacerdotibus, quam Leuitis, eo q̄ actura erat scriptura de officiis vtrorumque, nunc autem expletis officiis sacerdotum solum actura est de officiis Leuitarum, ideo repetit hic progeniem Leuitarū, magis in speciali, quam præcedenti c. Alia causa fuit, quia licet præcedenti capitulo posita fuerit progenies Leuitarum, tamen interpositum est de officijs sacerdotum, & sortibus eorum, & nunc incipit agere de officiis Leuitarum, & propter illam interpositionem sacerdotum dubitaret aliquis, qui erāt isti Leuitæ, quorum ministeria erant enarranda, ideo rursus ponuntur hic. Alia causa fuit, quia licet progenies Leuitarum posita fuit præcedenti c. tamen aliqui adduntur hic, qui non ponuntur ibi, sicut cum dicitur. Filius quoq; Merari, Oziam, & Soan, & Zacchur, & Hebri, & non ponuntur præcedenti c. Etiam ponitur hic Ieremeel filius Cis, & quidam alij, qui non habentur ibi, & propter tales additiones faciendas sepe scriptura repetit, quod dixerat, eo q̄ tales additiones fieri non possent, nisi repetendo aliquid. Sic enim pater de libro isto respectu librorum regum, quia multa repetuntur hic, quæ iam habebantur ibi, tamen repetuntur, vt addatur eis alia, quæ ibi non habebantur.

Qui fuerint filij Merari. Quest. XXXIII.

QUÆRITUR vltius, cum dicitur supra in litera filius quoque Merari, Oziam, & Soan, & Zacchur, & Hebri, an illi sint filij Merari, a quo nominatur familia Meraritarū, vel sint de descendētib; ab eo, sicut interdū nepotes, & p̄nepotes alicuius vocantur filij eius. Alijs dicet, q̄ non sunt isti filij Merari, q̄ s. ponuntur filij Merari. Moholi, & Musi, si tamen isti essent filij Merari, ponerentur cum illis, ideo vñ, q̄ sint de descendētib; à filijs

filij eius. Secundo patet, quia Nu. 3. ponuntur etiam F filii Merari, & ponuntur Moholi, & Musi solū. Rñdē- dum, q̄ utrunque istorum potest stare: nam si dica- mus, q̄ isti sunt de descendantibus à Merari, satis cō- uenit, q̄ vocentur filij eius, quia multoties fit sic in scriptura: Magis tñ vñ dicendum, q̄ isti erant filii Me- rari, eo q̄ dicitur hic. Filius quoque Merari, Ozian, & Soan, & dependet ex precedenti, quia supra dictū fue- rat. Filii Merari Moholi, & Musi, & interpositū fuit ibi de quodam nepote Merari, cum dñ. Filius Oziau Benon, & postea dñ. Filius quoque Merari Ozian, i. sicut dictum est, q̄ Moholi, & Musi erant filii Merari, ita etiam Oziau, & illi, qui sequuntur sunt filii Merari. Si autem non essent filii Merari, sed descendentes à G filiis eius, non diceretur, Filius quoque Merari, quia istud facit copulationem ad precedentem, sed diceretur solum filius Merari. Secundo patet, quia scriptura nū- quam est trahenda extra significatum proprium ter- minorum, nisi propter aliquam necessitatem, scilicet quia terminis stantibus in sua significatione, sequerēt falsitas, vel aliquod inconueniens, dicendo, q̄ sint fi- lii eius immediati, & non descendentes à filiis eius: ideo tenendum est, quod sint filii sui. Tertio patet, & efficacius, quia si acciperentur ibi filii pro descenden- tibus, & non pro filiis, cum tamen omnes, qui ponun- tur ab illo versu filii Merari, sint descendentes ab eo, ut patet in litera, de omnibus diceretur, q̄ erant filii Merari, & tamen non dicitur, sed ponuntur nomina H patrum, & anorum, ita ut cognoscatur, quomodo de- scendunt de Merari, & de istis specialiter dñ, q̄ erant filii Merari, ergo Oziau, Soan, Zacchur, & Hebri, erāt verē filii Merari, & non filii descendantium ab eo.

Ad primam rationem in contrarium cum dicit, q̄ supra ponuntur filii Merari, s. Moholi, & Musi, & si isti essent filii eius, ponerentur cum illis, & tamen nō ponuntur. Dicendum, q̄ isti sex erant filii Merari, & tamen duo primi, s. Moholi, & Musi ponuntur per se, eo, q̄ ab alijs descenderūt duę familie particulares, s. Moholithica, & Musitica, ut patet Nu. 3. ab istis autē quatuor, s. Oziau, Soan, Zacchur, & Hebri nullę fami- lię descenderunt, sed ipsi computati sunt sub familijs fratrum suorum Moholi, & Musi, ideo per se ponun- tur. Et ista est causa, quare licet in multis locis fiat mē- tio de filiis Merari, non ponuntur, nisi Moholi, & Mu- si, quia scriptura intēdit semper nominare principes in aliquibus progeniebus potius, quam alios.

Ad secundum cum dñ, q̄ Nume. 3. ubi ponunt filij Merari solum ponuntur Moholi, & Musi. Dicendū, q̄ causa fuit, quia ibi scriptura intendebar diuidere totam tribū Leui per familias principales, & minus principales, non solū nōiauit ibi illos Leuitas, à qbus familie descenderunt, sed de Moholi, & Musi descē- derūt duę familie Leuiticę sub Merari, & de alijs qua- tuor nulla familia descendit, iō non nōiant ibi. Quod autē ista fuerit ibi intentio scripturę patet, quia dicit, q̄ Leui habuit tres filios, s. Caath, Gerion, Merari, eo q̄ K de istis descenderunt tres familie principales in tribu Leui, s. Caathitarum, Gerionitarū, & Meraritarum: de Caath dñ, q̄ habuit quatuor filios, s. Amrā, Hebrō, Oziel, & Itaar, & ab his dñ, q̄ descenderunt quatuor familie, cū sequitur cognatio Caath habebit populos Amranitas, & Itaaritas, & Hebronitas, & Ozielitas. Et sequitur ibi: Hę sunt familie Caathitarum: ponunt duo filij Gerion, s. Lobni, & Semei, eo q̄ ibi sequitur. De Gerion fuere familie duę, s. Lobnithica, & Semei- tica: ponuntur etiam duo filii Merari, scilicet Mo- holi, & Musi, & postea dicitur de Merari. Erant popu- li Moholitę, & Musitę, & vocantur duo populi, i. duę familie. Ista autē quatuor nullā familiā constituerunt sub familia Meraritarum, ideo non ponuntur ibi, nec ali-

bi, sed solū hic eo, q̄ fuerunt principes in sortibus Le- uitarum, ut in litera declarabitur.

Quare scriptura non ponit hic totam progeniem Le- uitarum. Quest. XXXIIII.

QUARE I TV R vltius, cū enarrantur hic isti Le- uite, quare ponuntur isti soli: nam si scriptura in- tenderet enarrare progeniem totam Leuitarū, opor- teret, q̄ multos alios poneret. Si autē nihil intēdit, su- perfluum est numerare tot, potissimē, quia nō vñ eā, quare potius numerentur isti, q̄ alij. Rñdendum est, q̄ non intendit scriptura enarrare hic totam progeniē Leui, ita q̄ ponerentur nomina singulorum Leuita- rum, quia istud esset superfluum, sed tñgit hic progeniē Leuitarum propter officia, quę postea distribuuntur per Leuitas, & in distributione ista per singulas par- tes Leuitarum constituti fuerunt principes, q̄ ad vni- tatem alicuius congregationis requiritur vnitatis prin- cipis. Et nominati fuerunt hic principes istarum par- tium, vel sortium, ita q̄ oēs, qui ponuntur hic, fuerunt principes non quidem immediate, sed quia ab eis de- scenderunt cognationes illę, quę postea distributę sunt per sortes, vel principes illarum cognationū, nec ponitur hic aliq̄, nisi qui aliquo mō princeps fuerit.

Sed obiiceretur de illis quatuor filiis Merari, q̄ s. po- nebant, s. Oziau, Soan, Zacchur, & Hebri, nā diximus de illis, q̄ non descenderūt ab eis aliq̄ familie, sed cum Moholi, & Musi, & alijs. Rñdendum est, q̄ isti quatuor fuerunt principes familiarum, sicut Moholi, & Musi, & alij, q̄ descendebant immediate à capiti- bus tribuum. Alij autē non fuerunt principes familia- rum, sed aliquarum domorum nimis particularium, de qbus non fit aliās mentio in scriptura. Nunc autē fit mentio, q̄a ponuntur hic partes Leuitarum per quas diuisi sunt oēs Leuite, tam magni, quam parui, vñ & in hac diuisione oportuit esse aliquas domos nimis particulares tribus Leui, quę aliās non nōiant, eo q̄ non sunt familie. Vel pōt dici, q̄ isti quatuor nō fue- runt principes aliquarū familiarū, nec ēt domorum paruarū fuerunt tñ ab eis descendentes aliq̄ de istis I principibus, qui postea constituti sunt capita sortium, vel partium Leuitarum.

De istis sortibus, quę fuerunt. Quest. XXXV.

QUARE I TV R vltius de istis sortibus, q̄ ponū- tur hic, cum dicat, quod miserunt sortes, quę sortes fuerunt, & inter quos mille sunt, q̄ nō dñ hic de aliquibus, q̄ miserunt sortes. Rñdēdū, q̄ istę sortes sunt illę, quę ponunt sequenti c. & j. 26 nā hic agitur de Leuitis in generali. s. ponendo summa principum suorum, & familiarum, & non ponit par- ticulariter aliquid, iō etiā ponitur in generali, q̄ mi- serint sortes, & non dñ, qui fuerunt, q̄ miserunt, vel qualiter miserunt, aut quibus tales, vel tales sortes ce- ciderunt. Fuerunt autē istę sortes, quę hñtur infra, s. cā- torum, ianitorum, & thesaurariorum, & pp hoc appa- ret, q̄ nō agatur hic de Leuitis alicuius officij in par- ticulari, quia si sic ageretur, ponerentur de sacerdotibus, particulariter, sicut supra ponebatur de sacerdotibus, & sic ponitur sequenti cap. de sortibus cantorum, & quia istę sortes, quę ponuntur hic in generali, non fuerunt eędem, sed quędam fuerunt pro cantoribus, & alię pro ianitoribus, non fuerunt eodem modo posite, sed sortes cantorum fuerunt viginti quatuor, ut illi ministrarent per viginti quatuor tempora: sor- tes autem ianitorum fuerunt quatuor, quia ianitores obseruabant ianuam templi, scilicet attrij exterioris, & illę erant quatuor, nō Leuite custodientes eas fuerunt diuini

diuisi per quatuor sortes, vt patet sequenti capitulo, & infra 26.

De modo ponendi sortes, Quæst. XXXVI.

QUÆRITVR vltius de modo ponendi istas sortes. Respondendum, q̃ sortes Leuitarum factæ sunt, sicut sortes sacerdotũ, vtpote de sortibus cantorum voluit. n. Dauid diuidere cantores per vigintiquatuor partes, & ad hoc mandauit totam multitudinem cantorũ, & diuisit eam per vigintiquatuor partes equales, non cõsiderando dignitatem, vel statum quorundam super alios, sed siue doct̃, siue indoctus, maior, & minor eodem modo computabantur, vt patet sequenti c. Factis istis diuisionibus, positi fuerunt principes in eis, ita q̃ in qualibet esset vnus princeps, à quo nominaretur illa diuisio, & etiam semper, sicut patet sequenti c. de omnibus sortibus nominatis à filiis Asaph, & Heman, & Idithum, & nomina ipsorum filiorũ istorum trium sunt postea nomina sortium, vt patet ibi in litera. Hoc facto, erant partes vigintiquatuor cantorum. Et tamen nondum erat diffinitum, quæ esset prima in ministrando, & quæ secunda, & sic de ceteris, & hoc sorte diffinitum est, scilicet posite fuerunt sortes, & cui illarũ partium prouenit prima sortis, fuit prima in ministrando, & sic de ceteris vsque ad vltimam. Idem modus fuit de ianitoribus: erant enim quatuor millia ianitorum, vt patet præceden. c. & illi diuisi sunt in quatuor partes equales, scilicet in qualibet mille viri, & dati fuerunt principes eis de ipsis partibus, & tunc fuerunt proiectæ sortes, quæ pars illarum custodiret portam orientalem, & quæ occidentalem, & sic de meridiana, & aquilonari.

De principibus Leuitarum, Quæst. XXXVII.

QUÆRITVR vltius, qui fuerunt isti principes Leuitarum, de quibus hic dicitur, q̃ diuisio facta est, & sortes posite coram Dauid, & Achimelech, & Sadoc, & coram principibus sacerdotum, & Leuitarum.

Respondendum, q̃ principes Leuitarum erant duces. Quia erant principes familiarum, alij erant principes sortium, siue partium, quæ nunc constitutæ sunt: De primis patet, quia tribus Levi fuit diuisa per tres familias principales, scilicet Caath, Gerson, & Merari, & quilibet istarũ habebat vnum principem: de familia Caath diuisa est per alias familias: nam bronitas, Isaaritas, vt patet Nu. 3. Familia Merari diuisa est per duas, scilicet per familiam Moholitarum, & Mustitarum. Familia Gerson diuisa est per alias duas, scilicet per Lobniticam, & Semeiticam. Nume. 3. Quilibet autem istarum familiarum, tam magnarũ, quam paruarum habebat vnum principem, & semper manebat isti principes, nam mortuo vno succedebat ei primogenitus suus, & sic per lineam primogenitorum erat semper extensio, & descensus aliorũ principum, & sic quando factæ sunt istæ diuisiones, & posite fuerunt sortes, poterant esse presentes omnes principes istarum familiarum Leuitarum nominatarũ supra. Accipiendo secundo modo, vocantur principes Leuitarum illi, qui nũc fuerunt constituti in principem super omnes diuisiones factas, nam omnes Leuitæ, siue ianitores, siue in quocunque officio, & omnibus partibus dati sunt principes, & sic non erat aliquis Leuita, qui nunc nõ esset sub aliquo de illis principibus, & coram istis potuerunt poni sortes, & sic

diceretur, quod posite fuerunt coram principibus omnium Leuitarum.

Sed obicietur, quod non potuerunt poni coram istis principibus, eo quod non erant factæ adhuc istæ diuisiones, cum nunc sorte posite fuerint pro illis.

Respondendum, quod prius fuerunt factæ istæ partes Leuitarum, & positi principes earum, quam mitterentur sortes, nam prius diuisi sunt Leuitæ per partes suas, & cuilibet parti datus est vnus princeps, & postea fuerunt posite sortes ad sciendum, quæ pars esset prima, & quæ secunda, & ideo, quando sortes posite sunt, iam erant principes istarum diuisionum, videtur tamẽ magis intelligendum esse de principibus familiarum sacerdotium, & Leuitarum, & istud magis potest teneri, sed non differt, quod istud, vel aliud teneatur, quia familia potest accipi large hic pro vna congregatione diuisa ab alia per sortem.

CAP. XXV.



IGITVR Dauid, & magistratus exercitus segregauerunt in ministerium filios Asaph, & Heman, & Idithum, qui prophetarẽ in citharis, & psalterijs, & cymbalis secundum numerum suum dedicato sibi officio seruientes.

IN præcedentibus acto de Leuitis in generali, hic agitur de eis in speciali, determinando officia ipsorum. Et diuiditur in quatuor, quia primo agitur de cantoribus, Secundo de ianitoribus. Tertio de thesaurorum custodibus. Quarto de præpositis, & iudicibus. De primo habetur hic, & de omnibus aliis tribus habetur sequenti capitulo. Prima in duas, quia primo ponuntur cantores in generali, scilicet, qui fuerunt principes ipsorum. Secundo ponuntur in particulari distincte vigintiquatuor sortes ipsorum, ibi.

Miserunt sortes. Prima potest diuidi in tres partes, secundum q̃ fuerunt tres principes, à quibus descendunt omnes cantores, & principes eorum, scilicet Asaph, Idithum, & Heman, & primo agitur de principibus ortis ab Asaph, secundo de principibus Idithum, ibi. Porro Idithum. Tertio de principibus Heman, ibi. Heman quoque filij.

De continuatione, & an ista fuerint immediate post illa.

Quæst. I.

QUÆRITVR circa primum, an hic sit continuus ordo ad ea, quæ habentur præcedenti c. & an fuerint ista immediate post illa.

Respondendum, q̃ continuas, vel discontinuas ordinis potest cõsiderari quantum ad illa, quæ sunt historica, eo q̃ ibi est ordo gestorum secundum tẽpus, & dependet vnum ex alio, ita vt cognoscatur, q̃n continuatur ordo, vel quando non. Hic autem ponuntur diuisiones sacerdotum, & Leuitarũ, & non constat, quæ earum fuerit facta prius. Tenendus tamen est ordo literæ in hoc, quia quandocunque nõ apparet aliquid, propter quod debeamus recedere ab ordine literæ, nunquam recedendum est ab eo, maxime, quia hic est ordo rationis, sacerdotes. n. digniores erant Leuitis, ideoque credẽdũ est, q̃ prius numerarent ipsi, q̃ Leuitæ, & tñ præcedenti c. accipit de sortibus sacerdotum, iõ conuenienter ponit hic de ordine

I. Paralip.

Cap. XXV.

De necessitate cantorum in domo Domini.

Quest. II.

dine Levitarum. Item quia precedenti e. agitur de F
Leuitis in generali, ponendo omnes familias eorū, &
non determinando officia: hic autem ponitur de Le-
uitis in particulari, distinguendo officia eorum, & for-
tes: iste autem conueniens ordo est.

Cum autem queritur, an ista fuerint facta imme-
diatè post illa, vel interciderit aliquantum tempus.
Dicendum, q̄ omnia ista facta fuerunt simul. Anno
quadagesimo regni Dauid, vt patet infra in litera, se-
quenti cap. Et quando Dauid congregauit principes
ad ordinandum cultum diuinum, simul ordinauit de
omnibus, scilicet de sacerdotibus, & Leuitis.

Circa primum dicitur. *Igitur Dauid, & magistratus
exercitus.* Isti fuerunt ad cultum diuinum, & vocant̃
magistratus exercitus, scilicet principes, vel magistri
militū, quia magistratus est nomen generale ad om-
nem dignitatem, & præminentiam: potissimè, vbi cō-
stituto in præminentia committitur aliquid guber-
nandum, quod ad prudentiam pertinet, quia ibi est
propriè magisterium. Congregauit autē Dauid om-
nes principes militum, quia isti erant in regno suo ex-
cellentiores, & cum eis tractauit de ista ordinatione
cultus diuini. Et ex hoc patet, quod illi principes, de
quibus dicitur præcedēti cap. scilicet quod Dauid cō-
gregauit omnes principes Israel, & sacerdotes, & Le-
uitas, fuerunt principes exercitus, quamquam etiā in-
telligendum est, cum illis fuisse principes tribuum, &
familiarū. *Segregauerunt in ministerio.* Id est ad ministrā-
dum. Istud est ministerium cantandi, de quo imme-
diatè dicitur, quia ad alia ministeria, scilicet ad custo-
diam ianuarum, & thesaurorum, & ad iudicandum
Israel, alij Leuitę segregati fuerunt, vt patet sequenti
capitulo. *Filios Asaph, Heman, & Idithum.* Isti tres erant
principes cantorum, & temper fuerunt principes an-
te istam distinctionem, vt patet in portatione arcę: vbi
fuerunt positi isti tres in primo ordine cantorum, vt
patet supra decimoquinto de quibus magis infra di-
cetur in quadam questione. *Fili autē istorum fuerunt
principes nunc in vigintiquatuor sortibus cantorum,*
vt patet infra in litera. Ideo dicitur, quod congregati
fuerunt nunc in ministerio. *Qui prophetarent.* Id est cā-
tarent, quia prophetia non accipitur hic propriè, sed
pro cantu, vt infra dicitur, & patet ex litera sequenti.

Scilicet in citharis, & psalterijs, & cymbalis. Nullum ta-
men officium potest fieri in istis, nisi pulsare, & can-
tare, ideo prophetia istorum nihil erat, nisi pulsare, &
cantare. Quid autem cithara, & psalterium sint, mani-
festum est: potissimè de psalterio. Cithara autem in-
strumentum antiquissimum est, & est simile psalte-
rio, præterquam in hoc, quod vnum resonat a parte
inferiori, & aliud a parte superiori: Cymbala nō sunt
campanæ, sed erāt quadam organa musica, quæ ma-
nibus tenebantur, & pulsabantur ad cōsonantem me-
lodiam. Et vt ait Iosephus septimo Antiquitatū. Cym-
bala sunt instrumenta area lata, & taliter cōcava, quæ
manibus inter se concutuntur, ita quod vnum tene-
tur vna manu, & alterum altera, & sic sonitum red-
dunt, quæ etiam instrumenta vique hodie apud eos
sunt.

Secundum numerum suum dedicato sibi officio seruientes.
Id est isti sū Ataph, Heman, & Ianthum, ministrabāt
in officio sibi dedicato, scilicet in officio cantorum,
quod erat sibi assignatum. Et dicitur secundum nu-
merum suum, id est quilibet de filijs istorum mini-
strabat cum numero Levitarum sibi assignato in cā-
tando, nam cuiuslibet eorum assignabantur duodecim
de filijs, & fratribus suis, qui cum eo cantarent, vt pa-
tet infra in litera.

Q V A E R I T V R circa prædicta de officio can-
torum, ad quid erant necessarij cantores
in domo Domini.

Respondendum, quod Dauid volebat
augumentare cultum diuinum, & ad hoc, quod homo
totaliter colat Deum oportet, quod ex totis viribus
suis colat ipsum, sicut dicitur Deuter. 6. & Matth. 22.
scilicet. Diliges Dominum Deum tuum ex toto cor-
de, & tota anima tua, & tota mente tua, & tota forti-
tudine tua. In qua voluit Deus includere omnes vires
nostras, per quas ipsum colere possumus, ideo quam-
quā fide, & spe, & charitate principaliter colat Deus,
vt ait Augustinus in Encheridion, tamē nulla virtus,
vel potentia debet esset in nobis, quæ ad colendum
Deum non cōuertatur, ita quod actus eius in aliquo
sibi seruiat, & quia virtus vocatiua est in nobis quæ-
dam potentia, conuerti debuit ad cultum Dei. Istud
autem est orando, & laudando, & canendo, ideo de-
buerunt esse aliqui ministri Dei cantores. Item sicut
potentiæ nostrę naturales debēt reduci ad cultū Dei,
ita habitus facientes illas debent redigi in ministeriū
eius, sed habitus musicus perficit potentiam vocati-
uam, formando armoniam in vocibus, & istud per-
tinet ad cantores, ideo debuerunt esse aliqui ministri
Dei, qui per habitum musicum Deum colerent, can-
tando coram eo. Item ad cultum diuinum non solū
seruit desiderium cordis nostri, quo Deus principaliter
colit, sed etiam quædam exteriores ceremoniæ,
per quas designatur affectio nostra in cultum Dei, &
etiam ostenditur magnitudo eius, quem colimus, sic
est de sacrificijs, quæ sunt ceremoniæ Dei exhibitæ,
& circa quas versabatur magna occupatio ministro-
rum veteris testamenti: magis tamen acceptum est
Deo, q̄ laudetur, q̄ q̄ fiant sibi sacrificia, ideo cum fue-
runt constituti in veteri testamento sacerdotes ad sa-
ciendum sacrificia, debuerunt etiam constare Leui-
tæ ad canēdum laudes diuinas. De acceptione Dei
maiori in laude, quam in sacrificio, patet Psalmo 50.
scilicet. Nā accipiam de domo tua vitulos, nec de gre-
gibus tuis hircos, quoniam meę sunt feræ sylvarum,
iumenta in montibus, & boues. Cognoui omnia vo-
luntaria coeli, & pulchritudo agri mecum est. Si esurie-
latilia coeli, & pulchritudo agri mecum est. Si ple-
ro, non dicam tibi, meus est enim orbis terræ, & ple-
nitudo eius. Nunquid manducabo carnes taurorum,
aut sanguinem hircorum potabo? Et sequitur ibi. Im-
mola Deo sacrificium laudis, & redde Altissimo vo-
ta tua. Et inuoca me in die tribulationis, eruiam te, &
honorificabis me. Et iterum ibi. Sacrificium laudis
honorificabit me, & illic iter, quo ostendam illi sa-
lutare Dei. Magis ergo accepta est laus Deo, quā ali-
qua alia exterior ceremonia, ideo tanquam de prin-
cipalibus ministris Dei debuerunt poni cantores.

De utilitate ministerij cantorum. Quest. III.

Q V A E R I T V R vltius, ad quid proficiebat mi-
nisterium cantorum in templo, & quando.
Respondendum, q̄ cantores erant distin-
cti per vices suas, vt omni tempore aliqui eorum mi-
nistrarent in templo, & erant distincti quantum ad mo-
dum canendi, quia quidam canebant in sola voce, ali-
i autem in organis musicis, & illorum quidam canē-
bant in quibusdam organis, & alij in alijs, sicut dici-
tur supra 15. quod Heman, Asaph, & Oziel, & alij
in nablīs arcana cantabant. Zacharias, & alij in ci-
tharis pro octaua canebant. Etiam istis commissa
erat.

erat, quòd facerent Psalmos diuine laudis, & quidam eorum, qui sapientiores erant faciebant ista cantica. Alij vero canebant illa, quæ sibi à sapientibus tradebantur, & isti sapientes præerant alijs, sicut dicitur supra decimo quinto, de Chonenia, quòd erat princeps prophetæ ad præcinendum melodiam, & subditur causa, scilicet: Erat enim valde sapiens. Isti cantabant determinatis temporibus, scilicet dum fiebant sacrificia, quæ erant necessitatis, & ordinaria in templo Domini.

Pro quo sciendum, quòd sacrificia erant non ordinaria, scilicet illa, quæ à populo offerebantur sponte, vel ex necessitate, quia tamen non offerebantur temporibus certis, non erant ordinaria. Sacrificia autem ordinaria erant illa, quæ offerebantur de expensis templi, & erant assignati certi dies ad illa facienda. De his autem erat sacrificium iuge, quod fiebat quotidie bis in aurora, & vespere, ideo vocabatur sacrificium matutinum, & vespertinum. Erant etiam alia, quæ offerebantur in solennitatibus, & in sabbathis: nam præter sacrificia quotidiana erant multa alia, quæ offerebantur in sabbathis, & festiuitatibus. Erant autem festiuitates istæ, scilicet festum azymorum die quartadecima mensis primi, idest Martij, & festum Pentecostes, siue Hebdomadarum, quod fiebat post quinquaginta dies à festo azymorum, & festum Clangoris, die prima mensis septimi, scilicet Septembris, & festum Propitiationis, die decima mēsis eiusdem, & festum Tabernaculorum, die quartadecima mēsis eiusdem, & durabat vsque ad vicesimū secundum diem eiusdem mensis: & festum Kalendarum, quod fiebat primo die cuiuslibet mensis, de his omnibus patet Leuit. 23.

Quæ autem sacrificia offerrentur ordinariè omnibus his diebus, habetur Numeri 28. & 29. In omnibus his sacrificijs cantores assistebant, & dum fierent, cantabant hic Leuitæ, vnde in sacrificio matutino aderant, & cantabant aliquos Psalmos, dum fierent. Deinde assistebant aliqua sacrificia extraordinaria, non tenebantur ne Leuitæ cantare. In sacrificio autem vespertino etiam aderant, & propter hoc necesse erat, quod cantores manerent per noctem intra clausuram templi, eo quod sacrificium vespertinum incipiebat in octaua solis, & durabat per totam noctem, vt patet Leuit. 12. scilicet: Hæc est lex holocausti. Tota nocte in altari cremabitur. Ideo tota nocte Leuitæ assistebant canendo. De hoc patet supra nono, cum dicitur. Principes cantorum per familias Leuitarum in exedris morabantur, ita vt die, & nocte iugiter suo ministerio deservirent. Erat autem differentia in canendo, quia in solennitatibus, & sabbathis Leuitæ dicebant cantica solenniora, & cum maiori apparatu vestium, quam in quotidianis sacrificijs, & sicut differebant solennitates, ita etiam in quibusdam plura cantica, quam in alijs dicebant, & cum maiori solennitate, & etiam, quia illa pertinerent ad intentionem illius festiuitatis, vt patet, quando erat festum Phasæ, & azymorum, cantabant Leuitæ de liberatione Israelitarum de Aegypto, ad cuius memoriam factum est illud festum: Exod. duodecimo, & Deuteronomij decimo sexto. Et cum erat festum Tabernaculorum, cantabant Leuitæ de transitu Israelitarum per desertum quadraginta annis, & quomodo ibi habitauerunt in tabernaculis factis de arboribus, non habendo domos, quia ad memoriam huius facta est illa festiuitas, sicut dicitur Leuit. vigesimo tertio, scilicet: Vt cum patres eorum, cum educerem eos de Aegypto. Et sic de omnibus alijs solennitatibus, quæ factæ fuerant propter aliquas causas speciales, & Leuitæ canebant aliquod, quod pertineret ad causam, &

Alph. Toftin Lib. I. Paralip.

A intentionem illarum solennitatum, declaratum est Leuit. 23. De his omnibus patet supra 23. cum dicitur: Leuitæ stent mane ad confitendum Domino, similiter ad vespere, tam in oblationem holocaustorum Domini, quam in sabbathis, & Kalendis, & solennitatibus reliquis iuxta numerum, & ceremonias vniuscuiusque. Et dicit in mane, & in vespere in oblatione holocaustorum, scilicet in holocausto matutino, & vespertino, quæ fiebant quotidie, & vnum erat in mane, alterum erat in vespere. Dicitur etiam in sabbathis, & Kalendis, quia in istis diebus offerebantur plura sacrificia ordinariè, quam in diebus profectis, vt patet Num. 28. Et in omnibus illis cantabant Leuitæ. Dicitur etiam in festiuitatibus, scilicet azymorum, Pentecostes, Clangoris, Propitiationis, & Tabernaculorum, de quibus supra dictum est: nam in omnibus his fiebant plura sacrificia, quam in precedentibus, vt patet Num. 28. & 29. Et dicitur iuxta numerum, scilicet iuxta numerum canticorum, quia plura cantica in vna festiuitate dicebantur, quam in alia. Dicitur etiam iuxta ceremonias vniuscuiusque rei, idest cantica ista erant conuenientia intentioni cuiuslibet festiuitatis, sicut nunc in ecclesia fit, quia diuinum officium fit concorditer ad intentionem illius festi, quod tunc est. Istud erat officium, in quo omni tempore Leuitæ se exercebant.

C De concordia cantorum, & Leuitarum in suis operibus.
Quæst. 1111.

Q VÆRITVR vterius circa cantores Leuitas, quomodo se poterant habere concorditer in opere suo, & quomodo tanta multitudo poterat canere in templo: nam erant quatuor millia cantorum, vt patet supra 23.

Respondendum est, quòd quatuor millia virorum fuerunt assignati in cantores, & tamen non ministrabant omnes isti simul, sed erant distincti per viginti quatuor partes, quæ vocantur sortes infra in litera. Et quælibet pars ministrabat suo tempore, ideo non erant multi cantores ministrando simul: nam non erant ducenti in qualibet sorte, vt patet diuidendo quatuor millia per viginti quatuor partes, & isti forte non ministrabant simul, sed aliqui in vno sacrificio, & alij in alio, vt labor eorum leuior esset, potissime in sacrificio vespertino, quia durabat tota nocte, vt patet Leuit. sexto, & erant ibi canendo semper Leuitæ. Certum est tamen, quòd non possent iidem Leuitæ manere tota nocte canendo in templo, sed mutarentur per vices, & ad hoc oportebat, quòd multi essent. In solennitatibus autem omnes, qui de vna sorte erant, conuenirent, vt cum maiori celebritate solennitas fieret.

De citharis, psalterijs, & alijs organis.
Quæst. V.

Q VÆRITVR vterius, dato quòd Leuitæ canere deberent coram Domino in solennitatibus, ad quid erant citharæ, & psalteria, & alia organa, quæ ab eis pullabantur.

Respondendum, quòd ista erant propter duo. Primum propter laudem Dei: nam homo debet colere Deum, secundum vires suas, ideo in omnibus illis, in quibus potuerit eum colere, debet colere, & quidquid inter homines bonum, & honorabile reputatur, attribuitur cultui diuino: sic enim dicit Malach. c. 1. g. Israelitæ offerrent Deo id, quod offerret principi suo, & illud qd acceptaret princeps de manu eorum, acceptaret Deus, alia autem non: sed cantus

O o in

in organis musicis inter homines reputatur ad quandam delectationem, sicut dicitur Ecclesiast. quadragessimono, scilicet: Memoria Iosue dulcis sicut mel in ore, & musica in conuiuium vini reputatur etiam ad honorem, & ob hoc coram principibus magnis canitur in varijs organis: deuit ergo applicari organa ad Dei cultum. Secundum fuit ad excitandum deuotionem, quia officium diuinum fit ad laudem Dei, & ad excitandum in amorem eius illos, qui tepidi sunt. Quidam tamen homines mouentur nimis per melodiam in voce, & alij per melodiam in organis musicis, ideo utrumque conueniens fuit esse in Dei ministerio. Pater hoc per Arist. octauo Politicorum, ubi loquens de institutione morum iuueniu, dicit, quod non modicum differt, quod iuuenes assuescant ad tales, vel tales melodias, quia prouocant diuersas passiones, scilicet quaedam amorem, quaedam iram, quaedam dissolutionem, vel lasciuiam. Alij autem suspensionem mentis ad considerandum aliquid. Sic etiam de instrumentis musicis, quod differunt in causandis passionibus, secundum quod quaedam sunt habentia statum longum, & alia breuem, & quaedam habent spiramina minuta, & alia non. Pro hoc ergo conueniens fuit uti in diuino ministerio saltem illis organis musicis, quae mouerent mentem nostram ad quandam considerationem, & sic ab antiquo fuit semper intentio sanctorum, quod Deus laudaretur in organis musicis, quae mouerent mentem nostram ad quandam considerationem, maxime fuit hoc in Dauid, qui in portatione arce fecit congregari organa omnium generum, ut patet supra secundo Regum sexto, & decimoquinto, scilicet Dauid, & omnis Israel ludebant coram Domino in omnibus lignis fabrefactis, & in citharis, & lyris, & tympanis, & sistris, & cymbalis. Item ipse hortatur, Psalm. ultimo, quod laudemus Deum in omni genere organorum, inquit: Laudate Dominum in voce tube, laudate eum in psalterio, & cithara, laudate eum in tympano, & choro, laudate eum in chordis, & organo, laudate eum in cymbalis bene sonantibus. & sic Deus laudandus est in instrumentis musicis, & illa nimis proficiunt ad usum cultus eius.

De principibus cantorum.

Quest. VI.

QVAERITUR ulterius de istis tribus viris, qui ponuntur hic principes cantorum, scilicet Asaph, & Heman, & Iditum, qui erant.

Respondendum est, quod isti erant tres viri Leuitae excellentes in sapientia tempore Dauid, & erant ante hoc semper cantores, licet non ordinatum esset de cultu Dei, sed nunc ordinatum est per Dauid. De sapientia istorum patet tertio Regum quarto. nam isti comparantur Salomoni in sapientia: cum enim ibi dicitur: Quod Salomon excedebat omnes homines in sapientia, & subditur specialiter de istis. Quod etiam erat sapientior Ethan Ezraithe, & Heman, & Galgal, & Dorda filijs Mohol. Ex quo apparent valde sapientes, quia alias nominatis omnibus hominibus, non oporteret nominari illos in speciali. Et tamen ibi ponitur Heman, qui est vnus de istis, & Ethan, qui putatur etiam vnus de istis esse: nam creditur, quod ipse sit Iditum, & etiam putatur a quibusdam, quod Galgal est Asaph, & sic omnes isti tres, qui ponuntur hic, erant sapientissimi tempore suo. Item isti precedebant omnes Leuitas in sapientia, & ob hoc constituti sunt temporibus suis cantores: nam antequam fieret ista ordinatio cantorum, & aliorum ministrorum, erant ipsi cantores, & principes omnium cantorum, ut patet supra sexto,

Fcum dicitur: Quod Heman erat princeps omnium cantorum de familia Caathitarum, Asaph autem erat princeps omnium cantorum de familia Gerson, Ethan erat princeps omnium cantorum de familia Merari. Postea etiam cum portaretur arca de domo Obedom ad domum Dauid, isti tres fuerunt principes omnium cantorum primi ordinis, ubi erant cantores excellentiores, & omnes tres in cymbalis bene crepabant, ut patet supra decimoquinto. Etiam postquam Dauid diuisit sacerdotes, & Leuitas, ut quidam ministrarent coram arca in Ierusalem, & alij ministrarent in Gabaon in Sanctuarium Domini, fecit, quod Asaph esset princeps omnium cantorum, unde dicitur: In illa die constituit Dauid Asaph principem ad constitendum Domino. Etiam Heman factus est princeps laudantium Dominum in Gabaon, ut patet ibidem. Nunc autem ponuntur principes omnium cantorum, eo quod erant sapientiores, & ab eis derivari sunt ceteri cantores. Habentur autem aliqui Psalmi istorum: nam Heman aliquos Psalmos fecit, Asaph etiam multos, & Ethan multos, ut declaratum est supra decimosexto, in quadam quaestione. & propter sapientiam solam habebantur isti in magna reuerentia tempore Dauid, & erant iuxta regem, ut patet infra in litera.

Quare diuisio cantorum non fuit facta per principes ipsorum.
Quest. VII.

QVAERITUR ulterius, cum isti tres viri essent principes cantorum, & essent sapientiores reliquis, cur non fuit diuisio facta cantorum per eos, sed per filios suos, quia dicitur in litera, quod segregati sunt in ministerium filij Heman, & Ethan, & Iditum, & non dicitur, quod Heman, & Ethan, & Iditum segregati sunt.

Aliquis dicet, quod istud fuit, quia isti tres fuerant temporibus suis cantores excellentes, & tamen iam mortui erant, ideo applicabantur filij sui, & non ipsi.

Sed dicendum, quod non stat, quia isti adhuc vivebant, & dicitur de eis, quod erant apud regem, quia de filijs Asaph dicitur, quod erant sub manu patris sui Asaph apud regem. De Heman, & Ethan, quod viuerent patet, quia tertio Regum quarto, comparatur Salomon eis in sapientia: ergo adhuc vivebant, quando Salomon regnabat.

Sed dicendum est, quod diuisio cantorum facta est per filios istorum trium, & non per ipsos tres, quamquam isti tres viuerent, & etiam isti vocarentur principes cantorum. Et hoc, quia diuisi fuerunt nunc cantores per sortes vigintiquatuor, & quilibet illarum nominata est ab vno de filijs istorum trium, ut patet infra in litera, ideo diuisio non potuit fieri per ipsos tres, sed per filios eorum. Si tamen fuissent diuisi Leuitae cantores per tres sortes, fuisset vna sortis illarum Heman, & alia Asaph, & alia Iditum, sed non factum est. Et tamen dato, quod essent vigintiquatuor sortes, isti tres viri fuerunt illis temporibus principes omnium illarum: nam Asaph erat princeps super omnes sortes Leuitarum denominatas a filijs eius, & Heman super omnes sortes denominatas a filijs suis, & Ethan similiter, sicut erat de sortibus sacerdotum, quia Sadoc, qui erat princeps in domo Eleazar, erat princeps super omnes decem, & lex familias de domo Eleazar, & Achimelec, qui erat princeps in domo Ithamar, erat princeps super omnes octo familias domus Ithamar, preced. cap.

Quare Leuitae non fuerunt diuisi per tres sortes, sicut tres erant principes cantorum.

Quaest. VIIII.

De qua familia erant isti cantores.

Quaest. IX.

QVAERITVR vterius, cū Heman, Asaph, & Iditum, essent tres principes maximi inter Leuitas cantores, cur non fuerunt diuisi Leuitae per tres sortes, ad hoc, quòd isti tres essent principes in illis sortibus: nam quilibet habebat filios, qui facerent vnā sortem, & essent illae sortes omnino inter se diuise.

Dicendum, quòd nō fuit hoc factum pp̄ quatuor.

Primò quia Dauid intendebat facere partes cantorum equales, scilicet vt tot ministrarent in vna sicut in alia, sicut dicitur infra in litera, Quòd miserunt sortes ex equo, tam maior, quam minor, doctus pariter, & indoctus, & precedenti capitulo dicitur, quòd tam maiores, quam minoris fors equaliter diuidebat, & erat hoc ne grauarentur ministri, quia ministraciones erant aequales, & si plures ministraret in vna parte, quam in alia, grauarentur illi, qui pauciores erant, si tamen diuiderentur cantores per istas tres partes, essent valde inequales, quia familia Heman erat valde magna, cū haberet quatuordecim filios. Familia Asaph erat valde parua, quia solum habebat quatuor filios. Familia autem Iditum erat etiam parua, quia solum habebat Iditum sex filios, ideo non debuit diuidi tota summa cantorum per istas tres familias.

Secundum fuit, quia si diuideretur per istas familias, essent multi ministri in qualibet earum: nam essent plusquam mille viri, esse tamen tot cantores simul superfluum erat, quia tanta multitudo non poterat conuenienter simul ministrare, cū autem esset minor multitudo conuenientius fieret, & sic fuit facta diuisio per vigintiquatuor sortes: nam in qualibet earum non essent ducenti viri, & isti poterant ministrare conuenienter, & satis solenniter.

Tertium fuit, quia Dauid volebat in quantum poterat releuare Leuitas à laboribus ministrandi, ideo faciebat multas sortes, vt cuilibet earum ratio accideret ministrare, & sic erat, factis vigintiquatuor sortibus: nam cū quilibet ministraret per vnā hebdomadam, illa, quae nunc ministrabat, non ministrabat iterum vsque ad dimidium annum, scilicet vsque ad vigintiquatuor hebdomadas. Si tamen diuiderentur omnes cantores per tres sortes, oporteret, quòd elapsis duabus hebdomadis, fors, quae nunc ministrabat, iterum ministraret, & istud erat difficile, quia cū Leuitae habitarent dispersi per totam terram Israel, non possent venire interdum ad ministrandum ita cito, sed eundo, & redeundo, expenderent tempus in eundo, & sic oportebat eos totum tempus expendere in eundo, & redeundo de loco Sanctuarii, & nunquam quiescerent in terra sua, & istud erat inconueniens, ideo debuit dari maior numerus sortium, scilicet vigintiquatuor, sicut nunc datus est, ad hoc, quòd ministrarent cantores de medio anno in medium annū, & haberent locū quiescendi in terra sua.

Quartum fuit ad concordandum sortes cantorum cum sortibus sacerdotum: erant enim diuisi sacerdotes per vigintiquatuor sortes, vt patet precedenti capitulo. factae sunt ergo vigintiquatuor sortes cantorum, vt prima sortis cantorum esset cum prima sortis sacerdotum, & sic quando vna earum ministraret, alia etiam ministraret cum illa, & esset ministrum conuenientius, quam cū sortis Leuitarum debuit fieri distinctio cantorum per tres familias Heman, & Asaph, & Iditum, sed per vigintiquatuor sortis denominatas à filiis eorum.

Alph. Tostan Lib. I. Paralip.

QVAERITVR vterius, de qua familia erant isti cantores de familijs Leuiticis. Respondendum, quòd familiae Leuiticae principales erant tres, scilicet Caathitarum, Gersonitarum, Meraritarum, & istae subdiuidebantur in alias, quia familia Caath habebat sub se quatuor, scilicet Amranitas, Isaaritas, Ozielitas, Hebronitas. Familia Gerson habebat duas sub se, scilicet Lobniticam, & Semeiticam. Familia Merari habebat alias duas, scilicet Moholiticam, & Musiticam, vt patet Numeri tertio.

Dicendum tamen est, quòd cantores non fuerunt de aliqua familia istarum in generali, vel speciali, sed fuerunt de omnibus familijs, scilicet quidam erant de Gersonitis, alij de Meraritis.

Pro quo sciendum, quòd omnes cantores diuisi fuerunt in vigintiquatuor sortes, & quatuordecim illarum erant de familia Caathitarum, scilicet illae, quae nominabantur à quatuordecim filijs Heman. Et sex familiae, vel sortes cantorum erant de familia Merari, & quae erant descendentes à sex filijs Iditum, & quatuor sortes reliquae cantorum erant de familia Meraritarum, scilicet descendentes à quatuor filijs Asaph. Et patet hoc, quia omnes isti cantores descenderunt de Heman, Asaph, & Iditum, eo quòd filij eius segregati fuerunt ad istud ministerium, vt patet supra in litera. Heman tamen erat de familia Caath, & Asaph de familia Gerson supra sexto, Iditum autem erat de familia Merari.

Et hoc, quia praesupponitur, quod Iditum esset idem, quòd Ethan, vt Nicolaus vult, & multi alij. Et satis verisimile est, quia supra sexto, ponuntur isti tres principes cantorum, scilicet Heman, Asaph, & Ethan, & etiam supra decimoquinto, ponuntur isti tres fuisse principes cantorum, scilicet duo illorum, Heman, & Asaph: ergo videtur, quòd tertius ipsorum, scilicet Iditum sit Ethan, qui alias solet poni tertius inter eos, & tamen Ethan est de stirpe Meraritarum, ideo sex familiae, vel cantores sorte descendentes ab Iditum, erant de familia Merari, & sic non erant omnes cantores de eadem familia.

De quibusdam verbis hic dictis, scilicet quòd prophetabant cantores in cymbalis, & citharis.

Quaest. X.

QVAERITVR vterius, quomodo dicitur hic, quod isti cantores prophetabant in cymbalis, & citharis. Rñdet Rab. Sa. & Hebrei, quod dicebatur prophetare, eo quod quando incipiebant cantare, cadebat super eos spiritus propheticus, & prophetabant. Sed dicendum, quod hoc non stat, non enim possunt isti dici prophetare, quasi cognoscerent aliqua futura, & essent veraciter prophetae, sed accipitur prophetare pro cantare, & illi, qui cantabant specialiter aliquas laudes Dei, prophetabant. Sic autem erat de istis, qui cantabant Psalmos ad laudem Dei, & in hoc prophetabant. Patet hoc primò, quia isti dicebantur prophetare in cymbalis, & citharis, & tamen prophetia proprie dicta non est nisi in quadam immutatione intellectus, sicut quam eleuatur intellectus prophetae supernaturaliter ad intelligendum ea, quae alias non poterat intelligere, isti tamen dicebantur prophetare in citharis, & cymbalis, sed in citharis nihil fit nisi cantare, & pulsare: ergo non prophetabant proprie, sed solum cantabant.

Secundò patet, quia prophetae proprie dicti non sunt intelligentes, vel sapientes, nisi inquan-

tum à Deo immutantur, & quandiu durat illa immu-
ratio, eleuantur ad intelligendum, & alias nihil ma-
gis intelligunt, quàm ceteri homines, sicut patet de
Moyse, qui erat maximus prophetarum, vt patet Deut.
vlt. Et tamen Iethro socer suus ordinauit totum po-
pulum Iudaicum ostendens, qd Moyses labore stulto
consumeretur, & Moyses nesciebat ordinare popu-
lum, vt patet Exod. 18. Etiam sepe Moyses interroga-
batur, & nesciebat rñdere, quousque quæreretur à Deo
super illo dubio, vt patet Num. 27. & 36. Isti tñ canto-
res erant sapientes, quia Heman, & Ethan, qui erant
duo principes cantorum comparantur Salomoni in
sapientia, vt patet 3. Reg. 8. Etiam dicitur inf. qd erant
de istis cantoribus ducenti, & octoginta doctores, vt
patet inf. in litera, ideo non erat prophetæ.

Tertiò patet, quia quantum ad spm propheticu
nemo potest erudiri ab alio, sed solùm à Deo erudi-
tur propheta, qui tangit corda eorum, vt patet secunda
Petr. 1. f. Non enim voluntate humana allata est ali-
quando prophetia, sed spiritu sancto inspirante, locuti
sunt sancti Dei homines. Et tamen inter istos canto-
res aliqui erudiebantur ab alijs in canendo, vt patet in-
fra in litera, cum dicitur, quod erant ducenti, & octo-
ginta & octo doctores, qui erudiebant canticum Do-
mini: ergo isti non erant prophetae.

Quartò patet, quia inter prophetas non potest dici
vnus magis eruditus, quàm alius, eo qd omnes eodem
spiritu prophetant, nec ipsi quicquam sciunt, nisi quod
spiritus eis reuelat, & tñ istos cantores quidam dice-
bantur esse docti, & alij indocti, vt patet infra in litera,
f. Miserunt sortes per vices suas ex equo, tam maior,
quam minor, doctus pariter, & indoctus. Ergo non
erant prophetae.

Quintò patet, quia si isti cantores essent prophetae,
non constituerentur inter eos aliqui tanquam princi-
pes, eo qd erant magis sapientes, & tñ nunc quidam
preponebantur alijs, quia sapientiores erant, ideo nō
erant isti prophetae. Patet hoc, quia supra 15. dicitur:
Quod Chonenias erat princeps prophetie ad præci-
nendam melodiā. Et subditur causa, f. Erat enim val-
de sapiens. Ideo non erant isti prophetae. Sed dicen-
dum est, qd erant sapientes sapientia humana princi-
paliter, & non in sacra scriptura, & in arte oratoria, &
in musicis, vt scirent diuinæ laudis cantica facere, &
in hoc quidam erant sapientiores alijs, sicut contin-
git in omnibus scientijs humanis acquisitis, & ob
hoc inter istos, quidam erant doctores aliorum, vnde
ducentioctoginta, & octo erant doctores, & isti no-
minantur hic præcipui inter cantores, & de alijs mul-
tis vsque ad quatuor millia non fit mentio, sicut in-
fra declarabitur. Dicebantur autem isti prophetare
propter duo.

Primum quia canebant aliqua pertinentia ad lau-
dem Dei. Et quia prophetia à Deo est, aliquo mo-
do ista cantica pertinere videbantur ad prophetiam,
& sic qui canebant circa alia, non dicebantur esse pro-
phetae, licet cantarent aliqua excellentia in laudem
humanam, vel alicuius alterius rei.

Secundum erat, quia isti canebant ea, quæ alijs ho-
minibus communiter non erant nota, eo quod isti
sapientes erant, cum aliqui eorum comparentur Sa-
lomoni, & sapientes possunt dicere aliqua, quæ reli-
quis hominibus communiter non erant nota, & quā-
tum ad hoc conueniebant multum cum conditione
verorum prophetarum: nam viri prophetæ dicebant
illa, quæ futura erant, & omnibus hominibus inco-
gnita erant, iuxta illud: Annunciate nobis, quæ ven-
tura sunt in futurum, & dicemus, quia dii estis vos:
Isa. quadragesimo primo. Isti autem, quia sapientes
erant, dicebant aliqua, quæ quamquam essent nota

Ex principijs nature, vel scientia humana, tamen plu-
ribus hominum incognita erant, & sic si aliqui dicāt
quedam incognita hominibus, dato quod diabolus
eis illa reuelet, immo moueat eos ad dicendum hoc,
sicut est in arreptitijs, dicuntur prophetare, sicut pa-
tet primo Reg. 18. de Saule, cum dicitur: Quod spiri-
tus Dei malus inuasit Saul, & prophetabat in medio
domus sue. Et tamen Saul à spiritu malo tenebatur,
& prophetare dicebatur. A fortiori ergo isti dicerē-
tur prophetare, qui aliqua occulta dicebāt spiritu sciē-
tifico, multi tamen decipiuntur in hoc per similitu-
dinem nominis, putantes istos esse prophetas.

De filijs Asaph, Zacchur, & Ioseph, &
Nathania, & Asarela, filij Asaph, sub manu
Asaph prophetantes iuxta regem. Porro Idi-
thum, filij Idithum, Godolias, Sori, Ieseias, &
Hazabias, & Mathathias, sex sub manu pa-
tris sui Idithum, qui in cithara prophetabāt
super confitentes, & laudantes Dominum.
Heman quoque filij Heman, Bocciau, Ma-
thaniau, Oziel, Subuel, & Ierimoth, Hana-
nias, Aanani, Eliatha, Geldelchi, & Re-
memthiezer, & Iesbacassa, Mellothi, Othni,
Mahazioth. Omnes isti filij Heman, Vi-
dentes regis in sermonibus Dei, vt exaltaret
cornu, deditque Deus Hemā filios quatuor-
decim, & filias tres. Vniuersi sub manu pa-
tris sui ad cātandum in templo Domini di-
stributi erant in cymbalis, & psalterijs, &
citharis in ministeria domus Domini iuxta
regem, Asaph videlicet, & Idithum, & He-
man. Fuit autem numerus eorum cum fra-
tribus suis, qui erudiebant canticum Domi-
ni, cuncti doctores, ducentioctoginta octo.

De filijs Asaph. Positi fuerunt tres principes maxi-
mi Leuitarum cantorum, scilicet Asaph, Heman, &
Idithum. Hic autem ponuntur principes particula-
res, scilicet filij ipsorum, à quibus denominate sunt
vigintiquatuor sortes cantorum, & ponuntur primo
filij Asaph, qui fuerunt quatuor.

Et sciendum, quod omnes isti, qui nominantur
hic, iterum nominantur infra, quando ponitur nu-
merus sortium, eo quod quilibet eorum fuit prin-
ceps vnus sortis. Zacchur. Iste est primus filius Asaph,
& ab isto nominata est tertia fors cantorum inf. in lite-
ra. Et Ioseph. Ab isto nominata est prima fors, vt patet
in litera. Et Nathania. Ab isto nominata est iors nona,
vel secundum alios fors quinta, & istud verius. Et Asa-
rela. Ab isto nominata est fors septima. Istas quatuor
sortes nominauerunt filij Asaph, qui est primus prin-
ceps cantorum. Filij Asaph sub manu Asaph prophetan-
tes. Postquam positi sunt quatuor filij Asaph, qui iue-
runt quatuor sortium, quia aliquis dubitaret, quomo-
do se haberent iste sortes, vel an alicui subordina-
tur, dicitur, qd filij Asaph, idest isti quatuor, & sortes
eius subiectæ erāt sub manu Asaph, qui erat vnus de
tribus maximis principibus cantorum. Prophetantes
iuxta regem. Idest isti canebant circa regem David, &
prophetare idem est, quod canere: De filiis Idithum
erant alij, qui sequuntur.

Porro Iditum filij. Hic ponuntur sex filij Iditum, qui fuerunt principes sex sortium Leuitarum.

Iditum. Iste Iditum est filius Iditum, quia eodē nomine vocati sunt pater & filius, sicut cōtingit in multis alijs, & ab isto nominata est vna de sortibus cantorum, vt patet inf.

Godolias. Ab isto nominata est alia fors, scilicet secunda.

Sori. Ab isto nominata est alia fors, quę dicitur Isari, scilicet quarta.

Iesias. Ab isto nominata est alia fors, quam aliqui putant esse octauam, quę dicitur esse Iesaię.

Et Hazabias. Ab isto nominata est alia fors, scilicet duodecima, & vocatur Haasabię, quia aliquando additur litera, vel subtrahitur.

Et Mathathias. Ab isto nominatur fors quartadecima.

Sub manu patris sui Iditum. Scilicet isti tres filij Iditum, & omnes de sortibus sibi subiectis, erant sub manu Iditum, qui erat vnus de tribus primis principibus cantorum.

Qui in cithara prophetabant super confitentes, & laudantes Dominum. Scilicet Iditum cantabat in cithara super confitentes, & laudantes Dominum, quia multi erant laudantes Dominum in voce, & super omnes istos erat Iditum, qui in cithara canebat laudes Domini. In Hebręo habetur: Super confessiones Domini. Et idem est, sed melius dictum est super confitētes, quia Iditum non pręerat confessionibus, idest laudibus, sed confitentibus Dominum.

Heman quoque filij. Hic ponuntur filij Heman, qui erat tertius princeps cantorum, & habuit quatuordecim filios principes sortium cantorum.

Heman. Idem est in nomine cum patre, sicut in multis alijs fit, & tñ habendus est pro vno de filijs Heman, alioquin non essent quatuordecim filij Heman, & tñ non ponitur, vt patet in litera, & ab isto nominata est vna fors cantorum inf. in litera.

Baccian. Ab isto nominatur sexta fors cantorum.

Mathaniau. Ab isto nominatur fors nona.

Oziel. Iste non est vnus de filijs Caath de qbus Num. 3. & supra 27. Sed est de Leuitis filijs Heman, & a quibundam creditur, qd iste est, qui vocatur Ezrael, a quo nominatur fors vndecima. *Subuel.* Ab isto nominatur fors decima octaua. *Eliatha.* Ab isto nominatur fors vice-

simasecunda, & vocatur ibi Goddolathi. *Et Romemthiezer.* Ab isto vocatur fors vicequarta. Aliqui erant in isto nomine diuidētes illud, vt Romemthiezer, & tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

Et tñ habendus est pro vno de filijs Heman, & tñ non ponitur, vt patet in litera, & ab isto nominata est vna fors cantorum inf. in litera.

cimanona. Othir. Ab isto nominatur fors vicequarta.

Mahazioth. Ab isto nominatur fors vicequarta, quę in litera nostra vocatur Oziuth, & tamen debet nominari: Mahazioth. Sicut patet hic, & habetur in Hebręo. *Omnes isti filij Heman.* Scilicet omnes isti quatuordecim. *Videntes regis in sermonibus Dei.* Idest iste Heman erat Propheta regis David. Et vt non intelligatur, quod erat Propheta proprię loquendo, scilicet cui Deus reuelaret aliqua secreta, subditur in sermonibus Dei, idest, quod non erat propheta, nisi ad cantandum sermones Dei, scilicet laudes eius. Et si aliquis vellet intelligere, quod erat proprię propheta, cui reuelabantur futura, exponet in sermonibus Dei, idest quod erat propheta, cui reuelabantur sermones Dei, sed non potest stare, quia litera sequens declarat illud, scilicet. *Vt exaltaret cornu.* Idest Heman erat propheta, idest ad exaltandum magnitudinem Dei, laudando ipsum, prophete tamen proprię dicti nō sunt ad laudandum Deum, sed ad reuelandum secreta, & accipitur cornu pro peccato, vel honore iuxta illud Psal. 75. Et omnia cornua peccatorum confringam, & exaltabuntur cornua iusti. Idest destruetur potestas peccatorum, & exaltabitur potestas bonorum. Et Psal. 131. scilicet: Illuc producam cornu David. Idest extendam potestatem eius. Et est sensus, quod officiū Heman erat specialiter componere aliqua cantica continentia laudem diuinam, & in his exaltabat cornu, idest potestatem Dei, non quidem exaltando illam, quia non potest magis exaltari, cū sit in infinitum exaltata, sed ad ostendendum illam esse exaltatam, quod fit per cantica laudis, cū laudando Deū, quasdam perfectiones eius ostendimus, quę multis ignote erant. Quidam intelligunt, vt exaltaret cornu, idest cornu regni David, scilicet quod ideo cantabat, vt Deus propter merita laudis eius exaltaret regnum David. Alij intelligunt, quod erat ad exaltandum laudes regni Messie, & sic erat prophetia regis, scilicet regis Messie, loquendo de regno suo futuro, & de laudibus eius. Sed ista sunt nimis extra propositum, & sic tenendus est primus sensus, scilicet, quod erat cantus istius ad exaltandum cornu, idest potestatem Dei.

Deditque Deus Heman filios quatuordecim, & filias tres. Dicitur hoc, quia Heman habuit plures filios, quam alij principes cantorum, & sic videtur, quod Deus specialiter sibi dederat illos, & non dicitur hoc de alijs. In Hebręo dicitur: Et tres filios. Vbi nos dicimus, & tres filias. Sed dicendum, quod illud prouenit ex barbarie idiomatis Hebręi, in quo interdum uariantur numeri, & persone, & genera, contra omnem proprietatem loquendi. Sed debet poni, & tres filias, sicut dicit litera nostra, quia aliās stultum erat dici, dedit ei Deus quatuordecim filios, & tres filios, sed diceretur, dedit ei decem, & septem filios.

Itē si isti tres essent masculi, ab istis nominatę fuissent tres sortes, sicut a quolibet alio de fratribus eorum, & etiam de filijs Alaph, & Iditum nominatur vna fors, & sic essent vigintiseptem sortes. Sunt tamen vigintiquatuor solum, vt patet in litera. In multis autem alijs ponuntur in Hebręo femina pro masculis, & conuerso.

In multis sub manu patris sui. Scilicet tam filij, quam filię, & sortes ab eis nominatę erant sub manu patris sui Heman, quia ille erat vnus de principalibus cantoribus, vt patet supra in litera, quia ponitur vnus de tribus.

Ad cantandum in templo Domini distributi erant. Intelligitur tam de masculis, quā de feminis: omnes. n. cantabant in templo, de quo magis declarabitur infra in quadam quęst. Et dī, distributi erant, i. diuisi, quia oēs

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

Alph. Sortium Lib. I. Paralip.

isti filij Heman erant diuisi per sortes, & nominatae fuerant ab eis quatuordecim sortes, & ministrabant per diuersa tempora, sicut statutum erat, quod vna fors post aliam ministraret. Et dicitur, in templo Domini, idest in atrio: nam Leuitę non introibant in templum Salomonis, nec quisquā hominum nisi sacerdotes, quorum vnus quotidie introibat ad ponendum incensum in altari thymiamatum, & ad disponendum lucernas in candelabro, de quo magis declaratum est supra vigesimotertio. Consuevit tamen atrium vocari templum, quia totum inclusum sub muro atrij vocatur generaliter templum.

In cymbalis, & psalterijs, & citharis. Ista tria instrumenta musica habebant filij Heman ad canendum, & quidam canebant voce, alij verò in musicis instrumentis. Quę autem sint, & qualia ista instrumenta supra dictum est.

In ministeria domus Domini. Idest isti filij Heman seruebant ad diuersa ministeria domus Domini, scilicet in cantando: nam nullum aliud ministerium habebant isti cantores, quia tamen canebant diuersimode in diuersis temporibus, sicut dicitur supra vigesimotertio, scilicet secundum numerum, & ceremonias vniuscuiusque rei, dicebantur habere diuersa ministeria.

Iuxta regem. Idest erant iuxta regem David canendo. In Hebręo dicitur: Super manus regis. Et idem est, quod apud regem, quia non poterat intelligi, quod super manus regis cantarent, sed per hoc significatur, secundum modum loquendi hebraicum, quędam propinquitas loci.

Asaph videlicet, & Iditum, & Heman. Est sententia incompleta, quia deficit verbum. Et est sensus, quod isti tres fuerunt principes omnium cantorum, licet sub istis essent alij vigintiquatuor principes de filiis suis, à quibus nominantur vigintiquatuor sortes.

Fuit autem numerus eorum cum fratribus suis. Istud non refertur ad tres immediate positos, scilicet Heman, Iditum, & Asaph, sed ad filios eorum. Quod patet quia dicitur, quod isti cum fratribus suis fuerunt ducentioctoginta octo doctores, & tamen hoc non conuenit nisi filiis istorum, quia isti erant vigintiquatuor, & cum quolibet erant vndecim, & ipse principalis erat duodecimus, & duodecies vigintiquatuor complent ducentos octoginta octo, & non conuenit hoc Asaph Heman, & Iditum cum fratribus eorum.

Qui erudiebant canticum Domini. Scilicet isti filij Asaph Heman, & Iditum, erudiebant canticum Domini, scilicet quia ipsi, & fratres eorum erant viri periti circa sacram scripturam, & circa naturam rerum, vt scirent inde materias accipere, in quibus laudarent Deum, & etiam in arte Oratoria erant periti ad ornate dicendum ea, quę vellent de Deo dicere, erant etiā periti in musicis, vt scirent cantica in pulchra harmonia resonare, & isti Leuitę erudiebant alios minus peritos circa canticum diuine laudis.

Cuncti doctores, ducentioctoginta octo. Scilicet omnes filij Asaph, & fratres eorum, qui erant ducentioctoginta octo, erant cantores circa diuina in laudem, & erant doctores, quia erudiebant minus peritos circa hoc. In Hebręo habetur: Quilibet intelligens, vbi nos dicimus cuncti doctores, sed idem est.

Quare hic fit mentio de filiis Asaph Heman, & Iditum.
Quaest. XI.

QVAERITVR circa ea, quę dicta sunt supra de istis filiis Asaph Heman, & Iditum, quare nominantur hic, exprimendo tam particulariter nomina singulorum,

F Respondendum, quod David voluit ordinare Leuitas cantores per vices suas, vt ministrarent in diuersis temporibus, secundum successionem, & sine labore.

Ad hoc autem posuit primò tres principes, qui erant cantores peritissimi, scilicet Heman, Asaph, & Iditum. Et quantum ad hoc diuisit omnes cantores in tres partes, & quia non erat opportunum facere solum tres partes propter causas assignatas in quadā quaestione, subdiuisit quamlibet partem istarum, scilicet faciendo tot sortes, quot erant filij istorum trium principum: & quia Asaph habuit quatuor filios, habuit quatuor sortes, Iditum habuit sex filios, & totidem sortes, Heman habuit quatuordecim filios, & totidem sortes, & quia à quolibet filiorum istorum trium principum, scilicet Asaph, Heman, & Iditum nominata fuit vna fors Leuitarum, vt patet infra in litera, rationabile fuit eos hic exprimere, quia sicut pre-suppositum fuit precedenti capitulo, & supra vigesimotertio, nominantur hic soli principes, tam in sacerdotibus, quam in Leuitis. Talis autem diuisio facta est inter sacerdotes: nam primo diuisi sunt per duas domos, scilicet Eleazar, & Ithamar, & dati fuerunt duo principes istarum, scilicet Sadoc, & Achimelech, deinde quęlibet istarum domorum subdiuisa est, scilicet domus Eleazar per decem, & sex sortēs, & domus Ithamar per octo, & sic fuerunt vigintiquatuor sortes sacerdotum, & in qualibet earum fuit vnus princeps, à quo denominaretur illa fors, vt patet precedenti cap.

De rege circa quem filij Asaph erant prophetantes, & quando.
Quaest. XII.

QVAERITVR vltius, cum dicitur hic, quod filij Asaph erant prophetantes iuxta regem, de quo rege intelligitur, & quando fuit hoc completum.

I Aliquis dicit, quod hoc fuit in templo Salomonis. Sed hoc non stat, quia David nunquam vidit templum illud, cum factum fuerit post tempus suū, ideo non poterant ibi canere isti Leuitę iuxta regem, nisi forte aliquis dicat, quod intelligitur hoc de Salomone.

Sed istud non videtur, quia Salomon non fuit vir deicola, qui humiliaret cor suum ad seruendum Domino, ita vt caneret cum Leuitis, vel saltem esset cum eis quando canerent, sed intelligendum est de David, qui fuit deicola, & humiliabat se ad omnia ista. Quod patet in portatione arce: nam ipse deposuit vestes regales, & indutus erat solum tunica byssina, & saltabat coram arca totis viribus, atque canebat in organis, ita vt despiceret eum Michol filia Saulis vxor tua, vt patet supra decimoquinto, & secundo Reg. sexto.

K Et tunc dicendum est, quod Asaph, & filij sui cantabant iuxta regem David, scilicet antequam esset edificatum templum Salomonis, & hoc dum erat arca in Ierusalem in domo David, quia tunc cantabant Leuitę coram illa quotidie, & David fecerat Asaph principem, ad confitendum Domino coram arca, mansitque ipse, & filij sui coram illa in Ierusalem, ceteris Leuitis missis in Gabaon ad templum Domini, vt patet supra decimosexto.

Et tunc verisimile est, quod tēpe David ex deuotione adiungeret se Asaph, & filiis eius canentibus.

De quibusdam verbis hic dictis, scilicet, quod Deus dedit Heman A
quatuordecim filios. Quæst. XIII.

QUÆRITUR vterius, quare dicitur hic. De-
dit Deus Heman quatuordecim filios. Ali-
quis dicet, quod hoc dicitur quodam modo ge-
nerali, scilicet, quod omnia bona à Deo sunt, habe-
re autem filios est vnum de bonis, ideo filij à Deo
sunt, & sic dicit hic scriptura de Heman, quia Deus
dedit ei istos filios. Sed dicendum, quod hoc non stat,
quia hoc modo diceretur de Iditum, & de Asaph,
qui etiam habuerunt filios, & tamen non dicitur de
eis, quod Deus dedit eis filios, ideo alia causa specialis
fuit. Et dicendum est, quod istud dicitur specialiter
de Heman, eo quod ipse habuit plures filios, quam alij: B
nam Asaph habuit quatuor filios, & Heman habuit
quatuordecim filios, & tres filias, & licet filij, siue
multi, siue pauci sint, à Deo dantur, quia tamen hic
fuit magna multitudo filiorum, specialius videtur,
quod fuerit aliquod beneficium Dei circa Heman,
dando ei filios, quam circa alios, & ob hoc exprimi-
tur de eo, quod Deus dedit filios, & dare filios perti-
net ad Deum aliquammodo, plusquam dare alia bona
temporalia, eo quod licet naturaliter filij gigni pos-
sint, tamen interdum nisi Deus direxerit hominem
ad tempus in quo gignere potest, ut conveniat cum
uxore, non gignet. De hoc autem satis declara-
tum est in distincta. decimatercia, in quadam quæstio-
ne. Et sic arbitratus est Iacob, ad quem dixerat Ra-
chel vxor sua, Da mihi liberos, alioquin moriar. Ip-
se respondit. Nunquid pro Deo ego sum, qui pri-
uavi te fructu ventris tui? quasi dicat, ad solum Deum
pertinet dare filios, & priuare hominem illis: Gene-
sis trigesimo. Quod tamen diceretur hoc speciali-
ter in Heman, quia multos filios habuit. Patet hoc,
quia sic etiam dicitur de Obededom, qui habuit plu-
res filios, quam alij ianitores, & numerantur octo fi-
lij eius principes ianitorum, & subditur. Quia bene-
dixit illi Dominus, idest, ideo habuit tot filios, quia
Deus benedixit ei specialiter dando tot, ut patet se-
quenti capitulo.

An etiam femine cantabant in templo.
Quæst. XIII.

QUÆRITUR vterius, quomodo dicitur
de filiis Heman, quod habuit quatuor-
decim filios, & tres filias, & omnes isti erant
distributi per ministeria Domini, cantan-
tabant, vel soli viri.

Respondendum est, quod tam filij, quam filie He-
man canebant coram Domino, eo quod erant filie
eius eruditæ circa canticum Domini, sicut filij, & hoc
licet significat, nam postquam dicit, quod Deus de-
dit Heman filios quatuordecim, & filias tres, sequi-
tur. Vanaerunt sub manu patris sui, ad cantandum in
templo Domini distributi erant: ergo tam filij, quam
filie cantabant.

Sed obijciatur, quomodo femine canere poterat,
ministrando in officio Leuitico, quia videtur, quod
non pertinebat ad eas exercere tale officium, nec præ-
sentes esse cum viris in templo.

Dicendum est, secundum quosdam, quod hoc licet
tam erat: nam sicut apud Gentiles fiebat, scilicet, quod
femine essent sacerdotes: nam in templo Apollinis,
quod erat in magnæ venerationis in toto orbe in insula
Delphos, erat femina virgo sacerdos, & per illam da-
bantur responsa diuina, ut ait Lucanus lib. 3.

Sed dicendum, quod hoc non stat, quia non erat
Alph. Toftin Lib. I. Paralip.

talis ritus ceremoniarum apud Iudeos qualis apud Gen-
tiles, sed potius Deus volebat, quod ritus suos omni-
no differrent à ritu Gentilico, ne haberent occasio-
nem incidendi in idolatriam: sic enim patet Deuter.
12. cum dicitur: Caue quando disperdiderit Domi-
nus Deus tuus gentes à facie tua, ad quas ingredieris
possidendas, & possederis eas, atque habitaueris in ter-
ra earum: caue ne imiteris eas, postquam te fuerint
introeunte subuersæ, & requiras ceremonias earum,
dicens. Sicut coluerunt gentes istæ Deos suos, ita &
ego colam. Non facies similiter Domino Deo tuo.
Ideo non bene arguitur ex similitudine ritus Gen-
tilium.

Sed dicendum est, quod licebat feminis filiis can-
torum coram Domino cantare, quia non erat prohi-
bitum eis intrare templum, cum omnes viri, & femi-
næ de Israel intrarent in illud. Sed etiam specialiter
apparet de feminis, quia quædam femina nocte, &
die manebat in templo, sicut patet de Anna filia Pha-
nuel de tribu Aser, quæ die, & nocte manebat in tem-
plo ieiunij, & orationibus vacans, ut patet Luc. secun-
do. Ministerium etiam cantandi, & laudandi Domi-
num, cum non esset aliquod de ministerijs sacris, si-
cut erant officia sacerdotalia, non legitur prohibitum
feminis, potissimè quia alia maiora concedebat Deus
feminis in veteri testamento, scilicet esse prophetis-
sas: nam per hoc reuelabat secreta per illas, sic patet
de Anna matre Samuelis primo Regum secundo. Sic
etiam de Olda prophetissa, quæ erat in secunda clau-
sura Ierusalem diebus regis Ozie, & ad eam misit rex,
ut consuleret Dominum super libro, qui in templo
inuentus fuerat, & ipsa respondit ea, quæ postea eue-
nerunt, ut patet quarto Reg. vigesimo secundo. Et non
solum mulieres erant prophetisse, ita quod Deus per
eas reuelaret secreta futurorum, sed etiam erant pro-
phetisse, faciendo cantica diuinæ laudis: sic enim fuit
de Anna matre Samuelis, quæ fuit prophetissa, & fe-
cit illud canticum, quod incipit: Exultauit cor meum
primo Regum secundo. Sic etiam Anna prophetis-
sa filia Phanuel, quæ manebat in templo die ac nocte
faciebat cantica diuinæ laudis: nam ipsa incepit con-
fiteri Domino tempore, quo vidit Christum duci in
templum, & poni in manibus Simeon, ut patet Lucæ
secundo. Sic etiam Maria soror Moyfi prophetissa
cantauit diuinæ laudis canticum, cum omnibus femi-
nis Israelitarum, postquam liberati sunt de mari Ru-
bro Israelitæ, & extincti sunt Aegyptij in aquis, ut pa-
tet Exod. 15. Ita nunc filie Heman essent prophetisse,
& facerent cantica diuinæ laudis, quæ canerent coram
Domino sicut fratres sui filij Heman.

Quare non fuit denominata vna familia, à qualibet filiarum
Heman. Quæst. XV.

QUÆRITUR vterius, cum filie Heman can-
tarent in templo Domini, sicut filij, & à sin-
gulo filiorum nominata est vna familia can-
torum, quare etiam non nominata fuit
vna sors, vel familia à qualibet filiarum eius; nam
etiam ipse cantabant.

Dicendum, quod hoc factum est propter duo.
Primo propter dignitatem: nam quilibet istorum
principum sortium præerat multis cantoribus, qui
sub eo erant, scilicet quasi ducentis, feminae ta-
men non competit dominari viro, nec docere ipsum
propter indignitatem suam, sed dominari pertinet
ad virum: sic enim dicit Apostolus prima ad Timotheum 2. f.
Mulier in silentio discat cum omni subiectione. Do-
cere autem mulierem non permitto, nec dominari in virum,
sed esse in silentio. Et dat ibi duas causas, quare vir
debeat

debeat præesse naturaliter, & nō femina. Prima est pprioritatem originis, cum dicit: Adam enim primū formatus est, deinde Eva. Secunda est propter perfectionem iudicij, quia vir naturaliter est iudicij perfectioris, & sanioris: nam in prima tentatione, s. diaboli in Paradiso, mulier decepta est, & vir non, cum dicit: Et Adam non est seductus, mulier autem seducta in pręuicatione fuit. Non ergo erat dignum, quod mulier esset princeps vnius sortis, & subicerentur sibi viri illius sortis. Secundum est, quia non poterat vllō modo femina esse princeps, quia postquam constituebatur aliquis princeps super aliquam sortem, descendentes in illa sorte dicebantur de progenie illius, femina tñ nō potest habere progeniem, quia cum femina accipitur a viro, transit in cognationē eius, & filij illius feminae non dicuntur de cognatione eius, sed de cognatione patris, & sic fors, quæ nominaretur ab aliqua de filiabus Heman, postea transiret in alteram progeniem, & nominaretur ab illo principe, qui accepisset illam feminam in uxorem, quia iā cognatio pertineret ad illam, & non ad feminam: debuit tamen semper manere idem principatus, & cognatio in eodem, ideo non debuit ab aliqua istarum feminarum nominari aliqua cognatio.

Iuxta quem regem filij Heman canebant. Quæst. XVI.

QUÆRITUR vterius, quō dicitur hic de filiis Heman, q̄ canebant iuxta regem, & de quo rege intelligatur. Aliquis dicit, q̄ intelligetur de rege Dauid, sicut dicebatur supra in quæstione de filiis Alaph, quomodo canerent iuxta regē Dauid, quando erat arca in Ierusalem, q̄ ipse aderat eis cantantibus.

Sed dicendum, q̄ hoc non stat, quia istud pertinet ad filios Alaph, sed non ad filios Heman, quia in illa computatione Leuitarum, & sacerdotum, & distributione, quam fecit Dauid, quando portata est arca, fecit q̄ Alaph, & filij sui ministrarent coram arca in Ierusalem, & q̄ Heman, & filij sui irent ad ministrandum in Gabao in tabernaculo Dñi, vt patet sup. 16. & sic non poterant ministrare coram rege filij Heman sicut filij Alaph. Aliquis dicit aliter, s. quod istud intelligitur de tempore Salomonis, s. q̄ isti cantarent iuxta regem Salomonem in templo. Sed dicendum, q̄ hoc non stat, sicut probatum est in quæstione de filiis Alaph, eo quod Salomon non fuit ita vir deicola, qui se humiliaret ad standum cum Leuitis, quando canerent, sicut Dauid. Dicendum ergo, q̄ istud intelligitur de rege Dauid, scilicet, quod aliquando filij Heman cecinerunt cantica diuinæ laudis: nam licet missi fuerint in Gabao, tamen ante hoc manserunt aliquo tempore coram arca Dñi in Ierusalem, & tunc canebant apud Dauid. Etiam potest intelligi de tempore portationis arcę, s. q̄ filij Heman cantabant tunc, & forte erant apud regem Dauid.

Miseruntq; sortes per vices suas ex æquorā maior, quam minor, doctus pariter, & indoctus. Egressaq; est fors prima Ioseph, qui erat de Alaph. Secunda Godolia, ipsi & filijs eius, & fratribus eius duodecim. Tertia Zachur, filijs & fratribus eius duodecim. Quarta Isari, filijs & fratribus ei⁹ duodecim. Quinta Nathanix, filijs & fratrib⁹ eius duodecim. Sexta Bocciau, filijs & fratribus eius duodecim. Septima Isreela, filijs & fratribus

eius duodecim. Octaua Iesaiæ, filijs & fratribus eius duodecim. Nona Mathanix, filijs & fratribus eius duodecim. Decima Semeie, filijs & fratribus eius duodecim. Vndecima Azareel, filijs & fratribus eius duodecim. Duodecima Hasabix, filijs & fratribus eius duodecim. Tertiadecima Subael, filijs & fratribus eius duodecim. Quartadecima Mathathix, filijs & fratribus ei⁹ duodecim. Quintadecima Ierimoth, filijs & fratrib⁹ eius duodecim. Sextadecima Hananix, filijs et fratribus eius duodecim. Septimadecima Iesbacassæ, filijs et fratribus eius duodecim. Octauadecima Hanani, filijs et fratribus ei⁹ duodecim. Nonadecima Mellothi, filijs et fratribus eius duodecim. Vicesima Eliatha, filijs et fratribus eius duodecim. Vicesima prima Othir, filijs et fratribus eius duodecim. Vicesima secunda Goddolathi, filijs et fratribus eius duodecim. Vicesima tertia Mahazioth, filijs et fratribus eius duodecim. Vicesima quarta Romemthiezer, filijs et fratribus eius duodecim.

Miseruntque sortes. Hic ponitur secundum huius partis, scilicet vigintiquatuor sortes cantorum, quæ posite fuerunt ad ordinandum ipsos cantores per tempora debita in officiis suis, & dicitur.

Miseruntque sortes per vices suas. Id est per partes iam factas: nam constitutæ erant vigintiquatuor partes Leuitarum ad canendum, & nunc posite fuerunt sortes super omnes illas partes, scilicet quæ prius ministraret, & quæ posterius. Et vocantur istę partes vices, eo quod per vices, id est per successiones ministrabant.

Ex æquo tam maior, quam minor, doctus pariter, & indoctus. Id est istę diuisiones, super quas posite fuerunt sortes, factæ sunt per equalitatem, scilicet, quod tot viri erant in vna sorte, sicut in alia, & non attendebatur dignitas aliquorum, ita quod dignitas quorundam præponderaretur numero alterius, sed omnes tam maiores, quam minores erant equales in diuisione ista, quia tot ponebantur de istis, sicut de illis. Et a non aspicietur, quod illi, qui sapientiores essent ceteris, prævalerent numero aliorum, sed docti, & indocti equales erant in ista diuisione: erant enim quidam docti, scilicet nimis sapientes circa artem faciendi cantica diuinæ laudis, & proferendi illa, eo quod sapientia ista erat humana, & poterat abundanti⁹ esse in quibusdam, quam in alijs, & ideo illi, qui sapientes erant erudiebant alios, vnde supra dicitur, quod erant ducentioctoginta octo doctores, qui erudiebant canticum Domini. In Hebręo dicitur. Tam magister, quam discipulus, & idem est, tam doctus pariter, & indoctus, & idem est, quia magister doctus est, discipulus autem indoctus. Potest intelligi alio modo ista litera, quod sortes misse fuerunt equaliter, id est, quod in hoc omnes cantores fuerunt equales, quia miserunt sortes: nam fors facit equalitatem in eo, quod ita potest euenire paruo, sicut magno, indocto, sicut docto. Et videbatur.

batur, quod non deberet sic fieri, quia illa pars, in qua erant viri digniores, & sapientiores, debebat esse prius, & sic secundum ordinem dignitatis nunc non inamissae fuerunt sortes, & in hoc fuerunt aequales magni, & parui, docti, & indocti: nam fors prima poterat accidere illis, qui essent minoris dignitatis, & iste est sensus literae verus.

Egressa est fors prima Ioseph. Idest fors prima cecidit super illam partem cantorum, in qua erat princeps Ioseph: nam omnes istae sortes nominantur a principibus suis. *Qui erat de Asaph.* Scilicet Ioseph erat filius Asaph, & erat secundus de filiis, ut patet supra in litera. E. ponitur istud ad indicandum quod omnes isti principes sortiti fuerunt filii Asaph, Heman, & Idithum, & princeps primae partis fuit de filiis Asaph. *Secunda Godolia.* Iste Godolias fuit secundus filius Idithum, ut patet supra in litera.

Ipsi, & filii eius, & fratribus eius duodecim. Istud dicitur de qualibet sorte, ut patet discurrendo per literam, & est sensus, quod princeps sortis cuiuslibet habebat secum undecim de filiis, & fratribus suis, & ipse erat duodecimus, & illa fors proveniebat omnibus duodecim simul. An plures essent in qualibet sorte, quam duodecim, & quomodo poterat accidere, quod in qualibet sorte essent duodecim filii, & fratres declarabitur infra in questionibus. Et quia dicitur hic de duodecim filiis, & fratribus, exponendum est in qualibet sorte, sicut nunc expositum est.

Tertia Zachur. Iste Zachur erat primus filius Asaph, & accidit ei tertia fors: erat enim princeps in illa.

Quarta Isari. Iste Isari est, qui vocatur Sori supra in litera, & est tertius filius Idithum, sed aliquando mutatur litera in nominibus Hebraeis, addendo, vel subtrahendo, vel alterando.

Quinta Nathania. Iste est tertius filius Asaph, & accidit ei fors quinta. *Sexta Bocciau.* Iste est secundus filius Heman supra in litera. *Septima Asarela.* Aliqui libri habent Iireola, & tamen vocatur Asarela supra in litera. Et est quartus filius Asaph.

Octava Iesai. Iste Iesaias vocatur supra Iesias, & est quartus filius Idithum.

Nona Mathania. Differunt Mathania, & Nathania, quia Nathania est tertius filius Asaph, Mathania est tertius filius Heman, & sic ista fors nona habuit in principio filium tertium Heman.

Decima Semeie. Iste Semeias non reperitur inter filios Asaph, Heman, & Idithum sub isto nomine, sed oportet, quod accipiantur sub alio nomine mutato, quia sepe fit sic in Hebraeo, quod idem homo habet multa nomina. Et sic iste potuit vocari Semeias, & aliquo alio nomine. Manent autem duo nomina inter filios Asaph, Heman, & Idithum, quae non ponuntur hic nominando principes sortium, scilicet Idithum, & Heman, quia Idithum erat primus filius Heman. Et tamen totidem sortes ponuntur hic quot erant filii Heman, Asaph, & Idithum simul, & omnium aliorum. Ponuntur hic nomina in principibus sortium praeterquam illorum duorum. Ideo oportet, quod iste Semeias sit vnus de illis Iacobus, scilicet primus filius Heman, vel primus filius Idithum.

Undecima Azazeel. Nomen istius Azazeel non reperitur sic supra, sed est aliquo aliter mutatum, & vocatur Ozazel, & est quartus filius Heman supra in litera.

Duodecima Hysabie. Iste vocatur Sabias supra in litera, & est quintus filius Idithum, subtrahitur tamen littera de principio, vel additur hic: sic enim fit in isto nomine Aram. Aliquando vocatur Aram, ut patet Ruth quarto. & Mach. 1. Et aliquando vocatur Ram supra in litera.

Tertiadecima Subael. Iste vocatur Subael, & est quin-

tus filius Heman supra in litera.

Quartadecima Mathathias. Iste est filius sextus Idithum, & non est iste Mathathias pater Machabaeorum, de quo primo Machab. 2. quia ille fuit sacerdos, iste Leuita: nam filii eius fuerunt summi sacerdotes, scilicet Iudas, Ionathas, & Simon, ut patet per totum discursum libri Machabeorum primi. Et ipse Mathathias vocavit Phinees patrem suum, & tamen ipse Phinees fuit summus sacerdos 1. Mach. 2. Etiam iste Mathathias fuit multo tempore ante illum, quia iste fuit tempore Dauid, quando posita fuerunt istae sortes. Ille autem fuit post captivitatem Babylonis multo tempore, scilicet quando fuerunt Machabaei, quod fuit per annos centum, & quinquaginta ante Christi natiuitatem, de quo declarabitur in principio libri Machabeorum.

Quintadecima Ierimoth. Iste Ierimoth fuit filius sextus Heman, & aliquando est nomen urbis, sicut supra declaratum est.

Sextadecima Hanania. Iste fuit filius septimus Heman supra in litera. *Septimadecima Iesbacasse.* Iste vocatur Iesbacassa supra in litera, quia aliquando variantur nomina in quibusdam literis, ut sepe dictum est. Et est filius undecimus Heman.

Octauadecima Hanani. Iste Hanani non ponitur supra inter filios Heman, Asaph, & Idithum, nisi forte aliquis dicat, quod iste Hanani est, qui vocatur Hanania, & est filius septimus Heman supra in litera. Sed hoc non stat, quia ille Hananias est, a quo nominatur fors sextadecima, & iste Hanani est a quo nominatur fors decima octava.

Ideo oportet, quod sit alius ab illo, & tamen non reperitur supra nomen eius, ideo oportet, quod accipiat, quod sit vnus de illis duobus, scilicet Idithum, vel Heman, de quibus supra dicebatur, quia vnus eorum est primus filius Heman, & alius est primus filius Idithum. Et non reperiuntur hic in principibus sortium. Ideo oportet, quod iste Hanani sit aliquis de illis duobus, scilicet Heman, vel Idithum.

Nonadecima Mellothi. Iste est filius duodecimus Heman, ut patet supra in litera. *Vicesima Eliatha.* Iste est octauus filius Heman, ut patet supra in litera.

Vicesima prima Othir. Iste est filius tredecimus Heman supra in litera.

Vicesima secunda Godolathi. Iste est filius nonus Heman. Et vocatur supra Godolthi, hic autem mutatur aliquo aliter nomen, & vocatur Godolathi, quia sepe fit ista additio, vel subtractio, ut supradictum est.

Vicesima tertia Mahazioth. Iste vocatur in Hebraeo Mazioth. Et sic vocatur supra in litera, scilicet Mazioth, & tamen hic videtur esse litera subtracta, & forte per imperitiam librariorum. Est autem iste filius quatuordecimus, & ultimus Heman, ut patet supra in litera.

Vicesima quarta Romethiezer. Iste est filius decimus Heman, ut patet supra in litera. Et aliqui diuidunt istud nomen putantes esse duo nomina, sed errant, sicut supra probatum est.

Quare fuerunt solum vigintiquatuor partes cantorum. Quasi. XV II.

QVAERITUR circa istas partes cantorum, quare fuerunt vigintiquatuor, & non fuerunt plures, nec pauciores.

Respondendum est, quod non debuerunt esse istae partes duae, vel tres solum, vel pauciores. Primo quia esset magna multitudo ministrantium in qualibet parte, quia omnes de vna sorte istarum debebant ministrare vno tempore, & de alia sorte alio tempore. Et cum Leuitae cantores essent quatuor millia, ut patet supra 23. in qualibet parte istarum essent mille Leuitae, vel plures,

plures, & sic esset magna multitudo ministrantium, & inutilis, quia non possent omnes simul ministrare. Secundo patet, quia Dauid volebat releuare Leuitas a laboribus in quantum poterat. Si autem essent solū tres, vel quatuor sortes, cum quibus earum ministraret per vnam Hebdomadam, vt declaratum est precedenti cap. teneretur quolibet istarum expleta hebdomada ministrationis suæ, iterum per duas, vel tres hebdomadas redire ad ministrandum. Et istud esset intolerabile Leuitis: nam habitabant dispersi per totam terrā Israel in quadraginta octo ciuitatibus, quæ datæ erant eis de omnibus tribubus, Num. 35. & Iosue 21. & supra 6. Et cum aliquæ illarum vrbium distarent nimis a loco Sanctuarii occuparet Leuitæ totum tempus eundo, & redeundo, & ministrando, & nunquam possent quiescere in terra sua, quod erat valde inordinatum. Nunc autem cum essent vigintiquatuor sortes, & quolibet ministraret per hebdomadam, quiescebat quolibet fors vigintitribus hebdomadis, quæ complent quasi medium annum. Et sic non esset difficile post illud tps quietis in patriam redire ad ministrandū. Non decuit etiam, quod fierent valde multæ partes cantorum vt pote centum, vel ducentæ, quia tunc in qualibet sorte essent solum viginticantores, & isti non sufficiebant ad solenniter cantandum in Sanctuario Domini, quia cum esset Sanctuarium tantæ magnitudinis, & gloriæ, & esset vnicum in tota terra Israel, decebat esse multos cantores ibi, vt solenniter fierent officia Sanctuarii. Item quia sicut supra declaratum est, nō ministrabant simul in quacunque ministratione, sed aliqui cantabant tempore vnius sacrificii, & aliqui tempore alterius etiam per noctem, cum semper cantare deberent in holocausto vespertino, quod per totam noctem fiebat, nō poterant iidem cantores semper cōtinuare, ideo mutabantur. & tamen si ista diuisio fieret in viginti cantoribus, qui essent in eadem sorte, sequeretur quod ministrarent paucissimi qualibet vice, ideo decuit sic fieri. Nunc autem cum essent vigintiquatuor sortes, in qualibet earum erant centum sexaginta, & sex cantores, & isti poterant solenniter ministrare. Et dato, quod diuiderentur in duas, vel tres partes, adhuc solenniter cantarent, quia in qualibet earum multi Leuitæ manerent. Secundo non conueniebat hoc, quia si fierent tot partes vt potē ducente, cum quolibet illarum ministraret vna hebdomada, illa pars, quæ nunc ministraret, non ministraret iterum vsque post ducentas hebdomadas, quæ complent quatuor annos, vel quasi. Sed satis videbatur absurdum, quod ille Leuita, qui nunc ministraret, non ministraret iterum vsque post quatuor annos, quia sic defuerent a ministratione, & redderentur quasi laici propter moram, quam contraxerant in ministrando. Diuisis autem cantoribus per vigintiquatuor sortes, sicut nunc, quilibet Leuita postquam semel ministraret, tenebatur iterum ministrare post dimidium annum, quia vigintiquatuor hebdomadæ sunt quasi dimidium annum. Et istud erat tempus conueniens ad quiescendum, & ad redeundum ad ministrandum, & sic non debuerunt fieri multæ sortes Leuitarum, neque valde paucae, sed medio modo, & sic fuit, quod fierent vigintiquatuor sortes.

Istæ tamen sunt causæ in vniuersali, quia poterat dici, quod fierent vigintiduas sortes, vel viginti, & quinque. Et vtrunque erat valde conueniens, nec inducebatur aliquod de inconuenientibus supra assignatis.

Causa ergo quare præcisè fuerunt vigintiquatuor sortes, & non plures, nec pauciores, sunt duæ. Prima est, quia istæ partes cantorum fuerunt diuisæ

per principes singulos, scilicet, quod in qualibet sorte erat vnus princeps. Isti autem conuenienter accepti sunt de filiis Afaph, Heman, & Iditum, eo quod illierant tres maximi, & sapientissimi principes cantorum, filij tamen istorum fuerunt vigintiquatuor solum, scilicet quatuor filij Afaph, sex filij Iditum, & quatuordecim filij Heman, vt patet supra in litera, ideo non debuerunt esse plures neque pauciores, q̄ vigintiquatuor sortes. Secunda causa est, & præcipua, quia Dauid voluit ordinare Leuitas cū sacerdotibus, vt se haberent ordinate ministrando, & quod cantores ministrabant quando sacerdotes faciebant sacrificia, & erant diuisi sacerdotes per vigintiquatuor sortes, vt patet precedenti cap. Diuisi fuerunt etiam cantores per vigintiquatuor sortes, vt cantores de prima sorte ministrarent cum sacerdotibus primæ sortis, & sic de alijs, & cum illis sacerdotibus, cum quibus nunc ministrarent aliqui Leuitæ, deberent etiam ministrare in æternum, & sic sciret quilibet Leuita, cum quo sacerdote semper ministraturus esset, & sic melius ministrarent, quia conuenirent inter se propter magnam conuersationem, quam si mutarentur, ita q̄ Leuitæ vnius sortis ministrarent nunc cum quibusdā sacerdotibus, & alia vice cum alijs. Si tamen sortes Leuitarum essent plures, vel pauciores, quam vigintiquatuor, cum sortes sacerdotum essent vigintiquatuor, necesse erat, quod si prima fors cantorum ministraret nunc cum prima sorte sacerdotum, ministraret iterum cum vigesima quarta sorte sacerdotū, vel cum secunda sorte, debuerunt ergo esse sortes cantorum vigintiquatuor præcisè.

De modo ponendi illas sortes. Quæst. XVIII.

QUÆRITVR vltius quis modus fuit ponendi illas sortes inter cantores. Dicendum, quod fuit talis sicut ille, qui obseruatus est in sortibus sacerdotum, scilicet: Accepti sunt primo quatuor millia de Leuitis, quia tot erant cantores supra 23. & isti erant de omnibus tribus familijs Leuitarum, scilicet quidam de Gersonitis, alij de Caathitis, alij de Meraritis, & diuisi fuerunt per partes equales vigintiquatuor, & sic in qualibet parte erant centum sexaginta & sex, & fuit in qualibet parte istarum vnus princeps, a quo denominaretur illa pars, quia sumpti sunt de dignioribus, & sapientioribus inter omnes, & quia nulli tales reperti sunt quales filij Heman, Hethan, & Iditum, fuerunt ipsi vigintiquatuor constituti principes istarum sortium. Nunc autē manebat dubium, quæ fors deberet aliam præcedere in ministrando, & quia super hoc poterat esse contentio, & causæ emulationis, fuerunt posite sortes cantorū. Et cum primo fors eueniret, erat prima in ministrando, & sic de ceteris. Modus autem ponendi sortes fuit, quod scriberentur vigintiquatuor cedule, & in vna esset prima, & in alia secunda, & sic de ceteris, & mitterentur omnes in inuolucro, & vigintiquatuor principes cantorum mitterent manus in inuolucrum, & fors, quam quilibet traheret esset sua, scilicet ministraret in illo loco, quem fors ei daret.

De permissione sortium inter partes cantorum. Quæst. XIX.

QUÆRITVR vltius quomodo Deus permittebat, quod poneretur sortes inter partes cantorum ad assignandum, quæ pars deberet prius ministrare, & quæ postea, quia sic posset euenire fors prima vitijs, qui erant minoris dignitatis,

tatis, & minus doctis, sicut in litera dicitur, quod miserunt sortes ex equo, maior & minor, doctus pariter, & indoctus, & tamen istud erat inconueniens, quia viri docti debebant habere primas sortes, quæ erant maioris dignitatis, ideo non debebat dirimi hoc forte, sed magis per electionem, considerando merita, ita, ut illi qui præcedebant alios meritis, haberent sortes primas, quæ essent maioris dignitatis.

Respondendum, quod Deus fecit hoc ad tollendam diffensionem, quia dato, quod iustum erat digniores præcedere, tamen erat scandalum disputare quis esset dignior, quia iudicando de vno, quod esset dignior alio, ille supprimebatur aliquantulum, cum quilibet reputet se nullo alio minus dignum, & ex hoc sequerentur odia, quæ Deus voluit euitare, ideo voluit, quod per sortes dirimeretur quæ pars deberet præcedere, & quæ subsequi, & tunc si fors permitteretur libera, posset euenire, quod illi qui erant minus digni haberent primam sortem, quod erat inconueniens, ideo quumque ponerentur sortes, Deus conuertebat eas taliter, quod illi proueniret fors prima, qui dignior erat, & sic per ordinem dignitatis prouenirent omnes, unde nihil magis erat, quod istæ partes per electionem secundum dignitatem ordinarentur, si quæ esset prima, & quæ secunda, & sic de alijs, quam quod per sortem acciperentur. Cum Deus cuilibet daret talem sortem, quam ipse merebatur, & tunc tollebatur scandalum, quia nullus iudicabatur ex hoc dignior alio, cum soleat fors incerta prouenire. Quod autem Deus sortes istas mutaret, ut quilibet haberet, quam mereretur, patet quia habetur Proverb. 16. f. Sortes in sinum mittuntur, sed a Domino temperantur.

De modo circa istas sortes. Quest. XX.

QUÆRITUR vterius quis modus fuit nunc circa istas sortes, scilicet, an filii Asaph præcederent filios Heman, & Idithum, vel qualiter se haberent inter se in ordine præcessionis.

Respondendum est, quod non habitus fuit hic aliquis ordo certus, sed quod sortes filiorum Asaph præcederent alias, vel sortes Heman præcederent, vel sortes Idithum, sed fuerunt mixtæ, quod patet, quia prima fors fuit Ioseph, qui erat filius secundus Asaph, & secunda fors fuit Godoliæ, qui erat secundus filius Idithum. Tertia fors fuit Zachur, qui erat primus filius Asaph, & sic de alijs, fuerunt enim istæ sortes inter se permixtæ. Et ratio huius fuit, quia istæ sortes non fuerunt ordinate aliquo ministerio humano, quia tunc datus fuisset certus ordo in illis, scilicet, quod præcederent isti, vel illi, vel quod essent mixti secundum aliquam certam habitudinem, & tamen non fuit aliquid tale, eo quod forte hoc euenit, & voluntate Dei, qui ordinauit quis esset prior, & quis posterior in omnibus istis, unde contigit quandam esse permutationem inter istas sortes, sicut in illis, quæ accidunt a fortuna, de quibus nullam causam dare possumus, quare sic eueniant.

Quomodo in qualibet sorte erant solum duodecim. Quest. XXI.

QUÆRITUR vterius, quomodo in diuisione istarum sortium dicitur, quod in qualibet sorte erant duodecim computando ipsum principem, sortis, & filios, & fratres suos: nam necesse est, quod plures essent in qualibet sorte, eo quod diuidebatur tota multitudo cantorum per viginti quatuor partes, & tamen erant isti quatuor millia, ut patet supra 23. Ideo oportebat, quod in qualibet sorte essent plures

A quam duodecim: nam necesse erat esse saltem centum sexaginta.

Dicendum est, quod intentio scripturæ est exprimere sex nomina digniorum, & facere mentionem de illis, de alijs vero non curat, nisi in generali, ideo quæquam Leuitæ cantores essent quatuor millia, & verum est, quod in qualibet sorte oportebat esse saltem centum sexaginta sex, tamen scriptura solum curauit de viris dignioribus, & sapientioribus. Et de istis erant in qualibet sorte duodecim cum ipso principe sortis, ideo de istis solum facta est mentio.

B Pro quo sciendum, quod in tota multitudine quatuor millium Leuitarum, Asaph, Heman, & Idithum fuerunt tres principes præcipui, & sapientissimi: filii quoque sui sapientes erant nimis, ideo constituti fuerunt principes viginti quatuor sortium, & quia filii istorum habebant alios filios sapientes, & alios de cognatione sua, qui etiam erant sapientes, nominati fuerunt isti sapientes, & de istis erant in qualibet sorte duo decim, & de istis fit hic mentio. Ceteri autem erant minus docti, de quibus scriptura non curauit facere tam diligentem mentionem. Et patet hoc, quia supra in litera dicitur, quod fuit numerus filiorum Asaph Heman, & Idithum cum fratribus suis, qui erudiebant canticum Domini, cuncti doctores ducenti octoginta octo. Et isti sunt, qui ponuntur in omnibus sortibus, & in qualibet sorte duodecim: nam diuidendo ducentos octoginta octo per viginti quatuor partes, proueniunt cuilibet duodecim, & isti erant doctores aliorum, qui erudiebant canticum Domini, ideo illi soli nominati fuerunt hic, ceteri autem erant indocti, nec erant de cognatione Asaph, Heman, & Idithum, ideo de illis non curatur, & tamen intelligendum est, quod illi etiam fuerunt in istis sortibus, nam maior pars cuiuslibet sortis erat de indoctis, cum solum ponantur hic in qualibet sorte duodecim, & tamen necesse est, quod in qualibet sorte essent centum sexaginta sex viri, & minus, quod patet ex diuisione dicta.

Sed obijciatur, quod cum cantores essent quatuor millia, diuidendo illos per sortes viginti quatuor, non poterant esse æquales, quia in qualibet earum si ponerentur centum sexaginta sex, superarent decem, & sex. Si autem in qualibet ponerentur centum sexaginta septem, deficient octo.

Responderi potest, quod quamquam istæ sortes essent æquales, licet in aliqua esset vnus vir plusquam in alius, non propter hoc iudicaretur inæqualitas in tanta summa, & sic in quibusdam sortibus essent centum sexaginta sex viri, in alijs autem essent centum sexaginta, & septem, vel potest dici, quod quamquam dicatur, quod erant quatuor millia cantorum, forte non erant tot præcise, sed aliqui superabant, vel deficiebant, & sic essent sortes æquales, sed in hoc non est facienda difficultas,

An verum sit, quod in qualibet sorte essent solum duodecim doctores. Quest. XXII.

QUÆRITUR vterius, cum hic dicatur de qualibet sorte cantorum, quod erant in ea duodecim cum filiis, & fratribus suis, & isti duodecim erant doctores, quomodo poterat esse, quod in qualibet essent duodecim, quia aliqua fors earum poterat habere plures quam duodecim de istis doctoribus, & alia posset habere pauciores, potissime, cum dicatur de filiis, & fratribus, & difficile sit, quod omnes istæ cognationes essent æquales in filiis, & fratribus, cum interdum vna superet aliam.

Respondendum est, quod illa litera potest intelligi dupliciter, vno modo, quod in qualibet sorte essent duodecim doctores, qui erant præcipui. Cum

Isti essent filij, & fratres eorum quorū numerus non ponitur. Et tunc poterat faciliter fieri, quod essent in qualibet sorte duodecim viri sapientes: nam plures esse poterant, sed acciperetur solum duodecim quasi principes post primum principem ipsius sortis, & tunc est sensus, quod in qualibet sorte erant duodecim viri sapientes cum ipso principe sortis, & isti non essent de filiis, & fratribus eius, sed de quibuscunque de illa sorte. Et cum dicitur de filiis, & fratribus eius, non includuntur isti in numero duodenario, sed superadduntur, scilicet quod princeps sortis cuiuslibet habebat secum duodecim sapientes, & insuper habebat filios, & fratres suos, idest multos alios de eadem cognatione, quorum non est numerus. Secundo modo potest intelligi, quod isti filij, & fratres essent principes cuiuslibet sortis, ita quod dicatur, quod princeps sortis cuiuslibet habebat duodecim viros sapientes, qui erant filij, & fratres eius: & tunc non intelligentur alij, nisi isti duodecim in litera, & tunc stat dubium, scilicet quomodo quilibet princeps habebat duodecim filios, & fratres sapientes, quia cōtingeret, quod alius haberet plures, & aliquis pauciores.

Dicendum est, quod vere isti duodecim erant filij, & fratres cuiuslibet principis, sicut litera manifeste innuit. Et habebat precise quilibet princeps duodecim de istis computando ipsum principem in eis, & patet hoc, quia supra ponendo filios Afaph Heman, & Idithum, & progeniem, quae deriuata erat ab eis, quando facta est ista distributio sortium simul ducenti octoginta octo, ut patet supra in litera, scilicet fuit autem numerus eorum cum fratribus suis, qui erudiebant canticum Domini, cuncti doctores ducenti octoginta octo. Et tamen istis diuisis per vigintiquatuor prouenient ducenti cuiuslibet parti, & isti erant duodecim, qui ponuntur hic in qualibet sorte.

Et dicendum, quod forte quilibet princeps alicuius sortis habebat plures quam duodecim filios, & fratres, & tamen de istis accipiebantur solum viri docti, & accidit, quod in qualibet sorte istarum essent duodecim sapientes filij, & fratres ipsius principis sortis. Et antequam mitterentur sortes, cum diuiderentur partes cantorum per equalitatem, positi fuerunt duodecim cum principe cuiuslibet sortis de filiis, & fratribus eius, idest de cognatis suis, & hoc non erat difficile ordinare, quia voluntate humana factum est, & non sorte.

sacerdotum, quae ministrabant, erant vigintiquatuor. Si ergo esset tempus ministrandi magnum, ut puta per mensem, vel plus, postquam vnus Leuita semel ministraret, non rediret iterum ad ministrandum usque; ad annos duos, sed vigintiquatuor menses pro vigintiquatuor sortibus annos duos complent. Istud autem erat inconueniens, eo quod magno tempore quilibet Leuita cessaret a ministracione, & per hoc desuesceret ab illa, & redderetur iam tanquam laicus ineptus ad ministrandum: debuit ergo esse minus tempus, quam hebdomadae vnus, utpote quod ministraret quilibet fors per vnum, vel duos dies, quia tunc sequerentur duo inconuenientia. Primum est, quod grauarentur Leuitae in ministrando: nam cum vnus Leuita ministraret nunc, oporteret, quod iterum ministraret post vigintiquatuor dies, vel post quadraginta octo, & tamen istud erat paruum tempus ad quietem: nam habitabant aliqui Leuitae in extremitate terrae Israel, & cum venirent, & redirent, occuparentur in hoc quasi per totum illud tempus, quo quiescere deberent, vel si quiesceret aliquod tempus, illud esset paruum, & sic non conuenienter se haberent in ministrando, quia maior pars temporis eorum esset eundo, & redeundo de Sanctuario: non ergo fuit conueniens minus tempus dari ad ministrandum, quam vnam hebdomadam: nam tunc cum essent vigintiquatuor sortes, quiesceret quilibet fors per dimidium annum ferè, & postea ministraret, & sic nullum esset inconueniens, scilicet quia nec desuescerent a ministracione, nec expendere totum tempus eundo, & redeundo. Secundum inconueniens est ministrando solum vno die, vel duobus, quia propter frequentissimam mutationem ministrorum, non teneretur modus conueniens in agendis, quod satis videmus in mutationibus frequentibus aliarum rerum. Hebdomada autem vna erat tempus conueniens, & non fieret frequens mutatio si quilibet ministraret per septem dies, & erat istud tempus conueniens, eo quod erat quasi praesens: nam hebdomada incipiebat in sabbatho, quod erat magnum festum Hebraeorum, & a festo in festum claudabatur vnum tempus per se, quasi separatum ab alijs partibus temporis. Poterat autem fieri hoc per duas, vel tres hebdomadas, quod extenderetur ministratio cuiuslibet sortis Leuitarum, sed sequerentur inconuenientia supradicta.

De quantitate temporis circa ministracionem.
Quaest. XXXIII.

QVAERITUR vltimus circa tempus ministracionis cuiuslibet sortis Leuiticae, scilicet quanto tempore ministrabat quilibet.

Respondendum, quod quilibet ministrabat per vnam hebdomadam. Quod patet, quia vigintiquatuor sortes erant cantorum, sicut sacerdotum, & vna fors cantorum ministrabat simul cum vna sorte sacerdotum, ut supra in quadam quaestione declaratum est, & tamen quilibet fors sacerdotum ministrabat vna hebdomada, ut patet quarto Regum, & declaratum est supra in quadam quaestione, ergo etiam cantorum fors quilibet ministrabat vna hebdomada.

Secundo patet, quia seq. lib. c. 23. dicitur. Tertia pars vestrum, qui veniunt ad sabbathum sacerdotum, & Leuitarum, & ianitorum erit in portis, ergo cantores exhibebant in sabbatho de ministracione, & alij cantores incipiebant in sabbatho ad ministrandum, & fuit istud tempus conueniens ad ministrandum: nam sortes Leuitarum, &

CAP. XXVI.

DIVISIONES autem ianitorum de Coritis Meselemia filius Core, de filiis Afaph. Filij Meselemiae, Zacharias primogenitus, Iadiel secundus, Zabadias tertius, Iathanael quartus, Aelā quintus, Ioathanam sextus, Elioenai septimus. Filij autem Obededō, Semeias primogenitus, Ioabab secundus, Ioaha tertius, Sachar quartus, thanahel quintus, Ammihel sextus, Issachar septimus, Phollati octauus, quia benedixit illi Dominus, Semeie autem filio eius nati sunt filij, praefecti familiarum suarum: erant enim viri fortissimi. filij ergo Semeiae Othni, & Raphael, & Obed, Elzabad, & fratres eius viri fortissimi, Eliu quoque, & Samachias. Omnes

Omnes hi de filiis Obededom ipsi, & filij, & fratres eorum fortissimi ad ministrandū sexagintaduo de Obededom. Porro Meselamie filij, & fratres eorum robustissimi decē, & octo. De Bosā autem, idest de filiis Merari, Semri princeps (Non enim habuerat primogenitum, & iccirco posuerat eum pater eius in principem) Helcias secundus. Tabellias tertius, Zacharias quartus. Omnes hi filij, & fratres Hosā, tredecim. Hi diuisi sunt in ianitores, vt semper principes custodiarū, sicut, & fratres eorum ministrarent in domo Domini. Missæ sunt ergo sortes ex æquo, & paruis, & magnis per familias suas in vnamque portarum. Cecidit ergo sors orientalis Selemiæ. Porro Zachariæ filio eius, viro prudentissimo, & erudito sortitō obtrixit plaça Septentrionalis. Obededom vero, & filij eius ad Austrum, in qua parte domus erat seniorum concilium. Sephim, & Bosā ad occidentem iuxta portam, quæ ducit ad viam ascensionis, custodia contra custodiam. Ad Orientem vero Leuitæ sex, & ad Aquilonē quatuor per diem, atque ad Meridiem, similiter in die quatuor, & vbi erat concilium bini, & bini. In cellulis quoque ianitorum ad Occidentem, quatuor in via, biniq̃ue per cellulas. Ad Septentrionem vero, & Meridiē, quaterni per dies singulos mutabātur, & ad basilicam concilij ad occidentem bini, habentes subiectos alios in via biniq̃ue per cellulas. Hæ sunt diuisiones ianitorum filiorum Core, & Merari.

DICTO in præcedentibus de officio, & sortibus cantorū, hic agitur de officio, & sortibus aliorum ministroū, & diuiditur in tria, quia primo agitur de officio ianitorū. Secundo de officio thesaurorum, ibi. Porro Achias. Tertio de officio iudicum, & præpositorum, ibi. Isaiaris vero.

De continuatione ad præcedentia, & si ista immediate fuerint post illa. Quæst. 1.

QUÆRITUR circa primum, an ea, quæ habentur hic fuerint facta immediate post præcedentia. Et an sit ordo continuus inter hæc, & illa.

Respondendum, q̃ in istis non potest apparere, an sit ordo continuus, vel non, eo quod non sunt partes historię eiusdem, sed sunt alia gesta per se distincta, quod non dependet vnum ex alio, & sic poterat fieri, quod haberetur supra ante hoc, vel istud fieret ante illud.

Credendum tamen est, q̃ iste sit ordo conueniens, qui habetur in litera. Et hoc, quia nunquam recedendum est ab ordine literæ, nisi appareat aliqua causā hu-

Aius: hic autem nulla causā apparet, quare dicamus ordinem esse mutatum, ideo tenendum est, q̃ sit ordo continuus. Item patet, quia iste est ordo conueniens rationi secundum dignitatem: nam verisimile est, q̃ prius distinguerentur officia, & sortes sacerdotum, q̃ Leuitarum, eo q̃ sacerdotes erant digniores, & sic ēt fieret de Leuitis: nam inter eos erant cantores, & ianitores, & uidebantur esse digniores inter ceteros ipsos cantores, quia ministerium eorum erat magis sacrum quam ministeria aliorum, eo q̃ aliorum quidā ministrabant obseruando portas, alij vero custodiendo thesauros. Alii autem ad opera forinsecus Israel, quæ non erant in Sanctuario, vt patet infra in litera. Cantores autem ministrabant dicendo laudes diuinas, quando sacerdotes faciebant sacrificia, & sic isti magis appropinquabant, & participabant in cæmoniis sacerdotum, quæ erant sacrę quam alij ministri, ideo verisimile est, quod prius ordinaretur de cætoribus, quam de alijs Leuitis. Cum autem quæritur, an fuerit istud immediate post præcedentia.

Dicendum, quod nullum tempus intercidit inter præcedentia, & ista, quia postquam Dauid, & principes inceptum ordinare cultum diuinum, tam in sacerdotibus, quam in Leuitis, nō cessauerunt quousque compleuerunt: nam anno quadragesimo regni Dauid inceptum est istud opus, vt patet infra in litera, & necesse est, quod in ipso anno finiretur, quia cum mortuus est Dauid, cū non regnauerit nisi annis quadraginta, vt patet infra vlti. Et 2. Reg. 5. & 3. Reg. 2. nō ergo fuit tempus aliquod inter istas ordinationes ministroꝝ, sed finita vna incipiebat alia fieri. Circa primum dicitur. *Diuisiones autem ianitorum.* Scilicet Sortes vel diuisiones ianitorum sunt istæ, quæ sequuntur.

De Coritis Meselemla filius Core de filijs Asaph. Ianitores fuerunt de stirpe Core, & de stirpe Merari, vt patet infra in litera. Et de nulla alia familia, s. hæ sunt diuisiones ianitorum filiorum Core, & Merari. Iste Core erat filius Asaph, & tamen, an iste Asaph sit ille, q̃ erat vnus de tribus principibus cantorum, & an iste Core sit ille, qui contra Moysen, & Aarō surrexit in deserto, vel aliquis alius, declarabitur infra in quadā quæstione.

Filijs Meselemla Zacharias primogenitus. Iste Meselemla fuit tempore istius diuisionis ianitorum, & filij eius fuerunt principes in hac diuisione, s. q̃ sub eis erant alij ianitores, sicut sub filijs Asaph, Heman, & Idithū erant alij cætores, vt patet præced. c. iste Zacharias nō est pater beati Ioannis Baptistæ, eo quod ille fuit sacerdos de vice Abia, iste autem fuit Leuita de ianitoribus, vt patet hic, & Lucæ 1. Item iste Zacharias fuit multo tempore ante patrem beati Ioannis, quia ille fuit tempore Christi, iste autem tempore Dauid. Itē non fuit iste Zacharias Propheta, quia ille fuit post captiuitatem Babylonis, vt patet Zacha. 1. Et 1. Esdræ 5. iste autem fuit multo tempore ante captiuitatem Babylonis, s. tempore Dauid. Item ille vocatur Zacharias filius Barachia, iste autem filius Meselemla, vt patet hic, & Zachariæ 1. Nec fuit iste Zacharias, de quo Christus dixit Matth. 23. quod occiderant eum Iudei inter templum, & altare, quia ille erat Zacharias filius Iojada sacerdotis magni, vt patet seq. lib. c. 24. & illud fuit post hoc plusquam ducentis annis, s. tempore regis Ioas.

Sadiel secundus, Zabadias tertius, Nathanael quartus, Ahilam quintus, Ioannam sextus, Elioenai septimus. Nominat hic litera omnes filios Meselemla. Et hoc, quia isti fuerant septem principes in diuisione ianitorum.

Filijs autem Obededom. Ista est alia stirps ianitorū, nam venerant ianitores de Obededom, & ex hoc apparet, quod

quodd Obededom erat de filiis Merari, vel de Coritis, quia de nulla alia stirpe fuerant ianitores, ut patet infra in litera. De isto Obededom, an fuerit ille, in cuius domo posita fuit arca, de quo secundo Reg. 6. & supra 13. & 15. vel aliquis alius, declarabitur infra in quadam questione.

Semeias primogenitus, Iozabad secundus, Iohaa tertius, Sachar quartus, Nathanael quintus, Amihel sextus, Issachar septimus, Phollati octauus. Iste Semeias fuit etiam princeps ianitorum, & non solum fuit ipse princeps, sed etiam ab eo principes deriuati fuerunt, ut patet infra. Iste Semeias non est, de quo habetur preced. c. a quo fuit nominata fors decima sacerdotum, quia ille fuit sacerdos, iste autem Leuita. Et nominantur hic octo filii Obededom, quia omnes isti fuerunt principes ianitorum.

Quia benedixit illi Dominus. Refertur ad octo filios Obededom, quorum nomina ponuntur in litera, scilicet habuit Obededom istos octo filios, eo quod benedixit ei Dominus multiplicando eum in prole, sicut dicitur preced. ca. quod Deus dedit Heman filios quatuordecim, & filias tres, sex aliqua gratia speciali dedit ei tot filios, quod non faciebat in alijs. Et ponitur hic Issachar filius septimus Obededom, non est tamen iste Issachar a quo denominata est vna de duodecim tribubus Israel, quia ille fuit filius Iacob, iste autem fuit multo tempore post illum, & fuit filius Obededom.

Semeia autem filio eius. Scilicet primogenito Obededom, ut patet supra. *Nati sunt filii praefecti familiarum suarum.* Scilicet iste Semeias habuit filios, qui fuerunt principes familiarum, id est sortium ianitorum, & fuit speciale in isto Semeia, quia non solum ipse de filiis Obededom fuit princeps alicuius familiae, sicut quilibet de fratribus suis, sed etiam habuit ipse filios principes familiarum, & accipiuntur familiae hic pro sortibus, sicut accipiebantur preceden. cap. & supra 24. Erat enim vnus princeps in qualibet sorte, & ille vocabatur princeps familiae, quia tota multitudo ei subiecta dicebatur esse vna familia, licet non esset de eadem stirpe.

Erant enim viri fortissimi. Id est filii Semeiae erant viri fortissimi, & propter hoc apti ad ministrandum in officio ianitorum, & ista fuit causa, quare filii Semeiae essent principes, sicut pater suus.

Filii ergo Semeiae. Quia dictum fuerat, quod filii Semeiae erant principes familiarum ponuntur hic nomina eorum.

Othin, & Raphael, & Obediell, & Zabad. Quatuor filii Semeiae ponuntur, quia fuerunt quatuor principes de filiis eius super ianitores, habuit tamen ipse plures filios, ut infra dicitur.

Et fratres eius viri fortissimi. Isti erant illi octo, qui ponuntur supra filii Obededom, quorum primus erat Semeias, de quo hic dicitur, & alij sex erant fratres eius, & de istis dicitur hic, quod erant viri fortissimi, scilicet apti ad ministrandum in officio ianitorum.

Eliu quoque, & Samathias. Isti duo etiam erant filii Semeiae, quia dicitur Eliu quoque, & tamen non erant isti principes, sicut fratres sui quatuor supradicti, ideo non coniunguntur eis, ut infra declarabitur in quadam questione.

Omnes hi de filiis Obededom. Scilicet omnes isti, qui nominati sunt supra ab illo vertu, filii autem Obededom sunt filii Obededom, scilicet descendentes ab eo: nam quidam sunt filii, & alij nepotes.

Ipsi, & filii, & fratres eorum fortissimi ad ministrandum. Scilicet filii Obededom fratres eorum, id est cognati erant viri omnes fortissimi ad ministrandum in officio ianitorum,

Sexagintadu de Obededom. Id est omnes isti erant sexagintadu, qui erant de stirpe Obededom, scilicet filii, & nepotes. *Porro Meselemia.* Hic ponitur alia progenies particularis ianitorum: nam sicut patet infra in litera solę fuerunt familiae, de quibus descendunt ianitores, scilicet familia Merari, & Core. Diuiditur tamen familia Core in duos primos principes, scilicet Meselemiam, & Obededom, posuit autem supra scriptura filios Meselemiae septem, qui fuerunt principes ianitorum, deinde posuit totam cognationem Obededom, quę continebat septuagintadu viros. Hic autem redit iterum ad cognationem Meselemiae, ut ponat summam virorum, qui fuerunt principes de cognatione sua. *Filii, & fratres robustissimi decem & octo.* Omnes de cognatione Meselemiae, qui habuerunt aliquem principem inter ianitores fuerunt decem, & octo, & de istis fuerunt decę filii Meselemiae, quorum nomina ponuntur supra, vndecim autem de fratribus Meselemiae, & omnes isti vocantur viri robustissimi, quia erant fortes ad ministrandum, & aperiendum portas, quę magnę erant, & ad arcendum impetum quorumcunque intrare volentium, ad quos non pertineret intrare. *De Hofa autem id est de filiis Merari Semri princeps.* Hic ponitur alia familia principalis de qua erant ianitores, scilicet de filiis Merari, & dicitur de Hofa, id est ab illo viro, qui sic nominatus est, & erat de filiis Merari descenderant omnes isti, qui sequuntur. Aliqui dubitabant in hoc, an Hofa sit nomen proprium viri, vel sit nomen commune significans stirpem, & est sensus de stirpe Merari Semri princeps: nam litera hebraica videtur hoc significare. De hoc tamen dicitur infra in quadam questione. *Non enim habuerat primogenitum, & ideo posuerat eum pater suus in principem.* Redditur causa quare Semri fuit princeps ianitorum de stirpe Merari, cum non pertineret ad eum esse principem cum non erat primogenitus, & dicitur, quod fuit princeps in defectum, quia non habebat pater suus primogenitum, ideo factus est ipse princeps. Sed quomodo poterat esse, quod non haberet pater suus primogenitum, quia non existente alio filio ipse esset primogenitus, declarabitur infra in quadam questione. *Helcias secundus.* Ponuntur hic tres fratres Semri, qui erant minores eo, ideo dicitur Helcias secundus. *Tabelias tertius, Zacharias quartus.* Scilicet istum ordinem habebant in nativitate respectu Semri fratris eorum, licet ille non esset primogenitus patris sui Hofa, ut dicitur in litera. *Omnes hi filii, & fratres Hofa tredecim.* Scilicet isti nominati cum alijs fratribus eorum erant tredecim, & omnes erant de cognatione Hofa. Quatuor enim erant filii eius, & novem erant de fratribus eius. *Hi diuisi sunt in ianitores.* Istud refertur ad omnes supra posuit, tam de filiis Meselemiae, quam Obededom, & filijs Merari: nam omnes diuisi fuerunt in ianitores, scilicet fuerunt factę partes ianitorum, & in quadam erant certi ianitores, & in alia sortidem, ut sic ministrarent per successionem, & Leuitarum, ut ministrabant sortes sacerdotum, & supra 24. *Et semper principes custodiarum sicut, & fratres eorum ministrarent in domo Domini.* Vocatur princeps custodiarum princeps ianitorum, quia ianitores sunt custodie, eo quod custodiebant introitum atque, ne quis introiret ad loca, ad quę non licebat ei accedere, & est sensus, quod tam principes ianitorum, quam fratres eorum, id est ceteri tibi subiecti, qui vocantur fratres eorum, eo quod erant de cognatione eadem ministrarent semper in domo Domini in aperiendo portas, & claudendo, & obseruando introitum: nam istud solum erat ministerium ianitorum in domo Domini, & dicitur ut semper ministrent.

ministrarent, quod intelligitur dupliciter, vno modo quantum ad aliquos Leuitas indeterminatè, & sic verum est, quod semper aliqui Leuitæ ministrabant, quoniam nullum erat tempus, in quo aliqui ianitores non ministrarent in domo Domini, licet non semper iidem.

Alio modo potest intelligi de eisdem ianitoribus, scilicet, quod iidem ministrabant semper, idest omnibus temporibus sibi statutis: nam ordinatæ erant vices, per quas ministrarent ianitores temporibus suis, & ministrando tunc dicebantur ministrare omni tempore, sicut dicitur: Nūquam psalterium cadat de manu tua, scilicet horis competentibus, vt exponitur in Decretis. de conse. distin. 5. cap. Nunquam. & sic si aliquis habeat psalterium in manu horis omnibus competentibus, dicitur nunquam cadere de manu eius. & ponitur hic istud ad tollendum quandam fraudem, vel inuolentiam, quam poterant facere principes ianitorum in ministrando inferioribus suis, & nunquam per se ministrarent, hic autem dicitur, quod statutum est in diuisione sortium, quod tam principes ianitorum, quam fratres eorum, idest subditi ministrarent semper, & sic non possent principes se excusare committendo ministrationem alijs subditis, sed ipsi tenebantur personaliter ministrare, & residere, & hoc, vt honorabilius exerceretur ministerium Domini.

Misse sunt ergo sortes ex æquo paruis, & magnis. Idest sortes positæ fuerant inter omnes ianitores, id est inter magnos quam paruos, & potest intelligi dupliciter, vno modo, quod diuisione facta est equaliter antequam ponerentur sortes, scilicet, quod a principio omnes ianitores, qui erant quatuor millia diuisi fuerunt per partes æquales, ad hoc, quod ministrarent in officio suo, & ista diuisione fiebat ex æquo, scilicet considerando æqualitatem numeri, & non attendebatur, an esset aliquis dignior alio, maior vel minor in statu, sed sola numeri equalitas, & facta ista diuisione per equalia misse sunt sortes.

Secundo modo potest intelligi de sortium positione, & non de diuisione facienda, scilicet, quod postquam diuise sunt partes, non fuerunt ordinatæ per electionem, scilicet, quod illa pars ianitorum, quæ erat dignior haberet portam excellentiorem, & haberet primam ministrationem, & sic de omnibus alijs secundum ordinem dignitatis.

Dicitur tamen, quod non fuit factum sic, sed quod positæ fuerunt sortes, & in hoc maiores, & minores fuerunt facti æquales, quia sors omnia æquat, eo quod ita potest provenire ministratio prima excellentior per sortem alicui paruo, sicut magno. Et quia si non diceretur de sortibus missis, crederetur quod secundum dignitatem dabantur istæ ministrationes, scilicet, quis haberet primam, & quis secundam, & sic de alijs, ideo dicitur, quod misse fuerunt sortes ad faciendam istam distributionem, & hoc tam inter magnos quam inter paruos.

Per familias suas. Idest per partes. Vocatur hic familia vna pars ianitorum segregata ad ministrandum certo tempore: nam sicut supradictum est, tota multitudo ianitorum diuisa est per partes æquales, quarum non ponitur numerus, & qui erant in qualibet parte eorum dicebatur esse de eadem familia, licet non essent, quia familia quædam multitudo est descendens ab vno.

In vnaquaque portarum. Potest intelligi dupliciter, vno modo, quod sortes ianitorum misse fuerunt in vnamquamque portarum, idest pro vnaquaque portæ, scilicet erant quatuor portæ in domo Domini, & misse fuerunt quibus ianitoribus eueniret vna porta, & quibus alia. Alio modo potest intelligi, quod sor-

tes fuerunt misse in vnamquamque portarum, idest inter Leuitas, qui erant in vna quaque porta misse fuerunt sortes, & est sensus, quod primo sorte diuisum est, quibus ianitoribus eueniret pars Orientalis, & quibus pars occidentalis, & sic de alijs portis, & postea inter ianitores eiusdem portæ etiam ponebantur sortes, scilicet, qui primo ministrarent, & qui posterius: nam fuerunt diuise ministrationes in qualibet porta per vices, vt non semper ministrarent iidem ianitores. De quo magis declarabitur infra in quadam quæstione. Primus tamen sensus est, quem sequitur hic litera.

Accidit ergo sors Orientalis Selemiæ. Quatuor erant portæ in atrio templi, scilicet, ad orientem, ad occidentem, ad Meridiem, & ad Aquilonem, per quatuor ventos celi, vt dicitur hic, & supra 9. & positæ fuerunt hic sortes per omnes portas, & orientalis cecidit Selemiæ: Erat enim porta orientalis dignior inter ceteras, eo quod illa erat in directo introitus templi: nam habebat templum vnicam portam, scilicet, ad orientem. In alijs autem lateribus erat clausum. Atrium vero templi, quod erat in circuitu eius habebat quatuor portas, & porta orientalis atrij erat contra portam templi orientalem, & propter hoc illa solennior erat. Erat etiam alia causa potior ad hoc, scilicet, quia atrium sacerdotum, & altare holocaustorum, quod erat in illo, erant ad partem orientalem iuxta portam templi, & sic intrabat directe per portam orientalem atrij ad altare holocaustorum, & atrium sacerdotum, & quia ibi erat locus orationis propter duo prædicta, maior concursus populi erat per portam orientalem quam per alias, unde illa dignior erat, & pulchrior in opere. Euenit autem Selemiæ per sortem, qui erat quidam princeps ianitorum de familia Coritarum, vt patet supra in littera.

Porro Zachariæ filius eius viro prudentissimo sorte obtigit plaga Septentrionalis. Ista erat secunda porta, scilicet, ad Septentrionem, & data est per sortem Zachariæ filio Selemiæ, & in hoc fuit specialiter, quia in nullis alijs ianitoribus accidit, quod pater, & filius haberent duas portas, licet cõtingeret, quod pater, & filius essent simul principes ianitorum in eadem porta, sicut est de omnibus supra nominatis, quia omnes illi erant principes ianitorum, vt colligitur ex littera. Et dicitur viro prudentissimo, quia ista fuit causa, quod iste poneretur tamquam caput vnius sortis ad habendum vnam portam de quatuor portis templi. In Hebreo dicitur.

Zachariæ filio eius consiliario in intellectu. Vbi nos dicimus viro prudentissimo, & idem est, quia vocatur consiliarius in intellectu, idest consiliarius habens magnū intellectum. Et idem est, quia opus consilij pertinet ad prudentiam, cum prudentia sit habitus practicus, qui pertinet ad consiliarium, quia consiliarius non est sapiens, nec sciens, nec intelligens, sed prudens, eo quod sapientia est habitus speculatiuus de cõclusionibus circa causas altissimas. Scientia est habitus cõclusionum demonstratarum circa res, quæ non sunt altissimæ, vt circa naturalia, & Mathematica. Intellectus est habitus speculatiuus principiorum, & sic omnes tres sunt habitus speculatiui, prudentia autem est habitus practicus, quia est habitus cum recta ratione actiuis. De his omnibus patet 6. Ethic. Cõsultare autem non est speculari, ideo magis propriè dixit littera nostra, i. viro prudentissimo, quam in Hebreo cū dicitur, consiliario in intellectu, siue, consiliario intelligenti.

Obededom vero, & filijs eius ad Austrum. Scilicet porta australis cecidit in sortem Obededom, & filijs eius, & etiam fratribus suis, qui erant simul sexaginta duo, vt patet supra in littera.

In qua parte domus erat seniorum consilium. Scilicet in parte australi domus Domini erat consilium seniorum, scilicet quia ad partem Meridianam atrij erat aliqua domus magna, in qua erat consilium seniorum, ideo diligenter obseruandum erat in parte illa, ne quis intraret ad locum, in quo seniores consilium tenebant. Qui autem essent isti seniores, & quod erat istud consilium declarabitur infra in quadam questione.

Sephim, & Hosa ad occidentem. Isti erant duo principes ianitorum, quibus euenit sorte porta occidentalis, & erant isti de progenie Merari. Nam principes, qui tenebant alias tres portas erant de progenie Coritarum. Nam Meselechia, qui erat de Coritis tenebat portam orientalem, & filius eius Zacharias, qui etiam erat Corita tenebat partem Septentrionalem. Obededom vero qui erat etiam de Coritis, licet non de stirpe Meselechia, tenebat portam australem. Manebat autem vnica porta, scilicet occidentalis, ideo necesse erat, quod teneretur illa a filiis Merari, eo quod filij Merari erant ianitores, vt patet infra in litera, & si non tenerent illi portam occidentalem, nullam portam tenerent, nec haberent officium ianitorum. Sed tunc est dubium, quomodo dicitur, quod Sephim, & Hosa erant principes, qui tenebant portam occidentalem, & tamen isti non erant principes de illis, qui supra nominati sunt esse de stirpe Merari, quia solū positi fuerunt ibi quatuor principes, de quibus non sunt isti duo.

Iuxta portam, qua ducit ad viam ascensionis. Idest isti duo custodiebant iuxta portam occidentalem; per quam ibatur ad viam ascensionis, scilicet quod ex parte occidentali, ex qua erat ista porta, erat ascensio ad templum, quia locus ille erat arduus. Et directè in Hebræo dicitur.

Iuxta portam, que ducit ad viam holocausti. Ista autem differentia prouenit ex equiuocatione nominis Hebraici, quod potest significare holocaustum, vel gradum, vel ascensionem, & tamen est aliqualis differentia, quia olla in Hebræo significat holocaustum, & alla significat ascensionem, & facile est in istis fieri transitum, vel transmutationem, Hebræi autem intelligunt, quod accipitur hic pro holocausto, sed Hieronymus accepit pro ascensione, eo quod non conuenit, quod accipitur pro holocausto, quia holocaustum fiebat in altari holocaustorum, & tamen agitur hic de porta occidentali, quæ erat opposita, per quam non ascendebatur ad altare holocaustorum, ideo melius accipitur hic ascensio quam holocaustum, quia forte per portam occidentalem erat ascensus difficilior, propter asperitatem collis, & non erat sic ex alijs partibus atrij, ideo porta occidentalis vocabatur porta contra viam ascensionis.

Custodia contra custodiam. Istud refertur ad omnia precedentia, scilicet, quod ordinatio istorum ianitorum erat custodia contra custodiam, idest ex opposito latere: nam custodia orientalis erat ex opposito contra custodiam Aquilonarem, ideo in omnibus istis erat custodia contra custodiam.

Ad orientem vero Leuitæ sex. Idest ad portam orientalem custodiebant temper sex Leuitæ, attendendo ne quis introiret in Sanctuarium, cui illicitum esset illuc introire, & in ista porta custodiebant plures Leuitæ quam in alia, eo quod ista erat principalior, sicut supra declaratum est.

Et ad Aquilonem quatuor per diem. Pauciores erant ianitores in porta Aquilonari quàm in orientali, & etiam in omnibus alijs ex causa supradicta, & dicitur quatuor per diem, quod potest dupliciter intelligi, vno modo, quod ista ordinatio ianitorum, scilicet quod custodiunt sex in porta orientali, & quatuor in occidentali intelligitur per

diem, non per noctem; eo quod erat maius periculum, plures custodiebant ad quamlibet portam. Alio modo potest intelligi, quod dicitur hoc ad significandum, quod officium ianitorum solum erat per diem, nam per noctem non custodiebant, eo quod per diem erant portæ aperte, & oportebat esse custodem, per noctem autem erant clausæ portæ, & non erat necesse, quod aliquis custodiret, sed quid istorum verum sit, infra dicetur. *Ad meridiem similiter in die quatuor.* Scilicet ad portam meridianam, quam custodiebat Obededom etiam erant quatuor, sed quomodo intelligatur, quot erant per diem, supra declaratum est. *Et vbi erat consilium bini, & bini.* Erat ad portam meridianam domus, in qua fiebat consilium intra ipsum atrium, & ad portam illius bini erant custodes, scilicet præter custodes, qui erant ad portam meridianam atrij: nam domus ista erat intra atrium ad portam meridianam, & obseruata porta meridiana videretur foris aliquibus, quod non erat necessaria custodia aliqua ad portam domus consilij seniorum, & tamen necessaria erat, quia intra atrium erant multi Israelitæ tam laici, quàm Leuitæ, qui poterant intrare licitè in atrium, & non poterant licitè intrare in domum consilij, ideo oportebat poni custodes ad portam consilij pro illis, qui erant intra atrium, ne illuc introirent, & erant bini, & bini ad istam portam, scilicet per successionem, quia semper erant in custodiendo, & cessantibus illis duobus custodiebant alij duo, & sic semper erant bini, & bini. *In cellulis quoque ianitorum ad occidentem quatuor.* Idest in quibusdam cellulis, quæ erant ad partem occidentis in latere occidentali templi vbi manebant ianitores erant semper quatuor custodes, quia in illis erant aliqui thesauri. *In via bini per cellulas.* Idest in latere meridiano, & in latere aquilonari, quæ erant duæ viæ veniendi ab occidente in orientem vbi erat porta templi, & altare holocaustorum, & atrium sacerdotum, erant cellulæ coniunctæ parietibus templi, & in qualibet istarum erant duo ianitores.

Pro hoc sciendum, quod sicut declaratum est tertio Regum sexto, fabricato templo Salomonis erectæ fuerunt cellulæ per circuitum templi in tribus lateribus, scilicet meridiano, occidentali, aquilonari, & istæ cellulæ vocantur exedre, vt patet supra nono, & infra vigesimo octauo. Et in istis morabantur omnes ministri Sanctuarij eo tempore, quo custodiebant sacerdotes, quam Leuitæ, etiam in illis custodiebantur vasa Sanctuarij, & vestes, ideo ponebantur ianitores in illis, vt conseruarent thesauros, qui habebant istos erant alij præpositi thesaurorum, qui habebant in sua administratione omnia vasa, & vestes templi. De distinctione autem ministerij istorum à ministerio ianitorum infra declarabitur in quadam questione. *In Hebræo dicitur. Vbi erant congregati.* Vbi nos dicimus, vbi erat consilium, & idem est. Etiam in Hebræo habetur. *Paruath* Vbi nos dicimus per cellulas ianitorum, & multi Hebræi putant illud esse nomen proprium, sed est nomen commune significans exedram, quia nihil aliud in templo custodiebatur nisi portæ atrij, & exedre, in quibus erant thesauri. *Ne sint diuisiones ianitorum.* Refertur ad omnia precedentia, quia omnes partes, & diuisiones ianitorum continentur in his, quæ supra posita sunt.

Filiorum Core, & Merari. Scilicet omnes ianitores erant de istis duabus familijs, scilicet Core, & Merari, vt patet ex his, quæ supra dicta sunt: de alijs autem familijs nulli erant ianitores.

De necessitate officij ianitorum.

Quest. II.

QVAERITVR circa supradicta de officio ianitorum ad quid erat necessarium illud in templo.

Respondendum est, quod ianitores erant necessarii in templo, sicut alij ministri. Pro quo sciedum est, quod istud ministerium semper pertinuit ad Leuitas, & Sacerdotes ante ædificationem templi Salomonis, & post ædificationem de tempore, quod prius fuit pater: nam Deus instituit in deserto, quando fabricatum est Tabernaculum, quod populares non accederent ad Sanctuarium, sed Leuitæ excubarent in circuitu illius, & quod si aliquis de popularibus accederet, irasceret Deus super totum populum: Numeri primo. Et ob hoc ordinauit, Leuitas secundum familias suas, vt excubarent in circuitu tabernaculi custodientes. Erant autem quatuor latera Tabernaculi quæ custodienda erant, & familie Leuitarum erant tres, scilicet, Caathitarum, Meraritarum, & Gersonitarum. familia Caathitarum diuisa est in duas, quæ quædam pars eius Sacerdotalis, & aliæ partes eius erant Leuiticæ. Pars ergo illa, quæ erat Sacerdotalis, scilicet, Aaron, & filij sui, & etiam Moyses cum eis custodiebant partem Orientalem Sanctuarij, per quam erat introitus. Reliqua familia Caathitarum custodiebat ad partem Meridianam Tabernaculi, familia autem Meraritarum custodiebat ad partem Septentrionalem. familia autem Gersonitarum custodiebat ad partem Occidentalem: Numeri 3. Istud erat quando pcedebant Israelitæ per desertum. Postquam autem fuerunt in terra Chanaan, etiam custodiebant Sanctuarium, & tamen non custodiebant omnes Leuitæ, & Sacerdotes, sicut prius, sed aliqui specialiter deputabantur in custodes: nunc autem templo Salomonis constructo, cum illud esset opus fortissimum, nõ oportebat custodiri nisi introitum, ideo secundum numerum portarum ponebantur custodes: erant autem quatuor portæ atrij templi, & in illis oportebat assignari custodes, erant etiam parue domus intra atrium, in quibus seruabantur thesauri, & illæ vocabantur exedre, & illæ etiam custodiendæ erant, & pro omnibus his assignabantur custodes, vt apparet hic in littera: nam pro quatuor portis ponuntur custodes, & pro domo consilij, & etiam pro exedris, in quibus erant thesauri. Nam in qualibet ponebantur duo custodes, & quatuor in illa, in qua manebant ianitores, nunc tamen non fiebat, sicut a principio, quia prius erat custodia communis Sacerdotibus, & Leuitis, nunc autem soli Leuitæ custodiebant.

An solum Leuitæ seruabant portas atrij. Quest. III.

QVAERITVR vterius an ad solos Leuitas pertineret seruare portas atrij, vel ad aliquos alios, vt prore ad laicos, vel feminas.

Respondendum, quod ad solos Leuitas pertinebat: nam hic ponuntur officia ianitorum, & non ponuntur in eis nisi Leuitæ: ideo videtur, quod istud ministerium non pertinebat nisi ad Leuitas. Aliquis obijciat, quod pertinebat etiam ad feminas: nã scemine excubabant ad ostium Tabernaculi, sicut colligitur Exo. trigesimo octauo. Cum dicitur.

Fecit labrum æneum cum base sua de speculis mulierum, quæ excubabant in ostio Tabernaculi. Sic etiam colligitur primo Regum secundo cum dicitur de filiis Heli, quod dormiebant cum mulieribus, quæ obseruabant ad ostium Tabernaculi.

Dicendum, quod ad mulieres, & ad viros laicos Alph. Tost. in lib. I. Paralip.

A non pertinebat custodire Sanctuarium, quia custodire erat ministerium, & nulla ministratio competeat alicui laico in Sanctuario, Numeri primo: & si aliquis conaretur se immiscere istis ministracionibus, occidendus erat, vt patet ibidem, & Numeri tertio, & decimo octauo.

Dicendum tamen, quod licebat laicis, & mulieribus manere intra atrium Tabernaculi per noctem, & diem, & quodocunque vellent orare, & sic ex deuotione multi viri, & femine manebant semper in Sanctuario. Sic patet de Anna filia Phanuelis de tribu Aser, q̄ manebat in templo in oratione diebus, & noctibus inde non recedens, vt patet Luc. 2. Sic etiam intelligitur Exodi trigesimo octauo. scilicet, quod mulieres quædam excubabant ad ostium Tabernaculi, & illæ dederunt specula ad faciendum labrum æneum: Sole enim mulieres, quæ erant nimis deuotæ manebant in atrio Tabernaculi orantes die, & nocte, & illæ ex deuotione multa dabant Sanctuario, vnde illæ dederunt specula sua ænea, vt ex eis fabricaretur labrum, in quo lauantur Sacerdotes. S. cetiam tempore Heli summi Sacerdotis, scilicet, quod quædam mulieres ex deuotione dormiebant per noctem in templo ad ostium Tabernaculi, & Sacerdotes filij Heli sollicitabant eas, & fornicabantur cum illis. Ita consuetudo seruata est toto tempore quo durauit status Iudeorum: de principio patet Exo. trigesimo octauo, quia illud fuit tempore Moysi, quando cepit fabricari Tabernaculum. De fine status Iudæi patet, quia tempore Christi cessauit, scilicet, paulo post mortem eius, & tamen tunc aliquæ mulieres adhuc manebant in Sanctuario, sicut dictum est de Anna Lucæ 2. De tempore autem medio patet. scilicet, de tempore, quo fuit Heli: nam tunc mulieres excubabant ad ostium Tabernaculi, vt patet primo Reg. 2. Illæ tamen mulieres non obseruabant templum, nec erat eis tradita aliqua cura, sed poterant manere in Sanctuario, Leuitæ autem erant, qui bus traditum erat custodire portas, & excludere indignos, & recipere quos iudicaret recipiendo s. Ita autem erat quædam potestas, quæ non committebatur alicui, nisi Leuitis, & sic mulieres, & laici nihil custodiebant.

An ianitores atrij custodiebant portam templi. Quest. IIII.

QVAERITVR vterius circa ianitores, an isti custodirent portam templi, sicut custodiebant portas atrij. Aliquis dicit, quod isti Leuitæ ianitores custodiebant portas atrij, & Tabernaculi: nam officium custodiendi non legitur alicui commissum nisi istis Leuitis ianitoribus, quorum progenies ponuntur hic. Sed custodire portas templi erat de officio Leuitarum: ideo oportebat, quod pertineret ad Leuitas cum non legatur alijs commissum. Item patet, quia supra non dicitur. Porro Zacharias filius Melchiam ianitor portæ Tabernaculi Domini. Et tamen ille Zacharias videtur esse Leuita, ideo dicendum, quod custodia illius portæ pertinebat etiam ad Leuitas.

Respondendum est, quod custodia portæ templi non pertinebat ad Leuitas ianitores, sed ad Sacerdotes, & patet hoc primo ex similitudine, quia sic fuit a principio, quando institutum est officium custodiendi Sanctuarium, scilicet, Leuitæ custodiebant per omnia tria latera Tabernaculi, in quibus nõ erat introitus. Sacerdotes autem custodiebant in loco illo, in quo erat porta. scilicet, in latere Orientali Nu. 3. Ita ergo videtur nunc: nã templum Salomonis non habebat aliquam portam nisi in latere Orientali, licet atrium haberet portas quatuor per circuitum. ideo videtur, quod illa porta nõ custodiebatur

stodiretur nisi a Sacerdotibus, licet aliæ custodirentur a Leuitis. Secundò patet, quia hic ponitur determinare officium ianitorum, & distinguuntur per vires suas, & assignantur eis officia, & tamen non assignatur nisi, quòd custodiant quatuor portas atrij per circuitum, & etiam exedras, quæ erant intra atrium, ut patet supra in litera. Si tamen deberent custodire portam, etiam illa committeretur eis, ideo non custodiebant illam. Cum autem obijciatur, quod custodire erat officium ianitorum, & non legitur datum aliquibus alijs, ideo credendum est, quòd committeretur Leuitis: dicendum, quòd sub vniuersalitate custodiendi portas intelligebatur commissa porta templi, eo quòd illa erat specialior, & magis sacra quàm portæ exteriores atrij, eo quòd ad templum non introibat quisquam nisi Sacerdos. In atrium autem templi poterat quilibet introire. Ad hoc tamen, quòd Leuitæ aperirent portam templi, oportebat, quòd aliquo modo introirent in templum quod nequaquàm licebat, ideo solis Sacerdotibus committi hoc debebat. & cum dicitur, quòd non legitur hoc commissum alijs nisi Leuitis.

Dicendum, quòd licet non legatur hic expresse, intelligendum est per simile, cum tempore Moyse Sacerdotibus committeretur custodire portam Tabernaculi, & non Leuitis Num. 3. Ad secundum cum dicitur supra, quòd Zacharias filius Meselemia erat ianitor portæ Tabernaculi. Aliqui putant, quòd iste est Zacharias filius Meselemia, de quo supra in litera, & ille erat ianitor de Leuitis filijs Core. Sed dicendum, quòd non statimò, quia iste Zacharias, de quo hic dicitur, custodiebat portam Septentrionalem atrij, ut patet hic: ille autem custodiebat portam Tabernaculi. Item iste Zacharias fuit tempore Dauid, quando institutus fuit iste ordo ministrorum, & tamen ea, quæ habentur supra nono, fuerunt post captiuitatem Babylonis, ut ibi declaratum est, & sic non erat idem Zacharias: ideo potest dici, quòd ille Zacharias non erat de Leuitis, sed de Sacerdotibus, cum ibi non appareat, quòd esset de Leuitis. Si autem aliquis dicat, quòd esset Leuita, dicetur, quòd non accipitur propriè porta Tabernaculi pro porta vnica, quæ erat in templo Salomonis propriè dicto, sed accipitur pro porta Orientali atrij, quæ erat porta Tabernaculi large sumpti, eo quòd illa erat præcipua inter omnes quatuor portas atrij, ut supra declaratum est.

De qua stirpe Leuitarum erant ianitores.

Quæst. V.

QVAERITVR vterius de ianitoribus, de qua stirpe Leuitarum erant.

Respondendum, quòd non erant de aliqua vna stirpe, sed de duabus: nam inter Leuitas erant tres familie. scilicet Caathitarum, Gersonitarum, Meraritarum, Numeri tertio. Erant autem quidam ianitores de familia Merari. Alij autem de filijs Core, & tamen dubium est de istis propter Core, & Asaph, de quibus dicitur, quòd descendebant a Leui, an essent de familia Caathitarum, vel Gersonitarum: nam si accipiat Core pro illo, qui fuit in seditione contra Moysem, & Aarō, erant ianitores de familia Caath, quia Core erat filius Isaar filij Caath Numeri 16. Si autem accipiat Asaph pro illo, de quo habetur præcedenti capit. erunt isti ianitores de stirpe Gersonitarum, quia Asaph erat de familia Gerson, ut patet supra sexto. Sed de hoc infra dicetur in quadam questione. Illi autem, qui erant de familia Merari descendebant a quodam viro nomine Hosa, qui habuit filios quatuor, & fratres nouem, & fuerunt simul

Ftredecim principes ianitorum de ista familia Merari: multi autem alij fuerunt de eadem, qui non nominantur. Filij autem Core habuerunt duo capita, scilicet Meselemiam, & Obededom: habuit Meselemias filios septem, quorum nomina ponuntur in litera: habuit etiam fratres vndecim, qui simul fuerunt ianitorum principes, & sic dicitur, quòd fuerunt decem, & octo de filijs, & fratribus Meselemia. Obededom autem habuit filios octo de filijs, & fratribus Meselemia, & filius eius primus habuit alios, & omnes filij, & fratres Obededom fuerunt sexaginta duo, qui fuerunt principes inter ianitores, An verò de alijs familijs Leuitarum fuerint alij ianitores subiecti istis principibus Coritarum, & Meraritarum non apparet, sed satis potest dici, quòd de istis solis familijs, de quibus fuerunt principes ianitorum fuerunt etiam ceteri ianitores.

De paucitate ianitorum, quæ hic ponitur. Quæst. VI.

QVAERITVR vterius circa ianitores, quomodo ponitur hic summa eorum tam parua, cum sint quatuor millia ianitores, ut patet sup. 23. hic tamen non ponuntur ultra centum: nam dicitur, quòd omnes filij, & fratres Obededom fuerunt sexaginta duo, filij, & fratres Meselemia fuerunt decem, & octo: filij, & fratres Hosa de stirpe Merari fuerunt tredecim, ut patet in litera de omnibus, & isti sunt nonaginta, & tres solum.

HRespondendum est, quòd ianitores fuerunt quatuor millia, ut patet supra vigesimo tertio, hic autem non ponuntur nisi principes, & adhuc positi fuerunt duæ familie. scilicet Meraritarum, & Coritarum, de quibus fuerunt omnes isti principes, & assignantur in eis principes nonaginta, & tres, sub istis autem erant omnes alij ianitores, quorum nomina non ponuntur, eo quod Scriptura non curat exprimere nomina nisi virorum principalium, sic enim fuit præcedenti cap. de cantoribus: nam quatuor millia cantorum erant supra vigesimo tertio, & tamen ponuntur præcedenti cap. solum ducenti octoginta octo. In qualibet de viginti quatuor sortibus ponuntur duodecim, eo quòd isti erant doctores aliorum, ut patet ibidem. De modo autem, quo isti subordinati fuerunt alijs, & qualiter dividebantur ministrationes eorum infra declarabitur.

Quomodo fuerunt factæ sortes ianitorum. Quæst. VII.

QVAERITVR vterius circa sortes ianitorum qualiter factæ fuerunt.

KRespondendum, quòd primò quatuor millia ianitorum diuisi sunt in quinque partes, scilicet licet, vna, ut custodiret portam Orientalem, cidentalem, alia Aquilonarem, alia Meridionalem, alia custodiebat exedras. Istæ partes non erant equales: nam plures Leuitæ custodiebant portam Orientalem quàm aliam quamlibet, quia in illa erant sex, & in qualibet aliarum quatuor, ut patet in litera: In custodia exedrarum erant plures quàm erant duo ianitores, & in cellula ianitorum erant quatuor, ut patet in litera, & sic oportuit partes Leuitarum esse diuisas, sed facta est diuisio iam per principes, & constituti fuerunt quatuor principes, scilicet, Meselemia, & Zacharias, & Obededom, & Hosa, qui erant de stirpe Merari, & per istas tamquam per quatuor capita posita fuit iors per quatuor partes atrij, & Meselemia exijt fors portæ Orientalis, Zacharia autem filio

filio eius exijt porta Septentrionalis: Obededom vero porta Meridiana, Hotha autem, & Septhim porta Occidentalis. Postquam autem prouenerunt isti portæ prædictæ, quia porta Orientalis requirebat plures custodes, positi fuerunt plures in familia, vel parte Metselemiæ, principes autem aliarum trium portarum habebant æqualem laborem, ideo assignatæ fuerunt eis partes æquales ministrorum: De ianitoribus autem exedrarum non legitur, quod positi fuerint sortes pro illis, quia sortis exedre licet requirerent plures custodes, quia multæ erant, tamen erat accessoria custodia earum ianitoribus quatuor portarum, & tunc solum essent quatuor partes Leuitarum, sicut supra ponuntur quatuor principes. Vel sortis fuerunt quinque partes, sicut supra dicebatur, & pars quinta, quæ fuit ad custodiam exedrarum, erat maior, & non posuit sortes cum alijs quatuor partibus, quibus prouenerunt quatuor portæ. Post hæc autem illi ianitores, quibus quilibet porta custodienda prouenerat, diuisi sunt in partes æquales ad hoc, quod ministrarent per diuersa tempora, & quia labor idem erat, fuerunt omnes partes æquales, & inter istas partes secundæ diuisionis fuerunt posite sortes, ad sciendum, quæ pars debebat præcedere aliam in ministrando, sicut factum est de sortibus positis per viginti quatuor partes Sacerdotum, & per vigintiquatuor partes cantorum præcedenti capit. & supra vigesimo quarto. Et de ista secunda diuisione non fuit hic clare mentio facta in litera, & tamen oportet illam subintelligi.

De diuersitate sortium inter ianitores, cantores, & Sacerdotes. Quest. K. 111.

QUÆRITUR ulterius quare non fuit facta talis diuisio, & modus sortium inter Leuitas ianitores, sicut inter Leuitas cantores, & inter Sacerdotes.

Respondendum, quod diuisio facta inter ianitores differabat a diuisione facta inter Sacerdotes, & cantores in multis. Primo, quia diuisio facta inter Sacerdotes, & cantores fit per æqualitatem: diuisio autem inter ianitores fuit per partes inæquales, quia plures custodiebant vnā portam quā aliam, ut probatum est præcedenti questione. Secundum vigintiquatuor sortes præcedenti cap. & supra vigesimo quarto. Inter ianitores autem non fuerunt tot partes præcise, quia quatuor solum expresse leguntur, & multæ aliæ fuerunt. Tertium est, quia inter cantores, & Sacerdotes fuit vnica diuisio facta, quia in prima sui diuisione fuerunt diuisi in vigintiquatuor sortes, ut patet præcedenti cap. & supra vigesimo quarto, ianitores autem diuisi fuerunt bis, quia primo diuisi sunt in quatuor partes, vel quinque, & posite fuerunt sortes pro custodia quatuor portarum atrij. Deinde ianitores cuiuslibet portæ diuisi fuerunt inter sex sortes ad hoc, quod ministrarent in eadem porta custodiendo per diuersa tempora, ut declaratum est supra. Ratio autem primæ differentię est, quia Sacerdotes, & cantores diuisi fuerunt per partes æquales, eo quod ministraturi erant in eodem officio penitus, sed solū differabant, quia quidam minister in vna sorte, quam in alia, cum labor equalis debeant esse omnibus. Patet hoc, quia Sacerdotes habebant officia determinata, quæ declarata sunt supra vigesimo quarto, in quadam questione, & omnia illa habebant Sacerdotes quicunque ministrarent temporibus suis, & tamen ista erant equalia cum temporibus

Alph. Toit. in lib. I. Paralip.

Are; ideo partes Sacerdotum ministrantium diuersis temporibus debuerunt esse æquales. Idem est in cantoribus: nam officium cantorum erat temporibus determinatus cantare coram Domino, dum fierent sacrificia, & ista tempora canendi, & etiam cantica determinata erant: ideo nihil magis laborabant quidam cantores, quā alij, unde debuerunt habere partes æquales in ministrando, secus autem fuit de ianitoribus, quia non ministrabant ianitores in eodē officio succedendo sibi, sed quidam ianitores tenebant portam Orientalem, & ad eos nunquam pertinebat tenere portam Occidentalem, & sic de alijs. Etiam quidam ianitores custodiebant exedras, qui nunquam custodiebant aliquam de portis atrij, & quia erat labor inæqualis, cum custodia cuiusdam portæ esset difficilior quā custodia alterius, erant plures Leuitæ in vna porta quā in alia, & sic fuit de porta Orientali: nam illa erat principalior, & ob hoc sex Leuitæ erant custodiendo semper illam, quæ libet autem aliarum custodiebatur a quatuor Leuitis, ut patet in litera. Sicut etiam erat de exedra, quia custodia exedrarum erat minoris laboris, quā portarum atrij: ideo duæ Leuitæ solum custodiebant quamlibet exedram: fuit tamen quedam equalitas in ipsis secundis diuisionibus, scilicet, quia in qualibet porta Leuitæ, quibus illa euenerat custodienda, diuidebantur ad hoc, quod per diuersa tempora custodirent, & illi diuidebantur per partes æquales, quia idem labor erat omnium, & sic etiam factum est in custodia exedrarum. Ratio secundæ differentię erat, quia Sacerdotes, & cantores habebant vnica ministerium, & poterant in illa diuidi per quocunque partes vellet: hic autem in ianitoribus non erat idem ministerium, cum essent diuersæ portæ custodiendæ: ideo prima diuisio sua fuit per numerum portarum, & sic fuerunt factæ quatuor diuisiones. Tertia differentia erat, quod inter Sacerdotes, & cantores erat vnica diuisio: inter ianitores fuerunt duæ. Ratio huius fuit, quia ianitores, & cantores vnicum habebant officium, & id, in quo ministrabant præcedentes, erat, in quo ministrabant subsequentes, nec erat aliqua differentia nisi in tempore, & tamen inter ianitores non erat idēitas ministerij, quia quidam ministrabant in vna porta, & alij ministrabant in alia: ideo oportuit, quod primo diuiderentur ianitores per numerum ministeriorum suorum: deinde illi, quibus proueniebat idem ministerium, diuiderentur inter se ad ministrandum secundum successionem temporum in eodem. Prima diuisio fuit in quantum posite fuerunt quatuor sortes pro quatuor portis, & Leuitæ, quibus ceciderant istæ portæ custodierunt semper illas, nec mutauerunt aliquod ministerium succedendi sibi, & in hoc erant dissimiles cantoribus, & Sacerdotibus. Alia diuisio fuit, scilicet, quod illi, quibus prouenerat vna porta, vel vna ministratio inter se posuerunt sortes postea pro diuerso tempore ministrationis, scilicet, ut quædam pars ipsorum ministraret prius, & alia ministraret posterius, & istæ partes fuerunt inter se æquales, sicut partes Sacerdotum, & cantorum.

De Core, & Asaph quis fuerint. Quest. IX.

QUÆRITUR ulterius cum dicitur hic, quod ianitores quidam fuerunt filij Core, & quidam de filijs Asaph, quis fuit iste Core, & quis fuit Asaph. Aliqui putant, quod iste Core sit ille, qui submersus est propter seditionem, quam fecit contra Moylen, & Aaton in deserto: Num. 16. & 26. Et putant, quod iste

I. Paralip.

Cap. XXVI.

Asaph sit ille, de quo habetur præcedē. cap. sed istud non stat, quia Core fuit valde antiquior q̄ Asaph, eo q̄ Core fuit in exitu de Aegypto, & mortuus est in deserto Num. 16. & 26. Asaph autem, de quo præcedenti cap. fuit quidam Leuita princeps cantorum tēpore Dauid: nam ipse Asaph fuit in portatione Arce dedomo Obededom in domum Dauid supra 15. Ipse etiam constitutus fuit a Dauid in principē cantōiū manentium coram Arca in Ierusalem supra 16. Ideo non potuit ille Asaph esse pater istius Core. Secūdo patet, quia Core, & Asaph erant de diuersis stirpibus: nam Asaph erat de familia Gersonitarum, vt patet supra 6. Core autem erat de familia Caathitarum: nam Core erat filius Isaac, & Isaac erat filius Caath Num. 16. Ideo non potest stare, q̄ ille Core sit filius istius Asaph. Alij dicunt, quod iste Core, de quo hic dicitur non sit Core, de quo habetur Num. 16 qui etiam fuit in seditione contra Moysem, sed q̄ fuit quidam vir tempore Dauid, & erat filius Asaph, & iste Asaph fuerit ille, de quo habetur præced. cap. & hoc videtur satis stare, quod ille Asaph fuit tempore Dauid, & sic etiam filij eius, qui essent tempore istius diuisionis conuenienter effici poterant ianitores. Sed dicendū est, quod hoc non stat primo, quia Asaph, & filij sui facti fuerunt cantores, vt patet præced. cap. sed officium cantorum, & ianitorum erant distincta: Ideo non poterant esse filij Asaph ianitores. Secundo patet, quia præcedenti cap. numerati fuerunt omnes filij Asaph, & dī, quod omnes isti, & filij, & fratres eorū erudiebant canticum Domini, & ibi distinguuntur p̄ eos sortes cantorum: ideo non potuerunt aliqui de filiis illius Asaph esse ianitores, & sic iste Core non erat filius illius Asaph, de quo dī præcedenti capitu. Sed dicendum videtur, quod iste Core fuit ille, qui seditionem fecit contra Moysem, & Aaron in deserto filij tamen eius non conuenerunt malitiæ paternæ, ideo quamquā pater submersus est, filij non fuerunt submersi, sed potius supernaturaliter liberati sunt, vt patet Num. vigesimosexto. Grande miraculum in Israel factum est, vt Core pereunte filij eius non perirent. Et propter bonam affectionem, quam tunc habuerunt, non solum liberati fuerunt tunc, sed etiam postea honorati fuerunt inter Leuitas accipientes officia multamam aliqui istorum præerant libamentis, 1. is, quæ frangebantur in sartagine, vt patet supra nono. Etiam facti sunt ianitores de illis, sic patet hic. Sed tunc manet dubium, quomodo ille Core esset filius Asaph, quia erat filius Isaac, vt patet Numeri decimosexto. Aliquis dicet, quod Isaac erat binomius, & aliquando vocabatur Isaac, & aliquando Asaph. Ista responsio est aliquantulum colorata, & in nō est vera prius: nam Asaph non erat pater Core, nec litera significat illud hic, quia dicitur Meselechia filius Core de filiis Asaph, & non dixit filij Asaph: nam si dixisset Meselechia filius Core filij Asaph, necesse erat intelligi, quod iste Core esset filius Asaph, & tamen dicitur filius Core de filiis Asaph, quia referri potest ad Meselechia, scilicet, quod erat filius Core, nō quidem immediatus, sed filius, id est, de genere eius, sicut quilibet Hebræus vocatur filius Abraham, vel Iacob, scilicet, quia de progenie illius descendit. Et dicendum est, quod iste Core erat filius Isaac de stirpe Caathitarum, & ipse fuit pater istorum ianitorum. Postea autem de filiis eius tempore Dauid erat quidam, qui vocabatur Asaph, & non erat ille Asaph, qui erat princeps cantorum, de quo præcedenti cap. Et iste habuit filiū noīe Meselechia, & ab isto descendunt ianitores, de quibus hic dicitur: vnde Asaph, de quo hic dicitur, non erat pater Core, sed potius erat de progenie eius, & iste Asaph fuit ianitor tempo-

re Dauid, quando Arca erat in Ierusalem: nam ipse & Obededom, de quo hic dicitur, custodiebant eā, vt patet supra decimosexto: fortē autem tempore istius diuisionis mortuus erat ille Asaph, ideo non fuit posuitus tamquam caput ianitorum, sed filius eius Meselechia.

Cur nominantur hic isti, & non omnes ianitores.
Quæst. X.

QVAERITVR vltius de istis ianitoribus, qui nominantur hic, quare Scriptura nominauit eos. Nam si intendebat nominare omnes ianitores, plures nominare debuisset, cum illi essent quatuor millia, vt patet supra vigesimo. Si autem non intendebat nominare omnes frustra erat nominare tot, quos hic nominauit.

Respondendum est, quod Scriptura non intendebat nominare omnes ianitores personaliter, sed volebat nominare principes eorum, quia frustra erat nominare omnes, & ad hoc distinxit duas progenies ianitorum, scilicet, vnā de Meraritis, & aliam de Coritis, Progenies Coritarum diuisa est in duas partes, quia Meselechia fuit princeps vnus partis, & Obededom fuit princeps alterius, familia autem Merari non diuisa est, sed fuit vnus princeps p̄ssimus in illa, scilicet, Sechri, de quibus patet in litera. Sed obijcietur, quod non fuerunt nominati isti principes, quia non solum fuerunt isti principes, sed etiam multi alij: nam de stirpe Meselechie fuerunt decem, & octo, & de stirpe Obededom fuerunt sexaginta duo, vt patet in litera, & non ponuntur nomina omnium istorum, sed paucorum, & tamen isti principes erant, vt declaratum fuit supra in quadam quaestione.

Dicendum, quod omnes isti quatuor, quorum nomina exprimuntur, & etiam illi quorum non exprimuntur nomina, sed ponitur summa eorum, fuerunt principes, & tamē differentia erat inter principes, quia quidam erant principes maiores alij minores, illi qui maiores erant, exprimuntur nominatim, in litera propter excellentiam suam. Alij autem, qui erant minores principes non exprimuntur nominatim, sed ponitur summa eorum, scilicet, quos fuerunt tot, vel tot de qualibet stirpe. Omnes tamen principes sunt, quia si diceremus non fuisse omnes principes, non posset dari aliqua causa quare posita fuisset summa istorum, vel nomina eorum: cum non ponantur nomina omnium, nec etiam summa, quia tota summa, quæ colligitur hic etiam non expressis nominibus, prouenit solū ad nonaginta tres, vt declaratum est supra in quadam quaestione.

De expressione nominum filiorum Semeia filij Obededom, & non aliorum filiorum.
Quæst. XI.

QVAERITVR vltius quare cum ponatur hic Obededom, & filij eius octo nominatim, exprimuntur etiam nomina filiorum Semeia primogeniti sui, & nō exprimuntur nomina aliorum, vt patet in litera. Aliqui dicunt, q̄ hoc factū est, quia Semeias primogenitus Obededom habuit filios, & alij fratres sui nō habuerunt filios, ideo nō ponuntur nomina filiorum aliquorum nisi istorum, qui erant filij Semeie. Sed obijcietur, quia filij Obededom & descendentes ab eo fuerunt sexaginta duo in ista diuisione, vt patet in litera. Si tamen solus Semeias primogenitus Obededom habuisset filios, non potuissent filij Obededom peruenire ad sexaginta duos, quia solum ponuntur hic octo filij Obededom natim,

nam, & ponuntur filij Semeiæ sex. Si ergo alij filij Obededom non habuissent filios, non peruenirent ad sexagintaduos, sed ad quatuordecim, oportet ergo, qd alij habuerint filios. Sed respondebitur, quod alij non habuerint filios, & tamen peruenierunt ad septuagintaduos nō soli filij Obededom, sed filij, & fratres eius, vt colligitur in litera, quia dicitur ipsi, & filij, & fratres eorum fortissimi ad ministrandum sexagintaduō de Obededom.

Dicendum tamen, qd hoc non stat, quia isti sexagintaduō erant filij Obededom, & nullus erat, qui ab eo non descenderet de omnibus istis, quod patet, quia litera dicit: Omnes hi de filiis Obededom fortissimi ad ministrandū, sexagintaduō. Et cum dī, quod intelligit de filiis, & fratribus: dicendum, quod non refertur ad fratres Obededom, sed ad fratres filiorum suorum hic nominatorum, qui omnes sunt filij Obededom, & litera exponitur hic, scilicet, omnes hi de filiis Obededom, scilicet, omnes isti sexagintaduō de Obededom, & filij, & fratres eorum sexagintaduō de Obededom, id est, isti nominati, & alij fratres eorum filij Obededom non nominati, & filij omnium istorum erant sexagintaduō simul, & erant omnes de Obededom; id est, de stirpe Obededom. Item patet, qd non omīssi fuerint nominari alij filij fratrum Semeiæ tamquam illi nullos filios habuerint: nam cum Meselechia habuit septem filios, nullius illorum nominantur filij, & tamen certum est, qd illi habebant filios aliquos, quia aliās nō posset peruenire familia Meselechiæ ad decē, & octo, sicut peruenit infra in litera.

Dicendum ergo, quod nominantur filij Semeiæ primogeniti Obededom, & non filij fratrum suorum, eo quod isti erant digniores: fratres tamen sui habuerunt filios aliquos: Fuit tamen differentia, quia filij fratrum Semeiæ principes fuerunt, cum fuerit de illis sexagintaduobus de stirpe Obededom, qui in litera ponuntur, & omnes illi fuerunt principes, & tamen inter principes erant quidam excellentiores alijs, vtpote, quia quidam habebant aliquos principes minores sibi subordinatos, illi autem, qui erant maximi principes nominantur, & isti erant octo filij Obededom, & septem filij Meselechiæ: fuerunt etiam quatuor filij Semeiæ primogeniti Obededom. Ceteri autem filij filiorum Obededom, & ipsius Semeiæ, qui in litera non nominantur, fuerunt principes minores, ideo de istis solum fit expressa mentio.

De filiis Semeiæ, quare per se ponuntur quatuor, & postea duo.

Quæst. XII.

QUÆRITUR vterius quare cum ponantur filij Semeiæ ponuntur quatuor per se, deince ponuntur duo, scilicet, Heli, & Samathias. Aliquis dicet, quod illi primi quatuor fuerunt filij Semeiæ: Eliu autem, & Samathias non fuerunt filij eius, & ideo non ponuntur simul cum alijs quatuor. Sed dicendum, quod hoc non stat, quia si non essent filij Semeiæ: non apparet cuius essent filij, eo qd non ponitur ibi aliquis alius, cuius possent esse filij. Secundo patet, & efficacius, quia postquam positi fuerunt quatuor filij Semeiæ dicitur, & fratres eius viri fortissimi, Eliu quoque, & Samathias, & sic est ibi copulatio, & copulatur ad præcedens, scilicet, quod Eliu, & Samathias etiam erant filij Semeiæ, sicut quatuor prius positi.

Dicendum ergo, quod isti duo erant filij Semeiæ, & tamen non nominantur simul cum alijs fratribus suis, eo quod alij erant principes maximi, & isti non: sic habetur supra vigesimoquarto, scilicet, filij Merari, & Musitarum, & sequitur filius Ozia Benon. Alph. Toft. in lib. I. Paralip.

A Deinde dicitur filius quoque Merari Ozia, & Soan, & Zachur, & Ebri, & sic omnes illi sex sunt filij Merari, & tamen primi duo ponuntur per se, & facta interpositione quadam dicitur de alijs quatuor, qd erant filij Merari, & causa huius fuit, vt ibi declaratum est, quia duo primi nominauerunt familias, scilicet, Moholitarum, & Musitarum, & alij quatuor nullam familiam nominauerunt. ita fuit hic, quia quatuor primi filij Semeiæ, qui nominantur fuerunt maximi principes, & alij non, quia tamen cum filij Semeiæ nominarentur, putaret aliquis, quod omnes filij illius eēnt de maximis principibus, ideo positi fuerunt quatuor p se, & duo p se, vt sic appareret, qd inter eos erat dīa, cum simul non ponerentur. Sed obijcietur, quod nō possit stare, quia omnes isti, qui nominantur hic, & etiam filij, & fratres eorum, quorum nomina non ponuntur, sed solum summa, erant principes, vt declaratum est supra in quadam quæstione, ideo isti duo filij Semeiæ, scilicet, Samathias, & Eliu erant principes, & haberentur vt principes, dato qd nomina eorum non ponerentur hic.

B Respondendum est, qd verum est, qd omnes isti filij Semeiæ erant principes, siue quatuor primi; siue duo ultimi, & tamen erant inæquales, quia sicut dictum est præcedenti quæstione, quidam erant principes maximi, qui habebant sibi subordinatos alios principes minores. Alij erant principes minores, qui nullos sibi subordinatos habebant, Semeias autem habuit quatuor filios, quorum nomina ponuntur hic primo, qui fuerunt de maximis principibus, putaret ergo aliquis, quod omnes filij Semeiæ essent de magnis principibus, ideo positi fuerunt quatuor primi per se, quia illi erant de magnis principibus, & duo secundi ponuntur per se, quia de principibus minoribus erant.

Quare non omnes filij Semeiæ fuerunt magni principes, sed solum quatuor.

Quæst. XIII.

QUÆRITUR vterius cum esset differentia inter principes ianitorum, quia quidam erant de magnis principibus, & alij de minoribus, & subordinatis sibi, quare potius quatuor filij Semeiæ fuerunt facti principes magni quā alij fratres sui, & quā filij aliorum fratrum suorum.

D Respondendum, qd hoc fuit pp excellentiam ipsorum. scilicet, quia erant viri magis apti ad ministrandum qd ceteri, & hoc significatur in litera: nam cum dicitur: Semeiæ filio Obededom nati sunt filij pfecti familiarum suarum. Et subditur causa. scilicet, Erant enim fortissimi. Et pp istam excellentiam dari debuit eis maior principatus qd alijs. Sed obijcietur, quia non solum illi fuerunt viri fortissimi, sed omnes sexagintaduō de familia Obededom: nam dī in litera. Omnes hi de filiis Obededom ipsi, & filij, & fratres eorum viri fortissimi ad ministrandū. Et tñ non erant oēs isti sexagintaduō principes maximi, quia non nominantur oēs in litera, sed soli quatuordecim. scilicet, octo filij Obededom, & sex filij Semeiæ primogeniti Obededom, & adhuc non erant oēs illi de maximis principibus, quia duo ultimi filij Semeiæ non erant principes maximi, vt declaratum est præcedenti qōne. Rñdendum est, qd pp excellentem aptitudinem ad ministrandū potius in istis filiis Semeiæ, qd in alijs fuit facta dīa, & traditus eis maior principatus. Et ista aptitudo ad ministrandū significatur noīe fortitudinis. Et cū dī de oībus alijs, quod erant viri fortissimi, respondendum est, qd isti superlatiui accipiuntur hic largē: nam vocantur viri fortissimi oēs, qui aliquo modo sunt fortes. Sic enim patet Num. i. vbi computatur omnes Israelitę,

& de omnibus dicitur, quod erant viri fortissimi, & tamen si proprie acciperetur ille inperlatius, non proprie posset convenire omnibus de populo, quia nullus erat, ad quem compararentur in ista fortitudine, sed quilibet, qui potest educere gladium vocatur fortissimus. Et pro eodem accipiuntur ibi viri fortissimi, & educentes gladium, ut patet ibidem, & etiam 2. Regum vii. & supra 21. Erant alij fortiores, & illi, qui erant nimis excellentes, erant principes maximi, alij verò principes minores erant, sic fuit de istis filiis Semeiæ: nam ipsi erant aprissimi ad ministrandum inter omnes ianitores, ideo eis commissus est maximus principatus. Alij autem licet vocentur fortissimi, non erant tam fortes: ideo minor principatus eis commissus est. Sic enim factum est de Zacharia filio Meselemiæ: nam habuit aliquid excellens inter ceteros, nam inter alios ianitores pater, & filius semper custodiebant portam, & tamen Meselemia habuit per sortem portam Orientalem, & filius eius Zacharias habuit portam Septentrionalem, & hoc quia dicitur, quod erat vir prudentissimus, ut patet infra in litera, & de hoc magis declarabitur infra in quadam questione.

De Obdedom quis erat. *Quest. XIII.*

QVAERITUR ulterius de isto Obdedom, qui ponitur hic ianitor quis erat, & an esset ille ianitor, de quo supra decimosexto.

Respondendum, quod communiter tenet, quod iste Obdedom sit ille, in cuius domo Arca posita est, quando David volebat eam portare in domum suam, & impeditus est propter mortem Oza. 2. Reg. 6. & supra 13. & 15. Istud est satis conveniens. Primo quia iste Obdedom erat Levita, cum esset de ianitoribus. Et ille etiam fuerit Levita, cum arca tradita fuerit ei in custodiam, quæ non traderetur homini laico custodienda, ut declaratum est supra 15. Secundo, quia illi Obdedom conveniebat ministerium ianitorum, de quo hic agitur: nam ianitores custodiunt ea, quæ sunt in Sanctuario, ita iste Obdedom custodiuit Arcam in domo sua: ideo cum tunc custodierit, etiam competebat ei nunc maxime, quod custodiret templum committendo sibi unam de portis. Tertio patet, quia ille Obdedom postea a David constitutus est ianitor Arcæ, ut patet supra 16. I. quando mansit Arca in Israel in domo David, commissæ est custodia Arcæ Obdedom, & Alaph, non ergo debuit nunc privari in ministerio isto, & quia non poterat iam Obdedom custodire Arcam, eo quod illa poneretur in Sancta sanctorum postquam fabricaretur templum Salomonis, & ibi non erat opus, quod ab aliquo custodiretur, saltem debuit sibi committi alia custodia, & sic tradita est porta Meridiana custodienda. Quarto patet, & efficacius, quia postquam ponuntur filij Obdedom dicitur, quia benedixit illi Dominus, & tamen Obdedom, in cuius domo fuit Arca posita ad custodiendum, fuit ille, cui benedixit Dominus, ut patet 2. Reg. 6. & supra 13. I. Benedixit Dominus Obdedom, & domui eius.

De benedictione, qua benedictus fuit a Domino Obdedom. *Quest. XV.*

QVAERITUR ulterius, quæ benedictio fuit ista, de qua hic dicitur, quod benedixit Dominus Obdedom.

Respondendum, quod ista benedictio fuit duplex, scilicet, quædam in persona Obdedom, & alia in rebus eius, quod significatur in litera 2. Reg. 6. & supra

13. I. Benedixit Dominus Obdedom, & domui eius. Benedictio in persona fuit, quia Deus dedit ipsi Obdedom, incolumitatem corporis, & robur, & totale bonam habitudinem. Benedictio autem in rebus fuit, quia Deus multiplicavit bona Obdedom prosperando eum in omnibus, quæ ageret, sicut fuit de Ioseph, cum quo Deus erat, & dangebatur omnia, quæ fiebant per manum eius. Genes. trigesimo nono. Hic tamen dicendum est, quod ista benedictio fuit in multiplicatione prolis. Quod patet, quia in litera dicitur, quod habuit Obdedom octo filios, & sequitur tunc, quia benedixit illi Dominus, ergo videtur, quod Obdedom benedictus fuit a Deo in prole, dando quod filij eius multiplicarentur. Et licet arguatur, quod non benedictus fuerit in hoc, quia non poterat apparere in tribus mensibus an Deus benedicebat Obdedom in prole, eo quod in tribus mensibus non poterant gigni filij multi ab Obdedom, qui intra eisdem mensibus nascerentur, & tamen solum mansit Arca tribus mensibus in domo Obdedom, & in illis tribus mensibus cognitum est, quod benedixisset Deus Obdedom, ut patet 2. Regum 6. & supra 13. ergo non erat istud, in quo benedicebatur. Dicendum, quod Obdedom fuit benedictus in multis. In persona, & in rebus, non tamen apparuit benedictio in illis tribus mensibus in omnibus, sed in quibusdam rebus, nec oportebat, quod appareret benedictio in persona. Apparuit tamen postea, quia forte prius non potuit gignere, & postea genuit multos filios.

De comparatione benedictionis Obdedom factæ a Deo. *Quest. XVI.*

QVAERITUR ulterius de ista benedictione Obdedom ad gignendum filios, quomodo facta est, scilicet, qualiter Deus cooperatus est ei in generatione filiorum.

Respondendum, quod multis modis potest Deus adiuvari aliquem ad concipiendum, & gignendum. Primus modus est, quia interdum aliqui, scilicet, vir, & femina sunt potentes gignere, & habent semen dispositum, & tamen non conveniunt carnaliter in tali tempore, in quo semen utriusque conveniens sit generationi, sicut fit communiter, quia viri, & feminae potentes gignere, & concipere non semper gignunt, & concipiunt, quando coeunt, quod solum provenit ex indispositione seminis pro illo tempore, quod autem Deus inclinat aliquos ad hoc, quod conveniant in illo tempore, in quo semen eorum dispositum est ad gignendum, est adiuvari eos supernaturaliter ad generationem. Secundus modus est, quod interdum semen patris, & matris est omnino indispositum ad generationem, & quocumque tempore conveniunt carnaliter nunquam gignent, sicut est in sterilibus si uterque sterilis est, vel si saltem femina est sterilis, & sic mater Samuelis concepit supernaturaliter, eo quod erat sterilis primo Regum primo, sic etiam mater beati Ioannis Baptiste Lucæ primo. Tertius modus est, quando deficit semen, siue masculinum, siue femininum: nam non potest naturaliter generatio fieri sine semine, si tunc Deus suppleat id, quod deficit ex parte alicuius istorum, dando illi semen, quod naturaliter non habebat, adiuvat ad conceptionem: sic enim fuit in conceptione Isaac: nam Sara mater illius iam non habebat menstrua, quæ sunt materia fetus. Genes. decimo octavo. Cum dicitur: Erantambo tenes, & prout ætatis, defuerantque Saræ filii muliebria. Semen quoque Abrahæ iam erat mortuum, & tamen

& tamen per fidem accepit virtutem ad conceptionem: ad Roma. 4. Et ad Hebr. 11. Quartus modus est, quandoque deficit omnino dispositio ad concipiendum: nam fit conceptio ex commixtione seminis masculini cum foeminino, & digeritur tunc menstrui muliebri calore seminis masculini, & est ibi semen masculinum actuum, & formativum, si Deus suppleat vicem seminis masculini, faciendo, quod ex solo semine foeminino fiat generatio. Iste modus est omnino supernaturalis, & maior alijs, & solus fuit in Christi conceptione, nam in omnibus alijs est semen masculinum digerens menstruum muliebri, etiam si illud supernaturaliter adiuvetur, & tamen in isto non est semen masculinum, ideo id quod sic concipitur dicitur concipi per Spiritum sanctum, in alijs autem modis dato, quod virtus quaedam a Deo sit, tamen conceptio dicitur fieri humanitus, & non per Spiritum sanctum. De istis modis magis declaratum est quarto Regum quarto, & Iudicum decimotertio in quibusdam quaestionibus.

Dicendum nunc, quod quolibet istorum modorum poterat Deus multiplicare Obededom in prole, nisi quarto, quia ille nunquam convenit alicui nisi virgini. Item dato, quod aliquis diceret, quod Deus voluisset facere istam gratiam Obededom, non poterat fieri in proposito, eo quod tunc non benediceret Dominus ipsi Obededom in prole, quia ipse nihil ageret ad istam conceptionem, sed vxor sua conciperet sine semine virili, & tunc inde geniti non essent filij Obededom, sed solum essent filij vxoris suae, & gratia fiebat vxori, & non viro: nunc tamen multiplicabat Deus Obededom in prole, & non vxorem suam, ideo necesse est, quod per alium modum Deus nunc adiuuaret Obededom ad multiplicationem prolis. Quis autem aliorum modorum fuerit, non apparet, ideo possumus quemlibet eorum applicare ad propositum.

An Hofa sit nomen proprium, de quo hic dicitur.

Quaest. XXVII.

QUAE R I T V R vltcrius cum dicitur hic de Hofa. i. de filiis Merari Sechri princeps, quomodo accipitur ibi Hofa. Aliqui dicunt, quod Hofa non est nomen proprium viri, sed est nomen commune significans progeniem. Patet hoc primo ex littera Hebraica, in qua dicitur, Vlhoha, quod idem est, quod de progenie. Secundo patet hoc ex littera, quae idem videtur significare dicens, De Hofa autem, id est, de filiis Merari, Sechri princeps. Cum ergo ponatur ibi expositio, necesse est, quod Hofa sit nomen commune.

Respondendum est, quod Hofa est nomen proprium viri. Primo patet, quia dicitur hic de Hofa. i. de filiis Merari Sechri princeps. Elcias secundus, Tabelias tertius, Zacharias quartus. Et sic ponuntur hic quatuor filij, sed non ponentur filij nisi poneretur pater eorum, & non est hic aliquod nomen viri, qui sit pater istorum, nisi Hofa: ideo Hofa est nomen viri. Secundo patet, & efficacius, quia in littera dicitur: Omnes hi filij, & fratres Hofa tredecim: necesse est ergo, quod sit ibi nomen viri, quia alias non haberet filios, & fratres. Aequiuocatio autem nominis Hebraei causat istam ambiguitatem.

Ad rationem primam in contrarium dicendum, quod quamquam (Vlhoha) possit significare in Hebraeo id, quod de genere, & tamen non hic est genus, quia Hofa est equiuocum, & aliquando est nomen proprium, & aliquando nomen appellativum, sicut in multis alijs dictionibus Hebraeis apparet.

Alph. Tost. in lib. I. Paralip.

Ad secundum cum dicitur, quod littera nostra accipitur in isto sensu, quod patet per expositionem.

Dicendum, quod non est expositio, sed est sensus suppletio: nam deberet dici de Hofa Merari, Sechri princeps, & istud erat obscurum, ideo littera nostra supplet illud, dicens: de Hofa, id est, de filiis Merari Sechri princeps, id est, Sechri princeps fuit natus de Hofa, qui erat de filiis Merari, & ista adiectio ponitur in littera, ut non putetur, quod isti, qui descenderunt de Hofa fuerunt de stirpe Coritarum, sicut alij ianitores, de quibus supra ponitur.

Si Hofa habuerit primogenitum. Quaest. XXVIII.

QUAE R I T V R vltcrius quomodo dicitur hic, quod Sechri fuit princeps de filiis Hofa, & quod pater habuit eum in principem, eo quod non habebat primogenitum: nam videtur, quod hoc non potest stare, quia nullus potest esse, qui aliquem filium habeat, qui habeat primogenitum: nam aut ille genuit multos filios, aut vnicum. Si vnicum ille primogenitus est, si autem plures, primus illorum est primogenitus, & dato, quod ille, qui primo natus est, obierit, qui manserit primus post eum primogenitus est, quousque perueniatur ad minimum, & tamen Hofa habebat nunc quatuor filios, ut patet in littera, ergo primogenitum habebat. Respondent quidam, quod habebat Hofa primogenitum, & erat iste Sechri, & tamen erat indignus ista dignitate, ideo reputatur tamquam non esset primogenitus, sed istud non stat, quia repugnat litterae, nam si esset Sechri primogenitus, & quia indignus non vocaretur primogenitus, non daretur ei, quod esset princeps, & tamen datum est ei, quod esset princeps in ianitoribus familie Merari, ergo non erat indignus primogenitura. Alij dicunt, quod iste Sechri non fuit primogenitus, sed minor forte de fratribus suis, habebat forte Hofa primogenitum, quia forte tamen non fuerat dignus principatu constitutus est Sechri in principem, qui non erat primogenitus, & istud tenet Nico. & sic dicit fuisse de Salomone, qui fuit minor de filiis David, & quando constitutus est in principem post David, ut patet infra 28. & 29. Sed dicendum, quod hoc non stat, quia in littera significatur, quod fuit Sechri maior fratribus suorum ordine natiuitatis: nam dicitur, quod Sechri fuit princeps Elcias secundus, Tabelias tertius, Zacharias quartus, ergo conueniebat ei esse primogenitum ex ordine natiuitatis, siue habuisset ante eum Hofa patris suus alium filium, siue non: nam si alium habuisset, saltem nunc non erat: cum inter omnes filios Hofa, qui nunc ponuntur, fuerit prior natiuitate Sechri.

Dicendum ergo est, quod Sechri erat primogenitus quantum ad fratres suos, qui nunc stabant, eo quod ipse erat maior illis ordine natiuitatis, & tamen habuerat pater suus Hofa alium filium ante illum, & ille mortuus fuerat, & sic gaudebat Sechri iure primogeniturae, & hoc significat littera, quae ponit eum priorem alijs fratribus, & sic non deberet dici, quod pater suus non habebat primogenitum, quia ipse erat primogenitus, sed ponitur istud ad tollendum dubium, quod aliquis diceret, quomodo Sechri fuit princeps in ianitoribus de stirpe Merari, cum non esset primogenitus, & principatus competebar primogenito.

Respondet littera, quod factum est, quia non habebat Hofa primogenitum, scilicet, eo tempore, quo facta fuit diuisio ianitorum non habuit Hofa primogenitum, quia mortuus erat, ideo constituit in principem Sechri filium suum, qui primogenitus erat respectu omnium, qui manebant.

De quibusdam verbis hic dictis, scilicet, quod sortes missæ fuerint ex æquo.
Quæst. XIX.

QUÆRITUR vltcrius quomodo dicitur hic, quod sortes missæ fuerunt ex æquo magnis, & parvis, cum non fuerint ianitores diuisi per æqualitatem, quia plures erant in porta Orientali, quàm in alijs, & plures in cellula ianitorum, quàm in alijs, vt patet in litera. Dicendum, quod sortes missæ per æqualitatem, potest intelligi dupliciter, vno modo, quod fuerunt ianitores diuisi per partes æquales, & postea fuerunt sortes positæ super ipsas partes æquales. Alio modo potest accipi, quod fuerunt diuisi ianitores non æqualiter secundum numerum, & insuper in quibusdam partibus eorum erant quidam digniores alijs, & tamen sortes missæ fuerunt ex æquo, quia ad iudicandū de illis partibus cui proueneret porta Orientalis, & cui Occidentalis, & sic de alijs, non determinatum est per electionem, sed sorte diuisum est, sortes autem omnia æquant, quia siue maiores, siue minores possunt eisdem sortibus comprehendere, & minus dignus potest interdum habere primam sortem, ideo in hoc fuerunt sortes ex æquo positæ. Accipiendo secundo modo, non est dubium quin fuerunt sortes hic positæ ex æquo, quia diuisæ fuerunt principes quatuor, vt ponerentur super eos sortes, cui scilicet, proueniret porta Orientalis, & cui Occidentalis, & sic de alijs, & isti principes non erant æquales in virtute, & dignitate, fuerunt tamen æquales in quantum per sortem diuisum est, quis habere deberet portam Orientalem, & quis portas alias. Accipiendo primo modo dicendum, quod fuerunt factæ duæ diuisiones inter ianitores, & bis positæ fuerunt sortes. Prima diuisio fuit, quia distributi fuerunt ianitores, vt quidam essent pro vna porta, alij pro alia, & alij obseruarent exedras, vt patet super in litera, & ista diuisio fuit inæqualis, quia plures ianitores assignati sunt pro porta Orientali, quàm pro alijs: nam Orientalem portam custodiebant semper sex Leuitæ, & quamlibet aliarum custodiebant semper Leuitæ quatuor, vt patet in litera, sic etiam fuit de custodia exedrarum, quia plures Leuitæ erant in vna exedra quàm in alia, vt etiam patet in litera. Secunda diuisio fuit, quæ facta est inter ministros cuiuslibet portæ, & exedræ. Nam alligati fuerunt certi ianitores pro qualibet porta, & exedra, quibus cura erat in perpetuum custodire portam illam, & exedram, & tamen, vt non manerent semper ibidem custodiendo diuidebantur inter se, vt quidam custodirent vno tempore alij alio. Et isti fuerunt diuisi per æqualitatem, eo quod ministerium erat idem. & accipiendo sic, verum est, quod missæ sunt sortes ex æquo, quia super istas partes sic diuisas missæ fuerunt sortes, vt sciretur, quæ prius ministrare deberet custodiendo eandem portam, & quæ postea.

Primus tamen sensus est, quod litera intendit, scilicet, quod sortes fuerunt missæ æqualiter, id est, omnes erant æquales magni, & parvi in quantum per sortes diuisa fuerunt eis ministeria.

An in nocte custodiebant ianitores in portis atrij.

Quæst. XX.

QUÆRITUR vltcrius an ianitores per noctem custodiebant in portis atrij, & exedrarum. Respondendum, quod dubium videtur quibusdam, eo quod in litera dicitur, quod sex Leuitæ custodiebant portam per diem, & quatuor portam Meridianam per diem. Dicendo autem, quod per diem significatur aliquid ad differen-

tiam noctis, scilicet, quod per noctem non erant sex Leuitæ in porta Orientali, sed plures, & sic de alijs, & hoc esset propter timores nocturnos, quia magis necessaria est custodia cuiusque rei per noctem, quàm per diem.

Respondendum videtur, quod Leuitæ non custodiebant per noctem portas. Et ratio huius est, quia per diem erat necessaria custodia, eo quod portæ erant patentes, vt posset ingredi quicumque. Per noctem autem, quia nemo intrare poterat, sed per diem, egebant custodia ne intraret aliquis, cuiuslibet esset. Item patet, quia cum hic tradatur modus ministrandi ianitorum, si aliqui ministrarent per noctem, exprimeretur quod essent illi, sicut exprimitur per diem quod erant in qualibet porta, & tamen non exprimitur aliquid de nocte, ergo videtur, quod non custodiebant per noctem.

Sed dicendum est, quod omnes ianitores, qui ministrabant eo tempore, quo fors eis eueniebat, dormiebant per noctem in templo, scilicet, intra murum atrij in exedris, quæ deputatæ erant, vt manerent ibi omnes Sacerdotes, & Leuitæ ministrantes tempore sue ministrationis, & istud erat, quia portæ atrij claudendæ erant in sero, & aperiendæ in auro-ra, & ideo oportebat, quod ianitores manerent interius, & hoc patet supra nono, scilicet, His quatuor Leuitis creditus erat numerus ianitorum: per gyrum quoque templi morabantur in custodijs suis, vt cum tempus fuisset ipsi mane aperirent fores. Cui autem dicitur, quod ex litera significatur, quod per noctem aliqui custodiebant.

Dicendum, quod non significatur, sed potius signatur, quod per diem custodiebant Leuitæ portas, & per noctem non, cum determinetur aliquis modus, secundum quem ministrarent. Et cum dicitur, quod per noctem erat magis necessaria custodia.

Dicendum, quod falsum est, quia non erat necessaria, cum per noctem essent clausæ ianues, & nemo introire posset propter altitudinem muri templi, vt colligitur sequenti lib. cap. tertio: manebant tamen ianitores interius in exedris, & custodiebant ibi thesauros.

De modo ianitorum in custodiendo ianuas.
Quæst. XXI.

QUÆRITUR vltcrius, quem modum habebant Leuitæ ianitores custodiendo ianuas: an ministrarent iidem semper, vel succederent sibi per vices.

Aliquis dicit, quod non est dubium, quin Leuitæ ianitores per diuersa tempora succederent sibi in ministrando, quia ita factum est de cætoribus, & Sacerdotibus, qui per sortes diuisi fuerunt, & vna fors eorum ministrabat vno tempore, & alia alio, vt patet præcedē. cap. & 24. Et tamen inter ianitores positæ fuerunt sortes, vt patet hic, ergo et ipsi succedebant sibi in ministrando. Dicendum, quod ex litera non apparet, nec probatur ex istis sortibus, quod Leuitæ ianitores ministrarent per successionem, quia istæ sortes, quæ habentur in litera, non fuerunt ad distinguendum tempora ministrationis, sed ipsa ministrantia: nam fuerunt positæ, vt sciret quibus prouenire debebat porta Orientalis, & cui Occidentalis, & sic de alijs, diuisi fuerunt in multas partes, ad hoc, quod per diuersa tempora ministraret in illa, vel an iidem manerent semper custodiendo eandem portam. Dicendum tamen, quod fuerunt factæ diuisiones inter ianitores, si postquam quibusdam proueniret porta Orientalis, illi inter se diuisi sunt in plures partes, vt vna pars ministraret vno tempore, & alia alio. Et patet hoc, quia si non fierent istæ diuisiones, oporteret,

oportere, quòd isti ianitores manerent tota vita sua custodientes, & nunquam irent ad vrbes suas, sed hoc inconueniens erat, quòd daretur eis labor sine quiete, potissimè quia contrarium fiebat in omnibus alijs Leuitis, & Sacerdotibus: nam erant diuisi per sortes, & quilibet ministrabat suo tempore supra 24. Sic etiā cantores erant diuisi per sortes vigintiquatuor, & temporibus suis ministrabant, non ergo praiudicaretur magis ianitoribus cogendo eos omni tempore ministrare. Secundò patet, quia supra 9. dicitur. Ianitores in porta regis ad orientem obseruabant per vices suas de filijs Leui. Ergo ianitores custodientes portam Orientalem mutabantur per vices. Item dicitur postea. Hi sunt Chorite custodes vestibulorum per vices custodientes introitum. Item dicitur. Omnes hi electi in ostiarios in ostijs domus Domini, & in tabernaculo vicibus suis. Item patet magis clare, quia dicitur ibi: Fratres eorum in viculis morabantur, & veniebant in sabbathis suis de tempore vsque ad tempus. Oportet ergo, quòd præter diuisionem ianitorum, quæ ponitur in litera, subintelligatur alia, & tamen illam non posuit litera, quia subintelligabatur, nam manifestum erat, quòd sicut omnes alij ministri Dei mutabantur per vices, & tempora, ita & ianitores mutarentur.

De duratione ministrætionis cuiuslibet partis ianitorum.

Quæst. XXI.

QVAERITVR vltèrius quanto tempore durabat ministratio cuiuslibet partis ianitorum dato, quòd illa mutaretur per tempora.

Respondendum, quòd duratio ministrætionis illius erat, sicut aliorum ministeriorum Leuiticorum, & Sacerdotalium, quælibet enim fors Sacerdotalis ministrabat vna hebdomada, qua completa ministrabat fors sequens, ita etiam erat de sortibus cætorum: nam ministrabant per hebdomadas, sicut Sacerdotes, vt declaratum est præce. capitu. & supra 24. in quibusdam quæstionibus de ianitoribus: idem dicendum est ad hoc, quòd omnes ministri templi inciperent ministrare in sabbatho, & complerent ministrætionem sequenti sabbatho. Sciendum tamen, quòd ianitores, sicut ceteri Sacerdotes, & Leuitæ erant distincti per vices suas, & cognitum erat tēpus, quo quilibet deberet ministrare, & habitabant ianitores isti per varias vrbes, & viculos terræ Israel, & cum veniret tempus ministrætionis alicuius sortis ianitorum veniebant de locis suis in locum Sanctuarij illi, qui erant de illa sorte, & manebant ibi de sabbatho vsque ad sabbathum, & postea redibant in loca sua, & succedebat alia fors in ministrando, & simul fiebat hoc in omnibus ianitoribus, scilicet, in custodientibus portam Orientalem, & alias tres, & in custodientibus exedras. Pro quo sciendum, quòd cuiuslibet portæ, & cuiuslibet exedræ fuerunt a principio assignati certi custodes, & illi diuisi fuerunt per partes, & sortes, & quælibet pars ministrabat vna hebdomada, & sic omnes ianitores eodem die complebant ministrætionem suam, & alij noui eodem die incipiebant custodire exedras, & omnes portas, & custodiebant vsque ad sequens sabbathum. De hoc patet supra 9. scilicet. Per quatuor ventos erant ostiarij, ad Orientem, ad Occidentem, ad Aquilonem, ad Austrum: fratres autem eorum in viculis morabantur, & veniebant in sabbathis suis de tempore vsque ad tempus. Id est in quolibet sabbatho veniebant aliqui noui custodes, & veniebant de tempore vsque ad tempus, quia quælibet fors ianitorum sciebat, si nunc compleret ministrætionem vsque ad quot hebdomadas iterum mini-

Astrare deberet, nam erant certæ sortes ministrantium pro qualibet ianua, & exedra, sicut erant certæ sortes cantorum, & Sacerdotum. patet etiam hoc sequen. lib. cap. 23. cum dicitur. Tertia pars vestrum, qui veniunt ad sabbathum, Sacerdotum, Leuitarum, & ianitorum erit in porta. Ergo videtur, quòd etiam ianitores veniebant in quolibet sabbatho ad ministrandum, & finiebant in sabbatho ministrætionem suam, sicut cantores, & Sacerdotes.

De multitudine sortium ianitorum pro qualibet porta.

Quæst. XXXIII.

QVAERITVR vltèrius quot erant sortes ianitorum pro qualibet porta, & exedra: nam supra probatum est, quòd ianitores, qui custodiebant eandem portam, vel eandem exedram, non semper custodiebant illam, sed mutabantur per vices. Est ergo dubium, quot sortes ianitorum erant pro qualibet porta.

Respondendum, quòd hic erant sortes in qualibet porta, & in qualibet exedra, & tot erant sortes pro vna porta, sicut pro alia, licet non essent tot ianitores simul pro vna porta, sicut pro alia, & ratio huius est, quia mutabantur ianitores per quælibet sabbatha, vt declaratum est præcedenti quæstione. Et vt venirent semper iidem ianitores pro eodem tempore, oportebat tot esse in vna porta sortes, sicut in alia: nam si forte in vna porta essent quinque sortes ianitorum, & in alia essent quatuor, complerent ministrætionem suam illi in quinque hebdomadis, & isti in quatuor, & si inciperet nunc simul ministrare prima fors vnius portæ, cum prima sorte alterius, non explerent simul ministrætionem, sed prima fors vnius portæ ministraret postea cum quinta sorte alterius portæ, & sic esset de ministrætionem custodientium exedras. Istud autem non erat, quia mutarentur ministri, & non conuenirent inter se propter diuersitatē conuersationis, ideo debuerunt esse tot sortes ianitorum in vna porta, sicut in alia, & in vna exedra, sicut in alia, & quando ministraret prima fors vnius portæ ministraret prima fors omnium aliarum, & omnium exedrarum: & quæ quarta fors vnius portæ ministraret, etiam ministraret quarta fors omnium aliarum portarum, & exedrarum, & sic de ceteris, & hoc modo essent semper iidem ianitores, qui custodirent eodem tempore tam in portis, quàm in exedris: sic enim fuit de cantoribus, & Sacerdotibus: nam sicut factæ sunt vigintiquatuor sortes Sacerdotum supra vigesimoquarto ita factæ sunt vigintiquatuor sortes cantorum præcedenti. ca. vt prima fors cantorum ministraret cum prima sorte Sacerdotum, & secunda cum secunda. Et sic de alijs, ita vt illi Sacerdotes, qui nunc ministrauerant cum quibusdam cantoribus, quandocūque ministrarent, ministrarent cum ipsis, quod non fuisset, si plures fuissent sortes Sacerdotum, quàm cantorum, vel e contrario: quot autem fuerint sortes ianitorum in qualibet porta, non apparet, sed cum probatum fuerit, quòd plures sunt, & non semper iidem ministrabant, non videtur alius numerus conuenientior, quæ dicamus fuisse vigintiquatuor sortes ianitorum in qualibet porta, & in qualibet exedra. Et hoc patet, quia de cantoribus factæ sunt vigintiquatuor partes, vt venirent cantores cum Sacerdotibus, scilicet, vt iidem, qui semel simul ministrauerant, quandocūque ministrarent, simul ministrarent, sed ita requirebatur concordia, & conformitas inter ianitores ad Sacerdotes, & ad cantores, sicut requirebatur concordia, & conuenientia inter Sacerdotes, & cantores, & non poterat hoc fieri nisi ianitores cuiuslibet portæ, & exedræ, haberent

haberen etiam vigintiquatuor sortes, sicut cantores, & Sacerdotes, quod alias contingeret ianitores, qui nunc ministrabant cum prima sorte sacerdotum, & cantorum, & secunda cum secunda, & sic de alijs, ita ut nunquam ministrarent in aliquo tempore de ianitoribus, cantoribus, Sacerdotibus, nisi qui iterum simul ministraverant, & quocunque tempore simul ministrabant. Secundò patet hoc, quia sacra Scriptura asserit, quòd ianitores ministrabant per vices, sicut cantores, & Sacerdotes, & tamen non ponitur hic, nec alibi in sacra Scriptura quot erant sortes ianitorum Sacerdotum sibi in ministrando in qualibet porta, & in qualibet exedra, ideo oportet, quòd intelligatur tot esse sortes, & vices ianitorum, quot erant Sacerdotum, & cantorum, cum de istis expresserit, & de illis non: sacra autem Scriptura breuiloqua est, & in eis quæ sine expressione intelligi possunt exprimere nihil curat. Tertio patet, quia cum necesse sit dari multas sortes ianitorum in qualibet porta, & exedra, cum non sit vnica fors, vel pars, ut probatum est, non poterant esse paucae partes, ut duæ vel tres, nec etiam valde multe, ut centum, vel plures. De primo patet, quia si solum essent duæ, vel tres sortes, sequerentur duo inconuenientia. Primum esset, quòd in qualibet forte essent multi ianitores, cum omnes ianitores essent quatuor millia, & tamen tanta multitudo superflua erat ad ministrandum simul. Etiam patet, quia non ministrabat tanta multitudo simul: nam in porta Orientali atrij, quæ erat principalis, erant solum sex Leuitæ, in qualibet autem aliarum trium erant quatuor ianitores solum, & in qualibet exedra duo præter exedram ianitorum, in qua erant quatuor, ut patet in litera. Oportet ergo multas sortes esse, ad hoc, quòd tam pauci solum ministrarent simul in qualibet porta, & exedra. Secundum inconueniens est, quia si essent duæ, vel tres sortes ianitorum solum in qualibet porta, oporteret, quòd illi nunquam haberent quietem, quia datis duabus sortibus cum quolibet ministraret vna hebdomada quiesceret solum altera hebdomada. Si autem essent tres sortes ianitorum in qualibet porta, oporteret, quòd illi nunquam haberent quietem, quia datis duabus sortibus, cum quolibet ministraret vna hebdomada, quiesceret solum altera hebdomada. Si autem essent tres, quolibet quiesceret duabus hebdomadis. Et istud erat inconueniens: nam Leuitæ habitabant dispersi per terram Israel in quadraginta octo urbibus, quæ eis erant datæ: Num. trigesimo quinto. & Iosue vigesimo primo. Et sic aliqui Leuitæ habitabant circa extremitatē terræ Israel. Et illi eundo, & redeundo ad templum morarentur plusquam quindecim diebus, & sic nunquam possent in terra sua quiescere, quia vix possent complere ministratione sua ire in terram suam, & redire nihil morando ibi, quousque rediret alia ministratio. Istud autem esset valde inordinatum, ideo oportebat esse plures sortes, ita ut haberent maius tempus, quòd esset conueniens ad quiescendum in terra sua, & disponendum de rebus familiaribus. Si autem essent valde multe sortes ianitorum, utpote centum, vel plures, sequerentur alia duo inconuenientia. Primum esset, quòd non possent, in qualibet forte esse duo, vel tres Leuitæ: nam omnes ianitores erant vigintiquatuor millia, ut patet supra vigesimo tertio, qui diuidebantur primò per quatuor portas, & per multas exedras. Si ergo quolibet pars istarum diuideretur postea in centum partes, vix prouenirent cuilibet parti duo Leuitæ: nam exedra erant multæ, & per totum circuitum templi in tribus lateribus suis, in quibus esset locus pro omnibus apparamentis templi, & etiam locus ad manendum pro omnibus ministris Sacer-

dotum, cantorum, ianitorum eo tempore quo ministrarent, & tamen necesse est saltem sex ianitores esse in qualibet forte portæ Orientalis, & quatuor in qualibet forte cuiuscunque alterius portæ, cum tot ministrarent omni tempore, ut patet in litera, ergo non fuerunt tot sortes ianitorum, scilicet, tantum, vel plures in qualibet porta, & exedra. Secundum inconueniens est, quia si tot sortes essent, cum quolibet fors ministraret vna hebdomada, ut probatum est precedenti quæstione, illi ianitores, qui nunc ministrarent, non ministrarent vsque ad centum hebdomadas, quæ complent duos annos. Et tamen istud erat inconueniens, quia in tanto tempore desuescerent Leuitæ a ministratione sacra, & redderentur quasi purè laici. Quartò patet hoc supra nono cum dicitur de ianitoribus: Fratres eorum in viculis morabantur, & veniebant in sabbathis suis de tempore ad tempus. In quo significatur aliquanta longitudo temporis, ergo non erant paucae sortes, ut quidam existimant, sed multæ, scilicet, vigintiquatuor, sic erant sortes ianitorum, & cantorum.

De quibusdam verbis hic dictis, scilicet, quòd sex ianitores custodiebant ad Orientalem portam. &c. Quæst. XXIIII.

QUÆRITUR vterius quomodo dicitur hic, quòd custodiebant ianitores sex ad portam Orientalem quotidie, & quatuor ad quamlibet aliarum portarum, quia videtur, quòd multo plures deberent custodire simul, eo quòd illi, qui erant de vna forte, simul custodiebant, sed multo plures videntur, quòd essent de vna forte, ideo plures deberent custodire simul. Respondebit aliquis, quòd multi erant in qualibet forte, & tamen non custodiebant omnes simul, sed cum quolibet fors ministraret vna hebdomada, ut supra probatum est, forte quædam pars illius sortis ministraret vno die, & alia pars alio die, & sic essent pauci ministrantes simul, vel forte mutabantur ianitores per diuersas partes diei, ut quidam ministrarent vno tempore diei, & alij alio, & tamen semper erant sex in porta Orientali, & quatuor in qualibet aliarum, & duo in qualibet exedrarum. Alio modo potest dici, & melius, quòd omnes, qui erant de vna forte ministrabant simul custodiendo portas, & tamen diuidendi erant quatuor millia ianitorum per quatuor partes, & per multas exedras, quæ forte erant plures, quàm quadraginta, & postea diuidendo quamlibet partem istarum per vigintiquatuor sortes, essent in qualibet forte solum isti, qui ministrabant, scilicet, in porta Orientali sex, in qualibet alia quatuor, & in qualibet exedra duo: præter exedram ianitorum, in qua erant quatuor, ut patet in litera, & hoc forte considerauerunt Dauid, & principes antiquam diuiderent totam multitudinem quatuor millium ianitorum per partes, quot prouenirent cuilibet sorti, & commensurauerunt, ut prouenirent plures portæ Orientali, quia principalior erat. Et sic factum est, quòd prouenirent illi portæ sex in qualibet forte, & cuilibet alteri portæ quatuor in qualibet forte. Istud autem intelligendum est fuisse a principio diuisionis istius, quando erant præcise quatuor millia ianitorum. Nam postea facta diuisione partium per sortes, aliquæ partes illarum multiplicabantur in prole, & alia minuebantur, & ideo forte in porta Orientali, in qua nunc custodiebant sex aliquando custodirent soli quatuor, utpote si efficeretur minor familia, vel fors, & aliquando custodirent plures, quàm decem, si familia custodiens multiplicaretur. Hic autem ponitur solum diuisio illi qui, competebat a principio quàm facta est diuisio quatuor

quatuor millia ianitorum per partes, & sortes, quia A
tunc præcisè erant tot, sed postea variatum est.

De Zacharia filio Selemie, qui habuit portam Orientalem. Quæst. XXV.

QUÆRITVR vltèrius quomodo Zacharias filius Selemie accepit portam Orientalem. Nam nō fuit factum hoc in alijs ianitoribus, scilicet, q̃ pater acciperet vnā portam custodiendam, & filius acciperet aliam, & sic fuit speciale. Respondendum secundum quosdam, q̃ non fuit hic aliquid speciale, quia diuisio ista facta est per sortes, & sorte prouenit Selemie porta Orientalis, & Zacharie filio eius porta Septentrionalis, vt patet in litera. Sortes tñ oīa equat, quia ita poterat prouenire cuicunque alteri, sicut Zacharie, cum sorte res dīmeretur, & sic dī in litera: Misse sunt sortes ex quo magnis, & paruis. Ideo non fuit aliquid speciale, quod porta Orientalis proueniret patri, & porta Septentrionalis filio, cum etiam potuisset esse, q̃ non ulli eorū aliqua porta istarum proueniret. Dicendum est, q̃ aliquid speciale fuit, & ratio ista non stat. Nam licet non sit speciale, q̃ aliqui fors proueniat, tñ q̃ ponatur ipse ad hoc, quod ei proueniat, speciale est. Nam solum erant quatuor portæ, & non poterant prouenire nisi quatuor principibus, ideo non poterant poni sortes nisi pro quatuor, quia si ponerentur sortes pro pluribus, aliqui essent, quibus nihil posset prouenire per sortem, cum quatuor solum essent, quæ sorte dirimēda erant, cum ergo essent quatuor millia ianitorū, q̃ de istis acciperentur quatuor, ad hoc, q̃ sortes poneretur super eos, speciale erat, quia isti nō accipiebant sorte, sed eligabānt, vt sortes ponerent super eos. Et tñ speciale etiam fuit, q̃ duo de istis principibus essent Selemias, & filius eius Zacharias, quia in alijs non fuit factum sic. Non enim fuerunt aliqui duo pater, & filius, qui haberent duas portas atq̃ nisi isti. Nam licet Semeias filius Obbedom habuerit aliquid speciale inter fratres suos, q̃ ab eo descenderūt principes maximi, & non ab aliquo fratrum suorum, vt declaratum est. S. in quadam quæstione, & colligitur aliquantulum in litera, quia nomina filiorum suorum exprimuntur, & non nomina filiorum fratrum suorū: tñ ipse nō fuit princeps aliquus portæ, sed pater ius Obbedom fuit princeps portæ Meridionalis, & sub eo oēs filij sui, ipse tñ Semeias nō fuit princeps. Dicendum aut̃, q̃ istud sp̃aliter fuit in Zacharia p̃ duo primū erat, quia ipse erat vir excellens. Nā dī in litera, q̃ erat vir prudētissimus, & tñ prudētissimus committēda est ministratio, quia prudentia est, quæ dirigit in agilibus, vt patet 6. Eth. Ideo iustum fuit, q̃ committeretur huic porta vna, potius q̃ cuiquam alteri filio aliquius principis, eo q̃ ipse erat aptior ad ministrandū, q̃ filius aliorum principum. Secundū est, quia ipse erat primogenitus, & primogenitus debent semper maiora, sicut dicitur Gen. 29. f. Rubē primogenitus meus, tu fortitudo mea, prior in donis, maior in imperio. Sic fuit in Semeia filio Obbedom, qui etiam inter fratres suos habuit excellentiam, scilicet, quod filij sui essent de principibus magnis, & filij fratrum suorum non, & hoc etiam propter duo. Primo propter excellentiam ad ministrandum: nam dicitur, quod filij eius erāt viri fortissimi, & ob hoc magis aptum erat, quod ipsi essent principes, quā quod alij filij fratrum eius. Secundum erat, quia Semeia erat primogenitus Obbedom, vt patet in litera, & debebat ipse excellere alios propter primogenituram.

De consilio seniorum, quid erat. Quæst. XXVI.

QUÆRITVR vltèrius quid erat consilium seniorum, de quo dicitur hic in litera, scilicet, quod Obbedom custodiebat portam Australem, in qua porta erat consilium seniorum.

Respondendum est, quod erat quædam domus magna, in qua conueniebant seniores ad consilium. Et ista vocabatur domus consilij, vel iudicij. Isti aut̃ seniores erant septuaginta iudices, qui conueniebant cum summo Sacerdote, & diffiniebant oēs causas arduas Israelitarum. Pro quo sciendum, q̃ a principio cum Moyses eduxisset Israelitas de Aegypto, ipse solus regebat populū, & iudicabat in omnibus causis. Fiebat autem ei iste labor intolerabilis, nec poterat illum explere, vnde Iethro socer eius dixit ei: Stulto labore cōsumeris tu, & populus, qui tecum est, supra vires tuas negocium est, solus illud complere non poteris, sed accipe consilium meum, & erit Dominus tecum. Et tunc ad consilium, Iethro diuisit populum per decanos, quinquagenarios, centuriones, & tribunos, qui causas populi minores audiebant, & quæ maiora erant remittebant ad Moysen: Exodi decimo-octauo. Sed adhuc non erat sufficienter prouisum populo, & Moysi per hoc, quod non poterat Moyses in omnibus grauib. causis providere: ideo conque- stus est Deo petens, quod occideret ipsum: ne tam amaram vitam pati cogereetur: Numeri vndecimo. Deus autem voluit ei providere, & congregauit septuaginta seniores, quibus dedit spiritum Propheticum, vt adiunarent Moysen in rebus arduis. Et sic mansit prouisum sufficienter Moysi, & populo. Durauit autem iste ordo septuaginta seniorum, & decanorum, quinquagenariorum, & centurionum, & tribunorum toto tempore, quo manserunt Israelitæ in deserto. Postquam autem intrauerunt in terram Chanaan, non potuit manere iste ordo iudicum, quia iste ordo non cōueniebat vni multitudini, quæ diuidere- tur per decanos, quinquagenarios, centuriones, & tribunos. Et tamen postquam Israelitæ fuerunt in terra Chanaan habitauerunt diuisi per loca & non poterāt conuenienter diuidi isto modo, ideo datus est alius ordo iudicum, & erant quidam iudices minores, qui iudicabant in causis minoribus, & a quibus poterat appellari ad alios. Alij erant iudices maximi, a quibus appellari non poterat, sed ad eos deuoluebantur omnes causæ per appellationem. Et causæ maximæ directæ, & sine appellatione pertinebant ad iudicium ipso- rum. Primus ordo iudicum erat, q̃ in quolibet loco Israel constituerentur certi iudices secundum multitudinem, vel paruitatem populi, & isti erant oriundi de ipso loco, & erant laici, quia tñ non erant periti in lege, cum studium legis pertineret solum ad Sacerdotes, & Leuitas, dabantur cuilibet iudici duo assessores Leuitæ ad quorum consilium iudex diffiniret causas. Et isti non erant iudices, nec proferebant sententias, sed laicus ille cui assidebant erat index. Ita erat in omnibus locis Israel, vt ait Ios. 4. Anti. Secundus ordo erat iudicum, scilicet, maximorum, qui causas maximas tractabant, & isti erant septuaginta seniores, quorum primus erat summus Sacerdos, erantque semper isti congregati in loco, in quo erat Sanctuarium. Ad officium istorum pertinebat, quod diffinirent in omnibus causis, quæ a minoribus iudicibus deuoluebantur ad eos per appellationem, & ab eis non poterat appellari. Nam summus Sacerdos erat princeps istorū iudicum, & ab eo non erat appellatio. Nam si quis non staret sententiæ eius occidendus erat: Deute. 17. Etiam causæ magnæ directæ pertinebāt ad istos sine aliqua

aliqua deuolutione, quia iudices, qui erant constituti per loca singula non iudicabāt in causis arduis. Et ratio huius fuit, quia iudices minores, qui iudicabant per singula loca, successerant loco decanorum, quinquagenariorum, centurionum, qui erant in deserto sub Moyse: illi tamen solum iudicabant in causis paruis, vt patet Exo. 18. & Deut. 1. Ideo isti etiam iudicabant solum de causis paruis: septuaginta autē seniores, & summus Sacerdos, qui nunc erant, successerant loco Moyfi, & septuaginta seniorum, qui fuerant in deserto, sed ad Moysen oēs causę magnę directē veniebāt, & causę paruę per appellationem, vt patet Exo. 18. & Deut. 1. ex declaratis ibi, & aliquāliter colligitur ex litera. Ideo ad istos pertinebat iudicare in omnibus causis grauib; sine deuolutione per appellationem, & in causis quibuscunque per ius per appellationem illas deuoluendo. Considerandū autem, qđ isti septuaginta seniores non iudicabant, sed magis erant tamquam assessores. Solus autem summus Sacerdos, vel ille, quem ipse poneret loco sui iudicabat. Et illi consulebant ei, & deliberabant quid ille iudicare deberet. Sic enim colligitur Deut. 17. cum ponitur summus Sacerdos iudicans, vel aliquis index loco eius: nam dicitur: Qui superbierit nolens obedire Sacerdotis imperio, qui eo tempore ministrat Domino Deo tuo, & decreto iudicis, morietur homo ille. Possunt tamen vocari largē iudices omnes illi septuaginta seniores, & etiam dicebant proferre sententiam, eo quod deliberabant quid sententiandum esset. Et sic vocantur ibidem. ¶ Venies ad Sacerdotes Leuitici generis, & ad iudicem, qui fuerit illo tempore, & quęres ab eis, qui iudicabunt tibi veritatem, & facies quodcunque dixerint, sequerisque sententiam eorum. Nec tamen ex hoc aliquis putare debet, omnes istos propriē esse iudices, quia litera repugnat cum dicit, venies ad Sacerdotes Leuitici generis, & ad iudicem, qui fuerit illo tempore, si tamen omnes illi essent iudices non diceretur, & ad iudicem, qui fuerit illo tempore. Item quia dicitur: Qui superbierit nolens obedire Sacerdotis imperio, & decreto iudicis. Sciendum autē, quod isti septuaginta seniores erant de Sacerdotibus, & nullus laicus erat inter eos nec Leuita, vt colligitur Deut. 17. vbi agitur de istis iudicibus, scilicet. Si difficile, & ambiguum iudicium apud te esse perspexeris, venies ad Sacerdotes Leuitici generis, & ad iudicem, qui fuerit illo tempore, qđ iudicabunt tibi veritatē, & facies quodcunque dixerint. Ergo Sacerdotes erāt omnes isti seniores. Sciendum etiam, quod omnes isti erant semper congregati in loco Sanctuarij, vbicunque Sanctuarium esset. Et erat ibi domus vna, in qua conueniebant ad iudicandum. Et si mutabatur Sanctuarium de loco ad locum, etiam mutabatur domus consilij. Patet de hoc Deuteronom. decimo septimo, cum dicitur: Si difficile, & ambiguum iudicium apud te esse perspexeris, surge, & ascende ad locum, quē elegerit Dominus Deus tuus, veniesque ad Sacerdotes Leuitici generis, & ad iudicem, qui fuerit, & iudicabunt tibi veritatem, & facies quęcunque dixerint, qui præsunt loco, quem elegerit Dominus. Locus autem, quem Dominus eligebat, erat locus Sanctuarij: ideo in illo loco erat semper domus seniorum. Et quia nunc fabricatum est templū Salomonis in Ierusalem, & ibi semper manere debebat, facta est quādam domus, in qua congregarentur, & ista erat ad portam Meridianam Sanctuarij in atrio, vbi erat custos Obededom. Et istam portam semper custodiebant quatuor Leuitę, & pręter istos erant duo Leuitę custodientes portam domus consilij, & ista est domus, vel consilium seniorum, de quo hic agitur. Durauit autem iste ordo iudicium toto tem-

pore, quo mansit status iudaicus. Nam etiam tempore Christi erant isti septuaginta seniores, & habebant istud officium, & per senectutem eorum Christus occisus est: de quo Matth. 27. scilicet. Mane autem facto omnes principes Sacerdotū, & seniores populi inierunt consilium aduersus Iesum, vt eum morri traderent. Et ibi sæpe dicitur de senioribus, & Sacerdotum principibus. Et isti faciebant consilium sæpe, & loquebantur multa contra Christum, vt patet ex omnibus Euangelistis.

Porro Achias erat super thesauros domus Domini, & vasa sanctorum. Filij quoque Dan filij Gerson. De Ledam principes familiarum: Ledam, & Gersonni Icheli. Filij Icheli Zatham, & Ioel fratres eius super thesauros domus Domini. Amramitis, & Isaaritis, & Hebronitis, & Ozielitis. Subael autē filius Gerson filij Moyfi prępositus thesauris, frater quoque eius Eliezer, cuius filius Raabia, & huius filius Isaias, & huius filius Iruā, huius quoque filius Zechri, & huius filius Selemith. Ipse Selemith, & fratres eius super thesauros sanctorum, quę sanctificauit Dauid rex, & principes familiarum, & tribuni, & centuriones, & duces exercitus, de bellis, & manubijs pręliorum, quę conserauerat ad instaurationem, & supellectile templi Domini. Hęc autē vniuersa sanctificauit Samuel vidēs, & Saul filius Cis, & Abner filius Ner, & Ieab filius Saruię, omnesque sanctificauerant ea per manum Selemith, & fratrum eius. Isaaritis verō pręerat Conenias, & filij eius ad opera forinsecus super Israel ad docendum, & iudicandum eos. Porro de Hebronitis Alabias, & fratres eius viri fortissimi mille septingenti pręerant Israeliti, trans Iordanem contra Occidentē, in cunctis operibus Domini, & in ministerio regis. Hebronitarum autē princeps fuit Ieria secundum familias, & cognationes eorum. Quadagesimo anno regni Dauid recessu sunt, & inuenti sunt viri fortissimi in Gazer Galaad fratresque eius Robustioris ætatis duo millia septingenti principes familiarum. Pręposuit autē eos Dauid rex Rubenitis, & Gadditis, & dimidię tribui Manasse in omne ministerium Dei, & regis.

Porro Achias. Hic ponitur secundum huius. c. scilicet. de thesaurarijs, & dī. Porro Achias erat super thesauros domus Domini. Id est iste erat prępositus, & custos principalis oīum thesaurorū domus Dñi, ac vasa sanctorum. i. erat custos sup oīa vasa sacra, in quibus ministrabāt, in Hebræo dī. Super thesauros sanctorum. Vbi nos dicimus super vasa sanctorum, & idem est. Locus ubi nostrā dixit super vasa sanctorum ad faciendū an-

qualem differentiam, ne replicaretur idem. Pro quo sciendum, quod nomine thesaurorum domus Domini, comprehendebantur omnia vasa, in quibus ministrabatur, & totum aurum, & argentum, quod erat in massa, & etiam lapides preciosi, & vestes sacre Sacerdotum ad ministrandum in illis Domino, sicut aliqua vasa, & vestes, & aliqua alia erant non consecrata. De primis pater, quia non poterant ministrari Domino in aliquo vasa, vel veste, nisi consecrata esset vestis, & vas. Nam Moyses vixit totum tabernaculum, & omnia vasa eius, & vestes Sacerdotales oleo unctionis, & per hoc consecrauit illa, ut pater Exo. 31. & erat istud oleum sacrum factum ex multis aromatis, & rebus liquidis, & sumptis in determinato pondere, de cuius confectione patet Exo. 30. Ita nunc omnia vasa, in quibus ministrabatur, etiam vestes consecrarentur. Erant alie vestes quarum non erat usus in ministracione, nec erant consecrate. Et aliqua vasa, quae fiebant, vel forte offerebantur pro ministerio templi, & tamen nondum ministrabatur in eis. Erat etiam argentum, & aurum in massa, & lapides preciosi. Et ista etiam non erant consecrata: illa, quae erant consecrata vocabantur vasa sanctorum, id est, vasa sancta, scilicet, sanctificata per consecrationem, vel vocabantur vasa sanctorum, id est, quia usus illorum erat in ministerio sacro. Alia autem, quae non erant consecrata vocabantur thesauri, quia thesauros nominat diuitias, & non aliquem usum. Vasa autem nominant aliquam ministracionem, & ad distinctionem istam, dictum est hic super thesauros Domini, & super vasa sanctorum. *Filij Ledam filij Gerson.* Ponuntur etiam hic alij principes thesaurariorum, scilicet, Ledam, qui erat filius Gerson. Iste Gerson fuit filius Leui. Nam Leui habuit tres filios, scilicet, Caath, Gerson, Merari: Num. 3. & supra 23. Et habuit Gerson duos filios, scilicet, Lobni, & Semei, a quibus nominatae sunt duae familiae, scilicet, Lobnitica, & Semeitica: Num. 3. Et ille, qui vocatur Lobni vocatur alio nomine Lerdam, ut patet hic, & supra 23.

De Ledam principibus familiarum, Ledam, Gerson, Iehieli. Narratur progenies Gersonitarum, quia fuerunt alij thesaurarii de illa, & dicitur, quod Gerson fuit pater Lerdam, & Lerdam pater alterius Lerdam, & Gerson, & Iehiel, isti tres descenderunt de Lerdam, & fuerunt principes in familia Gersonitarum, a quibus thesaurarii descenderunt.

Filij Iehieli Zatham, & Ioel fratres. Iehieli, qui erat pater istorum duorum, scilicet, Zatham, & Ioel erat filius Lerdam, & isti duo fuerunt principes thesaurariorum de Gersonitis.

Super thesauros domus Domini. Hic accipiuntur large thesauri, tam pro valis sacris quam non sacris.

Amramitis, & Isaaritis, & Hebronitis, & Ozielitis. Id est isti suprapositi, & qui sequuntur, fuerunt positi principes de Amramitis, & Isaaritis, & Hebronitis, & Ozielitis, ut aliqui putant. Sed iste sensus est falsus, quia isti, qui supra ponuntur non sunt de Amramitis, nec de Ozielitis, sed solum de Gersonitis, qui pertinent ad aliam familiam, sed sensus est, quod isti, qui sequuntur ex illo verbu: Subael autem filius Gerson sunt de Amramitis, Isaaritis, Hebronitis, & Ozielitis. Pro quo sciendum, quod Leui habuit tres filios, scilicet, Caath, Gerson, & Merari, & ab istis nominatae fuerunt tres familiae principales in tribu Leui. Sub istis autem fuerunt aliae familiae particulares minores, scilicet, familia Caath diuisa est in quatuor, scilicet, in Amramitas, Isaaritas, Hebronitas, & Ozielitas. Familia Gerson diuisa est in duas, scilicet, in Semeitica, & Lobnitica. Familia Merari diuisa est in duas, scilicet, in Moholitas, & Musitas, ut patet Num. tertio: hic autem intendit si-

A gnificare Scriptura de quibus familijs Leuitarum fuerunt thesaurarii, & dicitur, quod fuerunt de duabus, scilicet, de familia Gerson, & Caath. De familia autem Merari nulli leguntur fuisse. Voluit ergo significare Scriptura, quod qui erant de familia Gersonitarum, & qui de familia Caathitarum. Et dicitur, quod de familia Gerson fuerunt Zatham, & Ioel duo fratres super thesauros domus Domini. Et ad significandum, quod isti sunt de familia Gerson, ponitur progenies, & dicitur, quod filius Gerson fuit Lerdam, & filij Lerdam fuerunt tres, scilicet, Lerdam, Gerson, Iehieli, & filij Iehieli fuerunt Zatham, & Ioel. Et isti fuerunt super thesauros domus Domini. Isti duo leguntur principes thesaurariorum de familia Gerson. Deinde dicitur, qui erant thesaurarii de familia Caath. Et dicitur, quod de Amramitis, Isaaritis, Hebronitis, & Ozielitis fuerunt isti, qui sequuntur in litera. Et ponuntur istae quatuor familiae particulares loco vnus familiae, scilicet, Caath, & non est sensus, quod de omnibus istis familijs fuerunt aliqui thesaurarii. Nam de Isaaritis, & Hebronitis, & Ozielitis nulli fuerunt thesaurarii cum solum ponantur infra thesaurarii de filiis Moyse. Et tamen filij Moyse erant solum de familia Amramitarum, cum Amram genuerit Moysem, & Aaron, ut patet supra 23. & Exod. 6. Sed ponuntur omnes istae quatuor familiae ad significandum, quod de omnibus istis non fuerunt alij thesaurarii, nisi isti, qui exprimuntur infra, qui solum fuerunt de familia Amramitarum, & tamen ponuntur etiam Isaaritae, Hebronitae, & Ozielitae ad significandum, quod de illis non fuissent alij thesaurarii,

Subael autem filius Gerson filij Moyse praepositus thesauri. Iste Subael ponitur princeps thesaurariorum de filiis Caath, & erat Subael filius Gerson, & nepos Moyse. Habuit enim Moyse duos filios, scilicet, Gerson, & Eliezer, quos genuit in terra Madian de Sephora filia Iethro Sacerdotis Madian: Exod. secundo. Et de filiis Moyse erant nunc thesaurarii, & non est iste Gerson filius Leui. Nam duplex est Gerson immo multiplex, vnus est filius Leui a quo nominata est familia Gersonitarum. Alius est Gerson filius Moyse, a quo non fuit nominata aliqua familia, & de isto dicitur hic. Interpretatur autem Gerson peregrinus, vel aduena. Et imposuit ei Moyse istud nomen, eo quod quando genuit ipsum, erat extra terram suam, ut patet Exo. 2. scilicet, Peperit ei filium, quem vocauit Gerson, dicens. Aduena fui in terra aliena.

Fratres quoque eius Eliezer. Id est etiam fratres istius Subael fuerunt principes thesaurorum. Et dicitur fratres quoque eius Eliezer, id est, fratres istius Subael, qui erant filij Eliezer, & accipiuntur fratres large, id est, cognati. Nam non erant filij Eliezer fratres Subael, eo quod Subael erat filius Gerson, & alij erant filij Eliezer. Erant tamen de eadem cognatione, quia erant filij duorum fratrum.

E *Cuius filius Rabia.* Eliezer fuit secundus filius Moyse, nec legitur habuisse alios filios, & vocauit istum secundum Eliezer, quod interpretatur Deus meus adiutor meus. Et imposuit istud nomen ei, quia Deus tuus eripuerat eum de manu Pharaonis, ut occideret eum, quando nuntiatus est ei, quod occidisset Aegyptium, & sepelivisset illum in sabulo. De hoc patet Exod. secundo, scilicet. Alterum quoque peperit quem vocauit Eliezer, dicens: Deus patris mei adiutor meus, eripuit me de manu Pharaonis. Iste Eliezer genuit filium nomine Rabia.

Et huius filius Isaias. Scilicet, Isaias fuit filius Rabia. Non est iste Isaias propheta, quia ille fuit multo tempore post istum. Nam iste fuit pronepos Moyse, & Isaias Propheta fuit tempore Ozie regis, & Ioatham, & Achaz,

Achaz, & Ezechie regum Iuda, ut patet Isaie primo. Etiam iste Isaia fuit filius Rabia, & ille fuit filius Amos, ut patet Isaie primo.

Et huius filius Ioram. Scilicet, filius Isaie. Non est iste Ioram rex Israel, quem occidit Thon, & regnavit pro eo, ut patet quarto Regum nono, nec etiam fuit Ioram rex Iuda, de quo quarto Regum octavo, & sequenti lib. capitu. 11. quia iste fuit multo tempore ante illos. Etiam iste fuit Leuita, illi autem laici, cum essent reges.

Huius quoque filius Zechri. Scilicet, filius Ioram. *Et huius filius Selemith.* Iste fuit propter quem enarratur tota ista generatio. Nam alij non fuerunt principes thesaurariorum, quia mortui sunt ante David. Et tamen positi fuerunt ad demonstrandum quomodo iste Selemith descendit de stirpe Moysi.

Ipse Selemith, & fratres eius super thesauros sanctificatos. Scilicet, iste fuit princeps super thesauros sanctificatos Domino: hic vocantur thesauri, & non vasa, eo quod accipitur pro illis, quæ offerebantur Domino, & ponebantur in Sanctuario, & per hoc sanctificabantur. Nam illi, qui capiebant aliquid in bello, offerebant aliquid Domino de illo, & quod offerebatur dicebatur sanctificari, quia transibat iam in proprietatem Dei, & Sanctuarij, de quo infra declarabitur in quadam quaestione. Et sic iste Selemith non erat custos vasorum factorum, in quibus quotidie ministrabatur: nec etiam vestium sacrarum, quibus induebantur Sacerdotes, sed erat custos thesaurorum pertinentium ad Deum, qui tamen non erant redacti in vasa, sed erat aurum, & argentum rude ad huc in massa, & alia metalla, quæ poterant proficere in ministerium cultus Domini, quia omnia genera metallorum ponebantur in thesauris Domini. Nam de auro, & argento, cre, & ferro, patet Iosue sexto. Et tamen es est nomen generale ad multa metalla. Iste Selemith ponitur hic eodem modo bis, & tamen in Hebræo non ponitur sic, quia prima vice vocatur Salmith, secunda vice vocatur Salthoth, sed idem est. Nam in Hebræo consueta est fieri ista mutatio literarum, & syllabarum in nominibus, ut sæpe dictum est, de quo supra 23. Et erat iste Selemith, & fratres eius, id est, cognati sui principes thesaurorum.

Quæ sanctificavit David rex. Non præerat iste Selemith vasis sacris, in quibus fiebat ministerium quotidianum, sed auro, & argento, & alijs metallis, quæ offerebantur, & reponebantur in thesauris Domini, & dicitur.

Quæ sanctificavit David. Id est, quæ obtulit. Nam qui offerebat dicebatur sanctificare, quia per oblationem rex oblata efficiebatur sancta, quia iam non pertinebat ad hominem, sed ad Deum, qui sanctus est, vel cuius omnia sancta sunt.

Et principes familiarum, & tribuni, & centuriones & duces exercitus. Scilicet, non solum David obtulit ea, quæ erant in thesauris Domini, sed etiam principes tribuum, & tribuni, & centuriones. Principes tribuum erant duodecim, quia in qualibet tribu erat unus princeps, & cum essent magni viri offerebant aurum, & argentum Domino. Tribunus vocatur, qui præest mille viris. Centurio autem, qui præest centum viris, & præter istos etiam quicunque principes exercitus, qui erant potentes, obtulerunt aliquid in thesauris Domini, & omnia illa servabantur per Selemith, & fratres eius. *De bellis, & manubijs præliorum.* Id est omnia ista, quæ consecrata fuerant Domino, accepta fuerunt in bellis, & erant de manubijs, id est, spolijs. Manubium enim dicitur, quod manu includitur, vel capitur. Et dicitur de manus, & bios quod est mensura quasi mensura manus, & inde dicitur manubium capulum gladij, id est, pars illa, per

quam capitur, & tenetur. *Quæ consecrauerant.* Id est, obtulerant, & per istam oblationem sacra efficiebantur.

Ad instauracionem. Id est ad reedificationem templi Domini. Nam postquam edificatum erat templum Domini, opus erat, quod aliquando repararetur, quia propter vetustatem multa peribant. Et ad reparationem illorum necessaria erat pecunia. Ista reparatio legitur bis facta in templo Salomonis antequam destrueretur per Caldeos. Prima vice facta est tempore regis Ioas, qui fecit colligi pecuniam ab universo Israel ad sartatecta templi, de quo 4. Reg. 12. & sequenti lib. capitu. 24. Secunda vice facta est tempore regis Iosia, quando inuentus est liber in domo Domini, de qua habetur 4. Reg. 22. sequenti lib. capitu. 34. Ad istam instantiam necessaria erat pecunia, & propter hoc David, & principes obtulerunt multa in thesauris Domini.

Et suppellectilem templi Domini. Id est, etiam necessarium erat habere pecuniam pro suppellectilibus, & pro illis oblata est. Vocantur suppellectilia hic laque omnia, quæ erant necessaria in templo ad aliquem usum, sicut omnia vasa, & etiam vestes sacre, & pecunia solum erat necessaria in templo pro istis duobus, scilicet, pro reparatione edificiorum, & pro suppellectilibus. Erat etiam necessaria pecunia ad sumptus quotidianos, scilicet, pro sacrificijs, & expensis, quæ fiebant in alijs ceremonijs, & etiam pro istis fiebant oblationes quotidianæ, & collectæ, quæ fiebant in quibusdam festiuitatibus in ultimis diebus, qui vocatur cæsus, & collectæ, ut patet Leui. 23. & Deuter. 16. Ideo principaliter erant pecuniæ necessarie ad ista duo. *Hæc autem vniuersa sanctificavit Samuel videns.* Id est, omnia, quæ consecrata fuerant, & posita nunc in thesauris templi, fuerunt consecrata, per Samuelem, & per istos, qui sequuntur, & vocatur Samuel videns, id est, Propheta, quia qui nunc vocatur Propheta, vocabatur olim videns, ut patet primo Regum nono, & vocabantur Prophetæ videntes, quia videbant ea, quæ alij non videbant, ut exponit Hieronimus in Epistola ad Paulinum.

Et Saul filius Cis. Iste fuit primus rex Israel, & consecrauit multa spolia Domino de illis, quæ acceperat in bellis: nam multa bella fecit.

Et Abner filius Ner. Iste erat princeps militiæ Saulis: primo Regum decimoquarto. Et erat primus post regem, ideo fuit nimis diues, potissimè, quia cum esset princeps belli, multa spolia accipiebat in bello, quæ consecrabat Domino.

Et Ioab filius Saruiz. Iste fuit princeps militiæ David vir laudabilis nimis, qui propter probitatem adeptus est principatum militiæ, scilicet, quia prius percussit Iebulcos, scilicet, in castro montis Sion, & regit fistulas domatum secundo Regum 5. & supra 11. Iste est filius Saruiz: nam Saruia est mater eius, & est soror David, ut patet supra 2. c. Tres autem fuerunt filij eius viri clarissimi scilicet, Ioab, Abitai, & Aiael. Et quia Ioab erat princeps militiæ David, poterat habere de bellis plura spolia quam alij serui David, ideo ipse plura consecrauit Domino, & ponitur hic specialiter de eo.

Omnes, qui sanctificauerunt ea per manum Selemith, & fratrum eius. Id est omnes isti, qui consecrauerunt aliquid Domino, consecrauerunt illud per manum Selemith, id est, dederunt illud Selemith, & fratribus eius tanquam thesaurarijs Domini, & illud tradere erat consecrare. Fratres autem, id est, cognati Selemith: erant principes thesaurorum, sed ipse Selemith erat princeps inter omnes. *Isaaitis vero.* Hic ponitur tertium huius, cum quo agit de prepositis. Istud enim erat vnum de officijs Leuitarum.

uitarum, vt patet supra 23. & fuerunt isti, qui sequuntur iudices, & prepositi, & dicitur.

Isaaitis vero praeerat Conenias. Isti constituebantur ad iudicandum in Israel, & ponebatur vnus princeps eorum, scilicet, Conenias, quia in quolibet officio, vbi erat multitudo, ponuntur aliqui principes, quia sine principibus est multitudo inordinata. Erant autem isti iudices Isaaitae, qui erant de stirpe Caath. Pro quo sciendum, quod tres erant familiae Leuitarum, vt supra dictum est, scilicet, Caath, quae diuidebatur in quatuor familias particulares, scilicet, Amramitarum, Isaaitarum, Hebronitarum, Ozielitarum, vt patet Num. 3. Et de secunda familia istarum, scilicet, Isaaitarum erant plurimi istorum iudicum, & princeps eorum erat Conenias, de isto autem Conenia an sit ille, qui erat princeps cantorum in portatione arcae, de quo habetur supra 15. infra declarabitur in quadam quaestione.

Et filij eius. Etiam filij Coneniae erant principes, sed pater eorum erat princeps maior.

Ad opera forissecus super Israel. Scilicet, in hoc differebant isti Leuitae ab alijs, quia omnes alij, scilicet, cantores, & ianitores habebant officia in Sanctuario. Iudices autem, de quibus hic dicitur habebant opera forissecus, quia erant super diuersas partes terrae Israel ad docendum indoctos, & ad iudicandum in causis.

Ad docendum, & ad iudicandum eos. Discurrebant enim Leuitae per diuersas partes terrae Israel, praedicando legem, vt iuste veretur illi, qui indocti erant, sicut nunc praedicatores discurrent, & etiam constituebantur iudices in singulis locis tamquam assessores, de quo magis infra declarabitur in quadam quaestione.

Porro de Hebronitis Asabias, & fratres eius. Ista erat alia familia particularis Leuitarum, de qua erant etiam iudices, & erant isti de familia Caathitarum. Nam diuidebatur illa familia per quatuor, quarum vna erat familia Hebronitarum, & inter iudices, & doctores de familia ista, erat princeps Asabias, & filij eius.

Viri fortissimi mille septingenti. Non intelligitur istud de Asabia, & filiis eius, quia non poterant illi esse tot, sed intelligitur de Hebronitis. I. quod de tota familia Hebronitarum erant mille septingenti Leuitae constituti in isto ministerio iudicandi, & docendi. Praeferantur isti in isto ministerio iudicandi, & docendi. Praeferantur isti: nam praeferantur Israelitis cum essent iudices eorum, & haberent alia officia, vel dignitates, secundum quas exercebant potestatem super Israelitas.

Trans Iordanem contra Occidentem. Dicitur hoc, vt sciatur, quae terra Israel tradita erat ista, in qua docerent, & iudicaret. Erat autem diuisa tota terra in duas partes, licet non aequales. Vna pars terrae Israel erat ad Orientem Iordanis: alia erat ad Occidentem. Et in parte Orientali, quae vocatur terra duorum regum Amorrhæorum habitauerunt duae tribus, & dimidia Deuteronom. 2. & 3. & Iosue 12. & 13. In parte autem dimidia. Isti autem Hebronitae praeferantur Israelitis habitantibus ad Occidentalem partem, vbi erat maior pars terrae Israel.

In cunctis operibus Domini. Idest exercebant in regione illa omnia opera, quae pertinebant ad Deum, sicut docere, & iudicare, & alia, de quibus dicitur in quadam quaestione. *Et in ministerium regi.* Idest etiam seruiebant regi isti Leuitae in regionibus illis, quia forte exercebant iurisdictionem illius, vel colligebant redditus suos, aut faciebant alia similia pertinentia ad ministerium regis.

Hebronitarum autem princeps fuit Ieria. Non fuit iste solus princeps, quia etiam Asabias, & filij eius fuerunt principes in familia Hebronitarum, vt patet supra,

A sed iste fuit alius princeps. *Secundum familias, & cognationes eorum.* Ista familia Hebronitarum non erat de principalibus familijs Leuitarum, sed erat quaedam pars familiae Caathitarum: ideo ipsa non poterat habere sub se familias, & agnationes, sed accipiuntur familiae nimis largè pro quibuscunque domibus, & cognationibus particularibus. Et hoc modo familia Hebronitarum fortè est diuisa in multas familias particulares, & ponuntur hic familiae, & cognationes pro eodem, sed cognatio est nomen magis generale, & conuenit tam familiae quam domui. *Quadragesimo anno regni David recensiti sunt.* Scilicet, omnes istae numerationes Leuitarum, & ordinationes Sacerdotum factae sunt anno quadragesimo regni David, & iste fuit annus vltimus vitae eius. Nam solum regnavit David quadraginta annis. 7. 29. & 2. Reg. 5. & 3. Reg. 2. Et iam propinquus morti fecit omnes istas ordinationes. Sic. n. dicitur. 23. quod David senex, & plenus dierum constituit regem Salomonem, & vocauit principes Israel, & Sacerdotes, & Leuitas ad ordinandum ea, quae habent hic. Et hoc tempore David fecit istam ordinationem, quia prioribus temporibus vacabat bellis, & non poterat facere aliquid horum, nunc autem finitis illis circa finem vitae potuit vacare ordinationi cultus diuini. Item cum David videret se cito moriturum, noluit relinquere aliquid inordinatum, & ad hoc ordinauit aliquid de cultu Dei, & de edificatione templi Dei, & de constitutione Salomonis in regem, de quibus declaratum est. 22. & 23. in quibusdam quaestionibus. *Et inuenti sunt viri fortissimi in Iazer Galaad.* Scilicet, istae Leuitae, qui supra numerati sunt, & erant viri fortissimi, & erant in Iazer Galaad. Est enim terra Galaad quaedam regio ad Orientalem partem Iordanis, & vocatur a monte Galaad. Nam terra, quae est in circuitu illius montis vocatur terra Galaad. Ille mons vocatus fuit sic a Iacob: nam in eo comprehendit Laban Iacob fugientem, & postea pepigerunt fedus, & in testimonium eternum illius foederis, posuerunt quendam acervum lapidum. Et tunc vocatus est mons ille Galaad quod interpretatur cumulus testis, vel acervus testimonij, vt patet Gen. 31. In terra coniuncta illi monti est ciuitas Iazer, & in ista reperti sunt isti Leuitae Hebronitae, qui nunc fuerunt computati.

Fratresque eius. Scilicet Ieria. Nam dicitur supra, quod Ieria erat princeps Hebronitarum, & hic ponuntur fratres eius, id est, viri de cognatione sua: accipiendo cognationem largè. Nam accipiendo illam prout descendit ab aliquo principio immediato, vel propinquo, non poterant esse tot viri nunc de cognatione Ieriae. I. duomillia, & septingenti, sed vocantur fratres eius, sicut interdum omnes, qui sunt de eadem familia, vel tribu, vocantur fratres.

Robustioris aetatis. Idest, viri fortes, qui iam poterant pugnare, & facere quaecunque alia opera dura. Istud autem dicitur ad tollendum dubium, quia hic dicitur, quod isti Leuitae numerati sunt, & tamen confusio Leuitarum erat, quod numerarentur ab vno mense, & supra, vt patet Num. 3. & 26. Ita crederetur nunc, quod numerati fuerant isti ab vno mense, & supra. Ideo dicitur, quod omnes isti erant robustioris aetatis, id est, viri fortes, scilicet, iam ultra annum vice simum.

Duo millia septingenti principes familiarum. Omnes isti erant principes familiarum, scilicet, Israelitarum, & non familiarum suarum. Nam non poterant esse tot familiae intra familiam Hebronitarum. Nam familia Hebronitarum erat quaedam pars familiae Caathitarum. Quomodo ergo poterant esse in ea duomillia, & septingenta familiae? Nam vix poterant esse tot viri potissimi, quia dicitur, quod omnes erant fratres Ieriae, id est,

de familia eius, vel cognatione. Quomodo ergo poterant esse omnes isti principes diuersarum familiarum? Sed intelligendum est, quod erant principes familiarum virorum Israel, non tamquam capita familiarum, sed tamquam habentes iurisdictionem aliquam super omnes istas familias Israelitarum, cum constituti essent iudices, & doctores. Vel potest intelligi de familijs Leuitarum, scilicet, quod isti erant principes familiarum, id est principes in familijs suis, non quidem, quod quilibet eorum esset princeps vnius familie, sed quod quilibet eorum in familia sua erat princeps, id est, vir, de quo fiebat mentio, id est, dato quod solum essent duæ familie omnium istorum, adhuc illi possent esse principes familiarum per istum modum. Et iste secundus sensus magis conuenit literæ, quia alias litera ista coincideret cum sequenti.

Præposuit autem eos Dauid rex in omne ministerium Dei, & regis Rubenitis & Gaditis, & dimidia tribui Manasse. Scilicet, isti duomilia, & septingenti, qui erant in Iazer Galaad, præpositi fuerunt a Dauid super Rubenitas, & Gaditas, & dimidiam tribum Manasse. Iste duæ tribus, & dimidia habitabant ultra Iordanem ad Orientalem partem eius, ut patet Num. 32. & Iosue primo petiueruntque iste duæ tribus, & dimidia terram istam. Nam quando Moyſes, & Israelitæ ceperunt terram istam de manu duorum regum Amorrhæorum, videntes duæ tribus, & dimidia, quod terra Galaad, & quasi tota terra istorum duorum regum erat valde pascualis, & ipsi habebant infinitam substantiam in pecoribus, petiuerunt terram illam a Moyſe, & a filiis Israel in possessionem, licet nullam aliam terram Israelitæ obrinuissent, & concessa est eis, iurauerunt tamen prius, quod irent cum alijs Israelitis ultra Iordanem ad pugnandum contra Chananæos: nec redirent in terram suam, quousque obtinerent pacifice Israelitæ terram de manibus Chananæorum, & sic factum est, ut patet Num. 32. & iuerunt postea de duabus tribubus, & dimidia quadraginta millia virorum armati, & transierunt Iordanem cum ceteris Israelitis: Iosue primo, & quarto. Et non redierunt in terram suam usque post longa tempora, quando iam Israelitæ pacifice renebant terram, quam possederant Chananæi: Iosue vigesimo secundo. Isti Leuitæ erant de terra Galaad de vrbe Iazer: ideo præpositi fuerunt duabus tribubus, & dimidia: in quarum terra habitabāt, & præerant isti pro ministerio Dei, & regis, scilicet, aliqua ministeria Dei erāt necessaria in terra illa, quæ fiebant extra templum, & ista exercebantur per istos Leuitas. Et vult Nicolaus, quod istud erat, quia in terra illa quedam vineæ, & agri donati fuerant templo Domini, & curam de illis habebant isti Leuitæ, sed de hoc infra dicetur. Ministerium autem regis erat, quia rex committebat aliqua negocia eis expedienda in terra illa.

De necessitate thesaurariorum. Quæst. XXVII.

QUÆRITUR primo circa thesaurarios, de quibus supra dictum est, ad quid erat necessarium ministerium eorum in templo.

Respondendum, quod valde erat necessarium. primo quia in templo Domini fiebant quotidie ministraciones Sacerdotales, & Leuiticæ, & iste requirebant vestes, & vasa. Nam Sacerdotes ministrabāt in vasis sacris aureis, & argenteis, scilicet, in acetabulis, Ciathis, phialis, mortariolis, & thuribulis, & ista erant vasa libaminum, de quibus Exo. vigesimo quinto: ista autem seruari debebant in templo: ideo pro his necessarij erant thesaurarij. Etiam Sacerdotes induebantur vestibus sacris ad ministrandum. Nam

F Exod. vigesimo octauo ponuntur vestes summi Sacerdotis, & vestes minorum Sacerdotum, & sine his non ministrabant, & iste custodiri debebant in templo, quia non utebantur Sacerdotes eis extra sacra ministeria, ut patet Leui. sexto de Sacerdote, qui exuebat vestes sacras, quibus indutus erat, quando educabat cineres de altari extra templum, & pro istis erant etiam necessarij custodes: sic etiam erat de vestibus Leuitarum. Nam licet non haberent Leuitæ vestes sacras, habebant tamen quasdam stolas albas, quibus induiebantur, quando ministrabant. Nam Salomon fecit eis multas de his, quando edificauit templum, ut ait Iose. octauo. Antiquaria. & etiam iste custodiebantur per aliquos, qui erant thesaurarij. Item multa offeriebantur in templo Domini in auro, & argento, & alijs donarijs, quæ per ipsos thesaurarios custodienda erant, sicut Dauid consecrauit, & Saul, & multi alij, de quibus habetur in litera, consecrauerunt Domino thesauros magnos quos acceperant de bellis. & isti traditi sunt custodiendi Selemith, & fratribus eius, qui erant thesaurarij, ut patet in litera. Insuper contumtum erat in quibusdam diebus congregari populum, & fieri collectam. Istud enim erat die octaua festiuitatis Tabernaculorum, & vocatur dies ille cæsus, & collectæ. Leui. vigesimo tertio, & Deuteronom. decimolexto, scilicet. Quia in die illa congregabatur pecunus populi. Et de omnibus illis colligebatur pecunia pro expensis necessarijs, & ad sacrificia, & alias ceremonias templi, & fiebat hoc conuenienter in festiuitate Tabernaculorum, quia in illa festiuitate tenebantur conuenire omnes masculi Israel in locum Sæcularij, ut patet Exod. vigesimo tertio, & trigesimo quarto, & Deuteronom. decimolexto. Et sic omnes de Israel dabant aliquid tunc pro illis expensis, & custodiebantur omnia hæc per thesaurarios, ideo officium illorum ad istud, & ad multa alia necessarium erat in templo Domini.

An officium thesaurariorum distinctum esset ab officio ianitorum. Quæst. XXVIII.

QUÆRITUR vltius de officio thesaurariorum an distinctum esset ab officio ianitorum. Aliquis dicit, quod non, quia ianitores custodire habebant portas, & non solum portas templi, sed etiam portas exedrarum, in quibus erant thesaurarij: ideo videtur, quod nihil relinquebatur thesaurarijs custodiendum ultra id, quod custodiebant Leuitæ. Et confirmatur hoc, quia thesauri domus Domini custodiebantur in exedris, quæ erant in circuitu templi: omnes tamen exedre custodiebantur a ianitoribus, quia in quibusdam erant duo ianitores, præterquam in quadam exedra, quæ vocabatur ianitorium, in qua erant quatuor, ut patet supra in litera. Ergo istis custodientibus non erat necessarium ministerium thesaurariorum, & si aliqui erant thesaurarij, essent iidem cum ianitoribus, sed differrent secundum rationem. Nam essent ianitores in quantum ianuas domibus, & essent thesaurarij in quantum in illis domibus, quas custodiebant, erant thesauri.

Respondendum est, quod officium ianitorum, & thesaurariorum habebat magnam similitudinē, in quantum vtrique custodiebant, & tamē differebant. Primo patet, quia non erant iidem ianitores, & thesaurarij: nam ianitores fuerunt positi de duabus progeniebus. scilicet Coritis, & de filiis Merari. Et postea filij Core diuisi fuerunt in duo capita, scilicet, in Meteleemiam, & Obededom, & de illis fuerunt omnes ianitores, ut patet. 3. in litera. Thesaurarij autē non fuerunt de istis, sed quidam fuerunt de familia Gerion: & est secunda familia

familia Leuitarum. Et alij fuerunt de Anramitis, quæ est pars familiæ Caathitarum: nam fuerunt de filiis Moyfi. Quidam autem descenderunt a filio eius Gerson, & alij a filio eius Eliezer, vt patet in litera: ergo non erant ijdem ianitores, & thesaurarij, cum progenies eorum differrent saltem quantum ad multos, quia dato, quòd aliqui de non expressis coinciderent in familia cum ianitoribus, non erat inconueniens.

Secundo patet, quia supra 9. dicitur: His quatuor Leuitis creditus erat omnis numerus ianitorum. Et sequitur: De horum genere erant super vasa ministerij, idest, etiam de genere ianitorum erant aliqui, qui prepositi erant vasis ministerij, & sic non erant ipsi ianitores prepositi vasis, ita quòd ipsi essent thesaurarij, sed de genere eorum erant thesaurarij.

Sciendum tamen, quòd inter ianitores, & thesaurarios erat similitudo officij plusquam inter alios Leuitas, eo quòd vtrique erant custodes, & propter hoc in assignatione thesaurariorum, & ianitorum non fuerunt posite diuersæ summæ. Nam supra 23. Ponuntur officia Leuitarum in generali, & dicitur quot erant ianitores in quolibet, & dicitur, quòd ianitores erant quatuor millia, & cantores totidem, & iudices sex millia, & qui seruiebant ad alia ministeria domus Domini vigintiquatuor millia. De thesaurarijs autem non ponitur summa, quia intelliguntur illi per ianitores, sicut infra dicitur, ideo similitudo erat: & ex hoc habuerunt aliqui occasionem errandi, erat tamen officium distinctum, nam ianitores solum custodiebant ianuas, & non habebant aliam administrationem: thesaurarij autem custodiebant vasa sacra, & alios thesauros, & administrabant omnia hæc. Item ad thesaurarios pertinebat, quòd ipsi quotidie essent præsto ad dandum sacerdotibus vasa illa sacra, & vestes cum quibus ministrarent, completa autem ministratio ipsi erant partim ad recipiendum illa, & recludebant ea in armarijs suis ne aliquid perderetur. Sic enim patet supra, scilicet, De eorum genere erant super vasa ministerij. ad numerum enim efferebantur vasa, & inferebantur, scilicet, thesaurarij dabant vasa sacerdotibus ad ministrandum, quando inferebant ea in armarijs suis, & postea recipiebant ea secundum eundem numerum, quomodo inferebant ea in armarium, ad quòd custodirentur. Ianitores autem nihil horum considerabāt. Item ad thesaurarios pertinebat, quòd ipsi custodirent similam, vinum, & oleum, & thus, & sal, pro libamenti sacrificiorum. Nam quotidie fiebant sacrificia in templo, quæ erant de sacrificijs necessitatis, & in illis ponebantur libamenta, sicut patet Numeri 15. & 28. & 29. Et ista libamenta erant, quæ dicta sunt, vt patet Numeri 15. Et ista seruare debebant thesaurarij, vt qualibet die sacerdotibus darent quantum opus esset de illis, vt patet supra 9. Scilicet, De ipsis, qui credita habebant vtriusque sanctuarij, præerant similæ, & vino, & oleo, & thuri, & aromatibus. Et tamen de his nihil curabant ianitores, ideo distincti erant.

Sciendum etiam, quòd sicut supra dicebatur, thesaurarij Domini erant duplices. Quidam erant in rebus sacris vt pote in vestibus, & vasis, quorum ministratio quotidiana erat. Alij erant thesauri non sacri, scilicet, quantum ad aurum, & argentum, & lapides pretiosos, & alia quæ offerebantur Domino, & tamen vsus illarum rerum non erat ad ministrandum Domino, eo quòd non erant illæ res sacræ. Quantum ad primos thesauros, oportebat esse thesaurarios quotidie sollicitos, quia cum fieret quotidie ministratio, tradebant quotidie vasa, & vestes sacerdotibus.

Alph. Tost. In Lib. I. Paralip.

A tibus, & completa ministratio recipiebant vestes, & vasa ab eis, & sicut dabant per numerum, ita recipiebant ad numerum, vt patet supra 9. Circa alios thesauros Sanctuarij non erat sibi laborandum, eo quòd non accipiebantur illi ad aliquam ministratioem, sed solum custodiebant eos in armarijs. Et si aliquando opus erat fieri aliquam restaurationem in templo eorum, quæ corruebant, vel si opus erat emere aliqua vasa, vel alia suppellectilia ad ministratioem, de illis thesauris emebantur: etiam si aliquando opus erat, quòd emerentur animalia ad sacrificia, vel similam, vinum, oleum, sal, & thus, emebantur de illis pecunijs, quæ erant in thesauris, si nullæ aliæ essent in thesauris, vel alibi, & in hoc solum expendebantur illæ pecuniæ, sed præcipue expendebantur in reparatione, & emptione suppellectilium, sicut dicitur supra in litera, quòd Dauid, & principes familiarum conseruauerunt Domino istos thesauros ad instaurationem, & suppellectilem templi Domini, scilicet, ad faciendam instaurationem, & ad emendam suppellectilem. Ad rationem in contrarium dicendum, quòd quamquam ianitores custodirent ianuas templi, & exedarum, & etiam thesaurarij aliquid custodirent; tamen thesaurarij non custodiebant ianuas, sicut ianitores, sed thesauros, & ianitores non custodiebant thesauros, nec ministrabant in eis, sed thesaurarij. Ad confirmationem dicitur, quòd thesauri erant in exedris templi, & tamen ianitores custodiebant omnes exedras, vt patet supra in litera. Dicendum, quòd ianitores custodiebant portas exedarum, ne aliquis introiret in exedras, qui posset aliquid capere, & tamen ipsi non habebant armaria thesaurorum sub administratione sua, & cura, nec aperiebant illa, & claudebant, sed hoc pertinebat ad thesaurarios, qui vasa ista dabant sacerdotibus ad numerum, & recipiebant ab eis, vt patet supra nono.

Quare non fuerunt positi thesaurarij in numero ministrorum templi. Quæst. XXIX.

QUÆRITUR vltius, quare thesaurarij non fuerunt nominati, vel positi in numero, quando fuit posita summa quorumlibet ministrorum templi. Nam supra 23. ponitur numerus istorum, scilicet, quòd erant quatuor millia cantorum, & totidem ianitorum, & sex millia iudicum, & vigintiquatuor millia eorum, qui ministerium domus Domini faciebant, inter quos non ponuntur thesaurarij. Aliquis dicet, quod forte omisit ibi scriptura de thesaurarijs, eo quòd dictura erat hic de illis. Nam interdum mittit aliqua, & postea illa supplet. Sed dicendum, quòd hoc non stat, quia summa omnium Leuitarum erat triginta octo millia, vt patet supra 23. De quibus fuerunt quatuor millia cantorum, totidem ianitorum, & sex millia iudicum, & vigintiquatuor millia de illis, qui distributi erant in ministerium domus Dñi, qui simul complent triginta octo millia. Ideo cum thesaurarij essent de Leuitis, necesse est, vt includantur sub aliqua parte istarum, alioquin essent contra summam Leuitarum, ideo necesse est, quod intelligantur nomina alicuius partis illarum. Aliqui dicunt, quod thesaurarij nominati fuerunt hic, quia isti sunt, qui vocantur distributi in ministerium domus Domini: nam isti ministrabant in rebus pertinentibus ad officia sacra, & vestes administrationi, & recipiendo illa a sacerdotibus. Sed dicendum, quod hoc non stat, quia illi qui distributi erant in ministerium domus Dñi, erant plures, quod omnes alij officiales simul, scilicet, vigintiquatuor millia, nulli tamen erant ministri templi, qui pauciores esse deberent, quam thesaurarij.



thaurarij, eo quod ministratio eorum non erat diuisa in multas res, sicut ministratio ianitorum diuisa erat per multas ianuarum portas, & templi, & exedrarum, nec requirebat multos simul, sicut ministratio cantorum, ideo essent pauci, ideo non solum non essent vigintiquatuor millia, sicut illi, qui distributi erant in ministerium domus Domini, sed forte non essent mille. Alij ergo dicunt, quod thesaurarij includuntur nomine prepositorum, sed hoc non potest stare, quia hoc potest intelligi dupliciter. Vno modo, quod prepositi, & thesaurarij sint idem. Alio modo, quod non sint idem, & tamen sub illa summa prepositorum, & iudicum, includantur etiam thesaurarij. Primum non stat: nam prepositi ministrabant in illis, quæ erant extra templum: nam quidam ministrabant ad partem Orientalem Iordanis, & alij ad partem Occidentalem. Et dicitur, quod isti erant prepositi ad opera forinsecus Israel. Ministerium tamen thesaurariorum non erat extra templum, sed in templo: ergo non sunt idem prepositi, & thesaurarij. Quod autem non includantur sub summa eorum, patet quia non includerentur quidam officiales sub aliorum summa, nisi essent similes, ita vt verisimiliter intelligi possent quidam per alios. Et tamen non est aliqua similitudo inter prepositos, & thesaurarios, cum thesaurarij ministrarent in templo, & prepositi extra, ideo non poterit intelligi per prepositos. Dicendum ergo est, quod intelligitur summa thesaurariorum per summam ianitorum. Erat enim summa ianitorum quatuor millia, supra 23. Et intelligendum est, quod non essent omnes ianitores, sed quidam illorum essent thesaurarij. Pauci tamen erant thesaurarij, eo quod officium istud exigebat minorem numerum, quam alia, vt supra declaratum est: vnde sub illa summa poterant esse ianitores, quotquot sufficerent pro domo Domini, & etiam thesaurarij. Causa autem intelligendi thesaurarios sub nomine ianitorum fuit, quia thesaurarij large vocantur ianitores, & magna similitudo est in officio ipsorum, potius quam inter officia aliorum Leuitarum, & ponuntur quasi pro eisdem thesaurarij, & ianitores, vt patet supra 9. scilicet, His quatuor Leuitis creditus erat omnis numerus ianitorum, & erant super exedras, & thesauros domus Domini. Ecce qualiter ponitur, quod ad ianitores pertinebant thesauri, & sic accipiuntur pro eodem. Item dicitur ibi de ianitoribus, Quod per gyrum templi morabantur in custodijs suis, vt cum tempus fuisset mane aperirent fores. Et sequitur: De eorum genere erant super vasa ministerij. Ergo vel thesaurarij erant iidem cum ianitoribus, vel saltem erant de genere eorum, idest, pertinebant omnes ad vnam summam, & sic intelliguntur thesaurarij nomine ianitorum, & non aliorum Leuitarum, & propter hoc non curauit scriptura, supra 23. ponere summam thesaurariorum per se, quia illi includebantur in summa ianitorum.

An Ledan, & filij eius fuerint thesaurarij.
Quæst. XXX.

QUÆRITUR vltius de istis, qui nominantur in litera, scilicet, Ledan, & filij eius an fuerint thesaurarij, & quare ponuntur hic. Aliquis dicet, quod obseruatur hic consuetudo scripturæ. Semper enim scriptura in istis diuisionibus officialium nominat illos, qui principes erant, & de cæteris non curat: ideo cum nominentur hic isti, videtur quod erant principes thesaurorum, & nunc non est dubitatio, nisi de illis, qui ponuntur ab illo versu: Porro Achias, vsque ad illum versum, Amramitis, & Isaritis, & Hebronitis, quia de sequentibus alia dubi-

tatio est. Et dicendum, quod hic ponuntur multi, scilicet, Ledan filius Gerson, & tres filij Ledan, scilicet, alius Ledan, & Gerson, & Iehieli, & etiam ponuntur duo filij Iehieli, scilicet, Zatham, & Ioel. De omnibus primis non est dubium, nisi de Zatham, & Ioel, quia de istis dicitur, quod erant super thesauros domus Domini. De alijs autem certum est, quod non poterant esse principes thesaurorum in ista diuisione officialium, quæ facta est per Dauid. Nam Gerson pater Ledan, qui ponitur hic, primus fuit filius Leui, a quo nominata est familia Gersonitarum, supra 23. & Numeri 3. Ille autem mortuus est ante tempora Dauid plusquam per quingentos annos. Nam in Aegypto mortuus est, quia omnes, qui ingressi sunt in Aegyptum cum Iacob, mortui sunt antequam insurgeret persecutio Aegyptiorum contra Hebræos, vt patet Exodi 1. Et tamen Gerson filius Leui fuit vnus de introeuntibus in terram Aegypti cum Iacob, vt patet Genesi 46. Ergo ipse mortuus est ante exitum de Aegypto. De Ledan filio Gerson, & de tribus filijs Ledan nepotibus Gerson, manifestum est, quod non poterant viuere tempore, quo facta est diuisio ista per Dauid. Nam ad plus Gerson gigneret filium suum Ledan anno nonagesimo, vel centesimo vitæ suæ, quia vltra illud tempus nemo erat aptus ad gignendum. Et Ledan gigneret tres filios suos ante centesimum annum vitæ suæ, & illi ad plus viuerent centum viginti annis, quia vita humana non extendebatur ad plus illo tempore, H essent autem isti trecenti anni, vel trecenti viginti ad plus, & tamen a principio vitæ Gerson vsque ad tempus, quo facta est diuisio ista, fuerunt anni quasi septingenti, quod patet, quia ab exitu de Aegypto vsque ad foundationem templi Salomonis fuerunt anni quadringenti, & octoginta, 3. Regum 6. Et ab introitu Iacob in Aegyptum vsque ad exitum Israelitarum in desertum fuerunt anni ducenti, & quindecim, vt probatum est late Genesi 15. & Exodi primo, & secundo. Qui simul sunt anni septingenti demptis quinque: Gerson tamen esset quinque annorum, vel plus quando introiit in Aegyptum, eo quod iam nati erant tres filij Leui, scilicet, Gerson, Caath, Merari, & omnes tres descenderunt in Aegyptum, Genesi 46. De quibus creditur Gerson primogenitus, quia ponitur primus in ordine literæ, & sic essent septingenti anni completi a natiuitate Gerson vsque ad foundationem templi Salomonis. De quibus subtrahantur quasi quatuor anni, quia fundatio templi facta est in principio anni quarti regni Salomonis, tertio Regum 6. Ista autem ordinatio facta est anno quadagesimo regni Dauid, vt patet in litera, & in illo anno mortuus est Dauid, quia non regnauit, nisi quadraginta annis, infra vigesimonono. Ergo istam ordinationem ministrorum, & foundationem templi Salomonis fuerunt ad plus quatuor anni, qui subtrahendi sunt de supradictis septingentis annis, sic manent a natiuitate Gerson vsque ad tempus, quo facta est ista ordinatio, anni septingenti fere, anni tamen, vsque ad quos poterat extendi vita Gerson, simul cum vita Ledan filij sui, & ad vitam trium nepotum suorum erant trecenti, & viginti, vt supra probatum est, qui subtrahantur de septingentis: manebunt ergo ad minus trecenti, & octoginta anni post mortem omnium illorum vsque ad tempus istius ordinationis. Sed de his non est curandum, quia litera non vocat illos thesaurarios, sed solum ponit illos ad continuandum per illos stirpem thesaurariorum, ostendendo quomodo descenderunt thesaurarij quidam de stirpe Gerson filij Leui. Sed dubium est de Zatham, & Ioel filijs Iehieli, & pronepotibus Gerson: de quibus dicitur hic, quod erant ambo fratres, & erant super thesauros domus

domus Domini. Nam de istis insistendum est, quomodo potuerint ipsi esse thesaurarii, quando facta est ista distributio officialium. Et videtur dicendum, quod nullo modo potuerint vivere tempore istius distributionis. Nam pater eorum Iehieli filius Ledan mortuus est ad minus trecentis, & octoginta annis antequam fieret ista distributio: oporteret ergo, quod isti viverent ad minus istis trecentis, & octoginta annis: ad hoc, quod possent esse tempore istius diuisionis, sed hoc esse non poterat, quia nullus homo tantum vixit post Abraham, sed vita hominis erat ad plus centum, & viginti annorum, vel quasi.

Dicendum ergo, quod ista litera potest stare dupliciter: vno modo, quod iste Zathan, & Ioel non fuerunt tempore istius diuisionis: nec aliquando fuerunt principes thesaurorum, sed quod ab ipsis descendunt aliqui, qui fuerunt principes thesaurariorum tempore Dauid. Alio modo potest dici, quod isti fuerunt thesaurarii tempore Dauid, & tamen omittuntur aliquæ generationes in medio, sicut interdum scriptura sacra solet aliquos omittere, ut infra dicitur: primus tamen modus non multum conuenit: Primo quia hoc modo non magis diceretur de istis duobus, scilicet, Zathan, & Ioel, quod erant super thesauros domus Domini, quam de Gerson, & Ledan, & alij de quorum stirpe isti descendebant. Nam si de istis descendebant principes thesaurorum, ergo etiam de patre, & proavis istorum etiam descendebant illi principes, & tamen dicitur de istis duobus, quod erant super thesauros domus Domini, & non de alijs prædecessoribus eorum. ergo videtur, quod isti pars personaliter erant thesaurarii, & non aliqui descendentes de stirpe eorum. Secundo patet, quia litera non potest conuenire huic sensui, quia dicitur, quod Zathan, & Ioel fratres erant super thesauros domus Domini. Istud autem significat, quod ipsi naturaliter essent super thesauros constituti, & non quod descenderent ab eis aliqui principes thesaurariorum, quia tunc alio modo loqueretur scriptura. Secundus ergo modus tenendus est, scilicet, quod aliquæ generationes intermediae omittantur, quia interdum scriptura non curat enarrando genealogias omnia media numerare. Sic enim patet in genealogia Christi. Nam omittuntur aliqui reges. Cum enim dicitur Ioran genuit Oziam: omittuntur ibi tres reges. Nam Ioran non genuit Oziam, sed Ochoziam, qui successit ei in regno 4. Reg. 8. Et sequenti lib. cap. 21. & 22. Ochozias genuit Ioas 4. Reg. 11. & seq. lib. cap. 23. Ioas autem genuit Amasiam 4. Reg. 14. Et seq. lib. cap. 25. Amasias autem genuit Oziam 4. Reg. 15. Et seq. lib. cap. 26. Et tamen Matth. primo ubi ponitur genealogia Christi dicitur, Ioran genuit Oziam, & omittuntur isti tres intermedij. Ita ergo hic poterant omitti tres vel quatuor generationes intermediae, & sic isti Zathan, & Ioel poterant esse tempore Dauid principes thesaurariorum.

An tempore Dauid Subuel, de quo hic fit mentio, erat præpositus thesauri. Quest. XXXI.

QUÆRITUR vltius cum dicitur hic Subuel filius Gerson filij Moyfi erat præpositus thesauri, an fuerit iste Subuel tempore Dauid, ita quod esset thesaurarius per se. Et dicendum videtur, quod non, quia iste Subuel fuit filius Gerson, & Gerson fuit filius Moyfi. Non poterat ergo vivere hoc tempore: Quod patet, quia Moyfes genuit Gerson in terra Madian, Exodi 2. Et quando Deus apparuit Moyfi in rubo, & iussit ei, quod iret ad denunciandum Israelitis, quod exituri essent de Ægypto. Alph. Tost. In Lib. I. Paralip.

A Ægypto, duxit secum Moyfes Gerson, & Eliezer duos filios suos in Ægyptum, Exodi 4. & sic natus est Gerson ante exitum de Ægypto, & vsque ad istam diuisionem officialium fuerunt anni quadringenti octoginta, demptis quatuor, ut probatum est præcedenti quæstione, non poterat tamen vivere tanto tempore filius Gerson, quia dato quod Gerson gigneret Subuel anno centesimo vitæ suæ, quod non videbatur possibile, vel saltem erat difficile, & viveret postea Subuel ad plus centum, & viginti annis, non possit extendi vita sua, nisi vsque ad ducentos, & viginti annos post exitum de Ægypto, & tamen fuit ista diuio officialium quadringentis, & octoginta annis post exitum de Ægypto, ut dictum est: **B** de quibus subtrahantur ducenti, & viginti anni, manebunt ergo ad minus ducenti, & sexaginta anni, quibus mortuus fuit Subuel ante diuisionem istam. Dici ergo potest dupliciter, sicut in præcedenti quæstione. Vno modo, quod iste Subuel fuit præpositus thesauri, id est, quod descenderunt ab eo aliqui præpositi. Alio modo, quod istemet Subuel fuerit tempore Dauid, & factus sit præpositus thesaurorum. Dicit tamen aliquis, quod tenendus sit secundus modus, scilicet, quod fuerit Subuel tempore Dauid, & hoc poterit esse dicendo, quod omittæ fuerunt aliquæ generationes intermediae, sicut dicebatur præced. quæstione, & istud videbatur satis rationabile, & tamen videtur ob stare quod habetur supra, scilicet, Filij Moyfi Gerson, filij Gerson Subuel primus. Et sic videtur, quod ipse Subuel fuerit vere filius immediatus Gerson, & primogenitus eius, cum dicatur quod Subuel est primus filius Gerson. Ideo tenendus est hic primus modus, scilicet, quod Subuel non potuit esse tempore Dauid, nec fuit ipse thesaurarius in templo, sed descenderunt ab eo aliqui, qui fuerunt thesaurarii, & vocatur ipse Subuel præpositus thesauri, scilicet, quia de stirpe sua descenderunt præpositi.

An alij thesaurarii fuerint tempore Dauid. Quest. XXXII.

QUÆRITUR vltius circa alios thesaurarios, qui ponuntur in illo versu: Fratres quoque eius Eliezer. Et in versu sequenti, an illi fuerint tempore Dauid, & constituti fuerint thesaurarii, vel quomodo intelligendum sit. Respondendum est, quod ibi ponuntur multi. Et non fuit aliquis de illis præpositus thesaurorum, nisi vltimus, scilicet, Selemith. Intentio tamen scripturæ est declarare, quomodo de stirpe Moyfi descenderunt thesaurarii: & primus illorum fuit Selemith per lineam Eliezer filij Moyfi. Et ad ostendendum quomodo iste Selemith descendebat de stirpe Moyfi, posita fuerunt hic omnes generationes intermediae, & cum peruenitur ad Selemith, dicitur ipse Selemith, & fratres eius super thesauros sanctorum. Et in istis non est dubium quin Selemith potuit esse tempore Dauid, quia hic ponuntur sex generationes ab Eliezer vsque ad Selemith. Eliezer autem filius Moyfi natus est paucis temporibus ante exitum de Ægypto, & tamen quando Moyfes veniebat de terra Madian in Ægyptum ad educendum inde Israelitas, circumcidit Eliezer, & filium suum in via, ut patet Exo. 4. Et tamen ab exitu de Ægypto vsque ad istam diuisionem officiorum, siue vsque ad fundationem templi, quæ fuit quatuor annis post istam diuisionem, fuerunt anni quadringenti, & octoginta, tertio Regum sexto. Et tamen sex generationes bene poterant durare per istos annos, ideo Selemith poterat esse tempore istius ordinationis. Et sic dicendum est, quod constitutus fuerit in principem thesaurariorum

per Dauid, Et sic etiam dicitur in litera, quod per manus eius sanctificata sunt ea, quæ reposita fuerunt in thesauris Domini, quod non poterat esse, nisi ipse viueret tempore Dauid.

Cuius progeniei inter Leuitas essent thesaurarij.
Quæst. XXXIII.

QUÆRITUR vterius de qua progenie erant thesaurarij inter Leuitas. Dicendum, quod tres erant familiae Leuitarum descendentes a tribus filiis Levi, scilicet, Gerson, Caath, Merari. Et de aliqua istarum, vel de multis essent thesaurarij, & dicendum quod fuerunt de duabus familiis, scilicet, de Gersonitis, & Caathitis, & de Gersonitis fuerunt duo principes thesaurorum, siue tres, scilicet, Zatham, Ioel, & Achias, & de istis agitur ab illo versu: Porro Achias, usque ad versum, qui incipit: Amramitis, & Isaaritis. In quo intendit scriptura ostendere, quod fuerunt illi duo thesaurarij, scilicet, Zatham, & Ioel de stirpe Gerson. Et dicitur quod Gerson genuit Ledam, & Ledam genuit alium Ledam, & Gerson, & Iehieli, & Iehieli genuit Zatham, & Ioel, qui fuerunt super thesauros domus Domini. De Achia non apparet de qua stirpe erat, sed credendum est, quod erat de stirpe Gersonitarum, eo quod ponitur cum Gersonitis. De familia Caathitarum fuerunt etiam alij thesaurarij. Pro quo sciendum, quod ista familia diuisa erat in quatuor familias partiales, scilicet, Amramitis, Isaaritis, Hebronitis, & Ozielitis, Numeri 3. Et ad significandum, quod de familia Caath erant aliqui thesaurarij, nominatae fuerunt hic istæ quatuor familiae cum dicitur. Amramitis, Isaaritis, Hebronitis, & Ozielitis, idest, de istis familiis fuerunt thesaurarij, qui sequuntur, & ut declaratum est supra in litera non fuerunt thesaurarij de omnibus istis quatuor familiis partialibus, sed solum de familia Amramitarum. Nam soli filij Moyse fuerunt thesaurarij de familia Caathitarum: & tamē Moyse filius Amram erat, supra 23. Pro hoc autem sciendum, quod Moyse habuit duos filios, scilicet, Gerson, & Eliezer, Exodi 2. & ab utroque descenderunt aliqui thesaurarij. Et quia Gerson erat primus, ponitur primo de eo, scilicet, quod Subuel filius Gerson erat præpositus thesauri. De Eliezer dicitur, quod descendit ab eo Selemith, & ponitur ibi progenies eius, & fuit ipse Selemith thesaurarius cum alijs fratribus suis, qui erant sibi contemporanei.

De principibus tribuum. Quæst. XXXIIII.

QUÆRITUR vterius cum dicatur hic, quod principes tribuum, & centuriones, & ceteri consecrauerunt istos thesauros Domino, qui sunt isti principes tribuum. Respondendum est, quod aliqui existimant istos principes tribuum esse per constitutionem, alij per progeniem. Primo modo, quod dicamus, quod quilibet rex constituerebat, quos volebat in principes super tribus, & quia tribus erant duodecim, quod constitueret solum duodecim principes, & tamen constituere istos, vel illos esset in voluntate sua. Secundo modo intelligitur, quod essent isti principes tribuum per progeniem, id est, quod in quolibet tribu competeret vni ex derivatione progeniei, quod esset princeps in illa tribu, & iste modus est verus, an tamē possit stare primus modus, vel secundus declarabitur sequen. cap. in quadam quaestione. Nunc autem primus modus tenendus est, & dicendum est, quod filij duodecim Iacob nominauerunt duodecim tribus, & ab illis de-

scenderunt alij Israelitæ: considerabatur tamen quis veniebat directe per lineam primogenitorum a capite tribus, & ille erat princeps tribus. Ille autem erat semper vnus, quia sicut vnus homo non potest habere, nisi vnum primogenitum, ita in vna tribu non poterat esse nisi vnus, qui descenderet semper per lineam primogenitorum, & ille erat dignior cæteris de tota tribu. Nam sicut inter filios eiusdem viri primogenitus est dignior, & est princeps, sicut dicitur Genesis quadragesi monono. Ruben primogenitus meus, tu fortitudo mea, prior in donis, maior imperio. Ita in tota tribu primogenitus respectu totius tribus erit dignior omnibus de tribu, sed ita erat de illo, qui descendeat a capite tribus semper per lineam primogenitorum, ideo ille erat primogenitus in tota tribu, & princeps eius, & semper necesse erat esse vnum talem, & impossibile erat multos esse simul, & sic in qualibet tribu erat semper vnus princeps, & veniebat per progeniem. Erant autem isti principes duodecim, sicut erant duodecim tribus. Erant viri isti digniores in toto Israel præter regem, & filios eius, & aliquos nimis sibi familiares: Pater hoc quia in deserto quando dedicatum est templum, isti principes obtulerunt in duodecim diebus continuis munera sua, quilibet princeps vna die, ut patet Numeri septimo, & non fit mentio de oblatione aliorum popularium, tanquam isti omnibus digniores essent. Isti autem principes erant diuites, ideo dicitur de eis hic, quod ipsi consecrauerunt, idest, obtulerunt multa in thesauris Domini, ad instaurationem templi, & ad emenda suppellectilia. Patet hoc ex oblationibus, quas fecerunt isti duodecim principes in dedicatione Sanctuarij Moyse in deserto. Nam quilibet obtulit vnum acceptabulum argentum centum, & triginta siclorum, & vnam phialam argenteam septuaginta siclorum, & vnum mortariolum aureum decem siclorum, & vnum bouem, & vnum agnum, & vnum arietem, & vnum hircum, & rursus duos boues, & quinque arietes, & quinque hircos, & agnos anniculos quinque, Numeri 7.

De tribunis, & centurionibus de quibus fit mentio in litera. Quæst. XXXV.

QUÆRITUR vterius de istis centurionibus, & tribunis, de quibus hic dicitur, quod sanctificauerunt multa in thesauris Domini, qui erant. Aliqui dicunt, quod isti erant centuriones, & tribuni, qui constituti fuerunt in deserto, scilicet, successores eorum. Nam cum Moyse eduxisset Israelitas de Aegypto, ipse solus regebat populum, & ipse solus iudicabat in omnibus causis. Et cum essent causæ innumerabiles propter tantam multitudinem populi non poterat Moyse expedire illas, & tota die occupabatur circa eas, cum autem Iethro socer suus venit ad eum, dixit ei: Stulto labore consumeris tu, & populus, qui tecum est, tra vires tuas negocium est, solus illud non poteris sustinere, sed audi verba mea, atque consilia, & erit Dominus tecum: esto tu populo in his, quæ ad Deum pertinent, & constitue ex populo tribunos, & centuriones, & quinquagenarios, & decanos, qui iudicent populum omni tempore, quidquid autem iudicauerint, referant ad te, & ipsi minora tantum iudicent, Exodi 18. & sic factum est. Nam constituit Moyse de populo omnes istos principes, qui iudicabant populum, & quando moriebatur vnus, succedebat alius, & sic mansit ille ordo in populo, & sic nunc putatur, quod semper manserunt illi iudices per successionem, unde nunc essent decani, centuriones, & tribuni.

tribuni, & isti essent de quibus hic dicitur, quod obtulerunt in thesauris Domini multa. Sed dicendum est, quod non stat, quia ille ordo non mansit in populo semper, sed solum fuit inter Israelitas eo tempore, quo manserunt in deserto. Ratio huius fuit, quia diuisio ista totius populi per decanos, centuriones, & quinquagenarios, & tribunos, non pertinet nisi ad multitudinem, quæ est vna, & potest diuidi in quotcunque partes. Et sic erat de Israelitis dum manebant in deserto, quia tota multitudo erat vna, & poterat diuidi per tribunos, centuriones &c. Postquam tamen fuerunt Israelitæ in terra Chanaan, non erat vna multitudo simpliciter sicut prius, eo quod erant Israelitæ dispersi per loca, & quilibet locus per se deberet diuidi in ista genera principatus, quod fieri non poterat. Nam aliquis locus esset, in quo solum essent nongenti viri, & in ipso non posset esse tribunus aliquis, eo quod tribunus est super mille viros. Etiam aliquis locus esset paruus, in quo essent solum nonaginta viri, & ibi non poterat esse aliquis centurio, quia centurio solum est super centum viros, & sic daretur, quod interdum essent non centuriones nō subiecti alicui tribuno, & quinquagenarij non subiecti alicui centurioni, & sic decani non subiecti quinquagenario. Et tamen istud est inconueniens, quia semper debebant esse quinquagene decani sub vno quinquagenario, & duo quinquagenarij sub vno centurione, & decem centuriones sub vno tribuno, & omnes tribuni sub principe summo, sicut erant sub Moyse in deserto. Et tamen existentibus Israelitis in terra Chanaan, non poterat hoc fieri, ergo non fuit hic seruatus iste ordo iudicum, sed mutatus est sicut fuit supra declaratum in quadam quæstione. Nam loco istorum positi fuerunt iudices minores in singulis, & loco Moyse, & septuaginta seniores cum eo, qui vocabantur domus consilij, vt ibi declaratum est.

Dicendum ergo, quod isti tribuni, & centuriones non erant de illis principibus, qui constituti fuerunt in deserto, ita quod succederent eis, sed fuerunt principes belli: nam in bello requiritur maximus ordo, & constituit iste ordo in eo, quod sit certus numerus principum, & illi sint sibi subordinati, quousque perueniatur ad vnum. Et sub principibus particulis sciatur quot sunt subditi, vt quilibet sciat in bello cui principi subiectus est, & iussionem illius folius attendat. Etiam quilibet princeps sciat in bello, quot habet sibi subiectos, vt sciat quibus imperare debeat, & ad hoc fit diuisio in bellis per decanos, quinquagenarios, centuriones, & tribunos. Sic enim factum est in bello quod fecerunt serui David contra Absalonem, vt patet 2. Regum 18. Scilicet. Igitur considerato David populo suo, constituit super eos tribunos, & centuriones. Et sic intelligendū est hic, quod isti tribuni, & centuriones erant constituti pro bellis. Nam David habebat totum exercitum suum ordinatum, vt si aliquando opus esset, quod pugnaret esset paratus exercitus, vt patet seq. cap. & de isto exercitu erant tribuni, & centuriones, & nō succederant illis tribunis, & centurionibus, q̄ fuerunt in deserto constituti per Moysem. Sed tunc obijciatur, quod intelligendo sic esset superfluum istud. Nam dicitur in littera: Tribuni, & centuriones. Et sequitur: Et duces exercitus. Et tamen intelligendo sic isti centuriones, & tribuni erant duces exercitus, ergo oportet accipi alio modo tribunos, & centuriones.

Dicendum quod isti tribuni, & centuriones erant isti duces exercitus, & tamen hic non vocantur duces exercitus, nisi ipsi, qui maximi erant, s. primi super alios in bello. Et isti erant plusq̄ tribuni, & centuriones.

Alph. Toll. in Lib. I. Paralip.

A nes. Nam diuiserat David exercitum suum per duodecim turmas, & in qualibet erant vigintiquatuor millia virorum, vt patet sequenti capitu. & cuiuslibet erat vnus princeps. Ille autem preerat vigintiquatuor millibus virorum, & sic duces exercitus qui erant primi duces, semper erant plusquam tribuni. Sic etiam patet de bello, quod fecerunt serui David contra Absalom. Nam diuisit David totum populum per tribunos, & centuriones, & postremo diuisit illum per tres partes, & fecit tres principes. Manifestum est autem, quod quilibet istorum trium principum erat plus, quam tribunus, quia aliās non oportebat diuidi totum populum in tres partes, postquam diuisus erat in tribunos, & centuriones, & tamen diuisus est, vt patet 2. Regum decimo octauo. Ergo videtur, quod duces maximi exercitus erant semper plusquam tribuni, ideo littera accepit hic duces belli pro maximis ducibus, qui distinguuntur a tribunis, & centurionibus.

De modo consecrandi aliquid Domino.

Quæst. XXXVI.

Q VÆRITVR vterius, quomodo consecrabantur Domino ea, quæ habentur hic, cum dicatur, quod David, & alij principes consecrauerunt ista Domino. Respondendum est, quod consecrare nihil est, nisi sacramentum esse, quodlibet autem res per hoc, quod transit specialiter in ius Dei sacra dicitur, quia Deo qui sanctus est applicatur. Ideo ad hoc, quod aliqua res consecratur eo modo quo loquitur hic scriptura, non requiritur, nisi quod transeat in ius Dei. Transit autem res in ius Dei per hoc, quod ei donatur. Nam donatio inter homines transfert titulum, & constituit dominium ei, cui donatur. Ita ergo respectu Dei, cum aliqua res donabatur ei, transibat in proprietatem eius, siue Sanctuarij sui, ideo tunc dicebatur consecrari, vel sanctificari. Nam idem est vtrunque, quia sanctificari res dicitur, quia sancta efficitur. Et tunc sancta efficitur, cum Deo, qui sanctus est applicatur. Idem etiam est consecrari, i. sacramentum fieri, vel sacris vniri. Et tamē per hoc, quod aliquid Deo datur vnitur rei sacre, ideo dicitur consecrari. Hoc ē apparere in voto: nam quodcumque aliquid Deo vouebatur dicebatur sanctificari, vel consecrari, vt patet Leuit vlti. s. Homo si vouerit domū suā, & sanctificauerit, s. si sanctificauerit eam per votū. Etiam dicitur ibi: Si agrū possessionis suæ vouerit, & consecrauerit Domino. Ergo per votum consecratur, & sanctificatur res, & tamen votum erat donatio quadam: ergo per donationem solam consecratur res, nec requirebatur aliqua alia cæremonia. Aliqui autem putant, quod obseruatur in hac cæremonia aliqua, quia dicitur hic, quod omnia ista consecrauit, vel sanctificauit Samuel videns: etiam dicitur sanctificauerunt eam per manum Selemith, & tamen Selemith erat Leuita, & Samuel erat Leuita, & Propheta: ergo aliquas cæremonas obseruarent, cum per manus eorum sanctificarentur ista. Respondendum, quod nulla cæremonia obseruata est, sed solum donatio facta est, & cum dicitur, quod Samuel sanctificauit ista, intelligitur, quod obtulit ea, patet quia dicitur, quod Samuel, & David, & Saul, & Abner, & Ioab sanctificauerunt ista. Nam omnes isti præter Samuelem erant laici, & non poterant facere aliquam cæremoniam sacram, ergo in sacrificando nulla erat cæremonia, sed sola donatio. Cum autem dicitur, quod per manū Selemith fuerunt consecrata, non est sensus, quod ipse fecerit circa hoc aliquam cæremoniam, sed solum consecrata sunt per manum eius, i. data sunt sub manu eius, vt custodiret illa, eo quod ipse erat thesaurarius, &

ad ipsum pertinebat custodia istarum rerum oblata-
rum, Et patet qd non fuit aliqua ceremonia, quia si ali-
qua fuisset nō fieret per ipsum, sed per laicos, cum di-
cat littera: Omnes sanctificauerunt ea per manus Se-
lemith, & fratrum eius. Et per omnes intelliguntur ibi
Saul, Dauid, Samuel, Ioab, & Abner: isti tamen nō po-
terant facere aliquam caeremoniam sacrā, quia erant
laici. Si tamen volumus, qd esset aliqua caeremonia in
ista consecratione, solum esset in quibusdam verbis,
quæ diceret ipse offerens, & in alijs, quæ diceret Le-
uita, vel sacerdos suscipiens, sicut nunc quando laici
offerunt in ecclesia, sacerdos suscipiens dicit, centu-
plum accipias, & vitam æternam possideas. Inter He-
braeos autem sic erat, qd quando veniebant ad offeren-
dum primitias, primo profitebantur causam, propter
quam veniebant, siue offerebant, vt patet Deuter. 26.
scilicet, Tolles primitias de cunctis frugibus tuis, &
pones eas in cartallo, pergesque ad locum, quem Do-
minus Deus tuus, vt ibi inuocetur nomen eius, elegerit:
accedesque ad sacerdotem, qui fuerit in diebus illis,
& dices ad eum, profiteor hodie corā Domino Deo
tuo, qd ingressus sum in terram, pro qua iurauit patri-
bus nostris, vt daret eam nobis, suscipiensque sacerdos
cartallum de manu tua ponat ante altare. Et tunc lai-
cus offerens dicebat verba sua ad Deum dicens: Syrus
persequabatur patrem meum, qui descendit in Ae-
gyptum, & ibi peregrinatus est in paucissimo nume-
ro, creuitque in gentem magnam, ac robustam, & in-
finita multitudinis, afflixeruntque nos Aegyptij im-
ponentes onera graua, & clamauius ad Deum pa-
trum nostrorum, qui exaudiuit nos, & respexit humi-
litem nostram, & labores, atque angustias, & edu-
xit nos de Aegypto in manu forti, & in brachio ex-
tento, in ingenti pauore, in signis, atque portentis, &
introduxit ad locum istum, & tradidit nobis terram
lacte, atque melle manantem, & ideo nunc offe-
ro primitias frugum terræ, quam Dominus Deus de-
dit mihi. Sacerdos autem quando recipiebat talem
oblationem, & hostias benedicebat offerenti in qua-
dam forma, quam Deus dederat ad benedicendum,
scilicet, Benedicat tibi Dominus, & custodiat te,
ostendat Dominus faciem suam tibi, & misereatur
tui, conuertat Dominus vultum suum ad te, & det ti-
bi pacem, Numeri 6. Ista verba forte poterant dici
tam ex parte offerentis, quam ex parte recipientis
in ista consecratione thesaurorum Domini, sed nulla
alia caeremonia fieret. Est autem dubium de istis re-
bus consecratis Domino, an postquam consecratæ
erant, poterant redire aliquo modo ad vsus huma-
nos, & quando poterant redire, de quo declaratum
est supra 18, in quadam questione.

*Si licitum erat de rapina aliquid consecrare Domino.
Quæst. XXXVII.*

QUÆRITUR vterius cum dicitur hic, quod
ista, quæ consecrata fuerunt Domino, erant
de bellis, quomodo licebat ea, quæ erant
de rapina Domino consecrari, cum dicatur, quod
Deus non vult sacrificium de rapina.

Respondendum est, quod licitum fuit consecrari
Domino ista quamquam de bellis: nam quando bel-
lum est iustum, licita est præda, & occisio, sed de re-
bus suis licitum est homini offerre. Et in bello iu-
sto quidquid capitur, efficitur ipsius capientis, quia
iuste accipit, ideo de illo offerre potest. Et est regu-
la generalis, quod quodocunque aliquis accipit
rem, & transit in dominium eius, licite potest face-
re de ea oblationem, nisi in acquirendo fuerit pecca-
tū, licet transiret in dominium acquirentis, propter

hoc enim vsurario non licet offerre de pecunia qua-
sita ex vsura, quia non efficit illam suam, sed tenetur
ad restitutionem. Sic etiam de fure, & raptore, & si-
moni, & quocunque acquirente aliquid ex iniu-
sto contractu, quia non licet sibi offerre, cum non sit
suum. Dixi tamen, quod quamquam efficiat suum id
quod acquirit si peccat in acquirendo, non potest of-
ferre de illo. Et sic est de meretrice, cuius oblationes
non accipiuntur ab ecclesia, quia licet ipsa efficiat
suum id, quod acquisit ex meretricio, ita vt non te-
neatur ad restitutionem, tamen quia peccauit acqui-
rendo, si Ecclesia reciperet oblationes eius, videretur
approbare lucrum illius, ideo non recipit Ecclesia
oblationes eius, vt sic erubescat, & redeat ad bonum.
Et sic etiam in lege iussum erat, Deuteronom. 23. scilicet,
Non offeres mercedem prostibuli, nec pretium
canis in domo Domini Dei tui, quidquid illud est,
quod voueris, quia abominatio est vtrunque apud
Dominum Deum tuum. Ipsa tamen meretrix quan-
tum est ex se offerre posset, quia pecunia acquisita ex
meretricio sua est, & non tenetur restituere alicui il-
lam. Deus tamen non vult recipere propter causam
dictam, potest autem meretrix licite facere eleemo-
synam de pecunia acquisita ex meretricio, & mere-
tur, nec refutanda est, quia recipiendo eleemosynam
a meretrice, non approbatur factum suum, sicut reci-
piendo oblationem, quia tunc ecclesia approbat fa-
ctum eius, eleemosyna autem in releuationem mise-
rie datur. In bello autem iusto transit id, quod accipi-
tur in dominium accipientis, & non est aliqua turpi-
tudo, vel peccatum in acquirendo, ideo licitum est
offerre Deo pecuniam in bello acquisitam, immo
valde meritorium est, quia per hoc protestantur om-
nes, quod victoriæ illæ, quas obtinuerunt, fuerunt
Deo volente, & faciente. Et ob hoc illi, qui vince-
bant in bello, dabant alia munera templo, & relin-
quebant ibi aliqua insignia in memoriam æternam
illius victoriæ. Et sic sciret, quod Deus traderet illam
victoriam vincentibus. Sic fecit Dauid quando Go-
liath Philistæum occidit. Nam gladium eius, quo
eum occidit, posuit in tabernaculo Domini, & erat
apud Ephod, vt patet 1. Reg. 21. Sic etiā fuit in multis
alijs, Deus quoque iubeat furari, & rapere ad offeren-
dum sibi, sicut factum est in Aegypto. Nā iussit Israe-
litis, qd peterēt ab Aegyptijs vasa, & vestes commodat-
tas, quādo exirent. Et petebant tanq̃ reddituri essent,
& tamen non habebat animum redeundi in Aegy-
ptum, nec dādi vestes, & vasa dominis suis. Et hoc fa-
ciebat Deus, vt haberent inde Israelitæ multum aurū,
& argentum, quod postea expenderent in fabricādo
Sanctuarium, & vasa eius. Et sic factum est, quia om-
nes Israelitæ habentes aurū, & argentum, & lapides
pretiosos, dederunt oīa hæc pro Sanctuario Domini,
vt patet Exodi. Licitum ergo erat offerre Israelitis id,
quod furati fuerant, cum Deus eos incitasset ad iura-
dum, Exo. 3. Et sic quodocunque haberent iustam cau-
sam rapiendi, ex illa rapina poterāt offerre Domino.

*De discordia, quæ apparet in quibusdam verbis hic positis circa
res consecratas Domino, a quibus, scilicet, fuerint
consecratæ. Quæst. XXXVII.*

QUÆRITUR vterius quomodo dicitur hic,
quod consecrauerunt ista Domino Dauid, &
principes familiarum, cum postea dica-
tur: Hæc vniuersa sanctificauit Samuel videns, &
Saul, & Dauid, & Abner, & Ioab filius Saruiz.
Respondendum est, quod omnia ista, quæ nunc
consecrata sunt, fuerunt consecrata per omnes, qui
nominantur hic, & non per aliquos eorum, solum.
Et

Et tamen agitur hic de consecratione illa, idest, de repositione thesaurorum sub manu Selemith thesaurarii. Istud autem factum est, quādo Dauid fecit istam diuisionem officialium, quæ habetur hic. Et tunc traditi sunt isti Selemith omnes thesauri, qui consecrati fuerunt per omnes priores. Et incepit hoc in Samuele, & quia thesauri, qui ex tunc oblatis fuerant, manebant adhuc, traditi fuerunt omnes ipsi Selemith, & nominantur hic omnes illi, qui particulas aliquas istorum thesaurorum dederunt. Et isti fuerunt Samuel, Saul, Dauid, Abner, & Ioab, & principes tribuum, & familiarum, & duces belli. Quia tamen Dauid, & principes, qui cum eo erant, obtulerunt maximam partem istorum thesaurorum, & in comparatione eorum, quæ ipse, & principes dederunt, nihil erat id, quod dederat priores, scilicet, Saul, Samuel, Abner, & Ioab, dicitur de Dauid, quod Dauid, & principes familiarum sanctificauerunt hæc, quia ipsi principaliter istud egerunt. De ista oblatione Dauid, & principum patet infra 29.

De quibusdam verbis hic dictis, scilicet, quod Samuel, Saul, & Dauid consecrauerunt in thesauris Domini.
Quest. XXXIX.

QUÆRITUR vterius quomodo potest stare, quod dicitur hic, scilicet, quod Samuel, & Saul, & Dauid consecrauerunt in thesauris Domini ea, quæ habentur hic. Nam nunquā potuerunt concurrere isti ad sanctificandum aliquid, eo quod quando Saul vivebat, Samuel non poterat aliquid sanctificare, eo quod mortuus est Saul eo tempore, quo Dauid erat profugus a facie Saulis, patet primo Regum 25. Et tunc nihil habebat Dauid, quia erat pauper, & mendicus. Etiam dato, quod aliquid haberet, non posset conuenire cū Samuele, & Saule ad consecrandum illud, eo quod postquā Dauid incepit aliquid habere, erat iam exilius Saulis, & conabatur eum occidere. Et dato, quod aliquo tempore ante istud odium Dauid bene se haberet ad Saulem, & possent ambo concurrere consecrando aliquid, tamen non poterat Samuel concurrere cum eis, eo quod postquam Dauid vnctus est in regem in secreto a Samuele, nunquā Samuel vidit Saulem, immo antequā vngeretur in regem, scilicet, ex die illa, qua peccauit Saul in facto Amaleitarum, prænunciavit Samuel regnum scindendum ab eo. primo Regum 15. Et dicitur ibi, quod non vidit amplius Samuel Saulem usque ad diem mortis suæ, & tamen isto tempore nondum Dauid steterat cum Saule, sed postea vocatus est ab eo, ut patet 1. Regum 16. Ergo nunquā potuerunt concurrere isti ad consecrandum aliquid Domino. Respondendum est, quod error est in præsupposito. Nam litera ista non significat, quod omnes isti conuenerunt in consecratione aliqua, quia istud esset, si consecratio ista thesaurorum esset aliqua caremonia, quæ debuisset fieri per omnes istos simul, sed non erat istud consecrare, sed offerre. Et obtulit quilibet istorum tempore suo, & quod voluit. Et sic Samuel consecrauit per se aliquid Domino tempore suo, & postea alij.

An Samuel consecrauit aliquos thesauros Domino.
Quest. XL.

QUÆRITUR vterius quomodo dicitur hic, quod Samuel consecrauit aliquos thesauros Domino: nam Samuel non erat diues potissimum quia hic dicitur, quod isti thesauri erant de manibus præliorum, & tamen Samuel non fecit bella cum esset Propheta Domini.

Alph. Tost. In Lib. I. Paralip.

A Respondendum est, quod Samuel consecrauit aliquos thesauros Domino, quos in bellis obtinuit. Nam Samuel non solum erat Propheta, sed etiam iudex, ipse enim fuit vltimus iudicum Israel, quia eo vivente incepit status Regum. Nam ipse vnxit Saulem in Regem, ut patet primo Regum decimo. Ipse autem fuit iudex a Deo datus Israelitis ad liberandum eos ab hostibus, 1. Regum 12. Quilibet autem de iudicibus tempore suo erat princeps super totum Israel, & ipse faciebat bella pro toto populo, sicut Rex, unde Samuel cum fuerit iudex super totum Israel plusquā viginti annis, ut colligitur primo Regum 7. Fecit aliqua bella, in quibus acquisiuit spolia, quæ consecrauit in thesauris Domini, sicut patet de illo bello, quod fecit contra Philistinos, quando erat Samuel iudicans totum Israel in Masphath. Et venerant Philistini ad pugnandum contra Israel, intonuitque Deus de cælo terrore magno super Philistinos, & exterruit eos, & cæsi sunt a filiis Israel. Et erat tunc Samuel princeps. Potuit ergo in illo bello acquirere diuitias magnas. Nam non solum accepit spolia, sed etiam extorsit de manibus Philistinorum omnes ciuitates, quas acceperant ab Israelitis ab Acaron usque Geth, primo Regum 7. Alia etiam bella forte fecit, de quibus poterat habere spolia, & consecrare Domino.

An alij consecrauerint Domino thesauros ante Samuelem, & Dauid.
Quest. XLI.

QUÆRITUR vterius quomodo dicitur hic, quod omnes isti thesauri, qui consecrati fuerant, oblatis fuerunt per Samuelem, & Saulem, &c. Et non ponuntur aliqui ante istos, qui consecrauerint aliquos thesauros Domino. Et tamen videtur, quod multi alij consecrauerint Domino thesauros. Nam in bello, quod habuerunt Israelitæ contra Madianitas, consecrata sunt multa Domino. Nam principes exercitus, tribuni, & centuriones, abstulerunt omne aurum, & argentum, quod habere potuerunt in terra Madiam, & tradiderunt illud thesaurariis templi, eo quod nullus ipsorum, nec de subditis suis perierat in bello, Numeri 31. Sic etiam fuit postea in destructione urbis Iericho. Nam omne aurum, & argentum, & vasa ænea, & ferrum, quæ in vire reperta sunt, posita fuerunt in thesauris Domini, Iosue 6. Sic etiam credendum est de omnibus alijs bellis, quæ facerent Israelitæ, in quibus obtinerent, quod offerret aliquid de præda pro thesauris Domini, eo quod Deus liberabat eos ab hostibus. Nam ista fuit causa, quare Israelitæ in bello, quod fecerunt contra Madianitas, obtulerunt Domino omne aurum, & argentum, quod inde habuerunt, 1. quia nullus de Israelitis in bello perierat, Nume. 31. Et sic multa iam oblata fuissent in thesauris Domini ante tempora Samuelis. Respondendum est, quod concedendum est multa oblata fuisse ab Israelitis ante Samuelem, sed de illis non fuit hic facta mentio, quod potest esse propter duo. Primo quia illa, quæ oblata fuerant ante Samuelem, erant parua in comparatione eorum, quæ a Samuele, & post eum oblata sunt. ideo non facta est mentio de prioribus. Sic enim dictum est supra in quadam questione, scilicet, quod quamquā ista oblata fuerint a Samuele, Saule, Dauid, Abner, & Ioab, tamen prius dicebat, quod omnia ista consecrauit Dauid, & principes familiarum. Et sic non fiebat mentio de Samuele, & Saule, eo quod oblatio illorum in comparatione oblationis Dauid erat quasi nulla. Secundo potest dici, quod non facta est mentio de oblationibus factis ante Samuelem, eo quod omnia, quæ prius oblata fuerant, iam expensa erant. Nunc autem solum manebant

manebant ea, quæ oblata fuerant ex tempore Samuelis. Et istud secundum est verum: nam manifestum est, quod oblatio illa, quæ facta est ab omnibus principibus in bello Madian, qui obtulerant omne aurum, & argentum quod inuentum fuerat in terra Madian, maior esset quam oblatio, quam fecit Samuel, vel quam fecit Ioab, vel Abner. Et tamen fit hic mentio de istis, & non de illa. Ergo dicendum est, quod fuit, quia omnia, quæ oblata fuerunt prius, erant expensæ. Et illa, quæ oblata fuerant ex tempore Samuelis, manebant adhuc, & istud est verisimile satis. Nam in templo Domini erat necessitas reparationis, & etiam ad emendum omnia suppellectilia pro ministracione sacra, sicut dicitur supra in litera. Et sic omnia illa, quæ oblata fuerant ab antiquo usque ad tempus Samuelis consumpta essent in expensis Sanctuarii. Illa autem, quæ oblata fuissent ex tempore Samuelis, manerent. Et quia nunc agebatur de illis, quæ data fuerant Selemith thesaurario in custodiam, solum dictum est de illis, quæ adhuc manebant in thesauris templi. Et ista erant, quæ oblata fuerant ex tempore Samuelis.

Quomodo Saul consecrauit aliqua Domino.
Quæst. XLII.

QUÆRITUR ulterius quomodo dicitur hic, quod Saul consecrauit aliqua Domino. Et quomodo potuit consecrare, quia non legitur aliqua diuitiæ eius, sicut David, vel Salomonis, sed potius ipse etiam postquam erat rex, vacabat operi agriculturæ, veniens post boues de agro, ut patet primo Regum undecimo. Aliquis dicet, quod Saul obtinuit magnas diuitias in bello contra Amalecitas, cum prædatus fuerit totam terram eorum. Et de illis poterat ipse offerre Domino multa. Sic enim videtur ipse respondisse Samueli, primo Regum decimo quinto, quando dixit, quod erat vox quam audiebat, & ait Saul, quod erat vox gregum, qui de terra Amalec portati fuerant, ut offerrentur Domino. Dicendum est, quod non obtulit Domino Saul de illis diuitiis in thesauros, nec de gregibus in sacrificia, quia Samuel prohibuit dicens, illud non placere Deo, eo quod erat Saul Deo inobediens, inducendo aliquid de terra Amalec, cum Deus vetuisset. Et quia peccauerat in acquirendo, Deus non reciperet oblationem de illis rebus. potissime quia tota terra Amalecitarum cum omnibus rebus, quæ inerant, subiecta fuerat anathemati, sicut ciuitates idolatrarum, de quibus Deuteronom. 13. Et tamen de tali anathemate non licebat aliquid Deo offerre, nec ipse acceptabat illud, sed omnia cremanda, & destruenda erant, non ergo consecrauit Domino diuitias habitas de Amalecitis. Sed dicendum est, quod Saul fecit multa bella contra hostes, præter bellum Amalecitarum, in quibus iuste se habuit, & potuit prædam accipere, & de illa poterat offerre Domino. Patet hoc 1. Regum 14. ubi ponuntur gentes, contra quas pugnauit Saul, confirmato regno super Israel, pugnabat per circuitum contra inimicos eius, contra Moab, & filios Ammon, & Edom, & reges Soba, & Philistinos & quocumque se verterat, superabat. Cum ergo in omnibus istis bellis Saul obtineret victoriam, poterat congregare multos thesauros ad offerendum Domino.

Quomodo David consecrauit Domino thesauros.
Quæst. XLIII.

QUÆRITUR ulterius de David, quando consecrauit Domino thesauros aliquos. Respondendum, quod David fuit, qui inter omnes plus

F obtulit, immo ipse solus plura obtulit, quam omnes simul: nam ipse obtulit expensas pro tota ædificatione templi in lapidibus, & lignis, in auro, & argento, ut patet supra 23. Congregauit autem David hoc de multis bellis. Nam cum esset David vir deicola, habuit intentionem semper congregandi diuitias multas, ut ædificaret Domino templum, & omnia, quæ de bellis acquirebat, Domino applicabat, consecrando illa, ut conseruarentur pro ædificatione futura templi. Et istud fecit David a principio bellorum suorum, scilicet, antequam esset rex. Et postea semper continuauit hoc, sic patet 2. Regum 8. & supra 18. scilicet, Et omnia vasa aenea, & aurea consecrauit Domino cum argento, & auro, quod tulerat ex vniuersis gentibus tam de Idumæa, & Moab, & filiis Ammon, quam de Philistinis, & Amalec, & de his omnibus parauit David expensas, quas putauit esse necessarias pro templo adificando. Et insuper obtulit multum aurum, & argentum, quod sibi residuum erat, ut poneretur illud in thesauris Domini ad faciendum vasa, & alias necessitates, de quo supra 22. & infra 29.

An idem erat officium iudicum & præpositorum.
Quæst. XLIII.

QUÆRITUR ulterius circa iudices, & præpositos, de quibus hic agitur, an haberent idem officium. Respondendum est, quod officium iudicum, & præpositorum simile erat, & a multis putantur esse idem iudices, & præpositi. Et tamen in aliquo differunt, verum est, quod possunt vocari idem, sicut diximus supra 23. in quadam questione, quia iudices sunt præpositi, eo quod præsunt omnibus illis, super quos iurisdictionem exercent. Et tamen aliquid pertinebat ad iudices, quod non ad præpositos. Istud autem patet primo, quia dicitur de iudicibus, quod constituti erant ad docendum, & ad iudicandum. De præpositis autem dicitur, quod erant præpositi aliquibus gentibus ad exercendum ibi ministeria aliqua Dei, & regis, ut patet in litera. Secundo patet, quia distinguuntur præpositi, & iudices quantum ad familias, quia de iudicibus dicitur, quod erant Isarithæ: de præpositis autem dicitur, quod erant de Hebronitis. Tertio patet, quia de iudicibus dicitur, quod erant constituti ad opera Dei forinsecus super Israel ad docendum, & iudicandum. Et non constituitur eis aliqua certa regio, sed totus Israel. Et tamen præpositi distinguuntur per regiones, eo quod quedam pars ipsorum præerat ultra Iordanem ad Orientem, alia autem præerat ultra Iordanem ad Occidentem. Si autem iudices, & præpositi essent omnino idem, non maneret aliqua regio, in qua iudices exercerent officium suum, cum tota terra Israel diuisa esset in duas partes, & distributa esset per duos præpositos, ut patet in litera. Et tamen iudices adhuc habebant officium suum super Israel, dato quod præpositi in omni loco exercerent officium suum, ideo distinctum erat officium iudicum ab officio præpositorum. Sunt tamen iudices, & præpositi aliquo modo idem propter similitudinem magnam officij. Et aliquando dicimus illos esse idem, sicut etiam scriptura accipit pro eodem thesaurarios, & ianitores, & tamen non sunt omnino idem, ut declaratum est supra in quadam questione. Et tamen propter istam identitatem aliqualem, quam habent, ponuntur sub eadem summa. Nam non ponitur alia summa iudicum, & alia præpositorum. Sed pro vtriusque ponuntur sex millia, supra 23. Sic etiam est de ianitoribus, & thesaurariis. Nam eadem summa ponitur thesaurariis, & ianitoribus, scilicet, quatuor millia, ut patet ibidem, & tamen non ponuntur ianitores, & cantores sub eadem summa, eo quod non habent isti inter se identitatem officij, nec similitudinem aliquam.

De numero iudicum, & præpositorum.

Quæst. XLV.

QUÆRITUR vltetius quot erant iudices, & quot præpositi. Aliquis dicit, quod istorum duorum posita fuit vna summa supra 23. Scilicet, sex millia. Et non apparet postea quot de istis fuerint iudices, & quot præpositi. Sed credendum est, quod fieret diuisio inter istos. Et illud officium, in quo essent plures necessarii, haberet plures. Aliud autem haberet paucos, qui residui essent de summa. Sic enim fuit de ianitoribus, & thesaurariis, quia pro vtriusque posita est eadem summa quatuor millium. Et quia pro ianitoribus erant multi necessarii, fuit maxima pars illius summæ distributa in ianitores. Pauci autem residui distributi fuerunt in thesaurarios. Et de neutris constat quot essent.

Dicendum tamen est hic, quod certa summa fuit iudicum, & certa summa præpositorum: nam omnes simul fuerunt sex millia, vt patet supra 23. & de præpositis fuerunt quatuor millia, & quadringenti: de iudicibus autem fuerunt mille, & sexcenti residui. Quod patet, quia præpositi fuerunt diuisi in duas partes, quidam ad orientem Iordanis, & alij ad occidentem. Ad orientem fuerunt duomillia septingenti. ad occidentem autem mille, & septingenti, vt patet in littera, qui simul sunt quatuor millia, & quadringenti. Residui autem sunt mille, & sexcenti, Et isti erant iudices. Et ob hoc non ponitur hic summa iudicum, quia posita summa præpositorum constabat quot erant iudices, cum præpositi, & iudices simul constituant summam sex millium.

De officio iudicum Leuitarum. Quæst. XLVI.

QUÆRITUR vltetius quod officium erat istorum iudicum Leuitarum, de quibus hic dicitur. Respondent Hebræi, quod isti iudices constituti erant ad operandum in cæsione lapidum, & lignorum pro ædificatione templi. Et asserunt ex hoc, quia dicitur in littera, quod isti præerant ad opera forinsecus super Israel. Opera autem, quæ fiebant super Israel forinsecus, erant præparationes materialium pro ædificatione templi. Et in hoc dicunt Hebræi, quod præerant isti Leuitæ, & hic docebant Israelitas qualiter scire deberent.

Sed dicendum, quod non stat primo, quia ædificatio templi durauit paucis temporibus. Hic autem distinguuntur officia sacerdotum, & Leuitarum, quæ semper duratura erat. Ideo non constituebantur hic aliqui Leuitæ, vt præessent cætoribus lapidum, & lignorum, quia tunc expleta ista ædificatione, non maneret istis Leuitis aliquod officium, quod est in conueniens, quia omnes Leuitæ assignabantur sub certis officiis, quia alias non deberent recipere redditus templi.

Secundo patet, quia non stat, quod Leuitæ docerent alios Israelitas ad cædendum lapides, & ligna, quia ipsi nesciebant illa cædere, sicut dixit Salomon ad regem Hiram: Tu scis, quod in populo meo non sit vir, qui nouit ligna cædere, sicut Sidonij 3. Reg. 5. Non ergo poterant Leuitæ alios docere.

Tertio patet, quia quamquam pro ædificatione templi fuerint necessaria plura ligna, & lapides quæ David parauerit: tamen ipse putabat, quod iusticiæ expensas parauerat pro ædificatione, sicut ipse dixit supra 21. Scilicet, Ego præparavi impensas domus Domini. Et iterum dicitur. Et ob hanc causam ante mortem suam omnes præparauit impensas, non ad cædendum lapides, & ligna pro templo Domini.

A Quarto patet, quia quando ædificatum est templum Domini per Salomonem, tunc non constituit ipse aliquos Leuitas, vt essent magistri eorum, qui ligna cædebant, sed petiuit a rege Hiram, & Sidonij cæderet illa, eo quod non erat in Israel vir, qui sciret ligna cædere, sicut Sidonij. Hebræi autem serui Salomonis cædebant ligna secundum doctrinam Sidoniorum: magistri autem potissimi in cæsione lignorum, & lapidum fuerunt quidam Sidonij, qui vocabantur Biblij: vt patet 3. Regum 5. Scilicet, Porro Biblij præparauerunt ligna, & lapides ad ædificandum domum. Motuum autem Hebræorum, scilicet, quia dicitur, quod isti Leuitæ erant ad opera forinsecus Israel ad docendum Israelitas in eis, nullum est, quia dicebant isti præesse ad opera extrinsecus, eo quod omnes alij sacerdotes, & Leuitæ cantores, ianitores, & thesaurarij, habebant ministeria sua in templo. Iudices autem, & præpositi habebant ministeria extra templum, scilicet, per varia loca Israel iudicando, & docendo in singulis, sed ad nullum opus manuale præerant.

Dicendum ergo, quod isti Leuitæ iudices erant ad docendum, & iudicandum Israelitas. Et tamen potest dupliciter intelligi, vno modo, quod essent per modum assessorum. Alio modo, quod essent per modum prædicatorum. Pro quo sciendum sicut declaratum est supra in quadam quæstione, Israelitæ habebant iudices per singula loca, qui erant de singulis habitatoribus locorum, & erant laici. Quia tamē laici non erant tam instructi in lege, vt scirent iudicare in omni causa, dabantur cuilibet iudici duo Leuitæ assessores, vt ait Iosephus 4. Antiquitatum. Et sic poterat esse, quod isti iudices Leuitæ, de quibus hic dicitur essent assessores omnium iudicum Israel. Et vocarentur ipsi iudices, quia iudicantibus assistebant, & eorum consilio formabantur sententiæ.

Alio modo potest intelligi, quod isti Leuitæ erant per modum prædicatorum, quia discurrebant, scilicet, per diuersa loca Israel, & prædicabant Israelitis legem, & erudiebant eos circa omnia dubia. Nam inter Israelitas erant magis necessarii prædicatores, quā nunc in Ecclesia, eo quod tunc erat vnicum templum, in quo fierent cæmonie legis, & non licebat alibi fieri illas. Ideo illi, qui habitabant in alijs diuersis locis propter consuetudinem cæmoniarum legis: erant valde indocti: oportebat ergo, quod aliqui discurrerent inter illos, vt erudirent eos circa cæmonias legis, & quid tenere deberent, & quid euitare, & ad hoc David constitueret nunc istos Leuitas. Et licet verum sit, quod in singulis locis Israel erant Leuitæ assessores iudicum laicorum, sicut ait Iosephus 4. Antiqui. tamen magis videtur dicendum, quod isti Leuitæ constituerentur ad prædicandum in Israel, & ad declarandum veritatem legis, quā ad assistendum iudicibus laicis in causis formalibus. Vocantur autē isti Leuitæ iudices, & doctores: doctores quidem, quia ipsi prædicabant populo, & docebant quid populus facere deberet: iudices autem, quia ipsi iudicabant in omni causa, quæ pertinebat ad cæmonias legis, & ad aliqua dubia de fide. Et quod ipsi determinabant, firmum erat. Sic enim constituit eos rex Iosaphat doctores, & iudices, vt patet sequenti libro, cap. 19. Scilicet, constituit Iosaphat Leuitas, & sacerdotes, vt iudicium, & causam Domini iudicarent, dicens: Sic ageris in timore Dei fideliter, & in corde perfecto, omnem causam, quæ venerit ad vos fratrum vestrorum qui habitant in vrbibus suis inter cognationem, & cognationem, vbicunque quæstio est de lege, de mandato, de cæmonijs, de iustificationibus, ostendite eis, vt non peccent in domum, & ne veniat super vos ira, & super fratres vestros.

De officio prapositionum. Quæst. XLVII.

QUÆRITUR ulterius de prapositionis, qui ponuntur hic, quod erat officium illorum. Respondet Nicolaus, quod præficiebant ultra Iordanem quidam, & alij circa, quia in regionibus illis erant donatæ vineæ, & aliæ possessiones templo Domini. Et isti Levitæ gerebant curam illarum possessionum in regionibus illis.

Sed dicendum, quod hoc non stat, quia templum Domini non poterat habere aliquam possessionem immobilem de his, quas offerrent Israelitæ. Vnde si aliquis vineam, aut agrum, aut domum suam voueret Domino poterat redimere illam dato certo pretio. Et si nollet, qui vouerat eam redimere, ipsam vendebat alteri, ut patet Leviti. ultimo. Et sic non poterat templum habere aliquas possessiones immobiles, sed quæcunque offerrentur cogebantur vendere. Et sic non haberent Levitæ curam de aliquibus possessionibus, quæ pertinerent ad templum. Item patet hoc, quia Deus noluit, quod Levitæ haberent agros, & vineas in urbibus suis, sed solum habebant agros, & suburbana ad alenda pecora, ut patet Numeri 35. Et Iosue 22. Et istud erat, ut non occuparentur sacerdotes, & Levitæ circa agriculturam, sed vacarent diuinis ministerijs: quomodo ergo assignaretur multis ipsorum, ut haberent solum curam de agris, & vineis, & nullum aliud esset officium ipsorum? Non est ergo hoc verisimile.

Dicendum ergo, quod isti prapositioni ordinabantur ad aliqua ministeria necessaria pro Sanctuario, quæ tamen fiebant extra Sanctuarium in diuersis partibus Israel. Et dicendum, quod multa ministeria pertinentia ad Deum fiebant extra sanctuarium, de quibus num erat prædicare, & iudicare in causis pertinentibus ad Deum. Et istud erat determinatum pro Levitis, qui vocabantur iudices, & doctores. Omnia autem alia ministeria extra templum quæcunque erant vel occurrere poterant, erant pertinentia ad prapositiones. Et sic erat colligere pecuniam de transiuntibus ad numerum. Nam quilibet transiens ad numerum soluebat dimidium siclum: Exo. 30. Et transibat quilibet ad numerum in anno 20. Et tunc tenebatur dare dimidium siclum, & quia in quolibet loco quolibet anno essent aliqui, qui transirent ad numerum, Levitæ discurrebant per omnia loca Israel quolibet anno, & colligebant omnem pecuniam, quæ dari debebat ab ipsis transiuntibus ad numerum. Sic enim patet sequenti lib. cap. 24. Congregauit rex Ioas Levitas, & sacerdotes, & dixit eis. egredimini ad ciuitates Iuda, & colligite pecuniam de vniuerso Israel ad sartatecta templi per singulos annos festinateque hoc facite. Et postea subditur quomodo rex increpuit summum sacerdotem super hoc dicens: Quare non fuit tibi curæ, ut cogeres Levitas inferre de Iuda, & Ierusalem pecuniam, quæ constituta est a Moyse? Aliquando etiam si erat aliqua necessitas Sanctuarij, & oportebat colligi aliquam pecuniam in eleemosynam de toto Israel, isti Levitæ mittebantur per totam terram ad colligendum eam. Sic patet de restitutione templi, quæ facta est tempore Iosie. Nam Levitæ, qui erant prapositioni, & etiam aliqui de ianitoribus cum eis discurrerunt per totam terram Iuda, & Benjamin, & per vrbes Israel: collegeruntque pecuniam, quam duxerunt in templum Domini, ut fieret inde reparatio, ut patet sequenti lib. cap. 24. Alia autem similia onera occurrebant, quæ pertinebant ad ministeriū Domini per diuersa loca Israel. Et ista debebant expediri per prapositiones. Et quia officium istorum erat extra Sanctuarium per totam ter-

Fram Israel, diuisa fuit terra inter illos, scilicet, ut quidam prapositioni haberent curam de illis, quæ pertinebant ad ministerium istud in terra ultra Iordanem, & alij de his, quæ pertinerent ad istud officium in terra citra Iordanem. Et sic ponit hic litera diuisionem istam. Dicitur etiam, quod isti prapositioni exercebant omnia, quæ pertinebant ad ministerium regis, in quo dubium est. Nam videtur, quod non conuenienter istud fieret, quia Levitæ erant ministri Dei, & pertinebant ad eos officia sacra, quomodo ergo implicarentur ipsi in negotijs regis, potissime cum ipsi sustentarentur de redditibus sanctuarij, & non erat equum, quod sanctuarium daret redditus pro ministris regis, quia sic Sanctuarium subijceretur ad opera regis?

G Dicendum est, quod non est sensus, quod isti prapositioni administrarent aliqua negotia regis, quæ essent purè laicalia, quia sic esset magna deordinatio in hoc, sed erant aliqua ministeria regis, quæ aliquo modo pertinebant ad Deum. Et quantum ad illa constituti erant aliqui Levitæ, qui administrarent illa, non in quantum pertinebant ad regem, sed in quantum pertinebant ad Deum. Sic enim erat cura sacrificiorum offerendorum. Nam reges, qui deuoti erant inter Iudæos, dabant maximam partem sumptuum necessariorum pro sacrificijs templi. Et ad hoc assignarent in multis locis terræ suæ redditus aliquos pro pecoribus immolâdis, & pro simila, vino, & oleo, thure, & sale, quæ necessaria erant pro sacrificijs Domini. Et ad procurandum illos redditus per diuersa loca, ut adducerentur in Sanctuariū animalia, & alia necessaria pro sacrificijs, habebant curam isti prapositioni per diuersa loca terræ Israel, & administrando ista negotia, dicebantur gerere negotia regis, eo quod rex dabat istos redditus Sanctuario. Istud autem est verisimile. Nam etiam reges gentiles hoc faciebant pro Sanctuario Domini, a fortiori credendum est, quod reges Iudæi deuoti hoc facerent. Pater hoc de Seleuco rege Asiæ, qui erat gentilis, & dicitur secundo Macha. 3. Fiebat ut ipsi reges, & principes locū summo honore ducerent, & templum maximis muneribus illustrarent, ita ut Seleucus Asiæ rex de redditibus suis præstaret omnes sumptus ad ministerium sacrificiorum pertinentes. Sic etiam erat de rege Artaxerxe, qui erat rex Medorum, & Persarum, & dabat omnes impensas sacrificiorum Sanctuario, ut patet primo Eldræ 7. Scilicet, Ego Artaxerxes rex statui, atque decreui omnibus custodibus Arce publicæ, qui sunt trans Flumen, ut quodcunque petierit a vobis Eldras sacerdos, scriba legis Dei cœli, absque mora dedras sacerdos, scriba legis Dei cœli, absque mora detis, usque ad argenti talenta centum, & usque ad vitas centum, & usque ad frumenti comas centum, & usque ad batos olei centum, Sal vero abique mensura: omne quod ad ritum Dei cœli pertinet tribuatur diligenter in domo Dei: ne forte irascatur contra regnum regis, & filiorum eius. Cum ergo gentiles istas expensas darent, verisimile est, quod reges Iudæi deuote offerrent ista. Et credendum est, quod cum Dauid esset vir deicola, & sciret, quod regnum custodiretur in filiis suis in æternum si obseruarent mandata Dei, Psal. 131. Si custodierint filij tui testamentum meum, & testimonia mea hæc quæ docebo eos, & filiorum usque in sæculū sæculi sedebunt super sedem tuam. doceret eos quomodo deuoti essent circa Deum, & ipse inciperet dare ea, quæ necessaria erant pro expensis templi, & pro sacrificijs, & daret ea, dum viveret volens etiā, quod Salomon teneret illū modū, quādo regnaret. Et sic veniret in cōsuetudinem, & quasi in ius, & debitū oībus posteris suis regnantibus. Et sic nunc instituit quosdā prapositiones de Levitis, qui curā haberent

rent de omnibus negotiis congregandorum reddituum regalium pro sumptibus sanctuarii. Sic etiam fuit de Iosaphat, qui fuit rex deuotus de posteritate Dauid, qui constituit aliquos Leuitas, qui essent super officia sua, ut patet sequenti lib. cap. 19. Scilicet, Porro Zabadias filius Ismahel, qui est dux in domo Iuda, super ea opera erit, quæ ad regis officium pertinent. Poterat etiam esse, quod aliqua iurisdictio regis erat, quam ipse committebat ipsis Leuitis ad ministrandum, sed quod dictum est supra, melius est.

De tempore istarum ordinationum. Quæst. XLVIII.

QUÆRITUR ulterius quomodo dicitur hic, quod anno quadragesimo regni Dauid, factæ fuerunt istæ ordinationes, & diuisiones. Nam videtur, quod multo prius factæ fuerint. Nam supra 9. Dicitur de istis ordinationibus, & potissime de ostiariis. Omnes hi electi in ostiarios, quos constituerunt Dauid, & Samuel videns. Et tamen Samuel mortuus fuit antequam Dauid esset rex super Iudam, & Israel. Nam eo tempore, quo fugiebat Dauid a facie Saulis: mortuus est Samuel, primo Regum 25. Ergo ista ordinatio non fuit facta anno quadragesimo regni Dauid, sed potius antequam ipse esset rex. Itæ patet hoc, quia in ista diuisione officialium factus est Selemith thesaurarius, ut patet in litera. Et tamen per manum eius consecrata sunt Dño omnia, quæ habentur in litera, & tamen consecrauit ea Samuel, & Saul, cum dicitur. Hæc autem vniuersa sanctificauit Samuel vidēs & Saul filius Cis, & Abner filius Ner, & Ioab filius Saruiæ. Et sequitur: Omnes hi sanctificauerunt ea, per manum Selemith, & fratrem eius. Ergo Selemith erat thesaurarius tempore Samuelis, & Saulis, sed istud fuit antequam Dauid esset rex super aliquod regnum, ergo non fuit ista diuisio facta anno quadragesimo regni Dauid, sed antequam ipse regnaret.

Respondendum, quod fuit facta etiam ista ordinatio anno quadragesimo regni Dauid, sicut dicitur in litera, & non fuit facta tempore Samuelis nec Saulis. Patet etiam hoc, quia quando facta est ista diuisio, inceperunt Leuitæ ministrare a viginti annis, & supra, ut patet supra 23. Et tamen Dauid fuit primus, qui mutauit ætatem Leuitarum, quia ante ipsum ministrabant Leuitæ ab anno tricesimo vsque ad quadragesimum. Ipse autem dixit: Requiem dedit Dominus Israel populo suo, & habitationem in Ierusalē vsque in sempiternum. Nec erit officij Leuitarum, ut ultra portent tabernaculum, & omnia vasa eius ad ministrandum: iuxta præcepta quoque Dauid nouissima supputabitur numerus filiorum Israel a viginti annis, & supra. Ergo Dauid in fine dierum suorum fecit istam mutationem, & extunc fuit ordinatum de omnibus ministris Sanctuarii. Cum autem dicitur, quod Dauid, & Samuel ordinauerunt de ostiariis supra 9. potest responderi dupliciter, vno modo, quod Samuel vnxit Dauid in regem inssu Dei, primo Regum 16. Et sciebat ex hoc eum regnaturum super totum Israel. Et quia videbat, quod Deus acceptauerat eum, ut per ipsum augmentaretur cultus eius, instruxit Samuel aliquantulum ipsum Dauid, quid faceret, quæ esset constitutus in regem, & tunc potuit ei dicere de ista ordinatione ministrorum, qualiter facerent, & sic dicitur, quod Samuel, & Dauid ordinauerunt thesaurarios, scilicet Samuel ordinauit eos, instruendo Dauid exequendo id, quod sibi dixerat Samuel. Alio modo potest intelligi, quod Samuel, qui erat Propheta, & iudex super totum Israel, habebat magnam potestatem

in populo, & ob hoc habebat opportunitatem ordinandi quod vellet: incepit ergo ordinare aliquid de cultu diuino, & instituit aliquos ianitores, & thesaurarios, tñ nō compleuit istam ordinationem, Saul autem postea non curauit de illa. Ideo Dauid de nouo ordinauit omnia anno quadragesimo regni sui, & fuerunt thesaurarii, & ianitores tempore Dauid, aliqui constituti fuerunt prius thesaurarii, & ianitores tempore Samuelis, & istud magis consonat veritati, & literæ supra 9. Cum dicatur, quod Samuel, & Dauid constituerunt illos in ianitores. Constituire autem non dicit promouere, vel incitare aliquem ad hoc, quod constituat. Sed realiter, & de facto ordinare aliquid. Patet etiam hoc, quia si intelligeretur primo modo, scilicet quod Samuel constituerat illos in ianitores, id est, quod ad Samuelis consilium Dauid ordinasset illos, non diceretur hoc magis de ianitoribus, quam de officialibus alijs, quia de omnibus admoneret Samuel ipsum Dauid, & tamen solum dicitur de ianitoribus, quod Samuel, & Dauid instituerunt illos. Ergo tenendus est secundus modus, scilicet quod Samuel prius ordinauerit aliquid de ianitoribus, deinde Dauid anno quadragesimo regni sui compleuerit omnium ministrorum ordinationem. Ad secundum dicendum, quod etiam potest intelligi dupliciter, vno modo, quod per manum Selemith consecrata fuerunt Domino omnia, quæ a Samuele, Saule, & Abner consecrata fuere, & tamen ista consecratio nunquam fuerit facta nisi diebus Dauid anno quadragesimo regni sui. Et intelligitur sic, quod Samuel, Saul, & Abner in diebus suis obtulerunt thesauros aliquos pro templo Domini, & illi manserunt inconsumpti vsque ad annum quadragesimum regni Dauid, & tunc cum Dauid ordinaret thesaurarios omnium Selemith principem, tradidit in manu eius omnes istos thesauros, qui oblatis fuerant per omnes istos antiquos ex tempore Samuelis, & sic dicitur, quod omnes isti consecrauerunt Domino thesauros per manum Selemith, scilicet, quod thesauri ab eis consecrati fuerunt custoditi per Selemith, & tamen non fuit hoc a principio, sed tempore Dauid. Secundo modo potest intelligi, quod iste Selemith erat thesaurarius ex tempore Samuelis. Et etiam fuit thesaurarius ex tempore Saulis, scilicet, quia Samuel constituerat eum in thesaurarium. Et tunc Samuel tempore suo potuisset consecrare thesauros Domino per manus Selemith, quia ipse tunc esset thesaurarius, & sic etiam Saul, & Abner consecrauerunt temporibus suis thesauros per manum Selemith, eo quod ipse temporibus eorum erat thesaurarius. Nunc autem quando Dauid constituit ministros Dei in omnibus officiis, fecit etiam, quod Selemith esset thesaurarius, sicut erat prius, & sic omnes poterant per manum eius consecrare Domino thesauros. Et iste sensus magis conuenit literæ, quia dicitur: Omnes hi sanctificauerunt ea per manum Selemith. Et tñ si deberet intelligi, quod tpe Dauid iste nomen constitutus est in thesaurarium, non diceretur, quod omnes isti sanctificauerunt thesauros per manum eius. Sed diceretur, quod omnes thesauri, quos isti obtulerunt, fuerunt sanctificati per manum eius: magna enim differentia est in hoc. Nam primū significat, quod Selemith erat thesaurarius tpe cuiuslibet istorum, scilicet Samuelis, Saulis, Abner, & Ioab. Et quod quilibet tradebat in manu Selemith ea, quæ consecrabat. Secundum autem significat, quod omnia, quæ isti obtulerunt fuerunt tradita ad custodiendum Selemith, siue fuerint tradita tpe, quo illi obtulerunt ea, siue post. Sed obijcietur hoc, quia Selemith nō poterat esse thesaurarius tpe Samuelis, eo quod Samuel nō ordinauit aliquos ministros Dei, nisi ianitores, quia de istis solum dicitur supra 9. Selemith autem thesaurarius erat: Ideo non fuit tunc ordinatus, sed tpe Dauid,

I. Paralip.

Cap. XXVII.

David. Dicendum quod Selemith erat thesaurarius ex tpe Samuelis, & fuit vsq; ad tempus David. Et tñ dñ, q Samuel solum instituit tēpore suo ianitores. Dicendum q verum est, tñ ianitores, & thesaurarij pertinebant ad simile officiū. Ideo vocabant thesaurarij ianitores. Et sic Samuel non solum constituit ianitores, sed et thesaurarios. Et patet hoc, quia supra 9. Vbi dicit, q David, & Samuel constituerunt ostiarios dicit: His quatuor Leuitis creditus erat omnis numerus ianitorum, & erant super exedras, & thesauros domus Domini. Et sic ianitores dicebantur esse super thesauros, & tamen esse super thesauros pertinet ad solos thesaurarios, ergo ianitores erant thesaurarij. Et iste sensus tenendus est.

C A P. XXVII.



ILII autem Israel secundū numerum suum principes familiarum, tribuni, & centuriones, & præfecti, qui ministrabant regi iuxta turmas suas, ingredientiētes, & egredientes, per singulos menses in anno, vigintiquatuor millibus singuli præerant. Primæ turmæ in primo mense Iesboam præerat filius Zabdiel, & sub eo vigintiquatuor millia. De filijs Phares, princeps cunctorum principum in exercitu mense primo. Secundi mensis habebat turmam Dudia Ahohites, & post se alter nomine Macelloth, qui regebat partē exercitus vigintiquatuor millium. Dux quoque turmæ tertiæ in mense tertio erat Banaías filius Ioiadē sacerdotis, & in diuisione sua vigintiquatuor millia. Ipse est Banaías fortissimus inter triginta, & super triginta. Præerat autem turmæ ipsius Amizadab filius eius. Quartus, mense quarto Alahel frater Ioab, & Zabadias filius eius post eum, & in turma eius vigintiquatuor millia. Quintus mense quinto princeps Samaoth Iezerites, & in turma eius vigintiquatuor millia. Sextus, mense sexto, Hira filius Acces Thecuites, & in turma eius vigintiquatuor millia. Septimus, mense septimo, Helles Phallonites de filijs Ephraim, & in turma eius vigintiquatuor millia. Octauus, mense octauo, Sobochai Viathites de stirpe Zarai, & in turma eius vigintiquatuor millia. Nonus mēse nono Abiezer Anathorites de filijs Iemini, & in turma eius vigintiquatuor millia. Decimus, mense decimo, Marai, & ipse Nethophatites de stirpe Zarahi, & in turma eius vigintiquatuor millia. Vndecimus mense vndecimo Banaías Pharato-

nites de filijs Ephraim, & in turma eius vigintiquatuor millia. Duodecimus, mense duodecimo, Boldai Netophatites de stirpe Gothoniēl, & in turma eius vigintiquatuor millia.

DESCRIPTA in præcedentibus ordinatione populi ministrorum ad Deum, hic agitur de ordinatione populi ad regem. Et iste ordo est conueniens, quia Deus super omnia timendus est, & post eum super oēs hoīes honorandus est rex. Istum ordinem ostendit Beatus Petrus, vt pater prima Petri cap. 2. f. Deum timete, & regem honorificate. Et sic post Deum posuit regem. Sic factum est hic. Ordinatio autē regis ad populum suum est in tribus, f. circa bella, & circa regimen populi, & circa habitudinem suæ familiæ. Ideo diuiditur in tria, qā primo agitur de principibus exercituum, secundo de principibus popularium, ibi. Porro tribus. Tertio de principibus regum familiarū, f. possessionū, ibi. Super thesauros autem.

De continuatione ad præcedentia. *Quæst. 1.*

QVAERITVR circa primum an ea, quæ habentur hic sint continuata ad præcedentia, & fuerint facta immediate post illa. Aliquis dicet, q sic, quia tenendus est semper ordo literæ, qñ nō apparet manifeste, q alius fuerit ordo, quā ille qui habetur in litera. Sed dicendum est, q hic est mutatio ordinis, quia ea, quæ habentur hic non fuerunt facta immediate post præcedentia, sed multo tēpore ante illa. Nam ista, quæ habentur præcedenti cap. & in omnibus alijs de ordinatione Leuitarum, fuerunt facta anno quadragesimo regni David præcedenti cap. Et ipse fuit annus vltimus vitæ David, cum non regnauerit nisi quadraginta annis, vt patet infra 29. & 2. Reg. 5. & 3. Reg. 2. Et tamen ea, quæ habentur hic, tangunt ordinationem regni David, f. qualiter se habebat ipse David, qñ rex erat respectu populi, & respectu familiæ suæ. Ideo ista fuerunt ante illa. Itē patet, qā hic ponunt aliqua, q fuerunt quasi in medio temporis regni David, f. q Achithophel esset consiliarius David, vt patet infra in litera. Et tñ Achithophel mortuus est, qñ pugnavit Absalom p̄ patrem suum. Nam erat Achithophel cōsiliarius David, & cōuersus fuerat ad Absalom, qā habebat David exilium. Et cū putaretur esset Absalom p̄ David, dedit p̄siliū Achithophel de modo pugnandi, & non fuit receptū cōsiliū eius licet vtile esset, qā dissipauit illud Dñs p̄ impietiam Chusi Arachitæ. Videns autē Achithophel, q non susceptū esset cōsiliū eius, suspendit se laqueo 2. Re. 17. Manifestū est tñ, q istud fuit multo tpe ante mortē David, cū multa de eo postea narrarent, vt patet 2. Re. cap. 17. Viq; ad finem libri, & in principio tertij libri Re. Et tñ de isto Achithophel dñ hic fuerat quo erat cōsiliarius David, ergo ista, q habent hic fuerunt multo tpe ante illa, q habent cap. præcedenti. Nō patet, qā ista facta fuerūt in principio regni David. Nam in principibus istis, q erant sup duodecim turmas, ponit quartus Alahel frater Ioab, & tñ manifestū est, q Alahel mortuus est in principio regni David. Nam qñ erat contentio inter David regnantem super Iudam, & Isboseth regnantem super Israel, occisus est Alahel ab Abner, vt patet 2. Regum 2. Et tamen illud fuit quasi in principio regni David super Iudam, ergo ista, quæ habentur hic fuerunt multo tēpore ante ea, quæ habentur præcedenti cap. Et est hic mutatio ordinis sicut sepe fit in scriptura per anticipationem, & recapitulationem.

Quæst.

Quare hic ponuntur ista. Quest. 11.

QUÆRITUR ulterius cum ista, quæ habentur hic fuerint facta multo tempore ante illa, quæ habentur supra quare ponuntur hic. Respondet Nicolaus, quod posita fuerunt hic, ut Salomon ex hoc addisceret qualem ordinem tenere deberet in regno postquam ipse regnaret. Nam tenuit Salomon istum ordinem, quem tenebat Dauid, scilicet, habuit duodecim præpositos in domo sua, ut patet 3. Regum. Sed istud non stat, quia Salomon non poterat addiscere ex hoc, quia ista scripta fuerunt per Esdram multo tempore postquam facta sunt, scilicet post captivitatem Babylonis, ut probatum est in prologo libri istius. Salomon autem fuit per multos dies, scilicet pluiquam per quingentos ante hoc, ideo non poterat addiscere ex his, quæ habentur hic potissime, quia dato, quod Salomon potuisset legere eas, quæ habentur in hoc libro, scilicet, quod fuerint scripta tempore eius, tamen non addisceret ex hoc regimen quod habebat Dauid in regno, sed magis sciret aliud per consuetudinem, quia toto tempore Dauid fuerat istud regimen. Dicendum videtur, quod scriptura non posuit hic istam ordinationem, quam habuit Dauid in regno suo propter hoc, sed quia volebat scriptura exprimere modum regiminis Dauid in aliquo loco, quia erat modus conueniens, & non fuit aliquis locus magis aptus, quam iste, ideo fuit hic facta ista expressio. Patet hoc, quia in præcedentibus habitum est de ordinationibus ministrorum Dei propter similitudinem, ergo immediate poni debuit hic de regimine, & habitudine Dauid ad populum. Multa etiam similia fiunt, scilicet quod introducuntur aliqua in quibusdam locis propter similitudinem materie, quæ alias non faciebant ad propositum. circa primum dicitur. *Filii autem Israel secundum numerum suum.* Id est, filii Israel, qui ministrabant Dauid in numero certo, sunt isti, qui sequuntur, & dicitur secundum numerum suum, quia in omnibus istis erat determinatio numeri, ut patet in principibus tribuum, & rerum familiarum. *Principes familiarum tribuni, & centuriones, & præfecti.* Id est, omnes, qui ministrabant Dauid de filiis Israel, siue principes familiarum, siue tribuni siue centuriones, siue præfecti sunt omnes isti, qui sequuntur quod non erant plures ministri Dauid in quocunque genere principum, & ministrorum, scilicet, qui sequuntur principes familiarum, dicuntur principes cognationum scilicet principes tribuum, & aliarum cognationum minorum, tribuni vocantur principantes super mille, centuriones vocantur principes super centum: præfecti vocantur alij præfidentes in quibusdam alijs generibus principatum, scilicet illi, qui præerant diuersis operibus, & possessionibus regis, ut patet infra in litera. Nam præfectus dicitur a præficiendo, & quicunque præficitur alicui officio, vel dignitati, aut administrationi præfectus dicitur. *Qui ministrabant regi iuxta turmas suas.* intelligitur hoc de totis principibus duodecim turmarum, qui habentur infra. Et vocatur turma multitudo aliqua magna. Et hic est turma quolibet viginti quatuor millium virorum. Et dicitur, quod isti principes turmarum ministrabant, scilicet, astando semper regi, cum ostendo corpus eius, ut si superueniret aliquod bellum subito possent defendere regem. Et dicitur habendo firmam tuam in quolibet mense. *Ingredientes, & egredientes per singulos menses in anno.* Scilicet, in quolibet mense ministrabat unus princeps. *Viginti quatuor millibus singuli præerant.* Scilicet, quilibet istorum principum præerant viginti quatuor millibus. In Hebræo dicitur. *Qui ministrabant regi in omni re diuisione nostra.* Et tamen est in modo barbarico positus, scilicet

A licet, isti principes ministrabant regi in omni re diuisionum, id est, in omnibus diuisionibus suis, scilicet, secundum omnes turmas suas, quæ diuise erant. Et dicitur ingrediens, & exiens, id est, in quolibet mense ingrediebatur una turma ad ministrandum, & cessabat alia. Et dicitur in Hebræo. *Diuisio una viginti quatuor millia.* Vbi littera nostra dicit: Viginti quatuor millibus singuli præerant. Et idem est, scilicet, diuisio una, scilicet, viginti quatuor millia, id est, quolibet diuisio siue turma habebat viginti quatuor millia virorum. *Præerat turma in primo mense Iesboan præerat filius Zabdiel.* Quilibet turma habebat viginti quatuor millia sub uno principe, & ministrabant istæ turme per menses, scilicet, in primo mense anni, ministrabat prima turma. Et sic de alijs. Præerat autem Iesboan primæ turme. Et iste Iesboan erat fortissimus vir inter omnes viros Dauid, ut aliqui putant, scilicet, primus de primo ternario virorum fortissimorum, ut patet supra 11. Et tamen falsum est, quia ille vocabatur Iesboan filius Athemoni. Iste autem vocabatur Iesboan filius Zabdiel, ut patet supra 11. Et hic. *Et sub eo viginti quatuor millia.* Istud generale erat ad quemlibet principem turme, quod præesset viginti quatuor millibus virorum. *De filiis Phares, princeps cancellorum principum in exercitu mense primo.* Id est primus princeps, qui in primo mense ministrabat coram Dauid, erat de filiis Phares. Iste erat princeps omnium principum, scilicet, non solum præerat viginti quatuor millibus virorum, qui erant in turma sua, sed etiam præerat omnibus alijs principibus. Et hoc, quia erat de filiis Phares, & ista familia erat nobilior in familiis tribus Iuda. Pro quo sciendum, quod in tribu Iuda erant familie quinque scilicet Seleitarum, Pharesitarum, Zareitarum, Emulitarum, Hefronitarum: Nu. 26. De familia Phares veniebat Dauid, ut patet Ruth. 4. Ideo princeps, qui erat de familia Pharesitarum, erat maior alijs principibus, & præerat eis, eo quod Dauid erat de stirpe Phares, & voluit, quod princeps iste, qui præerat de stirpe Phares, esset dignior alijs, habendo potestatem aliquam super principes alios, & propter hoc datum est sibi, quod ministraret mense primo. *Secundi mensis habebat turmam Dudai Achoites.* Iste erat princeps secundi mensis, & vocatur Achoites a loco, qui dicitur Achoi. *Et post se alter nomine Macelloth.* Scilicet, in ista secunda turma princeps maior Dudai Achoites. Et infra ipsum erat alius princeps minor, qui regebat quandam partem exercitus. Cur autem ponatur hic de isto principe secundo in ista turma, cum etiam multi alij essent principes in ea, infra declarabitur in quadam questione.

Qui regebat partem exercitus viginti quatuor millium. Non regebat iste Macelloth partem exercitus viginti quatuor millium auctoritate sua, quia tunc princeps huius turme, scilicet, Dudai Achoites non præesset viginti quatuor millibus virorum, cum Macelloth præesset cuidam parti istius exercitus. Et non subordinaretur ipsi Dudai Achoites, sed intelligendum est, quod iste Macelloth erat princeps constitutus sub alio. Et auctoritate illius regebat quandam partem exercitus. *Dux quoque turme tertia in mense tertio, erat Banaia filius Ioiada sacerdotis.* Iste Banaia erat vir notabilis, qui nimis diligebat Dauid, & erat vnus de viris fortibus eius, ut patet in litera. Erat autem ipse de genere sacerdotali.

Et in diuisione sua viginti quatuor millia. Scilicet, in turma sua, quia omnes erant æquales turme. Ipse est fortissimus Banaia inter triginta, & super triginta. Scilicet, iste Banaia erat vir fortis, erat enim iste de secundo ternario virorum fortissimorum, ut patet 2. Regum 23. & supra 11. Et dicitur, quod erat super triginta,

ginta, quia triginta erant viri fortes communes, præter duos ternarios virorum fortissimorum, & super omnes istos erat Banaias, cum ipse esset de ternario secundo. Quomodo tamen ipse esset inter triginta fortes, cum esset de ternario secundo, dubium est, de quo infra declarabitur in quadam questione.

Praerat autem turma ipsius Amizadab filius eius. Scilicet, Banaias erat princeps istius turmae tertiae, & tamē sub eo erat filius eius qui præerat toti turmae paternae, sicut in secunda turma erat Macelloth, qui præerat cuidam parti exercitus ipsius turmae: sub principe turmae, ut patet supra in litera. *Quartus mense quarto Asahel frater Ioab.* Iste Asahel erat princeps in mense quarto, & erat ipse frater Ioab, & Abisai. Nam Sarua soror David habuit istos tres filios, scilicet Abisai, Ioab, & Asahel, ut patet supra 2. Iste Asahel occisus est in bello quando pugnabant viri David contra viros Isboseth super contentione regni. Et tunc Abner occidit Asahel 2. Regum 2. Ex hoc patet, quod ista ordinatio servitorum David, quae habetur hic, fuit a principio regni David, eo quod Asahel, qui erat princeps unius turmae, mortuus fuit in principio regni David super Iudam. *Et Zabadias filius eius post eum.* Iste Zabadias præerat etiam toti turmae paternae ex commissione eius, sicut erat in turma tertia, & in secunda. *Et in turma eius vigintiquatuor millia.* Istud erat commune in omnibus turmis. In Hebræo habetur: Super partem eius: ubique littera nostra dicit, & in turma eius, & idem est, quia turma cuiuslibet principis erat pars ei commissa. *Quintus, mense quinto, princeps Samath Iezarites, & in turma eius vigintiquatuor millia.* Vocatur Iezarites a loco, quia ciuitas sua dicebatur Iezaar.

Sextus, mense sexto, Hiram filius Acces Thecutes, & in turma eius vigintiquatuor millia. Iste erat vnus de viris fortibus David, ut patet supra 11. & 2. Regum 23. Et vocatur Thecutes de vrbe Thecua. De illa vrbe erat mulier illa prudens, quam duxit Ioab coram David, ut peteret cū quadam figura veniam exilij Ablalom 2. Regum 14. De regione istius vrbis erat Amos Propheta. Nam dicitur, quod Amos fuit in pastoralibus Thecuae, ut patet Amos primo.

Septimus mense septimo, Helles Halonites. Iste etiā fuit de triginta viris fortibus David, ut patet supra 11. & 2. Regum 23. Et vocatur Phalonites ab vrbe Phaloni.

De filiis Ephraim, & in turma eius vigintiquatuor millia. Dicitur hoc ad differentiam aliorum, qui putantur esse de tribu Iuda. Et tamen iste, quamquam esset princeps David, erat de filiis Ephraim, qui erant hostes David, cum essent subditi Isboseth. *Octauus, mense octauo, Sobochai Asothites de stirpe Sarai & in turma eius vigintiquatuor millia.* Iste octauus princeps erat de triginta viris fortibus David. Et vocatur interdum Sobochai Vlothites, sed idem est. Iste fuit, qui occidit gigantem in bello secundo, quod ponitur 2. Reg. 21. Et erat ille gigas de stirpe Arapha, de quo supra 20. *Nonus mense nono, Abiezer Anathotites.* Vocatur sic ab vrbe Anathot, quae est iuxta Ierusalem. Et est in sorte Benjamin, & fuit data sacerdotibus inter alias quadraginta octo vrbes, ut patet Iosue 21. De ista vrbe fuit Ieremias, qui sacerdos erat, & vocatur de sacerdotibus, qui erant in vrbe Anathot, ut patet Iere. primo.

De filiis Iemini, & in turma eius vigintiquatuor millia. Idest, De stirpe Benjamin. Nam Iemini pro Benjamin accipitur, de quo infra dicitur in quadam questione. *Decimus mense decimo Marai, & ipse Nethophathites.* Iste erat de triginta viris fortibus David, ut patet 3. Regum 23. Et supra 11. Et vocatur Nethophathites, ab vrbe Nethophati.

De stirpe Sarai, & in turma eius vigintiquatuor millia.

De ista stirpe etiam erat alius princeps octauus, scilicet Sobochai Asothites, ut patet supra in litera.

Vndecimus mense vndecimo Banaas Pharathonites. Banaas nō est Banaias, quia Banaias erat princeps tertiae turmae, ut patet supra in litera. Et vocatur Pharathonites a quadam vrbe nomine Pharaton in terra Ephraim, de illa vrbe fuit vnus de iudicibus, scilicet, Abdon Pharathonites. Et dicitur, quod mortuus est, & sepultus in Pharathon terra Ephraim.

De filiis Ephraim, & in turma eius vigintiquatuor millia. Etiam iste princeps vndecimus erat de filiis Ephraim, sicut princeps septimus.

Duodecimus mense duodecimo Oldai Nethophathites de stirpe Gothoniel, & in turma eius vigintiquatuor millia. Iste erat princeps vltimus de vrbe Nethophati, sicut, & quidam alij principes, ut patet supra in litera.

De duodecim principibus turmarum
Quest. 111.

QVAERITUR circa ea, quae dicta sunt quomodo se habebant isti duodecim principes turmarum, vel ad quid David habebat illos. Aliquis dicet, quod David ordinauerat totum exercitum suum, & diuiserat eum per duodecim partes sub duodecim principibus, & hic nominantur isti principes. Sed tunc dicitur ad quid ponitur hic de quolibet istorum principum, quod vno mense erat vnus princeps, & alio mense alius? Nam istud non pertinet ad numerationem exercitus, quia solum intenderet scriptura numerare exercitum, & numerare principes.

Dicendum ergo, quod non ponuntur hic isti principes solum ad numerandum exercitum David, sed ad ministrandum ei, assistendo sibi de regno suo certam partem exercitus, & ascripserat militiae omnes illos, itaque officium istorum non erat nisi militare. Et David diuiserat totum istum exercitum per duodecim partes, & in qualibet earum erant vigintiquatuor millia de istis. Et istud erat propter honorem regalem, & principaliter propter incursum bellicos. Nam David erat in medio hostium, & faciebat multa bella, vnde periculum erat semper sibi, nisi se diligenter obseruaret. Nam interdum insurgebant hostes subito contra eum, ut patet de duobus vicibus, quibus Philistini insurrexerunt contra David, quando nouiter factus est rex Israel, ut patet 2. Regum 5. Et supra 14. Et si tunc non habuisset David congregatum exercitum, non potuisset se defendere ab hostibus. Expediebat ergo sibi, ut semper haberet secum viros bellatores. Et ideo habebat semper vigintiquatuor millia. Et si occurreret aliquod periculum, congregabat reliquam partem exercitus, scilicet, alios vndecim principes cum turmis suis, qui faciebant ducenta octoginta octo millia virorum, quia omnes isti erant ascripti militiae. Et ut isti non grauarentur nimis assistendo, David faciebat, quod quolibet mense assisteret sibi vnus princeps cum vigintiquatuor millibus virorum, & sequenti mense erant alij vigintiquatuor millia virorum cum principe suo, & sic quolibet turma seruebat vno mense, & quiescebat vndecim mensibus. Sic erat de sacerdotibus, & cantoribus, qui erant diuisi in vigintiquatuor partibus, & quolibet pars seruebat vna hebdomada, & quiescebat viginti tribus hebdomadibus, ut patet supra 24. & 25. tempus autem istarum turmarum erat maius, quia seruebat quilibet princeps vno mense.

*De distributione duodecim principum in anno, in quo erant A
tredecim menses. Quæst. IIII.*

QUÆRITUR vltius cum hic diuisus esset totus exercitus per duodecim principes, & quilibet princeps cum turma sua ministraret vno mense, quid fieret in anno, in quo erant tredecim menses, quia Hebræi computabant, & etiam nunc computant annos lunares. Nam faciunt menses per lunationes, & non computant sicut nos. Et quia in quolibet anno solari superant vndecim dies, & aliquid plus ad annum lunarem, oportebat, quod in paucis annis, variarent Hebræi principia annorum, vtpote si in isto anno inciperent Hebræi annum suum in principio anni nostri, finiretur annus suus vndecim diebus ante finem Decembris, & alio anno finiretur annus suus viginti duobus diebus ante finem Decembris, scilicet, nona die Decembris, & alio anno finiretur annus suus in Nouembri nostro, scilicet, in vicesima octaua die Nouembris. Et sic retrocederet principium anni sui per annum nostrum, ita quod si nunc incipiebat annus suus in Ianuario, vique ad aliquot annos inciperet in Augusto, & postea in Aprili, & sic variaretur. hoc tamen erat inconueniens non solum quantum ad conditionem temporis quia principium, & medium, & alia partes anni sui non essent semper eiusdem complexionis, vel quasi, sicut est in nostro anno, sed erat maius inconueniens, scilicet, quia faceret contra legem. Nam Deus iussit, quod semper in primo mense quartadecima die mensis celebrarent Phasæ, & tunc debebat esse principium frugis hordeaceæ. Nam in principio dierum azymorum debebat colligi manipulus de spicis hordei virentibus, & offerri coram Domino, vt patet Leuit. 23. Si autem mutaretur principium anni, ita quod aliquando esset in Augusto, & aliquando in Decembri, non possent Hebræi offerre spicas virentes in festo azymorum. Ideo oportuit, quod semper tenerent Hebræi modum, vt inciperet annus eorum in Martio, quia ibi erat principium messis hordeaceæ in terra Chanaan. Etiam hoc fiebat ad figurandum exitum de Aegypto, & tamen exitus ille fuit in mense Martij, quando incipiebat tempus messis: Exodi 12. Ideo vt retineretur significatio illius exitus in festo azymorum, quod fiebat, oportebat vt fieret semper tempore frugum nouarum, & inciperet tunc mensis primus. Et patet hoc, quia Deus iubebat, quod omnes Israelitæ facerent Phasæ die quartadecima mensis primi. Et si quis impeditus propter immunitatem, vel viam erat, tenebatur facere Phasæ mense secundo die quartadecima, & tamen si in illo mense etiam quis esset impeditus, vt facere Phasæ, non poterat iam facere illud in alio mense, eo quod multum distabat illud a tempore, quo fuerat exitus de Aegypto. Item patet, quia Exo. 12. Dixit Deus, quod ille mensis, in quo exierant de Aegypto, esset primus in mensibus anni, & tamen non poterat esse primus semper si Hebræi semper sequerentur annos lunares. Et ob hoc aliquando faciebant duodecim menses in anno, & aliquando tredecim, & sic æquabant annos lunares cum solaribus, ita vt semper principium anni ipsorum esset in Martio paulo ante medietatem eius, vel paulo post medietatem, & sic veniret annus tredecim mensium, in quo ista ordinatio duodecim principum non haberet pronideri in hoc, vno modo, quod princeps quilibet teneret vno mense, & quando essent tredecim menses, ille princeps, qui debebat seruire mense primo anni, seruiret mense tertio decimo. Et princeps, qui secundo mense seruiturus erat, mense primo seruiret. Iste modus posset stare, & tamen videbitur sequi in-

conueniens, quia tunc ille princeps, qui seruiret, primo mense, seruiret aliquo quarto mense, vel quinto, & sic totus ordo esset mutatus. Alio modo posset dici, quod in illo anno princeps duodecim seruirebat mensibus duobus. Et sic primus princeps ministrabat mense primo sicut in anno duodecim mensium.

Alio modo potest dici, & melius, quod in illo anno seruiret quilibet princeps plusquam vno mense, scilicet, vt tredecim menses diuiderentur per duodecim partes. Et sic non fieret aliqua mutatio in ministrando.

De ministracione cuiuslibet principis per mensem. Quæst. V.

QUÆRITUR vltius quare isti principes ministrabant per menses. Et cur non ministrabant in minori tempore, vel maiori. Nam aliquis dicet, quod potius debuissent ministrare per hebdomadam sicut sacerdotes, & cantores ministrabant per hebdomadas de sabbatho in sabbathum, vt patet 4. Regum 11. Et sequenti lib. cap. 23. Dicendum est, quod non fuit conueniens, quod in maiori vel minori tempore ministrarent. Nam si ministrarent in minori tempore, vt puta per vnam hebdomadam, aut diuiderentur in plures partes isti principes, aut non. Si diuiderentur in plures partes, vtpote quod essent triginta, vel quadraginta partes ministrorum, essent pauciores in qualibet parte. Nam nunc erant duodecim partes, & in qualibet erant vigintiquatuor millia virorum. Si autem diuiderentur per triginta sex partes, in qualibet earum essent solum octo millia virorum, & sic quanto plures essent partes, tanto magis minueretur exercitus, & tamen Dauid indigebat magno exercitu secum, vt ipse posset se defendere ab hostibus, si incurrerent in ipsum: ideo non expediebat esse tot partes exercitus. Si autem solum essent duodecim partes, & seruiret quilibet vna hebdomada, sequeretur inconueniens, scilicet, quod finitis tribus mensibus, teneretur quilibet princeps redire ad ministrandum, postquam semel ministrauerat. Dicendum ergo, quod non debebat esse minus tempus ad ministrandum quam vnius mensis. Etiam non erat conueniens esse maius tempus, quia tunc grauaretur nimis ministrantes, vtpote si quilibet princeps ministraret duobus, vel tribus mensibus. Istud autem fuit tempus conueniens ad ministrandum, quia poterat quilibet ministrans sine grauamine tanto tempore ministrare, & etiam Dauid haberet semper presentem sibi sufficientem exercitum ad resistendum hostibus.

De duodecim principibus turmarum Dauid. Quæst. VI.

QUÆRITUR vltius de istis duodecim principibus turmarum Dauid, an essent de duodecim tribubus, scilicet, singuli de tribu sua, vel erant omnes de tribu Iuda, vel quomodo se habebant. Aliquis dicet, quod isti duodecim principes erant de duodecim tribubus, & apparet hoc, quia erant duodecim principes, si autem essent plures, vel pauciores, non putaretur, quod essent de singulis tribubus, quia tunc erant tot quot erant tribus, videtur ergo, quod singuli de tribubus singulis assumerentur. Sed aliquis obijciat, quod non stat, quia infra ponuntur principes super omnes duodecim tribus, & accipiuntur ibi singuli principes de singulis tribubus, non ergo ponerentur hic isti duodecim principes, de duodecim tribubus, sed alio modo. Dicendum quod hoc non obstat, quia quamquam illi, qui infra ponuntur, essent principes de singulis tribubus,

tribubus, non tñ eodem modo, quo illi, quia isti duo. **F** decem erant principes exercitus. Et sic poterant esse singuli principes capita ipsius exercitus assumpti de aliqua tribu, ita q̄ totus iste exercitus ducentorū octoginta octo millium esset de omnibus tribubus æqualiter, s. de qualibet tribu vigintiquatuor millia virorū, & acciperet de illa tribu, de qua erat iste exercitus, vnus princeps ipsius exercitus. Et sic essent principes de duodecim tribubus, & non esset quilibet istorū princeps absolute vnus tribus, sed solum assumptus pro exercitu. Illi aut, qui essent principes absolute ipsarū tribuum essent maiores, & essent illi, de quibus habetur infra, Et sic satis posset stare, q̄ de duodecim tribubus essent isti duodecim principes. Sed dicendum, q̄ hoc non obstante, non poterant esse isti principes de duodecim tribubus, sicut supra dicebatur. **P**rimo patet, quia tunc de qualibet tribu haberet Dauid vigintiquatuor millia virorum, & de illa haberet vnū principem, & tamen hoc non stat, quia Dauid habuit istā ordinationem in principio regni sui super Iudam, & tamen tunc non erant sibi subiectæ duodecim tribus Israel. Apparet hoc, quia Asahel frater Ioab fuit vnus de istis duodecim principibus: Et ipse mortuus est in bello, quando pugnabant serui Dauid contra seruos Isboseth, & tunc inceperat Dauid esse rex super solam tribum Iudæ, de quo 2. Regum 2. & tunc sola tribus Iudæ erat sibi subiecta: ideo non poterat Dauid habere duodecim principes de duodecim tribubus, & de qualibet parte exercitus.

Secundo patet, quia de eadem tribu erant hic duo principes, ergo non poterant esse duodecim principes de singulis tribubus. Nam hic dicitur de principe septimo, & de principe vndecimo, quod erant de filiis Ephraim: ideo saltem vna tribus esset, de qua non posset esse princeps aliquis.

Tertio patet, quia hic dicitur de Banaia, quod erat vnus de principibus, & ille erat de filiis Leui cū esset sacerdos, tribus tamen Leuitarum non computatur de duodecim tribubus Israel, q̄a præter eā sunt duodecim: iō non erāt isti principes de duodecim tribubus.

Quarto patet, quia saltem de tribu Iuda erant duo principes. Nam princeps primi mensis erat de filiis Phares, qui sunt in tribu Iuda. Nam familia Phares est vna de quinque familiis tribus Iuda, vt patet Nu. 26. Et ponit alius princeps de tribu Iuda, s. quartus Asahel frater Ioab, ergo saltem erant duo principes de tribu Iuda.

Quinto patet, q̄a alij duo principes, s. princeps octauus, & decimus erant de eadem tribu. Nam ambo erant de stirpe Zarai, vt patet in litera. Alij ergo dicunt, q̄ non erant isti duodecim principes de duodecim tribubus, sed omnes erant de tribu Iuda. Et causa huius erat, quia qñ Dauid habebat istam ordinationem, non erat rex nisi super Iudam, & aliæ vndecim tribus erāt sub manu Isboseth regis Israel, ergo oēs principes essent, & totus iste exercitus de tribu Iuda. Sed dicendum, q̄ etiam hoc non stat, quia licet verū sit, q̄ Dauid habuerit istam ordinationem in principio regni sui super Iudam, tamen aliqui principes istarum non erant de tribu Iuda. Et patet primo, quia princeps tertius erat Banaias filius Ioiade sacerdotis, & iste nō erat de tribu Iuda, sed de tribu Leui. Secundo patet, quia princeps nonus, & vndecimus erant de stirpe Ephraim, vt patet in litera, ergo non erāt oēs de tribu Iuda. Tertio quia princeps nonus erat de stirpe Gemini, i. de stirpe Benjamin, ergo non erāt omnes de eadem tribu. Quarto quia dicitur de primo principe, qui erat de familia Phares, & ideo ipse erat princeps principum, s. p̄ dignitatē illius familie. Si tñ oēs isti duodecim principes essent de tribu Iuda:

plurimi ipsorum essent de familia Phares, eo quod Dauid erat de illa familia. Et sic non fieret tanta metio de familia Phares. ergo videtur, quod pauci essent principes de tribu Iuda.

Sed de alijs tribubus erant plures. Respondendū est, quod isti principes non erant omnes de tribu Iuda, nec etiam erāt de singulis tribubus. Ratio huius fuit, quia Dauid quando habuit istam ordinationem in regno, erat rex solum super Iudam, & non poterat habere principes de omnibus tribubus, nec exercitū de illis. Nam si habuisset omnes duodecim tribus in potestate sua, sicut habuit postea, quando factus est rex super totum Israel, constituisset de qualibet tribu vnum principem, & acciperet de illa partem exercitus ad honorandam ipsam tribum, & tamen non potuit: iō plurimos istorum tribunorū fecit de tribu Iuda. Sciendum tamen, quod Dauid quando erat rex super solam tribum Iudæ, habebat sub regno suo magnam partem Leuitarum, qui habitabant in aliquibus vrbibus terræ Iudæ, sicut habitabant in vrbibus aliarum tribuum, & isti tenebant cum Dauid. Etiam quamquam Dauid solum regnaret super Iudā multi de alijs tribubus confluxerant ad eum. Nam antequam Dauid esset rex, cum adhuc viueret Saul, & esset Dauid profugus a facie eius in deserto, multi de tribu Benjamin, & Gad, & Manasse, & de alijs tribubus venerunt in adiutorium eius supra 12. Et postquam Dauid factus est Rex super Iudā, cum quotidie prosperaretur pugnando contra domum Isboseth, & ipse Isboseth quotidie esset inferior, vt patet 2. Regum 3. multi viri de tribubus subiectis ipsi Isboseth veniebant ad Dauid, & sic habebat ipse Dauid de omnibus tribubus aliquas particulas salte aliquos viros, & sic poterat constituere de illis aliquos in principes. Et dato, quod de alijs tribubus non venirent ad Dauid magni exercitus, sed aliqui viri, qui fuerant magni Domini in tribubus suis, & tunc paucos viros secum adducerent, licet non posset de illis constitui aliqua turma istarum, quæ esset vigintiquatuor millium, tamen propter honorem ipsorum, quia ipsi gratis venerant ad adiuvandum Dauid, constituit aliquos eorum in principes, & tamen illæ turmæ, de quibus constituiebantur erant de tribu Iuda.

I Et sciendum est, quod inter istos principes est regula, quod omnes illi, quorum non nominantur progenies, sunt de tribu Iuda. Ratio huius est, quia Dauid non habebat aliam tribum nisi istam, quādo fecit istam ordinationem: ideo putaretur, q̄ omnes principes erant de illa tribu. Et ad tollendum istud dubiū, si aliquis princeps constitueretur de aliqua tribu quā de Iuda, narraretur progenies. Et de istis fuerunt quatuor principes, s. tertius, qui fuit Banaias filius Ioiade de stirpe sacerdotum, & septimus qui fuit de stirpe Ephraim, & nonus, qui fuit de stirpe lemini, i. Benjamin, & vndecimus, qui fuit de stirpe Ephraim. Isti enim soli nominantur de quibus tribubus essent alij aut non.

De principibus centurionibus &c. Quest. VII.

QUÆRITUR vltcrius de istis principibus familiarū, & centurionibus, & tribunis, & præfectis, qui erant. Responderi potest vno modo, quod hic nominantur in generali omnes principes isti, qui habentur infra in litera. Ponuntur autem hic tria genera principum. Quidam sunt principes bellorum, alij sunt principes tribuum, & saurorum. Principes bellorum sunt centuriones, & tribuni, principes familiarum sunt principes tribuum, quia large nominantur familie ipsarū tribuum, principes thesaurorum sunt præfecti, quia quicunque præf-

atur, vel præponitur alicui officio, præfectus dicitur. A Et iste modus est conueniens, & tamen aliquantulum repugnat literæ in quantum dicitur, quod omnes isti principes ministrabant coram rege per menses. Et tamen non erat aliquis, qui ministraret per menses nisi isti duodecim principes turmarum: nam principes tribuum non ministrabant per menses, nec aliquando, quia non habebant aliquod officium coram rege. Principes autem thesaurorum non ministrabant per menses, sed omni tempore ministrabant in officiis suis.

Dicendum ergo videtur, quod omnes isti sunt principes duodecim turmarum, & tamen nominantur hic diuersis nominibus. Nam vocantur principes familiarum, id est, multitudinum, quælibet enim turma erat una multitudo, & vocabatur largè una familia: vocabantur centuriones, & isti ministrabant qualibet hebdomada, mense quolibet in turma sua. Præfecti autem vocantur quidam principes magni in qualibet turma, qui subiciebantur immediatè ipsis primis principibus turmarum, ut patet in litera. Nam aliqui regebant exercitum in singulis turmis loco ipsorum principum turmarum: & isti erant maiores, quæ tribuni, & centuriones. Et vocantur præfecti, quia loco primorum principum præficebantur. Alias autem non poterat dici quasi fieret prius, scilicet, quod principes familiarum sint principes tribuum, & præfecti sint principes turmarum, & tribuni, & centuriones sint principes thesaurorum. Sic colligitur præcedenti cap. cum dicitur: Conuocauit David principes tribuum, & præpositos turmarum, tribunos quoque, & centuriones, qui præerant substantiæ, & possessionibus regis. Si autem accipiat secundum modo, dicitur quod tribuni, & centuriones erant aliqui principes belli constituti super aliquos bellatores, & erant sub principibus turmarum, quia illi erant maiores principes. Et ad hoc, quod esset tanta multitudo ordinata, scilicet, vigintiquatuor millium, oportebat, quod non subicerentur omnes uni immediatè, sed quod haberet multos principes subordinatos, & quilibet principi subicerentur pauci immediatè, & ad hoc fierent decani, quinquagenarii, centuriones, & tribuni, qui subordinatè præessent isti multitudini, scilicet, quilibet decanus decem viris, & quilibet quinquagenarius quinque decanis, & quilibet centurio decem decanis. Et deinde princeps totius turme præesset vigintiquatuor tribunis. Et per istum modum esset ordinata tota multitudo in qualibet turma.

Quare princeps principum erat de familia Phares.
Quest. VIII.

QUÆRITUR vterius, quomodo dicitur de principe primæ turme, quod ille erat princeps principum, & erat de familia Phares, scilicet, quod ex hoc, quod erat de familia Phares esset princeps omnium principum aliarum turmarum. Aliquis dicet, quod ista familia Phares erat dignior inter alias familias tribus Iudæ. Nam generantur in tribu ista, familiarum Selaitarum, Zaitarum, Hefronitarum, Hamulitarum, Pharesitarum: Num. 26. Et de familia Phares erat David, quia descendebat directè de progenie eius, ut patet Ruth. 4. & Math. 1. Et ob hoc fecit David principem, qui erat de turma Phares, quod esset dignior alijs. Ita quod præficeret ceteris principibus. Sed dicendum, quod hoc non stat, quia de familia Phares non fuit vnicus princeps turme, sed principes turmarum multarum. Quod patet, quia omnes iste turme, & principes earum erant de tribu Iudæ, præter quatuor. I. præter principem tertiarum, Alph. Tost. In Lib. I. Paralip.

& septimæ, & nonæ, & vndecimæ: de tribu Ephraim princeps nonæ: de stirpe Benjamin ceteri: octo principes de tribu Iudæ, ut declaratum est supra in quadam questione. Cum ergo essent solum quinque familie in tribu Iudæ: Num. 26. & octo principes turmarum, & familia Phares esset præcipua inter alias familias tribus Iudæ, fierent saltè duo principes de illa. Ideo si per esse de familia Phares cõpeteret vni eorum esse principem omnium principum, cõpeteret et alteri. Sed adhuc poterit dici, quod fortè non erant duo principes de illa familia, sed vnus, quia non apparèt, quod essent de illa duo principes. Iam vnus princeps de illa posset habere istam dignitatē, quod præesset omnibus. Sed dicendum, quod de ista familia Phares erant saltè duo principes. Nam princeps primæ turme erat de familia Phares, ut patet in litera, princeps et quartæ familie erat et de eadem turma. Nam erat Asahel frater Ioab, & tamen ille de familia Phares erat, quia Ioab, & Asahel erant filij Saruie sororis Dauid, ut patet supra 2. Et Dauid erat de familia Phares, ut patet Ruth 4. & Math. 1. ergo et Asahel princeps quartæ turme erat de familia Phares. Et ille non erat princeps omnium principum. Dicendum, quod verū est, quod familia Phares erat honorabilior ceteris familijs de tribu Iudæ, cum esset Dauid de illa, & tamen non per hoc solum princeps primæ turme erat princeps omnium principum, sed quia erat princeps primæ turme. Nam aliquis de istis principibus præficiendus erat omnibus principibus turmarum. Et hoc debuit conuenire honorabiliori principi. Et iste fuit princeps primæ familie: cum illa habeat excellentiam primitatis inter alias: ideo ille præfectus est ceteris, & ad hoc aliquid adiuuit, quod esset de progenie Phares, quia fortè non fuisset data ista præeminentia alicui principi de alijs familijs, & tamen non fuit sola causa præeminentiæ istius, quia erat de stirpe Phares, ut dictum est.

Quare subiecit David principes omnium turmarum sub principe primæ turme. Quest. IX.

QUÆRITUR vterius, quare David voluit subicere principes omnium turmarum principi primæ turme.

Respondendum est, quod David voluit habere principatum optimum. Est autem principatum optimum Monarchia, scilicet, quando omnes subordinantur vni, ut ait Aristot. 12. Metaph. Et ita voluit David facere in istis turmis. Minimè enim principatus erat decanatus, & præerat quilibet decanus decem viris, & super decanos erant quinquagenarii, & quilibet præerat quinque decanis: & super quinquagenarios erant centuriones, & quilibet centurio præerat duobus quinquagenarijs: super centuriones erant tribuni, & quilibet tribunus præerat decem centurionibus: super tribunos erat princeps turme, & præerat quilibet vigintiquatuor centurionibus, eo quod in qualibet turma erant vigintiquatuor millia virorum, ut patet in litera. Erant isti duodecim principes turmarum, & non subiciebantur alicui immediatè: ideo fecit David, quod subicerentur vni. Et sicut subijciendi erant alicui alteri, qui non esset de ipsis, ita subicerentur, & melius vni ipsorum: ideo subiecit David omnes illos principi primæ turme, & non fuit ille subiectus alicui immediatè nisi David. Sic enim fuit de ordinatione Levitarum. Nam erant tres familie Levitarum, Caathitarum, scilicet, Meraritarum, & Gersonitarum, & quilibet earum habuit vnum principem de ipsamet familia: deinde due familie Meraritarum, & Gersonitarum, subiectæ fuerunt cum principibus suis ipsi Ithamar Sacerdoti filio Aaron, Rr Et

Et familia Caathitarum subiecta fuit ipsi Eleazaro filio Aaron. Et postea omnes tres familiae simul, & omnis princeps earum, & Ithamar princeps duarum familiarum simul, subiecti fuerunt Eleazaro filio Aaron; de his omnibus patet Numeri 3. & 4.

De quibusdam verbis hic dictis, scilicet, quod Macelloth regebat quandam partem exercitus. Quæst. X.

QUÆRITUR ulterius quomodo dicitur hic, quod in secunda turma Macelloth regebat quandam partem exercitus, cum totus exercitus illius turmae subditus esset principi turmae. Aliquis dicet, quod istud ponitur, quia in secunda turma non solum erat ille, qui erat princeps primus, sed etiam alius princeps subordinatus sibi, ideo expressum est de eo, quod regebat quandam partem exercitus. Sed dicendum, quod hoc non stat, quia non erat speciale hoc in ista turma, quia in omnibus alijs erant aliqui principes subordinati: Etiam non erat speciale, quantum ad istam turmam in isto Macelloth, qui regebat quandam partem exercitus, eo quod multi alij principes subordinati erant in ipsa turma. Nam erant ibi vigintiquatuor tribuni, & ducenti quadraginta centuriones, & quadringenti, & octoginta quinquagenarii, & plurimi decani, scilicet, quatuor millia, & quadringenti, eo quod dividebatur quaelibet turma per principes istos sibi subordinatos, sicut declaratum est precedenti questione. Etiam quia dicitur in litera, quod hic erant principes familiarum, & tribuni, & centuriones, & praefecti, qui ministrabant David per menses. Distinguendo tamen turmam quamlibet per centuriones, & tribunos, necesse erat multos esse in qualibet: Ideo non erat speciale, quia iste Macelloth regebat quandam partem exercitus in secunda turma, quia multi alij regebant partem exercitus in ista turma, & in alijs. Sed ponitur istud, quia iste Macelloth erat plusquam tribunus. Nam manifestum erat, quod in qualibet turma erant multi decani, quinquagenarii, & centuriones, & tribuni: ideo de istis non oportebat, quod exprimerentur nomina. Et tamen, quia non erant regulariter aliqui principes maiores, quam tribuni, si aliqui interdum essent in aliqua istarum turmarum, conveniens erat nominari illos. Iste autem Macelloth erat in secunda turma, & non erat princeps ipsius, nec etiam erat tribunus solum, sed forte habebat in potestate sua quatuor millia, vel quinque millia virorum. Ideo conveniens fuit, ut diceretur de eo, quod regebat quandam partem exercitus. Sciendum autem, quod fere in omnibus turmis erat istud, quod ipsi principes turmarum haberent sub se aliquos, qui regerent exercitum, & tamen illi erant dupliciter, quia interdum committebatur eis solum quaedam pars exercitus, & sic fuit de isto Macelloth, qui in secunda turma erat sub ipso principe turmae, & regebat quandam partem exercitus. Interdum autem aliquis erat sub ipso principe turmae, & regebat loco eius totam turmam, quia committebant illud sibi principes turmae, forte ad releuationem laboris sui, vel ut illo occupato ipse regeret turmam, & sic est hic de multis. Nam Amizadab filius Banaiæ præerat turmae eius loco ipsius, & sic de alijs, ut patet in litera, & tamen propter hoc non erant multi principes aequales in eadem turma, quia aliqui erant principes iure suo. Alij vero ex commissione principum maiorum.

De stirpe Iemini. Quæst. XI.

QUÆRITUR ulterius, quæ stirps erat ista, de qua dicitur in litera, quod princeps nonus erat de stirpe Iemini. Aliqui legunt Gemini, & putant,

quod Gemini sit nomen appellativum, & vocetur homo Geminus, qui habet vires duplicatas, vel geminatas, & ita iste princeps nonus erat de stirpe alicuius viri fortissimi. Ideo vocatur de stirpe Gemini, vel forte vocatur Geminus, id est, utraque manu utens. Sic enim aliqui viri sunt Gemini, id est, ambidextri. Et hoc efficit virum fortissimum, quia est nimis aptus ad bella, sicut duo viri. Sic enim ait Aristoteles secundo Politicorum in fine, recitando legem politicae Platonicae, quod conari debent viri in politica fieri ambidextri per exercitationem: Sed istud non stat, quia in multis locis ponitur ista progenies. Sic enim patet Iudicum 3. De vno iudice, de quo dicitur, quod erat de stirpe Gemini. Sic etiam Esther 1. dicitur de Mardocho, quod erat de stirpe Gemini, & 3. Regum 2. dicitur de Semei, quod erat de stirpe Gemini. Oportet ergo, quod accipiat ut nomen proprium alicuius viri, quia alias non poneretur in tot locis de diversis viris, quod erant de stirpe Gemini: quia non contingeret tot esse de patribus ambidextris. Ite dato, quod contingeret istud, scriptura non poneret talem connotationem progeniei: quia per hoc non significatur distincte aliqua progenies, cum a casu sit istud, vel illum fieri ambidextrum, aut esse robustum. Item patet, quia istud procedit ex errore aliquorum Latinorum, qui putant, istud nomen esse adiectivum, & appellativum, & tamen falsum est, quia Hieron. non posuit eum hic, tanquam genitivum huius nominis Geminus, sed tanquam nomen proprium Hebraicum, quia in Hebraeo habetur Iemini, sed quia idioma Latinum non suscipit tale prolationem posuit Hieron. Gemini pro Iemini. Et sic oportet dici, quod sit nomen proprium. Et dicendum est, quod sit nomen Benjamin, quia Benjamin vocatus est a patre suo Benjamin, id est, filius dextrae, cum vocatus fuisset a matre sua Benoni, id est, filius doloris mei, Genes. 35. Et aliquando tollitur quaedam pars istius nominis, scilicet, ben, quod significat filium, & vocatur lamen, siue Iemini, quod interpretatur dextra, siue dextra eius. Et quia hoc comperit ipsi Benjamin, vocatur ipse Iemini, & sic in multis locis accipitur Benjamin, & Iemini, siue Gemini pro eodem, & ita accipitur hic.

Quare de filiis Benjamin, & Ephraim constituit David principes turmarum. Quæst. XII.

QUÆRITUR ulterius quomodo David constituebat aliquos in principes turmarum de filiis Benjamin, & Ephraim, quia isti erant hostes sui. Nam David quando habuit istam ordinationem, erat rex solum super Iudam, & Isboseth filius Saulis erat rex super undecim tribus, & erat quotidiana pugna inter utrumque regem, 2. Regum 2. & 3. Oportebat ergo, quod filij Ephraim, & Benjamin, qui erant de subditis Isboseth essent hostes David. Respondendum, quod David constituit istos in principes, quia non dubitabat de fide eorum. Etiam ut honoribus colatis inuiteret animos eorum ad se diligendum. Pro quo sciendum, quod quando David erat profugus a facie Saulis per desertum terrae Iuda, & per alia regna terrae Israel, multi de Israelitis videntes, quod soueret iustam causam, & Saul inique persequeretur eum, et quod Deus in omnibus adiuuaret eum, veniebant ad ipsum, & non solum de tribu Iuda, de qua ipse David erat, sed etiam de alijs tribubus, scilicet de Benjamin, & Ephraim, & Manasse, & Gad: & fere de omnibus tribubus, ut patet supra 12. Et aliquando David dubitabat de fide istorum venientium ad ipsum, & hortabatur eos quasi corripiendo, ut declararent qua intentione veniebant ad ipsum, an ut nocerent, vel ut prodesse. Sic patet eodem capitulo, cum venerunt multi de Benjamin ad David, & ipse occurrens eis, ait: Si pacifice venistis ad me,

ut auxiliemini mihi, cor meum iungatur vobis: si autem in insidiis mihi pro aduersariis meis, cum ego iniquitatem in manibus non habeam, videat Deus patrum nostrorum, & iudicet. Et tunc Abisai princeps illorum, qui veniebant ad Dauid, ait: tui sumus, o Dauid, & tecum fili Isai, pax tibi, & pax adiutoribus tuis. Cum autem Dauid susceperet istos iam confidebat de fide illorum, ideo non dubitabat constituere eos principes. Sic enim dicitur ibidem postquam Abisai dixit, pax tibi, quod suscepit illos Dauid, & constituit principes turmarum, ita postea cum Dauid factus esset rex super Iudam, manebat cum eo isti viri, qui ad eum confugerant, quando fugiebat a facie Saulis, ideo constituit eos principes turmarum, quia iam non dubitabat de fide illorum, cum in multis bellis expertus fuisset eorum fidelitatem, unde non solum constituit eos principes turmarum, sed etiam custodes corporis sui: nam isti principes erant praesentes regi semper, quilibet cum turma sua vno mense.

Porro tribubus praerant in Israel Rubenitis, dux Eliezer filius Zechri: Simeonitis, dux Saphathias filius Maacha: Leuitis, Asabias filius Camuel: Aaronitis, Sadoc, Iuda, Eliu, frater Dauid, Issachar, Amri filius Michael. Zabulonitis Iesmaias filius Abdia, Nephtalitibus, Ierimoth filius Ozrihel: filijs Ephraim, Osee filius Ozaziu: dimidia tribui Manasse, Ioel filius Phadaia, & dimidia tribui Manasse in Galaad, Iaddo filius Zachariae: Benjamin autem Iasiel filius Abner, Dan vero Ezrihel filius Ierohan. Hi principes filiorum Israel. Noluit autem Dauid numerare eos a viginti annis inferius, quia dixerat Dominus, ut multiplicaret Israel quasi stellas caeli. Ioab filius Saruiae coeperat numerare, nec compleuit, quia super hoc ira Dei irruerat in Israel, & iccirco numerus eorum, qui fuerant recensiti, non est relatus in fastos regis Dauid.

Porro tribubus. Hic ponitur secundum huius cap. de principibus popularium, & dicitur.

Porro tribubus Israel praerant. Scilicet, suprapositi fuerunt principes turmarum, qui praerant exercitui, hic ponuntur principes tribuum, & dicitur, quod tribubus Israel praerant isti, qui sequuntur.

Rubenitis dux Eliezer, filius Zechri: Simeonitis dux Saphathias filius Maacha. Ista erat prima tribus secundum ordinem natiuitatis, & ponitur hic prima. Raro tamen seruatur iste ordo: nam hic omnino seruabatur ordo natiuitatis: in alijs autem locis interdum non seruabatur ordo natiuitatis. Sicut ponantur digniores ante reliquos. Sicut Iudas, Ephraim, Benjamin, & sic de alijs, quia non essent priores natiuitate. Interdum autem obseruatur ordo vexillorum. Sicut ponantur similes, qui erant sub vno vexillo. Sicut tres principes. Et deinde alij tres, qui erant sub alio vexillo. Et tamen non erat iste ordo natiuitatis, nec etiam ordo dignitatis, ut patet in ordinatione vexillorum, quae habetur Num. 2. Et secundum istum ordinem obtulerunt principes oblationes suas per dies duodecim.

Alph. Tost. in Lib. I. Paralip.

Leuitis Asabias filius Camuel. Non accipiuntur hic Leuitae pro tota tribu Leui, sed ut Leuita signat officium. Nam distinguuntur hic Leuitae a Sacerdotibus: & tamen Leuitae, & Sacerdotes de eadem tribu erant. Sicut de Leui. Pro quo sciendum, quod Leui habuit tres filios. Sicut Caath, Gerson, Merari: & ab istis nominatae sunt tres familiae. Sicut Caathitarum, Meraritarum, Gersonitarum. familia Caathitarum fuit diuisa in quatuor familias minores, quia Caath habuit quatuor filios. Sicut Amram, Issachar, Hebron, Oziel: Amram genuit Moysen, & Aaron, & ab Aaron descenderunt Sacerdotes, qui vocantur Aaronitae: a Moysen autem descenderunt Leuitae simplices, sicut dicitur supra vigesimo tertio, Sicut Moysi hominis Dei filij computati sunt in tribu Leui, id est, non habuerunt aliam dignitatem, nisi quod computati fuerunt inter Leuitas. Et ista nulla dignitas erat, quia cuilibet Leuitae hoc conueniebat. Pars ergo familiae Amramitarum, & aliae tres familiae Caathitarum. Sicut Issacharitarum, Hebronitarum, & Ozielitarum, & duae familiae principales Leuitarum. Sicut Meraritae, & Gersonitae, pertinebant simul ad Leuitas simplices. Sola autem particula quaedam familiae Caathitarum. Sicut filij Aaron, pertinebant ad Sacerdotes, & hic ponuntur Leuitae pro Leuitis simplicibus. Quod patet, quia distinguuntur ab Aaronitis, ut habetur in litera. De isto Asabia principe Leuitarum infra in litera dicitur, quis erat.

Aaronitis Sadoc. Id est, Sacerdotibus praerat Sadoc, vocantur Sacerdotes Aaronites, eo quod omnes erant de filijs Aaron, & Deus iusserat, quod nemo auderet accedere ad ministrandum in officio Sacerdotali nisi filij Aaron, alioquin occideretur: Numeri tertio, & decimo sexto, & decimo octauo. Iste Sadoc, qui erat princeps Aaronitarum, erat summus Sacerdos, & est ille, qui ponitur princeps in familia Eleazar, ut patet supra vigesimo quarto.

Iuda, Eliu, frater Dauid. Id est, princeps tribus Iuda erat Eliu, frater Dauid. Est autem iste Eliu primus frater Dauid, qui vocatur Eliab primo Regum vigesimo sexto, & supra secundo. Iste erat magnus statura, & pulcher. Ideo quando praesentauit eum Abisai pater suus Samueli, ut vngeret eum in regem: considerans Samuel staturam, & pulchritudinem eius, putauit, quod ille erat, quem Deus volebat vngi in Regem, & dixit: Nunc coram Domino est Christus eius. Et Dominus dixit ad Samuelem. Non respicias vultum eius, nec altitudinem staturae eius, quia abieci eum. Et vocatur iste Eliu, Elial. Sed aliquando mutatur litera, vel syllaba in nominibus Hebraicis, sicut sepe dictum est. Issacharitis, Amri filius Michael. Iste Amri non est ille, de quo habetur 3. Regum 16. Ille fuit rex Israel, & fuit pater Achab regis pessimi, & fuit multo tempore post istum Amri, quia iste Amri fuit tempore Dauid, quia erat tunc princeps vnius tribus. Ille autem fuit multo tempore post. Sicut quando regnabat Aia super Iudam, ut patet 3. Regum 15.

Nephtalitibus Ierimoth filius Ozrihel, filijs Ephraim, Osee filius Ozaziu. Id est, viris de tribu Nephtalim praerat Ierimoth. Aliquando est Ierimoth nomen viri, & aliquando nomen viridis, hic autem accipitur pro viro, & etiam supra 25. quamquam non est idem Ierimoth iste, de quo habetur hic, & ille, de quo ibi. Aliquando accipitur pro vrbe, sic patet Iosue 12. Nam vnus de illis quinque regibus, quos occidit Iosue latentes in spelunca, fuit rex viridis Ierimoth, ut patet ibidem.

Dimidia tribus Manasse. In qualibet aliarum tribuum ponitur vnus princeps praeterquam in tribu Manasse, & in tribu Leui. Nam tribus Manasse erat diuisa in duas partes, quia medietas eius habitabat ultra Iordanem in terra Galaad, & alia medietas citra Iordanem. Et in

qualibet istorum medietatum erat vnus princeps, sic etiam erat in tribu Levi, quia erat diuisa illa tribus per Leuitas, & Aaronitas, vt patet supra in litera. *Ioel filius Phadaia*. Non est iste Ioel ille, qui ponitur in ordine secundus Prophetarum minorum, quia ille fuit multo tempore post istum: iste fuit tempore Dauid regis, & ille fuit tempore Ozia, quando etiam fuit Propheta Ozia, vt patet in quodam prologo Hieronymi super Ioel. Etiam iste Ioel erat filius Phadaia, & ille erat filius Phatuel, vt patet Ioelis 1. Et iste Ioel erat princeps dimidia tribus, quae habitabat trans Iordanem. *Dimidia tribus Manasse in Galaad, & Iaddo filius Zachariae*. Ista dimidia tribus habitabat in Galaad ultra Iordanem ad Orientem, & habebat alium principem, scilicet, Iaddo filium Zachariae. Et habitabat ista dimidia tribus Manasse in Galaad, id est, in medietate terrae Galaad. Nam Galaad est nomen montis, qui sic nominatus est a Iacob, cuius causa posita est praecedens cap. & habetur Genesis 31. Et terra tota circumstans montem istum vocabatur terra Galaad, & erat diuisa in duas medietates, quarum vna data est filiis Ruben, & Gad. Alia vero data est dimidia tribui Manasse, vt patet Deuteronomio 3. *Beniamin autem Isihel filius Abner*. In tribu Beniamin praerat Isihel filius Abner. Aliqui putant, quod iste Abner erat ille, qui erat princeps militiae Isoboth, 2. Regum 2. & 3. Et prius fuerat princeps militiae Saulis, 1. Regum 14. & 26. Sed istud non satis videtur stare, quia Abner erat hostis Dauid. Nam cum ipse esset princeps exercitus Isoboth pugnabat contra viros Dauid, & ipse fuit qui occidit Asahel fratrem Ioab filium sororis Dauid, 2. Regum 2. Et erat ille Asahel vnus de principibus turmarum, scilicet, quartus, vt patet supra in litera. Ideo non videtur, quod filius Abner esset princeps tribus Beniamin tempore Dauid. Sed dicendum, quod hoc non multum obstat, quia si isti principes tribuum essent per constitutionem, & voluntatem Dauid, esset hoc verisimile: & si isti essent per progeniem, vt declarabitur infra in quadam questione: ideo licet esset hostis Dauid, poterat esse princeps in tribu Beniamin, non tamen constat adhuc, an esset ille Abner, vel aliquis alius, quia manifestum est, quod multi vocantur eodem nomine propter paucitatem nominum, & multitudinem virorum. *Dan vero Azriel filius Ieroan*. Id est, princeps tribus Dan erat Azriel. Et iste vocatur in Hebraeo Ozziel: facilis enim mutatio est vnus in alterum. Hic enim non obseruatur ordo in istis tribus quantum ad natiuitatem, licet obseruetur a principio, quia Dan non fuit vltimus in ordine natiuitatis inter filios Iacob, sed ipse Beniamin, vt patet Gen. 29. & 30. & 35. *Hi principes filiorum Israel*. Scilicet, isti nominati erant principes tribuum duodecim filiorum Israel. *Noluit autem Dauid numerare eos a viginti annis inferius*. Istud intelligitur de subditis istorum principum, vel principum turmarum, quos noluit Dauid numerare a viginti annis, & inferius, sed numerauit supra viginti annos. *Quia dixerat Dominus, vt multiplicaret Israel quasi stellas caeli*. Id est, Noluit numerare constitutos intra viginti annos, eo quod erant multi, sicut stellas caeli. Nam Deus dixerat, quod multiplicaret eos, sicut stellas caeli. In Hebraeo habetur: Non recepit numerum eorum a viginti annis, & infra. Vbi littera nostra dicit noluit numerare eos, &c. Et idem est. *Ioab filius Saruia ceperat numerare*. Istud fuit alio tempore, scilicet, in fine regni Dauid super Israel circa mortem suam: nam tunc iussit numerari totum populum, vt patet 2. Regum 24. & supra 21. *Nec completuit*. Scilicet, Non compleuit numerationem in omnibus tribubus, scilicet, licet ipse incepisset computare a viginti annis, & supra. *Quia super hoc ira Dei irruerat in Israel*. Scilicet, Ioab, qui incepserat numera-

tionem populi, non compleuit illam, quia plaga Domini incepit, antequam finiretur numeratio. Et ob hoc dimisit numerationem in completam. Et ideo numerus eorum, qui fuerant recensiti, non est relatus in fastis regis Dauid. Scilicet, Quia irruerat ira Dei super Israel, non fuerunt scripti in libro Dauid omnes, qui numerati fuerant. Et vocantur fasti, libri de fastis, & scribebantur ibi gesta regni, & numerus militum, & in illo libro poni debebat summa numeratorum, & tamen non fuerunt omnes ibi scripti. Aliquando vocantur fasti, quasi festi, scilicet, libri de festis: & sic vocatur liber fastorum Ouidij, in quo ipse scripsit de omnibus festis, quae erant apud Romanos, discurrendo per singulos menses, sicut fit in Calendarijs nostris, & illorum festorum ponit caeremonias, & causas, & stellas, quae illis diebus oriuntur ortu eliaci. De istis autem dicetur magis infra in questionibus.

De ordine duodecim principum. Quae. XIII.

QVAERITUR circa istos principes duodecim tribuum, quomodo se habeant, vel qualiter constituebantur. Et dici potest dupliciter, vno modo quod isti principes praerant duodecim tribubus, & constituebantur a Dauid. Et sic accipiebat ille quos volebat, vt essent principes. Alio modo potest intelligi, quod fieret istud per derivationem progeniei, scilicet, quod ille, qui descenderet semper de progenie principis, esset princeps, & ad hoc considerabatur quis erat ille, qui descendebat a capite tribus semper per lineam primogenitorum, & ille erat princeps illius tribus, & iste semper erat vnus. Nam sicut impossibile est eiusdem vini esse multos primogenitos, ita impossibile est in eadem tribu esse multos, qui descenderent semper per lineam primogenitorum, & ipsi essent primogeniti, sed vnus dabitur, & ille erit primogenitus respectu totius tribus. Nunc aliqui dicunt, quod necesse est istos principes tribuum habere se secundo modo, scilicet per progeniem, quia si essent primo modo, scilicet per constitutionem, & voluntatem Dauid, non differrent isti a principibus turmarum duodecim. Et tamen differunt, quia supra ponuntur principes duodecim tribuum. Sed dicendum, quod hoc non obstat, quia quamquam essent vtrique principes constituti per voluntatem Dauid, & non per progeniem, tamen differrent, quia principes turmarum non erant principes tribuum, sed erant constituti super aliquas partes exercitus, vt custodirent corpus Dauid per menses, & essent parati ad bellum. Principes autem tribuum praerant ipsis tribubus totaliter, scilicet, quilibet princeps vni tribui, & non erat hoc quantum ad ordinationem bellicam, nec ad aliquam illustrationem faciendam, sed totum, vt daretur ordo maioritatis, & minoritatis in ipsis tribubus, & esset aliquis, qui posset conuenire totam tribum, & iubere alia conuenientia multitudinis tribus, quod non fieret, nisi aliquis praestaret ipsi tribui. Sed dicendum, quod adhuc isto non obstante isti principes non constituebantur per voluntatem Dauid, sed erant illi principes, quibus istud compete-
Itebat ex progenie. Et patet hoc in multis. Nam in tribu Iuda erat princeps Eliu frater Dauid. Et manifestum est, quod isti compete-
Kbat ex progenie, eo quod familia Phares erat prima inter omnes familias tribus Iuda, & Phares fuit primus filius eius ex Thamar nuru sua, & post eum exiit Zaram: unde vocatus est ille Phares, id est, rumpens, vel diuidens, quia propter eum diuisa est maceria, Genes. 38. Et quamquam Sela filius Iuda natus fuerit ante Phares, tamen quia erat de alia vxore, respectu cuius erat vltimus inter tres fratres, & Phares

res fuit primus respectu matris sue, computatus est ipse in primogenitum. Alia etiam causa fuit, & precipua. scilicet quia Thamar, ex qua Iudas genuit Phares, & Zaram fuit vxor Her primogeniti Iude, qui mortuus est absque liberis, & suscepit illam etiam frater suos ad suscitandum semen priori fratri, & etiam mortuus est sine liberis, & Sela tertius filius Iude suscepturus erat eam, ad suscitandum semen fratri suo, & tñ Iudas timens ne ille moreretur, sicut alij duo non ausus est dare eum illi in virum: si tñ dedisset, & genuisset aliquos filios: primogenitus eius non computaretur filius Sela, sed filius Her primogeniti Iude cuius semen suscitaturus erat Sela. Quia ista erat regula in suscitatione seminis, vt patet Deut. 25. Postea autem per errorem Iudas cognouit Thamar nurum suam, & genuit ex ea Phares, & Zaram, & isti reputati fuerunt quasi filij Her primogeniti sui cū acciperet vxorem eius. Et tñ si Phares, & Zaram fuissent filij Her primogeniti Iude semper descenderet princeps tribus Iuda per familiam Phares, quia iste descendebat directè per lineam primogenitorum per ipsum Phares. De stirpe autem ista descendebat Dauid, vt patet Ruth 4. & Matth. 1. & tñ inter filios Isai non erat Dauid primogenitus, sed vltimus: Ideo non competebat ei esse principem tribus, sed fratri suo Eliu, siue Eliab, quia ille erat primogenitus Isai, vt patet primo Re. 16. & supra. Et sic etiam fuit de Sadoc, qui erat princeps inter Aaronitas. Ita ergo credendum est de omnibus aliis principibus, quod essent per derivationem progeniei, & non per aliquam constitutionem Dauid. Ponuntur hic nomina istorum principum, quia contingit regnante Dauid istos esse principes in tribubus, & tamen an fuerint principes quando regnabat Dauid super Iudam, vel quando super Israel, vel utroque tempore non apparet.

Quare fuerunt positi duo principes in tribu Levi.

Quæst. XIII.

QUÆRITUR vltius quare cum tribus Levi fuit vnica, positi fuerunt hic duo principes.

Respondendum est, quod Scriptura posuit hic principes omnium tribuum. In tribu autem Levi sic erat, scilicet, quod licet esset vna tribus secundum veritatem, quia omnes descendebant ab eodem capite, scilicet, a Levi. scilicet Levi, siue Aaronitæ, tñ erant tanquam duæ tribus, eo quod omnino habebant officia distincta, & non poterant habere aliquem vnum principem immediatum. Nam Leviæ habebant officia minoris: Aaronitæ autem habebant officia Sacerdotalia. Et non licebat Leviis accedere ad officia Aaronitarum, alioquin morerentur, vt patet Nume. 3. & 16. & 18. Ideo positi fuerunt principes diuersi in istis familijs. Nam in familia Leuitarum fuit Asabias: in familia autem Aaronitarum Sadoc. Quid autem contineatur nomine Leuitarum, & quid nomine Aaronitarum, declaratum est supra in litera, quia Leviæ habent omnes familias tribus Levi præter quandam particulam familiæ Caathitarum, quæ pertinebat ad Aaronitæ, & tñ hoc non obstante, omnes Leviæ erant subiecti Sacerdotibus. Nam erant tres familiæ Leuitarum, & duæ illarum. scilicet Meraritarum, & Gersonitarum, erant subditi Ithamar filio Aaron, & tertia familia. scilicet Caathitarum erat subdita Elezaro filio Aaron: Nu. 3. & 4. Et postea omnes isti erant subiecti tam Leviæ quam Sacerdotibus ipsi Aaron summo Sacerdoti, vt colligitur Nam. 3. Hic tñ ponuntur solum principes distincti, qui erant vltimi in istis duabus familijs. Et non ponitur subordinatio inter ipsos.

A De Asabia, qui erat princeps Leuitarum. *Quæst. XV.*

QUÆRITUR vltius, quis erat iste Asabias, de quo dicitur hic, quod erat princeps Leuitarum.

Dicendum, quod erat ille, de quo dicitur præcedenti cap. quod erat princeps Hebronitarum, & conuenit sibi, quia erat de familia Caathitarum, eo quod erat de Hebronitis, & Hebronitæ erant filij Caath, quia Caath habuit quatuor filios, scilicet, Amram, Hebron, Isaar, & Oziel. De familia autem Caathitarum erat princeps Aaronitarum, quia ista familia erat dignior ceteris familijs Leuitarum, & erat de Amramitis. Asabias autem erat de principibus Leuitarum, & erat de Hebronitis, qui erant etiam de stirpe Caath, & post Amramitis principatus pertinebat ad Hebronitas, & propter hoc iste Asabias ponitur tamquam princeps maior præpositorum, de quibus habetur præcedenti cap.

Quomodo Asabias erat princeps omnium Leuitarum.

Quæst. XVI.

QUÆRITUR vltius quomodo ponitur hic Asabias tamquam princeps omnium Leuitarum præter Aaronitas. Nam non subiciebantur Leviæ vni principi inter ipsos, cui subijciantur omnes vltimate, sed diuersos principes habent. Quod patet, quia Nume. tertio ponuntur tres familiæ Leuitarum. scilicet Caathitarum, Meraritarum, Gersonitarum, & in qualibet earum erat vnus princeps de ipsa familia. Nam familia Caathitarum habebat Eliapham in principem. Gersonitæ habebant Eliasaph, Meraritæ habebant Abiahel, & non subiciebantur isti postea alicui principi Leviæ, sed subiciebantur Sacerdotibus. Nam duæ familiæ istarum, scilicet, Gerson, & Merari erant subdite ipsi Ithamar filio Aaron. Familia autem Caathitarum erat subdita Elezaro filio Aaron, vt patet Numeri tertio, & quarto. Ideo non ponebatur aliquis Leviæ princeps super omnes Leuitas.

D Respondendum est, quod omnes Leviæ ordinabantur dupliciter: vno modo in quantum erant ministri Dei: alio modo in quantum erant quidam populus. Primo modo erat ordinatio supraposita, scilicet, quod subicerentur tres familiæ tribus principibus Leuitarum, & illi tres non subicerentur alicui vni, sed subicerentur Sacerdotibus. Accipiendo secundo modo erat vnus princeps Leuitarum super omnes Leuitas: quia alijs non facerent Leviæ vnus populum distinctum contra Aaronitas, quia populus non est vnus, nisi habeat vnum principem saltem vltimum, & ad hoc cum Leviæ, & Aaronitæ facerent duos populos, oportebat quod quilibet istorum populorum haberet vnum principem vltimum, & sic positus est Asabias. Et dicendum, quod quantum ad istum modum non fuit subiectus cæteris Leuitarum Sacerdotibus, sicut supra dicebatur, scilicet, duæ familiæ vni filio Aaron, & alia familia alteri, quia cum Aaronitæ, & Leviæ iudicarentur duo populi, oportebat, quod haberent principes desperatos. quia si esset princeps vnus populi subditus principi alterius, non essent iam duo populi, sed vnus. Hic autem ponuntur Leviæ, & Aaronitæ: non in quantum sunt ministri Dei, sed in quantum sunt duo populi. Ideo ponitur Asabias tamquam princeps Leuitarum.

De Sadoc, qui erat princeps Aaronitarum.
Quaest. XVII.

QVAERITVR vltcrius quomodo dicitur hic de Sadoc, q̄ erat princeps Aaronitarū, & quomodo nō cōpetebat hoc ipsi Achimelec, quia ē ille erat princeps sacerdotū, vt patet supra 24. Respondendum est, q̄ isti principes, qui ponuntur hic sunt per progeniem, s. quia descendunt per lineam primogenitorum. Habuit aut̄ Aaron quatuor filios, s. Nadab, Abiu, Eleazar, & Ithamar, duo autē primi occisi sunt a Domino, cum offerrent ignem alienum die prima ministrationis suae in sacerdotio, supra 24. & Leuit. 10. & Numeri 3. Manserunt autē duo, scilicet, Eleazar, & Ithamar, qui sacerdotio functi sunt corā Aaron, vt patet ibidem, & istorum erat primogenitus Eleazar, vnde & ipse factus est summus sacerdos moriente Aaron, Num. 20. Ideo per lineam illius, quē erat per lineam primogenitorum descendere debebant principes sacerdotum. Sadoc autem erat de domo Eleazar, & Achimelec erat de domo Ithamar, vt patet supra 24. Ideo ad Sadoc pertinebat esse principem Aaronitarum, & non ad Achimelec, licet esset princeps sacerdotum.

Quare hic ponitur vnicus princeps Aaronitarum.
Quaest. XVIII.

QVAERITVR vltcrius, quomodo scriptura posuit hic vnicum principem Aaronitarū, cum essent duo. Nam duae erant domus sacerdotum, s. vna Eleazar, & alia Ithamar, & habebant duos principes, s. Sadoc de domo Eleazar, & Achimelec de domo Ithamar, ideo debebant poni isti duo in principes, & non vnus eorum. Dicendum est, q̄ considerantur sacerdotes dupliciter. Vno modo inquantum sunt ministri Dei. Alio modo inquantum sunt quidam populus. Primo modo sacerdotes habebant duas domos, s. Eleazar, & Ithamar, quae distincte erant per ministeria sua, & in vna parte earum erant decem, & sex familiae, & in alia erant octo. Et istae familiae seruebant per vices suas, & quaelibet domus istarum habebat vnum principem in isto diuino cultu, & postea subiectae erant ambae domus illi, qui erat summus sacerdos. Nam vno tempore gerebat summum sacerdotium Sadoc, & alio tempore Achimelec, & in illo tempore, quo erat vnus eorum summus sacerdos, erant ei subiectae ambae domus quantum ad ministerium diuinum, vt declaratum est supra 24. in quadam quaestione. Accipiendo secundo modo, prout Aaronitae erant vnus populus non erant duo principes duarum domorum, sed vnus, quia vnitas populi non permittit pluralitatem principum. Debebat ergo aliquis istorum duorum, s. Sadoc, vel Achimelec esse summus sacerdos, & princeps, nec filius eius Achimelec, eo q̄ Sadoc erat de stirpe Ithamar. Et tamen Ithamar non erat de stirpe Aaron, sed Eleazar. Sadoc autem erat de filijs Eleazar, vt patet supra 24. Ideo ad Sadoc pertinebat esse principem.

Quomodo Leuitae, & Aaronitae fuerunt positi inter reliquos Israelitas.
Quaest. XIX.

QVAERITVR vltcrius, quomodo positi fuerunt hic Leuitae, & Aaronitae inter reliquos Israelitas, quia hic intendebat scriptura ponere principes omnium tribuum, Leuitae tamen non faciunt vnā tribum, nec computantur inter duodecim tribus Israel, quia Deus iussit, quod non poneretur summa Leuitarum cum Israelitis, Numeri primo.

Respondendum, quod scriptura voluit ostendere totum statum Israelitarum tempore Dauid, & ad hoc ostendit primo statum bellarorum, ponendo duodecim principes turmarum, & in fine ponit statum familiarum Dauid, s. principum possessionum eius, & in medio ponit statum omnium popularium. Et quia nomine populi intelligebantur principaliter duodecim tribus, ponuntur hic principes omnium tribuum, Leuitae autem licet non essent de tribubus Israel, erant tamen quaedam pars populi. Ideo oportuit ponere statum ipsorum, & positi fuerunt duo principes ipsorum, scilicet, Asabias, & Sadoc, eo quod differebant Leuitae ab Aaronitis, & ponuntur isti hic, inquantum habebant habitudinem ad Dauid. Nam omnes, siue populares, siue Leuitae, erant subiecti ipsi Dauid, veteri Testamento nō erat distinctio iurisdictionum, scilicet, q̄ quaedam esset ecclesiastica, vel sacerdotalis, & alia secularis, sed omnes Israelitae tam sacerdotes, & Leuitae quam laici erant subiecti regi, & ipse iudicabat in causis eorum civilibus, & criminalibus, & poterant sacerdotes occidere, & inferre quaecunque poenam corporalem pro delicto, vt declaratum est, 3. Regum 2. in quadam quaestione, & ibi colligitur in litera. Debuerunt ergo poni principes Aaronitarū, & Leuitarum hic, inquantum erant subiecti regi, sicut principes omnium tribuum.

Quare in tribu Manasse ponuntur duo iudices.
Quaest. XX.

QVAERITVR vltcrius, quare ponuntur hic duo principes in tribu Manasse, scilicet, vnus in dimidia tribu, & alius in alia dimidia tribu, cum quaelibet alia dimidia habeat vnicum principem. Respondendum, quod istud factum est propter diuisionem in tribus: nam tribus Manasse diuisa est in duas partes, & nulla alia diuisa est. Ideo pro qualibet medietate positus est vnus princeps. Sed dicitur, quod dato quod essent duae partes, poterat esse vnus princeps earum, quia istae duae medietates descendebant ab eodem capite, scilicet, Manasse, & respectu illius vnigenitorum. Dicendum, quod verum est, quod vnus poterat esse princeps istarum duarum partium tribus Manasse, & tamen non fuit conueniens, quia isti principes tribuum erant exercentes quandam potestatem super totam tribum, & ad ipsos pertinebat congregare omnes de tribu, vel iubere alia, quae pertinerent ad ipsam tribum. Tribus autem Manasse erat diuisa, quia quaedam pars eius habitabat ultra Iordanem in terra Galaad, & alia distanter inde citra Iordanem ad Occidentem, ideo non conuenienter vnus princeps praesset vtrique medietati, quia esset tunc diuisa iurdictio sua, & miscerentur aliquo modo iurisdictiones principum, & licet posset hoc fieri, sicut nunc, idem dominus habet loca in diuersis partibus terrae mixta locis aliorum dominorum, tamen non conuenienter fieret, sicut etiam nunc multa inconuenientia sequitur ex talibus mixtionibus dominij, potissime tunc, quia omnes alij principes tribuum habebant totū territorij suum simul, iste autē princeps Manasse haberet territorium suū diuisum in duas partes multum distantes, non ergo fuit conueniens. Et sic positi fuerunt duo principes in tribu Manasse.

De diuisione tribus Manasse.
Quaest. XXI.

QVAERITVR vltcrius, quare diuisa est tribus Manasse, & quare potius ista, quam aliqua alia. Quidam dicunt, quod hoc fuit necesse ex conditione terrae.

terre Israel. nam tota illa diuisa est in duas partes. Quædam est ultra Iordanem ad orientem, & alia citra Iordanem ad occidentem. In parte autem, quæ erat ad orientem Iordanis, poterant capi duæ tribus, & dimidia, & non plures, & si ponerentur ibi duæ præiudicaretur alijs habitantibus citra Iordanem, quia daretur eis proportionaliter minus de terra, quam habitantibus ultra Iordanem. Si autem ponerentur ibi tres tribus non caperentur conuenienter, quia haberent paucum de terra. Ideo conueniens fuit diuidi vnam tribum, vt medietas eius habitaret in terra ultra Iordanem, & alia medietas in terra citra Iordanem.

Sed dicendum, quod istud non concludit propter duo. Primo quia non apparet, quod tanta esset paruitas terre ultra Iordanem, quod non caperentur ibi tres tribus, vel quod tanta esset magnitudo, quod si daretur duabus tribubus solis, præiudicaretur habitantibus circa Iordanem, quia ista terra non diuisa est per sortem, nec per equalitatem, sicut terra citra Iordanem, sed duæ tribus, & dimidia petiuerunt eam, siue esset magna, siue parua, vt infra dicitur, & potius videtur dicendum, quod illa terra erat parua, in tantum quod etiam duabus tribubus non sufficeret secundum proportionem terre, quæ relinquebatur citra Iordanem. Nam ad orientem Iordanis solam erat terra duorum Regum Amorrhæorum, & tamen ad occidentem erat tanta terra, quod in ea habitabant plures, quam quinquaginta reges. Quod patet, quia Israelitæ occiderunt triginta, & vnum regem de habitantibus citra Iordanem, Iosue decimosexto. Et manebant adhuc quinque reges Philistinorum, & terra multorum aliorum Regum, quæ non capta erat tempore Iosue, vt patet Iosue decimotertio. Non ergo oportebat, quod diuideretur aliqua tribus: ad hoc, quod duæ tribus, & dimidia habitarent ultra Iordanem.

Secundo, quia isto, quod præparetur ex istis necessitatibus diuisionis alicuius tribus non probabat potius de tribu Manasse, quam de quacunque alia.

Dicendum ergo, quod tribus Manasse diuisa est potius, quam quæcunque alia, quia duæ tribus, scilicet Ruben, & Gad petiuerunt terram, quæ erat ultra Iordanem, vt concederetur eis ad habitandum, & cum eis voluit dimidia tribus Manasse habitare in terra illa. Ratio autem petendi fuit, quia duæ tribus, scilicet Gad, & Ruben habebant plura pecora, quam omnes alie tribus. Nam dicitur, quod erat illis in pecoribus, & inmentis infinita substantia: Numeri trigemosexto. Cum autem Israelitæ vincente Moysse ceperunt terram duorum Regum Amorrhæorum, quæ erant ad orientem Iordanis, viderunt duæ tribus, quod illa terra erat nimis pascualis, & propter hoc conueniebat officio eorum, petiuerunt illam à Moysse. Et quia dimidia tribus Manasse habebat pecora multa, sicut tribus Ruben, & Gad, petiuit eandem terram cum illis duabus tribubus. Alia autem medietas tribus Manasse non habuit pecora multa, ideo non petiuit ibi habitationem sibi dari. Sic etiam fuit de alijs tribubus, quod nulla fuit, quæ haberet multa pecora, sicut tribus Ruben, & Gad. Ideo nulla alia, nec pars alicuius petiuit habitare ultra Iordanem cum tribu Gad, & Ruben, nisi dimidia tribus Manasse.

Quare in tribu Manasse erant duo principes.

Quest. XXII.

QUÆRITUR vltcrius, quomodo poterant esse duo principes in tribu Manasse, nam sicut declaratum est supra in quadam questione, omnes isti principes tribuum erant descendentes à capite tribuum per lineam primogenitorum. Alph. Tost. in Lib. I. Paralip.

A nitorum. Impossibile erat tamen, quod in eadem tribu essent duo, vel plures descendentes à capite eiusdem tribus per lineam primogenitorum, quia sicut respectu eiusdem viri non est, nisi vnicus primogenitus, ita respectu totius tribus non potest esse, nisi vnicus, qui descendat semper à capite tribus per lineam primogenitorum, & sic in tribu Manasse vnicus esset princeps.

Respondendum, quod si tribus Manasse consideretur tanquam vnica, non poterat habere plures principes, quia vnicus esset descendens per lineam primogenitorum, & tamen considerando tribum Manasse, vt duas tribus, poterant esse duo principes in illa. Pro quo sciendum, quod in tribu Manasse erant multe familie, scilicet octo, vt patet Numeri, capitulo vigesimo sexto. Inter quas erat familia Machir præcipua, eo quod Machir erat primogenitus Manasse. Et per istam familiam deriuabantur principes huius tribus, eo quod hic erat linea primogenitorum descendentium à capite tribus. In alijs autem familijs non poterant esse principes Manasse. Cum tamē diuisa est tribus in duas medietates, fuerunt in vna quatuor familie, & in alia totidem, & quia in vna parte earum erat familia Machiritarum, in illa esset princeps tribus, qui descenderet per lineam primogenitorum, & tamen iste non vocaretur princeps totius tribus, sed solius medietatis tribus Manasse. In alia parte erant quatuor familie aliæ, & ibi non poterat esse princeps aliquis, qui descenderet per lineam primogenitorum à capite tribus, sed quia illæ quatuor familie descendebant à quatuor filijs, vel nepotibus principis tribus. Et illi, qui erant capita familiarum, non habebant equalem attinentiam ad caput tribus, sed aliqui accedebant magis ad primogenitum, & alii minus: acciperetur princeps de illa familia, cuius princeps magis accederet ad caput tribus per attinentiam primogeniti. Et acciperetur princeps illius familie tanquam si esset caput, vel primogenitus ipsius principis tribus, & per istum modum possent esse multi principes in eadem tribu, scilicet in quot partes diuideretur ipsa tribus.

Quare David fecit numerare Israelitas.

Quest. XXIII.

QUÆRITUR vltcrius quomodo dicitur hic, quod David voluit numerare Israelitas à viginti annis, & infra. Et ad quod positum est istud.

Dicendum est, quod posuerat hic scriptura principes turmarum, sub quibus erat magnus exercitus, scilicet ducentorum octoginta octo millium virorum: positi fuerant etiam principes tribuum, & sub istis erat totus populus per partes diuisus, & vt sciretur, quot erant sub quolibet principe, numerati fuerunt Israelitæ omnes. Sed numerus iste fuit à viginti annis, & supra. Et noluit numerare David eos, qui erant infra viginti annos, eo quod ordinabatur hic populus sub principibus suis, & non poterant ordinari, nisi viri, quia paruuli non sunt apti ad aliquod opus, in quo debeat eis præesse aliquis princeps, & oporteat eos numerari, sed numerarentur viri, & transeunt ad nomen, & ad numerum. Isti autem sunt à viginti annis, & supra, vt patet Exodi capitulo trigesimo, ergo non debebant numerari, qui erant infra viginti annos. Et propter hoc positum est hic, scilicet vt nō putaret aliquis in ista numeratione fuisse etiam illos, qui erant infra viginti annos.

*De quibusdam verbis hic dictis, scilicet, quod David
voluit numerare Israelitas.
Quaest. XXIII.*

QVAERITVR vltius, quomodo dicitur hic, quod David voluit numerare Israelitas infra viginti annos, quia Deus dixerat, quod multiplicaret eos, sicut stellas coeli, quia non videtur istud ad propositum. Aliqui volunt exponere per modum superstitionis. Nam quidam putant, quod quando aliqua res numeratur, nunquam ultra crescit, ideo multi timent numerare res suas, cum etiam non audeant vocare eas multas, quia credunt, quod etiam nunquam augebuntur. Et istum modum tenent quidam Hebraei, ideo dicunt, quod quando Deuteronom. primo, dixit Moyses ad Israelitas, Estis hodie sicut stellae coeli plnrimae, ne putarent Israelitae, quod ex hoc sequeretur, quod nunquam multiplicarentur, addidit: Deus addat ad hunc numerum multa millia. Sic etiam dicunt, quod intellexit Ioab, scilicet, quando David voluit numerare populum, timuit Ioab, quod nunquam ultra multiplicaretur populus, ideo dixit: Augeat dominus populum suum centuplum, quam sunt, supra 21. & 2. Regum 24. Sed dicendum, quod hoc non stat, quia ista numeratio nihil facit ad hoc, quod populus augeatur, vel non augeatur, sed istae sunt superstitiones, sicut multae aliae, quas Hebraei tenent. Dicitur tamen hoc ad excusandam numerationem. scilicet, David voluit numerare illos, qui erant infra viginti annos, eo quod Deus dixerat, quod multiplicaret Israelitas, sicut stellas coeli, quasi dicat, quia Deus promiserat tantam multiplicationem in Israelitis, quod essent innumerabiles, sicut stellae coeli, ideo esset tanta multitudo in parvulis, quod vix essent numerabiles, ideo sufficiebat, quod numerarentur illi, qui erant a viginti annis, & supra. Sed adhuc causa principalis, quare non fuerunt numerati, qui erant infra viginti annos, fuit, quia isti numerabantur, eo quod erant ordinati sub principibus suis, & tamen istud non comperit, nisi viris, eo quod parvuli ad nihil utiles sunt, & tamen viri transeuntes ad numerum sunt ultra 20. annos. Exod. 30. infra 20. annos non erant aliqui computandi.

*Quare Ioab incepit numerare, & non complevit,
Quaest. XXV.*

QVAERITVR vltius, quomodo dicitur hic, quod Ioab incepit computare, nec complevit, & quando fuit factum hoc, & ad quod propositum ponitur hic.

Dicendum, quod istud fuit, quando David iussit numerari populum. Nam tunc Ioab executus fuit praeceptum David, ut patet supra 21. & 2. Regum 24. Et non potest intelligi de alio tempore, quia ponuntur hic aliqua, quae acciderunt. scilicet, quod Ioab numeravit istum populum. Etiam quod tunc Deus percussit populum propter istam numerationem cum dicatur hic, quod ira super hoc irruerat in Israel. Et etiam tunc fuit ista plaga. Etiam quia dicitur hic, quod numerus eorum, qui fuerunt recensiti non est relatus in fastos regis David, & istud consonat eis, quae habentur supra 21. De discordantia summarum, quae habetur ibi, & ibi declaratum est. Sed tunc dicitur, quomodo istud est ad propositum, quia ista numeratio, & ordinatio, de qua hic dicitur fuit in principio regni David, ut declaratum est supra in quadam quaestione, & tamen numeratio, quam fecit Ioab fuit circa finem vitae David. Nam postea non leguntur aliqua bella David, ut patet secundo Regum. Vbi ponitur ista numeratio, & postea in principio tertii Regum, ponitur de morte eius,

F Dicendum, quod verum est, quod inter ista fuit multum tempus, & tamen introducit hic ad propositum historia. Nam dicebatur hic de ordinatione, & numeratione Israelitarum sub principibus suis, & dicitur, quod noluit numerare David eos infra viginti annos, & exprimit vna causa. scilicet, quia Deus promiserat, quod multiplicaret eos, sicut stellas coeli, & subintelligitur alia causa, scilicet, quod voluit numerare eos, quia timuit quod peccaret David, & probat hoc scriptura a fortiori. Nam David numeravit Israelitas supra viginti annos, & in hoc peccavit, atque punitus est populus, quia plaga irruit super Israel, ideo a fortiori puniret, si numeret Israelitas infra viginti annos, quia ad hoc minorem causam haberet, quam ad numerandum, supra viginti annos. Et propter hoc introducuntur etiam quae habentur hic, scilicet, quod numerus eorum, qui recensiti fuerunt non est relatus in fastos regis, nam omnia ista sunt incidentalia respectu historiae, quae habetur hic.

*Quare non est relatus in fastos regis numerus eorum, qui fuerunt hic recensiti.
Quaest. XXVI.*

QVAERITVR vltius quare dicitur hic, quod numerus eorum, qui fuerunt recensiti non est relatus in fastos regis. Respondet Nicolaus dupliciter. Vno modo, quod istud factum numerationis non fuit ad honorem David, sed ad vituperationem, ideo non fuit scriptum in libro, in quo scribebantur gesta eius. Secundo modo dicitur, quod Ioab fecit duas summas numeratorum, vnam maiorem, & aliam minorem, ut ostenderet David minorem. sine gloriaretur nimis. Et si forte irascetur, ostenderet ei maiorem summam. Dicit Nicolaus, quod prima positio non est rationabilis, eo quod in libris gestorum Regum non debent scribi solum prospera facta eorum, sed etiam turpia facta, & calamitates ipsorum. Ideo Iosephus redarguit quandam Nicolaum scribentem historiam Herodis, eo quod solum prospera eius facta scripsit. Dicit ergo, quod tenenda est positio secunda. Sed dicendum, quod neutra tenenda est. De prima patet, quia si forte scriptura intenderet occultare istud turpe factum David, vel alii libri, qui de eo scripti erant, non solum subtricerent numerum eorum, qui fuerant recensiti, sed potius subtricerent ipsam numerationem, quia non erat peccatum in summa numeratorum, sed in numeratione, & tamen exprimitur numeratio, & solum dicitur de summa numeratorum, quod non fuit expressa in fastis, sine libris regis David, ergo non fuit ad istum finem omissa. Secunda etiam positio non tenet, quia nullo modo erat verisimile, quod Ioab faceret duas summas inaequales, & vellet ostendere minorem David, & postea si irascetur ostenderet ei maiorem, quia si semel ostenderet ei minorem summam, quia aunderet postea ostendere maiorem summam, quod ex hoc magis irascetur David putans, quod voluisset sibi illudere Ioab. Dicendum ergo, quod sensus literae est, quod numerus eorum, qui fuerunt recensiti, non est relatus in fastos regis, scilicet nulli de illis, qui numerati fuerunt, scripti fuerunt in fastis, quasi dicat omnia gesta regni scribebantur in fastis, eo quod facti sunt libri, in quibus scribebantur historiae. Et ista numeratio scribenda erat in eis, quia tamen secuta fuit plaga in populo antequam compleretur numeratio, praeter magnitudine tristitiae non curavit David facere, quod scriberetur ista summa numerationis, nec etiam historia de numeratione in libro historiarum regni, & tamen Ieremias propheta hoc non obstat scriptum hoc in fine secundi Regum, & etiam Ezechiel scriptum illud

Alud hic, quia etiam in illis proficiebat ad doctrinam, & emendationem posterorum scriptura illa. Alio modo potest intelligi, quod summa eorum, qui recensiti sunt, non est relata in fastos regis, scilicet quod non fuit regi tota summa exhibita, sed presentata est ei aliqua pars summe; litera tamen ista magis intelligitur, quod non fuerit scripta ista summa in lib. historiarum, quam quod non fuerit regi presentata. Sic etiam dicitur in Hebræo. Et non ascendit numerus in numerum verborum dierum regis David. Id est non fuit posita summa istorum numeratorum in numero verborum, id est in libro in quo tractatur de verbis, & gestis regis David. Sed tunc obicit aliquis, quia liber verborum dierum est liber Paralipomenon. Et tamen in isto ponitur summa numeratorum, ut patet supra 21. Dicendum est, quod iste liber apud nos non vocatur, nisi Paralip. quod interpretatur omisso- rum, vel relictorum, scilicet quia de omissis, vel relictis in libris Regum agit. Apud Hebræos autem vocatur Diurhaiaim, quod interpretatur verba dierum, ut ait Hierony. in Prologo super istum librum, qui incipit. Si septuaginta Interpretum. Et verum est, quod est liber verborum dierum, id est tractans de gestis, quæ facta sunt in aliquibus diebus, sed istud non est speciale, quia cuilibet libro historiarum competit, cum in quolibet tali enarrentur ea, quæ facta sunt in diebus. Liber tamen verborum dierum regis David non est iste, quia aliàs non allegaretur hic. Etiam libri verborum dierum, Israel non coincidunt cum isto libro, eo quod sepe allegantur in isto, & idem liber non allegaret scriptum. Quis autem fuerit liber ille verborum Regum Iuda, & quis liber verborum dierum Regum Israel declaratum est in Prologo libri huius, & 3. Regum 14. Potissimè, quia liber verborum dierum regis David, non fuit liber verborum dierum Regum Iuda, nec liber verborum dierum Regum Israel, sed quidam liber specialis in quo scripta sunt omnia gesta David. Et ideo litera nostra magis propriè dixit dicendo, quod numerus recensitorum, non est relatus in fastos regis, quam litera hebraica, quæ dixit in verba dierum regis David, sed ad idem redit.

De quibusdam verbis hic dictis, quod Ioab incepit & non complevit. Quæst. XXVII.

QUÆRITUR ulterius quomodo dicitur hic, quod Ioab incepit, & non complevit.

Respondendum, quod hoc potest dupliciter intelligi: vno modo de numeratione populi, alio modo de scriptura faciendi in fastis regis: accipiendo primo modo est sensus, quod Ioab incepit computare populum Israel, & non complevit computationem, eo quod ira Dei iam incepit super populum, & non ausus est Ioab ultra numerare. Et istud verum est, quia non numeravit Ioab omnes tribus Israelitarum. Nam tribum Benjamin, & Levi non numeravit, ut patet supra 21. & dicitur ibi, quod hoc factum est, quia inguitus sequebatur regis imperium. Sed etiam intelligendum est, quod fecerit hoc, quia iam ira Dei incepit irruere super Israel, sicut dicitur in litera. Alio modo potest intelligi de scriptura faciendi in fastis regis, scilicet quod postquam Ioab numeravit populum, licet non totum, incepit ponere summam numeratorum in fastis regis, quia tamen antequam ipse compleret, incepit plaga in populo, non curavit Ioab implere numerum, siue summam. Sed dicitur quomodo Ioab incepit ponere summam, & non poterat totam propter plagam incipientem, quia istud poterat intelligi si forte summa ista esset aliquid longum, quod in multis diebus scribi deberet, sicut vnus

A liber, & tamen poterat ista summa scribi in vno verbo, scilicet quod diceretur, quod erant mille millia, & sexcenta millia ex toto Israel. & Iuda, ideo non bene stat, quod dicamus Ioab incepisse scribere summam in fastis, & non complenisse. Respondendum, quod forte summa numeratorum non erat sic scribenda in fastis, sed particulatim, ita quod de qualibet tribu diceretur quot erant, & de qualibet vrbe, & loco, & ad hoc requirebatur magna scriptura. Et sic poterat incipi, & non compleri. Sed adhuc modus primus magis conueniens est, scilicet quod Ioab cepit numerare populum, & tamen non complevit, eo quod iam insurrexerat plaga, & tunc magis significabatur, quod summa recensitorum non fuit aliquo modo scripta in fastis regis David, quamquam fuerit inchoata, & non consummata.

• Super thesauros autem regis fuit Azmoth filius Adiel. His autem thesauris, qui erant in vrbibus, & in vicis, & in turribus.

Super thesauros. Hic ponitur tertium huius capituli, scilicet de principibus rerum familiarum, & diuiditur in duo, quia primo ponitur de ministris possessionum regis, & thesaurariis. Secundo agitur de consiliariis ibi. *Ionathan autem.* Circa primum dicitur.

Super thesauros autem regis fuit Azmoth filius Adiel. Duplices erant thesauri regis. Quidam erant in Ierusalem, vbi David semper manebat postquam factus est rex super totum Israel, vel in Hebron, vbi David semper manebat, quando erat rex super Iudam. Et isti thesauri erant ad quotidianas expensas regis, & super istos preerat Azmoth. Alii thesauri erant dispersi per singula loca terre Israel, & istis preerat, ut patet in litera. Iste Azmoth vocatur in Hebræo Almaueh, & idem est.

His autem thesauris qui erant in vrbibus. Hic ponuntur alii thesauri, qui erant dispersi, & erant per singulas vrbes terre Israel.

Et in vicis, & turribus. Vicus vocatur aliqua congregatio domorum, non habens murum, quas congregationes nos rura vocamus, largè scriptura tamè vocat eas vicos vel villas, & etiam in illis vicis David habebat aliquos thesauros, & etiam in turribus. Et accipiendo sunt istæ turres, quæ sunt in campo, sicut sæpe sunt aliquæ turres in multis locis, vbi non est alia habitatio, & potissimè circa extremitates regnorum, quia tales turres sunt ad speculandum inde loca hostilia, & ad sciendum si hostes intrauerint, vel in refugium contra hostes eis, qui de regione sunt. Et in multis talibus David habebat thesauros aliquos congregatos in Hebræo habetur. Et thesauris in campo. Et non ponitur in Latino. Non curavit enim Hierony. ponere istud, eo quod putauit sufficienter intelligi per vicos, & vrbes, & turres: Nam certum est, quod thesauri non essent in aliquo loco sine habitatione, & sine humana custodia. Vbiennque tamen habitatio sit, intelligitur per ista tria, scilicet per vrbes, & vicos, & turres, quia etiam si sit vnica domus in campo, si fortis non est, ita ut possit vocari turris, vocabitur vicus largè, aut vicuius. Non ergo fuit necesse expressis vrbibus, vicis, & turribus, exprimi thesauros in campo, quia nullus alius esset locus thesaurorum. credidit tamen Hierony. quod ex conditione literæ Hebrææ forte factum est, quia illa interdum superabundat debito, & interdum minor est in verbis, quam oporteat ad exprimendam sententiam, quam intendit.

De thesauris, qui erant in vrbibus vicis, & turribus.
Quæst. XXVIII.

F Post Achitophel fuit Ioiada filius Banaia, et Abiathar. Princeps autem exercitus regis erat Ioab.

QUÆRITUR qui erant isti thesauri in vrbibus vicis, & turribus. Responderi potest dupliciter. Vno modo isti thesauri erant de his, quæ colligebantur ex redditibus David. Cum enim David esset rex super totum Israel, & prius super totum Iudam, habebat in quolibet loco terre Israel aliquos redditus competentes sibi iure regio, sicut sunt tributa, & aliæ impositiones. Nam omnes Israelitæ soluebant tributum regi, & non excusabantur ibi aliqui tanquam generosi, vel nobiles, quod colligitur primo Regum 17. quando positum est edictum in exercitu Saulis, quod quicumque auderet pugnare contra Goliath, & percuteret eum acciperet filiam regis in uxorem, & fieret domus patris eius libera à tributo in Israel. Si tamen essent aliqui Israelitæ liberi a tributis, non poneretur sic istud edictum, quia talibus non prestabatur per hoc aliquod beneficium, sed pro illis poneretur aliquod loco immunitatis, & tributis, & tamē nihil aliud positum est, ergo videtur, quod omnes Israelitæ erant subiecti tributis. Ista autem tributa colligebantur in quolibet loco, & reponerentur ibi quousque David egeret illis, & mitteret pro eis. Et sic in quolibet loco, & vico, erat aliquis thesaurarius, qui colligebat ista tributa, & conseruabat ibi, & postea reddebat rationem de illis maiori thesaurario David, qui erat super thesauros David, qui erant in Ierusalē. Alio modo potest intelligi, quod David vacabat nimis circa agriculturam. Nam habebat per omnia loca agros, & vineas, & oues, & boues, & oliueta, & alia genera possessionum, de quibus percipiebat fructus, & colligebantur isti fructus per singula loca, & pecunie eorum dabantur aliquibus thesaurariis particulatibus, qui tenebant illas: vsquequo thesaurarius magnus, qui erat in Ierusalem mitteret pro illis ad necessitatem expensarum David. Primus tamen modus conuenientior est, eo quod non distinguerentur tunc thesaurarii, qui erant per singulas vrbes, & vicos, & turres ab illis, qui erant in armentis, & alijs possessionibus, & tamen in littera distinguuntur, ergo accipiendi sunt alio modo thesaurarii, scilicet quod isti sint, qui colligebant per singula loca tributa, & iura regis.

Præsidebat Jonathan filius Ozie. Operi autem rustico, & agricolis, qui exercebant terram præerat Ezri filius Chelub, vinearumque cultoribus Semeias Romathites, cellis autem vinarijs Zabdias Aphonites. Nam super oliueta, et ficeta, qui erant in campestribus Balanan Gederites, super apothecas autem olei, Ioas. Porro armentis, quæ pascebantur in Sarona præpositus fuit Setrai Saronites, et super boues in vallibus Saphat filius Adli, super camelos vero Vbil Ismahelites, et super asinos Iadiah Meronathites, super oues quoque Iazim Agaræus. Omnes hi principes substantiæ regis David, Jonathan autem patruus David consiliarius vir prudens, et literatus ipse, et Iahiel filius Achamoni erant cum filiis regis. Achitophel etiam consiliarius regis, et Chusi Arachites amicus regis.

Præsidebat Jonathan filius Ozie. Non est iste Ozias rex, quia multo tempore fuit post David. Operi autem rustico, & agricolis, qui exercebant terram præerat Ezri filius Chelub. Vocatur opus rusticum, quod in ruri bus fit. Rura autem dicuntur agri, qui seminantur, & intelliguntur nomine ruris, vel agrorum. Vineæ autem aliquæ arbores. ideo ponitur hic vnus thesaurarius, vel œconomus pro opere rustico, & alius pro vineis. Iste præerat agricolis, qui exercebant terram iubendo eis quid facerent.

Vinearumque cultoribus Semeias Romathites. Habebat enim David vineas per multa loca terre Israel, & ponebat œconomum generalem pro omnibus, & iste fuit Semeias Romathites, idest de vrbe Roma.

Cellis autem vinarijs. Alius præerat vineis ad hoc, & colligeretur, & alius vino, postquam seruatum erat in doleis, & alijs vasis, & iste habebat curam transmittendi ad regem pro necessitate expensarum de vino. Sic etiam, qui præerat tritico, & hordeo habebat eandem curam.

Zabdias Aphonites. Non est iste Zabadias, de quo habetur supra in littera, quia ille erat filius Aiael, & regerat quintam turmam exercitus pro patre suo, & vocatur Aphonites ab vrbe sua. In Hebræo autem vocatur Suphonites, sed facilis est mutatio.

Nam super oliueta, & ficeta, quæ erant in campestribus Balanan Gederites. David habebat curam de oliueteris, & ficetis, quia istæ arbores abundant nimis in terra Chanaan. Et ad colendum ficeta, & oliueta, præpositus erat Balanan. Super apothecas autem olei Ioas. Apotheca est locus, in quo reponuntur, & conseruantur aliqua, siue vinum, siue oleum, siue frumentum, aut quæcunque alia, & dicuntur apothecæ ab apos, quod est re, & thesis, quod est positio, quasi repositio, quia in illis reponuntur quæcunque volumus conseruare, & vocantur etiam ista promptuaria, sicut dicitur in Psal. 142. scilicet. Promptuaria eorum plena, & superabundantia ex hoc in illud, idest erant plena frumento, vel alijs rebus. Et cum non caperent illa, quæ conseruabantur, superabundabant, & cadebant ex vno promptuario in aliud. Sciendum autem, quod isti præfecti officiorum regis, interdum nominantur nominibus vrbium, & interdum non, hoc autem fiebat ad differentiam, quia in quibusdam per ista nomina locorum fiebat differentia ab alijs, qui vocabantur eisdem nominibus. In quibusdā autem non erat necessaria differentia, ideo non ponebantur nomina vrbium, de quibus erant. Vocatur autem Balanan, de quo supra dicitur Gederites ab vrbe Gad, vel Gader, quæ est quædam ciuitas in sorte Iudæ, Iosue 15. Et etiam illa est vna de ciuitatibus regalibus. Quarum reges occiderunt Israelitæ cum Iosue principe suo, vt patet Iosue 12.

Porro armentis, quæ pascebantur in Sarona, præpositus fuit Setrai Saronites. David habebat multa armenta, & illa pascebantur in Sarona, eo quod terra illa erat pastoralis, & putant aliqui Iudæi, quod Sarona sit nomen commune, significans campum, licet habeat aliquam similitudinem cum nomine significante campum: tamen multum differt. necesse est ergo accipi Sarona pro ciuitate. Et patet hoc, quia dicitur hic, quod præerat istis armentis Setrai Saronites. Si tamen Sarona esset nomen commune significans campum, non fortaretur inde aliquod nomen denominatum locale, sicut hic dicitur Saronites, & in Hebræo etiam sic ponitur.

Et super boues in vallibus Saphat. Dauid habebat multos boues, non ad colendum terram, sed ut impinguarentur ad cibum, & vocantur isti boues pascuales, erant autem isti in vallibus, eo quod in vallibus erat maior abundantia pascuorum, etiam quia in vallibus est maior copia aquarum, quam alibi, boues autem talibus pascuis egent, & dicitur specialius de bouibus, qui pascebantur in vallibus, quia multos alios boues habebat Dauid, qui erant ad agriculturam, & isti non pascebantur in vallibus in aliquo loco determinato, sed erant in illis locis, in quibus erat agricultura. Isti autem boues, de quibus hic dicitur erant pascuales, ut impinguarentur in cibos regis, & familiae suae. Ideo in vallibus, scilicet in locis valde pascualibus pascebantur. Sic enim dicitur de illis septem bobus, quos vidit Pharaon in somnis, ad significandum ubertatem septem annorum. Nam dicitur de eis, quod pascebantur in locis palustribus, eo quod in locis palustribus sunt pascua conuenientia bobus: prepositus boui erat Saphat, & non est iste pater Elisei. Nam iste Eliseus est filius Saphat, ut patet 3. Regum 19. & 4. Regum 3. Iste autem Saphat fuit multo tempore ante illum, eo quod ille fuit tempore Iosaphat regis Iuda, & Acab regis Israel, qui fuit multo tempore post Dauid, ut patet computando tempora intermedia regni.

Super camelos vero Vbil Ismahelites. Habebat Dauid multos camelos, quia in terra Chanaan multi sunt, & in regionibus illis propinquis. Et super illos preposuerat Vbil Ismahelitem, eo quod Ismahelites erant periti circa camelos, cum ipsi maximè abundent in possessione camelorum.

Cur positus fuit Vbil gentilis princeps camelorum.
Quaest. XXX.

QVAERITUR quomodo Dauid habebat Vbil Ismahelitem principem camelorum, quia Ismahelites erant gentiles. Responderi potest dupliciter. Vno modo, quod iste Vbil vocabatur Ismahelites, non quod esset de progenie Ismahelitarum, quia erat de progenie Iudaeorum, sed quia conuersus fuerat aliquanto tempore in terra Ismahelitarum, vel quia fecerat aliqua gesta magnifica in terra ipsorum, sicut vocatur Obededom Gethus in cuius domo posita est arca in custodia. Et tamen manifestum est, quod ille non erat Gethus, sed de vrbe Geth, quia tunc esset Philisthinus. sed erat Leuita, ut patet 2. Regum 6. & supra 13. & 15. Et ibi declaratum est in quibusdam quaestionibus. Alio modo potest dici, quod iste Vbil erat Ismahelites de origine Ismahelitarum, & tamen erat conuersus ad Iudaismum, sicut multi de alijs gentibus conuertebantur. Et postea Dauid praeficeret eum camelis, eo quod in regione Ismahelitarum erant multi cameli, & viri regionis illius sunt periti circa curam eorum. Et cum de omnibus gentibus praeterquam de Chanaanitis reciperentur omnes, qui vellent conuerti ad Iudaismum, potissimè reciperentur de Ismahelitis, quod illi concordabant in progenie cum Hebraeis. Nam Hebraei sunt de progenie Abrahae. Et Ismaheli erat filius Abrahae. Descenderunt tamen Hebraei ad Abraham per Isaac, & non per Ismahel, quia Deus dixerat, Isaac vocabitur tibi semen. Gene. 21. Propter istam ergo cognationem familiaris reciperet Israelites Ismahelitas ad ritum Iudaicum, quam alias gentes.

Super asinos Iadias Meronathites. In Hebraeo dicitur super asinos, sed non accipitur specialiter pro asinibus, eo quod 1 greges erant, vel armenta magna asinorum, in quibus non solum erat ut scire nolle, sed etiam masculi, ideo debet intelligi per asinos, & non per asinas,

A quia masculinum concipit foemininum, & non è cōuerso. Ponitur tamen foemininum ex cōditione idiomatis Hebraici, in quo non obseruatur proprietas loquendi.

Super oues vero Iaza Agarenius. Nomine ouium intelliguntur hic capreae, quia non solum Dauid habebat oues, sed etiam capras, & omnia genera pecorum, & uocat Agarenius iste Iaza, idest Ismahelita. Idem enim est: nam Ismahelites vocantur a patre suo Ismahel: Agareni autem vocantur ab Agar matre Ismahelis, sed eodem genere est.

B *Omnes hi principes substantiae regis Dauid.* Scilicet omnes isti supra nominati, erant praepositi substantiae regis Dauid, idest possessionum eius. Et ponitur totus iste ordo famulorum ad significandum, quam prudenter se habuerit Dauid tam circa subditos suos, quam circa familiam. Et fuit Dauid deditus nimis agriculturæ plusquam alij reges, & sic fuit de rege Ozia, ut dicitur sequenti lib. cap. 26. scilicet: Effudit cisternas plurimas, eo quod haberet multa pecora, tam in capestribus, quā in heremi vastitate, vineas quoque habuit, & vinitores in montibus, & in carmelo. Et subditur. Erat quippe homo agriculturæ deditus.

De statu principum substantiarum Dauid.

Quaest. XXX.

QVAERITUR circa istos principes substantiae Dauid, quales erant, scilicet an magno statu, vel paruo, & quomodo se habebant.

Dicendum, quod Dauid habebat multa genera possessionum, sicut supra in litera positum est. Et habebat colonos, & procuratores, vel dispensatores circa illa. Et ad hoc praeficiebat Dauid in quolibet genere possessionis vnum, qui praeficeret omnibus alijs habentibus similem curam, sicut patet de vineis, & de agris. Nam vnicus praefecerat hic omnibus agris Dauid, & vnicus omnibus vineis. Manifestum est autem, quod Dauid haberet vineas in multis locis, & agros, & in quolibet loco esset vnus oeconomus, qui adhuc praeficeret agricolis, & vinitoribus, ita etiam erat de habentibus curam super greges, & armenta. Ideo necesse erat, quod ille, qui vltimo praefecerat omnibus de eodem officio, esset vir potens, & sic omnes isti principes erant potentes nimium. Nam aliqui erant tribuni, & aliqui centuriones, ut patet sequenti capitulo, scilicet. Congregauit Dauid omnes tribunos, & centuriones, qui praefecerant substantiae, & possessionibus regis. ergo omnes illi erant tribuni, vel centuriones, & nemo illorum erat minor, quam centurio in dignitate, & potestate. De alijs autem minoribus oeconomis substantiae regis, qui erant sub istis, scriptura non curauit facere mentionem, quia non erant illi magnae dignitatis.

Jonathan autem. Hic ponitur secundum huius partis, scilicet de consiliarijs regis. Et dicitur.

E *Jonathan autem patruus Dauid consiliarius.* Iste Jonathan erat patruus Dauid, & erat consiliarius eius. Tū quia erat vir prudens valde, sicut dicitur in litera, & talibus conuenit dare consilium, quia consiliū non est actus sapientiae, vel alicuius habitus speculatiui. Sed actus prudentiae, qui est habitus practicus: tunc quia iste Jonathan erat de progenie Dauid cum esset patruus eius, & magis confidendum ei erat, quam alteri, qui esset de progenie Dauid. Et non est iste Jonathan ille, qui ponitur supra, quia ille fuit princeps thesaurorū, qui erant in vrribus. Iste autem erat consiliarius regis.

Vir prudens, & literatus. Prudens erat quantum ad agibilia, quia prudentia est habitus dirigens agibilia. Et etiam acutus, & sapiens circa speculabilia, ideo vocatur

I. Paralip.

vocatur literatus, quia sapientes solemus vocare literatos, eo quod studium eorum in literis est: In Hebræo ponitur Zopher, ubi nos dicimus literatus, & significat librarium, sed ad idem pertinet, quia viri literati in libris habent studium. *Ipsæ, & Iahiel filius Achemoni erant cum filiis regis.* Isti duo erant cum filiis regis, idest habebat filios regis David in custodiâ, eo quod isti erant viri valde prudentes, ut erudirer eos, sicut decebat erudiri filios regis, quia filij Regum debent aliquantulum esse instructi circa omnia genera studiorum, quæ decet habere viros liberos, & honorabiles, & quia isti duo erant viri literati, poterant erudire convenienter filios regis, vel potest intelligi, quod isti erant cum filiis regis, scilicet illi, qui erant magis familiares regi erant filij sui, sicut dicitur supra 18. f. Porro filij David primi ad matrem regis. In isto autem gradu familiaritatis ad regem erant isti duo viri prenominati hic, scilicet Ionathâ, & Iahiel, eo quod erant viri literati, & prudentes, & cognati David. Ceteri autem erant in minori gradu familiaritatis ad David. Et iste Iahiel erat frater, ut putatur, illius primi viri fortissimi inter viros fortes David. Ille enim fuit Iesbaam, & fuit filius Achamoni, ut patet supra 11. Et tamen an ille fuerit alius Achamoni, quod iste, de quo hic dicitur non apparet. Nam multi eodem nomine vocabantur, sicut nunc. *Achitophel etiam consiliarius regis.* Iste erat prudens consiliarius nimis, sicut infra dicitur in quadam questione de eo.

Et Chusi *Arachites amicus regis.* Iste Chusi vocabatur amicus regis, idest valde familiaris ei, & hoc requiritur inter amicos, quia in amicis requiritur equalitas, ut patet 8. Ethi. Etiam actus eorum est conuiuere, idest conuersari, & tamen hoc non fit sine familiaritate nimia, ut patet 9. Ethi. De isto Chusi infra dicitur in quadam questione. *Post Achitophel fuit Ioiada filius Banaia, & Abiathar.* Isti duo fuerunt consilij David, & fuerunt post Achitophel, quia ille erat dignior inter omnes consiliarios regis, eo quod consilium suum erat tanquam consilium angeli in diebus illis. 2. Reg. 16. Et post illum fuerunt isti duo consilij. Iste Ioiada filius Banaia. Et erat Banaias vir fortissimus de secundo ternario virorum fortissimorum David, primo Regum 23. & supra 11. & erat ille Banaias super legiones Celerhi, & Phelethi, 2. Regum 8. & 20. & supra 18. Et quia diligebant eum nimis, David fecit eum auricularium à secreto, siue posuit eum ad auriculam suam. 3. Regum 23. & supra 11. Filium quoque eius Ioiadam fecit consiliarium suum propter patrem, & erat Ioiada filius Banaia, qui vocabatur propter auum suum, qui et vocabatur Ioiada, ut patet supra in litera, & iste Banaias princeps tertie turme supra in litera. Abiathar de quo hic dicitur erat summus sacerdos, & consiliarius David, de quo infra dicitur.

Princeps autem exercitus eius erat Ioab. Iste Ioab erat princeps totius exercitus. Nam sub eo erant principes minores, inter quos erat diuisus exercitus, iste Ioab erat princeps, quia obtinuerat istud probitate sua. Nam quando pugnabat David contra Iebusæos in Ierusalem, proposuit præmium, scilicet quod quicumque percuteret Iebusæos in primis, & tangeret fistulas domatum, efficeretur dux belli, & Ioab tetigit fistulas domatum ante alios, ideo factus est princeps exercitus, secundo Regum quinto, & supra undecimo. Fuit iste Ioab filius Saruia sororis David, & habuit alios duos fratres viuos clarissimos, scilicet Abisai, & Aiael supra secundo capitulo, de quibus in toto secundo Regum, & in libro isto multa habentur.

Cap. XXVII.

De Ionatha consiliario. Quæst. XXXI.

QUÆRITUR de illo Ionathan, de quo supra dicitur, quod erat consiliarius David prudens, & vir literatus, qui erat. Aliqui dicunt, quod iste erat ille, qui dedit consilium Amnon primogenito David qualiter defloraret sororem suam Thamar. 2. Reg. 13. Et hoc, quia ibi dicitur, quod ille erat amicus Amnon filio David. Et hic dicitur, quod iste Ionathâ erat cum filiis regis. Et sic verisimile est, quod esset amicus Amnon primogeniti David, & posset ei consulere, quod habet 2. Reg. 13. Item, quod dicitur hic, quod iste erat vir prudens, & literatus, & secundo Regum decimo tertio, quod erat vir prudens valde. Dicendum tamen, quod non est iste, de quo ibi habetur, quod patet primo, quia iste vocatur Ionathan, & ille vocatur Ionadab, ut patet ibidem. Secundo patet, quia iste erat patruus David, scilicet frater patris David. Erat enim Isai pater David, & pater Isai erat Obed. Iste habuit duos filios, scilicet Isai primogenitum, & Ionathâ minorem. Et iste Ionathan erat nunc vir antiquus, & doctor filiorum David. Ille tamen Ionadab, de quo 2. Reg. 13. fuit filius Sema fratris David, ut patet ibidem, unde iste Ionathan erat patruus David, & David erat patruus illius Ionadab, de quo ibidem, & sic isti differunt. Fuit iste Ionathan vir magnæ auctoritatis, ideo traditus fuit ei filij regis in custodiam. Ille autem Ionadab, de quo 2. Regum 13. licet fuerit prudens, tamen non fuit tanta auctoritatis, sed expendebat prudentiam suam circa desideria iuuenilia: unde instruxit Amnon primogenitum David facere rem turpissimam, & scelerratissimam, scilicet quod sororem suam defloraret.

De Achitophel consiliario. Quæst. XXXII.

QUÆRITUR ulterius de Achitophel, qui ponitur hic consiliarius David quis erat. Respondendum, quod iste Achitophel fuit de tribu Iuda de urbe Gelo, unde vocatur ipse Achitophel Gelonites. 2. Reg. 23. Est enim civitas Gelo in sorte Iuda, ut patet Iosue 15. Habuit autem iste quendam filium nomine Eliam, qui fuit vnus de triginta viris fortibus David, ut patet 2. Regum 23. Iste Achitophel fuit vir prudentissimus, & accepit eum David in consiliarium, & ipse erat primus de consiliariis eius. Ideo dicitur hic, quod Achitophel erat consiliarius regis, & post Achitophel fuerunt Ioiada filius Banaia, & Abiathar. Nec obstat, quod dicatur, quod Ionathan erat consiliarius, & erat prior, quia Ionathan non erat solum consiliarius, sed potius erat nutritor, & eruditor filiorum regis, Achitophel autem solum erat consiliarius. Et inter pure consiliarios ipse erat primus. Hoc autem erat, quia consilia sua erant certissima. Nam verbum eius habebatur in diebus suis, sicut consilium angeli Dei, ut patet 2. Regum sexto. Fuit autem iste Achitophel magno tempore consiliarius David, & postea declinavit ab eo ad Absalom, & consulebat ei contra David ad excludendum illum de regno. Causa autem quare declinavit à David ad Absalom putatur esse, quia David fornicatus est cum Bethabee, & occidit virum eius Uriam Hebraum. Erat enim Bethabee filia Eliam, ut patet secundo Regum 11. Et Eliam erat filius Achitophel, secundo Regum vigesimo tertio. In hoc ergo magna iniuria inflata est Achitophel, scilicet quia nepus eius per adulterium violenter cognita est, & vir eius occisus est: habuit semper exosum ipsum David, & oblata opportunitate, scilicet quando Absalom voluit insurgere contra David, putans Achitophel, quod sic posset vindicare iniuriam suam, adhæsit Absalom, & consulebat ei contra David.

uid. Ipse enim fuit, qui dedit consilium Absalom, vt poneret in platea tentorium, & ibi coram toto populo cognosceret decem concubinas patris sui, vt sic populus putaret, quod iam Absalom non posset reconciliari patri suo, eo quod sedauerat eum, cognoscendo concubinas eius, & sic omnes animarentur ad adiuuandum Absalonem contra Dauid toto corde, vt patet secundo Regum 16. Iste etiam dedit aliud consiliū, scilicet q̄ illa die, qua fugit Dauid de Ierusalem, ipsemet Achitophel acciperet duodecim millia virorum electorum de Israel, & persequeretur Dauid fugientem, & illa nocte percuteret eum secundo Regum 17. Et istud consilium erat vtile ad propositum suum, sed Deus dissipauit illud per verba Chusi Arachites. Et videns Achitophel, quod consilium suum non fuisset receptū, recessit de curia Absalonis, & disposita domo sua secretē se suspendit eodem capite. Causa autē quare se suspendit, ponitur esse duplex. Prima est, quia Achitophel erat vir prudentissimus, & ex hoc gloriabatur, & recipiebatur semper consilium eius, nec audiebatur aliquis contra ipsum. Nunc autem Chusi Arachites dixit, quod male cōsuluerat Achitophel hac vice, & dedit ipse aliud consilium, quod secundum veritatem erat stultitia, & totus populus applausit ei, dicens melius est consilium Chusi, quam consilium Achitophel vice hac: erubuit autem nimis Achitophel, & doluit, sciens, quod consilium suum esset vtile, & consilium Chusi erat insania, & illud repertum fuisset, & Chusi laudatus a populo, elegit potius mori, quam viuere. Ideo laqueo se suspendit. Secunda causa est, quia Achitophel sciebat, quod illa nocte Dauid non caperetur, nec destrueretur exercitus suus, sed fugeret vltra Iordanem, & cōgre-garet exercitum contra Absalonem, & haberet auxiliares multos, ideo periret Absalom, & totus populus suus. Et quia Chusi sic consulebat faciendum esse, vidit necessario, quod periret populus, & quia si Dauid superaret Absalō, & caperet ipsum Achitophel, afficeret eum varijs tormentis, & tandem amarissima morte conficeret, voluit leuiori morte perire, ideo se ipsum laqueo suspendit, & ista est causa potior, quam prima.

De Chusi amico regis, Quæst. XXXIII.

QUÆRITVR vltcrius quis erat iste Chusi Arachites, de quo hic dicitur, quod erat amicus regis.

Respondendum, quod iste fuit vir magne dignitatis tempore Dauid, & erat potens, & quādo fugit Dauid de Ierusalem a facie Absalonis, ipse occurrit ei in monte oliuarum scisa veste, & capite pleno puluere, volebatque comitari Dauid fugientem. Disiūque Dauid si veneris mecum eris mihi oneri. Si autem incitatem reuerteris, & dixeris ad Absalonem seruis tuas fieri, dissipabis consilium Achitophel secundo Regum 15. Et tunc reuersus est Chusi in Ierusalem ad Absalom, & quia ante hoc Achitophel, & Chusi erant locij, & consiliarij Dauid, iussit Absalom, quod ambo inirent consilium quid faceret deberet Absalom. Et tunc Achitophel dedit consilium, quod illa nocte, ipse cum duodecim millibus virorum insequeretur Dauid, & percuteret eum, quia lassus erat, & solutus manibus. Chusi autem dixit non esse bonum consilium, quod dederat Achitophel illa vice, quia si cōtra Dauid iret aliquis in illa nocte, cum viri Dauid essent amari, sicut vna raptis catulis, poterāt perire omnes, qui erant ex parte Absalom, ideo melius erat, quod expectaretur per aliquot dies quousque congregaretur totus Israel, & tunc venirent super Dauid in quocū-

A que loco esset, & non posset euadere, Et ista erat insania, sicut postea apparuit. Et consilium Achitophel erat optimum, sicut dicitur secundo Regum decimo-septimo: totus populus tamen laudauit consiliū Chusi, eo quod Deus infatuauerat omnes Israelitas, qui erant cum Absalom, vt crederent bonum consilium esse, quod dabat ipse Chusi, & caderent in manus Dauid. Orauerat autem Dauid dominum supra. Nam quando audiuit, quod Achitophel erat in conuocatione cum Absalone timuit nimis, & orauit dominū, dicens: Infatua, quæso, domine cōsiliū Achitophel secundo Regum decimoquinto. Et Deus exaudiuit eum. Non quidem infatuando cōsiliū Achitophel, quia bonum, & vtile erat secundo Regum decimo-septimo, sed infatuando omnes, qui erant cum Absalone, ita vt putarent Achitophel male dixisse, & consilium Chusi esse optimum: mansit autem postea iste Chusi Arachites semper in magno statu coram Dauid. Nam vocabatur amicus eius, vel socius, quod significat quandam æqualitatem.

De Abiathar. Quæst. XXXIII.

QUÆRITVR vltcrius de Abiathar, de quo hic dicitur, quis erat.

Respondendum, quod iste erat filius Achimelech summi sacerdotis: erat enim Achimelec summus sacerdos, quando templum Domini erat in Nobe primo Regum vigesimoprimum. Nam ibi erat ipse Achimelec, quando dedit panes Dauid, & gladium Goliath: Postea Saul credens, quod Achimelec, & alij sacerdotes, qui erant cum eo, essent in coniuratione cum Dauid contra se occidit omnes istos, & deleuit urbem Nobe, 1. Regum vigesimo secundo. Et tunc Abiathar filius Achimelech summi sacerdotis fugit de medio eorum, qui occidebantur, ferens secum rationale, & Ephod, quæ sunt vestimenta summi sacerdotis. Exod. vigesimo octauo. Et venit ad Dauid, qui tunc profugus erat a facie Saulis, credens quod apud eum inueniret aliquod remedium, quia propter eum perierat pater suus Achimelec, & tota domus eius. Suscepitque eum Dauid gratis, dicens sibi: Reus ego sum omnium animarum patris tui mane mecum, & mecum seruaberis. Si quis quaesierit animam meam, quæret & animam tuam primo Regum vigesimo secundo. Mansit autem tunc Abiathar cum Dauid, & fuit cum eo profugus per desertum, & descendit cum ipso in terrā Philistinorum, fuitque cum eo in omnibus laboribus. Sic enim dixit Salomon ad Abiathar. Vir mortis es, sed hodie non te interficiam, quia portasti arcam coram patre meo Dauid, & sustinisti laborem in omnibus, in quibus ille sustinuit tertio Regum secundo. Et cum esset filius summi sacerdotis, & proueniret ei summum sacerdotiū ex progenie, accepit eū Dauid in officio summi sacerdotis, vnde ipse cōsulebat dominum pro Dauid. Nam consuluit bis in Ceila, & bis in Siceleg primo Regum vigesimotertio, & trigésimo. Nam induebatur Ephod, & non pertinebat ad aliquem sic indui, nisi ad summum sacerdotem cum rationale, & Ephod vestes essent summi sacerdotis Exod. vigesimo octauo. Ideo postquam Dauid factus est rex super Iudam, tenuit istum Abiathar in summum sacerdotem. Erat tamen apud Israelitas tunc summus sacerdos Sadoc, qui ministrabat in templo domini in Gaboon, & cōtinuus fuerat post mortem Achimelec, qui occisus fuerat in Nobe, quia tamen viri de regno Iuda, & de regno Israel discordabant tunc, cum esset continuum bellum inter eos usque ad mortem Iobo-
set, vt patet Regum secundo, & capitulo tertio, non poterant

poterant viri de regno Iuda secure ire ad templum Domini in Gabaon, quod erat in terra Israel, scilicet in tribu Benjamin, ideo faciebant sacrificia in Hebrō, & ibi erat Abiathar tanquam summus sacerdos in regno Iudæ. Et ex hoc factum est, quod dabo, quod David esset postea rex super totum Israel, & possent viri Iuda offerre sacrificia in loco Sanctuarij, habebant tamen adhuc consuetudinem offerendi in Hebron. Et propter hoc, quando Abiathar voluit facere coniurationem contra David, dixit ei, quod volebat ire ad offerendum sacrificia Domino in Hebron, secundo Regum decimoquinto. Postquam autem David factus est rex super totū Israel habuit duos summos sacerdotes simul, scilicet Sadoc, & Abiathar, secundo Regum vigesimo. De modo autem, quo isti se habuerunt in ministrando cum ambo essent summi sacerdotes, declaratum est supra vigesimoquarto, in quibusdam questionibus: habuit autem David istū Abiathar nimis sibi familiarem, quia fecit eum sibi consiliarium, ut patet hic, & propter hoc tantum erat Abiathar occupatus circa opera regis, & familiaritatē suam, quod parum vacabat officio summi sacerdotis, ideo filius eius Achimelec loco eiusungebatur sacerdotio, & ob hoc, quamquam Abiathar viveret, Achimelec filius eius, & Sadoc vocabantur summi sacerdotes David, secundo Regum 8. & supra decimo octavo, & quando ordinati sunt sacerdotes, & positi fuerunt duo principes duarum domorum sacerdotalium. Sadoc fuit vnus, & Achimelec alius supra vigesimoquarto, & tamen tunc vivebat Abiathar, ut ibi declaratum est. Vixit iste Abiathar etiā post mortem David cum regnaret Salomon, & viuendo David circa mortem eius, cum Adonias eleuaretur, & diceret, ergo regnabo, Abiathar fuit partem eius, tertio Regum primo, & propter hoc Salomon habuit eum exosum, & cum iam mortuus esset David, & regnaret Salomon, adhuc Adonias conabatur regnū obtinere. Et quia iste Abiathar adhuc fauebat sibi, deposuit eum Salomon de summo sacerdotio, & misit ipsum in exilium in urbem Anathot, ut nunquam rediret in templum Domini in Ierusalem, nec in Gabaon. Misitque ibi usque ad mortem suam, & ex die illa priuati sunt posteri Heli summo sacerdotio. In quorū domo ante hoc fuerat summum sacerdotiū, tertio Regum secundo, & misit postea semper summum sacerdotium in domo Sadoc, & non fuerunt postea duo summi sacerdotes simul, sicut tempore David Sadoc, & Abiathar, sed vnus semper de progeme Sadoc.

C A P. XXVIII.



GONVOCAUIT igitur David omnes principes Israel, duces tribuū, & prepositos turmarum, qui ministrabant regi, tribunos quoque, & centuriones, & qui præerant substantiæ, & possessionibus regis: filiosque suos cum eunuchis, & potētes, & robustissimos quosque in exercitu Ierusalem, & cetera.

DESCRIPTA in præcedentibus David deuotione circa ampliationem cultus diuini in ordinatione Leuitarum, & sacerdotum, hic agitur de eius deuotione circa templi edificationem, & potissime in præparatione necessa-

riorum, & diuiditur in tria, quia primo incitat populum totum ad Salomonis obedientiam: secundo imponit ipsi Salomoni edificandi curam, ibi.

Tu autem Salomon. Tertio tradit ipsi Salomoni exemplar & materiam ad omnia efficienda, ibi. *Dedit autem David Salomoni.*

De ordine ad præcedentia.

Quæst. I.

QVAERITVR circa primum an ea, quæ habentur hic, habeant ordinem continuatū ad præcedentia, & an fuerint facta immediate post illa, vel interiecto aliquanto tempore.

Respondendum, quod non apparet, an sit hic ordo continuus, vel non, quia ista non sunt partes eiusdem historię, ita ut possimus dicere manifestè, quod ista fuerint post præcedentia, vel è conuerso. Dici tamen potest rationabiliter, quod hic sit ordo continuus ad præcedentia, eo quod semper est standum ordini litterę quandoque non apparet aliqua ratio, propter quam debeamus recedere ab eo, & quia hic non apparet aliqua causa, satis videtur standum huic ordini. Et dicendum est, quod David in fine vitę suę ordinare voluit cultum Dei, & ordinauit sacerdotum statum, & Leuitarum. Postea expletis omnibus, hortatus est Salomonem, & totum populum ad edificationem templi Domini, & ad vltimum munera magna pro edificatione templi, sicut patet sequenti cap. Cum autem queritur an inter ista præcedentia fuerit aliquod tempus, vel fuerint ista facta immediate post illa. Dicendum, quod siue ista fuerint post illa, siue illa post ista, non fuit tempus magnum inter hæc, & illa, sed quasi simul facta sunt. Nam David in extremo senectutis suę conuocauit principes populi, Sacerdotes, & Leuitas ad ordinandum cultum Dei, ut patet supra vigesimo tertio. Et tunc etiam admonuit Salomonem, ut edificaret templum domino, & totum populum, ut adiuuaret eum, & istud factum est hic, & post hoc omnes principes congregati obtulerunt munera magna pro edificatione templi, & facta sunt sacrificia multa, & vnctus est Salomon secundo in regem, & iste est finis huius primi libri, ex quo etiam ostendi potest, quod ista fuerint post præcedentia, ut declarabitur in prima questione sequentis capituli.

Circa primum dicitur. *Conuocauit igitur David omnes principes Israel.* Scilicet conuocauit eos, ut exhortaretur ipsos, ut adiuuarent Salomonem in opere templi. Etiam ut offerrent munera pro edificatione templi, sicut habetur præcedenti capitulo. Et accipiuntur hic principes generaliter: non pro aliquo modo principum, quia postea ponuntur in speciali principes Israel, & modorum. Vnde non vocantur principes tribuū, sicut aliqui putant, id est principes duodecim tribuū Israel, quia immediate illi exprimuntur, cum dicatur duces tribuum, sed vocantur principes Israel, scilicet principes omnium modorum Israel.

Duces tribuum. Hic ponuntur in speciali principes. Et primo ponuntur duces tribuum, id est principes duodecim tribuum. Non enim vocantur duces proprie, quia duces pertinent ad bellum, principes autem tribuum non præfiebantur tribubus ad bellum, sed generaliter ad omnia, quæ necessaria erant ad ordinationem ipsarum tribuum. De modo autem quo isti principes tribuum essent in singulis tribubus per progemem, declaratum est præcedenti capitulo, & supra vigesimo sexto, in quibusdam questionibus.

Et prepositos turmarum. Isti erant duodecim principes constituti super duodecim turmas. Erant enim in qualibet turma vigintiquatuor millia virorum, & super illos viros erat vnus princeps. Nomina autem istorum principum ponuntur precedenti capitulo, & vocabantur prepositi, quia preponebantur à David super turmas.

Qui ministrabant regi. Scilicet isti principes turmarum ministrabant regi David custodiendo corpus eius. Et quilibet istorum ministrabat vno mense, & tunc succedebat princeps sequens in ministracione, & ita per duodecim menses ministrabāt omnes duodecim principes turmarum.

Tribunos quoque, & centuriones. Vocantur tribuni, qui præsunt mille viris. Centuriones vero, qui præsunt viris centum.

Qui praeerant substantiis, & possessionibus regis. Isti erant omnes illi principes qui ponuntur in fine precedentis capituli, qui erant constituti super possessiones regis, & ponitur hic substantia, & possessio ad significandum tam bona mobilia, quam immobilia: nam quidam praeerant immobilibus bonis, sicut qui praeerant operi rustico, & vineis, & ficetis, & oliuetis, & cellis vinarijs, & similibus. Alij præsunt bonis mobilibus, sicut illi, qui praeerant bobus, & ouibus, & asinis, & camelis, & thesauris, & similibus. Bona autem immobilia significantur nomine possessionum: bona autem mobilia significantur nomine substantiæ, eo quod substantia est nomē generale, tam ad mobilia, quam ad immobilia. Dicit autem Nicolaus, quod isti, qui praeerant possessionibus regis, & substantiæ, erant tribuni, & centuriones, scilicet erant de illis tribunis, & centurionibus, qui subiecti erant principibus turmarum, & habebant sub se multos tribunos, & centuriones, & quilibet princeps turme habebat viginti quatuor millia nos, centuriones, quinquagenarios, & decanos: ideo necesse erat, vt in qualibet turma essent multi tribuni, & centuriones, & quinquagenarij, & tamen dicendum est, quod isti centuriones, & tribuni, qui praeerant substantiæ regis, non erant sub principibus turmarum. Causa huius est, quia isti habebant curam de administratione substantiæ regis, & ista cura erat semper sibi commissa. Si autem essent subiecti principibus turmarum, oporteret quod quolibet mense irent aliqui turmarum ministrandum coram rege, quia quilibet princeps ministrabat vno mense, vt patet precedenti capitulo. Et tunc impedirentur isti tribuni, & centuriones curam agere de substantia regis, quod non est conueniens. Ideo dicendum videtur, quod isti centuriones, & tribuni, de quibus hic dicitur, non erant subiecti principibus turmarum.

Filios quoque suos. Scilicet vocauit David filios suos, scilicet ad illam congregationem. Cuius ratio infra ponitur in littera.

Cum eunuchis. Id est etiam vocauit eunuchos. Propter eunuchus est castratus: tamen accipitur multiplaciter, sicut Christus dixit Matth. decimonono, sciatis quidam sunt eunuchi, scilicet, qui tales ex vtero nascuntur: alij ab hominibus facti sunt eunuchi: alij vero se eunuchizauerunt propter regnum cælorum, & isti sunt meliores, sed non omnibus datum est, vt ibi dicitur. Hic autem eunuchi accipiuntur pro castratis, qui ab hominibus facti sunt. Nam apud antiquos erat consuetudo, vt traderentur eis regine, & magnæ domine custodiendæ, quia non dubitarent de illis propter impotentiam naturalem, & tales solebant reges habere apud se, & habebantur in honore. Alio

A modo potest accipi eunuchus, sicut multi accipiunt pro principe familiari, & ita videtur accipi Esther primo cum dicitur de eunuchis, qui videbant faciem regis, & sic erant illi in magno honore. Et tamen magis videtur, quod etiam ibi accipiantur eunuchi pro castratis, eo quod rex iussit, quod adducerent reginam ad se, & sic committebat reginam eunuchis, & non alijs viris. Nicolaus autem dicit, quod isti erant eunuchi, id est castrati non corpore, sed mente, eo quod desideria sua taliter abstulerunt, quasi castrando se, vt non seruirent passionibus, sed rationi, ideo istis committebantur filij regis custodiendi, & erudiendi, vt eos in morum castitate custodirent. Sed quidquid sit, non multum refert. Magis tamen videtur, quod isti sint castrati, sicut primo dictum est, & dicitur tunc, quod istis commissa erat custodia vxorum, & concubinarum David: Sed obijciatur, quod non essent inter Iudeos tales, quia ista erat quedam impietas, & infra respondebitur in quadam questione.

Et potentes, & robustissimos quosque in exercitu Ierusalem. Scilicet vocauit David omnes, scilicet potentes, qui sub se habebat multos viros, & robustissimos, scilicet fortes viribus, & intelligitur de triginta viris fortibus David, & de sex, qui erant in duobus ternarijs fortissimorum, secundo Regum vigesimotertio, & supra vndecimo. Et omnes isti erant in exercitu Ierusalem, id est in exercitu, quem congregauerat David in Ierusalem, quia totam istam multitudinem conuocauerat illuc David ad faciendum ea, que habentur infra.

De tempore congregationis istorum.

Quest. II.

QVÆRITVR quando David congregauit omnes istos, de quibus dicitur hic, quod conuocauit eos. Aliquis dicit, quod istud fuit aliquanto tempore post ordinationem cultus diuini supra factam: nam David congregauerat omnes principes Israel, & sacerdotes, & Leuitas supra vigesimotertio. Et tunc ordinauerunt modum ministrandi sacerdotum, & Leuitarum, quo expleto recesserunt singuli ad loca sua, & post aliquantū tempus David voluit facere ea, quæ habentur hic, & sequenti capite. Et tunc congregauit omnes istos, de quibus hic dicitur. Et ex hoc etiam est motiuum quorūdam, quod ista, quæ habentur hic, & quæ habentur in precedentibus, non fuerunt facta simul, sed per aliquantam temporis interpolationem, quia aliās non vocarentur hic principes ad ea, quæ hinc cum vocati essent, & congregati ad ordinandum de statu sacerdotum, & Leuitarum, nisi post illam ordinationem recessissent ad loca sua singuli. Et post aliquantum tempus David conuocaret eos. Ad hoc dicendum est, quod ea, quæ habentur hic, aut comparantur ad ea, quæ habentur precedenti capitulo, vt ad illa, quæ habentur supra a capitulo vigesimotertio vsque ad vigesimū septimū. Si primo modo dicendum, quod non fuerunt ista facta immediate post precedentia, quia multa tempora intercederunt inter hæc, & illa. Nam illa, quæ habentur precedenti capitulo, facta sunt in principio regni David super Iudam, vt ibi probatum est in quadam questione. Ista autem facta sunt in fine vite David, ne pre-supponatur hic, quod Salomon iam erat vnctus in regem, & sequenti capitulo dicatur de vnctione secunda Salomonis, & tamē illud fuit in fine vite David. Nam vnctio eius prima fuit circa finem vite David, cum esset David in egritudine ista, de qua mortuus est, l. q. cū operiretur vellibus, non calefiebat 3. Reg. 1. Ergo fuit magnum tempus inter hæc, & illa.

Si

I. Paralip.

Si autem comparentur ista ad illa, quæ habentur supra 23. vsque ad 27. de ordinatione sacerdotum, & Leuitarum dicendum, quod ista fuerunt immediate post illa. Quod pater, quia ista facta sunt in fine vite David, scilicet anno quadragesimo regni eius supra 26. & non vixit David, nisi illo anno, quia non regnavit quadraginta annis, ut patet sequenti c. Si ergo non fierent ista immediate post illa, fortè non posset postea David facere ista: cum in isto anno mortuus fuerit. Item non videtur verisimile, quod facta ordinatione de sacerdotibus, & Leuitis David vellet prorogare istud, quod habet hic ad aliud tempus, eo quod ipse videbat mortem sibi imminere propter magnam senectutem, & egritudinem, & si nunc non compleret istud, nesciebat an postea haberet locum faciendi hæc: etiam quia David habebat nunc magnam opportunitatem ad istud, cum essent congregati principes, quos congregauerat ad faciendum ordinationem sacerdotum, & Leuitarum, & simul poterat facere illud non expectando aliud tempus, ut cum difficultate, & expensis congregarentur omnes isti principes.

De vocatione istorum principum.

Quest. III.

QUÆRITUR ulterius cum ista fuerunt facta immediate post illa, quare vocati fuerunt nunc principes, quia non oportebat vocari aliquos, cum præsentessent.

Respondendum, quod David non vocavit aliquos principes ad faciendum, quod habetur hic, eo quod iam isti præsentessent, cum interfuissent ordini communi supra dicto. Dicitur tamen, quod conuocavit David istos principes, ut intelligatur, quod interfuerunt principes isti ordinationi, & fuit hic propter tria: Primo quia licet ista, quæ habentur hic, & quæ habentur supra de ordinatione sacerdotum, & Leuitarum fuerint facta simul: tamen pertinent ad diuersas materias, quia illa erant de ordinatione ministrorum, & ista erant de edificatione templi, ideo dubitaretur an illa, quæ interfuerant præcedenti ordinationi interfuissent istis, quæ habentur hic, ideo repetit scriptura, quod David vocauerat istos principes, non quidem, quod de nouo eos prius ad ordinationem Leuitarum, & sacerdotum faciendam. Et tunc simul vocati sunt ad ista, quæ habentur hic. Secundum, & efficacius est, quia licet ista, quæ habentur hic, & ordinatio sacerdotum, & Leuitarum fuerint facta simul: tamen ea quæ habentur hic, & quæ habentur præcedenti capitulo non fuerunt simul facta, sed illa fuerunt, quasi quadraginta annis ante ista, scilicet illa in principio regni David, & ista in fine. Et tamen regnavit David 40. annis, ut patet sequenti capitulo, quia non erat continuatio inter ista, & præcedentia, licet manifestum esset, quod principes interfuissent ordinationi sacerdotum, & Leuitarum, cum non essent ista, & illa continuata, sed fieret interpositio, dubitaretur, qui principes fuissent hic, ideo scriptura posuit vocationem eorum tanquam de nouo ad hoc vocati fuissent. Tertium fuit, quia dato, quod ista, & illa, quæ habentur supra de ordinatione sacerdotum, & Leuitarum essent simul, & nihil interponeretur, tamen adhuc dubitaretur, an illi principes, qui fuerunt in priori ordinatione essent in ista, vel recessissent. Ideo ponitur hic vocatio tanquam nouiter facta fuisset, ut sciatur per hoc, qui principes erant hic, quando fuerunt facta, quæ habentur hic.

Cap. XXVIII.

Propter, quam causam vocati fuerunt isti principes.

Quest. IIII.

QUÆRITUR ulterius ad quid fuerunt vocati isti principes, qui habentur hic. Respondendum, quod ad multa. Primo ad exhortandum eos: nam David hortatus est totum populum, quod custodirent mandata Dei, & quærerent eum in toto corde suo, ut possiderent terram bonam, & relinquerent eam filiis suis post se in sempiternum, ut patet in litera. Ad istam autem exhortationem principes erant maximè necessarij, eo quod ex voluntate illorum pendet regimen populi, & si illi voluerint, quod lex Dei obseruetur, non poterit vulgus repugnare. Si autem principes noluerint illam obseruare, voluntas plebis nihil proderit: ideo necesse erat principes exhortari, ut ipsi consentirent. Secundum erat, quia David volebat hortari illos, ut adiuuarent Salomonem in edificatione templi. Nam tradidit David hic Salomoni exemplar omnium, quæ facturum erat. Et quia ipse adhuc erat tener, & non sufficiens ad tantum laborem, ut patet supra 22. & sequenti cap. hortatus est principes, ut adiuuarent eum in isto opere. Ista autem exhortatio fiebat conuenientius nunc coram Salomone, quam aliter: ad hoc, quod principes coram eo profiterentur, quod ipsi adiuuarent, & postea non possent negare. Tertium erat, ad hoc, quod isti principes offerrent nunc munera ad edificationem templi. Nam David obtulit nunc magna dona pro ista edificatione, ut patet sequenti capitulo. Et principes videntes David offerre, etiam multa obtulerunt, ut patet ibidem. Quartum fuit ad hoc, quod Salomon vngeretur secunda vice in regem, nam iterum vnctus fuerat, & quia illud fuit aliquantulum in contentione, & discordantia populi, fecit David, ut iterum vngeretur Salomon ex concordia omnium de regno, ut patet sequenti capitulo.

De vocatione filiorum David in ista congregatione.

Quest. V.

QUÆRITUR ulterius ad quid vocavit tunc David filios suos in ista congregatione. Dicendum quod hoc fuit propter multa. Primo quia filij David erant multi, sicut dicitur infra in litera, & erant viri honorabiliores in toto regno cum essent filij regis, sicut dicitur supra decimo octauo, scilicet. Porro filij David primi ad manum regis. Ideo non erat conueniens, quod fieret aliqua congregatio virorum honorabilium de regno in qua tractaretur aliquid pertinens ad statum, & honorem regni, in qua principaliter non interessent filij David. Secundum erat propter exhortationem, quia David voluit exhortari omnes de regno, ut quærerent dominum in toto corde tuo. Et quia ista exhortatio principaliter fieri debebat viris potentibus, & principibus, qui in potestate eorum erat cogere reliquos ad istam obseruationem: ideo debuit principaliter vocare David filios suos, quia ipsi erant potentiores in regno, & poterant reliquos inducere ad aliquid, quod vellent potissime, quia cum status regni conseruandus esset per cultum Dei, principaliter pertinebat hoc ad filios David, quia ipsi regnaturi erant, & non aliquis alius. Et propter peccata eorum potius periret regnum, quam eorum magis conseruaretur regnum, quam propter merita subditorum, ipsi ergo principaliter debebant admoneri. Tertium erat, quia fuerat facta ista congregatio, ut David hortaretur totum populum ad hoc, quod adiuuarent Salomonem in opere templi, & tamen

tamen principaliter adiuuare poterant alij filij regis, eo quod illi erant potentiores in regno, & non solum ipsi adiuuarent, sed propter eos multi alij adiuuarent, ideo ipsi debuerunt magis exhortari, quod adiuuarent quam reliqui.

Quartum fuit, quod offerrent munera pro ædificatione templi: nam ceteri principes congregati fuerunt ad hoc, & obtulerunt. Magis autem poterant hoc filij regis facere quam reliqui, cum illi essent ditiores.

Quintum, & principalius erat, quia voluit David, quod nunc Salomon vngeretur secundo, quia vnctus fuerat prius cum aliquali contentione: nam Adonias vnctus fuerat ante Salomonem nesciente David, & sic non interuenit totus populus vnctioni illi, vt ergo maneret pacificum regnum Salomonis ex consensu omnium de populo, fuit conueniens iterum vngi eum. Et quia non erat aliquis, cui maius preiudicium generaretur ex hoc, quam filijs David, cum nullus haberet ius ad regnum, nisi ipsi, conuenientius erat, quod ipsi vacarentur, quam quod ceteri, vt de consensu eorum fieret talis vnctio, & per hoc abrenunciarent iuri suo si aliquod habebant ad regnum, & sic omnia fierent pacifice. Debuerunt igitur vocari principaliter filij David, quam alius de principibus.

De Eunuchis, de quibus hic dicitur.
Quæst. VI.

QUÆRITUR vltius circa istos eunuchos, de quibus hic dicitur, quomodo poterat esse, quod inter Israelitas essent aliqui eunuchi. Nam Deus prohibebat castrari animalia, a fortiori ergo prohiberet castrari homines. De hoc patet Leuitici vigesimo secundo.

Aliquis dicit, quod Deus ibi solum prohibuit de animalibus brutis: nam agitur de sacrificio, & dicitur, quod animalia habentia testiculos abscisos non offerrentur. Et sequitur: In terra vestra hoc omnino non facietis. Et sic in animalibus brutis prohibetur castratio, sed non in hominibus.

Dicendum, quod etiam in hominibus prohibita erat castratio.

Primo quia Deus vetuit hoc in animalibus, eo quod tolleretur in eis perfectio naturæ, a fortiori ergo in hominibus obseruaretur istud, quia maior reuerentia debetur naturæ humanæ quam brutis.

Secundo patet, quia etiam litera illa potest intelligi de hominibus cum dicitur. Et hoc in terra vestra omnino non facietis. Si autem dixisset non facietis solum, poterat intelligi de pecoribus, quia tamen dicitur non facietis omnino, ergo per omnem modum prohibita erat castratio, nec permitteretur in hominibus, sicut nec in brutis.

Aliiter potest dici, quod eunuchi accipiuntur tripliciter, scilicet quidam sunt eunuchi, qui ab hominibus castrati sunt, alij autem tales nati sunt, scilicet, quia non habent organa generatiua: alij habent illa incompleta, vel nullo modo possunt gignere, vt pote, quia sunt naturaliter frigidi. Alij autem se eunuchizauerunt propter regnum cælorum, sicut dixit Christus Matth. decimo nono. Potest autem accipi eunuchus secundo, & tertio modo, & tunc non erit contra legem, quæ solum loquitur de castratione facta ab hominibus, & sic non est inconueniens.

Sed dicendum, quod istud non est conuenienter dictum, quia accipere sic eunuchos est sensus mystificus, & per Metaphoram, quia eunuchus significat eum proprie, qui ab hominibus castratus est, potissimum quia scriptura non loquitur hic in materia moralis. Alph. Toft. In Lib. I. Paralip.

Arali in qua possint fieri Metaphoræ, sicut in prophetijs, & in Euangelijs, sed loquitur historicè. Et in historijs semper accipiuntur termini proprie, nisi aliquando transeat de historia ad Metaphoram, sicut Iudicum nono, de lignis vngentibus super se regem, & quarto Regum decimo quarto, de cardo Libani, & cedro inter se loquentibus: sed hic nulla introducitur Metaphora, ergo accipietur eunuchus proprie pro castrato ab hominibus. Item patet, quia si acciperetur eunuchus pro illis, qui se castrauerunt propter regnum cælorum, vel pro illis, qui naturaliter sunt impotentes ad gignendum, non posset sciri, qui sunt eunuchi, cum istud secretum sit. Ideo non diceret scriptura, quod vocati sunt eunuchi cum ceteris principibus, quia nesciretur, qui erant eunuchi, & sic non possent vocari, & tamen vocati sunt, ergo accipiuntur eunuchi pro castratis, ideo quod isti poterant cognosci esse eunuchi.

Dicendum ergo, quod hic accipiuntur proprie eunuchi. Et eum dicitur, quod inter Israelitas non licebat aliquem castrari, siue hominem, siue animal brutum.

Dicendum, quod verum est, & tamen isti castrati, quos habebat David, non erant de genere Hebræorum, sed erant gentiles, quos David potuerat emere de alijs nationibus, sicut erat de omnibus seruis. Sic dicitur Leuitici vigesimo quinto, scilicet. Serui, & ancillæ erunt vobis de nationibus, quæ in circuitu vestro sunt. Vel poterat esse, quod David acceperit istos in bello. Nam multa bella fecerat contra gentiles, in quibus poterant accipi multi de eunuchis. Et istud est verum, & quia isti eunuchi erant in magna familiaritate apud regem David, & apud alios reges propter reginas, & magnas dominas quas custodiebant, erant diuites, & vocati fuerunt ad istam congregationem. Nam omnes viri alicuius dignitatis, & status vocati sunt cum populo ad hoc.

Cumque surrexisset rex, & stetisset, ait: Audite me fratres mei, & populus meus. Cogitavi, vt edificarem domum, in qua requiesceret arca fœderis Domini, & scabellum pedum Domini Dei nostri, & ad ædificandū omnia præparavi. Deus autem dixit mihi. Non ædificabis domum nomini meo, eo quod sis vir bellator, & sanguinem fuderis.

Cumque surrexisset rex, & stetisset. Quando fuerunt omnes isti congregati, & David voluit loqui eis, surrexit de loco, in quo erat, & stetit, vt melius loqueretur, & audiretur a populo.

Audite me fratres mei, & populus meus. Quosdam vocauit hic David fratres, scilicet constitutos in dignitate: alios autem vocauit populum. Voluit enim David honorare principes, & filios suos, & vocauit eos fratres, quod est nomen equalitatis, minores autem qui conuenerant ad istam congregationem, vocantur populus, & reddit David eos attentos in hoc, dicens:

Audite me: cogitavi, vt edificarem domum. Istud cogitauit David a principio. Erat enim David vir deicola desiderans colere Deum nimis, & semper desiderauit fabricare ei templum. In principio autem regni sui super totum Israel, cessantibus bellis Philistinorum, putauit se habere opportunitatem.

tunitatem ad faciendum, & dixit illud ad Nathan prophetam. Deus autem prohibuit tunc Dauid 2. Reg. 7. & supra 17. In Hebræo dicitur.

Ego cum corde meo ad ædificandum domum. Id est ego cogitabam in corde meo ædificare domum, & idē est.

In qua requiesceret arca fœderis Domini. Arca fœderis erat vas sanctissimum in toto templo, quia super illā audiebatur vox respondens ad omnia, quæ querebātur, Numeri septimo. Ideo dicebatur Deum habitare in medio duorum Cherubim, quia inter alas illorū audiebatur vox, & putabatur esse Dei, licet esset cuiusdam Angeli, & ob hoc pro arca fiebat principaliter domus Sæcti sanctorum, quia in illa parte templi, vel tabernaculi ponebatur arca, eo quod illa secretissima vocatur arca fœderis, quia erant in ea tabule legis, pro cuius obseruatione initum est fœdus inter Deum, & Israelitas: Exod. decimonono, & vigesimo-quarto, & dicebatur, quiescere arca Dei ibi, quando maneret in domo illa.

Et scabellum pedum Dei nostri. Scabellum dicitur esse paruum scānum, & est id, quod subternitur pedibus. Et istud competit arce, quia Deus dicebatur sedere super arcam, siue super Cherubim, qui erant super arcam, vt patet 2. Reg. 6. vt infra declarabitur in quadā quæstione, & accipiunt hic pro eodem arca, & scabellum pedum Dei.

Et ad ædificandum omnia preparavi. Scilicet antequam prohiberer ædificare, preparaueram omnia. Vel nunc preparavi iam omnia, licet prohibitus sim ædificare. Sed quid istorum verum sit, infra declarabitur in quadā quæstione.

Deus autem dixit mihi non ædificabis domum nomini meo. Scilicet tu non ædificabis. ista prohibitio fuit facta quando Dauid dixit ad Nathan prophetam, quod volebat ædificare domum Domino, secundo Regum septimo, & supra decimoseptimo. Istud dixit Dauid ad respondendum obiectioni, quæ fieri posset, Nam aliquis diceret quomodo tu hortaris nos, quod adiuuemus Salomonem ad ædificandum templum, cum tu potius debuisses tempore tuo ædificare illud, cum haberes opportunitatem ad illud ædificandum.

Respondet Dauid, quod non fecit hoc, quia prohibitus est, alioquin non hortaretur nunc Salomonē, quod ipse faceret.

Eo quod sis vir bellator. Id est assueris bellis, & propter assuetudinem pugnandi non poteris vacare ædificationi templi, quæ requirit magnam pacem.

Et sanguinem fuderis. Id est fudisti sanguinem vsque huc, & etiam ulterius fusus es. Ideo non poteris vacare ædificationi. Nam sanguis effusus in præterito non impediuit eum ab ædificatione templi, nisi postea effusus esset. Ex hoc aliquantulum apparet in superficie literæ, quod Dauid prohibitus fuerit ædificare templum Domino propter sanguinem, quem fuderat in bellis, sed falsum est, sicut declaratum est latissime supra 22. in quadā quæstione.

Quare Dauid surrexit cum vellet loqui populo suo.

Quæst. VII.

QUÆRITUR quomodo dicitur hic, quod Dauid quando voluit loqui populo suo surrexit, & stetit.

Aliqui dicunt, quod istud erat, quia quando Dauid locutus est hæc, erat in tabernaculo Domini, vbi posuerat arcam in domo sua, & erat ibi quidam gradus eleuatus super quem Dauid solebat reclinari ad orandum, & super illum stetit nunc, vt videretur, & audiretur a toto populo.

Alij dicunt, quod istud fuit, quia quando Dauid se-

Fcit istam exhortationē, iacebat in lecto, quia egrotabat, & vt cōpetētius loqui posset, surrexit, & stetit in lecto. Prima positio istarum habet aliquam similitudinem, ex eo, quod fecit Salomon; nam quando Salomon completo templo introduxit arcam, & orauit, locutusque est coram toto populo, stetit super quadam basim eneam, sic patet sequenti libro cap. sexto, scilicet. Si quidem fecerat Salomon basim eneam, & posuerat eam in medio basilicę habentē quinque cubitos longitudinis, & quinque latitudinis, & quinque altitudinis, stetitque super eam. Sic putat de Dauid, quod fecerit, & tamen non constat.

GSecunda positio est vera, quia quando Dauid locutus est ista, iam non poterat pedibus suis ambulare, nec stare, quia iam egrotabat illo languore, quo mortuus est. Nam Dauid infrigidatus est intantum, quod cum operiretur vestibus non calefiebat, ideo quæsitā est ei iuuenula, quæ dormiret in sinu eius, & calefaceret eum 3. Reg. 1. Iacebat autem post hæc Dauid semper in lecto, & ibi ministrabat ei illa iuuenula, vt patet ibidem, vnde quādo Adonias fecit se vngi in regem nesciente Dauid relatum est ei, iussitque quod illico Salomon vngeretur, & factum est. Et tamen ad omnia hæc nō surrexit Dauid de lecto, licet esset magna turbatio populi eodem capitu. Et tamen ista, quæ habentur hic, & supra a capi, vigesimotertio, vique huc, facta fuerunt post vñctionem Salomonis in regem, vt patet supra vigesimotertio, ergo quando ista facta sunt, iam egrotabat Dauid, nec poterat surgere de lecto. Quod autem dicitur hic, quod surrexit, & stetit, intelligendum est, quod venientibus istis principibus Dauid aliquantulum se erexit in lecto, vt melius posset loqui eis, & istud fuit surgere, & stare.

De quibusdam verbis dictis a Dauid, scilicet vellem domum facere, vt arca fœderis in ea requiesceret.
Quæst. VIII.

QUÆRITUR vltterius, quomodo Dauid dixit, quod volebat facere domum in qua requiesceret arca fœderis.

KRespondendum, quod duo fuerunt motiua Dauid ad faciendum domum istā, primum fuit, quia arca Domini, quæ erat vas principalis, & sacratissimum in toto tabernaculo non habebat locum decentem sibi, volebat ergo Dauid ædificare ei domum preciosissimam, & istud motiuum expressit ipse Nathan Prophetæ, quando voluit ædificare templū, dicens. Ecce ego habito in domo cedrina, arca autem Dñi sub pelibus est supra 17. quasi dicat Inhonestum est, quod ego habeam domum pulchriorē quam arca Dei, & tamen ego habito in domo cedrina, & arca Dñi sub pellibus est, id est in tentorio pellium iacynthinarum. Secundum motiuum erat, quia ante hoc locus, in lum Dñi erat in motu: nam non erat aliquis locus, quo determinate esset, sed mouebat de loco ad locū, eo, quod nō hēbat adhuc arca Dñi, & alia vasa Sanctuarij aliq̃ domum manentem, in qua essent, sed solum habebant ipsum tabernaculum Moyse, quod fecerat in deserto, & istud erat portatile. Si autē aliqua domus fieret ipsi arcę Domini, & vasis Sanctuarij in loco ad locum, non mutarentur iam de loco ad locū, sed manerent illi in tempiternum, ideo desiderabat Dauid facere templum Domino, vt arca iam requiesceret, si quod nō moueretur de loco ad locū, sicut prius. Et sic inquit Deus ipsi Dauid, quando voluit ædificare templū, & prohibuit eum, scilicet. Nunquid a principio locutus sum alicui Israel, quare non ædificasti mihi domum cedrinam, & iterum. Non ædificabis mihi domum ad habitandum, nec enim manum in domo

mo ex eo tempore, quo eduxi Israel de Aegypto vsque ad diem hunc, sed fui semper mutans loca tabernaculi, & in tentorio manens cum filiis Israel, quasi dicat, si domus fuisset ædificata Deo, non mutaret semper loca tabernaculi, sed ex eo, quod non mansit in domo, sed in tentorio, mutabat semper loca tabernaculi, & hoc, quod dicit ibi Deus intelligitur de arca. Nam dicit non mansi in domo, sed fui mutans loca tabernaculi, & in tentorio manens, & tamen non competit hoc Deo, quia Deus, nec in tētorio manet, nec loca mutat, sed arca mutabat locum, & manet in tentorio, ideo quod Deus dixit ibi de seipso, scilicet non ædificabis mihi domum 2. Reg. 7. & supra 17. Dauid dicit hic de Deo, scilicet cogitavi ædificare domum, in qua requiesceret arca Domini.

Quid erat scabellum pedum Dei.

Quest. IX.

QUÆRITUR vltius, quod erat scabellum pedum Dei, & quomodo poterat ædificari domus pro isto scabello.

Respondendum est, quod scabellum dicitur esse parua sedes, vel scannum, in quo pedes ponuntur, & non competit hoc Deo, cum sit purus spiritus, quia Ioannis quarto dicitur: Deus spiritus est, & qui debent eum adorare, oportet in spiritu adorare. Ideo non habet sedem, nec scabellum. Scriptura tamen, quia vult Deum significare simplicibus, ut aliquid de eo intelligant, cum non possunt aliquid intelligere, nisi modo corporali, significat Deum per modum corporis, quamquam nunquam dicat visam fuisse aliquam similitudinem Dei, ne inducerentur Israelitæ ad figurandum aliquam talem imaginem, vel statuum, & sic peccarent. Quia tamen in Sancta sanctorum erat locus obscurus, in quo nihil poterat videri ad hoc, quod Israelitæ non inducerentur ad idolatriam, dicit scriptura ibi Deum esse, & ponit modo corporali dandam sibi sedem, & scabellum pedum. Ratio autem ponendi hoc, cum secundum rem non sit, fuit duplici. Prima fuit ad significandum Israelitis præsentiam Dei sui. Nam si non significaretur sic, quod Deus Israel erat inter cultores suos, putarent Israelitæ, quod erat longe ab eis, & consequenter, quod non posset eis auxiliari, quia non putabant auxilium posse præstari, nisi per præsentialitatem, & quia non poterant Israelitæ intelligere alium modum præsentialitatis, nisi secundum quandam corporeitatem, significavit Deum habere corpus, & scabellum, non tamen expressit qualis esset figura corporis Dei, ut Israelitæ non mouerentur ad fabricandum similitudinem aliquam, vel imaginem Deut. 4. cum dixit Moyse: Locutus est Dominus de medio ignis, ne forte decerneretis. Neceffe tamen fuit in Israelitis dicere, quod Deus erat sibi præsens. Nam in hoc laudavit Moyses Israelitas super alias gentes eod. c. Quæ est gens tam propinquantibus sibi, sicut adest Deus cunctis obsecrantibus nostris? Et quia non potuit alius modus præsentialitatis significare ludæis rudibus, significata est quocumque loco alio diceretur Deus esse per istum modum, videretur ab Israelitis aliquid, quod ipsi putarent esse corpus Dei, vel partem eius, & ex hoc erratum, eo quod ibi erat locus obscurus vndique clausus, & non erat ibi aliqua lucerna. Nec licebat illuc alicui intrare, nisi summo sacerdoti semel in anno in

Alph. Toft. In Lib. I. Paralip.

A die propitiationis, & tunc ferebat in manu sua thuribulum plenum prunis, & aromatibus, ut vapor grossus inde consurgens repleret domum, & obnubilaret oculos summi sacerdotis, ne putaret se aliquid videre de ipsa deitate, quæ dicebatur esse super arcam causa pater, quia Leuit. 16. dicitur quod non intraret summus sacerdos omni tempore in sancta sanctorum, eo quod Deus appareret super oraculum, id est super propitiatorium arcæ, ideo subdidit, quod quando intraret, ferret secum prunas, & aromata, ut repletetur domus fumo, & nihil videre posset. Secunda causa fuit, quia in sancta sanctorum audiebatur vox loquentis. Nam quodcumque intrabat Moyses in sancta sanctorum ad consulendum dominum super aliquo dubio, audiebat vocem loquentis ad se de propitiatorio Numeri 7. Et ille loquens dicitur in scriptura esse Deus, ideo fingi debebat Deum habere quandam præsentialitatem in sancta sanctorum. Et quia ista non poterat signari nisi per modum corporis, sicut supra dictum est, debuit poni Deo sedes, & scabellum.

De scabello, & vbi erat.

Quest. X.

QUÆRITUR vltius, cum scriptura debuerit ponere Deo scabellum pedum, quid erat istud scabellum, vel vbi.

C Aliquis dicit, quod Deus significatur per modum alicuius maximi, & replentis omnia iuxta illud: Ierem. vigesimotertio, scilicet: Cælum, & terram ego impleo, dicit Dominus. Et sic conuenit ei: nam si corpus ei debet attribui, conueniens est, quod attribuitur maximum, secundum magnitudinem virtutis, & secundum istum modum Deus dicitur esse in cælo, & in terra, & habere sedem in cælo, & scabellum pedum in terra. Sic dicitur in Psalmo: Dominus in cælo sedes eius. Et melius habetur Matthæi quinto, cum dixit Christus: Nolite iurare per cælum, quia sedes Dei est, nec per terram, quia scabellum pedum eius est. Sed iste modus non conuenit in præsentia, quia tunc non magis esset scabellum pedum Dei in sancta sanctorum, quam in alio loco, cum potius tota terra esset scabellum pedum Dei.

D Sed dicendum, quod Deus aliquando signatur per modum minoris corporeitatis, sicut Isai. sexto, quando vidit Isaias Dominum sedentem in solio excelso: & seraphim velabant solium Dei in circuitu. Nam tunc non significabatur Deus tanquam replens cælum, & terram.

Nam dicitur, quod ea, quæ sub ipso erant, replebant templum, ergo ipse non replebat templum, nec erat ibi. Etiam dicitur, quod plena erat omnis terra gloria eius, ergo non ipse, sed gloria eius erat replens terram. sic etiam in visione Ezechielis, visus est Deus sub minori corporeitate. Nam apparuit similitudo quatuor animalium, & etiam aliquid loco Dei, tamen illud non replebat terram, & cælum, ut patet Ezech. primo, & 2. & 10.

E Sic ergo poterat hic significari Deus per modum minoris corporeitatis, ita ut posset scabellum pedum eius esse in sancta sanctorum, vel saltem in templo. Et sic Dauid fabricando templum dicebat se fabricare scabellum pedum Dei.

Sed dicendum est, quod specialiter istud scabellum pedum Dei non erat nisi in sancta sanctorum, eo quod ibi dicebatur Deus esse, quia erat locus obscurus, & in quocumque alio loco videri posset: & non solum erat in sancta sanctorum, sed erat specialiter super arcam. Sic enim dicitur secundo Regum sexto, quod Deus sedebat super Cherubim, & tamen Cherubim sunt super arcam, nunc

Sc. autem

antem dato hoc est duplex modus assignandi communis scabellum pedum Dei secundum figurationē arcę. Nam dicit Nicolaus, quod propitiatorium arcę ponitur sedes Dei. Ideo secundum, quod variè ponitur propitiatorium, ita variatur scabellum. Quidā enim putant, quod sit propitiatorium quædam tabula aurea, quæ teneatur manibus duorum Cherubim, & super illam dicebatur Deus sedere, & tunc scabellum pedum Dei esset in coopertorio arcę, & fabricando illud coopertorium, dicebatur fabricare scabellū pedum Dei. Alij putant, quod propitiatorium erat ipsum coopertorium arcę, & tunc sedes Dei esset in coopertorio arcę, & scabellum pedum eius esset in pavimento ante arcam. & quia videtur quibusdam, quod inconuenienter assignetur scabellum pedum Dei super terram, tenent primum modum, s. quod coopertorium arcę non sit propitiatorium, sed quædam tabula, quæ tenebatur manibus Cherubim.

Dicendum tamen, quod ille modus non est verus, Nam præsupponit falsum, scilicet, quod propitiatorium non esset coopertorium arcę, cum scriptura ponens arcę fabricationem non ponat aliquod coopertorium arcę, nisi ipsum propitiatorium. Etiam quia ipsum propitiatorium, & arca erant eiusdem magnitudinis: Exodi vigesimo quinto, & trigesimo sexto. Et tamen istud impossibile erat, si ista tabula, quæ esset propitiatorium, teneretur manibus Cherubim. De hoc declaratum est magis Exodi trigesimo sexto, & ibi probatum est.

Dato tamen, quod dicamus propitiatorium esse coopertorium arcę, non dicemus, quod scabellum pedum Dei esset in terra, non quidem quasi inequens sit poni scabellum pedum Dei in terra, cum Matth. quinto, dicatur, quod terra scabellum pedum Dei est, sed quia in presenti non conuenit, quod ponatur scabellum in terra.

Primo quia si poneretur scabellum pedum Dei in terra, poneretur sedes esse propitiatorium, & falsum est, quia tunc Deus non sederet super Cherubim, sed infra, quia duo Cherubim erant elenati super arcam, cum ipsi producerentur de propitiatorio opere malleatorio, & tamen Deus dicebatur sedere super Cherubim, ut patet secundo Regum sexto, & Psalmo 79. scilicet. Qui sedes super Cherubim manifestare coram Ephraim. Sederet ergo Deus super alas Cherubim saltem, & sic pedes eius essent super propitiatorium arcę, alioquin sedes Dei esset sub pedibus Cherubim, cum pedes Cherubim essent in propitiatorio, & sedes Dei esset ipsum propitiatorium.

Secundo patet, quia David dixit hic, quod volebat edificare scabellum pedum Dei. Et tamen si esset sedes in propitiatorio, & scabellum in pavimento, non edificaret David scabellum pedum Dei, quia pavementum non edificatur.

Ideo dicendum est, quod istud scabellum esset propitiatorium, in quo diceretur esse sedes pedum Dei, & sedes eius esset super alas Cherubim.

De quibusdam verbis hic dictis a David, scilicet omnia præparavi ad edificandum, Quæst. XI.

QUÆRITUR vltcrius, quomodo dixit hic David, & ad edificandum omnia præparavi, quia videtur, quod non præparauerat David omnia necessaria ad ædificationem, quando dixit ista verba: nā dixit illa quando cogitauit edificare domum Domino, & prohibitus est 2. Re. 7. & supra 17. Respondendum, quod ista verba possunt referri ad duo tempora. Vno modo referuntur ad tempus, quo David voluit edificare templum, & prohibitus est, quod aliquantulum conionat literę

F cū dicatur hic. Cogitavi edificare domum, in qua requiesceret arca, & ad edificandum omnia præparavi. Et sequitur: Dominus dixit mihi, non edificabis domum nomini meo. Et sic prius parauerat ipse omnia, quā Deus diceret ei non edificabis nomini meo.

Alio modo potest intelligi, quod ista verba non facta fuerint antequam prohiberetur David edificare templum, sed postea, scilicet nūc, & verum est, quod nunc iam omnia parauerat, & accipiendo isto modo, dicendum quod David interposuit nunc ista verba hic, scilicet. Ad edificandum omnia præparavi. Nam a principio solum cogitauerat edificare domum Domino, & Deus prohibuit eum. Nunc autem, quia David referebat prohibitionē illam, interposuit hic quomodo ad edificandum domum parauerat omnia, scilicet nō antequam prohiberetur, sed post quā prohibitus est, quia postea congregauit lapides, & ligna, ut patet supra 22. & ibi declaratum est. Si autem teneatur primum dicemus, quod David præparauerat omnia necessaria antequam prohiberetur edificare: nam necessaria pro templo erant duplicia: quædam immediata, scilicet quæ per se ipsa ingrederentur ædificationem templi, sicut lapides, & ligna, & alia materialia. Alia erant necessaria mediate, scilicet, quia mediantibus illis haberentur alia necessaria omnia, & sic pecunia est totum, quod necessarium est, quia qui pecuniam habet, totum habet: nam pecuniæ omnia obediunt, sicut dicitur Ecclesiast. 10. Nam David congregauerat omnia necessaria.

H Secundo modo antequam prohiberetur edificare, quia congregauerat aurum, & argētum multum in bellis, quæ habuerat contra gentes, quæ erant in circuitu terræ suæ, & per illa poterat emere omnia materialia necessaria pro templo Domini. Omnia autē ista consecrauerat iam David ad ædificationem templi Dñi, ut patet 2. Reg. & supra 18. Accipiendo iam oīa necessaria secundo modo, non congregauerat David omnia ista, quā prohibitus est edificare templum, sed postea congregauit illa. Nam postquam in area Ornamentorum Deus acceptauit sacrificium, quod fecit David, & exaudiuit ipsum: sciuit David, quod ibi futurus esset locus Sanctuarij, & ex tunc cepit congregare materiam necessariam lapidum, & lignorum, ut colligitur supra 22. & ibi declaratum est. Alio modo conuenientior est, s. quod ista verba nunc dixerit David significando, quod præparauisset oēs expensas pro templo edificando, non quidem antequam prohiberetur edificare, sed postea præparauit. Interposuit autem istud hic ad tollendum difficultatē, quia cum David nunc hortaretur Salomonem, ut edificaret templū, & Israhelitas, ut adiuuarent eum, excusarent se forte per difficultatem expensarū. Ideo David dixit oīa præparauit ad edificandū, quasi dicat non ponatis difficultatē in hoc, quia oīa sunt parata, & nō restat, nisi ædificatio.

K An David præparauit omnia necessaria pro ædificatione templi. Quæst. XII.

QUÆRITUR vltcrius, quomodo David dixit nunc, quod omnia necessaria præparauerat pro ædificatione, quia etiam accipiendo, quod istud intelligatur pro tempore, in quo nunc David loquebatur, non erat verum, quod David præparauisset omnia, quia multas expensas, & magnas fecit Salomon in ædificatione templi, quia lapides, & ligna portauit de Libano, ut patet tertio Reg. 5. & seq. lib. cap. 1. & 2. Respondet Nicolaus, quod David dixit, se præparauisse omnia, id est aliqua de omnibus, nō tamē in omni præparauerat oīa. Sed iste modus loquendi non est

tum conuenit, quia tunc etiam si sola duo ligna, vel lapides pro edificatione templi portasset, diceretur preparasse omnia, idest aliqua de omnibus, sed istud nihil est.

Potest ergo responderi dupliciter. Primo modo, quod accipiuntur omnia pro valde multis, vel quasi omnibus, & sic consuevit scriptura dicere omnes pro multis, quia etiam sic nos vulgariter loquimur. Ali- ter potest dici, & melius, quod Dauid congregauerat omnia, scilicet, quod ipse putabat se omnia congregasse, ita quod nihil deficeret de necessarijs pro tanta edificatione, & tamen in hoc errauit Dauid, quia putauit se habere omnia necessaria, & non habebat, & hoc non erat admirandum, quia in tanta operis magnitudine, non posset aliquis determinate dicere quanta erat materia necessaria, putauit igitur Dauid se congregasse materiam sufficientem pro edificatione templi, quia alias congregasset semper usquequo crederet se habere omnia necessaria, & tamen non congregauit plura cum posset, ideo credidit se iam habere omnia necessaria pro templo edificando. Salomon autem incipiens edificare, credidit non esse sufficientem materiam, ideo congregauit multiplica ligna, & lapides, & etiam aurum, & argentum, & tamen illa, quae congregauit postea Salomon, non solum fuerunt pro edificatione templi, sed etiam pro edificatione domorum suarum: nam tres domos mirabiles edificauit, scilicet domum saltus Libani, & domum suam, & domum filiae Pharaonis, ut patet tertio Regum septimo, & pro illis erat multa materia necessaria.

Sed & elegit Dominus Deus Israel me de uniuerſa domo patris mei, ut essem rex super Israel in sempiternum. De Iuda enim elegit principes. Porro de domo Iuda domum patris mei, & de filiis patris mei placuit ei, ut me eligeret regem super cunctum Israel. Sed & de filiis meis, filios enim mihi multos dedit Dominus, elegit Salomonem filium meum, ut federet in Throno regni Domini super Israel.

Sed elegit Dominus Deus Israel me de uniuerſa domo patris mei. Scilicet elegit me, ut essem rex. Et dicitur de uniuerſa domo patris mei, idest de tota familia: nam habuit pater Dauid filios octo, ut colligitur primo Regum 16. & 17. & supra 2. Et de omnibus illis Deus elegit Dauid, ut esset rex, quamquam ipse esset minimus fratrum suorum.

Ut essem rex super Israel in sempiternum. Scilicet ut essem rex super totum Israel. Nam licet Dauid regnauerit prius super totam tribum Iudae, tamen Deus non elegerat eum, ut esset rex super totam tribum Iudae, sed super tribum Israel, ideo postquam regnauisset aliquanto tempore super tribum Iudae, fecit Deus, ut mortuo Isoboeth acciperetur in regem super totum Israel, & dicitur in sempiternum, ad differentiam Saulis, quia Deus elegerat etiam Saulem in regem super totum Israel, & regnauit ante Dauid, tamen non elegit eum, ut regnaret in sempiternum, ideo de ipso Dauid dicitur, quod regnatus esset in sempiternum, quia Deus non auferret eum a facie sua, sicut abstulerat Saulem, ut patet 2. Regum 7. & supra 17. De Iuda enim elegit principes. Idest Deus fecit, quod essent principes de tribu Iuda. Et non sunt isti principes reges, quia postea

A dicitur de regibus, scilicet quod de domo patris Dauid fuerunt electi, sed vocantur principes alij potentes in populo, minores, quam reges. Quomodo autem fuerint isti principes, declarabitur infra in quadam questione. Porro de domo Iuda domum patris mei. Idest totam tribum Iudae elegit Deus, ut essent principes de illa, & in comparatione ad alias tribus, ista erat tribus principum, & tamen adhuc in ipsa tribu Iuda erant multitudo domus, & non erant principes de omnibus illis, sed elegit Deus domum Isai patris Dauid, ut de illa nascerentur reges.

Et de filiis patris mei placuit, ut me eligeret Regem super cunctum Israel. Scilicet, quamquam elegit Deus domum patris mei, ut de illa nascerentur principes, non tamen elegit totam domum illam, quia non elegit omnes filios Isai: nam praesentato Samuele primogenito eorum, scilicet Eliab, dixit Samuel ad Deum: Nunquid coram Domino est Christus eius? Et dixit Deus, non aspicias vultum eius, nec altitudinem staturae eius, quoniam abieci eum, nec iuxta intuitum hominis iudico. primo Reg. 16. sed elegit Deus solum Dauid de filiis patris sui, ut ab eo deriuarentur Regis. Et dicitur placuit ei, ut me eligeret, quasi dicat, non fuit ista electio ex meritis meis, sed ex voluntate Dei, quia ego nihil tale merueram, Deus tamen voluit mihi hanc gratiam facere, & ideo proprie est gratia, quia non est ex meritis. Sed & de filiis meis. Quasi dicat, licet elegit me, non elegit omnes filios meos, quia non poterunt omnes esse reges, nec filij eorum, sed aliquis ipsorum, ideo vnus electus est, scilicet Salomon. Multos enim filios dedit mihi Dominus. Istud dicit Dauid ad declarationem dicti praecedentis, quia supra dixerat, quod de filiis suis elegerat Deus vnum, in quo innuebat, quod habebat multos filios, ideo expressit illud hic, dicens: Multos enim dedit mihi Dominus. Et dicit, quod Deus dedit sibi illos, quia omnia bona hominis a Deo sunt, & specialiter filij: nam Deus dat filios, cui vult. Sic patet Genesis trigesimo, cum dixit Rachel ad Iacob: Da mihi liberos, alioquin moriar, & dixit Iacob, nunquid pro Deo ego sum, qui priuauit te fructu ventris tui? quasi dicat, ad solum Deum pertinet dare filios, & priuare hominem illis.

Elegit Salomonem filium meum. Iste erat de minoribus filiis, & tamen Deus elegit eum. Erat enim Adonias maior illo, qui fecit se vngere in regem tertio Regum primo. Et tamen Dauid fecit illum reuocare, & quod Salomon vngeretur, ut patet ibidem.

Ut federet in throno regni Domini super Israel. Scilicet, ut federet in throno regali, & vocatur thronus regni Domini, quia regnum Israel specialiter pertinebat ad Dominum, eo quod omnes populi colebant idola, Deus autem elegerat Israelitas in populum sibi peculiarem: Exod. decimonono, & Deuteronomij septimo, & proprie vocatur regnum Domini, sicut infra dicitur.

Quare fuerunt posita a Dauid haec verba hic posita.

Quaest. XIII.

QVAERITUR circa ista quare Dauid allegauit hic omnia ista, quia non videntur agere ad propositum, scilicet quod Deus elegeret principes de Iuda, & ipsum elegeret in regem. Respondendum, quod intentio Dauid erat hic hortari Salomonem, quod edificaret templum Domini, & hortari totum populum, quod adiuuarent eum ad edificandum, & quia diceret aliquis, quomodo Salomon edificare debet templum, quia nescitur, an voluntas Dei sit, quod ipse templum edificent, & sic populus non inclinaret ad adiuuandum eum. Ideo Dauid vult hic ostendere

re, quod Deus iussit Salomoni edificare templum, & hoc inducit demonstrando etiā quomodo Deus elegit Salomonem in regem, quia opus ædificationis templi nō imponeretur alicui, nisi esset princeps super totum Israel, sicut erat rex, & ad hoc inducit hic Dauid per verba longa, quomodo Deus elegit Salomonem in regem, dicens: Primo quod inter omnes tribus Israel electa fuit tribus Iuda, ut de ea essent principes, & de tribu Iuda fuit electa domus patris Dauid, & de domo illa fuit electus solus Dauid, & de filiis Dauid fuit electus solus Salomon, & sic tota tribus Iuda resoluitur in Salomonem.

De ratione facta a Dauid circa electionem principis.
Quæst. XIII.

QUÆRITUR ulterius, cū Dauid faciat hic istā longam deductionem electionis principū usque ad Salomonem, quare non induxit postea istam electionem Dei, quia etiam de filiis Salomonis, & posteris eius, non fuerunt omnes reges, sed quidam eorum.

Respondendum, quod hoc factum est propter multa. Primo quia ad propositum Dauid non faciebat electio posterorum: nam intendebat hic Dauid probare, quod Deus elegisset Salomonem ad regnandum, & ad edificandum templum, & hoc, ut hortaretur ipsum ædificare, & totum populum adiuuare eum. Et quia hoc non pertinebat ad posteros Salomonis, sed ad ipsum solum, fuit necesse induci de præcedentibus Salomonem. Et cum perueniretur ad ipsum non erat opus, quod extenderetur ultra ista enarratio. Secundo, quia fortē Dauid nesciebat de posteris Salomonis, qui electi essent a Deo, ut regnarent: nam de Salomone Deus reuelauerat ipsi Dauid, quod regnaturus esset super Israel, ut patet 2. Re. & supra 17. de posteris autem eius nominatim nihil dixerat, ideo Dauid nihil sciret, qui de posteris Salomonis regnaturi essent: potissime, quia tunc nullos posteros habebat Salomon. Tertio, quia dato, quod Deus reuelasset de posteris Salomonis, qui regnaturi essent, tamen quia quando Dauid istud dixit, Salomon non habebat aliquos filios, quia erat puer tener, ut patet seq. c.

Et dato, quod Dauid nominaret illos, cū populus non videret aliquos eorum, cum nondum essent, nihil perficiebat ista nominatio. Quarto quia non fuit necesse nominari electionem istam in aliquibus posteris Salomonis, quia ista electio Dei solum ponitur ad tollendum dubium, & tamen in posteris Salomonis iā erat ablatum dubium, ideo non oportebat nominari illos. Et patet hoc, quia de tribubus Israel dubium erat, quam vellet Deus accipere, ut ex ea nascerentur principes, ideo dicitur, quod de Iuda elegit principes. Et quia non poterant omnes viri istius tribus esse principes, oportuit, ut de aliqua progenie speciali istius tribus essent reges, & ad hoc electa est domus Isai. Et quia Isai habebat octo filios, & dubium erat quē eorum Deus vellet regnare, dicitur quod elegit Deus Dauid. Habuit etiam Dauid filios multos, & nondum erat determinatum, ad quem eorum pertineret regnum, ideo ponitur, quod electus est Salomon de omnibus filiis Dauid. Et quia dicitur, quod elegit Deus Salomonem, & filios eius, ut regnarent in æternum 2. Re. 7. & supra 17. iam non est dubium, quod regnum mansurum esset semper in progenie Salomonis, & non poterat iam alia progenies eligi ad regnandum, ideo quia sublatum erat dubium, non oportebat, quod iam diceretur ulterius de aliis, qui eligerentur ad regnandum, & ista, & prima sunt causæ ad hoc,

F Quomodo intelligantur hæc verba, scilicet quod Deus elegit Dauid ad regnandum in sempiternum.
Quæst. XV.

QUÆRITUR ulterius quomodo dicit hic Dauid, quod Deus elegerat eum ad regnandum in sempiternum, quia Dauid non regnavit in sempiternum cum mortuus fuerit.

Dicendum est, quod Dauid dicitur regnasse in sempiternum, non in se, sed in sua progenie. Nam regnā tribus posteris Dauid dicebat ipse regnare, eo quod vivente filio dicitur pater eius non esse mortuus, & quam mortuus sit, ut patet Ecclesiastici 30. Mortuus est pater eius, & quasi non est mortuus: reliquit enim filium similem sibi. Sed tunc dicitur quomodo filij Dauid regnaturi erant in æternum: nam regnum eorum non duravit semper, cum nunc non daret.

Responderi potest vno modo, quod filij Dauid regnaturi erant in æternum, scilicet usque ad finem sæculi, nisi peccarent, quia tamen peccauerunt, mutatum est regnum eorum, & traditum est alteri genti, quia regnum transfertur a gente in gentem propter iniustitias, & iniurias, & contumelias, & diuersos delos: Ecclesi. 10.

H Secundo potest dici, quod regnum filiorum Dauid erat in sempiternum, id est usque ad magnum tempus. Nam in scriptura non accipitur sempiternum pro eo, quod semper durat, sed sepe pro eo, quod durat longo tempore. Nam interdum sempiternum vocatur, quod durat minus quam quinquaginta annis. Nā ille, qui erat seruus usque ad Iobelaum dicebatur seruus æternus. Exo. 21. & Deut. 15. Et tamen Iobeleus fiebat de quinquaginta in quinquaginta annos Leui. 25. Et tunc tollebatur omnis seruitus, & debitor, ut patet ibidem, ergo æternum est, quod etiam modico tempore durat. Sic autem fuit de regno filiorum Dauid: nam saltem usque ad captiuitatem Babylonis regnauerunt sine dubio. Postea autē aliqui dicunt eos regnasse usque ad tempus Christi, sed istud non est tam manifestum, & tamē dato, quod solum regnauerint usque ad captiuitatem Babylonis, regnauerunt plusquam quadringentis annis. Et istud tempus potest vocari sempiternum. Tertio modo potest dici, quia fuit regnum filiorum Dauid in sempiternum, quia Christus venit de semine Dauid, & dicitur inheruisse regnum Dauid, & dicitur regnare in æternum. Nam regnum Ecclesiæ est regnum Christi, & isti regno alterum non succedet, ut patet Daniel. 2. Et Christus dicitur habere regnum, ut patet Iere. 23. Ideo regnum filiorum Dauid est in æternum.

Quomodo principes de Iuda fuerint electi a Deo.
Quæst. XVI.

QUÆRITUR ulterius quomodo dicitur hic, quod Deus elegit principes de Iuda, & qui fuerunt isti principes, & quomodo accepti fuerunt. Responderi potest dupliciter, vno modo, quod isti fuerunt reges, & sic dicitur, quod Dauid, & Salomon, & posterii sui fuerunt isti principes. Et isto modo dicitur, quod hic ponitur de principibus Iuda, quia Dauid vult incipere electionem Salomonis ex fundamento, scilicet Deus voluit eligere aliquos principes de tribubus Israel. Et inter omnes tribus elegit tribum Iuda, & de tribu Iuda domum Salomonem. In comparatione ergo ad alias tribus dicitur, quod elegit Deus principes de Iuda, scilicet eligere reges de ista tribu, & non de alia.

Secun-

Secundo modo potest intelligi, quod isti fuerunt aliqui principes assumpti de tribu Iuda, qui præsuerunt in populo, licet non essent reges.

Et dicendum, quod antequam reges essent de tribu Iuda, fuerunt principes aliqui in ista tribu, quia ista erat dignior alijs tribubus. Vnde in exitu de Aegypto, cum numeratus est totus populus, & diuisa sunt duodecim tribus per quatuor vexilla, primum vexillum traditum est tribui Iuda, & locus dignior in castrametando, & principium in progrediendo, ut patet Num. 2. & 10. princeps etiam tribus Iuda erat honorabilior alijs principibus. Vnde ipse obtulit primum in dedicatione templi inter omnes principes tribuum, ut patet Num. 7. etiam post introitum Israelitarum in terram Chanaan, mortuo Iosue, cum quaererent Israelitæ quis de omnibus tribubus ascenderet prius ad pugnandum contra Chanaanæos, respondit Deus, Iudas ascendet. Iudi. 1. Etiam cum incepit Iudicum mortuo Iosue, primus Iudicum fuit Othoniel de tribu Iuda, ut patet Iudicum 3. Item quoniam fuit bellum undecim tribuum Israel contra Beniaminitas, propter viros Gabaa, quaesierunt Israelitæ quis esset dux in exercitu eorum contra filios Beniamin. Et respondit Deus, Iudas erit dux vester. Iudi. 20. & sic fuerunt semper in tribu Iuda viri, qui haberent honorem super totum populum Israel, & essent principes, etiam ante reges. Et de his potest intelligi, quod Deus elegit principes de Iuda. Dicit Nico. & Hebræi, quod in transitu maris rubri, cum omnes tribus formidarent transire, tribus Iuda transiit ante omnes, & tunc promeruit principatum, & regnum super alias tribus. De hoc autem, an verum sit declaratum est Exo. decimo quarto.

Dicendum tamen est, quod siue viri Iuda transierint ante alias tribus per mare rubrum, siue non: non promeruit tribus Iuda ex hoc, sed quia Deus præordinauerat hoc, & denunciavit illud per Iacob benedicens filijs suis in morte. 1. Iuda te laudabunt fratres tui. Scilicet tanquam principem. Et postea sequitur. Non auferetur sceptrum de Iuda, & dux de femore eius donec veniat, qui mittendus est. Et sic significatur, quod regnum futurum erat in tribu Iuda.

De filijs David. Quest. XVII.

QVAERITUR vterius, de filijs David, cum dicat, quod habuit multos filios, qui fuerunt isti. Respondendum, quod David non habuit aliquos filios nisi quod esset vnus in regem super Iudam, cum iam esset triginta annorum secundo Regum quinto. Ideo scriptura solum dicit eum habuisse filios in Hebron, & in Ierusalem, scilicet, quia in Hebron regnavit septem annis, & dimidio, quando erat rex super Iudam, & in Ierusalem regnavit triginta tribus annis, habuit autem in Hebron sex de sex uxoris, ut patet secundo Regum tertio. Postea autem in Ierusalem factus rex super totum Israel, accepit uxores alias, & concubinas, ex quibus nati sunt filij undecim, ut habetur secundo Regum quinto. vel magis tredecim, ut patet supra tertio, & sic fuerunt filij David decem, & novem, & isti fuerunt masculi: nam de feminis non fit mentio, nisi de Tamar, quamquam verisimile est, quod habuerit alias filias, sed scriptura fecit mentionem solum propter causam specialem, scilicet, quia propter eam orta est magna discordia, & occisio in filiis David, scilicet, quia deflorata est per fratrem suum Amnon 2. Reg. 13. Et isti omnes fuerunt filij vxorum David. Nam ex concubinis suscepit alios filios, quos scriptura non nominat propter indignationem ipsorum.

Aph. Ios. in Lib. I. Paralip.

A sicut dicitur supra primo: Omnes hi filij David absque liberis concubinarum. Et sic David habebat multos filios tam vxorum, quam concubinarum, & nulum illorum Deus elegit, nisi Salomonem.

An Salomon fuerit electus à Deo.

Quest. XVIII.

QVAERITUR vterius, quomodo dicitur hic, quod Deus elegit Salomonem, ut esset rex.

Aliqui dicunt, quod non fuit ista aliqua electio facta à Deo, sed solum à David, dicit tamen David, quod Deus elegit eum in regem, eo quod David elegit Salomonem habebat potestatem à Deo ad eligendum, ideo cum ipse eligeret eum in regem, dicebatur Deus illum eligere. Et hoc probant, quia si Deus elegisset Salomonem expresse, non vnisset populus Adoniam in regem, & tamen vnxit 3. Reg. 1. Item quando populus vnxit Adoniam, venit Nathan Propheta ad David, dicens: Oculi totius Israel ad te sunt, ut ostendas eis quis sedere debeat super thronum tuum post te. Si tamen Deus determinasset de Salomone, quod futurus esset rex, non quaereretur determinatio ista à David, & tamen totus populus expectabat determinationem David. Ergo non elegerat Deus Salomonem in regem antequam nasceretur, & hoc revelavit Deus David per Nathan prophetam, quando voluit edificare templum, & Deus prohibuit eum dicens, quod non edificaret, quia filius nasciturus de eo, post eum edificaret illud secundo Reg. 7. & supra 17. Et sic dicitur hic in littera, scilicet: Dixitque Deus mihi, Salomon filius tuus edificabit domum meam, & altaria mea, ipsum enim elegi mihi in filium, & firmabo regnum eius. Ista electio notificata fuit David nunc, & fuit istud aliquanto tempore ante natiuitatem Salomonis, quod patet, quia factum est istud, quando David voluit edificare templum Domino 2. Reg. 7. Et tunc erat in pace ab omnibus hostibus per circuitum, ut patet eod. cap. postea aut fecit multa bella, scilicet contra Philistinos, ita ut caperet aliquas vrbes de terra eorum, & contra Moab, ita ut coequaret Moabitas terre, & faceret de eis duos funiculos vnum ad occidendum, & alterum ad edificandum, & contra Idumæos, ita ut interficeret omne masculinum in terra Idumææ, & subijceret sibi terram tributo, & contra Ammonitas, & contra Siros & regem Adarezer, ut patet secundo Regum octauo, & decimo, & supra 18. & 20. Et cum faceret vltimum bellum istorum, scilicet contra Ammonitas, & David quiesceret in Ierusalem, eunte Ioab ad pugnandum, adulteratus est tunc David, cum Bethsabæe, ut patet secundo Regum undecimo, & postea accepit illam in vxorem, & genuit ex ea paruulum, qui mortuus est secundo Regum duodecimo. Deinde genuit quatuor filios, quorum vltimus fuit Salomon, ut patet supra tertio. Dum autem fierent omnia hæc transiret aliquantum tempus, ideo multo tempore ante natiuitatem Salomonis fuit denunciatum de eo, quod Deus elegerat ipsum. Postea autem in natiuitate sua adhuc apparuit aliquantulum Deus elegisse eum. Nam misit Nathan prophetam, & imposuit ei nomen Idida, id est amabilis Domino, cum mater sua vocasset eum Salomonem 2. Reg. 12.

An Israel erat regnum Domini.

Quest. XIX.

QVAERITUR vterius, quomodo dicitur, quod Salomon sederet super thronum regni Domini. Dicendum, quod regnum Israel vocatur regnum Domini, eo quod specialiter regnum Israelitarum pertinebat ad Deum, & hoc iam ex parte populi, quam ex parte terræ.

De populo patet, quia quando Israelitæ susceperunt legem, Deus dixit, q̄ susciperet eos in populum peculiarem, & in regnum sacerdotale. Exo. 19. & Deut. 7. & 26. Ex parte terræ patet, quia terra Chanaan in qua habitabant Israelitæ, dicebatur specialiter pertinere ad Deum, eo quod terram illam redemerat de manu hostium. Nam ipse per virtutem suam, & miraculum exclusit Chananæos de terra, & introduxit Hebræos, ideo non erat illa terra Indeorū, sed Dei, sicut si ipse fuisset homo, qui pugnando liberasset terrā de manu hostium. Ideo Deus posuerat legem Israelitis, quod nō venderent possessiones immobiles iure perpetuo, sicut faciebant, & faciunt aliæ gentes, vt patet Leui. 25. f. Terra quoque non vēdetur iure perpetuo, quia mea est, & vos coloni mei estis, f. quia terra non erat simpliciter Israelitarum, sed Dei, ideo potuit imponere eis legem circa terram, f. quod non venderet eam iure perpetuo. Et ob hoc etiam ista terra vocat hereditas Dei, quia habebat eam tanquam hereditatē suam sibi propriam. Et ob hoc cum David excluderetur de terra Israel, dicebatur quod expellebatur de hereditate Domini, vt patet 1. Reg. 26. Vocabatur autem regnum Israel regnum Dei, quia Deus specialiter regnabat, & dominabatur generali dominio super ipsos Israelitas. Nam super omnes gentes Deus dominabatur generali dominio, super ipsos autem Israelitas specialiter dominabatur. Ideo aliqui viri boni de Israelitis non audebant accipere dominium ēt sibi oblatū a populo, ne viderentur in hoc aliquo modo prejudicare Deo dominanti. Sic enim fuit de Gedeone, ad quem dixit populus, dominare tu nobis, & filius tuus. & filius filij tui, quia liberaſti nos de manu Madian. Et respondit Gedeon, nō dominabor vestri, nec dominabitur in vos filius meus, sed dominabitur Dominus Deus. Iudi. 8. Si tamen Deus non dominaretur specialiter super Israelitas, quamquam dominaretur Gedeon, nō tolleretur dominium Dei generale, & tamen putauit Gedeon, quod si ipse dominaretur super Israelitas, non dominaretur Deus.

Ideo intelligebat, quod Deus dominabatur modo speciali. Sic etiam patet 1. Reg. 8. Cum doleret Samuel, quod Israelitæ peterent regem, dixit Deus ad Samuelem. Non te abiecerunt, sed me, vt regnem super eos. Et sic videtur, q̄ per hoc, quod Israelitæ acciperent aliquem in regem excluderetur regnū Dei in eis, & tamen non fieret hoc, nisi Deus dominaretur specialiter inter Israelitas, sicut homo, qui dominatur alicui genti, ideo specialiter regnum Israelitarum erat regnum Dei. Et super solum huius regni sedit Salomon.

Dixitque mihi; Salomon filius tuus ædificabit domum meam, & atria mea. Ipsum enim elegi mihi in filiū, & ego ero ei in patrem, & firmabo regnum eius vsque in æternum, si perseverauerit facere præcepta mea, & iudicia, sicut, & hodie. Nunc ergo coram vniuerso cētu Israel audiente Deo nostro custodite, & perquirite cuncta mandata Domini Dei nostri, vt possideatis terram bonā, & relinquatis eam filiis vestris post vos vsque in sempiternum.

Dixitque mihi, Salomon filius tuus ædificabit domum meā. Non dixit Deus ad David, Salomon filius tuus, &c. Sed filius qui nascetur tibi, & non expressit nomen il-

lius 2. Reg. 7. & supra 17. quia tamen postea manifestatum fuit, quod ille erat Salomon, dixit David Salomon filius tuus, &c. Et dicitur ædificabit domum meam, f. templum.

Et altaria mea. In templo erant duo altaria, vnum quod vocatur altare holocaustorum, & erat æneum seq. lib. ca. 4. Et in isto fiebant omnia sacrificia, & erat extra templum propriè dictum, in atrio eius, quod erat atrium sacerdotum. Aliud erat altare thymiamatum, quod erat de lignis Setim, & opertum laminis aureis: Exod. 30. Istud erat intra templum coram Sancta sanctorum, & in isto quotidie cremabatur thymiamata, & in hoc cremauit incensum Zacharias pater beati Ioannis Baptistæ, quando intrauit solus in templum, & totus populus expectabat eum foris Lucæ 1. In Hebræo dicit. Et atria mea. Vbi nos dicimus. Et altaria mea. Aliqui putāt, q̄ hoc procedit ex equivocatione nominis, sicut sepe fit in Hebræo, & tamē falsum est, quia multum differunt ista nomina, quia pro attrijs dicitur Haceroth, & pro altaribus dicitur Bezmihoth, licet dicendum est, quod litera nostra est hic corrupta per imperitiā librariorum propter similitudinem literarum: nā facile erat dicere altaria, vbi dicebatur atria, & ista est sententia magis conueniens, quia domus, & atria erant duæ partes distinctæ Sanctuarij. Nam domus vocabatur ipsum templum, quod erat parietibus clausum, & tecto, atria vocatur quædam spacia in circuitu templi, quæ erant clausa muris, & tamen non habebant tectum, & in istis conueniebant viri, & feminae ad orandum. Si autem diceretur de altaribus, non conuenienter distingueretur domus contra altaria, eo quod domus erat pars Sanctuarii, & altaria non, sed erant quædam suppellectilia. Ideo dicendum est, quod litera nostra corrupta est hic vitio librariorum.

Ipsū enim elegi mihi in filiū. Scilicet in filiū adoptiuū, nam filius naturalis Dei patris, vnicus est, scilicet verbum diuinum, siue Christus, & non est solus Salomon filius adoptiuus Dei, sed omnes homines sunt filij Dei, quia omnes dicunt: Pater noster, qui es in celis, & sic Christus nobis dicere iussit, & tamen non iussit, nisi verum esset, quod omnes homines essent filij Dei. Sic etiam Apostolus dicit ad Romanos octauo. quod accepimus spiritum adoptionis filiorum, in quo clamamus, Abba pater. Dicebatur tamen Salomon filius Dei, quia specialiter adoptauerat eum, scilicet volendo ei facere specialia bona, qualia non faciebat alijs hominibus.

Et ego ero ei in patrem. Id est ego diligam eum, & beneficiam sibi, sicut pater filio, & ipse poterit currere ad me confidenter, sicut filius ad patrem. Ista auctoritas etiam intelligitur ad literam de Christo, sicut inducit etiam Apostolus ad Hebræos primo, & non est ille sensus allegoricus, quia argumentum nunquam est assumendum in sacra Scriptura ex aliquo sensu mystico, sed solum ex literalī, & ex hoc errant aliqui putantes, quod de Salomone non intelligatur, cum de Christo intelligatur.

Dicendum ergo, quod potest scriptura habere duos sensus literales, vnum magis principalem, & alium minus. Et sic potest intelligi idem de Salomone, vt de Christo, & de vtroque in sensu literalī. Sic etiam patet de illo dicto. Os nō comminuetis ex eo. Nam intelligitur ad literam de agno Paschali, cuius ossa comminui non debebant Exod. 12. & sic obierunt Iudæi ad literam, & obligabantur obseruare. Intelligitur etiam de Christo, scilicet quod in morte eius non erant ossa ipsius contingenda, vnde in die mortis eius, venerunt milites ad latrones, qui erant

fixi erant cum eo, & fregerunt crura ipsorum, ne manerent viuentes in cruce die sabbathi.

Ad Christum autem cum venissent vidētes, quod spirasset, non fregerunt crura eius. Et dicit Beatus Ioānes, quod hoc factum est, vt compleretur illa scriptura, quæ dicit: Os non comminuetis ex eo. ergo videt, quod in sensu literali intelligebatur de Christo, quia alioquin non diceretur scriptura compleri per hoc, quod ossa Christi non frangerentur, quia nulla scriptura potest compleri, nisi in sensu literali, eo quod alij sensus non sunt scripturæ ipsius, sed à nobis fabricati.

Et firmabo regnum eius vsque in æternum. Scilicet regnum eius, & filiorum suorum, quia ipse Salomon non poterat regnare in æternum, & debet hoc intelligi, sicut supra declaratum est in quadam questione.

Si perseruauerit facere præcepta mea, & iudicia mea. Ex hoc patet, quod ista promissio fiebat cum conditione, ideo si non compleretur conditio, non confirmaretur regnum Salomonis in æternum, sed an hoc verum sit, declarabitur infra in quadam questione. Et dicitur præcepta mea, & iudicia mea, ad includendū omnia genera præceptorum. Sunt enim tria genera præceptorum, scilicet moralia, iudicialia, & ceremonialia. Moralia sunt, quæ continentur in decalogo, & alia, quæ naturaliter habent aliquam obligationē, vel rationem debiti, dato quod non scribantur nec dentur ab aliquo legislatore. Ceremonialia sunt illa, quæ continent ceremonias cultus diuini, & quā tum ad modum viuendi hominum, & pendent ista ex voluntate legislatoris, & non ex aliqua naturali obligatione. Iudicialia sunt illa, quæ continent modum se habendi hominem in conversatione ad hoc, quod vnus nō ledat alterum, & si leserit qualiter puniatur, & ista sunt, per quæ iudicatur in negocijs foralibus.

Moralia, & ceremonialia intelliguntur hic nomine præceptorum, & iudicialia nomine suo exprimiuntur. Omnia autem hæc debebat Salomon obseruare, ad hoc, quod regnum suum confirmaretur in posteris, sicut est hodie. Id est si Salomon, & filij eius custodierint præcepta mea, & non offenderint me plusquā hodie, id est sicut nunc offendunt, confirmabo regnū eorum, alioquin non. Sic est in prophetijs promissorijs, & comminatorijs, quia attenditur status illorum, quibus fit promissio, & comminatio. Nam si manent in eodem statu, in quo erant quando fit prophetia, non mutatur prophetia. Si autem ipsi mutantur, prophetia quoque mutabitur. Sicut colligitur hic, & Ierem. 18.

Nunc ergo coram vniuerso cætu Israel. Premisit supra Dauid, quomodo Salomon edificaturus esset templum ex mandato Dei hic autem hortatur ipsū, & populum ad custodiendum legem Dei, & postea ad edificationem templi, vt patet infra in litera, & dixit nunc corā vniuerso cætu Israel, id est ego hortor vos, & singulos vestrum coram toto Israel, quod custodiat regem Domini.

Adiungit Dominus Deo vestro. Id est Deus noster audit omnia ista verba, quæ ego loquor vobis, & impleat testis, quomodo vos exhortatus fuerit Deus. testis sicut infra declarabitur in quadam questione: sed dicit hoc Dauid ad mitemdum timorem.

Custodite, & perquirite cuncta mandata Domini Dei vestri. Id est custodite totam legem. Et dicitur perquirite, scilicet sollicite cogitate, quæ sunt mandata legis, vt non erretis in aliquo eorum. Nam vir beatus in leuitico dicitur: Domini meditari die ac nocte: Psal. primo. Sic iussit Deus Israelitis, quod meditentur semper in lege, vt patet Deuter. 6. scilicet: Erunt verba hæc, quæ

ego præcipio tibi in corde tuo, & narrabis ea filiis tuis, & meditaberis sedēs in domo tua, & ambulans in itinere, dormiens atque consurgens. Dixit etiam custodire, scilicet postquam inueneritis; quæ sunt præcepta Domini, scilicet custodiat is ea in toto corde vestro, vt possideatis terrā bonam, scilicet terram Chanaan, quæ vocatur terra bona. Nam in scriptura dicitur sepe de illa, quod erat fluens lacte, & melle. Et dicitur vt possideatis, quasi dicat, si non custoditis præcepta Dei non poteritis possidere terram istam: nam immitteret Deus contra vos hostes, qui captiuos ducēt vos in terram alienam: Leuit. 26. & Deut. 28. & sic factum est postquam iam Israelitæ multū peccauerunt. Nam fecit Deus transduci decem tribus in Assyrios, & nunquam inde redierunt quarto Reg. 17. Et duæ tribus regni Iuda ductæ fuerunt in Babylonem quarto Reg. vlt. Manserunt ibi septuaginta annis, vt patet seq. lib. cap. vii. Ideo hortabatur nūc Dauid Israelitas, quod obseruarent mandata Dei, si volebant possidere terram.

Et relinquantis eam filijs vestris post vos vsque in sempiternum. Quasi dicat, si vos custoditis mandata Dei, non solum manebitis securi in terra, sed etiā propter vos Deus faciet, quod filij vestri maneant securi. Nam patres possunt mereri pro filijs, & demereri, cū Deus dicat, quod ipse punit peccata patrum in filios vsque in tertiam, & quartam generationem, & quod seruat misericordiam suam diligentibus se vsq; in mille generationes: Exod. 34. & Deut. 7.

An Salomon obligabatur edificare templum Domini.

Quæst. XX.

QVAERITUR circa ea, quæ dicta sunt hic de Salomone, an obligaretur edificare templū Domini,

Respondendum est, quod obligabatur Salomon edificare propter multa.

Primo quia Deus iusserat illi, quod edificaret, vt patet hic, scilicet Salomō filius tuus ædificabit domum meam, & altaria mea,

Secundo quia Dauid iussit ei hoc, vt patet hic, & seq. cap. & sup. 22. & potissimè tenebatur ad hoc, quia non erat istud opus difficile, cum Dauid preparasset omnes impensas, vel quasi, pro omni edificatione, & sic nihil manebat ei nisi sollicitudo aliqua circa edificationem.

Aliquis tamen dicit, quod non obligabatur Salomon ad hoc, quia obligatio aliqua si esset hic, esset ex mandato Dei, & tamen non constabat Salomoni de isto mandato, ideo non tenebatur ad aliquid.

Dicendum, quod de isto mandato constabat ex dicto Dauid. Nam ipse referebat, quod Deus sibi sic dixerat, & tamen cum Dauid esset vir tantæ dignitatis, & nimium deicola, non erat vllatenus verisimile, quod talia fingeret, potissimè quia Dauid fecerat omnes expensas pro edificatione, quæ erant quasi inestimabiles, vt patet sup. 22. & tamen non erat verisimile, quod iste inutiliter ista vellet desponere, & tamen inutiliter ageret, & peccaret si mentiretur, dicens Deum iussisse, quod Salomon edificaret templum, si nihil iussisset.

Item patet efficacius, quia dato, quod Salomon vellet negare istud à Deo dictum fuisse, poterat probari per Nathan Prophetam. Nam per illum Deus reuelauerat ista Dauid secundo Reg. 7. & supra 17. Et ille Nathan venit ad imponendum nomen Salomoni ex parte Dei secundo Reg. 12. & tamen iste Nathan adhuc vivebat. Nam ipse, & Sadoc sacerdos, vixerunt Salomonem in regem tertio Reg. primo,

Item

Item Salomon istud nullo modo negaret. Nam si mul erat, quod Salomon edificaret templum, & quod regnaret post David. Si ergo diceret se non edificaturum templum, diceret etiam se non regnaturum, cum ista essent connexa, ut ergo Salomon non videretur abrenunciare regno, non recusaret onus edificandi templum, etiam si grauius esset, unde in hoc nullam difficultatem ostendit Salomon.

Quando obligabatur Salomon incipere adificationem templi.
Quaest. XXI.

QVAERITUR ulterius, cum obligaretur Salomon edificare templum, quando obligabatur incipere.

Respondendum, quod non obligabatur Salomon incipere adificationem viuente David: nam Deus dixerat, quod filius David, qui regnaturus esset post eum edificaret templum, ergo non tenebatur edificare, quousque regnaret post David, & dato, quod Salomon inciperet regnare viuente David sup. 23. & seq. cap. & tertio Reg. primo, tamen nondum regnabat post David quousque moreretur David, & non solum non obligabatur Salomon incipere adificationem viuente David, sed etiam non licebat ipsi David permittere Salomoni, quod viuente eo inciperet edificare, sicut declaratum est supra 22. in quadam quaestione.

Sed tenebatur Salomon edificare postquam inciperet regnare mortuo David. Sed tunc est dubium, an immediate post mortem David teneretur incipere.

Dicendum est, quod ista obligatio Salomonis ad edificandum templum erat quoddam debitum: in debitis autem distinguitur, quia aut debetur cum praefinitione temporis, aut non: si primo modo, pro illo tempore deberetur quod praefinitum est. Si autem non est praefinitum tempus ad soluendum immediate ut contrahitur debitum, tenetur soluere ipse, qui debet, saltem quando potuerit, ita erat de Salomone. Nam non fuerat ei assignatum aliquod tempus, in quo deberet edificare, sed solum dictum est, quod edificaret post mortem David, ideo tenebatur quanto citius posset post mortem David incipere istam adificationem, & sic fecit Salomon. Nam illico ut factus est rex non habuit opportunitatem ad edificandum, eo quod nondum erat consummatum regnum suum, quia adhuc habebat hostes, scilicet ad minus fratrem suum, qui moliebatur subtrahere regnum, etiam Ioab, & Abiathar, & alij viri potentes in regno erant hostes sui secreti, & istos prius ipse occidit, ut patet tertio Reg. secundo, quo facto, regnum eius confirmatum est, ut patet tertio Reg. 3. & tunc ipse Salomon habuit aliquam opportunitatem edificandi, & sic in principio quarti anni regni sui incepit edificare, ut patet tertio Reg. 6.

An fuerit conditionalis promissio de confirmatione regni facta a Deo.
Quaest. XXII.

QVAERITUR ulterius, quomodo dicitur hic, firmabo regnum si perseverauerit facere mandata mea, sicut est hodie. Ex quo innuitur, quod ista promissio de confirmatione regni fuit conditionalis, scilicet si Salomon non peccaret, & tamen videtur, quod hoc non stat, quia etiam si Salomon, & filij eius peccarent, Deus non ablatus erat regnum eis, quia Deus fecit differentiam inter David, & Saulem dicens, quod non auferret filios David a facie sua, sicut abstulerat Saulem, & tamen manifestum est, quod

regnum Saulis perijt de domo eius propter peccatum, & principaliter propter illam inobedientiam, quam fecit, quando pugnavit contra Amalecitas primo Regum 15. & 28. & sup. 10. & si non peccasset Saul, mansisset regnum eius in eternum, ut patet primo Reg. 13. Cum dixit Samuel ad Saulem: Stulte egisti, quod precepit tibi, nec custodisti mandata Dei tui, quod si non fecisses, iam nunc praeparasset Dominus regnum tuum super Israel in sempiternum, sed nequaquam regnum tuum ultra consurget. Ergo aliqua excellentia esset in filiis David ad Saulem, scilicet quod licet peccaret filij David, non auferret eis Deus regnum, quia alioquin non esset differentia inter Saulem, & filios David, quod falsum est, cum Deus dixerit, quod non auferret filios David a facie sua sicut abstulerat Saulem secundo Reg. 7. & sup. 17.

Secundo patet, quia ibidem dixit Deus: Qui si ini- que aliquid gesserit, arguam eum, in virga virorum, & in plagis filiorum hominum, misericordiam autem meam non auferam ab eo, sicut abstuli a Saule. Ergo siue peccarent filij David, siue non peccarent.

Dicendum ergo est, quod verum est, quod regnum erat promissum filiis David sine conditione, & in omni casu mansurum erat apud eos. Quod autem dicitur hic, si perseverauerit facere mandata mea. Potest referri ista conditio ad perpetuitatem regni simpliciter, scilicet quod si filij David non peccarent, Deus faceret, quod regnum ipsorum maneret usque in eternum, scilicet usque ad finem seculi, & istud verum est: Nam si Salomon nunquam peccasset, nec filij eius, non est dubium quin regnum eorum mansisset usque hodie. Si autem filij David peccarent regnum eorum maneret in eternum non simpliciter, id est usque ad finem seculi, sed maneret in eternum, id est magno tempore, & sic factum est, quia mansit usque ad captivitatem Babylonis, quod fuit tempus plurimum quadringentorum annorum, & tamen filij David sepe peccauerant, & Deus non auferabat eis regnum, quia duraturum erat in eternum, id est per longum tempus, siue peccarent, siue non. Secundo modo potest dici, quod ista conditio non refertur ad permanentiam regni, sed ad integritatem, & diminutionem, quasi dicat, siue filij David peccarent, siue non, regnum eorum maneret in eternum, & tamen si non peccarent regnum ipsorum maneret integrum, scilicet super totum Israel sicut tempore David, & Salomonis, quia tamen peccauerunt, diminutum fuit regnum eorum: nam cum praecessent duodecim tribubus, solus manserunt eis duae, tertio Reg. 11. & 12.

Tertio modo potest referri ad prosperitatem regnandi, scilicet, quod si filij David non peccarent, nulla eis accideret aduersitas, sed Deus daret istis omnia bona sicut filiis, sicut hic dicitur: Ipsum elegi mihi in filium, & ego ero ei in patrem. Si autem peccarent filij David, quamquam regnum non auferretur eis, venient multae aduersitates super eos, sicut factum est. Nam sepe ab hostibus premebantur, ut patet ex discursu tertij, & quarti Regum, & sequentibus libri.

An solus Salomon obligabatur observare legem.
Quaest. XXIII.

QVAERITUR ulterius, cum dicitur hic, quod Deus confirmaret regnum Salomonis in eternum, si perseveraret Salomon in custodia legis, an hoc erat verum, intelligendo de solo Salomone, vel requirebatur, quod etiam filij eius observarent legem. Aliquis dicit, quod solum requirebatur de Salomone.

none. Nam litera dicit hic de ipso solo, si perseueraverit facere precepta mea.

Item satis est hoc rationabile, quod etiam si filij Salomonis peccarent, dum tamen non peccaret Salomon, regnum ipsorum esset confirmatum, quia interdum Deus benefacit omnibus posteris alicuius propter eum, licet illi mali sint, eo quod Deus observat misericordiam usque in mille generationes diligentibus eum, id est propter aliquem, qui diligit Deum, Deus miserebitur eius usque in mille generationes.

Item patet hoc in Abraham, quia propter merita eius induxit Deus omnia bona, quae promisit posteris suis, ut patet Gen. 18. scilicet: Scio, quod precepturus sit filijs suis, & domui suae post se, ut custodiatur viam Domini, & faciant iustitiam, & iudicium, ut adducat Dominus propter Abraham omnia, quae locutus est ad eum. Sic ergo propter Salomonem si bonus esset, etiam si filij sui mali essent, non erat inconueniens, quod filij eius confirmarentur in regno in aeternum.

Respondendum, quod non erat inconueniens propter sola merita Salomonis, si nunquam peccaret confirmari filios eius, sicut propter David confirmati fuerunt, ita ut maneret regnum eorum semper in domo ipsorum, & tamen omnes ferè mali fuerunt praeter Ezechiam, & Iosiam: nam dicitur praeter David Ezechiam, & Iosiam omnes reges peccatum commiserunt Ecclesiast. 49. & tamen loquendo de ista confirmatione regni, quae habetur hic, scilicet quod non diminueretur regnum, & quod posterius David semper prosperarentur, & quod maneret regnum usque ad finem saeculi, non erat confirmandum regnum, si solus Salomon custodiret legem, sed oportebat etiam, quod omnes posterius sui hoc facerent.

Sic patet Psal. 131. Si custodierint filij tui testamentum meum, & testimonia mea haec, quae docebo eos, & filij eorum usque in saeculum saeculi, sedebunt super sedem tuam. Ergo filij filiorum Salomonis debebant custodire hoc, alioquin non confirmaretur regnum. Cum autem dicitur hic, si perseueraverit facere precepta mea, sicut est hodie, non intelligitur de Salomone solo, sed de eo, & filijs eius, intelliguntur tamen filij sui in persona eius, sicut dicitur, quod confirmaretur regnum Salomonis in aeternum, & tamen regnum eius in persona non erat confirmandum in aeternum, cum ipse non posset semper vivere, sed intelligebatur regnum eius, quod erat in eo, & in posteris suis.

Propter quid admonuit Israelitas David, ut legem Domini custodirent.

Quaest. XXXIII.

QUAE R I T U R ulterius ad quid David admonuit hic Israelitas, quod custodirent legem Domini. Respondendum est, quod hoc fecit propter duo. Primo quia consuetudo erat sanctorum patrum, quod quando morituri essent congregarent eos, qui erant de progenie sua, vel qui erant sub potestate sua, & hortarentur eos ad bonum, & consolarentur. Sic fuit de Iacob, qui moriens vocavit filios suos, & admonuit eos servare legem Dei, & benedixit eis: Genes. 44. Sic etiam Ioseph moriens vocavit fratres suos, & consolatus est eos dicens: Visitationem vos Domini, & ascendere faciet de loco isto: Genes. ult. Sicut etiam Moyses moriturus vocavit omnes Israelitas, & hortatus est eos observare legem susceptam, praenunciando eis mala, quae ventura erant, si non observarent legem, & benedixit eis atque mortuus est: Deuteronomij 31. & 32. & 33. Sic etiam fuit de Ioseph, qui paulo ante mortem suam congregavit om-

A nes principes Israel, & maximam partem populi, & hortatus est de observatione legis, deditque illis multa documenta, & sic mortuus est Iosue 23. & 24. Sic etiam fuit de Samuele, qui in senectute sua congregato Israel, admonuit omnes observare legem, & ostendit mirabilia coram eis primo Reg. 12. Sic ergo David, qui erat vir valde excellens atque deicola, iam proximus morti voluit totum populum admonere ad legis custodiam, ut patet hic. Causa autem quare sancti patres faciebant istas admonitiones in morte, erat duplex. Prima quia non poterant postea admonere, admonebant ergo quandiu poterant, & sic etiam propinqui morti admonebant, ut nullo tempore viderentur fuisse negligentes. Secunda quia tunc verba eorum maxime reciperentur, quia erant verba ultima, & viuentes maxime afficiuntur tunc ad morientes, quam cum viuerent, eo quod tunc recedunt ab eis, & res magis diligitur per absentiam, quam per praesentiam. Etiam quia verba morientium sunt maioris auctoritatis, eo quod non est presumendum contra constitutos in tali articulo, quod aliquo modo dicant contra conscientiam, ideo quilibet eis credere debet, & sic erat David morti vicinus, ideo melius audiret eum populus, quam prius.

C Secundo quia David volebat exhortari hic Israelitas, ut edificarent templum Domino, & quia edificatio illa nihil proderat si Israelites non custodirent legem Dei, admonuit eos prius de custodia legis. Nam templum non fiebat nisi ad orandum, & exercendum ibi caeremonias legis, si autem Israelites non observarent caeremonias istas, templum erat inutile, ideo principaliter erat, quod legem custodirent, quam quod templum edificarent.

D Tercio ad tollendam presumptionem aliquorum Israelitarum: nam si edificarent templum, putarent quod iam licitum erat eis facere quodcumque vellent. Nam licet peccarent, Deus non puniret eos, quia habebant templum Dei, & arcam secum. David autem hortatur, quod custodiant legem, innuens quod templum, & arca non liberarent Israelitas a malo, sed potius perirent ipsi, & templum suum si legem non custodirent. Sic patet tertio Reg. 9. Nam templo edificato apparuit Deus Salomoni dicens, quod si ipse, & posterius sui servarent legem Dei in aeternum, federetur super thronum regni, & ipse aperiret oculos suos super templum. Si autem auerterentur Israelites a lege eius, auferret eos de superficie terre, & projiceret templum, quod sanctificauerat sibi. Essetque in proverbium, & in fabulam. Et omnis, qui transiret, stupeficeret, sibillaret, & diceret, quare fecit Deus sic terrae huic, & domui huic, & responderetur, quod dereliquerunt Deum patrum suorum, qui eduxit eos de Aegypto.

De quibusdam verbis dictis à David.

Quaest. XXV.

E **Q**UAE R I T U R ulterius quare David dixit nunc coram vniuerso Israel, audiente Deo nostro custodite mandata Domini. Respondendum, quod David exhortabatur Israelitas ad custodiam legis, & si non custodirent praenunciabat eis mala, scilicet, quod non possiderent terram, & ut magis incuteret eis timorem, & faceret ipsos sollicitos, inuocauit Deum in testem dicens, quod Deus audiebat verba ista, quae nunc loquebatur David ad Israelitas, ut postea non possent negare se fuisse admonitos circa hoc. Ista erat consuetudo sanctorum patrum, qui exhortabantur populum, scilicet inuocare testes exhortationis suae. Sic fuit de Moysen, quando moriturus admonuit Israelitas legem observare, &

& fecit contra eos canticum, in quo denunciavit mala, quæ futura erant eis, si non custodirent legem, & in principio cantici inuocauit cælum, & terram in testes, dicens: Audite cæli, quæ loquor, audiat terra verba oris mei. Deut. 32. Et inuocauit cælum, & terram, quia isti sunt semper testes manentes, quales necessarii erant pro omni tempore futuro, vt testimonium redderent contra Iudeos. Sic etiam fuit de Iosue, qui admonuit Israelitas obseruare legem, & fecit cum eis pactum, & totum populum inuocauit in testimonium, dicens: Testes vos estis, quod elegeritis vobis Dominum, vt seruiatis ei. Et vt istud testimonium magis duraret, posuit lapidem sub quercum, quæ erat in Sanctuario Domini, vt ille lapis esset testis, vt patet Iosue ultimo, scilicet: Tulit lapidem grandem, posuitque eum subter quercum, quæ erat in Sanctuario Domini, & dixit ad omnem populum, en lapis iste erit vobis in testimonium, quod audieritis omnia verba Domini. Vt patet Iosue ultimo, sic etiam fuit de Samuele: nam ipse hortatus est Israelitas ad custodiam legis, & ad ostendendum, quod peccauissent in petendo regem, & etiam si in futurum peccarent, Deus puniret illos, inuocauit Deum in testem, faciens quod ad orationem suam illico audirentur magna tonitrua, & uenerunt pluuie, cum non esset illud tempus pluuiæ, vt patet primo Reg. 12. s. nunquid non messis tritici est hodie? inuocabo Dominum, & dabit voces, & pluuias. Et scietis, quod grande malum feceritis vobis petendo regem. Et clamauit Samuel, & dedit Dominus voces, & pluuias. Et timuit populus Deum. Ita nunc, vt populus timeret, & sequeretur istam exhortationem, inuocauit Dauid Deum in testem dicens, quod ista dicebantur audiente Domino Deo, tamen non audiebat, sed Israelitæ timerent, quod cum Deus audiret ista, ad quæ vocatus fuisset in testem, si non sequerentur exhortationem illam, puniret eos valde.

An Deus audiebat verba Dauid. Et qui modus intelligendi sit Angelorum. Quæst. XXVI.

QVAERITUR vterius, quod dicitur hic, quod Deus audiebat ista, & an verum sit. Rñdendum, quod Deus nihil audit, nec videt, nec gustat, nec loquitur, nec odorem sentit. Ratio huius est, quia audire non fit sine potentia auditiva, & illa est in organo. Habere autem potentiam auditivam non pertinet nisi ad animal, Deus autem non est animal. Patet hoc, quia potentia auditiva est sensitiva: esse autem sensitivum pertinet ad sola animalia. Nam corpus animatum sensibile, i. sensitivum dicitur animal. Deus autem non est animal, cum non sit aliquid corporeum, sed purus spiritus, vt patet Io. quarto. Item potentia sensitiva est in organo, organum autem est pars materialis, in Deo autem non est aliquid materiale, quia materia dicitur potentialitatem, & imperfectionem, ideo non est potentia organica in Deo. Item potentia auditiva, & aliæ sensitivæ sunt passivæ, & non immutantur nisi ab obiecto. Ponere autem in Deo aliquid passivum, secundum quod Deus patitur ab aliqua re creata, & potissimè à rebus accidentalibus, absurdum valde est. Item potentiæ sensitivæ sunt in nobis, vt perficiamur ab obiecto, quia per illas patiendi ab obiecto suscipimus aliquid quod alias non sentiremus, nec iudicarem de illo, & tamen Deus non potest perfici ab aliquo extrinseco, cum ipse sit summe perfectus, & perficiat omnia alia, ergo non habet potentiam organicam. Item patet, quia potentiæ organicæ sunt in hominibus, quia intellectus eorum est imperfectus, nec potest intelligere nisi præsupposito phantasmate, sicut dicit Arist. 3. de

F Anima, quod oportet intelligentem phantasmata speculari. Et iterum: Sicut se habent colores ad visum, ita se habent phantasmata ad intellectum, & tamen oculus non videt sine colore: ergo nec intellectus sine phantasmate: non possunt ergo phantasmata haberi, nisi per potentias organicas accipientes species, quæ transeant ad phantasiam: ergo necessariè sunt potentiæ organicæ ad hoc, quod intelligamus, & ob hoc dicitur, quod nihil est in intellectu, quin prius fuerit in sensu. In Angelis tamen, quia perfectus est intellectus eorum non indigent phantasmate, nec habent potentias organicas, sed per solum intellectum sufficienter iudicant, à fortiori ergo in Deo, qui perfectior est, non erunt necessariè potentiæ organicæ propter phantasmata accipienda, cum sine phantasmatis intelligat. Et sic dicendum est, quod Deus non videt, nec audit, nec gustat, nec odorat, nec habet aliquid actum istorum, eo quod isti facerent magnam imperfectionem in Deo. Sacra tamen scriptura dicit Deum audire, & videre, & habere alios actus similes, quia vult cōdescendere modo intelligendi simpliciter hominum. Nam si negarentur ista de Deo, non possent intelligere vulgares, quomodo Deus intelligat, quæ nos agimus, si non videt, nec audit, nec habet actum sensitivum, cum ipsi non possent intelligere, nisi præsupposito actu sentiendi. Vt ergo omnes possent aliquid cogitare de Deo, & non negaretur ab eo perfectio magna, scilicet intelligere omnia, quæ nos facimus, concedit scriptura, quod Deus videat, & audiat, istud tamen pro simplicibus concedit, pro viris autem sapientibus contrarium asserit, quod Deus spiritus est, & eos qui eum adorant, oportet in spiritu adorare, Io. 4. quia tamen sapientia non est dicenda, nisi inter intelligentes, iuxta illud primæ ad Corinth. 2. (Sapientiam loquimur inter perfectos, & plures de hominibus imperfecti sunt, & rudes, potius scriptura vitur modo loquendi grosso de Deo, scilicet quod Deus audiat, & videat, quam quod vocet eum purum spiritum. Et potissimè est hoc in toto veteri testamento, quia omnia illa dicebantur viris rudibus.

Tu autem Salomon fili mi scito Deum patris tui, et serui ei corde perfecto, et aio voluntario. Omnia enim corda scrutatur Dñs, et vniuersas mentium cogitationes intelligit. Si quæsieris eum, inuenies, si autem dereliqueris eum, proijciat te in æternum. Nunc ergo, quia elegit te Dominus, vt ædificares domum Sanctuarij, confortare, et perfice.

Tu autem Salomon. Hic ponitur secundum huius, in quo Dauid imponit Salomoni ædificandi curam, & dicitur. *Tu autem Salomon fili mi.* Hortatus fuerat Dauid in generali omnes Israelitas. Hic hortatur in speciali ipsum Salomonem. Et hortatur in duobus, primo vt legem Dei obseruet. Secundò vt templum edificet. & debuit Salomon exhortari in speciali propter multa, vt infra dicitur. *Scito Deum patris tui.* Idest Deum Israel, qui est Deus patris tui. *Et serui ei corde perfecto.* Idest observa mandata eius in toto corde tuo. *Et animo voluntario.* Idest non colas eum, quasi violenter propter timorem pænæ. Sed magis voluntariè etiam si te nunquam puniturus esset. Et potest intelligi per hoc totus cultus, quem homo Deo potest impendere. Nam duæ sunt potentiæ operatiue proprie humane, intellectus, & voluntas, vt patet sexto Ethic. Nā sensus nullius operationis humane elicitus est: ideo hortatur Dauid Salomonem, vt per istas duas

operationes colat Deum, s. corde perfecto, idest per totum intellectum, per quem colimus Deum habendo rectitudinem fidei, & animo voluntario, s. per totam voluntatem. Vel potest dici corde perfecto, idest totaliter, quia non sufficit, qd aliquis colat Deum nisi eum sic perfecte colat. Nam aliqui colebant Deum, & cum hoc colebant idola, sed istum cultum Deus non acceptat, sicut erat de Samaritanis, de quibus dicitur, qd Deum celi timebant, sed nihilominus Deos suos colebant 4. Reg. 17. Istud Deus abominatur, ideo hortatur, quod qui eum colere debet, fugiat cultum idolorum, & superstitiones quascunq; pertinentes ad idola, sicut patet Deut. 18. Vbi Deus vetuit auguria, diuinationes, incantationes, somnia, & omnia similia, quia ista observabant gentiles, & postea dicit perfectus esto cum Dño Deo tuo, i. totaliter adhaere ei, & non declines ad aliquam istarum superstitionum volens inde aliquid consequi. Sic n. dixit Samuel ad Israelitas in toto corde vestro reuertimini ad Dñm, auferte Deos alienos de medio vestri, & preparate corda vestra Dño, & seruite ei soli, & sic non conuertebantur in toto corde ad Dominum, licet colerent eum nisi dimitterent idola, quae colebant. *Omnia enim corda scrutatur Dominus.* Istud posuit David ad tollendū quoddam dubium, quia forte diceret Salomon, vel aliquis alius: Ego colam Dominum observando mām data eius ad litteram, & tamen an bono corde, vel malo agam nihil attinet ad eum. Dicit David, quod multum attinet: nam non sufficit observare legem Dei, nisi cor perfectum habeatur ad ipsum, & animus voluntarius, quia Deus scrutatur omnia corda, & videt an recta sint erga eum, vel non. Et si non sint recta, quod operationes exteriores bonae sint, punitio nem infert. *Et universas mentium cogitationes, intelligit.* Scilicet nihil bonum aut malum, quod nos cogitauerimus potest latere Deum, ideo non solum retribuet homini, secundum opera sua, sed etiam, secundum cogitationes suas. *Si quaesieris eum inuenies.* Dicitur homo querere Deum non localiter, quia in nullo loco est, vel si in aliquo est, in omnibus est. Sed queritur Deus a nobis spiritualiter, scilicet quando volumus conformare voluntatem nostram voluntati suae, & istud est observando legem eius, quia ipse vult, quod lex sua observetur. Et qui querit Deum observando legem, inuenit eum, scilicet in beatitudine, quam praeparavit diligentibus se; vel inuenit eum in praesenti benefaciendo sibi, quia Deus clementior est circa illos, qui eum colunt, licet interdum eos puniri patiantur ad maiorem eorum gratiam. David autem loquitur hic de inuentione Dei ad hoc, quod beneficiat homini temporaliter, scilicet quod si Salomon coleret Deū prosperaret regnum eius, & sic inueniret ipsum. *Si autem dereliqueris illum.* Scilicet non custodiendo legem eius, vel declinādo ad idola. *Projiciet te in aeternum.* Idest nocebit tibi inferendo malum, quod daret in aeternum, scilicet delendo te, & stirpem tuam. *Nunc ergo quia elegit te Dominus.* Electio ista fuit multo tempore antequam nasceretur Salomon, cum praenuntiaretur de natiuitate eius, & regno per Nathā prophetam secundo Reg. 7. & supra 17. Et iterum ista electio apparuit quando nato Salomone Deus misit Nathan prophetam, ut imponeret ei nomen, & vocaretur Iddi, idest amabilis Domino 2. Reg. 12. *Ut edificares domum Sanctuarij.* Scilicet noluit, quod ego edificarem, quamquam ego desiderassem, sed elegit Salomon melior futurus esset, quam David, ideo edificatio de manu sua acceptabilior esset, quam de manu David, quia melior fuit David valde, & pp menta David habuit Salomō quidquid habuit, sed quia Da-

Auid fuit semper occupatus bellis, & non poterat vacare aedificationi templi, & Deus daturus erat pacē magnam omnibus diebus Salomonis, elegit potius Salomonem ad edificandum, quam David, ut patet supra 22. & Eccles. 48. & dñ: Ut edificares domum Sanctuarij s. totum Sanctuarium. Nam accipitur hic domus large tam pro ipso templo, quod erat parietibus, & tecto operum, quam pro atrijs, quae erant in circuitu, quae solum habebāt parietes, & non tectum, ut declaratum est 3. Reg. 7. Et erant ista atria quatuor, ut patet ibidem. *Confortare & perfice.* Idest quamquam opus istud magnum videatur non paeas propter hoc, sed confortare in corde tuo ad edificandum, & perfice quia Deus dabit tibi opportunitatem perficiendi.

Quare David admonuit hic Salomonem.

Quaest. XXVII.

QUAERITUR circa dicta quare David admonuit hic Salomonē. Nā in eo quod admonuit totum populum erat ipse admonitus, cum ipse esset quaedam pars Israelitarū, & tamen omnes Israelitas admonuerat David, ut patet in littera. Aliquis forte diceret, qd David hortatus fuerat totum populum ad custodiam legis absente Salomone: nunc autem, quia ipse venit debuit ipse quoq; moneri.

C Sed dicendum, quod non stat, quia in ista congregatione etiam Salomon erat cum alijs, eo quod David fecerat congregari omnes principes Israel, & cum eis filios suos, ut patet sup. in littera: esset ergo ibi Salomon, cum alijs filijs regis. Sed dicendum est, quod Salomon debuit admoneri specialiter, nec erat conueniens, quod ei cū toto populo fieret vnica admonitio. Pro quo sciendum, quod Salomon fuit hic admonitus de duobus: primum fuit de custodia legis, scilicet ut quæreretur Deus in corde perfecto, & animo voluntario, & istud erat principium. Secundū erat de aedificatione templi, & de isto dictum est, te elegit Deus ut edificares domum Sanctuarij, confortare, & perfice. Debuit autem Salomō specialiter exhortari propter multa. Primo quia quamquam totus populus deberet habere aliqualem curam de aedificatione templi, Salomon tamen praecipuam habiturus erat, quia ipse curam habebat, & populus solum debebat eum adiuuare, & obedire in omnibus, quae iuberet, ut patet infra in littera. Debuit ergo ad ipsum tamquam ad principalem fieri specialis exhortatio. Secundum fuit propter dignitatem Salomonis, quia ipse iā erat vnctus in regem supra 23. Et nunc iterum vnctus est seq. c. tanta ergo veneratio ei soli dari debebat sicut toti populo. Tertium erat, quia exhortatio praecedens facta fuerat ad totum populum, Salomon autē non erat pars populi, eo quod rector polius non est pars eius, sed est super polium, & Deus non est pars vniuersitatis rerum, sed est super totam vniuersitatē, ut patet 12. Meta. Ad hoc ergo quod Salomon esset admonitus, oportebat ei fieri specialem admonitionem. Quartum erat, quia admonitio facta ad populum de obseruantia legis pendebat tora ex Salomone. Nam cum Salomon futurus esset rex post mortem David, ex voluntate eius pendebat ordinatio populi. Ideo si ipse veller, qd populus obseruaret legem, omnes hoc facerent saltem propter timorem: debebat ergo Salomon specialiter exhortari, quia exhortatio ad eum facta erat vtilior, quam qua fiebat ad totum populum.

De quibusdam verbis hic dictis à David ad Salomonem, scilicet, Scito Deum, &c. Quæst. XXVIII.

QUÆRITUR ulterius quare dixit hic David ad Salomonem: Scito Deum patris tui, quia Deus David erat Deus omnium Israelitarum, ideo vñ, q̄ de beret dici: Scito Deum absolute, vel scito Deum Israel. Rñdendum, q̄ Deus vnus erat totius orbis, & Israelitarum, quamquam gentiles non colebant illū tanquam Deū, sed euauerunt in cogitationibus suis, & putantes se esse sapientes, stulti facti sunt, ita vt colerent similitudinem volucrum, & reptilium, & quadrupedum, vt patet ad Ro. i. Inter Israelitas autē habebatur ille ab oībus in Deū, qui erat verus Deus, ideo idem erat Deus David, & totius populi: scriptura tñ vitur isto modo loquēdi, quia interdum vocat Deū aliquarum personarum priuatarum, sic patet Deut. 26. vbi ille, qui offerebat primitias debebat dicere sacerdoti cui offerebat: Profiteor hodie corā Dño Deo tuo. Sic ē Saul dixit ad Samuelem: Accepit populus meliores greges, & armēta de terra Amalec, vt offerrentur Dño Deo tuo: reliqua autē occidimus. 1. Reg. 15. Isti modi loquendi introducuntur aliquñ ad significandum singularitatem aliquam Dei ad personas, sicut Deut. 26. laicus dicebat sacerdoti profiteor hodie coram Dño Deo tuo, s. quia Deus erat familiarior sacerdotibus, quam laicis, eo q̄ illi ministrabant ei. Sic ē Saul dixit ad Samuelem, vt offerrentur Dño Deo tuo, s. quia Deus erat familiarior Samueli, cum esset propheta, cui loquebatur Deus, quam alijs de populo. Hic tñ non fuit iste modus, quia David non diceret aliquid ad laudē sui ipsius, & tñ si ipse diceret Deū patris tui, s. qui familiaris est sibi, laudaret seipsum dicendo se Deo familiarem, ideo nō est intelligendum hoc modo. Sed dicēdum, q̄ David dixit istud ad mouendum magis affectionem Salomonis erga Deum. Nam filij solent affici magis ad ea, quę sequuntur patres sui, & sua progenies, quam ad ea, quę sequuntur alij. Ideo dixit: Scito Deum patris tui, q. d. saltem ex hoc, q̄ iste Deus Israel fuit Deus patris tui, deberes eū sequi, ē si non essent alię causę nimis vrgentes. Et ponitur hoc, quia est magna grauitas, & peccatum, q̄ filij recedant à Deo patrum suorum. Et pp hoc, qñ aliquando Deus conquerebatur de Israelitis, q̄ colerent idola, non solū dicebat, q̄ dereliquerant se, sed potius dicebat, q̄ dereliquerant Deum patrum suorum, & hoc dicebatur ad significandum maiorem grauitatē peccati, sic dñ 3. Reg. 9. q̄ si Israelitę non obseruarent legem Dei Deus faceret, q̄ templum destrueretur, & esset in fabulam, & prouerbum, & qui transirent sibilarent, & dicerent: Quare Dñs fecit sic terrę huic? Et rñderetur, quia dereliquerūt Deū suū, q̄ eduxit patres suos de Aegypto. & sic est in alijs locis scripturæ.

Dedit autē David Salomoni filio suo descriptionem porticus, & templi, & cellariorum, & cenaculi, & cubiculorū in abditis, & domus propitiationis, necnon & oīum, quę cogitauerat atriorum, & exedratarum per circuitum in thesauros dom⁹ Dñi, & in thesauros sanctorum, diuisionumq; sacerdotaliū, & Leuitarum oīa opera domus Dñi, & in vniuersa vasa ministerij templi Dñi, aurum in pondere per singula vasa ministerij, argēti quoq; pōdus pro vasorum, & operum diuersitate, sed & in candelabra aurea, & ad

lucernas, aurum pro mensura vniuscuiusq; candelabri, & lucernarum similiter, & in candelabra argentea, & in lucernas eorum pro diuersitate mensurę pondus argenti traditi. Aurum quoq; dedit in mensas propositio- nis pro diuersitate mensarū, similiter & argē- tum in alias mensas argenteas. Ad fuscinulas quoq; , & phialas, & thuribula ex auro puris- simo, & leunculos aureos pro qualitate men- surę pondus distribuit in leunculū, & leun- culum. Similiter, & in leones argenteos di- uersum argenti pōdus separauit. Altari autē, in quo adolebatur incensum, aurum purissi- mū dedit, & vt ex ipso fieret similitudo qua- drigę Cherubim extendentium alas, & velā- tium arcam fēderis Domini. Oīa inquit ve- nerunt scripta manu Domini ad me, vt intel- ligerem vniuersa opera exēplaris. Dixit quo- que David Salomoni filio suo. Viriliter age, & confortare, & fac, ne timeas, & ne paueas. Dominus .n. Deus meus tecum erit, et non dimittet te, nec derelinquet, donec perficias oē opus ministerij domus Domini. Ecce di- uisiones sacerdotum, et Leuitarum in omne ministerium domus Domini assistunt tibi, et parati sunt, et nouerunt tam principes, quam populus omnia præcepta tua.

Dedit autem. Hic ponitur tertium huius cap. In quo tradidit David Salomoni exemplar, & materiam ad oīa efficienda. Et dicitur: Dedit autem David Salomoni filio suo descriptionem. Postquam David admonuit Salomonem, vt custodiret legem, & edificaret templum Dñi dedit ei descriptionem oīum, quę factururus erat, in cā omnium rerum, & partes, & figurę, quę futurę erant in edificatione templi, & vasorum suorum dedit Da- uid Salomoni. Porticus, & templi. Ponuntur in spāli ista quorū figuram David dedit Salomoni. Vocatur hic templum strictē sola domus, in qua erāt vasa sacra, s. altare thymiamatis, & candelabra, & mensa propositio- nis. Nam ista erat domus clausa parietibus, & oper- ta tecto, de quo magis in f. declarabitur. Porticus autē vocatur quoddam palatium, quod erat ante portam templi. Pro quo sciendum, q̄ templum erat quadrā- gulum, s. latera duo, s. meridianum, & aquilonare erāt longiora, q̄ alia duo, s. orientale, & occidentale, & su- vnica porta in toto templo, s. in latere orientali, vt illud per portam istam pēdebat quędam pars tecti, vt illud spatium defenderetur ab imbribus. Erant autem ibi due columnę pulcherrimę anēę, quarum opus variū erat, de quibus patet 3. Reg. 7. Et ista pars, quę erat an- te portam vocabatur porticus ab ipsa porta, & figurā illius tradidit David specialiter Salomoni, quia multa in porticu illa fieri deberent. Erat autē ista porticus ma- gna, s. fm totam latitudinē parietis orientalis templi, vnde habebat in longitudine cubitos viginti, & in la- titudine cubitos decem, vt patet 3. Reg. 6. Erat autem ista porticus inter portam templi, & atrium sacerdo- tum, tamen ad istam porticū accedebant, vnde Chri- stus ambulabat semel per istam porticū, & inde re- circun-

circumderunt eum dicentes. Si tu es Christus dic nobis palam: Io. 10. *Et cellariorum.* De istis cellariis est dubium quid erant, aliqui putant, quod erant ista cellaria sub pavimento templi, s. quod pavimentum templi erat in plano. Et sub illo erant aliqua domus subterraneæ, quæ vocantur celaria, eo quod celabantur ibi aliqua. Et dicunt, quod istæ domus erant ad occultandum ibi aromata, eo quod istæ confectioes melius reseruantur in loco frigido, quam in calido, eo quod frigus contrahit, & non permittit resolutionem, nec alterationem. Calidum autem resoluit, & alterat. Alij autem dicunt, quod ista cellaria erant domus factæ in secundo tecto templi. Nam paries templi erat in valde magna altitudine, habebat. n. cubitos centum, & viginti, sicut dicitur seq. lib. capit. 3. Et tamen domus non erat vnica sine aliqua interpositione. Sed diuidebatur ista altitudo in tres domos, siue in tria pavimenta, & altitudo primæ domus erat solum triginta cubitorum tertio Reg. sexto., manebant ergo nonaginta cubiti pro alijs duabus domibus, vel diuisionibus. Et prima illarum, quæ erat inferior, vocatur templum, & erat deaurata. Ibiq; erat sancta sanctorum, & alia pars anterior, in qua erant vasa sacra, s. altare thymiamatum, & mensa propositionis, & candelabrum. Duæ autem domus superiores non vocabantur templum, nec fiebat in eis aliqua ministratio sacra, sed solum custodiebantur aliqua pertinentia ad templum. Et secunda pars istorum trium vocabatur cellarium, vel domus cellariorum, eo quod illa erat diuisa in multas particulas, secundum latitudinem, & longitudinem, & non secundum altitudinem. Et quælibet pars illarum vocabatur cellarium, vel domus cellariorum, eo quod illa erat diuisa in multas particulas, secundum latitudinem, & longitudinem, & non secundum altitudinem. Et quælibet pars illarum vocabatur cellarium. Ad quid autem essent ista cellaria, declarabitur infra in quadam questione. *Et cœnaculi.* Cœnaculum istud etiam dubium est quid sit. Dicitur enim proprie cœnaculum à cœnando. Est autem cœnare commune ad omnem cibum quocumque tempore sumatur, & sic vocatur cœnaculum locus dispositus ad sumendum ibi cibos, & tamen secundum consuetudinem Latinorum cœnaculum vocatur quæcunque domus magna. Nam in templo non erat aliquod cœnaculum, scilicet in quo cœnaretur. Ideo dicendum, quod cœnaculum erat pars suprema templi. Nam sicut supra declaratum est, templum diuidebatur secundum altitudinem in tres domos, inferior illarum vocabatur templum, media autem vocabatur cœnaculum, eo quod illa erat aliqua domus lata, quæ non erat occupata varijs rebus absconditis, sicut domus cellariorum. Alij putant, quod cellaria erant aliquæ domus parue in circuitu templi per latera, in quibus aliquid custodiebatur, & cœnaculum etiam esset alia domus extra tectum ad aliquem usum, sed istud non est conuenienter dictum, quia omnia, quæ erant extra templum ponuntur infra cum dicitur, necnō omnium atriorum, & exedarum per circuitum domus Domini, ergo videtur quod ea, quæ dicuntur hic, s. cellarium, & cœnaculum erant intra templum, sicut supra declaratum est. *Et cubiculorum in abditis.* De istis cubiculis dicunt quidam, quod erant quedam domus extra templum per circuitum, in quibus dormiebant ianitores, & thesaurarii, & alij ministri templi, sed istud non videtur esse intra parietes templi, cum infra ponantur ea, quæ erant extra, cum dicitur necnō omnium atriorum, & exedarum per circuitum domus Domini. Secundo patet, quia dicitur cubiculorum in abditis,

A idest in locis absconditis, & tamē si istæ domus essent extra templum, non videretur esse in locis absconditis. Ideo videtur dicendum, quod ista cubacula erant intra templum, & fortē subterranea, in quibus reseruantur aliqua, sicut aromata, & aliæ confectioes ad faciendum inde thymiamata, vt adpleretur in altari, & ad faciendum oleum vñctionis, quo vngentur summi sacerdotes, & reges, & vestes sacerdotales, & vasa sacra. De aromatibus autem, & alijs necessarijs ad istam confectioem, patet Exod. 30. Vel fortē erant in istis cubiculis aliqui sacerdotes, eo tempore, quo ministrabant, vt ibi manerent promptiores ad ministrandum, vel fortē ista cubacula erant in domibus superioribus templi, s. in domo cellariorum, vel in cœnaculo. Quidquid autem sit, potius videtur, quod ista cubacula erant intra templum, quam exterius propter rationes suprapositas. *Et domus propitiationis.* Ista erat domus sancti sanctorum. Et vocatur domus propitiationis, quia ibi erat arca, & propitiatorium, quod erat super illam. Nam propitiatorium est opertorium arcæ, vel vocatur domus propitiationis, quia ibi fiebat propitiatio, idest remissio peccatorum. Pro quo sciendum, quod semel in anno die decima Septembris erat festum propitiationis, quod vocabatur festum propitiationis, & expiationis: propitiationis quidem, quia Deus illa die propitiabatur peccatis Israelitarum: expiationis autem, quia peccata Israelitarum expiebantur, idest mundabantur illa die: fiebat enim emundatio sic, s. quod summus sacerdos immolabat vnum hircum pro peccato, & alia animalia, & introducebat in crateris sanguinem in sancta sanctorum, & aspergebat contra arcam, & tunc Deus propitiabatur peccatis Israelitarum, vt patet Leuit. 16. & ad Hebr. 9. Et sic sancta sanctorum vocabatur domus propitiationis, quia propitiabatur Dominus peccatis Israelitarum per aspersionem sanguinis factam ibi. Ista domus erat intra templum, quod s. m. longitudinem diuisum erat in duas partes, & pars anterior erat in longitudine maior quam domus interior, quia domus anterior habebat quadraginta cubitos, & domus interior viginti, domus anterior vocabatur sanctum, & ibi erat altare thymiamatum, & candelabrum, & mensa propositionis, & sacerdotes minores introibant quotidie in domum istam ad faciendum ibi ministeria, domus autē interior erat sancta sanctorum, in qua erat arca fœderis, & ista vocatur domus propitiationis, in quam nullus intrabat nisi summus sacerdos semel in anno ad Hebr. 9. *Necnō omnium, quæ cogitauerat.* Idest nō solum dedit David Salomoni descriptionem prædictorum, sed etiam omnium aliorum, quæ cogitauerat pro edificatione templi, in Hebræo dicitur. *Omnia, quæ fuerunt in spiritu suo.* Et idem est, quia ea, quæ homo cogitat, in spiritu suo sunt. *Atriorum, & exedarum per circuitum.* Etiam dedit sibi descriptionem atriorum, & exedarum. Atria enim erant in circuitu templi. Pro quo sciendum, quod templum erat domus clausa parietibus, & tecto, & in circuitu illius erat quidam murus claudens totum templum, & inter murum illum, & parietes templi erant magna spacia, & illa vocantur atria. Erant enim quatuor atria, scilicet quatuor partes in illo spatio diuise ante portam templi. Vnum erat atrium sacerdotum, in quo erat altare holocaustorum, & sacerdotes faciebant ibi sacrificia, & alias ceremonias. Secundum erat atrium virorum mundorum. Tertium erat atrium mulierum mundarum. Quartum erat atrium virorum immundorum, & mulierum immundarum, & gentilium. De quibus declaratum est tertio Reg. septimo. Exedre vocantur quedam domus, quæ erant in circuitu templi communia lateribus eius. Pro quo sciendum, quod templum erat

erat quadrangulum, & habebat vnicam portam, scilicet in latere orientali. Et in illo erat porticus, scilicet spatium magnum longitudinis viginti cubitorum, & latitudinis decem, vt patet tertio Reg. 6. In alijs autem lateribus erat clausum templum, scilicet quod iuxta latera erant domus, quę vocantur exedre, & in istis erat thesaurum templi, vt dicitur hic in litera, etiam ibi manebant sacerdotes, & Leuitę omnium officiorum eo tempore, quo ministrabant, vt patet supra nono. Et omnium istarum tradidit Dauid descriptionē Salomoni. *In thesauros domus Domini, & in thesauros sanctorum.* Idest istę exedre erant pro thesauris domus Domini. Istud. n. erat principale, & tamen pręter hoc etiam erant ibi Leuitę, & sacerdotes eo tempore, quo ministrabant. Et dicitur in thesauros domus Domini, & thesauros sanctorum, quia in templo Domini quidam erant thesauri sacri, & alij non erant thesauri sacri. Vasa, quę sanctificata erant ad ministrandum in eis, quia ista consecrata erant oleo vnctionis dicebantur sancta. Nam quando fabricatum fuit tabernaculum, Moyses aspersit oleo vnctionis ipsum Sanctuarium, & vasa eius: Exod. 31. sic necesse erat nunc, qđ omnia vasa in quibus ministrabatur, essent sanctificata. Sic etiam erat de vestibus sanctis, in quibus ministrabant sacerdotes. Et omnia ista vocabantur thesauri sanctorum, idest rerum sanctificatarum. Alij erant thesauri non sanctificati, vt aurum, & argētum in massa, & alia, quę offerebantur, & non erant redacta in vasa sacra nec in vestes, & isti vocabantur thesauri domus Domini, quasi dicat, nihil aliud sanctum habebant, nisi quia erant thesauri domus Domini, & tamen consecrari non erant, & vtrique thesauri erant in exedris, quia isti custodiebantur a Leuitis thesaurarijs. In hebreo dicitur. *Ambulacra incircuitu.* Vbi nos dicimus exedras per circuitum, & idem est, quia istę exedre erant per totum circuitum templi pręterquam in latere orientali, quia ibi nullę exedre erant, sed sola porticus, & sic si qui vellet ambulare per circuitum templi deberet ambulare per circuitum exedrarum. *Diuisionumque sacerdotalium, & Leuitarum.* Idest dedit Dauid Salomoni descriptionem diuisionum sacerdotalium, & Leuitarum. Istę diuisiones sunt, quę habentur supra 24. & 25. & 26. Nam fuerunt posite sortes vigintiquatuor inter sacerdotes ad ministrandum per vices suas inter Leuitas. Etiā inter cātōres posite fuerunt totidem sortes 25. inter ianitores autem, & thesaurarios posite fuerunt alię sortes sup. 26. & omnes istas dedit Dauid Salomoni in scripto, scilicet qui Leuitę erant in vna sorte, & qui in alia, & sic de sacerdotibus, vt maneret semper distinctio sortium, quę facta erat. Ex hoc apparet, quod ista facta sunt post illa, quę habentur supra de ordinationibus sacerdotum, & Leuitarum, quia aliās non potuisset dare nunc Dauid Salomoni istam descriptionem.

In omnia opera domus Domini. Intelligitur de sacerdotibus, & Leuitis, scilicet quod diuisiones eorum erant ad omnia opera domus Domini, idest ad hoc, quod ministrarent in omnibus operibus Sanctuarij, quia omnes ministraciones Sanctuarij erant distributę per istam sortem sacerdotum, & Leuitarum.

Et in vniuersa vasa ministerij templi Domini. Idest dedit descriptionem pro omnibus vasis Sanctuarij, scilicet quot vasa futura erant, & cuius figurę, & quantum de auro, & argento expendi debebat in quolibet eorum.

Aurum in pondere per singula vasa ministerij. Idest determinauit Dauid ipsi Salomoni in singulis vasis ministracionis quantum de auro ponendum erat in quolibet, & non intelligitur de omnibus vasis, quia non erant omnia vasa templi aurea, sed intelligitur de illis

F vasis, quę debebant esse aurea, quod determinauit de illis quantum de auro ponendum esset in quolibet.

Argenti quoque pondus pro vasorum, & operum diuersitate. Idest in vasis argenteis Dauid designauit Salomoni quantum in quolibet eorum de argento ponendum erat, secundum diuersitatem operum, ad quę erant vasa. Nam quandam ministracionem requirebant maiora vasa, quam alia, & secundum hoc ponebatur in eis magis, vel minus de argento, erant autem ista vasa ad libamenta. Nam vinum, oleum, & similia, & sal, & thus, quę erant libamenta requirebant multa vasa, in quibus tenerentur, & portarentur ad altare, ideo Exod. vigesimo quinto, dicitur quod erant ad liba fundę aureis, & argenteis, dicitur quod erant ad liba fundę, idest ad ponenda libamina sacrificiorum. Etiam requirebantur vasa pro candelabris, & mensa propositionis, & multis alijs ministracionibus. Et omnia ista erant de auro, vel argento. Nam ænea pauca vasa erant nisi illa, in quibus ponebantur prunę, & cineres altaris. Et cum quibus mouebantur prunę, & ligna, quę erant in altari. Ista enim erant ænea, vt patet Exod. 17. *Sed & ad candelabra aurea, & ad lucernas earum.* Candelabrum erat in templo de auro, & etiam de argento. Pro quo sciendum, quod in tabernaculo Moyši, quod factum est in deserto, iussit Deus fieri vnicum candelabrum. Cuius figura ponitur Exod. 25. & istud erat de auro. Et erat in anteriori parte tabernaculi, quę vocabatur sancta ad partē meridiam ante velum sancti sanctorum: Exod. 26. Nunc autem in templo Salomonis erant multa candelabra, eo quod templum istud erat valde maius, & solennius, quam tabernaculum Moyši, vnde erant in eo multo plura vasa, quam in tabernaculo Moyši. Nam tertio Reg. 7. ponuntur decem candelabra, quinque ad latus meridianum, & quinque ad latus aquilonare. Et dicitur hic, quod datum erat aurum, ad candelabra aurea, secundum mensuram candelabrorum. Etiam datum est aurum pro lucernis. Nam lucernę non erant factę de cęra, vel de adipe, cum in Sanctuario nihil tale cremaretur, sed solum oleum. Vocabantur autem hic lucernę vascula parua de auro, in quibus ponebatur oleum, & quia in quolibet candelabro erant multa talia vascula, dabatur aurum pro candelabris, & pro lucernis.

Aurum pro mensura vniuscuiusque candelabri, & lucernarum. Idest dedit Dauid pro omnibus candelabris aureis aurum quantum necessarium erat, & pro lucernis earum distribuendo vniuique secundum mensuram suam, scilicet quod non erant omnia candelabra æqualia, quia aliqua essent precipua inter alia, & illa essent maiora.

Similiter & in candelabris argenteis, & lucernis eorum. Multa erant candelabra quędam de auro, & quędā de argento, propter magnam solennitatem, & honorem templi, & ista etiam erant inæqualia, vnde in quibudam ponebatur magis de argento, quam in alijs. Pro diuersitate mensurę. Scilicet non erant omnia candelabra æqualia, ideo secundum diuersitatem mensurę ipsorum dabatur magis, vel minus de argento. In Hebreo dicitur:

In seruitium candelabri, & candelabri. Vbi nos dicimus pro diuersitate mensurę, & idem est. Nam dicebatur esse argentum in seruitium candelabri, & candelabri, idest ad necessitatem cuiuslibet candelabri. Et dicitur candelabri, & candelabri, quia vnum erat maius, & aliud minus, & secundum diuersitatem mensurę dabatur magis, vel minus de auro, & argento. *Pondus argenti tradidit.* Potest intelligi dupliciter: vno modo, quod Dauid dedit pondus argenti, scilicet pro

pro omnibus istis candelabris dedit tantum de argē-
ro, & de auro quantum necessarium erat pro eis. Ali-
ter potest intelligi, quod dedit pondus argenti, idest,
designauit, scilicet, quantum de auro, & argento de-
beret poni in quolibet candelabro, & tamen q̄ ipse
non dederit istud argentum. Sed quid istorum verius
sit, declarabitur infra in quadam questione.

Aurum quoque dedit in mensa propositionis. Idest, dedit
aurum quantum necesse erat ad hoc, q̄ haberet men-
sa propositionis. Pro hoc autem considerandū est,
q̄ vocabatur mensa propositionis quādam mensa, in
qua erant panes propositionis. Erant autem isti pa-
nes duodecim magni, qui fiebant quolibet sabbatho
a Sacerdotibus sine fermento, & ponebantur super
mensam illam, & manebant ibi septem diebus vsque
ad aliud sabbatum, & tunc tollebantur a Sacerdoti-
bus, & ponebantur alij duodecim recentes, & illos
oblatores comedeant soli Sacerdotes. Isti panes pone-
bantur in templo super mensam in memoriam duo-
decim tribuum Israel, & quia proponebantur panes
ibi, vocabatur ista mensa propositionis. De his de-
claratum est satis supra 23. in quibusdam questionib.
Ista mensa propositionis non erat de auro, sed
delignis setim, & tamen erat operta laminis aureis
propter decorem, & habebat labrum aureum, & in
illo coronulas, vt patet Exo. 25. Et dedit David au-
rum pro ista mensa.

Pro diuersitate mensuræ. Idest, quantum necessariū
erat secundum mensuram ipsius mensæ, quia mensa
erat certæ quantitatis, & secundum illam dabatur au-
rum sufficiens.

Similiter & argentum in aliis mensas argenteas. Præter
mensam propositionis erant aliæ mensæ, & illæ erant
argenteæ. Nam mensa propositionis debuit esse pre-
ciosior alijs, eo q̄ ista pertinebat ad principalem mini-
strationem. Aliæ autem erant ad alias ministraciones
minus principales, nec fit mentio in vasis Taberna-
culi Moysi, nisi de mensa propositionis. Hic autem
ponuntur multe mensæ argenteæ præter mensam p-
positionis, quæ erat aurea. Et sciendum q̄ istud factū
est propter maiorem solennitatem, & honorem tem-
pli, & maiorem necessitatem q̄ in Tabernaculo Moy-
si, unde multa alia vasa erant in templo, quæ non fue-
runt in Tabernaculo. Erat enim in Tabernaculo vni-
us candelabrum. Exo. 25. & ponebatur illud in late-
re Meridiano Tabernaculi ante Sancta sanctorum.
Exo. 26. Et tamen in templo Salomonis erant decem
candelabra, vt patet 3. Regum 6. Ita erat de istis men-
sis, & erant ad ponendum super eas vasa aurea, & argē-
tea. Nam Sacerdotes egebant multis vasis aureis, &
argenteis ad ministrandum coram Domino intra tē-
plum, & ista ponebantur super mensas argenteas, vt
essent in loco mundo, & honorabili, & vocantur mē-
se argenteæ idest, opertæ laminis argenteis. In Hebræo
habetur. *Et auro pondus pro mensis, & ordo mensæ, & mensæ.*

Vbi nos dicimus aurum quoque dedit in mensam p-
positionis pro diuersitate mensuræ. Similiter, & ar-
gentum in aliis mensas argenteas. Et ad idem redit.
Nam dicitur, & auro pondus pro mensis, scilicet, q̄
dedit dederat ad certum pondus de auro pro men-
sa, quia pro mensa propositionis dedit certam quā-
titatem auri, & pro alijs mensis certam quantitatem
argenti. Et dicitur: & ordo mensæ, & mensæ, idest,
& secundum magnitudinem erat inter mensam, & mensam,
& secundum hoc dabantur partes inæquales de au-
ro, & argento pro mensis.

Ad fuscinas quoque, & phialas. Etiam dedit David
aurum pro istis vasis. Erant enim ista vasa cande-
labrorum. Dabantur enim aliqui, quæ erant istæ fu-
scinæ, & phialæ, quod essent instrumen-
ta. Alph. I. ostium lib. I. Paralip.

A ta ad mouendum carnes in olla, sicut dicitur 2. Reg.
2. quod puer Sacerdotis habebat fuscinulam triden-
tem in manu sua, & mittebat eam in ollam caldariam,
& tollebat sibi de carnibus quidquid lenabat fuscinu-
la. Sunt autem fuscinule isto modo instrumenta al-
taris holocaustorum, eo quod quædam partes car-
nium, quæ cremabantur in altari coquebantur in ol-
lis, caldarijs, & leberibus, vt comederent inde Sa-
cerdotes, & etiam offerentes, quia illæ erant carnes
sacræ. Sic ponitur Exodi vigesimo septimo, facies
in vsus eius leberes ad suscipiendum cineres, & forcip-
es atque fuscinulas, & loquitur ibi de altari holocau-
storum: hic tamen non potest accipi sic, quia istæ
fuscinule erant de auro purissimo, vt patet in litera,
& tamen vasa altaris holocaustorum non erant de au-
ro, sed ænea, vt patet Exodi vigesimo septimo, scili-
cet, omnia vasa eius ex ære fabricabis. Sed dicendum
est, quod istæ fuscinule erant vasa candelabrorum, q̄
candelabra erant de auro: inter quæ erant fuscinule,
quædam instrumenta, in quibus lychnum combustū
ponebatur, ne faceret immundum ipsum templum
si spargeretur per varias partes eius, & cum collectus
esset multus cinis lychnorum in istis vasis poneba-
tur extra templum. Et vocantur ista vasa fuscinule,
de fuscina auri, quia erat fusca, idest, nigra propter
nigredinem lychnorum, quæ ponebantur in eis, &
ponuntur inter vasa tertio Regum septimo, scilicet.
Lucernas desuper aureas, & forcipes aureas, & hy-
drias, & fuscinulas, & phialas. Forcipes vocabantur
instrumenta, quibus tollebatur lychnum combustū,
vt lucerna arderet, & non caderet in oleum, quia red-
deret eum immundum. Sic etiam forcipes erant
instrumenta altaris holocaustorum, vt patet Exodi vi-
gesimo septimo, & tamen illæ forcipes erant æneæ,
& istæ erant aureæ. Hydriæ erant vasa magna de au-
ro, in quibus obseruabatur oleum ad ponendum in
lucernis candelabrorum. Phialæ erant vasa minora,
in quibus accipiebatur oleum de hydrijs ad ponen-
dum in lucernis, & ponuntur ista vasa tam hic quā
3. Reg. 7. inter vasa candelabrorum.

D Et thuribula ex auro purissimo. Thuribula erant vasa, *Quid erat*
in quibus seruabatur thus. Et ista erant pro altari thy-
miamatum, quia in illo cremabatur thus. *thuribulū.*

Et leunculos aureos. Fecit etiam leunculos de auro,
vt ista litera significat, & tamen non videtur ad quid
essent isti leunculi, quia in Sanctuario non erat vsus
leunculorum, cum non essent vasa ad ministrandum,
ideo fortè fuit hic variatio literæ nostræ ex æquiuoca-
tione nominis Hebraici, sicut infra dicitur in qua-
dam questione.

Pro qualitate mensuræ distribuit pondus in leunculum, &
leunculum. Idest, erant multi leunculi aurei inæquales,
& pro quolibet eorum dedit certam quantitatem au-
ri secundum magnitudinem suam. *Similiter, & in leo-
nes argenteos diuersum pondus argenti separauit.* Erant etiā
leones argentei, qui verè erant vasa, & non leones,
quamquam litera nostra vocet eos leones, & pro
quolibet eorum diuersum pondus argenti dedit se-
cundum magnitudinem suam.

*Altari quoque, in quo adolebant incensum aurum purissi-
mum dedit.* Duo altaria erant in Sanctuario, vnum
erat altare holocaustorum, scilicet, in quo fiebant oīa
sacrificia, & illud erat quocū, & erat extra templum in
agro eius. Aliud erat altare thymiamatis, & illud erat
paruum, & delignis setim, opertum tamen erat lami-
nis aureis, ideo dicebat esse de auro purissimo. Quia
lamine illæ, quibus operebatur, erant de auro purissi-
mo, & in isto altari cremabatur quotidie thymia-
tis, scilicet, in aurora, & vespere, quando disponeban-
tur lucernæ in candelabris, vt patet Exo. trigésimo.

Vt ex ipso fieret similitudo quadrigæ Cherubim extendentium alas, & velantium Arcam fœderis Domini. Idest istud aurum fuit ad hoc, quod fieret quedam similitudo quadrigæ de Cherubim, qui extenderent alas vnus contra alterum, & ostenderent similitudinem quadrigæ. Sed dubium est, quomodo ponatur hic istud, quia quadriga Cherubim non erat pro altari thymiamatum, sed pro Arca fœderis, de qua non agit hic, sed hoc declarabitur infra in quadam questione.

Omnia, inquit, venerunt scripta manu Domini ad me. Conclut hic Dauid cum Salomone postquam dixit ei omnia, quæ facturum erat in templo, vt omnia venerunt ad me scripta manu Domini: hoc dixit, vt Salomon non mutaret aliquid istorum, quæ Deus iusserat fieri.

Vt intelligerem vniuersa opera exemplaris. Idest, non poteram intelligere omnia opera exemplaris, idest, templi exemplati. Quod fabricandum erat, nisi per singula scriberentur omnia hæc, ideo scripta fuerunt omnia, & sic potui intelligere. Alio modo potest accipi, quod hoc factum est, vt intelligeret Dauid omnia opera exemplaris, scilicet, quia ostensa fuit sibi figura, quæ erat exemplar templi, quod fabricandum erat. Ex illo exemplari Dauid non poterat plenè intelligere omnia opera, nisi poneretur sibi in scriptura, ideo preter exemplar sibi ostensum fuit etiam scriptura data sibi, quæ contineret omnia hæc. In Hebræo dicitur.

Totum in scriptura manus Domini super me fuit commemoratum opus ædificationis. Vbi litera nostra dicit. *Omnia, inquit, venerunt scripta, &c.* Et idem est, quia dicitur, totum in scriptura manus Domini, idest, totum quod dictum est venit ad me scriptum de manu Domini, sicut dixit litera nostra. Et dicitur commemoratum est super me opus ædificationis, idest, venit ista scriptura ad me, vt commemorarem, idest, intelligerem opus ædificationis. Et istud est quod dicit litera nostra, scilicet, vt intelligerem vniuersa opera exemplaris.

Dixitque Dauid filio suo. Postquam posuit Dauid omnia opera, quæ facturum erat Salomon in templo dixit iterum ad eum per modum admonitionis, quod confortaretur ad faciendum hæc. Nam ante hoc admonuerat eum ædificare templum, vt patet supra in litera. Postea vero posuit ea, quæ fieri debebant in templo: nunc autem redit iterum ad eum admonendum, vt multitudo operum ei ostensorum non terreat ipsum.

Viriliter age, & confortare. Quasi dicat, ad foeminā pertinet cuiusque labori succumbere, & formidare. Viri autem debent in omnibus fortiter agere, & confortari ad subeundum labores.

Ne timeas, & ne pueas. Scilicet, quamquam sit ista magnitudo operis per te expedienda non timeas tantum laborem, quia poteris complere illum. Timere, & pauere idem sunt, & tamen vnum significat maiorem mutationem cordis, quam aliud, scilicet, pauere plusquam timere.

Dominus Deus meus tecum erit. Scilicet, adiuuabit te ad faciendum hæc, & sine magno labore poteris illa complere.

Et non dimittet te, nec derelinquet donec perficias omne opus ministerij domus. Idest, non cessabit te adiuuare quousque compleas omnia hæc, ideo de adiutorio illius confidens non timeas laboris magnitudinem. Et cum dicitur: non dimittet, nec derelinquet, pro eodem ponitur. Et tamen derelinquere peius est, quod dimittere, quia derelinquere sonat omnino dimittere in auxilium, dimittere autem solum significat cessare ab adiutorio, siue illud sit iam necessarium, si-

ue non, & sic dimissio Dei aliquando potest esse non mala, & tamen nemo dicitur derelictus nisi male. Et cum dicitur, donec perficias omne opus ministerij, non est, quod postquam Salomon perficeret templum, quod Deus derelinqueret eum, quia ista dictio, donec solum ponitur hic, vt inducat negationem, & non vt aliquid affirmet. scilicet, quod Deus non dimitteret eum nondum edificaret, & tamen an postea dimitteret eum non significaretur ex litera, sic est in multis alijs locis, vt patet Psalm. 109. f. Sede a dextris meis, donec ponam inimicos tuos, scabellum pedum tuorum. Vbi loquitur pater ad filium. Sede a dextris meis. Et tamen non est sensus, quod solum deberet Christus sedere ad dexteram patris quousque poneret inimicos sub pedibus eius, quia semper sedet ad dexteram suam. Sic etiam habetur Matth. 1. Ioseph accepit Mariam coniugem suam, & non cognoscebat eam, donec peperit filium suum primogenitum. Et tamen manifestum est, quod postquam ipsa peperit Christum non fuit cognita a Ioseph, sed solum significat Scriptura, quod non cognita fuerit antequam Christum gigneret, & tamen an postea cognita fuerit Scriptura non significat ibi.

Ecce diuisiones Sacerdotum, & Levitarum. Postquam posuit Dauid laborem quem suscepturus erat Salomon, ponit hic adiutores eius, & dicit, quod Sacerdotes, & Leuitæ adiuuarent eum in omnibus istis operibus ministerij. Et vocantur diuisiones Sacerdotum, & Levitarum illæ, quæ factæ sunt supra 24. & 25. & 26. Nam diuisi fuerunt Sacerdotes per vigintiquatuor sortes, vt ministrarent diuersis temporibus supra vigesimoquarto. Leuitæ quoque cantores diuisi fuerunt per totidem sortes supra vigesimoquinto. Ianitores etiam, & thesaurarij, & iudices, & præfecti diuisi fuerunt per ministeria sua, & omnes isti adiutori erant Salomonem.

In omne opus ministerij domus Domini. Ista litera potest legi dupliciter: vno modo cum precedenti, alio modo cum sequenti. scilicet, cum illo verbo assistent tibi. Accipiendo primo modo est sensus diuisionis Sacerdotum, & Levitarum in omne opus ministerij, id est, diuisiones Sacerdotum, & Levitarum, quæ sunt factæ ad omne opus ministerij domus Domini. scilicet, omne ministerium, quod fiebat in domo Domini fiebat per istos Sacerdotes, & Leuitas, qui erant diuisi in sortes. Nam quædam diuisiones erant pro Sacerdotibus, aliæ pro cantoribus, aliæ pro ianitoribus, thesaurarijs, & præfectis atque iudicibus. Nam omnia ista officia erant distincta per sortes. Accipiendo secundo modo est sensus, quod diuisiones Sacerdotum, & Levitarum assisterent Salomoni ad omne opus ministerij domus Domini, scilicet, quod laborarent circa omnem fabricationem, quæ fieri deberet in domo Domini, & adiutorem Salomonem in ea. Primus tamen est sensus literæ, scilicet, quod Sacerdotes, & Leuitæ, qui erant ordinati, scilicet, pro ministerijs domus Domini. Nam ædificatio, quæ fiebat in templo Salomonis non vocabatur ministerium domus Dñi, sed illæ ministrationses sacræ, quæ fuerunt postquam factum esset templum, nominabantur ministeria domus Dñi, & isti Sacerdotes, & Leuitæ assistebant Salomoni adiuuando eum circa ordinationem eorum, quæ fieri debebant in templo: nam ipsi manibus suis non laborabant in opere templi.

Et parati sunt. Idest, ex nunc parati sunt ad faciendum omnia, quæ iusseris eis circa istam ædificationem. Et nouerunt tam principes quam populus facere omnia præcepta tua. Hic dat in adiutores Salomoni omnes principes populi, & ipsum populum, scilicet, quod congregati erant principes, & populus, & Dauid adiuuauerat

nuerat eos, vt adiuuarent Salomonem in opere templi, & ipsi prompti erant hoc facere.

Quomodo Dauid dedit descriptionem Salomoni porticus, & templi. Quæst. I.

QUÆRITUR vltius circa illud quod supra dicebatur, quod Dauid dedit Salomoni descriptionem porticus, & templi, & omnium aliorum, quomodo potuit ei dare istam descriptionem? Respondendum est, qd per cogitationem. Et istud consonat literæ, quia dicitur: Dedit Salomoni descriptionem porticus, & templi, necnon omnium, quæ cogitauerat attritorum, & exedrarum, ergo per cogitationem Dauid ista facta sunt.

Dicendum tamen est, quod hoc non stat, quia non auderet Dauid ex corde suo fabricare templum Dño sic, vel sic, quia nesciret, an illud placeret Deo. Sed fuit hoc per reuelationem Dei, vt ipsi Iudei intelligerent, qd omnia, quæ fierent in templo essent Deo accepta. Et ad hoc declarauit primo, in quo loco sibi templum fabricare deberet. Et ad hoc ostendit aream Ornam Iebusei, & hoc fuit mittendo ignem de coelo super sacrificia, quæ obtulit Dauid ibi supra 21. Et nunc intellexit Dauid, qd Deus volebat ibi sibi fabricari templum, & ait: Hæc est domus Dei, & altare in holocaustum Israel supra 22. Declarauit etiam Deus qualiter fabricari deberet templum, & singulas partes eius atq; vasa, & istud dedit in scripto ipsi Dauid, vt patet supra in litera. f. & omnia venerunt ad me scripta de manu Dei, vt intelligerem omnia opera exemplaris.

Sciendum autem, qd ista descriptio data est Salomoni, ita qd primo scriptæ fuerunt omnes partes Sanctuarij, & vasa eius, vt nihil omitteretur. Etiam fuit descripta magnitudo cuiuscunque istorum, ne erraretur circa magnitudinem debitam. Etiam fuit dictum, de qua materia quodlibet istorum esse deberet, & credendum est, qd figuræ istarum rerum fuerint descriptæ, ne Salomon haberet occasionem errandi in his, & per istam descriptionem sic completam fabricandum erat totum opus Sanctuarij.

De opere templi.

Quæst. II.

QUÆRITUR vltius circa ea, quæ ponuntur hic de opere templi. Et sciendum, qd hic ponuntur aliquæ partes templi, & aliqua vasa, & in omnibus his consideranda est figura. Et primo pro aliquali declaratione eorum, quæ dicuntur hic, ponetur in breui figura totius templi cum atrijs suis, deinde ponebat figuram aliquorum ferarum, de quibus hic dicitur, quamquam non in breui hic figuræ istarum figurarum, quia de his habentur est, tertio Regum sexto, & septimo. Et ibi videtur.

Circa primum sciendum, quod templum Domini large dictum diuisum est in duas partes principales, scilicet, in templum, & in atrium. Templum erat domus habens quatuor latera, & tectum. Atrium erat quoddam magnum spacium clausum muro in circuitu templi, ita quod templum includebatur intra illud murum, & inter murum, & latera templi ex omni parte erant magna spacia, quæ vocabantur atrijs. De templo primo dicendum, quod erat domus quadrangula, ita quod duo latera, scilicet, Meridionale, & Aquilonare erant longiora, quam Orientale, & Occidentale, ideo longitudo erat ab Oriente in Occidentem, & latitudo a Meridie in Aquilonem. Erat autem longitudo sexaginta cubitorum, & latitudo viginti, & altitudo erat centum, & viginti cubitorum, vt patet sequenti lib. capitulo tertio, & tertio Regum sexto, & sic erat facta ista domus in altitudine. Diuidebatur in tres partes, ita quod essent tria pauimenta, & altitudo primæ domus, quæ habebat pauimentum in plano super terram erat triginta cubitorum, tertio Regum sexto. Et ista vocatur templum, & propter hoc de ista sola fit mentio ibi. De alijs autem duabus superioribus raro fit mentio in scriptura, eo quod in illis non fiebat aliqua ministratio sancta, & istæ tres domus erant æquales secundum longitudinem, solum autem differebat per altitudinem. Prima domus inferior, quæ erat templum, erat diuisa in duas partes secundum longitudinem, quæ erat ab Oriente in Occidentem sexaginta cubitorum, & diuidebatur per vnum parietem intermedium. Incipiebat autem domus prima a parte Orientali vbi erat porta templi, quæ vnica erat, & habebat ista domus quadraginta cubitos longitudinis, & ista vocabatur sancta, in qua erat altare thymiamatis, & candelabra aurea, & argentea, & mensa propositionis, & alia vasa ad ministrandum: in istam domum introibant quotidie Sacerdotes ad cremandum thymiamata, & disponendum lucernas in candelabris, & ad ponendum panes propositionis in mensa. Secunda domus erat in parte Occidentali templi habens viginti cubitos in longitudine, & tantumdem in latitudine, & ista erat Sancta sanctorum, in qua erat Arca foederis, & duo Cherubim de lignis oliuarum, & habebat qui libet decem cubitos in longitudine alarum. Erant autem istæ domus factæ de lapidibus, & tamen erant opere lignis cedrinis, & de super laminis aureis tam in pauimento, quam in parietibus, & tecto. In parietibus autem erant fenestræ obliquæ, vt templum non esset obscurum: ista enim est figura templi quantum ad domum inferiorem, quæ vocatur templum. Manent autem duæ domus superiores, & vna erat super aliam, & de istis non habetur in Scriptura certitudo mensuræ. Constat autem, quod habebant ambæ simul in altitudine nonaginta cubitos, quia tota altitudo parietum templi erat centum viginti cubitorum sequenti lib. cap. tertio, & domus inferior iuxta terram erat altitudinis cubitorum triginta tertio Regum sexto, ergo duæ superiores haberent nonaginta cubitos altitudinis, & tamen an essent æquales altitudine, vel non, non apparet. Quidam enim putant, quod domus superior habebat in altitudine cubitos sexaginta, quia sequenti libri capitulo tertio dicitur: Longitudinis cubitos in mensura prima sexaginta, sed isti errant, quia longitudo omnium istarum trium domorum eadem erat, & considerabatur per planum, ideo potest dici, quod istæ duæ domus erant æquales in altitudine, ita quod quilibet haberet quadraginta quinque cubitos. Prima istarum duarum vocabatur domus cellariorum, quæ ponitur hic in litera, eo quod ibi erant multa spacia separata, in quibus reponebantur multa pertinentia ad templum, de quibus infra dicitur. Domus superma vocabatur cenaculum, quia erat domus spaciola non habens diuisiones multas ad recondendum aliquid, sicut domus cellariorum. Istæ duæ domus habebant pauimenta de trabibus, quæ extendebantur a latere Meridiano in Aquilonare, & transibant per parietes templi, & prominebant extra parietes templi, & vtrique quinque cubitis, & super illa capita trabum fiebant tabulata in circuitu templi per tria latera. Nam tectum primæ domus inferioris, quæ erat triginta cubitorum altitudinis, habebat trabes pro fundamento, quæ prominebant per latus Meridianum, Aquilonare, & Occidentale, & super illas fiebat primum tabulatum extra parietes

A bitorum, vt patet sequenti lib. capitulo tertio, & tertio Regum sexto, & sic erat facta ista domus in altitudine. Diuidebatur in tres partes, ita quod essent tria pauimenta, & altitudo primæ domus, quæ habebat pauimentum in plano super terram erat triginta cubitorum, tertio Regum sexto. Et ista vocatur templum, & propter hoc de ista sola fit mentio ibi. De alijs autem duabus superioribus raro fit mentio in scriptura, eo quod in illis non fiebat aliqua ministratio sancta, & istæ tres domus erant æquales secundum longitudinem, solum autem differebat per altitudinem. Prima domus inferior, quæ erat templum, erat diuisa in duas partes secundum longitudinem, quæ erat ab Oriente in Occidentem sexaginta cubitorum, & diuidebatur per vnum parietem intermedium. Incipiebat autem domus prima a parte Orientali vbi erat porta templi, quæ vnica erat, & habebat ista domus quadraginta cubitos longitudinis, & ista vocabatur sancta, in qua erat altare thymiamatis, & candelabra aurea, & argentea, & mensa propositionis, & alia vasa ad ministrandum: in istam domum introibant quotidie Sacerdotes ad cremandum thymiamata, & disponendum lucernas in candelabris, & ad ponendum panes propositionis in mensa. Secunda domus erat in parte Occidentali templi habens viginti cubitos in longitudine, & tantumdem in latitudine, & ista erat Sancta sanctorum, in qua erat Arca foederis, & duo Cherubim de lignis oliuarum, & habebat qui libet decem cubitos in longitudine alarum. Erant autem istæ domus factæ de lapidibus, & tamen erant opere lignis cedrinis, & de super laminis aureis tam in pauimento, quam in parietibus, & tecto. In parietibus autem erant fenestræ obliquæ, vt templum non esset obscurum: ista enim est figura templi quantum ad domum inferiorem, quæ vocatur templum. Manent autem duæ domus superiores, & vna erat super aliam, & de istis non habetur in Scriptura certitudo mensuræ. Constat autem, quod habebant ambæ simul in altitudine nonaginta cubitos, quia tota altitudo parietum templi erat centum viginti cubitorum sequenti lib. cap. tertio, & domus inferior iuxta terram erat altitudinis cubitorum triginta tertio Regum sexto, ergo duæ superiores haberent nonaginta cubitos altitudinis, & tamen an essent æquales altitudine, vel non, non apparet. Quidam enim putant, quod domus superior habebat in altitudine cubitos sexaginta, quia sequenti libri capitulo tertio dicitur: Longitudinis cubitos in mensura prima sexaginta, sed isti errant, quia longitudo omnium istarum trium domorum eadem erat, & considerabatur per planum, ideo potest dici, quod istæ duæ domus erant æquales in altitudine, ita quod quilibet haberet quadraginta quinque cubitos. Prima istarum duarum vocabatur domus cellariorum, quæ ponitur hic in litera, eo quod ibi erant multa spacia separata, in quibus reponebantur multa pertinentia ad templum, de quibus infra dicitur. Domus superma vocabatur cenaculum, quia erat domus spaciola non habens diuisiones multas ad recondendum aliquid, sicut domus cellariorum. Istæ duæ domus habebant pauimenta de trabibus, quæ extendebantur a latere Meridiano in Aquilonare, & transibant per parietes templi, & prominebant extra parietes templi, & vtrique quinque cubitis, & super illa capita trabum fiebant tabulata in circuitu templi per tria latera. Nam tectum primæ domus inferioris, quæ erat triginta cubitorum altitudinis, habebat trabes pro fundamento, quæ prominebant per latus Meridianum, Aquilonare, & Occidentale, & super illas fiebat primum tabulatum extra parietes

parietes templi. Super trabes secundæ domus fiebat similiter secundum tabularum, & super trabes tertiæ domus tertium tabulatum, & sic de omnibus istis erat idem modus, & erant ista tabulata in circuitu totius templi, nisi in latere Orientali, eo quod ibi erat porticus, & non pendeant super ea aliqua tabulata, ne tollerent pulchritudinem porticus. Erant autem facta ista tabulata ad fortitudinem, & defensionem domus, quia ista erant propugnacula si hostes venirent ad pugnandum contra templum, poterat inde defendi: in istis autem duabus domibus superioribus quid erat, non apparet, & tamen de hoc magis infra dicitur. In suprema parte parietum templi erant moenia pulchra, & vites quasi aureæ, de quibus magis dictum est tertio Regum sexto. Ista pertinent ad figuram templi. Extra templum erant atria, & erat quidam murus in circuitu totius templi claudens magna spacia inter se, & parietes templi, & ista spacia vocabantur atria. Sciendum autem, quod intra istum murum iuxta latera templi per totum circuitum eius, erant quedam domus parue coniunctæ tribus lateribus templi, scilicet, Meridiano, Occidentali, Aquilonari. Et istæ non permittebant quemquam accedere ad illa latera templi, in latere autem Orientali non erant aliqua domus, quia ibi erat ianua templi, & porticus, & istæ domus vocabantur exedrae, in quibus servabantur thesauri Sanctuarii, & etiam manebant ibi Sacerdotes, & Leuitæ eo tempore, quo ministrabant. Nam ministri non dormiebant extra templum, eo quod tam per noctem quam per diem ministrabant, ut patet supra nono, in parte autem Orientali templi erat maius spacium intra murum atrii, & templum, quam in alijs partibus, & ibi erant atria. Nam distincta erant quatuor atria intra illum murum. Vnum erat atrium Sacerdotum, quod erat circa portam templi, & ibi Sacerdotes ministrabant. Nam ibi erat altare holocaustorum, & omnia vasa eius, & fiebant omnia sacrificia. Erat aliud atrium laicorum, qui erant mundi, & tertium atrium mulierum mundarum, & quartum atrium viro- rum immundorum, & mulierum immundarum, & gentilium. Ista quatuor atria erant quatuor spacia diuisa parietibus intermediis, & non habebant rectum, & ad ista loca conueniebant viri, & foeminae ad orationem, & ad audiendum verbum Dei, & erant ad partem Orientalem templi, eo quod ibi erat porta, & ab illa parte orabant contra partem Occidentalem, in qua erat Sancta sanctorum. Omnia ista atria, & exedrae claudabantur vno muro altissimo, in quo erant portæ quatuor per quatuor ventos coeli, scilicet, ad Orientem, Occidentem, Meridiem, & Austum, & in istis quatuor portis custodiebant ianitores templi, ut patet supra nono, & vigesimo sexto. Ista erat in breui figura templi, & atrii: secundum erat de figura vasorum. Et dicendum, quod in templo erant principalia vasa ista, scilicet, altare holocaustorum, altare thymiamatum, Arca foederis, mensa propositionis, & candelabrum. Reliqua autem erant vasa, quæ subseruiebant istis, scilicet, quedam pro altari holocaustorum, & quedam pro candelabro, & sic de ceteris. Figura autem altaris holocaustorum fuit in Tabernaculo Moyfi, secundum quod habetur Exodi vigesimo septimo. Sed in templo aliquantulum mutatum est. Nam altare quod fecit Moyses erat de lignis setim, & opertum laminis æneis: Exodi vigesimo septimo. Altare autem, quod fecit Salomon erat totum æneum, & erat maius, scilicet, cubitorum viginti in longitudine, & totidem in latitudine, & decem in altitudine, ut patet sequenti lib. cap. quarto. Figura altaris thymia-

matum in Tabernaculo Moyfi fuit, sicut habetur Exodi trigesimo. In templo autem Salomonis non legitur fuisse alterius figuræ, ideo credendum est, quod eiusdem figuræ fuerit, sola autem materia mutata est, & magnitudo. De materia autem patet, quia altare thymiamatum, quod fecit Moyses erat de lignis setim: Exodi trigesimo. Et altare thymiamatis in templo Salomonis erat vestitum cedro tertio Regum sexto. Etiam credendum est, quod esset maius quantitate, eo quod in templo Salomonis omnia vasa fiebant maiora. Cuius causa declarata est ibi. Arca non erat alterius figuræ in templo Salomonis, quam in Tabernaculo Moyfi, quia eadem Arca numero erat, nec fuit postea facta alia quamquam ista perierit. Figura mensæ propositionis, quæ erat in Tabernaculo Moyfi habetur Exo. trigesimo quinto, & non legitur fuisse alterius figuræ illa, quæ fuit in templo Salomonis, ideo credendum est, quod fuerit eiusdem figuræ, esset tamen maior in quantitate. Nam nunc David dedit multum aurum pro illa. Et erant præter illam, aliæ mensæ argenteæ in templo, ut patet supra in litera. Figura autem candelabri erat in Tabernaculo Moyfi, quæ habetur Exodi vigesimo quinto, & non legitur alia fuisse figura in candelabris templi Salomonis, ideo eiusdem figuræ essent, fuit tamen vnicum candelabrum in Tabernaculo Moyfi in latere Meridiano Tabernaculi: Exodi vigesimo quinto, & vigesimo sexto. In templo autem Salomonis fuerunt multa candelabra, quia decem ponuntur tertio Regum septimo, quorum quinque erant ad latus Meridianum, & quinque ad Aquilonem. Ista erant vasa principalia, sed præter hæc erant alia vasa minus principalia, scilicet, vasa altaris holocaustorum, quæ multa erant, & erat vnum quod subseruiebat omnibus alijs, scilicet, labrum æneum, in quo lauabantur Sacerdotes, quod fuit in Tabernaculo Moyfi: Exodi trigesimo, & antequam Sacerdotes ministrarent lauabant ibi manus, & pedes Exodi trigesimo, & loco huius erat in templo Salomonis quoddam vas magnum in modum hemisphærii, quod vocabatur mare æneum. Et erat super duodecim boues æneos. De cuius fabricatura patet 3. Regum septimo. Erant etiam alia vasa, quæ vocabantur luteræ, quæ erant plena aqua ad abluendum carnes sacrificiorum. Et erant decem luteræ: habebat autem quilibet luter sedem pulchram æneam, de quarum figura, & magnitudine habetur 3. Regum 7. Erant etiam alia vasa altaris holocaustorum. scilicet, lebetes, & fucinae, & forcipes, & ignium receptacula, ut patet Exodi vigesimo septimo. Lebetes erant quedam vasa ænea ampla aliquantulum concaua, in quibus recipiebantur cineres de altari. Nam in altari holocaustorum cremabantur multa ligna, & carnes animalium, & fiebant multi cineres, & illa efferebantur de templo a Sacerdotibus in istis lebetibus, ut patet Exo. 27. Fucinae erant instrumenta, quibus carnes in olla mouentur, & contrahuntur, ut patet 2. Reg. 2. Et istæ erant propter carnes sacrificiorum, quæ coquebantur in atrio templi. Nam quedam partes carniū coquebantur, & alia cremabantur in altari. Forcipes erant tenacula, scilicet, quedam instrumenta fabrorum, quibus ferrum tenetur quando est ignitum. Et istæ erant necessariae in Sanctuario, ad hoc, quod Sacerdotes mouerent carbones, & ligna in altari ne manibus tangerent ignem. Sic patet Isa. 6. cum dicitur, quod vnus de Seraphim tulit calculum de altari forcipe, & tetigit labia Isaia, & sic videtur, quod forcipes erant ad tenendum quoddam instrumenta lata, & concaua, in quibus tollebantur prunæ de altari holocaustorum, & ponebantur

tur super altare thymiamatum, & desuper fundebatur thymiamata, & cremabatur, ideo ista vasa vocantur aliquando thuribula, quia in eis cremabatur thus. Omnia ista vasa erant de ere. De his patet Exodi 27. Altare thymiamatum nulla vasa habebat nisi thuribula, & mortariola. Thuribula erant ad conseruandum thus, & alia, quæ cremabantur in altari. Mortariola autem erant ad conterendum in eis thus, & alia aromata. Nam thymiamata quod cremabatur in altari, erat compositum ex multis speciebus duris. Et ille terebatur in mortario vsque ad puluerem minutissimum. De compositione huius patet Exodi trigesimo. Figura autem istorum satis est nota. Et ponuntur ista duo genera vasorum simul tertio Regum septimo, eo quod pertinebant ambo ad idem, scilicet, ad altare thymiamatum. Arca foederis non habebat aliquod vas ad ministerium suum, quia non fiebat aliqua ministratio circa ipsam nisi semel in anno in die propitiationis, quando introibat summus Sacerdos in Sancta sanctorum, & aspergebat sanguinem contra propitiatorium, & ferebat illum sanguinem in quadam cratera, quæ pertinebat ad vasa altaris holocaustorum, cum ille sanguis esset de sacrificijs, ferebat etiam secum aromata in quodam thuribulo super prunas, vt fumus grossus inde consurgens Sacerdotis oculos obumbraret, ne posset aliquid videre de his, quæ erant in Sancta sanctorum. Leuit. 16. Et istud thuribulum pertinebat ad vasa altaris thymiamatum, quia in eo cremabatur thymiamata. Mensa propositionis non habebat aliqua vasa ad ministerium suum, eo quod in illa nihil fiebat, nisi quod ponebantur duodecim panes propositionis super eam, & pro istis panibus ad tenendum illos in mensa non requirebantur aliqua vasa aurea, vel argentea. Candelabrum habebat aliqua vasa, scilicet, hydrias, in quibus continebatur oleum ad fundendum in lucernas candelabri. Figura autem istarum erat hydriarum nostrarum. De quibus patet tertio Regum septimo. Habebat etiam phialas, quæ erant quædam vasa parua aurea, quibus extrahebatur oleum de hydrijs ad ponendum in lucernis candelabrorum. Habebat autem forcipes aureos, qui erant ad tollendum lychnum ne coinquinaret illud. Habebat etiam fuscinulas, quæ erant vasa parua, in quibus cinis lychnorum combustorum ponebatur, vt non coinquinaretur Templum effuso cinere nigro per Templum, & postea ille cinis a Sacerdotibus ferebatur extra templum: figura istorum satis nota est secundum conuenientiam ministerij, ad quod erant. De his patet supra in litera, vbi ponuntur fuscinule, & phialæ. Et tertio Regum septimo, ista significantur Exodi vigesimo quinto, cum de vasis candelabri dicitur. Emunctoria quoque, & vbi quæ emuncta sunt, extinguantur, fiant de auro mundissimo. Erant etiam alia vasa aurea, & argentea, scilicet, acerabula, phialæ, thuribula, & cyathi. Et ista vasa ponebantur in mensa propositionis. Exodi vigesimo quinto. Non tamen erant vasa ad ministerium holocaustorum, sed erant ad ministerium altaris libæ fundenda, & tamen liba, siue libamina pertinebant ad sacrificia, & ponebantur in altari holocaustorum, quia tamen ista erant de auro, & argento, & omnia alia vasa altaris holocaustorum erant ænea. Exodi vigesimo primo, non ponebantur ista simul cum alijs vasis: ideo ponuntur aliqua, quæ non sunt vasa altaris. Hæc de figura vasorum templi dicta

A An Dauid dedit aurum, & argentum pro singulis vasis. Quest. III.

Q VAERITVR vterius de isto auro, & argento vasorum, an Dauid dederat illud Salomoni pro singulis vasis.

Respondendum, quod Dauid dedit Salomoni numerum, & figuram omnium vasorum, quæ in templo fabricanda erant, & assignauit pro singulis quantitatem debitam auri, & argenti, & istud aurum & argenti dedit Salomoni, vt patet s. in litera. f. De diti aurum in pōdere per singula vasa ministerij. Argenti quoq; pōdus pro vasorū diuersitate. Et sepe dñ hoc. f. qd dedit aurū ad candelabra aurea, & argenti ad candelabra argentea, & ad mensam propositionis, & alias mentas: nihilominus tamen dicit, quod Dauid non dedit Salomoni aurum, & argentum pro omnibus his, sed solum assignauit quantum de auro, vel de argento deberet poni in quolibet vase. Sed dicendum, quod hoc non stat, quia litera manifestè dicit, & sepe quod Dauid dedit aurum, & argentum pro omnibus his. Item sequenti ca. dicitur: Ego totis viribus meis preparavi impensas domus Dei. Aurum ad vasa aurea, & argenti ad vasa argentea: ergo pro omnibus vasis, quæ nominauerat dedit aurum, & argentum. Item patet, quia Dauid dicit, quod preparauit omnes impensas necessarias pro templo Domini. sequenti cap. & supra 22. Si tamen non dedisset totum aurum, & argentum necessarium pro istis vasis, non dedisset omnes impensas, ergo dedit totum aurum, & argentum necessarium pro his vasis. Sed aliquis dicet, qd quamquam Dauid dicat se dedisse omnes impensas, tamen non dedit omnes, quia non potuit scire quot erant necessaria pro ista magnitudine ædificij: ideo Salomon plurima ligna, & lapides, tulit pro ædificatione templi vltra ligna, & lapides, quos tulerat Dauid, vt patet 3. Reg. 5.

Dicendum, qd hoc non stat, quia Dauid potuit errare circa lapides, & ligna templi, eo quod nullus hominum determinate scire poterat, quot lapides, & ligna requirebantur pro tanta ædificatione: ideo quamquam putaret Dauid se habere ligna, & lapides ad sufficientiam, non habuit: secus tamen erat de auro, & argento pro istis vasis, quia erat determinatum. Nam Dauid determinauit quantum aurum, vel argentum deberet poni in quolibet vase, vt patet supra in litera: ideo non posset errare, sed sciret, an argenti, & aurum, quod ipse habebat, sufficeret ad ista vasa, & tamen ipse dixit, quod parauerat omnes impensas pro domo Domini, & aurum ad vasa aurea, & argentum ad vasa argentea: ergo ipse dedit aurum, & argentum. Nam sicut Salomon tulit multos lapides, & ligna de terra regis Hiram ad ædificationem templi post mortem Dauid tertio Regum quinto. Ita acceperit multum de auro a rege Hiram ad eandem ædificationem, vt patet tertio Regum nono. f. Hiram rege Tyri præbente Salomoni ligna cedrina, & abiena, & aurum iuxta omne, quod opus habuerat. Et postea dicitur, quod dedit Hiram regi Salomoni centum, & viginti talenta auri: ergo aurum, & argenti quod dederat Dauid p istis vasis nō sufficiebat.

Respondendum, quod aurum, & argentum, quod dedit Dauid, sufficit pro istis vasis, & tamen illud aurum, & argentum, quod dedit rex Hiram Salomoni non fuit pro ædificatione templi, sed pro ædificatione domorum suarum. Nam fecit Salomon tres domos, scilicet, domum suam, & domum filie Pharaonis, & domum altus Libani, vt declaratum est tertio Regum septimo, & pro istis necessarium est multum aurum, & argenti, quia

erant preciosissime, vt pater ibidem, & istud aurum forte reciperet Salomon ab Hiram, sed non pro templo Domini. Aliter potest dici, quod aliquod aurum recepit Salomon ab Hira pro ædificatione templi, non qui dem pro vasis, sed pro deauratione parietum, tecti, & pauimenti: nam tota domus templi erat interius oper ta laminis aureis in tecto, parietibus, & pauimento. 3. Regum 6. & ratio differentie est. Nam pro vasis est argentum, & aurum determinatum, & Dauid non po terat errare circa aurum, & argentum necessarium in vasis, eo quod pondus illorum erat determinatum, & tamen ad faciendum laminas aureas, vt operiren tur inde parietes templi, & tectum, & pauimentum non poterat sciri quantitas auti, & in hoc forte erra ret Dauid, & esset aliquod aurum necessarium pro istis laminis ultra id, quod dederat Dauid, & istud acciperet Salomon ab Hira. Sed ad hoc dicendum, quod veritas fuit, quod Dauid dedit aurum, & ar gentum necessarium pro toto templo, & etiam su perabundans. Nam factis vasis templi, & tota ædifi catione adhuc superfuit aliquod aurum, & argẽtum de eo quod dederat Dauid, vt patet 3. Regum 7. Et perfecit Salomõ omne opus quod faciebat in domo Domini, & intulit, quæ sanctificauerat Dauid pater suus argentum, & aurum, & vasa: reposuitque in the sauris domus Domini, & sic aliquod argentum, & aurum, quod non fuerat expensum in vasis de eo, quod dederat Dauid, mansit consummatis omnibus operibus templi.

An verum sit, quod multa erant candelabra, & mensa in templo Domini. Quæst. IIII.

QVAERITVR vterius, quomodo dicitur hic, quod erant multa candelabra, & multe menses in templo Domini. Nam Deus vnicum can delabrum fieri iusserat in Tabernaculo Moy si, vnicam etiam mensam propositionis, vt patet Exodi vigesimo quinto, & tamen ea, quæ facta sunt in tem plo Salomonis fuerunt ad imaginem eorum, quæ fa cta sunt in Tabernaculo Moy si: ergo non debe bat esse hic nisi vnica mensa, & vnicum candela brum.

Dicendum est, quod in tabernaculo Moy si aliqua iussa sunt fieri non taxando, quando plura fieri quin plura fieri possent, & tamen iussit Deus solum illa fie ri, ne obligaret Iudeos ad multas expensas, ideo iussit fieri vnum candelabrum, & vnicam mensam, & ta men si ipsi voluissent facere multa candelabra, & multas mensas non peccauissent. Sic enim pater de duabus tubis argenteis, quas Deus iussit Moy si fa cere in monte Sinai: Numeri decimo. Et tamen fa cte sunt plures, quia septem erant. Nam quando introierunt Israelitæ in terram Chanaan, septem tu bas de istis habebant, quibus clangebant septem Sa cerdotes quando corruerunt muri Iericho. Iosue 6. Sic fuit nunc, quia cum Israelitæ scirent se non obli gatos esse ad faciendum solum vnum candelabrum, & vnicam mensam, fecerunt multa candelabra, & multas mensas, cum ipsi diuites essent, & possent fa cere hoc. Secunda causa erat, quia Tabernaculum Moy si fuit minus in quantitate quam templum Sa lomonis plusquam in duplo, ideo debuerunt plura vasa, & maiora esse in templo Salomonis, quam in Tabernaculo Moy si. Tertium erat, quia Taberna culum Moy si erat portatile, & omnia vasa eius por tabantur humeris hominum, vt ergo non grauaren tur Leuitæ portando illa non debuerunt esse magna, nec multa. Quartum fuit, & præcipuum, quia omnia ista facta sunt ex mandato Dei. Nam Dauid dicit, quod

Fomnia venerunt ad eum scripta manu Dei, supra in litera, quamquam ergo ista non fuissent in Taberna culo Moy si, debebant nunc esse in magno numero, quia Deus volebat iam mutare ordinem illum, qui fuerat in Tabernaculo Moy si circa mensas. Conside randum, quod vnica mensa propositionis fuit in Taber naculo Moy si: Exodi 25. Et etiam nunc vnica fuit, & in illa ponebantur duodecim panes: fuerunt tamen præter istam aliæ menses argenteæ, & istæ fuerunt ad supplendum necessitatem mensæ propositionis. Nam Deus iusserat, quod in mensa propositionis ponerentur panes duodecim. Nam etiam in illa ponebantur aliqua vasa aurea, & argentea, scilicet, acerbula, & thuribula, & phialæ, & cyathi: Exodi 25. Et ista va sa non pertinebant ad mensam propositionis, sed ad altare holocaustorum, cum dicitur ibi, quod erant ad liba fundenda. quia tamen non erat alia mensa, super quam ponerentur, ponebantur ibi: nunc autem, quia poterant fieri aliæ menses cum abundaret argentum factæ sunt aliæ menses argenteæ præter mensam pro positionis, & in istis solum ponebantur vasa, & iam in mensa propositionis, quæ erat in Tabernaculo Moy si. De candelabris autem dicendum, quod vnicum candelabrum erat in Tabernaculo Moy si: Exodi 25. & illud erat in latere Meridiano tabernaculi: Exo. 26. nunc autem in templo Salomonis erant multa can delabra: Nam decem candelabra aurea erant in pri ma parte templi apud mensam propositionis, quinque ad dexteram eius, & quinque ad sinistram 3. Reg. 7. Sed obijcietur, quia hic dicitur, quod erant quedam can delabra aurea, & quedam argentea, & tñ. 3. Reg. 7. cõa decem candelabra ponunt aurea. Respondetur, quod erant multa can delabra, de quibus decem erant aurea, quinque ad vnũ latus mensæ propositionis, & alia quinque ad aliud la tus, & de istis solum fit mentio 3. Reg. 7. De argenteis autem candelabris nihil ibi dicitur, sed ponuntur hic. Et simile est de mensis. Nam vna mensa propositio nis erat de auro, & multe aliæ, in quibus ponebantur vasa, erant de argẽto, vt patet hic, & tamen ibi non fit mentio nisi de vnica mensa aurea.

De leunculis aureis, & argenteis. Quæst. V.

QVAERITVR vterius quomodo dicitur hic, quod dedit Dauid aurum pro leunculis aureis, & argen tum pro leunculis argenteis, & qui leunculi fuerunt isti. Aliqui dicunt, quod isti fuerunt leunculi, qui erant in throno Salomonis. Nam ipse fecit thronum ni mis preciosum in domo, in qua iudicabat. Et erant leones in illo throno, vt patet tertio Regum septimo. Dicendum tamen, quod hoc non stat. Primò, quia hic agitur de vasis pertinentibus ad Sanctua rium, vt patet in litera, & tamen leunculi, qui erant in throno Salomonis non erant pertinentes ad do mum Domini. Secundò patet, quia si isti leones essent illi, quos fecit Salomon in throno suo, agere tur hic de alijs partibus throni, & tamen hic solum dicitur de leonibus. Ideo non intelligitur de illis. Item non potest intelligi de illis, quia isti leones, de quibus hic dicitur erant argentei, & aurei. Et tamen leones, qui erant in throno Salomonis, erant ebur nei, cum totus thronus esset eburneus, vt patet ter tio Regum decimo, ergo non erant illi. Item præ ter, quia Dauid dedit aurum, & argentum pro istis leonibus, & tamen ipse non dedisset aurum, nec ar gentum pro ædificatione domus Salomonis, quia solum ipse attendebat ad cultum Dei. Alij autem dicunt, quod isti leones erant, qui ponebantur in marginibus. Nam dicebantur esse ibi leones, & boues, & Che rubim.

facti opere statuario in lateribus altaris, & extendētes alas ꝑ se ad velandum altare, & ad hoc oportuit dari aurum, vt ex ipso fieret ista similitudo Cherubim, & quātū ad hoc simile esset in altari thymiamatū, & in arca fēderis. Istud habuit plus altare thymiamatū in templo Salomonis quā in Tabernaculo Moyſi, q̃a in Tabernaculo Moyſi altare non habebat aliquos Cherubim, in templo autem habuit, & ratio huius fuit quia in templo Salomonis voluit Deus, quod esset maior pulchritudo, quā in Tabernaculo Moyſi & patet hoc ex multis vasis. Nam in multis erant Cherubim, & leones, & boues, & palmæ in templo Salomonis, & tamen in tabernaculo Moyſi non erāt Cherubim facta opere statuario nisi in arca fēderis.

Quomodo hæc omnia scripta manu Dei venerunt ad Dauid.
Quæst. VII.

QVAERITVR vltius cum dicitur hic, ꝑ omnia venerūt scripta manu Dei ad Dauid, quomodo factum est hoc. Aliqui dicunt; quod non venit aliqua scriptura ad ipsum Dauid, sed Samuel propheta reuelauit sibi ex parte Dei, quæ erant illa, quæ fabricanda erant in templo. Sed dicendum, quod hoc nō stat. Primò quia Dauid dixit hæc omnia venerunt ad me scripta manu Domini. Hoc tamen non potest adduci ad hoc, ꝑ sit reuelatio prophetica, sed necesse est, quod fuerit aliqua scriptura, ideo nō fuit reuelatio facta per Samuelem, sed Scriptura venit de Cēlo. Secūdo patet, quia motiū istorum est valde leue. Nam isti putant, quod Samuel reuelauerit omnia ista Dauid, quia supra 9. dicitur, quod Samuel, & Dauid ordinauerunt sortes ianitorum, & thesaurariorū, q̃a istud fuit impossibile, vt declaratum fuit supra 26. Sed solum fuit, quod Samuel tempore suo fecit quandam ordinationem ianitorum, & Dauid tempore suo compleuit illam, ambo tamen simul nihil fecerunt, ita quātū ad hoc non fuit aliqua reuelatio facta Dauid per Samuelem, quia non communicabat Dauid cum Samuele, sed potius fugiebat ab eo, ne daret occasionem Sauli suspicandi ꝑ Samuelem, sicut suspicatus est cōtra Achimelech, & Sacerdotes, & occidit illos primo Re. 21. & 22. Dicendum ergo est, ꝑ ista fuit verè aliqua scriptura, quæ venit ad Dauid de Cēlo, siue in lapidibus, siue in membranis, siue alia materia. sic enim fuerunt tabulæ legis scriptæ opere Dei: Exo. 32. Et dicendū videtur, quod ista Scriptura continebat duo. scilicet scripturam, & figuram, ita vt describerentur omnes partes templi, & atriorum, & omnia vasa, & de qua materia essent singula, & quanti ponderis, & magnitudinis, & de modo fabricationis, & præter hoc poneretur cuiuslibet rei vna figura depicta, vel totius templi, & omnium rerum, quæ erant in eo. Ista duo videbantur necessaria: nam figura omnium istorum, quæ oculis videretur erat necessaria, eo quod licet essent omnia ista scripta, si non videretur figura eorum in quibusdam, forrè non bene conciperetur, sicut nos circa quædam illarum dubitamus. Vt ergo nullus esset error in opere debuit apparere figura omnium istarum rerum, vt melius iudicaretur de eis: præter figuram etiam fuit necessaria scriptura, quia in scriptura poterant poni aliqua documenta de materia, & quantitate, & pondere quarumlibet rerum, & de modo fabricationis, quæ non poterant cognosci vltima sola figura rei. Hic etiam videtur vtrunque significari cum dicit scripta manu Dei significatur scriptura omnium istorum, cum autem subditur, vt intelligerem vniuersa opera exemplaris: innuitur, ꝑ fuit ostensa aliqua figura omnium istorum ipsi Dauid, & illa vocabatur ex-

Fplar, quia ad similitudinem illius fabricandum erat templum, & quia Dauid per illud solum exemplar non poterat intelligere omnia, quæ fieri debebant in tēplo, ideo Deus dedit ei in scriptis omnia, vt posset intelligere per scripturam omnia opera exemplaris, quæ non poterat intelligere per ipsum exemplar. Sic etiam factum est quando Moyſes debuit edificare Tabernaculum. Nam ostendit ei Deus figuram totius Tabernaculi, vt non erraret, & etiam dedit sibi similitudinem omnium vasorum ostendens figuram ipsorum, vt patet Exo. 25. scilicet faciam mihi Sanctuarium iuxta omnium similitudinē Tabernaculi, quod ostendam tibi, & omnium vasorum in cultu eius. Sic facietis illud, & iterum dicitur: Inspice, & fac secundum exemplar, quod tibi in monte monstratum est, & sic esset hic exemplar ostensum Dauid, sicut hic.

An verum sit, quod hæc omnia scripta fuerint manu Dei.
Quæst. VIII.

QVAERITVR vltius, quomodo dicitur hic, quod omnia ista erant scripta manu Dei: an verum sit, quod manu Dei scripta erant, vel qualiter. Dicendum, ꝑ non oportet dicere, ꝑ erant scripta manu Dei, quamquā dicatur istud. Nam multa dicuntur facta a Deo, & tamen facta sunt ab Angelis: sic patet Exo. 3. cum dicitur, ꝑ Deus locutus est Moyſi in rubo ardenti, & tamen non erat ille Deus, sed Angelus, vt patet Act. 7. sic etiam fuit de eo, quod habetur Exo. 20. nam dicitur, ego sum Dominus Deus tuus, qui eduxi te de terra Aegypti, & tamen ille, qui loquebatur ista, & dabat Legem, non erat Deus, sed Angelus, vt patet ad Gala. 3. lex data est in manu mediatoris ordinata per Angelos: ita poterat nunc intelligi, ꝑ ista scriptura fuisset facta ab Angelis, quāquā dicatur facta a Deo. Aliqua tamen sunt, quæ dicuntur facta a Deo, quæ non solum non facta fuerunt ab eo, sed etiam non potuerunt fieri, sicut ꝑ Deus loqueretur, vel faceret alia, quæ pertinet ad motum, nā talia non cadunt in Deum, in quo nullus motus esse potest, sed fiunt per Angelos, licet dicantur a Deo facta. Istud autem poterat fieri per Deum, & per Angelos. De Angelis manifestum est, quia poterat aliquis Angelus assumere corpus, & in illo facere operationes corporales. scilicet sculpere, & scribere, & quæcunque alia: poterat etiam fieri per Deum, & tamen tunc nō est ista scriptura fabricata, sed creata. Nam si fabricaretur, fieret per successionem, Deus autem non potest operari per successionem cum totum suum esse sit simul. Ideo dicendum est, quod ista scriptura poterat fieri tam per Angelos, quā per Deum, & sic dicitur, quod facta est per Deum, vt non recedatur a litera cum possit stare. Sic etiam dicitur Exo. 32. quod tabulæ legis factæ, & scriptæ fuerunt opere Dei, & digito Dei. Et idem patet Exo. 31. & tunc oportet dici, ꝑ scriptura esset creata, materia tamen, in qua erat scriptura poterat esse creata, vel naturaliter subsistens.

De diuisionibus Sacerdotum, & Leuitarum. Quæst. IX.

QVAERITVR vltius de istis diuisionibus Sacerdotum, & Leuitarum, quæ ponuntur hic, quæ factæ fuerunt, & quando ceperunt ministrare. Dicendum ad primum, quod factæ fuerunt ante hoc per Dauid. Nam ipse anno vltimo regni, & vitæ suæ. quadragesimo congregauit principes populi, & Sacerdotes, & Leuitas, & fecit istam ordinationem, vt patet supra 22. & 26: postea verò locutus est ad Salomonem, & ad totum populum de fabricatione templi, & tunc dixit Salomoni, quod diuisiones Sacerdotum,

Sacerdotum, & Leuitarum adiuuarent eum ad omnia opera, ut patet hic. Ad secundum dicunt quidam, quod inceperunt Sacerdotes, & Leuitæ diuisi per sortes suas ministrare secum illas tempore Dauid illico, ut facta est ista ordinatio. Sed dicendum, quod non stat, quia ista ordinatio facta est, ut haberent eam Sacerdotes, & Leuitæ in templo Salomonis: ideo antequam fieret nunquam ministrarent secundum eam, & tamen non erat factum templum uiuente Dauid, ideo in vita eius nunquam ministrauerunt istæ sortes Sacerdotum, & Leuitarum. Secundo patet, quia ista ordinatio non conueniebat nisi Sacerdotibus, & Leuitis ministrantibus in eodem loco, & tamen dum uiebat Dauid non poterant ministrare in eodem loco, ideo non ministrarent tempore Dauid. Patet hoc, quia ista ministratio fiebat secundum successionem, quia una fors ministrabat post aliam. scilicet per vices suas. ut patet supra 9. & 24. & 25. Et tamen non potuit hoc fieri tempore Dauid, quia quædam pars Sacerdotum, & Leuitarum ministrabat in Tabernaculo Domini in Gabaon. Et alia pars ministrabat coram arca in domo Dauid in Ierusalem: ideo non fuit tempore Dauid ista ministratio incepta. Item dicendum, quod non inchoata est in principio regni Salomonis. Nam tunc eadem causa erat, quæ in tempore Dauid. scilicet quod non erat vnicus locus ad ministrandum. Nam in principio regni Salomonis, non erat factum templum, quia incepit illud fabricare anno quarto regni sui, & consummatum est anno undecimo, ut patet 3. Reg. 6. & sequenti lib. cap. 6. in toto ergo isto tempore erat Tabernaculum Domini in Gabaon, & arca in domo Dauid, & ministrabant ibi Sacerdotes, & Leuitæ diuisi, sicut tempore Dauid. Quod patet, quia toto tempore, quo nondum erat edificatum templum Salomonis manebat Tabernaculum Domini in Gabaon, unde Salomon iuit ad offerendum, holocausta in Gabaon postquam ipse regnauerat aliquanto tempore, ut patet tertio Regum tertio, & sequenti lib. cap. primo, & postea completo templo Salomonis fecit Salomon omnia vasa, quæ erant in Tabernaculo in Gabaon, portari inde in templum, quod ipse edificauerat, ut patet tertio Regum octauo, & sequenti lib. cap. 5. Arcam autem fecit Salomon tunc afferri de domo Dauid, & poni in eodem templo, ut patet ibidem, ideo usque ad undecimum annum regni Salomonis cum consummatum est templum, nondum ceperat Sacerdotes, & Leuitæ ministrare per sortes suas. Diceret tamen aliquis, quod illico, ut templum consummatum est ceperunt Sacerdotes, & Leuitæ ministrare per sortes suas, eo quod iam erat vnicus locus, in quo ministrarent, & poterant successiue ministrare. Sed dicendum, quod non ceperunt illico ministrare, quia quæ introducta fuit arca in Sanctuarium Salomonis ministrauerunt Sacerdotes, & Leuitæ, & tunc nondum ministrabant per sortes suas, sed omnes permixtim, sicut dicitur sequenti lib. cap. 5. omnes Sacerdotes, qui ibi potuerunt inueniri sanctificati sunt, nec adhuc in illo tempore vices, & ministeriorum ordo inter eos diuisus erat, & sic quantum ad executionem, nondum erat diuisio facta, sed omnes mixtim ministrabant. Sed dicendum, quod aliquanto tempore post Salomon fecit, quod istæ sortes Sacerdotum, & Leuitarum inciperent ad ministrandum per vices suas, ut patet sequenti lib. cap. 8. Et constituit iuxta dispositionem Dauid patris sui officia Sacerdotum in ministerijs suis, & Leuitas in ordine suo, ut ministrarent coianitores in diuisionibus suis per portam, & portam. Et dicitur postea ista ministratio sic per sortes, & vicesque ad captiuitatem Iudeorum per Romanos.

A Nam tempore Christi adhuc durabat, quia dicitur Lucæ primo, quod Zacharias pater beati Ioan. erat de vice Abia, & ministrant in ordine vicis sue offerens incensum Domino. Durabant ergo tunc istæ vices. Nam fors Abia erat octaua inter sortes Sacerdotales, ut patet supra 24. Et de illa erat Zacharias.

C A P. XXIX.



B **L**OCUTVS QVE est Dauid rex ad omnem Ecclesiam, Salomonem filium meum vnum elegit Dominus adhuc puerum, & tenellum: opus enim grande est: neque enim homini præparatur habitatio, sed Deo. Ego enim totis viribus meis præparaui impensas domus domini Dei mei, aurum ad vasa aurea, & argentum in argentea, æs in ænea, ferrum in ferrea, ligna ad lignea, lapides onychinos, & quasi stibinos, & diuersorum colorum, omnemque pretiosum lapidem, & marmor parium abundantissime, & super hæc, quæ obtuli in domum Dei mei, de peculio meo aurum, & argentum de in templo Dei mei, exceptis his, quæ præparaui in ædem sanctam tria millia talenta auri de auro ophir, & septem millia talentorum argenti probatissimi ad deaurandos parietes templi, & vbiunque opus est aurum de auro, & vbiunque opus est argentum de argento. Opera fiant per manus artificum, & si quis sponte offert impleat manum suam hodie, & offerat, quod voluerit Domino. Polliciti sunt itaque principes familiarum, & proceres tribuum Israel. Tribuni quoque, & centuriones, & principes principum possessionum regis dederuntque in opera domus Domini auri talenta quinque millia, & solidos decem millia, argenti talenta decem millia, & æris talenta decem, & octo millia: ferri quoque centum millia talentorum. Et apud quemcunque inuenti sunt lapides, dederunt in thesauros domus Domini per manum Ichiel Gersonitis. Letatusque est populus cum vota sponte promitteret, quia corde toto offerebat ea Domino.

D **E**SCRIPTA in precedentibus ad edificandum templum Dauid exhortatione, hic agitur de eius, & populi oblatione, Et diuiditur in quatuor. Quia primo ponitur Dauid, & principum oblatio. Secundo ipsius Dauid gratiarum actio, ibi.

Sed, & Dauid rex. Tertio Salomonis unctio, ibi. Et unxerunt secundo. Quarto ipsius Dauid felix consummatio, ibi. Igitur Dauid filius Isai.

*De continuatione ad præcedentia.**Quest. I.*

QVAERITVR circa primum an ea, quæ habentur hic habeant ordinem continuatum ad præcedentia, & an fuerint facta immediatè post illa, vel interiecto aliquanto tempore.

Respondendum ad primum, quòd ista facta sunt post præcedentia. Nam supra agebatur de congregatione principum, quos Dauid exhortatus est ad ædificationem templi cum Salomone. Hic autem agitur de oblatione ipsa, quam fecerunt Dauid, & principes pro ipso templo ædificando. Ideo videt, quòd prius fuerit illud, quàm istud, eo quòd prius Dauid exhortaretur principes, ut templum ædificarent, quàm, quod ipsi offerrent aliquid pro templo ædificando. Secundo patet, quia hic ponitur de vnctione secunda Salomonis, & de morte Dauid, in qua consummata sunt omnia opera eius. Ideo necesse est, quòd ista fuerint post omnia præcedentia, in quibus agebatur de gestis Dauid. Et non solum factum est istud post ea, quæ habentur supra immediatè, sed etiam, quæ habentur supra a cap. 23. vsque ad 27. de diuisionibus Sacerdotum, & Leuitarum. Nam ista facta sunt ante præcedentia, & illa facta sunt ante diuisiones ipsas, ideo etiam ista facta sunt ante diuisiones Sacerdotum, & Leuitarum, & patet hoc, quia præcedenti cap. dixit Dauid: Ecce diuisiones Sacerdotum, & Leuitarum in omne opus ministerij domus Domini assistent tibi: ergo iam factæ erant.

Ad secundum dicendum, quòd fuerunt ista facta immediatè post præcedentia. Nam Dauid congregauerat principes, & hortat⁹ fuerat eos, quòd adiuuaret Salomonem ad ædificandum templum Domino, & hic continuauit locutionem illam dicens, quòd Salomon erat paruulus, & tener: ideo egebat adiutorio ad ædificandum, & præparationem expensarum. Et de illa præparatione agitur hic. Nam ponitur oblatio principum, & Dauid.

Quando fuerit facta diuisio Sacerdotum, & Leuitarum. Quest. II.

QVAERITVR vterius incidentaliter ad declarationem eorum, quæ habentur præcedenti cap. & supra 24. & 25. & 26. De diuisione sortium Sacerdotum, & Leuitarum, quando fuit facta ista diuisio, an fuerit facta per Salomonem post mortem Dauid, vel per ipsum Dauid. Potest dici vno modo, quòd fuerit facta per Dauid. Alij dicunt, quòd non fuerit facta per Dauid, sed per Salomonem: allegant, quod habetur præcedenti cap. scilicet, quòd dedit Dauid Salomoni inter cetera, quæ in templo fabricanda erant diuisionum Sacerdotalium, & Leuiticarum Scripturam, & tamen alia non erant facta, sed fieri debebant per Salomonem, ergo etiam non erant diuisiones istæ factæ Sacerdotum, & Leuitarum, sed Dauid dedit Salomoni in scriptis modum, quem deberet tenere. Item patet quia sequenti lib. capitu. 5. dicitur, nec adhuc illo tempore vices, & ministeriorum ordo inter eos diuisus erat, & tamen ibi agitur de introductione arcæ in templum Salomonis, ergo nondum erat facta diuisio Sacerdotum, & Leuitarum, sed postea facta est per Salomonem. Item patet, quia sequenti lib. cap. octauo dicitur, & constituit Salomō iuxta dispōnem Dauid patris sui officia Sacerdotum in ministerijs suis, & Leuitas in ordine suo, ergo Dauid non constituit istas diuisiones Sacerdotum, & Leuitarum. Quòd patet, quia Dauid congregauit Sacerdotes, & Leuitas, & principes populi, & coram eis diuisit Sacerdotes in viginti quatuor partes, & posuit

Fortes pro illis, quæ esset prima, & quæ secunda, & sic de alijs vsque ad viginti quatuor, & scriptæ fuerunt illæ sortes per tabellionem regis, ut manerent ad perpetuam memoriam supra 24. Sic factum est de viginti quatuor sortibus cantorum. Sic etiam de sortibus ianitorum, & thesaurariorum supra 26. Item patet, quia supra 26. dicitur, quod istæ diuisiones factæ sunt anno quadagesimo regni Dauid, ergo viuente eo factæ sunt. Item patet, quia præcedenti cap. dixit Dauid ad Salomonem. Ecce diuisiones Sacerdotum, & Leuitarum assistent tibi, & paratæ sunt facere mandata tua. Si tñ nōdū eēt factæ diuisiones istæ tpe Dauid, sed postea p Salomonem nō possent assistere ipsi Salomoni ad iuuando eum in opere templi, ergo iam factæ erant tempore Dauid. Item cum dicitur, quod Dauid dedit Salomoni istas diuisiones, non quidem factas, sed ut ipse faceret eas, non stat, quia supra 24. dicit, quod Dauid fecit viginti quatuor partes Sacerdotum, & posuit viginti quatuor sortes, & nominantur illi quibus sortes proeuerunt. Hoc tñ non poterat esse nisi fuissent factæ istæ diuisiones tempore Dauid: simile hñ supra 25. de sortibus cantorum. Nam nominantur illi principes quibus ceciderunt singulæ sortes, ergo de facto erat iam ista diuisio inter Leuitas, & Sacerdotes, quando vivebat Dauid. Item quia supra 26. de assignatione ianitorum, thesaurariorum, iudicum, & præpositorum, dicitur quòd facta est anno quadagesimo regni Dauid, ergo tunc realiter fuerunt Sacerdotes, & Leuitæ diuisi. Ad rationem primam in contrarium cum dicitur, quòd Dauid dedit Salomoni Scripturam diuisionum Sacerdotalium, & Leuitarum.

Dicendum, quòd non dedit illam ad hoc, quòd Salomon faceret diuisiones, quia non poterat dari hoc in scriptis si nondum essent factæ diuisiones, quia nesciretur, quæ essent partes Sacerdotum, & Leuitarum cum nulla esset facta diuisio, sed dicitur, quòd dedit Dauid Salomoni Scripturam diuisionum Sacerdotalium, & Leuiticarum, quia Dauid fecit diuisiones istas, & ut non confunderentur per obliuionē fecit eas describi per tabellionem supra vigesimo quarto. Et istam Scripturam dedit Dauid Salomoni, ut maneret memoria istarum diuisionum. Potest etiam, ut Salomon poneret eas in executione, quia licet tempore Dauid fuerint factæ istæ diuisiones, non ceperunt ministrare tempore eius Sacerdotes, & Leuitæ per vices suas, sed hoc fuit factum postea tempore Salomonis, ut declaratum est præcedenti capitu. in quadam questione.

Ad secundā cum dicitur sequenti lib. capitu. quinto, quòd nondum erat ordo ministeriorum diuisus inter Sacerdotes, & Leuitas tempore Salomonis.

Dicendum, quòd hoc intelligitur non de diuisione, sed de executione diuisionis. Nam quòd tunc esset facta diuisio patet, quia Dauid dixit ad Salomonem, ecce diuisiones Sacerdotum, & Leuitarum assistent tibi, & parati sunt facere omnia mandata tua, & tamen non poterat hoc fieri, quantum ad ædificationem templi, si nondum essent sortes diuise tempore Dauid, quia litera illa loquitur de introductione arcæ in templum Salomonis iam ædificatum, & si tunc non esset ordo Sacerdotum, & Leuitarum, tunc non possent adiuuare Salomonem in opere templi, & tamen Dauid dixit, quòd adiuuarent Salomonem in opere templi: ergo tempore Dauid erant factæ istæ diuisiones: sed dicitur sequenti lib. capitu. quinto, quòd nondum erat ordo Sacerdotum, & Leuitarum diuisus, scilicet, quia nondum fuerat posita in executione diuisio illa, eo quòd nondum ministrabant Sacerdotes per vices suas, sed omnes

omnes simul, & iste est sensus literæ. Nam dicitur A ibi de portatione arcæ in templo omnes Sacerdotes ministraverunt mixtim, eo quod nondum erat tunc divinus ordo Sacerdotum, & Levitarum. I. quantum ad executionem, quia nondum ministrabant per vices suas, sed omnes simul, sicut dicitur ibidem. Ad tertiam cum dicitur sequenti lib. capitu. quarto. Et constituit iuxta dispositionem David patris sui officia Sacerdotum, & Levitarum.

Dicendum, quod non fuerunt de nouo constituta officia illa per Salomonem, sed David constituerat illa, quia tamen tempore suo non ministraverunt Sacerdotes, & Levitæ secundum sortes suas, sed tempore Salomonis fuit hoc factum, dicitur ipse constituit, & patet, quod iste sit sensus literæ, quia dicitur. Et constituit iuxta dispositionem David patris sui officia Sacerdotum: unde quo apparet, quod non disposuit hoc Salomon, sed David disposuit: ideo Salomon nihil egit nisi tradere executioni id, quod pater suus ordinauerat. I. facere, quod Sacerdotes, & Levitæ ministrarent secundum vices suas. Circa primum dicitur.

Locutusque est David rex ad omnem Ecclesiam. Id est locutus est David ad omnem multitudinem populi congregati: vocatur enim Ecclesia multitudo, vel congregatio, vel concilium, & sic accipitur scire in veteri testamento. Sic patet Deuteronom. vigesimotertio. Sic etiam accipit Aristot. secundo Politicorum. cap. de politia Calcedoniorum, quod Calcedonij non faciunt Ecclesiam, id est, non congregant concilia. Et vocatur hæc Ecclesia tota multitudo, quam congregauerat David de principibus, & alijs ad hortandum eos, ut adiuvarent Salomonem in edificatione templi, & ad hoc, quod offerrent Domino aliquid pro ipsius edificatione.

Salomonem filium meum unum elegit Deus. Intendit hic David dicere quomodo ipse preparavit expensas pro edificatione templi. Et vult hortari reliquos de populo ad offerendum aliquid pro isto opere: ideo inducit necessitatem preparationis illarum expensarum. Et ad hoc dicit, quod Salomon electus est a Domino ad edificandum templum, qui erat adhuc paruulus, & non sufficiebat ad faciendum omnia hæc, nisi adiuvaretur. Et ad hoc David dedit ei maximum auxilium, scilicet, quod preparavit ei impensas necessarias, & dicitur filium meum unum: non quod ipse esset unicus, quia multos filios habebat David, sed ex aliqua causa speciali, de qua dicitur in quadam questione.

Adhuc puerulum, & tenerulum. Ista est causa quare debebat adiuvari Salomon ad edificationem templi. I. quia propter teneritudinem ætatis non posset ipse omnia agere, & sic fuit necesse, quod pararentur ei saltem expensæ, sicut fecit hic David. non erat tamen valde puer Salomon, quando David loquebatur ista, ut declarabitur infra in quadam questione.

Opus enim grande est. Ista enim est causa. Nam dato, quod Salomon esset puer tener, si opus istadeet leue, non oporteret, quod adiuvaretur ad illud, quia tamen erat opus gravissimum, egebat multis adiutorij.

Nec enim homini preparatur habitatio, sed Deo. Istud est probatio precedentis dicti, tunc est, quod opus istud erat magnum, & patet, quia non preparatur homini habitatio, sed Deo, & tamen Deo habitatio nimis sumptuosa paranda est: In Hebræo dicitur.

Non enim homini fabricatio, siue arx sed Deo. Et idem est, scilicet, ista domus, quæ est quoddam castrum non paratur homini, sed Deo. Erat enim templum Salomonis fortissimum quoddam, quia erat factum per modum turris, cum altitudo eius esset cubitorum centum, & viginti, & latitudo cubitorum viginti, lon-

gitudinem autem cubitorum sexaginta: sequenti lib. cap. 3. Et vocatur aliquando in scriptura turris nebulosa, vel turris gregis.

Ego autem totis viribus meis preparavi impensas domus Dei nostri. Hic concludit David, quod volebat, si oportebat parari expensas pro edificatione templi. I. quia Salomō erat puer paruulus, & nō poterat hæc facere, nisi adiuvaretur. Et dicitur: Ego totis viribus meis, quasi dicat, ego non possem nec aliquis hominum parare omnes impensas pro Sanctuario Domini, sicut dignum erat parari Deo habitationem, & in feci iuxta vires meas. Nam quantum David potuit congregare de auro, & argento per oēs regiones, contra quas pugnavit, tantum consecrauit Domino pro edificatione templi, ut patet 2. Regum octavo, & supra decimo octavo.

Aurum in vasa aurea, & argentum in argentea. Declarat David quid est, quod paravit pro edificatione templi. Et primo ponit aurum, & argentum, es, & ferrum pro vasis. Pro quo sciendum, quod David dedit Salomoni numerum vasorum, quæ facturus erat in domo Dñi, & quantitatem eorum, & pondus, & assignavit pro quolibet eorum certam materiam, ut patet precedentibus cap. Et istud dñ hic, si quod dedit aurum pro vasis aureis, & argentum pro argenteis, & sic de alijs.

Aes in aenea, ferrum in ferrea, lignum ad lignea. Id est, dedit aes pro vasis aeneis, & ferrum pro ferreis. Quod autem fuerint vasa ferrea, vel lignea in domo Domini non apparet, licet appar. at de argenteis, aureis, & aeneis, sed declarabitur infra in quadam questione.

In Hebræo dicitur. *Aurum ad aurum, argentum ad argentum, ferrum ad ferrum, ligna ad ligna.* Et idem est, I. aurum ad aurum, id est, aurum ad vasa aurea, & sic de ceteris. Est autem modus loquendi obscurus, & alienus a nobis: litera autem nostra clarius hoc dixit. *Lapides onychinos* Iste lapis vocatur onyx, quod interpretatur in græco vnguis, quia factus est ad colorē vnguis humani, & inde derivatur onychinus. multos de istis lapidibus dedit David ad necessitatem templi. *Et stibinos.* Vocantur lapides stibini habentes colorem stibij. Est enim stibium quidam succus, vel vnguentum, quo mulieres oculos, & supercilia tingunt, ut pulchre videantur. Sic. n. dñ 4. Reg. 9. quod Gezabel dipinxit oculos suos stibio, & ornauit caput. Iunt autem multi lapides preciosi huius coloris, idcirco vocantur stibini. *Et diuersorum colorum.* Diuersificantur inter se lapides preciosi per colorem, & unum de illis, quæ faciunt precium lapidibus, est coloris gratitudo. *Omnem precium suum lapidem.* Id est de omnibus generibus lapidum preciorum. Nam non potuit David congregare oēs lapides preciosos, qui erant in orbem, sed de speciebus oīum lapidum congregauit oēs, id est, aliquos. *Et marmoreum abundantissime.* Id est, lapidem marmoreum dedit ad abundantiam. non computatur marmor inter lapides preciosos, quia communis est, & de marmoribus congregauerat David multam materiam ad faciendum pavimentum domus, & parietes eius, & maximè pro atrijs templi, ubi apparere debebant lapides: cum non essent operati lignis, & laminis aureis, sicut intra templum.

Et super hac, quæ obtuli in domum Dei mei. Id est, ista oīa ego obtuli tui, & in super ista ego offero alia pro eodem templo. *De peculio meo aurum, & argentum de in templum Dei mei.* Id est omnia, quæ supra dei erant extranea: non de peculio meo. Ista autem, quæ habentur infra in litera, sunt de peculio meo, sed quomodo David offeret quædam de peculio tuo, & quædam non de peculio, & quid erat illud peculium declarabit. 7. in quadam questione. *Exceptis his, quæ preparavi in adin sanctam.* Quali dicat, ista quæ nunc offero sunt præter illa, quæ preparavi in eadē sancta. I. ad edificationem domus sanctam,

sanctam, quasi dicat, Ego dedit sufficiens aurum, & argentum pro vasis, & alias expensas pro Sanctuario, & nunc do insuper ista, quæ sequuntur.

Tria millia talenta auri. Aurum Ophir erat preciosissimum. Erat Ophir quædam insula, in qua dicuntur esse montes aurei, & mittebat ad illam Salomon per singulos tres annos semel, & inde adducebatur sibi multum de auro, ut patet 3. Reg. 9. & seq. lib. c. 9. David autem habuerat de isto auro Ophir tria millia talenta, quæ dedit pro Sanctuario.

Talentorum argenti probatissimi septem millia talenta de auro probatissimo. Id est, erant ista septem millia talenta de argento probatissimo, ita quod non reperiebatur melius argentum.

Ad deaurandos parietes templi. Refertur simul ad argentum, & aurum, quia argentum solum non poterat esse ad deaurandos parietes: sed quomodo argentum erat ad parietes deaurandos, cum essent operi laminis aureis, declarabitur infra in quadam questione.

Et ubicunque opus est aurum de auro, & ubicunque opus est argentum, argenti opera fiant. Id est, dedit David sufficientiam de argento, & auro, ita quod ubicunque erat aurum necessarium poterat poni, & ubi erat argentum necessarium etiam erat copia eius. Sed quomodo scietur, quando erat opus auro, & quando opus argento?

Dicendum, quod hoc sciebatur per regulam, quæ venerat a Deo, quia omnia ista venerant scripta manu Dei ad David, & ibi colligebatur, quæ valia deberent esse argentea, & quæ aurea, & quanti ponderis, & qualis figuræ. Et ex ipsa poterat colligi ubi erat necessarium aurum, & ubi argentum.

Per manus artificum. Isti erant artifices, quos David antequam moreretur congregauerat pro isto opere templi, ut Salomon postea non laboraret congregando illos, ut patet supra 22. & tamen præter istos congregavit Salomon alios. Et postea misit ad regem Hiram pro alijs, unde dixit rex Hiram, quod artifices quos ipse mittebat, & artifices Salomonis, & David facerent omnia opera templi sequenti lib. capituli secundo.

Et si quis sponte offert. Id est si aliquis vult sponte offerre. præmisit enim David quid est, quia ipse obtulerat, & quid est, quod offerebat, ut incitaret alios ad offerendum, ideo postquam dixit quid obtulerat admonuit alios dicens si quis erat, qui vellet sponte offerre aliquid. *Impleat manum suam hodie.* Id est ponat aliquid in manu ad offerendum. Implere enim, vel complere pertinet ad ceremoniam consecrationis Sacerdotum: unde manus Sacerdotum dicebantur compleri, id est, consecrari. Et aliquando ponit litera compleri, & aliquando consecrari, ut patet Exo. 29. & Leui. 8. & ista impletio erat per hoc, quod accipiebant isti aliquid in manu, & offerebant illud, sic accipitur sequenti lib. c. 13. ubi ponitur initiare. i. consecrare pro complere, ubi est eadem historia, & dicitur quicunque venerit, & initiaverit manum suam in tauro, & bubus, & in arietibus septem, sit Sacerdos eorum, qui non sunt de i. & isti offerendo aliquid dicebantur compleri, consecrare manum suam, eo quod id, quod dabat Deo consecratur, & etiam manus, qua illud dabat consecratur. *Et offerat, quod voluerit Domino.* Quasi dicat, nemo cogit quæquam ad certam quantitatem, sed quod offerat quantum voluerit, quia Deus reciperet quidquid offeratur. *Pollicitique sunt principes familiarum.* Ponuntur hic principes, qui obtulerunt aliquid Dñi, & dñi quod polliciti sunt, promiserunt, & realiter dederunt. vocantur principes familiarum aliqui quæ erant principes in familijs quarumlibet tribuum; nam, in

qualibet tribu erant tres, vel quatuor familie, vel plures, ut patet Num. 26. ubi ponuntur oēs familie quarumlibet tribuum nominatum, & super quamlibet tribum erat unus princeps, ita in qualibet familia tribus erat alius princeps. Hic tñ dicendum videtur, quod accipiuntur principes familiarum pro principibus turmarum, eo quod quælibet turma vocabatur una familia, & istud rationabilius est, quia alias non ponerentur principes familiarum ante principes tribuum. Item quasi non intelligerentur principes turmarum per principes familiarum, essent principes turmarum omisi hic, & tñ hoc non convenit, quia precedendi. c. ponitur, quod isti fuerint vocati ad istam congregationem, & ipsi offerrent cum essent diuites. Ideo accipiuntur isti pro principibus turmarum. Item patet, quia hic ponuntur omnes principes, qui habentur precedenti cap. præter principes turmarum, & ibi ponuntur omnes, qui ponuntur hic præter principes familiarum, ergo ad concordandum istam literam cum illa, oportet quod illi, qui vocantur hic principes familiarum sint illi, qui vocantur ibi principes turmarum.

Et procures tribuum. Id est, principes omnium tribuum. Erant enim duodecim tribus, & habebant duodecim principes, & per istas intelliguntur etiam principes familiarum, qui erant sub principibus tribuum, & vocantur procures quasi procedentes dignitate, & potentia alios excedant.

Tribuum quoque, & centuriones. Isti erant tribuni, sub principibus turmarum. Nam turme erant duodecim, & in qualibet erat unus princeps habens sub se viginti, quatuor millia virorum, & cum essent distincti illi per tribunos, centuriones, & quinquagenarios, oportebat quod essent in qualibet turma viginti quatuor tribuni, & multi centuriones, & plurimi quinquagenarii, & decani, & isti etiam venerunt ad offerendum nunc. Aliqui putant, quod isti centuriones, & tribuni erant illi, qui præerant possessionibus regis. Nam sic dicitur precedenti capitulo, quod vocati fuerunt tribuni, & centuriones, qui præerant substantiæ, & possessionibus regis. Sed dicendum, quod hoc non stat, quia hic ponuntur isti tanquam distincti, quia dicitur tribuni quoque, & centuriones, & principes principum possessionum regis, ergo non sunt iidem.

Dicendum igitur, quod isti principes possessionum regis erant tribuni, & centuriones, sicut dicitur precedenti cap. & tamen non erant isti tribuni, & centuriones, de quibus hic dicitur: nam tribuni, & centuriones erant duplices, quidam erant sub principibus turmarum, alij autem erant economi possessionum regis. Primi illorum sunt, qui vocantur hic centuriones, & tribuni, secundi sunt, qui vocantur centuriones, & tribuni, precedenti cap.

Et principes principum possessionum regis. Isti principes erant, qui ponuntur supra 27. & illi habebant curam de omnibus possessionibus regis, sicut hic dñ. Et dñ principes principum ad significandum, quod quælibet de illis possessionibus regis, quæ habentur. s. 27. habebat multos principes subordinatos, cuius cā ibi declarata est, & illi, qui nominantur ibi erant principes subpremi in illis possessionibus, nam de alijs minoribus principibus non fit ibi mentio, nec etiam hic cum solum agitur de illis, qui erant præcipui in toto populo. Dederuntque in opera domus Domini. Scilicet, dederunt ista quæ sequuntur. Et tuit ista oblatio omnium principum. Nam non ponitur hic de quolibet eorum, quid obtulerit, eo quod oblatio cuiuslibet eorum, oblatio autem omnium simul erat magna, & quia oblatio David sola fuit valde magna, illa specialiter exprimitur, & dñ, quod dederunt hæc in opera domus Domini, ad edificandum, vel ad faciendum varia opera in templo, & ponitur

& ponitur hoc, quia non dederunt speciali: et istud A
pro aliquo opere, cum David iam dedisset sufficienter
materiam pro oibus vasis templi Domini, ut patet. s.
in litera. Ideo darent isti principes pro alijs operibus,
quæ non essent certa, sed necessarium erat, ut expen-
deretur ista summa. *Auri talenta quinque millia, & soli-
dos decem millia.* De solidis istis quanti valoris essent,
vel ponderis non apparet cum monetæ variant quo-
tidie in pondere, & figura, sed forte isti solidierant si-
cli, qui erant nimis vsitati inter Iudeos, & erant aliqui
scli de auro, & aliqui de argento, ut patet 2. Reg. 24.
Vbi ponuntur scli de argento, & s. 21. Vbi ponuntur
scli de auro, & isti offerrentur ab istis principibus, quia
non legimus aliam monetam inter Iudeos, quæ esset
aliquanti valoris. *Decem millia argenti talenta.* De argen-
to obtulerunt duplum, & tñ hic non obtulerunt ali-
quos solidos.

Et eris talenta decem, & octo millia. Necessarium erat
as in templo ad fabricandū multa vasa, ut infra dice-
tur in quadam questione, & satis apparet tertio Regū
septimo. Et sequenti lib. capitu. quarto. In Hebræo
dicitur. Aeris mille millia, & octo millia talentorū,
& sic pro mille millibus ponit litera nostra decem
millia, sed forte istud fuit, quia pro mille millibus po-
nitur in Hebræo vnum nomen, & illud potuit equi-
uocare ad significandum mille millia, vel decem
millia.

Ferri quoque centum millia talentorum. Erat etiam ne-
cessarium ferrum in templo, cum dicatur supra in lite-
ra, quod erant in templo vasa ferrea.

Et apud quemcunque inuenti sunt lapides. Scilicet, qui
habebant lapides preciosos dabant illos pro opere tē-
pli. Erant enim nunc Israelitæ nimis deuoti ad offe-
rendum Domino, ideo omnes, qui habebant lapides
preciosos dabant illos gratis. Sic etiam factum est in fa-
bricatione Tabernaculi Moyse: nam omnes, qui ha-
bebant lapides preciosos, & argentum, & aurum de-
derunt illud in ædificatione Tabernaculi: Exo. trige-
simo quinto.

Dederunt in thesaurum domus Domini. Scilicet, ut ser-
uarentur in thesauris templi quousque essent necessa-
rii ad aliquod opus.

Per manum Iehiel Gersonites. Id est, dederunt illos Ie-
hieh, qui erat de stirpe Gerson, & ille seruauit eos, quia
erat thesaurarius templi. De isto Iehiel quis erat, di-
citur infra in quadam questione.

Latusque est populus cum vota sponte promitterent.

Sciunt, quando isti principes dabant ista, quæ habebant
supra, & promittebant illa, letabantur nimis: & po-
nitur hoc ad significandum, quod ista oblatio erat
Deo accepta. Nam Deus diligit hilarem datorem,
ut patet secundo ad Corin. nono. Et dicitur etiam
ad significandum id, quod est contra conuentionem
multorum. Nā naturaliter propter ipsam naturæ cur-
uitatem, & desiderium ad conseruationem suipsius
naturæ gaudet in hoc, quod accipit, & tristatur in dan-
do, quia quod datur deficit, & dando videtur perdere.

Istud tamen est contra rationem, ideo plurimi homi-
num sequentes solam naturæ inclinationem tristant
nimis cum dant, & non dant nisi quasi ex necessitate,
ideo cum isti omnes darent cum letitia, ponitur istud
hic itaquam speciale, si quod totus populus lætaretur
cum vota promittebat. *Quia corde toto offerebant ea*
Domino. Ista est causa præcedens dicti, scilicet, ideo læ-
tabantur, quia toto corde agebant id, quod habetur
hic, & cum aliquis agat ex desiderio gaudet. Cum
vero agit contra inclinationem suam, tristatur, &
omnibus istis Deus dederat desiderium ad dandum
ista, quæ offerebant, ideo gaudebant nimis.

Quare Salomon dicitur filius vnus. *Quest. II.*

QUÆRITUR circa prædicta, cum dicatur
hic: Deus elegit Salomonem filium meum
vnum, cur dicitur vnus.

Respondent quidam, quod vnus erat, id
est, vnicus siue solus, quia nullum alium habebat Da-
uid. Sed dicendum, quod non stat, quia David ha-
buit multos filios, sicut dicitur præcedenti cap. Filios
enim multos dedit mihi Dominus. Alij dicunt, quod
verum est, quod David habuerat multos filios, & ta-
men omnes mortui fuerant præter Salomonem, &
sic erat ille iam vnicus.

Dicendum, quod falsum est, quia David adhuc habe-
bat alios filios. Nam die, qua vnctus est Salomon in
regem, fuit ante eum vnctus Adonias frater eius, ut
patet 3. Regum primo. Et iste Adonias vixit etiam
post mortem David. Nam Salomon frater suus oc-
cidit eum tertio Regum secundo: etiam die ista, qua
Salomon secunda vice vnctus est, fuit multitudo fra-
trum eius in ista vnctione, ut patet infra in litera. s.
vniuersi principes, & potentes, & cuncti filij regis Da-
uid dederunt manum, & subiecti fuerunt Salomoni
regi. Alij autem dicunt, quod Salomon vocatur
vnus filius David, id est, primus. Sic enim dicitur Ge-
nes. primo, factum est vespere, & mane dies vnus, id
est, primus. Sed dicendum, quod hoc non stat, quia
David habuit multos alios filios ante Salomonem,

quia Salomon genitus est postquam David erat Rex
super totum Israel, & erat in Ierusalem, ut patet secun-
do Regum 11. & duodecimo. Et tamen antequam
David regnaret super totum Israel, cum esset rex su-
per Iudā in Hebron genuit filios sex secundo Regū
tertio. Et post istos genuit alios filios in Ierusalem, in-
ter quos fuit Salomon secundo Regum quinto, &
supra tertio. Alij dicunt aliter. si quod Salomō fuit vnus,
id est, primus filius respectu suæ matris, licet non res-
pectu patris, ideo ipse vocat se vnigenitum coram ma-
tre sua, ut patet Prouer. 4. s. Nā, & ego filius fui patris
mei tenellus, & vnigenitus coram matre mea. Sed di-
cendum, quod hoc non stat, quia alius natus fuit an-
te Salomonē de Bethsabee matre eius, qui mortuus
est, & ille fuit primus: nam ille fuit, quem concepit
Bethsabee ex coitu adulterino cum David 2. Regum
cap. 2. Salomon postea natus est, ut patet eod. cap. Ad
hoc respondent aliqui, quod q̄q̄ natus fuerit aliquis
ante Salomonem, quia tñ ille mortuus est mox, ut na-
tus fuit, censetur non fuisse natus, ideo tamquam ille
non fuisset natus, iudicatur Salomon vnigenitus
coram matre sua. Sic respondet Hierony. & habetur
sic in iure extra de ver. signi. cap. Nam, & ego. Sed di-
cendum, quod adhuc non stat, quia licet non obstan-
te illo paruulo, qui natus est, & mortuus, posset Salo-
mon dici vnigenitus, & primogenitus respectu ma-
tris suæ: tamen alij fuerunt præter paruulum mortuū
nati de matre Salomonis, & ex David ante ipsum Sa-
lomonem, ut patet supra 3. vbi ponunt filij David ex
Bethsabee quatuor, quorū vltimus fuit Salomō, & sic
nō potuit Salomō esse vnigenitus respectu matris
suæ. Itē dato, quod esset vnigenitus respectu matris David
nō vocaretur primogenitū, quia nō erat primogenit⁹
respectu matris suæ tñ de se loquebatur, dicens, De⁹ elegit
Salomonē filiū meū vnū. Dicēdū ergo est, quod intelli-
gitur Deus elegit Salomonē filiū meū vnū. ipsum so-
lū. q. d. licet multos filios habuerim tñ nō elegit aliū,
nisi istū ad oīa opa. scilicet ad regnādū, & ad edificādū tē-
plū, & sic erat in hoc vnicus. Aliter pot̄ ēt dici elegit
filiū meū vnū. singulariter eū elegit, quia minimus
erat inter omnes, ideo fuit modus specialis electio-
nis, quod ipse eligeretur omissis alijs.

An verum sit, quod Salomon erat nunc paruulus, & tenellus. Quæst. III.

QUÆRITUR vltcrius quomodo dicit hic, quod erat Salomon paruulus, & tenellus nunc, quando David loquebatur. Aliquis dicit, quod Salomon erat nunc iuuenis, & non paruulus nec tenellus, & cum dicitur, quod elegit eum adhuc paruulum, & tenellum, referendum est ad tempus electionis. diuine, vel publicationis. scilicet quod tunc Salomon erat paruulus, & tener. Sed dicendum, quod hoc non stat, quia quando Salomonis electio notificata est, non solum non erat Salomō paruulus, immo nondum erat natus, nec fuit natus illico, sed post aliquanta tempora, quod patet, quia Deus dixit filius, qui nascetur tibi, & reuelauit ei hoc, quando David voluit edificare templum, vt patet 2. Reg. 7. & supra decimosextimo. Et postea David fecit multa bella, contra Philistinos, ita vt caperet vrbes eorum, & contra Moabitas, ita vt deleteret totam terram ipsorum, & faceret duos funiculos ex eis vnum ad occidendum, alium ad vinificandum, & contra Idumæos, ita vt occideret omne masculinum in terra ipsorum, & subiceret totam Idumæam in tributum, vt patet secundo Regum octauo, & tertio Regum 11. & supra decimos octauo. Et contra Syros Damascenos, & contra regem Adazer, & contra Ammonitas, vt patet secundo Regum octauo, & 10. & decimos octauo, & decimosexto. Et post illa bella cum iterum pugnaret David contra Ammonitas, misissetque ad bellum Ioab, & ipse mansisset in Ierusalem vidit tunc Bethsabæe quadam die lauante se, & adulteratus est cum ea secundo Regum 11. & tunc genitus est paruulus, qui postea mortuus est paulo post natiuitatem secundo Regum duodecimo. Deinde genuit David ex Bethsabæe quatuor, quorum vltimus fuit Salomon, vt patet supra. Ideo inter hæc magnum tempus incideret. Et sic non est verum, quod quando Deus elegit Salomonem erat paruulus, & tener, sed referendum est necessario ad tempus, quo loquebatur David ista. Alii qui ergo dicunt, quod verum est, quod Salomon erat tener, quia erat paruæ ætatis valde. scilicet nondum decem annorum. Et patet, quia dicunt, quod quando Deus dedit sapientiam Salomoni erat duodecim annorum, cum ipse vocauerit se puerum paruulum, vt patet 3. Reg. 3. & sequenti lib. cap. 1. Et tamen sapientia fuit data Salomoni priusquam cepit regnare, vt probatum est 3. Regum 3. in quadam questione, ergo nunc vix esset nouem annorum, cum nondum mortuus esset pater suus David. Sed dicendum, quod hoc falsum est, quia Salomon erat nunc maioris ætatis. Quod patet, quia quādo David erat propinquus morti, commendauit Salomoni, quod occideret Ioab, & Semei per aliquem modum excogitatum, dixit ei. Facias iuxta sapientiam tuam, & non deduces caniciem eius pacifice ad inferos. Ecce dixit eum habere sapientiam, id est, prudentiam, & tamen nondum suscepit illam a Deo, quia istud fuit post mortem David, ergo videtur, quod quādo David ista loquebatur Salomoni, erat Salomon aliquantulum iuuenis, ita vt posset habere prudentiam aliqualem naturaliter, & sic non esset nouem annorum tñ, quia in tam parua ætate nulla est prudentia. Item dixit David ibi ad Salomonem, vir sapiens es, & scies quid facies ei, ergo viuente David Salomō erat aliquantulum vir, & tñ non posset vocari vir, & sapiens, id est, prudens, nisi esset iam in aliquanta ætate: ergo non erat tam paruæ ætatis. Dicendum igitur, quod quādo David loquebatur ista, esset Salomon decem, & septem, vel decem, & octo annorum. In qua ætate incipit homo habere aliquantulum prudentiam, potius-

me si est naturaliter ingeniosus. Et quā acciperet sapientiam a Deo esset plus quam viginti annorum. Vocatur tñ paruulus, & tenellus, non absolute, sed respectu tanti operis. scilicet propter regnum magnum, quod regere debebat, & propter magnitudinem operum templi, quæ facturus erat. Et tunc verum est, quod si esset viginti quinque annorum erat tener respectu omnium istorum.

De auro, & ferro congregato a David. Quæst. III.

QUÆRITUR vltcrius quomodo dicit hic, quod congregauit, vel dedit aurum ad vasa aurea, & ferrum ad ferrea, cum non appareat aliqua vasa fuisse ferrea in templo Dñi. Dicendum est, quod hic ponuntur quinque materie. scilicet aurum, argentum, æs, ferrum, & lignum, & omnes istę erant necessarie in domo Domini. De auro manifestum est, quod ad multa erat necessarium: nam ex eo deaurata est tota domus Sancti sanctorum, & tota domus exterior, quæ vocabatur templum, & ipse porta templi 3. Reg. 6. Et ipsa mensa propositionis de auro facta est, & decem candelabra, & thuribula, & mortariola, & forcipes, & phialę, & hydrie, & multa alia genera vatorum ad fundendum libamina, vt patet precedenti cap. & sequenti lib. cap. 4. & 2. Regum 7. Argentum quoque necessarium erat ad multa vasa: nam multe mensę de argento factę sunt, & multa candelabra, & multa de alijs vasibus. Nam de quibuscunque generibus vatorum fiebant aliqua de auro, fiebant etiam aliqua de argento, vt colligitur pced. & sequē. lib. c. 4. De ære quoque multa fabricata sunt in templo. Nam altare holocaustorum, quod erat viginti cubitorum longitudine, & viginti latitudine, & decem altitudine, erat totum auro, cum tequen. lib. capitu. 4. mare quoque, in quo lauabantur Sacerdotes, & duodecim bones super eos erat, æneum erat, & tamen erat magnę quantitatis plum mare: nam capiebat duo millia batos de aqua. vt patet 3. Regum septimo, & sequenti lib. ca. quarto. Decem quoque lutes magni, in quibus erat aqua ad abluendum carnes sacrificiorum, capiebatque quilibet batos quadraginta, erant ænei, & etiam sedes ipsorum, quę erant magnę quantitatis tertio Regum primo, & sequenti lib. cap. quarto. Erant quoque multa alia vasa de ære. Nam generaliter omnia vasa altaris holocaustorum erant ænea, vt patet Exo. 27. & tot vasa erant ænea, quod non erat pondus ipsorum determinatum, vt patet 3. Reg. 7. & seq. lib. c. 4. De vasibus autem ferreis non apparet, quia illa essent, vel ad quod ministerium proficerent in domo Dñi. Et quidam dicunt, quod nulla vasa erant in templo de ferro, nec erat aliqua ministratio, quæ cum illis fieret. Sic enim patet ex eis, quę facta sunt in Tabernaculo Moyse, quia templum Salomonis fuit ad similitudinem eorum, quę fuerunt in Tabernaculo Moyse, cum vnum necesserit alteri, & tñ cum Deus iussit Israelitis in deserto offerre ea, quę necessaria ad Tabernaculi edificationem, posuit aurum, & argentum, & æs, sed ferrum non posuit: Exo. 25. sic etiam quā ponit, quid est, quod attulerunt Israelitę p Tabernaculo Moyse, ponunt aurum, & argentum, & æs, & multa alia, & tñ ferrum non ponitur Exo. 35. Dicendum, quod ferrum necessarium erat in domo Dñi, non solum in templo Salomonis, sed etiam in Tabernaculo Moyse. Nā aliquis posset dicere, quod licet templum Salomonis fuerit simile Tabernaculo Moyse: tñ multa fuerunt in templo Salomonis, quę non fuerunt in Tabernaculo Moyse. Ideo ponitur esse ferrum necessarium in templo Salomonis, & non in Tabernaculo Moyse. Sed etiam hoc non stat, quia quā introierunt Israelitę in terram Chanaan, & acceperunt de illa primam urbem Iericho, iussit

Iosue ex parte Dei, & totum aurum, & argentum, & æs, & ferrum quę reperirentur in urbem ponerentur in thesauris Domini. Iosue 6. Si si non esset necessarium ferrum in Tabernaculo Moyfi non iussisset Deus poni ferrum in thesauris eius: ideo necessarium erat. Dicendum ergo, quod tam in Tabernaculo Moyfi, quam in templo Salomonis fuit ferrum necessarium, cum dicatur hic, quod erant vasa ferrea in templo. Et tñ dicendum, quod non erat ferrum ad aliquam sacram ministracionem, sicut vasa aurea, & argentea, & çnea. Nam nulla vasa de ferro erant, quę proficerent ad ministracionem aliquam sacram, sicut erant aurea, vel argentea, sed erat ferrum ad multas necessitates templi, quia ad hoc, quod cederentur lapides, & ligna pro templo edificando, innumerabilia instrumenta ferrea necessaria erant. Etiam edificato templo, cum quotidie portaretur multitudo lignorum pro sacrificijs, & fierent multa alia huiusmodi in templo, necessaria erant multa instrumenta ferrea. Et ista vocantur vasa generaliter secundum conditionem Hebraici idiomatis: in quo vocantur vasa omnia supellectilia, vel quęcunque proficiunt ad aliquem usum. Nam arma bellica vocantur vasa, etiam instrumenta musica vocantur vasa, sicut dicitur Psalmus 70. Confitebor tibi in vasis Psalmi, id est, in psalterio, & in alijs organis musicis. Sic etiam indumenta, & quęcunque alia supellectilia vocantur vasa. Sic dicitur Zacha. vndecimo, fume tibi vasa pastoris stulti, & vocantur ibi vasa baculus, & pera, & funda, & alia pertinentia ad pastorem. Cum autem obijciatur, quod in Tabernaculo Moyfi non sit mentio de ferro, dicendum, quod nihil sequitur ex hoc: nam manifestum est, quod Deus non iussit offerri ligna pro Tabernaculo, & tamen oblata fuerunt, ut aique volunt, sed istud falsum est, quia ligna iussit Deus offerri inter cetera Exod. vigesimoquinto, tamen alia sunt, de quibus non sit mentio, & data fuerunt, quia in sacra scriptura multa omittuntur, quę facta sunt, potissime, quia locus ab auctoritate non tenet negatiue: fuit tamen in templo Moyfi necessitas instrumentorum ferre ad fabricandum, si cur in templo Salomonis, licet non fuit tanta, ideo specialiter fit hic mentio de oblatione ferri. De vasis etiam ligneis est idem dubium, quia non reperitur in toto templo aliquod vas, quod esset de ligno ad aliquam ministracionem sacram: nam vasa lignea minoris utilitatis sunt, quam vasa metallica, vipote plumbea, stannea, & ferrea, a fortiori ergo non recipiuntur lignea. Sed dicendum, quod in templo erat magna necessitas lignorum ad edificacionem, ideo David congregauerat innumerabilia ligna, ut patet supra vigesimo secundo. Et postea etiam Salomon receit multo plura portari de Libano: ut patet tertio Regum quinto, & sequenti libri capitulo. Sed dictum est omnia supellectilia, vel pertinentia ad quemcunque usum vocantur Hebraice vasa. ideo omnia ista ligna necessaria ad edificacionem vocantur vasa, vel forte erant aliqua lignea instrumenta facta ad aliquam operationem, siue antequam fabricaretur templum Domini, siue postquam factum esset. Nam certum est, quod multa essent de his, ut plaustra, & similia, quę sunt ad portandum aliquid de necessarijs pro templo.

De lapidibus preciosis ad quid dedit eos David.

Quaest. V.

QUÆRITUR vterius ad quid David dedit lapides istos preciosos, de quibus hic dicitur, scilicet, onichinos, & slybinos, & diuersorum colo-

Arum. Etiam dicitur, quod principes quicunque habebant lapides preciosos, dederunt illos in thesauros domus Domini.

Dicendum, quod hic ponitur lapis marmoreus, & multi alij lapides, & de marmore manifestum est, quod erat necessarium ad edificacionem templi pro pavimento, & parietibus, & præcipue pro arijs templi vbi apparere debebant ipsi lapides. De lapidibus preciosis non apparet in templo, in quo expenderentur, quia non dicit de aliquo opere, quod ponerentur in eo lapides preciosi, sicut dicitur, quod ponebatur aurum, & argentum, & alia metalla.

B Dicendum tamen est, quod lapides isti erant necessarii ad vestes summi Sacerdotis. Nam inter alias vestes pontificis erant duę, scilicet, rationale, & ephod, quę habebant lapides preciosos. Nam in ephod erant duo onichini super duos humeros Sacerdotis, qui habebant super se sculpta nomina duodecim tribuum Israel, scilicet, sex in vno onichino, & sex in alio: Exod. vigesimo octauo rationale autem habebat duodecim lapides preciosos diuersarum specierum, in quatuor ordinibus, vel versibus, & in quolibet lapide erat nomen vnus de tribubus Israel eodem cap. Pro his autem vestimentis necessarii erant multi lapides. Salomon tamen fecit multas vestes pontificales, & Sacerdotum minorum, ideo ibi necessarii lapides isti. De hoc Iosephus octauo Antiquitatum ait: Stolas autem Sacerdotales pontificibus cum his, quę pendebant ad pedes, & super humerales, & rationales cum gemmis mille, sed pro mille vestibus pontificis erant necessarii multi lapides preciosi, scilicet, quatuordecim millia, quia in qualibet veste erant quatuordecim, scilicet, duo in ephod, & duodecim in rationali, & ista duo computabantur in vna veste, quia erant ligata vitta iacynthina. Exod. vigesimo octauo. poterant quoque lapides preciosi inter in sculpturis templi, quia parietes Sancti sanctorum, & templi exterioris erant operiti laminis aureis variarum figurarum, & illis forte essent intermixti aliqui lapides preciosi ad decorem, & potissime forte fieret hoc in porta exteriori domus, vbi magna pulchritudo erat, ut patet tertio Regum sexto.

An verum sit, quod David obtulerit aurum de peculio suo. Quaest. VI.

QUÆRITUR vterius, cum dicatur hic, quod David obtulit de peculio suo aurum, & argentum præter illa, quę prius obtulerat, quomodo est verum, quod aliqua obtulerit de peculio suo, & aliqua non de peculio, & quę differentia fuerit inter ista oblata.

E Respondendum, quod David a principio cum esset vir deicola desiderauit edificare Domino templum, & ad hoc congregabat diuitias magnas, unde omnia, quę acquirebat de bellis in auro, & argento, & are conseruabat Domino pro illa edificacione, nec sumebat aliquid de his, quę acquirerebat nisi ea, quę necessaria erant sibi tunc ad sumptus, reliqua conseruabat. De hoc patet secundo Regum octauo, & supra decimo octauo, scilicet, omnia vasa çnea, & argentea consecrauit rex David Domino cum auro, & argento, quod tulerat ex vniuersis gentibus tam de Idumæa, & Moab, & filiis Ammon, quam de Philistiim, & Amalec. Omnia hæc consecrauerat David Domino pro templo futuro multo tempore ante hoc. Nunc autem obtulit aurum, & argentum, & æs, & lapides preciosos de redditibus regni sui, & de his, quę ipse acquirebat de fructibus facultatum suarum. Nam David habuit multas

multas possessiones, ut patet supra vigesimo septimo. De quarum fructibus poterat congregare magnam pecuniam, & redditus regni sui erant valde magni, & de his etiam colligebat pecunias multas, de quibus fiebant sumptus domus David valde magni, & super abundabat pecunia multa in thesauris eius, & de ista obtulit nunc David tria millia talentorum auri, & septem millia talentorum argenti, ut patet in litera, & dicitur obtulisse ista nunc de peculio suo, & illa, quæ prius obtulit non dixit esse de peculio, eo quod illa erant de bellis, & non colligebat illa David de redditibus regni sui, nec de fructibus possessionum suarum, sed mox, ut acquirebat illa ex bellis consecrabat Domino, & sic nunquam videbantur fuisse in peculio eius: alia autem erant de peculio, quia erant de redditibus eius, & David expressit istam differentiam. scilicet quod nunc conferebat de peculio suo ad significandum, quod plus erat istud quam id, quod prius fecerat. Nam ea, quæ David acquirebat de bellis sine magna difficultate acquirebat, & multa simul accipiebat, & ista videbatur Deus sibi dare, & sic erat, quia Deus servabat eum ad quæ pergebat, & dabat ei victorias magnificas: Cum ergo Deus dedisset ei ista: non videbatur aliquid magnum, quod ipse illa offerret Deo, secus autem erat de redditibus regni, & de illis, quæ habebat David de fructibus possessionum suarum. Nam ista habebat alio modo, & minutatim, & possidebat ea multo tempore, ideo offerre ea sibi videbatur difficilius, cum illa essent iam quasi incorporata sibi quam dare illa, quæ acquirebat de bellis, quæ nunquam ipse possidebat, sed illico, ut accipiebat offerebat Domino etiam dando ea, quæ in bellis acquirebat Domino, & erant ista tamquam non necessaria cum essent per accidens. Illa autem, quæ David habebat de redditibus suis erant necessaria, eo quod erant sibi ordinaria: ideo dare de peculio suo erat sibi gravius quam dare de eo, quod per accidens erat. Et ut ex hoc incitaret alios ad dandum de eo, quod possidebant dixit, quod ipse dabat de peculio suo ea, quæ nunc offerebat.

De veritate in quibusdam verbis hic dictis, scilicet, quod David dedit septem millia talentorum argenti ad deaurandos parietes. Quæst. VII.

QUÆRITUR ulterius quomodo dixit hic David, quod dabat septem millia talentorum argenti ad deaurandos parietes templi. Nam argentum non erat ad deaurandum, sed ad argenteandum. Aliqui dicunt, quod accipitur large deaurare pro argenteare. Sed dicendum, quod non stat, quia templum erat interius opertum laminis aureis tertio Regum sexto, & sequenti lib. capitu. tertio: ergo non erat argentatum. Aliquis dicit, quod domus Sancti sanctorum, quæ erat preciosior erat interius vestita auro in parietibus, tecto, & pavimento. Domus autem exterior templi erat operta laminis argenteis, quia illa non erat tantæ venerationis. Sed dicendum, quod non stat, quia tam domus Sancti sanctorum quam domus exterior erant operte laminis aureis, ut patet tertio Regum sexto. scilicet porro oraculum, id est, Sancta sanctorum habebat viginti cubitos longitudinis, & operuit illud atque vestivit auro purissimo. Et sequitur domum quoque ante oraculum operuit auro purissimo, & affixit laminas clavis aureis. Sic etiam patet sequenti lib. capitu. tertio. Erat ergo utraque domus deaurata.

Dicendum est, quod ista talenta argenti fuerunt ad deaurandum templum, scilicet, tam Sancta sanctorum quam domum exteriorem templi. Modus tamen erat, quod laminæ fiebant de argento, & operie-

Fbantur auro, ut non expenderetur tantum de auro, & sic argentum erat ad deaurandum, quia laminæ de argento deaurabantur. Sed obijciatur, quia istud aurum, quo operiebantur parietes Sancti sanctorum, & templi erat purissimum, ut patet tertio Regum sexto, & sequenti lib. capitu. tertio, sed operuit, & vestivit oraculum auro purissimo, domum quoque ante oraculum operuit auro purissimo.

GDicendum est, quod vocabatur aurum purissimum non, quod tota lamina esset de auro, sed quod aurum quo illa deaurabatur erat purissimum, & hoc verum est, quia de auro puriori acciperetur ad deaurandum, ut magis fulgeret, & tunc verum est, quod tota domus erat operta auro, quia super laminas argenti aurum erat, & sic ultimum operimentum templi interius erat de auro.

Quis erat iste Iehiel, de quo hic dicitur. Quæst. VIII.

QUÆRITUR ulterius de isto Iehiel, de quo hic dicitur, quod per manus eius data sunt in thesauros Domini omnia hæc, quis erat.

Respondendum in litera, quod iste erat Gersonites, id est, de familia Gerson. Erat enim familia Gersonitarum una de tribus familiis Levitarum. scilicet Caathitarum, Gersonitarum, Meraritarum. Pro quo sciendum, quod erat iste Iehiel thesaurarius domus Domini. Erant autem thesaurarii de duabus familiis Levitarum. scilicet Caathitarum, & Gersonitarum, de Meraritis autem nulli erant, quia illi occupabantur in alijs officijs. De Caathitis autem erant thesaurarii viri de progenie Moysi descendentes de duobus filiis suis Gerson, & Eliezer, ut patet supra vigesimo sexto: de familia autem Gersonitarum erant alij thesaurarii, qui ponuntur ibi, & dicunt quidam, quod iste Iehiel est ille, qui ponitur supra vigesimo sexto esse de filiis Ledæ, & Gerson, & istud tenet Nico. & multi alij. Hoc autem convenit sibi, quia vocatur hic Gersonites, id est, de familia Gerson, & ille Iehiel de quo supra vigesimo sexto erat etiam de familia Gerson. Sed dicendum, quod non constat adhuc an esset iste Iehiel de stirpe Gersonitarum, quia licet vocetur hic Gersonites non ex hoc concluditur. Nam Gersonites dicitur de Gerson. Erat autem duplex Gerson, scilicet, unus filius Levi, a quo nominata est familia Gersonitarum, & alius Gerson filius Moysi. Exodi secundo. Poterat autem iste Iehiel esse Gersonites, id est, de stirpe Gerson filij Moysi, & sic esset de stirpe Caathitarum, & non esset ille Iehiel, de quo habetur supra 26. Sed adhuc dato, quod iste Iehiel esset Gersonites, id est, de familia Gerson filij Levi non sequitur, quod esset ille, de quo habetur supra vigesimo sexto, immo potius videtur, quod non poterat esse ille, quia ille Gerson, quo supra 26. fuit filius Ledæ, & Ledæ fuit filius Gerson, ideo non potuit esse tempore David ille Iehiel, sed multo ante moreretur.

KDicendum est, quod iste Iehiel fuit de stirpe Gerson, cum vocetur Gersonites, & istud est nomen familie. A Gerson tamen filio Moysi non fuit nominata aliqua familia, & verisimilius est, quod sit ille Iehiel, de quo supra 26. quod aliquis alius. Et cum obijciat, quod fuit filius Ledæ, & Ledæ fuit filius Gerson filij Levi. Ideo multo tempore prius mortuus est. Dicendum, quod ibi non continuantur generationes, sed manent aliquæ progenies intermedie. Nam cum dicitur, quod de Ledæ fuerunt principes familiarum Ledæ Gerson, & Iehiel. Dicendum, quod isti non fuerunt filij Ledæ, sed descendentes ab eo, & forte erant proneptes, vel trinepotes, & sic potuerunt esse tempore David.

An omnia hæc fuerint consecrata per manum Iehiel.

Quest. IX.

QUÆRITUR ulterius de isto Iehiel quomodo dicitur hic, quod per manum istius consecrata fuerint omnia ista in thesauris Domini, quia supra 26. dicitur, quod omnia consecrabantur per manum Selemith. Aliquis dicit, quod Selemith fuit thesaurarius, & tamen fuit ante Iehiel, & tempore suo consecrabantur omnes thesauri per manum Selemith. Postea autem superuenit Iehiel mortuo Selemith, & per manum eius consecrati fuerint omnes thesauri, qui nunc ablati fuerunt. Dicendum, quod hoc non stat, quia Selemith, & iste Iehiel fuerunt eodem tempore. Nam per manum Selemith consecrati fuerunt omnes thesauri, quos obtulit David, Saul, & Samuele, ut patet supra 26. & fuit etiam ille Selemith tempore istius diuisionis thesaurorum, quæ facta est per David anno quadagesimo regni sui, & tunc facta est ista oblatio, quæ habetur hic, ideo uiebat Selemith, quando consecrata sunt ista per manum Iehiel. Sed dicendum est, quod multi erant principes thesaurariorum, & quibusdam committuntur quidam thesauri, & alij alij, & sic Selemith custodiuit omnes thesauros, de quibus dicitur supra 26. & Iehiel omnes, de quibus dicitur hic. Pro quo sciendum, quod thesauri, qui offerebantur Domino erant duplices, quidam erant acquisiti de bellis, alij autem offerebantur de peculio proprio. primi tradebantur ipsi Selemith, & secundi dabantur custodiendi ipsi Iehiel. Thesauri autem, de quibus supra 26. dicitur erant de bellis. Nam Samuel, & Saul, & David, & alij principes offerebant multa Domino de his, quæ acquirebant de bello, & omnia illa consecrabantur, & custodiebantur per manum Selemith, supra 26. Isti autem thesauri, qui oblati fuerunt, nunc erant de peculio proprio, sicut dixit David supra in 1. loca, scilicet, super hæc obtuli de peculio meo aurum, & argentum Deo, ideo custodiebantur isti thesauri per alium, scilicet, per Iehiel.

Sed & David Rex lætatus est gaudio magno, & benedixit Domino coram uniuerſa multitudine, & ait: Benedictus es Domine Deus Israel patris nostri ab æterno in æternum. Tua es Domine magnificentia, & potentia, & gloria, atque victoria, & tibi laus. Cuncta enim quæ in cælo sunt, & in terra tua sunt: tuum Domine regnum, & tu es super omnes principes, tuæ diuitiæ, et tua est gloria, tu dominaris omnium. In magnitudo, et imperium omnium. Nunc igitur Deus noster confitemur tibi, et laudamus nomen tuum indyctum. Quis ego, et quis populus meus, ut possimus hæc tibi uniuerſa promittere? Tua sunt omnia, et quæ de manu tua accepimus, dedimus tibi. Peregrini enim sumus coram te, et adſtri quasi umbra super terram, et nulla est mora.

Alph. Toſt. In Lib. I. Paralip.

A Sed & David. Hic ponitur secundum huius cap. scilicet, ipsius David gratiarum actio, nam postquam David obtulit munera Deo, & omnes principes pro opere templi, lætatus est valde David, & gratias Deo egit, & dicitur. *Sed & David Rex lætatus est.* Scilicet, Non solum lætatus fuit populus cum vota offerret, sicut supra dicitur, sed etiam lætatus fuit David nimis videns, quod totus populus gratis offerret.

Gaudio magno. Erat gaudium magnum David, quia gaudebat de bono suo, & de bono aliorum: nam David obtulerat sponte, ideo de oblatione sua gaudebat, sicut dicitur supra de populo, quod lætatus est, cum vota sponte promitteret, quia toto corde offerebant ea Domino: Lætatus fuit etiam de bono populi, quia vidit David, quod totus populus offerebat, & gratis faciebat istud, & lætabatur, gaudebat ipse de gaudio populi, ideo necesse erat, quod gaudium suum esset magnum. Sic enim est gaudium magnum eorum, qui sunt in vita æterna, quia non solum gaudent de bono suo, sed etiam de bono aliorum. Quilibet enim gaudet de bono singulorum, & quantum ad hoc gaudium omnium est æquale, quia quilibet gaudet de bono suo, & aliorum, etiam ipsius Christi, ut ait August. 21. de ciuitate Dei. & Magister 4. Sentent. 29. *Et benedixit Dominus coram multitudine.* Scilicet, Propter multitudinem gaudij benedixit Domino laudando eum, & dicendo ista, quæ sequuntur. *Benedictus es Dominus Deus.* Idest, Nomen tuum est benedictum ab omnibus. Vel benedictus es, idest, bonus, & laudabilis. *Deus patris nostri.* Idest, Patrum nostrorum. Dicit aliquis quis erat iste pater? Dicitur potest vno modo, quod iste erat Abraham, vel Moyses, vel aliquis de istis patribus antiquis, & tamen non apparet, quis eorum potius sit. Ideo dicendum, quod hoc potest accipi dupliciter: vno modo, quod accipiat singulari pro plurali, ut dicatur Deus patris nostri, idest, patrum nostrorum, quia sæpe accipitur sic in Hebræo, ubi mutantur numeri. Aliter potest dici, quod erat iste vnus pater, & erat Abraham: nam iste fuit pater simpliciter omnium Hebræorum, quia est prima origo eorum. Alij autem patres Hebræorum, scilicet, Isaac, & Iacob, &

D patres duodecim tribuum non erant patres simpliciter, eo quod isti habuerunt originem ex alio patre, scilicet, ex Abraham. Ipse autem Abraham ex nullo originem traxit, qui vocaretur Hebræorum pater, ideo ipse vocaretur simpliciter pater. *Ab æterno in æternum.* Idest, Sine principio, & sine fine, quia sicut Deus non coepit esse, nec finiet, ita nec benedictio sua incepit, nec finietur. *Tua est Domine magnificentia.* Idest, Ad te pertinet magnificentia quædam virtus, sine qua dirigitur homo circa magnitudinem expensarum, ut patet 4. Ethic. Nam liberalitas est virtus, sine quam homo bene se habet circa moderatas expensas. Magnificencia autem est circa maximas, quæ non sunt quotidianæ, & istud conuenit Deo, quia ipse est, qui plurima dat, cum nullum bonum sit, quod ipse non dederit. Ali-

E ter accipitur magnificentia large pro magnitudine, & sic Deo competit magnificentia, i. magnitudo in virtute. *Et gloria, & potestas.* Gloria est clara cognitio cum laude, & pertinet ad nominis celebritatem, siue famam, & hoc Deo competit, quia ipse est maxime famosus, cum nomen suum sit diuulgatum per omnem terram. Potestas etiam ei competit, quia ipse est omnipotens. *Acque victoria, & tibi laus.* Scilicet, Deo conuenit victoria, quia ipse est Dominus exercituum, qui dat victoriam cui vult. Laus etiam competit Deo, quia ipse laudabilis super omnia: nam laus est sermo explicans magnitudinem. Deus autem maior est omnibus rebus, ideo ei competit maxime laus.

Quid sit gloria.

Cuncta enim quæ in cælo sunt, & in terrâ sunt. Scilicet, Deus est Dominus omnium rerum siue in cælo siue in terra sint. In cælo enim sunt ipsi Angeli, & Deus est Dominus eorum, quia ipsi sunt ministri eius obediens ad omnia, quæ iubet eis, ut patet ad Hebræos primo, scilicet, Sunt Administratorij spiritus in ministerium missi propter eos, qui hæreditatem capiunt salutis. In terra autem sunt omnia creata, quia nomine terræ intelliguntur omnia elementa, & etiam omnia ista Dei sunt.

Tuum Domine regnum. Id est, Omne regnum pertinet ad te, nec est aliquis, qui sit, vere rex nisi tu, eo quod tu es rex Regum, & Dominus dominantium, & princeps omnium Regum terræ. Apoc. primo. Etiam ipse Deus facit, quod alij regnent, & tribuit potestatem, quibus vult. Sic enim ipse dicit, per me reges regnant, & iudices iusta discernunt. Prouer. 7. Ipse etiam dat regnum, cui vult, & aufert cui vult, sicut dixit Angelus ad Nabucodonosor, quando superbiuit, scilicet, septem tempora mutabuntur super te, donec cognoscas, quod altissimus dominatur in regno hominum, & cuiusque voluerit dabit illud. Sic enim declarauit Daniel verba Angeli ad Nabuchodonosor dicta, ut patet Danielis 4. & 5. Ipse quoque dat interdum regnum viris malis propter iniquitatem populi cui regnant, ut patet Iob 34. Scilicet, qui facit regnare hypocritam propter peccata populi.

Tu es super omnes principes. Id est, potestas tua est maior quam omnium principum. *Tuæ diuitiæ, & tua est gloria.* Id est, Omnes diuitiæ pertinent ad te, & etiam tota gloria: de diuitijs patet, quia nemo est diues nisi Deus, qui omnia possidet, siue in cælo, siue in terra: etiam est diues, quia Deus efficit diuites eos, qui diuites sunt: nam ipse dat omnia omnibus, & sic dicit Apostolus, quod est diues in omnes, qui inuocant eum. *Tu dominaris omnium.* Id est, Omnium hominum, vel omnium rerum.

Quod
Deus nō
habet ali
qua mē-
bra.

In manu tua virtus, & potentia. Est modus loquendi humanus: nam Deus non habet manum, nec aliqua membra, cum sit incorporeus, sed dicitur in manu eius virtus, & potentia, quia tamen in homine manus est organum operatiuum, omnia quæ homo potest dicuntur esse in manu eius, ita quæ potest Deus dici tur esse in manu eius, & accipiuntur pro eodem virtus, & potentia, quia virtus est quoddam robur ad operandum, & idem est potentia. Possunt tamen differre aliquantulum, scilicet, quia potentia significat quamlibet potentiam, virtus autem significat vltimum de potentia sicut ait Aristoteles. *In manu tua magnitudo, & imperium omnium.* Replicat enim David eandem sententiam. Iste enim modus est eorum, qui sunt passionati circa aliquid siue per desiderium, siue per iram: nam cum non sufficiat eorum affectioni semel eandem rem dicere, sepe repetunt licet per alia verba. Et dicitur in manu tua magnitudo, scilicet, virtutis, vel potentie, & imperium omnium, scilicet, Deus imperat omnibus rebus sicut supradictum est, scilicet, tu dominaris omnium. *Nunc ergo Deus noster.* Posuit supra ea, propter quæ Deus erat laudabilis, & laudauit ipsum, nunc autem applicat se descendendo ad propositum suum. De ista oblatione, quæ fecerunt Israelitæ Deo pro templo ædificando. *Confitemur tibi, & laudamus nomen tuum inclytum.* Confiteri, & laudare idem est, sed vocatur confiteri laudare in quantum laudando confitemur, id est, asserimus magnitudinem Dei, & ea, quæ de ipso vera sunt. & dicitur nomen Dei inclytum, id est, famosum: nam est famosum nomē Dei super omnia nomina, quia omnes homines Deum inuocant, sicut enim dicuntur homines inclyti, qui famosi sunt, *Quis ego, & quis po-*

pulus tuus, ut possimus tibi hæc vniuersa promittere? Tollit hic inanem gloriam, & præsumptionem. Nam putaret aliquis, quod Iudæi gloriabantur, eo quod Deo tanta dederant, & ipsi confitentur se nihil dedisse, cum dicit David, quis ego, & quis populus tuus? quasi dicat Ego, & populus tuus Israel non sumus tanti valoris, ut possimus aliquid tibi dare, quia istud esset, si nos haberemus aliquid, quod non esset tuum, & dare vellemus, nihil tamen habemus, quod tuum non sit: ideo tibi nihil dare possumus, nec etiam promittere, quia promissio fit de eo, quod in potestate hominis est, sed nulla istorum bonorum sunt in potestate nostra, cum tua sunt, ergo nihil promittere possumus. *Tua enim sunt omnia.* Hæc probat quod dixit, scilicet, quod Israelitæ non possint dare aliquid Deo, quia nihil habent quod non sit Dei.

Et quæ de manu tua accepimus dedimus tibi. Scilicet, Omnia ista bona, quæ de manu tua accepimus, dedimus tibi. Et nihil istorum est quod prius non accepissemus, ideo nos non donauimus simpliciter tibi, sed reddidimus commodatum, velut, si Deus commodasset nobis omnia ista, quæ habemus, teneretur ei reddere. Et quando redderemus non teneretur nobis ad gratiarum actiones, sicut in omnibus redditibus commodatum. Et ista est causa, quare Deus non teneretur nobis gratias agere: quamquam multa bona faciamus propter eum, eo quod ad omnia tenemur, vel saltem faciendo illa non satisfacimus pro bonis ab eo susceptis: ideo dixit Christus Lucæ 17. Cum feceritis omnia, quæ præcepta sunt, dicite: Serui inutiles sumus, quæ facere debebamus fecimus.

Peregrini enim sumus coram te, & aduenæ. Probat quod dixit, scilicet, quod nihil istorum, quæ dederant Israelitæ Deo, erat suum, sed Dei, eo quod ipsi erant peregrini, & aduenæ. Et inducitur sic, scilicet, aliquis diceret, quomodo Israelitæ non poterant dare aliquid Deo, nam ipsi habebant terram, quam possidebant, & fructus illius erant ipsorum, & de illis poterant dare Deo. Respondent ipsi, quod non poterant, quia terra non erat ipsorum, sed Dei, & ipsi erant peregrini, & aduenæ. Nam Deus introduxit Israelitas in terram Chanaan miraculose delendo Chanaanos, ideo terra erat ipsius, & non illorum, quia ipse acceperat eam de manu hostium, & Israelitæ non erant domini terræ, sed coloni eius, & aduenæ in ea, habitantes in ipsa ex permissione Dei, ideo non licebat eis facere quidquid vellent de terra, vendendo, vel alienando, sic enim patet Leui. 25. Vbi Deus venit venditionem perpetuam, dicens: Terra quoque non vendetur iure perpetuo, quia mea est, & vos coloni mei estis. Et sic dicebant Israelitæ aduenæ, & peregrini, quia sicut aduenæ, & peregrini nihil habent in terra, in qua sunt aduenæ, & peregrini: ita nec Israelitæ habebant quidquam in terra, in qua morabantur. *Sicut omnes patres nostri.* Scilicet, Omnes patres nostri, qui fuerunt ante nos, fuerunt peregrini in terra ista, quia nihil habuerunt de ea, ita & nos. Sic enim dixit David in alio loco: Aduenæ ego sum apud te, & peregrinus sicut omnes patres mei. Psal. 38. *Dies nostri quasi umbra super terram.* Supra declarauit vnam peregrinationem respectu terræ Chanaan, scilicet, quod Israelitæ erant peregrini in ea, eo quod nihil habebant in ipsa. Hic autem declarat aliam peregrinationem respectu totius terræ, quia ubicunque homo sit, peregrinus est. Et causa est, quia peregrinus est, qui transiit, & non est mansurus semper in loco. Et sic est de omnibus hominibus in terra. Modico enim tempore manant sunt, quia dies sui transeunt sicut umbra, quæ est aliquid non habens vestigium. Nam alia res sunt aliquid, umbra tamen nihil est, nisi prius enunciat.

entitatis. Ita dies nostri videntur esse tanquam nihil, & pertransiunt. Alius modus adhuc peregrinationis est in omnibus hominibus viuentibus, scilicet, quod quando viuunt, peregrinantur a Domino, secunda ad Corin. 5. Sed de ista peregrinatione Dauid nihil locutus est, quia ista non pertinet nisi ad viros perfectiores noui testamenti, in veteri autem testamento non sentiebant viri istam peregrinationem nisi aliqui speciales, sicut patres Sanctissimi. Ideo de alijs duabus solum locutus est hic Dauid.

Et nulla est mora. Id est, Non est mora in viuendo. Nam vita nostra est sicut punctus, vel instans. Nam licet aliquis vixerit multis annis, illi sunt quasi nihil comparando ad durationem eternam Dei, vel ad durationem animæ nostræ post mortem. Sic patet Psal. 39. Quia mille anni in oculis tuis sicut dies hesternæ, quæ pertransiit. In Hebræo dicitur.

Et nulla est expectatio. Id est, Non expectatur homo viuere aliquanto tempore, sed illico vt viuere incipit, vita eius præscinditur, sicut dicebat rex Ezechias. Præcisa est velut a texente vita mea: dum adhuc ordire, succidit me, de mane vsque ad vespæram finies me. Isaiæ 38.

Domine Deus noster omnis hæc copia quam parauimus, vt edificaretur domus nomini sancto tuo, de manu tua est. Repetit sententiam suprapositam, scilicet, Domine Deus nihil nos tibi dedimus, quia licet videamur multa dedisse, scilicet, totam istam copiam, quam parauimus, vt edificaretur templum, nihil tibi dedimus, quia omnia ista tua sunt, & quod tuum est, nemo tibi donare potest.

Tua sunt omnia. Scilicet, Nos accepimus illa de manu tua, cum nos non possumus aliquid bonum habere quod tu non dederis illud: ideo omnia sunt de manu tua. Intelligitur enim manus Dei ipsa eius liberalitas, per quam nobis omnia abundanter tribuit.

Sed Deus, quod probes corda. Ponit Dauid, quæ utilitas fuerit in dando omnia ista. Nam cum ipse dixerit, quod nihil istorum erat suum, sed omnia erant Dei, diceret aliquis, quid ergo proficiebat, vel in quo merebatur Dauid, & alij Israelitæ dando ista cum darent Deo id, quod suum erat. Respondet Dauid, quod meritum est saltem in bona voluntate, eo quod Deus probat corda, id est, non attendit ea, quæ exterius donantur, sed considerat cor hominis, & illud approbat, & laudat si rectum est erga Deum.

Et simplicitatem diligas. Simplex vocatur, quod vnum est, & simplicitas cordis est vnitas intentionis, scilicet, quod non habet secum compositionem, vt si quis agit aliquid propter Deum, & propter ipsum solum moueatur, dicitur agere simplici corde, quia vnitas finis, & intentionis ibi est. Qui autem agit aliquid quod bonum est, & videtur agere propter Deum, & tamen agit propter inanem gloriam, vel agit aliquid propter Deum, aliquid propter lucrum, vel alium finem, non agit simplici corde, sed duplici, & Deus odit istam duplicationem. Israelitæ autem obtulerunt nunc simplici corde, quia propter solum Deum obtulerunt: ideo ista oblatio esset ei accepta.

Vnde, & ego in simplicitate cordis mei letus obtuli vniuersa hæc. Concludit quomodo placuit Deo ista oblatio, scilicet, quia Deus diligit simplicitatem cordis. Et ita Dauid dicit de seipso, quod in simplicitate cordis, & cum magna letitia obtulit Domino vniuersa hæc, & dicitur vniuersa hæc, scilicet, tria millia talentorum auri de Ophir, & septem millia talentorum argenti, quæ nunc obtulerat supra in litera, & ante hoc obtulerat multo plura de his, quæ accepit in bellis, vt patet 2. Regum 8. & supra 19. Scilicet, Alph. Tost. In Lib. I. Paralip.

A Sed, & omnia vasa ænea, aurea, & argentea consecrauit rex Dauid Domino cum argento, & auro quod tulerat ex vniuersis gentibus tã de Idumæa, & Moab, & filiis Ammon, quam de Philisthiim, & Amalec.

Et populum tuum, qui hic repertus est. Dicitur qui hic repertus est, quia non venerat totus populus ad istam congregationem, sed principes soli vocati fuerunt, vt patet præcedenti cap. & ipsi soli dicuntur hic obtulisse. Si autem cum eis fuerint aliqui de populo, non apparet, & sic parua pars populi fuit hic reperta in ista oblatione. *Vidi cum ingenti gaudio tibi offerre donaria.* Scilicet, Non solum ego obtuli cum gaudio, sed etiam vidi, quod totus populus, qui obtulit hic donaria cum gaudio obtulit: ideo illi meruerunt, quod tu Deus acceptares cordis illorum simplicitatem.

An res sint verè hominis. Et quomodo fuerit introductus domini modus; item quomodo Deus proprie sit omnium rerum dominus. Quæst. X.

QUÆRITUR circa ea, quæ dicta sunt, scilicet, tua sunt omnia, an verum sit quod homines sint domini aliquarum rerum, & sint vere sue.

Aliquis dicet, quod non, quia non potest eadem res esse duorum insolidum, nisi possideant pro indiuiso omnia, & tamen solius Dei sunt omnia, vt patet supra, si tua sunt omnia, & quæ de manu tua accepimus, tibi dedimus. Item patet, quia Augustinus volens probare proprium nullius esse aliquid de iure diuino ait: Domini est terra, & plenitudo eius, quasi dicat ipsius Dei sunt omnia, & nihil est nostrum, & habetur in Decretis dist. 8. cap. quo iure. Respondendum, quod si queritur an omnia Dei sunt. Concedendum, quod omnia sunt propria Dei, eo quod ipse omnia condidit, & gubernat, & a nullo illa accepit, sed potius quicumque habet aliquid istorum, ab eo illud accipit, & sic Deus propriissime est dominus omnium rerum. Si autem queratur de homine, an aliquid sit proprium homini, ita quod sint domini aliquarum rerum possessorum. Dicendum, quod consideratur hoc dupliciter, scilicet, vel in comparisonem hominis ad hominem, vel in comparisonem hominis ad Deum. Si primo modo, aliquid est proprium, & homo est vere dñs rerum possessorum. Si autem secundo modo, homo est dñs, sed non tam proprie. Et similitudo est huius in multis, quia aliquid est, quod vocatur proprium, & etiam commune, sicut privilegium alicuius ordinis, vel vniuersitatis est commune respectu omnium, qui sunt de illo ordine, vel vniuersitate, quia oēs in illo participant, & tñ est proprium respectu aliorum, qui non sunt de eadem vniuersitate, vel ordine. Ita comparando hominem ad Deum nō erit homini aliquid proprium vere nisi large, & comparando homines inter se, erit eis aliquid proprium. Si consideretur homo respectu hominis dicitur esse vere dominus alicuius rei, quia ita vnus est dominus vnus rei, quod nullus alius hominum est dominus illius. Et hoc sufficit ad esse verum dominum. De modo tamen causandi istud dominium est dubium, quia quidam putant, quod causatur solum ex iure positiuo, & quod de iure naturali nihil est proprium. Et sic videtur innui in allegato cap. quo iure. Sed dicendum, quod diuisio dominiorum etiam est de iure naturali, id est, erat tempore legis nature, quando nulla lex erat nisi lex nature. Et patet hoc, quia duo primi filij Adæ, scilicet, Cain, & Abel fuerunt in exordio sæculi, cum nulla adhuc lex per hominem posita erat, nec consuetudo introducta. Et tamen isti inceperunt habere proprium, quia Cain habebat agros, & colligebat inde fruges.

fruges, & Abel habebat pecora. Et dicitur, quod Cain obtulit Domino de frugibus suis, & Abel de primogenitis pecorum suorum, Genes. 4. Ergo sine lege positiva erat dominium. Dicendum ergo, quod modus introducendi dominium, fuit per solam occupationem rei. Nam Deus creauerat omnia ad seruitium hominis, sicut innuitur Genes. 2. Cum Deus duxerit omnia animantia coram Adam, ut imponeret eis nomina secundum voluntatem suam. Nam non duxisset illa, nisi homo haberet aliquod dominium super ea, & posset illa nominare, sicut vellet. Sic etiam patet cum Deus dixit Genes. 1. & 9. Crescite, & multiplicamini, & replete terram, & dominamini piscibus maris, & volatilibus terrae. Ecce ergo Deus dimisit homini libertatem dominandi omnibus rebus. Cum ergo omnes res essent sine domino licebat cuilibet occupare quam vellet. Et per solam occupationem efficeretur homo dominus ipsarum rerum, quas occuparet, sicut nunc quando est aliqua res, quae in nullius bonis est, primo occupanti conceditur. Verum est tamen, quod ex iure humano inuenti sunt plures modi titulorum ad causandum dominium, scilicet, exemptione, & venditione, ex donatione, ex hereditaria successione, ex praescriptione, & sic de alijs. Constituit etiam modos, per quos perderetur dominium. Origo tamen dominij non fuit ex iure positivo, sed in lege naturae fuit, & habuit ortum ex Dei permissione. Nam omnes res erant Dei, & si ipse non permitteret dato, quod homo occuparet eas non efficeretur dominus, sed detentor, & usurpator, permisit tamen quod homo acciperet illas. Ideo habuit ibi locum, scilicet, quod res quasi derelicta, vel quae in nullius bonis est, efficiatur occupantis. Et cum dicitur, quod de iure naturae omnia sunt communia, intelligitur dupliciter ista propositio. Vno modo negatiue. Alio modo positiue. Primo modo est sensus, quod de iure naturali omnia sunt communia, idest, ius naturale non dedit diuisionem bonorum, nec titulos lucratiuos, & distinctionem dominiorum. Secundo modo est sensus, quod de iure naturali omnia sunt communia, idest, ius naturale praecipit, quod omnia sint communia. Primus sensus est verus, & quem intendit ista propositio. Nam verum est, quod de iure naturali non sunt aliqui tituli, ita quod de iure naturale introduxerit illos, vel fecerit bona esse aliena, sicut fecit postea ius posituum, quod introduxit multos titulos lucratiuos, & etiam constituit modum perdendi dominium, & tamen dato quod dominium non introduceretur de mandato iuris naturalis, poterat introduci ex voluntate humana, & Dei permissione, non prohibente iure naturali, & sic factum est. Nam per occupationem gregum factam ab ipso Abel constitutus est dominus eorum, & per occupationem agrorum factam a Cain, factus est dominus ipsorum, & sic de omnibus posteris eorum. Secundus sensus est falsus, quia non est aliqua regula iuris naturalis, quae vetet dominium. Nam si dominium esset prohibitum de iure naturali, non posset introduci per ius humanum, nec per aliquam consuetudinem. Nam contra ius naturale non potest praescribi, nec aliquid statui, etiam si per quinque millia annorum seruaretur contraria consuetudo, quia illa potius vocaretur corruptela, quam consuetudo, cum tanto grauiora sint peccata, quanto longiori tempore in usum venerint, extra de consuetud. cap. ultimo. Et tamen dominia non sunt illicita, nec reprobat illa lex euangelica, sed potius praesupponit, ergo dominia, & distinctio bonorum non sunt contra ius naturale.

Si autem quatur de homine in comparatione

ad Deum; an homo sit dominus. Dicendum est, quod non est homo tam proprie dominus, sicut comparando hominem ad hominem, & tamen aliquo modo est dominus. Aliquis dicit, quod ita se habet homo in rebus illis, quarum est dominus respectu Dei, sicut se habet homo respectu regis sui, quia licet quis sit dominus rerum suarum, tamen rex habet iurisdictionem super bona illius. Sed dicendum, quod hoc non stat, quia rex licet habeat iurisdictionem super bona mea non est dominus illorum, nec habet potestatem super illa, nisi secundum legem, ideo non potest illa alienare, vel a me tollere, me inuito, nisi propter delictum. De Deo autem secus, quia ipse est dominus rerum nostrarum magis, quam nos ipsi, & potest de ipsis facere quidquid voluerit. Habet ergo maiorem potestatem super bona nostra, quam rex.

Dicendum est, quod Deus est Dominus omnium rerum proprie, quia ipse omnia condidit, & non accepit illa ab alio, & tamen nos sumus domini istarum rerum ex permissione eius. Et quantum ad hoc habemus quendam modum administratorum, qui habent plenam, & liberam facultatem administrandi. Vnde possumus illa donare, & quidquid voluerimus de illis facere, dum tamen non faciamus contra legem. Et iste est quidam modus dominij, & patet hoc quia Deus dixit Israelitis, quod non possent vendere possessiones aliquas in terra Chanaan iure perpetuo, Leuitici vigesimo quinto, scilicet, Terra quae non vendetur iure perpetuo, quia mea est, & vos coloni mei estis. Et hoc dixit Deus, quia ipse acceperat terram illam de manu Chanaanorum. expellendo illos miraculose de illa, & propter hoc specialiter pertinebat ad ipsum, & imponebat legem Hebraeis, quod non venderent eam iure perpetuo. Et sic innuitur, quod aliae terrae quas Deus non traderat sic aliquibus gentibus, non pertinebant tam specialiter ad Deum. Ideo homines habitantes in illis, essent magis domini illarum terrarum respectu Dei, quam Israelitae, sed Israelitae erant tanquam coloni respectu Dei: ergo homines aliarum terrarum essent aliquo modo tanquam domini.

Ad primam rationem in contrarium dicendum, quod verum est, quod omnia sunt Dei, quia ipse magis proprie est dominus omnium rerum, quam homo. Vnde dominus ipsarum rerum, quas possidet: & tamen relinquitur homini quoddam dominium etiam respectu Dei.

Ad secundam cum dicebatur, quod de iure naturali, vel diuino domini est terra, & plenitudo eius. Dicendum, quod non tollitur ex hoc quin homo respectu Dei sit dominus rerum, quas possidet, quia licet Deus sit Dominus omnium rerum, cum illo dominio potest stare aliud dominium humanum, quia non sunt ambo eiusdem modi, non tamen statet si esset simile dominium vtriusque. Sic etiam dicitur, quod Deus est rex omnium regum terrae, Apocal. 1. & supra in littera dicitur. Tua est magnitudo, & imperium omnium. Et tamen non tollitur ex hoc, quin aliqui homines sint reges, eo quod aliter regnat Deus super homines, & aliter homo super hominem. Ideo stat regnum vtriusque simul super eosdem homines, homines tamen non regnant eodem modo. Ideo non possunt duo regnare super eosdem homines in solidum, & sic propter dissimilitudinem dominij Deus est Dominus rerum, & etiam homines sunt Domini.

Si possumus aliquid dare Deo.

Quest. XI.

Quaeritur vltius cum omnia, quae nos habemus ipsius Dei sint, quid nos mereamur dando aliquid Deo, vel an possumus aliquid dare. Respondendum, quod sicut declaratum est praecedenti quaestione, homo est dominus rerum, quas possidet.

fidet aliquo modo etiam respectu Dei, ideo eo modo quo Dominus est, potest aliquid dare, & merebitur dando. Sed considerandum est ad maiorem declarationem, quod in illis, que nos facimus propter Deum vel damus sibi, est diuersitas. Nam quedam pertinent ad actus nostros, alia pertinent ad erogationem rerum possessorum. De primo patet, ut quod aliquis credat omnia, quæ fidei sunt, quod pertinet ad intellectum, & quod diligat eum nimis, & desideret ipsum colere, & velit etiam, quod ab alijs colatur, quod pertinet ad voluntatem, etiam subeat aliquos labores corporales, sicut in ieiunijs, vigilijs, frigore, & nuditate, & ardore per æstum, & in alijs generibus afflictionum, & operum laudabilium, quæ tamen non sunt in erogando aliquid de rebus possessis. Secundum est cum homo erogat Deo aliquid, vel propter Deum de ipsis, quæ possidet. Accipiendo primo modo homo potest mereri dupliciter. Primo propter simplicitatem voluntatis, scilicet, si bona intentione vult aliquid agere, Deus acceptat illam intentionem, sicut dixit hic David, scilicet, Scio Deus, quod probes corda, & simplicitatem diligas. Vnde dato, quod non sequatur effectus post bonam volitionem, sed impediat aliquo modo executio, Deus acceptat voluntatem nostram. Sic fuit de David, qui voluit ædificare templum Domino, & prohibitus est, & tamen acceptavit Deus voluntatem illius, & meruit nimis David per hoc, ut patet sequenti lib. cap. 6. Idem Dominus ad David, quia fuit voluntas tua, ut ædificares domum nomini meo, bene quidem fecisti habere huiusmodi voluntatem, sed nec tu ædificabis domum, sed filius qui egredietur de lumbis tuis. Secundum est, quia homo est dominus istorum actuum. Nihil enim magis est in potestate hominis, quam actus voluntatis, & alij actus nostri dependent ex voluntate, quæ superat omnibus: dicitur homo dominus illorum, & sic potest offerre illos Deo, quia etiam respectu Dei homo est dominus actus voluntatis suæ, non tamen est ita dominus, quin possit Deus mutare voluntatem eius quocumque voluerit, vel facere, quod nihil velit, sicut dicitur Prover. 21. Sicut disposuisti aquarum, ita cor regis in manu Domini, & quocumque voluerit, verter illud. Quia tamen voluntas non est directe cogibilis, de quo magis declaratum est, 3. Re. 12. Manet homini dominum super actus suos. Et ista est causa, quare Deus in omnibus operibus nostris magis attendit voluntatem nostram, quam aliquid aliud, si quia tunc homini datur gratia actus, quod dat aliquid de suo, & tamen nihil est, magis ipsius hominis, quam actus voluntatis. Ideo non potest homo offerre Deo aliquid acceptabilius, quam cum ei actus voluntatis suæ offert. Si autem queritur de secundo, scilicet cum homo erogat aliquid de rebus possessis dicendum, quod istud potest fieri dupliciter, quia aut homo erogabit aliquid Deo, aut erogabit quippiam alicui propter Deum. Erogabit Deo est, quod datur a nobis, & non provenit ad utilitatem proximi, sicut si quis det pecuniam ad ædificationem Ecclesiæ, vel ad aliqua ornamenta ecclesiastica, vel si quis daret in veteri Testamento aliqua animalia ad faciendum sacrificia. Nam ista soli Deo dantur. Alia sunt, quæ dantur alicui propter Deum, ut si quis det eleemosynam pauperi. Primo modo meretur honorate homo offert. Secundo meretur ex ipsa re quæ datur, quia homo etiam respectu Dei est dominus aliter rerum, quas possidet. Ideo potest donare, & transferre eis illud quod habet. Et patet hoc, quia Deus non cogit hominem ad ea, quæ possidet sibi dandum, in tantum, quod etiam si non det non peccat. Et sic si dat liberum est sibi dare, & propter hoc gratia meretur, quia de suo dedit cum non obligaretur. Iste tamen res, quæ dantur in se Deo non proficiunt, quia Deus honorum nostrorum non indiget, sed solum proficiunt in duobus. Primo in quantum a bona voluntate dantur. Secundo in quantum ad honorem Dei proficiunt. Primum istorum consideravit solum David dicens. Scio Deus, quod probes corda, & simplicitatem diligas, unde ego in simplicitate cordis mei obtuli vniuersa hæc, supra in littera. Et non consideravit David aliam utilitatem, vel meritum ex ista datione. Secundum est in quantum ex ista oblatione sequitur honor Dei. Nam cum aliquis offert Deo sacrificium, vel ædificat Ecclesiā propter eum, innuit Deum esse honorabilem, quia alias non faceret aliquid propter ipsum. Nam videretur perdere omnia. Et ob hoc magis gaudet Deus in actibus nostris spiritualibus, quam in erogatione bonorum nostrorum, quam ei facimus, quod patet de sacrificio. Psal. 49. Non accipiam de domo tua vitulos, nec de gregibus tuis hircos. Quoniam meæ sunt omnes fere sylvarum, iumenta in montibus, & boues. Cognoui omnia volatilia cæli, & pulchritudo agri mecum est. Si esuriero non dicam tibi, meus est enim orbis terræ, plenitudo eius. Nunquid manducabo carnes taurorum: aut sanguinem hircorum potabo? Et sequitur: Immola Deo sacrificium laudis: & redde altissimo vota tua. Inuoca me in die tribulationis, & eruam te, & honorificabis me. Et iterum dicitur: Sacrificium laudis honorificabit me: & illic iter, quo ostendam illi salutare Dei. Et non solum placent Deo magis opera spiritualia, quæ fiunt ad ipsum, quam erogatio bonorum exteriorum, sed etiam plus placent ei bona, quæ fiunt proximis, quam erogatio rerum nostrarum possessorum, quæ sit ei, ut patet Osee 6. Quia in misericordiam volui, & non sacrificium, & scientiam Dei plus, quam holocausta. Obedientia ergo magis laudatur, quam holocausta, ut patet 1. Regum 15. Et tamen dato, quod adhuc ista bona, quæ Deo damus secundum se non proficerent, ita quod totaliter essent sua, tamen ex voluntate eius proficiunt, scilicet, quia ipse imputat nobis ad meritum, licet ista secundum se non essent meritoria illorum bonorum, quæ Deus nobis dat. Ipse enim acceptat opera nostra plus, quam ipsa valeant, ut patet ad Rom. 8. f. Non sunt condigne passionis huius mundi ad futuram gloriam, quæ reuelabitur in nobis. Si autem queratur de bonis, quæ nos erogamus proximis propter Deum. Dicendum, quod meremur in eis dupliciter. Primo quia ex bona voluntate agimus, & ipsa est præcipuum omnis meriti. Secundo ex ipso opere. Nam ibi dat homo de suo, quia licet respectu Dei non sit homo dominus rerum, quas possidet, tamen respectu hominum proprie dominus est, sicut probatum est precedenti questione. Acceptatur ergo opus sumum, quia de suo dat.

A ciunt, quia Deus honorum nostrorum non indiget, sed solum proficiunt in duobus. Primo in quantum a bona voluntate dantur. Secundo in quantum ad honorem Dei proficiunt. Primum istorum consideravit solum David dicens. Scio Deus, quod probes corda, & simplicitatem diligas, unde ego in simplicitate cordis mei obtuli vniuersa hæc, supra in littera. Et non consideravit David aliam utilitatem, vel meritum ex ista datione. Secundum est in quantum ex ista oblatione sequitur honor Dei. Nam cum aliquis offert Deo sacrificium, vel ædificat Ecclesiā propter eum, innuit Deum esse honorabilem, quia alias non faceret aliquid propter ipsum. Nam videretur perdere omnia. Et ob hoc magis gaudet Deus in actibus nostris spiritualibus, quam in erogatione bonorum nostrorum, quam ei facimus, quod patet de sacrificio. Psal. 49. Non accipiam de domo tua vitulos, nec de gregibus tuis hircos. Quoniam meæ sunt omnes fere sylvarum, iumenta in montibus, & boues. Cognoui omnia volatilia cæli, & pulchritudo agri mecum est. Si esuriero non dicam tibi, meus est enim orbis terræ, plenitudo eius. Nunquid manducabo carnes taurorum: aut sanguinem hircorum potabo? Et sequitur: Immola Deo sacrificium laudis: & redde altissimo vota tua. Inuoca me in die tribulationis, & eruam te, & honorificabis me. Et iterum dicitur: Sacrificium laudis honorificabit me: & illic iter, quo ostendam illi salutare Dei. Et non solum placent Deo magis opera spiritualia, quæ fiunt ad ipsum, quam erogatio bonorum exteriorum, sed etiam plus placent ei bona, quæ fiunt proximis, quam erogatio rerum nostrarum possessorum, quæ sit ei, ut patet Osee 6. Quia in misericordiam volui, & non sacrificium, & scientiam Dei plus, quam holocausta. Obedientia ergo magis laudatur, quam holocausta, ut patet 1. Regum 15. Et tamen dato, quod adhuc ista bona, quæ Deo damus secundum se non proficerent, ita quod totaliter essent sua, tamen ex voluntate eius proficiunt, scilicet, quia ipse imputat nobis ad meritum, licet ista secundum se non essent meritoria illorum bonorum, quæ Deus nobis dat. Ipse enim acceptat opera nostra plus, quam ipsa valeant, ut patet ad Rom. 8. f. Non sunt condigne passionis huius mundi ad futuram gloriam, quæ reuelabitur in nobis. Si autem queratur de bonis, quæ nos erogamus proximis propter Deum. Dicendum, quod meremur in eis dupliciter. Primo quia ex bona voluntate agimus, & ipsa est præcipuum omnis meriti. Secundo ex ipso opere. Nam ibi dat homo de suo, quia licet respectu Dei non sit homo dominus rerum, quas possidet, tamen respectu hominum proprie dominus est, sicut probatum est precedenti questione. Acceptatur ergo opus sumum, quia de suo dat.

Domine Deus Abraham, & Isaac, & Israel patrum nostrorum custodi in æternum hanc voluntatem cordis eorum, & semper in venerationem tui mens ista permaneat. Salomoni quoque filio meo da cor perfectum, ut custodiat mandata tua, & testimonia tua, & caeremonias tuas, & faciat vniuersa, & ædificet ædem cuius impensas parauit. Præcepit autem David vniuersæ Ecclesiæ. Benedicite Domino Deo nostro. Et benedixit omnis Ecclesia Domino Deo patrum suorum, & inclinauerunt se, & adorauerunt Deum,

Deum, & deinde Regem. Immolauerunt-
que victimas Domino, & obtulerunt holo-
causta die sequenti, tauros mille, arietes mil-
le, agnos mille cum libaminibus suis, & vni-
uerso ritu abundantissime in omnem Israel.
Et comederunt, & biberunt coram Domi-
no in die illo cum grandi lætitia: Et vnxe-
runt secundo Salomonem filium David.
Vnxerunt autem eum Domino in princi-
pem, & Sadoc in pontificem. Seditque Sa-
lomon super solium Domini in regem pro
David patre suo, & cunctis placuit, & paruit
illi omnis Israel. Sed & vniuersi principes,
& potentes, & cuncti filij Regis David de-
derunt manum, & subiecti fuerunt Salo-
moni Regi. Magnificauit ergo Dominus
Salomonem super omnem Israel, & dedit
illi gloriam Regni, qualem nullus habuit
ante eum Rex Israel. Igitur David filius
Isai regnauit super vniuersum Israel, & dies
quibus regnauit super Israel, fuerunt qua-
draginta anni. In Hebron regnauit septem
annis, & in Ierusalem annis triginta tribus,
& mortuus est in senectute bona plenus die-
rum, & diuitijs, & gloria: & regnauit Sa-
lomon filius eius pro eo. Gesta autem Da-
uid Regis priora, & nouissima scripta sunt
in libro Samuel videntis, & in libro Nathan
Prophetæ, atque in volumine Gad viden-
tis: vniuersique Regni eius fortitudines, &
temporum, quæ transierunt sub eo, siue in
Israel, siue in cunctis regnis terrarum.

*Domine Deus Abraham, & Isaac, & Israel patrum nostro-
rum.* Deus Israel erat Deus omnium, & maxime ip-
sorum Hebræorum. Et tamen vocatur hic Deus Abra-
hæ, & Isaac, & Iacob propter duo. Primo propter ma-
nifestationem, scilicet, quia istis primo manifestatus
est. Nam ante Abraham omnes gentes declinauerant
in varios errores, & ipsi Abraham primo Deus mani-
festatus est, & ex ipso coepit populus Iudaicus esse po-
pulus Dei, & post ipsam manifestatus est filio suo
Isaac, & nepoti suo Iacob, vt colligitur ex processu
libri Genesis. Secundo patet, quia isti fuerunt patres
præcipui populi Hebræici, ex quibus descenderunt
Hebræi, sed cum alii fuerint etiam præcipui in popu-
lo, quare non fuerint illi nominati, infra dicitur in
quadam questione. Et vocatur hic Israel ipse Iacob.
Nam prius vocabatur Iacob, & postea vocatus est Is-
rael ab Angelo, quando luctabatur cum eo, Genes. 32.
Et iterum a Deo confirmata est ista mutatio, Gen. 35.
Ideo interdum vocatur Iacob interdum Israel. *Custo-
di in æternum hæc voluntatem cordis eorum.* Viserat enim
David, quod totus populus obtulerat iponte mune-
ra, & erant omnes prompti ad cultum Dei. Et quia si
semper haberent istam voluntatem colerent eum, &
Deus beneficeret eis: Et ista voluntas non poterat
perseuerare in Israelitis, nisi Deus hoc faceret: Ideo

orauit David, vt Deus conseruaret istam voluntatem
populi sui in æternum. *Et semper in venerationem tui
mens ista permaneat.* Id est, Rogo, quod semper habeant
talem mentem, qualem nunc habent ad veneratio-
nem nominis tui, quasi dicat, nunc nimis deuoti sunt
erga te. *Salomoni quoque filio meo da cor perfectum.* Ora-
uit pro toto populo in generali, quod Deus daret il-
lis intentionem rectam erga se, nunc orat in specia-
li pro Salomone, vt Deus Dei ei cor perfectum, id est,
integrum, scilicet, quod totaliter dirigatur ad man-
data Dei. Aliqui enim sunt qui aliquo modo volunt
colere Deum, & aliquo modo inclinantur ad idola,
& isti non habent cor perfectum, id est, totum cum
Deo, & Deus abominatur tales, nec recipit eorum
obsequia. Sic etiam dixit Samuel ad totum popu-
lum Israel in Masphath, scilicet, si in toto corde ve-
stro conuertimini ad Dominum, abiicite de mediis
vestri Deos alienos Baalim, & Astharoth, 3. Regum 7.
quasi dicat, quod aliter non conuertebantur ad Deum
in toto corde, nisi abiicerent Deos alienos, & serui-
rent ei soli. sic etiam Elias increpuit totum populum
Israel, dicens, si Dominus est Deus, sequimini illum,
si autem Baal est Deus, sequimini illum, quousque
claudicatis in duas partes? 3. Regum 18. quasi dicat,
Non est bonum aliquando colere vnum Deum, & ali-
quando alterum, sed colite vnum ipsorum tantum, qui
verus Deus fuerit. Sic faciebant Samaritæ, qui Deum celi
timebant, & tamen Deos suos colebant, 3. Regum 17. Et
hoc timebat David de Salomone. Ideo dixit da ei cor
perfectum. *Et custodiat mandata tua, & testimonia tua,*
& ceremonias tuas. Tria sunt genera mandatorum, &
veteri Testamento, scilicet, moralia, ceremonialis, &
iudicialia. Moralia sunt illa, quorum obligatio per-
det ex natura, dato quod non esset aliqua lex posita,
sicut sunt præcepta decalogi, & quedam alia, quæ
ex ratione naturali insurgunt. Ceremonialis sunt
præcepta quedam de ceremonijs obliuandis circa
cultum diuinum, & ista sunt præcepta pure positi-
ua, quia non habent aliquam obligationem ex na-
tura, siue dictamine rationis, sed solum ex volunta-
te legislatoris. Alia sunt iudicialia, scilicet, illa, per
quæ homines diriguntur inter se in communicatio-
nibus suis, & ista iudicant circa actiones forales. Et
ista etiam pendunt ex voluntate legislatoris, licet ma-
gis habeant de naturali dictamine, quam præcepta
ceremonialis. Et hic possent intelligi ista tria per
mandata, & ceremonialis per ceremonias, & iudi-
cialia per testimonia. Et vocabuntur illa testimo-
nialia, quia testificatus est Deus Israelitis, quod il-
la seruent. Quia tamen testimonia non multum
conueniunt præceptis iudicialibus, dicemus, quod
per testimonia intelliguntur hic quedam præcepta,
siue ceremonialis, siue moralia, per quæ Deus testifi-
cabatur, id est, probabat aliquid de eis, quæ fecerat. Et
de istis dicitur intra in quadam questione. *Et faciat
vniuersa.* Custodire mandata, non est illa facere,
sed diligenter attendere, ad ipsa, quæ sunt, & qua-
nem sequitur mandatorum executio. Et sunt ista
duo necessaria: nam nemo potest mandata exequi,
nisi custodiat illa, id est, recogitet, etiam si non exe-
quatur illa, etiam si recogitet nihil prodest, quia in mo-
ralibus intelligere non est propter se, sed propter ope-
rari. Sic ait Aristoteles 2. ethicorum, scilicet. Non ad-
discimus, vt sciamus, sed vt boni efficiamur. Sic etiam
dicitur Psal. 102. scilicet, Et misericordia eius super
eos, qui memores sunt mandatorum illius ad facien-
dum ea. Vnde non dixit solum, quod misericordia Dei est non
illos, qui memores sunt mandatorum eius, quia istud non
iustificat,

Triples
genus
mandato-
rum in ve-
teri testa-
mento.

sufficit, sed addidit ad faciendum ea. *Et edificet eadem.* Scilicet, Templum Domini. In Hebræo habetur. Et edificet castrum, & idem est, quia templum Domini erat per modum castris, siue turris. Nam erat altitudo sua maior, quàm longitudo, & latitudo, saltitudo cubitorum cētum, & viginti, & latitudo cubitorum viginti, & longitudo cubitorum sexaginta, seq. lib. cap. 3.

Et sic vocatur templum turris aliquādo in scriptura, s. turris nebulosa, vel turris gregis. *Cuius impensas parauit.*

Dicit hoc David, quia ipse parauerat iam omnes impensas necessarias secundum iudicium suum. Et si Salomon non edificaret templum Dei esset inutilis illa paratio expensarum, ideo orabat Deum, vt Salomon edificaret templum illud, ne expensæ essent inutiles. *Præcepit autem David vniuersæ ecclesiæ.*

Hucusq; durat benedictio David ad Dominum, hic autem iubet ipse, quod totus populus benedicat. Et dicitur, quod præcepit vniuersæ Ecclesiæ, id est, toti populo, quia Ecclesia significat congregationem, vt dictum est in principio capituli. *Benedicite Domino Deo nostro.*

Scilicet, Omnes laudate eum, quia laudabilis est. Est enim benedicere bona dicere, & sic, quando laudamus aliquem, cū de eo bona proferamus, dicimur ei benedicere. Sed aliquādo benedictio est bonorum largitio, & sic Deus dñ benedicere homini, quando ei bona confert. Et sic est vnus homo dat alteri benedictionem, qñ ei dat aliquod munus, siue benedictionē.

Et benedixit omnis ecclesia Domino Deo patrum suorum. Id est, tota multitudo benedixit Deo laudando ipsum.

Quid aut illi dixerint laudando non ponitur, quia forte quilibet diceret secundum intentionem suā, & nō dicerent omnes idem. Ideo scriptura nō curauit dicere, quid illi dixerint. *Et inclinauerunt se, & adorauerunt Deum deinde regem.*

Postquā benedixerunt Deo, inclinauerunt se omnes ad adorandum Deum, & populus conuersi sunt omnes ad regem, & adorauerunt ipsum, id est, exhibuerunt ei quandam reuerentiam, sicut exhibetur homini. Reuerentia autem exhibita Deo fuit adoratio latriæ. *Immolaueruntque victimas Domino.*

Oblatio victimarum pertinebat ad quandam reuerentiam, quia non exhibetur alicui sacrificium, nisi Deo, ideo non solum significatur in hoc honor, sed etiam maximus honor. Est enim victima nomen generale ad omnia sacrificia, quia sunt tria genera sacrificiorum, scilicet, holocaustum, hostia pacifica, & victima pro peccato. De caeremonijs autem, quæ fiebant in quibuslibet istorum sacrificiorum, habetur Leuitici 1. & 3. & 4. & 6. *Et obtulerunt holocausta die sequenti.*

Non est sensus, quod in ipsa die, in qua David dixit ista oblata fuerint victimæ, & sequenti die offerrentur holocausta, quia eodem die victimæ, & holocausta oblata sunt, cum idem sint victimæ, & holocausta, sed dicitur quod immolauerunt victimas, & non assignat tempus, cum ponitur immediate templa. scilicet, quod sequenti die obtulerunt ista holocausta. Nam ipsa die, qua David locutus est populo ista, quæ supra habentur erat forte sero, & non potuerunt post hæc immolari holocausta, sed sequenti die immolata sunt. *Taurus mille, & arietes mille, & agnos mille.*

Ponitur summa animalium oblatoium. Nam quocunque genere mille oblata sunt. *Cum libamina suis.*

Libamina sunt quedam accessoria ad sacrificia, & sunt quinque, scilicet, similia, oleum, virrum, sal, & thus, vt patet Leuitici secundo, & Numeri decimo quinto. Et offerebantur ista in mensuris certa, scilicet, plura cum maioribus sacrificijs, & pauciora cum minoribus. Et ista libamenta ponebantur semper in holocaustis, & hostijs pacificis. In hostijs autem pro peccato non ponebantur victimæ, vt patet Numeri decimo quinto.

Alph. Ios. In Lib. I. Paralip.

A *Et vniuersoritu.* Scilicet, Seruatus fuit in victimis istis totus ritus, id est, omnes caeremoniæ, quæ secundum legem seruandæ erant. *Abundantissime.* Id est, Libamenta, & omnia requisita ad illa sacrificia data sunt abundantissime. *In omnem Israel.* Id est, Ista sacrificia facta abundantissime fuerunt pro toto Israel. Vel est sensus, quod oblata sunt sacrificia, & libamenta, quæ sufficerent in cibum pro toto Israel, scilicet, pro omnibus illis, qui præsentibus erant in congregatione illa, & representabant totum Israel. Nam isti comederunt de sacrificijs istis, vt patet in littera. *Et comederunt, & biberunt coram Domino in die illa.*

Scilicet, In die illa, in qua obtulerunt sacrificia, comederunt, & biberunt de sacrificijs illis. Et dicitur, quod comederunt coram Domino, scilicet, coram altari, vbi oblata fuerunt sacrificia, quia ibi existentes dicebantur esse coram Domino.

Cum grandi letitia. Scilicet, Omnes Israelitæ gausi sunt nimis de oblatione illa, & de omnibus, quæ facta fuerunt. Ideo comedebant de sacrificijs cum letitia.

Quare dicitur hic potius Abraham, Isaac, & c. quàm aliorum. Quæst. XII.

QUÆRITUR circa prædicta, quare potius dicitur hic Deus Abraham, & Isaac, & Israel, id est, Iacob, quàm aliorum: nam multi

C alij fuerant inter Hebræos clarissimi, sicut Moytes, & Iosue, & Samuel.

Dicendum, quod vna causa fuit, quia isti fuerunt primi patres populi. Nam licet alij fuerint patres Hebræorum, tamen isti fuerunt primi simpliciter. Ideo attribuitur eis honor primitatis. Et patet, quia dicitur hic Deus patrum nostrorum, & sic tanquā patres, & primi ponuntur hic ante alios. Alia causa fuit, quia licet alij essent patres Hebræorum, tamen debuerunt poni isti tres, eo quod in istis colligitur totum genus Hebræorum, sicut quilibet istorum fuit pater omnium Hebræorum, quod nō competit alicui alteri de posteris. Nam duodecim filij Iacob fuerunt capita duodecim tribuum Israel. Et tñ sub nullo filiorum Iacob cōprehenditur totus Israel. Et sic nullus erat pater omnium Israelitarum, ita qd oēs possent eum vocare patrem, & tñ hi erant principes omnium tribuum Israel, & multi alij de ipsis tribubus. Ideo non poterant vocare patrem aliquem principem alicuius tribus, vt Iudam, vel Zabulon, vel aliquem alium, quia si esset pater respectu quorundam non esset pater respectu omnium. Abraham autem erat pater omnium Hebræorum, & Isaac pater omnium, & etiam Iacob, quia nullus Hebræus erat, qui non esset de stirpe alicuius istorum. Et tamen accipiendo quemcūq; inferiorem, vel posteriorem ad Iacob nō esset ille pater omnium Hebræorum, quia nullus de filiis Iacob fuit pater omnium, & sic non potuerunt nominari aliqui nisi isti, quia nullus ante istos fuit pater Hebræorum, eo quod electio populi Dei cepit in Abraham. Nullus autem post istos nominari debuit, quia nullus fuit pater omnium Hebræorum. Ideo isti soli nominati sunt, quia quemlibet istorum poterat totus populus vocare patrem. Modus autem, quo quilibet istorum erat pater Hebræorum fuit, quia Abraham, qui primus fuit, erat pater non solum Hebræorum, sed et aliarum gentium: nā ipse genuit Ismahelem de Agar, a qua descenderunt Ismaelites, qui vocantur Agareni, & non sunt de stirpe Hebræorum. Habuit etiā Ceturam in uxorem, ex qua genuit multos filios, a quibus nominatae sunt multe gentes, Genes 25. Nam a quodam eorū notati fuerunt Madianitæ, qui non sunt de stirpe Hebræorum.

De Sara autem genuit Isaac, a quo descenderunt Hebraei. Ipse tamen Isaac non solum fuit pater Hebræorum, sed etiam quarundam aliarum gentium. Nam genuit Isaac gemellos, scilicet, Iacob, & Esau. Ab Esau descenderunt Amalecitarum, & Idumæi. Nam Idumæi vocati sunt ab ipso Esau, qui vocatur Edom, Amalecitarum vocati sunt a quodam nomine Amalec nepote Esau Genes. 35. De Iacob autem descenderunt Hebraei. Et sic Abraham, & Isaac fuerunt patres Hebræorum omnium, sed non solum ipsorum Hebræorum. Iacob autem fuit pater omnium Hebræorum, quia ipse habuit duodecim filios a quibus descenderunt duodecim tribus Israel. Et ipse fuit pater omnium Hebræorum, & solum ipsorum Hebræorum, quia a quolibet filiorum suorum descendit aliqua progenies Hebræorum.

De quibusdam verbis hic dictis a David, quod Deus, scilicet, conseruaret istam voluntatem &c. Quæst. XIII.

QUÆRITUR ulterius ad quid dixit hic David ad Deum, quod conseruaret istam voluntatem, quam nunc habebat semper in Israelitis, cum in potestate hominis sit actus voluntatis. Respondendum, quod istud dixit David, quia habere voluntatem istam semper, non erat in potestate hominis. Nam licet voluntas non possit cogi ad aliquid faciendum, & habeat libertatem, ut moueatur in quodcumque, tamen cum propter peccatum sit in nobis quædam difficultas ad bonum, non possumus aliquod bonum velle, nisi Deus conuertat nos, ad volendum illud nos mouendo. Et non solum accidit nobis hoc propter peccatum, sed etiam si nunquam peccauissemus non posset homo aliquod bonum velle, nisi Deo mouente ipsum, quia cum Deus sit causa prima, necesse est, quod ad omnem actionem concurrat coagendo causis particularibus. Et sic etiam concurret ad actum voluntatis. Item patet, quia si voluntas moueret se ad actum suum, & non moueretur ab aliquo alio, esset ipsa causa prima, quia nulla causa est, quæ moueat non mota, nisi prima. Voluntas tamen nostra non est causa prima. Ideo ipsa mouetur ab aliquo alio in actu suo, & non potest moueri, nisi illo concurrente. Patet etiam istud Ioan. 15. Cum dixit Christus. Sine me nihil potestis facere, idest, nullum opus meritorium potestis agere, nisi ego moueam vos ad illud, & tamen velle bonum est opus meritorium, immo nullum est magis meritorium quam velle, quia a voluntate dependet omne meritum, cum ibi sit libertas. Ideo non poterit aliquis bonum velle nisi a Deo moueatur, & tamen si esset solum in potestate Dei mouere voluntatem nostram ad bonum, non videretur homo culpabilis, si non vellet bonum, quia non posset, cum Deus non moueret ipsum. Ideo ut non attribueretur aliqua culpa Deo, ipse semper mouet voluntatem nostram. Nam est quædam gratia pulsatiua, scilicet, quidam motus, secundum quem Deus semper pulsat cor nostrum inclinando ad bonum, & in potestate nostra est consentire illi motui, vel non. Si enim consentimus, volumus bonum, si autem non consentimus, inclinamur in malum. Ideo quando non volumus bonum culpabiles sumus, cum sit in potestate nostra omni tempore velle bonum Deo mouente cor nostrum. Sic enim patet Apocal. 3. Ego sto ad ostium, & pulso: si quis audierit vocem meam, & aperuerit ianuam, introibo ad illum, & cenabo cum illo, & ipse mecum. Et intelligitur hoc de ostio cordis. Ideo homo libertatem habet ad bonum volendum semper. Et tamen est diuersitas in

hoc, quia licet Deus pulset cor nostrum, interdum pulsat tam remisse, quod non mouemur ex illa pulsatione. Interdum autem pulsat violentius, & mouemur ab eo, ideo orandum est ad Deum, ut ipse moueat cor nostrum ad bonum, immo nulla oratio est tam conueniens homini, sicut ista, scilicet, quod moueat cor suum ad diligendum ipsum. Sic enim dicitur, Psalmo 118. Scilicet, Inclina cor meum Deum in testimonia tua, idest, inclina illud ad custodiendum legem tuam. Sic etiam David orauit hic Dominum, dicens: Domine custodi in æternum hanc voluntatem eorum, ut semper in venerationem tui nominis mens ista permaneat. Sicut etiam Salomon orauit Dominum, ut inclinaret cor suum, & omnium de populo ad custodiendum legem eius, ut patet 3. Regum 8. Sit Deus noster nobiscum, & inclinet corda nostra ad se, ut ambulemus in vniuersis vijs eius. Ipse quoque Deus interdum optat, ut homines habeant semper talē voluntatem, qualem interdum habent ad colendum eum, sicut patet Deuteronom. 5. Cum dixerunt Israelitæ, quod facerent omnia, quæ Deus iuberet. Et Deus ait: Bene omnia sunt locuti, quis det talem eos habere mentem, ut timeant me, & custodiant vniuersa mandata mea? Valde ergo orandum est ad Dominum, ut det nobis voluntatem bonam ad semper diligendum eum, quia si ipse non dat, non poterimus illam habere. Et propter hoc dicitur Deus interdum indurare nos, vel inducere in errorem, scilicet, quia non mouet efficaciter voluntatem nostram ad colendum eum. Sic dicitur Isaia 63. Domine pater noster, quare errare nos fecisti de vijs tuis, & indurasti cor nostrum ne sequeremur te? Recte ergo David orauit Dominum, ut continuaret istam voluntatem in populo, & in Salomone.

De quibusdam verbis dictis a David pro filio suo. Quæst. XIII.

QUÆRITUR ulterius cum David orasset hic Dominum, ut continuaret istam voluntatem in populo, quare postea subdidit: Salomoni quoque filio meo da cor perfectum, quia orando pro toto Israel orabat pro Salomone, cum ipse esset quædam pars Israel.

Aliquis dicet, quod hoc fecit David propter specialem affectionem. Nam specialiter diligebat Salomonem, quia erat filius suus: ideo orauit pro eo specialiter.

Sed dicendum, quod non stat, quia David multos alios filios habebat, ut patet infra in litera. Et si ista fuisset causa, etiam pro alijs orasset expresse.

Sed dicendum est, quod hoc fecit David propter multa. Primum fuit propter dignitatem Salomonis, quia ipse erat rex iam semel victus, & ipse solus erat tantæ dignitatis, sicut totus populus: ideo debuit pro ipso orare David specialiter, sicut pro toto populo. Secundum fuit, quia Salomon non erat pars Israel, quia erat rex: ideo non erat pars populi, sed super totum populum, sicut rector vniuersi non est pars vniuersitatis, sed super totam vniuersitatem rerum, ut colligitur 12. Metaphysicæ.

Tertium fuit, quia totum, quod orauerat David pro populo, pendebat ex Salomone: nam ipse futurus erat rex post David, & ex voluntate eius regeretur populus, & si ipse vellet inducere populum ad colendum Deum, saltem timore poenæ cogeret omnes ad obseruantiam legis. Si autem Salomon non haberet rectam intentionem ad Deum, dato, quod populus inclinaret ad colendum ipsum, nihil proficeret, quia propter regē omnia impedirent, sicut postea factum

um est. Nam Salomon fecit templa multa idolis propter amorem vxorum suarum, & ex illis populus accepit occasionem ad colendum idola. 3. Regum 11. Et quia ista templa erant in monte Oliueti, vocatus fuit mons ille mons offensionis, scilicet, quia populus offensus est ex templis illis, & incitatus est ad cultum idolorum, vt patet 4. Regum 23. & 3. Regum 11. Et propter hoc post mortem Salomonis tempore Roboam filij eius fuerunt omnes de regno Iuda impliciti idolatria, vt patet 3. Regum 14. & 15. Quartum fuit, quia Dauid volebat hic orare aliquid sponte pro Salomone, scilicet, quod Deus daret ei voluntatem edificandi templum, vt patet in litera. Et istud non erat oraturus pro aliquo de populo, ideo specialiter debuit orare pro Salomone.

Ex cuius expensis fuerunt oblata tot animalia.

Quest. XV.

QUARTUM Vltius cum hic oblata fuerint tot animalia, scilicet, tria millia, & multa libamenta cum eis, de cuius expensis ista offerrentur.

Aliquis dicet, quod offerebantur de expensis Sanctuarij, sicut offerebantur quotidie sacrificia de redditibus ipsis Sanctuarij. Sed dicendum, quod hoc non stat. Primo quia non fiebant ista sacrificia in Sanctuario: nam Sanctuarium erat in Gabaon tempore Dauid, vt patet supra 16. & 21. Ista autem sacrificia offerebantur in Ierusalem, quia ibi erant nunc omnes isti principes cum Dauid, vt patet precedenti capitulo. ideo non fierent de expensis Sanctuarij.

Secundo patet, quia dato, quod ista sacrificia fierent in Gabaon, vbi erat Sanctuarium, non fierent de expensis eius. Quia de expensis Sanctuarij fiebant sacrificia, quæ erant ordinaria. Alia autem, quæ erant accidentalia, fiebant a volentibus aliquid offerre. Sacrificia autem ordinaria erant quotidie duo agni anseri, & in Sabbathis duplicabantur. In solennitatibus autem, scilicet, Calendis, Phase, Pentecostes, die Clangoris, & Propitiationis, & Tabernaculorum fiebant alia sacrificia, quæ habentur expresse Numeri 28. & 29. Vltra illa autem nihil erat ordinarium, nec offerendum de expensis templi. Et tamen tot sacrificia, quot hic ponuntur, non pertinebant ordinarie ad solennitatem alicuius diei, vt patet Nu. 28. & 29. ideo non fuerant ista oblata de expensis templi. Sed dicendum est, quod oblata sunt de expensis Dauid, vel populi, vel vtrorumque simul, potius tamen credendum est, quod oblata fuerint de expensis Dauid, quia ipse congregauerat nunc istam multitudinem ad exhortandum illam, ideo ipse faceret etiam summum sacrificiorum. Nam sic quando vocauit populum ad arcam portationem ipse obtulit sacrificia omnia, & dedit cibos toti populo, vt patet 2. Regum 6. Et supra 16. Sic etiam Salomon quando congregauit totum populum ad dedicationem templi ipse obtulit sacrificia multa, vt patet 3. Regum 8. Et sequenti libro, capitu. 6. Et istud verisimilius est, quia nunc Dauid datus erat cibos toti populo congregato, quia ipse congregauerat eum. ideo offerret sacrificia, vt de carnibus illorum cibaretur populus, & faceret duo bona simul.

Vbi fuerunt facta ista sacrificia. Quest. XVI.

QUARTUM Vltius, vbi obtulerunt nunc Ierusalem sacrificia ista. Aliquis dicet, quod obtulerunt ea in Sanctuario Domini in Alph. Toft. In Lib. I. Paralip.

A Gabaon, quia ibi erat illo tempore, & etiam postquam coepit Salomon regnare, fuit ibi aliquanto tempore, cum Salomon iuerit illuc ad offerendum Domino holocausta, mortuo Dauid, tertio Regum tertio, & sequenti libro, cap. 1. Et non erat alius locus secundum legem, in quo posset sacrificium fieri, nisi Sanctuarium, vt patet Leuit. 17. & Deuteronom. 12. & Iosue 22. Sed dicendum, quod non stat, quia Dauid erat nunc in Ierusalem cum tota ista multitudine, vt patet precedenti cap. Ideo non fierent ista sacrificia in Gabaon. Aliquis dicet, quod facta sunt ista sacrificia in area Ornam Iebusæi, eo quod locus ille erat iam determinatus pro sacrificijs, quia quando Dauid obtulit ibi sacrificium pro cessatione pestis, & venit ignis de coelo super altare, supra vigesimoprimum, scilicet Dauid, quod ille erat locus ad offerendum sacrificia, & ait: Hæc est domus Dei, & altare in holocausta pro Israel, supra vigesimosecundo. Et tamen istud fuerat ante hoc aliquanto tempore, cum istud, quod habetur hic fuerit factum in fine vitæ Dauid. Ideo poterat nunc Dauid offerre ibi sacrificia. Dicendum, quod istud non apparet. Nam locus ille non fuit sanctificatus pro sacrificijs mox, vt venit ignis de coelo super illum, quia istud fuit solum ad significandum acceptionem illius loci pro vna vice. Postea autem non debebat ibi offerri sacrificium, quousque fieret ibi templum per Salomonem. Et istud significauit Dauid, dicens: Hæc est domus Dei, & altare ad holocaustum Israel, idest, hic fabricabit domum Dei, & altare pro holocaustis ponetur. Nunc ergo non sacrificaret ibi Dauid, & hoc colligitur aliquantulum, quia post mortem Dauid Salomon in principio regni sui laudatur de omnibus, nisi quod offerebat sacrificia in excelsis, idest, in altaribus, quæ erant extra Sanctuarium, vt patet tertio Regum tertio. Area tamen Ornam Iebusæi erat extra Sanctuarium, cum nunc esset Sanctuarium in Gabaon. Ideo non offerret ibi Dauid.

Dicendum igitur, quod Dauid obtulit ista sacrificia in Ierusalem coram arca foederis. Nam erat nunc arca in Ierusalem in domo Dauid, postquam ducta est de domo Obededom, secundo Regum sexto, & supra decimoquinto. Et mansit ibi usque post adificationem templi: nam tunc ducta est de domo Dauid, & introducta in templum Salomonis, vt patet 3. Regum octauo, & sequenti libro, cap. 5. Coram ista arca licebat offerre sacrificia. Nam quando portata est de domo Obededom in domum Dauid, oblata fuerunt coram ea multa sacrificia, vt patet secundo Regum 6. & supra decimoquinto. Nam post quoslibet iex passus offerebantur animalia multa, vt patet ibidem, & offerebantur etiam quotidie sacrificia coram arca. Nam Dauid constituerat sacerdotes, & Leuitas, qui ministrarent coram illa, & alios sacerdotes, & Leuitas constituit in Gabaon, vt ministrarent ibi, quia erat ibi tabernaculum Domini, supra decimo sexto. Et sic nunc offerrentur ista sacrificia omnia coram arca, quia ibi erat locus licitus, & intra Ierusalem, vbi nunc erat Dauid. Et cum ibi offerrentur, dicebantur offerri coram Domino, eo quod Deus specialiter erat in arca, vt dicitur sequenti questione. Cum autem obijcitur, quod non licebat offerre sacrificia, nisi in Sanctuario: dicendum, quod de lege communium verum erat, & tamen specialiter licuit offerre sacrificia coram arca, vt probatum est supra 16. Et oblata sunt, vbiunque illa esset. Nam quando portata est de terra Philistinorum, & venit in agros Bethsames, coram ea oblata sunt victimæ multæ, 1. Reg. 6. Et cum portaretur de domo Obededom in domum

David offerebantur coram ea sacrificia per viam, secundo Regum sexto, & supra decimo quinto. Et postquam locata est in domo David sub tentorio, quod parauerat ei, oblata fuerunt sacrificia coram ipsa, ut patet supra decimo sexto. Ita ergo nunc liceret offerre ibi, & ibi David offerret omnia hæc.

De veritate aliquorum verborum, quæ hic dicuntur, scilicet, quod populus comedit, &c. Quæst. XV II.

QUÆRITUR vterius quomodo dicitur hic, quod populus Israel comedit, & bibit nunc coram Domino.

Aliquis dicit, quod hoc fuit, quia ubicunque homo sit, coram Domino est, cum Deus sit vbique. Ideo ubicunque comederent Israelitæ, necessario comedebant coram Domino. Dicendum tamen, quod non stat, quia tunc non esset aliquid speciale, quia non solum nunc comederent Israelitæ coram Domino, sed quodcumque comederent, coram Domino comederent, & omnia alia facerent, & sic scriptura non curaret nunc dicere, quod comedebant coram Domino, quia accipiendo isto modo manifestum erat. Nam scriptura non curat replicare ea, quæ notissima sunt.

Dicendum ergo, quod Israelitæ dicebantur comedere nunc coram Domino, quia comedebant in aliquo loco, in quo Deus specialiter erat. Et istud erat in tabernaculo illo, in quo erat arca. Nam ibi facta sunt sacrificia ista, quæ habentur in litera, & comedit populus de sacrificiis ibi. Nam ista erat lex sacrificiorum pacificorum, quod quædam pars eorum cremaretur in altari, scilicet, adipēs, & renēs, & cauda interdum, & quædam pars sacerdotibus proveniret, scilicet, pectusculum, & armus dexter, & reliquæ carnes provenirent offerentibus, Levit. 3. & 7. Et illæ partes, quæ proveniebant offerentibus comedebantur ab eis in Sanctuario, & ibi coquebantur, ut colligitur primo Regum secundo. Et sic dicebantur tunc offerentes comedere coram Domino, quia comedebant in Sanctuario, ubi specialiter Deus erat. Ita nunc dicebantur comedere coram Domino, id est, coram arca. Nam quia dandum est, quod plurima istorum sacrificiorum essent pacifica, & multæ carnes ipsorum provenirent David offerenti, ipse autem daret illas populo, quia quilibet offerens, poterat invitare quoscunque veller ad comedendum de carnibus sacrificiorum, quæ ipse obtulerat, dum tamen illi essent mundi, ut colligitur Deuteronomi. duodecimo, ubi Deus iubet, quod quando Israelitæ facerent sacrificia, & comederent coram Domino invitarent Levitas, & peregrinos, & alios pauperes ad comedendum. Dicebantur autem comedere omnes coram Domino nunc, quia coram arca comedebant, & tamen ibi representabatur Deus specialiter. Nam in Sanctuario, & qualibet parte Sanctuarii representabatur Deus. Nil tamen erat, in quo manifestius representaretur, quam in arca: nam ibi representabatur Deus: nam audiebatur Deus loquens, & respondens ad dubia. Quodcumque enim Moyses dubitabat in aliquo, ingrediebatur in Sancta sanctorum, & audiebat vocem loquentis ad se de propitiatorio super arcam, Numeri 7. Et istud non fiebat in alia parte Sanctuarii. Ideo qui erat coram arca erat specialissime coram Deo. Et sic Israelitæ dicebant, quod Deus sedebat super arcam inter Cherubim, & non dicebatur sedere in alio loco Sanctuarii, 2. Regum 8. & Psal. 79. Recte ergo populus comedebat nunc coram Domino, cum comederent coram arca, scilicet, in domo illa, in qua erat arca. Et vixerunt. Hic ponitur 3,

huius cap. scilicet, Salomonis unctio, & dicitur. Et vixerunt secundo Salomonem filium David. Scilicet, Iterum unctus fuerat Salomon in regem, & tamen nunc secundo unctus est propter causas, quæ ponentur infra in quadam questione. Vixerunt autem Domino in principem. Id est, Vixerunt Salomonem in principem, id est, in regem Domino, id est, ad servitium Domini, quia colebatur Deus in hoc, quod vngeretur Salomon in regem. Et Sadoc in pontificem. Ille est Sadoc, de quo dictum est supra 24. quod erat princeps sacerdotum de domo Eleazar, & nunc factus est pontifex, id est, summus sacerdos, de quo infra declarabitur. Sed etque Salomon super solium Domini in regem. Id est, Postquam Salomon unctus est secunda vice in regem, sedit super solium Domini, id est, super thronum regni, qui vocatur solium Domini, eo quod specialiter pertinebat ad Deum regnum Israel, ut declaratum est precedenti cap. in quadam questione. Pro David patre suo. Id est, Factus est rex loco David patris sui. Et cunctis placuit. Scilicet, Omnes Israelitæ lætati sunt, quod Salomon constitueretur in regem. In Hebræo dicitur. Et profuit. Scilicet, Profuit, quod Salomon ista secunda vice vngeretur in regem, scilicet, quia nunc consenserunt, & omnes Israelitæ, quod prius non fecerant. Et paruit illi omnis Israel. Scilicet, Obediuerunt ei tanquam regi omnes de populo Israel. Sed & universi principes, & potentes. Dixerat de popularibus, quod subiecti fuerant Salomoni, hic exprimitur specialiter de potentibus, & principibus regni, quod subiecti fuerunt ipsi Salomoni. Et cuncti filij regis. Habebat enim David multos filios, sicut dicitur precedenti cap. Et plurimi illorum adhuc vivebant, & omnes illi obediuerunt Salomoni. Et sic etiam Adonias, qui prius restiterat Salomoni, consensit nunc eius unctio. Dederunt manum. Id est, Dederunt adiutorium ad hoc, quod Salomon vngeretur. Vel dederunt manum, id est, consenserunt, quod vngeretur. Et subiecti fuerunt regi Salomoni. Scilicet, Sponte se subiecerunt, & tanquam regi. Nam licet in quantum fratres essent æquales, tamen in quantum Salomon erat rex, & illi non, fuerunt minores ipso, & subditi ei.

Magnificavit ergo Dominus Salomonem super omnem Israel. Scilicet, Fecit eum maiorem, quam totum Israel, eo quod ipse erat rex totius Israel. Vel dicitur magnificatus super Israel, quia Deus confirmavit regnum eius, & fecit eum nimis potentem. Et dedit illi gloriam regni. Id est, Magnam excellentiam, & honorem in regno. Qualem nullus habuit ante eum rex Israel. Scilicet, Nullus de Regibus precedentibus fuit tam honorabilis, & tam inclytus, & potens, & dives, & sapiens, sicut infra dicitur in quadam questione.

De prima vice unctionis Salomonis. Quæst. XVIII.

QUÆRITUR cum hic dicatur, quod unctus est Salomon secundo in regem, quando unctus fuit prima vice.

Dicendum, quod Salomon fuit unctus bis, & alii qui putant quod ter. Prima vice unctus fuit viuentis David cum iam agrotaret. Cuius causa fuit unctio Adonias fratris sui in regem. Nam David inciderat in quandam aegritudinem magnam, scilicet, quod totum corpus suum erat in frigidum. Ita quod licet operiretur vestibus, non caleferebat. Vnde quæsit Adonias filius David insurrexit, dicens: Ego regnabo, & fecit se vngi in regem, consentientibus sibi mul-

tis principibus, & magna parte populi. Habuit autem Adonias multa incentiua ad faciendū hoc. Primum erat, quia ipse erat primogenitus inter superstitēs filios Dauid. Nam Amnon, & Absalon mortui fuerunt 2. Regum 13. & 18. Et tamen post Absalonem in ordine natiuitatis sequebatur Adonias, ut patet 3. Regū 1. Putauit ergo ex iure primogenitura sibi prouenire. Secundum erat, quia Adonias diligebatur nimis a patre suo Dauid, & credebatur, quod non daret alteri regnū, & tantum superbiuit presumens de ista dilectione, quod non solum putauit, quod regnum sibi proueniebat, sed etiam uiuēte Dauid uoluit sibi regnum accipere. Vnde fecit sibi currum, & quinquaginta viros, qui praeceperunt eum, & iste erat habitus regalis, & super hoc dicebat Adonias, ego regnabo, & tamen Dauid cum diligeret eum non increpuit ipsum 3. Regum 1. cap. Tertium mortuum fuit egritudo Dauid, quia cum nimis egrotaret nec surgeret de lecto, & putaret eum iam Adonias morti propinquum, credidit, quod non posset in hoc prouidere, etiam si uellet contrarium facere. Ideo ausus est facere istud. Quartum fuit magnus fauor, quem habebat Adonias, quia cum eo erat Ioab princeps militiæ Dauid, & Abiathar summus sacerdos, & multi alij principes, ut patet 3. Regū 1. Ideo fauore eorum fultus putauit, quod nullus ei posset resistere. Ideo publicè fecit se vngi in regem uiuente Dauid 3. Regum 1. Et tunc vnctus est Salomon iubente Dauid eodem die, & ista fuit prima vnctio. Post hoc transiuit aliquantum tempus, & facta est ordinatio sacerdotum, & Leuitarum secundum officia sua, & postea congregauit Dauid totam multitudinem principum, & hortatus est eos de custodia legis, & de templi adificatione. Obtulerunt postea munera, quæ habentur hic. Deinde obtulerunt sacrificia. Et ad ultimum vnixerunt Salomonem in regem. Quod autem fuerit iste ordo, patet, quia supra 23. Dicitur, quod Dauid senex, & plenus dierum constituit Salomonē in regem, & postea sequitur ibi in eodem capitulo, & in omnibus sequentibus usque ad vicesimum septimū de ordinatione sacerdotum, & Leuitarum. Hinc autem ponitur vnctio secunda Salomonis. Ideo illa, quæ ponitur supra 23. fuit prima. Et inter illam, & istam acciderunt omnia, quæ habentur in medio. Dicendum etiam, quod non fuit magnum tempus inter istam, & illam. Aliqui autem putant, quod Salomon vnctus fuerat tertia vice post mortem Dauid, sed de illa nō apparet. Non est tamen inconueniens, quod fuerit tertia vnctio.

Quare bis fuerit vnctus Salomon in regem.
Quæst. XIX.

QUÆRITUR vltius quomodo Salomon vnctus est bis, quia sufficiebat eum semel vngi. Nam vnctio erat cōsecrari aliquem in regem, & per hoc videbatur dari sibi titulus regni, iussit tamen semel dari titulum, immo non poterat sepe dari, quia quod meum est ex vna causā, ex altera meum esse non potest, nisi desierit esse meum. Et tamen postquam semel Salomon vnctus est, & acquisit regnum, illud nunquam perdidit. Ideo non potest pluribus vngi. Aliquis dicet, quod vnctus est Salomon pluries, quia consuetudo erat, quod reges se vnctus esset. Nam patet de Saule, qui saltem bis vnctus est. Nam primo vnctus est in Gulgala a toto populo 1. Regum 11. Sic etiam fuit de Dauid, qui tertio vnctus est. Primo per Samuelem in domo patris sui in Bethlehem 1. Regum 16. Secundo per populum Iuda, quando factus est rex super Iudam 3. Regum

A 2. Tertio per totum Israel, quando factus est rex super totum Israel 2. Regum 5. Et supra 11. Dicendum, quod non erat consuetudo, quod reges pluries vngerentur, sicut nec sacerdotes pluries consecrantur. Et ratio est, quia in sacerdotibus, & alijs ministris per vnicam consecrationem acquiritur character, vel ordo, ita etiam in regibus per vnicam vnctionem acquiritur titulus regni. Ideo non vngitur idem rex pluries. Et sic apparet, quia in toto veteri testamento non reperiretur de aliquo rege, quod vnctus fuerit pluries nisi de ipsis tribus, scilicet, de Saule, Dauid, & Salomone. Causa autem specialis fuit in istis, ut pluries vngerentur, quæ declarabitur sequenti questione. In alijs autem non accidebat eadem causa, ideo semel vgebantur. Et sic fuit in Salomone. Nam ad acquirendum titulum regni sufficit ei vnctio prima. Fuit tamen secundo vnctus propter aliquam causam, de qua dicetur sequenti questione.

De causa vnctionum Salomonis. Quæst. XX.

QUÆRITUR vltius, quæ fuit causa, ut Salomon sepe vngeretur. Aliquis dicet, quod fuit eadem causa quæ in Saule, & Dauid qui vncti sunt pluries, ut dictum est præcedenti questione.

C Dicendum, quod non fuit, quia illi vncti fuerunt ex alijs causis, quæ nullo modo conuenerunt Salomoni. Patet de Saule: nam fuit vnctus Saul bis. Prima vice per Samuelem 1. Regum 10. Et secunda vice per totum populum eodem libro, cap. 11. Et ratio huius fuit, quia prima vice vnctus fuit Saul in secreto. Nullus enim vidit aut scivit vnctionem illam. Vnde cum iret puer quidam cum Saule iussit Samuel, quod ille puer præcederet, ne videret quomodo vngeretur Saul 1. Regum 10. Postea autem factus est rex publicè. Ideo rationabile fuit, quod iterum vngeretur. Quia aliàs non putaret populus eum esse vnctum in regem. Debuit ergo vngi iterum. Et vnctus est in Gulgala 1. Regum 11. In Dauid etiam fuit alia causa. Nam prima vice vnctus est Dauid secrete in domo patris sui per Samuelem. Nec ausus est manifestare Samuel ad quid veniret in Bethlehem, sed potius finxit aliam causam, ut patet 1. Regum 16. Secunda vice vnctus est Dauid publicè super tribum Iuda, & ista secunda vnctio erat necessaria, quia prima fuerat occulta. Tertio vnctus est in regem super totum Israel 2. Regum 5. Et supra 11. Et fuit ista vnctio manifesta, tamen non sufficit secunda, eo quod illa vice fuit vnctus Dauid rex super solam tribum Iuda. Ista autem tertia vice vnctus est super totum Israel. Et sicut si aliquis rex successiue esset rex diuersorum regnorum, oportebat eum pluries vngi: Ita cum Dauid factus fuerit primo rex super Iuda, deinde super totum Israel, vngi debebat pluries. In Salomone autem non fuit eadem causa, quæ in Saule, scilicet, quod prima vnctio esset occulta, secunda manifesta, quia vtrique facta est publicè. De prima patet 3. Regum 1. Nam totus populus, vel maior pars duxit eum in Gion super montem Dauid, & ibi vnctus est in regem. Secunda etiam vnctio publica fuit, quia interfuit ibi totus populus, & filij regis, ut patet in littera. Non fuit etiam ibi causa, quæ in Dauid. Nam Dauid vnctus est super Iudam, & deinde super totum Israel. Et quia ista erant duo regna, conueniens fuit bis vngi Dauid in regem. Salomon autem fuit vnctus vtrique vice super totum Israel: ideo non erat eadem causa, quæ in Dauid. Sed dicendum est, quod Salomon vnctus fuit bis propter discordiam. Nam prima vice vnctus est in discordia, eo quod Adonias vnctus fuerat in regem a multis principibus, & a quadam

dum parte populi. Et Salomon vnctus fuit tunc ab aliis, Quia ergo volebat Dauid relinquere statum Salomoni secutum, voluit quod vngeretur iterum. Nam si moreretur Dauid, & non esset Salomon vnctus nisi prima vice, cum illa vnctio facta fuisset in discordia, Adonias posset ex sua vnctione putare, quod aliquod ius sibi erat quasitum, cum vtraque facta fuisset in discordia. Et cum haberet Adonias magnū fauorem, quasito isto colore, posset contra Salomonem procedere post mortem Dauid, & fieret bellum inter filios eius. Ideo voluit viuens concordare filiorum suorum discordantes intentiones. Potissime quia cum fuissent multi principes in vnctione Adonias, vt patet 3. Regum 1. & illi non consenserant in vnctione Salomonis, posset post mortem Dauid rebellare contra Salomonem non accipiendo eum in regem. Conueniens ergo fuit fieri aliam vnctionem. Secundum fuit, quia voluit Dauid, quod Salomon constitueretur rex cum magno honore. In prima vice tamen non fuerat vnctus cum tanto honore, sicut decebat, cum esset vnctio in discordia. Ideo nunc debuit vngi iterum in concordia, & honoraretur nimis cum omnes consentirent. Tertium fuit, quia in vnctione prima Salomonis fuerunt multi de principibus contrarii, qui fauebant Adonias. Ideo oportebat eos reconciliari Salomoni, vt reciperent eum in regem. Et quia nunquam conuenientius poterat fieri istud quam nunc, eo quod nunc erant congregati omnes principes de regno ad oblationem, quæ habetur supra: ideo nunc debuit secundo vngi, & ista etiam est causa, quare vnctus fuit viuente Dauid, quia regulariter non debebat vngi aliquis in regem, nisi post mortem prædecessoris. Et sic intendebat facere Dauid, scilicet, designare quis de filiis suis succederet ei, vt post mortem eius vngeretur, quia tamen vidit istam discordiam, fecit vngi Salomonem se viuente.

An Salomon poterat vngi viuente Dauid.

Quest. XXI.

QUÆRITUR vltcrius, quomodo Salomon poterat vngi viuente Dauid, quia tunc aliquo tempore essent duo reges simul super totum Israel. Dicendum, quod vnctus est Salomon viuente Dauid ex causa supra dicta. Et tamen non sequebatur aliquod inconueniens ex illa vnctione, scilicet, quia nec sequeretur, quod essent duo reges, nec etiam, quod Dauid renunciaret regno, ita vt viuens desineret esse rex. Dicit ergo aliquis, quod Salomon vnctus est in regem, & tamen ex ista vnctione non acquirebat titulum regni, sed solum erat quædam designatio, vt post mortem Dauid certum esset, quis deberet succedere in regno: & sic viuente Dauid ipse solus esset rex.

Dicendum, quod non stat, quia si ista esset solum quædam designatio successoris, nõ curaret Dauid facere Salomonem vngi in regem, sed nominaret eum in successorem sibi, & tamen fecit eum vngi in regem. Ideo videtur, quod ista vnctio conferebat maius ius quam nominatio, scilicet, quod faceret Salomonem esse regem. Secundo patet, quia Salomon fecit nunc aliquos actus regis, scilicet, sedit super thronum regni. Et istud pertinet ad possessionem, vel quasi possessionem iuris regni. Nam nemo sedere debet in solio regni, nisi qui rex est. Etiam principes, & totus populus sub eum fuerunt nunc Salomoni, & obediuerunt ei, vt patet in litera. Et tamen istud non pertinet nisi ad regem. Ideo Salomon habet titulum regni per istam vnctionem. Dicendum est, quod Salomon

acquisiuit nunc titulum regni per istam vnctionem, & fuit verus rex, sicut Dauid, & poterat facere omnes actus regis. Cum autem obicitur, quod essent duo reges simul super totum Israel, & non poterant duo intolidum esse reges eiusdem regni.

Dicendum, quod Dauid erat rex, & fuit quindiu vixit ad ministracionem regni. Salomon autem factus est rex. Ideo poterat administrare. Et tamen non factus est rex, vt administraret tunc, sed mortuo Dauid. Ideo non sequebatur aliquod inconueniens, quia licet duo essent reges, vnus tamen centebatur, eo quod vnus administrabat solum, & alius non fuerat factus ad administrandum. Et sic quantum ad ius regni Dauid, & Salomon erant æquales. Et tamē quantum ad ministracionem Salomon erat quasi non esset rex. Fuit autem hoc factum, quia si Dauid solum nominasset Salomonem successorem suum, non propter hoc erat ille rex, sed habebat ius ad regnandum. Oportebat tamen ad hoc, quod esset rex, quod postea vngeretur, & constitueretur in regem. Istud autem poterat impediri, ideo poterat fieri, quod Salomon non esset rex. Et quia Dauid volebat, quod nullum dubium maneret post mortem eius, fecit quod Salomon vngeretur in regem, vt post mortem eius nihil restaret agendum, cum iam Salomon esset factus rex, & omnes recepissent eum, & incepisset possidere, vel quasi possidere ius regni. Et sic non possent iam contra eum aliquid obicere. Et non potuit hoc per aliquem alium modum fieri, nisi constitueretur in regem, ideo viuente Dauid constitutus est.

An Adonias peccauerit surgens contra Salomonem.

Quest.

XXII.

QUÆRITUR vltcrius cum Salomon fuerit hic receptus in regem per omnes Israel, an peccauerit Adonias insurgendo contra Salomonem, vt vsurparet regnum, & Ioab, & Abiathar fauendo ei, & an peccauerit Salomon occidendo Adoniam, & Ioab. Pro hoc sciendum, quod Adonias, & Ioab, & Abiathar bis fuerunt contra Salomonem. Primo quando fecerunt, quod vngeretur Adonias in regem, 3. Regum 1. Ius tamen regni pertinebat ad Salomonem. Iterum autem postquam Salomon vnctus est in regem, & mortuus est Dauid, conabatur Adonias subtrahere regnum per fraudem, sicut dixit ipse Salomon, 3. Regum 2. Et tunc fauebant ei Ioab, & Abiathar, vt patet ibidem. De prima iniuræ contra Salomonem, quæ habetur 3. Regum 1. Non queritur hic, eo quod non erat tunc Salomon vnctus in regem, nec conabatur, an esset ipse regnaturus. Ideo licet Adonias faceret se vngi in regem, non videbatur facere contra Salomonem, sed potius contra alios filios Dauid, qui erant maiores quam Salomon. Et videbatur eis potius competere ius regni, quam Salomoni. Sed queritur de secunda vice, quod fuit postquam Salomon vnctus est in regem. Et respondendum ad hoc, quod Abiathar insurgendo contra Salomonem causa est, quia isti sciebant, quod Salomoni competebar ius regni ex diuina electione. Nam Dauid testificatus est, quod Deus elegerat illum, vt patet supra in litera. Et tenebantur ibi credere, cum non haberet ipse maiorem causam diligendi Salomonem, quam aliquem de aliis filiis, præsertim cum alij essent maiores. Etiam quia ipse Dauid diligebat nimis Adoniam, vt patet 1. Regum 1. Etiam quia dato, quod negare vellent alij filii Dauid Salomonem esse electum a Deo in regem, poterat hoc probare Dauid testimonio Prophetæ Nathã, qui nunciauerat istam electionem diuinam ipsi Dauid.

uid 2. Regum 7. & 12. Et supra 17. Et tenebantur credere filij Dauid Prophetæ, quia si opus esset ille ostēderet aliquod signum ad probandum ea, quæ dicebat sicut consuetudo erat alijs Prophetis Deutero. 13. Secundo probant, quia Dauid elegerat Salomonem, ut esset rex de omnibus filiis suis. Erat tamen in potestate patris aliquid de hoc, scilicet, præponere non primogenitum ipsi primogenito quantum ad ius regni, licet non quantum ad alias successiones communes. Sic enim patet de Roboam filio Salomonis, qui habuit multos filios. Et licet Abia non esset primogenitus eius, constituit eum principem omnium filiorum suorum, & fecit illum esse regem, ut patet sequenti libro, cap. 12. Dauid tamen elegerat Salomonem, & iusserat eum vngi in regem, & bis vñctus est. Postea autem Salomoni repugnauit ipse Adonias, & Ioab, & Abiathar. Nam fecerunt contra illum, ut usurparet sibi regnum, ut patet 3. Regum 2. Ideo peccabant. Tertio patet, quia isti susceperant iam Salomonem in regem. Nam in ista secunda vice omnes filij regis, & omnes principes populi receperunt Salomonem, & obediuerunt ei, ut patet in littera. Quod ergo postea repugnarent, peccatum erat, fecerunt tamen hoc, quia viuentē Dauid timebat Adonias rebellare contra præceptum eius, quia non solum priuaretur iure regni, sed etiam sorte omnibus alijs bonis, & forte occideretur. Ioab quoque, & Abiathar non ausi sunt rebellare cōtra Dauid, quia totus populus sequebatur ipsum. Ideo cum viderent, quod voluntas Dauid esset, quod Salomon constitueretur in regem obediuerunt, & receperunt illum in regem, tenentes in corde intentionem rebellandi cōtra eum data sibi opportunitate post mortem Dauid. Et sic facere moliebantur, nisi Salomon præuenisset eos occidendo Adoniam, & Ioab 3. Regum 2.

An Salomon peccauit occidendo Adoniam, & alios surgentes contra ipsum. Quæst. XXIII.

QUÆRITUR vterius an peccauit Salomon occidendo istos, quia iniuriuerunt contra eum, cum recepissent eum in regem. Respondendum, quod secus est de Ioab, quā de Adonia. Nam licet ambo communicauerint in hoc, quod surrexerint contra Salomonem, tamen Ioab erat reus mortis ex alia causa. Nam Dauid iusserat Salomoni, quod occideret Ioab, & posuit ad hoc multas causas 3. Regum 2. Et dato, quod non fuisset contra Salomonem, occideret eum iussu Salomonis. De Adonia autem secus est, quia ille non erat reus mortis ex alia causa, nisi forte ex illa esset. Et dicendum est, quod si quaratur de prima insurrectione, scilicet, quando Adonias fecit se vngi in regem: Dicendum, quod non peccauit, quia tunc nesciebat Adonias an præiudicabat Salomoni, eo quod nondū ille vñctus fuerat in regem. Nam apparebat an ius regni competebar ei, quia erant alij maiores eo, ad quos prius deuolueret ius regnandi quā ad Salomonem dato, quod Adonias non regnaret, & sic videbatur, quod Salomon erat electus a Deo, & præiudicabat ei Adonias faciendo se vngi in regem. Dicitur, quod forte nesciebat Adonias an Salomona Deo electus esset, & sic non putabat se agere contra ius eius. Si autem queratur de secunda insurrectione dicendum, quod peccauit Adonias, quia iam vñctus fuerat Salomon in regem bis, & ipse Adonias susceperat nūc Salomonem in regem, cum dicitur, quod omnes filij regis obediuerunt Salomoni, & dederunt ei manum. Ideo poterat Salomon pro ista secunda insurrectione iuste occidere Adoniam, pro prima autem non, quia non

A peccauit, ut supra dictum est. Et dato, quod peccasset, Salomon pepercit ei: nā postquā Adonias sciuit vñctum esse Salomonem in regem, fugit ad tabernaculum Domini, & tenuit cornu altaris, & dixit, non egrediar hinc nisi iuret rex Salomon, quod non occidat me 3. Regum 1. Et tunc Salomon dixit, si fuerit vir bonus, non cadet, nec vnus capillus eius in terrā, sin autem malum inuentum fuerit in eo, morietur. Itiam nunc omnes filij regis receperunt Salomonem in regem, & verisimile est, quod Dauid concordaret eos, scilicet, quod Salomon remitteret si habebat cōtra fratres suos, & fratres eius obediunt sibi. Et post istam concordiam Salomon non posset licite aliquid innouare occidendo Adoniam, nisi aliqua causa nasceretur. Et sic Salomon occidit Adoniam non pro prima insurrectione, sed pro secunda, quia cauilliose volebat usurpare regnum petēdo Abisag in vxorem, quæ erat in sinu Dauid, quando viuebat 3. Regum 2.

De vñctione Sadoc in pontificem. Quæst. XXIII.

QUÆRITUR vterius quomodo vñctus est in pontificem nunc Sadoc. Nam ipse ante hoc erat pontifex, scilicet, quia duo erant pontifices simul, Achimelec filius Abiathar, & Sadoc, ut patet supra 24. Et ibi declaratum est.

Aliquis dicit, quod ante hoc erant duo pontifices, & tamē nunc priuatus est Abiathar pontificatu, quia fouerat partes Adoniæ cū primo vñctus est in regem.

Sed dicendum, quod hoc non stat, quia Abiathar non fuit priuatus summo sacerdotio tempore Dauid, sed tempore Salomonis post mortem Dauid. Ipse enim eiecit eum, ne esset summus sacerdos 3. Regum 2.

Secundo patet, quia Sadoc non fuit nunc vñctus pro eiectione Abiathar, quia istud factum est multo postea, scilicet, postquā Salomō occidit Adoniam, & Ioab, priuauit Abiathar sacerdotio. & loco eius fecit, quod vngeretur in pontificem Sadoc, ut patet 3. Regum 2. Ergo vsque ad tempus illud non vñctus est Sadoc loco Abiathar. Et tamen ista vñctio fuit ante illam, scilicet, viuentē Dauid. Ergo non fuit pro eiectione Abiathar, sed pro aliquo alio.

Aliquis dicit, quod fuit facta ista vñctio, eo quod ante hoc nullus erat pontifex, scilicet, Sadoc, non erat pontifex, nec Abiathar, nec Achimelec, sed solum erant duo principes summi sacerdotum in duabus domibus, Achimelec in domo Ithamar, & Sadoc in domo Eleazar: ideo vñctus est nunc Sadoc in summum sacerdotem, ut aliquis haberet dignitatē istam.

Dicendum, quod hoc non stat, quia isti duo scilicet, Sadoc, & Achimelec erant summi sacerdotes, & principes duarum familiarum, sicut declaratum est supra 24. in quadam questione.

Sed dicendum est, quod Sadoc vñctus est nunc in pontificem, & iterum mortuo Dauid vñctus est in pontificem. Causa autem vñctionis istius fuit, quia Sadoc fuerat summus sacerdos tēpore Saulis occiso Achimelec patre Abiathar. Et postea redeunte toto regno Israel ad manum Dauid, fuit princeps sacerdotum sub Dauid, & tamen sorte nunquam fuerunt seruata caremonia vñctionis in ipso Sadoc. Et nunc Dauid fecit, quod vngeretur. Iterum autem vñctus est Sadoc in pontificem pro Abiathar, quando ille eiectus est, ut patet 3. Regum 2. Et ex hoc etiam patet, quod Abiathar, & Sadoc erant simul summi sacerdotes tempore Dauid. Nam nunc Sadoc vñctus est in summum sacerdotē, & iterum eiecto Abiathar vñctus est loco illius istemet Sadoc. Ideo erat Abiathar summus sacerdos, quia alijs non vngeretur loco eius Sadoc.

De quibusdam verbis, quæ habentur hic, scilicet, Vnixerunt Salomonem Domino in principem. *Quest. XXV.*

QUÆRITUR vltcrius cur dicitur hic, quod vnixerunt Salomonem Domino in principem, & Sadoc in pontificem, quia ponitur hic per modum acquisitionis Domino, cum non dicatur absolutæ, quod vnixerunt Salomonem in principem, & Sadoc in pontificem, sed superadditur ibi Deo siue Domino.

Respondendum, quod istud ponitur per modum cuiusdam acquisitionis, quasi ex ista vnctione aliquid Deo acquisitum fuerit. Pro quo sciendum, quod vnctio Salomonis fuit facta quasi ad vtilitatem Dei, vel propter Deum propter duo. Primo quia fiebat obediendo electioni eius. Nam secundum iura primogenituræ ius regnandi non pertinebat ad Salomonem, cū esset minimus filiorum Dauid, sed prius ad omnes alios. Et tñ, quia Deus elegerat eum, totus populus voluit, quod vngeretur. Secundum fuit, quia Salomon, quasi dedicabatur Deo ad fabricandum ei domum, quod non posset facere, nisi esset rex, ideo populus vngens eum in regem, vnxit eum Domino, scilicet, ad cultum Domini, & Sadoc in pontificem, quia vnctus est in summum sacerdotem, & summus sacerdos ministrabat in officiis cultus diuini. Nam ad solum summum sacerdotem pertinebat introire in Sancta sanctorum, & expiare pro peccato populi in die propitiationis, vt patet Leui. 16. Et ad Hebræ. 9.

De gloria magna, quam habuit Salomon.
Quest. XXVI.

QUÆRITUR vltcrius, quæ fuit gloria ista magna, quā habuit Salomon, scilicet, in quo fuit, & quomodo fuit gloriosior omnibus regibus Israel, qui fuerunt ante eum. Respondendū, quod gloria Salomonis fuit in multis. Primum fuit in diuitiis, scilicet, quia nullus fuit ditior eo inter reges sicut patet ex auro, & argento, quod ipse habebat quolibet anno variis modis 3. Reg. 10. Et sequenti lib. cap. 9. ita quod in diebus eius argentum nullius valoris reputabatur, sed dedit multitudinem argenti in Ierusalem quasi lapidum, & multitudinem cedrorum, sicut sicomororū, quæ nascuntur in syluestribus, vt patet sequenti lib. cap. 1. & 9. Secundum fuit in sapientia, quia nullus rex fuit tam sapiens, sicut ipse. Nam excedebat oēs homines in sapientia, scilicet, Orientales, & Aegyptios vt patet 3. Reg. 3. & 4. Tertium fuit in magnitudine pacis. Nam nullus rex fuit in Iuda nec in Ierusalem, cuius tempore tanta pax esset, vnde vocatus est vir quietissimus supra 22. Etiam ab ista pace accepit nomen. Nam vocatus est Salomon, id est, pacificus eodem cap. Dicitur etiam, quod excessit oēs reges Israel, qui ante eum fuerunt. Isti enim fuerunt tres, scilicet, Saul, Isboseth, & Dauid. Nam nulli alij præcesserant Salomonem. Nam primus fuit Saul 1. Reg. 9. & 10. Et successit Isboseth filius eius 2. Reg. 2. Et post ipsum fuit Dauid eodem lib. cap. 5. Et post Dauid fuit Salomon, vt patet hic. De istis manifestum est, quod Salomon præcessit eos: Nam in diuitiis præcessit Saulem, quia Saul fuit pauper, nec in tempore eius fuit multitudo diuitiarum, sed rusticane vivebat. De sapientia manifestum est, quod Saul non fuit sapiens, licet bis prophetauerit 1. Reg. 10. & 19. De pace manifestum est, quia omnibus diebus Saulis erat bellum potens contra Philistinios 1. Reg. 14. Et tamen toto tpe Salomonis fuit pax supra 23. & 3. Reg. 4. Etiam apparatu regio, & bellico excessit Salomon Saulem, quia Saul non legitur habuisse currus, & equites, Salomon autem habuit quadraginta millia præsepia equo-

rum currilium, & duodecim millia equestrium 3. Reg. 4. Præcessit etiam Salomon Isboseth, quia Isboseth pauper fuit, & infelix toto tpe, quo regnavit. Nam non habuit nisi vndecim tribus Israel minores: Dauid autem habebat tribum Iuda, quæ erat maxima. Et etiam illas vndecim tribus non plene habebat ipse, quia multi viri de illis tribubus recesserunt ab Isboseth, & adhererunt ipsi Dauid, vt colligitur 2. Reg. 3. Et supra 12. Etiam Isboseth non fuit sapiens, sed vir simplex, & inutilis. Etiam in pace excessit eum, quia tpe Isboseth semper fuerunt bella, quandiu enim regnavit erat contentio longa inter domum eius, & domum Dauid 2. Reg. 3. Etiam apparatus bellicus nullus erat apud Isboseth, & etiam erat maximus apud Salomonem. De Dauid etiam patet, fuit enim Dauid valde diues, quia ex multis bellicis acquisiuit multas diuitias, quas obtulit pro edificatione templi 2. Reg. 8. Et supra 18. Salomon autem multo plures habuit, ita vt diuitiæ Dauid in comparatione diuitiarum Salomonis, potius essent paupertas, quā diuitiæ, vnde Dauid vocauit se pauperem, dicens, ego autem in paupertate cula mea præparavi impenis domus Dñi. Fuit etiam Salomon sapientior quā Dauid, quia Dauid non legitur fuisse sapiens, nisi in canticis faciendis. Salomon autem fuit sapiens circa omnia naturalia, vt patet 3. Reg. 4. Fuit etiam maior pax in diebus Salomonis quā in diebus Dauid: nam tempore Dauid fuerunt multa bella, vt patet per totum discursum secundi Regum: tempore autem Salomonis fuit quasi semper pax. Vnde Dauid propter hoc prohibens est edificare templum, scilicet, quia erat vir sanguinum infuetus semper bellis, & non poterat vacare adificationi templi supra 22. cap. & præcedenti cap. Fuit etiam maior apparatus regius ipsi Salomoni quā Dauid in equis, & curribus, quia Dauid non legitur habuisse nisi centum currus, quos seruauit de victoria, quā habuit contra Syros 2. Reg. 8. Et supra 18. Salomon autem habuit quadraginta millia, præsepia equorum currilium, & duodecim millia equestrium, 3. Reg. 4. Etiam habuit Salomon arma aurea, scilicet, scuta de auro purissimo ducenta, & trecentas peltas, & ducentas hastas, omnia hæc de auro purissimo, 3. Reg. 10. & sequenti lib. cap. 9. Dauid autem nihil tale habuit. Excessit etiam illum in gloria adificationum, quia fecit Salomon domum sibi, & domum filie Pharaonis, & domum saltus Libani, quarum opus erat mirabile, vt patet 3. Reg. 7. Excessit etiam Salomon ipsum Dauid in gloria throni, quia fecit sibi thronum eburneum, qualis non fuit in omnibus regnis, vt patet 3. Reg. 10. & sequenti lib. cap. 9. Et dicendum, quod non solum Salomon excessit reges Israel, qui fuerunt ante eum in gloria, sed etiam omnes reges, qui post eum fuerunt, & etiam omnes homines. Quod patet, quia Christus quando voluit probare, quod pulchritudo naturalis erat maior quā quæcunque pulchritudo artificialis, posuit exemplum de solo Salomone, dicens: Considerate lilia agri, quomodo crescunt non laborant neque nent, dico autem vobis quoniam nec Salomon in omni gloria sua coopertus est sicut vnum ex istis. Si tamen aliquis homo fuisset gloriosior Salomone in apparatu vestium, & in similibus, potius debuisset Christus allegare de illo, quā aliis argumentum suum non teneret. Nam dato, quod Salomon in omni gloria sua non esset indutus, sicut vnum de liliis, tamen forte alius homo, qui esset gloriosior Salomone, esset speciosior, quā vnum de liliis in apparatu suo. Patet autem istud magis, nam si sapientiā attendamus Salomon excessit oēs homines, vt patet 3. Reg. 3. scilicet, dedi tibi cor sapiens, & intelligens instanti, vt nullus ante te similis tui fuerit, nec post te surrecturus sit. idem patet 3. Reg. 4. De diuitiis etiam dicitur, quod Salomon non solum excessit reges Israel, sed etiam omnes

omnes reges orbis, qui ante ipsum fuerunt 3. Regum 3. Scilicet, dedi tibi diuitias, & gloriam, ut nemo simili tui fuerit in regibus cunctis retro diebus, & vocauit ibi gloriam apparatus regalem, scilicet, multitudinē equorum, & armorum, & apparatus domorum, & similia, in quibus Salomon excessit omnes reges præcedentes. *Igitur Dauid.* Hic ponitur quartum huius cap. f. Dauid felix consummatio, & dicitur. *Igitur Dauid filius Isai regnavit super vniuersum Israel.* Hic ponitur finis omnium gestorum Dauid: ideo dicitur quanto tempore regnavit, & vocatur filius Isai, quia pater suus aliquando vocatur Isai: aliquando Iesse. De Isai patet sepe in libris Regum, & in istis duobus, de Iesse patet Matth. 1. Et Esa. 11. *Dies, quibus regnavit super Israel, fuerunt quadraginta anni.* Fuerunt quadraginta, & dimidius, & tamen de illo non curatur nam septem annis, & dimidio regnavit super Iudam in Hebron, 2. Reg. 3. Et supra 3. Et ille medius annus subicitur hic, & 3. Reg. 2. quare autem hoc fuit, declaratum est, 2. Reg. 3. in quadam questione. *In Hebron regnavit septem annis.* Scilicet, septem, & dimidio. Isti fuerunt quibus regnavit super solam tribum Iudæ, 2. Reg. 3. Nā Hebron est ciuitas præcipua in tota sorte Iudæ. Ideo Dauid fecerat eam sedem regni. Ista vocatur alio modo Cariatharbe, & alio modo Mambre, ut patet Iosue 14. Et Genes. 23. In ista vrbe sepultus est Adam pater noster Iosue 14. Ibi etiam Abraham, Isaac, & Iacob, & tres uxores eorū, f. Sara, Rebecca, & Lia sepulti sunt. Genes. 49. *In Ierusalem triginta tribus.* Isti fuerunt anni, quibus regnavit super totum Israel. Nam tunc fecit Ierusalem esse metropolim regni, quia illa erat ciuitas præcipua in toto Israel. *Et mortuus est in senectute bona.* Vocatur bona senectus, quia fuit vir laudabilis, & etiā in senectute sua non delatit virtutem sectari. Etiam, quia in senectute sua prospere vixit, sicut in iuuentute. Nam in pace, & omnimoda prosperitate, & gloria regni clausit diem extremum. *Plenus dierum.* Scilicet, Quia multorum annorum erat, quando mortuus est. Quot autem erant infra in quadā questione declarabitur. *Et diuitijs & gloria, quando mortuus est.* Nā erat diues ex spolijs, quæ acceperat in multis bellis. Erat autem gloriosus propter magnificas victorias, & multas, quas habuerat, & multas gentes, quas sibi subiecerat. Nam omnia regna, quæ erant in circuitu, erant sibi tributaria, ut colligitur, 2. Reg. 8. Et supra 18. Reg. 10. Illud etiam pertinet ad prosperitatē Dauid: nam quā moritur aliquis, & reliquit sibi filium heredē videtur non mortuus, ut patet Eccl. 30. Scilicet, Mortuus est pater eius, & non est mortuus, reliquit enim bonū, & nō habet heredem, cui relinquit, videtur in se ex. Ideo ad complementum totius gloriæ Dauid ponitur, quod regnavit Salomon filius eius pro eo. *Gesta autem Dauid regis priora, & nouissima.* Ista est prima reuolucio, quæ habetur in hoc libro. Et postq̃ Esdras posuit ea, quæ pertinebant ad Dauid, cum non posuerit ea plene remittit ad locum in quo plene habentur, f. ad alios libros. In Hebræo dicitur verba Dauid, ubi dicitur, 2. Reg. 1. Quod est verbum, quod factum est in castris, i. quæ est res, quæ accidit. *Priora & nouissima.* Idest, Prima, & vltima. Per quæ significantur omnia gesta eius describendo illa specialiter. *Scripta sunt in libro Samuel videns.* Vocatur Samuel videns, i. Prophetam, & ipse scripsit librum de gestis Dauid, de quo quis sit infra dicitur in quadam questione. *Et in libro Nathan Propheta.* Iste Nathan est Propheta contemporaneus Dauid, qui denunciavit ei, quod nō edificaret templum, & de regno Salomonis post ipsum, & de adifi-

catione templi, 2. Reg. 7. Et supra 17. Iste et denuntiavit poenā futuram pro adulterio cum Bethsabæe. Et imposuit nomen Salomoni nascenti Idida, i. amabilis Domino, 2. Reg. 12. Et ipse vixit Salomonem in regem prima vice cum Sadoc sacerdote, 3. Regum 1. *Atque in volumine Gad videns.* Iste Gad fuit videns, i. Propheta, quia Prophetæ vocabantur videntes olim 1. Reg. 9. Iste fuit contemporaneus Dauid, & alij duo Nathan, & Samuel: ideo scripserunt gesta eius. Iste Gad fuit, qui venit ad Dauid, dum fugeret a facie Saulis, & esset in præsidio terræ Moab, dixitque: noli manere in præsidio, sed vade in terrā Iudæ 1. Reg. 22. Iste etiam Gad denunciavit Dauid poenā infligendam pro numeratione populi, offerendo ei optionem triū. *B* Ipse etiā ostendit ei, quid offerre deberet in area. Organam lebusai ad hoc, quod cessaret plaga, 2. Reg. 24. Et supra 21. *Vniuersique regni eius fortitudines.* Idest, in volumine Gad scriptæ fuerunt omnes fortitudines regni Dauid, i. omnia opera fortia, & laudabilia, quæ fecit quandiu regnavit. *Et temporum quæ transierunt sub eo siue in Israel siue in cunctis regnis terrarum.* Iste Gad scripsit nimis latè laudes Dauid, & propter ipsum non solum scripsit gesta eius, sed etiam omnia, quæ facta sunt in vniuersis regionibus viuente Dauid siue in terra Israel, siue in omnibus alijs regnis terrarum.

De multitudine annorum, quando mortuus est Dauid.

Quæst. XXVII.

QUÆRITUR quomodo dicitur hic, quod Dauid mortuus est in senectute bona, & plenus dierum. Et quot annorum erat quando mortuus est. Aliquis dicet, quod Dauid esset annorum centum, vel saltem nonaginta, quia hic significatur maxima senectus eius, cum dicatur, quod mortuus est in senectute bona plenus dierum, & quod habebat ætatis annos plurimos, ut patet in litera, & supra 23. & 3. Reg. 1. Sed dicendum, quod non stat, quia Dauid quādo mortuus est habebat solum annos septuaginta, quod patet, quia Dauid quando factus est rex super Iudā erat annorum triginta, ut patet, 2. Reg. 5. Regnavit autē annis quadraginta, f. septē in Hebron, & triginta tribus in Ierusalem, ut patet in litera, ideo annorum septuaginta solum esset quando moreretur. Cum autē dicitur, quod mortuus est in senectute, istud planum est, quia etiam si Dauid nō haberet annos multos, esset senex, eo quod iam defecerat in eo tota virtus naturalis, in tantum, quod ossa eius in frigidata fuerant, & cum operiretur vestibus non calefiebat quousque quæsierunt ei iuenculam, quæ calefaceret eum, 3. Regum 1. Et tamen senectus dicit debilitationem naturæ tendentis ad nō esse: ideo bene competebar Dauid, quod esset senex. Sed cum dicitur, quod erat plenus dierum, vel quod habebat ætatis annos plurimos est difficultas, cum solum esset septuaginta annorum. Potest responderi dupliciter, vno modo, quod Dauid erat multorum, f. quod fecerat gesta multa magnifica, quæ ab alijs in multis fieri non possent. Et ille, qui facit opera multorum dierum, dicitur viuere multo tempore, qui autem facit opera paucorum dierum, dato quod viuat multis diebus, dicitur vixisse paucis tempore. Et sic aliquis vir multorum annorum dicitur paucis annis vixisse, & e conuerso, sic dicitur Sapientiæ 4. Consummatus in breui expleuit tempora multa, idest, in paucis diebus dicitur explere, vel viuere multum tempus. Alio modo potest dici, quod Dauid erat multorum annorum, quia licet apud antiquos parua vita erat septuaginta annorum, tamen tempore Dauid satis erat magna, potissime in principibus, quorum vita brevis est. Omnis enim potentatus vita brevis, Eccl. 10.

Et

Et non solum vixit Dauid tempore, quo poterant vivere principes, sed etiā tempore, quo quilibet alius homo vivere poterat in bona dispositione, vt patet Psal. 89. Anni nostri sicut aranea meditabuntur, dies annorum nostrorum in ipsis septuaginta annis.

Cur hic dicitur: Gesta priora, & posteriora Dauid.

Quest. XXVIII.

QUÆRITUR vterius cur dicitur hic gesta Dauid priora, & nouissima scripta sunt in libro Samuel, & Nathan, & Gad. Respondendū, quod interio Esdræ fuit in isto libro supplere aliqua, quæ defuerant in libris Regum, & sic fecit. Et tamen cum inciperit enarrare aliquam historiam non enarrat omnia, quæ gesta sunt ab illo, cuius narratur historia, quia non sunt necessaria omnia ad integritatem sacræ scripturæ, & quia cum ipse cessauerit prosequi historiam inceptam, putaret aliquis, quod nihil plus fecisset ille, de quo sermo fit, ideo tollit dubium, remittendo ad alia loca, in quibus plene habetur historia, quam ipse non enarrat. Et cum hic cessauerit iam prosequi historiam Dauid, nequis putaret, quod non fuissent plura gesta Dauid, remittit ad alios libros, in quibus sunt ista, & sunt tres libri, scilicet liber Samuelis Prophetæ, & liber Gad, & liber Nathan. Isti enim tres scripserunt gesta Dauid, quia fuerunt contemporanei sibi. Sic enim erat de alijs regibus, quod si erat aliquis rex gloriosus omnes scriptores temporis sui scribebant gesta illius, & quia isti tres erant præcipui, & Prophetæ tempore Dauid, isti tres scripserunt tempore eius gesta sua. Itum modum habet Esdras in describendo gesta omnium Regum sequentium: nam cum finierit historiam cuiuslibet, remittit ad aliquem librum pro reliqua parte historiæ, vt patet in discursu sequentis libri enarrando de singulis regibus. Ista autem fuit prima remissio, quæ facta est in toto isto libro. Et causa huius est, quia remissiones nunquam fiunt nisi completis historijs. Et tamen hucusque non compleuerat Esdras historiam de aliquo rege, cum totus iste liber primus pertineat ad gesta Dauid. ideo non fuit facta remissio aliqua ante hoc. In libro autem sequenti multæ sunt remissiones, eo quod ibi de multis regibus agitur, & multorum finiuntur historiæ.

De libro Samuelis, quis fuit iste liber.

Quest. XXIX.

QUÆRITUR vterius, quis est iste liber Samuelis Prophetæ, de quo hic dicitur, quod scripta sunt in eo gesta priora, & nouissima Dauid. Quidam putant, quod fuerit iste Samuel Prophetæ, eo quod fuerit tempore Dauid. Nam ipse vnxit Dauid in regem prima vice, vt patet 1. Reg. 16. Et sic diligebat eum nimis. Ideo verisimile est, quod describeret gesta illius. Sed videtur, quod hoc non stat, quia dicitur hic, quod in libro Samuelis descripta sunt opera priora, & nouissima ipsius Dauid, & tamen Samuel non potuit scribere opera nouissima Dauid, eo quod Samuel mortuus est multo tempore ante Dauid: immo non potuit Samuel scribere aliqua gesta regni Dauid, sed solum quandam partem persecutionis, quam tolerauit a Saule. Nam Saul persecutus est Dauid tempore Samuelis, & dum fugeret Dauid a facie Saulis mortuus est Samuel, 1. Reg. 25. Et postea adhuc magno tempore fuit profugus Dauid a facie Saulis, & coactus est fugere in terram Philistinorum, mansitque ibi vsque ad mortem Saulis, 1. Reg. 27. Et vsque ad finem libri. Postea autem Dauid factus est rex mortuo Saule, & regnauit primo super Iudam, deinde super totū Israel,

Et nihil istorum potuit videre Samuel: ideo non potuit scribere gesta priora, & nouissima Dauid.

Aliquis dicet, quod verum est, quod Samuel non potuit scribere omnia gesta Dauid, quia non vidit finem suum, potuit tamen scribere per modum prophetiæ, quæ futura erant sicut Prophetæ scripserunt multa de futuris, & sic Deus potuit reuelare omnia gesta Dauid ipsi Samueli, & scribere ea antequam moreretur.

Sed dicendum, quod hoc non conuenit, quia in illo libro Samuelis, vt hic innuit Esdras, erant diligenter scripta omnia gesta Dauid priora, & nouissima, Deus tamen non consuevit per modum prophetiæ reuelare alicui gesta omnia alicuius, sed solum reuelat aliqua, quæ sunt necessaria ad aliquem finem, non ergo erat conueniens dicere, quod omnia gesta Dauid reuelaretur Samueli Prophetæ, quia de nullo alio tale factum est. Secundo patet, quia dato, quod omnia gesta Dauid reuelata fuissent Samueli, & ipse scripsisset ea, non scriberet ea per modum historiæ, sed per modum prophetiæ. Et sic essent obscura, quia modus propheticus est grauis, & non remitteret Esdras ad librum illum, sed ad librum historiarum, qui intelligi posset plane quid erat quod deerat huic historiæ.

Quidam dicunt, quod iste liber Samuelis sit scriptus ab aliquo alio Prophetæ, qui vocaretur Samuel, & non fuerit ille Samuel, qui vnxit Dauid in regem, sed postea, & viderit omnia gesta Dauid, & mortem eius. Et ille poterat scribere opera priora, & nouissima. Sed

dicendum, quod istud non est satis verisimile, eo quod non fuit alius Prophetæ Samuel, nisi ille, qui vnxit Dauid in regem, de quo legimus in scriptura. Et non est conueniens fingere aliquid, in quo scriptura verificetur, quod non reperiatur in ea, potissime cum reperitur in ea aliquid, in quo verificari possit. Ideo dicendū est, quod iste liber Samuelis, de quo hic dicitur, est liber primus, & secundus Regum, & in illo continentur omnia priora, & nouissima Dauid, quia ibi ponuntur omnia gesta sua antequam esset rex, & postquam fuit rex. Nam ea, quæ fecit, & passus est antequam esset rex, habentur 1. Reg. a cap. 16. Vsque ad finem libri. Ea autem, quæ fecit postquam fuit rex, habentur in toto 2. Reg. præter mortem Dauid, quæ habetur in principio 3. Reg. & sic in illis duobus libris Samuelis, scilicet 1. & 2. Reg. habentur omnia gesta Dauid.

Et dixit hic Esdras, quod ibi sunt priora, & nouissima gesta Dauid ad differentiam istius libri, quia hic ponitur historia magna de gestis Dauid, & tamen non ponuntur priora, & nouissima. Nam non ponitur hic aliquid de eis, quæ Dauid fecit, & passus est antequam regnaret super Iudam. Etiam nihil de eis, quæ fecit postquam regnauit super Iudam, & quæ habentur in 2. Reg. vsque ad quintum cap. Sed incipit hic historia de regno Dauid super totum Israel, vt patet supra 1. Sed aliquis obijciat, quod illi duo libri Reg. non sint liber Samuelis, quia Samuel non potuit scribere illos, eo quod agitur ibi de morte sua, & de multis alijs, quæ acciderunt post mortem suam. Dicendum, quod iste vocatur liber Samuelis sicut omnes Iudæi eum appellant. Sic ait Hiero. in prologo Galeato super libros Regum, qui incipit: Viginti duas literas. Et motiuum Hebraeorum ad vocandum illum librum Samuelis est ex isto loco, quia dicitur hic, quod in libro Samuelis scripta sunt opera priora, & nouissima Dauid. Et tamen istud competit duobus primis libris Regum. Aliqui ergo putant, quod licet illi duo libri non fuerint scripti per Samuel, vocantur tamen liber Samuelis, quia ipse incipit scribere librum illum, & scripsit aliquid, vsque ad mortem suam. Et illud continuauit Dauid scribere, & intitulauit librum a nomine Samuelis. Sed

dicendum, quod hoc non stat, quia aliqua reperiuntur

utin 1. Reg. scripta ante mortem Samuelis, quæ nō poterunt scribi per Samuelem. Quod patet, quia 1. Reg. 9. Dicitur quomodo Saul, & puer eius iuerunt ad Samuelem, ut consulerent eum sup. asinas, quas quærebant. Et dñs, olim in Israel sic loquebatur vnusquisq; vadens consilere Deum, venire eamus ad videntem, genim Propheta dicit hodie, vocabatur olim videns. Ecce qualiter quādo Saul, & puer eius iuerunt ad cōsulendum Samuelem, dicebatur eamus ad videntem, & tempore quo scriptus fuit ille liber, non dicebatur sic, sed potius erat tempus antiquum illud respectu tēporis, in quo scribebatur liber cum dicitur. Qui enim Propheta dicitur hodie, vocabatur olim vidēs. Et sic dicendum, q̄ nullam partem illius scripsit Samuel, nec David, sed per Ieremiam Prophetā scriptus fuerit liber ille, ut declaratur est in prologo 3. Reg. in quadā questione. Sed tunc dicitur, quomodo vocatur iste liber Samuelis, quia non est vnus liber sed duo? Respondendum, q̄ apud nos liber ille diuisus est in duos. Cuius causa posita est in prolo. 2. Reg. & tñ apud Hebræos vnictis liber est, ut ait Hieronymus in prologo Galeato, & sic vocauit eum Esdras hic librū Samuelis.

Delibris Nathan, & Gad.

Quest. XXX.

QUÆRITVR vterius qui fuerunt isti libri Nathan, & Gad, de quibus hic fit mentio, & quomodo potuit Gad scribere gesta, quæ fuerunt in omnibus regnis terrarum tempore David.

Respondendum, q̄ Nathan, & Gad fuerunt duo Propheta contemporanei ipsi David, & valde familiares ei, & denunciauerūt sibi multa ex parte Dei, ut supra in littera declaratum est. Ideo ad laudē Dei, qui adiubat David in omnibus operibus suis, & ad laudem gesta David. Libri tamen istorum non reperiuntur, nec sunt in tota sacra scriptura: nam Esdras non reparauit eos, fuerunt enim combusti per Chaldæos, quādo capta est Ierusalem, & Esdras qui reparauit postea totam legem, non scripsit aliquem istorum, & sic est de multis alijs libris, de quibus fit mentio in seq. lib. 1. libri Seneciae Prophetæ, & liber Addo, & multi alij. Sic etiam liber verborum d. erum Regum Iuda, & litterarum dierum Regum Israel, qui sepe allegantur in seq. lib. & 3. & 4. Reg. Ista est positio communis librorum combusti, & nō reparati per Esdrā si libri illi fuissent combusti, & nō reparati per Esdrā hic deficiunt requirerentur in illis. Ideo supererant tempore Esdræ in combusti. Sed dicendum, q̄ isti libri non manent, quia non fuerunt positi in canone sacrae scripturae. Ideo licet tempore Esdræ multa de his essent, nō fuerunt postea scripti, & sic perierunt, sicut multa alia scripta virorum sapientū perierunt, quia nemo fuit, qui transferret ea, vel non continuata est translatio illorum vique ad posteriores tēporum nostrorum.

Quomodo Gad potuit scribere gesta tempore David.

Quest.

XXXI.

QUÆRITVR vterius de Gad, quomodo potuit scribere gesta, quæ fuerunt in vniuersis regnis tempore David. Responderi Neco: q̄ non intelligitur de omnibus regnis terre, sed solum de illis, qui erāt in circuitu terræ Israel, quæ erat subiecta David: nam ipse subiecerat sibi Philistinos, Moabitas, Idumæos, Ammonitas, & Syros, ut patet 2. Reg. 8. & 10. & 12. & supra 18. & 19. Et illæ erant gentes, quæ erant in circuitu terræ Israel, & quia ad describendum

A gesta David debebant scribi gesta regni eius tempore suo, & omnia ista regna erant sub potestate David, debuerunt scribi omnia gesta notabilia, quæ acciderunt in istis regnis quandiu vixit David. Istud aliquantulum conuenit, quia tamen dñs hic, q̄ scripsit Gad gesta, & fortitudines, quæ transierunt in omnibus regnis terrarū tempore David, magis videt dicendū, q̄ iste Gad vere scripserit gesta omnium regnorū terræ, vel saltē plurimorū, de quibus habetur notitia. Sed obijcietur, quomodo poterat Gad scribere gesta omnium regnorum? Nam difficile erat, q̄ ipse sciret quid fiebat in omnibus regnis terre. Dicendū q̄ poterat hoc Gad scire dupliciter, vno modo per modum historici, sicut multi alij scripserunt historias generales omnium gentium.

B Et sic Gad poterat addicere ex scriptis aliorū, quia in singulis regnis erāt aliqui scriptores, q̄ scribebant gesta ipsorū regū, & regnorum. Et per scripta illorū poterat Gad scire historias, & scribere hebraice. Alio modo poterat hoc scire prophetice. Nam ipse erat Propheta, ut patet hic. Et posset prophetice cognoscere omnia hæc. Et iste secundus modus videtur quibsdā verior ppter duo. Primo quia modo prophetico poterat cognoscere omnia ista faciliter, & vere, sed modo historico difficile erat cognosci gesta omnium regnorum. Causa est, q̄ si Propheta Gad fuisset multo tempore post David, ita ut in omnibus regnis terrarū essent iam scriptæ historie temporis David, poterat Gad ex illis addiscere gesta tēporū, & tñ Gad fuit cōtemporaneus David, & quasi tantæ ætatis, sicut David, nam anteq̄ regnaret David, s. cum fugeret a facie Saulis, iuit ad eum Gad dicens, q̄ non maneret in presidio, sed iret in terram Iuda 1. Reg. 22. Et tñ nō erat David triginta annorū, q̄ anno, quo factus est rex, erat triginta annorum 2. Reg. 5. Ideo esset Gad cōtemporaneus David, vel forte plurimum annorum, & sic non viueret multo tempore post mortē David. Vnde non poterat in tam breui colligere ex scriptis aliorum historias omnium regnorum, quæ fuerunt tpe David. Cognosceret ergo prophetice. Secundo patet, quia si Gad nō scripsisset prophetice, sed sicut historicus nō essent certa ea, quæ scriberet, q̄ homo pōt errare potissime circa narrationem particularium, quæ nimis varie se habent, quorum veritas vix sciri potest. Et sic non essent magne auctoritatis scripta illa, quia potuerūt esse falsa. Et sic non allegarentur in sacra scriptura, & tñ allegantur hic: ideo scriptura sacra approbat ea tanq̄ vera. Dicendum, q̄ debet teneri vnum de duobus, s. q̄ scripta fuerunt ista prophetice, vel q̄ Gad nō scripserat gesta omnium regnorū, sed notabilium, quorū fama per totam terram extendebatur, & illarum poterat Gad scribere gesta, quia per famam, vel per narrationem eorū, qui interfuerunt, vel per scripta aliorum posset scire historias illarum gentium. Sed tunc obijcietur, quomodo poterat allegari in scriptura talis liber cuius auctoritas parua esset, nec cōstaret an esset verax in omnibus? Responderi potest dupliciter, vno modo, q̄ ad hoc, q̄ aliqua scriptura allegetur in sacra scriptura, necesse est, q̄ sit tantæ auctoritatis, sicut scriptura sacra, si inducitur per modum probationis: si autem inducitur per modum remissionis non oportet, q̄ sit magnæ auctoritatis illa scriptura. Sic enim fuit in presenti, quia non inducitur hic liber Gad per modum probationis, ita ut aliquod affirmatum in sacra scriptura probari debeat per librum illum, sed solum fit remissio ad eum pro illis, quæ defunt hic. Quod si aliquis voluerit residua gesta, quæ non habentur hic inquirere, isti libris illis inueniet. Et ratio est huius, q̄ quando allegatur per modum probationis, non est magis verum id, quod probatur, quam id, per quod probatur, & tamen in remissione non fit aliqua probatio:

batio: ideo non est necesse, q scriptura illa, quæ allegatur, sit alicuius auctoritatis. Aliter potest dici, q quamquam Gad non scripsit prophetice librum illum, tamen Esdras, qui allegauit eum, & scripsit prophetice libros istos, sciuit prophetice, quod ea, quæ continebantur in libro Gad, erant vera. Et sic de alijs libris, qui allegantur hic, ideo secure poterant allegari.

Quare non fuerunt in canone sacre scriptura isti libri.
Quest. XXXII.

QUÆRITVR vltius, quare isti libri non fuerunt in canone sacre scripturae positi, scilicet, libri Nathan, & Gad, & libri Addo Prophetæ, & liber Semeiæ, & liber Ahia Silonitæ, de quibus fit mentio in isto libro. Aliquis dicit, quod istud est, quia sacra scriptura continet veritatem firmissimam, & quod est maioris auctoritatis, quam cetera scriptura: & tamen ista scripta non erant tantæ auctoritatis, ideo non debebant poni in sacra scriptura. Dicendum, quod non stat, quia omnia ista erant scripta prophetice, & a Prophetis, quia scriptores fuerunt Prophetæ, vt patet hic de Samuele, & Gad, & Natha, & de Semeiæ, & Addo, & Ahia, patet sequenti libro, cap. 9. Ideo tam solide auctoritatis erant libri illi, sicut liber iste scriptus ab Esdra. Sed dicendum, q non debuerunt scribi, vel poni libri illi in canone sacre scripturae propter duo. Primo, quia esset replicare idem saepe. Nā gesta Dauid continebantur in libris Samuelis, & eadem in libro Nathan, & eadem in volumine Gad, & istud erat superfluum, ideo sufficiebat poni in vno libro plene. Et quia liber Samuelis, s. duo primi libri Regum, qui vocatur liber Samuelis, vt patet per Hieronymum in prologo Galeato, continebat plenè historiam Dauid, nō fuit positus in canone scripturae liber Nathan, nec liber Gad. Eadē causā fuit de libris Semeiæ, & Addo, & Ahia, quia isti scripserunt gesta Salomonis, sequenti lib. cap. 9. Et ista sufficienter scripta erant in libris Regum, s. in tertio: ideo nō fuerunt necessarij illi in canone scripturae.

Sed tunc dicitur cum ea, quæ habentur in hoc libro, habeantur etiam in libris Regum, cur iste fuit positus in canone sacre scripturae? Dicendum, q fuit positus iste ad suppletionem eorum, quæ deficiebant in

libris Regū, & in multis alijs libris. Necessitas autem huius libri fuit magna in scriptura, quia ad multa dubia tollenda prodest, vt ait Hieronymus in Epistola ad Paulinum, & in prologo Galeato, & declaratum est magis in quibusdam quæstionibus in prologo huius libri. Secundum erat, quia isti libri, scilicet, Nathan, & Gad, & aliorum continebant curiosè omnia gesta Dauid, & istud non conueniebat sacre scripturae, quia non intendit scriptura sacra principaliter laudare aliquem hominem, sicut faciunt historici, sed omnia sunt ad laudem Dei, & ad instructionem nostrā, ideo nihil poni debet in ea, quod non pertineat ad Dei laudem, sicut victoriæ mirabiles, quas dabat Dauid, vel poenæ horribiles, quas infligebat hostibus, vel aliqua, quæ pertineant ad instructionem nostram, sicut dicit Apostolus, secunda ad Timoth. 3. Scilicet, Omnis scriptura diuinitus inspirata, utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei ad omne opus bonum instructus. Sed aliqua sunt in historijs, quæ non applicantur ad aliquid istorum. Ideo quando scriptura sacra enarrat aliquid historicum, non scribit omnia gesta particulariter, sed solum illa, quæ fuerunt præcipua, & sic fit in libris Regum, & in isto libro. Et propter hoc fit saepe remissio ad alios libros tam hic, quam ibi, scilicet, quia in illis plene ponuntur ista historia: Tertia causa, & præcipua ex parte libri Gad fuit, quia nō debuit poni inter libros sacre scripturae, eo q ille erat curiosè scriptus, & continebat multa, quæ nō pertinebant ad intentionem sacre scripturae, s. quia ibi erant scripta gesta omnium regnorum, & regū tempore Dauid, vt patet in litera.

Longum, & varijs ambagibus implicitum primū Paralipomenon librum, iuxta concessas nobis desuper vires explanando translegimus, in quo multa difficultates sæpissime currebant. In ipsis vero, & in toto opere, an recte, vel secus, vt debuit, actum est, arbitrij nostri non est iudicare: lectoribus enim cura ista relicta sit, quos beneuolos scriptorum meorum interpretores esse desidero, & charitativos emendatores, vbi emendationem dignam esse censuerint. Nihil enim me perfectum egisse arbitror, cum hucusque, inuentionibus nihil perfectum esse, eruditissimorum ingenij comprobatum sit.

Expositionis literalis Alphonsi Tostati in Primum Librum Paralipomenon Finis.

REGISTRVM.

A B C D E F G H I K L M N O P Q R S T V X Y Z, Aa Bb Cc Dd Ee
Ff Gg Hh Ii Kk Ll Mm Nn Oo Pp Qq Rr Ss Tt Vv.

Omnes sunt Quaterniones, præter Vv, qui sunt Quinterniones.

VENETIIS, Ex Typographia Dominici Nicolini.
M D X C V I.

ALPHONSI TOSTATI

HISPANI.

EPISCOPI ABVLENSIS,

PHILOSOPHI, THEOLOGI,

Ac Pontificij Iuris, Cæsareique consultissimi, necnon
linguæ Græcæ, & Hebraicæ peritissimi,

Commentaria in Secundam Partem Paralipomenon:

Mendis nunc sanè quàm plurimis diligenter expurgata.

CVM INDICE COPIOSISSIMO.

Ad PHILIPPVM II. Catholicum & Inuictissimum
Hispaniarum, & Indiarum Regem.



VENETIIS. M D X C V I.

Apud Io. Baptistam, & Io. Bernardum Sessam, fratres.

ALPHONSI

T. 2. 1. 1.

HISTORIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA

PHILOSOPHIA



ALPHONSIT TOSTATI

Episcopi Abulensis

COMMENTARIORVM IN LIBRVM SECVNDVM

PARALIPOMENON.

PRAEFATIO.



PLRIMAS continentem ambiguitates, & amplissimas diuagationes, syl-
uamq; Hebraicorum nominum Primum Librum Paralipomenon magnis cum
laboribus hucusque, Deo donante, exponendo transegimus. Quare veluti gra-
ui scenore liberati, consequens est, vt ad secundum eiusdem Paralipomenon Li-
brum manum mittamus, pro cuius proœmiali prælibratione aliqua dubia expe-
dienda sunt.

De ordine Librorum Paralipomenon.

Quest. Prima.

QVERITVR primò de ordine istorum Librorum duorum, an sit inter eos ordo cõtinuum,
vel sit aliqua anticipatio, vel recapitulatio. Et an ista, quæ habentur hic, fuerint facta imme-
diatè post præcedentia. Dicendum, qd hic est ordo continuus, quia præcedenti Libro actum
est de solis gestis Dauid, & in eius morte liber consummatus est. In isto autem agitur de regno
Salomonis, & aliorum, qui regnauerunt post ipsum: ideo ordo continuus est. Ad secundum di-
cendum, quòd ista, quæ habentur hic fuerunt facta non immediatè post præcedentia, sed interie-
cto aliquanto tempore. Pro quo sciendum, quòd viuentè Dauid, vnctus est Salomon bis in regē. Salomon
bis vnctus
in regem.
Primò quando ægrotabat Dauid, & Adonias se fecit vngi in regem, iussit eadem die Dauid, vt
vngeretur Salomon 3. Reg. 1. & post aliquantum tempus facta ordinatione sacerdotum, & Le-
uitarum, fecit congregari principes regni, & filios suos quando obtulerunt munera pro ædifica-
tione templi: & fecit Dauid vngi Salomonem secundò in regem, vt patet præcedenti lib. capit. vlti.
Post hæc mortuus est Dauid, & cum pertransisset aliquantum tempus Adonias conabatur per ca-
uillationem vsurpare regnum Salomonis, petendo Abisag in vxorem: & fecit illum Salomonem
eadem die occidi 3. Reg. 2. Et post hoc iussit occidi Ioab, qui erat particeps eiusdem coniurationis:
& cum fugisset ad templum Domini, & tenuisset altare, fecit eum ibi occidi Salomon eod. cap.
& Consecratus est autem postea in Pontificem Sadoc, & eiectus est Abiathar: occisus est Semei post
tres annos a principio regni Salomonis, eod. cap. Et post hæc confirmatum est regnum Salomonis
occisis omnibus hostibus suis, & impredientibus eum. accepitque vxorem filiam Pharaonis regis
3. Reg. 3. Reg. 3. Et post hæc ascendit in Gabaon, vbi erat tabernaculum Domini ad orandum,
3. Reg. 3. cap. & de ista ascensione in Gabaon incipit historia huius secundi libri, vt patet in principio li-
bri. Alph. Tost. super Paralip.

A

teræ.

teræ. Et sic omnia ista, quæ narrata sunt, omittuntur hic inter finem præcedentis libri, & principium huius, & habentur 3. Reg. 1. & 2. Fuit igitur ad minus tempus trium annorum inter ea, quæ habentur in fine præcedentis libri, & principium huius: quia regnum Salomonis non fuit continuatum, nec ascendit ipse in Gabaon usquequo iam transierant de regno suo tres anni, ut probatum est 3. Reg. Et sic non fuerunt immediate ista post illa, quæ habentur in fine præcedentis libri.

De diuisione istorum Librorum.

Quæst. II.

Ratio diuisionis libri Paralip. apud Græcos.

QUÆRITVR vltius, quare liber iste diuisus est in duos libros: nam apud Hebræos vnicus liber est. Respondendū, q̄ Hebræi habent istum tanquā vnicum librū, qui vocatur apud eos Dibrehaïamim i. verba dierum, vt ait Iero. in Prologo Galeato, & in pri. Prologo super istum librum, qui incipit: Si septuaginta & tñ nos diuisimus illum in duos libros, quia etiā apud Hebræos multi alij sunt libri in vno volumine, qui apud nos diuiduntur: sicut patet de libris Reg. Nam Hebræi habent illos in duobus voluminibus, s. librū Samuelis, & Malachim. j. Reg. Nos autem diuisimus illos in quatuor, vt patet per Ierony. in Prologo Galeato Sic ē Græci illos diuisos habent: & ipsos imitatur Ecclesia Latinorum in diuisione, & ordine. Causa aut diuisionis fuit magnitudo voluminis, s. si totus Liber Paralip. esset vnicus, esset magnus, quia ē duo libri sunt satis magni, ideo diuiserunt illum in duas partes. Etiam ad hoc conferebat diuersitas materiæ. Nam oīa, quæ supra habentur pertinebant ad Dauid: quæ aut sequuntur pertinent ad alios: ideo conueniens fuit, vt diuideretur liber. Cū aut deberet diuidi liber, rationabilius fuit diuidi per locū istum, quā per aliū, sicut declarabitur seq. quæst. Apud Latinos aut causa p̄cipua diuisionis libri istius fuit imitatio Græcorum. Nā ipsi diuiserunt eum in duas partes, & Latini curauerunt sequi Græcos in diuisionibus librorum, & ordinatione eorū, quia in hoc fuerunt rōnabiliter se habentes. Causa aut motiua Græcorū ad diuidendū præcipuē v̄ fuisse magnitudo voluminis, quā nō cōsueuerunt tā magnos libros fieri.

Cur non fuerit diuisus Liber Paralipomenon in quatuor libros.

Quæst. III.

Rō diuisionis lib. Regum.

QUÆRITVR vltius, cū iste liber Paralip. diuisus fuerit, quare non fuit diuisus in quatuor libros. Nam debuisset diuidi in quatuor, quia in libro Paralip. tractantur oīa illa, quæ habentur in libris Reg. & tñ illi diuisi fuerūt per quatuor libros, ideo etiam iste diuidi debuisset. Rñdendum, q̄ non debuit diuidi in quatuor partes p̄ multa. Primò ex diuisionis Hebræicæ dissimilitudine. Nam nos diuidimus Lib. Reg. in quatuor partes, qui apud Hebræos in duas diuisus est, quia quædam pars vocatur liber Samuelis, & alia Malachim. i. liber Reg. Iste tñ liber Paralip. siue Dibrehaïamim apud Hebræos vnicus est: ideo non debuit diuidi apud nos in tot partes, sicut liber Reg. Secunda causa est propter magnitudinē voluminis. Nam liber iste apud Græcos in duas partes diuisus est propter magnitudinem suam: Liber aut totus Regum est valde maior quā iste, ideo non debuit iste propter magnitudinem in tot partes sicut ille diuidi. Et patet hoc, quia multa continentur in libris Reg quæ non sunt in Paralip. Nam liber primus Reg. est maior oīum quatuor. Et tñ nihil eorum, quæ continentur in illo tractatur in libro Paralip. Etiam quia alia gesta, quæ continentur in secundo, tertio, & quarto libris Reg. plenius continentur ibi quā hī, cū iste liber solū sit introductus ad supplendum quædam, quæ non habebantur plenē in lib. Reg. Item in libris Reg. ponitur mixtim historia Reg. Iuda, & Israël. In hoc aut continetur sola historia Reg. Iuda: ideo necesse est, q̄ sit minor liber Paralip. Tertia causa fuit, & præcipua, quia dato q̄ liber iste deberet diuidi in quatuor partes paruulas, non esset locus, per quem conuenienter diuideretur: quod patet consideranti diuisionem quatuor librorū Reg. Nam primus liber Reg. conuenienter diuiditur ab alijs: quia ille continet tempus solius regni Saulis. Secundus autem diuiditur à tertio, & quarto: quia secundus continet historiam solius temporis David, & sequentes continent historias Reg sequentium. Tertius diuiditur à quarto, quia tertius continet statum regni Iuda, & Israël quandiu floruit. Quartus autem describit statum eorundem regnorum, quādiū vtrunque corrumpere cœpit, vt declaratum est in prologo quarti Reg. Liber autem Paralip. non potest

libri, quia non ponuntur hic gesta Saulis, quæ pertinent ad primum lib. Reg. Etiam non ponitur tanta enarratio calamitatum, & prosperitatum regnorum Iudæ, & Israel, ut distinguatur liber duo per calamitatem, & prosperitatem. Item dato quod vellemus distinguere lib. Paralip. in multas partes, primus liber non debebat diuidi: quia totus ille est de gestis Dauid, vel de factis tempore præter quædam pambula posita in principio libri, quæ per se librum complere nequeunt. Et sic debebat vnicus liber, sicut liber secundus regum est vnicus; quia totus agit de gestis Dauid, & de factis tempore eius. Sed non potest fieri, quia secutus diuidendus erat in multas partes, si forte eum diuidere vellemus. Sed non potest fieri, quia sunt loca conuenientia, per quæ cum diuidere possimus saltim in tres partes: quia ea, quæ continentur in isto loco usque ad finem libri continentur in tertio, & quarto Reg. Et sic ad plus diuidi debebat in quatuor libros iste. Sed non potest conuenienter, quia non continentur tot, & tanta in isto libro sicut in illis duobus. Etiam illud, in quo fit sectio libri tertij, & quarti Reg. scilicet in historia Ochoziæ, & præparatione regis Moab, non continetur in isto libro, quia in Paralip. non agitur de statu regni Iudæ, & Israel: sicut in libris Reg. sed solum de statu regni Iudæ. Non ergo debuit diuidi liber Paralip. in quatuor partes, sicut liber Reg. sed sufficit diuidi illum in duas, si quæ prima pars contineret historiam Dauid, & eorum, quæ erant tempore suo. Secunda autem contineret particulas historiarum omnium regum Iudæ sequentium. & sic factum est hic. Vnde in fine præcedentis libri dictum est de morte Dauid: hic autem incipit de regno Salomonis, & continuantur historiae aliorum regum Iudæ.

Quare non fuit posuit iste liber ut historia.

Quest. IIII.

QUÆRITUR vltius, cum Liber Paralip. sit suppletivus eorum, quæ omittuntur in aliis libris, & potissimè in libris Reg. ut innuit Ieronymus in epistola ad Paulinum capi. 7. & in prologo Galeato, & in libris Reg. ponitur historia Regum Iudæ, & Israel, unde debebat poni ut habebat, vel suppletiones aliquæ circa historiam Regum Israel, cur non ponitur. Aliquis dicet, quod ponuntur suppletiones circa historias regum Israel, quod patet, quia infra 18. ponitur historia de Achab contra Ramoth Galaad: & infra 2. ponitur historia de nauibus Ochoziæ regis Israel fractis in Asiongaber: & infra 12. ponitur historia de Iehu rege Israel occidente Ochoziam regem Iudæ, & sic de multis alijs. Nam infra 25. ponitur bellum Ioas regis Israel cum Amasia: & infra 28. de rege Achaz regem Iudæ. Dicendum tamen, quod istæ non sunt suppletiones particularum omittarum in historiis regum Israel, quod patet. Primum quia istæ particulae historiarum non ponuntur inquantum sunt partes historiarum regum Israel, sed inquantum pertinent ad reges Iudæ: nam aliquando erant aliqua facta, vel bella, quæ tractabantur inter reges Iudæ, & Israel, & tunc illa pertinebant ad reges Iudæ, & recitantur hic tanquam pertinentia ad reges Iudæ. Et patet hoc, quod in omnibus, quæ in isto libro enarrantur de pertinentibus ad reges Israel, reperietur etiam, quod pertinent ad reges Iudæ. Patet in primo de bello Achaz, quod habetur infra 18. nam non ponitur, nisi quia in illo bello fuit cum Achab ipse Iosaphat rex Israel, quæ Deus miraculose liberauit in bello. Item infra 13. ponitur bellum Ieroboam regis Israel, eo quod illud gestum est cum Abia rege Iudæ, ut patet ibidem. Item infra 20. ponitur de fractio nauium Ochoziæ in Asiongaber, quia cum eis quoque fractæ sunt naues Iosaphat regis Iudæ, eo quod voluit eicare homini impio. Item infra 22. ponitur de factis Iehu, quia ipse occidit Ochoziam regem Iudæ: quod patet, quia nihil ponitur ibi de gestis eius, nisi hoc, licet multa fuerint, ut patet 4. Reg. 10. Item infra 25. ponitur de bello Ioas regis Israel: quia illud gestum est cum Amasia rege Iudæ, ut patet ibidem. Item infra 28. ponitur de rege Israel, & de Israelitis pugnantibus, quia illi nocuerunt valde regi Iudæ tanquam Achaz regis Iudæ, ut patet ibidem. Non ergo ponuntur hic istæ particulae historiae, tanquam pertinentes ad reges Israel: sed tanquam pertinentes ad reges Iudæ. Et signum est, quia alias ponuntur aliquæ alia particulae historiarum regum Israel, quæ nullo modo pertinerent ad reges Iudæ. Item in regni Israel, sicut regni Iudæ, ponerentur multe, & in multis locis, cum multe sint illæ historie: & non ponuntur, nisi rarissime: & in paucis locis, & parue: ergo non fuit intentio scriptoris libri, ut suppleret illas. Confirmatur hoc, quia in libris Reg. postquam diuisum est regnum in Israel, & Iudæ, ut patet 3. Reg. 11. textitur historia vtriusque regni in ipso libro, & in toto

quarto Reg. & tanta diuagatio, & occupatio est circa historias regni Israel. Et interdum maior, ut patet discurrendo illos duos libros. In libro tamen isto respectiue nihil tangitur de suppletionibus historiarum regū Israel, ideo non intendit auctor hoc facere. Aliquis dicet, quod facit in isto libro scriptor suppletionem historiarum regum Israel: & tamen pauca posuit de illis, eo quod pauca deficiebant de illis historiis, quæ supplenda essent. De historiis autem regum Iuda deerant multa, & facta est magna suppletio. Dicendum quod non stat, quia manifestum est, quod in historiis regū Israel multa defecerunt, quæ non habentur hic: quod patet 3. Reg. 14. & 15. & 16. ubi sæpe remittimur pro eis, quæ dimissa sunt ad librum Sermonum dierum regum Israel: & tamen nihil de illis dicitur hic, cum ibi agatur de Nadab filio Ieroboam: & de Baasa, & Ela, & Zambri, & Amri, de quibus nihil tangitur in libro isto: & generaliter consuetum est in 3. & 4. lib. Reg. ut cum finitur narratio de aliquo rege Iuda, remittitur pro residuis ad librum dierum regum Iuda: & finita narratione de aliquo rege Israel: remittitur ad librum sermonum dierum regum Israel: & tamen non ponitur hic de quolibet rege Israel aliquid ad hoc, quod ponantur omnes suppletiones historiæ regū Israel: ergo non ponuntur omnes suppletiones historiarum regū Israel: & sic non intendit scriptor ponere illas. Dicendum igitur, quod in isto libro voluit ponere Esdras suppletiones historiarum regū Iuda, & nihil tangere de regibus Israel, nisi in quantum historiæ aliquæ regum Israel pertinebant ad reges Iuda: sicut supra declaratum est. Et ratio huius est, quia iste liber non fuit introductus in sacra scriptura de intentione principali, sed solū ad bene esse. scilicet ad supplendum quædam omissa, sine quibus non satis intelligeretur sacra scriptura, sed maneret aliqua ambiguitas. Istas autem suppletiones non curauit facere Esdras, nisi in rebus dignioribus, & magis necessariis. Est autem historia regum Iuda dignior, & magis necessaria. Nam iste est liber sacræ scripturæ, & ponit historias populi Dei. Regnum autem Iuda erat populus Dei, & quamquam aliqui declinarent ad idola, mansit tamen semper ibi cultus veri Dei. Regnum autem Israel omnino declinauit ad idolatriam, & translati sunt omnes in Assyrios: unde nec fuerunt populus Dei, & sic Esdras non curauit supplere historias pertinentes ad reges Israel, quia illi iam non pertinebant ad populum Dei, ita ut de illis aliquid scriptura sacra dicere deberet. Sed dicitur, cur in lib. Reg. posita fuit historia regū Israel sicut regū Iuda: cum Esdras hic de illa nihil repperit? Respondendum, quod hoc fuit propter duo. Primum fuit, quia tempore, quo scribebantur libri Reg. ut aliqui volunt, erant Israelitæ pertinentes aliquantulum ad populum Dei, scilicet quædam pars decisa de populo Dei, quæ redire poterat ad cæremonias, & conuersiones populi Dei, & tamen tempore Esdræ scribentis librum istum post captiuitatem Babylonis non erat Israel populus Dei, nec erat vlla spes de conuersione, ergo non curauit Esdras scribere aliquid de Israelitis. Ista ratio videtur quibusdam conueniens. Et tamen non conuenit, quia fuit scriptus liber Regū per Ieremiam, qui fuit tempore captiuitatis Babylonis, ut probatum est in prologo supra tertium Regū, & tunc non erant Israelitæ populus Dei, nec erat de illis vlla spes, quia iam erant translati in Assyrios nunquam redituri, sicut prædixerat Osee propheta. Secunda est, & melior. scilicet quod conueniens fuit describi in libris Regū historiam regum Israel, & populi Dei, quia licet non fuerunt populus Dei tempore quo liber scribebatur: tamen aliquando fuerunt scilicet antequam diuideretur regnum, cum esset vnus populus. Unde conueniens erat quod describeretur historia regum Israel: quia fuerunt aliquando vnus populus Iuda & Israel. Ideo ut non putaretur semper vnus populus, debuit describi diuisio: & ne crederetur, quod postea redirent ad vnitatem, conueniens fuit, quod describeretur status, & processus regni Israel usquequo ducti sunt Israelitæ in Assyrios nunquam redituri. Et sic factum est, ut patet in 3. & 4. Reg. vsquequo ductus est Iste autem liber non fuit introductus ad sciendum aliquid de nouo, sed ad plenè sciendum, auferendo omnem ambiguitatē per suppletionē defectuum. Et tamen non erat opus haberi tam exactissimam cognitionē de regno Israel: ideo non fuit conueniens hic iterari aliquid, & suppleri de statu illius regni. Status autem regni Iuda erat magis necessarius quam istud regnum fuit, cum esset populus Dei: ideo circa statum eius debuit fieri suppletio omissarum historiarum: & sic factum est hic.

a. causa, &
melior.



ALPHONSI TOSTATI

Episcopi Abulensis

IN LIBRUM SECUNDUM
PARALIPOMENON COMMENTARIA.

CAPITVLVM PRIMVM.



CONFORTATVS A est ergo Salomon filius David in regno suo, & Dominus erat cum eo, & magnificauit eum in excelsum. Præcepitque Salomon

vniuerso Israeli, tribunis, & centurionibus, & ducibus, & iudicibus omnis Israel, & principibus familiarum: & abiit cum vniuersa multitudine in excelsum Gabaon, vbi erat tabernaculum fœderis Domini, quod fecit Moyſes famulus Dei in solitudine. Arcam autem Dei adduxerat David de Cariathiarim in locum, quem præparauerat ei, & vbi fixerat illi tabernaculum, hoc est in Ierusalem. Altare quoque æneum, quod fabricatus fuerat Beſeleel filius Uri filij Hur, ibi erat coram tabernaculo Domini, quod & requiritque Salomon ad altare æneum coram tabernaculo fœderis Domini, & obtulit in eo mille hostias.

Confortatus. Hic incipit secundus liber Paralipomenon, in quo Elſas ſcriptor eius repetit, & ſupplet omnia in libro tertio, & quarto Regum, quantum ad illa, quæ pertinent ad reges Iuda, nullam faciendo mentionem de regibus Iſrael, ſicut declaratum eſt Alph. Toſt. ſuper Paralip.

ſupra in prologo. Et agitur hic de geſtis multorum regum, quorum primus eſt Salomon. Et ſecundum hoc liber iſte prima ſui diuiſione diuiditur in duas partes, quia primò ponuntur Salomonis geſta. Secundò Roboam filij eius, & ſucceſſoris facta infra decimo ca. Prima diuidit in duas, quia primò ponitur de operibus Salomonis erga Deum, ſecundò de operibus eius circa ſeipſum, infra 8. Nam regnum confirmatur, & beatitudo temporalis, ſi ea particula boni, quæ nobis comunicatur, Deo aſcribamus, & ſecundum eam ipſum colere nitamur. Sic fuit de Salomone, quia in principio regni ſui occupauit ſe circa opera cultus diuini fabricando templum: deinde ad ea, quæ ad honorem, & vtilitatem ſuam pertinebant conuerſus eſt. Prima in duas, quia cū Salomon intromittat ſe de ædificatione, & ad hoc ſunt aliqua præſuppoſita neceſſaria. Primò ponitur id quod eſt præcedens apparitio. Secundò ipſa fabricatio, infra 3. vbi iam incipit ædificare. Prima adhuc in duas, ſecundum, quod ſunt duæ diſpoſitiones neceſſariæ, vna remota, & præueniens, & alia coniuncta, & conſequens. Prima eſt prudentia in regente ad hoc, quod ſciat diſponere quid eſt, quod in opere fabricari debet. Et quid eſt neceſſarium ad fabricationem. Secundum eſt collectio ipſarum materiæ, & artificum neceſſariorum ad opus. Primum ponitur hic, vbi agitur de ſapientia data Salomoni in ſomniis, ſecundum quam ipſe ſciuit diſponere omnia, quæ fieri debebant in templo. Secundum eſt in ſequenti capitulo, vbi ponitur congregatio materiæ, & artificum. Prima in duas: quia primò ponitur Salomoni facta reuelatio. Secundò reuelationis executio: ibi. *Congregauitque.* Nā promiſit Deus Salomoni in ſomniis, quod quia ſapientiam petiuerat, daret etiam illi diuitias, & potentiam: ideo ponitur hic de multitudine diuitiarum, quas congregauit. Prima adhuc in duas, quia primò ponitur apparitio ad reuelationem. Secundò ipſa reuelatio ibi. *Ecce autem in ipſa nocte.* Circa primum dicitur. *Confortatus eſt ergo Salomon filius David in regno ſuo.* Iſtud eſt continuatio ad finem præcedentis libri, quia ibi dictum eſt, quod viuente David Salomon conſtitutus eſt in regem. Hic autem dicitur, quod confortatus

Quo regnum confirmetur.

Sapientia i ſomniis Salomoni data.

Quo tem
pore reges
oēs in re-
gno suo
conforta-
ti dicantur

est in regno suo, scilicet subiecit illud sibi totum. Et omnes faciebant voluntatem eius. Istud autem commune est omnibus regibus, quia quando nouiter constituuntur reges non sunt adhuc confortati in regno: quia non sunt adhuc oīa plenē eis subiecta, vel non disponuntur omnia per manum suam: & cum omnia reducerint ad manum suam, & omnes subditi eis obediunt, dicuntur confortati in regno: ita fuit de Salomone. Sed per quid fuit ista confortatio, dicitur infra in quadam sequenti quæstione. Et notatur in hoc tempus, in quo factum est quod habetur hic. Nam hic habetur de sapientia data Salomoni à Deo in somniis. Et ponitur tempus quando factum est, scilicet quando erat iam Salomon confortatus in regno. Quanto autem tempore durauerit antequam esset confirmatus in regno, & daretur sibi sapientia ista: declarabitur infra in secunda quæstione. *Et dominus erat cum eo.* Scilicet dirigendo omnia negocia eius prosperē: quia quidquid inciperet, prospere eueniebat. Etiam potest intelligi, quod dominus erat cum eo quantum ad gratiam gratum facientem. Nam, in principio regni sui fuit valde bonus, & non declinauit à viis Dauid patris sui, tertio Regum tertio capitu. & necessario esset tunc in gratia: in senectute autem deprauatum est cor eius per mulieres. 3. Re. 11. Et sic dñs erat cū eo, quia in charitate erat. Quomodo autem apparebat Deum esse cum Salomone magis declarabitur infra in tertia quæstione. *Et magnificauit eum in excelsu.* Id est, dedit ei excellentiam magnam. Ista fuit in sapientia, diuitiis, & potentia, de qua declarabitur infra in quadam quæstione. *Præcepitque.* Præcedentia ponuntur per modum præambuli ad ea, quæ infra sequuntur de actibus Salomonis, quia illa significant statum Salomonis: & tempus quo facta sunt, quæ sequuntur. Et apponitur hic apparatus ad reuelationem faciendam Salomoni. Illa autem fuit in Gabaon, quando in somniis data est ei sapientia. Et ad hoc præmittitur apparatus, scilicet, quomodo Salomon iuerit in Gabaon, & ad quid iuerit, scilicet ad offerendum Domino sacrificium. Et cur iuerit, scilicet, quia erat ibi altare, quod fecit Moyses, in quo secundum legem offerri debebant sacrificia. Et dicitur. *Præcepitque Salomon vniuerso Israel.* Scilicet, præcepit omnibus, vt se pararent ad ascendendum cum eo in Gabaon. An verò fuerit totus Israel, vel aliqua pars in Gabaon cum Salomone infra dicitur in quadam quæstione. *Tribunis, & centurionibus.* Istud ponitur expositiuē, & non per modum copulationis: quia vniuersus Israel, & tribuni, & centuriones non differunt, cum tribuni, & centuriones sint quædam partes totius Israel. Sed ponitur totus Israel ad comprehendendum communitatem, deinde explicatur magis particulariter, qui erant isti, qui iuerunt in Gabaon cum Salomone. Vocantur tribuni principes super mille viros: centuriones principes super centum. Qui autem erant isti infra declarabitur. *Et ducibus.* Isti erant principes militiæ: qui erant parati ad bellum, quando opus esset pugnare. Vel fortē isti erant duces, qui seruebant Salomoni per duodecim menses, sicut infra declarabitur. *Omnis Israel.* Supra ponebatur vniuersus populus Israel. Hic ponitur omnis Israel. Et tamen est differentia, quia supra ponebatur pro toto Israel in generali includendo tam principes quam subditos, & ipsum vulgus. Et ob hoc postea ponuntur species principum, scilicet tribuni, & centuriones, & iudices, & principes familiarum. Hic autem ponitur rursus, & omnis Israel. Et capitur specialiter pro vulgo, vt distinguatur à principib⁹, quia iam omnes principes positi erat. *Et principibus familiarum.* Quælibet enim familia habebat vnum

Quæst. 4.

Quæst. 5.

F principem in Israel. Et isti principes erant viri honorati, quia erant maximi in ipsis familiis. Vnde non intelliguntur nomine vulgi. De ijs autem infra magis declarabitur. *Et abiit cum vniuersa multitudo.* Scilicet, Salomon habuit in comitatu suo eundo in Gabaon totam istam multitudinem. Et vocatur tota multitudo intelligendo tam principes quam vulgares, cum omnes supra positi fuerint. *In excelsu Gabaon.* Id est in urbem Gabaon, quæ vocatur excelsu, quia ibi erat altare Domini, & offerebantur sacrificia. Aliqui errant in hoc putantes, quod vocetur excelsu Gabaon, quia erat ciuitas posita in loco excelsu, scilicet in montibus. Sed falsum est, quia vocatur excelsu, quia erat ibi altare. Nam omnia loca, in quibus erant altaria vocantur excelsa. Sic patet de regibus Iuda, qui boni erant: nam dicitur de illis, quod erant boni, & tamen excelsa non abstulerunt, sed adhuc immolabat populus in excelsis: vt patet de rege Asa. tertio Regum decimo quinto, & de Amasia quarto Regum decimo quarto, & de Ozia quarto Regum decimo quinto. Et de aliis dicitur, quod abstulerunt excelsa, sicut de Ezechia rege, & de Iosia quarto Regum decimo octauo, & vigesimo tertio, & infra trigesimo, & trigesimo quarto. Manifestum est tamen, quod ibi non possunt accipi excelsa pro locis excelsis, scilicet collibus, & montibus, quia illa excelsa non poterant auferri, nec auferenda erant: & tamen laudantur quidam reges, quia abstulerunt excelsa, & alij vituperantur, quia non ea abstulerunt. Ergo non sunt excelsa ipsi montes, sed altaria, in quibus adolebatur incensum, & fiebant sacrificia. Et hoc patet ex prædictis locis: quia cum dicitur de aliquo rege, quod excelsa non abstulit, Sequitur: sed adhuc populus immolabat, & adolebat in excelsis. Et sic erat Gabaon excelsu, quia ibi immolabatur, cum esset ibi altare Domini. Et patet hoc clarius tertio Regum tertio, vbi ponitur historia istius cap. & dicitur: Abiit quippe in Gabaon, vt immolaret ibi: illud quippe erat excelsu maximum, scilicet illud erat excelsu maxime venerationis, quia erat ibi templum Domini. Erat autem Gabaon quædam ciuitas in sorte Benjamin, vt patet Iosue 18. Et ibi erat piscina, & ager fortium, in quo vigintiquatuor viri fortissimi mutuis vulneribus concidere, secundo Regum secundo capitulo. *Vbi erat tabernaculum fœderis Dei.* Istud erat tabernaculum portatile, quod de vno loco ad alterum portabatur: & factum fuit istud in deserto, & durauit vsus eius vsque ad fabricationem tabernaculi, siue templi Salomonis. Considerandum autem circa hoc, quod tabernaculum accipitur hic largē pro tabernaculo, et atrio: quia tabernaculū, & atriu distincta sunt, vt colligitur Exo. 27. cū tabernaculum sit intra atrium. autē tabernaculum quædam domus portatilis quadrangula, scilicet triginta cubitorum longitudine, & decem cubitorum latitudine, & erat facta de tabulis in tribus lateribus, scilicet Meridiano Aquilonari, & Occidentali. Ante autem Orientale latus erat porta, & operiebatur quodam tentorio, quod trahebatur ante fores ad ingrediendum, & postea claudebatur extendendo illud tentorium. Et tectum illius tabernaculi habebat quatuor operimenta, scilicet de pellitijs factis vario opere, et de sagis cilicinis, et de pellibus arietum rubricatis: et de pellibus hyacinthinis. Exod. vigesimo sexto. Intra istud tabernaculū erant vasa sacra, in quibus ministrabatur, scilicet candelabrum, et mensa propositionis, et altare thymiamatum, et arca fœderis, et extra tabernaculum ad portam eius erat altare holocaustorum, in quo cremabantur carnes, vel adipēs sacrificiorum. Et ibi erat etiam labrum æneum. Istud autem tabernaculum offe-

Excelsa q
sint.

Descriptio
tabernaculi.

portabatur de loco ad locum, qualidocunque mouebantur filij Israel per desertum. Etiam postquam intrauerunt in terram Chanaan mouebatur de loco ad locum, quia nondum Deus determinauerat sibi locum, in quo firmiter maneret tabernaculum suum. Vnde prius fuit in Silo, deinde in Nobe, postea in Gabaon, deinde in Ierusalem: vt declaratum fuit primo Regum septimo. Et nunc erat in Gabaon, quando coepit regnare Salomon, et sic iuit illuc ad offerendum ibi sacrificia. Vocatur autem istud tabernaculum foederis. Et vocatur arca foederis, quia in illa custodiebantur tabulae legis, scilicet decalogi, super cuius obseruatione fuerat factum fœdus inter Deum & populum, vt patet Exodi 19. & 24. Quod fecerat Moyses. Id est iusserat fieri: nam ipse non fabricauit, sed iussit artificibus, quod facerent. Quod patet, quia Deus elegit duos artifices, qui fecerunt omnia opera tabernaculi, scilicet Beselehel, & Ooliab. Exod. trigesimo primo, & trigesimo quinto, & trigesimo sexto. Poterat tamen adhuc ipse dici facere illud, quia dirigebat artifices in fabricando, quia ipse dicebat eis quid facere deberent, & ipse acceperat a Deo in monte exemplar iuxta quod facere deberet. Vnde dixit ei Deus: inspicere, & fac iuxta exemplar, quod tibi in monte monstratum est, Exodi uigesimo quinto capit. *Famulus Dei.* Vocatur famulus Dei per excellentiam, quoniam ipse tempore suo fuit magis acceptus Deo, quam omnes alij, vt patet Nume. 12. scilicet: at non talis Moyses seruus meus, qui in tota domo mea fidelissimus est: facie ad faciem loquor ei, & non per ænigmata, & figuras Deum videt: & si vocat homo Dei saepe in Sacra scriptura, vt patet Iosue primo, & Malach. quarto. *In solitudine.* Fabricatus est tabernaculum istud in deserto, quia Moyses non fuit nisi in deserto: nam Moyses exiuit de Aegypto cum Hebræis, & antequam inde exiret, nihil factum est pertinens ad cultum Dei, cum nondum populus accepisset legem; nec esset factus specialiter populus Dei. De deserto autem non exiuit Moyses, sed anno quadragesimo ab exitu de Aegypto mortuus est in solitudine, & non permissum est sibi, quod introiret in terram Chanaan trans Iordanem, vt patet Deuter. 32. & trigesimo primo, & trigesimo quarto, & Deuter. 27. & sic quidquid fecit Moyses necesse est, quod in deserto fieret. Factum fuit autem istud in deserto Sinai: nam ibi factum est quidquid pertinebat ad cultum Dei. Factum est autem anno primo ab exitu de Aegypto. Quod patet, quia anno primo ab exitu de Aegypto in deserto Sinai, Exod. decimo nono, & ibi post tres dies, vt colligitur ex litera, vel post sex, vt alij volunt, data fuit lex, vt patet ibidem. Et post paucum tēpus, confirmata lege, Moyses ascendit in montis cacumen ad Deum: & stetit ibi cum eo quadraginta diebus, & totidem noctibus: accepitque tabulas legis, & fregit illas. Exod. vigesimo quarto, & trigesimo secundo: & rursus ascendit ad Deum, & stetit cum eo alius quadraginta diebus, & totidem noctibus, deditque ei alias tabulas ad instar primarum, Exod. 34. & Deuter. 9. & tunc etiam dixit ei de fabricatione tabernaculi, & aliorum valorum suorum: sicut Exod. a. cap. 25. vsque ad 33. & cum descendit Moyses secunda vice de monte incepit cum diligentia fabricare opus sanctuarij, Exod. 34. & 35. & fuit istud opus eiusdem ante finem eiusdem anni, vel saltem in fine eiusdem. Nam prima die anni secundi ab exitu de Aegypto erectum est tabernaculum, & posita fuerunt omnia vasa in locis suis, vt patet Exod. ultimo. Vnde fabricatio eius in paucis consummata est, scilicet,

Alph. Tolt. super Paralip.

A non in septem mensibus, vel quasi, vt declaratum est Exod. 19. & 24. *Arcam autem Dei adduxerat Dauid de Cariathiarim.* Erat arca Dei in Cariathiarim, & Dauid adduxit eam inde in Ierusalem, sicut declarabitur infra in quadam quaestione. Vocatur arca Dei ad differentiam aliarum arcarum, quæ non erant sanctuarij. Vel vocatur arca Dei specialiter, quia specialiter pertinebat ad Deum: & hoc quia erat ibi fœdus Dei qd Deus fecerat cum Israelitis de obseruanda lege, vt supra dictum est. Etiam specialis, quia in illa arca erat Deus magis quàm in aliquo alio loco sanctuarij. Nam super arce opertorium, quod vocabatur propitiatorium, erat inter alas duorum Cherubim Deus sedens secundum opinionem Iudæorum. Et sic dicitur, sedere super Cherubim, 2. Reg. 5. & Psalm. 79. & patet per hoc: quia ibi audiebatur vox loquentis, & respondentis ad oia inquisita: & ille respondens putabatur esse Deus, licet non erat. Quod patet Nam. 7. q. cū Moyses dubitaret de aliquo, & vellet habere responsum introibat in sancta sanctorum, & audiebat vocem loquentis ad se de super propitiatorio inter alas Cherubim. Erat tamen Angelus ille, qui loquebatur: sicut ibi probatum est, quia Deus loqui non potest: & ob hoc putabatur arca esse diuina res, & erat in maiori veneratione quàm aliquid aliud de toto sanctuario. Et etiam erat in loco magis occulto, quia ipsa sola erat intra sancta sanctorum post velum. Reliqua autem vasa erat in parte anteriori, & exteriori tabernaculi, vt colligitur Exod. 26. & sic recte vocatur arca Dei. Est autem Cariathiarim ciuitas quædam in sorte Iudæ: Iosue 15. ca. *In locum quem parauerat ei.* Dauid desiderans Dei cultum augere, voluit transferre arcam Dei, quæ erat in Cariathiarim ad aliū locum honorabiliorem: & parauit ei locum in Ierusalem. *Vbi fixerat illi tabernaculum, hoc est in Ierusalem.* Habebat Dauid domus pulchras cedrinas in Ierusalem, vt patet præcedenti libro capitulo 17. Quandam autem illarum separauit, & ibi posuit tabernaculum de pellis hyacinthinis, vbi poneret arcā: & ibi mansit multo tempore, vt patet præcedenti libro capitu. 15. & 16. *Altare autem æneum, quod fabricatus fuerat Beseleel filius Uri filij Hur, ibi erat.* Scilicet, in Gabaon, quod iuit Salomon nunc, erat altare æneum, quod fecerat Beseleel. Iste fuit præcipuus artifex in opere sanctuarij in deserto. Eum enim elegit dominus, & repleuit prudentia, & sapientia artis, sicut dicitur Exo. 32. & ei commissum est totum opus cum socio Ooliab. *Coram tabernaculo Domini.* Scilicet, altare istud erat coram tabernaculo: id est ante fores eius, quia non introducebatur in illud: cuius causa ponetur infra in quadam quaestione. Vocatur æneum, non quod totum esset de ære, quia parietes eius de lignis senim erant, Exod. 27. Sed erat opertum laminis æneis opere reticulato, vt patet ibidem. *Quod requisit Salomon, & omnis Ecclesia.* Scilicet, ad requirendum istud altare venerat Salomon, & tota Ecclesia, siue multitudo Iudæorum. Nam motuum Salomonis veniendi in Gabaon fuit ad offerendum sacrificium in altari illo. *Ascenditque Salomon ad altare æneum.* Scilicet, ascendit ad appropinquandum altari, vt offerret sacrificia. Non tamen faciebat ipse caeremonias sacrificiorum in altari: quia hoc ad solos sacerdotes pertinebat, sed offerebat illis animalia, quæ ipsi immolare deberent. *Coram tabernaculo foederis Domini.* Scilicet, quod ante portam tabernaculi erat ad latus Aquilonare, vt colligitur Leu. primo cap. *Et obtulit in eo mille hostias.* Id est, obtulit mille animalia, vt ibi ciemarentur carnes vel saltem adipos eorum. De istis animalibus, quod genus sacrificij factum fuerit, scilicet, an holocaustū, vel hostia pacifica, vel pro peccato, declarabitur infra in quadam quaestione.

Deus loq
non pot.

II. 29. 13

Lib. II. Paralip.

Cap. I.

Quomodo confortatus sit Salomon in regno suo.

Quest. I.

QVAERITVR circa prædicta, quomodo Salomon confortatus est in regno suo: vel quid est quod fecit per quod confortabatur in regno. Dicendum, quod pacificare regnum ad hoc, quod totum sit sub potestate regis, & nullus ei repugnet est confortari. Istud autem non convenit regibus à principio, quia non habent omnia ad plenum sub manu sua, nisi procedente tempore. Cum autem omnia hæc reducta fuerunt ad manum Salomonis, dictus est ipse confortatus in regno. Pro quo sciendum, quod ante mortem David cum iam esset senex, erat quædam contentio inter filios quis regnaret. Adonias autem erat maior ceteris, & pulcher atq; valde dilectus à David, & fecerat sibi currum, & equites, dicebatque, ego regnabo. David autem licet videret insolentiam huius non corripuit eum, quia teneret eum diligebat. Postquam autem David erat in lecto, & videbatur morti propinquus: Adonias, nesciente David, fecit se vngi in regem habens secum multos fautores, scilicet Ioab principem militiæ, & Abiathar sacerdotem summum. Cognito autem hoc David, fecit eadem die vngi Salomonem in regem. tertio Regum primo. Et quia ista vntio fuerat facta in discordia, ne post mortem David oriretur controuersia inter filios suos: & Adonias prætenderet se habere ius ex vntione sua concordauit David omnes filios suos, vt obedirent Salomoni: & omnes principes regni sui induxit ad hoc. Quo facto fecit Salomonem vngi altera vice. Et factum est hoc viuente David, vt patet præcedenti lib. cap. ultimo. Sed adhuc hoc facto non mansit plenè pacificum regnum in manu Salomonis. Nam Adonias cum Ioab, & Abiathar tractabat quomodo posset Salomonem expellere de regno, & ad hoc petiuit Abisag adolecentulam David in uxorem: Tertio Regum 2. Et tunc Salomon fecit occidi Adoniam fratrem suum, tanquam insidiantem sibi. Ioab quoque principem militie fecit occidi, & Abiathar sacerdotem fautorem Adoniæ exilio tradidit, iubens, vt maneret semper in Anathoth: & nunquam rediret ad curiam regis, eodem capitu. Et tunc exclusis insidiatoribus suis, confortatū est regnum in manu eius, quia iam non manebat aliquis, qui ei repugnaret. Istud autem factum erat quando Salomon ascendit in Gabaon. Ideo dicitur, quod confortatum est regnum in manu Salomonis.

Quo tempore iuit Salomon in Gabaon.

Quest. II.

QVAERITVR vltius, quo tempore iuit Salomon in Gabaon, de quo hic dicitur, scilicet quo anno, vel tempore regni sui. Dicendum, quod factum est postquam confirmauit sibi regnum, occidendo aduersarios suos. Et fuit hoc antequam inciperet edificare templum. Patet hoc ex ordine literæ hic. Nam prius ponitur hic confortatio regni: deinde quomodo iuerit in Gabaon: postea infra 3. incipitur edificatio templi. Et patet etiam magis ex ordine literæ tertii Regum: quia à principio vsque ad tertium capit. ponitur confirmatio regni, delendo aduersarios: in cap. tertio ponitur, quod iuerit Salomon in Gabaon. & in sexto ponitur de edificatione templi. Dicendum autem, quod fuit hoc in tertio anno regni Salomonis, vel in quarti anni principio. Quod patet, quia tertio Regum tertio ponitur, quod confirmato regno iuit Salomon in Gabaon, & confirmatio non fuit

F vsque post tres annos finitos: ideo finito tertio anno fuit istud. Patet hoc, quia confirmatio regni Salomonis fuit postquam occidit omnes aduersarios sibi, & patri suo David, scilicet Adoniam, Ioab, & Semei. Fuit tamen occisus Semei tribus annis post principium regni Salomonis. Nam Salomon in principio regni sui dixit Semei, quod non exiret de Ierusalem, & post tres annos fugerunt serui Semei in Geth, & iuit vt reduceret eos: & tunc Salomon occidit eum, quia fecit contra mandatum suum, tertio Regum secundo. Et sic ad minus tres anni erant elapsi, antequam confirmatū esset regnū Salomonis, & post confirmationē istam Salomon iuit in Gabaon, vt hic dicitur. Aliquis autem dicet, quod licet patet, quod fuerit istud post confirmationem regni, tamen non apparet, an paruo tempore, vel magno post confirmationem regni fuerit istud: & sic poterat esse, quod anno decimo, vel duodecimo regni Salomonis fuerit istud. Dicendum, quod non stat; sed illico post confirmationem regni fuerit. quod patet, quia fuit istud antequam inciperet edificatio templi, vt patet ex ordine literæ hic, & tertio Reg. à principio vsque ad sexto capi. Et tamen coepit edificatio templi in principio anni quarti regni Salomonis, vt patet tertio Regum sexto. Ergo in principio anni quarti ipsius fuit hoc. In isto autem libro omituntur omnia, quæ habentur tertio Regum 1. & 2. eo quod ibi plenè posita sunt, & non oportebat illa repeti. & sic factum est de multis aliis, quæ non tanguntur in hoc libro, & ponuntur in 3. & 4. Regum.

Quomodo dominus erat cum Salomone.

Quest. III.

QVAERITVR vltius, quomodo dicitur hic, quod Dominus erat cum Salomone, & per quid cognoscebatur, quod dominus erat cum eo. Dicendum, quod potest intelligi dupliciter. Vno modo, quod dominus erat cum eo gratificando eum: sic dicitur esse Deus cum omnibus illis, qui sunt in charitate acceptando opera eorum. Alio modo est Deus cum aliquo dirigendo opera eius ad prosperum euentum. Primo modo potest dici, quod erat Dominus cum Salomone: scilicet per gratiam. Nam si quis est in charitate, Deus est in eo. Iuxta illud prima Ioan. 4. scilicet: Deus charitas est, & qui manet in charitate, in Deo manet, & Deus in eo. Et non solum est Deus in eo, imò etiam est idem cum Deo, vt patet secunda ad Corint. sexto. Qui diligit Deum vnus spiritus est cum eo. Salomon autem erat isto tempore in charitate, ideo erat cum eo. Patet hoc, quia Salomon a principio fuit à Deo dilectus vsquequo peruersum est cor suum per mulieres: nam antequam nasceretur Deus dilexerat eum dicens: ego ero ei in patrem, & ipse erit mihi in filium, secundo Regum septimo, & precedenti lib. ca. decimo septimo. Et in nativitate sua ostendit ei no diligebat eum: nam cum mater sua imposuisset ei nomen Salomon, misit Deus Nathan prophetam ad ponendum ei aliud nomen: vocauitque eum Idida: id est amabilis domino, & subditur ibi causa. sc. eo quod diligeret eum Deus, secundo Regum duodecimo. Deinde semper fuit vir laudabilis. Nam postquam factus est rex, vsquequo confirmatum est regnum in manu eius, non peccauerat: quia tertio Regum tertio dicitur: Dilexit Salomon Dominum ambulans in præceptis David patris sui. Erat ergo in charitate cum Deum diligeret. Et si nunc Deus erat cum eo. Ille modus est verus, & satis conueniens, sed non est iste, quem

quem intedit litera, quia hic agitur de confortatione regni, quæ erat bonum temporale, ideo quod Deus esset cum eo debet intelligi secundum relationem ad bona temporalia. Et dicendum quod Deus dicitur esse cum aliquo, quando facit eum prosperari in omnibus actibus suis: nam bona ista temporalia, & quæcunque prosperitas, licet absolute parua: si bona sunt, a Deo tamen sunt. Et quia non potest homo illa habere sine diuina dispositione: quando alicui ista abundanter eueniunt, dicitur ille Deum habere placatum, & Deus esse cum eo. Et potissime homines dicunt Deum esse cum aliquo, quando prosperitas sua euenit sine labore: & in magna quantitate, quia tunc non possumus illud attribuire humane industriæ vel labori, quia non perueniunt ad tantum: ideo oportet reduci in aliquam causam superiorē, scilicet in Deum. Et sic volunt quod Deus det illa bona specialiter quæ sic homini eueniunt. Et ista fuit intentio popularium ab antiquo, sic patet de Abimelech rege Gerar, & Philistinis: qui viderunt Isaac subito multiplicatum in diuitiis: & putauerunt Deum esse cum eo, dicentes: vidimus Deum esse tecum, ideo diximus sit pactum & iuramentum inter nos, ne noceas nobis, sicut nec nos quidquam tuorum attigimus: Genesis 26. Patet etiam de Ioseph, in cuius manu negocia prosperabantur: & propter hoc Dominus suus putauit Deum esse cum eo. Genesis 39. scilicet. Fuitque Dominus cum eo, & erat vir in cunctis prosperè agens, habitabatque in domo Domini sui, qui optimè nouerat Deum esse cum eo: & omnia, quæ gereret, ab eo dirigi in manu illius. De Salomone autē sic fuit in exordio regni: nam incipiebat res magnas, & difficiles, & omnes ei prosperè eueniebant. Habebat namque Adoniam fratrem suum, & Ioab principem militiæ, & Abiathar sacerdotem insidiatores suos ad expellendum eum de regno, qui erant viri potentes: & tamen ipse eos occidit, & cæteros sibi pacificauit 3. Reg. 2. Et hæc facilius fecit nihil mali passus, ideo Deus erat cum eo. Et istud est quod intendit litera. Etiam Salomon in breui tempore ad magnas diuitias, potestatem, sapientiam, & terrena bona ac temporalia peruenit, ad quæ alij sic peruenire non possent, ideo Deus erat cum eo.

Quid erat illud, in quo Deus magnificauit Salomonem.
Quest. IIII.

QUÆRITVR vltius, cum dicitur hic, quod Deus magnificauit Salomonem in excelsum: quid erat istud, in quo illum magnificauit. Aliqui respondent quod fuerunt diuitiæ. Nam Salomon peruenit ad tantas diuitias, ut nullus regum, qui fuerant ante eum tot diuitias habuisset, tertio Reg. 3. etiam magnificatus est in gloria throni sui, & edificiorum, & ministrorum: & totius apparatus domestici. Nullus enim regum talem ministrorum Salomonis: & omnia, quæ erant in domo sua, admirata est, nec iam habebat spiritum: tertio Reg. 9. Et quia superauit etiam alios homines sapientia, quia nullus tam sapiens fuit ante eum, nec post eum 3. Reg. 3. et 4. Etiam magnificatus est in latitudine cordis: sicut dicitur 3. Reg. 4. Dedit Deus Salomoni latitudinem cordis, sicut arenam, quæ est in litore maris. In omnibus iis magnificatus est super alios homines. Sed obicitur, quod non intelligatur de hoc, quia licet Salomon habuerit omnia bona, tamen non habuerat aliquod istorum in excellentia hoc tempore, antequam iret Salomon in Gabaon: & ta-

Amen tunc Salomon non peruenerat ad magnas diuitias, quia istas obtinuit Salomon mittendo in Ophir, & in Tharsis, et ad alias insulas, ut patet 3. Reg. 10. et infra 9. Et istud non faciebat Salomon adhuc, quia nunc incipiebat regnare, cum nunc confortaretur regnum eius. Eodem modo apparet de gloria sua quia gloria euenit Salomoni ex duobus: scilicet ex sapientia, et ex diuitiis, ut colligitur tertio Regum decimo: nam maxima gloria sua erat in ordinatione rei familiaris, et istud ad prudentiam pertinet. Et tamen Salomon nondum habuerat diuitias in abundantia, ut supra dictum est. Etiam nondum habuerat sapientiam, ut mox dicitur: ideo non erat magnificatus in gloria. Etiam non erat magnificatus in sapientia, quia non collata fuerat sibi a Deo, quia collata est quando iuit in Gabaon, ut patet infra in litera, & tertio Regum tertio. Responderi potest dupliciter: vno modo, quod Salomon magnificatus fuerit in excelsum per omnia ista, quæ nominata sunt. Et cum obicitur, quod nondum Salomon ista habuerat, concedendum est. Ponitur tamen hic per anticipationem, quia hic agitur de statu Salomonis, qui respicit totum tempus eius, & postea dicitur de gestis ipsius. Et sepe in scriptura fit talis anticipatio, & recapitulatio. Alio modo potest intelligi, quod Salomon magnificatus esset non per aliquid istorum, sed solum per confirmationem regni. Nam cum non esset regnum confirmatum, non erat Salomon magnæ gloriæ, nec potestatis. Cum autem fuit confirmatum, fuit ipse potens, & exaltatus nimis super omnes de regno suo. Primus tamen sensus conuenientior est.

Quomodo iuit Salomon cum vniuersa multitudine Israel in Gabaon. Quest. V.

QUÆRITVR vltius, quomodo dicitur, quod Salomon iuit cum vniuersa multitudine Israel in Gabaon. Nam non videtur verisimile, quod ad eundem in Gabaon haberet secum totam multitudinem Israel comitantem. Aliquis dicit, quod Salomon secum tulit multitudinem totam ad honorem festiuitatis, quam facere volebat: nam obtulit mille hostias, ut patet in litera. Et ut melius, & solennius fieret ista festiuitas, habuit secum totam multitudinem. Dicendum tamen, quod hoc non est intelligendum, quod omnino totam multitudinem Israel duxerit secum Salomon, ita quod nullus maneret in aliquo loco certo in Israel, sed irent omnes cum Salomone, quia tanta multitudo erat superuacua, nec posset commode illuc ire: quia necesse erat, quod aliquis tantæ multitudini ministraret, & alia erant negocia, vel opera, quo amitti non poterant, ita ut omnes irent cum Salomone. Sed dicendum, quod Salomon vocauit de toto Israel viros excellentiores, utpote tribunos, centuriones, duces, & iudices, & de reliquo populo magnam multitudinem, & ferendo secum istos dicebatur terre totam multitudinem, quia in scriptura iste terminus totus, vel omnis: non tenent vim suam, ita quod faciant distributionem pro omnibus partibus integralibus, vel subiectis, sed accipiuntur pro multis. Et interdum minor pars vocatur omnis, scilicet, minor pars populi totus populus. Istud autem prouenit ex modo loquendi popularium, qui non seruant istas distributiones, & sacra scriptura sequitur modum loquendi vulgare. Causa autem, quare Salomon tantam multitudinem secum tulit, non videtur fuisse se ad honorem regalem, quia ipse tanta multitudine semper constipatus incederet, sed fuit ex causa specialitatis: scilicet voluit facere festiuitatem magnam in Gabaon. Et

Causa quare Salomon tulit secum tantam multitudinem in Gabaon.

Et quia festiuitas maxime solēnizatur ex præsētia multitudinis. Nam ubi pauci sunt etiam si multæ ceremoniæ teneantur non est magna solennitas: voluit habere secum magnam multitudinem, & honorabilem, scilicet quæ erat præcipua in Israel. Quod autem voluerit facere festiuitatē, patet quia obtulit mille hostias, & tamen ista erat oblatio valde excellens, ideo nō erat quotidiana, sed specialis pertinens ad magnam festiuitatem. Patet etiam: quia Salomon cū haberet locū offerendi Domino in Ierusalem coram arca, ubi Dauid pater suus faciebat sacrificia, noluit ibi offerre nūc, sed iuit in Gabaon ad offerendum. Item patet, quia istud semel tantum esse factum legitur. Et tamen si non esset opus magnæ festiuitatis sæpe fieret. Voluit ergo facere Solomon aliquam magnam solennitatē in Gabaon, & ad hoc secum tulit totam istam multitudinem. Sic enim fecit Dauid quando voluit facere solennitatem magnam in portatione arcæ cū portauit eam de Cariathiarim in domum Obededom, siue de domo Obededom in domum suam. Nam congregauit tunc totum Israel, vt patet secundo Regum sexto, & præcedenti libro cap. decimotertio, & decimoquinto. Causa autem quare Salomon faceret istam solennitatem magnam, & offerret tam Magnificas hostias videtur fuisse ad reddendum Deo gratias de collato beneficio. Nam in principio regni sui erat in quadam anxietate propter magnos insidiatores, quos habebat. Deus autem dederat iam omnes sub pedibus eius, & pacificauerat regnum sibi: ideo pro tanto beneficio volebat gratias agere, & obtulit mille hostias. Ista causa, licet non exprimatur in litera: colligitur tamen ex ordine eius, quia supra dicitur, quod confirmatum fuit regnum in manu Salomonis, & subditur quod iuerit in Gabaon illico: ideo videtur, quod propter illud factum fuerit: cū idem ordo ponatur hic et 3. Reg. cap.

De tribunis, & centurionibus, qui erant cum Salomone.

Quæst. VI.

QUÆRITVR vterius, de istis tribunis, & centurionibus, qui iuerunt cum Salomone, qui erant. Aliqui volunt, quod erant isti de successoribus illorum tribunorum, & centurionum, qui constituti sunt in deserto propter consilium Iethro Exodi 8. Et postea putant, quod isti habuerunt successores alios, & durauit ille ordo vsque ad tempus Salomonis. Sed dicendum, quod hoc non stat. Primo quia ille ordo non potuit durare postquam Israelitæ ceperunt habitare in terram Chanaan distincti per loca, sicut in deserto, quia in deserto erat totus populus vna multitudo, quæ poterat conuenienter diuidi per tribunos, centuriones, quinquagenarios, & decanos. Postquam autem fuerunt in terra Chanaan distincti per loca nō poterat fieri ista diuisio, quia in aliquibus locis essent decani qui non haberent quinquagenarium, eo quod non erant quinque decani, & alibi essent centuriones non habentes tribunum, & sic de cæteris, ideo nō mā sit iste ordo. Secundo patet, quia hic ponuntur centuriones, & tribuni, deinde iudices: & tamen centuriones & tribuni, qui erant in deserto, & constituti fuerunt per Moysen erant iudices, vt patet Exod. 18. et Deut. 1. Et isti non erant iudices, cū ponantur iudices ab eis distincti, ergo non erant de illis tribunis, et centurionibus. Tertio patet, quia illi centuriones, et tribuni positi fuerant ad iudicandum, vt dictum est, et tamen non manserunt iudices in terra Chanaan in

F populo Israel, quales erant in deserto, sed mutatus fuit ordo eorum, vt ait Iosephus 4. Antiquita. ideo nō manserunt aliqui successores illorum centurionum, & tribunorum post introitum in terram Chanaan. Dicendum ergo, quod isti centuriones & tribuni erant principes exercitus non quidem principes maximi, sed alij minores. Pro quo sciendū, quod ad hoc quod esset ordinatus exercitus Dauid, ipse diuiserat illum per partes ponendo quamlibet partē sub duce suo immediato, vt scirent omnes, cui deberent obedire, & non esset multitudo deordinata. Et sic diuidebat exercitum per decanos, tribunos, & centuriones: & quilibet istorum habebat curam de subiectis sibi, & illi solum principem suum respiciebant. Sic patet 2. Reg. 18: quando Dauid instruxit bellum contra filium suum Absalon. Nam diuisit populum per tribunos, centuriones: & deinde totam multitudinem sic diuisam dedit sub manu trium maximorum principum, vt patet ibidem. Hunc modum habebat Salomon filius eius: ideo habebat centuriones, tribunos, & quinquagenarios, qui erant principes pro tēpore belli & tñ semp manebant in isto principatu, licet non esset bellū, & isti principes constituebantur etiam super aliqua officia regis: sicut Dauid habebat principes substantiæ suæ, scilicet œconomos præcedenti Lib. capi. 27. Et illi erant tribuni, & centuriones: eo. Lib. cap. 18. Istos autem vocauit nūc Salomon ad eundum in Gabaon, quia erant viri honorabiles.

H

Qui erant isti duces. Quæst. VII.

QUÆRITVR vterius, de ducibus, de quibus hic dicitur, qui erant. Aliquis dicit, quod isti erant centuriones, & tribuni, qui præerant partibus exercitus, vt declaratum est præcedenti quæstione. Sed dicitur quod non stat, quia hic distinguuntur duces, et tribuni, & centuriones, quia primo ponuntur centuriones, & tribuni, et deinde duces. Aliquis dicit quod erant isti duces duodecim viri qui prouidebant domui Salomonis quantum ad omnia necessaria per duodecim menses anni, et quilibet prouidebat vno mense. Habebat autem quilibet istorum certam partem terræ sibi subiectam, de qua colligebat redditus Regis, & de illis prouidebat domui regis vno mense, de quibus patet tertio Regum quarto. Et iste modus satis conueniens est. Alio modo potest dici, quod isti duces erant duodecim principes turmarum. Pro quo sciendum, quod Dauid habebat duodecim principes turmarum suarū, per quos erat tota multitudo distincte subiecta, et sub quolibet eorum erant vigintiquatuor millia virorum, & ministrabat quilibet istorum vno mense coram rege manendo semper in curia, vt patet præcedenti libro vigesimo septimo capitu. Ita credendum est de Salomone, cū gloria regni sui nō esset minor quā gloria regni Dauid, imo maior, quod ipse haberet istos duodecim principes turmarū, & isti vocarentur duces. Alio modo potest intelligi, quod isti essent principes belli. Ita quod Salomon aliquos viros assignasset, vt eēnt principes bellorum, vt isti essent magnæ potestatis. Sed aliquis obijciat, quod non stat, quia supra ponebantur tribuni, & centuriones: & isti erant principes exercitus, cū per eos distinctus esset exercitus, vt supra declaratum est. Dicendū, quod non stat, quia illi erant principes exercitus, sed non principes summi, vnde non proprie vocantur duces: sic patet 2. Regum 18. in bello, quod fecerunt serui Dauid contra Absalon: nam Dauid de-

misit totum populum per centuriones, & tribunos, et postea tradidit totum populum in manu trium ducum. Et sic centuriones, et tribuni non vocantur ibi duces. Ita poterant nunc esse duces belli, et non essent centuriones, nec tribuni, et ratio est, quia erant maiores quam centuriones, et tribuni, cum tribuni solum præsent mille viris, et tales duces præerant magnæ multitudi.

De iudicibus, de quibus hic habetur.

Quæst. VIII.

QUÆRITVR ulterius, de iudicibus de quibus hic dicitur, qui erant. Respondendum quod iudices in Israel ceperunt hoc modo. Nam antequam Israelitæ exirent de Aegypto non erat vnus populus, sed erant serui Aegyptiorum, & non habebant per se iudices tanquam distinctus populus. Vel si aliquos iudices habebant, illi erant positi ab Aegyptiis. Cum autem exierunt Israelitæ de Aegypto, venerunt in libertatem, & tunc ceperunt esse populus. Et quia Moyses fuit tunc ductor eorum, & princeps in exitu de Aegypto, ipse etiam solus erat iudex. Et quia populus erat valde multus erant causæ multæ, nec poterat eas diffinire Moyses: vnde sedebat Moyses ad iudicandum a mane vsque ad vespem: & tamen non poterat ex plere diffinitionem causarum. Cum autem venit ei sacer Iethro sacerdos Madian, viditque eum sic affligi, ait: stulto labore cõsumeris tu & populus, qui tecum est: supra vires tuas negocium est, solus non poteris illud sustinere: & tunc consuluit ei, quod acciperet alios iudices, faciendū quod distingueret totum populum per decanos, quinquagenarios, centuriones, & tribunos, & illi iudicarent in rebus paruis, & Moyses in rebus magnis, & in illis, quæ ad Deū pertinebant: & etiam quod deuoluerentur ad eum quæcunque causæ per appellationem. Exod. 18. Fuit autem facta ista ordinatio iudicum anno primo ab exitu de Aegypto in principio anni, scilicet, quando venerunt Israelitæ in deserto Sinai, vt declaratum est eodem capite. Deinde mansit iste ordo iudicum. Sed adhuc non suffecit hoc Moysi, quia causæ graues vrigebant eum: ita vt solus non posset illas sustinere. Et cum oraret Deum, quod occideret eum, vel solueret de hoc labore, dedit ei Deus septuaginta seniores cõsocio, qui haberent spiritum propheticum, & adiuuaret Moysen in causis arduis, & factum est istud in sepulchris concupiscentiæ: Numeri. 11. Et fuit anno secundo ab exitu de Aegypto. Nam vsque ad Cadesbarne perueniunt Israelitæ illo secundo anno, vt declaratum est Num. 13. & 33. & durauit iste ordo septuaginta seniorum cum quinquagenariis, decanis, centurionibus & tribunis vsque ad introitum terræ Chanaan: & cum moriebatur quispiam istorum, subrogabatur alius loco eius. Cum autem Israelitæ ceperunt habitare in Canaan, cessauit ordo centurionum, tribunorum, quinquagenariorum, & decessione: vt probatum est supra in quadam questione, quia non poterat ibi competenter seruari iste ordo. Mansit autem ordo septuaginta seniorum, quos instituerat Moyses, & fuerunt tunc duo ordines iudicis vltimate deuoluebantur. Alij autem erant iudices minores distincti per singula loca. De iudicibus minutis aliqui iudices oriundi de ipso loco secundum exigentiam loci multi, vel pauci. Et quia isti erant laici, qui non erant multum dediti studio legis, & consenserunt non erant nimis introducti circa leges foras, dabantur Leuitæ in assessores, scilicet cuiuslibet iu-

A dici duo Leuitæ, vt ait Iosephus quarto antiquitatum. Et hoc verisimile est, quia ad iudicium Leuitarum pendebat totus status populi, vt patet infra trigesimo quinto. scilicet Leuitis quoque ad quorum eruditionem omnis Israel sanctificabatur. Et infra decimonono Sacerdotibus, & Leuitis commissa est cura iudicandi a Rege Iosaphat. Isti iudices minores iudicabant in omnibus causis tam ciuilibus, quam criminalibus: & tamen per appellationem deuoluebantur causæ ad alios iudices maiores. Isti namque iudices minores successerant loco decanorum, quinquagenariorum, centurionum, & tribunorum. Loco autem Moysi, & septuaginta seniorum successerunt alij iudices, qui vocabantur domus iudicii, vel consilij: & vocabantur seniores. Erant autem isti septuaginta iudices, qui creduntur esse de sacerdotibus, & Leuitis, vel, vt aliqui volunt, erant de laicis: & princeps eorum erat summus sacerdos, sicut Moyses erat princeps septuaginta seniorum in deserto: & isti omnes conueniebant ad concilium celebrandum, & audiendum causas in quadam domo, quæ erat in templo Salomonis: scilicet in atrio eius ad latus meridianum. Sic dicitur præcedenti Lib. ca. 26. scilicet, quod domus seniorum, & concilij erat ad austrum: & erant Leuitæ custodes eius. Omnes isti seniores erant iudices: sed non omnes sententiabant, sed solus sacerdos, vel ille, qui tenebat locum eius: & alij concordabant, vt colligitur Deuterono. 17. Et si quis non obediret illi sententiæ, occidebatur: nec erat ultra appellandum. Iste ordo iudicum mansit semper: vsquequo Ierusalem destructa est per Romanos post mortem Christi: nam Christus ab isto ordine iudicum morti condemnatus est. Sic dicit Iosephus 18. Antiquitatum: & patet apud omnes Euangelistas, qui dicunt Christum præsentatum coram Caipha, & senioribus: & quomodo illi loquebantur contra Christum. Isti autem iudices de secundo ordine erant viri potentes & honorabiles in toto Israel, ideo istos saltim nunc conuocauerat Salomon ad eundum in Gabaon.

De principibus familiarum, de quibus hic habetur.

Quæst. IX.

QUÆRITVR ulterius, qui erant isti principes familiarum, de quibus hic dicitur. Et dicendum quod familia accipitur dupliciter, aliquando largè, & aliquando strictè. Largè vocatur familia quæcunque cognatio; & sic tribus vocatur familia. Aliquando accipitur familia pro quadam cognatione, quæ est sub tribu, & est minor aliquantulum quàm tribus, & sic quælibet tribus diuiditur per certas familias, vt infra dicitur. Accipiendo primo modo dicendum, quod principes familiarum erant duodecim, & in qualibet erat vnus princeps. Isti principes erant secundum ordinem natiuitatis, scilicet quod illi, qui descendebant directè à capite tribus per lineam primogenitorum esset princeps, & iste semper erat vnus in qualibet tribu, quia impossibile erat multos simul primogenitos esse, & descendisse semper per lineam primogenitorum a capite eiusdem tribus, vel familie: vt patet intuitu: cum non possint eiusdem hominis esse multi primogeniti. Isti autem principes tribuum erant viri honorabiles nimis, nam in toto populo non erant alij honorabiliores. Quod patet, nam in exitu de Aegypto quando dedicatum est tabernaculum isti principes obtulerunt munera sua per duodecim dies, scilicet quilibet vno die, & de reliquo populo non fit mentio aliqua, quod obtulerit, vt patet Num. 7. cap. Accipiendo familiam strictè dicendum, quod multi erant principes familiarum, quia multæ erant familie.

Nam

Familia dupliciter accipitur.

Principes qui erant secundum ordinem natiuitatis

Nam sub qualibet tribu erant duæ, vel tres, aut plures tribus, & nomina istarum familiarum, & quot, & quæ erant sub qualibet tribu habetur Numeri 26. Istæ autem familiæ nominabantur à filiis, vel nepotis illorum, à quibus nominabatur tribus. vtpote a Iuda filio Iacob nominata fuit vna tribus, & sub ista tribu fuerunt quinque familiæ. Nam habuit Iudas quinque filios, scilicet Her, Onan, Sella, Phares, & Zaram. Her, & Onan mortui sunt sine semine, Gen. trigesimo octauo. Manserunt tres, & ab eo nominate sunt tres familie, scilicet Pharesitarum, Zareitarum, Sellaitarum. Habuit autem Iudas duos nepotes, scilicet Efron & Amul filios Phares: & ab illis nominatæ sunt aliæ duæ familiæ. scilicet Efronitarum, & Amulitarum. Et de his Numeri. 26. capi. Sic de qualibet alia tribu ponuntur ibi familiæ eius: & derivantur istæ à capitibus immediatis sub capitibus tribuum. In qualibet autem istarum familiarum erat vnus princeps, & isti principes derivantur per lineas primogenitorum à capitibus familiarum, sicut supra diximus de principibus tribuum. Et nunc dicendum, quod principes familiarum possunt hic accipi vtroque modo. Et tamen, quia principes tribuum erant honorabiliores, quàm principes omnium familiarum, verisimilius erat quod principes tribuum venissent cum Salomone in Gabaon quàm principes familiarum. Ideo dicendum, quod vel accipiantur principes familiarum pro solis principibus tribuum: vel pro principibus tribuum & familiarum simul extendendo nomen familiæ ad omnem cognationem. Quod autem accipiantur pro solis principibus familiarum non est inconueniens, quia non omitterentur principes tribuum.

*Quare nunc Salomon iuit in Gabaon.
Quest. X.*

QVAERITVR vltius, quare Salomon iuit nunc in Gabaon ad offerendum ibi. Aliquis dicet, quod iam ad hoc supra responsum est, scilicet, quod iuit ad faciendum solennitatem pro beneficio suscepto de confirmatione regni in manu eius. Dicendum quod hoc non sufficit, quia si vellet Salomon facere solennitatem, poterat facere istam in Ierusalem: imò excellentius, quia Ierusalem erat gloriosior vrbs quàm Gabaon. Etiam si vellet Deo gratias reddere pro suscepto beneficio, poterat etiam sacrificia facere in Ierusalem, quæ faciebat in Gabaon. Dicendum quod voluit ire Salomon in Gabaon, quia volebat offerre sacrificium: sicut litera innuit, quod Salomon, & totus populus requisierunt altare Domini, quod erat in Gabaon, & ascendit Salomon ad offerendum in eo. Cum autem dicitur, quod poterat offerre sacrificia in Ierusalem, sicut in Gabaon. Dicendum quod non poterat ita licite offerre, sicut in Gabaon. Pro quo sciendum, quod Deus iusserat Le. 17. & Deute. 12. quod sacrificia non fierent in aliquo loco, nisi super altare holocaustorum ad ostium tabernaculi: & si quis toris immolaret, esset reus ac si sanguinem effudisset: & cum nunc esset sanctuarium Domini in Gabaon, & ibi esset altare, non licebat in aliis locis offerre: & quando quis offerret in aliis locis, licet Deo immolaret, & ex deuotione ageret, peccaret tanquam transgressor legis. Ideo cum nunc Salomon vellet Deo pro beneficio suscepto gratiarum actiones reddere, voluit sacrificare in loco Deo accepto, & sic venit in Gabaon: & si aliquando Salomon in aliis locis offerebat, licet bono animo faceret, reprehensibilis erat. Sic enim dicitur 3. Re. 3. quod dilexit Salomon dominum ambulans in præceptis David patris sui, excepto, quod in excelsis immolabat, & adolebat incensum. Ista responsio est satis rationabilis: sed adhuc non stat, quia poterat licite offerre Salomon in Ie-

Frusalem coram arca. Nam manebat in Ierusalem in domo David, vbi ipse posuerat eam: sicut in litera patet. Et ibi David immolabat holocausta, & totus Israel coram arca, vt patet præcedenti Lib. cap. 16. & ibi declaratum est: quod licitum erat coram arca immolari, non ergo venit ad immolandum in Gabaon, tanquam in quocunque alio loco immolare peccatum esset. Dici potest dupliciter: uno modo, quod licet licitum esset coram arca immolare: tamen magis licitum erat, et meritorium coram tabernaculo super altare holocaustorum, quia offerre super altare holocaustorum erat regulare, cum ex legis præcepto fieret: offerre autem coram arca existente extra sanctuarium erat extraordinarium. Melius ergo erat offerre super altare holocaustorum. Istud videtur innui. 3. Regum 3. cum dicitur de Salomone, quod iuerit in Gabaon ad offerendum. Nam signatur, quod in illo bene egerit: & offerendo in aliis locis male faciebat, vel non tam bene, cum dicitur, quod dilexit Salomon dominum ambulans in præceptis David patris sui, excepto quod in excelsis immolabat. Secundo potest dici, & fortè melius, quod licet Salomoni liceret immolare in Ierusalem coram arca, tamen ex voto immolauit in tabernaculo Gabaon. Quia ad maiorem deuotionem interdum vouent homines ire ad aliqua loca non consueta: sic enim Abiathar vouit offerre domino in Hebron, cum esset in Gethur. Et licet postea esset in Ierusalem, vbi licite offerre poterat, dixit David patri suo, quod daret ei licentiam eundi in Hebron ad sacrificandum, quia vouerat hoc. 2. Regum 5. Ita ergo nunc de Salomone credi potest, quod ipse vouerit facere sacrificia in Gabaon, ideo illuc iuerit.

De quibusdam verbis hic dictis, scilicet quod David duxerat arcam etc. Quest. XI.

QVAERITVR vltius, quare dicitur hic, quod David duxerat Arcam de Cariathiarim in Ierusalem in locum, quem preparauerat, quia istud non videtur ad propositum. Nam hic dicitur de Salomone eunte in Gabaon, & causa eundi fuit, quia erat ibi tabernaculum Domini. Extraneum autem erat ad hoc, quod Arca esset in Ierusalem: ideo non videtur quare ponatur hic. Respondendum quod potest poni vno modo ad tollendum dubium. Nam diceret aliquis ad quid ibat Salomon ad offerendum in Gabaon, quia cum in Ierusalem esset arca Domini, coram illa poterat licite immolari, & non oporteret ire in alium locum, ideo forte aliquis putaret, quod etiam arca Domini translata esset in Gabaon, sicut tabernaculum, & sic non esset iam licitum offerre in Ierusalem: cum ibi non esset tabernaculum nec arca. Dixit ergo scriptura, quod licet esset tabernaculum in Gabaon, erat arca in Ierusalem. Secundo potest dici, quod hoc dictum est ad tollendum aliud dubium, quod oriebat ex præcepto legis: nam Deus iusserat arcam poni in tabernaculo intra sancta sanctorum, & ibi manere, Exo. 26. Num. 7. & Leui. 16. & ad Hebræ 9. vbiunque ergo diceretur esse arca putaretur esse tabernaculum: & vbiunque esset tabernaculum putaretur esse arca: & quia dicebatur, quod erat tabernaculum in Gabaon, putaretur etiam, quod ibi erat arca, & iam non esset licitum offerre in Ierusalem. Vel cum diceretur, quod erat arca in Ierusalem, putaretur etiam ibi esse tabernaculum, & sic non haberetur causa Salomon eundi in Gabaon: ideo declarauit scriptura quomodo ista esset separata, scilicet tabernaculum in Gabaon, & arca in Ierusalem. Et propter hoc ponitur hic limitatio circa vtrumque. Nam dicitur quod erat arca in Ierusalem in loco, quem ei preparauerat David, scilicet in tabernaculo, quod fixerat.

Ad maiorem deuotionem interdum vouent homines ire ad aliqua loca non consueta.

ut nō putetur, quōd illud tabernaculum, in quo erat, A esset tabernaculum Domini, quod fecerat Moyses. Et cum dicitur, quōd iuit Salomō in Gabaon ad tabernaculum Domini, dixit in tabernaculum, quod fecerat Moyses famul⁹ Dei in solitudine, ne putaretur, q̄ illud tabernaculū esset aliud factum voluntate humana in Gabaon ad colendū ibi, quia tūc Salomon nō haberet causam eundi in Gabaon ad offerendum holocausta.

Quomodo David portauerit arcam Dei de Cariathiarim in domum suam. Quæst. XII.

QUÆRITVR ulterius, quō David portauit arcam Dei de Cariathiarim in domū suam: & quomodo tabernaculum, & arca erant disiuncta. Respondendum, q̄ ad intelligentiam huius præsupponēdum est, scilicet q̄ arca, & tabernaculū semper debebant esse simul. Nam Deus iusserat, q̄ arca esset intra sancta sanctorum, & ibi custodiretur in loco secretissimo: Exo. 16. & ibi māsit à principio constructionis sue. Nam cum Moyses construxit tabernaculum, prima die, qua erexit illud, s. prima die anni secundi ab exitu de Aegypto posuit arcam post velum, quod erat locus sancti sanctorum: Exo. vlti. & ibi manebat semper nisi quando mouenda erāt castra Israelitarum de loco ad locum, & tunc quælibet pars sanctuarii per se portabatur, & vasa etiam per se, & cum hoc fieri deberet introibat sacerdos magnus, & minores in sancta sanctorum, & velabant arcam, tradebantq; eam velatā Leuitis ad portandum, & cum portata esset ad locū in quo castra figenda essent, erigebatur sanctuarium & ponebatur arca in sancta sanctorum: & tunc Sacerdotes velamina auferebant, & manebat nuda, & sedebat tunc gloria Domini super illā inter alas Cherubim ad loquendum, & respondendum de dubiis, q̄ inquireret Moyses, ut patet Num. 4. & 7. postea autem erat ibi, quousque iterum castra mouenda forent: & isto modo se habuit arca toto tempore quadraginta annorum, quibus Israelitæ manserunt in deserto. Cum aut introierunt in terram Chanaan, māsit arca in Galgalis longo tempore, ut declaratum est Iosue. 10. Fuit autē ista prima mansio, quam habuerunt Israelitæ post introitum in terram Chanaan, & transitum Iordanis, & ibi cessauit manna, quod Israelitæ per quadraginta annos comederant, & caperunt comedere de frugibus terre. Ibi etiam celebrauerūt phasē, & circumcisi sūt omnes Hebræi, qui in deserto nō fuerunt circumcisi: et posuerūt ibi duodecim lapides, quos tulerant de Iordane in memoriā æternam; ut patet Iosue 4. & 5. Māsit autem ibi arca longo tempore, & rarō ab illo loco mouebatur, quia castra manebant in Galgalis, licet Israelitæ pugnatores irent ad pugnandum per diuersa loca terræ Chanaan. Cum autem Israelitæ acceperint iam multa loca de terra Chanaā, in quibus habitaret, venerunt, ut figerent tabernaculum Domini in vrbe Silo. Iosue. 18. Et est illa apud Sichem in sorte tribus Ephraim, ut patet Iud. 21. Et mansit ibi tabernaculum cum arca, & omnibus vasis suis vsque ad tempus Herulitæ contra Philistinos, fecerunt, q̄ portaretur arca Dei ad castra, ut adiuuaret Israelitas: quam portauerunt duo viri pessimi filii Heli sacerdotis magni: & isthinis, perieruntque triginta millia virorum die illa, & capta est arca Dei a Philistinis inter alia spolia bellici. Re. 4. Tunc mansit tabernaculū sine arca, nec vnquā postea reducta est ad illud, quia istud nunquam factum est, vsquequo edificatum est templum Salomonis, & illuc portata est arca; tamē iam cessauerat vsus tabernaculi Moysi. Pro quo sciendū, quōd isto

medio tempore arca, & tabernaculum Moysi mutata sunt per diuersa loca, licet vnum non esset cum altero, & fuit istud tempus annorum fere nonaginta duorum. Quod patet, quia quando arca capta est a Philistinis audito illo mortuus est Heli sacerdos, & iudex correns de sella sua primo Regum 4. post eum fuit iudex Samuel cuius tempora computantur simul cū temporibus Saulis, quia coinciderunt cum eis in aliquo: & attribuūtur omnia ista tempora Sauli, scilicet 40. anni, ut patet Actum 13. Post Saulem regnauit David aliis quadraginta annis, & sunt octoginta: post David regnauit Salomon, qui edificare cepit templum anno quarto regni sui, & finiuit āno vndecimo. 3. Re. 6. & sic sunt simul anni nonaginta vnus, vel duo: tot enim fuerunt anni, quibus mansit arca extra sanctuarium: nam illico ut consummatum est templum Salomonis, introducta est illuc arca, ut patet. 3. Regum 8. & infra 5. Nunc autem considerandum est, in quibus locis stetit isto medio tempore arca, & in quibus stetit tabernaculū Moysi. Et primo de arca. Dicendū quōd arca cū capta est in bello à Philistinis, portata est in Azotum urbem eorum, & posita est in templo Dagon 1. Regū, 5. Et cū mansisset ibi nocte prima, inuentus est Dagon Deus Philisthinorū iacere ad pedes arce. Sequenti autem die sacerdotes restituerunt Dagon in locum suum, & tamen ipsa nocte secunda repertus est Dagon fractis palmis, & pedibus truncus totus iacere in limine portæ. Tunc cognoscentes virtutes Dei Philisthini ipsi noluerunt, quōd maneret arca Dei in templo Dagon in Azoto, & transtulerunt eam ad aliam urbem: inflixerat autem plagam Deus Philisthinis, scilicet q̄ prominebant extales corū, siue intestina, quasi rupto ventre; & mures innumerabiles ebulliebant de terra, mordebantque Philisthinos in extalibus, et moriebantur plurimi. Ista autem plaga sequebatur in quacūque vrbe Philisthinorum, in quā introducebatur arca, et cessabat in illa, de qua portabatur. Ideo cū portaretur in urbem Acharon, clamauerunt Acharonitæ in cœlum, dicentes: Adduxerunt ad nos arcam Dei, ut interficiat nos, et populum nostrum. Et sic nulla ciuitas, vel locus Philisthinorū volebat recipere arcā in se timore mortis. Gethai autē qui inter ceteros Philisthinos animosiores fuerunt ad tolerandam plagam: consilio inuito fecerunt sibi sedes pelliceas, scilicet, femoralia, ut mures non possent eos mordere. Sed nec istud profuit, quia cum necesse esset emittere stercora mures corrodebant intestina, et quanto magis ipsi se muniebant, tanto acrior erat plaga, quia non naturaliter, sed a Deo infligebatur. De his omnibus, 1. Reg. 5. in his angustiiis, et plaga durissima manserunt Philisthini septem mensibus. Et cū iam esset intolerabile malum: consilio habito deliberauerunt mittere Philisthini Arcam in terram Israel, et pro peccato suo obtulerunt ei quinque mures aureos, et quinque figuras annorum, scilicet, Posteriorum suorum, ut cessaret ab eis plaga. Et ad capiendam experientiam an ista plaga venisset à Deo Israel, vel naturaliter accidisset: dixerunt sacerdotes, et diuini Philisthinorum, quōd acciperent duas, vaccas foetas, et vitulos earum recludentes domi vni rent eas ad plaustrum, superimponerentque Arcam Domini. Et si illæ vacce directē procederent in terram Israel nullo dirigente eas; scirent certissimē, quōd Deus Israel perculserat eos: si autem non procederent directē, non remitterent Arcam: quia credere deberēt quōd ista plaga naturaliter euenisset. Quod factum est, et imposita arca super plaustrum, vacce foetę ibant mugientes, et tñ nullo dirigente ibant per viā terræ Israel in urbē Bethlames. Satrapę autē Philisthinorum, ut viderent euentum rei, sequebantur plaustrum,

Vbi steterit arca antequam in templum Salomonis adduceretur.

strum, quousque venirent vaccae in agrum Bethsames ubi erant Bethsames metentes triticum, qui receperunt arcam cum gaudio magno: quod videntes satrapae Philistinorum iam certi, quod Deus Israel percussisset eos, reuersi sunt in terram suam. Bethsames autem fecerunt festum magni recepta arca, quae septem mensibus perdita extiterat: & immolauerunt vaccas portantes plaustrum: & ipsum plaustrum succenderunt: sed cum incaute, & irreuerenter se habuissent circa arcam. Quia viderunt eam nudam, vel aperuerunt illam, ut quidam volunt: mortui sunt quinquaginta millia de Bethsames: & septuaginta viri de plebe. De his omnibus 1. Reg. 6. quod videntes Bethsames conquesti sunt, & noluerunt tenere apud se arcam Dei, dicentes: Quis poterit stare in conspectu Dei sancti huius? & ad quem ascendet a nobis? Miseruntque nuncios ad viros urbis Cariathiarim, quae est in sorte Iuda, dicentes, quod venirent pro arca Dei, quam reduxerunt Philistini: & illi venientes portauerunt eam in Cariathiarim, & intulerunt eam in domum Aminadab sacerdotis, qui habitabat in Gabaa, siue Colle urbis Cariathiarim: & sanctificauerunt filium eius Eleazarum ad custodiendum. De his patet 1. Reg. 7. Mansit autem arca in Cariathiarim longo tempore, scilicet plusquam quadraginta octo annis: usquequo regnavit Dauid super totum Israel: nam cum esset Dauid Rex super totum Israel, conuocauit totum populum, ut ducerent arcam de domo Aminadab de Gabaa, siue Cariathiarim, ut patet 2. Reg. 6. & precedenti libro cap. 13. Istud fuit tempus ad minus quadraginta octo annis, vel quasi. Quod patet, quia toto tempore Samuelis, & Saulis mansit arca in Cariathiarim detractis septem mensibus, quibus mansit in terra Philistinorum, ut supra declaratum est. Fuit tamen tempus Samuelis, & Saulis simul quadraginta annorum Act. 13. Deinde Dauid regnavit mortuo Saule super Iudam septem annis, & dimidio 2. Reg. 5. Postea factus est rex super totum Israel: & tamen non immediate iuit pro arca domini, quia prius pugnavit, & cepit castrum montis Sion quod tenebatur a Iebuseis, & interiecto aliquo tempore iuit in Gabaa, siue Cariathiarim, ut patet 2. Reg. 5. & 6. Et sic transiret forte vnus annus postquam factus est rex, ideo saltem essent quadraginta octo anni, quibus mansit arca in Cariathiarim: deinde Dauid cogitauit eam inde transferre, quia quandiu ibi manebat, non erat in loco honorabili, nec fiebat coram ea aliqua ministratio: sed solum custodiebatur: ut patet ex declaratione secundo Reg. 6. & precedenti lib. c. 13. & 15. Voluit autem eam transferre Dauid in domum suam in Ierusalem, ut ibi maneret honorabiliter, & conuocauit ad hoc totum Israel, & tollentes arcam de Cariathiarim de domo Aminadab imposuerunt eam plauistro nouo, & cum portaretur in via, & boues calcitrassent, videbatur arca casura: Oza autem filius Aminadab, quid irigebat plaustrum tetigit arcam ad tenendum eam, & percussus est a Deo, & mortuus est, et tunc impeditum est opus, quia contristatus Dauid de morte Oza noluit transferre arcam in domum suam, timens quod ibi sequeretur similis plaga posuitque eam in domo Obededom Leuitae, vel sacerdotis, ut alij dicunt, & mansit ibi tribus mensibus: benedixit autem Deus domui Obededom propter arcam, & multiplicatus est nimis, quod audiens Dauid voluit transferre arcam in domum suam, putans quod sic etiam benediceret Deus domui eius, & congregauit ad hoc totum Israel, & cum magna solennitate transfudit arcam de domo Obededom in castrum montis Sion in domum Sion. Erat autem domus Obededom in Ierusalem, & etiam domus Dauid, & cum portaretur arca per sex passus sistebat, & immolabantur septem tauri, & septem arietes: & sic

Ferat post alios sex passus quousque perueniretur ad domum Dauid, ut patet 3. Regum 6. & precedenti lib. c. 15. Quamdiu autem mansit arca in domo Obededom nulla ministratio fiebat coram ea: sed solum custodiebatur. Cum autem posita est in domo Dauid, cantabant quotidie coram ea Leuitae, et sacerdotes offerebant sacrificia: manebantque coram illa sacerdotes, & Leuitae secundum ministeria, & ordines suos, ut patet precedenti lib. ca. 16. Mansit autem arca in domo Dauid annis quasi quadraginta et quatuor. Quod patet, quia arca translata est illuc circa principium regni Dauid super totum Israel. Regnavit autem Dauid super totum Israel annis triginta tribus, secundo Regum 5. et 3. Reg. 2. & precedenti lib. cap. 1. Mansit etiam arca ibidem, usquequo templum Salomonis coeummatum est: et fuit anno vndecimo regni Salomonis, tertio Regum 7. Nam de domo Dauid translata est arca in templum Salomonis 3. Regum 6. & infra 5. Quod autem dum regnaret Salomō maneret adhuc arca in domo Dauid patet hic in litera, cum dicatur, quod erat tabernaculum domini in Gabaa, & arca erat in Iobeco, quem parauerat ei Dauid. Fuerunt ergo quadraginta quatuor anni, vel quasi, quibus mansit arca domini in domo Dauid: deinde postquam in templum Salomonis portata est, mansit ibi usque ad captiuitatem Babilonicam. Nam tunc accepit eam Hiereemias de templo, & occultauit in sepulchro Moyse Machabae. 2. Iste fuit status arcae toto tempore, quod de ipsa sciri potest ex sacra scriptura. Nunc reuertendum est ad dicendum de templo, siue tabernaculo Moyse, in quibus locis fuerit, et quo tempore: iam enim declaratum est, quod tabernaculum fixum fuit in Silo a principio Iosue 18. Et mansit ibi usque ad mortem Helii summi sacerdotis, quando capta est arca, ut patet 3. Regum 4. Postea autem non apparet tam manifeste sicut de arca, per quae loca mutatum fuerit. Ideo Nicolatis, & multi dicunt, quod tabernaculum mutatum est de Silo, et ductum in Masphath: et postea in Gath: deinde in Nobe, et sic per alia loca. Sed istae sunt opiniones erroneae, quarum motiua, et reprobationes lata posuimus primo Reg. 7. Ad veritatem ergo dicendum, quod postquam arca capta est a Philistinis, non mansit tabernaculum magno tempore in Silo. Causa autem mutationis de loco ipso, et quanto tempore post captiuationem arcae inde mutatum fuerit, non apparet. Quod autem mutatum fuerit patet, quia reperitur postea fuisse in Nobe, et in aliis locis. Et patet hoc Psalm. 77. scilicet. Et repulit tabernaculum Silo, et tentorium quod elegit inter homines. De Silo mutatum est in urbem Nobe. Est autem ciuitas Nobe in terra duarum tribuum, et dimidia ad Orientalem partem Iordani, ubi habitauerunt duo reges Amorrhae. Vocabatur autem prius ista ciuitas Canath: Nu. 33. et fuit ibi tempore Saulis. Nam quando Dauid fugiebat a facie Saulis venit in urbem Nobe, ubi erat tabernaculum Domini, et accepit ibi gladium Goliath, et dedit ei Achimelech sacerdos magnos panes sanctificatos ad comedendum, qui erant coram domino 1. Reg. 21. et Matthaei 12. Mutatum fuit autem postea ibi tabernaculum quando Saul occidit sacerdotes Nobe, et omnes habitatores urbis usque ad pecora, et ipsam urbem, primo Reg. 22. Non constat autem quanto tempore mansit tabernaculum ibi: nec etiam dicitur, ad quem locum inde translatum fuerit, sed quia reperimus, quod postea fuerit in Gabaa, ut patet hic. Dicimus, quod de Nobe translatum fuerit in Gabaa. Est autem verisimile, quod Saul delens urbem Nobe transferret inde tabernaculum in Gabaa propter duo. Primo quia reperitur, quod fuerit tabernaculum in Gabaa postquam fuit in Nobe: cum nunc tempore Sa-

Quot annis arca mansit in domo Dauid.

Quot annis regnauit Dauid super totum Israel.

De tabernaculo in quibus locis fuit: & quo tempore.

Ex Nobe tabernaculum fuit in Gabaa.

lomonis, ibi esset & etiam tēpore David, ut illico fuerit, & sic creditur, quod illico fuerit illuc translatum. Secūdo patet, quia Saul erat de tribu Benjamin. 1. Re. 9. ideo credendum quod potius vellet transferre tabernaculum ad aliquem locum de tribu Benjamin, ut honoraret illam tribum, quā ad locum alterius tribus. Sic autem erat de Gabaon, quia erat ciuitas terræ Benjamin: ut patet Iosue. 18. ergo illuc credendum est quod fecerit Saul transferri tabernaculum delecta vrbe Nobe. Mansit autem tabernaculum in Gabaon tempore David, & tempore Salomonis. De tempore David patet, quia cū cepisset David regnare super totum Israel, & transfulisset arcam in domum suam, constituit quosdam sacerdotes, & Leuitas coram arca in Ierusalē, & alios sacerdotes, & Leuitas remisit in Gabaon ad tabernaculum Domini, ut ibi ministrarēt: ut patet precedenti lib. 16. cap. & sic in principio regni David super totum Israel erat iam tabernaculum Domini in Gabaon: ēt quādo David numerauit populū & venit Angelus inferens plagam circa finem regni David, erat tabernaculum Domini in Gabaon, eodem Lib. cap. 21. Postea autem regnante Salomone anteq̃ edificatum esset templum, etiam erat tabernaculum in Gabaon: unde iuit illuc ad offerendum sacrificia, ut patet 3. Re. 3. & hic. Mansit autem tabernaculum in Gabaon ad minus quinquaginta duobus annis, vel quasi. Quod patet, quia Saul illico ut deleuit urbem Nobe transfulit tabernaculum in Gabaon. Istud autem fuit ad minus vno anno antequam moreretur Saul: quod patet considerando omnia gesta, quæ habentur 1. Reg. a. capit. 22. vsque ad finem, quæ satis requirunt vnum annum ad hoc quod fierent. De regno David assumantur quadraginta anni, quibus regnavit super Iudam, & Israel 2. Reg. 5. & 3. Re. 2 etiam assumantur vndecim anni de regno Salomonis, quia 1. anno cōpletum est templum. 3. Reg. 6. & tunc ea, quæ erāt in tabernaculo Moyfi & ipsū tabernaculum portata sunt in templum Salomonis, ut patet supra, & 3. Reg. 8. & isti sunt anni quinquagintaduo. Iste fuit status tabernaculi Moyfi toto tpe, quo durauit. Nam cōsumato tabernaculo Moyfi solū esset ad necessitatē pro tēpore illo, quo volebat Deus sibi fieri tabernaculum stans. Quare autem Deus noluit, quod à principio fieret sibi tabernaculum stans, sed portatile: declaratum est precedenti Lib. capitu. decimo tertio, & 15. & 16. Et quia nunc non erat edificatum tēplum Salomonis nec ichoatum erat, manebat vsus tabernaculi Moyfi, & in illo debebāt fieri oēs cēremonię legis, & non coram arca: ut probatū est precedenti Lib. cap. 16. in quadam quæstione. Et sic Salomon iuit nunc ad offerendum corā Domino in Gabaon.

Quare hic mentio fit specialis de altari.
Quæst. XIII.

QVAERITVR vltius, quare fit hic mentio specialis de altari, & quare erat illud coram tabernaculo, & non intra. Ad primum dicendum, quod fit de altari mentio specialis, licet multa alia vasa essent in tabernaculo, de quibus non fit mentio. Et causa est, quia Salomon ibat nunc ad offerendum Domino in Gabaon, ut patet in litera: & tamen oblatio sacrificiorum non debebat fieri in aliquo vase sanctuarii, nisi in altari holocaustorum, ideo debuit fieri mentio specialis de ipso. Sed dicit aliquis, quod dicendo esse tabernaculum in Gabaon intelligebatur, quod erat ibi altare. Dicendū quod non intelligitur necessario hoc, quia poterat separari tabernaculū ab altari, & ē cōuerso. Nam magis erat vas intraneum sanctuarii ipsa ar

Aca federis quā alitare, quia arca federis erat intra sancta sanctorum in loco secretissimo, altare autem holocaustorum erat extra tabernaculum in atrio eius, ut patet hic, & magis Exo. 26. & 25. & tamen arca erat nunc separata à tabernaculo: quia tabernaculum erat in Gabaon, & arca in Ierusalem: ut patet in litera. Ergo a fortiori poterat esse separatum altare a tabernaculo. Et sic dicendo esse tabernaculum foderis in Gabaon, non intelligebatur ibi esse altare: unde oportuit exprimi. Et non solū expressum est de altari, quod erat ibi, sed dixit altare æneum quod fabricatus fuerat Beseleel. Iste determinationes erant necessariæ vel saltem conuenientes. De prima patet, quia si non diceret altare æneum, esset dubiū de quo altari dicebatur.

B Pro quo sciendum quod erant duo altaria in sanctuario, vnum vocabatur altare holocaustorum, quia offeriebantur in eo sacrificia, & licet vocetur altare holocaustorum specialiter, omnia genera sacrificiorum offeriebantur ibi, scilicet holocausta, hostiæ pacificæ, & victimæ pro peccato: quia tñ holocausta erant digniora inter omnia genera sacrificiorū, vocatur altare holocaustorum. Istud erat factū de lignis setim, & opertum laminis æneis in modum retis, de cuius quantitate, & figura patet Exo. 27. Aliud erat altare tymiamatum, scilicet in quo cremabatur incensum quotidie: & istud erat minoris quantitatis, quā altare holocaustorum: erat autem de lignis setim, & opertum laminis aureis. Exo. 30. cap. Et sic ista duo altaria cognoscebantur esse distincta per hoc, quod vnum vocabatur altare æneum, & aliud altare aureum. Cū autem dicitur quod Beseleel fabricatus est istud altare: non ponitur ad differentiam altaris holocaustorum, & tymiamatum, quia vtrunque altare, imò totum opus sanctuarii fecit Beseleel. Exo. 31. ca. Sed ponitur istud ad differentiam aliorum altarium, quæ Israelitæ poterant fabricare. Nam poterant Israelitæ fabricare aliqd altare æneum ad cultum Dei, & ponerent illud in sanctuario: sic enim fecit Salomon. Nam cōstructo tēplo fecit etiam aliud altare æneum magnum nimis, ut patet infra 4. & 3. Reg. 7. Etiam Achaz rex fecit aliud altare æneum præter altare Salomonis ad similitudinem altaris Damasci: & illud posuit in atrio templi 4. Reg. 16. & infra 28. & 29. Quamquam ergo diceretur de altari æneo, non apparet an esset istud altare, quod Deus iusserat fieri: ideo dicitur quod fabricatus fuerat Beseleel. Nam altare quod fecit Beseleel fuit illud, quod iussit fieri Deus per Moysem: cū ipse fecerit totum opus sanctuarii, ut patet Exo. 31.

Quare altare æneum erat coram tabernaculo Domini.
Quæst. XIII.

QVAERITVR secundo. Quare altare æneum siue holocaustorum erat corā tabernaculo Domini, & non intus. Respondendum, quod ad euidenciam huius considerandum est, quod erant in sanctuario multa vasa siue suppellectilia, & præcipua erāt ista. scilicet arca foderis, altare thymiamatum, candelabrum, mensa propositionis cum vasculis suis aureis, & argenteis, altare holocaustorum cum vasculis suis, labrum æneum. De his patet Exo. 25. & 27. & 30. Nume. tertio, & quarto. Quedam autem istorū erant interius: & alia extra tabernaculum in atrio eius: nam intra tabernaculū erat arca, candelabrum, mensa propositionis, altare thymiamatum. Altare holocaustorum, & labrum æneū erant fortis. Ratio huius est, quia tabernaculum erat quædam domus de tabulis in tribus lateribus operta quatuor operimentis: Exod. 16. & supra declaratum est. Et erat ista domus, ut essent in ea vasa sacræ ministrationis: ideo quia illa, quæ commode, vel honeste ibi

In sanctuario erant duo altaria.



Tabernaculum quod erat.

ibi esse poterant, fuerunt ibi. Erat enim arca interius in loco occultissimo, scilicet in sancta sanctorum: quia arca reputabatur vas sanctissimum totius sanctuarii. Erant etiam alia vasa ibi, sed non intra sancta sanctorum sed in parte prima tabernaculi, quæ vocatur sanctum. Erat enim ibi altare thymiamatum, in quo thymia- ma cremabatur. & honestum erat istud altare esse interius, quod erat aureum. Etiam quia non fiebat in eo aliqua ministratio, quæ obesset pulchritudini sanctuarii. Erat etiam ibi candelabrum aureum, & istud non solum ibi honeste erat: imò ad necessitatem pertinebat, vt esset aliquod lumen intra sanctuarium ad hoc qd ministrantes viderent. Erat etiam ibi mensa propositionis in qua erant panes duodecim, & vasa aurea & argentea: & ministratio, quæ fiebat in hoc, non obe-

Labrum æneum erat extra tabernaculum: & rō huius.

Altare holocaustorum exterius positum erat.

Atrium tabernaculi qd erat.

rat honestati, & pulchritudini sanctuarii. Erat autem labrum æneum extra tabernaculum. Et ratio huius est propter duo. Primò propter ministerium, scilicet, quia lauabantur ibi sacerdotes manus, & pedes ad deponendum sordes, & non conueniebat hoc honestati sanctuarii, vt intus fieret. Secundum erat propter necessitatem, quia lauari debebant sacerdotes antequam ministrarent, & tangerent aliquas res sacras, vt patet Exo. 30. Si tamē esset labrum æneum intra tabernaculum, prius tangerēt sacerdotes res sacras, quam lauari, cum necesse esset introire in tabernaculum prius. Itē non conueniebat: quia ad locum sacratissimum non debebat aliquis intrare, nisi lotus. Si tamē esset labrum æneum in tabernaculo, necesse erat, quod ad locum sacrum ingrederetur quis non lotus, quod non conueniebat. Item ad omnem ministrationem requirebat quod ministrans esset lotus, Exod. 30. & tamen ministrationes plurimæ fiebant in atrio tabernaculi, scilicet omnia sacrificia, quæ fiebant in altari holocaustorum, ideo oporteret, quod sacerdos, qui deberet ministrare in parte exteriori minus sacra, intraret prius in tabernaculum, quod erat pars magis sacra, quod nimis est preposterum. Positum est ergo labrum æneum in atrio tabernaculi foris. Altare quoque holocaustorum exterius positum est in atrio propter duo, scilicet, quia ministerium non erat valde honestum, cum cremaretur in altari carnes, & adipēs, & esset ibi ignis, & cinis, & ligna multa: talis autem ministratio non debet esse in loco mundissimo. Secundò propter impedimentum quod altare afferret tabernaculo. Nam non poterat esse interius, quin tabernaculum destrueret, vel de nigraret. Et ratio est, quia altitudo tabernaculi erant solum cubitorum decem. Exo. 26. & operturæ tabernaculi erant pulchræ cortinæ, vt patet ibidem. Altare autem erat altitudinis cubitorum trium Exo. 27. & super illud erat magnus ignis, cum ibi cremarentur carnes, & adipēs omnium sacrificiorum: Necesse erat ergo, quod flamma ad tantam magnitudinem carniū exurēdam eleuaretur per septem, vel plus, & cremaret operimenta tabernaculi: & dato, quod non tantū eleuaretur, saltem fumus crassius inde exalaret: quia erat fumus de carnibus, & adipibus crematis, & ille fumus inficeret omnia operimenta tabernaculi, & totam pulchritudinem auferret, quod non decebat: ideo nullo modo potuit, nec debuit esse altare holocaustorum intra tabernaculum, sed extra erat in atrio tabernaculi. Erat autem atrium quoddam spaciū longitudine cubitorum centum in latere Meridiano, & Aquilonari, & latitudine quinquaginta in latere Occidentali, & Orientali, intra quod erat tabernaculum, quod erat minoris magnitudinis, & istud atrium non habebat tectum, sed solum parietes, scilicet columnas quinque cubitorum altitudine, & pendeabant in circuitu illarum vela de bysso retorta: & in isto atrio erat altare holocaustorum, & labrum æneum propter causas dictas:

F erat tamen altare holocaustorum circa tabernaculum ad ostium eius ad partem Aquilonarem tabernaculi, Leui. 1. & per totum librum.

In quo genere sacrificij erant istæ hostiæ, quas hic Salomon obtulit. Quest. XV.

QVÆRITVR vterius, cum Salomon obtulerit mille hostias in altari in Gabaō, in quo genere sacrificij erant istæ hostiæ. Dicendum, quod tria erant genera sacrificiorum, scilicet holocaustum, hostia pacifica, hostia pro peccato: quarum differentie ex finibus, & cæremonijs patent Leui. 1. & 3. & 4. & 7. Nam holocaustum ad Dei laudem principaliter, vel totum est, & in eo totæ carnes animalis, & adipēs cremantur: Leui. 1. Hostia pacifica est ad gratiarum actiones pro suscepto beneficio: vel ad impetrandum aliquid. Nam vocatur hostia pacifica à pace, siue à pacificando, quia hominem Deo pacificat: vel dicitur, quia homo Deo pacificatus existit. Nam duplex est, scilicet votitia, & ad gratiarum actiones: votitia est, quæ quasi pro voto, vel ex voto redditur ad aliquid obtinendum: non potest autem quis obtinere aliquid, nisi Deus illud concesserit, cum ipse sit dispensator omnium bonorum: Deus tamen nihil dabit homini, nisi ei placatus sit, cum nihil agat inuitus: ideo cum aliquid volumus impetrare, oportet quod prius Deum nobis pacificemus quā petamus, & ad pacificandum id, quod offerebatur, vocabatur hostia pacifica. Etiam si quis bona obtinuit, non potuit ea habere nisi Deo sibi placato: & pro ista placatione siue pacificatione, si Deo gratiarum actiones impendimus, sacrificia illa pacifica appellantur: quia pro pace, quam Deus cum nobis habuit, concedendo rem, quā volebamus, sunt. De ista distinctio ne patet Leui. 7. In hostia pacifica regulariter soli adipēs cremantur: licet interdum cremetur cauda, & renes: Leui. 3. & 7. Hostia pro peccato est, quæ fiebat specialiter ex mandato legis ad expiationem alicuius peccati, & erant multi modi eius Leui. 4. De cæremonijs autē eius, & causis, pro quibus offerebatur, patet Leui. 2. & 6. & Num. 5. Nunc dicendum, quod non appareret, quod genus sacrificiorum fecerit Salomon: cum solum dicatur, quod obtulit mille hostias: & hostia est nomen generale ad omnia sacrificia. Dicendum tamen videtur, quod non essent hostiæ pro peccato, quia iste non dabant apud Iudæos, nisi pro peccato aliquo determinato secundum legem: & erant sacrificia necessitatis: ista autem fuerunt sacrificia spontanea, ideo non fuerunt pro peccato. Nam si essent sacrificia necessaria pro peccato, solum offerretur vnum hyrcum, quia cum princeps terræ delinquebat, offerrebat hyrcum. Leui. 4. Et dato quod Salomon propter magnā solennitatem velleret offerre aliqua sacrificia pro peccato inter alia, saltem tamen non essent multa: sicut patet de duodecim principibus tribuum, qui obtulerunt solennem oblationem in dedicatione templi, & de omni genere sacrificiorum obtulerunt: vt patet Numeri septimo. Et sic fuerunt ibi sacrificia pro peccato, & sic Salomon forte ad solennitatem istius tantæ oblationis poterat offerre aliqua sacrificia pro peccato: & tamen non essent multa. Dicendum ergo videtur, quod aliqua sacrificia istorum essent holocausta, & alia pacifica. De primis patet, quia holocausta erant sacrificia principalia ad laudem, & honorē Dei: vt declaratum est supra, & quia ista solennitas fuerunt oblati, credendum est, quod aliqua holocausta fuerunt oblata, & tamen credendum est, quod maxima pars holocaustorum istorum esset pacifica: quod patet. Primò, quia sic facilius erat offerri ista sacrificia quā alia. Nam si omnia hæc essent holocausta, cremari

Triplex genus sacrificiorum.

Duplex hostia pacifica.

cremari carnes omnium animalium, & adipēs simul, ut patet Leuitici primo. Cum autem hic mille hostiæ oblatæ fuerunt, difficile erat tot carnes, & adipēs cremari in vno altari. De hostijs autem pacificis non erat difficultas ista, quia solum cremabantur adipēs, nisi in quibusdam, in quibus etiam cauda, & renēs cremabantur: & sic facilius cremarentur mille hostiæ pacificæ, quàm centum holocausta. Secundò patet, quia cum Salomon secum ferret tantam multitudinem, ut hic dicitur, & daturus esset cibos eis, prouideret eo modo quo posset eis abundare, & istud fieret faciendo hostias pacificas, quia in eis non cremantur, nisi adipēs, carnes autem, partim proueniunt offerentibus, & partim sacerdotibus facientibus cœremonias sacrificiorum: & sic totus populus poterat cibari de carnibus istarum mille hostiarum. Si autem essent holocausta omnia, nihil inde proueniret sacerdotibus, nec offerentibus, sed omnia cremarentur: ideo verisimilius est, quòd Salomon offerret nunc hostias pacificas, quàm holocausta. Tertiò patet ex causa motiua Salomonis ad offerendum: nam sicut supra declaratum est in quadam quæstione: Salomon obtulit istas mille hostias in gratiarum actionem pro confortatione in regno. Hostiæ tamen pro gratiarum actionibus pacificæ sunt. Quia duplex est hostia pacifica, scilicet, votiua, & ad gratiarum actiones: Leuitici septimo: ideo credendum est, quòd omnes istæ hostiæ, vel plurimæ illarum erant pro gratiarum actionibus, & pacificæ: aliquæ autem essent holocausta, & forte aliquæ essent pro peccato.

Quomodo potuerunt cremari tot hostiæ in vno altari.

Quæstio XVI.

QUÆRITUR vterius, quomodo istæ hostiæ tot potuerunt cremari in altari holocaustorum. Aliquis dicit, quòd fuerunt hostiæ istæ crematæ in multis altaribus: & sic potuerunt cito, & facilius cremari: sic enim factum est, quando Salomō dedicauit templum, quòd fecerat: & obtulit hostias multas. Nam altare non poterat sustinere carnes, & adipēs sacrificiorum: ideo Salomon sanctificauit medietatem ante altare, ut etiam ibi in pauimento cremarentur sacrificia, ut patet infra septimo, & 3. Regum octauo. Sed dicendum, quòd hoc non stat, quia Salomon venit nunc in Gabaon, ut offerret in altari holocaustorum: quomodo ergo offerret in alijs altaribus? Item quia dicitur hic, quòd Salomon, & omnis populus referret altare holocaustorum. Si autem in alijs offerret altaribus, non requirerent istud altare specialiter. Item patet clarius, quia dicitur in litera, quòd ascendit Salomon ad altare æneum, & obtulit in eo mille hostias: ergo omnes istæ mille hostiæ oblatæ fuerunt in altari holocaustorum, & mille in alijs altaribus. Alter dicit aliquis, scilicet, quòd in altari holocaustorum æneo fuerunt omnes istæ hostiæ oblatæ: & tamen potuerunt offerri facilius, quia multis diebus crematæ sunt. Sed dicitur, quòd non stat, quia videtur hic, quòd vnica die facta fuerit ista oblatio, quia dicitur in prima nocte apparuit ei Dominus: ergo vnica dies fuit, in qua obtulit, & in nocte sequenti facta est ista oblatio. Dicendum videtur, quod Salomon non stetit multis diebus in Gabaon offerendo sacrificia: & tamen satis potest stare, quòd aliquibus diebus ibi manebat, quod vnica die steterit, quia dicitur ecce in prima nocte. Dicendum, quòd non fuit dies vnica oblationis, & tamen nox, de qua hic dicitur, refertur ad vnum diem, scilicet, ad illum, in quo consummata est oblatio, cum iam reditus esset Salomon de Gabaon in Ierusalem.

Alph. Tost. super lib. Paralip. Pars 2.

A Ierusalem, scilicet, quòd in diebus præcedentibus Salomon obtulerat hostias, & in noctibus illorum dierum non apparuit Deus Salomoni. In nocte autem vltimi diei expletis sacrificijs omnibus, apparuit Deus Salomoni, & de hoc intelligitur: ecce in prima nocte. Aliter etiam dicit quis, quòd facilius poterat tot hostiæ paucò tempore offerri, & cremari, scilicet, quia sicut declaratum est præcedenti quæstione: istæ hostiæ non erant holocausta, sed hostiæ pacificæ: & in hostijs pacificis soli adipēs cremantur regulariter, & facile erat in magno igne cremari adipēs mille animalium. Si autem deberent esse holocausta omnia ista, difficile erat cremari in breui: eo quòd in holocausto carnes totæ ipsius animalis cremantur.

B Ecce autem in ipsa nocte apparuit ei Deus, dicens: Postula quod vis, ut dem tibi. Dixitque Salomon Deo: Tu fecisti cum Dauid patre meo misericordiam magnam, & constituisti me regem pro eo. Nunc ergo Domine Deus impleatur sermo tuus, quem pollicitus es Dauid patri meo. Tu enim me fecisti regem super populum tuum multum, qui tam numerabilis est, quàm puluis terræ: da mihi sapientiam, & intelligentiam, ut ingrediar, & egrediar coram populo tuo. Quis enim potest hunc populum tuum digne, quæ tam grandis est, iudicare? Dixit autem Deus ad Salomonem: Quia hoc magis placuit cordi tuo, & non postulasti diuitias, & substantiam, & gloriam, neque animas eorum, quæ te oderant, sed nec dies vitæ plurimos, petisti autem sapientiam, & scientiam, ut iudicare possis populum meum, super quæ constitui te regem, sapientia, & scientia data sunt tibi. Diuitias autem, & substantiam, & gloriam dabo tibi, ita ut nullus in regibus, nec ante, nec post te fuerit similis tui. Venit ergo Salomō ab excelso Gabaon in Ierusalem coram tabernaculo fœderis, & regnauit super Israel.

Ecce autem. Hic ponit Salomoni facta reuelatio, per quam sibi data est sapientia. Et dicit. Ecce autem ipsa nocte apparuit ei Deus. scilicet, quoniam consummata sunt sacrificia, & reditus erat Salomō in Ierusalem. Apparuit Deus Salomoni manenti adhuc in Gabaon. Dicit, postula quod vis, ut dem tibi. Apparuit Salomoni in imaginaria visione, quod Deus erat sibi pater, & dicebat ei: postula quod vis, ut dem tibi: & tamen nullus ei apparebat. Dixitque Salomō, tu fecisti cum Dauid patre meo misericordiam magnam. Salomō voluit reperire, sicut Deus ei dicebat, quod aliquid eligeret. Et ipse prius voluit gratiarum actiones reddere pro susceptis, ut propius Deus ei concederet nunc, quod peteret: misericordia magna fuit cum Dauid, quia Deus fecit eum regem, cum esset pastor: & de alijs beneficiis ab eo susceptis infra dicitur in quadam quæstione. Et constituisti me regem pro eo. Hoc dicebat Salomō, quia iam erat confirmatus in regno, & sciebat, quod Deus fecerat eum regnare. Nam antequam nasceretur prædixerat de deo Deus, quod regnaret. Nunc igitur Dñe Deus impleatur sermo tuus, quem pollicitus es Dauid patri meo. scilicet, tu fecisti principium magni boni, quia constituisti me regem pro patre meo: ideo oro, quod cōpleas, quod præmisisti.

B

Istud

Istud est, q̄ Deus faceret, q̄ posteri Dauid regnarēt in eternū. Et multa alia p̄misit Deus Dauid, q̄ orauit impleri Salomō. Sed dicitur quō est ad propositū istorū, q̄ sequūtur, q̄ istud ponitur hic tanq̄ p̄ambulū ad sequentia. Et tñ, q̄ oēs posteri Dauid tenerent regnū, nō erat ad propositū petitionis Salomonis de sapiētia. Ideo dicendū, q̄ intelligitur aliud. s. Deus dixit Dauid de Salomone, q̄ ipse acciperet eum in filium, & Salomon teneret eum in patrem 2. Regum 7. & precedenti lib. 17. & 22. & 28. Hoc autem innuebat, quod Deus tātū diligeret Salomonem, quod prosperaret eum in omnibus negocijs, & quod consentiret omnibus petitionibus eius. Sed nunc petebat Salomon sapientiam ad gubernandum regnū. Ideo Deus cōdescendere deberet ei in hoc, iuxta id quod promiserat Dauid. *Tu enim me fecisti regem super populum tuum multum.* P̄ambulū est ad petēdū, scilicet, quod cū Salomon esset rex magni populi, nihil erat sibi magis necessarium, quā habere sapientiam ad gubernandum illum: ideo petebat eam. Vocauit autem populum Hebr̄orum populum Dei specialiter, quia licet omnes gentes sint ipsius Dei, tamen specialiter Israelit̄e pertinent ad Deum: ipse enim tenebat eos tūc populum peculiarem, vt patet Exo. 19. & Deut. 7. s. Si audieritis vocem meam, & custodieritis pactū meū, eritis mihi in peculium de cūctis populis: Mea est enim omnis terra, & vos eritis mihi regnum sacerdotale, & gens sancta. *Qui tam innumerabilis est, quā puluis terrae.* Idest, sicut nemo poterat dinumerare puluē terrae; ita nemo posset populum Israel numerare. Et istud erat, quod Deus promiserat Abraham, scilicet, quod si quis posset numerare puluē terrae, & semen illius numerare posset. Quare autem comparatur semen Israel pulueri, & stellis: declarabitur infra in quadam quæstione. *Da mihi sapientiam, & intelligentiam.* Accipiuntur hic isti termini improprie. Nam id quod Salomon egerat, & quod petebat, erat prudentia, quia ad dirigendum omnes actiones vitæ est prudentia, vt patet 6. Ethic. cap. de prudentia. Alij autem habitus intellectus non erant necessarij Salomoni ad hoc, nec ipse peteret illos. Pro quo sciendum, quod sicut declarat Aristot. 6. Ethic. circa primum. Habitus intellectus in generali sunt quinque, scilicet, scientia, sapientia, intellectus, prudentia, ars. Alij etiam duo habitus sunt, scilicet, fides, & opinio: tamen de ijs non curauit Aristot. De opinione patet, quod non est habitus perfectus, cū ipsa sit cum formidine. Quilibet autem istorum habituum est cum certitudine, & non differunt scientia & opinio nisi secundum q̄ perfectum, & imperfectum, & sic per scientiam, & sapientiam intelligitur opinio, quæ est quidam habitus deficiens circa prædicta. De fide dicendum, quod minus pertinet ad intellectum, quā opinio. Nam si fides certa sit: tamen certitudo sua non est per viam intellectus, sed voluntatis, quia voluntas iubet intellectui, quod assentiat propositionibus, quæ ponuntur in sacra scriptura, licet illarum probationes nullas videat. Opinio autem quasdam rationes habet ex intellectu solo, licet illæ non sint tam firmæ, sicut rationes scientificæ. De ijs ergo habitibus non curauit tractare Aristot. 6. Ethic. vbi solum voluit agere de habitibus perfectis. Isti autem habitus differunt inter se, quia quidam in intellectu speculatiuo, scilicet, sapientia, scientia, intellectus. Et alij duo non, scilicet, prudentia, & ars. Primi tres distinguuntur, quia duo illorum sunt habitus conclusionum, scilicet, sapientia, & scientia, & vnus est habitus principiorū, scilicet, intellectus. Nam principia speculabilium, scilicet, propositiones per se notas cognoscimus, & habemus habitum, secundum quem illas mente retinemus, & eximus in

Habitus intellectus sunt septē.

considerationem illarum facilius cum volumus. Et vocatur iste habitus principiorum intellectus, quia circa principia non est discursus. Sed simul comprehenduntur, quasi naturaliter, sicut intellectus dicit potentiam naturalem, & non discursum aliquem eius; Scientia est habitus conclusionum, sicut sapientia. Differunt tamen, quia sapientia est de rebus altissimis. Scientia autem de inferioribus: vel sapientia est de quacunque re, est tamē per altissimas causas, per quas cognosci potest. Scientia autem est per causas inferiores, vt declaratur 6. Ethic. Isti tres sunt habitus speculatiui, quia solum sunt ad considerandum. Alij duo sunt habitus non speculatiui, scilicet, prudentia, & ars, & est prudentia habitus practicus, quia de agibilibus est. Vnde vocatur habitus cum recta ratione actiui. Ars vero est habitus factiui, & yterque habitus est in parte non speculatiua. Nunc autem Salomon non egebat scientia, sapientia, nec intellectu, quia isti sunt habitus speculatiui. Ipse autem volebat versari circa agibilia, scilicet, regendo populum. Ideo habitus practici soli erant necessarij sibi. Prudentia verō, & ars sunt practici saltem large. Et non erat ars solos necessaria, eo quod ars factiua est, & pertinet ad solos artifices. Salomon autem non erat futurus artifex, sed erat sibi necessaria prudentia, quia ipsa sola erat ad directionem agibilium. Ideo per sapientiam, & intelligentiam debet hic intelligi sola prudentia. Sicut interdu pro sola arte ponitur scientia, & sapientia, & intelligentia, vt patet Exo. 31. scilicet impleri Bealeel spiritū Dei scientia, & sapientia, & intelligentia in omni tempore: & tamen nihil habuit Bealeel, nisi habitum artis, quia ea, quæ facturus erat in templo ad artem pertinebant: vel cū dicitur hic, quod petiuit Salomon sapientiam, vocabitur sapientia ipsa prudentia altissima. Nam sicut sapientia differt à scientia, quia sapientia est per altissimas causas, & scientia non. Ita circa prudentiam reperitur sapientia, quia prudentia est habitus directiui circa agibilia cum recta ratione, & est circa agibilia, non simpliciter. Si per causam altissimam inuestiget, dicitur habere sapientiam circa prudentia. Nec est iste modus inconueniens loquendi. Nam sicut circa artem sapientia inuenitur: ita circa prudentiam. De arte manifestum est 6. Ethic. cap. de sapientia, vbi sapientia vocatur virtus artis, & Phidias vocatur latomus, & Policletum dicimus sapientem statuificum. Magis differt sapientia ab arte, quā à prudentia. & tamen reperitur circa illa, in quibus est ars. Ergo etiam reperitur sapientia circa prudentiam, scilicet, quod virtus prudentiæ sit sapientia, idest, excellentissimum in prout sit intellectus ad acutē iudicandum de quolibet sibi occurrente. *Vt ingrediar coram populo tuo, & egrediar.* Idest, vt dirigam populum in omnibus agendis. Est modus loquendi ingredi, & egredi ad signandum omnia agenda. Sic dicitur Numeri vigesimo septimo, & Iosue septimo, quod ad mandatū eius ingrederentur, & egrederentur omnes filij Israel, idest, facerent omnia, quæ ipse iuberet. Sic etiam primo Regum octauo de Dauid, quod filij Israel diligebant valde Dauid, quia ipse egrediebatur, & ingrediebatur coram eis, scilicet, dirigebat eos in omnibus. *Quis enim potest hunc populum tuum, qui tam grandis est, dignē iuicere?* Quasi dicat: nullus quantumcumque sit prudens poterit hunc populum tuum Israel dignē regere, cū sit tam magnus. Hebræi dicunt: hoc, quod si quis iudicaret inter Gentiles iniuste non peccabat mortali: & tamen si inter Iudæos iniuste iudicaret, peccabat. Istud autem valde ridiculum est: quia apud

Sapientia, & scientia quō differunt.

Nomine scientiæ, & sapientiæ intelligitur ars.

Opinio in difficultatibus.

quamcunque gentem cōtingit iustē, & iniustē agere. Sic dicitur A. 8. 10. Non est acceptor personarū Deus, sed in omni gente, qui facit iustitiam, acceptus est illi. Item, si iniustē iudicare inter Gentiles non esset peccatum, nullum peccatum esset inter Gentiles: quod patet, quia omnia genera malorum potest facere iudex in officio suo, & tamē Gentiles accusantur in scriptura de multis peccatis, vt Ge. 25. & Leui. 18. & Den. 18. ergo peccatum erat iniustē iudicare. Confirmatur hoc, quia iudex est talis operationis, quod est reducēs distortum ad rectitudinem, vt patet 5. Ethic. & tamen error in regula maior est, quā in tegulato, cū regula errante, errabunt omnia regulata. Ideo cū peccata aliqua essent inter Gētiles, necesse erat, quod illa maiora essent in iudicibus. Nec est motiuum aliquod ad hoc ex ista litera, quia non signatur quidquam de Gentilibus. Sed solum signat, quod erat difficile, q̄ quis digne iudicaret populum Israel, eo quod erat magnus, & requirebatur multa prudentia. Ideo Salomō petiuit sapientiam, & intelligentiam ad regendū illū. Dixit autem Deus ad Salomonem. Petiuit supra Salomon, & nunc respondet Deus. Non tamen est intelligendum, quod Deus verē responderit Salomoni, sed fuit visio imaginaria, de qua infra dicetur. Quia hoc magis placuit cordi tuo. Scilicet, quia magis placuit tibi petere sapientiam, quā aliquod aliud. Et non postulasti diuitias, & substantiam. Istud est quod maxime inter homines reputatur, scilicet, diuitem esse: eo quod pecunie obediunt omnia, vt patet Eccles. 10. Ideo ponitur ante omnia. Nam secundum opinionem communē hominum istud est, quod maxime videbatur petiturus Salomon. Et vocantur hic diuitie ipsa pecunie, & alia bona mobilia: Substantia vocantur ipsa bona immobilia, & vtrumque videbatur petendum. Et gloria. Est gloria ad famam pertinens, scilicet nominis celebritas confurgens ex magno apparatu rerum, vel aliorum bonorum, vel vocatur gloria ipsa magnus vestitus. Sicut Salomon dicebatur gloriosus, quia erat pulchrē vestitus, vt colligitur Matth. 6. scilicet: Considerate lilia agri, quia Salomō in omni gloria sua non est ita indutus, sicut vnum ex illis: & sic gloriam in apparatu posuit. Nec animas eorum, qui te oderant. Istud etiam erat valde desiderabile secundum opinionem humanā, scilicet, quod traderetur in manus hominis hostis eius, & inter antiquos ponebat istud tantum beneficio, & reputabatur maximum bonum. Vnde quando cognati Rebecca imprecabatur ei bonis, & possideat semen tuum portas inimicorum suorum: Gen. 34. & non solum vulgares ponebant istud in benedictionem, sed etiam Deus. Nam quando benedixit Abraham propter obedientiam magnā dixit ei, multiplicabo semen tuum, sicut arenam, quæ est in litore maris, & possidebit semen tuum portas inimicorum tuorum: Gen. 22. cap. & sic erat istud valde appetibile. Sed nec dies vitæ plurimos petisti. Id est, etiam le valde est, quia esse est tota perfectio tanquam subiectum illius, & vita est esse, quia viuere viuētibz est esse: ideo omnes vitam longam desiderant, nisi aliter, & alia incommoda non desiderent longam vitā. Petisti autem sapientiam, & scientiam. Accipitur large sapientia, & scientia pro prudentia, vt supra dictum est, quod patet: quia petiuit sapientiam, & scientiam ad iudicandum populum, & tamen sapientia, & scientia non sunt ad iudicandum in causis, sed solum ad spergendum. Vt iudicare possis populum meum. Scilicet, dirigere iubendo quid agere debeat, & rectē in dubijs, & controuersijs eorum dithniendo. Super omnes con-

A stitui te regem. Scilicet, ego specialiter te constitui, licet secundum viam humanam alijs deberetur regnū, quia erant maiores. Sapientia, & scientia data sunt tibi. Quasi dicat, quia rectē petisti non curans de eis, quæ alios homines allicere solent, sed de eo qd honestum erat, dabitur tibi quod petisti, & omnia alia bona: & dicitur sapientia, & scientia data sunt tibi, id est, nunc data sunt. Nam in illa nocte Deus dedit Salomoni sapientiam. Et non accipitur hic sapientia, & scientia, sicut supra accipiebatur pro prudentia. Hic autem accipitur propriē. Nam licet Salomon petiuerit solā prudentiam, quæ necessaria erat ad regimen populi, Deus dedit sibi cognitionem speculabilium omnium, in quibus est sapientia, & scientia. Nam differuit de cedro vsque ad Isopum, qui egreditur de pariete, & de omnibus volucris, & piscibus, vt patet 3. Reg. 4. Et ista sunt speculabilia. Data est sibi etiam prudentia circa iudicia, & causas forenses, quæ manifestata est in ambigua quæstione duarum mulierum meretricum, vt patet 3. Reg. 3. & fuit ille casus pauco tempore post quam ei sapientia data est, vt colligitur ibidem. Diuitias autem, & substantiam, & gloriam dabo tibi. Illud quod erat magis necessarium, datum est immediatē. Alia autem postea data sunt: licet de hoc adhuc infra dicetur. Dedit autem postea Deus Salomoni diuitias, quia habuit aurum, & argentum multum, & alia iocalia preciosa: habuit etiam substantiam, id est, res immobiles magni valoris, scilicet, ædificia preciosa, & alias possessiones. Gloriam etiam postea habuit. Nam nullus regum talem apparatus habuit in throno, in vtenilibus domus vniuersis, & in ceteris pertinentibus ad cultum regium. Ita vt nullus in regibus, nec ante te, nec post te fuerit similis tui. Tanta erat Salomonis excellentia, quod nullus regum, nec aliorum hominum erat æqualis ei. Sed hoc refertur ad solam sapientiam. Nam in gloria, & diuitijs secus est. Quia alij fuerunt gloriosiores, & alij ditiores: de quo infra dicetur. Venit ergo Salomon ab excelso Gabaon in Ierusalem. Ista reuelatio facta Salomoni in somnijs, facta est in Gabaon, & inde illa habita redijt in Ierusalem, quia iā erāt expleta sacrificia. Coram tabernaculo fœderis. Id est, & stetit in Ierusalem coram tabernaculo. Ista litera dupliciter intelligitur secundum quosdam. Nam quidam volunt intelligere de tabernaculo quod erat in Ierusalem, scilicet, venit Salomon de Gabaon in Ierusalem corā tabernaculo, id est, stetit in Ierusalem coram tabernaculo. Nam tabernaculum erat in Ierusalem, quod fecerat Dauid vbi nunc erat arca, vt patet in litera, & coram illo poterat stare Salomon. Sed obijcietur, quod non stetit, quia dicitur coram tabernaculo fœderis. Et tamen tabernaculum, quod erat in Ierusalem non erat tabernaculum fœderis, quia illud factum est per Moysen: istud autem factum est a Dauid. Respondebitur, quod tabernaculum fœderis vocabatur, quia intra illud erat fœdus, & quia fœdus erat in arca, & arca erat nunc in Ierusalem in tabernaculo, quod parauerat ei Dauid, diceretur illud tabernaculum fœderis. Dicendum, quod hoc non obstat adhuc non stat, quia licet in tabernaculo quod fecerat Dauid, esset nunc arca, non vocabatur tabernaculum fœderis, sed tabernaculum quod fecerat Moyses vocabatur tabernaculum fœderis, licet ibi non esset arca, vt patet infra in litera. s. q̄ in Gabaon erat tabernaculū fœderis, qd fecerat Moyses in deserto. Ideo dicendum, quod istud tabernaculum, de quo hic dicitur erat tabernaculum, quod erat in Gabaon. Et cum dicitur, venit Salomon ab excelso Gabaon in Ierusalem corā tabernaculo fœderis. i. venit in Ierusalem de Gabaon, vbi steterat coram tabernaculo fœderis. Et regnauit super Israel. Etiam ante hoc regnabat super Israel:

sed ponitur hoc ad signandum, quod post hoc non fuit facta mutatio in regno, sed regnavit sicut prius: vel dicitur hoc ad signandum mutationem quādam, quia Salomon erat iam quasi alius rex, quia ante hoc erat iuuenis tam etate, quam sensu. Nunc autem erat nimis mutatus circa prudentiam, ideo videbatur alter rex, & iam regnabat alio modo, quam prius.

De veritate quorundam verborum hic dictorum, scilicet, tu me fecisti regem, &c. Quest. XV II.

QVAERITVR circa prædicta, cum dixit Salomon: tu me fecisti regem super Israel; quomodo erat hoc verum: & dato quod esset verum, quomodo sciebat illud Salomon. Dicendum, q̄ Salomō factus fuerat rex à Deo multipliciter. Primò generaliter, quia Salomon erat constitutus in magna potestate: & tamen potestas à Deo est. Ideo Deus constituerat eum in regem. Patet hoc ad Rom. 13. Omnis potestas à Deo est. Secundò patet magis specialiter in regnatio principatu. Nam Deus dat regnum quibuscunque regibus, sicut dicitur prover. 8. Per me reges regnant. Et non solum boni reges à Deo accipiunt regnum, sed etiam mali non regnant, nisi Deo agente: sed illud non propter merita regētis, sed propter demerita subditorum. Sic enim dicitur Iob 34. Qui facit regnare hypocritam propter peccata populi. Tertiò patet hoc ex communi regula, scilicet, omne bonum descendens est à patre luminum: Iacob 1. Et tamen regnum bonum quoddam est, ideo cuiusq; committitur, à Deo committitur. Quartò patet specialiter quantum ad Salomonem, quia Deus fecit, q̄ haberet regnum istud, quod aliàs non erat habiturus. Et patet primò ex electione, quia antequam nasceretur elegit eum dicens, quod cōfirmaret regnum eius, ut esset ei in filium, & ipse esset ei in patrem 2. Reg. 7. & præcedenti lib. cap. 17. Item, quia prænominavit eū, dicens, quod vocaretur Salomon præced. lib. 22. cap. Item, quia dixit, q̄ daret pacem in diebus eius, eo. cap. Item (& quod plus est,) quia erant alij maiores Salomone filij David, scilicet, Adonias, & alij, & cum ipse esset minimus Deus fecit, quod regnaret. Cognovit autem Salomon, q̄ Deus constituerat eum in regem ex multis. Primò, quia ipse prænominaverat eum in regem antequam nasceretur 2. Reg. 7. & præcedenti lib. cap. 7. & 22. & 28. Secundò, quia, quādo natus est, fecit ei nomen imponi Idida. i. dilectus à dño 2. Re. 13. Tertiò, q̄ pater suus, & Nathan Propheta testati sunt, quia Deus elegerat eum: & ideo licet David haberet alios filios maiores, iussit, quod iste regnaret, allegans, quod ista esset voluntas Dei, ut patet præced. lib. 22. & 28. & 29. c. Quartò cognoscebat hoc ex prosperatione negotiorum suorum. Nam postquam factus est rex, habebat magnos infidiatores ad tollendum ei regnū. s. Adoniam, & Ioab principem militia, & Abiathar summum sacerdotem, & faciliter occidit illos, & exilio tradidit Abiathar, & in ceteris prosperatus est, quamquā essent negocia ardua faciliter illa expediens, ut patet 3. Reg. 2. Vnde dicitur hic, quod Deus erat cū eo. s. adiuvando eum in omnibus. Ideo satis cognoscebat Salomon, quod Deus constituerat eum in regem.

Quare Deus in nocte apparuit Salomoni. Questio XVIII.

QVAERITVR ulterius, quare dicitur hic, q̄ in nocte apparuit Dominus Salomoni, & non fuit hoc factum per diem. Respondendum, q̄ Deus voluit Salomoni dare sapientiam, & prudentiam ad regendum regnum. Et ista sapientia poterat dari quo-

Fcunque tempore, siue per diem, siue per noctem. siue dormiret Salomon, siue vigilaret, quia in hoc intellectus erat tanquam patiens respectu Dei causantis, vel imprimantis in eo cognitionem, & ad receptionem istam non requirebatur aliqua dispositio ex parte intellectus, & organorum. Nam si intellectus noster deberet aliquid operari, cum operatio sua sit, præsupposito actu organorum, non posset operari, nisi existente operatione organica. Ideo non posset operari omni tempore, sed solum tempore determinato: sic est de consideratione, quæ est operatio, quæ non fit in quocunque tempore: ut potest, non in somnijs. Sic etiam esset de immutatione intellectus passivæ. Nam non posset immutari per species rerum sensibilium, nisi esset dispositio ex parte organorum. Istud autem est verum in naturali immutatione, quia agentia naturalia non agunt, nisi præsupposita dispositione patientis 3. de Anima. s. Actus actiuorum sunt in patiente disposito: respectu tamē actionis Dei quælibet res est in potentia obedientiali: & ad hoc non requiritur aliqua dispositio media. Sicut Deus potest facere de corpore hominis aurum non inducendo dispositiones medias, quia est corpus humanū ad hoc in potentia obedientiali. Natura autem nō potest hoc facere propter limitationem virtutis. Non ergo erat necesse, q̄ per noctem fieret ista sapiētiæ apprehensio, cū posset fieri per diem. Voluit it̄ Deus facere per noctē, quia magis expediebat. Causa est, quia Deus volebat imprimere Salomoni sapiētiā, & q̄ ipse cognosceret sibi à Deo impressam, quia aliàs non tantum moueretur ad laudandum Deum p̄ suscepto beneficio. Si autem per diē fieret, non cognosceret Salomon istud, vel non conuenienter cognosceret: ideo per noctem fieri debuit. Patet hoc, quia si per diem fieret, aut appareret Salomoni aliquid extra, siue in voce, aut effigie, vel non: si nil appareret, esset inconueniens, quia non sentiret Salomon datam sibi fuisse sapiētiā à Deo specialiter, cū impressio sapiētiæ in mente non esset aliquid sensibile. Et dato, quod ex effectu magnæ sapiētiæ sibi impressæ subito sciret Salomon sibi istud à Deo factum: tamen non moueretur tantum in Deum, sicut concipiendo verba ista, q̄ dicuntur fuisse in reuelatione per noctem. Si autem aliquod signum sensibile sibi traditum: quod Salomon cognosceret sapiētiā sibi traditam: dum rñ non esset in somnijs: non esset ille modus conueniens, ut declarabitur, ergo non debuit fieri nisi per noctem in somnijs. Pro quo sciendū, q̄ sex modis poterat Salomon scire se accepisse sapiētiā à Deo. Primum est per apparitionem aliquam sibi factā: ita quod aliquis angelus in assumpta effigie appareret, & loqueretur ei, & diceret ei: Deus dedit tibi sapiētiā: vel ostenderet ei in aliquo signo, ut potest præsentaret ei aliquem librum, & diceret ei comede illum: & comesto eo videretur sibi, q̄ esset sapiens: & videbatur iste modus satis conueniens, quia cum in libro contineantur ea de quibus est scientia, per comestionem libri conuenienter significabat, q̄ dabatur alicui cognitio multorum, q̄ in libro continebantur. Sic enim fuit de Beato Ioanne Euangelista, cui cum Deus vellet reuelare futura, & ostendere, q̄ dabat ei cognitionem illorum: iussit, q̄ acciperet librum de manu angeli stantis super mare, & ille ait: Accipe librum, & deuora, & faciet amarum venter tuum: sed in ore tuo dulcis erit sicut mel, & accepi librum de manu angeli, & cum deuorarem, ecce in ore meo dulcis tanquam mel, & cum deuorarem, amaricatus est venter meus. Et quod liber iste daretur ad significandum, quod dabatur ei cognitio futurorum, patet ex sequētibz, quia dicto de libri deuoratione, sequitur: Et ait mihi: oportet te iterū prophetare populis, & gētibz, & linguis, & regibz multis. Sic

Cur Deus dedit Salomoni sapientiam nocte, ut die

Quo Beatus Ioannes dedit cognitionem

Sic etiam cum Deus signare vellet, quod dabat Ezechiel cognitionem prophetica eorum, quæ dicturus erat contra Israelitas, apparuit ei manus volumine implicitum, & ait: fili hominis comede quodcumque tibi do. Venter tuus comedet, & viscera tua complebuntur volumine hoc: & comedi illud: & factum est tanquam mel dulce, Ezech. 2. & 3. Secundus modus erat, quod appareret aliqua vox Salomoni loquens ad eum, & nihil videret: & illa vox diceret: ecce Deus repleuit te sapientia. Esset autem ista vox angeli, sicut saepe angeli loquebantur, & nihil videbatur: sic fuit in rubo Exo. 3. & in datione legis Exo. 20. & Deu. 4. & 5. Tertius modus erat, quod Deus indicaret hoc Salomoni per aliquem Prophetam, scilicet, quod Nathan, vel Gad, vel alij Prophetae, qui erant tempore Salomonis, ut patet 3. Reg. 1. & infra 9. venirent ad Salomonem ex parte Dei, & dicerent. Ecce repleuit te sapientia, & per dicta illorum certificaretur Salomoni de opere Dei. Quartus modus erat per solam immutationem intellectus, scilicet, quod Deus tangeret spiritualiter, & insensibiliter intellectum Salomonis, & imprimeret ei habitus scientificos, quos vellet. Sic etiam tangebatur Deus interdum corda prophetarum per vigiliam, & non facta aliqua immutatione exteriori intelligebant. Sic factum est de Eliseo, super quem facta est manus Domini cum caueret psaltes. Nam non potuit ibi esse alius modus reuelationis propheticae, ut declaratum est 3. Reg. 8. Et adhuc specialius, & insensibilius poterat exprimi Salomoni sapientia per istum modum, quam Prophetis aliquid reuelari: & ratio est, quia id quod imprimebatur Salomoni erat habitus, & habitus non habet actum, nisi cum habens illum voluerit exire in actu. Et sic impresso habitu scientifico Salomonis, cum non intelligeret actualiter tunc per illum habitum non sentiret in se aliquam immutationem, & nesciret an aliquid ei imprimebatur, vel saltem nesciret quomodo imprimebatur. In prophetis autem cum fiebat reuelatio secundum solam immutationem intellectus, non imprimebatur aliquis habitus, sed actus transiens, ut probatum est Num. 11. & 4. Reg. 3. & actus intellectus sentitur: ideo prophetæ sentirent impressionem illam cognitionis, quia actualiter intelliguntur per id, quod sibi imprimitur. Et tunc quando imprimitur: Salomon non actualiter intelligeret tunc, quando imprimeretur ei sapientia, quia non erat actus, sed habitus: ideo minus sentiretur. Quintus modus erat si ad imprimendum istos habitus cognitiuos Salomon raperetur in ecstasim. Sic enim fit in prophetis interdum, & in illis, qui debent ardua cognoscere. Nam rapiuntur, ut non videantur esse in corpore: & ista est ecstasis. Sic patet de Beato Paulo 2. Corin. 12. Vnde dicit se raptum usque ad tertium coelum, & nescit, an in corpore, vel extra corpus. Sextus modus poterat esse per somnium in visione imaginaria, sicut factum est. Nam tali modo solent etiam prophetae immutari, ut patet Num. 12. si quis fuerit inter vos propheta Domini, in visione apparebo ei, aut per somnium loquar ad illum. Dicendum nunc, quod licet videantur possibiles omnes isti modi, non erat aliquis ita conueniens, sicut primus, & sextus: & tamen sextus est adhuc conuenientior, quam primus. Patet de secundo modo: nam primus modus est conuenientior illo: eo quod secundus est in sola voce: primus autem est in voce, & apparitione angeli, & ostensione signi exterioris. I. datione libri ad deuorandum. De sexto, quod sit conuenientior, patet, quia in illo possunt dici omnia verba, quae ponuntur hic, in quibus ostendebatur Salomonis affectio, & Dei benignitas erga ipsum, quae non poterant ostendi. Si solum vox, quae audiret Salomoni, ecce Deus repleuit te sapientia. De tertio patet Alph. Tost. super lib. Paralip.

A tet, quod sit primus conuenientior. Nam propheta hoc modo indicaret istud Salomoni. Et primo modo indicabat illud angelus, & tamen verba angelorum habebantur in maiori auctoritate, & reuerentia, quam verba prophetarum. Etiam, quia prophetia solum denunciarer ex parte Dei illud. I. repleui te sapientia. Angelus autem illud denunciarer, & posset ostendere librum, & dare eum Salomoni ad deuorandum, in quo nimis ostendebatur, quod ei daretur sapientia. Quod autem sextus sit conuenientior: etiam patet, quia in illo videbatur Deus loqui, ut patet hic in litera. Et tamen in tertio modo loquebatur propheta. Item, quia in sexto modo dicta fuerunt plura, quam poterant dici per prophetam, & responderi per Salomonem, de quo adhuc magis declarabitur. De quarto modo manifestum est, quod erat minus conuenientior, quam primus, & sextus: eo quod in illo nihil erat sensibile, per quod ostenderetur collatio sapientiae. Vnde non erat aliquis modus minus conueniens. Nam in omnibus alijs erat collatio sapientiae, & aliquod signum exterius per quod cognoscere, & in hoc modo solum erat collatio sapientiae, sed non erat aliquod signum per quod sentiretur. De quinto modo dicendum, quod non conuenit in praesenti, quia ecstasis fit propter necessitatem, scilicet, quando intellectus noster debet aliquid intelligere, ad quod non sufficit intelligere, nisi anima se totam conuerterit in illud intelligibile, & quia quoadu anima manet occupata officijs corporis, non dum se totam conuertit ad actum intelligendi, oportet circa talem intellectionem animam extrahi ab officijs corporalibus, & tunc patitur ecstasim homo, quia videtur corpus mortuum vegetatione vitali carens. Sic fuit in Beato Paulo, quia eleuatus est ad videndam diuinam essentiam, cum dicat se vidisse arcana verba, quae non licet homini loqui. Et quia non poterat illa intelligere, nisi anima totaliter occupata circa illa, & deserente vegetationem corporis deseruit ad tempus. Et sic apparuit corpus Beati Pauli tanquam mortuum: unde & ipse nesciebat an mortuus esset tunc, vel viuens cum spiritus in actu suo solutus esset ab officijs suis. Iste modus non fuit hic conueniens propter duo. Primo, quia istud est, quandoque debet eleuari intellectus ad intelligendum aliquid nimis altum, quod non potest intelligere, nisi patiat: & tamen in impressione scientiae facta Salomoni non fuit aliquis actus intelligendi, sed solum impressio habituum: ideo non requirebatur aliqua ecstasis, potissime quia erat hic intellectus Salomonis solum passiuus respectu istius impressionis, & ad passionem, quae causatur ex parte Dei non oportet praexistere aliquam dispositionem in materia, vel in quocunque patiente. Ecstasis tamen dispositio quadam est ad hoc, quod anima intelligat quod aliter intelligere non poterat, ideo non requirebatur hic. Secundum est, quia dato, quod hic non imprimeretur aliquis habitus, sed actus intelligendi, sicut imprimebatur prophetis, non oportebat, quod esset Salomon in ecstasi, quia ecstasis non est pro quocunque actu intelligendi, sed solum pro actu intelligendi circa rem excellentissimam, sicut circa diuinam essentiam clare cognoscendum, ut fuit in Beato Paulo: et patet de alijs prophetis, qui non rapiabantur in ecstasim, eo quod non eleuabant ad cognoscendam diuinam essentiam. Sed minora quaedam. Ita ergo de Salomone. Nam cognitio sibi impressa fuit de rebus naturalibus, et moralibus mathematicis, et ciuilibus, ut declaratum est 3. Re. 3. Omnia ista cognoscuntur naturaliter, ideo non oportebat esse ecstasim ad hoc: et sic non conueniebat iste modus. Manent autem primus, et sextus modus, quorum uterque satis conueniens videbatur: et tamen magis conueniens fuit sextus: quod patet, quia in primus

Quo eleuatus sit Beatus Paulus ad videndam diuinam essentiam.

modus esset, ille, qui loqueretur, esset angelus, & cognosceretur iste angelus: & in modo sexto putabatur esse Deus. Nam sic dicit litera, quod Deus apparuit Salomoni per noctem, & locutus est: in maiori autem reuerentia, & certitudine tenentur verba Dei quam angeli, ideo conuenientior modus erat sextus. Sed diceretur, quod etiam poterat dicere ille, qui appareret, quod erat Deus: licet esset angelus, sicut sepe in scriptura dicitur, quod loquens est Deus: & tamen Deus loqui non potest. Et tunc haberentur in tanta veneratione, & certitudine verba huius apparentis, sicut verba Dei loquentis per noctem. Dicendum, quod non stat, quia ista erat regula inter Hebræos, quod quoniam aliquis loquebatur, & apparebat: non vocabatur Deus, sed Angelus. Si autem loqueretur, & non appareret, vocaretur Deus. Fundamentum huius, quia Deus, nec poterat apparere, nec loqui: ut probatum est Exo. 25. & in alijs locis: & tamen angeli apparebant, & loquebantur, & interdum loquebantur, & non apparebant. Et tamen quando apparebant, & loquebantur vocabantur angeli, & quando loquebantur, & non videbantur vocabantur Deus: patet hoc de angelo apparente Agar. Nam apparuit ostendendo posteriora sua, & locutus est, & vocatur angelus: Gen. 16. Et etiam vocantur tres angeli, qui venerunt ad Abraham: vocantur angeli, quia apparuerunt, & locuti sunt, Genesis 18. Idem de duobus angelis euntibus Sodomam ad domum Loth: Gen. 19. Idem de angelo apparente in loco flentium: Iudi. 2. De angelo apparente Geodeoni: Iudi. 6. Et de angelo apparente patri, & matri Samsonis: Iudi. 16. Cum autem loquebatur, & non apparebat, vocabatur Deus, ut patet de apparente in rubo, qui vocauit se Deum: Exo. 3. & de angelo dante legem in deserto Sinai, qui dixit: Ego sum Dominus Deus tuus, qui eduxi te de terra Aegypti, & uterque istorum vocauit se Deum: Exo. 3. & 20. & ambo erant angeli. De loquente in rubo patet Act. 3. ubi Beatus Stephanus dicit, quod angelus locutus est Moyfi in rubo. De dante legem pater ad Gala. 3. scilicet: Lex data est in manu mediatoris ordinata per angelos: & neuter istorum duorum videbatur. Nam in rubo nihil videbatur, nisi ignis: & tamen audita est vox loquentis, & in datione legis non apparuit aliquis, ut patet Deutero. 4. Ratio differentiae est, quia lex nolebat, quod appareret, quod Deus habebat aliquam figuram, quia si putaretur, quod haberet aliquam figuram, fieret similis, & homines idolatrarent, & quia quando apparebant angeli in assumpta effigie videbatur hominibus aliqua corporalis effigies, quae poterat figurari, si illi vocarentur Deus, fieret figura illorum. Cum autem solum audiebatur vox non visa aliqua figura, non erat periculum aliquod, quia non poterat figura aliqua fieri: ideo illi angeli vocabantur Deus. Istud motium patet ex eo quod habetur Deuter. 4. de datione legis, cum dicitur: Custodite sollicite animas vestras, nullam figuram vidistis in die, qua locutus est dominus in Horeb de medio ignis, ne forte decepti faceretis vobis figuram masculi, aut foemine, volutur, &c. Sic ergo nunc si primus modus esset, ille qui appareret non posset vocare se Deum, sed Angelum. Et in sexto modo ille qui loquebatur dicebatur Deus: ideo conuenientior erat sextus modus. Item patet, quia si esset primus modus, non diceret Salomon verba ista, quae dicitur hic dixisse, nec etiam Deus responderet ei. Sed solum ostenderetur Salomoni, quod dabatur ei sapientia. Istud autem non erat conueniens, quia per ista verba Salomonis, & Dei respondens est nobis magna doctrina moralis circa ea, quae desiderare debemus, & quid Deus vult, quod desideremus. Et quomodo pro recto desiderio non solum conce-

F dat, quod desideratur, sed etiam alia, quae non desiderantur, ista autem doctrina non debuit omitti: ideo non debuit esse alius modus, nisi sextus. Sed diceret aliquis, quod poterant omnia ista verba dici in secundo modo, scilicet, quod aliqua vox audiretur ex parte Dei, quae diceret ista Salomoni. Respondendum, quod non fuit conueniens. Primo, quia forte Deus noluit talem vocem ostendere Salomoni, utpote, si non iudicauit eum dignum esse audire talem vocem. Vel melius dicendum est, quod si illa vox audiretur, forte Salomon non petiisset ista, quae petiuit. Nam secundum veritatem Salomon nihil petiuit, cum esset in somniis, nec Deus ei quidquam dixit. Sed omnia haec fuerunt in visione imaginaria, ut declarabitur infra in quadam quaestione. Si autem esset in vigilia forte angelo dicente ad Salomonem, quod peteret aliquid aliud, non interciderent talia verba, ideo fuit conueniens, quod per noctem fieret ista reuelatio. Alia causa est, quia eruditio quam Deus facit in homine, conuenientius fit per noctem, eo quod tunc homo cessat ab omnibus exterioribus: & tunc solet Deus mouere hominem ad intelligendum. Sic dicitur Iob 33. Scilicet per somnium in visione nocturna, quando irruit sopor super homines, & dormiunt in lectulo. Tunc aperit Deus aures virorum, & erudiens eos instruit disciplina, ut auertat hominem ab ijs, quae fecit, & liberet eum de superbia. Sed nunc Salomon instruendus erat dando sibi sapientiam, ideo conuenientius fuit per noctem fieri istam apparitionem.

Si Deus, vel Angelus locutus est Salomoni.

Quaestio XIX.

QVAERITVR vterque, quis fuit iste, qui locutus est nunc Salomoni, scilicet, Deus, vel angelus. Respondendum, quod scriptura dicit Deum fuisse, & tamen angeli vocantur saepe Deus, ut patet de angelo apparente in rubo ardente, qui vocauit se Deum: Exo. 3. & tamen erat angelus Act. 7. & de datore legis. Nam vocauit se Deum: Exo. 20. & erat angelus, ad Gala. 3. Ideo licet dicatur, quod erat Deus, poterat esse, quod esset angelus. Vnde non est manifestum an angelus, vel Deus esset. Aliquis dicit, quod omnino erat angelus. Nam Deus, nec videre, nec audire, nec loqui potest: iste tamen locutus est ad Salomonem, ideo non erat Deus, sed Angelus. Dicendum, quod non stat, quia si fuisset vera locutio, staret argumentum istud: & tamen non erat locutio aliqua, sed imaginariè conceptum est, ut declarabitur sequenti quaestione, ideo cum non esset ibi locutio, poterat competere tam angelo, quam Deo. Dicendum, quod ista fuit immutatio phantastica qualis fit in somniis, & ista potest fieri per Deum, & Angelum. De Deo manifestum est, quod Deus potest facere quidquid nos possumus cogitare, & etiam plus, nisi illud imperfectum aliquam includat, sicut moueri, & quia in locutione motus est, et successio quaedam in Deo non est. Formare tamen in phantasia alicuius imaginem non inducit motum aliquem necessariò, ideo poterat fieri à Deo, vel ab Angelo: de Angelo, quod posset facere manifestum est, quod materia corporalis subiecta est angelis, ut possint illam transmutare, sicut apparet in multis exemplis, et declaratum est Exo. 7. Ideo varias dispositiones in organis capitis nostri inducere possunt, magis tamen credendum est, quod Deus fecerit, quia quando scriptura saluari potest conuenienter in iuis terminis, saluanda est potius, quam trahatur ad sententiam alienam: et tamen hic dicitur, quod Deus locutus est Salomoni, per quod significat immutatio facta in phantasia sua, ideo dicendum est, quod Deus hoc fecerit.

Ratio qua innitebatur maiores in cognoscendo an Deus loqueretur, aut angelus.

Angeli se per vocem dicit Deus.

Deus facere potest quidquid a nobis imaginari potest.

Item, quia hic agitur de sapientia collata Salomoni, quod in intellectu est: non potest tamen aliquis angelus imprimere habitus scientificos intellectui nostro, ideo oportet, quod Deus illud egerit licet, immutationem phantasie posset angelus facere secundum quam videretur Deus apparere. Ideo dicendum necessario, quod Deus fuit ille, qui ibi operatus est: & sic conuenienter dicitur, quod Deus apparuerit Salomoni, & non angelus.

Si Salomon petiuit aliquid à Deo.

Quest. XX.

QVAERITVR vterius, an Deus locutus est Salomoni per noctem, & an Salomon petiuit aliquid. Dicit aliquis, quod sic: quia hic, & 3. Reg. 3. dicitur, quod Deus apparuit Salomoni per noctem, & dixit ei: postula quod vis. Dicendum, quod Salomon non petiuit sapientiam à Deo, nec aliquid aliud: quia dormiebat, ut patet 3. Reg. ubi ponitur totum hoc. Et postea dicitur: Euigilauit Salomon, & intellexit, quod esset somnium: & tamen per somnium non loquitur quicquam, ergo non petebat ipse sapientiam. Sed obijciatur, quod in somniis poterat loqui, sicut aliqui loquuntur ea, quae cogitauerunt per diem. Sed non stat, quia dato, quod Salomon posset loqui in somnio: tamen saltem non posset respondere, quia somnians loquitur interdum ex forti impressione, quae habet: & tamen non intelligit, quod loquitur, nec putat se loqui. Ad respondendum autem necessaria est intellectio eorum, quae alius proponit, quia non potest fieri in vigilantibus: ideo Salomon non poterat loqui, sicut hic dicitur, nec aliquid locutus est. Cum autem dicitur, an Deus locutus est Salomoni. Respondendum, quod Deus non locutus est, quia nec loqui poterat, sicut supra dictum est. Nec enim angelus locutus est. Nam licet angelus loqui posset, non est dicendum, quod locutus fuerit Salomoni: quia locutio non debet dirigi nisi ad intelligentem, & tamen Salomon dormiens non poterat intelligere, nec audire vocem angeli, nisi euigilaret, ergo non locutus est ei angelus. Sed dicendum, quod omnia ista fuerunt per quandam visionem imaginariam. Deus enim formauit in phantasia Salomonis dormientis figuras omnium istarum rerum, quas visus est sibi videre, & audire, & videbat sibi, quod Deus apparebat ei in figura alicuius viri valde reuerendi. Nam alias sine figura non poterat Deus videri visione imaginaria, & videbatur sibi, quod Deus loquebatur ad eum, dicens: Postula quod vis: & tunc Salomon videbatur, quod dicebat, quod erat puer, & habebat magnum regnum ad gubernandum, quod daret ei Deus sapientiam, id est prudentiam, qua posset illud gubernare. Et tunc videbatur ei, quod respondebat sibi ille vir habens locum Dei: quia non petisti diuitias, nec animas inimicorum tuorum, nec dies vitae plurimos, sed sapientiam, data est tibi sapientia, ita ut nullus ante te, nec post te similis tui fuerit. Sed obijciatur, quod non fuerit istud in visione imaginaria. Sed Salomon verè petierit sapientiam. Primo, quia ut innuitur ex littera hic, & 3. Reg. 3. petiuit Salomon placuit Deo valde, quia petiuit sapientiam: si tamen nihil petiuisset, non placeret Deo, quod nihil erat: ergo aliquid petiuit. Item, quia dixit littera, quod Deus dixit: quia non petisti diuitias, nec gloriam, nec animas eorum, qui te oderunt, nec dies vitae plurimos, sed sapientiam: si tamen non petiuisset aliquid vitae, vel aliquid aliud. Et cum dicitur postulasse hoc, quia Deus dixit, quod illa etiam, quae non petierat dederat ei, scilicet gloriam, & diuitias, ergo aliquid petierat, & aliquid non petierat. Dicendum, sicut prius: quia Salomon nihil petiuit cum esset in somniis, sed videbatur sibi petere. Ad primum, cum dicitur, quod petiuit Salomon Deo placuit. Dicendum, quod non placuit, cum nulla esset, sed dicitur placuisse.

Alph. Tost. super lib. Paralip.

A cuius, quia videbatur Salomoni, quod ille vir, qui ei apparebat imaginariè gaudebat de petitione sua, sicut videbatur ei, quod petebat, & tamen nihil petebat. Ad secundum dicendum, quod Salomon non petiuit diuitias, nec gloriam, nec animas inimicorum suorum, nec sapientiam, cum nihil petiuerit: sed videbatur sibi, quod petiuerat solam sapientiam: & tunc responderebat sibi ille, qui astabat ei loco Dei, sicut ei videbatur, quod non petiuerat diuitias, nec gloriam, sed sapientiam, & tamen secundum veritatem nullus ei apparebat, nec loquebatur. Ad tertium dicendum, quod Deus non dixit Salomoni, quod daret sibi ea, quae non petiuerat, sed videbatur ei, quod Deus sibi dicebat dabo tibi sapientiam, quam postulasti: & etiam, quae non postulasti. Totum autem erat somnium, & ipse Salomon cognouit postea, quod non petiuerat quidquam, nec Deus sibi apparuerat, nec locutus fuerat, cum dicitur 3. Reg. 3. quod euigilauit Salomon, & intellexit, quod esset somnium.

Si Salomon fuit locupletior, & gloriosior alijs regibus seculi.

Questio XX I.

QVAERITVR vterius, cum dicatur hic, quod Deus dedit Salomoni diuitias, & gloriam, quas non postulauit, ita ut nullus in regibus ante eum, nec post eum similis ei fuerit: an verum fuerit, quod Salomon fuerit locupletior, & gloriosior omnibus regibus seculi. Aliquis dicit, quod non intelligitur istud de diuitijs, & gloria, sed solum de sapientia, quia nullus de regibus ante eum, nec post eum similis ei esset, & tamen in diuitijs, & gloria multi fuerunt eo maiores. Sed dicitur, quod de diuitijs, & gloria dicitur hic, & non de sapientia, ideo in illis excessit Salomon omnes reges. Dicendum, quod diuitiae Salomonis fuerunt valde magnae, ut patet tertio Reg. 10. & infra 9. Et non erat tempore suo aliquis rex ei aequalis in diuitijs: sic etiam de gloria: & tamen non fuit maior, quam omnes reges ante eum, & post eum, quod patet, quia Alexander subiecit sibi totum orbem ferè. Manifestum est autem, quod maior erat gloria illius, quam Salomonis, quia Salomon non possedit nisi terram Chanaan: etiam Alexander locupletior esset: quia cum esset dominus vniuersi orbis, plures diuitias haberet, cum omnia haberet. Etiam patet de Iulio Caesare, & Octauiano, & Pompeio, qui quasi erant domini totius orbis. Potissimè de Octauiano, qui posuit edictum, ut scriberetur vniuersus orbis: & quilibet, qui numerabatur profitebatur se subiectum Romanis, & soluebat tributum certum: Luc. 2. Non ergo potuit Salomon equiparari istis. Ideo dicendum, quod ditior fuit Salomon, & locupletior, quam omnes reges, qui fuerant ante eum in quibuscunque regnis essent: sed non fuit ditior, & gloriosior omnibus, qui post eum fuerunt: causa fuit, quia ante Salomonem seculum adhuc rude fuerat. Et reges magni non fuerant, qui congregauissent diuitias multas, nec haberent magnam gloriam ex diuitijs, vel potentia, vel ex rebus gestis: ideo Salomon potuit faciliter superaret eos. Et tamen reges fuerunt post eum, qui superauerunt illius seculi conditionem, & fuerunt ditiores, & gloriosiores, quam Salomon. De sapientia autem indifferenter dicendum, quod nullus de regibus ante eum, nec post eum fuit ei aequalis: & in hoc fuit speciale in eo. Istud patet 3. Reg. 3. cum dicitur: Dedi tibi cor sapiens intantum: ut nullus ante te similis tui fuerit, nec post te surrecturus sit: sed & haec, quae non postulasti, dedi tibi: diuitias, & gloriam, ut nemo similis tui fuerit in regibus cunctis retro diebus. Ideo solum excessit reges praeteritos in gloria, & diuitijs.

B 4 Futuros

Futuros autem non excessit. Ista est veritas, quæ communiter tenetur, & quam consueuimus asserere. Et tamen adhuc litera ista videtur manifestè dicere, quòd Salomon excefferit in diuitijs, & gloria omnes reges, qui ante eum, & post eum futuri erant. Si autem dicamus, quòd referatur ad sapientiam solam, videbitur esse extorsio sensus: quia non dicitur hic de sapientia, sed de diuitijs, & gloria. De sapientia autem supra ponebatur. Item, quia si istud intelligeretur de sapientia, sequeretur, quòd quātum ad diuitias, & gloriam non compararetur hic alicui, cum nō referretur hic ista comparatio, nisi quantum ad sapientiam: & sic frustra exprimeretur de diuitijs, & gloria. Ideo dicendum, quòd comparetur regibus, qui præcesserūt, & futuris quantum ad diuitias, & gloriam. Dici potest vno modo: quia licet 3. Reg. 3. cap. solūm dicatur in diuitijs, & gloria excelluisse reges, qui fuerant ante ipsum: tamē in veritate excelluit etiam futuros, sicut hic innuit Esdras: sed non intelligitur de omnibus regibus quarumcunque gētiū: sed solūm de regibus Israelitarum, quorum rex erat Salomon: & tunc verum est: nam manifestum est, quòd Salomon locupletior fuit, quā omnes reges Iuda, & Israel, qui post eum fuerunt: non enim fuerunt reges valde diuites, nec gloriosi, vt pater ex toto processu tertij, & quarti libri regum: & sic non stabit obiectio de Alexandro, & Romanis: quia licet illi fuerint ditiores, & gloriosiores Salomone, non erant Iudæi, sed Gentilium reges, de quibus litera non intelligitur. Aliter potest intelligi, quia Salomon fuerit gloriosior, & ditior omnibus regibus terræ quarumcunque gentium, & tamen tunc est equiuocatio in gloria, & diuitijs. Et primo de diuitijs: nam diuitiæ possunt accipi vno modo pro re, quæ possidetur, siue mobili, siue immobili, & sic non fuit Salomon ditior omnibus regibus: quia Alexander, qui fuit princeps rotius orbis plures possessiones immobiles habebat, quā Salomon. Si autem accipiantur diuitiæ pro sola moneta, & auro, atque argento, & alijs mobilibus preciosis, potest dici, quòd cōgregauerit Salomon plures diuitias, quā oēs reges. Nam licet alij essent domini magnorum regnorum: tamen non acquisierant tot pecunias, sicut Salomon: & hoc satis verisimile est, quia licet magna regna haberent, & magnos redditus consequerentur, expende bant illos propter multitudinem famulorum, & sic nullus simul tot pecunias, & res preciosas habuerit sicut Salomon. De gloria dicendum, quòd potest vno modo accipi pro nominis celebritate, id est fama: & istud est quod propriè significat nomine, & sic nō fuit maior gloria Salomonis, quā omnium regum, quia maior fuit gloria, id est fama Alexandri, nam per totū orbem cognitus est, cum totius orbis dominus esset: Etiam necesse est, quòd Octavianus esset famosior, & gloriosior Salomone, quia dominus fuit totius orbis, & sic omnes homines eum per famam cognouerūt, cum ipse fecerit totum orbem numerari, & singulos homines in ciuitatibus suis profiteri se subditos Romanis, & soluere tributum quoddam in signum professionis, & recognitionis domini. Salomon autem non habuit tempore suo aliquid, per quod maximè cognosceretur, quā per sapientiam, ideo non potuit fama sua tantum dilatarī. Alio modo accipitur gloria pro magnitudine status iurgente ex magnitudine diuitiarum, vel potentia: & sic dicendum, quod adhuc Salomon non excedebat illos reges futuros in gloria, quia cum alii fuerint maiores in potestate, quā Salomon, sicut Alexander, & Octavianus, illi etiam essent gloriosiores. Aliter potest accipi gloria pro apparatu ornatus vestium, & mensarum, & omnium rerum domesticarum. Et fortè in hoc excessit Salomon omnes reges, qui eum secuti sunt. Nam nimis gloriosus fuit in vestibus, & throno: quia 3. Re. 30. & infra 9. dī, quod non fuit talis thronus in omnibus regnis terræ: etiam in apparatu vasorum mensæ, & apparatu ministrorum fuit magna gloria, ita vt expauesceret regina Sabba, nec iam haberet sensum, infra 9. & tertio Reg. 10. Et istud est satis verisimile, quia quando Christus voluit ostendere, quod ornatus herbarum erat maior quā ille, quem homines in vestibus suis artificialiter inducunt: dixit de lilijs agri, quod licet non laborent, Salomon in omni gloria sua, non erat indutus sicut vnum de illis. Si tamen non esset Salomon gloriosior omnibus regibus, non esset argumentum ibi conueniens, quia licet nō esset Salomon indutus pulchrius, quā vnum de lilijs, tamen vnus de alijs hominibus, qui fuerunt gloriosiores, fortè esset vestitus pulchrius quā vnum de lilijs. Et sic innuit, quod gloriosior fuerit Salomon omnibus regibus sæculi. Nisi fortè dicere velis, quod Christus, quia erat Iudæus, voluit ponere exemplum de regibus Iudæis: quorum status erat solūm cognitus Iudæis, & non status aliorum regum terræ. Vtraque ergo istarum solutionum stare potest, sed securior est prima expositio, scilicet quòd fuerit Salomon gloriosior omnibus regibus præteritis, & futuris: tamen solūm intelligitur de Iudæis. Multa alia dubia occurrunt circa sapientiam traditam Salomoni, & circa modum tradendi, scilicet quantum ad quid fuerit sapientia Salomonis maior quā aliorum hominum. Item cum Deus voluerit dare sapientiam Salomoni petenti, ad quid voluit immittere istud somnium, in quo videbatur Salomoni, quod petebat sapientiam, & quòd Deus ei respondit. An Salomon fuerit sapientior domina nostra Virgine: an fuerit sapientior quā Adam: an sapientior Apostolis: an sapientior Moyse, & alijs Prophetis. An sit sapientior Angelis, & demonibus: an sapientior Philosophis: quæ est sapientia quam Salomon accepit à Deo. An spiritum Propheticum: an Ceconomiberales: an omnes scientias naturales: an Theologiam, Ethicam, Politicam, & iura humana. An Theopropheticas, & sic de omnibus alijs. Item cum Salomon solūm petiisset sapientiam ad gubernandam regnū, quæ erat prudentia: ad quid Deus ei dedit scientias speculatiuas, scilicet naturales, & alias. An sapientia data Salomoni à Deo posset obliuioni tradi, & multa alia in ijs dubijs pulchra, & naturaliter dicta, quæ declarauimus 3. Regum 3. & 4. Et ibi requirantur circa materiam istam.

F mon omnes reges, qui eum secuti sunt. Nam nimis gloriosus fuit in vestibus, & throno: quia 3. Re. 30. & infra 9. dī, quod non fuit talis thronus in omnibus regnis terræ: etiam in apparatu vasorum mensæ, & apparatu ministrorum fuit magna gloria, ita vt expauesceret regina Sabba, nec iam haberet sensum, infra 9. & tertio Reg. 10. Et istud est satis verisimile, quia quando Christus voluit ostendere, quod ornatus herbarum erat maior quā ille, quem homines in vestibus suis artificialiter inducunt: dixit de lilijs agri, quod licet non laborent, Salomon in omni gloria sua, non erat indutus sicut vnum de illis. Si tamen non esset Salomon gloriosior omnibus regibus, non esset argumentum ibi conueniens, quia licet nō esset Salomon indutus pulchrius, quā vnum de lilijs, tamen vnus de alijs hominibus, qui fuerunt gloriosiores, fortè esset vestitus pulchrius quā vnum de lilijs. Et sic innuit, quod gloriosior fuerit Salomon omnibus regibus sæculi. Nisi fortè dicere velis, quod Christus, quia erat Iudæus, voluit ponere exemplum de regibus Iudæis: quorum status erat solūm cognitus Iudæis, & non status aliorum regum terræ. Vtraque ergo istarum solutionum stare potest, sed securior est prima expositio, scilicet quòd fuerit Salomon gloriosior omnibus regibus præteritis, & futuris: tamen solūm intelligitur de Iudæis. Multa alia dubia occurrunt circa sapientiam traditam Salomoni, & circa modum tradendi, scilicet quantum ad quid fuerit sapientia Salomonis maior quā aliorum hominum. Item cum Deus voluerit dare sapientiam Salomoni petenti, ad quid voluit immittere istud somnium, in quo videbatur Salomoni, quod petebat sapientiam, & quòd Deus ei respondit. An Salomon fuerit sapientior domina nostra Virgine: an fuerit sapientior quā Adam: an sapientior Apostolis: an sapientior Moyse, & alijs Prophetis. An sit sapientior Angelis, & demonibus: an sapientior Philosophis: quæ est sapientia quam Salomon accepit à Deo. An spiritum Propheticum: an Ceconomiberales: an omnes scientias naturales: an Theologiam, Ethicam, Politicam, & iura humana. An Theopropheticas, & sic de omnibus alijs. Item cum Salomon solūm petiisset sapientiam ad gubernandam regnū, quæ erat prudentia: ad quid Deus ei dedit scientias speculatiuas, scilicet naturales, & alias. An sapientia data Salomoni à Deo posset obliuioni tradi, & multa alia in ijs dubijs pulchra, & naturaliter dicta, quæ declarauimus 3. Regum 3. & 4. Et ibi requirantur circa materiam istam.

Congregauitque sibi currus, & equites, & facti sunt ei mille quadringenti currus, & duodecim millia equitum, & fecit eos esse in vrbibus quadrigarum, & cum rege in Ierusalem. Præbuitque rex argentum, & aurum in Ierusalem quasi lapides, & cedros quasi sycomoros, quæ nascuntur in campestribus multitudine magna. Adducebantur autem ei equi de Aegypto, & de Coa à negociatoribus regis, qui ibant, & emebant pretio quadrigam equorum sexcentis argenteis, & equum centum quinquaginta: similiter de vniuersis regnis Cethæorum, & a regibus syriæ emptio celebrabatur.

Congregauit. Hic ponitur vltimum huius cap. s. reuelationis executio. Reuelauerat Deus Salomoni per somnium, quod dederat ei sapientiam, & quod daturus esset gloriam, & diuitias multas. Hic autem ponitur executio illius, scilicet de magnitudine Salomonis in gloria, & diuitijs. Et dicitur. *Congregauit Salomon sibi currus, & equites, & facti sunt sibi mille, & quadringenti currus, & duodecim millia equitum.* Ista pertinent ad apparatus regium, & iste est apparatus, necessitatis, scilicet apparatus bellica ad inuadendum, & defendendum, sine qua apparitione nullus Rex potes est. Et maxima necessitas erat in curribus, & equis, hominibus armatis. Et dicitur, quia habuit Salomon mille, & quadringentos currus, & mille equites. Currus isti non sunt onerarij, sed bellici, qui vocantur currus falcati, vel currus ferrei, quorum quilibet habebat quatuor equos: vt colligitur infra in litera, & infra 9. & 3. Regum 10. Erant autem isti currus in rotis habentes enses curuatos in modum falcis ad rapiendum quidquid obuium esset. Ideo vocabantur falcati, s. a falcibus: & super quemlibet erat vnus homo armatus habens tela, lanceas, & alia genera armorum missilium ad mittendum contra hostes, & alius homo erat in temone dirigendo equos flectendo hinc, & inde: & ille non pugnabat, sed erat auriga: & quando mouebantur isti currus omnes hostes obuij fugiebant timentes enses falcatos, qui impetu currum lacerarent quidquid obuium haberent. Iste modus currum ad pugnandum valde in pretio fuit apud antiquos: sed nunc in dissuetudinem abiit, eo quod non conueniunt isti currus nisi locis valde planis. Habuit tamen Salomon tot currus: sed alibi dicitur, quod plures habuit, sicut infra declarabitur in quadam quaestione. Erant autem mille, & quadringenti currus: equi quinque millia, & sexcenti dando cuiuslibet currui equos quatuor, & praeter currus istos erant equites duodecim millia, vt patet in litera. Et isti non pugnabant in curribus, sed insidentes equis sicut nunc. *Et fecit eos esse in vrbibus quadrigarum.* Salomon habebat multos currus, & equos: & isti non erant sibi semper necessarii, sed solum pro tempore belli, ideo vt non facerent superfluos, & inordinatos sumptus, non habebat omnes secum in curia in Ierusalem: sed diuiserat eos in partes, & posuerat in diuersis vrbibus regni sui, vt ibi alerentur commendans eos ministris suis, & paucos illorum tenebat secum semper in curia ad ostentandum gloriam suam, & statum regium. Et istae vrbes in quibus erant currus, & equi: vocantur vrbes quadrigarum, id est in quibus erant equi, qui portabant quadrigas: vel equi qui faciebant quadrigas, quia quatuor equi faciebant vnam quadrigam: vt patet infra in litera: & curam istorum equorum habebant duodecim praepositi Salomonis: vt patet 3. Regum 4. capitulo. *Et cura rege in Ierusalem.* Scilicet, aliqui de istis curribus & equis, & equitibus erant in Ierusalem cum Salomone. Non enim mutabat Salomon loca ad manendum, sicut mutant reges nostri: sed erat semper in Ierusalem, Et ibi tenebat semper quosdam de curribus, & equitibus. *Protrahebatque rex argentum & aurum in Ierusalem quasi lapides.* Hic agitur de diuitijs Salomonis, quia praecedentia pertinebant ad apparatus regis. Habere autem argentum, & aurum multum, sicut lapides, pertinet ad multitudinem diuitiarum, & non est intelligendum, quod tanta esset multitudo argenti, & auri sicut lapidas, quia omnes reges terrae congregati non haberent tantas diuitias. Sed est figura locutio, quae vocatur cyceum intentione signandi aliquid verum magnae excellentiae: sic dicitur. *Astra ferit clangor.* Et illud.

Remineus perstringit sydera clamor.

Alexandreidis lib. 3. Et quia Salomon habebat multum aurum, & argentum quasi sine comparatione ad alios reges, qui praecesserant, & secuti sunt, habuit locum ista locutio. *Et cedros quasi sycomoros, quae nascuntur in campestribus multitudine magna.* Istam multitudinem cedrorum adduxit in Ierusalem in diebus suis, sicut erat multitudo sycomorum, & sic non videbantur iam cedri preciosiores sycomoris. Et tamen sycomori sunt arbores, quae maximè abundant in terra Chanaan, quia in campestribus nullo colente nascebatur multitudo maxima sycomorum: Vocantur sycomori ficus fatuae, quas nos vulgariter vocamus caprificos, & ista arbor non producit fructus viles, quia ficus sui non sunt ad esum, sed in quibusdam terris proficiunt ad impregnationem, & meliorationem aliarum arborum bonarum. Erant autem isti sycomori per totam terram Israel in campestribus: & sic cum Christus praedicaret in campo, quidam paruus nomine Zachaeus, non potens Christum videre propter staturae paruitatem, ascendit in sycomorum, & inde audiebat verbum domini, & cum illo praeius est Christus die illa dicens: Zachae festinans descende in domum tuam, quia tecum oportet me hodie manere: & conuertit illum ad bonum, cum esset publicanus: Lucae 19. capit. Etiam intelligenda est ista locutio sicut prior per cyperbatō, quia nullo modo poterat Salomon tot cedros portare in Ierusalem: sicut erant sycomori in campestribus, sed erant multae cedri. Nam in comparatione ad cedros, quas dederunt reges priores in Ierusalem, & quas postea dederunt, tanta erat multitudo cedrorum, sicut sycomorum, sicut alii reges paucas, aut nullas cedros in Ierusalem tulerunt. *Adducebantur autem ei equi de Aegypto, & Coa.* Dictum fuit supra de multitudine equorum, quos habebat Salomon, s. mille, & quadringentos currus habuit, & duodecim millia equitum. Et dubitaret aliquis quomodo Salomon poterat tot equos habere in terra Chanaan: ideo ponitur modus, quo Salomō habebat istos equos: de aliis regionibus, s. de Aegypto, & de Coa. Aegyptus est magna regio, & est duplex Aegyptus, s. superior, & inferior. Et est terra copiosa in terrae nascentibus, licet raro ibi pluat: Nilus tamen fluuius, qui est vnus de fluuijs Paradisi terrestis, irrigat totam Aegyptum, tum quia terra valde plana est, tum quia bis in anno inundat nimis Nilus, & per alueos diuisus decurrit per totam terram Aegypti totamque fecundat, vt ait latē Solinus in Polistor. cap. de Aegypto, & declaratum est de hoc satis latē Exod. 24. In terra ista multi equi nascebantur, & mercatores afferrebant inde equos Salomoni. Etiam adducebant de insula Coa. Est enim Coa vna de Cycladibus insulis, quae posita sunt in mari Mediterraneo. Et specialiter insula illa abundat in equis, de quo magis dictum est 3. Regum 10. Isti autem equi adducebantur de Coa, quia Salomon mittens ad diuersas insulas terrae, s. in Tharsis, in Ophir, & in alias, afferebat inde ea, quae praeciosa erant in regionibus illis. Et sic poterant adducere equos de Coa: vel fiebat hoc per mercatores, s. mercatores terrae Israel, vel aliarum regionum, qui scientes, quod Salomon valde diligebat equos cupiens congregare illorum nimiam multitudinem, adducebant ei multos de Aegypto, & Coa, & alijs insulis. In Hebraeo habetur, Michue, vbi nos dicimus de Coa, & est Michue, duae dictiones facientes vnam per compositionem, & in simplicitate sonat quaedam vocalis, quae non sonat in compositione, scilicet mi, & Cheue, & mi est praepositio, & significat de. Cheue accipitur pro Coa, quia eadem sunt literae: licet videatur quaedam differentia inter Cheue, & Coa, sicut scribitur hic: & 3. Regum 10. quia ibi ponitur Coa, cum Aleph.

Aleph. Hic ponitur Cheue cum Het. Et sic Hebræi dicunt, quod est nomen appellativum significans congregationem, & intelligunt Michue, idest de congregatione. Sed istud non stat, quia dato, quod hic sit mutata litera: & 3. Regum 10. constat, quod eadem dictio esse debet. Nam hic, & ibi eadem historia ponitur, & eadem verba, scilicet. Adducebantur equi de Aegypto, & Coa: ideo mutatio ista literæ vnius facilis fuit fieri, & fortè factum est ex errore, vel fortè mutata eadem litera signat id quod prius. Nec obstat, quod Cheue in Hebræo sit nomen commune, & signet congregationem, quia aliquando eadem dictio accipitur pro nomine proprio communi. Item non est conueniens sensus, quod Salomoni adducebantur equi de Aegypto, & de congregatione: quia nihil istud signat, quod inter se conueniat: sed cum Aegyptus sit proprium regionis. Hebræi tamen, quia sunt nimis ignari circa historias, & loca orbis, errant plerumque circa talia. *A negotiatoribus regis, qui ibant, & emebant.* Scilicet, Salomon habebat negotiatores ministros suos, quos mittebat ad diuersas regiones, ut emerent ea, quæ præciosa in regionibus illis inuenirent. *Quadrigam equorum sexcentis argenteis, & equum centum quinquaginta.* Ponitur pretium quo constabant equi, quos Salomon emebat, & aliqui errant circa hoc putantes, quod quadriga sit plaustrum, & pro quolibet plaustro darentur sexcenti sicli, & pro quolibet equo centum, & quinquaginta. Sed falsum est, quia quadriga accipitur hic pro quatuor equis simul, & vocatur quadriga, quia quatuor vniebantur ad trahendum plaustrum. Pro quo sciendum, quod plaustrum, vel currus est nomen signans ipsum vehiculum. Imponuntur autem alia nomina ad signandum numerum equorum trahentium vehiculum. Et sic vocabatur biga plaustrum, quod à duobus equis trahitur, & dicitur de bis, & ago agis: quia à duobus agitur, idest mouetur. Triga vocatur currus, quæ trahitur a tribus equis. Quadriga currus tractus à quatuor equis: ista differentia nominum seruatur apud scriptores, & auctores doctissimos: vnde Gentiles dederunt soli quadrigam, quæ est quatuor equorum, scilicet. Eoum: Aethoum: Pyroum: Philogæum: vtriusque Hebrardus: licet Ouidius 2. Meta. alia nomina istis equis imponat, & dantur equi quatuor propter quatuor conditiones solis, vel quatuor partes diei, quæ fiunt motu solis. Lunæ datur biga, scilicet. duo equi propter duas qualitates Lunæ, scilicet. humidum, & frigidum, & sic dicit Seneca Tragedia quarta, cuius titulus est Hyppolitus, metro tertio, quod incipit.

Diu non mihi generata ponto. Et ait.

Discit nocturnas agitare bigas.

Scilicet, didicit mouere bigas nocturnas, idest mouere currum Lunæ, qui vocatur biga. Et hoc, quia fingitur, quod Luna amans Endimionem pastorem solitos cursus agere destitit, vel oblita est, & tunc Sol suppleuit defectus eius, dirigendo bigas nocturnas, quæ pertinebant ad Lunam. Ita ergo vocatur hic quadriga quatuor equi, & ipsi quatuor equi simul constabant sexcentis siclis. Et patet hoc, quia dicitur, quod quadriga constabat sexcentis siclis, & equus centum & quinquaginta: qui est quarta pars pretij, & sic quatuor equi simul constabant sexcentis siclis, & vocantur quadriga. Quod autem non possit accipi quadriga pro plaustro, patet primò: quia non est verisimile, quod plaustrum valeret tantum, sicut quatuor equi: & tamen dicitur, quod quadriga constabat sexcentis siclis, & equus centum quinquaginta siclis, & tamen vnus equus nisi sit valde malus constat plusquam currus. Si autem velis dicere, quod isti currus erant valde præciosi, & poterat fieri currus, qui valeret plusquam quatuor equi. Dicendum, quod verum est, quod posset fieri, licet hoc non constet, nec sit satis verisimile, quod tales

currus essent, quos habebat Salomon: & tamen istud non est vlllo modo credendum: nam si diceretur de aliquo currus, quem Salomon voluisset facere speciale pro se, quod esset tanti valoris. Quod tamen omnes currus, qui adducebantur de Aegypto, & Coa essent huius valoris, non est concedendum, nec verisimile. Secundò patet hoc, & firmitus, quia non est verisimile, quod Salomon emeret plaustra in Aegypto, & in insula Coa, & faceret illa portari in terra Chanaa. Nam in terra Salomonis poterant fieri quotcunque plaustra ille vellet, cum ibi essent ligna preciosissima, scilicet, de Libano, & artifices multi, tam inter Hebræos, quàm Tyros, eo quod illi fabricauerant templum Salomonis: quomodo ergo vellet Salomò emere plaustra extra terram suam, & adducere illa per mare faciendo magnas expensas? Non est enim verisimile. Ideo dicendum, quod vocatur quadriga coniunctio quatuor equorum, & illi constabant sexcentis siclis. *Similiter de vniuersis regnis Cethæorum.* Idest sub tali precio emebant mercatores alias negotiatores Salomonis equos de omnibus regnis Cethæorum. Cethæi, & Hethæi idem sunt: & aliquando vocantur Hethæi, & aliquando Cethæi: sic dicitur Ezech. 16. Mater tua Cethæa. Aliqui putant, quod Cethæi vocentur habitantes in insula Cethim, de qua dicitur: Transite ad insulas Cethim: & in Cedar mittite: Iere. 2. cap. Et tamen non stat, quia in Hebræo tale nomen ponitur pro Hethæis, sicut pro Cethæis, sed litera nostra facit differentiam. Item patet, quia Cethæi sint Hethæi: quia Ezech. 16. dicitur: pater tuus Amorrhæus, & mater tua Cethæa. Amorrhæi autem sunt Chananæi, scilicet vnus de septem populis Chananæorum. Ideo etiam Cethæi erant Chananæi: & coincideret cum Hethæis. Item patet, quia non conuenit, quod intelligatur de insula Cethim, quod illa longe est à Ierusalem: ideo Ieremias tanquam mittens ad gentes longinquas dixit: Transite ad insulas Cethim, & in Cedar quoque mittite. Et tamen Cethæi, de quibus hic dicitur erant propinqui terræ Salomonis. Quod patet, quia prius posuit litera terras longinquas, de quibus adducebantur equi Salomoni, scilicet, de Coa, & de Aegypto. Deinde voluit ponere terras propinquas, & dixit de terra Syriæ, & Cethæorum. Et tamen terra Syriæ est coniuncta terræ Israel in latere suo aquilonari. Nam inter terram Syriæ, & Israel nullum regnum medium est: sed vrbes terræ Syriæ, scilicet Emath, & alie ponuntur in latere aquilonari terræ Israel tanquam limes, ut patet Num. 34. cap. Ideo terra etiam Cethæorum erit propinqua terræ Israel, & consequenter erit terra Hethæorum, quæ erat Chananæorum, qui intra Israel habitabant, de quibus infra declarabitur in quadam questione. *Et à regibus Syriæ emptio celebrabatur.* Idest etiam secundum hanc formam celebrabatur emptio à regibus Syriæ, idest de regibus, scilicet, quod negotiatores Salomonis emebant equos à regibus Syriæ secundum hanc formam, scilicet quadrigam sexcentis siclis, & quemlibet equum centum, & quinquaginta siclis: in Hebræo dicitur. *Expectationem accipiebant pro precio.* Vbi nos dicimus, qui ibant, & emebant precio: sed ista non esset sententia, sed quæ ponit litera nostra. Procedit autem hoc ex barbarie, & æquiocatione Hebraici sermonis. Et hoc solum quantum ad nomen expectationis: quia alia duo bene consonant litteræ nostræ.

De misericordia, quam Deus fecerat David.
Questio XXI.

QVAERITVR circa id, quod supra dicebatur, scilicet, quod fecerat Deus magnam misericordiam

Biga.
Triga.
Quadriga

cordiam David, quæ fuit ista magna misericordia. Dicendum, quod in multis apparuit misericordia Dei magna erga David. Primò, & principalius, quod cum David non esset de genere regis, & essent multi de genere illo, ad quos pertinebat regnum Israel. Et quia David erat pastor ouium, fecit Deus illum regem mittens Samuelem Prophetam ad vngendum eum primo Reg. 16. Secundum fuit, quia cum Deus vellet priuare semen Saulis iure regni, potius conueniebat alijs filijs Isai quam David, eo quod David erat minimus omnium. Et regnum ad primogenitos pertinebat, & sic Samuel putauit, quod maior inter filios Isai erat vngendus in regem, & Deus dixit ei, non respicias vultum eius, nec altitudinem stature eius, quia ego abieci eum: primo Regum 16. & elegit postea minimum fratum, ipsum David, qui custodiebat greges, eo. ca. Tertium erat, quia David antequam acciperetur in regem fecit multa bella, & in omnibus prosperatus est, occidebatque multos de Philisthinis, & de alijs gentibus: primo Regum 18. & 19. & 23. 27. Quartum fuit, quia David fuit in magnis periculis cum Saule. Nam bis conatus est eum configere lancea cum pariete, & casso vulnere David fugiebat illæsus: primo Regum 18. & 19. Etiam Saul semel per noctem fecit circumdari domum eius ab apparitoribus, ut eum ducerent ad occidendum: primo Regum 19. Deus tamen eripuit eum per manum Michol vxoris suæ. Item etiam cum fugisset ad Samuelem in Aioth Ramatha, misit ter nuncios Saul ad ligandum David, & omnes coacti sunt Prophetare, & postremò cum iuisset illuc ipse Saul coactus est Prophetare nudus tota nocte & die coram Samuele. David autem fugiens saluatus est, eo. capi. Item etiam in deserto Saul cum tribus millibus virorum eungebat David, & viros suos in modum coronæ in deserto Ciph, & iam desperabat David posse euadere, misitque Deus nuntium ad Saulem dicentem, Philisthini infuderunt se super terram. Et tunc coactus est Saul dimittere obsidionem, ut obuius iret Philisthinis, & sic liberatus est David apud petram, quam postea vocauerunt petram diuidentem: primo Regum 23. Quintò, quia non solum Deus liberauit semper David de manu Saulis, sed etiam interdum tradebat Saulem in manus David, ut non occideret eum, licet posset, sed misereretur, & sic appareret iustitia, & innocentia eius, & iniquitas Saulis, in tantum quod ipse Saul videns hoc, clamaret David esse iustum, & se esse impium: primo Regum 24. Et fuit hoc bis. Primò cum David lateret in montibus Engadi, & Saul inquireret eum, accidit quod intraret Saul ad purgandum aluum in quantum speluncam, in qua latebant David, & viri sui, & suaserunt viri eius sibi, quod occideret Saulem. Accessit autem silenter David ad Saulem, & amputauit oram clamidis eius, & tunc potuisset eum occidere, sed noluit: & ostendit ei foris postea oram clamidis, quam absciderat innuens, quod potuisset occidere illum, sed noluit: & tunc cum lachrimis clamauit Saul esse David iustiore se: primo Regum 24. Iterum inquirebat eum in deserto Ciph, & cum per noctem dormiret uid ad castra Saulis, & accepit lanceam, quæ erat ad caput Saulis, & scyphum aquæ, noluitque eum occidere cum posset. Et postea longè stans, clamauit ostendens, quod potuisset occidere Saulem, & noluit: primo Regum 26. Sextum fuit, quia cum fugisset David à facie Saulis in terram Philisthinorum, dedit Deus gratiam coram Achis rege Geth, licet esset hostis eius, & donauit ei vnam ciuitatem in terra sua, scilicet Siceleg: confidemus Regum 27. & 29. Septimum beneficium fuit, quia mortuo Saule Deus fecit, quod David haberet posses-

sionem regni super Iudam, & cum esset bellum continuum inter domum David, & domum Saulis, prosperabatur semper domus David, ut patet 2. Regum 2. & 3. Octauum fuit, quod mortuo Isbolet filio Saulis, fecit Deus, quod totus Israel conueniret vno animo ad accipiendum David in regem 2. Regum 5. & præcedenti lib. cap. 11. Nonum fuit, quia David egit postea multa bella, scilicet cum Philisthinis, Moabitibus, Amonitis, Idumæis, Syris, & alijs gentibus, & omnes superabat, & redigebat sibi in tributarios 2. Regum 5. & 8. & 10. & 12. & præcedenti lib. cap. 14. & 17. & 18. & 19. & 20. Decimum beneficium fuit, non solum post eum in æternum 2. Regum 7. et præcedenti lib. 17. Et istud fuit valde magnum beneficium, quia propter David multis promittebatur regnum. Vndecimum beneficium fuit, quod Deus liberauit David de manu Absalonis filij sui, & subditorum suorum coniurantium contra eum, & cum ipse paucos haberet secum, conuertit in fugam omnes adiutores Absalonis, & ipse Absalon occisus est 2. Reg. 14. Ista omnia, & multa alia particularia beneficia fecerat Deus David antequam regnaret Salomon, ex quibus apparebat, quod Deus fecisset magnam misericordiam David. Duodecimū fuit, quod fecit Deus post mortem David. Nam præuaricati sunt filij eius, scilicet Salomon, Roboan, & ferè omnes sequentes, merebanturque priuari regno, & tamen propter David non fuerunt priuati, ut non extingueretur lucerna David, ut patet 3. Regum 11. & 15. & infra. Et in alijs locis: magnam ergo misericordiam fecit Deus cum David.

Si Deus prius dedit Salomoni sapientiam, quam diuitias honorem, &c. Quest. XXIII.

QVAERITVR vterius, cum Deus vellet dare Salomoni sapientiam, quam videbatur petiuisse, & diuitias, & gloriam quas non petiuerat, an prius dedit sapientiam dicens: Sapientia, & scientia tibi data sunt, & non dedit illico honorem, gloriam, et diuitias: sed reseruauit, ut postea daret: ut patet in litera. Dicendum, quod hic sunt duo dubia: primum est cur illico sapientia data est Salomoni. Secundò cur non fuerunt datæ diuitiæ Salomoni illico, sed multo post. Dicendum ad primum, quod sapientia data est illico propter multa. Primò, quia sapientia erat necessaria Salomoni illico. Nam ipse erat iam rex magni populi, et non erat sufficiens ad gubernandum illum, ex seipso, nisi Deus ei sapientiam daret, ideo Deus volens ei providere in necessarijs, dedit illico sapientiam. Etiam factum est hoc propter templi ædificationem: nam non poterat Salomon ædificare templum domino apparando tanta necessaria, nisi esset vir prudens, et quia Deus volebat, et disposuerat, quod Salomon ædificaret sibi templum: secundo Regum septimo, et præcedenti libr. 17. et 22. et 28. et 29. capitulo. Voluit ei dare sapientiam ad omnia necessaria in templo simul cum gubernatione regni. Secundum erat, quia Salomon videbatur petiuisse sapientiam, et non aliquid aliorum: ideo iustius erat sibi dari prius sapientiam quam aliquid aliorum. Tertium erat propter modum dandi, quia sapientia non poterat dari Salomoni à Deo, nisi per infusionem, et quod infunditur simul datur, ideo non requirebat temporis successiōnem ad hoc, quod Salomon illam à Deo acciperet. Secus autem erat de honore, gloria, et diuitijs, et substantia, quia per alium modum dari poterat: ideo non fuerunt simul data.

Cur non fuerint simul data Salomoni alia bona.

Quest. XXXIII.

SECVNDVM dubium erat, cur non fuerint simul data alia bona, scilicet honor, gloria, & diuitiæ. Et dicendum, quod propter multa sicut supra tangebatur. Primum fuit, quia ista non fuerunt tam necessaria Salomoni, sicut sapientia, quia sapientia erat necessaria ad ædificationem templi parando necessaria, & iubendo quid deberet fieri. Erat etiam magis necessaria pro gubernatione regni. Diuitiæ autem, gloria, honor, & substantia non erant tam necessaria ad hoc, quod Salomon solum habens honorem, gloriam, & diuitias, sicut nunc habebat, poterat ædificare templum domino, & gubernare regnum. Secundum erat, quia Salomon videbatur petiuisse sapientiam, & non honorem, diuitias, & gloriam: ideo prius sibi responderi debebat in eo, quod petiuerat quam in eo, quod non petiuerat. Tertium erat propter modum dandi, quia non poterant ista simul dari, sicut sapientia, quæ per infusionem erat, & simul dabatur honor: gloria, & diuitiæ, non erant per infusionem, ideo non conueniebat illas simul dari: sed successiue: patet hoc primo de honore. Nam honor est exhibitio reuerentiæ in testimonium virtutis, ut colligitur primo Ethico. Ideo non poterat dari Salomoni a Deo subito: cum non sit honor aliquid absolutum, sed est honor magis in honorante quam in honorato: primo Ethic. Non poterat ego Deus dare Salomoni honorem, nisi mouendo corda aliorum ad honorandum eum, & etiam requirebatur, quod aliquid appareret esse in Salomone, quod esset meritorium honoris, & istud fieri debebat successiue, scilicet quod Deus daret Salomoni sapientiam, propter quam maxime honorandus erat. Daret etiam sibi alia bona, quibus mouerentur corda subditorum ad honorandum eum: & sic honor non poterat a Deo sibi infundi illa nocte sicut sapientia sibi infusa est, & colligitur hoc, quia cum Deus dedisset Salomoni sapientiam, apparuerunt coram eo duæ mulieres litigantes super re nimis difficili, & ambigua, & Salomon cognouit veritatem ambigui rei modo subtili: ideo populus cognoscens sapientiam regis timuit eum valde, & honorauit 3. Regum tertio. Sic etiam patet quantum ad omnes gentes, quia cum cognitum est Salomonem esse sapientissimum, venit ad eum regina Sabba de finibus terre audire sapientiam eius ferens multa munera 3. Regum 10. & Matth. 12. & infra 9. Et de omnibus regnis, & terris veniebant multi ad audiendam sapientiam eius, & dabant ei munera, & honorabant eum 3. Regum 4. Iste autem honor non potuit sibi subito dari a Deo, sed oportebat, quod successiue ei daretur per modum assignatum supra. De gloria dicendum est eodem modo, quia si gloria vocetur celebritas nominis: non poterat ei dari illa nocte, sed oportebat, quod Deus daret ei aliquid per quod fama eius dilataretur per multas gentes, scilicet daret ei victorias magnificas de hostibus, per quas omnes gentes eum agnoscerent: sicut fuit de Dauid, cui Deus contulit magnificas victorias, & sic nomen eius, & terror fuit super omnes gentes, ut patet precedenti libro cap. 14. Ita in Salomone fuit sapientia, licet non fuerint victorie magnificæ, cum bella nulla gesserit, & cognouerunt omnes gentes famam eius, & de finibus terre ad audiendam eius sapientiam veniebant 3. Reg. 4. & 10. & infra 9. cap. De diuitijs dicendum, quod potuit Deus ei dare diuitias subito, scilicet ponendo illa nocte in domo eius infinitum argentum, & aurum, & gemas, multaque alia preciosa: & tamen non fuit modus iste conueniens ad honorem Salomonis, nec Dei dantis ei pecuniam: quia si subito ei daretur, putaretur, quod magicè, & a dæ-

F monibus accepisset hæc: & tunc potius haberetur suspensus de societate dæmonum quam gloriam acquireret de Dei beneficio, potissimè, quia Salomon per prudentiam sibi datam, & prosperitatem euentus in omnibus, quæ ageret, poterant in breui multiplicari sue diuitiæ, sicut factum est: ut patet tertio Regum 10. & infra 9. Et sic putabatur, quod a Deo ista essent, cum inspicere prosperari omnia negotia in manu eius, & sic sapientia debuit dari Salomoni illico. Alia autem debuerunt dari successiue.

De discordia, quæ habetur in quibusdam verbis hic, & infra positis circa multitudinem equorum.

Quest. XXV.

QVAERITVR vltius, cum dicatur, quod Salomon habuerit equos multos, scilicet mille, & quadringentos currus, & duodecim millia equitum, quomodo potest stare: quia infra 9. dicitur, quod habuit Salomon quadraginta millia equorum in stabulis, & duodecim millia equitum: & 3. Regum 4. simile ponitur. Respondendum, quod circa currum, & equitum Salomonis numerum est dissonantia. Pro quo sciendum, quod ista materia ponitur in quatuor locis, scilicet hic: & infra 9. & 3. Regum 4. & 10. Et duo loca istorum concordant inter se, & alia duo inter se, & discordant duo à duobus. Nam hic, & 3. Regum 10. ponitur eadem summa, scilicet mille, & quadringenti currus, & duodecim millia equitum, & infra 9. & 3. Regum 4. ponitur alia summa, scilicet quadraginta millia equorum currillium, & duodecim millia equitum. Non est ergo dubium aliud quod circa equites: quia in omnibus quatuor locis ponuntur duodecim millia: sed est dubium circa numerum currum. Aliqui respondet, quod non est aliqua diuersitas in hoc, licet videatur diuersitas: quia ponitur ista materia in multis locis, & in quibusdam ponitur summa maior, & in quibusdam minor. Et istud non videtur inconueniens: quia sæpe fit hoc in scriptura. Dicendum, quod hoc non stat, quia si fortè poneretur ista summa in duobus locis solum, & vnus variaret ab alio, posset credi, quod in vno loco poneretur tota summa, et in alio non, & tamen ponitur in quatuor locis, & duo loca inter se conueniunt, & discordant ab alijs duobus locis, et sic non fierent tot repetitiones sub eodem tempore, nisi esset aliquod mysterium. Secundò patet, quia vñ, quod ista summa, quæ ponitur hic, et 3. Reg. 10. scilicet mille, et quadringenti equi sint maxima summa, et numerus præcisus. Nam hic ad signandum gloriam Salomonis dicitur, quod congregauit Salomon mille, et quadringentos currus. Ergo non erant plures, quia alias diceretur, quod erant plures. Alij dicunt, quod verum est, quod Salomon habuit quadraginta millia præsepia equorum currillium, sicut dicitur 3. Reg. 4. Et tamen non habuit quadraginta millia equorum, sed solum quinque millia, et sexcentos, qui complebant currus mille, et quadringentos. Sed dicendum, quod istud non stat propter gloriam Salomonis, quia ponitur 3. Reg. 4. ad signandum gloriam equorum currillium, quod erant quadraginta millia præsepia equorum currillium. Si tamen haberet Salomon præsepia, et non equos, nulla esset laus gloriæ eius, ergo habebat quadraginta millia equorum, sicut habebat quadraginta millia præsepia equorum. Secundò patet, quod non potest stare hoc: nam infra 9. determinatur istud dubium, cum dicitur, quod habuit Salomon quadraginta millia equorum in stabulis. Ergo non solum erant præsepia quadraginta millia, sed etiam equi, qui erant in præsepibus erant quadraginta millia. Nicolaus autem dicit, quod verum est, quod habuit Salomon quadraginta millia equorum: sed Et tamen non erant omnes isti equi Salomonis: sed quin-

quinque millia, & sexcenti erant Salomonis, & isti cō-
plebant currus mille, & quadringentos. Alij autem
equi, s. trigintaquatuor millia, & quadraginta equi e-
qui erant subditorum suorum, & sic Salomon solum
habebat mille & quadringentos currus: licet haberet
quadraginta millia equorum. Dicendum, q̄ non stat,
primò, quia istud ponitur ad signadum magis diuitias
Salomonis. Et tamen, q̄ subditi Salomonis habeant
istos equos non erat in diuitijs Salomonis. Ideo non
est sic intelligendum. Secundò patet, quia dicitur, q̄
Salomon habebat quadraginta millia præsepia equo-
rum currilium: & infra 9. dicitur, q̄ habebat quadra-
ginta millia equorum in stabulis suis: ergo erant om-
nes isti equi Salomonis. Dicendum ergo erat, q̄ Salo-
mon habuit quadraginta millia equorum: cum non
possimus negare, & isti erant sui. Sed dicunt aliqui, q̄
non erant omnes isti pro curribus, sed solum quinque
millia, & sexcenti, qui complebant currus mille, & qua-
dringentos. Alij autem erant ad equitandum, sed non
ad currus. Dicendum tamen, quòd istud non stat, quia
tunc omnes reliqui, s. trigintaquatuor millia equorū,
& sexcenti essent ad equitadū, & diceretur Salomone
habere quinque millia, & sexcentos equos curriles, &
triginta & quatuor millia, & quadringentos equites,
& tamen dicitur, q̄ habuit Salomon mille, & quadrin-
gentos currus: & solum duodecim millia equitum, vt
patet hic, & 3. Regum 10. Ergo non erant tot equi ad
equitandum sine curribus. Item patet clarius: quia 3.
Reg. 4. dicitur, q̄ habuit Salomon quadraginta millia
equorum currilium: ergo non solum equi curriles cō-
plebant mille & quadringentos currus, sed comple-
bant decem millia currum, dando cuilibet curru qua-
tuor equos. Dicendum ergo, q̄ Salomon habebat e-
quos curriles, id est consuetos ducere currum, vel qui
erant ad portandum currum quadraginta millia. Et
tamen solum habebat currus mille, & quadringentos.
Et causa huius erat, quia licet possent isti equi currules
complevere decem millia currum: tamen volebat ha-
bere Salomon nisi mille, & quadringentos currus.
Primò, quia (vt aliqui dicunt) erat difficile habere cur-
rus: eo q̄ currus adducebantur de Aegypto, & Coa, &
facilius poterat Salomon habere equos quàm currus:
ista licet allegatur à quibusdam tanquam causa, nō est
causa, eo q̄ falsum præsupponitur, s. q̄ emerentur cur-
rus de Aegypto, & Coa: nam non emebantur currus:
sed quadrigæ, vt patet hic, & 3. Regum 10. & quadriga
signat quatuor equos, & non plaustrum, vt supra de-
claratum est. Secundò, quia dato, q̄ Salomon posset
habere plaustra plura quàm equos, noluit: quia nō ex-
pediebat. Nam satis erat ad pugnandum habere tot
currus, & non augere multitudinem infinitam. Ter-
tiò, quia volebat hoc Salomon ad auferrendum labo-
rem equorum. Nam si essent decem millia currum,
sicut erant quadraginta millia equorum, non essent
aliqui ad mutandum eos per currus. Nunc autem
cum essent solum mille, & quadringenti currus, qui-
bus sufficiebant quinque millia, & sexcenti equi, om-
nes alij, scilicet trigintaquatuor millia, & quadringen-
ti quiescebant, & erant ad mutandum eos per currus
faciendo, vt quiescerent, qui laborauerunt. Aliter po-
test dici, quòd Salomon habebat quadraginta millia
equorum, & currus decem millia iuxta numerum e-
quorum dando curru quatuor equos. Et tamen in-
ter istos erant quinque millia, & sexcenti equi electi,
qui faciebant currus mille, & quadringentos electos.
Alii autem equi nō erant electi: sed communes. Ideo,
& currus erant communes: vel mediocres: & sic 3. Re-
gum 4. & infra 9. ponuntur omnes equi, siue electi, si-
ue non. Hic autem, & 3. Regum 10. ponuntur soli
currus, & equi electi: ideo ponuntur pauciores. Simi-

A lis modus loquendi est Exod. 14. cum dicitur de Pha-
raone persequente Israelitas fugientes de Aegypto:
scilicet, quòd accepit secum sexcentos currus electos,
& quidquid in Aegypto currum fuit, & vterque
istorum modorum respondendi est satis conueniens.
Alij dicunt aliter, scilicet, quòd Salomon habuit qua-
draginta millia equorum currilium, scilicet ad trahen-
dum currus, & habuit decem millia currum. Et ta-
men, quando scriptum fuit hoc nondum habebat tot
currus quot habebat equos, sed postea forrè comple-
uit numerum. Dicendum, quòd hoc non stat, quia
quando scriptus fuit, iste liber, mortuus erat Salomon,
& multo tempore ante mortuus fuerat plusquam
quadringentis annis, cum scripserit Esdras istum li-
brum post captiuitatem Babylonis, cum de reditu de
captiuitate Babylonis fiat mentio in isto libro, infra
ultimo cap. Ideo tenenda est aliqua duarum præce-
dentium solutionum.

*Quomodo Salomon habuit tot currus, & equos: & si in hoc
peccauit. Quæst. XXVI.*

QVAERITVR vltcrius, quomodo Salomon
habuit tot currus, & equos, & equites: an pec-
cauit in hoc. Et videretur, quòd sic, quia istud videba-
tur esse contra legem: Deuteronomio decimo septimo,
cum dicitur de rege, quòd non multiplicabit sibi cur-
rus, & equites, & tamen habebat Salomon valde ma-
gnam multitudinem, scilicet quadraginta millia e-
quorum, & currilium, & duodecim millia equitum
3. Regum quarto, & infra nono: quantam multitudi-
nem non habuerunt alij reges, ergo peccauit. Secun-
dò patet, quia Israelitæ quando in bello accipiebant
currus, & equites iubeantur subneruare equos, et
cremare currus: Iosue 11. Et hoc, vt non haberent
currus, ergo à fortiori prohiberentur acquirere: quia
grauius est, quòd quis compellatur perdere, quòd ac-
quisiuit, quàm quòd prohibeatur non acquirere. Et
tamen Salomon acquirebat hic, cum emeret currus,
& equos ad multitudinem: ergo non licebat ei. Di-
cet aliquis, quòd peccauit Salomon, nec oportet, q̄
eum defendamus cum non sit de patribus approbatis,
C quos à peccato immunes credimus: potissimè quia
constat, quòd Salomon peccauit grauissimè, & pro-
pter eius peccata regnum suum diuisum est, & non
peruenit integrum ad filium suum, vt patet secundo
Regum vndecimo. Sed dicendum, quòd Salomon
non peccauit in hoc: & oportet enim excusari, quia
Salomon in principio regni sui fuit bonus, & non
peccabat, nisi in vno, in quo vel peccabat, vel saltem
non erat perfectæ virtutis, vt patet tertio Regum ter-
tio. Dilexit Salomon dominum ambulans in præce-
ptis David patris sui, excepto, quòd in excelsis immo-
labat: ergo vsque ad illud tempus non peccabat in ali-
quo alio. Mansit autem Salomon in hoc statu vsque
ad consumationem templi, quòd fuit anno vndecimo
regni sui, tertio Regum sexto. Nam cum completo
templo orauit ad dominum pro multis. Respondit,
Deus, quòd si ambularet in vijs eius, sicut ambulabat
David pater eius, & sicut ambulauerat ipsemet vsque
ad diem illum: faceret quæ petiuerat. Et sic videtur,
quòd vsque ad diem illum non peccauerat, tertio Re-
gum octauo, & infra sexto, & non fuit aliquid repre-
hensibile inuentum in Salomone vsque ad senectū-
tem suam, cum mulieres peruerterunt enim, & cor
eius, tertio Regum vndecimo. Et tamen peruersio
illa non fuit ad habendum multitudinem equorum,
sed ad accipiendum mulieres alienæ gentis contra
legem: & ad colendum Deos earum: & construc-
dum

Ad primam
rationem in
contrario
dicitur.

Ad fm.

dum eis templa, vt patet ibidem. Et tamen ante illud multiplicauerat sibi Salomon currus, & equites, vt colligitur ex ordine tertij libri Regum vsque ad vndecimum capitulum. & ex ordine huius libri vsque ad nonum capitulum: ideo dicendum videtur, quod Salomon non peccauit in multitudine equorum, & currum quam congregauit. Ad primam rationem in contrarium dicendum, quod non prohibebantur reges absolute multiplicare sibi currus, & equos absolute, vt in omni casu: sed solum prohibebatur hoc facere, si faceret ad ad opprimendum subditos magnae potentiae: sic patet Deuter. decimo nono, scilicet: Non multiplicabit sibi currus, & equites: nec reducet populum in Aegyptum equitatus numero subleuatus. Salomon tamen in principio regni sui, cum esset innocens a crimine non multiplicabat currus, & equos ad opprimendum populum: sed solum ad ostendendam magnificentiam regiam, licet postea oppresserit populum imponendo tributa grauiora: vnde mortuo Salomone cum regnaturus esset Roboam filius eius, petiuit populus ab eo dicens: Imminue de onere grauiissimo, quod posuit pater tuus super nos, & seruiemus tibi, 3. Regum 12. & infra 10. Ergo Salomon imposuerat magnum iugum: quia alias non vocauissent illud iugum grauissimum. Ad secundum cum dicitur, quod Israelitae iubeantur cremare currus quos caperent in bellis, & subuernare equos. Dicendum, quod non fuit praecceptum datum Israelitis, quod quodocunque caperent currus in bello subuernarent equos, & cremarent currus: sed fuit datum mandatum specialiter Iosue: nam in alijs bellis licebat totam praedam exercitui diuidere, & sic diuidenda erat. Deuter. vigesimo, & Iosue 8. Sed cum Iosue pugnaturus fuit contra reges multos Chanaanorum, apud aquas Meron, iussit ei Deus specialiter, quod currus hostium cremaret, & equos subuernaret: Iosue vndecimo. Alijs autem Israelitis non fuit datum istud praecceptum. Nam quando Dauid pugnavit contra Soba regem, scilicet, Adazerer coepit multos currus eius, & omnes cremauit: & subuernauit equos reseruando sibi currus centum, 2. Regum 8. et praecedenti libro capitulo. 18. Et tamen si praecceptum esset vniuersale de cremando currus, & subuernando equos, non reseruasset Dauid sibi vnum de equis, cum esset legis obseruantissimus. Ergo non erat generale praecceptum: Item si hoc iuberetur Israelitis ad hanc intentionem, vt Israelitae non haberent currus, & equites, non prohibuisset Deus regibus Israelitarum solum multiplicationem equorum, & currum, sed etiam vniuersaliter prohibuisset habere currus, & equos. Solum tamen prohibita est multiplicatio currum, & equorum: Deuter. decimo septimo. Ergo licitum erat eis habere currus, & equites. Item dicendum erat, quod respectu Iosue non extendebatur ad semper, sed solum pro illa vice. Nam ante illud in alijs bellis iusserat Deus, quod tota praeda diuideretur exercitui: Iosue 8. Ideo si in illis bellis contigisset capi currus, & equos, diuisa fuisset praeda exercitui tam currum, quam equorum,

De causa, propter quam Salomon voluit habere tantam multitudinem equorum, & currum.

Quest. XXVII.

QVAERITVR vterius, ad quid Salomon voluit habere currus, & equos in maiori multitudine quam alij reges ante eum habuerant, & post eum habuerunt: cum iste esset apparatus bellicus, & Salomon nulla bella gesserat. Dicit aliquis, quod Salomon nulla bella habuit. Et tamen nesciebat se habere

F bella: ideo iustum erat, quod haberet apparatus bellicum ad resistendum hostibus, & in inuadendum eos, si opus esset. Quod autem non fuerint bella tempore suo, per accidens fuit. Sed dicendum, quod non stat, quia certum erat, quod in diebus Salomonis non erant futura bella, quia ante natiuitatem eius Deus praedixerat, quod non essent bella in diebus eius, vt posset edificare templum domino, vt patet praecedenti libro cap. 22. scilicet: Filius qui nascetur tibi, erit vir quietissimus: faciam enim eum requiescere ab omnibus inimicis suis per circuitum. Et ob hanc causam pacificus vocabatur: & pacem, & ocium dabo in Israel cunctis diebus eius. Item patet hoc, quia Salomon putabat, quod etiam in diebus suis non surgerent bella. Nam Dauid non permissus fuerat edificare templum Domino propter bella, quae fuerant tempore suo. Et edificatio templi requirebat magnam requiem a bellis. Ipse tamen dixit, quod volebat edificare templum Domino. dicens, quod nullus erat, qui posset insurgere, & impedire opus. Ergo credebat, quod in diebus eius non erant futura bella. Patet hoc, 3. Regum 5. scilicet. Tu scis voluntatem Dauid patris mei, & quod non potuerat edificare templum Domino propter bella imminencia per circuitum, donec daret eos Dominus sub vestigio pedis eius. Nunc autem requiem dedit Dominus meus mihi per circuitum, & non est satan, nec occursum malus, quam obrem cogito edificare domum nomini Domini. Ergo putabat Salomon, quod non erant futura bella tempore suo. Dici potest, quod licet Deus dixit, quod daret pacem, & ocium in diebus eius: sed intelligitur, quod in diebus eius non essent tot bella: sicut in diebus aliorum regum, & sic adhuc propter bella si aliqua insurgerent, etiam si rara essent, conueniens erat, quod Salomon haberet currus, & equos, & apparatus bellicum. Secundum potest dici, quod fuit hoc ad terrorem hostium, quia forte Deus praedixerat, quod in diebus Salomonis esset pax, eo quod hostes timentes magnam potentiam Salomonis non auderent insurgere contra ipsum. Nam viderent tantum apparatus bellicum Salomonis in curribus, & equis, & equitibus quantum nullus regum contemporaneorum habebat: ideo omnes timerent insurgere contra eum putantes, quod si Dauid pater suus cum valde minori apparatu subiecisset sibi omnes gentes, quae erant in circuitu, facilius hoc faceret Salomon, qui multo maiorem habebat apparatus. Si autem Salomon sciret, quod non essent tempore eius bella, nullum apparatus bellicum haberet, scientes hoc vicinae gentes facilius contra eum insurgere auderent tanquam contra inermem. Non ergo debuit esse sine apparatu. Terrium potest dici, quod factum est ad ostentationem honoris regalis: nam in magnitudine apparatus exterioris ostenditur regalis Maestas, & quia Deus volebat, quod Salomon esset gloriosior omnibus regibus, qui eum praecesserant, & futuri erant: conueniebat, quod Salomon tam in equis, & curribus, quam in omnibus alijs extrinsecis haberet magnum apparatus, & potissime debuit hoc esse in equis, & curribus, quia nihil est, quod magis regi pueniat quam potentia. Et tamen in multitudine currum, & equitum ostenditur potentia potentius quam in alijs rebus, ideo conueniens fuit, quod Salomon haberet multos currus, & equites. Quarto poterat hoc esse ad honorem populi Dei, & ipsius Dei: nam Israelitae erant populus Dei specialiter, vt patet Exodus. 19. & Deuter. 7. Et sic honor regis est honor populi, & quia honor regis est honor populi, cum Salomon honoraret statum regalem per multitudinem exterioris apparatus: honorabat statum populi Dei, & consequenter honorabat Deum, cuius erat populus, quia ceterae gentes videntes, quod Israelitae

tantum prosperabantur, quod si rex esset in tanta excellentia, crederent, quod hoc proueniebat a Deo ipsorum: & laudarent illum: sic patet Paralip. 2. ubi enarratis proferitis Israelitarum sequitur: Beatum dixerunt populum, cui hæc sunt: & benedictus dominus Deus eius: scilicet, quia talia eis contulit. Quinto poterat esse hoc ad expendendum convenienter pecunias. Erat enim Salomon diues nimis in argento, & auro: ut patet hic, & infra 9. & 3. Reg. 10. Ista autem non proficerent ad gloriam suam, nisi expendere: quia pecuniae nunquam fulgent, nisi cum expenduntur: ideo Salomon expendere debebat in aliquibus pertinentibus ad virtutem, & honorem. Pertinebat autem ad virtutem ædificatio templi, in qua Salomon faciebat magnas expensas. Ad honorem autem pertinebat apparatus domesticus in ministris, cibis, potibus, ientaculis, vestibus, & reliquis necessariis, vel opportunis: & in habitu exteriori: sed inter hæc fulgere faciunt hominem potentem multitudo militum, equitum, & currum, & cuiuscunque generis armaturæ. Fuit ergo conueniens, quod Salomon haberet currus multos, & equites. Confirmatur hoc, quia sic Salomon fecit sibi ducentas hastas de auro, & trecenta scuta de auro, & ducentas peltas similes, infra 9. & 3. Regum 10. Et tamen ista non proficiebant ad bellum, nec ad aliquid aliud, nisi ad solam ostentationem gloriæ. Unde Salomon quando exibat de palatio suo, faciebat portari coram se illa scuta aurea, quæ percussa sole fulgebant, & omnia, quæ in circuitu erant, aurea reddere videbantur, tertio Regum 14.

Si Salomon peccaret in habendo tantam multitudinem auri.

Quest. XXVIII.

QUÆRITUR vltius, an Salomon peccabat habendo tantam multitudinem auri, & argenti, sicut hic dicitur. Aliquis dicit quod sic, quia Deut. 17. dicitur, quod rex non multiplicabit sibi immensa auri pondera: sed Salomon habebat immensa auri pondera ex modo loquendi, cum dicatur hic, quod præbuit Salomon in Ierusalem aurum, & argentum, quasi lapides. Nam non poterat esse in maiori abundantia. Ergo peccabat. Dicendum, quod non est concedendum, quod Salomon peccaret in hoc: nam sicut probatum est supra penultima questione. Non est dicendum, quod Salomon peccauerit antequam cor eius fuerit peruersum per mulieres. Et tamen quando habuit aurum, & argentum multum, de quo hic dicitur, nondum peruersum fuerat cor eius, quia illud factum est in senectute, ut patet 3. Regum 11. Ergo habendo istud aurum, & argentum non peccauit. Item patet hoc, quia Salomon habebat diuitias istas ad bonum finem, scilicet, ad ædificationem templi domino, & palatium sibi, unde non solum expendebat ea, quæ habebat, sed etiam recipiebat commodatum ab alijs, sicut fuit de centum, & viginti talentis, quæ recepit ab Hiram rege Tyr, 3. Regum 9. Ad rationem in contrarium dicendum, quod Deus non vetuit regibus Israel habere immensa pondera auri, & argenti tanquam per se malum esset, sed quia ex hoc malum sequebatur: nam pecuniae in se malæ non sunt, licet potius earum vitium est necessarius, & sine illis ciuitas non conseruatur: multitudo tamen earum mala est per accidens, & ista accidens multa esse possunt. nam interdum malum est alicui habere pecunias multas, quia propter eas non est securus, qui alias securus esset, sicut dixit

Canabat vacuus coram latrone viator:

Et Boetius: Tu, qui gladium cunctaque pertime-

A scis, si callent vitæ huius vacuus viator intrasses, nudus coram latrone cantares. Ita de Consolat. prosa 2. sic Aristot. 2. Politic. dicit, quod ciuitatem non decet omnino pauperem esse, ne impotens sit præ egestate resistere inuadentibus, nec debet valde diues esse, ne diuitiarum magnitudine multos contra se moueat ad pugnandum: sed debet medium tenere ciuitas: ita ut nec paupertate indefensa maneat, nec diuitiarum excellentia contra se hostes concitet. Alio modo per accidens diuitiæ malæ sunt in magna quantitate; in quantum necesse est, quod illi, qui eas abundanter habere volunt, incidant multa mala, scilicet aggrediendo modos illicitos turpis lucri: sic ait Apostolus prima ad Timoth. 6. Qui volunt diuites fieri, incidunt in temptationem, & in laqueum diaboli, & desideria multa, & inutilia, & nociua, quæ mergunt homines in interitum, & perditionem. Ista erat causa quare inter Hebræos Deus vetuerat regibus habere diuitias multas, scilicet, quia si scirent sibi licitum esse multa auri pondera habere, desiderio obtinendi illa spoliarent, & opprimerent subditos imponendo onera grauiora. Cum autem scirent sibi illicitum esse habere multa pondera auri, & argenti, non grauantur nimis subditos: quia ad sustentationem suam sine illorum magno grauiamine habere poterant de redditibus suis, vel de moderatis tributis. In Salomone autem cessabat ista causa, quia a principio regni sui fuit valde bonus, & pecuniam congregabat non ad hoc, quod ditaretur, sed ut inde haberet ad ædificandum templum Domini. In senectute autem sua, cum deprauatum est cor eius, circa Deum recedendo a cultu eius, ita etiam deprauatum est circa subditos imponendo eis grauiora onera tributorum, ut colligitur tertio Regum 12. cum dixerunt Israelitæ ad Roboam filium Salomonis, quando eum constituturi erant in regem, scilicet: Imminue paulisper de iugo grauissimo, quod imposuit nobis pater tuus, & seruiemus tibi. Sic etiam infra 10. Et si iugum graue posuerat Salomon, & in hoc peccabat: & sic non est dubium, quin in senectute in congregatione auri, & argenti peccaret: quia iam non recta intentione nec debito modo faciebat: & tamen a principio cum Salomon congregauit diuitias magnas, de quibus hic dicitur, non peccauit.

De Cethæis de quibus hic agitur.

Quest. XXIX.

QUÆRITUR vltius, de istis Cethæis de quibus dicitur hic, quod emebant ab eis negotiatores Salomonis equos, qui erant. Aliqui dicunt, quod erant gentes habitantes in insulis Cethim, & tamen dicendum, quod falsum est, sicut declaratum fuit supra in littera: sed erant gentes de populis Chananæorum. Nam septem erant populi Chananæorum, scilicet Chanaanæi, Iebusæi, Heuæi, Hethæi, Pherezæi, Gergesæi, Amorrhæi, ut patet Deuter. 7. & Iosue 3. vnus istorum populorum erat Hethæus. Accipiuntur autem Hethæi dupliciter, vno modo pro populo illo speciali, qui erat vnus de septem populis Chananæorum. Alio modo pro omnibus populis Chananæorum: sicut interdum fit de Amorrhæis: hic autem vocantur Hethæi omnes populi Chananæorum, & ab ijs Salomon poterat emere equos, ab istis gentibus, quia iam istæ gentes erant deletæ, cum Dauid deleuisset omnes Chananæos, & sic subdidisset totam terram suo imperio. Dicendum, quod a tpe Iosue inceperunt deleri populi septem Chananæorum, sed non fuerunt prius deleri: quia fuit magna eorum pars residua, de qua Iosue 13. & manerunt propter multas causas, ut patet Iud. 3. &

isti paulisper muniti sunt de terra Israel, nam pugna-
bunt Israelitæ contra eos, & diuersis temporibus mul-
tos occiderunt, & ceperunt loca ipsorum, scilicet, post-
quam distributa est terra Chanaan per sortes quilibet
tribus deleuit aliquos Chananæos de sorte sua, & ac-
cepit loca illorum, Iudi. 1. & 15. & 16. & 17. Postea etiā
tempore iudicij capta sunt aliqua loca ipsorū Cha-
nanæorum, & nonnullimè temporibus regum, maxi-
mè Dauid multa loca Chananæorū, scilicet Philisti-
norum, qui erant Chananæi capta sunt, vt patet 2. Re.
8. & precedenti lib. 18. nondum tamen erant capta
omnia loca, nec deleti ipsi Chananæi, nec etiam con-
uerſi ad Iudaismum cum hoc nō permitteret lex, sed
iubebat, quod non sineretur viuere, sed occiderentur
in ore gladij: Deut. 20. & tamen tempore Salomonis
erant aliqui de istis. Nam Pharaō rex Aegypti, cuius
filiam Salomon acceperat in uxorem ascendit de Ae-
gypto in terram Israel, & pugnavit contra urbem Ga-
zer, quæ erat in tribu Ephraim, quæ tenebatur adhuc
per Chananæos, & incendit illam, occiditque habita-
tores eius, & dedit urbem in dotem filiae suae 3. Reg. 9.
& infra 8. Ideo sic dicendum de multis alijs Chananæis,
qui adhuc manebant in terra Israel in regionibus, quas
tenuerant ab initio. Istos autē non deleuit Salomon,
nec Dauid pater eius, quia terrā quam tenebant ma-
gna erat, & non possent illam replere Israelitæ: & ta-
men non permisit manere istos liberos in terra, sed su-
biecit eos tributo, & erant adhuc residui aliqui de om-
nibus septem populis Chananæorum, scilicet, de Cha-
nanæis, Pherrezæis, &c. vt patet 3. Reg. 9. & infra 8. f.
Omnem populum, qui derelictus fuerat de Hethæis,
Amorrhæis, Pherrezæis, Henæis, & Iebusæis, qui non
erant de filijs Israel, & posteris eorum, quos non
interfecerunt, subiugauit Salomon in tributarios vsq;
in diem hanc. Manebant autem isti populi pacifici sub
dominio regis Salomonis cum soluerent ei tributa,
& ab istis emebant negotiatores Salomonis equos.

*De causa quare fuerunt hic quadam verba dicta, scilicet, de
de multitudine currum, & equorum, &c.*

Quæstio XXX.

QVAERITVR vltius, cum hic ageretur de
sapientia data Salomoni, & de ædificatione tē-
pli, ad quid fuit interpositum de multitudine currū,
& equorum, & q̄ præbuit aurum, & argentum quasi
cedros, & lapides quasi sycomores, quæ nascuntur in
campestribus. Nam non videtur ista pertinere ad ma-
teriam, de qua hic agitur. Dicendum, q̄ propter duo
factum est, primo propter præcedentia, vt conueniret
illis: nam supra dicebatur, quod Deus apparuerat Sa-
lomoni per noctem, & reuelauerat ei, quod dederat
sibi sapientiam, & quod postea daret gloriam, hono-
rem, & diuitias, ita vt nullus regum ei similis foret.
Conueniens ergo fuit illico agi de diuitijs eius, & glo-
ria, vt sciretur quomodo Deus compleuisset id, quod
dixerat: & sic interponit hic de multitudine currū,
& equorum Salomonis, quod per hoc innuitur pote-
stas eius magna, & gloria: nam potestas magna erat,
quod tot bellatores equites, & tot currus haberet, quos
nūquam habuerat aliquis de præcedentibus regibus:
etiam ad gloriam magnam pertinebat, quia iste appa-
ratus copiosus equorum, & currū Salomonem glo-
riosum reddebat. Etiam ad diuitias eius ostendendas
pertinebat, quia nullus poterat tot equos, & currus ha-
bere, nisi valde diues esset, etiam de diuitijs eius specia-
liter agitur in quantum dicitur, quod præbuit argentū,
& aurum: quasi lapides in Ierusalem: nullæ tamen po-
terant esse maiores diuitiæ, quàm istæ, ideo conuenien-
ter istud hic interpositum est. Secundum fuit propter

F sequentia. Nam infra agitur de ædificatione, quæ non
poterat fieri sine expensis immensis, & specialiter erat
necessarium multum aurum, & argentum pro vasis
sacræ ministrationis, vt colligitur præced. lib. 28. cap.
ideo necesse erat, quod ad hanc ædificationem Salo-
mon haberet aurum, & argentum multū, & ad signi-
ficandum multitudinem istā dicitur, quod fuit argen-
tum, & aurum multū, sicut lapides. Item ad ædifica-
tionem istam erant necessaria ligna multa, & præcipue
cedrina, quia cum ista essent præciosa alijs lignis de
istis potius ædificatum est templum Domini: vnde
quando Salomon misit in Libanum pro lignis ad ædi-
ficationem templi, solum misit pro lignis cedrinis, &
abiegnis 3. Reg. 5. & seq. c. Et ad hoc conueniens fuit,
quod diceretur hic de multitudine istorum lignorū,
quam dedit Salomō in Ierusalem, scilicet, quod dedit
cedros, quasi sycomores. Considerandum, quod ista
multitudo cedrorum, quam Salomon in Ierusalē præ-
buit fuit præcipue ad ædificationem templi Domini:
& tamen non solum fuit ad ædificationem istam, sed
etiam ad alia ædificia, quia Salomon ædificauit tria
palatia magna, scilicet, domum saltus Libani, quæ erat
armamentariū regis, quæ facta est opere pulcherrimo,
vt patet 3. Reg. 7. & domum filiae Pharaonis, vt patet
ibidem, & domum sibi. Pro his autem eguit multis li-
gnis cedrinis, ideo necesse fuit, q̄ ipse præberet in Ieru-
salem copiam cedrorum, sicut sycomorum.

H Quomodo erat verum, quod multitudo diuitiarum erat,
sicut multitudo lapidum.
Quæst. XXXI.

QVAERITVR vltius, cū dicatur hic de mul-
titudine diuitiarū Salomonis. s. de equis, & curri-
bus, & de argēto, & auro multo, sicut lapides, quō fuit
istud. Aliq̄s dicit, q̄ fuit talis ordo tēporis, sicut habet
in litera. s. quod prius data fuerit Salomoni sapientia, &
deinde habuerit diuitias istas magnas, & postea ædifi-
casset templum: & hoc propter duo: primo, quia nun-
quam est recedendū ab ordine literæ, nisi q̄ p̄stiterit,
q̄ nō fuerit talis ordo, qualis in litera signat: & tñ nūc
non constat, q̄ non fuerit iste ordo: cū ergo litera talē
ordinem innuat, standum videtur illi. Secundò pater,
q̄ ad ædificationē templi requirebant pecunie multe,
sicut declaratū est præced. quæst. & ideo positū fuit hic
de multitudine diuitiarū Salomonis: quia nō poterat
templū ædificare, nisi multas haberet diuitias: ergo vi-
detur, q̄ totam illā multitudinē diuitiarū, de qua dicit
hic, habuerit Salomon anteq̄ ædificaret templū, & cō-
sequenter fuerit talis ordo temporis, qualis signatur in
litera. Respondendū, q̄ Salomon non potuit habere
istam multitudinē diuitiarū s̄m ordinem, q̄ ponit hic,
scilicet, vt prius haberet sapientia, & deinde diuitias, &
postea inciperet ædificare templū: qd̄ patet, q̄ sapientia
data fuit Salomoni in fine anni tertij regni sui, vel in
principio quarti, vt p̄batū est supra in quadā quæst. etiā
declaratum est 3. Reg. 3. in quadam quæst. Incepit autē
ædificare templum illico. Nam in principio quarti
anni, scilicet mense secundo cœpit ædificare illud, vt
patet 3. Reg. 6. Ideo inter sapientia collationem, & fun-
dationem templi modicum, vel quasi nullum tempus
intercidit: & sic non potest stare ordo literæ. Aliquis
dicet, quod dato, quod non haberet Salomō diuitias
istas ante ædificationem templi: & post collationem col-
lationem: habebat tamen illas ante sapientiam multas ad æ-
dificationem templi. Dicendum, quod non statim
propter multa: quia si haberet tantam diuitiarum
copiam, aut illas habuisset hæreditarie à patre suo
Dauid, aut acquisiuisset postquam factus est rex. Non

Nō primò modo, quia Dauid non reliquit Salomoni thesauros tam copiosos, ita vt præberet in Ierusalem aurum, & argentum quasi lapides. Nam ipse Dauid non fuit tam diues, vt posset præbere argentum, & aurum quasi lapides. Item quia Dauid non dedit Salomoni aurum, & argentum nisi in certo pondere ad vas aurea, & argentea. præced. lib. 28. & pecunias in auro, & argento, quæ sufficere possent ad reliquas expensas 2. lib. cap. 22. & 29. Tantæ autem diuitiæ quantas Salomō hichabuisse dicitur, excedunt numerum, ideo non habuit illas Salomon à Dauid, præfertim cum Dauid vocauerit se pauperem, dicens. Ego autē in paupertate mea parauit impensas in ædem Dei mei, præcedenti lib. 22. cap. Et tamen habens aurum, & argentum sicut lapides in multitudine nō poterat se pauperem appellare. Si autem dicatur secundo modo, si quod Salomon habuit istas magnas diuitias postquā factus est rex, non stat. Primò: quia ipse paruo tempore adhuc regnauerat quando cœpit ædificare templum, scilicet annis tribus, & ferè duobus mensibus. 3. Regum 6. sed in tam breui tempore non poterat Salomon congregare tantas diuitias. Secundò patet, quia isto tempore Salomon non poterat vacare lucris magnis, eo quod nondum confirmatum erat regnum in manu Salomonis, sed habebat insidiatores adhuc, qui conabantur eum de regno expellere, scilicet Adoniā fratrem suum, & Ioab principem militiæ: & Abiathar summum sacerdotem: & toto tempore laborauerat confirmando regnum, & occidendo istos, scilicet duos, & tradendo exilio Abiathar summum sacerdotem 3. Regum 2. & in fine trium annorum cum confirmatum esset iam regnum in manu Salomonis, dedit ei Deus sapientiam, vt colligitur hic: & 3. Regum 3. & ex declaratis vtrouque, ideo in tempore isto nō poterat ditari Salomon, sed potius expenderet ea, quæ habebat, quia negotia talia hoc expetunt. Tertiò patet ex dispositione Salomonis, quia Salomon erat adhuc iuuenis valde. Nam vocauit se puerum nescientem exitum suum, & introitum 3. Regum 3. etiam nondum Deus ei sapientiam dederat, ideo non poterat habere modos exquisitos ad hoc, quod in tam breui tempore tantum ditaretur. Quarto patet, quia Salomon ditatus est ex auro, quod apportabatur ei de Ophir, & de Tharsis, & aliis insulis, & aliis negotiationibus; vt patet 3. Regum 9. & 10. & infra 9. Et tamen istæ negotiationes fuerunt post ædificationem templi: vt declarabitur infra, ideo non habuit diuitias istas Salomon vsque post consummatum templum. Quintò patet, & esticatus, quia manifestum est, quod ista licet quod præberet aurum, & argētum quasi lapides. Nō enim poterant esse maiores diuitiæ: nec Salomō alibi legitur maiores habuisse. Et tamen manifestum est, quod Salomon non habuit maximum cumulum diuitiarum suarum in principio regni sui, sed continebatur crescendo, cum negotiaretur cum multis gentibus mittendo ad insulas distantes. Ergo non peruenit Salomon ad istam magnitudinem diuitiarum in principio regni sui, sed multo post: fortè post medietatem templi. Nam tēplum consummatū est anno vndecim annis quadraginta 3. Regum 6. & regnauit Salomō Salomon habuisset totas istas diuitias ante templi ædificationē ipse haberet sufficientē pecuniam ad expensas ædificationis, & tamen non habebat. Sed Hiram rex Tyri ei dabat argentum, & aurum. & omnia alia, quibus indigebat. Deditque ei talenta centum & viginti de auro 3. Regum 9. Ergo nondum habebat Salomon istas diuitias. Dicendum est quod Salomō

A non habuit diuitias, quæ habentur hic, ante ædificationem templi, & consequenter ordo literæ non est tenendus, sed cum scriptura vellet agere de Salomonis diuitiis, posuit hic maximas diuitias eius, quas vnquā habuerit: & istæ fuerunt, quod habere taurum, & argentum quasi lapides, quia non poterat esse maior copia diuitiarum, & quod cedros præbuerit quasi sycomores. Sed dicendum quod diuitias istas habuit Salomon ante mortem suam aliquanto tempore: for. Deci. dub. tē post medium temporis regni sui, & patet hoc, quia Salomon acquirebat diuitias ex multis. Primò de redditibus sui regni, & istud erat determinatum, vt patet 3. Regum 10. scilicet. Erat autem pondus auri, quod afferebatur Salomoni per singulos annos sexcentorum viri, qui super vectigalia erant, & negotiatores, vniuersique scuta vendentes, & omnes reges Arabiæ, ducesque terræ. Manifestum est tamen, quod in paucò tempore non possent isti redditus facere magnū cumulum auri, & argenti sicut in multis annis. Secundò erant redditus siue lucra Salomonis ex muneribus, qui apportabantur ab iis, qui veniebant ad audiendam sapientiā eius 3. Regum 10. scilicet. Magnificatus est Salomon super omnes reges terræ diuitiis, & sapientia: & vniuersa terra desiderabat videre vultum Salomonis, vt audiret sapientiam eius, & singuli deferabant ei munera vasā argentea & aurea, vestes & arma bellica, aromata, & equos, & mulos per annos singulos. Sapientia tamen non fuit data ante templi ædificationem, nisi paucò tempore idest duobus, vel tribus mensibus, sicut declaratum est supra in quadam quæstione, & 3. Regum 3. Ideo ante ædificationem templi nihil poterat habere de iis muneribus. Tertiò erant lucra Salomonis ex negotiationibus: nam multas negotiationes exercebat siue in terra propinqua terræ suæ siue in insulis distantibus. Nam mittebat in Ophir, & ferebat inde aurū, et ēt in Tharsis, & inde aurū, & argētum ferebat, & multa alia. Maximè autem diuitiæ Salomonis in auro, & argento fuerūt in negotiationibus, quas habebat mittendo in Ophir, & Tharsis: quod patet 3. Reg. 10. & infra 9. scilicet. Non reputabatur argētum alicuius præcii in diebus Salomonis, quia classis regis cum classe Hiram semel per tres annos ibat in Tharsis, deferens inde argentum, & aurū, & dentes elephantorum, & simias, & pauones, & tamen non fiebat redditus euntium in Tharsis, nisi semel in tribus annis, vt patet ex dictis. Ergo non poterat esse diues Salomon in argento, & auro in principio regni sui. Sed postquam multis annis regnasset, fortè plusquam viginti. De equorum etiam multitudine dicendum esset, quod non habuit Salomon totam istam multitudinem in principio regni sui, sed cum regnasset multo tempore, quia equus habebat Salomon per negotiationem, & munera. De muneribus patet, quia 3. Reg. x. & infra. a. cap. dicitur quod omnis terra desiderabat videre vultum Salomonis, vt audiret sapientiam eius, & singuli deferabant ei munera, vasā aurea, & argentea, vestes, & arma bellica, aromata, equos, & mulos per annos singulos. Isti equi dabantur Salomoni ab audientibus sapientiam eius: et tamen Salomon non habuit sapientiam ante ædificationē templi, nisi per duos menses, aut parum plus, ergo nō poterat habere istam multitudinē equorū: nisi post ædificationem tēpli. Enā patet de negotiatione, quia Salomō emebat equos de Aegypto, et Coa et Syria, et regnis Hethcorū, et tū non negotiaretur Salomo nad emēdā tātā equorū multitudinē, nisi quā cēt valde diues: ergo nō emeert eos ī principio regni sui, quia tunc non erat diues: vt supra declaratum est. Ad rationem primā in contrarium dicendum, quod nō

Vnde Salomon tā magnam auri & argenti vim habuerit.

est recedendum ab ordine literę, nisi cum apparet causa ad hoc. Hic tamen apparet causa, quia non poterat Salomon istas diuitias habere in principio regni sui antequam haberet sapientiam, & antequam inciperet ædificare templum. Et hoc etiam colligitur ex litera, nam istud quod dicitur hic, quod Salomon præbuit aurum, & argentum in Ierusalem quasi lapides, ponitur etiam infra 9. & 3. Regum 10. post ædificationem templi: impossibile est tamen utrobique seruari ordinem temporis secundum literam, quia hic ponitur ante ædificationem templi: & ibi post ædificationem: ideo statitur illi cui ratio magis consentit. Et tamen probatum est multis rationibus, quod Salomon non poterat habere diuitias istas antequam haberet sapientiam, nec antequam fundaret templum: ideo tenebitur, quod multo tempore post ædificationem templi peruenit ad istam multitudinem currum & equorum, & ad istam magnitudinem diuitiarum. De multitudine autem cedrorum dicendum, quod præbuit illam Salomon quando ædificauit templum Domini, & tria palatia sibi, de quibus supra dictum est. Et dicetur sequenti cap. in principio. Nam pro templo Domini fuerunt nimis necessaria ligna cedrina, & postea pro ædificatione atriorum Salomonis. Vnde prius Salomon præbuit cedros in Ierusalem quasi sycomoros, quam præberet aurum, & argentum quasi lapides, & haberet istam summam equorum, & currum: ut patet ex dictis, cum illa fuerint multo tempore post ædificationem templi. Ad secundum dicendum, quod verum est quod ad ædificationem templi requirebantur multæ pecuniæ: & ligna cedrina, & tamen nondum Salomon peruenerat ad tantam multitudinem auri & argenti, & cedrorum, ut patet ex dictis. Habebat tamē Salomon expensas pro ædificatione templi, quia Dauid reliquerat omnes impensas, quas putabat necessarias, ut patet præcedenti lib. 22. cap. scilicet: Ego in paupertate mea paraui impensas in ædem Dei mei. Etiam dimisit aurum, & argentum determinatum pro singulis vasis aureis, & argenteis secundum pondera, & magnitudinem singulorum. e. lib. cap. 28. Et sic dato quod Salomon non haberet tunc istas diuitias, poterat ædificare templum Domino de expensis, quas reliquerat Dauid. Et si aliquid deficiebat, dabat illud Hiram rex Tyri Salomoni: vnde centum, & viginti talenta auri ei dedit 3. Regū 9. & infra 8. Etiam dicendum, quod ligna cedrina, licet fuerint in Ierusalem in magna copia ad ædificandum templum Domino: tamen nondum peruenerant ad tantam copiam, ut reputarentur sicut sycomori, quousque Salomon ædificauit tria palatia sibi. Tunc enim completa fuit ista abundantia cedrorum. Alia ratio poterat haberi in contrarium ex dictis præcedenti questione, scilicet quod positum fuit hic de diuitiis Salomonis post reuelationem, quam suscepit a Deo, eo quod in illa reuelatione dictum fuit ei, quod sapientia data erat sibi, & quod diuitiæ darentur sibi quantas nullus regum ante eum habuerat, nec post eum habiturus foret. Et ut comprobaretur visio, dictum est hic immediate de diuitiis eius. Dicendum, quod iste ordo non est naturalis, scilicet secundum continuationem historię, sed artificialis, ita quod rationi valde conuenit, scilicet quod Deus promiserat Salomoni tantas diuitias, quantas nullus regum habuerat, nec habiturus esset, ideo licet immediate non haberet illas, conueniens erat immediate poni, quod illas habuerit: ut videret quomodo ista promissio completa erat. Et sic factum est: & ob hoc bis ponitur in hoc libro, & 3. Regum, de istis diuitiis Salomonis, scilicet hic & infra 9. & 3. Regum 4. & 10. Ponuntur enim hic, & 3. Regum 4. post ipsam ædificationem sapientię immediate, ut videret quod pro-

missio Dei non fuit irrita. Et quia promissio fuit de diuitiis, & gloria, & honore, ponitur hic, & 3. Regū 4. de multitudine equorum, & currum Salomonis, & de magnitudine diuitiarum in auro & argento: quæ tamen non fuerunt ista acquisita mox post sapientię collationem, sed multo tempore post ædificationem templi. Ponuntur iterum scilicet infra 9. & 3. Regū 10. post ædificationem ipsam templi, ut sciatur quod ille fuerit ordo temporis in acquirendo.

CAPITVLVM II.



DECEVIT autem Salomon ædificare domum nomini Domini, & palatium sibi. Et numeravit septuaginta millia virorum portantium humeris: & octoginta millia, qui cederent lapides in montibus, præpositosque eorum tria millia, sexcentos. Misit quoque ad Hiram regem Tyri dicens: Sicut egisti cum Dauid patre meo, & misisti ei ligna cedrina, ut ædificaret sibi domum, in qua & habitauit: sic fac mecum, ut ædificem domum nomini Domini Dei mei, ut consecrem eam ad adolendum incensum coram illo, & fumigandi aromata, & ad propositionem panum sempiternam: & ad holocaustomata mane, & vespere, sabbathis quoque, & Neomeniis, & solennitatibus Domini Dei nostri in sempiternum, quæ mandata sunt Israeli. Domus enim quam ædificare cupio, magna est. Magnus est enim Deus noster super omnes Deos. Quis ergo poterit præualere, ut ædificet ei dignam domum? Si cælum, & celi cælorum capere eum nequeunt, quantus ego sum, ut possim ædificare ei domum? Sed ad hoc tantum, ut adoleatur incensum coram illo.

Decreuit. Dicto in præcedentibus de præambulis quibusdam remotis ad templi ædificationem, hic agitur de ædificatione. Et diuiditur in tres partes, quia primò ponitur ad ædificationem apparatus. Secundò ipsa ædificatio sequenti cap. Tertiò ædificati templi dedicatio infra quinto. Prima diuiditur in duas: quia primò ponitur circa istam apparationem conueniens ordinatio. Secundò ponitur ordinationis executio, ibi. *Numeravit igitur Salomon.* Prima in duas, quia primò ponitur Salomonis supplicatio. Secundò regis Hiram condescensio: ibi. *Dixit autem Hiram.*

An hic sit ordo continuus ad præcedentia, & cæ.

Quæst. Prima.

QUÆRITVR circa primum, an ea, quæ habentur hic sint continuata ad præcedentia, & an fuerint immediatè post illa, vel interiecto aliquanto tpe. Ad primum dicendum, quòd hic est ordo continuus respectu eorum, quæ habentur præcedenti capi. Licet non est respectu omnium, quæ habentur ibi. Pro quo sciendum, quòd præcedenti cap: continentur duo. Primum est de reuelatione facta Salomoni, & sapientia ei collata. Secundum est de diuitiis eius, & gloria in equis, curribus, auro, & argento. Quàtum ad primum dicendum est, quòd continuus ordo est inter ista & præcedentia. Nam edificatio templi, de qua hic incipitur, fuit post sapientiam collatam Salomoni, vt declaratum est præcedenti cap. in quadam quæstione: & 3. Regum tertio. Quantum ad secundum dicendum, quòd non est continuus ordo, quia Salomon prius edificauit templum quàm haberet diuitias istas magnas, de quibus præcedenti cap. vt declaratum est ibidem in vltima quæstione. Ad secundum dicendum, quòd quantum ad aliquid sit ordo continuus, & quàm ad aliquid non: quærendum est an fuerint ista post præcedentia immediatè, vel interiectis aliquanto tempore quantum ad illa, in quibus est ordo continuus, scilicet quantum ad primum. Et dicendum, quòd ista fuerunt immediatè post illa, vel forte fuerunt simul. Nā sicut probatum est præcedenti capitu. sapientia data fuit Salomoni in fine anni tertij regni sui, vel in principio quarti. Et tamen edificatio templi cepit in principio anni quarti regni Salomonis, vt patet tertio Regum sexto, scilicet mense secundo anni eiusdem, ideo inter ædificationem templi & dationem sapientiæ paucum tempus intercedit: vel fortè fuerunt quasi simul. Et quia hic agitur de apparatu ad ædificationem, scilicet de lignis cedrinis, quæ Salomon fecit adduci de libano ad edificandum templum, necesse est, quòd istud fuerit quasi eo tempore, quo sapientia data est, quia prius esset apparatus ad ædificationem quàm ipsa ædificatio. Circa primum dicitur. *Decreuit Salomon edificare domum nomini Domini.* Id est iudicauit, & determinauit in corde suo, quòd edificaret templū Domino. Obligatus erat Salomon ad edificandū domū Domini: quia Deus iusserat secundo Regum septimo, & præced. lib. cap. vigesimo septimo, & vigesimo secundo, & vigesimo octauo, & ipse Salomon istud onus ad hoc, vt patet præcedenti lib. 22. & 28. capitu. & sic circa hoc non erat deliberandum Salomoni an edificaret, vel non edificaret: quia de necessariis non est cōsiliū, nec deliberatio, sed de contingentibus per nos agilibus, vt patet tertio Ethicorum capitu. de tempore ædificandi, quia iudicauit, quòd tali tempore habebat oportunitatem ad edificandum, & erat conueniens, quod edificaret, & tali tempore non. In Hebræo dicitur. *Dixit Salomon edificare domum Domini.* Et idem est: quia dicere in corde nihil est, nisi determinare, & istud conuenienter signatur per istud verbum decreuit, & dicitur, *Nomini Domini, quasi di ea ista domus non edificabatur Deo, quasi Deus in ea habitaturus esset, sed edificabatur nomini Domini.* Id est ad hoc, quòd inuocaretur in ea nomen domini. Nā cum cælum, & celi cælorum Deum capere non sufficiant, non poterit eum capere aliqua domus: ista manu hominum facta, sed fiebat dom⁹ nomen Domini, vt inuocaretur nomen Domini in illa, & conueniret populus ad inuocandum Deum, & orāda in ipso. Ista verba dixit Salomon in oratione. Alph. Tost. super lib. Paralip. Pars 2.

A sua dedicato templo, tertio Regum octauo, & infra sexto. *Et palatium sibi.* Id est, etiam decreuit edificare palatium sibi. Non solum fecit vnum palatium, sed tria, vt infra declarabitur in quadam quæstione. Istud fuit per voluntatem, quia non obligabatur Salomon sibi edificare palatium. Et dicitur hic, quòd decreuit sibi edificare palatium ad sciendum intentionem sequentium. Nam infra dicitur, quòd Salomon petiuit ab Hiram rege Thyri ligna cedrina, & declaratur hic ad quid petebat illa, scilicet ad edificandum templum Domino, & domum sibi. *Et numerauit septuaginta millia virorum portantium humeris.* Id est, ad faciendum opus istud necesse erat, quòd aliqui viri portarent onera. Et ad hoc elegit Salomon septuaginta millia virorum. Isti viri non erant de Israelitis, sed de profelytis: vt declarabitur infra in quadam quæstione. Isti autem portabant lapides, quos alij cedeabant, vel aliquid aliud opportunum: vt declarabitur infra. *Et octoginta millia, qui cederent lapides in montibus.* Erant necessarii lapides ad edificandum templum Domini: quia parietes de lapidibus fiebant, ideo oportebat, quòd essent multi lapidum cæsores: & isti erant in montibus, quia ibi erant lapidicinæ. Sciendum autem, quòd hic aliquatiter peruertitur ordo, quia de istis portantibus onera, & lapidum cæsoribus in fine cap. infra agitur: & istud pertinet ad executionem operis. Hic autem in principio agitur de apparatu ad hoc; scilicet de præcibus Solomonis ad Hiram super lignis cedrinis. *Præpositosque eorum tria millia, & sexcentos.* Id est super lapidum cæsores, & portitores erant præpositi, qui iuberent artificibus, & operariis quid deberent agere, & quando. Et super istos centum, & quinquaginta millia cæsores, & portitores lapidum fuerunt præpositi tria millia, & sexcenti. *Misit quoque ad Hiram regem Tyri dicens.* Non solum egebat Salomon lapidibus pro ædificatione templi, & domibus suis, sed etiam lignis cedrinis, & abiegnis. Lapidibus autem habebat in regno suo. Ideo pro illorum cæsura, & portatione nullum extraneum requisiuit. Ligna autem non habebat Salomon in regno suo, vel non conuenienter poterant ibi scindi, ideo misit ad Hiram regem Tyri, cuius terra erat mons Libanus secundum magnam partem, & viri de regno eius erant edocti circa lignorum cæsionem, vt ille mitteret ei ligna. Iste Hiram erat amicus Salomonis, cū prius fuisset amicus David patris sui, ideo misit ad eum confidens de eius amicitia. Tyrus ciuitas famosissima est in littore maris Mediterranei, quæ quondam fuit domina mercatorum. Et tantum diuitiis affluebat, vt rex eius Deum se appellaret, dicens: quòd in cathedra Dei sedit in corde maris: Ezech. vigesimo sexto. Gloriā autem ciuitatis huius, & frequentiam populorum, & nationum venientium ad ciuitatem istam, latè ponit Ezechiel contra eam loquēs, vt patet Ezechiel vigesimo septimo, de ciuitate ista magis declaratum est Iosue decimo nono. Est autem ciuitas ista de terra Chanaan: vt declaratum est tertio Regum quinto, in quadam quæstione. vocabatur Hiram rex Tyri: non quod solum dominaretur in ciuitate ista, sed quia ista ciuitas erat caput regni: quod patet, quia Hiram erat etiam rex Sidonis, quæ est alia ciuitas famosa circa mare. Vnde dixit Salomon ad Hiram, quod in toto populo Israel nemo erat, qui ligna sciret icindere sicut Sidonij. Et concluditur ibi, quòd Sidonij ex mandato Hiram ligna sciderunt. Et sic erant de regno Hiram, tertio Regum quinto. Erat tamen Tyrus ciuitas celebrior quàm Sidon, quæ postea per Alexandrum magnum destructa est: & facta est siccatio lagenarum, sicut dixerat Ezech. Rursum autē populata est, & mansit populatio eius usque post

Origenes in Tyro sepultus. post Christum. Nam Origenes doctor eximius, qui inter Christianos tempore suo floruit, est ibi sepultus.

An verò ciuitas illa hucusque permaneat, certam fidem non habemus. *Sicut egisti cum Dauid patre meo.* Scilicet sicut te habuisti amicabiliter ad Dauid patrem meum, ita te habeas amicabiliter mecum. *Et misisti ei ligna cedrina, vt edificaret sibi domum.* Hiram sciens Dauid regnare super totum Israel, misit ad eum multa ligna cedrina, & artifices, vt edificarent domum in qua Dauid habitaret: vt patet 2. Reg. 5. & præcedenti libro 14. cap. *In qua & habitauit.* Scilicet, fabricata est Dauid domus de lignis cedrinis, & habitauit in ea. Nam ipse Dauid dixit: Ecce ego habito in domo cedrina, & arca Dei sub pellibus est. præcedenti libro 17. *Et sic fac mecum.* Scilicet quòd mittas mihi ligna cedrina. Non volebat nec petebat Salomon, quòd omnino faceret Hiram cum eo sicut egerat cum Dauid. Nam non poterat sic agere: Hiram namque cum Dauid magis gratiose se habuit quàm cum Salomone: nam cum sciret Hiram quòd regnabat Dauid super totum Israel, nesciente Dauid, vt ipse captaret amicitiam eius, misit ligna cedrina ei quotquot putabat sufficere ad fabricandum domum, & artifices etiam de terra sua, vt nihil Dauid laborare deberet, nihil exponere fabricando domum: vt patet 2. Reg. 5. & præcedenti lib. 14. ca. Et tamen iam in Salomone nò poterat hoc esse, cum ipse Salomon prius petiuisset quàm Hiram incitaretur ad dādum sibi hæc. Et dato quòd posset hoc fieri, Salomon illud non peteret, quia nollit ipse quòd Hiram suis expensis mitteret ligna sibi, & artifices sicut miserat Dauid, sed solum petebat, vt Hiram dignaretur iubere seruis suis, quòd caderent ligna quibus Salomon egeret simul cum seruis Salomonis. Et ipse Salomon satisfaceret pro labore, & sumptibus: sicut patet infra in litera. In Hebræo dicitur. *Septuaginta millia virorum oneris.* Vbi nos dicimus septuaginta millia virorum portantium humeris. Et idem est. Litera tamen nostra magis clara est quàm Hebræa, cum illa sequatur proprietatem idiomatis quàm barbarici: Nostra autem sequatur congruitatem sententiæ in sermone Latino. Item in Hebræo dicitur. *Ostoginta millia virorum cadentem in monte.* Vbi litera nostra dicit octoginta millia virorum, qui caderent lapides in montibus. Et eadem sententia est. Litera tamen nostra exponit sensum barbaricum Hebraici idiomatis, in quo nò seruantur numeri, nec personæ inter suppositum, & appositum, nec genera & numeri: & aliæ conuenientiæ adiectiuorum, & substantiuorum; antecedentium, & relatiuorum. Ideo cum deberet dici octoginta millia virorum cadentium, vel qui caderent: dicitur cadentem, vel cadentis in singulari, quæ est magna barbaries locutionis. Et istud consuetum est in Hebræo: nam sic dicitur Isa. 19. vbi litera nostra dicit: Tradam Aegyptum in manus dominorum crudelium. Dicitur in Hebræo, In manus dominorum crudelis, scilicet adonim caseth: nam adonim est pluralis numeri, & significat dominos. Et caseth est singularis numeri, & significat durum, vel crudelem: quia si esset pluralis numeri deberet dici adonim cassim. Sic etiam est in relatiuis: nam interdum anteedens est pluralis numeri, & relatiuū est singulare: vt Iosue 2. dicitur de Raab, quòd accepit duos exploratores Hebræorum, & abscondit eum: & deberet dici, abscondit eos: sicut dicit litera nostra. In multis alijs locis sunt similes locutiones, quia Hebraicum idioma est quasi barbaricum. Et ita hic deberet poni cæsores lapidum pluraliter, & ponitur singulariter, & non ponitur in Hebræo an isti caderent lapides, vel quid caderent: posuit tamen litera, quòd erant lapides, quia constat, quòd isti non erant lignorum cæsores, cū de his infra dicatur: Et ligna non

Ecaderentur in terra Israel, sed in Libano in regno regis Hiram. Etiam colligitur infra in litera, vbi dicitur de istis, quòd caderent lapides. & 3. Regum 5. idem ponitur. Etiam sciendum, quòd Hiram non scribitur sic hic apud Hebræos, sicut in alijs locis, quia hic non dicitur Hiram, sed Huram: quia scribitur cum Vau, & in alijs locis scribitur cum Iod: & tamen istud non differt, quia constat quòd idem vir est: de quo hic agitur, & in alijs locis. *Vt edificem domum nomini Dei mei.* Scilicet, da mihi ligna cedrina de terra tua, ad edificandū ex illis domum nomini Domini: id est in qua inuocetur & colatur. In Hebræo dicitur (Ecce ego edificans domum nomini Dei) Idem est. Sed debet poni litera per modum constructionis, sicut dicitur in litera nostra scilicet: Vt edificem, & litera nostra emendat modum incomprum loquendi, qui est in Hebræo. *Et consecrem eā ad adolendum incensum coram illo.* Scilicet, ista domus consecrabitur, id est dedicabitur ad istos vsus, qui sequuntur, & non ad aliquas ministraciones humanas. Adolere incensum potest intelligi dupliciter. Vno modo pro crematione thymiamatis, quod quotidie cremabatur bis, scilicet mane, & vespere, vt patet Exo. 30. Alio modo potest intelligi pro crematione sacrificiorum in altari holocaustorum. Et licet primus modus magis videatur consonare voci: tamen coincident tūc duo, scilicet adolere incensum, & fumigare aromata. Ideo videtur dicendum, quòd primum tenendum est, scilicet pro crematione sacrificiorum in altari. Et vocabatur quodlibet sacrificium incensum: quia incendebantur carnes eius, vel adipēs in altari. Et maxime conuenit hoc holocaustis, quæ tota incendebantur: sicut signat nomen suum. Incensum erat coram Domino, quando in altari holocaustorum quod erat extra templum in atrio eius cremabantur carnes sacrificiorum. *Et ad fumiganda aromata.* Id est ad emittendum fumum de aromatibus, ista sunt thymiamata. Pro quo sciendum, quòd Deus iusserit fieri quandam compositionem arte pigmentaria de rebus aridis, & erant species multæ. Primæ erant aromata, & deinde multæ alia: & accipiebantur in certo pondere, & proportionē, & terebantur simul in mortario: ita vt comminuerentur vsque ad puluerem minutissimum: & ista compositio vocabatur thymiamata: Exo. 30. vbi dicitur modus conficiendi. Et de isto thymiamate ponebatur quotidie in altari thymiamatum, & cremabatur ibi bis. Et quia ibi emittebatur fumus gratissimus, dicitur quòd fumigabantur aromata, id est thymiamata: non sola aromata non fumigabantur cum essent quedam pars in compositione thymiamatis: Exo. 30. De modo faciendi istas cæremonias infra dicitur in quadam quæstione. *Et ad propositionem panum sempiternam.* Etiam istud templum erit ad hoc, quòd proponantur ibi panes in æternum, scilicet in mensa propositionis. Pro quo sciendum, quòd erat in templo quedam mensa aurea, quæ vocabatur mensa propositionis, eo quòd ibi ponebantur panes: & erant in ea semper duodecim panes coram Domino. De modo autem, & cæremonia istorum panum, & causa declarabitur infra in quadam quæstione. *Et holocaustomata mane, & vespere.* Id est etiam domus ista Dei esset ad offerendum in ea quotidie holocaustomata, id est holocausta mane, & vespere. Erat in templo sacrificium iuge, id est quotidianum, quod offerebatur bis in die, & erant duo holocausta, scilicet vnus agnus anniculus in aurora, & alius vespere. Et quia nullo die omittenda erant sacrificia ista quæcunq; causa vrgeret, vocabantur iuge sacrificium. *Sabbathis quoq; & Neomenijs, & sollemnitatibus.* Id est non solum ad offerendum sacrificium iuge, quod erat mane, & vespere, & offerebatur omnibus diebus, sed etiam ad offerenda quedam sacrificia specia-

lia, quæ offerrebantur præter istud sacrificium iuge. Et offerebantur hæc in sabbathis, et neomeniis, et aliis solennitatibus. Pro quo sciendum, quod apud Iudeos erant duplices dies, sicut apud nos, scilicet solennes, & profesti. Dies profesti erant, in quibus non vacabatur à laboribus: nec etiam fiebant aliquæ ceremoniæ speciales circa cultum Dei. Et in quolibet istorum dierum solum offerebatur ordinariè sacrificium iuge. Et istud intelligitur cum dicitur supra ad holocausto-mata mane, & vespere. In diebus solennibus offerebatur sacrificium iuge, & insuper alia sacrificia specialia ad solennitatem dierum illorum. Solennitates autem istæ erant duplices: quædam erant, quæ semel tantum in anno accidebant. Aliæ erant, quæ replicabantur: illæ, quæ replicabantur erant duplices: quia quædam replicabantur qualibet hebdomada. Et istæ erant sabbatha. Aliæ replicabantur quolibet mense, & istæ erant Neomeniæ, & istæ non vocantur hic solennitates, quia replicantur, sed exprimuntur nominibus suis. Aliæ erant, quæ non replicabantur. Et istæ erant quinque, scilicet festum Phase, Pentecostes, & Clangoris, Propositionis, & Tabernaculorum, siue Scenophegiæ: in quolibet istarum offerebantur specialia sacrificia. De istis festiuitatibus, & causis earum, & ceremoniis declarabitur infra in quadam quæstione. In sempiternum. Scilicet, ceremoniæ istæ nominatæ fient in eternum in domo, quam ædificare intendo. Istud dicebat Salomon, quia non erat iam mutandum tabernaculum domini, & Arca de loco ad locum: sed in Ierusalem manere debebat in eternum, de quo infra dicitur in quadam quæstione. Quæ mandata sunt Israel. Scilicet omnes istæ ceremoniæ supra enarratæ mandatæ fuerunt Israelitis à Deo, ut semper illas frequentarēt, & quotidie facerent, ut patet in locis allegatis de quolibet illarum: de thymiamate cremando, Exo. 30. de panibus propositionis de sabbatho in sabbathum: Leuit. 24. De holocaustis quotidianis mane, & vespere: Num. 28. De ceremoniis sabbathorum, Neomeniarum, & solennitatum, Num. 28. & 29. Domus autem, quam ædificare cupio magna est. Id est magna debet esse. Nam non erat magna, cum nondum esset. Sed magna esse debebat, & magna esse proponebatur. Istud dixit Salomon ad declarandum Hiram quantum peteret. Nam si solum diceret, quod volebat ædificare domum Domini, putaret Hiram, quod fortè esset parua, & pauca materia sufficeret: ut ergo intelligeret, quod multa ligna, & lapides requirebantur, dixit, quod domus ista valde magna esse debebat. Magnus enim Deus noster super omnes Deos. Reddit causam quare domus ista magna esse debebat, scilicet quia ædificabatur Deo, qui erat magnus super omnes Deos. Ideo domus sua debebat esse maior, quam domus aliorum Deorum. Sic dixit Salomon præcedenti libro capitu. vigesimo nono, cum daret causam quare tantæ impensæ dabātur in domum Domini, ait: opus enim grande est, nec enim homini paratur habitatio, sed Deo. In Hebræo dicitur. Ad ordinationem quotidianam. Vbi nos dicimus illa propositionem panum sempiternam. Et vocatur illa propositio panum, quia proponuntur scilicet coram Deo in mensa. Et vocatur ordinatio: quia panes illi ordinabantur super mensam, eo quod seni contra senes ponebantur: Leuit. 24. capitu. Dixit autem littera nostra sempiternam ubi Hebraica dixit quotidianā, & est melior sensus. Nam manifestum est, quod panes in mensa propositionis non ponebantur, nec ordinabantur quotidie, sed ponebantur duodecim panes quolibet sabbatho: & manebant ibi usque ad aliud sabbathum, quo mutabantur, ut ponerentur alij recētes: ut patet Leuiti. vigesimo quarto. Et cum dicitur sempiternam, signatur quod ista propositio panum

Alph. Tost. super Paralip. Pars 3.

A debbat durare usque in æternū, licet non fieret quotidie. Cum tamen vocatur in Hebræo quotidiana, debet referri ad permansionem panum in mensa, scilicet quod quotidie manebant ibi, quia omni tempore erant ibi: non tamen quotidie mutabantur. Item in Hebræo dicitur. Istud super Israel. Vbi dicit littera nostra, quæ mandata fuerunt Israel. Et idem est, quia quod mandabatur Israelitis erat super eos, scilicet obligando eos ad agendū. Et dicitur domus, quam ædifico. Vbi littera nostra dicit: domus, quam ædificare cupio. Et in hoc littera nostra exposuit Hebraicam, quia non ædificabat adhuc Salomon domum domini, quando istud loquebatur, sed intendebat ædificare habita materia lignorum, & lapidum. Quis ergo poterit prauallere, ut ædificet ei dignam domum? Id est, quis poterit ædificare ei domum conuenientem secundum excellentiam suam? quasi dicat, nullus hominum quia honor Dei est infinitus, & nullus hominum meretur, vel potest aliquid ad infinitum honorem pertinens facere. Si cælum, & cæli cælorum eum capere non queunt, quantus ego sum, ut possim ei ædificare domum? Quasi dicat, cælum non potest continere Deum, capiendo eum: à fortiori ego, qui sum hominutio, non potero ei domum ædificare. De modo quo cælum non potest capere Deum infra declarabitur: cum Deus videatur esse in quibuslibet rebus. Sed ad hoc tantum adoleatur incensum coram eo. Quasi dicat, non est intelligendum quod ego velim facere domum, in qua Deus capiatur: quia istud impossibile est, cum cælum eum non capiat: sed solum facio domum, ut adoleatur ei incensum in ea. Quomodo autem hic dicat littera, quod ad hoc solum, ut adoleatur incensum domus ista facta est, cum supra ponantur multæ ceremoniæ, ad quas fieri debebat, infra declarabitur in quadam quæstione.

Quæst. 12.

Quæst. 13.
14. & c.

De palatio quod Salomon decreuit ædificare.

Quæstio I I.

Q V A E R I T V R circa prædicta, quomodo dicitur hic, quod decreuit Salomon ædificare domum Domino, & palatium sibi, & quod aut quale palatium erat istud, quod ædificare intendebar. Dicendum, quod circa ædificationem domus Dei, quod Salomon non decreuit ædificare tanquam super hoc deliberasset, quia Salomon erat obligatus ex præcepto Dei, & David patris sui ædificare templum Domino. 2. Reg. septimo. & præcedenti lib. decimo septimo. & 22. & 28. Sed deliberatio fuit de modo ædificandi, & de tempore, & de materia querenda, & decreuit Salomon petere materiam ab Hiram. Circa palatium quod Salomon decreuit sibi ædificare, dicendum, quod non fuit vnicum palatium, sed tria: vocatur tamen palatium sibi, in quantum erat distinctum à domo, quæ ædificatur Deo. Ideo siue esset vna domus, siue multæ diceretur palatium sibi. Erant autem tres domus, scilicet palatium quod fecit Salomon, ut ipse moraretur in eo cum vxoribus suis, & palatium, quod fecit filiæ Pharaonis, & domus saltus Libani. Quia essent istæ tres colligitur. 3. Reg. 7. & ibi declaratum est, Causa quare fecit Salomon domum filiæ Pharaonis fuit, quia Salomon habebat vxores multas: nam erant ei vxores quasi reginæ septingentæ, & concubinae trecentæ. tertio Regum septimo. Et inter illas erat dignior filia Pharaonis, quia illam primo acceperrat: & fortè quia erat maioris dignitatis propter patrem suum, qui erat potentissimus rex, ideo honorabat eam Salomon inter ceteras, quasi esset vnica vxor. Sicut colligitur Cantic. sexto. Sexaginta sunt reginæ,

C 3 & octo-

& octoginta concubinæ, & adolescentularum nō est numerus: vnica est columba mea, perfecta mea: vnica est matri suæ, electa genetrici suæ. Et ibi quantum ad literam agitur de filia Pharaonis, quæ excedebat reliquas uxores. Salomon ergo voluit honorare eam in hoc, quod ei solū fecit domum, vbi maneret cum familia sua. Ipse autem Salomon cum aliis vxoribus, & concubinis manebant in alia domo, & ista est domus secunda, de qua dicitur tertio Regum tertio, quod edificauit Salomon sibi domum. Tertia domus erat, quæ vocabatur saltus Libani, in qua erat armentarium regis. Istius autem domus pulchritudo super alias domos, & fabricatura huius ponitur tertio Regum septimo. Aliarum autem non ponitur figura. De gloria autem domus huius, & partibus eius, & officijs, vel vsibus, ad quos erat, declaratum est ibidem. Istæ domus fuerunt magnæ, & magnorum sumptuum in edificando, moratusque est Salomon ædificando eas maiori tempore, quàm ædificando templum. Nam templum ædificauit in septem annis, tertio Regum sexto. Domum autem suā, scilicet omnes tres domos ædificauit annis tresdecim, vt patet eodem lib. 7. Et pro istis domibus accepit Salomon ligna cedrina, & abiega ab Hiram, quæ simul cæsa sunt cum lignis pro domo domini. Et ob hoc dicitur hic, quod decreuit Salomon ædificare domum domini, & palatium sibi, quasi dicat, materia, quæ infra petitur ab Hiram, erat tam pro domo Dei, quàm pro palatio regis.

Si Salomon peccauerit ædificando sibi palatium.

Quæst. III.

QUÆRITVR vltius, ad quid Salomon voluit ædificare sibi palatium, cum iam haberet palatium, & an peccauerit in hoc. Aliquis dicet, quod sic, quod expendere pecuniam in aliquid superuacuum peccatum est. Et tamen superuacuum erat Salomoni ædificare palatium sibi, quia habebat iam palatium, & satis speciosum. Nam Dauid habebat domum cedrinam pulchram, quam fecerant ei artifices Hiram, secundo Regum quinto. Et præcedenti libro cap. decimo quarto. Et ipse Dauid laudabat eam tanquam esset maior, quàm ipse mereretur. Cum dixit: Ecce ego habito in domo cedrina, & arca Dei sub pellibus est: præcedenti lib. decimo septimo capitu. sufficiebat ergo Salomoni habitare in domo illa, & non ædificaret alia palatia. Aliquis dicet, quod Salomon licet ædificauit palatium sibi, quia fecit hoc ad honorem Dei, scilicet ne vxor sua maneret in domo Dauid, eo quod sanctificata fuerat, quia ibi steterat arca, vt patet infra 8. Et sic fecit ei domum. Dicendum, quod licet poterat morari filia Pharaonis, & quæcunque aliæ mulieres in domo Dauid, licet steterat ibi arca, vt declaratum est tertio Regum nono, in quadam questione, & etiam dicitur infra 8. & sic non oportebat aliam domum ædificari: & dato quod licuisset aliam domum ædificari pro filia Pharaonis ad maiorem honestatem, ad quid tres domus ædificatæ sunt? vt declaratum est præcedenti questione. Dicendum est, quod Salomon ædificando istas tres domos, non peccauit, etiam si plures ædificasset: nam ædificare secundum se non est malum, nisi ad malum finem fiat, vel de rebus malè acquisitis. Nec etiam erat prohibitum ædificare domos multas, & pulchras. Vnde non solū Salomoni erat licitum, sed etiam quibuscunque alijs regibus ædificare multas domos. Nam quædam erant prohibita regibus inter Israelitas, scilicet multiplicare equos, & currus, & augere pondera immensa auri, & argenti, Deuter. 17. Inter hæc autem ædificia pulchra

Determi.

F non erant interdicta regibus, ideo licebat eam ædificare: potissime autē licitum erat hoc Salomoni: quia Deus promiserat ei dare gloriā, & diuitias super omnes reges, qui ante eum fuerant, & qui post eum futuri erant. Et tamen gloria apparet in magnitudine, & pulchritudine ædificiorum, & cæteris apparatus exterioribus: ergo licitum erat Salomoni facere palatia quocunque vellet, & quæcunque magnitudinis, & pulchritudinis. Item patet, quia ad magnificum pertinet expendere abundantissime in iis, quæ sunt semel per vitam, vel raro. Et in iis, quæ semel facta semper manent: sicut in contractu matrimonij, in domus constructione, in sepulchro faciendo, & similibus: vt patet quarto Ethic. cap. de magnificentia. Sed Salomon erat magnificus, & Deus volbat, quod esset magnificus, quia ipse dederat ei hunc habitum, vel inclinationem: vt patet tertio Regum quarto Dedit Salomoni sapientiam, & latitudinem cordis, sicut arenam, quæ est in litore maris, scilicet magnam latitudinem cordis. Et tamen latitudo cordis est magnificentia, secundum quam non dubitat quis magna expendere in eis, quæ oportet. Ergo licitum erat Salomoni facere pulchra, & magna ædificia. Item patet: quia ad magnificum pertinet habere res aliquas magni valoris, & expensarum, & paruorum reddituum, quæ solū proficiant ad ostendendum magnitudinem illam, vt patet quarto Ethic. scilicet de magnanimitate. Et tamen Salomon erat magnanimus: ideo ad eum pertinebat habere talia: & huiusmodi sunt palatia ad habitandum pulchra, quia nullorum reddituum sunt, cum non sunt locanda, ideo ad Salomonem pertinebat ædificare palatia. Ad rationem in contrarium dicendum, quod non peccauit Salomon edificando palatia, quia Salomon non legitur peccasse viquequo mulieres peruerterunt cor eius ad idolatriam 3. Reg. 2. Et tamen ante hoc ipse habebat palatia tria facta, de quibus 3. Reg. 7. Ergo non peccauerat construendo illa. Et cum dicitur, quod expendere pecuniam superuacue peccatum est. Et tamen Salomon faciebat huiusmodi, ergo & cetera. Dicendum quod verum est, quod expendere superuacue pecuniam in quolibet homine est peccatum, & tamen qui expendit illam ad aliquod opus virtutis quæcunque illud sit, non expendit superuacue. De Salomone sic dicendum, quod licet haberet domum, in qua habitaret, & construeret alia palatia, non faciebat superuacue: quia opus magnificentia, & magnanimitatis erat, quæ sunt virtutes excellētes 4. Ethic. Etiam faciebat ad gloriam regni sui, et Deus volebat, quod ipse esset gloriosior alijs regibus, ergo etiam vellet, quod faceret plura, et maiora ædificia quàm alij reges.

Quare Salomon numerauit operarios cum Dauid constitueret eos.

Quæst. IIII.

QUÆRITVR vltius, cum dicatur hic, quod Salomon numerauit operarios, scilicet septuaginta millia portantium onera, & octoginta millia, qui cederent lapides. Nam Dauid collegit iam omnes operarios, qui necessarij erant ad opus istud: ideo non oportebat quod Salomoni alios numeraret operarios: patet quod Dauid constitueret operarios, quia præcedenti cap. 22. dicitur quod præcepit Dauid, quod congregarentur omnes profelyti de terra Israel, et constituit ex eis latomos ad cedendos lapides in montibus, et poliendos, vt ædificaretur domus Domini. Aliquis dicit, quod Dauid artifices numerauit ad cedēdos lapides, et tamen non ad portanda onera humeris suis. Nam præcedenti capitu. vigesimo secundo solū dicitur de latomis, et illi sunt lapidum cēsores. Dicendum quod hoc non stat, quia licet ibi dicatur solū de cēsores, intelligēdū etiam

In Ali

etiam est de portantibus onera, quia integrum opus constituit David, ita ut non deesset Salomon aliquid nisi velle, & ponere animum, & si mihi ad opus: quod patet eodem capi. Nam cum enarrasset David omnia necessaria in opere iam esse ab eo parata, ait: Surge ergo, & fac, & erit Dominus tecum. Si tamen deessent portitores onerum non esset opus completum. Ideo dicendum, quod David etiam constituit portitores onerum. Dicendum, quod verum est, quod David vivens instituit cedros lapidum, & portitores, quos haberet Salomon ad opera, & illos eosdem Salomon postea accepit ad opus hoc, ut patet infra in litera, scilicet cum iis artificibus, quos mecum habeo in Iudaea, quos preparavit pater meus David: ergo artifices istos lapidum, quos nunc Salomon, habebat instituerat David. Salomon tamen fecit novam numerationem istorum artificum propter multa. Primo, quia David numeraverat istos artifices vivens, & non inceperant tunc facere opera, ita ut continuaretur usque ad tempus, quo nunc Salomon coepit edificare templum, sed manserunt quiescentes toto tempore intermedio. Nunc autem cum opus inchoandum esset tempore Salomonis, noviter operarios istos numeravit Salomon, & destinavit eos ad opera sua. Secundum fuit, quia David numeravit profelytos, qui erant tempore suo, & eos astrinxit vel assignavit huic operi cedendorum polien dorum, portantorumque lapidum. Et tamen post illam numerationem usque ad tempus, quo Salomon inchoavit opus istud creverunt profelyti, quia multo plures conversi sunt ad Iudaismum. Etiam aliqui de iis, qui iam conversi erant non erant tempore David apti ad labores istos propter parvitatem, & tenebatur aetatis. Et postea tempore Salomonis quando iterum est opus, erant apti: & sic debuerunt a Salomone iterum numerari: & inveniuntur multo plures. Considerandum autem, quod in iis operariis, qui lapides egdebant, & portabant humeris, nullus erat de progenie Israelitarum, sed omnes erant de conversis ad Iudaismum, & de filiis eorum, & vocantur isti profelyti, id est advenae, quia de alieno cultu veniebant ad cultum veri Dei. Et de terra gentilium veniebant ad habitandum inter Iudaeos. Et patet hoc, quia tam in numeratione, quam fecit David, quam in ea quam fecit Salomon, dicitur quod erant profelyti omnes: de numeratione patet praeced. lib. 22. capit. 1. praecipit David, ut congregarentur omnes profelyti de terra Israel: & constituit ex eis latomos ad cedendum lapides. De numeratione, quam fecit Salomon, patet infra in litera, numeravit Salomon omnes viros profelytos, qui erant in terra Israel. Quare autem soli profelyti ad hoc opus assumpti sunt: & quam habitudinem tenebant inter Israelitas declarabitur infra in quadam quaestione.

De ista additione, qua hic ponitur in quibusdam verbis, scilicet. In qua, & habitavit.
Quaest. v.

QVAERITVR ulterius, cum Salomon loquatur ad Hiram regem Thyri, suadens ei, quod decendam cedrina, sicut dedit David patri eius ad aedificandam domum: quare dicitur: in qua & habitavit? quia ista additio videtur superflua. Nam nihil addit ad intentum Salomonis, quod David habitasset in domo aliqua alias illa, quam aedificaverunt ei artifices Hiram de cedris. Dicendum, quod non ponitur sine mysterio ista particula, & proficit ad duo, quae Salomon petebat hic ab Hiram. Primum erat, quod daret sibi cedrina, & alia pro domo Dei aedificanda. Secundum erat, quod daret sibi etiam pro palatio quod sibi volebat aedificare. quantum ad primum proficiebat,

Alph. Tost. super Paralip. Pars 2.

A scilicet, quod si domus de cedris constructa fuit David, & habitavit in ea, dignius erat, quod construeretur Deo domus de cedris. Istam eandem rationem fecit David contra se, putans se male agere, si non construeret templum Domino, cum ait ad Nathan prophetam: Ecce ego habito in domo cedrina, & arca Dei sub pellibus est, praecedenti lib. 17. ca. quae si dicat, iniustum est, quod ego habitem in domo cedrina, & arca Dei non habeat domum cedrinam, vel preciosiorem si fieri potest, sed quod habitet sub tentorio de pellibus. Istum etiam modum arguendi Deus habet contra Iudaeos: nam volebat quod talia darentur ei qualia magnis dominis: nam ipse est maior omnibus dominis, scilicet rex regum, et dominus dominantium, qui solus habitat lucem inaccessibilem. Prima ad Thimoth. sexto. Ideo vult, quod si aliqua sunt, quae oblata magnis principibus non placet eis, non offerantur duci suo: ut patet Malach. primo, ubi conque ritur Deus de sacerdotibus, qui contemnebant sacrificia, dicens: Vos o sacerdotes, qui despiciatis nomen meum, & dicitis, in quo despeximus nomen tuum? Offeritis super altare meum panem pollutum, & dicitis: in quo polluimus te? in eo quod dicitis, mensa Domini despecta est. Nonne si offeritis claudum ad immolandum, malum est, offer illud duci tuo, & si placuerit ei, aut susceperit faciem tuam: quasi dicat, sicut quando offeritis munera ista despecta ducibus, & magnis dominis non acceptant illa, ita nec ego acceptabo. Et sic vult Deus, quod talia sibi offerantur, qualia principibus magnis offeruntur. Et tamen principes, & reges volunt habitare in domibus cedrinis: ergo Deo fabricanda erat domus cedrina. Secundum proficiebat hoc ad materiam, quam petebat Salomon, ut aedificaret inde palatium sibi. quia pater eius habitaverat in domo cedrina, quia non indignior patre suo, sed potius magnificandus erat in gloria divitiis, & honore super eum & super omnes reges, sicut Deus de eo praedixerat praecedenti capit. & tertio Regum tertio. Recte ergo dictum est, quod David habitaverit in domo cedrina.

De quibusdam ceremoniis hic positis, quae debebant fieri in domo, quam intendebat edificare Salomon.

Quaest. vi.

QVAERITVR ulterius, cum dicatur hic de ceremoniis, quae deberent fieri in domo, quam intendebat Salomon aedificare, scilicet quod adoleretur incensum, & suffumigarentur aromata, & proponerentur panes: & offerentur holocausta mane & vespere, quo fieri debebant caeremoniae istae. Respondendum, quod prima caeremonia erat suffumigare aromata, vel adolere incensum. Pro quo sciendum, quod Deus iusserat fieri duo altaria in sanctuario suo. Unum erat aureum, aliud aeneum. De aeneo postea dicitur. De altari aureo dicendum, quod erat factum quadratum de tabula lignorum serim intus vacuum, ut esset portatile habens duos cubitus altitudinis & unum cubitum latitudinis, & alterum longitudinis. Et erat rotum opertum laminis aureis, ideo vocabatur altare aureum. Istud erat positum intra tabernaculum Moyse in prima tabernaculi parte ante velum sancti sanctorum, & quotidie in eo cremabatur thymiana bis mane & vespere, Exod. trigesimo. Modus autem erat, quod sacerdos induebatur vestibus sacris, & capiebat unum vas de illis, quae vocantur ignium receptacula: Exo. 27. vel alio nomine vocantur thuribula, eo quod postea ponebatur in eis thus, & implebat illud vas prunis, quas sumebat de altari holocaustorum. Nam in altari holocaustorum erat ignis perpetuus, qui nunquam exinguebatur, cum sacerdotes supponeret ei tempec

Modo caeremoniae thymiana.

ligna Leu. 6. Illud altare erat extra tabernaculū in atrio eius, & sumptis inde prunis sacerdos ī thuribulo cneo introibat in tabernaculum; & ponebat thymiamata super prunas, & vas sic plenum prunis & thymiamate ponebat super altare thymiamatum, & cremabatur ibi thymiamata: emittebatque odorem suauissimū. Ignis autem ad cremandum istud thymiamata semper assumebatur de altari holocaustorum. Et si quis assumeret de alio igne ad ponendum in thuribulis, peccabat, & moriebatur. Sic enim mortui sunt duo filij Aaron prima die, qua ministraverunt. Nam acceperunt ignē alienum in thuribulis, & egressus ignis de altari holocaustorum cremavit illos: non ledendo vestes, nec corpora, sed ipsos occidendo. Leuit. 10. Cū autem ponerentur ista thuribula plena prunis & thymiamate super altare aureum, sacerdos qui ponebat, manebat intra tabernaculum coram altari donec totum thymiamata cremaretur: & tunc tollebat thuribulum de altari, & exibat de tabernaculo ad atrium, vbi erat populus. & alij ministrantes, & ponebat thuribulum in loco suo cum aliis vasis altaris holocaustorum. Iste modus observabatur etiam in vespere, cū quotidie fieret bis, & quandiu sacerdos maneret interius dum cremabatur thymiamata, populus erat foris expectans eum quousque exiret. Sic patet de Zacharia patre Beati Iohannis Baptiste: nam forte exijt, vt offerret incensum, & introiuit in templum Salomonis, & mansit ibi, dū cremaretur incensum, apparuitque ibi Angelus, qui denunciavit sibi, qd gigneret filium, & quia dubitavit factus est mutus Luc. primo. Et dicitur ibi, quod erat populus foris expectans eū, scilicet ipse erat intra templum, & populus totus erat foris in atrio templi, & expectabant quousque ille exiret completo iam ministerio. Iste idem modus observabatur in ista caremonia in templo Salomonis, q in tabernaculo Moyse. Nam etiam in templo Salomonis altare holocaustorum, de quo sumebantur prunæ pro thuribulo, erat extra tabernaculum in atrio eius, altare autem thymiamatum erat in templo ante sancta sanctorum. Quod patet, quia Zacharias, quando obtulit incensum dicitur, q intrauit ad offerrendum, & populus expectabat eum foris. Vocabatur istud altare aureum, quia auro operatum erat. Vocabatur altare thymiamatum, quia in eo quotidie bis thymiamata cremabatur. Istud thymiamata erat cōfectum de multis speciebus aridis sumptis in pondere debito, & proportionē: & omnia contundebantur in mortario, quousque redigerentur in pulverem minutissimum. Exo. 30. Causa autē, quare offerrebatur thymiamata, dicitur sequenti quæstione. Ista ministratio erat quotidiana, & non augebatur, nec diminuebatur sicut sacrificia. Nam quotidie offerrebantur duo holocausta, scilicet mane, & vespere, quæ vocantur iuge sacrificium, & in festiuitatibus offerrebantur plura, Num. 28. & 29. in thymiamate tamē quod cremabatur, idem ritus erat, quia quotidie cremabatur solum bis, nec addebatur, nec minuebatur: Exod. trigesimo.

Quo thymiamata cōfiebatur.

Quare quotidie cremabatur incensum bis.

Quæst. VII.

QUÆRITVR vltius de causa, quare quotidie cremabatur incensum bis, scilicet thymiamata. Dicunt quidam, quod hoc erat ad extinguendum fetorem, qui insurgebat ex crematione sacrificiorum. Nam in atrio tabernaculi quotidie fiebant sacrificia, & in altari holocaustorum cremabantur illorum adipēs, vel carnes. Ex carnibus autem combustis, vel adipibus grauis odor exhalat: & ad extinguendum illum fetorem cremabantur thymiamata, quæ erant

F suauissimi odoris, sed istud non stat. Primò quia (vt plerique asserunt) ex carnibus et adipibus crematis in altari non insurgebat aliquis fetor Deo faciente hoc miraculosè, & sic dicitur de multis aliis miraculis, quæ asserunt fieri circa sacrificia. Secundò patet, quia dato quod insurgeret fetor ex crematione ista, nō poterat auferri iste fetor per ista thymiamata, quæ cremabantur, quia tantus erat fetor, quod oportebat immentia thymiamata cremari ad hoc, quod mitigaretur, vel non sentiretur: & debebat esse tam excessiuus odor aromaticum ad tollendum omnem fetorē combustionis, quod fortè corrumperet sensum. Tertiò patet, quia si thymiamata ista cremarentur ad tollendum fetorem ex crematione carniū, & adipum consurgentem: necesse erat, quod cremarentur toties thymiamata, quoties fiebant sacrificia. Et tamen licet regulariter quolibet die fieret duo holocausta, scilicet mane, & vespere Num. 28. tamen in festiuitatibus fiebant multa, & per accidens ex deuotione populi fiebant multa, ita vt interdum contingeret fieri mille sacrificia vna die, sicut dicitur præcedenti ca. quod Salomon obtulit mille hostias in Gabaon. Oportebat ergo sæpe tunc thymiamata in die cremari. Et tamen solum bis quotidie cremabatur thymiamata: Exod. 30. Ergo non cremabatur ad tollendum istum fetorem. Quartò patet, quia aliqui dies erant, in quibus solum offerrebatur duo aialia solum mane, & vespere, & aliqui in quibus multa simul, ita vt altare nō posset simul sustinere, & carnes, & adipēs hostiarū 3. Re. 8. & infra 7. sicut fuit in dedicatione templi. Ideo cū tunc necesse esset grauissimum exhalari vaporem, oportebat plura de thymiamate apponi, quàm alijs diebus. Et tamen nō iubebatur vno die plus poni, quàm alio: ergo non fiebat ad tollendum fetorem combustionis. Quintò patet, quia si fieret ad tollendum istum fetorem, cremaretur thymiamata in loco exteriori, scilicet in atrio tabernaculi, vbi erat altare holocaustorum, in quo cremabantur sacrificia. Et tamen cremabatur in tabernaculo, vbi nullus hominum erat, nisi sacerdos, qui introibat ad cremandum illud. Ergo non fiebat ad tollendum fetorem, quia ibi nulli asseriebant fetorem. Dicendum ergo, quod ista crematio thymiamatis fiebat ad solum honorem Dei. Nam Deus volebat, qd offerrentur, vel apponerentur sibi ea, quæ apponebantur principibus, & magnis dominis: Vt patet Malach. primo, scilicet, si offeratis claudum, & languidum, nōne malum est? offerri illud duci tuo, & si placuerit ei: & acceperit faciem tuam: quasi dicat id, quod non accipit dux humanus non vult accipere Deus. Et quia odoramenta apponere pertinet ad delicias dominorum, & magnum honorem, ideo Deus volebat, quod etiam sibi apponerentur, & etiam si non odoraret illa. Sic enim erat de sacrificiis, nā nihil Deo deferrebat, quod offerretur ei animal claudum, vel sanum. Et tamen irascebatur, quando offerrebantur ei aialia clauda, & languida, quasi per hoc contemneretur. Quod autem fieret ad honorem, patet quia Deus voluit, quod thymiamata fieret sibi ex multis speciebus in commixtione certa, iubens ne quis hominum auderet tali compositione vt odorando illam, vel facere ad dandam eam alieno: sub pena mortis: Exo. 30. cap. Item fiebat hoc, vt non videretur Deus Israel minoris auctoritatis, quàm dii gentium. Nam illi non erant dii: et tamen omnibus illis offerebatur thus ad odorandum, vel in honorem, ergo Deo Israel dandum erat thus, & thymiamata compositum. Alia causa erat, quia licet Deus Israel non odoraret, cū non esset animal, tamen scriptura fingit eum tanquam odorantem. Sicut patet Gen. 8. quando Noe exiens de arca obtulit sacrificium de omnibus animantibus, dicitur, quod odoratus

tus est dominus odorem suauitatis. Sic etiam saepe dicitur in Leuitico, quod ad eum sacrificiorum dabat domino odorem suauissimum: ideo conueniens erat apponi ei res boni odoris: cum putetur, vel fingatur odorare. Causa tamen potissima fuit propter honorem.

De ceremonijs panum propositionis.

Quest. VIII.

QUÆRITVR vltius, circa ceremoniam propositionis panū, de qua hic dicitur. Respondendū q̄ in tabernaculo Moyſi erat vna mensa aurea, s. de lignis setim opertam laminis aureis, cuius fabricatura ponitur Exo. 25. Ista erat in tabernaculo in prima parte eius, quæ vocatur Sanctum, vel Sanctuariū; & erat ad latus aquilonare illius, Exo. 26. Super illam autem proponebantur duo decim panes, quorum quilibet continebat duas decimas de farina. Erant isti panes in duobus versibus sine lineis, scilicet sex panes in vna linea, & totidem in alia, Le. 24. Isti panes conficiebantur à sacerdotibus: & non licebat alicui mulieri formare aliquem panem istorum, nec etiam laicis, sed laici dabant farinam Leuitis, & quidam Leuita custodiebat illam in Thesauris sc̄arii: & cum opus esset quod formarentur panes, sacerdos petebat farinam a Leuita, & formabat inde panes duodecim, vt colligitur prece. lib. 9. & 23. c. Isti panes fiebant quolibet sabbatho, & coquebantur tunc, & recentes ponebantur super mensam vsque ad aliud sabbathum. Et tunc fiebat alij duo decim panes, & recentes ponebantur super mensam ablatis prioribus duodecim, Leu. 24. & iste ritus duraturus erat in sempiternum per singula sabbathorum: cum ablatis essent comedebant illos sacerdotes, nec licebat aliis, siue laicis, siue Leuitis comedere de eis 1. Reg. 21. cap. & Mat. 12. Si quis tñ esset in necessitate famis, licebat ei comedere de illis, et si esset laicus, dñ tamen esset mūdus à contactu mulierū: hoc patet de Achimelech sacerdote, qui licet vidisset Dauid constitutū in necessitate famis, noluit dare ei de panibus propositionis quousq; sc̄iuit, an pueri essent mundi, & maxime a mulieribus, & respondit Dauid: Et quidē si de mulieribus agitur continuimus ab heri. & nudius tertius, & vasa puerorum sancta sunt: & tunc dedit eis Achimelech panes, primo Regu. 21. proueniebant autem isti panes sacerdotibus ministrantibus in mercedē ministerii: sicut de sacrificijs proueniebat eis certa pars. Nam de holocausto proueniebat sacerdotibus offerentibus pellis, Leu. 6. de hostia pacifica proueniebat pectusculum, & armus dexter, Leu. 7. de sacrificio pro peccato, & pro delicto proueniebant alia iura de quibus tangitur Leu. 5. & 6. cap. & tamen voluit Deus aliquid speciale esse in panibus propositionis: nam licet carnes sacrificiorum prouenirent sacerdotibus, licet filijs, & filiabus, & vxoribus comedere de illis, Leu. 10. De panibus autem propositionis soli sacerdotes comedebant, primo Regu. 2. & Matthē. 12.

Quare vocabantur panes propositionis.

Quest. IX.

QUÆRITVR vltius, quare vocabantur isti panes propositionis. Respondendum quod in Hebræo vocantur panes facierum: & dicit Rabbi Salomon, quod vocantur sic, quia ex vtraque parte habebant faciem, scilicet, non erant sicut panes cocti in clibano, quia illi ex vna parte habent faciem, scilicet ex illa, qua non sedent in terra. Ex alia autem non habent faciem, sed denigrantur, & contrahunt crustā. Deus autem dicit Rabbi Salomon, quod coquebātur

A in vasis ferreis, sicut coquuntur hostiæ: & ex nulla parte denigrantur, sed vtrinque facies erat. Istud tamē nō stat, quia panes propositionis erat magni, cum quilibet contineret duas decimas, & tamē decima est satis magna mensura, scilicet, quantum potest in die vnus homo comedere, quod patet in mensuratione manna: nam Deus iubebat, quod in deserto quilibet daretur pro tota die vnum gomor de manna. Exo. 16. & ibi dñ, q̄ Gomor est decima pars Ephē. Et sic quilibet panis istorum continebat duas decimas, siue duos Gomor, Leui. 24. & erat sufficiens ad cibum duobus hominibus pro vno die toto: non ergo poterat talis panis coqui intra vasa de ferro, vel de ære, quia propter suam grossitiem non posset digeri, & coqui medulla illius, sed solæ extremitates. Et si deberet medulla coqui, necesse erat, quod extremitates comburerentur. Non poterant ergo isti panes coqui, nisi in clibano. Vocantur autem panes propositionis, vel facierum, quia coram facie Domini ponebantur. Erat enim mensa propositionis intra tabernaculum ante velum Sancti Sanctorum, et in Sancta Sanctorum iudicabatur esse Deus, quia ibi respondebat, & audiebatur vox super arcam in propiciatorio, inter alas cherubim: Nu. 7. Et cum panes isti essent ante sancta sanctorum dicebantur esse ante Deum, quia quidquid erat ante sancta sanctorum dicebatur esse ante faciem Domini. Et deberent vocari panes faciei: vocantur tamen pluraliter panes facierum, quia in Hebræo mutantur numeri, & persone, genera, & omnia accidentia partium, orationis propter barbariem idiomatis. Litera autem nostra conuenientius ad sēsum istum vocauit istos panes propositionis, vbi litera Habraica dicit panes facierum, scilicet quia proponebantur, id est in mensa ponebantur coram Domino.

Quare isti panes ponebantur in sanctuario & ceter.

Quest. X.

QUÆRITVR vltius de causa, quare isti panes ponebantur in sanctuario super mensam, & quare erant duodecim, & quare mutabantur de sabbatho in sabbathum: et sic de aliis ceremonijs. Respondendū quod ponebantur isti panes coram domino propter multa: primo ad honorem. Nā panis est de rebus maxime necessariis, ideo est magnæ reputationis. Ponebatur ergo coram domino, vt intelligatur quod eū honoram⁹ ponendo coram ipso id, quod in omnibus preciosissimū habemus: sic enim erat de thymiamate, quod cremabatur: nam Deus non odorabat illud, cum non esset animal: et tamen cremabatur quotidie coram eo ad honorem ipsius: sic etiam de animalibus quæ quotidie imolabantur: nam non proficiebat hoc Deo, et tamen iubebat illud fieri, quia erat honor suus. Secunda causa erat ad reddendum gratiarum actiones, scilicet, Deus dedit panem nobis, et quidquid etiam quo nutrimur, et conseruamur, et pro hoc tenemur ei ad magnas gratiarū actiones. Et sic sicut de fructibus terre, quos nobis Deus concedit decimas, et primitias tribuimus in recognitionem beneficii: ita conueniens erat quod aliqui panes manerēt coram Domino, qui testarentur recognitionem beneficii suscepti, scilicet quod nos de manu eius illos suscepimus. Et isto modo per ea, quæ a Deo recipimus dando ei aliquid de illis, gratias agimus de toto qd̄ ipse nobis dedit: sic patet precedenti lib. cap. 29. cū Dauid offerret Deo munera, ait: Quis ego sum? et quis populus meus, vt possimus hæc vniuersa promittere? tua sunt omnia Domine, et quæ de manu tua accepimus dedimus tibi. Tertia causa est ad petendum conseruationem fructuum terræ, scilicet quod cum panes coram Domino

Determinatio.

mino pominus erramus tacite quod panem, qui est principium vite nostre nobis tribuat, et cum, quem semel terrae concesserit ab importunitatibus conseruet: quia nihil nasci prodest nisi ad horrea reducat, et recondatur. Et ista oratio pro pane dando, atque seruando est valde conueniens, quia inter cetera, quem Christus nos in oratione petere docuit ait: Panem nostrum quotidianum da nobis hodie. Recte ergo conuenit quod panes ponerentur coram Domino. Alia ceremonia erat, quod ponerentur isti panes duodecim semper. Ratio enim erat huius ad signandum illos, pro quibus offerebantur: nam Hebraei offerebant eos, & totus Israel per duodecim tribus diuidebatur: ideo ad signandum eos debebant duodecim panes offerri, & sic dicitur Leui. 24. quod isti panes manerent coram Domino in memoriam semper pro duodecim filiis, vel tribus Israel. Sciendum autem quod isti panes erant aequales, quia quilibet continebat duas decimas. Leui. 24. & hoc quia offerebant Domino pro duodecim tribubus Israel. Et si aliquis esset maior alio, putaretur quod aliqua tribus apud Deum erat maior quam alia. Etiam daretur occasio emulationis, & hoc Deus auferre voluit, ideo fecit quod essent aequales panes, sic etiam fuit de oblatione principum duodecim tribuum in dedicatione templi. Nam per duodecim dies obtulerunt oblationes, & quantum vnus obtulit tantum alius, scilicet tot animalia & talia, & ad idem genus sacrificii etiam talia vasa aurea, & argentea, & aequalis ponderis: ut patet Num. 7. & hoc ut tolleretur omnis emulatio, & contentio de praelatione in alterutrum. Et non solum seruabatur hoc inter tribus, sed etiam inter personas. Nam Deus iussit quod quando quis esset viginti annorum, & transfret ad numerum, quod solueret dimidium sicli. Et diues non adderet ad dimidium sicli, & pauper non diminueret. Et hoc erat, quia istud praetium dabatur pro animabus numeratorum: & si daretur praetium inaequale, putarent quidam se magis pertinere ad Deum quam alii: & hoc Deus noluit Exo. 30. cap. Alia ceremonia erat, quod isti panes ponerentur in mensa propositionis, quae erat ad latus Aqilonare tabernaculi Exo. 26. Causa huius est, quia per tabernaculum signabatur totus orbis, ut declaratum est ibidem. & Exo. 28. Et quia pars meridiana orbis non est habitata, sed perpetuis caloribus tenetur, & aquae maris illam operiunt, non sunt ibi fruges. Et quia panes propositionis sunt in representationem, terrae nascentium, & praecipue segetum, de quibus viuimus, & istae sunt ad partem aquilonarem orbis, in quo nos habitamus, ideo debuit mensa propositionis poni in latere aquilonari tabernaculi. Ex eadem ratione candelabrum positum est in parte meridiana, de quo agitur inf. in quadam questione. Alia ceremonia erat, quod panes isti ponebantur seni contra senos in duobus ordinibus. Et huius non est alia causa nisi pulchritudo, & conseruatio panum: Poterant namque isti panes esse superpositi, & occuparetur modicum spatium mensae: & tamen non conueniebat ad conseruationem ipsorum, quia sic facilius mucosi efficerentur. Erat ergo quilibet panis per se, & quia erant duodecim panes magni si ponerentur sigillatim, & tamen omnes in vno ordine, oporteret mentiam esse longam nimis, debuerunt poni in duobus ordinibus, seu contra senos, scilicet sex in vna linea, & sex in alia. Etiam erat hoc propter pulchritudinem, & de quibusdam istorum causa dari non potest. Sic enim in rationali erant duodecim lapides preciosi, in quibus erant sculpta nomina duodecim filiorum Israel, & erant illi lapides in quatuor ordinibus, Exod. 28. Alia ceremonia erat, quod isti panes manerent per septem dies coram Domino, & in sabbatho sequenti mutabantur, & ponerentur alii recentes. Causa huius

erat, quia Deus volebat, quod semper manerent coram eo duodecim panes, & tamen non poterant semper manere iidem panes, quia corrumperebuntur vetustate, ideo mutandi erant, & ponendi alii recentes: ut sic per mutationem semper manerent aliqui panes coram Domino. Causa autem quare mutabantur post septem dies, scilicet de sabbatho in sabbathum, fuit ut panes quando tollerentur de mensa essent adhuc apti ad cibum: si tamen manerent multis diebus indurarentur valde: nec proficerent ad cibum. Post septem autem dies satis essent conuenientes ad cibos. Si tamen quaeratur, cur potius post septem dies quam post sex, vel quinque: dicendum quod quaedam sunt quorum sola voluntas causa est, et potissima est istud in taxationibus rerum: sicut fit in iuribus, scilicet datur decem dies ad appellandum, non potest dari causa quare potius dentur decem quam vndecim, vel nouem. Sed est voluntas causa. Potest autem dici, quod dati fuerunt septem dies hic ad mutandum panes, ut fierent mutationes istae de sabbatho in sabbathum. Nam cum ista positio panum in mensa coram Domino esset quidam cultus eius, et non debebat fieri quotidie, potius fieri debebat in die solenni quam aliis diebus. Si autem fieret post quatuor, vel quinque dies pauciores septem, vel plures non fieret de sabbatho in sabbathum. Fuit ergo conuenientius sic, quam aliter fieri. Nam sic etiam fiebat in sacrificiis, scilicet quod licet quotidie sacrificia offerrentur, tamen in sabbathis plura offerrebantur quam in diebus profestis. Alia ceremonia erat, quod isti panes a sacerdotibus formarentur, & non tangerent illos mulieres, nec laici. Causa est sanctitas panum. Nam Deus voluit, quod isti panes essent magne sanctitatis, & quanto aliquid sanctius erat, tanto a paucioribus tangi, & videri debebant: sic patet de arca, quae erat sanctior inter omnia vasa sanctuarii: ideo non debebat videri nuda, nec etiam a Leuitis: & si quis videret eam nudam moriebatur, Num. 4. Et sic mortui sunt Bethsamites videntes eam 1. Re. 6. ita cum panes propositionis essent sanctissimi, non debebant formari a mulieribus, vel a laicis, sed sacerdotes ipsi accipientes farinam ab Israelitis debebant illos formare. Leui. 24. Alia ceremonia est, quod farinam istam darent filii Israel, scilicet laici. Causa huius est, ut videretur pro quo offerebantur isti panes. Nam isti panes erant coram Domino, et si fierent de farina sacerdotum, viderentur solum poni pro animabus eorum, et tamen Deus volebat, quod essent in memoria duodecim tribuum Israel, Leui. 24. ergo debebant esse de farina laicorum. Alia ceremonia erat quod acciperent panes istos sacerdotes, qui tollebant illos de mensa, et illi comederent eos. Causa est ut darentur in mercedem ministrationis: quia sacerdotes, et Leuitae erant ministri Dei, et Deus providere debebat eis de redditione cultus unde dixit eis, quod non acciperent possessionem cultus Dei, quia ipse erat pars, et hereditas eorum: Num. 18. et Deui. 18. et ponit hoc in litera Iosue 13. scilicet quod Deus erat pars eorum, id est sacrificia, et oblationes, et iura sanctuarii erant pars eorum. Iura autem illa erat tum, et Leuitarum ponuntur Num. 18. et inter illa erat istud, quod pertinerent panes propositionis ad illos. Alia ceremonia erat, quod de istis panibus non comederent alii, nisi sacerdotes, ut patet primo Reg. 21. et Matth. 23. Causa huius erat magna sanctitas istorum panum. Nam Deus voluit, quod reputaretur isti panes valde sacri: et ad hoc fecit, quod solis sacerdotibus liceret de eis comedere, et non laicis, nec filiabus, et vxoribus sacerdotum, nec et Leuitis. Pro quo sciendum, quod inter Hebraeos cibi qui erant permixti laicis ad elum erant quintuplices. Quidam erant quos licebat comedere cuiusque suum mundus, siue immundus esset, et isti erant cibi communes

Cibi ad
vnum lat-
eorum p-
misi ad
Hebraeos.

munes, qui non erant aliquo mō consecrati. Secundi erant cibi, quos non licebat comedere, nisi munda: & tamen licebat cuicunque mundo comedere de illis, siue essent masculi, siue foemine laici, leuitae, vel sacerdotes: & isti erant carnes hostiarum pacificarum quantum ad partem, quae proueniebat offerentibus. Nam offerenti proueniebant totae carnes animalis pacificae praeter pectusculum, & armum dextrum, qui cedebant sacerdoti, Leu. 7. & ad comedendum de carni bus istis poterat offerens inuitare quoscuque uellet, dum tamen essent mundi. Sic enim Deus commendauerat, quod offerentes vocarent secum ad comedendum uiduas, & pupillos, & quoscuque pauperes, & Leuitas, Deute. 12. & tamē necesse erat, quod omnes isti essent mundi cōm deberent tangere carnes sacras: etiam quia intrabant in locum sacrum, scilicet in atrium tabernaculi, vel tēpli ad comedendū: cum dicatur De. 12. & 14. & 16. quod epularentur coram Domino, scilicet in sanctuario. Tertij cibi erant, quos licebat comedere solis mundis: & tñ non oībus, sed solū sacerdotibus, & filiis & filiabus ipsorum dum manerent in familia sua: isti erant cibi carniū prouenientium sacerdotibus de hostiis pacificis. Nam comedebant tam ipsi quam familiae eorum: Leui. 10. & tamē alienis quantuncque essent mundi non licebat eis dare quidquā de istis cibis: imō si sacerdos haberet filiam, & maneret in domo patris sui, comedebat de cibo isto. Si autē illa daretur in uxorem alicui, qui non esset sacerdos, nō licebat comedere de istis cibis uiuente viro: mortuo autem illo si rediret ad domum patris sui, non habens filios ex illo viro, poterat comedere de cibis sacerdotibus, sicut cum esset puella. Leu. 22. Quarti erant cibi, quos solis sacerdotibus, & filiis eorum mundis licebat comedere, & tamen poterant comedere illos ubi cunque uellent, & isti erant panes propositionis. Nam dicitur Matt. 2. quod solis sacerdotibus licebat comedere illos: ideo excludebantur omnes, qui non erant sacerdotes, scilicet filiae, & uxores sacerdotum: Filii autē sacerdotum quantumcunque essent paruuli poterāt comedere de istis panibus, dum tamen essent mundi, eo quod illi erant sacerdotes. Nam non vocabantur tunc sacerdotes, sicut nunc, per hoc quod ordinem accipiunt, vel ministrant, sed ex eo, quod aliquis erat filius sacerdotis erat sacerdos, quia sacerdotium proueniebat inter Hæbreos per progeniem, & si pater erat sacerdos, filius necesse erat sacerdos: nec poterat reuocare onus ministrandi, dato quod uellet renūciare competitum sacerdotaliū: & sic paruulis, & maculis, acquirere nemo poterat, nisi qui ministrabat actualiter, vel aliquando coeperat ministrare. Quinti erant cibi, quos solis sacerdotibus licebat comedere: tñ non in oī loco, sed solū in loco sacro: istae erant carnes, quae proueniebant de sacrificio pro peccato. Nā soli masculi de stirpe sacerdotali illo mūdo comedebāt illas: Le. 6. & 10. Et ista hostia reputabatur magis sacra quam omnes alij cibi. Nam etiam in coquendo obseruabatur magna munditia ceremonialis, quae non obseruabatur in alijs carniū sacrificiorū, scilicet, quod si uestis aspergeretur de sanguine huius hostiae, lauaretur in loco sancto: & si coqueretur in uase fictili, frangendum illud erat, ne applicaretur in uase fictili, & si coqueretur in uase aeneo, siue quocunque metallino, de iocari debebat valde: Leuit. 6. Tota autē sanctitas mater legis. Nam absolute non uidetur esse causa sanctioris in omnibus istis, quare quidam cibi essent alijs sanctiores. De panibus ergo propositionis dicendū, quod nō licebat comedere de illis, nisi solis sacerdotibus, & magnā sanctitatem suā, q̄ De' voluit illis attribueret.

A De dispositione lucernarum in candelabro, vel sanctuario.
Quaest. X.

QV AERITVR vterius, de quadam alia ceremoniā sanctuarij, quae omīssa fuit hic. Pro quo sciēdum, q̄ Salomon dicens, quod volebat edificare domum Domino, expressit quid fieri deberet in illa, & posuit tres ceremonias, scilicet adolere thymiamā, ponere panes propōnis in mēsa, & offerre sacrificia: est tamē alia ministratio sanctuarij praeter istas, scilicet disponere lucernas in candelabro. Ad cuius euidētiā considerandum, quod ministratio sanctuarii fiebat in vasis eius. Erant autem vasa sanctuarii praecipua sex, scilicet arca foederis, altare thymiamatum, candelabrum, mensa propositionis, altare holocaustorum, labrum, & ceneum. In duobus istorum nulla fiebat ministratio, ideo manebant quatuor vasa in quibus fiebat quatuor ministratio: patet hoc, quia in arca foederis non fiebat ministratio: sed ipsa ponebatur intra sancta sanctorum, & semel in anno introibat solus summus sacerdos ferēs secū sanguinem pro peccato, & vas thymiamatis, ut vapor grossus inde exhalās non sineret cum videre quidquam de ijs, quae erant intra sancta sanctorum, scilicet de gloria Domini apparēte inter alas Cherrubim super propitiatorium, Leu. 16. & ad Hebrē. 9. & aspergebat sacerdos septies de sanguine contra arcam. Ista autem non erat ministratio in arca. Etiam in labro ceneo nō fiebat aliqua ministratio, quia solū lauabant ibi sacerdotes pedes, & manus, cum ministraturi essent, Exo. 30. & ista non erat ministratio, sed dispositio ministri ad quamlibet ministratiōem, quia nihil poterat facere in sanctuario sacerdos quin prius lauaretur. Exo. 30. Manent autem quatuor vasa sanctuarii in quibus fiebat quatuor ministratio: scilicet, in altari thymiamatum ministrabatur aliās cremabatur quotidie thymiamā, de quo supra declaratum est in duabus quaestionibus. In isto altari nulla alia ceremonia fiebat: nam nunquam offerebatur ibi aliquod sacrificium, nec cremabantur adipēs, aut sanguis effundebatur super illud: quia oīa haec fiebant super altare holocaustorum: sed solū semel in anno in die propitiationis sacerdos magnus tingebat cornua eius sanguine quando exibat de sancta sanctorum: Exo. 30. In mensa propositionis fiebat secunda ministratio, scilicet ponebantur panes, & manebant ibi: ut declaratum est supra in tribus quaestionibus. Tertia ministratio erat in altari holocaustorū, scilicet quod offerebantur omnia genera sacrificiorū ibi, de quibus infra declarabitur in quadam quaestione. Quarta ministratio erat in candelabro, de qua dicitur hic: & non erant plura vasa, in quibus fierent. Circa istam ministratiōem, quae erat in candelabro. Considerandum quod in tabernaculo Moyſi factum est vni cum candelabrum de auro purissimo opere productili, siue maleatorio, cuius frabricatura satis est difficilis, ut patet Exo. 25. Habebat autē in summitate septē calamos, in quibus erant septem vasa, quae vocantur lucernae, siue lampades, quia in eis ponebatur oleum: & per noctem ardebāt, & etiam per diem, ut putatur, quia de hoc dicitur infra. 13. in quadam quaestione, & sacerdos intrabat quotidie bis ad disponendum lucernas candelabri, scilicet ad ponendum oleum, scilicet quantum opuserat, & tollendum lychnum combustum. Erant autem ibi vasa subministratoria candelabri, scilicet emunctoria, siue forcipes, & vasa plena aqua: in quibus exinguebantur partes lychni, quae emunctae erant. Etiam infusoria olei, quibus fundebatur oleū in lampades. Omnia haec vasa de auro: Exo. 24. Ponebatur autem oleum purissimum in lucernis istis: Exo. 27. In templo autem Salomonis fuerunt multa candelabra

labra aurea, scilicet decem, et vasa eorū aurea multa. Et erant quinque candelabra ad latus meridianum tēpli, & quinque ad latus aquilonare. Erant etiam cum eis alia candelabra argentea, quorum non ponitur numerus, vt patet 3. Regum 7. & precedenti lib. 24. Bis autem quotidie sacerdos disponebat lucernas candelabri, scilicet in mane, & vespere, quando intrabat ad cremandum thymiamia: Exo. 30. In templo Salomonis idem modus ministrandi seruabatur. Solum autē differebat, quod erant ibi multa candelabra. In tabernaculo autem Moyfi vnicum erat candelabrum. Istud candelabrum in tabernaculo ponebatur in prima parte sanctuarii, scilicet non intra sancta sanctorū, & erat ad latus meridianum eius: Exo. 26. Causa autem quare non fit mentio hic de ministracione ista in candelabro, fortē est, quia Salomon non curauit exponere omnia singulatim: quia satis erat quod explicaret quasdam ceremonias ad quas necesse esset edificare sanctuarium. Interdum tamen in similibus narrationibus omnes exprimentur: sicut fuit de rege Abia loquente contra Ieroboā rege, & Israelitas, qui diuiserant regnum, & colebant idola, & inter viros Iuda colebatur verus Deus. & enarrauit ibi omnes ceremonias, inter quas posuit quod sacerdotes quotidie accendebant lucernam candelabri, vt patet infra 13. Alia causa potest eē, scilicet quod fortē Salomoni nō videbatur ista differre à crematione thymiamatis in altari. Nam cum bis in die sacerdos cremare deberet thymiamia in altari, eodem tēpore bis locare debebat lucernas in candelabro: Exo. 30. Aliæ autem ministraciones non coincidebant in tempore, sicut istę duæ: ita vt fierent simul & idem, & quælibet aliarum per se expressa est. Istam autem subtrixit Salomon.

De causis ceremoniarum, quæ fiebant in ministracione candelabri. Quest. XI.

QVAERITVR de causis ceremoniarum, quæ fiebant in ministracione candelabri. Prima erat, quod in tabernaculo Moyfi erat candelabrum. Ratio autem huius est multiplex. Prima ad necessitatem sanctuarii. Nam cum sanctuarium, scilicet tabernaculum esset domus ex tabulis, & operimentis cōstans: & non haberet fenestram in aliqua parte sua, necesse erat, quod haberet candelabrum aliquod, quia alias nullum esset lumen intra sanctuarium, et cum sacerdos intraret ad ministrandum in vespere, scilicet, vt poneret thymiamia in altari holocaustorum, nihil videret: ideo aliquis modus candelabri erat necessarius. Secunda ratio est ad honorem: nam lumen valde honorat, & ob hoc etiam per diem lumen adhibemus in ministeriis diuinis. Patet hoc in celebratione Missarū, nam nunquam Missa sine lumine celebranda est, etiā si meridie celebretur, & in loco patentissimo: ideo sacerdos sine lumine celebrans grauiter punitur: vt patet extra de celebratio. missa. cap. ultimo. Ita ergo ad honorem in veteri testamento debebat lumen adhiberi in tabernaculo, etiam si non esset necessarium. Tertia ratio erat, quia p tabernaculum signabatur totus orbis, vt declaratum fuit Exo. 26. & 28. & in vniuerso pars præcipua, & pulchrior sunt luminaria, scilicet sol, & luna, & ceteræ stellæ: ideo in sanctuario debebat esse lumen aliquod ad signandum luminaria vniuersi. Alia ceremonia erat, quod candelabrum in templo Moyfi esset vnicum. Causa huius fuit necessitas. Nam si candelabrum necessarium erat, saltem vnum erat necessarium. Et illud sufficiebat, ideo non fuerunt plura: patet hoc, quia totum sanctuarium diuidebatur. Prima diuisio erat in duas partes principales, Vna erat tabernaculum, Et alia atrium. Taber-

Diuisio sanctuarii in duas partes.

Fnaclū erat domus quadrangula longitudine cubitorū xxx. & latitudine cubitorū x. & altitudine cubitorū x. vt patet Exo. 26. Habebat autem tabulas in tribus lateribus, scilicet meridiano, aquilonari occidentali. In tertio autē nullus habebat tabulas, sed operiebatur quatuor operimentis, quorum quodlibet totū tabernaculum operiebat. Primum erat de cortinis factis opere pulchro. Secundum de sagis cilicinis. Tertium de pellibus arietum rubricatis. Quartum de pellibus iacynthinis, & in latere oriētali non erant tabulę, sed quoddam tentorium quod trahebatur ante fores, ita vt posset patere ingressus, vel claudi. De ijs omnibus Exo. 26. Alia pars erat atrium, & erat quoddam spaciū in circuitu tabernaculi, cuius longitudo erat cubitorū centum, scilicet ab oriente in occidente. Et latitudo erat quinquaginta cubitorum, scilicet à meridie in septentrionem. Et in medio istius spatii erat tabernaculum. Erant autem quatuor latera atrij columnis de lignis Setim altitudine cubitorum quinque: & in illis pendebant vela de bysso retorta. Tertium autem nullū habebat atrij: de ijs patet Exo. 27. Pars ergo vna sanctuarii, scilicet atrium non egebat candelabro, quia erat pens soli, cum non haberet tectum: etiam si poneretur ibi candelabrum, non posset lumen conferuari, quia pars illa omni vērō peruia erat. Alia pars sanctuarii, scilicet, tabernaculum diuidebatur in duas partes quodam velo intermedio, & diuidente: nam vt dictum fuit supra, tabernaculum erat longitudine cubitorum triginta & latitudine decem. Diuidatur ergo secundum longitudinem, & versus partem orientalem maneant viginti cubiti, & ad occidentem decem cubiti: & in medio vbi fit ommissio ponatur quoddam velum pendens de quatuor columnis, quo vna pars ab alia appareat diuisa. Tunc illa pars, quæ est decem cubitorum ad occidentem vocatur Sancta sanctorum: Pars autem viginti cubitorum ad orientem vocatur sanctuarium sanctuariorum, vel sanctum, vt patet Exo. 26. In illa parte, quæ vocatur Sancta sanctorum, solum erat arca: in alia parte, erāt altare thymiamatis, & mensa propositionis, & candelabrum: & sic in Sancta sanctorum non erat necessarium candelabrum aliud quod propter duo. Primò quia non fiebat ibi aliqua ministratio: nam nunquam intrabat illuc quisquam nisi semel in anno summus sacerdos in die propitiacionis: Leui. 16. & ad Hebr. 9. & ad hoc non erat necessarium lumen. Secunda causa, præcipua erat, quia dato quod esset ministrandum in sancta sanctorum, non poneretur ibi lumen. Sed potius Deus volebat, quod locus ille esset obscurus: vnde quando semel in anno in die expiationis intrabat illuc summus sacerdos ad aspergendum sanguinem, ferre debebat secum vas plenum prunis, & aromate: vt fumus crassius surgens de aromate combusto obnubilaret oculos eius, ne posset videre aliqd de eo quod erat in propitiatorio inter alas Cherubim: Leuitici decimo sexto: & ad Hebr. 9. Erat autem in propitiatorio gloria Domini, scilicet quidam angelus in corpore assumpto ad respondendum eis, quæ quærebantur. Et ob hoc cherubim extendebant alas suas super propitiatorium ita, ut inter illas latere posset corpus assumptum ab angelo, & non videretur quis erat ille, qui respondebat, sed reputaretur quod Deus respondebat sine corpore existens, vt non fingeretur ei aliqua similitudo, quæ adoraretur. Non ergo debebat esse candelabrum, nec lumen aliquod intra Sancta sanctorum. Et sic solum requirebatur lumen in prima parte tabernaculi, in qua sufficiebat vnum candelabrum, ideo sufficiebat in toto tabernaculo candelabrum vnum. Templum autē Salomonis diuidebatur eodem modo in duas partes principales, scilicet in atrium, & templum, & atrium non

Diuisio partis in duas.

non habebat testum, sed parietes in gyro. Templum autem erat clausum parietibus, & tecto. Et in atrio nullum candelabrum erat: & non erat opus quod esset, cum pateret atrium luminaribus celi. In Sancta sanctorum intra templum etiam non requirebatur candelabrum aliquod nec ibi erat propter causam, supra assignatam, scilicet ne videretur gloria Domini super propiciatorium. In prima parte templi erat candelabrum: & erant multa, scilicet decem candelabra aurea 3. Regum 7. Et multa candelabra argentea, quorum numerus ponitur precedenti lib. 28. Ratio autem quare ibi erant plura candelabra quam in tabernaculo Moyfi, fuit una propter magnitudinem templi; quia templum erat maius quam tabernaculum. Nam prima pars templi, in qua erat candelabrum, erat longitudine quadraginta cubitorum, latitudine viginti, altitudine triginta, ut colligitur 3. Regum 6. Prima pars tamen tabernaculi, in qua erat candelabrum, erat longitudine cubitorum viginti, & latitudine decem, & altitudine decem, ut declaratum fuit supra: plura ergo candelabra requirebantur in templo Salomonis. Secundum erat propter honorem, nam maioris honoris, & excellentie fuit templum Salomonis, quam tabernaculum Moyfi, eo quod istud fuit factum a ditissimis, & ad manendum semper. Illud autem factum est a Iudeis pauperibus quod posset portari per viam, quousque Deus daret eis requiem. Alia ceremonia erat in candelabro, quod erat in tabernaculo Moyfi, quod erat ad partem meridianam templi: Exo. 26. Causa huius est, quia ut dictum fuit supra, per tabernaculum illud signabatur universitas rerum, & in universo sunt luminaria, quae sunt pars pulchrior totius operis, ideo in tabernaculo debuit esse aliquid, quod signaret illa: & istud fuit candelabrum: & quia inter omnia luminaria mundi septem sunt praecipua, scilicet planetae: quia illi declinant ad Septentrionem, & austrum, & per hoc immutant diversimode aerem in diversis regionibus, & sic sunt causa generationis, & corruptionis in omnibus terris: Sic ait Aristoteli. primum & recessum solis in circulo obliquo, causantur generationes, & corruptiones in terra. Alii autem stellas sunt fixas: & non declinant ad septentrionem, & meridiem, ideo non possunt tantum efficere ad immutationem generabilium, & corruptibilium: Vnde vita animalium ex planetis naturaliter pendet. Et propter hoc dies septem ipsis septem planetis ascribimus, ex eorum nominibus illos appellantes. Et sic decens fuit, quod in candelabro essent septem calami, in quibus essent septem lucernae, ad signandum septem planetas. Et erat ordo inter istos calamos, quia, unus calamus erat stipex ipsius candelabri, & iste erat grossus, & super eum erat calami, scilicet tres ex una parte, & totidem ex alia, & inter planetas: nam in medio eorum est maximus planetas, scilicet sol, & maximi luminis, scilicet sol. Nam infra solem sunt tres planetae, scilicet Luna, Mercurius, Venus. Et supra Solem totidem, scilicet Mars, Iuppiter, Saturnus: & nullus aequatur soli in magnitudine corporis, nec in puritate luminis. De candelabris autem templi Salomonis cuius figurae fuerint non scribitur, sed satis credendum est quod fuerint figurae eiusdem cuius erat candelabrum tabernaculi Moyfi: quia alias exprimeretur figura eorum. Ista est causa quare in tabernaculo Moyfi erat candelabrum habens septem calamos. Alia autem ceremonia, de qua quaerebatur, scilicet quare erat ex parte meridianam: causam istam habet, scilicet quod respectu habitantium in terra luminaria mundi meridianam sunt. Pro quo sciendum,

A quod primum celum, quod vocatur primum mobile, figitur super axem suum, qui transit per medium eius a polo in polum, scilicet a polo arctico in antarcticum, & super istum axem figitur totus orbis, & movetur super polos istos. Istud autem celum dividitur per quendam circulum maximum signatum in eo, qui vocatur aequinoctialis siue aequator diei, & ille circulus distat aequaliter ab utroque polorum, scilicet ab utroque nonaginta gradibus, quae est una quarta circuli. Iste autem circulus aequinoctialis est medius in orbe aequaliter distans a meridie, & septentrione, & illa, quae sunt ad unam partem eius dicuntur etiam ad Meridiem, quae autem ad alteram partem dicuntur ad Septentrionem. Omnes autem planetae discuntur sic, quod aliquando tendunt ad partem meridianam aequinoctialis declinando ab ea per vigintiquatuor gradus, vel plus: & interdum ad partem Septentrionis quousque iterum declinant per vigintiquatuor gradus ab aequinoctiali, vel quasi. Et sic planetae non magis declinant ad meridiem quam ad septentrionem, & tamen respectu habitantium in terra dicuntur planetae semper meridiani. Nam habitatio nostra in terra est nimis septentrionalis, ita quod planetae nunquam peruenire possunt ad Zenit caput nostrorum: ideo siue sint ipsi meridiani, siue septentrionales, respectu nostri semper erunt meridiani. Recte ergo in tabernaculo ponebatur candelabrum in parte meridianam eius. In templo Salomonis erant multa candelabra. Nam saltem candelabra aurea erant decem, tertio Regum septimo, candelabra argentaria erant quaedam, sed illorum non determinatur numerus precedenti lib. vigesimo octavo capitulo. & istorum decem candelabrorum aureorum quinque ponebantur ad latus Aquilonis, & totidem ad latus meridianum: & intermedia erat via ad Sancta sanctorum. Hic autem potest considerari alia causa, scilicet necessitas luminis. Et quia tam necessarium erat lumen in uno latere, sicut in alio, tot candelabra ponuntur in uno latere sicut in altero. Altera causa poterat esse ex comparatione ad orbem signatum per templum & tabernaculum, scilicet quod quinque candelabra essent ad meridiem, & quinque ad septentrionem, quia planetae tantum declinant in motu suo versus meridiem, sicut versus septentrionem, ut declaratum est. Et inter ista candelabra est via media, quia inter declinationem planetarum ad Meridiem, & Septentrionem est aequinoctialis circulus dividens Septentrionem, & Meridiem. Alia ceremonia erat in candelabro tabernaculi Moyfi, scilicet quod licet esset tabernaculum pars meridianam, in qua erat candelabrum, tamen inclinatum erat lychini lucernarum versus Septentrionem ad lucendum: ut patet Exo. 26. Causa huius est una ad necessitatem luminis, scilicet quia lumen erat necessarium versus latus oppositum, in quo non erat candelabrum. Nam candelabrum erat in latere meridiano, & si inclinaretur lumen eius versus meridiem non proficeret, quia inter candelabrum, & latus meridianum tabernaculi nihil erat pertinens ad aliquam ministracionem, & versus aquilonem erat mensa propositionis cum panibus, & vasis. Erat etiam altare thymiamatum. Et in ijs ministrandum erat: ideo lumen debebat inclinari contra aquilonem. Alia causa esse potest ex habitudine ad universum. Nam licet planetae respectu nostri semper sint meridiani, ut dictum est: tamen radios suos versus nos dirigunt ad illuminandum, & immutandum aerem, & licet etiam directe mittant radios ad terram sibi perpendiculariter suppositam, & ad meridianam sibi: nos tamen non conspiciamus nisi radios ad nos emissos, & quantum ad hoc videtur totum lumen planetarum declinare a meridie in Septentrionem: Quod autem ista, quae

que erant in sanctuario, & in vestibus sacerdotis debebant habere causas per habitudinem: & ea, quæ sunt in orbe, patet per id quod dicitur Sapient. 19. scilicet, quod in veste Aaron totus orbis erat, & magnalia patrum.

Quare mane, & vespere offerebantur sacrificia holocaustorum.
Quæst. XII.

QVAERITVR ulterius, circa tertiam ceremoniam, quæ hic ponitur, scilicet quod offerrentur sacrificia holocaustorum mane, & vespere. Ad cuius evidentiam considerandum, quod omnia sacrificia cuiuscunque generis, fiebant in altari æneo: nam ut dictum fuit supra in quadam quæstione, Duo erant altaria in sanctuario, scilicet aureum, & æneum: de altari aureo dictum est, quæ ministraciones in illo fieret: nam cremabatur ibi thymiama: de altari æneo nunc dicendum, quod istud erat altare factum de lignis setim quadratum, scilicet quinque cubitorum longitudine, & totidem latitudine. Altitudine autem trium cubitorum, & erat inane, & concavum, ut posset faciliter portari, & sic portabatur: patet de hoc Exod. vigesimo septimo. Erant autem latera huius altaris operta laminis æneis: partim propter pulchritudinem, & partim propter necessitatem, scilicet ne cremarentur tabulæ; nam istud altare semper erat plenum igne: Leuit. sexto. Erant autem laminæ istius altaris æneæ reticulatæ ad pulchritudinem, de quarum craticula satis variè asseritur, & declaratum est Exod. vigesimo septimo. Quando enim movebantur castra de loco ad locum, portabatur istud altare in vestibus humeris Leuitarum: Num. quarto. Cum autem locanda essent, ponebatur istud altare in sanctuario, & replebatur terra usque ad summitatem quasi, & ponebantur ibi ligna, & desuper adipēs, & carnes sacrificiorum, & sic erat altare illud: & cum mouenda essent castra, euacuabatur terra, & portabatur altare, & hoc modo altare erat de terra, sicut Deus iusserat Exod. vigesimo, scilicet, altare de terra facietis mihi. Istud altare erat in atrio tabernaculi, & non introducebatur in sanctuarium. Causa huius erat immunditia quædam ministracionis, scilicet quia apud altare illud occidebantur animalia, & decoriabantur, & fundebatur sanguis eorum ad basim altaris: Leuit. primo, & tertio, & quarto. Et tamen immundum erat tale fieri in tabernaculo, quod erat magnæ pulchritudinis. In atrio autem, quod erat pars discooperta sanctuarii, & non tam sacra, nec tam præciosa poterat conuenienter fieri. Secundum erat, quia non poterat manere altare æneum in tabernaculo, nam cremaret illud: quod patet, quia in altari holocaustorum æneo erat semper magnus ignis ad cremandum multas carnes, & adipēs sacrificiorum, qui superponebantur. Tabernaculum autem erat parvæ altitudinis, scilicet decem cubitorum solum, quanta erat altitudo tabularum eius: Exod. vigesimo sexto. Et sic flamma surgens de altari holocaustorum cremaret operimenta tabernaculi, quæ erant cortinæ, & saga cilicina, & pelles arietum, & iacynthinæ: Exod. vigesimo sexto. Item dato quod non eleuaretur semper tantum flamma, ut cremare posset operimenta, saltem fumus grossus inde confurgens inficeret totam pulchritudinem tabernaculi: quia erat fumus iste crassissimus, & valde contagiosus, cum esset de adipibus, & carnibus combustis. Nullo modo ergo intra tabernaculum esse debuit, sed in atrio eius foris circa ostium tabernaculi ad latus Aquilonare eius: Leuit. primo. Erat autem ignis perpetuus in isto altari. Nam sacerdos teneba-

tur semper nutrire illum, subiiciendo ligna per singulos dies: Leuit. sexto, & ibi fiebant omnia sacrificia, siue necessaria, siue spontanea. In templo Salomonis idem modus erat: nam erat altare holocaustorum æneum, in quo fiebant sacrificia. Erat tamen differentia, quia altare, quod erat in sanctuario Moysi erat de lignis setim, & opertum laminis æneis. Exod. vigesimo septimo. Altare autem quod erat in templo Salomonis erat totum æneum, tertio Regum septimo, & infra quarto. Ratio differentie est, quia altare Moysi erat portatile, scilicet mouendum erat de loco ad locum, & si esset totum æneum non esset portatile in tanta magnitudine, factum fuit ergo de lignis setim, & opertum fuit laminis æneis, & sic portatile erat. Altare autem templi Salomonis, non erat mouendum de loco ad locum, ideo licet esset magnum, & totum æneum nihil impediēbat. Secundum erat quia altare Moysi erat longitudine quinque cubitorum, & totidem latitudine, & trium altitudine. Altare autem Salomonis fuit longitudine viginti cubitorum, in latitudine totidem, & altitudine decem infra quarto. Ratio differentie est, sicut supra. Nam altare Moysi dato quod esset de bulis setim, si esset cubitorum viginti in longitudine, & totidem in latitudine, non esset portatile humeris hominum: imò nec in plastro, nisi quodcumque portandum foret soluerentur compages eius, quod erat inconueniens: ideo debuit esse minoris quantitatē, scilicet quinque cubitorum longitudine, & totidem latitudine: Exod. vigesimo septimo. Istud tamen altare Salomonis fuit etiā in atrio templi, & non in templo, sicut altare Moysi fuit in atrio, & non in tabernaculo. Ratio eadem fuit, scilicet propter immunditiam ministracionis, & propter flammam, & fumum, ne inficeret totam pulchritudinem templi, de quo magis dicitur infra quarto. Sacrificia autem, & omnes ceremoniæ ita fiebant in altari Salomonis sicut in altari Moysi.

De ceremonijs, quæ fiebant in altari æneo.
Quæst. XIII.

QVAERITVR ulterius, circa ceremonias, quæ fiebant in altari isto æneo. Dicendum, quod cremabantur ibi ea, quæ offerebantur, vel partes eorum. Oblaciones autem erant duplices, scilicet quædam de animalibus: & alia de farina commixta aliis rebus. Nam Deus volebat dare pauperibus, & diuitibus facultatem offerendi, & quia pauperes non poterant offerre animalia propter magnitudinem valoris: dabant res parui valoris, de quibus possent offerre, scilicet quod posset fieri oblatio de farina. Et erant quatuor modi oblationis de farina vel pane. Primus erat, quod offerretur farina, & conspergeretur oleo: & tamen non coqueretur, & sic conspersa offerebatur sacerdoti, qui tollebat pugillum de ea, & totum thus quod cum ea offerebatur, & ponebat in altari ad cremandum. Reliquum autem cedebat in ius sacerdotum, ad hoc, quod ipsi comederent illud. Secundus modus erat, quod offerrentur panes cocti de simila, & tunc erant panes azimi. Nam nunquam fermentum offerendum erat Deo. Et cum istis panibus offerebantur simul lagana oleo, liba: & panes azimi, qui offerebantur debebant conspergi etiam oleo, scilicet quod farina, ex qua formabantur, commisceretur oleo. Tertius modus erat, quod offerretur sacrificium coctum in sartagine, & ibi ingebatur, et tunc simila ponebatur in sartagine, et ingebatur in oleo, et postea diuidebatur minutum, et rur-

Quædam oblationes erant de animalibus.

Quatuor modi oblationes.

lus fundebatur super eam oleum, et sic offerebatur. Quartus modus erat, quod offerretur sacrificium factum in craticula. Et tunc simila coquebatur, vel assabatur in craticula, quæ conspersa erat oleo, & tradabatur sacerdoti. In omnibus istis quatuor modis oblationis accipiebat sacerdos id, quod offerebatur, & vnum pugillum de illo, siue modicum ponebat in altari, vt cremaretur. Reliquum autem cedebat in usus sacerdotum. De istis oblationibus Leuit. secundo. Quod autem cederent sacerdotibus, & æqualiter, patet Leuit. sexto. Erat autem generale in istis oblationibus, & quibuscunque aliis, quod nunquam in eis poneretur fermentum, nec mel: quia Deus ista abhorrebat: & erat generale, quod in quacunque oblatione poni deberet sal: Leuit. secundo. Alia erant sacrificia de carnibus, & ista erant triplicia, scilicet holocausta, hostiæ pacificæ, & victimæ pro peccato: holocausta dicuntur, quia tota cremabantur. Cæremonia autem erat hæc, quia quando quis veller animal offerre in holocaustum, introducebat illud in atrium tabernaculi iuxta altare ad ostium tabernaculi, & ibi illud præsentabat sacerdotibus, & vnus eorum imponebat manus capiti animalis, si esset quadrupes, & accipiebat illud de manu offerentis: & tunc sacerdos iugulabat animal illud. Nam non licebat hoc laicis, nec etiam Leuitis, sed solis sacerdotibus: & si quis usurpare veller aliquam de istis cæremoniis sacrificiorum, quæ infra ponentur, occidendus erat. Numeri tertio, & decimo octauo. Sanguis autem animalis suscipiebatur in quibusdam vasis æneis, quæ vocabantur crateræ, ne fluere in terram, quando iugulabatur, & illum sanguinem offerebant sacerdotes alij astantes sacerdoti, qui iugulauerat animal: & ille fundebat sanguinem per circuitum altaris ad basim eius: & tunc ipsemet sacerdos, adiuantibus eum alii sacerdotibus, decoriabat animal, & aperiebat, & euacuabat simum de intestinis, lauabatque ipsa intestina, & direbat totum animal in frusta, nihilque de illo auferrebat, nisi cornua, vngues, & pellis, & simus: quia totæ carnes cum adipibus & intestinis omnibus laponendo prius ligna: & sic erat istud sacrificium holocaustum, id est totum incensum: Leuitic. primo. Sola autem pellis animalis proueniebat sacerdoti offerenti, siue facienti cæremonias istas: vt patet Leuit. sexto. Offerebantur autem in sacrificio holocausto interdum volucres, & interdum quadrupedia, & aliquantulum variabantur cæremoniæ in illis: sicut patet Leuit. primo. Ista erat cæremonia holocausti. Considerandum autem vnum generale circa omnia sacrificia, scilicet quod solum fiebant sacrificia de quinque speciebus animalium, scilicet de tribus quadrupedibus, & de duabus volucibus. Quadrupedes erant boves, oves, capræ. Volucres erant columbæ, & turturæ, vt colligitur ex toto processu Leuitici. Et non recedimus in toto veteri testamento post datam legem Moyli, quod alia animalia offerrentur. Et ad signandum hoc Deus iussit Abraham, quando pepigit cum eo fœdus de dando sibi terram Chanaan, offerre omnia ista genera animalium: Gen. decimo quinto. Innuens, quod posteritas tua, quæ possessura erat terram Chanaan, super qua nunc fiebat fœdus, viuere deberet in sacrificiis, quæ fierent solum de istis animalibus. Antequam tamen datam fiebat oblatio de multis aliis speciebus animalium. Nam de omnibus animalibus sic patet de Noe exeunte de arca post diluuium: nam obtulit sacrificium Deo de omnibus animalibus mundis: Gen. octauo. Et vocabantur animalia munda-

A omnia ista, de quibus homines comedebant, vt colligitur Gen. 7. & 8. Aliud erat sacrificium pacificum: & vocatur pacifica a pace vel a pacificando: & ista sunt duplicia, scilicet quædam sunt votiuæ, alia ad gratiarum actiones. Votiuæ vocantur illa, quæ ad obtinendum aliquid dantur. Ad gratiarum actiones dicuntur illa, quæ dantur pro suscepto beneficio: ista distinctio ponitur Leuit. septimo. Et causa nominis est: quia cum Deus sit causa prima omnium agens per intellectum, & voluntatem, & disponit omnia, nihil bonum possumus adipisci, nisi illo decernente. Nihil etiam penale nobis euenit, nisi Deo interrente. Amos tertio, scilicet. Nō est malum in ciuitate quod Dominus non fecerit. Et sic nullus poterit bonum aliquod obtinere, nisi Deo volente. Ideo quando aliquod bonum obtinemus, videtur nobis Deus pacificatus, quia illud nobis conferre voluit. Et ob hoc cum volumus aliquid obtinere, desideramus nobis Deum placatum esse, vt concedat quod petimus: & sic sacrificium pacificum votiuum offerimus. Si autem aliquid iam obtinuimus, fuit nobis Deus placatus, quia alias non potuissimus obtinere: & pro illa placatione pacificum sacrificium offerimus, & vocatur ad gratiarum actiones, quia gratias facimus pro suscepto beneficio. Istud sacrificium potest fieri de omnibus generibus quadrupedum, de quibus fit holocaustum, scilicet de bobus, ouibus, & capris. De volatilibus autem non fit hostia pacifica, sed solum holocaustum: Leuit. primo. Et hostia pro peccato: Leuit. 4. & 12. Non autem fit hostia pacifica. Et causa huius est, quia hostia pacifica erat diuidenda in multas partes, quarum quædam proueniebāt Deo, quædam offerenti, quædam sacerdoti: vt colligitur Leuit. 3. & 7. Aues tñ non diuidebantur, & sic iussit Deus Abraham quando obtulit sacrificium, cum fieret fœdus, quod diuideret quadrupedes, & non volucres: Gen. 15. Cæremonia hostiæ pacificæ quantum ad multa cōsonat cum holocausto, & in aliis differt. Nam volens offerre hostiam pacificā, ducebat animal ad atrium tabernaculi coram altari ad ostium tabernaculi, & offerebat illud sacerdotibus: ipse autem sacerdos ponebat manum super caput animalis, accipiebatque illud de manu offerentis, & ipse iugulabat animal apud altare, suscipiebaturque sanguis in crateris, & fundebat sacerdos in circuitu altaris ad basim, & decoriabat animal, accipiebatque adipem totum, qui erat in interioribus animalis, & super renunculos, cremabatque illum in altari, carnes autem manebant: Leuitic. tertio. Et ipse carnes diuidebantur, quia sacerdos, qui faciebat cæremonias istas sacrificij, accipiebat pectusculum, et armum dextrum. Reliquæ autem carnes offerenti proueniebāt Leuit. septimo. Iste erat ritus hostiæ pacificæ. Considerandum vnum generale, quod fiebat in omnibus holocaustis, & hostiis pacificis. Nam cum carnibus animalium offerebantur libamenta: cum carnibus autem sacrificij pro peccato non offerebantur: vt patet Num. decimo quinto. Erant autem libamenta quidam apparatus siue accessoria ad carnes sacrificiorum: & erant quinque, scilicet simila, vinum, oleum, sal, & thus: Num. decimo quinto, et Leuiti. secundo. Erat autem differentia inter ista, quia simila, vinum, et oleum ponebantur secundum certam mensuram, et considerabatur mensura secundum magnitudinem animalis, quod offerebatur, scilicet plus cum boue, quam cum arietem, et plus cum illo, quam cum agno anniculo, vt patet Num. decimo quinto. Sal vero non ponebatur secundum certam mensuram, sed quantum putaret offerens sufficere ad condiendum cibum. Thus etiam non ponebatur in certa mensura,

Vnde dicitur sacrificium pacificum, & sunt duplicia.

Cæremonia hostiæ pacificæ.

ra, sed quantum plus vellet offerens dare, quia totum thus cremabatur in altari, siue paucum, siue multum esset: quod non fiebat de aliis libamentis, quia quædā pars eorum dabatur sacerdotibus: Leuit. secundo, et sexto. In hostiis autem pacificis præter libamenta communia, quæ ponuntur Num. decimo quinto, ponebantur multa genera panum, scilicet azymorum, & aliorum non azymorum: & laganorum oleo litorum, & frixæ similæ: de quibus patet Leui. septimo. Et ob hoc communiter, quando in aliquo loco iubetur sacrificia fieri: vel refertur, quod facta fuerunt, dicitur cum libamentis suis, & non determinatur, quæ sunt illa libamenta: eo quod præsupponitur, quæ sunt libamenta conuenientia cuilibet sacrificio cognita essent: cum lex posuerit regulam de hoc Num. decimo quinto. Aliud est sacrificium pro peccato, & istud est vltimum genus sacrificiorum. Et istud habet plures varietates in caeremoniis quàm holocaustum, & hostia pacifica. Circa quod considerandum breuiter, quod sacrificiū pro peccato non offerebatur pro quolibet peccato, sed solum pro quibusdam determinatis. Nam non est intelligendum, quod quocūque quis peccaret, & vellet offerre sacrificiū pro remissione peccati, quod offerendo sacrificia remitteretur peccatum, quia in peccato considerabatur culpa, & pœna. De culpa dicendum, quod non remittebatur per sacrificium, nec per aliqua opera caeremonialia veteris testamenti, nec etiam noui, sed solum per contritionem, sicut dixit Ezechiel, quod quocūque hora peccator ingemisceret, Deus non recordaretur peccati eius. Si autem Consideretur quantum ad pœnam, Dicendum, quod adhuc sacrificia veteris testamenti non habebant efficaciam aliquam ad remissionem, sed solum fiebat remissio ex deuotione offerentis sacrificia: & ista est communis differentia, quæ ponitur inter caeremonias veteris, & sacramenta noui testamenti. Nam sacramenta noui testamenti seipsis sunt promeritoria ad remissionem pœnæ in illis, qui non ponant obicem. Sacramenta autem, vel caeremoniæ veteres non proficiebant ad remissionem pœnæ, nisi quis deuotè ageret. Et iam ex deuotione meritum erat, & non ex sacrificiis: quādo tamen fiebant deuotè aliquid de remissione pœnæ promerebantur, sicut colligitur primo Regum tertio: cum dixit Deus contra Heli summum sacerdotem, & filios eius: Idcirco iurauit Heli, & domui eius, quod non expiatur iniquitas domus eius victimis & muneribus vsque in æternum. Cum ergo Deus dixerit de ista iniquitate, quod non poterat expiari victimis, & muneribus, videtur, quod aliqua erat iniquitas, quæ posset expiari muneribus, & victimis, alioquin superuacuum esset talia dici. Sed sacrificia pro peccato erant instituta secundum legem pro certis peccatis, & non proficiebant directè ad tollendum aliquid de pœna, vel culpa: sed solum ad obediendum legi, & exequendum eam. Nam si non offeretur sacrificium pro illo peccato, Deus infligeret pœnam peccanti. Et tamen si offeretur sacrificium non merebatur inde aliquid offerens. Et sic verè lex vetus erat onus, quia magis erat onerosa, & obligatiua quàm utilis. Sic dixit Beatus Petrus Act. decimo quinto, loquens de caeremoniis veteris testamenti, scilicet: Hoc est onus, quod nec nos, nec patres nostri ferre potuimus. Utilitas autem huius legis erat per quandam subiectionem domare colla indomitum virorum: vt assuefierent ad legem perfectæ libertatis, quando postea daretur. Stante hoc, considerandum vltèrius, quod istud sacrificium erat duplex, quoddam vocabatur pro peccato, & aliud pro delicto; & ista differunt, quia delictū, & peccatum differunt. Vocatur peccatum in cōmis-

sione alicuius mali. Vocatur delictum in omissione alicuius boni necessari: vtpote si lex iubebat, quod tali tempore aliquid offerret, & illud non offerret, erat delictum: quia omisio erat. Et sic de similibus. Si lex autem iuberet, quod non comederet carnes suillas, & comederet eas quis erat, peccatum: quia erat ibi commissio. Pro vtroque istorum erat offerendum sacrificium. Sciendum tamen quod non pro omnibus omissionibus: nec pro omnibus commissionibus erat offerendum sacrificium, sed præcipuè pro caeremonialibus. Et in iis, quæ erant per ignorantiam. Pro quo intelligendum, quod quædā erant peccata, vel delicta contra præcepta caeremonialia, & alia erant contra iudicialia, & alia contra moralia, ista peccata distinguuntur inter se sicut distinguuntur præcepta moralia, caeremonialia, & iudicialia. Si autem quis peccaret, vel omitteret contra caeremonialia, aut faciebat scienter per superbiam contemnendo legem, vel non aspiciendo, vel non intelligendo. Si sciendo & per superbiam, non erat offerendum aliquod sacrificium pro tali peccato: sic dicitur Num. decimo quinto, postquam ponuntur sacrificia pro peccatis per ignorantiam, quod anima quæ per superbiam peccauerit, peribit de populo suo, quasi dicat non fiet pro illa aliquod sacrificium sed peribit de populo. Nam si publicè in contemptum legis aliquid faciebat, lapidanda erat. Si autem occultè, Deus eam deleteret de populo infligendo ei pœnas nisi reipisceret. Et tamen siue publicè, siue occultè peccatum committeret, non erat pro eo sacrificium faciendum, sed sola contritio liberaret peccantem à culpa, & fortè a pœna. Si autem mittebatur peccatū per ignorantiam, scilicet non aduertendo ad id, quod fiebat, vel si nesciebatur, quod esset peccatum, siue esset peccatū in committendo, siue delictum omittendo: offerebatur sacrificium siue pro delicto, siue pro peccato. Si autem essent peccata contra præcepta iudicialia, scilicet per quæ diriguntur in communicando proximis a principio, aut peccatum mittebatur voluntariè, aut non, si voluntariè quis laderet proximum, sed iudicialiter tunc offerre aliquid sacrificium, sed iudicialiter puniendus erat peccans. Si tamen peccatum a principio commissum erat inuoluntariè, postea veniebat alicui satisfaciendum, & dolebat de illo: tunc erat sacrificium offerendum, & alia satisfactiones faciendæ: vt infra declarabitur. Et pater hoc in casibus, qui habentur Leuit. quinto, & Num. quinto. Si autem essent præcepta moralia, scilicet præcepta decalogi, & similia, aut pertinent ad Deum, aut ad proximum. Si ad proximum, dicendum est sicut in præceptis iudicialibus, quia vtraque dirigunt hominem ad proximum. Si autem sunt pertinentia ad Deum, sicut præcepta primæ tabulæ: Dicendum, quod siue quis per superbiam scienter, siue per ignorantiam committeret contra illa, non erat offerendum sacrificium ad expiationem, sed iola cordis contritio tollebat peccatū. Et patet hoc. In cultu idolorum, si quis coluisset idola, vel blasphemasset nomen Domini: nam si publicè aliquid istorum ageret, lapidandus erat. De idolatria pater, Deu. 17. De blasphemia pater Leui. 24. Si autem occultè ageret, Deus puniret delinquentem vel tolleretur sacrificium aliquod: quia lex sed non erat offerendum sacrificium aliquod: quia lex in tali casu non disposuerat aliqua sacrificia fieri. Considerandum autem, quod cū circa aliquas caeremonias per ignorantiam aliqui peccauissent, consideranda erat differentia personarum, & secundū hoc erat varius modus sacrificiorum. Nam aut peccabat summus sacerdos, aut totus populus, aut princeps terræ, aut aliqua alia persona priuata. Si peccasset summus sacerdos per ignorantiam, offerre debebat vñ vitulum, & ipse portabat illum

illum in atrium tabernaculi coram altari holocausto-
rum, & ipsemet sacerdos ibi iugulabat eum, & acci-
piebat de sanguine eius in vase aliquo, & introibat in
tabernaculum, aspergebatque septies de sanguine illo
contra velum Sancti Sanctorum, non introendo in
Sancta Sanctorum. Tingeat etiam cornua altaris
thymiamatum sanguine illo. Reliquum autem san-
guinem, qui residuus erat, fundebat ad basim altaris
holocaustorum: aperiebat quoque vitulum, & adi-
pem, & pinguedinem totam operientem renes, & vi-
talia educens ponebat in altari ad cremandum. Car-
nes autem animalis cum pelle, cornibus, & fimo cre-
mabantur extra locum sanctuarii in loco immundo,
ubi cineres effundebantur: Leuit. quarto. Si autem
peccaret totus populus per ignorantiam alicuius cæ-
rimonie, & postea cognosceret peccatum suum, ut
potè quod violauerat aliquam obseruationem cære-
monialem, offerre debebant vitulum, & ducebatur ad
hostium tabernaculi. Tunc seniores populi ponebant
manus super caput eius, & accipiebat illum sacerdos
magnus de manu eorum, & occidebat apud altare
holocaustorum inferens de sanguine eius in taberna-
culum aspergebat septies contra velum, & tingeat
cornua altaris thymiamatum, & deinde fiebat totum
quod in oblatione pro peccato summi sacerdotis. Si
autem peccaret per ignorantiam princeps terræ, co-
gnosceretque postea peccatum suum, offerebat hir-
cum coram altari holocaustorum, qui sacerdos quem
eius suscipiens occidebat, & tingeat de sanguine
quatuor cornua altaris holocaustorum, & reli-
quum fundebat ad basim: adipem autem, & totam pin-
guedinem operientem vitalia tollebat sacerdos cre-
mabatque in altari. Ipse autem carnes omnes proue-
niebant sacerdoti: Leuit. 6. Si autem peccaret per
ignorantiam in cæremonialibus aliqua alia persona
priuata, offerebat capram, & fiebant in illa omnes cæ-
rimonie, quæ fiebant in hirco, quem offerebat prin-
ceps pro peccato. De ijs omnibus Leuit. quarto. Ista
omnia erant circa peccata, quæ accidunt in cæremo-
nialibus. Circa peccata, quæ fiunt in proximum læ-
dentes. Et tamen sciendum, quod si quis sponte
peccaret contra proximum, tunc non poterat expiari
peccatum eius victimis, sed postea cum doleret de
peccato, & vellet satisfacere, recipiebatur sacrificium.
Considerandum tamen, quod aut quis peccabat con-
tra proximum manifestè: ita ut testibus vinci posset,
& tunc puniebatur iudicialiter, si læsus volebat accusa-
re, & condemnare: fiebat enim per leges forales, quæ
habentur Exod. vigesimo primo, & vigesimo secun-
do, & vigesimo tertio. Et in alijs locis, & tunc nullum
sacrificium recipiebatur. Si autem peccatum abscon-
ditum esset, vel non posset illud læsus probare, tunc
habebat locum sacrificium, scilicet, quod quando do-
leret quis, quod offendisset proximum, debebat ei, vel
heredibus suis soluere totum in quo læserat, & insu-
per quintam partem, & offerebat domino arietem.
Etiam si quis inuenit rem proximi, & non restituit, &
post aliquantum tempus dolens de peccato suo vole-
bat satisfacere, tenebatur dare, quod inuenit, & insuper
quintam partem, & offerebat domino arietem pro
peccato. Et si non esset aliqui, qui reciperent illam
satisfactionem, applicabatur sanctuario, & pertinebat
sacerdotibus: Numeri quinto. Multi de ijs casibus
ponuntur Leuit. quinto, & Numeri quinto. Si autem
pro delicto offerebatur sacrificiū, eadem lex erat, quæ
de hostia pro peccato, scilicet, quod vtraque pertine-
bat ad sacerdotem, qui eam offerebat, Leuit. sexto.
Solum differebat in vno, scilicet, quod hostia pro pec-
cato, quando non cremabatur extra castra, tota perti-
nebat ad sacerdotes præter adipem. Hostia autem pro
delicto tota pertinebat ad sacerdotem præter adipem,
& caudam: Leuit. 6. Omnia autem ista genera sacri-
ficiorum pertinebant ad altare holocaustorum. Aliud
erat sacrificium, quod non erat in aliquo istorum
trium generum, & non immolabatur in sanctuario,
nec aliquo modo pertinebat ad altare holocaustorum,
scilicet, quod vitula ruffa cremaretur ad faciendum in-
de cineres pro aqua lustrationis. Nam cremabatur
extra castra in loco immundo, & non adducebatur in
sanctuarium ad occidendum, nec ad effundendum,
aut aspergendum sanguinem eius: sed solum sacer-
dos, qui vitulam iugulabat in campo manens ibi asper-
gebat de sanguine eius contra locum, in quo erat por-
ta tabernaculi. Cæremoniæ autem cremationis vitu-
læ ruffæ, & aquarum lustrationis habentur Numeri
decimo nono capitulo. Ista sunt, quæ pertinent ad
ritum sacrificiorum, de quibus habetur Leuit. cap. 1.
vsque ad nonum, & in alijs locis.

De cæremonijs, quæ fiebant in altari.
Quasi XIIII.

QVÆRITVR vltèrius, cum sciatur de gene-
ribus sacrificiorum, quæ offerebantur in altari
holocaustorum, quæ erant cæremoniæ, quæ fiebant
ibi, vel pro qua re offerebantur sacrificia, vel quando.
Respondendum est, quod sacrificiorum quædam erant
necessaria, quædam purè spontanea. Vocantur purè
spontanea, quæ nullo vinculo obligationis offerre-
quis tenebatur, scilicet, nec lege iubente, nec interci-
dente voto. Et ista erant sacrificia, quæ fiebant ex so-
la deuotione ad Dei laudem, vel ad obtinendum ali-
quid, quod petimus, vel ad reddendum gratias pro
receptis bonis. Et ista poterant esse holocausta, vel
pacificæ hostiæ, vel pro peccato. Raro tamen offere-
bantur hostiæ pro peccato, nisi ex necessitate legis,
cum quis obligabatur pro aliquo peccato, vel delicto
speciali: poterat tamen interdum offerri ad solenni-
tatem oblationis, scilicet, ut offerens de omni genere
sacrificiorum daret. Sicut fuit de principibus duode-
cim tribuum, qui in dedicatione tabernaculi Moyfi
obtulerunt Moyfi solenniter vasa aurea, & argentea,
& animalia, & quilibet illorum obtulit aliqua anima-
lia pro peccato, ut patet ex Numeri septimo. Et ta-
men non erat illa oblatio pro aliquo peccato speciali,
quia si inquirantur omnes leges de oblatione pro pec-
cato, Leuit. quarto, & quinto, & sexto, & Numeri
quinto, & in alijs locis, non reperietur aliqua, quæ iu-
beat talia, & tot animalia immolari, quæ, & quot ipsi
tunc obtulerunt. Sed obtulerunt sacrificia pro pecca-
to ad solennitatem oblationis, siue esset aliquod ge-
nus sacrificij, de quo aliquod non obtulissent. Ista
autem sacrificia quæcunque essent, cum spontanea
essent, non habebant aliquid determinatum. Sed
poterat quilibet offerre quocunque die vellet. Obli-
gabantur tamen omnes, qui offerre vellet, offerre
animalia sacerdotibus ad ostium tabernaculi. Nam
siquis in alio loco offerret sacrificium aliquod, erat
reus, sicut si humanum sanguinem effudisset: Leuit.
decimo septimo, & Deutero. duodecimo. De istis
autem sacrificijs multa fiebant quotidie ex deuotio-
ne populi. Et potissimè in solennitatibus quando
multi ad templum confluxerant. Sciendum tamen,
quod in omnibus sacrificijs considerabatur de anima-
libus, quod essent munda, scilicet secundum speciem, quæ in sa-
crificijs of-
ferenda
erant.

D decla-

declaratum est. Etiam quod animalia essent munda, scilicet non habentia morbum aliquem, vel fedicitatem: etiam quod essent immaculata, id est integra non diminuta in aliquo membro, vel malo se habentia. Nam si aliquod animal esset claudum, vel cecum, vel haberet caudam amputatam, vel aures, vel haberet testiculos abscisos, aut fractos, vel quamlibet aliam mutilationem haberet, non licebat illud offerre domino: maximè in sacrificijs necessarijs. De ijs patet Levit. 22. Et si aliquando offerretur, Deus irascebatur super hoc tanquam contemneretur, ut patet Malach. primo, scilicet. Si offeratis cecum, aut languidum, nonne malum est? offer illud duci tuo, si placuerit ei, aut si acceperit faciem tuam. Quasi dicat, non placebit, nec acceptabit faciem tuam: ita nec ego faciam. De istis autem sacrificijs spontaneis sacerdotes recipiebant iura sua, nec erat differentia quantum ad hoc, an essent sacrificia spontanea, vel necessaria: quia æqualiter sacerdotibus iura proueniebant de vtriusque, sed solum respiciebatur, an essent holocausta, vel pacifica, vel pro peccato. Nam si aliquod esset sacrificium holocausti, siue esset necessarium, siue spontaneum, non proueniebat sacerdotibus nisi pellis Levit. 6. Et sic erat de hostijs pacificis, & pro peccato. Si autem erant sacrificia necessaria, erant duplicia, scilicet, quædam ordinaria, & alia accidentalia: ordinaria erant illa, quæ determinatis temporibus, scilicet certis mensibus, vel diebus offerenda erant: accidentalia erant, quæ licet essent necessaria, non determinabant sibi certum diem. Ista autem accidentalia adhuc erant duplicia, quia quædam erant omnino necessaria, ita quod nullo modo dependebant a voluntate, sicut sacrificia, quæ fiebant pro purificationibus, & similia. Alia erant, quæ dependebant aliquo modo ex voluntate, sicut sacrificia per votum emissa. Nam ista a principio fuerunt spontanea, facta autem promissione fuerunt necessaria. Et de istis votiujs dicendum, quod siue holocausta, siue pacifica, siue pro peccato essent, offerenda erant tempore suo, si votum limitauit tempus. Si autem non limitauit, offerenda erant quam citius occurreret alicui opportunitas: quia qui tardabat reddere, peccabat, ut patet Deutero. 23. Si autem essent necessaria non pendentia ex voluntate, erant multiplicita: nam quædam erant, quæ imponebantur a lege in poenam pro peccatis, siue contra proximum, siue contra Deum. Et erant varia sacrificia secundum varietatem personarum peccantium, & peccatorum, ut declaratum est præcedenti questione, & habetur Levit. quarto, & quinto, & Numeri quinto. Alia erant sacrificia ad inuestigandum peccatum, sicut erat illa oblatio, quæ vocatur oblatio inuestigans zelotypiam, Numeri quinto. Alia erant sacrificia non pro peccato, sed ad purificationem aliquarum immunditiarum legalium. Et sic si quis tangeret immunditiam hominis, scilicet stercus, aut aliquam immunditiam, offerebat sacrificium: ut patet Levit. quinto, licet de hoc opinio est: ut ibi declaratum est. Etiam quando mulier pareret masculum, vel foeminam: expletis quadraginta diebus pro masculo, & octoginta pro foemina, offerebat mulier sacrificium, scilicet agnum anniculum, vel par turturum. Levit. 12. Etiam si quis incideret in lepram, & postea purificaretur, offerre debebat sacrificium: Levit. 14. Etiam si quis pateretur fluxum seminis, & post tempus cessaret, vel mulier pateretur fluxum sanguinis extra tempora menstruorum, & cessaret, offerre debebat: Levit. 15. Item pro consecratione summi sacerdotis, & sacerdotum minorum offerebantur sacrificia: Exod. 29. & Levit. 8. Et in consecratione Leuitarum etiam offerebantur sacrificia: Numeri 8. In multis alijs offerebantur sacrificia ne-

cessaria, & tamen erant accidentalia, quia non determinabant prius. Si autem essent sacrificia ordinaria. Dicendum, quod quædam erant ordinaria alias quotidiana, & alia non. Quotidiana autem erant duo, scilicet duo holocausta, quæ offerebantur quotidie: vñ in mane, & aliud in vespere. Istud autem vocabatur sacrificium iuge, quia iugiter fiebat. Cæremonia autem istorum sacrificiorum erat, quod sacerdotes debebant habere de redditibus sanctuarij pro quolibet duos agnos anniculos, id est, quod essent minores vno anno, & poterant esse octo diebus, & supra Levit. vigesimo secundo, & vnum istorum offerebant in holocaustum in ortu solis, & alterum in occasu. Modus autem pro holocausto matutino erat, quod consumato sacrificio vespertino, quod durauerat tota nocte usque ad auroram, sacerdos tollebat de altari omnia ligna, & ignem, & cinerem. Et cum abstulisset ignem, & cinerem mundabat totum altare, ut nihil inde de cinere maneret. Ista autem ligna, & carbones ignitos reducebat ad altare: cineres autem portabat extra sanctuarium in lebeta extra castra ad locum mundum, & ibi cremabat illos, quousque reducerentur in fauillam. Et cum tollebat sacerdos ligna, & cineres de altari, erat indutus veste sacerdotali: cum autem efferebat eos de sanctuario exuebat vestes sacerdotales, ut non iret extra sanctuarium in veste sacerdotali, & cum rediret sacerdos, ponebat ligna de nouo super altare, ita ut perpetuaretur ibi ignis, & immolabatur tunc vnum agnum anniculum in holocaustum, quia in autem istud vocabatur holocaustum matutinum, quia in aurora offerebatur. Ante enim illud nullum offerebatur, sed post illud omnia, quæcunque offerenda erant, illa die, siue essent sacrificia necessaria, siue spontanea, & durabat oblatio sacrificiorum usque ad Meridiem. De ijs Levit. sexto. Holocaustum autem vespertinum immolabatur ad occasum solis, & cremabatur tota nocte, scilicet durabat in cremari usque ad auroram. Nam licet esset agnus anniculus, qui cito cremari posset, diuidebat eum sacerdos in frusta, & ponebat frustatum super prunas, & sic paulisper cremabatur per totam noctem usque ad auroram. Et tunc iterum sacerdos mundabat altare cinere, sicut supra dictum est, & inchoabat holocaustum matutinum. De ijs Levit. sexto. Scilicet, Hæc est lex holocaustis cremabitur in altari tota nocte usque mane. Alia erant sacrificia non quotidiana, & tamen ordinaria, & ista erant duplicia, quia quædam replicabantur sæpe in anno, & alia semel tantum fiebant. Illa, quæ replicabantur erant duplicia, scilicet quædam qualibet hebdomada, & quædam quolibet mense. Prima erant sacrificia Sabbathorum. Pro quo sciendum, quod tam in Sabbathis duplicabantur sacrificia, quam in diebus profestis. Nam quotidie offerebantur duo agni anniculi pro holocausto matutino, & vespertino. In Sabbathis autem offerebantur quatuor agni anniculi, scilicet duo pro holocausto iugi. Et duo pro solennitate Sabbathi: Numeri decimo octauo. Alia replicabantur semel in mense, scilicet prima die mensis, & ista erant sacrificia Kalendarum, vel Neomeniarum: Numeri vigesimo octauo. Et tunc offerebant sacrificium iuge, quod nunquam omitebatur. Et si attenderet, quod illa die esset Sabbathum, offerebantur sacrificia Sabbathi, quæ erant duplicata, & postea pro Kalendis offerebantur vituli duo, aries vnus, & agni anniculi septem cum libamentis suis. Alia erant sacrificia, quæ non replicabantur in anno, & erant sacrificia quinque festiuitatum, scilicet Pentecostes, dies Clangoris, dies Propiciationis, festum Tabernaculorum. Festum Phase erat die quartodecimo mensis primi ad vespërâ, & fiebant multe cæremoniae quædam

quædam illarum pertinebant ad sacerdotes, & quædam ad totum populum. Immolatio enim Phæse pertinebat ad totum populum: nam in qualibet domo, ubi essent personæ sufficientes ad comedendum agnum anniculum, debebat immolari ad vesperam, & illa nocte comedi cum lactucis agrestibus, & alijs multis cæremonijs, quæ habentur Exod. 12. & Numeri 9. Sciendum tamen, quod Phæse non poterat ab Israelitis celebrari nisi in loco sanctuarij, & ob hoc obligabantur omnes cæremoniæ ad sanctuarium illa die, & ibi ad vesperam immolabatur agnus: Deuter. 16. Et hoc erat, quia iste agnus paschalis erat sacrificium domini: Numeri 9. Et vocatur victima solennitatis: Exod. 34. Sacrificia tamen non erant offerenda, nisi in sanctuario: Leuit. 17. & Deutero. 12. In sanctuario autem immolabantur omnes agni anniculi, quos occidebant Israelitæ venientes ad solennitatem, & adipēs eorum cremabantur in altari, vt colligitur Exod. trigésimo quarto, carnes autem comedebantur a toto populo. Aliæ cæremoniæ, quæ fiebant a toto populo in eadem festiuitate, scilicet, quod per septem dies sequentes comedebant azymos panes, & non licebat alicui tenere in domo panes fermentatos: Exod. duodecimo. Cæremoniæ aliæ fiebant a sacerdotibus in festiuitate ista. Et iste erant duplices, quædam erant in immolatione sacrificiorum, & aliæ in oblatione primitiarum. De primitijs dicendum, quod secunda die azymorum quæ erat decimasexta mensis primi, metebatur vnus manipulus de spicis hordeacis adhuc virentibus, & offerebatur coram domino: Leuit. 23. ante illum diem non licebat alicui mittere falcem in segetem: nec facere panes ex illa, nec pultes, nec polenta. Ex illa autem die licebat metere volentibus metere, eodem campulo. Iste manipulus torrebatur: quia spicæ erant adhuc virentes, & cremabantur squamæ granorum, manebantque munda ipsa grana, & illa sic indurata igne conterebantur in modum farris, & fiebat inde quedam farina grossa, super quam fundebatur oleum, & ponebatur thus, & pugillum vnum illius ponebat sacerdos in altari ad cremandum, & totum thus, reliquum perueniebat sacerdoti: Leuit. secundo. Aliæ erant cæremoniæ sacrificiorum in Phæse. Pro quo sciendum, quod in quolibet die Phæse, & septem sequentium azymorum offerebatur domino sacrificium iuge, & mane, & vespere, & insuper die illa, quæ eueniebat Sabbathum offerebantur sacrificia Sabbathi, & pro solennitate Phæse offerebantur duo vituli, & vnus aries, & septem agni anniculi: Numeri vigésimo octauo. Secundum erat festum Pentecostes, quod etiam vocatur Hebdomadarum, sicut infra de duplices cæremoniæ, quarta primitiarum, & aliæ sacrificiorum. Primitiæ erant in festo isto, quod de qualibet domo Israelitarum offerrentur duo panes triticej domino, continentes duas decimas, eo quod iam cæritico: Leuit. vigésimo tertio. Cæremoniæ sacrificiorum illa die erant, quod offerretur sacrificium iuge primo, quod nunquam omittebatur, deinde si accideret in Sabbatho, quod etiam duplicaretur iuge sacrificium propter Sabbathum, & postea offerebantur sacrificia competentia illi diei, scilicet duo vituli, & vnus aries, & septem agni anniculi: omnes in holocaustum cum libamenti suis, & insuper vnus hircus pro peccato, & iste hircus etiam offerebatur in Kalendis, & in Phæse: licet de hoc supra non dixerimus. Tertium erat festum Clangoris, quod fiebat prima die mensis septimi, & in illo sola sacrificia fiebant, scilicet, primo sacrificium iuge, deinde si accideret in Sabbatho duplicabantur sacrificia propter Sabbathum, & Alph. Tost. super lib. Paralip. Pars 2.

A postea omnia sacrificia competentia diei, Kalendarum, offerebantur etiam die isto, cum semper iste dies esset in Kalendis Septembris: & huiusmodi offerebantur sacrificia competentia huic diei, scilicet vnus vitulus, & vnus aries, septemque agni anniculi in holocaustum, & hircus pro peccato cum libamenti suis: Numeri vigésimo nono. Pro alijs festiuitatibus præcedentibus habetur Numeri 28. Quartum festum erat dies Propitiationis, vel Expiationis: causa nominum infra declarabitur in alia quæstione. Et in hac die fiebant duplices cæremoniæ, scilicet, quædam a toto populo, & quædam a sacerdotibus. A toto populo fiebat ieiunium generale, scilicet, quod illo die affligebant animas suas, nihil comedendo tota die, incipiendo ab occasu solis nonæ diei vsque ad solis occasum decimæ diei, & discalciati die illo incedebant, & nulla delectatione fruebantur, & si quis illa die non se affligeret, peribat de populo Israel: Leuit. 16. & 23. Cæremoniæ pertinentes ad sacerdotes illa die erant duplices, quædam pertinentes ad Expiationis ritum. Et aliæ pertinentes ad solennitatem diei. Primæ istarum erant, quod sacerdos magnus illa die sub necessitate facturus erat cæremoniæ Expiationis, & istud erat specialius quàm in toto anno. Nam nulla die anni obligabatur summus sacerdos facere cæremoniæ nisi illa die: Leuit. 16. & ad Hebræos 9. Ritus autem erat iste, quod summus sacerdos indueretur illa die solum vestibus sacerdotis minoris, scilicet feminalibus lineis, & tunica linea, & cidarim imposeret capiti, & offerret vnum arietem domino in holocaustum: deinde vnum vitulum pro se, & tota domo sua offerret pro peccato specialiter, & in isto vitulo fiebant cæremoniæ, quæ positæ fuerunt præcedenti quæstione, & habetur Leuit. 4. scilicet, quod aspergeretur de sanguine eius septies contra Sancta Sanctorum, & tingerentur cornua altaris thymiamatum, & reliquus sanguis funderetur ad basim altaris. Nunc autem non introibat sacerdos magnus in tabernaculum illico, vt occidisset vitulum, sed occidens eum sanguinem illius, & educens pinguedinem vitalium, & adipēs ad cremandum in altari, carnes cum pelle, cornibus, & fimo cremari faciebat extra castra: deinde tota multitudo Israelitarum, quæ præsens erat offerebat duos hircos, scilicet aliquis de senioribus loco totius multitudinis offerebat illos, & ponebantur duæ sortes super illos, scilicet vna pro domino, & alia pro capro emissario, & cui eueniret sors Domini offerebatur, & ostendebatur pro peccato. Cui autem eueniebat sors capri emissarii, id est, vt esset emissarius, mittebatur in desertum. Prius tamen sacerdos magnus confitebatur super caput eius omnia peccata populi, & tunc erat homo paratus, qui portaret caprum illum in desertum, & videbatur ille caper portare super se omnia peccata populi, quæ sacerdos magnus fuerat ei confessus, & dimittebat homo hircum illum in deserto inter feras, qui nunquam redibat, sed lacerabatur a feris, & sic putabant Israelitæ deleta esse peccata sua. Vocatur autem iste caper emissarius, quia mittebatur in desertum: quo emissio per hominem ad hoc paratum, faciebat quod supra enarrauimus, scilicet occidebat vitulum pro peccato suo, & domus suæ, & hircum pro peccato totius populi, & de sanguine illorum inferebat in tabernaculum, introibatque illa die solum in Sancta Sanctorum, & quando intrabat ferebat in vna manu crateram plenam sanguine hirci, & vituli, quos immolabat, & in alia ferebat vnum thuribulum plenum prunis, & thymiamate multo, vt vapor crassus inde exhalans operiret totam domum Sancti Sanctorum, & non posset videre sacerdos magnus gloriam Dei latentem super propitiatorium.

inter alas Cherubim, ubi audiebatur vox loquentis, & aspergebat tunc sacerdos de sanguine illo septies contra propitiatorium, & orabat ibi, quærebatque aliquid à Deo super statu, vel peccatis populi, & respondetur ei, & ob hoc iubeat Deus, quod quando introiret summus sacerdos in Sancta Sanctorum, nullus hominum esset in tabernaculo exteriori, ne audiret Deum loquentem cum sacerdote magno intra Sancta Sanctorum. Expletis his egrediebatur sacerdos de Sancta Sanctorum ad partem exterioriorem tabernaculi, ubi erat altare thymiamatum, & tingeat cornua illius sanguine hirci, & vituli, quem ferebat in cratera, & sic egrediebatur de tabernaculo ad atrium, ubi erat altare holocaustorum, & tunc tollebat de vitulo, quem pro peccato suo, & domus suæ immolauerat adipem, & totam pinguedinem vitalium ad cremandum in altari. De hirci autem quem immolauerat pro peccato populi idem faciebat, & vitulum faciebat cremari extra castra in loco immundo: ipsum autem hircum accipiebat in ius suum, ut ipse, & filij sui comederent carnes eius: Leuit. 10. Et hoc facto sacerdos exuebat se vestibus lineis, quas acceperat, & lauabat totam carnem suam. Et rursum accipiebat vestes suas, & vestes pontificales. Nam prius solum habuerat vestes sacerdotis minoris, & hoc modo consumabantur caeremonie Expiationis. Sequebantur tunc caeremonie secundæ pertinentes ad solennitatem diei, & primò offerebatur agnus anniculus pro iugi sacrificio, qui an forte oblatus esset antequam inciperent omnes caeremonie supra posite non apparet. Deinde si accideret festum illud Sabbatho, offerebantur sacrificia duplicata pro Sabbatho, & postea sacrificia diei illius, quæ erant vnus vitulus, arietes septem, agni anniculi in holocaustum, & hircus pro peccato, cum libamentis suis: Num. 29. Quintum & vltimum festum erat Tabernaculorum, siue Scenophegiæ: & istud durabat per octo dies, scilicet septem pertinebant ad solennitatem, & octauus erat, cæsus, & colectarum, Leuit. 23. & Deut. 16. Sacrificia autem fiebant hac die, primò sacrificium iuge, deinde sacrificium sabbathi in quacunque die istarum esset sabbathum: deinde sacrificium pertinens ad istud diem, scilicet tredecim vituli, duo arietes, quatuordecim agni anniculi in holocaustum cum libamentis suis, & hircus pro peccato. Istud erat prima die tabernaculorum, quæ erat dies quartadecima: die sequenti, & omnibus alijs vsque ad septimam huius solennitatis offerebantur sacrificia ista, & totis diebus duo arietes, & quatuordecim agni anniculi offerebantur, & in hoc erat æquale sacrificium septem dierum: sed diminuatur quotidie vnus vitulus, scilicet prima die tredecim vituli, secundò duodecim, & sic consequenter quousque die septima offerrentur iam septem vituli: Num. 29. Circa omnes caeremonias sacrificiorum, & solennitatum plurima dubia possunt occurrere, quæ pro maiori parte declarata sunt in locis, ubi tractantur istæ materiæ, scilicet in locis, quæ allegantur: quia alias oporteret repeti totum Leuiticum.

Sacrificia
festi Taber-
naculorum
seu Sceno-
phegiæ.

De causis festiuitatum, quæ supra ponuntur.

Quæstio XV.

QVAERITVR vltius, circa istas festiuitates supra positas de causis earum, & licet plenius in locis proprijs dictum est, saltem sententialiter aliquid hic tangetur. Et, ut declaratum est præcedenti quæstione, quædam festiuitates erant, quæ replicabantur, & alia non: quæ replicabantur erant duplices, scilicet, quædam qualibet hebdomada, sicut Sabbatha, alia quolibet mense semel, scilicet Kalendæ, alia non replicaban-

Ftur, scilicet quinque, Phase, Pentecostes, Clango: Expiatio, Tabernacula. Considerandum est autem vnum commune circa omnia hæc, scilicet de obseruatione istorum festorum. Et dicendum, quod omnia hæc erant festa vacatiua, ita quod in eis operari non licebat præterquam de Kalendis, de quibus est aliquale dubium, an erat dies vacatiuus, an non: de quo tamen declarauimus Numeri vigesimo quarto, & primo Regum vigesimo, & quarto Regum octauo. De omnibus alijs dicitur, quod non licebat in eis facere aliquod opus seruile: Leuit. vigesimo tertio, & Nume. 28. & 29. Erat tamen differentia: quia Sabbathum erat maioris obseruationis quam omnia hæc festa. Nam de die Sabbathi dicitur, quod nullum omnino opus in eo fieret, etiam quod non accenderetur lumen in domibus Hebræorum: Exod. trigesimo primo, & trigesimo quinto. De alijs autem festiuitatibus dicitur, quod non fieret in eis aliquod opus seruile: Leuit. vigesimo tertio, & Nume. 28. & 29. Differentia autem inter opus seruile prohibitum, & omne opus prohibitum est, quod cum prohibeatur omne opus absolute, non licebat succendere lumen ad parandum cibos, nec parare cibos aliquos, sed ex præcedenti die paratos comedere, vel cibos sine paratione manducare. Et cum prohibebatur opus omne seruile, omnia opera erant prohibita præter ciborum apparationem, & omnia, quæ sunt accessoria ad hoc: ut patet Exod. duodecimo. Nam ibi agitur de Phase, de quo dicitur Leuit. vigesimo tertio, & Num. vigesimo octauo, quod nullum opus seruile fieret in eo: & Exod. 12. dicitur, quod nullum opus fieret in eo exceptis ijs, quæ ad cibum pertinent. Ergo de generalitate omnis operis solum excipiebatur paratio ciborum ad hoc, quod omne opus, & opus seruile coinciderent. Item patet, quia de Sabbatho dicitur Exod. 35. quod non heebat succendi ignem in tabernaculis Hebræorum, & negabatur tunc omne opus. Ergo prohibendo omne opus prohibebatur paratio ciborum, & succensio ignis: præter ciborum parationem, & accessoria ad hoc. Et sic in omnibus istis festiuitatibus licebat parare cibos. In Sabbatho autem non. Quæ autem vocentur opera seruilia, & an opera generatiue potentia, & aliarum naturalium, & sensitiuarum sint seruilia, & quomodo in sola potentia, & organo mortuo repariatur opus seruile, & cur, & omnia ferè, quæ pertinent ad caeremonias obseruationis istorum tam in nouo, quam in veteri testamento, cum plurimis dubijs declarata sunt latissime Exod. 12. & ibi vide. Circa causas obseruationis, vel institutionis istarum festiuitatum, nunc considerandum est, & dicendum est, quod quædam festa habuerunt causam institutionis, quæ solum semel fuit, & ista festa non reputantur nisi semel in anno fiant. Alia habuerunt causam quæ iteratur, ideo ipsa festa iterantur. Primum autem festum est Sabbathum, & causa huius fuit, ut recordaretur hominibus creatio omnium rerum, & gratias Deo redderet de esse nobis communicato per creationem: quia istud est maximum bonum. Nam Deus creauit: ornauit omnia sex diebus, & die septimo requieuit: ideo nos requiescere debebamus illo die ad memoriam quietis diei, quia cognita quiete cognoscebamus operationem præcedentem, cuius finis erat quies, & ista causa ponitur Gene. primo. Et etiam cum præceptum de Sabbatho datum est Exod. vigesimo, & trigesimo primo, & Deuter. quinto: ponitur ista causa. Et valde rationabile fuit, quia festa celebrantur ad memoriam aliquorum beneficiorum susceptorum. Primum tamen, & maximum beneficium fuit creatio: quia per illud communicatum est nobis esse,

esse, quod est totius boni fundamentum. Et sic etiam Sabbathum inter omnia festa primum positum est. Sed obijcietur, quia Sabbathum non debebat replicari, sed semel in anno replicari aliàs celebrari. Causa sua fuit semel, scilicet creatio rerum, ideo festum semel in anno fieri deberet. Dicendum, quod causa remota, vel partialis celebrationis Sabbathi fuit semel tantum, & tamen causa immediata, vel totalis replicatur. Quod pater, quia non solum fuit causa ipsa creatio, sed quies diei septimi à creatione, & quia dies septimus replicatur qualibet hebdomada, debuit qualibet hebdomada celebrari istud festum. Alia etiam est causa: quia Deus voluit, quod homines attenderent circa cultum eius, & redderent ei gratias pro susceptis beneficijs. Istud autem esse non poterat si omnes dies essent concessi ad laborem, quia homo laboriosis operibus intricatus, circa Deum & gratiarum actiones considerare non valet: debuit ergo dari dies vacatius in qua homines cessantes ab omnibus occupationibus soli Deo libere intendere possent. Et ista dies debuit esse frequenter. Nam non conveniebat semel tantum in anno fieri, quia in tanto tempore homo obliuisceretur beneficiorum Dei, & sic fuit conveniens, quod fieret qualibet hebdomada. Ratio tamen quare potius fuit die septimo quam alijs, fuit, quia die septima requieuit Deus ab omni opere creationis: ideo hac die aptius, & rationabilius fieri debuit. Circa festum Kalendarum considerandum, quod vocatur Kalendarum, vel Neomenia, & nomen Kalendarum tractum est à modo loquendi Gentilium, qui principia mensium Kalendas vocant, & sic nos hodie tenemus in usu. Hebræi autem non ponunt principia mensium determinata, ita ut ubi vno anno incipit mensis primus, vel secundus, ibi sequenti anno incipiat, sicut nos ponimus: nam tunc possent coincidere principia mensium Hebræorum cum mensium nostrorum Kalendis, & vocaremus convenienter principia mensium suorum Kalendas: non est sic, quia ipsi habent menses lunares, & illi variantur. Nam si contingat, quod mensis primus Hebræorum inciperet nunc prima die Martii, sequenti anno inciperet decima septima die, vel decima octava Februarii: eo quod numeri lunares sunt minores solaribus undecim diebus. Non ergo proprie vocamus Kalendas festiuitates, quæ sunt in exordijs mensium Hebræorum, sed ex quadam appropriatione ad exordia mensium Latinorum. Vovueniens. Neomenia interpretatur novus defectus Lunæ, a neos, quod est novum, & mene, quod est defectus: quasi novus defectus, scilicet luminis Lunæ. Nā tunc est nova lumen, quando Luna deficit lumine introeundo sub radios eius, & sic vocatur interdum in scriptura: ut patet Psal. 80. Buccinate in Neomenia tuba in insigni die solennitatis vestræ. Etiam Isai. primo dicitur: Neomeniam, & Sabbathum, & alias festiuitates non feram: iniqui sunt cæcus vestri. Quare autem in novilunio fit festum, cum per hoc videantur homines inclinari ad honorandum Lunam, & si deberet fieri festum pro Luna, cur non potius pro Sole, cum sit excellentior, & maiora bona per eum recipiamus, & si pro Luna debebat fieri festum, cur potius in novilunio quam alio tempore: quia potius videtur debere fieri in plenilunio, quia tunc ipsa pulchrior est: declaratum est latè præcedenti lib. c. 23. questione ultima. Circa festum Phase dicendum, quod erant duæ festiuitates simul, scilicet, Phase, & Azimorum, sicut dicitur Levitic. 23. Mense primo quartadecima die mensis advenitas est azymorum: habebant autem istæ duæ festiuitates duas causas distinctas. Nam Phase fiebat ad memoriam liberationis Israelitarum de Aegypto. Cum

enim Deus voluit educere de Aegypto Israelitas die quartadecima mensis primi, iussit, quod in qualibet domo immolaretur unus agnus, & de sanguine illius poneretur in portis, & superliminaribus & quando veniret illa nocte angelus percussus ad occidendum primogenita Aegyptiorum, & discurreret per noctem per singulas domos, videretque sanguinem in portis, transiret domos illas, & iret ad alias, quæ non essent sanguine tinctæ: ibique occideret primogenita. Et quia videns angelus sanguinem in portis non occidebat, primogenita illius domus, & transibat ad aliam, vocabatur festum istud Phase, id est transitus: non quidē, quod Israelitæ transierunt de Aegypto in terram Chanaan, sicut quidam rudes opinantur, sed quia angelus percussus transibat dimittens domos, quæ erant sanguine signatæ: etiam Phase, siue picea in Hebræo aliquo modo signatur claudum, quia picea est nomen claudum signans, & sic faciebat angelus percussus: quia sicut claudus vno pede firmiter tempore nititur, & altero non, sed super baculum: ita angelus vnam domum percutiebat, & aliam in medio dimittebat. De causa tamē istius festiuitatis in alio sensu declarabitur sequenti questione. Alia erat festiuitas Azymorum, quæ incipiebat die quintadecima mensis primi, & durabat septem diebus continuis: Exod. 12. & Levitic. 23. & Deut. 16. in his diebus comedebant Israelitæ panes azymos, & non debebat aliquid fermentatum apparere in domibus eorum, & vocabatur iste panis afflictionis: Deut. 16. Septem diebus comedetis panem afflictionis. & hoc quia erat iste panis insipidus, & gravis stomacho, nec sanitati corporis conveniens. Causa huius fuit memoria exitus de Aegypto cum magna celeritate. Nam Israelitæ exituri erant de Aegypto quintadecima die mensis primi, & cum media nocte diei præcedentis percussisset angelus omne primogenitum in terra Aegypti, ita quod non esset domus in tota Aegypto, in qua non iaceret aliquis mortuus: Exo. 12. surrexit Pharaō media nocte, & compulit festinatō Israelitas recedere. Et cum illi parassent massam ad formandos panes, & coquendos, ut haberent cibos in via, non potuit massa fermentari prementibus Aegyptijs, & festinato exire compellentibus, ideo massam azymā tulerunt ligantes eam in palijs, & postea in via coquebant de illa panes super ignem, & sic comedebant azymos. Ad memoriam ergo huius liberationis, & exitus de Aegypto, qui fuit in velocitate magna, & propterea, quolibet anno septem diebus azyma comedebant: ut patet Deuter. 16. scilicet. Septem diebus comes abique fermento afflictionis panem: quoniam in pavore egressus es de Aegypto, ut memineris diei egressionis tuæ de Aegypto omnibus diebus vitæ tuæ. Circa festum Pentecostes dicendum, quod fiebat quinquaginta diebus post festum Phase: & vocatur festum Pentecostes, vel hebdomadarum: Levitic. 23. & Numeri 28. Et dicitur Pentecostes a quinquaginta diebus, a penta, quod est quinque, & coste, quod est decem: quasi quinque decies. Sic enim vocantur Pentecostem nostram solennitatem Spiritus Sancti missionem: quia est dies quinquagesimus post Pascha Resurrectionis Domini. Et vocatur festum Hebdomadarum, scilicet, septem Hebdomadarum: eo quod computabantur septem Hebdomadæ ab illa die, qua manipulus spicarum virentium offerrebat: quia illa dies erat terna azymorum, & in fine illarum Hebdomadarum erat Pentecostes: & ad idem redit, quia septem Hebdomadæ faciunt dies quadraginta, & novem, & dies sequens erat quinquagesimus, vel Pentecostes. Ista solennitas durabat vniç die, & offerrebantur in ea primitiæ panum triticeorum: Levitic. vigesimo tertio, & ob hoc etiam vocabatur festum

De festiuitate azymorum.

De festiuitate Pentecoste.

festū istud festum primitiarum Nu. vigesimo quarto. Causa autem huius solennitatis putatur à quibusdam fuisse datio legis, s. quia quinquaginta diebus post exitum de Aegypto data est lex, & tamen in hoc est contentio, quia ut declaratum est Exo. 19. potius videtur, q̄ fuerit data die quadagesimoseptimo ab exitu de Aegypto. Tenendo autem, quod die quinquagesimo data est lex, dicitur q̄ ad honorem legis dationis ista solennitas fuerit introducta. Si autem dicatur, q̄ fuit data lex die quadagesimoseptimo, dicitur, q̄ fuit ista solennitas introducta ad honorem primitiarum, s. ut illa die Israelitæ darent primitias de messe triticea. Nā de qualibet domo dabantur duo panes triticei, quorū quilibet continebat vnam decimam similæ, idest vnū gomor, quod erat decima pars Eph. Exo. 16. & ista videtur vera causa institutionis festiuitatis huius ppter duo, vel tria. Primò, quia si propter dationem legis ista solennitas fieret, cum datio legis fuerit aliquid famosum, fieret mentio, q̄ propter illam fiebat: & tamē in nullo loco hoc tangitur, quamquam in multis de ista festiuitate agatur, ergo non instituta fuit propter hoc. Secundum est, quia oportet, q̄ die quinquagesimo ab exitu de Aegypto fuisset legis datio, & tamen potius videtur, q̄ fuerit die quadagesimoseptimo, vel quasi, ut probatum est Exod. 19. Tertiò, quia festiuitas ista accipit nomen à primitiis, & non accipit nomen à datione legis. Nam Num. 28. vocatur ista festiuitas primitiarum, vel primitiuorum: & in nullo loco vocatur festiuitas dationis legis: ergo propter primitiarum solutionem instituta est, & non propter datam legem. Quartò patet, quia in omnibus festiuitatibus quantum ad nomina sua, vel ad cæremonias aliquas signatur, causa institutionis illarum, sicut patet de Phase: quia ex nomine signat, q̄ fuit propter liberationem ab angelo percutiente in Aegypto, cum Phase sit transitus. Etiam ex cæremoniis suis: nam immolatur agnus sicut immolatus fuit in Aegypto nocte illa, qua angelus percutiens transiens per domos Israelitarū, & videns eas sanguine tinctas, neminē ibi percutiebat: sic etiam in festo Tabernaculorum. Nam apparatus frondium, & mansiunculæ factæ in loco patenti ostendunt, q̄ fuerit pro habitatione Israelitarum in vmbraculis in deserto, & sic de alijs. Et tamen in festo Pentecostes nomē ipsum non signat dationem legis, cum vocetur festum Pentecostes, vel Hebdomadarum. Sed potius vocabulum suum signat, q̄ instituta est, pro solutione primitiarum, cum vocetur festum primitiuorum. Num. 28. Dicendum ergo videtur, q̄ instituta est ad solutionem primitiarum, quia tunc incipiebat messis triticea, & quia de tritico est præcipua sustentatio humana, iustum erat solennes primitias dari de illo. Et sic dabantur de qualibet domo duo panes duarum decimarum. De hordeo autem parua primitiæ dabantur, scilicet, vnus manipulus spicarum virentium de toto Israel: Leuit. 23. c. Circa festum Clangoris dicendum, q̄ illud erat die prima mensis septimi, s. Septembris, cum incipiant Hebræi menses in Luatione Martij, & coincidebat festum Clangoris cum Kalendis, cum prima dies cuiuslibet mensis esset dies Kalendarum, vel Neomeniæ. Causa autem huius festiuitatis magis oculata est, quā aliarum, eo q̄ sacra scriptura nihil tangit de hoc. Quidam autem dicunt, & communiter est positio Hebræorum, q̄ ista festiuitas instituta fuit ad memoriam liberationis Isaac. Nam quando Deus dixit Abraham, q̄ immolaret filium suum Isaac, & extendisset manum ad immolandū, prohibitus est dicente angelo: Ne extendas manum tuam super puerum, & ostensus est tunc aries inter vepres, & illum immolauit Abraham: Gen. 22. c. Dicunt autem, q̄ ad memoriam liberationis huius, & arietis, qui immolatus est p Isaac

De festo Clāgoris.

fiebat festum istud Clangoris. Et ob hoc clangebatur buccina arietina. Dicendum, q̄ ista positio est nimis remota à probabilitate. Primò, quia non videtur, q̄ liberatione Isaac aliquid offerretur, eo q̄ liberatio illa non fuit beneficium datum toti populo Hebræorum, sicut erant beneficia signata per alias festiuitates, s. per Phase: Tabernacula, & Expiationem, si fuit beneficium personale, & fuit antequā inciperent Israelitæ esse populus. Secundò patet, quia si ista festiuitas fuisset propter liberationem Isaac instituta signaret in nomine, vel in aliquibus cæremoniis istud. Et tamen nō signat. Nam nomen suum signat buccinationem, s. clangor. Et Hebræi vocant illam festiuitatem Corim. Nos autem honestius vocamus eam festiuitatem Clangoris, vel buccinæ. In cæremoniis etiā nihil signatur de hoc: quia die illa fiebat buccinatio in sanctuario. Et sic fit nunc in synagogis Iudæorum vbicunq̄ maneat. Etiam fiunt sacrificia sicut in alijs solennitatibus, ista autem nō indicant liberationem Isaac. Dicendum ergo videtur, q̄ fuit ista festiuitas propter liberationem à seruitute, quæ inter Israelitas fiebat. Nam de septem in septem annos celebrabatur annus remissionis, & quilibet Hebræus, qui erat seruus alterius, exhibebat liber anno illo: nisi fortè propter vxorem, & filios vellet manere in seruitute, quia tunc manebat vsq; ad Iobeleū. Exo. 21. & Deut. 15. etiam septimo anno fiebat remissio omnium debitorum. Si quis enim mutuaasset alteri pecuniam, vel ea, quæ sub mutuo cadunt, & non posset soluere, maneretque obligatus vsque ad septimum annum liberabatur à debito anno septimo: Deut. 15. Etiam fiebat liberatio in Iobeleo, qui erat annus quinquagesimus. Nam tunc omnes res venditæ redibant ad primos possessores, & si quis erat seruus redibat in libertatem: Leuit. 25. & in anno Iobelei ad prædicandū libertatem clangebatur buccina in omnibus finibus Israel: & ad ostendendum illam libertatem, & hoc patet ex duobus. Primò, quia in anno remissionis, s. Iobelei clangebatur buccina in vniuersa terra: Leuit. 25. sicut clangebatur in festiuitate Clangoris. Secundò, quia quando erat annus remissionis, & debebat buccinari ad prædicandum libertatem: incipiebat buccinatio in die Clangoris, ut colligitur Leuit. 25. Sed dicitur, q̄ istud festum Clangoris solum deberet fieri anno quinquagesimo, quando erat Iobeleus, & prædicabatur libertas, & non quolibet anno, & tamen fiebat quolibet anno, ideo videtur, q̄ non fiebat propter hoc. Dicendum, q̄ propter illā libertatē, licet non fieret quolibet anno, tamen ad solennitatem illius libertatis, quæ fieri debebat anno quinquagesimo, quolibet anno fiebat festum Clangoris, & clangebatur buccina eo tempore, quo anno Iobelei debebat incipi clangi buccina ad prædicandum libertatem. Circa festum Expiationis manet dubium de causa institutionis, & dicendum, q̄ istud festum erat die decima mēsis septimi, s. Septembris: & durabat vnica die, & illa die omnes Israelitæ affligebant se ieiunando, & abstinendo ab omni delectabili: Leuit. 16. & 23. Causa autem huius festiuitatis patet ex nomine: nam vocatur dies expiationis, vel propitiationis. Et vocatur expiatio, quia expiabantur, idest mundabantur omnia peccata Israelitarum: nam sicut habetur Leuit. 16. & declaratum est præcedenti questione, die illa offerrebantur inter alia duo hirci à toto populo, & vnus hircus occidebatur pro peccato, alius verò efficiebatur emissarius: nam summus sacerdos confitebatur peccata totius populi super caput hirci, & mittebat illum in desertum per hominem paratum ad hoc, & dicebatur hircus portare omnia peccata populi in solitudinem: eodem capit. ad remissionem autem, vel emundationem fiebat festum Expiationis. De festo expiationis

Voca-

Vocatur etiam festum propitiationis à propitiando, id est miserendo: quia Deus miserabatur peccatis totius populi remittendo illa, & ponendo super hircum. Festum ergo istud erat valde necessarium, quia nihil est magis necessarium homini quàm remissio peccatorum, sine qua non potest habere vitam æternam, & ista remissio non fiebat in alia festiuitate, nisi in ista, ideo erat valde necessaria. De remissione autem peccatorum Israelitarum, an verè die illa fieret, & an proficeret ad aliquid confessio illa peccatorum, quæ fiebat super hircum, & cur fiebat si non proderat, & plurima alia dubia circa hoc, declaratum est latissimè Leuit. 16. Dicunt autem communiter Hebræi, quod illa die sedet Deus ad iudicandum, & distribuit cuicumque homini, quid toto illo anno habiturus sit mali, vel boni: & propter hoc illa die se affligunt, vt Deus misereatur eorum, & bonam distributionem eis faciat. Unde in tantam insaniam Iudæi quidam prorumpunt: quia cum habeant aliquos filios, vel amicos charos, illa die fundunt super capita eorum sanguinem alicuius animalis, quasi ad obuiandum amaræ sorti, quæ Deus illo anno illis distribuit, scilicet, quod in illo anno aliquis sanguis super eos venturus sit intelligatur de sanctorum. Sed istud omni insania dementius est. Nunquid enim si Deus aliquid de nobis disponit, propter auguria nostra, & superstitiosas obseruationes mutabitur penitus? absurdum est. De hoc tamen latius declaratum est Leuit. 16. Dicendum autem, quod die illa non fiebat aliqua remissio peccatorum potius quàm alijs diebus, sed omni tempore fit remissio cum peccator ad dominum conueritur, iuxta illud Ezech. 18. Quacunque hora auerterit se impius ab iniustitia sua, iniquitatum eius non memor ero. Etiam confessio facta hircum non proficiebat. Sed Deus instituit festiuitatem propitiationis, quia utilis erat. Nam Deus dicebat, quod omnes illa die affligerentur, & per afflictionem, quæ erat potissima in dolore cordis, remitterentur verè peccata: non quidem virtute ceremoniarum, quæ fiebant in festiuitate illa, sed virtute contritionis. Et si id, quod Deus mandabat fieri, erat afflictio exterior, tamen per illam afflictionem assuefiebant ad afflictionem interiorem, in qua erat remissio peccatorum. Et quia in toto anno non erat aliquod festum cuius ceremoniæ inclinarent ad contritionem, & remissionem peccatorum sicut festum istud, vocatur festum expiationis, vel propitiationis. Causa autem aliqua, quæ sequebatur ex illa confessione, sed solum figura quædam confessionis, quæ fieri debet in veteri testamento nouo: nam illa confessio talis erat, de qua manifestum erat, quod secundum se proficere non poterat: nam fiebat super caput hirci, quod videtur superfluum: cum nec hircus virtutem absoluendi habeat, nec intelligat, quod dicitur, nec dicens peccata coram illo erubescat. Item quia si confessio proficere debebat, debebant dici omnia peccata, tamen nunc non dimoraretur omnia peccata populi, quia tunc sacerdos quæ diebus, & tamen breuissimè expediebantur omnes ceremoniæ diei illius, quæ multe erant, Leuit. 16. ideo pauca peccata confitebatur sacerdos. Item ad hoc necesse erat, quod prius omnes de populo confiterentur illa super caput hirci, & tamen non fiebat in veteri testamento talis confessio: ideo non erat ista confessio super hircum ad aliquid proficiens, sed solum erat quædam assuetudo ad confessionem, quæ fieret in nouo testamento, & significatio illius. Circa festum tabernaculorum, quod vltimum erat considerandum

A est, quod vocatur festum tabernaculorum, & Scenophegiæ. Dicitur festum tabernaculorum, quia faciebant illa die Israelitæ quosdam mansiunculas extra tectum de ramis arborum, & manebant ibi: etiam accipiebant quosdam ramos arborum, & colligantes illos saltabāt cum eis ad indicandam magnam lætitiā, vt patet Leuit. 23. Vocatur Scenophegiæ à cenon, quod est vmbra, & Phagin, quod est comedere, quasi in vmbaculis comedere, scilicet, quia faciebant Israelitæ vmbacula de ramis arborum, & in illis comedebant diebus istius festiuitatis. Causa istius festiuitatis est, vt recordarentur Israelitæ, quod educti sunt à Deo de Aegypto, & ducti sunt per desertum quadraginta annis, & ibi manebant in vmbaculis de ramis arborum, & per hoc recordarentur omnium beneficiorum, quæ receperant à Deo in deserto per quadraginta annos, quæ multa fuerunt: vt patet discurrendo per libros Exo. & numerorum. De causis autem istarum festiuitatum, & ceremonijs earum agitur Leuit. 16. & 23. & Num. 28. & 29. Et ibi latius de qualibet earum dictum est: sed pro nunc sufficiant.

Si illa causa, quæ superius assignata fuit de festo Phase fuerit sola causa.

Quæst. XVI.

QVAERITVR vltèrius, cum supra diceretur de festo Phase, & causa eius: an illa sola, quæ assignata est fuerit causa eius. Dicendum, quod aliud est loqui de illo, quod factum est in Aegypto, & aliud quod factum est postea in terra Chanaan in celebratione Phase. De illo, quod factum est in Aegypto, dicunt Hebræi, causam fuisse sicut litera videtur innuere Exod. 12. scilicet, quod Deus voluit, quod angelus percuteret omnia primogenita Aegyptiorum, discurrendo per omnes domos ipsorum, & quia aliqua domus Hebræorum erant inter domos Aegyptiorum, ne in illis quoque angelus percuteret primogenita, poni debuit signum in portis, vt viso illo, angelus recederet. Et ad hoc facit, quod in qualibet domo occideretur agnus aniculus, & de sanguine eius linirentur portæ, & supliminaria, & illud signum effugeret angelum percutientem. Dicendum est, quod Deus voluit, quod Iudæi putarent, quod ista esset causa istius præcepti, & tamen non erat: quod patet primò: quia angelus non poterat videre illud signum, ideo quod poneretur signum in portis non proficiebat. Patet, nam videre non potest nisi habens potentiam visuam, quia aliàs includeret contradictionem, & tamen habere potentiam visuā pertinet ad animal: Deus autem, & angelus non sunt animalia, cum sint puri spiritus. Etiam potentia visuā non potest esse nisi in organo, & tamen in angelo non est organum, cum sit incorporeus: ergo non habet visuam potentiam, nec videt: sic probatum est latè Exo. 7. Secundò patet, quia dato, quod angelus posset videre, non requirebatur ad hoc aliquod signum, quia angelus sine aliquo signo sciebat, quæ erat domus Aegyptij, & quæ erat domus Hebræi, cum angeli boni, & mali sciant omnia hæc, quæ inter nos sunt. Tertiò patet, quia difficilius erat aliud, quod fecit iste angelus percussus: nam non solum percussus sunt masculi primogeniti Aegyptiorum, sed etiam omnia primogenita pecorum, & iumentorum: Exod. 11. & 12. & Numeri tertio: & tamen iumenta erant in agris, & non erat ibi aliquod signum positum: ad sciendum, quæ essent pecora Israelitarum, & quæ Aegyptiorum, & angelus percussus percussit pecora Aegyptiorum, & non Iudæorum: ergo poterat sic cognoscere domos Aegyptiorum, & Hebræorum, licet non essent aliqua signa posita.

D 4 Quarto

Quartò patet, quia adhuc fuit aliud difficilius, quia inter pecora difficilimum est sciri, quæ sunt primogenita. Si enim in aliquo grege sunt mille arietes, & omnes habent ultra ætatem anni, nullus hominum potest cognoscere, qui sunt primogeniti, & qui secundogeniti: etiam si videret illos nasci, nisi insigneret eos, & tamen angelus percussus sciuit, quæ erant pecora primogenita, ut occideret omnia primogenita Aegyptiorum, ergo poterat a fortiori scire, quæ erant domus Israelitarum, & Aegyptiorum, quia istud erat cognoscibilis, & sic non indigebant signo distinctivo. Quintò patet, quia dato, quod signum esset necessarium ad hoc, quod angelus percussus cognosceret domos Israelitarum, adhuc non oportebat, quod occideretur aliquod animal, sed satis erat, quod fieret aliqua figura in qua libet porta, vel poneretur aliquid in porta, per quod cognoscerentur distinctè domus Hebræorum, & Aegyptiorum, & tamen iussit immolari agnum, ergo erat ad aliud. Sextò patet, quia dato quod necessarium esset occidi aliquod animal, non oportebat, quod occideretur agnus, sed satis erat occidi gallinam, vel pullum, & esset minor sumptus cuilibet domui Hebræorum, & de sanguine gallinæ, vel pulli ponerent superliminarium, & & portæ liniri, ut angelus cognosceret: multæ aliæ rationes huiusmodi poterant induci. Dicendum ergo, quod Deus iussit, quod occideretur iste agnus propter duo. Primò, quia Israelitæ erant rudes, & putabant, quod angeli Dei videbant, & per sensibilia dirigebantur sicut homines: & sic per signa posita in portis poterant cognoscere. Secundum & principale fuit, quia Deus volebat signare, quod nos liberandi eramus ab angelo percussente per sanguinem Christi, scilicet, quod sicut nulla domus euadebat mortem, nisi quæ esset sanguine linita: ita nullus homo saluari potest, nisi qui participat merita sanguinis Christi effusi: & ad hoc decuit immolari agnum, quia sicut Christus pro nobis occisus est, ita figurandum erat hoc in aliquo animali cuius sanguis funderetur, & ponendo aliquod signum in portis Israelitarum non conueniebat hoc ad signandum mortem Christi, per quam redimendi eramus. Etiam dato, quod occideretur aliquod animal debebat illud esse masculinum, ut signaretur Christus occidendus: etiam decebat magis, ut esset agnus quam aliud animal propter maiorem conuenientiam suam: sic dixit Isaias ca. 53. Tanquam agnus coram tondente se obmutescet, & non aperuit os suum. Et loquitur ibi clarissimè de morte Messie. Ideo Deus volebat signare mortem Messie per immolationem agni, & quod sicut liberabantur Israelitæ habentes sanguinem agni in portis, ita nos liberaremur participantes fructum sanguinis Christi occisi, & sic sensus literalis est illius scripturæ mors Christi, sicut immolatio agni Paschalis, cum Deus iubens hoc intenderet illud. Et ob hoc Euangelista Ioannes exposuit in sensu literali de Christo, quod habetur Exod. 12. Os non comminuetis ex eo: quod ibi dicitur de militibus Pilati, quod fregerunt crura latronum: ad Iesum autem cum venissent, videntes eum mortuum, non fregerunt crura eius, & sequitur, ut imple-retur scriptura, quæ dicit: Os non comminuetis ex eo: & tamen si non intelligeretur illud de Christo in sensu literali, non diceretur impleri scriptura per hoc. Et sic dicendum, quod omnes caeremoniæ agni paschalis signabant conditiones mortis Christi, vel immolationis eius secundæ, quæ est, quandoque eum sacramentaliter sumimus, sicut dixit Apostolus prima Corin. 11. scilicet, quotienscunque feceritis, mortem Domini annuntiabitis, donec veniat. Applicatio autem istarum caeremoniarum facta est satis explicite Exod. 12. Si autem loquamur de celebratione Phasæ, quam faciebant Iudæi quolibet anno, postquam erant in ter-

ra Chanaan, dicendum, quod fuit datum istud preceptum propter duo. Primò ad memoriam beneficii temporalis, scilicet, quod Israelitæ liberati sunt in Aegypto ab angelo occidente primogenitos Aegyptiorum ponendo sanguinem agni in portis. Ideo conueniens fuit ad æternam memoriam huius rei, quod quolibet anno illo tempore, quo Israelitæ exierant de Aegypto, immolaretur agnus ille memorialis. Secundum fuit ad signandum agnum paschalem, qui sanguine suo à morte æterna nos redemit, & erat conueniens representatiuum, quia eo tempore, quo agnus iste immolabatur: ipse Christus immolatus est: immolabatur namque agnus paschalis die quartadecima mensis primi ad vesperam. Et Christus immolatus est die quintadecima mensis eiusdem. Nam die præcedenti ad vesperam ipse comedit agnum paschalem cum discipulis suis, & erat tunc Phasæ, & dies quartadecima. Et sequenti die occisus est. Et erat tunc dies veneris, & erat dies tertia mensis Aprilis, & erat Christus tunc annorum triginta duorum completorum, & de anno trigesimo tertio suo fluxerunt menses tres, & decem dies: & erat tunc hora nonæ in vrbe Ierusalem. Et Luna quinta-decima. In vrbe Toleti erat tunc meridies, & in vrbe ista Salamantina nondum erat meridies, sed deficiebat quasi septima pars horæ, quando benedictissimus Deus noster Dominus Iesus emisit spiritum. Hæc omnia astrologicis demonstrationibus patefient Ioan. 13. si Deus nobis illuc aliquando peruenire donauerit: eritque pulcherrima materia, & agetur ibi, an Christus præuenit manducare pascha ante diem statutum à lege, sicut dicunt Græci, ita ut in fermentato confecerit. Si autem loquamur de festo azymorum, dicendum quod non habet aliam causam literalem nisi illam, quam præcedenti quæstione assignauimus, scilicet, ut recordarentur Israelitæ omnibus diebus vitæ suæ, quod in pa-uore exierunt de Aegypto Deuter. 16. Aliqui autem volunt hoc exponere de immunditia mentis, ita ut non sit in ea fermentum nequitie: sicut dicit Apostolus prima Corin. 5. scilicet. Expurgate vetus fermentum, sicut estis noua conspersio. Etenim Pascha nostrum immolatus est Christus: itaque epulemur non in fermento veteri, nec in fermento malitiæ, & nequitie, sed in azymis sinceritatis, & veritatis. Dicendum tamen, quod ille sensus moralis est. Nec potest sic vocari ille, qui habetur Ioa. 10. scilicet, Os non comminuetis ex eo: quia illud inducitur ad probandum, quod crura Christi non erant frangenda, & tamen nihil probaretur, nisi intelligeretur ad literam de Christo, & sic de agno paschali fuit speciale ad signandum mortem Christi.

De quibusdam verbis hic dictis a Salomone circa domum Dei, comparando eam ad magnitudinem Dei.
Quæst. XVII.

QVAERITVR vterius, quomodo dicit hic Salomon, quod domus quam cupiebat ædificare magna erat, quia Deus erat magnus: nam videtur, quod etiam si Deus esset magnus, non deberet ex hoc ei ædificari domus magna. Nam si ædificaretur domus, in qua Deus habitaret, iustum erat, ut pro Deo, qui magnus erat magna domus ædificaretur: & tamen non fiebat, ut Deus in ea habitaret, sed solum, ut inuocaretur in ea nomen eius, & fierent caeremoniæ ipsius: ut patet in litera. Respondendum, quod verum est, quod Salomon non ædificabat domum, in qua Deus moraretur, ita ut ibi caperetur, quia in nulla domo, siue magna, siue parua Deus poterat morari, sed fecit domum, ut inuocaretur in ea nomen Domini. Sed dicendum, quod sicut ad habitationem Dei, si Deus in aliqua do-

mo habitare posset requirebantur magna ædificia, & pulchra secundum Dei dignitatem: ita ad hoc, quod aliqua domus esset, in qua specialiter inuocaretur nomen eius debebat illa esse magnæ pulchritudinis, & sumptuum. Sic patet de comparatione regis & imaginis ad imagines aliorum hominum. Nam licet imago non sit res, cuius est imago: nam imago regis in honestiori, & excellentiori habitu pingi debet quam alterius hominis: ita licet Deus non habitet verè in aliqua domo, si inuocabatur ibi specialiter nomen eius tantum ibi habitaret propter illam specialem habitudinem, quam ad Deum habet, de hoc esse maioris valde honoris quam domus hominum. Item Deus vult honorari sicut honorantur principes, & magni viri. Sicut patet Malach. primo, scilicet, si offertis claudum, & cæcum, nonne malum est? offer illud duci tuo, & si placuerit ei, aut si acceperit faciem tuam. Quasi dicat, dux tuus non vult acceptare talia, nec ego acceptare volo. Et tamen omnia ædificia, & quæcunque alia sunt pro regibus, licet ipsi non utantur eis, ex eo, quod vocantur regalia, debent esse excellentiora alijs. Ita ergo domus, quæ ædificabatur Deo specialiter: licet non habitaret in ea, quia in nulla habitare poterat, debebat esse pulchrior, & sumptuosior alijs domibus. Item patet hoc, licet non habitaret in ea, nec Deo proficeret: ex eo quod Deo ædificabatur, debebat esse honorabilior domibus aliorum hominum, ac si Deus verè habitaret in ea. Sic patet de sacrificio, quod ei offerrebat. Nam si quis offerret ei animal claudum, vel languidum, si offerretis claudum, aut languidum nonne malum est? quasi dicat malum, & subdidit, offer illud duci tuo, & si placuerit ei, aut acceperit faciem tuam, quasi dicat non accipiet, & sic Deus nolebat accipere in oblatione, quod principes non acceptarent in cibum. Et tamen manifestum est, quod Deus non comedebat de carnibus sacrificiorum. Sicut dicitur Psal. 29. Scilicet: non manducabo carnes taurorum, nec sanguinem hircorum potabo. Ita ergo, licet Deus non habitaturus esset in domo, tam pulchram domum volebat, sicut si princeps maximus in ea habitaturus esset, imò pulchrior, scilicet, sicut si ipse Deus verè habitaturus esset in domo illa. Item adhuc aliquo modo Deus habitabat in tali domo. Nam Deus habitabat dupliciter in loco, scilicet, vel generali modo, vel speciali. Si generaliter, ubique est, si autem speciali, erat in domo quam ei ædificabat Salomon, & fuerat prius in tabernaculo, quod ædificauerat ei Moyses, & hæc specialitas erat quantum ad duo, scilicet quantum ad ea, quæ hominibus ostendebat. Quantum ad primum patet, quod in loco illo homines Deo offerebant sacrificia, & non licebat in alio loco immolare sub pena mortis, Leuit. 17. & Deuter. 12. etiam in loco illo offerebatur quotidie incensum Domino, & cantabantur ibi laudes eius, & fiebant omnes cæremoniæ cultus diuini, quæ non fiebant in aliquo alio loco. Quantum ad secundum loco: dicendum est, quod ibi ostendebat præsentiam suam esse specialiter quasi manendo corporaliter. Nam intra Sancta Sanctorum erat arca fæderis Domini, & in opertorio illius, quod vocatur propitiatorium, erant duo Cherubim extendentes alas suas contra se inaudiebatur vox respondens ad omnia dubia. Vnde quando Moyses dubitabat de aliquo, & volebat scire responsum, introibat in Sancta Sanctorum, & audiebat vocem loquentis ad se de propitiatorio, vnde loquebatur ei: ut patet Num. 7. cap. Putabatur autem à Iudeis, quod esset Deus ille, qui loquebatur inter alas

A Cherubim: ideo dicebatur, quod Deus sedebat super Cherubim: ut patet 2. Regum 5. & Psal. 79. Scilicet, super duos Cherubim aureos, qui erant in arca, & non super Cherubim, id est, super ordinem angelorum, qui vocantur Cherubim. Nam ille non est sensus literalis: non poterat autem esse specialiter representatio, ideo rectè dicebatur, quod Deus habitabat in domo illa eo modo, quo Deus poterat alicubi habitare, & sic debebat domus, quæ ædificabatur Deo esse valde pulchra, & sumptuosa, quia Deus cui ædificabatur erat magnus, & virtutis infinitæ.

Quid intendebat Salomon per illa verba, quod vellet ædificare domum domino: nunquid Deus poterat capi in celo, vel in terra.

Quæst. XVIII.

QVAERITVR vltius, circa hoc quod dixit hic Salomon, scilicet, quod non erat putandum, quod ipse vellet ædificare domum Domino, quia ille non poterat capi in celo & in terra, quid intendebat. Dicendum, quod Salomon excusabat se, quia aliquis poterat increpare, vel redarguere eum, cum diceret se velle ædificare domum Domino: quia per hoc innuebat, quod Deus habitaret in aliqua domo, & caperetur ibi, & tamen Deus non capitur in aliquo loco, ideo non potest habitare alicubi, & sic dixit Salomon, quod celum, & coeli coelorum non capiebant Deum: ideo nec ipse faciebat domum, in qua caperetur Deus, & dixit quod celum, & coeli coelorum non possunt capere Deum, in illo celo non capitur, & dixit de celo, quia celum est maximum corpus naturæ: cum contineat intra se regionem elementalem. Et si in celo Deus non capitur, a fortiori non capietur in terra, nec in alia parte vniuersi. Dixit autem celum, & coeli coelorum ad signandum multos celos, & dicuntur coeli coelorum, id est, coeli continentes intra se alios celos per modum possessionis cuiusdam: & vocatur celum primum celum maximè coniunctum nobis, quod est celum Lunæ: apud quod est sphaera ignis. Et istud est minimum, quia continetur ab alijs sicut circulus intra circulum, & istud celum non potest capere Deum. Et postea dicitur, nec coeli coelorum, quasi dicat, non solum non potest celum Lunæ capere Deum, sed etiam nec coeli coelorum, scilicet, alij coeli maiores, qui intra se continent alios celos. Et ex hoc signatur magnitudo eorum. Sunt autem coeli decem, scilicet, celum Lunæ, Mercurij, Veneris, Solis, Martis, Iouis, Saturni, qui sunt coeli septem planetarum: & deinde firmamentum siue octaua sphaera, in qua sunt stellæ fixæ, & Zodiacus declinans, & mutabilis, & deinde nona sphaera, siue primum mobile, supra quod non est motus nec tempus. Deinde celum empyreum, quod est decimum, & non mouetur, solumque proficit ad requiem beatorum spirituum, & ibi beata Trinitas se ostendit clarè purgatissimis mentibus. Alij ponunt vndecimum celum, quia inter celum nonum siue primum mobile, & celum empyreum ponunt celum crystallinum. Et verum est, quod celum crystallinum est: tamen illud est octaua sphaera, quam vocamus firmamentum, & densitas illius orbis maior quam aliorum orbium reddit colorem azurinum terminando visum, quod non faciunt alij orbes planetici propter minorem corporum densitatem.

De densitate celi, & cur omnes non fuerunt sic.

Quæst. XIX.

QVAERITVR tunc, quare factum est aliquod celum tantæ densitatis, ut videri posset, & quare non

positiōe
Celi.

non fuerunt sic omnes celi, & quare potius datum est hoc celo octauo, vel nono quam alicui alteri. Ad primum dicendum, quod decuit, quod aliquod celum esset, quod esset tantę densitatis, ita ut visum determinare posset. Nam si nullum esset magnę densitatis, nullum terminaret visum. Et sic cum respiceremus versus celum, nihil videremus, deficeretque visus noster nullum habens obiectum, quo immutaretur, & esset hoc nimis diminuens pulchritudinem, vniuersi: etiam non cognosceretur esse celum aliquod, cum non videretur: nec posset probari ratione necessaria, & stellę viderentur tanquam aues volantes: essetque aliquid deordinatum: nunc autem cum sit vnum celum ita densum, quod visum determinat: apparet quod omnes stellę in eo sint: nam licet aliquę stellę sint multum inferiores celo octauo, quod est densum, quia tamen non percipimus in medio aliquod corpus, quod videatur, necesse est, quod appareant stellę esse coniunctę illi celo, sicut quando sunt duo colles inter se multum distantes, vel duę turres, & nos non videmus aliquid intermedium, apparent nobis illi duo colles, vel turres coniuncti: licet multum distent: ut patet ad sensum. Et ratio est, quia sensus iudicat aliqua duo esse coniuncta nisi habeat aliquid, per quod iudicet illa distare. Illud autem est spatium, scilicet corpus, in quo est magnitudo. Quando ergo inter duo corpora visus non apprehendit aliquod corpus medium, necesse est, quod iudicet illa esse coniuncta. Ita ergo, licet Luna multum distet ab octauo celo videtur in eo fixa, quia non comprehenditur aliquod corpus esse medium. Aliud inconueniens erat, si non poneretur aliquod celum tantę densitatis, scilicet, quod non fulgeret Sol tantum, eo quod lux sua est ex magna parte per reflexionem radiorum: sicut videmus, quod aliqui radij reflectantur in corpore valde terfo & lucido, fiunt radij multum maiores: & nunc cum Sol sit in vna parte celi, radij sui diriguntur ad omnes alias partes eiusdem, & propter densitatem corporis celi, quod est terfum & densum, aliquantulum reflectuntur radij, & ad quamcunque partem homo respiciat, videt orbem illuminatum magna luce. Si autem non esset densitas aliqua, transirent radij, nec reflecterentur, & non esset tanta lux. Differentia autem, quę esset inter visionem, quę nunc sit, & quę tunc fieret, non potest comprehendere sensu, eo quod nunquam vidimus celum sine illa reflexione. Capitulum tamen ratione, quia si videamus aquam, cum reflectitur Sol in ea, est lux eius magna: si autem videatur, quando non reflectitur, lux eius est valde minor: ita fieret in visione nostra quotidiana. Item aliud inconueniens, quod quilibet nox esset obscurior quam nunc est. Quod patet, quia existente Sole sub hemisphærio nostro per noctem radij eius tangunt hemisphærium nostrum, & cum sint partes dense potentes reflectere lumen susceptum, fit aliqualis illuminatio, quę non fieret, si non essent partes dense potentes reflectere lumen. Aliud inconueniens esset, quia quantumcunque distarent inter se stellę, non sentiremus distantiam illarum versus Occidentem, Orientem, & Septemtrionem, & Meridiem, sed putarem omnes stellę simul esse, quod patet: nam licet stellę fixę altiores sint planetis, & vnus planeta altior alio, quod demonstratiue ratione probamus, ad oculum tamen non sentimus vnam stellam altiore a terra esse, quam aliam, sed omnes iudicamus in eodem celo esse, & æqualiter distare a nobis: & hoc quia non percipimus sensu aliquod corpus medium esse visque ad illud celum, quod densum est, & visum terminat, licet multa corpora sint. Ita posito, quod vna stella esset in Oriente, & alia versus Occidentem: non sentiretur distantia illarum, quia non perciperetur corpus medium esse inter illas,

F per quod iudicarentur distare, cum nullum corpus densum inter illas appareret. Item non cognosceremus, an motus astrorum esset circularis, vel alterius figurę. Nam nunc scimus, & sensu percipimus, quod circularis sit, quia videmus celum circulari per quod stellę mouentur, & ex hoc scimus stellę circulariter ferri. Si autem non videamus spatium, per quod mouentur stellę cuius figurę sit, nesciremus de motu qualis sit. Multa alia inconuenientia sequerentur, & ferē totus orbis esset deordinatus si non fuisset aliquis circulus, vel orbis densus, & terminans visum, qui clauderet in se corpora alia. Ad secundum cum queritur quare non fuerunt omnes celi sic densi, ut terminarent visum. Dicendum, quod istud fuisset maius inconueniens. Nam **G** data densitate tanta in quolibet corpore, non possent stellę superiores emittere lumen suum ad terram, quia densitas corporum mediorum obstraret. Sunt namque diuersi celi, & stellę cuiusdam celi sunt altiores stellis aliorum celorum, & celi intermedij auferrent, & intercepterent radios stellarum summorum. Cum enim sint octo celi habentes stellę, scilicet, septem planetę, & octaua sphaera stellarum fixarum: si quodlibet celum istorum esset ita densum, & aliquo modo colore infectum, ut terminaret visum sub ratione alicuius coloris, stella Mercurij, quę esset in secundo celo non posset videri propter densitatem celi. Lunę: & sic de stella Veneris, Martis, Iouis, & Saturni. Et quanto aliquę stellę magis distarent a terra, tanto impossibilius esset **H** illas videre, eo quod plura corpora densa interponerentur in medio, & sic stellę fixę, quę sunt in octauo celo nullo modo a nobis viderentur. Et si aliquis dicat, quod dato, quod essent ista corpora media densa penetraret lux stellarum, sicut patet de aqua, & vitro. Dicendum, quod non stat propter multa. Primo, quia ad hoc, quod aliquod corpus terminet visum, & non sit transparentius requiratur, quod sit densum, & sit aliquo colore, vel quasi colore infectum. Cum autem alterum istorum deficit, non est res terminata, nec perspicua. Aqua autem densa est, licet non valde: & tamen si sit pura, magis recedit a colore, quam habeat determinatum colorem: ideo non bene terminat visum: vitrum autem si sit clarum, non est bene terminatum: si autem sit viride, rubeum, vel alterius coloris, terminatum corpus est. De stellis autem dicendum, quod magnitudo densitatis, & congregatio luminis dat quendam modum coloris, ita ut determinatę sint, & videri possint. Corpora autem celorum non sunt tam densa, teste **I** Arist. primo, de Celo, & mundo. Stella est pars densior sui orbis. Etiam est in stella multum lumen aggregatum, quod vicem coloris alterius reddit, scilicet albi, vel fului: celi autem partes non sunt tam lucidę, ut magnitudo lucis colorem afficiat, vel quasi coloris vicem ostendat: ideo licet essent corpora celestia densa, non terminarent bene visum. Celum autem, quod videtur a nobis tantę densitatis est, & magnitudinis luminis, quod verum colorem habere videtur, quando orbis est serenus, scilicet colorem azurinum satis intensum. Si autem aqua, vel vitrum colorem tam intensum declinantem ad aliquam speciem coloris haberent: essent corpora bene terminata, & per illa non fieret transparentia: & tamen per celos omnes fit transparentia luminis stellarum, ideo non debuerunt omnes celi esse tantę densitatis, sicut vnum est. Secundum est, quia si omnes celi essent densi sicut vnum: non sitierim: nam licet vitrum & aqua, propter suam grossitatem, non erit hoc in quolibet vitro quantumcunque quantitatis, ut si obijciatur soli aliquod vitrum cuius grossities sit viginti, vel triginta palmorum, non bene viderentur radij stellarum per illud vitrum. Apparet etiam

Stellarum natura.

etiam hoc de aqua: nam aqua transparent est, & videtur res sub aqua, si pauca aqua est. Et tamen si sit altum pelagus, non videtur quod infra est: & locus obscurus redditur. Corpora tamen cœlorum sunt incomparabilis grossitiei, ideo si essent tã densa, & quodam colore infecta, vt visum terminare possent, cum deberet transire radius solis per quatuor corpora istorum perueniens ad nos, non videretur, vel iã valde remissè videretur, quod falsum est. Tertium est, quia dato, quod sit aliquod vitrum parum grossitiei, & etiã aqua, vel quodcunque aliud densum, poterit quidem videri sol, vel aliqua stella non obstante vitro: & tamẽ ultra vitrum nullam reflexionem facere potest, sed solum est lux intentionalis ultra vitrum, & non realis. Idem in aqua fit, & tamen non obstantibus omnibus corporibus cœlorum intermediorum facit sol reflexiones super terram, & aquam, & peruenit ad nos nõ solum lux intentionalis, sed etiam realis: ideo corpora cœlorum intermedia non sunt ita densa, vt cœlum primum quod videtur, nec sicut aqua, & vitrum, nec tantum declinant ad lucem, vel colorem, sicut aqua, & vitrum. Quartum inconueniens esset, quia datis corporibus cœlorum intermedijs dẽsis, & perspicuis, licet aliqua lux stellarum ad nos peruenire posset partim quidem, & intentionalis: non posset tamen sol calefacere ista inferiora, quia calefactio, & immutatio fit per radium verum, & lucem primam, quæ reflecti potest. Lux autem intentionalis solum immutat oculum, sed non alterat realiter aliquod corpus ad calorem, vel aliam qualitatem: non debuerunt esse omnia corpora cœlorum densa, & visibilia, sicut corpus vnus cœli visibilis. Ad tertium cum querebatur quare potius cœlum octauum, vel nonum ponitur visibile, quã aliquod aliud. Dicendum, quod causa est, quia non debet poni aliquod cœlum tam densum, vt videatur si supra illud aliqua stellæ sint. Quia tunc interciperetur nobis lumen illarum stellarum, vt non videamus eas, vt patet ex rationibus inductis. Stellæ tamen sunt in quolibet cœlo vsque ad octauum inclusiuẽ. Ideo nullum infra octauum debet poni visibile, sed ponetur ipsum octauum visibile, vel nonum. Nam si ponatur octauum visibile, nihil impedit: eo quod supra ipsum nõ sunt nisi duo cœli, scilicet nonum quod est primum mobile, & cœlum empyreum. Nullum autem istorum habet stellas aliquas, ideo licet interciperetur nobis visus illorum non est inconueniens. Sed si aliquas stellas haberent. Primum autem mobile non ponitur ad aliud, nisi vt moueat omnes inferiores cœlos motu raptus. Hoc tamen efficere potest: etiã si non videatur. Ideo non fuit opus illud poni visibile. De cœlo empyreo à fortiori patet, quia illud nihil influit super nos, cum nec stellas habeat, nec moueatur: ideo, quod non videatur non est inconueniens. Si tamen dicatur octauum cœlum esse dẽsum, & quasi colore azurino propter magnitudinem lucis infectũ, oportet, quod ponantur stellæ fixæ in superficie concava cœli eius: alioquin illæ non videbuntur ex causis supra & visibile: tunc non est inconueniens aliquod, nec requiritur, quod stellæ stent in superficie concava cœli, sed etiam si sint in medio grossitiei cœli, vel circa summuniter dicam octauum cœlum esse visibile, vel crystallinum: rationabilius dici debet, quod nonum cœlus sit crystallinum, quasi habens aquas gelidas, & visibiles: & istud etiã magis conueniat cuidam positioni communi theologiae, scilicet, quod octauum cœlum sit firmamentum: & tamen Genesis primo dicitur, quod firmamentum diuidit aquas ab aquis: ergo aquæ crystallinæ, quæ sunt substantia cœli, sunt ultra octauum

A cœlum. Et sic primum mobile, siue nonum cœlum erit crystallinum. Siquis tamen velit contrarium dicere, non infulto.

De quibusdam verbis hic dictis à Salomone, scilicet, quod cœlum, & cœli cœlorum capere non poterant Deum. Quest. XIX.

QVÆRITVR vterius, quomodo dixit Salomon, quod cœlum, & cœli cœlorum non poterant capere Deum: nam videtur, quod non solum in cœlo, & terra capiatur: sed etiam in minoribus rebus, cum Deus in qualibet re verè sit: & non potest esse in aliqua nisi capiatur in ea. Nam si Deus est in re, & tamen non capitur in ea, vel ibi totus est, vel secundum partem est. Si totus est, capitur. Si autem secundum partem, ergo Deus diuisibilis est diuisione quantitativa, quod absurdum est: Si ergo Deus in aliqua re est, totus est, & capitur. Et si Deus in qualibet re non capitur, in nulla re est. Respondendum, quod capi, & continere sunt termini notantes proprietates rerum locatarum secundum proprias leges loci. Et sic Deus in nullo capitur, nec continetur, quia localis non est: nam nihil locatur, nisi corpus: Deus autem incorporeus est: & non solum Deus non capitur, nec continetur in aliqua re, sed etiam, nec angeli, nec animæ, quia spiritus sunt, & communis conceptio est apud sapientes, spiritualia in loco non esse, vt ait Boetius in libro de Hebdomadibus. Alio modo potest accipi contineri, & capi non modo locali. Nam dato, quod aliqua res non locetur in alia, dicemus eam esse in illa, sicut anima in corpore est, & tamẽ non locatur in corpore. Etiam angeli in vniuerso sunt, cum non concedatur quod sint extra vniuersum: & tamen non locantur, & demones specialiter in inferno sunt, quia ibi cruciantur, & tamen non locantur. Sic etiam Deus in rebus est, quia Deus in cœlo est, & in terra: & vbique cum esse dicimus, & nullibi est locus eius. Manet ergo nunc dubium, cum Deus sit in rebus, & tamen sit indiuisibilis magnitudine, quia spiritus est, quomodo non capitur in qualibet re. Circa hoc sunt duo dicta. Primum, quod Deus est tam paruus, vt ita dicam, quod nulla res est, in qua non sit. Secundum, quod ita magnus est, quod à nulla re contineatur. De primo patet, quia in quantitate cõtinua nihil est minus, quã punctus, cum sit indiuisibilis omni diuisibilitate, ideo punctus in qualibet quantitate capitur: & ita est de quolibet spirituali: nam spiritualia sunt indiuisibilia secundum quantitatem, ideo nihil tam paruum est in quo spirituale quodlibet: imò omnia spiritualia contineri non possunt, vel ibi esse, & quia Deus est purissimus spiritus, poterit manere in quacunque re quantuncunque parua, & omnia spiritualia simul in quacunque quantitate esse poterunt, cum non occupent decem millia spirituum plusquam vnus spiritus: alioquin duo indiuisibilia essent maiora, quã vnum indiuisibile, & sic ex indiuisibilibus fieret compositum diuisibile, quod improbat 6. Ethic. Si autẽ non sunt, vel non possunt esse omnia spiritualia in re vna: istud est propter diuersitatem, vel incomparabilitatem operationũ: sed non propter occupationem maiorem multorum, quã vnus: in qualibet ergo re Deus est, & non est secundum partem, vt quidam imperiti putauerũt, sed totus in qualibet re, quia cum Deus simplex, & indiuisibilis sit, vbicunque fuerit totus erit, quia non habet partem, & partem fm quas hic sit & ibi, & non totus vbique. Et sic est regula de indiuisibilibus, & simplicibus, quod indiuisibile, & simplex vbicunque est, totum est, vel ibi nullo modo est. Sed tunc insurgit dubium circa hoc, cum vnum indiuisibile non sit maius alio, quomodo

unum poterit esse in alio, quia id quod in altero est habet aliquo modo rationem minoris in quantum continetur: & si hoc datur, diceretur, quod Deus, quia simplex est, in qualibet re diuisibili quantuncunque sit parua, erit: & tamen non erit in rebus indiuisibilibus, eo quod nullum indiuisibile minus alio. Et sic dicitur, quod Deus non est in puncto, nec in anima, nec in angelo: quod est inconueniens, & contra ea, quæ confitemur. Si autem dicat aliquis, quod Deus est in istis omnibus tam diuisibilibus, quam indiuisibilibus: eo quod in rebus diuisibilibus est, cum illæ habeant rationem maioritatis in quantitate. In rebus indiuisibilibus erit, eo quod dato, quod esset Deus in rebus, sicut locatum in loco, adhuc posset esse in re indiuisibili, quia locus, & locatū æquantur, scilicet habent superficies æquales, ideo cum vnum indiuisibile non sit minus alio, poterit vnum esse in alio. Dicendum, quod hoc modo non stat: nam tunc sequeretur, quod non solum Deus erat in anima, & angelo, & puncto: sed etiam punctus erat in deo, & anima, etiam in deo, quia quodlibet istorum est indiuisibile: sicut ergo vnum indiuisibile est in altero, ita & alterum in altero, quia non habent rationem excessus abinuicem: & tamen falsum est, quia non cōfitemur angelum esse in deo, sicut concedimus Deum esse in angelo, vel in anima. Ideo ratio ita non stat. Nam non dicimus, quod esse angeli, vel animæ sit intra essentiam Dei: & tamen essentia Dei est intra essentiam animæ, & angeli, & cuiuscunque rei. Respondendum, quod licet punctus, anima, angelus, & Deus sint indiuisibilia, non sunt indiuisibilia eodem modo: nam punctus accedit magis ad quantitatem, quam angelus, anima, & Deus. Punctus quippe ideo indiuisibilis est, quia partes nullas habet, & tamen punctus in linea habet positionem: ideo astringit se punctus ad quantitatem in quantum illam sequitur, & sine illa positionem non habet, nec vllō modo est, sed in illa positionem habet. Angelus anima Deus indiuisibilia sunt, quia partes non habent, & tamen positionē non habent in quantitate, ideo simpliciora sunt, quia absolutiora sunt, quam punctus, ideo quantum ad istam maiorem simplicitatis possunt dici omnia ista esse in puncto, & punctus non erit in anima, & deo, & angelo. Rursus angelus anima Deus indiuisibilia sunt, & simpliciora, & tamen est inter illa ordo maioris, & minoris simplicitatis. Nam sicut in corporibus se habet quantitas, ita in spiritibus simplicitas. In corporibus autem licet omnia sint quantita, quædam tamen sunt maiora alijs, & minora continentur, & locantur à maioribus, & non è conuerso: ita in spiritibus: omnes enim sunt simplices, & tamen quidam simplicior est in alijs, ideo quidam in alijs esse poterunt, scilicet simplices in minus simplicibus. Nam quanto aliquid magis distat à ratione maxime simplicitatis, tanto magis appropinquat ad rationem magnitudinis in quantitate: sed magnum in quantitate continet paruum, ergo minus simplex intra se tenebit magis simplex, sed Deus simplicissimus est, & alij autem spiritus non sunt purè simplices, ideo Deus poterit esse in quolibet spiritu, & nullus spiritus erit in deo, scilicet, quod essentia diuina sit intra terminos essentia animæ, vel angeli, & tamen non sit essentia angeli intra essentiam Dei. Ista est causa quare illabatur Deus animæ nostræ, & etiam angelis, scilicet, quia simplicior est: ideo erit essentia intra essentiam, sicut corpus paruum intra maius. Dæmones autem non illabuntur animæ, quia non excedunt eam tali simplicitate, ut intra eam esse possint. Vel fortè angelus, & dæmon non sunt simplices anima quantum ad essentiam, nec differunt simplicitate: sed, quia anima est pars speciei, ideo forma vniuersalis. Angelus autem,

F & dæmon non sunt tanquam partes speciei, sed tanquam continentes totam speciei essentiam, & sic non sunt, sicut formæ vniuersales: sed sicut supposita subsistentia iuuatur perfecta. Non ergo illabatur angelus, vel dæmon animæ: sed solus Deus illabatur omnibus, qui simplicior omnibus illis est. Secundum dictum erat, quod Deus est ita magnus, quod à nulla re contineri, vel comprehendi potest, vel nulla res est ita magna, quod Deum continere possit: patet istud: quia dicimus Deum esse in cælo, & in terra, & in qualibet re. Si tamen aliqua res contineret, vel comprehenderet Deum: ita esset in illa re, quod non esset in alia: ergo à nulla continetur, & comprehenditur. Nam patet hoc tam in corporibus, quam in spiritibus. **G** in corporibus, quia ipsa locantur: ita corpus in vno loco est, quod non est in alio, scilicet, quia totum corpus continetur à loco suo, & comprehendit in spiritibus. Patet, quia sic anima est in corpore, quod non est extra corpus, vel alibi: etiam quando est soluta corpore sic anima est in inferno, quod non est alibi. Et sic etiam de angelis: ita angelus est hic, quod non est alibi. Si ergo de deo dicimus quod ita est hic, quod etiam est alibi & in quocunque ente, non continebitur Deus, nec comprehendetur ab aliquo. Sic enim dicitur, Iere. 23. Si occultari poterit vir, & ego non videbo eum, nunquid non cælum, & terram ego impleo, dicit dominus: quasi dicat, quia ubique sum vbicunque homo se absconderit, ibi videbo eum. Sed manet dubium, quomodo potest deus, cum sit indiuisibilis, esse in vno loco, ita quod sit in alio: & quomodo angelus, & anima non sunt simul in multis cum sint spiritus simplices, & indiuisibiles. Respondendum, quod si Deus propriè esset in loco, non posset esse in multis locis simul: & tamen non est in loco, ut declaratum est infra, quia non est quantus. Est tamen aliquid, per quod res sit in vno, siue loco, siue non: licet non sit quanta, scilicet, si secundum naturam suam determinat sibi aliquid: ita est de puncto: nam punctus in nullo loco est, quia partem non habet, nec aliqua superficie claudit: & tamen ita est in vna parte lineæ, quod in nulla alia parte vniuersi est, nec etiam in alia parte lineæ. Ita dicendum, quod spiritualia licet indiuisibilia sint, aliquo modo possunt liminari ad eis eundem in vna re, ita quod non extra illam. Sic est de anima, quod ipsa occupat in nulla parte corporis est, & tamen in corpore est, & non extra corpus, scilicet, per operationem, nam per operationem formalem, quæ est dare esse humanum, in qualibet parte corporis est, siue in ipso corpore, tanquam in quodam toto, quia toti corpori dat esse humanum, & non est extra corpus, cum nulli rei extra corpus dat tale esse. Etiam quantum ad operationes secundas, ut videre, audire, vegetare, nutriendo, augmētando, & sic de alijs in toto corpore est, quia qualibet pars corporis recipit aliquam virtutem ab anima, & non est anima extra corpus, quia non facit istud anima in aliqua re extra corpus. Quantum ad operationem intelligendi, & volendi: anima non magis operatur in corpore, quam extra corpus, quia non operatur aliquid quod est in corpore, vel extra: sed per seipsam, & per speciem, quæ in ipsa est. Et ex hoc commentator habuit occasionem ponendi vnicum intellectum agētem in omnibus hominibus: & vni homini per phantasmata, quod tamen à plurimis improbatum est. De deo autem dicendum, quod essentia sua est simplex, & non limitatur ad aliquid: ideo si in aliquo est in omnibus est. Sed adhuc manet dubium, nam de anima clarum est cum est in corpore, quod ibi solum sit per operationes illas naturales, quas ibi exercet, & alibi non exercet. Ponatur tamen anima soluto corpore: tunc non informat aliquid, nec habet operationes

Cur Deus possit esse in anima, & alijs spiritibus.

Dæmones, cur in anima esse non possint.

Quo Deo possit esse simul in pluribus locis non autem anima, & angelus, & spiritus simplices.

Cur anima possit vniuersem intellectum.

nes aliquas naturales, per quas limitetur ad esse in vna re magis, quā in alia, & quod sit in aliqua re: ita quod non sit extra illam: nam animæ solutæ à corpore nō manet nisi intelligere, & velle. Et cum isti actus non sint organo affixi, non limitat sibi anima certum locū quantum ad istos, vel certam rem in qua sit. Nam et dum anima in corpore est, non est in corpore magis, quā extra corpus quantum ad actum intelligendi, & nolendi. Ideo à fortiori cum fuerit corpore soluta, non limitabit aliquid in quo sit, vel maneat quantum ad velle, & intelligere: & sic de angelo, & dæmone. Dicendum, quod animæ solutæ corpore, & dæmones, & angeli determinant sibi loca per operationes, vel passionēs: Nam animæ, quæ in pœnis inferni, vel purgatorii sunt, limitat sibi locum in quo sint per pœnas, quas patiuntur: nam patiuntur ab illo igne determinato, qui est in inferno, ideo necesse est, quod ibi animæ sint ubi ignis est. De dæmonibus idem cum patiantur ab igne inferni, & alijs generibus cruciatuum. Sed de animabus non existentibus in inferno, & de angelis secus videtur. Ideo dicendum, quod aliqui angeli habent operationes, sicut mouere corpora cœlestia, & illi per motum, quem faciunt determinat sibi loca, quia ibi sunt ubi motum faciunt. Etiam interdum operantur hic aliqua, & ibi sunt, ubi eorum operatio est, quia vniuntur rei per virtutem suam, quam applicant, & si virtus sua extendit se ad magnam quantitatem, dicuntur illi angeli esse in magno loco, & si parue quantitatis applicant virtutem, in paruo loco sunt. Idem de animabus, quæ interdum operantur aliquid, sicut mouendo licet sint solutæ corpore. Ponatur tamen, quod anima non operetur quidquam, nec angelus, sicut illi, qui solum fruuntur æterna felicitate, in quo loco erunt illi, vel an determinabunt sibi locum secundum hoc. Dicendum, quod ad hoc non determinat sibi locum, nam felicitas vitæ æternæ in intelligendo, & volendo est. Et quantum ad istos actus nō est limitatio loci: nam nō est limitatio ex parte actus, scilicet intellectiōis, & volitionis, quia nō sunt actus organici, qui determinant sibi certam materiam, nec etiam ex parte obiecti beatifici: nam Deus est obiectum beatificum, per cuius apprehensionem intelligendo, & volendo est vita æterna. Deus autem non determinat sibi locum, nec partem aliquam vniuersi: ideo ex parte eius non determinabit anima sibi aliquē locum ad gloriandum. Sed dicetur adhuc, auferatur omnis actus, & passio ab anima, & angelis, an erunt alibi. Dicendum, quod est dubium, & non videtur causa quare in aliquo loco, vel in aliqua re sint. Sed dicendum, quod non sunt alibi, nec etiam sunt in vniuerso, nisi forte conuertas in affirmationem, scilicet, non sunt in vniuerso, id est, sunt extra vniuersum: nam istud falsum est, quia si alibi essent potius essent in vniuerso, quā exterius. De Deo autem dicendum, quod in omnibus rebus est, quia natura Dei est illimitata, & non est aliquid, per quod limitetur Deus ad essendum magis in vno loco, quā in alio: & quod illimitatus est ad esse in aliquo, in omnibus est, vel in nullo. De angelis autem, & anima dictum est, & limitationem & applicationem virtutis ad locum, & quia virtus cuiuslibet spiritus est limitata præter virtutem Dei, non potest applicari toti vniuersitati rerum ad operandum illa, & quod sic sit in omnibus, ideo applicabitur certi parti rerum, & in illa operabitur, & sic erit definitum sibi loca spiritus. Potentia autem Dei est infinita, ideo extenditur ad vniuersitatem rerum, quia adhuc maior est potentia sua, quā sit vniuersitas rerum, quæ limitata est. Ideo Deus ubique erit, quia ad

omnia extenditur virtus sua. Et est Deus realiter in omnibus, quia omnia conseruat. Nam sicut cum angelus applicat virtutem suam alicui loco, & ob hoc dicitur ibi esse, & ibi verè est: ita cum Deus omnibus rebus virtutem suam applicet conseruando illas, in omnibus rebus erit. Et ista etiam est causa, quare non solum dicimus, quod Deus est in omnibus rebus, sed etiam, quod est extra omnes res. Nam si Deus applicaret virtutem suam omnibus rebus, & per istam applicationem exhauriretur virtus Dei, scilicet, quod non posset applicare pluribus rebus, si plures essent: esset Deus in toto vniuerso, & non extra: & tamē cum Deus applicuerit virtutem suam omnibus rebus vniuersi, adhuc posset illam applicare infinito pluribus rebus: si infinito plures essent, cum virtus infinita non exhauriatur applicando eam rebus finitis: ideo adhuc manet Deo virtus, quam posset applicare alijs rebus, & quantum ad hanc non capitur in vniuerso, sed est extra omnia. Sed dicetur, ponatur Deus seclusa omni operatione eius, an erit in omnibus rebus, vel si erit in aliqua. Dicendum, quod impossibile est, quod Deus non sit in rebus existentibus rebus, nam Deus est in re, quam conseruat, quia illa est operatio eius, & tamen quandiu res sunt Deus illas conseruat, quia illa est operatio eius, ideo Deus semper est in rebus. Sed dicetur, cesset Deus ab isto actu, quia ipse potest cessare à quocunque actu circa creaturas, cum non necessitate, nec creatura pduxerit creaturas, sed voluntate: tunc quæretur, an sit in rebus. Nam tunc non habet per quid sit in rebus. Dicendum, quod iste casus est impossibilis: nā impossibile est, quod maneat creatura Deo cessante à conseruatione earum, quia creatura ex seipso non ens, & à Deo accipit, quod sit ens. Si ergo Deus cessat ab eo quod facit, redibit res in seipsam. Et quia creatura ex seipsis sunt non ens, cessante conseruatione redibunt in nō ens, ideo abstracto isto actu à Deo, non erūt creature: & sic Deus non erit in creaturis, sed in seipso. Cum tamē illi fuerint, necesse est, quod Deus in illis sit, quia nō possunt esse, quin à Deo conseruentur, & quando conseruata fuerint Deus in eis erit. Sed ponatur pro possibili, quod est impossibile, scilicet, quod res sint Deo non conseruante illas: tunc videretur dicendum, quod Deus non esset in vniuerso, nec in aliqua creatura, sed esset in seipso. Hæc de localitate spirituum dicta sunt, & fortè magis dicetur de eis Iere. 23.

De quibusdam verbis hic dictis à Salomone, scilicet, quod domus, quam edificabat, erat vt tantum adoleretur incensum in ea.

Quest. XX.

QVAERITVR vltcrius, quomodo dixit Salomon, quod domus ista, quæ edificabat, non erat ad hoc, quod Deus habitasset, sed vt tantum adoleretur incensum in ea coram Domino: nam ipse dixerat supra contrarium, scilicet, edificabat domum ad suffumiganda aromata, & ad propositionem panum, & ad holocaustomata mane & vespere. Aliquis dicet, quod ponitur hic tantum, & debet subintelligi principaliter, scilicet, domus quam edifico ad multa est, & tamen principaliter solum est ad suffumiganda aromata. Dicendum, quod non fiat, quia istud verum esset, si fortè principalis cœremonia, quæ erat in sanctuario esset adolere thymiana: & tamen falsum est, quia offerre sacrificia erat maior cœremonia, & magis frequentata: nam bis tantum quod die cremabatur thymiana coram Domino. Et tamen sacrificia multa fiebāt quotidie, quedam necessaria, & quedam spon-

spontanea, ut declaratum est supra in quibusdam questionibus. Dicendum, quod ponitur hic tantum valde improprie, & debent subintelligi omnia, quae ponuntur supra, scilicet, propositio panum, incensio lucernarum, oblatio holocaustorum, & crematio thymiamatis: nam ista sola erant ministeria sanctuarii, & istis explicitis, poterat poni tantum, scilicet, quod ad hoc tantum erat domus, quam ipse edificabat, ut ista fierent, & tamen, quia omnia haec supra fuerant posita, replicando hic vnum illorum videbantur omnia subintelligi.

Mitte ergo mihi virum eruditum, qui nouerit operari in auro, & argento, aere, & ferro, purpura, coccino, & hyacintho: & qui sciat sculperae coelaturas cum his artificibus, quos mecum habeo in Iudaea, & in Ierusalem, quos praeparauit Dauid pater meus. Sed & ligna cedrina mitte mihi, & arceuthina, & pinea de Libano: scio enim, quod serui tui nouerint cedere ligna de Libano, & erunt serui mei cum seruis tuis, ut parentur mihi ligna plurima. Domus enim, quam cupio edificare, magna est nimis, & inclyta. Praeterea operarijs, qui caesuri sunt ligna, seruis tuis dabo in cibaria tritici coros viginti millia, & hordei coros totidem, olei quoque sata viginti millia.

Mitte ergo mihi virum eruditum, qui nouerit operari in auro, & argento, & aere, & ferro. Petiuerat Salomon supra ab Hiram, quod daret ei ligna cedrina, nunc vero petebat artifices, specialiter petebat vnum, qui esset magister omnium, qui sciret operari in auro, & argento, scilicet, facere omnia opera, quae fiunt de auro, & argento, & aere, & ferro. Omnes enim istae materiae necessariae erant in domo Domini: quia aurum erat ad vasa ministerij, & ad deaurandum tectum, & parietes, & pavementum totius templi in Sancta Sanctorum, & extra, ut pater 3. Reg. 6. Etiam argentum erat pro vasis argenteis, multa namque vasa de argento facta sunt, praecedenti lib. 28. cap. Etiam erat argentum ad deaurandum parietes templi eod. lib. 29. cap. scilicet, accipiendo laminas argenti, & deaurando illas effigendoque tabulis parietum templi, ut ibi declaratum est. Aes necessarium erat ad altare aeneum faciendum, infra 4. Etiam ad mare aeneum, & lebetes, & lateres, & sedes eorum: & ad omnia alia vasa altaris holocaustorum, quae de aere erant 3. Reg. 7. & infra 4. Ferrum necessarium erat pro aedificatione ad coniungendum ligna, & multos alios vsus templi. Purpura coccino, & hyacintho. Istud erat ad faciendum vestes sacerdotales. Volebat enim Salomō facere vestes sacerdoti magno, & minoribus sacerdotibus, atque Leuitis. Multas n. vestes fecit Salomō pro istis, quarum summam ponit Iosephus 8. Antiqui. & aliqua istarum erant de purpura, coccino, & bysso, & hyacintho. Est purpureus color rubeus declinans aliquantulum ad nigrum, sicut quando color rubeus est super aliam tincturam. Coccinū est color rubeus intensissimus. Et ex hoc solet vocari sapissimē in Exodo coccus bis tinctus: Exo. 25. & 35.

Ex quo erant vestes sacerdotales.

& vocatur coccus a verme, de cuius sanguine color intensissimē rubeus tingitur. Color hyacinthinus est color coelestis, & quaedam herba, quae hyacinthus dicitur, & de illius nomine color iste appellatur: hoc etiam appellantur pelles hyacinthinae, quae sunt paratae artificialiter, & tinctae colore hyacinthino, & vocamus vulgariter pelles illas quadamori: sic dicitur Ezech. 24. Calciaui te hyacintho, id est de corio illarū pellium hyacinthinarū, & est color azurinus, siue coelestis. De hoc infra dicitur in quadam quaestione. Qui sciat sculperae coelaturas. Sculperae, & coelare idem sunt, quia vtrumque est cauare, & cauando figuras conuenientes reddere, & erat necessaria sculptura in templo, quia tabulae sculpendae erant, quae in parietibus ponendae erant, ut super eas figerentur laminae argenteae, & aureae. Celare autem aliquando accipitur pro pingere: sic accipitur 2. Metamor. l.

Materiam superabat opus, nam Mulciber illic Aequeora coelarat medias cingentiā terras.

Id est, depinxerat, ut aliqui intelligunt. Sed melius est, quod intelligantur sculperae, quia Mulciber non pingebat, sed sculpebat, quia ad Mulciberum pertinebat opus fabrilē. Cum his artificibus, quos mecum habeo in Iudaea, & Ierusalem. Quasi dicat, multos artifices ego mecum habeo in Iudaea. scilicet, in regno meo, quod vocatur Iudaea a Iudeis, vel in Iudaea. in sorte tribus Iuda, quae proprie vocatur Iudaea. Etiam habebat secum in Ierusalem, quia de istis artificibus, quidam habitabant dispersi per Iudeam, & alij in Ierusalem, ubi rex morabatur. Quos praeparauit Dauid pater meus. Scilicet, ante mortem suam Dauid parauit omnia necessaria pro templo Domini aedificando tam lapides, & ligna, quam aurum, & argentum, & ceteras impensas: & et artifices congregauit, ut Salomon nihil laborare deberet, sed solum, quod iuberet aedificari, praecedenti lib. 22. cap. Et ligna cedrina mitte mihi. Supra petiuerat ligna cedrina, & hic iterum petit, ista erant in Libano in terra regis Hiram, & erant ligna preciosissima. Et arceuthina, & pinea. Quae autem ligna sint ista, & quomodo recepta fuerint in opere templi, cum sola ligna cedrina, & abiegna dicantur fuisse in templo: 3. Reg. 5. declarabitur infra in quadam quaestione. De Libano. Quia omnia ista ligna erant in Libano, & iste mons erat in terra regis Hiram, licet partim esset in terra regis Salomonis. Scio, quod serui tui sciunt ligna cedere de Libano. Non erat ista causa quare volebat Salomon, quod serui sui essent cum seruis Hiram cedendo ligna: nam dato, quod serui Hiram scirent ligna cedere, si et scirent serui Salomonis ligna cedere, non erat opus, quod serui Salomonis cederent cum seruis Hiram, sed quia serui Salomonis nesciebant ligna cedere, & serui Hiram sciebant, opus erat, quod serui Salomonis essent cum illis, ut erudirentur ab eis. Sic pater 3. Reg. 5. Tu teis, quod non est in populo meo, qui nouerit ligna scindere, sicut Sidonij. Erant autem Sidonij subditi Hiram regis, quia Sidon erat in regno eius, ideo Hiram faceret, quod Sidonij cederent ligna in Libano pro Salomone, & Iudaei essent cum eis in monte, & erudirentur ab eis. Et erunt serui mei cum seruis tuis. Scilicet, obediētes praecipis illorum, quia Israelitae erant signari huius artis, & facerent quod alij praeciperent. Ut parentur mihi ligna plurima. Scilicet, non sint soli serui tui, nec soli serui mei, quia soli tui mei nescirent ligna cedere, soli serui tui non sufficient ad cedendum tot ligna, quod ego volo, quia plurima ligna necessaria sunt: ideo omnes simul erunt. Domus enim, quam cupio aedificare, magna est. Id est, magna esse debet: nam nondum erat, ideo nec magna, nec parua erat: sed solum erat in coceptu, & ibi magna erat. Ita

Ista est causa, quare debebant parari ligna plurima, scilicet, quia domus quā ædificabat magna factura erat, & indigebat multa materia. *Et nimis inclita.* Idest, debet esse famosa, scilicet, quod tanta sit excellentia sua, quod in omnibus regnis terrarum nominetur. Sic enim dixit David præcedenti lib. cap. 22. quod parabat materiam multam, eo quod debebat esse domus, quæ ædificanda erat talis, quod in omnibus regnis nominaretur. *Præterea operariis, qui cæsuri sunt ligna seruis tuis dabo in cibaria.* Ponit Salomon partem mercedis pro labore, quem suscepturi erant Sidonij. Nam Salomon hortabatur Hiram, quod daret ei ligna de Libano, & quod serui sui cederent illa, & ne ipse putaret, quod Salomon volebat ista sine pretio sibi fieri, dixit, quod daret seruis Hiram cibos, & nominat hic quid daturus esset eis. *Tritici coros viginti millia, & hordei totidem.* Corus nomen mensuræ est, & accipitur interdum pro mensura tam rerum liquidarum, quàm aridarum: & ponitur hic hordeum, quia non solum dabat Salomon pabula seruis Hiram, sed etiam iumentis eorum, quibus hordeum necessarium erat, & subtrahitur 3. Reg. 5. de hordeo, quia non erat cibus hominum, vel fortè, quia scriptura aliquid omittit in vna parte, quod supplet in alia. *Olei verò sata viginti millia.* Satum nomen mensuræ est rerum liquidarum, sicut hic accipitur. Interdum tamen satum est mensura rerum aridarum, sicut patet Gen. 18. scilicet: Dixit Abraham ad Sarā: Accelera, tria sata farinæ commisce: sic mutantur nomina mensurarum, quia interdum mensuræ liquidorum accipiuntur pro mensuris aridorum. Hic ponitur in Hebræo de vino, scilicet viginti millia bathos vini, & omisit illud translator noster, vel fortè ipse transulit, & postea imperitia librorum deletum est, & patet hoc, quia postea fit mentio de vino: nam dixit Hiram triticum, & hordeum, oleum, & vinum, quæ pollicitus es mitte seruis tuis, non tamen diceret ibi de vino inter cetera, quæ Salomon pollicitus fuisset illa, nisi verè pollicitus fuisset.

Cur Salomon ab Hiram petiuit virum eruditum.

Questio XXI.

QVAERITVR circa ea, quæ habentur hic, quare Salomō petiuit ab Hiram virum eruditum, qui sciret facere ea, quæ nominantur in litera: nam videtur, quod non erat opus, eo quod David ante mortem suam parauerat omnes artifices necessarios ad istud opus, ut patet præcedenti lib. 22. scilicet, Habes tecum plurimos artifices latomos, & cementarios, artificesque lignorum, & omnium artium ad faciendum opus prudentissimos in auro, & argento, ære, & ferro, cuius non est numerus. Responderi potest quod licet haberet Salomon multos artifices, voluit plures, quia opus erat magnum, & erant necessarii multi artifices adhuc multo plures, quàm cogitauerat David. Aliter potest dici, & melius, quod non misit Salomon pro pluribus artificibus, quasi deessent artifices in terra Israel ad istud opus, quia tunc non solum misisset Salomon pro vno artifice, sed pro multis, & tamen misit pro vno dicens: Mitte mihi virum eruditum, qui nouerit operari &c. & postea laudatur iste vir missus, quod erat prudentissimus artifex infra in litera: & sic licet David parasset multos viros artifices eruditos ad opus istud: tamen diebus Salomonis erat ille Tyrius inter ceteros eruditissimus in id parauerat illum, ut inter ceteros esset artifex operum templi. Misit tamen in regno Hiram, quousque saltem tempus inchoandi ædificationem templi: & tunc Salomon misit pro eo in regnum Tyri. Sed melius dicitur, quod David non cogitauerat de illo, vel saltem non

A disposuerat, quod ille veniret ad ædificandum templum, cum dicat hic Salomon, quod mittat eum Hiram, ut sit cum artificibus, quos parauerat David in Iudæa, & Ierusalem: sed Salomon cognoscens eum valde eruditum circa artem istam, orauit quod veniret de Tyro ad ædificationem hanc.

De quibusdam verbis hic dictis à Salomone, quod mitteret Hira virum eruditum, & qui sciret, &c.

Questio XXII.

QVAERITVR vltius cum dicitur hic, quod mitteret Hiram virum eruditum, qui sciret operari in auro, argento, ære, & ferro, purpura, cocco, hyacintho: ad quid dicebat hoc. Respondendum quod necessitas auri, & argenti, æris, & ferri erat in templo, ut supra declaratum est. De purpura, cocco, & hyacintho dicendum, quod etiam erant necessaria: & primò ad faciendum velum quod pendebat ante sancta sanctorum: nam licet sancta sanctorum haberet parietem claudentem, & portam: ut patet 3. Reg. 6. tamen ante parietem illum ponebatur quoddam velum, ut quidam putant; & dato, quod non poneretur ante sancta sanctorum, saltem erat in templo, & pro textura istius erat necessarius artifex, qui sciret in his operari: nam velum illud factum est de purpura, & cocco, hyacintho, & bysso, & intermixti erant cherubim illi operari: ut patet sequenti cap. Etiam erat hoc necessariū pro vestibus sacerdotum. Nam Salomon fecit vestes pro sacerdote magno, & minoribus, & Leuitis, quarum summam ponit Iosephus 8. Antiquit. Et hæc erant de ijs coloribus habentes partes. Pro quo sciendum, quod vestes Leuitarum non erant determinatæ in lege: nam Deus dedit formam vestium pro sacerdote magno, & minoribus Exo. 24. De Leuitis nihil dictum est. Habebant tamen Leuitæ vestes, quibus utebantur in ministerio Dei: licet illæ non essent benedictæ, sicut vestes sacerdotales. Erant autem quædam vestes lineæ, quæ vocabantur ephod. Sic patet de Samuele, qui erat Leuita, ut patet præcedenti lib. c. 6. Et ipse ministrabat coram Domino indutus ephod lineo. 1. Reg. 2. & 3. & ita alij Leuitæ ministrabant. De istis ephod dicit Iosephus 8. *Ephod.*

D Antiquit. quod fecit Salomon octoginta millia stolarum pro Leuitis. In istis non erat opus purpuræ, coccini, hyacinthi: sed de bysso fiebant, quia erant lineæ: De vestibus autem sacerdotum minorum. Dicendum, quod erant quatuor, scilicet sceminalia, & tunica, cingulum, & cidaris: sceminalia erant de pertinentibus ad sanctuarium. Exo. 24. & ista linea erant: Tunica erat longa regens totum corpus, erat tamen stricta, & ista erant linea Cingulum erat de ligno ad stringendum tunicam lineam, ne laxa flueret. Cidaris erat quædam cucufa ad modum mitræ rotundæ, & erat linea. Omnia vestimenta sacerdotum minorum erant linea. Exo. 28. & pro ijs non erat necessaria ista peritia texendi purpuram, coccum, & hyacinthum. De vestibus autem vel ornamentis sacerdotis magni, dicendum quod erant quinque, vel sex, secundum Iosephum scilicet, cingulum, tunica tota hyacinthina, ephod, rationale, thiara, lamina aurea. Exo. 28. Cingulum erat aliud à cingulo sacerdotum minorum. Erat enim amplum latitudine digitorum quatuor textum de auro, & purpura, & cocco bis tincto, & hyacintho, & bysso retorta. Tunica autem erat tota hyacinthina habens tintinnabula, & malograna in ora: & ista tota erat de hyacintho: ephod, & rationale erant de auro, purpura, & hyacintho, coccoque bis tincto, & bysso retorta pulchra varietate composita. Thiara erat hyacinthina. Lamina autem de auro purissimo erat. De his vestibus latius quantum ad eorum fabricaturam Exo. 28. Quantum ad istas erat necessaria

Quid sit Ephod.

Quid sit Cidaris.

ria textura in purpura, & cocco, & hyacintho. Fecit autem Salomon mille tunicas hyacinthinas, & mille thiaras, & mille Ephod, & mille rationalia pro summo sacerdote, scilicet, quod mille apparatus integros summi sacerdotis fecit præter laminam auream. Nullam quippe fecit, quia lamina aurea quam fecerat Moyses in deserto, supererat tempore illo, & poterat semper manere, & cum vnicus esset summus sacerdos, sufficiebat lamina illa. Et dicit etiam, quod vsq; ad tempus suum superfuit: vt patet octauo Antiquit. Vestes autem istæ erant necessariae, quia cum essent, de filis vetustate consumebantur, & oportebat nouas fieri. Etiam erat hoc ad honorem, quia cum esset templum magnificum, debebant ornamenta eius esse preciosa, & magni apparatus. Si tamen esset vnicus apparatus vestium summi sacerdotis, & quodcumq; vestiretur necesse esset illo vestiri, non esset aliquis honor, potissimè, quia summus sacerdos differentius indui debebat in magnis festiuitatibus, quàm in diebus profectis, ad quod multi apparatus necessarij erant.

De petitione Salomonis ab Hiram circa ligna cedrina, &c.

Quest. XXIII.

QVAERITVR vterius, quomodo Salomon petiuit hic ab Hiram ligna cedrina ad ædificationem templi: nam David fecerat totum apparatus lignorum necessariorum ad istud opus, vt patet præcedenti lib. 22. capit. scilicet. Ligna quoque cedrina non poterant extirari, quæ Sidonij, & Tyrij deportauerant ad David. Item dicitur iterum, ligna quoque, & lapides preparauit ad vniuersa impendia. Aliqui dicunt, quod verum est, quod David parauerat omnia ligna necessaria pro ædificatione templi. Nunc autem Salomon petiuit ligna ab Hiram, quia non solum volebat ædificare templum Domino, sed etiam palatium sibi: sicut dicitur supra in litera. Decreuit Salomon ædificare domum Domino, & palatium sibi, scilicet tria palatia, & pro ædificatione illorum multis lignis egebat, & illa petiuit nunc ab Hiram. Dicendum, q non stat: quia Salomon petiuit ligna cedrina pro domo Domini: & licet vellet etiam pro palatio suo, tamen nunc pro templo domini principalius volebat, vt ait supra in litera, scilicet: Vt parentur mihi ligna plurima: Domus enim quam ædificare cupio, magna est, & inclyta nimis: & loquitur de templo domini: dicens, quod multa ligna erant necessaria, quia erat domus magna, & non potest intelligi de domo, siue palatio Salomonis: quia supra in litera dictum fuerat, domus quam ædificare cupio magna est: Magnus est enim Deus noster. Dicendum est ergo, quod Salomon volebat nunc multitudinem lignorum tam pro templo Domini, quàm pro palatio suo: præcipue tamen volebat pro domo Domini, & erant necessaria ista ligna. Et tunc dicet aliquis: quomodo Salomon parabat multa ligna, quia David parauerat omnia necessaria. Dicet aliquis, quod David putauit ædificare templum minoris quantitatatis, quàm Salomon postea ædificauit, & secundum illam exigentiam parauit omnia ligna necessaria: quia tamen Salomon voluit, illud facere maioris quantitatatis, parauit plura ligna. Dicendum quod non stat, quia Salomon non fecit maius, nec minus quàm a David accepit: quia ab eo accepit mensuram omnium partium templi, & vasorum suorum, & quarumcunque rerum vsque ad pondera, & figuras: vt patet præcedenti lib. 28. cap. scilicet. Dedit David Salomoni descriptionem porticus, & templi cellariorum, & cenaculi, & cubiculorum in abditis, & domus propitiationis, & omnium, quæ co-

Fgitauerat atriorum, & exedrarum, &c. Et postea sequitur. Omnia, inquit, venerunt scripta manu Domini ad me, vt intelligerem opera exemplaris: non ergo mutare Salomon debuit aliquid de eo, quod acceperat à patre suo descriptum: potissimè cum ista descriptio venisset a Deo: ideo non quæreretur plura ligna, quàm David, quali vellet facere templum maius quàm David. Sed dicendum, quod David collegit tot ligna, quot putauit sufficere ad ædificationem templi Domini, & tamen Salomon putauit ista non sufficere: quia circa talia, quæ sunt magna ædificia: nemo potest dicere præcisè quanta materia necessaria sit: potissimè quia Salomon volebat etiam congregare ligna pro ædificatione palatiorum suorum, & accipere illa, quæ superessent de ædificatione templi: & sic simul petiuit ligna pro vtroq; & petiuit plura pro templo quàm necessaria essent: quia licet superessent, impenderentur in alteram ædificationem.

Dixit autem Hiram rex Tyri per literas, quas miserat Salomoni: Quia dilexit Dominus populum suum, ideo te regnare fecit super eum. Et addidit dicens: Benedictus Dominus Deus Israel, qui fecit cælum, & terram, qui dedit David regi filium sapientem, & eruditum, & sensatum, atque prudentem, vt ædificaret domum Domino, & palatium sibi. Misi ergo tibi virum prudentem, & scientissimum Hiram, patrem meum, filium mulieris de filiabus Dan, cuius pater fuit Tyrius, qui nouerit operari in auro, & argento, ære, & ferro, & marmore, & lignis: in purpura quoque, & hyacintho, & bysso, & coccino, qui sciat cælare omnem sculpturam, & adinuenire prudenter quodcumque in opere necessarium est, cum artificibus tuis, & cum artificibus domini mei David patris tui. Triticum ergo, & hordeum, & oleum, & vinum, quæ pollicitus es, domine mi, mitte seruis tuis: nos autem cædemus ligna de Libano, quot necessaria habueris, & applicabimus ea ratibus per mare in Iope: tuum autem erit transferre ea in Ierusalem.

Dixit autem Hiram. Hic ponitur secundum huius partis, scilicet, Hiram condescensio ad supplicationem Salomonis petentis ligna, & artifices. Et primo ponitur, quædam prælocutio Dei laudatiua. Secundo conclusio reuerentiua, ibi. Misi ergo tibi. Circa primum dicitur. Dixit autem Hiram rex Tyri per literas, quas miserat Salomoni. Scilicet rescripsit Salomoni respondendo ad petita, & dixit hoc. Quia dilexit Dominus populum suum, ideo te regnare fecit. Scilicet, quia Deus Israel diligebat Israelitas, dedit eis talem regem: in hoc laudatur Deus tanquam benè disponens regnum, scilicet, quia dedit regem prudentem populo, quem diligebat. Lau-

Laudatur etiam Salomon, quod sit rex prudens: nam cum Deus placatus Israelitis, & tanquam in magnum donum dedit eis Salomonem in regem, videtur, quod Salomon erat rex laudabilis. *Et addidit dicens, benedictus Dominus Deus Israel.* Iterum laudat Hiram Deum Israel de bona dispositione regni Israel. *Qui fecit celum, & terram.* In hoc patet Hirā, quod erat fidelis cum diceret, quod Deus Israel fecerat celum, & terram, quod credere non potest, nisi qui est vere catholicus, cum istud sit ultra naturalem cognitionem. *Qui dedit David regi filium sapientem atque eruditum, & sensatum atque prudentem.* Laudat Hiram felicitatem David. scilicet quod David fuit felix, qui talem filium habuit, & Deus fuit benedictus, qui tantam felicitatem ei concedere voluit. Cognovit enim Hirā ex verbis Salomonis, quod erat vir sensatus, & laudavit eum nimis per plura nomina: licet omnia redeunt in idem. scilicet ad signandum eum sapientem esse. Sapiens tamen signat cognoscentem res altissimas, ut colligitur 6. Ethic. cap. De sapientia. Et sic de Salomone, qui habuit altissimam cognitionem inter omnes homines circa omnes scientias, & speculationes, ut patet 3. Reg. 3. & declaratum fuit tibi in quadam quaestione. Eruditus est nomen generale, & signat quamcunque instructionem, quam quis habeat: siue circa speculabilia, siue circa practica, vel factibilia, quam ab alio didicerit. Istud autem non competebat Salomoni, quia habuerat sapientiam a Deo, & non docente homine. Et tamen adhuc potest aliquo modo applicari ei, quia Salomon antequam a Deo acciperet sapientiam erat vir prudens. Nam David ante mortem suam dixit illi: vir sapiens es, & scies quid facies ei, tertio Reg. 2. Etiam licet insidiatores in regno haberet mortuo David antequam sibi daretur sapientia, prudenter se habuit erga illos, ut patet quando occidit Adoniam fratrem suum, quia petebat Abisac in uxorem, 3. Reg. quarto, & tunc forte per eruditionem aliorum ipse instruebatur, & sic vocaretur eruditus. Vocatur sensatus, id est magni iudicii naturalis, & maturi: nam antequam Deus daret sapientiam Salomoni, ipse erat acutus ingenij, & sensatus naturaliter: & sic ipse dixit de se: Puer eram utilis, & ingeniosus, & sortitus sum animam bonam: Sapientia autem ostendit. Vocatur prudens, quia in gerendis negotiis prudenter se habebat. Differt enim prudentia nimis a sapientia, quia sapientia circa speculabilia est. Prudentia autem ad agibilia, ut patet sexto Ethic. cap. De sapientia, & capi. De Prudentia. & contingit multos esse sapientes, vel saltem habere magnam cognitionem circa speculabilia, & tamen non esse prudentes, sicut ait Arist. 6. Ethic. quod contingit iuvenes effici mathematicos, & tamen non habere hanc, quia Deus non solum sapientiam, sed etiam prudentiam donauerat. Imo potius donauit prudentiam, quam sapientiam, quia istud magis consonabat petitioni Salomonis: nam licet ipse petiuit habilitatem ad digne gubernandum regnum, ista tamen habilitatio non est in sapientia, sed in prudentia. *Qui edificauit domum Domino.* Quasi dicat nullus de praecedentibus regibus Israel, nec iudicibus edificauit templum Domino. Iste autem nititur illud edificare magnifice: edificauerant palatia, sed manserant utcumque habitantia. Salomon autem voluit super illos magnificari aedificando palatia pulchra, & magnorum sumptuum. In Hebraeo dicitur. *Domum pro regno suo.* Et idem est, quia palatium quod edificabat sibi Salomon, erat domus pro omnibus regibus, qui descenderent de stirpe eius. *Nisi ergo tibi.* Hic ponitur secundum huius partis. I. conclusio responsiva, in qua respondet petitioni Salomonis mittendo ei artificem, quem petiuerat, & ligna. Et dicitur. Alph. T. ost. super lib. Paralip. Part 2.

A *Misi ergo tibi virum prudentem, & scientissimum.* Iste erat artifex, quem petiuit Salomon: quia erat excellens super omnes artifices Salomonis, & ei attribuuntur omnia opera templi, tertio Regum 7. sicut Beseleel & Ooliab attribuuntur omnia opera tabernaculi Moysi, Exod. trigesimo primo, & trigesimo sexto. Et sunt ista nomina impropria, quia non erat iste vir prudens, sed eruditus in omni arte fabricandi, & texendi: & ad hoc non extenditur prudentia, sed solum ad dirigendum agibilia, & negotia humana, de quibus non erat ad propositum. Sciens vocatur, qui scientiam habet: et est scientia habitus speculatiui, secundum quem cognoscimus conclusiones demonstratiuas, ut patet sexto Ethic. ad nihil horum pertinet, et tamen de isto viro nihil commendatur hic, nisi quod esset peritus in arte fabricandi, quia nihil aliud faceret ad propositum. In scriptura tamen non seruatur proprietates circa terminos istos, sed sequitur modum loquendi vulgariter, qui terminos confundit abusione quadam. *Hiram patrem meum.* Non erat pater regis, quia si esset pater eius non mitteretur ad fabricandum. Etiam ille regnaret, nam viuentis patre non regnat filius, sed pater: sed vocauit eum patrem ex alia causa, de qua dicitur infra in quadam quaestione. *Filium mulieris de filiabus Dan.* Erat Dan vnus de filiis Iacob, a quo vna tribus nominata est, et de illa erat ista mulier, cuius filius erat iste artifex. *Cuius pater fuit Tyrius.* Licet esset iste vir Tyrius, accepit uxorem de filiabus Israel, & habitauit in vrbe Tyri, ibique filius eius Hiram manebat sub potestate regis Tyri, qui eiusdem nominis erat cum illo. De hoc etiam, cuius filius fuerit, infra dicitur in quadam quaestione. *Qui nouerit operari in auro, & argento, ere, & ferro.* Exprimit illa, in quibus erat eruditus iste Hiram: & sunt illa, quae petiuerat Salomon: & quia tot artes nouerat, & in eis erat excellens, vocatur scientissimus supra in litera. In Hebraeo vocatur sciens. Nam cum dicitur de aliquo, quod est sciens, non signatur magna excellentia eius. Si autem dicitur sciens in intellectu, vel sciens intellectum, signatur excellentia magna. *Et marmore, & lignis.* Ista duo etiam erant necessaria pro templo, quia parietes eius de lapidibus construendi erant, & tectum de lignis. **D** Salomon tamen non petiuit, quod esset eruditus in marmore, sed quia Hirā rex Tyri vidit, quod istud erat necessarium, dixit quod etiam erat peritus in marmore, & lignis. Fortē autem Salomon non petiuit, quod esset peritus in istis: sed solum in illis, quae ipse supra expressit, eo quod ipse habebat artifices alios, qui erant valde periti in marmore, & lignis, sed in auro, & argento, & ferro, purpura, & coccino, hyacintho non habebat peritissimos, ideo petiuit peritissimum circa haec. Vel potest dici, quod Salomon petiuit etiam quod esset sapiens in marmore, & lignis: tamen litera non expressit illud supra in petitione Salomonis, & expressit nunc in responsione regis Tyri. *In purpura quoque, & hyacintho, & bysso, & coccino.* Omnia haec petiuerat Salomon, & declaratum est quid ista essent, & ad quid essent ista necessaria in templo Domini. *Et qui sciat celare omnem sculpturam.* Id est sciet sculper, quidquid sculpendum sit. Nam sculpturae factae sunt per cauationē, vel quodcunque opus cauatum quod non est solum pictum. *Et adiuuare prudenter quidquid in opere necessarium est.* Istud est magnum in artificibus, et in quocunque habere habitum alicuius disciplinae, scilicet quod artifices non solum ea, quae eis iubentur secundum formam datam efficere queant, sed et quod de corde suo inquirant aliqua subtilia, quae ab aliis non exco gitata sunt. Sic etiam in habentibus speculatinos habitus, quod non solum intelligant, quae ab aliis tradita sunt, sed etiam ipsi inuenire de nouo alia, quae alius tradant.

In isto autem opere templi erat istud necessarium. **E**t quia cum esset opus magnum, necesse erat aliqua excogitari ad illud explendum, quæ non fuissent excogitata à iubente fieri opus, & istud faceret Hirā. Cum artificibus tuis, & cum artificibus Domini mei David patris tui. Scilicet, iste erit cum artificibus tuis, & artificibus David patris tui, ut omnes simul faciant opus. David enim ante mortem suam elegerat artifices ad opus templi, ut non laboraret Salomon illos inquirendo. precedenti libro 22. cap. & alios nouiter Salomon congregauerat, & cum omnibus illis debebat iste Hirā operari. Vocauit rex Tyri David dominum suum ad honorandum Salomonem filium eius. Etiam, quia David fuerat amicus regis Tyri, & habebat eum iste rex tanquam dominum, quia erat potentior. Et cum posset ei nocere expellendo illum de terra, & occupando regionem eius noluit. Et sic rex Tyri mittebat ad David omnia, vel tanquam domino, vel tanquam amico. Nam misit ad eum artifices, & ligna cedrina ad edificandum palatium ipsi David. 3. Reg. 3. & precedenti lib. 14. cap. Triticum ergo, & hordeum. Postquam rex Tyri obtulit se ad faciendum, quæ petebat Salomon: petiuit ab eo illa, quæ pollicitus fuerat dare ad sustentationem seruorum Hiram, dum fieret opus, scilicet, triticum, & alia. Et ponitur hic triticum. Supra autem ponebatur cibarius tritici, idest triticum quod erat cibarium, vel cibaria: triticum, idest cibum factum de tritico, scilicet, farinam, quia forte dabat ei farinam iam molitam: nā in Hebræo dicitur, ibi. *Frumenta contrita*. Scilicet, farinā, quod illud signat: & sic farre contuso, vel contrito iam farina erat, & litera nostra vocauit cibaria tritici, & posuit litera Hebraica triticum in plurali, licet sit contra modum loquendi cum non detur in Latino plurale talibus nominibus. *Oleum, & vinum, quæ pollicitus es*. Omnia ista promiserat Salomon se daturum coesoribus lignorum supra in litera, & 3. Reg. 5. Erant namque Tyrii, & Sidonij non nimis abundantes in istis, quia terra illa est in monte Libano, & magis vacat alijs ministerijs, quam agriculturæ. In terra autem Salomonis erant magni agricolæ, & poterat Salomon providere Tyrijs, & Sidonijs, quamdiu vacarent operi fabricarij. Nos autem cedemus ligna de Libano, quotquot necessaria habueris. Loquebatur Hiram in persona sua, tanquam ipse coesurus esset ligna cum seruis suis. Sed certum est, quod non coesurus erat cum esset rex, sed transferrebat hoc in personam suam: eo quod ipse habebat personam petentis remunerationem pro labore: & dixit quotquot necessaria habueris, quia dixerat Salomon, ut parentur mihi ligna plurima, ne putaret, quod rex Tyri volebat ei solū dare ligna certa, & forte illa non sufficerent ad ædificationem templi: ut ergo Salomon nō sollicitaretur circa hoc, dixit ei rex Tyri, quod daret sibi ligna quotquot vellet. *Et applicabimus ea ratibus per nauem in Iopem*. Non solū obtulit se rex Tyri facturum, quod petebat Salomon, scilicet, quod scinderent serui Hiram ligna in Libano per Salomone, sed etiam, quod ea transferret per mare usque Iopem. Pro quo sciendum, quod mons Libanus est in terra Tyri, & inde cæla ligna ponebantur in mari, & ducebantur in Iopem, de quo infra declarabit. *Tuum erit transferre ea in Ierusalem*. Idest, postquam serui mei posuerint ligna in portu in Iopem, dimittent ea ibi, & ad te pertinebit illa transferre in Ierusalem.

Nominū
circa dicta

De quibusdam verbis dictis ab Hiram, scilicet, quod Deus
Israel creauerat Cælum, & Terram.
Questio XXXI.

QVAERITVR circa prædicta, cum Hirā esset
Gentilis, quomodo dixit, quod Deus Israel crea-

uerat Cælum & Terram: quia istud credere nō pertinebat ad Gentiles, qui solū credebant ea, quæ naturaliter scire poterāt. Aliquis forte dicet, quod Hirā, & serui sui erant Hebræi. s. conuersi ad Iudaismum, & sic credebant omnia, quæ credebant Hebræi. Sed dicendum, quod non stat, quia serui regis Hiram erant Chananei, cum tota illa terra esset Chananeorum, & non solū tempore Salomonis erant Tyrii, & Sidonij Chananei, sed etiam tempore Christi: nam Christ' semel prædicabat in finibus Tyri, & Sydonis, & mulier Chananea de finibus illis egressa clamanit. Domine miserere mei: nam filia mea malè à demonio vexat: Mat. 15. & Mar. 7. ergo Tyrii, & Sidonij Chananei erant. Aliter dicit aliquis, quod sicut Gentiles poterant habere rectam fidem de Deo, ita forte rex Tyri habuit: manens enim in sua Gentilitate cognouit hoc: patet hoc ad Rom. 1. Inuisibilia Dei per ea, quæ facta sunt, possunt homines cognoscere Deum, & sequitur: ita ut inexcusabiles sint. Sic etiam patet de Atheniensibus, quod Gentiles erant, & Deum cognouerunt, & posuerunt aram Deo ignoto, concordauitque cum eis Paulus, quod ille erat Deus, quem ipse prædicabat: & sic Deus, qui ex lege cognoscitur, & tollitur, poterat naturaliter cognosci. Dicendum, quod non poterat rex Tyri cognoscere manens in Gentilitate ea, quæ professus est. Nam duo confessus est, quorum neutrum naturaliter cognoscere poterat. Primum est, quod Deus creauerat cælum, & terram. Secundum, quod Deus, qui hoc fecerat, erat Deus Hebræorum. De primo patet, quia omnes, qui Philosophati sunt considerauerunt circa hoc, & nullus potuit inuenire creatum esse seculum: sed posuerunt æternitatem mundi, motus, motoris, materie, & generationis, ut colligitur 8. Physicorum. Et non solū non potuerunt inuenire creationem, sed etiam dixerunt, quod erat contra considerationem Philosophicam, ut ait Aristo. 1. Physic. cap. Scilicet: Sicut Phys. præterit omnes Philosophantes ex nihilo aliquid fieri. Nulla namque ratio est, quæ naturaliter inducat ad hoc, cum omnes operationes naturæ fiant præsupposita materia, quæ est subiectum alterationis. Non habebit naturalis unde arguat materiam factam esse, quæ si hoc voluerit dicere, vel præsupponere iam non arguet naturaliter, cum non præsupposita materia nō sit aliqua operatio naturalis, ideo pertinebit istud ad credere, sed non ad intelligere via naturali: quicumque ergo conatur naturaliter probare creationem insipientes sunt: & sic rex Tyri, qui non fuit maior omnibus philosophantibus, nō potuit cognoscere naturaliter seculum creatum. Secundum erat. s. dato, quod seculum creatum esset, quod illud creasset Deus Hebræorum: nam etiam istud erat nimis obscurum, quia apud Gentiles multi putabantur dii, & quælibet gens putabat illum esse Deum, quem ipsa colebat: ideo dato, quod via naturali cognosceretur vnicum esse Deum, & multitudinem, quæ colebatur, frustra, & falsam esse: non sciretur de illo vnico Deo, quæ gens coleret illum, vel foret an coleretur ab aliqua gente. Nā impossibile erat, quod nulla eum gens coleret: determinare se ergo ad Deum Israel, quod ille esset verus Deus, qui creasset cælum, & terram super cognitionem Gentiliū erat. Cum autem obijciatur, quod Gentiles naturaliter Deum cognoscere potuerunt, dicente Apostolo. Dicendum est, quod poterant cognoscere eum: sed non erat istud, quod de eo cognoscebant. Illud autem quod de Deo cognoscere poterant erat istud. Primum, quod idola non essent dii, & patet, quia Deus est, quo nihil melius excogitari potest. Idolū autem aliquid inanimatum est, & imperfectum, ideo nō est Deus. Item Deus non est ab homine, sed potius homo à Deo, cum Deus ponatur rector vniuersi, & in idolo ab homine est, quia fabricatū ab homine est, ideo non est Deus. Cognos-

Tyrii, & Sidonij erant Chananei

Creatio naturaliter cognoscere non potuit

Cognoscitur etiam naturaliter; quod Deus unus sit: nam multae deitates non poterant esse simul, quia tunc aliqua earum non esset summum bonum, vel nulla earum esset summum bonum, & tamen non est Deus, qui non est summum bonum, ideo non sunt plures dii. Cognoscitur etiam naturaliter, quod Deus est moderator universi: quia omnia necesse est reduci ad unam causam primam; quia alias universum non esset unum, sed multa, cum reduceretur ad diversa principia, & tamen unum est; ideo unus rector est. Istud probat Arist. 12. Metaph. in fine. Cognoscitur etiam naturaliter, quod Deus renumerator est, & punitor, gubernando universum, quia alias tolleretur providentia, quam necesse est ponere in rebus, de qua nunc non est disputandum: quodam etiam alias proprietates similes possunt cognosci de Deo: videntur, quod est aeternus: quod tamen creaverit mundum non potest cognosci naturaliter. Ratio differentiae est, quia ad probandum Deum esse unum, & aeternum, & similia, habetur via ex naturali processu, sicut demonstrat Arist. 8. Physicorum. Aeternitatem motus, & motoris, & unitatem rectoris universi. 8. Physico. & tamen ad inducendum creationem non est aliqua via in rebus naturalibus, cum creatio non praesupponat materiam: & tamen omnes operationes naturales in materiam praesupponunt: & hoc consonat dicto Apost. ad Rom. 1. Invisibilia Dei per ea, quae facta sunt a creatura mundi intellecta conspiciuntur. i. proprietates Dei invisibilis cognoscuntur ab homine per ea, quae facta sunt: ergo solum intelligitur de ipsis divinis proprietatibus, & non de aliquo quod est ad extra. Creatio autem ad extra est, ideo non dicitur illam esse cognitam per ea, quae facta sunt. Item patet ex adiuncto, quia ibi dicitur, sempiterna quoque eius virtus, & deitas: & istae sunt Dei proprietates, vel attributa: ideo per invisibilia Dei solum intelliguntur alia similia attributa. Item patet effectus, qui dicitur, quod omnia ista, quae de Deo cognoscuntur: sciuntur per ea, quae facta sunt, per creaturas. Cum ergo medium sciendi sit ipsa res facta: non poterit esse tantum conclusio, quia tunc non esset aliquid, per quod ipsa sciretur, vel sciret per seipsam, quod est impossibile. Ideo dato, quod possibile esset naturaliter cognosci creationem rerum, tamen auctoritas Apostoli nullo modo poterat illud ignorare. Ad secundum cum dicitur de Atheniensibus, quod cognoverunt naturaliter Deum, & concordaverunt cum Paulo, & quod ita poterat cognoscere illum rex Tyri. Dicendum, quod non statim quia Athenienses cognoverunt Deum naturaliter, & tamen non cognoverunt, quod creaverat seculum, sed potius negabant hoc, & irridebant Paulum, quia predicabat creationem, & mortuorum suscitationem. Act. 17. Et tamen, qui concedit creationem, concedit resurrectionem, quia utrumque procedit a potentia infinita, & non negatur propter aliud creatio, nisi quia non poterat fieri, nisi a potentia infinita, quae non conceditur a Philo. Cognoverunt tamen Athenienses hoc, quod erat quidam Deus praeter illos, qui colebantur, quorum purus spiritus, & ceticola, & eum rectorem universi putabant, & primam causam omnium atque in virtute excellentissimum: & tamen non cognoscebant eum plenarie. Unde cum Deum ignorare vocabant, & sic titulus argenti erat: DEO IGNOTO. Si autem cognovissent Athenienses plenarie Deum illum tanquam creatorem omnium, nullum alium Deum coluissent, quia scirent alios non esse Deos, & tamen colebant istum cum aliis Act. 17. ideo non cognoscebant eum Deum creatorem, sed sub quibusdam aliis perfectionibus minoribus. Et sic nec poterat rex Tyri cognoscere naturaliter Deum esse creatorem caeli, & terre. Dicendum autem, quod hoc poterat dupliciter dici, uno modo, quod rex Tyri diceret hoc fide ad conciliandum sibi Israelitas: nam Hebraei asserabant Deum suum esse creatorem caeli, et terre, et hoc sciebant nationes, quae communicabant eis, et quia Tyrus erat coniuncta terra Israel, sciebant hoc, & alias ceremonias Hebraeorum, & quia volebat rex Tyri placatum habere Salomonem forte, ut eum placaret, asserbat Deum esse Israel creatorem, quia in hoc nimis gaudebant Israelitae cum quis fauere intentioni eorum circa legem. Quod autem rex Tyri vellet hoc facere, patet: quia erat regnum eius in terra Chanaan, ut infra declarabitur: & tota illa terra debita erat Hebraeis, & pugnabant contra gentes habitantes in ea ad expellendas eas rude: & occupandum terram, vel ad subiiciendas eas in tributum, & quia Hiram non erat rex potens, nec posset resistere Hebraeis pugnantibus, volebat placare eos, ut non deleverent terram eius, aut subiicerent eum, & servos suos tributo, & sic quidquid scirent placere Iudaeis facerent. Patet hoc tempore David, nam cum scivit Hiram David factum regem super totum Israel, misit ei artifices, & ligna cedrina, ut edificarent ei domum 3. Reg. 5. & praeced. lib. 14. cap. Etiam vocavit nunc David dominum suum, & laudavit valde Salomonem, ideo satis verisimile erat, quod diceret hoc fide, ut placeret Salomoni. Alio modo potest dici, quod hoc didicerat rex Tyri ab Hebraeis, nam communicabant, & videns aliqua mirabilia, quae fecerat Deus Hebraeorum, credidit vera esse omnia, quae illi asserabant de eo. scilicet quod creaverat caelum, & terram, & quod fecerat alia mirabilia: sic Gentiles crediderunt Deum Israel esse verum Deum, ut patet de Iethro socero Moysi, qui videns, quod Deus liberaverat Israelitas de Aegypto per multa mirabilia, laudavit eum asserens esse Deum super omnes Deos: Benedictus Deus, qui eruit vos de manu Aegyptiorum, & de manu Pharaonis, nunc cognovi, quia magnus dominus super omnes Deos. Sic etiam fuit de Raab Iericonita, qui videns, quod Deus diuiterat murem introeuntibus Israelitis, & ad ultimum siccauit flumen Iordanis ad transitum ipsorum: dixit, quod ipse erat Deus in caelo, & in terra, & quod non erat alius Deus praeter ipsum. Ios. 2. cap. Multi etiam alii Gentiles audiebant famam Dei Israel, & videbant aliqua de mirabilibus eius, credebantque in eum, et veniebant ad adorandum eum in templum suum in Ierusalem, ut patet 3. Re. 8. et infra 7. A fortiori poterat esse de rege Tyri, qui habitabat in terra Chanaan, et poterat cognoscere omnes ceremonias, et fidem Hebraeorum, et audito, vel potius viso aliquo miraculo magno facto per Deum Israel, crederet vera esse omnia, quae asserabant Israelitae de illo. Nam non poterat alio modo scire, quod Deus Israel creaverat caelum, et terram: dato, quod crederet rex Tyri Deum Israel esse Deum verum, adhuc nesciret, an creaverat caelum, et terram, quia non sequebatur: iste est verus Deus, ergo creavit caelum, et terram. Nam omnes Philosophi, qui aliter Philosophant, cognoverunt unum Deum: et tamen non cognoverunt creationem, sed potius negant eam, et sic esse poterat de Deo Israel. Modus ergo fuit, quod per aliqua miracula credidit rex Tyri Deum Israel esse verum, et solum Deum, et ex hoc inductus est ad credendum omnia, quae Israelitae de Deo asserabant, et quia illi dicebant, quod Deus creaverat caelum, et terram, etiam illud credidit rex Tyri.

Aliud sibi Israelitas: nam Hebraei asserabant Deum suum esse creatorem caeli, et terre, et hoc sciebant nationes, quae communicabant eis, et quia Tyrus erat coniuncta terra Israel, sciebant hoc, & alias ceremonias Hebraeorum, & quia volebat rex Tyri placatum habere Salomonem forte, ut eum placaret, asserbat Deum esse Israel creatorem, quia in hoc nimis gaudebant Israelitae cum quis fauere intentioni eorum circa legem. Quod autem rex Tyri vellet hoc facere, patet: quia erat regnum eius in terra Chanaan, ut infra declarabitur: & tota illa terra debita erat Hebraeis, & pugnabant contra gentes habitantes in ea ad expellendas eas rude: & occupandum terram, vel ad subiiciendas eas in tributum, & quia Hiram non erat rex potens, nec posset resistere Hebraeis pugnantibus, volebat placare eos, ut non deleverent terram eius, aut subiicerent eum, & servos suos tributo, & sic quidquid scirent placere Iudaeis facerent. Patet hoc tempore David, nam cum scivit Hiram David factum regem super totum Israel, misit ei artifices, & ligna cedrina, ut edificarent ei domum 3. Reg. 5. & praeced. lib. 14. cap. Etiam vocavit nunc David dominum suum, & laudavit valde Salomonem, ideo satis verisimile erat, quod diceret hoc fide, ut placeret Salomoni. Alio modo potest dici, quod hoc didicerat rex Tyri ab Hebraeis, nam communicabant, & videns aliqua mirabilia, quae fecerat Deus Hebraeorum, credidit vera esse omnia, quae illi asserabant de eo. scilicet quod creaverat caelum, & terram, & quod fecerat alia mirabilia: sic Gentiles crediderunt Deum Israel esse verum Deum, ut patet de Iethro socero Moysi, qui videns, quod Deus liberaverat Israelitas de Aegypto per multa mirabilia, laudavit eum asserens esse Deum super omnes Deos: Benedictus Deus, qui eruit vos de manu Aegyptiorum, & de manu Pharaonis, nunc cognovi, quia magnus dominus super omnes Deos. Sic etiam fuit de Raab Iericonita, qui videns, quod Deus diuiterat murem introeuntibus Israelitis, & ad ultimum siccauit flumen Iordanis ad transitum ipsorum: dixit, quod ipse erat Deus in caelo, & in terra, & quod non erat alius Deus praeter ipsum. Ios. 2. cap. Multi etiam alii Gentiles audiebant famam Dei Israel, & videbant aliqua de mirabilibus eius, credebantque in eum, et veniebant ad adorandum eum in templum suum in Ierusalem, ut patet 3. Re. 8. et infra 7. A fortiori poterat esse de rege Tyri, qui habitabat in terra Chanaan, et poterat cognoscere omnes ceremonias, et fidem Hebraeorum, et audito, vel potius viso aliquo miraculo magno facto per Deum Israel, crederet vera esse omnia, quae asserabant Israelitae de illo. Nam non poterat alio modo scire, quod Deus Israel creaverat caelum, et terram: dato, quod crederet rex Tyri Deum Israel esse Deum verum, adhuc nesciret, an creaverat caelum, et terram, quia non sequebatur: iste est verus Deus, ergo creavit caelum, et terram. Nam omnes Philosophi, qui aliter Philosophant, cognoverunt unum Deum: et tamen non cognoverunt creationem, sed potius negant eam, et sic esse poterat de Deo Israel. Modus ergo fuit, quod per aliqua miracula credidit rex Tyri Deum Israel esse verum, et solum Deum, et ex hoc inductus est ad credendum omnia, quae Israelitae de Deo asserabant, et quia illi dicebant, quod Deus creaverat caelum, et terram, etiam illud credidit rex Tyri.

Si Salomon in habendo amicitiam cum rege Tyri peccavit.

Questio XXXIII.

VAERITVR ulterius, an Salomon peccavit habendo amicitiam cum rege Tyri, & dando ei cibaria, sicut habetur hic. Respondendum, quod quantum ad ea, quae faciebat Salomon cum Hiram

rege Tyri, non erat difficultas magna. Nam Salomon timebat ab eo ligna cedrina & conducebat operarios, & ista non poterat habere aliunde, ideo non peccabat. Patet hoc, quia Salomon obligabatur ædificare templum Domino tam ex mandato eius, quàm ex mandato Dauid, vt patet 2. Reg. 7. & præcedenti lib. 17. & 22. & 28. cap. & ad hoc egebat materia, scilicet lignis cedrinis, quia alia ligna non erant ad hoc apta, & tamen non poterat ista habere Salomon saltem optima, nisi de terra Hiram, eo quòd mōs Libanus est in terra Tyri, & Sidonis pro magna parte: potissimè vbi magnæ cedri sunt. Etiam operarios ad cædendum cedros nō poterat habere Salomon de terra sua, quia non erat in toto Israël vir, qui sciret ligna cædere, vt patet 3. Reg. 5. scilicet: Tu scis. quòd non sit in populo meo vir, qui sciret ligna cædere, sicut Sidonij. Oportebat ergo, quòd Salomon conueniret cum rege Tyri, & seruis eius super lignis cædendis, & ad hoc dāda erat eis merces sua, & quia egebāt cibis, dedit eis triticum, vinum, & oleum atque ordeum. Ideo in hoc non videbatur aliquo modo peccare Salomon: etiam si rex Tyri esset Chanaanæus, vel, de quacunque progenie. Si autem dicatur, quòd Salomon peccabat nunc in hac communicatione: peccauerat tamen, quia dimiserat eum, & Tyrios, atque Sidonios in terra illa, cū essent Chanaanei. Deus autem iusserat, quòd non permetterentur Chanaanei sub aliqua conditione viuere: sed occiderentur in ore gladij: Deut. 20. Dicendum, q̄ adhuc non probatur Tyrios, & Sidonios esse Chanaanæos: & tamen dato, quòd essent Chanaanei, non erat speciale in eis, q̄ permetterentur viuere, quia non solum istos, sed etiam multos alios Chanaanæos, Iebusæos, Amorrhæos, & de alijs populis Chanaanæorum permisit Salomon viuere, quia omnes Chanaanei, qui non occisi fuerāt tempore prædecessorum suorum, facti sunt tributarij tempore Salomonis, & manserunt in terra, infra 8. & tamen an in illo peccauerit, ibi declarabitur in quadam quæstione. Sed dubium maius est de Dauid, qui accipiebat ipsum regem Tyri in amicum, vt patet 3. Reg. 5. & recipiebat ab eo beneficia. Dicit aliquis, quòd nō peccabat Dauid in hoc, quia iste Hiram erat Hebræus, scilicet, conuersus ad Iudaismum, ideo non erat illicitum communicare ei: & patet hoc, quia ipse confessus est ea, quæ ad solos Hebræos confiteri pertinebat, scilicet, quòd Deus Hebræorum creauerat cælum, & terram, & istud non cognoscebatur vllatenus via naturali, sed ex sola fide, quam tenebant Hebræi: ideo conuersus ad Iudaismum erat. Dicendum, q̄ nō est verisimile, quòd Hiram rex Tyri cōuersus esset ad Iudaismum: nam si conuersus esset rex etiam conuertisset terram suam ad Deum Israël, & tamen non conuersa est, quia adhuc tempore Christi erant Gentiles habitantes in terra illa, ideo cū egressa esset mulier de finibus illis, & petisset à Christo, quòd sanaret filiā eius, dixit: non sum missus, nisi ad oues, quæ perierunt domus Israël. Mar. 15. Si tamen essent viri de terra illa conuersi, non faceret Christus differentiam inter Tyrios & Sidonios ad Israëlitas. Secundo patet, quia reges Tyri post hoc colebant idola, ideo non erat nunc conuersus rex populo. Patet, nam Achab rex Israël, facti multo tempore post Salomonem, vt patet ex processu tertij regum, & tamen ille accepit in uxorem Iezabel filiam regis Sidoniorum: & illa introduxit cultum Baal in terra Israël, sicut colebant eum Sidonij, vt colligit. 3. Re. 16. ideo non erat conuersus adhuc rex Tyriorum ad Iudaismum. Sed dicit aliquis, quòd Hiram rex Tyri, & populus eius tempore suo colebāt Deum Israël, & conuersus erat ad Iudaismum, & tamen post eum aliquanto tempore fortè Tyri, & Sidonij cum rege suo reuersi sunt ad antiquam idolatriā.

F Dicendum, quod non stat, quia etiam tempore Salomonis colebant Sidonij, & Tyri idola. Nā 3. Reg. 1. dicitur de Salomone, quod edificauit templum Astarthan deę Sidoniorum. Item patet 4. Reg. 2. 3. ergo semper erant idolatre. Idem patet, quia non solum tempore isto regum Iuda, & Israel esset Tyrii idolatre, sed etiam post reditum de Babylone erant idolatre, vt patet 2. Macha. 4. vbi dicit. quod summus sacerdos misit quandam partem pecunię ad offerrendum in sacrificijs Herculis in vrbe Tyri: ergo colebant Tyrii adhuc Herculem, & alia idola. Item patet ex verbis Hiram regis Tyri, qui voluit facere differētiā inter Iudeos, & Tyrios dicens: quod Hiram artifex erat filius mulieris viduę de tribu Dan, vel Nephthali, & ex patre Tyrio. Si autem Tyrii essent conuersi ad Iudaismum nō diceretur de eis aliquid tāquam de distinctis ā Iudęis: ergo non erant conuersi ad Iudaismum, & non erat licitum Dauid ex hac parte contrahere amicitias cum Hiram rege Tyri tanquam esset Iudeus, vel conuersus ad Iudaismum. Aliquis dicet, quod verum est, quod Hiram, & omnes Tyrii erant Gentiles, & tamē adhuc licebat eis amicari ipsi Dauid: eo quod cōmunicatio, & amicitia non erat vetita cum omnibus Gentilibus, sed solum cum Chanaanęorum septem populis. Tyrii tamen non erant de stirpe Chanaanęorum: ideo licebat cum eis communicare. Sed dicitur, qd hoc non stat, quia Tyrii habitabant in terra Chanaan, cū Tyrus, & Sidon essent precipuę vrbes in regno.

H Hiram regis Tyri: & tamen istę erant in terra Chanaanęorum, & fuerunt in diuisione sortium tribuum Israel: nam in sorte Aser ponuntur Sidon, & Tyrus: Io. sue 19. Sed contra, habitantes in terra Chanaan dato quod non essent Chanaņęi, habebant Israelitę iustā causā pugnandi ad accipiendum terram de manu ipsorum, ergo non debebant cum eis contrahere amicitias. Aliquis dicet, quod licet Sidon, et Tyrus essent in terminis terrę Chanaan, siue in terminis distributionis sortium: non essent partes sortium Israelitarū, sed ponuntur tanquam termini extrinseci. Dicendum, quod non stat, quia Tyrus, et Sidon sunt in litore maris ad partem occidentalem terrę Chanaan, et tamen omnia loca maritima ibi sunt de terra Chanaan:

I & quod terminus plagę occidentalis ponitur mare occidentale, scilicet, plaga occidentalis ā mari magno incipiet, & ipso fine claudetur Num. 24. & tamen Tyrus, & Sidon sunt in terra iuxta mare, ideo sunt de terra Chanaan. Item patet, quod non solum Tyri, & Sidonij habitant in terra Chanaan, sed etiam sunt Chanaņęi: nam Math. 15. dicitur, quod Christus predicabat in partibus Tyri, & Sidonis, & mulier Chanaanęa de finibz illis egressa clamauit, domine miserere mei. Ergo habitatores terrę illius Chanaņęi erant. Sed aliquis forte dicit, quod illa mulier erat Chanaņęa habitabatque in finibus Tyri, et Sidonis, tamen Tyri, & Sidonij non erant Chanaņęi, sicut multi extranei veniūt ad habitandum ad loca, & nationes extra suā originem. Sed dicendum, quod non stat, quia non erat mulier illa aduena: ita quod non esset Chanaņęa, & aliunde venisset, & nunc habitaret in terra Tyri, & Sidonis: sed erat de genere Tyrorum, & Sidoniorum: nam Mar. 7. dicitur de ista muliere, quod erat Sirophęnensis, seu Sirophęnissę Tyri, & Sidonii: & tamen illa erat Chanaņęa, sicut dicitur Mat. 15. ergo Tyri, et Sidonii sunt Chanaņęi quātum ad originem. Dicendū tñ est, qd forte Hiram nō erat de genere Chanaanęorum, quia illi, qui condiderunt Tyrum, et Sidonem fuerunt Aegyptij. scilicet Phenix, et Agēnor, (vt quidam volunt,) qui pfecti de Thebis Aegyptiorum istas vrbes condiderunt, et vocata est pūcia ista Phenicia, vel Phenix ā Phenice conditore vrbum.

Creden-

Credendum est autem, q̄ reges istarum vrbiū fuerint A
postea semper de progenie istorum conditorum pro-
pter dignitatem ipsorum, & sic Hiram, qui nunc erat
rex Tyri esset de genere Aegyptiorum, & non Chana-
neorum: vnde licet communicaret Dauid cum eo:
& tunc dato, quod habitatores eius regni essent Cha-
nanæi, permitteret illos Dauid viuere propter Hiram
regem, vel forrè dato, quod si Hiram esset Chananæ?
genere, licebat Dauid contrahere cum eo amicitias,
vt si fortè ad tempus nō poterat preualere contra eū,
si vellet ipsum habere in hostem. Vel fortè, quia Hi-
ram fecerat aliqua bona opera propter Dauid: ex quo
nimis obligauerat eū sibi: & tunc non solum erat lici-
tum Dauid, quod nō deleter Tyrios, & Sidonios, sed
etiam, q̄ beneficeret eis in recompensationē suscepti B
beneficii, sicut fuit de Raab Ierichontina, quæ Chana-
næa erat: & tamen propter beneficium, quod prestitit
exploratoribus Iudeorum, ipsa cum tota progenie sua
liberata est, & habuit locum inter Israelitas Ios. 2. & 6.
& sicliceret Dauid amicitias contrahere cum Hiram,
& ēt Salomoni: potissimè cū de hoc nō redarguat in
sacra scriptura, nec ponatur inter peccata sua 3. Re. 15.

De quibusdam verbis hic dictis ab Hiram, scilicet, *misi tibi*
virum prudentissimum, & cetera.

Questio XXIIII.

QVAERITVR vltèrius, cūm dicat hic Hiram
rex Tyri, *misi tibi virum prudentissimum* Hiram
patrem meum, quomodo possit hoc stare, quia non
erat iste pater regis Tyri. Aliquis dicet, q̄ verè erat pa-
ter eius, cūm litera asserat eum esse patrē illius, & non
est obuiandum literę sacre scripturę. Dicendum tñ, q̄
nō stat, quod iste Hiram esset pater regis Tyri. Primò,
quia nō est verisimile, q̄ pater regis esset artifex ligno-
rum, & metallorum, & mitteretur ad fabricandum in
templo. Secundò patet, quia si iste esset pater Hiram
regis Tyri ipse esset rex, & non alius Hirā, quia viuente
patre nō regnat filius. Tertiò patet, quia si iste Hiram
esset pater regis Tyri nō diceret Hiram rex Tyri, *misi*
tibi Hirā virum prudentissimū, q̄a mittere pertinet ad
iubentem, & filius non iubet patri, sed è cōuerso: ideo
non erat iste Hiram pater regis. Quartò patet, quia di-
xit rex Tyri, *misi tibi Hiram virum prudentissimū filiū*
mulieris de filiabus Dan: cuius pater Tyrius fuit. Et po-
nitur hoc ad notificandum progeniem istius Hirā ar-
tificis: & tñ si iste esset pater regis Tyri, non oporteret
quod notificaretur vltèrius eius progenies. Alij respō-
dent, q̄ ista difficultas prouenit ex litera nostra, sed nō
ex litera Hebraica, quia in litera nostra dicitur Hirā pa-
trem meum: in Hebræo tñ nō magis dīr patrem meū,
quam patrem mei, quia nō sunt diēctiones casuales in
Hebræo, sed quędam habitudines, q̄ interdū notificāt
casus, & sic pōt intelligi, q̄ ponat hic patris mei in ge-
nitiuo, & tunc esset sensus, *misi tibi Hiram virum pru-*
dentissimū patris mei. i. virum prudentissimū, qui erat
seruus patris mei, vel q̄ erat sapiens ex tempore patris
mei, & istud tenent multi de Hebræis, & Latinis. Sed
istud non est tenendum s̄m Latinos. Primò, q̄a licet
in s̄m Latinam nō potest colorari s̄m literā Hebraicam:
Hiram patrem meū. Secundò patet, q̄a ēt s̄m Hebræos
hic intelligitur, & legitur cōiter, quia habitudo literę i
Hebræo hic magis signat accusatiuum, q̄ genitiuum,
ideo non potest sic intelligi. Dicendum ergo, q̄ Hiram
rex Tyri vocauit istum Hirā patrem suū propter æta-
tem domini, & rectores: & non immerito patres vo-
cati possunt, & quia iste Hiram erat sapientissimus in-
ter cunctos artifices, poterat rectè vocari pater regis.
Alph. Tost. super lib. Paralip. Pars 2.

Si Hiram fuit filius de filiabus Dauid. Quest. XXV.

QVAERITVR vltèrius, quō dicitur, q̄ Hiram
fuit filius de filiabus Dā: cuius pater Tyrius fuit:
nam 3. Reg. 7. dicitur, q̄ fuit Hirā filius mulieris viduę
de tribu Nephtali patre Tyrio: nā iste duę tribus erant
distinctę, cūm Dan, & Nephtali essent duo filij Iacob
ex Bala ancilla Rachelis, Gen. 30. cap. Dicendum, quod
ista mulier vidua cuius erat filius Hiram: poterat esse
dupliciter de aliqua tribu. Primo modo quantum ad
progeniem. Secundo quantum ad virum: nam quę-
libet est de tribu illa, de qua progenitores sui sunt, sed
in mulieribus est speciale: potissimè in veteri testa-
mento, quia erant etiam de tribu virorum suorum:
nam quęlibet transibat in familiam viri sui, & filij de
ea nati non dicebantur de progenie auorum eius, sed
de progenie mariti. Et sic dicer aliquis, q̄ ista mulier
erat de vna progenie, vel tribu ex parte viri, & de alia
progenie auorum suorum. Sed dicendum, quod hoc
non stat propter duo. Primò, quia non potest ista mu-
lier nominari de aliqua tribu ex parte viri, eo quod vir
suus non erat de aliqua istarum duarum tribuum, sci-
licet: Dan, vel Nephtali: quia erat Tyrius, vt patet hic,
& 3. Reg. 7. & tamen Tyri non erant de progenie He-
breorum. Secundò patet: quia dato, q̄ maritus istius
mulieris posset nominare mulierem de tribu sua, ita
quod esset de Israelitis: non poterat tamē in presenti
eam nominare, eo quod erat vidua, vt patet 3. Reg. 7.
C & quando mulier cōingata est transit in familiam viri
sui, quia alligata est legi eius, cūm autem moritur vir,
desinit mulier esse de familia sua, cū absoluitur à lege
eius, sed ista erat mulier vidua, ideo non poterat nomi-
nari de aliqua tribu istarum à viro suo. Dicendū ergo
est, quod ista mulier vocatur de tribu Dan, & de tribu
Nephtali, & de vtraque nominatur ex parte progeni-
torum: nam potest quilibet nominari de progenie pa-
tris sui, vel matris suę, & quia pater vni⁹ potest esse de
altera tribu, quā mater eius: poterit quis de duabus
tribubus nominari, & sic ista mulier mater Hiram erat
fortè de tribu Dan ex parte patris, & de tribu Nephtali
ex parte matris, vel è conuerso. De vna tamen tribu
istarum dicebatur esse proprius ista mulier, quā de
altera. scilicet de illa, qua erat pater suus. Sed non appareret
de qua tribu erat ex parte patris, vel de qua ex parte
matris. Aliquis obijciat, q̄ non potest stare, quia pre-
supponitur, q̄ esset pater de vna tribu, & mater de alia:
D & tñ s̄m legē non poterat esse, quia Nu. 36. iubetur, q̄
omnes viri acciperēt vxores de tribubus suis, & oēs fe-
mine viros de tribubus suis, & sic pater, & mater istius
mulieris de eadē tribu essent. Dicendū, q̄ licet regula
generalis esset, q̄ essent ambo de eadē tribu, interdum
erāt de diuersis tribub⁹, vt patet in Dauid, q̄ accepit Mi-
chol in vxorē, & erat Dauid de tribu Iuda, & Michol
de tribu Benjamin, cū esset filia Saulis, q̄ erat de tribu
Benjamin 1. Reg. 9. Et sic de multis alijs, de quibus de-
claratum est Nu. 36. & Iud. 21. & ita factum est hic, q̄
essent pater, & mater de duabus tribubus.

Numerauit igitur Salomon omnes viros
proselytos, qui erant in terra Israel post di-
numerationem, quam dinumerauit Dauid
pater eius, & inuenti sunt centum quin-
quaginta millia, & sexcenti. Fecitque ex
eis septuaginta millia, qui humeris onera-
portarent, & octoginta millia, qui lapides
de montibus cederent, tria autem millia, &
sexcentos prepositos operum populi.

Numerauit ergo Salomon. Hic ponitur secundū principale huius cap. scilicet Apparationis executio. Et dicitur. *Numerauit Salomon omnes viros profelytos, qui erant in terra Israel.* Scilicet, numerauit omnes aduenas, vt omnes seruirent in operibus templi cedendo lapides, & portando, & vocantur profelyti aduenæ. scilicet qui de Gentilitate conuersi erāt ad Iudaismum. *Post dinumerationem, quam numerauit Dauid pater eius.* Dauid enim volens relinquere omnia necessaria ad ædificationem templi, reliquit etiā artifices, & cēsores lapidum, atque portatores, & ad hoc numerauit omnes profelytos, quotquot erant tempore suo, præcedenti lib. 22. cap. *Et inuenti sunt centum quinquaginta millia sexcenti.* Istud intelligitur de viris robustis ad istud opus, nam non computarētur hic paruuli, nec senes, qui ad hoc inepti erāt, sed robusti, sicut erat de Leuitis, qui computabantur à triginta annis vsque ad quinquaginta. Nam citra tricēsimum annum nullus Leuitarū cogeatur ad onera subeūda: Num. 4. Et cum peruenisset quis ad quinquagesimum annū, liberabatur ab oneribus, & solū erat custos valorum, quæ portabant alij Leuitæ. Nu. 8. ita etiam fieret de istis profelytis, quia aliqui propter paruitatem ætatis non computarentur, & alij propter senectutem etiam ab isto numero excluderentur. *Fecitq; ex eis septuaginta millia, qui humeris onera portarent.* Non erant isti ad portandum lapides, ita vt quidam cederent lapides in montibus, & alij portarent eos in templi locum, quia cum essent lapides magni non sufficerent humeris portare: sed potius in curribus, vel alijs artificijs portabāt ista onera lapidum magnorum, ita tamen portabant onera humeris. scilicet aliqua alia onera minora lignorum, vel aliarum rerum. Et fortē interdum portabant lapides super humeros. Sed non est intelligendum, q̃ portarēt eos sic vsque in Ierusalem ad locum templi ædificādi. *Et octoginta millia, qui lapides in montibus caderent.* Erant multi lapides necessarij in opere templi, quia præcipua materia templi erat de duobus. scilicet de lapidibus, & lignis: & ob hoc in montibus, vbi erant lapidicines, erant isti operarij, & cedebāt lapides, & dolabant eos: portabanturq; in Ierusalē. Sciendum autem, quod lapides parabantur in montibus. Nam non solū cedebantur, sed etiam quadrabantur, & poliebantur, & portabātur sic in locum sanctuarij: eratq; istud minoris oneris: & sic stat, quod dicitur, quod cum edificaretur domus Domini serra, & omne ferramentum non sunt audita in domo Domini, scilicet, quia antequam lapides, & ligna portarentur in locum ædificationis parabantur. *Tria millia autem, & sexcentos præpositos operum.* Isti præpositi operū dirigeabant ceteros quid agere deberent, & imperabāt ne ceteri inordinatē mouerentur, & pigritarent in opere faciendo.

De numeratione operariorum.

Quæst. XXVI.

QVAERITVR circa istam numerationē operariorum, de qua hic dicitur, an sit eadem cum illa, de qua habetur supra in litera, & de qua habetur 3. Reg. 5. Dicendum, quod eadem sit cum illa, de qua supra in litera. Nam ibi dicitur, quod numerati fuerunt omnes profelyti, & hic etiam. Item ponitur eadem summa, quia illic ponitur centū, & quinquaginta millia cēsozum, & portatorum, & hic totidem. Etiam idem est ad quod destinantur. Ad quod etiam dicendum, quod ista enumeratio est eadem cum illa, quæ habet 3. Reg. 5. nam ibi ponitur ista historia, quæ hic de Salomone & Hiram, cum in libro isto reperantur ea, quæ in libris regum ponuntur, & ex aliqua parte suppleantur. Etiam, quia eadem summa ponitur ibi, quæ hic. Sed dicetur, quod non sunt eadem istæ tres

F numerationes, quia illa, quæ habetur in litera, videtur esse eadem cum illa, quam fecit Dauid. Nam dicitur postea, quod Hiram mitteret Salomoni vnum artificē eruditum, quem haberet cum illis artificib⁹, quos habebat secum, quos Dauid pater suus parauerat, in quo innuitur, quod non habebat plures, quā eos, quos parauerat Dauid, & tamen de ista numeratione, quæ ponitur hic vltimo dicitur, quod fecit eam Salomon post illam numerationem, quam fecit Dauid, ergo ista non erat eadem cum illa, quæ habetur supra in litera. Dicendum, quod istæ tres numerationes erant eadem numeratio, vt supra dictum est: cum omnes tres dicantur factæ per Salomonem: & tamen Salomon semel tantum numerauit profelytos. scilicet quādo misit eos ad opera faciēda: ideo omnia erant eadem numeratio: sed ponuntur sepe per anticipationem, & recapitulationem. Cum autem obijcitur, quod ista numeratio, quæ habetur hic fuerit post numerationem factam à Dauid, & illa, quæ habetur supra in litera fuerit eadem cum illa, quam fecit Dauid. Dicendum, quod verum est: quod ista fuit post numerationem, quam fecit Dauid, & etiam omnes istæ tres, scilicet, duæ, quæ habentur hic, & vna. 3. Reg. 5. fuerunt post numerationem factam à Dauid, eo quod istæ tres dato, quod essent distinctæ, factæ fuerunt tamen à Salomone, vt patet hic: & 3. Reg. 5. & illa facta est à Dauid, ideo necesse est istas fuisse post illam. Dicitur tamen hic, quod fuit ista numeratio post illam, quæ facta est per Dauid, vt non putetur, quod Salomō numerauit solū illos, quos numerauit Dauid. Etiam, vt non putetur, quod ista coincidit cum illa numeratione, quā fecit Dauid, de qua præc. lib. 22. cap. Cum autem dicitur, quod illa, quæ habetur supra in litera sit eadem cum illa, quā fecit Dauid: eo quod Salomon non dicit se habere alios artifices, nisi quos parauerat Dauid. Dicendū, quod nō stat, quia dato, quod in numeratione facta per Dauid, & Salomonem essent iidem numerati, distinguēbantur adhuc istæ numerationes, cum vna facta esset per Salomonem, & alia per Dauid: Dicendum, quod nō est verum, quod fuerint iidem in numeratione facta per Salomonem, vt declarabitur seq. quæst. Et cum dixit Salomon, q̃ habebat artifices, quos parauerat Dauid, & non facit mentionem de aliquibus alijs. Dicendū, quod satis poterat stare, q̃ Salomon non haberet nūc plures artifices, quā prius Dauid habuit, & tamē haberet plures cēsores lapidum, & portatores onerum, quia isti non computantur inter artifices, sed solū profelyti erant determinati ad istud opus, vt colligitur hic, & etiam præc. lib. 22. cap. Et poterat nunc Salomon habere plures, quā habuerat Dauid pater su⁹. Et sic dicendum, quod istæ tres numerationes sunt eadem, & facta est à Salomone post mortem Dauid, quando incipiebat ædificare templum.

Quare Salomon rursus numerauit cēsores lapidum, quos nominauerat pater suus. *Quæst. XXVII.*

QVAERITVR vltērius, cum iam Dauid numerasset lapidum cēsores, & portatores onerū, & assignauit illos ad opera sua quando Salomon edificaret templum, ad quid Salomon rursus eos numerauit. Respondendum, quod propter multa. Primo, quia incipiebat nunc opus, nam quando Dauid numerauit profelytos nondum incipiebat opus, sed manserunt in quiete sua vsquequo Salomon incepit edificare, & quia tunc incipiebat opus, debebant tunc numerari, vt sciret Salomon quot erant isti profelyti, & qualiter eos in operibus suis distribueret, nam licet essent septuaginta millia ad portandum onera, & octoginta millia ad cedendum lapides: tamen fortē non omnes cedebant

Ad obijctionem. Respōdo.

cedebant in eodem loco, nec de eodem genere lapidum: sic etiam de portatoribus onerum, quia onera erant multiplicia, & quidam ascriberentur quibusdā oneribus, & alij alijs: & ad hoc necesse erat sciri numerum omnium, ut sciretur, qui, & quot cuilibet generi oneris applicandi erant. Secundum erat, quia isti profelyti ponebantur sub manu prepositorum, cum dicitur hic, quod erant tria millia, & sexcenti prepositi, & sub quolibet illorum certi debebant esse profelyti, ut quilibet sciret quot subditos haberet, & quibus deberet imperare: & ad hoc necesse erat numerari omnes illos. Sic etiam fit in bellis, quando debet diuidi totus exercitus per duces, prius numeratur, ut sub quolibet duce certi milites constituentur: sic fecit Dauid in bello contra Absalonem 2. Reg. 18. cap. Tertium erat, quia forte Dauid non numerauit profelytos istos, sed solum congregauit. Nam precedenti lib. 22. cap. dicitur, quod congregauit omnes profelytos, & constituit ex eis latomos, & portatores onerum: & non dicitur quot erant. Hic autem dicitur, quod Salomon numerauit illos. Et satis verisimile est, quod Dauid non numeraret illos, quia non erat tunc opus illos numerari. Nam Dauid non erat incohaturus edificationem templi, cum Deus vetuisset: sed Salomon inciperet, & ob hoc solum parabat Dauid necessaria. Et quia inter coetera necessaria erant etiam portatores onerum, & lapidum cesores, assignauit profelytos ad istud opus, & quia non erant aliquid operaturi tempore Dauid, non erant constituendi sub prepositis tunc, nec erat necesse, quod numerarentur: & hoc potissimè: quia totam vnam gentem, vel statum applicabat huic operi, scilicet, omnes profelytos: ideo satis erat, quod ascriberet omnes illos huic operi, etiam si non numeraret illos: & sic innuitur pre. lib. 22. cap. Quartum erat, quia sicut fuit intentio Dauid ascribere huic operi omnes profelytos, precedenti lib. 22. cap. ita etiam voluit Salomon. Et quia numeratio facta per Dauid fuit aliquot annis ante numerationem factam per Salomonem, essent plures profelyti tempore numerationis secundæ, quam primæ: quia tempore primæ numerationis sub Dauid multi de profelytis essent infra ætatem conuenientem labori: tempore autem numerationis secundæ illi iidem essent mature ætatis ad opus, & numerarentur: ideo debuit fieri numeratio secunda post Salomonem post dinumerationem, siue congregationem, quam fecit Dauid, & ista vltima est causa potissima.

De istis prepositis.

Quest. XXVIII.

QVAERITVR vltius, de istis prepositis, quare soli profelyti ad istud opus segregati sunt. Aliqui respondent, quod hoc fuit factum in ministerium ad signandum, quod Gentiles Ecclesiam constructuri erant potius, quam Iudei: sic dicit Glo. ordinaria super tertium Regum, & super librum istum. Sed istud non stat, quia ista est ratio allegorica, & non literalis. Etiam, quia manifestum est, quod Salomon non sciebat an Ecclesia fabricanda esset a Gentilibus, vel Iudeis, cum non haberet spiritum propheticum. Aliud ergo fuit quod ipsum mouit. Item patet, quia cum non solum Ecclesia signetur per templum Salomonis sed etiam per tabernaculum Moysi, debuerat etiam illud edificari a Gentilibus: & tamen non factum est, quia artifices fuerunt Beselehel de tribu Iuda, & Ooliab de tribu Dan, & cum eis alij viri eruditi: Exo. 31. Et isti erant Iudæi, cum tunc essent Iudæi impermixti Gentibus, quia erant in deserto. Et si dicas, quod Aegyptij etiam erant cum eis, qui ascenderant, ut patet Exo. 12. & Num. 11. Et isti poterant etiam adiuuare ad constructionem.

Alph. Tost. super Paralip. Pars 2.

A Dicendum, quod verum est, quod erant ibi Aegyptij iam conuersi ad Iudaismum, & tamen non fit ibi aliqua mentio de eis, quod edificauerint, vel construxerint aliquid, sicut dicitur hic de profelytis: & tamen si esset ista intentio scripturæ, sicut signaretur, quod de Gentilibus venturi erant qui Ecclesiam edificarent: etiam fuisset facta expressa mentio de Aegyptijs conuersis, quod illi et adiuuassent ad constructionem tabernaculi Moysi. Aliquis dicit, quod causa fuit propter honorem. sicut Israelitæ non implicarent laboribus istis: sed conuersi ad Iudaismum, qui erant minoris auctoritatis, facerent hoc. Dicendum, quod non stat, nam et Israelitæ laborabant in operibus templi: quod patet, quia iudicio operariorum euntium in Libanum ad cedere ligna erat de Israelitis: ut patet 3. Reg. 5. de quo declarabitur magis sequenti questione: ergo laborabant. Dicendum tamen est, quod factum fuit hoc propter honorem Israelitarum. Nam Israelitæ ex genere reputabantur maioris dignitatis, quam conuersi de Gentibus intantum, quod conuersi de quibusdā gentibus, non licebat accipere uxores de Israelitis: nec habere aliquam dignitatem, vel preminentiam in populo: quod est non intrare in Ecclesiam Domini: ut patet Deut. 23. Et ob hoc voluerat Dauid, & et Salomon imponere laborem totum istius edificationis profelytis: quia tamen non potuerunt, eo quod erant pauci ad istud opus: imposuit partem eius Israelitis, & aliqui de eis cedebant ligna in Libano. sicut triginta millia de eis, & profelyti faciebant alia opera. sicut cedebant lapides: & portabant onera, ut patet 3. Reg. 5. Et patet hoc in duobus, quia licet non posset profelyti omnes labores subire: tamen fuerunt magis subiecti laboribus. Primo, quia omnes profelyti fuerunt subiecti laboribus cedendi lapides, & portandi onera: & tamen non fuerunt omnes Israelitæ subiecti laboribus, sed solum triginta millia de eis. 3. Reg. 5. Qui in Libano per mensem unum laborabant, & quiescebant duobus mensibus. Secundum erat, quia profelyti mancipati fuerunt grauioribus laboribus, quam Israelitæ, scilicet portandi onera, & cedendi lapides, & Israelitæ solum cedebant ligna in Libano, quod erat leuius.

Si inter istos profelytos computabantur triginta millia operariorum. Quest. XXIX.

QVAERITVR vltius, an inter istos profelytos computabantur triginta millia operariorum, de quibus dicitur 3. Reg. 5. Aliquis dicit, quod non, quia omnes profelyti assignati fuerunt operibus, & Israelitæ erant milites, sed non vacabant laboribus: sic patet 3. Reg. 9. Porro de filiis Israel non constituit seruire quemquam: sed erant principes exercitus. i. non constituit Salomon, quod aliquis de illis seruiret in operibus manualibus: sed soli Gentiles, & conuersi de Gentilitate seruebant. Dicendum autem, quod Israelitæ laborauerunt in constructione templi, sicut profelyti. Nam Salomon congregauit omnes profelytos, qui erant centum, & quinquaginta millia: & octoginta millia illorum cedebant lapides in montibus ad parietes, & paucum templi, & septuaginta millia eorum portabant onera humeris. Omnia alia ministeria edificationis fieri debebant per Israelitas, vel Gentiles. Sed manifestum est, quod preter ista erant alia. sicut cedere ligna, & portare: et parare illa, & postea construere templum. Ad cessionem autem lignorum elegit Salomon 30. millia de Israelitis: quorum 10. millia semper cedebant ligna in Libano, & 20. millia quiescebant: & quilibet decem millia cedebant vno mense ligna, & expleto illo redibant in domos suas, ut quiescerent: & succedebant alia decem millia alio mense, & alia decem millia tertio mense, & quarto mense redibant prima decem millia: & sic quilibet decem millia vno mense laborabant, & duobus mensibus quiescebant. 3. Reg. 5.

E 4 lita

F quid facerent, cū non deberet glibet facere, qđ uellet.
Et ad hoc erant constituti certi prepositi, qui hoc dice-
rent, & isti dirigebant operarios in omnibus.

CAPITVLVM III.



L T cepit Salomon ædificare domum Domini in Ierusalem in monte Moria, qui demonstratus fuerat Dauid patri eius, in loco, quem paraauerat Dauid in area Ornam Iebusei. Cepit autem ædificare mensibus secundo, anno quarto regni sui. Et hæc sunt fundamenta, quæ fecit Salomon, ut ædificaret domum Dei, longitudinis cubitos in mensura prima sexaginta, latitudinis cubitos viginti. Porticum verò ante frontem, quæ tendebatur in longum iuxta mensuram latitudinis domus cubitorum viginti. Porro altitudo centum viginti cubitorum erat. Et deaurauit eam intrinsecus auro mundissimo. Domum quoque maiorem texit tabulis ligneis abiegnis, & laminas auri obrizi affixit per totum. Sculptaque in ea palmas, & quasi catenulas se inuicem complectentes. Strauit quoque pavementum templi preciosissimo marmore decore multo. Porro aurum erat probatissimum, de cuius laminis texit domum, & trabes eius, & postes, & parietes, & ostia: & cœlauit Cherubim in parietibus. Fecit quoque domum Sancti Sanctorum, longitudinem iuxta latitudinem domus cubitorum viginti, & latitudinem similiter viginti cubitorum. Et laminis aureis texit eam quasi talentis sexcentis: sed & clauos fecit aureos, ita ut singuli clauis siclos quinquagenos appenderent. Cœnacula quoque texit auro. Fecit etiam in domo Sancti Sanctorum Cherubim duos opere statuario.

Et capit. Hic ponitur de templi ædificatione, cum in precedentibus dictum sit de necessariorum præparatione. Et diuiditur in duo. Quia primò ponitur ædificatio. Secundò ædificati templi dedicatio, infra. Prima in duas. Primò ponitur ædificatio templi, & Cherubim interiorum. Secundò ponitur fabricatio valorum seq. cap. Prima in tres. Primò ponitur fabricatio exterioris, & interioris ædificatio. Secundò Cherubim ligneorum fabricatio, ibi. *Fecit etiam in auro.* Tertiò columnarum apparatus, ibi. *Amc. Jeros. etiam.*

De prepositis operum. Quest. XXX.

QVAERITVR ulterius, de prepositis operum, an de profelytis essent, vel de Israelitis, & ad quod erant. Respondendum, quod erant de profelytis, quia dicitur supra in littera, quod erant centum quinquaginta millia profelyti. Et tamen sola centum quinquaginta millia cedebant lapides, & portabant onera, ut patet in littera: ergo ceteri erant prepositi operum. Considerandum autem, quod non poterant omnes esse isti prepositi operum de profelytis. Nam omnes laborabant preter sexcentos portando onera, & cedendo lapides: & tamen prepositi erant tria millia, & sexcenti, ut patet in littera. Ideo dicendum necessario, quod aliqui de istis prepositis saltem erant de populo Israel: unde dicunt quidam, quod profelyti assumpti sunt ad faciendum opus, & nullus eorum presidebat operibus, quia non dabatur eis tanta dignitas: sed hoc commissum fuerat Israelitis: & isti sexcenti, qui erant ultra centum, & quinquaginta millia non erant prepositi, sed fuerant portatores onerum, vel cesores lapidum, & non fit mentio de eis in summa. Sed dicitur, quod erant octoginta millia cesores lapidum, & septuaginta millia portantes onera, quia de paruo numero non fit mentio in tanta summa. Alij autem dicunt, quod erant tria millia istorum prepositorum de Israelitis, & sexcenti de profelytis: quodlibet istorum satis potest stare. Dicendum autem, quod prima positio est vera. scilicet quod isti prepositi omnes tria millia, & sexcenti essent de profelytis. Isti autem, qui putant fuisse quosdam de Israelitis errant, quia non aduertunt ad litteram, quae ponit centum quinquaginta tria millia, & sexcentos. Et cum octoginta millia cedebant lapides, & septuaginta millia portabant onera: Necessarium erat ergo superabundare tria millia, & sexcentos profelytos, & isti erant prepositi operum. Ad secundum dicendum, quod isti prepositi erant ad instigandum operarios, ut perficerent opus. Nam ubi nullus instaret opus, & infideliter operarii agunt. Etiam erant isti operariorum prepositi ad ordinandum quid singuli deberent agere. Oportebat enim, quod aliquis iuberet eis

An hæc templi ædificatio continetur ad præcedentia, & immediatè fuerit.

Quæst. I.

QUÆRITUR Circaprium, an ea, quæ habentur hic sint continuata ad præcedentia, & an fuerint facta immediatè post illa, vel interiecto aliquanto tempore. Ad primum dicendum, quòd hic est ordo continuus. Nam supra positum est de apparatione materiæ necessariæ ad ædificationem templi, & talis ordo ponitur 3. Regum 5. & 6. Nam ibi, & cap. 6. ponitur de ædificatione templi, & cap. 5. ponitur apparatus, de quo habetur præcedenti cap. Ad secundum dicendum, quòd ista fuerunt facta immediatè post præcedentia, imò siml. Nam verum est, quòd aliquanto tempore prius cepit operatio necessariorū quam inciperet ædificatio templi, de qua hic dicitur, cum prius deberet magna pars materiæ esse parata quam inciperet ædificatio, quia aliàs perturbaretur ordo, & impedirentur ædificantes ex defectu materiæ. Et tamen postea cum adhuc continuaretur cæsis lapidum in montibus, & lignorum in Libano, fiebat opus templi. Et continuatum est hoc quousque videtur, quòd iam non erat necessaria materia pro ædificatione. Circa primum dicitur. *Et cepit ædificare Salomon templum, aliàs domum Domini in Ierusalem.* Scilicet, parata magna parte materiæ cepit ædificare in Ierusalem, scilicet intra urbem. Nam in monte Sion fuit templum ædificatum, ut patet in litera. *In monte Moria.* Id est, in monte visionis, quia sic interpretatur in Hebræo. *Quis fit iste mons, infra dicitur in quadam quæstione. Qui demonstratus fuerat David patri eius.* Scilicet, Deus ostendit istum locum David, ut ibi ædificaretur templū. Et ponitur hoc ad ostendendam dignitatem loci illius, scilicet, quia non voluntate humana locus ille fuerat electus ad faciendum ibi cæremonias diuinas, sed Deo iubente factum est. In quo apparet, quòd Deo locus iste acceptus erat. *In loco, quem parauerat David.* Scilicet, David parauerat, id est disposuerat locum illū ad hoc, quòd fieret in eo templum. Et ista dispositio poterat esse dupliciter, vno modo iubendo Salomoni, quòd ibi ædificaretur templum. Alio modo aperiendo loca, in quibus deberent poni fundamenta domus. Primum tamen est verius, eo quòd aperire loca pro fundamentis est aliquid ædificare. David tamen totaliter erat prohibitus ædificare templum Domino: præcedenti lib. 22. & 28. *In area Ornam Iebusei.* Id est, ista arca erat in Ierusalem in monte Sion, qui vocatur mons Moria, in parte suprema eius, & ibi templum ædificatum est. Vocabatur area Ornam: quia ibi tritudo domini percutiebat Ierusalem peste. Et ibi etiam erat domus eius, secundo Regum 24. & præcedenti lib. 21. cap. *Cepit autem ædificare mense secundo anno quarto regni sui.* Tres anni, & duo menses incompleti fluxerunt de regno Salomonis, quando cepit ædificare templū. Et iste mensis secundus non erat secundus respectu anni, sed respectu anni regni Salomonis. Et sic non apparet, quòd tempus anni erat siue quis mensis, quando fundatum est templum: non ædificauit autem Salomon templum ante tempus istud, quia non occurreret sibi, ut declarabitur infra in quadam quæstione. *Et hæc sunt fundamenta, quæ iecit Salomon, ut ædificaret domum Domini.* Scilicet ista, quæ sequuntur sunt fundamenta, scilicet quantum erat in longitudine, & latitudine. Nam quanti erant parietes illi, tantum erat fundamentum. *Longitudinis cubitos in mensura prima sexaginta.* Scilicet, longitudo domus erat sexaginta cubitorum. Istud intelligitur non comprehendendo præterea templi, quia illa non erant pars aliqua templi,

A sed spatia quædam magna in circuitu templi. Latitudo erat viginti cubitorum: altitudo erat centum, & viginti: ut patet in litera. Dubitatur quare vocatur ista mensura prima. Et dicit Nicolaus, quòd intelligitur de illa mensura quam Deus dedit David omnia ista scripta, quæ fieri debebant in templo: ut patet præcedenti lib. 28. cap. scilicet. Omnia hæc venerunt ad me scripta manu Dei, ut intelligerem vniuersa opera exemplaris. Postea David dedit istam descriptionem Salomoni, ut per eam regeret se in omnibus, quæ age-ret ædificando templum, eodem capitulo, scilicet. Dedit David descriptionem porticus, & templi, & cellariorum, &c. Et in illa prima descriptione, quam dedit Deus David erat longitudo cubitorum sexaginta.

B Sed dicendum, quòd hoc non stat, quia tunc non diceretur in mensura prima, sed in descriptione prima. Quia illa descriptio non erat mensura, sed descriptio data David ad faciendum opus: & tamen dicitur in mensura prima. Item si hoc intelligeretur, non diceretur potius in mensura prima quam secunda, quia sicut in descriptione prima data David à Deo fuit longitudo cubitorum sexaginta: ita etiam in secunda descriptione, quam dedit David Salomoni: cum ipse dicat, quòd omnia illa, quæ dicit Salomoni, venerunt ad eū scripta opere Dei, præcedenti lib. 28. cap. Et tamen dicitur specialiter in mensura prima. Item dato, quòd illa vocaretur mensura prima, non pertinebat ad propositum, quòd diceretur, quòd erat longitudo cubitorum sexaginta in mensura prima, nec secunda: cum nihil per hoc determinetur de his, quæ pertinent ad ædificationem templi. Sed dicendum, quòd vocatur mensura prima ipsa longitudo templi, nam habebat templum tres mensuras, scilicet. Longitudinem, latitudinem, profunditatem, siue altitudinem.

C Et longitudo fuit in templo prima mensura: quia primò constructi fuerunt parietes duo, scilicet. Aquilonaris, & Australis, qui erant parietes longitudinis, deinde Orientalis, & Occidentalis, qui erant parietes latitudinis. Et ista erat mensura secunda. Quòd autem erigerentur in sublime vsque ad totam altitudinem suam erat tertia mensura, quæ vocatur altitudo. Si autem primò facti fuissent parietes latitudinis, scilicet Orientalis, & Occidentalis, vocaretur latitudo mensura prima. *Latitudine verò cubitos viginti.* Scilicet, tota latitudo templi erat viginti cubitorum. Et ista erat ab Aquilone in meridiem, quasi ita erat longitudo parietis Orientalis, & Occidentalis. *Porticum verò ante frontem.* Scilicet, etiam fecit Salomon porticum ante frontem templi: vocatur frons pars Orientalis templi, quia illa est anterior, sicut in animali frons est pars anterior eius. Et erat ista porticus spatium quoddam ante portam templi, super quod pendeat tectū quoddam ad magnitudinem porticus. Et non erat clausum muris per circuitum illud spatium. *Quæ tendebatur in longum.* Id est, quæ extendebatur, scilicet, Porticus extendebatur in longum viginti cubitis.

D *Iuxta mensuram latitudinis domus cubitorum viginti latitudo domus.* Scilicet templi, erat cubitorum viginti, ut patet supra in litera. Et quanta erat latitudo templi tanta erat longitudo porticus. Ratio huius est, quia porticus templi erat ad portam templi in parte Orientali, & extendebatur ab Aquilone in Austum, & quanta erat latitudo templi, scilicet cubitorum viginti, erat tanta longitudo porticus. Latitudo autem erat ab Oriente in Occidentem cubitorum decem, ut patet 3. Regum 6. Ad quid esset ista porticus, & cur potius in fronte templi, quam in alia parte: infra declarabitur in quadam quæstione. Porro altitudo centum, & viginti cubitorum erat. Et sic patet, quòd ista domus erat potius facta in modum turris, quam domus: cum altitudo esset dupla ad

ad longitudinem, & sexcupla ad latitudinem: vt patet in litera. Quomodo autem erat altitudo cubitorum centum & viginti, cum dicatur 3. Regum 6. quod erat triginta cubitorum, declarabitur infra in quadam questione. *Et deaurauit eam intrinsecus auro mundissimo.* Scilicet, totam domum templi, erat enim templum diuisum in duas domos, scilicet. Domum exteriorem, & interiorem. Et vtraque erat deaurata interius super parietes: vt toti parietes viderentur aurei. Exterius autem non apparebat aliquod aurum: sed lapides albi marmorei, de quibus constructum erat templum. Vocatur aurum mundissimum, quia non erat mixtum argento, vel alteri metallo, vt redderetur impurum. *Domum quoque maiorem.* Erat templum diuisum in duas domos secundum longitudinem: quarum prima erat maior, scilicet exterior, & interior erat minor. Pro quo sciendum, quod totum templum secundum longitudinem erat cubitorum sexaginta, & diuidebatur in duas partes pariete intermedio, & diuidente, & relinquebatur ad vnam partem quadraginta cubiti, & ad aliam viginti. Nam ad partem orientalem erat domus maior cubitorum quadraginta longitudine, & viginti latitudine. Et domus interior occidentalis erat cubitorum viginti longitudine, & tantumdem latitudine. Et ista vocatur Sanctum Sanctorum. *Textit tabulis ligneis abiegnis.* Scilicet, parietes domus per circuitum operuit tabulis, & etiam pauimentum, vt in illis affigerentur laminæ aureæ, vt sic tota domus videretur aurea. Sunt abiegna ligna de abietibus, quæ sunt ligna pretiosa in terra Chanaan, & Syriæ. Et tamen pretiosiores erant cedri. Vnde has solas species lignorum fecit portari Salomon de Libano, scilicet cedros, & abietes: cedris tamen magis vsus est quàm abietibus: eo quod abietes pulchræ erant, & tamen non ita fortes sicut cedri. Ideo de cedris factæ sunt trabes templi, & quidquid pondus sustinere debebat. De abietibus autem factæ sunt tabulæ ad operiendum parietes: eo quod ibi non exigebat fortitudo aliqua ligni: sed sola pulchritudo, & imputribilitas. *Et laminas auri obrizi affixit per totum.* Id est, per totum spatium opertum tabulis abiegnis affixit Salomon laminas auri obrizi, & hoc, vt non appareret aliquod lignum in tota domo: sed quidquid in ea esset aurum videretur. Extenuebat autem massa auri in laminas, & illæ affigebantur clauis super tabulas abiegnas. Vnde non erat color auri, vel folium auri, sicut pictores apponunt, quia illud facile perire poterat: potissimè in pauimento, quod pedibus sacerdotum conculcandum erat: sed erant laminæ aureæ aliquantulum grossæ affixæ. Vocatur istud aurum obrizum, id est obradians: quia quando purum est, valde radiat. Sed obijcietur, quia 3. Regum 6. dicitur, quod templum, quod erat ante oraculum, scilicet domus maior operiebatur tota cedro, & desuper laminis aureis: ita quod nihil erat in domo illa, quod non auro tegeretur. Responderi potest vno modo, quod ista domus tota erat operata tabulis tam in parietibus quàm in pauimento: sed pauimentum operiebatur tabulis abiegnis. Parietes autem cedrinis tabulis. Et hoc colligitur eodẽ cap. cum dicitur: *Igitur ædificauit Salomon domum, scilicet domum maiorem, vt colligitur in litera, & consumauit eam.* Et ædificauit parietes domus intrinsecus tabulis cedrinis a pauimento domus vsque ad summitatem parietum, & texuit pauimentum domus tabulis abiegnis. Postea autem, cum fiat iterum mentio ibi de domo ista maiori, dicitur, cedro omnis domus vestiebatur intrinsecus, quod intelligendum est quantum ad parietes, qui erat operati tabulis cedrinis. Hic autem, cum dicitur, quod domus erat operata tabulis abiegnis, debet intelligi de pauimento domus, & sic tollitur contrarietas apparens. Aliqui sol-

nunt aliter dicentes, quod cedri, & abietes accipiuntur pro eodem in Hebræo, & ideo aliquando dicuntur tabulæ cedrinæ, & aliquando abiegnæ. Et sic etiam litera Latina sequuta est modum literæ Hebræicæ vocans interdum cedrinas interdum abiegnas tabulas, sed istud non conuenit, quia tunc non fieret aliquando differentia inter abiegnas, & cedrinas tabulas: & tamen 3. Regum 6. dicitur, quod parietes domus templi operiebantur tabulis cedrinis, & pauimentum operiebatur abiegnis, ideo tenendus est modus præcedens. *Et sculpsit in ea palmas.* In ista domo fecit Salomon sculpi palmas. Et istæ erant in tabulis parietum. Nam parietes, vt dicitur 3. Regum 6. erant operati tabulis cedrinis, & in illis tabulis erant operati sculptæ palmæ. Dicitur autem 3. Regum 6. de ista domo maiori, quod vestiebatur cedro habens tornaturas suas, & iuncturas fabrefactas, & cælaturas eminentes. Istæ cælaturæ non declarantur ibi, quæ erant: sed postea dicitur, quod erant palmæ, & Cherubim: hic autem solum dicitur de palmis: qualis autem esset figura Cherubim infra dicitur. *Et quasi catenulas se inuicem complectentes.* Etiam in tabulis cedrinis erant sculptæ catenule, quæ complectebantur se inuicem: sicut fit in catenis ad tenendum homines. Nam sunt circuli multi ferrei, & quilibet tenet alium, quia intra illum est. Et per hoc fit longa catena. Ita erat in tabulis, quia in qualibet erant aliqui circuli se complectentes. Et videbantur circuli vnius tabulæ continere circulos alterius tabulæ per continuationem quædam, & sic fiebat quædam longa catena. In Hebræo non ponitur se inuicem complectentes, nec etiam erat nimis necessarium: sed litera nostra posuit illud ad declarationem aliqualem, eo quod dicendo catenulas dicebatur, quod se inuicem continebant: cum catenæ non fiant, nisi per hoc, quod vnus circulus alterum tenet. *Stravit quoque pauimentum templi pretiosissimo marmore.* Id est fecit pauimentum de marmore, sed sternere est proprium vocabulum quantum ad ea, quæ locantur in plano sicut est pauimentum. Et vocatur hic templum tota domus tam exterior quàm interior. Nam totum pauimentum opertum erat marmore. Sciendum tamen, quod licet istud marmor esset pretiosissimum decore multum, non apparebat, quia superficies pauimenti marmorei tabulis abiegnis operata fuit. Et super tabulas erant laminæ aureæ, vt videretur totum de auro: sic dicitur 3. Regum 6. quod nullus lapis videri poterat. Considerandum etiam, quod cum dicitur, quod cælaturæ palmarum, & Cherubim erant in parietibus, istæ non erant nisi in tabulis, vt infra declarabitur. *Precore multo.* Scilicet, marmor pauimenti erat pretiosissimum multo decore. Nam sunt multe species marmorum colore, & puritate distantium. In ceteris autem marmoribus marmor parium magis laudatur, & vocatur parium ab insula Paros, de qua sumitur, & in qua abundantissimè gignitur. In Hebræo dicitur: *Operuit domum pretiosissimo marmore.* Vbi litera nostra dicit: *stravit pauimentum templi pretiosissimo marmore,* & in hoc litera nostra proprius loquitur iuxta Latine proprietatem: quia operire pertinet ad partem superiorem domus, scilicet ad tectum, sterni autem pertinet ad pauimentum. Et si diceretur, quod domus erat operata marmore intelligeretur, quod habebat tectum de marmore: & tamen falsum est: quia tectum domus non erat de fornice, sed de trabibus: vt patet hic, & magis 3. Regum 6. Ideo dici debuit, statuit pauimentum domus. Porro aurum erat probatissimum, de cuius laminis textit domum. Dixit supra Elidras, quod operati erant parietes tabulis, & super illas affixæ erant laminæ aureæ. De illo auro dicitur hic quale erat, scilicet, quod erat aurum probatissimum: id est purissimum non habens

bens mixtionem, vel impuritatem alterius metalli. Et dicitur, quod texit domum, id est totam domum, scilicet templum interius, & exterius, siue Sancta Sanctorum, & domum exteriorem, & tegebatur tota auro tam in tecto quam parietibus, & pavimento. Et tamen, cum dixisset scriptura, quod tota tegebatur, explicuit postea aliquas partes, & ostia. Non tamen est intelligendum, quod aliae partes praeter istas non essent operatae auro: nam totum operiebatur cum nihil esset in tota domo, quod non auro tegeretur: ut patet 3. Regum 6. *Et trabes eius.* Ista sunt trabes templi, quae perueniebant a pariete aquilonari in meridianum, & super eas ponebantur tabulae testis. Ista trabes erant grossissimae de cedro, & multae ad sustinendum magnum pondus, & erant operatae laminis aureis. Erant autem istae trabes tam in domo exteriori quam in Sancta Sanctorum, & utrobique erant auro operatae. *Et postes.* Isti erant cedrini ad sustentandum trabes, vel forte erant isti postes portarum, quicunque autem essent auro erant operati. *Et parietes.* Intelligitur de parietibus totius templi tam interioris domus, scilicet Sancti Sanctorum quam exterioris, scilicet maioris. Nam toti parietes auro operiebantur, ut nihil esset in eis, quod non aurum videretur: ut patet 3. Regum 6. *Et ostia.* Erant ostia in domo exteriori, & interiori. Nam domus exterior habebat unam portam in parte Orientali, & duae ianuae eius auro operatae erant. Erat alia porta in Sancta Sanctorum a parte Orientali, & etiam ianuae illius operiebantur auro. *Et calavit Cherubim in parietibus.* Id est fecit in parietibus templi figuras Cherubim opere celatoris siue sculptoris. Etiam factae erant palmae: ut patet supra in litera. *Fecit quoque domum Sancti Sanctorum.* Hic ponitur de constructione secundae domus, scilicet interioris, quae vocatur Sanctum Sanctorum, in qua erat arca. *Longitudinem iuxta latitudinem domus cubitorum viginti.* Scilicet, fecit longitudinem domus Sancti Sanctorum viginti cubitorum quanta erat latitudo totius templi. Pro quo sciendum, quod Sanctum Sanctorum erat domus quadrata equalis ex omni parte, scilicet longitudo sua cubitorum viginti, & latitudo totidem, ut colligitur ex litera. Et quia latitudo totius templi erat cubitorum viginti, tanta erat longitudo Sancti Sanctorum quanta latitudo totius templi. Nam longitudo templi erat cubitorum sexaginta, latitudo viginti, altitudo centum viginti, ut patet supra in litera. Et sic tanta erat longitudo Sancti Sanctorum quanta latitudo templi, & tanta latitudo Sancti Sanctorum quanta latitudo templi, & tanta latitudo: quia id quod erat latitudo templi, scilicet a pariete Aquilonari in meridianum erat latitudo Sancti Sanctorum. *Et latitudinem similiter cubitorum viginti.* Istud necessarium erat, quia latitudo templi erat viginti cubitorum, & Sanctum Sanctorum erat quaedam domus intra templum distincta a domo exteriori, pariete intermedio, & ista distinctio erat secundum longitudinem, & non secundum latitudinem, ideo licet non maneret domui Sancti Sanctorum tota longitudo templi: manebat ei tota latitudo, & consequenter esset viginti cubitorum latitudine. *Et laminis aureis texit eam.* Scilicet, totam domum Sancti Sanctorum tam in tecto, quam parietibus, & pavimento. *Quasi talentis sexcentis.* Scilicet, sexcenta talenta extenuata sunt in laminas ad texitur totam domum Sancti Sanctorum. Erant autem istae laminae quadratae ad regulam factae: ut patet 3. Regum 6. Et hoc, ut coaptarentur inter se, ne extenderetur alicubi una lamina super aliam, ita ut videretur aliquod deforme, & inequale. *Sed, & clavos fecit aureos.* Scilicet, ad figendum laminas super tabulas necessarii fuerunt clavi. Et isti etiam erant aurei:

A ut totum opus de auro videretur. Ita, ut singuli quinquagenos siclos appenderent. Scilicet, erant isti clavi facti in tali pondere, quod quilibet eorum appendebat quinquaginta siclos. Est siclus moneta argentea, & interdum aurea, ut patet 2. Regum 24. Et praecedenti lib. 21. cap. Et est certi ponderis: scilicet, quia viginti obolos continet: ut patet Levit. 27. & Numeri 3. & 18. Et erant isti sicli minoris valoris, quam florenus de Aragonia. Nam unus aries mediocris valebat siclos duos: Levit. 5. Erant autem isti clavi magni, & grossi cum quilibet appenderet quinquagenos siclos, velut si esset unus clavus ponderis triginta, vel quadraginta florenorum de Aragonia. *Cenacula quoque texit auro.* In hoc est dubium quid velit intelligi scriptura per cenacula, & aliqui intelligunt capita clauorum: nam in Hebraeo dicitur. *Capita texit auro.* Vbi nos dicimus cenacula texit auro, & recte posset hoc intelligi de capitibus clauorum, scilicet, quod illa operata erant auro, ut totum appareret aurum si forte clavi non essent de auro, & tamen dicitur, quod erant aurei, ideo non oportebat capita eorum auro operiri. Ideo Hieronymus transtulit cenacula, ubi litera Hebraica dicit capita. Et vocantur cenacula duae domus superiores templi. Pro quo sciendum, quod altitudo templi erat centum & viginti cubitorum: ut patet supra in litera. Et erat diuisa per tres partes. Nam a pavimento usque ad triginta cubitos altitudinis erat altitudo domus inferioris, quae erat duplex, scilicet domus exterior, & Sanctum Sanctorum, & in illa altitudine erat primum tectum: deinde reliqua altitudo cubitorum nonaginta diuisa est per duas partes aequales, & in medio positum fuit tectum. Et deinde usque ad summitatem parietum erat alia domus, & tertium tectum, & sic fuerunt tres domus secundum altitudinem. Sicut etiam fit in domibus vulgaribus, in quibus interdum altitudo domus diuiditur in quatuor, vel in quinque, aut plures domos. Et domus prima istarum, quae erat apud pavementum vocabatur templum, in qua erant omnia, de quibus fit mentio tam hic quam in libris Regum. De omnibus autem superioribus non fit mentio aliqua, eo quod non fiebat in eis aliqua ministratio sacra. Et istae domus vocantur hic cenacula: sicut etiam vocantur praecedenti libro cap. 28. scilicet cenacula, vel celaria, quod idem est, & de istis dicitur hic, quod erant operata auro: quia forte affixit tabulas in parietibus, & in illis laminas aureas, & sic ambe illae domus superiores essent celatae auro ad magnam pulchritudinem. In Hebraeo dicitur (peruaim) ubi litera nostra dicit probatissimum, s. aurum probatissimum, & Hebraei intelligunt, quod peruaim est nomen alicuius regionis, de qua erat istud aurum, & forte est verum, s. quod aurum illius regionis purissimum erat: sicut dicitur Gen. 2. de auro regionis Heuila, quod aurum terrae illius optimum est. In Hebraeo dicitur. *Parietes, & operaturas.* Vbi litera nostra dicit trabes, & postes, & vocantur postes parietes: quia apud parietes sunt, & tenduntur in altum sicut parietes: operaturae vocantur trabes, & hoc satis conuenit, quia trabes operiunt domum, cum sint in tecto.

Templum Salomonis ad quid fuerit constructum.

Quaestio I.

QVAERITVR Circa praedicta, & primo circa aedificationem templi Salomonis ad quid constructum est: quia non videbatur necessarium, cum esset tabernaculum Moyse, in quo possent fieri omnia, quae fiebant in templo Salomonis. Dicendum, quod Deus habebat Israelitas in populum peculiarem: Exo. 19. & Deut. 7. & dederat eis leges qualiter eum cole-

rent,

rent, & qualiter inter se communicarent, quod non fecerat alijs gentibus: vt patet Pfal. 147. scilicet. Non fecit taliter omni nationi, & iudicia sua non manifestauit eis. Et quia cæremoniæ cultus diuini in aliquo loco determinato fieri debebant, & habere aliqua vasa determinata, quibus explerentur: voluit Deus facere quandam domum, in qua fierent, & q̄ etiam fabricarentur certa vasa, quibus ministraretur in domo illa, & quia illico post dationem legis ceperunt Israelitæ esse populus Dei: vt patet Exod. 19. Debuerunt mox habere Israelitæ aliquid, in quo possent frequentare cæremonias cultus diuini. Et quia in deserto non poterat fieri domus stabilis ad colendum Deum, eo q̄ non erant mansuri ibi semper Israelitæ: sed transitori in terram Chanaan: debuit fieri aliqua domus portatilis, quæ locatis castris posset extendi ad celebrandum cæremonias diuini cultus: sicut tentorium. Et depositis, vel motis castris posset deponi, & portari in via: & sic factum est tabernaculum, per Moysen, quod partim de tabulis, & partim de pellibus, & alijs operimentis erat: vt patet Exo. 21. & 24. Et istud portabatur per desertum de loco in locum. Et cum castra figenda essent, erigebatur tabernaculum. Cum verò essent mutanda deponeretur, & portabatur a Leuitis: Num. 3. & 4. & 9. & sic factum est per quadraginta annos in deserto. Et postea cum introierunt Israelitæ in terram Chanaā, mansit aliquanto tempore in Galgalis, vt colligit Ios. 9. & 10. Deinde acquisita magna parte terræ Chanaan viuente Iosue locatum est in vrbe Silo: Iosue 18. & postea mutatum est per aliqua loca quousq; factū est templum Salomonis, vt declaratum est præcedenti c. in quadam quæstione. In isto tabernaculo fiebant, omnes cæremoniæ cultus diuini vsquequo factum est templum Salomonis. Et tamen non decuit, q̄ istud semper maneret, sed q̄ fieret aliquod templum, quale fecit Salomon, vt ibi honorabiliter Deo ministraretur. Causa autem fuit, quia locus in quo Deus ministraretur esse debebat pretiosius valde, s. plus quàm hominum habitationes, & tamen tabernaculum Moyse nō erat locus valde honorabilis, ideo debuit fieri aliud tēplum in quo ministraretur Deo. Patet istud: quia Dauid quando offerebat munera ad ædificandum domū Domino, ostendens, q̄ domus deberet esse valde pretiosa, & magni honoris ait: Opus enim grande est, nec enim homini paratur habitatio, sed Deo. Sic etiam Salomon dixit ad Hiram præcedenti c. s. domus, quam ædificare cupio magna est: magnus enim Deus noster super omnes Deos. Quod autem tabernaculum factum per Moysen non esset locus conueniens honori magno Dei patet, quia erat parua domus, & erat facta de tabulis, & operimentis pellium. Et ista causa mouit Dauid ad volendum ædificare Domino templum: vt patet præcedenti libro c. 17. s. Ecce ego habito in domo cedrina, arca autem Dei sub pellibus est: quasi dicat inhonestum est, quia in maiori honore deberet esse arca Dei quàm aliquis homo: ideo deberet habere habitationem pulchriorem, & Deus a principio iussisset fieri templum pulchrum: sicut fuit templū Salomonis, nisi astitisset necessitas mouendi de loco ad locum: potuit tunc, & debuit fieri templum, in quo coleretur Deus.

Quum templum istud fieri debuisset, cur non factum fuit ante Salomonis tempus.

Quæstio III.

QVAERITVR vltius, dato q̄ aliquando templum istud fieri debuisset, quare non factum est vsq; ad tempus Salomonis. Respondent quidam, s.

F Rabbi Moyses de Aegypto, & etiam Sanctus The. in prima secundæ, s. q̄ non factum est templum a principio introitus Israelitarum in terram Chanaan propter timorem hostium, quia a principio hostes Iudeorum erant potentes. Et si Iudei in aliquo loco ædificassent templum, hostes videntes, q̄ tota spes Iudeorum erat in Deo suo, qui colebatur præcipue in templo illo, cōuenissent ad destruendum templum illud: cum autem tabernaculum erat portatile, mouebatur de loco ad locum, & si in vno loco non erat securum, esset in alio. Secunda causa, & potior est: quia templum, quod Deo fabricandum erat, debebat esse magnarum diuitiarū, & pulchritudinis: vt videretur conuenire honori Dei, & quia a principio Iudei erant pauperes, nec poterant construere ædificium tantorum sumptuum: non debuit fieri a principio: nec etiam tempore iudicū, quia omnes iudices Israel erant pauperes: eo q̄ potestas iudicum parua erat: cum non possent imponere tributa, vt declaratum est in prologo super librum Iudicum, in quadam quæstione, & etiam primo Regum 8. Primus etiam rex Israel, scilicet Saul, non potuit hoc facere, quia pauper fuit, & rusticano labori vacabat, primo Regum 11. Deinde Dauid fuit rex diues, quia fecit multa bella contra gentes, in quibus acquisiuit multū aurum, & argentum, & alia pretiosa, quæ omnia contulit pro ædificatione templi 2. Regum 8. & præcedenti lib. 18. & postea cum a Deo vetitus esset ædificare templum, præcedenti lib. 21. & 28. omnia, quæ congregauerat de bellis, & multa alia de redditibus regni sui, parauit in expensas ædificationis ipsi Salomoni, eodem lib. 22. & 28. & 29. cap. Salomon autem, qui ædificauit templum, fuit valde diues: quia Deus fecit eū diuitem super omnes reges. 3. Regum 3. & præcedenti c. ideo ipse conuenienter potuit ædificare templum, & non prædecessores sui. Tertia causa, & adhuc potissima fuit importunitas bellorum. Nam ædificatio templi exigebat magnum tempus. Salomon quippe licet cum magna solitudine ædificasset, non potuit consummare, nisi in septem annis. 3. Regum 6. a fortiori si fuissent bella. Nam secundum templum, quod ædificatum est post reditum de Babilone, non fuit tantæ gloriæ sicut templum Salomonis: ita vt illi, qui viderunt templum Salomonis, & postea viderūt illud reedificatum, plorabant voce magna, vt patet Esdræ. c. 3. Et tamen illud templum reedificatum est annis quadraginta sex: vt patet Ioan. 2. Et hoc, quia aliqua impedimenta bellorum fuerunt illo tempore per Samaritanos. Nam media pars Iudeorum faciebat opus, & media pars tenebat arma: vt patet Nehemie 4. A fortiori ergo si templum Salomonis factum fuisset tempore bellorum, non potuisset consumari fortè in centum annis. Et patet hoc, quia ad opus templi requirebantur multi operarij. Nam ceteros lapidum, & portatores onerum præter omnes alios artifices erant centum & quinquaginta millia, præcedenti cap. & 3. Regum 5. non ergo sufficerent Hebrei dirigere ad bellum multitudinem, & tantam multitudinem ad opera templi. Potissimè, quia operarij templi erant iudei, cum solis laboribus vacarent. Et si hostes irruerent super Israelitas, necesse erat, quod ab istis operibus cessarent, vel q̄ ab eis trucidarentur, cum essent iudei, vel haberent magnam multitudinem armatorū defendentium operarios: sicut factum est in reedificatione templi, s. quia media pars Iudeorum tenebat lanceas, & alia arma, & alia dimidietas faciebat opus: Nehemie 4. cap. Item ad ædificationem istam erat necessaria multitudo expensarum. Ad bellum autem tractari debent, non sufficeret aliqua diuitiarum copia: ideo fuit necessaria omnimoda tranquillitas tempore ædificationis.

ationis templi. Et quia ista pax non potuit haberi illico, ut Israelitę introierunt in terram Chanaan, cum ipsi essent pauciores quā Chanaan, non debuit edificari templum a principio introitus Israelitarum in terram Chanaan. Ex eadem causa non debuit edificari templum toto tempore iudicium, quia tunc erant bella: cum non solum pugnarent Israelitę contra hostes, sed etiam ipsi hostes premerent Israelitas: ut patet ex toto processu libri Iudicum, ideo non debuit tempore iudicum edificari templum. Eodem modo non debuit edificari tempore Saulis primi regis Israel, quia licet ipse cepit liberare Israel de manu Philisthinorum, & aliarum gentium: tamen tota vita sua fuit bellis implicatus, & in eis defunctus est a Philisthinis occisus, primo Regum ultimo. Gerebat autem bella contra Idumęos, Moabitas, Ammonitas, Siros, & Sidonios, Philisthinos, & Amalecitas. primo Regum 4. Ideo non poterat vacare ædificationi templi. Tempore autem David erant Israelitę aliquantulum pacati, & tamen adhuc multa bella fecit: nam pugnavit cōtra Philisthinos, Moabitas, Ammonitas Idumęos, & Siros, & contra domum Saulis 2. Regum 8. Et præcedenti lib. 28. c. & ab istis bellis non cessavit usque ad senectutem: ideo cum putaret se quietum, & vellet edificare templum domino 2. Regum 7. Deus dixit ei, quod erat vir bellator, assuetus bellis, & adhuc pluribus assueturus erat, & ob hoc non posset edificare templum Domino: præcedenti lib. 22. cap. & 28. cap. Salomon autem Domino: quia in diebus eius fuit magna pax. Nullum enim bellum tempore suo gestum legitur. Quod autem ista fuerit causa, quare Salomon edificare debuit domum Domini, & non aliquis alius, patet præcedenti lib. 22. cap. s. non poteris edificare templum nomini meo tanto effuso sanguine coram me. Filius autem, qui nascetur tibi, erit vir quietissimus. Nam requiescere cum faciam ab omnibus inimicis suis per circuitum, & ob hanc causam pacificus vocabitur, & pacem, & orium dabo in Israel cunctis diebus eius. Ipse enim edificabit domum nomini meo. Sic etiam dicitur Eccl. 47. scilicet. Salomon imperabit in diebus pacis, & subiecit sibi dominus hostes, ut edificaret domum nomini suo: post Salomonem autem fieri non debuit, quia nunquam fuit aliquis rex ita pacificus, sed potius tempore Roboam filij eius diuisum est regnum in duo, & fuerunt postea multa bella inter utroque reges: ut patet ex processu tertij, & quarti Regum. Et sic non debuit templum edificari ante tempus Salomonis, nec debuit expectari post eum, quod alius edificaret illud.

Cum edificari debuit templum per Salomonem, cur edificatum non fuit in principio dominij sui.

Quest. IIII.

QVAERITVR vltius, cum templum edificari deberet per Salomonem, cur non edificatum est in principio regni sui: sed in principio anni quarti. Aliquis dicit, quod hoc factum est: quia Salomon non habuit omnem apparatus, qui requirebatur ad istud opus in principio regni sui. Requirebatur autem magnus apparatus secundum magnitudinem operis. Expectavit autem usque ad quartum annum, quia usque ad illud tempus non erat factus apparatus. Dicendum, quod hoc non stat, quia David reliquerat omnes impensas necessarias pro sanctuario edificando tam in lignis, lapidibus, quā in auro, argento, & alijs necessarijs: præcedenti lib. 22. cap. Et dato, quod aliquid deesset: tamen potior pars expensarum iam esset facta, & posset

A illico Salomon incohare opus mortuo David, si aliud non obstaret. Dicendum ergo, quod impedimentum aliud fuit. Nam Salomon obligabatur edificare templum tam præcepto Dei, quā David patris sui 3. Regum 7. Et præcedenti lib. 17. & 22. & 28. Et quia David parauerat ei materiam ad hoc, tenebatur in principio regni sui incipere, nisi aliquid impediret. Fuit autem impeditus, quia habebat Salomon insidiatores in regno, scilicet Adoniam fratrem suum, qui conabatur ei regnum auferre, & Ioab principem militię, & Abiathar summum sacerdotem 3. Regum primo, & secundo. Et quousque occidit Adoniam, & Ioab, & exilio tradidit Abiathar aliosque sequaces ipsorum perdidit, non fuit confirmatum regnum in manu eius. **B** Et post hoc dicitur, quod confirmatum est regnum in manu Salomonis: patet hoc ex processu tertij Regum. Nam primo, & secundo eodem capit. ponitur de istis insidiatoribus Salomonis, & occisione eorum, & 3. c. subiungitur: Confirmatumque est regnum in manu Salomonis. Et ante hoc non poterat Salomon edificare templum, quia erat in bellis, scilicet habebat bella intestina, cum nondum haberet pacem cum subditis suis, ideo non debuit edificare templum, quousque confirmatum esset regnum in manu eius. Non fuit tamen confirmatum quousque transierunt de regno Salomonis plus quā tres anni, ut declaratum est supra primo capit. in quadam quæstione, ideo usque ad quartum annum regni sui, non potuit ædificationem incohare: nec obligabatur ad hoc cum nondum occurrisset sibi opportunitas. Confirmato autem regno, cum iam nihil obstaret, si illico non inciperet edificare erat negligens, & tunc peccaret.

Cum Salomonis templum succederet in locum tabernaculi Moysi, cur non seruauit in omnibus eius formam.

Quest. V.

QVAERITVR vltius, circa habitudinem templi Salomonis, quare non seruata fuit in omnibus forma tabernaculi Moysi. Nam templum Salomonis succedebat loco tabernaculi Moysi, ideo videtur, quod debebat ei simile esse in omnibus, & tamen non fuit, quia non erat eiusdem mensurę in magnitudine. Etiam non fuerunt talia vasa omnino. Respondendum, quod templum Salomonis aliquo modo successit tabernaculo Moysi, & aliquo modo non. Nam dicitur ei successisse in quantum ministraciones ille, quę fuerunt in tabernaculo Moysi, factę fuerunt postea in templo Salomonis. Et ista erat successio temporis. Tamen non erat omnimoda, & propria successio: eo quod tabernaculum Moysi, & templum Salomonis, non erant in eodem genere artificanti ex conditione finis, sed vnum erat tanquam perfectum, & aliud tanquam imperfectum. Et sicut naturaliter imperfectum ordinatur ad perfectum: ita necesse erat, quod tabernaculum Moysi ordinaretur ad templum Salomonis. Et sicut natura incipit ab imperfecto tendendo ad perfectum, ita in arte fuit, s. quod prius esset tabernaculum Moysi, quod erat imperfectum, & postea fieret tabernaculum siue templum Salomonis. Et quia perfectum, & imperfectum, licet non differant omnino in specie: tamē aliquid est in re perfecta, quod non est in imperfecta, oportet, quod tabernaculum Moysi in aliquo conueniret cum templo Salomonis: non tamen oportet, quod conuenirent in omnibus. Et sic fuit: nam templum Salomonis erat stabile, tabernaculum Moysi erat mobile, & istud proueniebat ex imperfectione, scilicet quia tabernaculum Moysi moueri debebat de loco ad locum propter mutationem Hebręorum, & propter persecutio-

res hostiles: templum Salomonis non debebat esse mobile, cum iam nulla necessitas esset ad mouendum. Et sic cum David loqueretur de ædificatione futura templi in Ierusalem. Dixit David requiem dedit Deus populo suo, & habitationem in Ierusalem usque in æternum. Item differebant, quia templum Salomonis fuit maius mensura quam tabernaculum Moyfi & patet hoc, quia longitudo tabernaculi Moyfi, fuit triginta cubitorum, & latitudo decem, & altitudo totidem: vt patet Exo. 26. Et tamen longitudo templi Salomonis fuit cubitorum sexaginta, latitudo cubitorum viginti, altitudo centum & viginti, vt patet supra in littera. Causa fuit, quia templum Salomonis debebat esse honorabilius tabernaculo Moyfi, & ob hoc debebat esse tantæ magnitudinis, quanta sufficeret ad faciendum illud honorabile, cum nihil impediret: quia illud esset valde magnū. De tabernaculo Moyfi secus fuit, quia illud erat portatile cum moueri deberet per viā. Et quia si esset valde magnum, sicut templum Salomonis, non esset portatile, factum est minoris quantitatis, vt portari posset. Templum autem Salomonis non erat portandum, ideo poterat fabricari in quacunque magnitudine. Item erat differentia in vasis in magnitudine eorum, & in materia: nam altare holocaustorum in tabernaculo Moyfi erat cubitorum quinque in longitudine, & totidem in latitudine, in altitudine autem cubitorum trium: Exo. 27. Altare autem holocaustorum templi Salomonis erat cubitorum viginti in longitudine, & totidem in latitudine, & decem cubitorum in altitudine: sequenti cap. Causa erat, quia altare tabernaculi Moyfi erat portatile, & si esset tantæ magnitudinis efficeretur importabile: altare templi Salomonis non erat portandum de loco ad locum: ideo poterat construi in tanta magnitudine, quæ sufficeret ad capiendum hostias: ideo tantum factum est. Etiam altare Moyfi erat de lignis setim opertum laminis æneis. Altare autem templi Salomonis erat totum æneum: Exo. 27. & sequenti c. Et hoc fuit, quia altare tabernaculi Moyfi erat portandum de loco ad locum, & si esset totum æneum, esset tãti ponderis, quod importabile efficeretur. Altare templi Salomonis non erat mouendum de loco ad locum, ideo siue esset æneum, siue de quacunque alia materia graui nihil obstabat. Item erat differentia in numero vasorum, quia multo plura vasa erant in templo Salomonis, quam in tabernaculo Moyfi: nam in tabernaculo Moyfi erat vnicum candelabrum: Exo. 26. In templo Salomonis erant decem candelabra aurea. 3. Regum 7. Et multa alia argentea, præcedenti lib. 28. cap. Item in tabernaculo Moyfi erat vnica mensa propositionis aurea: in templo autem Salomonis erant multe mensæ argenteæ, & aureæ: de tabernaculo Moyfi: Exo. 25. & 26. De templo Salomonis: præcedenti lib. 28. cap. & 3. Reg. 7. Item erat quædam differentia in habitudine vasorum: nam in tabernaculo Moyfi candelabrum erat ad partem meridianam tabernaculi: Exo. 26. In templo Salomonis quinque candelabra erant ad latus aquilonare, & totidem ad meridianum. 3. Regum 7. Causa autem istorum erat paupertas, & honor, & Hebræi erant pauperes in exitu de Aegypto, quando fabricatum est tabernaculum Moyfi, ideo non poterant impendere multum aurum, & argentum ad faciendum inde multitudinem vasorum. Cum autem fabricatum est templum Salomonis, erant diuites valde, quia ipse Salomon erat ditissimus, & poterat impendere multum aurum, & argentum ad diuersa vasa. Alia causa fuit honor: nam tabernaculum Moyfi, non erat aliquid perfectum, in quo Deo dari deberet tantus honor, quantum rationabilis Dei erat ab hominibus: sed erat aliquid ordinatum ad templum Salomonis, in quo suppleretur quicquid

imperfectiois fuerat in tabernaculo Moyfi. Ideo plura vasa, & maiora atque pulchriora esse debuerunt in templo Salomonis, quam in tabernaculo Moyfi. Et sic in quibusdam alijs differebant: in plurimis tamen conueniebant: quantum ad illa autem in quibus conueniebant, non oportet inquiri causam, sed solum ad illa, in quibus disconueniebant.

Quare templum fuit potius fabricatum in Ierusalem, quam in alia ciuitate Israel.

Questio V I.

QVAERITVR vltterius, quare templum Salomonis potius fabricatum est in Ierusalem, quam in alia vrbe terræ Israel. Dicendum, quod hoc fuit ex mandato Dei. Nam Deus reuelauit David, qd templum ædificandum sibi esset in Ierusalem in monte Moria, siue monte Sion. Et ostendit ei locum, vt patet in littera. Scilicet, cepit ædificare Salomon domum Domini in monte Moria in loco, qui demonstratus fuerat David patri eius in area Ornani Iebusæi. Et tamen non licebat transgredi voluntatem Dei: ideo debuit ædificari in Ierusalem. Sed dicitur quare potius Deo iussit ædificari templum in Ierusalem, quam in alio loco? Respondet Rabbi Abra. Abben Ezra, super Exo. 26. qd factum est hoc, quia locus illæ erat, magis dispositus ad recipiendum virtutem cœli, quam alia loca terræ Israel. Sed iste errat nimis tam in fide, quam in natura: nam templum constructum est, vt inuocaretur in eo nomen Domini, & exaudiret ibi Deus orationes supplicantium: vt patet 3. Regum 8. & infra 6. Et tamen ista non indigent aliqua virtute cœli derivata: cum virtus cœli, quæ naturaliter derivatur in ista inferiora sit influxus corporalis, & talis influxus determinat locum, quia dependet a re materiali, & fit potius in vno loco, quam in alio, eo qd non respiciunt corpora cœlestia eodem aspectu omnes partes terræ, & fit necesse est meliorem cœli influentiam esse super quasdam regiones, quam super alias, & tamen ad opus sanctuarij, & finem eius non erat necessaria aliqua talis derivatio virtutis cœlestis: cum solum Deus deberet accipere cultum, qui impendebatur ei in tali loco, & exaudire orationes, quæ in ipso loco fundebantur, & tamen istud est opus puræ voluntatis: voluntas non solum Dei, sed etiam nostra non mouetur motu naturali ex operatione alicuius corporis cœlestis, sed omnino est absoluta, quia est immaterialis: a fortiori ergo voluntas Dei non dependebit ab aliqua operatione cœlesti, ideo non magis ardebitur per virtutem cœlestem ad volendum remittere peccata, vel exaudire orationes in vno loco, quam in alio. Item magnus error est, qd quis dicat materialia posse agere super immaterialia, & tamen corpora cœlestia materialia sunt, & modo materiali, & diuisibili influunt: ideo influxus suus non se extendit ad intellectum, & voluntatem, quæ sunt potentia immateriales, & tamen stante positione Rabbi Abra. Abben Ezra, diceremus, qd virtus cœli, quæ influebat super urbem Ierusalem erat talis, quæ determinabat voluntatem Dei ad volendum exaudire preces ibi factas, & super alias vrbes non erat talis influentia cœli, quæ sic determinaret voluntatem Dei, ad exaudiendum preces ibi factas, & acceptandum cultum ibi impensum. Istud autem magnum inconueniens est: quia non solum ponimus materialia habere actionem super immaterialia, sed etiam, quod corpora cœlestia possint influere per Deum. Ideo dicendum, quod causa quare in Ierusalem ædificatum fuit templum, fuit voluntas Dei: scilicet elegit vnum locum, & non alium. Sic enim ipse dixit, vt patet infra 6. scilicet, a die, qua eduxi populum

Rab. Abben Ezra refellit.

lum meum de Aegypto, non elegi ciuitatem de cunctis tribubus Israel, ut edificaretur in ea domus nomini meo: sed elegi Ierusalem, ut sit nomen meum in ea. Ratio autem quare Deus illam urbem potius, quam aliam elegit, forte fuit, quia erat ciuitas regalis, & conueniebat magis honori Dei: nam cum rex semper maneret in urbe illa, necesse erat, quod locus ille esset honorabilior, & magis frequentatus a turbis, quam quilibet alia ciuitas, & sic occasione curie regalis frequentaretur magis cultus diuinus, quam alias.

Quis fuit iste mons Moria, in quo templum fuit constructum.

Questio VII.

QVAERITVR vterius, quis fuit iste mons Moria, in quo fabricatum est templum. Aliquis dicit, quod est nomen proprium montis, sicut dicitur mons Galaad, mons Saron, & Sanir, & Selmō, & erat aliquis mons in Ierusalem, qui sic vocaretur. Dicendum, quod non stat, quia Moria apud Hebræos est nomen appellatiuum signans visionem, & vocatur mons visionis. Pro quo sciendum, quod templum fuit edificatum in Ierusalem in monte quodam, qui vocatur communiter mons Sion. Erat enim illa pars altior urbis, & ibi erat castrum, quod cepit Dauid de manu Iebusæorum. 2. Regum 5. & precedenti cap. 11. & in ipso castro fabricate sunt domus cedrinæ ipsi Dauid, & postea templum constructum est ibi. Vocatus fuit etiam mons ille Moria, id est visionis a quodam euentu, scilicet, quia Deus vidit ibi deuotionem Abrahamæ volentis immolare filium suum Isaac ad præceptum eius, & prouidit ei dandum arietem, quem immolaret, & liberando a morte Isaac. Sic patet Gen. 22. scilicet. Leuauit Abraham oculos, & vidit arietem herentem inter vepres cornibus, & affumens obtulit illum in holocaustum pro filio, appellauitque nomen loci illius, Dominus videt. Vnde vsq; hodie dicitur, in monte Dominus videbit. Mansit etiam nomen montis illius mons visionis, vel mons Moria in Hebræo, quod idem est. Iste mons erat in Ierusalem: nam eo tempore, quo Abraham obtulit arietem pro filio suo, non erat locus ille populatus, vel aliqua pars eius, & ibi Deus iussit, quod offerretur ei Isaac, & nunc ibi templum constructum est, & vocatur nunc hic mons Moria ad significandum qualiter Deus acceptabat locum illum. Nam non solum nunc, quando iussit templum ibi edificari, acceptauit locum: sed etiam prius acceptauerat.

Quare in area Ornam Iebusæi fuit constructum templum.

Quest. VII.

QVAERITVR vterius, quare in area Ornam Iebusæi fuit constructum templum. Respondendum est, quod area Ornam Iebusæi erat in monte Moria, in quo Deus iusserat edificari templum, & contigebat ibi edificari. Nam Iebusæi habitabant in Ierusalem in castro montis Sion, & Dauid cepit castrum illud exclusis Iebusæis in principio regni sui. 2. Regum 5. & precedenti lib. cap. 11. Mansit autem quidam de eis nomine Ornam, qui erat amicus Dauid, & ille semper habitauit in castro illo, in quo prius morabatur, & ibi habebat aream, & area illa erat in vertice montis, in qua postea templum edificatum est: & hoc fuit, quia Dauid emit illam aream dando sexcentos siclos pro illa. 2. Regum 24. & precedenti lib. 21. cap. Causa, quare emptum est, fuit, quia quando Deus iussit pestem triduum super totum Israel propter peccatum Dauid, angelus Domini euaginato gladio apparuit in area

A Ornam Iebusæi, & absconderunt se Ornam, & filij eius domi, eodem cap. & tunc cum vidisset Dauid angelum tremuit, & ait. Ego sum, qui peccaui, ego, qui impiè gessi: isti quod oues sunt, quod fecerunt? Conuertatur, obsecro, manus tua super me, & super domum patris mei. Et tunc Deus misertus super magnitudine mali ait: Sufficit, contine iam manum tuam: & venit Propheta Gad ad Dauid, dicens, quod offerret sacrificia Domino in area Ornam Iebusæi, & cessaret plaga. Dauid autem emit aream, & boues, & tribulas, & plaustrum, & triticum ad faciendum altare in area, & offerendum ibi sacrificia, & cum fecisset, cessauit plaga. 2. Regum 24. & præced. lib. 21. c. Propter hoc autem miraculum, quia exaudiuit Deus Dauid in area Ornam, apparuit, quod locus ille erat Deo acceptus, & ibi templum edificandum. Aliud etiam fuit miraculum, quia cum Dauid posuisset carnes sacrificiorum super altare, descendit ignis de celo, & consumpsit sacrificium, præcedenti lib. 21. cap. Istud autem erat signum magnæ acceptationis diuine, cum veniat ignis de celo, qui a solo Deo venire putatur, & per hoc in multis alijs probatur deitas, vel acceptatio deitatis: sic patet quando Helias Propheta Dei disputabat cum Prophetis Baal de vera deitate, & positum fuit istud signum ad cognoscendum verum Deum, scilicet, quod ille Deus, qui exaudiret cultores suos mittendo ignem de celo super sacrificia eorum, haberetur ut verus Deus. Et in hoc apparuit Deum Israel esse verum Deum. 3. Regum 18. Sic etiam Helias ostendit se esse virum Dei in igne de celo misso. Nam cum venissent ad eum primus quinquagenarius regis Ochozie, & dixisset, homo Dei descende de monte, dixit Elías, si homo Dei sum, descendat ignis de celo, & consumat te, & quinquaginta tuos. Sic etiam fuit de secundo quingenario. 4. Regum primo. Sic etiam cognitum est, quod sacrificium Aaron acceptum fuit Deo prima die post consecrationem suam, quando cepit ministrare. Nam descendit ignis de celo, & consumpsit hostias. Leuit. 9. Quod videntes Israelitæ laudauerunt dominum ruentes in facies suas. Ideo propter istud etiam miraculum apparuit diuina acceptatio super illam aream, & edificatum fuit ibi templum.

Quomodo fuit demonstratus Dauid locus templi edificandi in area Ornam.

Quest. VIII.

QVAERITVR vterius, quomodo ostensus fuit Dauid locus templi edificandi in area Ornam. Nam dicitur hic, quod Salomon edificauit templum in loco, qui monstratus fuerat Dauid. Responderi potest, quod hoc potuit fieri multipliciter. Vno modo per Prophetam, qui reuelaret hoc ipsi Dauid ex parte Dei. Et hoc erat satis verisimile. Nam Deus iussit Prophetam Gad dicere Dauid, quod offerret sacrificium in area Ornam ad hoc, quod cessaret plaga, secundo Regum 24. & precedenti lib. cap. 21. Et tunc satis est verisimile, quod forte dixerit Gad ipsi Dauid, quod templum edificandum esset per ipsum Salomonem in loco illo. Secundo modo poterat hoc fieri, quod Deus mitteret angelum suum ad reuelandum hoc Dauid. Tertio modo, quod veniret a Deo in scriptis de celo, quis locus accipiendus esset ad edificandum in eo templum. Et istud etiam est valde verisimile. Nam sic fuit de omnibus pertinentibus ad edificationem, scilicet, quæ esset figura templi, & magnitudo, & materia, & quæ, & quot, & qualia vasa. Et sic de omnibus alijs necessarijs in templo: ita ut nihil factum fuerit in templo, de quo Deus prius non reuelauerat Dauid, & hoc in scriptis: ut patet precedenti lib. 23. cap. scilicet, postquam po-

nuntur omnia, quæ in templo fieri debebant sequitur: Omnia, inquit, hæc venerunt ad me manu Dei scripta, ut intelligerem vniuersa opera exemplaris. Ita igitur veniret in scriptis in quo loco ædificandum esset templum: Quarto modo, quod Deus non reuelaret hoc Dauid verbo, vel scripto, sed aliquo signo ostensiuo voluntatis diuinæ. Et istud poterat esse, quia Deus iusserat, quod offerretur ibi sacrificium in area Ornam Iebusai, & cessaret plaga. Et cum oblatum esset cessauit plaga. 2. Regum 24. & præcedenti lib. c. 21. Et in hoc manifestè ostensum est, quod Deus acceptabat locum illum ad faciendum sibi sacrificia ibi. Et quia templum erat locus, in quo deberent sacrificia, & aliæ ceremoniæ cultus diuini fieri videbatur, quod in area illa Deus vellet illud ædificari. Quinto modo poterat hoc manifestari Dauid per aliud signum, scilicet Deus misit ignem de cælo super sacrificia Dauid, quæ fecerat in illa area Ornam, in quo erat manifestissimum signum diuinæ acceptationis, cum istud non fieret, nisi Deo volente approbare illa, quæ faciebat in loco illo. Non poterat autem aliquis locus magis approbari, quam quod Deus mitteret ignem de cælo super sacrificia, quæ ibi fierent, ideo per hoc apparebat, quod Deus vellet illum locum ad offerendum ibi sacrificia sibi. Et iste modus vltimus magis conuenit literæ, præcedenti lib. capi. 21. Nam dicitur, quod Dauid obtulit sacrificia in area Ornam Iebusai, & exaudiuit eum dominus in igne de cælo, & videns, quod Deus exauisset eum in area Ornam, immolauit ibi victimas de cætero. Et dicitur, quod dixit Dauid: hæc est domus Dei, & altare in holocaustum in Israël, eodem lib. 22. cap. scilicet. Illico, ut vidit venisse ignem de cælo, putans quod Deus elegisset sibi locum illum, ut semper offerretur sibi sacrificium ibi dixit: Hæc est domus Dei, id est in isto loco ædificanda est domus, & hic erit altare in holocaustum Israël, id est in quo totus Israël offerat holocaustum. Istud autem erat fabricando ibi templum Salomonis, ideo per istum modum verisimile est, quod Deus ostenderit Dauid templum ædificandum esse in area Ornam quam per alium modum.

Quare figuræ templi fuit sexaginta cubitorum in longitudine: latitudo viginti, & altitudo centum, & viginti.

Quæstio IX.

QVAERITVR vltèrius, quare fuit talis figura templi Salomoni, scilicet, quod longitudo esset cubitorum sexaginta, & latitudo viginti, altitudo autem centum & viginti, ut patet in litera. Respondendum, quod ista figura conueniebat tẽplo, scilicet, quod longitudo esset tripla ad latitudinem, ut templum magis formam turris, quam domus haberet. Et causa est, quia templum debuit esse fortalicium, ut esset domus defensibilis valde propter hostes. Etiam, quia ibi erant thesauri multi, & non essent ibi securi, nisi esset domus fortis, sicut castrum: & sic vocabatur templum turris nebulosa, vel turris gregis, ut sæpe loquuntur prophetae, & potissimè Michæas. Et vocatur turris nebulosa propter altitudinem, quia attingebat nebulas, & nubes. Vel nebulosa propter nebulam surgentem de sacrificijs, quia ex crematione adipum, & carniū multarum in sacrificijs surgebat fumus grossius tanquam nebula operiens templum factum in modum turris. Vocatur turris gregis, quia multi greges occidebantur ibi. Nam quotidie multa animalia occidebantur in templo in sacrificio. Fuit autem tanta altitudo, quia diuidenda erat domus secundum altitudinem in tres domos, scilicet, inferiorem, quæ vocabatur templum, & duas superiores, quæ vocabantur cenacula, vel cellaria:

F & non fiebant ibi aliquæ ministraciones sacrę: sed custodiebantur thesauri alicui templi, vel reponebantur arma ad defensionem domus, vel erant, ut ex eis possent pugnare sacerdotes tanquam de turri contra quoscunque inuadentes templum: & ad istam distinctionem trium domorum requirebatur magna altitudo, quæ fuit centum & viginti cubitorum. Erat etiam longitudo maior latitudine: causa fuit, quia templum secundum longitudinem diuidendum erat in duas partes, scilicet in anteriorem, & posteriorem: anterior autem erat cubitorum quadraginta longitudine: posterior, vel interior erat cubitorum viginti: & vocabatur Sancta Sanctorum. Secundum latitudinem nulla distinctio facienda erat: ideo minor requirebatur magnitudo in latitudine, quam in longitudine. Sic etiam fuit aliqualiter in templo Moyfi: nam tabernaculum illud erat longitudine cubitorum triginta, & latitudine decem, & altitudine decem: Exo. 26. Et latitudo, & longitudo se habent ibi in tali proportionē, sicut in templo Salomonis, scilicet, longitudo tripla ad latitudinem. Causa est, quia etiam tabernaculum Moyfi secundum longitudinem diuidebatur in duas partes, scilicet, in partem anteriorem, quæ vocabatur Sanctum, in qua erat mensa propositionis, candelabrum, altare thymiamatum: & in partem posteriorem, quæ erat Sanctum Sanctorum, ubi erat arca. Et pars anterior erat cubitorum viginti, pars posterior cubitorum decem: Exo. 26. Latitudo autem tabernaculi non diuidebatur ibi in aliquas partes, ideo debuit esse minor. Altitudo autem erat dissimilis altitudini templi Salomonis, quia: ista erat sexcupla ad altitudinem, & ista erat latitudinis æqualis. Causa fuit, quia templum Salomonis debuit esse fortalicium, ideo requirebatur, quod esset altum ad modum turris: & poterat hoc fieri, cum templum non esset aliquid portatile, sed ædificium magnum, factum de lapidibus. Tabernaculum autem Moyfi erat ædificium portatile factum de tabulis, & pellibus, & cortinis, quod non poterat esse fortalicium: ideo frustra erat illud fieri valde altum. Item, quia si fieret valde altum esset magnum ædificium, & importabile, & tamen tabernaculum Moyfi ædificium portatile esse debebat, ut moueretur motis castris.

Quæritur circa totam figuram, & habitudinem templi, & eorum, quæ intus erant.

Quæst. X.

QVAERITVR vltèrius, circa totam figuram templi, & habitudinem eorum, quæ intus erant, ut sciatur qualiter disposita erant illa, quæ in templo erant. Dicendum, quod templum Salomonis diuidebatur in duas partes principales, scilicet in partem anteriorem, quæ vocabatur atrium, & in partem posteriorem, quæ propriè vocabatur templum. De parte exteriori non facit mentionem determinatam scriptura, sicut de parte interiori, quæ vocatur templum. Et dicitur primo de parte interiori. Erat enim quædam domus facta ad modum turris alicqualiter, cuius longitudo erat ab Oriente in Occidentem cubitorum sexaginta: latitudo autem ab Austro in Aquilonem cubitorum viginti: altitudo autem erat cubitorum centum & viginti: ut patet supra in litera. Diuidebatur autem ista domus secundum altitudinem in tres partes, & secundum longitudinem in duas, & secundum latitudinem non diuidebatur: habebat autem vnicam portam, scilicet in latere orientali. Diuisio autem secundum altitudinem erat sic, quod incipiendo a pavimento usque ad triginta cubitos altitudinis erat vna domus, & ibi ponebatur primum tectum, & ista domus inferior vocabatur

tur templum, & de ista fit mentio in scriptura. Super istam erat secunda domus altitudinem habens cubitorum quadragintaquinque, & perueniebat usque ad cubitos septuagintaquinque altitudinis, & ibi erat secundum tectum: Tertia domus erat quadragintaquinque cubitorum altitudinis perueniens usque ad cubitos centum & viginti, quæ erat summitas templi, & ibi erat tertium tectum. Istæ duæ domus secundæ non vocantur templum, nec partes templi in scriptura, nec fit communiter mentio de eis, eo quod non fiebat in eis aliqua administratio sacra: sed omnes administrationes istæ fiebant in domo inferiori, quæ vocabatur templum. Erant tamen istæ duæ domus superiores deauratæ interius sicut templum, licet non in tanto decore, & pretiositate, & vocabantur cœnacula, de quibus in litera dicitur, quod cœnacula texit auro, & in Hebræo vocantur capita: quæ erant partes superiores templi, sicut caput est pars superior corporis, & istæ partes erant non ad administrationem aliquam sacram, sed ad custodiam thesaurorum vel ad defensionem templi: ut dictum est precedenti quæstio. Considerandum autem, quod qualibet istarum trium domorum continebat totam longitudinem, & latitudinem templi, scilicet qualibet erat cubitorum sexaginta longitudine, & viginti latitudine: cum solum diuideretur hic altitudo templi, & non alia mensio. Domus tamen inferior prope pavimento, quæ erat cubitorum triginta in altitudine: vocabatur templum, in qua fiebant omnes ministrationes sacræ, & ista diuidebatur in duas partes secundum longitudinem. Prima pars incipiebat ab Oriente versus Occidentem: eratque cubitorum quadraginta longitudine, & viginti latitudine, & vocabatur Sanctum. Secunda pars erat interior versus Occidentem usque ad parietem Occidentalem templi, eratque cubitorum viginti longitudine, & totidem latitudine: vocabaturque Sanctum sanctorum. In prima parte templi erant vasa, in quibus ministrabant quotidie sacerdotes, scilicet altare thymiamatis, in quo quotidie cremabatur thymiam, mane, & vespere: Exo. 30. & candelabra decem aurea, quinque versus Aquilonem, & totidem versus Meridiem, & multa alia argentea. 3. Reg. 7. & preced. lib. c. 28. Et erant ibi multe mensæ, quædam aureæ, & quædam argenteæ: precedenti lib. c. 28. Una autem istarum vocabatur mensa propositio, in qua ponebantur duodecim panes, propositionis. qui manebant coram domino per singulas hebdomadas, & mutabantur per singula Sabbatha, Leuit. 24. de omnibus his ministrationibus declaratum est precedenti in quibusdam quæstionibus. In istam primam partem domus ad Hebr. 9. scilicet saltem vnus ad cremandum bis quotidie thymiam, & disponendum lucernas candelabrorum, eo tempore: Exo. 30. Secunda domus, scilicet interior, id est Sancta Sanctorum sequebatur post istam ad Occidentem, habebatque vnicam portam, & intrabatur ad eam per vnicam domum, scilicet per partem Orientalem suam. Erat autem domus ista omnino quadrata, scilicet viginti cubitorum longitudine, totidem latitudine, & totidem altitudine. In ea autem erat arca fœderis, quam fecerat Moyses posita in medio eius, & pro arca fuerat facta specialiter ista domus Sancti sanctorum, quia illa debebat esse in loco secretiori quam alia vasa sanctuarii. Erant etiam ibi duo magni Cherubim de lignis oliuarum, scilicet sicut operi laminis aureis: erantque alæ eorum expandebantur aures extendunt alas ad volandum. Erat autem longitudo alæ cuiuslibet Cherubim cubitorum quinque, & sic alæ ipsorum duorum Cherubim extendebant per cubitos viginti, quæ erat tota latitudo domus Sancti sanctorum, erantque dorsa Cherubim ad partem Occidentalem domus, & facies eorum contra partem Orientalem domus, & perueniebant ad Orientem, & perueniebant alæ eorum ab angulo in angulum, scilicet Meridie in Septentrionem. Nunc de materia domus dicendum est, scilicet erant parietes domus de lapidibus politis, quos Biblii parauerant. 3. Reg. 5. & erant multi lapides marmorei ad magnam pulchritudinem. Pavimentum autem domus erat de pulchro marmore decore multo, ut patet supra in litera. Et tamen non apparebat lapis aliquis in parietibus, vel pavimento, quia tabulis operiti erant: nam omnes parietes erant operiti tabulis cedrinis. Pavimentum autem opertum erat tabulis abiegnis, & tectum etiam opertum erat tabulis: nam tectum erat de trabibus cedrinis. Et ibi quoque tabule cedrinæ erant, quæ operiebant illud, & omnes istæ tabulæ tam tecti, parietum, & pavimenti laminis aureis operiti erant, ut non videretur in tota domo interius nisi aurum: unde videbatur tota domus interius quasi quædam massa auri. Erant etiam figuræ sculptæ prominentes in parietibus, scilicet palmæ, & Cherubim ad pulchritudinem domus. Et istud commune erat domui interiori, scilicet Sancto sanctorum, & domui exteriori, quæ vocabatur Sanctum, vel templum: habebat autem Sancta Sanctorum portam quandam pulchro opere factam, & domus exterior aliam portam in porta Orientali eius, de quarum pulchritudine, & fabricatura patet. 3. Reg. 6. ista est dispositio domus interius. Exterior autem apparebant parietes templi de lapide albo, & pulchris marmoribus: ita ut delectaret opus oculos aspicientium: unde cum Christus esset in monte oliueti cum discipulis suis, & viderent inde templum: dixerunt quidam ad Christum, & etiā quoniam egrediendi erant de templo: Magister aspice quales lapides, & quales struxerunt, & respondit Iesus: Videtis has magnas ædificationes? non relinquetur lapis super lapidem: qui non destruetur: Mar. 13. c. Considerandum autem, quod a parte exteriori templi in parietibus erant tria tabulata: de quibus fit mentio. 3. Reg. 6. & erant facta hoc modo, scilicet quod templum secundum altitudinem diuidebatur in tres domos, ut declaratum est supra. Et altitudo primæ erat a pavimento usque ad cubitos triginta, & ibi erat tectum. Illud autem erat de trabibus cedrinis grossissimis, & longis. Veniebant autem a pariete Aquilonari ad Meridiem, & non solum extendeabantur per viginti cubitos, quæ erat latitudo templi, sed etiam transibant per grossitudinem utriusque parietis, & quælibet trabes adhuc extendebant ex utraque parte templi foris aliquantulum, sicut solet fieri in domibus nostris. Nam trabes progrediuntur extra parietes domorum aliquanto spatio, & super illa capita trabium politis tabulis fortibus cedrinis facta sunt quædam de ambulatoria: & ne ambulantes per illa ruerent exterius facta sunt quædam tabulata erecta in modum parietum, & fuit primum istorum eleuatum a pavimento templi altitudine cubitorum triginta in tecto primæ domus, & istud de ambulatorio continuabatur in circuitu totius templi præterquam in latere Orientali, eo quod ibi erat porticus pulchra, & ut non tolleretur pulchritudo porticus, non fuit de ambulatorio continuatum in illo latere, sed solum in latere Meridiano, Occidentali, & Aquilonari. Secundum de ambulatorium, vel tabulatum factum est super capita trabium secundæ domus, cuius altitudo erat a pavimento templi cubitorum 75. Tertium tabulatum erat sicut prima duo factum super capita trabium tertiæ domus, cuius altitudo erat a pavimento templi cubitorum centum et viginti, et ista tabulata, vel deambulatoria erant tanquam propugnacula templi, quia ex locis illis poterat pugnari contra hostes foris existentes, ne auderent accedere ad templum. In parte suprema templi erant menia pulchra, et alię figurę sicut esse solent in capitibus domorum magnarum. Ista est dispositio in breui templo Salomonis quantum ad partem illam, quæ vocabatur templum prope, et erat interior.

Templum
ne miri fas
erat intra-
re nisi sa-
cerdotib⁹.

Christo n̄
licuit vnq̄
introire
templum.

Ad istam partem nullus accedebat nisi sacerdos: nam etiam Leuitis non licebat illuc intrare. Erant namque duæ domus templi, vt dictum est supra, & in primâ earum, quæ erat maior non licebat alicui intrare nisi sacerdotibus, qui quotidie introibant illuc ad ministrandum in altari thymiamatum, & candelabris: vt sup. declaratum est. In domum autem interiorem, quæ vocabatur Sancta sanctorum, non licebat cuiquam intrare, nisi summo sacerdoti, & huic semel in anno in die propitiacionis ad aspergendum sanguinem corâ propitiatorio: ad Hebr. 9. & Leuit. 16. Exterior autem pars sanctuarij, quæ non propriè vocabatur templum, vocatur atrium, & illud erat quoddam spatium magnum per totum circuitum templi clausum muro vndique. Et istud atrium non habebat tectum, sed solum parietes in circuitu templi, & ad istud atrium veniebant laici viri, & feminae ad orandum, & ibi fiebant sacrificia. Et cū essent in atrio isto, dicebatur interdum esse in templo Salomonis, licet non propriè, & sic Christus dñ, ingressus in templum Salomonis, id est in atrium Matth. 21. & saepe alibi. Nam ad partem interiorem, quæ vocabatur propriè templū, & erat operta tecto non licebat Christo introire, nec permitteretur si voluisset: quia ipse non erat de genere sacerdotali: sed de tribu Iudæ, in qua Moyses nihil de sacerdotio locut⁹ est ad Hebr. 7. Istud atrium cū esset per circuitum totius templi habebat quatuor portas ad quatuor ventos, scilicet Orientem, Occidentem, Meridiem, & Austrum, præcedenti lib. c. 9. & supra 26. Et ad istas portas semper erant ianitores de Leuitis, qui custodiebant illas, ne intraret aliquis immundus, vel cui non liceret intrare. eo. c. De habitudine autem ipsorum Leuitarum ianitorum dictū est, eo. c. Intra atrium istud erant domus quædam parue in circuitu templi coniuncte parietibus eius per totum circuitum suum, scilicet per tria latera, Meridianum, Occidentalem, & Aquilonarem. In latere autem Orientali non erant aliqua domuncula, eo quod ibi erat porta templi, & porticus. Istæ domus vocantur exedrae, vt patet præcedenti lib. c. 9. & 18. & in alijs locis, & istæ erant ad custodiam thesaurorum templi. Nam Leuitæ custodiebant in eis thesauros templi, potissimè vestes sacerdotum, & vasa necessaria ad ministrationem quotidianam: vt colligitur præced. lib. c. 9. & 26. Erant etiam exedrae istæ, vt manerent in eis sacerdotes, & Leuitæ, qui erant diuisi in partes, & sortes ad ministrandum domino, ordinatæ: præcedenti lib. 24. & 25. & 26. c. Et semper ministrabat vna pars sacerdotum, & cū ea alia pars Leuitarum de quolibet officio. Durabat autem ministrationis cuiuslibet sortis sacerdotum, & Leuitarū vna hebdomada. Nam incipiebant ministrare Sabbatho, & sequenti Sabbatho complebant. Ideo quidam sacerdotes, & Leuitæ dicebantur intrare Sabbatho: vel venire ad Sabbathum. Alij autem exire Sabbatho. 4. Reg. 11. & infra 23. vt magis declaratum est: præcedenti lib. 28. c. Isti autem sacerdotes, & Leuitæ quandiu ministrabant hebdomada sua, non reuertebant in domos suas, ne haberent occasionem tangendi carnaliter uxores suas, ideo nunquam recedebant de sanctuario nocte, & die. Et ob hoc erant illæ exedrae, vt dormirent, & manerent in eis sacerdotes, & Leuitæ tempore ministrationis. Et istud patet præced. lib. c. 9. & 23. cū dicitur, quod sacerdotes, & Leuitæ manebant iugiter in sanctuario: vt die & nocte suo ministerio deseruirent. Erat etiam inter istas exedras quædam domus magna, quæ vocabatur domus consilij ad partem Meridianam templi: præcedenti lib. c. 26. Et ad illam conueniebant summus sacerdos, cū septuaginta senioribus, qui erant iudices supremi Israel. Et ipsi iudices vocabantur domus iudicij, vel consilij, & ab istis Christus morte damnatus est: vt ait Iosephus 18. Antiq. De quo satis declaratum est præcedenti lib. c. 26. in quadam questione.

Ista omnia erant ad latus Meridianum Occidentale, & Aquilonare templi. Ad latus autem Orientale non erant exedrae: sed erant porticus templi, & atria multa, de quibus dicendum est. De porticu dicendum, quod erat quoddam spatium apud portam templi in longitudine cubitorum viginti: iuxta latitudinem templi, scilicet Meridie in Aquilonem, & latitudine cubitorum decem ab Occidente in Oriente, & pendeat tectum quoddam de pariete templi operiens istud spatium, & erat illud tectum longitudine cubitorum viginti, & latitudine decem, vt dictum est. Et vocabatur istud spatium porticus a porta templi, apud quam erat. Et erat istud propter pulchritudinem, & necessitatem: vt infra declarabitur in quadam questione. In isto porticu apud portam templi erant duæ columnæ eneæ rotundæ, & grosse vacuæ interius, factæ opere reticulato, & habebant ordines malogranatorū, & retiaculorum opere vario, & erant positæ ad pulchritudinem: quarum vna Ioachim, & altera Booz dicebatur: vt patet 3. Reg. 7. & sequenti c. per istam porticum templi licebat laicis deambulare: dum tamen non introirent portam templi. Et sic Christus legitur ambulasse interdum in illa. Sic enim fuit quando facta sunt Encenia, & ambula-
bat Iesus in porticu templi Salomonis, & circūderunt eum Iudei, dicebantque: Quousque tollis animas nostras? si tu es Christus, dic nobis palam. & ibi voluerunt eum lapidare, & tenere: sed ipse exiit de manibus eorum. Ioan. 10. c. Erat etiam in ipsa parte Orientali atrij apud porticum atrium sacerdotum, & magis versus Orientem erat atrium laicorum. Erat autem atrium sacerdotum quoddam spatium quadratum in quo erant sacerdotes ad ministrandum in sacrificijs, & habebat murum paruulum per quadrum parue altitudinis: ita vt solum distingueretur locus ille a loco laicorum, & tamen non erat tantæ altitudinis, vt laicis foris existentibus auferret visionem sacerdotum ministrantium. Erat autem murus illius atrij factus de pulchro marmore de tribus ordinibus lapidum, & vno ordine lignorum cedri. 3. Reg. 6. c. In isto atrio erant sacerdotes ministrantes in sacrificijs. Nam altare holocaustorum, in quo offerebantur omnia sacrificia non erat intra templū propter ignem, & fumum: sed in atrio sacerdotum, & sic poterant laici videre, quomodo offerebantur sacrificia, & cū aliquis laicus vellet offerre aliquid animal, vel aliam rem pro sacrificio ad ducebatur illa usque ad atrium sacerdotum, & ibi sacerdotes accipiebant de manu eius, & ille non introibat in atrium sacerdotum: erat etiā in isto atrio mare cneum, in quo lauabantur sacerdotes antequam ministrarent: de cuius figura patet sequenti c. & 3. Reg. 7. Erant etiam ibi lateres super bases sacrificialium: de quorum figura patet. 3. Reg. 7. In isto atrio putant etiam quidam fuisse Leuitas: nam quando offerebantur sacrificia mane, & vespere, Leuitæ caneabant laudes Dei, & psallebant in valis musicis: præcedenti lib. cap. 23. Et tamen siue essent in atrio sacerdotum, siue apud illud, non determinauit scriptura caeremonias. non curauit tam expresse ponere omnes caeremonias. Erat etiam atrium laicorum ad Orientem atrij sacerdotum magis remotum à porta templi. Et istud diuidebatur in tria atria. Quoddam erat virorum mundorum, aliud mulierum mundarum, aliud mulierum immundarum, & Gentilium: de quibus latius declaratum est. 3. Reg. 6. Et in istis atrijs laici orabant, & audiebant predicationem legis, & non licebat ministraciones sacerdotum, & Leuitarum, scilicet ministrare quibusdam introire in atrium aliorum, scilicet mulieribus non licebat intrare in atrium virorum, & Gentilibus non licebat introire in atrium Israelitarum. Et

Et si quis introduceret Gentilem in illud atrium mori debebat. Sic patet de beato Paulo, qui erat laicus inter Iudeos, s. de tribu Benjamin. ad Gala. 1. & 2. & introiuit in atrium laicorum, & tñ, quia putabatur quosdā Gentiles introduxisse illuc, accusabatur ad mortē. Act. 21. Etiam De^s redarguebat valde Israelitas, qui desiderio pecuniarū introducebant Gentiles in partem illā sanctuarij, ad q̄ ingredi non licebat: Ezechie 44. s. Sufficiebat vobis scelera domus Israel, eo q̄ inducitis filios alienos incircuncisos corde, & incircuncisos carne, vt sint in sanctuario meo, & polluāt domum meam. Ista de figura templi Salomonis breuiter dicta sunt.

Quare dicitur hic, q̄ altitudo templi erat cubitorum centum viginti: cum dicatur, q̄ erat cubitorum triginta.

Quaest. XII.

QVAERITVR vltcrius, quomodo dicitur hic, q̄ altitudo templi erat cubitorum centū & viginti: cum 3. Reg. 6. dicatur, q̄ erat cubitorum triginta. Aliq̄ rident, q̄ istud procedit ex equiuectione. Nā templū habebat parietes, & tectum non habebat: & cum dī. 3. Reg. 6. de altitudine intelligitur de altitudine parietū templi: hic autem dī de altitudine parietū atrij: vel fortē ē conuerso, q̄ altitudo parietum templi esset centū & viginti cubitorū, & altitudo parietū atrij esset cubitorum triginta. Et primū consonat aliquantulū intentio ai, & litera Iosephi 8. Antiq. Nam dicebat parietē atrij sublimissimum esse. Dicendum tñ, q̄ hoc nō stat, quia necesse est, q̄ intelligatur vtrunq; de altitudine tēpli, & non de atrio. Nam dī hic, q̄ erat longitudo cubitorum sexaginta, & latitudo viginti, & idem dī. 3. Reg. 6. Et solum differt in altitudine, ideo necesse est, q̄ intelligatur vtrobiq; de eo. s. de templo, vel vtrobiq; de atrio, & non potest intelligi vnū istorū de atrio, & aliud de tēplo: quia cum templū esset intra atrij esset maioris longitudo, & latitudinis q̄ templū, & tñ in vtroq; ponit eadē longitudo, & latitudo, ideo vtrunq; intelligitur de tēplo. Si autē dicatur, q̄ vtrunq; intelligeret de atrio, non tolleretur inconueniens prædictū, & sequeretur aliud, s. q̄ nō poneretur mensura tēpli in scriptura, qd̄ est absurdum. Irē necesse est, q̄ ista sit mensura tēpli, & non atrij: quia hic, & 3. Reg. 6. ponitur longitudo cubitorum sexaginta, & postea diuiditur templū in duas domos, s. maiore cuius longitudo esset cubitorū quadraginta, & minore, siue Sancta sanctorū, cuius longitudo cubitorum viginti erat, vt patet ibidem, & hic, & sic erant sexaginta cubitorū longitudo ambarū domorum, & istae erant duae partes tēpli, cum essent in tēplo, & non in atrio: iō istae mensurae erant tēpli, & nō atrij. Dicendū ergo, q̄ hic, & 3. Reg. 6. ponitur solū mēsuratēplū. Diuersitas autē stat in hoc, quia sūm veritatē altitudinis templi Salomonis erat cubitorum centū & viginti, vt esset domus altior q̄ longior, & latior ad modū turris, & tñ sūm altitudinē erat tēplū diuisum in tres domos. Prima domus altitudo erat a pavimento vsq; ad triginta cubitos, & ibi erat tectū de trabibus cedrinis. Secunda domus altitudo a pavimento vsq; ad septuaginta cubitos erat. Tertia domus erat altitudo a pavimento vsq; ad centū & viginti cubitos. Prima domus erat, in qua ministrabatur Deo, & erat diuisa in duas domos, s. in Sancta sanctorum, & in domum expulsum, & ob hoc ista sola proprius vocabatur templū, & istius altitudo solum ponitur. 3. Reg. 7. Et dī, q̄ erat cubitorum triginta: quia illa domus incipiebat a pavimento, & eleuabatur vsque ad cubitos triginta: hic autem ponitur scriptura altitudinem totius templi: eo q̄ in libro isto suppleuntur ea, quae minus habentur in libris Regum.

Alph. Tost. super Paralip. Pars 2.

A Porticus, quae ante templum erat, qualis, & ad quid erat.

Quaest. XII.

QVAERITVR vltcrius de porticu, quae erat ante templum, quale erat, & ad quid erat. Respondendum, q̄ templum erat quadrangulum, & in tribus lateribus suis, s. Meridiano, Occidentali, & Aquilonari erat valatum domibus haerentibus parietibus templi, quae vocabantur exedrae. In latere autem Orientali non erant aliqua domus, eo q̄ ibi erat porta vnica templi. Et ante portam ipsam in partē sua Orientali relinquebatur spatium, quoddam liberum, quod nec domibus occupabatur, nec atrio sacerdotum, vel atrijs laicorum. Et istud spatij porticus appellatur, quia ante portam erat, & istud spatium erat sūm longitudinem ab Aquilone in Meridie cubitorum viginti sūm latitudinē templi. Et super istud spatium dependebat tectum de summitate parietis templi, eratq; longitudo tecti cubitorum viginti, & latitudo decem. Et ista erat magnitudo templi, & porticus. In ista porticu erant duae columnae pulchrae, s. Booz, & Ioachim, de quarū pulchritudine patet. 3. Reg. 7. & infra in litera. Et per istā porticum poterant deambulare tam laici, quam sacerdotes ante portam templi colloquēdo de rebus vtilibus, in qua porticu saepe Christus cum Pharisaeis locutus est, & eum ibi lapidare voluerunt, Ioan. 10. Causa autē quare ista porticus facta est, fuit duplex. Prima propter necessitatem: nam porta templi erat in parte Orientali eius. 3. Reg. 6. Et si pars illa occupata esset domibus exedarum, vel atrijs: sicut alia tria latera templi, nullibi esset porta, ideo necesse fuit, q̄ aliqua pars ante templū esset libera, in qua esset porta, & illa pars vocaretur porticus. Vocabatur autem porticus pars ista propter tectum pendens super eam: nam si esset ante portam spatium liberum, & tamen non penderet tectum super illud, non vocaretur porticus: ideo magnitudo tecti vocabatur magnitudo porticus. Causa quare tectum illud erat, fuit ad duo. Primò ad defendendum pulchritudinem portae ab imbribus. Nam erat porta templi operata laminis aureis: vt patet. 3. Reg. 6. Et si imbribus maderent ianuae, periret aliquid pulchritudinis: ideo conueniens fuit tectum fieri. Secundum fuit propter deambulantes per illam porticum. Nam confitebantur Iudaei ad colloquendum in porticu, & si non esset operata tecto, propter importunitatem temporis, non possent ibi diu manere, ideo conueniens fuit tectum poni. Secunda causa porticus fuit pulchritudo templi: nam templum ex omni parte occupatum esset domibus, vel atrijs, dato q̄ posset introiri in illud per angustum locum non esset pulcher ingressus, nec reputaretur conuenienter tanta pulchritudo porte templi vndique clausa impedimentis. Fuit etiam valde conueniens porticus illa, vt Hebraei, qui interdum non possent esse in atrijs templi propter importunitatem temporis confluere ad porticum. Erant namque atria omnia discooperata solum habentia in circummurum, & cum plueret, difficile erat, q̄ quis maneret in atrijs, & confluebant tunc ad porticum. Et sic conueniebat hoc potissime tempore hyemis, cum accidunt istae importunitates temporis. Sic colligitur Ioan. 10. cum dicitur: Facta sunt Encenia in Ierololymis, & hyems erat, & ambulabat Iesus in templo Salomonis in porticu: scilicet, quia hyems erat, & ob hoc ex importunitate temporis non poterant Iudaei esse in atrijs templi, & confluerant omnes tam Christus, quam alij ad porticum. Et istius modo non exponas literam illam, non proderit ad quid particula illa, & hyems erat, & tamen ponitur ibi, vt reddatur causa alicuius rei, vel dicti.

F

Domus

Lib. II. Paralip.

Cap. III.

Domus inferior in duas diuisa, in interiorem, scilicet, & exteriorem, cur vna ipsarum erat maior altera.

Quest. XII.

QVAERITVR vltorius de templo Salomonis, scilicet de domo inferiori, quæ erat apud pauimentum, cur erat diuisa in duas domos. In exteriorem, scilicet & interiorem, & cur vna erat maior alia. Pro quo sciendum, quod longitudo templi erat sexaginta cubitorum, & diuisa est ista longitudo in duas partes. Prima pars fuit cubitorum quadraginta a parte orientali, & alia pars, vel domus erat viginti cubitorum longitudine a parte occidentali, & prima domus vocabatur Sanctum: secunda vocabatur Sanctum sanctorum. Causa autem quare facta fuit diuisio, erat propter arcam fœderis, quia arca erat in sanctuario, & alia vasa sacra in quibus ministrare debebant sacerdotes, scilicet mensa propositionis, altare thymiamatum, & candelabra. Et si templum non esset diuisum in duas partes, vel domos, esset arca cum alijs vasis, & quandoque introiret sacerdos aliquis ad ministrandum in sanctuarium, videret arcam: sed istud non conueniebat, ideo debuit fieri alia domus, in qua esset arca. Pater hoc, quia super arcam in propitiatorio eius erat gloria Domini. Nam quidam angelus in corpore assumpto latebat in propitiatorio inter alas Cherubim, & loquebatur respondens ad ea, quæ inquirebantur. Hoc autem non licebat videre alicui homini. Nam quicumque videret moreretur. Vnde nec summo sacerdoti videre licebat. Et ob hoc, quoniam introire debebat semel in anno in Sancta sanctorum in die propitiationis, debebat ferre secum prunas in vase, & thymiamata superpositum, ut vapor grossus inde surgens obnubilaret oculos eius, & non posset videre gloriam Domini in propitiatorio. Leuit. 16. & ob hoc dicitur ibi, quod non introiret omni tempore summus sacerdos in sancta sanctorum: quia gloria Domini apparebat super propitiatorium, & moreretur: à fortiori si sacerdotes minores viderent gloriam Domini super arcam, morerentur. Introiebant tamen quotidie sacerdotes minores in sanctuarium ad ministrandum, ideo viderent arcam, & consequenter esset periculum. Debuit igitur esse arca in alia domo secretiori, in qua non videretur, ne periculum esset videntibus. Sic erant duæ domus, vna interior in qua erat arca, & alia exterior in qua erant alia vasa sacra ministrationis. Istud idem fuit in tabernaculo Moyse, scilicet quia diuisum fuit in duas partes, id est in Sancta sanctorum, & in partem exteriorem, quæ vocatur Sanctum. Exo. 26. Quod autem ista distinctio fieret propter arcam pater, quia in domo interiori non erat aliquid nisi arca. Nam in tabernaculo Moyse, non ponebatur in Sancta sanctorum, nisi arca: ut colligitur Exo. 26. In templo Salomonis in Sancto sanctorum, non erat nisi arca, & duo Cherubim de lignis oliuarum infra in litera. Et tamen si propter aliquid aliud facta fuisset distinctio ista domorum, poneretur aliquid aliud in Sancto sanctorum. Ex hoc est sequitur, quod Sancta sanctorum debebat esse domus interior occidentalis: nam fiebat Sancta sanctorum, ut non videretur arca a quibuscumque sacerdotibus, & quolibet tempore. Si tamen domus exterior fuisset Sanctum sanctorum, oporteret, quod quicumque introirent sacerdotes ad ministrandum in domum exteriorem, non viderent arcam, & sic conuenienter dispositum erat. Causa autem, quare fuit domus exterior maior quam interior, fuit propter duo. Primum propter ministrationem maiorem: nam in domo exteriori erat altare thymiamatis, & candelabra multa, & mensæ multæ, & in omnibus his ministrabatur: ideo necessaria erat magna domus, & tamen in Sancto Sanctorum non erat nisi arca, & duo Cherubim de lignis oliuarum: ut patet infra in litera. Et non fiebat ibi aliqua ministratio, ideo non erat opus, ut Sancta Sanctorum esset magna domus. Secundum erat ad pul-

Fchritudinem: quia Deus volebat, ut apparetet magna pulchritudo templi. Erat. n. interius totum opertum auro, & habens palmas atque Cherubim, & quia domus Sancti sanctorum, non videbatur ab aliquo, & domus exterior videbatur, debuit domus exterior esse magna, ut magna pulchritudo apparetet, quia magnitudo attestabatur maioriati pulchritudinis extensiuæ, & maioriati valoris.

Palma, & Cherubim in parietibus sculpti in quo erant sculpti.

Quest. XIII.

QVAERITVR vltorius de palmis, & Cherubim sculptis in parietibus, in quo erant sculpti. Ratio dubij erat, quia in pariete erant tria. Primum erant lapides: nam toti parietes de lapidibus albis, & marmoribus quadratis erant politis ad regulam, & super illos erant tabulæ cedrinæ: ita ut nullus parietis lapis, vel pauimenti videretur, & super tabulas erant laminæ aureæ affixæ clauis, & sic poterant esse istæ figuræ Cherubim, & palmarum sculptæ in lapidibus, vel in tabulis, vel in laminis aureis. Si enim essent in lapidibus, oportebat, ut essent in tabulis, & laminis aureis. Si autem essent in tabulis essent etiam in laminis aureis. Si autem essent in tabulis, essent etiam in laminis aureis. Dicendum, quod non erant figuræ in lapidibus, quia esset labor inutilis, scilicet quod deberent figurari iterum in tabulis, & tabulæ deberent taliter excuari, quod coaptarentur sculpturis lapidum, essetque labor inutilis: ideo videtur dicendum, quod istæ sculpturæ factæ sunt in tabulis cedrinis, & laminæ aureæ taliter eis coaptabantur, quod exprimebant imaginem sculpturæ existentis in tabulis. Vel potest dici, quod ista sculptura solum facta est in laminis aureis existentibus lapidibus planis, & tabulis planis, & de assigebantur tabulis per clauos.

Qualis erat figura Cherubim sculpti.

Quest. XIII.

QVAERITVR vltorius, cum dicitur hic, quod erant Cherubim sculpti in parietibus, & palmæ, qualis erat figura Cherubim. Aliqui dicunt, quod erant figuræ quarundam auium, quæ nunquam visæ fuerant hominibus. Et motuum istorum erat, ut non inclinarentur. Iudæi ad adorandum rem illam cuius illæ erant figure. Et tamen istud non multum facit, quia dato, quod nunquam tales aues visæ fuissent in orbe, adorarentur simulacra earum, & istud sufficiebat ad idolatrandum, eo quod haberent figuram auium multi contonant, eo quod haberent super arcam extendentes alas super propitiatorium: Exo. 25. Etiam de duobus Cherubim de lignis oliuarum, quos fecit Salomon, & posuit in Sancta sanctorum: ut patet infra in litera. Nam extendebat alas suas ab angulo domus in angulum. Dicendum tamen, quod non habebant isti Cherubim figuram auium, sed hominum, licet haberent alas: erat. n. talis figura eorum, qualis angelorum, quos nos pingimus, habentium quidem vultus humanos, & corpora, & alas volucrum ad signandum celeritatem motus sui veniendo ad nos de celis, licet finem veritatem non moueantur. Et patet hoc, quia isti Cherubim erant super pedes suos, & erant erecti habentes dorsa contra parietem Occidentalem domus, & vultus contra portam Orientalem: ut patet infra in litera. Ista tamen est habitudo corporis virilis, & non volucris, ideo Cherubim erant, sicut viri. Secundum patet hoc ex similitudine Cherubim: nam Seraphim quilibet habebat alas sex, & cantabant dicentes sanctus, sanctus, sanctus. Isa. 6.

Ita. 6. Et in cantare pertinet ad illos, qui in forma virorum sunt, & non ad eos, qui in forma volucrum: eo quod non posset in illis formari vox articulata, quæ pertinet ad cantum. Sicut ergo Seraphim erant alati, & in forma virili: ita Cherubim, licet essent alati, essent in forma virorum. Tertiò patet, quia Ezech. 10. dicitur, quod unus Cherubim accepit in manu sua prunas, & dedit eas viro, qui indutus erat lineis. Accipere tamen prunas in manu, & dare eas non potuit, nisi homini, vel habenti figuram hominis, ideo Cherubim erant ad formam hominis. Considerandum tamen pro veritate huius, quod Cherubim in sacra scriptura interdum accipitur generaliter, & interdum specialiter. Generaliter vocatur Cherubim similitudo cuiuscunque animalis: dum tamen habeat alas, siue naturaliter, siue fingantur. Et sic boues vocantur Cherubim, & Aquilæ, & alia animalia. Sic patet Ezech. 1. ubi ponitur visio quatuor animalium alatorum, & unus illorum erat vitulus, aliud erat Leo, tertium erat Aquila, quartum erat Homo. Et ista quatuor animalia rursus vocat Ezechiel Cherubim: Ezech. 10. Quod autem sint ista quatuor animalia patet, quia tales circumstantiæ ponuntur ibi, sicut in visione illorum quatuor animalium, ut patet comparando ea, quæ habentur Ezech. 1. cum eis, quæ habentur c. 10. Secundò patet, quia dicitur ibi, istud est animal, quod videram iuxta fluvium Chobar, id est ista sunt animalia, quia de multis loquitur, & tamen animalia, quæ vidit iuxta fluvium Chobar sunt quatuor nominata: ut patet Ezech. 1. Tertiò patet efficacius: quia Ezech. 10. dicitur, quod vidit Ezechiel quatuor Cherubim, & ponuntur similitudines eorum, & dicitur, quod facies unius eorum erat facies hominis, & facies alterius facies Leonis, & facies alterius facies Aquilæ, & facies alterius facies Cherub. Ecce qualiter ista erant animalia diversarum specierum, & tamen vocantur Cherubim cum essent alata. Accipiendo autem propriè, & strictè Cherubim, vocatur Cherub bos habens alas fictè: sic patet Ezech. 10. Cum enim dixisset se vidisse quatuor Cherubim, & vellet ponere similitudinem eorum, ait facies una facies Cherub, & facies secunda facies hominis, & in tertio facies Leonis, & in quarto facies Aquilæ, & posuit ibi tria animalia de illis, quæ viderat iuxta fluvium Chobar, scilicet Hominem, Leonem, & Aquilam. Deficiebat ergo quartum, scilicet vitulus, & de illo dixit, quod facies eius erat facies Cherubim, ergo bos vocatur specialiter Cherub. Considerandum tamen, quod nec bos, nec aliud animal vocatur Cherubim, nisi secundum, quod habet alas naturales, vel appositas. Quod patet, quia omnia ista, quæ vocantur hic Cherubim habent alas, ut patet hic, & Ezech. 1. & 10. Item non vocantur ista animalia Cherubim etiam si sunt alata, nisi secundum, quod Deo assistunt, vel sunt in picturis eius: quod patet, quia in scriptura nunquam ponitur nomen Cherubim visque quo dicitur de duobus Cherubim, qui erant super arcam federis, & isti dicebantur esse assistentes Deo, quia inter alas illorum censebatur esse Deus, cum audiretur vox respondentis ad quesita de medio duorum Cherubim: Num. 7. Etiam dicebatur Deus sedere super uteros Cherubim, ut patet 2. Reg. 6. f. Quod in arca inuocatum est nomen Dei sedentis super Cherubim. Etiam illi, qui vocantur Cherubim ut patet ibidem. Isti autem, qui erant de lignis oliuarum, erant coram Deo, quia in Sancta Sanctorum essent sculpti in parietibus sanctuarii erant sculpti coram domino, & vocabantur Cherubim. Ista tamen animalia translati ad alios usus, vel ad aliam materiam loquendi, non vocantur Cherubim: quia Cherub nomen est pertinet ad diuina. Considerandum ulterius, quod licet multis modis possit accipi Cherub, siue largè, siue strictè, non accipitur Cherub prout erat in arca, & in Sancto Sanctuarii.

Alph. Tost. super lib. Paralip. Pars 2.

A Alorum, nisi pro figura hominis, & patet hoc quantum ad Cherubim, qui erant super arcam: nam illi erant creati super arcam, & extendebant alas contra se invicem. Si tamen esset similitudo bouis, vel Leonis, aut Aquilæ, vel aliarum rerum non possent conuenienter alas contra se extendere, ut patet intuitu habitudinem istorum animalium. Item patet hoc de Cherubim duobus de lignis oliuarum: quia dicitur de eis, quod erant erecti super pedes suos, & vultus erant contraportam, & dorsa contra parietem Sancti Sanctorum, & extendebantur alae eorum, ita ut ala unius tangeret alam alterius, & pertingerent ab angulo in angulum, ut patet infra in littera. Manifestum est autem, quod non poterat talis habitudo esse alicuius animalis illati, nisi hominis, qui sic rectus pedibus stare possit.

B Fecit etiam in domo Sancti Sanctorum Cherubim duos opere statuario, & texit eos auro. Alae Cherubim viginti cubitis extendebantur, ita ut una ala haberet cubitos quinque, & tangeret parietem domus, & altera quinque cubitos habens, alam tangeret alterius Cherub. Similiter Cherub alterius ala, quinque habebat cubitos, & tangebatur parietem, & ala eius altera quinque cubitorum, alam Cherub alterius contingebat. Igitur alae utriusque Cherubim expansæ erant, & extendebantur per cubitos viginti: ipsi autem stabant erectis pedibus, & facies eorum erant versæ ad exteriorem domum. Fecit quoque velum ex hyacintho, purpura, cocco, & bysso, & intexit ei Cherubim.

C Fecit etiam. Hic ponitur secundum huius c. f. Cherubim duorum fabricatio, quos fecit Salomon de lignis oliuarum, & posuit in Sancta sanctorum. Et dicitur. Fecit etiam in domo Sancti Sanctorum Cherubim duos. Scilicet, preter Cherubim sculptos, qui erant in parietibus templi, fecit alios duos Cherubim, qui essent in domo Sancti sanctorum, & isti non erant Cherubim, qui erant super arcam, ut infra declarabitur in quadam questione. Opere statuario. Id est, fecit eos esse statuas. Istud dicitur ad differentiam aliorum Cherubim, qui erant in parietibus, quia illi erant opere sculptorio, & non statuario. Pro quo sciendum, quod quælibet pars multipliciter potest fingi. Vno modo arte pictoria, & tunc est sola superficies, puta non ostendens corpus. Alio modo potest fieri opere sculptorio, scilicet quando est aliqua materia continua, & grossa, & plana, & informis, & in aliqua parte superficiem eius cavando fiat aliqua figura, quæ non sit per se, sed hæreat ipsi toti materie. Vocatur opus sculptorium, & sic erant facti Cherubim in parietibus templi, cum tabulis cedrinis, vel in laminis aureis. Tertium opus est productile, quoniam est aliqua materia dura obediens malleo, & malleando extenditur, & extendendo aliquam partem eius malleo redditur aliqua determinata figura, manente reliqua materia in altera figura, vel rude, vocatur opus productile, id est factum per extensionem malleatoriam: sic enim fuit candelabrum tabernaculi Moyse factum opere productili, id est extensibili: nam de quodam talento auri rudi malleando facta est figura candelabri: Exo. 25. Item Cherubim, qui erant super arcam

F 2 facti

facti sunt opere productili, eo. c. f. de propitiatorio arce percutiendo malleo extremitates eius, & extenuando eas facti sunt Cherubim. Quartum opus est statuarii, & hoc quando de aliquo ligno dolando fit aliqua effigies per se stans non alligata alicui parti alterius materiae, & vocatur statua a stando: quia stat per se talis effigies. Isti autem Cherubim, qui erant in Sancta Sanctorum erant facti opere statuarii, quia erant de lignis oliuarum, & erant per se stantes non tanquam partes alterius materiae, & per hoc differunt isti Cherubim a Cherubim, de quibus supra dicebatur: quia illi erant facti opere sculptorio, & differunt ab illis Cherubim, qui erant super arcam: quia illi erant facti opere productili: ista sunt opera in lignis, & metallis. In pannis autem cum aliqua effigies redditur potest dupliciter fieri. Vno modo opere pictoris, scilicet cum solum in superficie panni linitur color, & est effigies ex vna parte panni & non ex alia: aliud est opus plumarium, scilicet quando fit effigies in panno texendo, vel fuendo, & tunc non supponitur color, sed ex colore filorum texendo, vel fuendo redditur illa effigies, & vocatur opus plumarium a pluma: quia pluma acus est, & tale opus, ut communiter suedo fit. *Et texit eos auro.* Non dicitur de qua materia erant, & ponitur hoc. 3. Reg. 6. f. quod erant de lignis oliuarum, & operati fuerunt laminis aureis, id est in toto sanctuario interius nihil apparere debebat nisi aurum. *Alae Cherubim viginti cubitis extendebantur.* Id est, alae amborum Cherubim simul: coniungendo. n. extremitatem alae vnus alae alterius perueniebant alae eorum ad viginti cubitos: talis. n. erat habitudo eorum in Sancta sanctorum, & declaratur ex littera sequenti. *Scilicet, ita ut ala vna haberet cubitos quinque.* Id est, ala quaelibet habebat quinque cubitos, & sic quatuor alae duorum Cherubim appositae per continuationem occupant viginti cubitos. Et est intelligendum, quod nulla ala haberet cubitos quinque: quia alias occuparet Cherubim plusquam viginti cubitos, & non caperentur intra sancta sanctorum. Quod patet, quia quatuor alae implent sic viginti cubitos, & tamen corpora Cherubim occuparent aliquid: ideo cum extremitas alae vnus Cherubim applicaretur extremitati alae alterius, occuparent duo Cherubim plusquam viginti cubitos, & tamen latitudo Sancti sanctorum erat viginti cubitorum. Et etiam dicitur, quod solum occupabant alae Cherubim cubitos viginti, ideo computabatur ala quaelibet cum quadam parte corporis, & consequenter non erat aliqua ala Cherubim cubitorum quinque. *Et tangeret parietem domus.* Ponitur hic habitudo istorum duorum Cherubim intra sancta sanctorum, scilicet quilibet habebat alas extensas in latum, & habebat vultum ad partem Orientalem, & dorsum ad Occidentem, & tunc necesse erat, quod ala vna extenderetur ad Meridiem, & alia ad Aquilonem, & vna ala vnus Cherubim tangeret parietem Aquilonarem, scilicet ala sinistra, & dextra ala eius extenderetur versus Austrum, & pertingeret usque ad decem cubitos: & ibi erat medietas domus Sancti sanctorum. Et ala sinistra secundi Cherubim tangeret extremitatem alae dextrae primi Cherubim, & ala dextra eius tangeret parietem Australem domus, & sic complerentur viginti cubiti. Et erant isti duo Cherubim apud parietem Occidentalem Sancti sanctorum, qui erat paries maximus Occidentalis totius templi. *Et alia quinque cubitos habens.* Scilicet, ala dextra primi Cherubim, quae extendebatur versus Austrum, & dicitur quinque cubitos habens computando quadam partem corporis, eo quod nulla ala per se erat cubitorum quinque. *Alam tangeret alterius Cherubim.* Scilicet, alam sinistram Cherubim secundi, qui tangebat parietem Australem templi. *Similiter Cherubim alterius ala.* Iste erat secundus Cherubim, qui erat versus Aquilonem. *Quinque cubitos habebat.* Scilicet,

quaelibet alarum eius, quia aequales erant alae comparando alam prout includit quandam partem corporis, sicut supra dictum est. *Et tangebat parietem.* Scilicet, Aquilonarem sancti sanctorum: quia ala alterius Cherubim, tangebat parietem Australem. *Et ala eius altera.* Scilicet, ala dextra, nam ala sinistra istius Cherubim tangebat parietem Septentrionalem, & ala dextra tangebat alam alterius Cherubim. *Quinque cubitorum.* Quia quaelibet ala totidem cubitorum erat computando quandam partem corporis cum illa, ut supra dictum est. *Alam Cherubim contingebat.* Scilicet, alam sinistram Cherubim, qui erat ad Meridiem. *Igitur alae vtriusque Cherubim expansae erant.* Scilicet, non habebant Cherubim alas collectas, vel eleuatas in sublime, sed extensas in directum quantum poterant extendi. *Et extendebantur per viginti cubitos.* Scilicet, quatuor alae duorum Cherubim erant expansae viginti cubitis, quia ala quaelibet cubitos quinque continebat, ut patet supra. *Ipsi etiam stabant erectis pedibus.* Scilicet, Cherubim non sedebant, nec iacebant in pavimento: sed stabant erecti super pedes suos. Historia scholastica dicit, quod isti Cherubim habebant habitudinem volentis ambulare, scilicet quod vnum pedem habebant fixum in pavimento, & alium curuatum quasi eleuatum ad ambulandum: sed hoc non stat, quia non est conueniens habitudo ad ambulandum, quod Cherubim haberent alas extensas quantum poterant: sed colligerent eas in se. Item non stat, quia ad ambulandum non poterat quilibet Cherubim habere nisi vnum pedem erectum, siue curuatum, & tamen intelligitur de utroque pede: ideo non accipitur pedibus erectis, id est eleuatis, sed erectis, id est reclusis, scilicet, quod pedes eorum erant reclusi, & non curuati: sicut fit in sedentibus, vel iacentibus. Et sic dicitur in Hebraeo, quod Cherubim erant super pedes suos, ubi nos dicimus, quod pedes eorum erant erecti: sed esse super pedes est stare, quia qui iacet, non est super pedes: nec etiam qui sedet, sed qui stat. Sed iste modus, vel habitudo conueniebat Cherubim: quia illa quatuor animalia, quae vidit Ezechiel, sic habebant pedes reclusos, scilicet stando, ut patet Ezechiel. primo, scilicet: Pedes eorum pedes reclusi: & ista quatuor animalia vocantur Cherubim, ut patet Ezech. 10. *Et facies eorum vultus erant ad exteriorem domum.* Scilicet, vultus Cherubim erant contra domum exteriorem, quae erat Orientalis, & maior. Et patet hoc, quia alae Cherubim erant extensae in sancto sanctorum, & perueniebant ab angulo domus in angulum, ut patet in littera: ideo necesse erat, quod vultus eorum essent contra Occidentem, vel Orientem: cum alae essent contra Meridiem, & Aquilonem. Non tamen essent conuenienter vultus Cherubim contra Occidentem, quia tunc essent conuersi ad parietem, & dorsus eorum essent versus arcam, quod erat inconueniens: ideo oportebat, quod vultus istorum Cherubim esset contra Orientem, scilicet respiciendo arcam, & tunc etiam respicerent domum exteriorem: nam totum templum diuisum erat in duas domos, scilicet interiorem, & exteriorem. Domus exterior erat maior, & Orientalis: ubi erant vasa ministerii sacerdotalis quotidiani. Domus interior erat domus sancti sanctorum, ubi erat arca, & cum haberent isti Cherubim vultus contra Orientem necesse erat, quod respicerent domum exteriorem, quae erat versus Orientem. In Hebraeo dicitur facies eorum vultus erant ad domum, & non dicitur ad exteriorem: quia templum erat diuisum in solas duas domos, & erant Cherubim in vna earum, scilicet in interiori: contra quam non poterant habere vultum versus cum essent in ea, ideo haberent vultum contra aliam, in qua non erant, & ista erat domus exterior. Vnde littera nostra non solum transiit litteram He-

Expositio
in hunc
templum
secundum
litteram.

Expositio
vera.

Hebraicam, sed etiam suppleuit defectum eius. In quibusdam omnino colligitur necessariò sensus ex illis, quæ sunt in litera. *Fecit quoque velum.* Istud erat velum in sanctuario, quod vocatur velum templi: sed in qua parte erat infra declarabitur in quadam quæstione. Ex hyacintho, & purpura, & cocco, & bysso. Hyacinthus est flos quidam, & est etiam nomen viri, siue pueri, qui ludendo cum Apolline versus est in florem nominis sui, ut ait Ovidius 10. Metaph. & ex colore illius floris vocantur aliquæ pelles hyacinthinæ: quia tali colore tinctæ sunt: sicut dicitur de pellibus, quibus tegebatur tabernaculum Moyse: Exo. 26. Et aliquando corium sic tinctum vocatur hyacinthus: ut patet Ezech. 24. f. Calciani te hyacintho, & indui te bicolibus, f. feci tibi calceos de pelle, quæ vocatur hyacinthus propter hanc tincturam. Aliquando panni, vel quæcunque alia vocantur hyacinthi, & sic patet hic, quia fila de lino tincta hoc colore vocantur hyacinthus; & ista contexebantur alijs filis alio colore tinctis, & sic dicitur velum fieri de hyacintho, & alijs. Purpura a colore dicitur, nam color quidam est rubeus declinans aequaliter ad nigredinem, qui vocatur purpureus, & omnia tali colore tincta purpurea vocantur, & interdum fila, vel panni talis coloris purpura dicuntur, & sic accipitur hic: nam pro filis purpureis necesse est accipi. Coccus vocatur pannus, vel filum tinctum colore rubeo intensissimo, ut putant quidam vermem esse cuius sanguine tinguntur panni, & ille vocatur coccus: quod satis signatur in Hebræo: ubi ponitur tollad, quod est nomen vermis: sic etiam patet in litera nostra Isa. primo, scilicet. Si fuerint peccata vestra, ut coccinum quasi nix dealbabitur, & si fuerint rubra coccinum, & vermiculus velut lana alba erunt, & ponitur ibidem sententiam per alia verba: Quod sæpe fit in Prophetis, & maxime in Isa. Et sic verum est, quod de sanguine illius vermiculi tingatur pannus, & non solum de arboribus, & vocatur grana, & tincturæ inde factæ sunt purissimæ, & valde intensæ, & ab ista intensione rubogata, f. Si fuerint peccata vestra rubra quasi vermiculus, quasi dicat, maximus rubor est vermiculi. Sic etiam de coccino dicitur: Si fuerint peccata vestra quasi coccinum, quasi nix dealbabitur: necesse est ergo, quod si gnetur magna intensio coloris: cum etiam in niue sit magna albedo intensa. Bysus est genus lini candidissimum, & fila illius lini erant mixta alijs filis ad contextendum velum, de istis filis texebantur vela, & vestes sanctuarij: ut patet Exo. 26. *Et intexuit ei Cherubim.* Scilicet, etiam est supra in quadam quæstione, f. quod est figura animalis alicuius habentis alas, siue hominis, siue bouis, siue Leonis, vel Aquilæ: ut patet Ezech. 10. & vocantur Cherubim in quantum sunt in consorcio Dei, f. in sanctuario, ubi Deus specialiter censetur stare.

Qui erant isti duo Cherubim.

Quæst. XIII.

QUÆRITUR ulterius, de istis Cherubim duobus de quibus hic dicitur, qui erant. Aliquis dicit, quod erant Cherubim existentes super arcam sedentes, qui extendentes alas velabant arcam: ut patet Exo. 25. & 37. & colligitur hoc, quia etiam isti Cherubim, de quibus dicitur hic erant in sancto sanctorum. Sed dicendum, quod non stat. Primò, quia illi Cherubim, qui erant super arcam erant de auro, ut patet Exo. 25. & 37. Isti autem de quibus hic dicitur erant de lignis oliuarum: ut patet in litera. Secundò patet: quia illi Cherubim: ut patet in litera. Alph. Tost. super Paralip. Pars 2.

A bim, qui erant super arcam erant facti opere productili, siue malleatorio: Exo. 25. & 37. Isti autem erant facti opere statuario, ut patet in litera, & tamen opus statuarium, & productile, siue malleatorium differunt ut declaratum fuit supra in litera. Tertiò patet, quia isti Cherubim erant multo maiores quam illi, qui erant super arcam. Nam longitudo alarum ipsorum erat parua: quia duæ ale illorum simul non erant maiores duobus cubitis, & dimidio, quod patet, quia duo Cherubim erant in duabus extremitatibus propitiatorij, quod est opertorium arcæ. Et extendebat vnus alas suas contra alas alterius ad operiendum propitiatorium, ita quod extremitas alæ vnus tangebatur summitatem alæ alterius, & tamen tota longitudo propitiatorij erat cubitorum duorum, & semis: quia tanta erat longitudo arcæ, cuius erat opertorium ipsum propitiatorium: Exo. 25. & 37. Ideo alæ Cherubim paruæ erant, quia qualibet contineret ad plus vnum cubitum, & quartam partem cubiti. Alæ tamen Cherubim istorum, de quibus dicitur erant valde magnæ, f. quinque cubitorum, & extendebantur omnes quatuor alæ ipsorum cubitis viginti: ut patet in litera. Quartò patet: quia isti Cherubim, de quibus hic dicitur habebant aliam positionem quam illi, qui erant super arcam: quia ambo isti habebant vultus versos contra orientem ad domum exteriorem, ut patet in litera. Et tamen illi, qui erant super arcam habebant vultus super versos contra se inuicem, f. vnus habebat vultum contra Orientem, & alius contra Occidentem. Et respiciebat vnus alium, eo quod vnus erat in vna extremitate oraculi, siue propitiatorij, & alter in altera, ut patet Exo. 25. & 37. Arca autem erat posita secundum longitudinem ab Oriente in Occidentem: cum vectes eius tangerent portam, vel apparerent iuxta illam: 3. Reg. 8 & infra 5. Et tamen porta sancti sanctorum erat in latere suo orientali, cum intraretur per domum exteriorem ad sancta sanctorum, & tamen porta domus exterioris, & tota ipsa domus exterior erat Orientalis ad sancta sanctorum, ut colligitur. 3. Reg. 6. & supra in litera. Isti tamen Cherubim, de quibus hic dicitur, non se extendebant, alias respiciebant, sed ambo respiciebant Orientem, iò non erant iidem cum illis. Quintò patet: quia extensio aliarum istorum Cherubim, & illorum non erant eadem, nec similis: quia Cherubim, qui erant super arcam extendebant alas dirigendo eas contra anteriorem partem quasi volendo eas coniungere. Et ideo alæ vnus erant contra Orientem, & alæ alterius contra Occidentem. Et sic duæ alæ vnus tangebant duas alas alterius, & claudebatur quoddam spatium medium inter alas Cherubim ex vtraque parte, & tamen alæ istorum Cherubim, de quibus hic dicitur extendebantur contra Aquilonem, & Austrum: nam vultus amborum erant contra Orientem, & alæ extensæ in latum, f. vnus extendebat alas, & tangebatur ala dextra parietem Australem, & alius tangebatur ala sinistra parietem Aquilonarem, & sic veniebant ab angulo in angulum ale ipsorum, ut patet hic in litera. Sextò differebant isti Cherubim inter se, quia illi Cherubim, de quibus hic dicitur, erant super pavementum sancti sanctorum iuxta parietem Occidentalem domus, & illi Cherubim: de quibus Exo. 25. & 37. erant super arcam positi productiles de extremitatibus propitiatorij: ut patet ibidem: ideo non erant iidem. Septimò patet, quia illi Cherubim, de quibus Exo. 25. & 37. fuerunt facti quando facta fuit arca in deserto iubente Moyse, cum essent partes arcæ, & isti fuerunt facti iubente Salomone postea in templo, ut patet hic. Multæ alię differentię sunt inter istos Cherubim, & illos: ideo non sunt iidem: sed fuerunt isti quidam Cherubim nouiter facti per Salomonem de lignis oliuarum, & positi in sancta sanctorum, ut patet in litera.

Ad quid fuerunt facti isti Cherubim per Salomonem.
Quest. XIII.

QVAERITVR vterius, ad quid fuerunt facti isti Cherubim de lignis oliuarum per Salomonem. Aliquis dicet, quod causa fuit, quia templum Salomonis factum est ad imitationem tabernaculi Moyfi, & quia illud tabernaculum habebat forte tales duos Cherubim: conueniens fuit, quod in templo Salomonis essent isti duo Cherubim. Dicendum, quod non stat, quia in templo Salomonis erant isti Cherubim, sed in tabernaculo Moyfi nunquam fuerunt: quia in Sancta Sanctorum solum legitur fuisse arcam, quae habebat super se duos Cherubim: sed praeter istos non leguntur alij, ut patet Exo. 26. Sed dicendum, quod isti Cherubim erant in Sancta Sanctorum ad signandum dignitatem Dei: nam Deus in coelis comitatus est beatis spiritibus, qui sunt in nouem ordinibus angelorum, quorum praecipui sunt in duobus supremis ordinibus, scilicet Seraphim, & Cherubim. Et ob hoc non potest aliquid dignius, & conuenientius pingi, vel fabricari ad confortium Dei in templo quam Cherubim, & Seraphim. Et propter hoc in visione imaginaria Isaiae, cum vidit dominum in templo, & in circuitu eius vidit Seraphim, qui sex alis velabantur: Isa. 6. De Cherubim patet in visione imaginaria Ezech. nam vidit quatuor Cherubim: Ezech. 10. cap. & quia in templo Deus erat specialiter, conuenientius figura Cherubim fiebant sculptae, vel statuae quam aliquae aliae, & sic in multis locis erant. Nam primo facti sunt duo Cherubim super arcam federis de auro productiles, qui extendebant alas, & in medio alarum manebat locus clausus, in quo Deus esse putabatur: nam ibi audiebatur vox respondentis ad omnia quaesita, & putabatur esse vox Dei: erat tamen vox angeli: ut patet Numeri 7. Et super illos Cherubim Deus dicebatur aliquando esse: ut patet 2. Reg. 6. & Psal. 79. scilicet. Qui sedes super Cherubim manifestare coram Ephraim. Erant etiam Cherubim in parietibus templi sculpti: ut patet supra in litera. Erant etiam in vasis sanctuarij sculpti Cherubim, scilicet in sedibus luterum. 3. Regum 7. Erant etiam in velo templi: ut patet supra in litera, & ferè in omnibus operibus templi. Ita ergo fuit conueniens, quod praeter Cherubim, qui erant super arcam: essent etiam alij Cherubim in Sancta Sanctorum, & potius ibi esse debebant, quam in alijs partibus templi, eo quod magis representabatur ibi Deus, quam in alia parte propter arcam federis, & propter vocem respondentis, quae audiebatur super arcam. Cum tamen essent duo Cherubim, & non plures facti per Salomonem, & cur de lignis oliuarum potius quam de alia materia, non potest reddi causa, quia ista totaliter pendent à voluntate iubentis.

Velum ad quid erat, & in qua parte templi.
Quest. XV.

QVAERITVR vterius de velo, de quo hic dicitur, ad quid erat, vel in qua parte templi erat. Respondet Nicolaus, & ferè omnes nostri doctores, quod erat pendens ante Sancta Sanctorum, ne videretur arca, & dicunt, quod istud est de quo dicitur Matth. 27. quod in passione Domini scissum est à summo usque deorsum. Hoc autem non constat. Est autem motuum eorum, licet non exprimunt: quia templum Salomonis erat ad exemplum tabernaculi Moyfi. Sed in tabernaculo Moyfi velum quoddam pendeat ante arcam, & illud distinguebat Sancta Sanctorum a reliqua parte sanctuarij: Exod. 26. ita putauerunt, quod esset in templo Salomonis. Alia causa erat, quod id quod maxime occultandum erat in templo erat in Sancta Sanctorum, scilicet arca federis, ideo velum poni debebat

F in parte illa ad maxime occultandum. Respondendum tamen, quod velum istud non erat positum ante Sancta Sanctorum ad portam eius ex parte exteriori, nec ex interiori. Pro quo sciendum, quod domus Sancti Sanctorum erat cubitorum viginti longitudine, & totidem latitudine, & distinguebatur a domo exteriori quodam pariete interiacente, & in illo erat porta quaedam: ut patet 3. Regum 6. Nunc autem si esset velum istud ante Sancta Sanctorum poterat esse ex parte exteriori ante portam Sancti Sanctorum, ita ut videri non posset porta existentibus in templo, scilicet in domo exteriori. Vel poterat esse in parte interiori, ut videretur porta Sancti Sanctorum existentibus in templo, & tamen non posset videri, quod erat intra Sancta Sanctorum, licet aperiretur porta eius. Neutro tamen istorum modorum esse poterat velum ante Sancta Sanctorum: quia 3. Regum 8. & infra 5. dicitur, quod si quis esset circa portam Sancti Sanctorum, videre poterat vestes arcae, quae erat in Sancta Sanctorum, scilicet capita eorum, & si esset longè a porta non poterat illos videre. Si tamen esset velum positum ante Sancta Sanctorum, siue ex parte exteriori, siue interiori nullus posset videre vestes arcae, quae erat intra Sancta Sanctorum, siue esset iuxta portam, siue longe ab ea, ergo non erat ibi velum pendens. Dicendum ergo, quod velum istud erat ad portam exteriorem templi pendens ex parte interiori templi. Pro quo sciendum, quod templum erat longum sexaginta cubitis, & latum viginti, & secundum longitudinem diuidebatur in duas partes. Prima erat exterior maior, in qua erant omnia vasa sacrae ministracionis, & vocatur templum, vel oraculum. Et alia domus erat minor, quae vocabatur sanctum sanctorum: ubi erat arca federis. Domus exterior habebat vnicam portam in latere orientali, & velum pendeat ad portam illam ex parte interiori: nam portae templi erant magnae secundum latitudinem parietis templi, & portae aperiebantur secundum partem exteriorem, & apertis illis manebat velum pendens ex parte interiori secundum totam portae magnitudinem: ita ut non posset videri id, quod erat in templo etiam si aperiretur porta. Quod autem velum poneretur ad istam portam interiorem templi ratio est, quia velum poni debebat ad aliquam portam, eo quod non erat necesse aliquid velari in templo, nisi quod videri poterat, vel per quod poterat videri, & non poterat videri aliquid nisi per portam: ideo ad portam aliquam pendendum erat. Erant tamen solum duae portae in templo, scilicet vna in domo exteriori templi in parte orientali, & alia in sancta sanctorum, ut colligitur 3. Regum 6. In aliqua ergo istarum portarum ponendum erat velum: non tamen ponebatur in porta sancti sanctorum, ut quidam putauerunt, ut probatum est supra: ideo ponendum erat in porta exteriori domus. Et patet hoc, nam ad portam sancti sanctorum non erat necessarium, quia domus illa claudebatur parietibus ex omni parte, & habebat etiam portam: ita ut non posset aliquid videri intra sancta sanctorum, ideo non erat necessarium velum. Aliquis dicet, quod erat necessarium velum ad operiendum portam, quando quis intraret in sancta sanctorum, ut apertis portis non videretur aliquid eorum, quae intus erant, pendente velo. Sed istud non stat, quia in sancta sanctorum non introibat aliquis, nisi summus sacerdos semel in anno in die propitiacionis: Leuit. 16. & ad Hebr. 9. Et quando introibat summus sacerdos, non poterat quis videre aliquid eorum, quae erant in sancta sanctorum, etiam si non penderet velum ante portam, & maneret porta patens: quia quando introibat ille summus sacerdos, nullus hominum esse debebat in exteriori tabernaculo, siue sacerdos, siue Leuita: Leuit. 16. Et sic nihil videretur eorum, quae erant in sancta sanctorum.

3. Ratio

1. Ratio

potissimè, quia vt supra probatum est fm veritatē nō erat ibi velum, cū vctes arcē existentis in Sancta Sāctorum apparerent existētibz foris: licet esset clausa porta Sancti Sāctorum. Erat autem necessarium velum istud nimis, q̄ penderet ad portam exteriorē templi, quia illa porta erat magna, & quando aperiebatur apparerent omnia vasa sacra, quæ erāt in prima domo sanctuarij, nisi pēderet aliquod velum: nam porta ista exterior debebat sepe aperiri, cū quotidie bis deberet ingredi aliquis sacerdos ad cremādum thymiana coram Domino, & ad locandum lucernas in candelabro mane, & vespere: Exo. 30. cap. Porta autem exterior erat magna valde secundū latitudinem parietis orientalis, scilicet cubitorum viginti, & oportebat, q̄ aperta esset sepe. Et cū aperiretur, necesse erat posse videri omnia, quæ erant intra templum: potissimè, quia laici, & quicunque Israëlitarū erāt quasi semper ad portam templi in porticu eius, & ibi loquebantur de rebus pertinentibus ad legem. Vnde Christus licet esset laicus, in porticu illa templi Salomonis sepe erat cum Phariseis disputando, & ibi dixerunt ei: Quousq; animas nostras tollis? si tu es Christus, dic nobis palā, & voluerunt eum lapidare, exiuitq; de manibus eorum. Ioā. 10. cap. Et isti viderent ea, quæ erant in templo quādo cūq; aperiretur templum. Et pater, quia quādo sacerdos introibat bis in die ad cremandum thymiana, & locandum lucernas, erat populus expectans ad portam exteriorē in porticu, vt colligitur Luc. 1. cū dicitur de Zacharia patre Beati Ioānis Baptistæ, quod sorte exiit, vt intraret ad cremandum incensum, & ingressus est templum; Populus autem erat foris eum expectans: & sic tunc poterant videre, quæ erant in sanctuario in prima domo, nisi penderet velum ad portam, quod auferret visum, dato q̄ porta pateret. Si autem non penderet istud velum, & contingeret laicos, & Leuitas videre vasa sanctuarij, esset inconueniens magnum, scilicet, quia morentur, eo quod viderent vasa sacra nuda. Et qui sic illa videbant, moriebantur, nisi sacerdotes. Num. 4. Et ob hoc dixit Deus sacerdotibus, quod cauerent ne morentur Leuitę de stirpe Caath, qui portabāt vasa sacra humeris suis: & ad hoc iussit, quod quando mouenda essent castra, & tabernaculum, non introirent Leuitę ad accipiendum vasa, quæ portarent: sed sacerdotes introgrederentur, & velarent ea, & velata traderent ea Leuitis, quia si viderent ea nuda morentur: eod. capit. Ideo si porta esset patens templi, & non penderet velum ante illam, viderent laici ea, quæ erant in sanctuario, & morentur: ideo manifestum est, quod poneretur ad hoc aliquod remedium, scilicet, quod penderet aliquod velum ad portam templi ex parte interiori: nam porta habebat valuas, quæ volebantur ad partem exteriorē templi, & illis patentibus manebat velum pendens in loco portarum à summo vsque deorsum. Et cū aperirentur porte, etiam si omnes laici ibi essent, non poterant aliquid videre de his, quæ erant in sanctuario, & istud velum scissum est in passione Christi: de quo magis dicitur sequenti questione. Et sic in sola ista porta exteriori erat velum, quia ibi solum erat necessarium, & in porta Sancti Sāctorū nō. Ad primam rationem, quæ probabatur, quod pēdebat ante Sancta Sāctorum, dicendum, quod verum est, quod in tabernaculo Moyſi pēdebat velum quoddā ante arcam: & tamen non erat sic in templo Salomonis. Ratio diuersitatis est, quia tabernaculum Moyſi erat portatile: & non habebat parietes aliquos, sed solum quādam tabulas in gyro, & operimenta, & velam de panno, quādam de pellibus, & ipsum tabernaculum quod in duas partes diuidebatur, scilicet in Sanctum, & in Sancta Sāctorum nō diuidebatur, nisi velo

A intermedio: nam erāt quatuor columnę de lignis setim ante Sancta Sāctorum, & de illis pēdebat vnum velum pulchrum ante arcam, & per illud solum diuidebatur domus, vel pars exterior ab interiori, vt patet Exo. 26. In templo autem Salomonis erant parietes, & distinguebatur domus Sancti Sāctorum ab exteriori domo pariete intermedio, in quo erat porta, ideo non erat hic necessarium velum, sicut in tabernaculo Moyſi ante Sancta Sāctorum. Item si propter hoc, quod in tabernaculo Moyſi erat velum pendens ante Sancta Sāctorum deberemus dicere, quod istud velum, de quo hic dicitur pēdebat ante Sancta Sāctorum: eodem modo dicere deberemus, quod istud velum pēdebat ad portam exteriorē templi, quia ē in tabernaculo Moyſi erat quoddā velum pendens ante portam tabernaculi, quod interdum vocatur tentorium, Num. 4. & magis necessarium erat ibi, quā ante Sancta Sāctorum ex causis supra positis. Ad secundum dicendum, quod verū est, quod id quod maxime in templo occultandū erat, erat Sancta Sāctorū: & tñ non sequitur, q̄ ibi deberet pendere velum, quia dato quod non penderet velum ante Sancta Sāctorum, erat maxime occultata arca, q̄ erat in Sancta Sāctorum: nam erat paries distinguens Sancta Sāctorū à domo exteriori, ita vt clausa porta Sancti Sāctorum etiam stantibus omnibus sacerdotibus in domo exteriori nihil videri posset de his, quæ erant in Sancta Sāctorum, nisi capita vctium arcę. 3. Reg. 8. & infra 5. C Quod de industria factum creditur, quia aliās poterāt obturari omnes tales rimule. Et tamē si non penderet istud velum ad portā exteriorē templi, viderent laici vasa sacra, quæ erant in prima parte templi, ideo ibi ponendum erat velum, & non ante Sancta Sāctorum.

Ad secundam rationem.

Quare in passione Domini velum scissum est: & ad quid factum est. Questio XVI.

QVAERITVR vltterius, de isto velo cū dicatur Matth. 27. q̄ velum templi scissum est, quō scissum est: & ad quid factum est. Dicendum, quod moriente Domino totus mundus ei condoluit, q̄ iustum erat, vt conditori patienti tota machina condita compateretur, vel saltem ostenderet icelus nequillimorum hominum in sūm auctorem. Et ad hoc sol contra naturam orbis eclypsim in plenilunio passus ē: totum celum caligine obductum est per tres horas integras. I. à sexta vsque ad nonam, & cepit ista eclypsis in vrbe hac Salamantina ab hora tertia vsque ad meridiem. Petre quoque scisse sunt, & monumenta aperta sunt, & tunc velum templi scissum est. De isto velo dicendum, q̄ vnicū erat, & pēdebat ad portam exteriorē templi Salomonis, vt p̄ced. quest. dictū est: & patet, quia Mat. 27. dī. Velum tēpli scissum est, & nō dictum fuit quod erat istud velum, sed dictum est velum templi tanq̄ vnicū esset, & determinatū. Causa autem quare scissum est, v̄ fuisse triplex. Prima, vt signaretur, q̄ p mortē Christi reuelata erant oīa secreta celestia: nam ea, q̄ erant in templo occultabātur laicis, & Leuitis ante tempus illud. Christus aut moriens reuelauit oīa: q̄ ex morte sua accepit lex noua vigorem, & exordium, in qua declarata fuerunt oīa occulta veteris testamenti: nam in veteri testamento erant in figura. In nouo aut fuit nuda veritas. Sic patet ad Hebr. 10. f. vmbra futurorum bonorum lex continet. f. declarandorum in nouo testamento. Secunda causa fuit ad ostentandum, q̄ per mortem Christi fuit patefacta ianua celi. Nam ante mortem Christi erat ianua vitę æternę clausa, nec poterat quis introire illuc. Per mortem autē Christi aperta fuit, & potuerunt illuc intrare quicun-

Prima causa.

Secunda causa.

quicumque dispositi erant, & introierunt omnes Sancti patres, qui erant in sinu Abrahe. Debuit ergo dari aliquod signum in morte Christi ad ostendendum, quod per mortem illam pateret vita æterna. Nullum autem conuenientius fuit, quam quod scinderetur velum templi, & viderentur vasa sacra, quæ erant in eo ab omnibus: quod patet, quia per templum conuenientius quam per aliquid aliud significabatur Cælum Beatorum, eo quod in templo specialius erat Deus, quam in alijs locis, sicut declaratum est præced. cap. Et sic in cælo Beatorum specialius est, quam in alijs locis, eo quod ibi se ostendit eis, & non alibi, ideo conuenienter signatur locus ille per templum. Item, quia in templo erant Cherubim multi sculpti in parietibus, & in vasis eius: & in alijs rebus, ut patet supra in litera: & tamen in sola vita æterna sunt Cherubim, & Seraphim, & alij ordines angelorum: ideo per templum signatur vita æterna. Erat templum istud velatum, ne viderentur, quæ intus erant: sicut vita æterna clausa erat, ne cui liceret illuc introire: & velum scissum est, ut sic possent videri, quæ erant in templo, quia cælum apertum est, ut iam possent illuc introire, qui dispositi essent ad hoc. Tertia causa fuit ad signandum, quod lex vetus cessabat, & incipiebat nouum testamentum: nam in morte Christi cepit habere vigorem obligandi nouum testamentum, & coepit deficere vetus, de quo magis declaratum est in libro de quinque figuratis paradoxis ad illustrem reginam Castellæ: & ad signandum hoc conueniebat scissio veli templi à summo vsque deorsum: nam quamdiu vetus testamentum manebat, debebat pendere istud velum ad portam exteriorem templi, ut non viderentur vasa sacra ab aliquibus, nisi à sacerdotibus, quia morentur: Num. 4. Nunc autem Deus scindebat velum illud, & faciebat, quod ea, quæ erant intra templum paterent omnibus, ideo innuebat, quod iam nolebat manere priorem legem, qua cauebatur, quod vasa sacra abscondita manerent. Sciendum etiam, quod velum templi non solum scissum est, sed etiam scissum fuit à summo vsque deorsum, ut patet Matth. 27. Quia si fuisset scissum, & tamen non à summo vsque deorsum, maneret adhuc velum pendens propter cõtinuitatem illam, & sic per rupturam illam possent videri ab extra aliqua de illis, quæ erant in sanctuario, & tamen non omnia: quia ea, quæ essent versus latera domus, scilicet aquilonare, & australe non viderentur pendentibus adhuc partibus veli propter cõtinuitatem, sed ea, quæ essent in medio templi viderentur. Christus tamen voluit, quod omnia, quæ erant in templo viderentur, ut perfectè signaretur reuelatio secretorum legis, & perfecta apertio vite eterne, & totalis cessatio veteris testamenti: ideo debuit à summo vsque deorsum scindi, ut non maneret aliqua cõtinuitas partium veli, sed vtraque pars caderet in terra versus duos parietes domus, scilicet aquilonarè, & australem: & sic manerent omnia reuelata.

Cur potius non aperte fuerunt portæ templi, vel fractæ valvæ, quam velum templi, ut omnia paterent.

Quæstio XVII.

QVAERITVR vterius, cum Deus ad signandum ista, quæ dicta sunt præcedenti quæstione, voluerit quod scinderetur velum templi, cur potius non fecit, quod aperirentur portæ templi, vel frangerentur valvæ, & sic omnia paterent. Dicendum hoc fieri non debuit, nec potuit propter duo. Primum, quia ista scissio veli facta est inter horam sextam, & nonam quando Christus patiebatur, ut patet Matth. 27. & tunc ministrabatur in templo Salomonis, quia vsq; horam prandij semper erat hora sacrificiorum, & tunc erat

F apertum templum Salomonis, quia fortè sacerdos introierat ad cremandum thymiam, & disponendum lucernas in candelabris: & sic non poterant tunc miraculosè aperiri portæ templi cum apertæ iam essent ad ministrandum. Quod autem frangerentur non conueniebat ad aliquid, ideo non fuerunt ipse aperte, nec fractæ, sed velum, quod pendebat scissum est. Secundum fuit, quia dato, quod portæ essent clausæ: apertio illarum, vel fractio principaliter nihil proderat. Nam dato, quod illæ aperirentur, manebat post eas velum pendens, quod interciperet visum omnibus existentibus: ideo principaliter debuit velum scindi ad hoc, quod viderentur, quæ erant intra templum in prima parte eius, & ideo dato, quod essent clausæ portæ templi, & miraculosè aperirentur, principaliter fieret mentio de scissione veli, & sic facta est.

Quare scissio veli potius fuit in die passionis Christi, quam alijs diebus. Quæst. XVIII.

QVAERITVR vterius, quare facta est ista scissio veli potius die passionis Christi inter horam sextam, & nonam, quam alijs diebus, vel temporibus. Respondendum, quod quocumq; tempore Deus scinderet illud velum conuenienter posset signari, quod cessare debebat lex vetus, non potuit tamen conuenientius fieri, quam in die passionis Christi. Ratio prima est, quia plurima eorum, quæ tunc miraculosè facta sunt, fuerunt ad ostendendum, quod tota orbis machina conditori suo compatiebatur. Et quia passio sua fuit die illa. Secunda causa fuit, quia per istud velum signata fuit apertio vite eterne, & apertio secretorum veteris testamenti, & cessatio legis veteris. Ista autem tria sunt facta in passione Domini, & non ante, nec postea, quia illa die velum scindi debuit. Tertia causa fuit: quia illa die conueniebat valde scindi velum templi. Nam istud velum scindebatur ad hoc, ut apparerent, quæ erant intra templum, & viderentur ab omnibus. Sed istud non potuit ita fieri cõuenienter die aliqua, sicut die passionis Christi, ergo illa die scindi debuit. Patet hoc, quia illa die conuenerant plures de Israelitis, qui possent videre ea, quæ erant in templo scissio velo, quam alijs diebus, ergo illa die fieri debuit: probatur hoc, quia Christus mortuus est die prima azymorum: nam Christus comedit agnum paschalem cum discipulis suis, & sequenti die mortuus est in cruce. Et agnus paschalis comedebatur die quartadecima mensis primi ad vesperum, quando erat Phase, & sequenti die erat primus dies azymorum. Exo. 12. & Leui. 23. Ideo primus dies azymorum erat quando mortuus est. Ista autem dies erat valde solennis. Nam septem erant dies azymorum, & dies primus, & septimus erant venerabiles. Exo. 12. Leui. 23. Num. 28. Sic in isto die essent omnes Israelitæ in Ierusalem. Nam tunc in anno iniebat Deus oēs masculos Israel apparere in sanctuario. Exo. 23. & 34 & Deut. 16. In festo azymorum, & post tecoste, & Tabernaculorum. Et sic in isto die primo azymorum essent omnes Hebræi in Ierusalem, & possent videre scissionem veli, & ea, quæ erant in templo. Ista autem fuit causa quare Iudei in Ierusalem, scilicet, non occidere Christum in diebus azymorum, quia totus populus erat in Ierusalem, & fieret tumultus super mortem Christi, ut patet Matth. 26. Non in die festo, ne fortè fieret tumultus in populo. Et tamè postea dispositione Dei mutatum est consilium Iudeo- rum, & mortuus, & occisus est Christus in die festo in Ierusalem, ut totus Israel præiens esset morti eius, ut sic videret per oib; mortuus, vel ut peccatū Israelitarū grauius videret, quasi toto populo cõtenuente factū esset.

Causa

Tertia causa.

Causa autem quare inter sextam, & nonam horam ruptum fuit velum templi fuit duplex. Prima, quia illa hora Christus pendebat in cruce, & tunc alia miracula facta sunt. scilicet terremotus, petrarum scissio, & monumentorum apertio, & eclipfis solaris. Ideo istud est, quod a causa supernaturali fiebat, eadem hora fieri debuit. Nam tunc Christus erat in gravissimo dolore vulnerum, & fuit sic quousque hora nona expiravit. Secunda causa fuit, quia illa hora maxime poterant videri ea, quae erant in templo. Nam hoc tempore cum esset prima dies azymorum, & propter magnitudinem festi convenissent Israelitae omnes ad templum, erant ibi intenti sacrificijs, & alijs ceremonijs legis, & scissio tunc velo omnes viderent ea, quae erant in templo. Si autem fierent haec per noctem, vel alio tempore, non viderent opus, qui in templo erant, & non consequeretur Deus plenè finem, quem intendebat.

Quomodo facta est scissio veli sine aliqua causa.

Questio XIX.

QVAERITVR ulterius, quomodo facta fuit scissio veli templi sine aliqua causa. Aliquis dicit, quod fortassis facta est per terremotum: nam eo tempore petre scissae sunt, monumenta aperta sunt, & factus est terremotus ad scissionem petrarum, ut colligitur Mat. 27. Et Paulus Oros. 7. de Ormesta Mundi dicit, quod quidam partes urbium corruerunt, & cum velum istud penderet ex duobus parietibus ad aperiendum tantam aperturam portae templi facto terremotu moverentur parietes de quibus pendebat velum, & per tractionem, & elongationem maiorem ipsorum, quam prius rumperetur velum. Dicendum, quod hoc non stat, quia terremotus non sufficit ad talem ruptionem, nisi forte fuisset tantus, quod parietes templi, de quibus pendebat velum corruerent, & tamen nunc non corruerunt parietes templi, nam nulla alia mutatio facta est in templo, nisi quod velum scissum est, nec alia legitur fuisse: ideo non potuit ex hoc scindi: Potissimè, quia dato, quod terremotus iste fuisset magnus, non poterat scindi velum à summo usque deorsum, sed solum fieret aliqua ruptura à parte superiori. Et tamen scissum est velum à summo usque deorsum: ergo fuit ex alia causa. Dicendum ergo, quod poterat hoc fieri tripliciter: vno modo à Deo subtrahendo virtutem suam. Nam omnia, quae sunt, moventur per hoc, quod eis esse communicatur à Deo, & conservatur. Et cum quaelibet res creata ex se sit non ens, necesse est, quod cum Deus subtraxerit conservationem, quam facit, res illae pereant. Et sic Deus poterat desinere conservare esse illarum partium, quae erant in medio veli à summo usque deorsum: & tunc consequenter duae partes veli, quae coniungebantur mediantibus illis delinerent esse coeulatae: & sic videretur velum scissum à summo usque deorsum, & tamen non erat ista vera scissio. Secundo modo poterat hoc effici à Deo non subtrahendo aliquid, sed apponendo, scilicet quod in instanti ruperetur pannus illi à summo usque deorsum: & sic est in creatione rerum, quia creatio fit per appositionem virtutis: & in instanti non inciperet à parte superiori, ut perveniret ad inferiorem, quia sic non fieret in instanti, sed successivè: & tamen Deus non potest operari in successione, cum esse suum sit simul totum, & in instanti. Ideo non ruptum fuit vnum filum priusquam alterum: sed omnia, quae erant supra, & infra eque primo rupta sunt. Et ista non vocatur propriè scissio, quia scissio est ab una parte in alteram continuata ruptio per successionem. Hic autem non fuit sic successio, ideo non esset scissio. Tertio modo poterat hoc fieri per angelos, scilicet aliquis

Angelus rumperet illud velum à summo usque deorsum: & hoc siue haberet gladium in manu, siue non, sicut dixit Daniel cuilibet duorum seniorum, qui falsè contra Susannam sententiauerant, & testificati fuerat. Ecce angelus Domini accepta sententia ab eo scindet te medium. Et alteri dixit: manet. n. angelus Domini gladium habens, ut secet te medium, & interficiat vos: Dan. 13. Multa similia faciunt angeli: nam vnus angelus occidit centum octoginta millia virorum vna nocte in castris Assyriorum. 4. Reg. 19. & Isa. 38. Iste modus vltimus verisimilior est, quia ille propriè vocat scissio. Alij autem duo non, cum isti fiant per motum, alij duo non.

An scisso velo templi, cum omnia, quae in illo erant, apparuerint, Israelitae videntes ea morerentur.

Quest. XX.

QVAERITVR ulterius, cum velum templi scissum est, & apparuerunt omnia, quae erant in templo, an Israelitae videntes illa morerentur. Nam videntes vasa sacra moriebantur, si essent nuda, sicut patet de Bethsāmitis, qui viderunt arcam Domini, & mortui sunt quinquaginta millia, & septuaginta 1. Re. 6. Dicendum, quod nemo mortuus est: licet multi viderunt vasa sacra rupto velo. Multi namque erant in templo eo tempore, quo scissum est velum, & illi viderunt vasa sacra, & in non legitur, quod aliquis mortuus fuerit. Legeretur tamen si quis tunc mortuus fuisset, sicut scribitur, quod velum scissum est: ideo non fuit quilibet mortuus. Causa autem finis quosdam est, quia non moriebatur quis, si videret vasa sacra, dum tamen non videret arcam nudam. Nam arca erat vas sacratissimum super alia, quae erant in templo. Et sic erat in loco magis occulto, scilicet in Sancto Sanctorum. Reliqua autem vasa sacra, & suppellectilia templi erant in domo exteriori templi. Et sic licet viderent illa nunc Israelitae scisso velo non morerentur: nam non viderunt arcam, sed alia vasa, quia arca erat in Sancta Sanctorum. Et licet velum scinderetur non videbantur ea, quae erant in Sancta Sanctorum, sed solum in domo exteriori: quia paries alius erat, qui distinguebat domum Sancti Sanctorum à domo exteriori. Et cum obijcitur de Bethsāmitis dicunt, quod illud fuit, quia Bethsāmitae viderunt arcam 1. Reg. 6. Et non dicitur ibi de alijs vasis sacris. Dicendum, quod hoc non stat, quia non solum moriebantur videntes arcam nudam, sed etiam videntes quaecumque vasa sacra: ideo iussit Deus sacerdotibus, quod non permitterent Leuitis Caathitis tangere vasa sacra nuda ad portandum illa, nec etiam accederent ad videndum illa, quia moreretur: sed ipsi sacerdotes velarent ea prius, & daretur Leuitis velata ad portandum: Num. 4. à fortiori ergo laici si viderent vasa sacra morerentur. Respondendum, quod licet viderint nunc Israelitae vasa sacra, nemo illorum mortuus est, quia non moriebantur quicumque videbant ea nuda, sed solum quando volebant ea videre propter curiositatem videndi aliquid pulchrum. Si tamen quis nihil attendens videret aliquod vas sacrum nudum non moriebatur, cum non esset ibi curiositas: quia aliàs sequeretur magna inconuenientia. scilicet si quis sacerdos vellet alicui laico nocere, ostenderet ei subito aliquod de vasis sacris, & moreretur illico. Et tunc essent vasa sacra deteriora, quam illud Meduseum caput, quod à Poetis vulgatum est aspicientes solum in lapides vertere. Et patet hoc ex eis, quae dicuntur Nu. 4. cap. 1. Alij nulla curiositate videant, quae sunt in sanctuario priusquam inuoluantur alioquin morientur. Nunc autem Israelitae non viderunt aliqua curiositate ea, quae erant in sanctuario, sed à casu scissum est velum templi, & viderunt vasa, quae intus erant: quia non erat in potestate eorum non videre, quae coram oculis ipsorum erant saltem

saltem primo intuitu, sicut dicit Augustinus, non est in potestate nostra quibus visis tangamur. Item patet, quia Deus scidit nunc velum templi, ut Israelitæ viderent ea, quæ intus erant: quomodo ergo occideret eos pro hac visione: non enim erat rationabile: ideo nemo nunc perijt, quia in hoc casu lex non obligabat eos, cum Deus vellet, quod viderent ista vasa sacra.

An scisso velo Israelitæ tenebantur aliud facere, ne vasa viderentur, vel licebat iam eis vasa videre.

Questio. XXI.

Prima ratio.

Secunda ratio.

QUÆRITUR ulterius, de isto velo templi nunc scisso, an Israelitæ obligabantur aliud facere ad hoc, quod vasa templi occulta essent, vel licebat eis iam videre vasa templi. Primo, quod cum Deus sciderit velum, innuebat, quod Israelitæ viderent iam, quæ prius erant occulta, ideo non obligabantur ipsi occultare illa, quæ Deus reuelabat. Secundo patet, quia in passionem Christi cessauit lex vetus, ideo iam non oportebat obseruari aliqua ceremonialia, & tamē quod vasa sanctuarij occultarentur pendente velo ante illa erat ceremoniale, ideo iam non cadebat sub obligatione. Dicendum, quod hic sunt duo. Primo an licebat Israelitis scisso velo aliud facere, ut manerent occulta vasa templi. Secundum erat, an obligabantur ad faciendum, dato quod esset licitum. Ad primum dicendum, quod non est dubium, quod liceret Israelitis facere aliud velum: nam licet Deus scidisset illud, licebat aliud facere. Sic enim patet de destructione templi per Chaldeos: quia Deus voluit, quod desolaretur domus illa, & prædixit destructionem illam per Ieremiam, & alios Prophetas. Et, quod plus est, adiuit Chaldeos ad destructionem. Nam ipse vocauit Nabuchodonosor, & Chaldeos de terra sua ad istam destructionem, ut patet Ita. 5. & 7. & dedit fortitudinem illis ad puniendum Israelitas: Habacuc 1. Et tamen licuit Israelitis postea edificare templum destructum, quod reedificatum est sub Zorobabel. Et illi, qui edificabant, merebantur, ut colligitur ex 1. lib. Esdræ: & Aggei 1. & 2. Item patet hoc, quia reficere velum scissum erat opus legis, cum secundum legem debent vasa sanctuarij esse occulta. Facere autem opera legis semper fuit licitum, usquequo vetita fuerunt: sed nōdum erant vetita: ergo licitum erat. Item patet, quia istud erat ceremoniale, quod vasa occultaretur, & præceptum erat in lege Num. 4. Si autem ista cœremonia erat illicita, omnes erant illicitæ, cum equale esset de omnibus: & tamen manifestum est, quod non erant omnes ceremoniæ illicitæ, nec Iudei hoc credebant: quia alioquin cessarent ab omnibus operibus legis, & non cessauerunt, sed manserunt semper in his etiam post mortem Christi quousque destructa est Ierusalem, & tota gens Iudeorum per Romanos. Et non solum Iudæi frequentabant cœremonias legis, sed etiam Apostoli, & omnes conuersi ad Christum. Vnde ipsi ibant ad orandum in templum, ut patet de Petro & Ioanne, qui ibant hora nona ad orandum in templum, quando sanauerunt claudum ab utero. Act. 3. Ideo non credebant Iudæi illicitam sibi hanc cœremoniam, nec aliquam aliam de legalibus, cum nondum appareret aliquid, per quod deberent cessare à lege. De secundo dicendum, quod Israelitæ obligabantur facere aliud velum ad occultandum vasa sacra scisso illo. Nam licet Deus illud scidisset, non obstat: quia sic etiam Deus fecerat, quod destrueretur templum Salomonis per Chaldeos: & tamen obligabantur Israelitæ illud facere denuo. Quod autem Deus illud voluisset destrui, & cooperatus fuisset ad hoc, probatum est su-

pra: quod autem obligarentur Israelitæ illud reficere: patet, quia Deus infligebat eis poenas cum pigritarent edificare: nam cum redierunt de Babylone Israelitæ aliquot annis pigri fuerunt circa reedificationem templi, & Deus tunc puniuit eos in defectu terre nascentium: ut patet Aggei 1. & 2. s. Populus iste dicit nondum venit tempus domus Domini edificandæ. Nunquid tempus vobis est, ut habitetis in domibus laqueatis? & domus ista deserta. Et nunc hæc dicit Dominus: ponite corda vestra super vias vestras: seminastis multum, & intulistis parum: comeditis, & non estis saturati: bibistis, & non estis inebriati: operuistis vos, & nō estis calefacti: & qui mercedes congregauit, misit eas in sacculum pertusum: respexistis ad plus, & ecce factum est minus, & intulistis in domum, & exfufflaui illud. Quam ob causam dicit Dominus exercituum, quod domus mea deserta est; & vos festinatis vnusquisque in domum suam: propter hoc prohibiti sunt coeli, ne darent rorem, & terra ne daret germen suum: & vocaui siccitatem super terram, & super montes, super triticum, & super vinum, super oleum, & quęcunque profert humus, & super homines, & super iumenta, & super omnem laborem manuum. Cum ergo isti punirentur, quia pigritabantur edificare templum destructum, tenebantur illud reedificare, & cito reedificare: & tamen illud fuerat destructum Deo cooperante. Ideo dato, ut apparet, quod Deus scidisset nunc velum templi, tenebantur aliud facere, ut manerent vasa templi occulta. Item patet, quia aut Hebræi credebant totam legem cessasse, aut non: si tota cessauerat, & hoc credebant, peccabant faciendo aliquas cœremonias legis: & tamen non credebant Iudei se peccare faciendo ceteras cœremonias legis: quia adhuc seruabant legem usquequo Romani destruxerunt Ierusalem, & templum, & expulerunt inde omnes Iudæos. Et non solum ipsi, sed etiam conuersi ad Christum, & Apostoli dubitabant, an seruandæ essent cœremonia legis. Et fuit contentio, & disputatio super hoc in quodam concilio Apostolorum. Act. 15. Et nō solum hoc, sed etiam aliqui Apostoli obseruabant cœremonias legales: nam Paulus post hoc circumcidit Timotheum. Act. 16. qui etiam purificatus est in templo iuxta ritum Iudeorum. Act. 21. Ergo non credebant iam cessasse omnes cœremonias legis, ita quod non esset licitum illas obseruare. Si autem credebant Iudei manere adhuc legem, & obligare, tenebantur ad faciendum aliud velum, quia ista erat cœremonia legis, scilicet, quod vasa sacra occulta manerent. Num. 4. Et omnes cœremonia seruandæ erant, quamdiu lex seruanda erat: Et ita dicendum est, quod Iudei fecerint aliud velum, quia credebant adhuc legem obligare, cum non viderent aliquid, per quod appareret legem debere cessare. Ideo tenebantur ad faciendum aliud velum: & illud fecerunt cum post hoc obseruauerint omnes cœremonias legales per quadraginta duos annos, qui fluxerunt à morte Christi vsque ad destructionem Ierusalem per Romanos, & inter alias cœremonias erat ista vna. Ad primum in contrarium: dicendum, quod verum est, quod Deus scindendo velum templi, voluit, quod Israelitæ viderent ea, quæ dicta sunt supra in quadam questione. Et tamen nō costabat ipsis ad quid Deus voluisset scindere velum: & dato quod scirent, quod Deus voluisset scindere velum: eata sua, nō apparebat manifestè, quod verabatur obseruare istam cœremoniam de occultatione vasorum: & tamē Deus expressè per legislatorē iusserat illā seruari. Num. 4. Ideo ad hoc, quod cessarent Israelitæ ab illa, oportebat, quod expressè per aliquem prophetam, vel per Deum audirent, quod iam non erant obseruandæ cœremonia legis. Istud

Solutio ad primum.

Istud autem signum non expresse denotabat istud, ergo non cessarunt erant ab obseruatione istius ceremonie propter istud. Ad secundum cum dicitur, quod in passione Christi cessauit lex vetus, concedendum est: & consequenter non obligabant iam ceremonialia, nec etiam ista occultatio vasorum velo pendente, cum esset vna de ceremoniis: & tamen Iudeis non constabat adhuc, nec habebat aliquam rationabilem probationem, quod cessassent omnes ceremonie legis, cum etiam ipsum Christum eas obseruasse tota vita vidissent. Ideo contra conscientiam agerent, si cessassent ab obseruatione alicuius illarum, & consequenter tantum obligabantur ipsi tunc, sicut ante Christi natiuitatem, quousque eis constituit predicatione, & miraculis Apostolorum non esse legem obseruandam: & sic obligabantur facere illud velum, & fecerunt illud.

Ante fores etiam templi duas columnas, quae triginta & quinque cubitos habebat altitudinis. Porro capita earum quinque cubitorum: necnon & quasi catenulas in oraculo, & superposuit eas capitibus columnarum. Malogranata etiam centum, quae catenulis interposuit. Ipsas quoque columnas posuit in vestibulo templi vnam a dextris, alteram a sinistris. Eam quae a dextris erat vocauit Ioachin, & quae ad leuam vocauit Booz.

Ante fores. Hic ponitur tertium huius cap. scilicet columnarum fabricatio. Erant enim duae columnae pulchrae ante templum ad portam, & de fabricatione earum dicitur hic, scilicet. *Ante fores etiam templi duas columnas.* Id est ante portam exteriorem templi: nam intra templum erat vna domus parua, quae vocabatur Sanctum Sanctorum: & habebat portas. De istis tamen portis non intelligitur hic, quia ille non vocabatur portae templi, sed portae Sancti Sanctorum. Portae autem templi erant portae exteriores, scilicet, vna porta habens duas valuas: & ante istas portas erant columnae istae, scilicet, in porticu templi. *Quae triginta, & quinque cubitos habebant altitudinis.* Scilicet, quaelibet columnarum habebat totidem cubitos altitudinis: de latitudine, vel ambitu non dicitur hic. Erat tamen linea circularis ambiens grossitatem columnae cubitorum duodecim. 3. Reg. 7. Proprie autem latitudo columnae erat linea recta transuersalis transiens ab extremo in extremum, quae erat cubitorum trium, & dimidij, vel quasi, secundum regulam diametri, & circuli, scilicet, omni diametro multiplicata cum septima parte sui circulum complet: sed 3. Reg. 7. dicitur, quod altitudo columnae erat decem, & octo cubitorum, & ponitur hic trigintaquinque, quae dissonantia tolletur infra in quadam quaestione. Porro capita columnarum, quinque cubitorum. Super quamlibet columnam erat positum capitellum, quod non continuabatur cum ipsa columna, sed erat superpositum: & in illo erant pulchrae varietates, & quodlibet istorum capitellorum erat cubitorum quinque altitudinis. Et tamen an ista altitudo computetur cum altitudine columnarum, scilicet, quod intelligatur in totum triginta & quinque cubitis, quae erat altitudo columnarum: declarabitur infra in quadam quaestione. *Necnon & quasi catenulas in oraculo.* Id est, sicut figuram catenularum in columnis sub capitibus columnarum. Et erant istae catenulae quasi catenulae, quae erant in oraculo, scilicet Sancta Sanctorum: quomodo tamen catenulae essent in oraculo, declarabitur

A infra in quadam quaestione. Et dicitur quasi catenulas, quia non erant vere catenulae, sed apparebant fusiles, vel sculptae quasi catenae: & non erant catenae cum non essent aliquid separatum a columnis, sed pars columnae cuiuslibet. *Et super posuit eas capitibus columnarum.* Scilicet, istae catenae non erant in capitellis columnarum, quae erant distincta a columnis, sed in ipsis columnis in summitate ipsarum circa locum, in quo capitellum columnae coaptabatur ipsi columnae, ita ut catenulae coniungerentur capitibus columnarum: ita sepe fit in columnis, quas faciunt artifices nostri, scilicet, quod aliqua capitella pulchra superponantur columnis: & in coniunctione capitelli cum columna sint aliquae figurae sculptae: ut non appareat coniunctio capitelli cum columna sint aliquae figurae stultae: sed videatur vnum continuum. *Malogranata etiam centum, quae catenulis interposuit.* Id est, erant etiam centum malogranata aenea interposita catenulis ad decorem. Plura autem erant malogranata, ut patet 3. Reg. 7. de quibus infra declarabitur in quadam quaest. *Ipsas quoque columnas posuit in vestibulo templi.* Id est, in porticu: quia sicut supra dicitur, erant columnae istae ante fores templi, & ante fores erat porticus. De isto vestibulo dicitur, quod inter vestibulum & altare plorabant sacerdotes, scilicet, inter altare holocaustorum, quod erat extra templum in atrio eius: & vestibulum, scilicet, porticum templi, erat quidam locus medius in atrio sacerdotum, in quo sacerdotes orabant, & flebant, dicentes: Domine parce populo tuo. Et vocatur vestibulum ex usu latinorum porticus cuiuscunque domus, scilicet, pars ante portam domus, quae aperta est tecto, sicut erat in templo: vbi erat tectum pendens ante fores templi, ut patet supra in litera. *Vnam a dextris, & aliam a sinistris.* Scilicet, porticus habebat in longitudine cubitos viginti, & ab Austro versus Aquilonem, & decem cubitos latitudinis ab occidente in orientem, ut patet supra in litera: & melius 3. Regum 6. Accipiebatur autem dextrum, & sinistrum a Meridie in Aquilonem. Et vna istarum columnarum erat in extremitate porticus, ad latus australe, & alia in latere aquilonari. *Et eam, quae a dextris erat vocauit Ioachin, & quae ad leuam Booz.* Iste columnae etiam famose: ideo **D** imposuit eis nomina Salomon, scilicet, quod vna vocaretur Ioachin, id est thalamus, & alia Booz, id est, robur: ut ait Iosephus 8. Antiquitatum. Et tamen tertio Regum 7. vbi ponuntur interpretationes eorum nominum secundum Ieronymum dicitur, quod Ioachin interpretatur firmitas, & Booz interpretatur in robore: sed in hoc non multum est curandum: licet satis coaptari possit interpretatio Ieronimi veritati: quia vtraque columna erat fortis, cum latitudo cuiuslibet esset plusquam trium cubitorum, & dimidij, & linea ambiens circulariter grossitatem esset cubitorum duodecim. 3. Regum 12.

Ad quid erant factae columnae in vestibulo, & quomodo ponebantur ibi. Quaestio XXII.

QVAERITVR Circa id, quod in litera dicitur, quod columnae istae erant posita in vestibulo ante fores, ad quid erant factae istae columnae, & quomodo ponebantur ibi. Aliquis dicet, quod istae columnae fuerunt ad sustentandum aliquod magnum pondus in sanctuario. Dicendum, quod non stat: quia istae columnae non erant intra templum, ita ut posset aliquid supponi eis ad sustentandum illud, sed erant in porticu templi, cum dicatur hic, quod erant in vestibulo templi, & tamen extra templum non erat aliquid quod teneretur super columnas, quia atrium habebat parietes in circuitu: tectum tamen nullum habebat.

Solutum

Solum autem est dubium, si erant istae columnae posita ad sustentandum porticum templi. Nam erat porticus templi tectum pendens ante fores templi longitudine cubitorum viginti ad partem aquilonarem, & australem: & latitudine cubitorum decem ab occidente in orientem. Et istud tectum poterat teneri super istas duas columnas: ideo quidam tenent, quod erant columnae ad tenendum tectum porticus. Et huic consonat, quia dicitur in litera, scilicet, quod istae columnae erant in vestibulo templi, & ante fores: & super partem illam pendebat tectum. Etiam consonat huic, quia dicitur, quod una columna erat ad dextram, & alia erat ad sinistram, scilicet, in duabus extremitatibus porticus, ut sic melius sustentarent onus tecti. Aliqui dicunt in contrarium, quod non fuerint istae columnae posita ad sustentandum tectum porticus, nec aliquod pondus, sed ad pulchritudinem. Et ad istud facit, quod non legitur aliquid superpositum istis columnis. Et tamen si aliquid superpositum fuisset, quod sustentarent, legeretur de illo, sicut legitur tam diligenter scripta fabricatio ipsarum columnarum. Dicendum est, quod istae columnae non ponebantur ad sustentandum aliquod pondus, sed ad solam pulchritudinem: nam cum porticus templi esset, in qua Israelitae deambulabant ante portas templi colloquentes de his, quae pertinebant ad legem: debebat esse ibi aliqua pulchritudo, quam mirarentur Israelitae. Et sic portae templi factae fuerunt valde pulchrae, scilicet operatae laminis aureis. Erant etiam istae duae columnae, quarum magna erat pulchritudo, sicut hic dicitur sequenti cap. & magis 3. Regum 7. & Iere. 52. Prima ratio ad hoc est, quae supra allegata est, scilicet, quia nihil legitur in templo ad quod proficerent istae columnae. Et tamen si ad aliquod pondus sustentandum fuissent factae, diceretur, quod esset illud. Secundo colligitur hoc ex magna pulchritudine columnarum, quae tam diligenter scribitur: in quo apparet, quod finis earum solum erat iste, scilicet, ut pulchritudinem ostenderent. Tercio patet, quia si istae columnae essent ad sustentandum tectum porticus, necesse erat, quod esset altitudo columnarum tanta, sicut ipsius porticus a pavimento. Et tamen altitudo porticus erat cubitorum centum, ut patet supra in litera. Altitudo autem columnarum erat solum triginta quinque cubitorum: ut patet hic in litera: ergo non pertinebant usque ad tectum ad sustentandum illud. Quarto patet, quia si istae columnae essent ad sustentandum pondus, extremitates earum superiores essent planae: sicut patet de capitibus omnium columnarum ad hoc, quod bene coaptetur pondus columnae: & tamen istae columnae habebant extremitates acutas, quia terminabantur in flore lilij, ut patet 3. Regum septimo. Et tamen super florem lilij acutum non bene sedet aliquod pondus, sed ad solam pulchritudinem. Quinto patet, quia secundum quod communiter tenetur, istae columnae non erant solidae, sed vacuae: quia alias tantum pondus non posset moveri de vno loco ad alterum. Et tamen ad sustentandum pondus non convenit columna vacua, sed solida: ideo non erant istae columnae ad sustentandum tectum, sed ad solam pulchritudinem ostendendam. Ad primum in contrarium dicendum, quod non est probatio sufficiens: nam verum est, quod ad hoc, quod istae columnae sustentarent tectum porticus, debebant esse in loco, in quo erant, scilicet, in vestibulo: & tamen non sequitur, quod cum ibi essent, ponerentur ad sustentationem, sed magis ad pulchritudinem propter causas in contrarium dictas. Ad secundum eodem modo dicendum, quod ad sustentandum tectum porticus una columna esse debebat in vno latere porticus ad par-

tem dextram, & alia ad partem sinistram in alio latere, & tamen non sequitur, quod erant ad sustentandum tectum, sed potius erant in tali situ ad maiorem pulchritudinem ostendendam.

Qua fuerit magnitudo istarum columnarum, cum diversimode de ipsarum magnitudine legatur.

Quaestio XXXIII.

QVAERITVR ulterius de magnitudine istarum columnarum: nam ponuntur contraria hic, & sequenti cap. & 3. Reg. 7. quia hic dicitur, quod altitudo columnae erat triginta cubitorum: & hic dicitur, quod capita columnarum erant quinque cubitorum altitudinis, & 3. Reg. 7. dicitur, quod erant capitella quatuor cubitorum. Aliquis dicit, quod ista non sunt contraria, quia alicubi ponitur maior numerus, quam alibi: & tamen minor non negat maiorem. Sed tenendum est tantum fuisse numerum, quantum ponitur ubi maior est. Dicendum, quod hoc non stat, quia si nulla alia causa esset ponendi alicubi magis alicubi minus, esset quaedam insipientia numeros tam varios designare: quia sicut dicitur 3. Reg. 7. quod erat columna decem & octo cubitorum posset dici, quod erat trium cubitorum, vel nullius: & tunc nulla esset ratio, nec sensus in scriptura, nec esset opus intelligibile. Ideo dicendum est, quod isti numeri sunt praecisi, scilicet, quod columna esset praecise cubitorum triginta quinque, sicut hic dicitur. Et etiam esset praecise decem & octo cubitorum, sicut designatur tertio Reg. 18. Causa tamen, quare numeri variantur, & quomodo possint stare, quaerenda est. Et dicendum, quod columna quaelibet istarum duarum componebatur ex quatuor partibus, scilicet, base, & stipite, capite, & capitello: & ista coniuncta efficiebant columnam: & istorum simul sumptorum altitudo erat cubitorum triginta quinque: & sic accipitur hic altitudo columnae. Partes columnae habebant diversas magnitudines. Nam stipes columnae, qui proprie vocatur columna habebat decem & octo cubitos altitudinis: & sic accipitur altitudo columnae 3. Reg. 7. Capitellum vero erat quinque cubitorum, ut patet hic, & 3. Reg. 7. Basis autem erat altitudinis octo cubitorum, de qua non legitur hic, nec in libris regum, nec alibi quantae fuerit altitudinis: necesse est tamen dici eam fuisse altitudinis cubitorum octo ad complendum triginta quinque cubitos, quos dicitur hic habuisse columna in altitudine cum altitudine aliarum partium: de qua expressè ponitur in litera. Sed obijcietur, quia hic dicitur, quod caput columnae erat cubitorum quatuor. Dicendum, quod quaelibet columna super stipitem suum habebat duo capita superposita vnum super alterum, & vnum erat grossius altero. Illud vero quod erat in parte inferiori positum immediatum super columnam erat grossius altero, quod super illud erat. Et illud quod erat infra vocabatur caput, quia erat grossius, & erat minoris altitudinis, scilicet, cubitorum quatuor. Quod vero erat superius erat minoris grossitiei, & maioris altitudinis, scilicet, quinque cubitorum: & vocabatur capitellum, quia erat minoris grossitiei. Ista differentia servatur aliquantulum. 3. Reg. 7. Sed hic non servatur, quia aliquando vocatur idem caput, & capitellum, ut patet in litera. Secundum veritatem debet vocari capitellum, & non caput: sed in nomine non multum differt, cum veritas cognoscatur. Sed aliquis dicit, quod distinguere capita, & capitella in quaelibet columna ad complendum triginta quinque cubitos altitudinis in columna quaelibet super decem & octo, quos dicitur habere 3. Reg. 7. est fictitium, & videtur magis a nobis fictum propter necessitatem respondendi.

Determinatio.

Columna ex quatuor conficitur

dicendi, quàm propter veritatem. Dicendum, quòd nò stat, sed secundum veritatem oportet poni in qualibet columna caput, & capitellum. Primò patet ex eo, quod habetur 3. Reg. 7. vbi dicitur, quòd caput colunę erat cubitorum quatuor, & capitellum erat cubitorum quinque. Si tamen idem esset caput, & capitellum, non poneretur mensura diuersa altitudinis ipsorum. Secundò patet, quia sequenti cap. fit mentio iterum de columnis: & dicitur, quòd posuit super columnas Epistilia, & capita. Ergo duo erant, quę superponebantur cuilibet columnę. Vocantur Epistilia ipsa capita, quę ponebantur immediate super columnam ab epi quod est supra, & stolon, quod est longum, quasi super longitudinem columnę positum. Capita vocantur ipsa, quę sunt capitella in summitate totius columnę, ideo oportet omnia hæc distingui in columna ex necessitate literę. De base autem dicit aliquis, quod est fictio, quia non reperitur scriptum de illa alicubi. Dicendum, quòd non est fictio, quia manifestum est, quòd quęlibet columna debet habere basim, cum fundamētum columnę semper latius esse debeat, quàm stipites columnę, vt bene competet pavimento: & vt non immergatur columna terrę propter suam acutiem, & illud latum super quod fundatur vocatur basis columnę. De illa manifestum est, quòd aliquantę esset altitudinis: & quia nulla exprimitur, fuit conueniens, imò necessarium dici, quòd esset cubitorum octo: vt conueniret litera ista literę, quę habetur 3. Reg. 7. f. quia hic ponitur altitudo columnę trigintaquinque cubitorum, & ibi decem & octo: & non possunt aliter concordari, nisi ponatur basis octo cubitorum: vt patet ex dictis supra.

Quę fuerit magnitudo, figura, & situs columnarum.

Questio XXIIII.

QUÆRITUR vterius, circa magnitudinem, & figuram, & situm istarum columnarum. Et ait Nicolaus, & historia scholastica, & multi alij, quòd in latere atrij sacerdotum erāt multę columnę parę ad pulchritudinem: & inter illas erant istę duę magnę: & ob hoc de illis fit mentio in speciali. Erat namq; atrium sacerdotum ante templum ad partem orientalem: & inter ipsum atrium, & parietem orientalem templi erat spacium medium, quod vocabatur porticus, vel vestibulum. Et sic cum istę duę columnę essent in latere atrij sacerdotum, dicebantur esse in vestibulo templi. Et acceperunt nomina specialia istę duę columnę propter suam famosam pulchritudinē. Stipes autem columnę cuiuslibet erat æqualis in latitudine, & ambitu in omnibus partibus, sicut est in lancea, & non terminabatur in acuto, ita quòd in medio esset grossior. Erat autem ambitus cuiuslibet columnę duodecim cubitorum. 3. Reg. 7. & linea latitudinis secundum regulam diametri, & circuli erat quasi cubitorum quatuor non completorum. Et isti stipites columnarum, secundum quod volunt doctores notari, non erant plani, sed baliculati in superficie habentes in circuitu canales cauationis quatuor digitorum, sicut fit in hastilibus tornorum, & lignorum quibus deprimitur, & eleuatur lapis premens vnas in torcularibus. Dicunt etiam, quòd non erat quilibet stipes solidus per totum: quia tunc esset tanti ponderis, vt portari non posset. Sed erat stipes concavus interior, & grossities labiorum columnę erat parum plus, quàm quatuor digitorum, & tota alia densitas interior erat vacua. Istud est rationabiliter dictum: quia istę columnę non erant factę ad sustinendum aliquod pondus, sed ad pulchritudinem solam: vt declaratum est supra penultima quæstione: & tamen ad ostenden-

A dum pulchritudinem tantum proficiebat, quòd esset columna vacua, sicut solida: ideo esset vacua, vt inutiliter non expenderetur tanta moles ænea. Secundò & efficacius, quia si essent columnę istę solide nò possent moueri de loco ad locum. Nam cum quis considerauerit columnam decem & octo cubitorum longitudine, & in ambitu duodecim cubitorum, reperiet quòd talis columna si fuerit solida de ære, quòd nulla virtute hominum portari poterit de loco ad locum per magnam distantiam, & tamen columnę istę portatę fuerūt de quodam campo apud Iericho in Ierusalem. Nam istas columnas, & omnia vasa ænea fudit Hiram apud Iericho in terra argillosa apud Sarthan, vt patet 3. Reg. 3. & sequenti cap. Et tamen Iericho distat à Ierusalem quasi per nouem leucas, vt patet in libro de Situ Terrę Sanctę. Ideo si columnę istę fuissent solidę prænitus non potuissent portari de loco ad locum, vt locarentur in Ierusalem ante fores templi: & tamen portatę sunt, ideo erant inanes interior. Quęlibet istarum columnarum locabatur super vnā basim, cuius latitudo erat maior, quàm columnę, sicut fit in omnibus basibus columnarum lapidearum, vel metallinarum: cuius ambitus, vel latitudo quantum contineret, nec scriptum est, nec constare potest. Altitudo autem erat cubitorum octo, & licet nò scripta sit, tamen necesse est, quòd tanta fuerit, vt probatum est præcedenti quæstione. Super stipitem columnę ponebatur caput eius quod erat altitudinis cubitorum quatuor 3. Reg. 7. & ista capita columnarum in parte illa, qua coniungebantur columnis erāt eiusdem magnitudinis cum eis: sed superius dilatabantur ad modum floris lilij, qui in parte inferiori acutus est, & supra dilatur. Et super istam dilatationem, in qua terminabatur caput columnę ponebatur capitellum, & inferior pars capitelli aptabatur capiti, ita vt essent eiusdem grossitiei, & viderentur esse idem caput columnę continuatum. Et post istam continuationem capitis, & capitelli aliquantulum supra in ipso capitello erat quædam dilatatio per modum circuli cuiusdam, & super illum circulum erant malogranata centum posita per gyrum per dictum circulum, & alia ceterum: infra dictum circulum posita eodē ordine, & ista erant dependentia, ita vt mouerentur, facta quidem de ære. Super istum circulum, & ducenta malogranata iam dicta erat quædam eleuatio ipsius capitelli, siue extensio strictior ascendens quasi vsque ad medium altitudinis capitelli, & diuidebatur in septē portiones equales per septem lineas circulares subriles in circuitu columnę, siue capitelli: & erat quęlibet illarum perforata in circuitu subtili multis foraminibus secundum varias figuras, sicut solet fieri in ostijs lanternarū crearum, vt lumen appareat. Et quia tam stipites columnarum, quàm capita, & capitella erant interior vacua: lumen transiens per foramina illa circumquaq; ostendebat pulchritudinem illius operis. Super istas portiones prope medium capitelli erat alia dilatatio circularis omnino similis prædictę, & ibi erant centum malogranata sub circulo pendentia, & centum pendentia super circulum, & desuper erant alię septem portiones perforatę, sicut prædictę omnino, sed erant strictiores, quia capitellum semper stringebatur cōtinuē ascendendo, & terminabatur in cono stricto: & in summitate erat quidam flos cneus, quasi lilij ad pulchritudinem, cuius figura tam secundum Latinos, quàm Hebręos alia posita est 3. Reg. 7. in comentionis. Iste portiones supra positę vocantur retiacula: eodem capitulo, eo quòd opus illud erat varijs foraminibus figuratum ad modum retis. Etiam vocabantur versutis, quia erant continuę, & rectę iste portiones, sicut lineę versutis. Et sic vocantur septena versutis retia-

retiacula, tertio Regum septimo. Et sic erant quatuordecim retiacula, siue quatuordecim versus retiaculorum: & erant quadringenta malogranata apud duos circulos capitelli, supra, & subius pendentia.

Quis fuerit numerus malogranatorum, quæ erant in capitellis columnarum. Quæst. XXVI.

QVAERITVR vltius, circa numerum malogranatorum, quæ erant in istis capitellis columnarum, quia variè ponitur numerus iste. Nam hic dicitur, quod erant malogranata centum, & sequenti capitulo, dicitur, quod erant quadraginta: & hic ponuntur plura tertio Regum septimo, scilicet, ducenta, & etiam sequenti capitulo, dicitur, quod erant septem retiacula. Ad primum dicendum, quod hic, & sequenti capitulo, & tertio Regum septimo, concordat litera: licet videatur dissonare hoc modo. Nam sequenti capitulo, litera nostra erat corrupta, quia ubi ponuntur quadraginta malogranata deberent poni quadringenta: & iste non fuit error Ieronimi: quia ipse transtulit quadringenta, sicut in Hebræo habetur, ut patet intuenti literam Hebraicam: sed errore librariorum factum est propter similitudinem nominis: & concordat litera, quæ habetur tertio Regum septimo, ubi ponuntur ducenti ordines malogranatorum, & ducenti ordines continent ad minus quadringenta malogranata: quia in quolibet ordine sunt duo malogranata. Hic autem in litera dicitur, quod erant malogranata centum mixta catenulis, quia ut declaratum est præcedenti quæstione duo circuli erant in capitello quolibet, & in quolibet circulo erant ducenta malogranata, scilicet, centum sub circulo pendentia, & centum supra circum. Hic autem ponitur de centum malogranatis, qui erant in vna linea sub circulo, vel supra circum, & intelliguntur alia trecenta malogranata, quæ erant in alijs tribus lineis eodem modo. Totum autem hoc colligitur tertio Regum septimo, ubi expleto opere columnarum recapitulatur quasi, quæ dicta sunt. Et dicitur: perfecit columnas duas, & funiculos capitellorum super capitella columnarum duos, & retiacula duo, ut operirent duos funiculos, qui erant super capita columnarum: & malogranata quadringenta in duobus retiaculis. Funiculi capitellorum vocantur arcus duo apud quos pendebant malogranata quadringenta, sub quolibet circulo centum, & totidem super illum: & alia ducenta apud alium circum. Et sic dicit, quod erant quadringenta malogranata in duobus retiaculis, id est, in quolibet capitello erant quadringenta malogranata in duobus retiaculis, id est, sub duobus retiaculis. Vocatur hic vnum retiaculum vna congregatio septem retiaculorum: & in quolibet capitello erant duo circuli, & in quolibet circulo ducenta malogranata: & super circum quemlibet septem retiacula. Ad aliud cum dicitur, quod sequenti capitulo, ponuntur duo retiacula, & tertio Regum septimo, septem retiacula. Dicendum, quod retiaculum dupliciter accipitur. Vno modo pro versus continente figuram retis, vel foraminis. Alio modo pro ordine, vel congregatione retiaculorum. Accipiendo primo modo dicendum, quod erant quatuordecim retiacula, quia erant quatuordecim portiones perforatæ ad modum retis: & quælibet vocabatur versus, vel retiaculum. Et ista quatuordecim retiacula, vel versus erant in duabus congregationibus: nam in vna erant septem versus, & in alia totidem: & hoc patet tertio Regum septimo, scilicet, septena versus retiacula: & tamen septena ordinem signat, & non potest convenire, nisi quatuordecim retiaculis ad minus, quia aliàs dicere-

Retiaculū dupliciter

Fur septem versus retiacula, & non septena. Accipiendo secundo modo erant duo retiacula, quæ erant duæ congregationes retiaculorum: & in qualibet erant septem versus, & hoc accipitur sequenti capitulo: istud etiam accipitur tertio Regum septimo: nam prius ponuntur septena versus retiacula, & postea cum recapitulantur, quæ dicta fuerant subditur: perfecit columnas duas, & funiculos capitellorum super capita columnarum duos, & retiacula duo: ecce quæ liter vocantur ibi duo retiacula solum, sicut sequenti, id est, duo ordines retiaculorum. Circa istas columnas, & capitella eorum manent adhuc duo, vel tria dubia, quæ declarabuntur sequenti capitulo, cum agatur de capitellis, & epistilibus.

Quomodo potest stare, quod fecit quasi catenulas in oraculo, & supposuit eas columnarum capitibus, cum columnæ in oraculo non essent.

Quæstio XXVII.

QVAERITVR vltius, cum dicatur hic, quod fecit quasi catenulas in oraculo, & supposuit eas capitibus columnarum, quomodo possit stare, quia manifestum est, quod istæ columnæ quorum capitibus suppositæ erant catenulæ non erant in oraculo, id est, in Sancto Sanctorum, sed extra templum in porticu. Aliquis dicet, quod fortè erant aliquæ columnæ in Sancta Sanctorum, quorum capitibus suppositæ erant istæ catenulæ. Dicendum, quod non ita: quia in Sancta Sanctorum nullæ columnæ erant: cum ibi nihil erat, nisi arca fœderis, & duo Cherubini de lignis oliuarum, ut colligitur supra in litera, & tertio Regum sexto, & septimo. De columnis autem nihil dicitur, nec erant viles ad aliquid. Item patet efficitur, quia dato, quod columnæ aliquæ essent in Sancta Sanctorum, tamen saltem non poterant esse istæ, de quibus hic dicitur. Nam istæ erant in porticu sanctuarii cum dicitur ante fores templi duas columnas, & cetera. Et istæ sunt quorum capitibus suppositæ erant catenulæ, ut patet hic. Ergo non poterant esse in Sancta Sanctorum. Aliqui de nostris respondent communiter, quod istæ columnæ catenularum non erant in Sancta Sanctorum: sed in porticu templi ante fores, & tamē ibi existentes dicebantur esse in oraculo. Nam oraculum propriè signat propiciatorium, quod est cooperitorium arcæ. Et vocatur sic, quia inde Deus respondens in voce, et responsa vocaliter data vocantur oracula, quasi ore prolata. Et inde ampliatur istud nomen, et vocatur interdum oraculum ipsa domus Sancti Sanctorum: ut patet 3. Reg. 6. ubi vocantur ostia oraculi ipsa ostia Sancti Sanctorum. Et inde dicunt, quod erant vasa deditur ad signandum domum exteriorē templi, in qua erant vasa sacra ad ministrandum, et intrabāt in illa quotidie sacerdotes. Et inde dicunt magis extendi nomen ad signandum porticum templi, quod erat ante templum. Et sic columnæ existentes in porticu templi dicebantur esse in oraculo. Sed dicendum, quod iste modus loquendi non puenit, quia oraculum reperitur per ipsum propiciatorium, vel per porticum non Sancti Sanctorum. Et tamen per domum exteriorē, et per porticum non legitur poni: potissimè, quia per istum modum ampliandi extenditur oraculum ad signandum et illa, quæ erant extra sanctuarium in locis prophetis: quia illa sunt coniuncta sanctuario, si cut domus exterior templi vocaretur oraculum propter Sancta Sanctorum: et porticus templi propter templum, cui communis determinatio. In oraculo non refertur ad columnas, sed ad catenulas. Et est sensus, quod istæ catenulæ, quæ fuerunt capitibus columnarum, erant quasi catenulæ, quæ erant in oraculo etiam in Sancta Sanctorum. Nam

Determinatio.

Nam domus sancti sanctorum erat de lapidibus, sicut domus exterior, & super lapides erant tabulae cedring, & abiognæ: & illæ erant opertæ laminis aureis, & in tabulis, & laminis erat figura palmarum, & cherubim: supra in litera, & 3. Reg. 6. Etiam essent ibi aliæ figuræ, & inter illas erant figuræ catenularum, & ad modum illarum figurarum aliàs catenularum, erant etiā catenulæ sub capitibus columnarum: differebant tamē in materia, quia quidquid erat in columnis, erat de ære: cum ipsæ essent æneæ. Quæ autē erant in sancta sanctorum in superficie parietum pavimenti, & tecti erant de auro purissimo, ut patet 3. Reg. 6.

CAPITVLVM III.



FECIT quoque altare æneum viginti cubitorum longitudinis, & viginti cubitorum latitudinis, & decem cubitorum altitudinis.

Fecit quoque. In præcedentibus dictum est de ædificatione templi. Hic agitur de vasis sacri ministerij: & diuiditur in duo, quia primò ponitur omnium vasorum fabricatio. Secundo quedam dictorum recollectio, ibi. *Fecitque Salomon omnia vasa.* Prima in duas, quia primò agitur de vasis atrij. Secundo de quibusdā vasis templi, nam quedam erant vasa atrij, scilicet in parte exteriori, ut altare holocaustorum, luteræ, & sedes luteræ: & quedam vasa templi, ut candelabra menisæ, Hydrie, & alia pro huius ministerijs. Secunda, ibi. *Fecit autem & candelabra.* De vasis atrij primò determinatur. Erant autem ista tria vel quatuor, scilicet altare holocaustorum: mare æneum cum bobus, luteræ cum sedibus suis: de mari patet ibi: Mare etiam fusile. De luteribus patet ibi. *Fecit quoque conchas.* Circa primum quæritur, an ea quæ habentur hic habeant ordinem continuatum ad præcedentia. Et an facta fuerint, quæ habentur hic paucio tempore post præcedentia vel multo. Ad primum dicendum, quod hic est ordinis continuus secundum tempus, vel secundum rationem. Edicitur hoc, quia templi ædificatio habetur præcedere. Fuit autem eodem tempore ædificatio templi, & vasorum, & non constat, an ædificatum fuerit totum templum postquam inciperet fabricatio vasorum, vel fuerit simul utraque. Et potius credendum est, quod fuerit simul utraque saltem quantum ad aliquod tempus: & tamen licet fuerit secundum tempus simul, secundum rationem erat prior ædificatio templi quam vasorum constructio, cum vasa deberent esse in templo ædificatō. Et licet tempus fuerit idem, quia tamē res erant distinctæ, & nō poterat dici simul utrumque: dicere debuit prius de templi ædificatione per se, deinde de vasis. Ad secundum dicendum, quod inter præcedentia, & hæc non fuit aliquod tempus medium, nam ædificatio templi non cessatum est aliquanto tempore ab opere, & postea contruerentur vasa, sed potius simul facta sunt ambo. Et tamen enarratur prius de fabricatione templi quam vasorum propter causam dictam. Circa primum dicitur. *Fecit quoque altare æneum.* Istud erat altare holocaustorum quod fuit æneum. Et hoc vocatur: quia erat opertum laminis aureis super lignum. Exo. 30. Et variavit nunc Salomon à priori altari holocaustorum, quia illud erat de lignis serim, opertis laminis æneis. Exo. 27. Istud autem fuit totum æneum, cuius causa ponetur infra in quadam questione. Alph. Tost. super Paralip. Pars 2.

A Viginti cubitorum longitudine. Quadratum erat altare quantum ad superficiem superiorem planam, & magnæ quantitatis maioris quidem, quam fuerit altare in tabernaculo Moyfi, de quo dicitur infra in quadam questione. *Et decem cubitorum altitudinis.* Scilicet à pavimento usque ad superficiem suam superiorem planam, in qua ponebantur carnes sacrificiorum, erant decem cubiti. Et differt altare Moyfi ab isto, quia illud erat in longitudine cubitorum quinque, & totidem latitudine, & altitudine cubitorum trium. Exo. 27. Istud autem quantum ad dimensionem excedit illud.

Altare holocaustorum ad quid erat.

Questio I.

B **Q**VAERITVR Primò circa istud altare, ad quid erat. Respondendum, quod in templo domini erant duo altaria ad sacras ministraciones. scilicet altare aureum, & altare æneum. Et ista duo fuerunt in tabernaculo Moyfi. Exo. 27. & 30. Ista etiam duo fuerunt in templo Salomonis, cum omnes ministraciones, quæ fiebant in tabernaculo Moyfi, fierent in templo Salomonis, & adhuc plenius, & honorabilius quàm in tabernaculo Moyfi. Erant tamen ista duo altaria ad duas principales ministraciones sanctuarij, scilicet ad sacrificia, & ad cremanda thymiamata: ideo ambo essent in templo Salomonis. Istud autem altare, de quo hic, successit loco illius, de quo habetur Exo. 27. De altari autem thymiamatum nihil dicitur hic. Et tamen etiam fuit in templo Salomonis, cum ibi ministraretur quotidie in illo cremando thymiama. Maxime quia licet non dicatur de illo tam expresse, sicut de isto altari æneo, tamē aliquid dicitur, ut patet infra in litera, scilicet fecit Salomon omnia vasa domus domini, altare aureum, & mensas. De isto altari æneo dicendum, quod erat ad sacrificia facienda in eo: nam ministratio sacra maximè frequentata in sanctuario erat offerre sacrificia, cum sacrificia necessaria offerentur saltem quotidie bis, scilicet mane, & vespere, et sacrificia spontanea interdum offerebantur per totum diem, eo quod erant tria genera sacrificiorum. scilicet holocausta: hostiæ pacificæ: & victimæ pro peccato, de quibus latè declaratum est supra 2. in quibusdam questionibus, offerebantur omnia in illo. Nec licebat cuiquam de Israelitis offerre sacrificia alibi, nisi super altare illud: ut patet Leu. 17. alioquin reus erat tanquam si sanguinem effudisset: vocabatur tamen istud altare holocaustorum per excellentiam: quia holocausta erant excellentiora inter omnia sacrificia: & ista erant, quæ maximè frequentabantur. De ceremoniis autem omnium sacrificiorum tam necessariorum quam spontaneorum quomodo fiebant declaratum est supra 2. cap. in quibusdam questionibus, & licet istud altare esset ad offerendum ibi omnia sacrificia: interdum tanta erat multitudo sacrificiorum, quod non poterant omnia capi in isto altari, et offerebantur in pavimento atrij, sicut quando factum est quando dedicatum est templum, ut patet infra 17.

In qua parte sanctuarij ponebatur istud altare.

Questio II.

E **Q**VAERITVR Vterius circa locum istius altaris sanctuarij, scilicet in qua parte sanctuarij ponebatur, & consequenter de omnibus alijs vasis sciatur. Dicendum, quod templum Salomonis factum fuit ad hoc, quod essent ibi vasa sacre ministracionis: & sic etiam factum est tabernaculum Moyfi: & ob hoc omnia vasa sacra ibi esse debebant, nisi aliquod esset tale cuius ministratio obesset honestati, vel pulchritudini sanctuarij, quia tamen vasa, quæ futura erant in templo non erant eiusdem honoris, fecit Salomon in sanctuario duas domos, scilicet domum exteriorem, & domum Sancti sanctorum. Sed in sancta sanctorum nullum vas

vas erat nisi arca foederis: quia istud erat vas sacratissimum & maximæ reuerentiæ, eo quod super propitiatorium, idest coopertorium arcæ audiebantur diuina responsa. Nume. 7. Ibi autem erat loquens in forma corporis assumpti, & non erant digni mortales videre illam gloriam, vel secretum: ideo non debuit arca esse in parte illa templi, ad quam intrarent quotidie sacerdotes ad ministrandum, sed in loco magis occulto. Et ad hoc tam in tabernaculo Moyfi quàm in templo Salomonis fuit separata domus sancti sanctorum a domo exteriori. Et in isto solum erat arca. Omnia autem alia vasa erant exterius, & omnia hæc debebant esse in prima parte, vel domo templi nisi aliquid obstatet honestati templi. Fuerunt autem ista vasa principalia quinque cum aliis vasculis suis, scilicet altare thymiamaris, candelabra, mensa propositionis, altare holocaustorum, & mare æneum, & quod libet istorum habebat multa alia vascula subministrantia sibi, & ibi erant vascula ubi erat vas principale cui subministrabant. Primum istorum erat altare thymiamatum, & erat in templo: quod patet, quia quando Zacharias sacerdos pater Ioannis Baptistæ cum debuit offerre incensum ingressus est templum: & totus populus erat foris eum expectans, Luc. primo ca. Erant autem vascula huius altaris, scilicet thymiamataria, idest vasa in quibus cõseruabatur thymiana, vel in quibus cremabatur, & alia minuta vasa: & hæc erant intra templum apud altare thymiamatum. Secundum vas principale erat candelabrum. Et etiam erat intra templum, & erant multa candelabra quàm decem: vt patet infra in litera: & 3. Reg. 7. & precedenti lib. 28. cap. & habebat candelabrum multa vasa. Schidrias, in quibus seruabatur oleum ad cremandum in candelabris, & forfices ad tollendum lychnum, quæ vocantur interdum emunctoria: & vasa, in quibus extinguerent, quæ emuncta erant: Oïa hæc de auro erant et in sanctuario erant iuxta ipsa candelabra, & sacerdos introibat quotidie bis mane & vespere ad locandū lucernas in candelabris qñ intrabat ad cremandum thymiana in altari. Exo. 30. cap. Tertium erat mensa propositionis, in qua erant panes propositionis: & ista erat intra templum, vt patet infra in litera: & non solū ista, sed etiam multæ aliæ mense, super quas reponebantur, & vasa ad ministrandum in eis. Quartum vas erat altare holocaustorum siue æneum: & istud erat extra templū in atrio eius, in illo atrio quod vocabatur atrium sacerdotum. Causa huius fuit prima propter immunditiam sanguinis: nam quodcumque offerebantur sacrificia fundebatur sanguis animalium ad basim altaris, vel super parietes eius, & sic pauimentum in circuitu reddebatur immundum. In templo tamen pauimentum erat opertum laminis aureis, & parietes, & tectum, ita vt nihil videretur, nisi aurum 3. Reg. 6. Ideo inficeretur tota illa pulchritudo tanta sanguinis effusione. Secunda immunditia erat ex fumo exhalante, quia in altari holocaustorum cremabatur carnes, & adipēs, & ex tali combustionē exhalat grossissimus fumus, qui inficeret parietes domus, & tectum, oïaque fusca redderet per quotidianam exhalationē, & sic pulchritudo tēpli esset inutilis, quæ tanta erat, q̃ tota domus operta esset auro. Tertium propter periculum, quia interdum fiebat tantus ignis in altari, p̃ flamma eius ascenderet vsque ad tectum domus, & cremari posset. Patet hoc, quia magnitudo altaris erat viginti cubitorum in longum, & totidem in latum: & interdum tota illa magnitudo replebatur igne, & carnibus. Imò interdum non capiebatur ignis in altari, & hostiæ, & oportebat cremari carnes in pauimento, sicut factum est infra 7. Posset ergo tantus ignis flammam emittere vsque ad templi tectum, quia altitudo tecti tēpli erat cubitorum tri-

ginta 3. Reg. 6. de quibus subtrahantur decem cubiti, quia erat altare cubitorum decem altitudine supra in litera: manebant decem cubiti, & per illos poterat eleuari flamma, & sic cremaret templum: & liquesaceret laminas auri, quæ erant in tecto, & parietibus. Quartum erat & potissimum, quia dato q̃ Salomon voluisset ponere altare holocaustorum in tēplo non caperetur: nam longitudo altaris viginti cubitorum erat, & latitudo totidem, vt patet in litera. Latitudo tēpli etiam erat solum viginti cubitorum, ideo non caperetur altare in templo, sed necesse erat poni foris in atrio ei⁹, sic dicitur sepra primo, quod altare æneum erat ante tabernaculum domini, s. extra ante portam eius, & non interius. Habebat autem istud altare multa vasa in quibus subministrabatur ei: & quædam erant aurea, & quædam argentea, scilicet acetabula, cyathi, phialæ: & multa alia ad fundenda libamina. Exo. 25. Et ista non erant apud altare ipsum in atrio, sed custodiebantur intra templum super mensas aureas, de quibus infra in litera, & 3. Reg. 7. vel potius custodiebantur extra tēplum in exedris à Leuitis, qui erant thesaurarii. Nam quidā de Leuitis thesaurarii erant, vt colligitur precedenti lib. 26. ca. Alia erant vasa ænea, quibus subministrabantur in eo ad ignem, & cineres, & carnes. s. lebetes, fuscina, tridentes, ignium receptacula, forcipes & similia. Nam lebetes erant ad suscipiendos cineres: fuscina ad mouendum carnes sacrificiorum in olla. Forcipes ad mouendum prunas in altari. Ignium receptacula ad ponendum in eis prunas, vt portarentur intra tabernacula ad ponendum, & cremandum super eas thymiana in altari thymiamatum: de his Exo. 27. omnia hæc vasa ænea erant 4. cap. et pendebant de cornibus altaris, vel custodiebantur apud illud. Et ista vasa nunquam introferebantur in templum, nec ponebantur in thesauris templi propter immunditiam eorum, cum ministraretur ad res immundas cum eis. s. ad cinerem, prunas, et carnes coctas. Quintum vas precipuum erat mare æneum, et luteræ, quia in vtriusque continebatur aqua. De luteris tamen dicendum quod erant potius vasa subseruientia altari holocaustorum, eo q̃ carnes sacrificiorum lauabantur in illis: vt patet infra in litera. Et etiam isti luteræ debebant esse extra templum in atrio iuxta altare, cum carnes offerende lauarentur ibi, etiam quia immunda ministratio erat lotio istarum carnum propter sordes carnum, et non debebant tales ministraciones fieri in templo ubi erat plenissima munditia. De mari æneo dicendum quod soli sacerdotes lauabantur in eo cū ministraturi essent, sicut lauabantur in labro æneo, quod fecerat Moyses quādiu durauit tabernaculum Moyfi. Exo. 30. Et quia ministratio istius vasis erat generalis. s. quod quodcumque ministrarent sacerdotes lauandi erant, nō debuit esse vas istud intra templum: quia tunc cogeretur sacerdos quilibet intrare templum, antequam lauaretur, et sic esset immundus quando intraret, quod nō decebat: patet ergo, quæ vasa posita erant intra templum, et quæ non, et propter quam causam.

Quare istud altare factum est æneum cū prius esset de lignis setim. Quest. III.

QVAERITVR vterius circa istud altare, quare factum est nunc æneum cū prius esset de lignis setim, Exo. 27. Dicendum, quod altare, quod fecerat Moyses etiam vocabatur æneum: vt patet supra primo. Et tamen erat differentia inter istud, et illud quia altare qd̃ fabricauit Moyses fuit de lignis setim, quatuor latera eius, & desuper erat opertū laminis aureis i modū retis, vel craticulæ. Exo. vigesimo primo. Illud

Istud autem altare erat totum æneum. Nam in fabricatione huius non dicitur, nisi quod fecit altare æneum. Ratio differentiarum est: quia altare æneum rectius erat quam quod de lignis setim, & tamen propter necessitatem factum est tempore Moyse de lignis setim. Nunc autem cessante necessitate illa tempore Salomonis factum est altare de ære. Quod autem rectius esset de ære totum fieri quam de lignis, patet ex duobus. Primum propter honorem. Nam honorabilius erat altare fieri de ære Corintho lucenti sicut aurum, quam quod fieret de lignis, quæ est materia rudior, & minoris pretij. Secundum ex vilitate: nam magis, & securius conseruari poterat altare factum de ære quam de lignis. In altari namque isto erat semper ignis: & interdum erat ignis valde magnus, ita ut vix excusari posset interdum, quin cremaretur lignum. Cum autem esset totum de ære, non erat aliquod periculum combustionis. Quod autem propter necessitatem factum fuerit tempore Moyse altare istud de lignis patet, quia si fieret totum de ære, fieret importabile propter gravitatem, cum esset quinque cubitorum longitudine, & totidem latitudine, & altitudine trium cubitorum Exo. 27. Et potissimum, quia portandum erat humeris hominum. Nam iusserat Deus, ut Chaathites, qui portabant vasa sacra, portarent ea humeris, & non darentur eis plaustra, sicut Gersonitis, & Meraritis, Num. 7. & ob hoc factum est altare totum de quatuor tabulis setim: & in superficie tabularum erant affixæ laminæ æneæ. Et adhuc, ut non essent tanti ponderis illæ laminæ perforatæ fuerunt in modum retis, id dicebatur esse craticula super altare. scilicet super tabulas altaris. Nunc autem cessauit necessitas tempore Salomonis, quia iam non erat portandum sanctorum de loco ad locum, sicut dixerat David præced. lib. 2. 3. cap. ideo poterat fieri altare totum de ære vel de quacumque alia materia quantumque poderosa: quia istud nihil obstabat ad aliquid, quod fieri deberet in altari.

Quæ fuerit figura istius altaris.
Quest. IIII.

QUÆRITUR vterius, circa figuram istius altaris. Dicendum, quod superficies sua superior, in qua erant sacrificiorum carnes, & ignis, erat quadrata longitudine cubitorum viginti, & latitudine totidem. Altitudo autem erat cubitorum decem, & in hoc deficiebat illud corpus à plena quadratura, ut vocaretur corpus regulare excedron, sicut est taxillus. Figura autem altaris prioris quod fecerat Moyses non erat taxillus, nec proportionalis. Nam longitudo illius erat quinque cubitorum, & latitudo totidem, altitudo autem erat trium cubitorum Exod. 27. cap. deficiebat etiam figuram a figura istius, quia illud erat factum de quatuor tabulis setim in quatuor lateribus in gyro: supra autem & infra non erat aliqua tabula: Causa huius erat triplex, prima quia si poneretur aliqua tabula supra esset operiretur laminis aureis cremaretur, cum semper esset magnus ignis in altari, & calefacta, & ignita laminæ æneæ calefieret, & cremaretur tabula. Secunda fuit, quia istud altare erat vacuum interius: & cum locandum esset alicubi, implebatur terra usque ad summum, & in superficie terre ponebantur prunæ, & carnes, & non pertingebant ad parietes altaris, & sic non cremabantur. Et cum mouendum esset altare, euacuabatur terra supra, & infra tabulis opertum sicut in lateribus, non posset repleti terra & euacuari: ideo debuit supra, & infra non habere tabulas, sed solum in lateribus. Tertia causa fuit propter gravitatem tollendam, quia si esset opertum tabulis supra & infra, esset grauius ad portandum, præsertim cum portandum esset humeris hominum: ideo cum fuissent quatuor tabulæ laterales, non

Alph. Tost. super lib. Paralip. Pars 2.

A debuit poni tabula aliqua superius, nec inferius. De altari quod factum est nunc pro templo Salomonis, scilicet quod fuit, quia habuit quinque superficies, scilicet quatuor laterales, & unam superiorem. Quatuor laterales erant de ære de laminis grossis, sicut erat altare tabernaculi Moyse de tabulis ligneis. Habebat etiam partem superiorem planam æneam, in qua ponebantur carnes sacrificiorum, & ignis, & interius erat concauum istud altare, quia non expediebat tantam molem solidam facere de ære, quia expenderetur magna copia æris inutiliter: sed in concauitate interiori erant lapides, quasi esset interius aliud altare factum quadratum ad formam altaris ænei, & incrustabatur unum in altero sicut gladius in vagina. Erant tamen lapides isti impoliti: quia **B** Deus iusserat, quod si fieret altare de lapidibus, non tangerentur ferro, quia alioquin contaminarentur, Exo. 20. Causa autem quare facta est superior ænea, & non mansit ibi superficies de terra fuit propter causas contrarias tribus superioribus, quæ concurrerunt in altari Moyse. Prima, quia non cremaretur ibi aliqua tabula, etiam si operiretur pars superior ære, cum non esset ibi aliqua tabula, sicut ponenda erat in altari Moyse: sed de ære puro facta est superficies superior sicut quatuor latera in gyro. Secunda fuit, quia altare istud non erat mouendum de loco ad locum, imò nec implendum terra, nec euacuandum, sed semper mansurum erat in eadem habitudine: ideo licet haberet partem superiorem opertam tabula ænea, non obstabat si **C** cut in altari Moyse, quod sepe implendum, & sepe euacuandum erat. Tertia causa, quia istud altare non erat portandum in via, ideo quantumque grauitatis esset, non obstabat, nec quid omittendum erat in eo fieri propter grauitatem. In altari autem Moyse multa omitti debuerunt propter grauitatem, ideo istud operiri debuit lamina ænea pura.

Quomodo licuit istud fieri de ære, & altare Moyse fieri de lignis setim, & operiri de laminis æneis, & aliud laminis aureis.
Quest. V.

QUÆRITUR vterius, quomodo licuit fieri istud altare de ære, & altare Moyse de lignis setim, & operiri laminis æneis, & aliud altare thymiamatum fieri de lignis setim, & operiri laminis aureis, Exod. trigésimo. Nam Deus iusserat, quod si aliquod altare sibi fieri deberet, fieret de terra: vel si de lapidibus fieret, illi essent impoliti, quia si eleuaret gladius super lapides, pollueret altare. Exod. 20. Dicendum quod de altari thymiamatum aliter respondendum est quam de altari holocaustorum. Nam lex illa intelligitur de altari holocaustorum, in quo aliqua sacrificia offerebantur, ut colligitur ibidem: altare autem thymiamatum non erat pro sacrificiis, ideo poterat fieri de quacunque materia non obstante lege illa. De altari holocaustorum respondent quidam, quod verum est, quod non poterat fieri nisi de terra, vel lapidibus impolitis, & sic dicunt fuisse altare, quod fecit Moyses, & altare, quod factum est nunc in templo Salomonis. Nam altare Moyse erat inane, & concauum. Exo. 27. & intra tabulas laterum replebatur terra, quando locandum erat, & manebat semper sic, quousque mouerentur castra, & tunc euacuabatur, & portabatur: ut declaratum est præcedenti questione: & sic altare illud erat de terra. De altari isto Salomonis dicunt, quod erat de lapidibus impolitis: quia licet esset opertura eius de ære supra, & ad latera: tamen infra æs erant lapides, quasi esset aliud altare de lapidibus: & sic diceretur, quod illi lapides erant impoliti: erant tamen calce leuigati, ut superficies exterior plana esset. Sic factum fuit de altari, quod iussit Deus fieri in monte Ebal, quando confirmata est lex dei.

ptus est ibi Deuteronomius, scilicet quod fieret de lapidibus, quos ferrum non tetigerat, & quod calce leuigarentur Deut. 27. & sic videbitur impletum præceptum illud, quod fieret altare de terra vel de lapidibus impolitis. Aliter responderi potest, & melius, quod non oportet dicere, quod poneretur aliqua terra vel lapides in altaribus istis ad complendum præceptum illud, quia illud intelligitur quodcumque fieret altare aliquod in loco licito sine aliquo speciali mandato Dei: vel dato quod mandaret illud fieri, quod non specificaret materiã, quia tunc debebat fieri de terra, vel lapidibus. Ista tamen altaria, de quibus hic dicitur, Deus iussit specialiter fieri de ista materia. De altari Moyfi patet Exod. 27. De altari isto patet, quia Deus dedit David figuram, & descriptionem omnium, quæ in templo fabricari debebant, & ipse dedit illam Salomoni filio suo, & illam ipse tenuit, ut patet præcedenti libr. 28. capit. Et sic regula generalis data de fabricando altare de terra, vel lapidibus impolitis non obstabat, quia post dationem illius Deus specialiter iussit, quod fieret altare illud Moyfi de lignis setim, & istud de cre. Et cum ipse Deus utraque legem dederit, scilicet illam generalem, & istas speciales, voluit utraque manere in suo vigore, & intelligi in suis casibus.

Quare istud altare fuit maior eo, quod fecit Moyses in deserto.
Quæst. XI.

QVAERITVR ulterius, de magnitudine istius altaris quare fuit maius quàm altare factum per Moysem in deserto. Pro quo sciendum, quod fuit illud altare in altitudine cubitorum trium: in longitudine cubitorum quinque, & totidem in latitudine. Exo. 27. & altare istud fuit altitudine cubitorum decem, longitudine cubitorum viginti, latitudine totidem. Et sic superficies quadrata, in qua ponebantur sacrificia, erat in altari Salomonis maior quàm in altari Moyfi decem & sex vicibus. Nam cum latitudo, & longitudo altaris Moyfi esset cubitorum quinque, area plana siue superficies superior erat cubitorum viginquique quadratorum. Nam ista est regula geometrica ad inueniendum aream, scilicet quod ducatur vnum latus in alterum. scilicet minimum in maximum: & reperietur area quadrata, sed latera erant æqualia, scilicet quinque, & quinque: & ducendo vnum in alterum efficiuntur viginti & quinque. Area autem altaris Salomonis erat quadringen-
Regula Geometrica.
torum cubitorum, quia longitudo erat cubitorum viginti & latitudo totidem, & ducendo viginti in viginti efficiuntur quadringenti cubiti. Causa autem quare erat maior area altaris istius quàm altare tabernaculi Moyfi, erat: quia altare debebat effici magnū ad hoc quod caperentur in eo multa sacrificia. Si tamen solum esset tantæ magnitudinis sicut altare Moyfi, caperentur pauca sacrificia: ideo debebat fieri maius. Altare enim Moyfi non debuit fieri maioris magnitudinis: quia licet conueniens esset fieri altare maioris magnitudinis, non debebat, quia altare debebat portari de loco ad locum humeris hominum. Et si fieret maius non posset portari: ideo paruum factum est. Altare autem templi Salomonis non erat portandum de loco ad locum, cum ibi in æternum mansurum foret: ideo licet fieret magnum, nihil obstabat. Et tamen adhuc non erat magnum valde altare Salomonis: quia interdum tot sacrificia fiebant, quod non sufficiebat ad capiendum illa ipsum altare. Sicut factum est quando Salomon dedicauit templum. Nam occidit hostias multas, scilicet viginquiduo millia bouum, & centū viginti millia ouium, siue arietum, & non capiebantur hostiæ in altari: ideo cremavit Salomon sacrificia super pauimentum, & alia super altare: ut patet 3. Reg. 8.

F & infra 7. cap. Aliud etiam altare maius postea factum est in templo Domini. Nam rex Achaz ad similitudinem altaris Damasci fecit fabricari aliud altare in templo Domini, & illud erat maius: unde dicebat ipse Achaz, quod super altare maius offerretur sacrificium regis, scilicet super altare illud nouum 4. Reg. 16. Erat tamen illud sacrilegum: quia contra legem factum: & tamen saltem ostendebatur ex hoc, quod altare istud quod fecit nunc Salomon, non erat valde magnum: cum factum fuerit postea aliud maius illo ad offerendum sacrificia.

Quomodo altare erat decem cubitorum altitudine cum nullus homo poterat eam altitudinem attingere.
Quæst. VII.

QVAERITVR ulterius de isto altari, quomodo erat decem cubitorum altitudine. Nam nullus homo poterat ad tantam altitudinem perungere de pavimento, ut ministraret in illo. Dicit aliquis, quod ad istud altare ascendebatur per gradus sicut fit in altaribus nostris, & sic computando à pavimento vsque ad summam erant decem cubiti, & tamen computando à gradu ultimo, per quem ascendebatur vsque ad summam altaris non erant decem cubiti, sed fortè solū duo, vel tres. Sed obicietur, quod non potest stare: quia Exo. 20. dicitur: Non ascendes per gradus ad altare meum, ne fortè reueletur turpitudine tua. Dicendum quod verum est, quod non ascendebatur ad altare Dei per gradus: ascendebatur tamen per quandam ascensum terræ continuū, sicut cum ascendimus in colles. Et sic a plano vsque ad summum altaris erant decem gradus: & tamen ascendendo per illum continuū ascensum perueniebatur in tantum ut locus, in quo erant pedes sacerdotis ministrantis, distaret à summitate altaris per duos vel tres cubitos solum: & sic poterat ministrari.

Mare etiam æneum fusile decem cubitis à labio vsque ad labium rotundum per circuitum. Quinque cubitos habebat altitudinis, & funiculus triginta cubitorum ambiebat gyrum eius. Similitudo quoque bouum erat subter illud: & decem cubitis quædam extrinsecus cælaturæ, quasi duobus versibus labium maris circuibant. Bo-
I
ues autem erant fusiles, & ipsum mare super duodecim boues impositum erat, quorum tres respiciebant ad Aquilonem, & alij tres ad Occidentem: porro tres alij Meridiem, & tres, qui reliqui erant, Orientem, habentes mare superpositum. Posteriora autem bouum erant intrinsecus sub mari. Porro vastitas eius habebat mensuram palmi, & labium illius erat quasi labium calicis, vel repandi lilij: capiebatque tria millia metretas. Fecit quoque conchas decem, & posuit quinque à dextris, & quinque à sinistris, ut lauarent in eis omnia, quæ in holocaustum oblaturi erant. Porro in mari sacerdotes lauabantur.

Mare etiam. Hic ponitur de secundo vase, quod erat extra templum in atrio templi. scilicet de mari æneo. *Et dicitur, mare etiam fusile.* Scilicet mare æneum, in quo lababatur sacerdos, erat fusile, & erat istud quoddam vas magnum, quod vocatur secundum Iose. 8. Antiquitatis ingens. Erat. n. ibi aqua multa: & vocabatur mare ab ista congregatione aquarum, quia congregationes aquarum secundum sacram scripturam appellantur maria. Gen. 1. cap. Vocatur fusile, quia erat factum opere effusorio, & non malleatorio, nec productili. scilicet facta est quædam figura capax, & vacua, ut funderetur in ea es liquefactum, sicut fiunt campanæ. Et hoc modo factum est mare æneum, ideo vocatur mare fusile. *Decem cubitis à labio usque in labium.* Scilicet, erat longum decem cubitis à labio usque in labium. Istud mare erat formatum in modum emisphærij, & longitudo à labio in labium erat diameter spheræ, & sic totus ambitus circularis ipsius maris ænei per labiū erat cubitorū quasi triginta duorum secundum regulā diametri, & circuli. Somnis diametrus triplicatus cum septima parte sui circulum complet: septima pars de decē est quasi vnus, & dimidius: ideo quasi triginta, & vnus cubitus, & dimidius complet totum illum circulū, cuius diameter continet decē cubitos sicut erat in mari æneo, licet dicitur infra, quod funiculus triginta cubitorum ambiebat illum, de quo infra declarabitur. *Quinque cubitos habebat altitudinis.* Scilicet a fundo eius usque ad summum planam erant quinque cubiti: ita quod si impleretur aqua altitudo aque esset cubitorum quinque. Et patet hoc, quia altitudo ista erat semidiameter spheræ vel circuli. Nam diameter spheræ. scilicet à labio in labium erat cubitorum decem, ideo oportebat, quod à profundo usque in superficie huius emisphærij essent cubiti quinque, quia erat semidiameter: ideo contineret quinque cubitos, quod erat medietas diametri. *Et funiculus triginta cubitorum ambiebat gyrum eius.* Scilicet, per superficiem labij maris ænei extenderetur quidam funiculus circulariter continebat triginta cubitos. Plures autem cubitos continere debebat: ut infra declarabitur. *Similitudo quoque bouum erat subter illud.* Scilicet, erant duodecim boues ænei sub mari. Et vocatur similitudo bouum, quia non erant boues veri, sed ænei similes bouibus veris in figura. Et isti boues erant subter mare, quia super dorsa eorum locabatur mare. *Et decem cubitis quædam intrinsecus celatura.* Scilicet, in ipso mari æneo ex parte exteriori erant quædam celatura, id est sculpturæ, scilicet quædam imagines factæ ad modum hitoriarum pictarum, & erant decem cubitis intrinsecus, scilicet erat infra labium versus partē inferiorem in loco, ubi linea circularis ambiens mare erat decem cubitorum: quia descendendo semper minorantur circuli ambientes propter angustias spheræ: sicut patet in spherâ materiali si quis aspiciat circulū æquinoctialem, & deinde tropicum Canceri, & postea circulum, quia videbit quō continuè minorantur propter angustias spheræ. Ista litera ponitur magis clarè, 3. Reg. 7. scilicet sculptura subter labium circuibat illud decem cubitis, id est infra labium maris descendendo ad partem inferiorem erat sculptura, vel celatura in loco, in quo ambitus maris erat decem cubitorum propter angustiam spheræ. Et non est intelligendū quod decem cubitis immediate sub labio posset circudari mare, quia ibi funiculus cubitorum triginta circuibat mare versus fundum, scilicet descendendo infra labium tantum versus fundum, ut perueniatur ad locum stratum mare. Quasi duobus versibus alium maris circuibant. Scilicet istæ sculpturæ, quæ erant in mari sub labio, erant quasi in duobus versibus, id est in duobus ordinibus. Erant enim duo circuli vnus maior, & alius minor.

A non versus fundum maris, & apud illos erat sculpturæ per totum gyrum maris ænei. Et 3. Regū 7. dicitur duo ordines sculpturarum hitoriarum, erant in duobus ordinibus, scilicet in duobus versibus. sic hic dicit: & erant hitoriarum. i. hitoriarum, scilicet quod continebantur in eis imagines hitoriarum: Et erant istæ sculpturæ super duodecim boues, scilicet erant versus fundum maris, ubi coniungebatur mare duodecim bobus, super quos sedebat. In Hebræo est hic litera nimis distorta, scilicet. *Decem in cubito ambientes mare in circuitu duo ordines vaccarum fusarum in fusione sua.* Ista litera in cortice suo non videtur habere aliquem sensum, & tamen concordat literæ. scilicet decem in cubito ambientes mare, id est quod erant quædam sculpturæ in ipso mari versus fundum eius ambientes ipsum decem in cubito, id est ubi decem cubitis ambiebat mare. Nam istud erat versus fundum ubi solis decem cubitis ambiebat mare. Duo ordines vaccarum fusarum in fusione sua, id est duo ordines sculpturarum erant super vaccas siue boues, quia litera Hebraica dicit vaccas, ubi nos dicimus boues. Est tamen bos nomen commune ad bouem masculinum, & feminam: & hoc dicit litera nostra, 3. Regum 7. scilicet quod istæ sculpturæ erant super boues: & dicitur quod vaccæ erant fusæ in fusione sua. i. erant fusiles, & positæ in fusione sua. i. in fundamento maris, quia super illas mare fusile sustentabatur: & istud signat litera sequens, scilicet. *Boues autem fusiles erant.* Scilicet, duodecim boues, super quos erat mare, erant fusiles. *Et ipsum mare super duodecim boues positum erat.* Scilicet, mare locabatur super duodecim boues, id est super dorsa eorum, & hoc dicitur in Hebræo. Vaccarum fusarum in fusione sua, id est vaccæ fusiles erant in fusione sua, id est in fundamento ipsius maris fusilis. *Quorum tres respiciebant ad Aquilonem, & tres ad occidentem.* Porro tres alij ad Meridiem, & tres alij ad Orientem. Erat mare super duodecim boues locatum. Et ponitur hic de istis duodecim bobus ad quam partem respiciebant. Nam cum mare istud esset rotundum, & sustentaretur à bobus, necesse erat, quod boues respicerent ad omnem partem. Erant autem boues habentes facies, & capita extra mare, dorsa autem habebant sub mari sicut fit in sepulchris honorabilibus, quæ sunt super leones locata, & capita leonum sunt exteriorius, dorsa sunt sub ipsis ciboris sepulchrorum. Et quia sunt quatuor partes mundi necesse erat, quod tres boues respicerent ad vnā partem mundi, scilicet ad Orientem, & tres ad Occidentem, & tres ad Meridiem, & tres ad Aquilonem: & sic erant boues in gyro: & æqualiter mare sedebat super eos. *Posteriora autem bouum erant intrinsecus sub mari.* Scilicet, dorsa, & caudæ ipsorum bouum erant sub mari, ut locaretur mare super ipsos: sola capita, & partes anteriores bouum erant extra mare ad pulchritudinem ostendendam. Porro vastitas eius habebat mensuram palmi. Dictum fuerat supra quantum erat de labio usque ad labium maris in eo, quod vacuum erat. Hic ponitur de grossitie labij maris quanta erat. Et dicitur, quod erat vastitas eius, id est grossities vnus palmi: & hoc conueniens erat: quia mare æneum erat magne quantitatis, & decebat ad tantam quantitatem, quod esset aliquanta grossities labij: quia alias faciliter frangeretur, & ista quantitas erat conueniens, scilicet vnus palmus. In Hebræo dicitur mensuram pugilli, sed idem est. Nam pugillus dicit totam manum collectam, palmus dicit totam manum expensam, & sæpe sic accipitur in Hebræo. *Et labium illius erat quasi labium calicis.* Scilicet, labium maris non erat in parte superiori planum nec acutum, sed erat quasi labium calicis, id est sicut labium calicis est grossius quā partes interiores, & non est acutū, sed curuatum: ita erat labium maris. *Vel repanatū.*

est vel erat ad modum lilij repandi, id est curui. Nam mare habebat labium aliquo qualiter curuatum sicut lilium quod habet florem repandum, id est curuum. Nam pandus curuus est, repandus est valde curuus. *Capiebat quoque mensura tria millia metretas aquae.* Sed obiicitur, quia tertio Reg. 7. dicitur quod duo millia bathos continebat, & tria millia metretas: & sic ponuntur ibi duo millia bathi. Dicendum quod hoc infra declarabitur in quadam quaestione. *Fecitque conchas.* Hic ponitur tertium vas atrij, scilicet luteri. Nam erant decem luteri in atrio pleni aqua, in quibus lauabantur carnes sacrificiorum: ut patet in litera. Et dicitur. *Fecitque conchas decem.* Iste concha erat luteri, ut patet 3. Reg. 7. & utrunque est nomen vasis: & vocantur conchae per figuram, quia ad figuram talium vasorum erant factae istae conchae, vel luteri, de quorum figura declaratum est, 3. Reg. 7. in quadam quaestione. *Et posuit quinque à dextris, & quinque à sinistris.* Aliqui intelligunt, quod quinque de istis luteribus erant ad partem dextram maris aenei, & quinque ad partem sinistram. Nam erat mare aeneum vas maximum templi, & honorabilissimum, ideo in circuitu eius erant alia vasa, scilicet quinque luteri ad dextram eius, & quinque ad sinistram: Sed intelligendum est hoc de ipso atrio sacerdotum, scilicet ad latus meridianum atrij erant quinque luteri, & quinque ad latus aquilonare, quae erant dextra, & sinistra templi: ut patet 3. Reg. 7. & constituit decem bases luterum, quinque ad dextram partem templi, & quinque ad sinistram. Mare autem posuit ad dextram partem templi contra Orientem ad Meridiem. & sic non erat mare in medio istorum vasorum: sed erat cum quinque illorum in dextra parte templi. *Ut lauarentur in eis omnia, quae in holocaustis oblaturi erant.* Scilicet, in luteribus, qui erant semper pleni aqua lauabantur omnes carnes, quas sacerdotes oblaturi erant in sacrificiis holocaustorum. Et accipiuntur holocausta etiam pro aliis sacrificiis, ut quidam putant, sed de hoc infra in quadam quaestione declarabitur. *Porro in mari sacerdotes lauabantur.* Scilicet, soli sacerdotes lauabantur in mari. Nam carnes lauabantur in luteribus. Et non lauabantur Leuitae nec aliqui alij, sed soli sacerdotes: de quo infra declarabitur.

Mare aeneum cuius figurae erat.
Quaestio VIII.

QVAERITVR circa mare aeneum, de quo supra dictum est, cuius figurae erat. Respondendum, quod ad intelligentiam huius considerandum est quoddam corpus solidum, cuius sphaericae diameter sit quasi longitudinis decem cubitorum. Illud autem corpus diuidatur per medium per circulum quendam, velut si diuideretur gladio: & tunc manebit emisphaerium in vna parte, & emisphaerium in altera, scilicet quoddam vas rotundum, & quia diuisio erat per medium, ubi erat maximus circulus transiens super centrum sphaerae, velut si quis diuideret sphaeram in duas partes per aequinoctialem, vel per aliquam de culuris, necesse esset quod a labio in labium esset diameter maximus totius sphaerae decem cubitorum vel quasi: & sic dicitur hic, quod a labio in labium erat linea decem cubitorum: incipiendo autem a fundo usque ad summitatem erat medietas circuli: ideo erat semidiameter ibi, & sic linea a fundo usque ad summitatem cubitorum quinque erat, ut dicitur in litera. Erat autem talis figurae sicut cointer sunt fontes Ecclesiarum, in quibus celebratur Baptismus, & vasa lapidea, in quibus tenetur aqua benedicta. Vocatur istud vas mare aeneum fusile. Mare quidem, quia in eo multa aqua continebatur, & congregationes aquarum secundum Hebraeos vocantur maria, Gen. primo cap.

F Vocatur aeneum, quia erat fabricatum de aere. Vocatur fusile, quia erat factum opere effusorio: & non malleatorio.

Queritur de isto mari aeneo in templo.
Quaest. IX.

QVAERITVR ulterius circa istud mare aeneum in templo. Dicendum quod istud successit loco cuiusdam vasis, quod erat in tabernaculo Moysi, scilicet pro labro aeneo. Nam fecerat Moyses labrum aeneum de speculis mulierum, quod excubabant ad ostium tabernaculi: Exo. 38. & illud erat, ut lauarentur sacerdotes in ipso quando ministraturi essent. Exo. 30. In templo autem Salomonis non mansit illud labrum aeneum saltem quantum ad ministrationem, sed factum est istud mare aeneum loco eius, & hic lauabantur sacerdotes. Sed tunc quaeretur, an soli sacerdotes lauarentur in mari aeneo, & quomodo lauarentur. Dicitur quod de sacerdotibus non erat dubium quod lauari deberent in mari aeneo. Nam in litera dicitur quod in mari illo lauabantur sacerdotes, & in conchis, siue luteribus lauabantur carnes holocaustorum. Etiam dicendum quod lauabantur quando ministraturi erant, ut patet Exo. 30. Cum autem queritur an alij praeter sacerdotes lauarentur ibi, dicendum quod dubium nullum esse potest, nisi de Leuitis. Nam de laicis non est dubium, sed certum est, quod non lauabantur ibi: erat namque istud mare de vasis sacris, ideo soli ministri rerum sacrarum ibi lauari debebant: & tamen laici non erant ministri aliquarum rerum sacrarum, ideo non lauabantur ibi. Item lauabatur quis in mari aeneo: ut non tangeret immundus rem sacram, & tamen laici nunquam tangerere debebant aliquam de rebus sanctuarij: ideo non lauabantur ibi. Item mare aeneum erat in atrio sacerdotum, ut colligitur hic, & 3. Reg. 7. & tamen nullus laicorum introibat in atrium sacerdotum: sed exterius manebant orando, & audiendo doctrinam legis, & aspiciendo quomodo fierent ministrationes sacrae in atrio sacerdotum, ideo non poterant lauari in mari aeneo. De leuitis autem est dubium an lauabantur in illo mari, vel non. Et aliquis dicit, quod non, quia cum ponatur hic officium maris aenei, dicitur quod erat, ut lauarentur in eo sacerdotes, & de Leuitis non tangitur. Item patet hoc, quia mare aeneum successit loco labri aenei, quod fecerat Moyses: & tamen de illo labro aeneo dicitur Exo. 30. quod lauarentur in illo sacerdotes, quando ministraturi essent: & sic non lauabantur in eo Leuitae. Aliquis dicit, quod lauabantur etiam Leuitae in isto mari aeneo, cum ipsi etiam essent ministri Dei. Nec obstat, quod soli sacerdotes nominantur, quia interdum nomine sacerdotum intelliguntur Leuitae. Dicendum quod non est verum, & quod soli sacerdotes lauabantur in mari aeneo. Nam lauabantur ibi aliqui, ut mundus ministraret, & tangeret sacra, & tamen Leuitae non ministrabant in sanctuario tangendo aliqua sacra: ideo non oportebat, quod lauarentur. Ministrationes namque Leuitarum in templo erant, quod custodirent portas atrij templi, ne introiret aliquis immundus. Etiam custodiebant thesauros domus domini in exedris, & canebant tempore sacrificiorum. Manifestum est, tamen quod nulla ministratio istarum requirebat munditiam in manibus. De ostiariis, & thesaurariis manifestum est, quia non tangebant res sacras. De cantoribus etiam patet, quia licet ministerium suum esset magis sacram, quam ministeria aliorum Leuitarum, tamen non corripiebant manibus aliquid sacram, sed solum canebant cantica diuinae laudis: & ad hoc non requirebatur aliqua munditia in manibus, ideo Leuitae non lauabantur. Sacerdotes autem soli lauabantur in mari aeneo, quia ipsi soli tangebant res sacras in sacrificiis, & in aliis ministrationibus, ideo de

An solis
sacerdotes
lauantur
in mari
aeneo, &
quomodo

de eis solum dicitur hic, quod lauabatur in mari æneo. Etiam Exod. trigesimo, & trigesimo octavo, ubi dicitur de labro æneo, quod fecerat Moyses, dicitur quod sacerdotes lauarentur in illo non tangendo aliquid de Leuitis, innuens quod soli sacerdotes deberent in illo lauari. Cum autem queritur, quoniam lauari debebant & quomodo, dicendum quod sacerdotes lauabantur ad ministrandum ne immundi tangerent sacra, id non necesse erat, quod lauarentur quicunque; tangerent sacra, & quicunque ministrarent. Ministraciones autem sacerdotum in sanctuario erant quasi quotidianæ quatuor. scilicet offerre sacrificia, cremare thymiamam in altari thymiamatum, & disponere lucernas in candelabro, & locare panes propositionis in mensa. In omnibus istis requirebatur lotio manuum. Nam offerendo sacrificia tangebatur sacerdos cartilagineis, & adipibus, & libamenta manibus, ideo lauandus erat, & istud fiebat quotidie, cum essent aliqua sacrificia quotidiana saltem matutinum, & vespertinum: Num. 28. præter multa alia tam necessaria quam spontanea, quæ quotidie fiebant. In cremando thymiamam requirebatur munditia, quia tangebatur sacerdos faciem thymiamam. Erat. n. tam sacrum, ut nulli homini liceret facere aliam talem compositionem ad fruendum illius odore sub pena mortis, Exo. 30. sed soli Deo dandum erat. Etiam tangebatur sacerdos thymiamataria, quæ erant vasa thymiamatis, & erant sacra: etiam tangebatur altare thymiamatum. Omnia autem hæc erant munda, ideo lauari debebat sacerdos cum cremaret thymiamam. Alia ministratio erat in disponendo lucernas candelabri, scilicet quod quotidie mane, & vespere sacerdos introiret in templum, & poneret oleum in lampadibus candelabrorum, & auferret lichnum, & asportaret exterius, quæ emuncta erant in vasis, & in his omnibus tangebatur sacerdos vasa sacra: ideo lauari debebat. Alia ministratio erat disponere panes propositionis in mensa: & ista erat valde sacra ministratio, eo quod panes illi erant valde sacri, cum non liceret eos comedere, nisi sacerdotibus Matt. 12. & adhuc in necessitate positos laicis non dareretur eis nisi mundi essent à mulieribus: primo Regum 21. In omnibus istis ministracionibus lauandi erant sacerdotes: Hoc colligitur Exo. trigesimo, scilicet. Facies labrum æneum, & missæ aqua lauabunt in eo Aarō, & filij sui manus suas, & pedes quando ingressuri sunt testimonij tabernaculum: & quando accessuri sunt ad altare, ut offerant in eo thymiamam domino, ne forte moriantur. Per ista signantur omnes ministraciones supraposite. scilicet accedere ad altare & offerre sacrificia; intrare in tabernaculum testimonij signat tres ministraciones, scilicet cremare thymiamam, disponere lucernas in candelabro, & disponere panes propositionis in mensa. Nam omnes istæ tres ministraciones fiebant in tabernaculo, quia vasa, in quibus lauabantur sacerdotes: dicendum quod quando cum fuere sacerdos ministrare deberet, ubi erat labrum æneum, & induebatur vestibus sacris: sed antequam indueretur vestibus istis depositis vestibus suis, & calceis lauabat manus, & pedes: & tunc induebatur vestibus sacris, si esset sacerdos minor induebatur primo feminalibus sacris magnis: deinde tunica linea, & accingebatur se cingulo, & imponebat cydarium capitulum. Istæ enim erant vestes sacerdotum minorum: Exo. vigesimo octavo. Si autem erat sacerdos magnus induebatur prædictis vestibus, vel ornamentis, quæ erant communia sacerdotibus minoribus, & pontifici, & insuper induebatur aliis, scilicet tunica tota iacyntha cum tintinabulis, & malogranatis pendentibus ad pedes, & postea rationali, & ephod, & cingulo, & thyara, & lamina aurea in fronte. Exo. vigesimo octavo. Alph. Tost. super lib. Paralip. Pars 2.

A Et sacerdotes sic induti nudis pedibus, & tunc lotis proce debant administrandum. Et si sacerdotes non lauarentur antequam ministrarent, & induerentur vestibus sacris moriebantur. Iste modus quantum ad aliquid tenetur à sacerdotibus nostris quando celebrare habent missam. Nam exuuntur vestibus communibus superioribus, & lauant manus, & tunc induuntur sacris vestibus, & tamen non moriuntur sacerdotes nostri, licet non lauerint manus, quando ministrant sicut sacerdotes veteris testamenti, quia in illis istæ ceremoniæ erant sub maiori necessitate quam in nobis. Sciendum autem, quod istud mare æneum habebat in circuitu suo aliquam basim, vel vas æneum, in quo cadebat aqua de mari, quia sacerdotes lauare debebant manus, & pedes antequam ministrarent, & tamen non poterant introire in mare ad hoc, quod lauarent pedes, quia ibi submergerentur cum esset altitudo maris quinque cubitorum, ut patet in litera. Erat autem in latere illius maris quidam canal, per quem fluebat aqua in aliquod vas positum in pavimento, & in illo sacerdotes lauabant pedes, & forte manus. Ipsum autem mare non erat ad hoc quod intra eum aliquis lauaretur: sed ad hoc quod contineret aquam, quæ funderetur ad lauandum manus, & pedes sacerdotum. Patet hoc, quia sic erat de labro æneo quod fecerat Moyses. Nam illud habebat basim, ut patet Exo. 30. cum dicitur, quod fecerat Moyses labrum æneum cum basi sua, & illa basis nihil erat, nisi quoddam vas positum in pavimento, in quo fluerent aquæ de labro æneo, & lauarentur ibi pedes sacerdotum, & manus.

Ad quid factum est mare æneum, cum esset aliud in quo lauarentur sacerdotes. Quæst. X.

QUAE RITVR ulterius, ad quid factum est mare æneum in templo Salomonis, cum iam esset in quo lauarentur sacerdotes. Nam Moyses fecerat labrum æneum in quo lauarentur sacerdotes quando ministraturi essent. Exo. 30. & 38. & illo existente non erat opus, quod fieret mare æneum. Dicendum quod factum est propter duo: primo propter necessitatem: nam labrum æneum quod fecerat Moyses erat paruum, & interdum erat necessaria multa aqua, quæ non poterat contineri in labro æneo, ideo fuit necessarium mare æneum. De labro æneo, patet quod paruum esset, quia erat portatile, cum deberet moueri de loco ad locum, & tamen erat æneum, ideo si aliquantulum esset magnum cum materia esset ponderosa, non esset portatile per viam: & sic quamquam aliqua vasa debuissent esse maioris magnitudinis, non facta sunt magna a Moyses ne impedimentum afferrent ad portandum. In templo autem Salomonis non erant iam vasa mouenda de loco ad locum: ideo fierent magna quantum necessarium esset: & quia necessaria erat multa aqua ad lauandum sacerdotes: cum interdum propter multitudinem sacrificiorum multa aqua erat necessaria ad lauandum manus et pedes multorum sacerdotum, in labro autem æneo pauca aqua contineri poterat: ideo debuit fieri aliud vas capacious, et istud fuit mare æneum. Secundum fuit ad decorem. Nam cum templum Salomonis deberet esse aliquid admirandum pulchritudine, et preciositate, debuit hoc apparere in singulis vasis eius: et quia vasa parua non possunt esse pulchra, debuerunt esse maiora vasa in templo Salomonis, quam in tabernaculo Moysi: nam plures partes pulchritudinis et plures ornatus, et figuræ variæ possunt fieri in vasis magnis quam in paruis, et sic factum est de multis aliis vasis templi Salomonis, quæ ut communiter fuerunt maiora quam in templo, siue tabernaculo Moysi. Hoc etiam decebat ad honestatem templi.

Nam cum materia vasorum esset preciosa, & vasa essent magna, ostendebat magnitudinem diuitiarum. & status, & tamen templum Salomonis fuit valde maioris honoris. & status quam tabernaculum Moyfi. Item conueniens erat hoc fieri, quia templum Salomonis fuit valde maius quantitate quam tabernaculum Moyfi, vt declaratum est præcedenti capi. Si ergo non essent plura vasa in templo Salomonis quam in tabernaculo Moyfi, vel non essent maiora, videretur domus vacua, quia non esset proportio domus ad vasa sua, iō sicut templū Salomonis fuit maius tabernaculo Moyfi, ita debuerūt proportionaliter vasa templi Salomonis maiora esse vasis tabernaculi Moyfi.

Quomodo funiculus ambiens vas æneum erat solum triginta cubitorum, cum linea perueniens à labio in labium esset decem cubitorum. Quæst. XI.

QUÆRITVR vltèrius circa istud mare æneū, quomodo dicitur hic, quod funiculus cubitorum triginta ambiebat illud. Nam videtur hoc impossibile, quia dicitur quod linea perueniens à labio in labium erat decem cubitorū, ideo necesse erat, quod linea circundans mare esset plusquam triginta cubitorum: Patet hoc ex regula geometrica de circulo, & diametro, scilicet quod omnis diameter triplicatus cum septima parte sui circulū complet. Triplicetur ergo diameter decem cubitorum, et addatur septima pars eius, quæ est vnus, & quasi dimidius cubitus, & si circulus diameter est decem cubitorū, erit cubitorū triginta vni⁹ & dimidij quasi. Aliquis dicet, qd hoc prouenit ex varietate acceptionis diametri circuli. Nā mare æneum habebat in labio suo grossitiem palmi: vt patet hic in litera, ideo poterat accipi diameter eius dupliciter. Vno modo à labio in labium computando solam capacitatem maris, & non mensurando grossitiē labij ex vtraq; parte. Alio mō pōt accipi diameter mēsurādo capacitatem maris, & grossitiem vtriusque labij. Si accipiat primo modo diameter, quod esset decem cubitorum, necesse esset, quod linea ambiens mare per solam capacitatem suam exclusa grossitiē labij esset plusquam triginta cubitorum. Accipiendo secundo modo diametrum, computando totam capacitatem maris, & etiam grossitiem labiorū, si accipiat linea ambiens labium maris cum capacitatem & grossitiē simul erit illa linea maior quam triginta cubitorum. Quomocunque ergo accipiat diameter, & circulus, si vno, & eodem modo accipiantur diameter, & fuerit cubitorum decem, circulus erit plusquam cubitorum triginta. Sed poterit hoc stare, quod accipiat diameter decem cubitorum computando totam capacitatem maris, & grossitiem labiorum, & tamen quod linea circulariter ambiens non capiat grossitiem labiorum, sed solum capacitatem maris. Et ratio diuersitatis est, quia circulus ambiens totam grossitiem maris erat maior quam circulus ambiens solā capacitatem. Et licet nullus diameter triplicatus solū reddat suum circulum perfectum, tamen aliquis diameter vnus circuli erit, qui triplicatus solū reddet alterum circulum perfectum. Et sic diameter circuli maioris, scilicet totius maris cum grossitiē labiorum triplicatus solū reddet fortè circulum minorem, qui erat continens capacitatem maris sine grossitiē. Istud aliquāliter videtur coloratum: & tamen non stat, quia diameter circuli maris continentis totum mare cum grossitiē labiorum reddet maiore circulum, quam sit circulus minor continens solam capacitatem maris. Quod patet, quia grossities labij erat vnus palmi, vt patet hic in litera. Accipiendo

F ergo vtrunque labium, erat grossities duorum palmarum: & sic diameter circuli maioris excederet diametrum circuli minoris duobus palmis. Et tamen duo palmi reddunt vnum cubitum, vel parum plus. Si ergo diameter istius circuli maioris comprehendendo grossitiem continebat decem cubitos, diameter circuli minoris continebat nouem cubitos, vel aliquid minus: & triplicando prouenient viginti septem cubitis, & addendo septimam partem, quæ est vnus cubitus, & quasi quarta pars cubiti erūt cubiti viginti & octo, & quarta pars cubiti, & aliquid plus: & sic non erit linea ambiens triginta cubitorum, vt dicit litera. Dicendum ergo videtur, quod diameter circuli à labio in labium erat decem cubitorum, & circulus esse debebat triginta vnus cubiti, & quasi dimidij, & tamē scriptura sacra non curauit de modico, sed posuit numerum perfectum, scilicet triginta. Aliter posset dici secundum quosdam, quod non erat circulus iste, sed aliqua figura irregularis, quæ alio modo communicat cum naturā circuli, vel accedit ad illum: & tunc poterat esse, quod diameter solus triplicatus redderet ambitum illius figuræ. Dicendum, quod non stat, quia tunc dato quod in vna parte linea decem cubitorum perueniret à labio in labium, tamen non perueniret in omnibus partibus, sed alicubi esset minor linea: ideo dicendum est sicut supra. Aliud dubium est, cum diameter istius maris esset cubitorum decem, an computabatur isti cubiti cum grossitiē labiorum, vel exclusa grossitiē illa solum accipiendo capacitatem maris. Dicendum quod hoc non apparet, & tamen videtur dicendum, quod computetur sola capacitas sine grossitiē labiorum. Et apparet primò sic, quia posuit hic litera istas mensuras tanquam distinctas. Nam prius posuit, quod linea perueniens à labio in labium, erat decem cubitorum, & linea ambiens erat triginta cubitorum, & postea dixit, quod grossitudo labij erat vnus palmi. Si tamen includeretur postea, quod grossities labij erat vnus palmi: voluit ergo innuere quod istæ duæ mensuræ erant distinctæ. Secundò patet, quia dicitur, quod altitudo maris, scilicet a fundo eius vsque ad superficiem erat quinque cubitorum. Et ista erat profunditas aquæ, quæ poterat capi in mari, & tamen quinque cubiti erant semidiameter maris, cum mare esset tanquam emisphærium, & in capacitatem medietatis essent quinque cubiti, ergo diameter capacitatis erat cubitorum decem. Tertiò patet, quia dicitur in litera, quod linea decem cubitorum perueniebat à labio in labium. Si tamen in istis decem cubitis includeretur grossities labiorum, linea decem cubitorum non solum perueniret à labio in labium, sed etiam vltra labium, & contineret vtrun-

Quomodo grossities labij erat vnus palmi, cum dicitur quod erat grossities trium vnciarum. Quæst. XII.

QUÆRITVR vltèrius, quomodo dicitur hic, quod grossities labij erat vnus palmi: quia tertio Regum septimo dicitur, quod erat grossities trium vnciarum. Dicendum, quod vncia aliquando est nomen ponderis, & aliquando nomen mensuræ ad longitudinem mensurandam. Accipiendo secundum modo vncia est tertia pars palmi, & sic tres vncie reddunt palmum: vnde sicut dicitur, quod erat grossities trium vnciarum, ita dicitur 3. Reg. 7. ita dicitur hic quod erat grossities vnus palmi, & idem est. Aliud dubium est, quomodo dicitur hic, quod capiebat ma-

retria millia metretas. & 3. Regum 7. dicitur quòd capiebat duo millia bathos, & tria millia metretas. Dicendum quòd istud dubium procedit ex errore librarium. Nam 3. Reg. 7. non deberet dici, capiebat, duo millia bathos, & tria millia metretas: sed solum capiebat duo millia bathos. Et patet hoc ex litera Hebraica, & Bibliis correctis: nam in illis non habetur nisi duo millia bathos. Prouenit occasio errandi ex glosa interlineari, quia erat glosa interlinearis 3. Reg. 7. super illam partem duo millia bathos, scilicet tria millia metretas, & imperitia librarium illa litera fuit textui commixta, sicut in multis aliis locis sacre scripturae fit. Ratio autem ponendi illam glosam interlinearem fuit, quia hic ponebatur tria millia metretas in eodem loco, ubi 3. Reg. 7. ponebatur duo millia bathos, ideo exponitur vnum per alterum: & dicendum est, quòd eadem mensura est duo millia Bathorum, & tria millia metretarum. Pro quo sciendum quòd istud nomen mensura est nomē generale ad omnes mēsuras, ideo non dicit aliquam quantitatem determinatam. Metreta est nomen speciale mensurae signans certam quantitatem: ut patet Io. 2. cum dicitur, quòd erant sex hydræ lapideæ. posite capientes singulae metretas binas, vel ternas. Ergo metreta specialem, & determinatam quantitatem signabat. Alioquin non diceretur de qualibet hydriarum, quòd caperet metretas binas, vel ternas, quia aliqua mensura esset ita parua, quòd de illis caperet mille: & alia ita magna quòd non caperet vnam metretam. Et sic ponitur hic metreta tanquam mensura determinata, & bathus & metreta sic se habent quòd bathus continet metretam, & dimidiam: ideo cum mare contineret duo millia bathos 3. Reg. 7. continebat tria millia metretas, & sic ponitur. De batho autem, & metreta non constat nobis quantum caperent, quia Ezech. 25. ponuntur mēsuræ Hebraicæ: & dicitur, quòd bathus, & Ephraim sunt equalia; & quòd bathus sit decima pars chori. Et tamen nescimus quid sit quantitas chori, nec ephi, ut per illa cognoscamus magnitudinem bathi. Dicendum tamen quòd possumus nos cognoscere nunc magnitudinem bathi certissime per magnitudinem maris ænei, quia mare æneum erat dimidia sphaera cuius diameter capacitatis erat decem cubitorum, & semidiameter, scilicet altitudo, vel profunditas capacitatis aquae quinque cubitorum. Et linea ambiens siue peripheria erat triginta cubitorum, ut litera dicit, vel propus istud regulare; ideo cum fecerimus tale corpus, & illud aqua impleuerimus capientur in ipso duo millia bathi. Sicut dicitur 3. Regum 7. Diuidamus ergo illam aquam in duo millia partes equales, & erit quilibet pars vnus bathus. Ex hoc patet quantitas ephi, quia ephi, & bathus erant equalia. Ezech. 25. Ex hoc etiam patet magnitudo chori, quia chorus continebat decem bathos: & sic essent ducenti chori in illo mari æneo. Patet etiam quanta esset mensura gomor, quæ dabatur quotidie cuilibet Iudeo in deserto decima pars ephi e. cap. & sic continerentur in illo mari viginti millia gomor de aqua, & sic cognoscemus per hunc modum omnes mēsuras Hebraicas. Et si quis esset valde curiosus posset facere tale opus, sed hucusque à nemine inquisitum est, quia inutile est ad rem. Et propter hoc variè dicitur à multis de capacitatem istarum mēsurarum, quia nullus per istum modum certificauit adhuc magnitudinem mēsurarum:

A Luteræ, & conchæ ad quid erant in templo Salomonis, cum in tabernaculo Moyse non fuerint.
Quest. XIII.

QVAERITVR vterius circa luteræ, vel conchas, de quibus dicitur hic, quòd erant decem, in atrio templi. Et primo quaeritur ad quid erant isti luteræ, vel conchæ in templo Salomonis, cum in tabernaculo Moyse non fuerint. Et patet istud, quia inquirendo totum Exodum, in quo agitur de tota fabricatione tabernaculi, & de omnibus vasis eius, non reperiatur aliquod vas, in quo poneretur aqua, nisi labrum æneum, de quo Exod. trigesimo, dicitur quòd fecit Moyses labrum æneum cum basi sua, ut in eo lauarentur Aaron, & filij sui, quādo ministraturi essent. De luteribus autem fit mentio hic, & magis 3. Regum 7. quòd essent in templo Salomonis. Dicendum autem quòd luter secundum significationem suam est ad continendum aquam, quod signat nomen, scilicet luter à luo, quod est lauare, vel purgare. In mari autem æneo etiam erat aqua: & tamen erat differentia, quia aqua maris ænei erat ut lauarentur ibi sacerdotes, quādo ministraturi essent: aqua luterum erat ad lauandum carnes animalium immolatorum, ut patet hic in litera: Sed obicietur, quòd non lauarentur carnes animalium immolatorum in luteribus, sed lauabantur in probatica piscina, quæ erat ante templum Domini in Ierusalem, de qua habetur Iohā. quinto. Et vocatur probatica piscina apud Græcos. Apud Hebræos vocatur Bethsaida, & vtrunque signat, quòd animalia ibi lauabantur. Nam probatica dicitur à probatio, quod est ouis, scilicet quia lauabantur ibi oues, & alia animalia. Bethsaida autem in Hebræo interpretatur domus ouis, quia beth signat domū, & Zon, signat ouem, scilicet oues ibi mergebantur, & lauabantur. Et ista forte erat causa, quare Deus mittebat quotidie angelum suum ad piscinam illam, ut moueret aquam: & qui prior descenderet in aquam post motum eius, sanabatur à quacunque agitudine. Io. 5. scilicet ut intelligerent Hebræi esse accepta sacrificia sua: quia aqua illa erat in qua lauabantur carnes sacrificiorum suorum. Respondendum, quod quādo offerri debebat animal aliquod in sacrificium, maxime si esset holocaustum, modus erat iste, scilicet quòd offerens duceret animal viuens vsque ad portam atrij sacerdotum, & sacerdotes exhibant ad portam atrij, & accipiebant animal de manu offerentis, ne ipse introiret in atrium, & introducebant illud in atrium. Et iugulabat animal vnus de sacerdotibus, & reliqui accipiebant sanguinem in crateris: fundebantque per gyrum altaris ad basim eius per quatuor cornua altaris secundum diuersos ritus sacrificiorum: ut patet Leuit. primo, 3. & 4. & 5. & 6. Et iste qui iugulabat animal erat sacerdos: & ipse decoriabat illud. Nam nulli laico licebat hoc facere, imò nec Leuitæ. Sed si aliquando esset valde magna necessitas, utpote quòd essent pauci sacerdotes, & multa sacrificia necessariò offerenda, Leuitæ ex qua dam dispensatione poterant adiuuare sacerdotes: non quidem ad iugulandum animalia, sed ad decoriandum solū, & non ad faciendum aliquas alias ceremonias sacrificiorum. Sic fuit tempore Ezechie regis quādo valde pauci sacerdotes erant de sacerdotibus Domini, & non poterant complere ceremonias, ideo adiuuerunt eos Leuitæ: ut patet 2. Paralipo. 20. scilicet sacerdotes verò pauci erant, nec poterant sufficere, ut pelles holocaustorum detraherent: vnde & Leuitæ fratres eorum adiuuerunt eos, donec imple retur opus, & sanctificaretur antistes: regulariter ergo sacerdotes iugulabant animalia, & ipsi decoriabant illa pro sacrificiis: & hoc intra atrium suum apud altare. Deinde ferebant animal integrum decoratum

Probaticā
piscina vn
de bethsai
da.

Modus of
ferendi ho
locautū.

ad probaticam piscinam, quæ erat iuxta templum: & ibi aperiebant viscera animalis, & effodientes fimum lauabant intestina animalis, & caput, & pedes. Nam oia ista in sacrificio holocaustorum cremanda erant: vt patet Leui. primo. Deinde reducentes carnes lotas ad atrium sacerdotum concidebant illas in frusta, vt sic ponerent super altare, quia non erat ponendum animal integrum. Leui. primo. Et diuisis sic partibus, quia contingebat aliquid sordis mansisse in aliqua particula, lauabatur illa in luteribus, qui erant pleni aqua apud altare: imò omnes partes animalis, licet munde essent lauabantur, & immergebantur ibi, vt essent mundiores, & ponerentur super altare. Et ad istud proficiebant luteri. Cum autem quæritur, quare in sanctuario quod fecit Moyses in deserto non erant luteri. Dicendum, quod Moyses fecit sanctuarium, vt esset portatile per desertum, & ob hoc obseruauit duo. Primum, quod non fecit multa vasa. Secundum, quod non fecit illa magnæ quantitatis, vt essent faciliter portabilia. De primo patet, quia in templo Salomonis erant multa genera vasorum in magno numero, quæ in sanctuario Moyfi non erant multiplicata. Moyses namque fecit vnicum candelabrum. Exo. 25. & 23. & fecit vnicam mensam. Exod. 25. & 26. & Salomon fecit decem candelabra de auro 3. Reg. 7. & in fra in litera. Et præter ista fecit multa alia candelabra de argento, præcedenti lib. 28. cap. Fecit etiam mesas decem, infra in litera. Nam de auro, & argento multas fecit, præcedenti lib. 28. cap. Etiam fecit Moyses solium duo Cherubim in arca. Exod. 25. Fecit autem Salomon præter hæc alios duos Cherubim de lignis oliuarum 3. Reg. 6. & præcedenti cap. De secundo patet, quia eadem vasa, quæ fuerunt in templo Salomonis fuerunt & in tabernaculo Moyfi, fuerunt aut maioris quantitatis in templo Salomonis quam in tabernaculo Moyfi. Et hoc patet in altari holocaustorum. Nam Moyses fecit altare altitudinis cubitorum trium, & longitudinis quinque cubitorum, & totidem latitudinis, sicut patet Exod. 27. Salomon fecit altare cubitorum viginti longitudine, & totidem latitudine. Alia in litera. Et generaliter erat de omnibus vasis, quod quæcunque vasa essent in templo Salomonis, maioris quantitatis erant quam in tabernaculo Moyfi. De luteribus autem sic fuit, quod in templo Salomonis fuerunt, & non in tabernaculo Moyfi. Hoc autem fecit Moyses propter duo. Primum, quia si multiplicaret vasa, difficile esset illa portari: & tamen Leuitæ, qui portaturi erant illa per desertum, non sufficerent tanto labori. Secundum erat, quia luteri non erant vasa magnæ necessitatis, quia sine illis poterant carnes sacrificiorum ablui in aliquo alio loco. In templo autem Salomonis non solum fuerunt vasa ad necessitatem, sed etiam ad pulchritudinem: & sic cum luteri facerent ad magnam pulchritudinem, dato quod non esset magna necessitas ipsorum, positi fuerunt in templo Salomonis in atrio sacerdotum. De figura istorum luterum siue concharum quæri poterat hic: & tamen de hoc determinatum est 3. Reg. 7. in duabus quæstionibus.

Fecit autem, & candelabra aurea decem secundum speciem, quam iusserat ea fieri, & posuit ea in templo: quinque à dextris, & quinque à sinistris. Necnon & mesas decem, & posuit eas in templo: quinque à dextris, & quinque à sinistris: Phialas quoque aureas centum.

F *Fecit candelabra.* Hic ponitur de illis, quæ erant intra templum. Nam vasa, quæ supra posita sunt, erant extra templum in atrio eius. Et dicitur. *Fecit etiam candelabra aurea decem.* Ista erant, vt in eis lucernæ essent: vt illuminaretur totum templum. Et dicitur, quod erant decem candelabra aurea ad differentiam candelabrorum argenteorum. Nam multa quoque candelabra de argento facta sunt, vt patet præcedenti lib. 28. cap. sed ad candelabra aurea, & lucernas eorum aurum pro mensura vniuscuiusque candelabri distribuit. Si militer & in candelabris argenteis, & lucernis eorum pro diuersitate mensuræ pondus argenti tradidit. Numerus autem candelabrorum argenteorum non ponitur, sed solum aureorum: & sic etiam fit 3. Reg. 7. *Secundum speciem, quam iusserat ea fieri.* Scilicet secundum figuram, quam iusserat Salomoni. Nam Salomon dedit Hiram artificem descriptionem omnium istorum, quæ fabricare debebat, & secundum illam figuram fecit illa Hiram. Vel potest intelligi de figura, quam dedit Deus. Nam in cap. isto de præcedenti dicitur de omnibus istis, quod fecerit ea Salomon, & sic iussio non refertur ad ipsum, sed magis ad Deum, vel ad Dauid. Nam Deus misit de celo quandam scripturam, in qua continebatur figura, & quantitas omnium, quæ in templo fabricanda erant: & Dauid ante mortem suam tradidit Salomoni illam descriptionem, vt secundum illam fierent omnia. Sic patet præcedenti lib. 28. cap. cum Dauid loquitur de figura eorum, quæ fabricanda erant in templo, & concludit. Omnia inquit hæc venerunt scripta manu Domini ad me, vt intelligerem vniuersa opera exemplaris. Et ante hoc dicitur, quod Dauid dedit Salomoni filio suo descriptionem porticus, & templi, & celariorum, & coenaculorum, & omnium aliorum, quæ erant in templo, & in atrio eius. Vel potest intelligi, quod facta sunt ista candelabra secundum figuram candelabri, quod fecerat Moyses in tabernaculo in deserto. De quo magis dicitur infra in quadam quæstione. *Et posuit ea in templo.* Scilicet Salomon posuit ista candelabra in templo, quia de eo litera loquitur. Et non est sensus, quod ipse posuerit illa sed quod iusserit poni. Nam Salomon non introiuit in templo, cum esset laicus. Sed sacerdotes introierunt. Nam cõpleto templo, & vasis eius tulerunt Leuitæ arcam fœderis, & omnia vasa sacra usque ad portam templi: & inde accipientes ea sacerdotes introduxerunt in templum, & disposuerunt in locis suis, vt patet sequenti cap. Et vocatur hic templum domus prima templi, quæ erat exterior. Nam domus interior erat domus Sancti sanctorum: & in illa non fuerunt candelabra aliqua, nec vasa aliqua ministracionis, sed solum arca fœderis, & duo Cherubim de lignis oliuarum, vt colligitur 3. Reg. 6. & præcedenti cap. *Quinque à dextris, & quinque à sinistris.* Hic ponitur situs candelabrorum: nam vt pulchrè se haberent, & equaliter domus illuminaretur, erant quinque candelabra ad latus meridianum templi, & quinque ad aquilonare. *Necnon & mesas decem.* Iste mensæ erant in templo in parte illa, in qua erant candelabra, & erant totidem, sicut candelabra, scilicet decem. Ad quid autem istæ mesas erant, & cur erant tot, declarabitur infra in quadam quæstione. *Posuitque eas in templo.* Scilicet in prima parte templi vbierant candelabra, quia in sacra sanctorum nihil istorum erat, vt dictum est. *Quinque à dextris, & quinque à sinistris.* Scilicet, quinque ad latus meridianum, & quinque ad latus aquilonare, sicut erat de candelabris aureis, vt supra patet. Aliqui libri habent. *Et panes super eas.* Scilicet posuit Salomon panes super eas, scilicet, quia non erant ad aliud inter mensas, nisi ad ponendum panes super eas. De hoc tamen infra dicitur in quadam quæstione. *Phialas quoque aureas*

reas centum. Istæ phialæ erant vasa vinaria pro sacrificiorum usu, vt infra declarabitur in quadâ quæstione.

Quot candelabra erant in templo Salomonis, & quare tot facta sunt: cum in tabernaculo Moyfi vnicum esset. Quæstio. XIIII.

QVAERITVR circa primum, quot candelabra erant in templo Salomonis, & quare facta sunt tot, cum esset vnicum in tabernaculo Moyfi. Ad primum respondet Nicolaus, & quidam alii, quod erant vndecim candelabra, scilicet decem candelabra, quæ fecit Salomon, de quibus dicitur hic, & vnum candelabrum quod fecit Moyfes, quod adhuc manebat in templo Salomonis, & erat inter candelabra alia. Sed dicendum, quod non stat, quia plura candelabra erant: nam quædam erant candelabra aurea, scilicet de auro purissimo, & alia erant argentea. Candelabra aurea erant saltem decem, quæ fecit Salomon. vt patet hic, & 3. Regum 7. De candelabro Moyfi erat dubium, an fuerit inter ista: & satis videtur quod manserit, quia aliqua, quæ erat in tabernaculo Moyfi manserunt in templo Salomonis, & aliqua non, scilicet illa, quæ pertinebant ad constructionem tabernaculi non manserunt sicut tabulata, & cortinæ, & bases. Etiam illa, quibus successerunt alia vasa ad ministrationem similem. Sicut altare Moyfi non mansit, quia successit ei altare magnum quod fabricauit Salomon infra in litera: & tamen non poterant esse duo altaria, sed in vnicum offerrenda erant sacrificia, vt patet Leui. 17. & loci 22. cap. ideo illud altare Moyfi cessauit quantum ad vsum. Sic etiam cessauit labrum æneum quod fecerat Moyfes, vt lauarent sacerdotes in eo quando ministraturi essent, quia fecit Salomon mare æneum, quod ad hanc ministrationem sumptum est: supra in litera & 3. Reg. 7. De candelabro autem non est sic, quia non fuit assumptum nisi ad hoc quod cremaretur oleum in illo, & in candelabris, quæ postea Salomon fecit cremabatur eodem modo oleum: ideo non cessaret candelabrum Moyfi propter candelabra, quæ postea faceret Salomon. Sed tunc debet dici vnum de duobus modis, scilicet quod istud candelabrum fuit vnum de illis decem candelabris, quæ dicitur fecisse Salomō, vel adiunctum fuit illis vt essent vndecim, & sit solū mentio de decem candelabris: quia hic agitur de illis, quæ Salomon fecit in templo. Et quia solū fecit decem candelabra de auro, de illis solū dicitur: licet cum illis esset candelabrum vndecimum, quod fabricauerat Moyfes. Istæ erant candelabra aurea. Erant tamen alia candelabra argentea in templo, vt patet precedenti lib. 28. cap. cum dicitur, quod de dno David aurum pro candelabris aureis, & argentum pro argenteis. De candelabris tamen argenteis non dicitur quot erant, quia non fit mentio de eis, sicut de aureis propter dignitatem materie: & ob hoc multi putauerunt quod solū essent in templo ista decem, vel vndecim candelabra. De illis autem candelabris argenteis credendum est, quod fuerint in tali situ sitis aurea, scilicet totidem à dextris, quot à sinistris. Et fortè credendum est, quod erant quædā candelabra aurea, & quædam argentea propter differentiam dierum, quia quædam erant dies solemnes, & alij profesti: & inter solemnes quidam erant aliis solemnes: ideo totus apparatus sanctuarii, & ministrorum debebat esse differens secundum dies, & sic fortè in diebus profestis ponebatur candelabra argentea, & in diebus festiuis candelabra aurea. Istud autem est aliquantulum verisimile. Sed potius credendum est, quod omnia candelabra tam aurea quam argentea erant seposita coram domino in templo quædā à dextris,

A & quædā à sinistris: & hoc quia dñs hic in litera: quod erant decem candelabra aurea, & quinque erant ad dextrā, & quinque ad sinistram: in quo innuitur quod posita fuerunt illa candelabra sic, vt semper sic manerent, quia alias potius manerent sic candelabra argentea quam aurea, cum illa essent in templo coram Domino diebus profestis, & candelabra aurea diebus solemnibus. Item patet hoc, quia ista mutatio candelabrorum esset si appareret populo, scilicet quod ponerent in loco manifesti vbi populus posset videre illa, & sic ex apparatu diuersio cognosceretur quis esset dies profestus, & quis solemnis: & tamen erant candelabra intra templum in loco, vbi non poterant videri à populo, cum soli sacerdotes intrarent in templum ad ministrandū, & populus foris expectaret. Sicut patet de Zacharia patre beati Ioannis baptistæ, qui introiuit in templum ad ponendum incensum, & populus eum expectabat foris. Lu. primo ca. & ante fores templi pendebat velum: ita vt licet sacerdotes introirent in templum, & manerent populares ad portam templi, non videbant aliquid eorum, quæ erant in sanctuario. Non ergo ponerentur interius pulchriores apparatus pro vna die, quam pro alia. Foris autem in atrio sacerdotum fierent pulchriores apparatus in diebus solemnibus quàm in profestis vbi populus ista posset videre, & sic fiebat. Nam sacerdotes induebantur vestibus sacris ad ministrandum, & in diebus solemnibus erant vestes solemniore. Et etiam cantus Leuitarum, & omnes ceremoniæ: vt declaratum est precedenti lib. 23. cap. & aliquantulum colligitur ibi in litera. Ideo magis videtur credendum quod omnia candelabra tam aurea quam argentea erant semper & simul posita coram Domino in templo totidem à dextris, quot à sinistris: & tamen de argenteis non fit mentio propter causam dictam.

Quare erant tot candelabra in templo Salomonis, & cur vnicum in templo Moyfi. Quæstio. XV.

QVAERITVR vltcrius, quare erant tot candelabra Salomonis, & cur vnicum erat in templo Moyfi. Dicendum quod in tabernaculo Moyfi non requirebantur multa candelabra, sufficiebat enim vnicum. Et causa est, quia in tabernaculo, siue sanctuario illo erant tres partes. scilicet sancta sanctorum, & pars, vel domus exterior, & atrium. In atrio non erat necessariū candelabrum aliquod, eo quod erat patens luminaribus celi. Nam atrium non habebat tectum, sed solum parietes in circuitu de velis bysiniis altitudine cubitorum quinque: vt declaratum est supra 2. & Exo. 27. & luminaria celi sufficienter illuminabant atrium. Alia pars intima, scilicet Sanctum sanctorum non indigebat candelabro, eo quod pars illa debebat esse valde obscura, ne videretur secretum latens in propitiatorio vbi formabantur voces, quæ credebantur esse diuine. Et ob hoc non solū non erat ibi aliquod candelabrum, sed etiam quando sacerdos magnus illuc introire debet semel in anno, introducebat tecum thuribulum plenum prunis superposito thymiamate, vt vapor grossus inde confurgens obscuraret visum eius, & non posset videre quid erat in propitiatorio inter alas Cherubim. Et si non ferret tecum istud thymiam, monebatur: vt patet Leui. 16. cap. Manebat autem sola domus anterior tabernaculi, in qua erat candelabrum necessarium, quia pars ista erat operata tecto, & non erat ibi aliquod secretum quod occultandum esset sacerdotibus. Et in hac domo sufficiebat vnum candelabrum, eo quod domus hæc parua erat. Nam solum erat longitudo eius cubitorum viginti, & latitudo decem: vt patet Exo. 26. Secundo

dò quia dato quòd non omnino sufficeret, non fierent multa candelabrum erat de auro purissimo & vnum talentum expensum erat in eo, & vase eius. Exo. 25. Et erat magna quantitas vnum talentum. Si autem multa candelabra fierent, oporteret expendi multum de auro, & fortè non erat tanta copia auri Israelitis exeuntibus de Aegypto. Sic enim fuit de tubis argenteis ad clangendum. Nam Deus iussit fieri duas solù Nu. 10. & hoc quia fortè nò erat copia argenti, & postea Israelitæ habentes argentum multum fecerunt plures tubas. Vnde in introitu in terram Chanaan, quando lustrata est ciuitas Iericho, saltem erant septē buccinæ, vt patet Iosue 6. cap. Tertiò factum est propter difficultatem portationis. Nam erant portanda omnia vasa sanctuarij humeris Leuitarum per desertum, Nume. quarto, & septimo, si multiplicarentur vasa sequeretur difficultas portandi, quia non possent tot portare, vel cum labore magno illa portarēt. Ideo sufficit vnicum candelabrū in tabernaculo Moyfi. In templo autē Salomonis fuerunt multa candelabra, scilicet decem aurea, & multa argentea quorum non assignatur numerus: & hoc quia nihil istorum, quæ dicta sunt pro tabernaculo Moyfi impediēbat in templo Salomonis. De primo patet, quia paucitas auri, & argenti non faceret, quòd essent pauca candelabra. Nam erat Salomon ditissimus in auro, & argēto super alios reges: ita vt possēt facere multa vasa de auro, & argento: potissime, quia Dauid reliquerat ei aurum, & argentum pro singulis vasis, scilicet aurum pro candelabris aureis, & argentum pro argenteis, & sic de omnibus alijs vasis, præcedenti lib. 28. cap. & habuerat Dauid itam multitudinem auri, & argenti in bellis, quæ fecerat contra multas gentes, & totum aurum, & argentum, quod inde acquisiuerat consecrauerat Domino pro ædificatione templi, & vasorum præcedenti lib. 28. cap. 2. Reg. 8. Secunda causa, quæ fuit supra prima non obstat hic, scilicet quia sufficiebat candelabrum vnicum pro tabernaculo Moyfi. Nam verum est, quòd templum Salomonis diuidebatur in tres partes sicut Sanctuarium Moyfi, scilicet in atrium exterius, & in domum primam templi, & in domum interiorem, quæ vocatur Sancta sanctorum. In atrio non erat candelabrum aliquod, quia illuminabatur lumine solis, cum non esset opertum tecto. In Sancta sanctorum etiam non erat candelabrum aliquod, vt celaretur secretum quod erat in propitiatorio, vt supra dictum est de tabernaculo Moyfi. Erat autē vñs candelaborum in domo prima templi, & in hac erant multa candelabra, scilicet decem aurea, vel vñdecim, & multa argentea. Et vna causa fuit ad hoc maior necessitas, quā in tabernaculo Moyfi: quia ista domus erat valde maior quā tabernaculum Moyfi. Nam erat longitudo primæ domus tabernaculi Moyfi cubitorum viginti, & latitudo decem Exo. 26. longitudo aut primæ domus templi Salomonis erat cubitorum quadraginta, & latitudo viginti. 3. Reg. 6. & præcedenti cap. & sic area domus primi templi Salomonis est quadrupla ad aream primæ domus tabernaculi Moyfi: quod patet ducendo latera quadrata in se, scilicet latus longitudinis in latus latitudinis. Et quia longitudo domus primæ templi Salomonis erat cubitorum quadraginta, & latitudo viginti: multiplicando vnum per alterum resultant octingenti cubiti quadrati, qui complent aream domus illius. Longitudo domus primæ Salomonis erat viginti cubitorum & latitudo decem: & ducendo vnum in aliud resultant ducenti cubiti. Cum ergo area domus primæ templi Salomonis esset quadrupla ad aream domus primæ tabernaculi Moyfi requirebantur saltem candelabra in quadruplo numero ad tabernaculum.

F Moyfi: & sic essent candelabra quatuor. Alia causa fuit propter pulchritudinem, quia dato quòd vnum candelabrum sufficeret ad illuminandum templum Salomonis propter pulchritudinem, & ad ostendendum magnificum ornatum templi. & honorem magnum Dei essent multa candelabra, & sic fuerunt decem aurea, & multa argentea. Tertia difficultas nò obstat, quia tempore, quo durauit tabernaculum Moyfi erat portandum de loco ad locum: & si vasa eius multa essent, difficultas esset Leuitis portando illa: ideo debebant esse pauca. Postquam autem factum est templum Salomonis, nò fuit portandum de loco ad locum, nec vasa mutanda: vt patet præcedenti lib. 23. cap. sed ibi manere debebant vasa in æternum: ideo licet essent multa non præstarent aliquod impedimentum.

*Quæ fuerit figura istorum candelaborum.
Quæstio. XVI.*

QUÆRITVR vltius, de figura istorum candelaborum, nam non ponitur hic, nec 3. Reg. 7. cuius figuræ essent. Quidam dicunt, quòd erant candelabra ista eiusdem figuræ cuius illud quod factum est in tabernaculo Moyfi, scilicet quia non fuit positum aliquid de figura, & quia templum Salomonis erat ad imaginem tabernaculi Moyfi: credendum esset, quod fuerunt candelabra ista ad imaginem candelabri templi Moyfi. Dicendum quòd ista ratio nò concludit. Nam licet possēt teneri quòd fuerit talis figura candelaborum, tamen non sufficenter probatur ex hoc. Nam si propter hoc, quòd non describitur hic figura istorum candelaborum deberet dici, quod fuit talis figura, sicut candelabri Moyfi: ita quia non scribitur hic pondus candelaborum istorum deberet dici quòd quodlibet candelabrum continebat talē auri purissimi, sicut fuit candelabrum Moyfi Exo. 25. cap. Et tamen hoc non stat, quia generaliter omnia templi Salomonis erant maioris quantitatē quam vasa tabernaculi Moyfi, sicut patet de altar. holocaustorum, quod erat altitudinis cubitorum trium, & latitudinis cubitorum quinque, & totidem longitudinis in tabernaculo Moyfi Exo. decimo septimo. & in templo Salomonis erat altare cubitorum viginti latitudine, & totidem longitudine, & decem altitudine, supra in litera, & sic de multis alijs vasis. Et hoc erat, quia vasa templi Salomonis non erant portanda de loco ad locum, sicut vasa tabernaculi Moyfi. Non ergo tenet consequentia, scilicet figura candelaborum non ponitur hic: ideo fuit talis figura sicut illius candelabri, quod fuit in tabernaculo Moyfi. Dicendum ergo videtur, quòd figura istorum candelaborum non ponitur hic, nec fuit talis sicut candelabri Moyfi: sed quædam alia figura. Quia quando fabricandum fuit templum Salomonis, Deus misit de celo ipsi Dauid scripturam omnium, quæ fabricanda erant, scilicet cuius figura, & quantitas essent, & de qua materia. Et Dauid dedit itam descriptionem Salomoni quantum ad omnia: præcedenti lib. 28. ca. Et secundum illam fecit Salomon omnia: ideo licet non dicatur cuius figuræ esset candelabrum, vel aliqd alterum, intelligendum est, quòd fuerit illius figuræ, quā Deus designauit in descriptione illa, quā misit ad Dauid de celo. Et hoc colligitur aliquantulum in litera, cum dicitur, quæ fabricanda erant, scilicet decem secundum speciem, quā iusserat ei fieri, scilicet Deus Dauid. Nam non refertur ad Moysem, quia Moyſes non iussit fieri decem candelabra, sed vñcū. Aliiter posset dici, quòd ista candelabra facta sunt ad instar candelabri quod Moyſes fecit in deserto: quia

aliās exprimeretur fortassis figura eius sicut exprimitur figura multorum aliorum, quæ non erant in tabernaculo Moyfi, & fuerunt in templo Salomonis sicut maris ænei, & luterum, & aliorum, quæ fuerunt in templo Salomonis, & tabernaculo Moyfi: & tamen non fuerunt eiusdem figuræ in utroque, sicut fuit de altari holocaustorum: & tamen de figura holocaustorum nihil exprimitur: ideo satis verisimile est, quod fuerint ad instar candelabri Moyfi, de quo Exo. 25. Et cum dicitur quod facta fuerunt candelabra secundum speciem, quam fieri iussit illa Deus. Dicendum quod verum est, quod Deus dedit certam formam ad faciendum ista candelabra: & tamen ista forma fuit illa, quam tenuerat candelabrum Moyfi: & ob hoc non fuit descripta hic, nec 3. Reg. 7. figura istorum candelabrorum, quasi iam cognita foret ex figura candelabri Moyfi, Exo. 25. Et ista positio tenetur communiter, & hæc nos sæpe asserimus. Possunt tamen utranque satis recte tenere. Quidquid tamen sit, etiam si dicamus, quod fuerit figura istorum candelabrorum sicut candelabri Moyfi: dicendum est, quod ista fuerint maioris quantitatis ponderis, quia vasa templi Salomonis vniuersaliter fuerunt plura, & maioris ponderis, eo quod non debebant moueri de loco ad locum, & quia templum erat maius, & honorabilius, quam tabernaculum Moyfi.

De situ istorum candelabrorum.

Questio. XVII.

QVAERITUR vltcrius, de situ istorum candelabrorum, quia dicitur hic, quod erant decem candelabra aurea, quinque ad dextram, & quinque ad sinistram. Nicolaus respondet, quod erant omnia ista candelabra ad latus meridianum templi, & nullum erat ad latus aquilonare. Dicebantur tamen quinque ad dextris, & quinque a sinistris, quia candelabrum, quod fecerat Moyses, erat inter ista decem, scilicet in medio, & ad dextram eius erant quinque candelabra, & ad sinistram totidem. Omnia tamen erant in latere meridiano. Motiuum suum est ex situ, quem habuit candelabrum in tabernaculo Moyfi, scilicet in latere meridiano, Exo. 25. Dicendum tamen quod hoc non stat, primo quia non est conueniens motiuum ad ponendum situm in candelabris templi Salomonis argui ex situ candelabri tabernaculi Moyfi: Nam si non poneretur situs aliquis determinatus pro candelabris templi Salomonis, posset dici, quod erat talis situs sicut candelabri in tabernaculo Moyfi. Et tamen ponitur hic, quod erant quinque ad dextram & quinque ad sinistram: ideo non est standum situi candelabri tabernaculi Moyfi. Secundò non stat, quia in tabernaculo Moyfi erat vnicum candelabrum, ideo necesse erat, quod staret solū ad sinistram vel solū ad dextram. In templo autem Salomonis erant candelabra multa, id poterant stare quædam ipsorum ad dextram, & quædam ad sinistram. Tertiò patet, quia non conuenienter dicitur quod staret quinque candelabra ad dextram candelabri Moyfi & quinque ad sinistram, quia hic absolute dicitur, quod posita fuerunt ista candelabra in templo quinque ad dextram, & quinque ad sinistram. Ideo absolute intelligendum est, scilicet quod quinque essent ad latus aquilonare templi, & quinque ad meridiem, quæ sunt dextra & sinistra templi. Nam cum non fiat hic aliqua mentio de candelabro Moyfi, quod intelligitur quod quinque candelabra erant ad dextram illius, & quinque ad sinistram, nimis erat alienum à talis situs. Nam candelabra ponebantur ad illuminandum domum templi primum, & ad hoc ut æqualiter

A illuminaretur, debebant candelabra æqualiter distare, vel quasi ab omnibus partibus domus. Hoc autem esset si tot candelabra essent ad sinistram partem domus sicut ad dextram. Si autem omnia essent ad partem meridianam, sicut in tabernaculo Moyfi, illuminaretur pars illa, & modicum illuminaretur pars aquilonaris. Ideo tenendum est sicut in litera dicitur, quod quinque candelabra istorum erant apud parietem aquilonarem domus, & quinque ad parietem meridianum, & in medio erat via, quæ ibatur ad Sancta sanctorum. Dicendum etiam, quod cum multa alia candelabra essent argentea, de quibus non fit hic mentio quod illa tenebant eundem situm cum candelabris aureis, scilicet tot erant de illis ad partem meridianam cum candelabris quinque aureis, quot ad partem septentrionalem. Circa numerum lucernarum, quæ erant in istis candelabris, dicit Nicolaus, quod erant lucernæ septuaginta, & septem, scilicet quia erant candelabra vndecim decem Salomonis, & vnum Moyfi, quodlibet habebat septem lucernas, sicut dicitur de candelabro Moyfi Exo. 25. Dicendum tamen quod hoc non stat propter duo: Primò quia præsupponitur dubium, scilicet quod candelabra ista essent eiusdem figuræ cum candelabro tabernaculi Moyfi, ita quod haberent ista candelabra septem lucernas sicut illud. Sed istud est dubium, quia non constat an essent istius figure, vel alterius, ut dictum est præcedenti questione. Et si essent alterius figuræ, poterat quodlibet habere plures lucernas, vel pauciores. Secundò præsupponitur falsum, scilicet quod essent solū vndecim candelabra, & quodlibet haberet septem lucernas: & sic haberent vniuersa septuaginta & septem lucernas. Erant tamen multo plura, quia candelabra argentea subticentur hic. Aurea autem erant decem, vel vndecim sicut dicit Nicolaus. Et cum essent alia argentea, ut patet præced. lib. 28. cap. & non ponitur numerus illorum, credendum est, quod illa essent multo plura quam aurea propter materiæ minoritatem: & sic cum eiusdem figuræ essent candelabra omnia, multo plures quam septuaginta & septem lucernas continerent.

Quomodo erant tot mensæ in templo Salomonis, cum vnica esset in tabernaculo Moyfi.

Questio. XVIII.

QVAERITUR vltcrius, circa mensas istas, de quibus dicitur, quod erant tot mensæ in templo Salomonis, quæ in tabernaculo Moyfi vnica erat, Exo. 25. Respondendum, quod in tabernaculo Moyfi non debuerunt esse multe mensæ. Primò quia cum esset mensa propositionis de auro purissimo, difficile erat Hebræis tantam copiam auri, & argenti habere, ut multe mensæ fieri possent inde, quia non habebant nisi quod in Aegypto rapuerant, vel commodatum suscepserant. Secunda causa erat, quia ista mensa sufficiebat ad ministracionem, ad quam facta erat, ut in ea ponerentur panes coram Domino, qui vocantur panes propositionis: & ob hoc ipsa vocabatur mensa propositionis. Sed panes isti erant duodecim solū, & capiebantur in ea. Ideo non oportebat esse plures mensas. Tertia causa erat difficultas portandi. Nam omnia vasa, quæ erant in tabernaculo Moyfi, & ipsum etiam tabernaculum portabatur a leuitis, Nu. 4. & 7. & si multiplicarentur vasa, portarentur cum difficultate, vel non possent portari: ideo debuerunt esse pauca: & sic fuit vnica mensa. De templo autem Salomonis secus fuit. Nam ibi fuerunt decem mensæ vna aurea, & nouem argenteæ: ut colligitur hic, & præcedenti libro 28. & tertio Regum 7. Mensæ autem solū erant decem, & vna erat aurea, ut patet 3. Reg. 7. & præcedenti lib. 28. cap. tenique

relique autem erant argentæ eod. cap. & in vniuerso erant decem mensæ. Causa autem quare fuerunt plures mensæ in templo Salomonis quam in tabernaculo Moyfi est multiplex: prima quia templum Salomonis erat maius quam tabernaculum Moyfi. Si autem totidem vasa solum essent, videretur templum quasi vacuum: ideo debuerunt esse plura vasa. Secunda propter maiorem necessitatem ministracionis, quia ad tenendum panes propositionis, ad quod facta fuerat mensa, quæ erat in tabernaculo Moyfi, sufficiebat illa, ideo non erat opus alias fieri. Tamen in templo Salomonis erant nunc alię ministraciones, quæ fieri debebant in mensis, ideo præter mensam propositionis factę sunt nouem alię mensę argentæ. Tertia fuit ad ornatum & propter maiorem honorem templi. Nam tabernaculum Moyfi fuit aliquid factum quasi in remediũ eo tempore, quo non erat templum Salomonis: & cũ ordinaretur ad illud, debet esse perfectio maior templi quam tabernaculi. Ideo licet in tabernaculo Moyfi esset vnica mensa, decet plures esse in templo Salomonis: & sic fuerant decem mensę. Illa autem quę impediabant in tabernaculo Moyfi esse plures mensas, non impediunt in tabernaculo Salomonis. De primo patet, quia tempore Salomonis erat multum aurum, & argentum ad fabricandum vasa: potissime quia David reliquerat pro singulis vasis aurum, & argentum in pondere certo, præcedenti lib. 28. cap. Secundum non obstat, quia licet in tabernaculo Moyfi sufficeret ad ministracionem vtranque vnica mensa: tamẽ ad ministrandum sufficienter & honorabiliter, sicut exigebatur in templo Salomonis, non sufficiebat vnica mensa: ideo fuerunt plures: potissime quia in tabernaculo Moyfi erat mensa necessaria ad tenendum panes propositionis solum. In templo autem Salomonis erant mensę necessarię ad multas alias ministraciones, scilicet ad tenendum super se vasa aurea, & argentea necessaria ad ministrandum: de quo magis dicitur sequenti quæstione. Et ita non poterant conuenienter poni nisi in mensis, ideo fuerunt plures mensę. Tertium non obstat difficultas portandi; quia quandiu durauit tabernaculum Moyfi, portabantur vasa de loco ad locum, sed factò templo Salomonis, non erant portanda, sed in æternu manerent ibi: ideo quotcumque vasa essent, & quantumcunque magna non obstabat, quod in templo Salomonis essent: & sic erant ibi decem mensę: aurea vnica, & argentę nouem.

Quę ministratio fiebat in istis decem mensis.
Quęstio. XIX.

QUÆRITVR vltius, circa istas mensas decem, quæ ministratio fiebat in eis. Respõdet Nicolaus, quod omnes istę mensę decem erant mensę propositionis, scilicet quod ponebatur in eis panes propositionis. De istis panibus propositionis quales essent, & quæ ceremoniæ fierent circa illos, declaratum est late supra 2. capi. in quibusdam quæstionibus. Et dicit Nicolaus, quod cum in mensa propositionis tabernaculi Moyfi contineretur duodecim panes, quod in qualibet istarum erant duodecim panes. Et cũ essent mensę decem, erant in eis simul panes centi & viginti, & ponerentur totidẽ per singula sabbatha, & totidẽ auferrentur. Sed dicendũ quod nõ ita, quia circa hoc est multiplex error. Primus quia Nicol. ponit esse istas mensas decem propositionis cum in qualibet earum ponerentur duodecim panes. Sed falsum est, quia mensa propositionis tam in tabernaculo Moyfi quam in templo Salomonis semper vnica fuit. Quod patet de tabernaculo Moyfi. Nam iussit Deus fieri mensam propositionis Exod. 25. & de vnica fit ibi menuo, nec in aliquo libro totius sacrę

F scripturę fit mentio, quod essent plures mensę propositionis in tabernaculo Moyfi. De templo Salomonis patet, quod esset vnica mensa propositionis. Pro quo sciendum, quod fecit Salomon decem mensas in templo, & vnica erat aurea: nouem autem argentę, & mensa aurea erat mensa propositionis. Nouem autem alię erant ad alios vsus. Quod patet, quia hic dicitur, quod fecit decem mensas, quarum posuit quinque a dextris, & quinque a sinistris: & non distinguitur hic, an vnica vel omnes essent mensę propositionis: & tamen præcedenti lib. 28. cap. dicitur, quod David dedit aurum ad mensam propositionis pro diuersitate ministrarę: similiter argentum in alias mensas argenteas. Ex quo apparet quod multę mensę erant, scilicet decem vt dicitur hic: & vnica illarum vocata est absolute mensa propositionis quasi vnica esset, & alię non vocatę fuerunt sic, sed fuerunt ad alios vsus. Item patet hoc, quia 3. Reg. 7. dicitur, quod fecit Salomon altare aureum, & mensam, super quam ponerentur panes propositionis auream: ecce nominauit vnica mensam propositionis, & illam dixit esse auream quasi vnica esset. Hoc etiam aliquantulum colligitur hic, quia cum dicatur, quod posuit Salomon decem mensas in templo quinque ad dextram, & quinque ad sinistram, nõ dixit, quod erant mensę propositionis, sed absolute nominauit eas mensas. Secundus error Nicolai est, quia dixit quod cum in omnibus istis mensis ponerentur panes propositionis, quod erant panes centum & viginti simul coram domino semper. Sed hoc non statim quia hoc erat contra legem, & nullo modo auderent Iudæi illud facere. Nam Deus iusserat quod ponerentur duodecim panes coram eo, & mutarentur per singula sabbatha Leui. 24. Ideo sicut non auderent Iudæi proponere pauciores panes quam duodecim: ita nec auderent ponere plures, quia in caeremoniis erat certa regula data: & non licebat Iudæis transgredi illam multiplicando nec deficiendo: vt patet Deut. 12. scilicet: Quod præcipio tibi hoc tantum facito Domino Deo tuo: nec addas quidquam, nec minuas. Nullatenus ergo auderent Iudæi ponere centum & viginti panes in mensa, nec plures quam duodecim. Secundo patet, quia istud est irrationabiliter dictum. Nam caeremoniæ fiebant cum aliquali causâ significationis. Et ista caeremonia propositionis panum fiebat ad significandum quod memoria Israelitarũ erat Domino. Nam sicut isti panes manebant semper coram Domino, ita Deus recordabatur semper Israelitarum ad benefaciendum eis: & quia tribus Israel quarum Deus recordari debebat, erant duodecim, iussit quod ponerentur duodecim panes coram eo: Leui. 24. Si autem ponerentur centum & viginti panes, non maneret significatio, scilicet per coaptationem panum ad duodecim tribus Israel: & in caeremoniis potissimum erat significatio: ideo nequaquam auderent Israelitę ponere centum & viginti panes in decem mensis coram Domino. Tertiõ patet, quia irrationale est asserere aliquod contra literam scripturę addendo sine causâ. Scriptura enim posuit vnica mensam propositionis Leui. 24. & duodecim panes propositionis, & autem asserantur esse decem mensas propositionis, centum & viginti panes in eis, non existente aliquo motivo urgente, irrationabile est, & tamen non habet Nicolaus aliquid vnde colligat decem mensas propositionis, cum nihil tale dicat scriptura: nec habet unde asserat centum & viginti panes super mensas propositionis: sed solum duodecim: ideo superuacuum est irrationabile hoc asserere. Quarto patet, quia potest scriptura videri significare contrarium, scilicet quod esset vnica mensa propositionis, & hoc in duobus: primõ quia cum essent decem mensę in templo vnica

vnica erat aurea, & nouem argenteę, vt patet hic, & magis præcedenti lib. 28. cap. & tamen si omnes decem essent mensę propositionis, & poneretur simul in templo ad istam ministratorem, nõ esset vnica aurea, sed multę vel saltem omnes essent argenteę. Sic patet de candelabris templi, quia decem candelabra aurea fecit Salomon: vt patet hic & 3. Reg. 7. & reliqua candelabra argentea, vt patet præcedenti lib. 28. cap. Secundo patet, quia cum scriptura plures mensas ponat in templo fuisse, vnica tamen nominat mensam propositionis. Nam 3. Reg. 7. dicitur, quod Salomon fecit mensam auream, in qua ponerentur panes propositionis. Si tamen essent multę mensę propositionis, non nominasset ibi vnica. Item patet efficacius præcedenti lib. 28. cap. scilicet dedit David aurum in mensa propositionis, & argentum in alias mensas. Vna ergo erat mensa propositionis quę aurea erat. Reliquę autem erant alienę, scilicet non erant mensę propositionis, sed ad alios vsus. Dicendum ergo quod in templo Salomonis fuit sicut in tabernaculo Moyfi, scilicet quod vnica fuit mensa propositionis. Fecit tamen Salomon decem mensas vnę auream, & nouem argenteas. Aurea mensa erat mēsa propositionis, & in ea erant panes duodecim, qui tollebantur per singula sabbatha, vt alij noui & recentes ponerentur. Alię nouem mensę erant tanquam repositoria vasorum aureorum, & argenteorum. Nam erant multa vasa aurea, & argentea ad ministrandum coram Domino in illis, scilicet pro libamentis, sicut dicitur hic de centum phialis aureis. Erant etiā acceptabula, cyathi, mortariola, & thuribula, & alia multa, de quibus Exo. 25. Et dato quod nõ essent alia vasa, nisi istę centum phialę, opus erat haberi mensas, in quibus ponerentur ad promptę ministrandum: sic enim fit quando ministratur dominis ad mensam. Nam vna mensa comedit Dñs, & in alias sūt vasa argentea, & aurea, quibus ministratur: & quia vasa, quibus ministrabat Dño erāt multa, iō opus erat haberi multas mēsas: sic fuerūt nouę mensę, in quibus reponerentur, & quia positio panum erat ministratio magis facta quam tenere vasa, quib⁹ ministrabatur Domino, sicut mensa propositionis aurea, quia ad excellentius ministrandū erat, & mensę alię fuerunt argenteę ad reponendum in eis vasa.

De ordine istarum mensarum, & situ.
Quest. XX.

QVAERITVR vltius, de ordine istarum mēsarum, & situ, quia dicitur, q̄ posuit Salomon decē mensas in tēplo quin; ad dextrā, & quin; ad sinistram. Nicol. dicit, q̄ fuerunt decem mēse factę a Salomone, & vna facta fuerat a Moyse, quę adhuc manebat, & illa fuit posita in medio aliarum, scilicet quinque ad dextram eius, quinque ad sinistram. Et tamen omnes istę vndecim mēse erant ad latus aquilonare, sicut in tabernaculo Moyfi mensa propositio- nis erat ad latus aquilonare. Exo. 26. Sed dicendum, q̄ hoc non stat: primo quia Nicolaus non habet contrariū motum ex situ mēse in tabernaculo Moy- si ad ponendum situm eius in templo Salomonis. Nā in tabernaculo Moyfi erat vnica mensa, & non pote- rat esse nisi in vno latere tabernaculi, & sic cum tuerit in latere aquilonari non poterat esse in meridiano. In templo tamen Salomonis fuerunt decem mēse, & ad aquilonare. Secundo patet, quia si non pone- retur in scriptura aliquis situs membrarum in templo Salomonis poterat argui quam rationaliter, quod taliter situarentur mēse in ipso, i. ad latus aquilona-

Are, sicut in tabernaculo Moyfi. Et tamen ponitur hic, quod erant quinque mēse ad dextram, & quin- que ad sinistram, vt dicitur hic, ideo non est dicen- dum quod erant omnes ad latus aquilonare. Tertio patet, quia iste sensus Nicolai videtur nimis distortus, & non conueniens literę, quia dicitur hic, quod erāt quinque mēse a dextris, & quinque a sinistris abso- lutē, & non dicitur a dextris cuius, vel sinistris erant, ideo intelligendum est, quod erant ad dextram, & si- nistram domus, scilicet quod quędam mēse erant ad dexteram partem templi, scilicet ad partem aquilo- narem, & alię mēse erant ad sinistram, scilicet ad la- tus meridianum. Quod autem intelligatur a dextris, & a sinistris mēse quā fecerat Moyfes nimis est ex- traneum: cum non fiat hic mentio aliqua de mēsa, quam fecit Moyfes. Item istud non est contra signifi- cationem, quare posita fuit mēsa in tabernaculo Moy- si in latere meridiano. Nam vt declaratum fuit Exo. 26. mensa fuit posita in latere aquilonari, quia per mē- sam designatur totus cibus, & humana sustentatio: & tñ terrę nascentia sunt ex parte aquilonari orbis. Nam aquilonare, et australe siue meridianū sumunt per re- spectū ad equinoctiale, quod est mediū mūdi, & voca- tur cingulus motus primi mobilis, s. p̄ pars mundi de- clinans ab equinoctiali versus polum arcticū vocatur aquilonaris: & pars declinās versus polū antarcticū vo- catur australis, siue meridiana: & quia tota habitatio hominum est cura equinoctialem versus polum arcti- cum, omnia terrę nascentia per cultum hominum sunt in plaga aquilonari. Vnde recte mensa propositionis, per quam significabatur vniuersitas terrę nascentium posita fuit in latere aquilonari: ita nūc fieret. Nam si istę mēse essent decem, cum vnica erat mensa propo- sitionis, vt præcedenti quæstione declaratum est, illa poneretur cum aliis quatuor ad partem aquilonarē, & istud tenendū: nec potest litera conuenienter adap- tari alteri sensui.

Quę vasa erant pertinentia ad altare holocaustorum.
Questio. XXI.

QVAERITVR vltius, circa centum phialas de quibus dicitur hic, quod erāt super mensas, quę vasa erant ista pertinentia ad ministerium altaris holocaustorum, vt funderentur liba cum eis, scilicet vinum, & oleum super carnes sacrificiorum, & simi- lam. Pro quo sciendum, quod altare holocaustorum habebat duplicia vasa: quędam erant administratio- nem mundam, & honorabilem, & alia ad ministratio- nem commaculatiam. Prima vasa erant aurea, & argentea, & erant reposita in mensis istis argenteis in- tra templum, & partim in exedris thesaurariorū custo- diebantur a Levitis. Alia vasa erant ænea, & erant in atrio sacerdotum apud altare holocaustorum, vel pen- debant de cornibus eius: prima vocantur phialę, cy- thi, thuribula, acceptabula, & mortariola. Et dicun- tur esse vasa ad liba fundenda, Exo. 25. Vocantur liba vi- num, & oleum: nam in sacrificiis ponebantur libamē- ta, quę sunt quinque, scilicet sal, thus, vinum, oleum, & similia. Num. 25. & Leu. 2. Et aliqua vasa istorum erant ad ponendum in eis similia. Et vocantur accep- tabula ab accipiendo, quia ampla erant, & lata, & in eis accipiebatur similia. In phialis, & cyathis ponebatur vinum, & oleum ad fundendum super carnes anima- lium immolatorum. In thuribulis & mortariolis ac- cipiebatur thus, quod cremabatur cum carnibus sacri- ficiis: & hæc omnia erant libamina: ideo dicitur quod erant ista vasa ad liba fundenda, id est, ad tenen- dum in eis libamina, & fundendum super carnes ani- malium immolatorum. Hic autem solum ponitur phialę

Phialæ centum. Intelligendum tamen est etiam de aliis vasis, scilicet acceptabulis, cyathis, mortariolis, & thuribulis: quia non fuerunt pauciora vasa in templo Salomonis quam in tabernaculo Moyfi. Potissimè quia 3. Reg. 7. ponitur, quòd Salomon fecerit in templo phialas, mortariola, & thuribula de auro purissimo: & nō solum phialæ, sed etiam omnia alia vasa similia, quæ pertinebant ad ministratorem mundam altaris holocaustorum ponebatur super nouem mensas argenteas in templo. De vasis æneis, quæ pertinebant ad ministratorem immundam altaris dicitur infra in quadam quæstione.

Fecit etiam atrium sacerdotum, & basilicam grandem, & ostia in basilica; quæ textit ære. Porro mare posuit in latere dextro contra Orientem ad Meridiem. Fecit autem Hiram lebetes, & creagras, & phialas; & compleuit omne opus regis in domo Dei: hoc est, columnas duas, & epistylia, & capita.

Fecit etiam. Hic ponitur fabricatio eorum, quæ erant extra templum, scilicet de atrio, & vasis eius: & dicitur. *Fecit etiam atrium sacerdotum.* Istud erat, in quo sacerdotes faciebant sacrificia, & ministratorem laudis diuinæ, & Leuitæ apud eos caneant. Et vocatur atrium sacerdotum ad differentiam aliorum atriorum. Nam extra templum ad partem orientalem eius erant quatuor atria, scilicet atrium sacerdotum atrium virorum mundorum, atrium mulierum mundarum: atrium immundorum virorum & mulierum & gentilium: de quibus latè declaratum est 3. Reg. 7. in quadam quæstione. Istud atrium sacerdotum erat quadratum habens parietes in circuitu parum eleuatos à pauiamento, solum vt distinguerentur sacerdotes à laicis loco: & tamen non occultabantur ab eorum conspectibus vt viderent laici ministratorem quas faciebant sacerdotes. Et istud atrium erat excellentius aliis propter sacerdotes, qui ibi erant, & propter sacras ministratorem, quæ fiebant. Nam ibi erat altare holocaustorum, & mare æneum, & luteræ, & multa vasa sacra. *Et basilicam grandem.* Aliqui intelligunt quòd erat ista basilica atrium sacerdotum, sed falsum est: vt dicitur infra in quadam quæstione. Est autem basilica propriè domus regis dicta à basileon quod est rex, & inde tractum est, quòd quodlibet edificium magnum, & quasi regale vocetur basilica: & ita erat de atrio templi: iō vocatum est basilica. Est autem basilica hæcatium exterius, vt infra declarabit. *Et ostia basilicæ, quæ textit ære.* i. fecit ostia in basilica, quæ textit ære. Ista fuerunt quatuor ostia in quatuor lateribus, vel partibus atrij, de quibus infra dicitur: & fuit istud es pulchrum ad ostendendam pulchritudinem domus. Erant autem portæ lignæ: & tamen erant opertæ laminis æneis de ere corintho, quod est pulchrum æs velut aurum, de quo infra dicitur in quadam quæstione. Et differebant istæ portæ atrij à portis templi, quia portæ templi erant opertæ laminis aureis, vt patet 3. Re. 6. & præcedenti ca. Portæ autem atrij, de quibus hic dicitur, erant opertæ laminis æneis. Porro mare posuit in latere dextro contra Orientem ad meridiem. De fabricatione istius maris supra dictum fuerat: hic autem agitur de situatione eius. Erat autem mare in atrio sacerdotum. Istud mare est, quod vocat mare æneum, in quo lauabant sacerdotes, & positum erat super duodecim boues æneos: & erat in atrio

sacerdotum, & non intra templum: quia quicumque sacerdotes ministraturi essent in sanctuario, lauare debebant manus, & pedes in mari æneo, sicut lauabatur in labro æneo Moyfi: Exo. 30. Nam istud mare successit illi labro æneo, & si esset in templo, oportebat quòd sacerdotes ingrederentur immundi in templum, & lauarentur ibi, & aliquando deberent intrare in templum, vt lauarentur ibi ad ministrandum exterius in atrio, scilicet in altari holocaustorum, quod foris erat: ideo debuit esse foris in atrio sacerdotum istud mare: Et dicitur quod erat in latere dextro, scilicet ad Meridiem. Nam si quis exiret de templo procedendo contra Orientem, habebat latus dextrum ad meridiem, cum porta templi esset ad partem orientalem eius. Et dicitur contra Orientem, scilicet apud introitum atrij: & in parte illa erat meridianum latus. Ad euidentiam huius considerandum est, quod atrium sacerdotum erat quadratum, & erat ante portam templi ad orientalem partem eius, & erat magis propinquum Orienti quam templum. Vnde latere occidentale atrij & orientale templi erant propinqua, licet non coniungerentur: quia inter illa erat porticus templi, quæ vocabatur porticus Salomonis. Et latus meridianum atrij correspondebat lateri meridianum templi, & sic de aquilonari. Et paries orientalis atrij erat maxime distans à templo quam aliqua alia pars atrij. Ideo si aliquid erat contra partem orientalem atrij, erat nimis elongatum à templo, & in parte illa erat introitus ad atrium. In parte autem illa erat mare æneum: & sic magis elongatum erat mare æneum à templo quam alia vasa. Et tamen latus orientale fuit paries, apud quem erat istud mare extendebat se in latum, & copulabat duo latera, scilicet meridianum parietem & aquilonarem: vt sic clauderetur se meridiano efficiens angulum, erat mare æneum. Et sic magis elongatum erat mare æneum: & sic erat mare æneum contra Orientem, & ad meridiem. *Fecit autem Hiram lebetes.* Hic agitur de quibusdam vasis altaris holocaustorum quæ pertinebant ad ministratorem immundam, erant quæ extra templum in atrio sacerdotum. Vocantur lebetes caldaria æneæ, in quibus suscipiebantur cineres de altari holocaustorum, vt declarabitur magis infra in quadam quæstione. *Et creagras.* Vocantur creagræ quidam vinci ænei, scilicet coclearia ferrea, quæ vocantur fuscinulæ, vel tridentes: & sunt ad mouendum carnes in olla, vel cacabo: & ad leuandum inde quod coquitur. Ad quid autem ista proficerent in sanctuario, infra dicitur in quadam quæstione. *Et phialas.* Sunt phialæ vasa vinaria, vel aquatica: & non sunt istæ phialæ, de quibus dicebatur supra, quòd fecit Salomon phialas aureas centum, quia illæ erant aureæ, & istæ æneæ. Etiam quia illæ deponerentur intra templum super nouem mensas argenteas. Iste autem phialæ æneæ erant in atrio sacerdotum: etiam illæ phialæ aureæ erant ad fundendum liba, vt patet Exo. 25. & declaratum fuit supra in quadam quæstione. Iste autem phialæ non erant ad liba fundenda, sed ad aliam ministratorem minus honorabilem, & minus sacram, cum essent æneæ; & poterant esse istæ phialæ ad reponendum aliquid de vino, vel oleo, quod non cedebat sacrificijs: vt infra declarabitur in quadam quæstione. *Et compleuit omne opus regis in domo Domini.* i. omne opus quod iusserat fieri rex: Nā istud opus nō erat regis, sed pro Deo. Erat tamen opus regis inquantum ipse iubebat illud fieri, & faciebat expensas. Et hoc declarat, cum dicitur in domo Domini, scilicet quod opus istud erat domus Domini, id est templi: illa oia fecit Hiram, quia ipse erat princeps oium artificum, vt patet supra c. 2. *Hoc est columnas duas.* Hic explicat, quod supra dictum fuerat, quod compleuit omne opus regis in domo

mo Domini: & istud opus est, quod sequitur, scilicet columnarum duarum &c. Non est tamen intelligendum, quod hic omnia vasa exprimantur, quia multa subticentur: ideo expressis quibusdam nominatim postea ponitur clausula generalis, scilicet, & omnia vasa fecit Salomoni. Istae duae columnae erant, quae positae fuerunt ante fores templi ad partem Orientalem in porticu eius, de quarum fabricatione patet 3. Reg. 7. *Et epistylia, & capita.* Epistylia columnarum ponebantur super columnas in summitate earum, ideo vocantur epistylia. Sub epistylis, quod est super, & hastile, quia super hastilia columnarum erant posita. Capita autem erant aliae partes super epistylia. Pro quo sciendum, quod in qualibet columna erant quatuor partes distinctae. Prima erat hastile, quod proprie vocabatur columna: & istud erat longum, & rotundum, & grossities sua erat regularis, tanta erat grossities eius in una parte sicut in alia, & erat longitudo eius decem & octo cubitorum: & vocatur ista pars hastile, quia in modum hastae erat facta, scilicet maior erat longitudo quam grossities, & ipsa grossities rotunda erat. Secunda pars erat basis. Nam columnae consueverunt locari super bases, quae sunt ampliores quam hastilia columnarum, & hoc ut ipsa hastilia non submergantur in terra propter acutiem, quod non fiet, cum supponuntur hastilibus. Bases autem latae sunt, & sunt corpora irregularia. Non aequaliter grossa in omnibus partibus, & ut communiter magis ampla quam alta. Istae bases erant altitudinis cubitorum octo: ut infra probabitur: de latitudine earum non potest probari quanta esset. Tertia pars columnae erat caput, vel epistyle: & erat quaedam pars, quae ponebatur immediate in summitate columnae, cuius altitudo erat quatuor cubitorum, 3. Reg. 7. Quarta pars erat caput, siue capitellum, quod idem est. Et erat quaedam alia pars posita super epistyle columnae. Et istud caput in parte inferiori erat latum, & in superiori terminabatur in acutum: & erat altitudinis cubitorum quinque, ut patet 3. Reg. 7. Et ambae istae partes vocantur ibi capitella, siue capita, ideo dicitur, quod super unum capitellum erat aliud capitellum. Haec autem melius nominantur, ut cognoscatur distinctio. Epistylia & capita, quia epistylia sunt, quae ponuntur immediate super hastilia columnarum: capita autem, vel capitella, quae ponuntur in summitate totius columnae. Et hoc proprie dicitur, quia caput summitatis rei est: ita ista pars sola, quae ponebatur in summitate columnae caput, vel capitellum appellari debebat. Ex hoc autem apparet, quod licet omnes istae quatuor partes praedictae possint appellari partes columnae, nulla vocantur proprie columna nisi prima, eo quod illa retinet figuram columnae: & sic vocatur columna illud hastile solum, tertio Regum septimo, & tamen praecedenti capitulum vocatur columna illud corpus continentum ex omnibus istis quatuor partibus. Et ex hoc tollitur difficultas, quae oritur ex littera praecedenti capitulum. Tertio Regum septimo: nam tertio Regum septimo, dicitur, quod erat altitudo columnae cubitorum decem & octo: & praecedenti capitulum dicitur, quod erat altitudo hastile columnae vocatur columna, & illud erat altitudinis cubitorum decem & octo. Epistyle siue capitellum primum, quod ponebatur super columnam erat cubitorum quatuor. Capitellum secundum erat altitudinis cubitorum quinque 3. Reg. 7. & sic erat simul altitudo eorum viginti septem. Manet autem basis columnae, cuius altitudo non fuit posita, ad complendum ergo cubitos triginta quinque, quae ponuntur praecedenti capitulum, quod basis esset altitudinis cubitorum octo, & sic tota columna erat triginta octo cubitorum. De qua manifestum est, quod si columna erat, haberet basis.

Alph. Tost. super lib. Paralip. Pan 2.

A sem. De epistyli & capitello non erat tam manifestum, saltem de altero ipsorum, ideo expressum est de eis.

Et quasi quaedam retiacula, quae capita tegerent super epistylia. Malo granata quoque quadringenta, & retiacula duo, ita ut bini ordines malo granatorum singulis retiaculis iungerentur, quae protegerent epistylia, & capita columnarum. Bases etiam fecit, & conchas quas superposuit basibus, mare unum, boues quoque duodecim sub mari. Et lebetes, & creagras, & phialas. Omnia vasa fecit Salomoni Hiram pater eius in domo Domini ex ere mundissimo. In regione Iordanis fudit ea rex in argillosa terra, inter Sochor, & Saredatha. Erat autem multitudo vasorum innumerabilis, ita ut ignoraretur pondus eorum.

C Et quasi quaedam retiacula, quae capita tegerent super epistylia. Scilicet fecit Hiram retiacula quaedam in capitibus columnarum, quae erant super epistylia: scilicet in epistylibus non erant aliqua retiacula, sed in capitibus, quae erant in summitatibus columnarum, erant ista retiacula, ut quidam volunt, sed falsum est, ut patet infra hic, tamen solum dicitur de retiaculis capitellorum, & non epistylium. De istis retiaculis, scilicet, quomodo essent septem versusum retiacula, & qualiter sculpta patet tertio Regum septimo, & ibi declaratum est, & etiam praecedenti cap. Et vocantur retiacula, quia in modum retis facta erant, scilicet capitella columnarum perforata erant ad modum retis, ut introiret lumen solis per foramina ipsa, ut sic pulchritudo ostenderetur in opere. Malo granata quoque quadringenta. Scilicet, in qualibet columna erant malo granata quadringenta. Sed obijcietur, quia 3. Reg. 7. dicitur quod erant ducenti ordines malo granatorum in capitello secundo, & similiter in primo, ideo necesse erat quod in ambobus capitellis simul essent quadringenta malo granata. Etiam Iere. 52. ubi agitur de istis malo granatis columnarum, dicitur, quod erant malo granata nonaginta & sex dependentia. Dicendum quod istud inconueniens insurgit ex eo quod littera ista corrupta est: nam deberet dici malo granata quoque quadringenta, & dicitur quadraginta. Fuit autem error ex imperitia scriptorum propter similitudinem nominis, quia non aduerterunt an scriberent quadringenta, vel quadraginta. Patet autem iste error ex littera Hebraica hic: ubi ponuntur quadringenta malo granata. Et consonat hoc litterae, quae habetur tertio Regum secundo, ubi ponuntur ducenti ordines malo granatorum. Nam ducenti ordines continent quadringenta malo granata, scilicet in quolibet ordine duo malo granata: quia ordo non constituitur ad minus nisi ex duobus. Quomodo autem stet littera Ieremiae quinquagesimo secundo, ubi ponuntur solum malo granata nonaginta & sex, dependentia, declaratum est tertio Regum septimo, in quadam quaestione. Et retiacula duo. Retiaculum accipitur dupliciter. Vno modo pro uno versusu, vel linea retiaculi. Alio modo pro uno ordine retiaculorum. Pro quo sciendum, quod in quolibet capitello

H colum.

columnarum, scilicet in duobus capitellis ipsarum erant duo ordines, vel congregationes retiaculorum. Et ordo superior retiaculorum continebat septem verius, vel lineas retiaculorum in gyro capitelli: scilicet septem circulos retiaculorum. Et ordo inferior continebat totidem retiacula & circulos. Et patet hoc, quia 3. Reg. 7. dicitur, quod erant in capitello vno septena verius in retiacula. Et tamen non vocantur septena, nisi sint ad min⁹ quatuordecim dissoluta per duo septem. Et sic possunt vocari illa retiacula quatuordecim vel duo retiacula, idest duo ordines retiaculorum, & ita accipiuntur hic. *Ita ut bini ordines malogranatorum singulis retiaculis iungerentur.* Ad intelligentiam huius considerandum est, quod ut dictum fuit supra, super hastile columnæ ponebatur immediatè epistyle, & super epistyle ponebatur capitellum. In loco autè ubi epistyle coniungebatur hastili, vel columnæ erat quidam circulus grossus in lapide factus per cauationem, sicut videmus fieri in multis columnis: & super illum circulum pendebant centum malogranata: & sub circulo pendebant totidem. Et vnum malogranatum superius respiciebat aliud malogranatum inferius sibi oppositum: & ambo constituebant vnum ordinem. Et isto modo in circuitu illius ciruli erant centum ordines malogranatorum constituti ex ducentis malogranatis, quorum centum erant superius & ceterum inferius. Rursus in loco ubi capitellum columnæ coniungebatur epistyle erat alius circulus grossus de ipso lapide: & super ipsum pendebant centum malogranata: & sub ipso totidem, & constituebant alios centum ordines malogranatorum: & sic erant ducenti ordines malogranatorum in qualibet columna, in quibus erant quadringenta malogranata. Et isto modo accipiuntur ordines malogranatorum in libris Regum. Hic autem aliter accipiuntur, quia solum possunt assignari quatuor ordines malogranatorum. Erant autem duo retiacula solum in qualibet columna: ideo erant solum quatuor ordines malogranatorum: & tunc accipitur ordo malogranatorum pro vno circulo malogranatorum. Nam in epistyle erat circulus de lapide, & super circulum erant centum malogranata in gyro: & illa vocantur vnus ordo malogranatorum, & sub circulo erant totidem malogranata, & faciebant alium ordinem. Apud circulum autem, qui erat in capitello super epistyle: erant alij duo ordines malogranatorum: scilicet centum in quolibet ordine. De istis ordinibus malogranatorum dicitur quod coniungebantur duobus retiaculis: scilicet quod sub vno retiaculo, in quo erant septem verius retiaculorum erant duo ordines malogranatorum, & apud aliud retiaculum in quo erant septem alij verius, erant ordines duo malogranatorum. Erant autem ista retiacula sic disposita, quod in capitello erat vnum retiaculum: scilicet vnus ordo retiaculorum, qui continet septem verius retiaculorum: & istud retiaculum erat in medio capitelli: & in extremitate inferiori eius erat circulus grossus de lapide, in quo pendebant ducenta malogranata: centum superius, & centum inferius: & sic erant isti duo ordines malogranatorum apud retiaculum vnum. scilicet sub ipso. In epistyle autem in medio eius erat aliud retiaculum continens septem verius retiaculorum, & sub illo erat circulus de lapide in extremitate inferiori epistylis: & ibi erant duo ordines malogranatorum, sicut supra declaratum est. Et isti etiam duo ordines erant sub retiaculo, & sic bini ordines malogranatorum singulis retiaculis iungebantur. *Qui protegerent epistyle & capita columnarum.* Idest ista retiacula tegebant capita columnarum et epistyle. Accipitur protegere, idest tegere. Nam sicut hic dicitur, quod retiacula protegerent capita, et epistyle: ita dicitur supra quod

F quædam retiacula erant, quæ capita tegerent super epistyle: Ex hoc patet contra illos, qui ponebant retiacula solum esse in capitellis columnarum, quia non solum debent poni in capitellis sed etiam in epistylis: & hoc erat, quia erant retiacula in superficie epistylium, & capitum columnarum. *Bases etiam fecit, & conchas, quas superposuit basibus.* Aliqui errant circa hoc: putant enim quod isti sint bases columnarum suprapositarum. Nam manifestum est, quod istæ columnæ bases haberent, quibus initerentur, & mouentur propter duo. Primò quia ante hoc dicebatur de columnis, & partibus earum, & pulchritudine, ideo cum subdatur hic de basibus, videtur intelligi conuenienter de basibus columnarum. Secundò quia de omnibus partibus columnarum dictum est supra: scilicet de hastili, & epistyle, & de capitello: nec deficit aliquid nisi basis. Cum ergo dicatur hic de basibus, oportet intelligi de basibus columnarum. Dicendum tamen, quod non stat, quia dicitur hic quod fecit bases, & superposuit eis conchas. Si autem istæ bases essent columnarum, non supponerentur eis conchæ, sed columnæ: ideo dicendum quod istæ bases erant sedes quadratæ luterum pulchra varietate factæ. Nam in qualibet basi erant quatuor rotæ, & leones, & cherubim, & in medio basis foramen in quo locabatur concha, vel luter. Et patet quod intelligatur de hoc, quia supra in litera dicitur, quod fecit Hiram decem conchas, & posuit quinque à dextris, & quinque à sinistris, ut lauerent in eis sacerdotes omnia, quæ in holocaustum oblaturi erant. Nunc autem dicitur de basibus illarum concharum: quia non fuerat supra facta mentio de eis, & non declaratur late fabricatura basium istarum: eo quod 3. Reg. 7. posita fuit ista fabricatio latissimè: & non dicitur hic quot erant istæ bases: quia manifestum est, quod erant decem. Nam istæ bases erant pro conchis. Erant autem decem conchæ, ut patet supra in litera: ideo necesse erat esse bases decem. De istis conchis dicendum quod vocantur luteræ. 3. Reg. 7. & propriè vocantur sic à luo idest ablui, quia in eis abluebantur carnes. Nam supra in litera dicitur, quod in eis lauabantur omnia, quæ sacerdotes in holocaustum oblaturi essent. Differentia autem istarum concharum, & maris enei erat: quia licet in vtrisque contineretur aqua: tamen in mari eneo solum lauabantur sacerdotes quando ministrare deberent. In luteris autem siue conchis lauabantur omnes carnes sacrificiorum, de quo magis supra declaratum est. Erant autem luteræ isti locati sic, scilicet quinque ad dextram, & quinque ad sinistram: & hoc respectu atrij sacerdotum. Nam atrium sacerdotum quadratum erat, ut supra dictum fuit, & in latere orientali erat introitus per medium parietis illius, & ad dextram parietem illius introitus, scilicet versus parietem meridiana atrij erant quinque luteræ: & ad sinistram, scilicet ad latus aquilonare erant alij quinque luteræ. Marcæ autem eneam erat ad latus meridianum versus parietem orientalem, scilicet apud angulum: ubi concurrunt latus orientale, & meridianum. *Mare vnum, in quo lauabantur sacerdotes, & erat vnicum: quia tantæ capacitatis erat, quia ibi capiebatur aqua ad hoc quod lauarentur omnes sacerdotes, & adhuc plures.* Nam duo millia batos capiebat, ut patet 3. Reg. 6. & hic dicitur quod capiebat tria millia metretas. & dicitur mare vnum ad dñam præcedentiū, scilicet concharum. Nam decem conchæ cum basibus suis factæ iuerant: ita putaretur, quod erant plura maria æneanò dicitur mare vnum, quasi dicat, licet esset plures conchæ, tamè mare vnicum erat, & erant duodecim boues enei sub mari. Nam

Nam fundus maris locabatur super dorsa bouū, & erāt posteriora bouū iuncta sub mari. Facies autem eorū erant exterius, & erant quatuor boues contra Orientem, & quatuor cōtra Occidentem, & totidē ad Aquilonem, & totidem ad Austrum, vt patet supra in litera. *Et lebetes.* Sunt caldaria ad euacuandum cineres de altari holocaustorum, vt ponantur extra templum. Vel sunt ad coquendum carnes sacrificiorum, quæ pertinent ad sacerdotes, & populares offerentes: vt intra declarabitur in quadam quæstione. *Et creagras.* sc. coclearia ferrea ad mouendum carnes in olla, & leuandū inde, quæ vocantur fuscinulæ, vel tridentes. *Et phialas.* Sūt vasa ænea ad continendum vinum, vel oleum residuū de sacrificiis: vt infra declarabitur. *Et omnia vasa fecit Salomon Hiram.* Scilicet oīa vasa aurea argentea, & ænea fecit Hiram: quia ipse erat artifex operis principalis. Vt. n. nō cogeretur scriptura notare oīa in particulari, posuit clausulā generalē, dicens, q̄ fecit omnia vasa: & quamquā oīa ista vasa possint, intelligi de aureis, argenteis, & æneis: tamē magis intelligi debet de æneis: quia sequitur in litera, q̄ in regione Iordanis fudit ea rex in terra argillosa: & tñ ista fusio non fiebat in vasis aureis, & argenteis, sed solum in æneis. Et magis patet hoc, quia dicitur in litera de ære mundissimo. *Pater eius.* Vocatur Hiram pater Salomonis, non q̄ vere esset pater Salomonis, quia Salomon erat filius Dauid: sed quia Salomō vocabatur eum patrem propter auctoritatem, & peritiam artis, quia tam perit⁹ erat circa oīa artificia, q̄ ab oībus honorabatur, & rex vocabatur eum patrem. Sic etiam Hiram rex Tyri vocabatur istum Hiram patrem meum, supra cap. 2. *In domo domini.* Id est ad ministeriū domus Domini: & non est sensus q̄ facta sūt ista vasa in domo Domini. Nam facta sunt in regione Iordanis, cum dicatur in litera, quod fudit ea rex in regione Iordanis in terra argillosa. Sed erāt oīa ista vasa ad ministerium domus Domini: eo quod oīa vasa ænea erant ad subseruiēdum altari holocaustorum. *Ex ære mundissimo.* Hic determinatur de quibus vasis, nō intelligatur istud. sc. quod licet dicatur de oībus vasis, nō ex ære mundissimo facta sunt. Et vocatur æs mundissimum, id est purissimum, quod non haberet fæces aliorum metallorum impuriorum. Vel vocatur æs mundissimum æs corinthum, de quo iuxta dicetur in quadam quæstione. *In regione Iordanis fudit ea rex.* Scilicet, omnia ista vasa de ære facta sunt opere fusorio in terra Iordanis, scilicet in campestribus circa Iordanem. Et hoc fuit, quia apud Iordanē erat terra argillosa, in qua funderentur vasa: & dicitur quod fudit ea rex, i. præce fieri dicitur ipse facere. *In argillosa terra.* Argilla est terra bene commiscibilis, de qua singuli fingunt vasa temas fusorias: sicut videmus in fabricatione campanarum. Et quia multa vasa ænea erāt necessaria pro quo cilius, quod fieret ista fusio vasorum in terra argillosa, pro argilla ad regionem Iordanis, de qua formarentur figuræ fusoriae. *Inter Socho, & Saredatha.* Duæ vrbes sunt istæ in capestribus Iordanis, & inter eas est terra argillosa, & sunt in regione Iordanis non multum distantes ab vrbe Iericho. Istæ vrbes vocantur 3. Regum 7. Socho, & Sarthan: nec est mirum, quia in nominibus Hebræis sepe mutantur aliquæ literæ, vel syllabæ, & interdum eadem res multa nomina habet: & sic vocatur Sarthan Serodatha. Iste locus Sarthan est iuxta Iordanem, & non longe à Iericho. Nam quando Israhelites transierunt Iordanem pede sicco, vt irent ad vr

A bem Iericho, aquæ, quæ steterunt quasi murus, visæ sunt ab vrbe Sarthan vsque ad Iordanem, vt patet Iosue 3. scilicet: Aquæ descendentes apparebant procul ab vrbe, quæ vocatur Adon vsque ad locum Sarthan. *Erat autē multitudo vasorum innumerabilis.* Istud est reddituum cau sę præcedēis dicti, scilicet quare in terra argillosa apud Iordanem facta sunt vasa ista, scilicet quia erat multitudo vasorum innumerabilis. Nam si pauca vasa fuissent fabricanda, allata fuisset argilla de regione Iordanis In Ierusalem, vt ibi fierent vasa ista ænea, sicut omnia alia pertinentia ad sanctuarium, quia tamen erant vasa innumerabilia, quæ deberent fieri opere effusorio, essetque difficillimum argillam pro omnibus illis afferri in Ierusalem, fuit conueniens vasa fieri in regione Iordanis in terra argillosa. Istā multiplicatio vasorum fuit tam in aureis, & argenteis, quā in æneis: & tamen nō fuerunt tanta aurea, & argentea propter paucitatem materiæ sicut ænea. Etiam quia magis necessaria erant vasa ænea quā aurea, & argentea, cum in lebetibus deberent coqui carnes sacrificiorum: & interdum erant multi offerentes, & requirebantur vasa multa: & sic de aliis æneis vasis. *Ita vt ignoraretur pondus gr̄is.* Id est tantus erat numerus vasorum æneorum, quod nesciebatur pondus. Nam licet sciretur numerus vasorum, nesciebatur pōdus eorum, quod propter multitudinem vasorum non curabatur de pondere cuiuslibet eorum, & sic ignorabatur pondus.

Vasa ænea, vt lebetes, & creagrii, quæ vasa erant, & ad quam administrationem facta.

Quæst. XXI.

QVAERITVR circa p̄dicta, primò de vasis æneis, de quibus supra dicitur, scilicet de lebetis, & creagrii, quæ vasa erant, & ad quam ministratorem. Respondendum, quod sicut declaratum fuit supra in quadam quæstione, altare holocaustorum habebat duplicia vasa, quædam ad ministratorem mundam, quæ erāt argentea, & aurea, & alia erāt ad ministratorem immundam, quæ erant ænea. De argenteis, & aureis dictum fuit supra. Nunc dicendum de æneis, quæ erant ad immundam ministratorem. Et dicendum quod habebat altare holocaustorum multa genera vasorum æneorum, scilicet lebetes, fuscinulas, forcipes, & ignium receptacula, vt patet Exod. 27. Hic autem ponuntur alia vasa ænea, sc. creagræ, & phialæ. & 3. Reg. 7. ponuntur lebetes, scutres, & amule, & aliqua vasa istorum, quæ inter se coincidunt: nam scutres, lebetes, & amule coincidunt cum illis, quæ habentur Exo. 27. vt declaratum est. 3. Reg. 7. Hic etiam ponuntur lebetes, quæ coincidunt cum illis, quæ habentur Exod. 27. creagræ autem ponuntur hic, quæ sunt fuscinulæ. Sed solæ phialæ, quæ ponuntur hic, superaddunt ad vasa, quæ habentur Exo. 27. Lebetes autem sunt vasa plana aliquantulum ad suscipiēdos cineres, & excludendos illos de altari extra sanctuarium: vel sunt lebetes olle, in quibus coquebantur carnes sacrificiorum. De primo patet Exod. 27. cum dicitur: Fecit lebetes ad suscipiēdos cineres. Pro quo considerandum, quod in altari holocaustorū fiebant omnia sacrificia, & ibi cremabantur ligna assidue. Nam ignis erat in altari perpetuus per appositionem lignorum, quam faciebat sacerdos: vt patet Leuitico sexto, scilicet, ignis in altari semper ardebit, quem nutriet sacerdos, subiciens ligna manē per singulos dies. Et cum cremarentur multa sacrificia, & multa ligna quotidie in isto altari; fiebat multus cinis, & vt nō effunderetur per pavementum, & inquinaret sanctuarium, quotidie effundendus erat extra tēpli atrium.

H 2 Et

Et ad hoc sacerdos, qui faciebat sacrificium matutinum surgens ad ortum solis antequam faceret aliquod sacrificium, vel ministracionem in sanctuario induebatur tunica linea, & foeminalibus lineis, quæ erant vestes sacerdotales, & colligebat cineres omnes de altari ponens in lebetes, & ponebat lebetem cum cineribus apud altare: & tunc exuebatur vestibus sacerdotalibus, & manens in vestimentis suis popularibus tollebat cineres in lebetes, & ferebat extra urbem ad locum mundum, ibique faciebat eos rursus cremari usque ad fauillam. Quo facto redibat ad sanctuarium, & faciebat sacrificium primum quod vocabatur matutinum: ut patet Leuit. 6. Ista cœremonia effusionis cinerum fiebat sic quolibet die. Et ad hoc erant necessarij lebetes, in quibus tollerentur cineres. Alio modo proficiebant lebetes ad aliam ministracionem, scilicet ut coquerentur in eis carnes sacrificiorum. Pro quo sciendum, quod sacrificia erant tria, scilicet holocausta, hostiæ pro peccato, & hostiæ pacificæ. De holocaustis nihil coquebatur; quia omnes carnes animalis cum animalibus suis, & capite, pedibus, atque in reftinis lotis cremabantur in altari. Leuit. 1. cap. Solus fimus, & pellis, & cornua de animali tollebantur, ne cremarentur in sacrificio. Sacrificium pro peccato, & pro delicto pertinebat ad sacerdotes totaliter, ut comederent illud, & comedebant in loco sacro: ut colligitur Leuit. 6. & 10. De sacrificio pacifico fiebant partes, quia quædam pars cremabatur in altari, scilicet adipēs, & aliquid de carnibus. Leuit. 3. & aliquid dabatur sacerdoti facienti cœremonias sacrificij, scilicet petusculum, & armus dexter Leuit. 7. Reliquæ carnes animalis immolati pertinebant ad offerentem: ut colligitur eo. c. Cum autem carnes aliquæ de sacrificio pertinebant ad sacerdotes, vel ad offerentes, coquebantur in atrio templi, & comedebantur ibi, quia cum essent carnes sacræ, ibi debebant comedi. Et ad hoc erant facta vasa aliqua in sanctuario, scilicet lebetes, vel caldariæ, aut ollæ æneæ, in quibus coquebantur istæ carnes. De hoc patet 1. Reg. 2. scilicet, Quicumque immolasset victimam, veniebat puer sacerdotis, dum coquerentur carnes, & habebat fuscinulam tridentem in manu sua, & mittebat eam in lebetem, vel caldariam, aut ollam, aut in cacabum, & omne quod leuabat fuscinula tollebat sibi. Ecce qualiter carnes sacrificiorum coquebantur ab offerentibus in ipso sanctuario in ipsis vasis: ideo licet ibi non dicatur an isti lebetes, caldariæ, cacabi, & ollæ essent vasa sacra de vasis sanctuarij, vel adducerentur ab offerentibus, in quibus coquerent carnes sibi debitas, satis videtur, quod aliqua vasa istorum essent de vasis sanctuarij, licet de hoc disputatum est Exodi 27. Dato tamen, quod non esset necesse, quod fierent vasa de expensis sanctuarij, in quibus coquerentur carnes debite sacerdotibus, & offerentibus; Salomon, ut prouideret omnibus, cum haberet copiam æris, faceret vasa ænea ad hoc potissimum, quia cum in sanctuario iuberetur fieri fuscinula, tridens, siue creagra: iuberetur etiam fieri olla, quia fuscinula non est nisi ad disponendum carnes in olla, vel lebetes. Secundum vas erat fuscinula, quæ est colear ferreum. Et vocatur fuscinula, quia fusca est propter fumum, & brodium quo inquinatur: nam cum ad ignem, & fumum accedat, necesse est eam offuscarī. Vocatur etiam creagra à creos, quod est caro, quia est ad mouendum carnes in olla, & tollendum eas inde. Vocatur etiam interdum tridens, quia tres dentes, vel vncinos habet ad tenendum, & arripiendū carnes existentes in olla, ut leuentur inde, & vocatur fuscinula Exo. 27. creagra hic, & tridens 1. Reg. 2. Officiū huius erat, quod offerentes sacrificia quando coquerent carnes sibi debitas in sanctuario in caldarijs, vel ollis mouerent eas, & leuarent fuscinulis. Et idem faciebant sa-

cerdotes quando coquebant carnes sibi debitas, de sacrificio pro peccato, vel pro delicto. Et sic puer sacerdotis magni in sanctuario Domini quando erat in Silo tenens fuscinulam manu mittebat eam in caldariam, vel ollam, cacabum, aut lebetem: ubi coquebantur carnes sacrificiorum, & tollebat sibi quidquid inde leuaret fuscinula 1. Reg. 2. cap. Forcipes erant æneæ ad tenendum carbones, & ligna: nam sacerdotes debebant nutrire ignem in altari holocaustorum, ut esset perpetuus Leuit. 6. scilicet, Ignis in altari meo semper ardebit, quem nutriet sacerdos, subiiciens ligna mane per singulos dies. Et quia durum erat, quod sacerdos carbones manu moueret: & etiam quia non posset conuenienter illum ignem disponere, facti sunt forcipes ad mouendum carbones, & ligna honestius, & facilius. Etiam interdum tollebantur carbones de altari holocaustorum ad cremandum thymiamam, & tunc forcipe opus erat. Quotidiè namque bis, scilicet mane, & vespere cremabatur thymiama. Exo. 3. & tunc accipiebantur prunæ de altari holocaustorum, quibus supponebatur thymiamam: ut cremaretur, & non licebat accipere prunas pro crematione thuris nisi de altari holocaustorum. Vnde Nadab, & Abiu duo filij Aaron, cum offerre deberent thymiamam ad cremandum super altare, non acceperunt de igne altaris holocaustorum, sed de igne alieno. Ideo ignis egressus à Domino combussit eos, Leuit. 10. Ad accipiendum ergo prunas quotidiè bis de isto altari holocaustorum exigebantur forcipes, ut sacerdotes non applicarent manus igni, vnde generaliter quandoque quis ignem de altari capere deberet, forcipe utebatur ad tenendum carbones. Sic patet in visione Isaia: quoniam venit ad eum vnus de Seraphim, & purgauit labia eius. Nam dicitur, quod volauit ad eum vnus de Seraphim, & tulit calculum forcipe de altari, & purgauit labia eius. Isa. 6. Quartum vas erat ignium receptaculum, & ista erant quædam vasa ænea holocaustorum sumptus portabatur ad altare thymiamatum. Et vocantur ista vasa thuribula alio nomine. Pro quo sciendum, quod sicut dictum est supra, quotidiè cremabatur bis thymiamam coram Domino in altari thymiamatum, & illud thymiamam ponebatur super prunas, ut arderet. Vas autem illud, in quo accipiebatur prunæ de altari holocaustorum, ut portarentur ad altare thymiamatum vocabatur receptaculum ignis, quia in eo recipiebatur ignis. Et quia seruiebat altari holocaustorum, eo quod prunæ de illo accipiebantur holocaustorum, eo quod prunæ de illo accipiebantur holocaustorum. Vocatur etiam ista vasa thuribula, quia thus ponebatur in eis. Nam postquam introducerentur prunæ de altari holocaustorum ad altare thymiamatum ponebatur super thymiamatum, quousque totum thymiamam esset consumptum. Et quia thymiamam, & alia cōfectiones sicca odorifera vocantur generaliter thus, dicebatur istud vas thuribulum. Et sic intelligitur, quod Nadab, & Abiu filij Aaron arreptis thuribulis posuerunt ignem alienum in eis, & cum irent ad offerendum coram Domino, ignis egressus à Domino de altari combussit eos, Leuit. 10. Quintum vas erat Phiala, & de phialis non sit mentio inter vasa altaris holocaustorum, nec reperitur facta mentio alicubi nisi hic: & videtur quod phiala erat vas vinarium, vel olearium, in quo reuehebatur pars debita sacerdotibus de vino, & de oleo. Nam cum sacrificijs holocaustorum, & pacificis offerebantur libamina, scilicet simila, vinum, oleum, sal, & thus. Et non cremabantur omnia ista, sed pars libaminum proueniebat sacerdoti, nisi de thure, quia totum illud cremabatur, Leuit. 2. c. Ideo pars vini debita sacerdotibus de libamine vini, & olei reuebatur in aliquibus vasis: & ista

Cœremonia sacrificiorum.

Fuscinula & creagra vnde.

Thuribulum quod esset

Phiala quod esset

& ista vasa vocabantur phialæ. Ista sunt vasa altaris holocaustorum, & istæ sunt ministraciones eorum: aliqui ponuntur batilla inter vasa altaris holocaustorum, sed coincidunt cum forcipibus: quia batilla sunt ad movendum carbones in igne. de hoc Num. 4.

Quæ erat ista grandis basilica, quam Salomon fecit.

Quæst. XXIII.

QUÆRITVR ulterius, quia dicitur hic in litera, quod fecit Salomon basilicam grandem, quæ erat ista basilica. Aliqui respondent, quod ista basilica erat atrium sacerdotum. Nam basilica proprie est domus regis dicta à basileon, quod est rex, & inde omnia ædificia magna, & pulchra, quæ sunt sicut ædificia regalia possunt vocari basilicæ. Sic autem erat de atrio sacerdotum, quia illud erat pulchrum, cum esset ædificatum ex tribus ordinibus lapidum politorum & vno ordine lignorum cedri. 3. Reg. 7. Sed dicendum quod non stat propter tria. Primò quia ponuntur hic ista duo tanquam distincta. scilicet atrium sacerdotum, & basilica, cum dicatur: fecit atrium sacerdotum, & basilicam grandem. Secundò pater, quia dicitur, & ostia in basilica textit ære: & tamen in atrio sacerdotum non leguntur facta ostia, sed solum vnus aditus, per quem introirent sacerdotes: ostia autem de ære in domo exteriori erant. Tertiò pater quia basilica dicit domum, vel ædificium altum in modum domus: & tamen atrium sacerdotum non erat huiusmodi, quia habebat solum quatuor parietes parvæ altitudinis: Ita vt sacerdotes interiori existentes possent videri à laicis extra manentibus, ideo non vocaretur basilica. Sed dicendum, quod ista basilica fuit quoddam spatium magnum clausum muro intra quod erant omnia atria. Probant magnum quod extra templum in circuitu manebat magna spatia, quæ vallavit Salomon quodam muro altissimo. Et intra illum murum continebantur omnia, quæ pertinebant ad sanctuarium. Nam in latere meridiano, & aquilonari, & occidentali templi per quibus erant exedra thesaurorum, & custodum, & in quibus manebant ianitores, & omnes Leuitæ & sacerdotes tempore, quo ministrabant in templo: vt colligitur præcedenti lib. 9. c. & declaratum est. e. lib. 23. in quibusdam quæstionibus. Erant etiam ibi domus, in quibus congregabatur concilium seniorum. e. lib. 26. c. Ad latus autem orientis erant maiora spatia, & ibi erant quatuor atria ante portam templi: scilicet atrium sacerdotum, in quo erant sacerdotes ministrantes Domino in sacrificijs, quia ibi erat altare holocaustorum, & vasa eius. Et istud atrium erat magis coniunctum portæ templi quam alia tria, quia inter illud & portam templi nihil mediabat nisi porticus templi, qui erat in latitudine cubitorum decem. 3. Reg. 6. Erat aliud atrium virorum mundorum, & aliud mulierum mundarum. Et aliud virorum, & mulierum immundorum, & gentilium, qui etiam reputabantur immundi. Omnia ista atria erant intra murum illum magnum claudentem templum. Erat autem murus iste altissimus, & in eo erant quatuor portæ posite per quatuor cardines coeli. scilicet ad Orientem, Occidentem, Meridiem, & Aquilonem: & per illas quatuor portas erant ianitores dispositi: totum istud spatium clausum muro vocabatur basilica. Et licet esset atrium sacerdotum pars eius, tamen facta fuit specialis mentio de illo, eo quod erat pulchrius alijs partibus huius basilicæ. Etiam quia pars ista magis sacra erat, propter ministraciones sacras, quæ in ea fiebant, & non in alijs partibus basilicæ illius, & tunc non obstant tres rationes factæ in contrarium, scilicet quod esset ista basilica atrium sacerdotum, & basilica. Sicut quod atrium sacerdotum, & basilica.

Alph. Tost. super lib. Paralip. Pars 2.

A basilica illa distincta sint tanquam totum & pars. Et tamen si esset basilica illa atrium sacerdotum, nullo modo posset stare distinctio, cum dicatur: Quod fecit Salomon atrium sacerdotum, & basilicam grandem. Secundum etiam non obstat, quia in ista basilica assignata supra erant ostia: licet non essent in atrio sacerdotum. Et causa est, quia atrium sacerdotum erat intra basilicam istam. scilicet intra muros eius, & portæ muri sufficienter claudebant pro omnibus, quæ erant interiori, & tamen in basilica ista necessariae erant portæ & ostia: quia murus istius basilicæ claudebat totum sanctuarium, & quæ in circuitu illius erant. Et ultra illud non erat alius murus exterior, qui clauderet, ideo in muro illa ostia, & portæ requirebantur: & sic erant ibi Leuitæ custodientes ad quatuor portas. Et patet hoc magis, quia præcedenti libro. c. 26. ponuntur fortes ianitorum, & ponitur qui custodiebant ad portam orientalem, & qui ad occidentalem, australem, & aquilonarem, et ad portam domus consilij, siue seniorum. Et non ponuntur alij ianitores: ideo videtur, quod non erant alia ostia in atrijs nisi in muro exteriori claudente omnia atria, et iste murus continebat basilicam magnam. Tertium sibi conuenit. scilicet quia erat magnum edificium. Nam erant parietes altissimi, ita vt aspicientes terrerentur, vt ait Iosephus. 8. Antiqui.

An ostia istius basilicæ essent texta auro, vel ære.

Quæst. XXIII.

QUÆRITVR ulterius circa ostia istius basilicæ, quia dicitur hic quod textit ostia istius basilicæ ære: & tamen Iosephus 8. Antiqui. dicit ostia basilicæ fuisse aurea. Dicendum quod si fuerant ostia ista de lignis, fuerunt tamen operata laminis æneis, cum dicatur hic quod fuerunt operata ære. Nec oportet comparare aliam scripturam cum sacra scriptura in auctoritate & veritate, sed quæcumque ab illa discordet falsa est: cum ipsa contineat veritatem infallibilem. Et sic scriptura Iosephi non est comparanda sacrae scripturæ: quidquid Iosephus dicere voluerit. Quia tamen Iosephus vir magnæ auctoritatis fuit, dicendum quod ipse dixit ostia aurea esse. & tamen scriptores propter similitudinem magnam nominis aurea transcripserant. Vel aliter dicendum, quod Iosephus scripsit ostia aurea esse huius basilicæ quamquam ænea essent, & hoc propter fulgorem, quia illud es erat valde fulgens, quia erat æs Corinthium. Pro quo sciendum quod æs Corinthium est quædam species æris præciosioris inter omnia æra. Et vocatur æs Corinthium ab urbe Corintho, quæ est in græcia. Nam cum hostes semel cremarent quoddam templum in urbe illa, in quo plura simulacra aurea, argentea, & ænea erant, calore ignis metalla soluta in vnum locum templi confluxerunt: vbi ex omnibus illis metallis liquefactis facta mixtione resultauit quidam modus metalli, quod es Corinthium appellatum est, quia maior pars massæ de ære erat. Et quia de argento, & auro multum massa illa tenebat, fulgens, & præciosum valde illud æs fuit: & de tali fiebant statuarum præciosæ: & quia ostia basilicæ istius facta erant de tali ære, valde fulgebant ita vt aurea viderentur, & sic vocauit Iosephus istud es aurum. De isto ære declarat Paulus Orosius libro de Osmesta mundi. De ista basilica grandi, de atrio sacerdotum loquitur Iosephus. 8. Antiqui. Et primo de atrio, dicens: Circundedit autem templum per vniuersum ambitum, quod latè cancellus nuncupatur tribus cubitis eius engens altitudinem, vt ab ingressu templi ceteros prohiberet, & solum sacerdotibus hoc licere significaret.

De basilica grandi immediatè subdit. Extrinsecus huius templi aliam ædificauit aulam quadranguli schemate factam, erigēs maximas pòrticus, & latas, & portas excelsas, & amplas per quatuor mundi partes in eo constituens: quarum singulæ ad vnumquemque vñtum quatuor angulis attendebant, vbi aureas ianuas collocauit. In hoc ergo sacrario omnis populus, quibus purgatio, & obseruatio legitimorū inerat introibat. Siquidē mirabilis, & omnino præcipua fuit hæc sessio: quia propter contemplationem visionis ipsius excedebat aula, quæ foris erat magnas effundens profunditates. Qui propter infinitam celsitudinem non poterat aliquis sine terrore conspicerē, & erigens fabricas in quadringentis cubitis earum altitudini equales eas vertici montis, in quo templum ædificabatur effectit: & propterea aula, quæ exterius erat sub diu facta erat æqualis cum templo. Circumdedit autem porticibus hanc aulam duplicibus columnis eas ex lapide naturali portantibus.

Fecitque Salomon omnia vasa domus Dei, & altare aureum: & mensas, & super eas panes propositionis. Candelabra quoque cum lucernis suis, vt lucerent ante oraculum iuxta ritum, ex auro purissimo: & florentia quædam, & lucernas, & forcipes aureos: omnia de auro mundissimo facta sunt. Thymiamateria quoque & thuribula, & phialas, & mortariola ex auro purissimo. Et ostia celauit templi interioris, idest in Sancta Sanctorum, & ostia templi forinsecus aurea. Sicque completum est omne opus, quod fecit Salomon in domo Domini.

Fecitq; Salomon. Hic ponitur vltimum huius cap. s. vatorum epilogatio. Et dicitur. *Fecitq; Salomon.* Idest, præcepit fieri: quia nihil ipse per se fecit, sed facere q̄s dicitur, quæ fieri iubet. *Omnia vasa domus Domini.* Istud intelligitur solum de vasis aureis, & argenteis, q̄ erant intra templum. De vasis autem æneis, quæ erant extra templum in atrio, nihil loquitur hic, quod patet p̄ totam literam, cum omnia ista, quæ exprimuntur sint argentea, vel aurea, & omnia sint locata intra tabernaculum, siue templum. Et causa huius est, quia de vasis æneis, q̄ erāt in atrio sacerdotum supra positū fuit, quō fecit ea Hira. *Et altare aureum.* Duo altaria erant in sanctuario, scilicet, altare holocaustorum, & altare thymiamatum. Altare holocaustorum erat æneū, & erat extra templum in atrio eius: in quo sacrificia omnia offerebantur. Altare thymiamatum erat intra templum, in quo cremabatur quotidie bis thymiana, mane, & vespere: Exo. 30. & istud erat aureum. s. non factum totum de auro: sed quia tabulæ eius erāt opertæ petalis aureis: ita vt totū aureū videret. De altari holocaustorum, qđ erat æneum non replicatur hic, quia supra positū fuit, & cōputatur inter vasa, q̄ erant in atrio templi. *Et mensas.* Erant decem mensæ, sicut dī supra in littera, q̄ erant decem mensæ, quarum quinque erant posite ad sinistram templi, & istarum vnica erat aurea, & argenteæ nouem, vt colligitur præced. lib. 28. ca. & declaratum est supra in quadam quæst. Et mensa aurea erat mensa p̄positionis, in qua ponebātur panes. Alię nouē solū erant ad reponendū vasa argentea, & aurea pro ministerio tēpli Dñi. *Et super eas panes propositionis.*

F Isti panes p̄positionis erant duodecim, qui ponebātur super mensam auream, & vocantur panes p̄positionis, quia proponebantur coram facie Domini, vt manerēt ibi semper de sabbatho vsq; ad Sabbathum, vt ablatis illis alij recentes ponerētur, Leuit. 24. de quo declaratum est supra in quadam quæstione. Aliqui autem assumunt occasionem errandi ex hoc loco, scilicet, quod omnes istę decem mensæ essent mensę p̄positionis, quia dicitur hic, quod fecit Salomon mensas, & posuit sup̄ eas panes. Et sic vult Nicolaus, q̄ in qualibet mensa erant panes duodecim: & erant simul panes centum & viginti, cum essent decē mensæ: sed istud non stat, quia vt probatum fuit supra in quadam quæstione, vnica fuit mensa p̄positionis. **G** Et sic etiam dicendum, quod panes super vnica mensam erant. Dicitur tamen hic, quod erant panes super mensas, idest super vnā de mensis: quia sic ponitur sæpe plurale pro singulari in scriptura, & singulari pro plurali. De singulari, quod ponatur pro plurali patet Psal. 77. scilicet. Misit in eos cynomiam. Et Exo. 8. dicitur, quod venit musca grauissima. Manifestum est tamen, quod multæ muscæ, siue cynomię fuerunt in terra Aegypti. De plurali, quod ponatur pro singulari, patet hic, quia ponuntur multæ mensæ, cum deberet poni vnica. Simile patet de latronibus, qui erant crucifixi cum Christo: quorum vnus Christus subfanabat, & alius excusabat. Et tamen scriptura dicit, quod latrones subfanabant eum. Nam Matth. 27. dicitur: Idipsum & latrones, qui crucifixi erant cum eo, improperebant ei: Mar. 15. dicitur: Et q̄ cum eo crucifixi erant conuiciabantur ei: & tamen non conuiciabantur ambo, sed vnus eorum, vt patet Luc. 23. s. vnus aut̄ ex latronibus, q̄ pendebat blasphemabat eum, dicens: Si tu es Christus saluū fac te ipsum, & nos. Respondens aut̄ alter increpabat eum, dicens: Nec tu times Deum, q̄ in eadē condēnatione es, & nos quidē iustē: nam digna facti recepimus: hic verò nihil mali gessit. Item patet hoc, quia vnus de latronibus dixit Christo: Domine memento mei, dū veneris in regnū tuū: & sic ille nō conuiciabatur Christo. Et tñ dicit, q̄ cōuiciabant ei q̄ cū eo crucifixi erāt. Ita hic ponitur, q̄ erant panes sup̄ mensas, & tñ vnica mensa erat, in qua erant panes, vt declaratū est supra. **I** Dicendū tñ, q̄ non debemus tali mō expositionis vt, nisi cū necessitas cogit. s. q̄ aliunde patet veritas, sicut hic, quia supra probatū est, q̄ erat vnica mensa p̄positionis. In alijs aut̄ nō est sic exponendū, quia aliās daretur locus ad corruppendum sacram scripturam. **Candelabra quelibet cum lucernis suis.** Ista erāt candelabra aurea, & argentea, q̄ posita erant in tēplo in prima parte eius. Erant aut̄. x. candelabra aurea. v. ad dextrā, & v. ad sinistram, supra in littera, & præter ista erant alia candelabra argentea, vt patet præced. lib. 28. ca. & illorum non ponit numerus. Lucernę aut̄ erāt qđam vasa argentea, q̄ erant partes ipsorum candelaborū, & in illis ponebat oleum ad cremādū. *Vt lucerent ante oraculum.* s. candelabra lucebant ante oraculū. i. ante Sancta Sanctorum: nam erant posita candelabra in priori parte tēpli, qnq; in parte dextra, & quinque in parte sinistra. Et erant ante Sancta Sanctorū, q̄ erat domus interior. Et vocabat̄ oraculū, q̄a in ea erat p̄pitiatoriū, qđ vocat̄ oraculū Leui. 16. s. Quia corā illo orabat̄, vel magis p̄priē, q̄a ore suo loquebat̄ Deus, siue angelus sup̄ illud. Et sic vocat̄ vnię vocis oraculū responso, q̄ fit p̄ vocē. **Iuxta ritum.** i. s. m̄ consuetudinē, vel ceremoniam legis. Nam erat certa ceremonia de modo incendendi candelaborum lucernas. s. quia p̄ noctē candelaborum lucernę incendebantur, vt patet infra 12. cū dicit̄ rex Abias ad regem Ioram: est apud nos candelabrum aureum, & lucerna eius, vt accendatur temp̄ ad vesp̄rā. **Lx**

Ex auro purissimo. Scilicet, non erat aliud metallum admixtum candelabris istis, sed de auro purissimo erat. Sic etiam fuit de candelabro aureo, quod fecit Moyses in deserto. Nam de auro purissimo fuit continens talentum auri. Exo. 25. c. fuerunt tamen aliqua candelabra argentea in templo, de quibus non fit hic mentio, sed dicitur de illis precedenti lib. 28. c. *Et flores quidam.* Idest etiam erant quidam flores in candelabris, qui erant facti de auro. Non ponitur hic figura candelabrorum istorum, sed qualiscunque essent ipsa contineret aliquos flores ad pulchritudinem candelabrorum. Sic enim fuit in candelabro, quod fecit Moyses: nā erāt in eo spherule, & lilia per singulos calamos Exo. 25. & tales fortē nunc essent isti flores. *Et lucernas.* Ista est repetitio, quia iam fuerunt posite lucernæ supra, quæ erant aureæ: & erant in quibus continebatur oleum ut arderet. *Et forcipes aureos.* Isti forcipes differunt ab illis, de quibus supra in quadam questione declarauimus. Et de quibus dicitur Exo. 27. Quia illi erant ænei, & pertinebant ad altare holocaustorum ad mouendum carbones in altari. Isti erant forcipes aurei ad tollendum lychnum combustum, & emungendum lucernas, ne inquinaretur oleum. *Omnia de auro mundissimo facta sunt.* Scilicet omnia ista, quæ nominata fuerunt hic ab illo loco, altare aureum &c. sunt de auro purissimo. Nam licet in domo Domini multa vasa essent de argento, tamen hic non fuerunt nominata aliqua. Et si obijcias, quod multa candelabra erant de argento, ut patet precedenti li. 28. capit. Dicendum quod verum est, & tamen decem candelabra erant de auro, & pro illis saluabatur quod essent candelabra de auro purissimo, quia hic non intelligitur nisi de illis. Obijcitur etiam, & fortius de mensis, quia vnica erat mensa aurea, in qua ponerentur panes propositionis: reliquæ nouē erant argenteæ, ut colligitur precedenti lib. 28. & declaratum est supra in quadam questione: & tamen hic dicitur, mensas, quod necesse est de pluribus intelligi: ideo plures erant mensæ auree in templo, vel saltem intelligitur etiā hic de mensis argenteis: dicitur tamen, quod istæ mensæ erant de auro purissimo. Dicendum, quod vnica erat mensa propositionis, quæ de auro facta erat, & tamen ponuntur de mensis pluraliter pro vna: scilicet & mensas. i. vnā de mensis. Et patet hoc, quia dicitur ibi & super eas panes, & tamen manifestum est, quod panes propositio nis nō ponebantur nisi super vnicam mensam. Reliquæ autem erant ad locandum in illis vasa argentea, & aurea: & sic etiam accipitur sæpe in scriptura plura pro singulari, ut supra declaratum est. *Thymiamateria quoque, & thuribula.* Ista etiam sunt vasa aurea ad vsum altaris thymiamatum. Et vocantur thymiamateria vasa aurea, in quibus thymia conferuabatur, vel cremabatur. Thuribula autem dicuntur vasa, in quibus thura, & aliæ species conferuantur ad faciendum compositionem thymiamatis, & hoc patet. Nam manifestum est, quod quando sacerdotes accipiebant thymia, in vasis æneis accipiebant illas, & vocantur illa vasa ignium receptacula, ut declaratum est supra in quadam questione: & habetur Exo. 27. Erant autem illa vasa altaris holocaustorum, & omnia talia ænea erant. c. c. & tamen postquam introducerent in vasis aliquo vase aureo, & ibi superponerent thymia, atque cremarent: & illa vasa vocarentur thymiamateria. Vel possunt vocari thymiamateria ad conferuandum thymia. Nam thymia erat confectum ex multis speciebus aromaticarum. Exo. 30. & conferuabatur illi pulueres ad cremandum quotidie in altari his de illis: & vasa in quibus seruabantur vo-

A cabantur thymiamateria. Thuribula aurea possunt accipi dupliciter. Vno modo pro aliquibus vasis aureis, in quibus interdū solum thus cremabatur. Nam sicut erat statutum quotidie bis cremari thymia coram domino: ita cremaretur interdū solum thus, & vasa illa, in quibus cremaretur vocarentur thuribula. Vel vocantur thuribula vasa ad conferuandum thus: nam cum thymia conficeretur ex aromaticis, & thure, & multis alijs speciebus, seruabantur omnia ista materialia in domo Domini ad conficiendum de eis thymia cum opus esset: & vasa illa, in quibus thus seruaretur vocarentur thuribula. *Et phialas.* Erant vasa aurea ad ponendum in eis vinum, & oleum, quæ fundēda erant in sacrificijs holocaustorum, & pacificis. Ponebantur etiam libamēta, quæ erant vinum, oleum, & similia: sal, & thus Nu. 15. & Leui. 2. Et accipiebantur ista in quibusdam vasis ad fundendum super altare, vel super carnes sacrificiorum. Et vasa illa in quibus ponebatur vinū, & oleum, vocabantur phialæ, & cyathi. Vasa in quibus ponebatur similia, vocabantur acetabula ab accipiendo dicta. Vasa in quibus ponebatur thus, vocabantur thuribula, vel mortariola: & ponuntur omnia ista Exo. 25. & dicitur de eis quod erant ad fundenda liba. i. libamina, ut supra declaratum est. *Et mortariola ex auro purissimo.* Ista erant vasa in quibus conterebantur species ad conficiendum thymia. Nam Exo. 30. ponitur, quod ad conficiendum thymia requirebātur aroniata, & thus lucidissimum, & multæ aliæ species, & omnes simul conterebantur in mortario vique ad pulueres minutissimos, & illa mixtio sic puluerizata vocabatur thymia. Et ad hoc requirebantur mortariola. Quod autem dicitur ex auro purissimo, ad omnia supradicta refertur. i. quod omnia ista vasa erant de auro purissimo, & sæpe hoc repetitur. *Et ostia celauit templi interioris.* i. in Sancto sanctorum. Non solum fecit de auro Salomon vasa, quæ nominata sunt supra, sed etiam operuit portas sancti sanctorum auro affigens laminas aureas. Pro quo sciendum, quod Sanctum sanctorum erat domus interior templi ad partem occidentalem suam, vbi erat arca, & cherubim facti de lignis oliuarum: & habebat ostiola parua. Illa autem operata fuerunt aureis laminis, & quia illæ laminæ habebāt fabricatas imagines, dicebantur celatæ: quia celatæ est sculpere: sic patet per Ouid. 2. metamor. idest.

Materiam superabat opus, quia Mulciber illic æquora celarat medias cingentia terras. Idest.

E Sculperat æquora cingentia terras in medio. Et dicitur templi interioris. i. Sancti sanctorum. Nam templum Salomonis quantum ad illam partem, quæ erat operata tecto, & vocabatur proprie templum, erat diuisum in duas partes. Prima pars, & maior vocabatur domus exterior siue templum exterius, habens cubitos quadraginta longitudinis, & latitudinis viginti, & erant in isto templo omnia vasa ministrations diuinæ aurea, & argentea, quæ ponuntur in litra. Secunda pars vocatur domus interior, siue templum interius, et erat domus minor cubitos viginti longitudine continens, et totidem latitudine. Et ista domus vocatur templum interius, quia erat intra templum primum, nec poterat intrari ad illud nisi per portam premi templi, et istud templum vocatur Sancta sanctorum. *Et ostia templi forinsecus aurea.* Idest etiam Salomon fecit de auro ostia templi exterioris, quod erat prima domus templi: et ostia istius erant in pariete exteriori templi ad orientem, et illa populus videt. Et ad ostendendam pulchritudinem nuntian deaurant ostia templi affigens in illis laminas auri: et non dicitur hic quod factæ fuerint celaturæ in illis.

Credendum tamen est q̄ sic, vt aurum non videretur rude, sed pulchra varietas distingueretur in opere. Sic que completum est omne opus, quid fecit Salomon in domo domini. Id est faciendo omnia, que supra posita sunt, completum est omne opus, quod fecit Salomon in domo domini, quia nulla alia facta sunt saltem principaliter nisi ea, quæ habentur præcedenti. c. & hic.

Cum dictum sit de vasis templi, quare non dicitur de vestibus sacerdotum & leuitarum.

Quest. XXV.

QVAERITVR circa ista vasa templi de quibus hic dicitur & cum dicat hic de vasis, an non dicitur etiam de vestibus sacerdotum, & leuitarum. Aliquis dicet, q̄ nunc fuit factum templū, & vasa eius, vestes tamen nullæ factæ sunt, ideo nihil de vestibus dicitur. Dicendum quod hoc non stat, quia multas vestes fecit nunc Salomō p̄ sacerdotibus, & leuitis, vt ait Iosephus 8. Antiquit. & infra declarabitur. Responderi potest dupliciter. Vno modo quod licet factæ fuerint nūc vestes sicut & vasa: tamen de vestibus nihil dictū est, sicut de vasis: eo q̄ hic fit mētio de fabricatione illorum, que semel fabricata manebant in perpetuum: sic erat tēplum, de cuius fabricatione patet præcedenti. c. Sic etiam erāt vasa aurea, & argentea, & ænea, quæ ad semper durabant: ideo de illis facta est mentio. Vestes autem non durabant semper, sed paucotempore, & quotidie fiebant vestes nouæ ruptis vel inueteratis prioribus: ideo nō debuit nunc fieri mētio sp̄alis de illis. Secūdo & melius dici debet, q̄ non facta est hic mentio de vestibus, sed solum de templo & vasis, eo q̄ scriptura narrat hic illa, quæ nona erāt: quæ autē vetera erant non oportebat describi. Tēplum autem Salomonis fuit quid nouum, quia nullum templum ante hoc factum fuerat inter Hebræos, nec deus illud fieri iusserat, vt patet 2. Re. 7. & præcedenti. li. 17. c. Et nō fuit illud templum per omnia simile tabernaculo Moyfi, sed in pluribus diuīsimile. De fabricatione ergo eius mentio fieri debuit. De vasis etiam idem dicendum. Nam vasa multa facta sunt nunc in templo Salomonis, qualia nunquam facta fuerunt in tabernaculo Moyfi, & illa quæ facta sunt sicut in tabernaculo Moyfi fuerant alterius figuræ, vel pro maiori parte erant maioris quantitatis, sicut patet de altari holocaustorum, & de mari æneo. Ideo de fabricatione illorum dici debuit. Et hoc potissimè, quia deus dederat descriptionem omnium, quæ in templo fieri debebant siue partium templi, siue vasorum, vt patet præcedenti lib. 28. c. De vestibus autem non fuit sic, quia semper vestes sacerdotum tam maiorum quàm minorum factæ fuerūt sicut Deus Moyfi præcepit a principio. Exo. 28. Ideo licet Salomon nunc plurimas vestes fecisset pro sacerdotibus, & Leuitis: quia nihil immutabat de ritu antiquo, nō debuit, vel saltem non fuit necessarium scribi de illis vestibus: sed de vasis, in quibus facta est nunc aliqua nouitas facta est mentio. Nam sic etiam fiebāt vestes quotidie pro sacerdotibus, & Leuitis quando opus erat. Vasa quoque pro templo saepe post adificationem templi tempore aliorum regum facta sunt, & tamen de illis nō curat facere scriptura mentionem, licet auiat, quod multa vasa fiebant continue. Sic patet. 4. Re. 12. cum agitur de pecunia, quæ offerebatur pro lustratione templi in Gazophylatium tempore regis Ioas. Nam dicitur, veruntamen non fiebant ex eadem pecunia hydræ templi, & omne vas aureum, & argenteum. Apparet ergo quod vasa aurea, & argentea facta erant etiam tempore illius regis Ioas pro templo domini, licet non fierent de pecunia, quæ colligebatur pro pretio animarū ad faciendū tartarecta: & sic fieret

F vasa aurea, & argentea pro eodem templo tempore aliorum regum: & tamē de hoc non curat facere scriptura mentionem expressam.

An plura vasa fuerunt facta in templo quàm hic habeantur.

Quest. XXVI.

QVAERITVR vltcrius, an plura vasa fuerunt facta in templo domini quàm habeantur hic. Dicendum quod non habent hic plenè omnia vasa quæ facta sunt in templo domini: nā. 3. Re. 7. ponuntur alia vasa aurea, quæ non ponuntur hic. i. hydræ. Credendum tamen est, quod species omnium vasorum templi, & auri ponantur hic: & 3. Reg. 7. præter paucas, de quibus infra per Iosephum, eo quod ista fabricatio templi Salomonis in nullo alio loco inuenitur nisi hic & ibi: & tamen numerus vasorum in quacunque specie nec ponitur hic, & ibi. Ponit autem numerum istum Iosephus 8. Antiquit. dicens: fecit omnia vasa & creaturæ super ollas, caldarias, & trullas, & arpagiones, & omnia operatus est ex ære, cuius pulchritudo, & splendor similis auro, obtulitque rex mensarum multitudinem: & vna quidem valde precipuā aureā super quam ponebant panes dei, & hunc quoque proximas decem millia, alias mentas alio modo factas, super quas vasa iacebāt. i. pateræ, & phialæ. Aurea quidem decem millia, et argentea de pateris, et phialis quadraginta millia, fecitque candelabra decem millia secundum præceptum Moyfi: ex quibus vnum recōdidit in templo, vt per diē luceret in templo secundum legem, et mensam vnā super quam positi erāt panes ad aglonem respicientem ē diuerso positam contra candelabrum quod erat ad austrū: aureū aut altare inter hæc mediū erat: fecit rex vini infusoria octoginta millia, et phialas aureas decem millia, argenteas vero duplici numero. Pateras autem aureas ad offerendum in eis similes aureas speriam ad altare octoginta millia. Et phialas aureas et argenteas duplici numero. Crateras autem, in quibus similes cum oleo fermentabant aureas quidē sexaginta millia: argenteas vero duplici numero. Mensuræ autem similes eis, quæ Mosaicè vocabantur Aliarones quidem aureas viginti millia, et argenteas dupliciter. Thuribula verò aurea, quibus offerunt incensum viginti millia. Similiter et alia thuribula, in quibus portabant a maiori altari ignem vsque ad minus altare, quod erat in tēplo quinquaginta millia. Hec de vestibus Iosephus ait. Sed obijcietur, quia dicitur quod erāt decem millia candelabra secundum Iosephum: et tamen supra in litera ponuntur decem candelabra, quorum erant quinque a dextris, et quinque a sinistris. Idem patet. 3. Regum 7. Dicendum quod licet ponantur decem candelabra fuisse in templo, tamen plura erant: quia scriptura non ponit numerum taxatū: ita quod essent decem et non plura: et sic Iosephus suppleuit, quod scriptura minus potuit. Et dicendum, q̄ adhuc ex scriptura patet quod essent plura, quàm decem candelabra: quia supra in litera et 3. Regum. 7. ponitur quod essent decem candelabra aurea, et tamen præcedenti li. 28. c. dicitur, quod erant quædam candelabra aurea, et quædam argentea, ergo erant plura quàm decem candelabra. Sed manet dubium, quod licet essent plura quàm decem candelabra, tamen non poterant esse decem millia, quia non caperentur in parte anteriori templi: eo quod intra sancta sanctorum non erat aliquod candelabrum: et tamen in illa parte templi exterioris non caperentur tot candelabra, ita, quod quilibet illorū essent in paup̄mēto locati: quātūquid illi domus erat quadraginta cubitorū, et hunc dū viginti

Potissimè, quia erant multa alia vasa in templo isto, scilicet mensæ, & altare, & ipsa candelabra debere in se inuicem distare, ut sacerdos posset inter illa discurre ad disponendum lucernas candelabrorum. Dicendum quod dato, quod essent decem millia candelabrorum, non erant omnia in templo, sed aliqua eorum erant in templo, & aliqua reservabantur in domibus thesaurorum: & hoc verum est, quia in circuitu templi erant exedre, in quibus erant Leuitæ custodientes thesauros templi tam vasa quam vestes, ut colligitur præcedenti lib. 9. & 26. ca. & ibi essent plurima de istis candelabris. Hoc etiam vult Iosephus ubi supra, dicens quod de istis decem millibus candelabris vnum recondidit Salomon in templo, ut per diem luceret. Ibi secundum legem: & hoc aliquantulum consonat verbis regis Abiæ ad regem Ieroboam dicens: Est apud nos candelabrum, & lucerna eius, infra 3. Dicendum tamen, quod candelabra multa erant plusquam decem, & tamen essent decem millia non apparet, nec aliunde constat nisi Iosepho crediderimus. De quibus erant quedam in exedris thesaurorum templi, & saltem decem oportet poni intra templum, quia supra in litera, & 3. Reg. dicitur, quod posuit Salomon decem candelabra in templo quinque ad dextram, & quinque ad sinistram: ideo necesse est, quod saltem ista decem essent in templo. An verò omnia lucerent, vel vnicum, vel quomodo fieret, dicitur magis infra 13. Obijcietur tamen adhuc de mensis: quia dicitur secundum Iosephum, quod erant decem millia mensarum, & præter has vna præcipua, & tamen dicitur hic, quod erant decem mensæ. Aliquis dicit, quod erant istæ decem mensæ, de quibus hic dicitur aurea. Omnes autem aliæ, de quibus Iosephus, erant argenteæ: sicut diximus de decem candelabris. Dicendum, quod non stat, quia de decem mensis, quæ habentur hic erat vnica aurea, & nouem argenteæ, ut colligitur præcedenti lib. 28. c. & 3. Reg. 7. ipse etiam Iosephus dicit, quod erat vnica mensa aurea, super quam ponebantur panes Dei. Dicendum ergo, quod constat in scriptura sacra decem mensas fuisse in templo. Vnam quidem auream ad ponendum panes propositionis, & nouem argenteas ad ponendum in eis vasa aurea, & argentea, & istæ decem in templo erant quinque a dextris, & quinque a sinistris, supra in litera. Si autem erant plures mensæ, sicut Iosephus dicit, illæ essent in exedris thesaurorum templi cum alijs vasis. Cum autem Iosephus dicit, quod vnica istarum mensarum aurea posita in templo Dei, non est intelligendum, quod vnica esset in templo, & omnes aliæ in domibus thesaurorum, quia necesse est saltem decem mensas fuisse in templo. Sed dicit vnica fuisse præcipuam repositam in templo, scilicet, quia vnica erat, quæ tenebat panes propositionis. Aliæ autem nouem, quæ ibi erant solum erant ad reponendum in eis vasa aurea, & argentea. Obijcietur tamen adhuc de phialis, quia Iosephus dicit, quod erant phialæ aureæ decem millia, argentea vero duplici numero, & tamen supra in litera dicitur, quod erant phialæ centum. Responderi potest, quod nobis non constat nisi de centum phialis, quæ ponuntur supra in litera, & tamen si volumus credere Iosepho, satis stabit. Nam dicemus, quod omnes istæ phialæ factæ fuerunt a Salomone, & tamen centum solæ erant intra templum super mensas, de quibus dicitur supra in litera. Reliquæ autem erant in exedris thesaurorum: & ita erant de mensis, & cæteris in valde magna multitudine, sicut supra diximus.

A

Quæritur de sacerdotum ornamentis per Salomonem factis.
Quæst. XXXII.

QUÆRITVR ulterius de ornamentis sacerdotum, quæ fecit Salomon nunc in adificatione templi. Dicendum, quod in nullo libro sacre scripture habetur, quod Salomon fecerit nunc aliqua vestes sacerdotibus, vel Pontifici: Iosephus tamen 8. Antiq. ponit hoc, ut infra dicitur. Pro quo sciendum, quod Deus iusserat fieri vestes quatuor sacerdotibus minoribus per Moysen, & Pontifici istas quatuor, & sex alias. Prima vestis, vel indumentum erat feminalia linea magna, quæ pertingebat usque ad renes, & istud erat primum, nec licebat alicui sacerdoti ministrare sine femoralibus, quia alioquin moreretur: Exo. 28. Secundum indumentum erat tunica linea stricta ad corpus pertingens usque ad pedes. Tertium erat cingulum byssinum, quo stringebatur magis illa tunica. Quartum erat cydaris, idest cucula, vel biretum rotundum, & acutum supra in vertice factum de bysso. De his Exo. 28. Omnia hæc indumenta erant linea, sine byssina: ista sola erant ornamenta sacerdotum minorum. Maiores autem sacerdotes habebant hæc quatuor ornamenta, & insuper alia. Quintum erat tunica tota hyacinthina, quæ ad oram inferiorem iuxta pedes sacerdotis habebat tintinabula, & malogranata mixta, ut audiretur sonitus eius, quando introiret ad ministrandum in templo. Sextum ornamentum erat cingulus factus de multiplicitate filorum, scilicet de purpureis, coccineis, & hyacinthinis, byssinis, & aureis quo stringebatur tunica hyacinthina, ne laxa fluere. Septimum erat Ephod, quod erat de auro, & purpura, hyacintho, coccoque bis tincto, & bysso retorta, & pendebat a capite usque ad zonam super dorsum, & super pectus, & stringebatur cum tunica hyacinthina. Octauum erat rationale factum de auro, & purpura, & hyacintho, coccoque bis tincto, & bysso retorta ad magnitudinem palmi quadratam existens, & ponebatur in quodam foramine, quod erat in Ephod super pectus. Ideo secundum quod apud Hebræos vocatur pectorale, sic apud nos vocatur rationale, & istud erat in quo iudicabantur dubia Israelitarum. Vnde dixit Deus: Portabit Aaron iudicium filiorum Israel in pectore suo, idest portabit rationale in pectore, in quo erat iudicium filiorum Israel: Exod. 28. de figura omnium istorum indumentorum patet eodem capitulo. Nonum ornamentum erat thihara tota hyacinthina, quam portabat Pontifex in capite. Decimum erat lamina aurea quam portabat Pontifex in fronte pertingentem ab aure usque ad aurem, ut aperiret frontem totam eius: eratque scriptum in lamina Sanctum domini. De omnibus generibus istarum vestium fecit multas Salomon. Omnes autem istæ faciebant vnam completam inuestituram. Solam autem coronam, siue laminam auream non fecit: quia tempore Salomonis manebat adhuc illa lamina, quam fecerat Moyses, & illa sufficiebat pro omnibus posteris: eo quod nunquam erant simul multi sacerdotes iuniori, sed vnicus. De qua Ioseph. 8. Antiq. ait. Stolas autem sacerdotales Pontificibus cum his, quæ pendebant ad pedes, & super humerales atque rationales cum geminis mille fecit. Corona vero in qua Deum Moyses descriperat, vna fuit, & ad hunc diem usque permanfit. Sacerdotales autem stolas ex bysso contextas, & zonas purpureas singulis decem millia, & tabas secundum præceptum Moysi, ducenta millia. Item stolas Leuitarum dicentium Hymnos ex bysso, ducenta millia, & instrumenta musica ad Hymnos dicendos adiuuenta, quæ vocantur nabilia, & cithara ex electro constituit quin-

E

quingenta millia. De vestibus tamen dicendum, quod quotidie secundum maiorem numerum sacerdotum, vel propter vetustatem priorum oportebat alias fieri, & scriptura non curat de hoc aliquid dicere, quia manifestum erat, quod aliquae vestes sacerdotales fieri debebant praeter primas, quas fecit Moyses in deserto. Eo, quod tunc erant solum quinque sacerdotes, scilicet Aaron, & quatuor filiis eius, scilicet Nadab, & Abiu, Eleazar, & Ithamar. Exo. 29. Et Leuit. 8. & die nono consecrationis duo eorum, scilicet Nadab, & Abiu mortui sunt. Leuit. 10. & Num. 3. & praecedenti lib. 23. cap. Postea autem erant multi sacerdotes, & necessariae erant multae vestes. Item illae vestes primo factae non poterant perpetuo durare, quia vetustate attererentur, cum non conservarentur miraculose.

CAPITVLVM V:



INTVLIT igitur Salomon omnia, quae vouerat Dauid pater suus, argentum, & aurum, & vniuersa vasa posuit in thesauro domus Dei.

Intulit. Dicto in praecedentibus de templi aedificatione. Hic agitur de eius dedicatione. Et diuiditur in tres partes. Quia primo ponitur arcae in templum introductio. Secundo Salomonis oratio, sequenti c. Tertiò orationis exauditio, infra 7. cap. Prima in duas: quia primo ponitur arcae, & vasorum in templum deductio. Secundo sacerdotum, & Leuitarum in cultu Dei ordinatio: ibi. *Egressus autem.* Prima in duas, quia primo ponitur sententia totius cap. sub Epilogo. Deinde ipsius fit ordinata enarratio, ibi. *Postquam congregauit.*

An ea, quae hic habentur, fuerint post praecedentia ordine continuato, vel mutato facta, & an facta fuerint immediate post illa, vel aliquanto tempore interiecto.
Quaest. I.

QVAERITVR circa primum, an ea, quae habentur hic, fuerint facta post praecedentia ordine continuato, vel sit mutatus ordo, & an ea, quae habentur hic fuerint primum: Dicendum, quod hic est ordo continuatus, nam praecedenti cap. actum est de vasorum templi fabricatione. Hic autem agitur de eorum in templum introductione. Manifestum est autem, quod prior est fabricatio quam introductio. Ideo hic est ordo continuatus. Ad secundum dicendum, quod ista fuerunt facta immediate post praecedentia. Nam praecedenti cap. actum est de vasorum templi fabricatione. Post fabricationem autem nihil restat, nisi eorum introductio in templum, quia manifestum est, quod Salomon non teneret multo tempore vasa fabricata extra templum, quia intentio sua erat, ut ministraretur domino in templo, quod ipse fecerat, quia ad hunc finem Deus illud fieri iusserat. Quam cito ergo posset Salomon facere, quod ministraretur domino in templo illo faceret: sed consumatis vasis, & templo, poterat ministrari in ipso si introducerentur vasa in templum, & ponerentur in locis suis, ideo credendum est, quod illico post fabricationem vasorum & templi, Salomon faceret introduci vasa in templum, & sic nulla

F mora intercideret inter haec, & praecedentia. Circa primum dicitur. *Intulit igitur Salomon.* Id est introduxit in templum omnia, quae uouerat Dauid pater suus. Vouerat Dauid aurum, & argentum pro templo domini, & quia tempore eius non erat factum templum, non potuit Dauid complere votum suum, sed Salomon compleuit illud. Quid autem sit istud, quod vouerit Dauid, infra declarabitur in quadam quaestione. *Argentum, & aurum, & vniuersa vasa posuit in thesauro domus Domini.* Tangitur hic, quid Dauid vouerit, vel quid Salomon pro eo compleuerit. Et dicitur, quod argentum, & aurum, & etiam vasa, & haec omnia posuit in thesauro domus Domini. Possunt vocari thesauri domus Domini loca, in quibus seruabantur diuitiae templi. Nam extra templum in circuitu eius ad laus Meridianum, Occidentale, & Aquilonare erant constructae templo mansiunculae, quae vocantur exedrae, & in his thesauri templi reponebantur, & ibi manebant Leuitae thesaurarii custodientes thesauros templi tam in auro, & argento rudi, quam in vasis, & vestibus. Vel possunt vocari thesauri templi omnia loca, in quibus ponebantur aurum, & argentum, & aliae res pretiosae templi. Et quia in ipso templo fuerunt multa vasa aurea, & argentea, scilicet candelabra, mensae, phialae, & patere, & alia vasa ante Sancta sanctorum, vocaretur illa pars templi thesaurus domini.

H *Quomodo stat, quod Salomon intulit omnia vasa in thesauros domus Domini, cum arca, quae praecipuum vas Sanctorum omnium esset, nondum fuisset in templo deducta.*
Quaest. II.

QVAERITVR circa primum, quomodo ista litera potest stare, vel quid intendit: quia hic dicitur, quod Salomon intulit omnia vasa in thesauros domus Domini. Et tamen infra in litera dicitur, quod congregatus fuit totus populus ad portandum arcam in templum. Arca tamen erat praecipuum vas omnium sanctorum: ideo ipsa nondum deducta in templum diceretur, quod intulisset Salomon omnia vasa in thesauros domus Domini. Aliquis poterit respondere, quod Salomon deduxit omnia vasa sanctuarii ad loca sua sine solennitate aliqua. Postea autem ad deducendum arcam, quia erat res sanctissima templi, congregatus est populus, & tunc videtur satis stare litera, scilicet, quod omnia vasa, aurum, & argentum in templum domini deducta sint per Salomonem sine solennitate aliqua, & postea fit mentio de congregatione populi ad portandum arcam. Nec est inconuenienter dictum, quod vniuersa vasa sanctuarii deducta essent in templum, & arca non esset deducta, quia nomine vasorum non intelligitur proprie arca, eo quod vasa dicuntur illa, in quibus ministrabatur, sed solum erat in Sancta Sanctorum, ideo ipsa non vocaretur vas. Sed adhuc dicendum, quod non stat: quia non solum congregatus fuit populus ad portandum arcam in templum, sed etiam ad portandum alia vasa. Nam intra in litera dicitur, quod postquam congregatus fuit populus ad istam portationem Leuitae portauerunt arcam de domo Dauid usque ad templum. Sacerdotes autem, & Leuitae portauerunt vasa sanctuarii, quae erant in tabernaculo, id est vasa illa, quae esse debebant in tabernaculo, id est in prima parte tabernaculi, siue templi Salomonis. Et ista erant candelabra mensae phialae, & alia vasa aurea, & argentea, quae ponebantur super mensas nouem in tabernaculo in templo. Non ergo fuerunt deducta ista vasa ad thesauros templi, antequam deduceretur arca: & sic non stat: quod aurum, & argentum, & vasa tunc deducta in thesauros templi antequam congregaretur populus.

Ius ad portandum arcam in templum. Dicendum ergo, quod ista litera potest stare dupliciter. Vno modo, quod vasa, quae reponi debuerunt in thesauris templi, portata fuerint mox templo facto non conuocato populo ad hoc, nec facta aliqua solennitate. Deinde arca, & vasa, quae reponi debuerunt in thesauris Domini portata sunt a sacerdotibus, & Leuitis cum magna solennitate conuocato populo ad hoc. Pro quo sciendum, quod multa vasa aurea, & argentea fecit Salomon in fabricatione templi, quarum aliqua erant necessaria ad ministrationem in quotidianam, & ut essent in templo. Alia autem non erant necessaria nisi raro. Prima erant in templo, sicut candelabra decem, & totidem mensae, & aliquae phialae, & alia vasa aurea, & argentea, quae erant posita super nouem mensas argenteas in templo. Alia autem erant recondita in exedris Leuitarum extra templum, ubi custodiebantur a Leuitis thesauris templi, & tunc potest dici, quod illa vasa, quae non debuerunt poni in templo, sed recondi in thesauris, portata sunt sine solennitate, non vocato populo, & posita fuerunt in exedris Leuitarum: quae vocantur thesauri templi. Alia vasa, quae reponi debuerunt in templo non fuerunt deducta quousque congregatus est populus, & portata sunt tunc arca a Leuitis, & alia vasa a sacerdotibus, & Leuitis simul, & istud satis consonat literae. Secundo potest dici, quod non fuerunt portata aliqua vasa ad thesauros domus Domini antequam portaretur arca, & congregaretur populus, sed finita fabricatione vasorum vocatus est ad portationem arcae, & tunc portata fuerunt omnia vasa argentea, & aurea a sacerdotibus, & Leuitis, & posita fuerunt in locis suis, & etiam cum his vasa aenea. Posita fuerunt autem vasa quaedam tunc in templo, scilicet candelabra, mensae, & alia vasa minuta. Aurea, & argentea recondita fuerunt in thesauris, scilicet in exedris Leuitarum. Vasa vero aenea, quae pertinebant ad ministerium altaris holocaustorum, reposita fuerunt in atrio sacerdotum, ubi fiebant omnes ministrationes in eis. Et licet vterque sensus possit stare, iste secundus tamen magis stat: sed ponitur istud hic per modum Epilogi, & postea late enarratur infra, sicut saepe in scriptura fieri consuevit.

Quid est istud quod vouit David inferre in domum domini, & illud Salomon pro eo.

Questio III.

QVAERITUR vltius, quid est istud, quod vouit David inferre in domum Domini, & intulit illud Salomon pro eo. Circa hoc considerata sunt duo. Primum est, quomodo Salomon voluit inferre, quod David vouerat in templum: fin est, quod David vouit pro templo Domini. De primo dicendum, quod Salomon obligabatur ad votum David patris sui. Nam David reliquit Salomonem heredem regni sui, & rerum suarum, & fecerat votum, ideo tenebatur Salomon implere illud: alioquin priuaretur commodum hereditatis nisi quantum ad illam partem, quae proueniebat sibi iure naturae. Nam iuxta leges humanas si testator heredi iussit in testamento aliquid facere, & requisitus a iudice infra annum non compleuerit, quod testator iussit, priuatur omni iure, & commodum hereditatis nisi quantum ad partem illam, quae debebatur ei iure naturae: & illud ius successionis, quo iste priuatur, transit ad alios secundum ordinem maioris affectionis ad testatorem, & transit cum onere suo, scilicet ipse, qui suscepit id, quo alius priuatur, tenebitur ad id, quod testator fieri iussit, & praestabit cautionem de faciendo illud, & si ille non fecerit, veniet ad alium, &

A sic per ordinem. Salomon autem erat filius David, & haeres, & tenebatur implere voluntatem patris sui: alioquin priuatus esset regno, & magna parte aliorum bonorum paternorum. Nam regnum non peruenit Salomoni iure naturae, cum potius prouenire deberet alijs fratribus: quia Salomon erat minimus fratrum, sed habuit regnum ex voluntate David, quia sic erat voluntas Dei, praecedenti lib. 28. & 29. cap. Praeter haec autem, dato quod non fuisset Salomon obligatus complere voluntatem David patris sui, compleret illam attenta sanctitate, & auctoritate David, cui in omnibus deferendum erat. Attenta ergo beniuolentia praecipua erga eum, quia cum ipse minimus fratrum esset eum regem effecit. Attento etiam, quod votum istud erat ad Deum, ad cuius subministrationem promptos nos exhibere debemus. Etiam Salomon ipse a primordio aetatis bonae indolis fuit, & cuilibet bono deditus atque obediens: quousque eum semina peruerterunt circa senium, ut colligitur 3. Regum 3. & 11. Faceret ergo hoc, quod David vouerat. Sic etiam de alijs regibus bonis dicitur, quod intulerunt ea, quae patres eorum vouerunt in templum Domini: ut patet de Rege Asa. 3. Regum 15. & de quibusdam alijs in ipso libro, & 4. libro Regum. Circa secundum inducunt quidam, quod David vouerat aliqua specialiter dona pro templo Dei, & illa post mortem eius intulit Salomon. Dicendum tamen est, quod ista, quae David, & Salomon intulit, non fuerunt nisi vasa, quae fabricata fuerunt pro templo Domini, & aliquod aurum, & argentum si quod superfluum fabricatis vasis. Et hoc patet, quia dicitur hic, quod Salomon intulit omnia, quae vouerat David pater suus: argentum, & aurum vniuersa vasa in thesauro Domini. Etiam patet hoc, 3. Regum 7. ubi ponitur hoc, & dicitur: intulit, quae sanctificauerat David pater suus: argentum, & aurum, & vasa reposit in thesauro domus Domini. Non ergo erant alia ista vasa nisi illa, quae facta fuerant, quando fabricatum est templum, in quibus ministraretur in templo. Sed dicitur, quomodo stat, quod David vouerit argentum, & aurum, & vniuersa vasa, quae in templo posita sunt. Dicendum, quod hoc fuit: quia David dedit Salomoni aurum, & argentum pro omnibus vasis sanctuarij. Modus autem fuit, quia David quasi principio regni sui desiderauit adificare domino templum, in quo coleretur, & ad hoc congregauit aurum multum, & argentum. Nam totum argentum, & aurum, & aes, quod acquisiuit in bellis habitis cum diuersis gentibus, consecrauit pro vasis, & expensis templi domini, ut patet 3. Regum 8. & praecedenti lib. 18. capit. 1. Sed, & omnia vasa aenea, & aurea, & argentea consecrauit rex David Domino cum argento, & auro, quod tolerat ex vniuersis Gentibus tam de Idumaea, & Moab, & filijs Ammon quod de Philisthiim, & Amalec. David autem circa mortem suam accepit a Domino celitus descriptionem omnium, quae fieri debebant etiam in templo, & etiam vasorum, scilicet numerum eorum, & figuram, & pondus: ut patet praecedenti lib. 28. cap. scilicet. Omnia, inquit, venerunt scripta manu domini ad me, ut intelligerem vniuersa opera exemplaris. Et tunc David sciens numerum vasorum aureorum, & argenteorum, quae fieri debebant pro templo domini, segregauit pro quolibet argentum, & aurum in mentura sibi debita: sic patet praecedenti lib. 28. cap. ubi dicitur, quod Salomon dedit David argentum pro vasibus argenteis, & aurum pro vasibus aureis secundum mensuram, & pondus eorum. Et ponitur ibi de candelabris, & mensis, & alijs vasibus, & sic pro omnibus dedit: ideo vniuersa vasa auri, & argenti, & eris, quae facta sunt pro templo, facta fuerunt de expensis David. Nunc autem cum Salomon illa intulit.

Intulit in domum domini, dicitur intulisse, quæ vouerat David pater eius. Causa est, quia licet David dedisset realiter Salomoni aurum, & argentum pro omnibus vasis templi, præcedenti lib. 29. cap. Tamen ista vasa donabat David Deo pro templo suo, eo. lib. 29. cap. scilicet: Quæ tua sunt, & quæ de manu tua accepimus tibi dedimus. Et quia tempore David non fuit templum, cui David posset illa vasa donare, nec erant vasa adhuc facta, quæ donarentur. Sed postea per Salomonem tam templum quam vasa facta sunt: dicitur potius illa donatio David votum, vel promissio quam realis donatio, & translatio rei donatæ: tunc autem verè completum est votum David quando Salomon intulit omnia vasa in thesauros domus domini: ut ibi manerent in æternum dicata cultui diuino. Dicitur tamen hic, quod intulit Salomon aurum, & argentum, & vasa, quæ vouerat David: In quo innuitur, quod non solum vasa vouit David, sed etiam præter vasa aurum, & argentum dedit in massa. Hoc autem stat dupliciter. Primò, quia David consecrauerat totum aurum, & argentum, quod acquisierat in bellis de diuersis gentibus pro templo domini, ut inde vasa fierent. 3. Regum 8. & præcedenti lib. 18. cap. Fortè autem factis vniuersis vasis aureis, & argenteis pro templo domini. Superfuit aliquid de auro, & argento, quod non est expensum in vasa. Et quia David consecrauerat totum illud aurum, & argentum domino, reliquum positum est in thesauris Domini, ut ibi proficeret ad expensas templi faciendo de illo vasa alia ad ministrandū cū opus esset, vel emendo aliqua pro templo necessaria. Alio modo poterat argentum, & aurum dari super vasa, scilicet quia aurum, & argentum, quod David acquisiuit de bellis expensum est faciendo de illo vasa pro templo domini, & tamen insuper David dedit aurum, & argentum de eo, quod ipse habebat de peculio suo, & illud reponeretur in thesauris domini in massa. Et pater hoc, quia præcedenti lib. 28. cap. fit mentio qualiter David dedit aurum, & argentum pro omnibus vasis, & postea 29. cap. dicitur: Ego autem totis viribus meis præparauī impensas domus Dei mei, aurum ad vasa aurea; argentum ad vasa argentea, & super hæc obtuli in domum Dei mei de peculio meo aurum, & argentum exceptis his, quæ præparauī in ædem sanctam tria millia talenta auri de auro de Ophir, & septem millia talentorum argenti probatissimi. Aurum ergo, & argentum, quod acquisitum fuerat de bellis David, fuit sufficiens pro omnibus vasis. Et tria millia talenta auri, & septem millia argenti fuerunt ad laminas argenteas, & aureas pro templi parietibus, & quod superfuit tam de auro, & argento isto quam de auro, & argento acquisito de bellis repositum est in thesauris domini. Aliqui autem volunt, quod ista vasa aurea, & argentea, quæ vouerat David fuerint præter illa, quæ fabricauit Salomon pro templo domini. Sed non est conuenienter dictum, quia omnia vasa aurea, & argentea, & ænea, quæ Salomō fecit in templo domini fuerunt à David dara, quia ipse dedit aurum, & argentum, & æs pro istis, ut patet præcedenti lib. 22. & 28. & 29. cap. Ideo dato, quod adhuc alia vasa præter ista dedisset, tamen ista adhuc diceretur vouisse. Et sic cum Salomon intulit in templum vasa ista aurum, & argentum, dicitur intulisse, quæ David vouit, cum ipse omnia hæc dederit.

Post quæ congregauit maiores natu Israel, & cunctos principes tribuum, & capita familiarum de filiis Israel, in Ierusalem: ut adducerent arcam fœderis Do-

mini de Ciuitate Dauid, quæ est in Sion. Venerunt itaque ad regem omnes viri Israel in die solenni mensis septimi.

Post quæ congregauit. Hic ponitur secundum, scilicet historiæ epiloga enarratio, quia supra sub epilogo posita fuerant, quæ infra continentur explicite, & dicitur. *Post quæ congregauit.* Scilicet, factis præcedentibus congregauit Salomon maiores natu Israel, & alios, de quibus dicitur infra in litera ad portationem arcæ. Ista litera potest dupliciter intelligi, secundum quod præcedens litera dupliciter intelligebatur, ut declaratum est supra penultima quæstione. Vno modo intelligi poterat, quod Salomon non conuocato populo, nec cum aliqua solennitate portauit in thesauros domus domini, scilicet ad exedras Leuitarum thesaurariorum omnia illa vasa, quæ non erant ponenda in templo. Postea autem congregauit populum, & portauit arcam in templum, & cum ea omnia vasa sanctuarii, quæ ponenda erant in templo. Et intelligendo hoc modo, ista litera refertur ad immediatam, scilicet postquam congregauit Salomon maiores natu, scilicet, Postquam intulit Salomon in thesauros domus domini omnia, quæ pater suus vouerat, congregauit maiores natu ad introducendum arcam in templum. Secundo modo potest intelligi, quod non fuerint aliqua vasa prius deducta in thesauros domus domini quam arca, sed omnia simul portata fuerint, quod tamen ponatur litera superior per modum epilogi in breui dicendo id totum, quod infra continetur extensè, & tamen refertur hoc ad finem præcedentis cap. scilicet: Postquam congregauit Salomon, &c. id est postquam completa est fabricatio omnium vasorum templi, de quibus dicitur in fine præcedentis capi. congregauit Salomō maiores natu Israel ad portandum arcam, & omnia vasa in templum.

Cum duobus modis possit litera exponi, quis est congruentior.

Quæst. IIII.

QVAERITVR circa hoc, cum istis duobus modis possit litera exponi, quis sit tenendus. Dicendum, quod tenendus est secundus, scilicet, quod Salomon non portauerit in templum aliqua vasa ad ponendum in thesauris eius antequam portaretur arca, sed omnia simul portata sunt. Et patet hoc. Primò, quia litera intendit hic dicere, quod Salomon intulit in templum domini omnia, quæ vouerat David pater eius, & tamen David vouerat omnia vasa quæcunque in templo facta sunt, etiam argenteum, & aurum, quod superfuit, & postea referuatum est in thesauris domini. Et tamen manifestum est, quod cum portata est arca, portata fuerunt multa vasa aurea, & argentea cum illa: ut patet infra in litera, ergo non fuit aliqua portatio vasorum per se facta antequam deduceretur arca in templum, sed omnia simul deducta sunt, & hoc significatur supra, cum dicitur: Intulit, quæ vouerat David pater eius, ergo illa portatio non distinguitur ab illa, quæ infra habetur. Sed ponitur supra per modum epilogi, & infra ponitur magis explicite. Secundo patet, quia in ista portatione vasorum, quæ facta est cum arca, videtur quod portata fuerint omnia vasa in sanctuarium, quia infra dicitur, quod Leuitæ portauerunt arcam in sanctuarium, & sequitur: Porro vasa sanctuarii, quæ erant in tabernaculo portauerunt sacerdotes cum Leuitis. Et sic dicitur absolute de vasis sanctuarii, quod portauerunt ea sacerdotes cum Leuitis, deo intel-

intelligendum est, de omnibus vasis sanctuarij, & sic A

non distinguetur ista portatio valorū à precedente.

Tertio confirmatur hoc ex litera, quę habetur. 3. Reg.

7. nam dicitur. Et intulit, quę sanctificauerat Dauid pa-

ter eius argentum, aurum, & vasa, reposuitque in the-

sauris domus Domini, & dicitur absolutē quod intulit

quę sanctificauerat, Constat tamen, quod Dauid

consecrauit omnia vasa, & aurum, & argentum tem-

pli, ideo in illa illatione non sunt illata vasa, quę posi-

ta sunt in thesauris, sed etiam omnia vasa quęcunque

fuerunt facta per Salomonem, & sic erit vnica porta-

tio valorum omnium, & arcę. Item patet hoc ma-

gis, quia 3. Reg. 8. dicitur, quod sacerdotes, & Leuitę

ferebant omnia vasa sanctuarij. Sed constat quod om-

nia vasa quęcunque Salomon fecit nunc erant vasa

sanctuarij, ideo omnia portata fuerunt cum arcā, &

non erant duę portationes. Ponitur tamen istud pri-

miū per modum epilogi, & postea idem latius epar-

ratur. & sæpe hoc fit in sacra scriptura. *Congregauit ma-*

iores natu ex Israel. Vocātur maiores natu seniores quia

maiori tempore vixerunt, siue maius tempus tran-

sit à natiuitate eorum quā aliorum. Quidam di-

cunt maiores natu generosiores: quia de maioribus

parentibus vel maiori genere nati sunt. Sed non est

verum, quia in Hebręo ponuntur seniores, ubi nos ma-

iores natu dicimus. Vocati fuerunt autē seniores, quia

isti solēt esse maioris auctoritatis, & honorabiliores. Et

non est sensus quod omnes senes de toto israel vocati fue-

rint ad istam portationem arcę: sed illi, qui erant ma-

ioris auctoritatis inter ceteros propter prudentiam,

& alias probitates. *Et cunctos principes tribuum.* Princi-

pes tribuum erant duodecim viri, sicut erant duode-

cim tribus: quia in qualibet tribu erat vnus princeps.

Et capita familiarum. Idest principes familiarum. Isti

erant distincti a principibus tribuum. Nam in quali-

bet familia erat vnus princeps sicut in qualibet tribu

erat vnus princeps, de quibus infra declarabitur in qua-

dam questione. Isti vocantur duces familiarum. 3. Re.

8. sed idem est. *De filiis Israel.* Refertur ad tribus & fa-

miliis. scilicet cōgregauit Salomon omnes principes

tribuum de filiis Israel, & omnes principes familia-

rum de filiis Israel. *In Ierusalem.* Scilicet de omni-

bus locis israel conuenerunt in Ierusalem: quia ibi

erat arcā, & templum, in quo ponenda erat, *Vt adduce-*

rent arcā federis domini. Idest, vt interessent solennitati

ductionis. Nam laici non debebant portare arcam,

nunc arca paruo spacio portata est, quia parum dista-
bat domus Dauid in qua erat arca a templo in quod
translata est. *Uperunt ergo ad regem omnes viri Israel.* Scili-
cet multi de Israelitis de omnibus partibus israel: nam
non est verisimile, quod omnes Israelitę venirent,
nec etiam Salomon vocaret omnes. Sed de hoc infra
dicitur in quandam questione. *In die solenni mensis septi-*
mi. Idest venerunt tempore solennitatis magnę quę
est mense septimo. Et vocatur mensis iste Bathani.
3. Regum 8. de quo magis in fra dicitur.

Quare ad arcam portandam vocati fuerunt maiores natu.

Quaest. V.

B **Q**VAERITVR quare vocati fuerunt nunc ma-
iores natu ad portationem arcę. Respondendū
quod in omnibus cōgregationibus, quę fiebant Israe-
litarum maiores natu erant qui potissimē vocaban-
tur: vt patet Iosue. 23. & 24. in exhortationibus, quas
fecit Iosue ad populum, & vt communiter in alijs
congregationibus Israelitarum, quas deus iubebat fie-
ri, vel quas ipsi Israelite faciebant: vocabantur precipuē
ipsi maiores natu. Et cā huius est, quia maiores na-
tu habebant aliquid, propter quod potius deberent
cōuenire in oībus cōgregationibus quā ceteris, scilicet
erāt ceteris honorabiliores & erant prudentiores. Cō-
gregationes in Israelitarum aut fiebāt ad solēnizandū
aliquid vel faciendum magnum honorem, sicut si fie-
rent solennia festa: aut ad opera deliberatiua, quibus
opus erat consilio solū, vel consilio, & viribus. Sed
ad solēnizandum aliquod festum seniores debebant
maxime conuocari, eo quod ipsi magis solēnizabant
festa quā alij, cū essent personę honorabiliores.
Nam senibus quidam honor debetur propter etatem
etiam si nihil aliud interueniret, dum tamen ipsi non
demereantur propter aliqua vitia. Sic patet Leui. 19.
scilicet: Corā capite cano surge, & honora personam
senis: & Aristo. 9. distinguens honores, qui debentur
dicit, quod alius honor debetur patri, alius seni, alius
duci belli, & sic de alijs. Si autem senes propter vitia
demereantur honorem sibi exhiberi, perdunt hono-
rem, qui aliās est sibi debitus propter etatem. Et de his
intelligitur Isai. 65. scilicet, Maledictus puer centum
annorum: & Sapi. 4. dicitur: Senectus veneranda non
diuturna, nec annorum numero cōputata. Cani sunt
sensus hominum, & etas senectutis vita immaculata.
Si autem congregatio fiat ad aliquod deliberatiuum,
in quo solo consilio opus sit, soli senes requiuntur, quia
opera consilij ad prudentiam pertinent. Prudentia
autem in senibus est. Difficile enim est iuuenes pru-
dentes esse. Nam teste Aristo. Ethic. 6. facile est iuue-
nes esse mathematicos, prudentes autē, & sapiētes eos
esse non contingit, cū prudentia experientijs quera-
tur. Experientia autē tempore indiget. Etiam Aristo.
Ethic. primo dicit iuuenes non esse conuenientes au-
ditores moralis philosophię: quia sequutores sunt pas-
sum, & quia propter tempus paucum sunt inex per-
ti. Soli ergo senes, vel precipue ad talia necessarij sunt.
Si autem sit opus quod simul viribus, & cōsilio egeat,
sicut opera bellica, senes necessarij valde sunt, quia bel-
la potius consilio quā viribus aguntur: nec est ali-
quid quod potius defectu consilij corruat, quā multitudo
bellica consilio egens. Nullum autem opus est in quo
consilio opus non sit: itud autem seniorum est, ideo
nulla est congregatio, in qua senioribus opus non sit.
Nunc autem seniores conuocari debuerunt, quia ista
congregatio fiebat ad solēnizandum portationem
arcę, vt patet in litera. Nulli tamen erāt, qui magis poi-
sēt solēnizare illam, & honorare quā senes, cum
ipsi ceteris honorabiliores sint, vt supra dictum est.

Qui

Lib. II. Paralip.

Cap. V.

Qui erant isti principes tribuum ad arcam portandam vocati. Quæst. VI.

QVAERITVR vltcrius, qui erant isti principes tribuum de quibus hic dicitur, quod conuocati fuerunt ad portationem arcæ. Dicendum quod principes tribuum erant duodecim viri in Israel, qui erant maiores in duodecim tribubus. Nam erant duodecim tribus siue duodecim progenies in toto Israel, qui descendebant à duodecim filiis Iacob, qui vocatus est Israel, & in illis duodecim tribubus continebatur tota progenies Israelitarum. In qualibet autem istarum tribuum erat semper vnus princeps. Et isti principes non accipiebantur per electionem, nec forte: sed per natiuitatem, scilicet quod ille, qui descendebat à capite tribus per lineam primogenitorum erat princeps tribus totius, & sic fiebat semper. Nam si ille, qui erat princeps alicuius tribus, vt Iudas, vel Zabulon haberent multos filios, primogenitus eorum erat princeps tribus. Deinde si quilibet illorum filiorum multos alios filios gigneret, nemo esset princeps tribus, nisi filius primogeniti, qui fuerat princeps, & si iste multos filios gigneret, nemo illorum erat princeps, nisi primogenitus: & sic deriuabatur tota progenies, scilicet non esset princeps tribus nisi primogenitus: & descendens per lineam primogenitorum: & de istis vnus erat in tota vna tribu. Nam sicut erat impossibile eundem hominem multos filios primogenitos habere: ita erat impossibile in eadem tribu multos esse primogenitos descendentes semper per lineam primogenitorum: ideo vnus erat semper princeps in qualibet tribu. Isti autem duodecim principes tribuum erant viri valde honorati in populo, quia quilibet præerat duodecimæ parti populi, & isti erant generosiores cæteris: ideo in congregationibus isti erant de præcipuis. Et ob hoc quando describitur status populi tempore Dauid, & omnes principes eius ponuntur duodecim tribuum præcedenti li. 27. cap. Et forte illi duodecim principes, qui ponuntur ibi, erant qui conuenerunt nunc ad istam portationem arcæ, quia fortè omnes illi viuebant tunc. Nam oēs illi erant principes viuentis Dauid, præcedenti lib. 27. cap. Apud antiquos autem in Israel tempore, quo non erant reges, maximus honor dabatur istis principibus tribuum. Nam in progressu Israelitarum per desertum diuidebatur populus in duodecim partes, & cuiuslibet illarum præerat vnus de istis principibus tribuum. Et tunc distinctus erat populus per quatuor vexilla ad procedendum, & castrametandum: & illis quatuor vexillis præerant quatuor de principibus tribuum. Etiam in regimine populi istud erat. Nam licet Deus commisisset regimē populi Moyse, & postea dedisset ei septuaginta seniores in coadiutores, Num. 11. tamen præcipui, qui veniebant ad disponendum de rebus populi erant principes tribuum. Ideo Moyse interdum faciebat consilium cum solis principibus tribuum, interdum autem conuocabat totum populum: & Deus dederat ei certum modum clangendi tubis argenteis, quando conuocandi essent soli principes tribuum, & alium modum, quando conuocandi erant omnes de populo. Num. vndecimo. In honoribus autem, qui erant præter regimen populi, isti præferebantur omnibus. Vnde in dedicatione tabernaculi facta in deserto, cum esset magnum festum, & iucunditas inter Hebræos, & offerret munera singuli pro sanctuario, ponit scriptura solas oblationes principum tribuum, non curans de alijs, scilicet quomodo princeps tribus iuda obtulit prima die, & quid obtulerit. Et sic de omnibus principibus tribuum vsque ad vltimum, Num. 7. Nunc autem tempore regum, &

Fiudiciū, qui fuerant ante reges, ipsi reges, & iudices fuerant maiores quam principes tribuum, eo quod vnus rex, vel vnus iudex præerat omnibus duodecim tribubus Israel, & principibus ipsarum tribuum: & tamen adhuc erant de præcipuis in toto populo: ideo ipsi debuerunt vocari ad hanc portationem arcæ præcipue.

Qui erant principes siue duces familiarum. Quæst. VII.

QVAERITVR vltcrius de principibus siue ducebus familiarum, qui erant: nam etiam isti vocati fuerunt ad hanc portationem arcæ. Respondendum est, quod principes familiarum erant quidam principes minores principibus tribuum, & sub illis existentes, cum sint minores familie quam tribus. Et sicut in qualibet tribu erat vnus princeps, ita in qualibet familia vnus princeps. Ad huius euidentiam considerandum est, quod tribus, familie, & domus sunt nomina congregationum, et tamen differunt inter se, quia quidam sunt maiores, & quidam minores, & quidam alias inter se, & quidam ab alijs continentur. Et adhuc intelligendum, quod tota congregatio Israelitarum prima diuisione sua diuiditur in duodecim partes, quæ vocantur duodecim tribus, eo quod descendit tota illa congregatio a duodecim filiis Iacob. Deinde quælibet istarum tribuum diuiditur inter alias minores congregationes, & quælibet illarum vocatur familia: & in qualibet familia erat vnus princeps. Deinde quælibet familia rursus diuiditur in alias minores congregationes, quæ vocantur domus, & in qualibet domo erat vnus princeps. Postea quælibet domus diuiditur in partes minores, siue æconomiarum: & ibi stat resolutio. Istum modum diuisionis progenierum posuit Deus: & habetur Iosue 7. quando factum est furtum de anathemate Iericho: & Deus voluit quod sorte consultoria inueniretur quis furtum fecerat. Et ad hoc fecit, quod primo poneretur fors inter duodecim tribus diuisio toto Israel per duodecim tribus, & tunc caperetur vna tribus sorte, quæ inuenta, erant absolute reliquæ tribus: & illa diuidebatur per familias suas, inter quas posita sorte capiebatur vna, & reliquæ absoluebantur. Quo facto illa familia diuidebatur in domos: & capiebatur vna domus sorte, & illa rursus diuidebatur per capita, siue per singulos viros, & comprehēdebatur sorte, qui reus erat, & sic fuit: quia posita sorte inter tribus inuenta est tribus Iude præparata: & illa diuisa per familias inuenta est familia Zaricæ: & illa diuisa in domos inuenta est domus Rabdi in crimine: quæ diuisa sorte in viros reperiuit Achior in furto. De tribubus autem, & familijs, quæ erant magnæ cognationes fit magna mentio in scriptura: de domibus autem parum curatur. Considerandum autem, quod familie erant determinate in Israel. Nam quælibet tribus habebat certas cognationes siue familias: tribus enim Iuda habebat familias quinque, scilicet, Pharesitarum, Zareitarum, Selaitarum, Amulitarum, Esromitarum, & sic de omnibus duodecim tribus ponitur Num. 26. in qualibet tribu quot essent familie, & qualiter nominarentur, scilicet à quibus principibus: & ibi potest videri nunquaginta, & quinque, familie omnes Israelitarum nunquaginta, & quinque, scilicet in tribu Simeon quinque, in tribu Ruben quatuor, in tribu Iuda quinque, in tribu Gad septem, in tribu Iuda quinque, in tribu Manassar quatuor, in tribu Zabulon tres, in tribu Benjamin se octo: in tribu Ephraim quatuor, in tribu Aser quinque, in tribu Dan vnica, in tribu Aser quinque, in tribu Nephtali quatuor. In qualibet autem istarum familiarum erat vnus princeps, & erat iste princeps per natiuitatem, sicut princeps tribus, vt declaratum est.

est præcedenti quæstione, scilicet quod illi, qui descendebant à capitibus familiarum per lineam primogenitorum, & ipsi erant primogeniti, erant principes familiarum sub principibus tribuum. Nam sicut familiæ erant sub tribubus: ita & principes familiarum sub principibus tribuum, & quot familiæ erant in qualibet tribu tot principes familiarum habebat sub se princeps illius tribus. Isti etiam conuocari debuerunt ad istam portationem arcæ: quia erant viri valde honorabiles. Etiam vocabantur ad alias congregationes: nam quilibet istorum præerat magnæ partipopuli, ideo necesse erat, quod multos honore præcederet, & sic fit sapementio in istis congregationibus populi de principibus familiarum cum principibus tribuum.

Ad quid conuocari fecit Salomon omnes Israelitas ad arcam portandam: cum ibi nihil efficere debeant.

Quæst. VIII.

QUÆRITVR vltius, ad quid Salomon conuocari fecit omnes Israelitas pro ista congregatione, & portatione arcæ: quia ibi nihil in hoc efficere debebant. Aliquis forte dicet, quod conuocari fuerunt ad hoc, quod viri honoratissimi in populo portarent arcam, vel sequerentur eam coniuncti, sicut factum est, quando reducta fuit arca de terra Philistinorum, soli secuti sunt arcam, quæ plauastro imposita erat. primo Reg. 6. & tamen satrapæ erant principes Philistinorum, quia tota terra Philistinorum diuisa erat in quinque partes per quinque ciuitates metropolitæ illius, & cuilibet præerat vnus vir, & illi vocabantur quinque reges Philistinorum, vel quinque satrapæ: vt patet Iosue 13. & primo Reg. 6. Sicut ergo illi honorando arcam soli exierunt de terra Philistinorum cum illa imposita super plaustrum, eo. cap. Ita nunc fortè honoratissimi in toto populo portare debent arcam, & ad hoc conuocati sunt. Dicendum, quod non stat, quia Israelitæ non debebant portare arcam, sed soli Sacerdotes, & Leuitæ. Nam Deus vetuerat quenquam accedere ad vasa sacra, & ad ministraciones sacras præter Sacerdotes, & Leuitas: & si quis accederet, moreretur: Num. 3. & 16. & 18. & sic non licebat popularibus accedere ad portandam arcam, vel tangendum eam, quomodocunque. Cum autem obijciatur de satrapis Philistinorum: non tenet argumentum, quia isti satrapæ non portabant arcam, nec tangebant eam: sed portabatur in plauastro nouo à bo-satrapæ, vel Philistini alij posuerunt arcam super plaustrum, & ipsi portabant eam per terram suam de vrbe in urbem: & introducebant in templa Deorum, cum non essent ibi aliqui Sacerdotes nec Leuitæ: ita ergo liceret Israelitis laicis portare eam de loco in locum. Dicendum, quod non stat simile, quia lex ista de portatione arcæ, quod portaretur à Leuitis, & non tangatur à laicis, fuit data Israelitis, & eos solos obligabat: Ideo licet alij non seruarent istam caeremoniam: non peccabant, nec pæna digni erant. Et sic Philistini, quicunque illorum arcam tangerent, & portarent, non peccabant: etiam si aperirent eam, quod nulli hominum inter Iudæos licebat, nec etiam iunimo sacerdotum. Item erat hoc, quia dato quod ista lex facta esset ad obligandum omnes gentes: tamen Philistini non sciiebant legem istam, quia nunquam eis fuerat publicata, & sic non obligabantur. Item dato, quod obligatio aliqua esset: necessitas tollebat obligationem. Nam inter Philistinos nulli sacerdotes Iudæorum: nec Leuitæ erant, & tamen arca mouenda erat de loco ad lo-

A cum: vt reduceretur de terra sua in terram Israel: ideo licebat quibuscunque tangere eam, & portare. Inter Israelitas autem non erat sic, quia lex data fuerat eis, & obligabat eos: etiam ipsi non ignorabant legem: etiam erant Sacerdotes, & Leuitæ inter ipsos, qui possent portare arcam non tangentibus eam laicis. Dicendum ergo quod Salomon non conuocauit Israelitas ad hoc, quod procures eorum portarent arcam in templum, sed ad honorandum solennitatem portationis. Nam Leuitæ, & Sacerdotes portaturi erant eam: laici autem interesse debebant laudantes dominum, & offerentes sacrificia: sic patet in litera. Nam dicitur quod rex, & totus populus, qui congregatus fuerat, immolabant oues, & boues absque vilo numero. Sic etiam factum est in aliis portationibus arcæ, quas fecit Dauid. Nam primò portauit eam de Chariathairim in domum Obededom, & tunc conuocatus fuit totus populus, & oēs psallebāt coram domino cum ipso Dauid in organis, & omnibus vasis musicorum. 3. Reg. 6. & præcedenti lib. cap. 13. Secūda portatio fuit de domo Obededom in domum Dauid, & tunc etiam congregauit Dauid totum populum, & totus populus erat cum Dauid canens, & saltans coram arca, & immolabant animalia. Nam cum transissent sex passus, qui portabant arcam, immolabatur aries, & vitulus. 2. Reg. 6. & præced. lib. cap. 15. Ita ergo nunc ad faciendam istam solennitatē debuit populus à Salomone congregari.

C An ad arcam portandam conuenerunt omnes Israelitæ, vel aliqui eorum. *Quæst. IX.*

QUÆRITVR vltius, an in ista portatione conuenerunt omnes Israelitæ, vel solū aliqui eorum. Aliquis dicet, quod non conuenerunt omnes: quia non videbatur aliqua necessitas quare omnes Israelitæ ascenderent, sed satis erat, quod ascenderent aliqui eorum, potissimè, qui erant inter eos honoratissimi. Sed obijcietur, quia hic dicitur, quod Salomon, & vniuersus cætus Israel, quod omnes, qui fuerant congregati &c. In quo innuitur, quod omnes de Israel fuerant congregati ad hanc solennitatē. Etiam patet hoc. 3. Reg. 8. cū dicitur: Conuenitque ad regē Salomonem vniuersus Israel. Dicit aliquis, quod licet dicatur de omnibus, quod non conuenerunt oēs: quia sæpe ponitur in scriptura omnis pro multis: vt patet Gen. 11. scilicet omnes prouinciæ veniebant in Aegyptum, vt emerent escas: & tamen manifestum est, quod non veniebant in Aegyptum omnes prouinciæ, quia non poterant de omnibus partibus orbis venire gentes ad emendum cibaria in Aegyptum. Sed accipitur omnes prouinciæ, i. multæ: ita poterit esse hic. Itē non videtur esse veresimile, quod omnes Israelitæ venissent ad istam portationem arcæ: quia tunc manebant loca Israel sine custode, & possent hostes, qui in circuitu erant inuadere loca, & omnes possessiones Israelitarum, & pecora, & quæcunque animalia, quod non est conuenienter dictum. Dicendum quod oēs Israelitæ conuenerunt ad hanc portationem arcæ, scilicet omnes masculi, qui erant ætatis perfectæ, in quibus lex habebat locum ad obligandum eos: & patet hoc, quia litera dicit, quod conuenerunt omnes Israelitæ. Item patet hoc magis, quia quando conuenerunt nunc Israelitæ ad arcam portandam, erat festum mensis septimi, scilicet festum Tabernaculorum, siue Scenophegiæ: & in illo festo obligabantur omnes Israelitæ masculi conuenire in locum sanctuarii. Exo. 23. & 34. & Deut. 16. Et dato quod non esset aliqua solennitas portationis arcæ solum propter istam festiuitatem conuenirent. A fortiori ergo epm portatio arcæ, & festum Scenophegiæ eodem tempore concurrerent.

Determinatio.

Et

Et hoc patet in littera, quia dicitur quod erat festum siue solennitas mensis septimi, quando populus conuenit nunc ad regem. Etiam patet 3. Reg. 8. cap. Cū autem obijcitur, quod licet dicitur omnes conuenisse quod intelligatur de multis, & non de omnibus. Dicendum quod non stat, quia si solum fuisset nunc solennitas portationis arcæ, & non festum Scenophegiæ, forte non conuenissent omnes, sed multi: & tamen propter Scenophegiam obligabantur omnes masculi Israelitarum conuenire, cū lex dixisset quod tribus temporibus anni ascendere deberet omne masculinum Israel in sanctuarium Domini. Exo. 23. Et erat vna de festiuitatibus istis dies Scenophegiæ. Cū autem obijcitur, quod non erat verisimile omnes Israelitas simul ascendere, eo quod relinquerentur loca deserta: & occuparentur ab hostibus. Dicendum quod non stat, quia licet loca defererentur ab eis, securerant quod non inuaderentur ab hostibus, quia Deus prestiterat securitatem de hoc, scilicet quod nulli hostium in mentem veniret occupare loca licet ab Israelitis defererentur, vel timerent inuadere eā. Exo. 34. scilicet cū tulerō gētes à facie tua, & dilatauero terminos tuos, nullus insidiabitur terræ tuæ, ascendente te, & apparente in conspectu Domini Dei tui ter in anno. Et sic nunc cū ascenderent ad festiuitatem Scenophegiæ, & ad portationem arcæ, non timerent quod hostes inuaderent terram eorum, & ascenderent confidenter omnes Israelitæ.

Ad quid Salomon conuocauit omnes populos ad arcem portandam, cū venturi erant ad festiuitatem.

Quest. X.

QVAERITVR. vltius, ad quid Salomon conuocauit nunc populares, vt venirent ad portationem arcæ: quia ipsi venturi erant ad festiuitatem istā, ad quam nunc conuenerunt, etiam si Salomon non conuocaret eos. Dicendum, quod Salomon conuocauit eos propter multa. Primo quia dato, quod venturi essent ad istam festiuitatem: tamen non venturi erant in Ierusalem ad locum, vbi arca portanda erat de domo Dauid ad templum Salomonis. Pro quo sciendum quod quolibet anno Israelitæ debebant iter venire ad templum Domini in tribus festiuitatibus, scilicet in solennitate tabernaculorum, & Phasæ, & Pentecostes. Exod. 23. & 24. & Deuteronomio 26. Et antequam templum Salomonis fabricaretur, fiebant omnes ceremoniæ legis in tabernaculo quod fecerat Moyses, vt probatum est præcedenti lib. 16. in quadam quæstione. Et dato quod arca esset in Ierusalem in domo Dauid in quodam tabernaculo, non fiebant ibi ceremoniæ legales, quæ de necessitate fieri debebant, sed in sanctuario, vt ibidem probatum est. Et quia hoc tempore erat tabernaculum illud in Gabaon debebant ibi celebrari festiuitates istæ. Nam tabernaculum fuit in Gabaon semper quandiu Dauid regnauit, quia Saul transtulerat illud illuc, quando destruxit urbem Nobe, & occidit sacerdotes, vt patet 10. Reg. 22. & ibi declaratum est, & præcedenti lib. 6. Et erat ibi in principio regni Salomonis. Nam Salomon iuit in Gabaon ad offerendum sacrificia in altari Domino: & erat ibi tunc altare, quod fecit Moyses, & tabernaculum eius: vt patet 3. Reg. 3. & supra primo. Etiam in principio regni Dauid super totum Israel, quando Dauid transtulit arcam de domo Obedom in domum suam, erat tabernaculum Domini in Gabaon. Vnde Dauid diuisit sacerdotes, & Leuitas, & iussit, quod quidam eorum manerent in Ierusalem ministrantes coram arca, & alij omnes irent ad tabernaculum Domini in Gabaon: Vnde sacer-

F dotem magnum Sadoc misit illuc: vt patet præcedenti lib. 16. cap. Et sic ad festiuitatem istam Scenophegiæ conuenire debebat populus in Gabaon ad tabernaculum Moyse: & non in Ierusalem, & quia volebat Salomon, quod in illa festiuitate conuenirent ad portandam arcam in templum in Ierusalem, oportuit, quod vocaret eos. Secunda causa fuit, quia Salomon vocauit populum ad portandam arcam mox, vt consumatum fuit templum, & quia populus nesciebat quando consumabatur templum, & vasa, dato quod omnes intenderent illo tempore venire ad portationem illam, quia tamen nesciebant, quando esset tempus, Salomon debebat conuocare totum populum. Tertia causa fuit, quia Salomon fecit istam congregationem ante festum Scenophegiæ. Nam dato quod conuenire deberent Israelitæ iam in Ierusalem ad festiuitates, tamen non conuenirent hoc tempore, nisi conuocarentur. Nam conuenerunt nunc ante festum Scenophegiæ: & tamen ante illum diem non tenebantur conuenire secundum legem. Et si obijciatur, quia dicitur hic, quod venerunt in die sollemni mensis septimi, & iste est dies Scenophegiæ. Dicendum quod non erat iste dies, sed aliud festum, vt declarabitur sequenti quæstione: & sic Salomon debuit conuocare istos Israelitas ad portandam arcam, quia aliis non conuenirent.

Quæ erat ista festiuitas, quando conuocati sunt Israelitæ in mense septimo ad portandam arcam. Quest. XI.

QVAERITVR. Vltius de festiuitate ista, quæ erat, quando conuocati sunt Israelitæ in mense septimo ad portationem arcæ. Dicendum quod inter Hæbreos erant festa septem, scilicet Sabbathū, Kalendæ, Phasæ, Pentecostes, dies Clangoris, Propitiationis, festum Tabernaculorum siue Scenophegiæ, & istorum festorum duo replicabantur saepe in anno & alia erant semel tantum in anno: Sabbathū nanque, & Kalendæ replicabantur, quia Sabbathum erat in qualibet hebdomada, & Kalendæ erat semel quolibet mense prima die mensis: Nu. 28. & 29. Et ista duo vocabantur proprie festa. Alia quinque vocabantur solennitates, quæ accidebant semel tantum in anno. Et prima erat Phasæ, siue festum Azymorum: & erat die quartadecima mensis primi ad vespertinum. Leu. 23. Festum Pentecostes erat deinde post septem hebdomadas. eo. ca. & vocabatur festum Hebdomadarum. Alia tria festa erant in mense septimo, scilicet Septembri, nam prima die mensis erat dies Clangoris. Et decima die erat festum Expiationis. Die autem quintadecima usque ad vicesimam secundam erat festum Tabernaculorum, siue Scenophegiæ, Leu. 23. Cū autem dicitur hic quod die sollemni mensis septimi conuenerunt in Ierusalem, intelligunt plurimi de die Scenophegiæ: & hoc propter multa. Primo, quia dicitur, quod conuenerunt in die sollemni mensis septimi, & cū in isto mense essent tres festiuitates, necessarium erat vt intelligeretur vni: Ieni, quia cū per excellentiam dicitur, conuenit vni: & tamen festum Scenophegiæ solebatur celebrari tribus: nam per septem dies celebrabatur: alia autem per vnicum: Leu. 23. Etiam quia in isto fiebant plures ceremoniæ iucunditatis quàm in alijs. Secundo patet, quia in alijs duobus præcedentibus festis non tenebantur in festo Scenophegiæ: cū illud esset vni de tribus festis, in quibus Israelitæ ascendebant in sanctuarium: Exo. 23. & 24. cap. & sic Israelitæ facerent simul duo, scilicet portarēt arcam honorabiliter in templum, & satisfacerēt legi ascendentes in sanctuarium in isto festo.

scito, quod non facerent ascendentes in alijs festiuitatibus præcedentibus. Tertio patet, quia in litera manifestè apparet, quod steterunt in Ierusalem in die Scenophegiæ, siue tabernaculorum. Nam dicitur infra, quod celebravit festiuitatem septem diebus, & die octauo fecit collectam, & recesserunt singuli die vigesimo tertio mensis septimi: sed ista omnia conueniunt festo tabernaculorum: quia illud festum durabat septem diebus octaua die fiebat cæsus, & collecta, & recedebat populus sequenti die, quæ erat dies vigesimus tertius mensis septimi: ut patet Leuit. 23. & Deut. 16. Dicendum tamen est, quod non fuit dies ista sollemnis, quæ conuenerunt Israelitæ ad Salomonem dies Scenophegiæ, sed prius per aliquot dies conuenerunt. Nam celebrauerunt Israelitæ cum Salomone festiuitatem diebus quatuordecim: ut patet 3. Reg. 8. f. Fecit solennitatem multitudo magna cum Salomone septem diebus, alijs septem diebus, idest quatuordecim diebus, & die octauo dimisit populos: constat tamen quod populus recessit à Salomone de Ierusalem die vigesima tertia mensis septimi infra 7. Ergo necesse est, quod incepisset ista festiuitas die septimo, vel octauo mensis septimi. Et tamen festum Scenophegiæ incipit die quintadecima mensis septimi, Leuit. 23. ergo ante festum istud per dies septem ad minus conuenerat populus ad Salomonem. Potest ergo dici, quod conuenerunt Israelitæ in Ierusalem ad Salomonem die primo mensis septimi, qui est dies clangoris: & etiam est dies Kalendarum, & ille est dies sollemnis mensis septimi, & per sex dies quieuerunt, vel disposuerunt se ad faciendum solennitatem, & die septima mensis eiusdem cæperunt solennizare portationem arcæ. Vel melius potest dici, quod iste dies sollemnis erat dies decimus mensis septimi, qui est dies Propitiationis, & incepit festiuitas ante ipsum diem tribus diebus, & dicunt venisse in die solenni: non quod die illo venerunt, sed quia ad celebrandum diem illum essent aliquot diebus ociosi. Et fortè satis fuisse Israelitis, quod celebrarent septem diebus pro lætitia portationis arcæ, & tamen quia finitis illis septem diebus incepit festum tabernaculorum, in quo omnes Israelitæ conuenire debebant ad sanctuarium, manserunt in Ierusalem in festo ipso. Et quia illud durabat diebus septem, fecerunt alios septem dies festiuos, & die vigesimo tertio mensis septimi recesserunt de Ierusalem infra 8. c. 3. Reg. 8. Ad rationem primam in contrarium dicendam, quod quamuis in mense septimo essent tres solennitates, poterat quælibet illarum vocari dies sollemnis, & licet dies tabernaculorum esset sollemnis, & absolute vocando solennitatem mensis septimi debet potius intelligi festum tabernaculorum, quam aliud, quia cum non constet ex litera, quod debet de alio intelligi, necesse est, quod de illo intelligatur. Ad secundum dicendum est, quod verum est, quod in alijs solennitatibus præcedentibus non tenebantur Israelitæ conuenire ad sanctuarium, sed in festo tabernaculorum: quia tamè ante festum illud consummatum est sanctuarium, & valde eas, conuocauit Salomon prius Israelitas: & sic conuenerunt ad festum Expiationis, & ante illud diebus tribus, idest die septimo mensis septimi. Ad tertium cum dicitur, quod celebravit populus solennitatem tabernaculorum in Ierusalem nunc quando conuenerunt ad portandum arcam. Dicendum quod verum est, & tamen non fuit illud festum primum ad quod ipsi venerunt in Ierusalem, sed venerunt ad festum Expiationis per tres dies prius, & celebrauerunt solennitatem tribus diebus: quibus expletis, quia venit festum tabernaculorum, & durabat septem diebus alijs celebrauerunt Israelitæ etiam istos septem dies, & isti fuerunt septem dies secundi septem. 3. Regum 8.

Alph. Tost. super lib. Paralip. Pars 2

A Quare ad celebrandum istam portationem arcæ de domo Dauid, quæ prope templum erat, vocauit Salomon Israelitas.

Quest. XII.

QVÆRITVR vltcrius, ad quid vocauit Salomon Israelitas ad honorandum istam portationem arcæ, quæ facta est de domo Dauid in templum: nam domus, de qua portabatur arca erat iuxta templum, & non oportebat, quod pro tam parua translatione vocaretur totus populus ad solennizandum translationem. Nam si fuisset ista, sicut translatio, quam fecit Dauid, fuisset conueniens vocare totum populum ad honorandum eam. Ipse namque transfudit arcam de Chariathiarim in Ierusalem in domum Obededom Gethæi, & hic erat distantia magna, quia Chariathiarim erat ciuitas vna, & Ierusalem alia, & ad hoc, quod populus comitaretur arcam in via de vno loco ad alterum, erat conueniens illum vocari. 2. Reg. 6. & præced. lib. c. 13. Et tamen nunc portatio arcæ erat de domo Dauid ad templum, & erat domus apud templum: ideo non erat opus conuocari istam multitudinem ad portationem hanc. Aliquis dicet quod locus, in quo erat arca distabat à templo, & opus erat conuocari populum ad portationem istam. Dicendum, quod inter templum, & locum, in quo erat arca quando portanda fuit parua distantia erat ad quod præsupponendum, quod vtrumque erat intra urbem Ierusalem. Nam templum factum est in Ierusalem, quia Deus dixit, quod elegerat Ierusalem, ut esset nomen suum in ea, idest in templo. 3. Reg. 11. & seq. c. præced. li. c. 28. Arca autem erat in domo Dauid intra Ierusalem: nam erat arca in castro montis Sion, quod vocatur ciuitas Dauid, ut patet in litera, & tamen illud castrum erat in Ierusalem, quia erat fortalicium urbis illius. Et non solum templum, & arca portanda erant intra Ierusalem, sed etiam ambo erant in castro montis Sion, & erat fortalicium. Quod patet, cum dicitur hic, quod arca portata est de ciuitate Dauid in templum, & in vocatur ciuitas Dauid castrum montis Sion. Nam capta vrbe Ierusalem ab Israelitis paucis tempore post mortem Iosue mansit multo tempore castrum eius in potestate Iebusæorum, qui intus morabantur. Et cum Dauid factus est rex super totum Israel iuit in Ierusalem ad pugnandum contra Iebusæos, ut caperet illud castrum, & cepit, & ad gloriam nominis sui ex hac victoria vocauit illud castrum ciuitatem Dauid. 3. Reg. 5. & præced. lib. c. 11. Templum etiam erat intra fortalicium illud, quia erat in parte altissima castri illius in area Ornæ Iebusæi, ut patet supra 3. & tamen Iebusæi habitabant in castro montis Sion. Nam illud castrum cepit Dauid de manu eorum. 2. Reg. 5. & præced. lib. c. 11. Ergo in castro montis Sion habitabat Ornæ Iebusæus, qui permissione Dauid manserat cum possessione sua. Et tamen in area Ornæ Iebusæi factum est templum supra 3. Ideo tam domus Dauid, de qua portabatur arca quam templum ad quod portabatur erant intra castrum montis Sion. Unde parua distantia erat loci, per quam arca transferrenda erat. Dicendum tamen, quod ad hanc parua translationem Salomon conuocare debuit populum. Primo, quia Dauid iam conuocauerat populum ad aliam tam parua translationem. Nam Dauid transfudit bis arcam: primo de Chariathiarim in domum Obededom, & secundo de domo Obededom in domum suam. 2. Reg. 6. & præced. lib. c. 13. & 15. Et fuit translatio prima magna de vna vrbe in alteram. Secunda fuit parua de domo Obededom in domum Dauid: quia domus Obededom, & domus Dauid erant in Ierusalem, ut probatum est. 2. Regum 6. & præcedenti libro capit. 13. & 15. Et tamen in ista secunda translatione recit Dauid maiorem festiuitatem quam in prima.

Deterni-
natio.

I Nam

Nam in secunda fuit maior letitia quam in prima, ut patet comparando, quæ habentur precedenti lib. c. 13. ad ea quæ habentur ibidem, c. 15. Etiam quia in prima translatione non fit mentio, quod David populo conuiuium fecerit, & tamē de secunda dicitur, quod David dederit cibos toti populo, præced. li. c. 15. Etiam quia in prima non legitur, quod corā arca in redeundo de Chariathiarim in domum Obededom fuerint immolata aliqua sacrificia coram arca. 2. Reg. 6. & præced. lib. 13. Et tamen transferendo eam de domo Obededom in domum David fuerunt oblata multa sacrificia: quia cum illi qui portabant arcam transiissent singulos sex passus, immolabatur septem tauri, & septem arietes. Ita ergo licet ista portatio esset parua quam fecit nunc Salomon de domo David in templum, voluit conuocare totum populum, & decuit hoc fieri. Secundum fuit, quia potius Salomon nunc conuocare debuit populum ad portationem arcæ quam David conuocauerit. Nam nunc arca portabatur tanquam reponēda in loco, in quo in æternum manere debebat, & iste erat vltimus honor, quem populus ei præstiturus erat commitādo eam, ideo debebat esse magnus. In alijs autem portationibus non fiebat sic, quia non portabatur arca ad locum, in quo in æternum manere debebat, sed ut maneret aliquanto tempore in locis illis, quosq; de illa aliter disponderetur: sicut quādo portata fuit in domum Obededom, posita fuit ibi, nō ut ibi semper maneret, sed ut esset ibi quousq; videret David, quid de ea disponendum foret. Etiam quā translata fuit de domo Obededom in domum David, posita fuit ibi, ut maneret ibi solūm quousq; edificaretur templum domino, quia David intentionem habebat ædificandi templū. 2. Reg. 7. & præced. lib. c. 17. Et licet prohiberetur ædificare ipse, tñ filius suus non fuit prohibitus, & expectabat David, ut maneret arca in domo sua quousq; Salomon filius suus edificaret templum, & quia iam cōpleuerat illud Salomon, translaturus erat arcam in illud, ut maneret ibi in sempiternum: ideo cum maiori honore nunc transferenda erat, & potius nunc populus conuocandus erat quam in prima vice, & secunda, cum transtulit eam David. Tertium est, quia quā alijs vicibus David cōuocauit populum ad portandū arcā, solūm veniebant ad portandum eam, & aliās nō erāt venturi, & tñ nunc quā cōuocauit Salomon populum, etiam venturi erant ex alia causa, scilicet quia erat festum tabernaculorum nunc, in quo omnes Israelitæ masculi conuenturi erant ad locum sanctuarij: Exod. 23. & 34. Et quia locus sanctuarij erat nunc in Ierusalem cum completum esset templum, conuenturi erant illuc et si nunc non portaretur arca in templum.

An conuocato populo per Salomonem ad portanda arcam ipse dederit cibos, sicut David toto populo congregato.
Quest. XIII.

QVAERITVR vterius, cum Salomon nunc populum conuocauerit ad portationem arcæ, an K dederit cibos populo congregato in ista festiuitate, sicut dedit David iterum, cum conuocauit populum. Respondendum, quod licet non apparet ex litera, an Salomon dederit cibos, vel non populo: tamen credendum est, quod dedit. Primò, quia consuetudo erat, quod quā rex conuocaret populum ad aliquam festiuitatem, vel honorem, quod ministraret eis epulas. Patet hoc de David: nam quando populus congregatus est ad dedicationē eius in regem super totum Israel, ipse præbuit populo escas, præced. lib. cap. 12. Item quando David conuocauit populum ad portandum arcam de domo Obededom in domum suam, dedit cibos toti populo tam feminis quam viris. 2. Reg. 6. & præced. lib. ca. 16.

F Cum ergo conuocaret nunc Salomon populum ad portandum arcā, non minus faceret quam pater suus dando cibos. Secundò patet, quia Salomon fuit rex diuissimus super omnes reges. 3. Reg. 3. & supra primo, & fuit magnificus expendens liberalissimè diuitias, ut patet 3. Reg. 4. f. Dedit Deus Salomoni latitudinem cordis, sicut arenam, quæ est in litore maris, & ista latitudo cordis est quædam inclinatio, vel habitus ad expendendum magnificè, & non dolendum tenaciter de eo, quod expenditur: ideo magnificentius adhuc ministraret populo escas in conuocatione ista, quam fecerat David pater eius. Tertiò patet, quia in festiuitate ista Salomon fecit sacrificia pacifica multa, quorum carnes pertinebant ad ipsum pro maiori parte, & poterat dare illas, quibus vellet, dum tamen essent mundi. Nam occidit vigintiduo millia bouum, & centum & vigintimillia arietum. 3. Reg. 8. & infra 7. & istæ carnes sufficiebant populo conuocato ad comedendum propter suam multitudinem: nec est credendum, quod Salomon tot animalia occideret nisi intenderet inde conuiuare populum, quia aliās perirent tantæ carnes: ideo credendum est, quod toto illo tempore, quo celebrauerunt festiuitatem portationis arcæ in Ierusalem dedit Salomon populo cibos.

H Cumque venissent cuncti seniorum Israel, portauerunt Leuitæ arcam, & intulerunt eam, & omnem paraturam tabernaculi. Porro vasa sanctuarij, quæ erant in tabernaculo, portauerunt sacerdotes cum Leuitis. Rex autem Salomon, & vniuersus cætus Israel, & omnes, qui fuerunt, congregati ante arcam, immolabant arietes, & boues absque vlllo numero: tanta enim erat multitudo victimarum.

Cumque venissent cuncti seniorum Israel. Ad portationem arcæ non solūm venerunt seniores Israel, sed etiam totus populus, scilicet principes tribuum, & familiarum, & alij: ut patet supra in litera. Hic tamen repetitur de solis senioribus, quia illi erant honorabiliores: vel quia de illis mentio facta fuit primò quā de alijs. Portauerunt Leuitæ arcam. Scilicet portauerunt eam de domo David in templum Salomonis. Et dicitur de Leuitis, quod portauerunt arcam, quia officium suum erat portare vasa sanctuarij. Erat autem arca præcipua inter omnia vasa, vel suppellectilia sanctuarij, & illam portabant Chaathitæ: Num. 3. & 4. aliquando tamen sacerdotes portabant arcam: sicut fuit quando portauerunt illam septem diebus quousque corruerunt muri vrbis Iericho, Iosue 6. Sed hoc non erat contra legem, quia sacerdotes erant maiores dignitate, & ministratione Leuitis, & poterant ministrare in omnibus, quæ pertinebant ad Leuitas, licet Leuitæ non poterant e conuerso ministrare in omnibus, quæ pertinebant ad sacerdotes, licet raro sacerdotes ministrabant in his, quæ pertinebant ad Leuitas. Et intulerunt eam, & omnem apparatus tabernaculi. Id est introduxerunt eam in templum, cum toto apparatu tabernaculi, id est sanctuarij, scilicet cum omnibus vasibus, quæ pertinebant ad ministrationem sanctam. Et non est intelligendum, quod soli Leuitæ introduxerint in templum totum apparatus illum: quia sacerdotes tamen & Leuitæ portauerunt omnia vasa sanctuarij: ut patet in litera. Porro vasa sanctuarij, quæ erant in tabernaculo.
Vasa

Quest. XIII.

QVÆRITVR circa dicta, cùm Israelitæ con-
gregati fuissent ad solennizandum istam porta-
tionem arce, quid faciebant in portatione. Dicendum
est Israelitæ faciebant multa pertinentia ad solennitatē.
Primum comitari, nam solennitas est in multitudine
plebis, & quia cum ipsa arca, quæ portabatur, totus Is-
rael in habitu iucunditatis veniebat, dicebatur solen-
nizare portationem. Secundum erat, quia Israelitæ of-
ferebant sacrificia coram arca: nam dicitur, rex, & om-
nis ceterus Israel offerebant ante arcam boues, & oves
absq; vilo numero, & ista erat magna solennitas: quia
offerre sacrificium erat ceremonia magni honoris.
Nam nulla erat maioris honoris, cùm sacrificiū Deo
solidebatur. Et ista sacrificia multa erant, ideo multū
solennizabant in hoc portationem arcæ. tertio solen-
nizabant in hoc portationem arcæ. tertiò solen-

Alph. Tost. super lib. Paralip. Pars 2.

QVAERITVR vltorius, cum dicatur: Porro vasa sanctuarij, quę erant in tabernaculo portauerunt sacerdotes, quod erat istud tabernaculum. Potest dupliciter intelligi, vno modo de tabernaculo Moyſi: alio modo de tabernaculo Dauid, in quo erat arca. Accipiendo primo modo est sensus, q̃ non solum sacerdotes, & Leuitę portauerunt nunc arcam fœderis, sed etiam omnia vasa sacra, quę fuerant in tabernaculo, quod fecit Moyſes, & in quibus ministratum fuit toto tempore precedenti. Pro quo considerandum, q̃ Moyſes fecit in deserto tabernaculum, in quo Deus coleretur, & vasa aurea, & argentea, & ænea pro eo fabricauit: Exo. 25. & 26. & vsque ad finem libri, & istud tabernaculum portabatur de loco ad locum, & ministrabatur Deo in illo quousque templum Salomonis constructum est. Et quando construebatur templum illud, & quando consumatum est, erat tabernaculum Moyſi cum vasis suis in Gabaon: ideo Salomon illuc semel ad offerendum victimas ascendit, quando obtulit in eo mille hostias, & petijt à Deo sapientiam. 3. Reg. 3. & sup. 1. Nuncautem consumato templo fecit Salomon portari tabernaculum cum omnibus vasis suis, quę erant in Gabaon, & posita fuerunt in templo facto nouiter, & ista vasa portauerunt nunc sacerdotes, & Leuitę. Secūdo modo potest intelligi de tabernaculo Dauid, quod erat in Ierusalem, in quo erat arca. Pro quo sciendum, q̃ quando Dauid voluit transferre arcam de Chariathairim in Ierusalem, parauit ei locum in domum suam, s. tabernaculum quoddā in quo maneret, & posuit ibi tentorium quoddā de pellibus lacynthinis, sub quo esset arca: preced. lib. c. 18. Et ibi posita fuit arca, quando portata est de domo Obedom in domū Dauid, & fecit ipse, q̃ manerent multi de sacerdotibus, & Leuitis in Ierusalem: vt quotidie in tabernaculo illo coram arca ministrarent, eo. c. Fuit autem ibi arca quousque Salomon tranſtulit eam inde in templū, & sic fortē omnia vasa aurea, & argētea, quę fecerat nunc Salomon ad ministrādum in tēplo, posita fuerunt in illo tabernaculo, in quo erat arca, quę erat locus sacer, & inde portata fuerunt in templum a sacerdotibus, & Leuitis. Istud autem signat littera hic, cum dī: Porro vasa, quę erant in tabernaculo portauerunt sacerdotes, s. quę reposita fuerūt in tabernaculo Dauid, vt inde portarētur simul cū arca. Vterq; sensus

I 2 istorum

I 2 istorum

Determinatio.

Istorū poteſt ſatis ſtare. Primus magis tñ ptonat literę, quę hñ. 3. Reg. 8. quia dñ ibi, & portauerunt arcam fęderis Domini, & tabernaculum fęderis, & oĩa vafa ſanctuarij, quę erant in tabernaculo, & ferebant ea ſacerdotes, & Leuitę: quia manifeſtè intelligitur de tabernaculo Moyſi. Primò, quia dñ, tabernaculum fęderis Domini, & tamen tabernaculum fęderis non vocabatur niſi illud, quod fecit Moyſes, in quo poſuit arcam cõtinentem fędus. Secundò patet, quia dicitur, & portauerunt arcam Domini, & tabernaculum fęderis, & tamen manifeſtum eſt, qđ tabernaculum, quod fecerat Dauid, in quo erat arca, antequam portaretur in templum, non fuit portatum in templum, quia illud fuit domus quędam, quę moueri nō poterat, ſed portari potuit tabernaculum Moyſi, quod erat de tabulis, & pellibus portatile de loco ad locum. Tertiò patet, quia dñ qđ ſacerdotes, & Leuitę portabant omnia vafa ſanctuarij, quę erant in tabernaculo: & tamen non vocabantur vafa ſanctuarij illa, quę fabricauerat Salomō, cū nondum conſecrata eſſent, nec vnquā miniſtratum eſſet in eis: ſed vafa ſanctuarij vocabantur proprię vafa, quę erant in tabernaculo Moyſi, in quibus ſolebat miniſtrari, & miniſtratum fuerat ſemper vſque ad tempus, quo conſumatum eſt templum Salomonis. Quartò patet, quia iſtud ponitur ad tollendum dubiū, & tamen ſi intelligatur de vafis, quę Salomon fabricauerat nouiter, & poſuerat in tabernaculo Dauid, vt iſti aſſerunt, non erat aliquod dubium, quin iſta portata fuerint in templum Salomonis, quia ad hoc facta fuerant: ſed de vafis, quę erant in tabernaculo Moyſi, erat dubium, an portata fuerint in templum Salomonis: quia illud templum erat vetus, & dubium erat cū nunc templum nouum inciperet, an omnia, quę fuerant in templo veteri ceſſare debebant: ideo dñ hic, qđ tabernaculū Moyſi, & vafa ſanctuarij, quę in eo erant portata fuerunt in templum. Quintò patet, quia manifeſtum eſt, qđ tabernaculum, de quo hic accipitur, erat tabernaculum Moyſi, cū vocetur tabernaculum fęderis, vt ſupra dictum eſt, & illud portatum eſt in templum. Manifeſtum eſt, ergo qđ vafa eius portarentur in templum: nam tabernaculū Moyſi per ſe inutile erat, nec vllō modo expediebat portari illud in templū Salomonis, niſi portarentur vafa illius, quia illa poterant eſſe vtilia ad miniſtrādum, & tabernaculum per ſe nō poterat eſſe vtile, & tamen portatum fuit illuc tabernaculum: ideo vafa iſta, quę erant in tabernaculo, quę dicuntur portata illuc, erunt vafa tabernaculi Moyſi, & iſtud tenendum eſt.

Quid factum eſt de iſto tabernaculo Moyſi, quod portatum eſt in templo Salomonis. Queſt. XVI.

QVAERITVR vltorius, de iſto tabernaculo Moyſi, quod portatum eſt in templum Salomonis, & de vafis eius quid factum fuerit. Aliquis dicet, qđ iſtud tabernaculum, & vafa fuerunt ad aliquam miniſtrationem in templo Salomonis, ideo portata fuerūt illuc. Dicendum, qđ hoc non eſt ſimpliciter verum, nā de tabernaculo certum eſt, qđ nō poterat proficere ad aliquam miniſtrationem ſacram. Nam iſtud tabernaculum ſolū erat ad cuſtodiēdum in eo vafa ſacra, & ad faciendū intra illud miniſtrationes ſacras quādiu non erat alia domus aptior ad hoc, & tñ factō templo Salomonis iam erat domus, quę haberet vicem tabernaculi: ideo non poſſent intra illud fieri aliquę miniſtrationes ſacrę ſicut prius: nam tabernaculum Moyſi diuiſum erat in duas partes: in prima erant cādelabrū, menſa, & altare thymiamatum, in quibus miniſtrabatur: in ſecunda, quę vocabatur Sancta Sanctorum erat arca poſita: Sic erat templum Salomonis diuiſum in

F duas partes: in prima parte erant vafa omnia, vt cādelabrū, & menſa, & altare thymiamatum, vt colligitur pced. c. & in ſecunda domo erat Sancta Sanctorum, in qua erat arca inter Cherubim, & ſic ad nihil horū poterat ſeruire tabernaculum Moyſi. Dicēdum ergo eſt, qđ illud tabernaculum, ſ. tabulata illius, & cortinę atq; cętera velamenta reſeruata fuerunt in theſauris templi in aliqua exedarū, vel in palatijs ſuperioribus, quę erant ſupra tectum templi, & hoc in memoriam Dei, qui iuſſerat illud tabernaculū fieri, & propter honorem Moyſi, qui fuerat miniſter in fabricando illud, & ppter auctoritatem toti⁹ populi Hebraici, qui toto tempore pterito nullum aliud ſanctuarium habuerat. Etiam quia fuerat conſecratum tabernaculum cū vnctum fuiſſet oleo vnctionis: Exo. 30. & 40, & Nu. 7. Etiam quia facta fuerant miniſteria ſacra ibi toto tpe pterito, & rē ſacram non decebat ad vſus humanos iam transferri. Et ſic manſit tabernaculum Moyſi in templo Salomonis ſemper reconditum in theſauris, nec vllus poſtea fuit vſus eius. De vafis autem dicendum, qđ erant duplicia vafa in tabernaculo Moyſi, ſ. quędam aurea, & argentea, & alia ænea. Erant. n. ænea altare holocauſtorum, & labrum æneum, & vafa altaris, ſ. igniū receptacula, lebetes, ſuſcinulę, & forcipes, vt declaratum eſt pced. c. in quadam quęſt. Et de his dicendum, qđ poſtea non miniſtratum fuit in eis. Patet de altari holocauſtorum. Nam Salomon fecit aliud altare æneum valde maius, ſ. viginti cubitorum longitudine, & latitudine, & totidem altitudine, pced. c. & in illo poſtea oblata fuerunt ſacrificia omnia, & ceſſauit vſus altaris, quod fecit Moyſes. Aliquis fortē diſcet, qđ licet Salomon fecit poſtea aliud altare magnū, qđ non ceſſauit vſus prioris, quia poterant in ambobus ſacrificia fieri. Dicendum, qđ non ſtat, quia vnicum altare erat, in quo deberet ſacrificium fieri. Et ſiquis in alio immolaret: etiam ſi Deo vellet offerre ſacrificiū peccabat. Quod patet de duabus tribubus, & dimidia, quę conſtruxerūt altare magnum apud Iordanem, & duę tribus, & dimidia putantes, qđ conſtruxiſſent altare ad ſacrificia, parauerunt ſe ad bellum contra illas quouſque ille purgauerunt ſe de hoc appoſito crimine, dicentes, qđ nō feciſſent ad offerendū ſacrificia, ſed ad faciendā vnionem populi. Et dixerunt, qđ neſas erat immolari in alio altari, niſi in illo, quod erat ad oſtium tabernaculi: Ioſ. 22. c. ideo non immolata fuerunt aliqua ſacrificia in altari Moyſi conſumato templo Salomonis. De labro æneo idem patet, quia in labro æneo lauabantur ſacerdotes, quando miniſtrare debebant in ſanctuario: Exo. 30. & tñ in templo Salomonis factū fuit mare æneum, in quo lauarent ſacerdotes, & factę fuerunt decem luterę, in quibus lauarentur carnes ſacrificiorū, pced. c. Ideo iam non fuit aliquis vſus labri ænei. Et ſic dicendum de altari, & de labro æneo factis in tabernaculo Moyſi, qđ nō fuerunt ad aliquam miniſtrationē in templo Salomonis, quia tñ erant vafa ſacra facta mandato Dei ſub Moyſe, in quibus tanto tpe miniſtratū fuerat, recondita fuerunt in theſauris domus Dñi, vt ibi ſemper manerent, nec tranſirent in vſus prophanos. De vafis æneis altaris, ſ. igniū receptaculis, forcib⁹, ſuſcinulis, & lebetibus eſt dubium, quia poteſt dici, qđ cum alijs vafis æneis altaris holocauſtorū, quę facta fuerunt per Salomonē iſta quoq; manerunt ad miniſtrandum interdū, man- poteſt dici, qđ ſimul cū altari cuius vafa fuerant, miniſtrarent recondita in theſauris templi nullo vti ſacro, vel pphano accōdato. De vafiſ aureis, & argenteis, ſ. operata laminis aureis ſicut altare thymiamatum. Alii autem de auro puriſſimo, vel argento ſicut phylę, cyathi, mortariola, acetabula, & ſimilia vafa. De

De primis dicendum, quod non fuerunt ad aliquem vnum iam in templo, s. ipsum altare thymiamatum. Nam altare thymiamatum in templo vnicum erat, in quo in mane, & vespere quotidie cremabatur thymia-
ma, & tamen Salomon fecit vnum altare thymiamatum in templo suo, vt patet 3. Reg. 6. vbi dicitur, qd fecit altare de cedro, siue vestiuit illud cedro. Altare autem thymiamatum, quod fecit Moyses erat de lignis setim. Exo. 30. Ideo non erat idem altare. Secundo patet, quia altare quod fecit Moyses erat opertum auro. Et tamen David dedit Salomoni aurum ad operiendum altare thymiamatum, pcedenti lib. c. 28. Ideo non erat illud altare, quod fecerat Moyses. Tertiò patet, quia altare illud, quod fecerat Moyses erat parue magnitudinis, & com. uniter omnia vasa, quæ erant in tabernaculo Moyfi fuerunt minora vasis, quæ erant in templo Salomonis, licet essent similia in figura: sicut patet de altari holocaustorū in tabernaculo Moyfi, quod erat cubitorum quinque longitudine, & totidem latitudine, & tamen altare holocaustorum in templo Salomonis erat cubitorum viginti latitudine, & totidem longitudine: Exo. 27. & pcedenti c. ideo dicendum, qd altare thymiamatum, quod fuit in tabernaculo Moyfi, non mansit in templo Salomonis quā-
tum ad aliquem vsum, sed solum fuit reconditum in thesauris templi, quia fuerat vas consecratum ne applicaretur alicui vsui prophano. De alijs autem vasis aureis, & argenteis purè: sicut erant phialæ, mortario-
la, cyathi, & acceptabula dici potest, qd fuerunt oīa seruata ad vsus pristinos: quia licet fuerūt alia multa eiusdem figure maiora in quantitate facta per Salomonē: tñ ista manerent cum eis ad similes vsus, & sic maneret candelabrum, & alia vasa minora. Vnde voluit Nicolaus, qd in templo Salomonis essent vndecim candelabra, s. decem, quæ fecit Salomon, & vnum quod Moyses fecerat, & qd illud esset in medio decem, s. quinque ad dextram illius, & quinque ad sinistram: pced. c. De mensa propositionis, quam fecit Moyses manet dubium quid factum fuerit. Quidam dicunt, qd illa fuit postea inter alias mensas, quæ fuerunt in templo. Nam non fuit sic de mensa, sicut de altari thymiamatum. Nam altare thymiamatis vnicum fuit in toto templo, & tñ Salomon fecit vnum, vt probatum est supra: & patet 3. Reg. 6. Ideo non poterat manere altare thymiamatum, quod fecit Moyses ad aliquem vsum, & tñ de mensa propositionis est aliud, quod manserunt in templo saltem decem mensæ: quia dñs pced. ca. qd fuerunt decem mensæ in templo, quinque ad dextram, & quinque ad sinistram. Et poterat vna de illis esse mensa, quam fecit Moyses. Vel sicut dicit Nicolaus, qd fuerint mensæ vndecim, s. vna quam fecit Moyses, quæ erat in medio, & ad duo latera illius decem mensæ. Dicendū, qd non potest mensa quam fecit Moyses esse vna de illis decem, vel vndecim mensis: quod patet, quia Salomon fecit decem mensas: vnam auream, & nouem argenteas, vt colligitur pced. c. & pced. lib. c. 28. l. un-
cto. 3. Reg. 7. Et istarum mensarum vnica erat ad panes propositionis, reliquæ autem ad reponendum vasa, vt ait Ioseph. 8. Antiq. & declaratum est pced. c. in quadam quæst. tunc ergo aut dicitur, qd mensa, quā fecit Moyses erat tanq̃ mensa propositionis, aut tanq̃ repositorium vasorū. Non tanq̃ mensa propositionis, quia pced. lib. c. 28. & 3. Reg. 7. & probatum est pced. c. facta est per Salomonē, quia pced. li. c. 28. dñs, qd dedit Salomon aurum ad mensam auream propositionis, & 7. qd Salomon fecit omnia vasa aurea domus domini, & altare aureū, & mensam, super q̃ ponerentur panes
Alph. Tost. super lib. Paralip. Pars 2.

A propositionis aureæ. Non ergo fuit mensa Moyfi, mensa propositionis in templo Salomonis. Etia non potest dici, qd esset vna de mensis, quæ erant repositoria vasorum: quia mensæ illæ erant argenteæ, cum vnica mensa de illis decem, quæ esset aurea quæ facta est mensa propositionis, & tñ mensa, qd fecit Moyses erat aurea: Exo. 25. c. Ideo non potest dici, qd si solum erant vndecim mensæ in templo, qd aliqua de illis erat mensa, qd fecerat Moyses. Si autem dicamus, qd erant plures, quā vndecim, poterat vna de illis esse mensa, qd fecit Moyses, quia tñ litera dicit pced. c. qd in templo erant decem mensæ quinque ad dextram, & quinque ad sinistram: potius credendum est, qd non erant plures: & tunc dicit, qd mensa, quā fecit Moyses mansit in thesauris dom⁹ dñi recondita, & non pfuit postea ad aliquē vsum: sed mansit custodita: quia erat res sacra ne transiret ad vs⁹ prophanos. Istud de vasis sanctuarij creditur esse factū.

Quis erat iste apparatus tabernaculi, vel quod erat istud tabernaculum, quod Leuitæ intulerunt.

Quæst. XVII.

QVAERITVR vltius, quō dñs hic, qd Leuitæ portauerunt arcam, & intulerunt eā, & omnem apparatus tabernaculi: quis apparatus tabernaculi erat iste, vel quod tabernaculū erat. Dicendū, qd tabernaculū potest accipi multipliciter. Primò modo pro tabernaculo Moyfi, quod propriè vocatur tabernaculū, & intulerunt omnem apparatus eius in templum, s. oīa vasa, quæ erant in tabernaculo Moyfi transtulerunt in templum: sicut probatum est pced. quæst. & tunc sententia ista erit repetita: quia dñs hic, qd Leuitæ intulerunt arcam, & omnem apparatus tabernaculi, & sequitur postea, porro vasa, quæ erāt in tabernaculo, portauerunt sacerdotes cum Leuitis. Secundo modo potest accipi tabernaculum pro tabernaculo David, in quo posuit arcam, qñ transtulit eam de domo Obededom in domum suam. Nam tunc parauit ei locū in domo sua: in quo esset arca, & illud vocatum est tabernaculū arce. 2. Reg. 6. & pced. lib. 16. & in illo posita fuerūt fin quosdam omnia vasa aurea, & argentea, quæ fecit Salomon anteq̃ portarentur in templum, & inde portata sunt cum arca, & illa vasa vocantur apparatus illius tabernaculi. Tertiò modo potest accipi tabernaculū p ipso templo Salomonis, & vocabitur apparatus tabernaculi omnia vasa, quæ nunc Salomon fecerat, quia illa erant in templo ad ministerium eius, & pulchritudinem, & hoc satis potest stare, s. quia licet templū Salomonis vocetur propriè templum, & nō tabernaculum: tñ aliqñ vocatur tabernaculum. Et licet tabernaculum Moyfi propriè vocetur tabernaculum, & non templū, tñ aliqñ vocatur templum: sic patet Exo. 30. de pecunia, quæ dabatur a traieuntibus ad numerū p precio animarum: nā dñs de illa, qd susciperetur a sacerdotibus, & quilibet daret dimidium: sicut iuxta mensurā tēpli: & tñ tunc nō erat templū Salomonis, sed solum tabernaculū Moyfi: nec pronosticabatur futurū esse, ideo accipiebatur templum pro tabernaculo. Et dicebatur esse sicut iuxta mensuram templi, i. iuxta mensurā tabernaculi, sicut sepe dñs in libris Moyfis. De templo, qd vocetur tabernaculum patet hic, quia iste apparatus erat tēpli, & tñ vocabatur apparatus tabernaculi. Dicendum, qd quilibet illorum modorū potest stare: sed secundus modus minus q̃ alij duo, eo qd dato qd vasa facta a Salomone ponerentur in tabernaculo factō a David, & inde portarentur cum arca, non vocarentur apparatus tabernaculi illius, quia nec erant ad pulchritudinem illius tabernaculi, nec ad aliquā ministratiōnem in eo faciendam, sed solum ad portandū illa inde cum arca. Alij duo modi rationabilis sunt. Et tñ primus modus magis stat, q̃ tertius, quia accipitur tabernaculum

naclū ppr̃ie p tabernaculo Moyſi, & eſt ſenſus, quia
vata, q̃ fuerūt ſemper in tabernaculo Moyſi, & erāt eis
apparatus: quia in eis miniſtrabatur ibi portata fuerūt
nunc cū arca, & intulerunt ea Leuitæ cū arca in tēplū.

*An licitum erat, q̃ boues ſine numero immolarentur coram
arca, & quomodo erat licitum. Quæſt. XVIIII.*

QVAERITVR vltorius, cū dicatur hic, quod
rex, & totus Iſrael coram arca immolabant bo-
ues, & areres abiq; vilo numero, an licitum erat hoc,
& quomodo erat licitum. Videbitur namque, quod
non erat licitum, quia ſacrificia fieri debebant ſolū
in altari holocauſtorum, & ad oſtium tabernaculi, &
tamen nunc non offerebantur ſacrificia in altari holo-
cauſtorum, cū illud eſſet in Gabaon: ſupra primo, &
3. Regum 3. nec erat ad oſtium tabernaculi cū eſſet
in via, qua ibatur de domo Dauid in templum Salo-
monis. Qui tamen offerebat ſacrificium, & non apud
oſtium tabernaculi in altari holocauſtorum, erat reus
ſanguinis, ſicut ſi ſanguinem effuſiſſet, Leuit. 17. Item
Ioue 22. dixerunt duæ tribus, & dimidia excuſando
peccatum, quod in eis apponebatur, quod nefas erat
offerre ſacrificia in alio altari: niſi in illo, quod erat ad
oſtium tabernaculi: nunc autem non erat ſic: ideo ne-
fas erat. Dicendum, quod licitum fuit, quod nunc Sa-
lomon, & totus populus offerrent ſacrificia coram ar-
ca quando portabatur de domo Dauid in templum.
Primò, quia Dauid fecerat ſimile bis: ipſe enim por-
tauerat bis, ſcilicet primò de domo Aminadab, quæ
erat in Chariathiarim vſque in Ieruſalem in domum
Obededom. Secundò de domo Obededom in do-
mum ſuam: & in portatione offerebat ſacrificia co-
ram illa. 2. Regum 6. & præcedenti lib. c. 13. & 15. Ille
autem fuit vir ſanctus, cuius geſta fuerunt nobis imi-
tabilia, ideo Salomon potuit licitè ſicut ille offerre ſa-
crificia. Secundò, quia Salomon non fuit de hoc cul-
patus, ſed potius laudatus. Nam poſtea introducta ar-
ca cum iſta ſolennitate in templum, orauit ad Domi-
num, & Deus exaudiuit orationem eius, ſequenti cap.
& infra 7. & promiſit, quod ei, & poſteris ſuis bona fa-
ceret, ſi perſeueraret, ſicut nunc cēperat. Sic etiam
patet. 3. Regum 8. & 9. Si tamen in hoc peccaſſet Salo-
mon, non exauſiſſet Deus orationem eius: ſed potius
incipiſſet illum: ideo non peccauit in hoc, ſed po-
tius meruit volendo ſic Deum honorare. Ad ratio-
nem primam in contrarium dicendum, quod Deus
ſtatuerat ſolū offerri ſacrificia ad oſtium tabernacu-
li ſuper altare holocauſtorum, eo quod ibi erat locus
ſacer, & arca erat interius, & non erat alibi locus ſacer,
vbi offerri poſſet. Et tamen accidit, quod arca eduſta
fuit de tabernaculo, quando pugnaverunt Iſraelitæ
contra Philiſthinos, & capta eſt in bello à Philiſthinis:
primo Regum quarto. Manſitque poſtea quaſi per
octoginta annos, vel plures arca extra tabernaculum,
& ſic erat iam per accidens alius locus ſacer quàm
prius, ſcilicet locus, vbi eſſet arca: ideo poſſent co-
ram illa iam fieri ſacrificia: ſicut coram tabernaculo,
quia ipſa arca erat res ſanctiſſima totius ſanctuarij.
Ad ſecundum dicendum, quod duæ tribus, & dimi-
dia putauerunt nefas eſſe, quod offerrent ſacrificia in
alio loco quàm in altari holocauſtorum, quod erat
coram oſſio tabernaculi: eo quod non erat tempore
ſuo alius locus ſacer, cū arca eſſet intra tabernacu-
lum, & ſic ipſi non poterant licitè in altari, quod fe-
cerant apud tumulos Iordanis offerre ſacrificia.
Nunc tamen erat alius locus ſacer, quàm tabernacu-
lum, ſcilicet locus in quo erat arca, quia ipſa erat vas
ſacraſſimum, ideo vbicunq; illa maneret, licitum
erat offerri ſacrificium.

F Quomodo poterant offerri ſacrificia coram arca cum
portaretur de domo Dauid in templum, &
quod genus ſacrificij erat.
Quæſt. XIX.

QVEARITVR vltorius, quomodo poterant
offerri ſacrificia iſta coram arca cū portaretur
de domo Dauid in templum, & quod genus ſacrificij
erat. Ad ſecundum dicendum, quod genera ſacrifi-
ciorum tria ſunt, ſcilicet holocauſtum, hoſtia paci-
fica, & hoſtia pro peccato, quæ differunt per cære-
monias diuerſas, de quibus Leuit. primo, & 3. & 4. & 5. &
6. capitulo. Nunc autem credendum eſt, quod hic
non offerrentur aliqua ſacrificia pro peccato, quia
illa erant ſacrificia neceſſitatis determinata à legibus
in certis caſibus, & erant ſacrificia triſtitie. Nunc au-
tem erant omnia iſta ſacrificia ſpontanea, & erant ad
faciendum ſolennitatem magnam: ideo non eſſent ſa-
crificia pro peccato. Sed dicendum, quod eſſent ſa-
crificia pacifica, vel holocauſta, & ratio eſt de holo-
cauſtis, quia in holocauſto totæ carnes animalis cre-
mabantur, & non erat aliquod ſacrificium, quod ita
directè eſſet ad cultum Dei, ſicut holocauſtum: quia
alia erant ad alios fines: ſcilicet hoſtia pro peccato ad
remiſſionem peccatorum largè ſumptorum, & ho-
ſtia pacifica ad dandum actionem gratiarum, & ad
placandum Deum iratum, vt concederet nobis, quæ
petebamus. Et quia iſta ſolennitas tota erat ad hono-
rem Dei, credendum eſt, quod aliqua de iſtis ſacrificijs
eſſent holocauſta. Alia autem eſſent ſacrificia paci-
fica, & de iſtis plurima eſſent, vel quaſi omnia, & hoc
propter tria. Primò propter temporis breuitatem in
portando arcam, ſcilicet ne morarentur longo tem-
pore. Nam holocauſtum requirebat moram ali-
quantam ad hoc, quod fieret: eo quod debebat ani-
mal immolari, & decorari: in teſtina pedes, & caput
lauari, & tunc totas carnes ſuper altare cremari, &
cū offerrentur animalia abſque numero, vt patet in
litera, ſi in quolibet eorum fierent omnia hæc, nimis
morandum eſſet in portatione arce: ſi autem fierent
hoſtiæ pacificæ, parum tardaretur in eis, quia non o-
portebat decorari animal, nec lauari in teſtina, caput,
& pedes, & cremari totas carnes: quia nihil de carni-
bus cremabatur: ſed ſolū iugulabatur animal, & tol-
lebat pingendo circa vitalia exiſtens, & adipēs, qui
operiunt renes: Leuit. 3. Et iſti adipēs cremabantur,
& ſic citius fortè fierent triginta animalia in hoſtiæ
pacificas quàm vnum in holocauſtum. Patet ergo
quomodo tot animalia offerrentur. Secunda cauſa
erat, quia de holocauſtis non proueniebat aliqua pars
ſacerdotibus, nec laicis offerentibus, ſed totæ carnes
cremabantur: Leuit. primo. Nunc tamen cū con-
ueniſſent Iſraelitæ in Ieruſalem tam laici, quàm ſacer-
dotes, & Leuitæ de toto regno, indigebant multis ci-
bis, ideo credendum eſt, quod offerrent iſta animalia,
vel plurima in hoſtiæ pacificas, & tunc totus populus
poſſet comedere de carnibus iſtis. Et faciebant in hoc
duo bona. Primum, quod honorabant Deum facien-
do tot ſacrificia: ſecundum, quia ipſi commedebant
totas carnes ſacrificiorum, vel quaſi: nam de bobus
immolatis in hoſtiæ pacificas nullæ carnes crema-
bantur, ſed ſoli adipēs: de arietibus autem cremaban-
tur adipēs, & cauda cum renibus. Cætera autem of-
ferentibus, & ſacerdotibus proueniebant: Leuit. 3. &
ſic quaſi tantum paſcebantur ſacerdotes, & populus
de carnibus iſtorum animalium offerendo illam ta-
ciſtium pacificum: ſicut ſi nō offerrent in ſacrificiū,
ſed ſimpliciter pro ſe animalia iſta offerrent. Tertia rō
eſt, quia ſi iſta animalia offerrentur in holocauſtū, vel
pro peccato, non erat verſimile, q̃ tot animalia occideren-
tur.

tur: nam si pro peccato essent, vel cremarentur totæ carnes eorum, sicut in sacrificijs, de quibus Leuit. 4. vel darentur totæ carnes sacerdotibus: Leuit. 5. & 6. Nam de carnibus pro peccato nihil percipiebant offerentes. Si dicas, q̄ cedebant totæ carnes sacerdotibus, non est conueniens, quia non poterant ipsi tot animalia comedere, scilicet vigintiduo millia bouum, & centum, & viginti millia arietum, infra 7. & 3. Reg. 8. Potissimè quia eadem die, qua oblata sunt in sacrificium comedenda erant tota, cum non possent referuari carnes alicuius sacrificij vsque in crastinum, nisi hostiæ pacificæ: Leuit. 7. & 9. Si dicas, q̄ cremabantur carnes istorum totæ in sacrificio pro peccato, non stat: quia non fiebat tale sacrificium pro peccato de quocunque genere animalis, sed solum de bobus, & non fiebat pro quolibet peccato, sed solum pro peccato populi totius, & pro peccato summi sacerdotis: Leuit. 4. Hic tamen oblata sunt Arietes, & Boues, s. vigintiduo millia bouum, & centum, & vigintimillia arietum infra 7. & 3. Regum 8. Ideo non poterant omnia ista animalia cremari pro peccato. Etiam quia non erant omnia ista sacrificia pro peccato sacerdotis summi, & totius populi: imò nulla istorum sacrificiorum erant pro hoc, quia dicitur hic in litera, q̄ rex, & illi, qui congregati erant, offerebant animalia absque ullo numero. Ideo si omnia essent sacrificia pro peccato regis, & pro peccato personarum priuatarum: sic non cremarentur tota animalia. Item adhuc non offerebantur ista animalia pro peccato regis, & personarum priuatarum: quia pro peccato regis offerebatur hircus: pro peccato autem personarum priuatarum offerebatur capra: Leuit. 4. Si autem dicatur, q̄ offerebantur omnia ista animalia in holocaustum, vt omnia cremarentur: non erat hoc satis verisimile, scilicet, q̄ tot animalia cremarentur, quia erat superuacuum, si nulla alia utilitas esset nisi honorare Deum in sacrificijs: sed q̄ Deus honoraretur, & populus pasceret de carnibus sacrificiorum, & euitaretur sumptus, qui fieri debebat in pascu populi, erat rationabile. Si autem animalia offerri deberent solum ad cremandum in holocaustum, fuisset minor summa animalium cremata. Fuit ergo quasi tota ista multitudo animalium oblata in hostias pacificas: nam aliqua pauca in holocaustum offerrentur.

Quomodo sacrificari poterant animalia coram arca, cum portaretur. Quest. XX.

QUÆRITVR vterius, quomodo poterant animalia sacrificari coram arca cum portaretur. Nam non videretur modus quo fieret, ad faciendū enim sacrificia, oportebat, q̄ arca maneret in aliquo loco fixa, & coram ea offerrentur sacrificia, & cremarentur carnes animalium, vel saltem adipēs, & tamen arca portabatur, & sic erat in motu: ideo non videtur quomodo possent coram arca offerri sacrificia. Dicendum, q̄ oblata fuerunt multa sacrificia cum portaretur, non tamen fuerunt oblata omnia animalia, quæ habentur infra 7. & 3. Regum 8. scilicet, vigintiduo millia bouum, & centum, & vigintimillia arietum. Nam ista oblata sunt quandiu durauit tota ista festiuitas portationis arcæ, quæ quatuordecim diebus celebrata est. 3. Regum 8. Coram arca autem quando portaretur pauciora istorum oblata sunt, licet dicat hic libro, q̄ offerebantur animalia absque vilo numero. Modus autem offerendi erat, q̄ arca mouebatur per aliquod paruum spaciū, & postea sistebatur: & tunc coram ea sacerdotes & Leuitæ caneant, & populus quoque plaudebat in omnibus generibus valorum musicorum, & interim offerebantur sacrificia coram

Alph. Tost. super lib. Paralip. Pars 2.

A arca, scilicet factis magnis ignibus iugulabantur animalia, & cremabantur adipēs eorum, & interdum aliquæ partes carniū. Et hoc cito fiebat propter magnitudinem ignis cito consumētis, & propter paucitatem, vel paruitatem rerum cremandarum. Et quandiu cremabantur hæc, caneant Leuitæ, & sacerdotes & populus in circuitu arcæ. Expletis autem sacrificijs mouebatur rursus arca per aliud paruum spaciū, & iterum sistebatur, & denuo fiebant sacrificia coram ea, & sic sæpe factum est quousq; perducta est in templum. Simile factum est, quando Dauid transtulit arcam de domo Obededom in domum suam. Nam mouebatur arca per sex passūs, & sistebatur, & tunc offerebantur coram ea septem arietes, & septem vituli, & sic fiebat quotiens portantes arcam transissent per sex passūs. 2. Regum 6. & præcedenti libro cap. 15. Similiter ergo fieret hic, q̄ post determinatum spaciū offerretur animalia aliqua, & iterum post aliud spaciū offerrentur alia. Dum autem arca mouebatur, nullum animal offerebatur, sed sequebantur sacerdotes, & Leuitæ, & populus canētes coram arca, & sic portata est in locum suum.

Et intulerunt sacerdotes arcam fœderis Domini in locum suum, idest ad oraculum templi in Sancta Sanctorum, subter alas Cherubim: ita vt Cherubim expanderent alas suas super locum, in quo posita erat arca, & ipsam arcam tegerent cum vectibus suis. Vectiū autem, quibus portabatur arca, quia paululum longiores erant, capita parebant ante oraculum: Si verò quis paululum fuisset extrinsecus, eos videre non poterat. Fuit itaque arca ibi vsque in præsentem diem. Nihilque erat aliud in arca nisi duæ tabulæ, quas posuerat Moyses in Horeb, quando legem dedit Dominus filiis Israel egredientibus ex Aegypto.

Et intulerunt sacerdotes arcam in locum suum. Scilicet, postquam arca deducta est in templum, sacerdotes intulerunt eam, idest introduxerunt in locum suum, scilicet in Sancta Sanctorum. Et dicitur hoc, quia prius non portabant eam sacerdotes, sed Leuitæ portabant illam: vt patet in litera: Postquam autem deducta est in templum, Leuitæ dimiserunt illam, & sacerdotes illam introduxerunt in Sancta Sanctorum. Causa huius fuit, quia Leuitis non licebat introire in Sancta Sanctorum: sed solis sacerdotibus, & non omnibus, nec omni tempore. Ipsi ergo eam nunc introduxerunt, de quo magis dicitur infra in quadam questione. Idest ad oraculum templi in Sancta Sanctorum. Expositio præcedentis dicti est: nam locus arcæ erat Sancta Sanctorum, & illuc nunc introducta est. Et vocatur locus iste oraculum. Accipitur oraculum multipliciter: vno modo pro responso vocaliter dato, & dicitur oraculum ab ore, & sic dicimus, vniū vocis oraculo aliquid fuisse responsum. Secundo modo vocatur oraculum in sacra scriptura pro ipso propitiatorio arcæ, quod erat opertorium eius: & sic dicitur Leuit. decimosexto, quod non introeat summus sacerdos omni tempore in Sancta Sanctorum:

I 4 quia

quia Deus apparebat in nube super oraculum, idest, super propitiatorium. Et vocatur isto modo oraculum à primo modo, scilicet, quia super illud operitorium arcæ audiebatur diuinum responsum vocaliter: vt patet Num. 7. f. q̄ cū Moyſes vellet conſulere dominū, introibat tabernaculum ſederis coram arcā, & audiebat vocem loquentis ad ſe de propitiatorio de medio Cherubim, vnde & loquebatur ei. Tertiò modo accipitur oraculum pro tota domo Sancti Sanctorum. Et poteſt vocari oraculum à primo modo oraculi, ſcilicet, quia intra domum Sancti Sanctorum audiebantur oracula, idest diuina reſponſa in voce, vel à ſecundo modo oraculi, ſcilicet, quia intra domum illā erat oraculum, idest propitiatorium, quod erat oraculum. Vel poteſt tertio modo vocari oraculum iſta domus ab orando, quia Iſraelitę contra iſtam partem orabant. Nam nos oramus contra orientem, quia communiter capita Eccleſiarum noſtrarum ſunt verſus Orientem. Iudæi autem contra Occidentem orabāt, & orant, quia arcā ſuper quam Deus eſſe putabatur, erat in parte occidentali tabernaculi, & poſtea in parte Occidentali templi: vt patet de tabernaculo Moyſi: Exod. 26. de templo Salomonis. 3. Reg. 6. & ſupra 3. & precedenti cap. *Subtus Cherubim*. Scilicet, arcā erat poſita ſubtus Cherubim duobus: nō intelligitur iſtud de duobus Cherubim aureis, qui erant ſuper arcā: quia iſti erant productiles de iplā arcā, & ſemper erant ſuper eam. Alioquin nec eſſe erat tolli propitiatorium de arcā, vt declaratum eſt Exod. 25. & 37. ſed intelligitur de duobus Cherubim ligneis de lignis oliuarum, quæ fecit Salomon in Sancta Sanctorum. 3. Reg. 6. & ſup. 3. quomodo autem poſſent iſti habere arcā ſub alis, declarabitur infra in quadam quæſtione. Ita, vt Cherubim expanderent alas ſuper locum in quo erat arcā. Erat arcā in medio domus Sancti Sanctorum, & Cherubim extendebant ſuper locum illum alas ſuas. Et iplam arcā tegerent cum veſtibus ſuis. Scilicet, extendendo alas ſuper arcā extendebant etiam ſuper veſtes, & tegebant veſtes, & arcā. Erant veſtes arcæ, quædam ligna longa poſita in duobus lateribus arcę infixā in circulis aureis procedentia ex parte anteriori, & poſteriori arcæ, vt poſſet arcā ſuper humeros hominum portari in illis veſtibus. Exo. 25. & 36. ſed de modo regendi infra dicetur. *Veſtium autem quibus portabatur arcā, quia paululum longiores erant capita, apparebant ante oraculum*. Scilicet, quia capita veſtium erant longiora quā arcā aliquantulum apparebant ante Sancta Sanctorū. In iſta litera eſt difficultas nec poteſt ſatis explicari: quia nemo noſtrum ſcire poteſt quanta fuerit longitudo veſtium: etiam neſcimus quantū appropinquabat arcā portæ Sancti Sanctorum in templo: nec qualiter ſe habebat porta illius atrij, vel domus ad domū exteriorem, vt poſſemus iudicare qualiter poſſent videri veſtes, & non arcā, & qualiter ex paucō ſpacio ante oraculum, & non procedendo vltius. Poteſt autem intelligi vno modo ſic, ſcilicet, q̄ domus Sancti Sanctorum habebat portā, vt patet 3. Reg. 6. & ſup. 3. & præcedenti c. & cū clauderetur oſtium domus illius per aliquas rimulas ante oſtium poterat videri extremitas veſtium arcæ, & ſiquis aliquantulum ſe elongaſſet ab oſtio domus illius, non poterat iam videre veſtes. Et ſic iſti, qui erant apud portā Sancti Sanctorum nō poterant videre iam veſtes aliquid de arcā: quia erat ſemota ab oſtio: quia tamen erant veſtes longiores, & magis accedebant ad oſtia poterant videri capita veſtium, per rimulas illas non patebat quicquam viſu. Alio modo poteſt intelligi hoc ſupponendo, q̄ porta Sancti Sanctorum eſſet patens, ſ. q̄ quando eſſet clauſa porta illa, non poſſet videri arcā, nec aliquid de veſtibus, ſed quādo eſſet aperta poſſent

videri capita veſtium ab exiſtentibus apud portā, & à procul exiſtentibus non poterat aliquid videri de arcā nec de veſtibus. Iſte modus exponendi videtur eſſe conuenientior. Primò, quia non eſt ſatis veriſimile, q̄ in porta Sancti Sanctorum relinquerentur aliquæ rimulæ per quas poſſent videri, quæ intus erant: ſed omnia fierēt diligentiffimè: ita vt nihil patere poſſet. Secundò patet, quia iſta occultatio, vel reuelatio veſtium debet attribui Cherubim turgentibus arcā, & veſtes: quia aliàs litera non eſſet ad propoſitum præcedentis. Nam ſupra dictum eſt immediate, q̄ Cherubim operiebant arcā, & veſtes. Et ſequitur: veſtium capita, quia parum longiores erant, &c. quaſi dicat, Cherubim extēdebāt alas ſuper arcā, & veſtes, & tegebant vtrumque: quia tamen veſtes arcæ erant paululum longiores quā arcā non poterant plenè operiri alis Cherubim, ideo apparebāt ſummitates eorum. Et ſic erit ſenſus, q̄ alæ Cherubim ita artiſcioſè tegebant arcā, & veſtes, q̄ etiam ſi eſſet porta Sancti Sanctorum aperta, & eſſet quis extra domum iplam ad oſtium eius non poterat videre niſi capita veſtium: quia alæ Cherubim non omnino tegebant eos, & tamen ſi quis modicum ſe elongaſſet ab oſtio Sancti Sanctorum, non poterat videre capita veſtium: quia alæ Cherubim tegebant eos, & tunc eſt litera iſta ſatis conſona præcedenti. Et iſte v̄r verior ſenſus, licet præcedens teneatur à multis, & ille eſt, quem tenuimus. 3. Reg. 8. Aliter autem exponit Rabbi Salomon, ſ. q̄ arcā erat intra Sancta Sanctorum apud portā, & pendebat ad portā Sancti Sanctorum ex parte interiori, quoddam velum, & cū capita veſtium longa eſſent, impellebāt modicum iplum velum, contra partem exteriorem domus, & videbantur duo ſigna rotunda in velo vbi tangebant illud capita veſtium: erantque ſicut vbera rotunda, & de hoc exponit Rabbi Salomon. Cant. c. 1. 2. Faſciculus myrrhę dilectus meus quod h̄c. Cant. c. 1. 2. Faſciculus myrrhę dilectus meus mihi inter vbera mea commorabitur, ſ. q̄ arcā in qua Deus videbatur eſſe, qui erat dilectus Sinagoga commorabatur inter vbera ſua, idest inter illa duo ſigna rotunda, qui videbantur vbera: quia inter illa erat arcā. Sed iſtud non ſtat, quia non facit ad propoſitum dictū illud Cant. Canticorum, cū nō ſit conueniens metaphorā, nec valebit quis eam coaptare. Item non eſt verū, q̄ penderet velum aliquod, quod impelleretur à capitibus veſtium: ita vt viderēt vbera: quia domus Sancti Sanctorum portas habebat, & non velum pendens, quod patet: quia fecit Salomon oſtiola in Sancta Sanctorum. 3. Reg. 6. c. & præced. c. Ideo tenendus eſt ſenſus præcedens. Si verò quis paululum fuiſſet extrinſecus. Id eſt ſiquis modicum elongaretur à porta Sancti Sanctorū. Eos videre non poterat. Scilicet, quia tunc alæ Cherubim videbantur tegere totos veſtes. Fuit itaq; arcā ibi vſq; in præſentem diem. Scilicet, manſit arcā inter duos Cherubim vſque ad illum diem, in quo loquitur hic Eldras. Nihilq; erat aliud in arcā, niſi duæ tabulę. Quia dictū eſt de arcā, quomodo in Sancto Sanctorum poſita, & circa hoc multa dicta ſunt: quia aliquis putaret aliquid magnum eſſe in arcā: ponitur hic quid erat in ea, ſ. q̄ nihil aliud erat in ea, niſi duæ tabulę legis, in quibus ſcripta erant præcepta decem, quas poſuerat Moyſes in Chareb, ſ. poſuerat Moyſes iſtas duas tabulas in arcā, quando erat in Chareb, ſive in monte Horeb: quia aliàs vocatur mons Sinai. Quando legem dedit dominus filiis Iſrael egredientibus de Aegypto. Scilicet, iſte tabulę fuerunt poſitæ in arcā, quando data eſt lex. Nam in monte Sinai data eſt lex: Exo. 19. & 20. & Deut. 5. & nunc poſitę ſunt tabulę in arcā: q̄ data lege accendit Moyſes in monte ad Deum, & manſit cum eo quadraginta diebus, & totidem noctibus, & accepit tabulas ſeclendas: Exo. 24. c. Accepit autem tabulas illas, & poſtea

fugit illas in descensu montis, quia populus peccauerat Exo. 32. Rursus ascendit ad dominum, & stetit cum eo alijs quadraginta diebus, & totidē noctibus, & accepit tabulas secundas, quas tulit secum descendens cornuta facie: Exo. 34. Istas tabulas posuit in arca, quia Deus hoc iussit: Exo. 25. nam quā fecit Moyses arcam, dixit Deus, & poneret in ea testimonium, quod daret sibi, scilicet tabulas, quæ in testimonium datæ erant. Et dicitur egredientibus de Aegypto, scilicet, quod data est ista lex in exitu de Aegypto. Nam vix completi fuerant quinquaginta dies ab exitu de Aegypto, quando data est lex. Exierunt enim Israelitæ de Aegypto die quintadecima mensis proximi: Exod. 12. quia die quartadecima ad vespertum fecerunt Phasem in Aegypto, & die sequenti recesserunt inde. Exo. 4. c. & Num. 33. & venerunt in montem Sinai prima die mensis tertij: Exo. 14. & sunt dies quadraginta quatuor. Nam manebant quindecim dies de mense primo. Mensis autem sequens erat dierum vigintinovem: quia cum Hebræi habeant menses lunares faciunt, unum mensem dierum triginta, & alium vigintinovem: & sic erant dies quadraginta quatuor ab exitu de Aegypto usque ad diem, quo introierunt, & castrametati sunt in monte Sinai, non computando diem quintadecimum mensis, quo de Aegypto exierunt Israelitæ: & cum illo sunt quadraginta quinque dies. Transierunt autem tres dies de mense tertio usque quo data est lex, ut colligitur Exo. 19. & ibi declaratum est: & sic erant quadraginta octo dies usque ad dationem legis computando ipsum, & diem exitus de Aegypto. Vel secundum alios, ut tenent Hebræi, data fuit lex die sexto mensis tertij, & tunc data fuit lex quinquagesimo die ab exitu de Aegypto excludendo diem exitus de Aegypto, vel diem dationis legis.

Quare Leuitæ non introduxerunt arcam in Sancta Sanctorum: ut dimitterent eam in loco suo, sicut eam per viam portauerant.
Questio XXI.

QUÆRITVR Circa prædicta, quare Leuitæ non introduxerunt arcam in Sancta Sanctorum, ut dimitterent eam in loco suo, sicut ipsi portauerunt eam per viam, si sacerdotes eam introduxerunt illuc. Nam cum ducta est in templum, dimiserunt eam Leuitæ, & introduxerunt eam sacerdotes. Dicunt quidam, quod hoc fuit propter sanctitatem loci. Nam erat sanctum sanctorum locus sacer, & non licebat illuc cuiquam introire, nisi sacerdotibus. Dicendum, quod verum est, quod sanctum sanctorum erat locus sanctior totius sanctuarij: & tamen non prohibebantur introire illuc Leuitæ propter sanctitatem loci: quia si arca non esset in sanctuario poterant introire Leuitæ in sancta sanctorum, sicut erat quodcumque movebatur sanctuarium de loco suo motis castris. Nam sacerdotes ingredientes in sancta sanctorum velabant arcam operimento suis, & deponebant velum, quod pendebat ante eam: & tunc introibant Leuitæ ad locum, ubi erat Sancta Sanctorum: & deponebant cortinas, & tabulas eius, & tollebant inde arcam. Potissimè autem erat hoc in præsentia: quia domus Sancti Sanctorum nondum erat sanctificata: quia nunquam introierat in eam arca: & sic erat, sicut quælibet alia pars templi, ita ut non prohiberentur Leuitæ intrare in illam propter hoc. Sed dicendum est, quod prohibiti fuerunt intrare in illam domum propter arcam. Nam quando Leuitæ portabant eam per viam de domo David in templum erat velata operimentis suis: ut Leuitæ non morerentur videntes eam nudam, & tan-

Agentes. Vnde iubebat Deus, quod quando portanda esset arca de loco ad locum, & alia vasa sanctuarij, quod sacerdotes intrarent in sanctuarium: & illam operirent: & etiam vasa, & traderent Leuitis portanda: quia aliàs morerentur: si viderent arcam, vel alia vasa nuda: Num. 4. & si nunc introducerent arcam in sancta sanctorum, debebant eam ibi nudam relinquere: & sic viderent eam nudam, quod esset illis mortis occasio: ideo sacerdotes debuerunt introducere arcam, ut eam nudarent, & relinquerent. Sic etiam de omnibus vasis aureis, & argenteis erat, quæ in templo erant. Nam velata erant quando portabantur in via: Num. 4. & nunc cum relinquenda essent in templo, nudarentur: & sic illa erant non deberent videre Leuitæ: ideo sacerdotes illa introducebant in templum, & ordinabant in locis suis, & sic factum est.

Quando licuit sacerdotibus introire in Sancta Sanctorum, & qui sacerdotes erant isti, qui introierunt ad ponendum ibi arcam.
Quest. XXII.

QUÆRITVR Vterius, quomodo sacerdotibus licuit introire in Sancta Sanctorum: & qui sacerdotes erant isti, qui introierunt ad ponendum ibi arcam. Nam videtur, quod non poterant illuc intrare plures sacerdotes, sed vnus, scilicet summus sacerdos. Sic dicitur ad Hebr. 9. quod in primam partem templi introibant quotidie sacerdotes, & tamen in sancta sanctorum introibat solus summus sacerdos. Idem patet Leuit. 16. non ergo intrarent alij cum eo, & non solum non licebat alijs sacerdotibus introire cum summo sacerdote in sancta sanctorum, sed etiā non licebat eis stare in prima parte templi, quando summus sacerdos ingrederetur in sancta sanctorum: Leuit. 16. scilicet, nullus hominum erit in tabernaculo, quando sacerdos introibit in sancta sanctorum. Dicunt quidam, quod non introiuit nunc in sancta sanctorum aliquis, nisi summus sacerdos: quia ipsi soli licebat illuc introire. Sed obijcietur: quia dicitur hic, quod sacerdotes intulerunt arcam in locum suum in sancta sanctorum. Dicetur, quod accipitur plurale pro singulari, sicut accipitur in alijs locis, scilicet: Matth. 27. & Mat. 15. dicitur de duobus latronibus, qui crucifixi erant cum Christo, quod conuitiabantur ei: & tamen manifestum est, quod vnus tantum conuitiabatur ei: & alius conuitiantem increpabat, & à Christo misericordiam implorabat: Luc. 23. cap. Sic etiam præcedenti capitulo dicitur, quod posuit panes super mensas. Manifestum est tamen, quod vnica erat mensa propositionis, sicut ibi probatum est in quadam questione. Dicendum est tamen, quod hoc non stat, quia certum est, quod vnus sacerdos quantumcumque esset robustus: non posset introducere arcam ad locum suum: quia arca erat magna, & non poterat portari, nisi à quatuor hominibus ad minus: vnde portabatur per vectes duos positos in lateribus. Secundo patet, quia dictum istorum procedit ex falsa estimatione, scilicet, quod non liceret vnquam sacerdotibus minoribus introire in Sancta Sanctorum. Nam licebat eis sepe, ut patet Numeri 4. Nam quodcumque mouenda essent castra de loco ad locum, introibat summus sacerdos cum minoribus in sancta sanctorum, & velabant arcam, & sic tradebant eam portandam Leuitis: & quando figebantur castra, figebatur etiam tabernaculum, & introibant sacerdotes in sancta sanctorum, & tollebant velamenta arce: & suspendebant ante eam velum: à fortiori ergo nunc liceret sacerdotibus minoribus illuc intrare, quia in castris, qui habentur Num. 4. solum velabatur arca, vel auferre-

bantur velamenta, & non movebatur de loco ad locum: & ad illud poterat sufficere solus sacerdos magnus, & tamen nunc introducenda erat arca in sancta sanctorum, ad quod non sufficebat vnus homo: ideo introirent sacerdotes minores cum sacerdote magno. Sed tunc dicitur, quomodo ergo dicitur ad Hebr. 9. quod solus summus sacerdos introibat in sancta sanctorum? Dicendum, quod illud intelligitur quando arca stabiliter manebat in loco sanctuarij: & non introducebatur, vel educebatur: quia tunc solus summus sacerdos introibat illuc, & non omni tempore, sed solum semel in anno in die propitiationis. Et illa die non sine sanguine, & thuribulo cum aromatibus: Leuit. 16. & ad Hebr. 9. Quando autem arca educenda erat de Sancto Sanctorum, vel illuc introducenda introibat illuc summus sacerdos, & minores ad velandum, & ducendam eam: & quando introducenda erat introibant illuc isti sacerdotes ad intromittendum eam, & ad tollendum velamenta, vt maneret nuda, quia quando arca manebat in loco suo, nuda esse debebat. Si autem quæretur quare licebat soli summo sacerdoti introire in sancta sanctorum, quando arca manebat immobiliter in loco suo. Et cum educenda, vel introducenda erat, licebat omnibus sacerdotibus introire. Dicendum, quod causa est, quod quando arca immobiliter manebat, apparebat super eam gloria Domini super illam. Et quia Deus non iudicabat dignos omnes sacerdotes videndi illam maiestatem Domini, vel audiendi aliquid de illa, nolebat, quod introiret quis, nisi summus sacerdos. Pro quo sciendum, quod super arcam erat propitiatorium, siue opertorium arcæ, & in illo erant duo Cherubim aurei extendentes alas suas alter contra alterum: ita vt inter alas eorum maneret quoddam spacium occultum, in quo erat quoddam corpus aereum grossum formatum assumptum à quodam angelo ad formandum voces humanas. Et inde formabantur voces, in quibus dabatur responsum ad dubia quæcunque. Patet hoc Numeri septimo, quia quodocunque Moyses volebat consulere oraculum, introibat in sancta sanctorum: & audiebat vocem loquentis ad se de propitiatorio, vnde loquebatur ei. Non poterat tamen formari vox sine corpore, ideo necesse erat, quod esset ibi aliquod corpus aereum, in quo formarentur illæ voces. Deus autem volebat quibusdam ostendere totam istam gloriam suam, & alijs non. Nam quod quis videret corpus illud, in quo formabantur voces, erat magna dignitas. Quod autem audiret voces eius, & non videret illud erat dignitas quædam licet non æqualis. Quod autem non concederetur audire voces, nec videre corpus erat nulla dignitas. Deus autem voluit concedere summo sacerdoti dignitatem vnā istarum, scilicet, quod audiret voces, quæ formabantur in illo corpore, licet non videret illud. Et patet hoc, quia iussit Deus, quod quando introiret summus sacerdos in Sancta Sanctorum: ferret ante se thuribulum plenum prunis, & thymiamare, vt fumus grossus inde consurgens obfufcicaret oculos eius, & impediret ne posset videre quod erat super propitiatorium: Leuit. 16. Quod autem ista esset causa, patet: quia eodem capitulo dixit Deus, quod Aaron summus sacerdos non intraret omni tempore in sanctuarium, quod est contra velum, nisi hoc prius faceret. Et ponuntur ibi ea, quæ facere deberet, & inter illa ponitur istud, scilicet assumpto thuribulo, quod de prunis altaris impleuerit, & ponens manu compositum thymiamata incensum vltra velum intrabit sancta sanctorum, vt positis super ignem aromatibus nebula eorum, & vapor operiat oraculum quod est supra te-

stimonium, & non moriatur: quasi dicat: si illius incensi vapor grossus non operiret oraculum: ita vt non posset illud videre summus sacerdos moreretur. Ergo ex hoc, quod videbat illud quod erat super propitiatorium moriebatur: Deus ergo volebat, quod non videret istud. Item patet, quia dicitur ibi in principio capituli, quod non ingrediatur summus sacerdos omni tempore in sanctuarium, quod est vltra velum, & subditur causa, vt non moriatur: quia in nube apparebo super oraculum. Et sic erat ibi corpus intra oraculum formatum de illa nube quod erat organum vocum formarum. Vel fortè illa nubes erat ad operiendum corpus illud formatum de aere, quia illud corpus haberet lineamenta fortè sicut homo, vel sicut aliquod animal: & vt non videretur erat nubes grossa in circuitu eius. Sacerdos ergo magnus introiens in sancta sanctorum in die propitiationis, audiebat voces, quæ formabantur super propitiatorium: & tamen non videbat corpus, in quo formabantur. Quod autem audiret summus sacerdos aliquid quando illuc introibat, patet: quia iubebat Deus, quod nullus hominum esset in tabernaculo, quando Pontifex ingrediebatur in Sancta Sanctorum: Leuit. 16. Hoc autem non erat, nisi vt nullus posset audire voces, quæ dicebantur ad sacerdotem de propitiatorio: poterat autem illas audire, qui esset in sanctuario, scilicet, in prima parte templi: & licebat alijs sacerdotibus introire in partem illam tabernaculi, vel templi introire, vt patet ad Hebr. 9. ergo nunc solum excludebantur, ne audirent voces, quæ intus formabantur. Aliquibus autem concedebatur, quod viderent corpus illud in quo formabantur voces, & audirent voces: & fuit vnus homo, scilicet, Moyses. Nam ipse introibat in sancta sanctorum quodocunque volebat, summus sacerdos solum semel in anno. Etiam Moyses introiens in sancta sanctorum non ferebat secum thymiamata ardens, vt summus inde procedens obfufcicaret oculos eius: sed nullo facto apparatu, introibat quodocunque volebat, vt colligitur Numeri septimo, scilicet, Cumque ingrederetur Moyses tabernaculum fœderis: vt consuleret oraculum, audiebat vocem loquentis ad se de propitiatorio: vnde loquebatur ei. Istam autem excellentiam Moyse super summum sacerdotem, & super omnes alios homines temporis sui ostendit Deus Numeri 12. quando Maria, & Aaron murmurauerunt contra Moysem, quasi arbitantes se ei æquales, cum ait. Siquis fuerit inter vos propheta domini, in visione apparebo ei, aut per somnium loquar ei: & non talis seruus meus Moyses, qui in omni domo mea fidelissimus est: ore enim ad os loquor ei: & palam non per ænigmata, & figuris Deum videt. Et sic alij non videbant Deum, sed audiebant: Moyses autem videbat Deum facie ad faciem, scilicet, quia videbat corpus illud in quo formabantur voces respondentis, & ille respondens tenebatur, quasi Deus esset. Sacerdotes autem minores neutram dignitatem istarum habebant, quia nec videbant corpus illud, cum non introirent in sancta sanctorum, quando erat ibi gloria Domini: nec etiam audiebant voces cum non introirent cum summo sacerdote, qui audiebat, & non videbat. Et ob hoc etiam iubebatur, qd quando sacerdos magnus introiret in Sancta Sanctorum, nullus hominum esset in tabernaculo, scilicet, nullus de sacerdotibus minoribus. Nam alijs non licebat illuc introire, & istis licebat. Sed nunc excludebantur, & non videbatur esse alia causa, nisi vt non audirent sacerdotes existentes in tabernaculo eas, quæ dicebantur ad sacerdotem magnum de propitiatorio. Ecce

Eccē ergo quid erat gloria Domini, quæ erat super propitiatorium: & quando ista erat super illud, non licebat sacerdotibus minoribus introire illuc: quando verò non erat super arcam, licebat introire. Sed quandoque arca manebat stabiliter in aliquo loco, erat gloria Domini super illam: ideo non licebat introire minoribus sacerdotibus. Cum autem arca introducenda erat in templum, vel educenda de sancta sanctorum, non erat gloria Domini super illam: ideo tunc licebat sacerdotibus minoribus introire in sancta sanctorum. Nam quando introducebatur arca in sancta sanctorum, erat velata operimentis suis. Et non erat super illam nubes, nec corpus illud, in quo formabantur voces respondentis: & cum tollerentur operimenta, etiam non erat gloria Domini super illam: sed cum dimitteretur à sacerdotibus intra Sancta Sanctorum, sedebat super eam gloria Domini, & cum educenda erat arca de Sancto Sanctorum recesserat iam gloria Domini de super illam. Et sic licet poterant sacerdotes minores accedere ad eam. Licuit ergo nunc sacerdotibus minoribus introire cum sacerdote magno in sancta sanctorum ad ponendum ibi arcam, & tollendum velamenta eius: sed postea nunquam sacerdotes minores introierunt in Sancta Sanctorum: quia nunquam mutata fuit arca de templo Salomonis ad alium locum.

Quomodo fuit posita arca inter Cherubim, ut velarent eam, & qui erant isti Cherubim.

Questio XXIII.

QVAERITVR Vterius circa Cherubim qualiter fuit posita arca inter Cherubim, ut velarent eam, & qui erant isti Cherubim. Quidam dicunt, quod isti erant duo Cherubim aurei positi super propitiatorium arcæ: Exod. 25. & 37. capitulo. Dicendum tamen, quod hoc non stat, quia dicitur hic, quod posuerunt nunc arcam subtus Cherubim, sed manifestum est, quod non poterat poni sub illis Cherubim, qui erant aurei in arca: quia illi Cherubim erant semper super arcam: imò erant partes propitiatorii, siue coopertorii arcæ, quia de eo erant productiles: Exod. 25. & 37. & arca semper habebat istos: ideo non poterat nunc poni sub illis: sacerdotes tamen dicuntur nunc posuisse arcam subtus Cherubim. Item non poterat dici arca nunc posita sub illis Cherubim, nec aliquando fuisse posita, quia sit supra totum, nec infra totum, quia est in toto, non erit arca sub Cherubim. Secundo patet, quia dicitur, quod Cherubim expandebant alas super locum, in quo posita erat arca, & tamen non potest intelligi de Cherubim aureis, quia illi non expandebant alas super locum, in quo erat arca, cum ipsi essent in arca. Tercio patet: quia dicitur, quod isti Cherubim expandentes alas velabant arcam & vestes eius in capite, quæ aliquando longa erant: & tamen non potest hoc intelligi de Cherubim, qui erant super arcam, quia illi non operiebant vestes arcæ, sed solum propitiatorium arcæ: nam extendebat vnus alas suas contra alterum, ita vt extremitas alæ vnus tangeret extremitatem alæ alterius: Exod. 25. & 37. & sic non operiebant, nisi arcam, vestes autem permanebant ex parte anteriori, & posteriori, & non poterant oportebat, quod extenderentur vltra propitiatorium. Sed dicendum est, quod isti Cherubim, sub quorum alis posita fuit arca, fuerunt Cherubim li-

A gnei de lignis oliuarum, & erant magni valde, scilicet ala cuiuslibet eorum extendebatur cubitis quinque à meridie in Septentrionem, & erant duo Cherubim, quos fecit Salomon, & posuit in Sancta Sanctorum. Et longitudo alarum cuiuslibet erat cubitorum decem computata grossitie corporis. Ita quod alæ amborum tenebant cubitos viginti quanta erat latitudo domus Sancti Sanctorum ab Aquilone in Meridiem. De istis Cherubim patet supra 3. & 3. Reg. 6. Isti Cherubim, quia erant magni, poterant sub se tenere arcam, & operire eam, atque vestes eius, & sic fuit.

B *Quomodo isti duo Cherubim de lignis oliuarum erant operientes totam arcam, & vestes eius cum non videatur modus ad operiendum.*

Questio XXIII.

QVAERITVR Vterius, quomodo isti duo Cherubim de lignis oliuarum erant operientes totam arcam, & vestes eius, quia non videtur modus, quo operirent eam. Quidam dicunt, quod isti duo Cherubim velabant arcam: ita quod haberent vultus contra se versos, & alas extensas ex opposito: ita vt alæ vnus tangerent alas alterius, & clauderent intra se arcam. Sic enim, quod vnus Cherub haberet vultum contra orientem, & dirigeret vtramque alam directe contra orientem. Alius autem Cherub esset ex parte orientis, & conuerteret vultum contra occidentem: & sic duæ alæ vnus tangerent duas alas alterius: & in medio clauderent arcam. Sed dicendum, quod hoc non stat. Primo, quia ambo isti Cherubim habebant vultus versos contra domum exteriorē, scilicet ad Orientem: & tamen secundum hoc vnus Cherub habebat vultum contra Orientem, & alius contra Occidentem: quod amborum vultus essent contra Orientem patet supra tertio. Secundo patet, quia alæ istorum erant dispositæ sic, quod ala vna vnus tangebant vnā alam alterius solum, supra tertio. Et tamen hoc modo duæ alæ se tangebant mutuo. Tercio patet, quia erant isti Cherubim, ita positi, quod ala vna vnus tangebant parietem Aquilonarem, & altera ala alterius tangebant parietem Australem, supra tertio. Et tamen hoc modo nullius eorum ala tangebant parietem aliquem, sed duæ alæ vnus tangebant duas alas alterius in medio domus: ideo non stat ista positio. Alij dicunt, quod isti Cherubim erant sic dispositi, quod vnus esset ex vna parte habens vultum contra Aquilonem, & extenderet alas suas vnā contra Occidentem, & aliam ad Orientem. Alius esset ex alia parte arcæ habens vultum contra austrum cuius vna ala extenderetur contra Orientem, & alia contra Occidentem. Et inter istos esset arca, & sic operirent eam. Sed istud non stat: primo, quia duo Cherubim, quos fecit Salomon, tangebant se in ala vna, scilicet, quod ala vna vnus tangebant alam vnā alterius, supra tertio. Et tamen Cherubim positi isto modo non tangebant se in aliqua parte, sed quilibet eorum dirigebat vnā alam contra Orientem, & vnā contra occidentem. Secundo patet, quia vultus Cherubim erant ambo contra Orientem, scilicet ad domum exteriorē, & tamen vultus istorum erant oppositi vnus contra Meridiem, & alius contra Aquilonem. Tercio patet, quia alæ illorum Cherubim tangebant parietes duos domus, scilicet ala vnus parietem Aquilonarem, & ala alterius parietem meridianum. Alæ autem Cherubim isto modo non poterant tangere parietem aliquem, quia à pariete

pariete in parietem erat distantia cubitorum viginti, & tamen longitudo duarum alarum cuiuslibet Cherub erat cubitorum decem: ideo nullum parietem attingerent. Et si aliquem tangerent, ille esset orientalis, vel Occidentalis: quia contra illos dirigebant alas suas: ideo non poterant esse sic dispositi. Alij dicunt, quod isti Cherubim erant sic dispositi, quod vnus erat ex parte Orientis conuerso vultu contra occidentem dirigens alas suas in latum, scilicet, vnā contra Aquilonem, & alteram contra Austrum. Et alius esset ex parte Occidentis dirigens faciem contra Orientem, alas autem extendens in latum, scilicet, vnā contra Meridiem, & aliam contra Aquilonem: & sic vnus velaret arcam ex parte Orientis, & alius ex parte Occidentis. Sed dicendum, quod hoc non stat. Primo, quia hoc modo ala vnus non tangeret alam aliquam alterius, cum non dirigeret vnus alam aliquam contra alteram: & tamen vnus Cherubim istorum tangebāt alam alterius, supra 3. & 3. Reg. 6. Secundo non stat: quia illi Cherubim habebant vultus conuersos contra domum exteriorem: supra tertio: & tamen sic vnus eorum haberet vultum conuersum ad orientem, siue ad exteriorem domum: & alius vultum conuersum haberet ad Occidentem. Tertio non stat, quia ala vnus istorum Cherubim tangebāt parietem Aquilonarem, & ala alterius parietem Australem: & tamen isti nullum parietem tangere poterant, quia erant positi in medio domus: & latitudo eius erat cubitorum viginti: & tamē alarum magnitudo cuiuslibet Cherubim erat cubitorum decem tantum. Quarto patet, quia isto modo non satis videbatur quomodo esset arca sub alis Cherubim: ita vt operirent eam, & vestes. Nam sic viderentur eam tenere inter se, tamen non operirent eam: quia alæ eorum non se tangerent. Quinto patet, quia litera innuit, sicut supra declaratum est, quod Cherubim alis suis velabant arcam & vestes præter capita vestium, quæ non poterant velare propter eorum longitudinem aliquantam. Et tamen cum vnus Cherub esset ex parte orientali ante arcam, & alius ex parte occidentali post arcam potius velarent capita vestium, & non medium arcæ: cum magis appropinquarent Cherubim capitibus vestium, quam arcæ. Alij dicunt, quod hoc erat sic, scilicet, quod duo Cherubim erant super pedes suos habentes vultus contra Orientem, siue exteriorem domum extendentes alas contra se inuicem, scilicet, quod ala vnus dextra tangeret parietem meridianum domus in angulo: & ala sinistra alterius tangeret parietem Aquilonarem in angulo, & duæ alæ eorum se contingerent in medio domus, scilicet ala dextra vnus tangeret alam sinistram alterius, & dorsa eorum essent coniuncta parieti occidentali domus, ita vt paries teneret eos, nè caderent. Dicendum, quod non stat, quia non est modus quomodo sic possent isti duo Cherubim operire arcam: nam sic transirent alæ eorum super partem postremam vestium apud parietem occidentalem: & tamen arcam ipsam non tangerent, & à fortiori, nec vestes ex parte orientali: cum arca esset extenta ab oriente in occidentem, & quædam pars vestium pertingebat propè portam Sancti Sanctorum, quæ erat ad Orientem, ideo dicitur in litera, quod si quis esset extra sancta sanctorum modicum distans poterat videre capita vestium. Si autem modicum ultra se elongasset, iam illos videre non poterat. Alij dicunt, quod Cherubim istiterant in sancta sanctorum in medio domus: & sic velabant arcam. Modus erat, quod Cherubim starent super terram ambo respicientes contra Orientem ad exteriorem partem domus: & non essent iuxta parietem Occidentalem, nec iuxta

F Orientalem, sed æqualiter distarent ab illis, nec dirigerent alas contra illos, scilicet, quod à pariete orientali sancti sanctorum vsque ad occidentalem erat longitudo cubitorum viginti, vt patet 3. Reg. 6. & supra 3. & quilibet istorum Cherubim distaret decem cubitis ab Oriente, & totidem ab Occidente: & tamen accederet vnus magis ad parietem Aquilonarem, quā ad Australem, & alius è conuerso, scilicet, quod locus vnus distaret quinque cubitis à pariete Aquilonari, & quindecim à pariete australi, & iste tangeret parietem Aquilonarem ala sinistra: eo quod longitudo alæ cuiuslibet erat cubitorum quinque, supra 3. Locus autem alterius Cherubim distaret quinque cubitis à pariete australi: & quindecim ab Aquilonari, & tangeret parietem Australem ala dextra: tunc necesse erat, quod duæ alæ istorum se contingerent in medio domus, scilicet, inter Austrum, & Aquilonem, quia latitudo domus erat cubitorum viginti, & tanta erat longitudo alarum, & contactus iste alarum esset super arcam: quia arca erat in medio domus inter Aquilonem & Austrum, directa parte anteriori eius contra Orientem, & posteriori contra Occidentem: & tunc benè datur, quod arca esset sub alis Cherubim, eo quod contactus alarum erat super eam, & tamen non operirent eam. Litera tamen dicit, quod operiebant Cherubim arcam, & vestes eius expandentes alas suas, nisi quod capita vestium, eo quod modicum longiora erant, non poterant benè velari. Ideo necesse est, quod aliter detur modus tegendi, licet aliqui istum teneant, qui proximior est veritati omnibus præcedentibus, & quem tenuimus tertio Reg. 6. & 8. & tamen non sufficit cum debeat regi tota arca. Sic etiam ponit Iosephus 8. Antiquit. scilicet, sacerdotes arcam collocauerunt inter duos Cherubim, qui eam suis alis complexi. Sic enim erant ab artifice facti, vt arcam velut quoddam tabernaculum, aut camerationem protegerent. Dicendum ergo, quod modus iste præcedens verus est, & tamen ei addendum est aliquid. Nam necesse est, quod isti duo Cherubim extenderent alas suas à Meridie in Aquilonem, & ala vnus tangeret alam alterius, & haberent vultus conuersos ad orientem contra exteriorem domum, nec poterat totum hoc esse, nisi ponendo, vt supra positum est. Sed dicendum est, quod quilibet istorum Cherubim habebat alas multas ex omni parte. Nam sic habent omnes Cherubim: sic enim Ezechiel vidit animalia quatuor, Ezechiel. primo, & illa erant Cherubim: Ezechielis decimo. Et quodlibet eorum habebat alas sex: Ezechiel. primo, & decimo, & velabant anteriora, & posteriora, & volabant duobus si opus esset. Ita isti duo Cherubim habuerunt multas alas, & duæ, quæ erant ad latera extendebantur in latum, ita vt extremitas vnus tangeret alam alterius: & alia ala tangeret parietem Australem, vel Aquilonarem. Aliæ autem quatuor extendebantur ante, & retro, & flectebantur: ita vt efficerent quandam occultationem, siue camerationem inter se, sub qua quasi sub quodam tabernaculo, siue arcu esset arca recondita: vt dixit Iosephus: & iterum in eodem 8. Antiquitatum, ait: duæ alæ vnus Cherubim quinis erant cubitis extensæ: quapropter procul à semetipsis aberant, ita vt ala vna tangeret parietem Australem, alia verò posita ad Aquilonem: alia verò semetipsis contingentes arcam, quæ in medio posita erat, operiebant. Hos verò Cherubim quales fuerint, nullus dicere, aut coniecere potest. Isto modo facile erat intelligi quomodo Cherubim duodecim alis velarent arcam, & vestes eius operirent. Sic etiam extendent alas duas contra parietes duos domus, scilicet, contra Aquilonem, & contra Austrum: & tangerent illos

illos extendendo alas viginti cubitis iuxta latitudinem domus Sancti Sanctorum. Et sic intelligitur quod dicitur in litera, scilicet, quod capita vestium apparebant, quia erant vestes aliquantulum longiores, scilicet alae duodecim duorum Cherubim extendebantur, complicabantur, & curuabantur super arcam, & vestes, & operiebant illos: quia tamen vestes erant longiores, quam ista curuatura alarum Cherubim, apparebant capita vestium existentibus apud portam Sancti Sanctorum: & cum aliquantulum elongaretur quis à porta, non apparebant capita vestium: quia eadem curuatura alarum Cherubim obumbrabat capita illa tunc, quia sic disposita erat.

Ad quid fuerunt isti Cherubim de lignis oliuarum in templo Salomonis, & cur non fuerunt in tabernaculo Moyfi.

Quaestio XXV.

QVAERITVR Vterius, ad quid fuerunt isti Cherubim facti de lignis oliuarum in templo Salomonis, & cur non fuerunt in tabernaculo Moyfi alij. Ad primum dicit aliquis, quod istud erat ad representandum imaginem gloriae. Nam in celis Deus habet astantes sibi multos angelicos spiritus iuxta illud Danielis septimo, scilicet millia millium ministrabant ei, & decies centena millia assistebant illi. Istorum autem spirituum superiores sunt Seraphim, & Cherubim, ideo ad representandam imaginem illius gloriae, debebat arca Domini, in qua Deus specialiter esse putabatur, circumdari à Cherubim. Sed dicitur, quod ad hoc satis erat, quod haberet arca duos Cherubim aureos productiles super se, qui fuerunt à principio, quando arca facta est per Moysen, & tamen nunc facti fuerunt Cherubim duo de lignis oliuarum, ideo ad alium finem erant. Dicendum, quod isti Cherubim facti fuerunt propter duos. Primum fuit ad representandam similitudinem gloriae, in qua Deo vndique assistunt angelici spiritus tam Cherubim, quam Seraphim, & ad hoc satis proficiebant isti Cherubim cum velarent arcam. Secundum erat ad tegendum totam arcam, & propitiatorium ex omni parte: ne aliquid posset videri de arca tanquam nihil ibi esset: & istud erat conueniens ad apparitionem Dei in gloria sua: nam quando apparuit gloria Domini Isaiae in templo, apparuit Dominus sedens in solio excelso, & in circuitu eius Seraphim, ut patet Isaie textu. Vidi Dominum sedentem super solium excelsum, & Seraphim erant super illud, sex alae vni, & sex alae alteri, duabus velabant faciem eius, & duabus velabant pedes eius, & duabus volabant. Ita erat hic de istis Cherubim, quod quilibet habebat alas sex, & duae alae cuiuslibet erant extentae quasi ad volandum, & istae erant, quae pertingebant ab utrumque parietem, scilicet Aequilonarem, & Meridianum. Aliae quatuor alae cuiuslibet eorum velabant superiora, & inferiora arcae, & sic erat arca occultata quasi sub tabernaculo, vel fornice: & istud non poterant facere Cherubim duo, qui erant super arcam: quia solum tegebant superiora eius. Cum ergo dicitur ad quid erant isti Cherubim duo de oliuis, cum iam essent alij facti. Dicendum, quod ad aliud proficiebant illi, & ad aliud isti. Nam isti, qui erant super arcam, licet ad ostendendum quandam imaginem gloriae, nam erant productiles de extremitatibus propitiatorii, & erant cultus eorum oppositi, extendebantque alas suas ex opposito super propitiatorium, scilicet, quod summitates alarum vnius tangerent summitates alarum alterius, & clauderent inter se quoddam spacium quadrangulum super propitiarium.

AIn illo autem concauo spacio erat corpus formatum de aere denso, in quo formabantur voces, quae audiebantur: & illud corpus velabatur ab illis duobus Cherubim. Non tamen poterant illi Cherubim velare arcam, sed solum extendebant alas super propitiatorium. Fuerunt ergo necessarii alij Cherubim, ut velarent totam arcam: quia similitudo perfectae gloriae erat, quod tota arca velaretur. Sic enim fuit in visione Isaiae. Nam Seraphim, qui apparuerant super solium velabant solium Dei: & ipsum Deum totum: cum dicitur, quod duabus alis velabant faciem eius, & duabus velabant pedes, & duabus volabant. Et quia arca representabat Deum in gloria existentem, debuit tota velari: & ad hoc praeter.

B Cherubim aureos erant necessarii alij Cherubim, qui velarent totam arcam: & isti fuerunt duo Cherubim lignei, qui alis suis totam arcam quasi tabernaculum quoddam tegebant. Alia etiam causa fuit ad perfecte occultandum corpus, quod latebat in propitiatorio, in quo formabantur voces. Nam licet positi essent duo Cherubim aurei super arcam, & clauderent inter se quoddam spacium occultum: tamen non perfecte occultabant, quia adhuc aliquid poterat apparere aliquo casu. Ideo ponebantur duo remedia ad hoc. Primum erat, quod quando sacerdos summus introiret in sancta sanctorum ferret coram se thuribulum plenum prunis, & thymiamate, ut vapor grossus inde consurgens offuscaret oculos eius, ne videret aliquid de eo, quod erat in propitiatorio: Leuitici decimosexto. Secundum remedium erat, quod Deus poneret nubem quandam grossam super propitiatorium, in qua inuolueretur corpus illud, in quo formabantur voces, & non videretur, qualiter erat corpus organizatum, vel lineatum: ut patet eodem capitulo, scilicet, non intret Aaron omni tempore in sanctuarium, quod est ultra velum, ne moriatur: quia in nube apparebo super oraculum. Ad hoc ergo, quod non esset opus his remedijs, debuit perfecte occultari arca ponendo alios duos Cherubim ligneos, qui totam operirent cum propitiatorio, & cum alis aureis Cherubim. Alia ratio fuit ad perfectam expressionem gloriae diuinae. **D** Nam quando Ezechiel vidit gloriam Domini, vidit quatuor animalia in circuitu throni: & quodlibet illorum habebat alas sex: Ezechiel primo. Ad perfectam ergo imitationem debuerunt hic esse quatuor Cherubim: nam illa quatuor animalia erant Cherubim: Ezechiel decimo. Sic etiam Beato Ioanni ostensa est semel gloria Domini, & in circuitu throni Dei vidit quatuor animalia, & viginti quatuor seniores. Et illa quatuor animalia erant Cherubim, quia erant talia qualia illa, quae vidit Ezechiel, ut patet Apoc. 4. Ideo hic debuerunt in circuitu arcae esse quatuor Cherubim, scilicet, duo, qui erant super arcam, & duo ad latera, & velabant arcam.

Quare Cherubim lignei non fuerunt in Tabernaculo Moyfi.

Quaestio XXVI.

QVAERITVR Vterius, quare isti duo Cherubim lignei, qui fuerunt in templo Salomonis, non fuerunt in tabernaculo Moyfi, cum pertinerent ad ostendendam gloriam Domini. Respondendum, quod multa fuerunt in templo Salomonis, quorum similia non fuerunt in tabernaculo Moyfi, sicut patet de mari aeneo, de luteribus, de columnis duabus, de vasorum multitudine: & eadem causa, quae fuit de alijs, fuit de istis duobus Cherubim ligneis: & est duplex causa: prima fuit propter

propter difficultatem portationis; nam omnia, quæ in tabernaculo Moyſi erant, portabantur de loco ad locum moto tabernaculo: & ſi eſſent multa, vel magnæ quantitatis portari non poſſent; vel cum magna difficultate portarentur, poſſimè quia vaſa, & ſupellectilia ſanctuarij non portabantur in pluſtro, nec ſuper animalia: ſed humeris hominum portabantur: Numeri ſextimo, quia omnia illa portabantur à Chaathitis: Numeri ſextimo, quibus non dabantur pluſtra ad portandum onera ſua, ſicut alijs Leuitis: Numeri ſextimo. Et ob hoc non fuerunt luteri in tabernaculo quamquam fuerunt in templo, quia erant magnæ quantitatis, & portari non poterant. Etiam non erat ibi mare æneum: quia illud erat valde magnæ quantitatis cum caperet duo millia batos, tertio Regum ſextimo. Et nullo modo portari poſſet cum bobus ſuis. Etiam columnæ duæ, de quibus præcedenti capitulo, & tertio Regum ſextimo portari non poſſent in pluſtris, nec in aliquo artificio de loco ad locum magna diſtantia propter difficultatem nimiam: de Cherubim iſtis ita dicendum eſt, quod quilibet illorum habebat alas ſex: & extendebantur duæ illarum decem cubitis: & ſic totus ipſe Cherub magnæ quantitatis eſſet: ita, ut humeris hominum portari non poſſet: & tamen ab hominibus portandi erant Cherubim, cum eſſent partes tabernaculi, ſcilicet tabulata, vel operimenta: ſed ſupellectilia, quæ à Chaathitis portabantur ſuper humeros. Secunda cauſa fuit, quia tabernaculum Moyſi non fuit domus, in qua Deus deberet habitare, vel coli in æternum, ſed factum eſt ad tempus, ſcilicet quamdiu Iſraelitæ eſſent in motu. Ceſſante autem motu, ceſſaret tabernaculum illud: ut efficeretur aliqua habitatio, in qua honorabiliter maneret arca Dei: & vaſa miniſtrationis eius. Et ob hoc non oportuit, quod laboraretur ad hoc, quod omnia, quæ pertinebant ad perfectionem cultus diuini, & eius pulchritudinem eſſent in tabernaculo Moyſi: quia tunc poneretur tabernaculum illud tanquam id, in quo debebat cultus Dei vltimatè manere tanquam in ſua maiori perfectione. Et ſic ſolum poſita fuerunt in tabernaculo ea, quæ erant ad neceſſitatem miniſtrationis. Quæ verò ad ſolam pulchritudinem pertinebant: ſicut duæ columnæ æneæ: non poſita fuerunt ibi, vel illa, quæ pertinebant ad maiorem perfectionem miniſtrationis, ſicut mare æneum, & luteri: & duo Cherubim lignei: & multiplicitas candelabrorum: ita, ut eſſent decem, & multiplicitas menſarum decem, præcedenti capitulo. Cum tamen in tabernaculo fuiſſet vnicum candelabrum, & vnica menſa. Exo. 25. & 26. Sic enim fuit de iſtis Cherubim, quia pertinebant ad perfectam repræſentationem gloriæ Diuinæ, vel ad perfectè occultandum corpus latens de aere inter alas Cherubim aureorum. Ideo non fuerunt in tabernaculo Moyſi, ſed facti ſunt in templo Salomonis.

An fuerit ibi arca vſque nunc.

Queſt. XXVII.

QUÆRITVR Vterius, quomodo dicitur hic, quod fuit ibi arca vſque in præſentem diem. Nam non videtur, quod fuerit ibi arca: quia tempore, quo ſcriptus eſt liber iſte, ſcilicet, quod tunc adhuc manebat arca in templo Salomonis. Sed dicitur, quod hoc non ſtat, quia iſte liber ſcriptus eſt per Eſdras, ſicut tenent Hebræi, & Nicolaus, & ſerè omnes. Fuit tamen Eſdras reparator

F legis poſt reditum de Babylone: nam ipſe rediit in Ieruſalem de Babylone cum Iudæis iam liberatis: ut patet ex primo libro ſuo toto. Et tamen tunc non manebat arca in templo: quia nullum templum erat, cum iam deſtructum eſſet, & arca inde tranſlata: ideo non poterat hoc ſcribere Eſdras: ſed ſcripſit aliquis de prophetis, qui fuit ante captiuitatem Babyloniam, & templi deſolationem: & ille potuit dicere, quod arca manebat in templo vſque ad diem ipſum. Dicendum, quod hoc non ſtat, quia neceſſe eſt, quod Eſdras ſcripſerit iſtum librum, vel ſaltem aliquis, qui fuerit poſt captiuitatem Babyloniam, & reditum de Babylone. Nam infra vltimo capitulo, dicitur: quomodo tranſlati fuerunt Iudæi in Babylonem, & manſerunt ibi ſeptuaginta annis quouſque terra celebraret ſabbata ſua: & tunc Deus ſuſcitauit ſpiritum regis Cyri, & iuſſit prædicari in toto regno ſuo, quod quicunque de Iſraelitis vellet redire in Ieruſalem ad conſtruendum templum, & manendum ibi, quod aſcenderet. Fuit ergo ſcriptus liber iſte poſt reditum de Babylone per Eſdras. Item patet hoc, quia finis libri iſtius, & principium libri primi Eſdræ continent eadem verba, ut patet inſtanti: & ſic videtur, quod idem fuerit vtriuſque ſcriptor; de quo magis declaratum eſt in quadam quæſtione in prologo libri huius. Non potuit ergo manere arca in templo vſque ad diem, in quo liber iſte ſcriptus eſt, cum per Eſdras ſcriptus fuerit.

H Aliquis dicet, quod verum eſt, quod per Eſdras fuit liber iſte ſcriptus: & tamen manebat illo tempore arca in templo, ſcilicet, quia poſt reditum de Babylone fuit conſtructum rursus templum, & poſita fuit arca in Sancto Sanctorum: & ſic tempore Eſdræ quando ſcribebatur iſte liber, manebat ibi arca. Dicendum, quod hoc non ſtat, quia arca non fuit in ſecundo templo facta poſt reditum de Babylone. Nam ante captiuitatem Babyloniam aliquanto tempore præſciens Ieremias ſpiritu Dei templum deſolandum, & calamitatem aſſuturam genti. Accepit arcam de templo, & tabernaculum Moyſi, & cortinas: & tulit in ſepulchrum Moyſi in monte Phaſga, & intra caueam eius ſepeliuit. Quidam autem ſecuti ſunt eum, ut notarent locum: & Deus excoecauit eos, ut non viderent. ſecundo Machabeorum ſecundo, & poſtea non manifeſtata eſt illa arca, nec dicitur manifeſtanda vſquequo Deus congreget omnes Iſraelitas, eodem capitulo. Ideo non fuit in ſecundo templo. Etiam patet hoc, quia poſtea in toto tempore, quo fuit poſt captiuitatem Babyloniam vſque ad Chriſti natiuitatem, & deſtructionem vrbiſ per Romanos non fit mentio aliqua de arca, ſicut fiebat præcedenti tempore ante Babyloniam captiuitatem. Item patet, quia dato, quod poſt Babylonis captiuitatem arca eſſet in templo ſecundo facta tempore, quo Eſdras ſcribebat librum iſtum: tamen non conueniret literæ huic, quæ neceſſariò debet intelligi de templo Salomonis. Nam dicitur hic, quomodo in templo Salomonis fuerunt duo Cherubim de lignis oliuarum, & quod ſub illis arca poſita eſt, & ſequitur, fuitque ibi vſque in præſentem diem. Ergo neceſſariò intelligitur de illo templo Salomonis, & ſub illis duobus Cherubim extitit arcam vſque ad diem, de quo hic dicitur. Et tamen manifeſtum eſt, quod non potuit ſtare in illo templo, nec ſub illis duobus Cherubim vſque ad tempus, quo Eſdras ſcripſit librum iſtum, cum templum deſolatum fuerit, & non manſerit ibi nec lapis ſuper lapidem: & dato quod poſtea poneretur arca in templo ſecundo reedificato, non erat verum, quod manſit, vel fuit ibi vſque ad diem, quo ſcriptus eſt liber:

liber: sed solum diceretur: & est ibi in presenti die: ideo non potest hoc stare. Sed dicendum est, quod verum est, quod Esdras scripsit hunc librum post reditum de captivitate Babylonis: quia non possumus hoc euitare, & cum dicitur, quod mansit ibi arca usque in presentem diem, dicendum quod non loquitur de tempore suo, quo scriptus est iste liber, sed de tempore, quo scripta est alia historia, quam ipse sequitur in scribendo librum istum. Pro quo considerandum, quod licet liber Regum, & iste liber Paralipomenon, sint scripti a Prophetis, non procedunt ut Prophetæ velut scripti a Prophetis: qui a nullo auctoritatem dictorum accipiunt, nisi a Deo inspirante eis, sed ut libri scripti a sapientibus. Nam sapientes dicta sua ratione inuincibili, vel maiorum auctoritate fulciunt: ita in libris istis, qui sunt historia scriptores librorum utuntur testimonijs aliorum: unde in libris Regum sæpe allegantur verba dierum regum Israel, id est quidam liber de hoc factus, & liber verborum dierum regum Iuda: ut patet tertio Regum decimo quarto, & decimo quinto, & in multis alijs locis, ita etiam in isto libro sæpe allegantur auctoritates aliorum, sicut infra nono allegatur liber Nathan Prophetæ: & liber Abdo videntis: & liber Ahia Silonitis, & infra decimo secundo allegatur auctoritas libri Semeia Prophetæ, & Abdo videntis: & sic est in multis alijs locis huius libri. Pro quo sciendum, quod Esdras scripsit librum istum post captivitatem Babylonicam, ut supra probatum est. Collegit tamen in eo omnia gesta populi Israelitici, quam principio: & potissime tempore regum Iuda, & Israel. Et quia temporibus illis fuerunt multæ historiæ scriptæ de gestis illorum temporum per viros probatissimos, tenet Esdras hunc modum, quod allegat dicta illorum, & remittit ad libros ipsorum: & facit hoc in qualibet historia, scilicet, cum enarret historiam regis David: in tota illa nihil allegabit: sed in fine illius remittet ad libros, de quibus transtulit historiam. Nam in toto præcedenti libro ferè descripta est historia David, & temporis sui: in fine libri, scilicet capitulo ultimo, remittitur ad librum Samuelis Prophetæ, & ad librum Nathan Prophetæ, & ad librum Gad videntis: deinde in principio libri huius ad finem noni capituli, & ibi remittitur ad libros, de quibus historia sumpta est, scilicet ad librum Nathana Prophetæ, & ad librum Abdo, & ad librum Ahia Silonitis, deinde narratur historia Roboan filij Salomonis usque ad decimum secundum cap. & ibi remittitur ad librum Semeia Prophetæ, & Abdo videntis. Etiam in historia Abia regis remittitur ad librum Abdo infra decimo tertio. Et in historia Iosaphat remittitur ad libros Iheu filij Anani, qui digessit in libris regum Israel infra decimo secundo capitulo. Et sic de alijs regibus usque ad finem libri. In fine autem ultimi libri, ubi agitur de destructione Ierusalē, & de captivitate Babylonis, & reditu, quæ fuerunt libris aliquorum, sed auctoritate sua locutus est, & tamen istud est contra consuetudinem Esdræ in libro isto. Nam quodcumque finitur historia alicuius regis remittit ad libros aliquos, in quibus erat illa historia: & tamen in capitulo ultimo, cum compleatur totaliter historia licet ibi multa dicantur non remittit ad librum alicuius, sed ipse Esdras auctoritate sua loquitur, scilicet, quia nullius historiam repperit. In historijs autem, quas transcripsit ex libris aliorum, vius est verbis illorum quasi tempore illorum scriptus esset liber iste: & quia tota ista historia Salomonis, & ædificationis atque apparatus templi

A erat scripta in libris Nathan Prophetæ, & Abdo videntis, & Ahia Silonitis: ut patet infra nono, & qui liber illorum cum scriberet de apparatu templi, & de positione arcæ sub alijs Cherubim dixit, fuitque ibi arca usque ad presentem diem, & verum fuit, quia tempore, quo illi scribebant historias suas post mortem Salomonis manebat adhuc arca in loco illo sub alijs Cherubim, ideo Esdras scribens historiam istam usus est verbis illorum, & dixit: fuitque ibi arca usque in presentem diem. Poterat autem alio modo solui hoc, dicendo quod liber iste non fuit scriptus per Esdras: sed per aliquem, qui fuit ante captivitatem Babylonicam: & tamen tunc dicendum esset, quod magnam partem libri huius scripsit Esdras ponens saltem ea, quæ acciderunt in destructione Ierusalem, & prædicationem regis Cyri, scilicet, quod post septuaginta annos captivitatis prædicaui, quod qui vellet ascendere in Ierusalem ascenderet, ut habetur infra ultimo capitulo. Sed istud non est tam convenienter dictum, sicut primum, potissime cum communiter teneatur, quod Esdras librum istum scripserit. Aliter autem posset dici secundum Rabbi David Kimhi, scilicet, quod mansit arca semper in loco suo, & quod Esdras scripserit totum hoc, & quod verum sit, quod usque ad tempus suum manserit arca in loco, in quo posita erat: dicit enim, quod in Sancta Sanctorum erat quædam specus subterranea, in qua posita fuit arca: & nullus homo sciebat descendere in eam, & sic quando Chaldei destruxerunt templum incendio, & ferro nescientes descendere in specum illam, reliquerunt ibi arcam, & sic mansit ibi usque ad tempus Esdræ. Istud autem asserit ipse occasione huius dicti, scilicet. Fuitque ibi usque in presentem diem, quia non videt alium modum, per quem possit saluare literam istam nisi sic. Et tamen hoc non stat, quia arca non fuit posita sub terra, sed super terram in pavimento Sancti Sanctorum, & Cherubim lignei operiebant eam, ut colligitur hic in litera, & tertio Regum octauo. Item, quia si in specu poneretur, non fuissent necessarij Cherubim ad tegendum eam alis suis: & tamen positi fuerunt ad hoc, & tangebant eam sub alijs in modum tabernaculi, vel camerationis, ut colligitur in litera: & ponit illud Iosephus octauo Antiquitatum. Item patet efficacius, quia dicitur hic in litera: & tertio Regum octauo, quod alij Cherubim velabant arcam, & vestes eius præter modicum: quia vestes paulo longiores erant, & capita vectium apparebant foris existentibus apud ostium Sancti Sanctorum. Ergo non erat arca in specu occulta, quia tunc non videretur de ea quidquam: vel si aliquid videri posset viderent eam Chaldei quando destruxerunt illam, & caperent ipsam, quia erat operata laminis aureis: & quia opertorium eius, & duo Cherubim productiles erant de auro purissimo. Item dato, quod esset in specu occulta, & non viderent eam Chaldei: tamen exureretur quando totum templum fuit combustum, potissime quia magna pars eius erat de auro, & liquefieret ad calorem ignis. Item dato, quod aliqua occasione posset eua- dere arca in loco illo, non videretur quomodo posset manere ibi per septuaginta annos captivitatis Babylonicæ quousque rursus templum ædificatum est, & tunc fundamenta etiam templi mota sunt: quia non fuit factum opus super propria fundamenta, sed nova facta sunt a cementarijs, ut patet primo Esdræ 3. c. & sic non maneret arca in loco suo: ideo nullo modo potest stare positio ista Rabbi David Kimhi: sed tenendum est quod supra determinauimus.

An in arca aliquid esset præter tabulas.

Questio. XXVIII.

QVAERITVR Vterius, quomodo dicitur hic, quod in arca nihil erat, nisi duæ tabulæ lapideæ, quas posuerat ibi Moyses in Horeb. Nam videtur, quod alia etiam erant, scilicet, urna aurea, & manna in urna, & virga Aaron, quæ fronduerat. Ad Hebræos nono. Et de ijs aliquantulum tangitur in libris veteris testamenti. Nam de urna aurea continente manna dicitur Exodi decimosexto, quod Deus dixit Moysi. Sume vas vnum: & mitte ibi manna quantum potest capere Gomer, & repone coram Domino ad referuandum in generationes vestras: posuitque illud Aaron in tabernaculo ad referuandum: & licet ibi non totaliter declaratur, Apostolus dixit, quod positum fuerat in arca. De virga Aaron, quæ fronduit, patet Numeri decimosextimo, cum dixit Deus ad Moysen: Refer virgam Aaron in tabernaculum testimonij, vt seruetur ibi in signum filiorum Israel rebellium; fecitque Moyses, sicut præceperat Dominus. Et non dicitur in quo loco erat coram Domino. Apostolus autem declarauit, quod erat in arca. Erat etiam ibi liber Deuteronomij: nam iusserat Moyses, quod ponerent Leuitæ Deuteronomium in latere arcæ: & ibi fuit positus, Deuteronomij trigessimoprimum. Dicendum est, quod omnia hæc posita fuerunt in arca, sicut testatur Apostolus, & tamen littera dicit, quod non erant, nisi tabulæ legis, scilicet, quia tabulæ positæ fuerant in principali sinu arcæ. Cætera autem erant in latera arcæ. Sicut dicitur de Deuteronomio, quod erat in latere arcæ: Deuteronomij trigessimoprimum. Ideo solæ tabulæ dicuntur esse in arca: quia ipsæ erant solæ in sinu, quæ vocabatur arca. Locus autem, in quo cætera erant non vocabatur in scriptura arca, sed latus arcæ. Apostolus tamen voluit nominare arcam, quia erant interius in aliqua parte eius. Aliqui volunt dicere, quod erant solæ tabulæ intra arcam: & tamen dicuntur omnia hæc esse in arca, quia erant coniuncta arcæ, scilicet, in latere eius, sicut dixit Moyses de Deuteronomio, quod poneretur in latere arcæ. Apostolus autem accepit large esse in arca, idest, intra Sancta Sanctorum coniuncta arcæ. Scriptura autem hic, & tertio Regum octauo, accepit esse in arca propriè pro esse intra eam, & sic dixit, quod solæ tabulæ erant in arca. De hoc tamen quid verum sit, magis declarabitur ad Hebræos nono.

Egressis autem sacerdotibus de sanctuario: (omnes enim sacerdotes, qui ibi potuerant inueniri, sanctificati sunt, nec adhuc in illo tempore vices, & ministeriorum ordo inter eos diuisus erat) tam Leuitæ, quàm cantores, idest, & qui sub Asaph erant, & qui sub Hemam, & qui sub Idithum, filij & fratres eorum vestiti biffinis, cimbalijs, & psalterijs, & citharis concrepabant, stantes ad orientalem plagam altaris, & cum eis cantores centum viginti canentes tubis. Igitur cunctis pariter, & tubis. & voce, & cimbalijs, & organijs, & diuersi generis musicorum concinentibus, & vocem in sublime tollentibus, longe

F sonitus audiebatur: ita vt cum Dominum laudare cœpissent, & dicere; Confitemini Domino, quoniam bonus, quoniam in æternum misericordia eius: impleretur domus Dei nube, nè possent sacerdotes stare, & ministrare propter caliginem. Compleuerat enim gloria Domini domum Dei.

Egressis autem. Hic ponitur secundum principale huius capituli, scilicet, sacerdotum, & Leuitarum ordinatio. Nam factò hoc incepit tam sacerdotes, quàm Leuitæ cantare in atrio templi, & ministrare in sacrificijs, & dicitur. *Egressis autem sacerdotibus de sanctuario.* Istud dicitur de sacerdotibus, qui posuerunt arcam in Sancto Sanctorum: nam Leuitæ portauerunt arcam vsque ad templum, & ibi reliquerunt eam, assumpseruntque sacerdotes, & introduxerunt eam in Sancta Sanctorum, & locauerunt eam sub alis Cherubim. Deinde clauso ostio Sancti Sanctorum exierunt, & etiam de prima parte templi exierunt locatis ibi vasis. Nam postquam arcam locauerunt, etiam disposuerunt candelabra, & mensas, & altare thymiamatum, & alia vasa sanctuarij in locis suis in prima parte templi, & de illa etiam exierunt claudentes ianuas, vel appendentes velum: & venerunt ad atrium sacerdotum, quod erat extra templum ad portam eius. *Omnes enim sacerdotes, qui inueniri potuerunt sanctificati sunt.* Scilicet, omnes sacerdotes, qui inueniri potuerunt in Ierusalem tempore huius festiuitatis sanctificati sunt: idest mundauerunt se, vt possent ministrare: quia ministrare, vel accedere ad rem sanctam non conuenit, nisi mundis. Sic enim dicitur: sancti estote, quia ego sanctus sum, idest mundi esto. Non ergo licebat immundis immunditia legali accedere ad sanctuarium, quia morerentur: Leuitici decimoquinto. Et ista munditia fuit antequam portarent arcam, & introirent in sanctuarium: vt possent accedere ad res sacras, & ministrare. Scien-
I nitur hic iste ablatiuus absolutè, scilicet. *Egressis autem sacerdotibus, deuotans actum consequentia, vel concomitantia: & tamen non ponitur illico iste actus: quia istud quod sequitur hic interpositio est, & refertur ad inferiora, scilicet, quod egressis sacerdotibus de sanctuario, inceperunt Leuitæ, & sacerdotes simul canere, & nubes gloria Domini apparuit, quia tamen deberet sequi quomodo omnes sacerdotes canebant, & quia non poterant canere, & ministrare, nisi qui erant sanctificati ad faciendum hoc, interponitur quomodo omnes sacerdotes erant sanctificati, idest mundificati ad ministrandum. De mundificatione autem ista qualiter fiebat, infra declarabitur in quadam questione. Nec adhuc illo tempore.*
K Scilicet, quando portata fuit arca in templum. *Vices & ministeriorum ordo inter eos diuisus fuerat.* Quali dicit: ministrauerunt, cum non essent distincte vices, & ordo ministeriorum. Nam si facta esset ista distinctio, non ministrarent nisi illi, quibus euenisset sorte ministrare: sed quia non erat facta diuisio ministrantium omnes, qui tunc inueniri potuerunt in Ierusalem. Pro quo sciendum, quod sacerdotes, & Leuitæ multi erant, nec conuenienter poterant ministrare omnes Leuitæ, nec omnes sacerdotes simul: diuisi fuerunt ergo sacerdotes in vigintiquatuor partes, vt quilibet pars illarum ministraret vna hebdomada: & sequens pars alia hebdomada vsq; ad vicefimam quartam sortem: & tunc denuo redibat prima ad ministrandum. Sic

Sic ē factū est de Leuitis cantoribus, q̄ diuisi fuerunt per alias vigintiquatuor sortes: & ministrabāt eodem modo, vt patet p̄cedenti libro 24. & 25. capitu. Hoc autem tempore nondum cæperant ministrare sortes istę distinctę. Ideo ministrauerunt omnes simul non obseruato aliquo ordine, de quo magis declarabitur infra in quibusdam quæstionibus. *Tam Leuitę, quā cantores.* Scilicet, cæperunt simul cantare, iste modus loquendi videtur improprius. Nam cantores, & Leuitę non possunt inter se distingui, eo quod omnes cātōres sunt Leuitę, licet non omnes Leuitę sint cantores: Erant namque distincti ipsi cantores, & Leuitę in multa officia, scilicet quidā erant cantores, quidam ianitores, alii thesaurarii, alii p̄positi, & iudices, de quo p̄cedenti libro vigesimo tertio, & vigesimo quinto, et vigesimo sexto capitul. Dicitur tamen tam Leuitę quā cantores, quia cantores vocātur illi soli, qui habebant officium canendi dū fiebant sacrificia. Leuitę vocantur oēs alij, qui habebant, quęcunque alia officia in sanctuario: & tunc omnes cantabant, quia nondum cæperat distinctio ministeriorū, & fortitū: ideo thesaurarii, ianitores, p̄positi, iudices, & ceteri Leuitarum nunc simul canebant: & hoc innuitur i littera supra. Nec adhuc illo tempore vices, & ministeriorum ordo inter eos diuusus erat. Nam aliud vocatur ordo ministeriorum, & aliud vices ministeriorum. Vocātur vices ministeriorum respectu illorum, qui erant in eadem ministracione. Ordo vocatur respectu illorum, qui erant in diuersis ministracionibus: vtpote oīum sacerdotum erat eadem ministratio, quā oībus competebat facere sacrificium, & cremare thymiamā, & ponere panes propositionis, & disponere lucernas in candelabro. Differebant tñ per vices, quia erāt distincti in vigintiquatuor partes, vel sortes, & vna fors ministrabat vna hebdomada, & alia fors alia hebdomada, & istud erat ministrare per vices. Nunc autem confusę erant vices ministracionum pertineret ad vnam de illis vigintiquatuor sortibus ministrabant omnes simul. Ordo ministracionum erat, quod quisque ministrarent in quibusdam officiis, & alij in aliis, inter Leuitas erant distinctę ministraciones, quia quidam erant cantores, alij thesaurarii, alij ianitores, alij iudices, & p̄positi, & qui cantores erant inter se distinguebantur in vigintiquatuor sortes. p̄cedenti cap. 25. Sic etiam ianitores erant distincti sortibus suis inter se, & alij Leuitę. Nunc autem confusa erant omnia, quia non solum, qui erant de sortibus eiusdē ministracionis simul ministrabāt cantādo, sed etiam, qui erāt in diuersis ministracionibus, sicut ianitores, & thesaurarii cantabant nunc: licet nunquam hoc posset pertinere ad eorum ministracionem. Oēs autē ministracionis cōfusi sunt, nisi q̄ ministratio Leuitica nō accēdit ad sacerdotalē: quia hoc erat oīuoretitū de quo magis declarabitur in quadam quæstione. *Idest qui sub Asaph erant, & qui sub Heman, & qui sub Idithum.* Expositio est p̄cedentis dicti. i. quod tam Leuitę, quā cantores cæperunt cantare. Declaratur hic, qui erant isti. i. illi, qui erāt sub Heman, & sub Hetan, & sub Idithum. Non refertur hoc simul ad Leuitas, & cantores, i. q̄ illi Leuitę, & cantores, qui erant sub istis simul cantabant: & tunc innuitur, q̄ oēs cantores, & leuitę simul erāt sub Idithū, Heman, & Asaph: sed falsum est, quia soli cantores erant sub istis, cum essent isti tres principes cantorū, de quibus magis infra dicitur in quadam quæstione. Refertur ad cantores ergo, & est sensus. i. q̄ Leuitę, i. thesaurarii ianitores, & p̄positi atque iudices cantabant, & etiam cantores. i. qui erant sub Heman, Ethā, siue Ataph, & Idithum. Et hoc ponitur ad notandū, q̄ non erant nisi isti cantores, vel q̄ oēs cantores.

Atores cantarent, cum dicatur, quod, qui erant sub illis cantabant: & tamen constat q̄ non erant aliqui alij cantores, nisi isti. *Filij, & fratres eorum.* Scilicet, filij Asaph, Heman, & Idithum, & fratres eorum, idest oēs de cognatione ipsorum, quia illi erant in eisdem officiis, in quibus principales. i. Heman, Asaph, & Idithum. *Vestiti byssinis.* Idest vestibus de bysso, quę sunt vestes lineę, quales sunt vestes omnium ministrorū Ecclesiasticorū, et si non sint in aliquo ordine sacro: quia non debet quis ministrare sine veste alia siue superpelicio: de vestib⁹ Leuitarum quales essent, & an essent sacre, inf. dicitur in quadam quæstione. *Cimbali, & Psalterijs, & cytharis concrepabant.* Scilicet Leuitę cantores psallebant in istis instrumentis musicis, quia tamen nō solū **B**vult laudari corde, & ore, sed etiam in vasis musicis. sic hortatur nos Dauid Psal. vi. f. Laudate dominum in sono tubę, laudate eum in Psalterio, & cythara, laudate eum in tympano, & choro, laudate eum in cordis, & organo, laudate eum in cimbali bene sonantibus. Et iterū Psal. 97. f. Psallite dño in cythara, in cythara & in voce psalmi, in tubis ductilibus, in voce tubę corneę. Vocantur cimballa quædam instrumenta ænea lata, q̄ percussa inuicem vtrique manu tinnitum reddunt consonum voci, & pertinent ad concinendum melodiam. Psalterium instrūm cognitum est, qđ decem cordis constat. Iō dicebat Dauid in Psalterio decachordo psallam tibi. Psal. 143. Cythara instrūm antiquum est, cuius iam rarus vsus est: & tamen solemus vocare cytharam generali noīe multa instrumenta cordata, q̄ tinnitum reddunt super corium, vel lignum fabrefactum. Isti dicebant cōcrepare. i. canere, vel cōcrepare. i. cōsonare. *Stantes ad Orientalem plagam altaris.* Scilicet, isti Leuitę, qui canebant stabant ad Orientalem partem altaris holocaustorum. Nam non pōt hic intelligi de altari thymiamatum. Erant quippe duo altaria in templo. f. altare holocaustorum, & thymiamatum. Altare thymiamatum erat in templo interius ad quod nō accedebant Leuitę, nec videbant illud, & de isto non loquitur hic littera. Altare holocaustorum erat extra templū in atrio sacerdotum: nam atrium sacerdotum erat quoddam spatium quadratum velatum quibsdā cancellis paruę altitudinis solū ad distinguendum, ita tñ q̄ sacerdotes existentes extra cancellos possent videri ab existentibus extra: & in illo atrio fiebant sacrificia. In isto atrio erant nunc sacerdotes: & etiā Leuitę canentes, vt quibsdā placet, & est rōnabile: vt inf. dicit: et erant ad orientem altaris, quia altare holocaustorum erat ad partem occidentalem illius atrij versus templi portā. Sacerdotes at, et Leuitę erant in illo atrio apud introitum eius magis distantes a porta templi. *Cumque eis sacerdotes centum & viginti canentes tubis.* Scilicet omnes isti, qui canebant Psalterijs cimbali, et cytharis erant Leuitę: et tñ cum eis erant centum et viginti sacerdotes canentes tubis. Quę autē tubę essent istę, vel cur canerent sacerdotes tubis, et non Leuitę declarabitur inf. in quadam quæstione. *Igitur cunctis.* Scilicet, sacerdotibus, et Leuitis supra nominatis. *Tubis, & voce, & cymbali, & organis & diuersi generis musicorum continetibus.* Ponuntur instrumenta quibus isti concinebāt, liquidam canebant tubis, et isti erant sacerdotes centum et viginti. Alij voce, quia inter canentes organis musicis, canebant etiam quidam voce, vt pulchra fieret armonia: et non est credendum q̄ simul canerent quidā voce, et alij musicis instrumentis: quia confunderetur sonitus voce canentium, sed canebant semel quidā voce, et postea psallebant alij organis musicis, sicut fit nunc in Ecclesia: quia i organis psallit vnus versus, et chorus canit alium, et sic commutatur cātus, vt pulcher fiat. Etiam non est credendū q̄ in omnibus organis musicis psalleretur simul, quia cum

quidam haberent grauem, & magnum sonitum, con-
sonantiā aliorū minus sonantium cōfunderent: sicut
si centum & viginti sacerdotes tubis clangentes simul
clangerēt cum aliis organis, nullius vox audiri posset:
nec esset cantus, sed cōfusus murmur, sicut sonitus tu-
multuantis populi. Organa sunt instrumenta musica
generaliter loquendo, quia organū nihil significat ni-
si instrumentum in Græco, licet quidā nostrū accipiāt
pro musicis vasis solū. Et patet hoc, quia instrumenta
fientiendi vocant organa, et generaliter oīa instrumēta
manualia dicuntur organa, & sic seruus vocatur orga-
num aīatum, vt patet 1. Paral. Dicitur etiā diuersi ge-
neris musicorum, ad cōprehendendum oīa alia vasa:
quia oīa genera instrumentorū musicorum, quę habe-
ri poterant, fuerunt ibi ad solēnizandum festiuitatem
istā, sicut qñ Dauid traxit arcam de Cariathiarim in
domum Obededom, ipse & totus Israel psallebant in
oībus lignis fabrefactis. 2. Reg. 6. Et vocem in sublimē tol-
lentibus. Id est sacerdotes, & Leuitæ vocē in altum ele-
uabant, quia multi erant canentes. *Longe sonitus audieba-
tur.* Scilicet, longe à tēplo: quia cū tot canentes essent,
& tot musica organa, necesse erat audiri longe à tem-
plo. Ita vt cū dominum laudare cepissent. Primi cantus,
quos nunc sacerdotes, & Leuitæ faciebant erāt ad lau-
dandum dñm pro oībus susceptis beneficiis. Et dicere
confitemini dño quoniam bonus. Id est laudate Deum, quia
nimis est bonus. Quoniam in secula misericordia eius. Id est
semper miseret, nā non est manus sua abbreviata, ita
vt aliquo tēpore misereatur: & alio nō misereat: nec ē
licet nobis interdū irascatur, sicut pater pro filiis pesti-
lentibus, non continebit in ira sua misericordias suas.
Istud canticum sepe cantabant Leuitę ad laudē Dei. f.
Confitemini dño, & ob hoc in libro psalmorū multi
psalmi sunt, qui incipiunt: confitemini dño, quia oēs il-
li sunt de laudibus, & confessionib⁹ Dei: & pertinebat
nunc specialiter istud canticum ad introductionem ar-
cę in templum. Nam propter letitiam introductionis
cantabant, confitemini dño qñ bonus. Sic ē qñ arca
introducā fuit ī domū Dauid de domo Obededom
cantauerunt Leuitę, confitemini dño. vt patet pced.
lib. 16. c. & ibi ponitur totus psalmus, etiam alii psalmi
laudum diuinarum. Impleretur domus Dei nube. Scilicet,
cepit impleri nube cū cantarent sacerdotes totum
templum, & atrium sacerdotum, oīaque atria exte-
rio-
ra. Nec possent sacerdotes stare, & ministrare propter caligi-
nem. Tanta erat nubes ista, quę operuerat totum tem-
plū interius, & atria eius, vt sacerdotes, & Leuitæ non
possent stare in atrio ad ministrādum. Vocatur nubes
ista caligo non quidem quod obscura esset, sed quia
erat nubes dēi, & densum caliginosum est cū in pro-
fundo nihil de re videatur, sed solū in superficie. Com-
pleuerat enim gloria dñi domum dñi. Redditur causā pręce-
dentis dicti. i. q non poterāt sacerdotes ministrare, nec
stare in domo Domini: qā gloria domini. i. nubes glo-
riosa repleuerat domum domini. i. templum. Voca-
tur gloria domini nubes illa gloriosa: quia manifesta-
batur in ea maiestas quādam Dei.

Gloria do-
mini, quę
vocat. r.

Qualiter fuerunt sanctificati sacerdotes.

Quest. XXXIX.

QUÆRITVR circa dicta, cū dicatur hic, q oēs
sacerdotes, qui inueniri potuerunt sanctificati
sunt: quę fuit ista sanctificatio, & qualiter fiebat. Di-
cendum q sanctificatio erat quādam purificatio facta
in ceremonias legis ab immunditiis, quę erant fm le-
gem. Pro quo sciendū, q Deus voluit ponere sanctua-
rium suū in magna auctoritate, vt sic Israelitę illud val-
de honorarent, & magnipenderēt oīa quę ad sanctua-

Frium pertinerent. Ad hoc aut iussit, q non liceret ac-
cedere ad sanctuarium aliquibus nisi mundis: vt sic il-
lud valde mundum arbitraretur. Munditia autem est
duplex, sicut est duplex pollutio, vel sordes: quādā est
naturalis sordes, vel cōtaminatio, sicut leprosum esse,
& fluentem semine, & tangere stercora vel alia, in qui-
bus homo polluitur. Alia est immunditia legalis, quę
fm rem non est immunditia, sed solū fm opinio-
nem legis, sicut si quis tetigerit mortuum, dato quod
lauet se, quod maneat immundus per septem dies, &
si quis comederit de carnibus quorūdam animalium
vetitorum, quod sit immundus, & si quis pollutus fue-
rit somnio nocturno, licet lauerit totam carnē suam,
illico, q maneat immundus vsque ad sequentem solis
occasum. Nulli ē polluto aliqua istarū ptaminationū
sue naturaliū, siue legalium licebat accedere ad san-
ctuarium: quia aliās moreretur. Leu. 15. Sciendum tñ,
quod aliter fiebat purificatio in munditia naturali, &
aliter ī legali. Nā in legali immunditia erat positus cer-
tus terminus dierum, in quo purificaretur: & vltra il-
lum terminum facta cēremonia imposita à lege non
censebatur immundus. In naturali aut immunditia
non erat certus terminus pręfixus: eo q immunditia
ista pendebat à natura, & quia operatio naturę non pē-
det ex lege, nō poterat ei lex imponere certum termi-
num ad hoc, q esset homo mundus: sed dicebat lex q
maneret hō tandiu priuatus cōicatione sacrorum, &
ingressu sanctuarii quandiu maneret in eo immundi-
tia naturalis, & cessante illa adhuc lex iudicabat eum
immundum per aliquot dies quousque fierēt aliqę
cēremonię purificationis super ipsum, & tunc licē-
bat ipsi, qui fuerat pollutus, accedere ad sanctuariū, &
patet de immunditiis naturalibus communibus. f. de
viro leproso, de viro fluente semine ex ægritudine, de
muliere patiente fluxum sanguinis extra tempora mē-
struorum. Nam lepra est morbus, & naturalis inquina-
tio, vel immunditia: ideo erat lex quod quandiu quis
leprosus esset, nec accederet ad sanctuariū, nec introi-
ret in castra ad cōicādum cum aliis sanis: sed manebat
in locis extra vrbes, & ibi adhuc signa quādam habe-
bat, quibus cognosceretur qñ leprosus esset. f. quod ha-
beret vestimenta rupta, siue dissuta ex parte anteriori:
& quod haberet os contactum panno, vel manu eo q
caput nudum haberet. Leu. 13. Si autem contingeret
leprosum aliquem diuinitus, vel naturaliter curari: aut
ope medicorū non audebat ingredi in castra, sed mit-
tebat aliquem virum sanum ad sacerdotē, vt veniret,
& contemplaretur eum an sanus esset, & si eum repe-
ririt immundum mandabat ei manere extra castra.
Si autem mundatum, nō introducebat eum in castra:
sed faciebat super eum cēremonias quādam per octo
dies, & die octauo introducebat eum in sanctuarium:
& sic immunditia, quā iste à principio patiebatur, erat
immunditia naturalis. Illa verò, quam postea septem
diebus patiebatur, erat solū secundum opinionem
legis. De cēremoniis leprosum, & modo purifican-
di eos, patet Leu. 13. & 14. & Nu. 5. Sic etiam erat natu-
ralis immunditia. Siquis vir semine fluere, & ita
erat magna immunditia, ita vt patientes excluderentur
de castris, sicut leprosi, ne contaminarent alios. Na-
me quinto, & quandiu quis hoc pateretur erat natu-
raliter immundus, nec recipiebatur in castris, & si du-
raret hoc tota vita, erat tota vita exclusus à comuni-
catione hominum, & à sacris: imò & in morte exclu-
debatur à cōmunionē aliorum, quia nō sepe fiebat
cum eis: sicut patet de rege Azara, q fuit valde bonus
rex atq; gloriosus: quia tamen lepra percussus est, tunc
ab hominibus separatus, & gubernauit regnum filius
eius Ioatham, ipse verò mansit in domo libera teorsū
4. Reg. 15. & infra 26. & cū mortuus est non fuit se-
pultus

palus in sepulchris regalibus: sed in horto sepulchro
tum regali, & q̄ leprosus extitisset patet infra 16. Si
mule de fluente semine intelligendum est: licet de
hoc non reperiatur tam expressum. Si autem con-
tingerit mundari fluentem semine, adhuc manebat
immundus per septem dies: & factis quibusdam cæ-
remoniis die octauo introibat in sanctuarium, & fa-
ciebat oblationem Leui 15. sic etiam erat de muliere,
quæ patiebatur fluxum sanguinis extra tempora men-
struorum: nam quamdiu pateretur illum immun-
da erat: nec licebat ei accedere ad sanctuariū. Etiam
si hoc duraret magno tempore, vel tota vita, sicut
patet de muliere, quæ passa est menstrua annis duo-
decim, scilicet fluxum sanguinis non naturalem, &
postea à Christo curata est. Luc. 8. capi. Cum autem
contingerit talem mundari, nō illico licebat ei accede-
re ad sanctuarium, sed manebat septem diebus & fie-
bant quedam cæremonia, & die octauo introibat in
replū offerebatque duos turtures aut duos pullos co-
lubarum. Leui. 15. De immundiciis autem lega-
libus, dicendum quod erant multe, & erant vt cōiter
omnes p̄ tactum, & sic vocabantur cōtaminationes.
Quædam autem istarum erant per gustum, vt si quis gusta-
ret de cibis vetitis immund⁹ erat: & ad hoc lex distin-
xerat, quæ animalia, & aues & pisces non licebat edi.
Leui. xi. & Deute. 14. & cum q̄s comedisset de aliquo
istorum erat immundus, & debebat lauare semetipsū
& vestimenta sua, & immundus erat vsque ad velle-
tia. Erat etiam immunditia, si quis tangeret repti-
lia, vt colubros, vel animalia morticina: nam si come-
deret de morticino cuiuscunque animalis erat immun-
ditia, vel si tangeret morticina illorum animalium,
quæ non licebat comedere: quia in istis lauanda erat
caro, & vestis. Leui. xi. & 17. Etiam erat immunditia
cum q̄s polluebatur somnio nocturno sine tactu fa-
mine nam exire debebat castra, manebatque vsque
ad solis occasum sequentem, & lauabat carnem suā:
si que reuertebatur in castra. Deut. 23. cap. si quis verò
in nandas cognosceret feminam suam, vel alienam
sic vsque ad solis occasum. Et idem erat de femina
si, qui in cognosceret: & hoc si ambo nudi essent,
cui nō cognoscerent: si autem vestiti, lauabat vter-
que carnem, & vestes. Leui 15. Erat etiam immundi-
tia si mulier pateretur menstrua: nam septem diebus
polluta erat, & de septimo mundabatur, & tamen tē-
pore medio immandum erat quidquid tangeret. Si
autem pateretur fluxum sanguinis extra tempora mē-
struorum, erat in ritualis immanditia, & pallio inde-
immandata. Si autem cessaret, computabantur postea
septem dies, quibus manebat immandata legaliter, & la-
uatur atque offerebat p̄ se duos turtures. Leui. 15. si
q̄ tangeret eam in muliere menstruata, septem diebus
immandus, & die septimo lauabatur aqua, sin so-
lus tangeret eam in muliere non menstruata, si nudus
fuerit vestimenta sua. Leui. 15. Erat etiam immunditia,
si quis tangeret cadauer viri mortui, vel sepulchrum aut
ossu in agro, vel intraret in domum, in qua erat mor-
tuus, aut intraret ad plangendū eum, & durabat ista im-
munditia septem diebus, & lustrabatur immundus bis,
scilicet tertio & septimo. Et ad hoc erat facta q̄dā aqua,
que vocabatur aqua lustrationis de cineribus vitulæ
russæ. De hac purgatione & multis cæremoniis eius,
Num. 9. cap. Multi erant modi immunditiarum, & puri-
ficatio. Sacerdotes autem Leuitæ cum deberet nūc
laborem generibus immunditiarum, quas p̄ ra-
tionem secundum q̄ variè requirebatur purificationes,
sic se amittauerant.

Alph. Tost. super Paralip. Pars 2.

An ordo, & vices ministeriorum essent distincti.
Quest. XXX.

QVAERIT VV R viter⁹ circa hoc, q̄ dī, q̄ mi-
nisteriorum ordo, & vices nondum distincti
fuerant, quid hoc sit. Dicendum quod inter Israelitas
erant Leuitæ, & sacerdotes, q̄ ministrare debebant in
officiis determinatis à lege Moyſi: erat tñ confusio in
ministracione, q̄ poterat ministrare interdū multi, et
interdū pauci, & grauarent quidā, & alii releuaretur.
Iō tempore Dauid diuisi fuerūt sacerdotes per vices.
Erant enim inter sacerdotes duæ domus siue proge-
nies, vna Eleazar, & alia Ithamar: p̄genies Eleazar erat
maior, & ista diuisa fuit in decem & sex partes, dom⁹
Ithamar, quæ minor erat, diuisa est in octo partes: &
sic erant vigintiquatuor partes, vel congregationes sa-
cerdotum equales inter se, posite fuerant sortes inter
partes istas, si q̄ illarū prius ministrare dēret: & q̄ secun-
do loco, & q̄ tertio loco, & sic vsq; ad vigesimā quar-
tā partē. Et sic mansit iste ordo inter eas: & ministra-
bat quælibet istarum sortium, vel partium vna hebdo-
mada, & sequenti hebdomada ministrabat secunda
fors, & sic per ordinem: & cum ministrasset uigesi-
ma quarta, incipiebat rursus prima ministrare. De istis
fortibus, & nominibus earum patet præce. li. 24. cap.
Differebant autem istæ sortes sacerdotum solum in tpe,
& ordine ministrandi: tñ ministracione ipsa non dif-
ferebant, quia in eo, in quo ministrabat vna pars, mi-
nistrabat alia. Erant enim omnes ministraciones sa-
cerdotum eis cōes, nisi q̄rū ad diem prop̄iationis:
quia illa dies summus sacerdos introibat in sancta sā-
ctorum. Leui. 16. & illud non licebat facere alicui sa-
cerdoti minori, nec etiam licebat sacerdoti magno fa-
cere illud, nisi illa die. 4. cap. Causa autem huius diui-
sionis sacerdotum in ministracione fuit multiplex.
Prima multitudo ipsorum: nā erant multi sacerdotes,
& nō poterant oēs simul ministrare. Cum autem diuiderē-
tur in tot sortes, & quælibet illarū suo tēpore ministra-
ret, possent cōueniēter ministrare. Secda cā fuit ad tol-
lendā confusionē. Nam cum non erant sortes dis-
tinctæ confundebatur ministratio: quidam veniebāt
ad ministrandū, & alii non: & cum ministrabant nō
erat ordo. Cum autem distinctæ essent sortes, manife-
stum esset, qui deberent ministrare qualibet hebdo-
mada, & non esset confusio, nec grauarentur quidā,
& releuarentur alij in veniendo. Tertia causa fuit, &
potissima ad releuandum laborem sacerdotum. Nam
si non fierent istæ diuisiones, necesse erat, quod mini-
strarent semper oēs sacerdotes simul: & istud erat dif-
ficile, quia cogerentur semp manere in loco sanctua-
ri, & nunquam possent redire in loca sua, vbi hēbant
possessiones suas: & sic frustra erat eis hīc ciuitates dis-
persas per terras Israel: cum in eis nunq̄ habitaturi es-
sent. Cum autem diuiderentur per sortes, vna fors mini-
strabat vno tempore, & alia oēs quiescebat in locis
suis, & cū essent vigintiquatuor sortes ministrantes,
quiescebat quælibet fors hebdomadis viginti tribus,
scilicet medio anni, & tunc manebat in terra sua, &
disponebat ea, quæ necessaria erant rei familiaris: vn-
de releuabatur sic labor omnium. Quarta causa fuit,
vt sacerdotes ministrantes haberēt vnde sustentare-
tur: nam illi sacerdotes soli, qui ministrabant actua-
liter, habebant prouentus quotidianos sanctuarij. Si autem
omnes sacerdotes simul ministrarent, nō sufficerent
eis prouentus illi. Cum autem ministrarent diuisi per vi-
gintiquatuor partes, sufficerent cuilibet parti prouen-
tus illi. Alia autem partes sacerdotū manentes in locis suis
originis vā aliter procurabāt p̄ se, & p̄ familiā:
& sic prouidebat oib⁹: quia alias cōueniēter nō fieret.

K 2 Debu-

Debuerunt ergo sacerdotes diuidi in istas vigintiquatuor sortes. Quare aut diuisi fuerunt potius in vigintiquatuor sortes quā in pauciores vel plures, & cur potius ministrabat quelibet fors vna hebdomada quā maiori tempore, vel minori, & alia multa dubia: circa hoc declarata sunt præce. lib. 24. cap.

Quomodo facta est diuisio Leuitarum.
Quest. XXXI.

QVÆRITVR vltcrius circa Leuitas, cū dica-
tur hic, q̄ ministeriorum ordo, & vices nondū
erant diuisi, sed tam sacerdotes quā Leuitæ ministra-
bant, quō facta est diuisio Leuitarum. Respondendū,
q̄ inter sacerdotes, & Leuitas erat differentia, q̄ oēs
sacerdotes habebant eandem ministrationem. Leuitę
tñ oēs non habebant eandem ministrationem. Nam
ministratio sacerdotum erat in faciendo cærem onias
sacrificiorum, & cremando quotidie bis thymiam in
altari thymiamatum, & disponendo lucernas in can-
delabro, & ponendo panes propositionis in mensa: &
ista omnibus sacerdotibus erant communia. Ideo in-
ter eos non erat distinctio officiorum, sed solum sor-
tium, & temporum ministrandi. Inter Leuitas autē
erat duplex distinctio. s. vna officiorum alia sortium:
officiorum quidem, quia non ministrabant oēs Leui-
tæ in eadē re, sed quidā erāt thesaurarii, alii ianitores,
alii iudices, & præpositi: alii cantores: deinde in quoli-
bet officio istorum erant sortes multę posite ad mini-
strandum s̄m diuersa tempora. Vnde cū inter Leuitas
essent multę progenies fuerunt primò distincta offi-
cia per progenies. s. quibusdā progenieb⁹ datū est vnū
officium, & aliis alterū, & sic de oībus: & in illa proge-
nie, cui semel datum est vnū officium mansit semper:
deinde diuidebatur illa progenies in multas partes, &
diuersis temporibus ministrarent. Fuit aut primum, et
potissimum officiū Leuitarum Ipsorum cantorū, &
facti sunt cantores de oībus tribus familiis Leuitarū. s.
de Chaathitis Gersonitis Meraritis. Nam Heman, Asa-
ph, Idithum, qui erant principes istorum cantorū, erāt
de istis tribus familiis: vt patet præce. lib. 6. cap. Fuerūt
aut diuisi Leuitæ cantores in partes vigintiquatuor, &
fuerunt totidem sortes, vt ministrarent canēdo per vi-
gintiquatuor vices. s. singula fors hebdomada sua. Nu-
merus autem & ordo istarum sortium habetur præce-
denti lib. 25. cap. Ianitores autē templi, qui Leuitæ erāt,
et fuerunt diuisi per sortes, s. q̄ quidam custodirent in
porta oriēali, & quidā in occidentali, alii in aquilonari,
alii in meridiana, alii aut in exedris, præc. li. 26. vbi noīan-
tur progenies illę, quibus portę singulæ sorte euenie-
bāt: sed an postea singuli custodes portarū inter se sor-
tes ponerent. s. q̄ qui custodiebant portam orientālē
ponerent inter se sortes: vt quidam eorū custodirent
vno tēpore, & alii alio, sicut erat de cantoribus, non de-
terminat manifestē scriptura: & tñ dicendū q̄ et sortes
posite erant inter illos, vt declaratum est præce. li. 26.
ca. in quadam quæstione. De Leuitis thesaurariis, & p̄
positis atque iudicibus an posuerint inter se sortes, vel
quō posuerint nō legitur: sed idem credendum est, q̄
de aliis factum est. Cā aut quare Leuitæ distincti fue-
runt per officia, & ministrationes, & nō sacerdotes est,
quia licet sacerdotes multa quotidie facerent: oēs tñ
ministrationes eorum compatibles erant. Ministra-
tiones aut Leuitarum multę erant, & incompatibiles.
Ideo per multos diuisi sunt. Primum patet, nam sacer-
dotes multa faciebant quotidie. s. matutinum, & vesp̄-
tinum. Etiam cremabant thymiam mane, & vesp̄-
re. Exod. 30. Etiam quotidie disponebant lucernas in
candelabro. Exo. 37. & 30. Panes quoque propo-
sitionis conficiebant, & per singula sabbatha ponebant su-

F per mensam ppositionis. 24. Ista aut poterant fieri per
eundem: nam sacrificia fiebant diuersis temporibus
diei, & dum implicabatur sacerdos in vno non impli-
cabatur in altero. Ponere aut thymiam in altari thy-
miamatum non erat tempore sacrificii: & simul cre-
mabat sacerdos thymiam: & disponebat lucernas in
candelabro. Exo. 30. Ideo non se impediabant istę mi-
nistrationes, vnde poterant competere eidē. Secus aut
de Leuitarum ministrationibus: nam erant multę, &
compatibiles, cū oēs fierent eodem tempore. Illi nā-
que, qui cantores erant, assisteabant semper sacerdoti-
bus canendo quandiu illi ministrarent in sacrificiis. Iani-
tores verò omni tempore nocte, dieq; custodiebāt
portas. Thesaurarii aut assidue erāt in exedris suis cu-
stodientes thesauros sibi commissos, vt quodocunq;
aliquid ab eis peteretur pro ministratione sacerdotū,
vel Leuitarum illud illico exhiberent. Præpositi autē,
& iudices habebant officium magis incompatibilem
cum officiis aliorum Leuitarum, eo q̄ isti ministrabāt
extra templum discurrentes per totam terram israel,
vt patet præced. lib. 26. cap. Non poterant ergo ista of-
ficia omnia concurrere in eundem, & sic necesse fuit
distingui per multos Leuitas, cū quodlibet istorum
officiorū requireret totum hominē, quia quotidiana,
& cōtinua erat eius ministratio. Causa autē quare po-
stea distributis officiis Leuitarum per multos Leuitas
fuit facta alia distributio eiusdem officii per vices Le-
uitarum, sicut in cantoribus, q̄ distribuerent per sor-
tes vigintiquatuor, fuit eadem, quā in sacerdotibus q̄
diuiderentur per vigintiquatuor sortes: licet oēs ean-
dem ministrationem haberent: vt declaratum est præ-
ced. quæstione. Cur tñ cantores Leuitæ fuerint potius
distincti per vigintiquatuor partes quā per plures, vel
pauciores causa fuit vt correspondere Leuitæ sacer-
dotibus, s. vna fors sacerdotum ministrabat qualibet
hebdomada, vt ergo vna fors cantorū corresponde-
ret vni sorti sacerdotum, & esset hoc iam cognitum. s.
prima fors sacerdotum primæ sorti Leuitarum, sed ali-
quando prima fors sacerdotum ministraret cum pri-
ma sorte Leuitarum, & interdum ministraret cum ter-
tia. Cū autem essent numero æquales corresponde-
rent semper eadem sortes sibi inuicem.

Qui fuerunt illi tres viri nominati.
Quest. XXXII.

QVÆRITVR vltcrius, cū dicatur hic de
cantoribus, qui erant sub Heman. Asaph, & Idi-
thum, q̄ oēs isti cantabant: qui erant isti tres viri, qui
nominantur hic. Dicendum q̄ cantores habebāt offi-
cium maius inter oēs Leuitas, & q̄ maiori sapiētia ege-
bāt: ideo cū a principio cantores assumpti sunt, ele-
cti fuerunt sapientiores de omnibus familiis Leuita-
rum. Erant enim tres primæ, & maxime familia Le-
uitarum, quę sub se includebant multas alias subdi-
uisiones. s. Chaathitarum, Gersonitarum, Meraritarum
nominatę a tribus filiis Leui. Num. 3. & 4. et præced.
li. 23. c. Et de qualibet fuerunt assumpti cantores aliqui
cum vno principe. Et erat princeps cantorū de fa-
milia Chaathitarum Heman: princeps cātorum Ger-
sonitarum Asaph: princeps cantorū Meraritarum
Ethan: præcedenti lib. 6. capitu. Et Ethan communiter
creditur vocatus alio nomine Idithum. Isti tres po-
nuntur tanquam principes omnium cantorū, &
omnes de cognatione ipsorum fuerunt cantores, et
cognationes eorum diuisę fuerunt in partes vigin-
tiquatuor per 24. sortes. Fuerunt autē quatuordecim
istarū sortium de filiis Hemā, et quatuor de filiis Asaph.
Sex verò de filiis Idithū: præced. li. 25. c. Et ibi ponuntur
nomi-

nomina sortium, et ordo earum. Isti aut tres viri fuerunt sapientes nimis in cantico, scilicet faciendo cantica diuersa, et introducendo diuersas melodias. Vnde vnus istorum comparatur Salomoni in sapientia. 3. Reg. 4. & vocantur oēs doctores cantici præcedēti lib. 25. cap. Reperiuntur autem multi Psalmi ab eis facti. Nam quidā vocant Psalmi Asaph. Alij Heman, alij Idithum: vt patet inuestigando titulos eorum in Psalterio, & declaratum est hoc præced. lib. 16. cap. in quadam quæstione, in qua positi fuerunt Psalmi, qui facti sunt à singulis istorum. Omnes autem cantores, qui erant sub istis, fuerunt nunc præsentēs in portatione arcæ, vel plurimi eorum, & omnes simul cantauerunt non obseruato aliquo ordine.

An diuisa fuerint ministeria, & vices quando fuit portata arca. Quæst. XXXIII.

QUÆRITVR vltius circa istud, qđ dñ hic. f. qđ non erat diuisus ordo ministeriorum, & vices, qñ portata fuit arca in templum, nam vñ qđ prius diuisa fuerint oīa hæc patet hoc, quia Dauid fecit hoc. Ipse in senectute sua cœpit ordinare ministeria Leuitarum, & sacerdotum cum toto exercitu: vt patet præced. lib. 23. cap. & diuisit sortes sacerdotum: eo. lib. 24. Sortes aut Leuitarum cantorū diuisit eo. li. 25. c. Sortes aut ianitorum thesauriorum, iudicum, & prepositorū distinxit. eo. lib. 26. c. 1. Ideo ex eo tpe distincta erant oīa hæc, & postea vixit Dauid aliquāto tēpore: deinde successit Salomon, qui anno 4. regni sui cœpit construere templū dñi: & cōpleuit post septem annos. Anno vñdecimo regni sui. 3. Reg. 6. cap. Et sic quasi duodecim anni fluxerūt à tēpore, quo fuit diuisus totus ordo Leuitarum: & sacerdotum vsq; ad istam portationem arcæ. Non ergo vñ stare litera ista. f. qđ nondū diuisus fuerat ordo ministeriorum inter sacerdotes, & Leuitas. Dicendū qđ Dauid diuiserat ordinem, & sortes sacerdotum, & Leuitarū: vt supra probatū est, tñ tēpore suo non cœpit executio. Svt sacerdotes, & Leuitæ ministrarent per vices suas, sed tenebant semper modum antiquum. Cœpit aut ista ministeriorum distinctio postea tempore Salomonis, & sic qñ portata fuit arca in templum, licet diuisus esset ordo sacerdotum, & vices eorum, & Leuitarum, nondum tñ ceperant exequi ordinationem illam: & sic cantauerunt, & ministrauerūt oēs sacerdotes, & Leuitæ simul, tanq̃ si nulla facta fuisset diuisio. Salomon autem post hoc fecit, qđ sacerdotes, & Leuitæ ministrarent per sortes suas, & vices loca ea arca in templo: vt patet inf. 8. f. & constituit iuxta dispositionem Dauid patris sui officia sacerdotum ī ministeriis suis, & Leuitas in ordine suo, vt laudarent, & ministrarent coram sacerdotibus iuxta ritum vniuscuiusque diei, & ianitores in diuisionibus suis per portā & portam, sicut præceperat Dauid homo Dei. Causa autem quare tempore Dauid non fuit tradita executio ordinationis ista, nec tempore Salomonis vsque ad portationem arcæ fuit: quia ista ordinatio erat facta solo loco vno loco. Sqñ tota ministratio sanctuarij in vno loco fieri deberet: quod patet, quia vna hebdomada ministrabat solum vna fors cantorum, & vna fors sacerdotum, & frequenti hebdomada alia. Ideo necesserat, qđ in vnico loco ministraretur: alias ministrarent duæ sortes sacerdotum qualibet hebdomada, vna in vno loco, & alia in alio, & sic erat de Leuitis: & tñ ministratio tēpore Dauid fiebat in duobus locis. f. quia ministrantes quotidie coram arca. Et alij erant in Gabaon, vbi erat tabernaculum Domini ministrantes, præced. lib. 16. c. Ideo non poterat tempore Dauid tradita executioni ordinatio ista. Item non fuit tradita executio.

Alph. Tost. super Paralip. Pars 2.

Autioni tempore Salomonis vsque post constructionem templi: quia illo tempore etiam mansit arca in domo Dauid in Ierusalem, & tabernaculum dñi erat in Gabaon, manebantque quidam de sacerdotibus in Ierusalem, & alij in Gabaon, & sic nō poterat tunc tradi executioni. Hoc patet, nam manifestum est, qđ tempore Salomonis manebat arca in Ierusalem in domo Dauid: nam nunc qñ portata fuit in templum, portata est de domo Dauid: vt patet supra in litera: & ibi posuit eam Dauid, quando portauit illam de domo Obededom, 2. Reg. 6. & præced. lib. 15. & 16. cap. De tabernaculo qđ esset tunc in Gabaon, patet, quia Salomon post quā erat rex ascendit semel in Gabaon, quia erat ibi tabernaculū dñi, & altare, & obtulit sacrificia multa, supra 1. & 3. Reg. 3. Item patet hoc, quia ista ordinatio sacerdotum, & Leuitarum, qñ facta est non fuit facta ea intentione, vel illico executioni traderetur, sed vt traderetur executioni postquam templum per Salomonem esset consummatum: patet enim, quia Dauid constituit de Leuitis ianitores, distinxitq; eos per quatuor portas atrij: etiam constituit quosdam ianitores pro domo cōsiliij, & alios pro exedris, & pro singulis locis, vt patet præced. lib. 16. cap. Manifestum est tñ, qđ ista loca non erant quousq; templum Salomonis constructum esset: ideo vñ qđ facta est ista ordinatio ad hoc, qđ seruaretur cōsummato templo, qñ ministraret in eo, & non prius. Nunc autem in portatione arcæ, licet in templo ministraret, & potuisset fm̃ vices sacerdotū, & Leuitarum ministrari: tamen non factū est, quia nondum Salomon concordauerat inter Leuitas, & sacerdotes, qđ deberent incipere ad ministrandum, sed postquam arca portata est incepit seruari ordinatio illa iubente Salomone, vt patet infra 8.

An confusa fuit ministratio sacerdotum, & Leuitarum.

Quæstio. XXXIIII.

QUÆRITVR vltius, cum dñ hic, qđ sacerdotes, & Leuitæ ministrauerunt simul, eo qđ nō distinctus fuerat adhuc ordo ministeriorum, & vices sacerdotum, & Leuitarum: in quo innuitur, qđ confusa fuit ministratio, scilicet quibusdam ministrantibus in eo, in quo alij ministrabant, qualiter cōfusa fuit ista ministratio: & an Leuitæ ministrauerunt in officio sacerdotum, & è conuerso. Dicendum est, qđ in ministratio ne facta fuit nunc quēdam confusio: non tamen omnimoda, & fuit confusio quantum ad duo. f. quantum ad vices ministrantium, & quantum ad differentia vel ordinē ministeriorum. Pro quo sciendum sicut supra declaratum est, qđ sacerdotum multitudo diuisa fuit in vigintiquatuor partes, siue sortes, vt ille ministrarent per vigintiquatuor hebdomadas successiue, & iste vocabantur vigintiquatuor vices. Etiam inter Leuitas erant vices, quia cantores Leuitæ, qui omnes habebāt idem officium, diuisi fuerunt per vigintiquatuor partes siue sortes, vt cantarent per vigintiquatuor hebdomadas successiue. Nunc autem confusæ fuerunt oēs istæ vices: quia cum deberet ministratio ista vni parti sacerdotum oēs ministrauerūt: et cum dērent cantare soli Leuitæ, qui essent de vna parte istarum, cantauerunt omnes simul: fuit alia confusio, f. ministeriorum, quia illi, qui habebant diuersa ministeria, ministrabāt nunc in eodem ministerio, scilicet inter Leuitas erant diuersa ministeria, cum quidam essent cantores, alij ianitores, alij thesaurarij, alij iudices, et ppositi. lib. 23. et 25. et 26. Omnes ministrauerunt nunc in cantando, quod erat officium cantorum solum. Et patet hoc, quia dicit in litera, qđ Leuitæ, et cantores, qui erant sub Hemā, Asaph, et Idithum cantabāt nūc voce, et organo. Alia erant ministeria, qđ nō confusa fuerunt, scilicet sacerdotes ministrabant nunc in officijs suis faciendo sacrificia,

h. 3. sacrificia,

crificia, & in illis nō ministraverunt Leuitæ sacrificando, imo in canendo tubis, quod erat minimum de ministeriis sacerdotalibus, non fuit facta cōfusio, quia soli sacerdotes cecinerunt tubis, scilicet centum & viginti Sacerdotes, vt patet in litera. Ministeria ergo Leuitica in se confusa fuerunt. Ministeria autem sacerdotalia non: & causa huius est, quia inter ministerium Leuiticum, & sacerdotale erat magnus gradus, & nō licebat vilo modo Leuitis accedere ad ministerium sacerdotale, quia De^{us} vetuerat hoc Nu. 3. & 18. scilicet: Quod si quis de Leuitis, vel quibuscunque non sacerdos veller vsurpare ministerium sacerdotale, moreretur. Et hoc executioni tradebatur: nam Chore, & socij sui erant Leuitæ, & cū voluissent vsurpare sacerdotium Aaron, igne consumpti sunt, & quidam à terra absorpti sunt. Nu. 16. Vnde ē in necessitate non audebant Leuitæ immiscere se ministeriis sacerdotum. Sic patet quando rex Ezechias fecit festiuitatem magnam purificans templum, quod pater su^s Achaz polluerat replens idolatria, & clauerat portas eius. Nam tunc pp^{ter} ip^sa præterita idolatriæ erant pauci sacerdotes Dei, & cū festiuitas esset magna, & sacrificia multa fierent præ deuotione populi, qui conuertebatur ad Deū, non sufficiebant sacerdotes ad faciendum cærimonias sacrificiorum, & tamen nō ausi sūt Leuitæ facere sacrificia vel adiuuare sacerdotes in aliquibus sacrificijs, nisi q^{uia} pelles animalū aliquorum detrahebant, infra 29. scilicet. Sacerdotes autem pauci erant, nec poterant sufficere, vt pelles holocaustorū detraherent. Vnde & Leuitæ fratres eorum adiuuerunt eos donec impleretur opus, & sanctificaretur antistes. Nunc autem non erat necessitas, quia multi sacerdotes aderant: ideo Leuitæ non se intromitterent de officiis sacerdotum, & sic in istis non est facta confusio: sed fuit solū confusio in officiis Leuitarum, quia quidam Leuitæ ministrarent in officiis aliorum, & istud fuit tolerabile. Primò quia vnum officium Leuiticum nō excedit aliud in dignitate notabiliter, ita q^{uia} videatur esse vnum magis sacrum q^{uam} alterum, sicut officium sacerdotale excedit Leuiticum: ideo potest vnus Leuita de alterius Leuitæ officio se intromittere sine culpa. Secundum erat, quia ista distinctio officiorum, quæ nunc habebant Leuitæ, nō erat introducta à Deo, sed per Dauid. Nam Deus aliter distinxerat officium Leuitarum in tres partes, sicut erant tres familiæ dando cuilibet familiæ conuenientia onera, Num. 3. & 4. Distingui autem per cantores, ianitores, thesaurarios, iudices, & prapósitos, fuit alia distinctio inuenta a Dauid: ideo non erat tam illicitum mutare illā, sicut mutare ordinationem & distinctionem officiorum Leuiticorum à Deo traditā. Tertia rō fuit: quia licet data fuisset ista distinctio officiorum Leuiticorū, nōdum fuerat tradita executioni, sed tenebatur alia distinctio officiorum prius data, & debebat ista tradi executioni fabricato templo: vt iuxta declaratum est: ideo quousque illud fabricaretur, nō erat iniustum manere primam ordinationem ministerionis Leuiticæ.

Quæ stolæ erant Leuiticæ, & an essent vestimenta Leuitis ad ministrandum. Quest. XXXV.

QVAERITVR Vterius cū dicatur hic, q^{uia} Hemanaph, & Idithum, & filij ac fratres eorum erāt vestiti stolis byssinis, quæ stolæ erant istæ Leuiticæ, & an haberent Leuitæ secundum legē aliqua vestimenta, in quibus ministrarent. Respondendū q^{uia} Deus dederat vestes sacerdotib^{us} tam sacerdoti magno, q^{uam} minoribus, s. sacerdoti magno vestes decem, sacerdotibus autē minorib^{us}, vestes quatuor. Exo. 18.

F De Leuitis aut nulla fit mentio, q^{uia} haberent vestes aliquas à deo sibi datas in toto veteri testamento, potissimè in lege Moyfi. Postea autem reperitur q^{uia} Leuitæ induerentur aliquibus vestibus ad ministrandum. Nam de Samuele propheta, qui erat Leuita hētur primo Reg. 3. q^{uia} ministrabat accinctus ephod coram Heili sacerdote. Etiam nunc quando Salomon fabricauit templum, & fecit vestes sacerdotales, fecit etiā vestes Leuiticas, scilicet stolas albas octoginta millia, vt ait Iosephus. 8. Antiqui. & de istis erant stolæ, quibus nūc induti erant Leuitæ isti cantantes. Sed adhuc est dubium de istis stolis: an essent vestes propriæ Leuitarum & sacræ: vel etiam essent vestes laicorum. Aliquis dicit, quod erant vestes communes Leuitis, & laicis. **G** Nam Dauid etiam vtebatur ista tunica byssina sicut Leuitæ: quia quando portata fuit arca de domo Obedom in domum Dauid, canebat Dauid coram arca atque saltabat totus viribus, indutus Ephod lineo, 2. Regū 6. siue tunica byssina, quod idem est præcedenti lib. 15. Et tamen Dauid erat laicus, & non auderet vsurpare sibi vestem illam si sacra esset: erat ergo vestis cōis laicis, & Leuitis: Dici potest vno modo q^{uia} erat ista vestis communis Leuitis, & laicis: quia tamen honestius erat Leuitas indutos vestibus lineis albis ministrare, quā vestitos aliis vestibus quibus cōiter vtebantur, vsi fuerāt istis vestibus, Dauid autē vsus fuit ista veste cū esset communis: & tamen non legitur vsus illa nisi quando cultui diuino se applicuit, s. canendo, & saltando coram arca. Aliter potest dici quod licet Leuitæ vterentur stolis byssinis, & etiam laici, tamen non erant similes in figura: & in hoc apparebat dīa vestis sacræ & non sacræ: & istud forte est ratio: nam aliquam differentiam facerent ministri sanctuarii inter vestes suas, & vestes laicorum ad ministrandū coram Domino. Si autem quæreretur, quare Deus nō dedit in lege Moyfi vestes aliquas Leuitis ad ministrandū, & tamen habuerūt illas postea tempore Salomonis. Dicendum q^{uia} rō est, quia tempore Moyfi Leuitæ non habebant aliquam ministrationem nisi in portando onera per viam & excubando in circuitu tabernaculi quamdiu manebat tabernaculum in eodē loco, vt patet Nu. 3. & 4. Et tamen ad istas ministrationes non erat necessaria vestis aliqua distincta, quia ministerium portationis onerum per viam non erat ministerium alicuius auctoritatis, sed potius infimum cū esset laboriosum, sicut ministerium pecorum: etiā non fiebat illud ministerium in loco Sancto, quia portabantur ista onera per viam, & sic nō erat cōueniens vestis sacræ & delicata ad tales ministrationes, cū essent difficiles, & laboriosæ. Tēpore autē Salomonis fuit queniēs Leuitas hēre vestes sacræ, in quibus ministraret: eo q^{uia} ministratio illorū difficilis, & laboriosa mutata erat, quia iā non erat futurū in officio eorū, q^{uia} portaret arca Domini, & alia vasa de loco ad locū: sed q^{uia} ministrarent in templo, præcedenti lib. 23. cap. Mi- nistraturi autē erāt cantando in tēplo, & in alijs officiis & ibi rationabile erat, quod induerentur vestibus sacris. Primò propter ministrationem, quæ erat sacræ, & excellens non laboriosa, nec difficilis, sed honesta, & facilis. s. laudes diuinas decantare. Secundò quia erat ministratio ista in loco sacro: nam cantores in atrio sacerdotū erant simul cum sacerdotibus canebant oēs Leuitæ sacrificia. Et ob hoc non induebant oēs Leuitæ talibus vestibus, sed soli cantores. Quod patet primo ex litera ista, quia cū ponat Leuitas habuisse stolas byssinas: solū ponit de Leuitis cantoribus, de alijs nihil dicens. Tertiò quia Ioseph. 8. Antiqui. vbi posuit numerum vestium sacerdotalium, & Leuiticarū, quas fecit Salomō q^{uia} cōstruxit tēplū, dicit, q^{uia} fecit Salomō octoginta millia stolas byssinas ad cantandū hymnos. Iste

Iste autem sunt solū cantorum, quia isti soli dicebant hymnos: & sic alij Leuitæ non induebantur aliquibus vestibus sacris. Et ratio est, quia ministeria aliorū Leuitarū non erant tam sacra sicut cantorum, quia qui dā erant ianitores, alij thesaurarii existentes in exedris custodiendo vasa, & alias res sacras sanctuarij. Alij autem erant iudices, & propositi, qui negocia faciebant extra templum per varia loca terræ Israel præceden. lib. 26. cap. Isti non induebantur vestibus sacris ad ministraciones istas explendas, quia non accedebāt tantum ad res sacras, sicut cantores, imò videbantur ministraciones suæ quasi prophane, & sic scriptura nō ponit alios indutos stolis bysiniis nisi cantores.

De loco Leuitarum in templo.

Quest. XXXVI.

QVAERITVR vltius, quis erat locus, in quo Leuitæ canebant in templo. Pro quo præsupponendum, quod erant extra templum quatuor atria, in quibus erant omnes viri, & mulieres conuenientes ad orandum siue ad ministeria sacra, siue essent sacerdotes & Leuitæ, siue nō: cū in templo non intraret quisquam nisi ille sacerdos, qui cremabat thymiamam in altari thymiamatum, & qui lucernas disponebat in candelabro. Vnum erat atrium sacerdotum, aliud virorum laicorum mundorum, vbi orabāt, aliud mulierum mundarum, aliud virorum immundorū & mulierum immundarum, & gentilium: de quo declaratum est. 3. Reg. 6. Non ponitur autem locus vbi staret Leuitæ: ideo est dubium an erant cum sacerdotibus in atrio eorum, vel vbi erant. De Leuitis autem non dubitatur generaliter: sed de solis cantoribus: nam ianitores erant apud ianuas atriorum, & exedarum obseruantes iuxta exigentiam officij sui. Thesaurarij autem erant in exedris custodiendo thesauros. Iudices autem, & propositi erant per diuersa loca terræ Israel exercendo officium suū, præced. lib. 26. ca. Ideo manifesta erāt loca istorum, & tñ non apparet locus, vbi essent cantores. Dicendū videtur, quod essent in atrio sacerdotum capientes simul cum sacerdotibus ministrantibus. Et hoc patet primò, quia non poterant isti Leuitæ esse inter sacerdotes, vel cum laicis cū non ponatur atriū Leuitarum, sed solū laicorum, & sacerdotū: & tñ Leuitæ cantores magis concordabant cū sacerdotibus quā cū laicis, cū ēt Leuitæ essent ministrantes dño: iō credendum est, quod essent in atrio sacerdotum. Secundò patet, & efficacius, quia dñ hic, quod Leuitæ erant canentes in atrio sacerdotum, quia aliās superflue hoc diceretur: nā vbiq; essent Leuitæ canēdo manifestum est, quod essent ad partem Orientalem altaris: quia non poterāt talia respectu altaris holocaustorum, de quo hic dicit: iunctum templum erat in atrio sacerdotum, & illud magis cōtalia, cū ipsum atrium sacerdotum esset ēt orientale respectu templi. Ad portam eius, & in atrio sacerdotum nihil erat magis ad occidentem quā altare, & sic nimis appropinquabat templo: iō in quocunq; atrio essent Leuitæ, etiam si essent in ipso atrio sacerdotum, erant ad partem Orientalem altaris. Esset ergo frustra dictū nisi poneretur ad signandum quod etiam Leuitæ erant in atrio sacerdotum, scilicet quod Leuitæ erant in atrio sacerdotum, & altare erat ibi: & tamen ad Orientalem partem altaris in ipso atrio erant Leuitæ. Si autem de aliis intelligatur, manifestum erit, quod erant ad partem Orientalem, & non erat in hoc vilo modo dubitandum: iō intelligitur de atrio sacerdotū, in quo poterat esse dubium: quia licet altare in atrio sacerdotum sit nimis

A Occidentale, adhuc post illud magis ad Occidentem poterant esse Leuitæ, licet nihil aliud esset magis occidentale: ideo recte dictum est, quod erant Leuitæ ad orientem altaris vt intelligatur altare, & Leuitæ esse in atrio sacerdotum. Erant ergo Leuitæ in ipso atrio cum sacerdotibus, & tamen non miscebantur ministracionibus eorum, quia sacerdotes ministrabant in sacrificiis, Leuitæ autem canebant quā fiebant sacrificia.

Quare sacerdotes canebant tubis, & non Leuitæ.

Quest. XXXVII.

QVAERITVR Vltius, cū Leuitæ canerent hic in omni genere musicorum instrumentorum, quare dicitur de sacerdotibus, quod centū & viginti sacerdotes canebant tubis, quia potius debuissent canere Leuitæ, vt ad eos pertineret canere in omnibus musicis instrumentis. Dicendum, quod hoc fuit, quia Leuitis non licebat canere tubis. Erant namq; quædā tubæ argenteæ sacræ, quarū ministratio ad multa proderat, & non licebat alicui clangere illis tubis nisi sacerdotibus. Iste erant tubæ, quas fecit in deserto fieri Dominus per Moysen, Num. 10. & debebant Israelitæ clangere in eis, quandocunq; essent in bello, vt Deus exaudiret eos. Etiam quandocunq; facerent festiuitates, & sacrificia, & epulas de carnibus sacrificiorū, & dies Kalendarū, clangebant tubis super sacrificiis, vt Deus acceptaret illa, eo. c. Et dñ ibi: Filij Aaron sacerdotis clangent tubis, legitimum sempiternum erit in generationibus vestris. Non ergo licebat Leuitis clangere tubis. Sic etiam seruatum est, quādo Dauid reliquit in Ierusalem sacerdotes, & Leuitas ministrantes coram arca in tabernaculo, quod illic parauerat: nā in oībus vasis musicis psallebant Asaph, & alij Leuitæ, qui erāt sub eo. Solū autem datum est sacerdotibus quod tubis clangerent, præced. lib. 16. ca. Si autem obiciatur, quod interdum Leuitæ canebant tubis in ministerio domini, sicut fuit in portatione arcæ de domo Obededō in domum Dauid, præcedenti lib. 15. Dicendū quod erant duplices tubæ, quædam erant tubæ sacræ argenteæ, quibus soli sacerdotes utebantur: aliæ erant tubæ non sacræ æneæ, vel corneæ, vel de aliis metallis: & his poterant clangere Leuitæ, & quicunque populares: & quia istæ tubæ, quibus nunc clangebant centum & viginti sacerdotes erant sacræ, non licuit aliquibus nisi eis clangere tubis. Sed obicietur, quod istæ tubæ nō erāt sacræ: quia tubæ sacræ quibus clangebant soli sacerdotes erant duæ solū: vt patet Num. 10. Istæ autem erant centū & viginti, quibus totidem sacerdotes clangebant, ideo non erant sacræ. Dicendū, quod erāt istæ tubæ sacræ, & fortè plures erant in templo Salomonis: & cū obijciatur, quod erant solū duæ tubæ sacræ pōt dupliciter responderi. Vno modo, quod Deus iusserat Moysi istas duas tubas facere ad necessitatē, & tamen Salomon fabricans templum fecit multo plura vasa quæ erant in tabernaculo Moysi. Sicut patet de candelabris: nam vnicum erat in templo Salomonis, & Salomon fecit decem. Etiam in tabernaculo Moysi erat vnica mensa, & in templo Salomonis fuerunt decem, vt patet præcedenti capit. Sic poterit esse de tubis sacris, quod licet tempore Moysi essent duæ solū, essent tempore Salomonis plures quā centum, & viginti. Aliiter potest dici, quod licet Deus iusserit fieri duas tubas, Moyses fecerit plures, quia Deus non iubebat duas fieri, ita quod prohiberet plures fieri, sed iussit duas, scilicet, quia illæ saltem erant necessariæ, & nolebat gravare Hebræos plus ad dandum multum argentum pro tubis cogendo illos, illi tamen gratis voluerunt plures facere, & fecerunt illas tempore Moysi. Quod patet in introitu in terram Chanaan, quando

Israelitis iusserunt septem diebus urbem Ierico: iussit Deus quod septem Sacerdotes acciperent septē buccinas, quarum erat usus in iubilis, & clangerent præcedentes arcam, Iosue 6. Et tamē manifestum est, quod illę erāt tubę sacrę: quia hic clangebatur ad bellum: & non poterat clangi ad bellum nisi tubis sacris, & per sacerdotes, Num. 10. Ideo illę septem erant tubę argenteę sacrę: & sic licet Deus iusserit duas fieri tubas sacras, tamen multę factę sunt tempore Moyfi, à fortiori autem nunc poterant esse plures tubę sacrę quibus clangerent isti centum & viginti sacerdotes.

An nubes venit naturaliter, & cur, & qualis.
Questio XXXVIII.

QVEARITVR Vterius de ista nube, quę dici-
tur hic operuisse domum Domini, qualis erat,
& an venit supernaturaliter, vel naturaliter, & cur ve-
nit. Ad primum dicendum quod ista nubes non fuit
naturaliter veniens. Primò quia ista nubes apparebat
solum in sanctuario Domini, ita ut sacerdotes nō pos-
sent ministrare præ nebula, & tamen si naturaliter
euenisset, non solum esset nebula in sanctuario, sed
magis per omnia loca in circuitu. Secundò patet, quia
ista nubes non ostendit aliam mutationem naturalem,
ut tempus pluuiosum, vel similia, sed tempore sere-
no existente subito repleta est domus Domini nube.
Tertiò quia istud tempus in quod descendit nubes nō
erat aptum ad creationē talis nebule, & caliginis: quia
ista competunt magnę hyemi in terra illa, quę est val-
de calida respectu istius, cum illa sit partim in tertio,
& partim in quarto climata: & ista nostra sit in quinto
climata circa sextum, & non erat tunc hyemis: sed
mensis Septembris, in quo non consueverunt esse ta-
les nebule. Quartò patet, quia illa nebula non venit
ita obscura sicut alię nebule, sed potius lucens. Vt ait
Iosephus 3. Antiquita. Et repente quidem non me-
tuenda nec qualis hyemali tempore imbre plena solet
nubes assistere: sed diffusa, & temperata effulsit, &
templum omne compleuit, & facies quidem sacer-
dorum obumbravit: ita ut se inuicem videre non pos-
sent & talem quidem nebulam supernaturaliter ve-
nientem decuit nunc esse ad id quod efficiebatur: nā
si naturaliter eueniret, nihil probaret de eo quod
opuserat.

Quare nunc venit nebula. *Quest. XXXIX.*

QVAERITVR vterius circa nebulam istam,
quomodo nunc venit, & quare. Dicendum
quod fuit conueniens istam nebulam nunc venire ad
confirmationem eorum, quę volebat Deus ostende-
re. Salomon namque fecerat nunc templum Ieru-
salem, ut ibi coleretur Deus in æternum, & propitia-
retur Israelitis colentibus ibi eum, sicut Salomon ora-
uit. Et patet c. seq. & quia Iudæi erant tardi ad credēdū,
cum essent duro corde, non crederent quod Deus ac-
ceptaret templum istud ad cultum, nisi ostenderet
aliqua signa acceptationis: nam in omnibus signa pe-
tebant, ut patet prima Corin. primò, scilicet Iudæi si-
gnapetunt, Græci autem sapientiam quærunt. Ad
ostendendum ergo, quod Deus acceptabat tem-
plū istud, & ceremonias, quę in eo fierent, debebat
ostendere aliquod signum, & istud fuit quod imple-
ret totum templum nube, & impleuit quidem illud in-
terius & exterius: & fuit hoc quādo ceperunt sacerdo-
tes ministrare, & Leuitę cantare, quia non erat con-
ueniens, quod prius veniret. Causa. n. ut veniret tūc signa-
batur, quod Deus acceptabat illas ministraciones, quę
ibi fiebant, & fuit in prima ministracione ibi facta: ut

F per hoc putaretur, quod omnes ministraciones, quę se-
querentur acceptarentur à Deo. Ita etiam fiebat in
multis alijs rebus magnis pertinentibus ad cultum di-
uinum, de quibus dubitabant Israelitę an à Deo acce-
ptarentur: nam sic fuit quando Moyles fecit sanctua-
rium in deserto: quia mox ut erectum est in deserto,
nubes repleuit illud interius, ita ut non possent ibi ma-
nere sacerdotes, & mansit postea semper super taber-
naculum, & pendens illa nubes glorię per diem qui-
dem in figura, & calore nubes: per noctem autem in
calore, & fulgore ignis. Exo. 40. & Num. 9. Et illud
fuit ad signandum, quod omnia, quę fierent in sanctua-
rio acceptarentur à Deo. Sic etiam fuit quādo no-
uiter fuerunt consecrati sacerdotes. Nam per septem
dies duravit consecratio eorum, & tunc non ministra-
uerunt: die autem octauo ministrare ceperunt: &
venit ignis de cælo supra sacrificia eorum. Leni. 9. Sic
etiam fuit post hoc in sacrificijs oblati in festiuitate
ista infra 7. & in multis alijs: Quia ergo nunquam ma-
gis fuerat factum aliquid nec futurum erat in veteri
testamento, in quo magis Deus coleretur, quā in tē-
plum Salomonis, debuit potius ibi apparere aliquod
signum diuinę acceptationis, scilicet ista nebula, quā
in aliquo alio opere.

Quare potius Deus ostendit in nebula acceptationem.
Quest. XL.

QVAERITVR vterius, cum Deus vellet ostende-
re signum aliquod acceptationis suę templo
edificato, cur potius illud fuit in nebula, vel nube
in aliquod alio. Dicendum quod licet in multis De-
us poterat ostendere acceptationem suam: tamē in nub-
lo fuit magis conueniens ostendi quā in nube. Ra-
tio huius fuit ad signandum cōditionem veteris testa-
menti, quo duravit templum istud: nam vetus testa-
mentū fuit totum sub figuris, & enigmatibus conti-
nens significationem eorum, quę facta erant in no-
ua lege. Iuxta illud ad Heb. x. Si vmbra futuro-
rum bonorum lex continet, id est bonorum futuro-
rum in veteri testamento. Nubes autem, vel nebula
aut caligo competit ad signandum hoc, quia obscura
est. Etiam competit hoc ex conditione eorum, qui
in veteri testamento erant. Nam habebant corda sua
obnubilata cortice literę veteris: & vsque hodie ma-
ner in cordibus eorum obscuritas ista: ut patet secun-
da Cori. 3. Et sicut Moyles ponebat velamen super fa-
ciem suam, ut non intenderent filij Israel in faciem
eius, quod euacuatur: sed obtusi sunt sensus eorum vs-
que in hodiernum: id ipsum velamen in lectione vete-
ris testamenti manet non reuelatum: sed vsque in ho-
diernum diem cum legitur Moyles, velamen est po-
situm super cor eorum. Cum autem cōuersi fuerint
ad dominum, auferetur velamen. Et ob hoc commu-
niter illę repręsentaciones diuinę, quę fiunt in ve-
teri testamento fiebant in nebula, vel in nube, quia
sic conueniebat illi statui. Sic patet de apparitione Do-
mini, quando tabernaculum Moyfi fuit cōpletū, quā
gloria Domini in nube operuit totam domum Exo.
40. Sic etiam fuit in datione legis. Nam angeli lo-
quentes apparuerunt in caligine, & fumo: ut pa-
tet Exo. 19. & 20. & Deut. 5. Sic etiā fuit quando Moy-
ses ascendit ad dominum in montem, & cum eo
Aaron, & seniores, nam apparuit gloria Domini in
modum nubis & iridis: & quasi opus lapidis saphiri:
in Exo. 24. Ita ergo nunc in nube magis quā in ali-
qua alia re apparere debuit. In nouo autem testame-
to fuit facta appetitio in linguis igneis ad signandum
inflammationem charitatis in orbis mirabilibus. Istam
differentiam noui, & veteris testamenti tangit Apo-
stolo.

sto. ad Hebraeos. Sed obliuiscitur, quod Deus in veteri testamento sepe in igne ostendebant gloriam suam sicut in nube: nam qualibet nocte apparebat super tabernaculum Moysi in deserto columna ignis, Exo. 4. & Nu. 9. Itē in die qua sacerdotes nouiter cōsecrati ceperunt ministrare in deserto, descendit ignis super altare Leu. 9. Item in deserto bis iegitur venisse ignis in quo manifestabat Deus, Nu. xi. & 16. Itē nūc qñ facta sunt nouiter sacrificia in tēplo Salomonis descendit ignis de cælo infra 7. Item quando Elias voluit probare veram deitatem Dei Israel disputans contra prophetas Baal, fecit descendere ignem de cælo 3. Reg. 18. & iterū super duos quinquagenarios Ocho. 4. Reg. Totiens ergo vel pluries apparuit Deus in igne in veteri testamento quā in nebula. Dicendum est quod nebula erat conueniens statui veteris testamenti. Ignis autem non. Ideo quicunque Deus volebat solum ostendere præsentiā suā, vel acceptationē suā, & nihil aliud facturū erat, quod igne perfici posset, & nō nebula, apparebat in igne: & sic quando Deus volebat solum acceptationem suā ostendere, licet equaliter posset illam ostendere in nube vel igne: tñ non ostendebat in igne, sed in nebula: sicut nūc, qā ita poterat venire ignis super tēplū, sicut nebula, cū nihil futurū esset, nisi quod ostenderetur gloria Domini. Cū autem dicitur, quod qualibet nocte apparebat gloria Domini in igne super tabernaculum. Dicendum quod hoc fiebat ex necessitate: nam Deus volebat illuminare omnia castra Israelitarum per noctem: sed non poterant illuminari per nubem cū potius obscurarentur: ideo debuit apparere ignis. Ad secundum dicendum, quod non solum Deus volebat ostendere acceptationem suā in nouis sacerdotibus, sed etiam voluit specialiter hoc ostendere cremādo cælitus sacrificia eorum: sed sacrificia non poterant cremari per nubem missā: quia non putaretur vera combustio sed potius phantasia quādam, ideo debuit apparere ignis: & in illo Deus ostendit acceptationem suā, & cremauit sacrificia. Per nubem autē si missa fuisset, potuisset ostendi acceptatio diuina, sed non potuissent cremari sacrificia: ideo non missa est nebula. Ad tertium dicendum, quod illis duabus visibus venit ignis ex necessitate: quia tunc Deus non volebat principaliter ostendere gloriam suā: sed potius punire delinquentes. Nam Num. 11. peccauerunt quidam murmurando propter laborem itineris, & desiderio carniū: & Deus succendit ignē qui consumpsit extrema castrorum. Et Num. 16. populus murmurauit contra Moysen, & Aaron: videruntque eos lapidare: & Deus iussit tunc incendentium, perieruntque plurimi. Et iterum. e. cap. cū sacerdotum, insurgens ignis deuorauit eos. Hoc autē non poterat facere nebula, ideo non apparuit tunc. Ad quartum dicendum sicut ad secundum, quod fuit ex necessitate operis, scilicet quia Deus voluit cremare sacrificia sacerdotum. Ad quintum dicendum quod quando Elias voluit ostendere veram deitatem Dei Israel, descendit ignis, & non nebula: quia sic cōtuentum fuerat inter eum, & prophetas Baal, quod ille, cui exaudiret cultores suos dando ignem de cælo esset verus Deus: & cū non exaudiret Baal cultores suos, clamauit Elias, & venit ignis de cælo. Etiam erat tunc necessarius ignis, quia agebatur de crematione sacrificiorum, quæ non poterant cremari nisi igne. Ad sextum dicendum quod ibi erat necessarius ignis, quia volebat Elias, quod morerentur illi quinquagenarii, qui veniebant ad eum: & quia ad hoc nō proficiebat nebula, inuocauit ignem, qui eos exu-

Areret. In aliis autem casibus, in quibus solum agitur de ostendendo gloriam Domini: vel acceptationem eius: licet posset ostendi equaliter per ignem, & per nebulam, magis tamen ostenditur per nebulā: & sic fuit hic, vbi solum intendebat Deus ostendere acceptationem suā, & ostendit eam in nube, & non in igne, vel alio signo.

Quomodo repleta fuit domus Dei gloria.

Questio. XLI.

QVAERITVR ulterius, quomodo repleta fuerit domus Dei gloria. Dicendum quod nebula à Deo causata impleuit templum interius, scilicet domum sancti sanctorū: & templum exterius, vbi erant vasa: deinde atria exteriora, vbi erant Israelitæ siue sacerdotes, siue laici. Et dicunt quidā, q hoc fuit in testimoniū, q Deus veniebat ad hīrādum in tēplo in Sancta sanctorū: nam apud Hebræos videbatur, quod Deus habitaret in sanctuario, scilicet, quod prius habitasset in tabernaculo Moysi, nunc vero habitaret in templo Salomonis. In tabernaculo Moysi credebatur habitare in sancta sanctorum super arcam, eo quod ibi audiebant vocem respondentis: nam cū Moyses vellet quærere de aliquo dubio, introibat in sancta sanctorum: & audiebat vocem respondentis si bi de medio duorum Cherubim super propitiatoriū, Num. 7. & ille loquens putabatur Deus. Fuerat autē ista habitatio Dei ex tempore, quo completum est sanctuarium, & impleuit illud nubes. Exo. 40. Ita cū nunc cōsumatum esset templum Salomōis, & Deus deberet iam habitare in eo, voluit ostendere signum aduentus sui in aliquo signo sensibili, scilicet in nebula ista: ideo vocatur nebula hæc gloria Domini, idest maiestas vel apparatus circumstans eum aduenientē, & conueniebat hoc fieri per nubem, vel nebulam, quia Deus morabatur in propitiatorio super Arcam in nebula quadam. Sic patet Leu. 16. scilicet: Non introeat Aaron omni tempore in sanctuarium, quod est ultra velum, quoniā in nube apparebo super oraculum. etiam sequenti capit. dixit Salomon: Dominus dixit vt habitaret in caligine, et misit nubē istam in templum, vt in ea habitaret: & videbatur proficere ista nebula, qā si ipsa vel aliud signū miraculosum nō præcederet non cognosceretur q Deus veniebat in sanctuariū: sicut aduentus regis cognoscitur per magnū apparatus, qui eum præcedit. Secundò proficiebat quasi ad regendum deum, velut si Deus esset alicuius figuræ, vel substantiæ admirabilis, quā nobis ostendere nollet. Ideo vt cū veniret non videremus eū, circumdabat se caligine siue nube obscura, vt sic non videretur. Et ista erat causa quare super arcam in propitiatorio apparebat nubes. Leuitici 16. scilicet vt non videret sacerdos intrans, quid erat ibi: & sic cū nunc Deus introierit ad habitandum in Sancta Sanctorum, repleuit domum nebula abscondens præsentiā suā: & necesse est, quod tā domus interior q exterior essent plenæ nebula: nam Deus præcipue veniebat in partem interiorem templi, scilicet Sancta sanctorum, ideo domus illa, & partes coniuncte magis plenæ nebula esse deberēt quā parte exteriores. Dicendum etiam est quod atria templi, quæ erant exterius, plena erant nebula: quia dicitur hic quod sacerdotes, & Leuitæ non poterant ministrare propter caliginem: & tamen sacerdotes, & Leuitæ erant extra tēplum in atrio Sacerdotum: cū dicatur supra quod erant ad orientalem plagam altaris. Ergo etiam atria illa repleuerat nebula.

An poterant sacerdotes propter nebulam ministrare.
Quæst. XLII.

QVAERITVR ulterius, quō dicitur hic quoniam poterant sacerdotes propter nebulam ministrare. Respondent quidam, quod hoc fuit propter magnam tenebram, tanta enim fuit obscuritas in aere inducta adueniente Deo, quod sacerdotes non se poterant adinuicem videre, nec videbant id, in quo ministrabant: ideo non potuerunt ministrare. Alij dicunt, quod hoc fuit propter candorem nebulae illius, scilicet, quod fulgor, & candor illius tantus erat, quod oculi sacerdotum tolerare non poterant illum, sicut est de fulgore solis: nam non possumus eum apertis oculis aliquando intueri. Sic etiam est de candore niuis: nam non possumus multitudinem niuis praesentem nobis fixo intuitu respicere, quia leditur visus propter excessum luminis disproportionati sibi. Alij dicunt, quod hoc fuit propter solam reuerentiam diuinæ personae: nam potuissent sacerdotes ministrare, licet nebula repleuisset domum, & tamē quod illa erat gloria Domini, id est apparatus aduentus eius signans eū praesentem, propter reuerentiam praesentiae eius resistentes sacerdotes in suam paruitatem cesserunt ei non lentres stare in loco nebulae: quia signum paruae reuerentiae est, quod quis appropriet loco, in quo Dominus suus est, vel aliquis vir maxime venerationis. Primus modus satis consonat literae: quia dicitur hic nec poterant sacerdotes stare, nec ministrare propter caliginē. Caligo autem importat tenebram. Sic etiam dicitur sequenti capitulo: Dominus dixit, ut habitet in caligine. Item hoc cōpetit intentioni Dei, scilicet quod ista nubes, vel nebula veniret ad impediendum visum, ut Deus, qui putabatur venire, corporaliter non posset videri opinione Hebraeorum propter caliginem magnam. Si tamen esset fulgor appareret Deus veniens in maiestate illa. Sic etiam apparuit in datione legis. nam caligo & fumus apparuerunt in monte Sinai. Exo. 19. & 20. & Deute 5. Secunda positio est Iosephi 8. Antiqui. Et est satis rationabilis. Nam magnus fulgor magis indicat praesentiam Dei quā magna tenebra, quia tenebra vel caligo non dicit aliquam magnam perfectionem, sicut dicit fulgor, vel candor. Ideo id quod perfectius est, verisimilius est fuisse signū aduenientis Dei, quā id quod est imperfectum: & dicit Iosephus quod nebula illa fulgens obumbravit facies sacerdotum, & Leuitarum. Sed oblietetur: quia dicitur hic, quod non poterant sacerdotes ministrare nec stare propter caliginem. Dicendum quod istud quod apparuit non erat caligo, vel tenebra, sed fulgor magnus, & tamē per accidens faciebat opus caliginis: nam fulgor per se habebat manifestare cū sit lux, vel à luce causatus, & tamen per accidens habet occultare in quantum oculus non proportionatur tantae luci, nec potest sustinere illā, iō non potest illā intueri. Sicut sol directē magis habebat manifestare quā aliqd aliud lūmē: quia nullum tantum est sicut lumen solis, & tamen per accidens habet obumbrare sicut tenebra, vel abscondere: quia prae magnitudine lucis suae non possumus videre ea, quae sibi coniuncta sunt, vel ipsum: nam considerare non possumus corpus solis intentis oculis in illud: habet etiam obscurare sol alio modo, scilicet per comparisonem minoris luminis ad maius. Sicut apparet quotidie in caelo: nam astra, quae coniuncta sunt soli per tredecim gradus, non videntur, quia dicuntur esse sub radiis eius. Cū vero transierint gradū tertiuūdecimū poterunt videri occidente sole: & dicuntur tūc habere ortum heliacum, quia effugiunt radios solis. Etiam in die super terram est emulpherium plenum stellis: sicut per noctē:

F & tamen nulla stel la videtur, quòd maius lumen oc-
cultat alia, cū illa potius manifestare deberet: ita pote-
rat dici, q̄ ista nubes fuit tāti fulgoris, quòd omni alia
præsentiā offuscabat: & sic non possent sacerdotes vi-
dere altare, in quo ministrabant: & vnus non poterat
aliū videre, ideo oportuit, quòd cessarent à ministra-
tione, et quòd non possent esse præsentes in atrio
templi, quia tantum fulgorem oculi eorum pati non
poterant. Istud autem est satis verisimile, s. quòd ad
ostensionē glorię Dñi appareret magis nubes fulgens
quàm tenebrosa, quia sic fuit in transfiguratione Chri-
sti in monte Thabor: nam apparuit nubes lucida, quę
obumbravit discipulos, & non potuerunt videre, sed
coacti sunt inclinare se ad terram: & non viderunt cū
G Christus locutus est cum Elia, & Moyse. Sed cū illi
recesserunt, leuauerunt discipuli capita sua, & viderūt
solum Iesum, Mat. 17. ita poterat nunc nubes lucida
obumbrare totum templum, & atria: & non possēt
præ fulgore ministrare sacerdotes. Tertia positio erat
etiam aliquāliter rationabilis, s. q̄ propter reuerentiā
sacerdotes recederent de loco, in quo erant ministra-
tes: licet ibi possent esse. Simile fuit de Moyse, quan-
do apparuit gloria Domini in rubo, qui ardebat, &
non cremabatur: nam cū vellet Moyses applicare
se rubo, vt hanc mirabilem visionem aspiceret, dictū
est ei de rubo: Ne appropries, inquit, huc: locus enim,
in quo stas, terra sancta est. Exo. 3. & ibi Moyses non vi-
debat Deum, sed gloriam Domini apparentē in igne,
H & prohibitus est accedere propter reuerentiā glorię
apparentis in rubo. Ita ergo sacerdotes isti, licet pos-
sent aliās stare in atrio, cederent propter reuerentiā
glorię Domini. Dicendum tamen quòd ista positio
tertia non stat, quia non cessauerunt sacerdotes à mi-
nistratōe propter reuerentiā, sed quia non pote-
rant esse præsentes, sicut dñ in litera, s. & non poterant
sacerdotes ministrare, nec stare propter caliginem.
Si autem propter solam reuerentiā potētię Dei fie-
ret, licet non starent, possent tamen stare, & tamen nō
poterant stare, ergo impediēbat caligo, vel fulgor. Pri-
ma autem. & secunda positio satis stant, & tamen pri-
ma est verior, & quam intendit litera, quia ponitur ca-
ligo in litera bis, & non ponitur fulgor. Et licet fulgor
I possit per accidens efficere opus caliginis, nunquā tra-
hendi sunt termini extra sua signa prima, cū in illis
possit saluari veritas literę: quia aliās daret locus mul-
tis expositionibus valde distortis, & corruptioni sentus
scripturarum. Cū autem confirmatur, quòd fuerit
fulgor, vel nubes lucida, quia ita fuit in Transfigura-
tione Domini. Dicendum quòd non bene arguitur,
quia transfiguratio fuit in nouo testamento, & ista ap-
paritio nebulę in veteri, & fiebant apparitiones istę se-
cundū conditionem testamentorum, & temporū:
& quia tempus veteris testamenti fuit obscurum, scilicet
ceteris ænigmatibus plenum in ipse, & vmbra bonorum
reuelandorum tempore Christi: debuit quidquid ibi
manifestabatur in nube, & caligine manifestari. Tem-
K pus noui testamenti fuit in quo tota veritas reuelata
est, ideo omnia, quę in illo fiebant luci, & fulgori con-
ueniebant: ideo licet maximum quod factum est in
veteri testamento, & in quo debuisset Deus appare-
re in maiori gloria fuerit datio legis, tamen in illa non
ostendit Deus præsentiā suā sub aliqua nube luci-
da, vel fulgore: sed in fumo, & caligine, & igne fumo-
so atque obscuro apparuit. Exo. 19. & 20. & Deuter. 5.
Ita ergo nunc magis credendum est, quòd in caligine
sa nube, quàm quòd in fulgenti apparuerit potissime:
quia in litera dicit, quòd in caligine apparuerit Deus,
vel quòd caligo repleuit domum, & Deus habitabat
in caligine. Cū autem dicitur de nube lucida, quę
apparuit in transfiguratione, Dicendum est, q̄ sicut
omnia.

omnia, quæ in veteri testamento erant obscura, ita omnia, quæ in nouo erant, manifesta erant, ideo in transfiguratione ista omnia per lucem facta sunt. Nam primò immutatio Christi fuit lucida, quia resplenduit facies eius sicut sol, & vestimenta eius facta sunt alba sicut nix. Matt. 17. Postea vero loquente Christo cum Elia, & Moyse nubes lucida obumbravit eos, & audita est vox patris in nube. Sic etiam in aduentu spiritus sancti, licet apparuerit ignis in linguis ex necessitate significationis, tamen ille ignis non fuit fumosus, & caliginosus, sicut ignis, qui apparuit in datione legis in monte Sinai: quia magis ibi apparebat caligo, & fumus quàm ignis. Tangit autem differentiam istam vtriusque testamenti Apost. ad Hebr. 12. Ratio autem, & principium huius differentie fuit, quia in veteri testamento omnia erant velata cortinis, & operimentis in templo, ita vt nihil videretur. In principio autem noui testamenti illa velamenta rupta sunt: Nam in templo erant omnia sacra, & illa non poterant videri à populo, nec à Leuitis, aut sacerdotibus foris manentibus propter quoddam velum manens, & pendens ad portam templi. In passione autem Domini scissum est istud velum à summo vsque deorsum. Matth. 27. Et sic apparuerunt tunc omnia, quæ erant in sacrario, & penetrantibus templi, vt signaretur, quòd tunc in Christi morte consumabatur vetus testamentum, quòd velatum fuerat ænigmatibus, & incohabatur nouum, in quo omnia ænigmata aperienda erant. Et rectè tunc factum est, quia mors Christi dedit exordium nouo testamento, & vigorem omnibus sacramentis eius, quia alias ea, quæ erant in nouo testamento non acceperunt firmitatem conferendi gratiam, & aperiendi vitam eternam, sicut faciunt. Apparet ergo, quòd sacerdotes im-pediti fuerunt nuualiqua- liter ministrare propter nubem caliginosam, quæ apparuit, & repleuit templum. Non est tamen intelligendum, quòd sacerdotes coacti fuerint exire de atrio, & cessare à ministratione: sed solum prebebat eis aliquod impedimentum: quia non videbant ita bene sicut prius: Et tamen complerunt ministrationem suam. Patet etiam, quia Salomon videns nebulam istam dixit: Deus dixit, vt habitaret in caligine, sequenti capi. Et tamen non recessit ob hoc de templo, sed incepit loqui ad populum. Et deinde longam orationem fecit ad Deum: vt patet ibi dem. Dicitur tamè aliquis non posse facere quod non potest ita bene facere, sicut prius, vel sicut solebat. Et quia prius non impediabantur sacerdotes ministrare, nec stare in templo. Nunc autem propter caliginem dicebantur non posse ministrare, nec stare in atrio templi propter caliginem. Steterunt tamen ibi quousque complerunt Salomon orationem suam, & illi omnes ministrationes suas.

CAPITVLVM VI.



VNC Salomon ait: Dominus pollicitus est, vt habitaret in caligine: ego autem ædificaui domum nomini eius, vt habitaret ibi in perpetuum. Et con-

uertit rex faciem suam, & benedixit vni-

A uersæ multitudini Israel. Nam omnis turba stabat intenta, & ait: Benedictus Dominus Deus Israel, qui quod locutus est Dauid patri meo, opere compleuit, dicens: A die, qua eduxi populum meum de terra Aegypti, non elegi ciuitatem de cunctis tribubus Israel, vt ædificaretur in ea domus nomini meo: neque elegi quèquam alium virum, vt esset dux in populo meo Israel: sed elegi Ierusalem, vt sit nomen meum in ea, & elegi Dauid, vt constituerem eum super populum meum Israel.

Tunc Salomon. Dicto in præcedentibus de arcæ in templum introductione, hic agitur de Salomonis oratione. Et diuiditur in duo, quia primò ponitur Salomonis cum populo collatio, vel rationatio. Secundò ponitur ipsius Salomonis ad Deum porrecta oratio, ibi. *Stetit ergo coram altari.* Prima in duas, quia primò agitur de Ierusalem ad hoc, quòd esset templum Domini in ea electione; secundo de Dauid ab ædificando templum prohibitione, ibi. *Cunq̃e fuisset voluntas Dauid.*

An ea, quæ habentur hic sint continuata, & immediata.
Quest. I.

QVAERITVR circa primum, an ea, quæ habentur hic, sint continuata ad præcedentia, vel sit anticipatio aliqua, vel recapitulatio inter illa. Et dato quòd sit ordo continuus, an fuerint ista facta post præcedentia, vel interiecto aliquanto tempore. Ad primum dicendū, quod hic est ordo continuus: nā præc. c. actum est de arcæ introductione in templum et de introductione reliquorum valorum. Hic autem agitur de oratione Salomonis in ipso templo visa gloria Domini: & necesse est, quòd istud fuerit post illud, quia introducta fuit arca in templum, & posita in Sancto sanctorum: & tunc sacerdotes ceperunt ministrare in atrio in honore portationis arcæ: & cum cepissent ministrare nebula à Deo missa operuit templum, vt patet præcedenti cap. Salomon autem videns gloriam Domini locutus est ad populum, & fudit orationem ad Dominum, ideo necesse est, quòd ista fuerint post illa. Ad secundum dicendum, quòd non fuit aliquod tempus medium inter hæc & præcedentia, sed continuata facta sunt, scilicet quia mox vt Salomon vidit sanctuariū plenum nebula cepit loqui, quæ habentur hic: patet hic in litera, cū dicitur: Tunc Salomon ait, scilicet quæ sequuntur. Et tamen istud tunc refert præcedentia, scilicet quando venit nebula à Domino: ita vt sacerdotes non possent ministrare locutus est Salomō ista. Circa primum dicitur. *Tunc Salomon ait.* Scilicet. Visa gloria Domini, quæ ostendebatur per nubem, vel nebulam. *Dominus pollicitus est vt habitaret in caligine.* Istud verbum Salomonis est responsium ad dubium, quòd totus populus posset tunc formare, & verisimile est, quòd formaret, quia cū apparet aliqua res magna, & insolita, turbantur homines, & dubitant. Et dixit Salomon Dominus pollicitus est & c. Id est non turbemini propter nebulam istam apparentem, quia Deus mittit illam, quia proprie pollicitus est, id est promisit quòd habitaret in caligine, ideo nunc mittit istam caliginem ad habitandum in ea. Et est rationabiliter

nābilitate dictum, quia presupponebatur, quod cum ista domus facta esset ad colendum Deum in ea, & Deus habitaret in ea, & quia nunc incipiebat coli in ipsa, nunc debebat incipere habitare in ea, & quia in caligine promiserat habitare, promisit nunc istam caliginem, ut in ea habitaret. Sed de hoc magis dicitur infra in quaestionibus. *Ego autem edificavi domum nomini tuo, ut habitaret ibi in perpetuum. Quasi dicat. Aduertus istius caliginis non est aliquid mali, sed potius aliquid boni concordans intentioni meae, quia ego edificavi domum, ut Deus habitaret in ea in perpetuum, & Deus promisit, quod habitaret in caligine: ideo mihi sit nunc ista caliginem, ut incipiat morari in domo ista, quam edificavi ei usque in eternum. Non accipitur eternum proprie pro eo quod nunquam haberet finem, quia templum istud aliquando finem habuit, sed quomodo accipiat declarabitur infra in quadam quaestione. Et conuertit faciem suam. Scilicet conuertit illam ad populum. Nā Salomon erat nunc in atrio templi, in quo erant viri mundi, & tenebat vultum suum contra templum, & contra atrium sacerdotum, ubi erat altare holocaustorum, in quo nunc fiebant ministeria, & sic erat populus post eum. Cum verò loqui voluit conuertit vultum suum ad partem orientalem atrii ipsius versus quam circumfusa erat tota plebs. Et benedixit vniuersae multitudini Israel. Scilicet omnibus Israelitis, qui nunc congregati erant. Nam oēs masculi de Israel conuenerant ad istam solennitatem, ut declaratum est praecedenti cap. in quadam quaestione. Benedictio autem fuit, quae sequitur: nam non dixit alia verba Salomon nisi quae explicantur hic, & dicitur benedixisse multitudini, quia locutus est bona pro multitudine, & ait. *Benedictus Dominus Deus Israel.* Praecatio est, scilicet nomen suum semper benedicatur, & laudetur ab omnibus, vel potest intelligi per modum affirmationis, scilicet Deus Israel est benedictus, quia bonus est, & nullum bonum ei deest: & accipitur tunc benedictus, idest felix. *Quidquid locutus est David patri meo, opere compleuit.* Idest benedicatur, & laudetur Deus, quia compleuit quod promisit patri meo. Laus enim de bono opere danda est, & quia observatio promissorum, quae pertinet ad veritatem est magne virtutis opus, laudabilis est, qui talia agit: & quia Deus seruauerat ea, quae promiserat David, laudabat eum nunc Salomon. Id autem quod Deus promisit David est id quod sequitur. *Ad die, qua eduxi populum meum de Aegypto non elegi ciuitatem de cunctis tribubus Israel, ut edificaretur in ea domus nomini meo.* Scilicet licet multum tempus transierit ab exitu de Aegypto usque hodie, in quo poteram eligere urbem aliquam de cunctis tribubus Israel, idest de aliqua de cunctis tribubus: ut in ea domus edificaretur nomini meo, tamen non elegi aliquam nisi Ierusalem. Ista non sunt verba promissionis factae ad David, sed est sententia suspensiva, quae continuatur. Et postea in fine ponitur promissio, scilicet quod Deus dixit ad David: non edificabis tu mihi templum, sed filius, qui nascetur tibi, sedebit super solum tuum, et ipse edificabit templum. Patet hoc infra in litera, & dicitur à die, qua eduxi populum meum de Aegypto, quia ante hoc non poterat eligi ciuitas aliqua, in qua edificaretur domus nomini Dñi, eo quod ante hoc Deus non habebat populum. Nam Israelitae non fuerunt populus Dei quousque de Aegypto educti sunt per ipsum. Etiam non fuerunt illico populus eius, sed in datione legis. Nam tunc quaesivit Deus ab Israelitis, an vellent accipere legem suam, & si acciperent eam, quod ipse acciperet eos in populum peculiarem de cunctis populis terrae. Exod. 19. Et quia ipsi acceperunt legem eius, tunc Deus accepit eos in populum ex die illa. Fuit autem istud diebus*

quasi quadraginta octo, vel quinquaginta post exitum de Aegypto, ut declaratum est praecedenti cap. in quadam quaestione: ex illo ergo tempore solum poterat Deus eligere ciuitatem aliquam, in qua coleretur ab Israelitis: quia ante hoc non erat opus, quod eligeret ciuitatem istam, in qua coleretur: cum nondum haberet populum, qui eum colere vellet. Verum est autem, quod in Deo nihil tale est. scilicet quod ipse elegerit ciuitatem, in qua coleretur ante exitum de Aegypto, vel post: quia in actionibus Dei non consideratur, nec reperitur differentia temporum, cum sit tota duratio Dei in instanti aeternitatis: sed ista introducuntur ex nostro modo loquendi, quia non possumus loqui nisi sic, quia locutio nostra est per verba, & non est verbum aliquod sine tempore, cum significet rem suam per modum fluxus etiam fieri. Ideo quidquid sic importatur, significabitur per modum temporis, vel sub aliquo tempore. Et dicitur de cunctis tribubus Israel, quia Israelitae diuisi erant per duodecim tribus, quae erant duodecim congregationes descendentes à duodecim capitibus progeniei. Erat autem sic diuisa in duodecim sortes, & in qualibet sorte erant multae urbes, in qualibet tribu poterat Deus eligere unam urbem, in qua edificaretur domus nomini suo, sed nondum elegerat usque ad illam diem, qua locutus fuit ista Deus cum David, ut patet in litera. Fuit autem facta ista locutio ad David, quando ipse in principio regni sui super totum Israel voluit edificare domino templum, & Deus apparuit prophetae Nathan, & impediuist illud 2. Reg. 7. & praecedenti lib. 17. ca. *Sed elegi Ierusalem, ut sit nomen meum in ea.* Scilicet, elegit eam ad hoc, ut edificaretur sibi ibi templum: & non edificatum fuit in aliqua de aliis urbibus totius terrae Israel. Et dicitur, ut sit nomen meum in ea, idest inuocetur ibi: quia ad hoc proficiebat templum, ut inuocaretur nomen Domini ibi in oratione: & non ad hoc, ut Deus habitaret ibi, quia non poterat Deus habitare in manufacta domo, ut patet in litera: & 3. Reg. 8. *Nec elegi quemquam alium virum, ut esset dux in populo meo Israel.* Idest nullum elegi nisi David. Nam istum elegi, & progeniem suam ad semper regnandum. *Sed elegi Ierusalem, ut sit nomen meum in ea.* Scilicet, de ciuitatibus nullam elegi nisi Ierusalem, ut esset nomen meum in ea edificando templum ibi. Et elegi David, ut constituerem eum super populum meum Israel. Scilicet, elegi David, & semen suum: ut essent reges super totum Israel. Quomodo autem non fuerit electus alius vir nisi David, nec alius locus nisi Ierusalem, declarabitur infra in quibusdam quaestionibus.

Quare locutus est Salomon hic.
Quaestio II.

QVAERIT VV circa primum, quare Salomon locutus fuit nunc hic. Nam mox, ut visa fuit nebula apparuitque in sanctuario, locutus est Salomon. Dicendum quod hoc fuit propter multa: primò ad tollendum dubium. Nam cum capissent sacerdotes ministrare, apparuit nebula operiens sanctuarium. Erat autem istud insolitum, ideo admirarentur omnes Israelitae, & dubitarent ad quid erat, vel quid signabat. Item debuit aliquis toti populo respondere quid hoc esset. Nullus tamen debuit potius respondere quam Salomon. Primò, quia ipse sapientior erat omnibus hominibus non solum habitantibus in regno suo: sed etiam in omnibus regnis terrae cognitum erat iam. Nam de omnibus Salomonis. 3. Reveniebant multi audire sapientiam Salomonis. 4. & 10. & infra 9. Ad sapientem autem pertinet dissolvere dubia. Ipse ideo potius debebat loqui quam alius. Secundò quia ipse erat maxime auctoritatis, cum

cum esset rex, & ceteris paribus omnes ex sententia eius pendere debebant. Tertiò quia nullus in toto populo auderet loqui in præsentia eius eo non iubente propter magnam reuerentiam: ideo necesse erat quòd ipse loqueretur soluendo dubium istud: vel quòd iuberet alicui illud soluere. Aliàs autem nemo loqueretur. Secundum principale quare locutus fuit, erat gratiarum actio. Nam pro bonis susceptis debetur gratiarum actio, potissimè Deo, cui nihil aliud boni rependere possumus pro susceptis, nisi laudes & gratiarum actiones, & quia susceperat Salomon tanta bona, scilicet quòd Deus compleuisset, quæ promiserat Dauid patri suo, scilicet quòd constitueret Salomonem in regem, & quòd daret ei, quòd ædificaret templum: Ideo his completis Salomon in gratiarum actiones prorumpere debebat: nunquam tamen conuenientius tempus fuit ad hoc quàm nunc, eo quòd nunc astabat totus populus Israel deuotus & attentus: & tanto maior esset ista Dei laus, quanto coram pluribus fieret. Etiam quia per hoc plures incitarentur ad Deum laudandum pro beneficiis, quæ susceperat ipse Salomon: sicut uisã ista solennitate totus populus ibat guadens, & benedicens Deum super bonis, quæ fecerat Dauid, & Salomoni filio eius, sequenti. cap. & 3. Reg. 8. Etiam quilibet benediceret Deo pro beneficiis, quæ ipsimet suscepissent sicut Salomò Deum laudabat. Tertium principaliter erat ad orandum. Nam Salomon volebat orare ad dominum super templo isto multa, cum templum esset nouiter constructum, quòd Deus faceret in eo aliqua, quæ per tineret ad laudem nominis eius. Ideo oportebat ad hoc quòd loqueretur.

Quando dixit Deus quòd habitaret in caligine.

Quæst. III.

QUÆRITVR Vltèrius, cum dixerit hic Salomon, quòd Deus dixit quòd habitaret in caligine, quando dixit istud: quia non apparet. Respondendum quòd ista litera potest intelligi vno modo, scilicet quòd Deus dixit quòd habitaret in caligine, idest in loco obscuro, idest abscondito: & ad hoc volebat habitare in sancto sanctorum: quia ibi erat locus absconditus, ad quem nullus ingrediebatur: & quia nunc nouiter veniebat ad habitandum in sancta sanctorum, nolebatque videri qualiter ingrederetur, operiret totum templum nebula, vt sic absconditè ingrederetur. Iste modus loquendi conuenit modis loquendi grossis, in quos Deus reputatur habere corpus, & isti modi tenentur in veteri testamento: & sæpe cum dicebatur apparere Deus, apparebat aliqua nebula grossa, in qua videretur latere, ne populus crederet, quòd videbat eum: Sic factum est in datione legis Exo. 19. & 20. & Deute. 15. Alio modo potest intelligi de caligine, idest nebula ista obscura, quæ nunc apparuit, scilicet quod Deus habitaret in ea: & quòd Deus promiserat habitare in ipsa: & tunc potest dici, quòd Deus dixerat Dauid, vel Salomoni, quòd quando templum esset consummatum & fieret ibi primæ ministrationes, Deus mitteret caliginem, in qua habitaret. Et nunc uisã ista caligine recordatus Salomon verbi Domini ait: Deus pollicitus est, vt habitaret in caligine. Aliiter potest dici, quòd Salomon dixerit hoc propter verba Domini quæ ipse dixit ad Moysem Leui. 16. scilicet quòd Aarò summus sacerdos non ingrederetur omni tempore in tabernaculum, quòd erat ultra velum ne moreretur. Et sequitur quia in nube apparebo super oraculum, idest super propitiatorium. Deus apparet in nube: & in propitiario Deus dicebatur

A morari: quia ibi audiebatur vox eius respondentis: & ibi erat nebula caliginosa, ne videretur illud corpus, in quo formabantur voces: ideo dicendo illud Deus promiserat quòd habitaret in caligine: quia nebula, quæ erat in propitiatorio erat caliginosa, & quia Salomon nunc videbat nubem venientem ad operiendum templum, sicut erat nebula, quæ operiebat propitiatorium, in qua Deus dicebat se habitaturum, putauit quòd Deus incipiebat habitare iam in sanctuario, quia promiserat nubem.

An nebula illa manserit semper.

Quæst. I III.

QUÆRITVR Vltèrius circa istam nubem, quæ repleuit nunc templum Domini, an manserit semper sic operiens, vel si recesserit ad horam solum manens. Dicendum quòd non apparet ex litera hic, nec 3. Reg. 8. vbi ponitur eadem historia, an ista nebula manserit replens templum pauco tempore vel magno. Sed videtur dicendum, quòd non manserit nisi nunc quandiu facta est ista ministratio. Nam Deus promissit istam nebulam in signum acceptationis sue, scilicet quòd acceptaret templum istud, & omnia ministeria, quæ sibi in eo fierent, & ad hoc sufficiebat, quòd in prima ministratione nebula replet templum, quia per hoc ostenderetur acceptatio quantum ad omnes alias ministrationes. Nam si in toto tempore sequenti mansisset nebula, esset miraculum continuum: & fieret de hoc mentio in scriptura, quia non omitteretur res tam admiranda sine stilo. Item quia Deus non facit miracula frustra, sed ad aliquem finem qui nimis expediens est, & tamen quod semper maneret templum plenum caligine illa, non videbatur expediens ad aliquid, ideo non est credendum quòd manserit nisi tempore primæ ministrationis. Sed obiicitur de apparitione nebulae in tabernaculo Moyse: quia quando consummatum est tabernaculum, & erectum, repleuit illud nebula, in qua representabatur maiestas Dei, Exo. 40. & tamen postea mansit ibi semper. Nam semper per diem pendebat columna nubis super tabernaculum fæderis, & visum est hoc toto tempore quadraginta annorum, quibus Israelitæ in deserto fuerunt: vt patet eo. ca. & Nu. 9. & 14. Ita ergo esset semper nebula in templo Salomonis, cum istud esset excellentius quàm illud. Dicendum quòd in tabernaculo Moyse manebat, semper per diem columna nubis, & non mansit in templo Salomonis: & illud fuit, quia illa columna non erat semper ibi ad ostendendam diuinam acceptationem, sed ad necessitatem directionis Israelitarum per viam. Pro quo sciendum quòd quando Israelitæ erant in deserto per quadraginta annos, quibus ibi manserunt, dirigebantur à Deo in motu, et in statu. Nam Deo iubente mouebant castra, et eodem iubente figebant illa, et hoc quia ambulabant Israelitæ per desertum, quòd nullus eorum etiam ambulauerat. Etiam viæ non erant visitatæ, quia vt dicitur Ierem. 2. Non ambulauerat homo vnquam per viam illam deserti. Ideo egebant Deo direttore. Et quia interdum Israelitæ ambulaturi erant per diem, et interdum per noctem, dederat eis Deus duplex directiuum. scilicet columnam nubis per diem, et columnam ignis per noctem. Ista autem columna erat erecta super tabernaculum fæderis, quòd erat in medio castrorum Israelitarum: et quandiu illa manebat pendens manebant Israelitæ in eodem loco. Cum autem illa moueretur, mouebant Israelitæ castra. Exod. 4. et Nu. 9. Sciendum vltimo quòd quando tabernaculum Moyse completum fuit et erectum, descendit super illud nebula in modum columnæ pendens super illud: et præter illam erat quidam nebula siue caligo, quæ circumfusa est: et repleuit totum

totum templum Moyſi intus, et exterius, ita vt Moyſes nō poſſet introire in illud nebula replente omnia. Exo. 40. Iſta nebula erat diſtincta à columna nubis: quia columna ſolū erat ſuper tabernaculum pēdens, & nō erat intra illud. Nebula autem circumfundeſatur, & replebat tabernaculum, non apparuit ad ſignificandum diuinam acceptionem, ſed ad ſignandum tēpus mouendi caſtra, & manendi. Nebula autē replens tabernaculum fuit ſignū acceptionis diuinæ, & iſta nō manſit ſemper: ſed in prima miniſtratione ſolū. Columna autē nubis, quæ non erat ſignum diuinæ acceptionis manſit ſemper pendēs ſup tabernaculū. Paret hoc. Nā columna nubis nō pōt dici, q̄ fuerit ſup tabernaculū ad ſignandā acceptionē diuinā ſemp maneret eadē columna nubis, & tñ mutabatur, quia per diem apparebat columna nubis. Per noctem verō apparebat columna ignis. Nu. 9. Ex quo apparet, quōd iſtud erat ad exhibendū actus aliorū officiorū. ſ. q̄ colūna dirigeret in via Iſraelitas, & daret ſignū manendi vel ſtandi. Columna autē ignis illuminaret caſtra per noctem. Tertiū, & efficacius patet, quia Num. 9. vbi fit ſermo de columna ignis & nubis, & ponitur officium eius, non dī aliud, niſi q̄ columna nubis dabat ſignum mouendi caſtra, vel locandi per diem. Columna autē ignis per noctem, & etiā illuminabat caſtra. Si tñ fuit introducta principaliter columna nubis ad ſignandam diuinā acceptionem, poneret hoc officium eius, & non tñ fuit ibi: ergo nō erat ad ſignandū iſtam acceptionem. Quartū patet, & magis, quia ſi colūna nubis præcipuē fuiſſet introducta primò cū templum cōſummatum eſt: ſicut nebula, quæ nunc repleuit templum nō fuit ante templi cōſumationem viſa: & tñ columna nubis multo tempore apparuit ante cōſumationē, & erectionem tabernaculi: ideo non fuit introducta ad hoc principaliter. Paret hoc, quia columna nubis apparuit in exitu de Aegypto prima die exitus ad dirigendum eos per quam viam irēt, & ipſa interpoſuit ſe iter Iſraelitas, & Aegyptios nocte illa, qua mare rubrū tranſierunt. Exo. 14. Et tñ inter illud tēpus, & erectionem ſanctuarij Moyſi interciderunt multi dies. ſ. quaſi vn⁹ annus, quia exitus de Aegypto fuit die quintadecima menſis primi. Exo. 12. & Num. 33. Conſummatum fuit tñ tabernaculum, & erectum prima die anni ſecundi ab exitu de Aegypto, Exo. 40. Et ſic fuit vn⁹ ann⁹ inter medium dēpris quindecim dieb⁹, & die illa qua erectū eſt tabernaculum ſedit columna nubis ſuper illud, iō nō fuit columna nubis ad hoc principaliter, vt oſtenderet acceptionē diuinā ſuper tabernaculum Moyſi, ſed fuit ad dirigendum Iſraelitas in via: & ad dādum ſignum manendi, & mouendi caſtra. Fuerunt tñ ibi duo, ſ. columna nubis pēdens ſuper tabernaculum, & nebula implens tabernaculum intus, & foris. Columna nubis nō ſedit ſuper tabernaculum ad ſignandam aliquam acceptionē, ſed ad dirigendum in via: & antequam eſſet cōſummatum tabernaculū, ſedebat nubes illa ſuper caſtra Iſraelitarum ſuper tentoriū Moyſi. Exo. 33. Et dabat ſignum mouendi, & ſtandi. Cū autē cōſummatum eſt tabernaculum, pependit ſuper illud: quia illud erat domus nobilior in totis caſtris: & erat in medio caſtrorū, vbi cōuenientius poterat videri ab oībus exiſtentibus in caſtris, qñ moueretur, vel qñ ſtaret. Et quia neceſſitas dirigendorum caſtrorum fuit totis quadraginta annis, qbus māſerunt Iſraelitæ in deſerto, māſit temp colūna nubis ſup tabernaculū Moyſi p diē, & colūna ignis per noctē. Nebula autē, quæ perfudit, & repleuit totum tabernaculum cōſummatum non fuerat ante cōſumationem illam, ſed ſubito vt erectum eſt tabernaculum, repleuit illud: & iſta non apparuit poſtea. Iſta autem fuit ad monſtrandam acceptionem diuinam ſolū: & ſic ſolū manſit in prima miniſtratio

ne, & nunquam ante fuerat. Ita fuit de caligine iſta, quæ repleuit templum nunc. ſ. quæ fuit ad oſtendendam diuinam acceptionem. Ideo ſolū manſit ibi in prima miniſtratione, poſtea autem diſparuit.

An Deus habitauerit in domo manuſacta. Queſtio V.

QVAERITVR vltorius, quō dixit hic Salomō, q̄ Deus promiſerat habitare in caligine, quō ēt dixit q̄ ipſe ædificauerat domum, vt De⁹ hitaret ibi in æternum, quia Deus nō pōt habitare in domo manuſacta, cū maiestas ſua nullo loco includatur, & erat inſania, q̄ quis crederet Deum habitare in domo aliqua, quæ ei cōſtrueretur: vt dixit Salomon infra in litera. & ſupra 2. & 3. Reg. 8. ſcilicet. Ergo ne credibile eſt, q̄ habitet Deus cū hominibus ſuper terram ſi cælum, & cæli cælorum te nō capiunt, quāto magis domus iſta, quam ædificauit? ſed ad hoc tantū facta eſt vt reſpicias orationem ſerui tui, & obſecrationes eius. Dicendū eſt, quod verum eſt, quod Deus non poteſt habitare in aliquo loco propter duo. Primò quia id quod habitat in loco, habebat habitudinem ad domum, in qua habitat, ita q̄ tegat illa, & ab illa circūſcribatur. Deus autē indiuiſibilis eſt quantitate, nec pōt circūſcribi, nec aliquid occupare, ideo ī nullo loco erit, nec habitabit. Sedò quia quod habitat in aliqua domo clauditur in ea penitus. ſ. q̄ ita eſt intra illam, quod nō eſt exterius, & tñ Deus in nullo loco ſic eſt, quin etiā exterius ſit, iō in nullo loco habitat, & iſta ſam rōnem tangit ſcriptura dicens, q̄ cælum, & cæli cælorum Deum capere non poſſunt, quāto magis domus illa, quæ ædificatur? Ideo in ea non habitat, & ſic verum eſt, q̄ propriè accipiendū Deus in nullo loco habitat. Cū autem obicit q̄ Deus promiſit habitare in caligine. Dicendum, q̄ non accipitur ibi habitare propriè, ita quod ſic ſit in caligine, quod non ſit alibi, ſed quod habitaret in caligine. ſ. quod ibi ſpecialiter oſtenderet ſignum ſuę præſentię. Pro quo cōſiderandum, q̄ cū Deus ſm ſubſtantia in nullo loco eſſe poſſit: quia eſt indiuiſibilis, erit in loco ſm operationem, ſicut oēs ſubſtantia ſpirituales dicuntur eſſe in loco per virtutē, ſed Deus in oī loco operatur, quia oīa cōſeruat. Etiam eſt cā prima naturalis, cui ſubordinantur ceterę cauſæ, & neceſſe eſt q̄ vbi cū q; aliqua actio ſit, ibi Deus concurrat agendo. In oīni ergo loco erit, q̄ nihil eſt ī toto vniuerſo, in quo non ſit aliqua actio vel cauſalitas, quia tñ Deus ſpecialius oſtendit virtutem ſuam in vno loco q̄ in alio, eo quod in vno loco operatur pure naturaliter, in quibuldam aliis interdum naturaliter, et interdum miraculoſe, eſſe vel habitare in locis illis, in quibus miraculoſe, & ſpecialiter operatur, & ſic promiſit Deus quod habitaret in caligine, ſ. q̄ oſtenderet ſpecialia ſigna maiestatis ſuę in caligine, in illa. ſ. caligine, quæ erat ſuper p̄pitatorium in ſancto ſanctorum: & ēt in caligine iſta quæ nunc apparuit miniſtrantibus ſacerdotibus & Levitis. Nam ibi oſtendit ſe ſpecialiter veniſſe. Ad aliam cū dixit Salomon quod ædificauerat domum, vt habitaret in ea Deus. Dicendum q̄ non fecit domum, vt Deus in ea habitaret propriè loquendo, cū in nullo contineatur: ſed vt in ea habitaret per aliquē modum ſpeciale, ſ. per inuocationem eius ibi. Nam licet in omnibus aliis locis eſſet, fiebat, iſta domus, vt omnes inuocare eum volentes ibi inuocarēt, & quod ipſe potius exaudiret inuocantes eum ibi quā alibi, ſic patet in litera, ſ. ſed ad hoc tantū facta eſt vt tu reſpicias orationem ſerui tui, & deprecationes eius. Etiam ad hunc finem Deus dixit, quod domus iſta edificaretur, ſcilicet nō elegi ciuitatem de cunctis tribus Iſrael, vt ædificaretur in ea domus nomini meo, ſed elegi Ieruſalem, vt ſit nomen meum in ea, & non dixit ad habitandum, ſed ad ponendum ibi nomen ſuum.

An habitauerit Deus sibi in æternum. Quest. VI.

QUÆRITUR ulterius, quō dixit Solomon, quod edificauerat domum Domino, ut habitaret ibi in perpetuum, & tñ n̄ habitauit in perpetuum: quia domus illa postea exusta fuit per Chaldeos, & n̄ fuit iam inuocatum ibi nomen Dñi in orōnibus, & ceteris modis legis obfuantis. Respondebit aliquis. quod Salomō faciebat domum, ut Deus in illa habitaret in æternū: & tñ non accidit sic, quia solū habitauit quodam tpe. Aliter potest dici, & melius quod Salomō fecit domum hanc ut Deus habitaret in ea in æternum: & ē Deus promiserat habitare in ea in æternum: quā postea Iudæi fecerunt aliquid, ut Deus non habitaret in ea. Nam p̄tā Israelitarum demeruerunt, quod Deus nō habitaret in æternum in domo illa, sed quod abijceret illam. Et patet hoc 3. Reg. 9. & infra sequenti cap. ubi Deus dixit, quod si Salomon ambularet in lege sua, & filij sui, sicut ambulauerat Dauid p̄r suis, firmaret Deus regnū eius, & domū, quā edificauerat. Et subdit. Si autē adoraueritis deos alienos, euellā vos de terra, quā dedi vobis: & domū hanc quā edificauimus nōm meo, p̄iciā a facie mea, & tradā eā in parabolā, & in exēplū cūctis populis: & erit domus ista in prouerbiū vniuersis transeuntibus. Et dicent stupentes, quare sic fecit Dominus terræ huic? & domui huic? r̄ndebunt, quia dereliquerunt Deum patrum suorum, qui eduxit eos de terra Aegypti. Et quia si factum est, quod omnes Israelitæ dereliquerunt legem Dei: ita ut peccatum eorum esset iam insanabile, Deus tradidit eos in manus hostium, & domum illam incendio dedit per Chaldeos: alias autē manasset nomen Domini in domo illa in æternum, dato quod Israelitæ non peccarent contra Deum. Nam necesse erat, quod Christus veniret, & daret nouū testamentum, & si non peccassent Hebræi, & tunc mutarentur ceteronē alia, nec fierent sacrificia, quæ post fiebant, nec alia ceteronē alia, sed multa diuersa, sicut nunc fiunt. Et sic non maneret templum illud, sicut prius manebat: sed esset multitudo Ecclesiarum, sicut nunc. Et non esset in æternum tēplum illud. Dicendum quod si Hebræi non peccauissent contra Deum, ita ut demererentur templum suum perire, dato quod veniret nouum testamentum, nō mutaretur templum illud: sed mutaretur ceteronē veteres in nouas, essetque multitudo Ecclesiarum sicut nunc: & illud templum esset caput Ecclesiarum, sicut Ecclesia Romana: & fortē esset ibi sedes Apostolica, quæ Romæ, & etiam Deus specialiter acceptaret illam Ecclesiam inter oēs, ita ut orantes ibi ceteris partibus magis exaudirentur a Deo quā in alijs locis: & hoc aliquantulum adhuc tetigit Paulus cum Barnaba, cum loquerentur Iudæis dicentes: vobis quidem prius loqui oportebat de regno Dei, sed quia indignos mur fecistis verbo vitæ, et repulistis illud, ecce p̄uertimur ad gentes: Act. 13. Si ergo primū oportebat eis loqui, aliqua dignitas considerabatur in eis: & sic ipsi videbantur futuri principes inter oēs Christianos: & cōsequēter tēplū, quod apud eos erat esset, caput Ecclesiarum, & non cessaret: quia tñ peccauerunt deletū est verum fuit quod istud templum durauit in æternum, si in eo multis annis, scilicet plusquam trecentis: istud tempus vocatur in æternum, secundum consuetudinē veteris testamenti. Nam tempus quinquaginta annorum, & min⁹ faciebat æternitatem: quā ille qui manebat in fuit usque, ad iobeleū dicebatur fuisse in æternū Ex. 27. et Deu. 15. et tñ de iobeleo ad iobeleū erāt anni 50. solum tunc liberabantur a fuitute omnes, qui erant in Israelitis: a fortiori ergo diceretur durasse templum in æternum cū durasset plusquam trecentis annis.

A *An Deus elegerit sibi aliquam urbem. Quest. VII.*

QUÆRITUR ulterius, quō dicitur hic, quod Deus n̄ elegit de oīb⁹ tribubus Israel ciuitatem aliquam a die quo populus eductus fuit de Aegypto usque ad tempus, quo elegit Ierusalem. Nam videtur quod alias vrbes elegit ad habitandum, & patet primō de vrbe Sylo, in qua primo locatū est tabernaculum Domini. Nam cū Israelitæ ingressi sunt in terram Chanaan, aliquanto tpe arca Domini, & tabernaculū manserunt in castris, et potissimē in castris Galgalā, quousque Israelitæ occupauerunt multum de terra Chanaan; in qua possent morari, & tunc conuenerunt oēs in vrbe Silo, et ibi fixerunt tabernaculū Domini, & posuerunt arcam, & omnia vasa sanctuarii, mansitque tabernaculum fixum ibi multo tempore, scilicet usque ad tempora Samuelis, tpe Iosue, & oīm iudicium. Nam Samuel fuit vltimus iudicum, & sic fuit temp⁹ quo durauit ibi arca, & tabernaculum quasi trecentorum annorum, & videbatur ibi semper mansura nisi propter p̄tā sacerdotum ibi ministrantium: nam ob hoc Deus iratus tradidit arcam in manus Philisthinorum, & translata est in terrā eorum: mansitque ibi septem mensibus, primo Re. 6. Et nunquam postea reducta est in Silo, & tabernaculum etiam inde trāstatū est, & Deus dñ repulisse tabernaculum quod ibi habebat. Ideo videtur, quod prius elegerat, sed propter peccata repulit. Psal. 77. Audiuit Dominus, & non distulit, & ad nihilum redegit valde Israel: & reliquit tabernaculum Silo, tentorium, quod collocauit inter homines. Item Deus elegit post hoc urbem Nobe, in qua mansit tabernaculum suum aliquanto tempore Samuelis, & Saulis. Illico enim ut arca re-diiit de terra Philisthinorum, translatum est tabernaculum de Silo in Nobe: quia non legitur mansisse in Silo postea. Et tamen legitur mansisse in Nobe, quia ibi erat tpe Saulis, primo Re. 21. & 22. Et illā urbem Deus v̄r elegisse. Et postea repulit. Nam Saul occidit omnes sacerdotes, qui erāt in vrbe, & omnia animalia usque ad pecora, deleuitque urbem, ita ut postea non habitaret, primo Re. 22. et tunc ablatum est inde sanctuarium translatumque est in Gabaon, & ibi erat tempore Dauid. prece. lib. 16. cap. Etiam ibi fuit tempore Salomonis aliquāto tēpore. 3. Reg. 3. et supra 1. c. Et sic elegit Ge⁹ urbē illam. Postea tñ mutatum est inde tabernaculum in Ierusalem ad templū quod edificauerat Salomō: iō repulit de⁹ urbē Gabaon, quā elegerat. Respondendum sicut hic dñ, quod Deus non elegerat aliquā urbem de toto Israel, ut esset ibi sanctuarium nisi Ierusalem, quā elegerat tempore Dauid. Et cū obiciat de alijs vrbibus, quod elegit eas, dici pot vno mō quod elegit eas ad manendum ad tempus: ad manendum tñ in æternum solā urbem Ierusalem elegit. Et satis colligitur hoc, quia in qualibet priorum paucō tpe mansit sanctuarium. In Ierusalem autem magno tēpore mansit. Etiam quia in alijs vrbibus non cessauit esse sanctuarium propter aliqua bella hostilia: in Ierusalem autem semper mansit usquequo bello hostili excisa est, et sanctuarium cōbustum. Patet hoc, quia quā mutatum est sanctuarium de Silo, nō fuit destructa ciuitas, nec factū est aliquod bellum contra eā: sed quia capta est arca in bello, translata est inde tabernaculum in Nobe. Etiam quā translatum est sanctuarium de Nobe, non periit ciuitas hostiliter, sed Saul, qui erat rex Israel, eā deleuit, 1. Reg. 22. Quā autem mutatum est tabernaculum de Gabaon nullū bellum hostile, nec ciuile nec aliās fuit in vrbe, sed quia factum erat templum in Ierusalem, cessauit sanctuarium in Gabaon, & inde mutatum est. Etiam quia sanctuarium mutatum est semel de qualibet vrbis, et nunq̄ ad eas redijt: et tñ cū muta-

tum fuit de Ierusalem, iterum rediit ad eā. De aliis patet, quia ad Silo nūquā rediit, nec in Nobe, nec in Gabaon: & tñ rediit in Ierusalem: quia fuit magno tēpore sanctuariū ī Ierusalē, s. quouique destructa est p Chaldaeos, & tēplū exustum. Et post septuaginta annos cū redierūt Hebrēi de captiuitate Babylonica rursus scīm est sanctuarium in eadē vrbe, & loco, & māsīt ibi quousq; cessauit stat⁹ populi Iudaici q̄ destructa; est ciuitas, & templū p Romanos: ideo ista ciuitas electa est & non alig: Alio modo p̄t rñderi, q̄ licet aliæ ciuitates electe fuerint, vt maneret in eis tabernaculum Dñi ad tps: tñ nulla earum electa est ad ædificandū domū in qua maneret sanctuariū Dñi. Nam in Silo nō est ædificatum tēplū Dño, nec in Nobe, nec in Gabaon: sed solum fuit positū tabernaculum in qualibet vrbe istarū, & manebat ibi ad tps, & postea mouebatur de vno loco in alterum. Secus aut fuit ī Ierusalem, quia ibi ædificatū est templū Dño, & cessauit vsus tabernaculi Salomonis, vt declaratum fuit supra 4. Et hoc dñ in litera, s. q̄ a die, qua educti sunt Israelitæ de Aegypto, nō elegit Deus aliquam vrbe de tribubus Israel, vt ædificaretur in ea domus nomini Dñi, sed elegit Ierusalem vt esset nomen suum in ea.

An Deus elegerit solum Dauid vt esset dux Israel. Quæ. VIII.

QVAERITVR vlteri⁹, cū dicatur hic, q̄ ē a die qua Deus eduxit Israelitas de Aegypto, nō elegit quemquam virum, vt essent dux Israel nisi Dauid. Quō possit hoc stare, q̄ multi alii fuerūt electi, vt eēnt duces v̄ principes populi. Nā Moyses fuit primus dux populi Israel, quia ipse gubernauit populum quadraginta annis ī deserto. Iosue fuit ēt dux Israel post Moysen, & fuit a Deo electus. Nu. 27. & Deu. 3. & 31. 32. & 34. Deinde fuerūt iudices multi Israel, qui fuerunt duces populi, & a Deo electi sunt. Nam dñ sæpe in lib. Iudicum, q̄ Deus suscitabat Israelitis saluatorem, idest iudicem: vt patet Iud. 3. & 4. Postea fuerunt reges, quorum primus fuit Saul & iste a Deo constitutus fuit: q̄ cū populus petiuisset regem, Deus designauit Saulem, iubens Samuel, quod vngeret eum: & post illū fuit Dauid: qui ēt a Deo est electus. Non solū ergo Dauid fuit a Deo electus vt esset dux sup Israel, sed etiam multi alij añ ipsum. Dicendum q̄ solus Dauid elect⁹ est in ducē a Deo, idest in regem super Israel, s. vt ipse, & posterī sui regnarent: & nō fuit aliquis alius electus in regem ad semper regnandum: sed si aliquis assumebatur in principem, illud erat temporale, scilicet quanto tpe ille viueret, sed non p suā posteritatem. Sic enim dictum est de vrbibus, quod nulla electa est nisi Ierusalem, quia licet prius tabernaculum Domini esset in aliquibus aliis locis, nō erat in aliquo eorum ad manendum semp, sed solum ad tēpus: in Ierusalem aut fuit ad sc̄p manēdum: ita Dauid fuit principatus ad semper manendum in posteritate sua. Cū aut obicitur de Moyse: dicendū q̄ a Deo electus est vt esset legislator, & princeps super totū Israel, non p modū principantis, sed magis p modū iudicantis. Etñ dato q̄ Deus illum elegisset in principem, non erat ad semp manēdū, q̄ non erat daturus Deus principatū illum filiis eius, nec ipse relicturus erat eum posteris suis iure hereditario, sed cū viueret Moyses, orauit Dñm vt cōmenderet principatū illum alicui viro, qui posset illum sustinere. Nu. 27. Et iussit Deus q̄ fieret Iosue princeps. e. c. Ideo nō fuit Moyses electus in principem. De Iosue ēt dicendū, q̄ non fuit electus a Deo eo modo quo Dauid; quia licet Deus notatim iusserit illum constitui in principem totius Israel, tñ non fuit constitutus, vt maneret ipse, & posterī sui post illum in principatū, sed vt ipse solus regeret, & nullus ei de

F posteris suis succederet. Sic enim factum est q̄ post mortem eius vacauit aliquanto tpe principatus Israelitarum quousq; iudices facti sunt, q̄ nō erant de stirpe Iosue, vt colligitur Iud. primo & 2. 3. Deinde iudices p̄fuerunt populo, & non succedebat filius p̄ri, sed Deus suscitabat quem volebat mortuo, & terra aliquanto tpe manebat sine iudice, et postea voluntate Dei vel electione populi alius instituebatur, nunq̄ tñ inter eos filius successit patri: imò cū semel Gedeon iudex Israel liberaffet Israelitas de manu Madianitarum, dixerunt ei Israelitæ: dñare tu nobis, et filius tuus, & filii tui: q̄ liberaffi nos de manu Madian: & dixit Gedeon, non dominabor ego v̄ri, nec dñabitur in vos filius meus: sed dñabitur Dñs Deus. Iud. 8. Ecce noluit iste accipere principatū, vt iure hereditario filiis suis relinqueret. Si aut obicitur q̄ filius isti⁹ Abimelech fuit iudex Israel. Iud. 9. Dicendum q̄ non fuit iudex electione populi, nec voluntate Dei, sed p tyrānidem & fraudem factus est iudex in vrbe Sichem. e. ca. Alij aut nullum habuerunt iudicem de filiis suis in iudicatura successorem. Post iudices Saul fact⁹ est rex Israel, & hic mutata est spēs principatus, & tñ iste non constitutus est a Deo princeps sup populum ad hoc q̄ sp̄ maneret: & sic fuit, quia dum regnaret reprobaui eū Deus, & semen suū, ne posterī sui regnarent post illū. Nā Samuel dixit ei q̄n peccauit reteruando pecora Amalecitarum, s. Scidit Deus hodie regnū Israel a te, & tradidit illud pximo tuo meliori te. i. Reg. 15. & 28. In Dauid aut scīm est aliter, quia datum est ei regnū, et promissit Dñs, q̄ succederent ei posterī sui vt que in æternum. Et patet differentia inter eum et Saulem. Nam dixit ei Deus q̄ licet peccarent filij eius, nō auferret misericordiam suam ab eis, sicut abstulerat a Saule, qui fuerat ante eum: vt patet 2. Regum 7. Et p̄æce. lib. 17. cap. solus. Ergo Dauid vsque hodie constitutus fuerat a Deo in principem, vel ducem super Israel: quia nullus eo mō cōstitut⁹ fuerat, quo Dauid licet multi constituti fuissent.

Cunq; fuisset voluntatis Dauid patris mei, vt ædificaret domū nomini dñi Dei Israel, dixit Dñs ad eū. Quia hæc fuit voluntas tua, vt ædificares domū nomini meo, bene quidē fecisti huiuscemodi habere voluntatē: sed nō tu ædificabis domū: veruntamē filius tuus, qui egredietur de lūbis tuis, ipse ædificabit domū nomini meo. Cōpleuit ergo dñs sermonem suū, quem locutus fuerat: & ego sur rexi pro Dauid patre meo, & sedi sup thronum Israel sicut locutus est Dominus: & ædificaui domū nomini domini Dei Israel: & posui in ea arcā, in qua est pactū Domini, quod pepigit cū filiis Israel.

Cumque fuisset. Hic ponit fm huius partis. s. de Dauid ab ædificādo templū prohibitionē: et dñ. Cumque fuisset voluntas Dauid patris mei, vt ædificaret domū nomini dñi Dei Israel. Ponit Salomō voluntatem Dauid ad templū ædificandum, vt declarādo quō phibitus est, inducat quō Deus iussit ei ædificare illud. Fuit aut ista voluntas ad ædificandum templum dñi a principio regni sui: et sic oīa, quæ in bellis acquirerebat teruabat ad p̄struendum templum, et fabricandum vasa: vt patet 2. Re. 8. et p̄ce. lib. 18. et tñ nō curauit hoc incipere exequi quousque fuit

fuit in aliquali pace, scilicet, postquā factus est rex super totum Israel: habuit aliqua bella cum Philistinis, quibus finitis cum putaret, quod habebat omnimodam pacem, dixit ad Nathan Prophetam, quod volebat edificare templum domino, quia turpe erat, quod ipse habitaret in domo cedrina, & arca Dei esset sub pellibus, & tunc responsum est ei à Deo, quod non edificaret ipse templum Domino, sed filius, qui ei nasciturus erat. 2. Reg. 7. Et præced. lib. 17. cap. Dixit dominus ad eum. Scilicet. Respondit ei per Prophetam Nathan, quia non loquebatur Deus per se ipsi David, licet esset Propheta: quia non erat Propheta de illis, quibus Deus loquebatur: sed de Prophetis facientibus cantica, ut declaratum est præced. lib. 17. cap. in quadā questione. *Quia hæc fuit voluntas tua, ut edificares domum nomini meo.* Reddit Deus gratias David, quia bonam voluntatem habuit approbando eam. *Benè quidem fecisti habere huic modum voluntatem.* Scilicet, non compleas quod intendebas, quia tamen habuisti bonam voluntatem, meruisti. Ecce qualiter Deus acceptat voluntatē hominis etiam sine opere: dum tamen non stet ex parte hominis habere opus. Nam operatio virtutis precipuè consistit in opere interiori: operationes autem exteriores habent se per modum supplementi, vel additamenti, & addunt quandam perfectionem ad actū virtutis. Ideo dato, quod non sit aliquis actus exterior, existente actu voluntatis est virtutis operatio consummata: & si sit actus exterior non existente operatione interiori, non est actus virtutis, ut declarat Arist. 10. Ethic. *Sed non tu edificabis domum.* Scilicet, non edificabis tu istud templum, quod edificare cupis. Ista non erat reprobatio David propter aliqua mala, quæ fecisset, quia indignus esset edificare templum, & Salomon dignus esset edificare, sed solum fuit quedam denuntiatio, quod non edificaret, scilicet, quod sic futurum erat, quod non edificaret, & hoc, quia non vacaret ei edificare, & vacaret filio suo. Aliqui autem putant, quod David fuerit prohibitus edificare, quia fuderat multum sanguinē, ut videtur innui præc. li. 22. & 28. c. Sed falsum est, quia effusio sanguinis non erat aliqua irregularitas tempore veteris testamenti: de quo latissime declaratum est præced. lib. 22. & 3. Reg. 5. cap. *Verum filius tuus, qui egredietur de lumbis tuis.* Scilicet: Salomon, qui natus est de David: & iste nondū natus erat, quando ista dicta fuerunt David, & sic verum erat. scilicet, egredietur de lumbis tuis. Et patet hoc, quia David voluit edificare templum, & habuit istam responsionem à Deo paruo tempore postquam cœpit regnare super totum Israel, & postea magno tempore genitus fuit Salomon à David de Bethsabee. Nā David mox ut factus est rex super totum Israel, habuit duo bella cum Philistinis, & reduxit arcam Domini de Cariathiarim in Ierusalem. 2. Reg. 5. & 6. & præced. lib. 13. & 14. & 15. cap. Et tunc cum putaret David, quod haberet pacem ab omnibus gentibus, quæ erant per circuitum, voluit edificare templum domino. 2. Reg. 7. & præced. lib. 17. Post hoc transierunt multa tempora, & fecit David bella multa contra Philistinos, & Moabitas, & Ammonitas, & Idumæos, & Syros cum Adazer regem Saba. 2. Reg. 8. & 10. & præced. lib. 18. & 19. Postea durante bello David contra Ammonitas, cum esset Ioab princeps militiæ in castris, & maneret David in Ierusalem, accidit, quod videret David Bethsabee iuuantem se in solario domus suæ, & tunc concupiuit eam, & adulteratus est cum illa. 2. Reg. 11. & ex illa gestus est paruulus ex adulterio, qui mortuus est post octo dies, & post illum natus est Salomon, eo. lib. 12. c. Et sic nondum erat natus Salomon, neque natus fuit usque post multa tempora, postquam Deus reuelauit David, quod non edificaret ipse templum, sed filius,

A qui nasceretur ei. *Ipse edificabit domum nomini meo.* In hoc certificauit Deus ipsum David, quod Salomon filius eius edificaret domum domini. Et quod nihil accideret quod impediret istam ædificationem. *Compleuit ergo dominus sermonem suum.* Hic ostendit Salomon, ad quē finem omnia ista dixerat, & cōdidit. scilicet, quod omnia supraposita Deus promissit, & nunc completa erant tam de ædificatione templi, quā de regno Salomonis. *Quem locutus fuerat.* Scilicet, per Nathan Prophetam. 2. Reg. 7. & præced. lib. 17. & 22. & 28. *Et ego surrexi pro David patre meo.* Scilicet, surrexi, ut regnarem pro eo. *Et sedi super thronum Israel.* Scilicet. Factus sum rex super totum regnum Israel. Iste. n. fuit vltim⁹ rex super totū Israel. Nam tempore filij eius Roboam, cum constituēdus erat in regem, diuisum est regnū, infra 10. & 3. Re. 12. Pro quo sciendum, quod tres soli fuerunt reges super totum Israel. scilicet, Saul primus, deinde David, postea Salomon, post Salomonem fuit Roboam: sed iste non fuit rex super totum Israel, sed solum super regnum Iuda, & omnes posterī sic fuerunt, quia quidam erant reges solum super Iudam, et Beniamin, et alij erant reges super decem reliquas tribus Israel. Sciendum tamen, quod Israel accipitur dupliciter. Vno modo pro congregatione omnium Iudæorum de quacunque tribu essent: quia omnes erant filij Iacob, qui vocatur Israel. Gen. 32. et 35. Alio modo accipitur Israel pro quadam congregatione Iudæorum de decem tribubus condistincta contra congregationem duarum tribuum: vnde et Beniamin primo modo accipitur hic. scilicet, quod erat Salomon rex Israel, siue sedebat super thronum Israel. Secundo modo dicitur, quod erant quidā reges Israel, et quidam reges Iuda. *Sicut locutus est Dominus.* Scilicet: Deus dixit, quod ego regnarem per patre meo, et quod edificarem ei templum, et ita factum est. *Et edificauit domum nomini Dei Israel.* Scilicet: Templum in quo semper habitet. *Et posui in ea arcam.* Scilicet: In templo domini posui arcam, scilicet, in Sancto Sanctorū: multa alia erant in tēplo domini vasa ministrationis, tamē facta est mentio de sola arca, quia ista erat principale vas totius templi, et propter ipsam factum est templū. Nam quando David motus fuit ad ædificandum templum domino, nihil aliud mouit eum, nisi arca, ut patet 2. Re. 7. et præced. lib. 17. Ecce ego habito in domo cedrina, et arca domini sub pellibus est: quasi dicat. Iniustum est, quod arca maneat sub pellib⁹, et ego habitem in domo cedrina. Alia autem vasa sanctuarij etiam manebant sub pellibus, etiam in tabernaculo Moyfi, quā erat de pellibus, et tñ de illis non fecit mentionem David, quasi non esset valde indignum, quod manerent sub pellibus, et tamen non erat indignum, quod arca maneret sub pellib⁹. *In qua est pactum Domini.* Scilicet: Tabulæ legis, propter hoc vocatur ista arca federis, quia in ea erat inclusum fœdus, quod Deus pepigerat cum Israelitis. Nam licet super obseruatione totius legis factū esset pactum Dei cum Hebræis, ut patet Exo. 24. tñ manifestius est super decem præceptis, quā super alijs præceptis legis. Hoc autem fuit, quia Israelitæ dixerunt: cuncta quæ mādauerit dominus faciemus: Exo. 19. et tamē Deus locutus est in voce alta decem præcepta Exo. 20. et Deut. Reliqua autem præcepta data sunt in secreto ipsi Moyfi scāte cum domino in monte. Ideo magis videbātur pertinere ad pactum initum cū Deo ista decem præcepta, quā multa præcepta legis: et sic istud pactum, id est, tabulæ continentis istud pactum erat in arca. Nam præced. cap. dicitur, quod non erat aliquid in arca, nisi duæ tabulæ legis: sic etiam 3. Re. 8. Et tamen alia ibi erant: licet alio modo. scilicet, vna aurea, & manna, & deutoronomium legis, & virga Aaron, quæ fronderat, ut patet ad Hebr. 9. et de hoc declaratum est præcedenti cap. in quadam questione.



Stetit ergo coram altare Domini ex aduerso vniuersæ multitudinis Israel, & extendit manus suas. Siquidem fecerat Salomon basim æneam, & posuerat eam in medio basilicæ habentem quinque cubitos longitudinis, & quinque latitudinis, & tres cubitos altitudinis. Stetitque super eam, & deinceps flexis genibus contra vniuersam multitudinem Israel, & palmis in cœlum leuatis, ait: Domine Deus Israel, non est similis tui Deus in cœlo, & in terra: qui custodis pactum, & misericordiam cum seruis tuis, qui ambulant coram te in toto corde suo. Qui præstitisti seruo tuo David patri meo quæcunque locutus fueras ei: & quæ ore promiseras, opere complesti, sicut & præsens tempus probat. Nunc ergo Domine Deus Israel imple seruo tuo patri meo David quæcunque locutus es, dicens: Non deficiet ex te vir coram me, qui sedeat super thronum Israel: ita tamen si custodierint filij tui vias meas, & ambulauerint in lege mea, sicut & tu ambulasti coram me. Et nunc domine Deus Israel firmetur sermo tuus, quem locutus es seruo tuo David. Ergo ne credibile est, vt habitet Deus cum hominibus super terram? Si cœlum, & cœli cœlorum non te capiunt, quanto magis domus ista quam edificauisti? Sed ad hoc tantum facta est, vt respicias orationem serui tui, & obsecrationem eius Domine Deus meus, & audias preces, quas fundit famulus tuus coram te, vt aperias oculos tuos super domum istam diebus, ac noctibus super locum, in quo pollicitus es, vt inuocetur nomen tuum; & exaudires orationem, quam seruus tuus orat in eo, & exaudias preces famuli tui, & populi tui Israel. Quicumque orauerit in loco isto, exaudi de habitaculo tuo, idest, de cœlis, & propitiare.

Stetit ergo. Hic ponitur Salomonis oratio, & diuiditur in duo, quia primò ponitur oratio in generali, deinde petitiones quædam in particulari, ibi. *Si peccauerit quispiam.* Circa primum dicitur. *Stetit ergo coram altare Domini.* Istud est altare holocaustorum, quia duo erant altaria in templo. scilicet, vnum altare holocaustorum, & aliud altare thymiamatum. Altare thymiamatum erat intra templum coram Sancto Sanctorum, in quo quotidie bis cremabatur thymiama. scilicet, mane, & vespere. Exo. 30. & de isto non loquitur hic scriptura: quia istud non poterat videre Salomō, cum esset ipse extra templum in atrio, & altare esset intra templum, sed intelligitur de altare holocaustorum. Et istud erat extra tē-

plum in atrio sacerdotum, vbi fiebat quotidie omnia sacrificia à lege statuta, & omnia spontanea, & istud poterat videre Salomō, & totus populus, eo quod erat intra atrium sacerdotum, quod distinguebatur ab altariis popularium solis paruis cancellis interpositis. Coram isto altari Salomō erat, & tota multitudo Israëlitarum. Et dicitur, stetit, scilicet, non pedibus rectis, sed flexis genibus, vt infra litera significat. *Ex aduerso vniuersæ multitudinis Israel.* Scilicet. Conuertit faciem suam contra multitudinem, quia dirigebat verba sua ad multitudinem: ideo conuertebat vultum ad illam. *Et extendit manus suas.* Scilicet, orando: iste est vnus de modis orandi, scilicet, quod extendamus manus nostras leuando eas contra cœlum, quia istud est signum inuocationis Dei, & sic docet nos Apostolus orare: prima ad Timo. 2. Volo viros orare in omni loco leuantes puras manus sine ira, & disceptatione. *Si quidem fecerat Salomō basim æneam.* Istud introducit hic, quia dictum fuerat, quod Salomō orabat ad Dominum: hic ponitur modus, & habitudo eius in orando, scilicet, quod flexerat genua super basim æneam: & dicitur, quod fecerat Salomō basim æneam, quia istud sedile de ære erat factum in modum basis columnæ: quia basis est semplatio, quàm altior, & ita erat hic, quia latitudo eius erat cubitorum quinque, & altitudo trium. Etiam vocabatur basis, quia nullum aliud nomen ei magis conueniebat. Nam non poterat vocari sedes, quia non erat ad sedendum, cum esset tota plana, & non erat facta ad sedendum in ea, sed solū ad flectendum genua super illam: & fecerat eam Salomō ad honorem regalem ostendendum, scilicet, vt licet ipse oraret flexis genibus: tamen cuncto populo cellior esset, velut si esset in cathedra. Etiam hoc conueniebat ad proponendum coram toto populo. Nam oportebat, quod videretur, quia aliàs non audiretur conuenienter. *Et posuerat eam in medio basilicæ.* In atrio virorum mundorum: Nicolaus dicit, quod ista basilica erat atrium sacerdotum, sed istud non stat. Primò, quia non est dicendum, quod Salomō intraret in atrium sacerdotum, quia ibi deberent stare soli sacerdotes, & Leuitæ ad ministrandum Domino in sacrificiis, & ad canendum laudes eius. Salomō autem erat laicus, ideo non intraret ad locum sacerdotum, nè per hoc crederet sibi licere ministrare Deo, sicut ministrabant sacerdotes, quia ex hoc incideret in presumptionem voluit offerre Domino thus, quod solis sacerdotibus licebat, & cum prohiberetur à sacerdotibus non destitit, sed comminabatur eis, & percussus est illico lepra in fronte à Domino 4. Reg. 15. & infra 26. cap. Secundo, quia hic dicitur, quod posuit istam basim in medio basilicæ, & tamen basilica, & atrium sacerdotum distincta erant, vt patet supra secundo, scilicet. Fecit etiam Salomō atrium sacerdotum, & basilicam grandem. Ecce posuit ista duo tanquam distincta. Terriò patet, quia dicitur, quod ostia basilicæ texit ære, supra quarto. Et tamen non potest intelligi de atrio sacerdotum, quia illud atrium non habebat ostia. Nam atrium sacerdotum erat minus aliis atriis, & erat intra illa magis iuxta portam templi, ideo non habebat murum altum circumdantem, sed solū quendam cæcellum paruum ad distinguendum: sed non occultabat sacerdotes, nec altare à conspectu eorum, qui foris erant: ideo pro tali atrio non erant necessaria ostia, eo quod erat paruus paries. Etiam, quia claudebatur illud atrium magnitudinis: sed ostia ænea erant in atrio exteriori: quia custodiri ingressum illum exterioris fortè satis erat, & ad illa ostia erant ianitores Leuitæ custodientes. Ideo

Ideo dicendum, quod Salomō non erat nunc in basilica, scilicet in atrio virorum mundorum, quod erat magnum apud atrium sacerdotum, sed distinguebatur ab illo. *Habente quinque cubitos longitudinis, & quinque latitudinis.* Erat area sua quadrata, & continebat viginti cubitos quadratos quod patet iuxta regulam Geometricam ducendo costam quadrati in aliam costam. *Et tres cubitos altitudinis.* In hoc deficiebat à conditione corporis regularis, scilicet, quia non erat tantę altitudinis, sicut longitudinis, & latitudinis, & ista erat magnitudo altaris holocaustorum, quod fecerat Moyses, scilicet cubitorum quinque latitudine, & totidem longitudine, & trium cubitorum altitudine. Exo. 27.

cap. Stetitq; super eam. Scilicet, eleuato corpore. Et postea flexit genua, ut dicit litera. *Et deinceps flexis genibus contra vniuersam multitudinem Israel.* Flexit genua, quia oraturus erat, & in reuerentiam Dei genua flectimus cum oramus: potissimè quando inuocamus nomē Christi, in nomine cuius omne genu flectitur Cęlestium, Terrestrium, & Infernorum. Ad Phil. 2. Et hoc Christo donatum est, quia fuit obediens patri usque ad mortem. Etiam quia non est aliud nomen sub cęlo hominibus datum, in quo oporteat nos saluos fieri. Act. 4. Cur autem potius flectamus genua ad nomen Iesu, quàm ad nomen Dei, cum videatur esse excellentius nomen Dei, fortè dicetur super Epistolam ad Phil. cap. 2. *Et palmis in cęlum leuatis.* Iste est modus vnus orandi, quem Apostolus tradidit Christianis ad Tim. 1. cap. 2. Volo viros orare in omni loco puras leuantes manus sine ira, & disceptatione.

Et mansit iste modus orandi ex antiquis Iudæis usque ad tempus Apostoli, & istum ipse approbavit, & tradidit gentibus. *Ait, domine Deus Israel.* Incipiunt hic petitiones, & ponitur hic quędam generalis primò de regni stabilitate, deinde ponuntur alię magis particulares, ibi. *Si peccauerit quispiam.* Et dicitur circa primum; Domine Deus Israel, scilicet, qui es Deus omnium gentium: & tamen est Deus specialiter Israel, & hoc in multis. Primò, quia ipse Israelitis legem dederat & cęremonias, quas non dederat alijs gentibus. Psal. 147. scilicet. Non fecit taliter omni nationi, & iudicia sua non manifestauit eis. Secundò, quia Israelitę colebant Deum specialius, quàm alię gentes.

Nam Gentilium quidam errabāt circa Deorum pluralitatem, & alij non: qui errabant nullo modo colebant Deum Israel saltem dignè: & dico saltem digne, quia aliquę gentes colebant eum: quia tamen simul cum idolis eum colebant, non erat acceptus ei ille cultus, sicut patet de Samaritanis, qui Deum cęli timebāt: & nihilominus Deos suos colebāt. 4. Re. 17. Sic etiam fuit de Atheniensibus, qui singulis dijs aras posuerant, & offerebant eis cultum aliquem, & inter illos erat ara quędam, cuius titulus erat, ara Deo ignoto: Act. 17. & illum Deum ignotum dixit Paulus esse Deum illum verum, quem ipse prędicabat: & sic colebant Athenienses eum, sed indignè, quia solus colendus erat, sicut solus Deus erat, & ita ipse colit, & detestatur nimis alios, qui vocantur dii, ut patet Exo. 20. Non habebis Deos alienos coram me. Et zelotes, scilicet. Sum valde zelans, nè alius mecum colatur, nec mecum ametur, sicut zelus est inter virũ, & vxorem, amor priuatus nolens habere consortium in amaro. Gentiles autem, qui non errauerunt colebant Deum verum solum, qui est Deus Israel: & tamẽ adhuc isti non colebant eum, sicut Israelitę: quia non habebant aliquam legem secundum quã ei offerrent certum cultum, sed offerebant, quod volebant, scilicet, in oratione, in humiliatione, & in cordis attentione, & paucis cęremonijs. Iudæi autem colebant Deũ

secundum cęremonias determinatas, quas eis dederat in lege. Ideo in hoc specialiter erat Deus eorum, & in hoc ipsi gloriabantur: quia nulla gens haberet talem legẽ, & cęremonias, ut patet Deut. 4. f. Quę est alia gens tam inclyta, ut habeat cęremonias, iustaque iudicia, & vniuersam legem, quã ego proponã hodie ante oculos vestros? Tertiò erat Deus specialiter, Deus Israelitarũ, quia eis specialia beneficia pferebat. Nam licet beneficeret alijs gentibus, cum Deus generaliter beneficiat omnibus ex sua magnificentissimam misericordia. f. tam iustis, quàm peccatoribus, ut patet Mat. 5. f. Estote misericordes, sicut pater vester cęlestis misericors est, q; facit solem suum oriri super bonos, & malos, & pluit super iustos, & peccatores: tamẽ specialiter beneficiebat Israelitis, & tenebat eos velut familiares suos: Exo. 14. f. Si ergo audieritis vocem meã, & custodieritis pactum meum, eritis mihi in peculiũ de cunctis populis: mea est. n. omnis terra, & vos eritis mihi in regnum sacerdotale, & gens sancta. *Non est similis tui Deus in cęlo, & in terra.* Potest intelligi dupliciter, vno modo, quod nullus est Deus, nisi tu, ideo nullus est similis tui: quia nullus est eiusdem naturę, cuius tu es. Alio modo, quod licet ponantur multi dii errore gentilium, nullus illorum erat talis, sicut Deus Israel, quia iste poterat benefacere, & malefacere. Illi autem non poterant: & tales compactiones sepe sunt in Sacra Scriptura, ut patet Psal. 95. f. oēs dii gentium dęmonia: Dominus autem cęlos fecit: & sic etiam ponitur Iere. 10. f. Sic dicetis eis, dii, qui cęlos, & terram non fecerunt, pereant de terra, & de his, quę sub cęlo sunt: qui facit terram in fortitudine sua, pręparat orbẽ in sapientia sua, & prudentia sua extendit cęlos. Et multis interpositis sequitur postea: *Qui. n. formauit omnia, ipse est Deus Israel.* Et dicitur in cęlo, & in terra, quia sequitur in hoc modum gentilium. Nam putabant gentiles esse quosdã Deos cęlestes. f. q; ad astra translati fuerant, sicut erant omnia astra, & specialiter septem planetę: & quędam constellationes famosę, & corona Ariadnę, Andromeda, Perseus, Athlantes, Hyades, & sic de alijs plurimis, de quibus latissimè dictum est Deut. 17. cap. Alij erant dii in terra, qui nõdum peruenerant ad tantam dignitatem, ut mererentur inter astra locari. f. Fauni, & Satyri, & Semidei, & Nymphę, atque Syluani: de quibus latissimè loquitur Martianus, Mineus, Foelix, Capella. lib. 2. de Nuptiis Mercurii & Physiologię. De istis dijs introducit Ouidius primo Metamorphosis loquentem Iouem, scilicet, cum propter delictum Lycaonis Archadis, vellent Iuppiter omnipotens diluuiũ terras perdere, compescuit iram suam, nè effuso Cathachismo, cum terra perderet Deos minores quibus terras habitandas tradiderat: vnde ait.

*Nunc mihi qua totum Nereus circumsonat orbem.
Perdendum est mortale genus: per flumina iuro
Infera, sub terras Strygio labentia luco.
Cuncta prius tentanda; sed immedicabile vulnus.
Ense recidendum, nè pars sincera trabatur.
Sunt mihi Semidei, sunt rustica numina Fauni
Et nympha Satyriq; & monticula Syluani,
Quos quoniam cęli nondum dignamur honore.
Quas dedimus certę terras habitare sinamus.*

De omnibus istis dicit hic Salomō, quod siue inter Deos, qui ponebantur à Gentilibus in Cęlo, siue inter illos, qui ponebantur in terra, non erat aliquis similis Deo Israel, qui posset facere mirabilia. Ideo de eo dixit Psalmista: *Qui facis mirabilia magna solus.* Ps. 135. *Qui custodis pactum, & misericordiam cum seruis tuis.* Laudat hic Deus de fidelitate, & veritate, scilicet, qui custodit

veritatem verborum suorum: & hoc apparebat in patetis, quæ faciebat, sic fuit in pacto quod fecit cum Dauid de filio ei nascituro, quod regnaret pro eo, & quod ædificaret ei templum, & ista completa erant iam, sicut Salomon supra dixerat. Ponitur pactum, & misericordia, quia pactum est quantum ad ea, quæ promittuntur, vel conueniuntur. Misericordia est quantum ad illa, quæ nec promittuntur, nec in conuentionem veniunt. Deus tñ obseruat illa, & ista est magna laus: quia non solum Deus obseruabat in fauorem Israelitarum ea, quæ promittebat eis obseruare: sed etiam ex sola misericordia sapissimè benefaciebat Israelitis in eis, quæ non promiserat. *Qui ambulabant coram te in toto corde.* Istis enim Deus benefacit. Nam Deus ad peccatores non aduertit, quia non diligunt eum, iuxta illud Io. 9. scilicet, Scimus, quia peccatores Deus non exaudit: si quis cultor est eius hunc exaudit. Sciendum, quod Deus obseruat pactum omnibus: & tamè specialiter diligentibus eum in toto corde, de quo dicitur magis infra in quadam quæstione. Et dicitur in toto corde, quia licet aliquis dirigat cor suum in Deū volendo eum colere, si non dirigit totaliter cor suum in eum, non exaudit Deus illum. Sicut erat de Samaritanis, qui cor suum dirigebant in Deum colendo illū: & tamen non totum cor, quia etiam idola colebant. 4. Reg. 17. Et hoc nō est acceptum Deo, sicut testatus est Elias Propheta coram Israelitis, qui partim inclinabantur ad colendum Deum Israel, & partim ad Baal. Vnde dixit: quousq; claudicatis in duas partes? Si Dominus est Deus sequimini eum: si autem Baal sequimini illum. 3. Reg. 18. Ad diligendum autem Deum in toto corde oportet auferri omnia offendicula, quæ impediunt dilectionem eius, & potissimè cultū aliorum Deorum, vt patet 1. Reg. 7. cū dixit Samuel ad totum Israel: si reuertimini ad Deum in toto corde vestro, auferte de medio vestri Deos alienos Baalim, & Astaroth, & preparate corda vestra, & seruite Deo soli. *Qui prestitisti Dauid patri meo seruo tuo quæcunque locutus fueras.* Laudat Deum de veritate promissorum, & specialiter circa ea, quæ promiserat Dauid, quia ista tangebant Salomonem, cū in eo completa essent, & vocat Dauid seruū Dei: quia in toto corde suo diligebat Deum, & scriptura attestatur ei, vocans eum virum Dei, vt patet infra 8. scilicet. Sicut præceperat Dauid homo Dei: & dicit quæcūq; locutus fueras, scilicet, quia duo promiserat Deus ipsi Dauid. sc. q. filius suus regnaret post eum, & quod ædificaret templum, & ista completa erant. *Et quæ ore promiseras, opere complesti.* Potest intelligi, quod promissore Prophetæ. Nam Deus non fuit locutus ad Dauid per se, sed per Nathan Prophetam, vt patet 2. Reg. 7. & præced. lib. 17. Et Prophetæ vocantur os Dei, vel labia Dei. Vel potest intelligi de ipso Deo, quod ore promiserit, & ē metaphora: quia Deus non habet os, cū nō habeat membra aliqua, sed est purus spiritus. Reg. 4. & tamen scriptura apponit Deo membra propter rudes, vt intelligant quomodo Deus potest habere operationes istas organicas, scilicet, audire, videre, odorare, quæ seruiūt intellectui. *Sed & presens tempus probat.* Scilicet, dies iste demonstrat, quod omnia compleuisti, quæ dixisti. Sed dicitur, quomodo poterat dici, q. Deus compleuerat omnia, quia non poterant omnia completa esse, quia Deus promiserat Dauid, quod posteri sui regnarent in æternum, & veritas huius nō poterat apparere adhuc, quia nullus de posteris Dauid adhuc regnauerat, nisi Salomon, qui nunc ceperat regnare, & poterat esse, q. interrumpere regnum, & cessaret in aliquo posterorum, sicut in Roboam filio Salomonis diuisum est regnum, & mansit cum eo minor pars regni. 3. Reg. 13. & infra 11. Dicendum, quod Salomon dicebat oīa

F completa, quia inceperat omnia compleri, & erant aliqua ex parte completa: alia verò credebantur certissimè complenda. Nam completum erat, quod Salomō regnaret pro Dauid, & quod ipse ædificasset templū. Et sicut ista euenerant, ita credebatur certissimè, quod continuaretur in posteris eius regnum. Aliter & melius potest intelligi, quod solum loquatur hic Salomō de illis duabus rebus, quas promiserat Deus, scilicet, q. Salomon regnaret pro Dauid, quod ædificaret templum, & ista duo completa erant. Et patet hoc, quia immediatè in litera ponitur oratio, vt cōpleantur ista, scilicet, q. continuetur regnum in posteritate Dauid. *Nunc ergo domine Deus Israel imple seruo tuo Dauid patri meo quæcunque locutus es.* Promiserat tria Deus ipsi Dauid, scilicet, quod Salomon regnaret post eum, & q. ædificaret templū, & quod posteritas Dauid haberet semper regnum. Duo autem cōpleuerat, & restabat tertium. Ideo hic orat pro illo, scilicet, quod non deficiat vir de stirpe Salomonis, qui sit rex super Israel. *Non deficiet ex te vir coram me, qui sedeat super thronum Israel.* Id est, non deficient reges de stirpe tua, sed semper erunt aliqui, qui regnent de tua progenie. *Ita tamen si custodierint filij tui vias suas.* Id est, cū conditione hoc promittitur: si filij tui, scilicet, posteri omnes custodierint vias suas, id est, custodierint modos suos viuendi a malis ne implicentur malis, quia istud est custodire viam, vel dirigere eam. *Et ambulauerint in lege mea.* Non permittendo aliquid, nec corrumpendo. Nam maximum periculum erat idolatriæ, quia plurimi Israelitarum inclinabantur ad idolatriam, & Deus hoc zelabat nimis, & lex hoc valde cauebat. Cū autem quis perfectè abstinere ab idolatria, & ab omnibus appenditijs eius, etiam si in alijs erraret, Deus non exercebat magnā seueritatē, sed peccatū Israelitarū oīum fuit idolatria. *Sicut tu ambulasti coram me.* Verba Dei sūt ad Dauid, q. nunc recitat Salomō. Nam Dauid in toto corde suo Deum diligebat, & conabatur eum colere, ita vt seipsū iustificaret aliās vilificaret desiderans Deū colere, sicut fuit qñ portauit arcā de domo Obededō in domum suā. Nam nudatus vestibus regijs, & indutus stola byssima saltabat coram arca totis viribus. Ita vt Micol vxor sua filia Saulis videns eum despiceret eū, & diceret: Quantum glorificatus fuit hodie rex Israel & nudatus est discooperiēs se ante oculos seruorum: & nudatus est quasi si nudetur vn⁹ de scurris. Et Dauid ait: viuit dñs, quod ludam ante dñm, qui elegit me potius, q. patrem tuum, & omnem domum eius, & pcepit mihi, vt esē dux super populum Israel: ludam, & vilior fiam plusq. factus sum, & ero humilis in oculis meis, & cū ancillis, de quibus locuta es, gloriosior apparebo. 2. Re. 6. c. Et custodiuit se Dauid in omnib⁹, ne offenderet Deū aliquando. Nam 3. Reg. 15. dicitur: Fecit Dauid rectū in oculis Domini, nec declinauit à dextris, nec à sinistris ab omnibus, quæ pceperat ei cunctis diebus vitæ suæ excepto sermone Vriē Hethēi. Tales volebat De⁹ esse posteros Dauid, scilicet, vt Deum toto corde diligere sic, & tunc confirmaret eis regnum. *Et nunc domine Deus Israel sermo tuus firmetur, quem locutus es seruo tuo Dauid.* Scilicet, fac, quod maneat firmum, quod omnes posteri Dauid succedāt in regno. Non est intelligendum, q. Salomon petiuerit hic confirmationē sermonis Domini cōditionaliter, sicut ipse loquebatur: quia de hoc nō erat dubium, quia Deus dixerat, quod regnum cōseruaretur in stirpe Dauid si filij Dauid custodirent legē Dei, & tñ certum est, q. cū semel filij Dauid possiderent regnum, q. si non peccarent nunq. eis auferret regnum, Nam interdum Deus malis non infert mala, quanto magis bonis, quia valde videbatur iniustum, q. filijs Dauid possidentibus regnum, & nūquam peccantibus auferret eis regnum: sed petebat Salo-

Salomon, quòd Deus faceret, quòd filij Dauid firmiter tenerent regnum: & hoc siue tollendo illam conditionem, quam apposuerat, siue faciendo, quòd certissime filij Dauid complerent illam, ita quòd nò maneret aliquis scrupulus, quo eijcerentur de regno. Et hoc peteret Salomon à Deo, quia sciebat, quòd in potestate eius erat inclinare corda posterorum Dauid ad seruandam legem Dei, vt sic implerent cōditionem. Sic patet 3. Re. 8. in fine orationis Salomonis cū ait: Sit dominus Deus noster nobiscum, sicut fuit cū patribus nostris, non derelinquens nos, nec proijciens, sed inclinet corda nostra ad se, vt ambulemus in vniuersis vijs eius, & custodiamus mandata eius, & cērimonias, & iudicia quęcūque mandauit patribus nostris. Ergo ne credibile est. Finita oratione pro regni stabilitate hic conuertitur Salomon ad orandum pro domus edificatę nobilitate, scilicet, vt exaudiantur orationes in ea factę, & per hoc domus illa sit famosa. Et primò tollit quandam opinionem quorūdam. Nam aliqui putarent, quòd Salomō fecisset domum istam ad hoc, quòd dominus in ea habitaret: dicit Salomon, quòd id non fecit: quia stultum esset hoc, cū Deus non possit habitare super terram in aliqua domo manā facta, & dicit. Ergo ne credibile est, vt habitet Deus cum hominibus super terram? Quasi dicat: Non est credibile, quòd Deus habitet super terram, quia non potest capiri in tota terra. Si cælum, & celi celorum te non capiunt. Quasi dicat: maioris capacitatis est cælum, quā terra, sed cælum non potest capere Deum, ergo nec terra capiet illum, & à fortiori, nec ista domus. Quomodo autem istud sit, declarabitur infra in quadam questione. Dicitur cælum scilicet, primum cælum, celi celorum vocantur alij celi superiores, & vocatur cælum absolute, quòd non continet aliud cælum, vocant celi celorum illi, qui continent in se alios. Ita est, quòd sunt decem celi, & primum quod est cælum lunę est minimę capacitatis, & non continet aliquod aliud cælum: sed sola elementa, & vocabitur cælum. Alij superiores sic se habent, quòd quilibet superior cōtinet omnes inferiores, & cælum supremum quod est empyreum est maxime capacitatis, & illud est cælū beatorum: & non capit Deum cælum lunę quod vocatur cælum absolute, nec etiam capiunt eum alij celi superiores, qui vocantur celi celorum. Quanto magis domus ista quam edificauit? Scilicet, iste minor est, quā cælū, & quā terra. Ideo non capiet Deum: ita quòd in ea habitare possit. Sed ad hoc tantum facta est, vt respicias orationem serui tui. Modus loquendi improprius est, quia non fecit Salomō domum istam ad hoc solum, quòd exaudiretur oratio sua, sed magis ad hoc, quòd exaudirentur orationes omnium posterorum orantium super his, quę infra continentur, sed est sensus, quòd domus ista fiebat ad hoc, quòd Deus respiceret orationem Salomonis serui sui, scilicet, vt compleret omnia, quę ipse nunc orabat. Ipse autē orabat, quòd orationes omnes, quę fierent in illo templo, exaudirentur: & verum est, quòd ad nihil aliud erat factum. Et obsecrationem eius. Oratio, & obsecratio differunt, quia oratio est simplex petitio, obsecratio est, quantum sit petitio per inuocationem alicuius, qui ponitur tanquam medius in orando, scilicet, quòd meritis illius debeat concedi quod petitur, sicut cū petimus per Passionem Christi aliquid nobis concedi, vel per merita Beate Virginis, vel per aliud simile: & ita nūc Salomon orabat Dominum per amorem, & promissam Dei ad Dauid, quòd compleret hoc, quod petebat, & erat obsecratio. Domine Deus meus audias preces, quas fundit famulus tuus coram te. Ite sunt preces, quę infra habentur, scilicet, quòd Deus exaudiat orantes in templo illo. Vt aperias oculos tuos super domum tuam diebus, Alpn. Post. super lib. Paralip. Pars 2.

A & nobilibus. Deus non habet oculos, nec aures, nec aliqua membra talia, qualia nos habemus, cū non sit animal, nec corporeus: sed ponuntur ista per metaphoram ad signandum, quòd Deus haberet specialem curam de isto templo: quia sicut ille, qui diligenter aliquid vult custodire, apertos habet oculos semper super illud: ita cū Deus omni tempore deberet custodire templum istud, dicitur quòd aperiret oculos, idest apertos haberet die ac nocte super templum istud. Super locum, in quo pollicitus es, vt inuocaretur nomen tuum. Scilicet, Deus promissit, vt inuocaretur nomen suum super urbem Ierusalem in templo: vt patet supra in litera, scilicet. Elegi Ierusalem, vt sit nomen meum in ea. Et exaudires orationem, quam seruus tuus orat in eo. Etiam hoc promissisti: sed istud non apparet vnde promissum fuerit: quia tamen Salomon dicit hic, quòd Deus promissit illud, credendum est, quòd Deus illud promissit. Sic enim est de multis alijs, quę memorantur dicta, & non reperitur locus, in quo dicta fuerint. Exaudi preces famuli tui, & populi tui Israel. Potest dupliciter intelligi. Vno modo, quod accipiebatur de precibus, quas fundebat hic Salomon, scilicet, vt Deus exaudiret orationes, quas in illo loco facerent omnes, qui orarent, & tūc intelligitur, & populi tui Israel, scilicet, quòd totus Israel, qui erat congregatus orabat hoc, vt orationes, quę ibi funderentur exaudirentur. Secundo modo potest intelligi, quòd Salomon intelligeret de precibus, quas ipse funderet postea. Nam cū domus ista facta esset ad orandum, intendebat ibi sape orare Salomon, & petebant nūc, quòd orationes, quas ibi postea funderet, à Deo exaudirentur: etiam populus orabat, quòd orationes eorum, quę postea funderentur exaudirentur. Quicūque orauerit in loco isto. Hic ponitur clausula generalis. Nam supra petebat Salomon, quòd exaudirentur orationes cuiusque: quia etiam alij præter Israelitas oraturi erant in loco illo, scilicet, Gentiles, qui venirent de multis regionibus audita fama Dei Israel, vt patet infra in litera. Exaudi de habitaculo tuo, idest, de cælis. Scilicet, quamquam non sis tu habitans in domo ista, sed in cælis: tamen de cælis rogo, vt audias orationes, quę hic fiunt. Modus loquendi est humanus: quia Deus non audit in cælo, nec in terra: cū non habeat organum auditus, nec potentiam audituam. Fingitur tamen Deus tanquam, qui dicitur homo reuerendus sedens in regali solio in cælo, & inde audiens omnia, quę à nobis dicuntur, & videns, quę apud nos fiunt: quia alias non possent concipere homines rudes quomodo Deus curaret de operationibus nostris, & regeret eas. Et propitiare. Scilicet, miserere peccantibus, & da illis spiritum tuū, & concede, quę petunt.

An solis ambulantis coram eo Deus seruet pactum, & misericordiam. Quæst. IX.

E QVAERITVR Circa prædicta, quomodo dixit Salomon, quòd Deus seruabat pactum, & misericordiam diligentibus eum, & ambulantis coram eo toto corde, quomodo sit hoc verum, & an solis ambulantis coram eo seruet pactum, vel omnibus hominibus etiam malis. Respondent quidam, quòd etiam Deus seruat pactum suum omnibus, siue bonis, siue malis. Misericordiam tamen solis bonis, & ambulantis coram eo seruat. Causa huius est, quia pactum pertinet ad promissionem, & quando aliquid est promissum efficitur debitum, sed debitum cuiuslibet reddendum est, sicut inter nos fit. Nam dato, quòd quis malus efficiatur, non tollitur, nec denegatur, quòd ei debitum est.

Misericordia autem ex libertate est, quia miserentur quibus volumus: ideo Deus seruabit pactum suum omnibus tam bonis, quam malis. Misericordiam solis bonis, & ambulantibus coram eo in toto corde seruabit: & tunc litera ista intelligetur quantum ad illam particulam. scilicet misericordiam, quod seruat illam ambulantibus coram eo in toto corde: & istud patet in multis locis scripturæ. Sed obijcietur, quod non stat ista determinatio quantum ad aliquam de duabus particulis suis. scilicet quod Deus non solum seruet misericordiam bonis, sed etiam malis, ut patet Matth. 15. scilicet. Estote misericordes, sicut & pater vester celestis misericors est. Qui facit solem suum oriri super bonos, & malos; & pluit super iustos, & peccatores. Item patet hoc Sap. 11. scilicet. Misereris omnium, quia omnia potes, & dissimulas peccata hominum propter penitentiam. Secunda particula. scilicet quod pactum obseruetur omnibus videtur, quod non steret: quia Iere. dicitur subito loquar de gente, & regno, ut ædificem, & plantem, si fecerit malum in oculis meis, ut non audiat vocem meam, penitentiam agam ego super bono quod locutus sum, ut facerem ei. Item patet hoc 1. Reg. 2. cum dicitur ex verbo Domini ad Heli summum sacerdotem. scilicet. Loquens locutus sum, ut domus tua, & domus patris tui ministraret coram me: nunc autem absit à me dicit dominus: sed quicumque glorificauerit me, glorificabo eum: qui autem contemnunt me erunt ignobiles. Ad veritatem huius sciendam considerandum est, quod aut pactum initum inter Deum & aliquem est conditionale, aut non: si est conditionale, aut conditio completur, aut non: si completur conditio, Deus seruat pactum, siue ille, cui fit pactum sit bonus, siue non. Dum tamen conditio illa sit componibilis malitiæ, quia aliquæ conditiones pacti diuini sunt incomponibiles malitiæ; & tunc non potest pactum conditionale seruari, quia non potest in eis conditio impleri. Si autem conditio non impleatur, Deus non custodit pactum: & tunc non dicitur violare pactum: quia obligatio nulla est ad seruandum, cum non eueniat conditio. Si autem pactum sit sine conditione expressa, vel subintellecta, necesse est, quod compleatur, siue ille, cui promittitur sit malus, siue bonus: & dico expressa, vel subintellecta, quia ut communiter quando Deus promittit bona alicui, vel comminatur mala, licet nulla conditio apponatur, intelligitur si permanserit in illo statu: unde si alicui existenti in bono statu promittantur bona, euenient si manserit in bono. Et si alicui existenti in peccato comminatur Deus mala, euenient illa mala si manserit in peccato illo. Sic patet Iere. 18. scilicet. Subito loquar aduersus gentem, & aduersus regnum, ut eradice, & destruam, & disperdam illud. Si penitentiam egerit gens illa à malo suo, quod locutus sum aduersus eam, penitentiam & ego agam de malo, quod cogitavi, ut facerem ei: subito loquar de gente, & regno, ut ædificem, & plantem illud. Si fecerit malum in oculis meis, ut non audiat vocem meam; penitentiam ego agam super bono quod cogitavi, ut facerem ei. Et sic etiam intelliguntur omnia fere promissa, & comminationes Dei. Nam Deus per Ioelem comminatus est Israelitis, quod mitteret bruchum, & locustam, & eruginem, & consumerent omnes fructus terre: Ioelis 1. & 2. & tamen cum Iael pronuntiasset hoc, nesciuit an certissime eueniret, sed putauit, quod posset flecti in contrarium si Israelites reuerterentur à malis suis, & plangerent, & scinderent corda sua. scilicet. scindite corda vestra, & non vestimenta vestra, quærtimini ad dominum: quia benignus, & misericors est, patiens, & multæ misericordie. Quis scit si conuertatur, & ignoscat dominus, & relinquat post se benedictionem? Sic est cum Ionas propheta predicasset Niniuitis urbem subuertendam post quadraginta dies, putauerunt, quod poterat illud impediri, si ipsi de malis suis dolerent: unde dixerunt quis scit si

conuertatur, & ignoscat dominus, & reuertatur à furore ire sue: & non bibimus? Ita est cum Deus promittebat bona, licet sine conditione promitteret, intelligebantur cum conditione. scilicet si maneret ille, cui promittebatur in statu illo, sicut dicitur 1. Reg. 2. de Heli: cui Deus promiserat, quod maneret sacerdotium in domo eius in sempiternum: & non mansit propter peccata filiorum eius, scilicet, Loquens locutus sum, ut domus patris tui ministraret in conspectu meo in eternum. Nunc autem absit à me dicit dominus, sed quicumque glorificauerit me, glorificabo eum: qui autem contemnunt me, erunt ignobiles. Et tamen si non intelligeretur cum conditione, non reuocasset dominus pactum, licet peccarent filii Heli. De misericordia autem Dei dicendum, quod non potest dari tam certa regula, sicut de pacto: quia magis cadit sub libertate. Sed dicendum, quod quædam misericordia est generalis, & quædam specialis: generalis misericordia est illa, qua Deus benefacit omnibus vni benefacit multis. Et non potest vnus bonus suscipere, quin multi bonum suscipiant, sicut in pluuia, & salubritate aeris, & abundantia terre nascentium, & similibus accidentibus cõibus: misericordia specialis est illa, qua beneficiū perfertur vni tantum, sicut in exaltatione, & lucro circa rem familiarem. De prima dicendum, quod Deus seruat misericordiam tam bonis, quam malis, ut patet Mat. 5. scilicet. Estote misericordes, sicut pater vester celestis misericors est, qui solem suum facit oriri super bonos, & malos, & pluit super iustos, & peccatores. Sic etiam accipitur Sap. 11. scilicet. Misereris omnium, quia omnia potes: diligis omnia, quæ sunt, & nihil odisti eorum, quæ fecisti. Si autem loquamur de misericordia speciali dicendum, quod semper Deus illam seruat bonis. Nam semper eis benefacit et in temporalibus, nisi forte illa bona exteriora talia sint, quæ eos ad bene viuendum impedire possint, quia tunc dare illa eis non esset benefacere, sed nocere. Malis autem interdum benefacit, & interdum nocet: benefacit quidem, ut forte sic experti diuinam benignitatem conuertantur, vel ut aliquorum bonorum, quæ fecerunt mercedem recipiant. Nocet autem in penam malorum, vel ut emendentur: & tamen regularius est, quod malis noceat, quam benefaciat, quia & si ad tempus prosperentur, non manet illa prosperitas, sed incidunt in graues calamitates. De litera autem ista dicendum, quod intelligatur de solis bonis, quod Deus custodiat eis pactum, & misericordiam: & verum est, quod eo modo, quo hic accipitur solis bonis Deus custodit pactum semper inuiolabiliter sine diff. Nam siue pactum cum conditione expressa, vel subintellecta datur, vel cum nulla conditione, semper seruatur. De pacto quod sine conditione datur, manifestum est, quia illud seruatur tam bonis, quam malis. De pacto quod cum conditione expressa, vel subintellecta datur; dicendum, quod illud etiam semper seruatur bonis, qui manent in statu illo, in quo eis bona promissa sunt. Malis autem non seruatur talia pacta, quia conditio non manet in eis. De misericordia etiam dicendum, quod semper seruatur in bonis, quia Deus benefacit eis in omnibus, quæ perunt nisi sciat illa esse contraria eorum salutem. Quod autem intelligatur litera sic, apparet ex ea, quia dicitur, qui custodis pactum, & misericordiam cum seruis tuis, qui ambulant coram te in toto corde seruatur hic. Patet & misericordia ad solos bonos referuntur hic. Dominus Deus tuus fortis, & fidelis custodiens pactum, & misericordiam diligentibus se: & his, qui custodiunt mandata eius in mille generationes, & reddens odicibus se statim, ita ut disperdat eos, & ultra non differat proptinus eis restituens quod merentur. Non ergo intelligitur litera ista, nisi de bonis: licet verum sit, quod aliquo modo Deus seruet pactum, & misericordiam et malis.

De misericordia Dei

Quare

Quare orauit Salomon, vt impleteretur pactum Dei.

Quaestio X.

QVAERITVR Vterius, quomodo orabat Salomon, vt completeretur pactum Dei, cum sciret, quod necesse erat illud impleri, nec poterat aliquo modo euitari. Nam Deus promiserat, qd regnum maneret in posteris David semp si custodirent legē Dei. Cum esset hic conditio expressa, necesse erat, quod si conditio maneret, quod impleteretur promissio: ideo non oportebat pro hoc orari. Dicendū, quod oratio Salomonis potest dupliciter quātum ad hoc intelligi. Vno modo, qd Salomon peteret cōditionem auferri. Nam Deus promiserat conditionaliter, & fortē nunc precibus Salomonis incitatus vellet tollere conditionem, & tunc certissimē impleteretur quod petebatur. Alio modo potest intelligi, quod Salomō peteret impleri manente. Nō quidē, quod oraret, quod si posterī David custodirent conditionē, qd Deus cōseruaret eis pactū, qā istud certissimū erat. Sed quod oraret, quod De⁹ faceret, quod certissimē impleteretur pactum ac si non sciret cōditio, & hoc erat, quod taliter custodiret Israelitas, quod inclinaret eos ad custodiendam conditionem. Nam conditio erat, quod custodirent legem Dei. Homo autem non potest aliquid boni agere, nec etiam inclinari ad agēdum illud, nisi Deus hominem moueat. Iuxta illud Io. 15. Sine me nihil potestis facere. s. nullum opus meritoriū, & tamē bonum velle est meritoriū: & in hoc est tota radix merēdi. Ideo etiam nō possumus benē velle, nisi Deus moueat nos ad volendum. Sic signauit Deus Deut. 5. cum Israelitē dicūt cuncta, q mandauit dominus faciemus: & Deus dixit benē oīa locuti sunt: quis dedit eos talem habere mētem, vt timeant me, & custodiant vniuersa mandata mea? vt omni tpe benē sit eis, & filijs eorum. Ex quo innuit, q illā voluntatē timendi semp dñm non haberent Israelitē a se: sed alijs eis dare illā debebat. s. De⁹. Et sic orauit Salomon. 3. Reg. 8. s. sit Deus nŕ nobiscū non derelinquens nos, sed inclinet corda nŕa ad se, vt ambulemus in vniuersis vijs eius: & sic orabat Salomon custodiri pactum, quia sciebat, quod si Deus inclinaret voluntatem posterorum David ad custodiendam legem Dei, quod certissimē custodiretur pactū, & maneret regnum in posteris David in æternum.

Qualis fuerit promissio Dei facta David de regno filiorum.

Quaestio XI.

QVAERITVR Vterius, quomodo Salomon dixit hic, quod Deus promiserat, qd filij David in æternum sederent super thronum Israel: si tamen custodirent legem eius. Nam Deus sine conditione promiserat regnum istud posteris David: imō etiam dignum, quod dato, quod peccarent, non auferret eis regnum, vt patet 2. Reg. 7. & pŕecedenti lib. 17. s. Stabiliā thronum regni ei⁹ vsq; in sempiternum, ego ero ei in patrem, & ipse erit mihi in filium, qui si inq; aliquid gesserit, arguam eum in virga virorum, & in plagis sicut abstruli a Saul, quem amoui a facie mea. Ergo nō erat auferendum regnum posteris David, licet peccarent: & sic semp impleteretur pactū, & sine conditione. Dicendum, quod promissit Deus regnum Israel cum conditione posteris David, & quia non seruauerunt conditionem illam, Deus non seruauit pactum. Nam regnū non māsit apud eos, quia David, cui facta fuit ista promissio tenebat totum regnum Israel, & sic etiā tenuit Salomon: sed postea cum filius eius Roboam regnauit, tunc esset ppter peccata eius, & Salomonis patris sui, diuisum est regnum, & māsit ei minima pars regni. s. Alph. Tost. super lib. Paralip. Pars 2.

A sexta pars eius qd tenuerat pater su⁹, & auus. 3. Reg. 12. Et sic Salomon orabat nunc, qd impleteret pactū illud, sed nō impletū est. Nam filius eius Roboam nō sedit super thronū Israel, & verē intercidit ibi cōditio, quae nō seruata est. Cum autē obijcit, qd Deus sine conditione pmisit, & ēt, qd si peccarent posterī David nō auferret eis regnū, dicendū, qd non pmisit Deus non auferre regnum, ēt si peccaret; sed dixit, quod nō auferret ab eis misericordiam suam. Et hoc verum est, quia licet regnum non permisit eis tenere, tamen misericordiā suam ab eis non abstulit: & sic stat vtraque litera. Nam verum est, quod Deus sub conditione promisit, quod posterī David in æternum sederēt super thronum Israel: erat autem thronus Israel solum regni sup omnes duodecim tribus Israel, & hoc perdidit posterī David, quia solus Salomon filius eius tenuit hoc. Roboam autem nepos David nō fuit rex super totum Israel, sed super duas tribus: & sic opus erat, quod Salomon oraret, vt completeretur hoc. Non abstulit Deus tamen misericordiā suam a posteris David: quia mansit eis regnum super tribum Iuda, & Benjamin, & hoc fuit quousque Israelitae trāslati sunt de terra sua in Babylonem: imō vsque ad Christi natiuitatem, iuxta illud: Non auferetur sceptrum de Iuda, nec dux de femore eius, donec veniat, qui mittendus est: Gen. 49. Et patet, quod iste sit sensus, quia dicitur ibi: Misericordiam autem meam non auferam ab eo: sicut abstuli a Saul, quē amoui a facie mea. Nara filijs Saulis totaliter abstulit regnū, quia nulla pars regni eis mansit. Ideo dicuntur a facie Domini amoti. Filij autem David non fuerūt ablati a facie Domini, quia semper eis mansit: licet non tptum illud, quod eis Deus promiserat si custodirent legem eius. Aliter potest dici, quod promiserat Deus sub conditione regnum Israel posteris David, scilicet, si legem eius custodirent: & quia non custodierunt, non mansit eis regnum. Et qñ dicitur, quod Deus dixerat, quod non auferret misericordiam a posteris David. Dicendum, quod non intelligitur hoc de omnibus posteris David, sed de solo Salomone: & verum est, quod huic nō fuit ablatum regnum. Et patet hoc, quia dicitur: ego ero ei in patrem, & ipse erit mihi in filium, quod iniquē aliquid gesserit, arguam eum in virga virorum. Ecce de vno loquitur, & ille erat Salomō, quia nō intelligitur de aliquo alio, ego ero ei in patrem, & ipse erit mihi in filium. Et dr, misericordiam autē meam nō auferā ab eo. Et verum est, quod nō ablata fuit misericordia Dei a Salomone: licet peccauerit grauissimē colens idola, & constituēs templa idolis. 3. Reg. 11. & 4. Reg. 23. cap. Mansit tamē ei regnum integrum tota vita, sed Deus puniuit eum leuiter in virga virorum, id est, sicut vir solet filium suū punire castigando, & non mortificando, & hoc fuit, quia in senectute sua suscitauit ei Deus duos hostes, scilicet, vnum Idumæum, & vnum Syrum, qui terram eius inquietabāt: & tamen nō abstulerunt Salomoni regnum, nec partem regni. 3. Reg. 11. De alijs autem nihil promittebatur, ideo alij posterī David perdidit regnum Israel, quia non custodierunt legem Domini. Primus tamen modus soluendi est aliquo modo conuenientior modo cōi nostro loquēdi, & aliorum.

An Deus posset capi a domo Salomonis.

Quaestio XII.

QVAERITVR Vterius, quomodo dixit hic Salomon, quod nō faciebat domum, vt Deus habitaret in ea, quia non poterat ibi capi: & etiam celi ccelorum non poterant eum capere. Quomodo potest stare hoc, quia Deus capi potest in cœlo, & etiam in domo illa, quam Salomon fecit. Nam in quacunque

re quantumcumq; parua Deus capi potest, eo quod Deus indiuisibilis est secundum quantitatem cum sit purus spiritus, & non potest aliquid minus eo esse in quantitate, ideo nihil erit quantum, in quo non capiatur. Dicendum, quod nihil est in vniuerso, in quo Deus non sit, & capiatur, & tamen nihil est, in quo Deus comprehendatur. Prima pars patet. Nam nullum corpus est, in quo Deus non capiatur, quia omne corpus est diuisibile: quodlibet autem diuisibile est maius quocumq; indiuisibili: ideo quodlibet indiuisibile capietur in corpore quocumque. Deus autem indiuisibilis est, quia spiritus est: Io. 40. ideo in quocumque corpore capietur: & sic caperetur in templo Salomonis. Item dicendum, quod Deus capietur in puncto. Est enim punctus non habens quantitatem, tamen positionem habens in linea, quæ est quantitas, ideo cum Deus non sit quantus, nec habens positionem in quantitate, simplicior est, & consequenter poterit esse in puncto: quia ista est regula, quod simplicius potest esse in eo quod minus simplex est. Potest etiam Deus esse in omnibus rebus simplicibus, non quantis, nec habentibus positionem in quantitate, sicut est anima, & angelus. Nam anima est minus simplex, quam Deus, cum anima licet non sit habens positionem in quantitate, est tamen vnibilis materie ad formandum eam. Deus autem non est vnibilis alicui materie, sicut forma: ideo simplicior est, & poterit esse intra animam. Et sic dicunt doctores nostri Deum illabi posse, vt ait Ambrosius libro primo de Spiritu Sancto. Et magister recitat illud libro primo Sent. dist. 14. Etiam Deus potest esse in angelo, quia est simplicior illo. Nam angelus licet non sit quantus, nec positionem habens in quantitate, nec materie vnibilis tanquam forma, est tamen compositus ex actu, & potentia, & esse, & essentia. Deus autem nullam positionem habet: quia est purus actus, & esse, & essentia in eo idem sunt: ideo in angelo capitur: & sic nihil est, in quo Deus non sit, aut capiatur: quia vltra ista nulla entia sunt. scilicet corpora, aut conditiones corporum, aut spiritus existentes in corporibus, vel ab eis abstractos. Secunda particula patet. scilicet quod nihil sit, in quo Deus comprehendatur: quia comprehendi ab aliqua re est, quod ita teneatur, vel sit intra illam rem, vt nullo modo secundum se totum, vel secundum partem sit in aliqua alia re: sicut homo in loco suo est, quia ita est in loco illo, quod extra illum non est secundum se totum, nec secundum aliquam partem suam. Deus autem isto modo non potest comprehendere in aliqua re, quia Deus in omnibus est: & tamen si ab aliqua earum comprehenderetur, non esset in alijs: & non solum Deus non comprehenderetur in aliqua re, sed etiam nec in omnibus quasi comprehenderetur ab omnibus simul: ita esset in illis, quod non posset esse in aliqua alia re si nouiter a Deo crearetur: & tamen manifestum est, quod Deus potest facere multa plura, quam fecit, & sunt nunc, & in qualibet illarum rerum erit Deus necessariò: quia aliàs esset limitatus, & non conseruaret omnia. Ideo non comprehenditur Deus ab aliqua re, nec ab omnibus simul sumptis, & istud signat littera ista dicens, quod celum, & celi celorum Deum capere non possunt. Et ponitur capere pro comprehendere: quia bene Deus capitur in qualibet re, quia nihil aliud est capi, nisi totum esse in re. Nulla tamen est res, in qua Deus totus non sit. Ideo in qualibet re capitur. Et secundum hoc dicendum, quod domus Salomonis non fuit facta, vt Deus habitaret in ea, quia non poterat habitare ibi. Nam scriptura accipit habitare eo modo, quo nos accipimus. scilicet dicimus aliquem habitare in domo si intra illam totus est, & nihil eius maneret foris. Deus tamen non poterat manere sic in templo Salomonis, nec in alio loco. Ideo in nullo loco habitat: istum sensum tenet

litera, dicens: quod si celum, & celi celorum Deum capere nequeunt: quanto magis domus illa quæ edificauit Salomon. Alio modo dici potest, quod Deus non poterat habitare in templo Salomonis, eo quod habitare est manere in aliquo loco ad operiendum nuditatem, & verenda nostra, & ad defensionem ab importunitate temporum: ad istud. n. domus facta est, vt patet Eccl. 29. scilicet Initium vite hominis aqua, & panis, & domus protegens turpitudinem. Deus autem, nec operire potest aliquid nuditatem cum incorporeus sit, et inuisibilis, nec etiam eget defensione ab importunitate temporum cum sit impassibilis, et incorporeus. Ideo in nullo loco potest habitare. Ista ratio conueniens est: et tamen scriptura solum sequitur rationem præcedentem.

G *An Cælum sit habitaculum Dei. Quest. XIII.*

QVAERITVR Vterius, quomodo Salomon dicit hic, quod Deus exaudiat de celo. scilicet de habitaculo suo orationes omnium, qui orauerint in loco isto templi. Nam vocat celum habitaculum Dei: & tamen supra dixit, quod celum, nec celi celorum capere Deum possent. Ideo non videtur conuenienter dictum. Dicendum, quod habitare sumitur aliquando pro manere totaliter intra locum aliquem. Aliquando autem per esse in loco quocumque; in ipso loco sit: et si ibi non comprehendatur manens. Accipiendo primo modo dicendum, quod Deus non habitat in celo, quia nec celum, nec celi celorum eum capere sufficiunt, vt patet in littera. Item patet, quia si Deus diceretur habitare in celo: cum tamen ibi non comprehendatur diceretur ibi habitare, quia ibi est: & tamen et est in terra. Sic patet Mat. 15. scilicet Celum sedes Dei est, & terra scabellum pedum eius, & tamen non dicitur habitare in terra: ergo nec in celo habitare diceretur. Et sic accepit supra scriptura, quod Deus non poterat habitare in templo Salomonis, eo quod celum, & celi celorum eum capere non poterant. Accipiendo autem secundo modo habitare prout Deus est in aliquo loco. Dicendum, quod Deus in quolibet loco diceretur habitare, quia ubique est: sed quia non videbatur queriens, quod diceremus Deum ubique habitare, dixit scriptura illic Deum habitare, ubi erat specialiter. Et quia Deus specialius est in celo, quam in alijs partibus vniuersi, dicitur habitare in celo. Hoc autem, quod pars est nobilior vniuersi, & Deo attribuendum est, quod perfectius est. Secundò, quia cum celum sit a nobis separatum, et Deus non videatur a nobis, quoniam videtur, quod ipse habitet in celo, ubi videri non possit propter separationem, quam quod dicamus eum habitare in terra inter nos, quia tunc magis mouerentur simplices ad dubitandum, quomodo Deus inter nos sit, et quomodo non videatur. Tertio, quia Deus est in celo per specialem operationem, et nobiliorem, quam sit in alio loco. Nam Deus dat gloriam beatis spiritibus in celo, et non in alio loco: et ibi se manifestat illis. Ista autem est perfectissima operatio Dei, quæ nobis apparent, vel apparere possunt. Ideo dicitur Deus potius habitare in celo, quam in alio loco, et sic accipitur hic: et ob hoc scriptura quando dicit Deum omnia replere, nobilior quod ad Deum pertinet, ponit in celo, scilicet, quod thronus Dei est in celo, et in terra est scabellum pedum eius: Matth. 15.

Si peccauerit quispiam in proximum suum, & iurare contra eum paratus venerit, seque maledicto constrinxerit coram altari in domo ista; tu audies de celo, & facies iudicium seruorum tuorum, ita vt reddas iniuriam suam in caput proprium, & vlcerscaris iustum, retribuens ei secundum iusticiam suam.

Si peccauerit. Hic ponuntur petitiones Salomonis in speciali, & ponuntur septem petitiones. Prima est circa hominum infidelitatem, s. si vnus alteri veritatem non custodit. Secunda est de hostili aduersitate, ibi. *Si superatus fuerit.* Tertia est de defectu pluuiarum, & temporum siccitate, ibi. *Si clauso celo.* Quarta est de bruco, & locusta, & æruginē terræ nascentia vastante: ibi. *Fames si oborta.* Quinta de peregrinorum exauditione in templo facienda ex diuina pietate: ibi. *Externum quoque.* Sexta est de exauditione Iudæorum existentium in terra aliena in hostilitate, ibi. *Si egressus fuerit.* Septima de exauditione super cuiuslibet peccato, & iniquitate, ibi. *Si autem peccauerit tibi.* Circa primum dicitur. *Si peccauerit quispiam.* Casus est, q̄ quis mutuauit alteri quidquam, vel commodauit, vel apud eum res suas deposuerit, & petente commodatore, siue depositore, vel mutuatore, negat depositarius, commodatarius, vel qui mutuum accepit, & petit commodator, vel depositor super hoc deferri iuramentum commodatario, siue depositorio, tunc iurare debebant in templo: & petit Salomon, q̄ Deus ostenderet ibi miraculum super iniquum, s. si commodatarius, vel depositarius iniustus est, negando commodatum, vel depositum: vel super commodatorem siue depositorem si iniustus est: vt pote si quis dicit se deposuisse aliquid penes alium, vel accommodasse, vel mutuasse, & non est verum. Dicit tamen hoc ad vexandum eum, & vt aliquid extorqueat ab ipso: si coegerit eum iurare in templo tuo super hoc, q̄ tu ostendas miraculum super illum, qui iniuste alterum compulit ad iurandum. Et dicitur. *Si peccauerit quispiam in proximum suum.* Scilicet si commodatarius, depositarius, vel qui mutuum acceperit, peccauerit contra proximum suum: s. contra commodatorem, depositorem negando commodatum, vel depositum, aut mutuum. Si fortè depositor, siue mutuator, deposito peccauit contra proximum suum dicens, q̄ aliquid mutuauit: vel commodauit, aut deposuit penes alterum. Cum tamen falsum sit, & vexat illum cogendo iurare illum, vel volendo iurare, q̄ deposuit aliquid penes illum, vel commodauit ei aliquid. *Et iurare contra eum paratus venerit.* Scilicet ille, qui fouet iniquam causam, venerit contra alium paratus iurare: s. qui debet mutuum, commodatum, vel depositum, & negat se aliquid accepisse, & venit paratus iurare, q̄ non accepit: & istud iuramentum est contra commodatorem, vel depositorem: s. est in præiudicium illius, vel venit paratus iurare depositor, siue commodator, qui nihil deposuit, nec commodauit, fingit tamen se commodasse aliquid, & in casu, in quo defertur ei iuramentum venit paratus iurare, q̄ commodauit aliquid, vel deposuit. *Seque maledictio constrinxerit.* Inuocauerit super se maledictionem dicens: oro Deum, q̄ si falsum dico, q̄ non finiam annum hunc, vel subito moriar, vel talis mihi plaga eueniat. *Coram altari in domo ista.* Non introibant litigantes ad altare, vt iurans tangeret illud manu, & sic iuraret sicut nunc tanguntur à iurantibus sacrosancta Dei Euangelia, vel sepulchra Sanctorum, vel altaria, aut aliqua reliquæ Sanctorum: quia ibi soli sacerdotes erant: sed coram altari iurabatur, s. in conspectu eius in atrio virorum in quo viri mundi conueniebant ad orationem, & orabant. *Tu exaudies de celo.* Scilicet, causam istorum litigantium reddendo eis, quod merentur. Et dicitur exaudies de celo, quia Deus fingitur esse in celo, & habitare ibi modè speciali, vt patet supra in litera. Et ex ipso loco audiebat causas, & orationes, quæ fiebant in templo. *Et facies iudicium seruorum.* Id est iudicabis sententiando inter illos seruos tuos. Et sententia est, q̄ poenam in-

A ferat iniquo, & foueat fouenti iustam litem, & vocantur isti duo serui Dei per subiectionē, & non per imitationem, quia necesse est, q̄ vnus istorum foueat litē iniquam, & iste non est seruus Dei per imitationem, sed per subiectionem: quia ambo isti litigantes erant Iudæi, & subiecti erant caeremonijs legis: Ita vt reddas iniquo viam suam: id est iuxta viam suam: siue sicut meretur in caput proprium: id est super ipsum, s. non veniret pena isti delicti super filios, vel nepotes: sicut aliquando transferuntur peccata patrum in filios vsque in tertiam, & quartam generationem. Exo. 34. & Numeri 14. Nec etiam poena ista veniret super bona possessa, sicut Deus sæpe facit. Nam flagellat hominem in bonis exterioribus tenens ordinem puniēdo, vt postea grauius puniat, cum personam tetigerit. Hic autem orat Salomon, q̄ reddatur peccatum in caput proprium, s. super ipsum peccantem, vt sic manifestè appareat, q̄ propter peccatum periurij in templo commissi eueniret ista punitio. Et debebat esse ista punitio talis, qualem imprecabatur iurans, vt non dubitaretur propter quam causam eueniret hoc. *Et vlsceris iustum retribuens ei secundum iustitiam suam.* Retributio erat, q̄ qui iustam causam foueret, nullum malum pateretur, sed potius videret mala, quæ pateretur ille, qui fouerat iniquam causam, & in hoc erat sibi vltio, s. q̄ videret hostem suum mala pati p̄ malo, quod voluerat ei inferre, s. si depositarius, vel commodatarius negauit depositum, vel commodatum, & iurauit coram altari. In hoc enim vexabat depositorem, vel commodatorem auferendo ei rem suam per negationem: vel si depositor, & commodator vel mutuator falsus fingeret se aliquid mutuasse, deposuisse, vel commodasse, & peteret, & deferretur ei iuramentum, & iuraret, fouebat iniquam causam, & Deus reddebat ei in caput suum vltionem faciens ipsi reo, qui iniuste vexabatur super debito falso. Vel si depositor falsus, aut commodator petebat, qd̄ non commodauerat, & cogeret reum innocentem iurare, puniendus erat petēs, quia iniuste astrinxerat proximum suum huic iuramento. Et erat tunc vindicta iuranti, cum videret à Deo percussam calumniatorem suum.

D

In quo casu fiebat iuramentum in templo.

Quest. XIII.

QVAERITVR in quo casu iuramentum fiebat in templo coram altari, cum esset periculosum propter mortem falsè iurantis, vel iurare compellentis. Dicendum, q̄ hoc fiebat ex communi consensu partium, s. cum commodator, & commodatarius nō conuenirent super commodato, vel deposito, & depositarius super deposito, & in hoc conuenirent, q̄ vnus alteri deferret iuramentum, & iuraret coram altari domini, & tunc securus erat ille contra quem iurabatur, q̄ si iurans falsè iuraret, moreretur, aut eueniret illa maledictio, quam super se inuocaret. De iuramento autem facto iudicialiter dubitabit aliquis, an tale esset, vt fieret coram altari illo. Dicendum, q̄ non apparet, & fortè quibusdam videbitur, quod iudicialiter non deferrebat tale iuramentum, eo quod istud pertinebat ad purgationem vulgarem: sicut cum quis probat innocentiam suam in ferro candenti, aut aqua frigida, vel calida, & tales purgationes vetitæ sunt. Dicendum quod licet non constet, an iudicialiter deferretur tale iuramentum reo, vel auctori: tamen satis credendum est, q̄ iudicialiter etiam deferretur. Nec obstat, quod hic esset purgatio vulgaris, quia multa talia in veteri testamento mittebantur: de quo dicitur infra in quadam quaest. Ideo satis videtur dicendum, quod iudicialiter

E

di cialiter tale iuramentum deferretur. Et ratio huius est, quia sic cōsuetum videmus in multis regionibus, quod vbi est defectus legum habent locum purgationes vulgares, eo quod nullum alium modum probandi habent, & tamen inter Iudæos etiam in foralibus erat paucitas legum. Ideo non erat inconueniens, q̄ deferretur tale iuramentum iudicialiter.

An iurans in templo puniretur iudicialiter.

Quest. XV.

QV AERITVR vltius, si quis iuraret in templo, & reperiretur per hoc quis fouebat causam iniquam: an puniendus esset postea iudicialiter, vtpotē, voluit depositarius retinere depositum, & coactus iure punitus est à Deo: & per hoc manifestum est peccatum suum, an vltra pœnam, quam Deus ei intulit, cogetur soluere depositum, & sic de commodato, & mutuo. Respondendum, q̄ iuramentum aliquando deferrebatur reo, & aliquando actori. Etiam aliquando peccabat iurans, & aliquando cogens eum iurare, si cogens iurare peccaret. Dicendum, quod non puniebatur vltra pœnam, quam Deus ei infligebat, s. aliquis petebat depositum, vel mutuum aut commodatum, quod non dederat, vt extorqueret aliquid à proximo suo, & compulit illum iurare, cum negaret, an teneretur ad aliquid, & ille verū iurauit, peccauit tunc ille, qui eum sciēter compulit iurare iniuste: & à Deo puniretur. Et de isto dicendum, q̄ constituto per istam pœnam Dei, q̄ fouebat iniquam causam non punietur amplius. Causa est, quia iste non peccauit auferendo aliquid proximo suo, vel detinēdo illud: sed solum calumniando contra illum cogendo iurare. Cum ergo iam Deus reddiderit in caput eius pœnam calumniatoris non tenebatur vltra alicui, vt vltiores pœnas suscipere. Si autem peccaret ille, qui iuraret, poterat dupliciter contingere. Vno modo, q̄ deferretur iuramentum actori, vel quod ipse illud subire eligeret, & sentiret reus: vel deferrebatur iuramentum reo, & iurabat. Si deferretur actori, & ille iuraret se aliquid deposuisse penes reum, vel accommodauisse: cum tamen nihil deposuisset, vel accommodauisset, puniebatur iste iurans à Deo. Et dicendum, q̄ constituto per illam pœnam de periurio eius, non erat vltra puniendus, etiam si non moreretur: quia iste non tenebatur reo ad aliquid: sed solum calumniando volebat eum obligare, & pro hoc puniendus erat, & quia Deus pœnam ei inflixerat, non audiebatur teneri iam alicui propter quem puniretur. Si autem reus iuraret se nihil suscepisse depositum commodatum, nec mutuum, & falsum diceret: puniebatur à Deo, & tunc erat dubium, an insuper cogendus esset ad soluendum debitum, commodatum, mutuum, vel depositum: vtpotē, si occideretur iste, an tenerentur successores sui de facultatibus eius soluere, quod iste mentiēdo negauerat: vel ipse non moreretur, sed aliās puniretur à Deo: an postea teneretur soluere, quod negauerat. Et in hoc est ratio dubitandi magis quā in præcedentibus, quia dato q̄ simile iurans puniretur hic à Deo, adhuc nihilominus manebat obligatus ad debitum, quod negauerat: & manebat proximus suus in damno, si non restitueretur ei depositum, vel commodatum, aut mutuum. Et aliqui putant, q̄ tenebatur insuper restituere, quod conuincebatur debere per hanc pœnam. Dicendum est, quod non constat de hoc, an teneretur postea ad aliam pœnam falsum iurans. Ratio prima est, quia per talem modum puniendi nō manifestabatur sufficienter debitum. Nam aliquis fortē peteret tanta, quæ deposuit, mutuauit, vel accommodauit, & fortē non

erant tanta, vel tot, & reus dixit se nihil recepisse, & iurauit, puniretur à Deo, quia falsum iurauit. Et per hoc constat, quod falsum iurauit, & tamen non constat, an petitio actoris esset vera, quia fortē non tenebatur in tot, nec in dimidio, & actor fortassis bona fide tantum petiuit, quia credidit tanta sibi deberi. Si autem condemnaretur ex hoc in petitis, iniuste puniretur, quia non debebat tot, nec tanta: ideo non esset aliqua condemnatio vltra pœnam, quam Deus infligebat. Secunda ratio est, quia istud iudicium erat distinctum à iudicio humano. Nam si contenderetur in iudicio humano, & probatur contra reum, infligeretur ei pœna iuris humani, s. quod condemnaretur in eo, in quo tuinceretur. Et tamen cum quis duceretur ad iudicium coram altari Dei, causa deuolvebatur ad iudiciū Dei. Ideo super eadem causa non erat iam aliquid agendum humano iudicio, sed totum Deo relinquendum: quia aliās videretur esse confusio iudiciorum, & tamen cum Deus puniret falsē iurantem, explebat in eo totam pœnam, quam volebat: ergo non erat ei imponēda alia pœna ab homine, s. quod solueret mutuū, depositum, vel commodatum. Cum autem obijciatur, quod licet Deus puniret falsē iurantem: tamen adhuc manebat damnum actori factum, nisi restituere tur ei debitum. Dicendum, quod ipse sibi imputare debebat hoc damnum, qui tali iudicio voluit experiri, per quod non poterat probari determinatē, quid sibi deberetur. Etiam non consueuisset reus condemnari in petitis, sed semper corporali pœna. Et hoc videtur rationabilius quā q̄ finita ista pœna Dei teneretur ad aliam pœnam iudicalem.

Ad quid fuit introductum, vt fierent talia iuramenta.

Quest. XV.

QV AERITVR vltius, ad quid fuit introductum in veteri testamento, quod fierent talia iuramenta coram altari, & Deus puniret in illis peccantes, quia sine ijs poterant plenē ventilari causæ per leges forales, quas Deus dederat, & per leges municipales, quas Iudæi introducerent, & per consuetudinem, quæ introduceretur inter eos, qui pro legibus habent deficientē iure scripto. Dicendum, quod hic petuntur duo. Primum est quare iuramenta fiebant inter duo. Secundum est, dato quod fieri oporteret, cur fiebant in templo, & cum tali solennitate, & cur talis pœna sequebatur falsē iuranti. Ad primum dicendum, quod planum est iuramenta in Ecclesia esse tam in iudicijs quā extra iudicia inter cōtrahentes, vel de contractu iam inito contententes. Nam multi casus erant in iudicio, in quibus non poterat veritas sciri, nec erat copia aliqua probationum, & iuramento partis stabatur: sicut patet Exo. 22. de depositario, & depositore. Nam si quis deponeret pecuniam penes alium, & furto subtraheretur: ita tamē quod non posset depositarius probare furtum, vel rapinam intercidiſſe, tenebatur iurare, quod non extenderat manum suam ad rem illam, & tunc absoluebatur. Idem erat si alicui darentur in custodiam boues, vel asini, & similia. Nam eodem modo iurabatur. Multi quoque alij casus sunt, in quibus dubium contingit de iure, & etiam secundum iura humana deferuntur iuramentum parti à parte, vel parti à iudice. Similiter quoque extra iudicium intra contrahentes, quā de contractu dubitatur, & de consensu communium aliter contrahentium iurabat: & sic dirimebatur contentio. Ad secundum dicendum, quod fuit conueniens iuramenta fieri cum tali solennitate, vel quod iurans falsum puniretur à Deo manifestē. Et istud conueniebat propter multa. Primo propter incredulitatem Iudæo-

Inducorum. Nam erant valde duri ad credendum, & temper in omnibus signa petebant: ut patet prima ad Cor. primo, s. Iudæi signa petunt, Græci autem sapientiam quærunt. Et sic dicebat eis Christus: Generatio peruersa signum quærit, & non dabitur ei signum nisi Ionæ Prophetæ. & quia quando probationes reducebantur ad sola iuramenta, non confidebat quis de constantia proximi sui, ut appareret manifesta veritas, conueniens erat, quod Deus ostenderet punitionem suam super falsè iurantem. Sic enim erat in multis alijs, in quibus non credebant Iudæi sine manifesto signo. Nam si quis conciperet dubium, volebat de illo certificari auctoritate Dei. Idem erat in die propitiationis: quando vnus caper ferre debebat peccata totius populi super se: ita ut populus videretur liber ab illis, & quia si Deus non ostenderet, quem caprum volebat, non putarent Iudæi sibi esse ablata peccata: iubebat Deus, & sortes ponerentur super duos hircos, & quod vni exiret fors pro Domino, & alteri in caprum emissarium, & ille, cui eueniret fors, ut esset pro Domino, immolabatur. Cui autem eueniebat fors in caprum emissarium, mittebatur in desertum portans peccata omnium Israelitarum super caput suum: Leuit. 16. Et illæ sortes ponebantur, quia per istas sortes putabant se habere determinationem diuinam: quia Deus illas iubebat poni, quasi per illas voluntatem suam esset ostensurus: iuxta illud Prouerb. 16. s. Sortes in sinum mittuntur, sed à Domino temperantur. Secundum erat propter duritiem cordis Iudæorum. Nam si quis haberet causam cum alio, & non existente alia probatione reduceretur causa ad iuramentum, & ille iuraret falsum in præiudicium, si inde nulla punitio sequeretur, doleret nimis ille in cuius damnum iuramentum falsè factum erat, & contenderet armis cum aduersario propter impatientiam cordis. Et ad tollendum scandala ista debuit permitti: vel potius assignari talis modus iurandi, in quo falsè iurans illico puniretur à Deo. Sic enim erat in libello repudij. Nam propter duritiem cordis Iudæorum permissus est: licet in se absolutè bonus non esset: Matth. 19. Sic etiam fuit de purgatione zelotypiæ: Num. 5. de qua infra dicitur. Tertia erat ad honorem Dei: nam Hebræi erant rudes, & non colebant Deum propter amorē bonitatis suæ, sed propter timorem. Vnde lex data est in timore, sicut dicit Apostolus ad Galat. 3. Lex pedagogis data est in timore. Et istud magis declarat ad Hebr. 12. ubi ponitur differentia legis nouæ, & veteris: sicut amoris, & timoris. Debuit ergo se Deus talem ostendere, ut eum Iudæi timerent. Istud autem erat si quando coram eo peccarent, puniret eos. Ideo dicebat, ut falsum iurantes in templo puniret: quia sic crederetur esse Deus, qui poterat punire delinquentes, & cognoscebat veritates occultas dans unicuique iuxta cor suum. Quartum erat ad honorem, & dignitatem magnam templi. Nam magna dignitas eius erat, si in eo delinquentes illico punirentur. Nam si in eo impune quis peccare posset, non crederetur aliqua virtus diuina latere, vel esse in templo illo, & contemneretur, vel non multum appreciaretur. Cum autem peccantes punirentur, crederetur templum diuinæ virtutis esse: ideo hoc esset nimis honorabile. Istud autem Deus nimis curauit facere in omnibus vasis ministrationis suæ, ut crederetur virtus diuina in eis. Nam si quis videret arcam Domini nudam, vel vasa sacra, morebatur illico, si non esset sacerdos: Num. 4. Etiam cum Bethsāmīth vidissent semel arcam Domini nudam, perierunt. Nam mortui sunt quinquaginta milia de eis: primo Regum 6. Et tunc habuerunt arcam, & Deum in magna veneratione, dicētes: quis poterit stare in conspectu Domini Dei sancti istius? Fecit euā

A tabernaculum, quod ante hoc fuerat valde terribile, & venerabile. Nam si quis immundus accederet ad illud, moriebatur. Ideo Deus valde admonuit Israelitas, ne immundi existentes accederent ad sanctuarium: quia morerentur in sordibus suis: Leuit. 15. Etiam si quis accederet ad ministrandum in aliquo officio Leuitico, vel sacerdotali non pertinente ad eum, moriebatur. Laici si accederent ad officia Leuitarum moriebantur: Num. primo. Et laici, & Leuitæ si accederent ad officia sacerdotalia, moriebantur: Num. 3. & 18. Sic factum est, quando ducenti & quinquaginta viri proceres Synagogæ voluerunt vsurpare sacerdotium. Nam combusti sunt coram altari: Num. 16. Etiam Datan, & Abiron, & tota eorum familia, filij, & vxores, & pecora, vniuersaque substantia simul perierunt descendentes viui in infernum: quia terra aperuit os suum super eos, & deglutiuit ipsos, cum cōiurassent contra Moysen, & Aaron propter summū sacerdotium, eodem capit. Rex quoque Ozias cum voluisset offerre thymiana coram Domino, & non esset sacerdos, percussus est à Domino lepra in frōte. infra 26. & 4. Regum 15. Et non solum extranei accedentes ad ministrationes sibi non debitas moriebantur, sed etiam quando sacerdotes ministrarent in officijs suis, si essent immundi, vel errarent in aliquo, moriebantur: ut patet de Nadab & Abiu filijs Aaron, quos prima die ministrationis ignis egressus à domino combussit, quia errauerant ministrando cum apposuissent ignem alienum coram domino. Leuit. 10. Et sic sanctuarium domini, & omnes ministrationes eius in magna veneratione, & terrore erant Iudæis: sic dixit Deus Israelitis Leuit. 26. Custodite Sabbatham meam, & pauete à sanctuario meo. Motiuum autem ad faciendum, quod iurantes falsum in templo punirentur, fuit: quia cum esset contentio inter contrahentes super aliquo, & non posset aliās probari, deferrent sibi inuicem iuramenta, & qui deferret alteri cogeret eum iurare in templo, quasi quod in reuerentiam templi, & Dei specialiter ibi existentis falsum non diceret. Et tunc si viderent Iudæi, quod aliqui falsum iurabant in templo, & tamen non puniebantur potius quàm iurantes extra sanctuarium, putarent templum contemptibile, & nullius venerationis, sicut quemlibet alium locum prophanum. Deus autem volebat hoc tollere, ideo penam ostendebat super quemlibet iurantem falsum in sanctuario. Istud etiam fuit motiuum Salomonis ad petendum hoc, quia sciebat, & propter reuerentiam loci multi inducerent debitores suos ad iurandum ibi super debito: & si non infligeretur pena falsum iuranti, contemneretur locus, quem ipse fecerat magnis sumptibus, & laboribus, ut esset magnæ sanctificationis temper: ideo debuit puniri à Deo falsum iurans in templo.

An Iudæus inducens Hebræum ad iurandū in templo peccaret.

Quæst. XVI.

QVAERITVR vltcrius, an Iudæus inducens, vel cogens Hebræum ad iurandum in templo, in quo poterat mori si falsum iuraret, peccaret. Aliquis dicet, quod peccaret, quia inducebat alium ad occasionem periculi, ideo videbatur ac si ipse poneret eum in periculo, & sic peccaret. Item patet efficacius, quia non solum inferebat talis alteri occasionem periculi: imò etiam veram mortem ei inferebat, quia manifestum erat, quod si quis ibi falsum iuraret, quod Deus eum occideret, vel infligeret aliam penam grauissimam, & tamen si quis sciebat aliquem obligatum sibi, & velle iurare in sanctuario, quod nihil debebat,

bebat, sciebat, quod moriturus erat, & tamen volebat quod iuraret: ideo volebat, quod moreretur, & hoc peccatum erat. Respondendum, quod non erat peccatum, quod quis induceret alterum, vel cogeret iurare in templo Salomonis in casu, in quo veritas aliter non poterat probari. Primum patet, quia Salomon petiuit hoc à Deo ad honorem templi sui, & Deus concessit illud: ergo non erat illicitum illud experiri, quia non orauerat Salomon istud, nec concesserat Deus, nisi ad hoc, quod aliquando veniret in experientiam: ideo non peccaret, qui deduceret hoc in experientiam. Secundo patet, quod alia similia concedebantur in veteri testamento. Nam si quis concepisset spiritum zelotypie contra uxorem suam, & tamen non potest probare ad hoc, quod ei infligatur pena adulteræ, concedebat Deus experientiam in aquis amarissimis per maledictionem sacerdotalem, & si mulier peccauisset, in tumescebat uterus eius, & rumpebantur femora atque moriebatur. Si autem non peccasset, manebat immunis, & gignebat multos filios: Num. 5. Et tamen vir in hoc non peccabat, sed ipsa si peccabat, moriebatur. Si autem non peccauerat, manebat illa sana, & etiam vir suus, & suscipiebat de illo multam prolem. Ita qui compelleret alium iurare, licet ille moreretur, non peccaret. Sed dicit aliquis, quod ista est probatio insufficientis: quia licet Deus aliquid permittat, non propter hoc est licitum. Nam multa peccata nunc impunita deserit, & tamen non ob hoc peccatum erit aliquando licitum: etiam iura humana sic faciunt, quia permittit ius canonicum meretrices in ciuitate, & tamen meretrix peccat. Dicendum, quod non stat, quia ista differunt nimis, præceptum, concessio, & permissio: nam præceptum est, quod iubet, & istud obligat ad faciendum, vel ad cauendum: Concessio est cum aliquid non iubetur, & tamen conceditur nobis, quod liberè utamur illo: non incidentes in culpam, nec in poenam, & istud est de rebus indifferentibus, vel de habentibus colorem alicuius mali, & tamen ex aliqua causa non sunt malæ. Permissio est cum ius de re nihil loquitur vetando, nec iubendo: & licet fiat, & mala sit non punit illam, sed sub silentio pertransibit, & hoc propter inenitabilitatē operis. In præcepti usu est virtus, concessionis non est virtus, nec vitium, in usu permissionis est semper peccatum: licet sit temporaliter impunitum. De præcepto exempla sunt manifesta in tota scriptura: de concessione patet, ut quod Iudæo viro accipienti captiuam mulierem in bello liceret accipere illam in uxore factis quibusdam ceremonijs: Deut. 21. Et tamen istud non erat præceptum, quia laudabilius erat nullam talem coniugem accipere, nec in concubinam: ne tamen acciperentur in concubinas, & esset deterius, Deus concessit eis, quod possent eas in coniuges accipere. Sic etiam erat de libello repudij: nam non erat sub præcepto, sed sub concessione, & hoc ut Hebræi propter duritiem cordis non inclinarerentur ad deteriora: Matth. 29. Sic etiam erat de iuramento, quam accipiebant Iudæi à conuersis ad Iudaismum: nam melius erat nullam accipere: & tamen propter duritiem cordis eorum concessum est, ut iuramentum à Gentilibus, & à conuersis de Gentilibus acciperent: Deut. 24. Non est tamen dicendum, quod in istis peccarent Iudæi, quia istud esset valde absurdum: nam tunc nulla differentia esset in concessis in lege, & non concessis: quia in vtriusque peccarent. Item sic non solum diceretur concessa, vel permissa in veteri testamento iuramentum contra alienigenas, sed etiam contra Hebræos ex genere: sed in vtroque peccatum erat. Etiam non solum esset permissus libellus repudij, sed etiam adulterium, si in libello repudij peccatum erat dando illum, sicut fornicando, siue adulterando: & ista sunt absurda.

F Item tunc specialiter concessisset aliqua mala, scilicet libellum repudij, & iuramentum: sed omnia mala dicerentur esse permissa, & omnia concederentur in lege: vel nullum concederetur, sed prohiberentur omnia, & tamen Deus concessit in lege ista, scilicet iuramentum contra extraneos, & libellum repudij, ergo licet viderentur alia mala, tamen ex concessione legis ablata est culpa, quæ alias poterat esse in eis, & in talibus proprie est concessio. Permissio est in illis, quæ mala sunt, & nulla ratione excusantur, nec excusari possunt, & tamen Deus non punit illa in lege, sicut est de meretricibus, & de multis alijs, quæ mala sunt, & tamen lex non prohibet illa, nec punit vtentes tali crimine. Ista distinctio procedit accipiendo proprie, & strictè permissione. Accipitur tamen largè saepe concessio, & permissio pro eodem: sed non est rectè dictum, quia in concessione interuenit aliqua auctoritas, quæ facit actum licitum, scilicet auctoritas concedentis. In permissione autem nullius auctoritas intercidit, sed solum negatur punitio, vel prohibitio: quia nullus tale factum punit, nec prohibet. Et tunc quando arguitur, quod licet Deus aliquid permittat non est licitum. Dicendum, quod verum est, quia permissa non efficiuntur licita: imò accipiendo proprie omnia permissa sunt illicita, & tamen concessa licita efficiuntur, licet alias forè essent illicita. Sic autem dicitur hic, quod Deus non permisit istam iuramentum in templo, nec libellum repudij, nec iuramentum, nec experientiam circa zelotypiam: sed concessit, ideo sunt licita: sic etiam de iure humano dicendum est, quod multa conceduntur, quæ alias essent illicita, & sunt licita. Alia autem nec conceduntur, nec negantur, sed subtrahuntur, & ista sunt permissa, sicut meretrices esse in ciuitate. Sed adhuc obijcietur, quod non erat licita ista iuratio, nec experientia zelotypie, quia isti erant purgationes vulgaris modi, & tamen purgatio vulgaris prohibita est, sicut fit in ferro candenti, & in aqua calida, & nimis frigida: ut patet in Decretis 25. 5. cap. consuluit, & cap. menam, & cap. Monachiam, & extra de purga. vulga. per totum. Dicendum, quod verum est, quod ista purgatio esset vulgaris, & in se aliquantulum erat illicita: Deus tamen concessit illam Israelitis ex causa, scilicet quia alias concepta suspicionem contra uxores occiderent illas. Sic etiam Deus multa alia concessit ex causa in veteri testamento, scilicet iuramentum contra Gentiles, & conuentus de Gentilitate, & libellum repudij, & similia, quæ nobis Christus vetuit: sed inter Hebræos propter infirmitatē populi illius adhuc rudis, & indocti, voluit Deus concedere, quod fierent hæc. Item redundabat iste modus orandi in honorem Dei: quia Israelitæ magis timebant Deum quam amabant, cum essent valde rudes, & carnales, & iuramenta fiunt in nomine Domini, cum quis iuraret vanum, vel falsè in nomine Domini coram altari suo, si non puniret Deus iurantem, putarent Hebræi rudes, quod ille Deus non sciebat iniuriam suam, vel si sciebat nesciebat illam vindicare, aut non poterat: ut ergo putarent eum scientem, & potentem dicebat, quod Deus puniret falsè iurantes in templo suo. Item erat hoc ad honorem templi Dei: quia cum iurantes viderent, quod in templo puniebantur falsè iurantes, & extra iurantes falsè non punirentur, crederent, & manifestè viderent virtutem auiam latere in loco, & venerarentur illum. Si autem iurantes ibi falsè non punirentur, non videretur excedere templum Domini ad alia loca in sanctitate, & sic contemneretur, sicut loca prophana. Item conueniebat hoc ad concordiam Hebræorum inter se: nam erant Iudæi inter se valde increduli temper signa querentes, & non credebant proximis suis per simplicia iuramenta, quia suspicarentur illos falsa locutos. Dato autem tali

tali modo iurandi illico crederent: quia apparet veritas ex hoc. Nam si iurans falsum dixisset moriebatur, vel apparebat in eo aliqua pena manifesta. Si autem nulla pena apparet manifestum erat, quod verum loquebatur, & sic tollerentur multa litigia inter Hebræos, quæ aliàs efficerentur immortalia, & esset modus, ut inter se concordarentur. Ad primam rationem in contrarium in principio quæstionis, Dicendum, quod non erat Iudæo illicitum alium Iudæum cogere iurare in templo coram altari, & per hoc deducere ad occasionem periculi: Et hoc propter tria. Primo, quia licet per hoc deduceretur quis ad occasionem periculi: tamen intentio cogentis eum iurare non erat directe deducendi eum ad periculum: sed ut veritatem sciret, vel ut non pateretur damnum in composito, mutuato, vel deposito. Si autem quis vellet quod alius iuraret solum, ut per hoc moreretur, non intendens inde consequi aliam utilitatem peccabat, sicut desiderans occidere alium. Secundum erat, quia dato quod quis deduceret alium ad occasionem periculi non peccabat: quia ex culpa sua quis deducebatur, scilicet, quia volebat verum fateri. Nam si verum iuraturus erat ille, qui compellebatur iurare, nihil periculi erat, & sic compellens eum iurare non inducebat ipsum ad aliquam occasionem. Si autem falsum iuraturus esset, incidebat in mortem, vel aliam penam, & tamen hoc culpa sua fiebat, quia falsum iurare volendo, & non culpa inducentis eum, quia ille potius vellet, quod verum iuraret: ut sic ipse consequeretur, quod intendebat. Tertium erat, quia dato quod esset hic aliquid illicitum, aliquo modo tamen concessio Dei fecit licitum, quod aliàs esset illicitum. Ad secundam rationem dicendum, quod verum est, quod si quis sciret, quod alius volebat iurare falsum, & moreretur iurando, velle quod iuraret erat manifeste velle, quod iste moreretur, & tamen non est contradicendum sic, quia cum manifestum esset, quod iurantes falsum coram altari, punirentur à Deo, nullus vellet sciret falsum iurare. Et dato, quod quis diceret se iuraturum, id quod falsum erat, tamen non erat certum, quod illud iuraret, sed magis verisimile est, quod mutaret propositum, & non iuraret, vel si iuraret, quod diceret verum: potissime quia modus iurandi, quod iret quis ad iurandum coram altari de templo de dicenda veritate in causa, in qua interrogaretur, & postea poterat deliberare quid responderet ad artis responderet, quod verum erat, aut conveniret cum aduersario suo nihil respondendo sub præstito iuramento. Potest etiam dici, quod dato quod quis sciret certissime, quod aduersarius suus falsum iuraturus esset, quod poterat eum compellere ad iurandum de desiderio consequendi ius suum, & in hoc non peccaret, quia lex istud permittebat, vel potius concedebat propter Iudæorum imperfectionem.

An sit nobis licitum talia iuramenta facere.

Quest. XVII.

QUÆRITUR ulterius, an licitum sit nobis agere aliquem ad præstandum qualia præstantur in templo Salomonis. Pro quo sciendum, quod sicut in templo Salomonis, si quis iuraret falsum coram altari, moriebatur vel infligebatur ei alia pena manifestata à Deo: ita sunt apud nos aliqua Ecclesiæ, in quibus sunt corpora sanctorum, super quorum sepulchra si quis falsum iuraverit, manifestam punitionem in breui sentit. Sic etiam sunt apud nos aliqui libri sacri Evan-

Ageliorum, super quos falsè iurans annum non excedit, ut communis opinio est. Aliquis dicet, quod illicitum sit compellere quemquam ad iurandum in talibus locis: eo quod illi, qui falsum iurant, moriuntur, & talis est purgatio vulgaris. In contrarium dicet pluri-
mi, quod licitum sit: quia Salomon obtinuit à Deo talem modum iurandi, ut patet hic in litera: & 3. Regum 8. Respondendum, quod quando quis purgat se de aliquo crimine, de quo est infamatus per iuramentum suum, licitum est, quod compellatur iurare super aliquod altare, vel super sepulchra Sanctorum, ad hoc quod maior reuerentia habeatur in iuramento: idem etiam quando iuramenta præstantur non ad purgationem, licitum est sic illa præstari ad satisfaciendum parti. Nam sicut iurantes compelluntur iurare super Sancta Dei Evangelia, ut propter reuerentiam eorum verum dicant, ita licet adhiberi omnes alias ceremonias, per quas tradantur cum maiori reuerentia iurare. Sic enim est, quod iurent in Ecclesia super altare, vel super sepulchra Sanctorum. Vnde Papa compulit quosdam iurare purgando se super sepulchrum beati Petri 2. quæst. 5. cap. menam. Quædam Ecclesia alium compulit iurare super sepulchrum beati Apollinaris: ut patet ibidem, cap. quanto, & cap. quæ de causa. Quod tamen aliquis iuret coram illo, vel super sepulchrum alicuius sancti, in quo creditur, quod falsum iurans morietur certissime, vel à Deo manifestè punietur, illicitum est, quia pertinet ad purgationem vulgarem. Sed aliquis dicet, quod licitum sit præstari iuramenta super talia altaria, cum Papa compulserit quosdam iurare super corpus beati Petri, & super corpus beati Apollinaris. Dicendum, quod non est simile, quia ibi compulsi sunt ad iurandum super corpora illorum sanctorum ex reuerentia sola, & non credebantur morituri dato, quod falsum iurarent. Et hoc modo compelluntur homines iurare communiter super Evangelia ad reuerentiam ipsorum: & tamen non creditur, quod falsum iurantes punientur certissime cum contrarium expertum sit. Secus autem erit ibi, ubi creditur falsè iurantes certissime puniendos à Deo, quia ibi est purgatio vulgaris. Sed aliquis dicet, quod non sit purgatio vulgaris, quia illa vocatur vulgaris, in qua non potest illam subiens euadere, nisi miraculum fiat, sicut apparet in ferro candenti, & aqua frigidissima, aut calidissima, quia tam nocentes quam innocentes læduntur ibi nisi miraculose liberentur. Istud autem est propriè accipiendo purgationem vulgarem: quia largius sumendo, etiam monomachia, siue singulare certamen est purgatio, in qua nocens potest euadere sine miraculo. Hic autem non est sic, quia iurando non læduntur innocentes, sed solum periuri, ideo non erit vulgaris. Dicendum semper, quod purgatio ista vulgaris est, quia simile fiebat ad purgationem de adulterio in muliere suspecta, quæ cum biberet aquas amarissimas, scilicet maledictas, si innocens erat, non nocebant ei aquæ, & erant de se tales, quæ ei nocere non poterant, nisi Deus ex miraculo faceret, quod nocerent. Si autem mulier rea esset, nocebant ei aquæ rumpentes femur: Num. 5. Ista tamen erat probatio vulgaris: ut patet 2. quæst. 5. cap. in libro Numerorum, & habetur ibi pro palea: nam in tota illa quæstione agitur de purgatione canonica, vel vulgari. Et ponitur iste, sed ad declarandum, quod esset illa purgatio vulgaris, quæ fiebat per aquas amarissimas: & tamen omnino est similis purgatio, quæ fit super corpora sanctorum in casu dato, ergo est vulgaris. Pro quo sciendum, quod purgatio vulgaris habet tres gradus. Primus est quando sumitur talis modus probandi, in quo necesse est periclitari tam nocentem quam innocentem, nisi à Deo miraculose liberentur, & ista est purgatio, quæ fit

fit in ferro candenti, & aqua calidissima, & frigidissima, & ista est valde illicita inter alias: de hac 2. quæst. 5. cap. menam: & c. consuluit, & extra de purga. vulgari, cap. dilecti filij. Secundus gradus est, quando probatio est talis, per quam non potest cognosci quis reus, aut innocens sit. Et tamen est talis à qua potest tam nocens, quam innocens, sine miraculo liberari: quia tamen non constat ex ea quis nocens, aut innocens sit, & insuper contingit interdum innocentes mori, & nocentes superare, reprobata est. Et sic est probatio per duellum, vel per similem modum pugnandi: sic patet 2. quæst. 5. cap. monomachiam, & extra de purga. vulg. cap. cum suscepti, & cap. significantibus, & ista licet sit mala, tamen non est tam mala sicut prima. Tertius gradus est in purgatione illa, per quam inuenitur delictum sufficienter, & tamen ad inueniendum illud tentatur Deus, vel saltem sit aliquid ad tentandum Deum, ut inueniatur delinquens, & sic est purgatio per aquas amarissimas: Num. 5. Nam ibi mulieres innocentes non poterant lædi. Etiam probatio erat manifeste probans, in qua nunquam erraretur, cum esset à Deo introducta. Aliquo modo tamen tentabatur Deus: quia volebant homines per huiusmodi purgationem cognoscere voluntatem Dei. Sic etiam in iurantibus in templo Salomonis, ut patet hic, quia sufficienter veritas manifestabatur per hoc iuramentum, cum esset iste modus introductus à Deo, & non poterat in eo periclitari, nisi nocens, & etiam erat ista probatio talis, quæ secundum se non poterat malum inferre, nisi Deus vellet supernaturaliter nocere. Sic etiam est in iurantibus super altaria, vel corpora sanctorum super quæ falsè iurantes creduntur à Deo certissime puniendi, quia in ijs attenditur quid Deus facere velit de illis. Ecclesia tamen vetuit omnem purgationem in qua tentatur Deus: ut patet extra de purg. vulg. cap. dilecti filij: ideo non sunt aliqua istarum toleranda, & non solum istæ, sed etiam aliæ minores, in quibus Deus minus tentari videtur non permittuntur, sicut antiquitus constitutum erat: quia si in monasterijs furta fierent, omnes fratres communicarēt: & quando abbas daret eius Eucharistiam diceret, corpus Domini sit tibi ad probandum hodie, ut patet in Decretis 2. quæst. 5. cap. sæpe contingit. sed ipsa purgatio, licet olim ab Ecclesia introducta esset, postea auctoritate Ecclesiæ reprobata est, ut dicit ibidem glossa. Et patet hoc, quia homini suspecto nunquam danda est Eucharistia, quanto magis non debet dari ad investigandam veritatem suspicionis: ut patet de consecra. distinct. 2. cap. tribus. Dicendum ergo, quod illicitum est, quod quis compellat alium ad iurandum super talia altaria, vel sepulchra sanctorum, vel libros sacros, vel quod quis subeat talem purgationem, licet sibi offeratur. Nam peccabit, qui sponte subierit talem purgationem sibi oblatam: non quidem quod illicitum sit reo, sic iurare: sed ut non consentiat malitiæ petentis talem purgationem. Isti modi purgationis vulgaris, & alij qualescunque sint in tantum sunt reprobati, quod sententia lata prætextu talium probationum non tenet, sed restituitur læsus: extra de purg. vulg. cap. significantibus. Dicendum ergo generaliter, quod omnes illæ probationes, quæ vel incertæ sunt, vel periculosa, vel expectant aliquid à Deo pertinent ad purgationem vulgarem: quia Deus tentatur in talibus. Et licet Deus dederit quibudam sanctis suis ad singularem honorem, quod iurantes in Ecclesijs eorum, vel in altaribus, vel super sepulchra ipsorum falsè habeant aliquam punitionem: homines tamen non debent subire experimenta diuinæ virtutis. Cum autem obijcitur, quod Salomon impetrauit istud à Deo: ergo non est illicitum. Dicen-

F dum, quod impetratum fuit ad duritiem cordis iudeorum, qui in omnibus volebant miracula, & tunc conueniens fuit, sicut multa alia fuerunt concessa. Nobis tamen nihil illicitum conceditur in nouo testamento, nec cōcedit Ecclesia in suis Decretis: ideo omnia talia aboleri debent.

G Si superatus fuerit populus tuus Israel ab inimicis (peccabunt enim tibi) & conuersi egerint penitentiam, & obsecrauerint nomen tuum, & fuerint deprecati te in loco isto, tu exaudies de cœlo, & propitiare peccato populi tui Israel, & reducere eos in terram, quam dedisti eis, & patribus eorum. Si clauso cœlo pluuia non fluxerit propter peccata populi, & deprecati te fuerint in loco isto, & confessi nomini tuo, & conuersi à peccatis suis, cum eos afflixeris, exaudi de cœlo Domine, & dimitte peccata seruis tuis, & populi tui Israel, & doce eos viam bonam, per quam ingrediantur, & da pluuiam terræ, quam dedisti populo tuo ad possidendum. Fames si orta fuerit in terra, & pestilentia, ærugo, & aurugo, & locusta, & brucus, & hostes vastatis regionibus portas obsederint ciuitatis, omnisque plaga, & infirmitas presserit: si quis de populo tuo Israel fuerit deprecatus, cognoscens plagam, & infirmitatem suam, & expanderit manus suas in domo hac, tu exaudies de cœlo, & de sublimi scilicet habitaculo tuo, et propitiare, & redde unicuique secundum vias suas, quas nosti eum habere in corde suo. Tu enim solus nosti corda filiorum hominum, ut timeant te, & ambulent in vijs tuis cunctis diebus, quibus viuunt super faciem terræ, quam dedisti patribus nostris. Externum quoque, qui non est de populo tuo Israel, si venerit de terra longinqua, propter nomen tuum magnum, & propter manum tuam robustam, & brachium tuum extentum, & adorauerit in loco isto: tu exaudies de cœlo firmissimo habitaculo tuo, & facies cuncta, pro quibus inuocauerit te ille peregrinus: ut sciant omnes populi terræ nomen tuum, & timeant te sicut populus tuus Israel: & cognoscant, quia nomen tuum inuocatum est super domum hanc, quam ædificaui.

Si superatus. Hic ponitur secunda petitio pluralis, scilicet de hostilitate. *Et dicitur: si superatus fuerit populus tuus Israel.* Casus est, quod Israelitae peccarent contra dominum, & Deus iratus traderet eos in manus hostium, scilicet quod mitteret hostes in terram Israel, & pugnarent contra Israelitas, & ipsi fugerent à facie eorum, caperentque hostes aliquam terram de manu Israelitarum, tunc si orarent in templo, quod Deus confortaret eos contra hostes, & faceret, quod recuperarent terram quam perdiderant. *Et dicitur si superatus fuerit populus tuus Israel ab inimicis.* Præsupponitur, quod isti inimici Israelitarum venirent in terram Israel ad pugnandum, & non valerent ibi Israelitae resistere eis, sed fugerent. *Peccabunt enim tibi.* Istud est confirmatorium, vel reddituum causæ superioris dicti: si diceret aliquis, quomodo hostes venient contra Israelitas, cum Deus illos specialiter custodiat. Respondetur, quod peccarent Israelitae, & ex hoc evenirent eis mala, & dixit hic Salomon, peccabunt, non tanquam Propheta futura prædicens, sed considerans conditionem humanam, quia difficile est, quod sit aliquis homo, qui non peccet, sicut dicitur infra: Nec enim est homo, qui non peccet. & si hoc in quolibet homine est, potissimè erit in vno populo. Nam difficile est non peccare populum, quam non peccare vnum hominem, quia in populo multi sunt, & difficile est quemlibet tenere ne peccet. *Et conuersi egerint penitentiam.* Scilicet, postquam ab hostibus fuerint separati, si cognouerint, quod Deus illos tradidit in manibus hostium propter peccata sua, & doluerint de illis, & tunc conuersi fuerint ad dominum petentes misericordiam, & auxilium. *Et obsecrauerint nomen tuum.* Obsecrare est per inuocationem alicuius memorare, sicut cum dicitur: oro per Passionem tuam domine Iesu, & per Resurrectionem tuam, & per Ascensionem tuam, miserere mihi peccatori: & ita Hebræi implorabant misericordiam diuinam per memoriam Abraham, Isaac, & Iacob, & per pacta, quæ cum eis iniuit, & istud erat obsecrare. *Et fuerint deprecati in loco isto.* Scilicet, quando fugati fuerint ab hostibus, veniebant ad locum templi, & ibi orauerint ad te: sic faciendam, scilicet contra Benjamin: nam veniebant quilibet vice ad tabernaculum domini in Silo, & ibi orabant, & petebant an rursus in bellum ascendere deberent, & Deus respondebat eis quousque dixit, quod Benjamin: Iudic. 20. capitu. *Tu exaudi de celo.* Fingitur Deus esse in celo tanquam rex venerandus sedens in solio excellenti, & inde audiens, & videns gemitus nostros, illis providens, & dicitur hoc: quia coelum est pars excellentior orbis, & cum Deus in orbe sit dignus, & honestius collocari videbitur in celo quam alibi: Etiam quia Deus specialiter in celo est: nam ibi glorificat spiritus beatos visione sua, & se eis manifestat. In alia autem parte orbis hoc non facit: proprius ergo ibi quam alibi est. *Et propitiare peccato populi tui.* Id est miserere populo tuo peccanti, & erit Hypallagma: id non sit, nec susceptivum sit, nec egeat misericordia: sed homo peccans eget misericordia. *Et dicitur propitiare peccato populi tui, id est miserere populo tuo, ne propter peccatum illud eum deleas.* *Et reduc eos in terram, quam dedisti patribus eorum.* Scilicet, aliqui eorum ducti erant captivi, qui capti erant in bello, & alii in templo pro se, & pro his, qui capti erant ab hostibus, & ducti in terram alienam, ut reducerentur in terram suam. Aliter potest intelligi, quod Israelitae superati erant ab hostibus, & non ducti fuerant captivi, sed perdiderant aliqua loca terræ suæ.

A quæ iam occupauerant hostes, & confugerant ad alias vrbes, & ad locum templi, & ibi orant, quod reducuntur in terram, quam Deus dedit patribus eorum, scilicet in loca, in quibus prius habitabant exclusi inde hostibus. *Si clauso celo.* Hic ponitur tertia petitio de defectu pluviarum, & temporum siccitate. Casus est, quod Israelitae peccarent contra dominum, sicut assueti erant, & Deus iratus subtraheret pluuiam, & terra periret siccitate, & tunc venirent Israelitae ad orandum in templo pro pluuiâ, quod Deus exaudiret eos dando pluuiam: Ponitur ista poena, & remedium orationis: quia terra Chanaan, in qua habitabant Iudæi erat terra sicca, & egens pluuiâ de celo. Nam fuerant Israelitae prius in terra Aegypti, in qua ad terræ nascentia non opus est pluuiâ, sed Nilus diffusus per planitiem terræ Aegypti terram inebriat, & fecundat, & germinare facit. Terra autem Chanaan non est sic plana, ut per illam possit derivari aqua fluminum ad fecundandam eam, ideo eget pluuiâ de celo: Sic patet Deut. 11. f. Terra, ad quam egredieris possidendam, non est sicut terra Aegypti, de qua existi, in qua iacto semine in hortorum more aque ducuntur irriguæ: sed montuosa est, & campestris de celo expectans pluuiam, quam Dominus Deus tuus semper immisit, & oculi illius in ea sunt à principio anni usque ad finem eius. *Et dicitur. Si clauso celo pluuiâ non fluere.* Est metaphora tracta ex modo intelligendi vulgari: putant enim vulgares, quod aque pluuiæ sint intra coelum, & teneantur ibi dum clausum est, & cum aperitur fluunt, & sic putant, quod quodocunque pluit celum aperitur. Istum modum loquendi vulgarem sequitur scriptura, ut patet Gene. septimo, cum ageretur de diluvio, quod fuit ex abundantia pluviarum, dicitur: rupti sunt omnes fontes abyssi magnæ, & cataractæ coeli aperte sunt: quasi quod in celo esset tota illa multitudo aquarum, quæ fluxit in diluvio, quia tamen cataractæ coeli clausæ erant prius, non fluebat. Cum autem Deus aperuit cataractas coeli fluxit pluuiâ immensa. Sic accipitur Deutero. vigesimo octavo, scilicet, aperiat Dominus thesaurum suum optimum coelum, ut pluuiam tribuat terræ tuæ tempore suo. **D** & ibi è conuerso ponitur, quod clauditur terræ coelum propter peccata, ut inde non fluant pluuiæ. Non est tamen sic secundum veritatem: quia in celo nulla pluuiâ est: nam pluuiâ est ens metheoricum de natura elementalî, & tamen corpora coelestia sunt de quinta essentia, quæ nullo modo est in ista essentia elementorum, quia aliàs fieret alteratio, generatio, & corruptio in corporibus coelestibus, quod falsum est: Etiam videretur contra naturam, quod cum corpora coelestia sint supra omnem levitatem elementalem, quod aliqua natura elementalîs grauis esset supra coelum. Etiam dato, quod essent aquæ elementales supra coelum, non posset celum aperiri, & claudi, & aliquando fluere pluuiâ, & aliquando non: quia coelum non suscipit scissionem, nec corruptionem, nec aperitionem, nec alias peregrinas impressiones. Nec obstat, quod dicantur aquæ esse super coelum, quia non sunt veræ aquæ super coelum, sed est substantia coelestis, quæ est velut aqua gelida, & vocatur coelum cristallinum: de quo magis declarabitur Dani. 3. in cantico Angelorum: sed pluuiâ secundum veritatem in aere gignitur: quia est ens metheoricum causatum ex vaporibus eleuatis de terra calore solis, & cum in regione aeris condensantur, quia ipsi natura sua humidi sunt, efficiuntur pluuiæ, & pondere suo fluunt, & sic sunt pluuiæ, quia tamen vulgares Hebræi putabant coelum esse totum, quod est super nos, vocabant etiam regio-

regionem aeris coelum, & sic dicitur Psal. octauo. Volucres coeli, & pisces maris: sic etiam Christus accepit Matth. decimotertio, scilicet. Aues coeli comederunt illud, idest aues aereis, quia aues non volant per celum, sed per aerem: & ideo putabant, quod in coelo pluuia esset, & quando aer erat siccus, & quasi durus, & indispositus ad generationem, & fluxum pluuiarum, dicebant celum esse clausum, & cum erat aer mollis, humidus, & dispositus ad generationem, & fluxum pluuiarum dicebatur aperiri coelum, & influere pluuia. Et quia quando aer est desiccatus, & quasi durus, nunquam pluit, dicit scriptura coelum esse durum, & ferreum, quando non pluit: vt patet Deuteron. vigesimo octauo, scilicet: Sit coelum, quod supra te est æneum, & terra quam calcas ferrea: det dominus imbrem terræ tuæ puluerem, & de coelo descendat super te cinis donec conteraris: & sic dicit scriptura clausum esse coelum, quando est tempus magnæ siccitatis, ita vt nullæ pluuiæ fluant. *Propter peccato populi.* Considerandum circa istud, quod Salomon orat hic pro pluuia, pro bona habitudine terræ nascentium. Sunt autem terræ nascentia ex duobus, scilicet ex humore terram fecundante, & ingrasante, & ex calore digerente: pro calore autem nunquam oratur, quia cum calor causetur principaliter ex motu solis super terram, & sol tenet motum suum vniformiter omni tempore, non deficit calor nisi per accidens: ideo licet calor digerens sit causa præcipua terræ nascentium, nunquam oratur pro illo. Aqua autem pluuialis interdum est multa, ita vt omnia alluione pereant. Interdum autem est nulla, ita vt omnia marcescant: ideo pro hac principaliter oratur. Ista autem solet tolli propter peccata populi. Nam licet naturaliter eueniat defectus pluuiarum: ista tamē dispositione diuina eueniunt propter peccata nostra: & ipsa corpora coelestia sunt instrumenta diuinæ iustitiæ contra nos: iuxta illud Sapient. 5. Pugnabit pro eo orbis terrarum contra insensatos. Et impossibile est ordine naturali, vel per quemcunque alium ordinem aliqua mala, vel incommoda nobis euenire, quin illa propter peccata nostra eueniant, & à Deo iudicata sint: alioquin esset aliquid, quod non caderet sub prouidentia Dei: vt ait Boetius quarto de Consolatione. prosa 6. Ideo Deus in poenam peccatorum tollit pluuias: Deuteron. vndecimo, scilicet. Cauete, ne recedatis à domino, iratusque claudat celum, & pluuiæ non descendant: & Deuteron. vigesimo octauo: dicitur: Sit coelum, quod supra te est æneum: & terra, quam calcas ferrea: det Deus imbrem terræ tuæ puluerem, & de coelo descendat cinis, donec conteraris. Et non solum Deus propter peccata solet auferre pluuias, sed etiam omnino flumina aufert, & reddit terram saluginosam: ita vt non habitetur: Psal. 106. Posuit flumina in desertum, & exitus aquarum in sitim, terram fructiferam in saluginem à malitia habitantium in ea. *Et deprecati fuerint te in loco isto.* Scilicet orando, quod des eis pluuias. *Et confessi.* Confessio est laus diuina, vel est confessio peccatorum: & istud erat, quod quando Israelitæ propter peccata sua priuarentur pluuiâ, dicerent, quod Deus fuerat iustus auferendo eis pluuiam, quia ipsi facerent multa enormia, pro quo hoc merebantur: & in hoc erat confessio, idest laus Dei, scilicet, quia laudabant Deum, dicentes, quod iuste puniuisset eos. Etiam erat confessio, siue manifestatio peccati, quia dicebant se peccasse, & ideo cuenisse sibi ista mala: istum modum orandi pro peccatis tenebant omnes sancti antiqui, vt patet Daniel septimo, cum orabat pro populo, dicens: Tibi domine iustitia, nobis autem confusio faciei: idest tu domine iuste fecisti punien-

do nos, & nobis est confusio faciei, idest verecundia: quia tot peccata egimus, per quæ malum hoc promeruimus, quod erubescimus illa confiteri. *Et conuersi à peccatis suis cum eos afflixeris.* Idest si conuersi fuerint à peccatis suis agentes poenitentiam de eis, cum afflixeris eos: quasi dicat, si in ista afflictione positi conuersi fuerint cessantes à peccatis suis, exaudi eos: nam si non cessarent à peccatis suis, etiam si essent constituti in magnis periculis, non erat rectum, quod Deus exaudiret eos, nec orabat Salomon, quod sic existentes exaudirentur. Et dixit hoc Salomon, quia iste erat modus Dei, scilicet, quod si Israelitæ peccarent contra eum, affligebat eos: & si non conuerterentur inducebat aliam maiorem afflictionem, & sic per ordinem, & postea cum conuerterentur ad dominum, etiam si essent in vltima poenarum, Deus miserebatur eorum: vt colligitur Leuit. vigesimo sexto capitulo: vbi ponitur ordo puniendi, quem Deus haberet contra Iudæos, quando peccarent, scilicet, quod si non conuerterentur semper punitiones eorum augetet, & cum ponitur vltima poenarum, quæ erat, quod ducerentur in terram hostilem subditur: peribitis inter gentes, & hostilis vos terra consumet: quod si de ijs aliqui remanserint, tabescent in iniquitatibus suis in terra inimicorum suorum, & propter peccata sua, & patrum suorum affligentur donec confiteantur iniquitates suas, & malorum suorum recordentur, quibus præuaricati sunt in me, & tunc Deus reducebat Israelitas in terram suam expleta poena peccatorum suorum: sic patet Deuteron. trigesimo, scilicet: Miserebitur tui, & rursus congregabit te de cunctis populis ad quos te prius dispersit: si ad cardines coeli fueris dissipatus, inde detrahet te dominus Deus tuus, & assumet, & introducet in terram quam possederunt patres tui. *Exaudi de celo domine.* Quia Deus fingitur esse in coelo, vt habitans petitur, quod inde exaudiat. *Et dimitte peccata senioris tuis, & populo tuo Israel.* Scilicet, parce illis ne vltra illos punias propter peccata illa, propter quæ pluuias abstuleras, sed incipe dare pluuias populo tuo. *Et doce eos viam bonam, per quam ingrediantur.* Scilicet, Israelitæ inciderant in defectum pluuiarum, quia ambulabant in via mala recedentes à præceptis tuis, sed nunc da eis cor deuotum, vt conuertantur ad te, & sequantur præcepta tua. Et istud est docere eos viam bonam, scilicet, ne postquam conuersi fuerint ad dominum, & Deus dederit eis pluuias, redeant ad aliàs peiores iniquitates, propter quas Deus maiores penas inferat: nam incipientibus iniquitatibus Deus auferrebat pluuias: si autem peccata crescerent, reddet Deus terram inhabitabilem per siccitatem: vt patet Psal. 106. scilicet: Posuit flumina in desertum, & exitus aquarum in sitim: terram fructiferam in saluginem à malitia habitantium in ea. *Et da pluuiam terræ.* Scilicet, ne terra pereat propter iniquitates habitatorum, quam dedisti populo tuo ad possidendum. Scilicet, etiam si tu non dares pluuiam terræ propter merita habitatorum eius, saltem deberes dare pluuiam propter terram: quia tu dedisti terram istam habitandam patribus istorum: & ob hoc debes curare ne terra pereat. *Fames si orta.* Ista est quarta petitio de bruco, ærugine, & locusta terræ nascentia vastante, & est casus, quod si propter peccata Israelitarum Deus mitteret super eos brucum, locustam, æruginem, & insuper hostes, & sic vastaretur terra, si quis de populo illam in templo, quod auferret ista plaga, quod Deus illam auferret: & dicitur. *Fames si orta fuerit in terrâ.* Ponuntur hic diuersa mala, quæ possent accidere Israelitis, & ponitur primò fames non determinando aliquem modum causæ eius: sed intelligitur, quod ex quacunque

omnq; causa eueniret Deus auferret illā. Erat. n. fames malum grauissimū, q̄ interdū tantū grauabat Hebræos, vt cogerentur ad cibos infames, scilicet comedendū carnes filiorū suorū, & ad comedendū sanguinē fluentem de vtero, & pelles secundinarum: & istud accidebat Israelitis q̄n propter aliqua peccata grauissima trahebant in aliquā obsidionē: nā tunc grauissima fames eos opprimebat, vt patet Deute. 28. f. obsideberis intra portas tuas, & comes fructū vteri tui: & carnes filiorum, & filiarū tuarum in angustia, & vastitate qua operimet te hostis tuus: hō delicatē vitæ, & luxuriosus valde inuidebit fratri tuo: & vxori, quæ cubat in sinu suo, ne det ei de carnib⁹ filiorum suorum quas comedit: eo q̄ nihil aliud habeat in obsidione, & penuria, qua vastauerint te inimici tui intra portas tuas: tenera mulier, & delicata, quæ super terram ingredi non valebat, nec pedis figere vestigium propter mollitiē, & tenitudinem nimīa inuidebit viro suo, quæ cubat in sinu suo super filij, & filia carnibus: & super illuue secundinarū, quæ egrediuntur de medio seminum ei⁹, & super liberis, qui eadem hora nati sunt. Simile autē accidit ī obsidione Samarię, q̄n Benadad rex Syrię obsidebat Ioram regem Israel in Samaria: nam duæ mulieres præ magnitudine famis conuenerunt inter se, quod comederent filios suos, scilicet quod vna die comederent filium vnus, & alia die comederent filium alterius, & comederunt filium vnus: vt patet quarto Regum septimo. Erat autem tanta fames eo tempore in Samaria, q̄ vēdebatur caput asini octo ginta argenteis: & quarta pars cabi stercoris columbarum quinque argenteis. *Et pestilentia.* Ista est ægrotudo, qua hoies infecti facili ter moriuntur: & est morb⁹ contagiosus, & ista non est pars famis, nec aliquid sequens ex fame: sed malū per se: nā potius pestilentia prouenit ex abundantia terræ nascentiū quā ex fame: iō vocatur pestilentia à pastu, quia propter saturitatē facili⁹ corrumpuntur corpora quā propter famē. *Aerugo.* Vocatur ærugo quidā vermis, qui nascitur in folijs arborum, & oīa desiccatur, & consumit: & vocatur ærugo quasi vrugo ab vrendo dicta, quia est calidæ nature, & oīa desiccatur, & incineratur. *Et aurugo.* Est quædam passio, vel nocumentū proueniens terræ nascentibus ex corruptione aeris: & vocatur aurugo, quasi ante rubigo, & est nocumentū istud, quo terræ nascentia marcescunt, vel putrescunt degenerando à naturali virore, & declinando in pallorē, & vocat istud nocumentū pestilentia 3. Reg. 8. f. quia segetes vel terræ nascentia depascitur. i. destruitur: sicut aer corrupt⁹ est quo corpora humana infecta corrumpuntur, & vocamus pestē: sed alius modus corruptionis est. *Et locusta.* Aīal cognitum est, quod à principio nō habet alas, & postea successu tēporis, & deuorat terræ nascentia. *Et brucus.* Aīal est nigrum quod vinearū flores depascitur, & est paruulū alarū: & tñ. 3. Reg. 8. ponitur rubigo, & est infectio quæ ex aere proueniens qua segetes marcescunt, vel putrescunt, vel saltem exuruntur, & istud est verius. f. q̄ aliquñ propter nebulā, vel ventum pessimū flantē spiritus legerum à principio exuruntur, & grana proferre nō possunt, & vocatur ista pestis vredo, i. exustio, quia ex calore venti prouenit: sic accipitur Gen. 41. c. cum vidit Pharaon septē ipicas tenues, & percussas vredine: & sic differt rubigo ab æruginē, & auruginē. Aliquādo autē oīa ista mala simul veniunt Dei mādato super segetes: vt patet Joel. primo, cum Deus comminatus est mala regno Iuda. i. residuum ærucæ comedit locustæ, & residuum locustæ comedit brucus, & residuum bruci comedit rubigo. Vocatur enim eruca, quæ vorat hic ærugo. i. vermis, qui nascitur in folijs arborum, & exurit illa. *Et hostes vastatis regionibus portas obsederunt.* Istud etiam est aliud malum. i. hostilitas, & similia.

Alph. Tost. super Paralip. Pars 2

A tur præcedentibus, quantum ad aliquid, quia sicut per æruginem, brucum, & locustam destruuntur terrenascentia, ita per hostium incursum: ipsi. n. plus vastant quā omnia alia nocumenta: ideo dicitur hic, & hostes vastatis regionibus portas obsederunt. f. portas urbium. Quia iste erat processus hostium, vt primò destruerēt terræ nascentia, ne obsessi pro sequenti anno ibi spem victualium haberent: deinde obsidebant vrbes, vt bello, & fame per diuturnam obsedionem ad deditionem obsessos cogerent. Et ponitur istud inter alia mala, quia per orationem factam in templo liberabantur Israelitæ ab omnibus malis, & plagis, vt patet ex litera sequenti, scilicet. *Omnisque plaga, & infirmitas præcesserit.* Ponitur hic clausula generalis, scilicet **B** non solū liberarētur Israelitæ à malis supra positis per orationem factā in templo. Et ponitur plaga, & infirmitas: quia plaga est malum ab extrinseco veniens: infirmitas est malum proueniens ab intrinseco: & vocantur plagæ omnia mala à Deo exterius inflicta: vt pestis, & quæcunque alia: infirmitas vocatur malum naturaliter eueniens ab intrinseco, sicut quæcunque ægrotudines. *Siquis de populo tuo Israel fuerit deprecatus.* Scilicet, quicumque deprecatus fuerit, exaudiat pro seipso, si in recto corde deprecatur: & ponuntur alia mala. 3. Reg. 8. scilicet deuoratio, & increpatio. Vocatur deuoratio malum quod infligitur à bestiis, et quibuscunque in terra nascentibus quādo illa deuorant, & deuastant. Increpatio pēna est quæcunque: & est modus loquendi frequentatus in scriptura, vt pat. Psal. 105. f. & nō permisi quemquam nocere eis: & increpuit pro eis reges, id est puniuit: sic et dicitur quod increpuit Deus mare rubrum, id est puniuit illud, vel percussit. Alio modo vocatur increpatio quædam pēna, quæ est à Deo nobis inflicta, & est in sola aīa nostra. f. q̄n displicet nobis de operibus nostris: & hoc non est præcipuē quasi illa male se habeant: sed quia Deus vult, q̄ angustiemur in nobis: & immittit nobis istam displicentiam: Sic patet Deu. 28. scilicet: Mittat dñs increpationem in oīa opera tua, donec cōterat te, & perdat velociter. *Cognoscens plagam, & infirmitatem suam.* Scilicet cognoscens, q̄ illa plaga vel infirmitas à Deo erat, vel cognoscens plagam illam et infirmitatem euenisse propter peccata sua: nam non potest accipi cognitio aliter pro sola cognitione: quia tunc necesse esset quod omnes de Israel cognoscerēt plagas suas nisi essent amentes: sed dicitur hoc, quia licet aliqui scirent se plagatos, et infirmos, si non cognoscerēt propter peccata sua euenisse hæc, et à Deo fuisse inflicta, non exaudiret Deus illos, quia Deus nō exaudit nisi ad se conuersos, sicut supra dicebatur: si deprecati fuerint in loco isto, et confessi nomini tuo, & conuersi a peccatis suis. *Expanderit manus suas in domo hac.* Scilicet, expanderit manus orando pro plaga, et infirmitate, vt sanetur, quia iste est modus orandi per eleuationem, vel expansionem manuum: *Tu exaudi de cælo.* Scilicet, quia Deus in cælo specialiter est, inde exaudire dicitur specialiter cum ibi specialiter sit. *De sublimi, scilicet habitaculo tuo.* Expolitio est, scilicet, quod cælum est habitaculum Dei sublimē, quia super nos est, et licet ibi sublimis sit iuste nos exaudit. *Et propitiare.* Id est miserere deprecanti. *Et redde unicuique secundum vias suas.* Id est bonis bona, et malis mala. *Quas nosse eum habere in corde suo.* Scilicet, in corde est vera bonitas, et vera malitia. Ea autem, quæ foris sunt, magis sunt signa bonitatis, et malitiæ interioris, quā sunt vera malitia, et bonitas: et quia Deus cognoscit cor, potest dare unicuique iuxta cor suum, non considerando quod exterius apparet, quia possunt exteriora esse talia signa: et non est intelligendum, quod Salomon oret, q̄ malis dentur

M mala

mala & bonis bona, quia hoc Deus etiā à nullo oratus faciet, sed intelligitur de illis, qui cognouerūt propter peccata sua inflīcta fuisse eis mala à Deo: quia isti iam boni effecti sunt, q̄ Deus eis misereatur: Mali vero sūt, qui à Deo puniti indurantur, & nolunt ad Deum conuerti, quia istis mala danda sunt: non. n. est orandū pro talibus, qui nolunt conuerti quòd Deu misereat eis: quia non sunt dispositi ad suscipiēdum misericordiā. *Tu enim solus nosti corda hominum.* Est declaratiuum præcedentis dicti. s. quòd Deus redderet vnique iuxta opera sua, & iuxta cor suū. Aliquis aut̄ quæreret quòd hoc fieri posset. Respondetur q̄ faciliter, quia De⁹ scit solus corda hominum. *Ut timeant te.* Iste fructus erat ex punitōe Dei super malos, et ex præmio iustorum, quia cū quilibet videret, quòd Deus retribuebat ei s̄m merita cordis sui, videret, q̄ Deus cognoscit cor eius: & sic timeret eū valde. s. quia non solū cognoscebat, quæ foris erant, & puniebat pro illis, sed etiā puniebat pro illis, quæ erāt in corde illa puniens: & dicitur hic de corde, quia vera bonitas, & vera malitia præmio, & pēna dignæ sunt: ista autem in solo corde sunt: nā aliqui sunt verè mali, qui foris ostendūt se religiosos nimis, iuxta illud Salomonis: Est q̄ nequiter se humiliat, & interiora eius plena sunt dolo. Et illud Matt. 7. scilicet: Attendite à falsis prophetis, qui veniunt ad vos in vestimentis ouium: intrinsecus autē sunt lupi rapaces. Ideo Christus omnia bona, & mala in corde esse dixit inquit, quòd id, quod per os intrat non con inquinat aīam: sed id quod exit per os: Matt. 15. Et ob hoc Deus, qui est index certus non iudicat per exteriora, sed solū per cor: vt patet 1. Re. 16. s. Nec enim iuxta intuitum hominis ego iudico. Homo enim videt ea, quæ extra apparent: Deus aut̄ intuetur cor: ita etiā si homines possent cognoscere plenè corda aliorum, nō iudicarent p̄ exteriora, sed ex corde: quia tñ nō cognoscūt corda, iudicāt p̄ exteriora, q̄ sunt argumēta interiorum, iuxta illud primo Perihermenias. Sunt ea quæ sunt in voce, eorum, quæ sunt in anima passionū notæ. Et ob hoc inducunt hoīes testes in iudiciis suis, & alias probationes, quia non corda cognoscunt, quæ si cognoscerent, nec testibus, nec aliis probationibus vterentur: nam non est deueniēdum ad probationes peregrinas, & exordinarias, & debiles, qñ possunt probationes necessariæ haberi: sicut non est standum præsumptioni probabili, qñ possunt testes de visu haberi. Defectus tñ cognitionis huius facit, quòd nos vtemur multis generibus probationum. Et istud est quare Deus in iudicio suo non vtitur testibus. s. quia testes sunt minor probatio quā cognitio cordis. Nam testes possunt deierare vel errare in dictis, vel quomodocunque perueriti. Cognitio autem, quæ fit per cor, nō potest perueriti. Ideo illa sola Deus vtitur. 1. Reg. 16. s. Nec iuxta intuitum hominis ego iudico: homo enim videt, quæ extra apparent, Deus autem intuetur cor. *Cunctis diebus, quibus viuunt super faciem terre, quam dedisti patribus nostris.* Dicitur hoc ad signandum esse tempus. s. quòd omni tempore timerent Israelitē dominum videntes, quòd iudicabat ex corde potius quā ex opere exteriori, Et dicitur cunctis diebus &c. nō ad intelligendum, quòd solū timerent Deum qñ manerent in terra Chanaan, quam Deus dederat eis, quæ etiam si essent extra terram illā timerent dñm, & fortē ibi timerent eum magis quā in terra sua: nam Israelitæ semper erant in terra sua, nisi cū peccarent grauissimè dño venientes ad extremum malorum: quia tunc non sufficientibus pēnis, quas Deus infligebat eis in terra sua, tradebat eos in manus hostium, & ducebantur captiui extra terram suam: Leu. 26. Et cū nō quæterentur manentes in terra sua, quæterebātur manentes in terra aliena: & tunc Deus miserebatur eorū,

& reducebat eos in terram suam. eo. ca. & Deu. 3. Ideo vbicunque essent, timerent dominum videntes, q̄ iudicabat s̄m cor: sed dicitur hoc ad signandum omne tempus, quasi præsupponatur, quòd mansuri erant Israelitæ in terra illa omni tempore, quōd viuerent, & dñm, quam dedisti patribus eorum: quia terra Chanaā, non data fuerat Iudæis, qui nunc erant in ea, sed patribus eorum. s. primis, qui sub Iosue ceperunt possidere terram illam. *Externum quoque.* Ista est petio quinta, quæ oratur pro aduenis, & Gentilibus. Casus est, quòd templum Salomonis efficeretur famosus in toto orbe: & sic non solū Iudæi, sed etiam Gentiles venirent ad orandum in illo. Rogat autem Salomon, vt Deus ēt exaudiat eorum orationes, quas in hoc templo fuderint: vt sic magis nomen eius magnificetur. Et dicitur. *Externum quoque, qui non est de populo tuo Israel.* Idest etiam exaudi extraneum orantem in templo isto. Vocantur extranei, qui non erant de genere Israelitarum: & ēt non erant conuersi ad Iudaismum: nam conuersi de Gentilitate ad Iudaismum, computabantur de populo Israel, saltem quantum ad omnia legalia: quia ita illi tenebantur obseruare totam legem sicut Iudæi ex genere, ex quo semel circumcisi erant: sicut nunc postquam aliquis Iudæus baptizatur, tantum obligatur ad totam legem noui testamēti, sicut Christianus natus de genere Christianorum: & patet etiam hoc, quia dicitur hic, si veniret de terra longinqua: & tñ conuersi ad Iudaismū non veniebant de terra lōginqua ad orandum, quia postquam conuersi erant ad Iudaismū morabatur in terra Israel inter Iudæos. *Si veniret de terra longinqua.* Totā terrā Gentilium vocat terra longinqua respectu templi Salomonis, eo quòd erat templū extra terram Gentilium. Est tñ verum, q̄ maior deuotio videbatur illorum, qui veniebant de terra magis longinqua, & iustius erat illos quā ceteros exaudiri, quia sic commendauit Christus reginam Sabba, quia venit à finibus terræ audire sapientiā Salomonis: Mat. 12. *Propter nomē tuum magnum.* Idest propter magnam famam tuam: nam erat fama in multis partibus orbis, quòd Deus Israel erat potentior aliis diis, ideo multi de omnibus regionibus veniebant ad orandum in templo Dei. *Et propter manum tuam robustam, & brachium tuum extentum.* Repetitur eadem sententia ad magis declarandum, quia dicebatur propter nomen Dei magnū, idest propter famam eius, & erat ista fama de potentia Dei magna, & ista signatur per manum robustam, & brachium extentum. Deus autem nihil tale habet, cū non sit animal: sed ponitur ad intelligendum potētiam suam. Nam Deus tante potētigerat, quòd quidquid volebat faciebat, iuxta illud Psal. 148. *Quoniam ipse dixit, & facta sunt: ipse mandauit, & creata sunt.* Ista potentia signatur per manū robustam, & brachium extentum, quia in nobis organum operatiuū est manus & brachium: manus quidem tanquam opus tangens, & dirigens: brachium autem tanquam manū mouens, quia per brachiū deriuatur virtus in manū: & potissimè cōuenit hoc operationi bellicæ, quæ fit p̄ manū robustam, & brachium extentū. Deus autē fingitur tanq̄ vir pugnator: vt patet Exo. 15. s. dñs quasi vir pugnator: iō sape de eo dñr q̄ habet manū robustā, & brachiū excelsum. *Et adorauerit in loco isto.* Scilicet, orando & adorando te tanq̄ Deum. *Tu exaudies de cælo.* Tu exaudies de cælo, quia ibi specialiter hitat cū sit locus spiritūū beatorū, & vocat firmissimū, q̄ nō potest dissolui, nec tpe perire, sicut humanæ dom⁹ Iudee dissolunt. Vel vocat firmissimū, i. fortissimū. s. q̄ nullis hostis

hostis illuc peruenire valet propter suam celsitudinē. *Et facies cuncta, pro quibus innocauerit te ille peregrinus.* Scilicet, omnia iusta, quę petiuerit: nam non orabat Salomon, quod exaudirentur orationes iniustę Gētilium, vel Iudęorum, quia sciebat, quod Deus nunquam exaudiret illas. Si. n. Deus peccatores non exaudit: Ioan. 9. a fortiori orationes iniustas non exaudiret. Nā oratio peccatoris interdū est iusta, vel saltē potest esse iusta. Oratio autē iniusta nunquā pōt esse iusta, ergo minus exaudietur orō iniusta quā homo iniustus orans: & tñ iniustus orans non exauditur, ergo nec iniusta petitio: sed de hoc magis dicetur infra in quadam quęstione. *Ut sciant omnes populi terrę nomen tuum.* Scilicet, vtile erit, quod exaudias orationes ēt Gētilium, quia per hoc cognoscerent omnes populi terrarum nomen Dei. Si. n. Gētiles orantes in templo exaudirentur in suis orōnibus, cū redirēt in terram suam, denunciaretur illud aliis, & quilibet existens in aliqua angustia, vel desiderans aliquid cōsequi a Deo, recurreret ad templum dñi, sicut ad medicum ægrotus: & sic necesse erat, quod cognosceretur in toto orbe Deus Israel, & istud erat vtile, & valde pertinens ad honorem Dei, quia sic multi de Gentilitate cōuerterentur ad dñm. *Et timeāt te sicut populus Israel.* Si enim Gētiles exaudirentur in templo, & viderent, quod Deus Israel implebat vota eorum, timerēt eum scientes quod poterat benefacere, & nocere. Etiam timerent eum, ut sibi gratum haberent: nā cū viderent, quod placatus eis exaudiebat orationes eorū: scirent quod si iraceretur eis non exaudiret eos, ideo cauerent nimis ne offenderent Deum, ut non cessaret orationes eorum exaudiri, & istud erat timere Deum. *Et cognoscant quoniam nomen tuum innocatum est super domum hanc, quam edificavi.* Id est si viderint Gētiles, quod orationes eorum exaudiuntur, & cognoscēt, quod in domo ista innocatum est nomē tuum, id est tu voluisti, quod specialiter innocaretur nomen tuum in ista domo, ut sic exaudires orantes: nam poterant exaudiri sic orantes omnes in domo ista potius quam alibi nisi De⁹ magis domum istam acceptaret quā alias quascunque.

An orationes iniustorum exaudiantur.

Quest. XVIII.

QUÆRITUR circa prædicta, cū supra dictū fuerit de orationibus iniustis, an exaudiantur, & responsum est quod non: an verum sit quod exaudiatur: quia videmus interdum quod exaudiuntur, quia Deus infert aliqua mala quibusdam hominibus, quę alij orāt. Respondēdum quod oratio vocatur iniusta multipliciter. Vno modo ex parte orationis, quā ille, qui orat, iniustus est, & ob hoc videtur iniustum esse, quod cōcedatur ei quod petit cū non mereatur illud. Secundō modo est iniusta, quia in oratione aliqua res mala petitur: si cut si petam, quod aliquis moriatur, vel quod De⁹ infliget ei aliqua mala alia. Tertiō mō est iniusta ex parte eius, pro quo petitur, quia licet bona sint, quę petuntur: quia tñ illi, pro quibus petuntur nō merentur illa bona, videtur iniusta petitio. Accipiendo primo mō iniustam orationem, dicendum quod aut talis petit aliquid quod iustus efficiatur, aut nō: sed aliquid mali, vel indifferentis. Si primo mō, dicendum quod exauditur si cut existens in peccato mortali, si petat a Deo quod ei donec charitatem, vel det modū exeūdi de peccato mortali, exaudiet illum Deus, quia per hoc ad iustitiam peruenitur: & nō solū in talibus Deus exaudit orationes, sed ēt dicēdum est quod necesse est, quod Deus exaudiat orationes omnium sic petentium, si toto conatu, & in verō corde petant, quia aliās daretur quod aliquis homo velleret exire de peccato mortali, & nō posset, quod est absurdum: ergo non solū Deus tales exaudit, sed etiā

Alph. Tost. super Paralip. Pars 2

A necesse est, quod exaudiat. Si autē peccator petit aliquid quod nō est ad salutem aīę suę, poterit esse malū, vel indifferentis, vel bonum. De malo dicendum, quod non exauditur, quia malū petit. De indifferenti dicēdum quod non exauditur, quia non meretur exaudiri. De bono est dicendum, quod licet sit ad honorem Dei vel utilitatem alicuius, Deus non exaudiet peccatorem, quia non meretur peccator exaudiri, nec Deus vult per tales tanquam per ministros honorari. Nā si Deus nō vult per iniustos viros enarrari miracula, & laudes suas, quia illi indigni sunt, iuxta illud Psal. 49. f. Peccatori autē dixit Deus: quare tu enarras iustitias meas, & assumis testamentum meum per os tuum? a fortiori nollet miracula, vel alia pertinentia ad laudē Dei fieri per man⁹ impiorum, licet ex illis Deus laudaretur. De hoc intelligitur Io. 9. cū Christus sanasset cecū a natiuitate, dixerunt Pharisei, quod Christus erat homo peccator: respōdit qui sanatus fuerat: Scimus quia Deus peccatores nō exaudit, sed si quis cultor Dei est, & voluntatem eius facit, hunc exaudit. Et tñ sanare cecū erat aliquid pertinens ad laudem Dei. Ideo ēt alia, quę bona sunt, si petantur ab iniustis, non cōceduntur, ne per hoc habeant fomentum manendi in malitia sua, cū Deus illos exaudiat, & honoret. Si autē aliquid Deus iniustum circa talia exaudiat, rarum est, & hoc provenit ex causa aliqua speciali. s. propter fidem assistentiū, vel quia ab oībus creditur esse bonus, & Deo acceptus, vel quia fortē si interdū Deus non exaudiret tales, poterit sequi per accidens diminutio cultus diuini. Secūdo modo oratio est iniusta, quia petitur in ea aliquid quod in se malū est. s. quod aliquis occidatur, vel mala ei inferantur: & tunc dicendū quod De⁹ nūquam exaudit talem orōnem, eo quod cū petatur quod malū est, si Deus assentiret petenti, vellet malum, & tñ Deus nō vult mala, sed potius oderit mala volentes, iuxta illud Psal. 5. Quoniam Deus non volens iniquitatem tu es, odisti oēs, qui operantur iniquitatem, perdes omnes, qui loquuntur mendaciū. secundō quia petens iniustum peccator est. Nam qui mala petit scienter, aut ante hoc erat peccator, aut nō: si prius erat peccator, non exaudietur, quia meretur nō exaudiri propter indignitatem suā: si autē prius nō erat peccator, per hoc, quod scienter mala petit, peccator efficitur, & sic meretur non exaudiri. Sed obiicietur, quod orantes mala interdum exaudiantur. Nam in confirmatione legis in introitu in terram Chanaā sex tribus steterunt super montem Ebal, & sex super montē Garizim, & sex imprecabantur mala super fractores legis, & oīa illa mala eveniebant non observantibus legem: Deut. 27. & 31. & Iosue 8. item Moyses quā dedit legē Israelitis, imprecatus est multas maledictiones super eos, si non custodirent legem. s. quod comederent carnes filiorū et filiarū suarum, prę angustia obsidionis hostilis, & alia multa mala: Deu. 28. & venerunt ista mala super Israelitas, quā non custodierunt legē. Nam etiā illud quod erat pessimum. s. comedere carnes filiorum, & filiarum venit super Hebręos, quia cū Benadad rex Syrię obsideret Samariā, duę mulieres comederunt filium vnius prę fame. 4. Re. 6. Et valebat tunc caput asini octoginta argēteis: & quarta pars cabi stercoreis columbarum valebat quinque argenteis. Item David imprecatus est mala mōribus Gelboe. s. quod nō plueret in eis: ut patet 2. Re. 1. scilicet: Montes Gelboe nec ros, nec pluvia veniat super vos: & sic factum fuit, quia vsque hodie in vertice montis illius nō pluit, ut declaratum est, eo. ca. Item matres orant mala super filios, & veniunt: ut patet Eccl. 3. ca. scilicet: Benedictio patris firmat domos filiorū: maledictio matris eradicat fundamenta. Itē prælati Ecclesię orant mala super aliquos inobedientes eis, sicut est quando aliquos anathematizant,

M 2 & ve.

& veniunt illa mala. Item Apostolus Paulus oravit super Corinthium virum, quod demon arriperet eum & torqueret usque ad interitum: & sic factum est: ut patet prima Cor. 5. cap. Item Petrus oravit super Ananiam, & Saphiram, & mortui sunt Act. 5. Et sic de multis aliis, qui mala orant & implentur. Respondendum, quod cum aliquis mala orat super alterum, aut ille, super quem orantur ista euenire, meretur illa mala, aut non: si non meretur illa mala, Deus nunquam exaudiet orantes mala, & ipsi orantes peccant: Et patet hoc, quia si Deus exaudiret talium orationes, puniret aliquos iniuste, quod non est concedendum de Deo, qui iustissimus est. Si autem ille, contra quem orantur ista mala, meretur ea, aut meretur ex parte orantis aut non; ex parte orantis poterat mereri mala, utpote si ille, contra quem oratur, mala iniuste intulit alicui, & ille orat Deum, ut infligat ei mala: aut non meruit aliqua mala ei qui orat contra ipsum, & tamen in conspectu Dei meretur mala illa, quae petuntur ex aliis causis. Si autem primo modo, dicendum, quod licet orantes talia non mereantur exaudiri, quia male faciunt petendo mala, cum potius deberent remittere iniurias, vel orare pro persequentibus eos: ut patet Matth. 5. cap. tamen ille, contra quem oratur, cum mala ista mereatur, Deus interdum exaudit preces taliter orantium, non quidem per modum orationis, sed per modum querele. Et tunc non est inconueniens, quod exaudiat a Deo orans mala, quia non exauditur tanquam orans sed tanquam querelam proponens. Et est magna differentia inter haec, quia orans debet exaudiri propter dispositionem suam, scilicet quia meretur exaudiri. Proponens autem querelam non acceptatur propter suipsius dispositionem, sed propter iustitiam eorum, quae petit, & quia iustum petit contra eum, contra quem alias iudicialiter agere posset, Deus frequenter exaudit talium orationes. Et hoc potissimum cum orantes sunt tales, qui non possunt consequi vindictam, nec satisfactionem de nocentibus sibi, nisi petendo illam a Deo. Et ita est de viduis, & orphanis, atque pupillis, & pauperibus, quando opprimuntur a potentioribus, quia si clamet tunc ad Deum exaudiuntur: sicut patet Exo. 22. cap. scilicet. Viduae, & pupillo non nocebitis: si laeseritis eos, vociferabuntur ad me, & ego audiam clamorem eorum: indignabiturque furor meus: percutiamque vos gladio, & erunt uxores vestrae viduae, & filii vestri pupilli: sic erit si filius matrem molestat, & non potest mater sequi ius contra eum, & imprecatur ex amaritudine cordis mala contra ipsum, Deus exaudit eam, & incutit mala ei. Et sic intelligitur, quod maledictio matris eradicat fundamenta. Si autem ille, qui orat mala contra alterum, nullam causam orandi habeat, licet ille mala mereatur, Deus non exaudit orationem illius, sed iste orans peccat: verum est tamen quod interdum Deus infert mala, quae petunt isti. Et tamen tunc dicendum, quod non infert illa tanquam exaudiens orationes istorum, quia isti peccant orando, nec merentur exaudiri, nec exaudit tanquam iustam querelam, cum isti de illis, contra quos orant, nullam querelam proponere possint, ut ponitur in casu: sed Deus infert illis mala, quae petuntur, quia ipse est iudex omnium, & penam infert malis: & dato quod non oraretur pro illis malis: alias euertura erant, sicut videmus quod multa mala eueniunt malis, quae nullus contra eos petiuit. Ad primam rationem in contrarium dicendum, quod illi sex, qui imprecabantur mala super violatores legis, non erant tanquam orantes: sed tanquam diuinas maledictiones pronunciantes. Nam Deus volens inducere Israelitas ad custodiendam legem posuit benedictiones multas pro obseruatoribus: et posuit multas maledictiones pro violatoribus & ut

totus populus illas audiret cum solennitate, & timeret, iussit Deus quod in introitu in terra Chanaan lex tribus staret in monte Garizin ad pronuntiandum benedictiones, et sex in monte Ebal ad pronuntiandum maledictiones, & sic obligabatur populus facere hoc, & fecit illud: Deut. 27. & Iosue 8. Et tunc verum est, quod maledictiones istae venerunt violatoribus legis, & tamen non venerunt tanquam Israelitae orauissent hoc: quia Deus statuerat quod sic fieret, & iussit publicari per totum populum. Ad secundam rationem dicendum, quod Moyses posuit multas benedictiones super seruatores legis, & multas maledictiones super violatores: & tamen illas non posuit orando mala haec super Israelitas: sed Deus qui dedit legem ipsi Moysi, ut eam proferret Israelitis: dedit etiam ei maledictiones illas tanquam patrem voluminis legis: ut sic inducerentur per timorem Israelitae ad custodiendam legem: & illae maledictiones eueniebant violatoribus legis: & tamen eueniebant ut posita a deo: & non ut posita a Moysi: quia ipse non orabat talia mala euenire. Ad tertiam rationem dicendum, quod Dauid orauit malum super rem inuadatam, scilicet super montes Gelboe: & Deus exaudiuit eum, quia credendum est, quod Deus mouerit cor eius ad orandum illud: quia forte Deus intendebat illud facere: ut videretur quod fecisset propter memoriam malorum quae passi fuerant Israelitae in montibus illis, mouit ipsum Dauid ad orandum hoc, ut sic concederet Deus, & videretur quod propter illud non plueret super montes Gelboe. Ad quartam rationem dicendum, quod interdum Deus inducit super filios mala illa, quae orant matres, quia est aliquid valde inhonestum, quod filius sit durus contra patrem, & matrem immemor tantorum beneficiorum, quae ab illis suscepit, et quod non esset nisi illi fuissent. Quod ergo pro tantis bonis iniusta retributionem faciat affligendo matrem suam abhominabile est apud Deum: ideo si mater dolore cordis recta maledixerit filio, Deus interdum solet talia mala orata infligere. Et potius est hoc in maledictione patris, & matris quam aliorum: quia solius patris, & matris honor in lege posuit fuit sub precepto in decalogo. Et in hoc solo promissa est vitae diuturnitas, scilicet. Honora patrem tuum & matrem tuam, & eris longeuus super terram: Exo. 20. & Deut. 5. ca. Ideo est conuerso iustum est, quod patris & matris dehonoratione tollatur vita, vel abbrevietur: & sic recte dictum est Eccl. 3. scilicet. maledictio matris eradicat fundamenta. Et fuit istud speciale, quia non solum apud Deum magna pena est non honoratibus patris, & matris, sed etiam in iudicio humano hoc fiebat: quia in veteri testamento si quis esset inobediens patri & matri, & accusarent eum de ista inobedientia, lapidabatur a toto populo: Deut. 21. cap. Dicendum tamen quod licet mater iniuste irascatur filio propter uerbum, tamen peccat maledicendo ei, & orando contra ipsum mala, idcirco cauendum est matribus & patribus, ne maledicant filiis: quia maledictiones eorum saepe solet Deus exaudire. Ad quintam rationem de placitis dicendum, quod orare mala non est in eis ex desiderio, sed ex officio: nam sicut officium eorum est benedicere bonis subditis inuocando Deum super illos: ita est officium eorum contra malos, cum alias fuerint incorrigibiles, maledicere eis & anathematizare. Nam non habet temporalem gladium, quo feriat: ideo utitur isto spiritali maledicendo, cum aliud non habet quod faciat. Et sic exaudiuntur orationes istae, quia non sunt uere, ut maledictionis imprecatae, sed magis est exercitium iurisdictionis. Ad sextum, quando dicitur de Apostolo Paulo, quod tradidit Corinthium demoni. Dicendum quod Apostolus erat iudex inter Corinthios, eo quod erat ei tradita cura predicandi per omnes gentes, & vocat se doctorem gentium. prima ad Thimo. ca. secundo: Et.

Et ob hoc non solum competebat ei predicare, & in-
struere, sed etiam exercere opera iurisdictionis puni-
do delinquentes: & quia inter Corinthios erat quidā
gratuitē peccans, & publicē, scilicet quod habebat
nouercā suam in uxorem, & volebat defendere pec-
catum suum, Apostolus tanquam iudex ad terrorem
aliorum condēnauit eum tradendo illum Satane, ut
eum vexaret & occideret. Et non fuit hoc orando ali-
qua mala contra eum, sed condemnando eum sente-
ntialiter, ut ex forma verborum suorum patet prima
Cor. 6. scilicet. Ego quidem absens corpore, præsens
autem spū iudicaui prius eum, qui sic operatus est in
nomine Domini nostri Iesu Christi, congregatis vo-
bis cū spiritu meo tradere huiusmodi Satane ad iteritū
carnis, ut saluus sit spiritus eius in die Domini nostri
Iesu Christi. Et sic non orauit hic Apostolus mala
alicui euenire, sed fecit auctoritate iudiciaria id, quod
poterat. Ad contrarium cū dicitur de beato Petro
quod morerentur Ananias, & Saphira. Dicendum q̄
non orauit Petrus pro morte illorum, sed solum pre-
nunciāuit illam. Nam ipsi peccauerant, quia menti-
ti fuerant Spiritui sancto. Cū enim vendidissent agrū,
& posaturi essent precium eius ad pedes Apostolorū,
ut distribueretur per omnes Christianos tenentes tūc
vitam cōem, absconderūt partem eius, & mentiti sūt
beato Petro: & Petrus dixit Anania, quod mentitus
fuerant Spiritui sancto, & grauiter increpuit eum: qui
audiens verba Petri cecidit ad pedes eius, & illico mor-
uus est: Saphira autem uxor sua etiam mentita est,
& huic prænunciāuit Petrus, quod moreretur sicut
vir suus, dicens. Ecce pedes eorum qui sepelierunt vi-
rum tuum ad ostium sunt, & efferent te, & confestim
cecidit ad pedes eius, & expirauit: Act. 5. Non ergo
orauit Petrus pro morte istorum, sed propheticē mor-
tem Saphiræ prædixit. Tertius modus orandi iniustū
est, quando oratur pro aliquo, qđ iniustū est ex parte
eius, pro quo petit, qđ illud, qđ non sit malum, et orās
sit dispositus, ita ut exaudiri mereatur, scilicet quod
in charitate est, & tamen illud bonum, quod petit
pro aliquo non meretur ille, pro quo petitur. Et tūc
dicendum quod est dupliciter: quia aut agitur de ma-
lo vitando aut de bono acquirendo: si de malo vitā-
do, solet Deus sæpe tales orationes exaudire, & indi-
gnitas eius, pro quo oratur, suppletur per dignitatem
eius, qui orat: sicut si quis mereatur mortem, vel alia
mala, & sit positus in periculo, ita ut passurus sit
necessario, nisi Deus succurrat, & oret aliquis vir san-
ctus, ut talis eripiat de illo periculo: tamē Deus for-
tē liberauit eum meritis viri sancti orātis, tales oratio-
nes solent sæpissimē exaudiri. Si autem agatur de ac-
quirendo aliquod bonum dupliciter: quia aut est ta-
le bonum quod licet quis non mereatur antequam
habebat, tamen si habuerit iustē tenebit illud, nec re-
quiritur alia in eo maior idoneitas: aut est tale bonū
quod non poterit iustē tenere, nisi in eo adueniat po-
stēa aliqua idoneitas. De primo, ut si quis oret Deum,
q̄ alicui pauperi det diuitias ad hoc, ut honorabiliter
vivere possit. Nam licet fortē ille pauper non est vir-
tuosus: tamen bona illa diuitiarum, si semel posside-
ret iustē, teneret: quia ad possidendum diuitias non
requiritur aliqua virtus specialis, cū nō sit aliqua ad-
ministratio vel officium eis coniunctum. Et dicen-
dum, quod in talibus petere diuitias vsque ad susti-
nentiam sustentationis licitum est, quia petitur ne-
cessarium. Et hoc Deus interdum exaudir, licet
non tam proprie sicut liberationem a malo: quia
magis necessaria, & honestior est liberatio a malo,
quam petitio bonorum, petitio bonorum. Petere
autem diuitias non solum ad sustentationem, sed etiā
ad honorabilem vitam, non est necessarium. Et ista

Alph. Tost. super Paralip. Pars 2

A non solum est iniusta petitio ex parte eius, pro quo pe-
ritur: ut presupponitur, q̄ hoc non mereatur: sed etiā
iniusta est ex parte petentis: quia talia absolutē petē-
da non sunt, sed sub conditione, scilicet si illē, qui ta-
lia assequitur, colet Deum per hæc, aliās non eueniant.
Et quia diuitiæ supereminentes sunt potius causa ma-
lorum quā bonorum, ut patet prima ad Timothæū
sexto. Qui volunt diuites fieri incidunt in laqueos dia-
boli: potius cessandum est a talibus petitionibus. Et
si quando talia petierimus, cum conditione petenda
sunt. Hoc autem minus Deus exaudir q̄ precedentia,
in quantum minus necessaria sunt, vel nullo modo
necessaria. Exaudir tñ interdū: quia et nemo peten-
te, Deus interdum quosdam diuites facit. Sine con-
ditione autem petendasūt illa bona, quæ absolutē bo-
na sunt, & nullo modo possunt esse mala, sicut vita
æterna, & virtutes, & remissio peccatorū. Si autem
sunt bona, quæ non solum non meretur ille, pro quo
petuntur, sed etiam requirunt in eo quandam ido-
neitatem, quam presupponitur non habere: & aliās
nō potest licitē talia tenere, non sunt petenda talia bo-
na: sicut si quis petat Episcopatum, vel aliquam digni-
tatem ecclesiasticam pro aliquo: nam nemo digne
Episcopus esse poterit, nisi magna virtutum copia po-
seat, & peritia literarum. Si aliter autem tenuerit
Episcopatum, quasi violentus est. Si autem pro aliquo
indigno petatur aliquid tale, non solū est iniusta peti-
tio ex parte eius, pro quo petitur, sed etiam ex parte
petentis, & peccabit talia petens si absolutē petat: sed
C poterit peti cum duabus conditionibus. Prima ut De-
us illum dignum efficiat, ut Episcopatum promereatur.
Secunda, ut postquam illum assecut⁹ fuerit, rectē pre-
sit: quia tamen in hoc sunt multæ difficultates, non
videtur quod quis debeat talia petere, quia ista cū
venerint toleranda sunt ut onera, & non ut honores
desideranda: ideo potius quis debet expectare Deum
ut eum vocet ad dignitatem quā ipse Deum inuo-
care, ut ei conferat dignitatem: quia istud est quodā-
modo se ingerere aut ingerere velle: quod faciendū
non est, iuxta illud ad Hebræ. 5. scilicet: Nemo sibi in-
differentur assumat honorem: sed qui vocatus est a
Deo tanquam Aarō. Tales ergo petitiones raro exau-
diuntur: sed fortē interdum exaudiuntur. Nam aliquñ
Deus concedit quosdam Episcopos fieri, vel assequi
alias Ecclesiasticas dignitates, qui ad illas indigni sūt,
& suscepta administratione, quæ sunt episcoporū nō
exerceant: ita ut de istis potius dicatur quod facti sunt
Episcopi cōtra Deum quā Deo iubente: sic dicitur
Olee 8. Ipsi regnauerunt, & non ex me: principes fue-
runt, & non cognoui: & tamen in hoc aliquo modo
Deus operatur permittēdo talia fieri in tantum, quod
ipse dicatur illa facere: quia aliās non fierent iuxta il-
lud Iob 34. I. Qui regnare facit hominem hypocritā
propter peccata populi. Si ergo Deus ista concedit a
nemine oratus, non est mirandum, si ea permittat fre-
quenter petitus, licet qui petit iniuste agit.

Quomodo potest stare, quod aliqui Gentiles venirent in
templum ad orandum. Quest. XVIII.

QVAERITVR vltius, cū dicatur hic de Gen-
tilibus veniētib⁹ ad orādū Deū in templo Salo-
monis, quō potest stare, q̄ aliqui Gentiles venirent ad
orādū in tēplo illo cū essent idolatræ. Responden-
dum, q̄ Gentiles errabant circa inuentionē veræ dei-
tatis. Oēs enim putabant Deum aliquem esse, & tñ
errabant: q̄a putabant multos Deos esse, & nesciebāt
quis illorum esset ver⁹ Deus: & ob hoc quælibet gens
colebat varios deos secundum quod diuerse prouin-

ciæ diuersa opinabantur, & quia omnes homines cō-
cipiunt Deum esse id; quò nihil melius est, oportebat
q̄ quando viderent, quòd vnus qui putabatur Deus
operabatur fortiora quàm alius estimatus Deum, cre-
derent istum magis accedere ad naturam verę deita-
tis. Et quia Deus Hebræorum cū esset verus
Deus, faciebat mirabilia, quæ nullus de diis gentium
faciebat, credebant eum esse potentiorē. Siue ergo
crederent eum solū esse Deum, sicut aliqui vigentes
nimis ratione, qui probabant naturaliter vnicū esse
Deum, sicut Arist. 12. Meta. siue saltem crederent eū
potentiorē omnibus diis, accedebant ad eum, vt ora-
rent. Et hoc satis apparet, quia Gentiles timebant val-
de Deum Israel: sicut erat de Philisthinis, quando ve-
nit arca Dei in castra pugnantibus Philisthinis contra
Israelitas, doluerunt nimis Philisthini timentes, & di-
xerunt: vae nobis, non enim fuit tanta exultatio heri,
& nudius tertius, vae nobis: quis non seruabit de ma-
nu deorum sublimium istorum? Hi sunt dii, qui per-
cusserunt Aegyptum omni plaga. primo Reg. 4. Et ob
hoc ergo omnes gentiles audientes magnalia Dei Is-
rael, timebant eum. Vnde Nabuchodonordedit le-
gem, ne quis malediceret Deo Israel sub pēna mortis
Dan. 3. scilicet, q̄a vidit quomodo liberaisset tres pue-
ros de camino ignis: & cōbussit ministros ignis, quòd
nullus de diis gentium poterat facere. Aliqui quoq;
de regibus Gentilium honorabant Deum Israel, & tē-
plum eius, sicut fuit de rege Cyro, qui iussit vel permi-
sit volentibus venire de captiuitate Babylonica veni-
re, & ædificare templum domino: & tradidit eis om-
nia vasa aurea, & argentea, quæ erant in Babylone, &
ablata fuerant de templo Salomonis: primo Esdræ pri-
mo cap. Et ibi dixit, quòd Deus dederat sibi omnia re-
gna terrę: ideo volebat mittere ad ædificandum tem-
plum eius in Ierusalem: in quo innuebat, quòd Deus
Hebræorum erat ille verus Deus, qui dederat ei om-
nia regna terræ. Rex quoque Arthaxerxes iussit dari
in templo domini omnes impensas necessarias ad cæ-
remonias sacrificiorum, vt patet primo Esdræ 7. Et cō-
muniter omnes reges conuicini tenebant templum il-
lud in magno honore, & dabant ei de redditibus suis,
vt patet secundo Mac. 3. scilicet: Fiebat vt ipsi reges, &
principes locum summo honore dignum ducerent,
& templum maximis muneribus illustrarent, ita vt Se-
leucus Asię rex de redditibus suis præstaret omnes
sumptus ad ministeria sacrificiorum pertinentes. Ob
hoc autem multi de Gentilibus veniebant ad templū
Domini, vt orarent ibi: vt patet de eunucho Candacis
reginę Aethyopum Actū. 8. capi. Sic etiam dicitur Io.
12. quòd erant multi Gentiles, qui ascenderant ad
ad diem festum: & audita fama Iesu, desiderauerunt
eum videre, & loqui illi, & rogauerunt Philippū, vt
daret eis ad hoc opportunitatem. Ipse autem & An-
dreas fratres eius locuti sunt hoc Iesu. Ecce ergo, q̄
sicut veniebant Iudæi in templum ad diem festum: ita
& multi de Gentilibus veniebant: Volebant etiam re-
ges gentium, quòd oraretur pro eis in templo Salo-
monis: sicut erat de rege Arthaxerse, qui iussit, vt ora-
retur pro eo, & filiis suis in templo, & quòd darentur
omnia necessaria in templo Domini, pro arca eius, ne
Deus irasceretur contra regnum eius, & filiorum suo-
rum, primo Esdræ. 7. capit. Salomon autem præuidit
istā adorationem futuram in templo Domini à Gen-
tilibus: non quidem vt propheta, sed vt rationabiliter
iudicans, quòd Gentiles audientes famam Dei Israel,
venirent ad templum eius.

F Quomodo Salomon petiuit Gentiles exaudiri, & an peccauerit.
Quest. XIX.

QVAERITVR vltēr⁹, quō Salomon petiuit, q̄
Gentiles orantes in templo exaudirentur, & an
peccauit orando hoc. Aliquis dicet, quòd peccabat Sa-
lomon petendo hoc, quia Deus volebat cæremonias
istas templi solū pertinere ad Iudæos, & pro eis tem-
plum factum erat. Quod autem Gentiles exaudirentur
in templo, & orarent ibi, erat communicare Gentiles
Iudæis in hoc, quod volebat Deus proprium esse Iu-
dæis: ergo peccabat Salomon talia petendo. Et
patet hoc, quia ea, quæ erant in veteri testamento,
erant propria Iudæis, & non communicabantur gen-
tilibus: sicut ea, quæ in nouo testamēto erant commu-
nicabantur omnibus gentibus: vt patet de Christo, qui
quando cepit prædicare manente adhuc statu veteris
testamenti iussit discipulis suis, quòd non prædicarent
nisi Iudæis, s. in viam gentium ne abieritis, & in ciuita-
tes Samaritanorum ne intraueritis: sed potius ire ad
oues, quæ perierunt domus Israel. Mat. 10. Et quando
mulier Chanaņa petiuit à Christo quòd sanaret filiā
eius, ait: Non sum missus nisi ad oues, quæ perierunt
domus Israel. Matt. 15. Post resurrectionem suam in-
cohante statu noui testamenti iussit Christus, quòd
prædicaretur Euangelium omni creature per totum
orbem, & cū prius negaret prædicandum esse Sa-
maritanis: Luc. 12. dixit postea illis prædicandum es-
se. Actū. primo. Eritis mihi testes in Ierusalem, & Sa-
maria, & vsque ad vltimum terræ: sed templum Salo-
monis erat tempore veteris testamenti, ideo omnia,
quæ ad illud pertinebant debebant esse propria Iudæis,
& non communicarentur Gentilibus. Et tamen vel-
le, q̄ in templo illo orarent Gentiles, & exaudirentur
à Deo, erat facere cæremonias veteris testamenti com-
munes Iudæis, & Gentilibus: ergo peccabat orando
istud Salomon. Respondendum, quòd non pecca-
uit Salomon petendo istud, sed potius meruit: primò
patet, quia Salomon non legitur peccasse in tota iuue-
tute sua vsque ad senectutem, quādo deprauatum fuit
cor eius per mulieres. 3. Reg. 11. Et tamen istud fuit
multo tempore ante illud: ergo non peccauit in hoc.
I Secundo patet, & efficacius, quia Deus exaudiuit oēs
petitiones istas Salomonis, vt patet seq. ca. & 3. Reg. 8.
Si tamen peccasset in hoc petendo iniustum, Deus nō
exaudiret omnes petitiones eius, quia saltem istam re-
spueret, ergo non peccauit. Tercio patet, quia Salomō
voluit in hoc, q̄ erat rationabile, nā licet Deus Israeli-
tarum esset specialiter Deus ipsorum: Exo. 19. & tamē
etiam erat Deus omnium gentium, & quia ad Deum
pertinet disponere de negotiis oīum hoīum, & ad hoc
pertinet orōnes iustas acceptare, & iniustas repudiare,
recte petebat Salomon, q̄ Deus exaudiret orationes
Gentilium sicut Israelitarum. Quarto patet, quia Salo-
mon procurabat hic gloriam noīs dñi: nam q̄ Gētilēs
venirent in templū dñi, & exaudirentur ibi orationes
eorum, erat motiuum ad hoc quòd ipsi laudarent no-
men dñi, & prædicarent illud per terras suas: & sic oēs
Gentiles audientes hoc timerēt Deū Israel, & colerēt
eū. Et q̄ ista esset intentio, patet in litera, cū dñr: Et vni-
uersi populi terrarum nomen tuū timeant, sicut popu-
lus tuus Israel: & p̄bent, q̄ nomen tuū inuocatū sit in
per domum hanc. Quinto patet, q̄ cura erat Iudæis
uertere Gentiles ad Iudaismū sicut dixit Christus Mat.
23. de scribis, & Phariseis: Vae vobis scribis, & Phari-
sæis, qui circuitis mare, & aridam, vt faciatis vnum ge-
selytum: & cū fuerit factus, faciatis eum filium Ge-
Iudæorum vt conuerterent Gentiles: quod nō facerēt
si nō reputaretur valde laudabile, & modus valde que-
rens

piens ad conuertendum Gentiles ad Iudaismum erat. A
 & permitteretur orare in templo: & quod Deus exau-
 diret preces eorum: ergo conuenienter orabat Salo-
 mon, & gentiles orantes in templo exaudirentur.
 Sexto patet, quia Salomon voluit in hoc id, quod De-
 vult. Deus enim vult omnes homines saluos fieri, &
 neminem perire: vt patet prima ad Ti. ca. 2. Et hoc vo-
 luit Salomon, scilicet vt tam gentiles, quam Iudei sal-
 uarentur. Salus autem non poterat esse gentilibus, nisi
 per abrenunciationem idolorum & cognitionem ve-
 ri Dei. Ad istud autem erat modus conuenientissim-
 & facilis, si gentiles orarent in templo Salomonis, &
 exaudirentur: quia per hoc inducerentur ad cogno-
 scendum Deum Israel tanquam verum Deum, & re-
 linquerent idola, in quibus nulla virtus erat: ideo
 benefaciebat petendo hoc. Septimo patet, quia Deus
 non est acceptor personarum, sed in omni gente, qui facit
 iustitiam acceptus est illi. Act. 10. Non solum ergo à
 Deo exaudiendi erant Iudei, si orarent in tēplo, sed
 etiam gentiles de quacunque regione. Non ergo pec-
 cauit Salomon istud petendo. Ad rationem in con-
 trarium dicendum, quod cæremoniæ veteris testamē-
 ti non erant cōmunicandæ gentilibus quandiu manebāt
 in gentilitate: sed solis Iudæis, & conuersis proprie-
 erant: & sic concedenda est tota illa probatio: cum tū
 dicitur, quod communicabāt gentilibus cæremoniæ
 veteris testamenti: Dicendum quod falsum est, nā
 non admittebantur ad aliquas cæremonias legales, ni-
 si prius circumciderentur, quia tunc poterant comede-
 re Phasē, & ceteras cæremonias exercere: Exo. 12.
 Vnde nec permittebantur isti gentiles venientes ad tē-
 plum offerre sacrificia aliqua, id est dare animalia ad
 offerendum, quia si darent non acciperentur de ma-
 nibus eorum. Leui. 24. Etiam non permittebantur in-
 troire in locum atrii, in quem introibant laici Israeli-
 tæ, vel femine eorum: sed ad quendam alium locū
 semotum accedebant: de quo magis declarabitur in-
 fra in quæstione, qua agitur qualiter gentiles se habe-
 bant ad Iudeos veniendo ad orandum in templo.

*Quomodo Deus volebat exaudire Gentiles orantes,
 cum cum non colerent sed idola.*

Quæst. XX.

QUÆRITUR vterius, quomodo Deus vo-
 lebat exaudire Gentiles orantes in templo suo, cū
 non colerent eum, sed idola. Aliquis dicit, quod nō
 exaudiebantur, nec etiam constat ex litera ista quod
 exaudirentur. Dicendum quod exaudiebantur, quia
 Salomon petiuit quod Gentiles orantes hic exaudirē-
 tur, vt patet in litera: & tamen Deus dixit quod exau-
 ditæ erant petitiones eius, sequenti cap. & 3. Reg. 8.
 Item patet, quia Gentiles frequentabant venire in tē-
 plum Domini, & orare, vt declaratum est præceden-
 ti quæstione, & tamen si non exaudirentur petitiones
 eorum, nec sentirent aliquam vtilitatem in aduentu
 isto, nō venirent, potissime de longissimis regionib⁹,
 & tamen veniebant: ergo dicendum quod exaudie-
 bantur. Dicendum quod exaudiebantur, quia apud
 Deum non erat distinctio Iudei, & Gentilis, cum
 non sit Deus acceptor personarum: sed in omni gē-
 te, qui facit iustitiam acceptus est illi. Ideo quicunque
 faciens iustitiam exaudietur. Sed tunc obiicitur, q
 nunc non exaudiuntur orationes Iudeorum, & Sara-
 cenorum, & tamen tunc erant Gentiles sicut nunc
 Iudei, & saraceni: ergo non exaudiebantur. Item
 orones peccatorum non exaudit Dominus, sed eorū
 qui colunt ipsum. Ioan. 9. Et tamen Gentiles peccato-
 res.

Alph. Tost. super Paralip. Pars 2.

res erant colentes idola, ergo non merebantur exau-
 diri. Respondendum quod nunc Iudei, & Sarace-
 ni, & quicunque pagani orantes non exaudiuntur,
 quia necesse est illos esse in peccato mortali, cū lex
 Evangelica obliget oēm hominem ad obseruantia
 suam. Mat. 28. & Mar. 16. Ite per vniuersum mundū,
 et prædicate Euangeliū omni creaturæ: qui crediderit
 et baptizatus fuerit, saluus erit: qui autē non credide-
 rit, condemnabitur. Cum ergo sint in peccato mor-
 tali, non possunt exaudiri. De gentilibus autem non
 erat sic tempore Salomonis, quia non obligabantur
 Gentiles ad obseruantiam legis Moy si, sed soli Iudei
 de genere, vel iam conuersi ad iudaismum: ideo dato
 quod non seruarent legem Moy si, non erant in pctō
 mortali. Et patet hoc, quia quando Deus dedit legē
 Israelitis, accepit eos in populum peculiarem, & dixit
 quod essent sibi in peculium, & in populum sacerdo-
 talem. Aliis autem Gentilibus non dabatur lex. Lex
 autem noua secus erat, quia ab omnibus hominibus
 sub necessitate seruanda erat, Marci vltimo: Ideo nō
 obseruantes erant in peccato mortali, & non exau-
 direntur à Deo, sicut nunc sunt Iudei, & Saraceni, &
 quicunque pagani. In veteri testamento cum non ob-
 ligarentur Gentiles seruare legem, poterant esse sine
 peccato mortali, & accepti Deo, dato q non seruaret
 legē, & sic exaudirent orones eorū, sicut orones Iudeo-
 rū. Erat autē differentia, quia Iudei specialiori modo
 erant Deo accepti: Gentiles autem generaliter: & be-
 nefaciebat Deus Israelitis specialiter, aliis gentibus be-
 neficiis communibus: vt patet Exo. 19. scilicet. Si er-
 go audieritis vocem meam, & custodieritis pactum
 meum, eritis mihi in peculium: mea est enim omnis
 terra, & vos eritis mihi in regnum sacerdotale, & gens
 Sancta. Exaudiebat ergo Deus Gentiles rectē, & de-
 uotē orantes: quia tamen Israelitæ magis colebant
 Deum quam Gentiles, scilicet per plures cæremonias
 legis, conferebat Deus plura beneficia Iudæis quam
 Gentilibus. Cum autem obiicitur, quod Gentiles
 erant peccatores, & non exaudirentur, dicendum, q
 istud fuit semper generale tam apud Iudeos quam
 apud nos, quod existens in peccato mortali non
 exaudiat: cum tamen dicitur, quod Gentiles
 erant tunc peccatores, dicendum quod non erant
 omnes Gentiles peccatores, vel non erant neces-
 sariō in peccato ex conditione status. Nam ex hoc, q
 non obseruabant legem Moy si, non peccabant, vt pro-
 batum est: sed peccatum suum erat si colerent idola,
 vel facerent alia, quæ erant contra ius naturale, et sine ali-
 qua lege data erant mala, vt patet ad Roma. 2. f. Gen-
 tes, quæ legem non habent, naturaliter ea, quæ legis
 sunt, faciunt: sed inter Gentiles multi erant, qui non
 colebant idola, licet non seruarent cæremonias legis
 Moy si, ideo poterant isti exaudiri. Qui autem cole-
 bant idola, non veniebant ad orandum in templo Sa-
 lomonis, & si venirent, & oraret, non exaudiebantur,
 quia claudicabant in duas partes. Qui autem Deo ad-
 hære debet, oportet quod adhæreat toto corde, alio-
 quin non liberabit eum a periculis: vt patet primo
 Regum 7. f. Si in toto corde vestro cōuertimini ad do-
 minum, abiicite de medio vestri Deos alienos, Baalim,
 & Astaroth, & præparate corda vestra, & seruite Deo
 soli, & liberabit vos de hostibus. Et sic dicendum, q
 quando gentiles aliqui veniebant in templum, & ora-
 tes assequabantur à Deo aliqua beneficia, non redibāt
 denuo ad idola: sicut patet de Naaman Syro, qui sana-
 tus est de lepra sua à Deo per Eliseum, & orauit, vt cō-
 cederet ei ferre onus duorū mulorū de terra regni Is-
 rael, vt poneret in templo Dei Syrorum, vt qñ introi-
 ret cum rege suo ex necessitate in templo non adora-
 ret idolū, nec sederet in tellure tēpli eius, & petiuit ab

Eliaeo, vt oraret dominum, ne imputaret ei ad peccatum, quod in templum illud intrabat. Tales autē gentiles, non erant peccatores, ideo poterant exaudiri orationes eorum.

Quomodo se habebant cum Iudeis, & in quibus communicabāt Gentiles. Quæst. XXI.

QVAERITVR vltetius, cū venirent Gentiles ad orandum in templum Salomonis, quomodo se habebant cum Iudeis: & in quibus communicabāt cum eis: & in quibus non. Respondendum, q̄ Iudæi poterant communicare cum gentilibus sic venientibus in verbo, & non peccabant: sed potius merebantur dulciter tractando eos, vt conuerterentur ad Deū Israel. In cibo etiam poterant communicare Iudæi cum gentilibus, nisi forte comederent Gentiles aliquid immundum, quod non liceret comedere Iudæis: multa namque apud Iudæos reputabantur immunda ex lege, quæ non reputabantur immunda apud alias gētes: vt patet Leuit. 11. & Deute. 14. Et ob hoc generaliter abstinēbant Iudæi a manducando cum Gentilibus: sic patet ad Gala. 2. Nam beatus Petrus manducabat cū Gentilibus, & cū venissent ad eum quidam Iudæi ad Christum conuersi, abstraxit se à Gentilibus, ne manducaret cum eis, & hoc vt non scandalizarentur Iudæi videntes istud. Et sic videtur quod Iudæi generaliter non manducabant cum Gentilibus: quia aliās conuersi de Iudaismo non scandalizarentur, quod manducaret beatus Petrus cum conuersis de Gentilitate. Aliā causa erat quare vetabatur communicatio Iudæorum cū gentilibus in cibis. Sine Gentiles inuitantes Iudæos apponerent eis aliquos cibos consecratos dæmonibus. Exod. 24. Ista tamen causa sublata erat in illis, qui veniebant ad orandum in templum, quia illi non colebant idola, vt supra dictum est: & dato quod colerent, non poterant ipsi aliquos cibos consecrare dæmonibus in terra Israel, cū ibi non essent idola, nec templa eorum, nec altaria. Et si ipsi vellent sacrificia aliqua facere dæmonibus in terra Israē, non permitterent Iudæi: quia istud erat in eorum iniuriam, & contemptū Dei sui, cuius erat illa terra spāliter, & dedicata cultui eius: & tamen propter primam causam saltem non manducabant Iudæi cum gentilibus venientibus ad orandum in templo. Secundum in quo non communicabant Iudæi cum Gentilibus erat, q̄ licet venirent isti Gentiles ad orandum, non permitebātur intrare in templū, non solum in templum interius: quia hoc non solum erat eis speciale, sed etiam Iudæis, quia illis non licebat intrare interius, nisi sacerdotibus: Leuitæ autem, & laici non intrabant illuc: sed non licebat intrare Gentilibus in atrium templi ad quod intrabant Israelitæ laici, vt orarent ibi, & si quis vellent de eis intrare, arcebat ab ingressu. Et si quis Iudæus vellent introducere illuc aliquem Gentilem, peccabat, & puniebatur. Ideo Deus increpabat valde Israelitas, quod cupiditate ducti introducebant aliquos Gentiles in templum, scilicet in locum, in quo erant laici Israelitæ: vt patet Ezechi. 44. scilicet. Sufficiant vobis omnia scelera vestra domus Israel: eo quod inducitis filios alienos incircuncisos corde, & circuncisos carne, vt sint in sanctuario meo, & poluant domum meam. Siquis autem de Israelitis introduceret aliquem Gentilem ad casum Israelitarum, occidendus erat, sicut patet de Paulo, qui purificatus secundum legem, & introiuit in atrium viro- rum mundorum sicut ceteri Israelitæ introibant, & quia ibant cum eo quidam viri, quos Israelitæ putauerunt esse Gentiles, voluerunt lapidare Paulum dicendo, quod introduxisset Gentiles in templum. Act. 21.

F Sciendum autem quod Gentiles orabant in templo, scilicet quia orabāt in quodam atrio separato a relijs, quod vocabatur atrium immundorum, & erat quartum inter atria templi. Nam non est omnino negandum eos esse in templo, cū litera dicat quod veniebant ad orandum in templo: de istis atrijs quomodo distincta essent declaratum est. 3. Regum 6. circa finē. Tertium in quo non communicabant Israelitæ cum istis Gentilibus venientibus ad orandum in sanctuario erat in oblationibus. Nam si vellent isti Gentiles offerre aliqua animalia in sacrificium, quæ ducerent de terra sua, vel panes, vinum, oleum, thus, & similia, quæ in altari cremabantur: siue vellent emere illa in terra Israel ad offerendum, non suscipiebātur de manu eorum etiam si nimis deuotē darent, vt patet Leu. 22. f. De manu alienigenæ non offeretis panes Deo vestro, & quidquid aliud dare voluerit, quia corrupta, & maculata sunt omnia non suscipietis ea. Istud autē quantum ad illa, quæ per se offerebantur, & cremabantur in altari secundum totum, vel partem, vt carnes animalium, panes, similia, vinum, sal, thus. Poterant tamen dare pecunias sacerdotibus, vt inde emerent animalia, & omnia necessaria ad sacrificia, sicut rex Artaxerxes dabat de redditibus suis expēsas necessarias pro sacrificijs sanctuarij, primo Esdræ. 7. Et Seleuchus rex Asiæ dabat omnia necessaria ad sumptus sacrificiorum de redditibus suis: & sic etiam alij reges, & principes templum magnis muneribus honorabant, secundo Macha. tertio cap. Hoc tamen non habebant Gentiles aliud molestum: quia sciebant quod Iudæi non faciebant hæc in contemptum ipsorum, sed quia obligabantur ex lege ad faciendum illud. Si autem aliquis de istis gentilibus, qui sic veniebant ad orandum in templum, conuerterentur ad Iudaismum, desiderans colere Deum integrē, circuncidebatur, & co-gebatur habitare in terra Israel: ne si maneret inter Gentiles rediret ad idola: & tunc incipiebat obseruare omnes cæremonias legis, & erant sibi communia omnia cum Iudæis.

Si egressus fuerit populus tuus ad bellum contra aduersarios suos per viam, in qua miseris eos, adorabunt te contra viam, in qua ciuitas hæc est, quam elegisti, & domus, quam ædificaui nomini tuo, tu exaudias de cælo preces eorum, & obsecrationem, & vlciscaris. Si autem peccauerint tibi (neque enim est homo, qui non peccet) & iratus fueris eis, & tradideris hostibus, & captiuos duxerint eos in terram longinquam, vel certe, quæ iuxta est, & conuersi in corde suo in terra, ad quam captiui ducti fuerant, egerint penitentiam, & deprecati te fuerint in terra captiuitatis suæ, dicentes: peccauimus, inique fecimus, iniuste egimus: & reuersi fuerint ad te in toto corde suo, & in tota anima sua in terra captiuitatis suæ, ad quam ducti sunt, adorabunt te contra viam terræ suæ, quam dedisti patribus eorum, & vrbis, quam elegisti, & domus

mus quam edificavi nomini tuo: tu exaudias de celo, hoc est, de firmo habitaculo tuo preces eorum, & facias iudicium, & dimittas populo tuo quamvis peccatori. Tu es enim Deus meus: aperiantur, queso, oculi tui, & aures tue intente sint ad orationem, que fit in loco isto. Nunc igitur confurge Domine Deus in requiem tuam, tu & arca fortitudinis tue. Sacerdotes tui Domine Deus induantur salutem, & sancti tui letentur in bonis. Domine Deus meus ne auerteris faciem Christi tui: memento misericordiarum David serui tui.

Si egressus fuerit. Ista est sexta petitio de exauditione Iudeorum exantium in terra aliena in hostilitate. Casus est, quia aliquando Israelitae ibant ad pugnandum contra aliquas regiones gentilium extra terram suam, & egredientes diuino auxilio implorabant, & quia non poterant venire ad orandum in templo, orabant in regione illa, in qua erant conuertentes vultum suum ad templum: & petit Salomon, quod quando sic orauerint conuertendo vultum ad templum exaudiantur, ac si venirent in templum: & dicitur: *Si egressus fuerit populus tuus ad bellum.* Scilicet, aliquando Israelitae egrediebantur extra terram suam ad pugnandum cum hostibus suis: nam interdum aliqua gens offendeat Israelitas, & ipsi egrediebantur ad pugnandum contra illam: & hoc siue esset illa gens de Chanaanais, siue non: licet verum est, quod aliam conditionem pugnandi, & captiuandi habebant Israelitae contra Chananæos quam contra alias gentes: ut patet Deut. 20. tamen quantum ad hoc quod haberent hic cōe erat, scilicet quod Israelitae euntes extra terram suam ad pugnandum contra quamcunque gentem oraret contra templum. *Per viam, qua miseris eos.* Hic differt petitio ista a precedentibus, quia in omnibus suprapositis orabatur in templo. Nunc autem quia Israelitae essent extra terram suam, non poterant venire ad templum, & sic oraret extra templum per viam, qua irent. Et dicitur per viam, qua miseris eos, quod presupponitur, quod Deus mittebat Israelitas nunc ad pugnandum, scilicet consilio eius ibant. Nam antequam exirent ad pugnandum consulebant eum per sacerdotem magnū in rōnali, & Ephod, sicut fecit David per Abiatar primo Reg. 23. & 30. vel per prophetas consulebant sicut rex Achab. 4. Reg. 20. & 22. & infra 18. Nam tres modi sciendi occulta erant apud Iudæos, scilicet per sacerdotes, per prophetas, per somnia, primo Reg. 28. ubi dicitur quod Deus noluit respondere Sauli per sacerdotes, nec per prophetas, nec per somnia: & sic dicebatur Deus mittere istos, inquantū consilio eius ibant. *Adorabunt te contra viam in qua ciuitas hec est.* Scilicet conuertent vultus suos contra regionē, in qua est ciuitas ista Ierusalem, & dicitur contra viam in qua hæc ciuitas est, id est contra viam, per quam venit de terra illa, in qua fuerint tunc Israelitae ad regionem istius ciuitatis, & hoc ut viderentur orare in loco isto. *Quam elegisti.* Dicitur hoc quia ciuitatem istā solam Deus elegerat de omnibus ciuitatibus terræ Israel ad ponendū in ea nomē suū, ut patet supra in litera à die, qua eduxi populum meū Israel de Aegypto, nō elegi ciuitatē de cunctis tribubus Israel, ut ædificaretur in ea domus nō

A meo, sed elegi Ierusalem, ut sit nomen meum in ea. *Et domus, quam edificavi nomini tuo.* Eadem sententia est, quia in eodem loco erat ciuitas, quam Deus elegerat, & domus edificata nomini suo, scilicet templum, quod templum erat in Ierusalem, & illa est ciuitas sanctificata, nec orabitur propter aliud contra Ierusalem, nisi quia ibi erat templum, & ista erat consuetudo Iudeorum, quod quando essent in terra aliena, orarent conuertentes vultum contra Ierusalem: sic faciebat Daniel cum esset in Babylone, nam ter quotidie flectens genua apertis fenestris domus suæ conuertebat vultum suum contra Ierusalem, & orabat, ut patet Dan. 6. *Exaudias de celo preces eorū.* Quia Deus in celo specialiter esse videbatur, tāquam ibi moraretur, inde exaudire putabatur, vel repellere petitiones vestras. *Et obsecrationem.* Ad idē pertinet preces, et obsecrationes: vocantur tamen preces, quando aliquid simpliciter petitur: vocatur obsecratio quando interponitur aliquod medium orando, in cuius virtute aliquid petitur: sicut cum dicimus, per passionem tuam, & per sancta resurrectionem tuam exaudi nos Domine: sic Iudei orabant Deum per Abraham, Isaac, & Iacob seruos eius, & erant obsecrationes. *Et vlciscaris.* Scilicet, iniuriam, quam susceperunt Israelitae, & pro qua pugnant contra tales gentes. Sed 3. Reg. 8. dicitur, facies iudicium eorum. Idem tamen est, quia accipitur iudicium pro vindicta, & sic vocabatur iudex Israel, id est vindicantes populum illi, qui preerat populo, & pugnant contra hostes pro populo. *Si autem peccauerit.* Hic ponitur petitio septima de exauditione Israelitarū super cuiuslibet peccato, & iniquitate, & est quando captiuarentur Israelitae pro peccatis suis. Casus est, Israelitae peccarent aliquando, & Deus iratus traderet eos in manus hostium, & ducerentur captiui in terrā longinquam, vel propinquam: si agentes penitentiam de peccatis suis in terra captiuitatis suæ conuerterentur ad dominum, quod Deus exaudiret eos, & reducerentur de captiuitate: & dicitur. *Si autem peccauerint tibi.* Scilicet, totus populus, vel magna pars, quia pro peccato paucorum non traderet Deus populum in captiuitatem, sed ipsos peccantes puniret, sicut decebat. *Nec enim est homo, qui non peccet.* Est confirmatiuum precedentis, vel reddituium causæ, quia dixerat si peccauerint tibi, & quia videbatur hoc esse dubium, asserit, quod certissime hoc accideret, eo quod nō erat aliquis, qui non peccaret, cum sit difficillimum hominem abstinere à peccato, ita ut nunquam peccet. Vel ponitur hoc ad extenuandum culpam, ut Deus facilius exaudiret orationem populi, quia dixerat Salomon: si peccauerint tibi. Diceret aliquis, quod homo peccet contra Deum grauissimum est, quia est magna ingratitudo, ideo non est iustum quod remittatur. Respondet Salomon, quod remissibile est: quia est valde difficile nō peccare, cum non sit homo, qui non peccet. Istud dictum sumendum est ciuilitate vel moderatē: nā falsum est, quod non sit homo, qui non peccet: quia alias sequeretur, quod Christus peccauisset, & Domina nostra: & non solum peccato originali, sed etiam actuali, & non solum veniali, sed etiam mortali: quia litera loquitur hic de peccato mortali. Nam dicitur hic: non est homo, qui non peccet: & subditur quod propter hoc traderet eus Israelitas in manus hostium captiuos: & tamen pro veniali peccato, vel pro originali non traderentur captiui: ergo intelligitur de mortali actuali. Certum est tamen quod Christus peccatum nullū fecit, nec contraxit: Domina etiam nostra nullum peccatum fecit, quia dato quod aliqui dubitent, solum est dubitatio de peccato originali: de mortali tamen actuali, vel veniali nullus dubitat, quod non fuit in Domina nostra. Intelligenda est ergo ista auctoritas

non vniuersaliter, sed vt communiter: nam ista propositio est vniuersalis per equipolentiam subalternarū. s. non est homo, qui non peccet, ideo homo omnis peccat: sed intelligitur, quod est communis, q̄ omnes homines peccant aliquando, vel quod rari homines sūt, qui non peccant aliquando mortaliter. Sic intelligitur multæ aliæ propositiones vniuersales sacre scripturæ, scilicet. Omnis homo mendax: Psal. 15. idest rari homines sunt, qui non mētiantur: licet illa litera p̄ modum stuporis legenda est, vt patet considerato titulo psalmi. *Et iratus fueris.* Quia Deus propter peccatum irascitur hominibus, accipiendo iram pro punitione: nam ira prout motus animi concitati, scilicet appetitus vindictæ, non est in Deo: quia ira est passio quædam facta ex accensione sanguinis circa cor: Deus tamen non habet sanguinem, nec cor, cū non sit animal, ideo non habet iram, sed scriptura sic consuevit accipere pro punitione. *Et tradideris eos hostibus.* Scilicet faciendo taliter, quod hostes possent capere Israelitas: multi autem modi sunt quibus Deus potest tradere aliquem in manus alterius, & tradebat Israelitas in manus hostium suorum, & hostes in manus Israelitarum: vnus modus est subtrahendo adiutorium. s. Iudæi erant fortiores hostibus suis adiuti à Deo. Si autem priuarentur isto adiutorio, essent minores hostibus. Vel fiebat aliter, scilicet incutiendo timorem Israelitis, & sic dato quod essent æquales viribus hostibus suis, præualerent contra eos hostes: & istum modū consueuerat Deus facere contra Israelitas, quādo peccabant; vt patet Leu. 26. s. Et qui de vobis remanserint, dabo pauorem in cordibus eorum in regionibus hostium, terrebit eos sonitus folij volantis, & ita fugient quasi gladium, cadent nullo sequente, & corruent singuli super fratres suos, quasi bella fugientes, nullus vestrum audebit inimicis resistere. Simile ponitur de magno timore Israelitarum propter peccatum à Deo eis incussum Deu. 28. cap. Multi alij modi sunt, de quibus latè dictum est, 4 Reg. 7. in quadam questione, & præced. lib. 14. cap. *Et captiuos eos duxerint in terram longinquam, vel certe quæ iuxta est.* Quando totaliter præualebant hostes contra Israelitas, captiuos ducebant eos, quia non confidebant, quod seruarent pactum subiectionis: sic fecerunt Assyrii decē tribub⁹ Israel 4. Reg. 17. & Caldæi duabus tribubus regni Iuda 4 Reg. 25. & non differt, quia ducerent eos captiuos in terram longinquam, vel propinquam, quia de quacūque illarū precarent aliās orarent ad dominum exaudiēdi erāt, cū Deus præsens sit omnibus terris, & vbique audit & videt quæ geruntur. Etiam quia non erat Deo difficilior Israelitas reducere in terram suam de terra propinqua quā de longinqua: sicut dicitur Deute. 30. Si ad cardines celi fueris dissipatus, inde retrahet te domin⁹. *Et conuersi corde suo.* Istud requirebatur ad hoc, quod Deus reduceret Israelitas de captiuitate: nam dato quod orarent, si non conuerterentur ad Deum in corde suo, non reduceret eos de captiuitate. *In terra ad quam captiui ducti fuerint egerint, penitentiam.* Scilicet, tunc non possent venire in templum ad orandum pro liberatione sua, sed existētes ī terra captiuitatis suæ orarent contra Ierusalem, & sic agentes penitentiam de peccatis suis, exaudiendi erant. *Et deprecati te fuerint in terra captiuitatis suæ.* Postquam penitentiam agerent in corde suo, & affligerentur sponte pro peccatis, per quæ meruerant istam captiuationem, deprecarentur dominum pro liberatione, & tunc essent iustificiter dispositi ad hoc quod exaudirentur. *Dicentes peccauimus: inique fecimus: iniuste gessimus.* Non est sensus, quod ista verba deberent necessariò dicere in oratione, quia poterant dicere quæcūque alia, in quibus significaretur inflictiō mentis, & confessio peccati:

posuit tamen ista Salomon gratia exempli ista tria idē signant: est tñ repetitio sententiæ per alia, & alia verba: talis at exaggeratio sententiæ nonis conuenit hoībus passionis ad exprimendum affectum suum, & conuenit cuique passioni: & sic est in proposito de passionis orantibus pro remissione peccatorum: quia ex contritione cordis verba multiplicabant. Vel potest dici, quod ponuntur hæc ista tria ad designandū tres modos peccati: nam peccat aliquis in se, peccat in proximum, peccat etiam in Deū. Pro primo dicitur peccauimus, scilicet in nosipfos. De secūdo dicitur, inique egimus, scilicet in proximos, quia iniquitas dicit inæqualitatem: inæqualitas autem est in iustitia, quæ attenditur in cōmunicatione hominis ad hominem. De tertio dicitur, iniuste gessimus: & melius ponitur hoc 3. Reg. 8. vbi dicitur, impiè gessimus, scilicet in Deum. Impietas enim est irreligiositas, vel indeuotio: quia pietas ē id, quod cultus Dei, vel latria, ideo qui circa cultū Dei male se habent, vocantur propriè impii, & pro omnibus his peccati modis petebant remissionem. *Et conuersi fuerint ad te in toto corde suo, & in tota anima sua.* Pro eodem accipitur cor, & anima: ponitur tamen ista duplicatio verbi, quia talis est modus loquendi vulgaris: nam cor propriè dictum non pertinet ad hoc, quia est quædā pars carnis, & pertinet ad operationes vitales, & naturales, sed non ad spirituales, qualis est displicentia de peccato, & conuersio ad dominum: sed consueuimus accipere cor pro voluntate, & animam pro intellectu, quia cor ponitur ad desiderandum in modo nostro loquendi: & iste est actus voluntatis: anima autem, quia est aliquid spirituale etiam ex modo nostro intelligendi ponitur pro intellectu, quæ putatur à vulgaribus magis aliquid spirituale, quā voluntas: & ponuntur istæ duæ positiones: quia in istis sunt omnes actus humani, qui vocantur propriè humani, vt patet 6. Ethic. & cū secundum istas duas vires ad Deū conuertimur, totaliter ad eum conuertimur, & tūc ab eo exaudimur. *Adorabunt te contra viam terra suæ.* Scilicet, existentes in terra captiuitatis conuerterent vultus contra viam, per quam venerunt de vrbe Ierusalem, & sic orarent, & isto modo orabat Dan. vt patet Dan. 6. *Quam dedisti patribus eorum.* Scilicet, non fuit data terra ista illis, qui ducerentur captiui, sed patrib⁹ eorum, scilicet progenitoribus, qui introierunt terram Chanaan sub principe Iosue, & abstulerunt terrā de manu hostium, & inceperunt eam possidere: & per hoc illis data est: istis autem non data fuit, sed successerunt in iure antiquo patrum suorum. *Et vrbis quam elegisti.* Scilicet, Ierusalem, quæ à Deo electa est, vt ibi edificaretur templum nomini Domini. *Et domus quam edificauit nomini tuo.* Scilicet, templi. Idem sunt omnia, quia conuertendo vultum contra urbem conuertebant contra domum, cū Ierusalem esset, in qua erat templum, & non cōuertebant vultus contra Ierusalem, nisi p̄ tēplū qd̄ ibi erat. *vt exaudias de celo.* Consuetū est ista locutio, quia ibi specialiter solū putatur deus habitare, & patet ex litera sequenti. *Scilicet, hoc est de firmo habitaculo tuo.* Vocatur celum habitaculum Dei, quia ibi specialius quā in aliis locis habitat: vocatur firmum, quia est substantia indissolubilis, cū non sit mixta nec elementata, q̄ possit alterari aut corrumpi, vel firmum, idest fortissimum, s. quia null⁹ pōt illuc pertingere ad nocendum propter suam celsitudinem. *Preces eorum.* Scilicet, quibus perunt, vt reducas eos in terrā suam. *Et facies iudicium.* i. iuste iudica pro illis condescendendo præcibus eorū, quia iustum est, quod illi, q̄ humiliantur, exaudiant. *Scilicet, hoc est dimittas populo tuo quamuis peccatori.* Idest dimittas iniquitatem eorum, & penam, quā p̄ iniquitate patiuntur: & dicitur, quamuis peccatori, scilicet licet

licet peccatores sint, & non mereantur miserationes tuas, tamē tu ex magnitudine clementie ignoices illis, & dicitur, quāuis peccatori, idest quāuis ante hoc fuerit peccator: nam postquā conuertebantur ad dominum iam non manebant in peccato. *Tu es enim Deus meus.* Istud est reddituum causae praecedentium dictorum nomina ista ego peto a te confidenter, quia tu es Deus meus, scilicet ex hoc quod es Deus meus: scio quod potes ista facere etiam habeo causam a te orandi propter specialem familiaritatem, quam ego, & omnes Israelitae ad te habemus: cum tu dixeris: eritis mihi in speculum de cunctis gentibus: mea est enim omnis terra, & vos eritis mihi regnū sacerdotale, & gens sancta.

Exo. 19. Aperiāte quēso oculi tui, & aures tuę intente sint ad orōnē, quę fit in loco isto. Hic ponitur clausula generalis in tenta: nam supra ponebat Salomon speciales petitiones de exauditione orationis, quae fieri debebat in templo, nunc ponitur clausula generalis, scilicet quod ad omnes orationes, quae fierent in templo Deus attendere. Et dicitur, aperiātur oculi tui, & aures tuę intente sint ad signandam magnā attentionem eius ad omnes orōnes: nam Deus, nec aures habet nec oculos cum non sit animal: quia tamen sicut ille, qui oculos apertos habet, & aures intentas circa aliquid, est attentus, & diligēs circa illud: ita petebat Salomō quod deus attentus esset circa omnes orationes, quae fierent in templo. *Nunc ergo Domine.* Hic ponitur conclusio praecedentium, licet aliqui dicant ad aliud pertinere, sicut declarabitur infra in quadam questione, & dicitur. *Nunc ergo consurge Deus in requiem tuam.* Idest surge ad habitandum in loco quietis tuae: Deus enim in caelo praesupponitur habitare specialissimē, sicut saepe tangitur hic in litera: & tamen in terra habebat adhuc quēdam modum manendi specialiter, scilicet in sancta sanctorum: ubi super arcam inter alas duorum Cherubim manebat, & inde responsa dabat sacerdoti quęrenti, & Moyse quando introibat in Sancta sanctorū. Num. 7. & dicebatur, Deus sedere super Cherubim quae sunt in arca. 2. Reg. 6. & Psal. 79. scilicet. Domine Deus oro, quod surgas nunc ad manendum in sancta sanctorum, ut ibi sis semper, & sic te nobis propinquum habeamus orationibus nostris: nam de hoc laudabat Moyse Israelitas super omnes gentes, scilicet: *Quae est alia natio tam grandis, quae habeat deos alienos a propinquantibus sibi sicut adest Deus cunctis obsecrationibus nostris? Deut. 4. Tu & arca sanctificationis tuae.* Scilicet, ambo manete simul in requie vestra: nam in Sancta sanctorum manebat arca, & ibi etiam Deus manere dicebatur cum ipsa arca inter alas Cherubim. *Sacerdotes tui Domine induantur salutem.* Idest fac quod, sacerdotes tui, qui tibi ministrant, sani sint tibi ministrare valeant. Et sancti tui letentur in bonis. Potest intelligi dupliciter: vno modo quod sit repetitio sententiae, scilicet sacerdotes, qui sunt sancti tui, idest tractantes opera sancta, vel sancti tui, idest sanctificati vel dedicati ad cultū tuū, letentur in bonis. idest letentur in bonis, quae percipiunt de iuribus sanctuarii, scilicet tu multos fructus terrae & multas oblationes, & inde consequantur multa iura sacerdotes, in quibus letentur comedendo, & bibendo. Aliiter potest intelligi de Leuitis, qui erant sancti, scilicet sanctificati ad ministrandū Domino: sicut licet non esset ministerium Leuitarū tam scūm, quā nulli laico licebat accedere ad illud sub pena mortis, Num. primo & 18. Et ministrari debebant in bonam Leuitae percipiebant omnes decimas Israelitarū praeterquam quod decimas dabant partem decimam sacerdoti magno: & illa erat centesima omnium fructuū

A totius Israel: omnes alios prouentus sanctuarii percipiebant sacerdotes. Quae autem essent iura sacerdotum, & quae Leuitarū, & quae sacerdotis magni, satis latē Num. 18. Domine ne aduerseris faciē Christi tui. idest non confundas faciē meam repudiando petitiones meas: Salomon loquebatur de seipso, & ipse erat Christus, idest rex vinctus oleo sancto mandato Domini, & omnes tales vocantur Christi in greco: aduersari faciē est contēnere eā, vel repudiare: & istud est quando quis non vult consentire praecibus alterius: quia tunc cogit eum erubescere, & aduersari ei: & faceret Deus si non assentiret petitionibus Salomonis: quia cum publicē petiisset Salomon ista confidens de bonitate dei propter familiaritatem, quā habebat ad Israelitas, & precipuē ad patrem suū Dauid cōfunderetur nimis Salomon, & appareret quod nihil habebat fauoris in Deo, qui nollet assentire petitionibus eius iustis, cum aedificasset ei templum tam magnificum. *Memento misericordiarum Dauid serui tui.* Idest licet propter me non facias, saltem fac propter Dauid, memor existens misericordiarum Dauid serui tui. idest misericordiarum quas ei promissisti facere cum semine suo: nam dixerat Deus de filio Dauid quod regnaret iugiter, & quod acciperet eum in filiū, & ipse esset ei in patrē 2. Re. 7. & praec. li. 17. & 22. capi. Ad patrem autem pertinet condescendere iustis petitionibus filij: ideo cum essent istae iustae petitiones Salomonis, debebat Deus condescendere illis saltem propter Dauid.

C Quomodo continentur cum praecedentibus, & circa intelligentiam. Quest. XXI.

QVAERITVR circa intelligentiā istius literae: & quō cōtinuetur cū praec. Respondēt quidā Hebraei, quod non est cōclusio orōnis Salomonis, sed est quidā articul⁹ omissus in narratione praecedenti de introductione arcae in templū, & dicunt quod supra 5. ubi agitur de ista introductione, omissum est istud, scilicet quod cum sacerdotes cū Leuitis tulissent arcam fēderis de domo Dauid vsq; ad templum, clausae sunt portae templi subiecto nullo faciente iussu Dei, & non poterant sacerdotes in illud introducere arcam: & tunc Salomon orauit dominum, ut aperiret portas ad hoc, quia arca introduceretur in sancta sanctorum, dicens: nunc ergo dñe consurge in requiem tuam. idest consurge ad intrandū in requiē tuā. idest in sancta sanctorū, ubi requiescere debes aperiendo nobis portas, ut illuc introire possimus: tu & arca sanctificationis tuae. idest tu ingredere illuc, & etiā illuc introeat arca: & cū orasset Salomon orabāt quod quae sacerdotes, ut Deus portas aperiret, & cantabant psalmum centesimum tricesimū primum. scilicet. Memento Domine Dauid, & cū peruenissent ad illum versum: Propter Dauid seruum tuum, non auertas faciē Christi tui, subiecto apertae sunt portae templi, & introducta est arca: & in hoc apparuit gloria magna Dauid: quia propter eum portae aperte sunt. Sed dicendum quod hoc non stat, primò quia non est verisimile, quod aliquid tale accidisset, scilicet quod clauderentur portae templi volentibus ingredi, & quod postea aperirent, quia istud erat aliquid magnum pertinens ad acceptationem Dei circa templum istud, vel ad signandum iram contra populum suum: ideo si accidisset nullo mō tantam rem scriptura subticuisset. Secundò modo patet, non est ad propositum nec satis verisimile, quod istam particulam historiae scriptura supra omiserit: & hic inseruerit, cum non faceret hic ad propositum. Tertiò patet, quia litera non seruat istud, sed nimis extortus est sensus iste ad literā hanc. Quarto patet: quia ipsi mouentur ad dicendum quod sacerdotes decantauerint Psal. 131. scilicet surge Domine in requiem

requiem tuam: tu & arca sanctificationis tuæ: sacerdotes tui induantur salutem, & cætera. Et tamen istud non est satis ad propositum: quia si sacerdotes decantassent psalmum illum, poneretur ibi totus ille psalmus usque ad locum, quem decantauerunt Sacerdotes, vel saltem poneretur principium Psalmi: & intelligeretur quod reliqua eius continuata sunt: & non ponitur hoc, sed quedam eius verba de medio Psalmi: ideo non colligitur bene nec verisimiliter, quod sacerdotes cantauerint Psalmum illum quinq; , quia isti putant quod Salomon orauerit Dominum pro apertione portarum dicens: surge Domine in requiem tuam: tu & arca sanctificationis tuæ. Et postea, quod sacerdotes cantauerint Psalmum illum, & hoc putant, quia illa verba. surge domine in requiem tuam: ponuntur dependentia supra ex verbis Salomonis: & postea dicitur, sacerdotes tui &c. & sic putant, quod sacerdotes inceperint ibi cantare. Sed non stat, quia illa litera. sacerdotes tui &c. non signat, quod sacerdotes cantauerint: sed est litera psalmi. sacerdotes tui induantur salutem vel iustitiam &c. & sic necesse est, quod ille, qui dixit verba præcedentia. surge domine in requiem tuam: dixerit et ista verba. sacerdotes tui &c. solus ergo Salomon locutus est hoc, & non cantauerunt aliquid sacerdotes. Sexto, quia ipsi dicunt, quod quando sacerdotes perueniunt ad illud versum, propter David seruum tuum, ne auertas faciem Christi tui, apertæ sunt portæ: & hoc dicunt, quia ponuntur hic aliqua verba illius Psalmi. 131. & finiuntur in illo verbo: domine Deus ne aduerseris faciem Christi tui. Memoro misericordiarum David serui tui. Sed istud nihil est, quia non ponitur hic aliquid de portarum apertione nec clausione: nam si poneretur fuisse facta portarum apertio, vel clausio: dato quod non diceretur in quo versu psalmi fuisset facta apertio, & continuarentur verba usque ad versum illum, esset verisimile, quod dictis illis verbis apertæ sunt portæ: & tamen non ponitur aliquid de illo, ergo non innuitur quod dicto illo verbo fuerit facta aliqua apertio, vel clausio portarum: sed est quedam fictio ista facta à Iudæis sicut multæ aliæ fieri solent inuento aliquo paruo colore. Alij dicunt, quod historia acciderit sicut supra narratum est de clausione portarum, & cantauerunt sacerdotes Psalmum prædictum: putabant autem quod propter facta David, quæ commiserat. occidi iubendo Uriam, & accipiendo uxorem eius Bethsabee Deus clausisset portas: & sic dixerunt, propter David seruum tuum non auertas faciem Christi tui. propter peccata sua, non confundas faciem Christi. Salomonis: & dicto illo verbo apertæ sunt portæ. Et dicunt quod tunc cognouit Salomon peccata David remissa esse, quia propter illa Deus voluit tenere portas clausas, & aperuit illico eas, ut non putaretur, quod propter peccata David fieret hoc, & sic in morte reputaretur David adhuc reus delictorum. Sed istud non stat, sicut & præcedens sententia, quia præsupponitur quod clausæ fuerint portæ, & quod Salomon orauerit pro apertione, & etiã sacerdotes: sed ista confutantur eiisdem rationibus, quibus supra confutata sunt: quod autem dicitur, quod putabant sacerdotes, quod propter peccata David clauderetur porta, non est verisimile, quia David reputabatur vir sanctissimus, & mortuus est in senectute bona, & licet peccasset in facto Uriam, iam putabatur illud peccatum ab omnibus remissum, quia multum tempus transierat inter peccatum illud & mortem David. Etiam David fecerat postea alia peccata, quæ postea remissa fuerant, sicut fuit peccatum numerationis populi: pro quo Deus misit pestilentiam super terram tribus diebus, & postea cessauit plaga. 2. Regum 24. & præced. lib. 21. cap. Si ergo adhuc non remissum esset peccatum illud adhuc Deus puniisset David uiuentem pro peccato hoc, & non puniuit ulterius, ideo non erat hoc verisimile. Secundo patet, quia pro isto peccato Deus dederat penam sufficientem, quæ iam erat consu-

mata in David, ergo non maneret alia pena. Patet, nam Deus per Nathan dixit David, quod propter peccatum istud adulterij cum Bethsabee moreretur puer, qui natus fuerat de adulterio: Etiam quia David fecerat occidi Uriam, Deus faceret, quod non recederet gladius de domo David. 2. Reg. 12. & utrumque completum erat: nam puer illico mortuus est eo. c. & gladius veritatus fuerat in domo David, quia Absalom filius David occiderat Amnon primogenitum eius fratrem suum. eo. lib. ca. 13. & postea serui David. Ioab princeps militiæ David occidit ipsum Absalom. eo. lib. 18. cap. non ergo manebat aliqua pena toleranda pro peccato David: nec poterant sacerdotes verisimiliter præsumere quod propter peccata David clauderentur portæ. Tercio patet, quia Psalmi 131. ubi ponuntur verba ista dicitur: propter David seruum tuum, non auertas faciem Christi tui: & hic dicitur: Memoro misericordiarum David serui tui. Si ergo putabant manere peccata David nondum remissa, non vocarent eum seruum Dei: quia istud potius signat magnam familiaritatem: ideo necesse est magis intelligi per modum obsecrationis, per merita David serui Dei. Quarto patet, quia ista sententia posset adhuc habere aliqualem colorem si starent verba illa Psalmi. 121. f. propter David seruum tuum, non auertas faciem Christi tui: quia illa verba poterant esse ambigua. f. propter David seruum tuum, id est propter merita eius non auertas, vel propter David, id est propter peccata eius non irascaris, & auertas faciem Salomonis, & tamen hic ponitur alia litera, quæ non sustinet istam ambiguitatem. f. domine ne aduerseris faciem Christi tui: memoro misericordiarum David serui tui. Et necesse est quod intelligatur in bonum. f. memoro meritorum David, id est propter misericordias illius promissas non aduerseris faciem Christi tui. Quinto patet, quia dato quod sacerdotes putarent peccatum David non esse remissum, adhuc non dicerent, propter peccata David, non auertas faciem Christi tui, quia ex hoc infamaretur David mortuus, cum peccata eius publice à sacerdotibus cantantibus rememorarentur: non ergo stat ista sententia. Sed dicendum, quod ista litera tota ex illo loco: tu es Deus meus: vel ex illo loco, nunc igitur cõsurge, est conclusio præcedentium: quia supra Salomon posuerat petitiones in particulari, quæ omnes tendebant ad hoc, quod Deus exaudiret orationes, quæ fierent in templo illo. Nunc ponit in cõstitutione, quod Deus attentus sit ad faciendum prædicta: ne aliàs cõfunderetur facies Salomonis orantis, & dicitur, nunc cõsurge domine Deus in requiem tuam. f. cõsurge ad manendum in sancta sanctorum, ubi erat requies Dei: quia ibi mansurus erat in requie, eo quod dicebatur esse Deus super arcam, & in sancta sanctorum manere debebat inter alas Cherubim ad dandum rursus. Et dicitur tu & arca sanctificationis. f. non solum tu manebis hic in requie, sed et manebit arca in requie sua, quia ante hoc mutabatur arca de loco ad locum cum sanctuario, quod erat in illo: cum verò fuit per se, etiam mutata est per uarietas, quia primo stetit in terra Philistinorum septem mensibus, 1. Reg. 6. deinde venit in agrum Bethsames, & stetit ibi aliquot diebus, & translata est in Cariathiarim in domum Abinadab sacerdotis, 1. Reg. 6. & 7. deinde mansit ibi tempore multo, & translata est post in Ierusalem in domum Obededon Gethzi. 2. Reg. 6. & præced. lib. 13. cap. Postea mansit ibi tribus mensibus, & translata est inde in domum David, mansitque ibi multo tempore. 2. Reg. 6. & præced. lib. 15. cap. Et inde translata est inde in domum, quæ edificauit Salomon, & ibi mansura erat in æternum. Ideo dicebatur ibi esse requies sua, quia non erat inde mutanda de loco ad locum sicut prius. Vocatur arca sanctissima totius civitatis, quia in ea continebatur res sanctissima totius sanctuarij. f. buleta legis decem præceptorum, & virga Aaron, quæ frondebat, & vna aurea continens manna

na ad Hebrę. 9. vel quia super ipsam erat Deus vt putabatur rñdens oĩbus cōsultationibus, & dubiis inductis per summum sacerdotem introeuntem in sancta sanctorum, & non poterat esse maior sanctitas quam vbi sic Deus apparebat, & loquebatur: Alia litera habet: tu, & arca fortitudinis tuę: & vocatur arca fortitudinis, quia per eā apparuit fortitudo Dei in multis locis, apparuit primò in desiccatione, & diuisione Iordanis: quia mox vt pedes sacerdotum tenentium arcam steterunt in Iordane, sterita aqua superior in modum muri, & aqua inferior recessit. Et sic apparuit alueus arens, vt transirent Israelitę sicco pede, Iosue tertio. Deinde apparuit fortitudo arce in murorum Iericho destructione, quia vt lustrata est ciuitas septē diebus per arcam, corruerunt muri vltima vice. Iosue sexto. Deinde apparuit fortitudo arce in Philisthinorū pcussione, quia corruit Dagō Deus Philisthinorum coram arca, & con fractę sunt manus eius, & caput: & in quacunque ciuitatē introiret arca, sequebatur plaga magna quousque tolleretur inde arca primo Re. 15. & dicitur: Sacerdotes tui induantur salutē, id est vestes salutare, in quibus ministrare debent: & sic applicabitur tota litera, sicut supra applicauimus.

CAPITVLVM VII.



VMQVE complexet Salomon fundēs preces, ignis descendit de celo, & deuorauit holocausta, & victimas: & maiestas Domini adimpleuit domum: Nec

poterant sacerdotes ingredi templum Domini, eo quòd impleset maiestas Domini templum Domini. Sed & omnes filij Israel videbant descendentem ignem, & gloriam Domini super domum: & corruentes proni in terram super pauimentū stratum lapide, adorauerunt, & laudauerunt Dominum: quoniam bonus, quoniam in seculum misericordia eius.

Cumque compleset. Descripta in præcedentibus oratione Salomonis, hic ponitur signum acceptionis, scilicet quòd per signa data hic apparuit, quòd Deus acceperat orationem Salomonis, & dedicationem templi, & diuiditur in duas. Primò ponitur dedicationis acceptio: secundò Salomonis admonitio, ibi. *Apparuit autem Dominus.* Prima in duas, quia primò ponitur prædictę acceptionis ostensio. Secundò dedicationis inceptę completio, ibi. *Rex autem.*

An ea, quę habentur hic, habeant ordinem continuatum.

Quest. I.

QVAERITVR circaprimum, an ea, quę habentur hic, habeant continuatum ordinem ad præcedentia, vel sit ordo mutatus, & an fuerint ista immediatē post illa, vel interiecto aliquanto tempore. Ad primum dicendum, quòd hic est ordo conti-

nuus: quia præcedenti cap. agebatur de festiuitatis incohatione, vel persecutione, hic agitur de eiusdem consummatione, cum totus Israel fuerit remissus nūc per regem in tabernacula sua: ideo necesse est, quòd ista fuerint post illa. Secundò, quia præced. cap. ponitur Salomonis oratio, hic ponitur diuina responsio, vt patet in litera, necesse est autem, quòd fuerint illa ante ista. Ad secundum dicendum, quòd nō fuit hic aliquod tempus intermediū inter præcedentia & ista, sed est continuata historia: nam Salomon astante toto populo orauit ad dominū, & dixit omnia, quę habentur præced. capi. & illico vt compleuit orationem descendit ignis de celo, & combussit holocausta, quę posita erant in altari, sicut dicitur in litera, scilicet: *Cumque compleset Salomon fundens preces, ignis descendit de celo, & deuorauit holocausta.* ideo dicendum quòd nullum fuit medium inter ista & præcedentia.

Circa primum dicitur: *Cumque compleset Salomon fundens preces.* Quando compleuit Salomon facere orationem suprapositam præced. cap. nam illam orationem fecit coram toto populo attento ad verba eius, & completa oratione missus est ignis, sicut habet hic. *Ignis descendit de celo.* Scilicet descendit super holocaustum: descendit enim de loco alto: & ob hoc videbatur descendere de celo, sed an verē descenderit de celo, vel de aere, & de qua parte descenderet declarabit infra in quadā quæstione: *Et deuorauit holocausta & victimas.* Scilicet, erant posita holocausta super altare, & etiam hostiæ pacificę, & oĩa consumpsit ignis ille descendens de celo. Ex hoc apparet quòd Salomon nūc faciebat duo genera sacrificiorum, scilicet holocausta, & hostias pacificas: nam holocausta clare noīantur: hostiæ pacificę intelliguntur per victimas: erant enim tria genera sacrificiorum in lege. scilicet holocausta, hostiæ pacificę, & hostiæ pro peccato. Holocaustum erat, quādo totum aīal Deo cremabatur in altari. scilicet carnes, caput, & pedes, & intestina: solo fimo, & pelle, & cornibus demptis, Leu. 1. & vocatur holocaustū, quia totum cremabatur ab Olon, quod est totum, & Cautma, quod est incendium, quasi totum incensum: & talia sacrificia offerebantur solū vel saltem principaliter ad honorem Dei. Secundum genus erat hostiarū pacificarum, de quibus offerebantur soli adipēs coīter.

Carnes autē diuidebantur inter sacerdotes, & offerentes. scilicet sacerdotibus dabatur pectus scilicet & armus dexter, & ceterę carnes proueniebant offerentibus: vt colligitur Leu. 7. & 3. Sacrificium pro peccato erat duplex, quoddam vocabatur pro peccato, & aliud pro delicto: de quorū cæremoniis magis declaratum est supra 2. in quadam qōne. Hic autem ponuntur duo genera sacrificiorum solū. scilicet holocausta, & victimę. i. hostiæ pacificę: holocausta quidem ad laudem Dei, & honorem: hostiæ pacificę ad reddendū gratias de susceptis beneficiis, & vt populus posset pasci de carnibus sacrificij. Nam hostiæ pacificę sunt ad duo. scilicet ad gratiarum actiones, & ad oblationes, vt patet Leuit. 7.

& hoc pro gaudio cōsumato templo reddendo Deo gratias, quòd concessisset Hebręis consummare illud templū, iustum fuit offerri hostias pacificas: hostiæ autē pro peccato non fuerunt nunc necessarię, quia talia sacrificia nō habebant nisi pro specialibus peccatis fm impositionem legis, vt coīter, & quia nūc nihil tale erat, non oblata sunt sacrificia pro peccato. *Et maiestas Domini impleuit domum.* Vocatur maiestas quidam apparatus excellens alicuius ad notandam magnitudinem status: & dī maiestas quasi maior status: & talis apparatus conuenit regibus: vnde dicimus imperatoriam maiestatem, vel regiam maiestatem: minoribus autē non solemus attribuire maiestatem: Deus autē videri non potest: quia tñ ostendebat quendam apparatus

Maestas qd sit.

poenitentie sue, per quem pateret eum esse presentem ipetialiter in loco illo dicebatur habere maiestatem, vel apparere maiestatem eius. Ista maiestas erat aliquod signum visibile gloriosum: unde vocatur gloria Domini, ut patet infra: quid tamen esset, declaratur infra in quadam questione: Et potest hic accipi domus dupliciter: vno modo pro tota domo templi cum atriis suis: & tunc esset sensus quod templum in circuitu, & atria omnia repleta sunt maiestate illa, quę cunque illa esset. Alio modo accipitur domus pro solo templo habente parietes, & tectum in quod intrabant soli sacerdotes: & tunc dicitur, quod solum templum impletum est maiestate & in atriis nihil erat. Sed existentes in atriis videbant maiestatem Dei quę implebat templum: & iste sensus videtur satis consonare literę, cum dicatur infra, quod sacerdotes non poterant ingredi templum: eo quod impleisset maiestas Dei templum Domini: & tamen dicitur quod erant Israelite in atrio templi, & videntes maiestatem Dei corruerunt super facies suas in pavimento strato lapide: si tamen repletum esset etiam atrium gloria Domini, non possent ibi stare Israelite: ideo videtur quod non erat atrium repletum, sed solum templum. Et in circuitu templi erat aliquid de maiestate illa: quia alias si tota Dei maiestas appareret intra templum, non viderent aliquid Israelite, qui erant in atrio, eo quod porta templi clausa erat, vel saltem pendebat semper velum ad portam, ut nihil possent videre de his quę intus erant: & tamen videbant isti maiestatem Dei existentes in atrio templi: ergo necesse erat, quod aliquid de maiestate Dei appareret extra templum. *Nec poterant sacerdotes ingredi templum Domini.* Scilicet, quia erat maiestas Dei replens templum, non poterant sacerdotes ingredi templum: quia illa impendebat, vel forte propter eius reuerentiam accedere non audebant: quod autem erat templum istud in quod non poterant nunc ingredi sacerdotes propter gloriam Domini, dicitur infra in quadam questione. *Eo quod impleisset maiestas Domini templum Domini.* Scilicet, illud signum visibile, quod ostendebat potentiam eius, & vocabatur eius maiestas, replebat templum, & etiam in circuitu templi circumfulsum erat, ita ut videri posset ab existentibus foris. *Sed, & omnes filii Israel videbant descendentem ignem.* Scilicet, descendebat ignis de celo ad cremandum sacrificiorum carnes, & omnes Israelite, qui conuenerant ad istam solennitatem, & erant tunc in atrio templi, videbant descendentem ignem de celo. *Et gloria Domini super domum.* Ista gloria Domini erat maiestas: quia gloria signat aliquid famosum, & pertinet ad maiestatem, quia maiestas est aliquid valde excellens, per quod cognoscitur tanquam famosus ille cuius est maiestas, & descendebat super domum, id est super templum: quia etiam tectum templi erat opertum gloria Domini, ita ut omnes existentes per urbem a longe possent videre gloriam Domini super templum. *Et corruentes proni in terram.* Scilicet, omnes Israelite, ut viderunt descendentem ignem super domum & gloriam Domini, corruerunt in terram. Sed tunc est dubium an corruerunt pre timore visa magnitudine rei, vel corruerunt pre reuerentia, scilicet laudantes Dominum propter illa quę ostendebat. Et dicendum videtur quod corruerunt in terram pre reuerentia: nam maiestas Dei & ignis descendens de celo non erat aliquid terribile, ita ut Israelite caderent pre timore in terram: & si dicas quod timuerunt ignem venientem. Dicendum quod non stat, quia non veniebat super eos, sed super sacrificia, quę ab eis semota erant aliquantulum in atrio sacerdotum. Item patet, quia dicitur in litera corruentes proni in terram adorauerunt & laudauerunt dominum: ideo non corruerunt timentes, sed ad adorandum: & iustum erat, quia illa si

igna testabantur Deum quodam speciali modo presentem esse, & debebant reuereri propter presentiam illam, & adorare Deum tanquam viderent eum presentem sibi: quia videbant eum eo modo, quo poterant videre: nam cum Deus inuisibilis sit, iuxta illud Io. primo. s. Deum nemo vidit unquam, solum eum videmus per aliqua signa presentie sue, sicut videmus hominem armatum contemplando arma, quę sunt signa exteriora. *Super pavementum stratum lapide.* Hoc dicitur, quia ipsi erant in hoc pavimento strato lapide, id oportebat, quod super illud corruerent, nisi forte inde fugere vellent, & istud erat in atrio: nam omnia quatuor atria templi, in quibus Israelite, & ceteri orabant, erant strata lapide. s. quod pavementum de lapide erat pulchrum ad ostendendam operis excellentiam. Et dicitur stratum lapide, id est factum de lapide, quia sternere est locare sub pedibus. Et sic vocantur stramenta vestes, vel panni, qui ponuntur super pavementum sub pedibus, vel in lecto sub nobis, templum, etiam stratum erat lapide: quia tamen super lapides erant ligna abiecta, vel cedrina, ut patet 3. Reg. 6. & supra 3. & ligna erant operata laminis aureis: non dicitur de templo quod erat lapide stratum, quia non apparebat lapis aliquis in toto opere: sed quicquid erat intra templum, aureum videbatur, patet 3. Reg. 6. *Adorauerunt, & laudauerunt Dominum.* Adorare est incuruare se ad terram: laudare est magnitudinem alicuius sermonibus explicare, & hoc fecerunt isti: nam incuruauerunt se ad terram, & dixerunt de Deo aliquam magnitudinem, quę sequitur. *Scilicet, quoniam bonus, & quoniam in seculum misericordia eius.* Id est laudauerunt Deum dicentes: quod bonus est, & quod misericordia eius durat in seculum, id est semper: & ista misericordia & bonitas demonstrabatur nunc, in quantum voluit nunc ostendere gloriam suam, & ignem dare super sacrificia ad cremandum illa. Et dicitur quod in seculum durat ista misericordia, s. quod non perit tempore, sed semper manet. Nam ab antiquo Deus ostendebat bonitatem suam, & misericordiam Israelitis, de quibus patet per processum totius Exod. & lib. Num. & fuerat hoc quasi per quingentos annos ante istud. Nam ab exitu de Aegypto usque ad foundationem templi fuerunt anni quadringenti & octoginta. 3. Regum 6. & nunc iterum ostendebat Deus misericordiam suam, ideo videtur, quod non peribat tempore, ita videbatur semper. Et sicut usque nunc durauerat, ita videbatur duratura in eternum: quia id quod non deficit in quingentis annis, non deficit in eternum: potissimum, quia misericordia Dei fuerat a seculo, scilicet a primordio rerum creaturarum, & transierant plura tres mille anni.

Ad quid ignis descendit de celo, id est quę necessitas.

Quest. II.

QUÆRITUR Circa prædicta de isto igne descendente de celo ad quid descendit, & non queritur ad quid descendit. i. ad quid faciendum: quia certum est, quod descendit ad cremandum holocausta, & victimas ut patet in litera. Sed queritur ad quid venit, quę necessitas fuit, quod veniret ad cremandum victimas, cum possent holocausta, & victimę cremari alio igne, & lignis. Aliqui dicunt, quod descendit iste ignis ad signandum acceptionem orationis Salomonis: nam orauerat Salomon pro multis: ut patet prece: cap. & ut sciret, quod Deus exaudiuerat orationes eius, misit igitur ignem de celo, & maiestatem suam. Sed obicietur, quod non fuerit ad hoc: quia Deus dedit aliam confirmationem Salomoni de hoc: nam

nam apparuit ei, & dixit quod acceptauerat orationē eius, infra in litera, scilicet: audiui orationem tuam, & elegi locum istum. Alii dicunt, quod venit iste ignis ad ostendendum quod acceptarentur sacrificia, quæ offerebantur nunc in tēplo. Et patet hoc, quia cremavit ignis iste sacrificia, ideo satis apparet, quod ostendebat illa esse Deo accepta. Sed obicietur, quod nō venit ad hoc, quod iam præcesserat aliud signum, in quo ostendebatur sufficienter omnes ministraciones, quæ fierent in sanctuario isto acceptas esse, scilicet quando descendit nebula, quæ repleuit domum: ut patet supra 5. & fuerat in ipsa die, ut infra declarabitur in quadam quæstione: ideo nō oportebat, quod ostenderetur acceptatio in igne. Respondendum quod iste ignis venit ad ostendendum duo, scilicet ad ostendendum exauditionem orationis Salomonis, & ad ostendendum sacrificia, quæ nunc fiebant accepta fore. De primo patet ex circumstantia operationis: nā erant animalia decoriata & carnes eorum ordinatæ super altare ad cremandum, & dum Salomon orabat alta voce, totus populus erat attentus verbis eius, & nō cremabant interim sacerdotes sacrificia. Finita autē oratione cum peteret Salomon se exaudiri, misit Deus subito ignem de cælo & cremavit holocausta & victimas, ut patet in litera, scilicet. Cumque compleisset Salomon fundens præces, ignis descendit de cælo, & deuorauit holocausta. Quia ergo scriptura dicit hic, quod cōpleta oratione descendit ignis, signat habitudinem aliquam esse ignis descendentis ad orationem Salomonis: & nulla alia est nisi, quod esset signum exauditionis: Patet hoc, quia iterū fuit missus ignis de cælo ad ostendendam orationem exauditam fore, scilicet quando Dauid fecit sacrificium in area Hornam Iebusæi, & orauit pro cessatione pestis: dicitur quod exaudiuit eum Deus in igne de cælo super altare holocausti. prece. lib. 21. c. Erat autē signum conueniens, quia cum nūc Salomon orasset dominum, & ille vellet ostendere quod acceptauerat orationē eius in aliquo signo sensibili, forte non occurrebat aliquod signum, in quo promptius demonstraretur, quā in ista descensione ignis super sacrificia: ideo data est ista descensio ignis ad hoc signandum. Cum autem obicitur, quod Deus ostendit istam acceptationem orationis, in quadam reuelatione. Dicendum quod per hoc nō tollitur quod descensio ignis ad hoc fuerit, & tamen quomodo ista duo signa concurrerent ad idē, declarabitur infra in quadam quæstione. Secundum erat, quia ista descensio fuit ad signandum acceptationem sacrificiorum, & istud est valde rationabile, quia ante hoc nulla sacrificia facta fuerant in templo Salomonis: ut ergo intelligeretur, quod ista erant accepta Deo, conueniens fuit dari aliquod signum, non poterat autem aliquod signum conuenientius esse quā quod descenderet ignis de cælo super sacrificia, quia cum ignis descendens de cælo à Deo mitteretur, & cremaret sacrificia, apparebat quod Deus volebat illa pro se, quia aliās non cremaret illa. Cum autem obicitur, quod iam Deus dederat aliquod signum huius acceptationis, scilicet ne nebula repleret templum. Dicendum quod illa nebula fuit ad signandum templum esse acceptum. Etiam ad acceptandum primum ministerium, quod factum est: non tamen determinatē erat ad signandum acceptationem istorum sacrificiorū: ideo conueniens fuit nunc mitti ignem de cælo super ista sacrificia. Pro quo sciendum, quod nebula, quæ venit super templum primò, magis fuit ad signandum templum Deo acceptum fore, quā ministraciones esse acceptas: nam illico ut posita fuit arca in sancta sanctorum, & egressi fuerunt inde sacerdotes, nebula operuit do-

A mum: ut colligitur supra 5. cap. ideo decebat, ut aliquod signum esset, quod solum ostenderet acceptationem ministracionum sanctuarii, & istud fuit ignis descendens super sacrificia: Dato etiam quod nebula descendens fuisset signum acceptationis ministracionum sanctuarii, non erat decens, quod daretur aliud signum adhuc. Pro quo sciendum, quod in sanctuario erant duplicia ministeria in generali, Leuitica, & Sacerdotalia. Leuitica erant in canendo, & custodiendo portas templi, & thesauros, & indicando, & similibus: ministraciones sacerdotales erant in offerendo sacrificia, & thymiama cremando, & disponendo lucernas in candelabro: & ponendo panes in mensa propositionis, & similibus, de quibus declaratum est supra præce. lib. 23. ca. Et quia quando venit nebula operiens templum, non fuerat factum aliquod ministerium in templo nisi Leuiticum, scilicet quia Leuitæ canebāt tunc coram Domino, videbatur illud solum acceptari, vel illud, & alia ministeria Leuitica, quæ erant eiusdem generis. De ministeriis autē sacerdotalibus non videbatur, an extenderetur ad illa: ideo decuit, quod fieret aliud signum ad acceptandum ministeria sacerdotalia. Fuit autem primum ministerium sacerdotale, quod factū est in templo, oblatio sacrificiorum, ideo decuit, quod ostenderetur aliquod signum acceptationis illorum: & istud fuit, quod veniret ignis de cælo super illa, & per hoc innuebatur, quod omnia alia ministeria sacerdotalia, quæ postea fierent acceptabantur.

Quare potius misit ignem quā aliquid aliud.

Quæst. III.

QVAERITVR vltius, dato quod vellet Deus mittere aliquod signum acceptationis suæ super sacrificia ista, quare potius misit ignem quā aliquid aliud. Dicendum, quod hoc fuit propter duo, primò ex conditione operis: nam volebat Deus consumere sacrificia, ut videretur illa acceptare, sed non poterat consumere illa nisi mittendo ignem super ea: ideo debuit mitti ignis potius, quā aliquid aliud. Si autem dicas, quod Deus poterat consumere sacrificia illa non mittendo ignem, cum per seipsum posset illa consumere, scilicet solum iubendo: quia ita fuit de creatione, quod ipse mandauit, & facta sunt: ipse dixit, & creata sunt Psal. 148. Dicendum est, quod verum est, quod poterat hoc fieri, & tamen quia populus non videret, quomodo sacrificia consumerentur potissimè, quia multi putarent, quod fiebat hoc aliqua delusione, cum nō videretur consumptio sacrificiorum, & in hoc non incitaretur populus ad laudem Dei, cum non esset signum sensibile, sed magis ad dubitandum, an diuinitus, vel magicè istud operaretur: potius ergo debuit fieri missio ignis coelitus, quā alio modo. Secundum fuit, quia acceptatio diuina signatur in missione ignis de cælo, quia istud opus videtur Deo proprium: vnde per missionem ignis de cælo conati sunt Israelitæ inuestigare veram deitatem, scilicet, cum disceptatio esset inter Eliam, & Prophetas Baal, an esset Deus ipse Deus Israel, vel Baal, conuentum est, quod experirentur hoc modo, scilicet, qui exaudiret cultores suos mittendo ignem de cælo super sacrificium, haberetur in Deum: & cū clamasset propheta Baal à mane vsq; ad meridiem, non erat exaudito, nec ignem consecuti sunt. Cum autem orasset Elias, venit ignis, & deuorauit sacrificium, & altare. 3. Regum 18. Si tamen non videretur signum conueniens ad inueniendam veram deitatem missio ignis de

de celo, non convenissent omnes in hoc. Pater hoc, quod signet hoc diuinam virtutem: nam quando quinquagenarij Ochozie ibant ad Eliam, & dicebant, vir Dei rex mandat, vt descendas de monte: dicebat ipse, si homo Dei sum descendat ignis de celo, & deuoret te, & quinquaginta tuos. Re. primo, & sic per descensionem ignis de celo putabat se probare esse hominem Dei: & hoc non esset nisi descensio ignis de celo specialiter esset a Deo. Etiam conueniebat ista descensio ignis super sacrificium ad signandum accepta esse sacrificia. Quia cum Aaron consecratus esset in summum sacerdotem, & filij eius in minores sacerdotes die octaua, qua primo ipsi ministrare ceperunt, descendit ignis de celo super carnes sacrificij, & deuorauit illas: Leui 9. quod videntes Israelitae laudauerunt dominum videntes esse acceptas oblationes. Item quando Dauid pro cessatione pestis immolauit hostias in area Hornam Iebusae, & posuit carnes sacrificiorum super altare: misit Deus ignem de celo & consumpsit victimas. Fuit autem illa descensio ignis, vt sciret Dauid se exauditum in oratione sua de cessatione pestis: nam dicitur quod exaudiuit Deus Dauid in igne de celo super altare holocausti precedenti libro vigesimo primo capit. Fuit etiam ad ostendendum quod locus ille in quo offerebantur illa sacrificia, erat a Deo acceptus ad semper ibi offerendum: Ideo postquam Dauid vidit descendisse ignem de celo super locum illum, dixit haec est domus Dei, & altare holocaustorum Israel. eo. lib. 22. cap. Sicut ergo a principio locus ille a Deo monstratus est sibi acceptus, vt ibi templum edificaretur: ita & aedificato templo cum inciperent fieri ministrations, debebat mitti ignis de celo, vt per hoc cognoscerentur acceptae ministrations.

An ille ignis fuerit verus ignis an non.

Quest. IIII.

QVAERITVR Vterius de isto igne, qui hic dicitur, an erat verus ignis, vel aliquid aliud. Aliquis dicet manifestum esse, quod esset ignis, cum scriptura vocet illum ignem. Dicendum, quod hoc non probat: quia vocat scriptura ignem eum qui est verus ignis, vel habet colorem ignis: sic enim patet de columna ignis, quae apparebat super castra Israelitarum per noctem, & apparebat qualibet nocte. Exo. 4. Vocatur enim columna ignis: & tamen non erat verus ignis, sed color, vel figura ignis: nam Num. 9. vocatur species ignis: sic etiam dicitur, quod apparuit Deus in rubro ardenti in medio ignis, & non cremabatur rubus. Exo. 3. & tamen non erat ille verus ignis, sed species ignis, vt declaratum est ibidem: ita ergo poterat esse iste verus ignis, vel solum figura ignis. Dicendum quod iste erat verus ignis: nam ex effectu apparet, quia iste ignis consumpsit sacrificia: cremare autem est opus veri ignis: ideo verus ignis erat: secus autem erat de columna ignis, quae per noctem apparebat super castra Israelitarum, quia illa non habebat proprium actum ignis: non enim calefaciebat, sed solum illuminabat, illuminare autem competit astris, licet non cremant. Ideo dicendum, quod fuit aliquod corpus aereum densum cui Deus dedit colorem ignis, & fulgorem: & sic illuminabat, ac si esset verus ignis, & tamen non erat: imò si fuisset verus ignis, oportuisset poni aliud miraculum, scilicet quod cum ille ignis esset magnus globus, & esset super tabernaculum propinquus operimentis tabernaculi, quomodo non cremabat illa, & tamen nihil cremabat.

F Item esset aliud miraculum: quia licet ignis in sphaera sit sine fomento: tamen infra suam sphaeram non potest esse sine fomento, cum videamus quantumcunque magnum globum ignis subtracto fomento illico extingui: & tamen ignis ille nullum habebat fomentum: quia semper erat illa columna ignis equalis, & non cremabat aliquid circumstant: ideo si ignis verus esset, necesse esset, quod semper esset miraculum in via mittendo ignem illum ne extingueretur. Ponendo autem, quod erat aer densus, cui erat lux communicata, solum erat vnum miraculum, scilicet quod fuerit talis mixtio facta in aliquo corpore a Deo: & tamen conseruationem suam, & ad hoc ne cremaret quaecunque propinqua, non requirebatur aliquod miraculum, cum non esset ignis verus: sic etiam erat de igne, qui dicebatur esse in rubo. Et per hoc possumus distinguere, licet scriptura dicat aliquando apparuisse ignem, quando est verus ignis, & quando non, sed species ignis.

De quo loco venerit ille ignis.

Quest. V.

QVAERITVR Vterius, de isto igne, cum esset verus, & dicatur descendisse de celo, de quo loco venerit. Aliqui dicunt, quod de coelo descendit: nam scriptura testatur eum descendisse de coelo: ideo non est in hoc dubitandum. Item, quia dicitur in litera, quod videbant Israelitae descendentem ignem, & gloriam Domini super domum, vt patet hic. Dicendum est, quod non descendit de coelo: nam nunquam est ponenda pluralitas, sine necessitate, vt colligitur octauo Topicalitas, sed est regula, quod quodocunque constat de aliqua actione, & non constat de modo eius, ponendus est ille modus, qui est leuior, quia aliter poneretur pluralitas sine necessitate, & tamen ponendo descendisse ignem istum de coelo ponerentur plura miracula, quam alias, ideo non est dicendum quod venerit de coelo. Primum miraculum esset: quia in coelo non est ignis aliquis, cum celum sit de quinta essentia, & non sit ibi elementum aliquod, nec pars elementi: ignis autem est verum elementum, ideo non poterat esse in coelo: si ergo de coelo venire deberet, necesse erat, quod crearetur ibi, & postea mitteretur. Secundum miraculum est, quia dato, quod creatus foret ignis ille, non videtur modus, quo de coelo descenderet non aperientur partes aliquam coeli, quia cum ignis esset verum corpus, necesse erat, quod in transitu suo occuparet locum, & dari debebat vnus de istis modis, scilicet quod diuideretur celum, vt cederet igni transcurrenti: vel esset penetratio dimensionum, vel reduceretur ignis ad indiuisibile, vt non poneretur ruptio: quilibet tamen istorum modorum est cum miraculo: nam poni ruptio in coelo, vel cessionem est miraculum vel inconueniens, quia cedere pertinet ad rarum, & densum, quae sunt conditiones elementorum, & rerum elementatarum: celum autem non est huiusmodi, ideo non potest cedere nec rumpi sine miraculo. Secundus modus, scilicet penetrationis dimensionis est miraculosus: non enim potest natura tale efficere, nec possunt intelligere philosophi qualiter fiat, & ponuntur pro impossibili. Tertius modus est etiam miraculosus, scilicet quod reduceretur corpus ad indiuisibile: nam licet reduci posset sine miraculo, non tamen fit.

Sed obijcietur, quod ita fit in corporibus coelestibus: A
 aliàs, scilicet quando Christus in cœlum ascendit, &
 quando nos ascendemus post diem iudicii: nam tunc
 cum corpora vera habuerimus, necesse est, quod fiat
 aliquid istorum: sic etiam in Christo concedimus,
 cum est in hostia, quod reducatu tota sua quantitas
 ad indiuisibile, quia aliàs non posset capi ibi in quali-
 bet particula hostiæ. Dicendum, quod verum est de
 corporibus nostris, quod erunt in cœlo non reducta
 ad indiuisibile, nec rumpendo cœlum, ita vt cœlum
 cedat, sed solum per penetrationem dimensionum:
 quia iste est modus conueniens, & hoc necesse est po-
 ni, cum oportebat confiteri, quod verè corpora nostra
 erunt in cœlo aliquando, scilicet post Resurrectionē.
 De corpore etiam Christi necesse est etiam dici, quod B
 sit in hostia, quia est fundamentum fidei, quod Chri-
 stus sit in hostia tota verè, & tamen non potest poni
 ibi per alium modum: nam penetratio dimensionum
 non potest ibi stare, quia dato quod staret non capere-
 tur ibi Christus, cum staret secundum totam suam ex-
 tensionem. Etiam non posset stare ruptio, vel cessio,
 quia non possent partes hostiæ tantū segregari, quod
 inter illas caperetur corpus Christi manente hostia
 integra: Necesse fuit ergo ponere, quod esset corpus
 Christi in hostia reductum ad indiuisibile: De igne
 descendente secus est: quia potest poni, quod non de-
 scenderet de cœlo, sed de aliquo alio loco: ita q̃ non
 ponantur ista miracula: ideo non est ponendum, q̃
 descendere de cœlo. Tertium inconueniens erat, C
 quia ponebatur iste ignis nimis descendere contra cō-
 ditionem suam: nam descenderet de summo, & quan-
 ta esset descensio maior tanto esset maior violentatio
 naturæ suæ. Si autem ponatur iste ignis descendisse
 de aliquo loco inferiori, non erit tantum inconue-
 niens, ideo non debet poni descendisse de cœlo.
 Cum autem obijciatur, quod de cœlo descenderit, quia
 litera hoc dicit. Dicendum, quod non sequitur, quia
 sacra scriptura accipit cœlum largè pro toto spatio,
 quod est supra nos, & sicut vocatur cœlum: iuxta il-
 lud Psal. 8. scilicet. Volucres cœli, & pisces maris, &
 Matth. 13. Aues cœli comederunt illud. & vocatur
 cœlum, id est aer, quia aues non sunt in cœlo: ideo de
 quacunq; parte aeris descenderit iste ignis, diceretur D
 descendere cœlo. Alij ergo dicunt, quod iste ignis
 descendit de sphaera ignis: nam illa est sub concavo or-
 bis Lunę prima in regione elementalī, & tunc non se-
 quantur miracula, quæ supra ponebantur: nam non
 erit primum, scilicet, quod ille ignis creatus sit, quia
 cum ignis in sphaera præexistat à principio orbis, non
 oportebat de nouo creari istum ignem si de sphaera il-
 la esset. Secundum etiam miraculum tollebat, sci-
 licet, quod non oportebat fieri ruptionem cœli, nec
 dimensionam penetrationem, nec reductionem ad
 indiuisibile: cum non fuerit iste ignis in cœlo aliquan-
 do. Tertium etiam tollitur, quia licet isto modo de-
 beat poni descensio ignis, tamen non ponitur de loco
 tam summo, & sic minus fiet contra naturam ignis. E
 Sed dicendum videtur, quod non fuerit iste ignis de-
 scendens de regione ignis. Primò, quia si tantum de
 igne descenderet, oportebat tantum suppleri de alia
 materia, vt non maneret vacuum. Secundum erat,
 quia erat valde difficile, quod descenderet ignis per
 totam regionem mediam: nam non poterat naturali-
 ter conseruari per totum medium descendens, cum
 sit medium incestitium ibi, quod est frigidissimum,
 & ibi periret ignis quilibet descendens nisi miraculo-
 se conseruaretur. Tertium erat, quia ponebatur de-
 scendere de loco altissimo, quod est contra conditio-
 nem ignis. Licet ergo iste modus posset teneri, di-
 cendum tamen, quod conuenientius est dicere, quod
 Alph. Iost. super lib. Paralip. Pars 2.

iste ignis non fuerit de regione ignis, sed de parte infi-
 ma aeris, Deus istum ignem produxit conuertendo
 aliquam partem aeris in ignem, & fecerit descen-
 dere illum ignem raptui super templum, & sic vide-
 batur descendere de cœlo. Iste etiam modus videtur
 fuisse in descensione ignis super duos quinquagenari-
 os, super quos fecit descendere ignem Elias: nam
 dicebat: Descendat ignis de cœlo: quarto Regum pri-
 mo. non tamen descendebat de cœlo, sed de aliqua
 parte inferioris interstitij aeris, vt ibi declaratum est,
 & per istum modum ponerentur pauciores difficul-
 tates quàm aliàs, & erit modus conueniens.

An ignis qui descendit ad sacrificium semper dura-
 uerit, vel quanto tempore.

Quest. V.

QV AERITVR vterius de isto igne, qui de-
 scendit nunc super sacrificia, an semper dura-
 uerit, vel quanto tempore durauit. Aliqui dicunt,
 quod semper durauit, quia dabatur in signum diui-
 næ acceptionis, & sic factum fuit in deserto: nam
 consummato tabernaculo Moyse nubes repleuit il-
 lud, & columna ignis per noctem, & durauit semper
 illa columna ignis, quia qualibet nocte apparebat su-
 per tabernaculum: Exod. 40. & Num. 9. cap. Ita ergo
 cum nunc consummato sanctuario venisset ignis ad
 acceptionem illius, debebat semper manere. Dicen-
 dum quod iste ignis, qui nunc venit de celo, modicū
 durauit, scilicet solum quandiu cremata sunt sacrifi-
 cia, & hoc patet ex duobus, vel tribus. Primò quia
 iste ignis, cum esset verus ignis, extra sphaeram suā non
 poterat conseruari, nisi miraculosè: fuit autem ma-
 teria in qua conseruari debebat iste ignis carnes sacri-
 ficiu, quia ad illas cremandas venerat, & ideo quan-
 diu durarent carnes illę in cremari, maneret ille ignis,
 combustis autem carnibus cum non haberet ignis ille
 materiam, in qua conseruaretur, deficeret: sicut vide-
 mus de quolibet alio igne, qui apud nos est. Et si ve-
 lis dicere, quod postea manserit iste ignis, oportet q̃
 detur miraculum quomodo maneret sine materia,
 & tamen non est dandum tale miraculum, cum non
 appareat aliqua necessitas ad punendum illud. Secun-
 dum est, quia finis, ad quem iste ignis descendit fuit,
 vt cremarentur carnes illorum sacrificiorum, com-
 pleta ergo crematione illa, non videbatur ad quid es-
 set ignis necessarius, & sic non maneret superuacue.
 Tertium est, quia si ille ignis semper maneret, esset
 aliquod magnum miraculum de specialibus, quæ vn-
 quam contigisset inter Hebręos propter durationem
 magnam, & non subtriceret illud scriptura: sicut non
 subtrixit de nubecula, & columna ignis quod sem-
 per manebant quandiu erant Israelitę in deserto, & ta-
 men nihil scribitur de hac duratione ignis, ergo vide-
 tur, quod non mansit semper, sed solum quandiu cre-
 mata fuerunt sacrificia. Cum autē obijciatur de igne
 descendente in p̃sumatione templi tabernaculi Moy-
 si, quod mansit semper. Dicendum, quod non est si-
 mile de illa columna ignis, & de isto igne. Primò,
 quia illa columna non erat ad assignandum accepta-
 tionem sanctuarij, sed ad illuminandū Hebręos per
 noctem, ideo quandiu Hebręi egerent lumine illius,
 maneret: iste autē ignis erat solum ad consummendū
 sacrificia: ideo expletis illis, nō oportebat vt maneret.
 Secundò patet hoc, quia illa columna ignis, quæ ap-
 parebat, licet durauerit magno tempore, non durauit
 semper: nam solum durauit quandiu manserunt Is-
 raelitę in deserto, scilicet per quadraginta annos: Exo.
 40. & Numeri 9. Et hoc, quia toto tempore illo ma-
 nebant

nebant Israelitæ in castris, in deserto, & ut castra illuminarentur per noctem, dedit Deus illam columnam ignis. Finitis autem quadraginta annis, cum Israelitæ manerent iam in terra Chanaan, & habitarent dispersi per loca, non erat eis necessaria illuminatio illa per noctem, ideo post introitum in terra Chanaan, non legitur apparuisse quandiu fuerunt Israelitæ in deserto, & non solum non legitur apparuisse, sed veraciter dicendum, quod nunquam postea apparuit columna ignis per noctem, nec columna nubis per diem. Et hoc per simile de manna, quia Deus dabat in deserto Israelitis manna, & dedit per quadraginta annos: quia non poterant ibi habere alium cibum: Exod. 16. & Deut. 8. & 29. Cum autem introierunt in terra Chanaan, & ceperunt comedere de frugibus terræ, cessauit manna, ut patet Iosue 5. eo quod iam sine manna poterant sustentari Israelitæ. Ita cum necessitas columnæ nubis, & ignis cessasset introeuntibus Israelitis in terram Chanaan: non apparet ulterius, quia miracula diuina non fiunt nisi ad supplendum aliquam necessitatem, quam natura supplere non potest. Ita ergo dicendum de isto igne, qui nunc descendit, quod non duraturus esset semper, dato quod tempore duraret magno, & duratio ista esset quandiu esset usus eius necessarius: & tamen non videbatur alius usus istius ignis, nisi cremare illas carnes sacrificiorum, ideo videtur dicendum, quod finita illa crematione cessauerit ignis ille. Secundò patet, quia si columna illa ignis esset ad signandam acceptationem diuinam super illud tabernaculum omni tempore maneret, tam nocte quam die, & tamen manebat solum per noctem, per diem autem solum manebat columna nubis, ut patet Exod. 40. & Numeri 9. ideo non erat ad notandam acceptationem, sed ad illuminandum, & quia per diem non erat necessaria columnæ ignis illuminatio, solum apparebat columna illa per noctem, ita ergo iste ignis solum maneret quandiu esset necessarius. Quartò patet, quia si columna illa ignis fuisset ad signandam acceptationem diuinam, solum fuisset ex tempore, quo fuit tabernaculum, & tamen fuit antequam tabernaculum fieret: nam tabernaculum consummatum est in fine primi anni ab exitu de Aegypto, & in principio secundi anni erectum est: Exod. 40. & tamen columnis nubis, & ignis apparuit in principio exitus de Aegypto, & dirigebat Israelitas per viam: vnde in transitu maris rubri illa columna ignis precedebat, & dirigebat Israelitas: Exod. 14. ergo non fuit ad notandam acceptationem tabernaculi: ideo licet illa multo tempore duraret, non est inde sumendum argumentum, quod iste ignis, qui nunc à Deo missus est, deberet magno tempore durare. Quod autem federet ista columna ignis super tabernaculum non probat acceptationem aliquam, quia non sedit ibi ad probandam acceptationem, sed quia erat tabernaculum in medio castrorum, & ut æqualiter illuminarentur castra per illam columnam, sedit super tabernaculum: quia etiam aliàs ibi federet etiam si non esset ibi tabernaculum. Dicendum ergo, quod ignis iste, qui fuit ad signandum, quod sacrificia illa acceptabantur à Deo consummando illa, tamdiu durare debuit quandiu consummarentur sacrificia, & sic cessauit.

Cum duo mirabilia apparuerint, an vnum ante aliud fuerit, & cur duo, & an vnum sufficeret.

Quest. VI.

QUÆRITVR vltius, cum apparuerint duo mirabilia in templo Salomonis in dedicatione

Ista, scilicet nebula, quæ operuit, & repleuit domum, supra quinto, & ignis, qui descendit ad cremandum sacrificia, ut patet hic, quomodo se habuerunt ista duo, an vnum fuerit multo tempore ante aliud: & cur facta sunt duo, & an vnum sufficeret. Respondendum ad primum, quod vnum pauco tempore fuit ante, scilicet, quia facta sunt eodem die, quod enim vnum factum sit pauco tempore ante aliud, patet: quia primum de apparitione nebulae fuit prima die, qua introducta fuit arca in templum, supra quinto: istud secundum factum est durante ista dedicatione templi: nam dicitur hic, quod descendit ignis super sacrificia, & postea dicitur, quod Salomon, & populus fecerunt solennitatem magnam, & die vigesima tertia mensis septimi, quo facta est ista dedicatio recessit populus in tabernacula sua: durauit autem ista solennitas quatuordecim diebus solum, scilicet septem diebus ante festum tabernaculorum, & alijs septem diebus, quibus durauit festum tabernaculorum, ut patet infra in litera: & magis 3. Regum 8. ideo non poterat ad plus præcedere vnum miraculum ad alterum, nisi quod vnum fieret die primo festiuitatis istius, & alterum fieret die quartodecimo. Sed dicendum, quod eodem die fuerunt ista duo miracula, & non præcessit vnum ad alterum per vnam, aut duas horas: Quod patet, quia ordo gestorum fuit iste, scilicet, quod sacerdotes, & Leuitæ attulerunt arcam domini ad portam templi, & tunc accipientes eam soli sacerdotes introduxerunt, & locauerunt in Sancta Sanctorum, quibus inde egressis cæperunt sacerdotes, & Leuitæ canere simul in atrio sacerdotum ante altare, quibus incohantibus nubes repleuit, & operuit domum, ita ut sacerdotes non possent intrare in templum, supra quinto capitu. Tunc Salomon capit orare, ut patet precedenti cap. Et dixit coram toto populo omnia verba, quæ habentur, & precedenti cap. ubi nihil continetur nisi oratio sua, & finita oratione descendit ignis super carnes sacrificiorum: Nam dicitur hic: Cumque complexset preces fundens, descendit ignis de celo, & deuorauit sacrificia: ut patet in litera, & sic inter primum miraculum, & secundum non fuit distantia temporis, nisi in quantum Salomon protulit verba orationis suæ, & non esset vna hora, & sic paruum tempus fuit inter ista duo miracula. Ad secundum dicendum, quod ambo fuerunt necessaria, vel saltem valde conuenientia propter duo. Primò, quia miraculum primum de nebula descendente fuit ad signandum acceptationem ministeriorum, cum venerit ignis super sacrificia, & ista erat ministratio vna de præcipuis sanctuarij. Secundò, quia dato quod primum miraculum esset ad signandum aliquam acceptationem ministeriorum diuinorum, tamen erant ministeria ista duplicia: quædam erant Leuitica, & quædam Sacerdotalia: Leuitica erant, ut cantare, portas custodire in templo: Sacerdotalia erant, ut facere sacrificium, & similia: quando autem factum est primum miraculum de nebula descendente, cæbebant sacerdotes & Leuitæ, & istud erat ministerium Leuiticum, ideo per illud miraculum videbantur approbata ministeria Leuitica. De ministerijs sacerdotalibus non apparebat clarè, an essent approbata, ideo conueniens fuit, quod fieret aliud miraculum, quando inciperet præcipuum ministerium sacerdotale, & quia istud fuit oblatio sacrificiorum, & deuorauit illa, & sic approbata fuerunt omnia ministeria sacerdotalia, & Leuitica.

*An illa holocausta cremabantur ab alio igne,
& quomodo erant posita,
Quest. VII.*

QVAERITVR vltcrius circa istum ignem descendentem, cum dicatur hic, quod ignis descendens deuorauit holocausta, & victimas, quomodo fuit, an illa holocausta cremabantur ab alio igne, & quomodo erant posita. Quidam dicunt, quod sacrificia ista, quae nunc cremata sunt igne coelesti, fuerunt illa, quae erant super pauimentum, eo quod illa nullum habebant ignem: sed coelestis ignis superuenit, & cremauit carnes: sacrificia autem, quae in altari erant cremabantur igne altaris, & super illa non venit ignis coelestis: quia illa habebant ignem alium comburentem ea. Pro quo sciendum, quod in ista festiuitate magna oblata sunt multa animalia simul, & sic sacrificia, quae eadem die fieri debebant non capiebantur in altari, & ad hoc in medio atrij in pauimento posita fuerunt carnes multae sacrificiorum, ut ibi cremarentur, ut patet infra in littera: & sic dicunt, quod super carnes, quae erant in altari holocaustorum non venit ignis coelestis, sed super carnes, quae erant in pauimento atrij. Dicendum tamen, quod hoc non stat, quia ignis de coelo venit super sacrificia omnia tam super illa, quae erant in altari, quam super illa, quae erant in pauimento: nam si solum venisset super sacrificia, quae erant in pauimento, innuere-
tur quod illa Deus acceptabat, & non illa, quae erant super altare. Et ex hoc sequeretur vnum inconueniens sacrificia cremari in altari holocaustorum: sed omnia cremarent in pauimento atrij, eo quod Deus acceptasset sacrificia in pauimento atrij, & non acceptasset sacrificia in altari holocaustorum, & istud erat contra legem: quia Deus iusserat, quod nulla sacrificia offerrentur, nisi super altare holocaustorum: Leuit. 16. & alibi offerri nefas erat Iosue 22. cap. Si autem Deus mitteret ignem super sacrificia, quae erant in altari, & non super illa, quae erant in pauimento, appareret, quod solum acceptabat illa, quae erant in altari: ideo nollent aliqua cremare in pauimento. scilicet carnes, quas posuerunt in pauimento, vel non cremarent aliquo modo, vel cremarent super altare holocaustorum, & tamen in vtroque loco crematae sunt carnes sacrificiorum, ut patet in littera, ergo vtraque coelesti igne cremata sunt. Cum autem quaeritur, an ista cremabantur alio igne, quando venit ignis coelestis, vel non. Dicendum, quod non cremabantur alio igne, sed erant posita carnes super ligna. Sed tunc dicitur, quid ergo intendebant facere sacerdotes, cum tenerent carnes super ligna, quomodo non cremabant illas, vel nunquid putabant venturum ignem de coelo ad cremandum carnes? Dicitur posset, quod sacerdotes orauerant, ut Deus mitteret ignem super sacrificia ad honorem templi sui, & ponerent carnes sacrificiorum super ligna, & non complerent ignem expectantes ignem de coelo, & solebat fieri aliquando: nam quando venerunt Prophetae Baal, & Elias experiri veram deitatem, posuerunt sacrificia Baal carnes super ligna, & non supposuerunt ignem clamantes venire ignem de coelo, sed non exauditi sunt: Elias posuit carnes super ligna, & non supposuit ignem, & inuocato Deo venit ignis de coelo, & vorauit sacrificia, 3. Regum 18. cap. Sic etiam fuerunt quando redierunt Israelitae de captiuitate, & quae fuerunt quem in puteo abiconderant, & non inueniunt illum, sed aquam crassam, & posuerunt carnes sacrificij super altare, non supposito igne, & cum superfusa fuisset aqua illa, accensa sunt carnes sacrificij. Alph. Toll. super lib. Paralip. Pars 2.

Aciorum. 2. Mach. primo, & sic posuerant isti sacrificiorum carnes non subijcientes ignem. Sic etiam fuit, quando Aaron, & filij sui consecrati sunt in sacerdotes: nam prima die, qua ministrauerunt, posuerunt carnes in altari non subijcientes ignem, & venit ignis a domino, & combussit carnes. Leuit. 9. cap. vel forte aliquis Propheta erat inter Israelitas nunc, qui praedixerat carnes sacrificiorum cremandas igne coelesti, ideo posuerant sacerdotes carnes super ligna non supposito igne, & venit de coelo ignis: nam sic fuit in prima die ministrationis Aaron, & filiorum suorum: nam Moyses praedixerat de isto igne, qui venturus erat die illa super sacrificia: Leuit. 9. scilicet, iste est sermo, quem precepit dominus, facite & apparebit vobis gloria eius. & illa gloria domini fuit, quia postquam posuerunt in altari carnes sacrificiorum non supposito igne, sicut dixerat Moyses, descendit ignis de coelo: ut patet ibidem. Sed tunc dicitur, quomodo poterant poni sacrificia, & non supponeretur ignis? quia ignis necessario erat semper in altari: ut patet Leuit. sexto. Dicendum, quod potuit esse aliquid de supradictis: ad hoc quod sacerdotes ponerent carnes sacrificiorum, & non subijcerent ignem, vel forte non orabant, quod veniret ignis de coelo super sacrificia: nec sciebant eum venturum esse, sed ponebant sic carnes sacrificiorum igne non supposito, quia iste erat modus faciendi sacrificia. Pro quo considerandum, quia ut dictum est supra, quaedam carnes sacrificiorum crematae fuerunt in pauimento atrij, & aliae in altari holocaustorum. De carnibus, quae in pauimento crematae sunt, non est difficultas, quia ibi non solebat esse ignis, ideo super terram poneretur illico strues lignorum non subiecto igne, & super ligna ponerentur carnes, & manerent sic vsquequo Salomon orationem suam finiret: quia tunc intendebant forte subijcere ignem, & superuenit ignis de coelo, & cremauit carnes: de carnibus, quae in altari posita fuerunt, dicendum, quod etiam illae non habuerunt ignem suppositum: cum autem dicitur, quod in altari erat ignis semper. Dicendum, quod verum est, & tamen poterant poni ibi sacrificia & ligna, non supposito igne: nam quotidie mundabatur altare, & tollebatur totus cinis. Cum enim in aurora offerendum erat sacrificium, sacerdos tollebat totum cinerem, qui manserat super altare de sacrificijs diei praecedentis, & portabat illum extra castra, & tunc rediens ponebat ligna in altari, & faciebat sacrificium nouum illius diei, & sic quotidie fiebat: ut patet Leuiti. sexto, & quando tollebatur iste cinis, manebant ibi aliquae prunae, quae ponebantur ad vnum latus altaris, dum mundabantur alia latera, & sic manebat semper ignis in altari, & tamen poterat tolli cinis: isto modo poterant ligna poni in altari, & carnes super ligna, & quod non esset suppositus ignis: imò iste erat modus faciendi holocausta, ut patet Leuiti. primo, scilicet, quod poneretur super altare strues lignorum, & super struem ponerentur omnia membra animalis concisa, & postea subijciebatur ignis, ut sic cremaretur. Ita ergo nunc posita fuerant carnes sacrificiorum in altari super struem lignorum non supposito igne, & non intendebant sacerdotes subijcere vsquequo cessaret oratio Salomonis, & cum ille compleuit supposituri erant ignem: sed Deus praenit eos mittendo ignem de coelo, & non posuerunt ipsi ignem.

Lib. II. Paralip.

Cap. VII.

De maiestate Dei quid erat.
Quest. VIII.

QVAERITVR vltcrius, cum dicat hic de maiestate Dei, quod impleuit domum quid erat ista maiestas. Dicendum, qd maiestas est aliquis apparatus excellens signans magnitudinem status alicuius, & dicitur maiestas quasi maior status, & sic erat in Deo: nam non poterat Deus videri a quoquam: vt tamen putaretur Deus specialiter presentem esse alicui, sicut Deus gloriosus est, ita debebat apparere aliquod signum excellens ostendens eum: Nam si Deus videret, & appareret nobis, appareret in aliquo habitu, vel apparatu valde excellenti, cum ipse sit excellentior omnibus, ideo cum non videatur, & tamen velit ostendere se esse presentem, debebat ostendere in aliquo signo valde excellenti, & illud vocatur maiestas: quid tamen determinate esset ista maiestas est dubium. Aliqui putant, qd ista maiestas erat ignis, qui descendit de coelo ad cremandum sacrificia: nam per illum ignem apparebat presentia Dei specialis, sicut per nebulam, quae descendit sup. 5. & vocatur maiestas Dei. Sed dicendum est, qd iste ignis non vocatur hic maiestas, primo quia ista ponuntur hic tanquam distincta, scilicet Dei maiestas, & ignis deuorans holocausta. Secundo, quia non potest conuenire ignis, quia dicitur hic, quod Dei maiestas impleuit domum, & non poterant sacerdotes ingredi domum domini propter maiestatem eius: & tamen manifestum est, quod ignis non repleuit domum domini, cum non descenderit, nisi super holocausta. Descendit enim ignis ad cremandum aliquid: & tamen non erat ibi aliquid cremandum, nisi carnes sacrificiorum, ideo non descenderet nisi super carnes: quia alias non posset stare, qd non cremarentur multa alia in templo, cum maiestas Dei, id est ignis impleuisset templum. Et si dicas, qd ille ignis miraculose non cremabat, oportebit addi aliud miraculum per quod suspenderetur actio ignis, & istud poneretur ex superabundanti, quod est inconueniens. Alij autem dicunt, qd ista maiestas erat nebula, quae venerat prius super domum: nam cum inceperant sacerdotes, & Leuitae canere, descendit nebula, & caligo, repleuitque totam domum. sup. 5. Sed dicit aliquis, qd non potest stare, quia illud factum fuerat alio tempore, & istud factum fuerat nunc quando descendit ignis, & sic erit alia maiestas. Dicitur potest, qd illa maiestas Dei, quae apparuit in nebula sup. 5. esset ista, de qua habetur hic, eo qd illud factum fuit ante ista, quae habentur hic solum per vnam horam, vel quasi: nam inter illud miraculum de nebula supra 5. & istud de igne descendente non fuit nisi spatium vnius horae, vel quasi, scilicet in quantum Salomon protulit verba orationis suae, vt colligitur ex littera continuando ex cap. 5. vsque huc, ideo poterant ista duo miracula videri tanquam eodem tempore facta. Dicendum tamen verius est, qd ista maiestas Dei non fuit illa, de qua habetur supra 5. sed nouiter venit, cum dicatur hic in littera, qd videbant Israelitae descendentem ignem, & gloriam domini super domum: ergo tunc quando descendebat ignis, descendebat pariter gloria domini, siue maiestas cum illo. Ideo dicendum, qd modus fuit in istis duobus miraculis iste, scilicet, quod quando ceperant Leuitae, & sacerdotes canere in sanctuario, subito descendit nebula magna, & repleuit domum. Deinde Salomon hoc videns capit orare manente nebula. Nam ipse dixit in principio verborum suorum, Dominus pollicitus est, vt habitaret in caligine, praecedenti cap. & cum continuaretur oratio Salomonis cessauit nebula illa: deinde finita oratione subito

F descendit de coelo ignis super sacrificia, & cum igne simul descendebat nebula alba, & ignis solum descendebat super carnes sacrificiorum: nebula autem descendebat super totam domum, ita vt omnia repleret.

Quid erat istud templum, & quomodo non poterant ingredi.
Quest. VIII.

QVAERITVR vltcrius, cum dicatur hic, quod gloria domini, siue maiestas replebat domum, & non poterant sacerdotes ingredi templum domini: quod erat istud templum, & quomodo non poterant ingredi templum. Respondendum, quod templum potest accipi tripliciter, vno modo pro tota aggregatione templi, & atriorum suorum. Alio modo, quod accipiat pro atrio sacerdotum, quia ille erat specialis locus. Tertio modo, quod accipiat pro domo, quae vocatur templum, & erat operata recto, & parietibus, in circuitu cuius erant atria. Aliqui accipiunt pro templo primo modo. Sed dicendum, quod non stat, quia tunc sequeretur, quod sacerdotes nondum ingressi fuissent in sanctuarium ad aliquam partem eius: sed falsum est, quia non solum sacerdotes, sed etiam laici erant in atrijs templi, cum Salomon oraret dominum in atrio templi: vt patet praecedenti cap. & ibi patet, quia totus Israel in circuitu eius erat. Aliqui dicunt, quod accipiat secundum modo templum. Sed dicendum, quod non stat, quia sacerdotes, & Leuitae erant iam in atrio sacerdotum: nam cum arca portata fuit, & posita in Sancto Sanctorum, sacerdotes, & Leuitae introierunt in atrium sacerdotum, & incipientibus eis cantare, descendit nebula super totum templum, supra 5. ca. sed postea non exierunt inde, cum post illud nihil factum fuerit, nisi quod Salomon protulit orationem suam coram toto populo: ideo non intelligitur de hoc. Secundo patet efficacious, quia nunc quando descendit ignis, & gloria domini, erant carnes sacrificiorum posita super ligna, & deuorauit illas ignis, & tamen non poterant carnes esse ibi posita, nisi sacerdotes introiissent ad disponendum carnes illas, ergo ibi erant. Dicendum igitur, quod intelligitur de templo tertio modo, scilicet pro templo proprie dicto, & tunc conuenienter stat, scilicet gloria domini, scilicet nebula operuerat templum superius, & in circuitu ad portam: in atrio tamen sacerdotum, & in alijs atrijs non erat illa nebula, vel forte non erat tam intensa, & ad hoc, quod sacerdotes introiissent in templum transire debebant per illam nebulam dentam, & sic non poterant introire, licet ad aliqua ministeria introire opus esset.

Quomodo non poterant introire, & ad quid vellent introire.
Quest. IX.

QVAERITVR vltcrius de isto introitu sacerdotum, quomodo non poterant introire, & ad quid vellent introire. Ad primum dicendum, quod dupliciter poterant sacerdotes impediri ne intrarent, scilicet propter impossibilitatem, vel timorem, vel propter reuerentiam. De primo patet, quia nebula illa forte erat valde densa, & si intrarent sacerdotes intra illam, non possent videre aliquid, & ista erat impossibilitas. Vel forte erat timor, quia cum illa nebula repraesentaret diuinam praesentiam: si Israelitae auderent intrare in illam nebulam viderentur audere tan-

Opinio d
maiestate.

tangere Deum, & ob hoc forte timerent, quia Deus puniret eos propter ausum temerarium, & irreuerentiam. Secundum erat propter reuerentiam, quia dato quod nebula illa non esset tam densa, quin intra illam sacerdotes, & Leuitæ constituti possent videre, & etiam non timerent aliquam punitionem à Deo, licet introirent: tamen volebant reuereri, quia representabat Dei præsentiam nebula illa, quæ erat maiestas eius, & videbantur velle accedere ad Deum intrando in nebulam, ideo non accedebant ad eam ex reuerentia, quia ista est propriè reuerentia, scilicet considerata magnitudine resiliere in propriam paruitatem. Ad secundum dicendum, quod sacerdotibus opus erat introire in templum secundum consuetudinem legis. Nam quotidie debebat vnus de sacerdotibus ingredi intra templum bis. Primò ante prandium tempore sacrificiorum, scilicet, cum cremare deberet thymiama super altare thymiamatum, & disponere deberet lucernas in candelabro: Exod. 30. Iterum in occasu solis ingrediebatur ad cremandum thymiamam, & locandum lucernas in candelabro, eodem caput. & sic cum esset nunc aurora, & inciperent prima sacrificia diei, thymiamam cremari debebat semel, & disponi lucernæ, sed fortè dicitur, quod non erat nunc aurora, siue ante prandium, ita vt thymiamam cremari deberet. Dicendum, quod siue esset ante meridiem, siue quæcunque hora diei, sacerdotes cremare deberet thymiamam: nam bis in die fiebant sacrificia, scilicet ante meridiem, & post, & cum vtriusque sacrificij erat vna crematio thymiamatis: Exod. 30. Ideo, siue esset in aurora, siue in vespere, cum ista essent prima sacrificia, quæ fiebant in templo, necesse erat, quod cum eis simul offerretur thymiamam, & disponerentur lucernæ in candelabris, & ad hoc ingressuri erant tunc sacerdotes, vel aliquis de sacerdotibus in templum, & cum domus illa tota esset vallata nebula, quæ erat maiestas Dei, non poterant intrare sacerdotes præ reuerentia, vel timore: vel quia non viderent præ caligine.

Rex autem, & omnis populus immolabant victimas coram Domino. Mactauit igitur rex Salomon hostias, boum viginti duo millia, arietum centum viginti millia: & dedicauit domum Dei rex, & vniuersis populus. Sacerdotes autem stabant in officijs suis: & Leuitæ in organis carminum Domini, quæ fecit Dauid rex ad laudandum Dominum, quoniam bonus, quoniam in æternum misericordia eius, Hymnos Dauid canentes per manus suas: porro sacerdotes cantabant tubis ante eos, cunctusque Israel stabat. Sanctificauit quoque Salomon medium atrij ante templum Domini: obtulit enim ibi holocausta, & adipēs pacificorum: quia altare æneum, quod fecerat, non poterat sustinere holocausta, & sacrificia, & adipēs. Fecit ergo Salomon solennitatem in tempore illo septem diebus, & omnis Israel cum eo.

A Ecclesia magna valde, ab introitu Emath vsque ad torrentem Aegypti. Fecitque die octauo collectam, eo quod dedicasset altare septem diebus, & solennitatem celebrasset diebus septem. Igitur in die vigesimo tertio mensis septimi, dimisit populos ad tabernacula sua, letantes atque gaudentes super bono, quod fecerat Dominus Dauid, & Salomoni, & Israel populo suo. Compleuitque Salomon domum Domini, & domum regis, & omnia quæ disposuerat in corde suo, vt faceret in domo domini, & in domo sua, & prosperatus est.

Rex autem. Hic ponitur secundum huius partis, Dedicatio scilicet dedicationis consummatio: nam postquā venit à Deo ignis, & apparuit maiestas eius, consummata fuit tota festiuitas, quæ incohata fuerat: & dicitur.

Rex autem, & omnis populus immolabant victimas. Offerebant animalia ad immolandum victimas, quia non poterant laici immolare, cum istud sit officium sacerdotum, & dicitur hoc: quia præ gaudio, & magnitudine solennitatis rex Salomon offerebat multa animalia, & populares assistentes etiam offerebant pecora, & sacerdotes illa immolabant, id est iugulabant: sed quia ipsi dabant ea ad immolandum, dicebantur ea immolare. Coram domino. Scilicet, coram altari holocaustorum. Nam oblatio fiebat ad introitum atrij sacerdotum, & ibi erat altare holocaustorum, in quo Deus specialiter esse dicebatur, in quantum ibi offerebantur, & cremabantur sacrificia in honorem suum, & non alibi. Mactauit igitur Salomon hostias boum viginti duo millia, arietum centum, & viginti millia. Ponitur hic multitudo animalium immolatorum ad signandum magnitudinem festiuitatis. An verò omnia ista animalia contulerit Salomon, vel quandam partem eorum obtulerit populus, & cur de alijs generibus animalium immolatum non sit, declarabitur infra in questionibus. Et dedicauit domum Dei rex, & vniuersus populus. Dedicatio est consecratio, vel assignatio: pro illo enim negotio, dicitur res aliqua dedicari, pro quo assignatur, & quia per primum actum, qui fit in aliqua domo assignatur illa cultui Dei, vel humano, dicitur tunc dedicari, & quia nunc fiebant sacrificia, & alia ceremoniarum cultus diuini in templo: per hoc assignabatur domus illa in æternum cultui Dei, & sic dicebatur dedicari. Est autem ista dedicatio tota illa continuatio ceremoniarum, quæ fuit in hac festiuitate magna, & fiebant istæ ceremoniæ per sacerdotes, quia tamen rex, & populus assisteant ceremonijs venerando ad solennitatem istam, dicebantur dedicasse templum, vel quia offerebant animalia ad dedicationem. Sacerdotes autem stabant in officijs suis. Hic declaratur, quod supra dicebatur, scilicet, quod populus dedicabat templum, & hoc non faciendo aliquas ceremonias, sed solum assistendo sacerdotibus, vel offerendo animalia ad sacrificandum: nam sacerdotes erant in officijs suis, id est faciebant ea, quæ pertinebant ad eos, scilicet animalia iugulare, decorare, & in frustra diuidere, & super altari ligna ponere. Quæ autem sint officia sacerdotum declarabitur magis infra in quadam questione. Et Leuitæ in organis carminum. Scilicet officium Leuitarum, & actus tunc erat stare in organis carminum, i. cantare.

tate organis non solum erant ista officia sua, sed multa alia: ut infra declarabitur in quadam questione. Sed istud potissimum faciebant, scilicet, quod cantabant in organis, et non est putandum, quod solum canebant in organis, sed etiam in voce. Et vocantur hic organa omnia musica instrumenta, quia in multis generibus canebant, ut patet sup. 5. in cimbali, psalterijs, citharis, et in omni alio genere musicorum. *Quæ fecit David rex ad laudandum dominum.* Fuit David valde Deo deuotus, & conatus est quantum potuit augere cultum diuinum, & quia habuit gratiam prophetalem fecit cantica multa, & psalmos, & quia erat magnus citharista, canebat aliquando in cithara, & aliquando in alijs generibus musicorum organorum, & ingenio suo adinuenit multa genera vasorum musicorum, & assignauit illa ad canendum domino in illis, & hortabatur omnes, quod laudarent dominum in istis vasis musicis, ut patet Psal. 150. scilicet. Laudate dominum in sono tubæ: Laudate eum in Psalterio, & cithara. Laudate eum in tympano, & choro: Laudate eum in chordis, & organo. Laudate eum in cimbali bene sonantibus. & ista organa reseruata erant apud Leuitas, ut canerent in eis, & faciebant multa alia similia. De istis organis musicis, quæ fecit David loquitur Iosephus 7. Antiquit. circa finem. Et ponit ibi figuram quorundam ipsorum. *Quoniam in æternum misericordia eius.* Istud potest intelligi dupliciter, vno modo, quod ponatur hic tanquam reddituum causæ, & est sensus, quod facta sunt organa ad laudandum Deum, & laus ista danda erat ei, quia misericordia eius est in æternum. Alio modo potest intelligi, quod ista sint verba cantici, scilicet, quod cantores laudarent dominum in istis organis, & dicerent, in æternum durat misericordia Dei: sed primus modus melior est. *Hymnos David canentes per manus suas.* Scilicet, isti Leuitæ canebant per manus suas Hymnos David, scilicet Psalmos factos à David: nunquam enim fuit in Prophetis cantoribus aliquis tam copiosus sicut David: ideo ei attribuitur totus liber Psalmorum, licet aliqui Psalmi fuerint facti ab alijs: ut patet ex titulis eorum, & sic David dedit Leuitis totam instructionem necessariam, scilicet cantica, quæ canerent, & organa, in quibus canerent. Porro sacerdotes canebant tubis ante eos. Scilicet, Leuitæ canebant in organis musicis, solum hoc habebant sacerdotes, quod tubis canebant ante Leuitas. Cur erat hoc, infra dicetur in quadam questione. *Cunctusque Israel stabant.* Scilicet, stabant attenti ad caeremonias, quæ faciebant sacerdotes, & Leuitæ: & in hoc solennizabant dedicationem illam, quia assistebant, cum multitudo plebis facit solennitatem. *Sanctificauitque Salomon medium atrij ante templum domini.* Ista sanctificatio fuit, quia voluit Salomon non solum cremare sacrificia super altare holocaustorum, sed etiam super pauimentum atrij, eo quod hostiæ non capiebantur in altari, & quia pauimentum non erat locus assignatus ad cremandum ibi sacrificia, sanctificauit illud Salomon nunc per aliquas caeremonias faciendo quod esset aptum ad talem cremationem. Et dicitur, quod sanctificauit medium atrij, id est aliquam partem in medio atrij. Pro quo sciendum, quod ut declaratum est 3. Regum 6. erant quatuor atria in templo, & vnum illorum erat atrium sacerdotum, quia in illo erant sacerdotes ad faciendum ministeria sua, & Leuitæ ad canendum. In isto erat altare holocaustorum, in quo cremabantur omnia sacrificia, & vocabatur istud atrium per excellentiam, quia erat sanctissimum propter altare, & sacerdotes: alia autem atria simul vocantur basilica grandis, ut patet supra 4. & raro fit in scriptura mentio, nisi de isto atrio, & vocatur atrium absolute sicut hic, licet interdum vocetur atrium sacerdotum determinate: sicut

supra quarto. In isto atrio cremanda erant omnia sacrificia super altare, & tamen quia non capiebantur ibi, sanctificata est quædam pars atrij, in qua ponerentur carnes sacrificiorum super pauimentum, & illa pars erat in medio atrij: ideo dicitur, quod sanctificauit rex medium atrij. Et dicitur ante templum domini, quia templum accipit hic proprie pro illa domo, quæ erat operta tecto, & parietibus clausa, intra quam erant vasa sacra, & ad partem orientalem istius templi erant omnia quatuor atria prædicta, sed atrium sacerdotum erat magis coniunctum portæ templi, & sic dicitur esse ante templum. *Obtulerat enim ibi holocausta, & adipēs pacificorum.* Hic redditur causa, quare medium atrij fuit sanctificatum ad cremandum carnes sacrificiorum, scilicet, quia Salomon obtulerat multa animalia in holocaustum, & etiam in hostias pacificas, & non poterant capi in altari holocaustorum, ideo oportuit sanctificari atrium. Et dicitur, quod obtulit holocausta, & adipēs pacificorum, & non dicitur hostias pacificas, quia de holocaustis omnia offeruntur, ideo vocantur holocausta absolute: de hostijs pacificis soli adipēs, ut communiter accipiuntur: ideo solum nominantur adipēs pacificorum. Pro quo considerandum, quod holocaustum fiebat de animalibus, quando cremabantur, scilicet, quod sanguis funderetur super parietes altaris, & ad basim eius, & deinde decoriato animali tollebantur intestina, & lauabantur, & pedes etiam, & caput purgabantur, & ablatis cornibus, & vnguibus pedum ponebantur omnia membra concisa in altari super struem lignorum: Leuit. primo. In hostijs pacificis fiebat aliter, scilicet, quod si esset bos in pacificam hostiam oblatus, vel caper, aut capra: sanguis eius fundebatur ad basim altaris, & decoriato animali, tollebantur adipēs, & tota pinguedo operiens vitalia, & cremabatur super altare: Leuit. tertio. Carnes autem manebant pro sacerdotibus, & pro offerentibus: nam sacerdoti offerenti animal, & facientibus caeremonias eius cedebat petusculum, & armus dexter. Ceteræ autem carnes laicis offerentibus ipsa animalia cedebant: Leuit. septimo. Si autem essent hostiæ pacificæ de arietibus, & quibus, tollebatur tota cauda cum renibus, & insuper adipēs ad cremandum coram domino: Leuit. tertio. Ceteræ autem carnes cedebant sacerdotibus, & offerentibus, sicut supra dictum fuerat: & sic communiter de hostijs pacificis offerebantur soli adipēs: ideo dicitur de adipibus, & non ponuntur hostiæ pacificæ quasi totæ offerrentur: sed ponuntur holocausta, quia tota Deo cremabantur. *Quia altare aneum, quod fecerat.* Istud erat altare magnum totum de ære, quod fecerat Salomon cubitorum viginti longitudine, & totidem latitudine, & decem altitudine, supra quarto. *Non poterat sustinere holocausta, & adipēs pacificorum.* Potest intelligi dupliciter: vno modo non poterat sustinere, scilicet, quia frangeretur præ magnitudine ponderis. Alio modo non poterat sustinere, id est non poterat capere tota sacrificia, quia requirebatur maius spatium. Primus sensus non stat, quia altare holocaustorum, quod fecerat Salomon posset sustinere quantamcunque numerositatem sacrificiorum, eo quod erat lapideum concauum interius, & sub illa concauitate erat quadratus: ita ut sederet conuenienter altare super lapides illos, unde nullum pondus erat, quod esset insupportabile huic altari. Sed modus secundus est verus, scilicet, quod tanta multitudo hostiarum non capiebatur in illo altari, & necesse erat, quod cremarentur in alio loco. *Et fecit sacrificia.* Id est libamenta: quia cum quolibet animali ponebantur libamenta, quæ sunt similia vini, oleum, sal, thus: Numeri 15. & Leuit. 2. & patet, quod acci-

accipiat sic Num. 28. & 29. ubi dicitur de quolibet animali offerendo, & de diebus festorum, quor animalia offerenda erant, & dicitur, quod illa erant offerenda cum sacrificijs suis, & non potest ibi accipi sacrificium nisi pro libamento, quod est aliquid accessorium ad carnes animalis oblato: etiam Levit. 2. vocatur sacrificium coctum in clybano, & sacrificium de craticula, & tamen ista non erant nisi genera panum, & pertinent ad libamenta, quorum una pars est panis. *Fecit ergo Salomon solennitatem in tempore illo.* Id est in tempore, quo dedicavit templum, & transtulit illuc arcam, & reposuit in Sancta Sanctorum. *Septem diebus.* Fuerunt dies quatuordecim, scilicet septem dies, quibus celebrata est dedicatio per se ante festum Tabernaculorum: ut patet 3. Regum 8. hic tamen solum exprimitur de septem diebus istorum clare: bene tamen intelliguntur quatuordecim, ut patet infra in litera. *Et omnis Israel cum eo.* Scilicet, totus Israel erat cum eo in ista congregatione solennitatis. *Ecclesia magna valde.* Id est erat valde magna congregatio eorum, qui solennizabant istam festiuitatem. Vocatur Ecclesia Congregatio, vel Concilium, sicut dicit Arist. 2. Polit. cap. de Politia Calcedoniorum, quia Calcedonij Ecclesiam non faciunt, id est non faciunt Concilium, siue Congregationem. *Ab introitu Emath usque ad torrentem Aegypti.* Id est conuenit totus Israel ad istam solennitatem, qui est inter introitum Emath, & torrentem Aegypti, isti sunt duo termini terrae Israel, siue Chanaan a Septentrione in Meridiem: nam Emath est in parte Septentrionali terrae Israel, ut patet Num. 13. & 34. torrentis Aegypti est ex parte Meridiana, & vocatur aliquando fluuius Aegypti, ut patet Gen. 15. Est autem Emath secundum quosdam ciuitas, & secundum quosdam prouincia, ut declaratum est 4. Regum 24. & putatur esse ciuitas Anthiochia, in qua sedes Apostolica fuit a principio per septem annos: deinde Romanam translata est. Et tamen dato, quod sit ciuitas, est caput prouinciae, & incolae illius terrae vocantur Amathaei secundum Iosephum saepe in libris Antiquitatum: De torrente Aegypti est dubium quid sit, & dicunt quidam, quod sit quidam torrens, qui diuidit Aegyptum a terra Chananzorum in latere meridiano in terra Philistinorum, & vocant eum Rinocorulam, ut dicit Historia scholastica. Sed dicendum, quod non sit, quia iste torrens necessario est Nilus fluuius magnus Aegypti. Et patet hoc, quia licet hic vocetur torrens, tamen alibi vocatur fluuius magnus, ut patet Iosue 13. ubi ponuntur termini terrae Chanaan quantum ad illas gentes, quae nondum subiectae erant Iudeis, & dicitur a fluuio turbido, qui irrigat Aegyptum usque ad terminos Accaron: Fluuius autem turbidus irrigans Aegyptum non est nisi Nilus, quod notificatur ex duobus: primo quia dicitur, quod ille fluuius irrigans Aegyptum, & tamen non est aliquis fluuius irrigans Aegyptum nisi Nilus, quia ipse solus est, qui bis in anno intumescit, & supergressus ripas alaei sui diffundit se per totam Aegyptum, quae est tota plana, & irrigat eam atque fecundat: quia alias pauca, vel nulla pluuia sunt. Hoc colligitur Deut. 11. scilicet: Terram, ad quam ingredieris possidendam, non est sicut Aegyptus, de qua existi: ubi iacto semine in hortum, & campestris de coelo expectans pluias. Secundo, quia dicitur iste fluuius turbidus, & hoc conuenit Nilum, nam Nilus crescit bis in anno, & effundit se super totam terram, arripitque feces, & purgamenta terrae, & conquinatur, efficitur aqua turbida, & quia sit bis quolibet anno in Nilo, est quasi semper fluuius ille turbidus. Tercio potest hoc patere, quia Gen. 15. posuit Deus terminos terrae, quam daturus erat semini

A Abraham, & dicitur a flumine Aegypti usque ad flumen magnum Euphratem: ideo necesse est, quod ibi in Aegypto sit vnicus fluuius, qui ponatur terminus inter Aegyptum & terram Chanaan: vel si multi sunt, necesse est, quod ille sit excellentior omnibus, ita quod pere excellentiam ipse solus vocetur fluuius Aegypti: quocumque dato istorum, sequitur, quod sit Nilus iste fluuius: nam si vnicus fluuius esset in terra Aegypti, necesse esset, quod esset Nilus, quia constat Nilum transire per Aegyptum. Si autem sint multi fluuii, & tamen iste sit per excellentiam, necesse est, quod sit Nilus, quia nullus maior fluuius est in Aegypto quam Nilus, qui totam terram Aegypti implet alluionibus suis, & sic necessario intelligetur de flumine Nilo. Et si obijciatur, quod vocatur hic torrens, dicendum, quod ipsemet Nilus vocatur torrens: sed sit istud ex improprietate idiomatis Hebraici, in quo interdum vocatur torrens magnus fluuius. Iste fluuius Nilus est terminus terrae Chanaan ex parte meridiana: quia Nilus fluit per Aegyptum, & septem alueis diuisus intrat mare, & aliquis alueus illorum declinat versus terram Chanaan, & ibi est terminus terrae Chanaan, & Aegypti: dic quod iste torrens Aegypti est Nilus fluuius Aegypti, quia alias non posset stare scriptura, sicut nunc probatum est: vocatur tamen torrens, quia non fluit totus Nilus per loca, in quibus diuiditur Aegyptus a terra Chanaan: sed quidam paruus alueus eius, qui vocatur Rinocorula: de quo magis declarabitur Matth. 2. ubi agitur de itinere Dominae nostrae & Christi in Aegyptum: qui autem putant Rinocorulam esse alium fluuium, qui non sit Nilus, errant: nec possunt saluare scripturam. *Fecitque die octauo collectam.* Scilicet, die octauo non a principio festiuitatis, sed computando a principio secundae solennitatis. Pro quo sciendum, quod hic fuerunt in eadem continuata solennizatione duae festiuitates, scilicet prima festiuitas dedicationis templi per septem dies, & secunda festiuitas Tabernaculorum, quae durauit alijs septem diebus, octauo die istorum fecit collectam: quia regulare erat, quod in festo Tabernaculorum fieret collecta die octauo, quia erat primus post expletam festiuitatem Tabernaculorum. *Eo, quod dedicasset altare septem diebus.* Id est tractasset solennitatem dedicationis altaris per septem dies, & isti erant septem dies primi, quibus durauit solennitas ista, & vocantur isti septem dies dedicationis altaris, quia non fuerunt ex alia causa celebrati, nisi ut dedicaretur altare, cum non occurreret tunc aliud festum, quod illis septem diebus celebrandum foret. *Et solennitatem celebrasset septem diebus.* Ista erat solennitas Tabernaculorum, quae crenebat in isto mense septimo immediate post septem dies dedicationis altaris: & illis etiam septem diebus celebrata est solennitas, quia ista solennitas tabernaculorum a lege statuta erat, & quod finita illa, die octauo fieret collecta: *Leui. 13. c. Igitur die vigesimotertio mensis septimi.* In isto die finita fuit tota festiuitas, & etiam collecta, & recessit populus in tabernacula sua. Ex quo apparet, quod festiuitas ista tota incohata fuit die nono mensis Septembris, & fuerunt septem dies primi inclusiue viginti ad quatuordecimum pertinentes ad dedicationem altaris, & die quindicesimo mensis cepit festiuitas Tabernaculorum, & durauit usque ad diem vigesimum primum inclusiue, & dies 22. tunc catus, & collecta, & die 23. recesserunt Israelitae in tabernacula sua. *Dimisit populum in tabernacula sua.* Id est dedit Salomon licentiam populo, quod recederent singuli ad tabernacula, quia iam sufficienter solennitas celebrata fuerat. *Letantes atque gaudentes super bono, quod fecerat Dominus David, & Salomoni, & Israel populo suo.* Id est omnes de populo ibant gaudentes, & letantes, accipiuntur pro eodem gaudium, & letitia. Sed vnum potest accipi pro spirituali motu, aliud pro exteriori manifestatione.

ne sicut latari, & exultare. Et dicitur super bono, quod fecerat Deus Dauid, & Salomoni, & populo suo Israel, quia viderant Israelitæ in ista solennitate magnā probitatem Salomonis edificando templum tam magnificè, & tam sapienter, & quod tam deuotè celebrasset festiuitatem istam, & ad totum populum se haberet tam gratè, & prudenter. Et in hoc benefecerat Deus Dauid dando ei talem filium, quia gloria patris est filius sapiens: & cum Salomon sapientior esset omnibus hominibus, & hoc cognouisset nunc totus populus, videbant, quod Deus benefecisset valde Dauid. Etiam benefecerat Deus Salomoni: quia tantam ei probitatem contulerat, ita vt non æquaretur quiquam ei: Benefecerat etiam populo suo Israel in quantum dederat eis talem regem, quia de maximis beneficijs, quæ alicui populo, vel communitati fieri possunt, est, quod detur ei rector conueniens: quia in eo est, quod prosperetur communitas, vel q̄ pereat. Magis enim necessarius est rector, & iudex in politia, quàm panis: vt ait Arist. 3. Polit. cap. secundo. Aliqui putant intelligi hoc de apertione portarum, scilicet, quod quādo arca portabatur, vt inferretur in templū, subito clausæ sunt, Deo agente, portæ templi, & non potuit introduci arca, & tunc Salomon præcatus est pro apertione: sacerdotes quoque cantauerunt Psalmum illum Memento domine Dauid, & cum peruenissent ad illum versum, scilicet. Propter Dauid seruum tuum non auertas faciem Christi tui: apertæ sunt portæ. Et ista fuit magna gloria Dauid, quod propter merita eius Deus fecit miraculum: Etiam fecit in hoc Deus bonum Salomoni, quia eo orante concessa est apertio portarum: Etiam populo Israel magnum bonum factum est, quia Deus voluisset aperire portas: vt reciperetur arca: cum prius clausisset illas. Sed dicendum, quod istud non stat, quia præcedenti cap. quæstione vltima declaratum est, quod nihil tale fuisset, sed istud bonum, quod Deus fecit Dauid, & Salomoni, & populo fuit, faciendo Salomonem regē excellentem: vt supra dictum est aliàs, concedendo, q̄ compleretur per manus Salomonis templum tam venerabile, quale non erat in toto orbe, & quod insuper Deus illustrasset illud magnis miraculis dando ignem de coelo super sacrificia facta in eo ad probandum illud, & ostendendo maiestatem ibi in nebula bis descendente eodem die de coelo, & operiente atque replente templum: vt patet in litera. Et cum omnia hæc promissa fuissent Dauid, & executioni data per Salomonem filium eius, videbatur felix Dauid, & Salomon, & populus ei subiectus. *Complenuitque Salomon domum Domini.* Hic ponitur epilogus præcedentium: & dicitur, q̄ compleuit Salomon domum domini, idest templum non solum ædificando, sed etiam dedicando. *Et domum regis.* Idest domum suam, & istæ fuerunt tres domus, scilicet domus filiæ Pharaonis, & domus regis, & domus saltus Libani: & tamen vocatur tota domus regis, quia licet tres domus essent, omnes pertinebant ad regem, quia non erat aliqua illarū ad cultum Dei specialiter, sicut templum. Fuit ista domus Salomonis ædificata annis tredecim: de distinctione istarum domorum, & opere earum habetur. 3. Regum 7. hic autem nihil tangitur determinatè. *Et omnia, quæ disposuerat in corde suo, vt faceret in domo Domini.* Intelligitur de vasis, quia non solum fuit domus Domini per Salomonem ædificata, sed etiam omnia vasa ad ministerium illius pertinentia ipse fecit. Vel intelligitur de pulchritudine domus Domini, quia postquā ædificata fuit domus illa, fecit Salomon multa ad solam pulchritudinem deaurando laminis aureis parietes, & pauimentum, & rectum templi, ita vt intra templum non appareret nisi aurum: primū

F Regum 6. *Et in domo sua.* Nam etiam domus Salomonis, fuit magnificè fundata, & multa facta sunt ad excellentem pulchritudinem in ea, & potissimè in domo saltus Libani: vt patet 3. Regum 7. *Et prosperatus est.* Scilicet in omnibus, quæ incohauit prosperatus est faciendo, sicut volebat nullo impediēte: vel prosperatus est, quia venit ad tantum honorem, & diuitiarum magnitudinem, quod nullus rex ei similis foret.

De multitudine pecorum oblatorū, an obtulerint solus Salomon.

Quest. X.

G QVAERITVR circa ea, quæ dicta sunt hic, & primo de ista multitudine sacrificiorum, cum dicatur hic, quod fuerunt oblata viginti duo millia boum, & centum viginti millia arietum, an ista multitudo pecorum per solum Salomonem oblata est, vel computentur hic pecora, quæ populus obtulit. Respondent quidam, quod solus Salomon obtulit totam istam multitudinem pecorum, quia in litera dicitur: mactauit Salomon hostias boum viginti duo millia, &c. Dicendum est, quod non solum Salomon obtulit pecora, sed etiam populus in ista dedicatione templi: quia supra 5. dicitur, quod rex Salomon, & omnis catus Israel immolabant ante arcam arietes, & boues absque vllō numero: Et supra in litera dicitur: rex autem, & omnis populus immolabāt victimas coram domino. Potest ergo dupliciter dici, quod solus Salomon obtulisset totam istam multitudinem pecorum, quæ hic nominatur, scilicet viginti duo millia boum, & centum viginti millia arietum, & populus obtulisset multa alia sacrificia, & tamen de sacrificijs populi non ponatur aliquis numerus: & hoc satis conuenit literæ, quia dicitur: mactauit Salomon, scilicet, q̄ ipse solus ista sacrificia nominata mactauerit, idest mactari iusserit: Simile est Numeri 7. vbi ponitur solennitas facta in dedicatione tabernaculi Moyfi in deserto, & ponitur oblatio duodecim principum tribuum Israel, & non ponitur oblatio aliqua populi. Et tamen non est credendum, quod alij de populo nihil obtulerunt in tanta solennitate, cum alijs diebus profectus in litera offerrent, & ad fabricationē tabernaculi Moyfi omnes de populo multa offerrent. Exo. 35. Et sic videtur, quod licet obtulerint populi multa, subtraheret hic scriptura oblationem popularium exprimendo solam principum oblationem. Ita hic non curaret scriptura ponere summam animalium oblatorum à populo, sed solum animalium oblatorum per regem, & hoc propter duo. Primò, quia Salomon obtulit plura animalia, quàm totus populus simul, cum ipse esset ditior, & vellet nunc ostendere magnificentiam suam erga cultum Dei. Secundò propter honorem regis, quia potius mentio fieri debebat de rebus pertinentibus ad regem, quàm ad ceteros. Aliter potest dici, quod ista multitudo animalium immolatorum, non fuit tota à Salomone oblata, sed includuntur hic tota animalia immolata in festiuitate illa tam à Salomone, quàm a populo, quia tamen potissimam partem istorum rex obtulit, & quia ipse excellentior erat, attribuantur omnia, & quia sic conuetum est in multis alijs, quod à principali loco denominatio fiat: licet multa alia simul concurrant vtrumq; teneri potest, sed litera magis innuit, q̄ omnia ista fuerint oblata per Salomonem, & q̄ de populo oblatione subtrahatur.

An omnia eodem die fuerunt immolata.

Quest. XI.

QVAERITVR Vterius, circa istam multitudinem animalium immolatorum, an omnia fuerint eodem die immolata, vel quomodo. Aliquis dicit, quod in eadem die fuerint immolata, & hoc patet dupliciter. Primò, quia ea, quæ dicuntur in principio, intelliguntur omnia de prima die, qua introducta fuit arca in templum: nam illa die descendit ignis de cælo super sacrificia, & illa die descendit nebula bis ad operiendum templum, vt colligitur supra in litera, & supra quinto, & declaratum est supra in quadam quæstione, & omnibus istis positis subditur, quod fecit Salomon die octauo collecta: eo quod dedicasset altare septem diebus, & solennitatem celebrasset septem diebus: & sic videtur, quod omnia præcedentia ad primū diem pertinebant. Et tamen supra ponitur de immolatione omnium illorum animalium, ergo omnia illa fuerunt immolata die primo, & eodem. Secundò patet, quia dicitur hic, quod Salomō sanctificauit medium atrij ad cremandum ibi sacrificia, quia altare eneuat quod fecerat Salomō, non poterat sustinere holocausta, & adipēs pacificorum: & tamen si successiuè per dies fieret oblatio istorum animalium, possent capi in altari, & sustineri: ideo videtur, quod in eodem die omnia immolata sunt. Dicendum autem hoc falsū esse, sed ista animalia oblata sūt multis diebus, scilicet, quamdiu durauit ista solennitas dedicationis. Quæ durauit septē diebus, & adiuncti sūt alij septem dies, qui pertinebant ad festum tabernaculorum, & in illis etiam dedicatum est templum. Manifestum est autem, quod quolibet istorum dierum sacrificia multa offerrentur: quia aliās non diceretur durare solennitas dedicationis, nisi quolibet istorum septem dierum fierent ceremoniæ aliquæ ad solennizandum dedicationem illam. Ideo dicendum, quod quolibet die offerrentur multa. Secundò patet, quia non videtur satis facile, quomodo eadem die possent tot animalia immolari, & cremari in eodem templo: nam etiam si omnes Israelitæ occuparentur solum in iugulando, & decoriando, & concidendo animalia in artus, & faciendo ceteras ceremonias, nō videtur, quomodo fieri posset, cum soli sacerdotes hoc efficerent, nec liceret cuiquam accedere ad adiuvandum eos, ideo non videtur quomodo, etiam si nihil aliud facerent, omnes sacerdotes eadem die possent sufficere ad iugulandum, & decoriandum viginti duo millia boum, & centum viginti millia arietum: potissimè, quia non poterāt circa hoc tota die occupari, sed certa hora diei. Nam ante meridiem occupabantur eo tempore, quo nos Missarum solennia celebramus, & iterū ad solis occasum. Quod autem certum tempus assignatum esset ad faciendum sacrificium patet, quia 4. Reg. 3. dicitur: Factum est igitur mane quando sacrificium offerri solet: ecce aquæ veniebāt per viam Edō. Sic etiam patet 3. Reg. 18. 1. Postquam autem transijt meridiem, & illis prophetantibus venerat tempus, quo sacrificium offerri solet. Et sic non possent sacerdotes in istis duabus horis diei assignatis offerre tot animalia in sacrificium. Aliquis dicit, quod fortassis sacrificia adiuti sūt à leuitis, & laicis ad faciendū ministeria sua propter necessitatem festiuitatis, sicut factum est tempore Ezechia regis, infra 29. cap. Dicendum, quod non stat, quia dato, quod esset necessitas magna, non permetteretur, quod laici adiuvarent sacerdotes: nam potius fieret, quod non offerrentur sacrificia, & cessaret, vel minueretur cultus diuinus, quā quod laici se intromitterent de officiis sacris sacerdotibus: eo quod erat magna distantia: nam sacerdo-

A tibus competeabant ministeria valde sacra, & laicis nullo ministerium sacrum competebat. Bene autem poterat perimitti ex magna necessitate, quod leuitæ se intromitterēt de aliquibus ministerijs sacerdotalibus: eo quod Leuitæ erant sacri ministri, & non differebāt à sacerdotibus, quia sacerdotes habebant gradum excellentiorem ministracionis, & in quibusdā poterāt adiuuare Leuitæ sacerdotes in necessitate, sicut fuit infra 29. tempore Ezechia. Nec tamen putandū est, quod liceat Leuitis adiuuare sacerdotes in omnibus ministerijs suis in necessitate: sed solum in paruis, & banauis. Sin decoriando animalia: nam iugulando, vel præsentando sanguinem altari, vel concidendo membra in frustra, vel ponendo in altari non conceditur Leuitis adiuuare sacerdotes. Vnde tempore Ezechia solum adiuuerunt Leuitæ sacerdotes in decoriando pelles animalium, infra 29. & hoc, quia ista pars ministerij erat magis banausa, & abiecta, cum secundū eam non esset accessus aliquis ad altare. Ideo non poterant nunc Leuitæ adiuuare sacerdotes, nisi in decoratione animalium: & sic adhuc videbatur grauissimum quomodo alias ministraciones circa tot animalia offerenda, & cremanda in eodem die possent sacerdotes complere. Sed adhuc videtur dicendum, quod Leuitæ in nullo adiuuerint sacerdotes circa ministracionem istam. Primò, quia quod Leuitæ adiuuent sacerdotes est valde extraordinarium: ideo si aliquando accideret, scriptura illud exprimeret, sicut fuit infra 29. tempore Ezechia: & tamen nunc non scribitur, quod Leuitæ aliquo modo adiuuerint sacerdotes in ministracione: ergo non est credendum, quod eos adiuuerint. Secundò, quia Leuitæ erant occupati circa causatum, cum dicatur supra quinto: & hic in litera, quod omnes Leuitæ caneant in varijs organis musicis, ideo non poterant sacerdotibus subuenire. Tertiò patet, quia hic in litera dicitur, quod sacerdotes erant in officiis suis, & Leuitæ in officiis suis: ergo non erant permixta officia, ita quod sacerdotes adiuuantur à Leuitis: & sic manebant soli sacerdotes ad tantum opus, quod ipsi nullo modo poterant cōplere in vna die. Item patet, quia si tot animalia eadem die cremanda essent in templo, non solum non sufficeret altare holocaustorum ad capiendum carnes animalium, & adipēs: sed etiam totum atrium sacerdotum. Item, quia non videtur ad quid esset tanta effrenata multitudo victimarum eadem die, quia si tot die prima offerebantur, correspondenter multa alia offerri debebant in alijs diebus: & sic poneretur innumera bilis copia immolatorum pecorum, quæ potius esset depopulatio pecorum, quā oblatio victimarum. Item si ista omnia pecora eodem die oblata fuissent, sicut die hac multa offerebantur, ita & in alijs diebus fieret saltem proportionaliter secundū magnitudinem festiuitatis: ideo sicut oblatio illius diei poneretur ad ostendendam copiam animalium immolatorum, ita poneretur numerus animalium oblato- rum, ita poneretur numerus animalium oblato- rum in alijs diebus: & tamen solum ponitur iste numerus: ergo videtur, quod iste numerus fuerit animalium oblato- rum in omnibus diebus, quibus durauit ista solennitas, siue fuerit numerus animalium oblato- rum à solo Salomone, vel à toto Israel simul. Ad primam rationem in contrarium dicendum, quod verum est, quod descensio ignis, & nebula fuit in primo die festiuitatis istius, tamen non ponitur hic distinctio aliqua operū primi diei, & aliorum: sed solum dicitur, quod fecit Salomon festiuitatem septem diebus primis pertinentibus ad solam dedicationem templi, & in septem diebus pertinentibus ad solennitatem tabernaculorum: & in die octauo, qui erat cæus, & collecta: & in quolibet offerrebantur multa animalia: sed indifferenter, quod

quod in die primo quo portata est arca, quia erat dies solennior, credendum est, quod plura animalia oblata fuerint, quam in quolibet aliorum dierum. Et sic secundum differentiam aliorum dierum fieret oblatio sacrificiorum. Sciendum tamen, quod in his animalibus non intelliguntur illa, quae de necessitate legis oblata erant, scilicet, in die propitiationis, & solennitate tabernaculorum, quia istis festiuitatibus competunt determinata sacrificia: Num. 28. & 29. de quo dicitur magis infra in quadam quaestione. Ad secundum dicendum, quod nihil probat: imò potius ex ipso fundamento probatur oppositum: nam dato quod ista sacrificia diuiderentur per dies multos, scilicet, viginti, vel triginta, & quotidie offerrentur tot animalia, sicut alia die, non possent capi in altari holocaustorum: nam si in viginti diebus offerrentur omnia ista, necesse erat, quod quotidie ponerentur in altari holocaustorum mille, & centum boues diuidendo viginti duo millia per viginti, & cum eis sex millia arietum, cum in viginti diebus offerrentur centum viginti millia arietum. Certum est autem, quod non possent capi ista septem millia cadauerum, vel cadauerum adipem quotidie: quia altare holocaustorum solum erat viginti cubitorum longitudine, & totidem latitudine supra 4. Et dato quod possent capi haec cadauera, & adipem simul supponendo quaedam alijs: tamen tunc non videretur modus aliquis quo cremarentur carnes istae superposito eis igne: quia extingueretur totus ignis non habendo quomodo spiraret, nec possent à sacerdotibus tantae carnes versari in altari, & moueri carbonem: ita ut conuenienter arderent: ideo necesse erat, dato quod diuiderentur ista animalia per multos dies, scilicet, viginti, vel triginta offerenda, quod carnes quorundam cremarentur super altare, & carnes aliorum cremarentur super pavementum atrij templi. Si autem eodem die cremari debuissent dicantur, non solum non caperentur in altari: sed etiam in atrio sacerdotum, non videretur modus quomodo simul cremari potuissent, ut supra declaratum est.

Cur solum oblata fuerint de duabus speciebus animalium. Questio XII.

QVAERITVR Vltetius, cum ista fuerit magna solennitas dedicationis templi, & nunquam legitur facta aliqua tam magnifica oblatio, cur solum oblata fuerint animalia de duabus speciebus, scilicet, boues, & arietes, cum possent de alijs speciebus offerri. Aliquis dicet, quod non erant aliqua animalia, de quibus communiter secundum legem offerrentur nisi ista: ideo de his solum obtulit Salomon. Considerandum ad euidetiam huius, quod secundum legem Moyse erant limitata animalia, quae erant munda, & quae immunda, & quantum ad alias gentes non erat aliqua determinatio, sed comedebant de quibus volebant. Etiam quando offerebant sacrificia dijs suis, offerebant de illis animalibus, quae volebant. Hebraeis erat data distinctio animalium mundorum, & immundorum. Sciendum tamen, quod erat animal mundum, vel immundum dupliciter, scilicet, quantum ad cibum, vel quantum ad sacrificium. Omnia, quae erant munda quantum ad sacrificium erant munda quantum ad cibum, sed non è conuerso: quia multa erant in cibolcita, de quibus non licebat offerri, sicut multi pisces erant mundi Iudaeis in cibum, scilicet, omnes, qui habent squamas, & pinnulas: & tamen non licebat piscem aliquem offerri in sacrificium. Etiam multae aues mundae erant Iudaeis in cibum: & tamen in sacrificium solum erant munda columba, & turtur, & de animalibus mundis ad cibum tantum gressilibus, volati-

libus, quam natatilibus, patet Leui. 11. & Deuter. 14. Animalia autem licita ad sacrificandum erant tria solum de gressilibus, scilicet, bos, aries, caper tam in masculis, quam in foeminis. Volatilia licita ad sacrificia solum erant turtures, & columbae, ut patet Gen. 15. quando Deus fecit foedus cum Abraham de dando semini suo terram Chanaan, dixit ei, quod faceret sacrificium sibi, & diuideret animalia per medium ad faciendum foedus istud, & iussit accipi vaccam trimam, arietem trimum, & capram trimam, & turturam, & columbam: & hoc erat ad signandum, quod terra illa Chanaan, quam Deus daturus erat Israelitis, ab eis tenenda erat, quamdiu exercitarentur victimae in caeremonijs istorum sacrificiorum, quae erant praecipuae caeremoniae legis: & quia non erant in lege offerenda animalia in sacrificium de pluribus speciebus, solum iussit capi ista animalia. Item hoc patet efficacius Leui. 1. ubi Deus incipiens dare legem de sacrificijs posuit sufficientem diuisionem de modo faciendi holocaustum. Et dixit, quod aliquando fiebat holocaustum de bobus, & aliquando de arietibus, & aliquando de hircis, & interdum de turturibus, & columbis: & in quolibet istorum posuit regulam quomodo offerri deberet, & fieri caeremoniae, & non in alijs animalibus: ideo innuebat, quod de nullis animalibus alijs offerenda essent holocausta, & alia sacrificia. Confirmatur hoc, quia quantum ad caeremonias legis, & potissime in caeremonijs sacrificiorum Deus dixit: Quod praecipio tibi hoc facito domino tuo, nec addas quidquam, nec minuas: Deut. 12. & tamen non erant posita plura animalia ad faciendum ibi sacrificium: ergo non faciendum erat de alijs. Item confirmatur hoc, quia in omnibus libris veteris testamenti si requirantur quaecunque sacrificia, quae facta sunt, non reperiuntur facta sacrificia de alijs animalibus, nisi de istis. Vnde sciendum, quod de istis animalibus solis fiebant sacrificia, & tamen non offerebantur in omnibus generibus sacrificiorum animalia de omnibus istis generibus. Pro quo sciendum, quod erant tria genera sacrificiorum. scilicet, holocaustum, hostia pacifica, & hostia pro peccato, ut supra in litera expositione dictum est. In holocausto offerebantur animalia de omnibus istis generibus. scilicet, bobus, arietibus, capris, columbis, & turturibus: Leui. 1. In sacrificio pacifico offerebantur solum boues, & arietes, & caprae: Leui. 3. Turtures autem, & columbae non offerebantur, & ratio huius est duplex. Prima est, quia in hostia pacifica, ut communiter non offeruntur, nisi adipem, & pinguedo operiens vitalia: in turturibus autem, & columbis non sunt adipem, nec pinguedo aliqua notabilis operiens vitalia: ideo non offeruntur, ut pacifica sacrificia: Leui. 3. Secunda causa est, quia animal, quod offertur in hostiam pacificam diuiditur, quia datur sacerdoti pectusculum, & armus dexter, & coeterae carnes proueniebant ipsis offerentibus: Leui. 7. & interdum etiam dabatur Deo ad cremandum in altari tota cauda cum renibus: Leui. 3. Volucres autem cum offerebantur in sacrificium non erant diuidenda: ut patet Gen. 15. & Leui. 1. ideo non poterant offerri in hostiam pacificam. Sed obijcietur, quod etiam in sacrificio pacifico turtures, & columbae offerri deberent, nec obstat indiuisio volucrum, quia manifestum est, quod omnia quadrupedia, quae in holocaustum offerebantur concidebantur in frusta, & ponebantur sic concisa super altare: Leui. 1. & tamen seruabatur speciale in aibus oblatis in holocaustum, quod non diuidebantur, eodem capitulo, ita ergo in hostia pacifica fieret: quia licet esset regula in omnibus quadrupedibus collatis in hostiam pacificam, quod diuiderentur, seruaretur speciale in aibus, quod non diuideretur. Sed dicendum, quod non stat propter duo. Primo, quia

quia non poterat conuenienter excusari diuifio volu-
crum in sacrificio pacifico, sicut in holocausto. Et
causa est, quia cum in holocausto diuiderentur cor-
pora animalium in frusta, non diuidebantur quasi ali-
quæ partes dandæ essent sacerdotibus, & aliæ offeren-
tibus, & aliæ Deo: quia omnia frusta cadaueris crema-
bantur in altari cum capite, pedibus, & intestinis lotis,
nec excludatur quidquam de animali, nisi finus,
& ungulæ pedum, quia erant ossæ, & purgamenta,
vel sordes, & cornua, & pellis, cætera verò cremaban-
tur. Leui. 1. Diuifio ergo cadauerum erat solùm, vt cre-
maretur ordinatius ipsum holocaustum, cum frusta
essent separata, & ordinatim super struem lignorum
ponenda erant, eodem capitulo: etiam interdum vnũ
animal crematum in holocaustum durare debebat à
solis occasu vsque ad solis ortum, sicut erat de sacrifi-
cio vespertino, vt patet Leui. 6. nam dicitur ibi, quòd
tota nocte cremabitur. Si tñ poneretur vnus agnus
anniculus in altari integer super ignem cito cremare-
tur, & non posset durare tota nocte, & tamen durabat
tota nocte: ergo frustatim ponendus erat super altare.
In turturibus autem, & columbis, q̄ erant paruæ quan-
titatis, etiam si non diuiderentur facile cremabantur,
ideo non oportuit, quòd diuiderentur volucres in ho-
locaustis, sed carnes pecorum. Secus autem erat in
hostia pacifica, quia diuifio non fiebat principaliter,
vt carnes melius cremarentur super altare, sed vt da-
rentur singulis iura sua, scilicet, sacerdotibus pars sua,
& Deo pars sua, & residuum offerentibus, quòd suum
erat. Si autem manerent aliqua animalia oblata in sa-
crificio pacifico indiuisa, de illis non daretur ius suum
offerentibus, nec sacerdotibus, sed totum Deo cede-
ret: ideo in pacificis hostijs tam in volucribus, quàm
in pecoribus diuifio facienda erat si offerrentur pacifi-
cæ, & tamen volucres non erant diuidendæ, vt proba-
tum est: ergo non erant offerendæ in sacrificio paci-
fico. Secunda ratio est adhuc præcipua, quia in sacri-
ficio pacifico soli adipēs offerebantur ad cremandum
in altari, vel saltem ipsi principaliter, vt patet Leui. 3.
& tamen in turturibus, & columbis non erant adipēs:
ergo non erant in hostias pacificas offerendæ. In sa-
crificio autem holocausti offerebatur totum animal,
siue ergo haberet adipēs, siue non, satis conueniebat
holocausto, sed non hostiæ pacificæ. In sacrificijs au-
tem pro peccato offerebantur omnia genera anima-
lium, scilicet, boues, arietes, & hirci. Leui. 4. & 5. Etiam
offerebantur turtures, & columbæ pro peccato. Leui.
12. & 14. & 15. & hoc, quia in sacrificio pro peccato
non fiebant diuisiones, quæ in hostia pacifica, quia vel
totum animal Deo dabat, vt cremaretur extra castra,
sicut Leui. 4. Vel cedebat totum in ius sacerdotum, vt
colligitur Leui. 10. de hircō oblato pro peccato, de
quo dixit Moyses, quòd Aaron, & filij sui illum come-
dere debuisset, scilicet, totum, cum de hircō dicatur
absolutè, & non significetur alicubi dandam esse par-
tem aliquam Deo, nisi adipēs, qui de omni sacrificio
Deo dabantur. Leui. 3. & 7. de offerentibus etiam non
legitur alicubi in Leuitico, vbi ponitur tota doctrina
de sacrificijs, quòd daretur aliqua pars offerentibus de
sacrificio pro peccato. Patet ergo, quòd animalia of-
ferri poterant in singulis sacrificijs, & sic dicendũ, quòd
responsio quorundā data in principio quæstionis non
stat, scilicet, quòd non obtulit Salomon plura anima-
lia de diuersis speciebus, quia de nullis alijs solebant
offerri secundum legem. Respondendum ergo, quòd
Salomon non obtulit hic de omnibus generibus ani-
malium de quibus offerre poterat. Nam de volucri-
bus non obtulit, eo quòd oblatio ista erat pauperum,
scilicet, cum quis nō poterat offerre pecora, offerebat
turturem, aut columbam, quæ erant pauci valoris, &

A poterant haberi à quantumcumque paupere. Et pa-
tet hoc Leuit. 12. vbi dicitur de muliere postquā puri-
ficata erat post partum, quòd offerre deberet agnum
anniculum in holocaustum, & turturem, vel pullum
columbæ pro peccato. Et sequitur, quòd si non in-
uenerit manus ei⁹, nec potuerit offerre agnum, sumet
duos turtures, vel duos pullos columbæ, & vnũ fa-
ciet pro peccato, & alium in holocaustum: & sic erat
in multis aliis oblatio volucrum in remedium pauper-
tatis: & hoc sequitur, quòd quodocumque aliqua o-
blatio magnifica fieri debebat, non offerebantur tur-
tures, nec columbæ, nē attestarentur paupertati, sed so-
la pecora offerebantur. Sic etiam patet in solenni o-
blatione, quam fecerunt duodecim principes duode-
cim tribuum Israel in dedicatione tabernaculi Moyfi
in deserto. Nam obtulerunt pecora de omnibus ge-
neribus, scilicet, boues, hircos, arietes, & etiam obtu-
lerunt omnia genera sacrificiorum, scilicet, holocau-
sta, hostias pacificas, & hostias pro peccato: Num. 7. &
tamen non obtulerunt turtures, nec columbas, nē at-
testarentur paupertati. Et sic in quibuscumque sacri-
ficijs rarò reperietur poni turtures, & columbæ, nisi
interdum propter paupertatem, & interdum, quia lex
iubebat offerri turtures pro peccato in quibusdam pu-
rificationibus, scilicet, in parientibus Leui. 12. & in le-
prosis Leui. 14. & in fluentibus semine, & mulieribus
fluentibus sanguine extra tempora menstruum: Le-
ui. 15. & sic de quibusdam alijs. Manet autem nunc
dubium de solis hircis cum essent quadrupedia, quæ
in sacrificijs sæpe solent venire, & secundum legē ve-
nire possunt, quare Salomon non obtulit hircos, sicut
arietes, & boues. Aliquis dicet, quòd licet secundum
legem offerri possent, tamen non consuetum erat illa
offerri spontaneè: ideo Salomon non obtulit nunc.
Dicendum, quòd hoc non stat, & sciendum, quòd ve-
rum est, quòd hirci, vt communiter offerebantur in
sacrificijs pro peccato, & non in alijs ita frequenter, &
tamen aliquando offerebatur hircus in holocaustum.
Nam lex posuit, quòd posset offerri Leui. 1. & etiam
aliquando offerebatur in solennibus oblationibus, si-
cut fuit quando principes duodecim tribuum obtu-
lerunt in dedicatione tabernaculi, nam hircos tñ ob-
tulerunt in holocaustum: Num. 7. Responderi potest
ergo dupliciter: vno modo, quòd Salomon, & popu-
lus obtulerit hircos, & tamen litera solùm facit men-
tionem de bobus, & arietibus, quia hirci fuerunt pauci.
Aliiter potest dici, quòd Salomon non obtulit hircos,
quia fortè rarò consuetum erat offerri eos pro holo-
causto, & hostia pacifica, quæ duo genera sacrificiorũ
solùm oblata sunt hic: & iste modus verisimilior est,
quàm præcedens, eo quòd cum litera tam diligenter
annotasset hic numerum bouum, et arietum oblato-
rũ à Salomone, dixisset etiam de hircis si aliquos obtu-
lisset, et tamen non dicitur, ergo non creditur, quòd
fuerunt aliqui oblati.

E In quo genere sacrificiorum obtulit ista animalia.

Quæstio XIII.

QVÆRITVR Vterius, cum nunc Salomon
obtulisset tot animalia, in quo genere sacrificio-
rum ista obtulit. Nam erant tria genera, scilicet, ho-
locaustum, hostia pacifica, et hostia pro peccato. Ali-
quis dicet, quòd obtulit Salomon ista animalia in om-
nibus generibus sacrificiorum, scilicet, quædam in ho-
locaustum, et quædam in hostias pacificas, et quædam
pro peccato. Item hoc confirmatur, quia cum esset
oblatio ista solennis, ita esset de omnibus generibus
sacrificiorum, nē aliquid videretur omisum, vel inta-
ctum. In contrarium dicet aliquis, quòd non fuerint
omnia

omnia oblata sacrificia, quia saltem sacrificia pro peccato nulla fuerunt hic, quia sacrificia pro peccato important necessitatem quandam, & nunc non erat aliqua necessitas à lege imposita, ideo non imposita fuerunt, sed solum sacrificia pacifica, & holocausta. Et sic dicitur, quod in festiuitatibus magnis spontaneis non offeruntur, nisi holocausta, & hostiae pacificae. Dicendum tamen, quod hoc non stat, quia interdum in solennitatibus magnis qualis erat ista, sine necessitate aliqua offerebantur sacrificia pro peccato, sicut fuit in dedicatione tabernaculi Moyse: nam duodecim principes duodecim tribuum obtulerunt tunc holocausta, & hostias pacificas, & hostias pro peccato Num. 7. ita ergo poterat esse hic. Respondendum, quod Salomon nunc non obtulit, nisi sacrificia pacifica, & holocausta, & propter duo. Primum, quod non est necessarium, nec conueniens poni, quod Salomon obtulerit nunc, nisi ista duo genera sacrificiorum. Secundum est, quod etiam si velimus ponere plura oblata esse, non poterimus. Primum patet, quia sacrificia pro peccato sunt sacrificia in groris, scilicet, pro aliquo, in quo nos errasse cognoscimus: nunc autem erat letitia in festiuitate dedicationis, ideo non erat necessarium, nec valde conueniens offerri sacrificium pro peccato. Secundum est, quia sacrificia pro peccato, ut communiter sunt sacrificia necessitatis imposita pro certis peccatis, vel delictis, & tamen nunc non videbatur esse aliquid propter quod cogerebatur Israelita offerre sacrificium pro peccato, ideo non oblatum fuit, vel non est necesse ponere illud oblatum. Secundum dictum est, quod dato, quod velimus ponere plura genera sacrificiorum oblata, non poterimus, quia litera non consentit. Nam supra in litera dicitur, quod ignis descendit de caelo, & deuorauit holocausta, & victimas. Ecce ergo solum ponuntur duo genera sacrificiorum. Sed aliquis dicit, quod hoc non stat, quia licet holocaustum sit aliqua species sacrificij, tamen victima non est species aliqua, sed genus, & comprehendit omnia sacrificia, & dato quod non ponerentur, nisi victimae poterant intelligi multae, vel omnes species sacrificiorum. Sic patet in litera, cum dicitur: rex & omnis populus immolabant victimas coram domino: & tamen manifestum est, quod saltem holocausta, & hostiae pacificae offerebantur nunc à Salomone, & Israelitis, ideo bene poterant intelligi per victimas ipsae hostiae pacificae, & hostiae pro peccato. Dicendum, quod hoc non stat propter duo. Primum, quia si propter victimas deberent intelligi duae species, vel plures sacrificiorum, ponerentur victimae per se, & esset tanquam genus, & sic recte intelligi possent per victimas omnes species victimarum, vel quaedam illarum. Et tamen nunc cum dicitur, quod descendit ignis, & deuorauit holocausta, & victimas, non potest intelligi per victimas, nisi una species victimarum, eo quod victima distinguitur ibi contra holocausta, & est holocaustum una species victimarum, ideo oportet, quod accipiantur victimae iam tanquam species, quia genus non contrahitur contra speciem, sed species contra speciem: non ergo intelligeretur ibi per victimas sacrificia pacifica, & pro peccato. Sed cum dicitur in litera, rex autem, & totus populus immolabant victimas coram domino, quia ibi ponuntur victimae solae, non connumeratae contra aliquam speciem victimarum, poterunt accipi victimae pro duabus, vel pro omnibus speciebus victimarum, nisi aliquid aliud impediatur. Secundum, & efficacius est: quia in litera ponuntur expresse ista duo genera sacrificiorum, scilicet, holocausta, & hostia pacifica in quantum dicitur: obtulerat enim Salomon holocausta, & adipem pacificorum, & iterum repetitur, scilicet, quia altare aeneum, quod fecerat non

poterat sustinere holocausta, & adipem pacificorum: ecce ponuntur solum duo, scilicet, holocausta, & adipem pacificorum, ergo non erat ibi aliud sacrificium, scilicet, pro peccato. Sed obijcietur, quod erat ibi sacrificium pro peccato, quia videretur poni tria genera: cum dicitur in litera: altare aeneum, quod fecerat non poterat sustinere holocausta, & adipem pacificorum, & sacrificia. Ecce ibi holocausta ponuntur nomine suo. Ecce adipem pacificorum per quod intelligitur hostia pacifica, quia de illa, ut communiter non offertur, nisi adest, & pinguedo operiens vitalia, quod totum nomine adipum intelligitur. Ponitur ibi tertium, scilicet, sacrificia, ideo necesse est intelligi alterum genus sacrificiorum: & tamen nullum aliud genus est, nisi sacrificium pro peccato: ergo etiam oblata sunt sacrificia pro peccato. Dicendum, quod solum oblata fuerunt holocausta, & hostiae pacificae, & non pro peccato: & quando dicitur, quod ponuntur ibi sacrificia, dicendum, quod per sacrificia non intelligitur aliquod genus victimae, sed solum intelliguntur libamenta: nam victimae fiebant de carnibus, & cum eis erant aliqua necessaria, quae vocantur libamenta. Sunt enim ista accessoria in sacrificijs pacificis, & in holocaustis: & sunt quinque, scilicet, simila, oleum, vinum, sal, thus, ut patet Num. 15. & Leui. 2. & ista vocantur sacrificia, vel saltem quaedam pars istorum libamentorum, scilicet, simila, ut patet Num. 28. & 29. ubi de quolibet animali, quod offertur in festiuitatibus, de quibus ibi agitur, dicitur, quod offertur cum sacrificio suo, & libamine. Ecce quod sacrificium ibi non potest accipi pro aliqua victima, quae de carnibus est, sed pro suo accessorio, scilicet, simila, vel libamine. Sic etiam patet Leui. 2. ubi dicitur, quod aliquando fit sacrificium de craticula, & aliquando de clubano, & ponitur ibi modus, & tamen totum quod ibi ponitur est panis coctus, vel frigus, vel simila permixta: ideo istud oportet vocari sacrificium, & non carnes: & sic quando dicitur hic in litera, & sacrificia, non ponitur pro aliqua specie victimae, sed pro libamentis, quae offerebantur cum singulis animalibus oblatis in holocaustum, vel in hostias pacificas: & sic solum erant duo genera. Et patet hoc in eadem litera ante hoc, cum solum ponuntur ista duo genera sacrificiorum, scilicet, holocausta, & adipem pacificorum, & nihil plus ponitur. Apparet ergo, quod sola holocausta, & pacificae hostiae oblatae sunt. Sacrificia autem pro peccato non fuerunt oblata: nam sicut Salomon non obtulit nunc omnia genera victimarum, quia omisit victimas pro peccato, ita & omisit aliqua de speciebus eius animalium immolabilem, quia omisit hircos.

Quare potius ista duo genera sacrificiorum obtulit.
Quaestio XIII.

QVAERITVR Vterius, quare Salomon obtulit potius nunc ista duo sacrificiorum genera, scilicet, holocausta, & hostias pacificas potius, quam alias species. Respondendum, quod factum est hoc propter multa. Primo patet de holocaustis: nam istud erat nunc necessarium, eo quod holocausta sunt sacrificia directius facta ad honorem Dei, quam alia: unde non habet holocaustum aliquam causam specialem, quare fiat, nisi propter Deum. Alia autem sacrificia duo habent alias causas speciales tenentes se ex parte nostra. Ideo cum fieret nunc ista festiuitas ad honorem Dei, nullum sacrificium ex hac parte conuenientius erat, quam holocaustum, & omnia animalia oblata fuissent in holocaustum, nisi aliud obitaret, scilicet, quia non esset pars offerentibus, & sacerdotibus. De hostia pacifica, quod offerretur, erat secunda causa, scilicet,

et, quia ex conditione huius sacrificij compete-
bat. Nam hostia pacifica distinguitur, quia quædam est ad
gratiarum actiones, alia est ad obsecrationes, ut patet
Leui. 7. Ad gratiarum actiones est illa, quæ offertur,
quando volumus Deo regitari, quod aliquod bene-
ficio nobis contulerit: Ad obsecrationes est illa, p-
quam volumus Deum placare nobis, ut aliquid det
quod intendimus: & quia nunc Salomon, & Israelitæ
repperant magnum beneficium à Deo concedendo
eis, quod potuissent consummare templum, & postea
illud acceptavit dando ignem de cælo super sacrificia
facta in illo, & mittendo maiestatem suam, scilicet, ne-
bulam circumdantem templum, supra quinto, & su-
pra in litera, restabat, ut ei gratias agerent, & ad hoc per-
tinebat sacrificium pacificum: Tertium erat, quare
offerretur sacrificium pacificum, quia istud valde con-
veniebat intentioni Salomonis. Nam ipse volebat
facere istam magnam solennitatem dedicando tem-
plum: & quia convenerat magna multitudo Israelita-
rum ad dedicationem, decebat, quod rex daret eis
cibos: & ad hoc conveniens erat offerri hostias paci-
ficas, quia de hostijs pacificis, ut communiter non cre-
mantur, nisi adipēs manentibus totis carnibus: & in-
terdum ad plus cremantur adipēs, & tota cauda ani-
malis: & carnes cedunt partim in ius sacerdotum fa-
cientium cœremonias, & partim in ius offerentium:
& sic partes ille, quæ provenirent de istis sacrificijs ip-
sis sacerdotibus essent ad pastum ipsorum, quæ autem
provenirent Salomoni offerenti poterant communi-
cari quibuscunque ipse veller: & sic darentur toti po-
pulo ad cibandum eum. Quartum erat quantum ad
sacrificia pro peccato, & de istis dicendum, quod nihil
oblatum est, eo quod ista sacrificia, ut communiter
sunt ex necessitate, & determinatione legis pro cer-
tis peccatis, & raro sunt sacrificia spontanea, sicut ho-
locausta, & hostiæ pacificæ. Nunc autem non vide-
batur in populo esse aliquid, propter quod offerrentur
sacrificia pro peccato: ideo non oblata sunt. Quintum
est, quia sacrificia pro peccato sunt sacrificia meroris:
alia autem sunt sacrificia exultationis: nunc autem
exultandum erat in solennitate dedicationis, ideo non
erat opus offerri sacrificia pro peccato. Sextum erat,
quia si offerrentur sacrificia pro peccato, quæ essent
spontanea non pro aliquo speciali peccato, vel delicto,
sed solum ad solennizandum magis solennitatem de-
dicationis, pervenirent carnes istorum animalium totæ
sacerdotibus, & non posset quis comedere de eis, nisi
sacerdotes, & filij eorum masculi. Si ergo magna co-
pia talium sacrificiorum fieret, necesse erat, quod pe-
rent multæ carnes sacrificiorum, quia nullus eas li-
cite comedere posset, nisi sacerdotes: & tamen ipsi sa-
cerdotes non possent illas comedere præ multitudine:
ideo non decebat de his sacrificijs offerri saltem multa.
Fuerunt autem convenientia nunc duo genera sacrifi-
ciorum, scilicet, holocausta, & hostiæ pacificæ: holo-
causta quidem ad directam laudem Dei: hostiæ paci-
ficæ, ut redderentur Deo gratiæ, & populus inde

A septem pertinentibus ad dedicationem, & septem per-
tinentibus ad festum Tabernaculorum, & uno perti-
nente ad collectas. In quolibet istorum dierum oblata
fuerunt aliqua animalia, & sic facilius poterant sacer-
dotes hoc ministerium explere. Secundum erat, quia
carnes istorum animalium, & adipēs non cremaban-
tur omnes in altari holocaustorum, sed quædam in
altari, & aliæ in pavimento atrij sacerdotum. Nam
sanctificaverat Salomon medium atrij sacerdotum
ad cremandum in eo quædam de carnibus, & adipi-
bus sacrificiorum: eo quod non poterant carnes, &
adipēs capi in altari. Et sic quidam sacerdotes iugu-
larent circa carnes, & adipēs altaris cremando ibi po-
sita, & alij assisterent cremandis carnibus, & adipibus
in pavimento. Tertium, per quod maximè alleuia-
batur opus istud, erat: quia paucae carnes animalium
in comparatione tantæ multitudinis crematæ sunt:
nam licet essent quædam animalia oblata in holocau-
stum, & quædam in hostias pacificas, pauca oblata
fuerunt in holocaustum: sed ferè omnia in hostias pa-
cificas. De hostijs autem pacificis non cremabantur
nisi adipēs, ut communiter, & raro cremabantur cau-
dæ: ideo dicebatur in litera, quod holocausta posita
sunt in altari, & adipēs pacificorum quasi nihil aliud
de hostijs pacificis crematæ, nisi adipēs. Et hoc con-
veniebat ad multa. Primò, quia esset minor difficul-
tas ad istas ministraciones sacerdotales faciendas, quia
cum ferè omnia animalia offerrentur in hostias paci-
ficas, non cremarentur aliquæ carnes, sed soli adipēs, &
sic facilius cremarentur. Secundò, quia daretur mo-
dus leuior ad hoc, quod Salomon pasceret tantā mul-
titudinem hominum, qui cum venissent ad portatio-
nem arcæ, & dedicationem templi, verisimile erat,
quod cibaret illos. Nam sic fecerat David, quando
convocavit Israelitas ad portandum arcam in domum
suam. 2. Reg. 6. & præced. lib. 15. ideo non discreparet
Salomon à moribus paternis. Potissimè, quia Salo-
mon erat ditissimus, & volebat ostendere magnificen-
tiam suam in omnibus: ideo cibaret populum, quem
ad festivitatem convocaverat. Et tunc si animalia
ista oblata essent in hostias pacificas, posset ex eis ciba-
re populum, ac si non obtulisset animalia in sacrificiū:
D quia de hostijs pacificis proveniebat quædam pars sa-
cerdotibus facientibus cœremonias, & quædam pars
Salomoni offerenti animalia. Et quia Salomon da-
turus erat aliis cibos tam sacerdotibus, quam laicis,
providere sacerdotibus de partibus illis, quæ proue-
niebant eis ex sacrificijs. Reliquas autem carnes po-
terat dare toti populo ad cibum, eo quod provenie-
bant ei: & ad illas poterat invitare quoscunque, dum
tamen mudi essent, ut colligitur Deut. 12. & 14. & 16.
Tertiò, quia per hoc videretur ad quid tot animalia of-
ferebantur in sacrificium. Nam si omnia ista anima-
lia offerrentur in holocaustum, & cremarentur in altari
sive pavimento atrij, videretur inutiliter factum, quod
tot animalia cremarentur. Nunc autem cum essent
partim ad laudem Dei, & partim ad necessitatem cibi
eorum, qui conveniant ad solennitatem istam, vide-
retur rationabiliter factum, quod occiderentur tot
animalia, quot sufficerent ad cibum multitudinem
advenientis ad festivitatem, & quia totus Israel con-
venerat, scilicet, ab introitu Emath usque ad torrentem
Aegypti, ut patet in litera, fuit necessaria, tantā multi-
tudo pecorum, scilicet, viginti duo millia boum, & cœ-
rum viginti millia arietum. Potissimè, quia aliqua isto-
rum in holocaustum oblata sunt, & de istis nihil pro-
venit sacerdotibus, nec Salomoni, aut popularibus, sed
totaliter cremata sunt, quia ista est conditio holocau-
storum: Leui. 1. cap.

Quid factum est de tot carnibus, & quomodo potuerunt co-
medi, vel cremari. Quest. XV.

QVAERITUR Vt, quid factum est de tot
carnibus sacrificiorum, & quomodo potuerunt
comedi, vel cremari. Respondendum, quod, ut de-
claratum est supra, ista animalia oblata: licet multa
fuerint, poterant competenter cremari in sacrificiū
a sacerdotibus: primò, quia non omnia eodem die
ingulata sunt in sacrificium, sed quindecim diebus:
nam duravit festivitas ista quindecim diebus, scilicet,

An computentur omnia oblata tam sponte, quam necessitate. *Quaestio XVI.*

QVAERITVR Vterius, cum dicatur hic de tot animalibus oblatis in sacrificium, an computentur hic omnia, quae oblata sunt in istis festiuitatibus tam spontaneè, quam ex necessitate. Respondendum est, quod vt declarabitur infra in quadam quaestione. Hic fuerunt tres festiuitates, vna spontanea, & duæ ex ordinatione legis. Spontanea erat dedicatio templi: ex necessitate erant duæ, scilicet, festum propitiationis, & festum tabernaculorum. In istis autem duabus festiuitatibus erant statuta sacrificia secundum legem. Nam in die expiationis fiebant multæ ceremoniæ sacrificiorum pertinentium ad remissionem peccati. Leuit. 16. Alia fiebant ad iucunditatem, & solennitatem diei: de quibus Num. 29. cap. & omnia ista fiebant ordinariè, & ex necessitate. Festum etiam Tabernaculorum cœlebratum fuit hoc tempore, in quo fiebant quædam ceremoniæ exultationis pertinentes ad totum populum, de quibus Leui. 23. c. Alia pertinebant ad sacrificia. Nam festiuitas ista durabat diebus septem, & in quolibet die offerebantur determinata sacrificia, de quibus Num. 29. & ista omnia offerebantur de sumptibus sanctuarij: & erat regula, quod cum ista sacrificia essent necessaria, & ordinaria non impedirentur per quacunque alia sacrificia spontanea similia coincidentia cum illis in specie, & numero: scilicet, quod dato, quod aliquis spontaneè in aliqua festiuitate ex deuotione offerret animalia, tot, quot secundum legem iussa erant offerri illa die, & in tali genere sacrificiorum, non cessarent illa, quæ secundum legem iussa erant offerri, eo quod necessaria nunquam coincidebant cum spontaneis, vt colligitur Num. 29. & quia omnia sacrificia, quæ nunc obtulit Salomon erant spontanea ad solennizandum festiuitatem dedicationis, non coincidebāt cum illis sacrificijs, quæ iubentur offerri in die propitiationis, & in festo Tabernaculorum Num. 29. & Leui. 16. & de illis nihil dari potuit populo, sed proveniebant sacerdotibus, secundum quod declaratum fuit eodem cap.

Quæ essent officia sacerdotum. Quaest. XVII.

QVAERITVR Vterius, cum dicatur hic, quod sacerdotes erant in officijs suis, quæ erant ista officia sacerdotum. Respondendum, quod officia sanctuarij erant officia sacra, & noluit Deus, quod populares ministrarēt, sed quod tribus Leui ministraret in omnibus: & ad hoc fecit Deus Aaron, & filios suos sanctificari in sacerdotes, & illis commisit totum officium ministracionis sanctuarij, vt patet Num. 3. & 18. quia tamen erant multa ministeria, & non poterant in omnibus prouidere sacerdotes, tradidit illis Deus Leuitas, qui erant de genere suo in subseruitores, vt ministrarent ad mandatum eorum in rebus minoribus sanctuarij. Et ob hoc distincta fuerunt officia sacerdotalia, & leuitica: vt Leuitæ, qui minores erant, non se intromitterent de officijs sacerdotum, quia aliàs morentur, sicut factum est de Core, & socijs suis: nam isti erant Leuitæ, vt patet Num. 16. cum dixit Moyses ad Core, & complices suos. Audite filij Leui. Et iterum: erigimini filij Leui. Et cum vellent isti Leuitæ usurpare officium sacerdotum, cōbusti sunt à Domino habentes thuribula in manibus: eodem capitulo. Sunt autem officia sacerdotum quinque, vel sex, quæ sequuntur. Primum erat offerre sacrificium: istud enim erat de possimis, & magis frequentatis officijs sacerdotum. Et omnes ceremoniæ accessoriæ ad hoc erant sacerdotales, scilicet, iugulare animalia, de-

coriare illa, abluere intestina, concidere carnes in frusta, & offerre sanguinem, & fundere illum ad basim altaris, vel super cornua eius, & ponere carnes in altari, & disponere illas, ita vt cremarentur: & non licebat cuiquam hominum etiam Leuitæ sub pœna mortis intromittere se in aliqua istarum ministracionum, nec aliarum purè sacerdotium sub pœna mortis: Num. 3. & 16. & 18. & aliquando in necessitate magna cum non essent sacerdotes sufficientes ad faciendum omnes ministraciones istas, adiunabant eos Leuitæ in minimis, quæ minus habebant de dignitate, sicut fuit tempore Ezechiae regis, cum essent pauci sacerdotes propter præteritam idolatriam, & tunc nouiter conuerso populo ad Deum fieret magna solennitas, & oblatio multorum animalium, nec sufficerent sacerdotes ad omnes ceremonias istas explendas, adiunuerunt eos Leuitæ in decoracione animalium solū, infra 29. In alijs autem ministracionibus, scilicet, quod animalia immolarent, vel quod carnes in altari poneret non adiunuerunt Leuitæ sacerdotes, quia istæ erant ministraciones multum sacræ. Secundum officium sacerdotale erat cremare thymiamata in altari thymiamatum coram Domino: erat enim quoddam altare aureum, quod vocabatur thymiamatum, & erat intra tabernaculum Moysi, & nunc intra templum Salomonis, & in illo vnus de sacerdotibus cremabat quotidie bis thymiamata, scilicet, in aurora tempore sacrificij matutini, & in vespere tempore sacrificij vespertini: Exo. 3. capit. Erat autem thymiamata quædam confectio facta de multis aromatibus coniunctis, & simul contusis vsque ad puluerem minutissimum, & tunc sacerdos tollebat vnum vas, quod vocabatur thuribulum, & replebat illud prunis de altari holocaustorum, & ingressus in tabernaculum fundebat thymiamata super prunas, ponebatque ipsum thuribulum super altare thymiamatum, quod erat ante velum Sancti Sanctorum. De confectio thymiamatis qualiter, & ex quibus fieret, patet Exo. 30. cap. istud ministerium erat magis sacrum, quam oblatio sacrificiorum, eo quod facientes ceremonias sacrificiorum non introibant in Tabernaculum, sed erant foris in atrio apud altare holocaustorum, qui tamen cremabat thymiamata introibat in Tabernaculum ad ponendum thymiamata super altare thymiamatum: ideo dato, quod aliquo modo dispenseretur, quod aliquis Leuita posset ministrare faciendum sacrificia, adhuc non concederetur, quod ministraret cremando thymiamata in altari thymiamatum, & si quis vellet se intromittere de hoc ministerio, nisi esset sacerdos, moreretur. Sic patet de ducentis quinquaginta proceribus Synagogæ, qui contententes de sacerdotio cum Aaron, sumptis thuribulis suis prunas, & thymiamata posuerunt ingressuri ad altare thymiamatum intra Tabernaculum, cum subito egressus ignis à Domino cremauit illos. Num. 16. Sic etiam rex Ozias, cum vellet introire ad ponendum thymiamata super altare, & hortantibus sacerdotibus non desisteret, à Deo percussus est lepra in fronte, infra 26. & 4. Reg. 15. Tercium officium erat disponere panes propositionis in mensa. Pro quo sciendum, quod Deus iusserat fieri vnā mensam auream, & poni intra Tabernaculum, & super illam iubeat esse continuè duodecim panes ad memoriam duodecim filiorum Israel. Isti panes conficiebantur à sacerdotibus, & coquebantur ab eisdem, ita vt fœminæ non tangerent illos, nec laici: & ponebant quolibet sabbatho duodecim de uitis recentes super mensam propositionis, & manebant ibi per septem dies, & in sequenti sabbatho tollebantur illi septem, & ponebantur alij septem recentes. Istos panes tractabant sacerdotes soli, quia ipsi soli conficiebant eos de pasta, ipsi coquebant, ipsi super mensam propositionis

Sacerdotum quinque erant officia.

tionis ponebant, ipsi etiam illos inde tollebant, & ipsi tandem eos comedebant, quia non licebat laicis comedere de illis, nisi in necessitate famis constitutis, & insuper, quod mundi essent à mulieribus. De ijs Leui. 34. & 1. Reg. 21. & Matth. 12. cap. Et istud etiam ministerium non competeat vlllo modo, nisi sacerdotibus, & erat tam sacrum, sicut cremare thymiam, quia in vtroque eorum requirebatur ingressus in Tabernaculum, vel templum Salomonis. Quartum ministerium erat disponere lucernas in candelabro: nam in Tabernaculo Moyfi erat vnicum candelabrum aureum ante velum Sancti Sanctorum, in quo erant septem lucernæ, & infundebatur oleum in lucernis candelabri, quia non ardebat ibi cera, nec seipsum, nec alius liquor, nisi oleum: & vnus de sacerdotibus bis quotidie introibat in Tabernaculum, & disponebat lichnum lucernarum emungendo eas, & ponendo oleum in vasis, & extinguendo interdum lucernas quasdam, & iterum eas accendendo iuxta ritum ministracionis, & istud pertinebat solum ad Aarō, & filios suos, scilicet, ad summum sacerdotem, & minores. Exod. 27. & 30. Et ad istud ministerium erat electum oleum purissimum: Exo. 27. & istud fiebat bis in die eo tempore, quo cremabatur thymiam, scilicet, ille sacerdos, qui ingrediebatur ad cremandum thymiam, disponebat lucernas in candelabro, sicut opus erat, & istud ministerium erat tam sacrum, sicut præcedentia, eo quod ministrans in eo introibat in Tabernaculum. Quintum ministerium erat ingredi in Sancta Sanctorum ad faciendum ceremonias diei propositionis: nam illa die speciale fiebat, scilicet, quod ingrederetur summus sacerdos in Sancta Sanctorum. Nam confitebatur illa die peccata populi sui super caput hirci, & mittebat illum in desertum, & introibat in Sancta Sanctorum ferens secum sanguinem in vase, vt aspergeret septies inde contra propitiatorium, quod erat super arcam: & ferebat thuribulum plenum prunis, & thymiamate, vt vapor grossus inde confurgens obnubilaret oculos sacerdotis, nè videre posset id quod latebat inter alas Cherubim in propitiatorio. Leuit. 16. Et isto die solum ingrediebatur summus sacerdos in Sancta Sanctorum: eodem capitulo, & ad Hebr. 9. Alijs autem diebus anni, nec ipse, nec alij sacerdotes ingredi poterant in Sancta Sanctorum. Et istud ministerium erat speciale: nam in ceteris ministrare poterant tam minores sacerdotes, quam summus sacerdos: in isto autem solum summus sacerdos ministrabat: & hoc propter dignitatem loci. Quamdiu tamen Moyfes vixit, licebat ei introire in Sancta Sanctorum quocumque; vellet, & si aliqua dubia ibi haberet, ibi audiebat vocem respondentis ad se de propitiatorio: Num. 7. cap. Sextum ministerium erat sacerdotum commune magno sacerdoti, & minoribus extra sanctuarium, scilicet, discernere inter lepram & lepram: nam quando aliquis leprosus erat, separabatur à reliquis, & manebat extra castra. Leui. 13. cap. & si contingeret aliquando leprosum sanari naturaliter, vel miraculose, non audebat ingredi castra quousque sacerdos iudicaret illū mundatum esse. Et tunc factis quibusdam ceremonijs reducebat illum in castra, eodem capitulo. Et Leui. 14. & istud non licebat alicui facere, nisi sacerdoti. Ideo dato, quod i medicus curaret leprosum, & sciret eum sanatum, non audebat ei iubere, quod rediret in castra, sed nunciabat illud sacerdoti, & postquam sacerdos contempleretur leprosum secundum regulas neresoris. Sic patet de decē viris leprosis, quos Christus sanauit, & non dixit illis, quod introirent in urbem, sed ait: Ite & ostendite vos sacerdotibus. Leui. 17. scilicet, iudicio sacerdotum introibitis in urbem, & hoc

A faciebat Christus, quia tempore illo adhuc lex Moyfi habebat vigorem suum, & ille seruabat eam: ideo iubeat, quod iuxta mandatum legis isti se ostenderent sacerdotibus. Septimum ministerium erat, quod quando mutanda essent castra, sacerdotes parui, & magnus introibant in Sancta Sanctorum, & velabant arcam: velabant etiam omnia sacra, quæ erant intra Tabernaculum, & tradebant illa sic Leuitis portanda: nam non licebat illa Leuitis videre nuda, quia morentur: sed cum velassent ea sacerdotes, tradebant Leuitis. Num. 4. ista erant ministeria sacerdotum, in quibus non communicabant cum eis Leuitæ, nec laici. Aliud etiam ministerium sacerdotale, quod aliquo modo reducitur ad primum, scilicet, facere cineres ad aquas lustracionis cremando vitulam ruffam, & faciendo omnes ceremonias illius, & coincidit aliquo modo cū primo in quantum istud videtur sacrificium: & tamen non est sacrificium plenè, quia non reponitur verè in aliqua specie sacrificii, licet possit reduci large ad quendam modum sacrificii pro peccato: potest esse ergo istud octauum ministerium sacerdotale, de cuius ceremoniis patet Num. 19. Nonum ministerium erat, quod sacerdotes clangerent tubis sacris: nam erant quedam tubæ argenteæ sacræ, quibus clangendum erat in bellis, & in multis alijs ceremoniis, & clangere his tubis pertinebat ad solos sacerdotes. Num. 10. Alia autem quæcunque ad sacerdotes pertinerent, videtur ad hæc reducenda: & dicitur hic in litera, quod sacerdotes erant in officiis suis, scilicet, in oblatione sacrificiorum: quia cum tot animalia offerrentur illa die, & disporre omnia, & facere ceremonias circa illa pertineret ad solos sacerdotes, erant nimis occupati circa hæc.

De officijs Leuitarum. Quest. XXIII.

QVAERITVR Vterius de officiis Leuitarum, quia etiā dicitur hic, quod Leuitæ ministrabant, pro quo præsupponendum est, quod diximus præcedenti quæstione, scilicet, quod Leuitæ non erant principales ministri sanctuarii: sed dati sunt sacerdotibus in domum, & subsidium à Deo, & à populo. Num. 3. & 8. & 18. & ad mandatum sacerdotum seruire debent. Aliquis ergo dicet, quod cum Leuitæ seruire deberent ad mandatum sacerdotum subministrando eis, & officium sacerdotum esset offerre sacrificia, ad quæ necessaria erat aqua, & ligna, quod Leuitæ ministrarent comportando aquas, & ligna. Dicendum tamen, quod hoc non stat, quia istud erat ministerium prophanum, & poterat competere cuiquam laico, & non solum Iudæo laico, sed etiam conuerso de gentilitate: vnde Gabaonitæ, qui erant Chananai, & conuersi fuerant ad Iudaismum, damnati fuerant in æternum ad istud ministerium, quia deceperant Israelitas dicentes se esse de terra longinqua: Iosue 9. & sic Leuitæ non ministrabant in comportando aquas, & ligna: et dato, quod isti Gabaonitæ non ministrarent, in hoc non videtur, quod Leuitæ facerent istud, sed aliqui laici mercenarii, cum Leuitæ ministrare deberent in aliquibus rebus sacris. Dicendum autem est, quod de ministracione Leuitarum non fuit sicut de ministracione sacerdotum, quia ministratio sacerdotum tempore Tabernaculi Moyfi, et tempore templi Salomonis semper fuit eadem. Ministratio autem Leuitica non fuit semper eadem, sed in multis mutata est. Ideo dicendum primò de ministracionibus, quas habebant tempore Tabernaculi Moyfi. Prima autem erat excubare in circuitu tabernaculi: nam cū Israelitæ per desertum transirent, locabatur tabernaculum in medio castrorum ipsorum, et in circuitu tabernaculi excubabant Leuitæ, nè aliquis de laicis accede-

cederet ad sanctuariū, quia si quis accedere vellet, mori debebat. Num. 1. & 3. Excubabant autem Leuitę per quatuor latera Tabernaculi, scilicet, sacerdotes ad latus orientale, & tres familię Leuitarum ad alia tria latera. Num. 3. cap. Secunda ministratio erat erigendo, & deponendo sanctuarium. Nam quodcumque in aliquo loco figebantur castra, locabatur Tabernaculum in medio castrorum, & erigebatur: & hoc fiebat per Leuitas, qui portabant illud, & custodiebant: quia hicis non licebat saltem tangere aliquas partes sanctuarij ad erigendum eas, vel deponendum. Tertia ministratio erat in portatione tabernaculi, & partium suarum, atque vasorum: & sicut erant tres familię Leuitarum, ita diuidebatur totum sanctuarium in tres partes, scilicet, Caathitę portabant omnia vasa, & suppellectilia eius, quę nō erant partes, ex quibus componebatur sanctuarium: sicut arca fęderis, altare thymiamatum, altare holocaustorum mensa propositionis, candelabrum, labrum æneum, & similia. Meraritę, & Gersonitę portabant partes, ex quibus componebatur Tabernaculum. Erant autem istę partes duplices, quędam erant durę, sicut columnę, tabulata, & bases: & istę partes portabantur à Meraritis. Alię erant partes molles, sicut cortinę, saga, pelles arietum rubricatę, & pelles iacynthinę: & istas portabant Gersonitę. Num. 3. & 4. Multam autem administrationē habuerunt Leuitę tempore, quo fuerunt in deserto per quadraginta annos. Cū verō introierunt in terrā Chanaan vsque ad tempus, quo templum Salomonis ædificatum est, non apparet manifestē quas operationes, vel ministeria habuerint. Sed dicendum est, quōd habuerunt aliquas de ministrationibus, quas habuerant in deserto, & habuerunt aliquas de illis, quas habuerunt post ædificatum templum Salomonis. Et patet hoc, quia sicut in deserto portabant Leuitę Tabernaculum, & vasa eius de loco ad locum cū mouenda essent castra, ita etiam fecerunt postquam fuerunt in terra Chanaan, quia quousq; ædificatum fuit templum Domini per Salomonem, fuit in motu Tabernaculum Domini. Nam primo fuit in Silo, deinde mutatū est in Nobe. 1. Reg. 3. 2. postea fuit in Gabaon. 3. Reg. 3. & supra 1. cap. & portabatur tunc à Leuitis cum omnibus vasis suis. Arca quoque fuit in motu. Nam primō fuit in Silo cū sanctuario Domini, deinde portata est in terram Philistinorum 1. Reg. 5. Mansit autem ibi septem mensibus, & postea reducta est in Bethsames, quę est ciuitas de terra Israel. primo Re. 6. Deinde cū Bethsamitę timerent tenere arcam dixerit viris Chariathiarim, quōd reducerēt illam ad se. 1. Reg. 7. postea cū mansisset ibi magno tempore Dauid duxit illam in domum Obededon. 2. Reg. 6. & præcedenti lib. 1. 3. cap. Postea transducta est in domū Dauid, vt patet 2. Reg. 6. & præcedenti lib. 1. 5. cap. & in omnibus his vicibus Leuitę portabant arcam, & Tabernaculum. Et patet hoc etiam ex verbis Dauid præcedenti lib. 2. 3. cap. cū dixit, quōd non esset amplius Leuitarum officium, quōd portarent arcam Domini, quia Deus dederat iam quietem: ergo videtur, q̃ ante illud adhuc erat officium suum portare arcam. Non tamen erat officium suum excubare ad Tabernaculū in circuitu, sicut in deserto, quia iam Tabernaculum non erat in campo, sicut in deserto, sed in domo quadam magna: & tamen ibi aliqui Leuitę manebant, & etiam mulieres manebant, vt dicitur 1. Reg. 2. quōd filij Heli dormiebant cum mulieribus, quę excubabant ad ostium Tabernaculi. Nam Leuitę etiam habebant officium canendi antequam esset templum Salomonis, sicut postea canebant, vt patet præcedenti lib. 1. 5. cū fecit Dauid, quōd Leuitę canerent coram arca, quando portabatur: etiam quando mansit arca

in domo Dauid iussit, quōd manerent ibi multi Leuitę ad canendum quotidie coram arca, & alij irent in Tabernaculum in Gabaon: eodem lib. 1. 6. capitulo. Postquam autem templum Salomonis fabricatū est, Leuitę habuerunt distincta ministeria, & fuerunt multa. Vnum fuit, quia erant quidam cantores, & isti erant tres principes, scilicet, Hemā, Ethā, siue Asaph, & Idithun. Et sub istis erant omnes alij cantores distincti per vigintiquatuor sortes. præcedenti lib. 2. 5. & isti cantabant tempore, quo fiebant sacrificia quotidie, & faciebant diuersos cantus secundum conditionem festiuitatum, vt patet præcedenti lib. 2. 3. cap. & ibi declaratum est. Secundum ministerium erat ianitorum, & isti diuisi erāt per quatuor portas templi, & per exedras, & domum consilij, de quibus præcedenti lib. 2. 6. cap. Tertium officium erat thesaurarium, qui custodiebant thesauros templi in exedris thesaurorum, & ibi dabant vasa sacra ad ministrandum in illis, quando oportebat, & etiam vestes sacras, & recipiebant illa quando expleta erant: de ijs præcedenti lib. 2. 6. ca. Quartum ministerium erat iudicum, & prepositorum, qui constituti erant, vt præessent diuersis partibus terrę Israel, vt patet eodem capitulo, isti Leuitę erant nunc in ministerijs suis, scilicet, canendo in organis musicis, & in voce quamdiu sacerdotes faciebant sacrificia, vt patet in litera.

*Cū Leuitę canerent in omnibus vasis.
quare soli sacerdotes tubis.
Quęstio XIX.*

QVAERITVR Vterius, cū Leuitę canerēt soli tubis canebant. Respondendum, quōd officium Leuitarū erat canere voce, & in organis musicis, ideo ipsi soli canebant. Sacerdotes autem poterant exercere officia Leuitarum, eo quōd existens in maiori gradu potest exercere officia minoris, sicut presbyter potest exercere officium diaconi, sed non ē conuerso: & tamen non fiebat propter hoc, nec quisquam de sacerdotibus exercebat nunc aliquod officium Leuitarum, cū dicatur hic, quōd sacerdotes erant in ministerijs suis, sed officium clangendi tubis erat sacerdotale, ideo ipsi soli canebant. Pro quo sciendum, quōd tubarum quędam erant sacre, & quędam non. Tubę sacre erant tubę argenteę, quas iusserat fieri Deus ad certa ministeria, & omnes similes illis, quę postea factę sunt ad easdem ministrationes. Num. 1. 0. Tubę nō sacre erant illę, quę erāt factę ad vltimū prophanum, licet essent similes in figura, & interdum in materia cum tubis sacris, & in istis tubis clangebant interdum Leuitę, vt patet præcedenti lib. 1. 5. vbi ponitur, quōd quidam de Leuitis cantoribus tubis clangebant. De tubis sacris dicendum, quōd illę factę fuerant ad multos vsus: vnus erat, vt conuocaretur populus ad consilium: alius erat, vt conuocarentur interdum proceres: alius erat ad dandum signum mouendi castra: alius erat ad clangendum super holocausta, & victimas pacificas in diebus solennibus: alius erat ad bellum. quōd quando Israelitę pugnaturi essent cōtra hostes, clangerent tubis illis. De ijs patet Num. 1. 0. & ibi dicitur, quōd filij Aaron sacerdotis clangerent tubis, legitimumq; sempiternum esset apud Israelitas. Nunc autem eueniebat vnum istorum, scilicet, quōd fierent solennes victimę, & solennes epulę, etiam essent festiuitates, scilicet, dedicationis, & propinationis, & Tabernaculorum. Et pro ijs clangendum erat tubis, quia sacrificia fierent: & ita nunc erat, quia sicut supra dicitur, sacerdotes erant in ministerijs suis. s. sacrificia faciēdo: ideo alij sacerdotes clangere tubis debebant. Sic

Sic enim quando coram arca clangendum fuit tubis, ut corruerent muri urbis Iericho, septem sacerdotes clangebant tubis, Iosue 6. Et ita etiam in sacrificijs, quæ fiebant coram arca quamdiu manebat in domo Dauid, sacerdotes clangebant tubis: ideo iussit Dauid, quod manerent in Ierusalem sacerdotes quidam, qui tubis clangerent, præced. lib. 16. cap.

Quomodo Salomon sanctificauit medium atrij, & quæ cœremonia fuerunt. Quæst. XX.

QUÆRITUR Vltorius, quomodo Salomon sanctificauit medium atrij, quæ cœremonia fuerunt in sanctificando, & quis sanctificauit. Respondendum, quod ad cremandum carnes sacrificiorum, & adipem erat altare destinatum, ita quod in nullo alio loco fieret, sicut dicitur Leui. 16. & Iosue 22. capitulo. Nunc autem propter multitudinem sacrificiorum, cum non caperentur in altari, voluit Salomon, quod cremarentur in pauimento atrij: & sic dicitur, quod sanctificauit medium atrij, id est, quandam partem atrij sacerdotum circa medium eius. Et potest intelligi dupliciter ista sanctificatio. Vno modo, quod carnes sacrificiorum positæ fuerunt in pauimento atrij, & per hoc sanctificatum est atrium. Alio modo, quod Salomon fecit cœremonias aliquas, ut sanctificaretur medium atrij, & per hoc esset aptum ad cremandum in illo carnes sanctas. Accipiendo primo modo, est sensus, quod Salomon non fecit cœremonias aliquas sanctificationis, sed solum posuit carnes, & adipem sacrificiorum in pauimento ad cremandum, & quia carnes erant sacræ tangendo pauimentum sanctificabant illud: & talis modus sanctificationis reperitur in lege, ut patet Leui. 6. de carnibus sacrificij pro peccato, scilicet: Quidquid tegerit carnes eius, sanctificabitur, si de sanguine illius vestis fuerit aspersus, lauabitur in loco Sancto. Vas autem fictile, in quo cocta est confringetur, quod si vas æneum fuerit defricabitur, & lauabitur aqua. Omnia autem ista fiunt, quia per tactum illius carnis sacræ sanctificabatur res tangens, & tamen hic erat maior contactus, scilicet, quod multi adipem, & carnes cremarentur super pauimentum. Ergo sanctificatum fuit pauimentum atrij per istum contactum. Alio modo potest intelligi, quod sanctificauit Salomon medium atrij, scilicet, intendebat ibi cremare carnes sacrificiorum, & ut digne ibi fieret, sanctificauit illam partem atrij faciendū in illam cœremonias aliquas, sicut in consecrationibus Ecclesiarum Episcopi, scilicet, quia illis expletis est Ecclesia sanctificata: & tunc dicendū, quod si aliquæ cœremonia circa hoc fierent, illæ fierent per summum sacerdotem, eo quod ista sunt officia sacræ, & sunt sacerdotalia, de quibus non se poterant introumittere reges quantumcumque sancti essent. Imo quanto magis sancti erant, tanto magis abstinebant ab illis cum essent contra legem. Dubium etiam est de cuius mandato carnes, & adipem sacrificiorum in pauimento atrij cremati sunt, cum istud esset extraordinarium. Nicolaus dicit, quod hoc non fieret villo modo sine mandato summi sacerdotis, quia erat quodammodo dispensatio in eis, quæ pertinebant ad legem. Et dicendum, quod de hoc non apparet tam manifestum, sicut de faciendū cœremonias sanctificationis, quia si aliquæ cœremonia fierent, necesse erat, ut illæ fierent per sacerdotem. Et tamen de mandato faciendū istam mutationem loci sacrificandi non apparet. Potest ergo dici, quod dupliciter potest intelligi. Vno modo, quod fieret hoc mandato summi sacerdotis, ad quem magis videbatur pertinere de iure declarare dubia legis, & quid obseruandum foret in casu dubio, quam ad aliquem alium: sicut nunc declaratio dubio.

Alph. Tost. super lib. Paralip. Pars 2.

Arum legis magis pertinet ad Papam, & Concilium generale, quam ad quemcumque hominum, eo quod Papa caput Ecclesiæ est, & Concilium generale representat vniuersalem Ecclesiā. Aliter potest dici, quod facta est ista declaratio per Salomonem, quia in veteri testamento ad sacerdotes non pertinebat declaratio dubiorum, sed magis ad prophetas: potissime in casibus, de quibus nullo modo prouisum erat à lege, sed potius videbatur esse contra legem, & quia Salomon videbatur quantum ad ea, quæ pertinebant ad templi ædificationem propheta, eo quod omnia de celo scripta descenderant ad Dauid. præced. lib. 28. cap. & postea Dauid tradidit Salomoni totam illam diuinā ordinationem: eodem capitulo: ideo quantum ad hoc potius videbatur propheta Salomon, quod quilibet alius de populo, vel quod aliquis de sacerdotibus, & potius ei credendum erat, quia agebatur hic de cœremoniis pertinentibus ad templum. Sic etiam patet sequenti capitulo dicitur, quod tam sacerdotes, quam Leuitæ ministrauerunt, sicut eis dixit Salomon, eo quod Salomon audierat illa, & acceperat à Dauid: & tamē modus ministrandi pertinet ad cœremonias legis. Et hoc conuenit hic literæ, scilicet, quod Salomon sanctificauit medium atrij: & non dicitur, quod summus sacerdos hoc fecit: Si quis tamen velit contradicere. scilicet, quod summus sacerdos hoc fecit, vel Salomon mādauit fieri ex determinatione, & dispensatione quodam modo summi sacerdotis, non est insistendū in contrariū: quia ista non habet firmā probationē per vnam, vel per alteram partem.

An causa posita fuerit conueniens de sacrificio.

Quæstio XXI.

QUÆRITUR Vltius, cum dicatur hic, quod Salomon sanctificauit medium atrij ad ponendum ibi carnes sacrificiorum, & adipem: an ista causa, quæ ponitur fuerit conueniens, & vera. scilicet, quod non poterat altare holocaustorum quod fecerat Salomon sustinere sacrificia: & ob hoc posita sunt quædam carnes in pauimento. Aliquis dicit, quod non videtur causa ista vera, quia si forte omnia ista animalia, quæ hic dicuntur immolata, fuissent immolata eadē die, non possent capi in altari holocaustorum, & oporteret poni in pauimento: & tamen fuerunt diuisa sacrificia ista per quindecim dies, ut declaratum fuit supra in quadā quæstione: ideo poterant capi omnia in altari holocaustorum. Item, quia si omnia ista animalia immolarentur in holocaustis, esset difficultas locandi carnes eorum in altari holocaustorum, quia omnes carnes cremandæ erant: & tamen erant ibi omnia ista sacrificia pacifica, ut declaratum fuit supra in quadā quæstione. & de pacificis raro offeruntur, nisi adipem: ideo et si multa sacrificia pacifica essent, possent capi in altari holocaustorum. Respondendū, quod non poterant capi omnes carnes, & adipem istorum animalium in altari holocaustorum: quia dato, quod diuiderentur sacrificia ista per viginti dies, & essent tot in vna die, sicut in alia, quotidie cremarentur mille & centum boues, & arietes sex millia, & diuidendo per quindecim dies essent in quolibet die boues mille & quingenti ferè, & arietes octomillia quodidie. Ideo dato, quod offerrentur soli adipem animalium cum tota pinguedine vitalium, erat difficilissimum, quod in altari holocaustorum caperentur adipem nouem millium & quingentorum animalium quasi simul. Item, quod magis est: quia licet sacrificia ista fuerint diuisa per dies: tamen non constat, quod diuisa fuerint æqualiter, sed fortē vno die offerrentur dupla plura, quam alio. quia erat maior sollemnitas, & tunc non videretur quomodo caperentur sacrificia in altari. Cum autem confirmatur, quod plurima istorum sacrificiorum erant pacifica.

O

Dicen-

Dicendū, q̄ multa de istis sacrificijs erant holocausta, & tñ in cōparatione ad tantā multitudinē pauca videbantur esse holocausta: & tñ dato, q̄ oīa essent pacifica sacrificia, nō videretur quō capi possent eodē die in altari holocaustorū plusq̄ decē millia sacrificia pacifica. Quia de sacrificijs pacificis qñ erāt boues, vel caprē, cremabantur in altari soli adipēs: qñ aut erant arietes cremabant adipēs, & tota cauda aīalis cū renibus. Leui. 3. Hic tñ erant plurima pacifica de arietibus, quia erant arietes centum viginti millia. Boues aut solum viginti duo millia: ideo cū adipibus multę carnes offerrentur ad cremandum. Et sic non videtur, q̄ in altari possent capi tot adipēs, & tot carnes aīalium: ideo istud verum est, q̄ non capiebantur in altari ipsa holocausta, & adipēs sacrificiorū. i. partes cremandę de pacificis, sicut litera dixit, & sic oportebat in pauimento cremari ista sacrificia. Sed adhuc dicitur, q̄ ista causa non erat sufficiens: quia licet vno die offerrentur tot animalia, quorum adipēs non possent capi in altari: tamen poterant teneri carnes, & adipēs istorum animalium, vt cremarentur alijs diebus sequentibus, quia de vna die ad alterum poterant teneri carnes sacrificij, licet non vsq; ad tertiam: Leui. 7. & 19. cap. Dicendum, q̄ hoc non stat, quia cū aliquod animal immolabatur, illico sanguis eius fundendus erat ad basim altaris, vel p̄ cornua eius & cremandus erat adeps, & partes carniū, quę Deo proueniebant, & non poterāt hęc differri ad aliquem diem. Cū autem dicitur, q̄ poterant differri ad secundum diem. Dicendū, q̄ hoc intelligitur quātum ad comestionem carniū sacrificiorū. i. q̄ si hostia pacifica p̄ gratiarum actionibus offerretur, poterāt carnes illius, quę proueniebant sacerdotibus, vel popularibus comedi eodem die, quo fiebant sacrificia, vel poterant reservari ad sequentem diem. Ad diem autem tertium non poterāt differri, quia quidquid differetur cremandum erat igne, vt patet ibidem: sed nihil dī de oblatione carniū, vel adipis aīalis immolati, quia ista videbantur illico debere cremari in altari. Sicut colligit Exo. 34. f. Non remanebit adeps solennitatis meę vsq; mane. i. in ipsa die, qua occiditur cremabitur: & Exo. 34. dicitur, nec residet mane de victima solennitatis meę. i. non manebit aliqua pars de victima solennitatis vsq; mane. f. dato, quod multę victimę fiant in die aliquius magnę solennitatis, non debet aliquid manere de hostia vsq; ad sequentē diē: ideo necesse erat, q̄ eodem die cremaretur: & sic si non caperentur in altari victimę eiusdem diei, nē expectaretur vsque mane, debebant cremari alibi, sicut in pauimento atrij.

An licitum esset hoc, scilicet, extra altare quadam in pauimento cremari. Quęst. XXII.

QV AERITVR vltorius, an licitum erat fieri hoc. f. q̄ pp multitudinem victimarum cremaretur quędam extra altare in pauimento, quę non poterant cremari in altari. Aliquis dicet, q̄ in casu, in quo propter multitudinē victimarū non poterant cremari oēs in altari, potius deberet cessari ab immolatione, & oblatione illarū, q̄ q̄ quędā in altari, & quędā extra altare cremarentur, quia locus constitutus ad cremandum sacrificia, & sacrificiorū adipēs erat altare. Cremare ergo aliquod sacrificiū extra altare malum erat, & tñ melius est cessari a bonis, q̄ facere mala. Iuxta illud ad Rom. 3. Non sunt facienda mala, vt bona eueniant. Quia quędam bona sunt, quę non sunt de necessitate salutis, & sic cessatio ab illis nō importat peccatum mortale. Quodlibet tñ malū mortale est cōtra salutem, & vitari illud est de necessitate salutis. Ideo cū offerre sacrificia spontanea non sit necessariū ad salutē, & offerre illa, atq; cremare extra altare sit con-

F tra salutem, melius erit cessare ab oblatione talium sacrificiorū, q̄ q̄ cremantur super altare quędam, & alia extra altare. Sicut si quis velleret offerre sacrificia, & non haberet sacerdotem in promptū, & ob hoc oporteret, q̄ ipse illa immolaret non existens sacerdos, vel q̄ cessaret ab oblatione illorum, melius erat nulla offerre, q̄ q̄ ipse vicem sacerdotis assumeret. Respondendum est, q̄ licitum fuit cremare sacrificiorum carnes, & adipēs in pauimento atrij: nam si non esset aliqua necessitas, ita quod victimę possent capi in altari, & velleret Salomon illas cremare in pauimento, esset peccatum: quia esset velle constituere duo loca sacrificij contra mandatum legis, vbi ponitur vnicum altare: & tamē cū non esset locus in altari ad cremandum victimas, quod cremarentur in pauimento licitum erat potius, quā quod cessaretur ab oblatione sacrificiorum. Sicut quędam cōceremonię leues dispensabiles erant circa ritus sacrificiorum potius, quā omnino cessaretur a ritu sacrificij. Sic pater de sacrificijs factis tempore Ezechie. Nam sacrificia offerre pertinet ad solos sacerdotes, & sic omnes cōceremonię sacrificiorum ad eos solos pertinent, scilicet, iugulare animalia, fundere sanguinem ad basim altaris, vel super cornua, decoriare animalia, abluere intestina, concidere carnes in frustra, & super altare ponere ad cremandum. Et tamen tempore Ezechie regis dispensatum est in quibusdam cōceremonijs istarum, nē cessaretur ab oblatione sacrificiorum. Nam erant pauci sacerdotes, ita vt non possent sufficere ad decoriandum animalia, & Leuitę adiuerunt eos in decoriatione aīalium, infra 29. cap. & tñ cōtra cōceremonias sacrificiorum erat, quod a Leuitis decoriarentur aīalia, & factum est, nē cessaret sacrificia. Ergo ita poterat fieri de crematione sacrificiorum quorundā in pauimento atrij extra altare, q̄ fieri poterat licitē, nē cessaret oblatio sacrificiorum. Declaratur hoc: quia tēpore Ezechie regis totus populus conuersus fuerat ad dñm: nam tpe regis Achaz patris eius declinauerat totus populus ad idolatriam: & clausę fuerant portę templi, nec fiebat aliquis cultus Dei. Cū autem cōcepit regnare Ezechias, voluit suscitare cultum Dei, & purgavit templū immundiciis idolorum, conuocauitq; totū populum ad hanc solēnitatem, & totus populus nimia deuotione ardens ppter nouam cōuersionem offerebat sacrificia multa. Sacerdotes aut pauci erāt, quia tempore Achaz nulli consecrati fuerant, cū totus diuinus cultus cessasset, ideo nunc non sufficiebant ad decoriandum animalia. Et si nōn liceret Leuitis adiuuare illos in decoriatione, oporteret cessare a multis sacrificijs, & ex hoc refugeret, vel impediretur deuotio populi, quia non poterāt facere opera deuotionis suę, scilicet, offerre animalia quotquot vellent: ideo visum est expedire magis, quod Leuitę reciperentur in ista cōceremonia sacerdotali adiuuando eos in decoriatione animalium, quā quod cessaretur ab immolatione multorum sacrificiorum, & teperceret feruor populi. Ita factū est nunc, q̄ cū magna festiuitas esset dedicationis templi, & totus populus afficeretur nimis ad celebrandum istam festiuitatem, cū dicitur in litera, q̄ ibant gaudentes, & letantes, volebant offerre sacrificia multa, sicut dicitur in litera, q̄ rex, & omnis populus immolabant victimas coram Domino. Et supra in litera dī, q̄ rex, & cētus oīs līraēl immolabant boues, & arietes absq; vilo numero coram arca. Nunc aut licet essent sacerdotes sufficientes ad faciendum oēs cōceremonias sacrificiorum, cū non erat locus sufficiens, in quo cremarentur sacrificia. f. q̄ non capiebantur in altari, ideo potius debuit fieri aliquo modo contra cōceremoniā sacrificiorum. i. quod cremaretur sacrificia extra altare, quā quod periret tanta deuotio populi, & nō posset offerre

offerre sacrificia quot vellent. Hoc autem permixtum est, quia in hoc non multum deuiabatur à ceremonijs sacrificiorum. Nam si forte sacrificia extra templum offerenda essent in agro, vel ab aliquibus, qui non essent sacerdotes, cremarentur carnes in altari, vel funderetur sanguis, non videretur permittendum hoc, sed potius videtur, quod cessandum foret ab oblatione sacrificiorum, quod extra locum sacrum offerentur, vel quod offerentur ab illo, qui non haberet potestatem talia faciendi. Et tamen in hoc modicum deuiatum est à ceremonijs sacrificiorum, quia preceptum de offerendo, & cremando sacrificia in altari holocaustorum erat, ut non offerrentur extra locum sacrum, cum prius consueuissent offerre victimas suas demonibus in agris, & ubicumque volebant. Et sic dixit Deus, quod quicumque vellet offerre victimam, portaret eam ad ostium tabernaculi, & nemo iam offerret victimas suas demonibus in agro. Leui. 17. c. Nunc autem cum cremarentur carnes sacrificiorum super pavementum atrij templi, cremabantur in loco sacro, & apud altare, & sic credebantur illae victimae crematae in altari. Considerandum ulterius, quod licet ista exorbitantia facta fuit nunc ex necessitate. scilicet offerrentur, & cremarentur carnes extra altare holocaustorum: tamen cessante ista necessitate non fuerunt carnes ibi crematae, sed cremabantur in altari: eo quod cessabat causa offerendi illa extra altare. Sic patet de sacrificijs oblatiis tpe Ezechiae, quae decorata sunt per Leuitas: quia tunc non erat copia sacerdotum, tamen postea existente copia illorum ipsi decorauerunt animalia, & non Leuitae, ut patet infra 29. in litera, cum dicitur. Sacerdotes autem erant pauci, & non poterant sufficere, ut pelles holocaustorum detraherent: unde Leuitae fratres eorum adiuerunt eos donec impleretur opus, & sanctificarentur antistites, & sic videtur, quod solum fuit illud adiutorium, dum durauit illa necessitas, scilicet occidendi animalia in festiuitate illa, & donec consecrarentur antistites, id est, sacerdotes, qui possent per se istud opus sufficienter facere.

An licitum esset cremari in altari holocaustorum.

Questio XXXIII.

QVAERITVR ulterius, cum nunc non caperetur sacrificia in altari, quod fecerat Salomon, an licitum esset cremari aliqua in altari holocaustorum, quod fecerat Moyses. Aliquis dicit, quod iam non manebat altare, quod fecerat Moyses, quia cum iam Salomon fecit templum, & vasa illius, cessauerunt vasa Tabernaculi Moysi, & sic cum fecisset Salomon altare novum, non manebat altare quod fecerat Moyses, ita ut possent ibi offerri sacrificia. Dicendum, quod istud altare quod fecerat Moyses manebat, quia licet Salomon fecisset aliud, non destruxit altare quod fecit Moyses. Et hoc patet, quia toto tpe, quo fabricabatur templum Salomonis, & vasa eius, manebat cultus domini in tabernaculo Moysi, quod erat in Gabaon, ut non cessaret aliquo tpe cultus domini. Et tamen precipuus cultus erat in sacrificijs, ideo semper erat usus sacrificiorum, & tamen non erat altare, in quo offerentur, nisi altare Moysi: ergo semper durauit altare Moysi quousque consummata fuerunt omnia vasa templi Salomonis, & cepit in eis ministrare: & tamen dies quo factum est hoc fuit prius quo portata fuit arca in templum: ergo nondum perierat altare Moysi, & sic poterant adhuc cremari in illo carnes sacrificiorum. Respondendum est, quod verum est, quod manebat altare illud seruatum in templo Salomonis, & potuisset in isto casu offerri in illo altari ex necessitate, & tamen non decuit, quod in eo cremarentur carnes nunc. Et dicit aliquis: cum essent nunc ista duo altaria in templo, scilicet, altare, quod se

A cerat Moyses, & altare quod fecerat nunc Salomon, cur non offerbantur sacrificia semper in eis: nam altare Salomonis consecratum erat ad offerendum sacrificia, quia nunc in eo oblata sunt: altare etiam Moysi consecratum erat ad hoc, quod toto tempore praecedenti cremata fuerant in eo sacrificia, ideo non erat aliqua nouitas, quod in eis offerrentur sacrificia, potissimum nunc ex necessitate ista. Dicenda sunt duo circa hoc. Primum est, quia non licebat iam regulariter in istis duobus altaribus simul offerri sacrificia. Secundum est, quod in isto casu necessitatis, licet licuisset offerri in ambobus simul, magis licuit offerri in altari Salomonis, & in pavimento atrij, quam quod in altaribus ambobus cremarentur sacrificia. Primum patet, quia lex iusserat, quod non offerrentur sacrificia, nisi ad ostium tabernaculi, & quod offerrentur in altari holocaustorum: Leui. 17. & quia Moyses posuerat vnicum altare: eodem capitulo, & Exo. 27. Non licebat poni duo altaria. Et dato, quod in ambobus vellent Israelitae Deo offerre sacrificia, non liceret: quia iam tunc viderentur colere multos deos, & sic fuit in introitu in terram Chanaan, cum duae tribus & dimidia fecerunt altare mirae magnitudinis apud tumulos Iordanis, & nouem tribus & dimidia audientes hoc parauerunt se ad pugnandum contra illas, & facta fuisset pugna, nisi excusauissent se duae tribus & dimidia dicentes, quod non fecissent altare ad sacrificandum, sed ad ponendum in signum. Iosue 22. cap. Ecce ergo, quod erat contra legem constituitur duo altaria. Ratio huius est, quia Iudaei erant proni ad idolatriam putando, quod erant multi dii: & hoc Deus voluit auferre per modum ceremoniarum. Et quia si essent multa templa, in quibus Deus coleretur, possent Israelitae putare, quod colebantur multi dii in templis, ideo factum est vnicum templum in toto Israel, ut putaretur vnus Deus. Sic etiam erat de altari holocaustorum, quia sacrificia offerebantur ad cultum Dei: & si multa altaria essent, etiam si in eodem templo omnia ponerentur, putarentur ad cultum diuersorum Deorum posita, quia sic erat consuetudo apud gentiles. Unde Romani sic fecerunt in templo, quod vocatur Pantheon, quod interpretatur omnium Deorum à Pan quod est omne, & Theon, quod est Deorum quasi omnium Deorum: & postea illud templum à Foca Caesare traditum est Christianis, ut consecraretur etiam in eo ad honorem omnium Sanctorum, sicut prius erat ad honorem omnium gentilium Deorum. Sic etiam erat apud Athenienses: nam cum Apostolus iuisset ad Ariopagum, reperit ibi in quodam loco altaria dedicata singulis diis, & in quolibet erat titulus denotans, cuius Dei esset altare illud: unde in quodam eorum reperit Apostolus scriptum, ara Deo ignoto: Act. 17. Et sic si essent multa altaria in templo Salomonis putarent Hebraei, quod erat ad cultum multorum Deorum, ideo ut non errarent, concessum est eis vnicum altare. Secundum dictum erat, quod in ista necessitate licebat cremari sacrificia in istis duobus altaribus. Et causa est, quia nunc erat necessitas offerendi, & cremandi sacrificia extra altare vnicum holocaustorum, eo quod non capiebantur omnia in altari illo, ideo quod cremarentur in altari alio, sicut cremata sunt in pavimento atrij non erat inconueniens. Dicendum tamen, quod erat conuenientius cremari carnes sacrificiorum in pavimento atrij, quam in altari holocaustorum quod fecerat Moyses. Primum quia dato, quod in istis duobus altaribus cremarentur sacrificia, adhuc non toleretur, quod aliqua cremarentur in pavimento, quia altare holocaustorum, quod fecerat Moyses, erat paruum, scilicet, cubitorum quinque latitudine, & totidem longitudine. Et sacrificia erant nunc multa, & non possent capi in ambobus altaribus:

ideo oportebat, quod adhuc cremarentur aliquæ carnes in pauimento: & sic fierent duæ exorbitantiæ. scilicet quod cremarentur carnes in duobus altaribus, & quod cremaretur in pauimento, & tamen poterat hoc suppleri per vnicam exorbitantiam. scilicet cremando carnes in pauimento: ideo ibi solum cremari debebant. Secundum erat, quia cremando carnes in pauimento apparebat manifestè, quod fiebat ex necessitate, cum non esset locus in altari, & sic cessante necessitate illa, quod in solo altari offerentur sacrificia. Si autem in duobus altaribus cremarentur sacrificia cum vtrumque consecratum esset, videretur non ex necessitate fieri, sed quod iure suo in vtroque cremarentur carnes, & sic quod possent offerri sacrificia ibi omni tempore. Tertium erat, quod putari posset, quod erant multi dii: nam multa altaria signabant multos Deos, & sic putarent, quod erant multi dii, quod erat inconueniens. Quod autem in pauimento cremarentur carnes, non signabat multitudinem Deorum, quia non cremabantur ibi carnes illæ, nisi ex defectu capacitatis altaris: ideo conuenientius fuit, quod cremarentur carnes in pauimento atrij, quam in altaribus duobus.

Quomodo se habuerunt circa solennitatem, & dedicationem.
Questio XXXIII.

QVAERITVR Vterius circa solennitatē istā, de qua dicitur ex dedicatione, quomodo se habuerunt. Respondendum, quod Salomon conuocauit populum ad solennitatem istam portationis arcæ, & durauit quindecim diebus. Cæpit autem die octauo mensis septimi inclusiue, & finita est festiuitas die vicesimo secundo, qui fuit dies cætus, & collectæ, & die vicesimo tertio recessit populus in Tabernacula sua. Sciendum tamen, quod non steterunt Israelitæ toto isto tempore in Ierusalem occasione dedicationis templi, sed solis septem diebus, & alijs septem diebus steterunt propter festum Tabernaculorum. Nam venerunt die septima mensis septimi, & die octaua inchoatum est festum dedicationis, & durauit septem diebus vsque ad diem quartumdecimum inclusiue, & in die quintodecimo cæpit solennitas Tabernaculorum, & durauit alijs septem diebus vsque ad diem vicesimumsecundum inclusiue. Et patet hoc. 3. Reg. 8. vbi dicit. Fecit Salomon in die illo festiuitatem celebrem septē diebus, & alijs septem diebus, & die octauo dimisit populos. Ecce apparet, quod durauit solennitas quatuordecim diebus inclusiue, & die quintodecimo recessit populus. Quod autem primus dies celebrationis huius fuerit dies octauus mensis septimi patet, quia die vicesimo tertio recessit populus in Tabernacula sua, ideo auferendo quindecim dies, manet dies octauus, in quo incepit necessariò ista solennitas. Quod autem esset festum Tabernaculorum, quod nunc celebratum est cum dedicatione templi, patet: quia dicitur, quod celebravit solennitatem septem diebus: & tamen solennitas in mense septimo nulla erat, quæ duraret septem diebus nisi solennitas Tabernaculorum. Item, quia dicitur, quod finita fuit festiuitas vicesimo secundo die, & vicesimo tertio redierunt in tabernacula sua: & istud cõpetebat festo tabernaculorum quod incepit die quintodecimo mensis, & finitur die vicesimo secundo. Item, quia dicitur, quod die octauo fecit collectā: & tamen nullum festum erat, in quo fieret collecta in mense septimo, nisi post festum Tabernaculorum: imò nec legitur in toto anno festum aliquod, in quo collecta fieret, nisi istud, vt patet Leui. 32. c. & Deut. 16. Quod autem festum dedicationis templi, & festum Tabernaculorum distincta essent, patet: quia dicitur. 3. Re. 8. Fecit Salomō festiuitatē celebrem septem diebus, & alijs septē diebus. id est quatuordecim, & sic fecit

F distinctionem inter septem dies primos, & secundos, quia aliàs dixisset quatuordecim dies non faciens distinctionē. Item patet hoc in litera, quia dicitur, quod Salomō dedicauit altare septē diebus, & celebravit solennitatem septē diebus, ergo nō pertinebat totum tempus istud ad solennitatē dedicationis. In primis autem septē diebus pertinentibus ad dedicationē intercedit festum propitiacionis, quod fiebat mense septimo die decima mensis, cuius ceremoniæ ponuntur Leui. 16. & 23. & 29. illo. n. die introibat summus sacerdos in Sancta Sanctorum: Leui. 16. ad Hebr. 9. & tamen cõputabatur cum festo dedicationis, eo quod vna die tamen durabat, & facta sunt tunc sacrificia, quæ illa dies ex necessitate exigebat, & sacrificia spontanea ad solennitatem dedicationis. Festum autem Tabernaculorum computatur per se, eo quod in illis diebus iam non manebant Israelitæ propter dedicationē templi, sed propter festiuitatem Tabernaculorum.

Quare Israelitæ tantum manserunt in dedicatione templi.
Questio XXXV.

QVAERITVR Vterius, quare Israelitæ tanto tempore manserunt in Ierusalem in dedicatione templi. scilicet quindecim diebus: Dicendum, quod nunc facta sunt duo. scilicet solennitas dedicationis, & festum Tabernaculorum, & durauit dedicatio septem diebus, & solennitas Tabernaculorum totidem diebus, & si non euenisset festum tabernaculorum tempore dedicationis, non mansissent tanto tpe in Ierusalem. Erat namque præceptum legis, quod tribus vicibus per annum in tribus solennitatibus. scilicet Phasæ, & Pentecoste, & Tabernaculorum venirent omnes masculi de Israel in locum sanctuarij: Exo. 23. & 34. ideo cum nunc tempore dedicationis templi occurrisset festum Tabernaculorum, manserunt Israelitæ in Ierusalem ad celebrandum festiuitatem illam, & non mansissent aliàs tanto tempore ibi. Et hoc innuitur in litera hic, cum dicitur, quod celebravit Salomon dedicationem templi septem diebus, & festiuitatem, scilicet, Tabernaculorum septem diebus: solum ergo manserunt septem diebus propter dedicationem templi. Considerandum etiam, quod fortè non mansissent septē diebus ad dedicationē illā, nisi propter festum Tabernaculorum, sed terminata fuisset in duobus, vel tribus, sicut quoniam Dauid portauit arcam de domo Obededō in domum suā: nam magnam festiuitatem fecit. 2. Reg. 6. & præc. lib. 15. Et tamen non legitur durasse, nisi vna die. scilicet in qua posita est arca in ipsa domo Dauid, vt patet ibid. scilicet quia quoniam cæpit dedicatio templi erat festum Tabernaculorum in propinquo. scilicet post septem dies, & in tempore intermedio non poterant Israelitæ reuerti in loca sua, & postea redire in Ierusalem: manserunt in Ierusalem celebrantes festiuitatem dedicationis illis septem diebus, die autem quintodecimo cæpit festum Tabernaculorum, & iam non fiebat festum dedicationis.

Quomodo Salomon fecit collectam die octauo.
Questio XXXVI.

QVAERITVR Vterius, quomodo dicitur hic, quod Salomon fecit die octauo collectam, eo quod septem diebus dedicasset altare; nunquid dedicatio altaris importabat secum diem collectæ. Respondendum circa hoc, quod dies collectæ vocatur dies, in quo congregabatur populus ad hoc, quod ab omnibus congregatis peteretur pecunia pro templo pro necessitate sacrificiorum, & aliarum expensarum, & vocatur dies cætus, & collectæ: Leui. 23. & Deuterion. 16. quia cætus, id est populus congregabatur, vt ab omnibus congregatis peteretur, & colligeretur pecunia. Ite

De festo Tabernaculi. Iste dies collectarum erat in fine festi Tabernaculorum: A nam per septem dies celebrabatur festum, & die octaua cōgregabatur populus, & colligebatur pecunia ab omnibus, & ipso die recedebant de sanctuario, & non legitur, quod in alia solēnitate anni fieret collecta, nisi in festo Tabernaculorum: & ratio huius est propter maiorem multitudinem plebis confluentis: quia, vt multi putant, licet esset de necessitate legis, quod omne masculinum de Israelitis ter in anno ascenderet in sanctuariū: & tamen dispensabatur in duabus vicibus, ita vt in vna omnes venirent, scilicet, die Tabernaculorum: & sic cū plures conuenirent nunc, quā alio tempore, conuenientius poterat fieri nunc collecta, quā alio tempore. Etiam propter hoc iubebat Deus in isto festo legi Deutero. coram toto populo in anno remissionis, & non in alio festo, vt patet Deut. 31. cap. Cū autem dicitur hic, quod facta est collecta die octauo, quia dedicatū est altare septem diebus. Dicendum, quod dedicatio altaris, & templi nihil pertinebat ad collectam: nam dato, quod facta fuisset dedicatio ista per septem dies, vel plures, aut pauciores, si non fuisset simul festum Tabernaculorum, nō fuisset collecta aliqua, quia tamen erat statutum in lege, quod finita solennitate Tabernaculorum, die sequenti, scilicet octauo fieret collecta. Leui. 23. cap. & Deut. 16. Nunc autem fuit festum Tabernaculorum: ideo collecta facta est. Et patet, quia dicitur in litera, q̄ celebrauerat solennitatem septem diebus. s. solennitatem Tabernaculorum. Et cū dicitur, quod die octauo fecit collectam, quia dedicauerat altare septē diebus. & celebrasset solennitatem septem diebus. Dicendū, quod non ponitur totum hoc ad reddendum causam dicti: sed ad notādum ordinem facti, quia s̄m veritatem sic fuit, q̄ septem diebus primis fuit dedicatio templi, & septem diebus sequentibus fuit festum Tabernaculorum, & die octauo post fuit collecta: & tñ non fuit totum hoc causa collecte, sed solū solēnitas Tabernaculorū. Et talis modus loquendi frequentatus est in scriptura, & in vulgari, & tñ cogit nos errare, q̄a nescimus quid est causa, & accipimus non causā pro causa.

Apparuit autem ei Dominus nocte, & ait: Audiui orationem tuam, & elegi locum istum mihi in domum sacrificij.

Salomo. cap. I. Apparuit. Hic ponitur secundum principale huius Salomonis admonitio, scilicet, quod cū oratio templi, apparuit Deus Salomoni, & respondit orationem suam exauditam esse, & admonuit eum quid facere deberet, & quid cauere ad hoc, quod perpetuaretur regnum, & templum, & dicitur. Apparuit autem ei Dominus nocte. Scilicet, in somnis apparuit Salomoni, & reuelauit ea, quæ habentur hic. Et ait, audiui orationem tuam. Id est, exaudiui: nam de auditione non erat dubium, quia accipiēdo audire largē eo modo quo Deus dicitur audire: non solū audit orationem bonorū, sed etiam malorum, & omnia, quæ dicuntur, cū oīa intelligat: sed exaudiuit orationem istam cōcedendo petita. Et elegi domum istam mihi in domum sacrificij. Istud ponitur, quia præcipuum quod Salomō petebat erat, quod Deus haberet istam domum ædificatam ad honorem suum acceptam sibi, & exaudiret orationes in ea factas, & Deus dixit, q̄ acceptauerat domum istam in domum sacrificij, scilicet, vt in ea fieret ei sacrificiū, & non est intelligendum, quod solum acceptauerat eam in domum sacrificij, quia etiam acceptauerat pro alijs ministerijs. Sed cur hoc dicatur declarabitur infra in quadam quæstione.

Alph. Tost. super lib. Paralip. Pars 2.

Si clausero celum, & pluuia non fluxerit, & mandauero, & præcepero locustæ, vt deuoret terram, & misero pestilentiam in populum meum: cōuersus autem populus meus, super quos inuocatum est nomē meum, deprecatus me fuerit, & exquisierit faciē meā, & egerit penitentiam à vijs suis pessimis: & ego exaudiam de cēlo, & propitius ero peccatis eorum, & sanabo terram eorum. Oculi quoq; mei erunt aperti, & aures meæ erectæ ad orationem eius, qui in loco isto orauerit. Elegi. n. & sanctificaui locum istū, vt sit nomen meū ibi in sempiternū, & permaneant oculi mei, & cor meum ibi cunctis diebus. Tu quoq; si ambulaueris corā me, sicut ambulauit Dauid pater tu⁹, & feceris iuxta oīa, quæ præcepi tibi, & iustitias meas, iudiciaq; seruaueris: suscitabo thronū regni tui, sicut pollicitus sum Dauid patri tuo, dicens: Non auferetur de stirpe tua vir, q̄ non sit princeps in Israel. Si autē auersi fueritis, & dereliqueritis iustitias meas, & præcepta mea, q̄ proposui vobis, & abeuntes serueritis dijs alienis, & adoraueritis eos: euellam vos de terra mea, quam dedi vobis: & domum hanc quā sanctificaui nomini meo projiciam à facie mea, & tradam eam in parabolā, & in exemplum cunctis populis. Et domus ista erit in prouerbiū vniuersis transeuntibus, & dicent stupentes: Quare fecit Dñs sic terræ huic, & domui huic? Respōdebuntq; q̄a dereliquerūt Dñm Deum patrum suorū, q̄ eduxit eos de terra Aegypti, & apprehēderūt Deos alienos, & adorauerunt eos, & coluerūt: idcirco venerunt super eos vniuersa hæc mala.

Si clausero celum. Hic ponitur respōsio ad petitiones in particulari licet non ad omnes, & ponitur respōsio eo ordine, quo Salomon petiuerat: nam primò Salomon petiuerat, q̄ domus ista esset Deo accepta, vt aperiret oculos suos super eam nocte, & die, & ad hoc responderet hic Deus, q̄ elegit locū istū in domū sacrificij, & nullum alium locum elegit de toto Israel. præced. c. deinde respōdet ad alias particulares petitiones. Et prima illarum erat. s. q̄ Deus exaudiret Israelitas dādo eis pluias, qñ celum clauderetur ppter peccata eorum: & ad hoc respōdet hic Deus, & responsū simul ferē ad oēs. s. q̄ in oībus exaudiret qñcunque Israelitē rectē conuerterentur ad eum, aliās non: & dñs, si clausero celum, est modus metaphoricus loquendi ad signādum prohibitionem pluuiarum: nam celum non pōt claudi, nec aperiri: quid tñ p talem modum loquendi importetur, declaratum est præced. cap. Et pluuia non fluxerit. Quia signatur, q̄ pluuia sit inclusa in cēlo, sequetur, q̄ nunq̄ fluat, nisi qñ celum aperiatur, & quia dñs in ista, q̄ Deus clauderet celum: sequetur, q̄ pluuia nō fluere.

Et mandauero, & precepero locustas, vt deuoret terram. Istud pertinet ad tertiam petitionem. s. fames si oborta, vt patet preced. ca. Nam illa, q̄ ponitur supra. s. si clauso celo. Est et in ordine inter illas, quæ ponuntur preced. ca. Nam de prima particulari petitione. s. si superatus fuerit populus tuus, nō fit hic mentio: sed subintelligitur, sicut aliquæ aliæ petitiones, q̄ subtrahuntur hic, & dicitur mandauero, & precepero locustas, vt deuoret terram. Ista idē signant, sed duplicatur verbū ad signandū magnam intentionē Dei, vt cōpleatur opus. Sicut fuit de duplici somnio Pharaonis, quod vnā rē signabat, & tñ fuerunt duo somnia similia: vnū fuit de spicis septem, & aliud de septē vaccis: & dixit Ioseph interpretando: Somniū regis vnum est, q̄ aut vidisti secundo ad eandem rem pertinet: somniū firmitatis indicium est, eo q̄ fiat sermo Dei, & velocius cōpleatur. Gen. 41. ita nūc, q̄ ponatur bis eadem res, ponitur, vt signetur attentio magna iubētis, & q̄ res fiat, vel possunt ista accipi pro diuersis: nam mandare est mittere, præcipere est iubere, vt si dicatur, q̄ Deus misit locustā in terrā, & iubet ei, q̄ deuoret terrā. Dicitur autē Deus mittere locustā, & iubere ei: non quidem q̄ verē ei iubeat, q̄ ad præceptū requiritur, q̄ recipiens præceptū intelligat id quod sibi dicitur. Locusta autē nihil intelligit, cū sit brutum, ideo nihil sibi mādatur: sed dicitur Deus mandare aliquid rebus inanimatis, quia licet Deus non mādēt, faciunt ipse qd̄ Deus vult, vt patet de ventis, & alijs inanimatis: Psal. 148. Ignis, grando, nix, glacies, & spiritus procellarū, q̄ faciunt verbū eius. s. q̄ mouentur ad voluntatē eius. Quō autē moueantur inanimata ad voluntatem Dei, declarabitur infra in quadā quæst. Dicitur locusta deuorare terrā, quia deuorat oēs fructus terre, quando venit super terram. *Et misero pestilentiam in populum meum.* Ista est petitio tertia coincidens cū præced. quia ibi ponuntur multa mala simul. Et vocatur pestilentia ista plaga de celo, qua homines tam cito moriuntur. Vel est infectio aeris, q̄ Deus causat in pēna hominum. *Conuersus autem populus meus.* s. dolens de peccato suo, & confitens, q̄ ppter me venerit malū istud eis. s. quia recesserunt à me. *Super quos inuocatum est nomen meum.* Dicitur nomen Dei inuocatum super aliquos, in quantum aliqui vocant se seruos alicuius. Et quia Israelitē vocabant se cultores Dei, dicebatur nomē Dei super illos inuocatū. *Deprecatus me fuerit.* s. p cessatione pestis. *Et exquisierit faciem meam.* Deus nō habet faciem ita, vt quis possit faciem eius, aut posteriora inquirere. Sed dicitur quis exquirere faciē Dei. i. venire ante eū. Et licet Deus sit in omni loco, speciali quodam modo erat in templo, quia ibi erat super arē in ppitiatorio super alas Cherubim, & ibi respondebat sacerdoti magno consulenti eum, sicut qñ erat arca in tabernaculo Moyse, qñ docunq; Moyses dubitaret super aliquo ingrediebatur in Sancta Sanctorum, & audiebat vocem respondentis sibi de ppitiatorio inter alas Cherubim. Nu. 17. c. Ideo qñ aliquis veniret ad templū, dicebatur exquirere faciē eius, quia veniebat ad cōparendū corā eo, & sic Deus sæpe loquitur, vt patet Exo. 23. & 34. & Deut. 16. s. ter in anno apparebit omne masculinū tñ coram me, & istud apparere erat venire in sanctuariū. *Et egerit penitentiam à vijs suis pessimis.* s. propter peccata populi Deus inflixerat ei mala, quæ eueniebāt: ad hoc ergo, q̄ illa cessarent necesse erat, q̄ ageret populus penitentia à vijs suis malis. s. recedēdo à peccatis, & detestando ea, & affligendo se, quia cōmisit illa. *Et ego exaudiam de celo.* s. faciendo cessare plagam pestis, & oēs alias plagas, p quarū cessatione orauerint. Et dī exaudiā de celo, quia licet Deus vbique sit, specialissimē dī esse in celo, & ibi dī habitare: sic. n. orabat Salomon præc. c. s. Exaudi de celo firmissimo habitaculo tuo orationē, q̄ orat seruus tu⁹ in loco isto. *Et propitius ero peccatis eorū.*

F miserebor eis. Et dī, ppitius ero peccatis eorū. i. eis peccantibus, quia Deus non ppitiatur peccato, sed homini peccatori: nam nō potest ppitiatio fieri peccato, cū non sit susceptiuū peccatum alicuius boni, vel mali, cū non sit ens. *Et sanabo terrā eorū.* s. à pestilentia, q̄ immisero, vel à locusta, vel defectu pluuiarum, vel quocunq; malo quod inferā, quia oēs istę plage reddunt terram quasi infirmā, vel egrotantē auferēdo fertilitatē eius, vel salutem habitantiū in ea. *Oculi enim mei erunt aperti, & aures meę erectę.* Non habet Deus oculos, quos aperiat, nec aures quas erigat, cū sit purus spiritus incorporeus. Sed ponuntur hæc mō vulgari ad signandū attentionem Dei circa orationes, q̄ fundebātur in templo illo: nam sicut ille, q̄ circa aliq̄ rem attentus est, circa illam oculos aperit, & aures erigit, nē pereat: ita Deus dī oculos aperire, & aures erigere, quia diligēter exaudit orationes nostras deuotē ad eum iūtas. *Ad orationem eius, qui in loco isto orauerit.* s. quicūq; sit ille, q̄ in loco isto orauerit et si sit peregrinus, & gentilis si deuotē orauerit Deus exaudiet eū, & sic petiuerat Salomō à Deo preced. ca. *Elegi enim, & sanctificauī locum istum.* Redditur causa precedētū. s. quia dixerat Deus, q̄ exaudiret oēs orantes in loco isto: & dī, q̄ hoc est, quia Deus elegerat locum illum, & sanctificauerat eū: eligere est, quia istum præ alijs voluit: sanctificare est, quia istū locū ad hoc opus sanctum designauit. *Vt sit nomen meum ibi in sempiternum.* s. vt inuocetur nomen meū in domo ista, & dicatur, Deus habitabat hic. Etiam orantes inuocēt nomē meum hic in orōnibus suis: & hoc in sempiternum. i. semper, vel ad magnum tempus, quō aut fuerit hoc in sempiternū declaratū est preced. ca. in quadam quæst. *Et permaneant oculi mei, & cor meum ibi.* Totum est metaphora, quia De⁹, nec oculos, nec cor habet, quia ista sunt membra animalis. Sed dicuntur manere oculi dñi super domū illam ad signandū, q̄ diligēs valde est attendēdo quis ibi oret, vt exaudiat eū. Cor Dei dī ibi manere in quantum afficitur ad oēs ibi orantes. Cor. n. signat voluntatem fm nostrum modum loquendi vulgare. Et sic cor Dei dī esse circa illud, quod Deus vult, & quia Deus signat se diligere, & velle cōdescendere oibus orātibz in loco illo, dī cor suū esse circa locum illum. *Cunctis diebus.* Ad signandū perpetuitatē, & verē sic fuisset et tpe noui testamenti, si Iudei nō peccassent tam grauiter contra Deū, quia tñ peccauerunt oīa cētauerunt. *Tu quoque.* Supra Deus admonuit Salomonē quantū ad id, qd̄ pertinebat ad templū. s. q̄ exaudirent oēs orantes ibi. Hic autē redit ad monendum Salomonem quantū ad ea, q̄ p̄tinent ad statum suū, & istud ponitur hic, quia et Salomon petiuerat in orōne sua, q̄ cōpleret Deus id qd̄ p̄miserat Dauid de stabilitate regni, q̄ cōtinuaretur in posteris eius, & Deus responderet hic sub cōditione, dicens. *Tu quoque si ambulaueris coram me, sicut ambulauit Dauid pater tuus.* Dicitur aliquis ambulare coram dño, si in præceptis eius ambulat, quia p illā viam ambulat, qua Deus ire iubet. Sicut dixit Deus ad Abraham. Abraham ambula coram me, & esto perfectus. Et dicitur, sicut ambulauit pater tuus. s. quia ille ambulauit in oibus iuxta voluntatē Dei: vnde ille dixit: inueni virū iuxta cor meū. 1. Re. 13. & Psal. 88. Et hoc, quia Dauid nō peccauit, vt scriptura dicit, nisi in facto Vriæ: & Bethsabee, vt patet 3. Reg. 15. Si nō declinauit oibus diebus suis à vijs meis excepto sermone Vriæ: & tñ dato, q̄ aliquñ peccasset, vt in illo, & in quibudā alijs paruis: erat tñ valde affectus ad cultū Dei: ita vt oīa ne gligeret, vt Deum colere posset, & totū se ad hoc impendebat. In tantum, quod coram arca domini suā deportabatur de domo Obededon in domum suā depositis vestibus regalibus saltabat totis viribus, ita vt Michol vxor sua videns eū per fenestrā dom⁹, despiceret eū in corde suo, & diceret ei: quantum glorificatus fuit

Ambula-
re coram
Domino.

fuit hodie rex Israel nudans se ante oculos seruorum, & nudatus est quasi si nudetur vnus de scurris. 2. Re. 6. Et feceris iuxta omnia, quae precepi tibi. i. impleueris totam legem Moyfi, quae data est tibi in preceptum, & cuilibet de populo Israel. Vel dicitur, q̄ precepi tibi, quia forte Deus locutus fuerat p̄ prophetā aliquē Salomoni aliquid q̄ facere deberet. Specialiter vltra contenta in lege Moyfi. Et iustitias meas iudiciaq̄, mea seruaueris. In lege erant tria genera preceptorū. i. moralia, ceremonialia, iudicialia, & ista poterant signari hic per hoc quod dī, quē precepi tibi, & iustitias, & iudicia, p̄ p̄cepta intelliguntur moralia, q̄ sunt p̄cepta p̄ excellentiā: iudicia vocantur p̄cepta iudicialia, quibus iudicat in causis foralibus, quia Deus posuerat tales leges inter Hebræos, vt patet Exo. 21. vsq; ad 24. & sepe in Deutero. iustitię vocantur p̄cepta ceremonialia, q̄ iustificabāt hominem legaliter: oīa ista seruaturus erat Salomon: & tunc esset Deo acceptus, q̄ totam legē compleret. *Suscitabo thronum regni tui. i. suscitabo illud ad hoc, q̄ maneat in semperiternū. Sicut pollicitus sum David patri tuo. i. sicut p̄missi: ista promissio habetur. 2. Reg. 7. & preced. lib. 17. cap. Et est quē sequitur. i. non auferretur de stirpe tua vir, q̄ sit princeps super Israel. Ista fuit specialis promissio. Nam q̄n fuit regnum datū Sauli, non fuit sic factum. Nam ei soli datum est: posterī aut̄ sui non successerūt in regno. Deus autē promisit David, q̄ non solū ipse, sed et filij eius post eum regnarent, & q̄ nō auferretur de stirpe David vir, q̄ regnaret in Israel. Non reperitur ista promissio facta sic sub istis verbis, nec sub alijs sibi expresse equipollentibus, quia. 2. Reg. 7. & p̄ced. lib. 17. nihil tale ponit: & t̄n ibi habetur ista promissio. Deus autem facit mētionē, quia talis promissio facta fuerit hic: Salomon etiam dixit hanc promissionem factam fuisse patri suo, & orabat illam impleri p̄ced. ca. Est tamen aliquid quod pōt assimilari huic, quia. 2. Reg. 7. & p̄ced. lib. 17. cap. dī: Misericordiam aut̄ meā non auferam ab eo: & hoc intelligitur de filijs David, q̄ nō auferretur ab eis misericordia Dñi. i. regnū. Et hoc pōt hic signare litera, dicens: non auferretur de stirpe tua vir, qui sit princeps in Israel: & istud ē non fuit seruatum, quia promisit Deus sub conditione. i. si filij Salomonis custodirent legem eius, & t̄n non custodierūt, ideo non māsit regnū penes eos semper, sed diuisum est, & quedā pars mansit filijs David, alia pars data fuit alijs, de quo declaratum fuit p̄ced. c. in quadam quæst. Si autem auersi fueritis. i. si auersi fueritis a me non custodiendo legem meam. Ponuntur hic mala, q̄ Deus illatus erat filijs, & posteris David si non custodirent legem Dñi. Nam ista promissio erat conditionalis. i. q̄ si boni essent posterī David, Deus ei concederet bona. Hic ponitur si mali essent, q̄ mala infligerentur. Et de reliqueritis iustitias meas, & p̄cepta mea. Refertur istud ad posteros David, & etiā ad populum subiectum eis, quia hic ponuntur mala in desolatione templi, & destructione regni, & pars istorū malorū v̄tura erat p̄p mala regnicolarū, & alia p̄p mala filiorū, & posterorū David, & quia p̄ custodia legis oīa ista mantura erāt in statu prospero, & p̄p recessum ab illa peritura erant: ponuntur hic illa, q̄ continentur in lege. i. p̄cepta, & iustitię. Et per ista duo intelliguntur oīa p̄cepta legis, sicut aliqui intelliguntur per tria. Et necesse est, q̄ intelligantur hic per p̄cepta ipla p̄cepta moralia, sicut sunt p̄cepta decalogi, & alia similia: etiam intelliguntur p̄cepta ceremonialia: & per iustitias intelliguntur p̄cepta iudicialia, q̄ sunt ad iustē cōicandū inter proximum, vel ad iustitiam faciendū de negotijs, quæ in intentionē venerint, quia per ista p̄cepta iudicabāt duo intelliguntur duo genera preceptorum solū. Dicendum, q̄ non stat, quia ad custodiam legis non solū*

Alph. Tost. super lib. Paralip. Pars 2.

A requirebatur custodia duorū modorū p̄cepti cū lex contineat tria genera p̄cepti, & soluēdo quodcunq; p̄ceptum soluitur lex, quia qui peccat in vno factus est omnīū reus, ideo ad perfectam custodiam legis requiritur custodia trium generum p̄ceptorū, & ad recessum, vel priuationem legis sufficit in quocunq; genere trium p̄ceptorū errare. Si autem dicat aliquis, q̄ non oportet, q̄ intelligatur hic, nisi duo genera p̄ceptorum, quē ponuntur hic in litera, q̄a hic non agitur de legis custodia, sed de priuatione eius. Ad custodiā aut̄ eius requiritur, q̄ custodiant oīa tria genera p̄ceptorum, eo q̄ bonū sit ex causa integra. i. ex concursu oīum circumstātiarū particulariū. Ad priuationē autē legis, etiā si non sit priuatio in oībus tribus generibus p̄ceptorum, sufficiens p̄uaricatio est, q̄ malū sit ex causa deficiente, siue ex defectibus particularib⁹, vt ait Dion. & tangit Arist. Ethic. Tunc ergo si p̄ ista duo hic posita non intelligerentur oīa tria p̄cepta legis, sed duo, aut intelligerentur disunctiue, vel copulatiue. Si dicas, q̄ copulatiue. i. q̄ ad p̄uaricationē legis requiritur transgressio istorū duorum. i. iustitiarū, & p̄ceptorū: & non requiritur transgressio aliorū, falsum est, q̄ ad transgressionē legis sufficiens est, q̄ fiat trāsgressio in vnico, & nō ponerentur ista duo. Si autē ponantur disunctiue. i. q̄ ad transgressionē legis requiritur alterum istorum. i. iustitiarum, vel p̄ceptorum, & nō aliorū, deberet et̄ poni tertium genus p̄ceptorum: quia nō solū ex priuatione alicuius istorum duorum fit trāsgressio legis, sed et̄ ex transgressionē alterius tertii generis p̄ceptorum: ideo debet dici, q̄ quomodocūq; intelligatur, necesse est, q̄ p̄ ista duo intelligantur tria genera p̄ceptorum, sicut aliqui p̄ vnum nomē intelliguntur tria genera p̄ceptorum, & aliqui per tria nomina intelliguntur ista tria genera p̄ceptorum legis. *Quae p̄posui vobis. i. quē in lege p̄posui vobis, & patrib⁹ vestris: nam licet patrib⁹ istorum data fuisset lex, obligabat istos, & oēs posteros suos. Et abeuntes seruiertis dijs alienis. i. recedētes a me iueritis ad Deos alienos ad seruiendum eis, vocantur dii alieni dii gentium, q̄ fm veritatem non sunt dii, & istud nomen alienus est nomē distrahēs, vel diminuēs, sicut mortuus, vel pictus, quia homo mortuus, vel pictus non est homo: ita dicendo Deos alienos dicimus Deos non existentes, sed qui vocantur dii, & dicuntur dii alieni, quia apud alienos, scilicet apud gentiles reputantur dii. Et dī, seruiertis eis. i. p̄stituendo eis templa, & erigendo altaria, & offerendo sacrificia, faciēdoq; alias ceremonias cultus. *Euellam vos de terra mea. i. eradicabo vos de terra hac, faciēdo q̄ ducamini in alias gentes, & ista terra ab alijs habitetur. Ista erat pena vltima, quam Deus Israelitis infligebat, scilicet, quod cū essent iā incorrigibiles perueuerantes semper in adoratione idolorum, De⁹ tradebat eos in manus hostium, qui eos transferrebant de terra Chanaan, captiuos ducentes in regiones longinquas. Sic fuit quātum ad decem tribus regni Israel, quarum peccata cū essēt insanabilia, tradidit illas Deus cum rege suo Olee in manus Assyriorum, & traditæ sunt in captiuitatem æternam: nam vsque hodie manent in terra Persarum, & Medorum. 4. Reg. 17. Sic etiam fuit de duabus tribubus regni Iuda, quas dedit Deus in potestatem Chaldaeorum, cū peccata eorum multa essent, & manserūt captiue in Babylone annis septuaginta. Iere. 25. & interim fuit tota terra eorum deserta. Iterum etiam istæ duæ tribus traditæ sunt in captiuitatem æternam. Nam cū peccassent grauissimē in morte Saluatoris nostri, tradidit Deus illos in manus Romanorum, & dispersi sunt in æternum non reddituri in terram illam: & dixit Deus istam terram esse suam, quia ipse eripuerat eam de manu Chanaanorū, & non poterant dicere Iudæi, quod esset terra ipiorū,**

O 4 quia

quia ipsi occiderant Chanaanæos, & expulerant eos de terra. Nam terra illa non fuerat acquisita viribus Israelitarum, sed miraculis diuinis, sicut apparet in omnibus bellis, quæ fecerunt, quoniam Deus ostendebat miracula, ut patet legendo historiam libri Iosue, & iudicum, & librorum Moyse ab exitu de Aegypto, in quibus habetur de acquisitione terrarum illarum de manu hostium, & fere in omnibus bellis ponuntur prænuntiationes Dei de victorijs, & aliqua miracula: & quia Deus tenebat in suam specialiter terram istam, non cõcedebat Iudæis in ea facere, sicut dominis, sed sicut colonis, scilicet, quod dominus potest vendere rem, vel alienare quomodocunque, quia sui iuris est. Colonius autem non habet ius, nisi in fructibus: de substantia autem rei nihil tangere potest: ita erat inter Hebræos, quod non poterant vendere possessiones suas immobiles, sed concedebat eis Deus, quod possent vendere terras ad tempus, quod erat magis locare fructus, quam vendere substantiam rei, sicut dicitur Leui. 25. scilicet, Terra quoque non vendetur iure perpetuo, quia mea est, & vos coloni mei estis. *Quam dedi vobis.* Scilicet, non tanquam dominis donando, quia per donationem transfertur dominium: sed dando precario ad tempus placitum mihi, & dando ad certum usum, scilicet, ut habeatis fructus eius, & tamen, ut non possitis vendere, nec alienare in perpetuum. *Et domum hanc, quam edificavi nomini meo, projiciam à facie mea.* Dicitur Deus edificasse domum illam, scilicet, quia iusserat quod edificaretur sibi, & dicitur projiciam à facie mea, id est, habebam illam exosam tanquam nollem ipsam videre. *Et tradam eam in parabolam, & in exemplum.* Scilicet, tanta mala exercebo super domum istam, quæ erit in parabolam, & in exemplum: parabola dicitur verbum commune, quod apud omnes dicitur. Accipitur tamē dupliciter parabola: vno modo pro figura quadam in locutione, & sic Christus utebatur parabolis, & dicitur sæpe: dixit Iesus discipulis suis parabolam hanc, id est similitudinem, vel figuratam locutionem, & sic dicimus quendam sensum esse parabolicum, quod distinguitur à literali. Alio modo accipitur parabola pro communi sententia, & est documentum vniuersale, & sic vocatur parabola prouerbiū, & vocatur liber Prouerborum liber Parabolarum Salomonis, & tamen ibi non ponitur aliqua figurata locutio: sed solum ponuntur sententiæ quædam vniuersales circa moralia: & ita quodcunque dictum commune in moralibus vocatur parabola: & quia Deus multa mala illaturus erat templo si Israelitæ peccarent, omnes gentes scientes mala, quæ euenissent templo, facerent sermonem de illo, & deberent vertere illud in parabolam, sicut quando aliquod magnum malum alicui accidit, omnes fabulantur de illo: sic accipitur Ezech. 18. scilicet: Quid est, quod in parabolā, & in prouerbiū vertitis inter vos filij Israel, dicentes: patres comederunt vnam acerbam, & dentes filiorum obstupuerunt? id est, quid fabulamini de hoc communiter? Exemplum vocatur quodcunque cognito malo magno quod alicui inflictum est, ceteri volentes alijs maledicere important illud in similitudinem dicentes: Deus percutiat te, sicut percussit talem, & talem: ita cum templum istud destructum esset postea propter peccata Israelitarum, gentes scientes hoc, cum vellēt maledicere alicui domui, vel vrbi dicerent: faciat Deus isti vrbi, sicut fecit templo Iudæorum. *Cunctis populis.* Scilicet, multis, quia ad multos populos veniret fama de destructione domus istius, quia erat inclyta, licet non veniret ad omnes populos: nam non poterat per totum orbem deriuari fama alicuius domus, nec etiam vrbs. Nam nulla ciuitas potentior fuit, quam ciuitas Romana, & tamen ipsa tempore, quo fuit in sua maxima prospe-

ritate, non erat cognita in toto orbe: nam non transcenderat nomen eius Caucasum montem, ut Cicero in quodam loco meminit, & Boetius 2. de Consolat. prosa 7. *Et domus ista erit in prouerbiū vniuersis transeuntibus.* Prouerbiū, & parabola idem sunt, sicut dicitur Ezech. 18. Quid est hoc, quod vertitis in parabolam, & in prouerbiū inter vos filij Israel? scilicet, patres comederunt vnam acerbam. Et vocatur prouerbiū, id est, procul à verbo, scilicet, quia prouerbiū est sententia vera, & certa, & non est sicut verba vulgaria, quæ non habent certitudinem. Vel dicitur prouerbiū quasi porro verbum, & est porro aduerbiū affirmatiuū, scilicet, quod certe est verbum firmum illud, quod vocatur prouerbiū. Vel dicitur prouerbiū quasi procul à verbo, scilicet, quia est sermo vniuersalis, & est procul à verbis, quæ sunt verba vulgaria, & particularia. Et dicitur, quod omnibus transeuntibus esset in prouerbiū, quia omnes stupeficerent, & sumerēt inde materiam dicendi. *Et dicent stupentes.* Scilicet, de tanta destructione: nam erat domus ista tam inclyta, & ciuitas tam gloriosa, quod cum transeuntes viderēt excidium, & ruinas eius, stupeficerent supra modum. *Quare sic fecit Dominus terræ huic, & domui huic.* Quasi dicat: valde magnum esset propter quod Deus voluit tantas ruinas dare, & destruere tam inclyta edificia. Et dicitur domui, & terræ, quia quando destrueretur domus illa, id est, templum non destrueretur illud solum: sed etiam terra illa: quia templum destruendum erat in aduentu hostium, & illi prius destruerēt totam terram deinde templum, eo quod templum esset vltima defensio Israelitis, cum esset ædificium fortissimum in modum turris: sic enim fuit quando pugnaverunt Romani contra Iudæos: nam in templo se defendebant capta vrbe, ut ait Iosephus 14. Antiqui. & libro de bello Iudaico. *Respondebuntque, quia dereliquerunt Dominum Deum patrum suorum.* Scilicet, alij audientes scientes veritatem gestorum dicent, quia dereliquerunt dominum Deum patrum suorum, scilicet, noluerunt conludere eum, nec obseruare legem eius: sed recesserunt ab ea. *Qui eduxit eos de terra Aegypti.* Hic aggravatur peccatum eorum assignando ingratitudinem suam ad beneficia Dei, quia nullum beneficium poterat esse maius, quam quod Deus duceret Israelitas de Aegypto: nam nullum maius bonum est, quam libertas homini: & tamen educendo Israelitas de Aegypto donata est eis libertas. Secundò, quia istud fuit primum omnium beneficiorum, quæ Deus isti populo contulit, & postea multa alia contulit, & sic de isto debuit fieri mētio principaliter, quia primum fuit. Tertiò, quia sicut esse est maximum omnium bonorum, eo quod est fundamentum omnium, ita & liberatio Israelitarum de Aegypto fuit fundamentum omnium bonorum eis collatorum: nam non poterant conferri aliqua bona Israelitis à Deo, quæ postea collata sunt, nisi primò liberati fuissent à captiuitate Aegypti per Deum: quia ista liberatio fuit, per quam congregati sunt in vnum populum, quia prius non erant populus, sed ferui segregati, & dispersi per terram Aegypti. Quarto, quia ista seruitus erat grauissima: nam vocatur fornax ferrea Deut. 4. scilicet, quæ erant ibi in magna angustia, sicut si cremarentur in fornace ferrea. Etiam vocabatur domus stultum, ut patet Exo. 6. scilicet, & scietis, quia ego sum dominus, qui eduxi vos de ergastulo Aegyptiorum. Etiam vocatur catena premens ceruices, ut patet Leuitici vigesimo sexto, scilicet. Ego dominus, qui eduxi vos de terra Aegyptiorum ne seruiretis eis, & confregi catenas ceruicum vestrarum, ut incederent erecti: ideo quando scriptura narrat beneficia facta Israelitis à Deo istud, ponit solum, vel talitè præcipuum, ut patet sæpe in libris Moyse, & in alijs libris veteris testamenti. Scia-

Sciendum tamen, quod iste modus loquendi, & commemoratio beneficii illius fuit inter Israelitas, quando nondum ducti fuerant in captiuitatem ad alias gentes, quando tamen ducti fuerant in Babylonem, & redierunt, inde pro maiori beneficio reputabant illam liberationem, & illud beneficium communiter commemorabant. Sicut patet Ierem. 13. scilicet: Ecce dies veniunt dicit dominus, & non dicetis viuit dominus, qui eduxit nos de Aegypto, sed viuit dominus, qui reduxit nos de terra Aquilonis, ad quam nos miserat: quia tamen nondum fuerat illa captiuitas Babylonis, commemorabatur beneficium de liberatione de Aegypto. *Et apprehenderunt Deos alienos.* Scilicet, acceptauerunt Deos alienos sibi in Deos, & seruierunt eis exhibendo sacrificia, & alias caeremonias cultus. *Et adorauerunt eos.* Scilicet, inclinauerunt se coram eis, quod est adorare: & dicitur supra, quod Israelitae apprehenderunt Deos alienos non solum adorando eos interdum, sed etiam faciendo cum eis pactum, quod semper eos colerent: sicut fecerunt Israelitae post mortem Gedeonis: nam fecerunt pactum cum Baal, quod haberent illum in Deum deserto Deo Israel: ut patet Iud. 8. cap. *Aque coluerunt.* Scilicet offerendo sacrificia, & faciendo omnes alias caeremonias, quae pertinent ad cultum. *Iccirco venerunt super eos vniversa haec mala.* Scilicet tota ista desolatio venit super eos, quia derelicto Deo suo coluerunt Deos alienos, quos non cognouerant, tanquam benefactores suos.

Quomodo apparuit Deus Salomoni.
Quest. XXVII.

QVAERITVR circa praedicta, quomodo apparuit hic Deus Salomoni. Dicendum, quod Deus potest multipliciter apparere. Primus modus est, quod Deus appareret, scilicet Angelus suus sumpta figura aliqua humana, & appareat hominibus, & loquatur: sic apparuit Gedeoni: Iudic. 6. & ipsi Agar: Gen. 16. & Abraham: Gen. 18. & Loth: Gen. 19. & patri, & matri Samsonis. Iud. 13. Secundo modo apparet in sola voce, scilicet cum Angelus domini venit ad hominem vigilantem non assumpta aliqua effigie visibili, & audit homo vocem, & scit unde venit, tamen non videt aliquem loquentem: sic apparuit Deus Israelitis in datione legis: Exod. 20. & Deuter. 5. Nam nullam figuram viderunt, sed solam vocem audiuerunt: Deuter. 4. sic etiam Moyses, quando introibat in Sancta Sanctorum ad consulendum dominum super aliquo dubio, audiebat vocem loquentis ad se de propitiatorio: Num. 7. & nullum videbat loquentem. Sic etiam apparuit Deus Samueli, cum ter vocauit eum per noctem, & putabat se vocari ab Heli sacerdote: 1. Reg. 3. Tertio modo Deus apparet hominibus per somnia, sicut dicitur Nume. 12. scilicet, si quis fuerit inter vos propheta domini, aut in visione apparebo illi, aut per somnium loquar ad illum. Et sic communiter apparebat Deus multis: sicut dicitur apparuisse Abimelech regi Phillistinorum, quando tenebat Saram vxorem Abraham: Gen. 12. & 20. cap. Sic intelligitur communiter Deus apparuisse omnibus illis, quibus dicitur apparuisse per noctem. Sicut patet de Daniele, ut patet Daniel 7. videbam in visione noctis, id est in somnio: quod est visio noctis. Sic etiam fuit de Iacob in Aegyptum eunte, quando dicitur Deus ei apparuisse nocte: Gen. 46. Sic etiam fuit de Ioseph viro Mariae: Math. 2. Et tunc dicitur Deus apparere, non quod Deus, vel Angelus appareat homini, quia homo nihil videt, cum teneatur sopore: etiam non loquitur, aliquid Angelus, vel Deus: sed immutat Deus phan-

Atasiam hominis cauendo in ea nouas species, quae non praexistebant, vel eas, quae praexistebant mutando tali ordine, ut per eas causetur noua conceptio, quae non poterat alias causari. Quartus modus erat per eleuationem, vel immutationem intellectus, scilicet, quod Deus eleuet intellectum alicuius ad intelligendum aliquid supernaturaliter, quod aliter intelligere non poterat. Et istud fit dupliciter: vno modo in ecstasi, vel raptu, sicut fuit in beato Paulo. 2. Corin. 12. aliquando sine ecstasi, & sic fuit in Elisaeo: ut patet 4. Reg. 3. c. & sic etiam fuit in multis alijs Prophetis. Dicendum, quod Salomoni non potest conuenire proprie nisi tertius modus istorum, quia primus est per hoc, quod appareat aliquis Angelus in forma humana assumpta, & loquatur, & istud non potest fieri nisi in vigilantibus, quia dormientes non vident, nec audiunt. Secundus etiam non competit ex eadem ratione, scilicet, quia tunc auditur vox, licet non videatur loquens, & tamen dormiens non potest audire, sicut nec videre. Quartus modus non conuenit, quia intellectus non illustratur nisi in vigilantibus, & tamen Salomon dormiebat: quia dicitur hic, quod apparuit ei per noctem: ideo fuit tertius modus conueniens, scilicet, quia Deus per somnium immutaret phantasiam eius ad hoc, quod appareret ei, quod Deus loquebatur sibi, & quod dicebat talia, & talia verba. Etiam patet hoc, quia sic Deus iterum apparuerat Salomoni in Gabaon, scilicet, quando dedit ei sapientiam: nam totum illud, quod Salomon dicitur repetiuisse, & Deus respondisse, fuit in somnio: ut patet 3. Reg. 3. & supra primo, ita ergo nunc fieret. Siquis autem dicat, quod poterat ista apparitio facta esse in aliquo aliorum modorum, dicendum est sibi, quod licet fuerit per noctem facta non dormiebat tunc Salomon: quia alias non possent modi illi intercidere, cum requiratur homo vigilans.

Ad quid Deus apparuit Salomoni.

Quest. XXVIII.

QVAERITVR vltius, ad quid Deus apparuit nunc Salomoni. Respondendum, quod Deus apparuit nunc Salomoni ad duo. Primum ad ostendendum ei orationem suam esse exauditam: nam ante hoc Salomon orauerat ponens multas petitiones particulares, de quibus nesciebat Salomon, an a Deo exaudita essent: ideo conueniens fuit, quod appareret ei ad respondendum sibi, & patet, quod ad hoc fuerit: quia dicitur hic, quod Deus apparuit Salomoni, & dixit: Exaudiui orationem tuam, & elegi hunc locum in domum sacrificij: & postea replicantur ibi multae de petitionibus Salomonis, & ponitur responsio ad illas. Secundum fuit, quia Deus voluit Salomoni bona nunc promittere quasi pro remuneratione aliqui laboris: nam Salomon laborauerat fideliter aedificando domum domini, scilicet, quod toto desiderio institerat circa ea plus quam circa domum suam: pro quo praemiandus erat, & Deus voluit eum remunerare, & sic apparuit ei ad promittendum bona. Pro quo sciendum, quod Deus ter legitur apparuisse, vel locutus fuisse Salomoni, & omnes istae tres vices fuerunt ordinate ad templi aedificationem. Prima fuit, quando apparuit ei in Gabaon, dando sibi sapientiam: quia tunc disposuit eum ad aedificandum templum complendo omni sapientia, per quam poterat excogitare quidquid erat necessarium, vel conueniens aedificationi, ut patet 3. Regum 3. & supra 1. c. Secunda locutio fuit, quando edificabatur templum: tunc enim conueniens fuit, quod Deus appareret ei ad confortandum eum in aedificatione, quia forte pro magnitudine operis corpore

deten-

detentus pigritaret: ideo decebat, quod Deus appareret ei confortando eum promittendo aliqua bona: ut fieret ardentior in opere. Tertia apparitio, vel locutio fuit post completionem operis nunc: & tunc etiam decebat, ut appareret: quia laborauerat fideliter Salomon edificando templum: pro quo merebatur aliquid à Deo recipere, & ad hoc apparuit ei Deus promittendo bona etiam respondendo ad orationem eius. De secunda apparitione patet 3. Reg. 6. De tertia patet 3. Reg. 9. & hic.

Quo tempore fuit apparitio ista.

Quest. XXIX.

QVAERITVR vterius, circa istam apparitionem Dei, quo tempore fuit. Dicendum, quod ista fuit necessario post templi consummationem, quia Salomon orauit multa à Deo recipere consummato templo die prima, qua dedicabatur precedenti cap. & hic ponitur responsio Dei ad illa, ideo necesse est, quod fuerit ista responsio post consummatum templum. Sed tunc est dubium quanto tempore post consummatum templum istud acciderit. Aliquis dicet, quod illico: nam oratio Salomonis fuit die prima, qua dedicatum est templum, scilicet illa die, qua introducebatur arca in illud, precedenti ca. & hic ponitur responsio ad orationem illam. Credendum est autem, quod immediatè post orationem fuerit responsio, scilicet nocte sequenti: nam per noctem facta fuit ista apparitio, ut patet in litera: sicut fuit de apparitione domini facta Salomoni iterum, quando dedit ei sapientiam in Gabaon: nam Salomon obtulit domino mille hostias in Gabaon, & ipsa nocte apparuit ei Deus in somnijs, & dedit sibi sapientiam. 3. Regum 3. & supra primo capit. Vel saltem dicendum, quod valde modico tempore post factam illam orationem fieret ista apparitio, quia non erat verisimile, quod facta oratione cum Deus ad illam responsurus esset, an acceptaret eam, & responderit, quod distulerit responsionem istam longo tempore. Dicendum, quod ista ratio videtur verisimilis, & tamen non est vera, quia ista apparitio Dei, de qua habetur hic fuit, plus quam tredecim annis post orationem suam factam. Quod patet, quia oratio Salomonis fuit facta die primo dedicationis templi, & ista dedicatio facta fuit illico, ut consummatum est templum, & tamen à consummatione templi usque ad apparitionem istam necesse est, quod fluxerint plusquam tredecim anni. Quod patet, quia Salomon edificauit domum suam, & edificando illam moratus est tredecim annis, ut patet 3. Regum 7. & tamen edificata erat domus Salomonis, & alia omnia aedificia eius, quando facta fuit ista apparitio, ut patet 3. Reg. 9. scilicet: Factum est autem cum perfecisset Salomon aedificium domus domini, & domus regis aedificium, & omne quod optauerat, & voluerat, apparuit ei dominus. Et illa apparitio est ista, quae habetur hic, quia ibi ponitur historia, quae habetur hic. Dicit aliquis, quod cum Deus saepe apparuerit Salomoni, non fuerit eadem apparitio ista, & illa: sed ista quae habetur hic, fuerit facta illico consummato templo, & illa quae habetur 3. Regum 9. facta fuerit consummato aedificio domus regis. Dicendum, quod non stat, sed omnino eadem apparitio est ista, & illa, quae habetur. 3. Reg. 9. Quod patet ex verbis: quia hic dicitur, quod apparuit Deus Salomoni, & dixit, audiui orationem tuam, & elegi locum istum in domum sacrificij, & 3. Regum 9. dicitur: exaudiui orationem tuam, & deprecationem tuam, & sanctificaui domum hanc, quam aedificasti. Etiam omnes promissiones bonorum, quae habentur hic cir-

ca regnum perpetuandum, scilicet, non auferetur ex te vir, & promissiones circa templum, & comminationes circa vtrumque de stupore, & prouerbio, quae habetur hic, habentur. 3. Reg. 9. & quasi per eadem verba, ideo necesse est, quod ista apparitio sit eadem cum illa, & tamen de illa constat, quod facta est plusquam tredecim annis post istam orationem, ut probatum est: ergo etiam ista. Et licet, ut arguebatur, satis esset verisimile, quod Deus appareret responsurus Salomoni ad orationem istam illico, ut orauit: tamen cum constet, quod non apparuit usque post tredecim annos, non est insistendum rationibus verisimilitudinis, cum appareat ratio necessitatis.

G Cum respondisset Salomoni ad quid voluit iterum respondere.

Quest. XXX.

QVAERITVR vterius circa praedicta, cum iam Deus respondisset orationi Salomonis, ad quid voluit iterum respondere: nam iam responderat Deus prima die, qua Salomon orauerat: cum enim Salomon funderet preces finita oratione illico descendit ignis de caelo, & deuorauit sacrificia: ut patet supra in litera, & per hoc apparet manifestè exauditam fuisse orationem eius: non ergo oportebat, quod fieret alia responsio super hoc. Respondetur, quod non obstante responsione illa ad orationem Salomonis debuit, vel conueniens fuit fieri istam. Primò, quia licet descensio ignis fuerit responsio ad orationem Salomonis: poterat tamen esse dubium super hoc: ideo fuit data alia responsio: Patet hoc, nam satis videtur, quod illa descensio ignis signauerit orationem Salomonis exauditam fore: quia in litera dicitur, cumque compleisset Salomon fundens preces ignis de caelo descendit, & deuorauit holocausta, & victimas: & sic aliqua habitudo erat illius ignis ad orationem Salomonis: quia alias non diceretur, quod cum compleisset orationem Salomon descendit ignis de caelo ad signandum exauditam orationem: poterat tamen aliquis dubitare, an veniret ad hoc ignis, quia poterat descendere ad signandum sacrificia accepta sibi, & hoc erat valde conueniens, cum ipsa holocausta cremata fuerint coelesti igne. Etiam esse poterat ad signandum ministrationes factas in sanctuario esse Deo acceptas: ut ergo videretur manifestè, quod oratio Salomonis accepta fuerat Deo: conueniens erat, quod aliqua locutio, siue apparitio fieret, per quam manifestaretur hoc: sicut fuit nunc factum. Secundum est, quod dato, quod constaret illam descensionem ignis fuisse ad acceptionem orationis, & ad hoc solum fuisse, decebat istam apparitionem fieri: quia per illam orationem constabat qualiter esset accepta, siue quid promitteretur, aut quid Deus comminaretur: cum ille ignis descendens non poterat explicare aliquid istorum. Decuit ergo, quod verba ista explicarentur: sicut patet in litera, ubi multa posuit comminatoria Deus, & multa promittendo, quae alias non potuissent intelligi, si non fuisset ista apparitio, & ista est ratio potissima, quare facta est. Tertium est, quia si istae duae responsiones factae essent verbis, una earum sufficeret, quia idem explicarent, & coinciderent, cum tamen una verbis alia signis exterioribus facta sit, conuenienter duae fieri debuerunt. Quartum est, quia magis ambas acceptiones eiusdem orationis fuit magis tempus, nam si eadem die, vel eodem tempore vtraque ostensio acceptionis facta fuisset, non esset conueniens: quia videretur aliquo modo una superuacua. Fuit tamen una multo tempore post aliam, nam descensio ignis de caelo fuit illa die, qua oratio facta est

est per Salomonem, vt patet præcedenti cap. & supra in litera. Et ista apparitio, de qua habetur hic, fuit plusquam tredecim annis post orationem factam, vt declaratum est præcedenti quæstione: ideo conueniens fuit fieri bis ostensionem acceptionis istius.

Quomodo dixit Deus: elegi locum istum in domum sacrificij.
Quest. XXXI.

QVAERITVR vltcrius, quomodo dixit hic Deus, & elegi locum istum in domū sacrificij, nunquid ad hoc solum fiebat templum. Dicendum, q̄ non fuit factum templum solum ad sacrificia, sed et ad alias ministraciones: nam ibi fiebant omnes ministraciones, quæ in tabernaculo Moyſi fiebant, & tamē ille erant multæ, scilicet octo, vel nouem, vt declaratum est, supra in quadam quæstione, de officijs sacerdotilibus: etiam fiebant ibi ministeria Leuitica: scilicet cantando, custodiendo thesauros, & obseruando ad portas. Aliquis ergo dicet, q̄ licet templum istud, nō solum fuisset electum in domum sacrificij: tamen præcipuum, quod ibi fieri debebat erat sacrificium, ideo illud solum nominatum est. Dicendum tamen, q̄ hoc non stat, quia alia fiebant in templo, quæ erant digniora q̄ sacrificium: nam ingredi in Sancta Sanctorum erat dignius q̄ facere sacrificia, cum illud pertineret ad solum summū sacerdotē, & istud pertineret ad omnes quoscunque sacerdotes. Etiam cremare thymiam coram domino in altari thymiamatum, & locare lucernas in candelabro, & ponere panes propositionis in mensa erat dignius quā facere sacrificia: eo q̄ sacrificia fiebant in atrio sacerdotum extra templum, & alię ministraciones fiebāt intra templum in loco, ad quem soli sacerdotes ingrediebantur: ideo non ponitur sacrificiū solum propter dignitatem suā super alias ministraciones. Sed dicendum, q̄ factum est propter duo. Primum, quia sacrificium erat ministratio magis frequentata quā ceteræ: nam sacrificia offerebantur quotidie, & multa erant: quia aliqua die offerebantur plus q̄ quatuor millia in sacrificium: sicut patet in diebus dedicationis templi, in quibus oblata sunt viginti duo millia bouum, & centum viginti millia arietum, vt patet in litera: & tamen crematio thymiamatis solum fiebat bis in die. Sic etiam de locatione lucernarum, & de positione panum in mensa propitiationis, quæ fiebant semel in hebdomada, scilicet quolibet Sabbatho: id sacrificium propter frequentationem nominatum est. Tertium est propter manifestationem, quia inter ministraciones nulla erat ita manifesta, sicut immolatio sacrificiorum, eo q̄ positio panum, & locatio lucernarum, & crematio thymiamatis: & asperſio sanguinis in Sancta Sanctorum fiebant secretò non vidente populo, cum fieret intra tabernaculum, & tamen sacrificia fiebant publicè in atrio sacerdotum videntibus omnibus de populo. Quartum erat, quia nulla ministratio erat, in qua communicarent tantum omnes de populo, sicut in oblatione sacrificiorum: nam ad alias ministraciones non faciebant aliquid populares, sed soli sacerdotes exequiebantur eas, & tamen ad sacrificia faciebant aliquid populares, quia ipsi offerebant animalia, quæ sacerdotes immolabant. Quintum erat, quia alie ministraciones sacerdotales non fuerant approbatæ in aliquo signo, sed sola ministratio in sacrificijs: nam cum sacrificia facta essent, Deus misit ignem de celo ad cremandum carnes sacrificiorum: supra in litera: & tamen non apparuit aliquod signum ad ostendendum acceptionem in alijs ministerijs sacerdotilibus, vel Leuiticis ita determinatè, sicut in sacrificijs, ideo dicit se acceptasse domum istam in domum sacrificij. Iam ostenderat signum, per quod indicabat

A se acceptasse domum illam in domum sacrificij, & ista est causa potissima. Simile patet præcedenti lib. c. 21. cum Dauid obtulisset sacrificia super arcam. Ornam Iebusæi venit ignis de celo, & cremavit sacrificia: & tunc dixit Dauid: hæc est domus Dei, & hoc est altare in holocaustum Israel, eo. lib. c. 22. Et dicebat illud, quia ibi futurum erat templum, qd̄ nō proficeret solum ad sacrificia, & tamen quia solum ostensum fuerat signum acceptionis sacrificij, vocat domum illam solum domum in holocaustum Israel.

Quomodo Deus misit locustam, vel brucum, &c.
Quest. XXXII.

QVAERITVR vltcrius, quomodo Deus dicitur mittere locustam, vel brucum, aut similia animalia, quia hic dicitur, q̄ Deus mandaret locustæ, vt deuoraret terram. Respondendum, q̄ hic sunt duo videnda: primum est quomodo Deus facit, q̄ veniat locusta in regionem aliquam. Secundum est postquam venerit quomodo mandat ei, q̄ deuoret terram. Ad primum dicendum, q̄ potest dupliciter fieri: vno modo producendo locustas in locum, quem Deus vult deuastare. Alio modo eas aliunde portando in regionem illam. Primus modus facilis est, quia Deus potest aerem, & terram taliter disponere, vt sint ad producendum innumerabiles locustas: nam sicut interdum pure naturaliter tot gignantur, vt terrā operiant, ita Deo operante specialiter aliquo modo plures gignentur faciliter, & sic de bruco, & eruca, erugine, & omnibus similibus bestiis ad nocendum terræ. Alius modus est adducendo animalia ista de alia regione: nam quædā regiones sunt in quibus locustæ innumerabiles nascuntur ex conditione terræ, & de illis potest Deus deducere subito in quamcunque regionem voluerit, mittendo ventum, qui arripiat eas, & longè deducat. Sic enim naturaliter fit: nam quando in aliquibus regionibus apud mare constitutis locustæ sunt, & flant venti ex parte opposita maris omnes locustæ vento arrepto præcipitantur in mare, & sic regio purgatur illis bestiis: Deus autem sic consuevit facere, scilicet concitare ventum validum ex quacunque parte voluerit, & non solum ista animalia parua, sed etiam maiora impetu magno portat, & deducit ad locum Deo placitum. Sic enim fuit de coturnicibus, quæ erant ultra mare: nam cum Deus vellet Israelitas saturare coturnicibus, quia petebant carnes, induxit ventum Africū, qui arripuit coturnices innumerabiles de sinu Arabico maris rubri, & detulit eas in castra Israelitarum: vt patet Num. 11. scilicet ventus autem egrediens à domino arreptas trans mare coturnices detulit in castra. Idem patet Psal. 77. De locustis etiam idem fuit: nam cum Deus voluisset, q̄ deuoraretur tota terra Aegyptiorū à locustis, dixit Moyſi, q̄ leuaret manum super terrā Aegypti, & extendit Moyſes manus vocans locustas, & induxit dominus ventum vrentem tota nocte illa, & facto mane ventus vrens leuauit locustas, quæ ascenderunt super vniuersam terram Aegypti: vt patet Exo. 10. c. & sic Deus per ventū vrentem duxit locustas de terra deserti fortassis: vt patet eo. c. f. egressus Moyſes de prospectu Pharaonis orauit dominum, qui flare fecit ventum ab occidente vehementissimum, & abrepam locustam proiecit in mare rubrum, & non remansit nec vna quidem in cunctis finibus Aegypti. Iste modus facilis est ad ducendum locustas de quacunque regione in quācunq; aliam iuxta Dei beneplacitum. Ad secundum, cum quæritur, quomodo Deus mandat locustis, vt deuorent terram. Dicendum, q̄ Deus nihil mandat eis vocaliter, nec intellectualiter. Et dico hoc, quia iubere Dei est duplex. Aliquando iubet

vocaliter, s. quando per angelos aliquos Deus dat aliquod mandatum. Sic factum est in datione legis: nam angeli erant, qui loquebantur: ut patet ad Gala. 3. & ferè in omnibus alijs mandatis diuinis ad nos. Intellectualiter iubet, quando iubet Deus angelis aliquid facere: nam Deus non potest loqui angelo, aut alicui alteri rei, & dato q̄ loqui posset Deus, non posset audire angelus, eo q̄ non est animal: omnia ergo mandata Dei ad angelos sunt intellectualia. Ita dicendum nunc, q̄ si Deus iuberet aliquid locustis, iuberet aliquo de istis duobus modis: sed nullo istorum iubet, quia ad vtrumque requiritur, q̄ intelligeret locusta præceptū domini, & tamen non intelligit: ideo Deus nihil ei iubet: sed dicitur Deus iubere ei, quia id, quod De⁹ vult, locusta exequitur, velut si intelligeret præceptū eius. Et hoc est, quia Deus disponit locustam, sicut vult: nā si Deus vult terram totaliter demoliri, inducit locustā auidissimam cibi, & habentem fortia instrumenta ad conterendum omnia. Si autem minus nocere vult, inducit locustam infirmiore, & sic nocet tantum locusta, quantum Deus vult. Et sic se habet Deus ad locustas, vel similia animalia nocentia: sicut homo se habet ad gladium: nam si quis velit multum scindere, parat gladium fortissimum, & acutissimum: si modicum, parat gladium hebetem, vel infirmum, & sic gladius obedit homini, s. quia homo facit per illum, quod vult disponendo taliter, qualiter expedit ad id, quod vult: Deus autem vtitur omnibus rebus istis, sicut instrumentis. Ideo licet non intelligant, quod ipse vult, faciunt quod vult, & sic dicitur Deus mandare locustas, vel alijs bestiolis, q̄ deuorent terram.

Cum Gentiles sint idolatræ, quare dixerunt: Deus quare sic fecit terræ huic, &c.

Quæst. XXXIII.

QVAERITVR vterius, quomodo Gentiles transeuntes, & videntes Ierusalem destructam, & templum dicerent: quare sic fecit Deus terræ huic, & domui huic? & dicerent, quia dereliquerunt Deum suum. Nam cum Gentiles essent idolatræ, non videtur, quomodo ipsi dicerent de Deo Israel, q̄ fecisset istud, quia non crederent. Responderi potest vno modo, q̄ sicut præsupposuit Salomon, præcedenti capitulo, multi de Gentilibus venturi essent ad adorandum dominum in templo, & cognoscerent magnitudinem eius, quia Deus exaudiret eos, & isti licet non conuerterentur ad Iudaismum, cognoscerent Deum Israel esse solum Deum fortem, qui posset facere hoc. Item dato, q̄ essent Gentiles non conuersi ad Deum, poterant hoc dicere, quia omnes Gentiles existentes in circuitu terræ Israel, licet essent idolatræ, & hostes Iudæorum, credebant Deum Israel esse potentiorē dijs alijs: licet multi simul essent dii, & q̄ si vellet dele-re aliquem de alijs gentibus, & Deos ipsorum, poterat, & non posset gens illa se liberare, nec etiam dii illius gentis possent liberare gentem suam, nec seipsos de manu Dei Israel: sic cōfessi fuerunt Philisthini, qui erant hostes Iudæorum, & vicini ipsorum: 1. Reg. 4. cum dicitur: Ingemuerunt Philisthini dicentes: vae nobis: non enim fuit tanta exultatio heri, & nudiustertius, vae nobis: quis nos seruabit de manu Deorum sublimium istorum? Hi sunt dii, qui percusserunt Aegyptum omni plaga in deserto. Patet hoc etiam ex confessione Achior, qui erat dux filiorum Ammon: nam ipse veniebat cum Holoferne ad pugnandum contra Iudæos, & dixit Deum Israel esse Deum cœli, & q̄ si Israelitæ non offenderant Deum, impossibile erat, q̄ aliqua gens prævaleret contra eos: ideo dixit Holofer-

Fni, quod perquireret, an Israelitæ peccauissent contra Deum suum, & sic pugnaret securus de victoria. Si autem nulla esset iniquitas in eis, non pugnaret: quia non posset prævalere, & multa alia dicit ibi de laude Dei: ut patet Iudit. 5. cap. Omnes autem gentes, quæ erant in circuitu Israelitarum, sic opinabantur de Deo Israel: ideo putabant, q̄ si ille vellet eos punire posset facere. Sic patet de sacerdotibus, & diuinis Philistinorum, qui dixerunt Philisthinis, Quare aggrauatis corda vestra, sicut aggrauauit Aegyptus, & Pharao cor suum? nōne postquam percussus est, tunc dimisit eos. 1. Regum 6. c. Ideo dixerunt, q̄ Philisthini offerrent munera Deo Israel, ut alleuiaret manum suam ab eis: Sciebāt autem Gentiles potestatem Dei Israel per experientiam non solum contra se, sed etiam contra Deos suos, quia viderunt mirabilia eius. Nam quando capta fuit arca Dei Israel in bello à Philisthinis, & portata est in templum Dagon, corruit Dagon Deus Philistinorum coram arca, & inuenerunt eum sequenti die sacerdotes prostratum in terra coram arca, & cum statuissent eum in locum suum, sequenti nocte corruit coram arca confractis manibus, & capite. Etiam contra ipsos Philisthinos erat potentia Dei dura: nam cum maneret arca Dei in vna ciuitate, quia mures plaga magna in posterioribus hominum, quia mures corrodabant extrinsecus prominentes, & moriebantur plurimi, & cum arca de illa ciuitate in aliam portaretur, cessabat ibi plaga, & incipiebat in alia, in quam introducebatur arca: vnde Acharonitæ videntes arcam ad se portari, dixerunt clamantes in cœlum, adduxerunt arcam Dei Israel ad nos, ut interficiat nos, & populum nostrum: primo Regum 5. In exitu quoque de Aegypto, cum peruenisset fama operum Dei ad multas gentes, scilicet de diuisione maris rubri, & morte Aegyptiorum, timuerunt illæ gentes, & potissimè populi vicini, per quos putabantur transiri Israelitæ: ut patet Exod. 15. scilicet ascenderunt populi, & turbati sunt, dolores obtinuerunt habitatores Philisthij: tunc conturbati sunt principes Edom, & robustos Moab obtinuit tremor, & obriguerunt omnes habitatores Chanaan. Sic etiam patet specialiter de Chanaanais, qui quando audierunt ea, quæ fecerat Deus in mari rubro, & in deserto pro Israelitis, tremuerunt, & elanguit cor eorum, nec mansit in eis vllus spiritus: ut patet Iosue 2. capitu. Sic etiam audita diuisione Iordanis timuerunt omnes incolæ terræ: Iosue 5. Moabitæ quoque videntes, quod Israelitæ transiri essent per terram eorum, timuerunt nimis, & dixit Balac rex eorum: Sic delebit populus iste vniuersos, qui in nostris finibus commorantur, quemadmodum bos siluestris solet herbas vsque ad radices carpere: ideo cum non putaret se posse resistere armis prouocauit populum ad peccandum, & sic Deus iratus populo traderet eos in manus Moabitarum: ut patet Num. 22. & 24. capitu. cum ergo omnes gentes, quas perueniebat fama de Deo Israel, putarent eum potentiorē alijs dijs, poterat dicere quicunq; transiret per templum domini destructum, q̄ Deus illum destruxisset: quia coluerant Israelitæ Deos alienos re-

Quomodo Gentiles poterant dicere, quod Deus Israel eduxerat Israelitas de Aegypto.
Quæst. XXXIII.

QVAERITVR vterius, quomodo Gentiles poterant dicere, quod Deus Israel eduxerat Israelitas de Aegypto. Respondendum, q̄ in hoc sunt duo. Primum est quomodo poterant putare Gentiles, q̄

Deus Israel posset Israelitas de Aegypto educere. A
 Secundum erat, dato q̄ putarent, q̄ poterat, quomo-
 do putarent, q̄ eduxisset illos. Ad primum dicendum,
 q̄ hoc facile erat in Gentilibus, qui erant vicini He-
 bræorum: nam viderant magnalia Dei Israel, & puta-
 bant eum potentiorē cæteris dijs, & q̄ posset pugna-
 re contra quascunque gentes, & delere illas: vt decla-
 ratum est præcedenti quæstione. Ad secundum di-
 cendum, quod etiam Gentiles concedebant Israelitas
 eductos de Aegypto à Deo suo: nam quod aliquando
 stetit Israelitæ oppressi in Aegypto sub manu Pha-
 raonis, & postea inde fuissent liberati erant historiæ,
 & notum erat apud gentes plurimas, & quia factum
 istud fuerat famosum valde, manebat ad æternam me-
 moriam. Quod autem Deus eduxisset Israelitas de
 Aegypto constabat ex modo educationis, scilicet, quia
 tanta miracula facta fuerant ante exitum, & in exitu,
 & post exitum. Ante exitum fuerunt miracula ma-
 gna, scilicet decem plagæ quas intulit De⁹ Aegyptijs:
 vt dimitterent Israelitas exire, & non permittebant
 vltimam plagam, scilicet mortem primoge-
 nitorum, de quibus patet Exo. cap. 7. vsque ad duode-
 cimum inclusiue. In exitu fuerunt alia miracula, s.
 quod Aegyptij persecuti sunt Israelitas: vt reducerent
 eos in Aegyptum, & aperuit Deus mare rubrum, &
 transferunt Israelitæ per siccum, & cum introissent
 Aegyptij in mare rubrum, operuit illos mare, & perie-
 runt: Exo. 14. & 15. Post exitum de Aegypto fuerunt
 miracula multa, scilicet, quia Deus dabat nubem præ-
 cedentem Israelitas per diem, & columnam ignis per
 noctem, & durauit hoc quadraginta annis, quibus
 manserunt Israelitæ in deserto: Exo. 40. & Num. 9.
 Etiam dabat Deus quotidie Israelitis cibum miracu-
 losum, scilicet manna: Exo. 16. & Num. 11. cap. Et multa
 alia, scilicet de indulcoratione aquarum in Marath:
 Exo. 15. de apertione petrae in Raphidim, & fluxu a-
 quarum: Exo. 17. de pugna Israelitarum contra Ama-
 lec, eodem cap. de alia apertione petrae, & fluxu aqua-
 rum in Cadesbarne: Numeri 20. de coturnicibus, quas
 dedit in cibum Israelitis ad saturitatem: Num. 11. &
 multa alia. Et tamen dato, q̄ non essent omnia ista
 famosa apud Gentiles, erant aliqua istorum, scilicet de
 columna nubis per diem, & columna ignis per noctē:
 Num. 14. & Exo. 31. Apparebat ergo, q̄ Deus Israel
 faciebat omnia hæc, cum essent super humanam po-
 testatem, & confitebantur hoc populi terrarum, scili-
 cet, q̄ Deus eduxisset Israelitas de Aegypto: vt patet
 de Philistinis, primo Regum 4. scilicet. Hi sunt dii,
 qui percusserunt Aegyptum omni plaga in deserto.
 Etiam diuini, & sacerdotes Philistinorum confessi
 fuerunt hoc, vt patet primo Regum 6. scilicet: quare
 aggrauatis corda vestra, sicut aggrauauit Aegyptus,
 & Pharaō cor suum? nonne postquam percussus est
 tunc dimisit eos? Sic etiam confessus est Achior A-
 monita: Iud. 5. & ita erat de omnibus populis vicinis
 terræ Chanaan. Nam quando facta fuit à Deo ista
 educio Israelitarum de Aegypto, omnes populi vici-
 ni cognouerunt istud, & quia fuit factum notabile,
 mansit ad memoriam posterorum, & sic omni tem-
 pore Gentiles transeuntes per templum destructum
 possent dicere, q̄ Deus eduxit Israelitas de Aegypto,
 & eum dereliquissent, sicut dicitur in litera.

tēs, q̄ Deus eorum posset hoc efficere quomodo di-
 cerent, quod hoc fecit Deus ipsorum, quia derelique-
 rant eum, & coluerant Deos alienos, quia istud non
 videtur, q̄ posset aliquis dicere nisi ille, qui sciret legē,
 & crederet verum esse id, quod dicebatur in ea: Nam
 in illa ponuntur sæpe talia. Dicendum, q̄ poterat hoc
 fieri vno modo, scilicet, quod aliqui Gentiles erant,
 qui nouerant legem Hebræorum. Cum enim veni-
 rent multi Gentiles ad orandum in templo Salomo-
 nis, & ex hoc communicarent cum Israelitis, verifi-
 mile est, q̄ ab eis adiscerent Gentiles multa de lege.
 Et quia videbant miracula, quæ faciebat Deus Israel,
 crederent verum esse id, quod in lege dicebatur. Et
 sic bene crederent, quod ex hoc, q̄ Deus derelictus e-
 rat ab Israelitis, & colebant Deos alienos, quod tradi-
 derat eos gentibus, & fecerat destrui templum suum.
 Alio modo potest intelligi, & melius: ita quod esset
 communis extimatio ista Gentilium, scilicet, quod
 apud Gentiles erat opinio: licet teneret multitudinem
 Deorum, quod si aliquis Deus interdum contemne-
 batur, poterat magna infligere contemptoribus. Sic
 patet de pomo posito inter tres Deas, scilicet lunonē,
 Palladem, atque Venerem per Deam discordiæ, quia
 ipsa non fuerat inuitata ad epulas. Et cum diceretur
 in pomo: pulchrum pomum, pulchrum donum pul-
 chriori detur, iudicante Paride pro Venere, putant
 Poetæ Gentilium inde surrexisse causam belli Troia-
 ni. Sic etiam in Græcia, cum colerentur omnes dii,
 & Latonæ matri Apollinis, & Dianæ non apponen-
 tur thura, pro maiestate contempta immisit apum
 terræ Calidoniz, qui omnia vastabat, & postea occisus
 est per Meleagrum, vt ait Ouidius 8. Meta. Sic etiam
 in Tragædia quinta Senecæ, cuius titulus est Oedipus,
 dicitur quod cum esset magna pestis in terra Theba-
 norum immissa à dijs propter Oedipum, qui matrem
 suam Iocastam tenebat in vxorem, responsum est non
 posse placari iram Deorum quousque cessaret illud
 facinus. Et in multis alijs dicunt à diis penas inflctas,
 & maximè pro contemptu deitatis suæ. Ita ergo ar-
 bitrantur nunc Gentiles, quod cum Israelitæ con-
 temnerent Deum suum relinquentes Deum suum,
 quod irasceretur, & destrueret templum, traderetque
 Israelitas in manus hostium. Alius etiam modus erat,
 quo Gentiles hoc poterant dicere, quia inter Gentiles
 erat ista consuetudo, q̄ quælibet gens coleret Deos,
 quos ab antiquo colere cæperat, & illos non mutabat,
 quia putabat malum esse, & in contemptum Dei: vt
 patet Ierem. 2. scilicet: Transite ad insulas Cetim, & in
 Cedar mittite, & considerate vehementer, & videte si
 mutauit gens Deos suos, & ipsi non sunt dii: populus
 autem meus mutauit gloriam suam in idolum: ob-
 stupefcite cœli super hoc, & portæ eius desolamini
 vehementer. Et sic quando viderent, quod Israelitæ
 mutauerunt Deum suum deferentes illum, & acci-
 pientes Deum nouum, viderent, quod iuste irascere-
 tur Deus contra eos, & destrueret templum suum, &
 terram, & istud quælibet gens Gentilium poterat ex-
 timare. Sic etiam dixit Moyses in fine legislationis:
 Deut. 29. quod si Israelitæ dereliquerent pactum domini,
 ipse destrueret terram eorum, & daret eos hostibus,
 & Gentiles transeuntes per terram dicerent, quare
 Deus sic fecit terræ huic, quæ est hæc ira furoris eius
 immensa? & respondebunt, quia dereliquerunt pactum
 domini Dei sui, qui eduxit eos de terra Aegypti, & ser-
 uierunt dijs alienis: Omnes ergo Gentiles, ad quos
 perueniret fama de hac desolatione poterant hoc
 dicere.

Quomodo potuerunt dicere, q̄ hoc fecisset Deus ipsorum,
 cum non scirent legem ipsorum.

Quæst. XXXV.

QVAERITVR vltius, dato q̄ Israelitæ de-
 structi essent, & templum suum, & scirent gen-



EXPLETIS autem viginti annis postquam ædificauit Salomon domum domini, & domum suam: ciuitates, quas dederat Hiram Salomoni ædificauit, & habitare ibi fecit filios Israel. Abijt quoque in Emath, Suba, & obtinuit eam. Et ædificauit Palmiram in deserto, & alias ciuitates munitissimas ædificauit in Emath. Extruxitque Bethoron superiorem, & Bethoron inferiorem, ciuitates muratas habentes portas, & vectes, & seras: Balaath etiam, & omnes vrbes firmissimas, quæ fuerunt Salomonis, cunctasque vrbes quadrigarum, & vrbes equitum. Omnia quæcunque voluit Salomon atque disposuit, ædificauit in Ierusalem, & in Libano, & in vniuersa terra potestatis suæ. Omnem populum, qui derelictus fuerat de Hetheis, & Ammorrhæis, & Pherezeis, & Heueis, & Iebuseis, qui non erant de stirpe Israel, de filiis eorum, & de posteris, quos non interfecerant filij Israel, subiugauit Salomon in tributarios vsque in diem hanc.

Expletis. In præcedentibus posita est orationis Salomonis acceptatio, hic ponitur omnium operum suorum circa Deum consummatio, cum agatur adhuc hic de ordinatione cultus diuini: & diuiditur in duas partes, quia primò ponitur in operibus suis ordinatione: Secundo circa diuinum cultum promissio, ibi. *Tunc obtulit Salomon.* Prima in duas, quia primò ponitur ciuitatum constructio: secundo populi subiecti dispositio, ibi. *Omnem populum.*

An ea, quæ habentur hic habeant ordinem ad præcedentia.
Quest. I.

QVAERITVR circa primum, an ea, quæ habentur hic, habeant ordinem continuatum ad præcedentia, & an fuerint facta immediatè post illa, vel interposito aliquanto tempore. Ad primum dicendum, quod est ordo conueniens, quia præcedenti capitulo actum est de confirmatione dedicationis templi Salomonis. Hic agitur de quibusdam operibus prophanis, quæ fecit Salomon. Et tamen postquam Salomon cepit templum domini non cessauit, nec diuertit ad aliqua opera aliena, quousque omnia, quæ ad templum domini pertinebant consummata sunt. Ad secundum dicendum, quod hic potest considerari ordo

F quantum ad omnia, quæ sunt in isto c. respectu præcedentium, & inter se, vel solum quantum ad finem præcedentis c. & principium istius, an ea, quæ habentur in eis sint continuata pauco, vel multo tempore interposito. Si accipiat secundum modo, dicendum, quod est continuatus ordo, & etiam est paucum tempus inter vnum, & alterum. Nam in fine præcedentis c. ponitur orationis Salomonis exauditió, & illa fuit viginti annis postquam incohatum est templum, siue tredecim annis post consummationem eius, quod idem est, ut probatum fuit, præcedenti c. in quadam quæstione. De tempore, quo fuit facta illa apparitió Salomoni. Istud etiam, quod ponitur hic in principio c. factum est viginti annis post incohatum templum, siue tredecim annis post consummationem, quod idem est, ideo videntur ista simul facta. Si autem quærat quantum ad ordinem omnium, quæ habentur in isto cap. Dicendum, quod non est rectus ordo inter ea, quia ista, quæ sunt in principio c. fuerunt post illa, quæ habentur in fine, quia ista, quæ habentur in principio facta fuerunt viginti annis post incohationem foundationis templi, ut patet in litera, quæ autem habentur infra in litera, scilicet de ordinatione officiorum sacerdotalium, & Leuiticorum necesse est, quod facta fuerunt illico post consummationem templi: quia alias non ministrarét ordinatè per tredecim annos, quod est inconueniens. Et patet hoc, quia inter consummationem templi, & ea, quæ habentur hic in principio c. interciderunt anni tredecim. Nam à principio foundationis templi, & vsque ad ista, quæ habentur hic transierunt anni viginti: ut patet in principio literæ, & tamen durauit de istis annis templi ædificatio septem annis, & ædificatio domus domini regis inter consummationem templi, & ea, quæ habentur hic in principio. Et tamen necesse est, quod ea, quæ habentur infra in litera, de ordinatione sacerdotum, & Leuitarum facta fuerint immediatè post consummationem templi, quia alias toto isto tempore intermedio tredecim annorum manerent sacerdotes, & Leuitæ deordinati, quod est inconueniens, quia Dauid ante mortem suam ordinauerat officia sacerdotum, & Leuitarum, præced. lib. 24. & 25. & 26. c. ut illum ordinem tenerent sacerdotes, & Leuitæ in templo Salomonis postquam consummatum esset, ideo cum Salomon hoc tempore esset vir valde deuotus credendum est, quod illico post templi consummationem ordinationem factam à Dauid de Leuitis, & sacerdotibus executioni traderet: potissimè, quia prima die, qua ministrauerunt sacerdotes, & Leuitæ in templo, scilicet, quando portata est arca, non erat tradita executioni ista ordinatione, ut patet supra 5. quia dicitur, quod ministrauerunt illa die omnes Leuitæ, & sacerdotes simul, eo quod nondum erat ille ordo admirandus, cum ille ordo multo tempore ante hoc factus fuerat. Si tamen non traderetur executioni vsque ad tredecim annos post illam diem, non videbatur causa quare diceretur, quod ministrabant simul: quia nondum erat ordo factus: quia etiam non fuit facta vsque postea per tredecim annos, & tamen litera illa non fuit posita sine causa: ergo videtur, quod immediatè post primam diem, qua portata est arca in templum, fuit facta ista ordinatione demandata executioni. Et sic ordo est multatus in quibusdam hic: potissimè, quia sunt hic multæ historiarum, & potuerunt esse varijs temporibus. Circa primum dicitur. *Expletis autem viginti annis.* Hic notatur tempus quo facta sunt ista, quæ habentur hic de ciuitatù constructione, & ad istud refertur etiam, quod

quod habetur præcedenti cap. de exauditione orationis Salomonis, quia 3. Regum 9. ponitur ista historia, quæ habetur hic, & dicitur, quod viginti annis postquam ædificauit Salomon duas domos facta sunt, quæ habentur hic, & patet hoc, quia dato, quod litera non significet illud, necesse est sic concedi. Quia dicitur ibi: postquam templum consummatum est, & domus regis, facta est illa apparitio, & tamē fuerunt illa consummata viginti annis postquam inchoatum est templum: nam templum fabricatum est annis septem. 3. Reg. 6. & domus regis fabricata est annis tredecim, & 3. Reg. 7. cap. qui sunt simul viginti anni. *Postquam ædificauit Salomon domum domini, & domum suam.* Id est postquam ædificare cepit: nam non potest accipi ædificauit, id est consummauit ædificationem. Et hic accipitur improprie ædificauit, quia ædificauit signat rem perfectam, quia est verbum præteriti, & tamen hic non accipitur pro re perfecta, sed pro re inchoata. Et sic a die foundationis templi computantur isti viginti anni. Si autem aliquis velit dicere, quod accipiat propriè ædificauit, quia nemo nos cogit ad ponendum improprie istud verbum, sed potius est conuerso semper debet intelligi dictio quæcunque, vel oratio in significatione sua, nisi constet aliunde, quod debet teneri necessariò improprie. Dicendum, quod non stat, quia non potest accipi ædificauit pro perfecit ædificium: quia tunc sequeretur, quod esset istud anno quadragesimo tertio, vel quarto ad minus regni Salomonis, quod est impossibile: quod patet, quia Salomon regnauit quatuor annis antequam inchoaret ædificationem templi. Nam anno quarto regni sui inchoata est, ut patet 3. Reg. 6. & durauit postea ædificatio templi Salomonis annis septem, & sic anno vndecimo regni Salomonis consummatum est templum: 3. Reg. 6. deinde cepit ædificare Salomon domum suam, & compleuit eam annis tredecim. 3. Reg. 7. & sicerant anni viginti quatuor de regno Salomonis, quando consummata est domus sua. Si ergo accipiantur viginti anni post ædificationem templi, & domus Salomonis erit annus quadragesimus quartus regni Salomonis, siue postquam Salomon regnare cepit, & istud est impossibile, quia Salomon solum regnauit annis quadraginta. 3. Reg. 11. ideo necesse est, quod accipiatur postquam ædificauit, id est postquam ædificare inchoauit, & sic ponitur improprie. Sed tunc dicitur, quomodo potest stare ista litera, id est postquam ædificauit, id est postquam ædificare inchoauit domum domini, & domum suam: quia non fuit aliqua vna dies in qua ædificatio templi, & domus regis inchoaretur: ut ab illo die computentur viginti anni usque ad tempus, de quo hic dicitur. Dicendum, quod hic illa coniunctio, & non ponitur in viribus copulandi: ita quod recipiat totam orationem, sed ponitur ad continuitatem operis. Nam est sensus, quod à die qua fundatum est templum domini, transierunt viginti anni usque quo hæc consummata sunt. Domus etiam regis fundata est, non quidem in eadem die, sed continuato opere, id est inchoata ædificatione templi continuatum est semper opus quousque completum est, & illico domus regis fundata est, & postea consummata est, & sic ædificatur domus regis nullo modo attinet ad intentionem literæ, & tamen ponitur post continuationem historiarum. Sic factum est præcedenti c. cum dicebatur, quod Salomon fecit die octauo collectam: eo quod dedicasset altare septem diebus, & celebrasset solennitatem septem diebus. Manifestum est tamen, quod dedicatio altaris nullo modo pertinet ad collectam faciendam, sed solum celebratio festiuitatis, quæ est Tabernaculorum, & tamen quia ista duæ celebrationes factæ sunt continuato tempore, id est finita vna, inchoata est alia, ponuntur ambæ ad notandam istam continuationem: Ita hic licet

A tempus viginti annorum non computetur nisi à die foundationis templi: tamen ponitur etiam fundatio domus regis, quia continuato opere fundata est domus regis post domum domini, & accipitur hic domus Salomonis pro omnibus ædificijs, quæ pro se fecit. Nam non erat vnica domus, sed tres, id est domus filiarum Pharaonis, & domus Salomonis, & domus saltus Libani, de quibus declaratum fuit. 3. Reg. 7. in quadam quæstio. *Ciuitates quas dederat Hiram Salomoni ædificauit.* Scilicet, opera præcedentia fuerunt maioris necessitatis, id est ædificatio domus domini, & domorum regis, quibus completis conuertit se ad ædificandum opera minus necessaria, id est restaurandum, vel reficiendum ciuitates, quæ egebant reparatione, & istæ erant, quas dederat Hiram rex Tiri Salomoni, & non habetur de istis ciuitatibus nisi hic, quia nihil dicitur. 3. Reg. 9. ubi ponitur ista historia, quæ autem sint ciuitates istæ declarabitur infra in quadam quæstione. Et dicitur ædificauit, id est refecit, quia non ædificauit de nouo: nam aliàs istæ non essent prius ciuitates: erant tamen prius, cum dicitur hic, quod Hiram dedit ciuitates istas Salomoni: ideo erat refectio quædam, quia erant aliqualiter directæ, & refecit eas, ut conuenienter populus in eis maneret securus ab incurso bellico. *Et habitare ibi fecit filios Israel.* Quia prius non habitabant ibi filij Israel, cum istæ ciuitates de nouo datæ fuerint Salomoni ab Hiram. Sed aliæ gentes habitabant, id est Tyrij, & nunc fecit Salomon habitare ibi Israelitas. *Abijt quoque in Hemath Soba.* Ponuntur hic ciuitates, quas Salomon bello obtinuit. Nam præcedentes obtentæ fuerunt donatione, vel pacto, id est quia dederat eas ei Hiram: istas autem, quæ sequuntur, obtinuit bello. Et dicitur, quod iuit in Hemath Soba, id est iuit in terrâ Hemath, quæ est in regione Soba ad obtinendum ciuitates, quæ in prouincia illa erant. Est enim Soba nomen regionis, & Hemath etiam, de quo dicitur infra in quadam quæstione. *Et ædificauit Palmiram in deserto.* Ista est quædam ciuitas, quæ à Græcis sic nominata, & sic consuetudo latinorum eam appellat. Est autem aliud nomen eius in Hebræo, quia tamen non curatur in communi locutione de eo non posuimus. Ista est ciuitas in deserto, scilicet in terra Chanaan ad partem Aquilonarem: est enim aliqua pars, quæ vocatur desertum in finibus terræ Chanaan, & Siriarum, & ibi est regio Hemath, in qua est ciuitas Palmira. Hanc ciuitatem nouiter videtur ædificasse Salomon, quia fortè visus est ei locus conueniens in deserto illo ad habitandum, & constituit ibi ciuitatem illam. Vel dicitur ædificauit, id est reædificauit: sicut accipitur supra de ciuitatibus, quas dedit Hiram Salomoni, quod ædificauit eas Salomon, & tamen non potest ibi accipi ædificare pro ædificare, sed pro reficere. *Et alias ciuitates munitissimas ædificauit in Hemath.* Scilicet, regio Hemath est magna, & in ea Salomon ædificauit multas ciuitates munitissimas. Et potest intelligi, quod regio illa habebat vrbes multas veteres ab indigenis habitatas, sed bellico insultu, vel vetustate dirutæ erant, & illas refecit Salomon addendo eis magna arces, id est quia fortè in eis fecit turres multas, vel castra. Vel potest intelligi, quod Salomon ædificauit vrbes de nouo in terra illa, quia terra illa Hemath erat magna, & rare habitationis, & quod erat in confinibus Israelitarum, & Sirorum ædificauit vrbes multas ad fortitudinem terræ suæ, ne terra existente, sine habitatore, daretur occasio Siris occupandi illam, & habendi inde ingressum ad alias partes regni Israel. *Extruxit quoque Bethoron superiorem, & Bethoron inferiorem.* Duæ ciuitates erant, quæ vocantur Bethoron in terra Israel, & ideo vna vocatur Bethoron superior, & alia inferior, scilicet, quia vna erat magis orientalis, quàm alia, & pars orientalis vocatur

catur superior, & occidentalis inferior. Vel vna erat magis Septentrionalis, & alia magis meridiana. Pars autem Aquilonaris vocatur superior, quia fortè in terra Chanaan aque defluebant à parte Aquilonari ad meridianam. Erant autem istae duae ciuitates in sorte Manasse, & Ephraim: vt patet Iosue 16. & 17. Et ex hoc patet, quod vna istarum fortium erat magis meridiana quam alia, cum sortes tribuum, vt communiter porrigerentur ab Oriente versus Occidentem, & necesse erat, quod fors Manasse esset magis meridiana quam fors Ephraim, vel è conuerso. *Ciuitates muratas habentes portas, & seras.* Vocantur Bethoron superior, & inferior ciuitates muratae habentes portas, & seras, & hoc dicitur ad differentiam villarum, vel vicorum. Nam ciuitates in sacra scriptura non accipiuntur eo modo, quo nos accipimus. Sed omnis locus muratus vocatur ciuitas, nisi fortè sit valde paruus, ita vt magis vocetur castrum, vel arx: & loca non murata vocantur villa, vel viculi: & vt sciatur, qd Bethoron erant ciuitates, dicuntur haberes portas, & seras. Vel potest etiam inferri ad infra positas, quia illae fuerunt ciuitates habentes portas, & seras. *Balach etiam.* Ista est quaedam ciuitas sita in sorte Simeon: Ios. 19. & ista erat aliquas ruinas habens, & Salomon fecit eam. *Et omnes vrbes firmissimas, quae fuerunt Salomonis.* Idest, refecit etiam Salomon omnes vrbes fortes, quae erant in dominio suo. Et potest intelligi dupliciter, vno modo, qd extruxit vrbes firmissimas, idest solum curauit reficere vrbes illas, quae erant firmissimae. Nam de vrbibus paruae defensionis, vtpote, quia erant in plano, non curauit multum, sed de vrbibus, quae erant in locis naturaliter munitissimis: nam illas refecit, vt sic fortiores essent ad resistendum hostium inuasioni. Simile habetur tempore Iosue: nam quando Iraclitae occiderunt multos Chanaanos, & caperunt ciuitates eorum, combusserunt omnes vrbes, quae erant in plano. Iosue 11. ca. vel intelligitur, & omnes vrbes firmissimas, idest reaedificauit omnes vrbes faciendo eas firmissimas, quia prius non erant firmae. Et per reaedificationem istam factae sunt firmissimae. *Cunctasq; vrbes quadrigarum, & equitum.* Idest etiam reaedificauit vrbes, in quibus essent quadrigae Salomonis, & equites eius. Quadriga non accipitur hic pro curru, siue plauistro, sed equis trahentibus currum. Nam vocatur quadriga à numero equorum. Quatuor equi faciunt quadrigam, & tres equi trigam, & duo equi bigam, & equi isti conseruabantur in diuersis ciuitatibus, de quibus infra dicitur in quadam questione. *Omnia quaecumque voluit Salomon atque disposuit aedificauit:* Hic ponitur clausula generalis signans potestatem, & prosperitatem Salomonis quantum ad omnia aedificia, quia quidquid voluit Salomon, aedificauit, & in hoc fuit excellens valde: s. qd nullus tanta, & tam ampla atque magnifica aedificia fecit, sicut Salomon: vnde cum Iosephus laudaret Herodis prosperitatem, & magnificentiam suam in aedificijs, dixit qd post Salomonem nullus talis aedificator iuerat: vt patet lib. 15. Antiqui. in quo magnificam gloriam aedificiorum Salomoni tribuit. *In Ierusalem, & Libano.* In Ierusalem fuerunt aedificia Salomonis magnifica in construendo domum domini, quanta pulchritudine, & expensarum multitudine constructa est, vt vix à quouam supputari posset expensarum copia: erat enim tota domus interius operata laminis aureis in tecto, pavimento, & parietibus, ita vt nihil in ea esset, qd non aurum videretur. 3. Regum 6. etiam fecit tibi magnificum aedificium domus suae, & domus filiae Pharaonis, & domus saltus Libani: etiam fecit Salomon aedificia magna in Libano, quia Libanus erat mons excellens, in quo sunt cedri excelsae, quae ad aedificia sunt optime inter omnia ligna. Aliqui putant, qd aedificium, quod

fecit Salomon in Libano fuit illa domus, quae vocatur domus saltus Libani, de qua 3. Reg. 7. erat enim magnifica valde, vt patet ex descriptione figurae eius, cod. Libano. *Opinio d. aedificio i Libano.* cap. Etiam erat domus excellens, quia omnia vtenilia domus saltus Libani erant de auro purissimo. sequenti c. Sed errant, quia ista domus saltus Libani erat in Ierusalem, & ibi erat armamentarium Salomonis, vt patet 3. Reg. 7. Quare autem vocaretur domus saltus Libani, cum esset in Ierusalem, declaratum est eo. c. sed fuerunt ista aedificia aliqae domus magnificae, quas fecit in Libano, de quibus infra dicitur in quadam questione. *Et in vniuersa terra potestatis suae.* Quasi dicat, non solum fecit ista opera magnifica, quae narrata sunt, sed generaliter in tota terra, quae erat sub potestate sua, faciebat opera magnifica reficiendo omnia vetera, & noua construendo, cum esset opus.

Quomodo est verum, qd Hiram dederit ciuitates Salomoni.
Quaest. II.

QVAERITVR circa praedicta, & primò, quia dicitur hic, qd Salomon aedificauit ciuitates, quas dedit ei Hiram, quomodo potest hoc stare, quia non legitur alibi, quod Hiram dederit aliquas ciuitates Salomoni, sed potius legitur, quod Salomon dedit regi Hiram viginti oppida in terra Galileae. 3. Regum 9. Aliquis dicet, quod hic est mutatio sentus, vel est aliquis error: quia deberet dici, quod Salomon dedit ciuitates Hiram, & sic intelligendum est, & patet hoc, quia hic ponitur historia, quae habetur ibi, & tamen loca, quae habentur hic etiam habentur ibi, & tamen loco huius, quod ponitur hic, qd Hiram dedit ciuitates Salomoni habetur ibi, qd Salomon dedit Hiram regi Tyri viginti oppida in terra Galileae: ideo videtur, qd ista sententia sit eadem cum illa. Dicendum, qd hoc non stat. Primò, quia ista sententia non potest coincidere in idem, sed potius est contraria, s. qd Salomon dederit ciuitates regi Hiram, & qd Hiram dederit ciuitates Salomoni: ideo non est concedendum, qd ponatur vnum pro alio. Secundò, quia ista litera habetur etiam in omnibus alijs libris. Non est ergo dicendū, quod sit error literae. Tertiò, quia nullo modo potest competere literae ille sentus, licet velimus dicere, qd Salomon dedit istas vrbes regi Hiram. Nam dicitur, quod Salomon aedificauit eas. Et tamen si Salomon dedisset eas regi Hiram, cum iam pertinerent ad Hiram, non poterat eas Salomon aedificare: quia non pertinebat ad eum: & tamen pertinebat, alias aedificauit eas, scilicet refecit Salomon: ergo non dederat eas Salomoni regi Hiram, sed potius erant iam regis Salomonis, & sic Hiram dederat eas sibi, cum hic fiat mentio de Hiram, & Salomone. Quartò patet, & efficacius, quia dicitur, quod Salomon fecit in ciuitatibus illis habitare filios Israel, vt patet in litera. Si tamen ciuitates istas dedisset Salomon regi Hiram, non faceret in eis habitare Iraclitas: sed potius Tyrios, qui erant subditi regis Hiram: ergo non dedit Salomon istas vrbes, de quibus hic dicitur regi Hiram, sed potius regi Salomoni dedit Hiram. Sed tunc manet dubium, quomodo rex Hiram daret vrbes aliquas Salomoni, cum Salomon esset ditior valde quam Hiram, & potius deberet Salomon dare regi Hiram. Posset dici, quod istae vrbes, quas dedit Hiram regi Salomoni, fuerunt illae quas Salomō dederat in terra Galileae, postquam regi Hiram viginti oppida in terra Galileae, & aurum, & argentum pro aedificatione domus domini, & domus iug. Exiit autem Hiram de regno suo, vt videret ista oppida, quae dederat ei Salomon, & dicitur, quod non placue-

Ciuitas Balach vbi.

Vnde quadriga.

placuerunt in oculis eius, vocauitque terram illam Chabul, quod signat displicentiam: vt patet 3. et 9. & sic cum non placerent oppida illa regi Hiram, forte restituit illa Salomoni: & tunc diceretur dedisse ei. Sed dicendum, quod hoc non stat, quia non videtur quod illa oppida, quæ Salomon dedit regi Hiram fuerunt ei restituta, sed potius retinuerit ea sibi Hiram. Et patet primò, quia dato quod dicatur quod non placuerunt in oculis Hiram nihil aliud subditur. Nam non ponitur quod reiecit illa, vel non recepit illa. Secundò quia dato quod non recepisset illa Hiram rex Tyri, non diceretur ea dedisse Salomoni, sed solum non recepisse, quia aliàs necesse erat, quod acceptasset illa Hiram & possedisset illa, & postea restituisset ea Salomoni, sed hoc non asseritur. Tertiò quia dicitur quod Salomon edificauit ciuitates istas, quas dedit ei Hiram. Si autem Salomon dedisset istas vrbes Hiræ, & postea Hiram restituisset eas Salomoni, non reficeret illas nunc Salomon: sed prius refecisset illas, cum essent in potestate sua. Etiam non diceretur, quas dedit ei Hiram: quia cum Hiram non tenuisset illas longo tempore, sed recipiens mox restituisset, tamen dicitur: quas dedit ei Hiram: ideo inteligitur de alijs. Quartò patet, & efficacius, quia dicitur: & habitare fecit in eis filios Israel: & tamen si istæ ciuitates essent prius de regno Salomonis habitarent in eis filij Israel, & dato quod Hiram videns oppida sibi data à Salomone non placeret sibi illa recipere, sed tene-
ret eas sibi Salomon, non mutaretur habitatio Israelitarum de eis, ita vt popularentur de subditis Hiram, & postea quod illa populatio recederet, & rediret Israelitæ ad habitandum in eis: quia dato q Salomon daret illa viginti oppida Galilææ regi Hiram, non videtur, quod inde recederent Iudei ad hoc, quod habitarent Tyrij. Et si taliter mutatio fieret, magnum tempus requirebatur, quod non stat cum positione ista, scilicet quod rex Tyri videns oppida illa, non acceptaret ea. Dicendum ergo videtur, quod Hiram rex Tyri dedit de regno suo aliquas vrbes Salomoni, quæ non erant habitate fortè propter bella, & erant dirutæ, & illas refecit Salomon, & fecit, quod habitarent in eis Israelitæ: vel fortè in eis habitabant aliqui Tyrij, & desierunt habitare, in eis habitare ceperunt Israelitæ. Si autè dicatur, q non erat hoc verisimile, s. q Hiræ, qui erat pauper rex daret Salomoni, qui erat diues aliquas vrbes: dicendum videtur, quod fortè Hiram habebat in extremitate regni sui aliquas vrbes intermixtas vrbus terre Israel, quæ melius conuenirent regno Salomonis, quàm Hiram, & Salomon fortè haberet aliquas vrbes in fine regni sui, quæ magis cõuenirent regno Tyri quàm suo. Et ob hoc considerato, quod expediret eis permutauerunt loca, scilicet quod Salomon daret regi Hiram aliqua oppida de regno suo, & Hiram daret alia Salomoni de regno Tyri, & illæ vrbes quas Hiram dedit Salomoni, fortè non erant sufficienter muratæ, & Salomon voluit eas munire: potissimè, quia erant in extremitate regni apud Tyros, & Tyrios, & talia loca debent esse magis munita, & cum muniuisset ea, fecit quod Israelitæ habitarent in illis. Loca autem, quæ Salomon dedit regi Hiram, videntur esse illa viginti oppida, quæ erant in terra Galilææ. Nam erat duplex Galilæa, quæ re Tyberiadis, & inferior. Superior erat apud madit Salomon oppida regi Hiram, vt essent coniuncta regno suo: & licet rex Hiram dedisset Salomoni multum aurum, & argentum, & ligna cedrina atque abiegna, & pro hoc teneretur sibi ad partem remunerationis non præstare, & ob hoc
Alph. Tost. super Paralip. Pars 3.

A dederit sibi aliqua oppida: tamen non dedit sibi omnia viginti oppida propter hoc: sed quedam in remunerationem, & alia in permutationem. Iste modus est valde conueniens literæ. Si autem hunc non vis, pone quemcunque volueris, dum tamen maneat quod Hiram dedit aliquas ciuitates Salomoni, quæ cesserint in ius Salomonis, in quibus habitauerint Israelitæ: vt litera vult. Iosephus tamen octado Antiquita. non vult quod ista oppida viginti, quæ dedit a Salomon regi Hiram, fuerint data in permutationem, sed in remunerationem, & quod Hiram acceptauerit ea, vt ait ibidem, scilicet: Hæc autem Salomò viginti annis ædificauit, cui multum aurum, & argentum Hiram rex Tyri ad ædificandum contulit. B Insuper ligna cedrina, & cipressina: quem Salomon quoque magnis compensationibus redonauit mittens ei per annos singulos triticum, vinum, & oleum, quibus rebus, eo quod habitaret in insula maxime indigebat. Ad hæc autem ciuitates Galilææ, & regionis viginti numero non procul a Tyro positas condonauit. Quas cum circuisset atque considerasset, displicuissetque ei donum, mittens ad Salomonem dixit se ciuitatibus non egere: & ex tunc appellatæ sunt terra Chabul, quod interpretatur lingua Phœnica displicere. Quidquid tamen sit, necesse est dicere, quod rex dederit aliquas ciuitates Salomoni.

An Emath esset ciuitas, vel provincia.

Quest. III.

QVAERITVR vterius de Emath, de qua hic dicitur quid erat, scilicet an esset ciuitas, vel provincia, vel quid. Respondendum, quod quidam volunt eam esse urbem, quia ponitur tanquam terminus terræ Israel, vt patet Nu. 34. vbi dicitur, quod terminus terræ Chanaan est Emath, & ponuntur ibi vrbes aliquæ, & montes pro terminis: cū dicitur: Porro ad septentrionalem partem à mari magno termini incipient peruenientes vsque ad montem altissimū, a quo venient in Emath vsque ad terminos Sedada. Si tamen Emath esset regnum, non conuenienter poneretur pro termino sicut ponuntur ibi alia villæ, vt patet in litera. Alij dicunt, quod sit nomen regionis: quia 2. Reg. 8. dicitur quod Thou erat rex Emath: ergo erat regio. Dicendum quod Hemath est nomen regionis, & est nomen ciuitatis. Quod sit nomen ciuitatis patet ex dictis. Etiam quia assertio multorum est, quod Hemath sit ciuitas, quæ postea vocata est Anthiochia, in qua fuit sedes apostolica, & inde Romā translata est. Quod aut sit nomen regionis patet in litera, quia dicitur q edificauit Salomò ciuitates munitissimas in Emath. Si tñ Emath non esset provincia, non possent ibi ciuitates edificari. Item patet quia 4. Reg. 23. dicitur vixit eum Pharaon rex Aegypti in Reblata, quæ est in terra Hemath. Dicitur ergo, q Emath est principaliter nomen vrbs, quia tamen est ciuitas magna, tota regio coniuncta vocatur ex nomine eius terra Hemath. Sic enim est in multis alijs in scriptura. Nam sic Samaria est nomen ciuitatis, & regionis. De ciuitate patet, quia quarto Regū decimo sexto dicitur, quod Samaria ædificata fuit ab Ainri in monte Somer, & a nomine domini vocata est ciuitas Samaritæ. Quod accipiat pro regione apparet: quia dicitur tertio Regum decimo tertio, quod eueniret malum contra omnia phanæ excelsiorum, quæ sunt in vrbus Samaritæ, & sic in multis alijs: & sic licet Emath accipiat interdū
P pro

pro regione nomen istud non est nisi ciuitatis, & tamen denominat ab illa ciuitate prouincia sibi adiacēs. Sed tunc dicitur, si Emath est nomen prouinciæ, quo modo vocatur Emath Soba, idest in terra Soba, quia prouincia nō est in prouincia, sed ciuitas in prouincia. Dicendū, quod Suba siue Soba nomen regionis est, in qua regnauit Adarezer, qui fuit hostis Dauid, & contra quem pugnauit: vt patet 2. Reg. 8. & decimo, & Emath est ciuitas, quæ est in regione Soba, & rursus ab ipsa ciuitate Emath, & sic distinguuntur interdum Emath, & Soba tanquam duę regiones: vt cū dicitur, quod Adarezer erat rex Soba, & Thou erat rex Emath. 2. Regum 8. & tamen Emah est pars Soba, scilicet prouincia parua in prouincia magna, & cū dicitur quod prouincia non est in prouincia, sed ciuitas in prouincia, dicendum, quod interdum prouincia est in prouincia: quia diuiduntur magnæ prouinciæ per paruas: nam terra Soba erat in terra Syriæ, & Syria est prouincia, quæ diuidebatur principaliter in duas partes, scilicet in Syriam superiorem, & inferiorem, siue in Syriam Damasci, & Syriam Soba, siue Syriam Mesopotamiæ: & patet hoc 2. Regum 8. cū dicit, quod Syria Damasci venit, vt auxilium ferret regi Soba. Ita ergo regio Soba diuidetur in alias particulares, quarum vna erit Emath. Sic enim Hispania est vna prouincia: & tamen diuiditur in multas prouincias & regna: & quodlibet regnum rursus diuiditur in multas prouincias, sicut regnum Castellæ diuiditur in Galitiam, Lusitaniam, Beticam, Barduliam, & multas alias regiones, quarum quęlibet postea multas habet ciuitates.

Quare edificauit urbem Palmiram in deserto &c.

Quest. IIII.

QVÆRITVR vltius circa regionem, vel urbem dictam Palmiram, quā edificauit Salomon in deserto, quare edificauit eam, & an sit in terra Israel. Dicendum, quod Palmira edificata fuit à Salomone in deserto Syriæ extra terram Chanaan: quod patet: quia terra Chanaan terminatur a parte Septentrionali flumine Euphrate. Ge. 15. & Deu. 11. & Iosue primo. Ista tamen ciuitas est magis Septentrionalis quā Euphrates: vt ait Iosephus 8. Antiq. Ista ciuitas non fuit à Salomone reedificata, vt aliqui existimant, ita quod prius eius existerent ædificia, sed Salomon illam ampliauerit, aut velut destructam reficeret: sed nouiter illam condidit. Causa huius fuit, quia ista ciuitas erat in regione Syriæ, & inter terram Chanaan & Syriæ superioris est desertum magnum, in quo non sunt aquę ad bibendum, ideo terra caret habitatore. In loco autem vbi Palmira edificata fuit erat aquarum copia: ideo Salomon regionem illam à nullo occupatam inueniēs occupauit, & ciuitatem ibi magnam construxit, & ob hoc scriptura facit specialem mentionem de hac ciuitate, quia erat valde famosa. Causa quare edificauit, fuit quia erat valde utilis ciuitas illa regno suo: nam erat in confinibus Syriæ, & ex illo loco poterat cognosci insultus aliquis, quem facere vellent Syri contra Hebræos, & prouiderent ei, etiam ex illo loco resisteretur Syris volentibus introire in terram Israel. De ista ciuitate loquitur Iosephus 8. Antiqui. dicens: Pergens Salomon in desertum superioris Syriæ, eamque capiens, constituit ibi maximam ciuitatem duorum dierum itinere à Syria superiore distantem, ab Euphrate verò vnus: à ma-

xima Babylone sex mansionibus procul extātem: Vt autem hæc ciuitas à partibus habitabilibus Syriæ distaret, hæc causa est, eo quod in inferiori terra aqua nusquam inueniatur: in illo autem loco solum modo putei, & fontes abundant. Hanc itaque edificans ciuitatem, & muris eminētibus eam circuncingens thadum appellauit, & hætenus apud Syros ita appellatur, quam Gręci Palmiram vocant.

An peccauerit Salomon edificando in terra Syria.

Quest. V.

QVÆRITVR vltius, an Salomon peccauit edificando ciuitatem istam in terra Syriæ, & occupando regionem terre illius. Aliquis dicit, quod sic, quia Deus dederat Israelitis terram Chanaan solam habitandam. Si ergo ipsi vellent occupare alias regiones, transcenderent limites mandati diuini, & peccarent. Confirmatur hoc, quia Deus assignauit diligenter terminos terre Chanaan ex omni parte, & dixit, quod illa erat terra, quam possiderent, quæ continebat sub illis terminis, ergo omnes alias possidere prohibuit, quia aliās superfluum esset tam diligenter terminos terre huius assignari. Nu. trigesimo quarto cap. Respondendum, quod non peccauit Salomon edificando ciuitatem illam in terra Syriæ: quia licet termini terre Chanaan non clauderent ciuitatem illam, sed esset in Syria, tamen in hoc non præiudicabat Salomon Syris, quia illa regio erat nullius: non enim occupauerāt Syri regionem illam, nec occupare volebant, eo quod non poterant terram populi Syriæ: nam distabat locus ille à locis habitabilibus Syriæ duabus dietis, in quibus nulla erat aqua, & sic non poterant coniungere terræ suę locum illum, in quo erat Palmira: sed ille aquis abundaret: & cū à nemi ne occuparetur, poterat illum Salomon sine cuiuslibet præiudicio occupare: quia in nullius bonis erat, & res, quę in nullius bonis est primo occupanti conceditur. Ideo nec poterant Syri contra Salomonem reclamare tãquam aliquid ipsorum occupasset, cū ipsi nollent regionem illam occupare. Alio modo posset dici, quod Salomon obtinuit regionem illam in bello iusto: & sic efficiebatur sua, & poterat in ea vrbes facere, & illas possidere, & hoc satis consonat literæ, quia dicitur: abiit quoq; in Emath, & obtinuit eam, & edificauit Palmiram in deserto, scilicet postquam regionem Emath obtinuit, edificauit in deserto illo Palmiram. Cū autem obicitur, quod non poterat Salomon edificare ciuitatem illam, quia erat extra terram Chanaan. Dicendum, quod licet Israelitis solum esset promissa terra Chanaan, tamen poterant ipsi occupare alias regiones, quando haberent iustam causam pugnandi contra habitatores terre ipsius. Ista autem erat differentia inter bella, quæ Israelitę faciebant contra Chananzos, & contra alias gentes, quia contra Chananzos ad hoc, quod Israelitę pugnarent, non erat opus aliqua causa noua: sed ex eo, quod Chananzei erant, pugnare licebat contra illos: imò quod magis est, ex eo quod Chananzei erant, non licebat cum eis pacis fœdera iniri: & si Israelitę facerent aliqua fœdera volendo eos dimittere viuentes, peccarent, vt patet Nume. trigesimo tertio, & Deutero. 20. & Iosue 23. & Iudi. secundo. Contra alias autem gentes non erat licitum Israelitis pugnare, nisi suborta aliqua causa noua rationabili. Et ratio diuersitatis est, quia Deus condemnauerat Chananzos ad mortem: quia

quia iam consummata erant peccata eorum: licet tempore Abraham non essent consummata iniquitates ipsorum. Gen. decimo quinto, & fecerat Iudeos executores huius sententię contra Chananęos: imposueratque eis necessitatem exequendi: unde si vellent parcere, eis agerent contra mandatum eis datum, & peccarēt. Contra alias gentes non fuerant constituti Israelitę executores: quia nec fuerat sic sententia data contra aliquā de totali deletionē, sicut contra Chananęos: iō non poterant Iudei procedere contra alias gentes tāmquam executores diuinę sententię, sed tanquam prosequentes vindictam proprię iniurię: & ad hoc necesserat, ut oriretur aliqua causa rationalis, ex qua Iudeis competeret pugnare contra alias gentes, & quando talis causa intercederet, poterant licitē pugnare. Israelitę contra gentes, quę erant extra terminos terrę Chanaan, & occupare ciuitates eorum hac lege, quod si ciues oblatam pacem per Israelitās reciperent, seruirent sub tributo, & manerent illęsi in vrbe sua. Si autem non reciperent pugnabatur vsque ad captionem ciuitatis, & occidebantur viri bellatores omnes in ore gladij. Deuterono. vigesimo capi. Istud autem verū erat generaliter nisi contra duas alias gentes, quę non erant Chananęę: & tamen Deus dederat Israelitis pręceptum de hostiliter agendo contra illas, ideo nulla alia suborta causa poterant pugnare contra illas, scilicet contra Madianitas, & Amalecitas. De Madianitis causa fuit, quia ipsi dederunt modum ad decipiendum Israelitas, ut fornicarentur, & colerent idola, et sic veniret ira Dei contra eos: & sic dixit Deus: hostes vos sentiant Madianitę, quia hostiliter egerunt contra vos. Nume. vigesimo quinto cap. De Amalecitis causa fuit, quia bis pugnaverunt contra Israelitas in deserto iniuste: ut patet Exo. 17. & Num. 14. et Deus iussit, quod non obliuiscerentur Israelitę illius iniurię: sed cum haberent pacem in terra sua delerent nomen Amalec de sub cęlo. Deuterono. 26. Nunc autem Salomon pugnavit contra Syros de terra Emath, et forte habuit bellum iustum contra eos: ideo poterat licitē occupare terram eorum, et occupavit regionem istam. Cum autem dicitur, quod Israelitis non licebat occupare, nisi terram illam, quę erat eis promissa, et cuius termini eis erant declarati, quia aliās frustra ponerentur termini cum tanta diligentia, dicendum quod licebat occupare terram vicinorum ex iustis causis exortis bellis. Terminorum autem assignatio non excludit iusta bella, nec ex hoc est inutilis illa signatio, quia proficit ad multa. Primō, quia ex hoc sciunt Israelitę contra quas gentes poterant pugnare, nulla causa existente, et contra quas gentes requirebatur existentia causę: nam contra illas, quę erant illis terminis clausę non requirebatur aliqua causa ad hoc, quod pugnant, et contra aliās requirebatur causa. Secunda ratio, quia sciunt Israelitę, quę gentes erant cum quibus erat sibi imposita necessitas pugnandi, et quę nō. Nam contra inclusas terminis illis cogebantur pugnare, et nō poterant parcere eis. Deuterono. 20. contra alias gentes regulariter non cogebantur. Tertio, quia per hoc sciunt Israelitę differentiam bellorum: nam cum pugnarēt Israelitę, aliam legem habebant pugnando contra Chananęos quā contra gentes extra terram Chanaan: ut patet Deuterono. 20. Requirebatur ergo, quod sciunt, qui erant Chananęi, et qui non, et hoc sciunt per assignationē istorum terminorum.

Quare edificavit istas vrbes Salomon.

Questio V I.

QVAERITVR quare Salomon edificavit ciuitates istas, de quibus hic dicitur, et potissime, quia dicitur, quod edificavit omnes vrbes firmissimas, quę fuerunt Salomonis. Dicendum, quod Salomon edificavit hic quasdam ciuitates extra regnum suum, et alias intra. Nā illę, quę edificavit in terra Emath, erant extra regnū Salomonis in terra Syrię, et de istis dicendum, quod Salomon occupavit in bello iusto terram Emath, quia pugnavit contra Emathęos, ut colligitur in litera, cum dicatur, quod obtinuit eos, et ciuitates eorum dirutas edificavit, ut haberet firmā defensionem in eis de Bethoron superiore, et inferiore, et aliis ciuitatibus regni sui quas extruxit. Causa potest esse duplex. Prima, quia istę vrbes vetustate, vel fortē bellis habebāt muros ex aliqua parte dirutos, et Salomon reficiebat nunc, quę corruerant. Secunda et verior est, quia aliquę ciuitates erant inter Israelitas, quę destructę fuerant a principio habitationis Iudeorū in terra Chanaan, et nullus habitabat in eis, et habebant ex maxima parte muros dirutos: et hoc fuit, quia quando Iosue, et Israelitę ceperunt simul de potestate Chananęorum multas vrbes, occidendo triginta & vnum reges ipsorum non potuerūt habitare in omnibus illis ciuitatibus, quia ipsi pauci erant ad occupandum tantam regionem, & quia si vrbes manerent erectę, Chananęi superuenirent & occuparent eas denuo, & sic rursus bellandum esset contra eos, & nunquam deficeret bellum Israelitis: ad evitandum autem hoc Iosue fecit, quod omnes vrbes acceptę de manu Chananęorum, quę erant in plano, & malē defensibiles erant, cremarentur, & diruerentur: ut non haberent iam in eis locum defensionis Chananęi. Vrbes autem fortes, quę erant in locis munitissimis non fuerunt crematę: sed habitauerūt in eis Israelitę, eo quod faciliter poterant tales vrbes defendi propter conditionem loci. De hoc patet Iosue. xj. Istę autem vrbes, quę illo tempore fuerant destructę, postea reficiebantur paulatim crescente populo Israel, utpote si in aliqua sorte tribus essent tres, vel quatuor vrbes de istis dirutis, cum cresceret populus, & iam non caperetur in vrbibus fortibus, quę manserunt illęsę, reficiebant aliquam de vrbibus dirutis, & habitabant ibi. Nunc autem tempore Salomonis, quia populus Israel creuerat nimis, & Salomon volebat dilatare gloriam regni sui, refecit omnes ciuitates, quę sic erant dirutę in regno suo, & fecit eas esse vrbes munitissimas ponendo turres, & alia propugnacula fortiōra quā prius extiterant, & fecit quod habitarent Israelitę in istis vrbibus.

Quę fuerunt istę vrbes quadrigarum, & equitum.

Questio VII.

QVAERITVR Vterius, quę erant istę vrbes quadrigarum, & equitum, de quibus hic dicitur. Respondendum quod quadriga, ut supra dictum est, non accipitur pro plaustrō, sed pro equis trahentibus plaustrum, & vocatur quadriga a quatuor equis, & quia quilibet currus bellicus habebāt quatuor equos, vocantur omnes iuncturę equorū quadrigę: & erant vrbes quadrigarum vrbes in quibus custodiebātur equi Salomonis: nā Salomon ad dilatandum, & magnificandū gloriā regni sui cōgregavit multos equos de Aegypto, & Coa & de alijs regionibus, ut patet sec. & 3. Re. 10. & fecit sibi equites multos: ita ut diceret Salomon hęc quadraginta millia p̄sepia equorū curri

P 2 lium

lium, & duodecim millia equestrum. tertio Regum quarto capitulo. Istos equos distribuit Salomon per vrbes: nam habebat semper secum aliquos in Ierusalem vbi manebat ad ostendendum gloriam suam. Alios verò posuerat in varijs ciuitatibus regni sui, & præpositi Salomonis curabant de pabulis ipsorum equorum. Nam Salomon habebat præpositos duodecim, qui prouiderent domui suæ de cibis per duodecim menses anni quilibet mense suo. 3. Reg. 4. & isti curam habebant de cibis equorum, scilicet, quod quilibet prouidebat equis regis vno mense, vocabantur vrbes equitum, vt aliqui putant, illæ, in quibus Salomon assignauerat sibi equites: nam Salomon ascripserat militiæ suæ multos de Israelitis, & illi erant in ciuitatibus certis de regno Salomonis, & illæ vocabantur ciuitates equitum. Sed dicendum, quod hoc non stat, quia licet Salomon ascripsisset militiæ suæ multos de Israelitis: tamen non erant illi in ciuitatibus certis, quia non erat opus ad aliquid, scilicet quia non assumebat Salomon milites de certis ciuitatibus, & non de alijs: sed vbicunque videbat virum probum, & aptum bello, iungebat eum sibi de quacunque ciuitate, vel de quacunque progenie esset, sicut faciebat Saul primo Regum 14. etiam equites congregati non erat opus, quod essent in aliquibus certis ciuitatibus, cum non agatur hic de temporibus bellorum: sed vbique poterant esse. Agitur autem de equis quadrigarum, quod essent in locis certis, eo quod Salomon habebat multos equos curiles, & multa pabula necessaria erant eis, de quibus curabant duodecim præpositi Salomonis: & ad hoc erant equi omnes in ciuitatibus certis, vt melius possent cibi eorum congregari ad illas vrbes de alijs locis, quam si essent alibi. Dicendum ergo, quod vrbes equitum vocantur vrbes equorum pertinentium ad equites: nam Salomon habebat equos ad duplicem vsum, scilicet, ad ponendum eos in curribus, & ad equitandum in eis, & vterque vsus erat bellicus: primi equi vocantur quadrigæ, quia vni curru coniungebantur quatuor equi, qui faciunt quadrigam alij vocantur equites, id est, ad equitandum: & isti equi, qui vocantur quadrigæ vocantur etiam equi curiles, quia curribus alligati sunt. Et isti duo modi equorum ponuntur 3. Reg. 4. scilicet, Habuit Salomon quadraginta millia præsepia equorum equitum, id est, ad equitandum sic accipitur. 3. Reg. 10. & sequenti capitulo, & istud stat conuenienter, scilicet, quod sicut pro equis currilibus, qui vocantur quadrigæ erant ciuitates certæ, in quibus alerentur: ita etiam pro equis equitibus, id est, ad equitandum erant certæ ciuitates, & illæ vocantur ciuitates equitum.

Quid fecerit Salomon in Libano.

Questio VIII.

QVÆRITVR vltiori, cum dicatur hic, quod Salomon ædificauit, vel fecit in Libano quæcunque voluit, quid fuerit hoc quod ibi fecit. Respondent aliqui, quod ibi fecit Salomon domum illam famotam, quæ vocatur domus saltus Libani de cuius figura, & gloria habetur. 3. Reg. 7. Eratque tota suppellex, & vala domus illius de auro, vt patet sequenti capitulo. Dicendum tamen, quod non stat, quia domus illa, quæ vocatur domus saltus Libani non erat in Libano, sed in Ierusalem, vt declaratum est eodem capitulo. Nec ad hoc obstat nomen suum, quia ibi ponitur cuius nominis: sed est sensus, quod subiecit Salomon habitantes in monte Libano. Pro quo sciendum, quod Libanus est mons magnus in terra Cha-

naan, & Syria, & Phœnicis, in quo sunt ligna preciosissima, scilicet, cedri & cypressi, & potissimè cedri: de quo monte habuit Salomon ligna ad ædificandum domum Domini, & domum suam. 3. Reg. 5. & supra 2. cap. Est autem iste mons in latere Aquilonari terre Chanaan, vt patet Num. 34. Sic etiam patet Deut. 11. & Iosue primo, scilicet: A deserto, & Libano, & flumine magno Euphrate vsque ad mare Occidentale erunt termini vestri. Quando autem Iosue pugnavit contra Chanaanos cepit magnam partem terræ Chanaa: occiditque reges triginta vnum: Iosue 12. c. & tamen adhuc mansit magna pars terræ Chananæorum non occupata ab Israelitis, & illius erat quædam particula montis Libani: scilicet, quod ibi habitantes ibi non fuerant subiecti Israelitis, vt patet Iosue 13. & Iud. 3. Salomon autem subiecit omnes Chananæos, & quoscunque relictos de illis septem populis, qui non fuerant subiecti tempore aliorum Regum: vt patet infra in litera, & 3. Regum 9. Ideo oportuit in Libano: & quia Libanus, vt dictum est, erat in parte Aquilonarij terre Chanaan, & etiam regio Emath, quia vtrumque erat apud Euphratem, erat vnum apud alterum, & sic cum subiugasset sibi Salomon Emathæos, & edificasset ciuitates in Emath, subiugauit etiam eos, qui erant in monte Libano, & ob hoc ponuntur ista simul, scilicet de edificatione ciuitatum Emath, & de edificatione in Libano. Hoc enim Iosephus vult 8. Antiqui. dicens: Rex itaque Salomon Chananæos, qui in monte Libano morabantur vsque ad ciuitatem Amathi, non obediens subdidit, & tributa eis imposuit: & sic edificatio Salomonis in Libano aliquas vrbes refecit subdita sibi regione illa. Potest etiam intelligi, quod Salomon in Libano ædificauit aliqua magnifica loca ad delectationem habitationis. Est enim terra Libani frigidissima in tota terra Chanaan propter altitudinem. Nam cum terra Chanaan sit valde calida, cum sit partim in tertio, & partim in quarto climate: tamen nunquam deficit nix de monte Libano: vt patet Ierem. decimo octauo, scilicet. Nunquid desiciet de petra agri nix Libani, aut euelli possunt aquæ erumpentes frigida, & ob hoc tam propter frigiditatem, & temperiem loci, quam propter pulchritudinem arborum, & suauitatem arborum credendum est, quod Salomon faceret ibi aliqua ædificia ad manendum in vere, & æstate. Et hoc consonat dictis Iosephi 8. Antiqui. dicentis: ultra has fecit alias ad voluptatem, & ad epulas opportunas, & rerum temperamenti, pomorumque fertilitate, & aquarum frigidissimarum poculis abundantes. Et quia ista ædificia Libani fuerunt magnifica, fit de eis mentio specialis. *Omnem populum.* Hic ponitur secundum huius partem, scilicet populi subiecti dispositio, & diuiditur in tres partes: quia primo ponitur extraneorum, scilicet Chananæorum dispositio: secundò suorum gubernatio, ibi. *Porro de filiis Israel.* Tertiò vxoris collocatio, ibi. *Filiam verò Pharaonis.* Circa primum dicitur. *Omnem populum, qui derelictus fuerat de Hethæis.* Scilicet, Salomon subiugauit sibi tributarios omnes, qui manebant in terra Chanaan de Hethæis, Chananæis, & alijs gentibus. Multi enim manserant vsque ad tempus Salomonis, vt declaratur infra in quadam questione. *Amorrhæis, & Phœrethæis.* Septem erant populi Chananæorum. Scilicet Chanaanæi, Amorrhæi, Phœrethæi, Iebusæi, Hethæi, Gergesæi: vt patet Deuter. septimo, & Iosue 3. & ponuntur hic quinque populi solum, subiecti Chananæis,

neus, & Gergesius: Et hoc potest esse propter duo. A Primum est quia raro ponuntur omnes septem populi simul: sed positus pluribus eorum subintelliguntur ceteri: ut patet Exo. 3. ubi apparuit primò Deus Moyfi in rubo, & dixit ei, quòd volebat educere Israelitas de Aegypto, & introducere in terram Chanaan: & nominavit ibi sex populos subdicendo Gergesum. Et tamen manifestum est, quòd etiam intelligebatur promissa terra Gergesorum: quia postea Israelitæ cum essent in deserto promisit Deus, quòd introduceret Israelitas in terram Chanaan: & inter ceteros populos nominavit Pherrezei: ut patet Deuterono. 7. Postea etiam cum essent Israelitæ apud Iordanem, & ingressuri essent in terram Chanaan, dictum est, quòd Deus daret eis terram septem populorum: & inter ceteros nominantur ibi Gergesii. Iosue 3. ca. Ideo subtrahitur aliqui ille populus, & interdum duo, non quidem tanquam videantur illi exclusi: sed quia positus quibusdam intelliguntur omnes alii, & ita potest hic intelligi, quòd de omnibus septem populis Chananæorum erant aliqui residui: & tamen non posuit litera nisi quinque: quia per istos intellexit alios duos. Secundum est, quòd dicatur, quòd nunc solū erant residui de istis quinque populis: quia licet populi Chananæorum essent septem: tamen duo populi iam omnino perierant, eo quòd Israelitæ cæperant maximam partem terræ Chanaan, & non manserant reliquæ illorum duorum populorum. De aliis autem quinque populis manserunt aliquæ reliquæ, & istas subiecit nunc Salomon. Primus tamen modus est verior, quia manifestum est, quòd etiam nunc tempore Salomonis manebant aliqui Chananæi, & hic ponunt Chananæi: patet hoc, quia omnes Philisthini erant Chananæi: ut patet Iosue 13. & terra Philistinorum adhuc manebat aliquo modo non subiecta usque ad tempus Salomonis: etiam habitantes iuxta Sidonem erant Chananæi, ut patet ibidem, & subiecti fuerunt tempore Salomonis: de Gergesæis idem credendum est, quòd forte aliqui eorum residui erant, & tamen scriptura non curavit enarrare de omnibus, sed subintelligit per alios. Qui non erant de stirpe Israel. Istud dicitur, quia Chananæi non pertinebant ad genus Israelitarum, cum Israelitæ descenderent à Jacob, & omnes populi Chananæorum descenderent à Chanaan. Et de filiis eorum, & de posteris. Filij vocantur filij immediati: posterij vocantur nepotes, & omnes inferiores, & refertur hoc ad illos Chananæos, qui erant quādo Iosue subiugavit terram Chanaan Israelitis, scilicet quòd de illis, & filiis eorum, & posteris derivata fuit magna progenies, quæ durabat usque ad tempus Salomonis, & omnes istos subiugavit Salomon in tributarios. Quos non interfecerant. Quosdam de Chananæis dimitterant Israelitæ in terra: quia nō potuerunt occidere eos. Alios autem dixerunt, quia voluerunt sibi illos subicere in tributarios, sicut patet Iosue 16. & Iud. primo. Hæc autem litera intelligitur solum de illis, quos Israelitæ non subiecerunt, quia nō potuerunt, vel non aduerterunt, & tamen non dimittebant eos, ut essent tributarii: quia hic dicitur de omnibus istis populis, quòd Salomon illos redegit in tributarios: & tamen non potuit redigere eos, qui iam redacti erant: ideo intelligitur de illis, qui non erant aliquo modo subiecti Israelitis. Subiugavit Salomon in tributarios usque ad diem hanc. Id est subiecit eos Salomō in tributarios, & manserunt tributarii semper Salomonis, & aliorū regum Iudæ, & Israel usque ad diem hanc, id est usque ad diem, quā scriptum est ubi in quo clarabitur: sed quomodo hoc verum esse possit declarabitur infra in quadam questione. Ex hoc sequitur id, quòd apparet in sacra scriptura, scilicet quòd

temporibus præteritis ante Salomonem tempore Iudicum, & regum, scilicet Saulis, & David erant multa bella Israelitarum contra Philisthinos, Heucos, & Chananæos, Sidonios, & alias gentes: ut patet Iudi. 10. & Saul semper pugnavit contra Philisthinos. primo Reg. 14. & in bello contra eos mortuus est. e. li. 31. c. David quoque multa bella fecit contra illos: ut patet 2. Reg. 5. & 8. 21. cap. Post tempora autem Salomonis non reperitur, quòd aliquis rex Iuda, vel Israelitarum pugnaret contra Philisthinos vel aliquos de populis Chananæorum.

Quomodo manserunt tot de istis populis Chananæorum, cum Deus iussisset Israelitis, ut occiderent eos.

Quest. IX.

QVAERITVR, quomodo, manserunt tot de istis septem populis Chananæorum usque ad tempora Salomonis, cum Deus iussisset Israelitis cum tanta diligentia, quòd occiderent Chananæos, Num. 33. & Iosue 23. & Deute. 20. Respondendum est, quòd istud habuit originem ex tempore Iosue. Fuit enim Iosue principes Israelitarum in introitu in terram Chanaan: & subiecit eis maximam partem terræ Chanaan, occiditque triginta unum reges. Iosue 12. c. & tamen non subiecit totam terram Chanaan, quia magna pars derelicta est, quæ tenebatur adhuc à Chananæis, & aliis populis. Quæ autem terra esset ista, habetur Iosue 13. ubi Deus dixit Iosue, quòd multa terra relicta fuerat, quæ non erat tradita in manus Israelitarum, & ipse erat iam senex & prouectæ ætatis, nec posset iam pugnare: Deus tamen traderet illam in manus Israelitarum: ponitur etiam terra ista relicta Iudi. 3. ca. Causa autem quare ista terra non fuit tradita tota in manus Israelitarum tempore Iosue fuit triplex: prima fuit ad utilitatem Israelitarum, scilicet terra erat valde magna, & Israelitæ erant valde pauci ad populandum eam, & non possent illam habitare, si Chananæi occiderentur, vel expellerentur de terra, unde redigeretur terra in solitudinem, & crescerent in ea bestię pessimæ contra Israelitas, scilicet serpentes, leones, vrsi, & aliæ feræ. Istā causam assignauerat Deus viuenti Moyse: Exod. 23. f. Non eiicias eos à facie tua anno vno ne terra in solitudinem redigatur, & crescant contra te bestię: paulatim expellam eos de conspectu tuo, donec augearis, & possideas terram, & non solum non sufficerent Israelitæ ad replendum totam terram Chanaan, si eis tota daretur illico ut ingressi sunt. Sed etiam non sufficiebāt replere illam, quam subiugauerunt viuenti Iosue. Et ob hoc iussit Iosue, quòd omnes ciuitates existentes in plano quas acceperant de manu Chananæorum cremarent, & vastarent: quia non poterant habitare in eis, & venirent Chananæi habitarentque in eis, & esset rursus pugnandum Israelitis contra Chananæos. In urbibus autem, quæ erant in locis excelsis habitauerunt Israelitæ: tam illę, quæ erant sufficentes eis ad habitationem, & defensibiliores essent, quàm illę, quæ erant in plano, ut patet Iosue 11. Secunda causa fuit propter peccata Israelitarum: nam Deus iusserrat, quòd non communicarēt cum Chananæis in matrimoniiis, & pace, & quòd altaria eorum, & templa destruerent, & lucos succiderent: & quia noluerunt, sed permiserunt altaria, & lucos in terra, & acceperunt coniuges de stirpe Chananæorū, & dederūt de filiabus suis uxores Chananæis: iratus Deus voluit, quod manerent aliqui Chananæi in terra, qui essent hostes Iudæorum: & hos haberet Deus tanquam flagella contra Israelitas, ita quod quicumque peccarent, mitteret

Deus Chananæos contra Israelitas, & opprimerent, eos, vt patet Iudi. secundo. Et istam practicam tenebat Deus cum Israelitis, scilicet quod quando colebāt idola, suscitabat contra eos aliquos Chananæos, vel reges aliarum gentium, & opprimebant eos, vel tenebant in seruitute quousque Israelitæ gementes conuerterentur ad dominum confitentes se iniquè egisse, & tunc Deus suscitabat eis vnum saluatorem, idest iudicem, & liberabat eos de manibus opprimentium: & cum iterum declinarent ad idola mortuo illo iudice, suscitabat Deus alios hostes super Israelitas, qui opprimebant eos quousque iterum gement, & suscitaret Deus illis alium iudicem. Et istum modum tenebat Deus, & tenuit semper tempore iudicum: vt patet Iud. 2. & per totum illum librum. Si autem Israelitæ non peccassent contra legem Domini, non opus esset, quod manerent aliqui, qui illos opprimerent. Tertia causa fuit ad exercitium Israelitarum: nam si Deus tradidisset totam terram Chananæorum Israelitis mox, vt ingressi sunt in eam, non maneret Israelitis cum quo pugnarent, & sic non exercitarentur in armis, efficerenturque pigri, & inhabiles ad bellum, & cum nouiter superuenirent aliqua bella ab aliis gentibus, non auderent Israelitæ pugnare contra illos, nec nossent modum belli propter longam dissuetudinem. Etiam quia euenire posset, quod essent aliqui Israelitæ, qui nunquam pugnarent, & illi nulla habita experientia bellorum tam timore quam experientia perirent, nec auderent pugnare contra hostes. Istud autem erat magnum inconueniens, & magnus defectus in politia. Ideo voluit Deus dimittere aliquos de Chananæis, cum quibus Israelitæ interdum pugnarent: & sic haberent consuetudinem præliandi. Sic patet Iudi. 3. f. Hæ sunt gentes, quas Dominus dereliquit: vt erudiret in eis Israelem, & omnes, qui non nouerant bella Chananæorum: & postea discerent filij eorum certare cum hostibus, & habere consuetudinem præliandi. Istæ tres causæ manserunt toto tempore sequenti licet non equaliter, quia cum Israelitæ quotidie crescerent, & sufficerent plus de terra populare, quam tenebant, pugnabant contra aliquos populos Chananæorum, & capiebant vrbes eorum, & sic tempore Salomonis non supererant omnes illi Chananæi, qui residui erant tempore Iosue: vt patet 13. & de tempore iudicum, vt patet Iudi. 3. capit.

An peccauit Salomon subiiciendo Chananæos.

Quest. X.

QUÆRITVR vterius, an Salomon peccauit subiiciendo Chananæos in tributarios, & non occidendo illos. Aliquis dicet, quod sic, quia lex iubebat quod Israelitæ non facerent aliquod pactum cum Chananæis ad permittendum eos viuere, sed occiderent eos gladio. Deut. 2. c. & si Deus vellet dimittere Chananæos viuentes in terra, Deus comminabatur eis mala multa: Num. 33. f. Si autem nolueritis interficere habitatores terræ, qui remanserint erunt vobis quasi clauis in oculis, & lanceæ in lateribus: & aduersabuntur vobis in terra habitationis vestræ, & quidquid cogitaueram illis facere, vobis faciam. Simile patet Iosue. 23. & Iudi. 2. Dicendum, quod non potest constare an Salomon peccauit in hoc, vel non. Dicunt. n. Hebræi, & Nicolaus, quod si Salomon subiiecit Chananæos in tributarios cupiditate tributorum, peccauit dupliciter. Primò per auaritiam, quia desiderabat immensam pecuniam, & per eam inclinabatur ad agendum contra legem, & agere dupliciter, primò per pe-

F cuniam, quam congregabat immensam, & tamen re gibus vetitum erat congregare immensa pondera auri, & argenti Deut. 17. Secundò peccabat per inobedientiam legis, quia Deus iusserat Chananæos occidi, & quod non haberet de eis vlla clementia, nec aliquo pacto parceretur eis. Deut. 20. Si autem egit hoc Salomon ad liberandum Israelitas ab operibus manuum, & propter denotionem: vt Chananæi magis laborarent in operibus manualibus quam Israelitæ, bene fecit: Vt dicunt simile esse, quia Iosue, & alij Israelitæ subiecerunt Gabaonitas in cultum altaris Domini ad cædendam ligna, & comportandas aquas. Iosue 9. & tamen Gabaonitæ erant Chananæi. Dicendum, quod ista probatio non est conueniens: quia non est simile de Gabaonitis, & de istis Chananæis: quia Israelitæ non subiecerunt sponte Gabaonitas isti ministerio, quia non cognoscebant eos esse Chananæos: sed Gabaonitæ fefellerunt Israelitas dicentes se esse de terra longinqua, cum tamen essent de terra Chanana: & sic inierunt pactum pacis cum Israelitis præstito iuramento ab Israelitis ne nocerent eis. Postea autem comperto, quod essent Chananæi, volebāt Israelitæ occidere eos: sed timentes periurium, non occiderunt illos, & in penam subiicerunt illos in æternum seruituti altaris. Si tamen cognouissent Israelitæ Gabaonitas esse Chananæos nunquam permisissent eos viuere, vt subiicerent seruituti altaris, vel seruituti totius populi. Salomon autem hæc sciens, & volens subiicere sibi Chananæos in tributarios: ideo non erat similis casus. Sed hoc non obstante dicendum videtur, quod Salomon non peccauerit subiiciendo Chananæos in tributarios, quia non ponitur inter peccata sua. Scriptura namque solū increpat eum de adoratione idolorum, & quia ardentè amauit alienigenas mulieres 3. Regum vndecimo. Ergo non peccauit subiiciendo Chananæos in tributarios. Item Eccl. 47. ponuntur laudes Salomonis, & peccata sua: & tamen non ponuntur ibi peccata nisi de mulieribus, & idolis per hoc, quod dicitur dedisti maculam in gloria tua. Item Salomon erat nunc deuotus nimis Deo intantum, quod noluit, quod vxor sua maneret in domo Dauid, eo quod aliquando manserat ibi arca, vt patet infra in littera. & 3. Regum 9. Ideo si subiicere gentes istas in tributarias esset contra legem, nullo modo subiiecisset eas sibi. Item ista questio non videtur militare contra Salomonem, sed magis contra Dauid. Nam Dauid fuit qui subiiecit gentes istas in tributarias, & non Salomon, cum nulla bella videatur gessisse: ideo si subiicere gentes istas in tributarias peccatum esset, Dauid peccauisset. Et tamen de Dauid non est credendum quod peccauerit in hoc cum esset vir valde deicola. Potissimè, quia scriptura enarrat peccata eius, & inter illa non ponit istud: ideo credendum est, quod ex dispensatione factum fuerit, quod Dauid potuerit sibi subiicere gentes istas in tributarias. Item dato, quod Salomon subiiceret sibi gentes istas in tributarias dicentem mortem Dauid, non peccaret, eo quod potius dicendum, quod dispensatione Dei fieret, ita vt non peccaret, eo quod Deus volebat, quod Salomon esset pacificus, vt edificaret templum sicut habetur Eccle. quadragesimo septimo, scilicet. Salomon imperauit in diebus pacis, cui subiiecit Deus omnes hostes, vt conderet templum nomini suo. sed subiectio, quæ a Deo fit, sine peccato fuit: & ista non fuit alia nisi si quod subiiceret gentes istas in tributarias: ideo non peccauit faciendo gentes istas tributarias, siue ipse subiiceret eas, siue Dauid prius subiiecisset. Ena Deus prædixerat Salomoni, quod daret pacem ei ab omnibus hostibus per circuitum, vt patet secundo Regum septimo, & præcedenti lib. vigesimo secundo: id concederet,

dēret, quod gentes illę subicerentur ei in tributarias: quia si deberet pugnare cōtra illas efficeretur uir bel-
lator; & effusus sanguinis, sicut pater suus, et non pos-
set vacare ædificationi templi, cum non maneret ei
tempus ad hoc. Deus tamen voluit, quod tempus
eius esset tempus pacis, ut edificaret templum, sicut
inquit Eccl. quadagesimo septimo; ut supradictū est.
Motiuum autem huius, scilicet quod in subiectione
ista in tributum non fuerit pactum, videtur esse du-
plex. Primum est, quia siue David siue Salomon su-
biecerit sibi gētes istas in tributaria videtur fecisse ex
quadam Dei dispensatione, ut supra declaratum est.
Secundum est, quia lex illa, quę prohibebat permitti
vivere Chananæos nō extendebatur ad hoc tempus.
Intelligebatur enim quādo pauci de Chananæis essēt
subiecti Israelitis quod reliqui non permetterentur vi-
uere sub aliqua conditione pacis, vel tributi: vel ser-
uitutis. Postquam autem maior pars Chananæorum
esset deleta, ita quod reliqui non auderent, nec pos-
sent Israelitis resistere, poterāt Israelitę sibi ipsos subij-
cere in tributarios. Sicut enim nunc erat de chana-
næis, quia maior pars eorum fuerat iam deleta, ideo
reliqui poterant subijci tributo. Aliter etiam dici po-
test, quod prohibitio de permittendo Chananæos vi-
uere intelligitur, quando Israelitę non haberent lo-
cum sufficientem ad habitandum in terra Chanaan.
Nunc autem erant loca spaciōsa Israelitis ad habitan-
dum, & ad colendum: & si occiderētur omnes Cha-
nanæi, scilicet residui de istis gentibus quinque, quę
habentur hic, siue de omnibus septem, licet litera po-
nat quinque, ut supra declaratum est, maneret terra,
in qua habitabant isti Chananæi deserta cum non pos-
sent occupare Israelitę: & replerētur serpentibus, &
bestiis, q̄ cōsumerāt Israelitas: ideo nē sequerēt istud
inconueniens, fuit licitum subijci Chananæos in tri-
butarios, & relinqui eis terram habitandam. Quod
autem esset ista causa rationabilis ad dimittendū eos
vivere ī terra, patet quia istam cām allegauit Deus excu-
sando se, q̄ nō daret terrā Chanaan Israelitis mox, ut
introiderēt in eam: Exo. 23. *Non eieciam eos a facie tua
anno vno, ne terra in solitudinem redigatur, &
crescant contra te bestię: paulatim expellam eos de
conspectu tuo donec augearis, & possideas terram.*
Nunc autem Israelitę venerunt ad maximam multi-
tudinē suam, & non videbantur posse habitare oc-
cupando maiorem terram, quā nunc occupabant:
ideo non decebat quod occiderent omnes Chana-
næos, quia sic impleteretur terra bestiis. Cum autem
obicitur in contrarium non esse permittendos Cha-
nanæos vivere, Deut. 20. & Num. 33. & Iosue 23. & Iud.
2. Respondendum est limitando sicut supra fuit de-
claratum.

Quomodo intelligitur subiecit omnes gentes in tributarias.

Quest. XI.

QVAERITUR Vterius, quia dicitur hic, q̄
subiecit Salomon omnes gentes istas in tributa-
rias usque in præsentem diem, quomodo potest stare,
quia est sensus, quod subiecit Salomon gentes istas in
tributarias, & manserunt sub illo tributo usque in
præsentem diem. Nam videtur, quod non stet: quia
hoc intelligitur de tempore, quo scriptus fuit iste li-
ber, quia tunc scriptor loquebatur: & tamen tunc
non manebant Chananæi subiecti tributis Salomoni
& regibus Iuda, vel Israel, ergo non est vera litera.
Pater hoc, quia istum librum fecit Esdras ut declara-
tū est in prologo auctoris super præcedentē librū, &
in tempore Esdrę nō erant gentes istę subiectę tributis
regibus Iuda, vel Israel venientib⁹ de stirpe Salomonis:

Alph. Tost. super Paralip. Pars 2.

An Esdras nūc est in captivitate Babilonica, & ipse de
Babylone rediit cū parte magna Iudeorū, & incēpunt
ædificare templum Domini, ut patet Esdrę primo li-
cap. primo, & per totum illum librum: & tamen tunc
non manebant Chananæi subiecti tributis regibus Iu-
da, aut Israel De regibus Israel manifestum est, quia
multo tempore ante rex Israel, & totus populus suus
translati fuerant de terra sua Samarię in terram Me-
dorum, & Persarum 4. Reg. 17. & sic desierat essere re-
gnum Israelitarum, & non poterat habere Chana-
næos in tributarios: etiam non potest intelligi de re-
gibus Iuda, quia aut dicitur, quod Esdras scripsit lib-
rum antequam rediret de Babylone in Ierusalem,
aut postquam rediit. Si prius quam redirent non stat,
quia tunc Iudæi non erant regnum, quia non mane-
bant in terra sua: sed erant translati in Babylonem, &
ibi manebant captivi: ideo non poterant ipsi habere
Chananæos in tributarios. Si autem post reditum de
Babylone, etiam non stat, quia tunc non habebant
reges, nec duces magnos Iudæi, quibus subditi essent
ad tributa Chananæis, sed potius cum Iudæi venerūt de
Babylone, gentes, quę erant in terra Chanaan afflige-
bant Iudæos, & nō pmittebāt eos ædificare templū, &
muros urbis Ierusalē, ut patet p totum librum primū
Esdrę, & Neemię, & sic non erat aliquo modo verū,
quod tempore quo liber iste script⁹ fuit, essent Cha-
nanæi subiecti in tributum Salomoni, vel posteritati
eius. Aliquis ad saluandum hoc dicet, quod iste li-
ber non fuit scriptus per Esdras, sed per aliquem aliū
prius eo tempore, quo manebant reges Iuda in terra
sua, & erant eis subiecti Chananæi: sicut dicitur de li-
bris regum: nam 3. Reg. 9. ponitur de istis Chananæis
quod subiecti fuerunt in tributū usque in diem hanc,
id est usque in diem quo liber scriptus est, & illud po-
terat esse conuenienter dictum: quia ille liber scriptus
dicitur per Ieremiam, & potuit Ieremias scribere ta-
li tempore illum librum, quo Chanaei manerēt subie-
cti tributo regibus Iuda, & tamen de Esdra nō potuit
esse quocunque tempore dicamus eum scripsisse li-
brum istum, ut probatum est. Dicendum, quod non
stat, quia necesse esset librum istum scriptum esse per
Esdras, vel per aliquem, qui fuerit tempore suo, scilicet
post reditum de captivitate Babilonis. nam infra
vltimo cap. ponitur quomodo Iudæi manserunt sep-
tuaginta annis in captivitate Babilonis, & postea Cy-
rus rex iussit, quod quicunque de illis vellet venire in
Ierusalem ad ædificandum templum Domini. Et nō
solū liber iste necessario fuit scriptus tempore Esdrę,
sed etiam videtur necessario dicendum, quod scrip-
tus fuerit ab Esdra: quia ea, quę ponuntur in fine libri
huius, ponuntur etiam in principio libri primi Esdrę
de rege Cyro iubente reditum de Babylone, tanquā
sit continuatio vnius libri ad alterum, & est idem titu-
lus. Dicendum ergo, quod Esdras fuit, qui scripsit li-
brum istum, & ipse scripsit hoc, scilicet quod Chana-
næi manserunt subditi tributis usque in diem hanc, &
tamen non signavit per hoc tempus suum, quia ipse
scripsit librum istum, sed signavit tempus, quo scrip-
tus fuit liber ille, de quo ipse transferebat: nam ille
liber est historicus, & licet scriptus sit a propheta, ta-
men non procedit modo prophetali, sed historico,
& tanquam sit liber editus a viro perito: nam pro-
pheta cum dirigatur a Spiritu sancto, dicit, & non
probat eo, quod dictum suum est solida veritas,
non egens probatione, quia Spiritus sanctus, qui
ad loquendum mouet prophetam, mentiri nō potest.
Vir autem sapiens, quando loquitur, quia humano
ingenio procedit, assumit probationem dictorum
suorum ex rationibus nature, vel saltem ex dictis
aliorum, qui in maiori auctoritate tenentur,

& quia liber iste erat historicus, & non poterat probari in eo dicta ratione naturali: sed aliorum testimoniis inducuntur hic multae probationes ex dictis aliorum historiographorum, qui haec conscripserunt, & sic patet circa historiam cuiuslibet regis: nam cum scribitur historia alicuius regis nihil, allegatur in toto processu historiae, sed in fine allegantur illae historiae vel auctores a quibus assumuntur dicta. Sic est in historia David, quae durat usque ad finem praecedentis libri, ideo in toto libro non fit aliqua remissio, vel probatio per dicta aliorum: sed in fine dicitur, quod gesta David priora, & nouissima scripta sunt in libro Samuel videntis, & in libro Nathan prophetae, & in volumine Gad videntis. Sic etiam in principio libri istius incipit historia de Salomone, & durat usque ad finem sequentis cap. & ibi allegantur auctoritates a quibus habetur ista historia. Cum dicitur, reliqua operum Salomonis priorum, & nouissimorum scripta sunt in verbis Nathan prophetae, & in libris Ahia Silonitis, & in visione Aho videntis contra Ieroboam: & ita de singulis regibus, quando finiuntur historiae suae remittitur ad auctores historiarum, ut patet considerando per totum istum librum. Cum ergo Esdras inducat ad probandum auctores, a quibus assumit istas historias, utitur interdum verbis eorum: & sic est hic: quia ille, qui scripsit istam historiam Salomonis, fuit tempore suo, scilicet aliquis de illis, qui nominantur sequentia. Nathan, Haia, Aho, & non erat hoc tempore Chananai subiecti Salomoni ad tributa, ideo dixit ille historiographus, quod subiecit Salomon illos Chananaios tributis usque ad diem hanc. Iqua scriptus fuit liber ille. Esdras autem voluit uti verbis historiographi, a quo habuit historiam, ideo dixit usque ad diem hanc: licet non fuerint ista tempore suo. Et istud saepe fit in isto libro, & aliquando in libris Regum. Sic patet supra 5. capitu. cum dicitur, quod arca fuit inter duos Cherubim usque ad praesentem diem: & tamen manifestum est, quod non intelligitur de tempore, quo scribebat Esdras librum istum, quia eo tempore non erat arca inter duos Cherubim, imo nullum templum erat, nec arca habebatur, ut declaratum est ibidem in quadam quaestione: sed intelligitur, quod illa verba sint alicuius de illis, qui scripserunt historiam Salomonis, & tempore illorum manebat arca inter alas Cherubim.

Porro de filiis Israel non posuit ut seruirent operibus regis: ipsi enim erant viri bellatores, & duces primi, & principes quadrigarum, & equitum eius. Omnes autem principes exercitus regis Salomonis fuerunt ducenti quinquaginta, qui erudiebant populum.

Porro de filiis. Hic ponitur secundum huius partis, scilicet suorum gubernatio: nam supra dicebatur de Chananais, qui erant extranei, quomodo Salomon eos disposuerit: hic autem dicitur de filiis Israel, qui erant sui, quomodo se ad illos habuerit, & dicitur. Porro de filiis Israel non posuit, ut seruirent operibus regis. Id est Salomon fecit nimis liberos Israelitas: ita quod nullum eorum cogeretur seruire in operibus regis manualiter: Chananai, qui erant subiecti ad tributa seruirent. Ipsi enim erant viri bellatores. Datur causa quare non seruebant in operibus manualibus, scilicet quia assignata erant eis alia officia maiora, scilicet esse viros bellatores, id est ascriptos militibus, licet actualiter non mili-

tarent. Et duces primi. Vocantur duces primi ad differentiam minorum ducum, quia militia ordinabatur sic, quod subiicerentur pauci viri uni principi: & sic essent multi principes parui, & isti principes rursus subiiciebantur alteri principi maiori, & illi principes maiores alteri quousque perueniatur ad primum principem, qui non subiicitur alicui, & ille erat rex inter Iudaeos: sicut Moyses distribuit populum consilio Iethro quantum ad iudicia, scilicet quod diuideretur totus populus per decanos, quinquagenarios, centuriones, & tribunos, & erant subiecti decem viri decano: & quinque decani cum quinquaginta viris suis quinquagenario uni: & duo quinquagenarii cum centum viris suis uni centurioni: & decem centuriones cum mille viris suis uni tribuno: & postea isti tribuni omnes subiicebantur uni principi, scilicet Moysi. Exo. 18. & Deuter. primo capi. Ita etiam erat in bellis: nam David mittens exercitum contra filium suum Absalom diuisit totum populum suum in centuriones & tribunos, & postea diuisit omnes istos in tres partes sub tribus principibus, scilicet Ioab, Ethai, & Abisai. 2. Regum 18. & sic isti tres vocabantur principes primi: & tamen adhuc de istis magis dicitur infra in quadam quaestione. Et principes quadrigarum. Quadrigae vocantur equi quatuor alligati uni curri: nam non est quadriga ipse currus. Habebat autem Salomon multas quadrigas de istis, & constituerat pro eis aliquos principes bellorum. Sic etiam erant alii principes equitum, quia Salomon habuit duodecim millia equitum. 3. Regum 4. & 10. & supra primo, & sequenti cap. & istos diuiserat per principes. Omnes autem principes exercitus regis Salomonis fuerunt ducenti quinquaginta. Ponitur numerus principum, & non est putandum quod hic supputentur omnes principes belli magni, vel parui: quia tunc supputarentur omnes decani, & quinquagenarii: & manifestum est quod valde plures haberet Salomon, sed computantur soli magni principes. Tribuni vel alii maiores tribunis, qui vocantur principes primi qui erudiebant populum. Scilicet, isti principes erudiebant populum ad res bellicas: cum non praesent nisi ad pugnandum.

Quomodo Salomon fecit Israelitas non seruire, cum fecerit oppositum. Quae. XII.

QVAERITVR circa praedicta, quomodo est verum, quod Salomon non posuit ut seruirent Israelitis, cum potius videatur, quod prefferit eos magnis seruitiis: nam imponebat eis grauius onera, & tributa: unde propheta Salomone venerunt Israelitae ad Roboam filium eius dicentes: Pater tuus durum iugum imposuit nobis: tu itaque nunc imminue paululum de imperio patris tui grauissimo, & de iugo durissimo, quod imposuit nobis, & seruiemus tibi: ut patet tertio Regum 12. Aliquis dicet, quod sicut Salomon in principio regni sui bene, & ad regnum se habuit, & ad Deum: & in senectute sua deprauatus est cor eius 3. Regum 11. ita se habuit ad populum, scilicet quod in principio regni, non exigebat aliqua tributa ab eis permittens omnes in libertate, sed deueniens ad senectutem factus est auarus, & extorquebat a populo tributa grauissima. Istud autem quod dicitur hic intelligitur de principio regni Salomonis: & quod dicitur tertio Reg. 12. intelligitur de fine regni eius. Dicendum tamen, quod licet istud aliquando sit verum, scilicet quod Salomon a principio regni sui bene se habuerit ad Deum, & ad populum, & in fine male se haberet: tamen non est verum, quod Salomon aliquando liberaret omnino Israelitas a tributo: nam Salomon etiam in principio regni sui non fuit melior quam David.

Ad: ipse tamen Dauid recipiebat tributa ab Israelitis, & constituerat Aduram super tributa: ut patet 2. Reg. 28. Ergo etiam Salomon quando erat bonus, constitueret tributa. Item tributa in regno Israel erant ordinaria a principio regni Saulis, ut patet primo Regū 17. cū quæsiuit Dauid quid daretur viro, qui percuteret Goliath Philisthæum: responsum est ei, quod rex faceret domum patris sui liberam à tributo. Non est ergo verisimile, quod Salomon tributa Israelitarum tolleretur, quæ consueta erant solui à tanto tempore. Sed dicendum, quod intelligitur istud non de tributis, sed de seruitiis, quæ fiebant in operibus regis, scilicet quod in ædificatione templi, & domorum suarum, & aliorum ædificiorum non cogebat Salomon quemquam de Israelitis laborare manualiter: & hoc maxime in ædificatione domorū suarum. Nam in ædificatione templi Israelitæ sponte vellent operari: ideo multi eorum manibus suis operabantur: in operatione tamen, quæ pertinebat ad regem, non coegit quemquam Israelitarum seruire, sed fecit eos præfectos operum: & hoc colligitur ex litera 1. Reg. 9. quia non dicitur de filiis Israel non constituit quemquam Salomon tributarium: sed dicitur, non constituit seruire quemquam, scilicet in operibus manualibus. Hoc etiam clarius apparet hic in littera, cū dicitur: Porro de filiis Israel non constituit vel posuit, ut seruirent operibus regis, ipsi enim erant viri bellatores. Dicendum est tamen verum esse, sicut prius dicebatur, scilicet quod Salomon à principio regni non imposuerat tam grauiam tributa sicut postea in senectute: nam tunc deprauatum est cor eius contra Deum, & contra populum. Quod autem dicitur quod non constituit Salomon de Israelitis quemquam seruire in operibus regis, ita etiam intelligendum est, quod non seruiebant in opere templi Domini ex positione regis manualiter: sed qui volebat sponte laborabat: nullus tamen à rege cogebatur ad hoc: sed solum erant Israelitæ præpositi operum, & istud Salomon acceperat à patre suo Dauid: nam necessaria in opere templi, quod volebat facere, non collegit operarios de Israelitis, sed de gentilibus conuersis ad iudaismum: nam fecit congregari de toto Israel omnes profectos, scilicet quinquaginta millia, & accepit septuaginta milia ad cædendum lapides, & octoginta milia, ut onera humeris portarent, ut patet præcedenti li. 22. c. et quando postea Salomon cepit edificare templum, sicut Dauid disposuerat edificare, congregauit omnes istos profectos. supra 2. ca. & non fit mentio, quod cōuenirent aliqui Israelitæ ad laborandum manualiter in istis operibus duris.

Quomodo Salomon habebat viros bellatores, cum non fecerit bella. Quæst. XIII.

QUÆRITUR vterius, quomodo dicitur hic, quod Salomon habebat viros bellatores, & duces belli, & quod filij Israel non seruiebant in aliquo opere, eo quod erant viri bellatores: cū Salomon non fecisset aliqua bella, sed fuit totum tempus suum pacificum. Responderi potest vno modo, quod Salomon fecit aliqua bella, licet pauca, & quod non habuerunt proprie figuram bellorum: nā iuit in Emath & obrinuit eam, & edificauitque ibi ciuitates: ut patet in littera: sed non multum insitendum est in hoc, quia ista non fuerunt proprie bella: nam non enarratur ali quando de Salomone, quod bella dura gesserit, scilicet quod hostes ei fortiter resisterent, vel quod in bello strages magnas dederit, nullaque sanguinis effusio bellica legitur facta à Salomone, unde vocatur rex pacificus, quia in diebus eius nulla bella fuerunt, & istæ

Agentes, quæ ei subiectæ fuerunt ad tributum, non videtur quod bello subiugate fuerint, sed timore vel pacto. Aliter ergo dicendum videtur quod Salomon non habuit viros aliquos bellatores, qui actualiter pugnarent, sed habuit multos viros ascriptos militiæ sue qui vocantur bellatores, & dicitur, quod licet Salomon habuerit semper pacem, tamen fuit hoc accidentale, quia potuerat esse quod habuisset multa bella, & ad hoc videbatur sibi necessarium, quod se disponeret ad quoscunque possibiles hostiles incursum: & hoc esset per apparatus bellicum, quem haberet, & sic ascripsit militiæ suæ multos viros bellatores, & duces & principes. Sed obiicietur, quod non erat hoc necessarium, quia Salomon sciebat, quod tempore suo non erant euentura bella. Nam cū regnaret Dauid, dixit, quod Deus daturus esset pacem, & otium in toto Israel omnibus diebus Salomonis: ideo vocaretur Salomon, idest pacificus præcedenti lib. 22. Sciebat autem Salomon hoc de eo prænūciatum esse coram toto Israel: & sic non oportebat, quod pararet viros bellatores: & alia bellica timore incursum hostilis. Dicendum, quod licet Salomon sciret tempore suo non esse futura bella: tamen opus erat, quod haberet apparatus bellicum propter duo. Primo, quia dicta sacra scripturæ non intelliguntur secundum omnem rigorem terminorum, sed ciuilitate: nam licet ponatur terminus distribuens, non oportet ut verificetur propositio pro omnibus contentis sub termino distributiuo: sicut omnibus non accipitur semper pro omnibus, sed pro multis: & ita de multis aliis propositionibus. Sic ergo nunc licet diceretur, quod non erant futura bella omnibus diebus Salomonis, non erat sensus, quod nullum omnino bellum futurum erat, sed quod non erant futura bella multa, sicut tempore Dauid patris sui, & tempore Saulis præcedentis ad Dauid: quia isti fecerunt multa bella. Essent tamen aliqua bella tempore Salomonis, dato quod essent valde pauca, & parua, & tamen pro illis, dato quod esset vnicum, opus erat, quod Salomon haberet apparatus bellicum: & sic habuit bellatores & equos. Secundum erat, & præcipuum: quia dato quod sciretur certissime, quod nullum omnino bellum euenturum erat diebus Salomonis: tamen necessarium erat, quod haberet apparatus istum: quia si prænostificatum erat, quod Salomon non haberet aliqua bella, hoc erat, quia prænostificabatur, quod Salomon habiturus foret magnum apparatus bellicum: & per hoc nullus auderet contra ipsum pugnare. Necesse erat ergo, quod haberet apparatus bellicum: nam si nullum haberet apparatus, gentes vicinæ videntes Salomonem esse regem rusticum, inuaderent eum tanquam non potentem resistere ob defectum apparatus bellici, ideo Salomon fecit magnum apparatus. Alia causa fuit propter honorem regium, & maiestatem suam ostendam: nam Salomon erat rex ditissimus, & volebat ostendere excellentiam suam inter omnes reges: & quia magnus apparatus belli faciebat eum nimis diuitem extimari, sicut alias ostenderet quandam gloriam diuitiarum eius habendo multos thesauros, ita etiam ostenderetur habendo magnum apparatus bellicum: & ob hoc non fuit aliquis rex inter omnes Israelitas præcedens, nec sequentes, qui tantum bellicum apparatus haberet in equis, & curribus: nam habuit quadraginta millia præsepia equorum curtilium, & duodecim millia equorum exercitum, & equorum multitudinem peruenisse legitur: & sic legitur habuisse multos equos curriles, & equites Salomon. Ita etiam habuit multos viros ascriptos militiæ sue, & illorum habebat principes et duces, ita quod esset bellum ordinatissimum

in apparatu suo: si pugnari opus esset, et ob hoc isti Israelitæ ascripti militiæ non cogebantur ad aliqua opera seruilia manualia, sed alienigeni tributariæ faciebant illa.

Qui fuerunt isti duces, & principes.
Quest. XIII.

QVAERITVR vltcrius de istis principibus primis, quia dicitur hic, quod habuit Salomon principes, & duces: & erant filij Israel duces primi, qui erant isti duces primi. Responderi potest vno modo sicut supradictum est, scilicet inter principes bellorum sit differentia, scilicet quidam sint subordinati aliis, et alij sint subordinati: & illi, quibus ceteri subordinantur, & ipsi inter se non subordinantur vocantur duces primi, & tunc non est sensus, quod Israelitæ essent duces primi, id est quod de eis essent solum duces primi, & non essent alij duces; quia omnes duces belli erant de Israelitis, & etiam viri bellatores, ut patet in litera, cum chanaanæ subditi ad opera seruilia manualia sumerent: Sed dicitur hoc ad innuendum, quod sicut de Israelitis sumebantur viri bellatores: ita etiam principes, siue duces primi erant de eis. Alio modo possunt vocari duces primi quidam speciales duces assignati in Israel: scilicet duodecim viri: nam sic Dauid distinxit exercitum suum, quem habebat ascriptum semper militiæ suæ, scilicet quod totus exercitus Dauid, quem habebat ascriptum militiæ, & qui ministrabant ei, erant ducenta octoginta octo millia; & erat diuisus totus per duodecim duces, sub quorum quolibet erant viginti quatuor millia, & quilibet istorum ducum ministrabat vno mense coram Dauid manens in curia sua, & expleto mense incipiebat alius dux cum turba sua ministrare, & sic fiebat per duodecim menses, ita ut semper in curia Dauid essent viginti quatuor virorum bellatorum de iis, & nominibus istorum principum precedenti lib. 27. cap. Ita forte erat tempore Salomonis, quod haberet totum exercitum suum distinctum per tales duodecim principes, & vocarentur isti duces primi: nam non essent subordinati aliis ducibus, sed haberet quilibet sub se viginti quatuor tribunos, & centuriones ducentes quadraginta, & quinquagenarios quadringentos octoginta, & decanos duo millia, & quadringentos.

Qui erant isti principes quadrigarum.
Quest. XV.

QVAERITVR vltcrius de istis principibus quadrigarum, & equitum de quibus hic dicitur, qui erant, & ad hoc presupponendum est, quid vocatur quadriga, & equites: nam quadriga vocantur equi alligati plaustris, scilicet quatuor equi faciunt vnam quadrigam. Alij equi erant ad vsum equitandi, & non iugebantur curribus, & isti vocabantur equites, & erant isti equi dispositi per ciuitates certas terre Israel, ut in illis pabula ministraret eis, et vocantur iste ciuitates quadrigarum, & equum, quia in eis alebantur quadrigæ, id est equi alligati plaustris, & etiam equites, id est equi assignati ad equitandum: & dicunt quod principes istorum equitum, & quadrigarum erant illi, qui curam gerebant de pabulis istorum equorum. Salomon namque constituerat duodecim principes, qui per duodecim menses anni prouiderent toti domui Salomonis de cibis. Quilibet enim suo mense prouidebat domui regis, & ad hoc erat cuilibet eorum assignata vna prouincia in terra Israel, de qua colligeret necessaria ad sustentationem domus regis, ut patet 3. Regum 4. Isti autem erant habentes curam de pabulis equorum, scilicet quadriga-

rum & equitum, ut patet ibidem: & sic vocarentur principes quadrigarum, & equitum. Erant autem isti magni principes: nam vnus eorum habebat in vxore filiam Salomonis, eo. cap. Alio modo potest intelligi, quod isti principes quadrigarum, & equitum essent principes belli sicut illi duces primi, de quibus supra dicitur, & vocabantur isti principes quadrigarum, & equorum, quia omnes quadrigæ siue currus Salomonis diuidebantur inter eos, et duodecim millia equitum diuidebantur inter illos, & isti subiacebantur ducentibus primis, de quibus dictum est: quia quilibet illorum habebat sub se currus, et equites, et pedites.

De numero principum.

Quest. XVI.

QVAERITVR vltcrius circa numerum principum, qui ponitur hic: quia dicitur, quod erant omnes principes Salomonis ducenti quinquaginta: et tamen 3. Regum 9. ponuntur plures, scilicet quingenti quinquaginta. Aliqui dicunt, quod ista varietas sit ex conditione scripturæ, quia cum poni debet idem numerus in multis locis, alicubi ponit maior, et aliquando minor, et sic posuit hic scriptura quosdam et omisit quosdam. Sed dicendum, quod non tenet ista ratio, quia hic dicitur quod omnes principes Salomonis erant ducenti quinquaginta: ergo non erant plures. Dicendum ergo aliter, scilicet quod Salomon habebat duplices principes, scilicet quosdam bellorum: qui præerant curribus, et equitibus, et peditibus: et alios principes, qui præerant operibus regis in fabricationibus. Qui præerant exercitui erant ducenti quinquaginta. Istud patet, quia hic in litera dicitur: omnes autem principes exercitus Salomonis fuerunt ducenti quinquaginta, qui erudiebant populum. De trecentis autem principibus operum, patet 3. Regum 5. f. Fuerunt itaque Salomoni septuaginta millia eorum, qui onera portabant absque prepositis, qui præerant singulis operibus numero trium millium trecentorum, et trecenti de illis erant principes maiores, qui proprie vocabantur prepositi, et 3. Regum 9. vocantur quingenti quinquaginta, quia ponitur simul tam principes operum quam belli. Et patet hoc ex litera ibi, quia dicitur omnes principes Salomonis quingenti quinquaginta, qui habebant subiectum populum, et statutis operibus imperabant, id est quadam pars istorum principum habebat populum subiectum, id est imperabat ea, quæ facere deberent Israelitæ: alia autem pars præerant statutis operibus. Pars, quæ habebat populum subiectum videbantur principes exercitus, et isti erant ducenti quinquaginta: pars alia, quæ statutis operibus imperabat, erant principes operum, et isti erant trecenti principes.

Filiam verò Pharaonis transtulit de ciuitate David in domum, quam edificauerat ei: Dixit enim rex: Non habitabit vxor mea in domo David regis Israel, eo quod sanctificata sit: quia ingressa est in eam arca Domini.

Filiam verò. Hic ponitur tertium huius partis, scilicet vxoris suæ collocatio transferendo eam de domo, in qua erat, et collocando in domo, quam ei edificauerat: et dicitur. Filiam autem Pharaonis transtulit de ciuitate David. Scilicet, filia Pharaonis vxor Salomonis habitabat hactenus in ciuitate David, id est in castrametis

tis in domibus David: et transtulit eam inde Salomō in aliam domum, quam ei ædificauerat: vocatur ciuitas David castrum montis Sion. *In domum quam ædificauerat ei.* Ob honorem istius filiae Pharaonis Salomō ædificauerat pallaria magna, quæ illi soli attribuit, & ad illa translata est nunc, ut ibi habitaret. *Dixit enim rex, non habitabit vxor mea in domo David regis Israel.* Hic ponitur causa quare Salomon transtulit vxorem suā de domo, in qua prius erat ad illam domum, quam ei ædificauerat, scilicet quia nolebat, quod habitaret in domo David. Hactenus enim habitauerat in domo David, id est in domo, quam artifices Hiram fabricauerant ipsi David de lignis cedrinis 2. Reg. 5. & præc. li. 14. cap. *Eo quod sanctificata est.* Id est, quod acquisiuit quandam sanctificationem, & non decet, quod in ea maneat vxor mea propter honorem sanctificationis. *Quia ingressa est in eam arca Domini.* Hic ponitur quomodo sanctificata sit domus illa, scilicet quia arca Dei ingressa est in domum illam, & mansit ibi magno tempore: nam de domo Obededom Gerhei portata fuit arca in domum David 2. Reg. 6. & præc. li. 15. & mansit ibi magno tempore, scilicet quasi quadraginta quatuor annis. Nam David transtulit arcam de domo Obededom in domum suā in principio regni sui super totum Israel: ut declaratum est 2. Reg. 6. Regnauit autem David super totum Israel annis triginta tribus 3. Reg. 2. & 3. Reg. 5. Et istis triginta tribus annis ferè de regno David mansit arca in domo David. Deinde etiam mansit annis vndecim de regno Salomonis in eadem domo: quia templum Salomonis completum fuit anno vndecimo regni eius, ut patet tertio Regum sexto, & sunt simul anni quadraginta quatuor, quibus manserit arca in domo David: & ex hoc sanctificata videtur domus David.

Quare Salomon fabricauit domum filiae Pharaonis.
Quest. XVII.

QVAERITVR circa prædicta, quare Salomō fabricauit domum filiae Pharaonis. Ad huius euidentiam considerandum, quod sicut probatum fuit. 3. Regum 7. Salomon ædificauit tres domos, scilicet vnam domum sibi, & domum saltus Libani, & domum filiae Pharaonis, & quandiu ædificabatur templum & domus ista manebat filia Pharaonis in domo David. Pro quo considerandum, quod prima vxor quam accepit Salomon fuit filia Pharaonis regis Aegypti, & istam accepit in vxorem antequam inciperet ædificare templum Dñi, ut colligitur, 3. Reg. 3. cap. & ibi declaratum est, & mansit cum Salomone in domo David toto tempore, quo ædificauit templū Domini, & domum suam, & domum filiae Pharaonis, & fuit istud tempus annorum viginti, vel parum minus: nam Salomon moratus est ædificando templum annis septem. Postea autē ædificando domos suas moratus est annis tredecim 3. Reg. 7. Et tamen non constat an domus filiae Pharaonis edificata fuerit prima inter tres domos regias, vel vltima vel media. Quidquid autem fuerit, Salomon transtulit filiam Salomonis in domum illam, quam ei ædificauerat postquam ædificauit illam, & toto tempore, quo non erat edificata domus ista manebat filia Pharaonis in domo David, ut patet 3. Reg. 3. scilicet accepit Salomō filiam Pharaonis, & adduxit in ciuitatem David, donec compleret edificans domum suam, & domum Domini. Completa autē illa nunc transtulit inde filiam Pharaonis: sed non constat quantum ad hoc an sit continuatio hic cū præcedentibus: an fuerit ante illa: nam ea, quæ habent in principio capi. fa-

Acta sunt viginti annis postquam cepit Salomon edificare templum Domini. Et si ista translatio facta fuit post præcedentia, necesse est quod fuerit domus filiae Pharaonis ædificata post alias duas domos Salomonis, scilicet post domum suam, & domum saltus Libani, quia alias priusquam finirentur isti viginti anni transferretur filia Pharaonis de domo David in domum suam. Cum autem quaeritur quare Salomon ædificauit domum filiae Pharaonis. Dicendum quod Salomon habuit vxores multas, scilicet septingentas quasi reginas, & trecentas concubinas 3. Reg. xi. vel sicut dicitur Canti 6. sexaginta fuerunt regine vxores eius, & octoginta concubine, & adolescentularum non est numerus: & cum omnes istas haberet Salomō nulli earum fabricauit domum nisi filiae Pharaonis, eo quod ipsam diligebat super omnes, & erat quasi domina omnium: ideo licet omnes aliae septingentæ essent vxores, quia tamen Salomon tantum istam diligebat, reputabatur ista sola ut vxor, & ceteræ ut concubinae, ideo omnes prædicabant ipsam beatissimam, quæ tantam gratiam meruisset apud Salomonē, ut patet Canti 6. scilicet. Sexaginta sūt regine, & octoginta concubinae, & adolescentularum non est numerus: vna est columba mea, & perfecta mea: viderunt eam filiae Sion, & beatissimam prædicauerunt, regine & concubinae laudauerunt eam. Istud quantum ad litteram intelligitur de filia Pharaonis: ideo huic soli edificauit Salomon domum. Causa autem, quare dilexit Salomon sic eam super ceteras vxores, & exaltaret, cum tamen haberet alias filias regum in vxores, fortè fuit pulchritudo singularis: quia excellebat omnes admiranda pulchritudine, quod signant verba Salomonis Cant. 6. scilicet: Vna est columba mea perfecta mea, & quia erat Salomon nimis venereus, afficiebatur nimis ad istam propter indicibilem pulchritudinem. Secundum erat, quia ista fuit prima vxor, quæ suscepit: ut patet tertio Regum tertio capit. Nam ibi dicitur, quod confirmato regno Salomonis affinitate cōiunctus est Pharaoni regi Aegypti, si quidem accepit filiam eius in vxorem: & ob hoc erat ista propriè tanquam vxor, quia prima erat. Ceteræ autem magis erant ut concubinae, quia erant posteriores: & sic etiam non fit mentio de aliqua alia, quando accepit eā in vxorē, & fit mētio de filia Pharaonis. Tertium est, quia licet Salomon haberet multas filias regum in vxores, tamen nulla erat filia regis tñ potentis sicut filia Pharaonis. Erat enim Pharaō rex Aegypti. Est autem Aegyptus regnum magnum valde. Ceteri autem reges quorum filias habebat, videbantur reguli in comparatione Pharaonis, ideo oportebat honorari magis filiam Pharaonis. Quartum erat quia fortè nulla tam magnificè dotata fuerat sicut filia Pharaonis inter ceteras vxores Salomonis. Nam Pharaō pater suus ascendens de Aegypto pugnavit contra viros Gazer accepitque urbem de manu Chananeorum ibi manentium: & dedit illam in dotem filiae suæ: ut patet tertio Regum nono. Nulla autem de vxoribus sic dotata fuerat: ideo decebat eam à Salomone plus honorari ceteris. Alijs autem vxoribus concubinis, & adolescentulis Salomon non fecit domos aliquas speciales, de quibus mentio fiat in scriptura: sed fortè manebant omnes cum filia Pharaonis in domo sua tanquam minores: & sic vocabatur domus filiae Pharaonis, vel erant in domo regis, vel alijs domibus minus famosis, de quibus scriptura non facit mentionem.

*Quomodo translata fuit filia Pharaonis de ciuitate
Dauid, & cur. Quæst. XVIII.*

QVAERITVR vltius, quō sit verum, quōd filia Pharaonis translata fuerit de ciuitate Dauid in domum suam, & cur fuerit translata. Ad primum dicendum, quōd non est putandum, quōd ante hoc filia Pharaonis maneret in ciuitate Dauid, & postea exiret inde ad alium locum, quia etiam mansit nunc in ciuitate Dauid, cū domus sua esset intra ciuitatē Dauid. Pro quo sciendum, quōd ciuitas Dauid vocabatur fortalitiū montis Sion, vbi prius habitabant Iebusæi, & Dauid capiens illud castrum vocauit illud ciuitatem Dauid ad laudem victoriæ, & memoriam nominis sui. 2. Regum 5. & præcedenti lib. 11. capit. In castro isto siue ciuitate Dauid fuit postea ciuitas edificata pro ipso Dauid ab artificibus Hiram de lignis cedrinis. 2. Regum 5. & præce. lib. 14. c. & dicebatur domus illa esse in ciuitate Dauid, & in ista domo erat filia Pharaonis dum ædificaretur domus Domini, & domus regis, vt patet 3. Regum 3. Fuit autem templum Domini ædificatum à Salomone intra ciuitatem Dauid: etiam domus Salomonis ibi fundata est, & ad radices atriorum erat domus filiæ Pharaonis, vt declaratum est. 3. Regum 7. & ibi declaratum est: & colligitur ex litera ibi, & sic domus filiæ Pharaonis erat intra ciuitatē Dauid: sed dicitur, quōd ascendit filia Pharaonis de ciuitate Dauid in domum suam, idest ascendit de domo Dauid in domum suam: & vtraque erat intra ciuitatem Dauid. Vel potest dici, quōd licet tot⁹ ambitus montis Sion vocaretur ciuitas Dauid, partem inferiorem illius ambitus, & quia ab illa ad partē superiorem ibat nunc filia Pharaonis, vbi erat dom⁹ sua circa templum, dicitur quōd ascendit de ciuitate Dauid. Ad secundum cū dicitur, quare nunc filia Pharaonis descendit de domo Dauid in domum suā. Dicendum, quōd hoc fecit Salomon propter honestatem domus, quia domus Dauid fuerat sanctificata propter præsentiam arcæ in ea & erat honestius nullā feminam ibi manere quā quōd maneret, & ista causa expressa fuit hic in litera.

An propter ingressum in arca erat licitum ibi manere in domo vxorem Salomonis.

Quæst. XIX.

QVAERITVR vltius, an pp ingressum arcæ ī domū Dauid erat licitum ibi manere vxorem Salomonis. Aliquis dicet, qd sic, quia aliās rō Salomonis esset friuola. Dixit enim hic, qd domus illa fuerat sanctificata per ingressum arcæ in illam, & ob hoc, qd non deberet ibi habitare vxor sua, ergo videtur quōd erat illicitum, quōd ibi habitaret. Item ista domus erat sanctificata sicut templum propter ingressum arcæ: sed in templo non liceret habitare alicui laico, ergo nec ī domo illa liceret habitare vxori Salomonis: & à fortiori, quia magis licitum erat habitare in loco sacro viro laico quā feminæ propter excellentiam, & differentiam sexus. Dicendum, quōd non erat illicitum vxorem Salomonis habitare in domo Dauid, quia ante hoc habitabat ibi: cū nondum esset facta domus sua, vt patet tertio Regum tertio. Sacercepit Salomon filiam Pharaonis, & adduxit illam in ciuitatem Dauid: donec compleret ædificans domum suā. Si tamen esset illicitum morari ibi suam vxorem, nō tenuisset ibi eam Salomon, nec per vnum diem: ideo videtur quōd non erat illicitum manere ibi. Item Dauid erat vir sanctus, & cauebat nimis offendere

F Deum: Si igitur esset illicitum morari ibi, ipse non mansisset ibi, & tamen manebat ipse ibi cum tota familia sua, quia intra domum suam parauit locum arcæ: vt patet secundo Regum 6. & præced. lib. 15. & 16. cap. Ergo non erat illicitum Salomoni manere ibi cū vxore sua. Item dato quōd ista domus sancta esset, quando maneret ibi arca, tamen postquam recessit inde arca non erat sancta: ideo poterat transire ad quoscūq; vsus prophanos: sic patet de tabernaculo Moysi, quod figebatur per desertum in quocūque loco castrametandum foret: & dum manebat fixum illud templum, non licebat alicui laico intrare intra ambitum illius, & tamen postquam motum erat tabernaculum, licebat cuicūque laico stare in loco, vbi prius steterat tabernaculum fixum, etiam vbi erat sancta sanctorum, & ipsa arca fuisset, quia iam non manebat aliqua sanctificatio loci. Nunc autem erat arca in templo, ideo poterat vxor Salomonis manere in domo Dauid. Itē Dauid manebat in domo illa manēte arca: ibi ergo à fortiori posset filia Pharaonis manere ibi postquam recessisset inde arca. Item ipsa met filia Pharaonis mansit ibi dum maneret ibidem arca Dei, scilicet antequam duceretur in templum, quia nondum erat factum: ergo à fortiori posset nunc manere ducta arca in templum: patet hoc, quia 3. Regū 3. dicitur quōd Salomon accepit filiam Pharaonis, & duxit eam in ciuitatem Dauid, donec compleret edificans templum Domini, & domum suam: & tamē manebat tunc ibi arca: quia non potuit inde trāsferri, nec translata est in templum quousque consumatum est. supra 5. capi. Item Salomon putabat se licitē habitare in domo illa, quia non dixit, non habitabo ego in domo Dauid: sed dixit, non habitabit ibi vxor mea: ergo poterat etiam ibi manere vxor Salomonis: quia mulier, licet esset indignior viro, tamen non prohibebatur magis accedere ad res sacras quā vir laicus, licet maior irreuerentia foret si femina tangeret res sacras quā si vir laicus illas tangeret: sed Salomon erat laicus cū esset de tribu Iuda, ideo si licebat ei manere in domo Dauid, manere etiam liceret vxori suæ. Dicendum autem, quōd in domo Dauid erant duæ diuisiones, siue duo habitacula, & in vno illorum habitabat Dauid & in alio arca Domini, & intantū differebant ista duo habitacula, quōd licet Dauid vel aliqui de domo sua essent polluti immunditiis legalibus, non polluebant locum arcæ. Vnde licet interdū morerentur aliqui in domo Dauid, & ex hoc secundū legem esset polluta domus: & omnes, qui erant in ea, vt patet Nume. 19. capi. Non polluebatur locus arcæ: quod patet, quia quando mortuus est paruulus filius in domo Dauid, ipse lauit se, & mutata veste introiuit in domum vbi erat arca: vt patet 2. Reg. 12. ca. Si tamen pollueretur locus arcæ, non ingressus fuisset illuc Dauid, nec etiam vellet, quōd maneret ibi arca Dei: quia magna irreuerentia irrogaretur ei in hoc. In illa autem domo, in qua manebat arca Dei, dum ipsa manebat ibi, non morabatur ibi Dauid, nec aliquis hominum, sed introibant illuc ad orandum. Mortuo etiam Dauid cū Salomon haberet vxorem suā in domo Dauid, non introibat in locum arcæ ad morandum, sed ad orandum interdum. Postquam vero arca portata fuit de domo Dauid in templum, nō solum licebat Salomoni, & vxori suæ habitare intra domum primam, in qua erat Dauid: sed etiam in domo illa, in qua erat arca prius, cū iam non esset locus ille sacer post recessum arcæ: & ob hoc Dauid putabat licitum esse sibi manere in illa parte domus, in qua non erat arca: Salomon etiam cum vxore sua putauit licitum esse manere in domo illa, & mansit ibi quousque facto templo translata est illuc arca: & postea

stea etiam mansit filia Pharaonis ibi quoutque edificata fuit domus sua, licuisset ergo semper ei ibi habitare si voluisset Salomon: & tamē Salomon ex abundanti deuotione ad signandum magnam sanctitatem quæ fuerat in domo illa manente ibi arca, tanquam nunc manerent ibi reliquie illius sanctitatis, voluit quod non maneret ibi nunc vxor sua. Sciendum tamen quod istud non erat principaliter nisi ad euitandū coitū coniugalē fieri in domo illa, quia loca sacra indicantur nimis polluta effusione sanguinis: vel seminis: & ob hoc voluit, quod vxor sua esset in alia domo, ut ibi esset thor⁹ coniugalīs & non in domo Dauid: quo facto mansit ipse Salomon in domo Dauid, quia recedente inde vxore sua non erat occasio aliqua polluendi domum illam seminis effusione, & tamen adhuc coitus conjugalis licitus erat in domo illa, quia ibi tenuit Salomon multo tempore vxorem suam. Sed quia tunc nondum fecerat domum pro vxore sua, tenebat eam ibi, & non obseruabat istam reuerentiam supererogationis. Si autem esset reuerentia necessitatis, si Salomon nondum ædificasset domum, maneret, aliās non teneret ibi vxorem suam: nunc facta domo voluit obseruare reuerentiam supererogationis. Ad primam rationē in contrarium dicendum, quod domus illa, in qua erat arca, erat sanctificata dum ibi manebat arca, & postquam recessit, non erat sancta. Alia pars domus nunquam fuit sancta proprie loquendo, siue existēdo arca in domo Dauid, siue non: sed Salomon vocauit eam sanctificatā largissimē quantū ad quandā reuerentiam supererogationis. Sciendum tamen, quod Salomon non loquitur de parte domus, in qua arca fuerat: quia in ista nunquam habitauerat vxor sua, eo quod ipse acceperat vxorem dum maneret arca in domo Dauid, scilicet nondum ædificato templo: ut patet 3. Reg. 3. & tamen eo. li. cap. 9. dicitur, ascendit filia Pharaonis de ciuitate Dauid, & hic dicitur, non habitabit vxor mea in domo Dauid, ergo necessariō intelligitur de domo, in qua prius erat ista filia Pharaonis, & in illa non erat arca. Ad secundum dicendū, quod illa pars domus Dauid, in qua erat arca, erat sanctificata: sicut templum eo tempore, quo erat ibi arca. Post recessum autem eius non erat sancta nisi largē, ut dictum est. Alia autem pars domus nunquam fuit sancta, nec existente ibi arca, nec recedente inde: ideo semper licuit ibi quibuscunque habitare, & potuisset ibi semper manere filia Pharaonis, sed non mansit ex causa supraposita.

Tunc obtulit Salomon holocausta Domino super altare Domini, quod extruxerat ante porticum, ut per singulos dies offerretur in eo iuxta præceptum Moysi in sabbathis & in kalendis, & in festis diebus ter per annum, id est in solennitate azymorum, & solennitate Hebdomadarum, & in solennitate Tabernaculorum: Et constituit iuxta dispositionem Dauid patris sui officia sacerdotum in ministeriis suis: & Leuitas in ordine suo, ut laudarent, & ministrarent coram sacerdotibus iuxta ritum vniuscuiusque diei, & ianitores in diuisionibus suis per portam, & portam:

A sic enim præceperat Dauid homo Dei. Nec prætergressi sunt de mandatis regis tam Sacerdotes, quā Leuitę ex omnibus, quę præceperat, & in custodiis thesaurorum. Omnes impensas preparatas habuit Salomon ex eo die, quo fundauit domum Domini vsque in diem, quo perfecit eam. Tunc abiit Salomon in Asiongaber & in Ailath ad oram maris Rubri, quę est in terra Edom. Misit ergo ei Hiram per manus seruerum suorum naues, & nautas gnaros maris, & abierunt cum seruis Salomonis in Ophir, tuleruntque inde quadringenta quinquaginta talenta auri, & attulerunt ad regem Salomonem.

Tunc obtulit. Hic ponitur secundum principale huius cap. scilicet circa cultum diuinum prouisio, & diuiditur in duo, scilicet in partem principalem, & partem incidentalem pars incidentalis est de magnificatione Salomonis in diuitiis mittendo pro auro in Ophir, ibi. *Tunc abiit.* Circa primum dicitur. *Tunc obtulit Salomon holocausta domino.* Scilicet factis omnibus istis Salomon obtulit dño holocausta, quia erat vir tunc deicola, & volebat eū honorare in sacrificiis. Quā autē facta fuerit ista oblatio, declarabitur infra in quadā questione. *Super altare domini.* Vnicum enim erat altare, & in illo offerri debebat necessario quidquid offerretur, & sic ista additio ex superabundantiā est, vel potest poni ad tollendum dubium de eo, quod dictū fuerat præcedenti cap. scilicet Salomon sanctificauit mediū atrij, & ibi cremauit holocausta, & adipēs pacificorum in pauimento. Dubitaret ergo aliquis an forte nunc Salomon offerret sacrificia super pauimentum: ideo dicitur quod offerebat super altare: nam illa crematio in pauimento atrij fuit facta tunc ex necessitate, quia non erat locus sufficiens altare ad capiendum holocausta, & victimas. Nunc autem cessauerat illa necessitas: ideo non erant cremanda sacrificia nisi in altari domini, & ibi cremauit nunc Salomon sacrificia sua. *Quod extruxerat ante porticum.* Scilicet, altare locatum erat ante porticum templi. Ad euidentiam huius considerandum est, quod, ut declaratum fuit 3. Regum 6. & supra 3. templum Salomonis erat domus quædam vallata parietibus, & operta tecto, & in circuitu eius erant spacia magna, quæ clauderentur muro altissimi: ita ut non liceret cuiquam pro libito suo accedere ad templum, & in istis spaciis erant atria templi quatuor, & exedre, & multa alia ædificia sacra. A parte tamē orientali templi erat spacium diffusius, & illud erat diuisum in quatuor atria, e quibus illud quod magis propinquum erat templo, vocabatur atrium sacerdotum, & in illo erat altare holocaustorum, & ibi erant sacerdotes ministrantes, & Leuitę canentes: & istud atrium non erat coniunctum templo: sed inter ipsum & portam templi, quæ erat ad orientem, erat quoddam spacium in latitudine cubitorum decem, & longitudine cubitorum viginti, & vocabatur porticus templi ab ipsa porta nominatum, coram qua erat: & sic cum in atrio sacerdotum esset altare holocaustorum, necessariō erat ante porticum templi. *Ut per singulos dies offerretur in eo.* Non refertur ad Salomonem, scilicet quod per singulos dies ipse iuberet ibi offerri, sed est sensus, quod positum erat istud alta-

F darum : celebritas adueniens semel in anno vocatur solennitas, vel festiuitas : & sunt quatuor, scilicet festum Phase, vel Azymorum mense primo: festum Pentecostes mense secundo, & festum Clangoris prima die mensis septimi: & festum Expiationis decima die eiusdem mensis: & festum tabernaculorum die quintadecima dicti mensis. Hic tamen exprimuntur tres solennitates istarum, vt patet in litera. *Ter per annum*. Scilicet in tribus solennitatibus anni, quæ vocantur aliàs nominantur hic. *Idest in solennitate azymorum*. Ista solennitas durabat septem diebus. Erant enim tunc duæ solennitates simul, scilicet festum Phase, quod erat solū die quartadecima mensis primi ad vesperam, & festum Azymorum, quod incipiebat die quintadecima sequenti, & durabat septem diebus. *Leu. 23.* quæ sacrificia offerrentur in ista festiuitate, patet *Num. 28.* Quæ autem cæremoniæ fierent circa manipulum spicarū virentium iis diebus, patet *Leu. 23.* Causa autem quare institutæ sunt istæ solennitates sunt duæ, scilicet Phase fuit institutum ad representandum liberationem Israelitarum in Aegypto, manentium ab angelo percutiente, quia dum percuteret primogenitos in domibus Aegyptiorum nullum Hebræorum percussit, quia reperit sanguinem in superliminarib⁹ domorum, & ob hoc occidebatur agnus in illo Phase. Secundum festum erat Azymorum & istud fuit ad signandum exitum velocem de Aegypto, scilicet quod tanta fuit velocitas, quæ non potuerunt fermentare pastam: sed Azymos panes duxerunt ligantes massas in paliis. *Exo. 12. & Deu. 16.* *Et in solennitate Hebdomadarum*. Istud erat festum Pentecostes, quod vocatur festum Hebdomadarum, quia computari debebant septem Hebdomadæ à die secunda Azymorum, & vbi terminabantur erat dies festus, & vocabatur festum Hebdomadarum, idest inuentum per supputationem septem Hebdomadarū. Vocatur etiam festum Pentecostes, quia quinquaginta diebus post festum Azymorum erat, & sic interpretatur Pentecoste quasi quinquies decem: de aliis cæremoniis & dubiis circa istam solennitatem declaratum est *Leu. 23.* & præced. lib. 23. *Et in solennitate tabernaculorum*. Vocatur sic ista solennitas, quia dum durabat, scilicet septem diebus, faciebant Israelitæ tabernacula, siue domunculas de ramis arborum extra domos suas, vel in quocunque loco patenti, & ibi comedebant, & vocatur sic, vt Israelitæ recordarentur in per desertum quadraginta annis non morabantur in domib⁹ fabricatis manu, sed in vmbraculis arborum, *Leu. 23.* Vocatur etiam festum istud Scenophegia à cenon quod est commune, & Phagin, quod est comedere quasi in communi comedere, scilicet in loco patenti in illis domunculis de ramis arborum, vbi poterant Israelitæ videri ab oībus. In festo isto fiebant multa sacrificia per septem dies, & quolibet die variabantur, vt patet *Num. 29.* De aliis dubiis circa solennitates has declaratum est *Leu. 23.* & *Num. 28.* & 29. capi. *Et constituit iuxta dispositionem David patris sui officia sacerdotum in ministerijs suis*. Scilicet Salomon tradidit executioni ordinationem factam à David de ministerijs sacerdotum, & Levitarum. Pro quo sciendum, quod ante tempora David erat cultus Domini deordinatus quia ad habitudinem ministrorum inter se: nam oēs sacerdotes interdum simul ministrabāt, & interdum pauci, & non poterat teneri conueniens modus propter varietatē locorū, in quibus fiebant diuina ministeria, et pp mutationē sanctuarii, & etiā quia priores non attenderant nimis circa hoc, manebat deordinatio aliqua ministrorum: David autem sciēs templum aedificandum esse per Salomonem, voluit ordinare sacerdotes, & Levitas in ministerijs suis, vt quando templū aedificatum esset, ordinate ministrarent: & ad hoc distinxit

Adiunxit sacerdotes per vices, scilicet sacerdotibus omnibus competunt eadem ministeria. & non dedit quibusdam quedam, & aliis alia, sed omnibus eadem: & tamen distinxit sacerdotes per vigintiquatuor partes, ita ut quidam ministrarent una hebdomada & alij alia: & sic per vigintiquatuor hebdomadas completetur ministratio omnium vigintiquatuor partium, & rursus in hebdomada quinta ministraret prima sors, & sic iterum omnes, & hoc ordine nunquam cessabat ministratio eorum. De hoc præce. li. 24. cap. Leuitæ etiam distincti sunt, sed aliter, quia non competit omnibus Leuitis idem ministerium sicut omnibus sacerdotibus, sed distincti fuerunt, ita quod alij facti sunt cantores, alij ianitores, alij thesaurarii, alij iudices, & prepositi. Cantores autem distincti fuerunt per vigintiquatuor sortes sicut sacerdotes, & ministrabant etiam per vigintiquatuor hebdomadas, sicut sacerdotes, scilicet prima sors Leuitarum cum prima sorte sacerdotum, & sic de aliis, ut patet præce. li. 25. ca. Ianitores autem distincti fuerunt per portas quas custodiebant, scilicet quibusdam data est una porta, & alijs alia, & sic etiam de thesaurariis, & prepositis atque iudicibus præce. li. 26. cap. ista ordinatio facta fuerat tempore David, sed non fuerat tradita executioni tempore eius, eo quod non competebat ordinatio ista, nisi illi tempori, quo omnes ministraciones eunt in eodem loco: & tamen tempore David ministrabatur in duobus locis, scilicet quidam sacerdotes, & Leuitæ ministrabant in sanctuario Domini in Gabaon, & alij ministrabant coram arca in Ierusalem. præce. li. 16. Ideo non fecit ordinationem istam David, nisi pro tempore, quo esset templum Salomonis fabricatum, & cum consumatum fuit, & translata fuit arca in templum, non erat illa die ordinatio ista tradita executioni: sed ministraverunt omnes sacerdotes mixtim, & omnes Leuitæ mixtim, ut patet supra 5. Postea autem Salomon tradidit illam executioni faciendæ observari inuiolabiliter: & vocatur ista dispositio David, quia ipse fecit eam conuocatis sacerdotibus secum, & Leuitis, & principibus Israel. præce. li. 23. c. Vocantur officia sacerdotum multiplices ministraciones: quia non est eadem ministratio, & unica: sed sunt septem, vel octo officia sacerdotum, ut declaratum est præce. ca. in quadam questione. Et omnia competunt cuilibet sacerdoti præter unicum, scilicet intrare in Sancta sanctorum, quod competit soli summo sacerdoti, & dicitur in ministerijs suis, id est in temporibus vel vicibus ministrandi, scilicet quod eadem officia sacerdotalia competeant omnibus sacerdotibus, sed non eodem tempore, quia erant distincti per vigintiquatuor sortes, & ministrabant per vigintiquatuor hebdomadas. Et Leuitas in ordine suo. Licet Leuitas sit nomen generale ad omnes, qui habebant minora officia infra sacerdotes: tamen hic accipiuntur Leuitæ pro solis cantoribus, & patet ex duobus, primo quia distinguuntur hic Leuitæ, & ianitores: & tamen etiam ianitores erant Leuitæ, ideo oportet quod accipiantur pro quodam officio, scilicet cantoribus. Secundo quia dicitur, quod Leuitæ ministrabant coram sacerdotibus: & tamen non erant aliqui Leuitæ, qui ministrarent coram sacerdotibus nisi cantores, quicum eis simul erant in atrio sacerdotum canentes dum cremabantur sacrificia. Ianitores autem semper erant in portarum custodia, & nunquam coram sacerdotibus ministrabant. Et sic dicendum, quod cantores vocantur hic Leuitæ per excellentiam, quia inter omnes Leuitas ipsi habebant ministrationem excellentiorem, & dicitur, quod fecit stare Leuitas in ordine suo. i. ministrare in ordinem: nam erant ordinati per vigintiquatuor sortes distincti: & ita ministrabant successiue. Et ministra-

A bant coram sacerdotibus. Ministratio istorum solum erat cantare: & dicitur, quod ministrabant coram sacerdotibus, scilicet in præsentia eorum, nam sacerdotes erant in atrio, quod vocatur sacerdotum, & ibi sacrificia faciebant. Leuitæ autem erant cum eis induti stolis albis byssinis canentes voce, & organis musicis concrepantes, ut patet supra quinto ca. *Iuxta ritum vniuscuiusque diei.* Scilicet non ministrabant omnibus diebus eodem modo, sed cuilibet diei dabatur ministratio, nem conuenientem. Pro quo sciendum, quod officium cantorum erat, ut essent cum sacerdotibus in atrio sacerdotum, & cantarent ibi laudando dominum tempore sacrificiorum. scilicet in matutino sacrificio, & in vesperino, & in solennitatibus cum fierent multa alia sacrificia omnibus etiam illis intererant, & cantabant tunc, & dicitur, quod cantabant iuxta ritum vniuscuiusque diei, ut patet hic, vel iuxta caeremonias vniuscuiusque rei, præcedenti lib. 23. capitu. & idem est. Et istud erat quod Leuitæ in diuersis festiuitatibus diuersa carmina canerent, & hoc ad concordandum caeremonias vniuscuiusque festiuitatis. Et istud erat ad duo. Primum erat ad decorem, quia erat pulchrum, quod non semper idem diceretur, sed fieret mutatio, quia nature nostre consona videtur mutatio, & gaudemus mutatione, nec delectatio nostra semper est eadem propter naturam non esse unicam, & simplicem. septimo Ethic. in fine. Secundum erat, ut laudaretur Deus in omnibus beneficiis, quæ contulerat Iudæis, & modus erat, scilicet quod festiuitates datæ Iudæis erant institutæ ad memoriam aliquorum beneficiorum, quæ a Deo susceperant. scilicet Phase ad memoriam liberationis primogenitorum ab angelo percutiente. Festum Azymorum ad memoriam liberationis velocis de Aegypto. Festum Expiationis ad remissionem peccatorum. Festum Pentecostes ad memoriam datæ legis. Festum Tabernaculorum ad memoriam habitationis quadragenariæ in deserto sub umbra arborum, & sic de cæteris: ideo in quolibet istorum festorum varia carmina cantabantur, scilicet in sabbatis, quæ sunt ad recordationem creationis rerum. Gene. primo, & Exo. 20. & 31. cantabatur de potentia Dei in creando, & de varietate rerum creaturarum, & de sapientia gubernandi res illas: & de hoc erat materia amplissima, de qua poterunt fieri multa carmina: & talis proprie est materia, quæ tractatur Psal. 103. scilicet: Benedic anima mea domino. Festum Kalendarum propter lunæ coniunctionem cum sole, quando mutatur conditio temporis ex natura astrorum, quorum virtute corruptiones, & generationes fiunt in istis inferioribus teste Aristotele primo de generatione, & corrupt. & tunc cantaretur de celorum creatione, & astrorum: & de magnitudine Dei dantis talem virtutem astris, ita ut videantur intellectualiter regere hæc inferiora. Similis materia Psal. 135. scilicet: Qui fecit celos in intellectu: qui firmavit terram super aquas, qui fecit luminaria magna: solem in potestate diei, lunam, & stellas in potestate noctis: & sic de multis aliis. In festo Phase canerent de percussione Aegyptiorum, & de liberatione sua, & de exitu veloci de Aegypto, & diuisione rubri maris, & decem plagis Aegyptiorum de quo lata materia in Exodo, & potissime cantarent illud canticum, quod Moyses cantauit post transitum maris, scilicet Cantemus Domino, gloriosè enim equum, & ascensorem proiecit in mare. Exo. 15. In festo Pentecostes cantaretur de datione legis, et de mirabilibus, quibus apparuerunt, quando mons ardebat, et erat terribilis, et vox Dei horrenda audiebatur, Exod. 19. et 20. et Deuteronomij quarto, et quinto, et laudarent Deum, quia dignatus est eis dare legem, quod non fecit alijs gentibus: & in hoc fecit eos excellentiores omnibus

nibus gentibus, & de hoc laudat David dominum Psal. 147. Qui annunciat verbum suum Jacob, Iudicia, & iustitias suas Israel. Non fecit taliter omni nationi, & iudicia sua non manifestavit eis: etiam prædicarent se beatos tali lege dotatos qualem nulla alia gens haberet. Sic enim Moyses dicit Israelitas gentē inclinātam super alias gentes, quia nulla gens haberet talem legem, & cæmonias. Deut. 4. In festo Clāgoris caneretur, ut aliqui arbitrantur de liberatione Isaac, quando cum voluit Abraham imolare iubente Deo, ut aliqui volūt, qui innuunt istam fuisse causā huius festivitatis. Sed verius est, quod ista festivitas erat ad annunciandum libertatem, quæ fiebat anno septimo remissionis, & maximè propter libertatem illā, quæ fiebat in iobeleo anno quinquagesimo: iō cantarentur laudes multæ de lætitia libertatis, & de bonitate, & clementia Dei miserentis egenis, & servis atque oppressis. In festo propositionis fieret gratiarum actio pro remissione peccatorū: quia istud festum ad nihil aliud erat, unde sacerdos magnus illa die confitebatur peccata totius populi super caput capri emissarii, & postea mittebat illum in solitudinem. Levit. 16. etiam canerent orando Deum, quod inclinaret corda eorum in legem suam in toto corde cum colerēt: sicut Salomon oravit dñm pro toto Israel dicens: sit dominus Deus nobiscum, sicut fuit cū patribus nostris non delinquens nos, nec proiciens: sed inclinet corda nostra ad se, ut ambulemus in vniuersis viis eius, & custodiamus mandata eius, atque cæmonias. 3. Reg. 8. In festo tabernaculorum canerent Israelitæ de toto transitu per desertum enarrando omnia mirabilia, quæ Deus illis ibi monstravit. & potissimè de quotidiano pane celesti eis tradito: Exo. 16. Et quod per diem dirigeret eos in columna nubis, & per noctem in columna ignis. Exod. decimo quarto & 40. & Num. nono, & quod in istis quadraginta annis non fuerunt vestimenta eorum contrita, nec calcei rupti, atque venustate consumpti. Deut. 8. & 29. & multa alia, de quibus est materia latissima. Circa istas festiuitates, & singulos dies Leuitæ, qui erant sapientes valde in lege, & in historiis, & natura rerum excogitabāt quotidie noua cantica, cum nullum aliud haberent officium, & sic canebant variè iuxta ritum vniuscuiusque diei. Ex hoc autem assumptus est modus Ecclesiastici officii in horis dicendis, scilicet quod non recitatur idem omnibus diebus, sed in diuersis festibus diuersa cantantur secundum exigentiam illarum festiuitatum. Et ianitores in diuisionibus suis per portam, & portam. Scilicet, Salomon fecit consistere ianitores in diuisionibus, idest secundum diuisiones factas inter eos per portam, & portam: nam in templi atrio, scilicet in muro exteriori erant quatuor portæ ad quatuor ventos celi. præced. lib. 9. cap. & istæ quatuor portæ diuisæ sunt sorte inter Leuitas ianitores, scilicet quod quidam vnā portam custodirent, & alii aliam. Etiam domus consilii, & exedre custodiebantur per istos ianitores: De diuisionibus istis patet præc. lib. 16. capitu. Sic enim præceperat David homo Dei. Scilicet, David præceperat istas diuisiones sacerdotum, & Leuitarum: sic etiam quando tractauit de ordinatione ministrorum. præced. lib. 2. cap. 23. vsque 27. vocatur homo Dei, quia fuit vir sanctus: nam non deliquit nisi in paucis, & cum de iis condignam penitentiam ageret, erat vir valde Deicola. Vnde dicitur tertio Regum decimo quinto, quod non declinauit à via domini omnibus diebus vitæ suæ nisi in sermone Viriæ. Sic etiam Moyses vocabatur vir Dei, Iosue primo. & Elias vocabatur homo Dei, quarto Regum primo, & Elisæus vocabatur etiam homo Dei, quarto Regum quarto, & generaliter omnes viri boni excellenter, qui

totaliter videbantur Deo dediti, vocabantur homines dei. Non prætergressi sunt de mandatis Dei tã sacerdotes quàm Leuitæ. Idest non transgressi fuerunt sacerdotes, nec Leuitæ mandata regis, scilicet David, qui dedit istam ordinationem, vel de mandatis regis. scilicet Salomonis, quia licet David fecisset istā ordinationem, tamē Salomon iubebat nūc illā obseruari, & mandatis eius obediebant tam sacerdotes quàm Leuitæ. Ex omnibus quæ præceperat. De omnibus, quæ ordinauerat, scilicet quod totaliter sunt tradite executioni illæ ordinationes David. Et in custodijs thesaurorum. Hic ponitur de alio officio Leuitarum. Scilicet de thesaurariis, quia omnes thesauri templi committebantur custodiendi Leuitis, & quia ante templum Salomonis erat tabernaculum Moyse, & offerebant Israelitæ munera pro sanctuario, erant Leuitæ aliqui, qui custodiebant illa, & sic quando David obtulit thesauros pro templi ædificatione, & populares eī obtulerunt, receperunt illos thesauros custodiendos Leuitæ, & tenuerunt eos, & quā tēplū ædificabatur illi thesaurarii erant soluentes oēs expensas, quia de expensis sanctuarij fiebat illa ædificatio. Et sic dicitur. Et de custodijs thesaurorū omnes impensas præparatas hūit Salomon ex eo die, quo fundauit domum Domini vsque in diem, quo perfecit eam. Scilicet, quod oēs expensæ necessariæ pro ædificatione, à principio vsque ad finem erāt paratæ in custodijs thesaurorum, scilicet vbi Leuitæ solebant custodire alios thesauros tēpli, vbi custodiebant nunc oēs impensas, quæ necessariæ fuerunt, & ipsi soluerunt omnia necessaria à principio foundationis templi vsque ad consumationem.

Quomodo obtulit Salomon holocausta Domino super altare Domini, & quando erat istud. Quæst. XX.

QVÆRITVR circa prædicta, quomodo dicitur hic, tunc obtulit Salomon holocausta domino super altare domini, quā erat istud. Aliqui dicūt, quod tangitur hic aliqua specialis oblatio, quam fecerit Salomon, & ista fuit tempore præcedentium. Hic enim agitur de quibusdā, quæ facta sunt viginti annis postquā cepit Salomon ædificare templū, ut patet in principio literæ, & continuatur istud ad præcedentia cum dicitur, & obtulit Salomon holocausta, scilicet tempore, quo facta sunt præcedentia. Sed dicendū, quod hoc nō stat propter duo: primò, quia si scriptura intendisset hic innuere aliquam oblationem specialem quam fecisset Salomō, expressisset eam magis tangendo modum oblationis vel causam, & animā, quæ offerrentur, & tamen nihil tangit tanquam istud esset aliquid paruum, & consuetum. Dicendum ergo, quod hic scriptura non exprimit aliquam specialem oblationem Salomonis, sed solum tangit consuetudinem offerendi: nam consuetus erat Salomō offerre sacrificia ter in anno, scilicet in festo Azymorum, & Pentecostes, & Tabernaculorum. Secundò patet, quia 3. Regum 9. ponitur ista historia, quæ habetur hic, & tamen ponitur loco huius, sic offerebat quoque Salomon per annos singulos holocausta, & pacificas victimas super altare, quod ædificauerat domino: ergo oportet quod ista litera significet id quod illa: sed ibi signatur consuetudo Salomonis offerendi, scilicet quid offerebat singulis annis, ergo etiam hic signabitur idem, & dicitur tunc, Salomon obtulit, idest tunc offerebat, & tunc non referetur ad immediatè dicta, sed ad tempus consumationis templi, scilicet quia ex tunc cepit Salomon offerre sacrificia, & offerebat illa singulis annis ter. Quare autem Salomon offerebat sacrificia istis tribus vicibus, & an obligaretur pluries offerre declaratum est tertio Regum nono in quadam questione. Tunc aut Salomon. Hic

Hic ponitur pars incidentalis, scilicet de magnificatione Salomonis in diuitijs per hoc, q̄ faciebat afferri sibi aurum per mare, & dicitur. *Tunc abiit Salomon in Afiongaber.* Est Afiongaber quidam portus maris rubri, & est in parte orientali terre Chanaan. Vnde Exo. 23. dicitur. Ponam terminos tuos à mari rubro vsque ad mare Palesthinorum, & tamen mare rubrum ponitur ibi pro oriente, & mare Palesthinorum pro mari occidentali mediterraneo, quod alluit terram Palesthinorum. Ista autem ciuitas Afiongaber ponitur in terra Idumææ, quia in mari rubro in termino orientali coniunguntur in terra Chanaan, s. terra duarum tribuum, & dimidia, & terra Idumæorum. Ista ciuitas Afiongaber fuit olim famosa valde, & portus nimis accommodus nauibus, sed Alexander Magnus ædificia ciuitatis, & portus terræ coæquauit: Et dicitur, tunc abiit Salomon, s. completis ædificijs, de quibus supra. Circa ista nō potest cognosci ordo temporis, quia istæ non sunt partes eiusdem historie, sed sunt per se parue historie nullam attinentiam habentes, ideo nō potest sciri, quid illorum prius, & quid posterius factum est. Credendum tamen est, q̄ fuerit hoc saltem factum post ædificatum templum, & domos suas. *Et in Ailath.* Id est, quæ est iuxta Ailath, nam non est sensus, q̄ ad vtrumq; locum iuerit, sed q̄ iuit ad Afiongaber, quæ erat iuxta Ailath, & non videtur alicui sensus iste distortus, quia ita ponitur. 3. Reg. 9. vbi narratur ista historia, s. classem fecit Salomon in Afiongaber, quæ est iuxta Ailath. Est autem Ailath ciuitas famosa in terra Idumæorum, quæ aliquando vocatur Elath, vt patet Deut. apud istas duas ciuitates, s. Afiongaber, & Ailam transierunt Israelitæ venientes per desertum Arabica de Aegypto in terram Chanaan. Nam coacti sunt circumire totam terram Idumæorum, & inde in parte occidentali terræ ipsius transire per ista duo loca, vnde dicitur Deut. 2. c. circuiuimus montem Seir longo tempore, id est in terram Idumæorum, & postea sequitur. Cumque transissemus fratres nostros filios Esau, qui habitabant in Seir per viam campestrem de Elath, & de Afiongaber venimus ad iter, quod ducit ad desertum Moab. Ista ciuitas vocatur nunc ciuitas Elana mutato nomine eius parum ab Hebræo secundum Iosephum, sed adhuc istud nomen nō mansit ei, sed vocatur Bernice: vt ait Iosephus 8. Antiq. *Et ad oram maris rubri.* Id est etiam iuit ad oram maris rubri, non debet sic intelligi, quia tunc sequeretur, q̄ aliud esset ire in Afiongaber aliud in Elath, & aliud ire ad oram maris rubri, sed vnicum fuit ire, s. ad Afiongaber, sed ponuntur descriptiones locales eius, s. q̄ Afiongaber erat iuxta urbem Elath, siue Ailath, & erat in ora maris rubri, sic patet 3. Reg. 9. cum dicitur: classem fecit Salomon in Afiongaber, quæ est iuxta Ailath in litore maris rubri. Ad euidentiam huius considerandum, q̄ mare rubrum habet duos sinus, s. Persicum, & Arabicum: nam incipit mare rubrum aperte inde extēditur, quia vna pars eius versus Persidem, & vocatur sinus persicus: Alia pars extenditur versus meridiem, & t̄git Aegyptum fluitq; per desertum arabica, ideo vocatur sinus arabicus: neuter t̄n istorum sinuum fluit in mare magnum, vel in mare mediterraneum, sed sunt coarctati limitibus terrarum, sicut magni lacus, vel gurgites, ideo iste sinus arabicus ex parte tangit Aegyptum, & secat eam ab oriente in occidentem, & nō fluit in mare, sed manet in Aegypto: ideo sic soluitur difficultas illorum, qui dicunt quomodo poterant Iudæi venire de Aegypto per terram Philisthinorum, non transeundo per mare rubrum, quod tamen v̄ præsupponit Exo. 14. & tamen cum irent per viam deserti, non poterant curare mare rubrum. Hoc autem est, quia mare rubrum non pertingit vsque ad partem occidentalem Aegy-

pti, sed sistit in parte superiori eius, & si Israelitæ irent per viam terræ Philisthinorum declinarent ad partem occidentalem Aegypti, ad quam non pertingit mare rubrum, & non transirent per illud: si autem transituri essent per viam deserti declinabāt ad partem orientalem Aegypti, in qua erat mare rubrum, & sic factū est. *Qui est in terra Edom.* Potest referri ad oram maris rubri, s. q̄ illa est in terra Edom, vel refertur ad ciuitatem Afiongaber. Est enim Afiongaber portus maris terræ Idumææ: nam licet terra Israel perueniat vsque ad mare rubrum ex parte orientali, tamen portus Afiongaber non est in parte terræ Israel, sed in parte Idumæorum, vbi est principium terræ Moabitarum, vt colligitur Deut. 2. Sed tunc dicitur, quomodo poterat Salomō facere classem in Afiongaber, cum esset portus terræ Idumææ? Respondendum est, q̄ Salomon poterat facere in Idumæa quidquid vellet, quia regio illa erat sibi subiecta: nam subiecerat eam sibi Dauid. 2. Reg. 8. & præced. lib. 18. c. *Misit ergo ei Hiram per manus seruorum suorum naues.* Erat Hirā amicus regis Salomonis, qui dederat sibi ligna cedrina, & abiegna p̄ ædificatione templi, & domorum suarum, & sic dicitur, q̄ Hiram misit ei naues, s. misit aliquas naues suas, quæ irent cum nauibus regis Salomonis, & dicitur 3. Reg. 9. Misit Hiram in classe illa seruos suos, & videtur hic innui, q̄ Salomon miserit nautas, & naues, & Hiram dederit ei naues alias, quæ irent cum nauibus suis: & ibi innuitur, q̄ Salomon solum fecerit naues, & Hirā solum dederit ei aliquos de seruis suis, qui irent cum seruis Salomonis in nauibus propter peritiam maris. Sed dicendum, q̄ veritas est, q̄ ista classis dicebatur esse Salomonis, eo q̄ fecit ipse plurimas naues: dedit tamen Hiram Salomoni naues aliquas, quæ irent cum nauibus suis, & seruos suos in eis, vt etiam illi gubernarent negocia totius classis in mari, quia illi erant peritiores in hac arte. *Et nautas gnaros maris.* Isti nautæ non solum erant pro nauibus quas dabat Hiram Salomoni: sed etiam pro tota classe Salomonis, quia viri Salomonis nesciebant negocia maris: Serui autem Hiram erant periti circa istam exercitationem. Vocantur gnari maris, id est cognoscentes, quæ requiruntur ad peritiam nauigandi, scilicet scientes loca maris per diuersos terrarum tractus, & istud necessarium erat ad eundem in Ophir, quia per longes terræ circuitus ibatur illuc ex Afiongaber. Causa autem quare serui Hiram erant viri periti in mari, erat, q̄ habitabant in litore maris, s. in Tyro, & Sidone: fuit enim Tyrus ciuitas famosissima antiquitus in rebus nauticis. Conueniebant enim ad eam mercatores de omnibus partibus orbis, de cui⁹ gloria in mari, & mercimonijs describitur latè per Ezechielem loquendo contra Tyrum: Ezech. 27. Israelitæ autem non erant tam experti circa negocia maris, quia non erant exercitati sicut Tyrij, qui assueti erant ad ea. *Et abierunt cum seruis Salomonis in Ophir.* Scilicet, principaliter Salomon mittebat classem istam: ideo quamquam viri Hiram essent exercitati magis circa negocia maris dicebātur, principaliter mitti serui Salomonis, & cum eis serui Hiram. *In Ophir.* Est Ophir quædam insula, sic nominata in Indorum ab vno de filijs Heber. in hac leones, & sauiissima bestia habitant. In hac enim terra sunt montes aurei: nam superficies eius tota videtur quasi aurū, non est tamen facultas hominibus introeundi, & manendi in montibus illis aureis propter sauiissimas bestias. Sed cum sint illi montes in littore maris nautæ appellentes naues ad portum cum vident abesse bestias ex impetu introeunt in extremitates illorum montium, & laminas aureas vnguibus, & pedibus illarum bestiarum erutas accipiunt, & in nauem redeunt. Postea autem decoquunt terram illam, vt de

putaretur aurum. Sic enim acceperunt serui Salomonis: ita ut ducerent inde magnam massam auri. In terra ista sunt aues, & animalia diuersi generis, & lapides preciosi varij: unde pau, pfitaci, & simia feruntur inde: crysopasi quoque lapides, & magnetes multi ibi sunt: ut referunt Plinius, & Rabanus. *Tuleruntq; inde quadringenta quinquaginta talenta auri.* Scilicet, acceperunt inde terram auream, quæ non erat aurum purum, sicut ferrum est in terra, vel alia metalla in minerijs, quæ postea debent depurari igne. Est tamen terra ista hñs aurum purius, & preciosius, quàm aliæ regiones, & cum offerrent terram illā, erat magnæ quantitatis, sed postea cum depurata fuit, reperta est talentorum quadringentorum, & quinquaginta. Post Salomonem autem aliqui de regibus Iuda, & Israel mittebant in Ophir pro auro. Sicut patet de Iosaphat rege Iuda. 3. Reg. ultimo c. Cum dñr, rex verò Iosaphat, fecit classes in mari, quæ nauigarent in Ophir pp aurum, & ire non potuerunt: quia contractæ sunt in Asiongaber: De rege etiam Ochozia, q; vellet illuc mittere classes, patet infra 20. de ista missione Salomonis in Ophir, dicit Ioseph. 8. Antiq. Fecit Salomon multas naues in sinu Aegyptiaco maris rubri in loco, qui appellatur Asiongaber non pcul à ciuitate Elana, quæ nunc Bernice appellatur. Misit autem in Ophir, vbi nunc terra aurea nuncupatur. Est autem in India, ut aurum inde deferrent, & colligentes quadringenta talenta reuersi sunt. Non. n. vendebatur, vel emebatur aurum, vel argentum: sed multæ fuere naues, quas rex in mari Tharsico cõstituerat: ut interiora gentium penetrarent, & omnia compararent. Comparatum autem aurum, & argentum regi deferrebant, necnon elephantes, & hiopas, & simias, nauigium autem euntes, & redeuntes tribus annis cõplebant. Est autem sciendum, q; insula Ophir est in India apud fluuium terre Eulath, qui est Phison, & iste circuit terram Ophir, & in fluuiio isto sunt lapides preciosi, & in terra quam circuit, s. in terra Ophir est aurum optimum: sic patet Gen. 2. s. nomē vni Phison ipse est, qui circuit terram Eulath, vbi nascitur aurum, & aurum terræ illius optimum est, & intelligitur istud de terra Ophir, q; ibi nascitur aurum. Hoc autem modo Salomon multas diuitias auri potissimum conquisiuit, ita ut in diebus eius nullius precij estimaretur argentum, sed esset sicut lapides, ut patet sequenti c. & 3. Reg. 10. Inde etiam multa preciosa habuit.

CAPITVLVM IX.



REGINA quoque Saba cum audisset famam Salomonis, venit ut tentaret eum in ænigmatibus in Ierusalem, cum magnis opibus, & camelis, qui portabant aromata, & auri plurimum, gemmasque prætiosas. Cumque venisset ad Salomonem, locuta est ei quæcunque erant in corde suo, & exposuit ei Salomon omnia, quæ proposuerat: nec quidquam fuit, quod non perspicuum ei fecerit. Quæ postquam vidit sapientiam,

scilicet Salomonis, & domum, quam ædificauerat, nec non & cibaria mensæ eius, & habitacula seruorum, & officia ministrorum eius, & vestimenta eorum, pincernas quoque, & vestes eorum, & victimas, quas immolabat in domo Domini: non erat præ stupore ultra in ea spiritus. Dixit ad regem: Verus est sermo, quem audieram in terra mea, de virtutibus, & sapientia tua. Non credidam narrantibus donec ipsa venissem, & vidissent oculi mei, & probassem vix medietatem sapientiæ tuæ mihi fuisse narratam: vicisti famam virtutibus tuis. Beati viri tui, & beati serui tui, qui assistunt coram te omni tempore, & audiunt sapientiam tuam. Sit Dominus Deus tuus benedictus, qui voluit te ordinare super thronum suum regem Domini Dei tui. Quia diligit Deus Israel, & vult seruare eum in æternum, iccirco posuit te super eum regem, ut facias iudicia atque iustitiam. Dedit autem regi centum viginti talenta auri, & aromata multa nimis, & gemmas preciosissimas: non fuerunt aromata talia, ut hæc, quæ dedit Regina Saba regi Salomoni. Sed & serui Hiram cum seruis Salomonis attulerunt aurum, de Ophir, & ligna thijna, & gemmas pretiosissimas: de quibus fecit rex de lignis scilicet thijnis gradus in domo Domini, & in domo regia, cytharas quoque, & psalteria cantoribus. Nunquam visa sunt in terra Iuda ligna talia: rex autem Salomon dedit Reginæ Saba cuncta, quæ voluit, & quæ postulauit, & multo plura quàm attulerat ad eum: quæ reuersa abiit in terram suam cum seruis suis.

Regina quoque. Descripto in præcedentibus de Salomonis magnificentia, hic agitur de eius fama late diffusa. Et diuiditur in duo. quia primò ponitur de diuulgatione famæ Salomonis erga istam Reginā Sabam. Secundò fama sua erga alios reges habitantes in quacunque alia terra, ibi. Magnificatus est igitur. Prima in cunctis, quia primò ponitur fama, & opulētia, & fama Salomonis ex amplitudine sumptuum. Secundò ex multitudine prouentuum, ibi. Erat autem pondus. Tertiò ex magnitudine effectuum, ibi. Fecit quoque rex.

An ista facta sint ordinate, vel non, &c.
Quest. PRIMÆ.

QVAERITVR circa primum, an ea, quæ habentur hic fuerint facta post præcedentia, vel sit aliter quis

quis ordo mutatus, & dato, q̄ fuerint post illa, an fuerint facta tunc ita post illa, an interiecto aliquanto tempore. Ad primum dicendum, q̄ nō apparet, an ea, quæ habentur hic, sint facta post præcedentia: quia ista narratio, quæ habetur hic de Regina Saba, non est aliqua historia continuata, cum præcedentibus, vel subsequentibus, sed est quoddam accidēs per se descriptū, s. q̄ venerit Regina Saba ad audiendam sapientiam Salomonis: nam 3. Reg. 4. c. dī, q̄ de omnibus populis veniebant ad audiendam sapientiam Salomonis, & sic potuit esse, q̄ veniret ante istud, vel post. Dicendum tamen, q̄ venerit post ea, quæ habentur supra: quia nūquam recedendum est ab ordine literæ, nisi appareat manifesta causa. Hic autem non apparet aliqua causa, ideo dicendum est, q̄ talis fuerit ordo, qualis ponitur hic in litera. Item patet, quia præced. c. dī de confirmatione ædificiorum Salomonis, & q̄ post ædificatā domum domini, & domum suam factam fuerint, quæ habentur ibi: quando tamen venit Regina Saba ad Salomonem erat factū templum, & domus reginæ erat completæ, & domus seruorum suorum: nam ipsa regina videns domum, quam ædificauerat Salomon, & cibos mensæ eius, & habitacula seruorum eius, nō habuit ultra spiritum admirans, vt patet infra in litera, & 3. Reg. 10. Erant ergo omnia præcedentia facta anteq̄ veniret Regina Saba ad Salomonem. Ad s̄m dicendum, q̄ non potest patere, an modico tempore, vel multo post præcedentia facta fuerint, quæ habentur hic. Constat tamen, q̄ de Regno Salomonis ad minus transierant plus quā viginti quatuor anni, quando venit Regina Saba ad eum, & patet hoc, quia Salomon regnauerat annis, ferre quatuor ante foundationem templi 3. Reg. 6. Deinde ædificatio templi, & domorum Salomonis durauit annis viginti: vt patet præced. c. & 3. Reg. 9. quia templum ædificatum est annis septem. 3. Reg. 6. & domus Salomonis ædificatæ sunt annis tredecim eo. lib. c. 7. & sic sunt viginti, & à principio regni Salomonis sunt viginti quatuor vsq; ad finem ædificationis domorum suarū: sed Regina Saba venit ad Salomonem ædificato iam templo, & domibus suis, vt patet infra in litera, & 3. Reg. 10. & supra declaratum est: ideo fluxerunt ad minus viginti quatuor anni, de regno Salomonis. Sed an multo tempore post istos viginti quatuor annos, Regina Saba venerit ad Salomonem, vel paucis post non apparet, nec potest apparere ex litera. Circa primum dī. *Regina quoq; Saba, cum audisset famam Salomonis.* De ista Regina Saba, quæ esset, & de ciuitate ista Saba, in qua regione esset declarabitur magis infra in quadam quæst. Sed nunc vocatur Saba, quædam ciuitas Aethiopiæ, & vocatur Regina Saba, nō q̄ illius totius ciuitatis esset Regina, sed quia illa ciuitas erat caput, & sedes regni sui. Sic. n. rex Sehon dicebatur regnare in Esebō, & Og regnare in Astaroth: quia iste ciuitates erant præcipue in regnis suis, & tñ multas aliās vrbes habebāt: vt patet Deut. 2. & 3. & Ios. 12. & 13. Audiuit autem famā Salomonis, & audiuit eū sapientissimū esse super omnes homines, ideo voluit venire ad videndum eum, & ad interrogandum ipsum de multis dubijs, & hoc non solum fuit in Regina Sabā, sed in multis alijs regibus, quia desiderabat tota terra videre vultum Salomonis, & multi reges terrarum veniebant ad videndū eū: vel mittebant viros ferretes munera Salomoni, & audiebant ab eo solutiones dubiorum suorum. De hoc patet 3. Reg. 4. *venit, vt tentaret eum in enigmatibus.* s. Regina Saba audierat de Salomone, tanta dici de rumore sapientiæ eius quanta de nullo vnquam mortaliū dici audiuerat, & dubitabat, an hoc verū esset, & sic veniebat, vt duo cognosceret, primum erat, an verus esset rumor, quem de eo audiverat. Secundum, vt informaretur in dubijs suis, &

Alph. Tost. super lib. Paralip. Pars 2.

A vnū dependebat ab alio: quia si vera esset fama audita de Salomone, responderet sufficienter ad dubia, & informaretur ipsa. Sin autem sciret famam mentitam, & ad hoc proposuit ei enigmata, id est quæstiones quarum solutio erat difficilis, & obscura nimis, vt sic cognosceret profundum sapientiæ eius: nam si responderet sufficienter apparet magna altitudo intellectus eius. Vocatur autem apud nos ænigma obscurus sermo, quando ex sermone redditur sensus obscurus, & ponit Alexander in suo doctrinali c. de figuris exemplum, s. Patrē progenies matris occidit in aluo. Et iterū: Quā m̄ genuit generauit filius matrē: quia ex mō loquēdi sensus isti obscuri sunt, & dī, q̄ venit tentare: quia licet duo intenderet Regina Saba consequi: vnū tñ erat certū, & aliud dubium, s. certum erat, q̄ per ista ænigmata appareret, an Salomon esset tā sapiens, sicut dicebatur, vel non: & tñ non erat certum, an sciret informare eā de dubijs: ideo dixit, id quod erat certū, s. q̄ veniebat ad tentandū Salomonē. Item licet ista duo Regina Saba intenderet, tñ vnū erat via ad alterum, s. tentatio ad inquirendā veritatem: ideo posuit id, quod primum erat, s. tentatio, & dī. 3. Reg. 10. q̄ venit ista regina ad tērandū Salomonem in nomine domini, s. q̄ non solum venit ad tentandum eum: sed etiam venit pp nomen domini. Quid autem hoc sit forrē, infra declarabitur in quadā quæst. In *Ierusalem.* Morabatur Salomō in Ierusalem, quia ibi erat sedes regni sui, & ibi quasi semper morabatur, nec faciebat, sicut reges, qui sunt quasi in p̄tinuo motu de loco ad locū, & ita erat p̄suetudo regibus antiquitus, q̄ manerēt quasi semper in eodem loco: ideo dicebantur regnare in vna de ciuitatibus regnorum suorū: licet multas haberent: quia semper in tali ciuitate manebāt. sicut de rege Sehon dī, q̄ regnauit, vel habitauit in Esebō, & de rege Og, qui habitauit in Astaroth: Num. 21. & Deut. 2. & 3. & Ios. 12. & 13. ideo in Ierusalem venit Regina Saba. *Cum magnis opibus, & camelis.* Iste opes erāt ad expensas viarum: quia venerat de terra longissima: sicut dixit Christus: Matth. 12. q̄ Regina Austri, quæ est Regina Saba venit à finibus terræ audire sapientiā Salomonis. Poterāt etiā esse ad ostendendā gloriā suā, quia cum esset regina potens, & iret in terrā extraneā, vt cognosceret magnitudo gloriæ eius voluit ferre secū diuitias multas. Alia etiam causa fuit, s. quia regina ista intendebat Salomoni multa dare, si solueret quæstiones eius: ideo tulit diuitias magnas. Camelos etiā tulit. Et aliqui putant, q̄ fuit hoc ad ostendendam rem insolitam, & tñ non est verum, quia cameli multi erant in regione Chanaan in qua Iudæi morabantur: quod patet, quia Abraham habitabat in regione illa, & habebat camelos multos: nam quando misit Eliezer seruum suum in Mesopotamiam, adducendum inde vxorem pro filio suo Isaac, dedit ei decem camelos, in quibus multa dona ferebat, vt patet Gen. 24. Sed tulit regina istos camelos ad ferendum onera, quia sunt animalia nimis laboriosa, & magni oneris, & patet hoc ex litera: quia dicitur. *Qui portabant aromata, & auri plurimum gemmasq; preciosas.* Ista aromata, quæ ferebat regina erant ad dandū Salomoni: quia cum vellet ab eo audire solutiones dubiorum volebat ei offerre munera magna. Et nā quia in hoc regina magnificentiam ostētare volebat. Fuerunt autem ista aromata preciosissima, quia nūquam allata sunt in terram Israel: vt patet in litera, & 3. Reg. 10. Abundant autem Aethiopes camelis: ideo in camelis ferebat ista regina aromata, & alia onera. Sunt autem in Aethiopia aromata ista, & omnia aromatica propter caliditatem terræ. In terris autem frigidis nulla aromatica sunt. In terris autem temperatis qualis erat terra Chanaan, quæ erat partim in quarto climate, & partim in tertio etiam non.

Q 2 erant

erant aromata, ideo Regina Saba sciens hoc tulit aromata multa, quia illa preciosa essent in terra Israel, propter raritatem eorum. *Et auri plurimum.* 3. Reg. 10. dicitur, & aurum infinitum nimis, & est modus loquendi hyperbolicus: quia aurum non poterat esse infinitum, cum nullum infinitum in quantitate sit in actu, sed vocatur infinitum, i. valde multum, & patet hoc, quia dicitur infinitum nimis, & tamen nimis augmentat: sed super infinitum non est augmentum: quia infinito nihil est maius, & vnum infinitum non est alio maius: ideo hic dicitur proprius, s. q̄ ferebat Regina illa auri plurimum, & hoc est conuenienter dictum. Poteratque hoc Regina Saba: quia regina potens erat. Etiam quia in regionibus meridianis, de quibus ipsa erat, magis abundat aurum, quam in regionibus Septemtrionalibus. *Gemmaeque preciosas.* De multis generibus lapidum preciosorum ferebat, quia gemma non est nomen speciale lapidis alicuius preciosi: non est autem putandum, q̄ Regina Saba ferret omnes istas diuitias ad dandum Salomoni, sed data erat magnam partem earum. Ferebat autem ad expensas suas, & potissimum ad ostentandam gloriam suam in magnitudine diuitiarum. *Cumque uenisset ad Salomonem.* Scilicet, existentem in Ierusalem. *Locuta est ei quaecumq; erant in corde suo.* Idest proposuit ei omnia dubia, quae habebat in corde suo, super quibus venerat interrogatura: nam non est sensus, q̄ dixerit ei quidquid aliud in corde gerebat: quia hoc erat impertinens, & non faceret Regina Saba. *Et exposuit ei Salomon omnia, quae proposuerat.* Scilicet, omnia aenigmata, in quibus Regina Saba venerat tentatura Salomonem exposuit ei: quia cum Salomon esset sapientissimus omnium virorum circa omne genus speculationis, ut declaratum est 3. Reg. 4. nihil ei erat difficile. *Nec quidquam quaestio tam dubia, q̄ Salomon non decideret penitus illam reginam, & haec erat excellentia sapientiae eius, s. q̄ non solum intelligebat res altissimas, sed etiam poterat quantumcunque rudem deducere in cognitionem illarum, & istud est summum sapientissimi posse docere.* *Quae postquam uidit sapientiam Salomonis.* Scilicet, postquam tentauit eum in multis aenigmatibus, & reperit eum sapientiore, quam putabat. *Et domum, quam edificauerat.* Dubitabit aliquis de qua domo intelligatur, cum Salomon fecisset tres domos, s. domum suam, domum filiae Pharaonis, & domum saltus Libani, ut patet 3. Reg. 7. Aliquis forte dicet, q̄ intelligetur de domo illa, quae inter istas tres erat per excellentiam admirabilis pulchritudine, & ista erat domus saltus Libani. Aliter potest dici, & melius, q̄ accipitur hic domus p̄ omnibus tribus domibus quas edificauerat Salomon. Nam licet essent tres domus, in quantum tamen erant omnes tres ad usum prophanum, & ut distinguebantur a templo, quod Salomon edificauerat, cenuebatur una domus, sic accipitur praeced. c. cum dicitur, postquam Salomon edificauit domum domini, & domum suam, & accipitur ibi domus sua tanquam unica. Iosephus autem dicit 8. Antiqu. q̄ Regina Saba admirata est de omnibus, quae vidit apud Salomonem, sed principaliter de tribus, de domo saltus Libani, & de fabrica templi, cum ordine ministratum, & de ordine, & distinctione seruientium Salomoni. *Et cibaria mense eius.* Erant enim preciosa valde, & varia ad ostendendam regiam magnificentiam, comedit enim Regina Saba cum Salomone, viditq; cibos qui ei ferebantur, & q̄ multitudine, varietate, & preciositate stupendi erant: etiam vidit cibos familiae eius, qui etiam erant admirandi: nam tanquam aliquid excellens exprimi fuerant illi cibi in scriptura. 3. Reg. 4. Etiam erat varietas in vasis mensae Salomonis p̄ cibis, & potibus, & in ijs erat magna pulchritudo. Erat

autem cibus Salomonis quotidie triginta cori similis, & sexaginta cori farinae, decem boues pingues, & viginti boues pascuales, & centum arietes, excepta ventione ceruorum, & caprearum atque bubalorum, & auium altilium, eo. c. *Et habitacula seruorum suorum.* De habitaculis istis seruorum non facit scriptura mentionem, q̄ Salomon illa fabricauerit, sed per aedificia suae domus intelliguntur. Erant autem ista miro ordine composita, & magna pulchritudine praecleara, s̄m differentiationem ministrorum: erant autem istae domus intra domum regis, vel propè, & propter pulchritudinem considerauit illas regina. Aliqui putant, q̄ fuerint ista aedificia in platea illa, quae vocatur Mello, quam David patentem dimiserat sine aedificijs. De Salomone autem legitur, q̄ aedificauit Mello. 3. Reg. 9. & 11. *Et officia ministrorum eius.* Idest considerauit multiplicia officia, quae habebant serui Salomonis, potissime in seruando mensae eius, considerauitque eorum admirabilem ordinem, quia licet esset magna varietas ministrorum, nihil excedebat modum, & ordinem, & conditionem ministerij, & admirabili ordine relucebat magna prudentia. *Et vestimenta eorum.* Scilicet, considerauit differentiationem, & preciositatem vestium, quia cum essent ministri multi omnes tamen utebantur vestibus preciosissimis, & quod maius erat, colores, & figurae vestium distinguebantur per officia ministrorum, ita ut per vestes facile esset cognosci, quis esset de quolibet genere ministrorum. Iste autem ordo tam diligenter obseruatus ostendebat magnam sapientiam Salomonis: nam sapientis est ordinare. *Pincernas quoque, & vestes eorum.* Pincernae erant, qui in mensa Salomonis seruebant de vino, & varijs potibus. Ordo autem, & varietas istorum pincernarum fuit admirandus: ideo Salomon inter cetera magnalia, quae se fecisse dicit, de istis ministerijs refert Eccl. 2. c. Feci mihi cantores, & cantatrices, & delicias filiorum hominum, scyphos, & vceolos in ministerio ad vina fundenda: Vestes etiam pincernarum erant pulchrae, & a vestibus ceterorum ministrorum distinctae colore, & figurae varietate. *Et victimas, quas immolabat in domo domini.* Considerauit etiam Regina Saba sacrificia, quae offerebat Salomon domino, & est victima nomen generale ad omne genus sacrificij: sed ponuntur 3. Reg. 10. holocausta solum, quia forte illud erat genus sacrificij, circa quod Salomon magis vacabat: sed de istis sacrificijs, quae essent declarabitur infra in quadam quaestione. In Hebraeo h̄. 3. Reg. 10. Hic & ascensum, per quem ascendeat in domum Domini, i. fecerat Salomon de domo sua usq; ad domum Domini quoddam deambulatorium de lignis thinis, quae ducebantur de Ophir, & illum ascensum artificiosum, & lignorum pulchritudinem, & preciositatem Regina Saba considerauit. Litera tamen nostra conuenientior est, sed puenit ista differentia ex equiuocatione nominis Hebraei, quia ponitur ibi eadem dictio, s. olla p̄ holocausto, vel ascensione, & utriq; conuenit: nam olla in Hebraeo s̄m suam originem signat eleuationem, & potest ppetere ascensionem, s. quia per gradus eleuatos fit ascensus. Cōpetit etiam holocausto, ut alijs sacrificijs: quia manibus sacerdotum eleuantur coram dño. *Non erat praestupore ultra in ea spiritus.* Idest tamen fuit admirata Regina Saba de ijs, quae vidit, s. de sapientia Salomonis, & alijs, q̄ non sufficebat magis admirari, & puenit hoc admiratibus: nam quandiu aliquis habet intellectum capacem eorum, q̄ videt, ita q̄ illa sufficienter intelligit, non admiratur nimis: sed cum non valet iam intelligere: q̄ videt, vel audit, admiratur nimis, & tunc dñs non habere spiritum, & sic si aliqua maiora postea ostenderentur, non posset de illis sufficienter admirari. *Dixitque ad regem: uerus est sermo, quem audiui in terra mea de virtutibus, & sapientia tua.* Audierat enim Regina Saba admiranda de Salomone:

Sapientis
est posse
docere.

Sumptus
ciborum
Salomonis.

mone: quia per omnem terram diuulgabatur fama eius, & talia de eo audiebantur qualia de vllonunquā fuerant audita, ideo non tunc crediderat Regina Saba, q̄ hæc omni vera forent, ideo veniebat tentatura eum in ænigmatibus, vt patet supra in litera: Nunc autem experimento didicerat rem maiorem esse ru- more, ideo admirata confessi est suum errorem dicēs, veram esse famam, quam audierat. Et dicitur de vir- tutibus, & sapientia, quia in sapientia præcellebat Salomon omnes homines. 3. Reg. 4. Sed de virtutibus quo modo Salomon esset in eis excellens, nō apparet: quia dato, q̄ in principio regni sui fuerit vir Deicola, & be- ne compositus: non fuit tamen in hoc tam excellens, q̄ de virtutibus eius magna fama esse deberet: potissi- mē, cum ipse potius videretur delectationibus dedi- tus tam in gustu, quā in tactu: ideo dicendum vide- tur, q̄ non accipitur hic virtus pro aliquo habitu mo- rali, sed vocantur virtutes, idest res factæ virtuosæ, vel excellentes, & sic omnia opera magnifica Salomonis vocabantur virtutes eius: & hoc conuenit ei, quod ha- betur. 3. Reg. 10. f. Super sermonibus, & sapientia tua. Vocantur ibi sermones, quod vocatur hic virtus, & ta- men sermo est res narrata, s. omnia gesta, quæ narra- bantur de Salomone præterquam sapientia eius voca- bantur virtutes, vel sermones eius. *Non credebam nar- rantibus donec ipsa venissem, & vidissent oculi mei.* Scilicet, tanta de te dicebantur, q̄ erant incredibilia: quia nun- quam talia audita fuerant, vel dicta præteritis sæculis de aliquo homine: ideo non credebam quousque vidi. Sic etiam erat de multis regibus terræ, qui non crede- bant rumori, donec experimento constabat. Sed nunc credere cogor, quia viderunt oculi mei, s. magnitudi- nem operum tuorum, & ordinem familie, & alia, quæ videri poterant ostendentia magnitudinem sapientia: tuæ: nam sapientia ipsa videri non poterat: vel dicitur, viderunt oculi mei, idest ego experimento didici: nā probatio experimentalis vocatur visio. *Et probassem vix mihi medietatem sapientia tuæ fuisse narratam.* Scilicet, ego dubitabam, an vera essent, quæ de te audieram, & experimento didici, q̄ non solum illa erant vera, sed etiam q̄ ego non audieram medietatem eorum, quæ experta sum de sapientia tua: hoc dixit Regina Saba, quia Salomō declarauit ei aliqua maiora, quā illa de quibus ipsa dubitauerat. ex quo apparebat, q̄ sa- pientior erat, quā ipsa audierat. *Vicisti famam virtu- tibus tuis.* Scilicet, maiores sunt virtutes tuæ, quā fa- ma tua: istud accidit excellentibus viris, quia interdum tanta est eorum excellentia, q̄ fama non potest per- tingere ad enarrandum magnitudinem illius, & po- tissimē, quando est fama de magnitudine ingenij: ni- hil enim est, q̄ magis lateat, quia illi, per quos dilatarī debet fama alicuius, non solum non intelligunt illud, quod ille intelligit, sed etiam intelligere nequeunt, quanta est magnitudo ingenij illius. Sic etiam est cir- ca quasdam alias perfectiones magnas in quocunque genere: quia vulgus non sufficit ad intelligendum il- las: ideo qui excellentissimi sunt, æqualem virtutibus suis laudem habere nequeunt: quia oporteret sic æ- quales laudatis esse laudatores. Et istud manifestē di- citur hic litera. f. Vicisti famam virtutibus tuis, idest non potuit fama peruenire ad enarrandum magnitudinē virtutum tuarū, s. perfectionū. *Beati viri tui.* Conuertitur Regina Saba ad laudandum aliter Salomonis sapien- tiam, dicendo beatitudinem esse in illa, & hoc quia at- ronita erat præ magnitudine sapientia Salomonis. Putauit magnum gaudium esse manere sēper coram Salomone ad audiendum doctrinam eius, & ob hoc dixit, beati viri tui, idest domestici tui. *Et beati serui tui.* Isti sunt, qui ministrabant coram Salomone in mensa, & in alijs, & causa beatitudinis in seruis, & viris com-

munis est, s. q̄ assistebant Salomoni. *Qui assistunt coram te in omni tempore.* Scilicet, quotidie stant coram te, vel quodocunq; volunt, aut saltem temporibus conue- nientibus. *Et audiunt sapientiam tuam.* Ista erat causa bea- titudinis, s. quia cum semper essent coram Salomone, semper poterant audire sapientiam eius. Rectē locuta est Regina Saba, s. illi, qui non veniunt ad præsentiam tuam, nec audiunt verba sapientia: tuæ, nullam partē felicitatis assequuntur. Qui autem sunt coram te, & audiunt ea, quæ dicis, sunt beati, eo q̄ in audiendo sa- pientiam tuam est summum gaudium. Qui autem ali- quando audiunt verba sapientia: tuæ, & tamen non manent semper coram te: sicut illi, qui veniunt de ter- ra aliena ad te videndum: licet pro eo tempore, quo manent coram te, sit in eis aliquid felicitatis, tamen non manet postea, quia occurrunt deinde eis multa dubia de quibus informari nequeunt in absentia tua. Qui autem præsentēs sunt tibi, sicut serui tui, semper sunt beati, quia quodocunq; occurrerit eis aliquid dubium, habent declaratorem. Etiam quia multa au- dient secreta sapientia: tuæ, de quibus etiam ipsi nun- quam cogitauerunt. De humana autem felicitate re- ctissimē locuta est Regina Saba: nam summum bonū hominis est in intellectu, vt ait Arist. 10. Ethic. & quia sapientia est maxima perfectio intellectus erunt ho- mines felices per hoc, q̄ sapientes. Hic tamen non contingit homini viuenti assequi felicitatem propter duo. Primò, quia sapientia illa, quam homines hic as- sequuntur, imperfecta nimis est, cum paucis veritati- bus, & obscurē cognitis multarum rerum, & magna- rum nos ignorantia confundit. Secundum est, quia si aliquod gaudiū in speculando sit, quod profectō ma- gnum est, corruptibilis corporis conditio facit actum illum non esse delectabilem, vel non diu durare in sin- cera delectatione. Sic patet Sapient. 9. f. Corpus, quod corrumpitur aggrauat animam, & terrena habitatio deprimit sensum multa cogitantem. Soluta autem anima à corpore, cum anima summa, & vera felicitas, aut summa miseria est: in sapientia autem consistit ipsa summa beatitudo: sic patet Ioan. 17. f. Hæc est vita æterna, vt cognoscant te, i. totum bonum vitæ æternæ est, in cognoscendo te. Et ista est cognitio speculatiua, quamquam sit intuitiua per præsentiam obiecti, & nō abstractiua per formam abstractam representantem. Dum autem viuatur perfectum bonum nullum ho- mini contingit, inter ipsa tamen diminuta bona, quæ homini eueniunt, sapientia imperfecta, quæ hic habe- tur, maximum bonum, & maximum iucundum est. Vnde ipse Aristoteles, qui de futura animarum condi- tione disputat pro eo tempore, quo hic viuatur, dicit hominem secundum sapiētiā felicitari, & ipse mor- talis existens per sapiētiā & intellectum conetur immortalitatem 10. Ethic. Nunc autem sic erat, q̄ ma- xima sapientia, quæ erat in Salomone. Beati ergo erant, ne vnquam fuit, erat in Salomone. Beati ergo erant, qui poterant participare aliquid de sapientia eius, & isti erant, qui assistebant sēper Salomoni: vnde isti scri- bebant plurima de illis, quæ loquebatur Salomon, & per hoc sapientes efficiebantur. Sic patet Prouer. 25. c. f. Hæc quoq; parabola Salomonis quas transfulerunt viri Ezechia regis Iuda. Dolebat autem Regina Saba: quia nō poterat semper esse præsens, vt audiret sapien- tiam Salomonis, sicut audiebant serui eius. *Sit dominus Deus tuus benedictus.* Laudabat hic Regina Saba Deum Israel, quia credebat, q̄ ab eo Salomon acceperat sa- pientiam istam magnam, & iustē quidem hoc arbi- trabatur: quia inter homines nihil tale vnquam reper- tum est, s. q̄ aliquis sine magistro, & sine labore inue- stigandi in tenera ætate subito sapientissimus effectus fuerit. Tale autem locutus est hic Hiram rex Tyri:

nam audiens sapientiam Salomonis, & videns, q̄ vellet ædificare domum domino, & palatium sibi, laudauit Deum eius, qui ei sapientiam dederat, & constituit eum regem in Israel, vt patet supra 2. & 3. Reg. 5. scilicet. Quia dilexit Dominus populum suum, ideo regnare te fecit super eum: Et addidit dicens: benedictus dominus Deus Israel, qui fecit celum, & terram: qui dedit Dauid regi sapientem filium, & eruditum atq; sensatum, vt ædificaret domum domino, & palatium sibi. *Qui voluit te ordinare super thronum suum.* In hoc confitetur Regina Saba, q̄ dispositio regnorum à Deo veniat, scilicet, cuicumque Deus voluerit, dabit regnū, & cui voluerit auferet, & per hoc cōcedit generaliter prouidentiam Dei circa humana opera, scilicet, q̄ curet de negotijs nostris: nam sicut curat de negotijs magnis quæ sunt negotia regnorum, ita curabit de negotijs minoribus ne aliquid maneat inordinatū. De ista prouidentia habetur Dan. 1. donec cognoscant viuentes, q̄ dominatur altissimus in regno hominum, & cuiusque voluerit dabit illud, & dixit, super thronum suum, scilicet, quia thronus Israel erat thronus Dei: quod potest dupliciter intelligi, vno modo super thronum suum, scilicet, quia ipse de illo curam habet. Nam habet Deus curam de omni dispositione regnorum, & quicumq; regnat, oportet, q̄ habeat regnum per manum domini, ideo cum ipse det illud cuicumque habenti, censetur regnum esse Dei: & hoc quidem concedit scriptura, scilicet, q̄ omnis potestas à Deo: sed data ab eo. ad Rom. 13. & specialiter regna terræ, quæ est maxima: ideo ipse dicitur dare omnes reges, iuxta illud Prouer. 7. f. Per me reges regnant. & non solum de bonis verum est: sed etiam de malis, quia illis etiam Deus concedit regnum interdum propter peccata populi, cui præsent: vt patet Iob 34. f. Qui regnare facit hypocritam propter peccata populi. Et non solum est potestas regnatiua in manu domini, ad hoc, q̄ quis illam assequatur, sed & postquam assequutus fuerit, in potestate Dei est bona, vel mala gubernatio, quæ sub illo rege in regno esse debet: vt patet Prouer. 21. f. Cor regis in manu domini, & quocunq; voluerit vertet illud. Secundo modo vocatur iste thronus Dei, quia specialiter pertinebat regnum Israel ad Deum, cum ipse accepisset Israelitas in peculium, & regnum sacerdotale atq; gentem Sanctam: Exod. 29. c. Et sic etiam ipse Deus dicebatur inter Israelitas specialiter regnare, sicut vnus homo dominatur in vno regno: & intantū dominatur Deus specialiter inter Israelitas, q̄ si aliquis vellet regnare, vel dominari inter eos, videbatur facere Deo iniuriā, vel subtrahere ei dominium: sic patet de Gedeone, qui postquam superauit Madianitas, dixerunt Israelitæ: dominare tu nobis, & filius tuus, & filius filij tui: quia liberaisti nos de manu Madian: ipse verò respondit: non dominabor vestri, nec dominabitur in vos filius meus, sed dominabit dominus Deus, vt patet Iud. 8. Ex quo patet, q̄ Gedeon intelligebat, q̄ si ipse dominaretur inter Israelitas, non posset Deus dominari inter illos, & ficerat modus dominandi specialis, quia si intelligatur de modo dominandi generali, non tolleretur, nec diminueretur per hoc, q̄ aliquis dominaretur specialiter inter Israelitas: sicut Deus dominatur inter omnes gentes, cum ipse dicat: Mea est enim omnis terra: Exo. 19. Et tamen dominantur ibi reges multi. Sic etiam erat de regnando, nam ex hoc, q̄ Israelitæ petierāt regem sibi dari, dixit Deus, q̄ abiecerant eum, ne regnaret super eos, vt patet primo Reg. 8. cū dixit Deus ad Samuelem: non te abiecerunt sed me, ne regnē super eos: & tamen si nō acciperetur regnū specialiter, nō diceretur Deus abiectus de regno, licet Israelitæ peterent alium, qui regnaret. Cum ergo esset regnum Israel specialiter Dei, quicumque illud accipe-

ret, erat tanquam dei substitutus, & vices tenens: ideo diceretur aliquis Israelita quando regnaret, sedere in throno Dei Israel. *Regem domini Dei tui.* Hic est limitatio personæ: quia deberet dici benedictus dominus Deus tuus, qui voluit te ordinare super thronum suū, & tamen mutata est persona, ne alius loqueretur, scilicet, qui voluit te ordinare super thronum suum regem domini Dei tui, id est regem suum, & ipse est dominus Deus tuus, & talis mutatio personæ consueta est in scriptura sic patet Psal. 3. Domini est salus, & super populum tuum benedictio tua, cum tamen deberet dici: Domini est salus, & super populum suum benedictio sua. *Quia diligit Deus Israel, & vult seruare eum in æternum.* Quasi dicat, quia Deus volebat, q̄ regnum Israel maneret in æternum, eo q̄ diligebat illud, voluit, q̄ tu esses rex illius, scilicet, quando Deus vult aliquem populum, vel regnum cōseruare in æternum, vel magno tempore, dat ei rectorem bonum: & quando Deus habet aliquem populum exosum propter sua peccata, loquendo largē de odio, dat eum in manum mali rectoris, per cuius gubernationem populus pereat, vel affligatur nimis: sic patet Iob. 34. f. Qui facit regnare hypocritam propter peccata populi: Et dixit, quia vult seruare in æternum, id est, magno tempore, & hoc est per bonū regimē. Etiam non ideo seruaretur populus in æternum, vel magno tempore, quia Salomon regnabat, cum ipse breui tempore regnaturus esset: sed de hoc declarabitur infra in quadam quæstione. *Idcirco posuit te super eum regem.* Scilicet, tua industria populus iste cōseruabitur in æternum, vel magno tempore. *Vt facias iudicia atque iustitiam.* Scilicet, per exercitationem talem cōseruatur regnum in æternum. Iudicium, & iustitia differūt. Vno modo, quia iudicium dicit actum rationis, vel facultatem rationandi. Iustitia autem dicit executionē. Sed hic nō accipitur sic, quia dicitur, vt facias iudicia, & tamen iudicium isto modo nō fit, sed manet in anima nostra. Alio modo vocatur iudicium actus sentiendi, & iustitia vocatur executio eius, & sic accipitur hic: nam in hoc consistit complementum boni regiminis, scilicet, q̄ iudex, vel dominus bene sententiet in eis, qui in contentionem venerint, & sententiam bonam executioni demandet, quia primum sine secundo nihil valet. Cum autem duo hæc simul fuerint, felix est respub. *Dedit autem regi centum, & viginti talenta auri.* Id est Regina Saba informata fuerat à Salomone in multis, & magnis dubijs, & vt videretur gratias agere de tanto beneficio, obtulit ei ista centum, & viginti talenta auri, & dedit tantam quantitatem ad ostendendam magnificentiā suā, & diuitiarum copiam. Etiam quia magno regi magna munera offerenda erant, & ad hoc ferebat ipsa regina aurum multum nimis, vt dicitur in litera, vel infinitum, vt dicitur 3. Reg. 10. *Et aromata multa nimis.* Ista fuerunt specialia dona: nam Salomon habebat aurum multum, sicut Regina Saba, & tamē aromata non habebat, quia in terra Chanaan, cū sit medio modo temperata, quia in quarto climate est p̄ maiori parte, non sunt ibi res aromaticæ, quæ cauantur ex magnitudine caloris digerentis: & sic aromata sunt in secundo, & tertio climate in principio, & in fine primi climatis. De ijs aromatibus dedit multa Salomoni ipsa regina, quia erāt nimis pretiosa ad vsus, & delicias regum. *Et gemmas pretiosissimas.* Gemmæ communius generantur in terra calida, quā in frigida, vel temperata. Ideo terra Indorum versus meridiem, cū sit nimis calida, habet multos lapides pretiosos. Sic etiā de Aethyopia, in qua erat Regina Saba, quia erat terra nimis calida. Ideo cōiter reperiūtur ibi plures lapides pretiosi, q̄ apud nos, & q̄ in terra Chanaan. *Non fuerunt aromata talia, vt hæc q̄ dedit Regina Saba regi Salomoni.* Id est nō fuerūt aromata tā priosa allata in terrā Israel sicut ista, quæ

quæ nunc attulit Regina Saba. Et non est sensus, quod non fuerunt talia in toto orbe, quia credendum est, quod aliquando preciosiora aromata fuerint in orbe. Nam in terra Saba, de qua allata sunt ista aromata, aliquando essent preciosiora: sed est sensus, quod in terram Israel nunquã tam preciosa allata sunt: quia cãm Regina Saba vellent offerre in munus aromata ista Salomoni, credendum est, quod perquireret meliora, quæ reperire posset in regno suo, ut sic appareret munus regium. Ante hoc, & postea tempore aliorum regum aliqua aromata afferre batur venalia, & tamen restatur scriptor libri, quod nunquam talia allata sunt. Sed quomodo hoc sciret scriptor, cum esset negativa, quæ non capit probationem, declarabitur infra in quadam quæstione. Et tamen 3. Reg. 10. dicitur. Non sunt allata ultra aromata tam multa quam ea, quæ dedit Regina Saba regi Salomoni, scilicet tempore, quo fuerunt reges in Israel usque ad tempus Ieremiæ propheta, quæ reges in Israel usque ad tempus Ieremiæ prophetæ, quæ scripsit libros Regum circa captiuitatem Babylonis non fuerunt allata multa aromata in terram Israel, scilicet simul, vel fortè successiue, scilicet quod in omnibus vicibus, quibus portata sunt aromata post Salomonem usque ad tempus, quo scriptus est liber, non fuerunt portata tanta aromata. Et hoc patet, quia ferebat Regina Saba camelos onustos, ut patet supra in litera, & utrumque verum fuit, scilicet quod non fuerunt allata tot aromata, nec etiam talia. Sed & serui Hiram cum seruis Salomonis. Hic ponitur alius modus, quo Salomon ditatus est, & nobilitatus diuitijs clarissimis, scilicet mittentibus nautas ad longissimas partes terrarum, ut inde aliquid ferrent, quod non habebatur in terra Chanaan. Et dicitur quod serui Hiram iuerunt cum seruis Salomonis, quia erant serui Hiram nautæ optimi, ut declaratum est præcedenti cap. Et attulerunt aurum de Ophir. De hoc habetur præcedenti cap. scilicet quantum aurum attulerint, & quæ sit insula Ophir. Et ligna thina. In insula Ophir sunt ista ligna thina, & sunt preciosissima atque alba, quæ cum tantæ sunt soliditatis, postquam fuerint leuigata, perfectè imagines reddunt, & faciunt in se apparere rerum obiectarum effigies sicut in speculis. Et ob hoc sunt ista ligna preciosissima inter omnia ligna. Et sic serui Salomonis portauerunt inter omnia ligna. Et sic serui Salomonis, & naues onustas illis. Alia autem classis erat Salomonis, quæ erat in mari Tharsico, & ducebat inde aurum, & argentum, & dentes elephantorum, psithacos, simias, & pauos. De his lignis thinis dicit Iosephus 8. Antiqui vocantur ligna pinea, & laudat ea nimis, & dicit, quod tempore suo ducebantur ligna pinea de partibus longinquis ad vendendum, & tamen non erant talia sicut illa, quæ allata sunt Salomoni, quia ista sunt albia, & fulgentiora. Et gemmas preciosas. Multas species lapidum preciosorum tulerunt inde, & vocantur omnes generali nomine gemmæ. Sunt namque in insula Ophir, multæ gemmæ, scilicet manetes, crysolitæ, & multæ aliæ species, ut dicunt Plinius, & Rhabdani. De quibus fecit rex, de lignis scilicet thinis, gradus in domo Domini. Erant pulchra valde ligna ista, & imagines representantia: ideo posita sunt in loco manifestum, ut ibi species apparerent intuentium, vel rerum obiectarum, sicut in speculo, & facti sunt gradus in domo Domini. Putant autem aliqui, quod isti gradus erant qui ascensus à domo regis in templum, & per istum ascensum rex ibat in templum, & per hoc probant Hebraei id, quod habetur supra, ubi litera nostra dicit, & holocausta, quæ offerebat in domo Domini, & in Hebraeo dicitur, & ascensum, per quem ascendebar in domum Domini. Sed dicendum, quod non erat vnus ascensus factus de domo Salomonis in domum Domini, sed erant factæ in domo Salomonis scilicet diuersæ, in quibus erant gradus de lignis thinis: in domo

A quoque Domini fecit Salomon in varijs locis gradus de istis lignis thinis. Ergo alij erant gradus de lignis thinis, quos fecerat Salomon in domo Domini, & alij quos fecerat in domo sua. Motuum autem eorum aliquo modo poterat haberi, ex litera nostra. 3. Reg. 10. Scilicet, fecitque rex de lignis thinis fulcra domus Domini, & domus regis: & vocantur fulcra, id est sustentacula, siue gradus scalarum, & volunt quod ista fulcra essent à domo regis in domum Domini: sed non conuenit, quia tunc deberet dici, fecit rex de lignis thinis fulcra à domo Domini, usque ad domum regis. Et tamen dicitur in domo Domini, & in domo regis, ergo erant quædam fulcra in domo Domini, & quædam in domo regis. Vel potest intelligi, quod cum ista ligna thina essent solidissima, posuerit illa tam in domo Domini, quam in domo sua in aliquibus locis ad magnam fortitudinem, quia erant durissima sicut lapides, & sustinerent grauissima onera, & hunc sensum tenet Iosephus 8. Antiquitas dicens: Delata sunt regi ligna pinea, quibus usus est ad fortitudinem templi domorumque regum, & hoc etiam conuenit literæ nostræ. 3. Reg. 10. fecitque rex de lignis thinis fulcra domus Domini, & domus regis. Fulcra autem à fulciendo dicuntur, quia inde suffulta est domus.

Hic autem vocantur gradus: quod etiam satis potest stare, scilicet quia illa fulcra facta sunt in modum graduum. Citharas quoque et psalteria cantoribus. Facta sunt musica instrumenta de lignis istis, eò quod erant valde accommodata pro tali opere, scilicet quia solidissima, quia valde conuenit ligno reddenti sonum esse solidum, siue densum, & præcipue, quia ista ligna erant valde pulchra, scilicet reddentia imagines, & istud nimis conuenit musicis organis: quia sicut nos suauitate melodiarum demulcent, ita & pulchritudine formæ & materiæ nobilitate debent allicere. Et dicitur hic, citharas & psalteria, quæ sunt organa vsitata. Nam licet cithara in usum nostrum rarissimè veniat, apud antiquos tamen in magna frequentia fuit. De psalterio autem quid sit notum est: nam etiam apud modernos in honore est, & antiqui cantabant in eo, potissimè David qui dicebat: In psalterio decacordo psallam tibi. Psalm. 133. & ista duo instrumenta simul erant frequentata nimium, scilicet pro leuitis. Nam inter leuitas erat præcipuum officium cantorum, qui assistebant cantoribus alijs sacerdotibus semper tempore sacrificiorum canentes diuersa cantica, secundum conditionem festorum, in quibus canebant: ut patet præcedenti cap. lib. 23. cap. & ibi declaratum est. Pro istis cantoribus faciebat Salomon instrumenta, & fecit de istis lignis thinis, ut essent pulchra, & preciosa organa pro domo Domini, & vocantur ista instrumenta citharæ, & liræ. 3. Regum 10. sed ad idem redit, quia lira potest accipi pro psalterio: & Iosephus 8. Antiquitas dicit, quod de istis lignis thinis facta sunt organa musica, scilicet citharæ, & nabla, sed idem est nablum, & psalterium: ut ait Ebrardus in Græcismo, scilicet

Psalterium Græci, nos organa, nabla Iudæi. Nunquam visa fuerunt in terra Iuda ligna talia. Pulchritudine, & nobilitate ista exceperunt omnia alia ligna, quæcunque postea allata sunt in terram Iuda. Et potest intelligi, quod ante tempus Salomonis, & prius etiam nunquam allata sunt aliqua ligna thina in terra Iuda, sed solum nunc tempore Salomonis allata sunt, eò quod nunquam nauigauerunt aliqui in insulam Ophir fortè de regno Iuda prius tempus istud, & hoc potest signare litera ista, scilicet nunquam visa sunt in terra Iuda ligna talia, id est talia in specie: & sic nunquam visa sunt postea ligna thina.

Vel potest intelligi, q̄ nunquam allata sunt postea aliqua ligna thina in Israel tam præciosa, licet aliqua de illa specie allata fuerint. Et hoc potest signare litera nostra. 3. Reg. 10. f. Non sunt allata huiusmodi ligna thina, nec visa usque in præsentem diem, i. non sunt visa tam præciosa, sed magis est sensus, q̄ nulla ligna thina postea allata fuerint in terram Iuda, & licet aliqui mercatores afferant ligna aliqua de longissimis insulis, quæ dicant esse ligna pinea, vt inde magna præcia consequantur, nō sunt vera ligna pinea, quia licet sint illis similia in rotunditate, tamen sunt illa albiora, & fulgentiora, vt ait Iosephus 8. Antiqui. *Rex autem Salomon dedit Regine Saba cuncta, quæ voluit, & postulauit.* Regina Saba obtulerat Salomoni munera magna auri, aromatum, & gemmarum, & cum recedere vellet in terram suam, petiuit à Salomone aliqua, quæ visa sunt ei grata, & erant in terra Israel: in terra autem sua fortassis non erant, & illa sponte concessit ei Salomon. *Multo plura quam attulerat.* In hoc voluit Salomon superare magnificentiam Regine Saba, quia licet Regina Saba dederit ei magna munera, tamen Salomon redonauit ei alia multo maiora, & hoc conueniebat Salomoni propter multa. Primò, quia ipse erat rex ditissimus inter omnes reges, quia ante eum, & tēpore suo, & post eum non fuit aliquis rex tam diues, vt patet 3. Reg. 3. & supra 1. c. Regina autem Saba non erat tam diues: ideo Salomon debebat plura donare. Secundò, quia ipse erat vir, & Regina erat mulier, & magnificentia potius decet virum quam femina propter duo. Primò, quia cum sexus masculinus sit perfectior femino, omnis virtus debet esse perfectior in viro, quam in femina. Secundò, quia magnificentia repugnat nimis curritati naturæ, siue auaritiæ. Et tamen femina naturaliter sunt auariores quam viri, eo q̄ auaritia consequitur naturaliter impotentiam acquirendi. Et quia femina sunt minus potentes, acquirere, sunt minus liberales: & senes, quia sunt impotentes propter etatem ad acquisitionem, sunt auariores iuuenibus: ideo decebat Salomonem magnificentiorem esse Regine Sabæ, & sic dedit plura. Tertiò, & principaliter, quia ista erat consuetudo omnium terrarum, s. q̄ cum quis veniat ad visitandum alium virum probū, potius debeat ab eo recipere, quam ei dare, nisi fortè offerat aliquid, vt subditus vel ut debitor. Regina autem Saba venerat ad videndum Salomonem, ideo decebat, vt potius donaret ei Salomon, quam e conuerso. Quartò, quia Regina Saba prius dederat Salomoni, quam e conuerso: ideo debebat Salomon plus dare, quia retribuens habet hoc onus, s. q̄ plura det, quam recepit. Nam si det minora, non videtur sufficienter pro beneficio retribuere. Si autem det æqualia solum, videtur emptor, & non beneficii retributor, vt ergo appareat retribuens pro beneficio, debet plura dare. Sic enim colligitur per Arist. 5. & 9. Ethic. s. q̄ recipiens beneficium tenetur ad æqualia, & insuper ad famulatum. Qui ergo vult supplere famulatum in munere, debet dare plusquam suscepit, & sic Salomon nunc dedit multo plura q̄ suscepit. Non est autem putandum, q̄ Regina Saba petiuerit omnia hæc. Nam inhonestum erat, q̄ ipsa peteret plusquam dedisset. Sed est sensus, q̄ Regina Saba petiuit à Salomone aliqua, quæ erant ei grata in terra Salomonis, & fortè non erant magni valoris, & Salomon liberalitate sua illa contulit, & multa alia, ita q̄ omnia, quæ Salomon dedit Regine Sabæ fuerūt multo plura quam illa, quæ ab ea recepit. Sic colligitur. 3. Reg. 10. f. Rex autem Salomon dedit Regine Sabæ, quæ voluit, & petiuit ab eo exceptis ijs, quæ ultro obtulerat ei munere regio. *Quæ reuersa abiit in terram suam, cum seruis suis.* Mansit Regina Saba aliquanto tempore in Ierusalem cum Salomone, quousque de-

clarauit ei in quibus dubitauit, & ostendit ei Salomon omnia opera sua magnifica, & post rediit in terram suam cum multitudine seruorum, quos de terra sua adduxerat.

Quæ erat ista Regina Sabba.

Quest. II.

QVAERITVR circa prædicta, de ista Regina Saba, quæ erat. Respondendum, q̄ cum Regina cognoscatur per Saba, oportet prius scire, quid sit Saba. Et dicendum, q̄ Saba aliquando accipitur pro quadam ciuitate Aethiopiæ: aliquando pro quadam provincia, quæ vocatur Saba, vel Saba: apud nos enim nō differunt nomina ista: sed apud Hebræos differunt, quia aliquando scribitur in principio per literam Sin, & aliquando per literam Samech. Saba, vt est regio dicit quandam partem terræ Arabicæ, quæ à Ierusalem longè distat contra orientem, & denominata fuit à quodam de filiis Chan, qui dictus est Saba: Gen. 10. Ista terra habet ab Oriente mare rubrum, s. sinum Persicum: ab Aquilone habet terram Caldæorum, & Babyloniorum: à Meridie habet terram Aethiopiæ: ab Occidente habet terram Aegypti. Ista terra abundat nimis in arboribus myrihæ & thuris, & alijs lignis aromaticis: ibi enim nascitur avis fenix, quæ vnica est toto mundo de ijs lib. 15. de proprietatibus rerum. De ista terra Saba habetur Plal. 72. f. Reges Arabum, & Saba dona adducent. Ista Regina secundum q̄ vult Herodotus Alicarnasæus, & alij multi historiographi fuit Regina totius Africæ, & Aethiopiæ, & Aegypti, & cum esset potentissima venit ad Salomonem. Iosephus autem 8. Antiqui. dicit, vt quidam putant istam fuisse Reginem Aegypti nomine Nichaula, quæ etiā fuit Regina Aethiopiæ. Nam secundum q̄ refert Herodotus Alicarnasæus à Mineo, qui Memphin condidit, fuerunt reges Aegypti semper dicti Pharaones, & fuerunt trecenti, & triginta, quibus successit Nichaula Regina Aegypti, & Aethiopiæ. Sed dicendum, q̄ ista Nichaula non fuit Regina Saba Aegypti, quia tēpore Salomonis, s. pauloante quam veniret Regina Saba ad Salomonem, venerat ad eum Pharaon rex Aegypti, vt patet 3. Reg. 9. & ista historia ponitur. 3. Reg. 10. & erat iste Pharaon fater Salomonis, vt patet ibidē, & 3. Reg. 3. ergo Regina Saba non erat Nichaula Regina Aegypti, quia illa per se successit in regnum, & quando ipsa erat Regina nullus erat rex Aegypti, alioquin non diceretur ipsa successisse omnibus Pharaonibus. Item non potest dici, q̄ ista Regina Saba fuerit vxor Pharaonis regis Aegypti, s. fater Salomonis, quia tunc non veniret ipsa cū tāta administratione ad Salomonem, cum enim Salomon haberet filiam suā in vxorem haberet magnam familiaritatem cum illo. Scriptura tamen signat tanquam alienam. Siquis autem velit tenere, q̄ ista Regina Saba fuerit Nichaula Regina Aegypti, habet dicere, q̄ ista fuerit immediate post Pharaonem fater Salomonis, & q̄ non successerit illi Pharaoni in regno aliquis vir, sed ista Nichaula. Sed istud non conuenit satis, quia tunc ista Nichaula venisset de Aegypto ad Salomonem, & non diceretur, q̄ venit à finibus terre audire sapientiam Salomonis: vt patet Matth. 12. & 3. Regum 10. quia Aegyptus est terra satis coniuncta terræ Chanaan, in qua erant Israelitæ: quia de terra Chanaan ibant filij Iacob pro cibarijs in Aegyptum: Gen. 42. Item patet efficacius, quia terra Aegypti in quadam parte continetur terræ Chanaan, vnde fluuius Aegypti ponitur tanquam terminus meridianus terræ Chanaan, vt patet Gen. 15. & Iosue 13. Dicendum ergo videtur, q̄ ista Regina Saba erat Regina Aethiopia.

Quid sit Saba.

Quare redonauit Salomon Regine Sabæ alia multo maiora.

Et

Et vocatur regina Saba à quadā ciuitate Aethyopiæ, quæ vocatur Saba, & non à prouincia, quæ dicitur Sabea, & licet dominaretur multæ terræ, tamen nominata est regina Saba, quia Saba erat metropolis regni sui. Sicut consuetum est de regibus antiquis, qui dicebantur reges illarum ciuitatum, quæ erant sedes regnorum, sicut rex Seon vocatur rex Efebon, & Og vocatur rex Basan, & tamen multas alias vrbes habebant sub potestate sua, vt patet Num. 21. & Deut. 2. & 3. & Iosue 12. & 13. Sic etiam Dauid dicitur regnasse in Ierusalem annis triginta tribus, & in Hebron annis septem. 2. Reg. 5. & 3. Reg. 2. & tamen quando regnabat in Ierusalem non solum erat rex Ierusalem, sed etiam omnium ciuitatum de regno, & tribu Iuda. Quod autem sit ista positio vera patet primò auctoritate Iosephi 8. Antiq. vbi licet ponat opinionem Alicarnasei circa Nichaulam reginam Aegypti, tamen ipse non exprimit, quod illa esset ista regina, quæ venit ad Salomonem. Sed dixit, quod erat ista regina Aethyopiæ, & Austri, quod conuenit regioni Aethiopum, & quæ est multum Australis. Secundò patet, quia Matth. 12. ponitur de ista regina Saba. Creditur, quod regina Austri venit ad audiendum sapientiam Salomonis, & tamen Saba, vt est regio, sicut supra descriptum est, nō est Australis terræ Chanaan, sed magis Orientalis, & terra Chanaan, & Aegyptus sunt sibi Occidentales. Terra autem Aethiopum est nimis Meridiana respectu terræ Chanaan cum sit in primo, & secundo climate, ideo conueniet sibi, quod ista esset regina Austri, & sic concordat Iosephus, dicens, eam reginam Austri, & Aethyopiæ. Tertiò patet, quia dicitur de ista regina Matth. 12. quod venit à finibus terræ audire sapientiam Salomonis, & tamē si esset regina Aegypti, non veniret à finibus terræ, sed de terra satis p̄p̄inqua, vt supra declaratum est. Accipiendo autem, quod veniret de Aethiopia, veniebat de finibus terræ, quia in extremo terræ habitabilis ex parte meridiei est Aethiopia, & alię regiones particulares, quæ comprehenduntur larga appellatione Aethyopiæ. Nomen autē reginæ istius non posuit scriptura.

Quare venit in nomine Domini. Quest. IIII.

QVAERITVR vltius, cum dictum sit, quod ista regina venit ad Salomonem in nomine Domini, quid hoc fuerit. Respondendum, quod fortē regina Saba audierat famam Dei Israel, scilicet, quod faceret mirabilia plusquam omnes dii gentium, ideo mota deuotione venit in Ierusalem non solum ad audiendam sapientiam Salomonis, sed etiam ad adorandum Deum Israel in templo. Deuotio autem reginæ istius ad Deum Israel apparet ex verbis suis, vt patet supra in litera: & 3. Reg. 10. f. sit Dominus Deus tuus Benedictus, qui voluit te ordinare regem super thronum suum. Item patet, quod ista regina apud Deum aliquāliter meruerit veniendo ad Salomonem, quia Mat. 12. dicitur: Regina Austri surget in iudicio cum generatione ista, & condemnabit eam, quia venit à finibus terræ audire sapientiam Salomonis, & tamen non meruisset, si solum venisset ad audiendum sapientiam Salomonis: ideo videtur, quod etiam venerit ad adorandum Dominum, & quātum ad hoc meruerit. Item aliquāliter colligitur, quod regina Saba inspexit holocausta, quæ faciebat Salomon in templo Domini, & tamen si ipsa non esset deuota circa Deum non attendisset ad cœremonias sacrificiorum eius: & tamen considerauit, quod holocausta offerebat Salomon, vt patet supra in litera, ergo erat attenta circa cœremonias cultus diuini, & sic erat Deo deuota. Item istud est valde rationabile, quia non solum ista regina Ae-

Aethiopum venit nunc in Ierusalem, & adorauit dominum, sed etiam aliæ reginæ Aethyopiæ veniebant in Ierusalem postea ad adorandum, vel mittebant per nuncios suos pecunias ad offerendum in templo: sic enim fuit. Nam post Christi mortem vir quidam Aethiops Eunuchus potens reginæ Candacis Aethiopum, qui erat super omnes Gazas eius, & sic ferret ille pecuniā reginæ ad offerendum in templum, & hoc innuit litera Act. 8. cum dicit, quod erat super omnes Gazas eius, quia ex nulla alia causa videtur introducta illa particula: nam aliās videretur esse superuacua. Vel potest dici, quod regina ista Saba venit in nomine Dñi. f. audita fama de Deo, quod dedisset sapientiam Salomoni, & hoc potest colligi ex verbis reginæ hic in litera: & 3. Reg. 10. f. Benedictus Dominus Deus tuus, qui voluit te ordinare super thronum suum regem, & 3. Reg. 10. Benedictus Dominus Deus tuus, cui complacuiisti, scilicet, quia complacuiisti ei, dedit tibi sapientiam, & propter famam huius venit ad audiendam sapientiam illius.

Quæ victimæ erant istæ. Quest. V.

QVAERITVR vltius, quæ victimæ erant istæ, siue holocausta de quibus dicitur in litera, quod regina Saba vidit holocausta, quæ offerebat Salomon. Aliqui dicunt, quod quando venit regina Saba, Salomon volens ostendere magnificentiam suam non solum in alijs, sed etiam circa cultum Dei obtulit sacrificia multa, quorum multitudinem regina Saba mirata est. Sed dicendum, quod non stat, quia ex hoc dabatur, quod ista oblatio fuerit aliquid speciale, quod semel factum fuerit in aduentu reginæ Saba. Litera tamen signat istam oblationem deductam esse à Salomone in consuetudinem, quia dicitur in litera, & victimas, quas immolabat in domo Domini, & tamen, immolabat, quod est verbum præteriti imperfecti, signat consuetudinem. Secundò patet, quia regina Saba admirabatur de ordinatione Salomonis circa singula, quia apparebat in illis magnificentia, & sapientia. Si tñ cognosceret regina ista sacrificia, quæ nunc Salomon offerebat non esse ordinaria, non admiraretur, quod non erat nimis semel fieri vnū extraordinarium sumptum: quod tamen Salomon consueuerat facere talia sacrificia erat magnificentia propter magnitudinem sumptuum, & erat prudentia magna propter ordinationem eorum, & tamen mirata est regina Saba de eis, ideo erant sacrificia consueta fieri per Salomonem. Aliqui dicunt aliter, quod ista sacrificia erant aliqua, quæ Salomon offerebat ordinariē ex consuetudine sua quasi iam sibi esset in legem, & cum videret regina illa, mirata est. Et tunc dicitur, quæ sacrificia erant ista. Et dicitur, quod non reperimus alia sacrificia, quæ Salomon ordinariē faceret, nisi ter in anno, vt patet. 3. Reg. 9. f. offerebat quoque Salomon holocausta, & pacificas tribus vicibus per annos singulos, & istud erat in tribus solennitatibus, scilicet, in festo Azymorum, & in festo Pentecostes, & festo Tabernaculorum, quia ista erant præcipua festa, & exprimiuntur præced. cap. Conueniebantque istis tribus solennitatibus Israelitæ quolibet anno in loco sanctuarij: Exo. 32. & 34. & Deuter. 16. & ista sacrificia, quæ tunc faciebat Salomon erant fortassis valde magna, & multa: & ob hoc mirata fuit regina Saba. Sic fuit in dedicatione templi, nam obtulit viginti duo millia bouum, & centum viginti millia arietum, vt patet supra 7. & 3. Reg. 8. Sed tunc dicitur, quomodo regina Saba admirata est de istis sacrificijs, quia non poterat videre illa. Nam ista fiebant ter in anno solum, & regina Saba nō maneret tanto tempore in Ierusalem, vt videre posset omnes

omnes istas solennitates, in quibus Salomō offerrebat holocausta, quia solum veniebat ad certificandum se de sapientia Salomonis, quam postquā agnouit, & de dubijs suis certificata est, recessit in terram suam cum seruis suis: vt patet in litera: & sic non maneret tanto tempore, vt videret istas festiuitates, quæ erant solum ter in anno. Responderi potest, q̄ Regina Saba nō stetit in Ierusalem tempore istarum trium solēnitatum, nec tempore duarum quidem, sed accidit, q̄ tempore vnius esset ibi, videretq; multitudinem sacrificiorum, de quibus miraretur: & tunc quæreret ipsa de modo Salomonis circa sacrificia: quia cū rex ille esset tam magnificus, & ordinatissimus in omnibus operibus suis, & Regina Saba audita fama illius venisset à finib⁹ terræ audire sapientiam eius, verisimile erat, q̄ de omnibus moribus eius, & cōsuetudinibus quæreret: & sic quæreret de modo Salomonis circa sacrificia, & respōderetur ei, q̄ ter in anno in tribus solennitatibus offerrebat, & diceretur sibi de multitudine victimarum eius, & sic miraretur. Aliter potest dici, q̄ licet Salomō offerret ter in anno sacrificia magnifica in tribus solennitatibus, & tamen singulis alijs diebus solitus erat facere pro se offerri sacrificia, vt oraretur ad Deū pro salute eius: nam cū Darius rex gentilis. s. rex Persarū faceret pro se quotidie offerri in templo sacrificia dās omnes sumptus necessarios ad sacrificia, vt patet 1. Esdræ 7. & Seleucus rex Asiæ de redditibus suis daret omnes expensas necessarias pro templo Domini in sacrificijs. 2. Machab. 3. à fortiori Salomō quotidie faceret pro se immolari sacrificia, cū ipse esset rex valde deicola, & Iudæus. Scriptura tamen fecit mentionem de tribus oblationibus, quæ fiebant per tres solennitates, quia illæ erant celebriores, & Regina Saba videns oblationes quotidianas Salomonis sciensque quid in singulis diebus, & quid in solennitatibus offerret, miraretur nimis, & sic de holocaustis admirata est, sicut de alijs rebus magnificè, & prudenter à Salomone dispositis.

Quare dixit Regina Saba, quia dilexit Dominus Israel populum suum. Questio VI.

QVAERITVR vterius, quomodo dixit hic scriptura ex verbis Reginæ Saba. s. Quia dilexit Dñs Israel populum suum, & vult eum seruare in æternū, accirco posuit te in regem super Israel, vt facias iudicium, & iustitiam: nam non videtur, q̄ licet Salomō esset rex super populum Dei, seruari deberet ille in æternum: nam nō seruatum est, sed periit. Cū primo diuisum est in duo regna tempore Roboam filij Salomonis, & postea ipsæ partes diuisæ perierunt traditæ hostibus, quia viri de regno Iuda traditi sunt Chaldeis. 4. Reg. 25. & Ierem. ult. Viri de regno Israel traditi fuerunt Assyrijs. 4. Reg. 17. Respondendum, q̄ non accipitur hic cōseruatio in æternum propriè pro æterno, sed æternum pro aliqua re durante magno tempore, quia nullum regnum durat in æternum. Sed tunc adhuc manet obiectio. s. quomodo per hoc, q̄ Deus dabat Salomōnem in regem super Israel, volebat conferuare populum suum magno tempore: nam solum arguebatur ex hoc q̄ tempore Salomonis cōseruaretur populus, & patet hoc, quia solum mansit tempore Salomonis regnū in bono statu, & illo mortuo diuisum est seq. cap. & 3. Reg. 10. ideo nō intendebat Deus cōseruare populum, licet daret Salomōnem in regem. Dicendum, q̄ hoc potest intelligi dupliciter: vno modo, q̄ Regina Saba videns q̄ Deus tam prudenter regem constituisset in Israel, putaret, q̄ intendebat cōseruare regnum illud ne periret, quia bona gubernatione res publica manet, & mala gubernatione perit,

F & verum est, q̄ licet Salomō esset valde bonus rex, non poterat perpetuari populus in prospero statu propter ipsius solius gubernationem: sed putabat Regiū Saba, q̄ sicut Deus dedisset istum regem tam prudentem Israelitis, ita daret alios successores suos, & sic perpetuaretur bonum, qd̄ iste inchoaret, & ad hoc habebat Regina Saba duas coniecturas. Prima erat, quia Deus fecerat Salomōnem sapientem, atq; prudentem super omnes homines, quod fuit aliquid speciale, & istud fuit in fauorem propuli Israel. s. quia Salomō petiuerat à Deo sibi dari sapientiam ad gubernandum tantum populum: vt patet 3. Reg. 3. & super 1. cap. nō haberet autem nunc tantam diligentiam Deus circa gubernationem populi Israel, nisi intenderet cōseruare populum illum: ideo dato rege Salomōne in regem, satis arguebatur rationabiliter, q̄ intendebat Deus cōtinuare hoc dando alios successores bonos in gubernatione populi. Secunda coniectura erat, quia sic inceperat iam Deus: nam trāsato regno de domo Saulis, dedit illud Deus ipsi Dauid, qui fuit rex excellentissimus: nam obtinuit plurimas terras de manu hostili, & abstulit tributa, quæ erāt imposita Hebræis à Philistinis. 2. Reg. 8. amplificauitq; regnū plusquam omnes alij posterij, ita vt omnes gentes in circuitu subiectæ essent ei. 3. Reg. 5. huic dedit Deus Salomōnem successorem, qui tanta sapientia, & prudentia pollebat, vt omnes homines excellere, sub quo res publica optimè administraretur: ita ergo putandū erat, q̄ vellet Deus dare alios successores, & si sic fieret, regnum cōseruaretur in æternum, sed factum est secus, quia Salomō, qui bonus erat ab exordio factus est pessimus ipontè, ita vt demeritis suis filius stultus ei datus sit, cuius tempore disperierit regnum diuisum in duo: vt patet 3. Regum 11. & 12.

Erat autem pondus auri, quod offerebatur Salomoni per singulos annos, sexcenta sexaginta sex talēta auri: excepta ea summa, quam legati diuersarum gentium, & negotiatores afferre consueuerant, omnesq; reges Arabiæ, & Satrapæ terrarum, qui comportabant aurum, & argentum Salomoni.

Erat autem. Hic ponitur secundum huius partis. s. magnificētia, & gloria Salomonis in magnitudine reddituum, & dicitur. *Erat autem pondus auri, quod offerebatur Salomoni per singulos annos sexcenta sexaginta sex talēta auri.* Ista erat summa reddituum Salomonis per singulos annos. Et erat summa ordinaria: & p̄ter hanc erant multæ alię obuentiones. s. de muneribus oblatis, & de quibusdam alijs, de quibus patet in litera. & 3. Reg. 10. vn de autem preuenirent isti redditus Salomoni, an de terra sua, vel de opere nautico, declarabitur infra in quadam quæstione. *Excepta ea summa quam legati diuersarum gentium.* Scilicet, nō computabatur hic summa auri, quam offerebant quolibet anno Salomoni legati diuersarum gētium: nam cū Salomō esset tam sapiens, & fama eius diffusa esset per totum orbem, desiderabant omnes reges videre faciem eius, vt audirent sapientiam illius: vt patet 3. Reg. 4. & aliqui non poterant ire illuc, & mittebant legatos suos, vt imponerent Salomoni dubia dominorum suorum: & cū reciperent ab eo responsum super illud, offerebant munera Salomoni: sicut fecit Regina Saba, quæ venit audire sapientiam Salomonis, & obtulit ei munera magna: vt patet in litera. Et quia multi reges, & principes terrarum continuè mittebant ad Salomōnem, erat magnum

Gloria Salomonis

gnum aliquid, quod quolibet anno perueniebat ei de muneribus legatorum diuersarum prouinciarum: quia tamen non erant isti redditus ordinarij: eo quod aliquo anno proueniebant plura, quam alio, non posuit scriptura istud cum ordinarijs redditibus taxari: & tamen 3. Reg. 10. dicitur excepto eo, quod offerebant viri, qui super vectigalia erant, & istud potest coincidere cum litera ista. Vno enim modo potest intelligi, quod isti erant viri positi à rege, ut reciperent redditus de impositione transeuntium, vel rerum, quæ transducebantur de loco ad locum per aliquos pontes, vel vrbes, & ista dicuntur vectigalia, quia dantur de rebus, quæ vehuntur, idest, transportantur, & ista erat quædam pars reddituum Salomonis præter tributa ordinaria. Secundò potest intelligi, quod viri positi super vectigalia erant illi, qui reperiebant pecuniam, quam offerebant legati diuersarum prouinciarum venientes ad Salomonem, & ista vocantur vectigalia, quia dabantur à venientibus ab extra, & tunc coincidit litera illa cum ista. *Et negociatores afferre consueuerant.* Isti erant mercatores magni, qui educebant aliquid de terra Salomonis, vel introducebant ad vendendum ibi, ut ex negotiatione acquirerent victum, quia de istis habebat Salomon redditus magnos. Isti tamen non erant determinati, sicut nec munera, quæ dabant legati diuersarum prouinciarum. Hic subtrahitur quædam clausula, quæ habetur. 3. Reg. 10. f. Et omnes scuta vendentes. scilicet venditores scutorum soluebant de quolibet scuto aliquid certum, vel erat impositio determinata illis: & dicitur de scutis, quia de alijs rebus, quæ vendebantur, fortè non soluebatur impositio aliqua. Et non erat tunc, sicut nunc, quia nunc in omnibus ferè regionibus de qualibet re, quæ venditur est aliqua pars precij danda pro rege, vel pro domino terræ, vel pro communitate. Tempore autem Salomonis non erat facta impositio generalis super res venales, sed solum super ipsos negociatores, quorum officium erat emere, & vendere, ut sic ditarentur. De alijs autem, qui non emebant, vel vendebant ex officio, sed aliàs ex necessitate, non recipiebatur aliqua pars pecuniæ, nisi essent venditores scutorum, quia illis imposuerat Salomon specialem solutionem partis rei venditæ. *Omnesq; reges Arabiæ.* Etiam reges Arabiæ dabant Salomoni quolibet anno multum aurum, & magna munera, quæ non computabantur in illis talentis auri, quæ erant ordinaria. Arabia est prouincia coniuncta terræ Chanaan ex parte meridiana inter terram Chanaan, & Aegyptum, & est terra nimis montuosa. Nam in deserto Arabiæ manserunt Israelitæ quadraginta annis venientes de Aegypto, & ibi sunt quadraginta duæ mansiones illorum, ut patet in libro de situ terræ Sanctæ. Aliqui accipiunt Arabiam pro quadam regione magis australi, quam sit Aegyptus, & est nimis versus meridiem posita sub aliquo paralelo, qui est inter æquinoctialem, & tropicum Cancræ: & ob hoc habitantes in regione illa habent duas æstates, & duas hyemes, duplicem autumnum, & duplex ver. Etiam sunt ibi quatuor vmbre in anno, scilicet: Orientalis, Occidentalis, Meridiana, Septentrionalis. Nos autem solum habemus tres, quia nunquam apud nos est vmbra Meridiana, & ob hoc Arabes quando venerunt in auxilium Pompei contra Iulium Cæsarem, & steterunt in terra Græcorum, & Italorum, in quibus nunquam sunt vmbre Meridianæ, quæ vocantur vmbre sinistræ, mirabantur, quod nunquam viderent vmbas sinistras, idest, meridianas alicui rei, sicut in terra sua. Sic ait Lucanus tertio de Bello plusquam cuili cum loquitur ad Arabes, dicens.

Ignoratum vobis Arabes venistis in orbem.

Vmbas mirati nemorum non ire sinistras.

A Idest, Meridianas: ut ait Ioannes de Sacro Bosco in tractatu de Sphæra. Et tamen hic non accipitur sic Arabia, quia scriptura consuevit vocare Arabiam terram desertam, quæ est inter Aegyptum & Chanaan, à qua sinus quidam maris rubri vocatur sinus Arabicus. Et ista est in tertio climate, & non potest esse inter tropicum Cancræ, & æquinoctialem, sed necessariò est extra tropicum Cancræ versus paralelum arcticum, quod patet ex eleuatione poli super tertium clima: nam existentibus sub tropico Cancræ est eleuatus polus ferè vigintiquatuor gradibus, quanta est declinatio capitis eorum ab æquinoctiali: & tamen existentibus in tertio climate eleuatur polus gradibus triginta immediate sua, ut patet in tractatu de Sphæra, & per Ptolemaum in **B** Almagesto: ideo Arabia necessariò est extra tropicos, sicut hic accipitur. Sed Lucanus vocauit Arabes quasdam gentes Aethiopum nimis Meridianas. De istis regibus Arabiæ, quomodo dabant Salomoni munera in modum tributorum, vel aliàs, declarabitur infra in quadam quæstione. *Et satrapæ terrarum.* Satrapæ sunt Principes, qui non habent nomen regum. Et sic qui libet dominus potest vocari satrapa, quasi satis potes. Interdum tamen vocantur satrapæ reges parui, sicut vocantur quinque satrapæ Phylistinorum. 1. Reg. 6. & 29. & tamen isti etiam vocantur reguli, ut patet Iosue 13. cap. & possunt vocari satrapæ terrarum, idest: Domini terrarum vicinarum: vel vocantur satrapæ omnium terrarum, quia de omnibus terris veniebant **C** aliqui ad videndum Salomonem, & offerendum ei munera, cum omnis terra desideraret videre vultum Salomonis. 3. Re. 4. & accipitur largè de omnibus terris secundum modum loquendi scripture, quia ponitur vniuersalis propositio non vniuersaliter. scilicet omnes pro multis: isti satrapæ vocantur. 3. Reg. 10. duces terræ. scilicet terræ Arabiæ, qui non erant reges, vel duces aliarum terrarum. Iosephus autem 8. Antiqui. vocat Thoparcas istos, quos vocat litera nostra satrapas, & rectè dicit, quia Thoparca interpretatur dominus loci à Topos, quod est locus, & archos, quod est princeps quasi princeps loci: & sic omnes principes quorumcūq; locorum vocantur Thoparchæ. Inde etiam dicitur Topographia quædam figura, & scriptura Poetarum secundum quam, cum de aliquo loco dicturi sunt, describunt circumstantias eius, faciendo quandam interpositionem, quæ directè ad historiam non attinet. Sic et Conographia est figura de temporis descriptione. *Qui comportabant & argentum Salomoni.* Scilicet, omnes isti comportabant aurum, & argentum Salomoni, scilicet, quidam in donum, sicut reges, & satrapæ, & alij in tributum, sicut negociatores.

Quid Satrapæ.

Thopographia.

Vnde proueniret pondus illud auri.

Quæst. VII.

QVAERITVR circa prædicta, & primò de illo pondere auri sexcentorum sexaginta sex talentorum, quod quolibet anno Salomoni dabatur, unde ei proueniret. Respondent quidam, quod proueniebat ei de insula Ophir, quia Salomō mittebat illuc seruos suos cum seruis Hiram, & ferebāt quolibet anno tot talenta auri. Item patet, quia si non esset istud aurum de insula Ophir, dicerem⁹, quod erat de tributis Israel, & tamen falsum videtur, quia dicitur in litera, quod Salomon habebat quolibet anno ista talenta auri excepto eo, quod offerebant viri, qui erant super vectigalia: & tamen, quod offerebant viri existentes super vectigalia erat tributum, ergo non erant ista talenta de tributis Israel. In contrarium videtur, quod non ferretur de Ophir, quia de insula Ophir portabant serui Salomonis

monis

monis tantum, quantum contingebat eos reperire: & sic non ferrent qualibet vice pondera aequalia: & tamen istud pondus erat determinatum, scilicet, talentorum sexcentorum sexaginta & sex, ut patet in litera, ergo non portabatur de Ophir. Secundò patet, quia dicitur, quod quolibet anno dabatur Salomoni ista summa auri, & tamen de Ophir non apparet, quòd quolibet anno portaretur aurum. Fortè enim in multis annis una vice redibant. Sicut erat de euntibus in Tharsis: nam post tres annos complebant unam nauigationem serui Salomonis euntes in Tharsis, ut patet infra in litera, & 3. Reg. 10. ita fortè contingeret de euntibus in Ophir. De istis sexcentis sexaginta sex talentis dicitur, quòd quolibet anno portabatur Salomoni, ergo non erat de Ophir. Tertiò patet, quia scriptura vult hic ponere diuitias Salomonis magnas super omnes reges, & ad hoc assignat modos, quibus Salomon acquirebat diuitias istas, ut non putetur difficile esse, quomodo haberet tantas diuitias. Manifestum est tamè, quòd Salomon quolibet anno habebat aliqua tributa de regno suo, quia non erant liberi à tributis Israelitarum tempore suo, sed potius imposuerat eis magna tributa, & onera grauiora, ut ipsi conquesti sunt mortuo Salomone. 3. Reg. 12. & seq. cap. ergo faceret scriptura mentionem de illo modo acquirendi: & sic intelligeretur tributa per istam summam talentorum. Confirmatur hoc, quia ferè hic, & præced. capit. ponuntur omnes modi acquirendi diuitias magnas. Unus modus erat mittendo in Ophir, ut inde auferretur aurum præced. cap. & 3. Reg. 9. Alius modus erat mittendo in Tharsis semel per tres annos, & ferèdo inde aurum, argentum, simias, pauos, psittacos, & dentes elephatorum. infra in litera, & 3. Reg. 10. Alius modus erat recipiendo pecuniam à mercatoribus, cum dicatur supra, excepta summa, quam negociatores afferre consueuerant. Alius modus erat per munera, quæ dabant venientes ad Salomonem de diuersis regionibus, cum dicatur hic excepta summa, quam legati diuersarum gentium afferre consueuerant. Alius modus erat de impositionibus quibusdam regni sui incertorum reddituum, scilicet, de eo quòd imponebatur vendentibus scuta, ut patet 3. Reg. 10. Alius modus erat per tributa ordinaria regni sui, & ista notantur: tamen ponitur istud pondus auri quolibet anno. Quartò patet, quia de Ophir non portabatur tantum aurum Salomoni, sicut hic ponitur: nam solum erant quadringenta, & viginti talenta. 3. Reg. 9. & tamen ista erant sexcenta sexaginta & sex: ideo non erant de Ophir. Dicendum ergo, quòd ista talenta auri erant tributa ordinaria, quæ Salomon recipiebat quolibet anno de regno suo: & dabatur sic quolibet anno summa ista nihil excedendo, nec quidquam minuendo: quia cum Salomon non vacaret bellis, non occurrebant ei aliqua necessitates, propter quas imponeret maiora tributa: minora autem imponere nolebat, & in hoc visum est Israelitis, quòd grauabantur, scilicet, quia quolibet anno exigebantur ab eis magna tributa, & aequalia, licet in nulla necessitate esset Salomon, ut patet ex querela eorum. 3. Reg. 12. scilicet: Pater tuus durissimum iugum imposuit nobis: tu itaque nunc paululum imminue de imperio patris tui durissimo, & de iugo grauiissimo, quod imposuit nobis, & seruiemus tibi. Si autem non essent determinata tributa, non dicerent Israelitæ, tu itaque paululum minue de imperio patris tui durissimo, & de iugo grauiissimo, quod imposuit nobis, scilicet, quòd Israelitæ vellent quolibet anno soluere aliquantam summam, sed non tantam, sicut imposuerat Salomon. Item patet hoc, quia dicitur de iugo grauiissimo, quod imposuit nobis: ergo videtur, quòd aliqua impositio certa facta erat super Israelitas, ad quam te-

nebantur quolibet anno. Aliàs si Salomon non exigeret certam summam tributi quolibet anno, sed aliquando multum, & aliquando paucum: non dicerent sibi impositum iugum. Et non potest dici, quòd Salomon habebat ista talenta quolibet anno de tributis aliquibus, quæ haberet de regnis Arabiæ: quia solutio, vel oblatio quam faciebant Arabes distincta erat ab ista, cum dicatur in litera, quòd dabantur quolibet anno Salomoni ista talenta auri excepta summa, quam offerre consueuerant legati diuersarum prouinciarum, & negociatores, & reges Arabiæ, & satrapæ terræ. Cum autem obijcitur, quòd ista pecunia dabatur Salomoni quolibet anno de Ophir, quia dicitur, quòd erat pondus auri, quod afferebatur Salomoni quolibet anno, & c. & si esset de terra Israel non diceretur afferebatur, sed dabatur. Dicendum, quòd non stat, quia dicitur afferebatur, scilicet, Salomoni à viris suis, qui erant super tributa, & colligebant summam istam. Cum autem obijcitur, quòd non sit de tributis, quia dicitur, quòd ista summa erat excepto eo quod afferebant, quæ erant super vectigalia. Dicendum uno modo, quòd tributa Salomonis vocabantur illa, quæ erant in quantitate determinata, & ista erant sexcentorum sexaginta sex talentorum. Impositio autem super vectigalia non erat determinata: ideo licet posset vocari tributum. Alio modo potest dici, quòd vectigalia aliqua non essent tributa imposita à Salomone, sed erant munera, quæ offerebantur à venientibus ab extra ad videndum Salomonem: & in hoc habent similitudinem cum veteris vectigalibus, quia illa dantur à transeuntibus, vel per transportationem rerum: & ista sententia consonat literæ isti in qua non habetur de vectigalibus. Sed dicitur: erat autem pondus auri quod afferebatur Salomoni per singulos annos sexcenta sexaginta sex talenta auri, excepta ea summa, quam legati diuersarum prouinciarum, & negociatores afferre consueuerant. Si autem aliquis dicere vellet, quòd istud aurum afferebatur Salomoni de Ophir, oportebat, ut diceret, quòd Salomon faciebat expensas, & dabat naues euntibus in Ophir quolibet anno, & quòd ipsi quolibet anno darent Salomoni sexcenta sexaginta sex talenta auri, & si quid superesset accresceret eis, & sic darent ei quolibet anno certam summam, & tamen adhuc non posset istud stare, quia non responderetur ad inconuenientia supra assignata.

Quare reges Arabiæ portabant aurum.
Quest. VI.

QUÆRITVR vltèrius circa reges Arabiæ, cum dicatur hic, quòd omnes reges Arabiæ, & satrapæ terrarum aurum, & argentum Salomoni comportabant. Aliqui dicunt, quòd isti reges Arabum erant tributarii Salomonis, & ut non putetur, quòd tributa eorum intelligebantur includi sub illis sexcentis sexaginta sex talentis, ponitur ex superaddito, quòd reges Arabiæ aurum, & argentum Salomoni comportabant. Sed dicendum, quòd non stat, quia reges Arabum non erant subditi Salomoni, nec tributarii eius: quia Salomon solum habebat in tributarios Israelitas, qui erant populus eius, & Gentiles Chanaanorum, Heuæorum, Pherezæorum, Iebusæorum, Hetheorum, Gergesæorum, & Amorriæorum, qui habitabant intra terram Israel, cum essent de terra Chanaan, & subiecerat sibi eos Salomon in tributum: præced. cap. & 3. Regum 9. etiam quosdam gentes extra terram Israel, scilicet: Idu-mæos, & Ammonitas, & Moabitas, quia istos subiecerat Dauid in tributarios, & adhuc manebant semper: ut patet. 2. Reg. 8. & præced. lib. 18. cap. nullas alias gentes

tes habebat Salomon in tributarios. Arabes autem erant præter istas gentes: nam non erant in terra Israel, etiam non erant de gentibus existētibz extra terram Israel subiectis tamen Israelitis, quia illi solum erant Ammonitæ, Idumæi, Moabitæ, & quedam pars Syrorum, quæ seruituit Dauid sub tributo. 2. Reg. 8. & 10. Arabes autem morantur in solitudinibus Arabicis. Est enim Arabia quedam terra iacens inter Aegyptum & terram Chanaan, & extenditur versus orientem plusquam terra Chanaan: per hanc autem transierunt, & in ea manserunt ferè quadraginta annis Israelitæ, quando exierunt de Aegypto, & in ea est mare rubrū quantū ad illam partem, quæ vocatur sinus Arabicus. In hac terra erant multi reges, scilicet: Ismahelitarum, Amalecitarum, & Madianitarum, & aliarum gentium: istæ autem gentes non erant subditæ Salomoni. Ferebant autem omnes reges istarum gentium ei munera non quidem ex necessitate, vel tanquam tributarii, sed gratis: eo quod veniebant ad videndum vultum Salomonis, & audiendam sapientiam, quia omnis terra desiderabat videre vultum Salomonis. 3. Regum 4. Quod autem isti Arabes gratis aurum, & argētum Salomoni darent, & non, vt tributarii: patet, quia dicitur hic: omnes reges Arabum, & satrapæ terræ aurū, & argentum Salomoni comportabant. Et ponuntur simul omnes reges Arabiæ cum satrapis terrarum, scilicet, quia omnes afferebant Salomoni aurum, & argentum, & tamen manifestum est, quod satrapæ terrarum non erant subiecti Salomoni, quia per hoc signantur domini omnium terrarum, qui vocantur satrapæ, & isti afferebant aurum, & argentum, ergo gratis offerebant tam reges Arabum, quàm satrapæ terrarum.

Quare non ponuntur tributa aliorum.

Quest. VII.

QUÆRITVR vltius circa tributa ista Salomonis, cum ponantur hic tributa Israelitarum. scilicet sexcenta sexaginta sex talenta auri, quomodo non ponuntur tributa, quæ percipiebat ab alijs gentibus subiectis sibi. scilicet Chananæis, Moabit, Ammonitis, Idumæis, & Syris, quia omnes hi subiecti erant Salomoni, vt declaratum est præced. cap. Aliquis dicet, quod non manebant istæ gentes nunc tributariæ Salomoni, defecerant enim ab eo post mortem Dauid: nam licet Dauid habuisset gentes istas sibi bello subiectas, quia erat vir bellicosus. Salomon tamen non habuit eas subditas, quia erat vir pacificus, & recesserunt ab eo: & patet hoc de Idumæis. Nam cum audiret Adad, qui erat de genere regio Idumæorum, fugeratque in Aegyptum timens Dauid, & Ioab, mortuum esse Ioab, & Dauid reuersus est in terram suam cœpitque rebellare Salomoni, & infestare terram eius. 3. Reg. 11. patet etiam de Syrijs, quia Razon, qui factus est rex in Damasco, inquietabat terram Salomonis, & dedit eum Deus sibi in aduersarium. 3. Reg. 11. ita etiam de alijs gentibus dici posset, quod licet subditæ essent Dauid, non manserunt subditæ Salomoni, nec soluebant ei tributa. Dicendum, quod hoc non stat, sed adhuc istæ gentes manebant tributariæ Salomoni, & potissimè patet hoc de Chananæis, & alijs gentibus quos subiecerat Dauid, sed Salomon fecit eas tributarias, & patet de Idumæis: nam semper manserunt Idumæi soluentes tributa Salomoni, & etiam posteris eius vsque ad regem Ioram, qui fuit quintus a Salomone: nam Salomon genuit Roboam, & ille Abiam, ille Asa, ille Iosaphat, ille Ioram. Tempore huius recessit Idumæa, nè esset sub Iuda, & postea. nunquam rediit: vt patet 4. Reg. 8. & infra 21. c. Cum autem obijciatur de Idumæis, quod rebellauerunt terra

Apostere Salomonis, audita morte Dauid, & Ioab. Dicendum, quod verum est, quod Adad, qui erat de semine regio Idumæorum venit de Aegypto, & incepit inuadere terram Salomonis, & perturbare pacem eius, tamen non potuit liberare Idumæam de manu Salomonis, eo quod omnia fortalitia terræ Idumææ tenebatur ab Israelitis: posuerat enim ibi Dauid custodes, qui tenebant terram illam, vt patet. 2. Reg. 8. & præced. lib. 18. unde nunquam fuerunt liberati de manu Israelitarum vsque ad tempus Ioram regis Iuda: & ob hoc faciebat Salomon quidquid volebat in Idumæa: nam Asiongaber erat portus in littore maris rubri, & erat in terra Idumææ: & tamen ibi fecerat Salomon classem præced. cap. & 3. Reg. 9. Si autem regnum illud non esset ei subiectum, non posset facere classem ibi, quia non permitteret hostes sui. Item dato, quod iste Adad Idumæus liberasset Idumæam de manu Salomonis, quod tamen falsum est, non fuit hoc vsque ad senectutem Salomonis. Nam in senectute deprauatum est cor eius, copulatusque est mulieribus alienigenis amore ardentissimo, & coluit Deos earum. 3. Reg. 11. & tunc in penam peccatorum suorum Deus suscitauit ei in hostem Adad Idumæum, vt patet ibidem, & sic tempore præced. haberet Salomoni tributa de terra Idumæorum. De terra autem Syrorum dicendum est, quod fuit subiecta Dauid in tributum, vt patet secundo Regum octauo, & tamen quanto tempore manserit tributaria Salomoni, vel posteris eius non apparet: non est tamen dubitandum, quod terra Syriæ, scilicet, quedam pars eius manserit tributaria Salomoni aliquāto tempore: quia non solum ipse tenuit, quod pater suus acquisierat in Syria: sed etiam plura acquisiuit, quia dicitur præced. cap. quod abiit in Hemath Suba, & acquisiuit eam, & edificauit Palmiram in deserto, & multas ciuitates in Hemath. Et tamen terra Hemath, & potissimè regio Suba de terra Syriæ est, quia de ea erat Adarezer rex, qui pugnavit contra Dauid, & ille vocabatur rex Syriæ. 2. Reg. 8. & 10. ergo acquisiuit Salomon quandam partem Syriæ mortuo Dauid, & mansit ei illa pars quam in tributariam subiecerat Dauid, & sic acciperet Salomon tributa de terra Syrorum: quando autem Syria recesserit, nè esset sub Salomone, vel sub posteris eius, non apparet manifestè: sed satis videtur dicendum, quod fuerit hoc tempore Salomonis in senectute sua, quando propter peccata sua Deus suscitauit ei hostes. Nam tunc fuit vnus Razon filius Eliadam, qui factus est rex in Damasco. 3. Reg. 11. Et quia postea nunquam legitur de Syris, quod fuerint subiecti Israelitis, sed potius è conuerso, quia tempore Achab regis Israel, quando Benadad rex Syriæ captus est ab eo in bello fugiens, erant subiecti Israelitæ Syris, & reges Syrorum imponebant tributa quedam Israelitis. Quod patet ex iis, quæ petiuit Benadad ab Achab, scilicet, filios suos, & vxores, & concubinas, & omne aurum, & argentum, quod erat in domo sua. 3. Reg. 20. & postea cum Benadad captus esset ab Achab petiuit ab eo, quod solueret ipsum, & ait, ciuitates quas tulit pater meus a patre tuo reddam, et plateas fac tibi in Damasco, sicut fecit pater meus in Samaria, et ego federatus recedam a te: ergo pater Benadad rex Syriæ faciebat impositiones super Israelitas: etiam erat maior, et quasi dominus virorum de regno Iuda. Nam cum Asa rex Iuda pugnaret contra Baasam regem Israel propter edificationem vrbs Rama, misit Asa munera magna ad Benadad regem Syriæ, vt iuberet regi Israel, quod cessaret ab edificatione Rama: et sic interitum est opus. tertio Reg. 15. et infra 16. aliquo ergo tempore Syrii soluerunt tributa Salomoni: licet tempore suorum successorum non soluerint: De Moabinis etiā dicendum, quod manerent subiecti tributo Salomoni, et etiā posteris suis

manē-

manferuntque vsque ad tempus Ochozię regis Israel. Fuit autem inodus, quod cum Salomon haberet sibi subiectos Idumęos, & Moabitas in tributum, diuisum fuit regnum tempore filij eius Roboam, & tunc Idumęi cesserunt regibus Iuda, & Moabitę cesserunt regibus Israel. Manferunt autem Moabitę semper soluentes tributa Israelitis vsque ad tempus Ochozię regis Israel; tunc enim prauaricatus est Moab in Israel, scilicet, recessit a promissione de soluendo tributa annua. 4. Reg. 1. Et propter hęc rebellionem Ioram rex Israel, qui successit regi Ochozię, pugnavit contra Moabitas, sed non reduxit eos ad tributa soluenda. 4. Reg. 3. soluerunt ergo isti tributa toto tempore Salomonis. De Ammonitis non apparet tã clarẽ quãto tempore manserint sub tributis Israelitarum. Et tamẽ dicendum, quod tempore Salomonis tributarii fuerunt, quia cum Dauid subiecisset istos in tributarios. 2. Reg. 12. Salomõ tenuit illos in tributarios; alioquin regnum esset diminutum tempore Salomonis, & ista esset quædam calamitas eius: semper tamen fuit Salomon in excellentissima gloria, tenens ea, quę reliquerat ei Dauid, & acquirens alia vsque ad senectutẽ, quando post peccata dominus immisit ei hostes impugnatores. 3. Reg. 11. ergo saltem vsque ad illud tempus manerent Ammonitę subditi tributis Salomoni, & sic nunc contribuerent in tributis pręstandis Salomoni. De Chananęorum autem populis magis manifestum est, quia isti non fuerunt perfectẽ subiecti tempore Dauid, sed Salomon dicitur fecisse eos tributarios pręcedenti cap. & 3. Reg. 9. cap. nõ ergo videtur inodus, quod isti recederẽt a subiectione Salomonis. Item patet potissimẽ, quia pręcedenti cap. & 3. Reg. 9. quãdo agitur de subiectione Chananęorum, dicitur, quod Salomon fecit eos tributarios vsque in pręsentẽ diem, & refertur ad tempus, quo scriptus est liber ille, quod fuit multo post Salomonem: ergo manserunt toto tempore Salomonis Chananęi tributarii. Dicendum generaliter de omnibus his gentibus, quod erant tributarię Salomonis. Aliqui ergo dicunt, quod erant tributarię istę gentes, & magna tributa persoluebant Salomoni: & tamen de tributis earum non habetur hic. Dicendum, quod hoc non est verisimile, quia scriptura diligenter ponit hic omnes modos lucrandi Salomonis ad hoc, quod magnificaretur in diuitijs, sicut factum est: ideo non est credendum, quod tantum lucrum quantum quolibet anno consequeretur Salomon de omnibus istis regnis tributarijs subiceretur, cum alia minora lucra exprimantur, scilicet, quod Dauid haberet impositiones a negotiatoribus, & a vendentibus scuta, vt patet supra in litera: & 3. Reg. 10. Dicendum ergo, quod reges Chananęorum, Amorhęorum, Pherreęorum, Iebuseorum, Hethęorum, Gergesęorum, Moabitarum, Ammonitarum, Idumęorum, & Syrorum soluebant tributa quolibet anno Salomoni: & ista colligebantur cum tributis Israelitarum, & perueniebant ad talenta sexcenta sexaginta & sex aurei: & ob hoc nulla mentio fit de istis gentibus tributarijs hic cum ponantur tributa Salomonis, & hoc confirmatur, quia non dicitur hic, quod afferebantur quolibet anno de tributis Israel tot talenta auri, sed absolutẽ dicitur, quod afferebantur de tributis omnibus, quę ordinariẽ soluebantur quolibet anno Salomoni, & hoc est etiam satis verisimile, quia ista talenta faciebant vnã valde summam auri. Nam non est talentum vnã marcha auri, vt quidam putant, quia valde maior quãtitas est: quod patet, quia Deus iussit fieri candelabrum Tabernaculi cum basi sua, & septem calamis, & septem vasculis lucernarum, & cum omnibus vasis suis, scilicet, emun-

Fctorijs, & infusorijs olei de auro purissimo, & totum de vno talẽto. Exo. 25. ideo necesse erat, quod magnę quantitatis esset talẽtum, fortẽ plusquam viginti marcharum auri: quod patet satis inspicendo magnitudinem candelabri, & vasorum suorum, & sic regnum Israel solum non posset quolibet anno tantam summam auri reddere, sed regnum Israel cum omnibus regnis tributarijs Salomonis dabant ei quolibet anno summam istam: & de illa erat quædam pars determinata, quam soluebant Israelitę quolibet anno: & illa adhuc videbatur eis magna, & conquerebantur iugũ grauissimum esse impositum Israelitis, vt patet. 3. Reg. 12. & seq. cap.

G Quare fuit adducta propositio negatiua cum nulla tale probet.
Questio VIII.

QVÆRITVR vltcrius, cũ dicatur supra, quod non fuerunt aromata talia allata, qualia illa, quę attulerat regina Saba Salomoni, quia ista est negatiua, & non videtur probabile: quia sic est regula iuris, quod negantis factum per rerum naturam nulla est directã probatio. Et ratio huius est, quia probatio fit per causas rei: negatiua autem pura non pręsupponit entitatem aliquam, ideo non est probabilis: sic est de quibuscumque alijs propositionibus negatiuis, quę ponuntur hic: vt cum dicitur de lignis Thinis, sequitur in litera, quod nunquam visa sunt in regno Iuda ligna talia: est etiam alia propositio infra. scilicet, cum ponitur fabricatio Throni Salomonis subditur, non fuit tale solium in vniuersis regnis. Aliquis respondebit ad hoc, quod licet negatiua non possit directẽ probari, potest tamen probari indirectẽ: sic enim est regula iuris, scilicet, negantis factum per rerum naturam nulla est directã probatio: est autem directã probatio negatiuę, si probaretur, vt negatiua, & darentur suę causę veritatibus, vt negatiuę, & istud est impossibile cum negatiua nullam habeat causam existendi, quia non dicit entitatem aliquam, nec etiam potest esse ab aliqua causa, quia ens positium non potest esse causa, nisi alicuius positiui. Indirectẽ autem probatur negatiua si reducatur in affirmatiuam, & tunc probetur per principia affirmatiuę: nam affirmatiua dicit entitatem: ideo pręsupponit causas veritatis, quę sunt principia probandi per quę ipsa affirmatiua probetur, & tunc probatur negatiua indirectẽ, vt potẽ, in ista propositione prima, scilicet, non sunt aromata talia allata, qualia illa, quę dedit regina Saba Salomoni, exponatur per affirmatiuam. scilicet, ista aromata, quę regina Saba attulit fuerunt meliora, quã omnia aromata, quę postea allata sunt: & tunc probabitur illa negatiua per causas veritatis. i. principia probandi affirmatiuam: sic etiam probabitur alia. i. non fuit factum tale solium in omnibus regnis. scilicet, istud solium Salomonis fuit melius, & preciosius, quã omnia, quę facta sunt in alijs regnis. Sed obijcietur, quod nõ stet istud propter duo. Primò, quia licet iste modus exponendi, & probandi competat quibuscumque negatiuis, quę pręsupponunt quandã affirmationem, licet illam non dicant, tamen non cõuenit illis negatiuis, quę nullam omnino affirmatiuã pręsupponunt: & talis est propositio secunda istarũ. scilicet, nunquam visa sunt in terra Iuda ligna talia: ista enim non potest probari per aliquam affirmatiuam, & sic non est sufficiens modus probandi positiones istas. Secundo probatur, quia dato, quod reciperent probatio negatiuarum per affirmatiuas, non poterit fieri probatio, nisi quãdo negatiua limitat se ad certum tempus, vel locum, vel ad vtrumque: velut si dicatur: Sortes non fuit, nisi prima die Iulij in vrbe Tolleret. Nam ista pro-

probabitur per affirmatiuam sufficienter, scilicet, probando, quod Sortes tota die Iulij fuit in vrbe Romæ, & tamen quando negatiua debet probari per affirmatiuam non determinantem locum, & tempus, sed nimis indeterminatam, difficillimum est fieri probationem, & in quibusdam impossibile, sicut in ista. scilicet, nunquam allata sunt talia aromata, sicut illa, quæ dedit regina Saba Salomoui, idest: illa fuerunt meliora aromata, quàm omnia, quæ allata sunt. Nam ad hoc oportebat discurre per omnes particulares, scilicet, comparando illa aromata quibuscunque aromatibus allatis in terram Iuda, vt apparerent ista esse meliora: & tamen non videbatur possibile istud, quia inductis quocunque particularibus dubitabatur adhuc an fuerint plurima aromata allata, quibus ista essent meliora. Et sic non fiet plena probatio, & si vis facere plenam probationem, oportet, quod incidas in aliam negatiuam, ita vt dicas, scilicet: ista sunt omnia aromata, quæ allata sunt in terra Iuda, & non sunt plura allata, & ijs omnibus meliora sunt illa, quæ attulit regina Saba. Sed quomodo probetur, quod non fuerint plura allata aromata in terram Iuda videtur impossibile, quia aliqua secretè, & aliqua publicè allata sunt: & idem modus probandi est in alia propositione, scilicet, non fuit tale solium factum in vniuersis regnis, idest, istud solium fuit melius istis solis demonstratis omnibus, quæ facta sunt, & non fuerunt plura facta in alijs regnis, ergo istud est melius omnibus. Et tamen probare, quod non sunt plura solia facta, est impossibile: istud autem non dico quasi affirmatiua præsupponat negatiuam ad suam probationem, quia sicut non ens non est causa essendi enti, ita non potest esse principium probandi: sed quia non putamus nos sufficienter enarrasse particularia alicuius vniuersalis, nisi ponamus negatiuam dicendo: & non sunt plures, vel plura supposita sub illo vniuersali: ideo per istum modum non potest plena probatio esse istarum propositionum negatiuarum. Aliquis autem dicet, quod per famam potest probari veritas istarum propositionum. scilicet, quia fama erat, & tales propositiones erant veræ, scilicet: prima. Non sunt aromata talia allata, qualia illa, quæ attulit regina Saba Salomoni, scilicet, quod erat fama, quod non fuerant allata talia aromata: sic secunda, scilicet, non sunt visa ligna talia vnquam in terra Iuda, idest, quod fama est, quod nunquā postea allata fuissent aliqua ligna thina in Iuda. Sed dicendū, quod non erat ista conueniens probatio: primò, quia fama est incertus nuncius, sicut originem habet ab incerto auctore, & non est ei confidendum. Secundò quædam sunt, de quibus fama esse potest, & alia sunt, de quibus non est fama. Nam de illis, quæ tacitè, & omnino secretè gesta sunt, fama nulla est, ideo licet de illis aromatibus, quæ publicè allata sunt in terrā Iuda fama posset esse certa, quod non erant meliora, quàm ea, quæ attulit regina Saba, & tamen multa aromata secretè allata sunt, vel afferri poterant, de quibus nulla fama esse poterat, & illa poterant esse meliora, quàm aromata, quæ regina Saba attulit: sic etiam de secunda propositione, scilicet, nunquam sunt visa talia ligna in terra Iuda, poterat esse, & publicè quantum ad id, de quo esset publica vox, & fama non essent allata aliqua ligna thina, & tamen secretè allata essent. Item fama non sufficienter enarrat ea, quæ notoria sunt, quia aliqua fuerunt aliquo tempore notoria, quæ postea obliuioni tradita nullam habent famam: ideo fama non probat sufficienter, quia non inducit omnia particularia. De tertia propositione, scilicet, non fuit factum tale solium in vniuersis regnis. Dicendum, quod per famam non probatur sufficienter. Primò, quia non poterat venire fama de omnibus regnis terræ ad regnum Israel: nam quædā

gentes sunt de quarum gestis, & moribus non solum ad nos fama non peruenit, sed etiam nescimus an tales gentes in orbe sint: sic enim erat de vrbe Romæ, quæ quando erat florentissima quibusdam gentibus orientalibus incognita erat an esset: ideo à fortiori poterat de alijs vrbibus minoribus fama non haberi: de hoc Boetius de Consolat. 2. Prosa. 7. f. Aetate denique Marci Tulij, sicut ipse quodam loco signat, nondum Caucasum montem Romanæ Reipub. fama transcenderat, & erat tunc adulta, Partis ceterisque id locorum gentibus formidolosa. Non ergo bene diceretur cognosci per famam non solum aliquod tale fuisse, sicut solium Salomonis in vniuersa terra, cum non possit omnium gentium fama illuc peruenire. Item dato, quod posset haberi fama de omnibus regionibus, istud poterat esse quantum ad solia regum, quæ nunc erant: sed quantum ad omnia solia regum, quæ fuerant ab antiquo, non poterat esse fama nunc, ideo non bene diceretur, quod non fuit tale solium in vniuersa terra, vel in vniuersis regnis. Item dato, quod intelligeretur de Thronis regum solis, quæ nunc erant, adhuc non sufficeret, quia licet fama de omnibus illis posset haberi, tamen fama est nuncius fallax, qui ergo soli famæ innititur faciliter errare potest. Scriptura autem Sacra cum sit maximæ auctoritatis inter omnes scripturas, debet continere veritatem infallibilem, ergo nunquam debet inniti famæ, sed alijs probationibus solidissimis. Dicendum ergo, quod omnes, qui scripserunt aliquid de sacra scriptura, habuerunt spiritum propheticum, & per illum sciebant omnia, quæ scribebant, & quamquam interdum scribant hystorias, quibus ipsi interfuerunt, non scribunt eas tanquam habentes firmitatem, ex eo quod ipsi viderunt, quia sic non possent scribere aliquam hystoriam perfectè veram, quin in aliqua particula eirent, sicut apparet in aspicientibus agonem. Nam cum duo pugnant, & se percutiunt multis circumstantibus, licet omnes videant, discordant quibusdam dicentibus, iste percussit alium, alijs verò contraria afferentibus. Istud autem nascitur ex conditione nostra, scilicet, quod impossibile est nos ad plura intentè simul aspicere. Si autem historiographus cederet testimonio dicentium, eadem causa erroris erit, quæ in seipso, & facilius adhuc. Sacra autem scriptura nullum omnino permittit mendacium etiam si sit paruulum: vt ait Augustinus: & habetur in Decretis distinctione nona, capitulo, si ad sacras: sed quilibet modus istorum necessariò admittit aliquod mendacium: ideo oportet, quod dicamus omnes scriptores sacre scripturæ prophetice scripsisse: Deus enim mouet prophetam ad intelligendum prophetiam, supernaturaliter ea, quæ alias non intelligeret: ita in scribendo mouebat scriptores sacre scripturæ ad sciendum ea, quæ alias perfectè scire non poterant: & tunc ea scribebant solum, quæ Deus eis dictabat: & sic erat impossibile, quod errarent. Ita fuit scriptus liber iste per Eldram, & Liber Regum per Ieremiam, in quo eadem habentur spiritu prophético, per quem ipsi scire potuerunt infallibiliter an aliqua aromata meliora, vel æqualia istis in bonitate, quæ attulit regina Saba allata fuissent postea aliquo tempore vsque ad tempora, quibus scripti fuerunt libri, & an aliqua ligna thina allata fuerint in terram Iuda. Etiam sciebant, quod non erat tunc, nec fuerat vnquam à principio aliquod tale solium in aliqua terra, sicut fuerat solium Salomonis: postea tamen fortè alia pulchriora, & preciosa facta sunt.

Fecit igitur rex Salomon ducentas hastas aureas de summa sexcentorum aureorum, qui in singulis hastis expendebantur: trecenta quoque scuta aurea trecentorum aureorum, quibus tegebantur singula scuta: posuitq; ea rex in armamentario, quod erat consitum nemore.

Gloria Salomonis ex magnitudine effectuum.

Fecit igitur. Hic ponitur tertium, scilicet: gloria Salomonis ex magnitudine effectuum, quia faciebat Salomō aliqua opera ita magnifica, & sumptuosa, quod non habebantur talia apud alios reges, & ponuntur duo. Primum est de lanceis, & scutis aureis. Secundum de throno eburneo ibi. *Fecit quoque.* Circa primum dicitur. *Fecit igitur rex Salomon ducentas hastas aureas.* Non est putandum, quod istæ lanceæ formaliter essent de auro: quod patet ex pondere auri, sed erant lignæ, & in superficie erant operte laminis aureis, & non folio auri, sicut operiuntur picture, quia in illis facile est videre, quod non est res de auro: & sic videbatur istæ lanceæ verè esse aureæ. Non erant autem istæ lanceæ ad pugnandum, sed ad ostentandam gloriam Salomonis, ut infra dicitur in quadam quæstione. *De summa sexcentorum aureorum.* Aliqui volunt, quod sexcenti aurei expensi sunt in istis ducentis hastis, ita quod in qualibet hasta expenderetur tres aurei, & ista est intentio Iosephi 8. Antiquita. litera tamen nostra repugnat, quia sequitur, qui in hastis singulis expendebantur. Est autem aureus moneta aurea, scilicet, vn⁹ sicius: nam sicius est interdum moneta aurea, & interdum argentea, ut patet. 2. Reg. 24. & præced. lib. 21. c. & sici argentei sunt maioris valoris, quam sici aurei, eo quod erant valde magnæ quantitatis, ut declaratum est præced. lib. 21. cap. in quadam quæstione: & hic accipitur pro siculo aureo: sic patet. 3. Reg. 10. quia ponitur ibi sexcentos sicos auri dedit in laminas scuti vni⁹. *Qui in hastis singulis expendebantur.* Id est, expendebantur isti sici ad tegendum quamlibet hastam, quia laminæ aureæ fiebant ad tegendum hastas singulas ponere siclorum sexcentorum, & non fiebat tota lancea de auro, quia tunc necesse erat, quod expenderentur plures, quam tres mille sici, nec etiam videbatur opportunum tantam molem auri inutiliter expendi, & non est intelligendum, quod soluerentur sici sexcenti in massam pro qualibet hasta tegenda, sed quod laminæ tegentes quamlibet hastam erant ponderis sexcentorum siclorum, & fortè non soluebantur aliqui sici in massam per conflationem, sed cum multum aurum aliud haberet Salomon in massa de illo faceret laminas, & tamen, ut signaretur magnitudo ponderis auri cuiuslibet hastæ dictum est, quod sexcenti sici in qualibet hasta expendebantur: nam sicius est nomen monete, & nomen ponderis simul, eo quod continet determinatum pondus, scilicet, viginti obolos, ut patet Leui. vlt. & Num. 3. & 18. & sic clare intelligebatur pondus auri cuiuslibet hastæ: erant autem omnes istæ hastæ longitudine æquales, & rotunditate, & grossitie, & æquale aurū expendebat in eis, & sic erant pulchræ: ita quod non fieret differentia vnius hastæ ad alteram. *Trecenta quoque scuta trecentorum aureorum.* Id est, fecit trecenta scuta, & quodlibet de trecentis aureis, id est, siclis, scilicet, quia in quolibet scuto laminæ auri expendebantur pondere trecentorum siclorum. *Quibus tegebantur scuta singula.* Hic declaratur manifestè, quod ista scuta non erant tota de auro, sed solum tegebantur laminis aureis, ita ut viderentur aurum purum. *Posuitq; ea rex in armamentario, quod erat consitum nemore.*

F Id est, posuit rex ista scuta, & hastas in armamentario, id est, in loco armorum, quia Salomon habebat domū quandam pro omnibus armis locandis, & ista erat domus saltus Libani. Quod patet, quia vocatur armamentarium illud consitum nemore, id est, vallatum arboribus, quæ vocantur nemus. Sic patet Genes. 21. ubi dicitur, quod plantavit Abraham nemus in Bersabee, id est, arbores, siue hortum. De isto armamentario magis dicitur infra in quadam quæstione.

Quomodo fecit lanceas, & scuta Salomon alibi aliter. Quæstio IX.

QUÆRITUR circa prædicta, quomodo dicitur hic, quod Salomon fecit ducentas lanceas aureas, & trecenta scuta: nam. 3. Reg. 10. ubi ponitur ista historia ponitur, quod erant ducenta scuta, & trecentæ peltæ, & sic videtur difficultas in duobus. Primum est, quia hic ponuntur lanceæ, & ibi non, & ibi ponuntur peltæ, & hic non. Secundum est, quod cum tam hic, quam ibi ponantur scuta, dicuntur hic esse scuta trecenta, & ibi dicitur, quod erant ducenta. Aliqui dicunt, quod eadem sententia est hic, & ibi, & solum est varietas nominum satisfationabiliter facta: nam scuta vocantur hic, & ibi scuta: & tamē vocantur hic peltæ, quæ vocantur hic lanceæ: & hoc rationabiliter, quia lanceæ sunt arma ad procul nocendum mittendo eas, & vocantur ideo peltæ, quia procul pelluntur. Sed dicendum, quod hoc non stat: primò, quia dicuntur esse trecentæ. 3. Reg. 10. & tamen hic vocantur lanceæ ducentæ: secundo, quia dicitur de qualibet pelta, quod vestiebatur trecentis minis aureis. 3. Reg. 10. & tamen hic dicitur de qualibet hasta, quod expendebantur in ea sexcenti sici: tertio, quia etiam est discordia ex alia parte, scilicet, quia dicitur hic, quod scuta erant trecenta, & ibi dicitur, quod erant ducenta: & sic non saluatur istud inconueniens: quarto non stat, quia ibi dicitur, quod in quolibet scuto expendebantur sexcenti sici. Hic autem dicitur, quod in quolibet scuto erant trecenti aurei, ideo non stat ista positio. Alij respondent aliter, scilicet, quod scriptura sacra omiserit aliquid hic, & aliquid ibi. scilicet, quod fuerint scuta trecenta, & trecentæ peltæ, & ducentæ lanceæ, & litera omiserit. 3. Reg. 10. lanceas ducentas: & hic omiserit trecentas peltas, & coniungendo utramque literam causatur, vel colligitur vna perfecta narratio. Et sic fit sepe in scriptura, scilicet, quod quando aliquid in multis locis enarrandum est, raro enarratur completè in aliquo eorum, sed in quolibet suppletur aliquid, quod non erat in alio: & sic ex duobus, vel tribus locis colligitur vna completa narratio, & istud videtur satis rationabiliter dictum, scilicet, quod cum faceret Salomon peltas de auro, faceret etiam lanceas aureas, quia lanceæ sunt annexæ scutis. Sed dicendum, quod istud non stat omnino, quia adhuc manent aliqua inconuenientia. Primum, quia scuta ponuntur vtrique: & tamen ponuntur hic trecenta scuta: & 3. Reg. 10. ponuntur ducenta. Secundum, quia ibi ponuntur in quolibet scuto sexcenti aurei, siue sici, & hic ponuntur pro quolibet scuto trecenti aurei. Dicendum ergo videtur aliter, scilicet, quod erant solum ducentæ lanceæ, & trecenta scuta, sicut dicit hic litera: & cum dicitur. 3. Reg. 10. quod erant trecentæ peltæ, & ducenta scuta. Dicendum, quod illa, quæ vocantur ibi scuta, vocantur hic lanceæ, & quæ vocantur hic scuta, vocantur ibi peltæ, & quantum ad scuta, & peltas facile est transitus, quia peltæ secundum modum nostrum loquendi non differunt à scutis, nisi in figura, & magnitudine: sed in usu eadem sunt. scilicet, ad pellendum ista tenentur manu sinistra: & tñ q lanceæ vocentur scuta est

est abusio quedam, quoniam lancea, & scuta differunt omnino in figura, etiam differunt magnitudine, & quod maius est differunt usu, quia scuta sunt ad repellendum ictus, & sunt defensiva: lancee autem sunt ad vulnerandum, scilicet arma offensiva: & nunquam deberet fieri tam abusiva translatio, nisi necessitas magnavirgeat, & sic est hic. Primo quia non poterit concordari litera nisi sic fiat, ut patet ex modis loquendi supra assignatis, quia nullus eorum conveniebat, nec satisfaciebat, secundo quia ponendo sic est convenientia numero, & pondere, scilicet quia sicut dicitur 3. Reg. x. quod erant trecentae peltae: ita dicitur hic quod erant trecenta scuta, & sic peltae, & scuta sunt idem. Etiam sicut ibi dicitur de qualibet pelta, quod continebat minas trecentas: ita dicitur hic de quolibet scuto, quod continebat trecentos aureos, Item est convenientia inter illa, quae vocantur scuta 3. Reg. x. & hic lancee, quia illa scuta dicuntur ibi esse ducenta, ita hic lanceae, dicuntur ducentae: etiam quodlibet scutum dicitur habere ibi sexcentos auri siclos, & hic dicitur quolibet lancea continens sexcentos aureos. Iste ergo solus est modus, quo potest concordari ista litera cum illa. Ista positio sequitur Ioseph. 8. Antiqui. dicens: Conflavit Salomō aurū, ut ducētas lanceas faceret, quae sexcentos siclos continerent: fecit quoque scuta trecenta unoquoque habente auri minas tres. Iosephus ergo optime locutus est quantum ad nomina, & numerum lancearum, & scutorum excludendo peltas quasi coincident cum scutis: & tamen diversificavit à litera, in quantum posuit minus pondus auri, quia voluit, quod in omnibus lanceis simul expenderentur solum sicli sexcenti, scilicet in qualibet lancea tres sicli aurei, & in quolibet scuto expenderentur tres minae siue sicli. Et tamen multum discordat à litera nostra, quae dicit, quod in singulis lanceis expendebantur sexcenti aurei, & quod singula scuta tegebantur auro trecentorum aureorum. Istud tamen apud Iosephum usitatum est, quia interdum auget in numeris ponendo plusquam sit in sacra scriptura, & interdum minuit. De augmento patet, quia Iudi. 4. dicitur de rege Iabim quod oppresserat Israelitas habens currus nongentos falcatos, & tamen Ioseph. 5. Antiqui. dicit, quod habuit armatorum trecenta millia, equitum decem millia, & curruum tria millia possidebat. Quod autem minuat interdum patet: nam Exo 14. Quando Aegyptij persecuti sunt Hebraeos fugientes ad mare rubrum dicitur, quod tulit Pharao sexcentos currus electos, & quidquid curruum in Aegypto fuit, & tamen Iosephus 2. Antiqui. dicit solum sexcentos currus. Item primo Reg. 13. ubi ponitur bellum Philistinorum contra Israel dicitur, quod conveniant triginta millia curruum, & sexcenta millia equitum, & reliquum vulgus, quasi arena, quae est in litore maris: & tamen Iosephus 6. Antiqui. dicit, quod erant de Philistinis trecenta millia peditum, & triginta millia curruum, & sexcenta millia equitum. Hic autem etiam minuit: ut dictum est in pondere auri lancearum, & scutorum: quod quare Iosephus fecerit, causam cere nere in promptu non est, nisi forte dicatur, quod hoc faciebat ad reddendum historiam verisimiliorem, sed in hoc non est advertendum ad eum, nec ad quemvis alium quantecunque auctoritatis, quia cum scriptura aliquid expresse ponit, nullius testimonium contra eam recipitur.

Ad quid fecit scuta aurea, & lanceas.

Quaest. X.

QV A E R I T V R ulterius, ad quid fecit Salomō ista scuta aurea, & lanceas. Respondendum, quod non erant ad pugnandum, quia ad pugnandum aptius Alph. Tost. super lib. Paralip. Pars 2.

A est ferrum, quod aurum, vel aliud metallum: nam ferrum est, quod omnia domat metalla, & omnia alia: ut patet Daniel 2. verum est tamen, quod interdum scuta aurea fiebant ad bellum. Siqui reges gentium ob insignem gloriam ferebant scuta operta auro: sicut patet primo Macha. 6. f. Refulsit sol in clypeos aureos, & resplenderunt montes ab eis: sed adhuc illa non erant de auro praecipue ad pugnandum, sed potius ad faciendam differentiam inter reges, & alios: & dato quod essent scuta de auro ad bellum, tamen non erant lancee de auro ad pugnandum, quia ferrum magis penetrativum est duritiae suae quam aurum, & ob hoc licet legamus apud gentiles fuisse clypeos aureos, nunquam legimus hastas aureas. Sciendum tamen, quod istae lancee non erant totae operte auro: nam ferrum non erat auro tectum, sed solum hastile, & sic maneret pulchritudo & figura lanceae: & ob hoc non dicitur in litera nostra, quod fecit Salomō lanceas ducētas de auro, sed quod fecit ducentas hastas: quia hasta solum lignum significat. Fecit autem Salomō scuta, & lanceas istas de auro ad ostendendum gloriam divitiarum suarum, scilicet quod cum viderentur ab omnibus lancee aureae, & scuta, putaretur, quod apud omnes gentes non essent tantae divitiae: erat autem usus istarum lancearum, & scutorum, quod portarentur coram Salomone, ut sic ostenderetur gloria sua tota in auro, & ista scuta portabantur coram Salomone ab ascensoribus equorum, de quibus Ioseph. 8. Antiqui. ait: Exornabatur ascēsores equorum primum decora iuventute florentes, habentes quoque magnam proceritatem, & satis alios excedētes, longaque diffundētes in ascensione equorum caesariem, ex purpura Tyria circum amicti, aurique tincturam quotidie suis comis adiacientes, ut eorum capita percussa sole auro radiante fulgerent, ijs circa eum armatis existentibus arcusque ferentibus rex vectus in curru, & alba veste circum amictus solitus erat exire ad quendam locum, qui à Ierosolymis duobus funiculis abest, vocaturque Edē, ortis, & aquarum rigationibus gratus, & locuples. Cur rus quoque ille in quo Salomō ferebat ex magna parte de auro erat, ut patet Cant. 3. f. Ferculū fecit Salomō rex de lignis libani, columnas fecit argenteas, reclinatorium aureum, ascensum purpureum: isti autem armati viri circa Salomonem portabant aurea scuta, & lanceas: ut dicit historia scolastica: manserunt autem ista scuta, & lanceae in domo saltus Libani. Proficiebant etiam iste lanceae aureae, & scuta custodibus regis: nam ad portam Salomonis dormiebant qualibet nocte custodes multi, & habebant ista scuta: tempore autem Roboam filij Salomonis cum Sesach rex Aegypti abstulisset omnia ista scuta aurea, & lanceas, fecit Roboam loco illorum scuta aenea, & tradidit ea in manu scutariorum. Etiam coram Salomone ferebantur ista scuta, & lancee, quando ibat in templū vel in alium locum, ut patet 3. Reg. 14. & infra 12. cum dicitur: pro quibus fecit Roboam scuta aurea, & tradidit ea in manu ducum scutariorum, qui excubabant ante ostium domus regis. Cunque ingrederetur rex in domum Domini, portabant ea, qui praevia habebant officium, & postea reportabant ad armamentarium scutariorum: istud fiebat in scutis creis vivente Roboam, sed ista scuta aenea successerant loco scutorum aureorum, ut patet 3. Reg. 14. ergo etiam videtur quod tempore Salomonis esset ista consuetudo in scutis aureis, & ob hoc filius eius ab eo institutus sic fecit in scutis aereis.

Vbi & quid esset armamentarium scutorum. Quaest. XI.

QV A E R I T V R ulterius circa armamentarium istorum scutorum, quid erat, & ubi. Ad primum dicendum, quod istud armamentarium erat domus saltus Libani: quod patet, quia dicitur hic

R

hic

hic, quod armamentarium erat confitum nemore, idest F arboribus. Et hoc competebat domus saltus Libani: nam propter hoc sic vocabatur, ut infra dicitur. Secundo patet & efficacius, quia 3. Reg. 10. ubi ponitur ista historia dicitur, quod posuit rex ista scuta, & peltas in domo saltus libani: ergo illud erat armamentarium, sed considerandum circa hoc, quod quidam putant domum saltus Libani solum fuisse factam, ut esset armamentarium regis, & ob hoc vocatur hic absolute armamentarium, quasi iste esset solus usus illius domus, vel iste esset principaliter usus eius. Sed dicendum, quod non stat, quia etiam erat domus ista ad habitandum. Pro quo sciendum, quod ut colligitur. 3. Regum 7. domus saltus Libani erat in parte inferiori facta de lapidibus, & in parte superiori quasi ex medietate eius erat de lignis. scilicet columnae de ligno, & omnia alia: & pars inferior, quae erat frigida valde propter lapides erat ad conservandum ibi aromata, quae sunt calida nimis, & reservantur bene in loco frigidissimo, scilicet quia frigiditas loci circumstantis non permittit exhalare virtutem aromaticam, & resolui: & sic est de omni pigmento. Pars superior, quae erat lignea, & ex hoc erat sicca, erat conveniens ad conservandum arma ne propter frigiditatem, & humiditatem contraherent arma rubiginem, siue eruginem, & quantum ad istam partem superiorem vocabatur domus haec armamentarium. Praeter haec tamen domus ista erat ad habitationem, & aliqui morabatur ibi Salomon, quin potius habitatio sua celebrior videbatur esse in domo saltus Libani: quia dicitur infra in litera, quod omnia vasa conuiuij regis erant de auro purissimo, & vasa domus saltus Libani de auro purissimo. Idem patet 3. Regum 10. si tamen nunquam habitaret ibi Salomon, non haberet vasa aliqua ad ministerium domus: sed solum conservarentur ibi arma, & aromata. Considerandum circa istam domum saltus Libani, quod sicut tradit scholastica historia, quidam aiunt quod dum regina Saba esset in Ierusalem cum Salomone, & contempleretur domum saltus Libani, et alia opera Salomonis, vidit in domo saltus Libani quoddam lignum, de quo tunc admirata subticuit, nihilque Salomoni tunc dixit. Cum autem conuersa esset in terram suam rescripsit ei, se vidisse in domo saltus Libani lignum quoddam, in quo suspendendus erat quidam, pro cuius morte regnum Iudaeorum periret, & illud certis inditiis persuasit. Salomon autem timens, illud in profundissimis terrae visceribus occultavit: quod postea tempore dominicae passionis in piscina probatica superenatauit, de quo crux dominica facta est: sed istud satis apocryphum est, ideo eadem facilitate contemnitur, qua recipitur.

Vbi esset domus saltus Libani. Quaest. XII.

QVAERITUR ulterius de ista domo saltus Libani, ubi erat. Quidam dicunt, quod erat in deserto in monte Libano, ideo vocatur domus saltus Libani, idest domus, quae erat in saltu Libani. Secundo patet, quia dicitur hic, quod istud armamentarium erat nemore confitum, & erat domus saltus Libani, ergo erat in deserto, quia alias non esset nemore vallata si esset in Ierusalem, quia nemus desertum est. Dicendum quod ista domus erat in Ierusalem. Et patet hoc, quia dicitur, quod erat domus ista armamentarium Salomonis, ita quod reponebantur ibi omnia arma Salomonis: & tamen non erat verisimile, quod Salomon habitans in Ierusalem haberet omnia arma sua in Libano, qui inde procul erat positus. Secundo patet hoc, quia quando Salomon ascendebat currum, & quodcumque ibat in templum domini, vel in alia loca, duces scutariorum portabant coram eo scuta au-

rea, & lanceas, & cum rediret in domum reponebant ea in armamentario, ut patet supra in quaestione, quare querebatur quare facta sunt scuta aurea: & tamen si armamentarium istud esset in Libano, non posset istud fieri, ideo non erat in Libano, sed in Ierusalem. Tertiò patet, quia etiam ibi habebat Salomō omnia aromata, ut dictum est praecedente quaestione. Usus tamen aromatum, & pigmentorum erat quotidianus in domo Salomonis, ideo aromata essent in Ierusalem, & sic domus saltus Libani esset in Ierusalem. Quarto patet auctoritate Iosephi. 8. Antiqui. dicentis. scilicet Posuit Salomon hastas aureas, & scuta in domo, quae sylva Libani vocabatur: & sic non erat in sylva Libani, sed vocabatur sylva Libani: & sic erat in Ierusalem, & tamen vocabatur sic ex aliqua causa, quae infra dicitur. Ad primam rationem in contrarium dicendum, quod licet vocaretur domus saltus Libani, non erat in saltu Libani, sed vocabatur sic, quia in circuitu domus istius ad iucunditatem magnam erant multae arbores, & ligna talia, qualia erant in Libano, & sic dixit Iosephus, quod vocabatur domus ista sylva Libani. Ad secundum dicendum, quod ista domus erat confita nemore, & tamen non sequitur ex hoc, quod erat in deserto, sed potius sequitur e contrario, quod erat in vrbe, vel extra desertum: nam procedit argumentum ex modo rustico accipiendo istud nomen nemus. Putant enim accipi pro monte, ubi sunt ligna sylvestria. Et tamen falsum est, quia nemus accipitur potius pro arboribus plantatis. Sic patet Gen. 2. 1. scilicet: Plantavit Abraham nemus in Bersabee. id est plantavit arbores, vel virgulta ad recreationem, & iucunditatem. Etiam accipitur interdum pro vno ligno: nam ubi nos dicimus plantavit nemus, habetur in Hebraeo plantavit lignum, & sic non erat domus ista in monte habente sylvestria ligna, sed inter hortos habentes arbores pomiferas. Item patet hoc, quia dicitur hic, quod erat confitum nemore: locus confitus est, qui manu plantatus est: & in montibus Libani non habebat arbores cultu humano positas, sed sylvestria ligna sua sponte nascentia: ideo non erat domus ista in Libano, sed in Ierusalem, & ibi erant arbores plantatae in circuitu domus ad recreationem, & gaudium Salomonis.

Fecitque quoque rex solium eburneum grande, & vestiuit illud auro mundissimo. Sex quoque gradus, quibus ascendebatur ad solium, & scabellum aureum, & brachiola duo altrinsecus, & duos leones stantes iuxta brachiola, sed & alios duodecim leucos stantes super sex gradus ex utraque parte: non fuit tale solium in vniuersis regnis. Omnia quoque vasa conuiuij regis erant aurea, & vasa domus saltus libani ex auro purissimo. Argentum enim in diebus illis pro nihilo reputabatur. Siquidem naues regis ibant in Tharsis cum seruis Hiram semel in annis tribus, & deferrebant inde aurum, & argentum, & ebur, & simias, & paucos.

Fecit quoque. Hic ponitur secundum opus Salomonis magnificum, scilicet thronus eius. Et dicitur. Fecit quoque rex Salomō solium eburneum. Totum solium erat de ebore, vel

vel saltem pars superior, vbi erat sessio. Vocatur ebur ossa animalium, scilicet Elephantorum, quæ sunt albidissima, & solidissima: & ob hoc pulchra valde: ista ossa deferebantur Salomoni de Tharsis: nam vocantur dentes Elephantorum: vt patet infra in litera. *Et vestiuit illud auro mundissimo.* Idest operuit illud auro, scilicet totum erat opertum auro, ita vt licet esset eburneum, non appareret eburneum sed aureum: sic apparbat de domo Dñi interius: nã parietes, & tectum, & pavementum operi erant laminis aureis: ita vt nec lapides, nec ligna apparere possent, sed tota domus videbatur aurum 3. Re. 6. & sup. 3. c. erat autem istud solium in quadam porticu apud domum saltus libani, vt declaratum fuit supra 7. vocatur aurum istud mundissimum, idest purissimum nullam habens impuritatem alterius metalli secum, sed purum aurum erat: & vocatur istud aurum fuluum nimis, tertio Regum decimo, & idem est, quod aurum mundissimum, vel purissimum: nam fuluus est color proprius auri. Et sic ponitur fuluum tanquam Epitheton siue connotatum auri: vnde Boetius 4. de consola. metro ultimo dicit metallum fuluum volens designare aurum, scilicet quod Hercules rapuerit poma aurea draconi sæper vigilantibus: & est fuluus propinquus viridi, & pallido, & mediat inter vtrumque: cum autem aurum est purum est valde fuluum: cum autem non est tam purum, sed est sophisticatum, declinat in quendam alborem: & istud aurum erat nimis purum, ideo vocatur nimis fuluum: sicut apparet nunc in differentia monetarum aurearum antiquarum & nouarum: nam antiquæ eo quod erant de auro puriori, declinant magis ad colorem obscurum, qui vocatur fuluus. Monetæ autem nouæ degenerant in quendam alborem, vel claritatem, quæ fit ex impuritate auri: & sic recte concordat, quod vocetur hic mundissimum, & ibi nimis fuluum: quia ista conuertuntur, si aurum est purissimum est nimis fuluum: & si est nimis fuluum est purissimum. *Sex quoque gradus, quibus ascendebatur ad illud.* Idest fecit sex gradus, quibus ascendebatur. Erat. n. iste Thronus altus satis: ideo ascendebatur ad eum sex gradibus: sic dicitur supra, quod fecit solium grande. *Et scabellum aureum.* Vocatur scabellum quedam tabula transuersalis in throno, in qua sedebat Salomõ, sicut est in cathedris in quibus legitur in scholis. Nam tabula, in qua sedet lector vocatur scabellum, et illud erat de auro ad notandam excellentiam. Et potest intelligi dupliciter: vno modo quod istud scabellum erat de auro purissimo: ita quod non esset in eo ebur, vel lignum, sed totum aureum, sicut dicimus de propitiatorio quod erat super arcam. Nam de auro purissimo erat. Exo. 25. & 27. & ob hoc ponitur de eo specialiter de auro, cum iam dictum fuerit de toto Throno, quod erat vestitus auro, & vt non putaretur, quod istud scabellum erat eburneum, & vestitum auro, sed quod totum erat de auro, dicitur quod erat scabellum de auro. Et dicitur etiam 3. Re. 1. quod summitas throni rotunda erat, quod subiectum hic, & vocat summitas throni pars illa superior in qua sedetur, & illa erat rotunda, scilicet ad partem exterio-rem, vt quando rex esset in throno, posset reclinare se ad quacunque partem vellet: quod conuenientius fit in forma rotunda quam in aliis: erat thronus iste altus sicut sunt cathedrae ad legendum, in quibus se potest le- gens reclinare ad quacunque partem voluerit. *Et brachiola duo altrinfecus.* Ista brachiola secundum quoddam erant quedam brachia eburnea operta laminis aureis surgentia ex aliquo loco apud thronum: & videbantur tenere thronum, sicut solet fieri quando pingunt duo angeli ex vtraque parte manibus sustentantes illa insignia: & sic ista brachiola essent extra thronum fortè surgentia ex

Alph. Tost. super lib. Paralip. Pars 2.

aliquo pariete. Alio modo, & melius potest intelligi, quod ista brachiola nascerentur ex duobus lateribus throni, scilicet ex dextro, & sinistro, ad quos terminatur tabula transuersalis, quæ vocatur scabellum, & vt posset se tenere illa tabula, necesse erat, quod esset aliquid in quo teneretur, & istud erat super duo brachiola eburnea surgentia ex duobus lateribus throni, & iste modus conuenientior est. Primò quia secundum alium modum non ponitur in quo sustentaretur scabellum, & secundum istum modum ponitur. I. ista brachiola. Secundò, quia posito de scabello subditur hic de Brachiolis, quasi brachiola pertinerent ad scabellum: & dicitur quod ista duo brachiola erant altrinfecus. i. ex partibus oppositis vnum contra alterum, quia in duabus extremitatibus scabelli erant ad sustentandum ipsum scabellum. *Et duos leones stantes iuxta brachiola.* Leones erant altrinfecus sicut brachiola, quia erant iuxta ea, & erant ad sustentandum scabellum sicut brachiola, quia fortè brachiola erant delicata, & non poterant sufficere tenere scabellum: quidam autem intelligunt aliter. scilicet quod essent quatuor leones ad partem posteriorem throni, & quolibet manus singulas. Dicendum tamen, quod in quantum isti possunt alias ponunt leones esse exterius, non est tam rationabiliter dictum, sed quod quatuor sint satis conceditur, licet scriptura ponat hic solum duos, & tunc dicitur, quod duo leones erunt simul sub eodem brachiolo, & egressientur ab eodem latere throni, & erunt duo leones oppositi duobus leonibus. *Sed & alios duodecim leunculos stantes super sex gradus.* Isti duodecim leunculi erant præter leones duos, vel quatuor suprapositos, quia leones supradicti erant intra thronum in concavitate sua sub scabello: isti autem duodecim, de quibus hic, erant extra thronum in sex gradibus, per quos ascendebatur: erant namque gradus isti amplii, & in extremitatibus duabus cuiuscunque gradus erant duo leones: & sic erant duodecim in sex gradibus, & inter istos leones erat ascensus, & vocantur isti leunculi: et illi qui erant sub scabello, vocabantur leones, quia isti erant magni, isti autem erant parui, cum essent super gradus, ne occuparent ascensum: etiam ad differentiam vocantur isti leunculi, et illi leones, etiam si essent æquales, vt sciatur quando loquimur de stantibus super gradus, et quando de subiectis scabello. *Non fuit tale solium in vniuersis regnis.* Non fuit aliquod solium tam præciosum, et tam pulchrum in omnibus regnis: nam magni precij erat cum totum eburneum esse, et opertum auro, et intelligitur de foliis, quæ erant tempore quo scriptus fuit iste liber, et de illis, quæ ante furant, non de illis, quæ postea fuerunt: quod autem alia pulchriora folia postea facta fuerint non est admirandum, quia iunior ætas fecit alia magnificentiora, quam fuerant in illo rudis seculo, et veteri etate: quomodo autem potuit constare scriptori, quod non fuerit aliquod tale solium in omnibus regnis declaratum fuit supra in quadam questione.

Quare positi fuerunt leones in Throno, & duodecim.

Quest. XIII.

QVÆRITVR, quare in isto tribunali Salomonis positi fuerunt leones, et quare erant duodecim in ascensione throni. Ad primum dicendum, quod ponebantur leones in throno illo propter pulchritudinem, nam sic ponebantur duodecim boues sub mari æneo habentes vultus ad extra, et terga ad intra. supra eo. et 3. Reg. 7. etiam leones, atque rubim, et aquilæ ponebantur sculptis sedibus laterum 3.

R. 2. Re.

Reg. septimo, & ibi nō attēdebatur nisi pulchritudo. Secundum erat ad signandum fortitudinem Salomonis, & regni Iudæorum, s. q. sicut leo est rex, & dñs inter quadrupedia, ita regnum Iudæorum pro tunc florebat inter oīa regna: vel ad signandum q. sicut leo est dominus animalium aliorum, ita ille, qui sedebat in throno illo, erat dominus aliorum regum: & ob hoc sedebat super leones, & tenebat eos in ascēsu suo sub pedibus, vt significaretur, quod reges fortes, qui erāt sicut leones, tenebat in sua potestate sedēs super illos, & exigens ab eis tributa: nā reges magni erant tūc sub potestate Salomonis. s. oēs reges Chananæorum, Pheræzorū, Iebuseorum, Heuæorum, Hethæorum, Amorrhæorum, & Gergefeorū, quos subiecerat sibi Salomon in tributarios. præc. ca. & 3. Reg. 9. etiā erat ei subditus rex Moab, & Ammō, & populus Idumæe, & Syrorum, vt declaratum est supra in quadam qōne de tributis Salomonis. Ad s. m. s. quare erāt duodecim leones: dicendum q. erant propter cōuenientiam graduum: nam erant sex gradus, & in quolibet erāt duo leones, vt ex omni parte essent leones, & sic essent necessariō duodecim in ascēsu: vel ponebantur isti duo decim leones ad signandum, q. Salomon, qui sedebat in illo throno dominabatur super duodecim tribus Israel: nā regnū nōdū erat diuisum ī duas partes, sed postea diuisū est tpe Roboā filii Salomonis, se. c. & 3. Re. 12. Magis tamen sciendum est, q. si essent duodecim leones ad signandum duodecim tribus Israel, solū essent ibi duodecim leones, & tamen erant quatuordecim vel decē & sex. Nam in sex gradibus erant leones duodecim, & sub scabello erant leones duo, vel vel quatuor, vt alij volunt, iō non conueniunt huic significationi. Si autem dicatur, q. per istos duodecim leones signetur regnū super duodecim tribus Israel: & per alios leones, qui erant sub scabello signaretur potestas, quā exercebat super alios reges sibi tributarios, non conuenit, quia tunc oportebat, quod essent multi leones, cū super multos populos, & reges dñaretur. s. super oēs reges septem populorum Chananæorū, & sup regē Moab, regē Ammō, & populū Idumæe, & populos Syriæ: vt supra declarātū est: iō quamquā possit attendi aliqua signatio, magis attēditur pulchritudo. *Omnia quoque vasa conuiuij regis erant argentea.* Id est oīa vasa in quibus rex comedebat erant argentea, & bibebat. Vocātur vasa cōuiuij, quia vasa mēse erāt aurea, & istud ponitur ēt ad signandā magnitudinē diuitiarum, & magnificentiā Salomonis. s. quia nō comedebat nisi in auro, & vasa ad bibendum erāt aurea: nā 3. Reg. x. loco istius literæ dicitur, & oīa vasa, de quib⁹ potabat rex Salomon, erant aurea. Hic autē explicuit magis dicendo vasa cōuiuij, quia nō solū vasa potus, sed ēt cibi erāt aurea, cū in hoc scriptura veller assignare magnitudinē Salomonis in diuitis. *Et vasa domus saltus Libani ex auro purissimo.* Iam declarātū est supra, q. domus saltus Libani nō erat in monte Libani, sed in Ierusalē, & ibi morabatur rex interdum, quia erat ædificiū pulchrum, & incundū, cū esset arboribus circumdatū, quia dicitur q. erat illud armamentarium nemore cōstitū, supra in litera, & isti domui per se erant assignata vasa necessaria ad ministratiōē ciborum, & potuū regis, qñ ibi moraretur: ita q. si Salomon se transferret de alia domo ad manendū in domo salt⁹ Libani, nō oportebat, q. ferret secum aliqua vasa ad ministratiōem suam, quia in illa domo erat quidquid erat necessarium ad suam ministratiōem. Et erant oīa vasa dom⁹ istius de auro purissimo, s. oīa vasa mensę regis, quæ erant in ista domo. Nā si illa vasa essent ad quādam alias ministratiōes, quæ non pertinerent immediatē ad eum, nō oportebat, q. de auro essent, sed de argento, vel de aliis metallis s. m. cōuenientiam mini-

strationis. Et ponitur istud ad differentiā alterius domus, q. fecerat Salomō. Nam licet pro illa haberet apparatus mensę suæ aureum: tñ nō erat tā sollemnis, sicut apparatus saltus Libani, quia ista erat excellēior oībus aliis domibus, quas fecerat Salomon: iō cū Salomon fecerit tres domos. s. suam & domum filię Pharaonis, & domū salt⁹ Libani, nullius earum ponitur tā diligenter fabricatio in scriptura sicut domus salt⁹ Libani: vt patet 3. Reg. 7. iō ēt apparatus suus excellēior esse debebat apparatu aliarum domorum, & dicitur 3. Re. x. in loco isto, & vniuersa suppellex domus salt⁹ Libani de auro purissimo. Accipitur ibi suppellex strati: nā sumendo s. m. cōsuetudinem nostram loquēdi suppellex vocat⁹ quidquid ad domesticū vsum pertinet. Et sic stramenta lectorum vocantur suppellectilia, & quæcunque vasa domus. Sed manifestū est, q. non erāt oīa hæc ī domo saltus Libani de auro, potissimē quia interdum suppellex accipitur pro veste, vt patet Leu. 16. sed ista est lex lepræ, vestimenti lanei, & linei staminis atq; subtegminis oīsq; suppellectilis pelliceę, quō mundari debeat: intelligitur solū ergo de vasis cōuiuij, quæ erant aurea, & sic accipitur hic. *Argentū enim in diebus illis pro nihilo reputabatur.* Istud est reddituū causę dictorum pcedentium. s. quare erat oīa vasa conuiuij Salomonis de auro, & tota suppellex domus saltus Libani. s. quia argentum in diebus Salomonis nullius precij reputabatur. Et quia magnificus dēbat esse apparatus mensę Salomonis, debuit esse de aliquo maiori. s. de auro: sed 3. Re. x. dicitur. Nō erat argētū, nec alicuius precij putabatur in diebus Salomonis. Et nō est sensus q. non esset argentum aliquod in diebus Salomonis, quia multum erat: nā supra dicitur, q. reges Arabiæ, & Satrapæ terrarum cōportabant Salomoni aurum, & argentum: ēt dñs inf. q. serui Salomonis portabant argentum, et aurum de Tharsis: sed intelligit⁹, q. nō erat. i. non erat in vasis mēse Salomonis, quia ibi oīa erant de auro, vel nō erat. i. nō erat alicuius precij præ multitudine auri, & iste est sensus literæ: & qñ dñs, quod nō reputabatur alicuius precij, nō est intelligendū sic absolūtē, quod nullius pci esset, quia tunc non iuberet Salomon, q. afferetur sibi argentum de Tharsis: & tñ iubebat illud duci. Sed dicit⁹, q. nō erat nunc alicuius precij cōparando ad alia pante Salomonē, in quibus erat argentum magni precij propter raritatem: tpe at Salomonis erat copia magna: quia dicitur infra in litera, & sup. 1. quod fecit Salomō tantā copiam argēti esse in Ierusalem sicut lapidum, & tantā copiam cedrorū sicut sicinororū. *Si quidē naues regis ibant in Tharsis.* Hic ponit eā dicti pcedentis. s. quare erat nullius precij argētū tēpore Salomonis. s. quia naues regis ibant in Tharsis, & inde afferebant aurū, & argentum multum, & præ multitudine erat parue æstimationis. *Cum seruis Hiram.* Quocunq; nauigarēt serui Salomonis ibant illuc serui Hiram: quia illi erant periti nimis circa artē nauticam, vt declarātū est præc. c. i. fine. Etā credendum est, q. serui Hiram apportarent aliquas diuitias de regionibus istis p Hiram, sicut serui Salomonis p Salomone. *Semel in annis tribus faciebant vnam nauigationem:* & sic cōluetum erat, q. quolibet triennio vnam nauigationē facerēt serui Salomonis in Tharsis: nō. n. poterant ire illuc sæpe, vt dicitur infra in quadam quæstione. *Et deferebant inde argentum, & aurum.* Ferebant serui Salomonis alias merces necessarias terræ illi, et in commutationem accipiebant multum de auro, & argento. *Ebur.* Vocatur Ebur dentes Elephantorum: vnde tertio Regum. 10. decimo, in loco isto ponuntur dentes Elephantorum pro ebore: & sunt quādam ossa tam magna, & consolidata, vt de eis chathedræ fieri possint: vnde thronus Salomonis de ebore factus est. *simias.*

Simias. Sūt animalia humanam effigiem portēdentia, unde quantum ad extra nullum est animal, quod magis Anathomiam hominis indicet: & ad intra nullum animal magis seruat humanam Anathomiam quā porcus. Simiæ autem non solū figura, sed etiam prudentia homines imitantur, quia cautellas quasdam obseruant quas nesciunt alia bruta: nec tamen ex hoc habent prudentiam, sed aliquid simile prudentiæ: & ex his poetica licētia occasionem habuit dicendi simias quondam fuisse populos hominum, & a Ioue dānatos in simias conuersos, retinuisseque pristinæ figurę vestigia, & prudentiæ reliquias, vt patet per Ouidium 7. Metha. *Et pauos.* Isti sunt pauones aues pulchræ nimis in cauda, & ad ostendendē pulchritudinē ducebantur ad Salomonem.

Quid sit Tharsis, regio an ciuitas.

Quest. XIII.

QVAERITVR circa prædicta, cū dicatur hic, quod ibant serui Salomonis in Tharsis, & ferebant aurum & argentum, quid sit Tharsis, an sit ciuitas, vel regio. Aliqui dicunt esse Tharsis insulam, quę vocatur Ophir, sed habere multa nomina, & hoc quia ad insulam Ophir mittebat Salomō seruos suos cum seruis Hiram. præc. cap. & 2. Reg. 9. Alii dicunt, quod sit ciuitas quędam in terra Indorum circa insulam Ophir. Alijs placet, quod sit ciuitas quędam Ethiopię. Alii aut volūt, qd sit ciuitas quędam Cilicię, quę vocatur Tharsus, vel Tharsus, de qua erat oriundus beatus Pau. vt patet Act. 21. scilicet. Ego quidem homo sum Iudeus à Tharso Cilicię non ignotæ ciuitatis municeps. Dicendum tamen qd ista terra Tharsis non sit terra Ophir. Et patet primo, quia serui Salomonis ibant in Tharsis, & emebant inde aurum, & argentum, & alia, quę ponuntur hic, vt ait Iosephus 8. Antiqui. scilicet: Sed multæ fuere naues quas rex constituit in mari Tharsico, vt interiora gentium penetrarent, & omnia compararent, & comparatūt aurum, & argentum vt deferrent regi, necnon Elephantēs Ethiopos, & simias, ergo emebant in Tharsis merces, & tamen in Ophir non poterant emere, sed rapere, quia erat terra solis draconis, & aliis bestiis perua. Secundo patet, quia Tharsis terra habitata est, cū dicatur Psal. 71. scilicet Reges Tharsis & insule munera offerēt: ergo terra habitata erat cū ibi essent reges, & tamen Ophir non erat terra habitata, ideo differebant. Item non potest accipi Tharsis p Tharso Cilicię, quia Cilicia est terra septentrionalis, & satis frigida: & tamen dentes Elephantorū, simiæ, & pavi non gignuntur in magna quantitate, nisi in terris valde calidis, cuiusmodi sunt Ethiopia, & India: Cilicia autem ī qua est Tharsus, est magis aquilonaris q̄ Ierusalem: ideo non possūt ista ibi gigni saltem in magna quantitate. Secundo patet, qd non sit ista ciuitas, quia dicitur Psal. 72. Reges Tharsis, & insule munera offerent: ergo erant ibi multi reges, & consēquēter non erat vnica ciuitas: ista eadē ratio militat cōtra illos, qui dicunt Tharsis esse aliquam ciuitatem ī terra Ethiopię, vel Indorum, quia non poterant esse plures reges in ea. Sed dicendum est, quod Tharsis est quędam prouincia, quę putatur à quibusdam esse insula in qua sunt multi reges, & est terra ista in India, vel iuxta illam, & ad illam longo tractu terrarum ibant serui Salomonis, & morabantur magno tempore. Aliquis tamen obiiciet, quod Tharsis sit insula Ophir, quia 3. Reg. 22. dicitur de rege Iosaphat, quod posuit classē in Asiongaber in litore maris rubri, vt irent pro auro, & confractę sunt ibi naues, & tamen infra 20. ponitur ista historia: & dicitur, quod confractę

fuerunt naues Iosaphat, quas habebat in littore, & non potuerunt ire in Tharsis: ergo idem locus erat Ophir, & Tharsis. Dicendum quod non erat idem locus Tharsis, & Ophir, vt patet ex dictis: sed dubiū erit an sit vnus locus, vel insula prope alterā, & si dicatur, qd sic, tunc staret obiectio in p̄cordia, q̄ naues Iosaphat existentes in Asiongaber eadem nauigatione ire poterant, vel ire intētebant in Tharsis: & tñ videtur, qd nō sit prope nec ēt per locū istū, per quē ibatur in Ophir posset iri in Tharsis: quia in Tharsis ibatur p mare mediterraneū, & in Ophir ibatur per mare rubrum. Pro quo p̄siderandum, qd mare rubrum deriuatum a parte Indię descendit versus partem occidentālē Asię, & diuidit in duas linguas, q̄ vocant̄ duo sinus s. sin⁹ Arabicus, & sinus Persicus: & sinus Persicus terminatur in Aegypto, & non descendit, vt incidat in mare Mediterraneū, nec in Nilum aut alia flumina, sed ibi manet ad modum lacus, & ita est de sinu Persico, qui sistit in parte magis orientali: apud istos sinus maris sūt multę vrbes: unde apud sinū Arabicum est Asiongaber, quę vocatur portus maris Rubri, & ibi erant naues quibus ibatur in Ophir, vt patet præc. ca. & 3. Re. 9. & 22. Istud ergo mare nunq̄ iūgitur alteri mari. s. Mediterraneo, vel Oceano. Et tunc sequitur, qd ad locū illū, ad quē nauigat per mare rubrū nō pōt nauigari p Oceanū vel per mare Mediterraneū, & tñ in Ophir nauigabatur p mare Rubrū ex loco Asiongaber. Et in Tharsis nauigabatur p mare Mediterraneū, vt patet Ionę 1. quia dicitur ibi, qd cū de iuberet Ionæ vt iret in Ninive ad prædicandum ipse descendit in Iopem, & intrauit nauem, vt iret in Tharsis. Ionę 1. cap. & tñ ciuitas Iope est port⁹ in mari Mediterraneo, & vulgariter vocatur nunc iste portus Iafa. Et ad illum applicant naues eūtes ex regione ista, vt eant in Ierusalem, & ad illum locum serui Hiram regis portabant ligna cedrina p mare proedificando templo, sup. 2. & sic est in mari Mediterraneo, quia Tirus nō est in litore maris rubri, sed mediterranei. Et patet magna dīa: nā mare Rubrum est ī parte Oriēali terræ Chanaā, & mare Mediterraneū est in latere Occidentali, vt patet Exod. 23. ideo tñ ista duo maria nunquā coincidunt, nec vnum in alterum fluit. Sed si potest nauigari ad vnum locum per vnum mare istorum, non poterit nauigari ad eundem per alterū mare: sed in Tharsis pōt nauigari per mare Mediterraneū, vt probatum est: ergo non poterit nauigari per mare Rubrum in Tharsis: & tamē signabāt, qd illi qui in Tharsis ibant, ēt ibāt simul in Ophir: ergo est difficultas. Rñderi pōt, qd mare Rubrū & mare Mediterraneū nunquā pfluunt in vnum: & tñ poterit ad eundē locum nauigari per vtrunque mare. s. qd sit aliqua regio, q̄ t̄agatur à duplici mari non influēte vno in alterum iuxta illud Ouid. 7. Meta. s. bimare placauerat Isthmon. s. regionem illam habentem duplicem maris sinum: & sic potest nauigari in Aegyptum per duplex mare. s. p mare Mediterraneū, & per mare Rubrū: nā mare Mediterraneū tangit Aegyptū ex parte Occidentali, & per hāc partē nos nauigamus in Aegyptū: pōt ēt nauigari in Aegyptū, per mare Rubrū descendendo ab India in Aegyptū cū mare rubrū tangat Aegyptū ex parte Occidentali, & terminetur ī Aegypto non defluendo in mare Mediterraneū: ita ergo pōt est de Tharsis. s. qd aliquis posset illuc nauigare per mare Rubrū ex Asiongaber: & sic nauigabant serui Iosaphat volētes ire eadē nauigatione in Ophir, & in Tharsis: & qd possit illuc nauigari per mare Mediterraneū: & sic nauigare volebat illuc Ionas, quādo descendit in Iopem: & volebat illuc ire introiens nauem. De hoc tamē tangetur infra 20. vbi ponitur de ista nauigatione in Tharsis.

Quare semel in tribus annis ibant serui David.
Quest. XV.

QV AERITVR vltius, quare dñ hic, q̄ semel in tribus annis ibant serui Salomonis in Tharsis, & portaban inde ea, quæ hñr hic, & cur non in pauciori tempore ibant. Aliquis dicet, q̄ hoc erat à sola volū tate. s. quod Salomon volebat solū, quod irēt semel in quolibet triennio. Dicendum quod non stat, quia Salomon desiderabat nimis habere merces, quæ erant ī Tharsis, vt ditaretur de iis. Quod patet, quia quolibet triennio mittebat illuc, alioquin solū misisset illuc semel, vel paucis vicibus: scriptura tñ signat hic, quod esset quasi ordinariū Salomoni mittere in Tharsis semel quolibet triennio, ergo non mittebat semel in tribus annis, solū quia volebat, sed potius vñ, q̄ nō poterat in minori tpe illuc mittere pluries. Dicēdum ergo quod nō poterat breuiori tpe iri, & rediri quā triēnio. Cā aut̄ à quibsdā putat̄, quia erat Tharsis distantissima à Ierusalē: iō non poterat breuiori tpe q̄ triennio iri, & rediri. Sed dicendū, quod nō stat, quia dato q̄ Tharsis esset ī extremitate Siculi poterat iri ad eā, & rediri de Ierusalē min⁹ q̄ medio tpe hoc. s. in vno anno nisi p accidens tēpestas aut ventorū defectus, vel aduersitas impediāt: quia de hoc nō est dāda regula: dicendū ergo quod hoc poterat esse propter tria. Primum erat, quia qñ Salomon mittebat in Tharsis pro istis mercibus, ferebant naues suæ onera magna in commutatio nē de talibus rebus, quas desiderarent viri Tharsis, & fortē tanta onera de illis rebus nō poterant colligi in terra Salomonis in minori tpe quā sit trienniū: iō in triennio quolibet ibant semel naues in Tharsis, & colligebant ista onera. Secundū est, quia viri Salomonis euntes in Tharsis adducebant inde tales merces de quibus nō multe erāt in Tharsis: & si in breuiori tpe irent, & redirent aliqñ nō inuenirent onera reportanda: vt ergo inuenirent venalia ad sufficientiā, ibant de triennio in triennium, quia tunc sufficientia onera inuenirent. Tertium erat propter nauigatores, quia illi, qui erāt periti circa istā artē mittebant semper, & quia isti habebant in terra Chanaā vxores, & filios, & possessiones dēbat eis dari vacatio aliqua in terra sua, & ad hoc dato quod quolibet anno possent ire semel, volebat Salomon, quod solū irent quolibet triennio semel.

Magnificatus est igitur Salomon super omnes reges terræ prē diuitiis, & gloria. Omnesque reges terrarum desiderabant videre faciem Salomonis, vt audirent sapientiam, quā dederat Deus in corde eius. Et deferebant ei munera, vasa argētea, & aurea, & vestes, & arma, & aromata, equos, & mulos per singulos annos. Habuit quoque Salomon quadraginta milia equorum in stabulis, & curuum, equitumq; duodecim millia: Constituitque eos in vrbibus quadrigarum, & vbi erat rex in Ierusalem. Exercuit etiam potestatem super cunctos reges à flumine Euphrate, vsque ad terram Philisthinorum, & vsque ad terram Aegypti. Tantamque copiā prēbuit argēti in Ierusalem quasi lapidum,

F & cedrorum tantam multitudinem velut sycomorum, quæ gignuntur in campestribus. Adducebantur autem ei equi de Aegypto, cunctisque regionibus.

Magnificatus. Hic ponitur s̄m principale istius cap. s. multiplicatio famæ Salomonis extra alias gentes. Et diuiditur in duo, quia primò ponitur prædictæ famæ diffusio. Secundò historiæ huius quersio. *Ibi reliqua vero.* Circa primū dñ. *Magnificatus est igitur Salomon super omnes reges terræ prē diuitijs.* s. exaltatus fuit super omnes reges in diuitijs, quia nullus rex tā diues erat sicut ipse: verum erat, quod nullus rex eo tpe tā diues erat sicut Salomon, nec ēr ante fūerat: vt patet 3. Reg. 3. nec etiā postea fuit saltem in pecuniis, & auro, et argento, quia sic Deus ei promisit, vt patet supra 1. & 3. Re. 3. & non erat mirandū, quod Salomon efficeretur ditior oībus regibus terræ, quia ad hoc habebat multos modos. Vnus erat per subtractionem sumptuum: alius per appositionem pecuniarū. De primo patet, quia maximus sumptus, quem reges facere p̄sueuerunt est qñ bella p̄curāt, vel sustinēt, quia tūc in vno anno oportet plura impēdi quā vita quieta in multis annis: Salomō autem toto tempore fuit pacificus, iō erat magnum auxiliū ad hoc, quod cōgregaret magnas diuitias, priuatio sumptuum. Secundus modus erat per appositionem pecuniarum: & iste diuidebatur in multos modos: vnus erat, quod habebat aurum ex Ophir: Alius quod mittebat classem in Tharsis, & ferebant inde aurum, argentum, & ebur. Alius erat, q̄ dabantur quolibet anno tributa determinata sexcentorum sexaginta sex talentorum: alius erat q̄ imponebat mercatoribus tributa certa. Ali⁹ quod accipiebat impositionē à vendentibus scuta. Alius q̄ oēs reges terræ, & prouinciarū desiderabant videre Salomonis vultum, & audire sapientiam eius, & veniebant ad eum, vel mittebant legatos, & illi ferebant aurum, & argentum, equos, & mulos, vestes, & arma per singulos annos, vt patet in litera & 3. Re. 9. & 10 null⁹ āt aliorum regum tot modos acquirendi habebat: iō nullus tam diues effici potuit. *Et gloria.* s. fama: quia fama sua fuit diuulgata per totum orbem. Cū. n. nullus tam sapiens vnquā fuerit, & ipse admiranda sapiētiæ suæ ostenderet, totus orbis eum nominabat: iō dicitur in litera, quod oēs reges terrarum desiderabant videre vultum Salomonis, vt audirent sapientiam eius. Vel vocatur gloria. i. maiestas siue magnitudo status, quia gloria importat quādam excellentiam, & dicimus gloriosa esse ea, quæ excedunt alia valde: & sic status vitæ æternæ vocatur gloria, quia bonum eius valde excellit bonum præsentis temporis, & sic etiam magnificatus est Salomon gloria, id est maiestate, quia oībus ostēdebat maiore maiestatem, quā ceteri reges. s. ī apparatu domorum, quia null⁹ rex tales domos habebat. Etiā, quia non erat tale solium in vniuersa terra sicut solium suum. Etiam in apparatu vasorum mensę, quoniam oīa erant de auro: & non reputabatur argentum ab eo alicuius valoris. Etiam in magnitudine ciborum, & apparatu ministrantium in mensa, & vestibus eorum. Etiam in modo equitandi, & procedendi extra domum: nam comitabantur eum viri habētes scuta aurea, & lanceas aureas in manibus, & capillos auro tinctos habentes. Multa alia erant, quæ ostendebant, & faciebant apparatum magnum Salomonis, et illa vocabantur gloria eius, siue maiestas: de quibus pater hic in litera, et 3. Reg. 10. Et dicitur 3. Re. 10. in loco isto, magnificatus est Salomon super oēs reges terræ diuitijs, et sapientia. De

De diuitiis dictum est: de sapientia etiam certum est, quod maior erat omnibus regibus, & loco illius ponitur hic gloria, quod est satis conuenienter dictum, scilicet quia per sapientiam acquisita est Salomoni tota gloria tam diuitiarum, quam aliarum rerum. Aliqui autem putant circa ditationem magnam Salomonis, quod hoc fuerit per sapientiam suam. Nam cum esset sapientissimus hominum putabant, quod ille sciret inuenire thesauros absconditos, de quibus breuiter ditaretur. Sed dicendum, quod non legitur Salomonem taliter fuisse ditatum, nec creditur. Nam cum scriptura ponat hic in litera diligenter multos modos, quibus Salomon ditatus est, si istum modum etiam habuisset, poneret illum scriptura, quia iste esset omnium maximus, vel de maioribus vnus. Nam secundum magnitudinem thesaurorum absconditorum potuisset Salomon, si nunc viueret, & tanta sapientia vigeret ditior effici vna die, quam effectus est toto suo tempore. Sed videtur dicendum, quod forte tempore Salomonis nondum fuerat iste modus abscondendi thesauros sub terra, qui nunc: sed postea procedente aetate, & ditatis hominibus in auro, & argento, & crescentibus bellis inuentus est: & sic dato quod Salomon sciret inuenire thesauros absconditos, non inueniret aliquos, quia tempore suo nulli tales adhuc erant: vel si forte aliqui tales erant licet rari in aliis regionibus, non auderet illos Salomon effodere propter dominos terrarum, in quibus erant thesauri. Quod autem diceremus Salomonem nesciuisse inquirere thesauros absconditos, non videtur pueniens, quia constat nobis eum alia maiora fecisse. *Omnesque reges terrarum desiderabant faciem videre Salomonis.* Istud potest poni tanquam consequens ex dictis, tantum fuit magnificatus Salomone diuitiis, & gloria, id est fama de sapientia magna, quod omnes reges terrarum audientes magnam famam sapientiae eius desiderabant videre vultum suum. Vel potest poni tanquam reddituum causae praecedentium, scilicet quare Salomone magnificatus est diuitiis super alios reges: hoc. *Leuit.* quia omnes reges terrarum desiderabant videre vultum eius, et quando veniebant, ferebant ei munera magna, per quae diuites efficiebatur. *Vt audirent sapientiam.* Non desiderabant reges, et prouinciae videre vultum Salomonis quam pulcher esset, quia forte non erat pulcher, sed solum ut audirent sapientiam de ore eius, quam non poterant audire, nisi in praesentia videndo faciem eius: omnes enim homines, quos natura fecit orbatos, vel rudes, capaces tamen alicuius speculationis, desiderant valde intelligere, & gaudent nimis cum audierint aliquid secretum, quod pertineat ad magnam speculationem, vel secretas causas naturae: unde regina Saba dixit Salomoni: *Beati viri tui hi, qui stant coram te semper, & audiunt sapientiam tuam. Quam dederat Deus in corde eius.* Id est quam dederat Deus Salomoni. sciebant enim omnes gentes, quod Deus dederat sapientiam Salomoni, & ob hoc magis desiderabant audire eum, quia sciebant verba sua esse certissima, eo quod edoctus fuerat a Deo, qui erat causa, & veritas infallibilis. Et hoc sciebant, primo, quia Salomon subito sapiens factus est: nam cum toto tempore praecedente esset ignorans secundum conditionem aetatis suae, vna nocte subito sapiens inuentus est, ita ut sequenti die admiranda diceret, & obscura quaeque dissoluere noscet: & talis subita mutatio ad tantam perfectionem non poterat esse nisi a Deo. Secundo, quia Salomon erat iuuenis tener, & in tali aetate non solet hominibus matura aduenire sapientia, ideo certissimum erat Salomonem a Deo fuisse edoctum, & sic dicebatur, quod desiderabant omnes audire sapientiam, quam Deus dederat in corde Salomonis, id est in anima: quia quae sunt in anima dicuntur esse in corde: nam modo vulgari accipitur cor pro anima. *Et deferrebant ei munera vasa argentea, & aurea.* Scilicet, cum isti reges a

Alph. Tost. super lib. Paralip. Pars 2.

A Salomone reciperent magnum beneficium in hoc, quod ab eo erudirentur in dubiis suis, volebant ei esse grati aliquid retribuentes, & ad hoc ferebant ei munera: quidam ferebant vasa aurea, & quidam argentea, & sic vario modo sicut occurrebat posse dare. *Et vestes.* Scilicet vestes pulchras pro rege, & vxoribus eius, & concubinibus & seruis eius. *Arma.* Licet Salomon non esset vir bellator cum tota eius vita pacifica fuerit, sicut Deus praedixerat, tamen habebat apparatus magnum bellicum. scilicet multos equos, & currus, & equites: ut patet supra in litera, & infra: ideo etiam arma congregaret, ne quidquam sibi deesset de rebus bellicis, & magna erat congregatio armorum Salomonis: nam domum saltus libani fecerat esse armamentarium suum, ut patet supra in litera, & ibi posuerat scuta aurea, & lanceas. *Et aromata.* Illi reges, querebant de parte australi versus Ethiopiam portabant aromata Salomoni, quia cum illa terra sit valde calida, ibi crescunt aromatica, sicut attulit regina Saba aromata multa Salomoni, supra in litera. Etiam alij reges in quorum terra non gignebantur aromaticae species, emittentes aromata a negotiatoribus ferebant ea ad Salomonem. *Equos, & mulos.* Equi erant ad currus falcatos, & ad usum equitandi, in quibus Salomone fecit magnum valde apparatus: nam habuit quadraginta millia equorum in stabulis: ut patet infra in litera. Muli erant ad ferrenda onera, & etiam ad equitandum, sed aptiores erant ad onera ferenda. *Per singulos annos.* Non est sensus, quod esset istud tributum aliquod ordinarium, quod ferretur annuatim certis temporibus. Nam ferebatur gratis, id est aliqui portabant, & aliqui non, quia tamen praedeliderio videndi vultum Salomonis reges terrarum semper ibant ad Salomonem, vel mittebant ad eum, ut audirent sapientiam eius, mittebant singulis annis, & sic dicitur per singulos annos. id est continue, & ex istis muneribus ditabatur valde Salomon, quia erant magna. *Habuitque Salomon quadraginta millia equorum in stabulis.* Quia dictum fuerat de muneribus Salomoni oblati, & quod quidam offerebant ei equos, ponitur hic multitudo equorum, quam habuit Salomon, scilicet tanta fuit sollicitudo Salomonis in congregando equos, quod habuit quadraginta millia equorum in stabulis. *Et currum equitumque duodecim millia.* Non est intelligendum, quod ultra ista quadraginta millia equorum haberet Salomone duodecim millia currum, & equitum, quia tunc non apparet ad quid seruirent isti equi quadraginta millia, quia nullus erat alius usus equorum nisi ad currus, vel ad usum equitandi, & vocantur hic equites non ipsi viri armati, vel equitantes, sed ipsi equi. Et tamen, quia quidam equi erant ad usum currum, vocabantur equi curules siue currus. Alij autem erant ad usum equitandi, & isti vocantur equites: & sic dicitur tertio Regum 4. scilicet habebat Salomon quadraginta millia praetepia equorum, currum, & duodecim millia equestrium. Et vocantur ibi equestres, qui vocantur hic equites. *Constituitque eos in urbibus quadrigarum, & ubi erat rex in Ierusalem.* Scilicet cum haberet Salomon multos equos, magnam diligentiam adhibuit circa eos, & sic posuit eos in urbibus quadrigarum: quia erant isti equi multi, voluit Salomon, quod constituerentur in diuersis urbibus terrae Israel dispersi: ut facilius, & commodius possent ibi habere pabula, & vocantur ciuitates quadrigarum, id est ciuitates equorum currum. Nam equi quatuor vocantur vna quadriga, eo quod coniuncti trahebant currum, & a numero illorum quadriga nominabatur, sicut a tribus equis nominatur triga, & a duobus nominatur biga: & quia in ciuitatibus illis manebant equi, qui vocantur quadriga, vocabantur illae ciuitates quadrigarum, id est equorum: & etiam vrbes, in quibus tenebantur equi ad

R 4 equi-

equitandum vocabantur vrbes quadrigarum sumpto vocabulo ab eo quod minus erat maius, scilicet quia multo plures erant equi quadrigarum quam equestres. Erant etiam quidam istorum equorum in Ierusalem: quia cum esset Ierusalem sedes regni, & maneret ibi Salomō, semper habebat secum multos de equis istis equestribus potius quam de curribus: & hoc ut viri sui, qui comitabantur eum ad locum, qui vocabatur Hedom egredientem, equitarēt super hos equos, & portarent scuta aurea, & lāceas: de quo declaratum est supra in quadam quæstione, & habetur p Iosephum 8. Antiq. alebantur isti equi à ministris Salomonis, quia habebat Salomon duodecim præpositos, q dabāt eis cibos p singulos duodecim menses anni, & quilibet seruiebat vno mense, & ad hos pertinebat dare pabula equis manentibus in vrbibus quadrigarum, ut patet 3. Reg. 4. cap. *Exercuit etiam potestatem super cunctos reges.* Ponitur hic magna potestas Salomonis, scilicet quod exercuit potestatem super multos reges, qui morabant intra terminos hic assignatos, scilicet quia omnes isti reges dabant sibi tributa, ut declarabitur infra in quadam quæstione. *A flumine Euphrate vsque ad terram Philistinorum.* Flumē Euphrates est in latere aquilonari terræ Chanaan: ut patet Gen. 15. vbi ponitur terminus terræ Chanaan, & dicitur à fluuio Aegypti vsque ad fluuium magnum Euphratem, & ponitur etiam Deute. xi. & Iosue primo. Terra Philistinorum est in latere meridiano terræ Chanaan, ut patet Iosue 13. Et magis hoc apparet Gen. x. vbi ponuntur termini Chanaan, & dicitur quod facti sunt termini eius venientibus à Sidone quousque venias Geraram, & Gazam. Et tamen Gaza est vna de quinque ciuitatibus Philistinorum. Iosue 13. & primo Reg. 6. Gerara etiā est terra Philistinorum: ut patet Gen. 20. & 26. quia dum ibi morarentur Abraham, & Iāac filius eius diuersis temporibus, dicebantur habitatores terræ Philistinorum: & non accipitur hic terra Philistinorum exclusiue, ita quod esset ibi terminus, & tamen esset extra potestatem Salomonis, sed inclusiue, scilicet quia omnes reges Philistinorum erant sub potestate Salomonis. Quod patet, quia Dauid subiecerat sibi in tributum terram Philistinorum, ut patet 2. Reg. 8. & præce. li. 18. cap. Et tamen totam terram, quam Dauid reliquerat Salomoni subiectam tenuit ipse Salomon non perdens aliquid de illa, sed potius acquirens saltem hoc tempore, quo erat improspere vsque ad senectutem suam, quando cepit peccare, & infelicitari. *Et vsque ad terminos Aegypti.* Est Aegyptus meridiana respectu terræ Chanaan, & in quadam parte lateris meridiani versus occidentem eius coniungitur terra Chanaan Aegypto. Quod patet, quia ponuntur termini terræ Chanaan à flumine Euphrate vsque ad riuum Aegypti: Ge. 15. & Iosue 13. dicitur vsque ad flumen turbidum, quod irrigat Aegyptum, & est Nilus fluuius magnus Aegypti, ut declaratum est supra 9. cap. significatur ergo in hoc quod Salomon dominabatur omnibus regibus, qui erant intra terminos terræ Chanaan. *Tantamque copiam præbuit argenti in Ierusalem quasi lapidum.* Signatur magnitudo diuitiarum, & gloriæ Salomonis in multitudine argenti, scilicet quia tantam copiam præbuit argenti in Ierusalem: quia ibi Salomon habitabat, & in domo sua apparebat potissime ista copia argenti. Non est autem intelligendum quod sit similitudo omnimoda, quia lapides nullius valoris sunt. Sed est locutio hyperbolica ad signandum multitudinem diuitiarum Salomonis: abū dabat. n. argentum in diebus ei⁹ plusquā tēporibus oīum prædecessorum suorum intantum, q cōparando multitudinem argēti, q erat tpe Salomonis ad inopiā

q erat tpe aliorum regum, sic se habebat, sicut se habet multitudo argenti ad multitudinem lapidum: & ob hoc tpe Salomonis erat argentum in paruo precio. Nam dicitur supra, q non erat argentum, nec reputabatur in diebus Salomonis. Istud autē est, quia in oībus rebus sola abundantia, vel raritas causat principaliter differentiam preciorum: vnde apud nos piper quod rarum est æstimatur in precio: pulegium autē quod in maxima copia est, nullius precij æstimatur. Apud Indos verò, quia piper abundat, & pulegium rarum est, pulegium pipere præciosi⁹ est, ut ait Iero. & hī in Decretis dist. xcij. cap. legimus. Et non solum intelligendum est istud de argento, sed etiam de auro: quia tempore Salomonis abūdabat aurum super tempora aliorum regum: ideo tempore eius ēt erat aurū parui valoris in cōparatione ad tpa aliorum regū. Sic patet supra primo. f. præbuit rex Salomon argentū, & aurū in Ierusalem quasi lapides. *Et cedrorum tantam multitudinē velut sycomorum, quæ gignuntur in campestribus.* Istud etiā signat excellentiam, & diuitias Salomonis, quia q cedrus, quæ est arbor præciosissima esset in tanta copia, sicut fuerant olim sycomori, ad magnas diuitias pertinebat: est. n. cedrus arbor præciosa valde: & ob hoc tēporibus præteritis nunquā fuerat in edificiis Israelitarum: tpe autē Salomonis erat tanta copia cedrorum in Ierusalem quanta est sycomorum, quæ sunt arbores abundantes in quolibet loco: ideo dicitur, quæ gignuntur in campestribus. Sciendum quod arbor excellentissima inter oīa ligna est cedrus: vñ non immerito vocatur regina arborū sicut aquila auium, & leo quadrupedum. Hoc autē signatur 3. Reg. 4. f. Salomon differuit de oībus arboribus à cedro, quæ est in libano vsque ad isopū, quæ egreditur de pariete. Et sic ponitur cedrus in supremo gradu plantarū, & isopus in infimo. Est autē cedrus præciosissima arbor, quia lignū suū est solidum nimis, forte, & imputribile, nec à tineā vel teredine, vel quacunque putredine vastatur: ideo propter imputribilitatem ponitur in laquearib⁹ domorum regiarum: est āt arbor ista in raris locis. f. in Aphrica, & in Syria, & maxime in monte Libano, qui est in terra Chanaan: ideo potuit Salomon tantam copiam habere cedrorum: est. n. arbor ista aspectu pulchra, & odore suavis, cuius odor oīa venenosa procul pellit. Habet arbor ista gummi quoddam siue resinam, quæ vocatur cedria, cuius vsus valde necessarius est libris: quia libri vñcti cedria nunquā à murib⁹ aut tineā corrodunt, nec veterescunt semper nouitatis effigiem demonstrantes: habet arbor ista poma grata, quæ in colore citrina sunt, in figura vero oblonga: lapore cedria triplex est. f. apud corticem in parte superiore dulcis est: in medio autem carnositas est sapor mixtus inter dulcem, & citrinum: interius verò grana, & in centro est sapor quasi acidus totaliter. Vultates autē huius arboris, & fructus sui in medicinalibus multæ sunt: De iis rabanus super locū istum, & super 3. Reg. 10. & de proprietatibus rerum lib. 17. Sycomorus āt est arbor satis cōis, cū dicatur hic, q nascitur in campestribus ad signādum vulgaritatem suam. Ista arbor apud Latinos celsa vocatur, apud Græcos sycomor⁹, & dicitur Celsa, quia aliis ficulneis celsior est: & vocatur interdum Caprific⁹ apud vulgares. Et est arbor producens ficus, quæ raro ad maturitatē perueniunt. Vocatur autē sycomorus, quia est sicut mor⁹. f. quia habet folia similia morum: in ceteris autē ficulneæ naturam habet. Vel vocatur sycomorus à sylen, quod est sicut, & moros quod est ficus in Græco, quia est sicut ficus. f. q non habet oīno naturam ficus, sed quātum ad aliquid: posuit autem scriptura exemplum de sycomoro, eo q ista arbor abiectissima est, cū nullo cultu humano foueatur, sed ipsa p se nascit in campestrib⁹. Cete.

Ceteræ autem ficulneæ humano cultu egent: etiam posuit exemplum de sycomoro, quia ista arbor est nimis communis in terra Israel, quia ubicunque sunt, multæ ficulneæ sunt multi caprificus, vel sycomori: & quia terra Israel abundabat nimis ficulneis, habebat multas sycomoros: unde quando Christus prædica- bat apud Iericho, Zachæus, qui erat statura pusillus, & nō poterat præ turba videre Christū, ascendit in arbo- re sycomorum: Luc. 19. c. *Adducebantur autem ei equi de Aegypto, & de cunctis regionibus.* Quia supra dictum fuerat de multitudine equorum Salomonis. Ponitur hic unde haberet istos equos: & sciendum, quod equi deducebātur Salomoni dupliciter, scilicet quidam de ducebantur in munus: nam reges terrarum mittentes legatos ad Salomonem, ut audirent sapientiā eius, mittebant quoque munera, scilicet vasa aurea, argen- tea, vestes, aromata, & equos, & mulos, ut supra in lite- ra: & inde consequebatur magnam copiam equorū. Alios habebat emendo illos, & istos habebat de mul- tis regionibus, sed p̄cipue de Aegypto, & insula Coa, ut patet tertio regum decimo, & supra 2. cap. hæc aut non nominatur insula Coa, quæ erat in Græcia, sed ponuntur multæ regiones in communi, de quibus ad- ducebantur equi negotiatoribus Salomonis: nam negociatores emebant, & afferebant Salomoni. Con- stabatq; quadriga equorum, idest quatuor equi exeū- tes de Aegypto sexcentis siclis. 3. Regum 10. Et dicit hic de cunctis regionibus, scilicet de omnibus illis, de quibus equi educebantur venales.

De numero equorum Salomonis.

Quæst. XVI.

QV AERITVR circa prædicta de isto numero equorum, qui ponitur hic. Nam dicitur hic, q̄ habebat Salomon quadraginta millia equorum in sta- bulis, & duodecim millia equitum: & tamen 3. Reg. 10. dicitur quod habebat Salomon mille, & quadrin- gentos currus, & duodecim millia equitum. Respon- dendum, quod ponitur summa equorum Salomonis in quatuor locis, hic, & supra 2. & 3. Reg. 4. & 10. & duo loca cōcordabant inter se, & alia duo inter se. Et duo discordant à duobus: nam hic, & 3. Reg. 4. ponū- tur quadraginta millia equorum Salomonis pro cur- ribus, & duodecim millia equitum, & supra 2. & 3. Regum decimo, ponuntur mille, & quadringen- ti currus, & duodecim millia equitum: & sic non est discordia aliqua quantum ad equites, quia utrobique ponuntur duodecim millia, sed solum est discordia in equis currilibus: quia in vno loco ponun- tur quadraginta millia, & in alio mille, & quadringen- ti currus, qui continent equos quinque millia, & sex- centos. Aliquis tamen dicet, quod ista non est varie- tas, quia scriptura sic consuevit, quod cū aliquid sape ponere debet, non ponat illud eodem modo potissi- me in numeris: quia aliquando ponit paucum, & ali- quando ponit plus, & sic factum est hic. Dicendum, quod non stat, quia si solū poneretur summa equorū Salomonis hic, & supra 2. posset dici hoc: & tamē po- nitur in quatuor locis, & duo loca concordant inter se in eadem summa, & alia duo discordant inter se in alia summa conueniendo: ideo videtur, quod si non esset aliquod mysterium, non concordarent duo loca inter se, & alia duo inter se. Item non stat, quia istud posset dici si diceremus, quod in vno loco poneretur tota summa equorū Salomonis, & in alio poneretur pars: & tamen utrobique ponitur tota summa, quia tertio Regum 10. vbi ponitur ista minor summa, scili- cet mille quadringentorum currum dicitur, quod congregauit Salomon currus, & equites, & facti sunt

A ei mille quadringenti currus: & sic videtur, quod congregatis omnibus equis suis solum habebat cur- rus mille quadringentos, qui continent equos quin- que millia, & sexcentos, & insuper duodecim millia equitum: ideo non stat. Quidam dicunt aliter, scili- cet quod Salomon habebat quadraginta millia præse- pia equorum currilium: & tamen non habebat qua- draginta millia equorum currilium, sed solum quin- que millia, & sexcentos, qui complent mille, & qua- dringentos currus. Sed dicendum, quod ista solutio est irrisoria, scilicet quod Salomon haberet præsepia quadraginta millia, & equos solum quinque millia sexcentos, & tamen ista solutio potest habere funda- mentum coloratum, quia tertio Regum 4. dicitur, quod habebat Salomon quadraginta millia præsepia equorum currilium, & non dixit quod habebat tot equos. Sed adhuc aliquis volens tollere hoc incon- ueniens dicet, quod Salomon intendebat emere qua- draginta millia equorum: nam continuo adduceban- tur ei de Aegypto, & Coa, & de aliis regionibus, ut pa- tet tertio Regum 10. & ad hoc fecerat præsepia qua- draginta millia: & tamen contigit postea, quod solu haberet equos quinque millia & sexcentos, qui cō- plerent currus mille, & quadringentos. Sed dicen- dum, quod et hoc non stat, quia scriptura ibi volebat enarrare gloriam Salomonis in multitudine equo- rum, & aliorum apparatusum regaliū, et dixit, q̄ habebat quadraginta millia præsepia equorum: si ta- mē nō haberet equos, & hēret præsepia equorum, nō esset aliqua gloria eius, sed potius irrisoria: ideo scri- ptura non poneret quadraginta millia præsepia equo- rum si non haberet totidem equos. Itē non stat hoc, quia istæ euasiones possent habere colorē attendēdo lram, q̄ habetur 3. Re. 4. vbi ponunt, quadraginta mil- lia præsepia equorum currilium, & non ponuntur tot equi: & tamen hic in litera dicitur, quod habuit Salo- mon quadraginta millia equorum in stabulis, & sic sublata est contentio, quia necesse est, quod dicamus eum habuisse tot equos, scilicet quadraginta millia. Dicendum ergo est, quod licet Salomō haberet qua- draginta millia equorum pro curribus: tamē solum habebat mille, & quadringentos currus: ut dicitur su- pra 2. & 3. Regum 10. poterant autem isti equi com- pleri decem millia currum, sed non dicebatur Salo- mon habere decem millia currum: et hoc fortē pro- pter duo: primum erat, ut aliqui volunt, quod quia Salomon non poterat ita faciliter habere currus, sicut equos: nam non fiebant currus in terra Israel, sed in Aegypto, et Coa, et inde ducebantur: ut patet tertio Regum decimo. Sed istud non est satis credibile, scilicet quod Salomō emeret currus in aliis regionibus, ut portarentur per mare, cum in terra sua essent artifi- ces, et ligna: etiam quia tertio Regum decimo, non accipitur quadriga, quæ egrediebatur de Aegypto, et Coa pro curru, sed pro quatuor equis, ut ibi declara- tum est. Alio modo, et melius dicendum, quod Sa- lomon solum habebat mille, et quadringentos currus, et pro istis habebat equos quadraginta millia, ut mu- tarentur, scilicet quod aliquando quidam traherent currum, et postea alij. Aliter etiam potest dici, q̄ habebat Salomon quadraginta millia equorum cur- rilium, et decem millia currum, quos complebant isti equi: et tamen istorum equorum erant quidam valde electi, et alij communes: equi electi erant quin- que mille et sexcenti, et isti complebant currus mille, et quadringentos: omnes alij equi, scilicet triginta quatuor millia, et quadringenti erant de communi- bus: et complebant currus octo millia, et sexcentos. Scriptura autem in vno loco voluit declarare omnes equos, et currus Salomonis quotquot erant: et in alio

solūm voluit declarare quot erant currus electi sub-
tendo communes. Et iste modus observatur etiam
saepe in scriptura: nam sic habetur Exo. decimo quar-
to, cūm Aegyptij persequerentur Israelitas fugientes
de terra, dicitur quod tulit Pharaō sexcentos currus
electos, & quidquid currum in Aegypto fuit. Et
sic electi ponuntur sub certo numero, de aliis autem
non curavit: & sic est hic, quia de curribus, & equis
Salomonis electis fecit mentionem scriptura in qua-
tuor locis. De omnibus autem tam electis quam
cōibus solūm fecit mentionem in duobus locis, &
ista videtur convenientior responsio. Sed adhuc ob-
iicitur, quod hic in litera nostra, vbi dicitur, quod ha-
buit Salomon quadraginta millia equorum in stabu-
lis, dicitur in Hebræo quod habuit Salomon qua-
tuor millia stabula equorum: de hoc respondet Ni-
colaus, quod rex solūm habebat quatuor millia equo-
rum p curribus: & reliqua tringinta sex millia equo-
rum non erant Salomonis, sed virorū de regno suo,
dicuntur tamen Salomonis esse eo modo, quo omnia
bona subditorum dicuntur esse regis ad vsum, scilicet
tempore necessitatis suæ. Sed ista positio non stat:
primò, quia Salomon habebat mille, & quadringen-
tos currus: vt patet supra 2. & 3. Reg. 10. Et tamen p
his ad minus erant necessarij quinque millia, & sex-
centi equi: sed fortè aliquis dicet, quod etiam illi mil-
le, & quadringenti currus non erant omnes Salomo-
nis, sicut dicit Nicolaus de quadraginta millib⁹ equo-
rum. Sed non stat, quia 3. Reg. 10. & sup. 2. dī, quod
habuit Salomon istos mille, & quadringētos currus,
& postea subditur ibi, quod emebat Salomon quem-
libet istorum currum siue quadrigarum sexcentis si-
clis de Aegypto, & de Coa, & quod quemlibet equ-
um emebat centum, & quinquaginta siclis, ergo om-
nes isti currus mille & quadringenti sui erant. Se-
cundò non stat: quia istud ponitur ad notandas ma-
gnas diuitias Salomonis super omnes alios reges: si ta-
men ista quadraginta millia equorum non essent
sua, sed seruorum suorum, non signarentur in hoc ali-
que diuitie eius, quia de alieno nemo fit diues. Dicu-
m ergo quod Salomon habebat quadraginta mil-
lia præsepia equorum curilium, sicut dicitur in lite-
ra 3. Reg. 4. & habebat in istis præsepibus quadragin-
ta millia equorum: sicut dicitur hic in litera, scilicet
habebat Salomon quadraginta millia equorum in sta-
bul. Ad literam autem hebraicam, quæ habet hic, sci-
licet, habebat Salomon quatuor millia stabula equo-
rum, dicendum quod stabulum potest accipi triplici-
ter. Vno modo pro stabulo in quo sunt multa præse-
pia. Alio modo pro præsepe, in quo possunt comede-
re multi equi. Alio modo pro præsepe, ad quod vni-
cus equ⁹ comedit, & sic in eodem stabulo potest esse
præsepe longum, in quo sint decem præsepia equorū,
& erunt distincta inter se: ita quod vnus equ⁹ non pos-
sit tangere alium: & ita in vna domo, vel stabulo Sa-
lomonis manerent decem equi, & sic poterat dici, q
erant quadraginta millia præsepia p quadraginta mil-
lia equis: sicut dicitur 3. Reg. 4. vel quod erāt quatuor
millia stabula siue præsepia pro quadraginta millibus
equis: sicut dicit litera hebraica hic accipiendo diuer-
simodè stabulum vel præsepe.

Quomodo exercebat istam potestatem Salomon.

Quest. XVII.

QVAERITVR vterius, cūm dicatur hic, q
exercuit Salomon potestatem super omnes re-
ges, qui erant à flumine Euphrate vsque ad terram
Philistinorum, & vsque ad terminos Aegypti, quo-

Fmodo exercebat istam potestatem. Respondendum
est, quod hoc erat per solutionem tributorum, etiam
per præstationem aliorum seruitiorum, scilicet adiu-
uando Salomonem in bellis, vel aliàs si egeret eorū
auxilio. Et patet hoc, quia inter Euphratem, & ter-
ram Philistinorum, & terminos Aegypti nihil po-
nitur nisi terra Chanaan, & super omnes reges terræ
Chanaan præsidebat Salomon: patet hoc, quia terra,
quam Deus daturus erat Israelitis quatuor termi-
nos habebat, scilicet a quatuor ventis mundi: ab oc-
cidente mare mediterraneum, Numer. 34. quod
vocatur mare Palæstinorum Exo. 23. vel mare occide-
ntale aut mare nouissimum. Deute. xi. & Iosue primo.
à parte orientali ponebatur terminus Iordanis. Num.
34. vel mare rubrum. Exo. 23. à parte aquilonari po-
nebatur Euphrates fluuius, & mons Libanus, & terra
Emath, & quedam alia loca. Num. 34. Deute. xi. & Io-
sue primo: à parte meridiei ponebatur terra deserta
inter Aegyptum, & terram Chanaan. Num. 24. &
Exo. 23. & tamen multotiens solent poni termini ter-
ræ Chanaan, & ponuntur solū duo latera, scilicet
aquilonare, & australe, & sic ponitur hic, scilicet,
Euphrates, & terra Philistinorum Aegyptus: sic etiā
ponitur Gen. 15. scilicet: tibi, & semini tuo dabo ter-
ram hanc à flumine Aegypti vsque ad magnum flu-
men Euphratem. Ponitur etiam terra Philistinorū,
quia illa est in terminis terræ Chanaan, vt patet Gen.
x. vbi ponuntur pro terminis Gaza, & Gerara, quæ sūt
vrbes Philistinorum: Gen. 20. & 26. & Iosue 13. &
primo Reg. 6. Quod autem super omnes reges terræ
Chanaan haberet Salomon potestatem, patet: quia De⁹
promiserat Israelitis terram Chanaan, & inceperant
eam possidere totamque eam possidebant præter il-
lam partem, quam tenebant reliquæ Chananeorū,
& tamen præce. cap. & 3. Reg. 9. dicitur, quod Salo-
mon subiecerat sibi in tributarios omnes, qui relictī
fuerāt de Amorrhæis, Pherrezeis, Heuæis, & Iebusæis,
Hethæis, quos non interfecerant filij. Nullus ergo
rex manebat intra terminos prædictos terræ Chanaā,
qui non esset subiectus Salomoni in tributum. Erant
autem isti reges multi. Nam cūm Israelitæ occidif-
sent triginta vnum reges Chananeos de parte illa
terre, quam acceperant. Iosue 12. & adhuc manebat
terra latissima, quæ non fuerat occupata, sed tene-
batur à Chananeis verisimile esset, quod multi reges
essent tempore Salomonis de istis Chananeis, & oēs
isti subiecti essent ei ad tributa. Dicendum tamen
quod non solū reges, qui morabantur intra istos ter-
minos erant subiecti Salomoni, sed etiam alij reges
intra terram istam. Nam rex Moabitarum, & rex
Ammonitarum, & populus Iudeorum, & multi de
Siris subditi erant Salomoni. Id fuit probatum su-
pra in quadam questione: nam David subiecerat sibi
in tributarios omnes istos populos, vt patet 2. Reg. 8.
& 12. præc. lib. 18. c. & Salomon non pdidit aliquid de
his, q̄ reliquit ei David, sed poti⁹ acquiuit, cū ipse acq-
suerit terram quandam in regione Emath, vt patet
præce. cap. & tamen populi Syrorum, qui subiecti erāt
Salomoni erāt vltra Euphratem ad aquilonarem par-
tem eius, & erāt extra terram Chananeorum. Etiam
Moabita, & Ammonita erant extra terrā Chanaan:
& tamen erant ad partem orientalem illius circa Ior-
danem: terra Idumæorū erat extra terram Chanaan
partim ad orientem, & partim ad meridiem: vt pa-
tet Num. 34.

De determi-
natio.

Quare

Quare solum facta est mentio de regibus in terra Chanaan.

Quest. XVIII.

QVAERITVR vltcrius cum non solum subie-
cti fuissent Salomoni ad tributum reges qui erant
in terra Chanaan, sed etiam reges qui erant exterius,
vt probatum est precedenti quaestione, quare solum
dixit scriptura de regibus, qui erant in terra Chanaan.
Respondendum, quod vnica causa & praecipua fuit ad
notandum veritatem promissionis Dei. Nam Deus
promiserat quod daret Israelitis totam terram Cha-
naan. Exo. 23. & in multis locis, & quia quando intro-
irent in terram ipsam, non haberent eam immediate,
ex hoc desperarent putantes se nunquam eam habi-
turos, dixit eis Deus, quod non daret eis totam terram
anno vno, vel in breui tempore, sed paulatim expel-
leret Chanaanos de terra quousque crescerent Israeli-
tae, & possent replere terram. Exo. 23. cap. & quia Io-
sue vixit magno tempore postquam introierunt Israe-
litae in terram Chanaan: & cum occupasset partem
quandam illius, non potuit occupare totam, crederent
Israelitae, quod Deus forte propter peccata eorum
iam nollet complere promissiones factas, ideo dixit
Deus ipsi Iosue, quod licet terra latissima relinquere-
tur, quae nondum capta fuerat ab Israelitis, tamen ipse
traderet eam totam in manus eorum. Iosue 13. & quia
istud nunquam apparuerat completum temporibus
precedentium regum, & completum fuit tempore
Salomonis, voluit scriptura declarare quomodo com-
pletum esset, scilicet quod Salomone exerceret potesta-
tem supra omnes reges, qui erant inter Euphratem &
terminos Aegypti, & isti erant omnes reges terrae Cha-
naan. Et si dicatur cum vellet scriptura signare hic su-
biectam esse Salomoni totam terram Chanaan, qua-
re potius dixit de gentibus existentibus inter duos istos
terminos terrae Chanaan, scilicet aquilonare, & meri-
dianum potius quam poneret terminum orientalem,
& occidentalem, vel quod poneret omnes quatuor
terminos. Dicendum quod voluit scriptura ponere hoc
ad signandum satisfactum esse primae promissioni:
nam prima promissio, quae fuit facta Abraham de ter-
ra Chanaan Gen. 13. scilicet. Leua oculos tuos a lo-
co, in quo nunc es ad Aquilonem, & Meridie, Orientem,
& Occidentem: omnem terram quam conspi-
cis, tibi dabo, & semini tuo: ibi tamen non fuit facta
promissio determinata de certa terra, cuius termini
limitarentur: nam solum dixit omnem terram, quam
conspicis, tibi dabo, & semini tuo: & tamen ma-
nifestum est, quod non erant limites terrae per lo-
cum illum, in quo terminabatur visus, quia non po-
terat videre Abraham totam terram Chanaan. Pri-
ma tamen promissio in qua fuerunt limitati termini
terrae promissae habetur Gen. 15. cum dicitur: Semini
tuo dabo terram hanc a fluuio Aegypti vsque ad flu-
uium magnum Euphratem, & sic ponuntur ibi solu
isti duo termini, qui ponuntur hic. Etiam licet aliae
promissiones dedando terram Chanaan fuerint fa-
ctae Abraham, & posteris eius, nulla tamen fuit facta cum
federe, nisi illa, quae habetur Gen. 15. nam iussit ibi
Dominus Abraham occidere vaccam trimam, arietem
trimum, capram trimam, & diuidere, ponereque
membra altrinsecus relictam via in medio, & Deus tra-
siuit inter illas diuisiones: quia ista erant ceremonia
facientium fedus. Et dicitur ibi in die illa pepigit Do-
minus fedus cum Abraham, dicens, semini tuo dabo
terram hanc, & caetera. Ad ostendendum ergo quod
promissio prima facta Abraham de dando terram Cha-
naan fuerit per omnia completa iuxta tenorem suum,
positi fuerunt hic limites illi terrae, quos Deus assigna-
uit, quando fecit illam promissionem: multoties

A postea facta est promissio terrae Chanaan Israelitis, &
assignati fuerunt termini eius quatuor, vel tres: vt pa-
tet Exo. 23. & Deut. 11. & Iosue 1. & Num. 34. quia ta-
men omnes istae promissiones non inducebant ali-
quod ius de nouo, sed declarabant antiquam conces-
sionem, & eam confirmabant, debuit referri comple-
tio ista ad verba primae promissionis, & non ad verba
aliarum: ideo positi fuerunt isti termini, & non orien-
talis, & occidentalis: nec etiam positi fuerunt omnes
quatuor termini.

*An peccauerit Salomon congregando tantam multitudinem
equorum. Questio XIX.*

QVAERITVR vltcrius, cum ponatur hic, quod Sa-
lomon habuerit tot equos, scilicet quadraginta
millia equorum pro curribus, & duodecim millia e-
quitum, an peccauerit congregando tantam multitu-
dinem equorum. Aliquis dicet, quod sic, quia Deus vetue-
rat istud regibus Israel. Deuter. 17. scilicet. Cumque rex
fuerit constitutus, non multiplicabit sibi equos. Re-
spondendum, quod Salomon non peccabat in hoc, quia
habere equos, vel quamcunque temporalem poten-
tiam, vel prosperitatem secundum se non est malum,
sed solum dependet ex voluntate: ideo interdum po-
terit esse meritorium, vt si rex vellet habere equos mul-
tos ad resistendum hostibus regni sui, qui volunt op-
primere eum, & populum suum, potissime si illi ho-
stes sint fidei. Si autem equi, vel quaecunque alia poten-
tia temporalis habeatur ad finem non conuenientem,
poterit esse iniusta: Sed differt, quia aut habetur ista
ad ostendendum gloriam, & honorem magnum, aut
ad opprimendum populum. Si primo modo, est ina-
nis gloria, quae interdum est leue peccatum, & potif-
sime in regibus, quibus conceditur ostentatio potesta-
tis propter statum regium, quia rex debet esse perso-
na nimis reuerenda: ita vt ab omnibus timeatur, & me-
tu eius mali refrenentur a noxijs actibus. Et quia si non
esset magna potentia regis, nullus timeret eum: licitum
est in hoc meritorium, quod reges conentur habere ma-
gnam potentiam ad hoc solum, vt timeantur a malis,
et cessent a malis actibus: Etiam si rex non ostendat in
magnitudine familie, & preciositate vestium, & sum-
ptibus magnis, & generaliter in omnibus apparatibus
aliquam magnitudinem, & excellentiam non videretur
reuerendus, vt decet eum esse. Conueniens ergo
est, vt rex ad ostentationem potentiae congreget equos,
& alia pertinentia ad potentiam: dum tamen non acqui-
rantur ista de illicito, vel etiam non superbiat aliquis
intra cor suum ex ijs: nam dato, quod rex non superbiat con-
tra populum opprimendo illum, si intra se superbit pre-
sumendo de seipso, & non dando gloriam Deo, pecca-
bit nimis: sic patet de Nabucodonosor. Dan. 4. qui du-
ctus superbia, dixit: Nonne haec est Babylon magna,
quam ego edificauit in domum regni in robore forti-
tudinis meae, & in gloria decoris mei? Et sequitur, quod
cum ista diceret Nabucodonosor, sermo ad eum de coelo
factus est. Tibi dicitur Nabucodonosor rex, regnum
transibit a te, & ab hominibus eiicient te: & cum be-
stijs ferisque erit habitatio tua: foenum sicut bos co-
medes, & septem tempora mutabuntur super te, do-
nec scias, quod dominetur excelsus in regno hominum,
& cuiusque voluerit dabit illud: & sic factum est, quia
eiectus est ab hominibus, & cum bestijs fuit. cod. c. Si
autem multiplicat rex equos ad opprimendum po-
pulum, peccat, quia ad malum finem facit, & cuius fi-
nis malus est ipsum quoque; malum est. De Salomone
autem dicendum, quod licet in fine suae senectutis depraua-
tus fuerit. 2. Reg. 11. & imposuerit populo tributa ma-
gna. co. li. c. 12. tamen in principio regni sui valde benignus
erat

erat erga populū, ideo nō multiplicabat equos ad opprimendum populū: etiam nō multiplicabat illos ad gloriandum in seipso, & superbiendum contra Deum, sicut fecit Nabucodonosor, sed solū ad ostendendum gloriam regni Israel, & etiam vt timeret ab oībus regibus circumstantibus, & nemo auderet contra eum pugnare, vel insurgere: iō nō peccabat multiplicando equos. Ad auctoritatem Deut. 17. Dicendum q̄ nō prohibetur ibi multiplicatio equorū absolute, & simpliciter, sed solū ad hanc intētionem, scilicet ne rex multiplicaret equos ad subiiciendum sibi populū per violentiam: sicut dī ibidem. .f. Si cōstituerit rex, nō multiplicabit sibi equos, ne reducat populū in Aegyptū equitatus numero subleuatus: Salomon autem nō multiplicabat equos ad reducēdum populū in Aegyptum, id est seruitutem, sicut erat in Aegypto, ideo nō peccabat multiplicando equos.

An peccauit Salomon congregando tantas diuitias.
Quaest. XX.

QVAERITVR vltius, cū dicatur hic de tantis diuitiis Salomonis, .f. an peccauit congregando tantas diuitias. Aliquis dicet, q̄ sic, quia Deut. 17. dicitur, quod nō habebit rex auri, & argenti immensa pondera: diuitiae tamen Salomonis erant immēse eo modo, quo dicimus aliquid esse immensum, cū fm veritatem nihil sit immensum creatum in rebus habentibus quātitatem determinatā: ergo peccabat. Respondendum, q̄ pecuniae fm seipsas, nec bonae, nec malae sunt, sed sunt vtilis: ideo sunt materia vitij, & virtutis, sicut nobis placuerit vti illis: sicut ergo habere aliquas diuitias absolute nō est peccatum: ita hēre illas in quacunq; quantitate fm se nō est peccatū: pōt autem peccatum esse per accidens. .f. si diuitie illae acquirantur iniusto, mōvel ēt si postquā possidētur, hō faciat aliquid illicitum, ne perdat illas: & ob hoc licet diuitiae fm se nō sint male, tamē difficile est hōiem acquirere diuitias sine peccato: sic patet prima ad Tim. 6. .f. Qui volunt diuites fieri incidunt in tentationē, & ī laqueum diaboli, & desideria multa, quae mergunt hōiem in interitum & perditionem. Ideo Gregori⁹, & alij sancti ponunt aliqua, quae vix sine peccato aut nunquam possunt fieri, & vnū illorum est administratio rei familiaris, & hī in decretis dist. xxv. capi. qualis hic quisque: & ob hoc dixit Christus Mat. 19. quod diues difficilē intrabit in regnum cēlorum. Facilius est camelum per foramen acus introire vel transire, quā diuitē intrare ī regnum cēlorū. Alia ēt difficultas est, quia qui diuites sunt, dato q̄ nō acquirāt illicitē nec illicite defendant pecuniam, tamen saltem inhārent ei ardentissimo amore, per quē per accidens distrahūt ab amore Dei, & incipiunt magis diligere pecuniā q̄ Deum, & istud est peccatum mortale: difficile igitur est aliquē effici diuitem, & nō peccare in acquirendo, vel possidendo, nō tamen est impossibile: ideo quāquā aliquē videamus diuitē, vel ditari volētē, nō ideo pcludendū est eū peccare mortaliter, nisi aliunde probetur. .f. quod iniuste acquirat, vel iniuste defendit. De Salomone at dicendum quod ipse nō peccauit acquirendo diuitias, quia Deus dixit, quod faceret eum diuitē super oēs reges, qui fuerunt ante ipsum 3. Reg. 3. & super reges, qui futuri erant post ipsum. sup. 1. ca. & tamē illa, quae à Deo proueniunt bona sunt, maximē illa, quae ipse promissit, & ita ipse promissit Salomoni tanquā benefactor ei, et tamen nō erat beneficium Dei, quod ipse promitteret aliquid Salomoni ad cuius acquisitionē oporteret ipsum peccare. Etiam Salomon nō acquisiuit pecuniam mō illicito, quia hēbat

illam de redditibus suis, & habebat illam de regū donationibus, & prouinciarum: & de negociationibus quas exercebat per mare: oēs at isti modi liciti sunt. In senectute autem dicendum, quod Salomon peccauit circa diuitiarum acquisitionem, & possessionē. De acquisitione patet, quia cupiditate magna pecuniarū grauabat subditos tributis magnis, & irrationabilib⁹, intantū q̄ eo mortuo populus cōquestus est cū Roboam filio eius, dicens: minue nobis paulisper de imperio patris tui durissimo, & de iugo grauissimo, qd̄ imposuit nobis, & seruiemus tibi. Peccauit ēt Salomon in possessione diuitiarum, quia ardētī auaritia pecuniam anhelabat, & retinebat. Nam sicut in senectute deprauatum est cor eius per mulieres, & recessit à Deo 3. Re. 10. ita deprauatum est per pecuniā, quia ardentissimo amore pecuniam tenuit, sicut mulieres ardentissimē amauit. In principio autem regni cū diligebat Deum, nō cupiebat nimis pecuniam, nec ardentē retinebat eam: sed liberaliter illam erogabat: de hoc 3. Reg. dicitur, quod dedit Deus Salomoni latitudinem cordis sicut arenam, quae est in litore maris. .f. dedit ei magnam latitudinem cordis ad expendendum pecuniam, ita vt nō anxietur in corde suo quāquam expenderet illā: qui tamen auari sunt, quia nō habent latitudinem cordis, sed angustā, anxiantur si expendunt. In senectute at Salomon habuit cordis angustiam propter magnum desiderium pecuniae, & sic peccauit tenendo illicitē.

Reliqua autem opera Salomonis priorū, & nouissimorum scripta sunt in verbis Nathan prophete, & in libris Ahia Silonitis: in visione quoque Ado videntis contra Iero-boam filium Nabath. Regnavit autem Salomon in Ierusalem super omnē Israel quadraginta annis. Dormiuitque cum patribus suis, & sepelierunt eum in ciuitate Dauid: regnavitque Roboam filius eius pro eo.

Reliqua operum. Ponitur vltimum huius c. .f. historiae Salomonis cōclusio: nam ī toto isto libro à principio fuerat posita historia Salomonis, & cū intendat eā pcludere hic, remittit pro reliquis eius ad alios libros, & dicit. *Reliqua verò operum primorum Salomonis, & nouissimorum.* Quasi dicat, nō ponunt hic oīa, sed aliqua habentur in aliis libris, & omittuntur hic: et dicit priorum, et nouissimorum dupliciter: vno modo ad signandū, quod plenē nō enarratur historia Salomonis, sed q̄ aliqua gesta de principio tps sui, et aliqua de fine omissa sunt, & ista prima, et nouissima nō habentur hic, sed ī libris istis ad quos remittitur. Alio modo est sensus, quod cū remittat auctor ad istos libros, de quibus habetur hic, voluit designare, q̄ habebatur historia plene in libris illis, ad quos remittebatur: & hoc signatur in quantum dicitur priorum, & nouissimorum. .f. quod continentur in istis libris omnia gesta Salomonis tam prima quā nouissima. *Scripta sunt in libris Nathan prophetae.* Iste fuit quidam propheta tpe Dauid, qui scripsit gesta regni Salomonis, de quo inf. dicitur in quadam quaestione. *Et in libris Ahia Silonitis.* Iste etiā Ahias fuit propheta de vrbe Silo: ideo vocatur Silonites: & etiam scripsit historiā Salomonis. *In visione quoque Ado videntis contra Iero-boā filium Nabath.* Idest etiā scripta sunt in visione. .i. in libro visionum Ado prophete. Vocatur liber visionum liber phopheciarum, quia p visionē diuinam ista reuelantur, & sic in principiis librorum

brorum prophetarum dicitur visio talis, vel talis prophete. i. totum quod sequitur est visio prophetæ: sic patet Isa. primo & Iere. primo: ista visio fuit contra Ieroboam filiū Nabath, quia in toto illo libro ponitur historia, vel prænnuntiatio malorum futurorum contra Ieroboam: q̄ fuit rex Israel primus facta diuisione regni, vt patet 3. Reg. 11. et 12. & vocat̄ sic ad differentiā alterius regis Israel, qui fuit valde potens de posteris Iehu, & recuperauit terram perditam de manu Assyriorum. 4. Reg. 14. *Regnavit autem Salomon in Ierusalem.* Non solum regnabat in Ierusalem, sed etiam super totum Israel, quia tamen erat sedes regni, Ierusalē in dicebatur regnare ibi super omnem Israel, scilicet super omnes duodecim tribus. Istud dicitur ad designandum futuram diuisionem regni, quæ habetur seq. ca. Nam David, & Salomon, & Saul, qui prius fuerant, regnauerunt super totum Israel, quia nulla diuisio facta erat, præterquam paucis diebus tempore David regnatis super Iudam, & Isboseth regnantis super Israel, vt patet 2. Reg. 2. cap. & vsque ad 5. mortuo Salomone diuisum est regnum tempore Roboā filij eius: & ob hoc nunquam postea dicitur, q̄ aliquis rex super totū Israel regnauerit. *Quadraginta annis.* Satis longo tempore regnavit, quia cepit regere cū adhuc esset puer: sicut ipse confessus est, quando petiuit sapientiam a Deo postquam erat rex dicens, quod erat puer parvus nesciens introitum suum, & egressum, indigebatque prudentia magna ad gubernandum tantū populum 3. Re. 3. & supra primo cap. *Dormiuitque cum patribus suis.* Id est mortuus est sicut patres sui, vocatur mors dormitio, quia est sopor sempiternus. *Et sepelierunt eum in ciuitate Dauid.* Fecerat David loca sepulchrorum regalium in castro montis Sion, vbi erat domus sua, & templum. Nam castrum illud siue fortalitium vocatur ciuitas David, scilicet quia David pugnans contra Iebuseos cepit illud fortalitiū de manu eorū, & ad memoriā victorię vocauit illud de noīe suo, scilicet ciuitatem David: vt patet 2. Re. 5. & præc. li. xi. cap. istum locum sepulchrorum fecit David, vt declaratum est secundo Regum quinto, & ibi vide an licuit David facere sepulchrum extra loca sepulchrorum paternorum, scilicet extra Bethlehē. *Regnavitque pro eo Roboam filius eius.* Non legitur Salomon habuisse alium filium, licet habuerit mulieres plurimas, & filias duas legitur habuisse, de quibus 3. Reg. 4. fuit iste Roboam filius Salomonis ex matre Ammonitide nomine Naama, vt patet. 3. Reg. 14.

Quare ponitur remissio de operibus.

Quæstio. XXI.

QV A E R I T V R circa prædicta, quare ponitur hic ista remissio de operib⁹ Salomonis ad alios libros, & cur hic fit ista nouitas, quia à principio libri istius vsque nunc nihil tale factum est. Respondendum, quod causa istius remissionis est duplex. **E** prima est ad tollendum errorem, quia aliqui non legentes plura de gestis Salomonis putarent nō esse plura, & quod sufficienter descripta essent hic: vt autem nemo hoc putet, remittit scriptura pro residuis, quæ non habent hic, ad alios libros. Secundum est ad satisfaciendum quibusdam curiosis, quia quidam velent ad plenum scire res gestas temporum, & quia in hoc non satisfiebat eis, cum non ponerentur hic plenē, remittit ad loca, in quibus plenē habent, scilicet in libris, qui nominantur hic. Si autem quæretur quare à principio libri non factum est, & nunc fit. Dicendum quod iste modus est conueniens, quia sacra scriptura vult enarrare historias singulorum regum, & illis fini

A tis remittere pro residuis: Nam isti duo libri Paralip. sunt quedam supplementa aliorum librorum sacre scripturæ, & potissime librorum regum, & narrantur singulorum regum Historiæ, & dum narratur historia nulla remissio fit. Cū autē concluditur, quia non intēdit aliquid vltra dicere auctor, remittit ad ea, quæ alij dixerunt: vnde in præ. libro tota historia ferē fuit de David, & gestis temporis: ideo in toto lib. nunq̄ fuit facta aliqua remissio. In fine autem libri completa historia de David: dicitur Gesta autem David regis priora, & nouissima scripta sunt in libro Samuel vidētis, & in libro Nathan prophetæ, & in libro Gad. videntis: ita in principio libri istius cepit historia regni Salomonis, & continuata fuit vsque nunc, & sic non oportebat, quod fieret remissio aliqua: nunc autem completa historia remittitur ad libros Nathan, Ado, & Ahia Silonitis: sic etiam est de rege Roboā, cuius historia incipit sequenti cap. & finitur in fine 12. cap. & ante illud non fit aliqua remissio, sed ibi remittitur ad librum Ieremiæ prophetæ, & Ado, cū dicitur: opera vero Roboam prima, & nouissima scripta sunt in libro Semei, & Ado videntis diligenter exposita: sic etiam pro historia regis Abia fit remissio infra 13. & generaliter de omnibus regibus, quando finitur historia alicuius remittitur ad libros, in quibus habetur: vt patet inquirendo processum libri huius.

Quare fuit remissio ad hos libros, & non fuit expressum totum & cetera. Quæstio. XXII.

QV A E R I T V R vltius, quare fit remissio ad libros istorum, de quibus hic dicitur, quare totum quod deest istis historiis non fuit hic expressum, ita vt non deberet fieri remissionem ad alios libros. Ad primum dicendum, quod fit remissio aliqua, quia non habetur hic historia completē, & fit potius remissio ad libros istorum, quā ad alium locum, quia isti scripserunt plenē historias has. Pro quo sciendum, q̄ isti ad quorum libros fit remissio erant prophetæ, qui scripserunt gesta istorum regum, & scripserunt veritatem solidam, & patet dupliciter: primo quia hic allegantur tres, & erat prophetæ omnes, scilicet Ahias Silonites, qui erat propheta operatus est propheticē prædicando diuisionem regni Salomonis 3. Re. xi. & Nathan ponitur, qui etiam vocatur propheta in litera: ponitur etiam Ado, qui erat propheta, quia hic vocatur videns. Sic etiam patet præc. li. cap. ca. vltimo, cū remittitur pro historia David ad libros Samuelis, & Nathan, & Gad: nam omnes tres vocantur ibi prophetæ siue videntes, sic etiam infra 12. cū fit remissio in historia Roboam, remittitur ad librum Semei, & Ado, & ambo vocantur videntes vel prophetæ. Sic patet de omnibus aliis ad quorum libros fit remissio in toto isto libro. Secundum quia ista scriptura libri huius est scriptura prophetica, vt probatum fuit supra in quadam quæstione, qua quærebatur quomodo posset sciri, quod non fuerant allata talia Aromata sicut illa, quæ attulit regina Saba ad Salomonē: & tamen confirmat dicta sua auctoritatibus istorum quos allegat hic: ideo isti erant prophetæ. Quod patet, quia cū iste alleget istos ad confirmandum dicta sua, necesse est, quod isti sint maioris auctoritatis quā ipse auctor vel saltem æqualis: alioquin n. frustra fieret ista allegatio: & tamen non possunt illi eē æqualis auctoritatis cū scriptore libri hui⁹, si non sūt pphete, & scribentes ppheticē: ideo oportet q̄ fuerint prophetæ. Sed obiicitur quod nō oportebat q̄ isti essent prophetæ, quia auctor non accepit hic confirmationem rationis suæ ex dictis istorum, quasi probans aliquid per id, quod ipsi dixerunt, sed solum ea, quæ

quæ supersunt dicenda dicit haberi in libris eorum. Si autem probaret dicta sua per dicta illorum, oportet quod illi essent tate auctoritatis sicut ipse ad minus: & tamen nihil probat per illos, nec allegat eos ad probandum aliquid, sed solum dicit eos latius tractasse istam historiam. Dicendum quod verum est, quod hic solum fit remissio, & tamen ex hoc infert dicta illorum esse prophetica: nam si non esset omnino vera, non allegaret illa, ut non videret miscere veritatem suam falsitati eorum: sed non poterant omnino esse vera, nisi prophetice scripta forent, sicut declaratum est supra in questione, quia querebatur, quomodo sciuit auctor libri, quod aromata, quæ attulit regina Saba, fuerunt meliora omnibus aromatibus, quia alias non erat possibile, quod quis scriberet historiam de cuius veritate constaret firmiter: isti autem prophetae fuerunt contemporanei istis quorum historias scripserunt, & voluerunt eas ad plenum scribere: nam Samuel, Nathan, & Gad, qui allegantur preterea. li. ca. vii. pro historia David fuerunt contemporanei David: & Nathan, Ahias, Ado, qui allegantur hic pro historia Salomonis, fuerunt contemporanei Salomonis: & sic de omnibus aliis, & cum isti essent presentes regibus illis quorum scribebant historias, placuit eis enarrare illas late, & sic habentur in libris eorum latius quam hic, & remittit auctor ad eorum libros.

Quare non fuerunt hic plene scriptæ historiae istæ.
Quest. XXIII.

QUÆRITVR circa finem. scilicet quare non fuerunt hic historiae istæ ad plenum descriptæ, ita ut non esset opus remitti ad alios libros. Dicendum, quod non fuit opus, quia istud erat contra conditionem sacre scripture. est. n. intentio sua deducere hominem ad vitam æternam, quæ est Deus, & ad hoc totus conatus scripture est nos referre in Deum, & ad hoc nos multipliciter in Deum mouet: nam aliquando nos in eum mouet dando nobis præcepta per quæ in ipsum peruenire possumus: & sic est in tota lege, quia lex est regula, finem quam faciendum, vel cauendum, in Deum peruenimus. Aliquando mouet nos in Deum, ut in remuneratorem bonorum ostendendo bona, quæ facit nobis, & cultoribus suis: & aliquando, ut punitorum malorum ostendendo mala, & penas illatas malis: & ad hoc proficiunt historiae: quia in historiis ponuntur gesta temporum, in quibus ostendunt quorundam calamitates, & aliorum prosperitates, vel fors ambigua: & intentio scripture est ostendere qualiter cultoribus Dei bona eueniebant, & quod cum ab eo se alienarent, incidebant in calamitatem. Et quia interdum in historiis sunt aliqua, quæ non ostendunt, quod sint pene pro malis, nec prosperitas pro bono opere, sed quedam alia, quæ incidunt, non curat scriptura circa talia se implicare, sed omittit illa, quia illa non proficiunt nobis ad aliquam doctrinam moralem: unde potius scriptura est breuiloqua omittendo quedam, quæ poterant proficere, quam describendo ea, quæ non proficiunt: cum totum, quod est in scriptura sacra debeat esse utile, ut patet 2. ad Tim. 3. scilicet. Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sit homo Dei ad omne opus bonum instructus: oportet ergo quod historiae in sacra scriptura scribantur decurtate, quia nulla historia est, in qua non sint aliqua, quæ non proficiant ad moralem instructionem, & non solum de historiis aliorum, quæ sunt quasi prophane, hoc est, quod sacra scriptura eas decurtet: sed et circa historiam gestorum Christi. Nam multa de dictis, & factis suis, & miraculis omittuntur: ut patet Io. 20. scilicet. Multa quidem & alia signa fecit Iesus in conspectu discipulorum suorum, quæ non sunt scripta in hoc libro: hæc autem scripta sunt, ut credatis quod Iesus Christus est filius Dei, & credentes vitam habeatis. quasi dicat, non fuit ne-

Fcesse scribere omnia gesta Saluatoris, sed solum illa ex quibus fides sumi debebat. Et quia ea, quæ de ipso scripta sunt, sufficerent nos in fine instruunt, & mouent, ut habeamus vitam in ipso, non debuerunt plura scribi quæ ea, quæ scripta sunt, licet multa alia gesta fuerint: a fortiori ergo in historiis Salomonis, & aliorum regum non debuerunt scribi omnia, quæ gesta sunt, cum aliqua essent, quæ nobis non essent utilia ad moralem instructionem: quia tamen illi, qui fuerunt contemporanei istis regibus, ad ostendendum gloriam ipsorum, vel omnimodas calamitates descripserunt gesta per singula: potuit auctor iste remittere pro omissis ad libros eorum, & sic fecit scriptor librorum regum, quia in tertio, & quarto libro sæpe remisit ad libros quosdam. scilicet regum Iuda, & Israel: ut patet 3. Reg. 14. & 15. & ferè in singulis capitulis et generaliter ubi finitur historia alicuius regis, fit remissio pro eis, quæ residua sunt.

Qui fuerunt isti libri. Questio XXIIII.

QUÆRITVR ulterius circa istos, quorum libri allegantur hic, qui fuerunt. Et dicendum, quod hic ponuntur tres prophetae contemporanei David & Salomonis, qui gesta Salomonis descripserunt. Primus est Nathan: iste fuit etiam contemporaneus David, & junior eo: unde non solum fuit contemporaneus David vivente, sed et totum vitam Salomonis. Quod patet, quia iste scripsit historiam de toto tempore Salomonis. scilicet opera sua prima, & nouissima: ut patet in littera. Fuit autem iste Nathan valde familiaris David, et vocabatur propheta suus. Ipse enim prænuñciauit ei de templo, quod non edificaretur per eum, sed per filium suum Salomonem: et quod duraret regnum in posteritate David in æternum 2. Reg. 7. et per lib. 17. c. Ipse etiam reuelauit David penam sibi futuram per adulterio Bethsabæ, et morte Uriæ, scilicet quod non recederet gladius de domo eius, et quod puer ille, qui de adulterio natus erat, moreretur. 2. Reg. 12. Postea autem nato Salomone ipse Nathan imposuit ei nomen Idida, id est amabilis domino, eo quod Deus diligeret eum e. c. Postea et in senectute David cum Adonias superbiret, & ignorante David vngi se fecisset in regem, Nathan propheta fouit partem Salomonis, & persuasit matri eius Bethsabæ, quod intraret ad David deprecaturam pro Salomone, & ipse quoque postea intrauit: & induxerunt arguendum David ad vngendum Salomonem in regem 3. Reg. 1. & tantum erat familiaris Nathan ipsi David, quod auius est dicere, quomodo David aliquid faceret, & non indicaret ei priusquam faceret. tertio Regum 1. scilicet. Nūquid a domino meo rege exiuit hoc verbum, & mihi non indicasti seruo tuo, quis sessurus sit super thronum domini mei regis post illum? quasi dicat, mirandum est, quod sic feceris: & tamen istud non diceret Nathan, nisi de magna familiaritate consideret. Iste Nathan est, qui tunc fuit in vocatione Salomonis. Nam dicitur, quod Nathan propheta, et Sadoc sacerdos vixerunt Salomonem eo. c. & quia fuerat Nathan familiaris David, & fuerat semper in fauorem Salomonis vivente David, & per eum reuelata fuerant a Deo omnia, quæ pertinebant ad Salomonem, dilexit etiam eum valde postquam regnavit, & descripsit ad gloriam eius omnia gesta temporis sui per singula. Iste Nathan laudatur in sacra scriptura. & ponitur in cathologo sanctorum patrum Eccle. 47. c. Post hic iurrexit Nathan propheta in diebus David, & quasi ad se separat us est a carne. Secundus istorum erat Ahias Silonites, quia fuit de vrbe Silo: quæ est ciuitas in sorte Ephraim apud Bethel: ut patet Iud. 21. et in hac vrbe posita fuit arca domini, & tabernaculum a principio quando Israelitæ ingressi sunt in terram Chananaan. Iosue 18. mansitque ibi usque quo tempore Heli summi sacerdotis capta est arca

area in bello, et ducta est in terram Philistinorum, primo Reg. 4. & 5. iste Ahias fuit cōtemporaneus Salomonis, sed non David, ideo non descripsit gesta David: nam Nathan, qui descripsit gesta Salomonis, descripsit etiā gesta David, ideo allegatur ipse præce. li. c. vi. in remissione historiæ David, & tñ Ahias nō allegat ibi, & allegat hic. Huius Ahia: prophetia non legit vñ q; ad finē regni Salomonis: iste enim Ahias fuit qui denunciavit regnum Israel diuidēdum in duo regna: nam cū Ieroboam filius Nabath esset seruus Salomonis, & exiret in agrum, occurrit ei Ahias sylonites habēs pallium nouum, & corā eo scidit in duodecim partes, & dedit ipsi Ieroboam decem partes, & duas sibi retinuit, & declarauit ei quod erat: quia De⁹ diuisus erat regnum Israel quod erat duodecim tribuū, & decem tribus daret in potestare Ieroboam, & duas relinqueret posteris Salomonis 3. Re. xi. Iste ē Ahias viuebat, & vixit toto tempore regni Ieroboam regis Israel, & Ieroboam regis Iuda, & oculi eius caligauerant, manebatque in Silo, & ad eum cōfluebant Israelitæ querentes responsonem Domini in rebus ambiguis ex ore eius: & dum egrotaret ad mortem vnus de filiis Ieroboam, misit ipse Ieroboam vxorem suam mutato habitu ad Ahiam, vt quæreret de salute illius pueri: & cū ipsa introiret portam domus eius mutato habitu putans se non agnoscendam, quia Ahia: oculi caligauerāt, facto in eo spū Domini dixit Ahias: ingredi vxo Ieroboam, cur realia simulas? & tunc prænuñciauit ei euentum regni Ieroboam, & q; moreretur puer, & ille solus de stirpe Ieroboam sepeliretur: reliqui autem ferro trucidati relinquerentur canibus & volucribus lacerandi 3. Reg. 14. iste etiam cū esset contemporaneus Salomoni scripsit gesta regni eius. Tertiō erat Addo propheta, & de isto non habetur tam expressē in scriptura, quis fuerit. Erat autem iste Addo contemporaneus Salomoni, & non David: ideo scripsit gesta Salomonis, & non David: ideo non allegatur inter scriptores historiæ David præce. li. cap. vltimo: fuit autem Salomoni contemporaneus, & etiam filio eius Roboam, vnde scripsit gesta regni Roboam: vt patet inf. 12. De isto Addo putant quidam q; fuerit ille propheta, qui missus est ad Ieroboam quando Ieroboam dedicauit altare in Bethel. Nam venit ad eum, & dum esset Ieroboam in altari dixit ille propheta: Altare filius nascetur domui David Iosias nomine, & immolabit super te sacerdotes excellorum, qui nunc in te thura succendunt, & ossa hominum incendet super te. Deditque signum dicens, hoc est signum, quod locutus est dominus, ecce altare scindetur, & effundetur cinis, qui in eo est: & cū contra eum extendisset manus Ieroboam, aruit manus eius, & non valuit eam retrahere quousque ille propheta orauit dominum, & reuersa est manus eius ad eum 3. Reg. 13. Istud autem confirmatur ex nomine ipsius, quia vocatur Addo. Et Iosephus 8. Antiq. dicit q; vocatur Iadā ille qui hoc fecit: & idem nomen est Addo, & Iadam, quia cū Iosephus vellet nomina Habreorum propria trāsferre aliquantulum in formam Latinam, rarō permittit ea in suis literis sicut sunt in Hebreo: & sicut sunt apud nos, sed mutat ea in aliā formam: vt patet quia Abigail vxor David vocatur apud eum Abigea, & Berzelei, de quo 2. Reg. 17. & 19. vocatur apud eum Berzelbe⁹: vt patet 7. Antiqui. Et plurima nomina regum, & reginarum, quæ habentur in tertio, & quarto libris Reg. mutantur ab eo quantum ad aliquid lib. 8. & 9. antiqui. & sic conuenit modo loquendi suo q; pro Addo poneret Iadam. Secundō confirmatur, quia non legimus tempore hoc alium prophetam, de quo possumus putare q; fuerit missus ad Ieroboam quā de isto Addo: nā

A solū tēpore Ieroboam, & Roboam legimus prophetas istos. s. Semeia, & Addo, & Ahias: de Ahia manifestum est, q; nō fuerit ille, quia post mortē illius legitur vixisse Ahias, quia de morte illius propheta hñ 3. Reg. 13. & tñ 3. Reg. 14. adhuc viuebat Ahias, & ponuntur ibi prophetiæ eius. De Semeia ē nō apparet q; fuerit, quia ille vixit toto tpe, quo regnauit Roboam: nā scripsit oia gesta illius. infra 12. & tñ vixit Roboam rex Iuda plusquā Ieroboam rex Israel: vt patet 3. Reg. 14. & 15. & sic non fuit mortu⁹ Semeias tpe Ieroboam. De Addo nō tātum apparet, iō de isto magis suspicari poteramus, q; esset vir Dei, qui missus est ad Ieroboam. Tertiō patet & efficacius: quia dicitur hic, q; gesta Salomonis scripta sunt in visione Addo videntis cōtra Ieroboam: & tñ ille, qui missus est cōtra Ieroboam, vidit cōtra eum, id est habuit reuelationes cōtra ipsum, & prænuñciauit cōtra altare. Ideo vñ dicēdū, q; ipse est, q; missus est a Deo cōtra Ieroboā. Dicēdū q; nō est verum, & patet primō, quia iste, qui missus est cōtra Ieroboam mortuus est in principio regni Ieroboam. Et tamen iste Addo propheta mortuus est post mortem Ieroboā. Patet hoc, quia iste propheta, qui missus est ad Ieroboā mortuus est illa die, qua venit ad Ieroboā: nam iusserat ei Deus, q; nō comederet, nec biberet in loco ipso, & suasionē cuiusdam mali propheta comedit ibi, & cū egredere de vrbe inuenit eum leo in via, & occidit ipsum. 3. Reg. 13. & sic fuit eadem die, qua missus est ad Ieroboā. Nā cū diuisum esset regnum Israel in duas partes, & factus esset Ieroboam rex super decem trib⁹, essetq; cōsuetudo, & lex apud Israelitas, q; ter in anno venirent in sanctuarium, erat etiam sanctuarium in Ierusalem, quæ erat de regno Roboam filii Salomonis. Putauit ergo Ieroboam q; si permitteret populū regni sui ascendere in Ierusalem ter in anno, Roboā, in cuius terra tunc manerēt, alliceret eos, vt redirent ad ipsum, ita vt esset ipse rex super totum Israel, sicut fuerat Salomon pater suus, & David auus suus: & sic periret ipse. Ideo excogitauit facere duos vitulos aureos, quorum vnū posuit in Dan, & alterum in Bethel, & quod illuc conueniret populus ad solennitatē, & nō ascenderet in Ierusalem, & sic factum est hoc primo anno regni Ieroboā antequā veniret aliquis de illis tribus festis, in quibus Israelitæ tenebant ascendere in sanctuariū, ut nūquā ascenderent illuc. Nam si prima vice ascēderēt: tunc timeret Ieroboā, q; cōuerteret Roboam ad se Israelitas: & tñ die prima, qua altaria facta dedicata sunt, venit ille propheta dñi ad Ieroboā: vt patet 3. Reg. 13. & tñ ipsa die mortuus est: vt patet eo. ca. ergo in principio regni Ieroboā mortu⁹ est ille propheta, qui cōtra eum venit: & tñ propheta Addo maiori tēpore vixit q; Ieroboam. Quod patet, quia Addo propheta scripsit rotam istoriam Roboā filii Salomonis, vt patet inf. 12. s. Opera vero Roboā prima, & nouissima scripta sunt in libris Semeia: prophetæ, & Addo videntis diligenter exposita: Et sic maiori tēpore vixit Addo quā Roboam filius Salomonis, & tñ Roboā vixit plusquā Ieroboam: ergo Addo vixit plusquā Ieroboam: patet hoc, quia Roboā filius Salomonis, & Ieroboam filius Nabath ceperunt regere eadē die. s. facta diuisione regni cōstitutus est Roboā super duas tribus, & Ieroboā super decē, & tñ Roboam vixit in regno annis pluribus quā Ieroboā: ergo Addo vixit plusquam Ieroboam. Dicēdū, q; ista prolatio quorūdam falsum præsupponit: nā Ieroboā vixit plus in regno, q; Roboā, quia Roboam regnauit annis decem, & septē inf. 12. & Ieroboā regnauit annis viginti duob⁹: vt patet 3. Reg. 14. & tñ manet adhuc probō, quia Addo vixit plusquam Roboā, cū scripserit eius historiam, & tamen Roboā vixit vñq; ad annū decimū septimū Ieroboam, quia decē, & septē annis ambo simul regna-

regnauerūt : ergo nō potuit mori Addo vsq; ad annum decimū octauum Ieroboā, et tamen iste ppheta, qui venit ad Ieroboam prænunciando p̄tra altare, mortuus est in primo anno regni sui in principio, vt probatū est supra: ergo nō fuit iste Addo, qui missus ē cōtra Ieroboā. Secūdo patet, quia nō solū Addo propheta vixit toto tpe Roboā: sed ēt vixit toto tempore Abiā filij eius regis Iuda: nam scripsit omnia gesta Abiā: vt patet inf. 13. f. Reliqua sermonū Abiā scripta sunt diligentissime in libro prophetæ Addo: & tamē regnauit Abia tribus annis post Roboam patrē suum, ergo ēt illo tēpore viuebat Addo, & nō potuit ipse esse, qui missus est cōtra Ieroboam. Ad rōnem primam in p̄trarium dicendū, q̄ licet sæpe Iosephus mutet ali quid in nōibus Hebraicis, tñ hic nō mutauit in nomē, sed vere vocabatur ille propheta, qui missus est ad Ieroboā Iadā sicut ipse nōiat, & nō Addo: cū cōtrarium appareat in scriptura, dato q̄ ille diceret eum vocari Addo nō esset standū ei p̄tra probationē sumptā ex sacra scrip. Ad secundū dicendū, q̄ falsum præsупponitur, quia poti⁹ de quolibet alio istorū trium posset dici q̄ fuerit ille, qui missus est ad Ieroboā quā de Addo, eo q̄ Addo fuit posterior illis, qđ patet ex ordine: nā scriptura nōiat illos eo ordine, quo fm tēpus se habent. Nathan, Ahias, Addo, & sic Nathan fuit prior: quod satis patet: quia Nathā fuit cōtemporaneus Dauid, & scripsit historiā eius: vt patet p̄ce. li. 29. c. & fuit cōtemporaneus Salomonis, & scripsit Historiā eius: vt patet hic. Ahias at fuit cōtemporaneus Salomonis, sed nō Dauid. Vnde nō ponit inter historiographos eius. p̄c. li. 29. c. ita ergo de Addo, qui ponit vltim⁹ inter istos, dicitur, q̄ fuit vltimus tpe. Item patet hoc, quia iste post oēs hos reperitur scripsisse aliquas historias: nam Nathan scripsit historiā Salomonis, sed nō Roboam: sic ēt fecit Abias: & tñ Addo scripsit historiā Roboā, inf. 12. Itē scripsit historiā Abiā Addo, & null⁹ istorum scripsit, ergo ipse post oēs hos fuit: de eo igit min⁹ pōt dici, q̄ fuerit ille, qui missus est ad Ieroboam quā de aliis duobus. Ad tertiū dicendū, q̄ nō stat, quia visio cōtra Ieroboam dī prophetia quacūq; de nunciās malū cōtra Ieroboā, iste tñ, q̄ missus est cōtra Ieroboā nihil prēnūciauit p̄tra ipsū, sed cōtra altare Bethel, et p̄tra sacerdotes dicēs, q̄ cremarent ossa sacerdotum super altare 3. Reg. 13. iō non vocabitur illa visio cōtra Ieroboam: iō nō ex illo colligitur, q̄ Addo, qui habuit visionē contra Ieroboam fuerit ille propheta, & occisus est à Leone. Nam si attendatur ad hoc poti⁹ deberet dici, q̄ Ahias Silonites fuerit ille, qui à leone occisus est, quia ipse vidit cōtra Ieroboam. f. denūciauit oīa mala ei futura. f. q̄ filius eius, de quo quærebatur moreretur, & q̄ ille solus sepelirerur de stirpe Ieroboam: alij aut lacerarentur à canibus, & volucribus, & q̄ propter eū Deus euelleret Israelitas de terra sua 3. Reg. 14. Et tñ nō fuit Ahias, qui à Leone occisus est, quia ille multo post vixit, vt supra probatum est, ergo nec Addo fuit ille, sed alius propheta nomine Iadam, vt ait Iosephus 8. Antiquita. de quo nō reperitur ali quid in scriptura.

Qui sint libri Nathan, & Abiā, & Addo.
Quæst. XXV.

QV A E R I T V R vltius, qui sunt isti libri Nathan, Ahie, & Addo, qui allegantur hic. Respōdent Nicolaus, & alij quod non habentur in sacra scriptura, & hoc manifestum est, quia de omnibus libris, qui sunt in sacra scriptura scimus, qui sunt, & tamen de istis libris nescimus, qui sint. Item patet hoc magis, quia isti libri continent latissimē historiā Salomonis cū hic fiat remissio ad illos, sed non sunt in

F sacro canone aliqui libri, qui continent illam historiā potissimē tres libri distincti. Ideo dicendum, q̄ nō habētur in sacro canone. Sed tunc quæretur quare non habentur isti libri canone sacra scripturæ. Quidam dicunt, q̄ nō sunt libri tantæ auctoritatis, vt in sacro canone locari mereant: quia sacra scrip. tota quæ in auctoritate hī ppheticē scripta est: vt patet 2. Petri 1. & tñ isti libri nō sunt scripti ppheticē: iō nō debēt poni in canone. Dicendū, q̄ nō stat, q̄ manifestū ē, q̄ isti tres. f. Nathā, Ahias, & Addo sunt ppheta: q̄ sic vocant in littera. Etiam aliquæ reuelationes factæ per Nathan reperiuntur in sacra scrip. vt patet 2. Reg. 7. & 12. & p̄c. lib. 17. aliquæ ēt reuelationes Ahias: vt patet 3. Reg. xi. & 14. iō libri sui prophetales sunt, & ex hac parte poni possunt inter libros sacra scripturæ, quia qñ cōbusti est templū dñi per Chaldaeos, & libri legis exusti sunt, isti pariter perierunt: & postea Esdras illos non rescripsit, sicut rescripsit alios libros sacra scrip. iō nō ponuntur in canone Bibliæ. Dicendū tñ q̄ non est verū, q̄ ex hac causa nō sint in canone: & peccat ista rō in duobus. Primò, quia ponit, q̄ isti libri combusti fuerunt cum ceteris libris legis. Secundò, quia dato q̄ cōbusti fuissent, non esset ista causa, quare non ponerentur ī sacro canone. De principio patet, nā cōis opinio est, q̄ isti libri combusti fuerint cū aliis libris legis, sicut & nos aliorū referentes opinionē interdū dicim⁹: & tamen non videt verum, quia Esdras scribens istas historias remittit pro residuis ad illos libros, qui nominantur hic: & Esdras scripsit librum istum in reditu de Babylone: qđ patet, quia inf. vlti. ponitur, quō rex Cyrus p̄pletis septuaginta annis Babylonicæ captiuitatis prædicauit Iudæis, q̄ redirent: ergo necesse est, q̄ tunc superessent isti libri, quos allegat, q̄ Esdras allegat eos ad hoc q̄ qui voluerit residua, quæ non habentur hic legere, possit illos libros requirere, & ibi videre. Si at illi libri tunc non superessent, frustratoriū, & ridiculū erat eos allegari hic, quia ad nihil proficiebat, sed potius videbatur occasio mētiendi, allegando quod non est: sicut in eo, qui allegat in testē eum, qui procul est, vt nō possit haberi ad cōuincendum mendaciū eius. Supererant ergo tunc isti libri: & tamen non transcripserat eos Esdras: ergo non fuerant cremati. Nec est cōueniens color, q̄ omnes isti libri cremati fuerint, quia templum crematum est: quia nō erant ibi omnes isti libri. Nam isti erant libri historici, & potius videtur, q̄ tenerent eos Israelitæ in domibus suis ad iucunditatem, & ad sciendum gesta temporū: sicut nos habem⁹ historias temporum penes nos. Idē patet etiā ex libris Regum. Nam liber Regū scriptus est post captiuitatē Babylonis, quia 4. Reg. 25. ponitur aliqua, quæ acciderunt multis annis post translationē Iudæorum in Babylonē, & in illo libro allegantur isti libri. f. liber verborum dierū regum Iuda, & Israel: ergo ēt illi supererant, & non fuerant cōbusti per Chaldaeos. De libris ēt sacre scrip. f. de libris Moyfi, & Iosue, Iudicum, Ruth, & de libris prophetarum quorundam, qui fuerunt ante captiuitatem Babylonis, dicendum q̄ non fuerant oēs cōbusti, sed soli illi, qui erant in templo, qui cū tēplo conflagrarunt: multi at manserunt in domibus priuatarum personarum: quare tñ illos Esdras reparauit, cū possent haberi aliunde, dicitur vltima qōne huius cap. non est ergo verum q̄ perierant isti, & q̄ nō restaurauit eos Esdras: Secundum est, quia dato, quod exusti fuissent oēs hi libri, non esset ista causa quare non positi fuerint in canone sacre scripturæ: quia istud etiam dicitur de omnibus aliis libris, qui sunt in canone, scilicet quod combusti fuerunt, & quod restaurati fuerint per Esdras: Sicut ergo illi restaurati sunt, ita potuissent restaurari omnes quotquot combusti fuerant, nisi aliud obstaret.

Alia

Alia ergo fuit causa. Dicendum ergo, quod non fuerunt combusti illi libri, sed supererant tempore reditus de Babylone. Esdras tamen, qui composuit, id est, congregauit totum corpus canonis, & ordinauit totum statum veteris testamenti, post reditum de Babylone collegit libros quosdam, & posuit in templo, ut ibi haberentur semper in custodia, & semper venerarentur, & non reciperentur alij libri in eorum consortium, & illi libri vocati sunt Canon Sacre Scripturæ. Hoc autem tangit aliquo modo August. 14. de Ciuit. Dei: & sic manserunt semper illi libri, & illi sunt, qui apud nos nunc canonem veteris testamenti efficiunt: istos autem libros, qui nominantur hic, & ad quos remittit Esdras, noluit ipse ponere inter alios, ideo nec apud nos habentur in Canone. Et quia parua auctoritatis erant, cum non posuerit illos Esdras in secreto templi, sed reliquerit eos populo tanquam historias ad solatium, & curiositatem legendos, non curauerunt postea vulgares illos transcribere, vel non fuerunt multiplicati illi codices, vel non fuerunt cum diligentia obseruati, ita ut hodie non solum in Canone Sacre Scripturæ, sed nec etiam apud vulgares historias reperiuntur.

Quare non adiuncti sunt Canoni Sacre Scripturæ.

Questio VIII.

QVAERITVR circa hoc, cum isti libri superessent tempore Esdræ, & sine aliquo labore potuisset ipse illos adiungere Canoni Sacre Scripturæ, quare non adiunxit. Respondent quidam, quod hoc fuit, quia illa, quæ ponuntur in Canone Sacre Scripturæ, debent continere veritatem solidam: & tamen in historiis istorum librorum, non erat veritas tam solida: ideo non ponuntur in Sacro Canone. Sed dicendum, quod hoc non stat, quia isti erant prophetae, & scirent, an verum erat id, quod scribebant, & nullum falsum scriberent. Sed dicendum, quod non debuerunt ista esse in canone, quia ea, quæ sunt in Sacra Scriptura sunt ad aliquas instructiones morales, iuxta illud. 2. ad Tim. 3. f. Omnis scriptura diuinitus inspirata utilis est ad docendum, ad arguendum, ad corripiendum, ut perfectus sit homo Dei ad omne opus bonum instructus: ista tamen, quæ scripserunt isti prophetae de historiis Salomonis tam curiosè, non erant ad moralem instructionem, sicut & Gad Propheta, quando scripsit historiam Dauid, scripsit etiam omnia historica, quæ pertinebant ad omnes gentes, quæ erant in orbe tempore Dauid, ut patet præced. lib. cap. vii. ideo non oportuit illa poni in Sacro Canone. Si obijciatur, quod in libris multis Sacre Scripturæ continentur historiae, sicut in libris Regum, Iosue, & Iudicum, & in alijs. Dicendum, quod historiae Sacre Scripturæ fuerunt scriptæ, quia in eis apparebant manifesta opera Dei, scilicet: quomodo Deus manifestè, & miraculosè adiuuabat quosdam, & destruebat alios: etiam continentur documenta multa moralia. In historiis autem gentium, quas scripsit Gad, non erant aliqua talia: ideo non debuerunt poni in canone, licet essent scripta à propheta: nam Deus non faciebat mirabilia in operibus Gentium: quia non erant populus suus, sicut Israelitæ: ideo licet in Gentium historiis multa magnifica gesta reperiantur, in eis tamè nullum miraculum est, & sic licet multæ pulchræ historiae reperiantur inter Gentiles, nullam earum decuit poni in Sacro Canone. Ita dicendum videtur de historiis Salomonis, quas scripserunt isti, quod cum illa historia esset alicuius regis, qui erat de populo Dei, decebat eam poni in Sacro Canone, quia tamen posita est locando libros Regum in Canone, & hunc librum Paralipomenon, non decuit

A superaddi alijs, quia id in quo superabundabāt libri illi ad librum istum, magis pertineret ad curiositatē quamdam, quā ad morum instructionem, volendo describere per singula actus Salomonis. Sic enim fuit de libris quibusdam, quos Salomon scripsit, scilicet: parabolas, & carmina, & disputationes de omnibus arboribus, & animalibus. Nam ista potius erant ostentantia magnitudinem ingenij, quā vtilia, potissimè carmina Salomonis ideim disputationibus suis, quia pertinebant ad philosophiam naturalem, quæ directè ad mores non prodest. Vnde non conuenit ei illud dictum Apostoli. f. omnis scriptura, vel doctrina diuinitus inspirata utilis est ad arguendum, ad docendum, corripiendum, erudiendum in iustitia, ut perfectus sit homo Dei ad omne opus bonum instructus, ideo non debuerunt ista poni in Sacro Canone: quia potius propheta obest quibusdam ad fallendum eos in fide, quā proficiat ad directionem fidei, & operationes, sicut patet ad Colo. 2. f. Videte, ne quis vos seducat per prophetiam, & inanem fallaciam, secundum traditionem hominum secundum elementa mundi, & non secundum Christum. Item dato, quod ad complementum historiae Salomonis aliquis liber istorum scribendus foret, tamen non scribendi erant omnes, quia quilibet eorum sufficienter continebat omnia gesta Salomonis, & ponendo omnes tres in Canone Sacre Scripturæ, essent duo superflui: & quod magis est istæ duæ recollectiones, scilicet, quæ habentur hic, & in libro Regum essent superflua. Et tamen istæ factæ sunt summam ad continendū omnia gesta Salomonis, quæ erant necessaria in Sacra Scriptura, ideo non debuit poni aliquis liber istorum trium in Canone Sacre Scripturæ: & ita dicendum est de omnibus alijs libris, ad quos fit remissio in libro isto, & in libro regum, quod nullus eorum debuit poni in Canone Sacre Scripturæ.

Quare Esdras reparauit libros illos.

Quest. IX.

QVAERITVR vterius, cum supra dictum sit, quod non fuerant omnes libri Sacre Scripturæ exiiti per Chaldaeos, quare Esdras reparauit omnes illos, quia potius debuisset extantes congregare, quā de nouo efficere. Dicendum, quod aduenientibus Chaldaeis contra Ierusalem crematum est templum Domini, & perierunt omnes libri, qui ibi erant: tunc autem erant in templo domini illi, qui pertinebant ad Canonem Sacre Scripturæ, erantque diligenter obseruati: Apud personas priuatas erant multi libri de istis, sed non erant cum tanta diligentia scripti: ideo aliquando erant diminuti, aut superfluum aliquid habentes, & aliqui errores alterationis in eis erant, quod minuebat auctoritatem Sacre Scripturæ: Esdras autem rediens de captiuitate Babylonica voluit reintegrare Canonem Sacre Scripturæ, & non decuit, quod assumeret libros personarum priuatarum, qui cum non essent diligenter scripti, poterant habere multos errores. In Sacra tamen Scriptura nullus error debet concedi, quia concessio vno errore, conceduntur & mille, vel dubitabitur de tota Scriptura. Sic ait Augustinus, & habetur in Decretis distinctione nona capitulo: si ad Sacras. Non debuerunt ergo illi libri poni in templo, ut essent Canon Sacre Scripturæ, nec ex eis debuit transumi aliquid quod esset Canon: & ob hoc decuit, quod sicut à principio omnes libri Sacre Scripturæ fuerant scripti à Prophetis, & ob hoc non poterant continere aliquem errorem: ita & nunc scriberentur nouiter ab alio Propheta, ita ut non posset in eis falsitas esse, & tunc illi sic scripti seruari in secreto templi: ita ut nullus error posset in eis accidere.

S

Quod

Quod autem ad hoc attenderetur, pater, quia quando aliquis constituebatur nouiter in regem, iubeat Deus, quod acciperet Deuteronomium, & legeret in eo omni tempore vitæ suæ, & iubeatur, quod acciperet exemplar à sacerdotibus Leuitici generis, siue ab ipsis Leuitis. Deuteronomij decimo septimo. in quo innuitur, quod Deuteronomius etiam apud alios reperiretur scriptus: & tamen, ut verè daretur exemplar eius, debebat peti à Leuitis, quia Leuitæ tenebant illum Deuteronomium, quem Moyse manu sua scripserat. Nam lecto illo coram populo iussit eum poni in latere arcæ. Deuteronomij trigesimo primo. & inde traheretur, quando opus esset ad dandum exemplum regibus, & non poterat inde transumi aliquis error. Ita ergo tunc: si enim ad describendum Deuteronomium regis, qui tamen non erat Canon Sacræ Scripturæ, tanta diligentia veritatis requirebatur, quanto magis requireretur ad scribendum libros, qui futuri essent Canon Sacræ Scripturæ, & ponendi in abditio templi? Non ergo debuit Esdras congregare pro Canone Libros de illis, qui semper fuerant, sed nouiter prophetice scribi debebant: & ob hoc Deus dedit propheticum spiritum Esdræ ad restaurandum omnes libros legis, qui ante captiuitatem Babylonis scripti erant.

CAPITVLVM X.



Profectus est autem Roboam in Sichem: illuc enim cunctus Israel conuenerat, ut constituerent eum regem.

Quod cum audisset Ieroboam filius Nabath, qui erat in Aegypto: fugerat quippe illuc ante Salomonem, statim reuersus est. Vocaueruntque eum, & venit cum vniuerso Israel: & locuti sunt ad Roboam, dicentes. Pater tuus durissimo iugo nos pressit, tu leuiores impera patre tuo, qui nobis imposuit grauem seruitutem, & paululum de onere subleua, ut seruiamus tibi.

Profectus. Dicto in præcedenti de regno Dauid hic agitur de eiusdem regno diuiso: nam toto tempore præcedenti, scilicet, Salomonis, & Dauid patris sui regnum Israel erat vnicum, & omnes duodecim tribus obediebant eidem. Nunc verò tempore Roboam, & post eum fuit regnum diuisum in duo, scilicet, in regnum Iuda, & Israel: & diuiditur liber iste in tot partes, quot fuerunt reges principales, de quibus in eo tractatur, & sunt quindecim, vel decem & sex. Prima est de Roboam filio Salomonis vsque ad finem decimisecondi capituli. Secunda est de Abia filio Roboam, infra decimotertio. Tertia de Asa filio Abie, infra decimoquarto. Quarta de Iosaphat filio Asa, infra decimoseptimo. Quinta de Ioram filio Iosaphat, infra vigesimo primo. Sexta de Ochozia filio Ioram, infra vigesimo secundo. Septima de Ioas filio Ochozie, infra 23. Octaua de Amasia filio Ioas, infra vigesimo quinto. Nona de Ozia filio Amasie, infra vigesimo sexto. Decima de Ioatham filio Ozie, infra 27.

F Vndecima de Achaz filio Ioatham, infra vigesimo octauo. Duodecima de Ezechia filio Achaz, infra 29. Decimatertia de Manasse, & Ammon duobus regibus, scilicet, filio, & nepote Ezechie, infra trigesimo tertio. Decimaquarta de Iosia filio Amon, infra trigesimo quarto. Decimaquinta de filiis eius regnantibus, & nepote vno, infra trigesimo sexto. Prima in duas, quod cum agatur de regno Roboam, in cuius tempore regnum diuisum est, primò ponitur regni diuisio. Secundò diuisionis confirmatio, sequenti capitulo. Prima in duas, quia primò ponitur diuisionis occasio. Secundò ponitur ipsa diuisio ibi. *Responditq, rex.*

An continue, & immediate ista facta sunt.

Questio I.

QVAERITVR circa primum, an ea, quæ habentur hic, fuerint facta post præcedentia, vel est ordo mutatus, & an ea, quæ habentur hic, fuerint facta immediate post præcedentia, vel interiecto aliquanto tempore. Ad primum dicendum, quod hic est ordo continuus. Nam supra actum est de regno Salomonis, hic autem incipit historia de regno Roboam filij eius: manifestum est autem, quod ista fuerint post præcedentia, quia ita est ordo naturæ. Ad secundum dicendum, quod inter ista & præcedentia non fuit tempus aliquod intermedium, sed est continuatum tempus: quia illico, ut mortuus est Salomon, cōuenit populus ad accipiendum filium eius Roboam in regem, nè aliquando vacaret sedes regni: & tamen præcedenti capitulo agitur de morte Salomonis: & hic de congregatione populi ad constituendum Roboam in regem: ergo fuerunt ista immediate post illa. Circa primum dicitur: *Profectus est autem Roboam in Sichem.* Est Sichem ciuitas in sorte Ephraim, ut probatur Gen. 48. scilicet, quia dedit illam urbem specialiter Iacob filio suo Ioseph, & prouenire debetatalicui de filiis suis, scilicet, Manasse, vel Ephraim, & prouenit tribui Ephraim: in hac ciuitate sepulta fuerunt ossa Ioseph, quæ translata sunt de Aegypto: Iosue trigesimo quarto: ista fuit vna de ciuitatibus refugij, quæ erant sex, & ista erat vna de tribus, quæ erant ad Occidentem Iordanis in sorte Ephraim: Iosue vigesimo. Fuit etiam data ista ciuitas sacerdotibus ad habitandum: Iosue vigesimo secundo, de ciuitatibus quadraginta octo, quas Israelitæ eis daturi erant. Numeri trigesimo quinto. quare autem ad istam ciuitatem venerit nunc Roboam, dicitur infra in quadam questione. *Illuc enim cunctus Israel conuenerat.* Vocatur totus Israel omnes duodecim tribus: quia tunc nondum erat facta diuisio regni Iuda, & Israel: ita ut decem tribus vocarentur Israel, & duæ tribus vocarentur regnum Iuda: & non est intelligendum, quod conuenisset totus Israel, ita quod nemo maneret in toto regno, qui illuc non conuenisset, sed principales de Israel, scilicet, seniores, & viri potentes conuenerunt, vel quælibet ciuitates, & loca mittebant procuratores suos ad constitutionem regis, & quia illi representabant personam omnium aliorum, dicebatur totus Israel conuenisse. *Ut constituerent eum in regem.* s. Roboam filium Salomonis. Nam sit relatio ad Roboam, de quo dicitur in fine præced. cap. q. mortuo Salomone regnauit pro eo filius eius Roboam, & dicitur, ut constituerent eum in regem. i. ut vngerent. Nam regibus fiebat ceremonie quædam vnctionis, de quibus declaratum est. 3. Re. 1. & obseruata sunt illæ in Salomone, ut patet ibi in quadam questione: & non veniebat populus ad eligendum Roboam in regem, quia certum erat, quod ipse futurus erat rex, cum nulli alij competeret ius regnandi, cum Roboam solus esset filius Salomonis. Non

Non enim legitur alios habuisse filios: sed legitur habuisse duas filias, quas dedit in vxores duobus praposis suis, vt patet. tertio Regum quarto, vel dicitur ad constituendum eum in regem, ita quod accipiat propriè constituere, scilicet: facere eum regem, vel recipere eum in regem. Nam dato, quod de iure competeret regnum ipsi Roboam, tamen nõdum erat rex, quousq; viri de regno susciperent eũ, & obedirent ei, & per illam receptionem erat in possessione, vel quasi possessione regni, & sic dato, quod non vngeretur, poterat constitui in regem. Sed dicendum, quod verè constitutio in regem non erat aliud, nisi vnctio: nam postquam completæ essent ceremoniæ vnctionis, clamabant omnes: Viuat rex, vt patet tertio Regum 1. & infra 23. Et ista vnctio erat primum, quod fiebat in rege, & per quod manifestabatur, quod erat rex: non enim erat sic in rege vnctio, sicut in Episcopis nostris consecratio. Nam Episcopus per hoc, quod est confirmatus, est Episcopus etiam si non sit consecratus, tenetur tñ de iure petere munus consecrationis infra certum tempus à iure statutum: secus in regibus veteris testamenti, quia vnctio efficiebat eos reges. Nam licet prius competeret eis ius ad regnandum, tñ nondum erant reges. Sicut cū Episcopus est rite electus, competit ei ius ad esse Episcopum: & tamen non est Episcopus, quousque confirmetur. Et patet hoc, quia cū Adonias voluit regnare, viuentē Dauid fecit se vngi in regem. 3. Reg. 1. cap. etiam cū Dauid vellet, q Salomon regnaret, & nõ Adonias, ante omnia alia fecit eũ ipsa die vngi in regem: eodem capitulo, & non legitur aliquid factũ ante illam vnctionem, ergo vnctio erat p quam quis efficiebatur rex. Item patet magis infra. Vigesimo tertio capitulo, de Ioas, qui erat abconditus in templo timore Athaliæ Reginæ, & quando voluit Ioia da summus sacerdos efficere eum regem, eduxit de loco secreto templi, & vnxit eum coram toto populo. Et dicitur ibi, quod constituerunt eum regem, & sic apparet, quod nulla alia coeremonia erat in constituendo regem, nisi, vt vngeretur, qui futurus erat rex. *Quod cum audisset Ieroboam filius Nabath, qui erat in Aegypto.* Ille Ieroboam filius Nabath erat seruus Salomonis, & viuentē eo fugerat eum in Aegyptum propter timorem, & mansit ibi vique ad mortem Salomonis: audita autem Salomonis morte, nullum timens rediit in Iudæam: de causâ fugæ istius, & de causâ aduentus dicitur infra in quadam quæstione. Vocatur filius Nabath, quandocunque de eo fit sermo ad differentiam aliorum, qui vocabantur isto nomine, & potissimè ad differentiam cuiusdam alterius regis Israel, qui vocatus est Ieroboam, eratq; vir nobilis, & excellens potestate, ita vt vocaretur Saluator Israel. 4. Regum decimoquarto. *Fugeratq; illuc ante Salomonem.* Idest: fugerat in Aegyptum ante Salomonem, idest, non audens stare ante faciem Salomonis propter causam, quæ infra exprimetur. *Statimq; reuersus.* Scilicet, statim, vt audiuit mortem Salomonis, quia iam nullum timebat, vel, quia putabat aliquod momentum coniequi de aduentu repentino, vt dicitur infra in quadam quæstione. *Vocaueruntq; eum.* Scilicet, quando venerunt Israelitæ in Sichem ad constituendum regem ipsum Roboam, vocauerunt Ieroboam, vt veniret cum eis. Ex hoc apparet, quod non illico, idest, eadem die, qua mortuus est Salomõ, vel sequenti die venit populus in Sichem ad constituendum Roboam in regem, sed fuit aliquod modicum tempus, quod patet: quia potuit audire Ieroboam in Aegypto existens mortem Salomonis, & venire in terram Israel antequam congregarentur Israelitæ ad vngendum Roboam in regem, & hoc fortè fit, quia sicut de iure est in electionibus Episcoporum, quod

A mortuo Episcopo non conueniunt canonici ad electionem, nisi corpore tradito sepulturæ, & factis exequijs funeralibus, quæ de more fiunt, & tunc conueniunt. Ita cū mortuus esset Salomon, totus populus fortè conuenit ad sepeliendum eum honorificè, & completis funeralibus conuenerunt in Sichem ad istam constitutionem regis faciendam, & sic interim potuit Ieroboam venire de Aegypto, & præsens esse tempore constitutionis regis, qua fieri debebat, quare autem Israelitæ vocauerunt Ieroboam, vt veniret ad electionem istam, dicitur infra in quadam quæstione. *Et venit cum vniuerso Israel.* Scilicet, in locum Sichem vbi fieri debebat constitutio regis. *Et locuti sunt ad Roboam dicentes.* Antequam constituerent eum in regem, petiuerunt ab eo conditiones de modo regnandi, quæ sequuntur. *Pater tuus durissimo iugo nos oppressit.* Petebant aliquam alleviationem à tributis, quæ imposuerat Salomon: nam Salomon imposuerat graua tributa, quæ non poterant tolerare Israelitæ: & nunc petiuerunt, quod auferret illa leuando, vel alleviando aliquid de illis, vt efficerentur portabiliora. Quare petiuerunt hoc, & quare non petiuerunt tempore Salomonis, infra dicitur in quadam quæstione. *Tu leniora impera patre tuo.* Ista leniora non erant, nisi in tributo, quod petebant alleviari, quia Salomon nõ grauauerat in alio Israelitas, nisi in tributis: nam laboribus bellicis nunquam eos afflixit, cū non fuerint tempore suo bella. *Qui nobis grauem imposuit seruitutem.* Scilicet, tanta tributorum magnitudine nos premebat, quod non videbantur soluere tributa, vt subditi regi suo, sed, vt serui domino suo, quia seruus quidqd habet dat domino cū nihil sibi acquirat, sed per eũ domino acquiritur. *Et paululum de onere subleua, vt seruiamur tibi.* Scilicet, non petimus, quod auferas omnia onera tributorum, quæ pater tuus nobis imposuit, quia istud esset iniustum cū tributa aliqua regi danda sint: sed minue aliquid de illis, quia pater tuus graua illa effecerat, & dicitur, seruiamus tibi, scilicet, seruimus grato animo, tanquam à te in nullo offensi, quia aliàs non possemus te equo animo aspicere: vel dicitur, seruiamus tibi, idest: si tollis paululum de onere isto, seruimus tibi, & aliter non seruimus, D sicut factum fuit postea.

Quare populus conuenit ad constituendum regem.

Quæstio II.

QVAERITVR vterius, quare populus conuenit ad constituendum regem in Sichem: videtur enim, quod non debebat illuc conuenire, sed potius in Ierusalem, quia congregationes istę fieri debebant in loco honorabiliore regni. Ille autem locus erat Ierusalem propter multa. Primò, quia erat sedes regni, nam omnes reges de stirpe Dauid dicebantur regnare in Ierusalem, sicut patet de Dauid. secundo Regum quinto, & de Salomone in multis locis. Secundo, quia erat ibi templum domini, & propter reuerentiam loci sancti fieret ibi honorabilius, & fortè fieret in templo, sicut rex Ioas in templo vnctus est in regem. quarto Regum vndecimo, & infra 23. cap. quia locus iste in se erat excellentior, & ceteris paribus melior erat, quā quilibet locus de toto Israel: ideo iste actus, & congregatio honorabilis ibi fieri debebat. Vel deberet fieri in Hebrom: & hoc propter multa. Primò, quia ibi fuerat sedes regni: nam Dauid, de cuius progenie erant isti, qui regnabant nunc, regnavit in Hebrom septē annis, & dimidio. scilicet erat ibi sedes regni, & dicebatur regnare in Hebrom. secundo Regum quinto, & nõquam fuit sedes regni in Sichem.

S 2 Secundo,

Secundò, quia Hebrom erat famosior ciuitas in tota tribu Iudæ: erāt. n. nunc reges Israel de tribu Iuda, & ob hoc tribus Iuda erat excellentior, & semper tenuerat principatū inter alias: Nā cū in ciuitate alicuius tribus constitutio fieri deberet, non videtur, quòd in aliquo loco fieri deberet, nisi in vrbibus Iuda, & q̄ inter illas erat excellentior ciuitas Hebrom, ibi potius debuisset fieri vnctio regis. Tertiò, quia ille locus erat honorabilis super omnia loca terræ Israel propter sepulchra patrum, ibi namque sepultus est Abraham pater Hebræorum, & Isaac, & Iacob, & tres vxores eorum, scilicet: Sara, Rebecca, Lia. Genesis vigesimonono. Ibi etiam sepulti erant omnes duodecim Patriarchæ filij Iacob à quibus nominatæ sunt tribus Israel præter Ioseph, qui sepultus erat in Sichem, vt quidam volunt: sed saltem erant ibi tres primi Patriarchæ cum vxoribus suis: in multis alijs excellebat Hebrom ad Sichem: ideo potius debuisset fieri congregatio ista in Hebrom, quàm in Sichem. Nicolaus dicit, quòd fuit facta congregatio ista in loco isto, quia erat locus in medio regni, & poterant illuc facilius congregari Israelitæ, quàm ad alium locum ex omnibus partibus regni: aliam rationem dat, quia in Sichem fuit vnctus in regem primus rex Israel, scilicet: Abimelech filius Gedeonis. Iudicū nono. Sed istæ rationes non stant. De prima patet, quia non stat Sichem in medio regni Israel, sed magis declinat ad meridiem, quàm ad septentrionem, eo quòd est in terra fortis Ephraim. Iosue vigesimo: & tamen fors Ephraim est apud sortem Beniamin, & postea erat fors Iudæ, & istæ duæ erant solū meridiana ad sortem Ephraim, & omnes aliæ sortes erant Aquilonares ei, & sic magis erat Meridiana, quàm Aquilonaris. Ad secundam rationem dicendum, quòd non stat: quia non meretur Sichem aliquem honorem propter Abimelech, qui ibi constitutus est rex. Nam vsurpauit sibi regnum per fraudes, & impietatem, & intrusionem. Et non successerunt post eum immediatè reges: sed fuerunt iudices, sicut prius. Vnde scriptura non facit mentionem de eo tanquam de rege, & sic non mouerentur Israelitæ ad eundum illuc, quia ibi fuerat prima coronatio regis. Item si aliquis honor exhiberetur illi loco propter coronationem primi regis, fuisset ibi coronatus quilibet de regibus prioribus præcedentibus Roboam, sed non coronatus fuit ibi aliquis eorum: ideo non propter hoc congregati sunt nunc ibi Israelitæ. Patet hoc de Saule, qui fuit primus rex, quia non fuit coronatus in Sichem, sed in Galgala. primo Regum vndecimo: & iterum coronatus fuit in Masphad, scilicet, cū primum assumptus est in regem: eodem libro, capitulo vigesimo: David autem coronatus est bis in regem, & vtraque vice in Hebrom. secundo Regum secundo, & quinto. Salomon autem coronatus est in Ierusalem. tertio Regum primo capitulo: ergo non conueniebat populus in Sichem propter coronationem regis primi ibi factam. Aliquis dicit, quòd conuenit populus in Sichem propter honorem Ioseph, cuius ossa sepulta erant in Sichem, quando ducta sunt de Aegypto. Iosue vigesimoquarto. Sed dicendum, quòd non stat, quia propter hoc potius debuisset in Hebrom fieri congregatio ista, cū ibi essent ossa trium Patriarcharum, scilicet: Abraham, Isaac, & Iacob, & vxorum suarum. Genesis vigesimonono. Sed obijciatur, quòd potius debuisset fieri in Sichem, quia non solū erant ibi ossa Ioseph, sed etiam omnium duodecim Patriarcharum, vt patet Actuum septimo. Dicendum, quòd circa hoc dubium est, cū quidam asserant illa esse in Hebrom, de quibus est Hieronymus: & tamen tenendo, quòd dicit scriptura in superficie literæ dicendum, quòd non apparet,

F quòd sit maioris dignitatis Sichem quàm Hebrom, sed potius è conuerso, quia cū in Hebrom sint tres Patriarchæ. f. Abraham, Isaac, & Iacob: & isti teneantur in maiori veneratione, quàm duodecim Patriarchæ minores, quia sunt patres illorum, erit locus honorabilior Hebrom. Item si propter honorem Patriarcharum sepultorum in Sichem fieret nunc ista congregatio in Sichem ad coronandum Roboam in regem, ita factum fuisset ad coronationem aliorum regum, sed nullus alius coronatus est ibi, vt supra dictum est. Dicendum ergo, quòd non apparet aliqua causa, quare conuenirent nunc Israelitæ in Sichem, nisi quia sic fortè conuentum erat inter Roboam, & populum, quòd illuc conuenirent. Quare autem magis illuc, quàm ad alium locum conuenire vellent, non est multum attendendum, quia fortè moueri poterant ex aliqua ratione congruitatis secundum tempus, quæ non multum nos tangit, nec à nobis potest cognosci.

Quare Ieroboam fugit in Aegyptum.

Quæstio III.

QVAERITVR vterius, quare Ieroboam fugerat in Aegyptum à facie Salomonis. Respondendum, quòd hoc fuit, quia Salomon voluit tenere Ieroboam, vt occideret eum, & ille timens fugit in Aegyptum. Causa quare Salomon voluit occidere Ieroboam, fuit duplex. Prima fuit, quia viderat Ieroboam insurgentem modicum contra ipsū. Nam Salomon videns Ieroboam virum industrium præposuerat eum tribui Ioseph, & cū Salomon edificasset Mello, & coæquasset voraginem eius, doluit Ieroboam, & incepit modicū infestus esse Salomoni. tertio Regum vndecimo. Secundum, & principalius fuit propter elationem Ieroboam audita prophetia Ahia Silonitis. Nam cū Salomon nimis peccasset contra dominum in senectute sua, Deus iratus contra eum voluit diuidere regnum eius, sed propter David non fecit tempore Salomonis, & destinauit illud facere tempore Roboam filij Salomonis. Et ad hoc cū semel transiret Ieroboam per agrum occurrit ei ex mādato domini Ahias Silonites Propheta, qui erat indutus pallio nouo, & diuisit illud in duodecim partes tradens decem ipsi Ieroboam, & duas sibi reseruās. Et dixit ei, quòd hoc erat signum, quòd Deus diuidere volebat regnum Israel, quòd constabat ex duodecim tribubus, in duo regna, & vnum regnum haberet decem tribus, cederetque ipsi Ieroboam: aliud haberet duas tribus, cederetque ipsi Roboam filio Salomonis. tertio Regum vndecimo: quo accepto à propheta Ieroboam factus est elatus modo superbire contra Salomonē. Et non solū post mortem Salomonis volebat regnum obtinere, sed etiam Salomone viuentē illud volebat inuadere, & ad hoc faciebat coniurationes cum aliquibus de progenie sua: quod cū Salomon cognouisset, voluit eum occidere. Sic ait Iosephus octauo Antiquitatum, scilicet: Elatus itaque Ieroboam sermonibus prophetæ, cū esset natura iuuenis fortissimus, & rerum grandium appetitus imensus non quiescebat, sed cū venisset ad exercitum habens memoriam eorum, quæ ei dixerat Ahias, repente nifus est populo suadere, vt à Salomone recederent, & regnum ei traderent: cognoscens autem Salomon eius voluntatem & dolum, quarebat eum, vt comprehenderet velociter interimeret, quod cum cognouisset Ieroboam fugit ad Nabath Aegyptiorum regem.

Quare

Quare reuersus est Ieroboam de Aegypto.

Quaestio IIII.

QVAERITVR vltcrius, cum dicatur hic, quod Ieroboam reuersus est de Aegypto mox, vt audiuit Salomonis mortem, quare hoc fecit. Dicendum secundum quosdam, quod hoc fuit, quia principes Israel miserunt illico, vt mortuus est Salomon in Aegyptum ad vocandum Ieroboam, & ipse venit. Sed de hoc dicetur infra seq. quaest. Alio modo potest dici, quod factum est propter vnum de duobus. Primum est, quia Ieroboam fugerat timore Salomonis in Aegyptum. Nunc autem mortuus erat Salomon, & non erat, quem timeret, & sic reuersus est. Secundum erat, & principalius, scilicet, quia Ieroboam audierat ab Ahia Silonite, quod mortuo Salomone diuideretur regnum, & prouenirent ei decem tribus, & Roboam filio Salomonis duae. Et quia nunc mortuo Salomone tempus erat constituendi Roboam in regem, & tunc erat oportunitas ad inueniendum aliquem modum diuisionis regni venit illico de Aegypto. Ante quam constitueretur in regem ipse Roboam, & confirmaretur, quia forte postea non esset locus ad faciendum diuisionem regni. Sed dicetur quomodo Ieroboam ausus est redire in terram Israel mortuo Salomone, quia manebat Roboam filius eius, qui nouerat cur fugatus esset Ieroboam a Salomone in Aegyptum, & ille persequeretur eum ad mortem cum rediret in terram Israel. Dicendum, quod non habebat causam timendi reditum Ieroboam mortuo Salomone, sicut viuente propter multa. Primum, quia tempore Salomonis sciebat se non posse obtinere principatum aliquem in terra Israel, sed tempore filij eius, quia Ahias propheta dixerat, quod non scinderetur regnum de manu Salomonis, sed de manu filij eius, & contra voluntatem Dei ipse non poterat aliquid obtinere. Mortuo autem Salomone erat tempus, de quo locutus fuerat ei propheta: ideo non timuit reuerti. Secundum erat, quia viuente Salomone erat ipse Salomon in possessione regni, & confirmatus super regnum, & nemo poterat ei resistere, ideo si eo viuente rediret Ieroboam in terram Israel, nemo posset eum eripere de manu Salomonis: ideo non audebat redire. Mortuo autem Salomone, cum nondum constitutus esset Roboam in regem, non obediebant ei viri de regno, & sic licet veniret Ieroboam poterant cum defendere cognati sui, & contribules de manu Roboam. Si autem semel confirmaretur Roboam rex super totum Israel: tunc forte timeret Ieroboam manere in terra Israel, & fugeret in Aegyptum, sicut tempore Salomonis. Tertium erat, quia (vt quidam putant) principes Israel vocauerunt Ieroboam de Aegypto, & isti darent ei bonam spem. Quod non timeret redire, & ipse illis fretus veniret.

Quare vocauerunt Ieroboam, & quando.

Quaestio V.

QVAERITVR vltcrius, cum dicatur hic, quod vocauerunt Ieroboam, quare vocauerunt eum, vel quando. Respondendum, quod quidam putant, quod vocatus fuit Ieroboam de Aegypto, scilicet, quod principes miserunt ad vocandum eum mortuo Salomone. Sic dicit Iosephus 8. Antiquit. quod mortuo Salomone principes repente miserunt in Aegyptum, & euocauerunt inde Ieroboam. Dicendum tamen, quod ex litera non apparet, quod principes vocauerunt Ieroboam ex Aegypto. Nam hic dicitur, quod vocauerunt eum, & intelligitur necessarium de vocatione, quae fuit ad veniendum in Sichem postquam ipse fuit in terra Israel. Et patet ex litera, cum dicitur, quod cum

Alph. Tost. super lib. Paralip. Pars 2.

A audisset Ieroboam mortuo Salomone statim reuersus est, & sequitur: vocaueruntque eum, & venit cum vniuerso Israel. Et sic prius ipse venit de Aegypto in terram Israel, quam vocaretur a principio: ideo dicendum, quod vocauerunt eum ad veniendum in Sichem, & non apparet, an vocauerint eum, vt veniret de Aegypto, quia tamen scriptura non negat hoc, potest concedi cum Iosepho, quod vocauerint eum principes de Aegypto. Cum autem quaeritur ad quid vocatus fuit Ieroboam a principibus Israel. Dicendum, quod aut dicimus eum vocatum de Aegypto, vt veniret in terram Israel, aut cum esset in terra Israel vocatus est, vt veniret ad constitutionem regis in Sichem. Si dicamus eum de Aegypto vocatum: possumus dicere istam vocationem fuisse propter vnum de duobus. Vnum est, quod Ieroboam forte fugatus fuerat de regno viuente Salomone inuitis principibus, & nunc Salomone mortuo cum principes diligerent eum, vocauerunt ipsum, vt rediret in terram suam. Secundum erat, & principalius, quia forte intendebant eum facere regem. Nam, vt ait Iosephus 8. Antiquitatum. Ieroboam tractabat cum exercitu, quod a Salomone recederent, & eum regem constituerent: quod cum cognouisset Salomon voluit tenere Ieroboam, & occidere ipsum, & ille aufugit: ideo nunc principes tenentes intentionem illam quantum tenebant, quando coniurabant cum Ieroboam, vt facerent eum regem vocauerunt ipsum, vt nunc exequerentur, quod conceperant constituendo eum regem. Si autem dicamus, quod vocauerunt eum, vt veniret cum eis in Sichem: dicendum, quod vocabant eum, quia ipse erat vnus de principibus Israel, & ad istam congregationem venire debebant viri maximi de regno. Patet hoc, quia tertio Regum dicitur, quod Ieroboam erat vir fortis, & potens, & quia Salomon vidit eum virum bonae idolis, constituit eum super tributa domus Ioseph, id est, super duas tribus, quae sunt Ephraim, & Manasse, & sunt de domo Ioseph, quia ambo isti principes tribuum erant filij Ioseph. Si autem dicatur, quid istorum erat verisimilius, dicendum, quod verisimilius est, quod principes non vocauerint Ieroboam de Aegypto, sed ipse audita morte Salomonis, venerit ex causis assignatis praecedenti quaestione, & cum esset in terra Israel, congregandi que essent principes, vocauerunt Ieroboam cum ceteris, quia ipse erat vnus de principibus. Et patet hoc, quia si Israelitae intelligerent constituere Ieroboam in regem, & ad hoc vocassent eum de Aegypto, non tenuissent talem modum circa constitutionem Roboam in regem, scilicet, quod dicerent ei, quod alleuiaret parum de iugo Salomonis, & seruirent ei. Nam poterat esse, quod Roboam faceret hoc, vel promitteret hoc facere, & susciperet totum Israel tunc in potestatem suam, & cum semel confirmaretur super omnes tenendo omnes vrbes, & fortalicia de manu sua, posset facere quod vellet, & non possent Israelitae rebellare etiam si premeret eos, & sic frustrarentur intentione sua Israelitae, scilicet, quod non possent constituere Ieroboam in regem. Ideo dicendum, quod non intendebant hoc, sed solum volebant alleuiationem tributorum, & quia non consensit Roboam, acceperunt Ieroboam in regem: & tamen si ante hoc concepissent constituere Ieroboam in regem, non sic processissent: sed vocato Ieroboam constituerent eum in regem nihil petentes a Roboam: imo potius constituerent eum regem cito priusquam Roboam ad hoc attenderet, ne posset impedire constitutionem eius. Sed solum dicendum, quod cum redisset Ieroboam de Aegypto ipso tempore sua, vocauerunt eum principes, vt cum eis veniret ad constitutionem Roboam in Regem.

S 3 Quare

Quare fit mentio in conuocatione de Ieroboam.
Quæstio V I.

QVAERITVR vltcrius, cum non solum Ieroboam vocatus fuerit ad istam congregationem Ieroboam, sed etiam omnes alij principes Israel, quare specialius fit hic mentio de isto, quod vocatus sit, potissimè, quia principalius ponitur de isto, quod venerit in Sichem, quam de toto alio populo Israel. 3. Reg. 13. scilicet: Venit ergo Ieroboam, & omnis multitudo Israel, & locuti sunt ad Roboam. Respondendū, quod hoc potest factum esse propter multa. Primò, quia ipse nunc nouiter veniebat de Aegypto. Nam coeteri principes manserant semper in regno, & post mortem Salomonis deliberauerant cum Roboam de loco, in quo eum constituerent in regem, & non interfuerat huic deliberationi Ieroboam, quia nunc veniebat de Aegypto: ideo tanquam ignorans omnia hæc debuit vocari, quia erat alienus ab ijs operibus, & alij, qui erant, & ante hoc fuerant in terra Israel, non debebant vocari, vel saltem non oportebat, quod fieret mentio de illis, quod vocarentur, sicut de Ieroboam. Secundum erat propter excellentiam suam, scilicet, quia ad istam congregationē vocati sunt omnes principes Israel, & tamen iste Ieroboam erat vnus de principibus Israel magnis. Nam erat princeps super duabus tribus, scilicet, super Ephraim, & Manasse, quia dicebatur princeps domus Ioseph, quæ continebat istas duas domos, vt patet. 3. Reg. 11. Ideo debuit iste potiusquam alij vocari specialiter. Tertium, & principalius fuit, quia scriptura facit mentionem de isto infra, sicut de rege, scilicet, quia factus est rex super decem tribus Israel, & quia ista omnia præmittuntur tanquā præparatoria ad constitutionem Ieroboam in regem, debuit de vocatione eius solius mentio fieri, vel saltem de eo principaliter.

Quare Salomon compressit Israelitas iugo.
Quæstio V I I.

QVAERITVR vltcrius, quomodo dicitur hic, quod Salomon pater Roboam compressit Israelitas iugo durissimo. Nam videtur, quod non imposeret iugum aliquod, quia. 3. Reg. 9. dicitur: De filiis autem Israel non constituit seruire quemquam, & tamen istud durissimum iugum faciebat seruitutē. Respondendū, sicut ibi dictum fuit, scilicet, quod non compulit Salomon aliquos Israelitas seruire manualiter in officiis domus suæ, & domus domini, & in quibuscunque alijs, quia in istis solum cogebat seruire, & operari alienigenas, qui vocantur profeliti, & non solum erat hoc in operibus regis, sed etiam in operibus domus domini: nam congregauit Salomon centum quinquaginta millia profelytorum ad coedendū lapides, & ad portandum humeris suis, supra secundo capitulo. Dicit autem historia scholastica, quod Israelitæ non erant subiecti tributis, sed soluebant vectigalia ad expensas regis: sed istud non differt quo nomine censeantur tributa, cum Israelitæ tantum dicant se subiectos ad seruiendum Salomoni, quod viderentur serui ipsius. Dicendum ergo, quod verum est, quod Salomon imposuit eis onera graua, vel compulit eos seruire non quidem in operibus manualibus, sed in tributis pecunialibus.

Quare imposuit tanta onera. *Quæst. V I I I.*

QVAERITVR vltcrius, quomodo tanta onera imponebat Salomon Israelitis, quod videbatur esse subiecti seruituti. Nam dicitur hic, pater tuus

F imposuit nobis grauem seruitutem: erat tamen Salomon rex benè se habens ad Deum, & ad populum, & populus gaudebat habens ipsum in principem, vt patet supra 7. & 3. Reg. 8. Si tamen opprimeret populum seruitute peccaret, & etiam ad populum malè se haberet, & non gauderet populus de eius principatu, ergo non imposuerat eis talem seruitutem. Respondendum, quod Salomon in principio regni sui in omnibus benè se habuit: in fine autem regni sui malè se egit: ideo à principio colebat Deum non recedens de mandatis eius, & populum benè tractabat. In fine autem deprauatum est cor eius per mulieres: ita vt cõteret idola, ita & deprauat⁹ est circa populum, scilicet, quod ex magna auaritia exigebat tributa immensa nimis: & sic grauabat populum, & quia ista impositio grauis erat, ita vt non videretur eis imposita ad accipiendum aliquid ab eis, sed ad extorquendum quidqd habebant, sicut faciunt domini respectu seruatorum, quibus nihil omittunt: dicebatur imposuisse Salomō seruitutem populo. Pro quo sciendum, quod omnia tributa determinata, quæ Salomon quolibet anno recipiebat, erant sexcenta sexaginta talenta auri. præcedenti cap. & 3. Reg. 10. Et ista diuidebantur per omnes tributarios regis Salomonis: nam multi reges alienigenæ erant tributarij eius, scilicet, omnes reges Chanæeorum, & rex Ammon, & Moab, & Idumæi, atq; quidā de Syris istis imponebatur certa pars illius summe. Reliqua autem pars imponebatur Israelitis quolibet anno, & ista summa erat tam grauis respectu ipsorum, quod nullo modo erat eis tolerabilis.

An Israelita potuerint iuste petere alleviationem.
Quæstio I X.

QVAERITVR vltcrius, an Israelitæ peccauerunt ponendo Roboam istam conditionem. sc. qd alleviaret eis paululum de onere, & seruiret ei, vel potuerunt iuste petere. Respondendum, qd in constitutionibus, siue electionibus regum cōsueuerat ponere legem, & componere multa cū rege suo. sc. qd populus promittit regi obedientiam, & famulatum, & rex iuret obseruare illa, quæ ipsi petierint, & tunc si rex noluerit assentire petitionibus eorum, recedunt ab eo iuste: nam illi, qui habent regē non habent eum in dñm propriè loquendo, sed in rectorem, qui positus est ad procurandum vtilitatem subditorum, & non suam, vt patet. 8. Eth. Et si secus agat non est rex, sed tyrannus, & deponi meretur: non est tamen iustum regem iniuste agentem pro quocunque grauamine subditorum deponi, nisi sit valde magnum, vel efficiatur incorrigibilis: quia si pro quolibet crimine deberet deponi, grauius damnum sequeretur, & scandala multa, quam in tolerando aliquantulum iniustum principatum: populus ergo, vt prouideat vtilitati suæ, non debet deponere regem pro quocunq; crimine: simile ponit Arist. 2. Politic. cap. de politia Hipodomi: dicens de legibus, quod non debet mutari lex quandocunq; reperiatur iniusta, & reperiatur alia melior, nisi sit magnum grauiamen, quia maius erit damnum quod incurreret per mutationem frequentem legum, quam id, quod temereretur patiēter tolerando legē aliquāliter iniustam. Nam si mutarentur leges frequenter, periret oīs auctoritas legum, qd efficeretur populus assuetus ad nō obediendam legibus: ideo dato, qd aliquis institutus sit in regem, & progenitores sui semper regnauerint super illum populū, si grauauerit nimis subditos suos, licitè receditur ab obedientia eius, quia reges non sunt verè domini, sed rectores. Ideo inter eos, & subditos suos est aliquod iustum Politicū, & quando cessauerit illud iustum, cessabit omnis cōiectio subditi & principis.

Si autem reges essent verè domini: dato quòd graua-
rent subditos suos, non poterunt recedere ab eis iustè;
nec poterunt conqueri de illis, quia inter dominum
& seruum non est aliquod iustum politicum, vt patet
2. Eth. quia seru⁹ est possessio domini sui, vt patet ibi.
Et est homo simpliciter alterius. 1. Politic. 2. cap. Quia
tamen facilius est aliquem non recipere, q̃ excludere
illum, cū turpius eiiciatur, quā non admittatur hospes.
Consueuerunt omnes populi antequam aliquem in
regem super se constituent, firmare cū eo pacta regni,
quę rex iurat obseruare, & si non vult iurare illa, habet
iustissimam causam populus non suscipiendi illum in
regem. Sic autem erat nunc de Hebræis, qui grauiter
oppressi fuerant tēpore Salomonis, & non potuerunt
liberari eo viuente ab hac seruitute. Nunc autem, q̃a
constituebatur rex nouus, & verisimile erat, quòd ipse
vellet omnia iura petere, quę pater su⁹ exigebat, cū sit
cōsuetudo regnantium nouas inuenire exactiones, &
veteres nunquā minuere, habebant opportunitatem
Israelitę nunc ad hoc, q̃ liberarentur ab hac seruitute
componendo cū rege suo, q̃ nō grauaret eos, sicut Sa-
lomon grauauerat, & si nollet assentire, poterāt ab eo
licite recedere, ideo non peccauerunt Israelitę ponen-
do conditionem istam Roboam, & vsi sunt iure suo.

Quare non petierunt hoc à Salomone.

Quaestio X.

QUÆRITVR vltorius, cū nunc Israelitę con-
quererentur de magnitudine tributorum, q̃ im-
posuerat eis Salomon, & peterent modicum alleuiari
de eis, quare non petierunt hoc à Salomone viuente.
Respondendum, q̃ multiplex causa est. Prima est, q̃
in constitutionibus regum solent componere cū eis
pacta, & non postquam regnauerint. Sic. n. dicitur de
Saul 1. Re. 10. qñ electus est in regem à toto populo,
quòd locutus est Samuel ad totum populum legem
regni, & scripsit eam ī libro, posuitq; coram dño: & in
principio regni cuiuslibet fit, ideo cū nunc Roboam
constituendus esset in regem, poterat populus conue-
nienter ponere cū eo istud pactum. s. q̃ non grauaret
eos tributis, sicut Salomon, & non poterant sic petere
à Salomone, qui iam erat constitutus in regem. Secū-
dum est, quòd qñ aliquis cōstituendus est in regē, non-
dum est rex: & sic non se habent ad eum subditi, sicut
ad dñm, vel ad regem, sed sicut ad personam priuatā,
& pñt quidquid voluerint cū eo componere ex equo.
Cum autem fuerit quis constitutus in regem, iam est
præsident, & non potest subditus se habere ad illum ex
equo, sicut priuata persona ad priuatam, sed sicut sub-
ditus ad prælatus, & sic non poterit ita conuenienter
petere ab eo q̃cunq; pacta, sicut qñ nondum erat con-
stitutus in regem. Tertium est, quia qñ nondum est
constitutus in regem, vt constituatur, concedet quid-
quid petatur, quia aliās impeditur ei via ad honorē.
Cum autem sit factus rex, obtinuit quod vult, & nihil
vltra appetit, & sic non habet aliquid, per quod trahat
ad condescendēdū pactis, q̃ petunt ab eo: ideo conue-
nientius est, q̃ petatur aliquid ab aliquo qñ constitu-
tus est in regem, q̃ qñ cōstitutus est. Et sic erat de Ro-
boam, q̃ puenientius poterant ab eo petere Israelitę
istam releuationē, quā à Salomone. Quartum erat,
quia difficilius videbatur Salomoni concedere istam
alleuiationem, quā Roboam, quia Salomon impo-
suerat certam summam tributorum, quam quolibet
anno exigebat ab Israelitis, & si illa aliquid alleuiaret
minuendo videbat illud perdere, & tñ graue est alicui
perdere de eo quod habet. Quòd autem peteretur à
Roboam ista alleuiatio, facilius erat, q̃ concederet eā,

Alph. Toft. super lib. Paralip. Pars 2.

A quia nihil perdere videbatur concedendo: nam nunq̃
Roboam habuerat aliqua iura regni, ideo an equum
inciperet possidere, dato q̃ minueret aliqua de illis iu-
ribus, q̃ Salomon pater suus solitus erat suscipere, non
videretur grauari. Si tamen semel inciperet posside-
re, & recipere omnia iura, quę solitus erat recipere Sa-
lomon, & postea peteretur ab eo, quòd remitteretur
aliqua de illis erat ei graue, quia iam perderet si remit-
teret. Quintum erat, quia q̃ Israelitę peterent à Solo-
mone, quòd alleuiaret eis tributa, quę exigebat, non
videbatur eis proficere, quia putabant, quòd nunquā
illud obtinerent à Salomone, & tamen poterant obti-
nere à Roboam filio eius, cū nondum esset consti-
tutus in regem: ideo nunquam reclamauerunt tem-
pore Salomonis, licet grauarentur, quia erant sub po-
testate illius, & clamauerunt in principio regni Ro-
boam, scilicet antequam constitueretur in regem.
B Aliqui dicunt sextum esse, scilicet, quia voluerunt
Israelitę habere occasione in contra Roboam: nam
nolebant, quòd dominaretur ipse eis, sed magis Ie-
roboam, & vt haberent occasionem diuidendi re-
gnum petiuerunt istam alleuiationem, ad quam for-
tè non credebat facilius condescensurum Roboam,
& sic recederent ab eo.

Qui ait, post tres dies reuertimini ad
me. Cumque abiisset populus, iniit con-
siliū cum senibus, qui steterant coram
patre eius Salomone, dum adhuc viueret,
dicens: Quid datis consilij, vt respondeam
populo? Qui dixerunt ei: Si placueris po-
pulo huic, & lenieris eos verbis clementi-
bus, seruiet tibi omni tempore. At ille re-
liquit consiliū senum, & cum iuuenibus
tractare cepit, qui cum eo nutriti fuerant,
& erant in comitatu illius. Dixitq; ad eos:
Quid vobis videtur, vel respondere quid de
beo populo huic, qui dixit mihi: subleua
iugum, quod imposuit nobis pater tuus? At
illi responderunt vt iuuenes, & nutriti cum
eo in delicijs, atq; dixerunt: Sic loqueris po-
pulo, qui dixit tibi: pater tuus aggrauauit iu-
gum nostrum, tu subleua: & respondebis ei:
Minimus digitus meus grossior est lumbis
patris mei. Pater meus posuit vobis graue
iugum, & ego maius pondus apponam.
E Pater meus cœcidit vos flagellis, ego verò
cœdam vos scorpionibus. Venit ergo Ie-
roboam, & vniuersus populus ad Roboam
die tertio, sicut præceperat eis.

Qui ait: post tres dies reuertimini ad me. Noluit re-
spondere Roboam illico: sed petiuit trium dierum
inducias ad deliberandum, & in hoc cautè agebat:
nam petitio Israelitarum videbatur ei valde præiudi-
cialis. s. q̃ alleuiationem illam faciendo, quam petebāt
Israelitę, minuebatur magna pars reddituum regis, &
si concederet nunc releuationem istam, grauabat se.

Si autem illico responderet, quod nolebat facere aliquam alleviationem populus indignaretur, & forte constitueret alium in regem. Si autem responderet nunc aliquid, & postea mutaret propositum suum, erat res perniciosi exempli. *f. q. in principio regni sui inciperet mentiri, & potissimum circa causas arduas in praedictum regni totius, ideo noluit respondere quidquam deliberare, & in hoc recte egit, si ita consulto postea responderet. Cumque abisset populus.* Scilicet, recessissent a facie Roboam illi, qui petebant nomine totius populi alleviationem tributorum. *Inijt consilium cum senibus, qui steterant coram patre suo Salomone dum adhuc viveret.* Totum hoc factum est in Sichem, ubi erat populus congregatus, scilicet, petiuerunt a rege alleviationem, & petiunt inducias trium dierum, expectauitque populus illis tribus diebus ibidem, ut etiam Roboam si post illos tres dies responderet iuxta voluntatem populi coronaretur in regem. Et dicitur, quod consilium inijt cum senibus, in quo recte egit, quia consilium ad prudentiam pertinet. Est autem prudentia in senibus propter magnitudinem aetatis. Nam propter multum tempus possunt habere multas experientias, & per experientias prudentia gignitur: ideo difficile est esse iuvenes prudentes, quamquam facile sit eos esse Mathematicos 6. Ethic. In iuuenibus autem paucitas temporis est, & paucae experientiae: ideo difficile erit iuuenis prudens secundum perfectam prudentiam. Contingit autem iuuenibus perfectam cognitionem habere circa Mathematicas Artes, quia non requirunt experientiam aliquam, sed solam cognitionem imaginariam: & sic non est iuuenis conueniens auditor moralis philosophiae: quia constat cum non esse prudentem, ut patet 1. Ethic. Et dicitur. *Qui steterant coram patre suo.* Accepit namque Roboam eosdem in consiliarios quos tenuerat pater suus, quia cum nunc nouiter mortuus fuerat pater suus, nondum mutauerat officiales domus suae. Vel forte intendebat tenere eosdem in consiliarios, quos pater suus tenuerat, quia illi, qui erant conuenientes consiliarij pro patre suo, essent pro eo conuenientes, cum pater suus esset prudentior, & sapientior eo: isti assistentes Salomonis sunt, de quibus habetur. 3. Reg. 4. Et dicit historia scholastica, quod isti erant Sadoc, & Banaias, & coeteri principes, qui assistebant Salomoni, ut patet, eodem capitulo. Sed satis videtur dicendum, quod assistentes Salomoni essent alij, quam illi, qui ponuntur ibidem, quia ibi ponuntur expressè ferè omnes principes Salomonis, & deinde sequitur Azarias filius Nathan super eos, qui assistebant regi, & sic isti assistentes regi erant principes distincti ab omnibus principibus, qui ponuntur ibi. *Quid datis consilij, ut respondeam populo.* Scilicet, instat tempus respondendi, deliberate super responsione. *Qui dixerunt: si placueris populo huic.* Scilicet, si condescenderis precibus populi precatis pro alleviatione tributorum. *Et lenieris eos verbis clementibus.* Id est, lenias, vel mitiges furorẽ eorum verbis blandis, quae vocantur verba clementia: isti senes rectum dabant consilium: nam videbant populum concitatum esse animo, & ad rebellandum paratum, ideo nisi leniretur verbis pacificis, faciliter regnum scinderent: voluerunt ergo senes, quod nunc Roboam condescenderet in totum verbis populi, & inciperet subditi esse, & seruire ei placato animo: & post hoc poterat, si vellet grauare eos tributis, & tunc non repugnarent: quia non haberent opportunitatem rebellandi: & sic falleret eos Roboam, & assequeretur quod volebat: & dixerunt, quod verbis clementibus leniret eos, quia cum sermo blandus alicui proponitur, etiam si desideret irasci: non habet unde moueatur: ideo oportet, quod per sermonem blandum mitigetur furor: sic patet Prouerb. 15. scilicet: Sermo

mollis frangit iram, sermo durus suscitatur furorẽ. Maxime autem, quia talis erat conditio plebis, quod si primus impetus eius verbis mollibus mitigaretur, postea non haberet locum insurgendi. *At ille reliquit consilium senium.* In hoc Roboam male fecit, quia respuit consilium seniorum. Et potest dupliciter intelligi, quod reliquit consilium senium, vno modo, quod reliquit illud sententialiter, scilicet, diffiniendo apud se non esse consilium illud bonum: ideo quidquid eueniret, quod deberet sequi consilium aliud. Alio modo, quod reliquit consilium senium, id est, superfedit ab executione eius quousque: audiret consilium iuuenum. An illi forte melius secundum arbitrium suum iudicaret: sed primum verum est: quia omnino dereliquit Roboam consilium senium, non intendens sequi illud: & in hoc fuit superbus: putauit. n. Roboam, quod minuebatur maiestas sua, si consentiret petitioni populi, quasi ex timore, & quia humiliabatur, ex consilio iuuenum, dereliquit illud. Fuit autem fortassis Deus in causa excusando miserabilem Roboam, ut regnum diuideretur. *Et cum iuuenibus tractare cepit.* Fuit Roboam valde stultus, quia relicto consilio senium cepit tractare de responsione danda cum iuuenibus, quia ad iuuenem non pertinet irate consulere, siue sit iuuenis secundum aetatem, siue secundum morem, quia ille ex aetate, iste autem ex passione impeditur recte iudicare. Sciendum, quod isti iuuenes, de quibus dicitur, non erant multi iuuenes secundum aetatem, sed magis secundum morem: quod patet, quia dicitur, quod isti nutriti fuerant cum Roboam: connutritio autem importat coetaneum esse. Nam nutritio in parua aetate est, & sic isti connutriti sunt ipsi Roboam, quando erat Roboam parua aetatis, erant isti cum eo, & tamen Roboam erat quadraginta unius annorum, ut patet. 3. Reg. 14. Ergo isti, qui nutriti erant cum eo, non erant multum iuuenes aetate: sed erant iuuenes prudentia. Et sic etiam vocatur aliquis non solum iuuenis, sed etiam puer, quando est annorum centum. *f. q. habet prudentiam puerilem, vel desideria puerilia, ut patet Isa. 65. f. Maledictus erit puer annorum centum.* Potest intelligi aliter, quod vocentur isti iuuenes respectu illorum, qui dederant prius consilium: nam licet isti essent mature aetatis. *f. quadragenarie, vel quasi: tamen illi, qui dederant prius consilium, erant valde maioris aetatis. f. sexagenarie, vel maioris, & sic respectu illorum vocantur isti iuuenes, & istud intendit litera. f. quia illi, cum quibus nutritus est Salomon, & qui steterant coram eo, necesse erat, quod essent seniores, quam illi cum quibus nutritus est Roboam filius eius.* *Qui cum eo nutriti fuerant.* Scilicet, erant coetanei ei, & cum essent filij nobilium nutriebantur in aula regia cum filiis regis. *Et erant in comitatu illius.* Scilicet, sicut connutriti fuerant ei, ita usque hodie manebant in comitatu illius, qui erant filij nobilium, & non poterat honorabilius manere filius regis, quam cum talibus associaretur, errabant tamen in usu eorum, quia non tradebat singulis: nam non uti eis ad consilium, sed ad comitatum, voluit tamen uti eis, ut consiliarij relictis senibus, quod absurdum erat. *Dixitque ad eos, quid vobis videtur.* Id est, quid vobis videtur bonum, quod fieri debeat in hoc negotio. *Vel respondere quod debeo.* Ista duo possunt poni pro eodem, ita quod si repetitio sententiae sub alijs verbis, sicut saepe frequentatum est in sacra scriptura. Alio modo, quod ponantur per diuersis, scilicet, quod fortassis videretur vnum debere fieri, & aliud debere responderi: ut potest, si deliberarent, quod bonum erat, quod Roboam non minueret aliquid de oneribus, quae imposuerat pater eius Salomon: & tamen nunc responderet iuxta voluntatem populi, ut mitigaret animum eorum concitatum, dicens: quod faceret omnia, quae illi petebant: & postea cum semel subiecti essent ei, nihil efficeret.

Populo huic. Non computauit Roboam iuuenes istos de populo: nam licet illa subleuatio peteretur nomine omnium de populo, non computabantur isti de populo, sed de domo regis cum essent connutriti ei, & pascerentur de bonis eius. *Qui dixit mihi: subleua iugum, quod imposuit nobis pater tuus.* Idest alleuia: nam non erat intentio populi, quod totaliter auferrentur onera, quae imposerat eis Salomon: quia non erat iustum, quod populus liberaretur a tributis omnino, quia tunc non relinquere regi redditus ordinarij: sed quia Salomon imposerat magna tributa, quod minueretur aliquid de illis, & istud erat alleuiare iugum. Sciendum, quod ista tributa, quae Israelitae vocabant iugum, non erant tributa posita ab accidenti, sed erant tributa, quae singulis annis soluebantur Salomoni, & ob hoc putauit populus illa iam transisse in genus iurium regaliū. Nam si ab accidenti posita fuissent, scilicet vno anno, vel raro, non putaret Roboam illa transisse in iura regalia, & consequenter non curaret populus petere a Roboam, quod alleuiaret illud iugum, quia nullum esset adhuc iugum causatum: sed erant tributa annua, quae omni anno erant aequalia: sicut dicitur supra in litera, & 3. Regum 10. quod pondus auri, quod afferebatur per singulos annos Salomoni, erat sexcentorum sexaginta sex talentorum, & istud erat de omnibus tributis, quae dabantur Salomoni quolibet anno, ab omnibus tributariis suis, & quandam partem istorum tributorum soluebant Israelitae, & de illa parte volebat sibi aliquid minui: quia videbatur eis dura illa solutio. *At illi responderunt vt iuuenes.* Idest, responderunt stulte: in quo innuitur, quod male responderunt, & etiam quod modus consilij iuuenum est fatuus circa ea, in quibus intercidit passio. *Et nutriti cum eo in delicijs.* Ista duo impediunt rectum consilium, scilicet iuuentus, & nutritio in delicijs. De iuuentute patet, quia siue sit iuuentus secundum aetatem, siue secundum morem, facit iudicium distortum. Nam iuuenis secundum aetatem, non habet prudentiam, vel habet eam impertectam: iuuenis vero secundum morem impeditur passione, & illuc redit, quod passio trahit: ideo conditio iuuenis est male consiliari, nisi per accidens: & hoc signatur hic in quantum non dicitur, quod responderunt iuuenes, sed quod responderunt vt iuuenes. Secundum impedimentum, scilicet connutritio in delicijs: patet quod impedit rectum consilium, & hoc dupliciter. vno modo ex eo, quod nutriti in delicijs sunt delicatissimi: ideo sunt valde passibiles, & a quolibet aduerso quantumcunque paruo patiuntur, sicut habentes teneram complexionem: sic ait Boetius de Consol. lib. 2. prola 4. f. Adde quod cuiusque felicissimi sensus delicatissimus est, & si non cuncta ad nutum suppetant, minimis quibique prosteritur. Et quia isti iuuenes erant enutriti in delicijs, quaelibet aduersitas grauissima videbatur, & quia in propositione populi de alleuatione oneris videbatur eis quaedam diminutio regie maiestatis, quam non equo animo tolerare potuerunt: ideo restiterunt fortiter dicentes, quod responderet grauer Roboam. Secundum est, & principalius, quia illi, qui in delicijs semper enutriti sunt, nunquam experti fuerunt aliqua aduersa, & ob hoc paruum consilium in eis est, quia experientia aduersorum facit hominem cautum: nam cum homines semel inciderint in pericula, vel pluries, si postea perueniant ad similia negotia, timeant incidere in talia pericula, & cauere ea, & ob hoc deliberant qualiter se habeant, ne in ea incidunt, & sic timor prudentiam apponit iuxta illud Isai. 28. f. vexatio dabit intellectum, scilicet experientia angustiarum. Cum autem quis nunquam expertus est aliqua aduersa, non habet quid timeat: nec de quo caueat: ideo nimis indeliberate agit, quod est contra prudentiam, cuius regula est diu consiliari. 6. Ethic. Et ideo nutriti in

A delicijs maximè errant in agendis. Sed tunc dicitur, cum isti essent iuuenes, & nutriti in delicijs, cur voluit Roboam consilium eorum habere relicto consilio seniorum? Dicendum, quod causa fuit, quia Roboam erat nutritus cum istis iuuenibus, & solitus erat eis desideria sua exponere, & tractare cum illis omnia, quae agere debebat: ideo nunc ex quadam familiaritate inclinatus est ad consulendum illos. *Sic loqueris populo, qui dixerunt, pater tuus aggrauauit iugum nostrum.* Scilicet populus, qui talia petit talem responsionem meretur. Nam verum est, quod responsio erat dura, & tamen putabant illi iuuenes, quod peccaret grauer populus contra regem petendo talia: ideo voluerunt, quod dure ei responderetur, & dicitur, aggrauauit iugum nostrum, idest imposuit nobis graue iugum. **B** *Tu subleua.* Idest tu minue, vel alleuia imponendo minorem taxam tributorum, quam imposerat pater tuus. *Et sic respondebis eis.* Scilicet, sicut sequitur, & est repetitio sententiae. *Minimus digitus meus grossior est lumbis patris mei.* Scilicet, vos putatis me esse virum parui animi, & parui honoris: ideo vultis diuinuere statum meum de statu patris mei: quia ad ipsum nunquam talia locuti estis, & ad me loquimini: ideo dico vobis, quod non arbitremini hoc: quia ego non sum minoris cordis, nec honoris patre meo: sed valde maior illo. Nam minimus digitus meus est grossior lumbis patris mei, idest minima res mea est maior rebus maximis patris mei. Et est conueniens Metaphora: nam in toto corpore humano non est membrum **C** gracilius digito: sic nullum est grossius lumbis, & sic comparantur maxima & minima pertinentia ad Salomonem, & ad Roboam. Istud consilium dabant iuuenes Salomoni: quia ultra hoc, quod erant inexperti, & delicati, & non considerabant mala futura volebant complacere Roboam. Videbant enim nullum inclinatum ad hoc, cum reliquisset consilium senium, quod erat ad humilitatem: ideo consuluerunt ei ad superbiam, & in hoc erant imprudentes valde: quia in consulendo alicui sequebantur affectionem eius. *Pater meus imposuit vobis iugum graue.* Scilicet, exigendo tributa magna quolibet anno. *Et ego maius pondus apponam.* Scilicet, maiora tributa adhuc imponam quam pater meus, nam non sum minoris status, & honoris patre meo: ideo non alleuiabo vos tollendo tributorum partem: sed potius augebo illa, quia maioris status ego sum, quam pater meus, cum minimus digitus meus, sit grossior lumbis patris mei. *Pater meus cecidit vos flagellis, & ego cadam vos Scorpionibus.* Scilicet, pater meus percussit dura percussione, quae est percussio flagelli: & tamen ego duriorem percussione apponam qualis est percussio scorpionis: scilicet dura fuerunt tributa, quae pater meus extorsit a vobis: sed duriora erunt, quae ego exigam, & comparantur ista sub nomine flagelli, & scorpionis. Est enim scorpio flagellum quoddam, quod in funiculis habet quosdam sphaerulas plumbi, & sunt istae sphaerulae in extremo ad hoc, quod grauis percussio sit, & vocantur scorpiones **E** ista flagella: quia sicut scorpio cauda mordet: ita flagella ista in extremitate habent percussione duram: Vel vocatur scorpio flagellum quoddam, quod in extremitate recuruat: ideo ex illa parte mordet sicut scorpio. *Venit ergo Ieroboam, & vnuerfus populus ad Roboam die tertio, sicut preceperat eis.* Quando populus petiuit alleuationem tributorum, petiuerat Roboam inducias trium dierum ad respondendum, & populus expectauit illis tribus responsurus esset, cum ex illa responsione status populi penderet, & dicit Iosephus 8. Antiquit. quod suspecti fuerunt Israelitae de mala responsione Roboam: quia non statim respondit sperare bona, & quia tamen non prorsus negauit, erant adhuc solliciti, quid responde-

dere vellet, & illo die manebat adhuc Roboam in Sichem, & respondit hoc durissimum verbum.

Quomodo assensit consilio senum ipse Roboam, &c.

Quaest. XI.

QVAERITVR, quomodo iuuenes voluerunt taliter consulere Roboam, & quomodo ipse assensit consilio eorum: & quomodo senes permiserunt ipsi Roboam sic respondere, cum periculum regni sequeretur ex tali responsione. Ad primum dicendum, quod iuuenes moti sunt ad hoc multipliciter. Primum, quia erant enutriti in delicijs, & non suspicabantur aliqua mala futura. vnde dato, quod Roboam responderet grauius populo, non putabant discessionem futuram: sed quod timerent eum, & manerent semper in obedientia eius: quia cum nunquam vidissent discessionem fieri, non suspicabantur nunc illam futuram. Secundum erat, quia cum essent teneri, & laederentur verbo populi, ex quo videbatur laedi maiestas regis, & status eorum, non potuerunt cogitare circa aliud nisi quomodo retribuerent dura pro duris. Tertium erat, quia iuuenes erant, & non cogitabant secundum prudentiam, sed secundum passionem, & sic quamquam in promptu esset illa pericula discessionis regni euenire, non considerabant circa illa. Ad secundum de Roboam dicendum, quod assensit consilio iuuenum ex eadem causa, qua iuuenes moti sunt ad consulendum hoc primum, scilicet quia non putabat, quod populus faceret discessionem, licet dure responderet, sicut non fecerat discessionem tempore Salomonis, licet grauiam tributam eis imposuerit. Secundum erat, quia putauit valde sibi praediciari, quod ipse reputaretur minor patre suo, ita quod peteretur ab eo, quod minueret tributum, quae pater suus imposuerat, & sic haberet minores redditus quam pater suus. Tertium erat, quod etiam ipse erat iuuenis secundum morem, & nihil considerauit nisi secundum desiderium. Quartum erat, quia Deus aduersatus est ei, ut impleretur verbum suum de diuisione regni praenuntiata per Ahiam Silonitem, ut patet 3. Regum 12. Ad tertium de senioribus consulentibus dicendum, quod consilium eorum rectum erat, & tamen noluit illud exaudire Roboam, & licet ipsi viderent ex hoc discessionem imminere, non potuerunt auertere mentem Roboam ad hoc: non enim considerabat malum sibi futurum: si enim cogitasset nunquam respondisset. Quod patet, quia postquam dure respondit, & populus cepit facere seditionem, misit virum prudentem Aduram nomine, qui leniret animos populi ex parte regis: sed non exaudierunt eum, sed potius lapidauerunt. Si enim a principio putasset discessionem futuram ex responsione sua dura, sicut postea expertus est, potius a principio temperasset verba sua quam postea orando vellet lenire populum.

An peccauit respondendo.

Quaest. XII.

QVAERITVR vltius, an Roboam peccauit respondendo populo ista dura, quae respondit. Aliquis dicet, quod non: quia Deus induxit eum ad dicendum ista, quae dixit, scilicet ut compleretur sermo Ahiae Silonitis: ut patet 3. Regum 12. & sequenti cap. Respondendum, quod peccauit Roboam sic respondendo, & fuit valde stultus: vnde vocatur stultus Eccles. 47. finem habuit Salomon cum patribus suis, & dereliquit post se de semine suo stultitiam gentis, & imminutum prudentiam Roboam, qui auertit gentem consilio suo. Item peccauit Roboam: quia mentitus est:

nam dixit, minimus digitus meus est grossior lumbis patris mei, in quo signabat se maioris honoris, & dignitatis esse quam pater suus fuerit: sed istud falsum est, quia pater suus fuit excellentissimus gloria, & honore, & diuitijs, & sapientia super omnes reges, qui fuerant ante eum, & post eum futuri erant: ut patet 3. Regum 3. & supra primo. Roboam autem erat quidam vir inutilis, & stultus carens omni perfectione: sicut patet infra 12. f. Porro Roboam erat vir rudis, & corde pauido: nec potuit resistere. Item peccauit, quia abstulit honorem debitum patri, quia dato quod sit filius melior patre, non debet dicere se meliorem illo: quia sic non solum nullum honorem ei dat, sed etiam dehonorat eum: dixit tamen Roboam, minimus digitus meus grossior est dorso patris mei: in quo patrem suum minorem se valde faciebat: ideo peccauit. Item Roboam peccauit propter verba iniusta, & grauiora, dicens pater meus cecidit vos flagellis, ego autem cedam vos scorpionibus: & pater meus posuit super vos iugum graue, ego autem maius pondus apponam: ergo peccabat aggrauando saltem verbis populum. Item Roboam locutus est ex superbia ostentans se valde excellentem: ergo peccauit. Item Roboam per verba sua creauit diuisionem populi, & praestitit occasionem ad idolatriam, quam postea exercuerunt decem tribus Israel diuisae a regno suo: ut colligitur Ecclesiast. 47. Ergo peccauit, & satis dure, & quantum ad hoc ipse meruit priuari regno, non solum quantum ad quandam partem, sicut factum est: sed etiam totaliter, & tamen noluit Deus totum regnum auferre propter merita Dauid: ut patet 3. Reg. 11.

Responditque rex dura, derelicto consilio seniorum: locutusque est iuxta iuuenum voluntatem: Pater meus graue vobis imposuit iugum, quod ego grauius faciam: Pater meus cecidit vos flagellis, ego vero cedam vos scorpionibus. Et non acquieuit populi precibus: erat enim voluntatis Dei, ut compleretur sermo eius, quem locutus fuerat per manum Ahiae Silonitis ad Ieroboam filium Nabath. Populus autem vniuersus rege duriora dicente, sic locutus est ad eum: Non est nobis pars in Dauid: neque hereditas in filio Isai. Reuertere in tabernacula tua Israel, tu autem pasce domum tuam Dauid. Et abiit Israel in tabernacula sua. Super filios autem Israel, qui habitabant in ciuitatibus Iuda, regnauit Roboam. Misitque rex Roboam, Aduram, qui praerat tributis, & lapidauerunt eum filij Israel, & mortuus est: porro rex Roboam currum festinauit ascendere, & fugit in Ierusalem: recessitque Israel a domo Dauid usque ad diem hanc.

Responditque. Hic ponitur secundum huius cap. f. ipsa discessio, vel regni diuisio, quæ secuta fuit ex responsione regis, & dicitur. *Responditq; rex dura*. Scilicet, minimus digitus meus grossior est lumbis patris mei, pater meus cecidit vos flagellis, ego autem cecidi vos scorpionibus: & vocatur rex ipse Roboam, non quod tunc esset rex, quia nondum fuerat in regem institutus, sed conuenerat populus, ut eum institueret, & quia non conuenerunt cum eo non instituerunt illum, sed Ieroboam: fuit tamen Roboam rex super duas tribus, scilicet Iudam, & Benjamin postea. *Derelicto consilio seniorum*. Qui iusserunt ei, quod leniret populum verbis clementibus, dato quod non intenderet sic facere, ut semel reciperent eum in regem, & confortaretur super illos: quia postea poterat facere de illis quidquid vellent. *Locutusque est iuxta iuuenum voluntatem*. Illi enim dixerant ei, quod diceret, minimus digitus meus grossior est lumbis patris mei, ut ostenderet se habere animum regalem, & sic eum magis timerent: sed errabant nimis, quia cum nondum esset Roboam rex, volebant ei apponere regales minas. *Pater meus graue vobis imposuit iugum*. Non repetitur hic illa clausula, scilicet minimus digitus meus grossior est lumbis patris mei, & tamen debet intelligi, quod omnia ista dixit Roboam Israelitis, sicut dixerat iuuenes in litera. *Quod & ego grauius faciam*. Scilicet, ego reddam tributa vestra maiora, quam pater meus illa fecerit. *Pater meus cecidit vos flagellis*. Id est, subiecit vos pater meus aliquibus laboribus, qui erant graues, sicut flagella. *Ego vero cecidi vos scorpionibus*. Scilicet, ego vos subiciam maioribus laboribus, & tributis, quæ sunt sicut flagella scorpionum in respectu ad alia flagella simplicia. *Et non acquieuit populi precibus*. Scilicet, noluit Roboam consentire precibus populi præcantis pro liberatione, vel alleviatione aliqua ab onere, quod imposuerat Salomon. Erat enim voluntas Dei, ut compleretur sermo suus, quem dixerat per Ahiam Silonitem. Nam prænuñciauerat Deus, quod regnum diuideretur, & maneret solum quædam pars eius in manu Roboam, & reliquum daretur Ieroboam filio Nabath: & si Roboam consentiret precibus populi, non compleretur verbum domini: quia populus non haberet aliquam causam, nec colorem ad faciendam discessionem, & diuisionem regni, si Roboam consentiret precibus eorum alienando iugum ipsorum, sicut ipsi petebant: & tamen Deus prænuñciauerat, quod regnum diuidendum esset, ideo ut compleretur verbum domini procurauit, quod non consentiret Roboam precibus populi, & sic diuideretur regnum. *Quem locutus fuerat per manum Ahia Silonitis ad Ieroboam filium Nabath*. Ahias Silonites prænuñciauerat diuisionem regni ad Ieroboam filium Nabath: nam cum esset Ieroboam in agro inuenit eum Ahias, qui erat indutus pallio nouo, & scidit in duodecim partes istud, & dedit decem ipsi Ieroboam declarans ei, quod futurus esset rex super decem tribus Israel, & Roboam filius Salomonis regnaret super duas tribus residuas. 3. Reg. 11. & non fuerat ista propheta denunciata alteri: ut autem verificarentur ista, Deus fecit, quod non consentiret Roboam precibus populi: & istud non est per modum præcepti negatiui, scilicet iubendo, ne consentiret precibus populi: nec etiam erat cogendo voluntatem suam ad hoc, quia voluntas nullam coactionem suscipit: sed excecando intellectum suum ad iudicandum hoc. De modo autem excecandi intellectum, qualiter Deus fecit, declaratum est latissime. 3. Regum 12. super hoc in quadam questione, quæ incipit: queritur an potuerit peccare Roboam respondendo populo dura, quæ locutus est. *Populus autem vniversus*. Scilicet, totus populus grauer locutus est contra regem: cum rex grauer loqueretur contra populum, & dicitur vnuer-

fus, scilicet de decem tribubus. Nam populus de tribu Iuda, & Benjamin mansit semper in obedientia Roboam: licet grauius locutus fuerit, & paruiter se ad pugnandum contra decem tribus ad reducendum eas ad vniionem regni: ut patet sequenti cap. & 3. Regum 12. *Rege duriora dicente*. Scilicet, Roboam loquente dura, scilicet minimus digitus meus, &c. Et vocatur rex: quia factus est rex super tribum Iuda, & Benjamin postea, nondum tamen erat rex. *Sic locutus est ad eum*. Scilicet, in presentia Roboam locuti sunt ista grauius, quæ sequuntur, scilicet, quod nolent eum habere in regem. *Non est pars nobis in Dauid, nec hæreditas in filio Isai*. Scilicet, si haberemus aliquam partem in Dauid, ita quod essemus de progenie eius, dato quod Roboam nos graueret, debemus sustinere propter cognationem: quia tamen sumus extranei, non habemus aliquam partem in eo, aut in posteritate eius, non debemus sustinere istam aggrauationem, sed recedere à Roboam, & constituere nobis alium in regem: & dicitur non est pars nobis in Dauid, nec hæreditas in filio Isai, quod ad idem pertinet: nam pars, & hæreditas idem sunt, & Dauid, & filius Isai, idem sunt, cum Dauid esset filius Isai. primo Regum 16. & 17. capit. Ista verba erant conuenientia ad cauendam discessionem: ideo iterum Siba filius Bocris viuente Dauid, cum vellet rebellare Dauid, & auertere ab eo totum populum dixit: quæ nobis pars in Dauid, & quæ hæreditas in filio Isai? reuertere Israel in tabernacula tua: ut patet 2. Regum 10. cap. præter tribum enim Iuda recesserunt tunc omnes à Dauid, sed postea Dauid reduxit ad se omnes, eodem cap. *Reuertere in tabernacula tua Israel*. Id est, o Israel iam non cures de Roboam, nec constituas eum in regem, sed reuertere in tabernacula tua, scilicet non maneat iam in loco isto expectando constitutionem regis: nam congregati fuerant in Sichem ad hoc solum, ut constituerent Roboam in regem: sed quia iam non concordabant cum Roboam, non restabat, nisi ut reuerteretur totus Israel in tabernacula sua, id est singuli in ciuitates suas ad disponendum de negotijs suis, & non curarent iam de constitutione Roboam in regem: ista sunt verba ad monentis populi scriptum ad recedendum à Roboam. Et vocatur hic Israel, totus populus Israel, scilicet duodecim tribus, quia nondum facta fuerat diuisio illa, per quam decem tribus vocatæ sunt regnum Israel, sed omnes descendentes de Iacob, qui etiam erat Israel, vocantur hic Israel, & omnes hos hortatur isti recedere à Roboam, quorum quædam pars parua erat domus Dauid. *Tu autem pasce domum tuam Dauid*. Ista verba possunt esse ad increpandum, vel insultandum ipsi Roboam, scilicet tu Roboam respondisti male populo, ideo nunc pasce domum tuam, id est dominare solum super domum tuam, & non cures de reliquo Israel, quia totus à te recedet, quasi dicat: non manebit tibi honor, quem prius habebas principando omnibus tribubus. Aliter potest intelligi non per modum insultandi, scilicet. Recede, vel reuertere Israel in tabernacula tua, & tu Dauid vide domum tuam, scilicet quilibet sit de cætero sollicitus de seipso, scilicet Israel curabit de domo sua, quæ est tribus Iuda, vel de cognatione Dauid solum. *Et abiit Israel in tabernacula sua*. Id est omnes viri, qui erant congregati in Sichem ad constituendum Roboam in regem, & expectauerant ibi per tres dies responsum eius, auditis verbis istis recesserunt in ciuitates suas nolendo constituere Roboam in regem, nec faciendo cum eo aliquam concordiam. *Super filios autem Israel, qui habitabant in ciuitatibus Iuda regnavit Roboam*. Scilicet, facta ista discordia noluit totus Israel constituere Roboam in regem concorditer, sicut prius intendebat: sed recesserunt decem tribus Israel, & non habuerunt Roboam in dominum: sed duæ tri-



bus, scilicet Iuda, & Benjamin constituerunt eum in regem: nam antequam de Sichem recederet Roboam, constituerunt eum in regem istarum duarum tribus: & dicitur de habitantibus in ciuitatibus Iuda, & subintelligitur etiam de ciuitatibus Benjamin, quia non solum regnauit Roboam super Iuda, sed etiam super Benjamin: & tamen interdum nomine Iuda intelligitur etiam tribus Benjamin: eo quod ambae constituebant vnum regnum, quod vocatur regnum Iuda: & sic accipitur interdum Iuda pro tribu, vel sorte, & interdum pro regno, & tunc comprehendit tribum Iuda, & Benjamin. *Misitque rex Roboam Aduram*. Roboam iuueniliter motus respondit populo dure, & populus recessit ab eo, nolens ipsum constituere in regem. Cum autem vidit, quod culpa sua euenisset, scilicet quod dure locutus fuerat, voluit reducere populum ad se blanditijs, erant tamen iam sero, cum semel populus fecisset discessionem, & ad hoc misit Aduram virum prudentem, ut loqueretur populo blandè ex nomine regis, ut reduceret eos ad vnitatem regni. *Qui praeerat tributis*. Iste Aduram vocatur interdum Adoniram: 3. Regum 4. Et erat vir venerabilis, qui tempore Salomonis praeuerat tributis: 3. Regum 4. Et nunc etiam volebat Roboam, quod praeficeret tributis tempore suo: vel nondum Roboam ordinauerat de tributis, quia nondum erat rex, & sic non est verisimile, quod ordinasset adhuc officiales domus suae, & regni: sed illi, qui erant officiales tempore Salomonis, quia nondum priuati fuerant suis officijs, dicebantur habere nomina illorum officiorum, & sic Aduram tempore Salomonis erat collector tributorum: 3. Regum 4. Et quia nondum novos officiales instituerat Roboam, dicebatur iste adhuc praeficeret tributis. *Et lapidauerunt eum filij Israel*. Suadebat iste Aduram decem tribubus Israel reditum ad Roboam, & forte apponebat aliqua verba minarum inter verba suaforia, & populus, qui indignatus erat nimis contra Roboam, lapidauit Aduram nuncium eius. *Et mortuus est*. Scilicet, quia lapidibus eum vulnerauerunt vsque ad mortem. *Porro rex Roboam currum festinauit ascendere*. Audito, quod populus lapidasset Aduram, & esset nimis indignatus contra Roboam: timuit ipse Roboam, quod etiam contra eum procedere vellet populus ad lapidandum, & praeter timorem ascendit velociter currum ad fugiendum. Nam super currus reges ambulabant: quia ille erat modus quietissimus, & erat pro tempore belli, & pacis: praesupponendum est ex hoc, quod Roboam erat adhuc in Sichem, quando lapidatus est Aduram. Modus autem fuit, quod totus populus conuenit in Sichem, & forte prima die congregationis totus populus venit ad Roboam, & petiuit ab eo, quod alleviaret iugum, quod imposuerat illis pater eius: ipse tunc petiuit trium dierum inducias ad deliberandum, & habito consilio iuuenum: respondit die tertia: Minimus digitus meus, &c. Quo audito populus scandalizatus valde verbis Roboam dixit, quae nobis pars in Dauid, & quae hereditas in filio Isai: & fecerunt diuisionem regni: Manebant tamen in Sichem, & quia decem tribus Israel manifestatae fuerant fecisse discessionem hanc, misit Roboam ad illas Aduram, ut persuaderet eis redire ad se verbis blandis, & illae noluerunt, sed potius lapidauerunt eum: quo audito Roboam timens de morte sua potiusquam sperans concordiam posse fieri inter eum, & populum fugit recedens de Sichem in Ierusalem, quae erat terra regni sui. Nam si postquam Israelitae dixerunt: Quae nobis pars in Dauid, & illud: Reuertere Israel in tabernacula, recessissent de Sichem in tabernacula sua, & Roboam iuisset in terram suam, & postea mitteret ipsum Aduram in terram decem tribuum Israel, & ibi lapidarent eum, non habebat Roboam propter quid timeret, &

fugeret: nec etiam posset fugere in Ierusalem: quia iam praesupponeretur esse in Ierusalem, & tamen audita morte Aduram festinus ascendit currum, & fugit in Ierusalem: ergo erat tunc in Sichem cum toto populo Israel, & timuit, quod sicut occiderant nuncium suum, ita & occiderent eum si ibi diutius maneret. *Et fugit in Ierusalem*. Erat enim metropolis regni, & sedes in Ierusalem, & fugit illuc: etiam quia erat ciuitas propinqua loco, de quo fugiebat: nam est Ierusalem in sorte Benjamin, & Sichem in sorte Ephraim, & fors Ephraim est coniuncta sorti Benjamin, praeter hoc, quod vna est Aquilonaris, & altera Australis. Erat autem Roboam rex super Iudam, & Benjamin, & sic potuit fugere in Ierusalem, quae est ciuitas Benjamin. *Recessitque Israel a domo Dauid*. Idest decem tribus, quae vocantur hic Israel recesserunt manifeste a domo Dauid, idest a regibus de domo Dauid nolentes ei obedire. *Vsque ad diem hanc*. Idest, ista rebellio durat vsque ad diem, quo scriptus fuit liber iste: non intelligitur de tempore, quo scriptus fuit liber iste per Esdras: quia istud fuit post captiuitatem Babilonis, & tamen multo ante hoc non erat regnum Israel, quia translati erant Israelitae in Assyrios. 4. Regum 17. Et tamen recessus non dicitur proprie nisi pro eo tempore, quo manebant Israelitae in rebellione, & istud non erat nisi quando diu manebant in terra sua, & poterant obedire regibus de domo Dauid, vel abstrahere se ab eis, ideo non dicebantur tunc manere in rebellione, sed intelligitur de tempore, quo scripsit ille librum suum: cuius historiam secutus est Esdras, scilicet Semeias Propheta, & Addo videns: quia isti duo scripserunt historiam Roboam, & de diuisione regni infra 12. Et tunc verum est, quod tempore illorum duorum Prophetarum scribentium, manebat Israel in hac rebellione, cum maneret in terra sua. Si tamen velimus intelligere de tempore, quo scriptus fuit liber iste per Esdras, adhuc poterit intelligi, scilicet, recessit Israel a domo Dauid vsque in diem hanc, idest recessit, & nunquam rediit ad domum Dauid vsque ad hanc diem: nam cum nunquam redierit verum est, quod etiam vsque ad diem illum non redierat.

An peccauerunt tribus diuidendo, & recedendo.

Quest. XIII.

QVAERITVR circa, istam diuisionem regni, an peccauerunt nunc istae decem tribus Israel, recedendo a Roboam, & diuidendo regnum eius. Aliquis dicet, quod non peccauerunt, quia Deus approbavit istam diuisionem, & eo volente facta est, ut patet supra in litera, & sequenti cap. & 3. Regum 12. Bona ergo fuit: sed respondebitur, quod istud non tenet, quia omnia mala poenalia, quae aliquibus eueniunt, Deo volente, & ordinante eueniunt: eo quod non est malum in ciuitate, quod dominus non fecerit: Amos 3. Et tamen manifestum est, quod multi infligunt alijs poenas iniuste, & peccant. Sed adhuc respondetur pro illa parte, quod non peccauerunt Israelitae, quia quando quis praedudicat alteri, licet Deus velit, quod praedudicetur illi in poenam, tamen si praedudicans noluisset satisfacere dissoluendo grauamen, recipitur dissolutio grauaminis: imò iura humana compellunt ad dissoluendum talia grauamina: Deus tamen voluit, quod istud grauamen, quod decem tribus Israel intulerant Roboam diuidendo regnum eius dissolueretur: quia cum filij Iuda vellent pugnare contra decem tribus Israel, ut reducerent eas ad se, Deus dixit, quod non pugnarent, ut patet sequenti c. & 3. Regum 12. quia voluntate

tate sua istud factum fuerat, ergo non peccauerunt Israelitæ recedendo à Roboam. Respondendum vno modo, quod Deus non prohibuit hic fieri satisfactionem: sed prohibuit peti illam. Stat autem bene, quod aliquis mereatur pati grauamen, quod suscipit, & tamen ille, qui infligit non possit iuste infligere: ideo tunc qui grauatur non poterit petere dissolutionem grauaminis: qui tamen grauauit illum licite poterit dissoluere grauamen, imò tenebitur. Sic fuit in proposito, quia Roboam merebatur quantum ad Dei iudicium priuari maiori parte regni propter peccata Salomonis, ut declaratum est in quadam quaestione. 3. Regum 12. Etiam meruit hoc peccatis proprijs, ut declaratum est supra in quadam quaestione. Ideo quod populus recederet à Roboam iustum erat quantum ad ipsum, & sic non poterat pene dissolutionem grauaminis, quare verè non erat ei inflictum grauamen. Si tamen cõpararetur ad populum, qui recessit ab eo, fortè non habuit iustam causam recedendi ab eo: ideo populus teneretur redire ad Roboam, quamquam non posset petere Roboam, quod populus ad eum rediret. Nunc autem non dixit Deus decem tribubus Israel, quia non redirent ad Roboam: quia fortè si ipsi voluissent redire, Deus acceptasset reditum: sed solum prohibuit hic viros Iuda volentes pugnare contra decem tribus Israel ad reducendum eas ad vnitatem regni, sicut prius: sed Roboam non habebat ius petendi hoc: ideo non patet ex hoc, quod non peccauerunt decem tribus Israel recedendo à Roboam, quamquam ipse non habuerit ius petendi vñionem regni. Aliter potest dici, quod dato quod Israelitæ vellent redire ad Roboam, & Deus diceret, quod non redirent, non sequebatur, quod non peccassent recedendo ab illo: quia ipsi fortè egerunt diuisionem illam sine aliqua causa. Deus autem ex aliqua causa occulta Israelitis velle, quod non reintegraretur regnum in penam Roboam: sed id quod nesciebant Israelitæ, non poterat eos excusare: ideo non excusarentur quin peccarent. Dicendum tamen, quod his non obstantibus, non peccauerunt Israelitæ recedendo à Roboam. Et ratio est, quia cuilibet permittitur à Deo defensio legitime habita. Qui autem non est seruus, non cogitur à Deo, quod seruiat alicui: sed Israelitæ erant liberi, & habebant super se reges, non ut dominos, sed ut rectores si igitur reges eorum vellet subijcere eos in seruos, vel grauare supra modum licite poterant recedere ab eis: sicut quælibet gens potest recedere à rege suo, quando fuerit valde iniustus: ut declaratum est supra in quadam quaestione. Roboam autem volebat opprimere nimis Israelitas: nam dixit: pater meus cecidit vos flagellis, ego autem cecidam vos scorpionibus: pater meus posuit super vos iugum graue, ego autem maius pondus apponam, supra in littera, & 3. Regum 12. Ideo poterat populus licite recedere ab eo, ut non reduceretur in seruitutem, cum non obligaretur seruire ei, nec cuiquam alteri.

An poterat licite populus recedere.

Quæst. XIII.

QVAERITVR vltèrius, cum decem tribus Israel recesserunt à Roboam propter dura verba, quæ respondit, nunquid si respondisset blandè, an poterant Israelitæ licite recedere ab eo. Aliquis dicet, quod quantumcunq; blandè responderet Roboam, poterat populus licite ab eo recedere, quia Deus prædixerat, quod decem tribus recederent à Roboam, & essent subiecti Ieroboam: ut dicitur. 3. Reg. 11. Ergo poterant recedere illæ decem tribus qualitercunq; responderet Roboam. Respondendum tamen, quod

A istæ decem tribus non poterant licite recedere à Roboam, si non fecisset aliquid dignum diuisione regni, & in præiudicium earum. Istud autem poterat esse quodcumque nimis grauaret subditos suos: unde si à principio respondisset Roboam malè, sicut respondit, poterant licite ab eo recedere Israelitæ, sicut fecerunt. Si autem non respondisset malè, non habebant tunc aliquam causam iustam recedendi: si tamen à principio benè respondisset, & postea grauaret subditos: poterant recedere ab illo quocumque tempore, grauaret eos. Istud autem non erat speciale in Roboam: nam etiam si Salomon, vel David grauasset nimis populum tributis, vel seruitute aliqua, poterant recedere ab eis, licet isti essent reges vñcti. Cum autem obiicitur, quod diuisioni regni fuerat prænunciata per prophetiam, dicendum quod ista non dabat Israelitis aliquod ius recedendi à Roboam: quia prophetia nunquam est mandatum de agendo, vel non agendo: sed est prænunciatio de euentu rerum: ideo neminem obligat: solum enim mandatum est ad agendum, vel non agendum: unde Israelitis non debebat esse cura de verificando prophetiam Dei: quia cum ipse prænunciasset hoc, ipse verificaret illud, & non egebat adiutorio Israelitarum ad hoc. Item Israelitæ debebant intelligere, quod ista prophetia dicta erat cum conditione, vel saltem subintelligebatur, si I. Roboam grauaret populum. ideo si non reperirent aliquod grauamen intelligere debebant prophetiam non esse completam, & sic quousque viderent causam rationabilem non debebant recedere à Roboam. Item cum sæpè prophetiæ intelligantur secundum comminationem, & non secundum firmitatem diuinæ sententiæ: ut patet Ierem. 18. & Ezech. 33. debebant interpretari Iudæi istam prophetiam dictam esse secundum comminationem: ideo si non impleteretur, non erat inconueniens. Sed Deus, qui dixerat illam, si secundum firmitatem sententiam illam protulerat, verificaret eam. Si autem secundum comminationem dicta esset, non completeretur: ideo si Israelitæ prætextu prophetiæ huius recederent à Roboam, nulla alia existente causa, cum iam de iure communi tenerentur manere in regno posteritatis David ex promissione facta David: 2. Regum 7. & præcedenti lib. 17. peccarent, & tenerentur redire ad vnitatem regni, quam iniuste introduxerant.

An duæ tribus poterant licite recedere à Roboam.

Quæst. XV.

QVAERITVR vltèrius, an aliæ duæ tribus, quæ manserunt cum Roboam, scilicet Iuda, & Benjamin poterant ab eo licite recedere propter verba dura, quæ dixit, scilicet: pater meus cecidit vos flagellis, ego autem cecidam vos scorpionibus. Aliquis dicet, quod non poterant licite recedere: quia si recederent maneret posteritas David sine regno, & tamen Deus dixerat, quod non auferretur regnum totaliter de domo David, sed diuideretur, ideo tenebantur istæ duæ tribus manere cum Roboam. Item Deus dixit, quod decem tribus solum daret ipsi Ieroboam. 3. Regum 11. Ergo necesse erat, quod manerent duæ tribus cum Roboam. Respondendum, quod duæ tribus, quæ manserant cum Roboam potuissent licite ab eo recedere sicut ceteræ, quia ista verba Roboam grauabant omnes de regno suo, cum diceret, quod imposeret eis graue iugum, ideo quilibet poterat recedere ab illo: nec obstat prophetia, quia sicut declaratum est præcedenti quaestione, quod decem tribus non excusabantur si propter solam prophetiam recederent à Roboam, ita nec duæ

duæ tribus obligabantur manere cum Roboam propter solam prophetiam, si aliàs haberent iustam causam recedendi ab eo. Constat autem, quod habebant iustam causam recedendi: quia dixerat Roboam, quod grauaret eos nimis: ideo non obstante prophetia poterant licitè recedere ab eo. Imò dicendum, quod si prophetia aliqua obligaret duas tribus ad manendum, non magis obligarentur manere tribus Iuda, & Benjamin, quæ manserunt, quam quæcunque aliæ tribus, eo quod prophetia non determinauit, quæ tribus manere debebant cum Roboam, & quæ recedere: sed quælibet debebat putare se obligatam esse ad manendum, cum Roboam. Ad primam rationem in contrarium dicendum, quod ista erat prophetia, & non mandat: iō non obligabat aliquas de tribubus Israel, potiusquā si nunquam fuisset data, sed si nunquam fuisset data illa prophetia, licuisset omnibus tribubus Israel: ex causa iusta recedere à Roboam: ergo etiam nunc licebat nō obstante prophetia. Ad Deum autem pertinebat verificare illam, & sic fuit: quia ipse mouit cor decem tribuum, ut recederent à Roboam pro grauamine, quod promittebat Roboam se facturum. Duas autem tribus Deus mouit ad permanendum, scilicet quod quamquam Roboam ista diceret, vellent manere cum eo: habebant tamen libertatem recedendi. Ad secundam rationem eodem modo dicendum, quod prophetia erat, & non præceptum: ideo non obligabat, si tamen obligaret, nō magis obligaret istas duas tribus, scilicet Iuda, & Benjamin, quam quascunque aliàs, cum nullam determinaret, ut supra dictum est.

*Quare missus est Aduram ad decem tribus, &c.
Quæst. XVI.*

QVAERITVR vltèrius circa Aduram, qui missus est ad decem tribus Israel, ad quid missus est. Aliqui dicunt, quod missus est ad petendum tributa, & hoc colligunt ex duobus. Primò, quia recesserant istæ decem tribus à Roboam, & volebat ipse experiri, an verè recessissent, & ad hoc iussit peti ab eis tributa regalia, ut si negarent tributa pateret eas omnino recessisse à Roboam, & tunc sciret ipse quid expediret ei agere contra illas. Si autem tributa soluerent, manifestum erat eas non recessisse ab eo. Secundum est, quia dicitur hic, quod misit Roboam ipsum Aduram, qui præerat tributis, ergo videtur, quod mittebat eum ad petendum tributa, quia aliàs frustra poneretur, & fieret mentio, quod Aduram præerat tributis. Dicendum tamen videtur, quod non missus fuit Aduram ad petendum tributa, sed ad faciendum aliquid aliud, & hoc quia non est verisimile, quod nunc peteret Roboam tributa. Primò patet, quia quando misit Roboam ad Israelitas Aduram, adhuc manebant Israelitæ, & ipse Roboam in Sichem, in quo loco conuenerant ad constituendum eum in regem: Quod patet, quia quā locutus fuerat Aduram Israelitis lapidauerunt eum, quo audito Roboam timuit, & festinus ascendit cursum, fugitque in Ierusalem: & tamen si non manerent Israelitæ, & Roboam simul adhuc in Sichem, non timeret Roboam ad hoc, quod oporteret eum fugere. Nam si singuli Israelitarum recessissent in tabernacula sua, non habebat Roboam, quem timeret etiam si ipse maneret in Sichem: vel si ipse recessisset iam de Sichem in terram suam, dato quod omnes Israelitæ essent congregati in Sichem, & ibi lapidarent Aduram, non timeret Roboam, nec habetet causam fugendi, quia erat iam in terra sua, & tamen quia erat Roboam in Sichem, & ibi etiam omnes tribus Israel, & lapidauerant Aduram, timuit Roboam: quia si ibi maneret ipse aliquanto tempore, etiam eum lapidarent, ideo

Fugit. Hoc stante non est verisimile, quod Roboam mitteret Aduram ad petendum tributa: quia non erant Israelitæ in vrbibus suis, & tamen tributa non colligerentur nisi quando essent singuli in locis suis: quia ibi haberent unde soluerent. Etiam quia non erat aliquis color ad petendum tam cito tributa: nam licet ex parte Roboam esset conueniens modus cognoscendi, an erant subditi ei Israelitæ, tamen non erat conueniens color contra Israelitas, quod illico, quod congregarentur ad constituendum regem, ipse peteret tributa: nam suspicarentur manifestè aliquod malum Israelitæ ex tali petitione tributorum. Secundò patet, quia Roboam nondum erat constitutus in regem super Israelitas, quomodo peteret tributa: non enim erat verisimile: quia istud erat in iniuriam Israelitarum. Et dato, quod Israelitæ denegarent tributa, non ostendebant se rebellare, sed agerent de iure suo, dicentes se non esse obligatos ad reddendum tributa nisi regi: Roboam autem non erat rex, cum nondum constitutus esset in regem. Tertiò patet, quia non est verisimile, quod Roboam vllò modo mitteret nunc ad petendum tributa, quia Israelitæ recesserant nunc à Roboam, quia grauiter locutus fuerat eis dicens, quod apponeret eis maiora onera, quā apposuerat pater suus, & cederet eos scorpionibus, cum pater eius cecidisset eos flagellis. Si autem nunc mittendo illico Roboam ad petendum tributa ab Israelitis viderent ipsi, quod Roboam ostenderet in opere duritiam, quā verbo dixerat: cū prima die ferè congregationis suæ antequam esset constitutus rex peteret tributa, & sic irascerentur nimis Israelitæ, & hoc erat, ut nunquam possent concordari cum eo, & tamen ipse volebat concordare cum illis, ut reduceret illos ad se: ergo non aggredereetur eos ita inhumanè, sed potius verbis blandis, & cauendo inferre eis aliquam molestiam. Dicendum ergo, quod non missus est Aduram ad Israelitas ad petendum tributa, sed solum ad reconciliandum populum cum Roboam, & reducendum ad ipsum. Nam cum Roboam vidit totum populum contra se motum propter stultam responsionem suam, agnoscens culpam, voluit reconciliari populo, & ad hoc misit Aduram, qui erat vir honorabilis, ut ipse loqueretur populo ex parte regis: quia rex ex leuitate, vel inaduertentia dixerat verba illa, & tamen non intendebat sic facere, sed quod assentiret petitionibus eorum: sic ait Iosephus 8. Antiqui. Nam dum misisset Roboam quendam super tributa constitutum nomine Aduram, qui eos aliquo modo reuocaret, & post sermonem, qui petulanter ab ætate iuuenili prolatus fuerant ad concordiam reuocaret passi, non sunt, sed eum lapidantes interemerunt. Ad primum motuum in contrarium dicendum, quod non erat conueniens, quia cum nondum Roboam esset rex, non poterat licitè petere tributa, ideo dato, quod non darèt ei tributa ille decem tribus, non ostenderent se rebellare ei, sed vterentur iure suo. Ad secundum dicendum, quod non fuit missus Aduram ad petendum tributa, ab Israel, sed cum esset vir senex, & honorabilis, cuius auctoritati populus cederet, & faciliter reuocaret illos. Dicitur autem, quod erat super tributa, non ad signandum, quod ibat ad petendum tributa, sed ad denotandum quis erat iste Aduram, scilicet, quod erat ille, qui colligebat tributa: quia per officia solent cognosci habentes magis quā nominibus suis, & quia 3. Regum 4. ubi agitur de officialibus Salomonis dicitur, quod iste Aduram erat constitutus super tributa: dicitur etiam hic, & 3. Regum 12. quod missus est iste Aduram, qui præerat tributis.

An peccauit populus, occidendo Aduram.

Quaest. XVII.

QVAERITVR vltius, quare populus occidit Aduram, & an peccauit occidendo eum. Aliqui dicunt, q̄ Aduram ibat ad petendum tributa, & quia in hoc prāiudicabat Israelitis, cū Roboam nōdum esset rex, qui petebat tributa, commoti sunt iracundia, & lapidauerunt eum. Dicendum tamen, q̄ hoc nō stat, quia prāsupponitur hic, q̄ iuerit Aduram ad petendum tributa, & tamen falsum est, vt probatū fuit prācedenti quaestione. Potest autem dici, q̄ Israelitae tantum concitati fuerant in iram cōtra Roboam, q̄ cū viderunt Aduram venientem ex parte Roboam, putantes, q̄ veniret ad fallendum eos, non potuerunt sustinere, quin lapidarent eum. Aliter potest dici, q̄ Israelitis cepit persuadere Aduram, vt redirent ad Roboam, & quia ipsi valde exosum habebant Roboam, nec poterant ei aequo animo subijci, aliqui de principibus huius seditionis irruerunt illico in Aduram, opprimentes eum lapidibus: quia timebant, q̄ si permitteretur Aduram finire orationem suam, multi de Israelitis conuerterentur ad Roboam: & sic cessaret seditio: principes tamen huius seditionis nolabant, quod cessaret, ideo lapidauerunt Aduram. Causa autem quare voluerunt, q̄ non cessaret seditio fuit duplex. Prima, quia si nunc reconciliaretur populus ipsi Roboam, parceret Roboam multitudini, quē vt communiter nō regitur a se, sed ab aliquo duce, & quia aliqui fuissent prācipui in hac seditione, Roboam puniret eos directē, vel indirectē: ideo vt non punirentur, voluerunt continuare seditionem: vt sic non praualeret contra eos Roboam. Secunda causa fuit propter Ieroboam: quia ipse intendebat esse rex, & populus eum volebat constituere in regem: potissime cum Ahias prophetia praenunciasset hoc, & tamen si cessaret seditio, conuerteretur totus populus ad Roboam, & non posset constitui Ieroboam in regem: ideo principes seditionis noluerunt, q̄ cessaret ista seditio, & credendum est, q̄ prācipuus, qui instabat, vt lapidaretur Aduram, & non cessaret seditio, erat Ieroboam: quia cū ipse tempore Salomonis insurgeret contra eum ad vlturpandum sibi regnum. 3. Regum 11. a fortiori nunc insurgeret tempore Roboam vacante sede regni, si quia nullus constitutus erat adhuc in regem. Tertia causa erat ex parte ipsorum principum seditionis: quia cū principes seditionis facerent nunc aliquem regē super decem tribus Israel, quia ipsi dabant ei regnum, ille teneretur eis, & benē faceret sibi nimium. Hoc autem non intendebant consequi a Roboam, cui de iure debitum erat regnum, & non putaret se ab eis recipere beneficium, licet regnaret: ideo voluerunt continuare seditionem, & occidere Aduram. Cū autē quaeritur, an peccauerunt Israelitae lapidando Aduram, dicendum, q̄ non potest dari determinata responsio: eo q̄ non apparet motuum Israelitarum, qd fuerit ad lapidandum Aduram: nam secundum illud poterat iudicari an iustē, vel iniustē fecissent. Dicendū tñ, q̄ si occiderunt eum, quia suadebat illis redire ad Roboam, non habebant iustam causam lapidandi illum, & ille habebat iustam causam exorandi illos, & sic peccaret. Si autem lapidarent eum, quia peteret tributa, videbatur habere motuum conuenientius, si q̄ nondum ipsi erant obligati ad aliqua tributa, cū nondum haberent regem: ideo offendeat eos Aduram petendo tributa, & consequenter poterant vindicare iniuriam suā lapidando eum, sed magis videtur fm conscientiam, q̄ tenebantur Israelitae admonere Aduram, ne peteret tributa, & si monitus desistere nolle, possent eum iustē lapidare.

A

An tenerentur redire ad Roboam propter illud, quod dicitur in litera. Quaest. XVII.

QVAERITVR vltius, an Aduram admonente Israelitas ex parte Roboam, quod redirent ad eum petendo veniam de verbo stulto, tenerentur redire ad eum. Aliquis dicet, quod sic: quia Israelitae nō habuerunt aliquod ius recedēdi a Roboam: nisi quia ipse stultē locutus est dicens, quod grauaret eos magis quā pater suus: ideo si reuocaret dictum suum, & promitteret se non grauaturum Israelitas, videtur q̄ tenebantur redire ad eum, quasi si nunquam locutus fuisset aliquid stultē contra eos. Respondendum secundum quosdam, q̄ non tenebantur Israelitae redire ad Roboam: eo q̄ Deus dixit sequenti cap. & 3. Reg. 12. quod duae tribus non conarentur pugnare contra decem tribus Israel, ad reducendum eas ad vnitatē regni, quia ipse fecerat hanc diuisionem. Sed dicendum, q̄ ista ratio non stat, quia istud fuit dictum duabus tribubus, s. q̄ ipse non haberent ius repetendi vñionem regni, & pugnandi contra decem tribus prouisione, eo quod Roboam merebatur perdere illas decem tribus, & tamen non dictum fuit decem tribubus, q̄ non redirent ad Roboam: quia fortē ille iniustē recesserant ab eo, & tunc non habebat ius Roboam petendi illas redire in regnum suum. Dicendum igitur, q̄ non obligabantur decem tribus, petente Aduram redire ad vñionem regni. Primò, quia istae decem tribus iustē recesserant a regno Roboam: vt declaratum fuit supra, postquam autem iustē recesserunt, non pertinebant iam villo modo ad eum. Ideo dato, q̄ Roboam esset postea bonus, in potestate earum erat accipere eū in regem, vel non: sicut gentes ille, quae nullum regē habent, quamquam inter eas sit aliquis vir valde bonus, non obligantur eum accipere in regem: ita istae decem tribus semel solutae iustē a iugo regni, non obligabantur accipere plus Roboam, quā aliquem alium: & sic quamquam nunciaretur eis, q̄ erat iam valde bonus, non obligabantur iam redire ad ipsum. Secundum est, quia posito, q̄ tenerentur Israelitae redire ad Roboam ipso existente bono: tamen nunc nō poterat eis constare hoc, nec dari eis firma cautio, q̄ Roboam benē se haberet ad eos, cū a principio ostendisset malam voluntatem suam. Nuncautem verisimile erat, q̄ licet bona loqueretur non diceret: sed solum vt reduceret semel populum ad se, & postea posset illos grauare quantum vellet: non ergo tenebantur sibi credere decem tribus, nec redire ad eum. Item confirmatur hoc, quia apparet, quod voluntas Dei erat hęc, s. quod maneret regnum Israel diuisum, cū promississet dare decem tribus ipsi Ieroboam: vt patet 3. Regum 11. s. ideo non oportebat, nisi vt Israelitae ex iusta causa transirent ad Ieroboam, quia postea constabat, quod ipsi complebant voluntatem Dei, & sic agerent bonum & benē, quod requiritur ad perfectam rationem boni operis. Ad rationem in contrarium dicendum, quod non obligabantur decem tribus redire ad Roboam, & quando dicitur, quod non recesserunt ab eo, nisi quia erat malus: ergo si postea esset bonus tenerentur redire ad eum. Dicendum, quod falsum est, quia postquam recedebant semel ab ipso, erant omnino liberati a iure regni, tanquam si nunquam habuissent regem super se: ergo non tenebantur redire, licet esset bonus Roboam: quia si nunquam acceperant aliquem in regem, dato quod constaret Roboam esse bonum, non tenerentur accipere eum in regem. Sed obijcietur, quod tenebantur redire: quia de iure communi erant subiecti omnes Israelitae ipsi Dauid, cū Deus pmisisset regnum Dauid

uid in æternum: præcedenti lib. 17. cap. & 2. Regum 7. Ergo quamquam liceret aliquando propter culpam recedere à posteritate Dauid: tamen postea existente bona posteritate Dauid, obligabantur redire ad illam. Dicendum, quòd Israelitæ iam liberati erant ab hac lege, & quòd Deus promiserat dare Ieroboam decem tribus, & quòd manerent cum Roboam duæ tâtum: ideo cum haberent iustam causam Israelitæ recedendi, poterant manere apud Ieroboam, licet Roboam vellet eis reconciliari.

An magis mererentur in manendo, vel redeundo.

Quæst. XIX.

QVAERITVR ulterius, cum decem tribus Israel recedere potuerint licite à Roboam, & etiâ manere poterant in dominio eius, cum ipse se excusaret de verbo stulto per Aduram, in quo melius agerent, & magis mererentur in manendo, s. cum Ieroboam, vel in redeundo ad Roboam. Respondendum, quòd quando per Aduram, vel aliquem alium ex parte Roboam proponeretur Israelitis excusatio eius de verbo stultè dicto, aut Israelitæ acceperunt aliquem nouiter in regem, vel non: si iam acceperunt Ieroboam, vel aliquem alium, dico quòd non benè faciebant redeundo ad Roboam, nec poterant facere de iure: nam si Israelitæ ex causa iniqua, & contra ius recessissent à Roboam, & acceperunt alium in regem, poterant dimittere eum imò tenebantur, & redire ad Roboam, & tamen si iustè dimisissent eum, & acceperunt alium in regem, dato quòd vellet postea Roboam se emendare, & benignè tractare populum, nō licebat eis redire ad eum. Prima pars patet, quia si Israelitæ recessissent à Roboam ex causa iniqua, peccarent recedendo, & tenebantur redire ad ipsum: quia aliter non poterant ei satisfacere, cum abstulissent ei dignitatem, magnam iniuriam, & damnum suum inferendo, nisi restituerent, quòd abstulerant: & hoc erat, quòd redirent ad eum, sicut prius erant, & tunc dato quod acceperunt alium in regem, tenebantur eum dimittere, & redire ad Roboam, & non præiudicabant regi, quem nouiter assumpserant in hoc. Patet, quia non potuerant eum constituere in regem super se in præiudicium primi regis, ad quem de iure pertinebat dominari super eos: ideo licet nunc subtraherent nouo regi obedientiam, quam de nouo præstabant, non peccabant, nec præiudicarent ei: quia sicut de iure nihil ei potuerant conferre: ita nunc per subtractionem obedientiæ nullum ius ei auferebant. Secunda pars patet, quia si iustè Israelitæ recederent à Roboam, per istam recessionem efficiebantur omnino extranei ab eo, & poterant iam manere liberi, vel constituere quicumque vellent super se in regem, ideo cum non tenerentur alicui de iure, poterant se subijcere cuicumque vellent, quia plenum ius super se habebant, & si aliquem semel super se regem acceperunt, ille efficeretur verè rex, & haberet plenum ius regale super eos. Nuncautem fuerat liberum Israelitis constituere illum super se in regem: non tamen liberum erat eis postea illum priuare regno, quandocumque vellent: sicut liberum est alicui donare alteri, quod voluerit: tamen donatione facta, non est sibi liberum repetere, quod donauit, eo quod ius translatum est in alium, quod sine eius iniuria, non potest auferri: & sic dato quòd postea Roboam esset valde bonus, si Israelitæ vellent redire ad eum relicto eo, quem nouiter constituerant, priuarent illum iure suo, auferendo sibi dignitatem regalem, volendo eam dare Roboam, cui tamen non tenebantur eam dare, ergo peccarent. Ex hoc autem sequi

Ftur, quòd postquam constitutus est Roboam rex, super decem tribus Israel, & volebat Roboam pugnare contra Israelitas, dato quòd de facto pugnaret, non licebat Israelitis recedere à Ieroboam timore belli, & accipere in regem ipsum Roboam, quia priuarent Ieroboam regni iure, quem tamen sponte regem fecerant. Si autem Israelitæ neminem constituerunt in regem, quando Aduram proponebat eis excusationem Roboam, sicut fuit de facto, quia nondum constituerant Ieroboam in regem, dicendum, quòd est dubium. Aliqui enim dicunt, quod magis meritorium erat, quod non redirent Israelitæ ad Roboam. Ratio huius est, quia Israelitæ semel rectè recesserant à Roboam, ut declaratum est. Continuando autem hanc discessionem adiuuabāt Deum ad complendum prophetica prænunciationem eo modo, quo homo dicitur Deo cooperari, vel supplere, quæ ei desunt, & sic videtur, quòd faciebat opus meritorium, quia bonum erat, & bona intentione factum. Dicendum tamen videtur per contrarium, quod magis merebantur Israelitæ, si reuersi fuissent ad Roboam. Prima ratio est, quia faciebant opus virtutis, s. remittentes iniuriam: nam Roboam iniuriam intulerat Israelitis, dicendo, quòd grauaret eos plusquam pater suus: cum ergo ipse vellet se corrigere, quod ipse remitteret hanc iniuriam: videbantur facere opus magnæ virtutis, quod non facerent si propter istam iniuriam recederent à Roboam, & acciperent alium in regem, sicut fecerunt. Secundò patet, quia licet Israelitæ recedendo a Roboam iustè faciebant, quia grauabat eos: tamen non videtur, quod bono animo faciebant, sed potius animo vindicandi iniuriam susceptam, quod patet, quia tantam conceperunt iram contra Roboam, quod quando viderunt loquentem Aduram de reductione ad Roboam, non se potuerunt continere, quin eum lapidarent. Agere tamen desiderio vindictæ malum est, & nunc si redirent ad Roboam, cum se excusabat, facerent opus laudabile magnæ virtutis: ideo magis esset hoc meritorium. Tertiò patet, quia in hoc Israelitæ essent valde grati beneficijs susceptis à Dauid, & Salomone: nam Dauid fuit, qui exaltauit gloriam totius regni Israel, & liberauit Israelitas de tributis, quæ soluebant Philistinis. 3. Regum 8. Dilatauit etiam regnum Israel accipiendo multas vrbes, & loca, quæ ab hostibus tenebantur, & congregauit aurum, & argentum, & alias expensas ad faciendum templum domini, ut esset oraculum Israelitarum, & in hoc valde honorauit eos: quia nulla domus tam pulchra in toto orbe erat, ut patet 3. Regum 5. & supra 2. & multa alia, ita ut ferè totum bonum, quod habebant Israelitæ, deberent ipsi Dauid: quia totum eo ministro, & regente acceperant: Salomon quoque licet in fine regni sui præmeret Israelitas magnis tributis: tamen in principio regni sui, & quasi vsque ad senectutem tempore se habuit benignè ad Israelitas: multa quoque beneficia eis contulit: ipse namque templum ædificauit: ipse etiam laudem regni Israel exaltauit: quia propter sapientiam suam omnes reges terrarum desiderabant videre faciem eius, & mittebant legatos: multique eorum personarum veniebant, sicut fecit Regina Saba, quæ venit à finibus terræ audire sapientiam Salomonis: Matt. 12. Et ex hoc laudabantur Israelitæ, qui talem regem haberent: subiicit quoque omnes populos Chananorum in tributarios, qui derelicti fuerant, quos non occiderant Israelitæ, & acquisiuit partem quandam Syriæ, constituitque in eas nouas ciuitates, scilicet. Palmiram, & alias: ut patet supra 8. & 3. Regum 9. Multa quoque alia fecit magnalia, pro quibus Israelitæ tenebantur ad multa Dauid, & Salomoni. Et quia non poterant retribuere eis in persona, cum non superuenerent

uerent tenebantur contribuere posteritati eorum, & sic licet Roboam filius Salomonis, & nepos David peccasset insolenter loquendo contra populum, & mereretur priuari regno, tamen quod propter David, & Salomonem populus parceret insolentiae eius erat valde laudabile, & essent in hoc reddentes gratiam beneficijs acceptis. Item non solum in hoc beneficiebant Israelitae posteritati David, & Salomonis, sed etiam ipsi David, & Salomoni: quia fortunae nepotum, & pronepotum adiuuant felicitatem defunctorum, vel minuunt eas, ut patet primo Ethic. cap. Pronepotum autem fortunas. Quod ergo David fuisset rex potentissimus, & Salomon rex gloriosissimus toto orbe, & filius eius Roboam nepos David priuaretur regno patris, & aui: nec relinqueretur ei, nisi portio regni, erat calamitas quaedam, & diminutio famae mortuorum: quia in hoc gloria eorum censebatur denigrari: ideo ut saltem non offenderetur gloria David, & Salomonis mortuorum, non debuissent Israelitae recedere ab eorum filio Roboam, vel saltem laudabilius fecissent non recedendo, vel postea redeundo, quam permanendo in discessione. Ad rationem in contrarium dicendum, quod velle adiuuare Deum ad complendum prophetiam non erat meritorium: cum non esset illud opus tale, quod secundum se proficeret ad meritum, potissime quia nesciebant Israelitae, an Deus vellet illam prophetiam compleri: quia poterat esse, quod illa prophetia esset secundum comminationem, & talis Deus non vult compleri. Faciendo autem contrarium habebant multas radices merendi, sicut supra declaratum est: ideo magis erat meritorium reuerti ad Roboam, quam manere in discessione: imò (ut verius loquamur) dicendum, quod manere in discessione erat uti iure suo, tamen non erat mereri: & tamen redire ad Roboam si appareret, quod ille se vellet emendare de sua insolentia, erat satis meritorium.

An populus potuisset licite occidere Roboam.

Quest. XX.

QVAERITVR vltcrius, cum dicatur in litera, quod Roboam audito, quod populus lapidasset Aduram timens ascendit currum, & fugit in Ierusalem: an populus potuisset licite occidere lapides, vel occidere ipsum Roboam pro stultitia sua. Aliquis dicit, quod non, quia praedixerat per Ahiam Silonitem, quod decem tribus transirent ad Ieroboam, & duae manerent cum Roboam. tertio Regum decimo. Si autem Israelitae occiderent nunc Roboam facerent contra prophetiam Dei, ideo peccarent. Dicendum, quod ista ratio non stat. Primò, quia fortè Israelitae non audiuerant prophetiam illam: nam illa solum fuit denunciata Ieroboam per Ahiam in agro. tertio Regum vndecimo. Et verisimile est, quod ipse satis occultarent istud, ne publicato sermone posset poni sibi scandalum, quod non poneretur ignora re. Etiam colligitur hoc, quia si fortè iste sermo publicatus esset, timeret Roboam complendam esse prophetiam istam, scilicet, quod decem tribus recederent ab eo, & tunc cautius se habuisset in constitutione sua in regem, scilicet, non loqueretur superbe ne daret occasionem populo ad faciendum id, quod praenunciatum fuerat, & quod ipse timebat, & tamen habuit se valde stultè. ideo credendum est, quod Roboam non audiuit sermonem istum, nec esset publicatus, & sic cum non denunciata esset prophetia ista populo ne-

Alph. Test. super lib. Paralip. Pars. 2

Ahil poterat mouere ad agendum, vel non agendum. Secundò, & efficacius: quia dato quod cognita esset prophetia toti populo, non tenebantur Israelitae stare illi Prophetiae: quia non constabat an dicta fuisset secundum firmam Dei sententiam, vel secundum comminationem, vel promissionem. Tertio, & clarius patet, quia etiam si crederetur Prophetiam illam dictam esse secundum firmam Dei sententiam, non obligarentur Israelitae ad faciendum aliquid, quod ipsa praedicebat, quia solum praecceptum est, quod obligat ad obseruationem, & tamen prophetia non est praecceptum, sed praenunciatio quaedam: ideo non tenebantur Israelitae ad efficiendum, quod in prophetia continebatur. Confirmatur hoc, quia sequeretur ex hoc magnum inconueniens: nam si praenunciatum esset de aliquo, quod futurus esset rex, & ille antequam esset rex coleret idola, sequeretur, quod non poterat puniri secundum legem: sed istud est magnum inconueniens, cum Deus iubeat tales lapidari, & quod non parcatur eis: Deuter. decimo septimo. Ergo non obligat prophetia ad obseruationem. Ita de Roboam erat, quia poterat facere aliqua mala, propter quae secundum legem mereretur mortem, & non posset puniri, quia Deus praenunciauerat, quod regnatus esset super duas tribus Israel, & sic ista praenunciatio prophetica non excusabat eum, dum tamen alias mereretur mortem. Aliquis ergo dicet, quod poterant licite Israelitae lapidare Roboam: quia potuerunt licite lapidare Aduram, qui missus erat a Roboam: ut declaratum est supra in quadam quaestione: & tamen magis peccauit Roboam quam Aduram: quia Roboam misit Aduram, & iussit ei facere, vel dicere omnia, quae fecit, vel dixit: iustius ergo poterant Israelitae lapidare Roboam. Respondendum, quod non licebat Israelitis lapidare Roboam, & patet hoc, quia Roboam de facto nihil egit, sed solum dixit vnum verbum stultum, scilicet, quod premeret Israelitas maiori iugo quam pater eius illos presserat, & tamen propter vnum verbum stultum non merebatur mortem rex, vel filius regis. Nam etiam vnus homo priuatus, qui alicui mortui se diceret se aliquam iniuriam illaturum, non ex hoc reus est mortis, nisi inferat, vel inferre tentet: quanto magis cum Roboam esset maior dignitate quam populus, non erat reus mortis, licet offenderet populum in vno verbo stulto? Vnde dicendum, quod si licitum fuit Israelitis recedere a dominio Roboam, ne cum constituerent regem, non fuit propter magnitudinem iniuriae quasi ista iniuria liberaret eos a potestate Roboam: sed hoc fuit propter iustum timorem: quia cum Roboam comminaretur tanta mala se facturum, & haberent Israelitae iustam causam timendi, scilicet, quia si efficeretur rex, haberet opportunitatem ad faciendum haec, & fortè faceret: timor iste iustus, scilicet ne inciderent in mala, quae comminabatur Roboam liberauit eos a potestate eius, ita quod ipsi possent facere iustam discessionem. Si ergo stultum illud verbum non fuit causa sufficiens ad priuandum ipsum Roboam iure regni, nisi aliquid aliud interciderit, a fortiori non esset causa sufficiens ad occidendum eum. Si autem obijciatur, quod Roboam fugit timens, quod occideretur. Dicendum, quod non fiebat quasi timens, quod de iure posset occidi, sed de facto timuit, quod aliquod malum sibi interiret. Nam cum vidit, quod tanta ira populi fuerit, quod sic indeliberatè lapidassent Aduram virum suum propter eum, credidit quod taliter erat dispositus populus, quod facilius, vel potius eum lapidarent, si eis occurreret. ideo timens fugit.

T Ad

Ad rationem in contrarium de lapidatione Aduram dicendum, quod de Aduram est dubium, an populus iuste eum lapidauerit, & præsupponitur potius, quod eum iniuste lapidauerint, quam quod iuste: nam si lapidauerunt eum, quia orabat pro reductione regni ad Roboam, peccauerunt. Si autem pro petitione tributorum, habebant colorem aliqualem, & tamen non erat iustum, quod eum occiderent illico, ut tributa peteret: sed debebant eum admonere, ne peteret, & si non desisteret, poterant eum licite occidere. Præsupponitur tamen eadem questione probatum, quod non petiuerit Aduram tributa, nec iuit ad hoc ad Israelitas: sed ad reuocandum eos in unitate regni, sicut prius, & sic non occiderunt iuste Israelitæ ipsum Roboam, & consequenter non arguitur inde, quod possent iuste occidere ipsum Roboam.

An tenerentur accipere Ieroboam in regem, &c.

Quest. XXI.

QUÆRITVR vterius, cum Israelitæ recesserint à Roboam nolentes eum in regem propter superbiam suam, an tenebantur accipere Ieroboam in regem, vel aliquem alium, vel poterant manere sine rege. Respondendum, quod poterant licite manere iste decem tribus sine rege: nam lex non obligabat Israelitas ad accipiendum regem, sed potius concedebatur ex quadam permissione: ut patet Deut. 17. Vnde cum primò petiuerunt regem Israelitæ, offenderunt Deum: ut patet primo Regum 8. & 12. cap. & ibi valde increpantur à Samuele, & dicit Deus se abiectum esse, ne regnaret super Israelitas, & ex magna importunitate petentium concessit regi, ut patet ibidem: cum ergo nunc Israelitæ liberi essent à rege, non obligabatur secundum legem accipere regem: nec etiam obligabantur ex debito alicuius personæ: quia istud esset ex promissione Dei facta ad illam personam, vel ad progeniem suam, per quam competeret ei ius regnandi, sed istud non erat nisi in Roboam, vel Ieroboam. De Roboam patet, quia ipsi Dauid, & progeniei suæ facta fuit promissio de regnando in æternum super Israel. 2. Regum 7. & præcedenti lib. 17. capit. de Ieroboam patet: quia Deus promisit ipsi Ieroboam per Ahiam Silonitem, quod daret ei decem tribus Israel. 3. Regum 11. Et tamen nullum istorum obligabantur Israelitæ accipere in regem, ergo nullum regem obligabantur accipere. De Roboam patet, quia Israelitæ recesserant à Roboam iuste semel propter verba sua dura, & propter iustum timorem, quem inde concipiebant Israelitæ: & postquam liberati erant de eius imperio etiam si postea bonus efficeretur, & admoneret Israelitas, ut redirent ad eum, non tenebantur: ut probatum fuit supra in questione quadam. De Ieroboam eodem modo dicendum est: nam si obligarentur Israelitæ suscipere Ieroboam in regem, istud non esset nisi propter prophetica denunciationem Ahia Silonitis, qui prædixit, quod regnaturus esset Ieroboam super decem tribus Israel, & tamen ista prophetia non obligabat Israelitas. Primò, quia non constabat eis de illa, cum solum denunciata esset ipsi Ieroboam in agro existenti. 3. Regum 11. Secundò, quia dato, quod constaret populo de prophetia illa: ut pote, quia ipse Ahias Silonites eam repeteret coram toto populo, adhuc non obligarentur Israelitæ ex illa, quia cum quælibet prophetia posset intelligi secundum promissionem, vel comminationem, aut secundum firmam Dei sententiam, & non constet nobis in quo modo Deus velit intelligi non constat nobis, quæ

prophetia complenda est, & quæ non, & sic dato quod prophetia de se obligatiua esset nescirent, an ista obligaret. Tertiò, quia dato quod intelligeretur prophetia ista secundum firmam Dei sententiam, non obligaret aliquem, quia non obligat nisi præceptum: prophetia autem qualiscunque sit, nunquam est præceptum, sed solum prænuntiatio futurorum: ideo nemo ad illam obligatur. Quartò patet, quia dato quod intelligeretur prophetia ista obligaret ad hoc, quod decem tribus haberent Ieroboam in regem, nulla tribus specialiter teneretur eum accipere in regem, quia decem tribus obligabantur: erant tamen duodecim tribus Israel: ideo manebant duæ, quæ non obligabantur: & quia non determinatum erat, quæ illarum obligarentur: poterat quælibet tribus se credere exemptam ab ista obligatione, & sic nulla tribus subijceretur ei. Non ergo obligabantur accipere Israelitæ Ieroboam in regem. Et sic nullum obligabantur accipere in regem, quia nec Roboam, nec Ieroboam, & tamen de ijs solis videbatur: si igitur Israelitæ recedentes à Roboam non accepissent aliquem in regem, non peccassent: imò valde placeret Deo si nullum vellent habere in regem, sed quod subijcerentur ipsi Deo immediatè, & quod quantum ad quædam temporalia regerentur per aliquos iudices, quos constituerent, sicut fuit tempore Iudicum: Israelitæ tamen noluerunt hoc: quia si mansissent sine rege putabant se non posse resistere Roboam, qui confestim pugnaret contra eos ad reducendum ipsos in regnum suum: ideo putauerunt regem sibi necessarium esse, & immediatè acceperunt illum. Deus autem inclinavit eos, ut acciperent Ieroboam ad hoc, quod compleretur sua prophetia per Ahiam Silonitem: si tamen voluissent Israelitæ manere sine rege, fuisset Deo acceptabilius, quam quod acciperent Ieroboam, vel aliquem alium. Sed dicitur: si Israelitæ vellent manere sine rege, quomodo posset compleri prophetia Dei per Ahiam Silonitem, scilicet, quod Ieroboam haberet decem tribus Israel sub se. Respondendum, quod si decem tribus manerent sine rege, non compleretur prophetia Ieroboam de decem tribubus, & tamen Deus, quia omnia præsentia videt vnicò, & æterno actu, videbat decem tribus Israel, nullo modo velle manere sine rege, sed accipere velle Ieroboam in regem: ideo prophetia de Ieroboam necessariò compleretur: si tamen dicas omnino, quod Israelitæ vellent manere sine rege, Deus, qui videt omnia, ad quæ voluntas nostra se vertit, aut vertere potest, & cognoscit motum certissimum animæ nostræ: cognouisset, quod Israelitæ volituri erant manere sine rege, & consequenter non prædixisset de Ieroboam, quod habiturus esset decem tribus Israel in regno suo. Quomodo autem possit stare prophetica denuntiatio de futuro cum libertate arbitrij, declaratum est satis Iosue vndecimo capitulo, in fine magnæ questionis, ubi de æternitate, & prædestinatione agitur.

An possent accipere alium quàm Ieroboam.

Quest. XXII.

QUÆRITVR vterius, dato quod decem tribus recedentes à Roboam vellent accipere aliquem in regem: an possent accipere alium quàm Ieroboam. Aliquis dicet, quod non: quia Deus dixerat. 3. Reg. 11. quod daret decem tribus Israel in manus Ieroboam: si ergo decem tribus Israel recedentes à Roboam vel-

lent

lent alium quàm Ieroboam in regem accipere, viderentur manifestè agere contra voluntatem Dei iam verbis expressam, & sic manifestè peccarent. Respondendum, quòd decem tribus recedentes à Roboam poterant accipere quemcunque alium non accipiendo Ieroboam, quia postquam semel recesserunt à Roboam propter stultitiam suam liberi erant à iugo regum: ideo cum nulli essent obligati ad accipiendum eum in regem, & possent manere sine rege, si vellent: non obligabantur magis isti quàm illi, & sic si aliquem accipere vellent, cum non tenerentur magis isti, quàm illi, possent accipere quem vellent. Cum autem obijcitur, quòd si Israelitæ alium acciperent in regem, quàm Ieroboam, facerent contra voluntatem Dei expressam. Dicendum, quòd non facerent: quia Deus nihil iusserat Israelitis super hoc, ideo dato quòd agerent quidquid vellent non peccarent. Quod autem inducitur in contrarium non est præceptum Dei, in quo aliquid iubeatur, sed est prophetica denuncia- tio futurorum, ad prophetiam autem non obligatur aliquis: vnde verificare prophetiam pertinet ad solum Deum, & non pertinebat ad Israelitas: ideo si ipsi putarent alium meliorem regem esse pro eis quàm Ieroboam, poterant ipsum accipere reiecto Ieroboam. Deus autem haberet curam de verificando prophetiam suam. Vnde dicendum, quòd decem tribus non elegerunt Ieroboam in regem tanquam volentes complere prophetiam Dei, sed Deus mouit illas ad desiderandum eligere valde Ieroboam in regem, & sic ipse completurus erat prophetiam suam.

CAPITVLVM XI.



VENIT autem Roboam in Ierusalem, & conuocauit vniuersam domum Iuda, & Benjamin centum octoginta millia electorum atque bellantium, vt dimicaret contra Israel, & conuerteret ad se regnum suum. Factusque est sermo Domini ad Semeiam hominem Dei, dicens: Loquere ad Roboam filium Salomonis regem Iuda, & ad vniuersum Israel, qui est in Iuda, & Benjamin: Hæc dicit dominus: non ascendetis, neque pugnabitis contra fratres vestros: reuertatur vnusquisque in domum suam, quia mea hoc gestum est voluntate. Qui cum audissent sermonem Domini, reuersi sunt, nec perrexerunt contra Ieroboam.

Venit autem. Descripta in præcedentibus regni diuisione, hic agitur de diuisionis confirmatione: fuit namque Dei sententia confirmata diuisio ista inhi-

Alph. Tost. super lib. Paralip. Pars. 2

Abendo Israelitis super hoc aliquid agere. Et diuiditur in duas, quia primò ponitur diuisionis confirmatio. Secundò regis Roboam conditio, ibi. *Hebitauit autem.*

An inter dicta sit ordo, &c.

Quest. PRIMA.

QVAERITVR Circa primum an ea, quæ habentur hic habeant ordinem convenientem ad præcedentia, vel sit ordo immediatus, & an fuerint facta ista immediatè post illa, vel interiecto aliquo tempore. Ad primum dicendum, quòd fuerunt ista facta post illa continuato ordine, quia supra actum est de diuisione regni propter verba Roboam. Hic autem agitur, quomodo Roboam voluit regnum diuisum reunire bello, & sic necesse est, quòd fuerit istud post illud. Ad secundum dicendum, quòd fuerunt ista facta immediatè post præcedentia: imò est narratio continuata nullo articulo facto inter ea, quæ habentur præcedenti cap. & hic: nam in fine cap. præcedentis dicitur, quòd Roboam festinus ascendit currum, & fugit in Ierusalem. Hic autem dicitur, quòd venit in Ierusalem, & quomodo postquam venit congregauit subditos suos disponendo eos ad bellum contra decem tribus recedentes. Circa primum dicitur. *Venit autem Roboam in Ierusalem.* Erat ibi metropolis regni, & ciuitas fortissima, in qua erat domus regia, & ibi manere consueuerat semper David auus suus, & Salomon pater suus. *Et conuocauit vniuersam domum Iuda, & Benjamin.* Putans Roboam, quòd decem tribus Israel fecissent sibi iniuriam diuidendo regnum eius, voluit pugnare contra illas ad reducendum eas in vnitatem regni sicut prius, & ad hoc conuocauit totam domum Iuda, & Benjamin, scilicet, quia istæ duæ tribus solum manserant sub obedientia Roboam, & congregauit omnes bellatores de ijs. *In centum octoginta millibus electorum.* Ad tantam summam peruenit tota multitudo bellatorum, quam congregauit tunc Roboam, & computatur in hac summa equites, & pedites, & omne genus pugnatorum. *Vt dimicaret contra Israel.* Id est, contra decem tribus, quæ vocabantur Israel. Ecce hic nomen nouum acquisitum est, nam ante hoc, cum non esset aliqua diuisio regni, vocabatur Israel tota congregatio descendantium à Iacob, qui alio nomine vocabatur Israel: Gen. 32. & 35. Et diuidebatur ista multitudo in duodecim tribus, & quodcumque dicebatur Israel, consueuerant ante hoc intelligi duodecim tribus. Nunc autem diuiso regno cesserunt decem tribus in partem vnā, & duæ tribus in alteram, & decem tribus, quæ cesserunt Ieroboam vocatur Israel. Ratio huius est, quia quando aliquod nomen est commune multis, si inter illa multa sit aliquid excellentius cæteris, de illo prædicabitur illud nomen absolute, & sine aliqua connotatione tanquam illi soli conueniret: sicut si aliquis vocatur episcopus per excellentiam non adiecto nomine suo, vel rex, vel aliquid aliud, eo quòd inter episcopos, vel reges famosior, & excellentior est: ita cum totus populus duodecim tribuum vocaretur Israel, si diuideretur in multas partes quælibet pars illarum poterat vocari Israel cum connotatione alicuius nominis specialis: ut potè, quòd dicatur populus Israel de tribu Iuda, vel populus Israel de tribu Zabulon, & sic de cæteris. Illa tamen pars, quæ fuerit maior poterit vocari absolute Israel. Et sic fuit nunc, quia fuit diuisus totus Israel in duas partes valde inæquales, quarum vna continebat duas tribus, & vna continebat decem tribus: ideo illa, quæ continebat decem tri-

T 2 bus

bus retinuit, sibi hoc nomen Israel absolute: alia pars vocata est domus Iuda, vel regnum Iuda, & ideo post hoc absolute vocatur Israel congregatio, vel regnum decem tribuum. *Et conuerteret ad se regnum suum.* Scilicet, istud bellum erat ad reducendum regnum suum, quod ab eo recesserat: quia decem tribus fecerant discessionem. Et vocauit illud regnum suum, non quod aliquando fuerit regnum eius: quia nunquam fuit in sua possessione, vel quasi possessione, cum nunquam constitutus fuisset in regem, sed vocabatur regnum, id est de iure sibi debitum. Competebat autem sibi duplex ius ad regnum, vnum erat, quia pater suus Salomon, & auus suus David tenuerant totum regnum Israel, quia legitime vncti fuerant, per quod dabatur titulus regni: ideo iure hereditario compete-
bat ei cum nullus alius esset filius Salomonis. Secundo compete-
bat ei ius ex diuina promissione: nam dixerat Deus, quod non auferretur vir de semine Dauid, qui sederet super thronum Israel, supra sexto, & septimo. Ergo ipsi Roboam compete-
bat regnare super totum Israel ex ista diuina promissione, ut sibi videbatur, & sic vocabat regnum Israel regnum suum. *Factus est sermo domini ad Semeiam hominem Dei.* Iam parauerat se Roboam ad bellum contra decem tribus Israel, & Deus volens prohibere tantam stragem, quanta poterat sequi inutiliter: ex hoc iussit per Prophetam, quod cessaretur a bello: iste fuit Semeias Prophe-
ta contemperaneus Salomoni, & Roboam, de quo infra dicitur in quadam quaestione. Et dicitur factus
est sermo domini ad eum, id est reuelatio Prophetica, nam Prophetica annunciatio non est ex cognitione humana, vel ingenio: sed ex dictamine spiritus sancti: ut patet secunda Petri primo, scilicet. Hoc primum attendentes, quod omnis scriptura Prophetica, propria interpretatione non fit. Non enim voluntate humana allata est aliquando Prophetia: sed Spiritu Sancto dictante locuti sunt Sancti Dei homines. Vocatur Semeias homo Dei, id est specialiter pertinens ad Deum, & hoc poterat dupliciter esse: vno modo, quod specialiter pertineat ad Deum quantum ad intellectum, scilicet, quia Deus illuminat eum specialiter, dando sibi lumen supernaturaliter, per quod cognoscat ministeria altissima, & istud tangit conditionem propheticam. Secundo modo, quod pertineat ad Deum specialiter quantum ad voluntatem, & hoc quantum ad perfectionem charitatis, & moralium habituum atque Theologicorum, qui ad voluntatem pertinent, & sic viros sanctos vocamus viros Dei, & tamen perfectio eorum in sola voluntate consistit. Cum ad esse sanctum non requiratur aliqua excellentia speculationis: hic accipitur homo Dei primo modo: quia Semeias erat propheta ad quem factus est sermo domini. Et sic consueuerunt vocari prophetae viri Dei, ut patet de Elia, quarto Regum primo: ad quem dicebant quinquagenarii Ochoziæ regis: homo Dei rex iubet, ut descendas: sic etiam patet de Elifao, qui vocatur homo Dei, eodem lib. 4. capitu. & erant ambo prophetae: sic Moyses vocatur homo Dei: Iosue primo cap. *Dicens loquere ad Roboam filium Salomonis regem Iugæ.* Iam enim constitutus fuerat Roboam in regem, & tamen solum erat rex Iuda, scilicet, super tribum Iuda, & Benjamin, & totum vocabatur regnum Iuda. Hoc autem erat propter duo. Primo ex dignitate tribus, quia tribus Iuda erat excellentior tribu Benjamin, imò omnibus alijs tribubus Israel, & cum erant omnes duodecim tribus simul, tribus Iuda erat excellentior, & de ipsa per se fiebat mentio. Nam Deus pronunciauerat per os Iacob patris Israelitarum, quod tribus Iuda dominaretur: Gen. 49. scilicet: Non auferetur sceptrum de Iuda, & dux de femore eius.

Et iterum: Iuda te laudabunt fratres tui, scilicet, laudabunt te tanquam principem, & maiorem inter eos, & ob hoc semper fuit tribus ista honorabilior. Nam in exitu de Aegypto, cum progredierentur Israelitæ per desertum distincti sub quatuor vexillis, datum est tribui Iuda primum vexillum, in prima parte digniori, scilicet orientali: ut patet Num. 2. Item quando mouenda erant castra, tribus quæ precedebat ceteras, erat tribus Iuda: Num. 10. Item propter dignitatem istius tribus princeps eius honorabatur super alios principes tribuum. Nam in dedicatione tabernaculi Moysi in deserto, cum duodecim principes duodecim tribuum duodecim diebus munera sua offerrent, prima die obtulit tribus Iuda, & deinde ceteri: ut patet Num. 7. Item post ingressum in terram Chanaan Deus principatum potius tribuit Iudæ, quam alijs tribubus. Nam mortuo Iosue consulerunt Israelitæ dominum dicentes: quis ascendet ante nos contra Chanaan, & erit dux belli? dixitque dominus: Iudas ascendet, & ecce tradidi terram in manu eius: Iudic. primo. Item cum iterum vndecim tribus Israel pugnarent contra tribum Benjamin, consulerunt Israelitæ dominum dicentes: quis erit in exercitu nostro princeps certaminis contra filios Benjamin? quibus respondit dominus: Iudas sit dux vester: Iudic. 20. cap. Etiam postquam ceperunt esse reges in Israel, adhuc tribus Iuda erat super ceteras honorabilior, & fiebat de ea per se mentio, & de omnibus alijs simul sub vno nomine. Nam tempore Saulis regis, qui erat de tribu Benjamin. primo Regum 9. Et ob hoc tribus illa honorabilior ceteris esse debebat, erat honorabilior tribus Iudæ. Nam quando congregauit Saul exercitum contra Naas regem Ammonitarum, ponitur summa per se de viris Iuda euntibus ad bellum, & alia summa de viris omnium aliarum tribuum simul: primo Regum 11. Etiam quando Saul pugnare voluit contra Amalechitas, ponitur summa exercitus congregati de Iuda per se, & alia summa de exercitu congregato de alijs tribubus: primo Regum 14. erat etiam excellentior tribus ista alijs in magnitudine. Nam quando numerati sunt viri potentes procedere ad bellum de omnibus tribubus tempore David, inuenti sunt tot in tribu Iuda, sicut in quinque, vel sex tribubus reliquis diuisis per æqualia, quia in tribu Iuda fuerunt quingenta millia: in omnibus autem alijs simul collectis fuerunt nongenta millia. 2. Regum 24. vel fuerunt mille millia, & trecenta millia precedenti libro 21. cap. debuit ergo regnum potius nominari a tribu Iuda quam Benjamin. Secunda causa erat, quia tribus Iuda ex parte regis nobilitatem acquirebat: erat quippe Roboam de tribu Iuda: non ergo erat decens, quod nominaretur regnum a tribu Benjamin, sed a tribu Iuda. *Et ad vniuersum Israel, qui est in Iuda, & Benjamin.* Id est ad omnes viros de Israel, qui morabantur in sorte Iudæ, & Benjamin. Nam non solum considerabat Roboam facere istud bellum: sed etiam omnes subditi sui de tribu Iuda, & Benjamin, & sic propheta non solum debuit admonere regem, ne pugnaret, sed etiam subditos. *Non ascendetis, nec pugnabitis contra fratres vestros.* Id est iubeo, ut non ascendatis ad pugnam, quia licet sit verbum indicandi ponitur hic per modum imperij. Et dicitur contra fratres vestros, quia hic pugnaturi erant Hebræi contra Hebræos, & tamen omnes Hebræi inter se vocantur fratres: ut patet Exod. 21. & Deuter. 15. *Reuertatur unusquisque in domum suam.* Præsupponitur, quod omnes erant iam congregati, quando venit ad eos iste propheta Semeias, & iam non supererat, nisi ut irent ad pugnam, & tunc superuenit Semeias, & dixit quod reuerterentur singuli in domus suas. *Quod mea hoc gestum est voluntate.* Scilicet,

Scilicet diuifio ifta regni facta eft voluntate mea: ideo non expedit, quòd pugnetis, vt redeat totus Ifrael in vnitatem regni, & poteft intelligi vno modo fic, fcilicet, non pugnetis contra Ifraelitas ad faciendum vnitatem regni ficut prius: quia ifta diuifio facta eft mea voluntate: ideo non poteritis eam tollere, cùm determinatum fit apud me, vt fic maneat. Secundo modo fic, fcilicet non pugnetis contra decem tribus Ifrael tantum putantes, quòd iniufte fecerunt diuidendo regnum, quia non factum eft hoc arbitrio ipforum, fed voluntate mea: ideo non eft eis imponenda culpa. Tertio modo poteft intelligi, fcilicet, non pugnetis contra Ifraelitas, quia non habetis iufam caufam pugnandi: nam cùm hoc factum fit voluntate mea, & vobis hoc denuntio, reputaretur vobis in peccatum, quòd pugnaretis contra eos. *Qui cùm audiffent sermonem domini.* Scilicet, rex Roboam, et ferui fui audierunt sermonem Semeie Prophetæ, et obedierunt. *Reuerfi funt.* Scilicet, finguli in domos fuas, ficut dixerat Semeias. *Nec perrexerunt contra Ieroboam.* Scilicet, non perrexerunt ad pugnandum cõtra regem Ieroboam, et decem tribus Ifrael, quia fciebant fe peccare, et nihil inde fequi vtilitatis.

Quando Roboam factus eft rex, & vbi.

Quæft. II.

QVAERITVR Circa prædicta. primò de Roboam, qui factus eft rex super Iudam, & Benjamin, quando factus eft rex, & vbi. Dicendum, quòd ex fcriptura non apparet determinatus locus, nec determinatum tempus. Sed videtur dicendum, qd fuit constitutus rex in Sichem, antequam fugeret. Ordo autem fuit, fcilicet, quòd Roboam venit in Sichem, & etiam totus Ifrael ad constituendum eum in rege, & antequam constitueretur petiuit populus ab eo, alieuiationem tributorum, & ille inducias trium dierum ad deliberandum accepit, quo finito respondit asperè, & facta eft diuifio populi præcedenti cap. Ante istam responfionem dicendum, quòd non fuerat constitutus in regem ipse Roboam ab aliqua tribu: quod patet, quia adhuc pendebat deliberatio, & expectabatur bona responfio, quæ si eueniffet, totus Ifrael constituffet Roboam in regem, ideo antequam videretur, an à toto Ifrael constituendus effiet in regem nulla tribus specialiter eum constitueret in regem, quia istud erat prænotificare difcessionem, & dato, quòd aliqua tribus vellet eum specialiter constituere in regem, non permetteret hoc Roboam: nam redderet se suspectum alijs ex isto speciali fauore, & haberent occasionem contendendi inter fe tribus, & faciendi difcessionem. Et dato, quòd aliqua tribus vellet eum specialiter constituere in regem, non permetteret hoc Roboam: sic enim facta eft diuifio ex leuiori occasione tempore Dauid. Nam cùm maior pars Ifraelitarum, & ferè totus Ifrael coniuraffet cum Absalone contra Dauid, & pugnatum effiet, mortuumque effiet Absalon, totus Ifrael voluit fe reducere ad Dauid, & quia Dauid erat tunc vltra Iordanem (nam fugerat de Ierusalem) iuit totus Ifrael ad reducendum eum in Ierusalem in domum suam. Tribus autem Iuda præuenit cæteras, & incepit cum ea venire Dauid, quòd cùm vidiffent cæteræ tribus valde moleftæ tulerunt, & dixerunt ad tribum Iuda, quare furati sunt viri Iuda regem, & transfuderunt eum, & responderunt viri Iuda, quia propior est nobis rex, & tunc dixit totus Ifrael decem partibus ego sum maior apud regem magisque ad me pertinet Dauid, quàm ad te, quare mihi fecisti hanc iniuriam? ex hoc fecutus est cõcertatio magna in ver-

Alph. Toft. super lib. Paralip. Pars. 2

A bis, & viri Ifrael putauerunt se laesos. Tunc Siba filius Bochri de stirpe Benjamin videns difcepcionem inter Iudam & Ifrael insonuit buccina, & ait: non est nobis pars in Dauid, nec hæreditas in filio Ifai. Reuertere Ifrael in tabernacula tua, & tunc separatus est totus Ifrael à Dauid, & fecutus est Sibam. 2. Regum 19. & 20. à fortiori ergo si Roboam permetteret nunc, qd aliqua tribus specialiter eum vngeret in regem antequam totus Ifrael concordaret, an vngendus effiet in regem, vel non, concitaret difcessionem populi ab eo. Ideo dicendum, quòd antequam responderet populo durè nondum constituerant eum in regem viri Iuda, & Benjamin. Dicendum tñ, qd post illam duram responfionem Roboam antequam recederet de Sichem constituerunt eum in regem Iuda, & Benjamin, fcilicet mox, vt malè respondit Roboam, apparuerunt illi decem tribus difceptantes, & dixerunt: non est nobis pars in Dauid, nec hæreditas in filio Ifai, & recefferunt ab eo: tunc tribus Iuda, & Benjamin non attendentes ad verba dura, quæ locutus fuerat Roboam, adhæferunt ei, & eum constituerunt in regem. Istud autem vtile erat ipsi Roboam ad duo: primò, quia si nulla tribus manifestè adhæreret Roboam in Sichem, decem tribus, quæ indignatæ fuerant grauiffimè contra eum propter verba stulta, potuiffent ei nocere, & fortè attentassent. Cùm autem viderunt duas tribus firmiter ei adhærentes, non tentarent, quia illæ duæ tribus audebant pugnare contra totum Ifrael, nisi Deus vetuiffet: vt patet in litera. Secundum erat ad faciendum vñionem regni: nam cùm Roboam locutus est asperè, si nulla tribus ei adhæreret, & eum in regem constitueret, illæ decem tribus, quæ maximè indignatæ fuerant contra Roboam, non haberent aliquod motuum ad redeundum in ipsum. Si autem post illa verba stulta duæ tribus constituerent Roboam in regem quasi parentes leuitati iuuenili: aliæ quæ prius indignatæ fuerant incitari possent ab ijs, & redirent ad regem suum, & certiffimè sic factum fuiffet, nisi voluntas Dei determinata effiet in contrarium, quæ mouit decem tribus, ad faciendam omnimodam difcessionem à Roboam. Quod autem Roboam constitutus effiet rex à tribu Iuda, & Benjamin antequam fugeret de Sichem patet, quia aliàs si putaret totum populum sibi offensum, non haberet quo fugeret, quia vbique hostes inueniret. Etiam non fugiffet specialiter in Ierusalem, quia illa erat de tribu Benjamin, & si non cognosceret iam Roboam viros Benjamin sibi subiectos, non fugeret illuc: erat ergo iam constitutus rex ab istis duabus tribubus in Sichem, & comitatus eis venit in Ierusalem, & ob hoc postquam venit illico congregauit omnes bellatores de Iuda, & Benjamin.

Quare potius duæ tribus manserunt, & cur illæ.

Quæft. III.

QVAERITVR vltèrius, cùm decem tribus recederent à Roboam, & manerent duæ cum illo, quare potius manserunt Iuda, & Benjamin quàm aliæ tribus. Respondendum, quòd hic sunt duo dubia: Primum est quare duæ tribus manserunt cum Roboam, & non plures, nec pauciores. Secundum dato quòd essent duæ tribus quare potius istæ duæ, quàm aliæ. Ad primum dicendum, quòd hoc factum est dispensatione Dei: nam antequam fieret difcessio ista, prænuñciauerat illam Deus per Ahiam Silonitem. tertio Regum vndecimo: & dixerat, qd nō auferretur totum regnum Roboam, sed daret de-

T 3 cem

cem tribus Ieroboam, & duas relinqueret Roboam. Quare tamen Deus voluerit dare Roboam duas tribus, & non plures, nec pauciores est dubium. Responderi posset, quod Deus voluit hoc benefacere utque ad tantum, & non amplius, & voluntatis Dei libere non est causa petenda, nec dari potest. Dicendum, quod non possumus proprie dare causam voluntatis Dei, quia diuina volitio non habet causam: quia causa mouet effectum, nihil tamen est, quod Deum moueat, sed ipse sibi causa est, vel motor, sicut dicit Boetius de Consolat. Metro. 9. scilicet.

Quem non externa pepulere fingere causa,

Materia fluitantis opus: verum insita summi

Forma boni liuore carens.

Non est ergo petenda, nec dari potest causa aliqua voluntatis diuinæ, & tamen possumus dare aliquam conuenientiam ex parte intellectus cur talis res fiat, quam nos vocaremus causam respectu voluntatis nostræ in deliberando, & tamen respectu voluntatis diuinæ non est causa, quia nihil illam præcedit, nec mouet ipsam. Posset autem dari ista causa, scilicet Deus promiserat Dauid, quod licet posterius sui peccarent, non auferret ab eis misericordiam suam: sed semper maneret eis regnum. Ideo cum nunc peccauisset nimis Salomon, & meruisset perdere regnum, & etiam Roboam peccauisset, nolebat Deus impunita relinquere eorum crimina. Et sicut ipsi merebantur totalem priuationem regni, ita Deus priuasset regno, & tamen propter Dauid, non abstulit omnino regnum: ut patet 3. Regum 11. capit. Et quia Deus volebat, quod de stirpe Dauid manerent semper aliqui, qui essent reges, voluit eis tantam partem regni dimittere, ut in ea posset manere regalis honor, & defendi, & tamen noluit rursus tantam dimittere, ut propter magnitudinem eius, non videretur punitum peccatum Salomonis, & Roboam: utpote non debuit Deus dimittere decem tribus Roboam, & quod Ieroboam acciperet duas tantum, vel quod dimitteret ei octo, vel nouem, aut multo plures quam duas. Et hoc propter duo. Primum, quia si relinquerentur Roboam tot tribus, cum de iure esset ei debitum regnum totum, confusus tanta potentia omnino ipse, vel posterius sui, conarentur bello reducere tribus recedentes ad unitatem regni, & reducerent fortassis, vel saltem esset in hoc magna difficultas, & contentio, quod erat contra intentionem Dei: vel saltem ipsi, qui recederent ab unitate regni Roboam, videntes plurimos relictos esse cum Roboam, non auderent ipsi constituere regem nouum super se timore tantæ multitudinis relictæ cum Roboam, ne cogerentur postea cum magno damno suo redire ad unitatem regni. Nunc autem cum decem tribus recederent, & duæ manerent, & non erat verisimile, quod præualerent duæ contra decem: ausc sunt constituere regem super se, & manere cum illo. Secundum erat, quia peccatum Salomonis meruerat, ut auferretur totum regnum ei, & posteritati suæ, & Deus abstulisset nisi propter Dauid. 3. Regum 11. ideo solum daret posteris Dauid tantam particulam in qua posset conservari status regalis, ita ut non haberent regnum ad honorem, id est copias magnas ad celebritatem regni, sed haberent copias ad necessitatem, scilicet in quibus posset saluari status regni: sed in duabus tribubus poterat saluari status regalis, ut infra declarabitur: ideo non reliquit Deus ei plures. Si autem Deus reliquisset Roboam septem, vel octo tribus, esset regnum Roboam satis gloriosum, & non esset punitum peccatum Salomonis sufficiente.

F Quod autem non relinquerentur pauciores duabus. Dicendum, quod causa est, ut posset seruari honor regis Roboam: nam si vnica tribus relictæ foret, non posset illa defendere se contra undecim tribus, & Ieroboam, qui acciperet undecim tribus, confidens de copiis suis, & cernens inopiam Roboam contemneret eum, & procederet ad delendum ipsum, nec quiesceret. Si autem dicas, quod poterat vnica tribus se defendere contra omnes undecim, sicut fuit olim. Dicendum, quod non esset sic: verum est tamen, quod olim sic fuit, quia semel totus Israel pugnabat contra tribum Benjamin, & bis tribus Benjamin præualuit contra undecim tribus Israel, & occidit semel de Israelitis decem & octo millia, & iterum vigintiduo millia quousque ad vltimum consumpta est tribus Benjamin à reliquo Israel: Iudi. 20. & 21. sic etiam fuit tempore Dauid: nam ipse fuit vnctus in regem super tribum Iuda solam, & pugnabat contra Isboseth filium Saulis, qui erat rex undecim tribuum, fuitque longa concertatio inter eos, & tamen semper præualebat Dauid quousque ad vltimum totum regnum datum est Dauid, ut patet 2. Regum 2. & 3. 4. & 5. Dicendum, quod non est simile. Et patet de primo, quia viri Benjamin erant in ciuitate Gabaa omnes reclusi, & inde procedebant ad bellum circa urbem, & cum sentirent se viribus impares, confugere poterant in urbem, & hoc modo pauci possunt pugnare contra multos: & tamen quando vtrinque pugnandum est manifeste in campo, non bene conuenit exercitus tam paruum cum tam magno: & hoc colligitur, quia illis duabus vicibus, quibus viri Benjamin præualuerunt contra totum Israel, pugnabant ad portam urbis Gabaa, nisi cum compellebant Israelitas in fugam, quia tunc persequiebantur eos. Tertia autem vice Israelitæ traxerunt viros Benjamin procul ab urbe, per quandam fallaciam, & ibi pugnantes cum eis intereipiendo regressum in urbem deleuerunt eos: ita ut non manerent de toto Benjamin, nisi sexcenti viri. Iudi. 20. & 21. Item fuit aliud: quia Deus voluit, quod Israelitæ in penam aliquorum peccatorum suorum paterentur a viris Benjamin, & sic faciebat, quod pauci fugarent multos, & tamen cum sufficienter peccata totius Israel punita sunt, concessit eis contra Beniamitas liberam pugnam, & tunc præualuerunt contra eos, & deleuerunt ipsos, & sic non erat proportionabilis pugna inter viros Benjamin, & totum Israel, si daretur liber locus pugnandi, & magno tempore continuandum foret bellum. Ad aliud, cum dicitur de Dauid, dicendum, quod Dauid habebat vnica tribum, & tamen Deus adiuuabat eum miraculose: quia promiserat ei dare totum regnum, & auferre de manu posterorum Saulis, & ob hoc Deus continuè dabat calamitatem parti Isboseth quousque omnino periret, & semper prosperabat Dauid quousque perueniret ad possidendum totum regnum Israel omnino duodecim tribuum: sic patet 2. Regum 3. f. Facta est longa concertatio inter domum Dauid, & domum Saul, & Dauid semper erat proficiens, & seipso maior. Saul autem semper decrescens: non erat autem sic futurum post diuisionem regni: quia posterius Dauid non erant futuri viri sancti, ita ut Deus adiuuaret eos miraculose contra viros de regno Israel: sed potius erant peccatores, sicut postea factum est, & sic Deus non adiuuaret eos: sed permetteret viribus suis agere, vel interdum noceret eis: ideo ut possent se defendere maior copia eis relinquenda erat. Aliud etiam fuit in Dauid, quando erat rex super vnica tribum, quia cum esset vir bonus, & totus Israel nosset regnum sibi à Deo promissum esse, veniebant quotidie in adiutorium eius multi viri fortes de alijs tribubus, & sic efficiebatur fortis: ut patet præcedenti.

cedenti libro 12. capitulo, scilicet, quod tot veniebant ad eum quotidie, ut iam videretur exercitus domini. Nunc autem non erant venturi aliqui de tribubus Israel ad vniendum se regno Iuda quotidie sicut tempore David, eo quod Deus volebat, quod duraret ista diuisio: ideo necessaria erat maior copia pro tuendo regno posteritatis David. Dicendum igitur, quod duę tribus ad minus fuerunt necessariae, ut relinquerentur Roboam, & posteris eius: nam habendo duas tribus non erat regnum valde honorabile, cum prius habuisset duodecim: etiam quia regnum Israel habebat decem tribus, & regnum Iuda solum duas, & tamen istę duę tribus sufficiebant ad defendendum statum regum Roboam, & aliorum posterorum contra reges Israel: nam audebant istę duę tribus pugnare contra totum Israel ad reducendum illum ad unitatem regni, & obedientiam Roboam, a fortiori ergo auderet defendere se de regibus Israel, si vellent istas duas tribus sibi subiicere. Et sic cum Deus vellet, quod regnum semper maneret in posteritate David debuit dare filiis David saltem duas tribus, & non debuerunt dari plures, nec pauciores.

Quare potius illę duę manserunt.
Quest. IIII.

QVAERITVR de secundo, scilicet, cum duę tribus manere debebant posteris David, quare potius manserunt istę duę tribus, quam alię. Respondendum, quod de tribu Iuda non erat dubium, quin manere deberet: nam rex Roboam erat de ista tribu, & David, & Salomon: ideo propter cognationem viri de ista tribu pugnarent, quod Roboam maneret rex: de tribu tamen Benjamin est dubium, cur ista potius quam alia mansit: nam potius videtur, quod tribus Benjamin deberet magis facere discessionem, ut constitueretur alius rex. Et ratio est, quia primus rex Israel fuerat Saul, qui fuit de tribu Benjamin. primo Reg. 9. & postea fuit filius eius Isboseth. 2. Reg. 2. quo mortuo translatus est totum regnum Israel de tribu Benjamin in tribum Iuda, & factus est David rex. 2. Regum 5. verisimile ergo erat, quod viri Benjamin nunc memores antiquę dignitatis quam tenuerant, vellent nunc facere discessionem ad hoc, quod de stirpe ipsorum efficeretur rex: nam cum nouiter constitueretur rex, & non videretur maior causa quare potius de vna tribu, quam de alia constitueretur, videbatur esse rationalius, quod de tribu Benjamin deberet constitui: cum de illa iam fuissent reges antiqui. Dicendum, quod tribus Benjamin non consensit cum facientibus discessionem regni: sed mansit semper cum Roboam firmiter, & semper postea mansit in regno Iuda. Causa autem ex parte Dei videtur esse, scilicet, quia Deus inclinavit viros Benjamin, ut adhererent Roboam: nam cum Deus prędixisset, quod duę tribus manere deberent cum Roboam, & decem reliquę transire ad Ieroboam: inclinavit ipse mentes Israelitarum, ut sic facerent: nam cor hominis est in manu domini: sic patet Prouer. 21. scilicet: Sicut diuisiones aquarum, ita cor regis in manu domini: & quocunque voluerit vertet illud. Ita ergo de quolibet alio homine erit, quia ad signandum aliquid magnum ponitur potius de regibus, quam de alijs hominibus: & sic Deus mouit corda illorum decem tribuum, ut facerent discessionem concitando ea vel excecando per modum subtractionis patientiæ: mouit autem corda duarum tribuum, scilicet Iudę, & Benjamin, quod manerent cum Roboam, & sic firmiter manserunt. Causa autem quare potius Deus mouerit tribum Benjamin, quam aliquam aliam tribum, ut maneret cum tribu Iuda, videtur esse duplex. Prima

Alph. Toft. super lib. Paralip. Pars. 2

A est facilitas ad hoc ex situ terrę. Pro quo sciendum, quod tota terra Israelitarum diuisa erat in duodecim partes, per duodecim sortes factas, & in qualibet habitabat vna tribus, ut colligitur Iosue decimo quinto, vsque ad vigesimum capitulum, & sic tribus Israel erant impermixtę, scilicet, quod viri vnius tribus non habitabant in terra, in qua erat alia tribus, & tunc cum tribus Iuda principaliter pertineret ad regnum Roboam, debebat alia tribus ei cōiuncta dari sibi in sociā: quia aliās si essent duę tribus habentes sortes multum separatas, non possent se inuicem iuuare, quia viri aliarum tribuum, qui essent in terris intermedijs impedirent communitatem illarum. Et sic esset talis combinatio inutilis, & faciliter qualibet illarum duarum tribuum poterat destrui a viris de regno Israel, cum non posset habere auxilium ab alia consociā sua, & tamen apud sortem Iuda non erat alia tribus, nisi tribus Benjamin. Nam istę duę sunt coniunctę, & tangunt se in lateribus: latus namque Aquilonare sortis Iuda est latus Meridianum sortis Benjamin, & eadem loca ponuntur in vtroque: ut patet Iosue 15. vbi ponuntur termini sortis Benjamin: Iosue 15. & 18. & Iudic. 1. capit. Istę ergo duę tribus poterant coniungi, ut haberent eundem regem. Verum est tamen, quod ex hac parte poterat etiam conuenire sorti Simeon, quod esset de regno Roboam, quod fors Simeon erat intra sortem Iudę: Iosue 19. & fuit quędam pars decisa de sorte Iudę: nam quondam omnes illę ciuitates, quę ponuntur in sorte Simeon fuerunt in sorte Iudę: ut patet Iosue 15. & 19. quia tamen fors Iudę erat valde magna, data fuit quędam pars eius tribui Simeon in sortem: Iosue 19. Et tñ alię causę, quę competunt tribui Benjamin, nō ppetebant tribui Simeon, & sic non fuit relicta tribus Simeon cum tribu Iuda. Secunda causa fuit, quia Deus volebat solum dare duas tribus Roboam, & quia cum ijs defendere se debebat de Ieroboam rege Israel, & sic posteris Roboam contra reges Israel, debebant dari tribus potentes bello, ut duę possent se defendere contra decem. Non erant autem aliquę tribus ita bellicose sicut istę duę: nam tribus Iuda erat valde bellicosa, & magna, & sic dicitur in benedictione Iudę data a Moyse Deut. 33. de Iuda, quod manus eius pugnavit pro eo, scilicet, quod esset potens tribus, & posset pugnare ad defendendum se, & ad defendendum alias tribus Israel: De tribu Benjamin etiam patet, quod esset bellicosa, quia scriptura laudat eam. Nam erant in tribu Benjamin viri tam certissimi, & industrij, pugnatores potissimē in arte fundibularia, scilicet, quod capillum etiam possent lapide percutere: Iudic. 20. & satis electę fuerunt istę tribus, quod satis bellatrices essent: nam de qualibet istarum legitur, quod pugnaverit contra totum Israel, & defenderit se, & aliquando pręualuerit. De tribu Iuda patet: nam quando David constitutus est rex super solam tribum Iuda, Isboseth erat rex super vndecim tribus reliquas, & erat bellum longum inter ista duo regna, & tamen regnum Iuda pręualebat contra vndecim tribus, & quotidie prosperabatur. secundo Regum tertio. De tribu Benjamin patet: nam pro peccato virorum Gabaa cum muliere Leuitę vndecim tribus conuenerunt contra tribum Benjamin, & in duobus bellis pręualuit Benjamin contra vndecim tribus Israel, & ceciderunt de Israel quadraginta millia virorum: Iudic. 20. & tertia vice, Deo docente, Israelitas pręualuerunt contra Benjamin. De nulla alia tribu legitur, quod sola pugnaverit contra omnes tribus alias Israel, vel contra plurimas illarum, & sic istę duę debuerunt potius manere cum Roboam, quia potissimē defenderent regnum Iuda. Causa etiam ex parte hominum poterat esse multę: vna, scilicet, quia cum tribus Iuda, & Benjamin

T 2 essent

essent coniuncta habebant maiorem communicationem inter se quam alia tribus, & ex communicatione ista sequebatur magnus amor inter utramque, & sic quando tribus Benjamin vidit tribum Iuda cum Roboam declinantem a reliquo Israel, etiam ipsa declinavit, & secuta est Roboam. Secunda causa fortassis fuit, quia cum David tempore suo cognovisset viros Benjamin esse fortissimos, & bello aptos, assumpsit eos exercitui suo, & habebat plures de illis, quam de alijs tribubus, & sic fortassis Salomon faceret, & tunc perciperent isti magnos redditus, & fauores a regibus, & quia sperabant se sic habituros cum Roboam, qui tenebat adhuc eosdem officiales, quos tenuerat Salomon, noluerunt recedere ab eo, & dato quod non haberent omnes de tribu Benjamin utilitates aliquas a regibus Iuda, haberent saltem illi, qui erant praecipui, & isti inducerent reliquos, ut tenerent cum Roboam. Tertia causa erat in odium Ieroboam: quia forte audierat tribus Benjamin, quod constituendus esset in regem super Israel Ieroboam, qui erat de tribu Ephraim. 3. Regum 11. Et quia ab antiquo fuerant reges de tribu Benjamin, & non de alijs tribubus, dedignarentur nunc de nouo viri Benjamin se subicere regi de tribu Ephraim, cum ante hoc tribus Ephraim esset subiecta tribui Benjamin: potius ergo Benjamin vellet manere in antiqua obedientia, scilicet, sub posteritate David, cui totus Israel concorditer regnum tradiderat, & de voluntate Dei hoc fuerat, quam nouit se alicui tribui submittere, & sic voluit manere cum Roboam.

Quare duae tribus efficiebant regnum.

Quaest. V.

QVAERITVR vltcrius, cum ante hoc duodecim tribus Israel efficerent vnum regnum, & postea duae tribus efficiebant vnum regnum, qualis fuit habitudo istarum tribuum, & an semper mansit talis habitudo, vel quae varietas facta est. Dicendum, quod tota multitudo Israelitarum erat vna congregatio, quia omnes descendebant ab eodem patre, scilicet a Iacob: etiam quia communicabant unitate legis, scilicet, quia omnibus data fuerat lex eadem in monte Sinai: iste populus multoties, & varie diuisus est. Fuit autem a principio totus vnus populus, scilicet quando egressus est de Aegypto: nam antequam descenderet in Aegyptum non vocabatur populus, sed solum erat Iacob cum duodecim filiis suis, & quibusdam nepotibus. Postea vero in Aegypto creuerunt ad magnam multitudinem, ita ut essent sexcenta millia peditum in exitu praeter paruulos, senes, & foeminas: Exod. 12. Dum tamen fuerunt in Aegypto, non computabantur vnus populus proprie, nec multi: quia potius erant multitudo seruorum, & multitudo seruorum non efficit Politiam: nec est etiam seruus pars Politica, sed est organum animatum domini sui: primo, & 3. Poli. Erant enim subiecti ibi Israelitae Aegyptijs, & iudicabantur a iudicibus eorum: ideo per se nullam constituiebant Politiam. Cum autem exierunt de Aegypto, ceperunt esse populus, eo quod fuit multitudo liberorum, & fuit vna unitate principis, scilicet, quia solus Moyfes erat iudex eorum in omnibus causis, & ad eius diffinitionem pendebant omnia solum, vel saltem erat ipse supremus iudicium: ut patet Exod. 18. & Deute. primo capit. Et ista unitas populi durauit quadraginta annis, quibus steterunt Israelitae in deserto, & postea ingressi in terra Chanaan manebat ista unitas, quia communicabant unitate loci, idest regionis, & legis, & principis, scilicet, quia Iosue erat princeps omnium. Mortuo autem Iosue quodam paucio tempore, quod

Fintercidit inter mortem eius, & suscitationem primi iudicis populus Israel erat vnus, sed non plene vnus. Erat namque vnus unitate regionis, & legis, sed non principis: quia non erat aliquis vnus princeps super totum Israel, sed quilibet faciebat ad placitum suum: sic dicitur Iudic. 18. & 21. scilicet, in diebus illis non erat rex in Israel: sed quilibet, quod sibi videbatur rectum hoc faciebat, scilicet, non solum non erat aliquis rex, sed etiam non erat aliquis, qui dominaretur toti Israel, & posset vitia cohercere. Fuit etiam quoddam aliud tempus inter mortem Iosue & suscitationem primi iudicis: ut ait Iosephus 5. Antiquit. in quo accidit casus de vxore Leuitae, & in illo diuisus est populus Israel in duos populos. Nam Israelitae omnes volebant punire nephas, quod peccauerunt viri Gabaa, & quia illi erant de tribu Benjamin voluerunt eos defendere viri Benjamin, & ob hoc congregatae fuerunt vndecim tribus contra tribum Benjamin, & effecti erant iam duo populi hostiles, & tandiu pugnatum est, quod deleta fuit tribus Benjamin, ita ut non manerent nisi sexcenti viri: Iudic. 21. Deinde redijt unitas populi: nam toto tempore, quo iudices fuerunt in terra Israel, fuit populus vnus unitate loci, & legis, & principis, quia quilibet princeps dominabatur super totum Israel, & sic durauit vsque ad tempora regum, & tunc tempore primi regis fuit unitas populi, quia totus populus Israel subiectus fuit Sauli: sed mortuo Saule diuisus est populus in duas partes, vel populos: nam tribus Iuda praefecit David regem, & reliquae vndecim tribus fecerunt regem Isboseth filium Saulis. 2. Regum secundo, & mansit ista diuisio septem annis, & dimidio, quibus regnauit David in Hebron. secundo Regum quinto: postea mortuo Isboseth totus Israel vnxit David in regem, eodem capitulo, & praecedenti libro 11. & tunc factus est denuo vnus populus, sicut prius, & mansit sic toto tempore David, & Salomonis: postea in principio regni Roboam facta est alia diuisio dissimilis prioribus, scilicet, quod decem tribus recesserunt a Roboam, & manserunt cum eodum, scilicet Iuda, & Benjamin. Durauit autem ista diuisio postea semper quousque viri de regno Israel translati sunt in Assyrios cum rege suo Osea, per Salomanasar regem Assyriorum. quarto Regum 17. Et tunc licet de omnibus decem tribubus translati fuerint aliqui in Assyrios, tamen multi manserunt, qui non fuerunt translati de singulis tribubus, & isti postea tempore Oziae regis redierunt ad unitatem regni Iuda. Et sic omnes duodecim tribus efficiebant vnum regnum, ut colligitur infra 34. Et tamen duae tribus erant ibi perfecte, & aliae erant imperfecte, quia maximae partes earum fuerant translatae in Assyrios. Postea autem mansit ista habitudo vsque ad captiuitatem Babylonis: cum ferè omnes de regno Iuda translati sunt in Babylonem, praeter pauperes terrae, agricolas, & vitatores, quos reliquit Nabuzardan ad colendum terram, & tunc ceperunt esse populi duo. quarto Regum vigesimo quinto. Isti tamen adhuc non manserunt in terra Iuda, sed sponte descenderunt in Aegyptum: ut patet quarto Regum vigesimo quinto, & mortui sunt omnes ibi, nullus enim eorum redijt in terram Iuda: ut patet Ierem. 42. & quadragesimo quarto capitulo: deinde cum populus redijt de Babylone mansit vnus semper vsque ad Christi mortem, & destructionem per Romanos factam Iudaeorum. Nam ex eo tempore dispersi per totum orbem vbique sunt, & vbique seruiunt, & nusquam populi, sed ut populis seruiunt, vel populorum partes sunt, sed per se populos non efficiunt.

*Quot essent viri illarum tribuum.**Quæst. VI.*

QVAERITVR vterius, cum viri Iuda, & Benjamin congregati ad bellum, quotquot ipsi erant dicantur hic fuisse centum octoginta millia, quomodo potest hoc stare: nam videtur, quod fuerint multi plures, quia in fine regni Dauid computati sunt omnes viri bellatores de omnibus tribubus, & de sola tribu Iuda inuenti quingenta millia, ut patet. 2. Regum 24. & tamen postea regnavit Salomon cuius tempore potius debebat augeri multitudo quælibet Israelitarum, quam minui, cum tempore eius bella non fuerint, in quibus solet multa perire iuuentus, ideo debebat esse tanta multitudo, vel maior nunc, quam tunc in tribu Iuda, potissime, quia nunc accipiuntur duæ tribus simul, scilicet, Iuda, & Benjamin. Aliquis dicit, quod licet tanta multitudo fuerit tempore Dauid, & postea non perierit bello: tamen in tempore intermedio quadraginta annorum, quibus regnavit Salomon plurimi istorum ad senectutem deducti mortui sunt, vel ex alijs causis, licet non bellicis perierunt, & non surrexit pro eis postea magna multitudo, & sic nunc de tribu Iuda, & Benjamin non erant, nisi ista centum octoginta millia pugnatorum. Sed obijcietur, quod adhuc post hoc esset maior multitudo, quam ponatur hic: nam tempore Abiæ regis paulo post hoc initum est bellum inter ipsum & Ieroboam regem Israel, habuitque Abia in exercitu suo de tribu Iuda, & Benjamin quadringenta millia virorum, infra 13. ergo nunc etiam valde plures viri bellatores erant. Respondendum, quod non fuerunt nunc de Iuda, & Benjamin congregati, nisi centum octoginta millia, ut dicitur in litera, & potest dici, quod plures erant, qui potuissent venire ad bellum, tamen non curauerat Roboam plures congregare. Sed tunc obijcietur: quia dicitur supra in litera, quod convocavit Roboam universam domum Iuda, & Benjamin: ergo non potuerunt plures inueniri. Secundò patet, quia cum Roboam pugnaturus esset nunc contra decem tribus Israel, qui erant in valde magno numero, congregasset omnes vires suas, quia adhuc omnibus congregatis non æquaretur viribus Ieroboam, ideo non est putandum, quod omiserit aliquas partes virium congregare. Responderi potest, quod verum est, quod plures erant in tribu Iuda, & Benjamin, qui possent convenire ad bellum, & tamē Roboam solum voluit viros electos, & ob hoc paucos potuit habere, & patet hoc: quia dicitur in litera in centum octoginta milibus pugnatorum, & fortassis adhuc plures de electis habere potuisset, nisi instantia temporis vetaret: nam voluit Roboam cum festinantia agere contra Ieroboam, ideo non potuit congregare omnes electos, siue non potuit eos illico parare, ut essent accincti armis. Cum autem obijciat de multitudine magna tempore Dauid: dicendum, quod illi erant tot, quia computantur omnes, qui erant in ætate bellandi, siue essent apti ad bellandum, siue non: vel saltem, siue essent electi, siue non. Hic autem solum accepti sunt electi. Cum obijciatur de eo, quod habetur infra 13. Poterat aliquis respondere, sicut supra: sed non stat, quia ibi dicitur, quod habuit Abia viros electos, & bellicosissimos quadringenta millia. Dicendum, quod verum est, quod plures electi erant nunc, quam congregati fuerunt, & hoc fuit, quia Roboam voluit festinus bellum inire contra Ieroboam, & non passus est congregari omnes copias suas, præsertim illas, quæ non poterant illico accinctæ esse ad bellum defectu armorum, vel aliorum apparatus. Cum autem obijciatur, quod congregavit universam domum Iuda, & Benjamin. Dicendum, quod universus, & omnes isti termini universales non

A accipiuntur in scriptura in viribus universaliū semper: nam raro distribuunt pro omnibus suppositis termini communis distribuibilis, cui coniunguntur: sed accipiuntur pro multis. Dum verò obijciatur, quod verisimile est, quod Roboam congregaret omnes copias suas cum pugnaturus esset contra decem tribus. Dicendum, quod congregavit omnes quotquot festinanter congregare potuit, & fortassis postea plures congregare intendebat.

*An iustum bellum foveret.**Quæst. VII.*

QVAERITVR vterius, cum Roboam vellet hic pugnare contra decem tribus ad reducendum eas in regni unitatem, an iustum bellum foveret. Aliquis dicit, quod sic: quia istæ decem tribus Israel, & aliæ duæ pertinebant ad ius Roboam, & non poterant ab eo pro tam levi peccato recedere. Item habebat ius repetendi illos, & pugnandi ad reductionem illorum. Patet hoc, nam Roboam habebat ius duplex contra totum Israel ad hoc, quod essent de regno suo. Primum erat ex successione, quia pater suus Salomō fuerat rex super totum Israel: etiam avus suus Dauid, & ambo habuerant titulos iustos, scilicet, quod vincti fuerant in reges de communi consensu populi. Ideo competebat ei iam hæreditario iure regnum totum Israel habere. Secundum ius erat ex divina promissione. Nam Deus promiserat, quod filii Dauid usque in æternum regnarent super Israel, supra 6. & 7. Et tamen si abstraherent se ab eo tribus decem, tolleretur promissio illa, quia iam non regnabat super regnum Israel, sicut Deus promiserat, ideo habebat iustam causam pugnandi Roboam. Dicendum, quod non habebat iustam causam pugnandi Roboam contra Ieroboam, nec contra decem tribus Israel: quod patet, quia Roboam non poterat iuste repetere illas decem tribus Israel: ergo non poterat iuste pugnare ad repetendum eas: antecedens patet, quia supra probatum est, quod Roboam perdidit iuste istas decem tribus loquendo tam superbe, & tam stulte, & ille recesserunt iuste ab eo: ideo non competebat ei ius repetendi. Item patet, quia Deus prohibuit Roboam pugnare contra Israel: si tamen habuisset iustam causam pugnandi, non priuasset eum iure suo favendo illis, qui fovebant iniquam litem: sed vetuit Roboam pugnare: ergo non habebat iustum bellum. Sed dicit aliquis, quod licet vetuerit Deus Roboam pugnare, tamen habebat iustam causam pugnandi, quia latebat eum divina sententia, quæ postquam manifestata est, fuit simpliciter illicitum pugnare velle contra Israel, & tamen prius non erat illicitum, & sic si fecisset bellum Roboam non præmonitus à Deo cessare faceret illud iuste: & tamen postquam monitus est non poterat iuste pugnare. Dicendum, quod non stat, quia etiam ante revelationem illam erat illicitum ipsi Roboam pugnare ad repetendum decem tribus Israel, quia ipse perdidit eas iuste: ideo non competebat ei iam actio ad repetendum illas. Istud autem constabat sibi, ideo iniuste pugnaret. Item si Roboam iuste pugnare posset ad reducendum decem tribus in regnum suum, ille compellerentur redire ad eum, & tamen istud est falsum, quia supra declaratum est, quod licite recesserunt ab eo, & non cogebantur redire ad eum: ergo non iuste pugnabat contra eas Roboam, quia tamē poterat esse aliquale dubium, an Roboam foveret iustam causam, vel fortè dato quod constaret de iniustitia sua vellet repetere illas tribus, Deus misit ei prophetam ammonentem, nè auderet pugnare contra Israel, quia sententia sua erat contraria, & tamen Roboam potius timore aduersi exitus, quam amore

excu-

excusandi iniustitiam non pugnaret contra Ieroboam. **F** Ad rationem in contrarium dicendum, quod non habebat Roboam ius repetendi: nam illud ius, quod habebat Roboam ad regnum Israel, perditum erat. Habebat quippe ius hereditarium, sed istud non iustificabat causam suam, quia per delictum suum perdidit illud. Nam dato, quod iam possideret regnum, poterat priuari iure regni propter aliquod delictum: quantomagis cum nondum constitutus esset rex poterat priuari iure, quod habebat ad regnum? Promissio etiam Dei non proficiebat sibi, quia illa erat cum conditione, scilicet, filiis David obseruantibus legem. supra sexto, & septimo. Tunc enim maneret regnum totum Israel in aeternum apud filios Salomonis, & David. Si autem non custodirent illam, maneret regni aliqua pars, licet non totum regnum: & sic factum est, quia Salomon non custodierat legem Dei, & ob hoc meruerat priuari regno toto: sed propter David non fuit posteritas eius priuata in totum. tertio Regum vndecimo capitulo. Etiam non competebat ius ex illa promissione: quia Deus fecerat postea prauinciationem reuocatoriam illius per Ahiam Silonitem, scilicet, quod transirent tribus decem ad Ieroboam, & manerent duae tribus cum Roboam.

Quare duae tribus pugnaverunt contra decem.

Quaestio VIII.

QVAERITVR vltius, quomodo tribus Iuda, & tribus Benjamin audebant pugnare contra decem tribus Israel: cum essent paucae multitudinis respectu illarum. Respondendum, quod tribus Iuda, & Benjamin non solum audebant pugnare contra decem tribus Israel: imò etiam putabant se praeualere contra illas, & reducere eas ad potestatem Roboam. Istud autem erat, quia fortè Iuda, & Benjamin putabant se fouere iustam causam pugnandi contra decem tribus, quae recesserant à regno David: ideo putabant, quod Deus audiueret eas contra totum Israel, etiam si essent Israelitae maioris multitudinis: sic pugnavit semel Abia filius Roboam contra Ieroboam regem Israel, fugavitque totum Israel, & occidit quingenta milia virorum: quamquam multo plures essent de Israel, quam de Iuda, & Benjamin, ut patet infra decimotertio. Item tribus Iuda, & Benjamin erant valde bellicosae, scilicet, bellicosiores omnibus alijs tribubus, ideo etiam si non haberent speciale auxilium à Deo, putabant se posse congregari cum toto Israel: & sic saepe fecerunt, ut patet ex processu tertij, & quarti libri Regum, & ex processu huius libri. Item non erat hoc admirandum inter Hebraeos, quia non solum istae duae tribus poterant pugnare contra decem tribus, & praeualere: sed etiam una earum posset hoc facere: quod patet de tribu Benjamin, quae erat minor, in qua solum erant viginti quinque milia pugnantium, & pugnavit contra reliquas vndecim tribus Israel: & praevaluit bis, occiditque una die de Israelitis vigintio octo milia, & alia die decem, & octo, ut patet Iudicum vigesimo capitulo. Item tribus Iuda sola pugnavit magno tempore contra totum Israel, cum David esset rex super solam tribum Iuda, & Isoboseth filius Saulis esset rex super totum Israel, & magno tempore duravit contentio: praeualebat tamen tribus Iuda contra omnes tribus Israel: à fortiori ergo nunc tribus Iuda, & Benjamin simul possent praevalere contra totum Israel.

Habitavit autem Roboam in Ierusalem, & aedificavit ciuitates muratas in Iuda. Extruxitque Bethlehem, & Etham, & Thecuc, Bethsur quoque, & Socco, & Odollam, necnon & Geth, & Maresa, & Ziph, sed & Aduram, & Lachis, & Azecha, Saraa quoque, & Aialon, & Hebron, quae erant in Iuda, & Benjamin, ciuitates munitissimas. Cumque clausisset eas muris, posuit in eis principes, ciborumque horrea, hoc est, olei, & vini. Sed & in singulis urbibus fecit armentarium scutorum, & hastarum, firmavitque eas summa diligentia, & imperavit super Iudam, & Benjamin.

Habitavit autem. Hic ponitur secundum huius capituli, scilicet: Roboam conditio, & diuiditur in duas, quia primo ponitur Roboam confortatio. Secundo eius, & regni sui punitio sequenti capitulo. Prima in duas: quia primo ponitur confortatio eius in ciuitatum aedificatione, & populi dispositione. Secundo in proliis multiplicatione, ibi. *Dixit autem Roboam.* Circa primum dicitur. *Habitavit autem Roboam in Ierusalem.* Scilicet, mansit ibi in pace: & non processit ad bellum contra Ieroboam: & habitavit ibi, quia erat ibi sedes regni: ibi namque habitauerat David, & ibi etiam Salomon, & erant fabricatae magnificae domus regiae per Salomonem. *Et aedificavit ciuitates muratas in Iuda.* Videbat enim Roboam, quod erat incentivum bellorum inter eum, & Ieroboam: & licet nunc non pugnaverit ipse contra Ieroboam, fortassis ipse Ieroboam pugnaret contra ipsum, ideo voluit se disponere ad bellum reficiendo urbes suas, quae non erant bene muratae, & dicitur: aedificavit urbes muratas, id est, refecit. Nam non est sensus, quod de nouo aliquas urbes extruxerit: sed quod antiquas, quae non erant bene muratae refecerit, & patet ex nominibus omnium urbium, quae ponuntur: nam omnes istae erant antiquitus tempore Iosue, & nominantur in diuisione sortium, ut patet Iosue 15. & 18. *Extruxitque Bethlehem.* Id est, refecit, quia non erat bene murata: est enim Bethlehem ciuitas sortis Iudae in confinio sortis Iudae, & Benjamin. Nam inter eam, & Ierusalem transeunt limites Iudae, & Benjamin: est enim Ierusalem in Benjamin, & Bethlehem in Iuda distans duabus leucis à Ierusalem: de hac Iosue 15. Matth. 2. & Mich. 5. Alia autem ciuitas Bethlehem est in sorte Zabulon, ut patet Iosue 19. ideo ad differentiam istius vocatur illa Bethlehem, quae est in sorte Iudae Bethlehem Iuda, vel Bethlehem Ephrata. Ruth 1. & 1. Reg. 17. & Matth. 2. Mich. 5. *Etham.* Alia ciuitas est in sorte Iudae. *Et Thecuc.* Ista ciuitas est in sorte Iudae ad partem Meridianam eius, ubi est locus pastorum; & de regione illa erat Amos, ut patet Amos 1. Verba Amos, qui fuit in Pastoralibus Thecae. De hac etiam ciuitate fuit mulier illa prudens, quam Ioab misit ad David ad proponendum parabolam pro reductione Absalonis de exilio: ideo vocatur mulier Thecuites. 2. Reg. 14. *Bethsur.* In sorte Iudae est Ios. 15. *Et Socoth.* Ista est duplex: quaedam enim Socoth est ultra Iordanem ad Orientalem partem eius in terra duarum tribuum & dimidia, pertinetque ad sortem Gad, ut patet Iosue 13. & de ista Socoth habetur Iud. cap. 8. quando petiuit Gedeon panes à viris Socoth, cum

cum persequeretur Medianitas fugientes, & noluerit ei dare: ipse autem postea rediens contriuit principes Socoth cum spinis tribulis. Alia Socoth est in sorte Iudæ, & est circa Iordanem ad Occidentalem partem eius, & de ista agitur hic. Ista videtur esse Socoth, quæ denominata est a Iacob veniente in Sichem cum tabernaculum suum posuisset in quodam loco veniens de Mesopotamia: vocantq; nomen loci illius Socoth. Gen. 33. cap. *Et Odolam.* Ciuitas est in sorte Iudæ. Ista fuit ciuitas regalis tempore Chananæorum, & rex illius urbis per Iosue occisus est, ut patet Iosue 12. Apud istam urbem est desertum, in quo latebat Dauid, quando Saul persequebatur eum, & absconditus est Dauid in spelunca, ubi præcidit oram clamidis Saulis, & ob hoc vocatur spelunca Odolam illa. 1. Reg. 24. & 22. In ista ciuitate accepit Iudas filius Iacob uxorem: ideo dicitur, quod declinavit ad virum Odolamitem. Ge. 38. cap. *Necnon Geth.* Ista est ciuitas fortis Iudæ. Iosue 15. Erat autem una de quinque metropolibus Philistinorum, in qua erat vnus Satrapa, vel rex Philistinorum. Iosue 13. & 2. Reg. 6. de ista ciuitate erat Goliath gigas, contra quem pugnauit Dauid: ideo vocatur Gethæus. 1. Reg. 17. Viri ciuitatis istius fuerunt animosiores ad tollendum plagam, quæ à Deo immissa fuerat Philistinis. scilicet percuterentur in posterioribus, quam ceteri Philistini. Nam coeteris desperantibus Gethæi dederunt consilium de faciendo sedes pelliceas, ne mures possent corrodere præminentes extales. 1. Reg. 5. & tamen est istud remedium non suffecit cum plaga à Deo mitteretur: in ista ciuitate dominabatur rex Achis Philistinus, ad quem fugit Dauid quando erat profugus à facie Saulis, & tamen cum timeret regem, fecit se insanum coram eo mutato vultu, ut patet 1. Reg. 21. Iterum autem descendit illuc, & mansit ibi quatuor mensibus cum eo usque ad mortem Saulis: eod. libro cap. 27. *Et Maresa.* Est ciuitas in sorte Iudæ. Iosue 15. de ista dicitur Mich. 1. f. Adhuc heredem adducam tibi, qui habitas in Maresa, usque ad Odolam veniet gloria Israel: ex quo apparet, quod Odolam, & Maresa sunt ciuitates satis propinquæ inter se. *Et Ziph.* Nomen ciuitatis est apud desertum Iuda, & ponitur inter ciuitates des. rti. Iosue 15. Ab ista denominatur desertum quoddam Ziph, in quo bis latuit Dauid, & inquirebat eum ibi Saul prodentibus Zipheis 1. Reg. 23. & 26. ca. *Sed & Huran.* Alia ciuitas est fortis Iudæ. *Et Lachis.* Ciuitas fortis Iudæ est. Iosue 15. & est una de ciuitatibus regalibus Chananæorum, cuius regem occiderunt Israelitæ, ut patet Iosue 10. de hac dicitur Mich. 1. f. stupor quadrigæ habitanti Lachis. *Et Azecha.* Ciuitas est in sorte Iudæ. Iosue 15. usque ad istam ciuitatem persecutus est Iosue reges Chananæorum quinque in die, qua stetit sol, & lapides grandinis ceciderunt super Chananæos à descensu urbis Bethorō usque Azecha, ut patet Iosue 10. *Saraa quoque.* Est duplex Saraa, quædam est in sorte Iudæ: alia est in sorte Dan: de illa, quæ est in sorte Iudæ patet hic, & habetur Iosue 15. Alia est in sorte Dan, de qua habetur Iosue 15. Et illa ciuitas est apud Esthol, & iter istas duas ciuitates morabatur, & conuersabatur Samson, qui erat de tribu Dan. Iudi. 13. & in sepulchro quodam sepultus est, quod est inter istas duas ciuitates, ut patet eodem lib. 16. & multum distat istæ ciuitates à se, quia fors Iuda, & Dan maxime distant, quia est una maxime meridiana. f. fors Iuda, & alia maxime Aquilonaris. f. fors Dan, ut colligitur Iudi. 17. *Et Aialon.* Est ciuitas etiam æquiuoca, quia quædam Aialon est in tribu Iuda. Iosue 15. & alia Aialon est in sorte Dan. Iosue 19. Et de prima dicitur hic: ista est Aialon, contra quam stetit luna die, qua stetit sol cum dixit Iosue: sol ista contra Gabaon, & luna, ne mouearis contra vallem Aialon, ut patet Ios. 10. *Et Hebron.*

Ista est ciuitas in sorte Iudæ. Iosue 15. Et erat famosior in tota sorte Iudæ. Nam in ista ciuitate erant sepulti tres Patriarchæ cum vxoribus suis, scilicet: Abraham, Isaac, Iacob, Sara, Rebecca, Lyà. Gen. 49. Istam ciuitatem petiuit Caleb filius Iephone à Iosue, ut deleteret tres gigantes, qui erant in ea, & deleuit illos. Iosue 14. & 15. In hac ciuitate sepultus dicitur prothoplaustrus Adam Iosue 14. Fuit hæc ciuitas data in sortem sacerdotū. Ios. 23. In hac ciuitate regnauit Dauid septem annis & dimidio, quando fuit rex super solam tribum Iuda. 2. Reg. 5. *Quæ erant in Iuda, & Benjamin ciuitates munitissimæ.* Refertur ad prædicta, scilicet, quod istæ omnes erant ciuitates munitissimæ, & nunc eas completè muniuit Roboam. *Cumque clausisset eas muris.* Scilicet, aliquæ earum habuerant muros dissipatos, & ruinosos, & ex illis partibus non erant clausæ. Roboam tamen clausit muris reficiendo omnes veteres defectus. *Posuit in eis principes.* Scilicet, ad defendendum istas vrbes: timebat enim Roboam bella nascitura inter se & regnum Israel, & disponebat omnes vrbes suas ad statum bellicum ponendo in singulis principes, & viros, qui vacarent exercitationi bellicæ, ut cum occurreret bellum, essent armis accincti. *Ciborumq; horrea, hoc est olei, & vini.* Sicut disposuerat Roboam in vrbus viros bellicos: ita disposuit prouisionem ad eorum victum, quia gens bellica multa consumit: & ob hoc fecit horrea ciborum in locis istis, & posuit vinum, & oleum, de quibus viuerent isti viri bellici. Et cum dicitur hic, hoc est vinum et oleum, non est intelligendum, quod ista sola intelligerentur nomine ciborum reconditorum in horreis, cum potius frumentum esset necessarium, quam ista, & tamen ponuntur quasi ex superaddita, ne dubitetur ista fuisse in horreis illis, & vocatur horreum quodcunque repositorium, siue promptuarium ubi conseruantur quæcunque pertinentia ad cibos. *Sed & singulis vrbus fecit armamentaria scutorum, & hastarum.* Prædicta intelliguntur quantum ad vrbes quas refecit Roboam. Istud autem intelligitur quantum ad omnes ciuitates regni sui: nam ut omnes de regno essent prompti ad bella, quando expediret, muniuit viros suos armis, & fecit in singulis ciuitatibus armamentaria, idest, repositaria armorum, in quibus reponebat scuta, & lanceas, quæ sunt arma communia, & fecit copiam istorum pro omnibus de regno suo: habebat autem Roboam quoddam armamentarium speciale, in quo erant arma sua pulchra, & preciosissima, scilicet, domum saltus Libani, ut patet 3. Reg. 10. et supra 9. *Firmauitq; eas summa diligentia.* Scilicet: firmavit vrbes cum magna diligentia: potest dupliciter intelligi. Vno modo, quod firmavit vrbes omnes istas, scilicet, faciendo eis firmos muros, idest, quod si aliquæ erant non habentes muros firmos reficiebat illos, & complebat, & per hoc vrbes erant firmæ non pauentes hostiles incursus. Secundo modo firmavit eas, idest, fortes, & munitas reddidit armorum multitudine. Nam dato, quod aliqua ciuitas sit bene murata, si non abundant habitatores armis ad resistendum hostibus, non poterant diu manere, sed faciliter capientur. Cum autem armorum copia est, ciuitates non pauent, & sic firman- tur, & quia ante hoc propter paucam bellorum experientiam pauca arma erant in singulis vrbus illæ, erant infirmæ: nunc autem cum Roboam prouideret, quod in singulis vrbus essent plena armamentaria, reddebat vrbes firmas. *Et imperauit super Iudam, & Benjamin.* Idest, fuit rex super Iudam, & Benjamin, quia istæ duæ tribus solæ cesserunt ei regnum.

Quis fuerit propheta Semeia,

Quaest. IX.

QVAERITVR circa praedicta de isto propheta Semeia, qui nunciauit Roboam, ne pugnaret contra Israel, quis fuerit. Respondent quidam, quod iste fuerit ille vir Dei, qui missus est contra Ieroboam in Bethel consecrantem altare vitulo, & a leone occisus est in via. 3. Reg. 13. hoc autem videtur conuenire illi tempori: quia in principio regni Roboam, & Ieroboam fuit iste Semeias: & non leguntur alij prophetae isto tempore, qui possent hoc facere, & cum non legatur de exitu istius, putant, quod ille fuerit finis eius. Dicendum tamen, quod non stat, quia ille propheta, qui missus est contra Ieroboam mortuus est primo anno regni eius: & tamen iste Semeias vixit ad minus usque ad annum decimum octauum regni Ieroboam: patet primum. Nam primo anno regni sui excogitauit Ieroboam vitulos, & fabricauit eos: nam quolibet anno ter omnes Israelitae tenebantur ascendere ad templum Domini. Exo. 23. & 34. & Deut. 36. & vt non ascenderent Israelitae ad templum Domini in Ierusalem, quae erat in terra Roboam, fabricauit Ieroboam vitulos: ergo oportet, quod anno primo regni sui Ieroboam fabricauerit vitulos, alioquin ter ascenderent Israelitae in Ierusalem post diuisionem regni ante fabricationem vitulorum, & tunc timeret Ieroboam, quod Israelitae praeruaricarentur a se, vt rediret ad antiquam vnitatem regni. Non est ergo verisimile, quod permetteret aliqua vice Israelitas ascendere in Ierusalem post diuisionem regni, & consequenter fuit ista fabricatio vitulorum primo anno regni Ieroboam: & tamen prima die, qua consecratum est altare vitulorum in Bethel, venit vir Dei ad Ieroboam, vt patet. 3. Reg. 13. & illa die, qua venit occisus est a leone, vt colligitur ex littera eodem capitulo, & ibi declaratum est: & sic primo anno regni Ieroboam mortuus est ille propheta, qui venit ad eum: & tamen iste Semeias vixit usque ad annum decimum octauum saltem regni Ieroboam. Quod patet, quia iste scripsit omnia gesta regni Roboam, vt patet praecedenti capitulo, & tamen vixit Roboam decem & septem annis, vt patet ibidem, & 3. Reg. 15. Et ceperunt simul regnare Roboam, & Ieroboam. scilicet vnus super Iudam, & alius super Israel: ergo simul compleuerunt ambo annum decimum septimum regni, & tamen Semeias superuixit ipsi Roboam, eo quod descripsit omnia gesta regni sui: ergo saltem viueret usque ad annum decimum octauum regni Ieroboam, qui succedebat post mortem Roboam, & sic non potuit iste Semeias esse propheta, qui occisus est a leone, & missus est contra Ieroboam. Et dicendum, quod ille fuit quidam propheta, cuius nomen in sacra Scriptura non legitur, nec distribuuntur aliqua alia gesta eius, aut dicta praeter missionem illam ad Ieroboam. 3. Reg. 13. Fuerunt autem hoc tempore alij prophetae, scilicet, Addo, Ahias Silonites, & iste Semeias. De Ahia, quod non fuerit ille, qui occisus est a leone, manifestum est, quia multo tempore post mortem illius prophetae vivebat Ahias. De morte enim illius patet 3. Reg. 13. & tamen eodem lib. cap. 14. habetur, quod Ieroboam miserit uxorem suam mutato habitu ad Ahiam Silonitem, & locuta est ad eum. Item, quia quando mortuus est ille propheta, qui missus est ad Ieroboam, nondum multiplicatum fuerat peccatum Ieroboam per Israelitas, quia illa die dedicatum fuerat altare Bethel, vt patet. 3. Reg. 13. Et tamen quando Ahias Silonites locutus est ad uxorem Ieroboam, iam peccauerat nimis Ieroboam in vitulis aureis, & peccare fecerat totum Israel, vt colligitur ex verbis suis. 3. Reg. 14. Nam praedixit poenam magnam futuram in tota progenie Ieroboam propter hoc. Item ille vir Dei, qui venit ad

Ieroboam erat de Iuda, vt patet. 3. Reg. 13. Et tamen Ahias erat de vrbe Silo: ideo vocabatur Ahias Silonites, vt patet supra 9. Et tñ Silo erat in sorte Ephraim, vt colligitur Iudi. 21. & ibi probatum est. Etiam non erat ille propheta Addo, quia iste vixit post mortem Roboam, & post mortem Abia filij sui, & descripsit gesta eius, infra 13. Dicendum ergo, quod erat propheta incognitus nomine. Iosephus tamen 8. Antiquit. vocat eum Iadam, quia forte collegit nomen illius ex aliquibus annalibus illius temporis.

Quomodo factus est sermo Dei ad Semeiam.

Quaestio X.

QVAERITVR vltterius, cum dicatur hic, quod factus est sermo Domini ad Semeiam hominem Dei, quomodo factus est ad eum iste sermo. Dicendum, quod multipliciter potest fieri sermo Dei ad prophetam. Primo modo, quod appareat angelus in aliqua humana effigie, & loquatur, sicut fuit in apparitione facta Gedeoni. Iudi. 6. & in apparitione facta patri, & matri Samsonis. Iudi. 13. Secundo modo fit, quod aliqua vox formetur ab angelis, quae dirigatur ad hominem, & tamen illam vocem formans non videatur: sic fuit in datione legis: Exo. 20. & Deut. 4. nam dicit ibi nullam formam vidistis die qua locutus est Dominus vobis in Horeb. Tertio modo fit in somnijs, quia tunc Deus mouet phantasiam hominis ad intelligendum aliquid, quod prius non poterat intelligere naturaliter, & hoc fit, quia format noua phantasmatia in cellula phantastica, per quae causatur nouus actus phantasiandi, vel species praexistentes nouo modo ordinat, ita vt per illas intelligatur aliquid quod non intelligebatur alias, et iste modus erat frequentatus apud prophetas, vt patet Num. 12. scilicet quis inter vos propheta domini, in visione apparebo ei, aut per somnium loquar ad illum. Quarto modo fit hoc per immutationem solam intellectus. scilicet Deus illustret intellectum alicuius, et faciat eum intelligere supernaturaliter aliquid, et istud fit in vigilia. Et tamen fit dupliciter: vno modo non facta aliqua mutatione in corpore, sed existere propheta ad quemcumque actum conuerso potest fieri ista reuelatio. Alio modo fit per ecstasim. scilicet quod abstrahatur homo ab omnibus actibus corporeis, in tantum, quod non videatur anima manere in corpore, cum sit corpus destitutum omni operationi vitali apparente, sicut fuit de Paulo, qui in raptu suo dixit se non scire, an fuerit in corpore, an extra corpus. 2. Cor. 12. quilibet istorum modorum poterat competere nunc prophetae Semeie, et poteramus de illo affirmare. Et tamen dicendum, quod reuelatio per ecstasim non fuit in hoc, quia ista non erat in viris veteris testamenti: eo quod ista fit, quando rapitur anima prophetae ad considerandum aliquod excellens intelligibile, quod non poterit percipere, nisi anima secundum omnes vires suas sit attenta illi speculabili, et quod ad hoc, quod tota intenta sit necesse est, quod non maneat attenta alicui alteri speculationi, vel operationi. Oportet ergo, quod cesset ab operationibus vitalibus, et animalibus quas exercet circa corpus, et tunc apparet corpus mortuum, cum sit destitutum omni operatione vitali apparente. Et sic quando debet propheta clare intelligere essentiam Diuinam, sicut fuit Beato Paulo, qui dicit se vidisse arcana verba, quae non licet homini loqui. 2. Corin. 12. et ad videndum. id est intelligendum illas res arcanas raptus est. scilicet in ecstasim: ita vt non appareret anima esset in corpore, vel extra corpus. Viris tamen veteris testamenti, non fiebant tam excellentes reuelationes, quia non eleuabantur ad contemplandum Diuinam essentiam, sed ad intelligendum alia ministeria valde

valde inferiora. Ideo competeabant eis alij modi reuelationum: sed iste non, licet competere posset. De alijs autem modis non apparet, quem modum debeamus applicare isti prophetae, quia poterant ei omnes competere, & tamen inter omnes erant duo communiores, scilicet, quod Deus per somnium moueret phantasia, aut in vigilia moueret intellectum, & sic tanguntur duo tanquam communes prophetis. Nu. 12. f. si quis fuerit inter vos propheta Domini, aut in visione apparebo ei. i. aut apparebo ei in visione. i. in vigilia illustrando intellectum suum, aut per somnium loquar ad illum; & quemcumque istorum possumus accipere.

Quomodo dixit Deus, quod fecisset diuisionem regni.

Questio XI.

QVAERITVR vltius, quomodo dixit hic Deus, quod sua voluntate facta erat ista diuisionem regni: ideo quod non esset pugnandum ad reintegrandum regnum. Aliquis dicet, quod sit conuenienter dictum istud, quia si Deus voluisset fieri istam diuisionem, ipse procurasset modum faciendi, & tamen modus, & occasio fuit, quod Roboam loqueretur verba stulta, & iniqua contra populum: ideo Deus incitaret eum ad mala: & sic Deus tentaret hominem, sicut daemon. Sed falsum est, ut patet Iac. 1. f. Nemo cum tentatur, dicat, quoniam a Deo tentatur: ipse enim neminem tentat, sed quilibet tentatur a concupiscentia sua abstractus, & illectus. Aliquis dicet, quod istud non est inconueniens: imo est verum. f. quod Deus mouerit cor Roboam ad ista mala, quae fecit prae respondendo, ut patet praeced. cap. f. Et non acquieuit Roboam populi precibus, ut compleretur sermo eius, quem locutus fuerat per manum Ahia Silonitis ad Ieroboam filium Nabath. Dicendum, quod falsum est, quod Deus incitauerit cor Roboam ad male respondendum, quia in illa responsione peccauit Roboam: agendo tamen directe ad hoc, quod Roboam male responderet, erat directe tentatio diabolica, quam Deus non, facit sed potius impedit eam in illis, quos diligit: sicut pater prima Corin. 10. cap. f. Fidelis est Deus, qui non permittet vos tentare ultra id, quod potestis, sed faciet cum tentatione profectum. Sed dicendum est, quod Deus excecauit Roboam non quidem mouendo eum ad malum directe, quia ad tentationem diaboli istud pertinet: sed non apponendo gratiam, quam alias apponeret, siue subtrahendo suam illuminationem, quam alias praestabat: & tunc Deus non agit ad peccatum positiuè, sed subtrahit aliquid, & subtractio illa est occasio ad peccatum: est tamen subtractio illa in poenam. Nam sicut Deus infligit pro peccato poenam corporalem: ita interdum infligit subtractionem gratiae, vel bonorum, quae conferre solitus est, & illa subtractio est maior poena, quam poena corporalis, vel in bonis temporalibus. Causa autem subtractionis istius fuit duplex. f. vna promeritoria, & alia finalis. Causa promeritoria fuit peccatum Salomonis: nam Salomon a Deo multa bona susceperat, quibus ingratus extitit fabricando templa idolis, & colendo ea. 3. Reg. 11. & 4. Reg. 23. Ideo Deus propter peccata eius tradere voluerat regnum eo viuente alteri: & tamen propter Dauid non fecit: sed disposuit post mortem eius facere, & sic peccata sua promeruerant subtrahi posteris eius quaecumque diuina beneficia, & quod sic incideret in multas calamitates. Causa finalis erat, ut impleretur promissum Dei, scilicet, Deus promiserat, quod daret decem tribus Israel Ieroboam, & duae tamen manerent cum Roboam, & quia si non respondisset dure Roboam, non recessissent ab eo tribus ille decem, Deus subtraxit beneficium illuminationis suae illo tempore a Roboam, & promisit eum incidere in insanam sententiam: prima causa tangitur. 3. Reg. 11. & secunda tan-

Agitur praeced. cap. & tamen vna fuit origo alterius. Nam completio diuinae promissionis non erat causa, nisi in quantum pendebat a peccato Salomonis promeritorie: nam si Salomon non peccasset, non promississet Deus dare decem tribus ipsi Ieroboam, sed mansissent omnes cum Roboam: & sic non oporteret aliquid fieri ad completionem diuini promissi, quia nullum esset: quia tamen fuit peccatum Salomonis, processit inde promissio decem tribuum, & postea excecatio Roboam ad complendum promissionem Dei. De modo autem excecationis, & quid ea fiat, & quomodo fieri potest non auferendo liberum arbitrium, etiam quod ista fuit facta propter Salomonem, & non propter Roboam, declaratum est. 3. Reg. 12. in duabus questionibus de hoc.

B

Quomodo duae tribus erant sub imperio Roboam.

Questio XII.

QVAERITVR vltius, quomodo dicitur hic, quod tribus Iuda, & Benjamin erant sub imperio Roboam, quia. 3. Reg. 11. dicitur, quod sola tribus Iuda cederet Roboam, & eod. lib. cap. 12. dicitur, quod sola tribus Iuda sequebatur domum Dauid. Aliqui dicunt, quod a principio constitutionis Roboam in regem fuerunt omnes undecim tribus Israel recedentes a Roboam, & mansit sola tribus Iuda cum Roboam. f. quoniam recessit Roboam de Sichem in Ierusalem: sed postea tribus Iuda persuasit tribui Benjamin redire ad Roboam, & rediit, & tunc ambae tribus fuerunt semper subiectae Roboam. Sed dicendum, quod hoc non stat: quia hoc modo fuissent undecim tribus in vocatione Ieroboam, & quia vnctus fuit Ieroboam a reliquo Israel postquam fugit Roboam in Ierusalem, & tamen istud non stat, quia Deus solum promisit decem tribus ipsi Ieroboam, ideo nunquam ad eum pertinuerunt, nisi istae decem: & sic non fuit tribus Benjamin cum ceteris decem in vocatione Ieroboam. Item si tribus Benjamin fuisset cum alijs decem in vocatione Ieroboam, nollet postea redire ad Roboam, & tamen videtur, quod facillime eam habuit Roboam, quia illico, ut venit de Sichem in Ierusalem incepit parare se ad bellum contra Ieroboam, & tunc in congregatione illa fuit tribus Benjamin cum tribu Iuda contra Ieroboam: ergo videtur, quod non fuit aliquod tempus, in quo tribus Benjamin non fuerit cum Roboam. Item si tribus Benjamin cum ceteris decem tribubus Israel fuisset in vocatione Ieroboam postea facta pace inter Roboam & Ieroboam haberet iustum bellum Ieroboam contra tribum Benjamin, quia ipsum in regem vnixerat, & postea recesserat ab ipso sine causa: & tamen nunquam pugnavit contra eam, nec petiuit illam tribum: ergo videtur, quod nunquam ad eum pertinuerit. Dicendum ergo, quod a principio tribus Benjamin fuit cum Roboam, & tribu Iuda, & solae decem tribus vnixerunt Ieroboam in regem super Israel: & ita hic ponuntur duae tribus in regno Iuda: etiam a principio cum Ahias Silonites pronuntiavit Ieroboam de regno habendo diuisit pallium suum in duodecim partes, & dedit ei decem partes. Ex quo innuebat, quod solum habiturus erat Ieroboam decem tribus, & Roboam semper habiturus esset duas. Cum autem obijcitur, quod sola tribus Iuda sequebatur Roboam, dicendum, quod de Iuda & Benjamin intelligitur: quia tamen tribus Benjamin erat extranea a domo Dauid, et propter amorem Dauid separauit se a reliquo Israel, et vniuit se tribui Iuda cum Roboam, reputata est tribus Benjamin eadem cum tribu Iuda quasi ambae essent vna tribus: ideo dicebatur, quod sola tribus Iuda sequebatur domum Dauid, quamquam etiam tribus Benjamin sequeretur domum Dauid.

Sacer-

Sacerdotes autem, & Leuitæ, qui erant in vniuerso Israel, venerunt ad eum de cunctis sedibus suis, relinquentes suburbana, & possessiones suas, & transeuntes ad Iudam, & Ierusalem: eo quod abiecisset eos Ieroboam, & posterius eius, ne sacerdotio Domini fungerent. Qui constituit sibi sacerdotes excelsorum, & demoniorum, virulorumque, quos fecerat. Sed & de cunctis tribubus Israel, quicunque dederant cor suum, ut quærerent Dominum Deum Israel, venerunt in Ierusalem ad immolandum victimas suas coram Domino Deo patrum suorum. Et roborauerunt regnum Iuda, & confirmauerunt Roboam filium Salomonis per tres annos: ambulauerunt enim in vijs Dauid, & Salomonis annis tantum tribus.

Sacerdotes autem, & Leuitæ, qui erant in vniuerso Israel. Ponitur etiam hic quomodo confortatum est regnū Roboam per aduentum quorūdam aliorum, scilicet, quod omnes sacerdotes, & leuitæ de toto Israel venerunt ad habitandum in terra Roboam, & ex hoc fuit quasi vna tribus superaddita regno suo. scilicet, tota tribus Levi: & dicitur, qui erant in vniuerso Israel, id est, diffusi per omnia loca tribuum Israel. *Venerunt ad eum de cunctis sedibus suis.* Id est: venerunt ad Roboam de omnibus locis, in quibus habitabant: vocatur enim sedes quilibet locus habitationis, quia ibi sedetur, id est, manetur in quiete. *Relinquentes suburbana, & possessiones suas, id est.* Relinquentes vrbes, & suburbana vrbium, in quibus morabantur. Pro hoc sciendum, quod Israelitæ erant tribus duodecim secundum numerum filiorum duodecim Iacob, & tribus Ioseph diuisa est in tribus duas, quia Iacob voluit, quod duo filij Ioseph, scilicet, Ephraim, & Manasse essent principes, & capita tribuum. Gen. 48. Et sic futuræ erant tribus tredecim. Deus tamen voluit, quod tribus Levi non haberet sortem inter alias tribus, & quod non computaretur, ut vna de tribubus: sed quod tota terra diuideretur per sortes inter alias tribus duodecim, & tribus Levi non haberet aliquam sortem terræ: sed solum iura templi cederent sibi in sustentationem, ut patet Num. 18. & Deut. 18. & Iosue 13. Quia tamen non haberent leuitæ, & sacerdotes vbi habitarent, iussit Deus, quod de omnibus tribubus Israel darentur eis loca ad habitandum. scilicet, singule tribus darent aliqua loca. scilicet, singule secundum quantitatem suam dabant plures, vel pauciores vrbes, & fuerunt omnes vrbes datæ sacerdotibus, & leuitis quadraginta octo. Num. 35. quot autem dederit de his quælibet tribus patet Iosue 21. & præced. lib. cap. 6. Ista vrbes non erant coniunctæ, sicut vrbes cuiuslibet tribus sed dispersæ per omnes sortes tribuum, & non dabantur istæ vrbes leuitis, & sacerdotibus cum territorijs suis, scilicet, ut ibi haberent agros, & vineas, quia Leuitæ nihil istorum possidere debebant, nec vacare agriculturæ, cum iura sanctuarij sustentarent eos: Iosue 13. Ideo manebant ista pro illis tribubus, quorum erant istæ vrbes, & Leuitæ solum accipiebant vrbes ad habitandum, & quædam spatia in circuitu vrbium. scilicet, duo millia passuum ad pascendum ibi pecora. Ista spatia vocabantur suburbana: quia sub vrbe posita. scilicet, sub me-

nibus vrbis. Num. 35. Tempore autem Salomonis erant dispersi sic Sacerdotes, & Leuitæ per vrbes suas in omnibus tribubus Israel, & cum nunc Ieroboam fecisset vitulos aureos, recesserunt de omnibus locis, & suburbanis, in quibus habitabant dispersi per terram Israel, & venerunt in terram Iudam. *Et transeuntes ad Iudam, & Ierusalem.* Scilicet, venerunt ad habitandum in regno Iuda: & non ponitur Iuda, & Ierusalem, quasi sit Ierusalem aliquid distinctum à regno Iuda, cum potius ibi esset regni Iuda sedes, & metropolis. Sed potest intelligi dupliciter: vno modo, quod Iuda accipiat pro tribu Iuda, & non pro regno: & tunc Ierusalem distinguitur à Iuda, quia Ierusalem est ciuitas in sorte Beniamin, & nominatur Ierusalem, quia caput erat totius tribus Beniamin. Aliter potest dici, quod accipiat Iuda pro regno Iuda, & tunc Ierusalem pars regni Iuda, & non ponitur sic tanquam aliquid sit distinctum: sed fit specialiter mētio de Ierusalem, quia erat excellentior inter ceteras, & erat caput regni. *Eo quod abiecisset eos Ieroboam.* Scilicet, non honorabat leuitas, & sacerdotes Ieroboam, nec permittebat eis officia sua: sed cuicumque laico concedebat, quod esset sacerdos, vel leuita: & sic non honorabantur, nec acquirebant sustentationem inter leuitas. *Et posterius eius.* scilicet, reges Israel, qui venerunt post Ieroboam, etiam hoc fecerunt, scilicet, quod abiecerunt sacerdotes, & leuitas: sed quomodo potuerint sacerdotes moueri, quia abiciebant eos posterius Ieroboam cum nulli adhuc eius posterius essent dum ipse regnaret, declarabitur infra in quadam quæstione. *Nē sacerdotio Domini fungerentur.* Scilicet, abstulerat eis ministerium suum, non quidem inhibendo eis ministrationem: sed dando talem modum ministrandi, qualem non acceptabant leuitæ, & sacerdotes. Nam Ieroboam fecerat vitulos aureos, & constituerat, quod ministraretur eis in Bethel, & Dan. Leuitæ autem, & sacerdotes erant instructi solum ministrare in Ierusalem, & soli Deo offerre sacrificia: ideo non acceptabant istum modum ministrationis, quem dederat Ieroboam. An verò prohibuerit Ieroboam sacerdotibus Leuitici generis ministrare, infra declarabitur in quadam quæstione. *Qui constituit sibi sacerdotes excelsorum.* Ieroboam constituit sibi sacerdotes excelsorum, id est, altarium, quæ fecerat. Excelsum vocatur quodlibet altare, in quo immolabantur animalia, & cremabantur sacrificia, & vocatur excelsum propter duo. Vnum est, quia ut communiter altaria ista fiebant in montibus, & sæpe sic dicitur in tertio libro Regū, & quarto, quod Israelitæ, & viri Iuda adolebant incensum in collibus, & sub omni ligno frondoso. Secundum est, quia ista altaria semper erant in se alta, dato quod constituerentur in locis humilibus, quia est altare quidam tumulus terræ, vel monticulus: vnde ab hac proprietate apud Latinos nomen accepit, & vocatur altare quasi alta ara: & sic etiam templum Domini vocatur excelsum, quia ibi erat altare. Vnde quando sanctuarium Domini erat in Gabaon, vocabatur Gabaon excelsum, siue maximum excelsorum, ut patet tertio Regum tertio capitulo: & sic duo altaria, quæ constituit Ieroboam vnum in Dan, & alterum in Bethel vocabantur excelsa, & illorum constituit sacerdotes de popularibus, & non solum erant ista altaria in terra Ieroboam, sed etiam multa alia: ista tamen duo erant præcipua, quia ibi constituerat Ieroboam duos vitulos aureos, & non erant alij in toto Israel. *Et demonum.* Isti erant sacerdotes demonum: nam colebant demones isti Israelitæ cum colerent vitulos: omnia namque idola ad cultum demonum pertinent. In Hebræo dicitur. *Et adolorum.* Et vocantur demones eduli, vel hirci, quia istud nomen potest equiuocari ad hircum, & demonem, vel vocantur sic: quia sæpe apparent

apparēt dæmones in specie hircorum, & aliorum animalium syluestrium: licet maximè in specie hircorum: unde dæmones vocantur capripedes iuxta illud Alexandreidis libro tertio, scilicet.

Capripedi Fauno comendat sedula baucis.

Idest, dæmoni habenti pedes caprinos, qui vocatur interdum Faunus, & interdum satirus, & alijs nominibus, de quibus non est dicendum: & translulit Ieronymus dæmonum, & non hircorum, quia dato quod diceretur de hircis, non poterat intelligi ad literam, quia Israelitæ non coluerūt aliquos hircos, sed solum vitulos, cum nulla alia idola legatur fecisse Ieroboam, nisi duos vitulos, sine vaccas. *Vitulorumq, quos fecerat.* Erant etiam isti sacerdotes dæmonum, & vitulorum, scilicet, duorum vitulorum aureorum, & cum essent sacerdotes vitulorum, erant etiam sacerdotes dæmonum. *Sed & de cunctis tribubus Israel quicunque dederant cor suum, ut quærerent Dominum Deum Israel.* Scilicet, non solum sacerdotes, & Leuitæ venerunt in terram Iuda de omnibus tribubus Israel, sed etiam omnes laici deuoti Deo, qui dederant cor suum ad quærendum Deum Israel, scilicet, ad custodiendum legem suam. Non enim quærimus Deum localiter eum inuestigantes, quia ipse ubique est, licet in nullo loco propriè sit: sed mente, dum conamur eum imitari. Est autem imitatio nostra dum eius legem custodimus, quia ille est modus, per quem ipse vult, quod ad eum veniam?

Venerunt in Ierusalem ad immolandas victimas Domino Deo patrum suorum. Scilicet Ieroboam constituerat, ut immolarentur victimæ in Bethel, & Dan coram duobus vitulis aureis, qui ibi erant. Hoc autem erat contra legem: ideo illi, qui habebant zelum legis, & volebant quærere Deum noluerunt colere illos vitulos, nec coram illis immolare, licet veniebant in Ierusalem: de istis laicis quærentibus dominum, an venerint solum ad immolandum victimas, & reuerteretur in terram Israel, vel an manerent in terra Iuda, declarabitur infra in quadam quæstione. *Et roborauerunt regnum Roboam.* Scilicet, omnes isti, qui conueniebant in terram Iuda de terra Israel, siue sacerdotes, & leuitæ, siue laici roborauerunt regnum Roboam, scilicet, fortificantes illud multitudine pugnatorum, & omni apparatu bellico. *Et confirmauerunt Roboam filium Salomonis.* Scilicet, confirmauerunt eum in regem super Iuda. Hoc potest dupliciter intelligi. Vno modo, quod confirmauerunt eum, scilicet, vngentes eum in regem approbando primam vnctionem, sicut Saul semel constitutus est in regem primo Regum decimo. Et postea facto bello contra Ammonitas vnctus fuit secunda vice: & sic innouatum est regnum: & ita poterat esse hic, quod Roboam vnctus fuisset prima vice in Sichem quasi in contentione. Nunc autem habita pace in regno suo confirmaretur vngendo eum iterum. Secundò potest intelligi, quod confirmauerunt Roboam filium Salomonis, scilicet, dando ei fauorem, & adiutorium, & muniendo eum contra hostes suos Israelitas: & per hoc regnum suum confirmabatur, & iste sensus secundus stat, scilicet, quod adiuvando eum confirmauerunt regnum eius. Nam non potest stare primus sensus, eo quod dicitur hic, quod confirmauerunt Roboam per tres annos: & tamen vnctio non poterat esse, nisi semel facta, & non duraret tanto tempore. *Per tres annos.* Tanto tempore duravit concordia populi, & regis in cultu Dei, & in munitionibus faciendis, & procurandis apparatus bellicis. *Ambulauerunt enim in vijs David, & Salomonis annis tantum tribus.* Redditur causa dicti præcedentis. scilicet, quod confirmauerunt regnum Roboam per tres annos, & dicitur, quod causa huius fuit, quia ambulauerunt in vijs David, & Salomonis tribus

annis, & tunc necesse erat, quod confirmaretur regnum, expletis tribus annis, recesserunt de vijs David, & tunc non fuit confirmatum regnum. Ambulare in vijs David erat colere Deum, quia David erat vir valde deicola, & non recedebat à lege Domini. Nam 3. Reg. 15. dicitur, quod omnibus diebus vitæ suæ, non recessit ab his, quæ Deus iusserat, nisi in sermone Vriæ Hethæi: & sic est sensus, quod Roboam, & viri de regno suo ambulauerunt in vijs David. scilicet, custodiendo legem Domini, & non declinando ad idola, & interim prosperatum est regnum Roboam: & per hoc confirmatum est. Post tres autem annos confirmato regno recessit Roboam, & viri sui à cultu Dei, ut patet seq. cap. cumque confirmatum fuisset regnum Roboam, & confortatum dereliquit legem Domini: & ex eo tempore desijt regnum Roboam esse confortatum: quia tunc hostes inuaserunt illud. De hoc tamen infra dicitur in quadam quæstione.

Quare Leuitæ, & Sacerdotes hic reliquerunt loca sua.
Quæstio XIII.

QVAERITVR vterius, cum dicatur hic de sacerdotibus, & Leuitis, quod reliquerunt loca sua, & Ierubana, & venerunt ad terram Iuda: quare fecerunt hoc. Respondendum, quod hoc fecerunt propter multa. Primò, quia ante totus Israel erat vnicus populus habens vnum regem, & vnica legem, & vnicum modum colendi Deum, & tunc sacerdotes, & leuitæ, qui erant ministri Domini, habitabant diuisi per terram Israel. Nunc autem terra Israel abstraxerat se à cultu Dei fabricatis virulis, quos colerent Iudei, & viri Iuda manserant in cultu Dei: ideo non habebant quid facerent sacerdotes, & leuitæ cum viris de terra Israel: sed de terra Iuda, & sic transferunt ad eos, ut inter ipsos habitarent. Secundum erat, quia officium sacerdotum & leuitarum erat, quod ministrarent in templo Domini, quod erat in Ierusalem, et tamen existentes in terra Israel, non permittebantur à Ieroboam venire in templum. 2. Reg. 12. Ideo totaliter voluerunt se transferre ad habitandum in terra Iuda. Tertium erat, quia sacerdotes, et Leuitæ habebant hanc dignitatem, quod nemo se poterat intromittere de officio eorum, nisi ipsi sub pena mortis, ut patet Num. 3. et 18. Et sic ipsi soli percipiebant omnia emolumenta sanctuarij. Nunc autem Ieroboam dederat istud officium laicis, ita quod quicunque vellet effici sacerdos, posset effici, ut patet infra 13. Et ista fuit causa potissima, quare recesserunt de terra Israel, quia iam nulla iura, et nullus honor eis manebat inter Israelitas, et ista sola causa tangitur in littera. scilicet, transeuntes venerunt in Ierusalem, et Iuda, eo quod abiicisset eos Ieroboam, et posterius eius, ne sacerdotio Domini fungerentur. Quartum erat, quia vna de causis propter quas leuitæ habitabant dispersi per totam terram Israel erat, quia erant pauperes, et non habebant unde sustentarentur, nisi de muneribus sanctuarij, et de Eleemosinis Israelitarum. Quod patet, quia quoniam Israelitæ faciebant sacrificia, dicebat Deus, ut inuitarent leuitas ad cibum, quia non habebat leuita aliam partem, quam comederet. Deu. 12. et 16. non habebat unde alunde viveret, et ob hoc Deus iusserat, quod quoniam Israelitæ coquerent panes, vel haberent pulmenta, quod darent inde primitias domino Num. 15. Et ista dabantur sacerdotibus, et leuitis, qui colligebant ea per varias vrbes Israelitarum, apud quas habitabant, ut declaratum est eod. ca. et de his in magna parte sustentabantur pauperes leuitæ: et quia nunc Israelitæ de regno Ieroboam preuicari fuerant cultum Dei colendo vitulos, et constituerant sibi sacerdotes de popularibus, nondabant leuitis, et sacerdotibus istas primitias de pulmentis suis: et sic non poterant vivere in terra illa, cum nulla iura habe-

rent ibi, de quibus sustentarentur, & transferunt ad regnum Iuda, quia cum habitatores illius essent cultores Dei, darent istas primitias sacerdotibus, & Leuitis, & ibi sustentarentur. Quantum erat, quia sacerdotes, & leuitae erant in statu excellentiori, quam populus, cum essent mediatores inter Deum & populum, & ob hoc competebat eis magis declinare idolatriam, quam reliquis de populo: unde non solum non decebat eos colere idola, sed nec approbare aliquo modo cultores idolorum: & quia si manerent inter idolatras in communicatione, videbatur quodammodo approbare facta ipsorum, noluerunt manere ibi, sed recedere in terram Iuda. Sextum erat, quia Deus iusserat. Exo. 34. quod Israelitae non communicarent cum Chanaanis idolatris, ne forte quis eorum inuiteret eos ad coenam, & daret sibi de cibis consecratis demonibus, & tamen si manerent sacerdotes, & leuitae in terra Israelitarum, communicarent cum eis, & interdum inuiterentur ab eis, potissime cum essent pauperes, & comederent de cibis consecratis demonibus, quod erat magnum scandalum. Septimum erat, quia Deus videtur hoc voluisse. Nam in die prima dedicationis altaris Bethel pro vno de vitulis aureis Ieroboam, misit Deus illuc vnum prophetam ad praenunciandum mala euentura, & iussit ei, ne comederet, nec biberet in Bethel. 3. Reg. 13. c. ita ergo videtur, quod volebat, quod omnes alij viri sanctae conuersationis recederent de medio illorum, qualis erat status Sacerdotum, & Leuitarum. Octauum erat in quandam penam, scilicet, quod Israelitae grauissime peccauerant in hoc, & cum Sacerdotes, & Leuitae essent maxime reputationis, & sanctitatis in toto populo, si illi abstraherent se a communicatione aliquorum, erat magnus rubor illis, & poena, ita ergo nunc omnes sacerdotes, & leuitae recesserunt de terra Israel, ut sic cognoscerent Israelitae, quod grauissime peccauerant. Et non sustinentes sacerdotes, & leuitae tantam iniquitatem, recesserunt ab eis: ita fit in punitione ecclesiastica, quia quando quis est contumax in crimine, priuatur communione fidelium, ut per hoc erubescat, & rubore affectus doleat, & redeat ad obediendum Ecclesiae. Nonum forte erat, quia sacerdotes, & leuitae afficiebantur nimis ad progeniem Dauid propter sanctitatem eius, & quia ipse dederat expensas, & mandatum ad aedificandum templum, & nunc regno diuiso uoluerunt venire ad regnum Roboam, ut sic fauerent ei, & conformarent regnum suum.

*Quomodo possent manere in terra Iuda.
Questio XIII.*

QVAERITVR vltius, cum Sacerdotes, & Leuitae de toto Israel transirent nunc in terram Iuda, quomodo possent ibi manere. Responderi debet, quod hoc poterat fieri tripliciter. Vno modo, quod isti sacerdotes, & leuitae venirent ad habitandum in urbibus quas tenebant alij sacerdotes, & leuitae in ciuitatibus Iuda, & Benjamin. Alio modo, quod venerunt ad habitandum in loco sanctuarij. Tertio modo, quod habitarent inter Israelitas laicos, ita quod ipsi darent eis de urbibus suis aliquas ad habitandum, vel quod habitarent mixti cum eis. De primo modo patet, quia quilibet tribus dederat aliquas ciuitates sacerdotibus, & leuitis: & sic tribus Benjamin, & Iuda dederant aliquas, in quibus nunc habitabant aliqui sacerdotes, & leuitae, & alij superuenientes reciperentur ab eis in urbibus suis, quia erant de eadem tribu. Etiam ne cogerentur morari sacerdotes, & leuitae inter laicos: verum est tamen, quod viuerent satis anguste, quia omnibus sacerdotibus, & leuitis erant datae urbes quadra-

ginta octo: Num. 35. & Iosue 21. & praeced. lib. 6. cap. & tamen de tribu Benjamin, & Iuda non habebantur duodecim urbes. Nam tribus Benjamin dedit quatuor urbes, & tribus Iuda simul cum tribu Simeon dedit nouem Iosue 21. Et aliquae illarum erant de tribu Simeon, & sic non manebant ciuitates duodecim pro omnibus sacerdotibus, & leuitis nunc, & sic angustus locus habitandi eis esset. Quia tamen temporis necessitas eos urgebat, non erat inconueniens, quod sic fieret. De secundo modo etiam dicendum, quod fieri poterat. Nam Deut. 18. dicitur, quod si aliquis leuita desiderans manere semper in loco sanctuarij vellet ibi stare, & ministrare perciperet iura, quae recipiunt ministrantes quotidie praeter illa iura, quae ei in urbe sua ex paterna successione debentur: & ita nunc si isti vellet manere in loco sanctuarij, scilicet, in Ierusalem, perciperent iura residentium quotidie. Iste est modus conueniens, & tamen non fieret sic, quia erat difficile, quod caperentur omnes leuitae, & sacerdotes in vno loco, cum datae essent eis tot ciuitates ad habitandum, potissime quia etiam ante aduentum istorum erat ciuitas Ierusalem, in qua erat templum plena populo. De tertio modo dicendum, quod poterat esse conuenientius, scilicet, quod habitarent mixti in ciuitatibus laicorum. Nam licet lex statuerit eos seorsum debere habitare, & dederit eis ciuitates ad sic manendum, tamen nunc necessitas excluderat istam ordinationem, cum non haberent alias ciuitates, in quibus habitarent. Etiam patet hoc, quia non solum ex tanta necessitate ficebat sacerdotibus, & leuitis mutare sedes, sed etiam, ut melius haberent, quia in locis suis poterant mutare sedes eundo ad loca laicorum: sic patet de illo leuita, de quo Iudi. 17. qui dixit, quod ibat ad peregrinandum vbicumque sibi vtile reperiret, et mansit in domo Michae. Et dicit, quod ille leuita erat de Bethlehem Iuda, et tamen ciuitas illa non erat tradita sacerdotibus, vel leuitis in sortes: sed habitabant ibi praedecessores sui, ut declaratum est eodem capitulo. Sic etiam sapienter dicitur in Deuteronomio ad Israelitas, quod leuitae habitabant intra portas eorum. i. intra portas urbium ipsorum, et de illis dicitur, quod inuiterent eos ad epulas, quia nullam aliam partem habebant, ut patet Deut. 12. et 14. et 16. et ita nunc credendum est, quod habitauerint sacerdotes isti, et leuitae superuenientes mixti laicis dispersi per ciuitates eorum. Et iste modus conuenientior erat ad sustentationem sacerdotum, et leuitarum, quia de omnibus partibus terrae Israel haberent eleemosynas, & adiutoria laicorum. Si autem morarentur omnes sacerdotes, & leuitae in eisdem ciuitatibus, in quibus prius, non sic comode habere possent. Dicendum tamen, quod quidquid sit, non possent sacerdotes, & leuitae ita copiose sustentari, sicut tpe Salomonis ante diuisionem regni, quia tunc percipiebant iura a toto Israel tam in decimis, & oblationibus, & eleemosynis, quam in omnibus alijs rebus, & nunc solum perciperent a duabus tribubus: & sic maxima calamitas fuit sacerdotibus, et leuitis, quod regnum diuideretur.

*Quomodo Ieroboam, & posterij abiecerunt Sacerdotes.
Questio XV.*

QVAERITVR vltius, quomodo dicitur hic, quod sacerdotes, et leuitae recesserunt de terra Israel, et venerunt in terram Iuda, quia Ieroboam, et posterij eius abiecerant eos, ne fungerentur sacerdotio Domini. Nam non potuit esse hoc, eo quod quando sacerdotes, et leuitae recesserunt de terra Israel, nondum habebat Ieroboam aliquos posteros: ipse namque regnabat, cum acciderit. Istud primo anno regni sui mox, ut diuisum est regnum Israel. Aliquis

Aliquis dicet, quod posteri Ieroboam vocantur hic filij sui: nam sicut Ieroboam prohibuit cultum Dei, & induxit idolatriam: ita & filij sui faciebant: & sic dicunt Hebræi de vno filio Ieroboam, super quo consultiuit vxor Ieroboam Ahiam filonitem, quod respondit Ahias, quod iste solus de stirpe Ieroboam sepeliretur, & plangetur, cæteri autem lacerarentur a canibus, si morentur in vrbe, & lacerarentur a volucribus, si morentur in agro: & de illo, de quo querebatur, ait quod sepeliretur: quia inuentus est super eum sermo bonus à domino Deo Israel 3. Reg. 14. Et dicunt Hebræi, quod intelligitur quod ille permittebat Israelitas venire ad colendum dominum in templum. Nam posuerat Ieroboam custodes, ne quis de regno suo ascenderet in Ierusalem in templum, & qui capiebantur ascendentes occidebantur. Iste autem filius Ieroboam cum inueniret aliquos euntes in templum permittebat eos liberè ire. Et secundum hoc de cæteris filijs Ieroboam, qui lacerandi erant à canibus, & volucribus diceretur, quod illi impediabant Israelitas ascendere in Ierusalem: sicut pater suus Ieroboam, & etiam impediabant Leuitas, & sacerdotes abiiciētes eos de ministeriis suis: & propter eorū abiectionem recesserunt de terra Israel. Sed dicendum quod non stat, quia posteri Ieroboam vocantur hic reges, qui successerunt ei. Nam licet filij vocarentur etiam posteri: tamen non vocantur sic, nisi in quantum post mortem parentum manent eisque succedunt: & tamen filij Ieroboam, qui nunc ista mala sacerdotibus, & Leuitis inferrent, erant simul viuentē Ieroboam: ideo non possunt vocari posteri, & sic non intelligitur de eis: sed de alijs regibus Israel, qui fuerunt post Ieroboam. Aliter dicet aliquis, quod intelligitur de regibus, qui fuerunt post Ieroboam: & tunc stat conuenienter, quia sicut Ieroboam abiecit sacerdotes Domini, & constituit sibi sacerdotes laicos: ita omnes reges Israel, qui post eum fuerunt, quia nullus eorum fuit, qui in toto corde sequeretur dominum: & si aliqui inciperent: sicut Iehu, qui occidit prophetas Baal: tamen non continuabat, quia ipse postea rediit ad colendum idola 4. Reg. 10. cap. Sed tunc obicietur, quod non stat: quia ista recessio de terra Israel facta est tempore Roboam, & Ieroboam, vt patet hic: ideo non pertinet hoc ad successores Ieroboam. Respondetur quod aliqui sacerdotes, & Leuitæ recesserunt de terra Israel tempore Ieroboam, quia abiecerat eos de ministerio suo, & aliqui adhuc manebant ibi: & cum etiam successores Ieroboam abijcerent eos, recesserunt temporibus illorum, & sic dicetur, quod non omnes sacerdotes, & Leuitæ recesserunt simul de terra Israel, sed successiuè tempore diuersorum regum. Dicendum tñ quod hoc non stat, quia ista recessio sacerdotū, & leuitarū de regno Ieroboam facta est tpe Ieroboam tota in principio regni, quia dicitur hic, quod oēs sacerdotes, qui erant in vniuerso Israel venerunt ad Roboam de cunctis sedibus suis: ergo non manebant aliqui in tota terra Israel. Item quia dicitur, quod venerunt ad eum, id est ad Roboam, de quo ibi agitur, & tamen si tempore successorum Ieroboam aliqui sacerdotes, & Leuitæ recessissent de terra Israel, non potuissent illi venire ad Roboam, eo quod Ieroboam maiori tpe vixit q̄ Roboam. Nam regnavit Roboam decē & septē annis, & Ieroboam regnavit viginti tribus annis 3. Reg. 14. Item patet quia dicitur, quod isti Leuitæ venerunt ad Roboam, & confirmauerunt regnum eius annis tribus tantū, ergo aduentus leuitarum & sacerdotum necessariò fuit ante cōplēmentū trium annorum de regno Roboam, vnde non potuerunt successores Ieroboam abijcere Leuitas, & sacerdotes de ministerio suo ad hoc quod recederent de terra Israel, cum om-

nes recesserint tempore Ieroboam. Dicendum ergo quod potest intelligi istud dupliciter. Vno modo, quod non abiecerint posteri Ieroboam sacerdotes & leuitas de terra Israel: quia tamē Ieroboam abiecerat eos, & videbant totum Israel peruersum ad idolatriam, putabant rationabiliter quod oēs successores sui sic facerent: & sic dixerunt, quod recedebant de terra Israel, quia Ieroboam, & posteri sui eos abiecerāt. Et ponit istud hic notāter, quasi dicat. Si solus Ieroboam abiecisset eos non mutauissent sedes: sed quia oēs abiecerant eos, mutauerunt sedes. Si. n. putauissent sacerdotes, & leuitæ, quod solus Ieroboam peruersus fuisset ad idolatriam, & abstulisset eis ministeriū suū, & tēpore sequentium regum possent oīa hæc reparari, non mutauissent totaliter sedes, sed tolerauissent tempore illius abiectionē suam, vt non pderent oīa, quæ hēbant in terra Israel: viderant tñ totum populū simul cū rege cōuersum ad idolatriam, iō desperauerunt posse vnquā tolli istā peruersionē, nec eos reuersuros ad officia sua: iō illico mutauerunt sedes. Secundò potest intelligi, quod istud sit verbum scriptoris, & non sit pertinens ad causam motiuam recessus sacerdotum, & leuitarum de terra Israel, scilicet quod cā motiua recedendi sacerdotibus, & leuitis solū fuit, quia abiecit eos Ieroboam, & non propter aliquem de successoribus suis: quia nullus fuit antequam de regno Ieroboam recederent: vnde sacerdotes, & leuitæ non erāt certi, quod successores Ieroboam eos abijcerent sicut Ieroboam, licet hoc putarent: sed quia sic contigit, quod omnes posteri Ieroboam reges Israel erant idolatræ, abiciebāt cultum domini: & dato quod essent aliqui sacerdotes, & leuitæ in terra sua, non cernerent eos in ministros, sed laicos sicut instituit Ieroboam, & semper sic tenuerunt. Ideo Esdras scriptor libri huius sciens veritatem historiæ dixit, quod non solū Ieroboam abiecit sacerdotes, & leuitas, sed etiam posteri sui: & tamen sacerdotibus, & leuitis sola abiection, quam passi sunt à Ieroboam fuit causā recedendi de terra Israel: iste est conuenientior modus respondendi quā præcedens.

Quomodo abiecit sacerdotes, & Leuitas. Quest. XVI.

Q V A E R I T V R vltius, quomodo stet, quod Ieroboam abiecit sacerdotes & Leuitas ne ministrarent in sacerdotio domini. Respondendum, quod potest intelligi multipliciter. Vno modo quod abiecit eos. id est diminuit honorem ipsorum. Nam ante hoc soli sacerdotes, & leuitæ ministrabant in eis, quæ pertinebant ad Deum. Nunc autem Ieroboam fecerat, quod quicūque de populo velleret effici sacerdos, efficeretur: vt patet infra 13. & 3. Reg. 12. Accipiendo ergo alios ad honorem, qui solis sacerdotibus cōpetebat, abiecit eos de honore suo. Secundò modo potest intelligi, quod Ieroboam non prohibuit sacerdotes, & leuitas ministrare in officio suo, quia cū permitteret laicos, ad quos non pertinebat ministrare in sacerdotio, a fortiori permitteret sacerdotibus, de quorū officio istud erat: & tñ quia introduxit aliud ministerium, quod non pertinebat ad sacerdotes. scilicet idolatriam, quā non exercituri erant sacerdotes, dicitur abiecit eos, ne fungerentur sacerdotio domini, scilicet quo prius fungebantur. Tertio modo potest intelligi, quod fortè Ieroboam non permisit sacerdotibus, & leuitis ministrare in officio sacerdotali. scilicet et si ipsi vellēt coram vitulis, aureis ministrare, sicut ministrabant corā dño, quod non permettebat Ieroboam, & hoc fortè faciebat Ieroboam, vt placeret populo. Nam volebat Ieroboam placere populo: vt cōsentiret in re magna, & insolita. Volebat. n. transferre cultū Dei in idolatriam, & quod non ascenderet popul⁹ ad adorandum in templum dñi, sed in Bethel & Dan: & quia populo viderent ista grauia, & fortassis contentire nollet voluit placare populū faciendo aliqua,

qua, quæ essent grata populo: & istud erat, quòd daret quendam honorem populo, qui nunquam ei fuerat colat⁹, & liberaret eos de quadam obligatione, cui prius tenebantur: & hoc erat quòd daret populo honorem sacerdotalem. Pro quo sciendum, quòd Deus reprobat omnibus tribubus Israel à ministerio suo elegit tribum Leui: & voluit quòd ista sola sibi ministraret loco totius Israel, vt colligitur Nume. 3. & apposuit penam si quis de populo immisceret se his ministrationibus Nume. primo & 3. & 16. & 18. Et quia magnus honor, & vtilitas erat in sacerdotio, & tenebantur non sacerdotes nec Leuitæ dare magna inra sacerdotibus, & Leuitis. Num. 18. Desiderabant valde populares habere sacerdotium: & quidam etiam de Leuitis ad sacerdotium anhelabant: vnde Core, qui erat de Leuitis iurgatus est contra Moysen, & Aaron, quòd ipsi superbirent in populo vsurpantes sibi sacerdotium. Etiam ducenti quinquaginta proceres Synagogæ: etiam Dathan, & Abiron, & magna eorum cohors sequatium. Nam isti erant laici de genere Ruben: Num. 26. & murmurauerunt valde contra Moysen, & Aaron, volendo accipere sacerdotium. Ex quo magna plaga secuta est: Num. 16. Habebat tamen populus magnum desiderium vsurpandi sacerdotium, & erant proni ad faciendum magnas seditiones super hoc, & vt illi sedarentur Deus iussit, quòd omnes tribus Israel ferrent virgas aridas, & ponerentur coram domino scriptis in singulis nominib⁹ tribuum suarum, & illa, quæ floureret ostenderet tribum a Deo electam, & floruit virga Aaron, & sic apparuit electam stirpem Aaron pro sacerdotio: & ex tunc nõ ausi sunt Israelitæ contendere de sacerdotio: Nume. 17. Et tamen desiderabant illum semper, vt exuerent hanc subiectionem, quam habebant ad tribum Leui. Nunc autem Ieroboam sciens desiderium populi ad habendum honorem sacerdotalem, & inuidiam quæ habebant ad sacerdotes, quia præfæti fuerant eis, putauit quòd posset placare populum dando honorem sacerdotale populo, scilicet quòd quicumque de populo vellet effici sacerdos efficeretur offerendo taurum & boues, & arietes septem: vt patet infra 13. Et vt vinctam haberet populus de sacerdotibus, & Leuitis, qui tanto tempore præpositi fuerant populo inhibuit Ieroboam sacerdotibus, & Leuitis ministrare: concedens hoc soliis laicis: & tunc diceretur abiicere Leuitas, & sacerdotes de ministerio suo. Quartò modo potest intelligi, quòd Ieroboam abiicit sacerdotes ne fungerentur officio, vel sacerdotio, scilicet quod non permittebat eos ire in terram Iuda ad ministrandum in templum: & ob hoc recesserunt. Dicendum, quod iste modus est verus, quod patet, quia dicitur: abiicit eos ne sacerdotio domini fungerentur: & sic nõ potest intelligi de ministratione, quæ fieri debebat coram vitulis aureis, de quibus erant præcedentes expositiones, sed de ministratione sacerdotij diuini, idest sacerdotij legalis: & est sensus, quòd Ieroboam fecit duos vitulos, quos colerent Israelitæ, & vetuit eis ascendere in templum in Ierusalem. tertio Regum duodecimo. Et sic sacerdotes manentes in terra Israel non permittebantur ascendere in templum domini. Et tamē ministrationes sacerdotales, & Leuiticæ solùm fiebant in templum secundum legem, quæ determinauerat vnicū locū. Leu. 17. & Deu. 12. Et Iosue 22. c. Ergo vetando ascendere in templum, indirectè abiiciebat eos de ministerio domini: & hoc voluit dicere litera. Nā non dixit absolutè, quòd abiicit Leuitas, & sacerdotes de ministerio, sed abiicit ne sacerdotio domini fungerentur. Ideo credendum, quòd Ieroboam satis permitteret, imò vellet, quòd sacerdotes, & Leuitæ fungerentur sacerdotio coram vitulis aureis: & tamen ip-

si nolebant. Ipsi verò volebant ministrare in sacerdotio domini in templo: & hoc non permittebat Ieroboam non sinendo quòd quisquam ascenderet in Ierusalem: & tunc stat directè causa, scilicet quare sacerdotes, & Leuitæ recesserunt de terra Israel in terram Iuda. scilicet quia abiicit eos Ieroboam, ne fungerentur sacerdotio, idest vt non ascenderent in Ierusalem ad ministrandum, & tunc duo vrgebant Israelitas ad hoc quòd recederent de terra Ieroboam. Primum erat, quia tota sustentatio sacerdotum, & Leuitarum erat de lribus ministrationis, quæ fiebat in templo: & si non ascenderent ad ministrandum nihil eis daretur: & tamē Ieroboam prohibebat eos ascendere in Ierusalem: iò oportuit eos mutare sedes. Secundum erat desiderium legis implendæ: nam lex iubebat, quòd quolibet anno ascenderent ter omnes Israelitæ in locum sanctuarij in tribus festiuitatibus: & tamen si manerēt in terra Ieroboam nunquam permitterentur ascendere in Ierusalem, iò fuit eis opportunum mutare locum.

An venerunt ad immolandum in Ierusalem Israelita.
Quest. XVII.

QVAERITVR vltius de istis Israelitis, de quibus dicitur hic, quòd quicumque dederāt cor suum, vt quærerent dominum, venerunt in Ierusalem ad immolandum victimas: an isti venerunt ad habitandum in terra Iuda, vel solùm veniebant ad immolandum, & redibant in terram suam Israel. Aliquis dicet, quòd isti solùm veniebant ad adorandum dñm in Ierusalem, & non ad manendum ibi: sed redibant in terram suam: vt patet, quia dicitur, venerunt in Ierusalem ad immolandas victimas domino Deo patrum suorum. Sed obiicitur, quòd non stet. Primo, quia non videbatur modus, quòd isti Israelitæ possent ascendere in Ierusalem: & reuerti in terram suam. Nam Ieroboam vetuerat ascendere in Ierusalem ad orandum 3. Regum 12. Et (vt asseritur) satis rationabiliter posuerat custodes terminis regni, ne quis de regno suo ascenderet in Ierusalem, & qui ascenderent, caperentur, & occiderentur, & confiscarentur bona eorum: non ergo posset aliquis ascendere, et redire. Secundò patet, quia dicitur de istis ascendentibus in Ierusalem, quòd roborauerant regnum Roboam, et tamen si isti solùm ascenderent ad adorandum, et sacrificandum in Ierusalem, et nõ manerēt in terra Iuda, nõ confirmaret regnū Roboam: ergo vñ quod manebant in terra Iuda. Tertio patet, quia sacerdotes, et Leuitæ mutauerunt sedes transeunt in terrā Iuda propter adorationem domini, scilicet quia non poterant illuc ascendere, si habitaret in terra Israel, ideo sic etiam intelligendum est de laicis: nam si Leuitæ, et sacerdotes possent ascendere in templum in Ierusalem, & redire in terram Israel, nõ mutassent sedes suas: & tamen mutauerunt eas relinquentes omnia, quæ habebant in terra Israel: ergo nõ poterant ascendere in templum domini si manerent in terra Israel. Respondendum, quòd potest teneri vtrunque in quæstione ista, scilicet potest dici, quòd ascendebant isti Israelitæ solùm ad orandum dominum in Ierusalem, & redibant in terram suam, vel quòd ascendebant in Ierusalem, & manebant semper in terra Iuda habitantes, & pro vtroque potest esse probatio, etiam pro vtroque responderi potest tenendo, quòd ascendebant in Ierusalem ad orandum, & manebant ibi semper. Dicendum, quod verum est, quòd isti Israelitæ, qui de regno Ieroboam veniebant solùm veniebant, vt offerrent hostias, & tamen, quia non poterant ad hoc venire sæpe sine periculo manebant in terra Iuda: ideo rectè dicitur, quòd veniebant ad immolandum hostias. Nam

Nam venerunt semel ad hoc, & tunc manserunt in terra Iuda. Et non negatur ex hoc quod manerent isti Israelitæ in terra Iuda, sed potius sequeretur quasi necessario ex illo, quia aliter non poterant ascendere sine periculo in terra Iuda. Si autem tenere velimus, quod isti ascendebat solum ad orandum, & non manebant in terra Iuda, sed redibant in terram Israel, respondebimus ad primam rationem dicendo, quod licet vetuisset Ieroboam ascendere Israelitas in Ierusalem, tamen multi ascendebant, scilicet quia erant multa loca, per quæ possent exire Israelitæ, ita ut non viderentur, nec erat possibile omnia loca custodiri: sicut patet nunc in exitibus regnorum, qui custodiuntur propter vestigalia, & res vetitas efferrunt: tamen falluntur multi cum sint plurimæ viæ. Etiam quia dato, quod aliqui ascendentes reperirentur a custodibus, erant sibi benigni custodes, & permittebant illos, scilicet quia forte Deus efficiebat illos sibi clementes, cum irent ad colendum eum: vel dato quod in hoc essent multa pericula, illi viri, qui zelum legis habebant, exponebant se omnibus his periculis propter legem implendam: sicut patet de Tobia, qui erat de tribu Nephtali, & dum ceteri irent ad colendum vitulos aureos, iste ascendebat in Ierusalem ad adorandum, ut patet Tob. primo capit. Ad secundum de roboratione regni Roboam potest dici vno modo, quod illa litera, scilicet, roborauerunt, non refertur ad literam immediatam, scilicet de istis Israelitis laicis: qui veniebant ad immolandum hostias, sed refertur ad præcedentem literam de Leuitis, qui veniebant ad morandum in terra Iuda, quia illi confortabant regnum Roboam: eo quod manebant in terra illa, & parati erant defendere eum contra hostes. Nicolaus dicit, quod isti corroborauerunt regnum eius, scilicet quia venientes ad adorandum in Ierusalem parati erant eum defendere. Sed non videtur quomodo isti parati essent defendere illum, si mansuri essent in terra Israel, quæ erat terra Ieroboam hostis Roboam. Ideo dicendum magis sicut supra: vel dicendum, quod ista confortatio non intelligitur, quod fieri deberet opere bellico, sed magis sequendo viam legis, scilicet quod Deus confortabat illos, qui sequebantur eum dando eis, quod prævalerent contra hostes: et quia omnes de regno Roboam sequebantur nunc dominum, confortabat Deus regnum illud, & quia omnes illi, qui veniebant de terra Israel ad adorandum dominum in Ierusalem, concordabant cum viris Roboam de regno Roboam colendo dominum, & cum eis simul colendo, dicebantur etiam ipsi confortare regnum Roboam, quia in regno ipsius colebant dominum. Ad tertium dicendum, quod sacerdotes, & leuitæ mutauerunt sedes, ut irent ad immolandum domino in terra Iuda, & tamen non mutauerunt ad hoc sedes laici, qui illuc ibant, quia magna ratio differentie est inter laicos, & leuitas, & sacerdotes. Prima est, quia securius poterant laici ire in terram Iuda ad immolandum domino, quam sacerdotes, & leuitæ: eo quod laici raro ibant, & secretius ire poterant. Leuitæ autem, & sacerdotes ituri erant pluries, & determinatis temporibus: nam ut patet præc. lib. 24. ca. sacerdotes distincti erant per vigintiquatuor sortes, & ministrabat una post aliam, & quilibet una hebdomada. Sic etiam erat de Leuitis cantoribus, qui divisi erant in sortes vigintiquatuor, & ministrabant per vigintiquatuor hebdomadas subsequenter. eo. lib. 25. ca. & cum cognita essent sortes istorum sacerdotum, & leuitarum, & tempora ministrationum, sciret Israelitæ quo tempore quilibet sacerdotes, et leuitæ ascensuri erant ad ministrandum in Ierusalem, et observarent eos, et caperent. De laicis autem non erat sic: quia non erat eis tempus determinatum eundi. Nam licet lex determinasset tria tempora in anno pro omnibus Israelitis, quidam vo-

lebant ire, et quidam non, propter periculum: et sic nesciretur determinate, qui ire vellent, et qui non. Et dato quod aliqui ire vellent, forte non irent in temporibus determinatis a lege propter periculum, sed irent aliis diebus: unde non possent custodes Ieroboam sic tenere laicos euntes in Ierusalem, sicut sacerdotes, et leuitas: id est ut possent sine periculo ministrare sacerdotes, & leuitæ mutauerunt sedes, & non fuit tam necessarium quod mutarent sedes laici. Secundum erat, quia dato quod non vetaret Ieroboam ascensum in Ierusalem Israelitis. Si tamen converteretur populus ad idolatriam, sicut conuersus est, non manerent sacerdotes, & leuitæ in terra Ieroboam: nam omnes reducit leuitarum, & sacerdotum erant de ministratione, quam habebant in sanctuario, & illi, qui erant in terra Israel iam erant peruersi ad idola, & non dabant aliquos redditus sacerdotibus, & leuitis: ideo frustra erat, quod manerent inter Israelitas, sed potius ascenderent ad morandum in terra Iuda, quia ibi omnes reddunt suos percipiebant de colentibus Deum: laici autem non habebant istam causam, cum ipsi non haberent alibi percipere aliquid, nisi in terra sua: ideo non mutarent sedes, sicut sacerdotes & leuitæ. Tertium erat, quod sacerdotes & leuitæ erant pauperes, & ob hoc vivebant dispersi per terra Israel, ut ab Israelitis perciperent elemosynas, & quasdam primitias de panibus noviter coctis, & de aliis pulmentis: ut colligitur Nume. 15. & quia non poterant percipere ista ab omnibus Israelitis nisi inter eos dispersi manerent, vivebant dispersi per terram Israel. Nunc autem toto Israel conuerso ad idolatriam, non darentur elemosynæ, nec primitiæ pulmentorum sacerdotibus, & leuitis manentibus in cultu Dei, et sic non possent sustentari subtractis eorum subsidiis: ideo dato quod Ieroboam non imponeret eis aliquod gravamen, ipsi sponte recederent de terra eius in terram Iuda, & ibi sustentarentur cum non possent sustentari in terra Israel: istud autem non accidebat in laicis, qui sustentabantur de suis facultatibus, id est non habebant causam mutandi sedes, sicut sacerdotes, & leuitæ. Quartum erat, quia ex causa satis facili poterant sacerdotes, & leuitæ mutare sedes suas, & tamen laici non poterant commode mutare sedes, nisi ex causa gravissima. Ratio est, quia sacerdotes, & leuitæ non habebant possessiones aliquas in terra Israel, de quibus fructus perciperent: sicut agros, & vineas, sed solum urbes ad morandum: sed facile erat ubicunque vellent stare inuenire locum ad manendum: id est ex facili causa mutarent sedes. De laicis secus erat, quia habebant agros, & vineas in terra Israel: & si transirent in terra Iuda, nihil ibi haberent, nec possent emere: quia immobilia inter Hebræos non vendebantur nisi ex magna necessitate, & venditio non manebat in æternum: sed ad tempus Iobelei solum, scilicet usque ad quinquagesimum annum ad plus: & tunc redibat omnis possessio ad pristinum possessorem: Leu. 25. cap. Ideo laici non transirent in terram Iuda de terra Israel nisi ex causa inevitabili. Leuitæ autem sacerdotesque ex causa facili transirent.

Quomodo firmaverunt regnum Roboam tribus annis.

Quest. XVIII.

QVAERITUR ulterius, quomodo stat, quod dicitur hic, quod firmaverunt regnum Roboam solum tribus annis istis, de quibus hic dicitur. Quidam respondet, quod confirmatio regni vocatur prosperitas, & quoadiu manet in augmento vel saltem non mutatur aliquid de prosperitate sua, dicitur confirmari, vel confirmatum esse: & durat hoc, quousque veniant aliqua infortunia: sic fuit hic, quia per tres annos duravit ista prosperitas: ideo dicitur quod tribus annis confirmatum est. Sed dicendum, quod hoc non stat, quia tunc oportebat,

tebat: ut post tres annos illico calamitates euenissent in regno Roboam: sed falsum est, quia prima calamitas, quam legitur habuisse regnum Roboam, fuit Se-
sach rex Aegypti, & bello victis viris Iuda abstulerit omnes thesauros eorum 3. Reg. 14. & sequenti cap. Et tamen istud fuit anno quinto Roboam sequenti cap. Ergo eo infirmum esse regnum usque ad quinque annos: quod falsum est. Dicendum ergo aliter, scilicet quod confortatio ista regni erat ex parte Dei, scilicet quod cum viri de terra Iuda colebāt Dominū, Deus confortabat regnum eorum, ita ut non possent hostes illud inuadere, nec nocere ei. Postquam verò dereliquerunt Dominū Deus, dereliquit eos, & iam fuit regnum infirmum, ita quod cuique volenti inuadere, & nocere facile erat: & quia tribus annis solis viri Iuda securi sunt Dominum, & postea deseruerunt legem eius, dicitur cōfirmasse Roboam per tres annos. Et dato, quod completis tribus annis non venerit illico calamitas super viros Iuda: sed āno quinto regni Roboam: tamen illico ut completus est tertius annus, Deus dereliquit viros Iuda, & poterat qui libet inuadens viros Iuda nocere eis quod non potuisset prius durante triennio. Aliter dici potest, quod cōfirmatio regni fuit faciēdo apparatus bellicos, scilicet vallando ciuitates muris, & reficiendo q̄ corruerant, & faciēdo armamentaria in singulis vrbibus, & disponendo ibi viros belli, parandoque horrea & escas p̄ viros belli, & generaliter omnem apparatus belli procurabat, & in hoc regnum roborabatur, & non firmabatur: quia per hęc facilius erat ad defensionē p̄tra hostes q̄ alias: & dicitur p̄firmatū regnū tribus annis. s. quia tribus annis durauit iste apparatus in fieri: quibus expletis iam facta erant omnia, quæ pertinebāt ad belli apparatus: nō expletis tribus ānis non p̄firmabatur ultra regnum. Et dicendum quod iste modus conuenientior est, quā quod accipiat confortatio regni pro cultu dei, secundum quem confortabatur, quia iste est sensus magis literalis. Et pater hoc, quia dicitur sequenti cap. Cunque roboratum fuisset regnum Roboam, & confortatum, dereliquit legem Domini & omnis Israel cum eo. Et tamen si acciperetur cōfortatio regni pro perseveratione in cultu Dei, non diceretur, quod confirmato regno dereliquit legē: quia derelinquendo legem Dei derelinquebatur confortatio regni, quia aliās esset sentus, quod cum conseruarent Israelitæ legem Dei dereliquerunt legem Dei. Non est ergo iste sentus: sed intelligitur, quod confortatio regni erat per apparatus bellicum, & quando non habebat Roboam apparatus bellicum plenum, timebat Dominum, & colebat eum. Cum autem habuit omnem apparatus bellicum, per quem erat confirmatum regnum superbiuit, putans quod per seipsum sufficiens esset resistere hostibus, & tunc oblitus Dei dereliquit legem eius, & coluit idola. Iste solet esse mod⁹ prauaricationis humanæ, scilicet quod illi, qui fuerunt Dei cultores, & boni quando fuerunt in minori statu, prouecti in magnum statum Deum contemnant. Hic dicendum erat de vitulis, quos fecerat Ieroboam: & de multis dubiis, quæ insurgunt circa eos: & tamen dicitur de his omnibus infra 13. capit. Vbi etiam dicitur de his vitulis.

Duxit autem Roboam vxorem Mahalath filiam Ierimoth filij Dauid: Abihail quoque filiam Eliab filij Isai, quæ peperit ei filios: Iehus, & Sommoriā, & Zoom. Post hanc quoque accepit Maacham filiam

Absolō, q̄ peperit ei Abia, & Ethai, & Ziza, & Salimih. Amauit autem Roboam Maacham filiam Ablalom super omnes vxores suas & concubinas: nam vxores decem & octo duxerat: concubinas āt sexaginta: & genuit viginti octo filios, & sexaginta filias. Cōstituit verò in capite Abiā filiū. Maacha ducem super omnes fratres suos: ipsum enim regem facere cogitabat, quia sapientior fuit, & potentior super omnes filios eius, & in cunctis finibus Iuda, & Benjamin, & in vniuersis ciuitatibus muratis: præbuitque eis escas plurimas, & multas petiuit vxores.

Duxit autem. Hic ponitur secundum huius c. scilicet prosperitas Roboam in proli multiplicatione. Nam sicut regnum suum confortabatur habendo ciuitates multas munitas, & omnem apparatus bellicum: ita confortabatur habendo filios multos, & affines propter vxores, qui adiuuaret eum ad defendendum regnū. Et dicitur. *Duxit autem Roboam vxorem Mahalath.* Non erat ista sola vxor, quia vxores decem & octo habuit, ut patet in litera. Quare autem ponatur ista prima: & quare magis ista, & Maacha exprimuntur, declarabitur infra in quadam quæstione. *Filiam Ierimoth filij Dauid.* Accepit in vxorem patruelam suam, scilicet filiam fratris patris sui. Nam Salomon erat frater Ierimoth cum ambo essent filij Dauid. De isto tamen Ierimoth filio Dauid quis esset, declarabitur infra in quadam quæstione. *Et Abigail quoque filiam Eliab filij Isai.* Ista Abigail erat filia fratris aui sui. Nam Eliab erat frater Dauid, & Dauid erat auus Roboam: erat Eliab super Dauid primus, & statura procerus, quoniam considerans Samuel iuxta staturam, & pulchritudinem eius putauit, quod esset quem Deus iusserat vngi in regem, & quæsiuit quando vidit eum: num coram domino est Christus eius? & Deus respondit non respicias vultum eius, nec altitudinem stature eius: quia ego abieci eum, nec iuxta intuitum hominis iudico. primo Regum decimo sexto. Et vocata est filia eius Abihail: quia sic etiam vocabatur quadam soror Dauid, quæ peperit Amasam ducem belli, ut patet præcedenti lib. secundo, & tertio Regum decimo septimo cap. Iste Isai, de quo hic dicitur erat pater Dauid. Nam sic vocabatur, ut patet primo Regum decimo sexto, & decimo septimo. *Quæ peperit ei filios Iehus, Sommoriā, & Zoom.* Nomina virorum sunt. Nam Sommoria non est femina, ut aliqui arbitrantur. Habuit autem Roboam filios multos, scilicet viginti octo filios, & sexaginta filias, infra in litera: & tamen fortè erant isti de nobilioribus filiorum suorum, & excellentioribus prudentia, & viribus. *Post hanc quoque accepit Maacham filiam Absalom.* Aliam Maacham habuit Dauid in vxorem, scilicet filiam regis Gessuri. tertio Regum tertio, & præcedenti lib. 3. ca. Et ista Maacha erat patruelis Roboam, scilicet quia erant filij duorum fratrum. Nam Absalom, & Salomon erant fratres filij Dauid: sed de isto Absalom est dubium an fuerit filius Dauid. Quidam putant q̄ sic propter nominis similitudinem, & alia, quæ infra declarabuntur. Et tamen videtur magis dicendum, q̄ non erat iste filius Dauid, quia in Hebræo non vocatur Ablalom sicut vocatur ille pulcher filius Dauid.

David, sed vocabatur Absalon: litera tamen nostra, non expressit istam literam, quia forte factum est imperitia librorum: nam nesciunt recte scribere: & quia istud nomen Absalom est frequentatum in scriptura, & nomen Absalom rarissime reperitur in scriptura: licet inuenerint scriptum Absalon putauerunt corruptionem esse, scripseruntque Absalom, & tamen an sit iste Absalom filius David vel aliquis alius, declarabitur infra 13. in quadam questione circa principium. *Qua peperit ei Abia.* Iste fuit, qui postea constitutus est in regem successorem Roboam, ut patet infra in litera, & propter hunc hic mentio de matre sua Maacha. *Ethai, & Ziza, & Salomith.* De istis tribus non habetur, qui fuerint, quia gesta eorum non leguntur. Est autem Salomith interdum nomen viri, & interdum nomen feminae. Hic est nomen viri: & tamen Leuit. 24. est nomen feminae, quae erat mater illius viri, qui lapidatus est extra castra, quia blasphemauit nomen Domini. *Amauit autem Roboam Maacham filiam Absalom super omnes uxores suas, & concubinas.* Multas enim uxores, & concubinas habuit Roboam: & tamen inter omnes illas nulla magis diligebatur a Roboam quam Maacha, & ponitur istud ad signandum, & reddendum causam eius quod infra dicitur. scilicet quod Roboam constituit Abiam in regem inter omnes filios suos, licet non esset primogenitus: & hoc quia dilexit Maacham super omnes uxores suas, & concubinas: & dicitur de uxoribus, quia habebat multas. scilicet decem & octo, & concubinas sexaginta: ut patet in litera. Ista enim erat consuetudo regum pro tunc, quod multas uxores, & concubinas haberent. *Nam uxores decem, & octo duxerat, Concubinas autem sexaginta.* Differentia autem inter concubinam, & uxorem est: quia uxor interueniente matrimoniali federe dicitur: concubina autem nullo pacto interueniente, sed solo desiderio libidinis habetur ad propagandum prolem non intendendo; vel dato quod ad hoc intendatur, verba contractus nulla interueniunt. Secundum antiquos vocabatur concubina illa, quae licet duceretur affectu coniugali, tamen non intercedebant pacta dotalia, nec aliae caeremoniae iuris. Et isto modo licitum est habere concubinam sicut habere uxorem: sic ait Isidorus, & habetur in Decretis di. xxxij. cap. Christiano homini, & isto modo illa, quae est concubina interdum vocatur concubina, & interdum uxor: ut patet de Agar, & de Cethura, quas accepit Abraham, & vocatur interdum uxores, & interdum concubinae. Nam Agar vocatur uxor Abrahamae. Gen. 16. & vocatur etiam Cethura uxor eius: Gene. 25. Et tamen postea vocantur ambae concubinae eius Gen. 25. scilicet filius autem concubinarum largitus est munera. scilicet Agar, & Cethura: sic etiam mulier, quam habebat Leuita, quae improbalibidine occisa est, vocabatur interdum concubina Leuitae, & interdum uxor eius Iudi. 9. de hoc ibi late dictum est, quomodo differant concubina & uxor: & sic poterat esse quod aliquae concubinae istarum essent tales, quas nos vere vocamus uxores. Aliqua autem essent concubinae, quae solo affectu libidinis tractantur: & sic nos vocamus concubinas. *Et genuit vigintiocto filios, & sexaginta filias.* Vtrum omnes isti fuerint de uxoribus, vel aliqui de uxoribus, & aliqui de concubinis non apparet, sed credendum est, quia aliquos filios & filias habuerit etiam de concubinis cum tot tenuerit. *Constituit vero in capite Abiam filium Maacha ducem super omnes fratres suos.* Scilicet licet Abia filius Maacha non esset primogenitus Roboam, & ex hoc non competere ei principatus super omnes fratres suos: tamen Roboam voluit eum constituere super omnes filios suos fratres eius: & satis apparet ex hoc quod non esset primogenitus, quia si ipse esset primogenitus Roboam, non diceretur, quod constituit eum Roboam in capite omnium fratrum suorum: nam ei competere iure suo quod esset princeps omnium: & tamen dicitur quod constituit eum in capite, & ponuntur causae ad hoc: id non erat ipse primogenitus. *Ipsam enim facere regem cogitabat.* Deliberauerat. nam Roboam apud se, quod constitueret in regem filium suum Abiam, ut sic post mortem maneret certe filius eius iste rex, & non verteretur in dubium apud alios fratres eius: & dicitur, quod cogitabat eum facere regem, quasi dicat, non competebat ei de iure, tamen Roboam cogitauerat hoc facere ex aliquibus causis, quae eum mouebant. *Quia sapientior fuit, & potentior super omnes filios eius.* Ista fuit una de causis motiuis ad constituendum eum in regem super Iudam. scilicet quia erat prudentior ceteris fratribus suis. Etiam erat potentior. id est robustior corpore, & magis aptus ad bella. Et ista duo optime conueniebant ad constituendum quem in regem, & accipitur sapientior. id est prudentior: nam sapientia est habitus speculatiuus de altissimis rebus, vel per altissimas causas artis iudicantis, ut colligitur 6. Ethic. cap. de sapientia. Et ista licet utilis sit principibus, & cuique homini: quia valde nobilitat, & exaltat virum: tamen non est ista summè necessaria regi, sed prudentia. Nam prudentia est habitus directiuus circa agibilia ad totam vitam, ut patet 6. Ethic. c. de prudentia. & istam habebat Abia ad caute regendum. Vocabatur autem potentior. scilicet vir robustus, & animosus. utrumque. nam est laudabile in principe, sed potissime quod sit animosus confidens circa pericula belli. Nam quod sit valde robustus corpore princeps laudabile est, & tamen non est agenda corpore suo pugna. Si autem animosus sit, etiam si non sit corpore robustus, non formidabit graua pericula: & faciet confidere totum exercitum animositate sua, & tantum excelebat prudentia ista, & animositas in Abia quod pater suus Roboam in comparatione eius erat timidus corde & imprudens, & ipse Abia dixit coram toto Israel, quoniam voluit pugnare contra Ieroboam, potro Roboam erat vir rudis, & corde pauido nec potuit resistere. Et tamen dicere talia non pertinebat nisi ad virum, qui valde excelleret animositate, & prudentia super Roboam, qualem se putabat Abia. seq. cap. *In cunctis finibus Iuda, & Benjamin, & in vniuersis ciuitatibus muratis.* Refertur ad praecedentem literam. scilicet cogitauerat Roboam constituere Abiam regem in omnibus finibus Iuda, & Benjamin. id est in tota terra Iuda, et Benjamin. Nam super istas duas tribus solum dominabatur Roboam, et dicitur. Et in vniuersis ciuitatibus muratis, non quidem quod istae ciuitates muratae essent extra terra Benjamin, et Iuda, quia nullam terram habebat Roboam extra istas duas sortes tribuum, cum omnes aliae decem tribus cessissent ipsi Ieroboam sicut Deus ei promiserat 3. Reg. 11. sed ponuntur ad faciendum specialem mentionem de istis ciuitatibus, quia erant nobiliores inter cetera loca terrae Roboam. *Præbuitque eis escas plurimas.* scilicet disposuit Roboam istos filios per varias vrbes terrae suae, et dedit eis escas plurimas, scilicet cuiuslibet ipsorum dedit magnam familiam, et ad sustentandam illa dedit singulis multas escas, scilicet multos redditus, unde escas haberet pro se, et familiis suis. *Et multas petiuit uxores.* Scilicet cuiuslibet filiorum suorum dedit uxores multas: nam sicut ipse habuerat uxores multas, ut multiplicaretur genus eorum, et sic potentiores efficerentur ad defensionem regni. Considerandum autem, quod non fuerunt omnia haec, quae computantur hic de filiis, et filiabus, uxoribus, et concubinis Roboam postquam Roboam constitutus est in regem: sed prius accepit uxores, et concubinas, habuitque filios et filias: ut dicitur infra in quadam questione.

Quare ponuntur solum tres vxores Roboam.

Quaest. XIX.

QVAERITVR circa predicta, quare solū ponuntur hic tres vxores Roboam expressis nominibus earum, cum multae aliae fuerint. Et cur ponitur Mahalath prima inter omnes. Aliquis diceret, quod hoc fuit, quia non habebat plures vxores Roboam: sed istud non stat, quia decem & octo vxores habuit Roboam, ut patet supra in litera. Dicendum ergo, quod ponuntur istae tres solū, quia fortē istae fuerunt excellentiores inter omnes alias, & meruerunt specialiter nominari. Aliter potest dici quod fit mentio de istis propter filios earum, quia filij sui fuerunt viri nobiles inter alios filios Roboam, & ex honore filij honoraretur mater. Patet hoc de Abia, qui fuit excellentior inter omnes filios Roboam, & mater sua Maacha ponitur hic, ut patet in litera. Aliter potest dici, quod ponuntur isti tres propter filios, scilicet ut cognoscant, quod filij fuerint, quando postea aliquid dicitur de eis. Dicendum tamen, quod verisimilius est, quod ponantur nomina istarum trium solum propter Maacha: nam volebat scriptura dicere de Maacha vxore Roboam propter filium eius Abiam, qui constitutus est in regē, & quia praeponi debebat ei Mahalath dictum est de Mahalath, & deinde de Maacha: & quia dicto de Maacha de ceteris dicere non attinebat ad propositum, non profecuta est scriptura de aliqua ceterarum.

Quare prius nominata est Mahalath.

Quaest. XX.

QVAERITVR de secundo, scilicet quare prius nominata est Mahalath quā Maacha, & ē Abigail filia Eliab. Quidam respondent, quod factum est hoc: quia illae duae primae, scilicet Mahalath, & Abigail habuerunt filios excellentiores quā Maacha: & ex honore filiorum debuerunt praeponi. Dicendum quod non stat, quia tunc non deberet praeponi Mahalath: quia ipsa nullos filios habuit, vel nullos saltem habuisse legitur: quia hic nulli filij eius leguntur: & sic non legitur aliquid, propter quod praeponi debeat aliis. Secundō patet, quia dato quod filios habuerit, non fuerunt excellentiores omnibus filiis Roboam: quia Maacha ponitur hic tertio loco, quā habuit in filium ipsum Abiam, et ille fuit sapientior, & potentior omnibus fratribus suis: ut patet in litera. Aliter dicit aliquis, quod praepositur Mahalath ad illas, quia fuit generosior: & sic secundum maiorem stirpis ponebatur ordo nominationis. Sed obicitur, quod non stat: quia Mahalath, quae est hic prima, & Abigail, quae est secunda sunt de eadem stirpe: nam Abigail fuit filia Eliab fratris Dauid, & Mahalath fuit filia Jerimoth filij Dauid, ut patet in litera. Diceretur quod adhuc stante isto esset nobilior progenie Mahalath, quā Abigail, quia Abigail nō erat de progenie regia: quia non fuerat aliquis pater suus aut proauus rex, & tamen Mahalath erat de progenie regia, eo quod auus suus Dauid fuerat rex. Sed tunc obicitur, quod hoc nō stat, quia Maacha fuit filia Absalom, & ille fuit filius regis Dauid, & sic erat de progenie regia sicut Mahalath: ad hoc obici posset, quod hoc nō stat, quia non est iste Absalom filius Dauid: sed quidam alius, qui vocabatur Abisalon. Dicendum tamen, quod et si hoc sit verum, nō cōsiderat scriptura de hoc. Sed dicendum, quod hoc nihil est, sed scriptura intendit hic ponere de Abia filio Maacha: & quia nō fuit illa prima vxorum Roboam ponit omnes alias vxores Roboam quousque perueniatur ad illam, et ibi sistitur. Fuit autem prima omnium vxorum Roboam ipsa Mahalath: quapropter ponitur inter omnes prima, et quia nullos filios habuit, subicitur

F de filiis eius: post eam fuit Abigail, deinde, scilicet tertiam ordine fuit Maacha. Quod autem propter hoc ponat, & iste sit ordo vxorum inducendo eas patet: quia dicitur hic quō Roboam duxit Mahalath in vxorem, & Abigail. Et sequitur post hanc quoque accepit Maacha filiam Absalom, ergo aliae fuerint primae vxores. Causa autem quare ponuntur ille vxores Roboam, quae fuerunt acceptae ante Maacham est, quia scriptura vult innuere, quod licet non fuerit Abia filius Maacha primogenitus Roboam, quod constitutus est rex, & probatur hoc ex ordine vxorum: quia prius accepit Roboam, Mahalath, & Abigail in vxores quā acciperet Maacha: & sic accepit prius filios ex eis, vel saltem ex altera earum, & illi fuerunt priores quam filij Maacha, quorum vnus fuit Abia. Sed obicitur, quod non sequitur ex hoc: nam poterat esse quod Mahalath, & Abigail essent vxores Roboam prius quā Maacha, & tamen suscepit prius Roboam filios ex Maacha quā ex Mahalath, & Abigail. Dicendum quod hoc potest bene stare: & tamen sic accidit, quod sicut fuerunt Mahalath, & Abigail priores vxores quā Maacha ipsi Roboam: ita accepit prius filios ex eis quā ex Maacha, & fortē prius quā acciperet in vxorem Maacham habebat filios ex Mahalath, & Abigail vel saltem ex Abigail, & sic scriptura posuit ordinem earum, & filiorum suorum: et ista est causa, quare positis istis tribus vxoribus Roboam nō fuerunt posita ceterae, licet essent decem et octo: ut patet in litera: quia solū agebatur propter Abiam, ut putaretur nō fuisse primogenitum Roboam: et cum peruenit ad probandum hoc ex ordine matrum, cessauit scriptura enarrare in matre eius Maacha. Sed dicitur, cum intentio scripturae solū sit hic propter Abiam, qui constitutus est in regem de filiis Roboam, sicut nō dictum fuit aliquid de posterioribus vxoribus, quia non attinebant ad Abiam: ita nec debuisset dici aliquid de primis duabus, cum Abia fuerit filius tertiae vxoris Roboam, scilicet Maacha. Dicendum, quod de primis duabus debuit dici: et ratio est propter duo: primō, quia scriptura volebat hic innuere, quod Abia non erat primus filius Roboam, nec erat de prima vxore eius, et ad hoc debebant poni omnes praecedentes eam, ut sciretur in quo ordine vxorum erat Maacha inter ceteras, quod sciri nō poterat nisi per praecedentes, secus autem de sequentibus: quia ad illas nullam habitudinem habebat Maacha, quantum ad hoc de quo hic intenditur. Secundō, quia talis est modus computandi in sacra scriptura: nam quando interdum vult de aliquo scriptura narrare, ut sciatur de qua progenie est ponuntur alij, qui sunt de illa progenie ante ipsum, ut sciatur quousque ipse in progenie illa sit: sic patet Exod. 6. vbi volebat scriptura declarare de Moyse, et Aaron, qui fuerunt eductores Israelitarum de Aegypto, et operatores miraculorum, de qua progenie erant, et quia erant de tribu Leui, et ante tribum Leui erant duae aliae tribus Israel, scilicet Ruben, et Simeon: descripsit scriptura totam progeniem Ruben, et totam progeniem Simeon, et totam progeniem Leui quousque veniretur ad Moysem, et Aaron: et tunc dicitur de eis: iste est Moyse, et Aaron, quibus praecepit dominus, ut educerent filios Israel de Aegypto per turmas suas Exo. 6. De ceteris autem tribubus posterioribus nihil dixit, et sic licet nō esset de necessitate narrationis, quod describerentur ibi duae tribus praecedentes tribum Leui, quia tamen ille erant priores, et dicendum erat de tribu Leui, dixit scriptura de illis duabus: ita nunc cum dicendum esset de Maacha tertia vxore Roboam, dicendum fuit de duabus praecedentibus, etiam si non esset alia causa necessitatis.

Quis esset Ierimoth. Quæst. XX.

A Quare ponuntur nomina filiorum aliquorum Roboam.
Quæst. XXI.

QVAERITVR vltcrius de isto Ierimoth filio Dauid, de quo hic dicitur, quis erat. Et dicendum quod iste non erat de illis quos scriptura narrat. Aliquis dicet, quod non fuit filius Dauid, quia computando omnes filios Dauid quos scriptura diligenter enumerat, non reperietur inter illos aliquis, qui nominetur Ierimoth. Et patet, quia Dauid genuit sex filios, dum esset rex in Hebron, quorum nomina ponuntur 2. Reg. 3. & precedenti li. 3. cap. & nullus illorum est Ierimoth: postea cum esset rex in Ierusalē, genuit vndecim filios, quorum nomina habentur 2. Reg. 5. & precedenti li. 3. cap. & ibi non ponitur inter eos Ierimoth: ergo non fuit iste filius Dauid. Dicendum tamen est, quod erat Ierimoth filius Dauid, quia hic vocatur filius eius, et tamen non vocatur sic nisi esset filius eius. Aliquis dicet quod erat Ierimoth filius adoptiuus Dauid, sicut nos vocamur filij Dei secundum adoptionem. Ad Ro. 8. & ita secundum leges humanas multi sunt filij adoptionis. Dicendum quod hoc non stat, quia iste modus non est consuetus loquendi in scriptura: quia filius proprie, & prima sui significatione vocatur, qui ab aliquo natus est. Et secundum Metaphoram, vel largè vocatur filius, qui est secundum adoptionem: ideo nunquam debet intelligi filius nisi pro eo, qui natus est, nisi ponatur aliquod adiunctum connotans adoptionem: vel non posset aliter stare scriptura in veritate: hic tamen potest stare scriptura in veritate, dato quod non ponatur iste esse filius adoptiuus: ideo non oportet, quod ponatur adoptiuus. Vno modo ergo potest dici, quod Ierimoth erat filius Dauid: & tamen non erat filius eius de vxore aliqua sua, sed de concubina, & scriptura ponit solum nomina filiorum natorum de vxoribus, & non de concubinis: sic patet 2. Reg. 5. & precedenti li. 3. cap. scilicet omnes hi filij Dauid absque liberis concubinarum, & illud dicitur positum nominibus omnium filiorum, quorum nomina exprimentur. Sed tunc dicitur, quod istud est conueniens, scilicet quod Roboam rex Iuda acciperet vxorem de tam abiecto loco, scilicet de natis illegitimis de concubinis Dauid. Potissime, quia ista erat prima vxor, quam acceperat Roboam, ut patet in litera, & verisimile erat, quod esset dignior ceteris statu, & progenie. Ideo magis videtur dicendum, quod esset iste Ierimoth filius Dauid de vxore aliqua sua. Et cum obicitur, quod non ponatur inter filios Dauid genitos de vxoribus. Potest dupliciter responderi. Vno modo quod fuerint plures filij quam illi, qui ponuntur. 2. Reg. 5. & precedenti li. 3. cap. & inter illos fuerit Ierimoth: & sic non exprimitur nomen eius: sicut & aliorum nomina subtrahuntur: & hoc aequaliter colligi potest, quia 2. Reg. 5. cap. & precedenti li. 3. cap. ponuntur nomina filiorum Dauid tam diligenter, ita ut videatur nihil omitti: & tamen manifestum est, quod ponuntur nouem soli precedenti li. 3. cap. & ponuntur vndecim 2. Reg. 5. ita ergo poterat esse, quod nec hic, nec ibi ponerentur omnes filij Dauid, & sic subtraheret iste Ierimoth, & alij forte. Secundo modo potest dici, quod non subtrahatur aliquis de filiis Dauid, & quod iste Ierimoth ponatur inter omnes filios Dauid: & tamen non ponitur sub hoc nomine: sed sub alio inquit. In nomina multa sunt eiusdem nominis, ut patet in Esau, qui vocatur Esau, Edom, & Seir: etiam Iacob vocatur Israel, & Iacob: & sic de multis alijs. Et patet hoc satis rationabiliter dictum, etiam in istis filiis Dauid: nam secundus filius Dauid, quem in Hebron genuerat, vocatur Celaab de Abigail 2. Reg. 3. & tamen precedenti li. 3. cap. vocatur Daniel de Abigail. Ita ergo iste Ierimoth forte vocabitur alio nomine 2. Reg. 3. & 5. & precedenti li. 3. cap. vocatur autem hic Ierimoth.

Alph. Tost. super lib. Paralip. Pars 2.

QVAERITVR vltcrius, quare ponantur hic nomina filiorum. Scilicet quorundam, cum non ponantur nomina omnium. Nam hic ponuntur nomina septem filiorum, & tamen habuit Roboam filios viginti octo, & sexaginta filias, ut patet in litera. Aliquis dicet, quod ponuntur nomina istorum, eo quod isti fuerunt excellentiores inter omnes filios Roboam. Dicendum tamen, quod non stat: quia tunc ille, qui esset dignior ceteris præponeretur eis, & tamen fuit Abia sapiētor, & potentior, id est robustior ceteris fratribus suis, ut patet in litera, ergo ipse præponi deberet ceteris, & tamen non fit sic, quia tres ponuntur ante ipsum. Dicendum autem, quod factum est hoc propter duo. Primum ad notandum ordinem natiuitatis Abia ad ceteros fratres suos. Nam ut supra dictum est, Roboam voluit constituere in regem ipsum Abiam, qui non erat primogenitus suus per nomina filiorum priorum Roboam: nam sicut vxores Roboam præcedentes Maacham ponuntur, ita etiam filij præcedentes Abiam ponuntur, & cum peruentum fuerit ad eum, & fratres suos sistitur: Secundum est propter consuetudinem scripturæ: nam ut declaratum est supra questione penultima, modus scripturæ talis est, quod si enarretur progenies alicuius, qui non est de primis illius progeniei ponantur omnes præcedentes illum, & post ipsum non fiat enarratio sequentium: ita nunc ponuntur filij Roboam, qui præcedebant Abiam, etiam si nihil attinerent ad propositum, & nomina filiorum natorum ex vxoribus Roboam posterioribus Maacha matre Abia non ponuntur: & non solum fit enarratio filiorum Roboam quousque perueniatur ad Abiam, sed etiam ponuntur alij posteriores eo fratres sui de eadem matre: Nam non solum intendit scriptura enarrare filios Roboam usque ad Abiam, sed etiam enarrare istos per matres eorum, & ponit omnes filios illius mulieris, cuius semel nomen posuerit.

An peccauit accipiendo vxorem consanguineam.

Quæst. XXII.

QVAERITVR vltcrius, cum duxerit hic Roboam in vxores aliquas, quæ sibi consanguinitate iunctæ erant, an peccauerit, vel fecerit contra prohibitionem legis: & ponuntur tres, quæ videntur ei at tinere. Prima est Mahalath filia Ierimoth, filij Dauid. Et dicendum, quod in ista non fecit contra legem, quia erant patrueles. I. filij duorum fratrum: nam Ierimoth, & Salomō erant fratres, & erant patres istorum duorum, & tamen iste gradus non erat prohibitus in veteri testamento, ut patet Leuit. 18. & 20. ubi ponuntur omnes gradus vetiti in veteri testamento, inter quos non est iste: Secunda vxor erat Maacha filia Absalom, & tunc dicendum, quod aut accipitur Absalom pro filio Dauid, aut non: si pro illo accipitur, est consanguinitate coniuncta ipsi Roboam: & tamen non in gradu vetito: quia erant filij fratrum: nam Absalom pater Maacha, & Salomon pater Roboam erant fratres filij Dauid, & sic non erat gradus iste vetitus cum essent patrueles. Tertia vxor erat Abigail filia Eliab: & de ista erat magis dubium, quia erat de superioribus: quia erat patrueles ipsi patri Roboam, scilicet Salomon. Nam Salomon, & Abigail erant filij duorum fratrum, scilicet Dauid & Eliab: & tamen dicendum quod etiam iste gradus non erat secundum legem vetitus: sed solum quod quis contraheret cum sorore patris sui, vel cum sorore matris: ista autem non erat sic: sed sicut Salomon pater Roboam poterat habere in vxore ipsam Abigail patrnelæ suam, ita & Roboam filius eius poterat illam habere.

V 4 De

De Maacha autem filia Absalom, si non accipiat Ab-
salom ut filius David, non apparet, quod haberet aliquam
consanguinitatem ad Roboam: ideo non est tunc du-
bium de contractu: quia non apparet aliquid, propter
quod deberet impediri.

*Quare Roboam tantum dilexit Maacham.
Quest. XXIII.*

QVAERITVR, quare Roboam tantum dile-
xit Maacham super illas vxores, ita ut filiū eius
Abiam constitueret regem. Aliquis dicet, quod hoc
fuit, quia Maacha fuit vxor prima Roboam: & ad il-
lam plus affectus est: quia in ea primordia iuuenilis de-
lectationis expertus est. Et sicut primi filij abundan-
tius diliguntur, ita & primæ vxores. Dicendum tamē,
quod non stat: quia non fuit Maacha prima vxor, sed
tertia, ut probatum est supra in quadam questione, et
satis colligitur ex litera: imò propter hoc laborat scri-
ptura, ut sciatur, quod licet non fuerit Abia primus
filius Roboam, & mater sua Maacha non fuerit pri-
ma vxor ipsius Roboam, tamen dilexit Roboam ip-
sam Maacham intantum quod filiū eius Abiam con-
stituit in regem. Dicendum ergo quod fortè factum est
hoc propter pulchritudinem, quia ista est, quæ in fe-
minis valde afficere solet, & illaqueare, imò in serui-
tutem redigere animos viriles. Sicut Hercules tantū
à Ioles pulchritudine illectus est: ut ad ei⁹ imperium
ancillaria ministeria subierit: nā depositis virilibus te-
gumentis teneris puellarum vestibus ornatus colos,
& pensa traxit inter Ioles ancillulas, ut ait Seneca tra-
gædia quarta, cuius titulus est Hippolytus, carmine ter-
tio, quod incipit.

*Diua non mihi generata ponto.
Crura distincto reliquit auro,
Luteo plantas cohibente socro,
Et modo clauam manu qua gerebat
Fila deduxit properante fuso.*

Cum dicitur.

Vnde Roboam pulchritudine Maacha illectus for-
tassis diligeret eam super omnes alias vxores. Et di-
cunt aliqui quod hoc fuit, quia Maacha fuit filia Ab-
salom, & non legitur aliquis hominum in tota scri-
ptura sacra tam pulcher sicut Absalom, ita de filiabus
eius creditur, quod essent valde pulchræ imitantes pa-
ternam pulchritudinem. Sic patet secundo Reg. 14.
cū dicitur, quod nati sunt Absalom filij tres, & filia vna
eleganti forma, scilicet quod erant pulchri sicut pater suus.
Sed dicendum, quod istud est valde dubiū, quod non
constat, an fuerit ista Maacha filia Absalom filij Da-
uid: sed potius contrarium, ut declarabitur infra 13.
in quadam questione: & tamen quidquid sit, credē-
dum est Maacham fuisse pulcherrimam: & ob hoc
fuisse Roboam nimis illectum amore eius: vel fortas-
sis fuit aliquid aliud perfectionis in ipsa, quod placuit
ei, & tenerè, vel ardentè diligebat eam.

*An potuerit habere tot vxores Roboam.
Quest. XXIII.*

QVAERITVR vltèrius, cū dicatur hic, quod
habuit Roboam vxores decem, & octo, & sexa-
ginta concubinas, an peccauit in hoc. Et primò quæ-
ritur de multitudine vxorū. Aliquis dicet, quod pec-
cauit, quia non poterat quis habere nisi vnicam vxor-
em. Quod ergo haberet multas, necesse erat, quod
peccaret, nisi forte dicamus fuisse dispensationē, quam
non credimus cū non fuerit Roboam vir sanctus.
Secundò patet, quia Deut. 17. dicitur: Nō habebit rex vxores

plurimas: & tamen iste multas habuit, ergo peccauit.
Respondendum quod habere vnam vxorem, vel mul-
tas per se malum non est, nec repugnat naturali dicta-
mini. Vnam tamen mulierem habere viros multos
est contra rationem matrimonij, & bonum politicū:
de quo declaratum est Gen. 36. cap. ideo si non vete-
tur lege non erit peccatum. In nouo autem testamē-
to statuitur, quod simul non habeat quis vxores plu-
res, & ideo nunc peccat si quis introducat multas si-
mul, et tamen in iure non: antequā introduceret lex
aliqua scripta, non erat peccatum, quod quis multas ha-
beret vxores. Item postquā data est lex Moyse, nō fuit
peccatum quod quis multas vxores haberet, quia lex
non vetuit, imò visa est permittere. Primò patet, quia
sic erat consuetudo patrum tam ante legē, quā in
lege. Nam ante legē Abraham simul duas vxores
habuit, scilicet Saram, & Agar: Gen. 16. Iacob autem
quatuor simul habuit: Gen. 29. & 30. tempore legis ē-
t patres habebant multas vxores: nam pater Samuelis
signatur esse vir iustus primo Regum primo cap. &
tamen ipse habuit duas vxores simul, scilicet Anniam,
& Phennenam. eodem cap. etiam David vir sanctus
plures vxores habuit 3. Regum 3. & 5. & sic de multis
aliis. Secundo patet: quia ut dictum est, istud non est
contra ius naturale, ideo non est illicitum nisi vete-
tur in lege: & tamen in toto veteri testamento non
reperitur vetitum, ergo cōcessum est. Tertiò patet,
quia Deute. 17. dicitur quod rex non habebit vxores
plurimas, quæ alliciant animum eius, si tamen in vete-
ri testamento esset vetitum generaliter habere plures
vxores simul, sicut est in nouo, non erat opus dici de
rege, quod non haberet plurimas vxores, quia manifestū
esset, quod nec ipsi nec alicui alteri liceret habere vxores
multas, & tamen dictum est ibi specialiter de rege: er-
go videtur, quod aliās licebat alicui habere multas v-
xores. Quartò patet, quia dicitur ibi, quod non habebit
vxores plurimas: & sic non negatur quæcunque mul-
tudo, utpote habere duas, vel tres, sed valde magna
multitudo, & effrenata, quæ signatur cū dicitur plu-
rimas. Quintò patet Leuit. decimo octauo, vbi po-
nuntur gradus prohibiti, vel personæ illegitimæ, quan-
tum ad matrimonium, dicitur: turpitudinem vxoris
tuæ, & filie eius nō reuelabis: & postea dicitur, sororē vxo-
ris tuæ in pellicatum illius non accipies, nec reuelabis
turpitudinem eius adhuc illa uiuente. Ecce dicitur,
quod non haberet quis duas sorores in vxores simul:
ita quod vna esset pellex alterius: sed vna mortua, quod
posset accipere alteram. Item quod non acciperet
quis in vxores duas mulieres. scilicet matrem, & filiam eius:
et tamen mortua matre, quā quis in vxorem tenuit
set poterat accipere in vxorem filiam illius. Ecce quod
in istis casibus prohibuit Deus haberi duas vxores si-
mul propter conditionem personarum, scilicet ne dua so-
rores inter se essent pellices eiusdem viri, et ne mater,
et filia pellices essent: ergo videtur quod in aliis casibus,
vbi non repugnaret conditio personarum, quod
non erat vetitum, quod quis haberet duas aut plures
vxores, sed potius erat cōcessum, quia aliās fuisse val-
de superuacuum, et stultū in istis duobus casibus spe-
cialē fieri prohibitionem, si generaliter erat vetitum
quem habere duas, vel plures uxores. Dicendum er-
go quod in veteri testamēto non erat illicitum alicui
habere plures vxores, sed poterat quilibet tot habere
quot putaret conuenientes esse sibi ad proles procrea-
tionem. Et sic si nihil aliud esset, non peccaret Ro-
boam habendo vxores multas, nec peccedit argumen-
tum istud, quia istud esset vetitū in nouo testamēto. Ad secu-
dam rationem cū dicitur Deuter. decimo septimo,
non habebit rex vxores plurimas: dicendum sicut su-
pra dictum est, quod non prohibetur in hoc multitu-
do

do vxorum quæcumque: sed solū nimia multitudo, quia dicitur, vxores plurimas. Et patet per id quod subiunctum est: nam dicitur quod alliciant cor eius: & tamen multitudo alliciens est quandocunque accipiuntur tot vxores, quot non proficiunt ad procreationem prolis, sed potius ad concitandum libidinem: & sic fuit i Salomone, qui habuit tot vxores, vt vix sufficeret ad cognoscendum aliquando eas, scilicet habuit vxores quasi reginas septingentas, & trecētas concubinas, & adolescentularum non erat numerus. tertio Regum xj. & Cant. 6. De Roboam dicendum, q̄ habuit multas vxores, sed non habuit multitudinem valde effrenatam, quia solū habuit decem et octo, & istæ poterant esse conuenientes ad procreationem prolis in tanto numero: ideo non constat quod peccauerit Salomon habendo tot vxores. Si tamen aliquis dicat, quod peccauerit, non insistendum est multum ad excusationem eius, quia Roboam fuit stultus, & malus: cuius opere diuifum est regnum Israel, & vituperatur satis Eccl. 47. Ideo non est à nobis excusandus.

An peccauerit habendo concubinas.

Quest. XXV.

QVAERITVR vltcrius circa concubinas Roboam, an peccauerit habendo eas: nam dicitur hic, quod habuerit concubinas sexaginta. Aliquis dicit, quod non est dubium, quin peccauerit: quia omnis actus carnalis exercitatus extra legem matrimonij inducit peccatum mortale: & tamen cum concubina non est actus matrimonialis, ideo est peccatum. Secundū patet, quia non solū Roboam peccauit, quia concubina habuit: sed habuit tot, vt nullo modo possit imputari nisi ad magnam libidinem, scilicet quia sexaginta habuit: In contrarium videtur, quod non peccauit: quia manifestum est, quod Dauid habuit concubinas multas. 2. Re. 5. & præc. lib. 3. & tñ non peccauit: quia 3. Reg. 15. dicitur quod non declinauit Dauid à vijs Domini: sed fecit semper quod rectum erat in oculis eius, nisi in facto Vriæ: & non ponitur ibi de concubinis, ergo non peccauit habendo concubinas: & sic erit de isto Roboam, quod licet habuerit concubinas, non appareat ex hoc eum peccasse. Respondendum quod concubina potest accipi dupliciter: vno modo pro muliere, quæ nulla intentione matrimoniali, sed solo desiderio libidinis copulatur: & sic nos accipimus concubina. Secundo modo accipitur concubina pro illa, quæ matrimoniali desiderio copulat, interuenientibus verbis facientibus contractum matrimonij: & tamen nō interueniunt pacta dotalia, & aliæ ceremoniæ iuris humani, & solennitates. Et distinguitur per hoc vxor à concubina: quia vxor vocatur, quæ matrimoniali desiderio copulatur: & insuper interueniunt pacta dotalia, & solennitates aliæ: Et ista sic vocatur vxor, quia nunquam vocatur concubina. Dicitur autem concubina illa, quæ sine pactis dotalibus, & solennitatibus ducitur, licet matrimoniali affectu tractetur. Et ista aliquando vocatur vxor, & aliquando concubina. Vnde & iste modus loquendi est in veteri testamento de quibūdam, quæ interdum vocantur concubine, & interdum vxores: sic est de Agar, quæ vocatur vxor Abrahæ. Gene. 16. capitu. Et vocatur concubina Gen. 25. Sic etiam Cetura vocatur interdū vxor, & interdum concubina. e.c. Sic etiā mulier, quā Leuita habuit, quæ improba libidine Beniamitarū occisa est. Nam interdum vxor, & interdum concubina dicitur Iudi. 19. cap. Et non solū est hoc in veteri testamento, sed etiam in modo loquendi iuris huma-

A ni, vt patet in Decretis xxxij. cap. Concubina. vbi vocatur illa concubina, quæ desiderio matrimoniali asciscitur non existentibus pactis dotalibus, & solennitatibus: & sic licitum est habere concubina. Sic ait Isidorus, & habetur in Decre. 32. cap. Christiano homini licitum est habere vnam vxorem: vel si nō pōt concubinā: & tñ si acciperetur concubina: pro illa, q̄ sine matrimoniali fædere copulatur, nullatenus licitum esset illam accipi in copulam carnalem. Nunc autē dicendum quod si accipiat concubina primo modo, quod peccatum erat quod Roboam teneret istas concubinas: non solū quia concubine erant, sed et quia tot erant. Si autem accipiantur concubine secūdo modo, nō est absolute illicitum habere concubinā cum non solū Iudæis, sed etiam Christiano homini habere concubinam licitum sit, dum tamen sit vna. Sed tunc dicitur, quod peccabat adhuc Roboam, quia dicitur in Decre. di. xxxij. cap. quod licitum est habere vxorem, vel concubinam: dum tamen sit vna. Et tñ Roboam habebat multas. Dicendum quod ex hoc non sequitur adhuc, quod peccaret: quia istud dictū decreti tenet locum in nouo testamēto, vbi vnica debet esse vxor, & simul non possunt multe vxores esse: et quia concubina illo modo non differt ab vxore nisi in nomine, et cetera monia quadam, siue sit concubina siue vxor vnica debet esse: et tamen in veteri testamento poterant esse multe vxores: vt declaratum est precedenti quæstione, ideo etiam poterant esse multe concubine: quia concubine sunt vxores. Sed dicēdū quod tunc maneret difficultas, si istæ concubine erāt tales, etant verē vxores, & cum habebat Roboam decem & octo vxores: & nunc habeat concubinas sexaginta, erunt vxores octoginta quasi: & istæ erunt multe, quæ possunt vocari plurimæ, & tamen regibus veritū erat habere vxores plurimas. Deut. 17. ideo peccaret Roboam habendo tot concubinas, & vxores: quia tamen deus concesserat tot vxores cuilibet regi, quot sufficerēt ad prolis procreationem, vel cum quibus posset conuenienter prole procreare: & quia forte tot vxores erant ipsi Roboam conuenientes ad procreationem prolis. Nam multam prolem procreauit, scilicet filios viginti octo, & filias sexaginta, vt patet in litera: ideo non apparet an Roboam ex hoc peccauerit: Et quia iura prōptiora sunt ad absoluendum, q̄ ad cōdēnandum, poti⁹ dicere possumus q̄ Roboam nō peccauit q̄ quod peccauerit, & tamē si quis dicere velit quod peccauit non multum contendimus excusando eum. Ad rationem primam in contrarium dicēdum, quod accipiendo concubinam primo modo, si cut nos primo modo accipimus, communiter peccatum est habere concubinam, & tamen accipiendo secundo modo concubinam idem est, quod vxor: & non est peccatum habere concubinam, sicut nec est peccatum habere vxorem. Ad secundum dicendum, quod ex multitudine poterat esse peccatum nō alio mō nisi sicut in multitudine vxorum, non est peccatum in multitudine vxorum in veteri testamento accipiendo quacūque multitudinem, sed solū in multitudine effrenata, quæ ad prolis procreationē non sufficit aliā proficit: sed solū ad eliciendum animum: & quia de ista multitudine vxorum, & concubinarum non constat an esset tanta, quod non proficeret ad prolis procreationem, sed potius impediret, non apparet an peccauerit Roboam habendo tot concubinas.

An Roboam peccauit constituendo Abiam regem, & non primogenitum. Quæstio. XXVI.

An peccauit constituendo Abiam regem. Quæst. XXVII.

QVAERITVR vltcrius, an peccauit Roboam constituendo Abiam in regem, vel iuste egerit. Aliquis dicit, quod peccauerit, quia priuauit iure suo alios filios, nam regnum pertinet ad primogenitos: & tamen Abia non erat primogenitus Roboam, ideo peccauit illum constituendo in regem, quia primogenito suo abstulit ius regni, quod ei compete-
Dicit aliquis, quod non peccauit Roboam, nec cuiquam abstulit ius, quia Abia erat primogenitus, & compete-
Gbat ei ius regnandi absolute. Dicendum, quod non stat, nam non erat primogenitus Abia, nec alias compete-
Hbat ei ius regnandi, sed Roboam voluit in eum transferre ius. Primo patet, quia dicitur in litera, quod amauit Roboam Maacham matrem Abia super omnes alias vxores, & concubinas: & tunc sequitur, quod cogitauit eum regem facere: & sic quia diligebat matrem eius, constituebat eum in regem, & non erat ei debitum de iure. Si autem ei de iure deberetur, non apponeretur ista causa extranea. Quod diligebat matrem eius super omnes alias vxores, & concubinas. Secundo patet, quia litera vult innuere, quod non esset primogenitus Abia, quia cum magna diligentia ponit nomina vxorum Roboam, quæ præcedunt Maacham matrem Abia: & ponit filios earum, & postea ponit filios Maacha fratres Abia: in quo innuit, quod illi, qui nominantur ibi filij aliarum vxorum erant priores Abia natiuitate. Nam ad nihil aliud tota litera illa utilis esse potest. Vnde conatur hoc probare, scilicet quod licet non fuerit Abia primogenitus Roboam, quia tamen diligebat matrem eius super alias vxores, & concubinas, constituit eum in regem. Tercio patet, quia dicitur in litera, quod Roboam constituit Abiam in capite, & ducem super omnes fratres suos: si tamen Abia esset primogenitus, non diceretur constituit eum: quia ipse de iure constitutus esset: & tamen verbum constituit, dicit voluntatem, vel ius attributum nouiter à patre Roboam super Abiam: ergo non erat primogenitus, nec compete-
Ibat ei ius regnandi. Quarto patet, quia dicitur, ipsum enim regem facere cogitabat: & tamen si esset Abia primogenitus, & sibi esset quesitum ius regnandi, non diceretur, quod cogitabat eum facere regem Roboam, quia cogitare importat deliberationem in his, quæ dubia sunt. Nam in his, quæ debita sunt, & determinata ad fieri non est consilium, nec deliberatio: quia consilium solum est de contingentibus ad vtrumlibet æqualiter per nos agilibus: vt patet 3. Ethic. ergo non compete-
Kbat ius regnandi Abia, & consequenter non erat primogenitus, sed Roboam illud sibi tribuit. Quinto patet, quia dicitur in litera, quia sapientior, & potentior erat cunctis filiis eius, putabat, vel disponebat eum facere regem: & tamen si esset primogenitus, & debitum esset sibi de iure, quod regnaret, non oporteret, quod ad hoc aliqua alia causa intercederet, nec aliqua exprimeretur, nisi quod erat primogenitus: & tamen ponitur duæ causæ, quæ habilitant aliquem ad dignitatem seculari: ergo videtur, quod nihil aliud habebat Abias super fratres suos, propter quod efficeretur rex, nisi quod erat sapientior, & potentior: & tamen si esset primogenitus competeret sibi potius ex illa parte, ergo non erat primogenitus. Respondendum, quod non erat Abia primogenitus Roboam, sed potius Ieus filius Abigail, qui inter filios Roboam supra in litera enarratur primus, sed Roboam voluit sibi dare regnum, & non peccauit dando, sicut declarabitur sequenti questione.

QVAERITVR vltcrius, cum non esset Abia primogenitus Roboam, & regnum competeret primogenitis, sicut nunc competit, an peccauerit Roboam constituendo regem ipsum Abiam. Respondendum, quod non peccauit: nam scriptura non vituperat istud factum tanquam malum, sed potius exprimit causas honestas, in quo potius videtur honestare factum quam accusare illud: ergo non peccauit. Ad huius declarationem ostendendum est, quod ius regnandi non erat primogenitorum: nam alioquin non excusaretur Roboam à peccato: sed vt videatur quid compete-
Gbat primogenitis, considerandum est, quod primogeniti secundum omnes gentes aut saltem secundum plurimas habebant dignitatem super ceteros fratres, & tam inter homines plebeios, quam inter viros magnos compete-
Hbat eis amplior successio quam fratribus: vnde si aliqua dignitas, vel honor erat proueniens iure hereditario, quæ tamen diuidi non posset, soli primogenito proueniebat: & sic erat in dominiis terrarum, & iure regnandi. Nam soli primogenito compete-
Ibat ius regni, cum ius regni esset aliquid indiuisibile: quia regnum erat vnicum, & non poterat effici multa regna: & sicut olim seruabatur istud apud antiquos, ita vsque hodie conseruatur inter nos, & alias gentes quarum fama ad nos peruenit. In veteri testamento eodem modo dicendum, quod primogeniti gaudebat multiplici iure super alios fratres: & istud erat generaliter in omnibus primogenitis siue plebeiorum, siue magnorum dominorum. Vnum ius erat, quod primogeniti induebantur vestibus honorabilioribus, & in festiuitatibus magnis utebantur illis: & non poterant illis vti minores fratres: sic patet de vestibus Esau, qui erat primogenitus Isaac, quas mater sua Rebecca vocauit valde bonas, quæ flagrabant vnguentis optimis, & induit se Iacob ad fallendum Isaac patrem suum, cuius oculi caligauerant, vt sic putaret eum esse Esau, & sic factum est: quia cum sensit Isaac vestimentorum fragrantiam, putauit quidem eum esse Esau, Gen. 27. Si tamen licitum esset minoribus filiis vti talibus vestibus, non cognouisset determinate Isaac esse Esau eum, qui ad se veniebat. Secundum ius primogenitorum erat, quod à patribus morientibus benedicerentur ipsi soli, vel saltem ipsi speciali benedictione: sic patet Gen. 27. nam super hoc contende-
Kbat inter Esau, & Iacob: quia Iacob volebat benedici à patre antequam moreretur, & quia non erat ipse primogenitus, pater dixerat ipsi Esau, quod volebat ei benedicere, & sic vocauit eum ad benedicendum, & Esau con-
Iquestus est, quod furatus fuisset Iacob benedictionem eius: Gen. 27. & tamen non esset furtum nisi de iure competeret ipsi Esau tanquam primogenito: ergo compete-
Kbat ei. Tercium ius erat, quia in mensa honorabantur primogeniti tam sedendo in loco excellentiori quam percipiendo partem maiorem ciborum: vt patet Gen. 43. f. Sederunt coram eo primogeniti iuxta primogenita sua: & minimus iuxta ætatem suam, & mirabantur sumptibus partibus, quas ab eo acceperant: ergo aliquod ius primogeniture in mensa obseruabatur. Quartum erat quantum ad sacerdotium, quia solum compete-
Ibat sacerdotium solis primogenitis apud antiquos: etiam apud Hebræos quousque Deus separauit tribum Levi, vt ei ministraret in omnibus, quæ pertinebant ad cultum eius: Num. primo, & tertio: nam tunc soli Leuitæ ministrauerunt. Prius autem ministrabant primogeniti in sacerdotio, vt declaratum est: Gen. 14. & 15. cap. Quintum erat ius successionis duplicis: nam quicumque haberet primogeni-
 tum

tum cogebatur ei dare duplum de hereditate sua quā quilibet aliorum fratrum: ut patet Deute. 21. & dato quod pater diligeret plus aliquem de minoribus fratribus quā primogenitū propter uxorem, quę erat mater illius (quia fortassis mater primogeniti erat sibi odiosa, & alia erat sibi dilecta) non poterat facere primogenitum æqualem alijs, vel trāsferre ius primogeniturę in aliū, sed tenebatur dare primogenito cuncta duplicia de hereditate: Sextum ius era primogeniturę quantū ad honores, vel dominia, scilicet quia honor prius, vel dominium, quod proueniret per successionem soli primogenito competebat: & sic erat regula, quod quando bona erant diuisibilia in hereditate succedebat primogenit⁹ in duplo quā quilibet aliorum. Cum autem bona erāt indiuisibilia, ut dignitas, principat⁹, dominium, vel officium, soli primogenito competebat. Ista duo intra tanguntur Genesis 49. in benedictione Iacob, qua benedixit filiis suis: & ait: Ruben primogenitus meus, tu fortitudo mea, & principium doloris mei: prior in donis, maior imperio. Dona pertinent ad successionem duplicis partis in hereditatem: imperium pertinet ad principatū vel honorem indiuisibilem: qui tamen hereditarię dabatur, quia ille soli primogenito veniebat. Sciēdum tamen, quod licet ista duo pertineant ad ius primogeniturę proprię, tamen ius primogeniturę, vel primogenita vocantur ipsa successio in duplici parte hereditatis: sic patet precedenti lib. 5. cap. cum dicitur, filij Ruben primogeniti Israel, idest Iacob, ipse quippe fuit primogenitus eius: sed cum violasset thorū patris sui, data sunt primogenita eius filiis Ioseph: & non est ille reputatus in primogenitum. Porro Iudas, qui erat fortissimus inter fratres suos, de stirpe eius principes generati sunt: primogenita autē reputata sunt Ioseph. Ecce quod primogeniti siue ius primogeniturę dicit trāsmissa fuisse ad filios Ioseph: & in filij Ioseph nō habuerunt nisi duas portiones terre, scilicet quia sicut Ruben primogenitus Iacob accepturus erat duplicem partis hereditatis, si non violasset thorū patris: ita nunc accepit illam Ioseph: ideo duo filij sui, scilicet Ephraim, & Manasse acceperunt duas sortes, sicut dicitur tribus: & tamen ipsi efficiebant aliās vnam tribum: qui ambo erant filij Ioseph, qui erat vnus de filiis Iacob. Item dato quod filij Iuda acceperint principatum, non dicuntur accepisse primogenita, nec partem primogenitorum, sed absolute dicuntur filij Ioseph accepisse primogenita. Ex quo apparet, quod non pertinebat determinatē ad ius primogenitorum succedere in principatu, sicut succedere in duplici parte hereditatis: & quia principatus regnatiu⁹ erat maximus principatus, non pertinebat directē ad ius primogeniturę, nec videbatur iniuria si quis primogenitus nō sortiretur principatum regnatiuum: & tamen erat inconueniens, si non sortirentur primogeniti duplicem partem hereditatis. Considerandum vltcrius, quod cum non pertineret ad primogenitos tam determinatē succedere in principatu sicut in duplici parte hereditatis, tamen adhuc istud magis considerabatur respectu principatus regnatiui. Et hoc quia iste principatus nōdum fuerat vñtatus inter Hebręos, et nō erat modus de successionē eius: imō non apparebat, an ex successionē cōpetere dēret. Deus autē ostenderat, quod non: quia ipse instituerat primum regem Israel, scilicet Saulem, & postea non successerunt ei filij sui in regno, sed transtulit illud ad Dauid. primo Reg. 15. & 28. Cum ergo non esset per successionē n, non magis pñtineret ad primogenitum quā ad alios. Istud enim fuit in principio regni, scilicet inter Saulem & Dauid. Postea tamen tradito principatu ipsi Dauid promisit Deus quod maneret semp

A regnum in posteris eius, & tūc fuit per successionem hereditariam, & tamen adhuc non constabat, an primogenitus succedere deberet in regno, vel minores succedere possent. Quia ante Roboam nullus primogenitus successerat. Nam Dauid qui voluntate institutus est rex, non erat primogenitus inter fratres suos, sed potius erat minim⁹ omnium: ut patet primo Reg. 16. Post ipsum regnauit Salomon filius eius: tamen non fuit primogenit⁹, quia alij fratres fuerunt maiores eo. Nam Adonias, qui tunc regnare voluit, maior erat: post Salomonem regnauerat Roboam filius eius, & quia iste vnicus erat, non erat pñtentio in eo an succederet primogenitus, vel minores. Nunc autem Roboam habebat multos filios, & poterat esse cōtētio quis succederet an primogenitus, vel aliquis aliorum: ipse autem determinauerat, quod succederet Abia, qui non erat primogenitus, quia aliqua causę mouerunt eum potius quā circa alios. Et putauit hoc esse in potestate sua: quia videbatur, quod in electione patris esset, cui filio vellet dare regnum: Sic patet de Dauid 3. Reg. primo. cū Adonias fecit se vngi in regem ignorante Dauid, et cū enarraretur ei, ait Berhsabee mater Salomonis: Veruntamē domine mi rex ad te respiciunt oculi totius Israel, ut indices eis quis sedere debeat in solio tuo, domine mi rex. Et Dauid respondit, quod ipsa die constitueret Salomonem in regem: & sic factum est. eo. cap. ita nunc Roboam putauit liberum esse sibi dare cui filiorum suorum vellet potestatem regnatiuam: vnde non repugnauerunt super hoc alij filij, nec viri de regno. Postea tamen succedente tempore factum est inter Iudęos sicut inter alias gentes, scilicet quod primogenit⁹ succederet in regno. Et ista erat causā sufficiens constituendi aliquem in regem, scilicet quia primogenitus erat de filiis regis: sic patet infra 21. Nam dicitur, quod Iosaphath rex Iuda habuit filios multos, & dedit eis munera: regnum autem tradidit Ioram, eo quod eēt primogenitus: & sic videtur, quod iam ad primogeniturę iura inter Hebręos pertinebat regnum, sicut inter alias gentes: sed nunc non erat sic: ideo Roboam potuit instituere in regem Abiam filium suum non primogenitum, & sic non peccauit: quia non abstulit ius aliquod primogenito.

An motus sit ex iusta causa ad dandum regnum Abie.

Quest. XXVIII.

QVÆRITVR vltcrius, dato quod Roboam potuerit regnum dare cuicunque filiorum suorum, an mor⁹ fuerit ex iustis causis ad dandum illud Abie. Respondendum quod tres causę vel motiua apparēt in litera, quibus motus est Roboam ad dandum regnum Abie. Vna causā est, quia Abia erat sapientior, idest prudēti⁹ cunctis fratribus suis. Secunda erat, quia erat animosior siue robustior animo & viribus, quod vocatur hic potentior. Tertia erat, quia Roboam diligebat matrē Abiæ super omnes alias uxores suas: & propter eam potius voluit benefacere filio eius, dādo sibi regnum quā alteri de filiis suis. Dicendum, quod istę causę sunt satis rationabiles: & potissimē duę primę: quia quādo non est ius quāsitum alicui ad habendum dignitatē, vel honorem: debet ille honor dari ei, qui ad hoc dignior, & aptior est: & istud competit secundum iustitiam distributiua: alioquin erit acceptio personarum. Nullę tamen erant conditiones, quę magis possent aliquem habilitare ad habendum dignitatem regnatiuam, quā esse prudentem, & animosum: ideo propter istas duas, merebatur quis principatum & regnatiuum. Patet de prudentia, nulla

nunquā virtus regibus vtilior est, et magis necessaria. Nā officiū regis est gubernare omnia, quæ in regno sunt. Gubernatio autem non est actus alicuius virtutis directē nisi prudentiæ, quia per ipsam iudicatur quid in singulis fieri debeat. Ideo hæc sola est complens principem. Est autem ista virtus necessaria paci & bello: Nam res bellica magis prudentia quam viribus ministratur, & vbi prudentia deest, magnæ copiæ inordinati exercitus magis farcinam quam vtilitatem afferunt, & multitudo, cum prudentia caret, seipsam consumit. Animositas etiam nimis necessaria est principi, & prodest rei bellicæ, & paci. Nam cum in pace vivitur: licet princeps prudens sit: si tamen remissus est, & corde pauido nihil exequetur eorum, quæ concepit, & iudicavit fieri debere: & tunc à subditis non timetur: & recte leges executioni non traduntur, & incidimus in illud, scilicet. Parum est iura condere, nisi sit qui tueatur. Proficit etiā bello ipsa animositas: nam si princeps formidat, totum exercitum faciet pauire, & nulla bella recte administrabuntur: nā si personæ particulares formidolosè faciebāt pauire exercitum, & ob hoc ante belli exordia præco clamabat in castris: si quis formidolosus est, & corde pauido recedat, ne pauire faciat corda fratrum suorum. Deutero. 20. & primo Macha. 2. cap. à fortiori esset in duce belli: & cum tota virtus exercitus dependeat à duce: & illo fugiente, fugiendum est: & illo accedēte ad hostes militandum est ad eos: valde ergo necessaria est animositas in principe: hoc signatum est in Abia in quantum ipse dicitur, quod ipse erat potentior ceteris fratribus suis, id est robustior viribus, & corpore, & animo fortior. Ista causa erat valde legitima. Item patet hoc quod à principio quādo inter Hebræos cepit esse principatus aliquis, datus est propter fortitudinem: sic patet præc. li. 5. e Porro Iudas, qui erat fortissimus inter fratres suos de stirpe eius principes germinati sunt: sola ergo fortitudo tribuit ei ius principandi: à fortiori ergo vbi erat prudentia & fortitudo. Item patet hoc ex dispositione quam fecit Matathias circa habitudinem Iudæorum cum moreretur. Nam dixit: & ecce Simō frater vester scio, quod vir est consilij, ipsum audite semper: & ipse vobis erit pater, & Iudas Machabæus fortis viribus à iuuentute sua sit vobis princeps militiæ: & ipse aget bellum populi. primo Machabæ. 2. cap. Ita ergo nunc de Abia, quia licet esset minor quibuldam alijs fratribus suis, quia tamen erat animosior, debebat esse princeps. Vnde Abia tenebat nunc locum Simonis & Iudæ Machabæi, cum esset simul robustior alijs, & potentior. Item dato, quod aliquāliter competeret ius regnandi primogenito: tamen consideratis istis motibus dari debebat regnum nunc ipsi Abiæ, quia publica vtilitas hoc exoptabat: nam regnum Iuda fuerat nunc nouiter diuisum à regno Israel, & erat paruum respectu regni Israel, habebant viri de regno Iuda in hostes viros de regno Israel, & cum essent pauciores, nisi haberent principem prudentem, animosum, & sollicitum circa defensionem regni, traderentur viri Iuda hostibus suis. Ideo vtilitas publica debebat præponi viri priuato: & dato quod competeret de iure regnum primogenito Roboam, dēret tradi ipsi Abiæ, quia erat aptus ad defendendum regnum. Patet hoc ex operibus suis. Nam bellum graue instituit contra Ieroboam, & occidit in eo de Israelitis quinquaginta millia, & nunquam tantam stragem in aliquo bello vnico factam legimus, etiam in historiis Gentium, quibus magna fides adhiberi non debet in comparatione ad sacram scripturam. Etiam ipse ostendit se valde prudentiorē & animosiorē patre suo Roboam: nam cum positus in acie loqueretur contra Israelitas, quod iniuste

recessissent à domo Dauid, dixit quod pater suus Roboam nō potuerat vindicare istam discensionem, nec resistere faciētibz eam, cum dicitur infra 13. Porro Roboam erat rudis, & corde pauido, nec potuit resistere eis: Alia causa tertia erat magis pertinens ad affectionē quā ad iustitiam: & tamen non erat contra ius, scilicet quod dedit regnum Abiæ, quia diligebat matrem eius potius quam alias vxores. Verum est, quod dilectio ista specialis non tribuebat ius ipsi Abiæ, quia erat magis acceptio personæ quam iustitia, & tamen non erat contra ius, quia vbi alicui datur libertas disponendi de re, est locus gratificationi & potest accipi persona, nec reputatur in vitium. Vbi autem certus modus dispositus est à iure, non est locus gratificationi: & si contra formam iuris quis distribueret, ibi esset acceptio personarum, & esset vitiosa: & tamen vt dictū est nō erat nunc determinatē pertinens ad ius primogenituræ principatus regnatiui: ideo erat in potestate Roboam constituere in regem, quem vellent de filiis: hunc autem gratificare voluit, quia matrem eius magis diligebat quā cæteras vxores. Sed obiicietur, quod nullo modo petuerit Roboam dare regnum Abiæ cum non esset primogenitus eius: sed quia diligebat matrē suam super alias vxores dabat ei regnum. Nam Deutero. 21. dicitur quod si quis haberet duas vxores, vnam dilectam, & aliam odiosam, & filius odiosus esset primogenitus, non posset pater facere filium dilectus esse primogenitum quantum ad iura: sed cogetur cognoscere filium odiosus esse primogenitum suū, quia est principium liberorum eius: & dabit ei de omnibus, quæ habuerit cuncta duplicia: ideo licet diligeret Roboam matrē Abiæ, scilicet Maacham plulquam alias vxores, & concubinas, non poterat auferre ius primogenituræ ipsi primogenito suo nomine Ieus, qui erat filius Abigail, vt patet supra in litera. Respondendum quod pater mutare non poterat inra primogenituræ de vno in alterum quātum ad id, quod erat propriū de iure primogenituræ: & tamen quantum ad illa, quæ erant magis cōueniētia primogenito quā alijs. quæ tamen non erant determinata de iure primogenituræ poterat pater mutare. Erat autem determinatum de iure primogenituræ quantum ad bona patris diuisibilia: quia in illis recipiebat primogenitus duplicem portionem: & istud non potuisset Roboam tollere primogenito suo, & dare Abiæ: & tamen regnū est de bonis indiuisibilibus, quæ non possunt prouenire nisi vni: & istud non erat determinatum ad iura primogenituræ. Et patet hoc, quia Deuter. vigesimo primo, vbi ponitur istud, dicitur, quod pater dabit de omnibus, quæ habuerit primogenito suo cuncta duplicia. Manifestum est tamen, quod illa bona, de quibus possunt dari cuncta duplicia, sunt bona diuisibilia, quia in eo quod est indiuisibile, nō datur duplum, nec triplum: quia ista nomina propositionum dicunt partes rei diuisas: ideo nō egit contra illud Roboam dando regnum Abiæ, qui non erat primogenitus. Item patet hoc, quia præcedenti lib. quinto capitulo dicitur: Porro Iudas, qui fortissimus erat inter fratres suos de stirpe eius germinati sunt principes: primogenita autem reputata sunt Ioseph. Ecce quod non posuit principatum inter iura primogenituræ, & licet venirent filijs Ioseph primogenita, non euenit eis principatus, sed filius Iuda. De illis autem primogenitis, quæ ibi vocantur primogenita, non poterat mutare pater à filio in filium propter amorem matris, sed solum propter crimen sicut Iacob trāslulit primogenita Ruben in Ioseph, quia Ruben maculauerat thorū patris sui. eodem capit. illa autem quæ non vocantur ibi primogenita sicut principatus, poterat pater transferre de filio in filium, etiam non

existente crimine suo volendo vnum gratificare pro aliis: & ita factum est hic, licet causa magis vrgens fuit quælibet duarum præcedentiũ, scilicet quia erat Abia prudentior, & animosior ceteris fratribus suis.

An sit continuatio ad præcedentia.

Quæst. XXIX.

QVAERITVR vterius, an ea, quæ habentur hic de filiis Roboam, & de vxoribus eius sint continuata ad præcedentia. Aliquis dicet, quod sic, quia semper tenendum est cum ordine literæ, quæ ponit sacra scriptura nisi constet aliunde, quod alius fuerit ordo quàm iste, quem litera præterit, ideo tenendum videtur, quod iste ordo fuerit. Dicendum, quod non stat, sed necesse est, quod ista vel aliqua istorum fuerint ante præcedentia, quia supra dicebatur, quomodo Roboam constitutus est in regem, & voluit pugnare contra Ieroboam, & hic dicitur de vxoribus suis & filiis: & tamen manifestum est, quod prius habuit vxores, et filios quàm esset rex, quod patet: quia quando Roboam constitutus est in regem erat annorum quadraginta, & vnius: vt patet sequenti capitulo. & tamen non est verisimile, quod vsque ad tantam ætatem nullam accepisset vxorem, & nullum filium genuisset: quia filij regum in tenera ætate vxores accipiebant, vt vacarent proli, & non deficeret progenies eorum. Potissime, quia Salomon nullum filium habebat nisi Roboam, & ille successurus erat in regno: non ergo erat verisimile, quod tandiu expectaret sine vxore, et liberis, vt quando postea acciperet vxorem, fortassis gignere non posset. Dicendum ergo quod omnes vxores istas, vel plurimas earum acceperat, antequam esset rex, & genuerat omnes filios, de quibus hic dicitur, vel multos eorum: & tamen scriptura secuta fuit in hoc ordinem artificialem. Nam de quolibet rege prius historia ponitur: ideo necesse fuit prius poni de Roboam quomodo constitutus fuerit in regem, deinde omnia alia pertinentia ad eum: & licet multa alia essent, quæ acciderent ante regni principium, tamen debuerat poni postea, quia aliàs necesse erat detruncari, & permisceri omnes historias, scilicet quod cum scriberetur de Salomone simul scriberetur de Roboam, & quædam de gestis Roboam intermiscerentur gestis Salomonis, et sic confunderentur historia: Ideo necesse fuit vti anticipatione, & recapitulatione, qualis est hic. Et cum dicitur, quod non est recedendum ab ordine literæ nisi propter necessitatem, concedendum est: & ita dicendum est, quod hic fuit necessitas dicendi, quod esset ordo mutatus: vt supra declaratum est.

Quomodo Roboam viuens constituit regem Abiam.

Quæst. XXX.

QVAERITVR vterius, quomodo Roboam viuens constituit Abiam filium suum in regem: nam non erat consuetudo, sed solum quod post mortem vnius regis constitueretur alius in regem, ne vnquam essent simul duo reges eiusdem regni, & ad quid proficiebat ista constitutio. Respondendum, quod dupliciter potest intelligi ista constitutio in regem. Vno modo, quod Roboam viuens constituit in regem Abiam filium suum

A suum vngendo eum: ita vt nihil sibi deesset ad effec-
regem: sicut David viuens fecit vngi Salomonem in regem. tertio Regum primo capitulo. Alio modo, quod Roboam non vnxit Abiam in regem viuens, sed nominauit eum in regem pro tempore post mortem suam: & dicendum, quod vterque modus satis conuenit rationi, & tamen litera magis consentit secundum quàm primum: & patet hoc, quia litera non dicit, quod Roboam constituerit in regem ipsum Abiam, sed ipsum facere regem cogitauerat, ergo nondum fecerat: & sic dicendum est, quod Roboam videns Abiam esse fortio-
B tiorem, & prudentiorem aliis fratribus suis, etiam quia diligebat matrem eius super alias vxores, propter hoc eum diligebat super alios, nominauit eum in regem pro successione sua, & vt inciperet habere aliqua insignia velut rex futurus, tradidit ei pater suus potestatem inter reliquos fratres: fecitque eum ducem, vt patet in litera, scilicet constituit in capite Abiam filium Maacha super omnes fratres suos: ipsum enim facere regem cogitauerat. Cum autem quæritur ad quid proficiebat ista constitutio in regem: dicendum quod siue ista constitutio esset primo modo, siue secundo proficiebat ad tollendum lites, & ad dandum pacem in regno. Nam si moreretur Roboam, & non determinaret sibi successorem, contentio esset inter filios Roboam, ad quem pertineret regnum, & quilibet contenderet
C regnum ad se posse pertinere, cum pater nihil determinasset: et quia putabatur in potestate patris esse, quem filiorum videret determinare sibi in successorem, voluit determinare quis ei succederet, et determinauit Abiam, et erat istud loco testamenti. Sed nunc obiicietur, ad quid fiebat istud, quia sufficiens erat, quod in morte sua in testamento nominaret successorem sicut decedens in testamento nominat heredem: et tamen nominauit Roboam Abiam multo tempore ante mortem suam: et constituit eum principem, et ducem filiorum suorum. Dicendum, quod conueniens fuit, quod ante mortem nominaret Roboam in regem Abiam: quia si solum nominaret eum in testamento, fortassis mortuo patre non conuenirent fratres in hoc, et contenderent de iure regni: voluit ergo viuens eum nominare, vt eo præsentem, et præcipiente alij fratres obedirent Abiæ, et acciperent eum in regem: iurarentque ei obedire semper. Potestatem etiam magnam acciperet viuente patre, ita quod dato, quod postea vellent fratres de facto contendere contra Abiam, non possent, quia ipse esset confortatus propter potentiam magnam, quam ei pater viuens tradidisset: sic factum est de Salomone: nam vnctus fuerat viuente David semel in regem. Et quia tunc factum fuerat in contentione, eo quod Adonias fecerat etiam se vngi, fecit David circa mortem suam cunctis reductis in pacem, quod iterum vngeretur Sa-
E lomon in regem, et tunc obedierunt ei fratres sui, et omnes potentes Israel: vt patet præce. lib. vlt. capi. et ex hoc mansit Salomon postea semper securus in regno: ita ergo vtile fuit nunc, quod Roboam viuens nominaret Abiam filium suum in regem, et faceret eum ducem super fratres suos et obediret ei, quia per hoc tolleretur contentio post mortem patris, et ita factum est: nam mortuo Roboam securus regnauit Abiam.

CAPITVLVM XII.



VNQVE Roboratum fuisset regnum Roboam, & confortatum, dereliquit legem Domini, & omnis Israel cū eo.

Cunque roboratum. Dicto in præcedentibus de Roboam conditione, hic agitur de eius, & regni sui punitione: & diuiditur in tres partes, quia primò ponit humana transgressio: secundò hostilis flagellatio, G ibi. Anno autem quinto. Tertio diuina propitiatio, ibi. *Semeias autem.*

An sit continuato ordo tempore intermedium.

Quest. I.

QVÆRITVR circa primum an ea, quæ habentur hic sint facta immediatè post præcedentia: & an sit mutatus ordo: & an sit aliquod tempus intermedium. Ad primum dicendum, quòd est ordo continuus, quia supra actum est de conditione Roboam, & de confortatione regni eius, hic autem agitur de hostili inuasionem, quæ facta est postquam regnum confortatum est. Item præcedenti cap. actum est de principio regni Roboam, & de his, quæ tunc acciderunt: hic autem agitur de illis, quæ acciderunt quinto anno regni sui: nam anno quinto regni Roboam accidit bellum Sefach contra terram Iuda, de quo bello hic dicitur: ideo necesse est, quòd iste ordo sit continuus ad præcedentia. Ad s^m dicendum, quod si quidam ista fuerunt duobus annis post præcedentia: nam p^{ca} actum est de confirmatione regni Roboam. Hic autem agitur de inuasionem eius. Confortatio autem regni durauit annis tribus solum, ut patet præcedenti cap. & bellum, de quo hic habetur, incepit anno quinto regni Roboam: ut patet in litera: ideo duo anni interciderunt: dicendum tamen, quòd inter hæc & præcedentia nullum tempus interciderit, sed est tota historia continuata: nam præcedenti cap. actum est de confortatione regni, quibus modis, & quanto tempore confortatum fuerit. Hic autem dicitur de confortatione etiam ipsa. s. quod confortatum est regnum Roboam: & tunc ipse dereliquit legem Dei, & totus populus cum eo. Vnde in principio eius repetitur quòd supra dicebatur: & sic idem tempus est istorum & illorum, cum ea, quæ ponuntur ibi ponantur etiam hic. Cum autem obiicitur, quòd ea, quæ ponuntur præcedenti capitul. de confortatione regni Roboam durauerint vsque ad tertium annum regni: & ea, quæ habentur hic fuerint facta anno quinto regni, non obstat: quia licet bellum istud ceperit anno quinto regni Roboam, tamē confortatio regni & transgressio legis, de qua habetur in principio capi. nō fuit facta in quinto anno: sed in tertio anno fuit, & in quarto dereliquerūt Israelitæ Dominum, & in quinto iratus eis misit contra eos Sefach regem Aegypti ad affligendum eos. Circa principium dicitur. *Cunque Roboratum esset regnum Roboam & confortatum.* Ista confortatio, & roboratio idem est: sed differunt nomine: sed ponitur multiplicatio verborum ad magis exprimendum intentū. & facta est confortatio ista p ^{hoc} Roboam reficiebat ciuitates veteres restaurando, quæ corruerāt, & p^{stituēdo} in singulis armamentaria scutorū, & lancearū: & ponendo in eis viros bellatores & horrea ciborū parando: ut esset cibus p ^{bellatoribus}: hoc mō

F Fortificabatur regnum Roboam: quia quilibet ciuitas posset defendi ab hostibus, & non esset eis aditus in regnum. *Dereliquit legem Domini.* Scilicet quando durauit regnum in confortari, durauit Roboam in præceptis legis. Expleta autem confortatione, dereliquit legem. Ex quo apparet quòd tribus annis primis, quibus regnauit Roboam lex obseruata est, quia confortatio regni durauit tribus annis tantum, ut patet præcedenti cap. derelinquere legem fuit, quia ceperūt viri Iuda colere: nam fabricata sunt altaria in montibus: & sub omni ligno frondoso, & in collibus & ibi populus imolabat sacrificia, & cremabat Thymiam, & idola colebantur: ita ut simulachrum Priapi, quod erat idolum turpissimum, coleretur 3. Reg. 14. & 15. Alia etiam mala fiebant ad vniuersalem peruariationem legis: & tamen in comparatione ad idolatriam alia mala non reputabantur peccata. Vnde quando quis in multis peccabat, si cum illis peccaret in idolatria, scriptura non curat nisi exprimere idolatriam: quia ista complet omnia mala, nihilque directius est contra Deum quàm idolatria. *Et omnis Israel cum eo.* Scilicet rex peccauit derelinquendo legem, & etiam totus populus cum eo scilicet fauendo sibi, & imitando eū. Nam peccata maiorum solent trahi facile in exemplū à subditis. Et hoc propter duo. Primò quia peccatum quod princeps exercet in subditis est impunitū: nam si princeps alios sibi simile in facto puniret seipsum ex hoc argueret, & dignum punitione ostenderet, ut ergo seipsum non increpet alios impunitos relinquit. Secundum est, quia dato quod aliqui subditorum fortassis non inclinarentur ad peccata illa, quæ principes exercent, tamen illa frequentant: ut in hoc adulentur principi peccanti approbando factum eius. Nam si nullus vellet imitari principem in facto suo, videretur quòd omnes fugiebant actum illum tamquam damnatum, & in hoc ostenderent principem esse contemptibilem, qui talia faceret, quæ à subditis vetarentur: & ut sibi complacēt peccant, sicut & ille. Istud est enim seruitium quoddam quod ei impediunt. Nam omnis peccans in aliquo actu detestabili vellet alios sibi similes esse, ut per aliorum frequentationem celetur sua inhonestas. Sic enim fuit de Semei regi Babylonis, quæ fuit vxor regis Nini, quo mortuo illa diu mansit in regno: & quia ardentem regnum cupiebat, sciebatque quòd si filius eius Ninia vxorem susceperet, quòd desineret ipsa regnare: potius tamen vitam quam regno carere volebat, concepit quoddam facinus, scilicet ut filium suum Niniam in virum acciperet, non tam libidine mota quam regnandi cupidine: quia dum eius vxor esset ipsa regnaret: quod & factū est: & quia tantum facinus cunctis detestabile videbatur, ut tantam turpitudinem legis honestate velaret, legem statuit licere cuicunque matri filium suum in virum accipere: ut ait Paulus Orosius li. primo de Ormesta mundi. Tertium fuit hic, & speciale in Iudæis, scilicet quia proni erant ad istud peccatum. Ideo dato quòd rex non dereliqueret legem, ipsi dereliquerent. Quare autem Israelitæ tantum inclinati erant ad colendum idola, declaratum est Iud. 3. in quadam questione. Et dicitur hic omnis Israel, id est omnis Iuda. Nam Israel vocatur multitudo virorum de decem tribubus: & non erant isti subiecti Roboam, sed Ieroboam, & non peccauerunt nunc peccante Roboam, prius namque peccauerant, scilicet in principio regni diuisi Ieroboam fecit duos vitulos aureos, posuitque vnum in Bethel, & alterum in Dan, ut non ascenderet populus ad adorandum Dominum in Ierusalem 3. Reg. 12. & 13. & tunc peccauit totus Israel. Viri autem Iuda maiori tempore manserunt in custodia legis, scilicet tribus annis, quando durabat

durabat regnum in confirmari: vt patet precedenti cap. & hic. Et sic non accipitur hic Israel nisi pro populo regni Iuda. Et dñs omnis Israel siue Iuda. magna pars. Nam non est verum quòd oēs dereliquerint, cū magna multitudo manserit illorum, qui non declinauerunt ad idola, vt colligitur inf. in litera, s. siquidem in Iuda inuenta sunt opera bona. s. multi erant in regno Iuda, qui bona operabantur, & tamen si omnes declinassent ad idola nullus faceret bonum: ergo non declinauerant omnes ad idola, sed scriptura solet ponere omnes pro multis s. in modum loquendi suum: & sic nos etiam in vulgari lingua loquimur.

Quare populus, & rex dereliquerunt legem Dei.

Quaest. II.

QVAERITVR circa hoc, quare rex, & populus confirmato regno dereliquerūt legem Dei. Aliquis dicit, quòd hoc accidit ex communi cōditione Hebræorum: nam quando Hebræi erant in prosperitate colebant idola, & recedebant à lege Dei. Cū vero affligerentur à Dño, conuertebantur ad eū implorantes clementiam eius. Iuxta illud psalmi. Cū occideret eos, quærebant eum: ita nunc quandiu viri Iuda erāt in confirmando regnum suum, erāt adhuc minores viris de regno Israel, & timebant eos: & in timore non habebāt recursū nisi ad dominum, ideo custodiebant legem eius: quia tunc erāt opus eis habere Deum propitium. Cū autem confirmatū fuit regnum plenè, putauerunt se viribus suis sufficere cōtra oēs Israelitas: ideo iam non credentes sibi Deū necessarium, neglexerunt legem eius, et cōuersi sunt ad idola, recesseruntq; à ceteris mandatis legis. Sed dicēdū quòd licet hoc posset aliquāliter stare, tamen non est hoc putandum. s. quòd viri Iuda crederent sibi iam non esse Deū necessarium: quia tanta superbia in paucos cadit. Sed dicendum, quòd hoc factū est per modum cuiusdam obliuionis, vel per defectum incitatiui. De primo patet: nam cū homines sunt ī angustis sunt valde cauti circa singula, considerando quid eis euenire possit, aut quid opus sit. Cū verò perueniūt ad felicitatē, efficiuntur incauti, quia ad pauca aduertunt: sicut etiam cū viri Iuda confirmarent regnum, qā adhuc erant in quadam angustia, considerabant circa singula, et iudicabant quomodo lex obseruari deberet: cū verò confirmatum fuit regnum: quia iā erāt in prosperitate, ad pauca attendebant: & sic nō recordabantur de custodia legis: sed quidquid eis in mentem eueniebat hoc efficiebant. Alio modo poterat hoc esse per defectum incitatiui. Nam cū in angustis essent Israelitæ, necessitas diuini auxiliij incitabat eos ad custodiendam legem: quia considerabant nullum habere, ad quem recurrerēt nisi ad Deum: & ob hoc custodiebant legem eius, quia sciebant aliter eū non esse sibi placandum. Cū verò confirmatū erat regnum, nullum incitatiuum habebant Iudæi ad hoc quòd considerarent de Deo, & de lege eius: ideo tūc dereliquerunt legem eius volentes delectari in omnibus, quæ desiderarent.

Anno autem quinto regni Roboam, ascendit Sefac rex Aegypti in Ierusalem, quia peccauerant Domino, cum mille ducentis curribus, & sexaginta millibus equitum. Nec erat numerus vulgi, quod venerat cum eo ex Aegypto: Libyes, scilicet

& Trogloditæ, & Ethiopes: cepitq; ciuitates munitissimas in Iuda, & venit vique in Ierusalem.

Anno autem quinto regni Roboam. Hic ponitur secundum huius ca. s. hostilis flagellatio: nam De⁹ misit hostes super viros Iuda, qui affixerunt eos pro peccato deserti cultus diuini, & totius legis p̄uaricata: & fuit hoc anno quinto regni Roboam: nam hoc modo se habuit Roboam: quia anno primo regni sui in principio regni instaurauit bellum contra decem tribus ad reducendum eas in vnitatem regni sicut prius, et à Deo prohibitus est pugnare præced. cap. deinde cepit confirmare Roboam regnum suum reficiēdo vrbes, et ponendo in eis armamentaria, et viros belli, et horrea ciborum: et durauit hoc per tres annos. præced. cap. quo completo cepit præuaricatio. Nam istis tribus annis præcedentibus manserunt Israelitæ in custodia legis, et in principio anni quarti, cū esset iam cōfirmatum regnum, declinauerunt ad idolatriam: et cū continuarentur peccata ipsorum misit Deus anno quinto regem Aegypti ad puniendum Iudæos.

Ascendit Sefac rex Aegypti in Ierusalem. Rarò ponuntur nomina propria regum Aegypti, sed vocātur omnes Pharaones, quia Pharaos est nomen cōmune signans regem: et tamen hic ponitur nomen: et 4. Regū 23. de illo qui vocabatur Pharaos Nechao, q occidit Iosiah Regem Iuda. *Quia peccauerant Domino.* Scilicet, nō ascendit iste rex Aegypti in Ierusalem ad pugnandum, nisi quia peccauerunt contra dominum Iudæi, et incitauit Deus Sefac ad ascendendum, vel permisit ei, quòd ascenderet, quem aliàs non permisisset. *Cum mille, & ducentis curribus.* Ponitur magnus apparatus bellicus, quem habebat iste Sefac. Et ponuntur mille, et ducenti currus, qui valde multi sunt. Nam etiam nongentos currus habere est magna potentia. Sic patet Iud. 4. de Iabin rege Chanaā, de quo dicitur, quòd oppresserat valde Israelitas per viginti annos: et hoc quia valde potens erat. Et declaratur potentia sua cū dicitur, nongētos enim currus falcatos habebat. **D** Quod enim iste haberet mille et ducentos valde magna potentia erat. Isti currus apud antiquos valde in vsum venerant pro bellis: nunc tamen in dissuetudinem abierunt. Erant autem currus falcati, id est habentes in rotis enses curuatos in modum falcis: et dilaniabant quidquid arriperent: habebat autem quilibet curr⁹ equos quatuor armatos, et super currū erat vnus vir pugnator habens iacula, et lanceas: et in timone erat alius, qui solū mouebat equos dirigens eos. *Et sexaginta millibus equitum.* Magna militia erat: quia rex Aegypti erat valde potens, et potuit congregare magnum exercitum. *Nec erat numerus vulgi, quod venerat ex Aegypto cum eo.* Isti erant pedites, qui ascenderunt cum rege Aegypti, et isti erant in tanta summa, quòd non numerabantur. Positus fuit autem numerus equitum: eo quòd illi pauciores erāt: et difficilior erat haberi equitem quā pedites multos, quia leuis erat peditum armatura. Etiam quia non poterat esse tanta copia equorum sicut hominum pugnatorum. *Libyes, scilicet & Trogloditæ, & Aethiopes.* Habuit iste rex Aegypti multos pugnatores secū non solum de terra Aegypti, sed etiam de regnis propinquis, scilicet de terra Libyæ, et de terra Trogloditorum, et de terra Aethiopum. Sunt autem omnes isti populi meridiani valde, scilicet in secundo climate terræ, vel quasi: et est gens Libyæ occidentalis respectu Aegypti: est tamen duplex Libya, quarum vna voca-

vocatur Libya Cyrenaica, quia est circa ciuitatem. & Cyrenem, & de ista Libya habetur Aët. 2. f. & partes Libyæ, quæ est circa Cyrenem: & satis signatur, quod sit coniuncta Aegypto: quia in regionibus illis, quæ ponuntur Aët. 2. ponitur Aegyptus iuxta Libyam Cyrenaicam. De ista Libya agitur hic: quia ista erat coniuncta Aegypto: & ob hoc poterant venire puenienter Libyes cum rege Aegypti: Trogloditæ sunt multum meridiani potius quam aliæ gentes hic nominatæ, & sunt monstruosi homines: nam ora concreta habent, & propter paruitatem foraminis non possunt cibum attrahere nisi calamo imposito ori, ita vt sic cibum liquidum magis bibant quam comedant. Et iste est modus, quo pueri interdum calamis vtentes: & istis gentibus parua vox est: ita vt potius ganire sicut mures videantur quam loqui: vt dicitur in lib. de proprietatibus rerum. Aethiopes multi populi sunt, quorum quidam habitant in Aphrica apud Mauritaniam, & diuersi per vastas regiones. Alij autem habitant in Asia ad partem meridianam. Omnes autem Aethyopes vbicunque sint, Meridiani valde sunt, & nigri. Vnde nos conuertimus abutentes hoc vocabulo vt omnes nigros Aethiopes appellemus, sed nimis est largè dictum: quia omnes valde meridiani, vrpote in secundo, & primo climate ex pditione regionis nigri sunt: & tamen in his regionibus multæ sunt gentes. Ponuntur autem hic in Hebræo nomina incognita pro istis gentibus, & hebræi nesciunt dicere quæ gentes sunt: nam vocatur Lubijm illi, qui à nobis vocantur Libyes, & Triquim vocantur, quos nos trogloditas dicimus: & Chusim vocatur Aethyopes: sed antiqui, scilicet septuaginta interpretes, qui circa hoc erant viri peritissimi, sic de Hebræo in Græcum transfulerunt. *Capitque ciuitates munitissimas in Iuda.* Id est omnes ciuitates munitissimas terre Iuda cepit. Nullus enim fuit, qui ei resistere posset, cum veniret cum tanta multitudine: & Deus subtraxisset auxilium suum Iudæis, eo quod peccauerant. *Et venit vsque in Ierusalem.* Erat Ierusalem ciuitas regalis, quia ibi erat sedes regni eratque ciuitas ista munitissima, & situ fortis, confugeruntque illuc plurimi de terra Iuda, vnde ibi manebant principes regni cum rege Roboam, quando Semeias propheta ex parte domini eos allocutus est.

An Sefac esset cognatus Roboam.

Quest. III.

QVAERITVR quomodo iste rex Aegypti Sefac ascendit in Iudam contra Roboam, quia dicitur quod ipse erat cognatus Roboam, vel attinebat ei in aliquo: quia Salomon pater Roboam acceperat uxorem filiam Pharaonis regis Aegypti. Dicendum, quod iste rex Aegypti non poterat esse cognatus Roboam regis Iuda: quia Roboam non erat filius filiae Pharaonis, sed cuiusdam mulieris Ammonitidis, quæ vocatur Naama: vt patet infra in litera, & tertio Reg. decimoquarto. Item dicendum, quod iste rex Sefac, non solum non attinebat in aliquo ipsi Roboam, sed etiam non attinebat Salomoni saltem affinitate aliqua, quia non erat iste rex Aegypti de progenie illius regis Aegypti, qui fuerat focer Salomonis, eo quod in Aegypto variantur reges per cognationes, & quodam tempore sunt reges de quadam cognatione, & quodam tempore de alia, & sic iste rex Aegypti non erat de cognatione regis Aegypti focer Salomonis: ideo ascendit contra Roboam. Sciendum de isto rege Aegypti, quod ipse ascendit contra Ierusalem cum apparatu magno bellico, scilicet cum mille, &

ducentis curribus falcatis, & sexaginta millibus equitum, & populo peditum innumerabili de Aethiopia, Libya, & Trogloditi. Pugnavit autem contra ciuitates munitissimas Iudæ, & faciliter capiebat eas, nec poterant resistere ei Hebræi: quia peccauerant Domino, & Dominus se ab eis subtraxerat: quod cognoscens doluerunt, misitque Deus ad illos prophetam Semeiam dicentem: vt quia humiliati fuerant miseretur eorum: & tunc aperientibus Hebræis portas Ierusalem intrauit Sefac cepitque thesauros regis, & domus domini, & recessit in terram suam non curans de ciuitatibus quas acquisierat in terra Iuda. De hoc rege Sefac narrat Iosephus octauo Antiq. ponens dicta Herodothi Alicarnasæi historiographi, qui ait. Sefac anno quinto regni Roboam cum multis millibus exercituum castrametatus est: sequebantur eum currus mille ducentum, equites vero sexaginta millia, peditum quorum plurimos habebat Aethiops, & Libyas. Inuadens itaque regionem Hebræorum munitissimas Roboam ciuitates sine dimicatione detinuit: & nouissime armatus ad Ierusalem venit, vbi Roboam, & eius exercitus propter militiam Sefac tenebatur inclusus, deumque rogabant, vt eis salutem victoriamque conferret: sed non exaudiuit Deus, nec eis pugnaturs spem victorie promisit: propheta enim Semeias ait, Deum eis interminari eosque relictum, sicut ipsi videbantur eius deseruisse culturam. Hoc audientes animo sunt soluti, & dum omnes viderent in se salutem nullam esse, confitebantur omnes, quod iuste despexerit eos, cum ipsi circa eum impie, crudeliterque gessissent: & eius legitima confundissent: quos videns Deus ita deiectos, & ad penitentiam fuisse perductos, non se perditurum eos propheta dixit, sed Aegyptiis tamen fore subdendos, vt agnoscerent an seruire hominibus esset infatigabilius an certè Deo. Capiens ergo Sefac non lege bellica sed pactis præcedentibus ciuitatem Roboam eum suscipiente propter timorem, postea ingressus fidem non seruauit: sed & templum expoliauit, & thesauros dominicos, & regios, & auri, & argenti multa millia, & innumerabilia deuehens ornamenta, & nihil omnino illis de relinquens: abstulit autem, & aureas lanceas, & scuta, quæ fecerat Salomon, sed nec pharetras aureas dimisit quas David sumptas à rege Sephone Deo dicauerat: vult etiam iste Herodotus gentem Iudæorum subditam Aegyptiis: & ait quod Sefac reliquerit apud Iudæos statuas virorum, in quibus celauit genitalia mulierum: eo quod se sine bello tradidissent, ad eorum ignominiam hoc faciens. Nam Roboam rex sine prælio tradidit ciuitatem: dicit etiam Aethiopes ab Aegyptiis didicisse circumcisionem genitalium: etiam quod Phænices, & Tyrij in Palestina fateantur se ab Aegyptiis didicisse circumcisione: & tamen in hoc errat Herodotus, & increpat eum Iosephus, quia palam est in tota Syria nullam gentem præter Iudæos circumcidi.

Cur Sefac ascendit contra Iudæos.

Quest. IIII.

QVAERITVR vltèrius, quomodo dicitur hic, quod Sefac rex Aegypti ascendit contra viros Iuda, quia dñs peccauerunt. Nam non videtur quod tati zeli fuerit Sefac rex Aegypti, quod ascenderet ad pugnandum contra Iudæos, eo quod legem Dei præuariati fuerant, quia ad hoc necesse erat, quod rex Aegypti esset maior cultor Dei Hebræorum quantum ipsi Hebræi.

Et

Et tamen non stat, quia nulla alia gens colebat Deum Hebræorum sub illis cœremoniis, quibus Deum colebant Hebræi, nisi ipsi Hebræi. Dicendum ergo, quod hic fuit duplex causa ascendendi Sefac contra Iudæos: una fuit ex parte Sefac: alia fuit ex parte Dei: ex parte Sefac non fuit causa ascendendi, quod peccauerint Hebræi, sed alia longe distantior, de qua dicetur sequenti quæstione: ex parte Dei fuit causa ista, scilicet, quia peccauerunt Iudæi Deo, & potest dupliciter accipi ex parte Dei. Vno modo permissiue, alio modo incitatiue. De primo intelligendum, quod Sefac rex Aegypti desiderabat ascendere contra Iudæos ad subdendos eos sibi in tributarios, vel ad tenendum totum regnum eorum: & tamen si non peccauissent Iudæi non permisisset Deus, quod contra eos ascenderet Sefac, nec noceret eis saltem in modico. Et iste modus est, quod se habent dæmones ad nos: nam dæmones sunt hostes humani generis, & nullum tempus est, in quo non desiderent nocere nobis: & tamen non nocent nobis semper, sed interdum, scilicet, quando Deus permittit, quod hoc eant, & tunc non nocent quantum volunt, quia tunc omnino nos destruerent, sed quantum eis conceditur à Deo, sic patet Iob 20. de Sathan, qui astitit quadam die coram Domino, & dixit ei Deus: nunquid considerasti seruum meum Iob, quod non sit similis ei in terra? & Satan ait: nunquid Iob frustra timet Dominum? Nonne tu vallasti eum, ac domum eius, ac vniuersam substantiam eius per circuitum? quasi dicat: vallasti eum, ut ego non possim accedere, & tangere eum: ideo petiuit, ut concederetur ei licentia tangendi illum, & Deus concessit illam, tamen non absolute, sed limitando, scilicet. Ecce vniuersa, quæ possidet, in manu tua sunt, tantum in eum non extendas manum tuam. Ex quo apparet, quod diabolus desiderabat eum, & omnia sua simul delere: ideo Deus limitauit potestatem nocendi, scilicet, quod in res suas manum extenderet, sed non in eum. Idem intelligendum est de hominibus malis, quia interdum vnus homo cupit nocere alteri, & nequit, scilicet, quia Deus non permittit ei facultatem, & opportunitatem faciendi. Ita tamen interdum cum homo peccauerit permittit Deus dæmoni, vel hosti nocere ei quantum voluerit, vel vsque ad certum statum, & alias Deus non erat concessurus potestatem aliquam nocendi. Sic fuit nunc: nam si Israelitæ, siue viri Iuda custodirēt legem Dei, non permetteret aliquam gentem nocere eis, sed potius ipsi pugnaret per illis, iuxta illud Psal. 104. Non permisit hominem nocere eis, & corripuit per eis reges, quia tamen nunc peccauerunt Israelitæ, concessit Deus Sefac regi Aegypti, ut compleret desiderium suum ascendendo in terram Iuda, & capiendo vrbes, & thesauros in de tollendo. Secundo modo posset hoc intelligi per modum concitationis, scilicet, quod, quia peccauerunt Iuda, & Deus volens punire eos, fecit executorem regem Aegypti, ut ascenderet contra viros Iuda, & dedit ei in corde, ut ascenderet, & sic desideraret valde ascendere illuc, & fortassis nullam causam ad hoc cognosceret, sed solum, quod videret, quod valde cupiebat illuc ascendere: sic enim consuevit Deus facere, quando constituit aliquos executores circa aliquid. Nam sic fuit de Adad Idumæo, qui erat de semine regum Idumæorum: fugeratque in Aegyptum, quando Ioab occidebat omnes masculos in terra Idumææ: mansitque ibi longo tempore in magna prosperitate nulla re indigens in domo Pharaonis regis Aegypti. Cumque peccasset Salomon, & vellet Deus suscitare Adad in hostem eius, dedit ei in corde, ut desideraret valde redire in terram suam, & petiuit licentiam à Pharaone rege Aegypti, qui ait: Qua enim re apud me indiges, ut queras ire in terram tuam? & ille ait: nulla,

Alph. Tost. super lib. Paralip. Pars 2.

A sed obsecro, ut dimittas me. 3. Reg. 11. Ecce isti desiderabat ire in terram suam, & nullam causam allegare sciebat, nisi quod desideraret ire in terram suam, & hoc erat, quia Deus suscitauerat eum in hostem Salomonis, ut patet eod. cap. Et impellebat cor eius ad desiderandum ire illuc. Ita nunc impelleret Deus Sefac regem Aegypti fortassis ad ascendendum contra regnum Iuda, & sic dicitur etiam Deus vocare aliquos ad puniendum peccata aliorum, ut patet de Nabuchodonosor, quem Deus instituit ad puniendum Iudæos, & dicitur vocasse eum, ut patet Isa. 5. Et leuabit signum in nationibus procul, & ecce festinus veniet, & sibilabit ad eum de finibus terræ, non est deficiens, nec laborans in eo, non dormitabit, nec dormiet. Deus autem non concitasset Sefac in hostem Iudæorum, nisi peccauissent: ideo recte dictum est, quod ascendit Sefac contra Iudæos, quia peccauerunt Domino, quia alias non ascendisset, vel si ascendisset non prosperaret, sed rediret confusus, & afflictus, sicut factum est de Senacherib rege Assyriorum, qui cum maiori potestate ascendit contra Ierusalem, & tamen sub vna nocte occidit angelus Domini de castris eius centum octogintaquinque millia virorum. 4. Reg. 19.

An Sefac peccauit bellando contra Roboam.
Quæstio V.

C QVÆRITVR vltius, an Sefac rex Aegypti peccauit ascendendo contra regnum Roboam, & taciendo ea, quæ fecit ibi. Aliquis dicit, quod non, sed potius meruit, quia fuit minister à Deo deputatus contra Iudæos, & ascendit iusta causa motus contra eos, scilicet, quia peccauerunt: nam dicitur in litera, quod ascendit Sefac rex Aegypti contra regnum Roboam, quia domino peccauerant. Respondendum, quod non constat clare, an peccauerit in hoc Sefac, & tamen saltem dicendum, quod ista, quæ allegatur pro eo non adiungunt eum. scilicet, quod ascendit, quia domino peccauerunt: nam non est intelligendum, quod ista causa attendatur ex parte Sefac, sed ex parte Dei, qui permisit, vel concitauit Sefac ad ascendendum, quia peccauerant domino, & tamē ex parte eius alia fuit causa: quod patet, quia non est credendum, quod tantum zelum de obseruatione legis teneret rex Aegypti, quod propter hoc solum exponeret se tot difficultatibus congregando tantam exercitus copiam, & pergēs extra terram suam ad pugnandum, potissimē cum variis situentibus belli, & hoc solum, ut vendicaret delictum deserti cultus Dei. Nam ad hoc necesse erat, quod rex Aegypti esset maior cultor Dei Hebræorum, & feruentior zelator legis, quam aliquis de Hebræis, & tamen non est verum, quia nulla gens colebat Deum Israel sub illis cœremoniis, quibus eum colebant Hebræi, nisi ipsi Hebræi, quod patet Psal. 75. Notus in Iudæa Deus, & in Israel magnum nomen eius. Non erat Deus notus, nec famulus, nisi in Iudæa, & Israel. Nam dato, quod in alijs regionibus cognosceretur Deus verus, non tamen sub eadem ratione, qua Iudæi eum cognoscebant, scilicet, ut creatorem, liberatorem, & legidatorem. Quod patet, quia Athenienses, qui erant curiosiores inter omnes homines propter sapientiæ copiam, quæ inter eos erat, posuerunt aras omnibus dijs, quos existimauerunt, & inter eos posuerunt aram quandam, cuius titulus erat, Deo ignoto. Actuum decimo septimo. & Beatus Paulus considerans illas aras, dixit, quod ille Deus ignotus cui aram statuerant Athenienses, erat Deus ille, quem ipse predicabat: & tamen Deus, quem predicabat Paulus erat Deus verus, quem ipsi Athenienses colebant, & tamen non colebant eum sub ea ratione, qua nos, & Iudæi, cum eis esset Deus ille ignotus, ut ipsi apponebant in titulo eius.

X

Non

Non ergo rex Aegypti esset tantus zelator diuini cultus, quod propter hanc causam veniret contra Iudam. Item patet, quia si venisset ex hac causa, non reliquisset terram quousque redigeret Iudeos in legis obseruantiam, & circa hoc aliqua efficeret apponendo coheritionem, & modum ad colendum Deum, & obseruandum legem cum tantum circa hoc operam dedisset: & tamen nihil horum fecit, sed solum ablati thesauris domus regis, & domus Domini, redijt in terram suam, ut patet infra in littera, & 3. Reg. 14. cap. ideo non ascendit ex hac causa. Item patet hoc efficacius, quia dicitur hic in littera, quod Sefac iustulit thesauros domus domini, & thesauros regis: & tamen si ipse tantus zelator cultus diuini esset, ut solum ad puniendum transgressores legis ascenderet de Aegypto in terram Iuda, non auferret thesauros domus domini, sed potius multiplicaret fortassis mulctando in pecunia transgressores legis, & applicando illam multam templo Domini. Non ergo erat zelator cultus Dei, sed potius barbarus quidam non agnoscens Deum Israel. Item dato quod Sefac ascendisset in terram Iuda solum ex hac causa, ut puniret transgressores legis diuinæ, & cogeret eos ad obseruantiam legis, adhuc peccaret, quia licet actus iste in se bonus esset materialiter, tamen non erat absolute bonus, sed potius peccabat faciens, quia sine iurisdictione faciebat: sic enim est in omnibus criminibus. Nam si quis adulteretur, aut hominem occiderit, reus mortis est, & tamen non licet cuiquam exequi si iam, nisi sit iudex, alias tenebitur, ac si occidisset sine causa. Ita autem erat hic, quia Sefac erat Aegyptius, & nemo illum constituerat iudicem super Iudeos ad vindicandum eorum delicta: ideo licet transgredierentur legem, non licebat Sefac punire quemquam eorum propter hoc. Et sic si ex hac causa ageret peccaret. Sed aliquis dicet, quod non peccaret Sefac, eo quod Deus eum instituerat iudicem ad puniendum ista delicta: nam ut dicitur hic ex eo quod peccauit Iuda, ascendit Sefac, id est, Deus fecit, quod ascenderet Sefac, quia peccauerant Iudæi: ageret ergo iste, ut potestatem habens. Dicendum, quod dato, quod Deus constituisset in iudicem super Hebræos ipsum Sefac, adhuc peccabat, quia non constabat ei de potestate ista sibi collata: ideo putabat se esse priuatam personam, & agebat, ut priuatus, & sic agebat contra conscientiam, sciens quod priuatis non licet habere actus iurisdictionis. Potissimum quia non est dicendum, quod Deus constituerit Sefac iudicem super Iudeos, sed potius permisit ei ut hosti agere contra Iudæos, & ista permissio fuit, quia illi peccauerunt. Dicendum ergo, quod ex hac parte non potest excusari: sed fortassis habuit Sefac iustam causam pugnandi contra Roboam, ut quia forte lesisset eum in aliquo, vel prouocasset, quia regnum Aegypti, & Iuda erant coniuncta in quadam parte lateris Meridiani, cum ponatur fluius Aegypti terminus meridianus terræ Iuda, ut colligitur Genesis decimoquinto, & supra octauo. Existente autem iusta causa bellandi est bellum iustum, & quæcunque in bello fiunt, scilicet, præda, occisio, destructio urbium. Istud tamen moderandum est, scilicet, quod tamdiu est bellum istud iustum, quamdiu non est satisfactum de iniurijs, vel damnis datis, aut quamdiu resistit hostis nolens satisfacere de iniurijs, aut damnis. Dicendum tamen, quod dato, quod habuisset Sefac aliquam iustam causam pugnandi contra Roboam, quod non creditur, adhuc peccauit, quia non obseruauit ei fidem, quia ut ait Herodotus Alicarnaseus, & Iosephus octauo Antiquitatum, & potest colligi aliquantulum ex littera Sefac non coepit urbem Ierusalem bello, sed tradente eam Roboam interpositis pactis, quæ violauit postquam fuit intra urbem: unde sublatis thesauris redijt in terram suam;

F & tamen fides data, & pactum interpositum omni homini seruandum est, etiam hosti, nisi ipse prius fidem violauerit, quia tunc frangenti fidem frangenda est fides: extra de iureiurando capitulo peruenit. Nam si pacta non seruentur, nulla communicatio manebit hominibus: & tamen adhuc inter hostes communicatio quædam est, quia interdum tractant inter se, an bella cessent, vel continuentur, & ponunt conditiones pacis, vel belli. Et nulla istarum communicationum intercidere posset, si non seruaretur fides data, & pacta conuenta. Violauit tamen Sefac fidem datam: ideo grauiter peccauit. An tamen tollendo thesauros domus domini peccauit Sefac, declarabitur infra in quadam quaestione.

G

An defenderent se iuste viri de tribu Iuda.

Quaestio VI.

QUÆRITUR vltius, an viri Iuda haberent iustam defensionem contra Sefac regem Aegypti. Aliquis dicet, quod non, quia viri Iuda peccauerant, & Sefac ascendebat, ut iudex eorum ad puniendum eos pro peccatis: & tamen peccatum est resistere iudici quando vult punire delinquentem, ergo peccauissent Israelitæ defendendo se contra Sefac. Dicendum, quod non peccabant Israelitæ defendendo se contra Sefac regem Aegypti. Nam ille erat hostis eorum, & inuadebat eos forte sine causa iusta, ergo habebat defensionem, & non omiserunt se defendere quasi non liceret eis, sed, quia tanta erat potentia Sefac, quia non poterant præualere se defendendo, & si tentarent se defendere, & caperet, eos postea crudelius ageret contra eos, ideo noluerunt se defendere, quia sub pactis, & fide data receperunt eum in Ierusalem. Alias quoque ciuitates nullo bello facto coepit, ut ait Herodotus Alicarnaseus, & Iosephus supra octauo Antiquitatum. Cum autem dicitur, quod iste Sefac erat iudex Israelitarum veniens ad puniendum crimina eorum. Dicendum, quod non veniebat ad delinquentes puniendum, sed magis ad prædandum, ut de spolijs ditaretur, & subijceret Iudæos sibi in tributarios, & dato quod veniret ad puniendum crimina eorum, non erat iudex ipsorum, quia non effecerat eum Deus iudicem, & sic agebat, ut priuatus. Idem dato, quod esset iudex: tamen non constabat de hoc Hebræis: ideo quousque constaret eis de institutione eius in iudicem a Deo, poterant se defendere iuste contra eum. Debebat autem constare de hoc per prophetam aliquem, qui diceret istum missum esse a Deo, ut iudicem executorem legis: hoc autem non ostendebat Sefac: ideo poterat ei resisti. Item dato, quod constaret eum esse iudicem a Deo datum poterat ei nunc resisti armis, quia non procedebat ut iudex, sed ut hostis: nam si processisset ut iudex debebat petere prius, quod citarentur Israelitæ: & tunc comparentibus coram eo probaretur notorietas criminum, & sententiaretur, & si nollent comparere Israelitæ citati in contumaciam eorum factis eis, quæ de iure fieri debebant procederet contra illos ad executionem, tanquam contra conuictos, vel iure confessos, & ista executio esset per bellum: & tamen nihil horum fecit, sed inuasit regnum Israel tanquam hostis, ideo non obligabantur Israelitæ parere ei, sed iuste poterant se defendere de eo. Sed dicitur forte, quod iste Sefac non erat datus ut iudex, sed ut merus executor, & sic non debebat se interponere in audiendo de causa, & exercendo actus iudicis, sed simpliciter exequeretur contra Iudæos. Dicen-

Dicendum, quod adhuc isto modo non erat illicitum Iudæis se defendere de Sefac quousque constaret eum à Deo datum executorem pro peccatis Iudæorum, & adhuc dato, quod constaret non illico tenebantur obedire ei, nisi viderent, quod vellet secundum legem pure exequi: ipse tamen veniebat, ut hostis: ideo licet à Deo esset datus executor, non tenebantur ei obedire Iudæi, sed poterant iuste rebellare: sic enim fuit de Nabuchodonosor, & Senacherib regibus, qui dati sunt à Deo executores contra Iudæos: & tamen peccabant ipsi pugnando contra Iudæos, & ipsi Iudæi iuste se defendebant de eis. De Nabuchodonosor, quod à Deo vocatus sit contra Iudæos patet Isaiâ quinto, & septimo, & etiâ Abacuch primo dicitur de eo. Domine in iudicium posuisti eum, & fortem, ut corripes fundasti eum: & tamen ibidem dicitur quomodo ipse Nabuchodonosor non putabat se à Deo moveri, sed viribus suis hæc agere: ideo Deus eum etiam puniuit. De Senacherib patet clarius Isaiâ decimo, cum dicitur: Væ Assur virga furoris mei, & baculus ipse in manu eorum indignatio mea. Et sequitur: Ipse autem non sic arbitrabitur, sed ad conterendum erit cor eius, & ad deletionem gentium non paucarum. Et postea sequitur ibi quomodo Deus vindicaret in ipsum Senacherib, quia crudeliter gesserat contra Iudæos. Ita ergo esset de Sefac, quod peccaret faciendo hoc, licet esset Dei executor, & possent licite Israelitæ defendere se contra eum.

Semeias autem propheta ingressus est ad Roboam, & principes Iuda, qui congregati fuerant in Ierusalem fugientes Sefac, dixitque ad eos: Hæc dicit Dominus: Vos reliquistis me, & ego reliqui vos in manu Sefac. Consternati que principes Israel, & rex dixerunt: Iustus est Dominus. Cumque vidisset Dominus, quod humiliati essent, factus est sermo Domini ad Semeiam, dicens: Quia humiliati sunt non disperdam eos, daboque eis pauxillum auxilij, & non stillabit furor meus super Ierusalem per manum Sefac: veruntamen seruiunt ei, ut sciant distantiam seruitutis meæ, & seruitutis regni terrarum. Recessit itaque Sefac rex Aegypti ab Ierusalem, sublati thesauris domus Domini, & domus regis: omniaque secum tulit, & clypeos aureos, quos fecerat Salomon, pro quibus fecit rex æneos, & tradidit illos principibus scutatorum, qui custodiebant vestibulum palatii. Cumque introiret rex domum Dei: veniebant scutarij, & tollebant eos: iterumque referebant eos ad armamentarium suum. Veruntamen, quia humiliati sunt auersa est ab eis ira Domini, nec deleri sunt penitus. Siquidem & in Iuda inuenti sunt opera bona. Confortatus est ergo rex Roboam in Ierusalem, atque regnavit.

Alph. Tost. super lib. Paralip. Pars. 2

A Semeias autem. Hic ponitur tertium huius cap. scilicet diuina propitiatio: nam licet cepisset affligere Iudæos, non deleuit eos, quia misertus est eorum. Et diuiditur in duo. Quia primo ponitur predicta diuina propitiatio. Secundo ponitur historie Roboam conclusio ibi, quadraginta autem. Circa primum dicitur. Semeias autem propheta ingressus est ad Roboam, & principes Iuda. Iste Semeias erat propheta famosus tempore Roboam: ipse enim fuit, qui ex parte Dei prenuñciauit Roboam, & viris suis, ut non pugnarent contra Ieroboam cum iam haberent exercitum congregatum præcedenti cap. & 3. Reg. 12. iste etiam scripsit totam historiam Roboam infra in litera. Ipse etiam nunc denunciavit misericordiam Dei Roboam, & principibus Iuda: vocantur principes Iuda. i. totius regni Iuda. scilicet de tribu Iuda, & Benjamin, vel principes Iuda, idest, de tribu Iuda. Sed primo modo melius accipitur, quia nunc omnes principes erant cum Roboam deliberando quid facere deberent. Qui congregati erant in Ierusalem. Scilicet, omnes principes regni congregati nunc erant in Ierusalem cum rege. Fugientes Sefac. Scilicet, ideo conuenerant in Ierusalem, quia Sefac prius inuaserat alias ciuitates regni, & non potentes principes defendere se in eis fugerunt veneruntque in Ierusalem, quia illa erat ciuitas munitissima, & ibi melius possent se tueri: licet postea non deliberauerunt se defendere, sed posita fide, & pactis aperuit Roboam portas urbis Sefac, & introiuit in Ierusalem. Dixitque ad illos hæc dicit Dominus: Vos reliquistis me. Subintelligendum est, quod Iudæi orauerant Dominum, ut nunc liberaret eos de manu Sefac, quia ista erat conditio Iudæorum, scilicet, quod quando essent in prosperitate, conuerterentur ad idola, cum autem affligerentur ab hostibus, & non haberent aliunde recursum, clamabant ad dominum, ut patet ex processu libri Iudicum: ita dicit etiam Herodotus Alicarnaseus, & Iosephus 8. Antiqui. quod Iudæi orauerant dominum, ut liberaret eos de manu Sefac, & tunc nec exaudivit eos, nec spem victoriæ promisit, & tunc venit propheta Semeias ad ostendendum, cur Deus non exaudiret eos, ita ut non putaretur hoc esse ex impotentia Dei, sed ex demeritis eorum: & dicitur, vos reliquistis me. scilicet reliquistis legem meam, & non coluistis me, sed conuersi estis ad idola: nam aliter Deus non derelinquitur. Et ego reliqui vos in manu Sefac. Scilicet, reddam vobis iuste, ut relinquam vos, sicut me reliquistis: nam vos me abiecistis, ut non essem Deus vestester, & ego vos repuli, ne sitis populus meus: & dicitur, reliqui vos in manu Sefac, idest, non adiuuabo vos contra Sefac, sed permittam ei, quod noceat vobis. Consternati que principes Israel, & rex dixerunt. Scilicet, cum audierunt ista verba, quæ erant desperationis defecerunt in cordibus suis, & turbati sunt valde: est enim consternari mente deficere, vel turbari: nam putabant, quod Deus adiuuaret eos: nam aliàs sic facere solitus erat. i. quia licet peccauissent contra eum, quando orarent ad ipsum exaudivat eos: nunc autem audientes, quod non adiuuaret eos, sed permitteret in manu hostis, non habuerunt ipsi iterum. Iustus est Dominus. Videntes, quod ipsi dereliquerant Deum, & nunc Deus derelinquebat eos, viderunt esse æqualitatem conuitationis: nam utrinque per contrapassum, & dixerunt: iustus est Dominus. scilicet non habemus iustam causam quærelæ de ipso, quia si ipse dereliquit nos, prius nos eum dereliquimus, & in hoc humiliauerunt se Israelitæ aliquantum non conquerendo de Deo, sed approbando iustitiam eius. Cumque vidisset Dominus, quod humiliati essent. scilicet quod Deus vidit, quod licet eis dure responderet, non exasperati sunt contra ipsum, sed laudauerunt, & approbauerunt iustitiam eius, & ista fuit quidam humiliatio. scilicet quia non superbierunt, dicentes iniuste feci agi, sed approbauerunt factum Dei: licet esset eis durum responsum suum.

Factus est sermo Domini ad Semeiam dicens. Ista locutio Dei ad Semeiam fuit distincta à prima, quia primò Deus locutus è Semeiæ, quòd diceret Israelitis, quòd dereliquerat eos in manu Sefac, quia ipsi dereliquerant eum, & Semeias proposuit istud regi, & principibus, & tunc consternati, atque humiliati dixerunt: Dominus est iustus. quam responsionem Deus acceptans, quia humilis erat, respondit secundò, dicens ipsi Semeiæ, quòd misereret Hebræis, & tunc Semeias respondit secundò Iudæis quod habetur hic. *Quia humiliati sunt non disperdam eos.* Scilicet, si nunc non humiliati fuissent respondendo blandè, ego eos deleuissim omnino, quia tamen humiliati sunt non disperdā eos, sed affligam aliquantulum. *Daboq; eis paululum auxilij.* Scilicet, non dabo eis plenam liberationem liberando eos de manu Sefac regis, quia tunc non potuisset ingredi urbem Ierusalē, nec accipere thesauros aliquos: sed potius ipsi ignominiosè eum expulissent de terra, sed modicum auxilij dabo eis, scilicet, faciens quòd non desoletur terra, nec redigat habitatores in seruos, aut tributarios, sed thesauris sublati abibit in terram suam. *Et non stillabit furor meus in Ierusalem per manum Sefac.* Stillare est ad modum stillarum, siue guttarum aquæ defluere, & est sensus: non descendet furor meus super Ierusalem, & rectè ponitur stillare, quia stillare est cum pluuiæ descendunt desuper: & ex hoc trahitur Metaphora, quòd omnia illa, quæ desursum descendunt, dicuntur stillare, & quia ista punizio, quæ euentura erat, veniebat ab ira Dei, & Deus super nos est in celo dicitur ira eius propriè stillare super nos, & quia Deus non exequitur ista mala contra malos per se, sed per ministros suos iuxta illud Sap. 5. f. Pugnavit pro eo orbis terrarum contra insensatos: ponitur per quem debeat ista ira Dei stillare: & sic dicitur, non stillabit furor meus in Ierusalem. i. non veniet ira mea in Ierusalem per manum Sefac. f. ipse non erit minister iræ meæ contra Ierusalem. Et iste est modus loquendi scripture. Nam sic dicitur de alijs ministris iræ Dei, vt patet de Senacherib, qui fuit minister iræ Dei contra multas gentes. Isa. 10. Vt Assur virga furoris mei, & baculus ipse, in manu eorū indignatio mea, ad gentem fallacem mittam eum, & ceter. Sic etiam de Nabuchodonosor dicitur, quòd fuit minister iræ Dei, & Deus fortificauit eum ad hoc, qd exequeretur cōtra Iudæos, vt patet Abachuc 1. f. Dñe in iudiciū posuisti eum, & fortè, vt corripere fundasti eum. Et rectè dicitur non stillabit furor meus p manū Sefac: nā furor Dei stillauit postea in Ierusalē in non p manum Sefac, sed p manum Nabuchodonosor, & Nabuzardam. Illi namq; deleuerunt Ierusalem succedentes templū Dñi, & domū regis, & ducentes habitatores eius captiuos, vt patet. 4. Reg. 25. & infra 36. *Veruntamen seruiunt ei.* Ista seruitus non fuit, qd Iudæi efficerentur serui Sefac regis, quia liberi manserunt: etiam non effecti sunt tributarii eius, quia nunquam leguntur ei tributa soluisse, sed solū seruierunt ei in hoc, qd introiuit Sefac in oēs ciuitates Iuda, sicut si essent suæ, & non restiterunt ei viri Iuda, etiam abstulit oēs thesauros, quotquot voluit de Ierusalem, & de alijs vrbibus, & nemo ei potuit resistere tanquam si esset dñs, & voluit Deus, qd seruient, vel subijcerentur modicum ipsi Sefac, vt non maneret omnino culpa sua impunita, & vt ipsi erudirentur vexatione, & non recederēt iam à seruitute Dei. *Vt sciant distantiam seruitutis meæ, & seruitutis regni terrarum.* Id est, licet aliàs ppter magnam misericordiam meam ego remitterem penam debitam eis: tamen, vt experiātur distantia. i. differentiā seruitutis meæ, & seruitutis regū terræ volo, quòd ad modicum seruiant isti regi Sefac: quasi dicat: fuerunt Israelitæ nimis stulti, quia reliquerant legē meā putantes valde graue esse seruire mihi,

sed nunc ostendam eis, qd valde grauius est seruire regibus terræ, vt tunc eligere possint quid magis facere debeant. San seruire mihi, vel seruire regibus terrarū, & per hoc redeant ad sanum intellectum. *Recessit ergo Sefac à Ierusalem.* Scilicet, non occidit Sefac aliquos de Iudæis, nec intulit eis bella, sed solū accepit thesauros eorum. In Hebræo dicitur: Ascendit Sefac à Ierusalem; & idem est. Nam cum prius venisset in Ierusalem, & tunc inde ascenderet in Aegyptum, dicebatur recedere, vel cum recederet de Ierusalem, dicebatur ascendere de Ierusalem. Est litera ista decurtata: debet enim subintelligi quomodo venit Sefac in Ierusalem, & non pugnavit contra eam: sed Roboam, & principes Iuda aperuerunt ei portas vrbis, & cum introisset sustulit thesauros, quos reperire potuit in domo domini, & in domo regis, & abiit in terram suam. Sciendum autem, quòd aliqui imponūt magnum crimen Roboam, & viris Iuda, quòd tradiderūt ciuitates regni, & potissimè Ierusalem sine bello, & etiam ipse rex Sefac iudicauit magnam esse pusillanimitatem Iudæorum, qd saltem bellum tentare ausi non fuerint: & ob hoc non eos viros, sed feminas in virorū effigie appellauit. Vnde ad æternam infamiam, & opprobrium ipsorum reliquit apud eos statuas virorum habentes celata genitalia feminina, quasi solam virilem haberēt effigiem, & realiter femine essent, vt refert Herodotus Alicarnaseus, & Iosephus 8. Antiquit. Et tamen nō est putandum id pusillanimitatem magnam, quia considerant dñm per pphetam Semeiam, & ipse responderat, qd faceret eos seruire regi Sefac: & sic sciebant Iudæi hoc inexcusabile esse. Et dato qd vellent pugnare, & haberent secum maximum exercitum, nō possent resistere regi Sefac, qd Deus cōuerteret eos in fugam pugnando pro Sefac, cum ipse veller istud tradi executioni, iuxta illud Leuit. 26. f. Et qui de vobis remaserint dabo pauorem in cordibus eorum in regionibus hostium terrebit eos sonitus folij volantis, & ita fugient quasi gladium. Cadent nullo sequente, & corruent singuli super fratres suos quasi bella fugientes, nemo vestrum audebit inimicis resistere, peribitis inter gentes. Et si tentarent bello se defendere cōtra regem Sefac, & postea subijcerentur ei, ageret grauius contra eos. Ideo consilio habito, deliberauerunt nullum bellum agere, sed aperire ei portas ciuitatis, & tamen non aperuerunt eas, nisi interpositis pactis, & data fide, & postquam fuit Sefac in vrbe, violauit fidem. Accepitq; de thesauris domus Domini, & domus regis quantū voluit: vnde non modicum eum acculat Herodotus Alicarnaseus, vt patet per Iosephum 8. Antiquit. & tamen licet in hoc facto non fuerit Roboam pusillanimis fuit in alijs: sic enim accusauit eū filius iuus Abia sequenti capitulo, scilicet, porro Roboam erat rudis, et corde puido. *Sublati thesauros domus Domini, & domus regis.* In domo Domini, id est, in templo erant thesauri magni, et illos abstulit Sefac. Erant etiam thesauri in domo regis, qd non erant thesauri sacri: et hoc etiam rapuit Sefac: quomodo autem declaratum est, et istos rapuerit, et an omnes rapuerit, declaratum est, et declarabitur infra in quadam quæst. *Omniaq; secum tulit.* Omnes thesauros domus Dñi, et domus regis. *Et clypeos aureos, quos fecit Salomon.* Fecerat Salomon trecenta scuta aurea, et singula eorum tegebāt trecentis aureis siclis, et lanceas aureas ducentas, et quælibet tegebatur aureis sexcentis supra 9. et posuit omnia hæc in armamentario suo in domo saltus Libani: eodem capitulo, et tertio Regum decimo. *Pro quibus fecit rex æneis.* Scilicet, loco illorū fecit alios trecentos clypeos æneos, et hoc fuit, vt non auferretur officium illorum: nam pertinebat ad regis maiestatem apparatus ille, qui fiebat portando corā eo trecenta scuta aurea, et quia non fierent

fierentia, cessaret gloria regis quantum ad illam ceremoniam, & non poterat efficere alia de auro, quia sublati erant thesauri: ideo fecit alios trecentos clypeos æneos. *Et tradidit illos principibus scutariorum.* Scutarii vocabantur viri, qui erant assignati ad portandum scuta coram rege, & isti habebant inter se principes aliquos, & illis principibus commendabantur ista scuta, ut ipsi custodirent ea, & traderent illa portanda quibus vellent: possunt autem isti scutarii accipi dupliciter. Vno modo pro viris assignatis ad portandum istos clypeos: & quia erant isti clypei trecenti, erant quoque viri trecenti scutarii, & isti habebant super se principes, de quibus dictum est. Alio modo vocabantur scutarii omnes custodes domus Roboam, eo quod omnes illi erant muniti scutis, & alijs armis propter timores nocturnos, & ut melius custodirent: sic dicitur Can. 3. En lectulum Salomonis sexaginta fortes custodiunt ex fortissimis Israel, omnes tenentes gladios, & ad bella doctissimi, vniuscuiusque gladius super femur suum propter timores nocturnos. Isti custodes Salomonis. Et postea Roboam multi erant, & habebant super se principes, quibus committebantur ista scuta, & ipsi distribuabant ea custodibus, quibus volebant ad portandum ea coram rege. *Qui custodiebant vestibulum palatii.* Id est, qui erant ad portam palatii modicum ante portam, quod tecto desuper pendente protegitur, & vocatur alio nomine porticus, quia ante portam erat, & in loco illo custodiebant isti scutarii per noctem, ne cui liceret accedere ad regem ad malum inferendum. *Cumque introiret rex domum Domini.* Id est, quando rex egrediebatur de domo sua ad eundem in domum Domini. Nam postquam erat in domo Domini, non fumebantur ista scuta: eo quod ista solum erant ad portandum coram rege, & non dicitur hic, quod portarentur ista scuta alijs, nisi quando rex iret in domum Domini: & tamen etiam portabantur quando ibat ad alia loca, sed præcipue quando ibat in domum Domini. *Veniebant scutarii, & tollebant eos.* Scilicet, veniebant ad armamentarium, ubi erant repositi in domo saltus Libani, & inde tollebant eos ad portandū coram rege. *Iterumque referebant ad armamentarium suum.* Scilicet, postquam redisset rex de templo in domum suam, referebant scutarii illa scuta rursus ad armamentarium domus saltus Libani, & manebant ibi usquequo iterum rex exiret domum, & portanda essent scuta coram eo. *Veruntamen, quia humiliati sunt, auersa est ab eis ira Dei.* Ista litera potest intelligi dupliciter: Vno modo, ut sit repetitio sententiæ superioris per alia verba, & tunc intelligitur, quod cum essent Iudæi in angustia, orarentque dominum, ut exaudiret eos, non exaudiebat ipsos: sed misit ad eos prophetam Semeiam, qui dixit eis ex parte Dei: vos me dereliquistis, & ego dereliqui vos in manu Sefac, & tunc ipsi consternati dixerunt: iustus est Dominus: & in hoc se humiliaverunt. Et videns Dominus humilitatem eorum locutus est Dominus iterum per Semeiam, dicens: non stillabit furor meus super Ierusalem in manu Sefac: veruntamen seruietis ei. & istud traditum est executioni, quia introiit Sefac in Ierusalem, & sublatis thesauris inde abiit in terrā suā. Et ob hoc fuit illis clemens, quia non permisit, quod Sefac occideret eos, vel in seruos, aut tributarios subiceret: sed solum hoc mali intulit: & tunc est sensus: Deus bis locutus est, & semel sententiam mutauit, scilicet, cum mererentur deleri, & videretur Deus deleurus eos, fecit, ut solum Sefac introiret in urbem, & auferret thesauros, & ista fuit seruitus, quam Deus imposuit: & positum fuerat supra quomodo Deus misertus fuerat propter humiliationem ipsorum, & hic repetitur.

Alph. Tost. super lib. Paralip. Pars 2.

A Alio modo potest intelligi, quod ista litera non sit repetitio præcedentis sententiæ, sed aliquid addat, & est sensus, quod Deus comminabatur delendo Israelitas per Sefac, quia dereliquerant Dominum: ipsi autem humiliati sunt, & dixerunt: Iustus est Dominus. & secundo Deus locutus est per Semeiam, & dixit: quod, quia humiliati fuerant, non deleret eos per manum Sefac: sed traderet eos seruituti Sefac. Et in hoc dabat eis modicum auxilij, ut ipse dicit in litera, quia seruitus est minor morte naturali: & tamen est modicum minor, & istam poenam Deus determinabat eis inferendam, & cum Israelitæ rursus audirent istam sententiam Dei mitigatam paululum à prima, erat tamen aliquantulum grauis, scilicet, quia redigebantur in seruitutem adhuc doluerunt, & humiliati sunt coram Domino, & Deus rursus alleuiavit secundam sententiam, & dedit tertiam, scilicet, quod non seruirent regi Sefac, sed solum nunc ablatis thesauris abiret in terram suam. Vterque istorum sensuum potest stare: & tamen iste secundus explicat magis literam, quia sicut in litera ponuntur tria ex parte Dei: ita dicit fuisse tres sententias, & tres locutiones Dei. Etiam, quia tunc stabit litera superior planè, scilicet: veruntamen seruietis ei, ut sciant distantiam seruitutis mee, & seruitutis regni terrarum, & signabitur, quod Deus voluerit, quod seruirent Iudæi Sefac, & quia postea humiliati sunt placata est magis ira eius, & adhuc non seruiuerunt Sefac, sed solum thesauros abstulit. Ista tamen litera sequens concordat magis sensui primo, quia dicitur: auersa est ab eis ira Domini, nec deleti sunt: ergo videtur, quod ista auersio ire Domini, vel placatio eius ad nihil aliud fuit, nisi, ut non deleterentur Iudæi, & non fuit ad liberandum ab aliqua seruitute, & sic non fuit, nisi vnica mutatio sententiæ: scilicet, quia prius dixerat Deus, quod dimitteret Israelitas in manu Sefac, in quo signabat, quod dimitteret eos, ut deleteret ipsos. Et postea, quia humiliati sunt temperauit sententiam, dicens: quod non descenderet furor eius super Ierusalem per manum Sefac, nec seruirent ei. Et sic repetitur hic ista sententia, & dicitur: quod, quia humiliati sunt, auersa est ab eis ira Domini, & non deleti sunt. Si volumus tamen tenere secundam sententiam, bene respondebimus ad literam sequentem dicentes: quod non deleti sunt Iudæi, non fuerunt redacti in seruitutem eternam, quod erat eos deleri, ideo tenendum quod voluerimus. *Nec deleti sunt penitus.* Id est, licet mererentur omnes de regno Iuda deleri, ita quod non maneret regnum iam, imò ferè nulli viri: tñ Deus non deleuit eos penitus, sed solum puniuit aliquantulum, permittendo quod Sefac auferret thesauros de Ierusalem. *Siquidem & in Iuda inuenta sunt opera bona.* Istud est redditum causę superioris dicti. I. q. nō deleti sunt penitus, quia opera bona inuenta sunt in Iuda, quæ promeruerunt, ut non deleterentur omnino. Et intelligi potest dupliciter: vno modo, quod inuenta sunt opera bona, scilicet, humiliatio. Nam humiliatio cordis coram Domino est opus valde bonū, & acceptum: sic patet Psal. 50. Cor contritum, & humilatum Deus non despicias, & propter humilationem Deus misertus est, nec deleuit omnino Iudæos. Alio modo intelligitur, quod opera bona inuenta sunt in Iuda, scilicet, quod plurimi Iudæorum declinauerunt ad idolatriam, & sic merebantur deleri, et si oēs tales fuissent, sicut erāt plurimi ipsorum, deleti fuissent: fuerūt tñ multi viri in Iuda, q. non declinauerant ad idolatriā, sed sequebantur legem, & meritis istorū nō deletū est regnum, sed data est leuior pena. I. quia ista bona opera inuenta sunt in Iuda. *Confortatus est igitur rex Roboam in Ierusalem, atque regnavit.* Dicit Nicolaus, q. recedente Sefac consolatus est Roboam super malis, q. tolerauerat.

X 3 Et

Et ex hoc apparet, quod erat vir parui cordis, quia paucum bonum sufficiebat ei, & de modico consolabatur, scilicet, quod maneret ei vnica ciuitas, & nomen regium: & ob hoc dixit filius eius Abia sequenti cap. porro Roboam erat rudis, & corde pauido. Et tamen dicendum, quod non est hoc præsupponendum. Nam putat Nicolaus, quod vnica ciuitas mansit Roboam, scilicet, Ierusalem, quia supra in litera dicitur, quod Sefac cepit omnes vrbes munitissimas Iuda, & venit in Ierusalem, & postea de Ierusalem dicitur, quomodo recesserit inde, & non dicitur de alijs ciuitatibus quomodo eas dimiserit: ideo putauit Nicolaus, quod mansissent adhuc omnes illæ ciuitates in manu Sefac præter Ierusalem de qua dicitur recessisse: & sic consolaretur Roboam de modico bono. Sed dicendum, quod non stat, quin potius Sefac ablatis thesauris de Ierusalem recessit, & dimisit omnes ciuitates Iuda, nihil amplius curans de Iudæis: quod aliquantulum innuit Herodo. Alicarnaseus, & Iosephus 8. Antiquit. Item patet, quia manifestum est, quod Abia filius Roboam, & filius suus Asa, & sequentes reges Iuda domini sunt super totum regnum Iuda, vt colligitur sequenti capitulo, & infra decimoquarto: & tamen si omnes ciuitates mansissent in potestate Sefac, necesse erat, vt isti, vel aliquis eorum pugnaret ad eripiendum istas vrbes de manu Sefac: & tamen nihil tale legitur: ideo non est dicendum, quod manserint in potestate Sefac: sed recedens de terra Iuda omnia liberè dimisit ipsi Roboam. Vnde repetitur hic istud non ad signandum paucitatem cordis Roboam, qui de modico consolaretur, sed quia præcedenti tempore fuerat Roboam in angustia, & deiectus, cum occupasset omnes vrbes Sefac rex Aegypti, vt sciretur post recessum eius in, quali dispositione maneret Roboam, dicitur, quod confortatus est rex Roboam in Ierusalem, atque regnauit, id est, sicut ante aduentum Sefac erat Roboam confortatus super totum regnum Iuda, ita recedente Sefac rursus confortatus est super totum regnum, & regnauit nullam habens offensionem: & dicitur, quod confortatus est rex Roboam in Ierusalem: non quidem, quod solum in Ierusalem regnaret, sed, quia ibi manebat semper cum esset metropolis regni.

Ad quid profuit locutio Semeia propheta.
Questio VIII.

QVAERITVR circa prædicta, primò cum Semeias propheta missus fuerit à Domino ad loquendum Roboam, & principibus Iuda, ad quid profuerit ista locutio, quia dato, quod non loqueretur, nihilominus istud quod euenit euenturum foret. Respondendum, quod ista missio, & locutio profuit ad multa. Primò, quia Iudæi videntes se in angustia positos, & afflictos à Sefac orabant dominum continuè, vt liberaret eos de manu Sefac, & quia Deus misericors erat putarent se fortassis exaudiendos; & sic cum veniret Sefac in Ierusalem, fortassis resisterent ei confidentes se exaudiendos: & tamen non exaudirentur, & cum ad vltimum à Sefac caperentur, grauiter eos affligeret, quam si ei se traderent sine bello. Vt ergo scirent Iudæi quomodo se haberent contra Sefac, & non repugnarent ei frustra, & non affligerentur postea grauius: conueniens fuit, quod Deus mitteret eis prophetam, & tunc factum est sic, quod cognito Iudæi, quod tradendi essent in manus Sefac sententia Dei, noluerunt resistere ei: sed tradiderunt urbem sine bello, & sic clementius se habuit ad eos. Et quia Deus volebat, quod Iudæi non paterentur maiora mala, & istud esse non poterat, si non reuelaret Deus

eis istud per prophetam: ideo conueniens fuit, quod per prophetam admonerentur de voluntate Dei circa hoc. Secundò, quia Deus non exaudiretur erat Iudæos nunc clamantes ad se: quia sic determinauerat, & quia Iudæi nesciebant istud cum postea experimento probarent, quod Deus non exaudiebat eos ināster clamantes, putarent quod fortassis istud erat, quia non poterat Deus liberare ipsos de tanta multitudine exercitus, vel quia omnino abiiecisset populum suum, & vtrumque erat ad desperationem Iudæorum. Declarauit autem Dominus per prophetam, quod non exaudiretur erat eos: non quidem quasi non posset, sed quia volebat eis retribuere pro malo quod fecerant, cum ait: vos reliquistis me, & ego reliqui vos in manu Sefac: & sic non desperarent omnino, vel saltem cognoscerent Deum suum non omisisse istud ex impotentia. Tertiò, quia si nunc Iudæi afflicti fuissent à Sefac, & Deus non locutus fuisset eis per prophetam, non cognoscerent causam suæ afflictionis, & fortè non putarent se iuste afflictos. Nunc autem loquente propheta cognouerunt se iuste affligi, cum dictum est: vos reliquistis me, & ego reliqui vos in manu Sefac, & Iudæi dixerunt, iustus est dominus. Quartò, quia si non diceretur aliquid Iudæis, nescirent causam suæ afflictionis, & nō emendarent se in futurum. Nunc autem cum dictum est eis: vos reliquistis me, & ego reliqui vos in manu Sefac: cognouerunt se afflictos propter peccatum, & se in posterum emendarent cauendo peccata, nē inciderent in similes penas. Quintò fuit hoc ad ostendendum, quod erat vtilius Iraelitis colere Dominum, quam recedere à cultura eius. Nam colendo dominum seruebant ei soli. Si autem recederent à cultu eius cogerentur seruire regibus terræ, quorum seruitus erat difficilior: & sic saltem propter vtilitatem eorum debebant Iudæi colere Dominum, & hoc signatum est cum dixit propheta Semeias, quod humiliati sunt Iudæi, & dixit Deus, nō stillabit furor meus super Ierusalem per manum Sefac. Veruntamen seruiant ei, vt sciant distantiam seruitutis meæ, et regni terrarum. Si autem non loqueretur propheta, nescirent istud, nec inclinarentur tantum ad colendum dominum, quod erat sibi vtile: ideo fuit conueniens, quod propheta loqueretur. Sextò, & principaliter fuit hoc ad faciendum, nē Iudæi deleterentur: nam Iudæi propter peccata sua præterita merebantur deleri quasi totaliter, et si non humiliati fuissent coram Domino deleuisset eos, vt patet in litera, scilicet, quia humiliati sunt non disperdam eos, daboque eis paululum auxilij, nec stillabit furor meus super Ierusalem per manum Sefac. Et iterum dicitur: veruntamen, quia humiliati sunt, auersa est ira Domini, nec deleri sunt poenitus. Iudæi tamen non fuissent humiliati, nisi audiuisent verba propheta: quod patet, quia quando dixit: vos reliquistis me, & ego dereliqui vos: dixerunt Iudæi: Iustus est Dominus, et in hoc humiliati sunt. Nam postquam dixerunt ista verba, dicitur, quod humiliati fuerunt: fuit ergo valde necessarium, vt Deus mitteret prophetam ad Roboam, et principes, vt diceret hæc.

Quomodo locutus est Deus Semeia.
Quest. VIII.

QVAERITVR vltèrius, quomodo locutus est Deus nunc pphetæ Semeia, et an semel, vel pluries facta fuerit locutio pro omnibus, quæ habentur hic. Dicendum, quod poterat fieri, vt semel reuelaret Deus omnia ista propheta: & tamen ipse non proponeret omnia simul, sed diuersis vicibus, sicut conueniebat

rei, de qua agebatur: & sic Deus reuelaret Semeiā, quod diceret Roboam, & principibus, quod Deus dereliquerat eos in manu Sefac, quia dereliquerāt eū, & reuelaret etiam ei quid responsuri essent illi, & insuper reuelaret quid replicare deberet, scilicet, quia humiliati sunt, non disperdam eos. Alio modo potest intelligi, quod Deus à principio solum reuelasset prophetā hoc, scilicet, vos dereliquistis me, & ego dereliqui vos in manu Sefac: & Semeias putaret, quod sic futurum erat, & sic diceret Iudæis: quo audito illi humiliarentur, & dicerent: iustus est dominus: quorū humilitatem respiciens dominus iterum loqueretur prophetā, dicens: quia humiliati sunt non disperdam eos, nec stillabit furor meus super Ierusalem per manum Sefac: veruntamen, vt sciāt distātiā seruitutis meę, & seruitutis regni terrarum seruiēti ei. Et tunc rursus Israelitæ dolentes, humiliatiquē, quia Deus eos seruituti subiciebat, orauerunt, & tunc misertus Deus rursus auertit iram suā ab eis, & non deleri sunt, nec seruerunt Sefac. Et istud etiam reuelauit Deus prophetā tertia vice. Licet vterque modus teneri possit: tamen magis tenendus est secundus modus, quia magis consonat modo loquendi scripturę. Sic enim fuit de Isaiā quando per eum Deus reuelauit Ezechia regī, quod disponderet domui suę, quia moriturus erat, & tunc orauit lachrymans Ezechias, & cū recederet ab eo Isaias, vix exierat mediam partem atrij, cū factus est rursus sermo Domini ad Isaiā, vt denūciaret Ezechia, quod audierat Deus lachrymas eius, & apposuerat ei quindecim annos vitę. 4. Reg. 20. & Isaiā 38. Ita etiam faciebat in alijs prophetis, quia sepe reuelabat eis aliqua, & postea per ipsos reuelabat contraria, vel remissiones malorum, quę prius comminatus fuerat, sicut fuit in Ioele, & in Iona, vt patet Joel 2. & 3. & Iona 3. & 4.

Quis modus reuelationis factus sit à Deo.

Questio IX.

QVAERITVR vterius, quis modus reuelationis fuerit, quo Deus vltus est ad Semeiā nunc. Dicendum, quod multi modi erant, quibus Deus poterat aliquid reuelare prophetę, vt declaratum est precedenti capitulo in quadam questione. Vnus est, vt appareat Angelus Domini habens humanam effigiem, & loquatur prophetę reuelans ei occulta. Secundus modus est: vt non assumat effigiem humanam, sed aliquod corpus, quod tamen non appareat, & sic audiat vox loquentis, & nulla effigies videatur. Tertius modus est, vt in somnijs Deus immutet phantasiā prophetę nouas species creando, vel veteres ordinando modo nouo: ita quod faciat prophetam intelligere aliquid, quod prius non intelligebat, nec intelligere poterat. Quartus modus est per immutationem solam intellectus in vigilia, quę est duplex aliquando cū ecstasi, & aliquando sine ecstasi. Dicendum autem, quod si teneatur, quod omnia hæc reuelauit Deus vnica reuelatione ipsi Semeiā, poterit poni quilibet istorum modorum reuelationis præter modum, qui fit in ecstasi, quia iste non erat, nisi ad magna reuelabilia, cum quibus nō itabat manere animam intentam corpori quantum ad operationes suas. Non erat autem hic talis reuelatio, sed fuit talis in Paulo, qui vidit arcana verba, quę non licet homini loqui. secundę ad Corin. decimosecundo. Si autem ponatur, quod ista dicta sunt in tribus reuelationibus. Dicendum, quod saltem aliqua eorum, scilicet, vltimę factę fuerunt per quartum modum, scilicet, per solam immutationem intellectus in vigi-

Alph. Post. super lib. Paralip. Pars 2.

Alia. Patet hoc, quia mox, vt locutus est propheta regi, & principibus humiliati sunt, & dixerunt: Iustus est Dominus. & illico Deus reuelauit prophetę, quod, quia humiliati fuerant, non stillaret furor eius super Ierusalem, nec disperderet eos per manum Sefac. Ideo necesse erat, quod ista reuelatio fieret in vigilia, quod fiebat coram rege, & principibus, & non fieret per apparitionem alicuius angeli in humana effigie: quia tunc ille angelus appareret regi, & principibus, & audirent vocem eius, & tunc non magis responsio ista fieret per Semeiam prophetam, quā per quemlibet aliorum, cū omnes audirent vocem angeli. Item non fieret reuelatio per solius vocis auditum, sine effigie apparente, quia etiam sic omnes astantes audirent vocem, & essent prophetę per hoc, sicut ipse Semeias. Ideo, vt ponatur reuelationem soli Semeiā factam, & tamen coram rege, & principibus factam, debet poni factam fuisse per immutationem intellectus in vigilia, sine ecstasi. Sic enim factum est in Elyā, quando coram tribus regibus prophetauit quarto Regum tertio: sic etiam de Isaiā, quando nondum exierat dimidium atrij, & Deus dixit ei, quod addiderat quindecim annos vitę Ezechia, quia audiuerat lachrymas eius.

An si non fuissent humiliati, Deus deleuisset regnum eorum.

Questio X.

QVAERITVR vterius, cū dicatur hic, quod humiliati sunt, non disperdam eos, in quo innuitur quod si non humiliati fuissent Deus deleuisset penitus regnum Iuda: quomodo stat hoc. Nam videtur istud repugnare promissionibus Dei. Dixerat enim, quod semper maneret regnum in posteritate Dauid, & dato quod peccarent filij eius, non auferret misericordiā suā ab eis, & istud erat, quod nunquam auferret eis regnum, vt patet secundo Regum septimo, & precedenti libro decimosextimo capitulo: si tamen deleuerentur penitus Iudæi, non maneret posteritas Dauid, qui regnaret, nec aliquis super quem regnaret: & sic nimis videtur repugnare promissionibus. Aliquis dicet, quod intelligebatur ista deletio secundum comminationem non secundam certam Dei sententiam, & sic mutabilis erat. Dicendum, quod non stat, quia istud posset intelligi, si Deus absolute dixisset per prophetam, delebo eos per manum Sefac. Quia tunc poterat credi, quod dicebatur comminatorie: & sic erat mutabilis. Dicitur tamen, quia humiliati sunt, non disperdam eos: ergo intendebat delere eos, & deleuisset, si non humiliati fuissent. Dicendum ergo est, quod verum est, quod si non humiliati fuissent deleuisset eos Deus, & tamen istud stat cum certissima promissione Dei de regno continuando in stirpe Dauid. Nam Deus, qui determinauerat, quod maneret regnum semper in stirpe Dauid, determinauerat omnia media, per quę illuc ventura erat progenies Dauid, & quia si nunc non humiliarentur, Deus deleueret Iudæos, & non maneret regnum in posteris Dauid, ordinauit Deus taliter, quod dolerent, & humiliarentur nunc Iudæi. Ideo certissima manebat promissio de regno continuando. Et etiam certissimum erat, quod si nunc non humiliati fuissent, & deleti fuissent: & ob hoc procurauit Deus, vt humiliarentur aliter Israelitę, et non deleuerentur: et ad hoc misit ad eos Semeiam dicens: vos me dereliquistis, et ego dereliqui vos in manu Sefac: et tunc ipsi humiliati sunt, et doluerunt dicentes: Iustus est Dñs. et Deus videns humilitatē eorū misertus est, fecitq; qd nō deleuerentur.

X 4 Simile

Simile enim est in multis alijs in scriptura, & patet potissimè circa istud regnum Dauid, & virorum de tribu Iuda, quia in Iacob benedictione filiorum suorum prædixerat, quod non auferretur sceptrum de Iuda, nec dux de femore eius, donec veniat, qui mittendus est. Ex quo apparet, quod usque ad tempus Messiae semper mansuri erant principes, & reges in tribu Iuda: & tamen primo Regum decimotertio capitulo, dixit Samuel ad Saulem increpando, quia non expectauerat tempus sacrificij in Galgala, scilicet, stultè egisti, nec custodisti mandata Domini Dei tui, quæ præcepit tibi: quod si non fecisses, iam nunc præparasset dominus regnum tuum super Israel in sempiternum. Sed nequaquam regnum tuum ultra confurget: quæsiuit enim Dominus virum iuxta cor suum, & tamen manifestum est, quod si regnum Saulis confirmatum esset super Israel in sempiternum, non potuisset compleri prophetia de regno tribus Iuda, de qua sceptrum non erat auferendum usque ad tempus Messiae. Dicendum tamen, quod utraq; prophetia est vera: nam Deus præiudicabat, quod maneret semper principatus in tribu Iuda usque ad Messiam. Gen. 49. sicut postea factum est: erat etiam verum, quod si Saul non præuicatus fuisset mandata Domini, quod regnum eius confirmaretur super Israel in sempiternum pro ipso, & stirpe sua: & tamen sciebat Deus certissimè, quod Saul præuicaretur legem Dei, & quod non perpetuaretur regnum suum super Israel, & sic stare certissimè prænuntiatio de regno posteritatis Dauid continuando. Per hunc modum soluantur multæ contrarietates, quæ videntur insurgere ex alijs prophetijs.

An seruiert Israelita regi Sefac. Quæst. XI.

QUÆRITVR vltèrius, quomodo fuit verum hoc, quod dixit hic Deus, scilicet, verum tamen seruiert ei, vt sciant distantia seruitutis meæ, & regni terrarum. Nam non legitur, quod seruiert Israelite regi Sefac. Responderi posset secundum intentionem Nicolai, quod verè impleta fuit ista prophetia: nam vult, quod solum manserit vna ciuitas Roboam, scilicet, Ierusalem, & omnes alias tenuerit Sefac, quia dicitur in litera confortatus est Roboam in Ierusalem, & regnavit. Etiam dicitur supra quod Sefac coepit omnes vrbes munitissimas Iuda quousque venit in Ierusalem: & sic omnes vrbes præter Ierusalem signatur quod accepit, & sic tenuit illas in seruitutem. Dicendum, quod non stat, quia nulla ciuitas terræ Iuda mansit subiecta regi Sefac. Nam non apparet, quomodo postea fuerint liberatæ: & tamen reges sequentes tenuerunt omnes ciuitates Iuda in potestate sua: ideo non est dicendum, quod nunc subiectæ fuerint ciuitates isti regi Sefac: potissimè, quia Herodotus historiographus, & Iosephus 8. Antiquit. signant fuisse in pace totam terram Iuda mox, vt Sefac abstulit thesauros de Ierusalem, & quia non curauerit ultra de terra Iuda. Et sic dicendum est, quod hoc modo non seruiert terra Iuda regi Sefac. Dici ergo potest dupliciter, vno modo, quod seruitus ista, quam dixit Deus toleraturos viros Iuda, non fuerit, nisi quod Sefac introiuit ciuitates eorum ipsis non resistentibus, & accepit de terra ipsorum de thesauris quantum voluerit, ac si ipse esset verè dominus terræ illius, & habitatorum eius: & ista seruitus erat grauior, quam seruitus Dei, cum Deus nihil auferret eis de bonis suis: sed potius augeret bona ipsorum, quando ipsum colebant: & iste rex in pauco tempore seruitutis suæ auferret eis omnia bona, quæ tenebant recondita à multis annis, & istam seruitutem subierunt Israelitæ: & tamen liberati sunt ab ea per recessum Sefac de terra Iuda: quia cum semel recessit de terra illa, nun-

quam postea redijt illuc. Secundo modo potest intelligi, & fortè melius, quod Deus seruitutem indixerit eis: & tamen postea non imposuit illam, quia misertus est illorum, scilicet, quod Deus à principio dixit Iudæis, quod dereliqueret eos in manu Sefac, quia ipsi eum dereliquerant. Et tamen respondit Rex, & Principes: iustus est dominus, & humiliati sunt. Cum autem vidisset Deus illos humiliatos, temperauit sententiam dicens, quod non deleteret eos: & tamen, quod seruirent regi Sefac, vt scirent differentiam seruitutis humanæ, & diuinæ. Et per hoc determinabat eos subiiciendos Sefac in seruos: & sic futurum erat, nisi Israelitæ postea se humiliassent: sed adhuc humiliauerunt se, & Deus rursus misertus illorum reuocauit sententiam de seruitute, & damnavit solum eos, vt Sefac auferret eis thesauros: & hoc signatur, cum dicitur in litera: Veruntamen, quia humiliati sunt, auersa est ab eis ira domini: & sic ista seruitus licet comminata fuerit, nunquam fuit executioni tradita, quia temperata est sententia, & iste modus loquendi verisimilior est, quam præcedens.

An Sefac tulerit thesauros. Quæst. XII.

QUÆRITVR vltèrius, cum dicatur hic, quod Sefac tulit thesauros domus Domini, & domus regis, quomodo hoc verum fuerit. Circa thesauros regis dicit aliquis, quod nunc fuerint non portati per regem Sefac, quia postea dedit thesauros istos Asa nepos Roboam Benadad regi Syriæ, vt patet. 3. Reg. 15. & infra 16. & tamen si nunc fuissent portati per Sefac, non potuissent postea dari per Asa regi Syriæ. Respondendum est, quod nunc Sefac portauit thesauros, qui erant in palatio regis in Aegyptum: & tamen postea potuit Asa dare thesauros, qui erant in domo regis. Quia quilibet rex congregabat aliquos thesauros: & nunc Roboam habebat thesauros, quos congregauerat Salomon, & illos trāstulit in Aegyptum ipse Sefac. Postea autem Roboam congregauit thesauros tempore suo: etiam congregauit Abia filius eius, & Asa nepos suus congregauit etiam usque ad tempus, quo fuit bellum inter Asa regem Iuda, & Baasa regem Israel. Nam tunc Asa dedit omnes thesauros domus regis ipsi Benadad regi Syriæ, vt cogeret recedere Baasa ab eo. Aliter potest dici, quod licet dicatur, quod abstulit thesauros domus regis: tamen aliquam partem eorum reliquit, & illam partem dedit nunc Asa ipsi Benadad. Et si obijciatur, quia dicitur hic in litera, quod Sefac omnia secum tulit. Dicendum, quod omnis & alij termini distributiuui, non ponuntur in scriptura in viribus distributiuorum: sed ponuntur per multis: & sic omnia secum tulit, idest, magnam partem, & adhuc residuum fuit aliquid, quod postea Asa potuerit dare Benadad regi Syriæ, & ista est veritas, vt patet. 3. Reg. 15. f. Tollens itaq; Asa omne aurum, & argentum, quod remanserat in thesauris domus Domini, & thesauris domus, regiamisit ad Benadad. Verum est etiam, quod supra dicebatur, quod licet tempore vnus regis auferrentur omnia, quæ erant in thesauris regis alius rex congregabat thesaurum, & poterat dari ille thesaurus. Nam multi reges fuerunt, de quibus dicitur, quod dederunt omne aurum, & argentum, quod erat in thesauris domus regis, vt pater de Ezech. 4. Reg. 18. Patet etiam de rege Ioachim 4. Regum 24. Idem de rege Achaz eod. lib. 16. capit. & infra 28. hoc autem non erat possibile, nisi quia sæpe congregabatur thesaurus in domo regis, & sæpe poterat dari, vel auferri totus thesaurus, qui ibi erat.

Quomodo

Quomodo Sefac potuit auferre thesauros illos.

Quest. XIII.

QVAERITVR ulterius, circa thesauros domus domini, quomodo potest stare, quod Sefac potuit auferre thesauros illos. Nam si abstulisset illos, non mansissent aliqua vasa aurea, nec argentea in templo domini ad ministrandum, & tamen falsum est: quia semper duravit ministratio in domo domini. Respondendum, quod saepe dicitur de thesauris domus domini, quod ablatis sunt. Nam quodcumque aliquis rex dabat thesaurum suum, dabat etiam thesauros domus domini. Nam de Asa dicitur, quod dedit regi Benadab omne aurum, & argentum, quod erat in thesauris domus domini. 3. Regum 15. Idem dicitur de Ezechia. 4. Regum 18. & de Achaz. 4. Regum 16. etiam tempore regis Ioachim factum est sic, eodem lib. 24. capitu. Aliquis ergo dicet, quod fiebat de thesauris domus domini, sicut de thesauris regis, scilicet quod licet semel omnia, quae erant in thesauris domus domini darentur: postea rursum reges, & populus donabant multa ad usum templi, & efficiebantur noui thesauri, & illi poterant iterum dari, & sic continuè fiebant. Dicendum tamen, quod hoc non stat: quia hoc modo thesaurus, qui primò in templo reconditus est, non mansisset nisi tempore regis Roboam, & ille erat thesaurus, quem Salomon consistit. Nam ipse fecit omnia vasa aurea, argentea, & aenea in domo domini. & tamen falsum est, quia vasa aurea, & argentea, quae fecit Salomò, manserunt in templo toto tempore regum Iuda usque ad desolationem Ierusalem. Nam tunc Nabuchodonosor abstulit omnia illa in Babylonem. 4. Regum 24. ergo non fuerunt sublatis thesauri domus domini per Sefac, nec per alios reges: sed aliquis dicet, quod Sefac tulit thesauros domus domini, tamen non abstulit omnes, ideo mansit quaedam particula eius, & de illa potuit postea dari tempore aliorum regum. Sed dicendum, quod non stat, quia tempore Ioachim regis, quando venit Nabuchodonosor in Ierusalem, adhuc erant in templo omnia vasa aurea, & argentea, quae fecerat Salomon, quia. 4. Regum 24. dicitur, quod Nabuchodonosor tulit omnia vasa aurea, quae fecerat Salomon: ergo nulla abstulerat Sefac, nec alij reges, & tamen de multis dicitur, quod dati fuerunt eis omnes thesauri, qui erant in domo domini. Aliqui dicunt, quod Sefac tulit omnia vasa argentea, quae erant in domo domini, & tamen nullum tulit de aureis. Sed dicendum, quod istud est ridiculum, quia Sefac abstinuit à vasis domini propter reuerentiam ministerij domini. Nam dixerat Semoias, quod quia humiliati fuerant Iudaei, non stillaret super eos furor domini per manum Sefac: sed daret eis paululum auxilij, & non disperderet eos: ut patet hic in littera. Non solum ergo abstineret à vasis aureis, sed etiam ab argenteis, quia utraque pertinebant ad ministrationem domus domini. Item est magnum ridiculum hoc: quia si Sefac neglecta religione, & Deo motus cupiditate acciperet vasa aurea, quia erant maioris valoris: vel utraque potius acciperet, quia erant maioris ponderis, & valoris, & tamen constat, quod non accepit aliquos de vasis aureis: quia 4. Regum 24. dicitur, quod Nabuchodonosor abstulit de templo domini omnia vasa aurea, quae fecerat Salomon: ergo nec etiam abstulit aliqua argentea. Dicendum ergo, quod istud procedit ex æquiuocatione nominis. Nam in templo domini erat multum aurum, & argentum, & erat dupliciter. Quia quoddam erat redactum in vasa ad ministrandum, & aliud erat in massa: illud aurum, & argentum, quod erat in vasis vocabatur vasa, & non thesaurus: aurum autem, & argentum, quod erat in massa non redactum in vasa vocabatur thesau-

Arus. Et ratio huius est: quia thesaurus propriè vocabatur repositio auri, scilicet ubi aurum, & argentum reponitur ad custodiam, & non ad usum. Et quia aurum, & argentum domus domini quandiu manebat in massa non erat ad usum aliquem, sed solum conseruabatur: vocabatur thesaurus domus domini. Vasa autem erant ad ministrandum in cultu domini: ideo non vocabantur thesaurus. Et sic dicendum, quod Sefac quando stetit in Ierusalem, tulit omne aurum, & argentum, quod erat in domo regis, & omne aurum, & argentum, quod erat in thesauris domus domini, & tamen non tulit aliqua vasa, & istud fecit ex reuerentia quadam Dei. Nam in vasis illis ministrabatur Deo, & noluit eum tantum offendere illa vasa accipiendo: sed accipiendo aurum, & argentum, quod erat in massa, in domo domini non putauit se offendere Deum sic, quia non proficiebat ad aliquam ministrationem suam. Factum est autem hoc principaliter, quia Deus mouit cor ipsius Sefac, ut non acciperet thesauros, qui erant vasa, ut non deficerent pro diuina ministratione, sed omnia alia acciperet. Et isto modo stat conuenienter, quod dicitur, scilicet quod tempore multorum regum sublatis fuerant thesauri templi: quia erat aurum, & argentum in massa, quod cum auferretur semel, offerebant postea reges, & populus munera, & colligebatur aurum, & argentum, & ponebatur in thesauris domus domini, & illud inde postea auferebatur cogentibus necessitatibus regum; & rursus aliud colligebatur: & sic licet saepe auferretur thesaurus totus domus domini, semper adhuc manebat thesaurus. De vasis autem domus domini nihil ablatum est: ideo omnia vasa, quae Salomon fecit, & posuit in templo domini, manserunt semper ibi: nullusque regum illa inde abstulit usque ad Nabuchodonosor: qui illa portauit in Babylonem. 4. Reg. 24. & manserunt ibi quousque completis septuaginta annis captiuitatis Babylonice, Cyrus rex remisit illa in Ierusalem cum Esdra, & alijs Iudaeis redeuntibus: ut patet 1. Esdrae 1. Item pater ista distinctio supra data de thesauris, & vasis, ex eo quod habetur infra 36. c. scilicet vniuersa vasa domus domini, tam maiora, quam minora, & omnes thesauros regis, & principum, & omnes thesauros templi transfuit in Babylonem. Ecce, quod distinguuntur ibi vasa à thesauris: quia nomine thesaurorum non intelliguntur aliqua vasa, sed ponuntur expresse omnia vasa tam maiora, quam minora, & postea ponuntur thesauri, & de istis thesauris domus domini, qui erant in massa, verum est, quod nihil reliquerit nunc Sefac, quod non portauerit in Aegyptum. De thesauris autem domus regis, dicendum, quod erant omne aurum, & argentum, & lapides preciosi, & alia iocalia preciosa, quae congregauerat Salomon: quia nullus regum tempore suo, nec ante ipsum, nec post tam diues fuit: ut colligitur. 3. Reg. 3. sup. 1. c. & istum finem habuerunt thesauri Salomonis, scilicet quod portati fuerunt in Aegyptum, & remansit Roboam filius eius pauper, & postea omnes reges Iuda. Hoc enim est, quod conquerebatur Salomon de miseria conditionis humanae, scilicet quod ipse laborabat congregando diuitias, & nesciebat an ille cui relicturus esset, eas esset sapiens, vel stultus, qui eas disperderet: ut patet Eccl. 2. Accidit autem ei, quod cum esset virorum sapientissimus, propter suam nequitiam dedit ei Deus heredem insipientem, qui prius stultitia sua perdidit ferè totum regnum respondendo insipienter populo, sup. 10. & 3. Reg. 12. Postea verò iniquitate sua, quia ad Deum male se habuit, perdidit thesauros nimios, quae translati sunt in Aegyptum ad hostes suos. Verè nimium laborabat frustra Salomon congregando thesauros nimia sollicitudine, & licet ipse hoc dixerit speculatione verissima, peruertente tamen animum passione illud non benè considerauit.

Quomodo se habuit postquam subiecit Hebræos.
Quæst. XIIII.

*F*rorum, & tamen nihil de thesauris accepit: sed solum considerauit loca templi: vt ait Iosephus 14. Antiq.

An peccauit Sefac tollendo thesauros regios.
Quæst. XV.

QVAERITVR vterius, quomodo Sefac rex Aegypti cum subiecisset sibi omnes Hebræos non occidit eos, vel saltem non rapuit omnia, quæ erant in thesauris terræ ipsorum, & tamen non fecit: nam non legitur accepisse nisi thesauros domus regiae, & domus domini: & tamen mirum est quomodo non acceperit vasa aurea domus domini, quæ erant magni valoris, & magni ponderis. Respondet aliquis, quod Sefac non accepit aliquid aliud in toto regno Iuda: nec occidit quemquam de Israelitis: quia ciuitates tradite fuerunt ei sine bello data fide, & pactis interpositis, & in illis pactis exprimeretur, quod neminem occideret nec prædaretur, & sic fecit. Dicendum, quod hoc non stat: Primo, quia non est verisimile, quod Sefac talia pacta interponeret cum Iudæis: quia tunc aduentus suus in terram Iuda nihil proficeret, & cogeretur expendere de suis toto tempore quo maneret in terra illa habens tantum exercitum. Secundo patet: quia dato quod conueniret Sefac talia cum Hebræis, non seruaret ea. Nam sic etiam dedit fidem, & pacta interposuit cum Roboam, vt aperirentur sibi portæ Ierusalem, & tamen cum ingressus est violauit fidem datam: vt ait Herodotus Licarnasæus, & Ioseph. 8. Antiqui. Ita ergo violaret pacta conuenta cum alijs ciuitatibus, & occideret aliquos, & diriperet thesauros, & omnia quæ possidebāt. Respondendum, quod Sefac cum ascendit in terram Iuda, intendebat prædari omnia, quæ inueniret: vt inde ditaretur ipse, & distribueret tanto exercitui quem secum tulerat, & fortè intendebat occidere Iudæos propter aliquam hostilitatem, quæ interciderat, vel saltem intendebat occidere illos, qui sibi repugnarent ne caperet vrbes, & Deus mouebat eum ad delendum Israelitas. Quia tamen postea humiliati sunt, mutauit Deus sententiam, vt non deleter eos: sed solum, vt premerentur quadam seruitute: & sicut mutauit Deus sententiam comminatoriam, ita mutauit animum Sefac, vt iam non desideraret occidere aliquos Israelitas, sed miseretur eorum cum videret eos miseros, scilicet quia sine bello tribuebant. Etiam cum potuisset Sefac accipere Iudæos in tributarios cum dimitteret eis vitam: noluit tamen, quia clementior illis fuit, & hoc non erat nisi quantum Deus animum eius mouebat. Nam desideria nostra sunt in manu Dei, & mouebit nos ad desiderandum, quodcumque; voluerit: iuxta illud Prou. 21. c. f. Sicut diuisiones aquarum, ita cor regis in manu domini, & quocumque voluerit vertet illud. De præda autem dicendum, quod satis est verisimile, quod aliquid prædaret in singulis vrbibus quas acciperet: quia ista est lex bellica, vel quod permetteret habitatores egredi vrbes eum omnibus, quæ possidebant, & ipse retineret sibi vrbes ad ponendum ibi alios incolas: & tamen non retinuit sibi vrbes, quia recessit de terra Iuda permittens in ea Iudæos. Ideo acciperet prædam de vrbibus: quia aliàs esset præda inutilis, & tamen scriptura nihil posuit de eis, quæ accepit Sefac de alijs vrbibus: sed solum illa, quæ accepit de Ierusalem: quia ista erant maiora. Cum autem quæritur, cum vasa aurea, & argentea templi essent tanti valoris, & ponderis quomodo non accepit aliqua Sefac cum esset in potestate sua illa accipere. Dicendum, quod hoc fuit: quia Deus mouit cor suum ad non accipiendum in reuerentiam Dei Israel. Nam sicut mouit eum ad non occidendum aliquem de Israelitis, cum tamen concepisset iustam iram contra eos: ita mouit ad non concupiscendum vasa ministrationis diuinæ: sic etiam fuit de Pompeio Magno, qui tenens hostiliter urbem Ierusalem introiuit in templum, & in Sancta Sanctorum, & in loca thesau-

QVAERITVR vterius, an peccauit Sefac tollendo thesauros domus regiae. Respondendum, quod non apparet veritas clare: eo quod non constat de causa belli an iusta esset, & de pactis conuentis: nam si Sefac iustam causam bellandi haberet contra Roboam regem Iuda, licita erant sibi omnia contra eum vsque; ad satisfactionem damnorum datorum, vel illatarum iniuriarum, & potissimè cum Sefac nullum occideret de Iudæis inscius: poterat satisfactionem capere in pecunia. Et quia rex peccauerat, & contra ipsum esset directius iusta causa pugnandi quam contra alios, eo quod propter ipsum esset causa pugnandi, poterat potius accipere satisfactionem de thesauris regis quam de bonis subditorum. Si autem causa pugnandi non erat iusta, sed solum motus fuerat Sefac ad pugnandum desiderio rapiendi diuitias, non poterat iuste aliquid prædari: imò quidquid hostiliter ageret peccaret, & iniuriam inferret Iudæis in hoc. Sed adhuc dato, quod foueret iustum bellum, de quo dubium est poterat peccare Sefac accipiendo thesauros regis dupliciter. Primo si accipiebat vltra satisfactionem damnorum, & iniuriarum: nam iustum bellum est ad repetitionem satisfactionis damnorum, & iniuriarum. Expleta autem satisfactione non manet vlla causa pugnandi, & quidquid sequitur tale habetur ac si esset bellum sine causa, & tamen bellum sine causa iniustum est. Ergo quidquid sit in bello vltra satisfactionem iniuriarum, & damnorum iniustum est. Et sic si acciperet Sefac de thesauris regis vltra satisfactionem ei debitam pro damnis, & iniurijs peccaret. Secundum erat si contra fidem datam, & pacta interposita ageret. Nam licet contra hostem existente bello iusto, licet malum quodcumque; agi, quod excogitari possit, & iustum reputatur. Tamen veritas, & fides ei data, & pacta conuenta seruanda sunt. Et ratio huius est: quia si fides interposita non seruetur, tolletur omnis communicatio, & tamen inter hostes communicatio haberi debet, vt tractetur de pace, vel bello: ablata tamen fide impossibilis est communicatio. Ideo etiam hostibus seruanda est. Item hoc patet magis: quia cum aliqui sint hostes inter se quilibet debet ab altero expectare, quod est de conditione hostis, scilicet quod mala ei inferat. Ideo quæcumque; mala vnus alteri intulerit, non infert tanquam incauto, & insperato, quod hoc ab hoste debet expectare, & in omnibus illis debet hostis esse suspectus de hoste, in quibus inter eos securitas non datur. Cum autem interponitur fides, vel securitas inter eos quantum ad aliquid illud seruandum est: quia iam quantum ad illud non sunt hostes. Etiam quia si data fide super aliquo hostis frangeret illam, esset securus alius hostis quantum ad illud, & in hoc inferretur ei malum tanquam incauto, & insperato, quod iniustum est, & tamen in hoc dicunt peccasse Sefac. Nam pacta interuenerunt inter Sefac et Roboam, ad hoc quod Sefac reciperetur in Ierusalem, & tamen dicit Herodotus Alicarnasæus, et Iosephus 8. Antiqui. quod mox vt receptus est in vrbe, fidem datam violauit. Quidquid ergo raperet contra fidem datam, licet aliàs iustam causam rapiendi haberet, iniustum esset, & sic teneri posset, quod Sefac peccauerit tollendo thesauros regis.

An peccauit Sefac tollens thesauros templi.

Quaest. XVI.

QVAERITVR vltterius, an peccauit Sefac accipiendo thesauros domus domini. Aliquis dicet, quod manifestum est, quod peccauerit. Nam peccauit accipiendo thesauros regis: ergo à fortiori peccaret accipiendo thesauros domini, qui sacri erant. Respondendum, quod si praesupponatur, quod peccauerit Sefac accipiendo thesauros regis, ex eo quod erat bellum iniustum, scilicet quia sine causa, vel quia ultra debitam satisfactionem, vel quia contra fidem datam agebatur, manifestum erat, quod peccaretur accipiendo thesauros domus domini: & tamen quia non constat hoc omnino, non praesupponitur, quod thesauri regis ablati fuerint iniuste. Tunc manebit dubium de thesauris domini. Dicunt tamen quidam, quod etiam si thesauri regis iuste ablati fuissent, tamen thesauri domini auferrentur. Primum, quia rex, & Israelita poterant peccare, ita ut contra eos iustum bellum fieret, & caperentur bona ipsorum in satisfactionem delicti: & tamen Deus, vel templum domini non poterat peccare, ita ut thesauri domini possent iuste auferri, & sic auferendo illos peccatum esset. Secundum patet, quia Deo debetur maxima reuerentia, ideo propter reuerentiam non liceret tangi aliquam de rebus pertinentibus ad cultum eius: ideo accipiendo thesauros peccatum erat. Tertium patet, quia ea, quae erant in templo domini erant sacra, cum applicata essent semel cultui diuino, & tamē sacra conueriti ad vsus prophanos peccatum est. Quartum patet, quia iudicatur nunc apud nos: nam dato, quod aliquis rex bellum iustum gerat contra alium, & liceat ei occidere, & praedari in terra illius: tamen non licet praedari res Ecclesiarum, & tenentur rapientes ad restitutionem, quia contra Ecclesias nunquam bellum geritur. Respondendum, quod si Sefac iniustum bellum foueret contra Roboam, & non dedisset ei fidem de non rapiendo thesauros domus domini, vel non esset iam satisfactum ei de iniuria, vel damno suscepto, propter quod erat bellum, quod iuste poterat Sefac rapere thesauros domus domini. Et ratio huius est, quia Sefac non tenebatur ad aliquid Deo Israel: nam non putabat Sefac Deum Israel esse Deum verum, sicut erat, nec eum tenebat ut Deum suum: sed sicut quemlibet alium de dijs Gentium, & ob hoc bona templi respectu hostis non erant bona privilegiata: quia non tenebatur ad honorem aliquem praestandum Deo Israel, sicut nec hosti. Ideo si rex aliquis iuste pugnat contra alium regem, non solum potest occupare bona talium Deorum quales erant dii Gentium, & quales reputabantur apud eos. Nam Deus vnus gentis non erat Deus alterius, & non tenebatur gens vna Deo alterius geris ad aliquid, sicut nec hostes hosti: Deus autem Israel Deus verus erat, cui omnes homines tenentur, & tamen sub ea ratione, qua colebatur ab Israelitis, non magis constabat eum Deum verum quam Deum Sidoniorum, Ammonitarum, Moabitarum, vel Deos aliarum Gentium: & ob hoc Deus non obligauerat alias gentes ad cultum suum, & obseruantiam legis suae, nisi Israelitas, quia illis solis innotuerat, & ostenderat esse Deum verum. Si autem omnibus gentibus voluisset se ostendere esse Deum verum, omnes gentes obligasset ad legem suam: reputabatur ergo Deus Israel apud Gentiles, sicut vnus de Gentilibus dijs, & non peccabant Gentiles, si non crederent Deum Israel esse verum Deum. Nam licet obligarentur omnes gentes credere aliquem esse vnū verum Deum: tamen non obligabantur credere istū esse Deum Israel potius quam Deum Ammonitarū. Ideo dato quod se haberent ita irreuerenter Gentiles ex-

A ca Deum Israel, sicut circa Deos Gentilium, non peccabant: dum tamen non constaret Deum Israel facere talia miracula, per quae manifestaretur ipsum esse Deum solum. Nunc autem secus est: quia omnes homines obligantur Christum credere esse verum Deum, & nullum alium. Ideo si quis erga eum irreuerenter se habuerit, peccat. cum omnes eum colere teneantur, cum ipse dixerit: Praedicate Euangelium omni creaturae, qui crediderit, & baptizatus fuerit saluus erit: qui autem non crediderit condemnabitur. Sed Deus Israelitarum in veteri testamento non iusserat se coli ab omnibus, nec praedicari legem suam per vniuersum, ita quod ab omnibus teneretur: & sic licet multi non seruarent legem, nec colerent eum, non peccarent: & sic erat de Sefac: quia licet non crederet Deum Israel esse verum Deum, nec haberet se ad eum reuerenter, non peccaret. Vnde poterat licite thesauros templi eius tollere, si bellum iustum gereret contra Roboam regem Iuda. Sed obijcietur, quod à rege Cēlesiriae missus est Heliodorus ad tollendum pecuniam de templo domini, sed apparuit ei equus habens terribilem alcesorem, qui priores calces illisit Heliodoro, & duo alij iuuenes apparuerunt cum illo flagellantes Heliodorum, & non permiserunt eum tollere quidquam de templo: sed potius seminiuum reliquerunt. 2. Mach. 3. c. Peccauit ergo ille volens accipere thesauros, qui erant in templo: à fortiori autem peccaret Sefac accipiens thesauros templi domini: quia illi thesauri, quos rapere volebat Heliodorus non erant sacri, nec pertinentes ad templum: sed erant ibi positi à priuatis personis, ut securius custodirentur: ut patet 2. Mach. 3. Isti autem thesauri, quos rapuit Sefac, pertinebant ad templum, & magis peccaret iste, quia tollebat rem ad Deum magis pertinentem. Dicendum, quod Heliodorus peccauit tollere pecunias, quae erant in templo, etiam si non essent sacrae. Et de Sefac non constat, an peccaret. Ratio differentiae est, quia Heliodorus non habebat aliquam causam accipiendo pecuniam, quae erat in templo, nec rex Cēlesiriae habebat aliquam causam iubendi, ut sumeretur. Ideo licet esset pecunia priuatorum peccaret, quia etiam si non esset in templo, sed in loco quocumque prophano: dum tamen non haberet aliquam causam tollendi illam rex, & tolleretur, vel tolli iuberetur, peccaret. Secus de Sefac, quia ille poterat fouere iustum bellum contra Roboam, & tunc vsque ad plenam satisfactionem de damnis, & iniurijs poterat accipere de quibuscumque bonis reperijs in regno eius vbicunq; illa essent, & non referebat, quod in templo, vel alibi essent: dum tamen non constaret illud templum esse veri Dei. Quod non constabat apud Sefac de Deo Israel: sed putabatur, ut vnus alius de dijs Gentium. Ad primam rationem in contrarium dicendum, quod licet templum domini non posset peccare, nec Deus Israel: tamen poterat Sefac suscipere de templo eius quaecumque bona vsque ad plenam satisfactionem suam si bellum iustum foueret. Nam quicunque aliquis rex iustum bellum fouet contra alterum: etiam si solus rex peccauerit, potest satisfactionem recipere de bonis subditorum illius, & de quibuscumque bonis existentibus in regno suo. Nam ex eo, quod sunt in regno, pertinere videntur ad eum, & quantum ad hoc bona sua sunt. Bona etiam templorum, licet sint ipsius Dei, siue secundum Gentiles erant ipsorum Deorum: tamen pertinebant ad regem, & regnicolas in quantum erant in terra sua, & non erant ad vsum aliarum gentium nisi illius, & quantum ad hoc illa etiam bona poterant tolli, nisi propter reuerentiam eius, cuius erat templum cessare deberet: quod non erat in proposito, quia non tenebatur Sefac ad aliquid Deo Israel: quia non cognoscebat Deum Israel esse verum Deum, nec

nec tenebat eum, ut Deum suum. Ad secundum cum arguitur de reuerentia, responsum est supra, scilicet quod non tenebatur Sefac ad aliquam reuerentiam Deo Israel: eo quod Deus Israel in veteri testamento non se ostendebat omnibus gentibus, ut Deum verum, nec se predicari faciebat, ut talem, nec dicebat legem suam ab omnibus gentibus obseruandam: unde nulla gens preter Hebraeos obligabatur credere Deum Israel, ut Deum verum, nec reuereri ei sic: ideo, licet non reuererentur non peccabant, sicut si non reuererentur alicui de dijs gentium: nisi forte per manifesta miracula constitisset alicui, quod Deus Israel erat Deus verus, & ipse solus erat verus Deus, sicut cognoscebant interdum aliqui Gentiles, & confitebantur: ut patet de Raab Ierichonina, Ios. 2. & de Naaman Syro leproso. 4. Regum 5. & de Achior Ammonita. Iudith 5. & sic de multis alijs. Sed istud non erat cognitum omnibus: ideo poterant multi Gentiles habere se irreuerenter ad Deum Israel, & quod non peccarent. Ad tertium dicendum, quod quaecumque sunt in templo alicuius idoli, sunt consecrata illi idolo, & quae sunt in templo Dei sunt consecrata Deo. Consecratio tamen non fortitur vigorem, nisi ex illo, cui facta est, & si ille cui facta est non est verus Deus, consecratio ipsa nullius momenti est. Sic enim arguit Apostolus prima ad Cor. 8. probans, quod liceat comedere de idolotithis, id est de consecratis idolo, dum tamen non sit infirma mens comedentis, & ait, idolum nihil est, id est nullius momenti est sicut putatur: quia putatur Deus, & non est: & sic consecratio facta illi nihil est. Licet ergo comederet quis de consecratis idolo, nullam offensionem incurrebat, ita quod quis acciperet res consecratas idolo conuertendo eas in usus prophanos ex ea parte, qua erant consecratae nihil oberat, nec committebatur aliqua irreuerentia. Ita autem existimabatur de Deo Israel apud plurimos Gentilium: quia non putabatur, ut vnicus verus Deus: sed ut vnus alius de dijs Gentium. Et sicut consecrationes factae alijs dijs Gentilium non erant efficaces ad hoc, quod non liceret conuerti res illis consecratas in usus prophanos: ita consecratio facta Deo Israel respectu Gentilium non reputabatur tantae efficacitae, quin rem ei consecratam liceret conuerti in quoscunque usus. Ad quartam rationem dicendum, quod non est nunc sic de bonis Ecclesiarum, sicut erat quondam de bonis, quae erant in templo Dei Israel: nam nunc, aut pugnant Christiani contra Christianos, aut infideles contra Christianos. Sed primo modo non licet praedari aliquid de bonis Ecclesiarum: quia licet sint verè hostes quidam Christiani aliorum, & habeant iustam causam pugnandi contra eos. Tamen sciunt, quod apud omnes ipsos Ecclesiae sunt consecratae nomini Christi, quem omnes credunt verum Deum, & sciunt bona Ecclesiarum esse bona Dei quantum ad proprietatem, & nullius mortalium quantum ad dominium, & proprietatem. Si ergo acciperent bona Ecclesiarum, sciunt se offendere Deum suum, cuius templa violant, & cuius bona usurpant: quantumcumque ergo iustum bellum foveant Christiani contra Christianos, nunquam licet tolli bona Ecclesiarum. Si autem pugnant infideles contra Christianos: etiam si foveant bellum iustum, non licet eis, ut auferant bona Ecclesiarum. Nam licebit eis auferre bona Christianorum pro bello iusto, & tamen non bona Ecclesiarum: quia sunt bona Christi, qui est verus Deus. Et si dicas, quod fideles hoc nesciunt: dicendum quod licet ignorent, ista ignorantia eis non prodest: quia obligantur omnes homines cognoscere Christum, ut verum Deum: cum ipse iusserit predicari Euangelium omni creaturae, & baptizari omnes. Matth. 28. Ignorantia autem eius, quod quis obligatur scire, non excusat: ut patet 3. Ethic. ubi

ponitur, quod quaedam ignorantia non prodest, alia autem sic. Secus autem erat in veteri testamento, quia Deus Israel, licet esset verus Deus, tamen apud Gentiles non reputabatur verus Deus, nec obligabantur eum reputare talem, quia ipse non iusserat legem suam predicari omnibus gentibus, sicut legem Dei veri, nec voluit se manifestare, nisi Israelitis. Ideo aliae gentes non obligabantur eum credere Deum verum, & sic etiam si non reuerentur ei, ut Deo, vero non peccarent: dum tamen non constaret eis alias per miracula illum solum esse verum Deum. Unde potuit esse, quod Sefac non peccauerit accipiendo illos thesauros domus Domini.

Cur Sefac mortuus non est introeundo in sanctuarium.
Quaest. XVII.

QVAERITUR ulterius, an peccauerit Sefac introeundo in sanctuarium ad accipiendum thesauros domus domini, & quomodo non mortuus est. Nam quandocumque ingrediebantur laici ad loca in quibus soli sacerdotes, & leuitae ministrabant, vel tangebant vasa, aut res sacras, moriebantur, & si leuitae tangerent res pertinentes ad sacerdotes, scilicet videntes vasa sacra nuda, vel tangentes ea, moriebantur Numeri 1. & 3. & 4. Si autem sacerdotes minores introirent in Sancta Sanctorum quandiu manebat ibi arca moriebantur: quia ad solum sacerdotem magnum pertinebat illuc introire: Leuit. 6. & ad Hebraeos 9. & si sacerdos magnus introiret in Sancta Sanctorum nisi semel in anno, moreretur Leuit. 16. Ita ergo nunc cum Sefac esset Gentilis, & laicus, non liceret ei introire ad locum thesaurorum domini, & moreretur cum intraret. Aliquis dicet, quod non erat necesse, quod moreretur introeundo: nam si introiret in Sancta Sanctorum, moreretur: & tamen non introiuit in Sancta Sanctorum, vel saltem non est necesse, quod dicamus illuc introiuisse. Nam thesauri nulli erant in Sancta Sanctorum, sed solum arca foederis, & Cherubim de lignis oliuarum, ut colligitur 3. Regum 8. & supra 3. & 5. cap. Sed dicitur, quod dato quod non introiret in Sancta Sanctorum, moreretur. Nam introeundo in primam partem templi, ubi erant vasa sacra, scilicet candelabra, & mensa propositio- nis, & altare thymianatis, eo quod introeundo illuc videret vasa sacra nuda, & quicumque videret illa, si non esset sacerdos, etiam si leuita esset, moreretur: ut patet Num. 4. Ideo Deus iubebat, quod nunquam illa viderent leuitae nuda cum portanda essent, sed prius inuoluerent illa sacerdotes, & sic traderent leuitis portanda. Cum ergo illuc intraret Sefac ad tollendum thesauros domus domini, moreretur. Sed dicitur, quod non oportebat, quod intraret illuc Sefac: quia non portauit Sefac aliqua de vasis templi, sed solos thesauros, scilicet aurum, & argentum, quod erat in massa: ut declaratum est supra in quadam quaestione. Et tamen thesauri isti non erant intra templum, sed in Exedris in circuitu templi. **K** Intra templum autem erant vasa sacra, de quibus nihil tulit Sefac, ideo non oportuit, quod intraret in templum, ubi erat periculum mortis. Sed adhuc dicitur, quod dato quod non introiret in templum, moreretur cum introiret in Exedras thesaurorum, quia ad illum locum non licebat alicui laico introire: quia in istis Exedris solum licebat manere leuitis custodibus thesaurorum, & tamen Sefac erat laicus. Item (quod maius est) non solum non licebat isti Sefac introire ad loca leuitarum, sed etiam non licebat introire ad loca laicorum, quia Gentilis erat, & Gentiles non intrabant in atrium, in quo orabant Israelitae laici: quod patet, quia poena mortis erat, si quis introduceret aliquem Gentilem in templum, ut colligitur Act. 21. & increpat Deus valde Israelitas, quod

quod introducerent illuc Gentiles, dicens Ezechiae 44. Sufficiant vobis scelera vestra domus Israel, eo quod introducit filios alienos incircuncisos corde, & incircuncisos carne, ut sint in domo mea, & polluant sanctuarium meum. Et non solum intelligitur hoc de partibus secretis, ad quas introibant sacerdotes: sed et de illis locis patentibus, ad quas introibant laici. Nam beatus Paulus non erat sacerdos, nec leuita, cum esset de tribu Benjamin. ad Gal. primo c. & introibat ipse in sanctuarium ad purificandum se secundum ritum Iudeorum, & cum putaretur introduxisse secum duos viros Gentiles, accusatus est, & facta est seditio: nam volebant eum lapidare. Act. 21. Et tamen manifestum est, quod non introiisset in aliquem locum secretum pertinentem ad solos sacerdotes, vel leuitas: quia tunc ipse etiam accusaretur ad mortem, vel occisus fuisset a domino, & tamen solum accusabatur, quod introduxisset Gentiles in templum: ergo illicitum erat intrare Gentilibus ad loca illa, ad qua intrabant laici Israelitae. Sed Sefac erat Gentilis Aegyptius: ergo non licebat ei intrare ad aliquam partem templi, alioquin moreretur. Respondendum, quod non apparet ad qua loca templi introiuit Sefac, & tamen dato quod introiret ad loca multum secreta, vel etiam in Sancta Sanctorum, non peccaret, nec puniretur. Et patet, quia duo erant loca illicita laicis in templo principaliter, scilicet Sancta Sanctorum, ubi non intrabat nisi sacerdos magnus. Et prima pars templi, ad quam non intrabant nisi sacerdotes minores, ubi erant vasa, & ad ista duo loca ingressi fuerunt Gentiles impune: de prima parte templi, ubi erant vasa sacra patet, quod illuc ingressus fuerit Nabuchodonosor, vel viri sui: quia abstulit inde omnia vasa aurea, & argentea, quae fecerat Salomon, & erant in templo domini. infra 36. & 4. Regum 24. Et ista vasa erant in prima parte templi, ut declaratum est supra 4. c. Et tamen non mortuus est Nabuchodonosor propter hoc, nec quisquam de suis. De ingressu in Sancta Sanctorum patet, quia Pompeius Magnus, quando superatis sacerdotibus, & alijs Iudeis cepit templum, introiuit in Sancta Sanctorum, & in alia loca inaudibilia templi: ut ait Iosephus 8. Antiq. Et tamen ex hoc nihil laesus est. Sic etiam erat circa alias ceremonias similes, quia praearicatio earum in Iudeis induceret mortem, & in Gentibus nihil mali afferebat. Sic patet de arca domini. Nam non licebat eam portare, nec tangere nisi leuitis, & si conarentur laici accedere ad eam, vel ad aliqua vasa ministerij, morerentur, ut colligitur Num. 1. & 18. & tamen Philistini portauerunt arcam de terra Israel in terram suam. 1. Reg. 5. & posuerunt eam in templis idolorum, & postea reducerunt eam ad terram Israel ipsimet, & tamen non laedebantur, portando eam. Et si obijcias, quod percutiebantur Philistini plaga magna. 1. Regum 5. & 6. Dicendum, quod non erat illa percussio, quia portabant, vel tangebant eam: quia quando Philistini eam tulerunt in terram suam, vel postea reducerunt in terram Israel, non legitur quisquam percussus, sed percutiebantur quando eam detinebant in terra sua, ut reducerent ipsam ad terram Israel. Et hoc patet, quia ex die illa, qua diuini, & sacerdotes Philistinorum diffinierunt preferendam esse arcam in terram Israel, & obtulerunt ei munera, scilicet mures aureos, & anos aureos: non legitur quisquam percussus. 1. Regum 6. c. Et ita erat circa omnia alia ceremonialia a Deo instituta in lege, siue concernerent reuerentiam de non tangendo vasa, vel non introcundo in loca sanctuarij, siue concernerent puritatem ipsorum viventium sub lege. Nam Iudaei si ista praearicarentur, occidebantur. Gentiles autem omnia praearicantes nihil mali patiebantur. Et ratio huius est, quia istae ceremoniae non obligabant ad obser-

uationem suam secundum naturam, sed solum ex lege data: ideo solum obligabantur illi, qui tenebant legem illam, vel quibus data erat, & tamen non erat data lex nisi Iudeis. Gentiles autem non tenebant eam, ideo non obligabantur ad aliquam caeremoniarum istarum, & dato quod praearicarentur illas non peccabant, & sic Sefac ad quemcunque locum introiret non peccaret. Sed obijcietur, quod non liceret Gentilibus introire ad loca sancta templi, & quod punirentur illuc introeuntes: patet de Heliodoro, qui ausus est intrare ad tolledum pecunias de templo, qui cum illuc introiret, percussus est a Deo, & apparuit ascensor super equum terribilem, qui ei priores calces elisit, & duo iuvenes flagellantes ipsum. 2. Mach. 3. c. Et tamen iste Heliodorus erat Gentilis missus a rege Celsyriae ad tollendum pecunias illas. Dicendum, quod Heliodorus non fuit a Deo percussus, quia introiuit, vel introire volebat in locum sacrum: sed quia tollere volebat inde pecuniam. Tollere autem pecuniam non debitam est contra ius naturale, ideo non puniebatur tunc Heliodorus pro transgressione alicuius caeremoniae, vel ob ingressum loci sacri, sed quia delinquebat circa ea, quae erant mala secundum iura naturalia. Interdum tamen Deus punit aliquos, qui valde in contemptum se habent circa ista, quae pertinebant ad cultum Dei. Sic fuit de Pompeio Magno, qui victis Iudeis introiuit in templum, & in Sancta Sanctorum, & cum vidisset omnia, quae pertinebant ad cultum Dei Israel contempsit illa, & licet tunc non punitus fuerit, postea tamen semper fuit infelix in omnibus, quae aggressus est usquequo mortuus est, & dicit Lucas Tuden. quod merito istius contemptus mala multa ei venerint, & sumit argumentum, quia ante hoc fuit felicissimus, postea vero in magnas incidit calamitates.

An Sefac abstulerit etiam lanceas.

Quaest. XVIII.

QVAERITVR ulterius, cum haberet Salomon lanceas ducentas de auro, sicut tulit Sefac scuta aurea, cur non abstulit lanceas aureas: nam preciosiores duplo erant lanceae quam scuta, quia lancea quolibet tegebatur sexcentis siclis auri, & scutum quodlibet tegebatur trecentis siclis: ut patet supra 9. Respondendum, quod Sefac abstulit etiam lanceas, & tamen non fit hic mentio de lanceis, sicut de scutis. Nam certum est, quod Salomon habebat multa iocalia preciosissima, quae omnia filio eius Roboam manserunt, & illa tulit Sefac cum dicitur, quod tulit omnia, quae erant in thesauris regis, & tamen non fit mentio de illis nominatim, ita nec de lanceis fit mentio. Ratio huius est, quia ablatis scutis aureis loco eorum fecit Roboam alios aeneos, & utebatur eis ad illum finem, ad quem utebatur aureis, & ut tangatur de ista subrogatione scutorum aeneorum, tangitur hic, & 3. Regum 14. de scutis aureis, quod tulerit ea Sefac, & non tangitur de lanceis. Aliquis forte ducet, quod non fit mentio de lanceis aureis: quia illas non abstulit Sefac, & cum arguitur, quod abstulit omnes thesauros regis. Dicendum, quod abstulit omnes thesauros patentes, quosdam tamen occultauit Salomon, quos non potuit ferre Sefac. Nam Salomon ante mortem suam apud sepulchrum suum fecit octo loculos, quos auro, & lapidibus preciosis repleuit, & magicè actum est: ita ut non liceat cuilibet illos, vel inuenire, vel si inuenerit posse inde quidquam eripere, & in ijs maximam thesaurorum suorum partem Salomon recondidit. Fuit autem vnus loculorum istorum apertus tempore Ioannis Hyrcani filij Symonis Machabaei, qui se in angustia videns aperuit loculum,

lum, & inde immensam auri, & argenti massam protulit: alium autem aperuit Herodes Ascalonita, de quo ditatus est, & tamen cum alios aperire vellet, non valuit facto in se quodam terrore propter ea, quæ intus visa sunt: de quo Iosephus 13. & 16. Antiq. In istis autem loculis fortassis recondidit Salomon lanceas aureas, & sic non potuit illas secum ferre Sefac. Dicendum tamen, quod hoc non stat, quia in loculis illis recondita sunt illa, quæ solum pertinebant ad thesaurum, & non ad aliquem usum, & tamen lanceæ aureæ erant ad usum aliquem, scilicet ad ostentationem gloriæ regni, sicut & scuta aurea: sed scuta aurea non fuerunt recondita in loculis, quia illa tulit Sefac post mortem Salomonis: ergo etiam non absconderentur ibi lanceæ aureæ. Sed dicendum sicut supra, scilicet non fit mentio de lanceis, sicut de scutis: quia non subrogatum est aliquid loco lancearum, sicut subrogatum est loco scutorum.

Quare non subrogata sunt lanceæ aenea, sicut scuta.

Quæst. XIX.

QUÆRITUR ulterius, cum lanceæ factæ essent ad ostentationem gloriæ regni, quare non subrogatæ sunt lanceæ æneæ loco aurearum, sicut subrogata sunt scuta ænea loco aureorum. Pro quo sciendum, quod Roboam pauper effectus ablatis omnibus thesauris suis, non potuit alia scuta aurea, nec argentea facere, sed fecit de ære. Et hoc fuit, quia materia ænea poterat faciliter haberi ad faciendum ista scuta, & etiam multo plura, quia magna copia illius erat. Secundo, quia assimilabatur ista materia in colore ipsi auro, eo quod fortassis erat istud æs Corinthum, quod est preciosissimum æs: quia compositum est ex auro argento, & ære. Sic enim accidit fieri in vrbe Corinthi conflagentibus quibusdam templis, cum statuarum aurearum, argentearum, & ænearum cremarentur, omnia metalla in unum locum templi confluerent ibique mixtio quedam facta est, & vocatur species illa metalli æs: quia maxima pars de ære est, & vocatur æs Corinthum, quia talis commixtio in Corintho casu inuenta est: ut ait Paulus Orosius libro de Ormesta mundi. Et scuta facta de isto ære Corintho fulgerent aliquantulum sicut aurea, & imitaretur Roboam gloriam paternam, licet non exequaret. Dicendum autem, quod voluit Roboam subrogare scuta ænea loco scutorum aureorum. Nam videretur magna diminutio status sui, si hoc non faceret. Quia Salomon solitus erat, quod quodocunque egrederetur de palatio suo, & iret in aliquem locum, & maxime in templum, portarentur coram eo ista trecenta scuta. Roboam tenuit etiam hanc consuetudinem: ut patet 3. Regum 14. & supra in litera. Quod autem Roboam usque ad quintum annum regni sui tenuisset hanc consuetudinem, & postea ablatis scutis aureis nihil tale coram se ferret, videretur carere omni gloria sua. Ideo voluit utcumque imitari priorem gloriam, & fecit scuta ænea de ære Corintho: lanceas autem non instauravit: quia non videbantur pertinere ad istam ministracionem. Nam licet lanceæ essent ad ostentationem diuitiarum, & gloriæ Salomonis: tamen non portabatur simul cum scutis, quia tunc tot essent lanceæ quot scuta. Sed falsum est, quia lanceæ erant ducentæ, & scuta erant trecenta supra 9. c. Ideo dicendum, quod lanceæ erant ad alium usum minus necessarium, & sic non curavit Roboam subrogare lanceas æneas loco lancearum aurearum, sicut subrogavit scuta ænea pro scutis aureis.

F Quadraginta autem, & unius anni erat cum regnare cepisset: & decem & septem annis regnavit in Ierusalem, vrbe quam elegit dominus, ut confirmaret nomen suum ibi de cunctis tribubus Israel. Nomen autem matris eius Naama Ammanites. Fecitque malum, & non præparavit cor suum, ut quæreret dominum. Opera verò Roboam prima, & novissima scripta sunt in libris Semeiæ Prophetæ, & Addo videntis: & diligenter exposita. Pugnaveruntque adversum se Roboam & Ieroboam cunctis diebus. Et dormiuit Roboam cum patribus suis, sepultusque est in ciuitate David, & regnavit Abia filius eius pro eo.

H Quadraginta. Hic ponitur gestorum Roboam conclusio, & dicitur. Quadraginta autem, & unius anni erat cum regnare cepisset. Scilicet, Roboam erat iam prouectæ ætatis cum cepit regnare, quia erat annorum quadraginta unius. Sed de hoc quomodo stet, infra declarabitur in quæstione. Et decem & septem annis regnavit in Ierusalem. Dicitur regnasse in Ierusalem, quia ibi erat metropolis, & sedes regni: ipse tamen regnabat in toto Iuda, & Benjamin. Ex hoc patet, quod Roboam vixit solum quinquaginta & octo annis, scilicet quadraginta uno ante regnum, & decem & septem in regno. Vrbe quam elegit dominus, ut confirmaret nomen suum ibi de cunctis tribubus Israel. Id est vrbe, quam elegit dominus de cunctis tribubus Israel, ad confirmandum ibi nomen suum. Sic enim dixit Deus supra 6. quod a die, qua eduxit populum suum de Aegypto non elegit aliquam ciuitatem de cunctis tribubus Israel, sed elegit Ierusalem, ut sit nomen eius in ea, & dicitur ut confirmaret nomen suum ibi, id est ut edificaretur sibi templum ibi, in quo inuocaretur nomen suum. Et dicitur, ut confirmaret nomen suum, id est firmiter poneret. Nam in quibusdam alijs vrbibus posuerat nomen suum, scilicet in Silo prius, ubi fixum est tabernaculum a filiis Israel: Iosue 18. & postea in Nobe 1. Regum 21. & 22. & postea in Gabaon. 3. Regum 3. & supra 1. Nam in ijs vrbibus fuit tabernaculum domini, & inuocatum est nomen eius, & tamen in nulla earum firmiter inuocatum est nomen domini nisi in Ierusalem: quia in alijs vrbibus ponebatur tabernaculum cum intentione, ut maneret ad tempus ibi: ideo non edificatum fuit templum in aliqua illarum. In Ierusalem autem mansurum erat templum domini in æternum, & ob hoc inuocatum est nomen eius ibi firmiter, & templum ibi edificatum est. Nomenque matris eius Naama Ammanitis. Id est, mater sua erat de terra Ammonitarum, & forte erat filia regis Ammon: quia cum ipse esset rex potes tempore suo accipiebat in vxores multas filias regum vicinorum. Nam fuerunt ei septingentæ vxores quasi Regina. 3. Reg. 11. & licet filia Pharaonis esset vxor dilectissima Salomoni, non habuit filium ex ea: sed ex Naama Ammonitide. An verò peccauerit Salomon accipiendo tales vxores de Gentilitate, declaratum est 3. Regum 11. in quadam quæstione. Fecitque malum. Scilicet, colendo idola: nam malum, quod faciebant reges Iuda, & Israel idolatria erat, licet enim alia mala face-

facere non reputabatur aliud malum: nisi idolatria, quia in comparatione huius, cetera mala erant tolerabilia. Sed de hoc infra dicitur in quaestione. *Et non preparauit cor suum, ut quereretur dominum.* Scilicet, non se disposuit ad colendum dominum, sed magis inclinatus est ad idola, qui autem debet Deum colere, omnino debet idola fugere, sicut dixit Samuel Israelitis. 1. Reg. 7. c. si in toto corde vestro reuertimini ad dominum: auferite de medio vestri Deos alienos Baalim, & Astaroth, & preparate corda vestra, & seruite ei soli, & eruet vos de manu Philisthim. *Opera vero Roboam prima, & nouissima.* Expleta historia Roboam remittitur hic ad alios libros, in quibus habetur plenius ista historia Roboam, & dicitur opera prima, & nouissima, scilicet omnia gesta Roboam plenè habentur in libris, de quibus dicitur hic: quia ibi continentur prima, & nouissima gesta, & per hoc subintelligitur, quod habent omnia intermedia. *Scripta sunt in libris Semeia prophetae, & Addo videntis.* Iste Semeias propheta fuit contemporaneus Roboam, & tempore eius fuit famosior propheta inter omnes prophetas regni sui. Ipse enim fuit, qui denunciavit Roboam, & viris Iuda, ne pugnarent contra decem tribus Israel, reducere volentes eas in unitatem regni, sicut prius præcedenti cap. Ipse etiam venit ad Roboam, & principes Iuda congregatos in Ierusalem, quando Sefac inuaserat terram Iuda, & dixit eis, quod traderentur in manu Sefac: ut patet supra in litera. Iste etiam superuixit ipsi Roboam, & descripsit gesta temporis eius. Addo propheta fuit etiam contemporaneus Roboam, & descripsit gesta temporis eius. Sed non fuit tam famosus, sicut Semeias tempore Roboam. Ipse etiam fuit contemporaneus Salomoni, & scripsit illius historiam supra 9. Ipse quoque vidit multa contra Ieroboam regem Israel, quia Deus ei prænuñciauit mala, & scripsit librum de visione illa, & in illo libro interlenuit gesta Salomonis: ut patet supra 9. c. f. In visione quoque Addo videntis contra Ieroboam filium Nabath. Iste etiam Addo fuit posterior Semeia. Nam post mortem Semeia erat adhuc superstes Addo. Vnde licet mortuus esset Semeias scripsit historiam Abie ipse Addo: ut patet sequenti c. & non scripsit eam Semeias, nec aliquis alius propheta. De isto Addo putauerunt aliqui, quod esset ille propheta, qui venit de Iuda ad prænuñciandum mala Ieroboam regi Israel, & tamen falsum est, ut probatum est supra in quadam quaestione. *Et diligenter exposita.* Scilicet in libris istorum duorum prophetarum diligenter fuerunt scripta gesta Roboam non omittendo aliquod. Hic autem non fuerunt scripta cum tanta diligentia, quia sacra scriptura non describit cum tanta diligentia gesta regum, sicut scripserunt isti prophetae historiographi: quare autem scriptura sacra remittat ad libros istorum prophetarum, & quare non scripta fuerunt hic plenè illa gesta, ita ut non oporteret fieri remissionem aliquam, declaratum est supra 9. in fine in quibusdam quaestionibus. *Pugnaueruntque aduersum se Roboam, & Ieroboam cunctis diebus.* Erant isti hostes, quia Roboam videbatur perdidisse id, quod acquisierat Ieroboam, & ob hoc insurrexerunt inter eos perpetua bella, & in an in ijs peccauerint infra dicitur. *Et dormiuit Roboam cum patribus suis.* Scilicet, sopore mortis, qui est sopor eternus, quo cum quis semel dormit, nunquam euigilat usque ad diem iudicii. Et vocatur mors sopor per similitudinem, quia dormientes sicut & mortui nullam humanam operationem habent. Quia opera, quæ sunt in dormientibus sunt naturalia pertinentia ad vegetationem: sic testatur Aristoteles, dicens secundo de somno, & vigilia, quod sopor est quies virtutum animalium cum intentione naturalium. *Sepultusque est in ciuitate Dauid.* Vocatur castrum

montis Sion ciuitas Dauid: eo quod ipse cepit castrum illud de potestate Iebuseorum, quando factus est rex super totum Israel, & ad memoriam victorie, & gloriam nominis sui vocauit castrum illud ciuitatem Dauid. 2. Regum 5. & præcedenti lib. 11. c. In castro illo erant sepulchra regum: ideo dicuntur omnes reges Iuda sepulti in ciuitate Dauid. *Et regnauit Abia filius eius pro eo.* Iste Abia non erat primogenitus Roboam, sed fuit valde dilectus ab eo, quia erat filius Maacha, quam dilexit Roboam super omnes uxores suas, & concubinas, & propter amorem matris ille electus fuit ad constituendum eum in regem. Etiam fuit Abia prudentior super omnes fratres suos, & robustior corpore, & ex hoc aptior ad gubernandum regnum quam quilibet de fratribus. Ideo constituit eum Roboam in ducem super fratres suos cum adhuc viueret, & nominauit eum in regem sibi successorem, ut patet præ.

An verum sit, quod Roboam esset tot annorum, cum cepit regnare.

Quaest. XX.

QUÆRITVR circa id, quod dictum est hic, c. quod erat Roboam quadraginta unius annorum, cum regnare cepisset, quomodo potuit esse hoc. Nam videtur, quod non poterat Salomon habere filium tantæ ætatis, quando mortuus est: quod patet, quia quando Salomon mortuus est regnauit annis quadraginta, ut patet supra 9. & 3. Reg. 11. & filius suus erat annorum quadraginta unius, quando cepit regnare, ut patet hic: & 3. Reg. 14. ergo oportebat, quod Roboam gigneretur anno vno, antequam Salomon inciperet regnare, & tunc Salomon cepit uxorem postquam factus est Rex aliquanto tempore: ut patet 3. Reg. 3. c. confirmatum est regnum in manu Salomonis, & affinitate coniunctus est regi Pharaoni Aegypti. Non potuit ergo habere filium tantæ ætatis, quem gigneret antequam inciperet regnare, & tamen 3. Reg. 3. dicitur de filia regis Aegypti, quam tunc cepit in uxorem postquam regnare cepit Roboam, tamen non erat filia Pharaonis filius: sed Naama Ammanitidis: ut patet hic in litera, & 3. Reg. 24. & sic potuit accipere eam in uxorem postquam cepit regnare, & confirmatum est regnum eius. Sed obijciatur, quod Salomon acceperit prius in uxorem filiam Pharaonis quam aliquam aliam, quia non fit mentio de aliqua alia, quam acceperit Salomon in uxorem ante istam. Ideo licet Roboam fuerit filius alterius quam filia Pharaonis, illa fuit accepta in uxorem post filiam Pharaonis, & sic non posset moriente Salomone tantæ ætatis esse Roboam filius eius. Responderi potest dupliciter, vno modo quod Salomon acceperit filiam Pharaonis in uxorem in principio regni sui: cepit tamen regnare Salomon viuentem Dauid: quia vnctus est eo viuentem, & illud tempus, quo regnauit Salomon viuentem Dauid, non computatur in regno Salomonis, sed in regno Dauid. Mortuo autem Dauid cum cepit regnare Salomon per se, tunc acceperit in uxorem filiam Pharaonis in primo anno regni sui, & simul quasi acceperit in uxorem Naama Ammanitidem matrem Roboam, & illa peperit ante finem eiusdem anni Roboam, & tunc Salomon regnauit quasi quadraginta uno annis. Et tamen scriptura computat quadraginta solum, eo quod isti erant completi, & sequens erat incohatus, nec completus. In annis autem ætatis Roboam, quod computauerit scriptura annos tam completos quam incompletos, & sic computentur anni quadraginta unius. Potissimè, quia in coronatione Roboam potest dici, quod fuerit aliquanta difficultas, ut patet præcedenti cap. & 3. Reg. 12. & poterat dici secundum quod à multis creditur, quod inter-

intercidit aliquanta dilatio à morte Salomonis vsque ad coronationem Roboam, s. trium, vel quatuor mensium: & sic compleret annos quadraginta vnum Roboam vsque ad tempus coronationis suae: licet non compleret illos vsque ad mortem Salomonis. Ista autem circulatio, vt saluetur positio communis, s. q. filia Pharaonis fuerit prima vxor Salomonis, & q. Salomō non accepit aliquam vxorem antequam regnaret. Sed ista praesuppositio non est necessaria, quia non patet ex sacra scriptura. Secundò potest dici, q. Salomon cepit filiam Pharaonis in vxorem postquam cepit regnare, & quòd non fuerit filia Pharaonis prima vxor Salomonis, sed quòd accepit aliam vxorem, vel alias antequam regnare inciperet, viuente Dauid, & vna ista fuit Naama Ammanitis mater Roboam, & q. Roboam natus fuerit ante mortem Dauid, antequam Salomon regnare inciperet per vnum annum, & sic posset Roboam esse annorum quadraginta vnus in morte Salomonis, & ista est veritas. Nam et filia Pharaonis non fuit accepta in vxorem à Salomone mox vt factus est rex post mortem Dauid, sed confirmato iam regno suo: vt patet 3. Regum 3. & tamen ante confirmationem regni Israel in manu Salomonis fluxerunt anni tres, vel quasi: vt declaratum est eodem cap. in quadam quaestione: & sic fortè per quinque annos suscepta est Naama mater Roboam in vxorem à Salomone ante filiam Pharaonis. Sed obijciatur, quomodo fit mentio de filia Pharaonis, quòd illam accepit in vxorem. 3. Regum 3. ante omnes alias. Nam de nulla alia facta fuerat mentio. Sic etiam. 3. Regum 11. vbi agitur de multis vxoribus Salomonis, & concubinis, prius ponitur filia Pharaonis quàm aliqua alia. Item Can. 6. vbi fit mentio de vxoribus Salomonis, & concubinis, & adolescentulis ponitur vnica, quae vocatur electa, & columba quasi illa sit vnica vxor, vel prima omnium, & ista est filia Pharaonis, vt tenetur ab omnibus expositoribus. Respondendum, quòd filia Pharaonis non fuit prima vxor Salomonis tempore, sed prior fuit dignitate: quia Salomon tenuit eam semper in maiori statu quàm omnes alias vxores, & concubinas, & ob hoc fit mentio de ea tanquam de prima in dignitate. Et hoc patet, quia cum Salomon haberet multas vxores, vt patet tertio Regum vndecimo, & Can. 6. nulli earum fecit domum per se, nisi filiae Pharaonis, quam voluit habere vnam domum gloriosam, quae vocaretur domus filiae Pharaonis, vt patet tertio Regum septimo, & nono, & supra octauo capitulo. Sed tunc magis dubitabitur, & dicetur, quòd hoc factum est: quia non videtur alia causa, nisi quia ipsa fuerit accepta in vxorem ante alias, & ex hoc quasi ipsa sola fuerit vxor. Dicendum tamen, quòd non erat propter hoc, sed fortè quia ista erat ceteris pulchrior, & Salomon, qui erat valde vxorius affectus fuit ad eam potius quàm ad ceteras, & honorabat eam nimis ex hoc. Vel dicendum, quòd erat istud: quia ista filia Pharaonis erat maioris status, quàm omnes aliae vxores, quas acceperat Salomon, quia aliae non erat filiae regum, sicut ista: vel si aliquae earum filiae regum erant, patres earum erant reguli in comparatione ad patrem istius, qui erat rex Aegypti: & habebat regna latissima. Vel fortè, quia ista dotata fuit abundantius, quàm omnes aliae vxores Salomonis. Nam Pharaon rex Aegypti ascendens de terra sua pugnavit contra urbem Gazer, excussitque eam, & cepit: tradiditque in dotem filiae suae: tertio Regum nono.

Quare Roboam non preparauit cor suum ad dominum.

Quaest. XXI.

QVAERITVR vltèrius circa Roboam, cum dicitur hic, quòd non preparauit cor suum, vt sequeretur dominum, de quo tempore intelligitur istud, & cur factum est. Respondebit aliquis, quòd intelligitur de tempore paruo antequam veniret Sefac contra terram Israel. Nam Roboam, & viri Iuda secuti sunt dominum tribus annis in principio regni praecedenti cap. Et in anno quarto tradiderunt se idolatriae derelinquentes legem, & tunc in anno quinto iratus dominus misit Sefac regem Aegypti contra Iudaeos, & tunc ipsi humiliati sunt, & dominus placatus est: auersaque est ira eius. supra in litera: & sic tunc effecti sunt boni. Postea autem non legitur, quòd mali fuerint. Ideo credendum videtur esse hoc de illo tempore pauco, s. de quarto anno regni Roboam. Dicendum, quòd non intelligitur de illo tempore pauco, sed potius de tempore sequenti: postquam recessit Sefac de terra Iuda. Nam si solum fuisset Roboam malus, quando ascendit Sefac vno anno, & postea semper fuisset bonus, non diceret scriptura, quòd non preparauit cor suum, vt sequeretur dominum: quia sic mortuus fuisset in cultu Dei. Attendenda est laus, vel vituperium hominis à fine eius. Nam si quis dies suos laudabiliter in cultu Dei finierit, licet non vixerit semper sic à pueritia sua, laudatur tanquam iustus, & vocatur bonus absolute, vel sanctus: & si quis omnes dies suos in bono egerit, ad extremum autem in malo finiat, vocatur impius, & damnatus: & tamen dicitur hic de Roboam, quòd non direxit, vel preparauit cor suum, vt sequeretur dominum: ergo in malo finiuit: quia alias non vituperaretur hic post mortem vituperatione absoluta. Pro quo sciendum, quòd de viro bono potest post mortem aliquod malum, quòd fecit enarrari, & tamen non dicetur de eo absolute, quòd malum fecit: sed quòd tali tempore, & tali malum fecit, & quòd conuersus est ad dominum: ita q. non finiatur narratio in malo: & tamen quando de aliquo dicitur absolute, quòd malum fecit nihil aliud addendo, signum est, quòd in malo finiuit. Ideo absolute malus dicitur. Et non obstat, quòd Roboam, & Israelitae humiliati fuerint, quando venit Sefac: quia ista erat conditio Hebraeorum, s. q. quando affligerentur conuerterentur ad dominum: cum autem cessaret afflictio, cessabat conuersio, & iterum redibant ad idola, quae reliquerant. Multa autem mala facta sunt in Iuda tempore Roboam, s. edificauerunt sibi aras, statuas, & lucos super omnem collem excelsum, & subter arborem frondosam: effeminatos etiam, id est Sodomitas passim habuerunt in lupanaribus tanquam meretrices: vt patet 3. Regum 14. Ista mala fuerunt incohata quarto anno regni Roboam, & cessauerunt ad modicum veniente Sefac in terram Iuda: postea redierunt ad illa, & fortius quàm prius in terra inualuerunt: quia iam quasi impunè transibant. Et ista fuit causa quare tempore Abie filij Roboam, fuerunt etiam ista vitia, s. quia venerant in magnam consuetudinem in terram tempore patris sui Roboam. Cum autem quaeritur vnde prouenit hoc ipsi Roboam, s. quòd sequeretur sic idola. Dicendum, quòd fortassis venit ei ex conditione matris. Nam mater sua fuit Ammonitis, & Ammonitae erant idolatrae. Ita ergo poterat Roboam à matre sua induci ad colendum Deos alienos, & ad tenendum consuetudinem Ammonitarum. Et patet hoc ex simili. Nam magis potest filius trahi à matre ad aliquid per modum obedientiae, quàm vir ab

ab vxore, & tamen Salomon, qui erat vir sapientissimus illectus est ab vxoribus suis, vt faceret tēpla idolis, & coleret ea: vt patet 3. Reg. 11. & 4. Reg. 22. c. à fortiori ergo Roboam filius Naama poterat trahi à matre sua idolatra, vt coleret Deos gentium, & teneret ritus Ammonitarū. Item patet hoc, quia sic fuit de Ochozia rege Iuda filio Ioram, qui habuit matrem idolatram, scilicet Athaliam, & ipsa impulit eum ad colendum idola, vt patet infra vigesimo secundo capitulo, scilicet. Sed ipse ingressus est per viam domus Achab, mater enim eius impulit eum, vt impie ageret. Fecit igitur coram domino, sicut domus Achab: ipsi enim fuerunt consiliarij eius post mortem patris sui in interitum eius: ita ergo mater huius Roboam impelleret eum ad agendum impiē. Quia cum quis est in aliquo errore, cupit vt omnes imitentur eum, vt sic per aliorum imitationem error suus honestetur: & quia si Roboam, & omnes de regno eius contemptis idolis sequerentur dominum, putaret Naama mater Roboam contemni, cum ipsa coleret idola, quæ alij, & potissimè filius eius abhominabantur: vt ergo non videretur contemni ipsa, nec Deus suus, nec regio sua, conaretur pervertere filium suum Roboam, vt sequeretur mores Ammonitarum.

An pugnauerunt Roboam, & Ieroboam tota vita sua.

Quæst. XXII.

QVAERITVR vterius, quomodo sit verum, quod pugnauerunt Roboam & Ieroboam omnibus diebus vitæ suæ. Nam videtur, quod non possit stare: quia cum diuisum fuisset regnum noviter, parauit Roboam de Iuda, & Benjamin centum, & octoginta millia virorum ad pugnandum contra Ieroboam, vt reducerentur decem tribus Israel, ad unitatem regni, sicut fuerat prius, & Deus misit Semeiā prophetam, & vetuit hoc, nec fuit aliquod bellum. præcedenti capitu. Ecce ergo, quod non fuit bellum omnibus diebus Roboam & Ieroboam, cum non fuerit tunc bellum. Dicendum, quod cessauit bellum. illud pro tunc, & tamen postea fuerunt bella multa inter Roboam & Ieroboam, propter quæ diceretur durare bellum omnibus diebus eorum. Nam in scriptura non accipiuntur termini distributiuī strictè, ita quod semper distribuant terminum communem cui adiunguntur ad standum pro omnibus suis suppositis: sed ponitur omnis pro multis: & sic dicitur durasse pugna omnibus diebus vitæ Roboam, idest magno tempore vitæ eius. Vnde si circa finem vitæ Roboam inciperent bella inter Roboam & Ieroboam, & durarent vsque ad mortem Ieroboam, dicerentur durasse omnibus diebus Roboam. Sed tunc obijcietur, quod non sit istud verisimile: quia Deus iusserat Roboam, quod non pugnaret contra Ieroboam: quomodo ergo pugnaret? Potissimè, quia quando Roboam conceperat maximam iram de decem tribubus propter nouam diuisionem regni, & habebat magnū apparatus ad pugnandum, ipse Roboam cessauit propter mandatum domini. præcedenti cap. à fortiori ergo postea, quando non haberet tantam causam pugnandi non pugnaret. Dicendum, quod pugna longa fuit inter Roboam, & Ieroboam, quæ dicitur durasse omnibus diebus eorum: vt patet hic, & 3. Reg. 14. Et cum dicitur, quod non erat verisimile. Dicendum est, quod verisimile est, imò verum cum sacra scriptura hoc testetur. Et cum dicitur, quod Deus vetuerat pugnam: dicendum quod hoc non obstante poterant esse multe occasiones pugnandi, & fortassis sine peccato pugnaretur, vt patebit sequenti quæstione.

Alph. Tost. super lib. Paralip. Pars 2.

An peccauerint pugnando.

Quæst. XXIII.

QVAERITVR vterius, an peccauerit Roboam pugnando contra Ieroboam. Aliquis dicit, quod sic, quia Deus vetuit Roboam pugnare contra Ieroboam præcedenti capitu. & tertio Regum decimo secundo, & hoc non obstante pugnauit, & non solum pugnauit, sed etiam longissimo tempore pugnauit, scilicet omnibus diebus vitæ suæ: vt dicitur hic. Et istud augmentat peccatum: quia tanto grauiora sunt peccata, quanto diutius infelicem animam detinent alligatā: vt patet de consuet. capitu. vltimo, & causa est: quia quando peccatum deducitur in consuetudinem, sæpè iteratur idem actus, & tamen quilibet actus peccati per se est culpabilis: ideo augebitur grauitas, sicut addendo quantitatem super aliam quantitatem eiusdem generis. Secundo, quia quando peccatum aliquod fit solum semel, videtur factum ex passione, quando autem ducitur in consuetudinem fit ex deliberatione, & habitu, & tamen peccata facta ex deliberatione valde grauiora sunt peccatis factis ex passione, ideo consuetudo aggrauat. Tertiò, quia quanto aliquis maiori tempore manet in peccato, tanto est maior inobedientia, quia toto tempore, quo est in peccato est inobediens, & inobedientia est peccatum grauius, quia non obedire est, sicut idolatrare, vt patet primo Regum decimo quinto: & tamen crescit valde inobedientia, & contumacia stante consuetudine in peccato, quod non fit si peccatum non veniat in consuetudinem: ergo consuetudo valde grauat peccatum. Ita in prædicti pugnare contra Ieroboam peccatum erat, quia contra præceptum Dei erat: ergo continuare diu in pugna ista grauiusimum peccatum esset. Responderi potest vno modo, quod verum est, quod peccauerit Roboam pugnando: nam non cogimur excusare eum, cum fuerit vir malus, qui non preparauit cor suum, vt sequeretur dominū, sicut dicitur hic: ideo etiam si dicamus eum peccasse non est inconueniens. Secundo modo potest dici, quod non peccauerit Roboam, quia solum Deus vetuit pugnare Roboam contra Ieroboam, & tamen non vetuit, quod se defenderet Roboam, si pugnaret contra eum Ieroboam. Nunc autem dici potest, quod ista bella mota fuerint per Ieroboam contra Roboam, quia fortè desiderabat capere adhuc duas tribus Israel, quæ residuæ erant, vt esset rex super totum Israel, ideo Roboam iustissimè defenderet se contra Ieroboam, & pugnaret contra eum omni tempore suo. Tertiò modo potest dici, quod Roboam mouit bellum istud contra Ieroboam, & tamen non peccauit: eo quod non pugnabat ad recuperandum decem tribus, quas perdiderat: sed ad aliquod aliud propter quod fouebat iustam causam: Deus autem non vetuit Roboam absolutè pugnare contra Ieroboam: sed solum vetuit pugnare contra eum ad reducendum Israel in unitatem pristinam. Et patet, quia dicitur præcedenti capitulo, & tertio Regum decimo tertio, quod voluntate Dei facta fuerat ista diuisio: ideo quod non esset pugnandum ad reducendam unitatē. Sed poterat pugnare nunc Roboam pro illa causa contra Ieroboam, & non pro unitate regni, & sic non peccaret. Quartò posset dici, quod fortè pugnauit ad reducendum vnionem regni, & non obstante illo mandato Dei poterat fortassis pugnare licitè: quia illud mandatum Dei non se extendebat ad aliud tempus nisi pro tunc, scilicet, quia tunc erat dispositus Roboam ad bellandum, & veritus est bellare. Postea tamen non vetatur pugnare contra Ieroboam saltem

ex illo mandato Dei. Sed ista reuerſio non eſt tam ſolida, ſicut præcedentes. Quin- to poteſt dici, quòd iſta non fuerunt bella campalia inter Roboam, & Iero- boam: ſed fuerunt quidam inſultus, vel latrocinia, quæ conſueuerunt fieri in extrémis regnorum, eo quòd hoſtes propter propinquitatem viciffim ſe mor- dent, & tunc non peccaret Roboam, quia fortè non prouocabant viri Roboam, ſed viri de regno Iero- boam. Et dato, quòd prouocarent viri Roboam, non erat iſtud interdum per mandatum illud Dei, quia ibi ſolùm verabatur pugna ad reducendum decem tribus in unitatem regni. Nunc autem ex multis alijs cauſis poterant bella oriri, quæ haberent ortum ex communicatione: potiſſimè, quia erant viriq; hoſtes: ſed an peccarent non multum differt.

CAPITVLVM XIII.



N N O octauo- decimo regis Ie- roboam regnauit Abia ſuper Iu- dam. Tribus an- nis regnauit in Ie- ruſalem. Nomen- que matris eius

Michaia filia Vriel de Gabaa, & erat bel- lum inter Abia & Ieroboam.

Anno octauodecimo. In præcedentibus actò de regno Roboam, hic agitur de regno Abiæ, qui fuit ſucceſſor eius, & filius. Et diuiditur in quatuor partes: quia pri- mò ponitur Abiæ Genealogia. Secundò ipſius cum Ieroboam pugna habita, ibi. *Cumque inieſſet Abia.* Terriò Abiæ victoria: ibi. *Reſpiciensque Iudas.* Quar- to occulta pena, ibi. *Quem percuffit dominus.* Et iſta di- uſio eſt ſecundum intentionem quorundam, qui vo- lunt attribuire percuffionem illam Dei Abiæ regi, ſed de hoc infra dicetur.

An iſta ſint continuata, & immediata.

Quæſt. I.

QVAERITVR Circa primum, an ea, quæ ha- bentur hic habeant continuum ordinem ad præ- cedentia, & an fuerint immediatè poſt illa, vel interie- cto aliquanto tempore. Ad primum dicendum, qd iſte eſt ordo continuus, quia præcedenti capitulo age- batur de rege Roboam: hic autem de rege Abia, & ta- men Roboam regnauit ante Abiam, cum fuerit pater eius. Ad ſecundum dicendum, quòd iſta fuerunt mox poſt præcedentia. Nam dicitur præcedenti capitulo, de regno Roboam, hic autem dicitur de regno Abia, & tamen inter regnum Roboam, & Abiæ non fuit aliquod tempus medium: ſed mox, vt mortuus eſt Ro- boam conſtitutus eſt Abia in regem. Non enim fuit difficultas aliqua in conſtitutione eius, quia pater eius Roboam viuens diſſinierat Abiam debere regnare, & nominauerat eum in regem, & dum viueret ipſe fe- cerat eum ducem fratrum ſuorum. Ideo cum mor- tuus eſt Roboam mox omnes regnicolæ acceperunt Abiam in regem: potiſſimè, quia videbant eum vti- lem gubernationi rei publicæ: eo quòd fortior, & pru-

dentior erat omnibus fratribus ſuis: vt patet ſupra vn- decimo capitulo. Circa primum dicitur. *Anno de- cimo octauo regni Ieroboam regnauit Abia ſuper Iudam.* Id eſt cepit regnare, & dicitur ſuper Iudam, id eſt ſuper regnum Iuda. Non accipitur Iuda pro tribu, quia non ſolùm regnabat ſuper tribum Iuda, ſed etiam ſuper tribum Benjamin, & dicitur, quòd regnauit anno de- cimo octauo Ieroboam, quia Roboam, & Ieroboam ceperunt regnare ſimul: vnus ſuper Iudam, & alius ſu- per Iſrael, ſcilicet cum Roboam conſtituendus eſſet in regem ſuper totum Iſrael, ſicut pater ſuus Salomon fuerat, propter ſuam ſtultam reſponſionem non fuit conſtitutus, ſed ſcandalizatus fuit populus, & diuiſus, & tunc decem tribus conſtituerunt Ieroboam in re- gem, & duæ tribus reliquæ conſtituerunt Roboam, & ſic eodem anno ceperunt regnare, & ſic quando vnus com- pleret decimum ſeptimum annum regni ſui, etiam alius com- pleret annum decimum ſeptimum, & tamen Roboam regnauit annum ſeptimum deci- mum pertingens: vt patet præcedenti capitulo: ergo erat tunc annus decimus ſeptimus regni Ieroboam, & tamen Abias regnauit illico poſt mortem Roboam: ideo cepit regnare anno decimo octauo regni Iero- boam, ſcilicet in principio eius, vel quaſi. *Tribus annis regnauit in Ieruſalem.* Ille fuit rex fortiffimus, & tamen pauco tempore regnauit, ſcilicet ſolùm tribus annis, cuius cauſam multi putant eſſe: quia à domino percu- ſus eſt morte repentina propter aliqua peccata: de quo dicetur infra, & dicitur regnaſſe in Ieruſalè: quia erat ibi ſedes regni, & tamen non ſolùm regnabat ſuper Ieruſalem: ſed etiam ſuper totam tribum Iuda, & Be- niamin. Et non ponitur de iſto quot annorum erat, quando conſtitutus eſt in regem, ſicut dicitur de pa- tre ſuo Roboam præcedenti capitulo, quòd erat an- norum quadraginta vnus, quando regnare cepit. *Nomenque matris eius Michaia.* Non ſolùm ponuntur nomina patrum in regibus Iuda, ſed etiam nomina matrum propter dignitatem ipſorum regum: vt infra dicetur in quadam quæſtione. *Filia Vriel de Gabaa.* Scilicet, pater iſtius erat de vrbe Gabaa: eſt iſta Gabaa, de qua fuit oriundus Saul primus rex Iſraelitarum: primo Regum decimo, & eſt ciuitas iſta in ſorte Be- niamin: Ioſue decimo octauo. In hac ciuitate fue- runt viri peſſimi, qui noluerunt recipere Leuitam ho- ſpitio, & poſtea per noctem voluerunt eum viri vrbis ſodomiticè cognoscere, & coactus eſt eis vxorem ſuam dare, vt ſe redimeret ab improba petitione, quam viri Belial inaudita libidine tota nocte vexantes occiderunt. Iudic. decimo nono, & propter hoc poſt ſurrexit bellum inter vndecim tribus, & tribum Be- niamin volentem defendere viros Gabaa: perierunt- que omnes de tribu Benjamin niſi ſexcenti viri: de quo Iudic. vigefimo, & vigefimo primo capitulis. Sed de iſto Abia quomodo eſſet filius Michaia filia Vriel, cum ſupra vndecimo dicatur, quòd Maacha mater Abiæ erat filia Abſalom, dicetur infra in qua- dam quæſtione. *Et erat bellum inter Abiam, & Ieroboam.* Scilicet, erat bellum continuum: nam toto tempore Roboam fuerat bellum inter Roboam, & Ieroboam: vt patet præcedenti capitulo. Conſtituto autem A- bia in regem continuatum eſt bellum, quod pater ſuus incohauerat, & potentius incohatum eſt, quia Abia erat vir fortior animo quàm Roboam pater ſu- ſus. Nam ipſe comminans Iſraelitis, quòd non putarent, quòd bellum habebant cum patre ſuo Roboam ait: porro Roboam erat rudis, & corde pauido: vt patet infra in litera.

Quare non ponuntur hic gesta regum Israel.

Quæst. II.

QVAERITVR Circa prædicta, cum in libris regum enarrentur historiae regum Iuda, & regum Israel mixtim, sicut fuerunt simul, & iste liber est suppletivus eorum, quæ omiſſa fuerant in libris regum: ut patet per Hieronymum in Prologo Galeato, & in Epistola ad Paulinum capitulo septimo. Quare non ponuntur etiam hic gesta regum Israel ad enarrandum supplementa historiarum, sicut fit in historiis regum Iuda. Quidam respondēt, quod non fuit necesse enarrari historias regum Israel hic: quia iste liber est suppletivus eorum, quæ in libris regum plenè enarrata non sunt. Et quia ibi non fuerunt plenè enarratae historiae regum Iuda, debuerunt hic reperi, & suppleri: historiae autem regum Israel fuerunt plenè enarratae: ideo non oportuit, quod hic enarrentur. Dicendum, quod non stat, quia historiae etiam regum Israel non fuerunt plenè enarratae in libris regum, sicut historiae regum Iuda. Quod patet, quia sicut in historiis regum Iuda, fit remissio in fine earum ad librum verborum dierum regum Israel: ut patet tertio Regum decimo quarto, & decimo quinto, & in multis locis, ita in fine historiarum regum Israel, fit remissio ad librum verborum dierum regum Israel: ut patet ibidem. Si tamen essent historiae completæ, non fieret remissio dicendo: reliqua autem verborum talis, vel talis regis scripta sunt in libro verborum dierum regum Israel. Aliiter dicunt quidam, quod verum est, quod historiae regum Israel etiam sunt incompletæ, sicut historiae regum Iuda: & tamen non curavit hic Esdras ponere aliquid de historiis regum Israel, eo quod ille populus erat iam abiectus in æternum non pertinebat ad populum Dei. Nam quando scriptus fuit iste liber per Esdras, iam ducti fuerant Israelitæ in Assyrios nunquam inde reuersuri, ut constabat prophetiſis revelationibus. Et ex hoc non pertinebat iam ille populus ad Deum: ideo non debebat in sacra scriptura aliquid de illo describi. De libro autem regum secus est, quia scriptus fuit ante translationem Israelitarum in Assyrios, & pertinebant tunc adhuc ad populum Dei: quia fuerant quondam pars populi Dei, & adhuc poterant conuerſi ad eum, & esse rursus populus Dei, ideo ibi debuit describi regnum Israel, sed non in libro isto per Esdras. Dicendum etiam, quod hoc non stat, quia sicut iste liber fuit scriptus per Esdras post translationem Israelitarum in Assyrios. Ita etiam liber regum post prædictam translationem fuit scriptus: nam libri regum scripti fuerunt per Ieremiam, ut declaratum est in prologo Auctoris super tertium regum, & tamen Ieremias fuit multo tempore post translationem prædictam: quia ipse cepit sub tempore Iosiae prophetare, ut patet Ierem. primo, & prophetavit usque ad captiuitatem Babylonis, & fuit tempore captiuitatis ipsius. Nam ipse captus est à Chaldeis, & quesitum est ab eo, an vellet ire in Babylonem, & noluit, sed mansit in terra Iuda cum reliquis Iuda: ut patet Ierem. quadragesimo. Non ergo debuisset etiam Ieremias in libris regum describere historias regum Israel, cum iam translati essent in Assyrios, & constaret eos nunquam redituros, nec esse iam populum Dei. Dicendum ergo est, quod fuit alia causa. Nam populus Iuda, & populus Israel fuerunt quondam vnus populus Dei, & vnum regnum sub iudicibus, & postea sub omnibus regibus usque ad tempora Roboam, quando facta est diuisio regni. Postea tamen viri de regno Iuda pertinuerunt

Alph. Toſt. super lib. Paralip. Pars. 2

A magis ad populum Dei, quàm viri Israel, quia licet viri Iuda sæpè incederent in idolatriam, & dereliquerent dominum, non tamen omnino derelinquebant: sed rursus redibant cum haberent apud se sacerdotes domini, & templum, & fierent quotidie omnes ceremoniæ legis, viri autem Israel abiecerant dominum constituentes vitulos aureos in Deum, & expellentes sacerdotes domini de terra sua, sicut increpabat Abiæ rex loquens contra Ieroboam, & Israelitas, ut patet infra in litera, ideo principalius pertinebat regnum Iuda ad populum Dei, quàm regnum Israel. Et ob hoc debuit de vtroque historia describi. Nam sicut viri Iuda inquantum manebant cum domino prosperabantur in rebus suis: ita viri Israel inquantum a Deo recesserunt, in omnibus actibus suis infelices erant, quousque translati sunt de terra sua in Assyrios nunquam redituri. Et tamen sicut pertinet ad iustitiam Dei, & gloriam suam benefacere cultoribus suis: ita pertinet ad iustitiam, & gloriam suam punire delinquentes. Sicut dicitur Deutero. vigesimo octauo, scilicet: Et sicut ante latatus est dominus super vos benè vobis faciens vosque multiplicans: sic latabitur dominus super vos disperdens vos atque subuertens, ita ut auferamini de terra. Et tamen populus Iuda manserat cum Deo, vel manebat aliquando, & ob hoc Deus benefaciebat ei. Sicut ergo scriptura sacra debuit describere bona, quæ Deus faciebat regno Iuda propter hoc: ita debuit describere mala, quæ inflixit viris de regno Israel, quia eum dereliquerunt. Item viri regni Israel fuerunt quondam populus Dei, & data fuerat eis lex. Postea verò abiecerunt eam omnino a se: ideo rationabile valde erat, quod scriptura sacra describeret exitum huius populi: ut videatur quidquid mali eis intulerit pro tanto delicto, ne videantur talia delicta manere impunita. Dicendum tamen, quod principaliter agendum fuit de viris regni Iuda in scriptura, quàm de viris regni Israel: quia principalius pertinent ad populum Dei. Suffecit ergo semel scribi historias regum Israel, quod factum est in libris regum. Sed non curavit Esdras supplere, quod deerat eis repetendo eas hic: repetuit autem historias regum Iuda, quia de istis mentio principalior fieri debebat, quia pertinebant ad populum Dei, & in ijs continuabatur populus Dei. Nam licet in Babylonem captiui ducti fuerint, inde reducti sunt, & ceperunt esse populus Dei, sicut prius: ideo diligenter de eis agendum erat. Et sic solas historias regum Iuda supplēuit hic Esdras.

Quare matres regum Iuda nominantur, Israel autem non.

Quæst. III.

QVAERITVR vterius, cum ponuntur hic historiae regum Iuda, & in libris regum, quare matres singulorum regum Iuda nominantur, & tamen matres regum Israel nunquam nominantur. Nam licet in libris regum describantur historiae regum Israel nunquam ponuntur nomina matrum: imò (quod maius est) interdum non ponuntur nomina patrum. Respondendum, quod istud factum est propter differentiam dignitatis. Nam reges Iuda digniores fuerunt regibus Israel: tum quia isti manserunt in populo Dei: illi autem alienati sunt: tum quia de regibus Iuda venturus erat Messias: de regibus autem Israel nequaquam. Ideo omnia, quæ pertinebant ad dignitatem aliquam, magis obseruari debebant enarrando historias regum Iuda quàm regum Israel.

Y 2 Sed

Sed nominare patres, & matres regum, de quibus agitur, & extensius eorum retexere gesta, pertinet ad quandam dignitatem, ideo debuerunt ista potius obseruari in regibus Iuda, quam in regibus Israel. Vnde enarrando historias regum Iuda, tam hic quam in libris regum, obseruatum fuit in regibus Iuda hoc, quod semper ponerentur nomina patris cuiuslibet regis, & matris suae: licet matres non essent de progenie regia. Etiam de illis ponebantur historiae diffusiores quam de regibus Israel, ut patet inquirendo continentiam tertij, & quarti regum. In regibus autem Israel nunquam describuntur nomina matrum: ut patet inquirendo totum tertium, & quartum libros regum: nisi interdum ex aliquo mysterio fiat mentio de matre, eo quod mater fuit pessima, & induxit filios ad peius, quam aliter ipsi facturi erant, & (quod magis est) interdum subtrahuntur nomina patrum ipsorum regum Israel. Nam reges Israel omnes non fuerunt de eadem progenie descendentes, sicut reges Iuda, omnes fuerunt descendentes a Dauid. Sed primi duo reges fuerunt Ieroboam, & filius eius Nadab. tertio Regum decimo quarto, & decimo quinto: deinde fuerunt de alijs stirpibus: quia illi reges efficiebantur per violentiam, scilicet vnus rex insidiabatur alteri, & occidebat eum, regnabatque pro eo, sicut patet de multis: tertio Regum decimo quinto, & quarto Regum nono, & decimo quinto. Et quando vnus rex occidebat alium, & regnabat pro eo, raro, vel nunquam ponitur nomen patris ipsius regis, qui sic per violentiam regnabat. Factum est autem hoc, quia reges Israel non reputantur in sacra scriptura magnae dignitatis, nec enarratur de eis nisi ad malum. Reges autem Iuda reputantur digniores, & de illis enarrantur multa ad ipsorum laudes. Sicut de Dauid, Ezechia, & Iosia, & isti omnibus ijs ponuntur nomina tam patrum quam matrum.

Quare computatur tempus regum Iuda per tempus regum Israel.

Quaest. IIII.

QVAERITVR vltcrius, cum dicatur hic, quod anno decimo octauo Ieroboam regnauit Abia super Iudam: quare computatur hic tempus regum Iuda per tempora regum Israel: quia sic ponitur rex Israel tanquam mensura temporis regis, & tamen mensura est dignior, quam res mensurata, & sic ponuntur reges Israel tanquam digniores regibus Iuda, quod est contra determinata praecedenti quaestione. Respondendum, quod in hoc non attribuitur aliqua excellentia regibus Iuda, vel regibus Israel. Sed iste est modus scripturae, scilicet, quod tempora regum Iuda computentur per tempora regum Israel, & tempora regum Israel computentur per tempora regum Iuda: Sic etiam tertio Regum decimo quinto, dicitur, quod anno vigesimo Ieroboam regnauit Asa super Iuda: etiam Iosaphat rex Iuda regnauit super Iudam anno quarto Achab regis Israel: ut patet tertio Regum vigesimo secundo. Et sic de omnibus alijs. Nam quandoque de aliquo rege Iuda dicendum est quod regnauerit, ponitur rex Israel, qui erat tempore suo: ut patet ex toto processu tertij, & quarti regum. Hoc autem durauit vsque ad regem Achaz, & Ezechiam, qui cepit regnare anno tertio Osee regis Israel: ut patet quarto Regum decimo octauo, & postea anno sexto regni Ezechiae, Osee rex vltimus Israelitarum cum populo suo translatus est in terram Medorum, & Persarum per Salmanasar regem Assyriorum. quarto Regum decimo septimo, & decimo octauo:

Reliqui autem reges Iuda, non potuerunt ac signari per reges Israel, quantum ad exordia regnorum suorum, eo quod non erant iam aliqui reges Israel. Sic etiam erat de regibus Israel, quorum exordia regnorum computantur per tempora regum Iuda: ut patet de Nadab secundo rege Israel, de quo dicitur, quod regnauit anno secundo regis Asa. tertio Regum quinto, de Baasa dicitur, quod regnauit anno tertio Asa regis Iuda. eodem capitulo. Et sic de omnibus alijs regibus Israel dicitur, quomodo ceperint regnare sub tali, vel tali rege Iuda: ut patet ex processu tertij, & quarti regum vsque ad decimo septimum capit. vbi agitur de Osee filio Ela, qui fuit vltimus rex Israel. Ratio autem huius est vna, quia ista duo regna, scilicet Iuda, & Israel sunt correlatiua: quia fuerunt aliquando vnum regnum, & debet vnum cognosci per alterum, sicut in correlatiuis necesse est in vtriusque definitionibus vtriusque vti: ut ait Aristo. Secundum fuit ad certificandum magis tempora regum. Nam reges Iuda, & Israel habebant inter se, ut communiter quandam hostilitatem, & ut sciretur quis rex, cum quo rege inimicitias habuerit, & bellum fouerit, vel pacem egerit, ponuntur tempora regum Iuda annotata per reges Israel, & tempora regum Israel annotata per reges Iuda, & sic sciretur perfecte de quolibet rege Iuda, vel Israel sub cuius regis tempore fuerit, & an habuerit duos, vel plures contemporaneos de regno contrario, sicut fuit de Asa rege Iuda, qui habuit septem reges Israel sibi contemporaneos, ut patet tertio Regum decimo quinto, & decimo sexto, scilicet Ieroboam, Nabath, Baasa, Ela, Zambri, Amri, Achab. Fuit ergo conueniens, quod computarentur tempora regum Iuda per reges Israel, & tempora regum Israel per reges Iuda.

An mater Abia fuit Michaia.

Quaest. V.

QVAERITVR vltcrius, cum dicatur hic, quod mater Abia fuit Michaia, quomodo potest fieri: quia supra dicitur vndecimo, quod mater Abia fuit Maacha. Respondebit aliquis, quod iste Abias & ille non sunt idem: ideo bene potuerunt habere diuerfas matres. Dicendum, quod non fiat, quia fuit Abia filius Roboam, qui constitutus ex rex Iuda, vbi dicitur: Iste autem fuit etiam Abia Roboam filius, qui regnauit in Iuda: ideo necesse est, quod sit idem Abia, & consequenter mater sua, quae ponitur hic, & ibi sit idem. Aliquis dicet aliter, scilicet, quod verum est, quod Abia iste & ille est idem, & tamen Michaia, quae ponitur hic, & Maacha, quae ponitur supra vndecimo, non est eadem, quod patet ex nomine patrum. Nam ista Michaia dicitur filia Vrii de Gabaa, & illa dicitur filia Absalom, quia tamen vnus homo non potest habere nisi vnicam matrem. debet dici vno de duobus modis. Vno modo, quod vna istarum erat mater Abiae vera, & alia adoptiua. Alio modo, quod vna erat mater, & alia erat auia. Nam sicut avus vocatur interdum pater, ita & auia vocabatur mater. Dicendum tamen, quod ista non stant: de primo modo patet, quia in scriptura semper debemus vti termino secundum suam significationem primariam nisi cum necessitas cogat nos contraria sentire. Et tamen iste terminus mater est positus primarie ad signandum eam, quae parit, & non eam, quae adoptatur. Ideo nunquam est accipendus pro matre adoptiua nisi litera hoc exprimat, vel aliunde ad hoc cogamur, & tamen potest accipi pro

pro matre vera, ut declarabitur: ideo non debet accipi pro matre adoptiua. Secundo patet, quia prae-supponitur falsum. Nam in veteri testamento nulla erat mater adoptiua, licet nunc sint multae. Ratio huius est, quia adoptio fiebat ad tribuendum ius succedendi, sicut si esset filius legitimus: & tamen in veteri testamento nemo poterat succedere matri, eo quod matres nihil habebant, sed viri succedebant vniuersaliter: & licet in aliquo casu mulier succederet non stantibus liberis, tamen tunc ipsa non poterat constitui hæredem adoptiuum: sed ille succedebat, cui secundum legem comperebat conseruare nomen aui materni, ut declaratum est Numeri vigesimo septimo capitulo. Secundum non stat, scilicet, quod vna istarum esset mater, & alia esset auia: nam non est recedendum à significatione huius nominis mater, nisi propter necessitatem, & tamen iste terminus signat eam, quæ immediate genuit: ideo non est accipiendum pro auia, nisi non posset alio modo accipi, & tamen potest hic accipi pro matre vera: ideo non accipietur pro auia. Dicendum ergo, quod ista Michaia, de qua habetur hic, fuit mater Abiæ, & illa Maacha, de qua supra vndecimo, fuit mater Abiæ, & ambæ sunt eadem mulier: sed est mutatio quædam in literis, nec est magna mutatio, quod dicatur Maacha, vel Michaia: sic enim consuetum est fieri mutationem in quibusdam alijs locis in Hebræo. Nam aliquis vir aliquando vocatur Phalti, & aliquando Phaltiel, ut patet primo Regum vigesimo quinto, & secundo Regum tertio. Etiam idem locus vocatur Ieramel, & Ierame-li: primo Regum vigesimo septimo, & trigesimo. Etiam eadem regio vocatur aliquando Gessur, & aliquando Gessuri: ut patet primo Regum vigesimo septimo, & secundo Regum tertio, & decimo quarto. Et sic de plurimis, in quibus contingit variatio ex parte finis. Interdum etiam fit mutatio in principio dictionis detruncando aliquam particulam: ut ille, qui vocatur Aram Ruth quarto, & Matth. primo, vocatur Ram detracta prima litera, præcedenti libro capitulo secundo. Etiam aliquando fit alteratio in literis in medio dictionis, sicut quod Caleb vocetur Calubi, sicut patet præcedenti libro secundo capitulo, ubi vocatur aliquando Caleb, & aliquando Calubi. Vel potest esse, quod interdum idem homo, vel mulier habeat diuersa nomina, & tamen in præsentia non dicemus, quod Maacha, & Michaia sunt duo nomina: sed est idem nomen alteratum mutatis quibusdam literis: sicut diximus in Caleb, & Calubi, & in Iai, & Iesse. Nam pater Dauid vocatur aliquando Iai, ut patet primo Regum decimo sexto, & decimo septimo. Et vocatur aliquando Iesse, ut patet Iaiæ 11. & Matth. primo, & ita dicendum est in isto nomine Maacha, & Michaia, quod idem nomen est. Cum autem obijci-tur, quod Michaia, & Maacha sint filiae duorum patrum declarabitur sequenti questione.

An Maacha esset filia Absalom.

Quæst. VI.

QVAERITVR vltius, cum dicatur supra vndecimo, quod Maacha mater Abiæ esset filia Absalom, an esset verum, quod esset filia Absalom filij Dauid. Aliquis dicet, quod sic. Primo, quia vocatur ibi filia Absalom absolute, & sic videtur intelligendum de illo Absalom, qui erat famosior, vel excellentior, & ille erat Absalom filius Dauid. Secundo, quia isti reges accipiebant foeminas de sua progenie. Nam iste Roboam pater Abiæ accepit in vxorem

Alph. Tost. super lib. Paralip. Pars 2,

A Maalath filia Ierimuth filij Dauid, & sic erant patru-les ambo, scilicet filij duorum fratrum. Ita nunc acciperet Maacham filiam Absalom, & essent patru-les ambo, quia Absalom, & Salomon erant fratres, & Roboam, & Maacha essent patru-les, & sic conueniens erat, quod acciperet eam Roboam in vxorem. Tertiò patet, quia conuenit nomen eius cum nomine matris Absalom. Nam mater Absalom vocabatur Maacha filia Tolmai regis Gessur, secundo Regum tertio, & præcedenti libro capitulo tertio. Et sic erat Maacha auia istius Maacha. Quartò videtur, quod ista Maacha erat pulchra nimis, & ob hoc dilexit eam nimis Roboam, sicut omnes vxores suas, & concubinas. supra vndecimo. Hoc autem conueniebat sibi ex parte patris sui Absalom, qui erat pulcherrimus viro- rum. secundo Regum decimo quarto. Ideo conueniens est istam Maacha esse filiam Absalom filij Dauid. Respondendum, quod non erat ista Maacha filia Absalom filij Dauid. Primo patet, quia iste non vocatur Absalom, sed Abisalon, vel Ausalon: nam sic habetur in Hebræo. supra vndecimo c. Litera autem nostra corrupta est, quia deficit ei vna litera, quod facile accidit imperitia librariorum: potissimè, quia aliqui insipientes scriptores putantes literam corruptam esse, quæ haberet Abisalon, cum nunquam talem dictionem vidissent, correxerunt: imò corrumperunt Absalom: quia istud nomen erat vlitatum pro filio Dauid. Ex ignorantia ergo procedit putari hunc esse Abisalom filium Dauid. Secundo patet, quia pater istius Maacha vocatur hic Vriel: ideo non potest dici, quod sit Absalom filius Dauid. Tertiò, & efficacius patet, quia dicitur, quod erat filia Vriel de Gabaa, & tamen si esset filia Absalom non poterat vocari de Gabaa. Nam Absalom non erat de Gabaa: sed potius erat de Ierusalem, cum Dauid rex habitaret in Ierusalem. Vel si consideretur locus natiuitatis vocaretur de Hebron: quia Absalom, & quinque alij primi filij Dauid nati sunt ei in Hebron: ut patet 2. Regum tertio, & præcedenti libro tertio capitu. Et tamen vocatur de Gabaa, ideo non erat iste Absalom.

Quartò patet, quia iste pater Maacha erat de tribu Benjamin. Nam vocatur de Gabaa, & Gabaa in sorte Benjamin erat, ut patet Iosue decimo octauo. Absalom tamen erat de tribu Iuda, cum esset filius Dauid. Ideo non erat Absalom pater istius Maacha matris Abiæ. Sed dicendum, quod erat ista Maacha filia cuiusdam viri nomine Vriel de tribu Benjamin de vrbe Gabaa: eratque vir potens, & clarus in regno Iudæ: ideo Roboam accepit filiam eius in vxorem inter cæteras vxores. Ad primam rationem in contrarium, quod licet vocaretur filia Absalom absolute non se-
quebatur, quod esset filia Absalom filij Dauid, quia licet cæteris paribus, quando ponitur aliquod nomen sine conotatione, debet intelligi de excellentiori, tamen interdum intelligitur non de excellentiori si scripturæ necessitas hæc exigit. Sic autem est in præ-

sentia: ut patet de probationibus inductis, ideo non intelligitur de Absalom filio Dauid. Tertiò patet, & efficacius, quia ista ratio fundatur super falso, scilicet, quod ille pater Maacha vocetur Absalom, & tamen falsum est, quia non vocatur Absalom, sed Abisalon, ut patet in litera Hebraica. Nostra autem litera corrupta est per defectum vnius literæ, ut supra declaratum est. Ad secundum dicendum, quod ista ratio non probat, quod factum fuerit, sed quod fieri poterit, vel quod conueniens fieri tuerit, quod Roboam acciperet in vxorem patru-lem suam finiam Absalom, & tamen cum constet, quod non tuerit illa, sed alia, ratio ista non agit. Ad tertium dicendum,

Y 3 quod.

3. rō.

4. rō.

Ratio 2.
rōes.

Ad secundum

Ad tertium

quod de bellis ratio est, scilicet conuenientia nominis sui cum matre Absalom: nam ex hoc non probatur efficaciter aliquid, licet sit rationabile, quod vocentur posterii nominibus prædecessorum.

Ad quartā Ad quartam dicendum, quod istud non attestatur cognationem secundum certitudinem: nam interdum ex pulchris parentibus deformes filij oriuntur. Interdum autem ex deformibus pulchri: licet verum est, quod Absalom filios habuit valde pulchros: ut patet secundo Regum decimo quarto. Non ergo militat ista ratio ad probandum, quod Maacha fuerit filia Absalom filij David: imò præter supra positas, in contrarium est alia, scilicet, quod nullo modo fuerit ista Maacha filia Absalom: quia secundo Regum decimo quarto: dicitur, quod nati sunt Absaloni filij tres, & filia vna eleganti forma nomine Thamar. Cum ergo diligenter ibi scribantur, tam filij quam filia Absaloni, si Maacha fuisset filia Absaloni, non subiciuisset illud ibi scriptura.

An Maacha sit filia Absalom, cum dicatur filia Vriel.

Quæst. VII.

QVAERITVR vterius, dato quod ista Maacha non esset filia Absalom filij David, sed alicuius alterius, quomodo potest stare: quia supra vndecimo dicitur, quod erat filia Absalom. Hic autem dicitur, quod erat filia Vriel. Responderi potest dupliciter, vno modo quod Vriel, & Absalom, siue Absalon sunt nomina eiusdem viri: interdum tamen idem vir nomina multa hêt, sicut Iacob vocatur Iacob, & Israel, & Esau vocatur Seir, & Esau, & Edon, & sic de multis. Ita iste poterat vocari Absalon, & Vriel, & aliquando alterum. Secundo modo potest dici, quod non sunt nomina eiusdem viri, sed duorum, & vnus istorum erat pater Maacha, & alius auus eius, & tamen auunculi patres: sicut patet Ruth quarto: cum dicitur: Natus est Noemi filius, idest nepos. Nam ille, de quo ibi dicitur, erat Obed filius Ruth, qui non erat filius Noemi, sed nepos eius legalis. Nam reputabatur filius filij sui Maalon, & natus est ex suscitatione seminis, ut patet ibidem. Dicendum tamen, quod primus modus verior est: quia ille communior est in scriptura, scilicet, quod aliquis vir multis nominibus appelletur, & interdum vno modo, & interdum alio.

Cumque iniisset Abia certamen, & haberet bellicosissimos viros, & electorum quadraginta millia: Ieroboam instruxit e contra aciem octoginta millia virorum, qui & ipse electi erant, & ad bella fortissimi. Sterit ergo Abia super montem Semeron, qui erat in Ephraim, & ait: Audi Ieroboam, & omnis Israel. Num ignoratis, quod Dominus Deus Israel dederit regnum David super Israel in sempiternum, ipsi & filijs eius in pactum Salis? Et surrexit Ieroboam, filius Nabath seruus Salomonis filij David, & rebellauit contra Dominum.

suum. Congregatique sunt ad eum viri vanissimi, & filij Belial, & præualuerunt contra Roboam filium Salomonis: porro Roboam erat rudis, & corde pauido, nec potuit resistere eis.

Cumque iniisset. Hic ponitur secundum huius cap. scilicet inter Roboam & Ieroboam pugna habita, & dicitur. Cumque iniisset Abia certamen. Scilicet, ipse mouit bellum contra Ieroboam, & ex hoc patet, quod ipse fuit prouocator. Et haberet viros bellicosissimos. Viri Abia erant viri bellicosi, quia habebat duas tribus in potestate sua, scilicet Iudam, & Benjamin, & isti erant bellicosiores inter omnes tribus Israel: nam quælibet istarum pugnavit aliquando contra omnes alias vndecim tribus Israel, ut declaratum est supra vndecimo in quadam quæstione. Et electorum quadraginta millia. Non ponitur hic, & copulatiue, sed expositiue pro idest, scilicet, quod isti viri bellicosissimi erant viri electi quadraginta millia. Nam tunc non certificaretur numerus virorum bellicosissimorum, si ipsi viri electi sunt bellicosissimi, & satis consonat, quia illi, qui erant electi erant bellicosissimi. Nam ex hoc erant electi, quia excellentiores erant cæteris ad bellum. Ieroboam instruxit contra aciem octoginta millium virorum. Erant in acie Ieroboam duplo plures quam in acie Abia, scilicet octoginta millia virorum, & multo plura habere poterat fortassis Ieroboam, quia Roboam habebat solum duas tribus, & Ieroboam habebat decem. Qui & ipsi electi erant ad bella fortissimi. Scilicet, etiam isti erant electi: quasi dicat, sicut viri, quos habebat Roboam erant electi: ita & viri Ieroboam erant electi. Etiam erant ad bella fortissimi, quia forte erant iuvenes, & ad hoc mente, & corpore apti. Quamquam tamen isti dicantur excellentissimi, scilicet fortissimi, non est intelligendum, quod accipiat hic superlatius proprie. Nam tunc non conueniret omnibus ijs, sed raris: quia quod per excellentiam dicitur vni soli conuenit. Dato tamen, quod accipiat fortissimus pro valde forti, adhuc non est verum, quod omnes isti essent fortissimi: quia non est excellentia aliqua, quæ in omnibus reperitur. Sed dicendum, quod est modus loquendi scripturæ, quæ vocat fortissimum eum, qui aliquantulum fortis est, idest ex ætate dispositus est ad robur corporale, dato quod non sit realiter fortis: sic patet in computatione exeuntium de Aegypto. Nam omnes Israelitæ quotquot erant à viginti annis, & supra computantur, & vocantur omnes viri fortissimi. Manifestum est tamen, quod non erant omnes fortissimi: imò nec omnes essent fortes: quia in tanta multitudine, sicut accidere solet, plures essent debiles quam robusti ad bella. Non ergo vocantur fortissimi quasi realiter sic essent, sed quia ex ætate erant dispositi ad hoc, quod essent fortes, eo quod nulla erat robustior ætas quam illa, in qua computabantur isti, scilicet à viginti annis, & supra. Sterit igitur. Hic ponitur dispositio belli quantum ad locum, in quo factum est, & dicitur sterit igitur Abia. Super montem Semeron. Iste est mons Semeron, idest Samaria, & sic vocatur in Hebræo. Semeron: quem nos Latine vocamus Samariam reducens nomen Hebraicum in formam Latinam, & vocatus fuit mons iste mons Somer à domino montis, qui possidebat illum, & postea vendidit illi regi Israel nomine Amri, qui edificauit ibi ciuitatem: vocauitq; eam Semerō, siue Samariam à nomine

mine domini montis. tertio Regum decimo sexto. Aliqui putant, quod vocatur iste mons Semeron, à quadam ciuitate alia, quæ vocabatur Semeron, quæ habuit regem quondam Chananæum, vt patet Iosue vndecimo. Et ponitur etiam in diuisione fortium ista ciuitas: Iosue decimo nono. Sed dicendum, quod non stat: quia illa ciuitas Semeron erat in sorte Zabulon: Iosue decimo nono. Et ista de qua hic erat in sorte Ephraim: quia dicitur hic, quod iste mons erat in sorte Ephraim. Sciendum tamen, qd ciuitas Semeron, siue Samaria à qua vocatur iste mons, nondum erat condita: quia fuit postea condita per Amri regem Israel patrem Achab, & ille fuit postea tempore Asa regis Iuda filij huius Abiæ. Ponitur tamen hic per anticipationem, quia liber iste scriptus est multo tempore postquam facta sunt ista, & sic poterat scire de Samaria, quæ iam condita erat, & tamen quando Abia, & Ieroboam bellum habuerunt in monte Semeron, nondum erat condita ciuitas Semeron, siue Samaria. *Qui erat in Ephraim.* Id est, iste mons Semeron erat in vrbe, vel terra Ephraim, & sic patet, quod Abia aggressus fuerat ipsum Ieroboam, ideo introierat in terram eius ad pugnandum, & satis conueniebat hoc, quia iste mons non multum distat à terra regni Abiæ. Nam Abia dominabatur super tribum Iuda, & Benjamin, quæ erant habentes sortes Meridianas, & apud sortem Benjamin ex parte Aquilonis erat fors Ephraim, & sic mox, vt Abia egredere- tur de terra sua, ingrederetur in terram Ephraim, & super montem quendam illius constituit nunc aciem, & ait: *Audi Ieroboam, & omnis Israel.* Ab isto loco vsq; ad locum illum, respiciensque Iudas, ponitur exhortatio Abiæ ad Israelitas, vt redirent ad vnitatem regni, & subicerent se domui David, sicut prius fuerant. Et ad hoc inducit rationes aliquas: & quia non potuit verbis, postea bello actum est, & locutus est ad Ieroboam regem, & ad totum Israel volens omnes exhortari ad vñionem regni. *Non ignoratis, quod dominus Deus dederit regnum David super Israel in sempiternum.* Quasi dicat, non potestis ignorare, quod iure diuino compe- tat regnum Israel ad David, & ad posteritatem suam: quia istud notorium est. Et istud ponitur ad pro- bandum, quod peccabant Israelitæ tenentes regnum diuisum, & Ieroboam, qui dominabatur illi parti re- gni, quia erat contra ius diuinum, & omnia talia pec- cata sunt. & dicitur in sempiternum, ad tollendum re- sponsum alicuius, quia aliquis diceret, licet Deus dederit regnum Israel David, & posteris eius: tamen iam elapsum est tempus, quo possidere debebat: ideo licet nunc alij possideant, non peccant. Et obijcitur contra eum, quod istud tempus non erat elapsum, eo quod datum est regnum in sempiternum. *Ipsi & filiis eius.* Non soli David, sed etiam filijs eius rite ei succe- dentibus. Nam licet soli David facta est promissio, non fuit facta pro eo solo, sed pro eo, & filijs eius. *In pactum salis.* Id est firmiter, & securè, & in perpetuum, quod vocatur pactum salis. Quare autem vocetur istud pactum salis infra dicetur in quadam quæstione. *Et surrexit Ieroboam filius Nabath.* Præsens erat Iero- boam, quando loquebatur ista Abia, & ad eum diri- gebat sermones suos, cum dicatur in litera, audi Ieroboam, & omnis Israel, sed loquitur coram eo qua- si loqueretur de eo absente propter dedignationem, quam Abia fouebat contra ipsum. Et non vocauit eum regem, dicens surrexit rex Israel: quia noluit concedere eum esse regem: cum diceret ius regnandi solum pertinere ad domum David: sed potius asse- rebat eum tanquam iniustum, & violentum inuaforem partis regni, & vocauit eum filium Nabath ad diffe- rentiam aliorum, qui vocabantur hoc nomine, & fere

vbicunque ponitur nomen Ieroboam, ponitur quod erat filius Nabath. Erat autem de stirpe Ephraim: vt patet tertio Regum vndecimo. *Seruus Salomonis filij David.* Vocauit eum seruum Salomonis, & non Roboam, quia tempore Roboam nunquam fuit ei subiectus Ieroboam, sed habuit semper dominium super decem tribus Israel, & cepit esse rex super illas eo tempore, quo cepit Roboam esse rex super duas tribus, scilicet Iuda, & Benjamin: Fuit tamen seruus Salomonis: quia Salomon videns Ieroboam iuuenem bonæ indolis constituit eum principem super omnia tributa tribus Ephraim, & Manasse: vt patet tertio Regum vndecimo. *Et rebellauit contra dominum suum.* Quod potest intelligi de Salomone, qui erat dominus suus, & contra eum rebellauit Ieroboam, quando fugit in Aegyptum. Nam dicitur, quod Ieroboam le- nauit manum suam contra regem, & hæc causa re- bellionis aduersus eum, quia Salomon ædificauit Me- lo, & coarctauit voraginem ciuitatis David patris sui: tertio Regum vndecimo. Vel vocatur dominus suus Roboam, non quod aliquando de facto dominus eius fuerit, quia toto tempore eius fuit rebellis: sed quia de iure erat dominus eius, & rebellauit contra eum concitans populum ad faciendum ruptionem belli. *Congregatique sunt ad eum viri vanissimi.* Ex hoc etiam probatur iniustum factum, quia non habuit originem istud factum nisi à viris stultis, & nullius au- ctoritatis. Nam si illi, qui fauerunt Ieroboam in fa- ciendo rebellionem illam, fuissent viri iusti, & magnæ auctoritatis, esset præsumptio, quod iustè moti fuif- sent, & diuisio ista esset iusta: & tamen erant viri va- nissimi, scilicet nullius rationis, & auctoritatis, sed solam vanitatem, & stultitiam sequentes. Apparet ergo, quod tale esset factum eorum, quia qualis vnus- quisque est, talia dicit, & operatur. secundo Ethicor. *Et filij Belial.* Id est filij inobedientiæ. Nam Belial in- terpretatur absque iugo: sicut patet Iudi. vbi in litera exponitur filij Belial, id est absque iugo. Et ex hoc in- nuat, quod isti non moti fuerunt ex aliqua causa legi- tima ad faciendum discessionem istam, scilicet, quia grauarentur, vel aliàs: sed quia erant filij Belial, id est ex seipsis inobedientes: & conditio inobedien- tium est, quod velint iugum exuere, siue accipiendo novos dominos, siue dimittendo quem habebant, & nullum accipiendo, & ita isti fuerunt: ideo diuisio ista regni fuit culpabilis. *Et prauauerunt contra Roboam filium Salomonis.* Scilicet, isti ceperunt rebellare tem- pore Salomonis, & rex sequens, scilicet Roboam, debebat opprimere, sed non potuit: quia potius illi contra eum prauauerunt facientes diuisionem re- gni, & constituentes in regem super seipsum Iero- boam. Porro Roboam erat rudis, & corde pauido, nec potuit resistere eis. Ista litera potest intelligi dupliciter: vno modo sic, quod continuetur casus positus, & ac- cusetur nequitia diuisorum regni, scilicet, sic factum est, quod isti filij Belial fecerunt diuisionem regni, & non potuit eis resistere Roboam: & tamen ex hoc non tollitur culpa eorum, & est sensus, quod aliquis diceret contra Abiam: licet diuisio regni facta fuerit, sicut dicis, tamen voluntas Dei fuit, quod continua- retur: ideo licet Roboam voluerit illam tollere fa- ciendo vñionem, non potuit: respondet Abias, quod non factum fuit propter hoc, sed quod Roboam erat vir rudis, & corde pauido, & non potuit resistere. Nam dato, quod Deus non aduertaretur domui David: cum ipse Roboam esset tam rudis, & pau- dus, non posset defendere se contra molestantes eum, & sic fieret necessarè diuisio. Vnde non facta est voluntate Dei, sed potius pro- pter ineptitudinem Roboam, quia erat rudis,

Cap. 19.

& corde pauido. Secundo modo potest deduci aliter, quod sit responsio ad obiectionem Israelitarum. Nam dicerent Israelitæ ipsi Abia, quod incassum laboraret. Nam dato, quod ista diuisio regni fuisset facta iniuste, ipse non posset eam tollere, quia pater suus Roboam non potuit eam tollere, ita ergo nec ipse, sed sicut preualuerant viri vanissimi contra Roboam, ita preualerent contra eum. Respondet Abia, quod ipse poterit bello reducere Israelitas ad unionem regni: nam quod non potuerit Roboam hoc efficere, non fuit ex magna potentia Israelitarum, sed ex ineptitudine Roboam, scilicet quia erat rudis, & corde pauido: sed ipse Abia non se innuebat talem, sed potius virum prudentem, & animosum, qui posset viros vanos opprimere. In Hebræo dicitur, Roboam erat puer, ubi litera nostra dicit rudis erat Roboam, & ista differentia potest esse propter duo. Primum propter aliquam similitudinem nominum: nam in Hebræo, Nahar, signat puerum, & Bahar, signat rudem, & faciliter potuit esse iste error, quia tamen iste non esset error librarium, sed translatoris, scilicet Hieronymi, dicendum est aliter, quod Hieronymus secutus est hic sententiam, & non literam: nam verum est, quod in Hebræo ponitur, quod Roboam erat puer, non tamen ponitur cuius ætatis, erat enim ista pueritia non secundum ætatem, sed potius secundum sensum: nam secundum ætatem vir perfectus erat, quia quadraginta unius annorum erat, quando cepit regnare: ut patet precedenti c. & 3. Reg. 14. Sed erat puer iudicio: quia facta sua non deliberabat cum senibus, sed cum pueris. Vnde in illo facto tam arduo, quando respondere debebat toti regno volenti eum in regem ungere, non secutus est consilium seniorum, sed iuuenum, ut patet supra decimo. Et sic recte vocatur puer. Etiam responsio sua valde stulta fuit, scilicet. Minimus digitus meus grossior est tergo patris mei. supra decimo. & sic recte vocatur puer sensu. Hanc metaphoram voluit tenere Hieronymus ponens sententiam claram, & ait: Porro Roboam erat rudis, id est insipiens, scilicet nesciens, quomodo se haberet contra vos ad reducendum in unitatem regni. Etiam ubi nos dicimus, & corde pauido, in Hebræo dicitur, & corde molli. Et idem est, quia cor molle vocatur, quod nihil tolerare potest, sed ab omnibus faciliter patitur. Cor durum est, quod multa grauiat. Cor autem Roboam erat molle, & sic non erat ad tolerandum aliquid mali. Ideo licet Israelitæ abstulerint ei maiorem partem regni, non habuit cor ad resistendum: & recte posuit Abia ista duo, scilicet, quod erat Roboam rudis, & corde pauido, quia ista duo sunt, quæ faciunt hominem omnino ineptum ad bella: & duo contraria sunt, quæ faciunt hominem aptissimum. Duo ergo requiruntur in humanis actionibus, scilicet deliberatio, & executio. Bellum autem est res humana, & de grauiissimis quidem: ideo requiritur magnum consilium, quod requirit prudentiam, & quia bellum est res terribilis, requiritur magna virtus executiua, & ista est animositas: cum ista duo concurrunt, fortiter pugnatur. Duo autem contraria sunt imprudentia, & timor, siue pusillanimitas: & ista erant in Roboam, in quantum dicitur, quod erat rudis, & corde pauido.

Quis faceret illud bellum, & propter quid.

Quest. VIII.

QVAERITVR circa prædicta, & primo de isto bello, quod nunc fiebat quis illud faciebat: an Abia contra Ieroboam, vel è contra, & propter quod fiebat. Ad primum dicendum, quod Abia iniuit istud

E bellum contra Ieroboam, quod patet, quia in principio dicitur. Cumque iniisset Abia certamen. Secundo patet, quia si Ieroboam iniisset bellum contra Abiam, intrasset in regnum Iuda ad pugnandum: sed potius fuit è contrario: quia Abia intrauit in terram Ieroboam. Nam posuit aciem suam super montem Semeron, qui erat in terra Ephraim, ut patet supra in litera, & mons Ephraim erat de regno Ieroboam, quia tribus Ephraim erat una de præcipuis tribubus regni Israel, eo quod Ieroboam rex erat de tribu Ephraim, ut patet 3. Regum 11. Abia ergo aggressus est Ieroboam, & intrauit terram eius ad pugnandum. Ad secundum dicendum, quod litera non dicit ad quid factum sit bellum, & tamen ex verbis Abie colligitur, quod erat ad reducendum decem tribus Israel ad unitatem regni domus David sicut erat prius. Nam enarrat hic quomodo iniuste facta fuit ista diuisio, & postea refert opinionem Israelitarum circa hoc, scilicet, quod ipsi possint resistere viris Iuda, ut maneat semper ista diuisio, & in fine hortatur filios Israel, quod non pugnent dicens: filii Israel nolite pugnare contra dominum Deum patrum vestrorum: non enim vobis expedit: & tamen ipse Abia ibat ad pugnandum contra Israelitas, & hortabatur eos, quod non pugnarent: ideo apparet quod volebat, quod subijcerentur ei sine bello redeuntes ad pristinam unitatem.

An peccauit Abia pugnando contra Ieroboam.

Quest. IX.

QVAERITVR vterius, an peccauit Abia pugnando nunc contra Ieroboam. Aliquis dicit, quod sic, quia Deus vetuerat Roboam pugnare contra Ieroboam pro unionem regni dicens, quod ista diuisio sua voluntate facta fuerat, supra vndecimo. Ideo si pugnaret Abia ad istam unionem, peccabat: quia volebat contra id, quod Deus iusserat. Respondebit aliquis, quod non obstat illud interdictum: quia solum fuit datum Roboam. Nam solum Roboam admonuit tunc Deus, & sic præcepta, vel prohibitiones personales non extenduntur ad posteros. Poterat ergo illo non obstante pugnare Abia contra Ieroboam. Sed dicitur, quod hoc non stat, quia licet præceptum, siue probatio fuerat ad certam personam, tamen causa prohibitionis est semper manens, scilicet, quia dixit Deus, quod sua voluntate facta fuerat diuisio illa regni. Quicunque ergo ageret contra illam diuisionem, volendo reducere unionem, agebat contra voluntatem Dei expressam, & peccabat. Sed obijciatur, quod non peccauerit Abias, quia ipse faciebat bellum istud in nomine domini, & ipsum inuocat in adiutorem contra Israelitas. Si tamen sciret se peccare in hoc non inuocaret eum, nec faceret in nomine domini, quia sciebat, quod non exaudiret eum, quia Deus peccatores non exaudit. Secundo patet, quia Deus adiunxit supernaturaliter Abiam in isto certamine: nam cum viri Israel insidiosè circumdarent viros Iuda, clamantibus viris Iuda ad dominum, perterruit dominus Ieroboam, & omnem Israel, & tradidit eos in manus Abie. Si tamen peccarent facientes contra voluntatem domini, non adiunxerit Deus Abiam, & viros suos, & tamen miraculosè adiunxit, ergo non peccabat. Aliquis dicit, quod ista ratio non stat, quia interdum aliqui fouent iniquam causam, & superant illos, qui mouentur bono zelo, & fouent causam iustissimam: sicut patet de vndecim tribubus Israel pugnantibus contra tribum Benjamin propter scelus virorum Gabaa: & cum viri Benjamin fouerent causam iniquam, obtinuerunt bis, & occiderunt quadraginta milia virorum de Israelitis, ut patet Iudic. vigesimo. Ita

Ita ergo nunc, licet Abia, & viri sui superassent, non arguitur, quod fouerent iustam causam. Dicendum, quod non bene arguitur, nec est simile. Nam verum est, quod interdum Deus permittit, quod fouentes iniquam litem superent, & tamen non adiuuat supernaturaliter ad talem victoriam, quia multum differt inter ista. Nam quando Deus permittit, quod aliqui iniquam fouentes litem superent, nihil agit, sed solum definit obuiare malis. Cum verò supernaturaliter adiuuat, ipse operatur. Quod autem Deus permittat, quod malum est non concludit contra ipsum aliquid mali: & tamen quod ipse adiuuet supernaturaliter in lite iniusta, concludit contra eum, quod ipse iniustus est, vel quod diligit iniquitatem, & hoc est inconueniens. Ideo est istud verum, quod omne malum quod fit Deus permittit fieri, & tamen Deus non adiuuat vnquam supernaturaliter ad aliquod malum efficiendum: & tamen Deus adiuuit hic Abiam contra Ieroboam, imò ipse fecit totum bellum, quia perterritus Ieroboam, & Israelitas: ergo non peccauit Abia in isto bello. Respondendum est, quod Abia non peccauit in isto bello, licet pugnaret ad reducendum Israelitas in unitatem regni, & hoc poterat esse, quia fortè istud bellum Abia nunc magis erat per modum defensionis, quam aggressionis. Nam licet secundum veritatem nunc Abia aggressus fuerit Ieroboam, vt supra declaratum est, tamen faciebat hoc, quia fortè Ieroboam iterum, vel pluries aggressus fuerat ipsum Abiam, vel saltem occultè tentabat ei subtrahere regnum, vt regnaret. Ieroboam super totum Israel: & tunc cum videret Abia necessarium esse sibi, quod se defenderet, inuasit Ieroboam, quia sic melius se poterat defendere debilitando vires Ieroboam, quam expectando eum contra se venire: & hoc, quia ista est experientia belli. scilicet, qui patitur alium aggredi cum vtrique sit causa aggrediendi, dat alteri animositatem ad aggrediendum, quia videtur ex timore expectare, siue non aggredi: & istud maxime apud antiquos obseruabatur quasi in augurium, scilicet, quod quando aliquis intrepidè contra alium procedebat putabatur superaturus: sic fuit de Timotheo duce pugnante contra Iudam Machabeum: primo Machab. 5. Nam cum esset Iudas apud torrem ex vna parte, & Timotheus ex altera, dixit Timotheus exercitui suo, cum appropinquauerit Iudas ad torrem aquarum, si transierit ad nos prior, non poterimus eum sustinere, quia potens poterit aduersum nos. Si verò timuerit transire, & posuerit castra citra flumen, transitemus ad eos, & poterimus contra illum. Iste etiam modus auguriorum nihilominus erat apud Iudeos. Nam quando hostis dabat hosti facultatem veniendi contra se, putabatur vincendus. Sic enim dixit Ionathas filius Saulis ad armigerum suum, quando transire voluit ad castra Philistinorum. Cumque apparuerimus eis, si taliter locuti fuerint ad nos, manete, donec veniamus ad vos: stemus in loco nostro, nec ascendamus ad eos: si autem dixerint, ascendite ad nos, ascendamus, quia tradidit eos Dominus in manus nostras. 1. Re. 14. Cum ergo videret Abia necessario sibi pugnandum esse, credidit securius esse aggredi, quam quod expectaret aggressorem. Et sic non peccauit. Secundum est, quia potest dici, quod Abia aggressus est Ieroboam, etiam si ille non daret necessitatem pugnandi. Fecit tamen zelo bono, quia intendebat Abia deducere regnum Israelitarum principaliter fortè, vt sicut erat vnus regnum, ita esset vnitas cultus Diuini. Nam postquam decem tribus recesserant à domo David, inciderant in idolatriam, & si nunc reducerentur ad unitatem regni, redirent ad unitatem cultus diuini, & hoc colligitur aequaliter ex verbis Abia. Nam vituperat Israelitas, quod fecerint sibi vitulos in Deos, & eiecerint sa-

A cerdotes de terra sua. Ipsos autem viros de regno Iuda laudat, quia semper tenuerunt cultum Domini: & sic dicebat, quod pugnarent Israelitae contra Dominum si pugnarent contra Abiam volentem eos reducere ad unitatem regni, & propter istum bonum zelum non peccauit pugnando pro vnione regni diuisi. Cum autem obijcitur in contrarium, quod Abia peccaret, quia faciebat contra mandatum domini, & semper manebat causa prohibitionis. Dicendum, quod fortè illa causa prohibitionis militabat contra Roboam: eo quod solo desiderio dominandi volebat pugnare contra decem tribus. Nunc autem Abia volebat pugnare magis desiderio reducendi ad cultum diuinum populum errantem, ideo contra eum non erat prohibitio. Vel fortè, quia pugnabat gratis Roboam. Abia autem pugnabat, quia videbat sibi necessitatem pugnandi, vt dictum est.

Quare pugnare volebat Abia contra Israelitas, vt eos vniret. Quastio X.

QVAERITVR vltius, quomodo Abia pugnare volebat contra Israelitas ad reducendum eos in unitatem regni, cum sciret hoc esse impossibile. Nam Deus dixerat, quod fuerat facta diuisio regni voluntate sua, & quod non pugnaretur ad reintegram unitatem: quod tamen est contra voluntatem Dei, est impossibile fieri: ideo in vanum laboraret Abia. Respondendum, quod Abia putauit possibile esse, quod decem tribus redirent ad unitatem regni, & credebatur bonum esse laborari ad hoc. Cum autem obijcitur, quod Deus vetuerat pugnari, ideo erat impossibile fieri vnionem. Aliquis dicet, quod Abia nesciebat illam Dei prohibitionem, & ob hoc putabat possibile esse fieri vnionem. Sed dicendum, quod non est hoc satis verisimile, quia ista prohibitio facta fuerat publice. scilicet cum Roboam, & totus populus Iuda congregatus esset ad pugnandum contra Ieroboam, venit Semeias propheta, & prohibuit pugnari dicens, voluntate Dei factam fuisse diuisionem supra vndecimo. Et sic non poterat ignorare Abia rem tam notoriam. Dicendum ergo aliter. scilicet quod licet Abia sciret prohibitionem istam à Domino factam, putauit tamen eam factam per comminationem, & non secundum certitudinem suae sententiae, sicut multae prophetiae sunt, vt pater Iere. 18. & Ezech. 33. & tales prophetiae saepe mutantur. Ita nunc crederet Abia, quod propter peccatum Roboam patris sui stultè respondentis populo de oppressione eorum, fuerit diuisum regnum, & cum ipse voluerit dare operam ad reducendum vnionem, Deus noluerit pugnare, dicens factam diuisionem secundum voluntatem suam. scilicet quod voluntas sua fuerit punire eum, quia stultè se habuerat. Ideo quod tempore suo non fieret reductio vnionis, & tamen Abia non peccauerat in hoc, sed bono zelo procurabat fieri vnionem: ideo non duraret fortassis tempore suo, & sic conari volebat ad vnionem. Vel saltem dubitabat quomodo intelligebatur prophetia, quia erant dubiae istae prophetiae quomodo intelligerentur. scilicet secundum comminationem, vel secundum certitudinem diuinæ sententiae. Et hoc etiam apud ipsos prophetas ignotum est. Nam quantuncunque Deus per aliquem prophetam prænunciet mala futura alicui, adhuc prophetae dubitant, an sit comminatio, vel certitudo. Ideo hortantur semper, vt homo se disponat taliter, vt non compleatur in eo prophetia malum enuncians: sic patet Ioelis primo vbi Ioel prænunciavit brucum, locustam, & ruginem destructuros omnia terrae nascentia, & postea capitulo secundo hortatus est ipsos Israelitas ad agendum penitentiam, vt fortè conuerteretur Deus à furore suo, dicens, qui

scit si conuertatur, & ignoscat dominus, & relinquit post se benedictionem: quasi dicat, incertum est an istud malum, quod prędixit compleatur, vel fortę det bona quamquam promisit mala. Sic etiam fuit de Ninivitis, q̄ audierunt ex ore Ionę: adhuc quadraginta dies, & Ninive subuertetur: putauerunt, quod hoc poterat euitari, & prędicauerunt penitentiam dicentes: Quis scit si conuertatur, & ignoscat dominus, & reuertatur a furore suo, & non peribimus? Ionę. 3. cap. Ita ergo nunc poterat Abia putare de prophetia ista, & non putaret se laborare incassum cum conaretur reducere decem tribus ad vnionem regni.

Quomodo se habuit Abia loquens ad populum.
Quęstio XI.

QVAERITVR vltius, cum Abia loqueretur ad Ieroboam, & totum populum: quomodo se habebat ad illos. Respondendum, quod modus fuit, scilicet, quod Abia volebat reducere decem tribus ad vnitatem regni domus David, & ad hoc congregauit magnam multitudinem bellatorum, vt cogeret Israelitas ad istam vnionem, si ipsum eam sponte non susciperent. Cum autem Ieroboam rex Israel sciret, q̄ Abia se disponeret ad pugnandum contra ipsum, disposuit quoque se Ieroboam contra Abia congregando magnum exercitum. octingentorum millium virorum. Abia tamen, qui erat inuasor processit in terram Ieroboam, & castrametatus est in monte Semeron, qui erat in sorte Ephraim. Ieroboam autem erat ibi. Dispositis autem aciebus vtrinque voluit Abia tractare de pace proponendo alta voce coram toto Israel: ita quod audiretur ab omnib⁹, vel a multis, vt ipsi vellent redire ad vnitatem regni sine bello. Si autem nollent, sic necesse est bellari, & dum Abia loqueretur verba ista ad Israelitas, ipse Ieroboam moliebatur insidias Abię, & populo suo: quod vidēs Iudas commisit pugnam, & fugatus cęsusque est Israel.

Quomodo verba ab Abia fuerunt prolata.
Quęstio XII.

QVAERITVR vltius, quomodo omnia ista verba Abię, quę habentur hic, fuerunt proposita Israelitis. Aliquis dicet, quod fuerunt pposita in scriptis, scilicet, quod direxerit Abia literas ad Ieroboam, & totum Israel continentes omnia verba, quę habentur hic. Nam si verbaliter debuisset proponere omnia ista Abia, non potuisset audire totus Israel. Primò, q̄ ad hoc, quod audiret verba hæc, stare deberet Abia inter Israelitas, vel iuxta eos, & tamen nō erat sic, quia erant hostes. Secundò, quia dato, quod esset Abia inter Israelitas, adhuc non videretur quomodo tanta multitudo Israelitarum posset audire vocem vni⁹ hominis: nam erant octingenta millia virorum simul, vt patet supra in litera. Dicendum tamen, q̄ hoc non stat, sed necesse erat, quod ista verbaliter locutus fuerit Abia ad totum Israel locatis castris vtrinq;. Primò patet, quia dicitur supra in litera, quod stans Abia in monte Semeron ait: Audi Ieroboam, & omnis Israel: ergo loquebatur ad eos. Secundò patet, quia infra in litera dicitur: Hęc illo loquēte, Ieroboam retro moliebatur insidias: ergo omnia, quę habentur hic, in voce fuerunt proposita, & non in scriptis. Sed tunc dicitur, quomodo poterat Abia loqui ad totum Israel, ita vt audiretur. Dicendum, quod nunc non agitur principaliter, an omnes de Israel audire potuerint istam vocem: satis enim est, vt plurimi eorum audiuerint illā, & dicendum, quod benē poterat audire maior pars exercitus. Nam erat Abia in monte, & castra Ieroboam

F in valle erant subiecta monti, & cū Abia poneret se in aliquo loco alto poterat audiri vox eius ex magna distantia. Sic enim fuit de Ioathan filio Gedeonis, qui venit ad loquendum contra Sichimitas. Nam Abimelech filius Gedeonis ex concubina occiderat sexaginta fratres suos filios Gedeonis, & vngebatur in regem a Sichimitis. Die autem, qua vnendus erat, venit Ioathan minimus filiorum Gedeonis, qui euaserat gladium, & stetit super montem Garizin, clamauitque ad Sichimitas, & proposuit eis parabolam de lignis vngentibus super se regem, & increpatus fuit eis mala, quia prauē egerant cum domo patris sui: Iud. 9. Sic etiam, quando Dauid introiuit in nocte in castra Saulis, tulitque scyphum, & lanceam, quę erāt ad caput Saulis, & cū recessisset de castris stans longē in cacumine montis, clamauit & intellexit verba eius Saul, & exercitus suus. 1. Reg. 26. Ita ergo nunc poterat iste Abia esse in scopulo aliquo montis, & Israelitę, q̄ erant in valle subiecta poterant promptē audire, quę ille proponebat. Cum autem obijcitur, quod non erat Abia inter Israelitas, cū essent hostes sui, ideo non audirent eum. Dicendum, quod verum ē, quia castra Abię erant aliquantulum distantia a castris Ieroboam, & Abias loquebatur de castris suis: audiebatur tamen conuenienter ab Israelitis, quia ipse erat in loco excelso, & Israelitę erant in valle. Ad secundum dicendum, quod de hoc non contendimus. s. an totus exercitus Ieroboam posset audire verba Abię, vel nō: nam satis erat, q̄ Abia taliter loqueretur, q̄ Ieroboam, & plurimi de exercitu audirent eum, licet aliqui distatissimi essent, ad quos non peruenit vox eius.

Quę esset intentio Abia loquentis.
Quęst. XIII.

QVAERITVR vltius, quę erat intētio Abię loquētis ad Ieroboam, & Israelitas, & qd ex verbis suis volebat inducere. Respondendum, q̄ sicut supra penultima quęstione inductum est, Abia volebat reducere Israelitas ad vnitatem regni domus David: istud autem poterat bello, vel pace. Disposuit autem se ad bellum, & quia melius erat, si posset fieri, quod in pace fieret ista reintegratio regni, locutus fuit Abias ad totum Israel proponens, quod non pugnarent, sed redirent ad vnitatem regni sine bello, & si nollent pugnare contra eos. In verbis autem ponit rationes aliquas persuadentes ad reditum: & vna est, quod peccauerint Israelitę faciendo diuisionem regni, & nunc, q̄ iniuste, & violenter subtrahant obedientiam regibus de domo David: & probat hoc, quia Deus dedit regnum super Israel Dauid, & posteris eius in sempiternum: ideo in æternum manere debebat in posteris Dauid, & consequenter quicumque conaretur auferre eis regnum Israel, vel partem eius, esset iniustus, & violentus vsurpator, & detentor, auferēs ius regni posteris Dauid, quibus debitum erat: debebant ergo aliquando redire ad dimittendum, quod iniuste viurpabant. Secundò probat alio modo per modum timoris, scilicet, quod si non concederent hoc Israelitę gratis, quod pugnaret contra eos, & cogerentur ad subiiciendum se regno domus David. Et quia aliqui dicebant, quod defenderent se de domo David, probat Abia, quod non possent se defendere, quia Deus adiuuaret viros Iuda contra Israel: & probat hoc per meritum virorum Iuda, & demerita Israelitarum. Nam viri Iuda erant boni, eo quod non deseruerant dominum, sed habebāt templum illius iuxta se, & obseruabant omnes cœremonias legis exemplificando de sacrificijs, & alijs quotidianis cœremonijs, & ob hoc Deus adiuuaret eos, quia erant cultores eius.

Tales

Tales autem exaudit Deus, ut patet Io. 9. l. Siquis cultor Dei est hunc Deus exaudit. De Israelitis autem probat, quod erant valde mali, ideo non solum non exaudiret eos Deus adiuuando ipsos, sed potius affligeret eos, & impediret: & probat hoc: quia Israelitæ dereliquerant Deum, & constituerant sibi vitulos aureos in Deos, & fugauerunt à se sacerdotes domini ne ministrarent, omnesque cœremonias pervertebant. Aliæ rationes particulares multæ possunt colligi ex dictis Abiæ, sed istæ duæ sunt præcipuæ quas intendit, ut patet inducendo literam ad hoc.

Quare dixit Abia, quod regnum fuerat datum in pactum salis. Quæstio XIII.

QVAERITVR vltius, quare dixit Abia, quod regnum fuerat datum domui David in pactum salis. Respondendum, quod iste erat modus loquendi ad signandum securitatem, & perpetuitatem, scilicet, quod regnum Israel maneret in æternum in posteris David: & signatur hoc per pactum salis, quia sal facit perpetuitatem, ita pactum salis vocabatur pactum perpetuum, sicut sal. Est enim sal perpetuum, siue in malum, siue in bonum. De malo patet, quod quando hostes destruentes aliquem locum volebant eum facere in æternum inhabitabilem, arabant illum, & spargebant sal in eo, & sic tollebatur terræ fertilitas per sal, & reddebatur locus sterilis in æternum. Nam falsugo terram reddit sterilem, ut patet Psalmo 106. Posuit flumina in desertum, & exitus aquarum in sitim, terram fructiferam in falsuginem propter malitiam habitantium in ea. & sic falsugo, & feracitas terre repugnant, & sic factum est in vrbe Sichem. Nam ut desolaretur in æternum, Abimelech arauit eam, & sal sparsit in sulcis: Iudi. 9. Erat etiam sal æternum in bonum: nam in cœremoniis legis nihil erat certius, & regularius, quam sal. Nam in omni sacrificio erat sal apponendum, & in quacunque oblatione, sic patet. Leuit. 2. l. quidquid obtuleris sacrificij sale condies, nec auferes sal fœderis Dei tui de sacrificio tuo: in omni oblatione offeres sal. Et sic, quia semper hoc obseruandum erat, quod in omnibus oblationibus offeretur sal, & ex hoc erat perpetuum: vocatur omne pactum duraturum in perpetuum pactum salis. Nam etiam ipse Deus dixit fœdus salis esse, inquit: Non auferes sal fœderis Dei tui de sacrificio tuo. Et iste modus loquendi frequentatus est in Sacra Scriptura: & sic Abia volens signare pactum esse perpetuum, dixit datum esse regnum domui David in pactum salis.

An Abia rectè arguebat Israelitas de diuisione regni. Quæstio XIII.

QVAERITVR vltius, an Abia rectè arguebat, quod Israelitæ iniuste fecissent diuisionem regni, & vera essent, quæ proponebat hic: nam dixit, quod datum fuerat regnum filiis David in sempiternum in pactum salis: & tamen videtur, quod non benè arguat ex hoc, quia ista promissio Dei intelligebatur secundum conditionem, quæ postea fuit limitata, scilicet, si filij David custodirent legem domini, quam non custodierunt. Item non obstante illa prophetia generali fuit postea data alia magis determinata, scilicet, quod propter peccatum Salomonis diuideretur regnum, & decem tribus prouenirent Ieroboam, & duæ tribus prouenirent Roboam. 3. Reg. 11. cap. Ideo non erat iniustum, quod fieret prædicta diuisio, nec probabat aliquid illa prophetia de pacto salis. Item & enicatus, quod postquam facta fuit diuisio regni, Deus approbavit diuisionem illam, dicens,

A quod non curarent reintegrare regnum, quia sua voluntate facta fuerat diuisio ista. 3. Reg. 12. & supra 11. Et sic argumentum Abiæ ex illo pacto salis non tenet. Respondendum, quod secundum veritatem non erat sufficiens argumentum Abiæ. Nam diuisio regni iusta fuerat, nec poterant posterij David cōqueri de illa, ut declaratum fuit supra vndecimo in quibusdam questionibus. Habebat tamen Abia colorem dicendi ista, & poterat putare, quod legitime probabat. Et ratio est, quia Deus promiserat, quod posterij David sederent in throno Israel in æternum, & adiunxit, quod licet filij David peccarent, non auferret Deus ab eis misericordiam suam, sicut à Saule, quem abstulerat à facie sua, sed solum corripere eos in virga virorum, & in plagis filiorum hominum. 2. Reg. 7. & præced. lib. 17. capit. Et sic quidquid eueniret filiis David, nunquam erat cassandum pactum illud. Ad rationem primam harum poterat dicere Abia, quod verum est, quod si custodirent filij David testimonia, & legem Domini, non solum regnarent, sed etiam prosperarentur in omnibus actibus suis: si autem peccarent, euenirent eis multæ calamitates: & tamen nunquam priuandi erant regno, & sic conditio non erat referenda ad regni possessionem, sed ad alias prosperitates temporales. Regnum autem sine conditione mansurum erat, quia promiserat Deus, quod etiam si peccarent, non auferret ab eis misericordiam suam, scilicet, regnum. Ad secundum diceret Abia, quod verum est, quod Deus prædixerat istam diuisionem facturam tempore Roboam propter peccata Salomonis, & tamen non debebat durare in æternum, sed ad tempus aliquod in penam eius, qui peccauit, & quia Roboam per verba sua stulta occasionem dederat diuisioni regni, satis erat, quod ipse tempore suo punitus esset carendo decem tribubus, & tamen non esset mansura in æternum ista diuisio, ut completetur alia prophetia de pacto salis facto David. Ad tertiam rationem quando dicitur, quod Deus confirmavit diuisionem regni, dicens sua voluntate factam fuisse, dicere poterat Abia, quod non fuit ista confirmatio diuisionis ad semper, sed pro tempore Roboam, qui peccauerat, & cuius tempore diuisio facta fuerat, & ob hoc ipsi Roboam prohibitum fuit pugnare contra Ieroboam. Nunc autem non extēdebatur illa confirmatio diuisionis, ideo iam iniuste manebant Israelitæ recedentes à domo David. Ista poterat rationabiliter respondere Abia ad prædicta obiecta, licet si vellemus possent adhuc impugnari prædictæ responsiones, sed illud non est nobis necessarium.

Quare dixit Abia, quod Ieroboam rebellasset contra Dominum. Quæstio XV.

QVAERITVR vltius, ad quid dixit hic Abia, quod Ieroboam filius Nabath seruus Salomonis rebellauit contra dominum suum, quia modus diuisionis regni non fuit, nisi ex verbis stultis Roboam, quia dixit: si pater meus cœcidit vos flagellis, ego cœdam scorpionibus. Respondendum, quod hoc fecit Abia propter duo. Primum erat, quia licet in responsione praua Roboam fuerit consummata diuisio regni, tamen in rebellionem Ieroboam fuit incohata. Nam cum Ieroboam audisset ab Ahia Silonite, quod futurus erat rex super decem tribus Israel post mortem Salomonis, tanta regnandi cupidine motus est, quod viuente Salomone sollicitabat exercitum, ut à Salomone recederent, & eum regem constituerent: ut ait Iosephus 8. Antiqui. Cum autem sensisset hoc Salomon, voluit tenere Ieroboam, & occidere eum. Ille autem fugiens recessit in Aegyptum, mansitque ibi vsque ad mortem Salomonis, qua audita illico venit in terram Israel, vel ut ait Iosephus

Iosephus principes miserunt eum vocari, & venit. Ipse autem præstitit occasionem aliquam ad diuisionem illam, quæ facta est sub Roboam, scilicet, quod ipse concitauit animos populi, ut rebellarent ei. Nam cum prius viuentis Salomone conatus fuisset Ieroboam rebellare Salomoni subtrahendo populum ab obedientia eius, à fortiori nunc mortuo illo, & nullo constituto in regem conaretur impedire, nè Roboam eligeretur, & constitueretur in regem, & sic vult retorquere causam diuisionis istius Abia in Ieroboam: ideo incipit à rebellionem sua contra Salomonem, quæ fuit origo posterioris diuisionis. Secundum fuit, quia Abia volebat probare diuisionem regni factam fuisse iniustè, ideo esse regnum reintegrandum, & si ordiretur rationem suam à Roboam nihil probaret, sed magis se confunderet, quia Roboam responderat stultè. Nam populus petebat iustum, scilicet, alleuiari iugum grauisimum quod imposuerat Salomon. Roboam verò respondit iniquè, scilicet, quod grauius eos affligeret, quàm pater suus. Vnde iustam causam discessionis habuerunt Israelitæ à Roboam. Nolu itaque ordiri Abia ab hoc loco, sed voluit, quod rebellio Ieroboam contra Salomonem fuerit causa diuisionis, & tunc benè probat, quia rebellio Ieroboam contra Salomonem fuit iniusta, & tamen diuisio regni secuta est inde, ideo iniusta fuit. Dicebat autem hoc modo inde eam secutam fuisse, scilicet, quia Ieroboam sollicitauit corda populi ad petendum aliquid nouum à Roboam, & quia dato, quod non responderet grauius, ipse inquirebat alios modos, quibus diuisio regni fieret. Procurare tamen modos subtrahendi obedientiam ei, cui de iure debetur, peccatum est, & tamè debebatur Roboam de iure, & Ieroboam inquirebat modos istos, ideo peccabat, & consequenter diuisio secuta per modum istum iniusta erat.

Quare dixit Abia congregati sunt viri vanissimi, & an verum fuerit. Quæstio XVII.

QUÆRITVR vltèrius, quare dixit Abia nunc, quod congregati sunt ad Ieroboam viri vanissimi, & præualuerunt contra Roboam, & an verum dixit, quod essent viri vanissimi. Respondendum, quod dicebat hoc Abia ad iustificandum intentionem suam, scilicet, quod diuisio regni fuisset facta iniustè. Nam quando aliquid fit à viris prudentibus, & magnæ auctoritatis, licet nondum constet illud rite factum præsumitur iustè factum. Si autem sint viri inutiles, & insipientes, vel vani, præsumitur stultè factum. Dixit ergo esse viros vanissimos, ut ex hoc appareret, quod diuisio facta fuerat stultè. Cum autem quæritur, an verum esset, quod isti essent viri vanissimi. Dicendum, quod non fuerunt vanissimi: nam iustum petierunt, & iustum fecerunt: petierunt enim, quod alleuiaret Roboam iugum, quod imposuerat eis Salomon, & iustum erat, quia premebantur velut iugo serui, sicut ipsi dixerunt. 3. Reg. 12. & supra 10. Et quia noluit consentire Roboam, sed potius aggrauauit eos verbis, dicens, grauiora se facturum, iustè recesserunt ab eo, quia non obligabatur manere in seruitute, cum nullus eos effecisset seruos. Vocabat tamen eos Abia vanissimos ad confirmandum intentionem suam, quia interdum allegantes pro seipsis mentiuntur aliquid in fauorem suum. Vel vocat eos vanissimos referendo ad Salomonis rebellionem. Nam quod rebellauerit Ieroboam contra Salomonem fuit malum, & fauentes ei in hoc dabant opera rei inhonestæ: & ex hoc vanissimi erant, quia cum non appareret aliqua causa, quare rebellarent Israelitæ Salomoni, qui erat eorum rex à Deo datus, & erat bonus princeps, quod acciperent

nouiter in regem talem virum, à quo nihil vnquam beneficij susceperant.

An Ieroboam peccauit rebellando contra Salomonem. Quæstio XVII.

QUÆRITVR vltèrius, an Ieroboam peccauerit rebellando contra Salomonem. Aliquis dicit, quod non: quia Salomon colebat idola, & peccabat præuaricando totam legem: ideo erat indignus regno, & sic poterat sibi repugnari, sicut si Papa esset hæreticus, non est sibi obediendum, sed est potius deponendus, ut patet in Decretis distinct. 40. cap. si Papa. Sed dicendum, quod istud non stat, quia dato, quod Salomon esset indignus regno, tamen non poterat puniri per Ieroboam, quia ipse non erat iudex ad corrigendum. Secus autem erat de toto populo, de quo erat maius dubium, an posset eum pro talibus delictis priuare regno, de quo declaratum est. 3. Reg. in quadam quæstione. Ieroboam tamen nullam habebat iurisdictionem. Item Ieroboam dato, quod esset iudex, quod non conceditur, non procedebat contra Salomonem modo iudiciario, sed hostili, scilicet, conspirando contra ipsum cum alijs de tribu sua. Ideo committebat crimen læsæ maiestatis. Aliquis tamen dicit, quod non peccabat Ieroboam, quia non inuadebat regnum Salomonis, sed id quod suum erat, quia Deus promiserat decem tribus dare Ieroboam, & quod manerent posteritati Salomonis duæ tribus, sed Ieroboam non poterat modo iudiciali habere illas decem tribus, quas Deus ei promiserat. Ideo licebat ei quocunque modo habere tribus illas. Ob hoc autem inter hostes, qui non habent aliquem iudicem superiorem communem licita sunt bella ad repetendum satisfactionem damnorum, vel iniuriarum: eo quod aliter repeti non possunt, cum non sit aliquis iudex superior communis. Sic autem erat inter Salomonem, & Ieroboam: quia non habebat Ieroboam aliquem iudicem superiorem ad se & Salomonem, qui faceret ei iustitiam de Salomone. Sed dicendum, quod adhuc istud non stat, quia Ieroboam nullum ius habebat patendi regnum Salomonis, eo quod Deus nullum adhuc ei aus dederat: sed promiserat, quod daret ei decem tribus, cum dixit: Scindam regnum de manu Salomonis. tertio Regum vndecimo: eodem capitulo dixerat Deus, quod non faceret istud tempore Salomonis, sed tempore filij sui Roboam. Non ergo habebat Roboam aliquod ius ad petendum decem tribus, & à fortiori non habebat aliquod ius ad repetendum per arma, & ad conspirandum contra Salomonem, ut recuperaret istas decem tribus. Peccauit ergo Ieroboam rebellando contra Salomonem.

Nunc ergo vos dicitis, quod resistere possitis regno Domini, quod possidet per filios David: habetisque grandem populi multitudinem, atque vitulos aureos, quos fecit vobis Ieroboam in Deos: & eiecitis sacerdotes Domini, filios Aaron, atque leuitas, & fecistis vobis sacerdotes, sicut omnes populi terrarum: quicumque venerit, & initiauerit manum suam in tauro de bobus, & in arietibus septem, fit sacerdos eorum, qui non sunt dii.

Nunc

Nunc ergo vos dicitis, quod resistere possitis regno Domini. Hic ponitur secunda ratio, vel inductio, quam intendit Abia contra Israelitas, scilicet, quod Israelitæ putabant, quod poterant defendere diuisionem istam regni, quam fecerant, ut semper sic maneret. Et Abia probat, quod non possint defendere se, quia Deus pro eo pugnat contra Israelitas, cuius causas assignat in littera, scilicet, quia viri Iudæ erant cultores Dei, & viri Israel erant idolatre, & dicitur, nunc vos dicitis, quod resistere possitis regno Domini. *Quod possidet per filios Dauid.* Quasi dicat, non putetis vos pugnare contra homines, sed contra Deum, quia regnum Iudæ est regnum Dei, & filij Dauid, qui in eo succedunt, non se habent tanquam ipsi sint reges, sed sunt tanquam vicarij Dei possidentes regnum non nomine suo, sed nomine Dei. Nam si pugnaretis contra homines, forsitan preualere possitis, sed cum contra Deum pugnetis, impossibile est preualere. *Habetisq; grandem populi multitudinem.* Quia dixerat, quod putabant Israelitæ se preualituros contra Iudam ponitur hic, quia spe hoc agerent, scilicet, quia habebant secum magnam multitudinem exercitus. Nam Roboam solum habebat duas tribus in regno suo: Ieroboam autem habebat decem. Etiam nunc in isto bello dupla erat bellica congregatio Ieroboam, scilicet, octingentorum millium virorum, & Roboam habebat solum quadringenta milia, & in hac confidebant Israelitæ, sed innuebat Roboam, quod in hoc confidendum non esset, quia non est difficile in conspectu Domini vincere in multis, vel in paucis, sicut dixit Ionathas filius Saulis: primo Reg. 14. *Atque vitulos aureos quos fecit vobis Ieroboam in Deos.* Id est, habetis ad vestrum adiutorium vitulos aureos, quos fecit Ieroboam esse Deos vestros, & ista est irrisio: quasi dicat, non possunt vos adiuuare dij vestri, quia sunt de auro, & facti manibus hominum, & vos meliores estis dijs vestris. Et dicitur quos fecit vobis Ieroboam in Deos ad ignominiam Ieroboam: quasi dicat, isti non erant dij, sed Ieroboam fecit illos esse Deos. Isti erant duo vituli aurei, quorum vnum posuerat Ieroboam in Dan, & alterum in Bethel, ut populus coleret illos ibi, & non ascenderent in Ierusalem. 3. Reg. 12. *Et elecistis sacerdotes Domini filios Aaron.* Id est, elecistis de terra vestra sacerdotes Dei, id est, quos Deus instituerat, qui erant filij Aaron. Nam Deus voluit, quod sacerdotes de nulla alia stirpe essent, nisi de stirpe Aaron, & quicumque alius accedere vellet ad ministrandum in sacerdotio occidebatur: Num. 3. & 16. & 18. Et ob hoc quando a principio sacerdotes consecrati sunt, fecit Deus solum Aaron, & quatuor filios eius, quos solos habebat vngi in sacerdotes, ut patet Exo. 29. & Leuiti. 8. Quomodo autem elecerint eos infra dicitur. *Atque leuitas.* Vocabantur Leuitæ omnes alij de tribu Leui præter filios Aaron, qui erant sacerdotes, & isti etiam erant ministri Dei in minoribus officijs, de quibus præcedenti lib. 25. & 26. scilicet, in canendo, & custodiendo thesauros, & obseruando portas, & iudicando in diuersis partibus Israel. Istos etiam elecerunt eadem ratione, qua sacerdotes. *Et fecistis vobis sacerdotes, sicut omnes populi terrarum.* Intelligitur dupliciter. Vno modo, quod fecerunt Israelitæ sibi sacerdotes voluntate sua, sicut omnes populi terrarum, id est, sicut omnes gentes faciunt sibi sacerdotes, quoscumque volunt nihil aliud obseruando: ita & Israelitæ non tenuerunt illos, quos instituerat esse sacerdotes, & leuitas, sed ipsi arbitrio suo fecerunt, quos voluerunt: & hoc erat culpabile, cum Deus posuisset regulam, qui deberent esse sacerdotes, & leuitæ, & quod nulli alij essent. Aliiter potest intelligi, quod fecerunt sacerdotes, sicut omnes populi terrarum, id est, sicut non attenditur aliqua conditio, vel genus personarum

apud gentiles, de quibus sacerdotes assumantur, sed quicumque vult esse sacerdos efficitur sacerdos, ita apud nos quicumque vult esse sacerdos fit, & iste sensus litteræ concordat cum sequenti, scilicet: *Quicumque venerit, & initiauerit manum suam in tauro.* Scilicet, quicumque venerit ad altare, & consecrauerit manum suam offerendo taurum, efficitur sacerdos, quasi dicat, non est alius modus faciendi sacerdotes, & hoc dicitur ad ignominiam Israelitarum, quia inter viros honorabilius constituebantur sacerdotes. Primum, quia eligebantur personæ certæ, scilicet, quod erant solum de stirpe Aaron, & isti non debebant esse habentes maculas aliquas: nam habentes maculam, licet essent de genere sacerdotali, non efficiebantur sacerdotes, scilicet, non consecrabatur, & dato quod consecrarentur, nunquam ministrabant, ut patet Leui. 21. & ibi ponitur macula, quas sacerdotes non debebant habere. Secundum erat, quod in consecratione sacerdotum obseruabantur cœremoniæ multæ, & solennitates, quæ faciebant actum esse honorabiliorem. Istæ cœremoniæ patent Exo. 29. & Leuiti. 8. In sacerdotibus autem, quos nunc faciebant Israelitæ, nihil istorum obseruabatur. De primo patet, quia non eligebantur apud eos personæ, nec quantum ad determinatum genus, nec quantum ad dignitatem aliquam, sed quicumque volebat efficiebatur sacerdos. Secundum erat, quia non obseruabantur cœremoniæ aliquæ in consecrando sacerdotes istos, sed immolabat quilibet eorum tantum, & quædam alia animalia, & sic efficiebatur sacerdos. Alia littera habet, quicumque venerit, & compleuerit manum suam, & intelligit Nicolaus de ingressu Simoniaci ad sacerdotium, scilicet, quicumque veniebat ad Ieroboam, & implebat manum suam, scilicet, Ieroboam dando ei pecuniam in manu efficiebatur sacerdos de mandato, & licentia Ieroboam, & huic consonat littera, quæ habetur 3. Reg. 13. loquendo de hoc, scilicet, quicumque volebat implebat manum suam, & efficiebatur sacerdos ex cœsorum. Dicendum tamen, quod non accipitur complere manum, id est, dare munus aliquod in manu, sed cœplere, id est, consecrare, scilicet, quando fiunt omnes cœremoniæ, quæ requiruntur ad consecrationem manus sacerdotalis, dicitur manus compleri, id est, perfecte consecrari, & non potest intelligi pro Simoniaci ingressu, quod patet manifeste, quia dicitur: *Quicumque venerit, & initiauerit manum suam in tauro.* ergo ista initiatio nihil aliud erat, quam quedam consecratio manus offerendo taurum, & tamen littera nostra aliquando ponit complere manus, & aliquando initiare, & idem est. Et patet hoc etiam ex littera Hebraica. Nam vbicumque nos habemus consecrare manus sacerdotum, vel initiare, in Hebræo ponitur complere, & inde Hieronymus traxit, quod interdum imitaretur illum modum loquendi, & diceret compleri manus. *In tauro, & bobus, & arietibus septem.* Ista cœremonia obseruabatur in quolibet, qui volebat effici sacerdos, scilicet, qui deberet sacerdos effici, offerret vnum taurum, & boues aliquos, & arietes septem: de bobus non dicitur, quod erant, sed non essent multi, quia plures arietes offerrentur, quam boues, quia erant minora animalia. *In Hebræo dicitur in tauro filio vacæ.* Vbi littera nostra dicit, in tauro de bobus. Et hoc præcedit ex æquiuocatione, quia ex illa littera Hebraica potest etiam trahi littera nostra: videtur tamen sensus conuenientior, quem facit littera Hebraica, quia est sensus, quod deberet offerre vnum taurum, & septem arietes. Et secundum litteram nostram sequuntur duo inconuenientia. Primum est, quia non ponuntur boues determinati ad cœremoniam istam consecrationis sacerdotalis, cum tamen ponantur arietes determinati: ita

ita deberent poni determinati boues. Secundum est, quia fit differentia inter taurum, & boues, & tamen nulla est, quia nunc vocamus taurum bouem non castratum: vocamus autem boues absolute ipsos boues castratos, & tamen apud Hebræos non erat talis differentia, quia nunquam castrabantur oues. Deus enim hoc vetuerat omnino fieri in terra Israel: Leuitici 22. Tenendo autem literam Hebraicam non sequitur aliquod istorum inconuenientium. Non primum, quia non ponuntur boues aliqui, sed solum taurum filium vaccæ, & sic intelligitur de vnico tauro. Nec etiam secundum, quia non ponitur differentia inter boues, & tauros, quia solus taurus ponitur in Hebræo. Si tamen velimus tenere literam nostram, dicemus, quod licet Deus vetuisset inter Hebræos castrari animalia: tamē postquam Ieroboam fecit vitulos aureos præuicarius est totam legem, & non obseruabatur aliqua coeremonia eius, & tunc castrabantur animalia, sicut apud gentiles, & erat differentia taurorum, & bouum: & sic offerretur vnus taurus, & aliqui boues, quorum non ponitur summa. *Fit sacerdos eorum, qui non sunt dii.* Per hoc, quod quis occidat ista animalia consecrat manus suas, & efficitur sacerdos idolorum, siue vitulorum, qui non sunt dii, sed simulachra ab hominibus facta: hoc dicit ad improprium Ieroboam, & Israelitarum, quia supra dixerat, quod Ieroboam fecerat vitulos aureos in Deos Israelitis. Hic autem dicit, quod non erant dii, vt confutet errorem eorum, qui colebant in Deos eos, qui non erant dii. In Hebræo dicitur, fuit sacerdos eius, quod non est Deus. Et est modus loquendi improprius, quia deberet poni præsens, & ponitur præteritum. Nam manifestum est, quod quando quis offerebat ista animalia, de quibus hic dicitur, non erat factus sacerdos, sed tunc fiebat. Ideo debet dici fit, & non fuit, & tamen in Hebræo mutantur tempora, & dicitur in singulari eius, quod non est Deus: ponitur tamen pro plurali, quia ille, qui fiebat sacerdos simul efficiebatur sacerdos duorum vitulorum, quos fecerat Ieroboam. Hucusque probauit Abia, quod Deus non adiuuaret Israelitas ad se defendendum, quia erant mali, & in litera sequenti probat, quod adiuuaret viros Iuda, qui boni erant.

An regnum Iuda esset regnum Dei.
Questio XVIIII.

QVAERITVR Circa prædicta. Et primò, cur dicitur hic regnum Dei regnum Iuda: nam dixit Abia, quod non possent resistere Israelitæ regno Dei, quod possidebat per filios Dauid. Respondendum, quod multis rationibus poterat vocari istud regnum Dei. Prima est, quia illud regnum a Deo datum erat filiis Dauid, & non possidebant illud alio iure, vel viribus, sed solum Deo eis tradente, quia ipse dixerat, quod Dauid, & filij sui regnarent in æternum super Israel. 2. Reg. 7. & præced. lib. 17. capit. Regnum autem Ieroboam, secundum quod præsupponebat Abia, non erat regnum Dei, quia non fuerat introductum Dei dispositione, sed potius violenter, & per insidias, cum rebellauerit Ieroboam contra Salomonem, & inde traxit secum aliquos ad postea rebellandum contra Roboam, & faciendum diuisionem regni. Secundò vocabatur regnum Iuda regnum Dei, quia manebat in cultu Dei. Nam templum domini erat in terra Iuda, & sacerdotes domini, atque leuitæ, qui faciebant omnes cæremonias legis in sanctuario quotidiano, sicut infra in litera innuitur. Regnum autem Ieroboam non erat sic regnum Dei, quia non manserat cultus Dei in illo, sed tota lex perierat, & vituli

F aurei colebantur loco Dei, & in hoc nullo modo illud regnum pertinebat ad Deum. Tertio modo vocatur regnum Iuda regnum Dei, scilicet, quia Deus dominabatur specialiter in terra Iuda. Nam Deus in omnibus terris dominatur dominio quodam generali, cum ipse sit rex regum, & dominus dominantium, & princeps omnium regum terræ. Apoca. 1. capitulo. Et tamen inter viros Iuda dominabatur Deus specialiter, sicut si ipse solus esset rex Iuda: & sicut cum aliquis est rex terræ, per manum eius disponitur de omnibus magnis negocijs, & nullus absq; eo audet quidquam facere: ita in omnibus rebus arduis viri Iuda recurrebant ad dominum, & consulebant eum per prophetas, & sacerdotes, & respondebat: sequebanturq; Israelitæ illam responsionem tanquam legem, & sic Deus disponebat de magnis rebus. Etiam sicut rex terræ est, qui facit bella contra hostes pro subditis suis, sicut dicitur primo Reg. 8. Rex noster egredietur ante nos, & pugnabit bella nostra pro nobis: ita quando aliqua gens aduersabatur Iudæis, Deus habebat specialem curam de adiuuando eos, & destruebat aduersarios eorum, quod non fiebat in alijs gentibus, & ista principatum voluit Deus sibi retinere inter Iudæos. Vnde à principio noluit Deus dare Israelitis reges, quia reges habent plenissimam potestatem super subditos, & si haberent reges, viderentur totaliter subditi illis, & eos recognoscerent in dominos: vt autem solum Deum recognoscerent Israelitæ in dominum, noluit eis dare reges. Et ob hoc quando aliqui viri boni erant inter Israelitas, dato quod illis offerretur principatus dominatiuus, non acceptabant illum, nè in hoc præiudicarent diuino iuri. Sic patet de Gedeone, cui dixerunt Israelitæ: dominare tu nostri, & filius tuus, & filius filij tui, quia liberaisti nos de manu Madian. Et dixit Gedeon: non dominabor ego vestri, nec dominabitur in vos filius meus, sed dominabitur dñs Deus. vt pater Iudi. 8. Ex quo innuitur, quod si dominaretur Gedeon super Israelitas nõ dominaretur Deus super eos: ideo noluit ipse dominari, vt Deus dominaretur: quasi ista essent incompatibilia. Ex quo apparet, quod istud dominium Dei erat valde specialiter acceptum, quia alias compateretur secum dominium hominũ, cum Deus sit dominus omnium regnorum terræ, licet illa regna sint subdita hominibus: sic etiam patet, quando Israelitæ petierunt sibi regem dari à Samuele. Nam displicuit valde Samueli, & Deus dixit ei, non te abiecerunt, sed me, nè regnem super eos: quasi dicat: si regem volunt hominem, ego non possum regnare super eos, sed me abijciunt. Non tamen abijciebant eum quantum ad dominium generale quod Deus habet super omnia regna, & reges, sed quantum ad dominium speciale, & immediatum: sicut si vnus sit rex alicuius regni, & regnicole petant alium in regem, abijciunt eo ipso priorem regem, quia non possunt duo esse in solidum reges eiuidem regni, sicut duo nõ possunt in solidum esse dñi rei eiuidẽ. Itum autem principatum specialem dicebat nunc Abia, q̃ tenebat Deus in regno Iuda: ideo vocatur regnum Dei, & non hominũ. Et si obijciatur, q̃ non poterat Deus ibi regnare specialiter, cum ibi essent reges aliqui homines. Respondetur, quod illi non erant, vt reges, sed, vt tenentes regnum illud loco Dei, & quia possidens loco alterius, non habet aliud ius, nisi illud, quod habet ille loco cuius possidet, dicebatur Deus rex regni Iudæ, & nullus alius: filij tamen Dauid erant vicarij Dei, quia tenebant regnum nomine Dei, & hoc signauit hic Abia in litera, dicens: vos dicitis, quod resistere possitis regno domini, quod possidet per filios Dauid: quasi dicat, non possident illud filij Dauid, sed Deus possidet per eos.

Quod fuit motuum Ieroboam ad faciendum vitulos aureos.

Quaestio X I X.

A

An Ieroboam peccauit faciendo illos vitulos.

Quaestio X X.

QVAERITVR vltcrius circa vitulos aureos, quos fecit Ieroboam, & primò quod fuit motuum Ieroboam ad faciendum vitulos aureos. Respondendum, quòd Israelitis præceptum erat secundum legem, quod ter in anno, scilicet, in festo Azymorum, & in Pentecoste, & in festo Tabernaculorum ascenderent in locum sanctuarij omnes masculi Israelitarum: Exo. 23. & 34. & Deuter. 16. Erat autem nunc locus sanctuarij in Ierusalem, postquam Salomon ædificauit ibi templum. Ideo omnes Israelitæ ascendere tenebantur in Ierusalem. Erat autem Ierusalem in regno Roboam, scilicet, in cõfinio Iudæ, & Benjamin. Si ergo decem tribus ascenderent illuc ter in anno, timebat Ieroboam, quòd reconciliarentur Roboam: in quo erat periculum Ieroboam propter multa. Primò, quia sacerdotes, qui erant in Ierusalem, & erant magnæ auctoritatis in populo, persuaderent decem tribubus, quod redirent ad Roboam, quia ille erat verus dominus, & rex, cum Deus promississet posteritati David regnum in sempiternum. 2. Reg. 7. & præcedenti lib. 17. capit. Populus autem faciliter assentiret sacerdotibus, & rediret ad Roboam: potissimè, quia populus assuetus erat toto tempore præterito obedire sententiæ sacerdotum quantum ad omnia, quia Deus dixerat, quòd quando aliquod dubium emergeret, consulerentur sacerdotes leuitici generis, & quod illi sententiarent, hoc teneretur, nec declinaret quisquam ad dextram, vel sinistram: Deuter. 17. capit. Secundò, quia populus dereliquerat Roboam ex quadam perturbatione subitanea, scilicet, quia subito irati fuerunt contra ipsum propter eius verba dura. Cum autem multotiens ascendere deberent in terram Roboam, & ille loqueretur eis pacificè, & ostenderet se velle eis complacere reconciliarentur ei. Tertiò, quia Roboam erat dominus antiquus: nam ipse, & pater suus Salomon, & auus suus David fuerant reges Israel, & dominus promiserat eis regnum in sempiternum. Ieroboam autem non erat dominus naturalis: ideo faciliter rediret ad dominum priorem, & dimitterent Ieroboam, & hoc tetigit Ieroboam. 3. Reg. 12. capit. dicens, conuertetur cor populi huius ad dominum suum Roboam regem Iudæ. Quartò, quia quando Israelitæ omnes de decem tribubus ascenderent peregrinando in terram Iudæ in Ierusalem, poterat Roboam habere viros armatos de tribu Benjamin, & Iudæ, qui opprimerent, & occiderent eos, nisi reconciliarentur regi Roboam. Quintò, quia non permetteret eos exire de regno suo, vel saltem non permetteret intrare in Ierusalem, si non reconciliarentur ei: ipse tamen populus erat cupidus religionis, scilicet, ad obseruandam legem de eundo ter in anno in Ierusalem: ideo reconciliarentur regi Roboam, vt permetteret eis intrare pacificè in sanctuarium, & non infligeret multa alia damna, quæ infligere poterat. Si autem decem tribus reconciliarentur Roboam, ad mandatum eius occiderent Ieroboam. Ideo ipse nesciebat aliquem modum, per què conseruaret regnum suum, nisi, vt inberet decem tribubus non ascendere in Ierusalem ad sacrificia, & quia populus consuetus erat ter in anno sacrificare ascendendo ad locum sanctuarij præter alia sacrificia necessaria in lege, de quibus Num. 28. & 29. cap. & per totum Leviticum, & in Deutero. ideo stauit eis duos vitulos aureos in duobus locis Israel, in quibus facerent omnes cœremonias legis, quas facturi erant in sanctuario Domini.

QVAERITVR vltcrius, an Ieroboam peccauit faciendo vitulos aureos, vt non ascenderet populus in templo domini. Aliquis dicet, quòd non, quia dñs promiserat ipsi Ieroboam facere domum fidelem. i. regnum semper durans, vt patet. 3. Reg. 11. Ergo licebat ei facere omnia illa, sine quibus regnum non erat perpetuum: si tamen Ieroboam permetteret decem tribus ascendere in Ierusalem, non poterat regnum esse perpetuum, quia conuerterentur subditi sui ad Ieroboam: ergo mittebatur ei facere vitulos aureos, quos non faciendo perderet regnum. Sic enim est in iure humano, quod si cui committitur causa examinanda, delegantur omnia sine quibus causa examinari non potest, et si ista non exprimantur, vt patet ext. de offic. deleg. cap. præterea. Respondendum, quòd valde peccauit Ieroboam, quia nimis increpatur à Deo per Hiam Silonitem prophetam. 3. Reg. 14. & per totum tertium, & quartum libros Regum. Nam dicitur, quòd peccauit, & peccare fecit Israel, & fortassis nullus hominum tantum peccauerat ante Ieroboam, sicut ipse peccauit, vt declaratum est 3. Reg. 14. in quibusdā questionibus. Fuit autem peccatum Ieroboam in duobus. Primò, quia fabricauit vitulos aureos: nihil tamè erat magis prohibitum in lege, quàm fabricare idola: Exo. 20. & Deut. 4. & 13. & 17. nec erat aliquid, quod tantum Deus abhominaretur, aut tam grauiter puniret, sicut peccatum idolatriæ, sicut patet ex omnibus libris legis Moyfi. Secundò peccauit, quia prohibuit populo ire in sanctuarij locum, Deus tamen iusserat, quod omnes masculi de Israel ascenderent ter in anno in locum sanctuarij: Exo. 23. & 34. & Deut. 16. Primum tamè erat grauius, quàm secundum, quia primum erat contra præceptum morale, Secundum erat contra cœremoniale, sed cœremonialia non tantum obligabāt, sicut moralia, cum moralia obligent secundum naturam, etiam si non imponantur à legislatore, vt patet ad Rom. 2. l. Gētes, quæ legem non habent, naturaliter ea, quæ legis sunt faciūt dictante eis conscientia. Ad rationem in contrariū. scilicet, quod cum permetteretur Roboam regnum decem tribuum mittebantur ei omnia illa, sine quibus non poterat illud regnum conseruare, & illud erat facere vitulos aureos, & habere illos. Dicitur potest vno modo, quòd non iubeatur Ieroboam, quod haberet regnum decem tribuum, sed promittebatur ei quasi in gratiam, sed poterat viuere vita priuata licitè, si vellent. Ideo a tortiori si ipse videret aliquid, per quod non poterat regnum tenere quin offenderet Deum, vt sibi videbatur, tenebatur dimittere illud. Aliter potest dici, quòd Ieroboam non cogebatur perdere regnum, aut facere vitulos aureos, quos coleret populus, quia etiam si humano consilio ageret solum nullam spem ponendo in Deo, poterat facere melius. scilicet, quod ædificaret vnum templum, sicut erat in Ierusalem, licet non esset tam sumptuosum, & ibi faceret fieri per sacerdotes omnes cœremonias, quæ fiebant in templo Salomonis, & cogere populum, non ascendere in Ierusalem: tunc tolleretur inconueniens, quod ipse volebat. scilicet, quod reconciliaretur populus Roboam. Nam non reconciliaretur, & ipse leuius peccaret. scilicet, solum in præcepto cœremoniali faciendo, quod extra templum fierent sacrificia, tamen non faceret vitulos aureos, sed coleretur Deus, sicut in Ierusalē: & tunc Deus faciliter remitteret istud peccatum, quia ante tempora Salomonis populus sacrificabat in excelsis: tamen Deus non puniebat istud peccatum, licet dicatur, quod esset peccatum, vt patet tertio Reg. 3. cap. Aliter etiam potest dici, quod si videret Ieroboam, quod necesse erat ipsum perdere regnum, & mori,

si non faceret contra legē, tenebantur non facere contra illam. s. non fabricando vitulos, nec vetando populum ire in sanctuarium dñi, vnde licet esset praua prauaricatio nō permittere populum ire in sanctuarium domini faciendo aliud sanctuarium, & colēdo idola: tamē potius debuisset mortem subire Ieroboam, quā vetare populum ire in sanctuarium. Aliter etiam pōt dici, quod peccauit Ieroboam faciens idola, quia non credidit Deo. Nam Deus dixit ei, q̄ si ipse ambularet in mandatis eius, sicut ambulauerat Dauid, faceret ei domum fidelem. Credere debebat ergo certissimē Ieroboam, q̄ permittendo populo ire in templum ad adorandum dñm, non perderet regnum, quia Deus p̄ miserat ei regnum in aeternum si coleret ipsum. Ideo non solum peccauit Ieroboam in idolatria, & faciēdo, quod populus non iret in sanctuarium, sed etiam teritiō peccauit non confidendo Deo, qui promiserat ei conseruare regnum si coleret ipsum.

Quomodo poterat conseruare regnum permittendo populum adorare in Ierusalem. Quæst. XXI.

QV A E R I T V R Vltorius circa hoc, quomodo poterat Ieroboam conseruare regnum permittendo, q̄ populus ascenderet in Ierusalem ad adorandum, quia tunc sequeretur inconueniens, q̄ formidabat Ieroboam. s. q̄ conuerterentur Israelitę ad Roboam dñm suū, eo q̄ manebant oīa motiua, q̄ assignata sunt quæst. superiori 19. Respondēdum, q̄ ex hoc Ieroboam deliberauit facere vitulos aureos, quia videbatur ei difficile, q̄ populus iret in Ierusalem, & non conuerteretur ad Roboam: fuit tñ consilium Ieroboam tāquam hominis diffidentis de promissione Dei, quia Deus p̄ miserat ei cōseruare regnum, si coleret eum, sicut Dauid, vt patet. 3. Reg. 11. Ideo credere debebat, q̄ Deus daret modum, quo licet ascenderet populus in Ierusalem non conuerteretur ad Roboam. Item dato, q̄ Deus non promississet ei cōseruare regnum si coleret eum, credere debebat, quod Deus, qui dederat ei regnum cū nō esset de progenie regum, cōseruaret ei illud, dum coleret ipsum. Modus autem erat ex parte Dei, quod ipse incuteret tantum timorem Roboam, q̄ nō auderet resistere Israelitis venientibus in sanctuarium nocendo eis in aliquo, nec auderet persuadere ipsis, q̄ redirent ad eum, vel potius moueret cor Roboam ad diligendum Ieroboam, ita vt nullo modo desideraret subtrahere ei subditos suos, & contentus esset habere duas tribus, quas habebat. Istud autem facile erat Deo, quia in manu eius sunt corda nostra, & potest mouere illa quocūq; voluerit. Prouer. 21. scilicet. Sicut diuisiones aquarum, ita cor regis in manu dñi, & quocūque voluerit vertet. Vnde aliquando inclinat nos Deus in amorem, in timorem, & in alias passionēs, sicut ei placet, vt apparet Leui. 26. & Deute. 28. Istud autem maximē apparebat, quia quolibet anno Deus faciebat maiora in Israel. Nam quolibet anno ascendebant ter omnes masculi Israelitarum in Ierusalem, & manebant vrbes vacuę, vel saltē solē foemine manebant ibi: & tñ hostes, q̄ erāt in circuitu Israel sciētes vrbes vacuas nunq̄ ascendebāt ad capiendū illas, q̄a vel non audebant Deo incutiente eis timorē, aut non desiderabant p̄ tunc capere illas, q̄a Deus mouebat illos ad nō desiderandū, vt patet Exo. 34. s. Cum tulero gentes a facie tua, & dilatauero terminos tuos, nullus insidiabitur terrę tuę ascendente te, & apparente in conspectu dñi Dei tui ter in anno, multis autē modis Deus facere poterat, quod licet Israelitę ascenderent in Ierusalem non perderet Ieroboam regnum.

Quare fecit Ieroboam duos vitulos.

Quæst. XXI.

QV A E R I T V R vltorius, quare Ieroboam voluit facere duos vitulos, quia sufficiebat ei, q̄ faceret vnum quem colerent Israelitę. Item videtur, quod ipse potius debuisset facere vnicum vitulum, & ponere illum in vnico templo, ad quod cōuenirent omnes Israelitę: & patet hoc, quia Ieroboam transferebat Israelitas a cultu Dei ad cultum idolorum, & hoc solū, vt nō haberent occasionem recōciliandi se cum Roboam ascendendo in Ierusalem: debebat ergo ad hoc transferre eos quanto minus posset tenendo aliquam similitudinē cum cultu Dei, nē Israelitę abhorrerēt omnimodam mutationē subito fieri. Cū ergo inter Israelitas esset vnicus locus, vbi fierent sacrificia: Leui. 16. & Deut. 12. & Ios. 22. Ita debuisset Ieroboam constituere vnicum locum, & ibi ponere vnicum vitulū. Item Ieroboam transferebat Israelitas a cultu Dei ad idola, & videbatur difficile a principio transferre sine aliquo colore: ideo debebat esse color, q̄ ipse non incitabat illos ad colendum imagines istas, sed potius ad colendum Deum in istis imaginibus, & quia Deus Israel vnicus erat, melius coleretur in vnica imagine, & repręsentaretur, quā in duabus. Nam cū viderēt duas imagines putarent eas repręsentatiuas esse duorum deorum. Ex hoc enim insit Deus vnicum templum fieri in toto Israel, vt nō putarent Israelitę, quod multi dijerant, sed multa altaria essent, vel multa templa. Cū ergo faceret Ieroboam vnicum vitulum, putarent Israelitę illum fieri ad repręsentationem vnius Dei, & facilius transferrētur ad hoc, cū tamen duos vitulos viderent, putarent p̄ duobus dijs illos poni, & abhorrerent magis istud: ideo magis conueniebat ipsi Ieroboam facere vnicum vitulum. Respondēdū, quod Ieroboam voluit facere multos vitulos: propter duo motiua, quę eum potius ad multos vitulos, quā ad vnum incitabāt, & propter quā simulabat Ieroboam se hoc facere. Pro quo sciendum, quod Ieroboam secundū veritatem non mouebatur ad faciēdum istos vitulos, nisi, vt populus non reconciliaretur Roboam ascendendo in Ierusalem, vt patet. 3. Reg. 12. Istud motiuum tamen non expresse rex populo, sed intra se sollicitus istud cogitauit. Finxit autem, q̄ nolebat, quod populus ascenderet in Ierusalem propter duo: primum erat, quia videbatur superuacuum illuc ascendere, quia determinatio legis, scilicet, quod esset vnicus loc⁹ sanctuarij, non erat necessaria, quia Deus vbique est, ideo non magis in vno loco, quā in alio coli potest. Ad hoc autē conueniebat potius, quod ipse faceret plura templa, quā vnicum, vt sic innueret in multis locis, imō vbique posse Deum equaliter coli. Si autem vnicum templum fecisset, videretur coincidere cum positione legis, scilicet, quod De⁹ solū colebatur in vno templo conuenienter. Fuit ergo conueniens intentioni suę, quod ad minus faceret duo templa, & poneret duos vitulos in eis. Secundum motiuū erat, quod signabat Ieroboam se facere hoc ad tollendum laborē populi, scilicet, quia difficile erat, & laboriosum, quod de toto Israel congregarentur in Ierusalem ad festiuitates: ideo posuit duo loca, in quibus coleretur Deus in regno suo, vt quædam pars regni iret ad vnum locum, & alia iret ad alium, & sic facile esset cuilibet ire in sanctuarium. Fuit ergo conueniens ad minus poni duo loca, & fuerunt ista Bethel, & Dan: eo quod vnum erat in extremitate meridiana decem tribuum, scilicet, Bethel, & aliud erat in extremitate Aquilonari, scilicet, Dan, & conuenienter in vrbe Dan fuit nunc positum idolum a principio habitationis suę per Iudæos, scilicet, Idolum Michæ. Nam

Nam ex eo die, quo filij Dan acceperunt ciuitatem illam de manu Laïsenorum posuerunt ibi idolum Michæ: & mansit ibi vsque ad diem captiuitatis ciuitatis ipsius Iudi. 18. Et hoc fuit vsque ad tempora Samuelis, vt declaratum est eodem cap. in quadam quæstione: & sic nunc conuenienter ibi idolum poneretur, quia non haberent illud molestum filijs Dan. Ad rationes in contrarium dicendū, quod ille probant, quod dēret Ieroboam vnicum vitulum & vnicum locum cultus constituit ad concordandum legi: & verum est: quia si intenderet concordare legi, quod vnicum vitulum fecisset, & tamen potius intendebat discordare, ostendendo, quod non solum in vno loco Deus conuenienter colitur, sicut lex præsupponebat: sed etiam in multis, vel potius ubique: ideo potius debuit multos vitulos, & loca cultus constituit.

Cur potius de duxit populum ad colendum vitulos.

Quæst. XXIII.

QUÆRITVR vltius, cum Ieroboam vellet deducere populum ad cultum imaginum, cur potius ad colendum vitulos quam aliquam aliam imaginem, cum essent tunc apud Gentiles dii multarum figurarum. Respondendum, quod magis fuit hoc rationi propinquum quam facere Deos alterius figuræ. Voluit enim Ieroboam tales Deos Israelitis fabricare, de quibus verisimiliter possent cogitare, quod erant dii. Est autem Deus secundum omnem hominum conceptionem aliquid viuens & operans: ideo id quod magis accedit ad naturam viuētis facilius potest credi esse Deus. Israelitæ autem in Aegypto viderant Deum Apin, qui apud Aegyptios singulis annis apparet: & ante eos currit: & de manu eorum cibum sumit: & aliquam futurorum significationem ostēdit, & cum vna die apparuerit in anno, non apparet postea toto illo anno. Est autem dies certus in quo apparet: & tunc Aegyptij præsto sunt celebrare magnam festiuitatem, & occurrere ei cum omni genere musicorum organorum. De quo latè dictum est Exo. 2. & 32. Inter Aegyptios autem nullus Deus in comparatione istius in veneratione aliqua habetur, ideo Israelitæ, qui in Aegypto fuerunt multo tempore, sæpe viderunt istum Deum Apin in forma bouis præcedentem Aegyptios: & ipsi eum coluerunt cum ceteris Aegyptiis. Et ista fuit causa quare in exitu de Aegypto nondum completis quatuor mēsis ab exitu de Aegypto, manente Moyse cum domino in monte accipiendo legem, Israelitæ fabricauerunt sibi Deum: qui tamen nullam aliam figuram fecerunt nisi vitulum: Exo. 32. Ita ergo nunc memoriam habentes illius Dei Aegyptiorum, quem verisimiliter Deum putabant, fabricauerunt mandato Ieroboam vitulum. Item istud factum est introducendo auctoritatem Aaron, qui erat summus sacerdos, & Deo acceptabilis: ipse tamen fabricauit vitulum aureum Exo. 32. Item plurimi Israelitarum putauerunt quod cum iste esset Deus viuens potens moueri ante eos, quod iste erat Deus, qui eduxisset eos de Aegypto, & ob hoc fabricato vitulo per Aarō cantauerunt, ecce dii tui Israel, qui te eduxerunt de terra Aegypti: Exod. trigésimo secundo. Nunc igitur tenentes eandem opinionem fabricauerunt vitulos, & dixerunt: ecce dii tui Israel, qui eduxerunt te de terra Aegypti. tertio Regū duodecimo, nulla alia imago conuenientior visa est ad fabricandū nunc quam quod fierent vituli, & illos excogitauit facere Ieroboam.

A Quomodo persuasit, vt colerent Deum in duobus templis.

Quæst. XXIII.

QUÆRITVR vltius, quomodo potuit Ieroboam persuadere Israelitis, vt colerent Deum in duobus templis. Nam secundum legem Leui. 17. et Deute. 12. statutum erat vnicum esse locum sanctuarij. Respondendum est secundum Iosephum 8. Antiqui. quod persuasit hoc Ieroboam alquali ratione quasi naturali: dixit enim quod Deus vbique est: ideo non magis in vno loco quam in alio coli potest. Et si forte aliquis de populo diceret, cur Deus in vnico loco iussit sibi fieri templum. Responderet Ieroboam, istud factum fuisse ad maiorem solennitatem, vt totus populus appareret ibi: & tamen nihil prohibet Deum vbique coli. Quia si Deus esset vt homo, qui vnicum locum habet, conueniens erat ei vnicum locum assignari ad colendum ipsum. Quia tamen Deus vbique est, vbique coli potest: & quia sine labore grauiori erat eum in multis templis coli quam in vnico, voluit constituit multa templa ad releuandum laborem populi. Forte etiam Ieroboam dixit Israelitis, quod tribus Iuda, & Benjamin erant hostes ipsorum, & si ascēderent in terram eorum ad sanctuarium, possent eis nocere: ideo licitum erat ipsis colere Deum in terra sua. Ista sunt aliquantulum colorata: & tamen potius videtur quod Ieroboam trāstulerit clarè Israelitas ad idolatriam: quia non solum fecit esse multa templa, sed etiam constituit sacerdotes quoscunque laicos de populo, qui non erant de filiis Leui: vt patet supra in litera, & 3. Reg. 12. Et tamen, istud erat contra legem: Num. 3. & 16. & 18. & generaliter in omnibus recebat à lege.

Quomodo potuit perducere ad colendum vitulos, cum sit abhominabile. Quæst. XXV.

QUÆRITVR vltius, quomodo Israelitæ potuerunt perducere ad hoc quod colerent vitulos, cum istud esset valde abhominabile eis. Respondet Iosephus 8. Antiqui. quod inducti fuerant ad hoc sub nomine religionis, scilicet tanquam colerent Deum sub effigie illorum vitulorum: sicut nos sanctorum habemus imagines: & dixit illas duas vitulas esse Deo æquiuocas, id est quod non signabatur per quamlibet vitulam vnus Deus, nec erat qualibet vitula vt Deus, sed per quamlibet signabatur idem Deus, & vnus. Sed obicietur, quia 3. Regum 12. vbi ponitur de fabricatione istorum vitulorum dicitur: ecce dii tui Israel, qui eduxerunt te de terra Aegypti, & sic vocauerunt plures Deos, & tamen contra legem est nominari plures Deos: vt patet Exo. 20. & Deute. 4. & 5. Sed dicunt quidam, quod accipitur plurale pro singulari ex conditione idiomatis Hebraici. Sicut patet Exo. 32. scilicet. Ecce dii tui Israel, & tamen ibi vnus vitulus erat. Sed dicendum, quod istud non stat: quia si intendisset Ieroboam Deum colere in vitulo, vel innuere populo, quod colerent Deum in vitulo non deberet facere multos vitulos, sed vnicū, vt signaret vnitatem Dei: fecit tamen duos vitulos, & dixit, ecce dii tui Israel: ergo volebat innuere plures deos. Item Ieroboam sciebat, quod Deus punierat valde Israelitas, quia coluerant vitulum in deserto: ideo si ipse vellet Deum colere, non debuisset fabricare imaginem vituli. Sed videtur quod rationabiliter debuisset Ieroboam facere vnum templum in terra sua, & ibi nullam ponere imaginem, sed facere omnes ceremonias legales, quæ fiebant in Ierusalem: & tunc non erraret à lege, nisi in vno. scilicet quod extra vnicum locum sanctuarii faciebat sacrificia. Ad istud autem ipse poterat ostendere causam rationabilem verisimilem, scilicet quod propter hostilitatē, quā habebat decem

decem tribus cum Iuda, & Benjamin, non deberent ire in Ierusalem: & ob hoc quod liceret eis facere in terra sua templum ad colendum dominum: Ieroboam tñ omnino deuiauit à lege, scilicet quia cōstituit duas imagines tanquam Deos. Quod erat potissimè contra legem: etiam fabricauit templa in diuersis locis. Item cōstituit sacerdotes non de leuitis, sed de quibusdam de populo: vnde nihil de lege videbatur custodire. Dicendum igitur, quod Ieroboam voluit totaliter detrahare intentionem Israelitarum à templo Ierusalē, ne illuc euntes reconciliarentur Roboam regi Iuda. Istud autem visum est sibi non posse facere nisi deducendo populum ad opinionem totaliter cōtrariam. Erat autem positio legis, quod Deus in vnicolo loco coleretur, & sine imagine. Si autem Israelitæ habuissent vnicum locum, & sine imagine in terra Ieroboam, putarent aliquid sibi deesse ad obseruationē legis, scilicet qd nō colebant Deum in illo loco, in quo ipse statuerat, scilicet in Ierusalem, ideo desiderarent ire in Ierusalem. Voluit ergo totaliter Ieroboam agere contra legem. Introducingo imagines, & multa templa: & tunc cum Israelitæ viderent nihil se seruare de lege, quā olim seruabant, sed totaliter esse in opinione cōtraria, non inclinarentur ire in Ierusalem tanquam illud sibi deesset ad complementum legis. Sed voluit Ieroboam, quod sicut populus Israel, & viri de regno Iuda erant nunc hostes, ita modi colendi Deum inter ipsos essent nimis diuersi. Ideo putandum est, qd Ieroboam voluerit ostendere illos vitulos esse Deos, qui eduxerunt Israelitas de Aegypto: & quia in ege Moyfi non fuerat introductus talis modus dei tails consequenter non oportebat fieri aliquem modum ceremoniarum istis diis de ceremoniis, quæ fiebant in lege Moyfi. Et si aliqui adhuc vellent proteruire qd isti vituli non fuerint facti, vt dij, scilicet ad hoc quod colerentur: sed vt per illos intelligeretur Deus. Dicendum, qd non stat, quia supra in litera dicitur: habetis vitulos aureos, quos fecit vobis Ieroboam in Deos. Ergo non erant vt imagines Dei, sed vt ipsi dij.

Quomodo potuit persuadere populo, quod essent sacerdotes de populo. Quest. XXVI.

QVAERITVR deinde, circa sacerdotes istos quos constituit Ieroboam pro istis vitulis, scilicet quomodo potuit Ieroboam persuadere populo, quod essent sacerdotes de populo, & non de leuitis sicut erat in Ierusalem. Respondendum, qd Ieroboam faciliter hoc persuasit, quia cultus idolorum. s. vitulorum differebat nimis à cultu Dei, s. m legem Moyfi. Ideo non solū in ritu colēdi, sed etiam in ministris poterat esse differentia. Nam variato principali, scilicet Deo, qui colebatur, poterant reliqua variari. Itē quia populo hoc placeret, qd essent sacerdotes de oībus tribubus, cū in hoc esset quidam honor. Itē, quia à principio fuerat iste modus, & ē inter oēs gentes erat, qd primogeniti haberent præcipuum honorem in sacrificando: ceteris tñ licebat facere sacrificium. Item argueret ad hoc Ieroboam quadam ratione quasi naturali. s. Deus non est acceptor personarū: vt patet Deu. 1. & 10. Iō quicunq; voluerit colere ipsum recto animo, acceptabitur ab ipso, sed sacerdotes colebāt Deū specialiter: ideo ad quemcunq; poterat pertinere fungi sacerdotio. Ista rōne utebatur Chore, & socij sui contra Moysem, & Aaron pro summo sacerdotio Aaron: & pro minori sacerdotio stirpis suæ. Nam volebant isti, qd ad totum populum pertineret sacerdotium: eo quod oēs erant viri sancti. Vnde dixerunt ad Moyse, & Aaron: sufficiat vobis, qd omnis multitudo sanctorū

est, & in ipsis est Deus, cur eleuamini super populum dñi? s. vsurpando vobis solis sacerdotium? Nō ergo esset magna difficultas in persuadendo hoc populo.

Cur Ieroboam sacerdotes constituit de populo non de tribu Leui. Quest. XXVII.

QVAERITVR vltorius, quod fuit motium ad faciendum sacerdotes de populo, & non de filiis Leui. Respondendum vno mō, qd poterat istud esse ad faciendum diuersitatem inter cultum vitulorum, quem ipse nunc introducebat, & cultum dei, qd præexistebat. Nam prior cultus erat per sacerdotes de stirpe Leui. Iste autem cultus erat vt voluit Ieroboam per viros laicos quoscunq;. Secunda ratio poterat esse, quia Ieroboam voluit excludere sacerdotes, & leuitas de terra sua, quia fortē senferat eos sibi repugnaturus in idolatria ista, & vt sacerdotib; dissuaderentibus, & detestantibus cultum istum populus non recederet ab idolatria rediēs ad priorem cultum Dei, deliberauit excludere eos, & vt nō videretur egere ministris, ante illorum recessum constituit sibi sacerdotes de quibuscunq; de populo. Tertia ratio potuit esse, quia dato quod non intenderet Ieroboam excludere de terra sua sacerdotes, qui erant de tribu Leui: & tñ interdū poterant abesse: et tunc populus, vt haberet ministros, iret in Ierusalem vbi maxime residerent sacerdotes, & leuite, qd contra intentionem Ieroboam erat: ideo vt nunquam deessent sacerdotes, constituit sacerdotes de populo. Quarto, quia dato qd non expelleret Ieroboam sacerdotes, et leuitas de terra sua, ipsi recederent de ea propter vitulos aureos: et tamen ī defectum ministrorū, oporteret populū Israel ire in terram Iuda ad sacrificia, iō constituit de populo sacerdotes, vt nunquā deessent sacerdotes, nec oporteret ire aliquē in Ierusalem. Ista causæ oēs sunt verisimiles: & tñ non sunt oēs solide. Nam non est verum, quod cōstituerit Ieroboam sacerdotes: quia recesserunt sacerdotes de filiis Leui. Nā antequam recederent, cōstituit sacerdotes de populo: imò ista fuit cā quare sacerdotes, & leuitæ recesserunt de terra decē tribuum. s. quia ipsi iā nō ministrabant in officiis, & cōsequenter non habebant redditus aliquos, sed populares vsurpauerant istos. Sic. n. colligitur supra 11. i. Sacerdotes, & leuitæ, qui erant in vniuerso Israel venerunt in Ierusalem: eo qd abiiecisset eos Ieroboam, & posteri eius, ne sacerdotio dñi fungerētur. Dicendū igitur, qd motiū Ieroboam fuit, vt placeret populo. Erat. n. sacerdotiū magni honoris, & magnorū reddituum inter Israelitas, iō Israelitæ pugnaverunt cōtra Moysem, & Aaron qd ipsi vsurparent sibi sacerdotium, & per hoc dominarētur super populū: Nu. 16. Deus at abstulit ibi istā cōtentionē: Num. 17. Erat igitur cupidus sacerdotij, sed nō audebat vsurpare illud propter legem, & principes verantes. Nunc Ieroboam, vt posset inducere populum ad ea, quæ ipse volebat, scilicet ad totālē legis mutationem, voluit complacere populo in hoc constituendo sacerdotes de popularibus:

Quare Deus non puniuit Israelitas. Quest. XXVIII.

QVAERITVR vltorius, quomodo Deus non puniuit Israelitas vsurpantes sibi sacerdotium. Nam Deus dixerat, quod quicunq; accederet ad ministrandum, si non esset de stirpe Aaron, moreretur: Nume. tertio, & decimo octauo. Item patet hoc ex exemplo: quia Chore, & ducenti quinquaginta socij sui voluerunt vsurpare sacerdotiū offerendo thus coram altari, & omnes simul celesti igne exusti sunt: Num.

Num. 16. Rex quoque Ozias, qui alio nomine vocatur Azarias, voluit offerre thy miam in altari, & in fronte fuit percussus lepra 4. Regum 15. & infra 26. Responderi potest vno modo secundum quosdam, quod istud factum est ex misericordia Dei, qui expectabat conuersionem Israelitarum. Vnde misit prophetam ad eos: vt patet 3. Regum 13. & si voluissent reuerti libenter remisisset eis præterita mala. Sicut et tolerauit eos multo tempore, quod idola coluerint mittendo ad eos quotidie prophetas, quos non exaudierunt quousque facta est insanabilis plaga eorum, & fecit eos duci captiuos in terram Medorum, & Persarum: vt patet 4. Regum 17. Sed dicendum, quod ista responsio potest esse conueniens, si quæretur quare Deus non puniuit Israelitas, cum colerent idola, cum ex sola misericordia tandiu expectauit: & tamē de sacerdotibus non est eadem responsio. Nam dato quod Deus vellent agere secundum rigorem cum Israelitis, non debebat eos occidere, quia peccauerunt sacerdotes de popularibus. Quia lex data Num. 3. & 18. non se extendebat ad istos, sed solum ad illos, qui vellent in templo domini coram altari suo ministrare, si non essent de stirpe Aaron. Isti autem non ministrabant Deo, sed idolis. Etiam non ministrabant in templo domini, sed in tēplis prophanis, & sic nō obligabat eos lex illa. Vnde nō magis peccarent Israelitæ, quod populares facerent sacrificia illa, quamquam facerent ea sacerdotes de stirpe Aaron, sed peccabant solum in hoc, quod colebant idola.

Quomodo eiecerunt sacerdotes, & leuitas, & quare.

Quest. XXIX.

QUÆRITUR vltius, cum dicatur hic, quod eiecerunt Israelitæ sacerdotes dñi, & leuitas de terra sua quō hoc stet, & quare fecerunt. Respondendum, quod ista eiectio potest intelligi dupliciter: vno modo quod eiecerunt eos non quidem iubentes, vel cōpellētes, quod recederent, sed eiicientes eos de honore suo. Nam honor sacerdotalis competebat solis viris de stirpe Aaron: quod aut daretur iste honor etiam aliis, erat diminuere statum illorum, quibus solum competebat. Et quia Israelitæ dederant potestatem sacerdotalem cuicunque de populo, quia quicumque volebat consecrabat manum suam, & efficiebatur sacerdos, vt patet in litera. Iō eiiciebant sacerdotes à se, scilicet eiicientes eos de honore suo. Secundo modo dicebant eos eicere non quidem de terra, sed de ministerio domini: nam Ieroboam faciebat, quod in terra sua colerent vituli aurei. Sacerdotes aut, & leuitæ non erant ministri vitulorum, sed Dei veri, & sic nō permittebat Ieroboam, quod permanerent in ministerio prioris istius sacerdotis, & leuitæ: sed quod colerent idola si vellent: & sic eiiciebat eos de ministerio suo. Hoc signatur supra 11. scilicet sacerdotes, qui erant in vniuerso Israel venerunt in Ierusalem, eo quod abiicisset eos Ieroboam, & posteri sui, ne sacerdotio dñi fungerentur. Tercio modo potest dici, quod eiecerunt eos de terra sua nō quidem directē iubendo eis, quod inde recederent, sed indirectē cogendo eos ad recedendum. Et hoc poterat esse dupliciter. Vno modo quod subtraherent victum eis. Nam sacerdotes, & leuitæ habebant victum de iis, quæ percipiebant de laicis, cum ipsi nullas possessiones haberent: vt patet Num. 18. & Deute. 18. & Iosue 13. Israelitæ tamē ista subtraxerant sacerdotibus, & leuitis, iō cogebant eos recedere de terra sua. Et ista subtractio fiebat dupliciter, quia dupliciter sacerdotes, & leuitæ percipiebant victum ab Israelitis. Primo modo per viam iuris, vel de

biti, scilicet quia aliqua erant iura sanctuarij, vt decimæ, primitiæ, oblationes: & alij redditus, qui de iure competeabant sacerdotibus, & leuitis: ita quod essent sibi debiti: de quibus Nume. 18. Secundo modo per viam elemosynæ. Nam quandoque Israelitæ faciebant sacrificia, & epulas magnas, cōmendabat Deus eis quod vocarent ad prandium leuitas, qui pauperes erant Deut. 12. & 14. Etiam colligebant quolibet anno tertio vnam decimam pro pauperibus Israelitæ: & illam iubebat Deus, quod darent pupillis, aduenis, & leuitis, & omnibus pauperibus: Deut. 14. Etiam quandoque coquebant panes Israelitæ iubebat Deus, quod separaret de illis primitias quasdam, i. aliquas partes pro sacerdotibus, & leuitis, vt colligitur, & declaratum est Num. 15. Omnia autem ista iura, & elemosynas subtraxerant Israelitæ leuitis, & sacerdotibus. Vnde nihil habebant aliud vnde viuerent: & sic necesse erat, vt recederent de terra Israelitarum, cum nihil haberent ibi, de quo sustentarentur. Secundo modo indirectē eiiciebant eos de terra, scilicet quia cogebant eos non ministrare domino. Nam Ieroboam iusserat, quod nemo de terra sua ascenderet in Ierusalem: vt patet 3. Regum 12. Et sic sacerdotes, & leuitæ, qui erant in terra Israel non possent ire ad ministrandum in Ierusalem, oportebat tamen eos ire illuc: ideo indirectē cogebant eos exire de regno, vt manerent foris: & sic possent ministrare in Ierusalem. Quod autem oporteret sacerdotes, & leuitas ascendere aliquando in Ierusalem erat propter duo. Primo propter cōscientiam: quia erat contra cōscientiam manere in terra Israel colendo idola, vel dādo fauorem cultoribus idolorum. Etiam erat contra cōscientiam non ascendere ad ministrandum in Ierusalem: cum istud pertineret ad officium suum: & erant omnibus sacerdotibus, & leuitis assignata tempora ad ministrandum secundum ordinationem Dauid: præcedenti lib. 24. & 25. capi. Nō ministrare autem temporibus illis contra legem erat. Secundo propter necessitatem sustentationis. Nam sacerdotes, & leuitæ non habebant iura nisi de sanctuario, & eis quæ accessoria erant ad sanctuarium. Si autem non ministrarent non manebant eis iura de quibus viuerent. Ideo necesse erat, quod ipsi irent ad ministrandum in sanctuario. Non permittere ergo eos illuc ire manendo in terra Israel, erat cogere eos indirectē ad hoc, quod recederent totaliter de terra illa ad habitandum alibi. Et iste modus est valde conueniens, quia secundum istum eiecerunt eos Israelitæ de terra sua, & etiam de ministerio domini. Quarto modo potest dici, quod eiecerunt eos de terra, scilicet directē iubendo eis, quod recederent, & hoc propter multa. Primo, quia forte timebat Ieroboam, quod sacerdotes, & leuitæ obuiarent sibi valde in fabricatione vitulorum. Nam sacerdotes, & leuitæ erant magis zelantes legis quā alij. Ideo videntes tantam abusionem, scilicet quod deserto Deo, colerentur vituli aurei, valde increparent Ieroboam auctore huius: & vt non sustineret eorum increpationes eiecit eos de terra sua in principio huius fabricationis vitulorum. Secundo poterat esse, quia forte sacerdotes, & leuitæ manserunt vitulos, & cum in hoc reclamarent, timeretque Ieroboam quod eisdem inuentibus populus crederet, & ascenderet in Ierusalem sicut prius ad faciendum sacrificia, & conuerteretur ad Roboam: quod abominabatur Ieroboam: ideo exclusit eos ne eueniret, quod timebat. Tercio forte factum est ad placendum populo. Nam populus erat cupidus sacerdotij, & non audebat illum usurpare propter poenam legis, & propter principes vetantes, & quia nunc erat data libertas a Ieroboam, non

non solum voluerunt populares priuare sacerdotes viribus suis, & honore, sed ipsi ministrarent, & ministrarent laici, sed etiam ad vindictam voluerunt eos excludere de terra sua, quia toto tempore preterito fuerant sacerdotes, & Leuitæ prelati populo inuitis popularibus, Deo tamen iubente. Modus tamen quartus, & tertius videntur esse convenientiores quàm omnes alij.

Noster autem Dominus Deus est, quem non relinquimus: sacerdotesque ministrant Domino de filiis Aaron: & Leuitæ sunt in ordine suo. Holocausta quoque offerunt Domino per singulos dies, mane & vespere: & thymiamata iuxta legis præcepta confectum, & proponuntur panes in mensa mundissima, estque apud nos candelabrum aureum, & lucerna eius, ut accendantur semper ad vespeream: nos quippe custodimus præcepta Domini Dei nostri, quem vos reliquistis. Ergo in exercitu nostro dux Deus est, & sacerdotes eius, qui clangunt tubis, & resonant contra vos: Hic filij Israel nolite pugnare contra Dominum Deum patrum vestrorum, quia non vobis expedit. Hæc illo loquente, Ieroboam retro moliebatur insidias. Cunque ex aduerso hostium staret, ignorantem ludam suo ambigebat exercitu.

Noster autem Dominus Deus est. Posuit supra Abia causam quare Deus non adiuuaret Israelitas, scilicet quia mali erant. Hic ponitur causa, quare Deus deberet adiuuare viros Iuda: & describitur restitutum religionis suæ, & dixit: Noster autem Dominus Deus est, scilicet vester Deus non est Deus: sed vituli aurei, quos fecit Ieroboam vobis in deos, & non sunt dii. Noster autem Dominus est Deus verus qui in cælis habitat. Quem non relinquimus. Dicit ad improprium Ieroboam, & Israelitarum: quia Deus eorum erat Deus Israel, sed reliquerunt eum, & fecerunt vitulos anreos. Viri autem Iuda non reliquerunt Deum suum. Sacerdotesque ministrant Domino de filiis Aaron. Hoc etiam dicit contra Ieroboam, & Israelitas: quia ipsi constituerant sibi in sacerdotes quoscunque laicos sicut ceteri populi terrarum, & reliquerant, imò eiecerant à se sacerdotes Dei. Viri autem Iuda non excluderant sacerdotes, vel Leuitas: sed potius omnes Leuitas, & sacerdotes eiectione de terra Israel ipsi gratis susceperunt & prouiderunt eis. Nam omnes sacerdotes, & Leuitæ, qui prius sustentabantur de redditibus, & elemosynis tribuum duodecim, sustentabantur nunc de duabus tribubus. Et Leuitæ stant in ordine suo. Idest etiam Leuitæ ministrant apud nos secundum ordinem suum: & potest dupliciter intelligi. Vno modo in ordine suo, idest in officiis suis. Quia officia Leuitarum erant diuersa. Quidam enim erant cantores, & alij thesaurarii, & alij ianitores, alij iudices, & prepositi: ut patet præcedenti lib. 23. & 25. & 26. Alio modo in ordine suo, idest secundum vices suas: nam erant Leuitæ distincti in eodem officio per sortes, & tempora, vel partes

sicut cantores erant distincti in vigintiquatuor sortes, & ministrabant per ordinem, scilicet prima fors una hebdomada, & secunda fors sequenti hebdomada, & sic de omnibus aliis usque ad sortem vicesimam quartam, & tunc redibat fors prima ad ministrandum: ut patet præcedenti lib. 25. Ianitores autem erant distincti per portas, scilicet quod quidam ianitores erant unius porte & alij alterius porte, & sic de alijs. Idem de thesaurarijs: ut patet præcedenti lib. 26. c. Holocausta quoque offerunt Domino. Hic positis ministris legitimis, scilicet sacerdotibus de stirpe Aaron, & Leuitis subministrantibus eis, ponuntur ministeria, quæ faciebant. Et ponitur primum, quod offerunt holocausta. Et enim holocaustum quoddam genus sacrificij quando totum animal crematur, scilicet omnes carnes eius solis carnis pelle, & fimo detractis. Leu. primo cap. Est istud erat excellentius genus sacrificiorum quàm alia. Erant tamen alia duo genera sacrificiorum, scilicet hostia pacifica, & hostia pro peccato, de quibus declaratum est supra secundo capitu. in quibusdam questionibus. Per singulos dies mane, & vespere. Hic tangitur sacrificium quod vocatur iuge. Nam erant quædam sacrificia, quæ fiebant certis diebus, & solemnitatibus anni. Alia autem fiebant quotidie, & ista quotidiana vocatur iuge sacrificium. Fiebat autem iuge sacrificium bis quotidie, scilicet mane & vespere. Nam in mane cremabatur vnus agnus annicu⁹ in holocaustum: & in vespere cremabatur alius: Exo. 29. & Nu. 28. De ritu autem sacrificij iugis matutini, & vespertini patet Leu. 6. & declaratum est supra 2. cap. in quadam questione. Et thymiamata iuxta legis præcepta confectum. Scilicet etiam quotidie offertur thymiamata confectum secundum præceptum legis. Confectio autem thymiamatis erat, quia thymiamata non est aliqua vna species simplex sed compositum est ex multis aromatibus consistens in potere certo, & proportionem, & non poterat confici nisi sumptis omnibus illis speciebus, & et existentibus in illa proportionem ponderis. De tota ista confectione patet Exo. 30. Et proponuntur panes in mensa mundissima. Scilicet ponuntur panes, & semper stant coram domino in mensa mundissima. Isti panes vocantur panes propositionis, & mensa mundissima, in qua erant: vocatur etiam mensa propositionis, & erat de auro purissimo, de quo infra dicitur in quadam questione. Et est apud nos candelabrum aureum. Hic tangitur alia ministratio sacerdotalis, quæ est quarta, scilicet ordinare, & locare lucernas candelabri, & dicitur, quod est candelabrum aureum apud nos, scilicet in templo quod erat de auro mundissimo, & ibi lucebant septem lucernæ de oleo. Nam cremabatur ibi oleum in vasis, & non cera, nec aliquid aliud. Et lucerna eius, ut accendatur semper ad vespeream. Idest lucerna candelabri materialiter vespere accenditur ut luceat, quia per diem non est ardens. An verò sit vna lucerna candelabri, vel plures, quæ accendantur per noctem, & an per diem luceant quædam lucernæ, dicitur infra in quadam questione. In Hebræo dicitur, & lucernæ eius. Potest esse quod ponatur plurale pro singulari, & sic accepit litera nostra. Vel potest proprie accipi, quod multæ lucernæ accenderentur per noctem: sed de hoc declarabitur infra in quadam questione. Nos quippe custodimus præcepta domini. Potest intelligi dupliciter: vno modo, quod positis supra præceptis quibusdam in speciali: hic agitur in generali de omnibus, scilicet quod omnia præcepta legis custodiebant viri Iuda. Aliter intelligetur, quod ponatur ista clausula generalis solum ad intelligendum illa, quæ non expressa fuerunt. Nam non poterant exprimi omnia, quæ continentur in lege. Ideo sub ista generali clausula fuerunt inclusa omnia, quæ non erant expressa. Quem vos reliquistis. Ad

Quid holocaustum.

Quid iuge sacrificium.

Quid thymiamata.

Ad ignominiam Ieroboam, & Israelitarum dicitur, qui tenebant prius Deum Israel in Deum, & deinde dereliquerunt eum colendo vitulos aureos, quos fecit Ieroboam. *Ergo in exercitu nostro dux Deus est.* Scilicet, ex præcedentibus sequitur, quod Deus sit dux exercitus nostri contra vos. Hic ponitur conclusio intenta ex præcedentibus: nam volebat deducere, quod Israelitæ non possent defendere diuisionem regni, quam fecerant, quia Deus pugnaret contra eos: & hoc dicit hic, scilicet Deus est dux in exercitu nostro, & ponitur per modum conclusionis ex dictis. Patet consequentia: primò, quia ad regem pertinet pugnare pro subditis suis, & facere omnia bella ipsorum, sicut dixerunt Israelitæ primo Regum octauo. scilicet Rex noster egredietur ante nos, & pugnabit pro nobis bella nostra: Deus tamen erat rex virorum Iuda si cut dixit Abia supra in litera, scilicet nunc vos dicitis, quod possitis resistere regno domini, quod possidet per filios Dauid. Ergo ipse Deus pugnare debebat pro viris Iuda, & sic dixit Abia, ergo in exercitu nostro dux Deus est. Ipse quoque sic dixit per Moysen Exod. decimo quarto, Dominus pugnabit pro vobis & vos tacebitis. Secundò, quia Israelitæ offenderant valde Deum, quia cum essent subditi eius, recesserunt ab eo colentes vitulos aureos, & tamen quando aliqui subditi fugiunt sine causa de dominio alicuius regis, habent causam pugnandi contra illos. Ita ergo nunc Deus pugnaret contra Israelitas: & ista ratio tangitur supra cum enarrantur mala Israelitarum. Tertiò patet, quia Deus adiuuat cultores suos, & tamen viri Iuda erant cultores Dei. Ideo adiuuaret eos Deus contra Israelitas, qui non erant cultores Dei: et istam rationem tangit Abia in litera inquit enarrat quomodo viri Iuda non recedebant à lege Dei: ideo bene infert, quod Deus esset dux in exercitu eius contra Israelitas. *Et sacerdotes eius qui clangunt tubis.* Potest intelligi dupliciter vno modo, quod Deus est in exercitu nostro, & etiam sacerdotes sunt in exercitu nostro, qui clangunt tubis. Alio modo, quod Deus est dux in exercitu nostro: & etiã sacerdotes eius sunt duces in exercitu nostro, & vocantur sacerdotes duces, quia ipsi sunt mediatores inter Deum, & populum cum sint ministri eius: & Deus committit eis virtutem suam potiusquam laicis. Etiam vocantur duces, quia ipsi dant signa pugnandi. Nam ad duces pertinet mouere exercitum, & dare signa pugnandi, vel cessandi: sic erat de sacerdotibus in bello: quia ipsi clangebant tubis argenteis, quibus dabatur signum ad pugnandum, & fecit mentionem specialem Abia de sacerdotibus, qui erant in exercitu, & clangebant tubis: quia in eis consistebat magna pars belli, eo quod fortè portabant secum arcam Domini, in qua erat magna victoriæ spes. Sicut portabatur olim, scilicet tempore Heli primi sacerdotis: primo Regum quarto, & iterum tempore Saulis contra Philistinos. eod. lib. decimo quarto ca. sed hoc non est putandum, quia postquam fuit posita arca in sancta sanctorum in templo Salomonis, nunquam inde exiit, sed dicitur, quod mās fit ibi semper: vt patet tertio Regum octauo. & supra quinto cap. Sed dicendum, quod erat magna spes victoriæ in sacerdotibus propter tubas quibus clangebant. Nam Deus dixerat, quod quando clangerentur istis tubis in bello ipse recordaretur Israelitarum, & adiuuaret eos: Nume. decimo capitu. Et huius signum est, quia dixit Abia, & sacerdotes eius, qui clangunt tubis, quasi dicat, quod ex hoc, quod clangunt tubis est spes victoriæ nobis contra vos. *Et resonant contra vos.* Idest clangor, quem faciunt sacerdotes contra vos est. Nam in hoc, quod clangunt, concitant Deum contra vos. *Filij Israel nolite pugnare*

Alph. Tost. super lib. Paralip. Pars 2,

A contra Dominum Deum. Postquam probauit conclusionem, quam intendebat Abia, scilicet quod Israelitæ non possent resistere Deo pugnando contra viros Iuda, hic ponit exhortationem dicendo, quod nō pugnarent contra Deum, quia non possent villo modo sustinere. Nam si esset pugnandum contra hominem fortassis poterat esse spes de incerto belli euētu, cum tamen pugnetur contra Deum, nulla potest esse spes nisi de certissima calamitate: & dicitur, nolite pugnare contra dominum: quia probauerat supra, quod Deus erat dux in exercitu virorum Iuda: pugnādo ergo contra viros Iuda pugnarent contra dominum, quia qui pugnat cōtra exercitum pugnat, directi⁹ cōtra ducem exercitus, & tamen volebant pugnare Israelitæ contra viros Iuda: ideo volebāt pugnare cōtra Deum. *Dominum Deum patrum vestrorum.* Vocauit eum Deum patrum suorum, scilicet quia iam non erat Deus Israelitarum cum recessissent ab eo, & colerent vitulos aureos: sicut Deus vocauit Israelitas populum Moysi, & non populum suum, quia peccauerant fabricando, & colendo vitulum in monte Sinai: Exod. trigesimo secundo, scilicet: Peccauit populus tuus: à fortiori ergo cum nunc Israelitæ duos vitulos colerent, efficiebantur non populus Dei, erat tamen Deus patrum suorum: quia patres sui coluerāt Deum, licet ipsi non colerent eum. Vel vocatur Deus patrum suorum ad signandum maiorem ingratitudinem, & errorem, scilicet non est Deus vester de nouo, quem nunc acceperitis: sed est Deus patrū vestrorum, idest ab antiquo est Deus vester, iō quod nunc pugnetis contra eum peccatum est magnum, & ingratitudo. *Quia non vobis expedit.* Scilicet, dato quod nō attenderetis hoc, quod offendebatis Deum pugnando contra Iudæos, saltem considerare debetis vtilitatem vestram: & tamen non est vtile vobis, sed potius nocium, quod vos pugnetis contra Deum vestrum, quia faciet vos incidere in magnas calamitates. Ideo non expedit vobis pugnare contra Deum, nec contra viros Iuda. *Hec illo loquente Ieroboam retro moliebatur insidias.* Abia protraxit sermonem suum in longum enarrando hæc, & alia similia: & cum ista displicerēt Ieroboam fecit poni insidias Abiæ post tergum: vt interim possent eum incautum tenere. Et hoc potissimum faciebat, quia volebat Ieroboam quanto facilius posset tenere, & occidere Abiam, & sic efficeretur rex super vtrunque regnum. Hoc autem putauit posse efficere dum Abia loqueretur: quia tunc non se obseruaret putās omnia secura esse, quousque finiretur sermo. *Cunque ex aduerso hostium staret ignorans Iuda suo ambiebat exercitu.* Ponitur modus insidiarum, scilicet quia Ieroboam stabat ex aduerso, idest à fronte hostium, scilicet virorum Iuda, qui erant hostes sui: & sic putabant viri Iuda nihil mali moliri Ieroboam, cum eum viderent coram se, & tamē occultè transmisserat partem exercitus, qui ambiret Iudam: & incluso in medio percuterent, & viri Iuda ignorabant hoc: quia non attendebant: & tamen vidit Iudas, istas insidias, & clamauit ad dñm atque liberatus est.

Quare locutus est de sacrificijs, & ministerijs sacerdotalibus.

Quæst. XXX.

QVAERITVR circa prædicta, quare Abia loquens contra Ieroboam, & Israelitas dixit de sacrificijs & istis ministerijs sacerdotalibus potiusquam de aliquibus alijs. Rñdendum quod Abia probauerat infidelitatem, & impietatem Israelitarum recedē, tñ à cultu diuino. Hic probat ē cōuersio suā fidelitatē, & obseruantia religionis, vt videantur oīno oppositi.

Z 3 Scien-

Quare posuit istas solas ceremonias.
Quaest. XXXI.

Sciendum autem, quod Israelitae fabricantes vitulos aureos transgressi fuerant totam legem, nec obseruabant aliquam caeremoniam eius, & tamen principalis error erat in ijs, quae pertinebant ad deum directe: pertinebat ad deum tota lex indirecte, quia quodcumque mandatum legis praenaricemur, facimus contra Deum, eo quod ipse est legislator, & offenditur legislator infringendo quamcunque legem eius. Directe autem contra deum agitur quando non solum offenditur ex transgressione legis, tanquam legislator: sed etiam tamquam totum damnum, vel iniuria violatę legis Deo proueniat, & nulli alteri. Nam aliquando Deus offenditur tanquam legislator, & tamen damnum praenaricatae legis non incumbit Deo, sed alteri: utpote si quis occidat proximum suum, vel cognoscat uxorem suam, vel furetur res illius: & generaliter in omnibus praecceptis secundae tabulae, quae in proximum diriguntur. Nam ibi damnum, vel dedecus non obseruatę legis prouenit proximo. In alijs autem prouenit damnum, vel dedecus non obseruatę legis Deo, licet ei non possit verē aliquod dedecus, vel damnum prouenire, cum summum bonum sit: & omne malum siue culpae, siue peccatae ab eo in infinitum distet. Sed largē loquendo, eo quod nulli alteri prouenit damnum, vel dedecus ex praenaricatione legis, sicut in omnibus praecceptis primae tabulae. Nam ex hoc, quod habemus deos alienos, vel nomē Domini in vanum assumimus, Deo soli dedecus prouenit eo modo, quo homines possunt Deo suo inferre dedecus, vel affligere eum. Sicut dicitur Mala. 2. scilicet: Laborare fecistis Deum in sermonibus vestris, & dixistis: in quo fecimus eum laborare? Et Mala. 3. dicitur: Si affigit homo Deum suum, quia vos configitis me, & dixistis in quo configimus te? In decimis, in primitijs, in penuria vos maledicti estis, & me vos configitis gens tota. Ista autem sunt praeccepta primae tabulae, quae directe pertinent ad Deum, & ad eum solum. Ista redeunt ad duo, scilicet ad fidem de Deo, & ad cultum eius. Ad fidem autem, quod teneatur in Deum, & ipse solus reputetur Deus, istud tangit praecceptum primum. Secundum est, quod pertinet ad cultum, qui est impenditus tanquam sibi debitus, & istud est in praecceptis caeremonialibus. Praenaricatio autem circa ista duo est grauissima: quia est directe contra Deum, & obseruatio eorum est valde grata Deo: quia per hoc ad eum bene nos habemus. In obseruatione autem praecceptorum, quae tendunt directe ad proximum, non colitur Deus tam directe, nec offenditur tam directe. Ideo de istis duobus fit mentio. Et ponitur in viris Iuda, quod ista duo obseruabant. Primum tangitur in quantum dicitur: Noster autem Deus est, quem non reliquimus, scilicet tenemus fidem eius, & nullum alium credimus esse Deum, nec adhaeremus alteri. Secundum tangitur in quantum ponuntur caeremoniae sacrificiorum, & alia, quae fiebant in templo quotidie, quia ista sunt caeremoniae cultus diuini. Ista duo per contrarium ponuntur in Israelitis, scilicet quod non tenuerunt fidem Domini. Nam reliquerunt eum recedentes ab ipso: & fecerunt sibi vitulos aureos. Secundum etiam non tenuerunt: quia praenaricati sunt caeremonias cultus diuini: nam eiecerunt sacerdotes Domini de terra sua, & non tenuerunt aliquas caeremonias cultus diuini. De alijs autem transgressionibus legis, quia ille non pertinebant ad idolatriam, cum non essent directe contra Deum, sed contra proximum, non curauit Abia facere mentionem.

QVAERITVR ulterius, cum Abia poneret hic praenaricationem legis diuinę quantum ad obseruationem caeremoniarum, & custodiam earum ex parte virorum Iuda: cur posuit istas solas, quae habentur hic, cum sint etiam aliae. Nam solum tangitur hic de holocaustis, & sunt multa alia genera sacrificiorum, scilicet pro peccato, & pacifica hostia. Etiam sunt multa holocausta non quotidiana. Hic autem de solis quotidianis actum est. Respondendum quod voluit tangere omnes caeremonias cultus diuini quomodo obseruarentur a viris Iuda, & ille sunt duplices, scilicet sacerdotales, & leuiticae. Caeeremoniae Leuiticae sunt minores, & de istis non facta fuit mentio specialiter, sed in confuso dictum est, scilicet Leuitae stant in ordine suo. i. exercent ministeria sua secundum ordinem eis impositum. Ministrationes autem sacerdotales erant principales: & istas tangit hic specialiter Abia. Unde omnes tetigit: nam quaedam caeremonia est in sacrificijs, & istam tetigit dicens. Holocausta offerunt Deo per singulos dies. Secunda caeremonia est in oblatione: & crematione thymiamatis quotidie in altari thymiamatum, & istud tetigit, dicens: & thymiamata iuxta legis praeccepta confectum. Tertia caeremonia erat positio panum propositionis in mensa aurea: & istam tetigit dicens: & proponuntur panes in mensa mundissima. Quarta caeremonia est in dispositione lucernarum in candelabro: & istam tetigit, dicens. Est apud nos candelabrum aureum. Sed obiicitur, quod reliquit aliquas caeremonias, sicut introire in sancta sanctorum erat officium summi sacerdotis, & non tangitur hic. Item offerre sacrificia solennitatum, & omnia extraordinaria pertinebant ad sacerdotes, & non dicitur hic nisi de iugi sacrificio. Respondendum, quod Abia voluit tangere omnes caeremonias cultus diuini, quae fiebant quotidie per sacerdotes: istae autem enarratae fiebant quotidie: ideo illas tetigit. Ista autem, de quibus obiicitur, non erant quotidianae: patet quia intrare in sancta sanctorum non erat quotidianum officium: sed semel tantum in anno. scilicet die propitiationis fiebat: Leu. 16. & ad Hebraeos 9. Etiam offerre hostias pacificas, & pro peccato non erat quotidianum saltem de necessitate. Pro quo sciendum, quod quaedam sacrificia erant necessitatis, & alia erant deuotionis: vel quaedam erant determinata respectu temporis: & alia non habebant aliquod tempus determinatum. De non habentibus tempus determinatum non loquebatur aliquid Abia, de habentibus tempus determinatum dicendum, quod quaedam fiebant certis temporibus anni, & tamen non quotidie: alia fiebant quotidie. De his, quae fiebant quotidie nullo genus sacrificij erat nisi holocaustum: ideo de solis holocaustis dixit. Sacrificia autem pacifica, & pro peccato erant determinata pro quibusdam diebus, ut patet Num. 28. & 29. cap. Etiam cum dicitur de sacrificijs solennitatum, & de extraordinarijs idem patet. Nam ista non fiebant quotidie, sed solum determinatis diebus. Sed tunc obiicitur, quod quaedam caeremoniae istarum erant, quae non fiebant quotidie sicut positio panum propositionis. Nam quolibet sabbatho ponebantur panes propositionis coram domino: Leu. 24. Dicendum, quod positio panum reputabatur ministratio quotidiana: nam licet non ponerentur quotidie panes coram domino, manebant semper positi: nam nunquam erat dies, qua non manerent isti panes in conspectu domini. Unde nulla ministratio erat magis quotidiana quam positio panum in mensa: ideo de ista dictum est cum alijs.

Qualis esset illa caremonia.

Quest. XXXII.

QVAERITVR vltius, circa primam ceremoniam istarum, quæ erat de sacrificiis qualis erat. Respondendum, quod licet hic solum tangatur de holocaustis: tamen tres species erant sacrificiorum, scilicet holocausta, hostiæ pacificæ, & hostiæ pro peccato: holocausta erant sacrificia quorum totæ carnes cremabantur, & intestinalia, & pedes, solis cornibus pelle, & fimo demptis, de quorum ceremoniis patet Leui. primo capit. Hostia pacifica erat duplex, scilicet quædam ad gratiarum actiones, & alia votiuæ. Prima est quando quis à Deo impetrauerat aliquod beneficium, non poterat illud impetrare nisi Deo sibi placato siue pacificato: offerrebat gratiarum actiones pro illa pacificatione diuina: & illa placatiua hostia vocabatur pacifica, idest pro pace oblata, & ad gratiarum actiones. Alia erat votiuæ, scilicet quando quis desiderabat impetrare à Deo aliquod beneficium: & sciebat, quod non poterat illud impetrare, nisi deo placato, offerebat hostiam, vt Deus sibi pacificaretur: vocabatur hostia ista pacifica à pace, idest pacificatione, quam homo desiderabat habere cū Deo: de hoc Leui. 7. De ista hostia dicendum, quod non cremabatur tota caro, sed soli adipēs. Carnes autem diuidebantur inter sacerdotes, & offerentes. Nam sacerdotes facientes caremonias sacrificij recipiebant petusculum, & armum dextrum: Leui. 7. Ceteræ carnes proueniebant offerentibus. Interdum autem offerebatur Deo ad cremandum caudam animalis cū renibus in hostia pacifica: Leui. 3. De omnibus ceremoniis huius sacrificij patet Leui. 3. & 7. Hostia pro peccato erat, quæ offerebatur ex mandato legis pro aliqua transgressionē: & ista erat duplex, scilicet quædam pro commissione, et alia pro omissione. Pro commissione vocabatur hostia pro peccato, illa, quæ erat pro omissione vocabatur hostia pro delicto, & ista differebant secundum multas caremonias: quia aliter offerebatur pro peccato summi sacerdotis, aliter pro peccato totius populi, aliter pro peccato principis, aliter pro peccato priuatarum personarum: vt patet Leui. 4. De ceremoniis autem sacrificij pro peccato, & pro delicto habetur Leui. 4. & 5. & 6.

De temporibus sacrificiorum.

Quest. XXXIII.

QVAERITVR Vltius, de temporibus sacrificiorum. Et respondendum, quod præter diuisionem præcedentem sacrificiorum, quæ erat diuisio per species, erat adhuc alia diuisio sacrificiorum, scilicet quædam erat spontanea, & quædam necessaria. Spontanea erant illa, quæ mera liberalitate offerebantur non præcedente aliqua necessitate siue à lege siue à voluntate introducta. Et ista erant aliquando holocausta, aliquando hostiæ pacificæ, aliquando hostiæ pro peccato: quia quilibet poterat spontaneè offerre quodcunque vellet, & acceptabatur: licet verum est quod oblata spontaneè cōiter erant holocausta vel hostiæ pacificæ. Raro autem offerebantur hostiæ pro peccato spontaneè. Et ratio est, quia holocausta erant ad laudem Dei. Hostiæ autem pacificæ erant ad gaudium offerentium, quia de hostiis pacificis proueniebat maxima pars offerentibus: vt dictū est præcedenti quest. Hostiæ autem pro peccato non proficiebant ad gaudium offerentium: quia potius erant sacrificia iustus, cū essent pro peccato, quàm exulta-

Alph. Toft. super lib. Paralip. Pars 2.

Ationis. Etiam quia de illis nulla pars proueniebat offerentibus, sed totæ carnes proueniebant sacerdotibus, sed totæ cremari debebant: vt patet Leui. 4. 5. & 10. Et ideo quodcunque dicitur de aliquo, quod offerret sacrificia spontanea, raro ponitur quod oblata fuerint alia sacrificia nisi hostiæ pacificæ, & pro peccato. Alia autem erant sacrificia necessitatis: & ista erant duplicia. Quædam erant sacrificia necessaria absolutè, quorum necessitas non dependebat à voluntate humana. Alia erant necessaria, quorum necessitas dependebat ex voluntate, scilicet quod aliquando fuerunt voluntaria, & per voluntatem facta sunt necessaria sicut sacrificia ex voto. Et de istis votiuis dicendum quod poterat quilibet vouerit, offerre quodcunque genus sacrificij vellet. Præsupponendum tamen, quod sacrificia pacifica, & holocausta habebant quædam libamētā determinata à lege: & eo ipso quod quis vouebat offerre sacrificium tale, vel sponte illud offerre volebat: debebat offerre secum illa libamenta determinata à lege, & ista sunt quinque, scilicet simila, vinum, oleū, sal, & thus, vt patet Num. 15. & Leui. 2. Si autem essent sacrificia necessaria necessitate non dependente ex voluntate nostra, Dicendum quod ista erant duplicia. Quædam erant habentia tempus determinatum, quo fierent: alia non habebant tempus determinatū. Prima erant illa, quæ à lege iuebantur fieri pro certis rebus quodcunque illæ euenirent: sicut quodcūque mulier pareret: expletis diebus purificationis offerre tenebatur sacrificium, scilicet holocaustum, & pro peccato: Leui. 12. Item si quis fuisset leprosus, & postea purificaretur: debebat offerre sacrificia, quæ habentur Leui. 14. Item si quis esset vir fluens semine, et mundaretur, offerrebat sacrificia: et si mulier liberaret à fluxu sanguinis extra tempora menstruum offerrebat sacrificium: Leui. 15. Et sic in multis alijs purificationibus: simile etiam erat pro peccato: nam quando quis incideret in tale, vel tale peccatum offerrebat sacrificium à lege determinatum: et ista erant multa, vt colligitur Leui. 4. & 5. & ista non limitabant tempus: sed quodcunque accideret peccatū debebant offerri ipsa sacrificia. Alia erant habentia tempus determinatum, & ista offerebantur in diebus festis, & in aliis assignatis à lege. Pro quo sciendum, quod lex iubeat quotidie offerri duos agnos anniculos in holocaustum: vnum in aurora, & alterum in vespere, & vocabatur istud sacrificium iuge: Exod. vigesimo nono, & Nume. vigesimo octauo. Erant alia sacrificia, quæ offerebantur in sabbathis: & duplicabantur, scilicet duo agni anniculi in aurora, & duo in vespere: Nume. vigesimo octauo. Erant alia festiuitates, quæ accidebant quolibet mense, scilicet Kalendarum: quia prima die cuiuslibet mensis erat dies Kalendarum: & offerebantur in eo sacrificia, quæ habentur Nume. decimo octauo. Erat autem alia festiuitas Phasæ, & Azymorum die quartadecima mensis primi ad vespertum incipiens, duransque usque ad vigesimum primum diem mensis eiusdem ad vespertum. De sacrificiis huius festiuitatis Num. 18. Erat aliud festum, quod vocatur festum Pentecostes, vel festum Hebdomadarum: & erat post festum Azymorum quinquaginta diebus siue septem Hebdomadis completis: vt patet Leuiti. vigesimo tertio. Et in isto offerebantur primitiæ de panibus tritici, eod. capi. & sacrificia in eo fiebant, quæ habentur Nume. vigesimo octauo. Alia festiuitas erat, quæ vocatur clangoris: & erat die prima mensis septimi, in qua offerebantur sacrificia, quæ habentur Nume. vigesimo nono capit. Aliud festum erat quod vocatur propitiationis siue expiationis, & fiebat die decimo mensis septimi: in quo sacerdos magnus confitebatur peccata totius

Z 4 populi

populi super cornua hirci, mittebatque eum in desertum: & tunc introibat in sancta sanctorum aspergens sanguinem coram propitiatorio, & orans pro peccato totius populi: Leui. 16. fiebant tunc sacrificia, de quibus pater Num. 29. Aliud erat festum tabernaculorum die quindecima mensis septimi durans usque ad diem vicesimum secundum mensis eiusdem: & offeriebantur sacrificia multa quolibet annor septem diebus, de quibus Name. vigesimo nono. Iste est modus sacrificiorum in generali, quæ fiebant in veteri testamento.

De cerimonia thymiamatis. Quest. XXXIII.

QVAERITVR ulterius, circa aliam ceremoniam sacerdotalem, quæ erat oblatio thymiamatis. Pro quo sciendum, quod in sanctuario erant duo altaria solum, scilicet holocaustorum, & altare thymiamatum. Primum erat extra templum in atrio eius, & ibi cremabantur omnia sacrificia & fiebant. Aliud erat in templo coram sancta sanctorum: & istud erat de cedro. 3. Regum 6. eratque opertum auro: licet quando Moyses fecit illud in deserto erat de lignis setim. Erat autem paruum longitudine, & latitudine: & in isto cremabatur quotidie thymiaa bis, mane, & vespere: Exod. 30. Et in isto altari nihil aliud fiebat. Nam nunquam ibi offerebatur sacrificium aliquod, nec cremabantur illæ carnes, nec fundebatur sanguis super cornua eius, sicut supra cornua altaris holocaustorum, nisi semel tantum in anno, scilicet die propitiationis, quando introibat sacerdos magnus in sancta sanctorum. Nam tunc exiens inde fundebat sanguinem super cornua altaris thymiamatum: Leui. 16. & Exod. 30. super istud altare non cremabatur incensum simplex nec aliqua confectio odoramentorum nisi solum thymiaa. Erat autem thymiaa confectum ex multis aromatis constitutis in pondere certo, & cum essent omnia ista coniuncta comminuebantur in mortario usque ad pulverem minutissimum. Et de illa confectio sic facta, quæ vocabatur iam thymiaa, assumebat sacerdos quotidie certam partem mane & vespere, & cremabat illam. Et modus erat, quod sacerdos acciperet unum vas æneum, quod vocatur thuribulum, vel ignis receptaculum: & implebat illud de prunis altaris holocaustorum, quod erat in atrio templi foris, & ingrediebatur in templum, ponebatque thuribulum super altare thymiamatum: & tunc fundebat super prunas thymiaa, & cremabatur ibi, manebatque sacerdos ibi donec cremaretur illud thymiaa: & tunc educebat thuribulum cum prunis vel cinere: & dum maneret sacerdos interius, erat populus foris expectans quousque exiret: sic patet Lucæ 1. quando Zacharias pater beati Ioannis Baptiste introiit ad ponendum incensum coram domino: & non licebat poni prunas ad cremandum istud thymiaa nisi de altari holocaustorum: quod patet: quia duo filii Aarō, scilicet Nadab, & Abiū sumētes thuribula ad cremandum thymiaa acceperunt in eis ignem alienum, & tunc ignis a domino egressus deuorauit eos, & occidit: Leui. 10. Etiam thymiaa istud quod cremabatur coram domino erat tantæ æstimationis, quod Deus iusserat quod sub pena mortis nemo faceret talem compositionem ad hoc, quod frueretur odore eius: Exod. trigesimo. De ista oblatione thymiamatis ad quid fieret, scilicet an ad reprimendum fetorem surgentem de crematione carnum in altari holocaustorum, vel ad aliquid aliud, declaratum est Exodi trigesimo.

De cerimonia panum propositionis. Quest. XXXV.

QVAERITVR ulterius, de alia cerimonia panum propositionis. Et dicendum, quod isti panes erant semper duodecim, qui manebant semper positi intra templum super mensam propositionis coram domino. Et sciendum primum, quod isti panes vocabantur secundum Hebræos panes facierum: ut dicit littera Hebraica. Et dicit Rabbi Salomon, quod hoc ideo erat, quia isti panes ex utraque parte habebant faciem: & sic quilibet panis duas facies habebat unde panes facierum appellabantur: & hoc vult, quia dicit, quod coquebantur isti panes in vasis ferreis sicut panes parui, quos nos conficimus, & vocamus hostias, quos ut albos efficiamus ex utraque parte atque delicatos, in vasis ferreis coquimus. Istud autem non potest esse de panibus propositionis, quia erant valde grossi, cum quilibet haberet duas decimas de simila: ut patet Leui. 24. & nullo modo coquerentur propter eorum grossitatem: & si deberent coqui, prius cremarentur extremitates quam medulla coqueretur. Et tamen falsum est: quia coquebantur illi panes sufficienter sicut alij panes: ita ut essent conuenientes ad cibum sacerdotum: ideo vocabantur panes facierum, id est panes faciei, scilicet quia coram domino siue facie domini proponebantur. Nam in Hebræo ponitur sepe plurale pro singulari, & est contra: & istum sensum secuta est littera nostra dicens istos esse panes propositionis, quia proponebantur coram domino: cum Deus specialiter esse putaretur intra sancta sanctorum, coram qua domo erat ista mensa cum panibus. Et vocatur etiam mensa propositionis ex hac ratione, scilicet quia in ea ponebantur panes propositionis. Sciendum, quod isti panes erant duodecim semper: & ponebantur tot propter duodecim tribus Israel. Ut sicut isti duodecim panes manebant semper coram domino: ita maneret memoria illarum tribuum coram domino. Et ponebantur panes propter terræ nascentiam, scilicet quia panis est præcipuum pertinens ad terræ nascentiam, quia de illo homo potissime viuit. Et ut recorderetur semper Israelitarum ad benefaciendum illis in terræ nascentibus, ponebantur isti duodecim panes coram domino. Et non est intelligendum, quod isti panes reducerent Deo semper Israelitas in memoriam. Nam Deus nihil obliuiscitur. Ideo nihil ei in memoriam potest reduci: etiam quia omnia nuda sunt, & aperta oculis eius: Ad Hebræos quarto. Cum ergo semper Deus videret Israelitas, non oportebat, quod esset aliquod reductiuum ad memoriam. Etiam si vellemus intelligere, quod per panes positos in præsentia Dei in templo Deus recorderetur Israelitarum semper, non potest stare: quia Deus non poterat videre panes illos, cum Deus nihil videat: quia non est animal. Ideo per hoc, quod panes illi positi erant in præsentia eius, non recordaretur magis Israelitarum quam si nihil ibi positum esset: sed isti panes erant ad hoc quod Deus recorderetur magis Israelitarum dupliciter. Vno modo, quod etiam ad memoriam Israelitarum promeritorie, scilicet per hoc, quod Israelitæ ponebant istos duodecim panes coram domino pro se, merebantur quod Deus recorderetur eorum. Nam in hoc colebant eum: & per istum cultum merebantur apud ipsum: & in remunerationem istius cultus volebat Deus eis bona temporalia continue retribuere, quod erat recordari ipsorum quantum ad terræ nascentiam. Secundum modo potest intelligi istud, scilicet quod factum erat hoc propter Israelitas. Nam Israelitæ erant viri rudes, qui nesciebant conditionem Dei, & putabant, quod Deus

Deus se habebat ad modum hominis. Homo autem est obliuiosus, & quando aliquid est in presentia eius recordatur illius. Et ob hoc volebant quando panes duodecim essent coram domino nomine duodecim tribuum Israel, quod non poterat Deus obliuisci eorum: & aliàs putarent quod Deus non recordabatur ipsorum. Considerandum vltius circa panes istos, quod erant sanctitatis magnę, & Deus non volebat quod aliquis eos conficeret nisi sacerdotes, & ipsi accipiebant à filiis Israel simlam, & conficiebant eos: & non tangebant farinam illam, nec pastam feminae aliqua, nec laici, nec etiam Leuitæ: sed soli sacerdotes conficiebant eosque coquebant, & ponebant coram domino: Leui. 34. & præcedenti lib. 9. & 23. cap. Ipsi quoque sacerdotes per singula sabbatha ponebant istos duodecim panes recentes coram Domino, & tollebant alios duodecim, qui manserant iā septem diebus coram domino, & sic fiebat per singula sabbatha. Istos panes soli sacerdotes comedebant, nec licebat cuilibet alteri hominum comedere de illis, nisi esset in necessitate famis: & esset mundus à mulieribus, vt patet primo Reg. 21. & Matth. 12.

De cerimonia candelabri.

Quest. XXXVI.

QVAERITVR vltius circa aliam cæremoniā candelabri, scilicet quomodo fiebat. Respondendum, quod tempore Moyſi quando fabricatum est tabernaculum in deserto, Deus iussit fieri vñ candelabrum cum septem calamis, & septem lucernis. De cuius fabricatione patet Exo. 25. Et erat vñ candelabrū in toto tabernaculo i prima parte tabernaculi. Nā in atrio tabernaculi nullū erat candelabrū: quia nō erat opertū recto, sed solis parietibus altitudine cubito rū quinq;: vt pater Exo. 27. intra sancta sanctorum nō erat aliquod candelabrum: quia Deus volebat partem illam esse nimis obscuram, vt quando illuc intraret summus sacerdos, nō videret secretum corpus quod iacebat inter alas cherubim super propitiatorium. Et quando illuc intrabat summus sacerdos, adhuc fiebat locus magis obscurus: quia coram se ferebat thuribulum plenum prunis quod erat aspersum thymiamate: & exhalabat inde crassus vapor, qui operiret oculos summi sacerdotis, et non videret aliquid de eo, quod erat in propitiatorio: Leui. 16. cap. Manebat prima pars tabernaculi in qua erat candelabrum, & non erat nisi vñ: quia illud sufficiebat ad illuminandum totam illam partem, quia domus satis parua erat, scilicet viginti cubitorum longitudine, & decem latitudine. In templo autem Salomonis fuerunt plura candelabra, vt dicitur sequenti quæstione: in isto candelabro ministrabat vnus sacerdos quotidie bis, scilicet in aurora, & vespere: disponendo lucernas, & locando illas: Exo. 3. cap. Et ad hoc iubebat Deus accipi oleum purissimum, quod teneret filij Aaron in vasis intra templum: & quando intrabat sacerdos ponebat oleū in lucernis siue lampadibus, & emungebat lichnum, ponebatque quod emunxerat in quibusdam vasis aq, vt non fumigaret lichnum, vt colligitur Exo. 25. Et accensio candelarum istarum erat de oleo: quia non credebatur caro, nec sepū, nec alius liquor nisi oleum in vasculis candelabri: & illa vascula vocabantur lucernæ, quia lucebant, scilicet cremando in eis oleum. Erat autem accensio candelarum tā ad necessitatem quā ad honorem. De necessitate manifestum est, quia cum tabernaculum esset vndique clausum, erat obscurum, & egebat lumine. Etiam propter honorem, quia lumen ad magnum honorē pertinet. Et ob hoc in ecclesia dum celebrantur diuina officia da-

Ato, quod sit magna lux diei, est semper lumen candelarum, & non licet alicui sine lumine missam celebrare: vt patet extra de celebra. missa. cap. vltimo.

De candelabrorum numero.

Quest. XXXVII.

QVAERITVR vltius circa istud quod dicitur hic de candelabro, quomodo dixit hic rex Abia: est apud nos candelabrum aureum. Nam videtur quod non erat vñcū candelabrum, sed multa, quia Salomon fabricauerat decem candelabra aurea 2. Reg. 7. Erant etiam candelabra multa argentea. Nam præcedenti lib. 28. cap. dicitur, quod dedit David aurum ad candelabra aurea & argentum ad argentea. Item supra 4. dicitur quod Salomon posuit in templo candelabra aurea decem, quinque ad dextram & quinque ad sinistram. Respondet Nicolaus, quod Salomon fecerat ista candelabra multa, & tamen non erat nunc in templo nisi vñ: quia qñ rex Sefac ascendit de Aegypto i Ierusalē, abstulitq; thesauros domus regis, et domus Dñi, abstulit ista candelabra, & non reliquit nisi vñ. Et sic nunc tempore Abiæ non erat nisi vñ: & de isto locutus est Abia hic. Dicendum tamen, quod non stat, quia in hoc præsuponitur, quod Sefac abstulerit de templo Domini aliqua vasa aurea vel argentea, in quibus ministrabatur. Et tamen falsum est, quia omnia vasa aurea, & argentea manserunt in templo vsque ad tempus regis Ioachim, quando Nabuchodonosor illa abstulit de Ierusalem 4. Reg. 24. cap. Sic etiam patet infra 26. & 2. Esdræ vbi dicitur quod omnia vasa aurea, & argentea tam maiora quā minora trāslata sunt in Babylonem. Et tamen si aliqua abstulisset rex Sefac, non mansissent omnia, vt illa asportaret Nabuchodonosor in Babylonē. Et sic manebant tempore Abiæ multa candelabra in templo, scilicet omnia candelabra aurea, & argentea, quæ fecerat Salomon. Aliquis ergo dicet, quod licet manerent omnia candelabra, quæ fecit Salomon in templo: tamen facta est mentio de vñco, scilicet de illo, quod erat factum a Moyſe in deserto. Sed dicendū, quod istud non est satis verisimile, quia non erat istud candelabrum præcipuum inter alia candelabra: sed potius quodlibet candelabrum, quod fecerat Salomon, erat præciosius candelabro Moyſi: quia erant maiora candelabra, quæ fecit Salomō propter multitudinem auri. Nam tempore Moyſi parum de auro, & argento habebant Israelitæ ad faciendum multa, & magna vasa sanctuarij. Primò vt declaratum est. 3. Regum 6. & supra 5. plurima de vasis tabernaculi Moyſi quantum ad vñm cessauerunt in templo Salomonis. Et cepit ministratio quantum ad vasa, quæ Salomon nouiter fabricauerat. Iō non erat verisimile, quod vñcū candelabrū qd fecerat Moyſes, qd erat minoris pretij quā quodlibet de candelabris Salomonis, nominaretur hic ab Abia rege, & subicerentur alia oīa. Sed dicendum videtur, quod hic ponitur singulare pro plurali, id est candelabrum pro candelabris: sicut sæpe fit in Hebræo. Et sic videtur fieri in litera vbi ponitur lucerna pro lucernis pluraliter. Posset aliter dici, quod licet essent omnia ista candelabra in templo, non lucebant omnia hæc semper: sed vñcū semper lucebat, & alia interdum in magis solēnitatibus lucebant. Et sic nominauit Abia vñcū candelabrum cuius lucernæ semper lucebant. Istud licet posset concedi, tamen non est valde verisimile: se potius videtur, quod omnia quotidie arderent: ideo tenendum videtur, quod ponitur singulare pro plurali.

De numero lucernarum. Quæst. XXXVIII.

QVAERITVR vltcrius, cum dicatur hic de lucerna candelabri, q̃ in candelabro erat lucerna, quæ accendebatur semper ad vesp̃eram, quomodo dicitur lucerna. Nam non erat vnica lucerna, sed multæ: eo quod quodlibet candelabrum habebat septem lucernas, vt patet Exo. 25. Responderi potest vno mō, q̃ accipitur lucerna hic per excellentiam: nam quodlibet candelabrum habebat septem lucernas, & vna illarum, quæ erat ī medio erat maior aliis: & ista erat lucerna per excellentiam. Et istud pōt colligi ex mō loquendi Dei: Zacha. 4. s. vidi, & ecce candelabrum aureum totum, & lampas eius super caput eius, & septem lucernæ eius super illud. Et accendebantur omnes lucernæ: fit tamen mentio de illa vnica, quæ vocatur lampas per excellentiam. Aliter dicunt quidā, q̃ quodlibet istorum candelabrorum habebat vnica lucernam, & illa accendebatur. Nam verum est, q̃ candelabrum Moyſi habebat septem lucernas: Exod. 25. Ista tamen candelabra, de quibus hic dicitur, non cōstat cuius figuræ essent. Ideo posset dici, q̃ haberent singulum candelabrum vnā lucernā, & illa solū accenderetur. Sed dicendum, quod istud nō est satis verisimile, quia cum essent candelabra Salomonis p̃ciosiora candelabro Moyſi, nō erat verisimile, quod cum candelabrum Moyſi haberet septem lucernas, q̃ candelabrum quodlibet Salomonis haberet vnica lucernā. Dicendum ergo videtur quibusdam aliter, scilicet q̃ ponatur singulare pro plurali. Nam accendebantur omnes candelæ ipsius candelabri: & tamen vocantur omnes nomine vnus lucernæ: sicut ponitur supra candelabrum in singulari, cū tamen essent multa candelabra. Aliter potest dici, q̃ habebat candelabrum multas lucernas. Et tamen per noctem accendebatur vna candelā illius. Et ista est positio Rabbi Salomō, super Exodum, s. q̃ per noctē ardebant omnes lucernæ candelabri, & per diē, cum nō esset necessaria tanta lux, erant pauciores lucernæ accensæ: & sic poterat esse, q̃ maneret vnica candelā per diem, quæ non arderet reliquis ardentibus, & illa accenderetur per noctem. Et sic dicitur hic, q̃ erat candelabrum in templo, & lucerna ei⁹, vt accendatur semper ad vesp̃eram. Dicendum tamen, q̃ ponitur hic singulare pro plurali: quod patet ex litera Hebraica. Nam vbi nos dicimus, & lucerna eius, vt accendatur semper ad vesp̃eram, & ista est veritas.

An semper accenderetur lucerna vesp̃eri.

Quæst. XXXIX.

QVAERITVR vltcrius circa hoc, quod dicitur hic, quomodo stat, quod lucerna candelabri semper accenderetur ad vesp̃eram. Nam potius videtur, q̃ candelæ arderēt tam per noctem quā per diem: quia lūmē erat necessarium tam per diem, quā per noctem. Responderi potest vno modo, quod lucernæ omnes candelabrorum ardebant semper tam per diem quā per noctem. Nam erat lumen necessarium omni tempore: de nocte manifestum est, quia tunc proper tenebras erat opus lumine. De die autem patet, quia tabernaculum erat aliquāliter obscurum, cum ex omni parte esset clausum operimentis, & etiam porta claudabatur quodam tentorio, quod extendebatur siue trahebatur ante fores: Num. 3. & 4. Etiam erat lumen necessarium per diem ad honorem. Nam dato, quod sit lux diei, est magnus honor, q̃ coram domino sit lumen candelabrorum: sic namque sit in Ecclesiis: quia etiam per diem cum diuina celebrantur est lumen in Ecclesia, & non licet ce-

Flebrari missam sine lumine. Itē si attendatur, magis necessaria videbat candelarū accensio per diē q̃ per noctem. Quia per diem ministrabatur in tabernaculo: quia erat aliquāliter obscurum, & per noctem nō ministrabatur. Ideo non erat per noctem necessarium lumen nisi ad honorem. Et tamen ad honorem erat ēt necessarium per diem. Iō debet esse lumen per diē in candelabris tabernaculi siue tēpli. Et sic dicitur, q̃ omni tempore erant candelæ accensæ omniū candelabrorum. Dicit tamen hic, quod accendebatur per noctem lucerna, idest erat accensa: & talis mod⁹ loquēdi sepe habetur in scriptura, & in locutione nostra, & in legibus humanis, vt cum dicitur: nemo cogitur seruire pro debito, idest nullus homo liber cogitur esse seruus pro debito. Et tunc dicitur, q̃ lucernæ candelabrorum ita accendebantur, idest erant accensæ per diem sicut per noctem: & tamē dixit Abia de nocte, quia tūc ex conditione temporis videtur lumen esse magis necessarium quā per diem. Alij dicunt aliter, s. quod lucerna accēdebatur per noctē, s. quia erant in quolibet candelabro multæ lucernæ: & quædam illarum per diem lucebant, & non omnes. Per noctem autem omnes lucebant. Ideo ille, quæ per diem non ardebant accendebantur ad vesp̃eram. Et de hoc intelligitur, quod lucerna candelabri, & aliquæ lucernæ accendebantur semper per noctem, quæ per diem non ardebant. Aliter posset dici, licet sit cōtra communem opinionem, s. quod candelæ candelabrorum non ardebant per diem, sed solū per noctem. Et non erat per diem aliquod lumen in toto tabernaculo siue templo, & hoc satis colligitur Exo. 27. cum agitur de institutione ministerij in candelabro. s. præcipe filiis Israel, vt afferant tibi oleum de arboribus oliuarum purissimum, piloque contusum, vt ardeat lucerna semper in tabernaculo testimonij. Et collocabunt eam Aaron, & filij eius, vt vsque mane luceat coram domino. Ecce ergo, quod lucernæ solū ardebant vsque mane. Et sic intelligitur ista litera, q̃ lucerna, idest lucernæ candelabri accendebantur semper ad vesp̃eram, s. q̃ per diem non erant candelæ aliquæ incensæ: & per noctem accendebant. Ista videtur esse veritas scripturæ, licet communis opinio sit, quod lucernæ ardebant per diem, & noctem: & tamen plures per noctem quā per diem. Istud tenet Nicolaus & Hebrei. Et istam opinionem cōmuniter nos sequimur. Et tamen videtur mihi verior positio, q̃ solū accendebantur lucernæ per noctem. Cum autē obijciatur, q̃ lumen ita erat necessarium in candelabro per diem, sicut per noctem. Dicendum, quod verum est, quod ad honorem videbatur satis conueniens, quod per diem esset lumen in candelabro, sicut per noctem. Et tamen, quia erat sanctuarium satis illuminatum lumine diei, non iusserat Deus, quod lucernæ arderent per diem. De nocte autem secus est, quia licet non fieret aliqua ministratio per noctem in tabernaculo intra templum: tamen cum Deus iudicaretur ab Israelitis, vt stans semper in tabernaculo, sicut quidam rex in solio suo, videretur manere inhoneste si maneret sine lumine. Ideo lucernæ coram eo ardebant. Per diem autem erat lumen, & nō erat opus, q̃ essent lucernæ coram domino. Ecclesia autē attendit maiorem honorem Dei, & semper habet lumen siue per diem siue per noctem, potissimē quādo diuina ministeria celebrantur.

De numero mensarum. Quæst. XL.

QVAERITVR vltcrius, cum dicatur hic, q̃ erant panes propositionis in mensa mundissima: quomodo stat hoc, quia non erat vnica mensa, sed

sed multe: cum Salomon fecisset mensas decem, ut **A** patet supra 4. Et posuisset quasdam à dextris, & quasdam à sinistris. Respondent quidam sicut respondebat Nicolaus de candelabro, scilicet licet essent multa candelabra in templo: tamen Sefac rex Aegypti quando ascendit in Ierusalem abstulit omnia candelabra præter unum. Et abstulit etiam omnes mensas præter unam: & de ista loquitur nunc Abia hic. Et hoc patet, quia dicitur de Sefac, præcedenti cap. quod abstulit thesauros domus Domini, & domus regis. Dicendum, quod hoc non stat: quia sicut ostensum fuit quæstione eadem, non abstulit Sefac aliqua de vasis ministrationis domus Domini, sed solum aurum, & argentum, quod erat in massa. Nam omnia vasa aurea, & argentea, quæ fecit Salomon portata sunt in Babylonem per Nabuchodonosor. 4. Regum 24. & infra vlti. & 2. Esdræ 2. c. Ideo dicendum, quod manebant nunc in templo Salomonis omnia vasa ministrationis, quæ ipse fecerat, & manserunt usque ad tempus Nabuchodonosor. Aliquis dicet aliter, scilicet quod manebant omnes mensæ, quas Salomon fecerat: & tamen fit hic mentio de vnica, scilicet de illa quam fecerat Moyses. Nam vult Nicolaus, quod fecerit Salomon decem mensas, & vnā, quā fecerat Moyses, manebat in medio illarum: & de illa agitur hic. Sed dicendum, quod non stat, quia mensa, quā fecit Moyses non erat excellentior mensis, quas fecerat Salomon: sed potius per contrarium: cum esset mensa illa satis parua, ut patet Exod. 25. Salomon autem habebat maiorem copiam auri, & argenti, & faciebat **C** omnia vasa maiora. Et hoc patet ex altari. Nam altare holocaustorum, quod fecit Moyses erat cubitorum quinque longitudine, & totidem latitudine, & cubitorum trium altitudine. Et altare quod fecit Salomon erat longitudine cubitorum viginti, & latitudine totidem: & altitudine decem cubitorum. De altari Moysi patet Exod. 27. De altari Salomonis patet supra 4. Ita ergo de mensis intelligendum est: & de omnibus vasis templi: quod maiora essent quam vasa illa, quæ fuerunt in tabernaculo Moysi. Et sic non erat præciosior mensa, quā fecit Moyses mensis, quas fecit Salomon. Et consequenter non poneretur mensa Moysi hic etiam per excellentiam. Aliiter dicet aliquis, scilicet quod erant hic multe mensæ: & tamen ponitur de vnica, quia ponitur singulare pro plurali, sicut sepe fit in Hebræo. Ita etiam ponitur, quando dicitur de candelabro, & lucerna: quia non erat vnicum candelabrum templi, sed multa. Etiam candelabrum non habebat vnicam lucernam, sed multas: quia quodlibet habebat septem lucernas. Et tamen dicitur de lucerna, quod accendebatur qualibet nocte. scilicet de lucernis. Sed dicendum, quod non stat: quia mensa propositionis vnica erat: & non erat sic de illa, sicut de candelabris: quia multa candelabra lucebant in templo: Et tamen mensa propositionis vnica erat. Pro quo sciendum, quod Moyses fecit decem mensas, quasdam aureas, & quasdam argenteas: & posuit eas in templo quinque à dextris, & quinque à sinistris supra 4. Et tamen **E** inter omnes istas vnica erat mensa propositionis, scilicet mensa quædam aurea, in qua ponebantur duodecim panes. Reliquæ autem nouem mensæ manebant coram domino in templo, & non ponebantur in eis panes. Nec vocabantur mensæ propositionis, sed erant repositoria vasorum aureorum, & argenteorum. Iam licet multe mensæ essent nunc coram domino, non debuit fieri mentio nisi de vnica, quia in vnica erant panes. Nicolaus autem voluit supra 4. quod essent undecim mensæ: & in qualibet earum essent duodecim panes, & tamen ibidem in quadam quæstione probatum est esse falsum. Et quod solū erat vnica mensa propositionis.

De dicto Abia de clangere sacerdotum.
Quæst. XL.

QVAERITVR vltius, quare dixit Abia: in exercitu nostro sacerdotes sunt, qui clangunt tubis, & resonant contra vos. Respondendum, quod hoc dictum est, quia soli sacerdotes clangebant tubis in bello. Et ex hoc erat quoddam adiutorium à Deo ipsis Iudeis. Pro quo sciendum, quod Deus iusserat fieri per Moysen duas tubas argenteas, quas sacras esse voluit, & quod istæ proficerent ad multos vsus. Ad conuocandum nobiles in concilium. Et ad congregandum totum populum in cætum. Et ad dandum signum mouendi castra. Et quod quando Israelitæ haberent Kalendas, vel festa aliqua aut sacrificia vel solennes epulas clangerent tubis super sacrificiis suis: & venirent in recordationem coram domino. Num. de cimo. Etiam quodcumque Israelitæ irent ad bellum, iubebat Deus quod clangerent tubis istis: & Deus liberaret eos ab hostibus. eod. cap. Et iusserat deus, quod nullus clangeret iis tubis nisi sacerdos. Ideo cum nunc pugnarent viri Iuda contra Israelitas, habebant in exercitu suo sacerdotes clangentes tubis sacris: & resonabant contra Israelitas. Ex quo non modicam spem de victoria conceperant viri Iuda contra Israelitas. Nam sepe per istum clangorem tubarum accidebant miracula, sicut quando Israelitæ lustrauerunt urbem Iericho septem diebus, vltima lustratione clagentibus septem sacerdotibus in tubis sacris, corruerunt muri urbis: Iosue sexto. Ita & nunc sperabant futurum aliquod miraculum. Et quia etiam Israelitæ nouerant miracula ista, quæ fiebant per clangorem tubarum trium: & in fauorem eorum interdum facta fuissent, quando ipsi, & viri Iuda erant simul vnum regnum. Ideo obiecebant hæc Israelitis viris ipsi viri Iuda, & per hoc timerent clagentibus contra se sacerdotibus.

Respiciensque Iudas vidit instare bellum ex aduerso, & post tergum, & clamauit ad dominum: ac sacerdotes tubis canere ceperunt: Omnesque viri Iuda vociferati sunt: & ecce illis clamantibus perterritus Deus Ieroboam, & omnem Israel, qui stabat ex aduerso Abia, & Iuda: fugeruntque filij Israel Iudam, & tradidit eos Deus in manu eorum. Percussit ergo eos Abia, & populus eius plaga magna: & corruerunt vulnerati ex Israel quinquaginta millia virorum fortium. Humiliatique sunt filij Israel tempore illo, & vehementissimè confortati filij Iuda, eo quod sperassent in Domino Deo patrum suorum. Persecutus est autem Abia fugientem Ieroboam, & cepit ciuitates eius Bethel, & filias eius: & Iesana cum filiabus suis: Ephron quoque, & filias eius. Nec valuit vltra resistere Ieroboam in diebus Abia: quem percussit Dominus, & mortuus est. Igitur Abia, confortato imperio suo, accepit uxores

xores quatuordecim : prorceauitque vigin-
tiduos filios , & sexdecim filias . Reli-
qua autem sermonum Abia , viarumq; &
operum eius scripta sunt diligentissime in
libro Addo prophetæ .

Respicieusque Iudas . Hic ponitur tertium , scilicet ,
Abiæ victoria : nam preualuit Abia contra Israelitas :
& dicitur *Respicieusque Iudas instare bellum ex aduerso , &
post tergum .* Scilicet ante hoc dum Abia loqueretur
contra viros Israel , viri Iuda erant securi non formidā-
tes aliquid mali : quia dum fmo trahebatur , credebāt
Israelitas cessaturos , & tamen illi interim moliebant
insidias vallando exercitum Iuda à tergo & ante : & ta-
men viri Iuda respicientes viderunt sibi vtrinque bel-
lum imminere : eratque difficilè : quia ex quacunque
parte vellent se defendere , ex alia ageretur contra eos ,
Et clamauit ad dominum . Scilicet , quòd exaudiret eos ,
& liberaret de illo bello periculoso , quod vndique si-
bi iminebat . *Ac sacerdotes tubis canere ceperunt .* Sacer-
dotes canere debebant in exordio belli : & quia nunc
incohabatur cæperunt clangere , vt omnes Israelitæ
acuerent animos . *Omnesque viri Iuda vociferati sunt .* Ista
vociferatio erat inuocādo dominum in auxilium suū ,
vel potius erat cohortando se ad bellum . Nam vox
mutua pugnantium apponit animos : & sic est consue-
tudo sociorum compugnantium , quòd clament ad
se ipsos exhortando : sic patet quando pugnant viri
Israel contra urbem Hai Iosue 8 . Sic etiam quando
pugnauerunt contra Madianitas tempore Gedeonis , vt
patet Iudi . 7 . *Et ecce illis clamantibus perterritus Dominus Ie-
roboam , & omnem Israel .* Posuerant viri Iuda omnem
spē suam in Domino : & clamauerunt ad eum , quan-
do se in arcto positos viderunt : & tunc exaudiuit eos
Deus , quia perterritus Ieroboam & Israelitas compel-
lendo vt fugerent à facie virorum Iuda . Quis autē
modus terrendi eos fuerit , declarabitur infra in quadā
quæstione . *Qui stabat ex aduerso Abia , & Iuda .* Scilicet
Ieroboam , & Israel stabant ex aduerso Abiæ , & Iu-
da : quia conuenerant in bellum Israelitæ cōtra viros
Iuda . Erant etiam quidam à tergo . Nam dum loq-
retur Abia ad Israelitas omnia verba præcedentia , Ie-
roboam fecit vt quidam ambirent posteriora exercitus
Abiæ , vt sic eum incautum caperent , vt patet in lite-
ra . *Fugeruntque filij Israel Iudam .* Scilicet fugerunt à fa-
cie Iuda , quia nō potuerūt sustinere Iudeos cū De-
o adiunaret illos . *Et tradidit eos Deus in manus eorum .* Scili-
cet fecit vt fugerent à facie eorum , & vt non expedire
fugerent , sed tanquam pauidi , & sic occiderentur à
viris Iuda : & quia hoc fecit Deus , dicitur eos tradidisse
in manus Iuda . *Percussitque eos Abia , & populus eius
plaga magna .* Scilicet cū non possent fugere expedire
Deo impediēte , & ptubante pcusserūt Iudei multos
de illis : & sic exercuerunt plagā magnā , & verē ma-
gnā : vt patet ex numero interfectorum . *Et corruerunt
vulnerati ex Israel quingenta millia virorum fortium .* Mira-
bilis occisio fuit nec vnquam legitur tanta fuisse facta
in eodem bello vnico actu . Nam etiam in historiis
gentium , quæ paræ auctoritatis sunt , & multa falsa
permiscet , nunquam legitur eodem actu continuo
bellandi corruisse quingenta millia virorum . Habe-
bat enim Ieroboam in bello isto octingenta millia vi-
rorum , & corruerunt de illis quingenta millia . De
viris autem Iuda nulli leguntur corruisse : & satis veri-
simile est , quòd nullus eorum perierit : quia De-
o miraculose perterritus viros Israel , & nihil in eis nisi fu-
gere . Viri autem Iuda eos fugientes , & turbatos
trucidabant . *Humiliati sunt filij Israel in tempore*

illo . Postquam perierunt tot millia in isto bello hu-
miliati sunt filij Israel de decem tribubus non habentes
iam superbiam cōtra viros Iuda sicut prius : sed po-
tius timentes eos . *Et vehementissime confortati filij Iuda .*
Scilicet roboratum est regnum ipsorum , quia deletis
vel diminutis viribus aduersariorum suorum augebā-
tur vires ipsorum , & etiam roborati vel confortati
sunt , scilicet in cordibus suis . Quia tamen nunc spe-
rantes in domino superassent faciliter filios Israel : ita
putabant quòd superarent eos quādocunque cōgre-
garentur : & iam non timebāt eos sicut prius propter
nimiam ipsorum multitudinem . *Eo quòd sperassent in
domino Deo patrum suorum .* Scilicet prouenit eis ista vi-
ctoria & confortatio , eo quòd sperauerant in Deo pa-
trum suorum . Nam non pugnauerunt confidentes
de viribus suis , sed de Dei adiutorio : & cū essent
in bello , clamauerunt ad dominū . *Persecutus est autem
Abia fugientem Ieroboam .* Istud bellum factum est in
terra Ieroboam . Nam castra Abiæ erant in monte
Ephraim : & tamen fors Ephraim ptinebat ad regnū
Ieroboam , & hoc non obstante per regnum Ieroboam
persecutus est eum Abia quousque se incluserit in ali-
quas vrbes munitas . *Et cepit ciuitates eius .* Scilicet quas-
dam de ciuitatibus regni Ieroboam , quæ hic nominā-
tur . *Bethel , & filias eius .* Bethel nomen ciuitatis est :
filix eius vocantur villulæ suæ & vici nō murati subiecti
ciuitati Bethel . *Iesana cum filiabus suis .* Ista ciuitas vi-
detur esse in tribu Ephraim , & tamen non habetur
nomen eius in diuisione sortium . Quòd sit in sorte
Ephraim , patet , quia Abia cepit nunc ciuitates ali-
quas de illis , quæ erant propinquæ regno Iuda . Nā
alias multum intraneas regno Ieroboam non poterat
nunc capere Abia . Nulla autem tribus erat ita pro-
pinqua regno Iuda de tribubus Israël sicut fors Ephraim .
Ideo videtur quòd de sorte Ephraim intelligatur , quod
essent ibi ciuitates istæ . *Ephron quoque & filias eius .* Ep-
hron (vt aliqui putant) est Hebron : sed falsum est ,
quia Hebron est ciuitas in sorte Iudæ : Iosue 15 . in qua
regnavit Dauid septem annis , & dimidio , quando
erat solum rex super Iudā 2 . Reg . 2 . & 5 . Et tñ Ephron
erat ciuitas de regno Ieroboam cū nunc iure belli-
co ceperit eam Abia . Et dicendum , quòd ista ciuitas
erat in sorte Ephraim , sicut duæ prædictæ , licet de ea
non habeatur in diuisione sortium in libro Iosue . Est
autem Ephron etiam nomen viri : nam ille , qui ven-
didit Abrahæ campum ad sepeliendum vxorem suā
vocabatur Ephron Hethæus : Gen . 23 . cap . Nec valuit
vltra resistere Ieroboam in diebus Abiæ . Postquam tantam
iacturam passus est Ieroboam in bello cū Abia fue-
runt aliqua bella inter eos , sed nunquam potuit resi-
stere Abiæ : quia præualebat Abia in omnibus . *Quem
percussit Dominus .* Secundum Nicolaum ponitur hic
quartum huius cap . scilicet percussio occulta : & intel-
ligitur de morte Abiæ secundum eum & tamen ma-
gis videtur intelligendum de morte Ieroboam : de
quo etiam magis infra dicitur in quadam quæstione
Et mortuus est . Scilicet inflata sibi plaga aliqua cælitus .
Igitur Abia confortato imperio suo accepit vxores tredecim .
Prius enim curauit de regni statu , deinde de habitudi-
ne personæ suæ . Ideo prius per bellum confortauit
regnum suum , & postea accepit vxores tredecim . De
his autem an sit rectus ordo infra dicitur in quadam
quæstione . *Procreauitque viginti duos filios , & sedecim fi-
lias .* Isti reges prolificabant nimis . Nam pater huius ,
scilicet Roboam habuit filios viginti octo : & filias se-
xaginta supra vndecimo : & iste etiam habuit filios &
filias multas : vt patet hic , habebat enim vxores mul-
tas , & concubinas . Et tamen Salomon auus Abiæ cū
habuisset plurimas vxores non legitur habuisse nisi v-
num filium , & duas filias , scilicet Roboam , & duas
filias

filias quas tradidit in vxores duobus præpositis suis, vt patet 3. Regum 4. ca. *Reliqua autem sermonum Abia viarumque.* Hic fit remedium pro residuis historiæ huius. Sacra enim scriptura expedit se hic de historia Abiæ. Et quia non fuerunt plenè enarrata omnia, quæ fecit Abia, remittitur ad libros, in quibus plenius habetur: & dicitur reliqua sermonum, & viarum, idest verborum, & factorum: quia via hominis est modus eius viuendi: ponuntur tñ sermones, viæ, & opera, quæ opera sunt aliqua gesta notabilia, quæ fecerit, sicut bellum supra positum: sermones sunt dicta eius: viæ sunt modi, vel conditiones eius, scilicet an fuerit vir deicola vel deditus idolis, & sic de aliis conditionibus ipsius. *Scripta sunt diligentissimè in libro prophete Addo.* Iste Addo propheta fuit contemporaneus Abiæ: & scripsit gesta eius: fuit etiam tempore Salomonis, & Roboam. Vnde istorum trium legitur scripsisse gesta, vt patet supra 9. & præc. ca. & hic: Non fuit alius propheta famosius tpe Abiæ: iō nullus alius historiæ ei scripsit, sicut scripserunt multi historiam Salomonis, & multi historiam Roboam, & multi historiam Dauid.

Quomodo Deus perterrituit Ieroboam, & Israel.

Quest. XLI.

QVAERITVR circa prædicta, cum dictum sit quod Deus perterrituit Ieroboam: & omnem Israel à facie Abiæ, quomodo perterrituit. Respondendum, quod Deus poterat multis modis terrere Israelitas. Nam tot modis potest Deus aliquid efficere, quot modis voluerit, cum non sit apud eum aliquid impossibile: iuxta illud Gen. 18. & Lucæ primo, scilicet, quia non erit impossibile apud Deum omne verbum. Poterat autem vno modo fieri, quod Deus fragorem magnum faceret in nubibus, & terram moueri sub pedibus Israelitarum: ita vt putarent Israelitæ totum vniuersum super eos volui, & terram aperiri à fundamentis, velleque eos deglutire: & cum sentirent motum eius in vna parte fugerent ad aliam, & sic non poterant consistere coram Israelitis. De hoc patet primo Reg. 7. quando Philistini volebant irruere super Israelitas stantes in Masphat. Nam dicitur, quod intonuit Deus de celo fragore magno super Philistinum: & exterruit eos, cæsi que sunt à filiis Israel: & Iosephus dicit 6. Antiqui. quod non solum fuit fragor de celo: sed etiam fuit tremor: quia sub pedibus Philistinorum concutiebatur terra. Secundo modo poterat esse, quod Deus faceret audiri magnum sonitum curruum, & equitum venientium contra viros Ieroboam: & ita non auderent consistere. Sic. n. fuit quando pugnauit Dauid contra Philistinos in Baalparasim: & Angelus Domini ambulabat in cacumine pyrorum ex aduerso exercitus Dauid: ita vt Philistini essent inter pyreta, & exercitum Dauid. Putauerunt autem Philistini maximum exercitum latere inter pyreta, qui subito fecit fragorem magnum, quo turbati Philistini fugerunt 2. Reg. 5. & precedenti lib. 14. cap. Sic etiam fuit tempore Ioram regis Israel. cum Syri serui Benadab obsiderent Samariam: ita vt perirent fame, qui erant in vrbe: volens Deus tollere obsidionem illam fecit per noctem audiri in castris Syrorum sonitum magnum curruum & equorum venientium contra eos, putaueruntque quod Ioram rex Israel conduxisset reges multos contra Syros: & nunc subito irruerent super eos: vt patet 4. Reg. 7. siquidē dñs sonitum fecerat audiri in castris Syriæ curruum, & equorum, & exercitus plurimi: dixeruntque ad inuicem: ecce mercede conduxit rex Israel reges Hethorum, & Aegyptiorum: & venerunt super nos, & non habentes consilium nec animositatem ad pugnandum fugerunt relictis diuitiis multis in castris. Tertiò mo-

Ado fieri poterat, quod Deus ostenderet Israelitis aliquam multitudinem Angelorum, vel demonum in specie exercitus venientis contra eos, qui haberent vultum, & armaturam terribilem, & sic non auderent consistere contra Iudam: sic fuit quando Syri circumdabant urbem Dothaim, in qua erat Eliseus vt caperent eum: cunque puer eius timeret multitudinem exercitus venientis contra se, rogauit Eliseus dominum, vt aperiret oculos pueri, vt videret exercitum qui conuenerat in adiutorium Elisei: & vidit montem plenum curribus igneis, & equis igneis, qui erat exercitus angelorum 4. Regum 6. Ita poterat Deus ostendere exercitum talē viris Israel ad terrorem: et non possent consistere contra Iuda. Quarto modo poterat hoc esse, quod Deus de celo mitteret aliquid penale super Israelitas, scilicet lapides vel fulmina: ita vt percussis morerentur plurimi, & alij fugerent. Sic enim factum est quando pugnabat Iosue contra quinque reges Ammoræorum die, quo stetit sol. Nam cum essent in descensu urbis Bethoron, & fugerent à facie Israel, misit Deus de celo magnos lapides grandinis, qui occiderunt plures quam Israelitæ gladio occiderant: Iosue 10. ca. Quinto modo poterat hoc esse per solam incussionem timoris. Nam tantum timorem Deus alicui incutere potest, vt fugiat nemine persequente eum. Sic patet Leu. 26. Et qui de vobis remanserint, dabo pauorem in cordibus eorum: in regionibus hostium, terrebit eos sonitus folij volantis, cadent nullo sequente, & corrueant singuli super fratres suos quasi bella fugientes: nemo vestrum audebit inimicis resistere, peribitis inter gentes. Multi alij modi poterant esse, quot Deus vellet habere ad terrendum Israelitas: sed satis videtur, quod aliquis istorum fuerit: quia isti erant communiore.

An potuerint mori tot in bello: & cur Deus voluit tantam stragem. Quest. XLII.

QVAERITVR vltèrius, quomodo in vno bello tot viri mori potuerint: & cur Deus voluit tantam grauem stragem in Israelitas. Ad primum dicendum, quod valde magna plaga fuit ista cum perierint quingenta millia virorum in vno conflictu, scilicet fugiendo, & nunquam in tota sacra scriptura nec in historiis gentium, quæ interdum ad laudem aliquorum transcendunt veritatem, leguntur tot millia virorum vno actu bellandi periisse. Modus autem quo potuit hoc fieri manifestus est. Nam miraculosè actum est. Si enim vterque exercitus viribus suis dimicaret etiā si vtrique essent fortissimi & pertinaces in bello, non poterant mori tot in vno bello, quia esset resistentia ex vtraque parte, & fieret valde minor strages. Hic autem non erat propriè bellum, sed occisio: quia Israelitæ non resistebant, sed fugiebant à facie virorum Iuda: & cōturbati non poterant resistere, sed potius cadebant: & tradebantur sicut pecora. Ideo cum exercitus Iuda esset satis magnus, scilicet quadringentorum millium virorum: vt patet supra in litera, poterant cito occidere quingenta millia virorum nihil sibi resistentium. Ad secundum dicendum, quod Deus permisit istam stragem fieri nunc in Israelitas propter eorum peccatum grauissimum. Nam totam legem præuaricati fuerant colendo vitulos aureos, & dimittendo templum domini, constituendoque sacerdotes de populo. Ideo sicut in Israel nunquam tantum peccatum factum est, ita Deus nunquam tantam punitionem exercuit contra Israelitas: aliis. n. temporibus peccabant Israelitæ, non tamen omnes: sed in quibusdam ciuitatibus: etiam non satis publicè peccabant: etiam si peccabant tunc, ibant postea ad cor. Nunc autem peccauerunt omnes Israelitæ de decem tribubus, quia omnes conuersi sunt ad idola, & publicè

blicè factum est hoc, atque ædificata sunt templa idolis ac sollicitum esset ea tolli. Etiam ista peruersio durauit magno tempore, quia non cessauerunt ab ea Israelitæ, quandiu manserunt in terra sua. Ideo nunquam fuit tam graue peccatum Israelitarum: & consequenter nec debuit esse aliquando talis punitio eorū.

Quare sicut puniuit Deus in principio Israelitas, ita perseverantes non occidit. *Quæst. XLIII.*

QVAERITVR vterius, cum Deus Israelitas nunc incipientes peccare tam graui pœna punierit, quomodo postea, cum in eo delicto perseverarent, non occidit omnes. Respondendum, quod Deus à principio peccati Israelitarum noluit eos punire, sed procedente aliquanto tempore puniuit, & postea cum cōtinuaretur vsque ad finem non deleuit eos. Patet hoc: nam punitio ista Israelitarū non fuit in principio peccati eorū quia peccatum suum fuit in exordio regni Ieroboam, Nam illico vt factus est Ieroboam rex, fecit duos vitulos aureos ne populus ascenderet in Ierusalem ad adorandum: vt patet 3. Reg. 12. Et Deus admonuit Ieroboam verbis ne hoc efficeret, mittens quendam prophetā qui prænuntiavit contra altare, quod cremarentur ibi sacerdotes, & ossa mortuorum: & contra sacerdotes, quod ipsi sacrificarentur ibi 3. Reg. 12. Et non reuersus est Ieroboam ab iniquitate sua. Nunc autem potuerat Deus punire valde Israelitas, sed etiam punitionem prohibuit. Nam Roboam, & viri regno suo congregati sunt, vt pugnarent contra Ieroboam & viros suos, vt reducerent eos ad vñionem regni: & potuissent tunc viri Iuda, qui paucierant grauem stragem exercere in viros Israel adiuti à Deo, sicut nunc fecerunt Abia & viri eius, licet pauci essent: Deus tamen prohibuit eos pugnare. 3. Reg. 12. & supra 11. cap. scilicet, quia cum valde noui essent, voluit clementius cum eis agere solis verbis eos admonendo. Deinde manserunt in hoc crimine toto tempore, quo regnauit Roboam quod fuit decem & septem annorum: & nunc in principio regni Abiæ accidit ista pugna: & nunc iustum erat eos grauius admoneri, cum permansissent decem & septem annis in peccato isto. Et sic fecit Deus, quod morerentur quingenta millia de illis. Non tamen fecit Deus hoc ad delendum, sed ad emendandum: vt sic timore pœnæ redirent ad cultum Dei, quem reliquerant: & conuenienter secuta fuit ista punitio in eis tempore Abiæ: quia ipse ante bellum increpauit eos de deserto cultu Dei, orando vt redirent ad vnitatem cultus diuini & vnitatem regni. Ipsi autem nō solum nō consenserunt, sed potius dum ista loqueretur Abia, Ierobom fecit quod multi de exercitu suo ambirent exercitum Iuda incautū, & tenerent Abiā. Deus autem iratus malitiæ eorum puniuit eos grauius tunc occidens quingenta millia. Deinde non redierunt ad cor, licet grauius castigati essent: sed manserunt semper in idolis suis. Ideo si Deus vellet eis retribuere iustè, delere debuisset omnes: tum quia peccatum erat grauissimum: tum quia ipsi contumaces erant in eo. Nam notebant conuerti castigati: noluit tamen Deus omnino delere expectans eorum peruersionem: & inferrebat eis sēpæ pœnas graues: quia in multis bellis à viris Iuda & Assyriis, & ab aliis nationibus puniebantur, sicut factum est tempore Ioachaz regis Israel, cuius regnum tantum desolauit Azael rex Syriæ, quod non manserunt in toto regno Ioachaz nisi quingenti equites & decem currus, & decem millia peditum 4. Reg. 13. Et tamen tunc non recedebat à peccatis Ieroboam. Nam lucus permanebat tunc in samaria 4. cap. expectauit Deus nihilominus quous-

que visum est, quod inutilis erat expectatio: & tunc expulit Deus Israelitas in eternum de terra sua faciens trāsferri in terram Medorum, & Persarum per Salmanasar regem Assyriorum 4. Reg. 17. cap. Nec tamen voluit tunc delere Deus Israelitas dans eis spacium penitendi in terra hostili. Nam ibi postea aliqui illorum boni effecti sunt. Patet hoc, quia beatus Iacobus scribit canonicam epistolam suam ad istos existentes in terra Medorum vocans eos fratres suos, & scribit eis tanquam viris virtuosis de tentatione superanda, de patientia, de refrenando linguam, & de multis aliis virtutibus: vt patet in ipsa canonica. Expectans ergo Deus viros bonos, qui aliquando prouenturi erant de stirpe hac, noluit delere Israelitas, sed punire castigando. Idem est de duabus tribubus, quæ fuerunt de tribu Iuda, quæ translatae sunt in Babylonem, & postea redierunt in terram suam: māsēruntque ibi vsque ad Christi mortem, & propter illud grauissimum peccatum Romani deleuerunt urbem Ierusalē, & occiderunt multo plura millia de Iudæis quàm nunc perierint: & tamen non deleri sunt omnes: sed dispersit illos Deus per totum orbem: & vbiq; sunt vbiq; seruunt: nec aliquando vult Deus quod omnes pereant, & hoc vt maneāt testes mortis Domini, scilicet quod progenitores eorū illā fecerunt. Etiam (quod maius est) quia Deus expectat magnam conuersionem de ipsis, quondie enim multi conuertuntur, & magis erit circa finem sæculi. Nam omnes Israelitæ conuertentur: sicut dixit Apostolus ad Rom. 11. scilicet cecitas ex parte contingit in Israel, donec intraret plenitudo gentium, & sic vniuersus Israel saluus fieret.

Quare Ieroboam, & viri sui fuerunt humiliati. *Quæst. XLIII.*

QVAERITVR vterius, quare Ieroboam, & viri sui valde fuerunt humiliati coram Deo post istam percussione factam per Abiam, vt liteia asserit. Dicendum quod Israelitæ humiliati fuerunt nunc valde, & viri Iuda valde confortati sunt. Primò quia viderunt, quod viri Iuda, qui pauci erant leui impetu fuderunt totum exercitum eorum, & occiderunt plurimos: cum tamen viri Iuda pauci essent. Ita ergo timebāt quod quotidie possent facere, donec delerent eos. Secundò quia ista punitio prouenerat à Deo. Nam si fuisset accidens belli non erat tam dolendum: varius namque est euectus belli: & nunc hunc, nunc illum gladius occidit: sicut dixit Dauid ad Ioab. 2. Reg. 11. Nec debet res ista turbare virum fortem: quod tamen Deus miraculose velit contra aliquos pugnare, est dolendum: quia si gnum est quod intendit eos delere. Tertio quia dato quod sequatur interdū strages magna modo bellico manet victis spes posse reparare vires, & reddere similia hostibus suis victoribus: & tamen quando Deus est qui pugnat cōtra aliquos, nulla est spes de victoria, cum nullus posset prauallere contra Deum: Ideo talibus omnino pereundum est: ita nunc erat de Israelitis, scilicet quod Deus pugnat erat contra ipsos, & hoc ipsi senserant: quia quasi se sine bello victos atq; trucidatos senserunt: iō nō hēbant spē de recuperando vires, et restaurando exercitū. Quarto quia nūc Israelitæ valde diminuti erāt viribus suis. Nā dato quod de cetero modo humano agendum foret bellum, & non adiuuaret Deus specialiter aliquam partem: tamen Israelitæ videbantur debere succumbere, eo quod Israelitæ erant minorū copiarum bellicarū quàm viri Iuda, quia viri Iuda fuerant in bello Abiæ quadringenta millia virorum electorum: & nemo illorum legitur, nec creditur periisse. Viri autem Israel

Israelerant octingenta millia, & perierant de eis quingenta millia, vt patet in litera. Ideo manebant eis paruę copię bellicę: ita vt iam viribus impares essent viris Iuda. Quinto quia viri Iuda ex ista victoria conciperent animos contra Israelitas, pugnarentque fortius quā prius. Nam quædam fortitudo causat ex confidentia, scilicet quia aliquę gentes reputantur contra vt ineptę ad bellum: tunc omnes alię audēt contra illas pugnare, etiam habendo minores copias bellicas, & continget interdum quod aliqui pugnent contra viros fortissimos, quos si cognoscerent nullatenus auderent expectare, & quia putant eos esse viros ineptos, de quibus habetur opinio: quia inutiles sunt, & præualent contra illos pugnando confidenter ex ignorantia: & ista vocatur fortitudo ex ignorantia, sicut ponit Aristo. exemplum 3. Ethic. cap. de fortitudine. Ita nunc conciperent confidentiam viri Iuda contra viros Israel arbitantes eos ineptos, & debiles ad bellum: & dato q̃ iam pugnarent fortiter nō prodesset, q̃ viri Iuda concepta confidentis contra illos pugnarent acerrimē.

Quare Abia non destruxit Ieroboam cū præuulerit cōtra eū.

Quæst. XLV.

QVAERITVR vltius, cū nunc Abia præuulerit contra Ieroboam, & tantam multitudinē eius fuderit, quomodo non conatus est ad accipiendum regnum illius, & reducendum ad pristinā vnionem, quia hoc valde desiderabat Abia: & propter hoc pugnavit superiori bello. Aliquis dicet, q̃ licet potuerit Abia fugare Ieroboam: tamen non potuit contra eum omnino præualere, quia inclusit se in vr̃ibus regni sui: & contra illas non potuit præualere Abia: licet aliquas cepit, scilicet tres de quibus hic dicitur: & sic non potuit capere regnū. Dicendum quod hoc non stat, quia non solum nūc, sed etiam sepe postea pugnavit Abia contra Ieroboam, & nunquam potuit resistere Ieroboam, sed semper præualebat Abia, vt patet in litera, scilicet nec valuit ultra resistere Ieroboam in diebus Abiæ. Ideo poterat nunc accipere regnum. Respondendum quod potuisset Abia regnum Ieroboam accipere, & reunire regno Iuda: quia cū in omnibus bellis præuuleret contra Ieroboam, si vellet continuare bellum contra ipsum, omnino deleret eum, & acciperet regnum: & tamen non factum est, quia forte Deus vetuit. Nam satis credendum est, quod Abia cupidus vnionis regni, cū videret se præualuisse contra Ieroboam in hoc magno bello, vellet cōtinuare bella, quousque acciperet regnum de manu Ieroboam: & tamē Deus vetuerit ei pugnare ad hoc. Sic enim vetuerat regi Roboam. Nam misit Deus Semeiam, qui hoc impediret cum iam esset exercitus suus dispositus ad bellum: vt patet 3. Reg. 12. & supra 1. cap. Ita in isto vetaretur bellum: & licet pugnaverit sepe postea Abia contra Ieroboam, & præuulerit: tñ nō pugnavat ad vniendū regnū, sed ad alios fines, quia alię occasiones oriebantur ad pugnandum, s. super limitibus regnorum, vel super damnis & iniuriis vtrinque illatis. Vel pōt esse q̃ dato q̃ nō fieret noua prohibitio de bello, putaret Abia se obligatū ad nō pugnandū contra Ieroboam ex prohibitione facta patri suo Roboam supra 1. cap. Nam dixit ei q̃ non pugnaret cōtra Israel ad reducendū eos in vnitatē regni, quia illa diuisio facta fuerat voluntate sua: ex quo apparebat, quod nunquam posset fieri ista vnio cū esset contra voluntatem Dei, & sic esset superfluum pugnare ad talē vnionem faciendā: Primus tamen modus conuenientior est, scilicet q̃ nouiter Deus nunc prohiberet bellum inter Abiam, & Ieroboam.

An peccauit accipiendo ciuitates Ieroboam.

Quæst. XLVI.

QVAERITVR vltius, cū nunc Abia caperet ciuitates quasdam de regno Ieroboam, an peccauerit. Aliquis dicet quod sic, quia Deus vetuerat pugnare contra Ieroboam ad reducendum Israelitas in vnionem regni. Ideo peccatum erat quomodocunque conari ad istam vnionem, & tamen accipere ciuitates de terra Ieroboam erat reducere in partem Israelitas ad vnionem regni, ideo illicitum erat. Aliquis dicet, quod non peccauit Abia accipiendo ciuitates istas: quia istę pertinebant ad eum cū essent de sorte Benjamin, & Ieroboam tenebat illas: quia fortē tempore Roboam patris sui illas ceperat: & nūc Abia habita opportunitate, potuit illas repetere. Patet hoc, quia Bethel ciuitas est in sorte Benjamin: Iosue 18. Dicendum q̃ hoc non stat. Nā ciuitates istę quas nunc capit Abia non erant de regno suo: sed de regno Ieroboam: cū dicatur hic persecutus est Abia fugientem Ieroboam: capitque ciuitates eius Bethel, & filias eius: ecce vocantur istę ciuitates Ieroboam. Respondendum, quod non apparet manifeste an peccauerit Abia, vel non: & tamen dicendum videtur quod non. Primò, quia manifestum est ex præcedentibus quomodo Abia in isto bello miraculosē à Deo adiutus præuult contra Ieroboam, vt patet in litera, & tamen in bello isto cepit ciuitates has. Ideo non peccauit, quia aliās non adiuuaret Deus eum specialiter ad hoc. Secundò patet, quia Abia pugnavit nunc contra Ieroboam ad reducendum Israelitas ad se, vt colligitur ex litera: & tñ declaratum est supra in quadam quæstione, quod non peccauerat in hoc, ergo à fortiori non peccaret accipiendo istas ciuitates. Tertiò patet, quia dato quod illicitum esset pugnare ad reuniedum terram Israel regno Iuda. Tamen licitum esse poterat pugnare ad accipiendum ciuitates istas, quia solum vetabatur pugnare ad reducendū Israel in pristinam vnionem, & tamen poterat pugnari ad habendum istas ciuitates propter aliquam specialem vtilitatem, non intelligendo tamen reunire totū regnum Israel regno Iuda. Quartò patet, quia poterat habere istam cām pugnandi contra istas ciuitates Abia. Nam dato q̃ vetaretur omnino bellum, & cōtentio inter Iuda & Israel, poterat licitē pugnare Abia ad capiendum vr̃bes istas: quia fortē cū istę vr̃bes erant in extremitate regni Ieroboam, ex illis inferebatur damna regno Abię. Et quia habitatores illarum nolebant cessare ab ista illatione damnorum, poterat licitē Abia delere vr̃bes istas: ita vt nunquam in eis esset habitatio: vel capere illas & vnire regno suo: & istud est satis verisimile. Cū autem dicitur, q̃ erat illicitum pugnare ad reducendum Israelitas in vnionem regni, & cōsequenter accipere ciuitates eorum, quia per hoc reducebantur. Dicendum quod non fuit illicitum Abiæ pugnare pro ista reditione, licet fuerit illicitum Roboam: vt declaratum fuit supra. Aliter dici posset, q̃ non pugnavat Abia ad capiendum istas vr̃bes: vt sic vniret regnum Israel regno suo: sed quia ex istis vr̃ibus inferrebantur multa damna regno suo: poterat illas licitē delere, vel laborare ad capiendum eas, & vnire regno suo.

Quomodo cepit Abia Bethel.

Quæst. XLVII.

QVAERITVR vltius, quomodo poterat esse, vt Abia caperet Bethel de regno Ieroboam: nā Bethel erat de terra Benjamin: vt patet Iosue 18. Ciuitates

uitates autem de tribu Benjamin pertinebant ad regnum Iuda. Ideo non poterat capere Abia urbem Bethel. Quidam dicunt, quod erat Bethel de terra Benjamin: & tamen Ieroboam tenebat occupatam urbem illam ex tempore Roboam. Nam erat potentior Ieroboam: & forte acciperet aliquas de ciuitatibus regni Iuda. Dicendum quod non stat. Primò quia istæ ciuitates vocantur ciuitates Ieroboam, cum dicatur Abia persecutus Ieroboam, cæpitque ciuitates eius. Si tamen ista ciuitas Bethel esset de regno Abiæ: dato quod teneretur occupata à Ieroboam, quando caperet eam Abia, non diceretur capere ciuitatem Ieroboam. Secundò patet, quia non est satis verisimile, quod Ieroboam ceperit aliquas vrbes de regno Roboam, quia valde confortatus fuit Roboam in regno suo in principio eius, scilicet in tribus annis primis, vt patet supra 11. capit. Et tamen Bethel à principio regni Roboam fuit de regno eius, quia ibi posuit vnum de vitulis, vt patet 3. Regum 12. & fuerunt fabricati vituli aurei in principio anni primæ regni Ieroboam: vt probatum est eod. cap. & præcedenti ca. Ideo dicendum, quod ista ciuitas Bethel, de qua hic dicitur erat de regno Ephraim, scilicet Ieroboam. Cum autem abiicitur, quod erat Bethel in tribu Benjamin Iosue 18. Respondent quidam qd Bethel ista secundum veritatem fuit ciuitas sortis Benjamin à principio: & tamen tribus Benjamin, & Ephraim, quæ erant coniunctæ, permutauerunt aliquas vrbes inter se: ita quod viri Benjamin darent viris Ephraim urbem Bethel: & viri Ephraim darent tribui Benjamin aliam urbem. Et istud erat satis verisimile: quia Bethel erat in cōfinio Benjamin, & Ephraim, scilicet in latere ambarum sortium: & tantum poterat pertinere ad vnā tribum sicut ad aliam. Nam ponitur Bethel in limite & termino sortis Benjamin: Iosue 18. cap. Sic enim factum est inter viros Iuda, & Benjamin. Nam vrbs Ierusalem est in confinio sortis Iudæ, & Benjamin. Quod patet, quia ponitur in termino sortis Iudæ: Iosue 15. & in termino sortis Benjamin: Iosue decimo octauo capit. Et cum verè pertineret ad filios Benjamin: ipsi tamen tradiderunt eam habitandam filiis Iudæ: & ipsi pugnaverunt ad eruendam eam de manu hostium: Iosue decimo quinto, & Iudi. primo. Et hoc tenebatur communiter: & tunc pertinebat Bethel ad regnum Ieroboam: cum esset iam de sorte Ephraim: & cum nunc Abia caperet illam tempore Ieroboam, dicebatur capere urbem Ieroboam. Aliter dicunt alij, quod Bethel erat duplex ciuitas, scilicet vna, quæ erat in sorte Benjamin: & alia, quæ erat in terra Ephraim in regno Ieroboam, & illa in qua erat idolum erat ciuitas terræ Ephraim, alia autem, de qua Iosue 18. erat in sorte Benjamin, & sic fuit multoties: quia multæ ciuitates habent idem nomē: sicut duplex, vel triplex ciuitas Aſor ponitur in sorte Iudæ: Iosue 15. Etiam Bethlehem erat duplex. Nam vna vocabatur Bethlehem Iudæ, quæ erat in tribu Iuda: Matt. 2. & Michæ. 5. alia erat in sorte Zabulon: Iosue 19. Sic etiam Saraa, & Estaal erant duæ vrbes in sorte Iudæ: Iosue 15. & Saraa, & Estaal erant alię duæ ciuitates in terra tribus Dan: Iosue. 19. Et sic de multis: & tunc diceretur quod cepit nunc Abia illam urbem Bethel, quæ erat de tribu Ephraim. Sed tunc obiicietur, quomodo cepit nunc Abia urbem Bethel? Nam in ea erat vnus vitulus aureus, quem fecerat Ieroboam: & cum esset Abia nunc vir valde deicola, vt patet ex verbis eius, & gestis supra in litera, destrueret altare factum in Bethel: & vitulum aureum combureret, vel conterreret: & sic non maneret postea Israelitis locus adorandi nisi in Dan: & non haberent nisi vnicum vitulum, sed falsum est: quia semper manserunt ista duo loca

ad adorandum: vnde tempore Iosia, cum capta esset ciuitas Bethel, fecit cremari Iosias ossa mortuorum super altare, & occidi sacerdotes in eod. 4. Reg. 23. Si tamen capta fuisset ciuitas ista tempore Abiæ non permansisset tanto tempore altare Bethel, sed dirueretur à regibus Iuda, scilicet ab ipso Abia, qui erat nunc vir deicola. Vel saltem a filio eius Aſa, qui fuit excellentior circa Dei cultum, & destruxit omnia altaria idolorum, vt patet sequenti cap. & infra decimo quinto, & tertio Regum decimo quinto. Et si Aſa non destrueret istud altare, saltem istud destrueret Ezechias, qui fuit vnus de tribus regibus bonis, qui laudatur nimis: quod non fuerit ei similis post David quarto Regum decimo octauo. Et tamen non destruxit: sed Iosias istud fecit, ideo videtur, quod ciuitas Bethel, quæ erat in terra Ephraim, in qua erant idola non fuit capta per Abiam. Respondet quidam quod non erat vitulus aureus in ista ciuitate Bethel quæ capta est per Abiam, sed volunt quod Bethel, vbi erat vnus vitulus aureus non erat nomen proprium vrbs, sed commune: & vocatur Bethel, idest domus Dei: quod sic interpretatur: & sic quæcunque ciuitas esset, in qua poneretur vitulus aureus, qui reputabatur Deus, vocaretur Bethel, quia erat domus Dei, idest idoli. Patet etiam hoc, quia ista ciuitas interdum vocatur Bethauem, vt patet sepe in minoribus prophetis, vbi cum fiat mentio de vitulo aureo dicitur vaccas Bethauem coluerunt. Osee decimo: idest vaccas siue vitulos domus idolatriæ: quia Bethauem interpretatur domus idoli. Et sic dicunt, quod nomen illius ciuitatis, in qua erat idolum aureus vnus non erat Bethel, nec Bethauem, sed quoddam aliud. Sed dicendum quod non stat, sed nomen proprium illius vrbs, in qua erat altare vbi immolauit Ieroboam, & vbi erat vitulus aureus, erat Bethel. Quod patet, quia si Bethel esset nomen appellatiuum, non solum vocaretur vna ciuitas istarum Bethel, sed etiam ambæ: quia ambæ erant domus Dei, idest domus vituli. Etiam quia tertio Regum duodecimo ponuntur tanquam duę ciuitates in quantum dicitur, quod posuit Ieroboam vnum vitulum in Dan, & alterum in Bethel. Aliter ergo dicunt quidam, scilicet quod Bethel est nomen ciuitatis: & tamen idolum, scilicet vitulus aureus non erat in Bethel intra urbem, sed iuxta illam in aliquo templo: & sic esset idolum istud in fine terræ Ephraim apud Bethel intra urbem: sed iuxta illam, & sic aliquid dicitur esse intra alterum, quia est iuxta illud. Sed dicendum, quod hoc non stat, quia necesse est, quod intelligatur, quod erat idolum & altare intra urbem, quia tertio Regum decimo tertio, dicitur quod propheta Dei, qui iuit ad pronuntiandum mala contra altare Bethel, quod non debebat comedere in loco illo. Itē dicitur ibi de propheta falso, qd habitaret in Bethel: & sic videtur, quod erat altare in vrbe Bethel: & 4. Regum capitu. 23. capitu. dicitur quod altare qd erat in Bethel destruxit Ozias. Dicendum ergo, quod erat altare in Bethel, & vitulus aureus: & tamen videtur dicendum, quod non erat ista Bethel, quam nunc cepit Abia tempore Ieroboam: sed altera Bethel, quæ nunquam venit in potestatem virorum Iuda vsque ad tempora Iosia regis Iuda, qui destruxit altare, & cremauit ossa mortuorum super altare. Nec est mirandum quod essent tres, vel quatuor vrbes, quæ vocarentur Bethel in eadem tribu sicut supra declaratum est de Aſſor, quæ erat duplicata vel triplicata in sorte Iuda: Iosue 15.

Quis est, qui percussus fuit, & quomodo.

Quaestio XLVIII.

QVAERITVR vltcrius circa hoc, quod dicitur hic, quem percussit Deus, & mortu⁹ est, quis est ille, qui percussus est, & quomodo. Nicolaus dicit, quod erat Abia, & reijcit opinionem quorūdam, qui dicebant istum esse Ieroboam: dicit. n. q̄ erat Abia, q̄ de eo fit hic historia, & non de Ieroboam: & tūc dicit, quod causa suae mortis fuit, quia cepit ciuitatē Bethel, & non abstulit idola, quae ibi erāt, & hoc displicuit valde Deo. Sic enim fuit de Amasia, qui praeualuit cōtra Idumēos, cepitq; deos eorum, & coluit: propter quod Deus iratus fuit ei, tradiditq; eum in manus regis Israel, vt patet infra 25. Sed dicendum, quod non intelligitur de Abia, sed de Ieroboam. Nam non poterat vllō modo intelligi de Abia, quia postquam dicitur de isto, quod percussit eum Deus, & mortuus est, subditur, quod Abia confortato imperio suo accepit vxores tredecim, & procreauit filios vigintiduos. Non tñ conueniebat, quod dicto de morte alicuius diceretur illico quomodo accepit vxores, & confortatus fuit in regno. Secundō patet, quia dictis omnibus ijs, quae pertinet ad Abiam subditur in principio seq. cap. dormiuit Abia cum patribus, & sepelierunt eum in ciuitate Dauid. Non enim illico poneretur hic de eius morte si supra dictum fuisset, quod Deus percussisset eum. Sed dicendum est, quod intelligitur de Ieroboam, & concordat hoc valde literę, quia dicitur, quod non valuit Ieroboam resistere Abia, quem percussit dominus, & mortuus est. s. propter peccata Ieroboam Deus fecit Abiam potentiorē, quā Ieroboā, quod non posset resistere Ieroboā habere, & sicut persecutus fuerat Deus eum viuētem, ita etiam persecutus est, vt moreretur, & occidit eum. Item consonat hoc sententię domini contra eum per Haiam Silonitem. Nam prädixit Deus, quod propter peccata sua nullus de stirpe sua sepeliretur, sed qui moreretur in agro, laceraretur a volucris: qui autem moreretur in vrbe, comederetur a canibus. 3. Reg. 14. Verisimile ergo erat, quod ipse, qui omnia hæc meruerat, susceperet partem huius poenę, scilicet, quod Deus inferret ei aliquod genus mortis acerrimę, & sic dicēdum est, quod licet scriptura non exprimat hoc: tamen credēdum est, quod Deus inflixerit aliquam plagam grauē Ieroboam, qua affectus moreretur: & quia non fuit mors illa naturalis, sed ira coelestis intulit eam, dicitur Deus percussisse Ieroboam.

An Abias habuit tot filios post bellum.

Quaestio XLIX.

QVAERITVR vltcrius, cum dicatur hic, quod accepit Abia vxores tredecim confortato imperio, & procreauit inde filios, & filias: an istud sit factū post bellum præcedens. Aliquis dicet, q̄ non, sed est hic mutatus ordo, sicut sæpē fit in scriptura: & patet hoc, quia non potuit Abia habere tot filios, & filias post bellum istud gestum, cum pauco tempore regnauerit, scilicet, solum tribus annis, vt patet supra in litera, & 3. Reg. 15. cap. Sed obijcietur, quod omnia hæc fuerunt post bellum prædictum, quia non solum esset mutatus hic ordo, sed etiam assereremus aliquid cōtra literam, si diceremus fuisse hæc ante bellum. Nam dicitur hic: igitur Abia confortato imperio suo accepit vxores tredecim. Ideo necesse est, quod fuerit hoc post confortatum imperium, & ista confortatio fuit

Alph. Tost. super lib. Paralip. Pars 2.

A post bellum. Respondendum, quod aliquid istorum, quae ponuntur hic fuit post bellum supra positum, & alia fuerunt ante bellum: de vxoribus istis tredecim dicendum, quod Abia accepit illas post bellum factū, non tamen oportet, quod dicamus omnes tredecim accepisse post bellum factum, sed quod aliquas eorum ceperit ante bellum, & postea facto bello ceperit alias vique ad complementum tredecim vxorum. Vel fortē ante bellum habebat Abia vxores aliquas, quarū non ponitur numerus, & post bellum factum accepit tredecim, & de istis ponitur hic solum. Et patet, quod haberet vxores aliquas Abia ante hoc, imō antequam esset rex, quia filij regum in parua ætate accipiebant vxores, vt prolificarent nimis. Ideo cum Abia esset filius Roboam, quem cogitabat, & disposuerat facere regem, non est verisimile, quod permetteret eam sine vxore quamdiu ille vixit, potissimē cum iam esset vir aptus coniugio. Quod patet primō, quia supra vndecimo dicitur, quod Roboam cogitauit facere Abiam regem, quia sapientior, & potentior erat cōteris fratribus. Non poterat tamen apparere in eo robur bellicum, & potentia, secundum quam mereretur esse dux, nisi iam esset in ætate iuuenili, vel aliquo matura, & illa iam erat apta coniugio. Secundō patet, quia dicitur ibi, quod constituit Roboam Abiam principem super fratres suos, & ducem: & tamen ad hoc, quod esset dux eo modo, quo requirebatur tunc, scilicet, vt faceret bella, requirebatur, quod esset ætatis matura, vel iuuenis iam fortis robore. Tertiō patet, quia eodem capitulo dicitur, quod Roboam disposuit filios suos per ciuitates Iuda, & Benjamin, & multas eis petiuit vxores, & plurimas istis præbuit. Quarto patet, quia si accepisset vxores postquam egit istud bellum, non potuisset habere filios tot quot habuit. Nam dicitur hic, quod accepit vxores tredecim, & dicitur, quod habuit inde filios vigintiduos, & filias sexdecim; & sic necesse erat, quod saltem quælibet vxor haberet tres filios ex illo, & tamen non poterat hoc esse, quia ipse regnauit solum tribus annis, vt patet supra in litera. Et quando bellum illud fuit finitum, aliquantum tempus esset expletum, & sic non maneret tempus ad hoc, quod quælibet vxor posset suscipere ex Abia filios tres: ideo necesse erat, quod habuisset vxores aliquas antequam esset rex. Quintō, quia dato quod esset possibile, quod quælibet istarum vxorum, quasi in tribus annis posset gignere tres filios: non erat tamen contingens, quod quælibet tres gigneret, quia potius videtur hoc aliquid factum. Si autem reliquus dare aliquibus eorum quatuor filios, hoc esse non poterat, cum tempus esset paucum, vix vltra duos annos & dimidium. Sextō patet, & efficacius, quia hoc concessio in morte Abia nullus filiorum suorum esset ad plus anni & dimidij, vel quasi duorum annorum, quia solum regnauit Abia sex annis supra in litera, & de istis subtrahatur tempus aliquantum quod transiuit dum gessit bellum, & antequam acciperet vxores, deinde nouem menses, quibus infans geitaretur in vtero, vix posset manere duo anni quos ageret maximus filiorum Abia, qui successit, & erat iam ætatis completæ quando successit: ergo non accepit nouiter primum vxores Abia postquam coepit regnare. Patet hoc, quia Asa in principio regni sui subuertit aras, & lucos, & sculptria, & totam idolatriam abstulit, & dixit viris Iuda, ædificemus ciuitates istas, & vallemus muris, donec a bellis quæta sunt omnia, vt patet sequenti capitulo. Et dicere talia, & facere non pertinebat nisi ad virum perfectæ discretionis: & sic erat Asa tunc ad minus quindecim, vel sexdecim annorum. Vnde necesse natus esset antequam pater suus Abia regnare inciperet.

Aa Septimō

Septimò patet, quia erat Abia vir maturus, quando cepit regnare antequam faceret bellum. Ideo non erat verisimile, quòd nondum haberet vxorem. Pater hoc, quia ipse locutus est multa magnæ prudentiæ contra Ieroboam, & Israelitas, & ostēdit se virum magni cordis exponendo se tanto timori, ita vt pugnaret contra aciem duplam numero. Ideo dicendum, quòd iam habebat vxores. Veritas autem huius fuit, q̄ quando Abia cepit regnare erat vir maturæ ætatis, habebatque iam vxores, & filios quos genuerat viuente patre suo Roboam. Vnde necesse est, quòd ipse haberet aliquem filium, qui esset duodecim, vel tredecim annorum, quando ipse inciperet regnare. Nam Asa, qui successit ipsi Abiæ tot annorum esset. Nam aliàs in principio regni sui, non poterat esse tantæ prudentiæ, vt faceret, & diceret, quæ habentur seq. cap. in principio, quæ erāt opera iuuenis iam prudentis. Dicendum tamen, q̄ cū Abia accepisset regnum paucò tempore post pugnavit contra Ieroboam, & cū superasset eū, & ex hoc putaret iam regnum suum cōfirmatum, voluit vacare procreationi, & accepit tunc vxores alias præter præcedentes, genuitq; filios, & filias. Non est tamen intelligendum, quòd omnes istos filios genuerit post bellum supra positum, sed multos eorum pri⁹ genuerat. Ponitur tamen hic de filiis eius, quia debebat scriptura enarrare historiam Abiæ quantum ad oīa gesta eius, & quia non poterat de ipso aliquid enarrari quamdiu non erat rex, describuntur omnia gesta sua postquā incipit historia de regno suo, licet aliqua eius gesta fuerint ante coronationem suam in regē. Cū autem obijcitur, quòd dicitur hic, quòd cōfirmato imperio accepit vxores tredecim. Dicendum, q̄ accepit istas tredecim de nouo super illas, quas pri⁹ habuerat. Vel quòd omnes vxores Abiæ simul fuerūt tredecim, quarum aliquas accepit antequam esset rex, & aliquas post bellum istud: tamen dicit, q̄ cōfirmato imperio accepit tredecim vxores, id est, accepit aliquot vxores vsque ad completionem tredecim vxorum. De filiis etiam dicendum, quòd procreauit viginti duos filios, & sexdecim filias, computando omnes, qui fuerint geniti ante bellum, & ante regnum, & post fuerūt simul vigintiduo, & filiarum decem, & sex.

CAPITVLVM XIII.



DORMIUIT autem Abia cum patribus suis, & sepelierunt eum in ciuitate Dauid: regnavitque Asa filius eius pro eo, in cuius diebus quieuit terra annis decem. Fecit autem Asa quod bonum, & placitum erat in conspectu Dei sui, & subuertit altaria peregrini cultus, & excelsa, & confregit statuas, lucosque succidit, & præcepit Iudæ, vt quæreretur Dominum Deum patrum suorum, & faceret legem, & vniuersa mandata. Et abstulit de cunctis vrbibus Iuda Aras, & Fana, & regnavit in

pace. **F**ædificauit quoque vrbes munitas in Iuda, quia quietus erat, & nulla temporibus eius bella surrexerant, pacem domino largiente. Dixit autem Iudæ: **E**dificemus ciuitates istas, & vallemus muris, & roboremus turribus, & portis, & seris. donec à bellis quicta sunt omnia, eo quòd quæsiuerimus Dominum Deum patrum nostrorum, & dederit nobis pacem per Gyrum. **E**dificauerunt igitur, & nullum in extruendo impedimentum fuit. Habuit autem Asa in exercitu suo portantium scuta, & hastas de Iuda trecenta millia: de Benjamin verò scutariorum, & sagittariorum, ducenta octoginta millia: omnesq; isti viri fortissimi.

Dormiuit. In præcedentibus descripto regno Abiæ. Hic agitur de regno Asa filij eius. Et diuiditur in tria, quia primò ponitur Asa bona conuersatio. Secundò prophetica ei facta denuntiatio sequenti cap. Tertio Asa præuaricatio. infra 16. cap. Prima in duas, quia primò ponitur conuersatio Asa virtuosa: secundò eius victoria miraculosa, ibi. *Egressus est autem.*

An ista sint continuata, & immediata.

Quæstio I.

QVAERITVR Circa primum, an ea, quæ habentur hic habeant ordinem continuatum ad præcedentia, & an sint facta immediatè post illa, vel interposito aliquanto tempore. Ad primum dicendum, quòd hic est ordo continuus: nam præcedenti cap. actum est de regno Abiæ: hic agitur de regno Asa filij eius: manifestū est enim, quòd ista necessariò erunt post illa. Ad secundum dicendum, quòd non fuit interpositum aliquid inter præcedentia & ista. Nam inter mortem regis Abiæ, & coronationem Asa, nihil intercidit, cū fuerit alius rex, vel dominus intermedius. Circa primum dicitur. *Dormiuit autem Abia cum patribus suis.* Scilicet, mortuus est, sicut & patres sui. Et mors est sopor æternus, quo semel oppressus nunquam enigilat, nisi in nouissimo die. Et verum est, quòd dormire signat mortem quietam, scilicet, quando quis sine vulnere moritur. Interdum tamen accipitur dormire pro morte, quæ accidit ex vulneribus. Sic patet secundo Machabæorum decimosecundo, cū dixit Iudas, accepisse dormitionem cum pietate eos, qui ceciderant in bello. *Et sepelierunt eum in ciuitate Dauid.* Id est, in castro montis Sion, quia illud castrum vocabatur ciuitas Dauid, eo quòd accepisset illud de manu Iebuseorum pugnando, & ad gloriā nominis sui vocauit illud ciuitatem Dauid, vt patet præcedenti libro vndecimo capitulo, & secundo Regum quinto. Fecerat autem Dauid in castro montis Sion loca sepulchrorum regum, & ibi sepeliebantur omnes reges de genere suo. *Regnavitq; Asa filius eius pro eo.* Credendum est, quòd iste erat primogenitus: nam vigintiduos filios males habuit Abia, vt patet præcedenti capitulo, & non sit hic mentio de isto, nisi quòd erat filius Abiæ. Ideo

Ideo credendū, quod erat primogenitus, quia aliās fieret mentio de ætate sua, & ordine ad alios fratres, quia erat quasi extraordinarium, quod aliquis non primogenitus regnaret existēte primogenito, cum ista esset cōsuetudo apud oīa regna terræ. Et ob hoc cum Abia pater Aśa, non esset primogenitus inter fratres suos, & tamen constitutus fuerit in regem, fit mentio supra vndecimo, quomodo nō erat Abia primogenitus, sed Roboam pater suus constituit eum in regem, quia erat sapientior, & potentior alijs fratribus suis. Quantæ ætatis esset Aśa, quando regnare cōcepit non habetur hic, nec tercio Regum decimoquinto, vbi ponitur sua historia. *In cuius diebus quieuit terra annis decem.* Scilicet, in principio regni eius quieuit terra à bellis annis decem. Et dicitur hoc, quia in tempore Roboam aui sui, & tempore Abiæ patris sui semper fuerunt bella inter illos & Ieroboam regem Israel. Nam Roboam, & Ieroboam pugnaverunt omnibus diebus suis. supra decimo secundo. Etiam omnibus diebus Abiæ & Ieroboam duravit bellum, sed nunquam potuit Ieroboam resistere Abiæ, vt patet præcedenti capitulo. Tempore autem Aśa in principio regni cessauit bellum per decem annos. Quomodo autem computentur isti decem anni Aśa, & reliquum tempus eius, & cur non fuerunt bella in istis decem annis declarabitur infra in quadam quæstione. Sciendum, quod Aśa cōcepit regnare in Iuda, dum regnaret Ieroboam super Israel. Nam annus vicesimus regni Ieroboam erat quando cōcepit regnare Aśa. tercio Regum decimoquinto. Et patet hoc, quia regnauit Ieroboam vigintiduobus annis. tercio Regum decimoquarto. Roboam autem, qui cōcepit regnare eodem tempore, quo Ieroboam regnauit annis decem, & septem. supra decimo secundo. Post quem regnauit Abia tribus annis, & sic regnaret vsque ad finem anni vicesimi Ieroboam, & in fine anni vicesimi inciperet regnare Aśa, & regnante Aśa super Iudam adhuc regnauit Ieroboam super Israel duobus annis vltimis vitæ suæ. *Fecitq; Aśa quod bonum, & placitum erat in conspectu Dei sui.* Hic ponitur laus Aśa, & dicitur, quod fecit bonum, & placitum coram domino, idest, placuerūt valde Deo opera Aśa, quia obseruauit legem, & destruxit idolatriam. Nihil enim erat Deo magis acceptum, quàm quod coleretur ipse, & tolleretur idolatria de terra, & istud fecit Aśa. *Et subuertit altaria peregrini cultus.* Duo erant bona, quæ faciebat Aśa, scilicet, Deum colere, & idolatriam destruere. Primum signatur cum dicitur, fecit Aśa, quod bonum, & quod placitum erat coram Domino. Secundum signatur per omnia sequentia, scilicet, quod subuertit altaria peregrini cultus, idest, subuertit idolatriam. Vocatur cultus peregrinus cultus idolorum, quia illa sunt dii alieni, siue peregrini, de quibus Deus dixerat: non habebis Deos alienos coram me. Erant autem in terra Iuda multa altaria idolorum, quando cōcepit regnare Aśa, quæ relicta fuerant ex tempore, quo regnauit Abia, & Roboam, & omnia illa subuertit nunc Aśa. *Et excelsa.* Vocatur excelsum altare quodlibet vno modo, vel templum, siue domus, vbi est altare. Vnde etiam domus domini, vel altare eius vocabatur excelsum. Sicut dicitur tercio Regum tertio, quod Gabaon erat maximum excelsorum, & tamen ibi erat templum, siue Tabernaculum Moyſi illo tempore, de quo ibi agitur, & tunc est sensus, quod Aśa subuertit omnia altaria idolorum, & confregit excelsa, idest, domus, in quibus erant ista altaria. Vel vocantur excelsa ipsa altaria posita in locis excelsis, scilicet, in collibus, & montibus. Nam in omni colle, & sub omni ligno frondoso adolebant idolis thura viri Iuda tempore Roboam. tercio Regum decimoquarto, & decimo-

A quinto. *Confregit statuas.* In templis idolorum erant istæ statuæ idolorum, & illas omnes confregit, vt non adorarentur. *Lucosq; succidit.* Vocatur lucus mons densus, & obscurus, vbi sunt multa fructeta, vel arbuta, quæ lucem impediunt, & vocatur lucus à lucendo per antiphrasim, scilicet, quia ibi lux nulla reperitur, vel pauca valde, & plantabantur isti luci interdum manu hominum, vt essent valde densi, & ibi ponebantur altaria idolorum. Istud autem fiebat à gentilibus ad vsum sacrificiorum Dei Priapi, vt infra declarabitur in quadam quæstione. Istos lucos iubebat Deus succidi, vt nullus esset locus ibi iam idolatrando in sacrificijs Priapi, cum non possent sacrificia illa fieri sine luco, aut specu subterranea. *Et præcepit Iuda, vt quæreret dominum Deum patrum suorum.* Vocatur hic Iuda non ipsa tribus Iudæ, sed totum regnum Iuda, quia super totum illud imperauit Aśa: est quærerere dominum imitari eum per viam præceptorum suorum. Nam Deus vbiq; est, & non oportet, vt quærat, quia non quæritur, nisi quod à nobis abest, vel nobis occultū est. Manifestum tamen est Deum vbiq; esse, ideo quærendus non erit. Posset autem quæri Deus dupliciter: vno modo, vt sciamus vbi est: alio modo, vt eum videamus, vel colloquamur. Primo modo, non oportet eum inquiri, quia certum est Deum vbiq; esse, nec possumus ab eo elongari, sicut dixit Dauid Psalmo centesimo trigesimo octauo. Quod ibo à spiritu tuo, & quod à facie tua fugiam? Si ascendero in cœlum, tu illic es: si descendero in infernum, ades: si sumptero pennas meas diluculo, & habitabo in extremis maris: etenim illuc manus tua deducet me, & tenebit me dextera tua. Etiam Ieremiæ decimo tercio, dicitur: Si poterit occultari à me vir, & ego non videbo eum: nunquid non cœlum, & terram ego impleo, dicit Dominus. Non ergo querendus est Deus, vt sciatur vbi est. Secundo modo non est quærendus, quia nusquam inueniri potest. Nam nemo Deum videre potest. Iuxta illud: Non videbit me homo, & viuet. Exodi trigesimo tercio. & Ioannis primo dicitur: Deum nemo vidit vnquam. & hoc, quia Deus habitat lucem inaccessibilem, quem nullus hominum vidit, nec videre potest. primæ Timo. 6. Non est ergo Deus his modis quærendus, sed Deus à nobis quæritur, & inuenitur per imitationem, & beneplacitum, quia homo Deum inuenit, quando ei similis efficitur. Est autem homo Deo similis, siue dei formis, quando est in gratia: datur autem gratia per obseruationem legis. Ideo via perueniendi in deum est obseruatio mandatorum, & isto modo aliquando Deus à nobis elongatus est, & aliquando eum inuenimus. Tantum enim à nobis elongatur, quanto nos longe sumus à lege eius, & tunc oberramus. Alio modo Deus inuenitur per communicationem beatitudinis, & tunc aliquis Deum inuenit, quando per communicationem eius homo beatus efficitur, & illa est gloria. Istud inuenire non contingit homini in vita, quia non videbit me homo, & viuet, idest, non poterit me aliquis videre per communicationem gloriæ, quamdiu viuit. Viuens tamen est in via inueniendi, & moriens inuenit, quia per mortem efficitur in termino, Via autem ad inueniendum sic est obseruatio mandatorum. Sic dixit Matthæi decimo nono, si vis ingredi ad vitam serua mandata, scilicet, ad vitam æternam. Hic autem agitur de inuentione illa, qua homo Deo similis efficitur per gratiam. Alter accipitur interdum quærerere dominum, vt inueniam eum placatum ad benefaciendum nobis, & isto modo Iudæi eum quærebant. s. vt eis beneficeret, & sic etiam inueniebant eum, quando legem eius obseruabant, quia Deus benefaciebat omnibus obseruantibus legē.

Et faceret legem, & vniuersa mandata. Idem sunt ista, scilicet, quærere dominum, & facere legem. Nam non quæritur Deus per aliud, nisi per obseruationem legis. Ponitur hic lex, & vniuersa mandata, scilicet, quod lex intelligatur pro decalogo, qui est lex principaliter. Nam solus decalogus est lex data à Deo in voce. Cum enim Deus incepisset in voce dare præcepta legis, dedit totum decalogum, & cum perueniret in finem eius, tam gravis erat vox Iudæis, quod putauerunt se morituros, si ultra audirent vocem domini. Ideo petierunt, ut non loqueretur eis Deus, ne morerentur, sed loqueretur eis Moyſes. Exo. 20. & Deuter. 5. Et sic solus decalogus à Deo datus est, cetera autem præcepta legis per Moyſen fuerunt Iudæis proposita. Ideo excellenter decalogus vocatur lex. Per vniuersa mandata intelliguntur omnia alia præcepta legis data per Moyſen, siue cærimonialia, siue iudicialia, siue moralia. Quia multa moralia sunt in lege præter decalogum, sicut sunt multa Leuiti. 19. & omnia hæc erant obseruanda, quia hæc complent legem integraliter. Aliter potest intelligi, quod lex vocetur hic tota lex Moyſi comprehensa in pentatheuco, vniuersa mandata vocentur multa alia mandata data à Deo, quæ continebantur in libris prophetarum. Quia illa etiã obligabant eos ad obseruationem suam, sicut lex Moyſi. Et quando quod omnia hæc custodierit, nihil habet, in quo Deum offendat. *Et abstulit e cunctis ciuitatibus Iuda Aras, & Fana.* Vocatur Iuda regnum, & non tribus. Nam in toto regno Iuda erat dispersa idolatria ex tempore Abiæ, & Roboam patrum Aſa, & cum ipse imperaret in his ciuitatibus omnibus, de omnibus abstulit aras, & fana. Vocantur aræ altaria. Vnde in Latino dicitur altare, quasi alta ara. Et erant aræ idolorum istæ, quas auferrebat de ciuitatibus. Fana erant templa dæmonum, & vocantur fana omnia templa Gentilium à fane, quod est apparere: quia ibi fiebant dæmonum apparitiones. In Hebræo habetur, solaria, vbi nos dicimus fana, & vocantur solaria à sole. Quia fortassis Deo soli, qui erat planeta excellentior omnium, erant illa fana consecrata: nec est admirandum, quia Iudæi valde coluerunt solem, sicut & Gentiles. Nam reges Iuda consecrauerunt equos quatuor soli, & currum eius, & posuerunt in templo Domini, ut patet. 4. Reg. 23. Nam inde abstulit Iosias equos Solis, & currum Lunæ, & cremavit illos. Magis tamen debet hic accipi pro nomine communi templi, quàm pro solo templo solis. Nam licet essent multa templa solis in terra Iuda: tamen aliquorum deorum aliorum templa etiam essent ibi, quia cum essent Iudæi dediti ritui gentium, non colerent vnicum Deum de dijs gentium, sed multos. Et sic litera nostra proprius accepit, dicens fana, quod est nomen commune ad quæcunque templa idolorum. *Et regnavit in pace.* Scilicet, quia coluit dominum, Deus dedit ei pacem. Et non intelligitur, quod toto tempore vitæ suæ manserit in pace, sed intelligitur de decem annis primis regni sui, de quibus dicitur supra in litera. Nam postea suscitata sunt ei bella per Aethiopes, ut infra patet. *Aedificauit vrbes munitas in Iuda.* Non est sensus, quod de nouo aliquas ciuitates aedificauerit Aſa, sed antiquas non bene muratas munit. Vel fortè aliquas, quæ non habebant muros, & tamen erant magna loca, munit. Quod patet, quia dicitur infra, quod dixit Aſa viris Iuda: aedificemus ciuitates istas: & tamen non erant ciuitates de nouo construendæ, cum ipse eas demonstrauerit, dicens istas. *In Iuda.* Scilicet, in regno Iuda tam in sorte Iudæ, quàm Benjamin: imò magis necessarium erat aedificari vrbes in Benjamin, quàm in Iuda, cum tribus Benjamin haberet sortem magis coniunctam regno Israel, quàm Iuda, quia sors Iuda erat ad austrum, & sors Benjamin erat ma-

gis aquilonaris, & tangebatur sortem Ephraim in toto latere suo ab Oriente in Occidentem. *Quia quietus erat.* Scilicet, vacatio à bellis, & alijs perturbationibus faciebat intentum esse regem aedificationi vrbiũ. Nam cum non haberet nunc Aſa occupationem aliquam cui intenderet, intendebat aedificationi vrbiũ. Si autem esset tempus bellorum non posset vacare huic occupationi. *Et nulla temporibus eius bella surrexerant.* Scilicet, à principio regni sui vsque ad tempus, quo nunc aedificabat istas vrbes nulla bella surrexerant, & hoc durauit per decem annos, sicut patet supra in litera. *Pacem domino largiente.* Scilicet, Deus quem Aſa colebat toto corde suo, dabat ei pacem toto hoc tempore, ut muniret vrbes regni sui, & sic quando contra eum bella confurgerent, esset confortatus contra hostes. *Dixit autem Iuda.* Id est, principibus regni Iudæ. Nam Aſa capiebat deliberationem cum principibus regni sui, & quia videbatur ei summè necessarium, vel vtile, dixit principibus, quod facerent illud. *Aedificemus ciuitates istas.* Per hoc apparet, quod designauit nominatim ciuitates aliquas, quia alias non ostenderet, dicens, aedificemus ciuitates istas. Erant autem istæ ciuitates aliquæ, quarum muri corruerant, vel erant debiliter muratæ. *Et vallemus muris.* Quia in quibusdam locis corruerant muri. Vel fortè nunquam fuerant ille vrbes muratæ, sicut nunc multæ sũt. *Et roboremus turribus, portis, & feris.* Ista pertinent ad robur vrbiũ. Nam turres procul hostes pellunt, & inde sunt fortia propugnacula contra illos. Portæ & feræ etiam ad robur faciunt, quia non prosunt muri, si portæ, & feræ non sint. *Donec à bellis quæta sunt omnia.* Id est, dum. Accipitur enim hic, donec; pro dum, quod rarò fit, scilicet, dum omnia secura sunt vrbes poterunt muniti. Et dicit, secura sunt omnia, quia ex nulla parte bellum surgebat magnum, aut paruum. *Eo quod quæſierimus dominum Deum patrum nostrorum.* Ista est causa, quare data est pax, scilicet: temporibus prædecessorum nostrorum non erat pax, quia non colebant dominum: nunc autem, quia nos quæſiuimus dominum colendo eum, dedit nobis pacem. Et vocatur Deus patrum nostrorum, scilicet, quia non est Deus nouiter acceptus à nobis, sed patres nostri ab antiquo coluerunt illum, & sic omnes alij dij, quos Iudæi colebant interdum vocabantur dij noui, & recentes. Sic patet Psalmo octuagesimo, scilicet, Israel si me audieris, non erit in te Deus recens, nec adorabis Deum alienum. *Et dedit nobis pacem per Gyrum.* Id est, dedit nobis pacem cum omnibus gentibus, quæ in circuitu nostro sunt. Non solum enim viri Iuda habebant in hostes Israelitas, cum quibus maior sibi pugna erat, sed etiam omnes aliæ gentes, quæ erant per gyrum habebant, id est, multas gentes per circuitum. Nam à meridie habebant Philistinos, & Amalecitas, & Aegyptios, & omnes gentes Arabum, qui habitabant in desertis Arabiæ, quæ aliquo modo sunt meridiana respectu terræ Chanaan. Ab oriente est terra Idumæorum. Numeri trigesimo quarto. sed isti non erant nunc Iudæorum hostes, sed potius erant subditi tributarij, & semper fuerunt vsque ad tempus regis Ioram. Nam tunc rebellauerunt, ut patet quarto Regum octauo, & infra 2. cap. Habebant etiam ab Oriente Ammonitas, & magis Moabitas, ut colligitur Num. 34. quia in Iordane, qui erat terminus orientalis sortis Iudæ coniungebantur terra Iuda, & terra Moab, quia campeſtria Moab pertingunt vsque Iordanem, ut patet Num. 33. A parte aquilonari habebant Israelitas, à parte Occidentali ex quadam parte habebant Philistinos, & ex quadam parte mare Mediterraneum, & ex quadam parte terram Israelitarum: & ab ijs omnibus dederat Deus pacem viris Iuda nunc.

Ædificauerunt igitur. Scilicet, ædificauerunt vrbes, quas proposuerat ædificare, & non fuit aliquid obſtans. *Et nullum in extruendo impedimentum fuit.* Iſta fuit cauſa, quare cito ædificauerunt, ſcilicet, quia nō fuit aliquis, qui impediret in ædificando, & hoc, quia nulla tunc bella ſurrexerant. In Hebræo dī. Et proſperati ſunt, vel profeſerunt, vbi nōs dicimus, & nullū in extruendo impedimentum fuit. Et idem eſt, quia tunc opus creſcit, & proſperatur in manibus operantium, quando nullus impedit operantes. Cū autem impediuntur opus differtur, & non fit commodē. *Habuit autem Aſa in exercitu ſuo portantium ſcuta, & haſtas.* Hic ponitur ordinatio regni Aſa quantum ad exercitum, & nō eſt intelligendū, quod fuerit iſte exercitus aliquis ſpecialis, quem congregauerit Aſa in aliquo bello, ſed eſt ſenſus, quod licet Aſa nunc non haberet bella, tamen ſuſpicabatur ſe illa habiturum, cū multos hoſtes haberet per circuitum. Ideo congregauerat magnum exercitum, ſcilicet, aſcribendo multos militiæ ſuæ, vt quando bella inſurgerent haberet illos promptos in armis. Et ſciendum, quod omnes iſti erant pedites cū portarent ſcuta, & lanceas, & eſſent ſagittarij. De equitibus autem quot haberet non ponitur. Maniſteſtum eſt autem, quod haberet aliquos currus, & equites, quia prædeceſſores ſui illos habuerant. Nam Salomō habuerat quadraginta millia equorum curriliū, & duodecim millia equitum, vt patet. 3. Reg. 4. Et poſtea ſui ſucceſſerunt in equis, & curribus. Ideo haberet nunc Aſa currus aliquos, & equos, ſed ſcriptura non curauit ponere numerum illius exercitū. *De Iuda trecenta millia.* Omnes iſti erant ferentes lanceas, & ſcuta. *De Benjamin vero ſcutariorum, & ſagittariorum ducenta octoginta millia.* Maior tribus erat Iuda, quā Benjamin, & de ea erant plures bellatores, & tamen omnes erant ſcutarij: de Benjamin erant quidam ſcutarij, & alij ſagittarij. *Omnes iſti viri fortiffimi.* Vocantur fortiffimi, non quod eſſent excellenter fortes, ſicut ſignificat ſuperlatiuus, ſed omnes apti ad bellum, & ex cōditione ætatis pugnare potentes vocantur fortiffimi. Sic enim eſt modus loquendi in veteri teſtamento.

Qualiter ſe habuerunt tempora regis Aſa.

Quæſtio I I.

QVAERITVR Circa tempora regis Aſa, qualiter ſe habuerunt circa pacem, & bella. Reſpondendum, quod Aſa regnauit annis quadraginta vno, vt patet infra 16. & in his fuit talis ordo, quod in primis decem annis regni habuit pacem cum omnibus hoſtibus, & de hoc dicitur ſupra in litera, ſcilicet, in cuius diebus quieuit terra annis decem. In iſtis decem annis expurgauit Aſa immunditiam idolorum de terra. Nam reliſta fuerat plena idolatria. 3. Reg. 15. Et poſtea vacauit ædificationi vrbium, multasque vrbes muris, & turribus roborauit. Deinde anno vndecimo regni eius venit Zara Aethiops contra Iudam, pugnavitque cum eo, & obtinuit mirabilem victoriam, vt patet infra in litera. Poſtea autem non habuit aliquod bellum cū regione aliqua vſque ad annum triceſimum regni ſui Aſa, & ſic in triginta annis non habuit, niſi vnū bellum, quod fuit cum Aethiopibus. Anno autem quintodecimo Aſa, venit ad eum Azarias propheta, & prænuſciauit ſibi ea, quæ habentur ſequenti capit. Et tunc conuocauit Aſa omnes viros de regno ſuo. Multi quoque de viris Iſrael venerunt cum eo, & firmauerunt pactum legis iurantes, quod cuſtodirent illam, & tunc fecerunt ſacrificia multa, & ſolennitates ſequenti capitulo. Deinde ab ipſo anno quintodecimo vſque ad triceſimum annum regni Aſa, non legitur aliquid quod fecerit, niſi quod ſolū vacabat cu-

Alph. Toſt. ſuper lib. Paralip. Pars 2,

Aſtodix legis. Conſtat tamen, quod vſque ad triceſimum annum, non fuit aliquod bellum poſt quintodecimum. Poſt triceſimum autem fuerunt aliqua bella, ſed non leguntur, quæ fuerint, vel qualia vſque ad annum triceſimum ſextū. In ipſo autem anno aſcendit Baſa rex Iſrael contra Iudam, & muro circundabat urbem Rama, vt nullus poſſet intrare de regno Iudæ in terram Iſrael, nec egredi. Et Aſa putans ſe non poſſe reſiſtere regi Baſa, miſit aurum, & argentum quod habuit in domo regis, & in theſauris domini, & dedit illum regi Syriæ, vt cogeret regem Iſrael ceſſare ab ædificatione vrbis Rama, quod factum eſt. Miſit autem Deus prophetam ad increpandū Aſa, qui iratus, miſit prophetam in carcerem, ſuper quo indignatus dominus contra eum concitauit bella contra Aſa, & percuffit eum vehemētiffimo dolore pedum anno triceſimonono regni ſui: durauitque vſque ad mortē ſuam anno quadageſimo primo regni eius. ſ. per tres annos. infra 16. Iſte eſt proceſſus regni Aſa.

Quare non fuerunt bella Aſa primis annis.

Quæſtio I I I.

QVAERITVR vterius, quomodo factum eſt in Aſa, quod non fuerint bella decem annis primis regni ſui. Reſpondendum, quod hoc fuit propter duo. Primò ex parte Dei, quia Deus voluit dare pacē in diebus Aſa, & hoc fuit, quia Aſa aſſiciebatur ad cultum Dei, & in retributionem dabat ei pacem ab hoſtibus. Sic dicitur ſupra in litera, nulla temporibus eius bella ſurrexerant, domino pacem largiente. Et ipſe Aſa dixit, ædificemus vrbes, donec à bellis quieta ſunt omnia: eo quod quaſierimus Deum patrum noſtrorum. Erat etiam hoc ex parte Iſraelitarum. Nā non habebant motium aliquod ex parte Iſraelitarum ad pugnandum contra Aſa, quod pater. Nam quando coepit regnare Aſa in Iuda, regnabat in Iſrael Ieroboā, & complebatur tunc vicesimus annus regni eius, & poſtea regnauit duobus annis, erat autem fatigatus Ieroboam bellis, quia fortē erat ſenex, & erat iam in extremo vitæ ſuæ: Item (quod maius erat,) quia Ieroboam fuerat nimis aſſictus tempore Abiæ patris Aſa, qui habuerat bellum vnum potentiffimum cum Ieroboam, & occiderat de exercitu illius quingenta millia virorum, vt pater præcedenti capitulo. Et poſtea fuerant alia bella particularia, & minora inter Ieroboam, & Abiam, & nunquam potuit Ieroboam reſiſtere Abiæ. eodem capitulo. Nunc autem nolebat concitare contra ſe regnum Iuda, quia fortē putabat, quod ſicut Abia miraculoſe deleuerat eius exercitū, ita & nunc Aſa deleteret. Vnde in illis duobus annis, quibus ſuperuixit Ieroboam regnante Abia, non auſus eſt pugnare cōtra Aſa, nec pugnavit: poſt Ieroboā ſucceſſit in regno Iſrael Nadab filius eius, qui fuit vir ſatis inutilis non audens contra aliquem ſuſcitare bellum potenter. Ideo cū eſſet Nadab, & totus Iſrael obſidendo urbem Gebethon, quæ erat in terra Philiſthinorum ſecūdo anno regni ſui inſidiatus eſt ei Baſa ſeruus ſuus, & occidit eum, & ſic tranſierant iam quatuor anni de regno Aſa, dum hæc fierent. Coepit autem anno quīto regni Aſa regnare Baſa ſuper Iſrael, & ille etiam non mouit bellum aliquod contra Aſa. Nam cū non eſſet de genere regio, ſed per inſidias ſurrexiſſet, & occidiſſet regem Nadab, & occuparet regnum, tantum fuit ſollicitus circa pacificationem regni ſui, quod non auſus eſt extraneis inferre bella. Et ſic contingit, quod in decem annis primis regni Aſa, non ſurrexit bellum aliquod contra eum.

Quare Deus non dedit bella domui regis Aſa in principio regni. Quæſtio IIII.

QVAERITVR ulterius, cum Deus ſpecialiter dederit in donū regi Aſa, q̄ non ſurgerent bella aliqua in principio regni ſui vſque ad annum decimū. Cur hoc faciebat, & propter quid. Reſpondendum, q̄ Aſa fuit vir deicola, & poſt David vſq; nunc non fuerat aliquis tantum affectus ad cultum Dei, ſicut Aſa. Nam Salomō auerſus eſt à Deo, & fabricauit templa idolis coluitq; illa. 4. Reg. 13. & 3. Reg. 11. Roboam ē poſt tertium annum regni ſui declinauit à lege Dei, quam ceperat cuſtodire, & coluit idola, repletaq; eſt terra immunditijs idolorum, ita vt etiam effœminati eſſent in terra, vt patet. 3. Reg. 14. capit. Abia autem in p̄ncipio regni ſui coluit dominum, vt patet ex verbis, quæ locutus eſt contra Ieroboam, & Iſraelitas præced. cap. Et tamen poſtea dereliquit eum, & fuerunt idola in terra, ſicut tēpore Roboam patris ſui, vt colligitur. 3. Reg. 15. tempore autē Aſa nihil tale factum eſt. Nam ipſe fecit duo bona. Primum erat, q̄ nunquam declinauit ad idola tota vita ſua, ſed coluit affectuoſe dominum, quod erat mirabile ſecūdum cōditionem aliorū regum Iuda, vt patet ſeq. cap. ſattamen cor Aſa erat p̄fectum cū domino cunctis diebus eius. Idem patet. 3. Reg. 15. Secundum erat, quia vniuerſam idolatriam, q̄ reges præcedentes introduxerant in terram, expurgauit ipſe diligenter, vt patet hic, & ſeq. cap. & 3. Reg. 15. Ideo Deus voluit ei benefacere dando pacem. tēpore eius, vt patet in litera. ſ. Omnia quieta ſunt à bellis, eo quod quæſierimus dominum. Finis autem ad quem Deus pacem dedit principio regni Aſa fuit. Primò ad reſtituendū cultum Dei. Nam ſi bella inſurrexiſſent, non poterat Aſa vacare alteri occupationi, niſi bellis, & non poſſet emundari terra idolis. Et ſi dicatur, quod potius erat per contrarium, quia tempore bellorum, & anguſtiarum conuertebantur Iudæi ad dominum, & tempore proſperitatis deſerebāt eum, iuxta illud Pſal. 77. Cum occideret eos, quærebant eum. Et patet de Roboam, quia tribus annis primis regni ſui p̄firmabatur regnum, coluit dominum: deinde confirmato regno reliquit dominū ipſe, & omnes de regno ſuo. ſupra 22. Dicendum, q̄ verum eſt, quia quantum ad conuerſionem ad dominum: ita vt deſererent idolatriam faciliores erant Iſraelitæ, quādo erant in anguſtijs, q̄ cū eſſent in proſperitate, & tñ quātum ad expurgationem idolatriæ, & inſtitutionem cultus diuini nō erant proni: eo quod occupatio bellica tollebat hæc. Cum autem eſſet tempus pacis poterāt delere totam idolatriam. ſ. ſubuertendo altaria, & cōfringendo idola, diruendo templa, & ſuccidendo lucos: omniaq; faciendo, quæ ad hoc pertinebant. Etiam erat occupatio in reducendū cultum Dei perditum, & iſtud erat opus multorum dierum, nec poterat fieri, niſi cū eſſet tempus vacationis. Voluit ergo Deus dare tempora vacationis regi Aſa ad reſtituendū cultum ſuū excludendūq; cultum idolorum, & in hoc Deus attendit bonum ſtatum legis, voluitque providere legi peritura. Nam ſi Deus non ſuſcitaviſſet nuncium regis Aſa ad cultum ſuum, & non dediſſet ei tēpus vacationis, vt ſic poſſet de terra excludere idolatriam, videbatur lex peritura. Nam duo progenitores ſui, ſcilicet, Roboam, & Abia multum dediti fuerant idolis, & populus totus tempore eorum: Vnde ſi nunc non diſtraherentur ab iſta idolatria, fortaiſſis tantum peruerterentur, ſicut Iſraelitæ, ita vt non poſſent poſtea retrahi inde. Nunc autem Aſa extirpauit omnia hæc, & cū ipſe regnauerit longo tempore, ſcilicet, annis quadraginta vno, firmatus fuit populus in cultu Dei tempore eius, cū ipſe nunquam declina-

Fuerit ad idolatriam. Secundò fuit hoc ad confirmandum regnum ipſius Aſa. Nam quando reges incipiunt regnare, non ſunt confirmata regna eorum, & facilius eſt eos vinci in bello, quā aliaſ cū adhuc non ſint conciliati ſibi animi ſubditorum ſuorum. Ideo ſi in principio regni Aſa bella contra eum ſurrexiſſent: fortaiſſis ipſe non potuiſſet ſuſtinere illa, & periſſet regnum eius. Deus autem voluit firmare regnum eius: ideo non permisit inſurgere bella contra ipſum in principio regni ſui: quouſque ipſe eſſet confirmatus, & roboratus ſufficienter in regno, quia tunc licet venirent hoſtes non nocerēt ei faciliter. Tertio factum eſt hoc ad fortificandū aliqua minus fortia in regno: nam erant aliquæ vrbes non munitæ, & aliquarum muri prompti erant ad ruinam, & vt fortificarentur muniendo eas data eſt pax Aſa, quia non poterat munire vrbes, niſi quando eſſet in pace.

Quomodo faciebat Deus auferendo bella ipſi Aſa. Quæſtio V.

QVAERITVR ulterius, cum Deus fecerit, quod in decem annis primis regni Aſa non eſſent bella contra ipſum, quomodo faciebat hoc. Reſpondendum, quod hoc poterat facere multipliciter. Primo modo poterat facere iſtud auferendo omnibus hoſtibus Aſa deſiderium, nocendi ei. Hoſtes namque deſiderant nocere adinuicem, quia iſta eſt conditio ſua, & tamen Deus poteſt mutare corda, auferendo iſtud deſiderium. Nam cor hominis eſt in manu Dei, & quocunq; voluerit vertet illud. Proverbiorum vigeliſimo primo capitulo. Secundo modo poteſt hoc efficere reconciliando corda hoſtium, ſcilicet, faciendo, vt non ſolū vnus hoſtis non deſideret alteri nocere, ſed etiam, quod diligat eum, & faueat ſibi: quia cū iſta accidunt interdum ex cauſa humana, facilius euenient mouente Deo ad hoc: & ſic fortè moueret Deus cor regum, qui erant in circuitu terræ Iuda ad diligendum regem Aſa, & ſic non mouerent bellum contra eum. Tertio modo poterat hoc fieri, quod Deus auerteret corda illorum, nè conſiderarent circa hoc. Nam licet aliquis habeat alterum expoſum, Deus poterit ſic immutare cor eius, vt nunquam conſideret quomodo nocebit illi, & manebit tamen inter eos inimicitia. Similia enim Deus ſæpè facit quando excecatur hominem, vt incidat in aliquod malum poenale. Nam interdum eſt aliquod malum notiſſimum, in quo homo incidet ſi fecerit tale, vel tale quid, & cū quilibet ſatis rudis concipiet illud quod euenire poſſit tale, Deus excecatur cor hominis, vt non conſideret illud, & incidat in penam, quam Deus ei inferre parat. Quarto modo poterat hoc eſſe ponendo impedimenta, ſcilicet, dato quod aliquis deſideret nocere alteri, & ſit potens ad hoc, quod Deus ponat ei impedimenta, ſcilicet, quod quando voluerit ei nocere cogatur attendere ad alterum, quod ei magis neceſſarium ſit, & ſic non occurrat ei poſſe nocere illi. Sic fuit de Saule, qñ obſedit David in deſerto Maon. Nam cingebat eum in modum coronæ, & David deſperabat ſe poſſe euadere: tunc ſubito venit nuncius ad Saulem, dicens: Ecce Philithijm inſuderunt ſe ſuper terram tuam, & tunc ille coactus eſt recedere ab obſidione David, vt occurreret Philithinis, & ſic euasit David. 1. Regum 23. Sic fuit etiam Aſſyriorum tempore Ezechia regis Senacherib rex Aſſyriorum veniens cum magno exercitu comminabatur ſe deſtructurum Ieruſalem, & Deus dixit per Iſaiam. Ecce ego mittam ei ſpiritum, & audiet nuncium, & reuertetur in terram ſuam, & deiſciam eum gladio in

terra sua. quarto Regum decimonono. Ecce, quia iam erat promptus Senacherib ad eundum, ut obsideret Ierusalem, & tamen fecit Deus, quod audiret nuncios dicentes: quod Tharaca rex Aethiopum egres- sus esset, ut pugnaret contra eum, & relicto itinere quod intendebat ire ad obsidendum Ierusalem, perrexit ad pugnandum contra regem Aethiopum, eodem cap. quia illud magis eum urgebat, quam obsidio, quam intendebat facere contra Ierusalem. Quinto modo poterat hoc fieri per incussionem timoris, scilicet, quod licet aliquis desideret pugnare contra alterum, & nocere ei, Deus non permittat hoc facere incutiendo ipsi timorem magnum, ita quod putet se superandum: sicut erat de hostibus Iudaeorum. Nam quolibet anno Iudaei masculi omnes ascendebant ter in locum sanctuarium, & manebant tunc urbes vacuae, vel saltem non manebant ibi, nisi foeminae, quae nullum praestabant fulcimentum, & hoc sciebant hostes Iudaeorum, qui erant vicini eis, cum quolibet anno fieret ter, & tamen nunquam temporibus illis audebant ascendere in terram Iudaeorum ad pugnandum. Sic enim Iudaeos securos reddiderat Exo. 34. f. Cum tuleris gentes a facie tua, & dilataueris terminos tuos, nullus insidiabitur terrae tuae, ascendente te, & apparente in conspectu Domini Dei tui ter in anno. Sic etiam fuit de Sichimitis, & regibus Chanaanorum contra Iacob, & filios suos. Nam cum Iacob cum filiis suis rediret de Mesopotamia, & in urbe Sichem ipse filius regis Hemor deflorasset filiam Iacob nomine Dinam, fratres eius armantes se, facto pacto de circuncisione, occiderunt omnes Sichimitas, qui erant circuncisi, & iacebant in lectis die tertio, quando solet esse grauissimus dolor vulnerum, & tunc omnes reges Chanaanorum, qui erant in circuitu commoti sunt, ut delerent Iacob, & domum suam, & tamen non fecerunt, quia terror domini inuasit eos, & non ausi sunt persequi recedentes. Gen. 34. & 35. f. Sexto modo poterat hoc esse, quando Deus resistit directe alicui incohanti bella, ita ut non pugnet contra alterum, scilicet, quod interdum aliquis cupiens facere bellum contra alium disponit se, & vadit contra eum, & antequam pugnare incipiat Deus eum impedit, ita ut non possit pugnare. Sic enim fuit in Aegyptijs, qui se parauerunt cum rege suo Pharaone ad pugnandum contra Hebraeos, & tamen Deus pugnavit contra ipsum per columnam nubis, & ignis subuertitque rotas curruum, & ferebantur in profundum maris. Exo. 14. Et sic non potuerunt pugnam incipere contra Iudaeos: sic dixerat eis Moyses: Dominus pugnavit pro vobis, & vos tacebitis. eodem capitulo. Sic etiam fuit quando Senacherib rediit in Ierusalem postquam pugnaverat contra regem Aethiopum, & intendebat subvertere Ierusalem. Cum non cepisset pugnam, nocte quadam venit Angelus Domini, & percussit in castris Assyriorum centum octogintaquinq; millia virorum, quod videns Senacherib fugit in terram suam. 4. Reg. 19. & tunc impediuit Deus Senacherib, ne pugnam incoharet contra Ierusalem, ut patet eodem capitulo, cum dicitur: Non ingredietur urbs hanc, nec mittet in eam sagittam, nec occupabit eam clypeus, nec circumdabit eam munitio. Multis autem modis potest Deus facere, quod unus homo non pugnet contra alterum, licet alias desideret pugnare, & aliquis istorum modorum esset quo Deus faceret, quod reges vicini non pugnarent contra Asa.

Quare permisit Deus bellum contra Asa.
Questio VI.

QVAERITVR ulterius, cur Deus fecerit, quod decem annis primis regni sui non pugnaret contra Alph. Tost. super lib. Paralip. Pars 2,

tra Asa aliquis rex. Quare fecit, vel permisit, quod anno decimo regni pugnaret contra eum Zara Aethiops, ut dicitur infra in litera. Et videtur, quod non debuisset Deus hoc permittere, quia haecenus non permiserat, quod quis pugnaret contra Asa: eo quod tenuerat legem Dei, sicut dicitur in litera, scilicet: Abellis quiescentia sunt omnia, eo quod quiescerimus dominum, & tamen nunc etiam querebat Asa dominum. Ergo nunquam debebat contra eum bellum fieri. Aliquis dicit, quod forte Deus permisit nunc bellum fieri contra Asa, quia dereliquerat dominum. Nam fortassis tanta decennali prosperitate elatus dereliquerat dominum, sicut Roboam elatus prosperitate trium annorum, in quibus confortatum est regnum eius dereliquit dominum. supra 12. capit. Dicendum, quod non stat, quia Asa nunquam dereliquit dominum, ita quod declinaret ad idolatriam, sed omnibus diebus suis fuit cor suum perfectum cum domino, & licet in fine vitae suae. f. anno tricesimo sexto regni sui, non habuerit confidentiam in Deo, & recurreret ad adiutorium regis Syriae, & in hoc peccauerit: tamen non incurrit in idolatriam, ut colligitur infra decimo sexto, & sic nunquam contra eum debuerant bella insurgere. Verum est tamen, quod interdum bella insurgunt contra reges pro alijs peccatis, quam pro idolatria. Sicut fuit contra istum regem Asa. Nam quando non habuit spem in domino, sed in rege Syriae, misit Deus contra eum prophetam, qui praedixit ei mala, & inter alia ait: stulte egisti, & propter hoc etiam presenti tempore aduersus te bella consurgent. infra 16. capit. & tamen adhuc non legitur aliquid simile fecisse Asa ante decennium, in quo Deum offenderet propter quod bellum aduersus eum consurgeret. Respondendum, quod Deus permisit istud bellum Aethiopum consurgere contra Asa propter tria. Primo propter demerita Aethiopum. Nam Aethiopes peccauerant contra Deum grauiter in aliquo, & cum Deus sit iudex omnium hominum, voluit punire eos, & voluit uti rege Asa tanquam ministro suo ad hoc, sicut facit de omnibus alijs gentibus, scilicet, ut Deus puniat quosdam per alios, & illos mediantibus alijs, & sic de omnibus alijs. Secundo fuit ad laudem Dei. Nam istud bellum fuit mirabile, scilicet, quod pauca multitudo Israelitarum fuderit tantum exercitum Aethiopum, in quo erant decies centena millia virorum, & currus trecenti, ut patet in litera, & factum est hoc opere Dei. Nam Deus exterruit Aethiopes coram rege Asa, ut patet in litera. Etiam, quia per inuocationem nominis Dei factum est. Nam cum esset Asa in bello, clamauit ad dominum, dicens: adiuua nos Domine Deus noster, & non praeualeat homo contra te. Tercio fuit hoc ad honorem, & praconium regis Asa, quia cum reges vicini viderent, quod Asa fuderat exercitum, in quo erant decies centena millia virorum: nemo auderet congregari cum eo, nisi haberet maiorem exercitum, & erat in hoc magnus honor Asae, & securitas regni sui, in quantum nullus auderet pugnare contra eum.

An Asa subuerterit altaria, & excelsa.
Questio VII.

QVAERITVR Vltius, quomodo potest stare ista litera, cum dicitur, quod subuertit Asa altaria peregrini cultus, & excelsa, & abstulit fana, & aras de cunctis urbibus Iuda, quia sequenti capitulo dicitur: Excelsa autem derelicta sunt in Israel, ergo non subuertit illa. Respondendum, quod duplicia erant excelsa, quaedam erant, in quibus colebatur Deus verus, & alia, in quibus colebantur daemones.

A a 4 Pro

Pro quo sciendū, quòd Deus iusserat, quòd nemo auderet facere sacrificium, in quocūque loco vellet, sed solum in vrbe, quam mandaret Deus, & eligeret, vt patet Deut. 12. cap. & non solum in vrbe, sed etiā non licebat facere sacrificium, nisi in altari holocaustorū, quod erat ad ostium Tabernaculi. Leuit. 17. & Iosue 22. cap. qui autem colebat dominum sacrificando alibi peccabat: fecerat tamen populus altaria multa extra vrbes in montibus, & etiā in vrbibus, in quibus immolarentur Deo sacrificia, & ista vocantur excelsa, & ibi aliqui sacerdotes secundum ritum legis faciebāt sacrificia, nec deuabant in aliquo, nisi quòd extra locum sanctuarij sacrificabant. Alia autem erant altaria idolorum tam in montibus, quā in vrbibus, quia in omni colle, & sub omni ligno frondoso ponebantur altaria dæmonum. 3. Reg. 14. Excelsa autem illa, quæ erant ad cultum dæmonum subuertit Afa, quia nihil voluit relinquere de idolatria in terra. Altaria autem siue excelsa, quæ erant ad cultum Dei non subuertit Afa, licet illa mererentur subuerti, quia erant contra legem: non tamen pertinebant ad idolatriam. De primis excelsis intelligitur litera sequenti capitulo, & illa non sunt deleta. De alijs intelligitur litera ista, & ista altaria, vel excelsa fuerunt deleta. Distinctio ista excelsorum colligitur. 4. Reg. 23. cap. Nam ibi dicitur, quòd Iosias occidit sacerdotes excelsorum super altaria, & dicitur de alijs sacerdotibus excelsorum, q̄ non occidit illos, sed comedebant azyma cum alijs sacerdotibus fratribus suis. Vnum tamen erat, scilicet, q̄ non permittebantur ministrare, si tamen omnes isti essent sacerdotes dæmonum, occidisset omnes illos Iosias. Etiam non permisisset vllō modo sacerdotes excelsorum dæmonum comedere de redditibus sanctuarij cum alijs sacerdotibus Dei. Ideo licet essent omnes sacerdotes excelsorum, quidam erant sacerdotes Dei, & quidam dæmonum, & sic quædam excelsa erant Dei, & alia dæmonum, & quædam deleta sunt, alia autem manserunt. Dicit autem Nicolaus, quòd non fuit illicitum dimitti excelsa, in quibus colebatur Deus, sed de hoc sequenti capitulo declarabitur in quadam quæstione.

Egressus est autem contra eos Zara Aethiops cum exercitu suo, decies centena millia, & curribus trecentis, & venit vsque Marefa. Porro Afa perrexit obuiam ei, & instruxit aciem ad bellum in valle Sephata, quæ est iuxta Marefa, & inuocauit Dominum Deum, & ait: Domine, non est apud te vlla distantia, vtrum in paucis auxiliieris, aut in pluribus: adiuua nos Domine Deus noster: in te enim, & in tuo nomine habentes fiduciam venimus contra hanc multitudinem. Domine, Deus noster tu es: non præualeat contra te homo. Exterruit itaque Dominus Aethiopes coram Afa, & Iuda: fugeruntque Aethiopes, & persecutus est eos Afa, & populus, qui cum eo erat vsque Gerara: Et ruerunt Aethiopes vsque ad interuentionem, quia Domino cadente contriti sunt, & exercitu il-

lius præliante. Tulerunt ergo spolia multa. Et percusserunt ciuitates omnes per circuitum Geraræ: grandis quippe cunctos terror inuaserat: & diripuerunt vrbes, & multam prædam asportauerunt: Sed & caulas ouium destruentes, tulerunt pecorum infinitam multitudinem & camelorum, reuersique sunt in Ierusalem.

Egressus est autem. Hic ponitur secundum huius capituli, scilicet, Afa victoria miraculosa: nam Deo agente superauit regem Aethiopum, & dicitur. *Egressus est autem contra eos Zara Aethiops.* Ista pugna fuit post decimum annum regni Afa. Nam supra in litera dicitur, quòd in diebus Afa quieuit terra decem annis. Et iste Zara Aethiops erat princeps magnus: vnde habuit secum valde magnum exercitum, & dicitur. *Egressus est contra eos.* Idest, contra Afa, & viros suos. Nam dicebatur ibi, quòd habebat Afa in exercitu suo trecenta millia virorum habentium scuta, & lanceas de tribu Iuda, & de tribu Benjamin ducenta, & octoginta millia habentium scuta, & lanceas, & sagittariorum, & contra omnes istos venit Zara Aethiops. *Cum exercitu suo decies centena millia.* Magnus exercitus valde erat iste, & raro legitur tantus exercitus congregatus, qui compleat vnam milliadem. In Hebræo dicitur. *Aleph Alephim.* Vbi nos dicimus decies centena millia. Et signat Aleph mille, & Alephim millia, quia est plurale ac si diceret cum exercitu suo mille, & millibus, & est numerus determinationem non habens. Litera autem nostra posuit decies centena millia, quia fortè talem sensum dabant omnes antiqui Hebræi quando facta est ista translatio, & potissimè, quia fortè sic transcripserant septuaginta interpretes de Hebræo in Græcum. Iosephus tamen octauo Antiquitatum, vbi ponitur hæc historia, addidit ad hunc numerum, dicens, quòd habuit in exercitu suo nongenta millia peditum, & ducenta millia equitum, & trecentos currus: vnde ille addidit centum millia virorum, cum hic ponantur solum decies centena millia, & currus trecenti, sed de Iosepho, vel quocunque alio historiographo, non est multum insistentum, quando constat de veritate Sacrae Scripturæ, licet vbi dubia essent, circa talia non est dubium, quin translator noster Hieronymus ad Iosephum recurreret, qui fuit vir magnæ sapientiæ inter Hebræos tempore suo, & potissimè in historijs. *Et trecentis curribus.* Paruus numerus curruum erat secundum hanc multitudinem exercitus, sed cur tam pauci currus fuerint infra declarabitur in quadam quæstione. *Et venit vsque Marefa.* Est Marefa quædam ciuitas in sorte Iudæ, vt patet Iosue decimo quinto, & de hac dicitur Mich. 1. scilicet, adhuc hæredē adducam tibi, qui habitas in Marefa vsque ad Odolam veniet gloria Israel. Est autem Marefa satis Australis ciuitas in terra Iudæ, & ibi locauit pro tunc castra sua Zareas rex Aethiopum intendens se extendere per totum regnum Iuda. Porro *Afa exiuit obuiam.* Licet sciuerit Afa multitudinem valde maiorem esse Aethiopum, quā suā, non formidauit exire illis obuiā, quia necessitas eum impulit. Nam si nō exiuisset obuiam deleuisset singulas vrbes per se rex Zareas. Sicut fecit rex Sefac rex Aegypti, qñ ascendit contra Roboā anno quinto regni eius. Nā non ausus est Roboam exire obuiā ei. Ideo ille discurrens per terram Iuda cœpit singulas ciuitates supra 12. cap. *Et ista*

Et instruxit aciem ad bellum. Posuerat castra rex Aethiopum apud urbem Maresa. Asa verò occurrit, & instruxit aciem non permittens eum inde recedere sine bello, quia si permetteret vagari per terram suam, multa damna inferret. *In valle Sephata, quæ est iuxta Maresa.* Satis propè exercitum Aethiopum posuit aciem suam Asa. Nam castra Aethiopum erant apud Maresam, & ipse posuit acies in valle Sephata, quæ est iuxta Maresa. Potest autem Sephata esse nomen urbis, à qua vocetur vallis Sephata, & tunc dicitur, quod illa ciuitas Sephata est iuxta Maresam, & sic signatur, quod etiam vallis erat apud Maresam. Vel potest intelligi, quod Sephata est nomen vallis, & vocatur vallis Sephata intransitiuè, idest vallis, quæ vocatur Sephata, & tunc dicitur, quod est iuxta Maresam, scilicet vallis Sephata est iuxta Maresam. *Et inuocauit dominum Deum.* Videns Asa, quod viribus suis non sufficeret ipse ad resistendum tanto exercitui, inuocauit dominum: cuius viribus se liberandum confidebat. *Et ait domino non est apud te vlla distantia.* Idest nulla differentia. *Vtrum in paucis auxiliis, vel in pluribus.* Scilicet, isti multi sunt, & tamen non est differentia aliqua apud te, quod auxiliis contra paucos, vel contra multos. Hic apparet magna spes, quam habebat Asa in Deo. Nam etiam si veniret obuiam exercitus infinitus, putabat certissimè, quod Deus posset illum facilius delere. Et rectè dixit, quod non est maior difficultas Deo pugnare contra multos quam contra paucos, quia potentia Dei est infinita, & ad quodcunque se habet sine aliqua resistantia: de quo declarabitur infra in quadam quæstione. Sic etiam dixit Ionathas filius Saulis, scilicet, non est difficile Deo saluare in multis, vel in paucis: primo Regum 14. cap. *Adiuua nos domine Deus noster.* Scilicet nullum alium habemus adiutorem nisi te. Iuxta illud, quia non est alius, qui pugnet pro nobis, nisi tu Deus noster. Ideo tu nos adiuua. *Quia in te, & in tuo nomine habentes fiduciam venimus contra hanc multitudinem.* Scilicet, non habemus fiduciam aliquam in viribus, & etiam quando exiimus ad pugnandum nullam fiduciam habebamus de eis: sed in te, & in tuo nomine sperabamus saluari contra hanc multitudinem. Rectè enim nunc inuocauit Asa dominum: quia quando homines nihil habent, quod viribus suis agere possint: tunc se totaliter submittere debent diuino adiutorio orantes illum. Sic dixit rex Iosaphat filius regis Asa infra 20. scilicet sed tantum ignoremus quid agere debeamus. Hoc solum habemus residui, ut oculos nostros dirigamus ad te. Dixit autem Asa, in te, & in tuo nomine sperantes: non quod spes aliqua in nomine esset, quæ esset distincta à spe, quam habebant de Deo, sed eadem spes erat: declarabitur tamen magis de hoc, infra in quadam quæstione. *Domine Deus noster tu es.* Idest, tu es solus verus Deus, quia alij, qui vocantur dii non sunt, sed dæmones: ut patet Psal. 95. quoniam omnes dii gentium dæmonia. *Non præualeat contra te homo.* Scilicet, si præualeat contra nos Zara rex Aethiopum, non putabitur præualuisse contra te, quod est inconueniens: ideo fac, quod non præualeat. Non est tamen verum hoc, quia dato quod rex Aethiopum præualeret nunc contra regem Asa, non præualerent homo contra Deum. Quare tamen hoc dictum est, declarabitur infra in quadam quæstione. *Exterritus itaque dominus Aethiopes coram Asa.* Cum inchoaretur bellum inter vtrumque exercitum, dominus exterruit Aethiopes, ita ut non auderent consistere coram rege Asa, sed quis modus exterrendi fuerit declarabitur infra in quadam quæst. *Fugeruntque Aethiopes.* Cum exterruisset eos Deus non ausi sunt stare. Nam si Israelite non essent nisi duo viri, non auderent Aethiopes consistere coram Iudæis postquam exterruisset eos Deus, quia intolerabiliores viderentur in

A bello, quam ducenties millies millia armatorum. *Et persecutus est eos Asa, & populus, qui cum eo erat vsque Gerara.* Cum Aethiopes fugere ceperunt direxerunt se contra terram suam: ideo processerunt per viam Geraræ. Est enim Gerara quædam ciuitas terre Chanaan, in qua habitabant Philisthini. Nam in illa peregrinatus est Abraham, quando dixit Saram uxorem suam esse sororem suam, & ducta est in domum regis, & postea liberauit eam Deus reuelando regi veritatem Gen. 20. Et tunc dicitur fuisse Abraham incola terre Philistinorum. eodem capit. & 21. Etiam in eadem vrbe peregrinatus est Isaac, & dixit uxorem suam Rebecam esse sororem: Gen. 26. cap. Iste locus est in fine terre Chanaan, & ponitur tanquam limes eius: unde cum Gen. 10. ponuntur termini terre Chanaan, ponitur Gerara, scilicet Sidon, Gaza, & Gerara. Et est Gerara terminus ex latere Meridiano. Et ista fuit causa, quare Asa non persecutus est Aethiopes ultra Geraram, scilicet quia vsque ad illum locum procedebat per regnum suum, quod erat in terra Chanaan: cum autem transcenderet, necesse erat, ut intraret in regna aliqua Arabum, vel Amalechitarum, vel Aegyptiorum, & noluit novos hostes iniuste acquirere: Sed melius causa infra tangetur. *Et ruerunt Aethiopes vsque ad internetionem.* Idest consumpti fuerunt, & ceciderunt Aethiopes vsque ad totalem deletionem, quæ vocatur internetio. *Quia domino cadente contriti sunt.* Scilicet, si modo humano facta fuisset ista percussio, non potuisset tanta fieri: quia tamen facta est à Deo, fuit magna valde. *Et exercitus illius praliante.* Potest vocari exercitus Dei multitudo Israelitarum, vel multitudo Angelorum, qui venerunt ad conflictum istum, ut declarabitur infra in quadam quæstione. *Tulerunt ergo spolia multa.* Scilicet, Aethiopes fugientes reliquerunt tentoria plena spolijs, & etiam mortuis auferebantur vestes, & arma, & omnia, quæ ferebant, & ista fuerunt multa spolia, quia multa fuerunt agmina Aethiopum. *Et percusserunt omnes ciuitates per circuitum Geraræ.* Vsque Geraram peruenit cæsis fugientium, & postquam cessauit persecutio conuersi sunt Iudæi ad pugnandum contra ciuitates, quæ erant in circuitu Geraræ, & occiderunt habitatores earum, ceperuntque spolia. *Grandis quippe cunctos terror inuasit.* Scilicet, cum viderunt habitatores terræ, quod Asa deleuisset exercitum Aethiopum, quantus non legebatur toto precedenti tempore congregatus, exterriti sunt, & non poterant resistere: nec audebant se defendere contra Iudæos. *Et diripuerunt vrbes.* Scilicet, quæ erant iuxta Geraram. *Et multam prædam asportauerunt.* Scilicet de urbibus illis. Nam præter prædam quam tulerunt de spolijs Aethiopum asportauerunt etiam prædam magnam de spolijs urbium, & tota simul erat valde magna præda. *Sed & caulas ouium destruentes.* Caulæ vocantur ouilia, scilicet claustra, in quibus tenentur oues in deserto, ne possint dispergi, & ne lupi, & aliæ feræ possint facilius adire oues. Istas caulas destruxerunt nunc serui Asa, ut auferrent inde omnia pecora. *Tulerunt pecorum infinitam multitudinem.* Idest valde magnam, quia non est aliquod infinitum in actu, potissimè in quantitate discreta. *Et camelorum.* Cameli non intelligebantur nomine pecorum. Ideo de illis expressit per se. Nam pecora vocantur animalia parua, vel magna, quæ comestibilia sunt. Cameli autem non sunt animalia comestibilia, sed ad onera solum proficiunt: ideo per se nominati sunt.

Quomodo Aethiopes potuerunt pugnare contra Asa regem Iuda. Quæst. VII.

QVAERITVR Circa prædicta, & primò quomodo Aethiopes potuerunt pugnare contra Asa

Aſa regem Iuda. Nam Aethiopes habitant in terra diſtantiſſima in Aphrica, ita vt non ſit opinabile, q̃ ipſi veniant in terram Chanaan ad pugnandum. Reſpondendum, q̃ Aethiopes non ſolum habitant in Aphrica, ſed etiam in Aſia. Nam Aethiopes ſunt populi valde Auſtrales, quod demonſtrat eorum nigredo, quæ non eſt niſi ex caliditate nimia regionis, & extenditur regio Aethiopum in longum nimis verſus Oriẽtem. Sunt autem quidam de Aethiopibus circa Aegyptum citra tropicum cancri, quod demonſtrat Lucanus dicens.

*Aethiopum ſolum, quod non premetur ab vlla
Signiferi regione poli, in poplite flexo
Vltima curuati procederet ungula tauri.*

Ex quo apparet, q̃ Aethiopes ſunt citra tropicum cancrinum: nulla regio, ideſt nullum ſignum Zodiaci tranſeat ſuper eos. Sic dicitur in tractatu de ſphæra. Iſti Aethiopes ſæpe pugnant contra Aegyptios, & interdum auxiliantur eis, quia ſunt vicini: & ſic cùm terra Chanaan ſit coniuncta Aegypto, & ſit magis Aquilonaris, quàm Aegyptus aliquantum, ipſi Aethiopes poſſunt venire interdum ad pugnandum contra terram Chanaan. Sic patet de bello, quod Seſach rex Aegypti fecit contra Roboam regem Iuda. Nam in illo bello venerunt Aethiopes & Libyes, & Trogloditæ: vt patet ſupra 12. capit. Ira & nunc poterat Zara venire ad pugnandum contra Aſa regem Iuda. Non eſt enim credendum, quod ſit valde magna diſtantia inter terram Chanaan & Aethiopes.

Cur rex Zara pugnavit contra Aſa regem.
Quæſt. IX.

QVAERITVR vterius, cur iſte Zara rex Aethiopum venit ad pugnandum contra Aſa regẽ Iuda: nam non videtur aliqua cauſa quare veniret. Bella enim fiunt communiter propter iniurias, & dāna ſuſcepta ab inuicem: damna autem, & iniurię ſuſcipiuntur in communicatione, inter non communicantes autem non poteſt eſſe cauſa belli: & quia Aethiopes, & Chanaanei non communicant cùm ſint alia regna media inter eos: non videtur, quomodo haberent cauſam pugnandi Aethiopes contra Iudæos. Reſpondendum, quod potuit moveri iſte rex Aethiopũ a Deo, & a ſeipſo quantum ad Deum. Dicendum, q̃ iſte Aethiops fecerat multa mala, propter quæ Deus volebat perdere eum, & gentem ſuam: & quia ſolet Deus iſta facere per miniſtros, voluit efficere regem Iuda miniſtrum huius executionis, & poſuit in corde Aethiopum, vt venirent in terram Iuda ad pugnandũ, vt ibi caderent gladio Aſa. Sic enim concitat hominem ad id, quod ſibi malum poenale eſt. Sicut Deus concitavit Sennacherib regem Aſſyriorum, vt rediret in terram ſuam, vt ibi caderet gladio filiorum ſuorum: ſicut dicitur 4. Regum 19. Ecce ego mittam ei ſpiritum, & audiet nũcium, & reuertetur in terram ſuam, & ibi eum deiiciam gladio. Vel poterat eſſe ſecundo modo, ſ. q̃ Deus concitauiffet iſtum regem Aethiopum contra multas gentes ad puniendum eas, & cùm in hoc indebitẽ ſe haberet, Deus voluit q̃ ipſe puniretur ab aliqua iſtarum gentium, ſ. a Iudæis. Sic fuit de Sennacherib rege Aſſyriorum. Nam Deus fecerat eum inſtrumentum indignationis ſuæ contra gentes multas, & cùm ſe haberet inordinatẽ vltra id, quod Deus ei commendauerat, crudeliter agens ex deſiderio ſuo, Deus voluit eum punire, ſicut & cæteros. Nā fecit, quod angelus vna nocte occiderit in caſtris Sen-

Fnacherib centum octoginta quinque millia virorum. De hoc patet Iſaie. 10. ſcilicet. Væ Aſſur virga furoris mei, & baculus ipſe in manu eorum indignatio mea: ad gentem fallacem mittam eum, ipſe autem non ſic arbitrabitur, ſed ad conterendum erit cor eius, & ad internationem gentium non paucarum. Et poſtea ibi dicitur: quomodo Deus puniret eum, & factum eſt, quando percuffit angelus domini in caſtris eius centum octoginta quinque millia virorum. quarto Regum 19. cap. Alio modo mouebatur, & tertio a Deo, ſ. vt ſolueret damna, quę intulerant Aethiopes Iudæis. Nam tempore Roboam regis Iuda aſcendit Seſac rex Aegypti in terram Iuda, & cum eo Aethiopes, Libyes, & Trogloditæ ad prædandum, & acceperunt theſauros domus domini, & domus regis ſupra duodecimo. Voluit ergo nunc Deus, quod illa damna, quæ intulerant tunc Aethiopes Iudæis iniuſtis, ſoluerent nunc quando Iudæi erant iuſti tempore Aſa. Nam nunc colebant dominum, & ſoluerunt damna, quia acceperunt Iudæi ſpolia multa de eis, quæ attulerant Aethiopes. A ſeipſo autem poterat moveri Zara Aethiops ad veniendum contra Aſa regem Iuda. Primo non intendendo ſpecialiter pugnare cõtra Iudæos, ſed etiam contra omnes gentes terræ illius, ſ. quia ipſe erat potens nimium cùm haberet tantum exercitum, & vellet ſibi ſubiugare omnes nationes, & ad hoc procedebat per diuerſa regna, ad pugnandũ, & ſubijciendum illa ſibi, & tunc contingit, vt veniret in terram Iuda, ſicut in quamcunque aliam regionem, & accidit ſibi hoc. Iſtud veriſimile eſt, quia iſte fuit modus multorum regum velle ſubijcere ſibi omnes nationes. Sic enim fuit de Salmanaſar rege Aſſyriorũ, & de Sennacherib, qui procedebant per diuerſa regna, & ſubijciebant illi ſibi, vt tenerent monarchiam vniuerſæ Aſiæ, & ſic pugnant iſti reges contra Iſraelitas, contra Iudæos, contra Aegyptios, & contra alias nationes. De quibus quarto Regum 17. & 18. & 19. & Iſaia 36. & vſque ad trigefimũ nonũ. Sic etiam fuit de Nabuchodonosor rege Chaldæorum, qui vt teneret monarchiam orientis, pugnat contra omnia regna, & multas gentes ſubijciebat, & volebat Deus, q̃ omnes gentes ei ſubderentur: Iere. 15. Sic etiam fuit de quodam alio Nabuchodonosor, ſub quo contigit hiſtoria Iudith, qui miſit principem militiæ ſuæ Holofernem, vt contra omnes gentes pugnaret, vt ſubijcerentur eius Imperio, & omnia templa idolorum deſtrueret: vt ſic ipſe ſolus putaretur Deus: vt patet Iudith tertio. Sic etiam voluit facere, & abundantius fecit Alexander Macedo: qui totam Aſiam penẽ occupavit, vt monarchia effici poſſet. Ita ergo de iſto rege Aethiopum putari poterat: ſcriptura tamen nõ curat enarrare de alijs regnis, quomodo ſe haberent ad illa pugnando, & ſubijciendo ſibi: quia non attinebat ad propoſitum agere niſi de rege Aſa, & Iudæis. Secundo poterat moveri a ſeipſo cupiditate diuitiarum acquirendarum: ſciebat enim vel ſcire poterat, q̃ Seſac rex Aegypti, quando aſcendit in terram Iuda cum Aethiopibus, accepit inde theſauros infinitos de domo domini, & domo regia, & manebant omnia vaſa aurea, & argentea in domo domini, quæ erant immenſi ponderis, quæ non tetigerat Seſac: omnia illa poterat concupiſcere iſte rex Aethiopum: quia fortassis in nullo loco credebat ſe maiorem theſaurum inuenturum: potiſſimẽ, quia multas alias diuitias congregare poterat de vrbibus Iuda: ideo putavit ſibi vtilius eſſe pugnare contra regem Iuda, quàm contra quemcunque alium regem.

Quare potius tradidit Deus Aethiopes in manus Asæ.

Quæst. X.

QVÆRITVR ulterius, cum dictum sit, quòd rex Aethiopum, & populus suus peccauerant nimis Deo, & volebat Deus tradere illos in manus alicuius, vt luerent poenas pro peccatis suis. Cur potius tradidit eos in manus Asæ regis Iuda, quàm alterius de regibus gentium. Quia potius solebat Deus facere istas vindictas per reges gentium, quàm per reges Iudæorum. Sic patet de Salmanasar, & Senacherib regibus Assyriorum: quos Deus vocat virgam furoris sui, & quòd ipse misit eos ad gentem fallacem ad capiendum spolia. Isa. 10. Sic fuit etiam de Nabuchodonosor, quem Deus posuit tanquam iudicem, & punitorem peccatorum diuersarum gentium: vt patet Abachuc primo, f. Domine in iudicium posuisti eum, & fortem, vt corripères fundasti eum. Respondendum, quòd Deus voluit potius tradere istos in manus Asæ regis, quàm alicuius Gentilis. Primò propter laudem ipsius Dei: nam Deus intendebat miraculosè adiuuare Asæ regem exterrendo Aethiopes, sicut factum est: ex quo consequeretur magna laus Dei. Si autem per manum alicuius Gentilis fieret ista vindicta, etiam si miraculosum aliquid contingeret ibi, non attribueretur Deo Israel: sed magis ipse rex Gentilis attribueret sibi ipsi, vel attribueret dijs suis. Quòd attribuerent dijs suis: patet sicut quando captus est Samson à Philisthinis, conuenerunt Philisthini in templum Dagō, obtuleruntque ei magnificas hostias, dicentes: tradidit Deus noster inimicum nostrum Samson in manus nostras: Iudic. 16. capit. Sic etiam quando Philisthini occiderunt Saulem, & filios eius, posuerunt arma Saulis in templo Astaroth, & caput eius portari fecerunt per totam terram, & annunciari in templis idolorum, & ad extremum positum est caput illius in templo Dagon, vt patet primo Regum 31. & præcedenti lib. cap. 10. Quòd autem attribuerent sibi ipsi victoriam miraculosam, patet de Sennacherib rege Assyriorū, qui à Deo missus est contra multas gentes ad puniendum eas, & Deus adiuuabat eum conculcando coram illo gentes, & tamen ipse putabat se agere hoc in virtute sua, & superbiebat contra Deum Israel, qui dabat ei hanc victoriam, vt patet Isa. 10. f. Væ Assur virga furoris mei, & baculus ipse: in manu eorum indignatio mea, ad gentem fallacem mitram eum, & de populo furoris mei mandabo illi, vt auferat prædā, & diuidat spolia. Ipse autem non sic arbitrabitur: sed ad conterendum erit cor eius. Et sequitur: Dixit enim, in fortitudine manus meæ feci, & in sapientia mea intellexi, & abstuli terminos populorum, & principes eorum deprædatus sum, & detraxi quasi potens in sublimē residentes, & inuenit quasi nidum manus mea fortitudinem populorum. Sic enim fuit de Nabuchodonosor, cui Deus vires dedit, vt exequeretur iram suā contra gentes multas: ipse tamen nō sic arbitratus est, sed sibi ipsi ascribebat, & immolabat sagenæ suæ: quia in ea incrassata est pars eius. Abachuc primo. Nunc autem cum fieret vindicta per manum Asæ, attribueretur Deo laus: ideo melius fuit fieri per manum eius. Secundò fuit hoc, vt Deus daret laudem Asæ, & faceret eum terribilem inter omnes vicinos suos, quia reges, qui erant in circuitu terræ Asæ, desiderarent fortè pugnare contra eum, sicut pugnauerant contra prædecessores eius, & cum viderent, quòd ipse superauerat exercitum fortissimum, qui vnquam cōgregatus fuerat, nemo auderet contra eum pugnare: imo quando ipse contra aliquem pugnaret, non auderet resistere ei, quia maior fuit exercitus iste, quàm ille, quem pater suus Abia superauerat. Nam Abia pugnavit

A contra Ieroboam regem Israel habentem secundo octingenta millia virorum. præcedenti capitulo.

Asa autem pugnavit contra Aethiopum regem habentem decies centena millia, & trecentos currus, vt patet supra in litera. Et sic factum est, quia postea non audebant pugnare contra eū aliqui reges terræ, & ob hoc mansit in pace serè tota vita sua. Tertiò fuit ad vtilitatem Asæ, quia Deus voluit eum ditare. Nam quando Sefac rex Aegypti venit in terram Iuda, & abstulit thesauros domus domini, & domus regis ināsit terra in paupertate: voluit autem nunc Deus ditare regem Asæ, & viros Iuda: ideo obtulit ei Aethiopes vulnerandos, & spoliandos, vt eorum spolijs ditarentur: sicut dicitur in litera, quòd acceperunt spolia multa non solum de Aethiopibus, sed etiam de ciuitatibus, quas obiederunt, & coeperunt apud Geraram, vt patet in litera. Quartò factum est, vt Aethiopes satisfacerent ei, contra quem peccauerant: nam quando venerunt Aethiopes cū Sefach rege Aegypti spoliauerunt terram Iuda iniuste. Ideo cum deberent nunc puniri pro peccatis suis, non erat aliquis, cui tam dignè satisfacere deberent, quā ipsis viris Iuda, quibus multa abstulerāt, & potissimè de thesauris regis, & sic dignum fuit, quòd traderentur in manus virorum Iuda, & Asæ. Et ista fuit vna de causis, quare Deus mouit regem Aethiopum, vt veniret ad pugnandum contra viros Iuda. Quintò factum est, quia vt præsuppositum fuit præcedenti capitulo, rex iste Aethiopum voluit prædari thesauros, qui erant in terra Iuda, & dignum erat, vt cum ipse vellet Iudæos iniuste spoliare: Iudæi eum iuste expoliarent.

An sit differentia in Deo pugnare contra multos, & paruos.
Quæstio XI.

QVÆRITVR ulterius circa hoc, quòd dixit hic rex Asæ, quòd non est apud Deum distantia auxiliari in multis, vel in paucis, idest pugnare contra multos, vel paucos, vel auxiliari aliquem habentem multos, vel paucos. Quomodo potest hoc stare, quia videtur esse falsum. Nam dato qd Deus possit preuallere contra paucos, & etiam contra multos: quia virtus sua est maior omni virtute: tamen non tollitur quin aliquid maius agat superando multos quàm paucos. Patet enim hoc in virtutibus naturalibus. Nam si aliqua virtus actiua est in mille gradibus, potest agere in quodcunque habens minorem resistentiam ad non patiendum mille gradibus, & tamen si agat in rem habentem resistentiam centum graduum facilius agit. Si autem ageret in rem habentem resistentiam graduum noningentorum, ageret difficilius: ita ergo Deus licet possit superare multos, & paucos, tamen facilius superabit paucos, quàm multos. Item patet hoc, quia si Deus debeat pugnare cōtra decem millia virorum, agat in virtute sufficiente ad pugnandum contra eos. Si autem velit pugnare contra decies centena millia: necesse est, quòd agat in virtute centupla ad virtutem, qua pugnavit contra decem millia, & sic agat centuplum quàm prius, & videtur qd cum centupla difficultate hoc agat. Respondendum, quòd non est differentia virtutis apud Deum pugnando contra multos, vel contra paucos: sicut hic dicitur, idest, qd non est maior difficultas pugnare sic quàm sic: vt patet primo Reg. 14. f. Non est difficile Deo saluare in multis, vel in paucis, idest, non est difficilius saluare exercitum habentem paucos contra multitudinem quàm habentem multos, vel non est ei difficilius saluare vnum hominem, contra quem multi pugnant, quàm illum, contra quem pauci pugnant. Pro quo sciendum, qd Deus potest in generali duobus modis superare aliquas gentes:

res: vno modo subtrahendo virtutem, alio modo apponendo virtutem contrariam. Primo modo Deus facilius destruet omnia quaecunque voluerit. Pro quo sciendum, quod esse omnium rerum dependet à Deo in conseruari, sicut esse rerum, quæ fiunt dependet ab agente, vel artifice in fieri. Nam si in fieri cesserat agens ab actione peribit res, vel non erit: ita si in conseruari postquam res facta est definit Deus conseruare rem: necesse est quamlibet rem deficere, quia res quælibet præter Deum ex se nihilum est, & necesse est, quod nihilum efficiatur, si Deus subtrahat omnino suam conseruationem, & influxum super rem. Et isto modo, sicut potest Deus destruere vnum hominem subtrahendo virtutem suam conseruatiuam: ita simul destruet totum vniuersum. Nam eadem virtus nunc est, qua conseruatur vnus homo, & conseruatur totum vniuersum. Subtrahere autem virtutem conseruatiuam, non est aliquod agere. Nam minus est cessare ab agendo quàm agere. Ideo facilius est quantum est ex ipsa re, quod Deus destruat totum vniuersum subtrahendo virtutem conseruatiuam, quàm quod producat vnam guttam aquæ: quia istud est agere, & illud non, & sic non est comparatio aliqua quantum ad istum modum. Nam non est maior virtus, vel actio superare viginti millia virorum quàm vnicum. Ille tamen modus delendi, vel superandi non est Deo vsitatus: quia cum ipse sit prima causa rerum in esse, & in conseruari: nulli rei deest tanquam causa prima, & sic nulli rei subtrahit virtutem suam ad hoc, quod tali modo definat esse. Nec legimus vnquam, aut credimus aliquam rem perisse per subtractionem virtutis conseruativæ: sed pereunt res modo naturali, aut miraculose: non tamen subtrahendo conseruationem. Secundo modo Deus potest aliquos superare, vel destruere virtutem contrariam apponendo, & tunc potest stare dupliciter: quia aut agat per virtutem suam, aut per virtutem creaturæ subiectæ. Si agat per creaturam subiectam, non est difficilius Deo agere contra multos quàm contra paucos. Et ponatur primo exemplum de actione Dei per angelos, qui sunt administratorij spiritus. ad Hebræos primo cap. Nam per angelos pugnavit Deus contra Assyrios, qui erant cum Sennacherib. Nam angelus domini venit in castra per noctem, & occidit centum octoginta quinque millia virorum in castris Sennacherib. 4. Regum 14. & Isaie 38. & non fuit difficilius illi angelo occidere omnes illos, quàm occidere decem viros. Nam omnes illos eadem nocte occidit. Et si dicas, quod dato quod angelus posset occidere quotcunque homines: tamen facilius occidet tres viros, quàm decies centena millia, eo quod citius istos, quàm illos occidet. Dicendum, quod eadem velocitate, qua vnus angelus potest occidere vnum hominem, eadem velocitate poterit facere Deus, quod occidantur decies centena millia virorum per angelos: quia faciet decies centena millia angelorum istius occisionis ministros, & tam cito illi omnes occident ista decies centena millia virorum, sicut vnus angelus vnum hominem. Et sic non est Deo difficilius occidere decies centena millia virorum quàm vnum. Et licet sit eidem angelo difficilius, vel maius occidere decies centena millia quàm vnicum, & tamen quia Deo non est difficilius iubere hoc decies centum millibus angelorum, quàm vni angelo: non est difficilius ei occidere decies centena millia, quàm vnum. Et hoc quia Deus habet valde plures angelos ad iubendum eis, quod voluerit: iuxta illud Dan. 7. s. millia millium ministrabant ei, & decies millies centena millia assistebant ei. Si autem Deus per homines vellet exequi iram suam contra multos, vel contra paucos, tam facile est contra multos, sicut contra paucos pugnare.

Nam si pauci sunt, contra quos pugnandum est, paucos mittet contra eos, & si multi sunt, mittet multos. Non est autem Deo difficilius mouere corda multorum hominum ad faciendum aliquid, quàm mouere corda paucorum virorum: quia sicut diuisiones aquarum, ita cor hominis in manu domini, & quocunque voluerit vertet illud: Prouerb. 21. ca. s. ea facilitate, qua pauci pugnant contra paucos, eadem pugnant multi contra multos. Alio modo potest Deus hoc facere per homines. Nam si Deus potest facilius pugnare contra mille viros obijciendo eis duo millia virorum. Ita potest pugnare contra decies centena millia obijciendo eis solum duo millia virorum. Quia potest Deus tales viros, tam fortes efficere, quod vnus preualeat contra duo millia. Nam interdum aliquos Deus fecit: sic enim fuit Samson, qui in crinis semel existens facillimè occidit mille de Philistinis, qui venerant eum ligare, & fugauit cæteros, & tamen non tenebat manu sua nisi mandibulam Asini: Iudic. 15. Aliquos etiam tales legimus in historijs gentium: licet illi non sint comparandæ incertitudine sacræ scripturæ. Sic enim aiunt fuisse Hectorem, sic & Herculem: sic ferunt & Achillem, & Troilum. Famosior quoque viribus fuit, licet non arte bellica quolibet istorum Milo toto orbe opinatissimus, qui nudo pugillo taurum percutebat illico occidebat, & eadem die illum solidum deuorauit nihil grauatus stomacho, vt ait Solinus in Polystor. cap. de his, quæ fuerunt mirabilia in homine. Sic enim minus certè historiæ fecerunt tempore Arturi regis, qui regnavit in magna Britania, quam Angliam vocant: fuisse centum quinquaginta milites orbiculatæ mensuræ: de quorum quibusdam magnalia fecerunt (si credere phas est.) Constat Gigantes fuisse viribus his omnibus fortiores. Constat, & nunc esse hominum monstra, quos nos syluestres, vel syluaticos appellamus, corporibus quidem nostram magnitudinem incredibiliter excedentes, quorum viros corpoream consequuntur molem. Sic enim sunt cyclopes, qui vnicum quidem oculum media fronte gestant, à quo cyclopes appellantur, s. à circulo illo oculi vnus: de quibus ille Polyphemus exiit, qui Vlyssis socios comedit, & ab Vlysse orbatus faxeas moles admirandæ magnitudinis eum persecutus coniecit in mare, de quo Boetius de Consolat. lib. 4. metro vltimo. Et Ouidius 14. Meta. quod licet aliqui fabulam putent, non est admirandum historicam exiisse veritatem: cum his maiora facta certissima veritate legamus. Sed de hoc quomodo se habeat, nihil refert. Constat autem, quod Deus potest facere homines tam fortes, vt vnus eorum armatus sufficiat pugnare contra decem millia virorum. Hoc autem efficere Deo nulla difficultas est. Ideo non est ei difficilius pugnare contra paucos, quàm contra multos. Si autem Deus pugnare velit contra homines mediantibus creaturis notabilibus, s. bestiis, poterit hoc efficere, sicut fecit ipse aliquando. Nam contra Chananæos sic pugnavit: mittebat enim crabones coram Israelitis, qui fugarent Chananæos, & cum aliqui fugiebant à facie Israelitarum, & latebant, illi crabones ingrediebantur in loca occulta, vbi erant illi hostes Iudæorum, & occidebant eos: vt patet Exo. 23. & magis Deut. 7. Etiam pugnavit sic contra Gentiles Samaritanos, quos posuit Salmanasar in ciuitatibus Israelitarum translatis eis in Assyrios. Cum enim non obseruarent legitima Dei terræ, misit Deus leones in illos, qui occidebant eos. 4. Regum 17. Sic etiam pugnavit iterum contra Israelitas. Cum enim murmurarent contra Deum pro longitudine itineris, & quia non habebant nisi manna in cibum: misit Deus contra eos ignitos serpentes, & peribant plurimi mortibus eorum: Numeri 21. Dicitur etiam Sap. 11. quod Deus

Deus potest pugnare cōtra homines mittendo quod A
cunque genus bestiarum, s. non q̄ impotens erat om-
nipotens manus tua mittere ignis multitudinem vr-
forum, aut audaces leones, aut noui generis ira plenas,
aut ignotas bestias, aut vaporem igneum sonantes, aut
odorem fumi proferētes, aut horrendas ab oculis scin-
tillas emittentes, quarum non solum lāsura poterat
eos exterminare: sed & aspectus per timorem occide-
re: & sic non erat facilius occidere paucos homines,
quā multos: quia tam facile erat Deo creare multas
bestias, sicut paucas, & multi veneni, aut lāsionis, vel
parui nocuenti. Si autem Deus per creaturas insen-
sibiles nocere vellet, tam facile erat nocere multis, si-
cut paucis: loquamur enim de entibus meteorologi-
cis, sicut sunt fulmen, lapides, grandines, coruscationes,
pluuia, & similia. Per talia enim solet Deus no-
cere hominibus, quando merentur indignationem
suam. Patet de igne misso de cōlo, idest de aere. Nam
sic Deus illis, quos interdum occidit, sicut bis quando
inuocante Elia Deum misit ignem de cōlo, & com-
bussit duos quingenarios regis Ochozia, & quinquaginta viros cuiuslibet eorum. 4. Regum primo: non
erat Deo difficilius mittere magnum ignis globum,
qui occuparet exercitum deciescentenorum millium
virorum, & omnes exureret, quā q̄ occuparet so-
lum duos viros, & illos exanimaret. Sic etiam de ful-
minibus, q̄ mitteret vnum, vel multos. Nam & Gen-
tiles hunc modum tradebant oīpotenti Deo suo Ioui
pugnandi contra hostes suos. Sicut quando pugnavit
contra Gigantes inuadentes cōelum: deiecitque cen-
timanum Typhoeum, vt ait Ouidius primo Meta. &
imposuit ei tres montes Trinachria, idest Sicilia: vn-
de mons Aetna eius faucibus positus est, vt ait Ouidi-
us 14. Meta. in principio, scilicet.

Iamque Giganteis iniectam faucibus Aetnam.

Poterat etiam Deus mittendo lapides, vel grandines
occidere exercitum hostilem. Nam sic fecit quā-
do quinque reges Ammorrhæorum fugiebant a facie
Iosue die, qua itent sol: ita vt iam euaderent propter
noctis propinquitatem, cum sese receptare possent in
proximas vrbes, & castellas: & vt non euaderent, misit
Deus de cōlo lapides grandinis magnos, qui occide-
runt plures de exercitu Chanaanæorum, quā gladijs
eorum corruerant. Iosue 10. cap. Ita poterat mittere
super quemcunque exercitum hostilem lapides mul-
tos grandinis: ita vt occiderēt omnes, vel mittere pau-
cos, ita vt pauci morerentur. Poterat idem euenire
per pluuias, & fluuiorum alluiones. Potest etiam hoc
effici per elementa. Nam aer potest tantum affici a
Deo, vt omnes existentes in aliquo loco quasi subito
occidat. Potest in terra fieri hoc. Nam nullum pe-
riculum facilius est, quā terremotus, vel voragines
terræ, & si aperiat terra os suum simul peribunt, qui
affuerint. Sicut factum est tempore Datan, & Abi-
ron, quos cum familijs suis, & vniuersa substantia vi-
uorum terra absorbit. Numeri 16. Nihil enim est in toto
vniuerso; per quod non possit Deus omnes homines
faciliter perire facere, & hoc modo pugnant quolibet
naturæ pro Deo contra hostes eius. Iuxta illud Sap. 5.
scilicet. Pugnabit pro eo orbis terrarum contra insen-
satos. Etiam corpora cōlestia contra hominem pu-
gnant iubente Deo: vt patet Iudic. 5. scilicet. Stellæ
manentes in ordine suo cōtra Sisaram dimicauerunt.
Non oportet in hoc magis mirari. Ecce igitur, q̄
si Deus pugnet contra aliquos mediantibus creaturis,
non est facilius pugnare cum multis, quā cum pau-
cis: si autem Deus per seipsum pugnet contra creatu-
ram, facilius adhuc valde apparet hoc, scilicet, q̄ non
sit facilius pugnare contra multos, quā contra pau-
cos. Nam potestas Dei infinita est, & per illam Deus

agit quidquid agat: vnde non erit aliquid Deo diffi-
le facere: quia non est aliqua resistentia ex parte crea-
turæ, quæ vllō modo cōparetur potestati Dei in agen-
do, & consequenter non est difficultas: quia difficul-
tas est resistentia patientis ad non patiendum. Et li-
cēt absolutē vna res in se sit maioris difficultatis ad a-
gendum quā alia: quia in se valde maior est, tamen
respectu Dei nō est difficilius vna quā alia, quia nul-
la earum habet aliquam difficultatem. Nam si aliqua
difficultas esset in aliqua re ad fieri respectu Dei, ne-
cessē esset, q̄ resistentia illius rei haberet certam por-
tionem ad magnitudinem virtutis actiue Dei. Istud
autem est impossibile, quia proportio est inter se quā-
titatum determinatarum. Infinitum autem est inde-
terminatum, ideo licēt possit esse proportio finitorū
ad finita, non potest esse proportio infiniti ad finita.
Vnde dicendum, q̄ respectu infiniti numeri, si esset,
non haberēt maiorem proportionem decem millia;
quā nouem vnitates. Nam si esset alia, & alia pro-
portio istorum numerorum ad numerum infinitum:
necessē erat, q̄ esset determinata quolibet istarum
proportionum, vtpotē q̄ ille numerus infinitus esset
ad vnum numerum millicuplus, & aliū esset maior:
sed hoc dato ille numerus infinitus esset finitus: quia
quolibet numerus submultiplex ad alterū aliquotiens
sumptus solus, vel cum additione alterius partis suæ
reddit illum cuius est submultiplex, & tunc si redditur
aliquis numerus ex numeris finitis, ille necessariō est
finitus, & tamen est infinitus: ergo nullam proportio-
nem habet ad aliquem de assignatis numeris, & con-
sequenter non habet maiorem proportionem, idest,
non est magis multiplex ad nouem vnitates, quā ad
decem millia. Ita in quantitate continua, vel in quan-
titate virtutis, quæ assimilatur quantitati continuæ, li-
cēt non sit quantitas, sed qualitas, vel substantia, quod
non potest comparari aliquid finitum rei infinitæ in
aliqua specie proportionis, & tamē difficultas maior,
vel minor prouenit ex inæqualitate proportionis resi-
stentiæ ad agens, ergo non est aliqua actio Deo diffi-
cilius quā alia. Item probatur hoc planius: quia Deus
excedit quamcunque rem in virtute, & non excedit
magis vnam quā aliam, ergo non est sibi difficilius
vna res quā alia, nec vna facilius quā alia. Quod
patet, quia Deus excedit quamlibet rem in infinitum.
Nam si aliqua res sit valde parua, Deus excedit illam
in infinitum, & nō magis quā in infinitum, quia ni-
hil est maius infinito, per quod Deus possit excedere
aliquam rem: & si aliqua res sit valde magna, sicut per-
fectio omnium rerum vniuersi simul: Deus excedit il-
lam in infinitum. Nam non potest minus excedere,
quā in infinitum: quia si Deus excederet illam rem
solum excessu finito, esset Deus finitus, quod patet,
quia cum res illa excedatur a Deo excessu finito: illa
aliquotiens sumpta reddet tantam perfectionem quā-
ta est perfectio Dei, & tamen illæ vices quibus Deus
excedit sunt finitæ, ideo Deus finitus esset. Et sic cum
Deus non possit excedere aliquam rem magis quā
in infinitum: nec possit excedere minus, quā in infi-
nitum, non excedit Deus magis vnam rem quā aliā.
Et tamen licēt concedamus, q̄ Deus non magis exce-
dit vnam rem quā aliam: non concedemus, quod
Deus tantum excedit vnam quantum ad aliam, quia
ista falsā est. Nam prima est negatiua, & vera: quia
negat proportionem determinatam excessus diuini
ad res. Secunda est affirmatiua, & ponit determinatū
excessum, scilicet æqualitatem excessus, & similitudi-
nem proportionis, & tamen infinito non competit
magis, nec minus, nec æquale: sed istæ sunt passionēs
finitorum. Secundum hoc potest responderi ad duas
rationes in contrarium. Prima erat, quod licēt Deus
possit

possit super quamlibet rem: tamē maius aliquid agat superando vnam rem quā superando alteram: sicut in virtute naturali, quæ est in mille gradibus, quæ facilius agit resistantiam in centum quā in noningenta: licet in vtramque possit. Dicendum, quod non tenet similitudo: quia res naturales quantumcunque sint magnæ habent determinatam virtutem, & habent proportionē determinatas ad quamcunque resistantiam, siue minorem, siue maiorem, & cum nō sit eadem proportio excessus, quem habet mille ad noningenta, & quem habebat ad centum: non aget tam faciliter ad rem noningentorum graduum resistantiæ, & ad rem graduum centum, & tamen de infinito secus est, quia nō magis excedit infinitum vnam quantitatem parvam quā magnam, cum non sit proportio aliqua finiti ad infinitum, ideo non habet infinita virtus maiorem difficultatem faciendo rem magnæ virtutis quā parvæ: quia nulla est sibi difficilis. Ad secundum quando confirmatur, scilicet si Deus pugnet contra decem millia virorum, & rursus pugnare habeat contra decies centena millia: necesse est, quod primò agat in virtute sufficiente ad decem millia: deinde in virtute sufficiente ad decies centena millia, & illa est centupla ad primam, ideo aget cum maiori difficultate. Dicendum, quod non stat hoc propter duo. Primò, quia licet Deus agat res inæquales in se non oportet, quod agat in virtute inæquali, sed omnia, quæ per seipsum agit, aget ex virtute infinita. Et hoc colligitur: quia quidquid Deus agit per seipsum solum, agit in instanti, & sine aliqua successione: tale autem agere est ex infinito vigore: ideo non est, quod virtus, qua Deus pugnat contra decies centena millia sit centupla ad virtutē, qua pugnat contra decem millia, sed eadem in substantia, & in vigore est. Secundò non stat hoc: quia dato, quod Deus pugnaret contra decies centum millia ex maiori vigore, quā contra decem millia: tamen non sequeretur, quod cum maiori difficultate ageret contra vnum, quā contra alterum: quia cum Deus sit agens rationale potest actionem suam intendere, & remittere, & quia virtus sua sit infinita, tam facile est sibi agere secundum magnam partem illius virtutis, sicut agere ex parva parte. Et sic patet, quod non est differentia apud Deum, idest maior difficultas agere contra multos, quā contra paucos.

An sit distinctum quid spes in Deo, & spes in nomine Dei.

Questio XII.

QVAERITVR vltius, cum dicatur hic, quod viri Iuda exierunt ad pugnam contra regem Aethiopum non habentes spem victoriæ in aliquo nisi in nomine suo, & in ipso: quomodo ponitur hic spes in Deo, & in nomine suo, & an sit distincta spes. Ad hoc considerandum, quod spes est de aliquo bono arduo, & non speramus in aliqua re, nisi quæ bonum arduum nobis conferre potest. Si autem nomen domini conferre aliquid potest, & in se virtutis alicuius est: potest esse spes in eo. Si autem non est aliqua virtus in eo, non potest esse aliqua spes in ipso. Dicendum autem, quod in nomine Dei, vel in quocunque alio nomine nō est aliqua virtus actiua, quia illa virtus, aut inesset naturaliter, aut supernaturaliter. Non potest naturaliter inesse ei virtus: quia tunc haberet virtutem istā à causa sua: sed causa nominis est impositor eius, cum nomina sint imposita ad signandum ad placitum: nō potest tamen homo dare virtutem aliquam voci à se formata: ideo nō potest habere naturaliter virtutem aliquam nomen. Item patet, quia si nomen Dei haberet virtutem, aut haberet in omni lingua, aut non.

F Si haberet in omni lingua satis, videtur irrationabile: quia substantia nominis est compositio ex elementis, & tamen non sunt eadem elementa nominis nostri signantis Deum, & nominis, quod signat Deum apud aliam gentem, ideo non habebit virtutem aliquam vnam omne illud nomen, quia non habent aliquid vnum in quo concordent naturaliter: ideo non possunt habere eandem virtutem naturaliter. Item patet, quia eadem dictio, quæ apud vnam gentem signat Deum, apud aliam quam gentem signat inhonestum, vel rem parui valoris: & tamen si naturaliter inesset ista virtus, necesse erat, quod cum elementa ambarum dictionum sint eadem, quod virtus sit eadem, quod tamen rei inhonestæ nomen habeat virtutem aliquam non est satis conueniens: ideo non habebit nomen illud Dei naturaliter virtutem aliquam. Si autem nomen Dei apud vnam gentem dicas naturaliter habere virtutem, & nomina Dei apud alias gentes non habeant virtutem: non videtur hoc nisi in quantum non habent eadem elementa, siue principia. Nam non differunt ista nomina in modo signandi, nec in ratione signandi, nec in re signata: sed solum differunt ex elementis, idest literis, & tamen ponis in vno virtutem esse, & non in altero, ergo euenit hoc ex eo quod differt in eis, scilicet ex elementis. Et tunc sequitur inconueniens, quia frequenter in eadem lingua nomen Dei est æquiuocum ad Deum, & ad alias res, sicut accidit in Latino: quia istud nomen Deus signat Deum, & etiam vinum, & signat iudicem, & sic in Hebræo nomen Dei est æquiuocum, ergo sequitur, quod nomen vini habeat virtutem, sicut nomen Dei, cum eadem elementa sint vtriusque. Istud autem est inconueniens. Item patet si quomodocunque nomen Dei haberet naturaliter aliquam virtutem, esset in eo semper manens: quia quæ naturalia sunt semper insunt. Etiam non esset maior virtus illius nominis quantum ad vnum hominem, quā ad alium, sicut quod calidum est naturaliter, ita est calidum respectu boni viri, sicut respectu iniqui. Et tunc sequeretur, quod nō esset differentia in efficacia: si quis indeuotē assumeret nomen domini, vel deuotissimē: quia æqualiter ambo proficeret. Et si quis blasphemando nominaret nomen domini, vel orando cum lachrimis, & magna reuerentia. Vel si quis audiret illud volens, vel inuitus, & siue audiens esset christicola Deo deuotus, vel esset Iudæus hostis nominis Christi, in omnibus æqualiter proficeret: quod absurdissimē dictum est. Nam si quis deuotē illum inuocat, poterit ei proficere. Si autem indeuotē non solum non proficiet, imò reuertetur, eo quod taliter illud nominat. Nam contra secundum præceptum decalogi est, scilicet, Nō assumes nomen domini Dei tui in vanum: Exod. 20. & Deut. 5. Et non est solum hoc circa nomen domini: sed etiam circa opera Dei scripta in lege. Quia si quis indignē illa enarrauerit peccat, iuxta illud Psal. 49. f. Peccatori autem dixit Deus: Quare tu enarras iustitias meas, & assumis testamentum meum per os tuum? Ideo non est verū, quod habeat nomen domini aliquam virtutem naturaliter. Si autem dicatur, quod habeat virtutem supernaturaliter, etiam non stat: quia licet quod supernaturaliter inest non sit ab aliqua causa naturali, & tamen possit quam illud causatum est semper manet, velut si esset aliquid naturale. Sic patet de anima. Nam anima supernaturaliter creata est, & corpus naturaliter est creatum aliā formatum in quolibet homine, & tamen anima supernaturaliter creata ita manet, & habet operationes suas naturaliter, sicut corpus habet accidentia sua, & passionē naturaliter. Et sic licet Deus virtutem istam dedisset nomini suo: licet istud dare esset supernaturaliter: tamen semper maneret virtus in nomine, si verē virtus in eo esset. Istud autem est falsum:

sum: quia tunc sequerentur in conuenientia supra assignata, scilicet tantum proficeret nomen Dei deuotè prolatum, sicut blasphemando, & omni tempore æqualiter proficeret, & non magis Christianis, quam infidelibus. Si autem dicas, quod proficeret nomen proferentibus deuotè, & non alijs per virtutem suam, & christianis, & non alijs: necesse erat, quod nomen domini cognosceret, & vellet, scilicet sciret, qui erant, qui illud proferbant deuotè, & qui non, etiam quod vellet proficere istis, & illis non. Et tunc sequeretur, quod nomen Dei esset substantia rationalis: quia in nulla alia re inueniuntur istę duę vires, scilicet intellectiua, & volitiua. Si autem nomen Dei non cognoscat aliquid, nec velit, & tamē proficiat deuotè proferentibus, alijs verò noceat, sequetur, quod non est ipsum, quod habet virtutem faciendi: sed quod aliquis est, qui facit ista, quādo inuocatur nomen, & sic in nomine nulla virtus est. Et sic dicendum est, quod nullum nomen est, in quo verè sit efficacia aliqua, vel virtus ad proficiendum, vel nocendum. Sed obijcietur, quod habeat nomen Dei virtutem: quia istud nomen Iesus habet, virtutem saluandi nos. Sic. n. dicitur Act. 4. f. Nec est aliud nomē sub cælo datum hominibus, in quo oporteat nos saluos fieri nisi in nomine Iesu. Respondendum, quod istud nomen, nec alia quæcunq; nomina Dei in se quidem non habent aliquam virtutem, & tamen quando illa debite proferuntur, & deuotè, Deus exaudit inuocantes, & salutem tribuit, & tunc dicimur saluari per illud nomen Iesus: non quidem, quod illud nomē in se habeat istam virtutē saluandi, sed quia Deus vult inuocato illo salutem efficere, & ob hoc quod vocatur, indignè: vt potè blasphemando non solum non benefacit Deus, sed punit inuocantem. Et tamen si nomen Dei in se haberet virtutem, non posset habere virtutē ad opposita: nisi fortè esset substantia spiritalis rationalis, & tunc cessant omnes probationes, & inconuenientia supra inducta: quia illa pcedūt si ponatur istud nomen Deus, vel Iesus habere in seipso virtutem, siue supernaturaliter habeat. Tamen ponendo, quod non habet nomen aliquod in se virtutem, sed efficacia boni, vel mali solum est à Deo inuocato nomine illo, non sequitur aliquod inconueniens. Ex hoc resultat solutio dubij, scilicet an in nomine domini aliqua spes habenda sit, quæ distinguatur à spe, quæ est in Deo. Et dicendū, quod possumus habere spem in nomine domini: non quidem, quod speremus, quod illud saluabat nos: sed si illud quod dignè inuocauerimus, quod saluabimur, & tñ salus non à nomine, sed à Deo proueniet, & sic non est verè spes in nomine domini. Et si velimus dicere spem esse in nomine domini, dicemus, quod illa spes non est distincta à spe, quam habemus in Deum, quia cum spes sit de arduo bono, & istud non possit procedere nisi à Deo, non erit spes nisi in Deum. In nomine autem Dei erit spes instrumentaliter, scilicet quod speramus per illud tanquam per instrumentum inuocationis saluari. Et quia virtus agentis, & instrumenti eadem numero est, & non est virtus instrumenti: nisi quia deriuatur ab agente per illud non erit nisi vnica actus agentis, & instrumenti: ita non erit nisi vnica spes in Deum, & in nomen suum. Cum autem quæritur quomodo dixit hic Asa: in te, & in nomine tuo fiduciam habentes venimus contra hanc multitudinem. Dicendum, quod non posuit Asa duas fiducias vnā in Deo, & aliam in nomine eius: sed vnā, & ista erat in Deo. Expressit tamen de nomine eius, quia per inuocationem nominis domini ipse Deus exaudit. Et sic magis pertinet confidentia ad nomen domini, quā ad aliquid aliud, cum non sit aliud, per quod nos virtutem Dei imploremus, & sentiamus.

A

An Deus possit superari ab homine.
Quæst. XIII.

QVAERITVR vltèrius, quomodo dixit Asa: adiua nos Deus noster: non praualeat contra te homo, in quo apparet, quod si Asa superaretur nunc ab Aethiopibus, quod superaretur Deus, & quod praualeret homo contra Deum. Respondendum, quod Deus non potest superari ab homine, quia homo est virtutis parue nimis: Deus autem est virtutis magnæ, & infinitæ. Item dato, quod homo tantæ virtutis esset, sicut Deus, non superaretur Deus ab homine nunc, cum rex Aethiopum praualeret contra Asa regem Iuda. Nam non pugnabat rex Aethiopum contra Deum: ideo non poterat praualere contra Deum. Sed istud ponitur secundum opinionem hominum, qui putarent Deū Israel victum si superaretur Asa confidens in eo. Pro quo sciendum, quod istud procedebat ex præsuppositione Gentilium, qui ponebant Deorum multitudinem: & istos quidem contrarios, & disperatos in operibus suis, & dicebant, quod dii erant familiares illis, à quibus colebantur, & afficiebantur singulariter ad illos, atque pugnabant pro eis contra hostes. Vnde interdum contingebat Deos pugnare cum Dijs: patet enim hoc ex bello Troiano. Nam secundum, quod introducunt poetę Dea Græcorum Iuno erat, Dea autem Troianorum erat Venus, & Iuno ipsa habebat Troianos, vt hostes: sic introducit Virgilius primo Aeneidos Iunonem orantem apud Eolum Deum ventorum, quod mitteret ventos in mare, & concuteret atque submergeret nauigia Troianorum venientium cum Aenea in Italiam. Vnde promisit ei vnā pulcherrimam de septem nimphis, cum ait.

Eole namque tibi Diuum pater atque hominum rex.

Et mulcere dedit fluctus, & tollere ventos

Gens inimica mihi thyrrenum nauigat æquor

Ilium in Italiam portans, victosque penates

Incute vim ventis, submersas obrue pupes,

Aut age diuersos, aut disijce corpora ponto.

D

Ecce Iuno potentissima Dearum vocauit Troianos hostes suos: cumque non posset per se illos delere orauit Eolum Deum ventorum hoc agere. Apparet etiam partialitates Deorum Gentilium. Nam cum pugnaret Turnus rex Rutilorum contra Aeneam, & Troianos consistentes in Italia, introducit Virgilius decimo Aeneidos concilium Deorum decertantium super victoria. Et Venus quidem pro Aenea, & Troianis mæsta erat Iouem supplex orans, vt daretur locus in Italia. Iuno autem è contrario magno concitata dolore pro Turno contra Aeneam loquebatur. Tandem Iuppiter in consistorio Deorum diffiniuit fauendum esse Troianis tunc contra Turnum, & dandum esse eis locum in Italia. Credebant etiam Gentiles solos Deos inter se pugnare pro cultoribus suis. Vnde interdum multorum demonum conflictus auditus est, & visus: quorum vestigia in campo manserunt: sicut magnorum exercitum conflictantium, & illos putabant Gentiles esse Deos suos. De hoc August. 3. de Ciuitate Dei in fine. Ita etiam ab antiquo creditū est inter Gentiles ante tempora Poetarum, quod dii gentium pugnarent pro cultoribus suis, & bella, quæ faciebant populi attribuebant dijs suis. Sicut quando Philisthini tenuerunt Samsonem, fecerunt magnificas hostias Deo suo Dagon, & dixerunt: tradidit Deus noster in manus nostras inimicum nostrum Samson: Iudic. 16. Sic etiam quando Philisthini occiderunt Saullem, & filios eius: ascripserunt victoriam dijs suis: ideo caput



caput Saulis dedicarunt templo Dagon: & arma eius templo Astaroth 1. Reg. 31. & præcedenti lib. cap. 10. Et sic si una gens prævaleret contra aliam putabant, quod hoc erat: quia dii illius gentis erant tunc potentes. Si autem contingeret alio tempore, vel in alio loco illos esse impotentes: vinceretur illa gens. Sic patet de Syris feruis Benadab, qui quando superati fuerunt à rege Israel, dixerunt: Dii montium sunt dii eorum, ideo superauerunt nos: sed melius est ut pugnemus contra eos in campestribus, & obtinebimus eos. 3. Reg. 20. cap. Et sic quodcumque viderent aliquam gentem superatam, putarent deos illius gentis superatos à dijs hostium suorum: ita ergo nunc putarent gentes, quod si rex Aethiopum prævaleret contra Afa, & Iudæos: cum isti colerent nunc Deum suum, putarent non potuisse Deum Iudæorum defendere eos: & consequenter quod præualuisset contra eum rex Aethiopum. Accedit etiam ad hoc alia præsuppositio gentilium, quia putabatur, quod nunquam aliquis de dijs gentium permittebat cultores suos ab alijs gentibus opprimi: nisi cum non poterat illos defendere: imò nunquam sinebant eos pati aliquod malum, nisi cum non poterant illos defendere. Sic patet Exo. 32. quando Moyses orabat dominum ne disperderet Israelitas, quos simul volebat delere propter vitulum fabricatum. Sic etiam, & melius quando voluit delere eos in Cadesbarne propter murmurationem. Nam orauit Moyses dicens: ut audiant Aegyptij, de quorum medio eduxisti populum istum, quod occideris tantam multitudinem quasi vnum hominem: & dicant non poterat introducere populum istum in terram, pro qua iurauerat eis: ideo occidit eos in solitudine. Numeri 14. Ita ergo nunc à fortiori cum pugnaret aliquis rex extraneus contra Iudæos, si Deus non defenderet eos, putarent gentiles, quod non potuisset Deus eorum eripere eos de manu regis Aethiopum. Et sic quod rex Aethiopum præualuisset contra Deum Iudæorum. Et si aliquis vellet respondere excusando Deum, scilicet quod poterat defendere Iudæos, sed noluit, quia non diligebat eos: non stat, quia constabat, quod multa bona fecisset eis: ideo si nunc non adiuuaret eos, videretur quod non faciebat ex eo quod non diligebat illos, sed quia non poterat eos defendere. Sic enim arguebat Moyses contra dominum ostendendo beneficia, quæ eis præstiterat, dicens, ut audiant Aegyptij, de quorum medio eduxisti populum istum: & habitatores terræ, quod tu domine in populo isto sis: & facie ad faciem videaris, & nubes tua protegat illos: & in columna nubis præcedas eos per diem, & in columna ignis per noctem, quod occideris tantam multitudinem, sicut vnum virum: & dicant: non poterat introducere populum istum in terram, pro qua iurauit: ideo occidit eos in solitudine: quasi dicat, si beneficia illa tam familiaria non præstitisset non poterat argui efficaciter contra Deum: sed pro tantis collatis apparebat, quod si occideret eos: vel si non defenderet eos, hoc esset: quia non poterat defendere illos. Accedit etiam ad hoc aliud, scilicet, quia interdum putabatur, quod homines possent prævalere contra deos. Sic enim putauit Sennacherib rex Assiriorum: qui dixit, quod non haberet Ezechias fiduciam in Deo suo: quia non posset liberare eum de manu sua. 4. Regum 18. Et hoc confirmabat Sennacherib: quia patres sui præualuerant contra deos gentium, & cremauerant eos: & gentes eorum subiecerant sibi. Ideo quod non posset solus Deus Israel liberare eos de manu eius. quarto Regum 19. Ita nunc si rex Aethiopum prævaleret contra Iudæos putaret se superasse regem eorum. Ideo rectè dixit Afa: non præualeat aduersus te homo, id est, fac quod non pu-

tetur quod homo præualeat contra te. Nam secundum veritatem benè sciebat Afa, quod non poterat prævalere homo contra Deum: etiam si ipse superaretur à rege Aethiopum. Vñus est tamen Afa tali modo orandi: quia in hoc tangebatur id quod pertinebat ad gloriam Dei. Nam licet peteret liberationem suam videbatur eam petere magis ad honorem Dei, quam ad vtilitatem suam, scilicet, ut non minueretur gloria Dei: si putaretur quod vnus homo præualebat contra Deum. Et iste modus orandi est valde efficax apud Deum. Taliter enim solebat orare Moyses. Nam primò quando orauit, ne Deus deleret Israelitas pro vituli fabricatione dixit: Ne dicant Aegyptij calidè eduxit eos, ut interficeret in montibus, & deleret de terra, quasi dicat, magna ignominia Dei est, si talia de eo dicantur. Ideo non debebat occidere tantam multitudinem, licet peccarent. Exo. 32. Sic etiam quando murmurauerunt in Cadesbarne, & Deus vellet delere omnes: dixit Moyses, quod populi audientes tantam familiaritatem, quantam Deus cum Israelitis habebat: cum scirent, quod occideret omnes illos quasi vnum virum, putarent quod non poterat introducere illos in terram: pro qua illis iurauerat. Ideo occideret omnes, ne haberet de quo erubesceret. Numeri 14. Et Deus monebatur talibus persuasionibus ad suscipiendum preces Moyse: quasi vtile esset Deo sic facere. Ita nunc dicebat Afa, scilicet: putabitur, quod tu non præuales nos defendere: sed rex Aethiopum præualeret contra te, si non defendis nos, ideo adiuua nos.

Quomodo exterruit Deus Aethiopes.
Quæstio XIII.

QVAERITVR vltèrius, cum dicatur hic, quod exterruit Deus Aethiopes, & fugerunt à facie Afa: quomodo exterruit eos. Respondendum, quod multipliciter poterat eos exterrere. Nam septem modi assignati fuerunt præcedenti cap. in quadam questione, qua agebatur quomodo Deus exterruit Ieroboam, & Israelitas à facie Abiæ: & quolibet illorum septem modorum poterat fieri: & non solum illis, sed etiam quocumque modis Deo placitis. Quia quocumque modo Deus voluerit aliquid facere, potest illud facere. Sed satis videtur, quod istud exterrere fuerit incutiendo timorem cordibus Aethiopum. Nam tantum potest Deus homini incutere de timore, quod fugiat nemine sequente: sicut dicitur contra Iudæos. Leuitic. decimo sexto. Scilicet, Qui remanserint de vobis, dabo pauorem in cordibus eorum in regionibus hostium: terrebit eos tonitus folij volantis, & ita fugient quasi gladium, cadent nullo sequente: & corruent singuli super fratres suos, quasi bella fugientes: nemo vestrum audebit inimicis resistere. Sicut Deus incutiebat istum timorem Iudæis quando peccabant: ita incutiebat gentilibus contra quos pugnabant Iudæi, quando Iudæi mœrebantur adiuuari à Deo. Sic patet de Chananaeis, quia Deus misit pauorem in corda eorum, quando Israelitæ pugnaturi erant contra eos: ut patet Exo. vigesimo tertio. Scilicet, terrorem meum mittam in præcursum tuum, & occidam omnem populum, ad quem ingredieris, cunctorumque inimicorum tuorum coram te terga vertam: ita ergo & nunc putandum est, quod incusserit timorem magnum Aethiopibus: ita ut non audent consistere coram Iudæis.

Quomodo Deus cadebat Aethiopes, & exercitus Dei.

Quaest. XV.

A

Quomodo pugnavit Deus, & Angeli.

Quaest. XVI.

QVAERITVR ulterius, quomodo dicitur in litera, q̄ Aethiopes contriti sunt domino cedente, & exercitu suo praeliante, quomodo Deus cadebat eos, & quomodo exercitus eius pugnabat: Quantum ad exercitum domini, dicendum, quod potest accipi dupliciter, vno modo pro angelis: alio modo pro Israelitis. De primo modo patet, quia angeli possunt vocari exercitus domini, inquantum ipsi sunt milites eius. Sic patet Iob 25. f. Nunquid est numerus militum eius, & intelligitur de angelis. Etiam angeli mittuntur interdum ad operationes bellicas. Sic patet de illo angelo, qui percussit in castris Assyriorum centum octogintaquinque millia virorum vna nocte. 4. Regū 19. & Isa. 38. Sic etiam angeli venerunt armati ad ostendendum adiutores Elisæi, f. quando formidante puero Elisæi exercitum Syrorum circundantium urbem Dothain: petiuit Elisæus, vt Deus aperiret oculos pueri, & aperuit, viditq; montem plenum curribus igneis, & equis igneis. 4. Regum 6. Sicut ergo potuerunt apparere angeli illi ad ostendendum effigies virorum pugnatorum, ita poterant realiter venire ad adiuuandum. Sic etiam Christus angelos bellatores constituit: quando enim Petrus volens Christum defendere percussit gladio seruum pontificis: absciditque auriculā: dixit Christus: an putas, quod non possum rogare patrem meum, & exhibebit mihi modo plusquam duodecim legiones angelorum? Matt. 26. quasi dicat si vellē me defendere viribus, daret mihi pater meus plusquam duodecim legiones angelorum, qui subito consumerent omnes homines si opus esset, sed non est opus, quia quō implebuntur scripturæ? Etiam in sacra scriptura vocatur multitudo angelorum exercitus Dei: sic patet Gene. 32. quando intrauit Iacob in terrā Chanaan veniens de Mesopotamia: nam fuerūt ei obuiam angeli Dei, & ait: castra Dei sunt hæc: sed castra vocantur exercitus vel loca, vbi sedet exercitus: ibi autē non accepit nisi pro exercitu angelorum. Item hoc eonuenit officio eorum: quia ipsi sunt administratorij spiritus in ministerium missi propter eos, qui habent hereditatem capere salutis: ad Heb. primo. & quia interdum viris bonis, qui habent capere hereditatem salutis necessaria est defensio ab hostib⁹, ipsi angeli ministrant in hoc pugnando contra aduersarios. Item ipsi angeli sunt interdum principes exercituum humanorū contra hostes, & confortant, & adiuuant eos quorū sunt duces. Sic patet Iosue 5. de ipso Iosue, qui vidit in agro Iericho Angelum dñi habēte in gladium euaginatū, quem putauit esse virum, & ait: Noster es an aduersariorum? & ille respondit nequaquam: sed sum princeps exercitus dñi: & nunc venio. Isti angeli poterant esse nunc exercitus domini, & pugnarent contra Aethiopes, sicut infra declarabitur seq. quaestione. Secundō mō potest accipi exercitus dñi pro Israelitis: & vocabuntur exercitus dñi: quia à Deo dirigebantur, vel Deus fauebat eis contra hostes. Et sic erat nunc: quia Deus exterruerat Aethiopes in fauorem Iudæorū. Sic etiam vocatur exercitus dñi. exercitus congregatus de cultoribus Dei. Ita habetur 1. Reg. 17. cū dixit Dauid: Quis est iste Philisthæus incircuncisus, qui exprobrauit acies Dei viuientis? Sic ē accipitur præced. lib. cap. 21. vbi vocatur exercitus Dei ipse exercitus Dauid. Licet ibi magis accipi possit pro exercitu angelorum: & illi assimilabatur exercitus Dauid, quia erat magn⁹. Et sic videtur accipiendum in præsentī. s. quod Deus contrebatur Aethiopes pugnando contra eos: & etiam exercitus eius, idest populus Iuda, & Benjamin, qui pugnabat modo contra Aethiopes.

Alph. Tost. super lib. Paralip. Pars. 2

QVAERITVR ulterius, quomodo pugnabat nunc contra Aethiopes, & quomodo pugnaret angeli si ipsi vocarentur nūc exercitus Dei. Dicendū ad primum, q̄ Deus multis modis pugnare poterat, scilicet mittendo de cēlo lapides super Aethiopes, sicut misit super Chanaanæos quinque reges fugientes: nam lapides grandinis magni oppresserunt plures eorum quā occiderant Israelitæ a descensu Bethoron vsque ad urbem Azecha: Iosue decimo cap. vel poterat pugnare faciendo terremotū sub pedibus Aethiopum, vel fragorem celi, quo exterriti fugerent: sicut quando pugnabant Philisthini contra Israelitas tempore Samuelis. primo Regum 7. Multis aliis modis poterat pugnare, quia tamen non exprimitur aliquis modus, sed solum dicitur, quod exterruit Aethiopes, credendum est, quod solum incusserit timorem Aethiopibus, ita vt fugerent: & istud fuit magnum bellū potius quā illud quod faciebant Iudæi omnes simul. Nam per timorem magnum, quem De⁹ eis incussit, non audebant resistere Israelitis: sed fugiebant, & cedebāt ab Israelitis in nullo se defendentes. De angelis dicendum, quod si ipsi acciperentur pro exercitu Dei nunc, quod poterant pugnare contra Aethiopes multipliciter. Nam omnia illa, quæ diximus Deum agere, omnia illa angeli facerent, quia non facit Deus hæc nisi per ministros. Etiam angeli adiuuarent Iudæos impellendo Aethiopes, vt caderent in terram, & sic Iudæi occiderent illos non potentes fugere. Etiam ipsi angeli poterant multos Aethiopum occidere: sicut fuit de illo angelo, qui occidit in castris Assyriorū centum octoginta quinque millia virorū. 4. Reg. 19. Multis modis angeli poterant pugnare contra Aethiopes. Sed hic non est intelligendum, quod exercitus angelorum esset exercitus Dei, sed exercitus ipsorum Iudæorū vocaretur exercitus Dei ex causa supraposita. Et patet, quia aliās non fieret hic mētio de pugna Iudæorū contra Aethiopes tāquam nihil ipsi fecissent, & tamē aliquid faciebant, quia ipsi occidebāt Aethiopes. Ideo dicendum videtur, quod hic non fuerit aliqd aliud nisi terror Dei incussus Aethiopibus, quo fugere cogerentur, & quod Israelitæ eos fugientes occiderent, & incussio illa timoris vocatur bellum Domini. Occisio autem quā faciebant Iudæi vocabatur bellum exercitus domini.

Quare persecuti sunt Iudæi Aethiopes usque Geraram

Quaest. XVII.

QVAERITVR ulterius, quare persecuti sunt Iudæi Aethiopes solum vsque Geraram. Responden potest vno modo quod factum est, quia Gerara est terminus regni Iuda ex parte meridiana, & quando erant Aethiopes in terra Asa persequabatur eos vt effugaret ipsos de terra sua: etiam vt occideret, & non possent contra eum impugnare. Et quia hoc licet poterat facere in terra sua, quia nullum offendebat in hoc: etiam quia nullus eum inquietaret in hoc, Cū autem fuit in Gerara: quia ibi erat limes terræ suæ, non ausus est persequi ulterius Aethiopes, quia cū ingrederetur quomodocunque terram alterius regis nō petita licentia, haberet ille iustā causā pugnandi contra Asa: ideo noluit ultra persequi Aethiopes. Secundō potest dici quod vsque ad illū locū persecutus est eos, quia illic consumpti sunt omnes Aethiopes, ita quod nullus eorū remanserit, quē persequeret Asa.

Bb

Tertio

Tertiò pòt dici, q̄ persecuti sunt eos vsq̄e illuc, quia semper cædebāt eos vsq̄; illuc, & quando illuc peruen-
nerunt erant iam tam elongati Aethiopes, qui non percussi fuerant, quòd non poterant consequi eos Is-
raelitæ, & cessauerunt persequi. Quartò potest dici, q̄ illuc solum peruen-
erunt Iudæi persequēdo, quia terra, quæ erat vltra Geraram pertinebat ad regem Ae-
thiopum. I. quia subiecti erant ei: vel confederati sibi, ita q̄ non posset Asa, & illi, qui erant cum eo introire illuc sine damno. Quintò potest dici, q̄ vsq̄e Gera-
ram fugerunt Aethiopes: quia non habuerunt aliquē locum, in quo se colligerent, et tuerentur, eo q̄ omnia illa loca pertinebant ad regionem Iuda, & cum il-
luc peruen-
erunt, inuenerūt aliquas ciuitates apertas, in quas introierunt: & ibi se defenderunt à Iudæis per-
sequentibus eos: vñ nō poterat am persequi eos Asa.

An Asa peccauit percutiendo illas ciuitates.

Quæst. XV III.

QVAERITVR vterius, cur Asa percussit omnes ciuitates, quæ erant in circuitu Geraræ: & an peccauit in hoc. Responderi potest, q̄ istæ ciuitates erant extra terram Iuda in parte meridiana. Nam ciuitas Gerara ponitur terminus meridianus totius terræ Chanaan: & cum terra Iuda esset intra terram Chanaan, necesse erat, quòd vltra Geraram ad meridiem non extenderetur terra Iuda. Essent ergo ciuitates istæ magis meridiane quàm terra Iuda, fortè in terra Amalecitarum, vel in desertis Arabicis versus Aegyptum, & haberet causam iustam pugnandi Asa contra illas ciuitates. Primò, quia fortè in ciuitatibus illis se recollegerant Aethiopes, et quia illi erant hostes Asa, habebat Asa iustam causam pugnandi contra omnes, qui receperant eos: & qui fauerent sibi quam diu manerēt ibi Aethiopes. Hoc autem est verisimile: quia dicitur, quòd vsq̄e Geraram persecuti sunt Iudæi Aethiopes. Ex quo satis innuitur, quòd circa Geraram in ciuitatibus propinquis se recollegerint, & ob hoc pugnaverint Iudæi contra vrbes quousque redderent Aethiopes, quos tenebant. Secundò esse poterat, scilicet quia aliqui de illis vrbibus venerant in adiutorium Aethiopum, quando introierūt illi in terra Iuda, & hoc satis verisimile est. Nam gentes, quæ erant in circuitu terræ Iuda satis erat, quòd haberent Iudæos exosos: quia inter confinia regnorum solent esse materiæ bellorum: & ob hoc videntes nunc Aethiopes venientes in potestate magna contra Asa, putarent delendos esse omnes Iudæos, & iungerētur eis, vt participarent partem spoli-
orum, & adiuuarent Aethiopes contra regem Asa. Et ob hoc habebat Asa causam iustam pugnandi contra eos sicut contra Aethiopes. Vnde cum fuit consummatum bellum cōtra Aethiopes cæsis, & fugientibus vniuersis, conuertit se Asa ad pugnandum contra ciuitates illas, de quibus erant illi, qui venerant in auxilium Aethiopum cōtra eos, & cepit ciuitates eorum. Tertiò esse poterat, q̄ illi, qui habitabant in ciuitatibus istis ante hoc haberent discordias cum rege Asa, & inferrent damna regno suo: & non occurrerat ipsi Asa ante hoc pugnare contra eos. Nunc verò quia pugnaverat Asa cōtra Aethiopes pugnavit contra illos, quia habebat opportunitatem magnam ad hoc. Primò, quia nunc habebat Asa congregatum exercitum magnum, quē congregauerat contra Aethiopes, quem aliàs cum difficultate, & sumptibus congregaret: nunc autem congregatus erat, & non oportebat esse in hoc difficultatem aliquam. Secundò, quia euitabantur in hoc magni sumptus: quia nihil est, in quo magis principes expendant quàm cum bellamouent, & congregant ma-

gnos exercitus. Nunc autē cū esset congregatus exercitus, non fierent aliqui sumptus pro ista pugna, quæ fieret contra ciuitates istas. Quartò, quia occurrerat regi Asa ire ad terram illam, in qua erant hostes eius nunc. Nam persecutus fuerat Aethiopes vsq̄; Geraram: & ibi erant ciuitates illæ, in quibus erant hostes regis Asa: ideo erat nunc magna opportunitas pugnandi contra eos. Quintò, quia non poterant aliquo tempore viri Asa esse magis prompti ad bellum quàm nūc. Nam cū Deus contulerat eis mirabilem victoriam, cū ipsi pauci fugauissent, & occidissent totum exercitum Aethiopum, qui erat valde magnus, scilicet decies cē tena millia virorum, & trecenti currus: & sic audaciā magnā perciperent in cordibus suis, & facile esset eis pugnare nunc p̄tra quoscūque, & quoscūque. Sextò erat opportunitas magna ex parte hostiū. Nā tātus terror inuaserat habitantes circa terram Iuda, qui viderant magnam, & subitanam stragē Aethiopum cæsum à Iudæis, quòd nullus haberet vires ad resistendum eis: iō faciliter poterant superari. Ista ratio tangitur in litera, cum dicitur: & percusserunt omnes ciuitates per circuitum Geraræ, et sequitur: grandis quippe terror cunctos inuaserat, quasi dicat, quia magnus terror tenuerat oēs habitantes in terra, non ausi sunt resistere Iudæis, sed faciliter superati sunt.

An peccauerunt Iudæi facientes prædam.

Quæst. XIX.

QVAERITVR vterius, cum dicatur hic, q̄ Iudæi tulerunt prædā magnā de bello, an peccauerunt faciētes prædā. Rñdendū q̄ duplicē prædā tulerūt nūc Iudæi: quandā. n. tulerūt de Aethiopibus cæsis, & fugatis. Aliā vero tulerūt de ciuitatib⁹ quas diripuerunt. Quod patet, quia dicitur in litera: tulerunt ergo spolia multa. I. de Aethiopibus. Et sequitur: Et percusserunt omnes ciuitates per circuitum Geraræ, & diripuerunt vrbes, & magnam prædam asportauerūt, sed & caulas ouium destruentes tulerunt pecorum, infinitam multitudinem, & camelorum. Quantum ad primam prædam, quæ erat de Aethiopib⁹ cæsis, & fugatis, dicendum, q̄ erat iusta, quia cū fuerit bellum iustum cōtra Aethiopes, qui venerant ad inuadendū terram erat licitum occidere ipsos, & prædari: & quid aliud facere, quia nihil est, q̄ non liceat cōtra hostē. Si loquamur de secunda præda facta de vrbibus. Dicendū, q̄ si cōfiteamur iustē pugnatum fuisse contra vrbes, confitebimur prædam iustē factam: quia in bello iusto licitum est facere quidquid occurrerit hosti facere. Quod autē fuerit bellum iustum, satis credendum est, quia non est verisimile, q̄ Asa, qui erat vir iustus, maximè qui nunc à Deo supernaturaliter adiutus fuerat, cōmitteret bellum iniustum. Nam non cōcurreret Deus cum eo ad adiuuandum eum in ipso, sicut adiuuaret contra Aethiopes, potissimè, quia præcedēti quæstione assignatæ sunt causæ huius belli, & oēs fuerunt iustæ, vt patet ibidem. Ideo etiam credendū est fuisse prædam iustam, & oīa alia cōmissa in bello.

CAPITVLVM XV.



ZARIAS autem fili⁹ Obed, facto in se spiritu Dei, egressus est in occursum Asa, & dixit ei: Audite me Asa, & omnis Iuda, & Benjamin. Dominus vobiscum, quia fuistis cum eo.

Si quæſieritis eum, inuenietis: ſi autem dereliqueritis eum, derelinquet vos. Tranſibunt autem multi dies in Iſrael abſque Deo vero, & abſque ſacerdote, doctore, & abſque lege. Cunque reuerſi fuerint in anguſtia ſua, ad dominum Deum Iſrael, & quæſierint eum, reperient eum. In tempore illo non erit pax ingredienti, & egredienti: ſed terrores vndique in cunctis habitatoribus terrarum. Pugnabit enim gēs contra gentem, & ciuitas contra ciuitatē: quia Dominus conturbabit eos in omni anguſtia. Vos ergo confortamini, & non diſſoluantur manus veſtræ: erit enim merces operi veſtro.

Azarias autem. Descripta in præcedentibus ipſi⁹ regis Aſa virtuosa conuerſatione, hic agitur de prophetica ei facta reuelatione: & diuiditur in duas: quia primò ponitur prædicta prophetica reuelatio. Secundò Aſa, & Iudeorum conſolatio, ibi *Quod cum audiſſet Aſa.*

An hic ſit continuatio, & immediatio.
Quæſt. I.

QVÆRITVR circa primum, an ea, quæ habentur hic fuerint facta ordine continuato poſt præcedentia. Et an fuerint facta immediate poſt illa, vel interiecto aliquanto tempore. Respondendum, quòd hic eſt rectus ordo, quia iſta reuelatio prophetica, quæ habetur hic fuit facta poſt victoriam collatā ipſi Aſa contra Aethiopes: & de victoria illa habetur præcedenti capitu. Ideo rectè ponitur hic poſt illam pugnam quomodo facta fuerit iſta reuelatio prophetica. Ad ſecundum dicendum, quòd fuerint facta iſta immediate poſt illa, quæ habentur præcedenti capitu. Nam dicitur præcedenti cap. de bello facto cōtra Aethiopes, & poſtea contra ciuitates, de quibus ibi: & hic dicitur, quòd cū reuerteretur Aſa de bello occurrit ei Azarias propheta, & locutus eſt ea, quæ habentur hic, ergo fuerunt hæc immediate poſt præcedentia. Circa primū dī. *Azarias autem filius Obed factus in ſpiritu domini.* Iſte Azarias erat propheta filius Obed, qui etiam putatur fuiſſe propheta: & venit ſuper eum ſpiritus domini, ſcilicet ſpiritus propheticus, qui eſt à domino mouens eum ad egrediendum in occurſum Aſa, & Iudeorum venientium de bello. *Egreſſus eſt in occurſu Aſa.* Scilicet, cū veniret de bello, & præda Aethiopum, vt renunciaret ei bona iſta, quæ ſequuntur, per quæ conſolaretur. *Et dicit, audite me.* Ideſt diligenter conſiderate verba mea. *Aſa, & omnis Iuda, & Benjamin.* Ad regem primò direxit ſermonem ſuum, quia erat præcipuus, deinde ad Iudam, & Benjamin: quia iſtæ erant duæ tribus, ſuper quas ſolū dominabatur Aſa, & viri de iſtis duabus tribubus veniebant cū eo de bello. *Dominus vobiscum: quia fuiſtis cum eo.* Ideſt dominus fuit vobiscum adiuuando vos miraculoſè cōtra Aethiopes, & contra ciuitates, quæ erant in circuitu Gerare. Vel dominus vobiscum, ſcilicet eſt nunc ad adiuuandum, et quādo cūq; op⁹ fuerit contra quoscuq; hoſtes, quia fuiſtis cū eo, ſcilicet colendo ipſum. *Si quæſieritis eum, inuenietis.* Scilicet, ſi quæſieritis eum ſeruādo legem eius. Nam non quæritur, nec inuenitur Deus alio modo, niſi

Alph. Toſt. ſuper lib. Paralip. Pars 2.

Aut lex eius cuſtodiat: quia per hanc legis obſervationem imitamur eum, quòd eſt eum inuenire & in eum tendere. *Si autem dereliqueritis eum, derelinquet vos.* Scilicet, ſi dereliqueritis legem eius, quā nunc cuſtoditis, derelinquet vos tradendo in manus hoſtium: & permittendo vos inauxiliatos. *Tranſibunt autem dies multi.* Hic autem incipit prophetia, quæ durat vſque ad locum illum. *Quod cum audiſſet Aſa.* Et exponitur multipliciter: quidam enim, ſcilicet expoſitores noſtri communiter exponunt de tempore captiuitatis Babylonica. Et dicunt. *Tranſibunt dies multi.* Scilicet, ſeptuaginta anni quibus durabit Babylonica captiuitas: vt patet Iere. 25. cap. *In Iſrael.* Ideſt in terra Iuda, quæ aliquando vocatur Iſrael: vt patet ſupra 12. ſcilicet: Cunque roboratum eſſet regnum Roboam, & confortatum, dereliquit legem domini, & omnis Iſrael cū eo, ideſt totus Iuda. Nam de Iſrael non poterat intelligi, quia non dereliquerat Iſrael, ſcilicet decem tribus legem cū rege Roboam, ſed multo prius cū Ieroboam rege ſuo, quando ille fabricauit vitulos aureos ſupra 11. & tertio Regum duodecimo. *Abſque Deo vero.* Scilicet, quòd non tenebitur Deus verus, quia multi conuerterentur ad idolatriam manendo in Babylone, & efficiuntur ſicut Gentiles. Vel dicitur abſque Deo vero, ideſt ſine cultu Dei veri: quia non poterat coli Deus verus à Iudæis, licet teneretur in Deum: & hoc quia non obſeruabāt cultus Dei deſcriptus in lege. Nam cæremoniæ legales, quas Moyſes impoſuerat non poterant obſervari tempore captiuitatis Babylonicæ, quia plurimæ cæremoniarum requirebant certum locum: ſicut erant cæremoniæ ſacrificiorum, quæ erant præcipuæ, & maximè frequentatæ. Nam iſtæ non poterant obſervari in Babylone, dato quòd ibi Iudæi colerent Deum verum: eo quòd iſte fieri debebant ſolū in altari holocauſtorum, qđ erat ante oſtium tabernaculi. Leuit. 17. & Ioſue 22. Et iſtud ſanctuarium non poterat eſſe niſi in vnā de ciuitatibus tribuum Iſrael, quā Deus elegiſſet: & exiſtente ibi ſanctuario non poterant alibi offerri ſacrificia, vt patet Deute. 12. cap. Et quia in Babylone nō poterat eſſe templum domini, cū eſſet extra terram Chanaan, nō poterant fieri ibi ſacrificia aliqua, licet Iudæi tenerent ibi fidem veri Dei, & nō conuerterentur ad idola. Sic etiam erat de omnibus aliis cæremoniis ſacerdotalibus, ſicut eſt ponere panes in mēſa propoſitionis, & cremare thymiana quotidie coram domino in altari thymianatum mane, & vespere: & diſponere lucernas in candelabro, & intrare in ſancta ſanctorum ſemel in anno. Nihil enim horum poterat obſervari manentibus Iudæis in captiuitate Babylonica, quia omnia hæc concernebant locum determinatum, ſcilicet ſanctuarium. Et iſtud eſſe non poterat niſi in terra Chanaan. Idē erat de miniſtrationibus Leuiticis: nam Leuitæ miniſtrabant in templo canentes coram ſacerdotibus, & cuſtodientes theſauros domus domini, & obſeruantes portas, & alia ſimilia faciebant. Omnia ramen hæc faciebant in tēplo dñi: ideo cōſequenter nō poterant obſervari, niſi manentibus Iudæis in terra Chanaā. Iſta eſt cā quare nūc Iudæi manentes inter nos: licet nō colant idola nō obſeruant oēs cæremonias legis: quinimmo plurimas omittunt. Quia nihil de ſacrificiis, & cæremoniis ſacerdotalibus, & leuiticis obſeruant, cū ille concernant locum ſanctuarij: & hic non poteſt eſſe locus ſanctuarij. *Et abſque ſacerdote doctore.* Ideſt non habebunt Iudæi ſacerdotes docentes, ſcilicet non habebunt eos quantum ad ſuum officium, & ad miniſtrationem. Nam officium ſacerdotalē erat facere tales cæremonias in ſanctuario: & cū nunc nō facerent aliquas tales cæremonias, non viderentur habere ſacerdotes

Bb 2 cerdotes

cerdotes cum non haberēt ministratiōem, per quā F
 apparebat eos sacerdotes: licet in Babylone multi sacer-
 dotes extiterint, quia omnes sacerdotes, & leuitae
 erant in regno Iuda, quia fugerunt de regno Israel: &
 nunc quando translati sunt Iudaei in Babylonem tran-
 slati sunt cum eis leuitae, & sacerdotes, & redierūt cū
 eis de Babylone, vt colligitur ex processu primi libri
 Esdrae. Etiam ponitur absque doctore, quia nō habe-
 bant docentes aliquos in Babylone: nam non exer-
 cebant ibi officium praedicationis sacerdotes, & leui-
 tae sicut in terra Iuda. Et dī absque sacerdote doctore,
 & absque sacerdote, qui erat doctor. In quo innui-
 tur, qd sacerdotes, & doctores iidem sūt, eo qd ad sacer-
 dotes pertinebat docere legem, vt patet Mala. 2. f. La-
 bia sacerdotis custodient scientiā, et legem exquirent G
 ex ore eius, quia angel⁹ domini exercitū est. Etiam
 Aggei 2. dicitur: Interroga sacerdotes legem, idest si-
 quis dubitat de lege a sacerdotibus quærere debet.
 Ad leuitas etiam pertinebat praedicare: de quo decla-
 rabitur infra in quadam quæstione. Et absque lege. Sci-
 licet non obseruabunt legem, quia non erit tempus
 obseruandi legem quantum ad omnes caeramo-
 nias, vt declaratum est supra: cū plurimae ea-
 rum determinent sibi certum locum, scilicet san-
 ctuarium, quod solū in existerat in terra Chanaan.
Cunquereuersi fuerint in angustia sua ad dominum Deum Is-
rael. Scilicet, qd postquam Israelitae de Iuda, & Benia-
 min manserunt in Babylone quasi per septuaginta an-
 nos, erant iam in angustia, & qd non permittebantur H
 redire in terram suam, & tunc conuersi sunt ad domi-
 num gementes pro peccatis suis: & Deus exaudivit
 eos. Sic enim fiebat in aliis angustis Iudaeorum, vt
 patet Leu. 26. cap. f. Et propter peccata sua affligeren-
 tur donec confiteantur iniquitates suas, & malorum
 suorum recordentur, quibus praeparati sunt in me-
 tunc orabunt pro impietatibus suis, & recordabor fe-
 deris mei. Etiam Deut. 30. cap. dicitur, quod quando
 Israelitae conuerterentur ad dñm dolentes de pecca-
 tis suis, licet dispersi essent ad cardines celi, inde redu-
 ceret eos dominus. Et ita fuit in Babylone: quia do-
 luerant Iudaei de peccatis suis completo tempore cap-
 tivitatis: & tunc reduxit eos dominus de Babylone.
 Fuerunt tamen ibi Iudaei absque lege (vt quidam vo-
 lunt) scilicet qd non habebāt aliquos libros legis, quia
 Nabuzardan, qui combussit templum, combussit etiā
 libros legis, qui erant in templo, nec habuerūt legem
 quousque Esdras scriptor legis Dei velocissimus spi-
 ritu Dei in se facto scripsit legem diuinitus eā reparas.
Et quaesierunt eum. Scilicet, obseruando legē, & facien-
 do omnia, quae Deus iussit. *Reperient eum.* Scilicet repe-
 riant eum sibi propinquum ad miserendum eis, & li-
 berandum de captiuitate illa, quod factum est in fine
 septuagesimi anni, quando redierunt de Babylone.
In tempore illo. Scilicet, dum durauerit captiuitas Ba-
 bylonis: vel post regressum de captiuitate paucō tem-
 pore. *Non erit pax egredienti, & ingredienti.* Scilicet, nō
 erit terra secunda ad intrandum, & exeundum. Per-
 intrare, & exire signatur tota operatio humana, scili-
 cet quod non erit aliqua securitas manendi homini-
 bus in terra, & multo minus ambulandi per eam: Et
 potest intelligi de tempore, quo fuit terra Iuda dere-
 licta translatis Iudaeis in Babylonem. Nam tunc non
 relictī sunt in terra nisi viri pauperes agricolae, & vini-
 tores: & super eos Godolias princeps. Tunc enim
 non erat terra Iuda secunda: quia conuenerunt princi-
 pes quidam de diuersis regionibus ad Godoliam, qui
 fugerant de terra Iuda, quando erant ibi Chaldaei.
 Et scito quod recessissent Chaldaei, & reliquissent Go-
 doliam principem terrae venerunt ad eum, & tunc ve-
 nit etiam Imael filius Nathaniae in dolo ad Godoliam:

& occidit eum Iere. 40. & 41. Et tunc occidit multos
 alios, & praedatus est regionem, contra quem congre-
 gati sunt principes bellatorum Iuda, & fugauerunt Ie-
 maelem de terra: ceperuntque praedam, quam ferebat.
 Considerata autem morte Godoliae timerunt
 omnes Iudaei, & maxime principes bellatorum manere
 in terra Iuda, & petierunt consilium a Ieremia,
 an descenderent in Aegyptum propter timorē Chal-
 daeorum: & tandem eo puniro, descenderunt in Ae-
 gyptum. Iere. 41. & 42. Et sic non erat pax tempore il-
 lo, ita vt propter bella coacti fuerint Iudaei descendere
 in Aegyptum. Potest etiam intelligi de tempore, qd
 fuit post reditum de Babylone, & durauit aliquantū,
 scilicet dñm Iudaei aedificarent templum & muros vr-
 bis Ierusalem. Nam erant tunc Samaritani in terra,
 qui non permittebant eos in pace: sed prius quidem
 accusauerunt Iudaeos apud reges Persarum, quod nō
 deberent aedificare templum, nec muros, & absolut⁹
 fuit populus Iudaeorum ab impetitione eorum per
 reges Persarum: vt patet primo Esdrae 4. & 6. Postea
 insidiabantur eis, & dum essent vacantes aedificationi
 templi, & murorum subito veniebant Samaritani su-
 per eos: & impediabant opus, atque nocebant eis: ita
 vt Iudaei constituere cogerentur quosdam viros in ar-
 mis semper, qui parati essent ad resistendum viris Sa-
 maritanis cum venissent ad nocendum aedificantibus:
 & non possent illi impediri in operibus suis, vel non
 posset eis noceri: & sic media pars tenebat lanceas,
 & arma, & alia medietas faciebat opus: vt patet Nee-
 mie 4. cap. Et ista fuit causa quate tanto tempore du-
 rauit templi aedificatio. Nam templum Salomonis,
 quod fuerat valde maioris gloriae quā templū se-
 cundum: vt patet primo Esdrae 3. cap. aedificatum est
 in septem annis: vt patet 3. Reg. 6. Et templum istud
 secundum aedificatum est in quadraginta sex annis: vt
 patet 2. Esdrae 3. cap. f. quia dñm aedificaretur templum Salo-
 monis erat pax magna, & otium in Israel: & illam pa-
 cem Deus dederat solum, vt aedificaretur templum in
 diebus illis nomini suo: vt patet praecedentibus. 2. Esdr.
 & Eccle. 47. Templum autem secundum aedificatum
 est tempore magnorum bellorum: ita vt media pars
 faceret opus, & media pars teneret lanceas, & scuta: iō
 necesse erat valde maiori tēpore durare opus in fieri.
Sed terrores undique in cunctis habitatoribus terrarum. Hoc
 fuit quia accidit illo tempore esse multa bella per to-
 tum orbem, & omnes gētes patiebantur terrores for-
 midantes hostes suos. Vel potest melius intelligi solū
 lūm de terra Iuda, & conuicinis, quarum bonum, vel
 malum redundabat in pacem, vel bellum Israelitarū.
 Et vocantur omnes habitatores terrarum, scilicet vi-
 cinarum. Isti terrores erant, qui dicti sunt supra pu-
 gnantibus Samaritanis contra Iudaeos. *Pugnabit enim
 gens contra gentem, & ciuitas contra ciuitatē.* Idem est qd
 supra positum fuit, & tamē hic declaratur quod fuit
 supra positum. Nam erant terrores habitantium in
 terra: eo quod pugnabat gens contra gentem, & ciui-
 tas contra ciuitatem. *Quia dominus conturbabit eos in
 omni angustia.* Idest Deus infliget eos omnia genera
 angustiarum super Israelitas, & super alias gentes. Et
 sic pugnabunt adinuicem. Domino mouente eos
 ad bellum. Sed quomodo Deus moueat ho-
 mines ad bellum cū illud sit malum, declarabi-
 tur infra in quadam quæstione. *Vos autem con-
 fortamini, & non dissoluantur manus vestrae.* Scilicet, quā-
 quam aliis gentibus ista mala praenunciata sunt: quia
 non colunt dominū: & tamen vos non dissoluamini
 timentes hac: sed confortamini, & manus vestrae
 non dissoluantur: ita vt non audeatis resistere volen-
 tibus impugnare vos: sed viriliter agite, vel conforta-
 mini, scilicet ad colendum dominum, & non desista-
 tis

is propter mala, quæ patientur aliæ gentes: nec dissoluantur manus vestræ cessando a cultu Dei, vel remissè agendo tanquam fugati sitis. *Erit enim merces operi vestro.* Scilicet, si colueritis dominum incessanter, & infatigabiliter, erit merces operi vestro, quia non transibit irremuneratum bonum opus hoc. Et ex hoc patet, quia litera præcedens magis debet intelligi de confortatione ad colendum Deum, quam de confortatione ad bellandum: quia ex bello quod facerent ad se defendendum non merentur nec oporteret dari mercedem operi suo. Sed si confortarentur in colendo Deum, oporteret ei dari mercedem. Ista expositio tenetur secundum expositores nostros: & tamen Nicolaus non multum attendit ad illam, quia ipse ponit quandam aliam secundum Hebræos quæ infra ponetur, sed etiam illa non multum consonat literæ, quia magis consonat ista. Et tamen adhuc dicendum, quod ista non omnino stat. Primò quia dicitur: transibunt dies multi in Israel absque Deo vero, & tamen in captiuitate Babylonica non fuerunt Iudæi absque Deo vero: quia ibi tenebant Deum verum Deum: sed solum cessabatur à cultu eius secundum ceremonias legis: quia illi non poterant ibi obseruari ex defectu loci. Et si aliqui conuersi fuerunt ad idolatriam, pauci forent, quia non legitur de hoc in sacra scriptura. Si autem dicatur, quod transibunt dies absque Deo vero, eo quod non colebatur Deus. Dicendum quod non stat, quia tunc diceretur, transibunt multi dies absque Deo, & non adiungeretur absque Deo vero: quia apponendo hoc signatur quod Iudæi illo tempore Deum habebant, sed non Deum verum, eo quod colebant idola. Secundò patet, quia dicitur, absque sacerdote doctore absque lege. Ex quo innuitur quod tempore illo non obseruaretur lex, nec sacerdotes ministrarent sicut debebant: & hoc reputatur in peccatum. Quod patet: quia dicitur hic, cumque reuersi fuerint in angustia sua ad dominum: & reueri est de peccato commissio: & tamen esse absque sacerdote, & absque lege, & absque Deo, sicut erant Iudæi in Babylone, non erat peccatum aliquod, ideo non videtur intelligendum de hoc. Patet istud, quia non dicebantur Iudæi tunc esse absque lege, quasi non obseruaret illam, & obseruarent ceremonias idolorum: sicut aliquando erant: sed quia non licebat eis obseruare eam ibi totam. Nam cum essent extra terram suam, non licebat facere ceremonias sacerdotales, & leuiticas, & non faciendo non peccabant: imò potius si facerent peccarent: quia non obseruando ceremonias legis in Babylone obseruabant legem, & obseruando illas faciebant contra legem. Idem est esse absque sacerdote, id est quod non habebant sacerdotes ministrantes secundum legem, quia non erat hoc peccatum: etiā non habere Deum sic non erat peccatum, sed potius obseruatio legis quæ non obseruaretur habendo Deum. Tertiò patet, quia dicitur hic, quod illis diebus essent Israelitæ sine doctore. Et tamen istud non videtur, quod fuerit in Babylone, quia licet fieri ceremonias legis non liceat extra terram Chanaan: tamen esse docentes & vacare doctrinæ legis, & predicationi ubique licebat: nam docere & predicare legem non erat aliqua ceremonia, quæ determinaret sibi certum locum, nec certum ministerium: de quo magis declarabitur infra in quadam questione. Et ob hoc nunc Iudæi: licet sint extra terram Chanaan, & non habeant templum, nec ceremonias sacerdotales aut leuiticas, tamen docent, & prædicant per omne sabbatum, & festa sua in synagogis exponendo legem, et exortando, ideo nunquam inter Iudæos cessarent doctores legis nisi cum conuerterentur totaliter Iudæi ad idolatriam, & nolent obseruare legem, nec vellent, quod quis

Alph. Tost. super lib. Paralip. Pars 2.

A eam prædicaret aut exponeret. Et tamen nunc dicitur, quod essent absque doctore: ergo tempore de quo hic agitur essent conuersi Iudæi ad idolatriam, & nolent audire aliquos prædicantes aut exponentes legem, & tamen quando erant in Babylone non erant conuersi ad idolatriam, ideo veresimile est, quod haberent doctores, sicut nunc habent manentes inter nos in captiuitate, cum non declinent ad idolatriam. Quartò patet, quia non bene coaptatur litera: quia signatur hic, quod in tempore illo, scilicet quo manserint Iudæi in peccato idolatriæ sine Deo vero, & sacerdote, & lege, non erit pax ingredienti nec egredienti: sed gens pugnabit contra gentem, quia dominus affliget eos in omni angustia. Et postea cum conuersi fuerint ad dominum, inuenient eum, ita quod faciat cessare hæc ab eis. Et tamen non accidit hoc existentibus in Babylone: nam tunc non apparet quomodo non esset pax egredienti nec ingredienti de eis, & quod essent bella: tñ non erant bella Iudæis existentibus in Babylone, cum essent captiui Babyloniæ: & nemo poterat pugnare contra Iudæos, quin pugnaret contra Babylonios: sed signatur hic quod manerent Iudæi in terra sua in idolatria: & propter hoc fierent bella contra eos manentes ibi quousque conuerterentur ad dominum. Secundi exponunt prophetiam istam de decem tribubus Israel: & ob hoc, quia valde conuenit litera ista illis potius quam viris Iuda, in quantum dicitur. Transibunt multi dies in Israel: & non dicitur in Iuda: & tamen Israel signat decem tribus, quæ erant sub Ieroboam, & non duas tribus, quæ vocantur regnum Iuda: & applicatur litera sic, scilicet. *Transibunt dies multi in Israel absque Deo vero.* Et verum est, quod fuerunt multi dies, quia toto tempore, quo durauerunt reges Israel fuit hoc. Nam erant idola in terra, usquequo totus Israel cum rege suo Osæ translati sunt in Assyrios 4. Reg. 17. cap. Et isti fuerunt multi anni, scilicet plures quam ducenti: ut patet inducendo tempora omnium regnum intermediorum. Nam regnauerunt reges Israel ex eo tempore, quo cepit regnare Roboam usque ad annum sextum regni Ezechiæ regis Iuda: quia tunc translati sunt in Assyrios Israelitæ, ut patet 4. Reg. 18. Et licet possent computari isti anni per reges Israel, tamen difficilius est computatio: ideo computandi sunt isti anni per reges Iuda, & non per reges Israel: & sunt anni ducenti. Nam Roboam regnavit annis decem & septem 3. Reg. 14. Abia annis tribus. supra 13. Asa annis quadraginta vno 3. Reg. 15. Iosaphat annis viginti quinque 3. Reg. 22. Iorā ānis 8. 4. Reg. 8. Ochozias siue Achaz anno vno eo. cap. & infra 22. cap. Ioas ānis quadraginta 4. Reg. 12. Amasias anni viginti nouē. 4. Reg. 14. Ozias annis quinquaginta duobus. 4. Reg. 15. Ioathan annis decem, & sex. eo. cap. Achaz anni decem & sex 4. Reg. 16. Ezechias regnavit ānis sex antequam transferentur Israelitæ in terram Assyriorum. 4. Reg. 18. Et sunt simul anni ducēti quinquaginta quatuor, quibus regnauerunt reges Israel in terra sua: & tanto tempore fuerunt idola in terra, & recte dicit absque Deo vero: quia nunquam habuerunt viri de regno Israel Deum verum, sed a principio regni Ieroboam primi regis ipsorum habuerunt vitulos aureos: & post alios Deos, Bael, & multos: ita quod nunquam fuerunt ablata idola de terra toto tempore, quo fuerunt reges Israel in terra sua: sed omnes reges coluerunt idola, & secuti sunt viam Ieroboam regis, qui peccare fecit Israel. quarto Regum decimo septimo capitulo. *Absque sacerdote doctore.* Scilicet toto isto tempore nunquam habuerunt Israelitæ sacerdotes de tribu Levi. Nam cum toto tempore præcedenti essent sacerdotes in terra Israel, & Iuda: cum Israelitæ fecissent sibi

Aliorum
2. expos.

Regum Israel
tem-
pus.

vitulos aureos non habuerunt sacerdotes de tribu Leui: sed eiecerunt omnes de terra sua, & illi fugerunt in terram Iuda, vt patet supra vñdecimo, & præcedenti c. & tertio Regum duodecimo, & decimo tertio. Et nunquam toto isto tempore redierunt ad se sacerdotes: quia cum toto isto tempore coluerint idola, & ob hoc recessissent sacerdotes ab eis, nunquam postea redire voluerunt, sed manserunt semper in regno Iuda. Et dicitur absque doctore, quia non solū non habebant Israelitæ sacerdotes, qui ministrarent eis secundum legem Moyſi toto tempore, quo habuerunt idola apud se: sed etiam nunquam receperunt aliquos docentes aut exponentes legem, quod peccabant ex malitia, & nolebant cognoscere veritatem, vt non redirent ad cultum Dei: & non fieret vñum regnum Iuda, & Israel: vt patet tertio Regum duodecimo. *Et absque lege.* Scilicet, quia noluerunt obseruare legem: sed sicut recesserant à Deo vero, & cultu eius: ita recesserant à lege, vt non obseruarent aliquas ceremonias eius, sed alium modum cultus tenebant. *Cunquereuerſi fuerint in angustia sua ad dominum Deum Israel, reperiunt eum.* Scilicet, aliquando propter magnam angustiam reuerſi sunt Israelitæ ad cultū veri Dei Israel, & inuenerunt Deum tunc sibi propitium. Sic fuit tempore Achab regis Israel: nam semel Deus propter peccata Israelitarū, non dedit pluuiam super terram tribus annis, & dimidio. tertio Regum decimo septimo. & post illud tempus apparuit Elias coram rege Achab, & congregari fecit omnes prophetas Baal, & prophetas lucorum in monte Carmeli octingentos, & quinquaginta viros: & dixit Elias ad totum Israel: quousque claudicatis in duas partes? si Deus est dominus, sequimini eum: si autem Baal, sequimini eum. Et postea conuenit cum prophetis Baal, quod ipsi facerent sacrificium nō supponentes ignem, & ipse etiam faceret sacrificium nō supposito igne: & ille, qui exaudiret dando de celo ignem super sacrificium cultorum suorum, haberetur vt Deus verus, & præualuit Elias: & tunc populus tenuit omnes prophetas lucorum, & prophetas Baal, & occisi sunt octingenti quinquaginta viri. tertio Regum decimo octauo cap. & sic conuerſi sunt tunc Israelitæ ad dominum derelinquentes idola. Sic enim fuit iterum tempore istius Achab, cum Benadad rex Syriæ perſequebatur Achab regem Israel: nam tradidit tunc Deus Benadad in manus Achab, scilicet quæ exercitus eius deletus est, & ipse fugit, & tunc Syri dixerunt de Deo Israel, quod dii Israel erāt dii mortuū, ideo præualuerant Israelitæ contra Syros in montibus: sed pugnarent contra eos in vallibus, & non præualerent: & tunc iratus Deus mandauit dici Achab regi per prophetam, quod præualeret contra Benadad in vallibus. tertio Regum vigesimo cā. Ecce tunc conuerſi erant Israelitæ ad dominum, cum Deus conuerſus eſſet ad eos: sic fuit etiam iterum tempore istius Achab. Sed cum fecisset lapidari Naboth virum iustum, vt tolleretur vineam, & Deus prænuſciaſſet per Eliam, quod canes lingerent sanguinem Achab, ipse propter angustiam istam conuerſus est ad dominum, & fecit poenitentiam in cilicio, & ambulauit humiliatus: & Deus dixit, quod non mitteret malum in diebus eius, sed in diebus filij eius. tertio Regum 21. Sic etiam fuit in diebus Ioram regis Israel. Nam cum Benadad rex Syriæ obſideret Samariā, quæ erat metropolis terræ Israel, quia eſſet ibi Ioram rex, tandiu obſeſſa eſt ciuitas, quod fuit fames grauissima ibi, ita vt venundaretur caput asini octoginta argenteis, & stercore columbarum caro prætio emerentur. Et (quod magis erat) mulieres iam comedebant filios suos. quarto Regum sexto. & tunc voluit rex occide-

re Eliſcū prophetam: quia non orabat dominum pro famis, & obſidionis ceſſatione: & Eliſæus prænuſciauit tunc ſequenti die famem deſituram, & fecit mirabile quod exterruit per noctem Syros exeuntes in caſtris, & fugerunt putantes veniſſe ſuper ſe magnos exercitus, & reliquerunt caſtra plena cibis, & diuitiis: de quibus ſaturati ſunt Israelitæ. quarto Regū 7. Et ſic tunc conuertebantur Israelitæ ad Deum, & Deus ad eos in anguſtiis ipſorum. *In illo tempore non erit pax ingredienti, & egredienti.* Scilicet, dum Israelitæ fuerunt in iſta idolatria non fuit pax in terra ipſorum, ſed ſicut ipſi non ſe habebant bene ad Deum nec Deus ad eos, ſed dabat bellum in terra ipſorum concitando gentes multas contra eos. Nam pugnant Syri contra Israelitas, & affligebant eos in tantum, vt aliquando pauciſſimi viri ad bellum relinquerentur in terra. Sic enim factum eſt tempore Ioachaz regis Israel. Nam Hazael rex Syriæ perſecutus fuit Israelitas, & crudeliter occidebat eos: ita vt non relictū fuerint cum ipſo Ioachaz niſi quinquaginta equites, & decem currus, & decem millia peditum. quarto Regum decimo tertio capit. Et Deus cōcitabat iſtos hoſtes contra Israelitas, quia ipſe miſit Eliam prophetam in Damascum ad vngendum Hazael in regem cōtra Israelitas prænuſciauit, quod Eliſæus, quando vnxit Hazael quanta mala Hazael inſicturus eſſet Israelitis, ſcilicet quod ciuitates eorum munitas igne ſuccenderet: & iuuenes eorum interficeret gladio: & paruulos allideret: & prægnantes diuideret. De hoc tertio Reg. decimo nono, & quarto Regum octauo. Et fuerunt etiam poſtea multa bella in Israel, non ſolū, quæ infligebantur Israelitis ab aliis gentibus, ſed etiam quæ infligebantur eiſa ſeipſis, vt patet quarto Regum decimo quinto, cum quidam de ſubditis occidebant reges, & regnabant pro eis: & alij rursus occidebant illos, & regnabant pro illis: vt patet de multis tertio Regū decimo quinto, & quarto Regum decimo quinto, & ſic non erat pax ingredienti, nec egredienti, ideſt non erat ſecuritas aliqua volentibus diſcurrere per terram: ideo non audebant diſcurrere. *Sed terrores vñdique in cunſis habitatoribus terrarum.* Scilicet, omnes habitatores terrarum erant in terrore, quia Deus infligebat eiſa mala inducendo bella, & alias aduerſitates. Et propter illa erant ſemper in terrore peiorum euentuum. Et vocantur habitatores terrarum nō quidem multorum regnorum, ſed ſolius regni Israel. Et tamen ſcriptura interdum loquitur de vno regno ſicut de toto orbe, vel de magna parte eius. *Pugnabit enim gens contra gentem.* Scilicet, vna pars gentis contra alteram partem gētis: & iſtud erat in Iſrael: nam cum declinaſſent ad idolatriam Deus infligebat eiſa bella inteſtina, & quedam pars Iſraelitarum pugnabat contra aliam, & quidam ſubditi inſurgebant et occidebant regem: et alij tenebant partem regis: et poſt alteri inſurgentes occidebant eum, qui nouiter rex effectus fuerat: et ſic erant bella grauia inteſtina. Sic fecit Baalſa de genere Iſaachar, qui ſurrexit contra dominum ſuum Nadab regem Iſrael filium Ieroboam cum eſſet in Gebeton, vt patet tertio Regum decimo quinto. poſtea cum Ela filius Baalſa regnaret ſurrexit contra ipſum Zauri, et occidit eum. Erat autem ſeruus eius, ſcilicet princeps partis militiæ. tertio Regum decimo ſexto: poſtea Amri ſciens, quod Zauri occidiſſet regē Ela, et regnaſſet pro eo: venit contra ciuitatem in qua erat Zauri, cum pugnaret contra eum cōbuſit Zauri palatium regis, et ſe ignibus inuoluit. eo. capi. Sic etiā fuit tempore Ozīæ regis Iuda. Nam regnabat tunc in Iſrael Azarias quidam vltimus de genere Iſaachar, et coniuſrauit contra eum ſeruus ſuus Sellum filius Iabes,

Iabes, & occidit ipsum. quarto Regum decimoquin-
to. Postea ascendit Manahen de Samaria, & occidit
Sellum regem Israel, & regnavit pro eo. eodem cap.
Postea cum regnaret Phadaia filius Manahen coniuravit
contra ipsum Phacee filius Romelia: & occidit
ipsum. eod. capitu. Et sic plurimi de regibus Israel
occisi sunt à servis suis. Et cum insurgerent quidam
contra alios, necesse erat, quòd fierent multa bel-
la intestina, in quibus diuideretur sepe totus Israel in
duas partes, & pugnarent inter se gens contra gētem,
id est pars gentis Israeliticæ contra aliam partem gen-
tis. *Et ciuitas contra ciuitatem.* Istud consequens erat
ex præcedentibus, scilicet quòd cū pugnaret gens cō-
tra gentem, quòd pugnaret ciuitas contra ciuitatem.
Nam quædam pars regni tenebat cum vno rege, qui
occisus fuerat, & cum progenie eius: & alia pars cū
rege nouo, qui surgebat: ideo necesse erat, quòd
ciuitas contra ciuitatem pugnaret. *Quia dominus con-
turbabit eos in omni angustia.* Scilicet, quia Israelitæ erant
peccatores colendo idola, Deus conturbabat eos, &
sic paterentur omne genus angustiarum. Et istæ cō-
turbationes bellorum non veniebant quasi voluntate
humana, sed Deus inducebat eas, vt non possent gau-
dere diu mali in malitia sua: quia non est impiis gau-
dere dicit Dominus. *Vos autem confortamini.* Scilicet,
licet videatis q̄ Israelitæ vicini vestri tanta mala patiū-
tur propter idola, quæ colunt, vos non concidatis ani-
mo: sed confortamini ad obseruandum legē, & con-
fortamini contra hostes: quia nemo poterit vos affli-
gere quandiu manseritis in obseruatione legis. *Non
dissoluantur manus vestre.* Id est non laxentur cessando
à bono opere, vel non dissoluantur perdendo vires, si
aliquando videritis hostes vobis instare: non enim
vos affligent sicut Israelitas quandiu obseruare vo-
lueritis legem. *Erit enim merces operi vestro.* Id est
non peribit incassum labor vester: sed præmium
dabitur: scilicet si coleritis Deum, & non adiuuaret
vos contra hostes, videretur esse superuacuum labor
vester in obseruatione legis: sed non erit sic, quia
erit merces operi vestro, scilicet dabitur remunera-
tio liberando vos ab hostibus, & alia bona dan-
do: ideo confortamini, & non dissoluantur ma-
nus vestre. Iste modus exponendi adhuc magis vi-
detur conuenire literæ quàm præcedens de captiuitate
Babylonica, quia in multis magis satisfacit isti lite-
ræ quàm aliæ: vt patet comparando vtrūque quan-
tum ad sigulas particulas inter se. Sed hoc non ob-
stante adhuc iste modus non stat, quia non conuenit
omnino literæ, & proposito. Primò, quia si ista pro-
phetia intelligeretur de viris de regno Israel, non face-
ret ad propositum: quia illa erat distincta gens à vi-
ris Iuda: ita quòd non pertinebant ad vnum regem,
nec vnquam pertinere debebant, ideo quòd aliquid
mali vel boni euenturum esset Israelitis, non attine-
bat aliquo modo ad Iudæos: & sic non præiudicaretur
eis, vt ex hoc gauderent Iudæi: quia non habebāt,
de quo gauderent. Secundò patet, quia præsupponi-
tur hic, quòd isti, de quibus hic agitur, aliquando re-
uerterentur ad Deū Israel, & tamen non competit Is-
raelitis: quia illi non fuerunt vnquam conuersi ad do-
minum. Nam non poterat aliquis plenè conuerti ad
dominum nisi abiiceret omnia idola, sicut dixit Sa-
muel toti Israel: si in toto corde vestro reuertimini ad
dominum, auferte de medio vestri Deos alienos Baalim,
& Astaroth: & præparate corda vestra, & seruite
Deo soli i. Reg. 7. cap. Nunquam tamen Israelitæ abstu-
lerunt idola de terra: quia licet auferrēt quædam ido-
la, permittebant alia manere. Sicut fuit tempore Iehu
regis Israel, qui fuit magnus persecutor cultorum Baal.
Nam ipse occidit omnes illos in Samaria, & fecit in
Alph. Toft. super lib. Paralip. Pars 2.

A templo locum laternarum 4. Reg. 10. & tamen nō ab-
lata fuerunt tunc illa idola terre Israel, nec aliqua tem-
pla, sed oēs luci manebant. Nam ē in Samaria mansit
lucus consecratus Baal, licet templum ei⁹ destructū
fuerit: & tempore maximarum aduersitatum Israel
adhuc manebāt idola in terra: sicut patet de terra Io-
nathan regis Israel filij Iehu: quia nunquam fuit tan-
ta desolatio terræ Israel per Assyrios, ita vt non rema-
nerent regi nisi quinquaginta equites, & decem cur-
rus, & decem millia peditum 4. Regū 13. & tñ tunc
manebant idola in terra, vt patet ibidem, & non re-
cesserunt à peccatis Ieroboam, qui peccare fecit Is-
rael. Siquidem, & lucus permansit in Samaria. Nun-
quam ergo reuersi fuerunt ad dominum in angustia
B aliqua, cū nūquam dereliquerint idola. Tertio pa-
ter, quia dicitur hic, reperient eum, in quo signatur q̄
aliqui gens ista, quæ patiebatur mala propter peccata
sua, inueniret remedium clamando ad dominum, &
querēdo eum, & tñ viri Israel nunquam inuenierunt
remedium: sed postquam cæperunt esse alieni à Deo
semper fuerunt, quousq; fuerunt trāslati in Assyrios:
vnde nunquam sunt redituri: vnde nō repererunt do-
minum in angustia sua, nec vnquam eum reperient.
Tertij exponunt literam istam de captiuatione facta
per Romanos, & destructione Ierusalem, & dicitur q̄
multi dies transibunt in Israel absq; Deo vero. I. totū
tempus, quod fuit post captiuitatem Iudeorum, & de-
structionem Ierusalem, & durāt adhuc nunc illi dies.
C Et dicitur, q̄ erunt absque Deo vero, quia non colunt
ipsum s̄m cæremonias legis: nā cū nunc maneant Iu-
dæi extra terram Chanaan, non licet eis facere sacrificia,
& alias cæremonias legis: quia non habent tem-
plum, quod erat locus determinatus ad faciendū hec,
& extra ipsum fieri non poterant. Vnde sciendum q̄
quedā cæremonie legales erant, quæ determinabant
locum certum, & alie non. Primæ non obseruantur
nunc à Iudæis, quia illicita esset obseruatio. Sic est de
sacrificiis, quæ fieri debebant super altare holocausto-
rum, quod erat ad ostium tabernaculi, & de oblatio-
nibus omnibus, & de positione panū in mensa pro-
positionis, & de crematione thymiamatis quotidie,
& de omnibus aliis ministracionibus sacerdotalibus,
D & leuiticis: quia oēs istæ in templo fieri debebant: &
nunc nulla istarum apud Iudæos manentes inter nos
obseruatur. Secundæ cæremonie sunt, quæ non cō-
cernunt locum: sicut circuncisio, obseruatio sabba-
thi, comestio Azymorum, obseruatio oilum solenni-
tatum, & sic de aliis: quia istæ non determinabant ta-
bernaculum ad hoc q̄ ibi obseruarentur: sed vbiun-
que essent Iudæi obseruarentur, & sic nō obseruātur
distincte apud eos. Vnde lex est apud eos truncata: quia
maxima pars cæremoniarum omittitur: eo quòd nō
est licitum illas seruari. Nam dato q̄ maneret adhuc
obligatio legis Moisaicæ, ita quòd nondum venisset
Christus, sicut Iudæi existimant, & manerent Iudæi
captiui inter nos, qui essemus gentiles: nō licebat eis
E obseruare hic cæremonias omnes legis. Nunc autem
cū Christus venerit, & euacuata fuerit lex Moisaica,
non licet obseruari illas cæremonias, nec illas. *Et abs-
que sacerdote.* Scilicet, quia non habent sacerdotes nūc
inter Iudæos ministraciones sacerdotales. Nam licet
sint nunc inter Iudæos multi sacerdotes, quia ita dis-
persi fuerunt per orbem sacerdotes, & Leuitæ sicut
viri de tribu Iuda, & de tribu Beniamin: & tamen ga-
nunquā ministrant in officiis suis, vix cognoscuntur
qui sunt sacerdotes, & qui Leuitæ, & q̄ de tribu Iuda:
& qui de tribu Beniamin. *Doctores.* I. quòd nō sunt nunc
inter Iudæos sacerdotes docētes sicut erāt ante destru-
tionē Ierusalem per Romanos. *Et absque lege.* I. non
obseruant legē, quia vt supra dictum est, Iudæis nō est
licitum

Tertia in-
terpreta-
tio aliorū.

Relicetur
secūda in-
terpreta-
tio supe-
rior.

licitum exercere hic omnes ceremonias legis, cum sint extra terram Chanaan, in qua erat templum: & in templo illo fiebant ceremoniæ: & non obseruantes legem dicuntur esse absque lege. *Cunque reuersi fuerint in angustia sua ad dominum Deum Israel.* Scilicet Iudei, sunt dispersi inter oēs gentes qui vbique opprimuntur, vbique seruiunt, & angustiam patiuntur. Si tamē patientes istas angustias conuertuntur ad dominum, suscipientes fidem euangelicam, liberantur ab angustia spiritali, & corporali, cum iam non teneantur, vt captiui: sed euadant in libertatem Christianorum. *Reperient eum.* Scilicet benefaciendo eis dando vt gaudeant priuilegiis Christianorum: & sint vnus populus cum eis. *In tempore illo non erit pax: egredienti, & ingredienti.* Exponunt quidam de bellis maximis, quæ acciderunt quādo Iudæi capti sunt à Romanis: quia tūc tam in Ierusalem quam per alia loca terræ Chanaan fuerunt bella grauissima: vt refert Iosephus in libro de bello Iudaico, & propter ista bella grauissima nō erat pax ingredienti, & egredienti, idest non erat securitas incedendi per terram Chanaan, quæ erat terra Iudæorum. *Sed terrores vndique in cunctis habitatoribus terrarum.* Scilicet in tota terra Iudæorū erant terrores: quia omnes timebant pati à Romanis, sicut & factum est. Vel dicitur, quod erant terrores in cunctis habitatoribus terrarum, scilicet quia non solum in terra Iudæorū erant tunc persecutiones bellicæ: sed etiam inter omnes gentes in toto orbe fuerunt tunc multa bella. Nā sicut Christo nascente in toto orbe fuit pax, ita vt imperante Octauiano nullus esset hostis Romanorum: sed omnes se subieciissent Romano imperio: & antequam nasceretur Christus volens Octauianus scire multitudinem hominum totius orbis sibi subiectorū fecit, quod omnes profiterentur fidem Romanis: & quod soluerent singulos denarios: & scriberentur quomodo profitebantur. Et cum irer Domina nostra in Bethlehem cum Ioseph viro suo, qui ibi profectus erat: contigit eam parere in Bethlehem: & ibi natus est dominus noster benedictissim⁹ Iesus: Lucē 2. Ita post mortem Christi quasi sublatā luce ab hoc seculo, & auctore pacis: quoniam impia sæcula non meruissent, omnia se bona impiorum manibus subtraxerunt, & multa bella toti superuenerunt orbi. *Pugnabit enim gens contra gentem, & ciuitas contra ciuitatem.* Hoc exponunt de diuisione Iudæorum inter se, aduentibus Romanis. Nā inter se acris bella gerebant, quibusdam fouentibus partem vnā, & aliis aliam: & sic vna pars gentis pugnabat contra aliam: & vna ciuitas contra aliam: imō eadem ciuitas in se diuisa erat. Sic fuit in vrbe Ierusalem pro tunc. Nam erāt ibi contrarij duces, qui acriorem pugnam inter se, & cades agebant quā cum Romanis, vt refert Iosephus lib. de bello Iudaico. *Quia dominus conturbabit eos in omnia angustia.* Idest ista mala & dura bella euenient Iudæis non tanquam ipsis eligentibus ea oīno, sed quia Deus conturbabit eos ad hoc quod mala ista sequantur. Ipse enim propter demerita Iudæorum in duxit seditiones inter eos, & postea superduxit Romanos, ita vt affligerent Iudæos, & delerent de terra sua. *Vos autem confortamini.* Scilicet, licet talia mala euentura sint posteris vestris, vos non timeatis, sed confortamini in cordibus vestris ad obseruandam legem, vt non timeatis hostes aliquos, quia ista mala non euenient in diebus vestris. *Et non dissoluantur manus vestre.* Scilicet, à bono opere, quod cepistis. *Erit enim merces operi vestro.* Idest obseruatio legis, quæ est opus laudabile à vobis factum, non transibit irremunerata, sed pro illa liberabimini à malis. Sed dicendum, quod adhuc ista expositio non stat: quia non satis consonat literæ sensus in multis. Primò, quia dicitur hic,

quod transibunt multi dies in Israel absque Deo vero: sed hoc non stat, quia nunquam dicebantur Israelitæ esse absque Deo vero nisi quando tenebant aliquē Deum, qui non erat verus, scilicet idola: & tamē Iudæi non tenent nunc idola. Nam antequam Iudæi captiuarentur per Romanos, sepissime declinabant ad idola: & vt communiter propter hoc accidebant mala, quæ Iudæi patiebantur. Nunc autem non colunt idola, nec leguntur coluisse illa post destructionem Ierusalem: ideo non possunt dici absque Deo vero. Secundò patet, quia dicitur hic, quod erunt Israelitæ absque sacerdote & lege: & istud ponitur quasi in vitium Israelitarum, quod absque Deo, sacerdote, & lege essent: & tamen esse nunc absque Deo, & sacerdote, & lege non est vitium, propter duo. Primò quia post aduentum & mortem Christi cessauit lex Moisaica: ita quod non solum ad seruandum eam non obligat: sed etiam est mortifera volentibus ipsam obseruare. Vnde melius est esse sine lege, & sacerdote, & Deo isto modo, quā habere Deum, & legem, & sacerdotem. Secundò, quia dato quod duraret adhuc obligatio legis, vt pote quod Christus non venisset: tamen existentibus Iudæis extra terram Chanaan: melius erat non obseruare legem eo modo, quā obseruare illam: & illud erat non hēre legem nec sacerdotē, nec Deum verum: ergo nō erat peccatū non habere Deum verum, nec legem, nec sacerdotem: & tamen ponitur hic vt peccatum: ergo non intelligitur de statu Iudæorum post mortem Christi. Tertio patet, quia cū dicatur hic, quod filij Israel erunt multis diebus absque sacerdote, & lege, & Deo vero: & postea dicit quod conuertentur: signatur quod redibunt tunc ad sacerdotes, quos dimiserant: & ad legem & ad Deum verum, idest ad cultū Dei eo modo quo illum tenebant: & tamen Iudæi nunquam redituri sunt ad cultum illum legis: nec habebunt vnquam sacerdotes illo modo: ideo nō intelligatur de hoc tempore. Quarto patet, quia dicitur quod cum essent Israelitæ in angustia quærent dominum, & inuenirent ipsum: & tamen iam nunquam inuenient ipsū: quia quādiu voluerint manere in obseruatione legis Moisaicæ, nunquam Deus miserebitur eis. Quintò patet, quia cum exponitur ista conuersio Iudæorum de conuersione, quæ est ad legem euangelicam, non conuenit litera: quia auersio à Deo signatur hic fuisse recedendo a lege Moysei, & sacerdotibus, & omnibus ceremoniis, quas prius tenebant: ideo conuersio debebat esse per hoc, quod redirent ad ea, quæ omiserant: & tamen nunquam tenuerant Israelitæ legem euangelicam, nec ritus nostros: ideo non est conuersio, quæ hic signatur per hoc, quod redeant ad legem euangelicam, & sic nō potest intelligi de statu Iudæorum tempore isto. Sextò patet, quia dicitur quod diebus istis essent Israelitæ absque doctore: & tamen non sunt nunc absque doctore, quia habent doctores multos: nam in Synagogis Hebræorum per omnia festa, & sabbatha legitur liber Moysei. Sic patet, secundo Corinth. tertio capitu. & quidquid aliud velint doctores Hebræorum possunt prædicare: & tamen dicitur hic, quod Iudæi essent sine doctore tempore illo, de quo hic dicitur: ideo non intelligitur de statu Iudæorum nunc. Septimò patet, quia dicitur hic, quod in tempore illo essent bella genti contra gentem, & ciuitati contra ciuitatem, & expositum fuit de bellis, quæ fuerunt quando capta est Ierusalem per Romanos, sed non conuenit: quia bella illa esse debebant, sicut litera signat, dum essent Iudæi in illa auersione, & statu, qui est post captiuitatem factam à Romanis, quæ nūc durat: & tamen nunc nihil tale est contra Iudæos: quia nulla bella sunt: non

Quarta
Hebræorū
interpreta
tio, quam
Lyrani^o am
plectitur.

non sint Iudæi per se aliqua gens, contra quā pugnari posset: & tamen signatur hic, q̄ cōtra Iudæos erat bellum: & erat aliqua vna gens, quæ non poterat secure ingredi, & egredi: ergo non intelligit de statu isto, quem nunc habent Iudæi, cū non sint nunc vna gens: sed de aliquo statu, quem haberent ante hoc. Quarta exponunt de quodam tempore, quod fuit partim ante tempus regis Asa, cui ista dicebatur, & partim tūc. Et istam expositionem sequunt Hebræi, & Nicolaus. Et ad videndum expositionem istā, & quomodo accedat ad veritatem vel recedat ab ea ponenda est litera, sicut habetur in Hebræo in cortice. *Et dies multi in Israel ad non Deum verum, & ad non sacerdotem docentem, & ad legem, & reuersus est in angustia ad Dominum Deum Israel, & requisierunt eum, & inuentus est eis: & in temporibus illis non pax egredienti, & venienti, & consumptiones multe super omnes habitantes terrarum, diminuta sunt gens in gentem, & ciuitas in ciuitatem: quia Deus consumpsit eas in omni angustia: vos autem confortamini &c.* Et dicitur: Et dies multi ad non Deum verū, vbi litera nostra dicit: transibunt dies multi in Israel absq; Deo vero, & satis concordat: sed litera nostra supplet verbum. Hebræi autē suppleunt aliud verbum præteriti. Transierunt: & intelligunt de diebus regis Roboam, & regis Abia, quia tūc non erat Deus verus: quia non tenebant illum Iudæi, vt verum Deum, sed potius idola. Et hoc cœpit anno quarto regni Roboam: nam Roboam cū cœpit regnare, coluit dominum in tribus annis primis, quibus confirmauit regnum, & confirmato regno recessit à dño, & dimisit legē ipsē, & totus Israel: vt patet supra 11. & 12. & sic ex principio quattuor anni regni sui fuit idolatria, & nō fuit Deus verus in Israel vsq; ad finem regni sui: sed manserunt semper idola in terra, vt colligitur 3. Reg. 14. cui successit Abia filius eius: qui & si aliquo tempore ad dñm valde affectus fuerit, vt patet quando pugnavit contra Ieroboam regem Israel, supra 13. tamen illicō rediit ad idolatriam, vt colligitur 3. Reg. 15. Nam tempore Asa, qui successit Abiæ, erat tota terra plena idolis, & immunditiis, vt patet eo. ca. *Et ad non sacerdotem.* Scilicet tempore illo non erant sacerdotes ministrantes in officiis suis. Nam licet in terra essent multi sacerdotes: tamen non ministrabant, cū esset cultus idolorum præcipuus pro illo tempore, in quo non ministrabatur iuxta cœremonias legis Moyfi, quas exercebant sacerdotes. *Et ad legem.* Id est non accedebant ad legem, siue erant absq; lege, vt dicit litera nostra, eo q̄ obseruabatur lex: nam idolorū cultus erat secundum alias cœremonias, & nō secundum cœremonias legis Moyfi: ideo tunc de ea nihil obseruabatur. *Docentem.* Scilicet non erāt tempore illo doctores: quia cū colerent Iudæi idola tunc, nolēbant audire aliquos exponentes legem, qui auerterēt eos ab intentione sua. *Et reuersus est in angustia.* Scilicet Israel reuersus est ad dominum in angustia, quando erat afflictus ab hostibus. Et hoc exponunt de tempore regis Asa potissimē quando venerunt Aethiopes ad inuadendum terram. Nam tempore Asa coluerūt Iudæi dñm reuersi ad ipsum, cū tempore duorum regum præcedentium non colerent eum. Erat autē angustia ista tempore aduentus regis Aethiopū, qui venit cum potestate magnā contra Asā. *Et requisierunt eū.* Mutatur numerus, quia supra dicebatur, & reuersus est in angustia. Hic autem dicitur, & requisierunt eū, .i. requisierunt illum obseruādō legem. *Et inuentus est eis.* Quia adiuuit eos contra Aethiopes debellando illos, præcedenti cap. *Et in temporibus illis non erit pax egredienti & venienti.* Intelligunt de tempore Roboam, & Abiæ antequam conuerterentur Israelitæ ad dominum. Nam tunc non erat pax egredientibus, & ingredientibus. Iambulantibus per regnum Iuda, cū fue-

rint inter Ieroboam, & Roboam bella omnibus diebus vite suæ, supra 12. cap. Etiam tempore Abiæ, & Ieroboam fuerunt semper bella, vt patet supra 13. cap. *Et consumptiones multe super omnes habitantes terrarum.* Intelligunt de bellis multis, quæ erant temporibus Roboam, & Abiæ in aliis gentibus terrarum. .i. quia in illis erant consumptiones multe. .i. damna, quæ infligebantur opere bellico. *Et diminuta sunt gens in gentem.* Scilicet, gens pugnabat contra gentem, & sic diminuēbant se inferendo vicissim damna, & occisiones, per quæ regiones minorabantur quātum ad habitantes. *Et ciuitas in ciuitatem.* Id est ciuitas pugnabat contra ciuitatem sicut gens contra gentem. *Quia Deus consumpsit eos in omni angustia.* Id est istæ consumptiones, & bella sequebantur: quia Deus volebat infligere angustias, & cōsumptiones gentibus propter peccata sua, & concitabat quādam contra alias, & omnes patiebantur damna. *Vos autem confortamini.* Scilicet, tempore præterito fuerunt bella in terra propter peccata regum & populorum: vos autem confortamini nunc ad benedagendum secundum legem: & etiam in cordibus vestris confortamini non timentes hostes, quia non erunt, cū legem seruaueritis. Ista est intentio glossæ hebraicæ, quam glossa illa ponit breuissimē: sed Nicolaus aperit eam aliquantulum magis: ego verò more meo magis explicui: sequendo tamen omnino intentionem glossæ ipsius. Nicolaus dicit istam esse sententiam tenendam, & non alias & hanc tenet. Dicendum tamen, q̄ ista sententia nō stat, sicut nec præcedentes: imò minus quā præcedentes: quia quilibet præcedentium ponit literam, sicut est in litera nostra, & ista non. Et primò patet, quia litera nostra dicit: Transibunt dies multi in Israel absque Deo vero, in quo signatur futurum esse quod prænunciatur: cū dicitur transibunt: & tamen isti exponunt transierunt: cū dicunt q̄ fuerit completum tempore Roboam, & Abiæ regum præcedentium. Et sic dato, q̄ ista expositio posset competere alicui Hebræo, qui non tenetur attendere literam nostram: tamen ad nos non attinet: quia litera nostra de futuro loquitur. Secundò patet, quia non conuenienter mouetur Nicolaus ad tenendum hanc positionem, quia si in Hebræo poneretur verbū præteriti temporis, & in litera nostra Latina esset verbum futuri: licet sæpē ponatur vnum tempus pro altero, & in hoc sæpē litera nostra declarat Hebræam: tamen saltem poterat Nicolaus tenere cum litera hebraica, q̄ esset verbum præteriti tēporis: sed nunc nullum colorem habet: quia in Hebræo non ponitur aliquod verbū, sed dicitur: Et dies multi in Israel ad non Deum verum: & potest subintelligi ibi verbum præteriti, vel futuri sicut voluerimus exponere. Et quia rationabilius intelligebatur verbum futuri quā præteriti, dixit litera nostra, transibunt multi dies in Israel absque sacerdote, & absq; Deo vero. Tertiò patet, quia si intelligatur de præterito, ista litera erit quasi irrisoria prophetia: nam nō erit verē prophetia, sed magis narratio historica eorum, quæ sciebant Israelitæ, & videbant, & erant ista quasi non remota à præsentia, cū parum ante hoc contrigissent. Ad quid enim proderat enarrare, q̄ tempore Roboam, & Abiæ non fuerat Deus verus in Iuda, nec sacerdos, nec lex: & q̄ tempore Asa conuersi fuerant ad dominū: quia ipsi hoc sciebant, qui hoc fecerant: & tamen nō est intelligendū, q̄ frustra propheta veniret ad aliquid denunciādum. Potissimē, quia egressus est obuiam Asā, & Israelitis vententibus de bello tanquam aliquid magnum nunciaturus: ergo nō erat præteritum, sed aliquid futurū. Quartò patet, quia ex verbis prophete consolatus est Asā & totus populus, & fecerunt bona, quæ habentur in litera: & tamen non consolaretur: quia non habebat

Hebræorū
& Lyrani
quarta o-
pinio rej-
citur.

bat aliquid, de quo consolaretur, si ista, quæ referre-
bantur essent præterita, ergo erant futura. Quintò pa-
tet, etiam non potest ista litera conuenire omnino tẽ-
pori Roboam, & Abiæ: quia licet tunc essent idola
in terra, non tamen fuerat desertus cultus diuinus, ga-
lebat adhuc Deus in templo Salomonis: nec ces-
sauerat vnquam iste cultus tempore Roboam, licet
tunc superinducta fuerint à quibusdã idola: sic patet
ex verbis Abiæ contra Ieroboam, scilicet habetis vi-
tulos aureos, quos fecit vobis Ieroboam, in deos: no-
ster autem dominus Deus est, quem non dereliqui-
mus. supra 13. ideo non fuit terra sine Deo vero. Etia
non consonat quod dicitur: Absque sacerdote. Nam
non fuit verũ, q̃ temporibus illis non ministrarent sa-
cerdotes, quia ministrabant sicut t̃pibus p̃teritis. Licet
enim colerent tempore Roboam & Abiæ multi Iu-
dæi idola: tamen non cessabant ex hoc ministraciones
sacrę in templo: sed ita fiebant omnes cæremonię sa-
cerdotes, & leuiticę plenẽ, sicut tẽpore, quo nulla
idola erant in Israel. Et patet hoc, quia quando Abia
loquebatur contra Ieroboã tetigit de oĩbus minis-
trationibus sacrīs, q̃ quotidie fierẽt, dicẽs: sacerdotes mi-
nistrant Domino de filiis Aaron, & Leuitę stant in
ordine suo: holocausta quoque offerũt Domino per
singulos dies mane & vespere, & thiamiam iuxta le-
gis p̃cepta confectum: & proponuntur panes in mē-
sa mundissima, estque apud nos candelabrum aureũ,
& lucerna eius vt accendatur semper ad vesp̃eram. Ec-
ce quod tetigit omnes cæremonias sacrās, quod quo-
tidie fierent supra 13. cap. licet coluissent aliquando Iu-
dæi idola. Non ergo erat verum de temporibus illis,
quod manerent Iudæi absque sacerdote. Etiam non
consonat: quia d̃r, q̃ absque lege manerent multis
diebus: nam non manebant absque lege, cũ om-
nes cæremonię legales tam sacerdotum, quã leui-
tarum obseruarentur in templo. Sextò patet, quia
non consonat literę nostrę, in qua dicitur. Cũ que
reuerſi fuerint in angustia sua: & tamen exponendo
de præterito secundum Nicolaum nō stat, quia illud
vult litera nostra esse futurum. Septimò patet, quia
non stat, quod d̃r. s. q̃ reuerſi fuerint Israelitę ad dñm
tempore angustię: quia in hoc innuitur, quod Iudęi
de quibus hic dicitur, erant in peccato, & Deus affli-
gebat eos: & magnitudo afflictionis coegit eos redire
ad dominum. Et tamen hoc non potest stare respe-
ctu regis Aſa, quia Aſa coluit dominum ex principio
regni sui: & ob hoc Deus prosperauit tempora sua dā-
do pacem, sicut ipse dixit seruis suis: vt patet p̃ce-
denti. cap. & bellum Ethiopum factum est anno deci-
mo regni eius, vt ibi colligitur, cũ dicatur ibidem
quod quieuit terra tempore Aſa decem annis. Non
ergo propter angustiam Ethiopum conuerſi sunt vi-
ri Iuda ad dominum, sed potius: quia viri Iuda fuerũt
boni toto tempore Aſa, scilicet decem annis, Deus
voluit dare eis victoriam contra Ethiopes. Octauò
patet ex conclusione prophetię: quia in fine verbo-
rum prophetię dicitur Vos autem confortamini & K
non dissoluantur man⁹ vestrę, quia erit merces operi
vestro: in quò innuitur, quod de prophetia ista nihil
attinebat ad istos, quibus dicebatur nisi particula ista
ultima. Nam in ea conuertitur propheta ad loquen-
dum cum eis, dicens: vos autem confortamini: ergo
p̃cedentia non pertinebant ad eos: & tamen si intel-
ligatur secundum expositionem Nicolai, necesse est
quod etiam p̃cedentia pertineant ad istos, quibus p̃-
pheta loquitur, scilicet ad Aſa, & seruos eius, scilicet
quod reuerſi sunt ad dominum in angustia, & inue-
runt eum: ergo non potest intelligi sic. Quintò mo-
do, & verẽ exponenda est ista prophetia de futuro, si-
cut litera nostra vult, scilicet de viris Iuda, qui fuerũt

ante captiuitatem Babylonis dum adhuc manerent
in terra sua, & tunc cooprabantur bene omnes parti-
culę literę vnus, cũ dicitur. *Transibunt dies multi in Is-
rael.* Scilicet in terra Iuda. Nam interdum vocatur
Israel ipsum regnum Iuda solũ, sicut accipitur supra
12. scilicet. Cũque roboratum esset regnum Roboã,
& cõfortatum, dereliquit legem Dei, & omnis Israel
cum eo, idest totum rgnum Iuda. Nam regnũ Israel,
idest decẽ tribus iam dereliquerant legem Dei cum
Ieroboam, quando fabricati sunt vituli aurei & colue-
runt illos deferentes legem Dei 3. Reg. 12. & supra 11.
& 13. *Absque Deo vero.* Idest multi dies fuerunt, in qui-
bus in Israel non erat Deus verus, idest non tenebatur
vt Deus nec colebatur: & istud fuit tempore Ioram
filiĩ Iosaphat regis Iuda: & tempore filii eius Ocho-
ziã, 4. Reg. 8. & infra 21. & 22. fuit etiam tempore Ac-
haz potiusquam aliorum regum, qui omnino se ido-
latrię tradidit. infra 28. & 4. Reg. 26. fuit etiam tem-
pore Manasse, & Amon regum, qui enormes fuerũt
circa idolatriam. infra 33. & 4. Reg. 21. *Absque sacerdote.*
Istud nunquam fuit completum verẽ, & plenẽ nisi tẽ-
pore Achaz regis, qui fuit pessimus idolatra. Nam
alii idolatrię licet vacarent idolatrię, permittebant tñ
quod coleretur Deus: & fierent cæremonię in tẽplo
Achaz: tamẽ subuertit vasa templi auferendo ea de
locis suis. Nam fecit quod in altari eneo, in quo so-
lebant omnia sacrificia fieri, iam nullum fieret: sed
in quodam alio altari magno, quod fecerat ad simi-
litudinem altaris Damasci. 4. Reg. 16. & mutauit ma-
re eneam de loco suo, et luteret atque bases. e. c. clau-
sit etiam templum Domini vt nullus intraret in illud,
nec fierent ibi cæremonię aliquę cultus diuini, sed re-
pleuit illud idolorum immunditiis: et mansit sic vs-
que ad primum annum regni Ezechie, qui aperuit
ostia tẽpli, & exclusit immunditias idolorum de illo,
fecitque vt inciperet cultus diuinus in templo sicut
prius erat. infra vigesimo nono & sic non erant tunc
sacerdotes aliqui ministrantes: & non solũ non
ministrabant, sed etiam non erant ferẽ iam aliqui
sacerdotes. Viade quando in primo anno regni
Ezechię iussit Ezechias, quod exclusis immun-
ditiis idolorum ministraretur in templo, non reperti
sunt nisi valde pauci sacerdotes, quia cũ tempore
Achaz non ministrarent, non consecrabatur in sacer-
dotes: ita vt non sufficerent ad faciendum omnes mi-
nistraciones suas in die festo. Nam pelles animalium
non valebant detrahẽre, & ob hoc adiunxerunt eos
Leuitę ad tale m ministracionem, donec consecraren-
tur plures sacerdotes. infra vigesimo nono capitul.
Absque doctore. Istud etiam contigit tempore illo.
Nam intantum Achaz abiecerat cultum Dei, & legẽ
suam, quod etiam omnes sapientes eius contemne-
ret nolens audire expositionem illius legis, quã nul-
lo modo seruare volebat. Istud etiam accidit tem-
pore regis Manasse, & Ammon, qui non solũ no-
luerunt habere, & audire doctores legis, sed etiam
occidebant illos, quando loquebantur contra eos.
Vnde Manasse, & Ammon multos viros iustos, &
prophetas occiderunt, ita vt replerent Ierusalem
sanguine vsque ad os. quarto Reg. vigesimo primo,
& infra trigesimo tertio. Et sic Manasse asseritur
occidisse Iſaiam prophetam terra diuidens caput ei⁹:
de quo declaratum est quarto Regum vigesimo pri-
mo capitu. in quadam quæstione. Videntes autem
hoc doctores legis non audebant loqui aliquid de do-
ctrina legis: & sic erat populus nunc sine doctore.
Absque lege. De isto eodem tempore intelligitur: nã
obseruabatur tunc aliquid de lege quantum ad cære-
monias sacerdotales, & leuiticas, nec quantum ad
aliquid aliud. Ita etiam vt nesciretur, vbi erant li-
sed

bri Regis, sic factum fuit tempore Manasse, & Ammon: nam perierunt libri legis, nec inueniebantur, sed postea tempore regis Iosie, qui successit regi Ammon, cum reedificaretur templum domini inuentus est à casu liber legis, & adductus est ad regē. quarto Regum vigesimo secundo. & super illo consuluerunt dominum eo. cap. *Cumque reuersi fuerint in angustia sua reperient eum*. Scilicet in tempore angustiae recedebant à cultu idolorum, & conuertebantur ad dominum. Sic fuit tempore Ezechie regis, qui videns mala, quæ passus fuerat populus ab hostibus tempore patris sui Achaz, fecit reuerti populum ad dominum colendum eum, & istud fuit reuerti in angustia. infra 29. Sic etiam fuit in principio regni Iosie regis: nam tempore Manasse, & Ammon prædecessorum eius vacauerat populus omnino idolatriæ, & in principio regni Iosie in uento libro in domo Domini expauit Iosias auditis illis, quæ erant in lib. 4. Reg. 22. Et ob hoc capit emundare totam immunditiam idolorum de templo, & de terra: & emundauit eam plenius quam omnes reges præcedentes: vt patet 4. Reg. 23. cap. Et angustia, & timor eorum, quæ audierat in libro legis Domini fecit eum reuerti ad cor: & licet multis aliis regibus Iuda hoc competere possit: tamen nulli ita plenè competit sicut regi Ezechie propter Achaz prædecessorē suum: & regi Iosie propter Manasse, & Ammon præcedentes eum. Et dicitur, reperient eum: quia isti duo reges repererunt Deum, idest clementiam eius, quia cum toto animo ad ipsum reuersi fuerint, reperiebant eum valde clementem sibi. *In tempore illo non erit pax ingredienti, nec egredienti*. Istud erat tpe regum malorum, quoniam erat populus absque Deo vero, absque sacerdote, & lege, & figantur in hoc bella, & nulla securitas, scilicet quod non audebant aliqui securè discurrere per regnum, quia non erat pax ingredienti & egredienti, idest nulli discurrenti, quod signatur per egredi, & ingredi. Sic enim fuit: nam tempore Achaz, qui fuit magnus idolatra erant bella in terra: nam rex syriæ, & rex israel voluerunt auferre regem Iuda, & ponere alium, vt patet Isai. 7. Israelitæ etiam contra Iudæos pugnauerunt contra illū: & magnas strages dederūt, & multæ aliæ gentes. Nam rex syriæ pugnavit contra Achaz, & occidit multos de Iuda, cepitque prædam magnam, quam asportauit in Damascum infra 28. & 4. Reg. 16. cap. & ipse Achaz coactus est ire ob hoc in Damascum ad regē syriæ 4. Reg. 16. Etiam Phacee filius Romeliæ rex israel occidit centum viginti millia virorum de Iuda die vno: & tunc occisi sunt quidam de filiis regis & cognatis, & ducenta millia puerorū, & mulierū de Iuda ductæ sunt in Samariam. infra 28. Omnes quoque gentes terrarum, quæ erant in circuitu inuadebant viros Iuda, & inferebant eis mala tempore Achaz. eo. cap. Et sic tantum erant tunc afflicti Iudæi, quod non audebant ingredi, & egredi, idest discurrere per regnū, cum ex omni parte insurgeret bella. Idem fuit tempore Manasse, & Ammon. Nam multa bella surgebant vndeque intantum quod ipse rex Manasse ductus est in captiuitatem in Babylonē à principibus exercitus Assyriorum. Sed tunc cum esset in angustia clamauit ad dñm, & exaudiuit eū: reduci que fecit in Iudā, & regnauit postea in cultu Dei. infra 33. tempore etiam Ammon tanta mala fuerunt, ita vt etiam ipse Ammon occideretur à seruis suis 4. Reg. 21. infra 33. *Sed terrores vndique in cunctis habitatoribus terrarum*. Intellegitur de omnibus habitatoribus terræ Iuda, scilicet quod non audebant Iudæi ire de vna vrbe regni in aliam, quia in omnibus partibus regni erant pericula, & sic non erat tutum egredi, & ingredi. Vel dicitur, terrores vndique in cunctis habitatoribus terrarum, idest terrores vndique à cunctis habitatoribus terrarum,

A scilicet quia ex omni parte terrarum vicinarum erat terror Iudæis, quia omnes gentes vicinæ affligebant eos. Nam syri, & israelitæ affligebant viros Iuda partim ab oriēte partim ab aquilone: Idumæi, & philistini partim à meridie, et partim ab occidēte affligebant Iudæos tempore Achaz: vt patet infra 26. *Pugnabit enim gens contra gentem, & ciuitas contra ciuitatem*. Potest intelligi de aliis gentibus terrarum, quæ erant tempore istorum regum idolatrarū: & tamen melius intelligitur de Iudæis inter se: quia bella aliarū gentiū nihil attinebant ad Iudæos. Vel intelligitur de bellis Iudæorum cum aliis gentibus, quia Deus concitabat Iudæos, vt pugnaret contra alias gentes: & alias gentes, vt pugnarent contra Iudæos, & ciuitates, vt sic sequeretur mala per vtriusque. *Quia dominus conturbabit eos in omni angustia*. Scilicet, ista bella sequentur non quasi ex voluntate Iudæorum, sed quia Deus volet affligere eos, & alias gentes, & inducet mutuo bella, vt sic turbetur & pereant. *Vos autem confortamini*. Scilicet ista mala licet euentura sint posteris vestris propter peccata eorum, vos non timeatis quod vobis talia eueniant, sed confortamini, scilicet in cordibus vestris ad bene faciendum obseruando legem. Confortamini etiam, & non paueatis corde credentes, quod talia mala vobis euentura sint, quia non euenient quamdiu custodieritis legem Dei. *Et non dissoluantur manus vestre*. Scilicet, non agatis remissè circa legem, quasi dissolutis manibus. Vel non dissoluantur manus vestre per timorem, ita quod quando aliqua gens pugnauerit contra, credatis quod non poteritis resistere contra eam: & quod infliget vobis talia mala, qualia posteris vestris infligenda sunt: sed confortentur manus vestre ad resistendum cuiunque pugnanti, quia certissime preualebitis contra eum si manseritis in cultu Dei. *Erit enim merces operi vestro*. Idest non cessetis à bona operatione: sed confortamini in ea, quia non perdetur merces vestra: sed remuneratio erit pro opere vestro bono. Ista expositio sola visa est conuenire literæ. Sed obiiciet aliquis quod personat ista litera nostræ, sed non literæ Hebraicæ: quia in Hebræo dicitur: dies multi in israel ad non Deū verū, & ad non sacerdotem, docentem, & legem: vbi nos dicimus, transibunt dies multi in israel absque Deo vero, & absque sacerdote doctore, & absque lege. Sed dicendum quod ad idem redit. Solum autem quod litera nostra explicat magis quam litera Hebraica, cum litera Hebraica modo suo sit barbarica: in quibusdam detruncando sententias, & in aliis mutando: & ponitur hic oratio sine verbo, scilicet dies multi in israel: & non ponitur, quid determinet istos dies. Et litera nostra dixit. *Transibunt dies multi*. Quia iste erat sensus, qui magis videbatur, scilicet vt intelligeretur de futuro cum esset prophetia. Cum autem dicitur in Hebræo. *Ad non Deū verum, & ad non sacerdotem*. Idem est ac si dicatur: Absque Deo vero, & absque sacerdote. Cum autem dicitur in Hebræo. *Et reuersus est in angustia ad dominum Deum israel*. Dicitur in litera nostra. *Cumque reuersi fuerint in angustia*. Et hic est duplex mutatio. Vna quia ponitur plurale in litera nostra, cum in Hebræo ponatur singulare. Et alia, quia in Hebræo ponitur verbum præteriti temporis indicatiui, in latino ponitur futurum subiunctiui. Prima mutatio fit rationabiliter, quia necesse est, quod intelligatur ibi pluralis numerus: eo quod ex litera sequenti apparet: Nam dicitur, reuersus est in angustia ad dominum Deum israel, & requisierunt eum. Si tamen esset sententia in singulari non poneretur, & requisierunt eum: sed iidem sunt, de quibus dicitur, & requisierunt eum: & de quibus dicitur, & reuersus est: ideo ponitur singulare pro plurali, vnde rectè posuit litera nostra numerum pluralem.

ralem. Secunda mutatio rationabiliter fit, quia ista est prophetia: & debet intelligi de futuro. Litera tamen Hebraica, quæ mutat numeros, tempora, & personas, mutauit numeros, & tempora hic ponens præteritum pro futuro: ideo litera nostra non tolerauit, quod poneretur in præterito, sed redegit ad sensum suum ponens futurum, quia litera nostra ex proprietate Latini idiomatis non tolerat improprietates, quæ sunt in idiomate Hebræo, quod ex modo loquendi est barbarissimum: licet ex dignitate sit de præcipuis: quia in illo lex scripta est: & digito Dei scripta fuerunt præcepta decalogi: Exod. trigesimo secundo, reliquæ partes literæ in Hebræo, & Latino consonant, quia ubi nos dicimus, sed terrores, vndique, in Hebræo dicitur, sed consumptiones, & idem est: & ubi dicimus, pugnabit gens contra gentem, dicitur in Hebræo, diminutæ sunt gens in gentem, & ciuitas in ciuitatem: & idem est: quia per pugnam diminuitur gens, & ciuitates.

Quis prænuñciauit istam prophetiam.

Quæst. I.

QVAERITVR circa prædicta, primò circa istam prophetiam, qui prænuñciauit hæc quis erat. Respondendum, quod sicut dicitur in litera iste vocabatur Azarias filius Oded: & nõ fuit iste de prophetis, qui reliquerunt nobis libros scriptos, sicut quatuor prophetæ maiores, & duodecim minores, sed fuit de illis prophetis, qui temporibus suis multa prænuñciauerunt, & non confecerunt librum aliquem ex dictis suis: sic fuit Elias, & Eliseus, & multi alij, de quibus fit mentio in sacra scriptura: & multi de istis erant. Nata tempore Achab regis Israel cum impiissima Iezabel regina occidit prophetas domini, abscondit Abdias dispensator Achab centum prophetas domini in duabus speluncis: pascebatque eos pane, & aqua quousque liberarentur ab illa persecutione. tertio Regum decimo octauo. Ita tempore isto regis Asa erant multi prophete. Nam erat tunc iste Azarias filius Oded, qui prænuñciauit hæc. Erat etiam Anani propheta, qui renunciauit postea mala contra Asa, qui non sperauit in domino, sed in rege Syriæ, quando voluit, ut recederet ab eo rex Israel, sequenti cap. fuit etiam Iehu filius Anani, qui prænuñciauit mala contra Baasa regem Israel. 3. Regum decimo sexto, & ille scripsit historiam tempore regis Iosaphat: ut patet infra 20. Iste Oded pater Azariæ fuit etiã propheta sicut Azarias, licet non reperiatur quid prophetauerit: & ob hoc ponitur nomen eius signando, quod fuerit Azariæ pater. Nam ista regula est apud Hebræos, & Latinos, quod quando in titulo alicuius prophetæ ponitur nomen patris sui, aut aui, vel aliorum prædecessorum, omnes illi fuerunt prophetæ. Sic dicit Hieronymus in quodam prologo super prophetas minores, qui incipit. Tradunt Hebræi, & quia ponitur nomen patris Azariæ, scilicet quod vocaretur Oded, erit ille propheta etiam. Simile patet in alio propheta contemporaneo, scilicet Iehu, de quo dicitur infra 20. & 3. Regum 16. quod erat filius Anani: & etiam ille Anani erat propheta: quia ille fuit, qui prænuñciauit mala contra Asa, sequenti cap.

Ad quid profuit ista prænuñciatio prophete.

Quæst. II.

QVAERITVR vterius, ad quid profuit quod propheta iste prænuñciaret hoc Asa, & vix ei?

F quia ista non attinebant ad eos: non enim euentura erant eis, sed posteris eorum. Respondendū, quod ista dicta sunt ad consolationem, & confortationem Asa: & virorum suorum, quod patet, quia dicitur, quod cum audisset ista Asa confortatus est, & abstulit ista alia idola de omni terra Iuda. Proficiebat ergo ad multa. Primò ut gratias Deo agerent, scilicet quod licet Deus multa mala inflaturus esset posteris eorum, non inferret eis aliqua, & de hoc multum referre debebant Deo laudes. Secundò ut gauderent Israelitæ & confortarentur in cordibus suis scientes, quod non erant eis mala hæc euentura sicut posteris suis, & sic dicitur, quod confortati sunt audientes hæc: ut patet in litera. Tertiò ut non timerent, quando insurgeret contra eos aliqua bella. Nam si contingerent aliqua bella grauiora contra Iudæos timerent, quod in eis superandi, & delendi essent, et ex hoc remissius se defenderent: ut ergo non dissoluerentur manus eorum nec corda, sed viriliter pugnarent confidentes de victoria, certificati sunt, quod eis non euenirent talia mala. Quartò ut Israelitæ magis Deum colerent. Nam hic signatur quod posteris eorum propter iniquitates suas, scilicet, quia futuri erant sine sacerdote, et lege, et Deo vero affligendi erant: ita quod non esset pax ingrediendi et egrediendi. Ideo cum viderent hoc isti, conarentur non offendere dominum, ut non traderent in istas calamitates, in quas deuenturi erant posteris sui: et hoc signatur in litera, cum dicitur: vos autem confortamini, et non dissoluantur manus vestra: erit enim merces operi vestro. Quintò, quia istud erat motiuum ad augmentum cultus diuini, ad quem valde afficerentur Iudæi audita ista bona prænuñciatione futurorum, et sic factum est: quia dicitur infra, quod cum audisset Asa verba Azariæ confortatus est, et abstulit idola de terra Iuda, et Benjamin.

Quando Azarias prænuñciauit, & quare.

Quæst. III.

QVAERITVR vterius, quomodo Azarias prænuñciauit ista verba regi Asa, et quare tunc. Ad primum dicendum, quod facta est prænuñciatio quando redibat Asa de bello contra Ethiopes. Et patet, quia dicitur, quod Azarias factus in se spiritu domini egressus est in occursum Asa: et dixit ei, audite me Asa et omnis Iuda, et Benjamin. Ad secundum dicendum, quod fuit tunc facta potius ista prænuñciatio quam alio tempore, quia magis tunc conueniebat: quia volebat Deus confortare Iudæos, et volebat eis innuere, quod sicut nunc confidentes in nomine domini superauerant faciliter tantam multitudinem hostium confidentes in domino poterant superare, et magis imprimeretur hoc menti eorum tunc, quando acciderat bellum grauissimum contra Ethiopes, et deuicti fuerant, quam alio tempore, eo quod tunc victoria illius temporis videbatur inesse. Cum autem esset tradita obliuioni per aliquantum tempus, non tantum infingeretur mentibus eorum confidentia ex verbis prophetæ, sicut quando noua, et recens erat ista victoria. Erat autem præcipua intentio prophetæ confortare Asa, et viros suos, ut non timerent, quoniam insurgerent aliqua bella contra eos: sed confidentes in nomine domini procederent contra quoscunque hostes. Et patet ex verbis positis in conclusione prophetæ, scilicet. Vos autem confortamini, et non dissoluantur manus vestra. Et hoc principaliter dictum est propter quoddam accidens quod euenturum erat tempore Asa, in quo Asa fuit valde timidus. Nam anno tricesimo sexto regni

regni Aſa Baſa rex Iſrael ædificabat Rama urbem: ita quod ut nullus de regno Iuda tranſire poſſet in terram Iſrael, & è contra: & tunc timuit Aſa pugnare contra Baſa ad impediendum illam ædificationem, ſed miſit nuncios ad regem Syriæ, & dedit ei aurum, & argentum quantum repertum eſt in domo domini, & in domo regis, ut cogeret regem Iſrael dimittere ædificationem, quam incohauerat ſequenti cap. Et de hoc fuit ibi valde increpatus quod diſſolute fuiſſent manus eius, & timuiſſet. Nam multo plures erant Aethiopes, quos innocato nomine domini ſuperauerat. Ideo ſic conſidere debuerat contra Iſraelitas, qui inuocato nomine domini, poſſet eos effugare, vel occidere. Fuit ergo valde conueniens quod nunc quando nouiter ſuperati fuerant Aethiopes prænunciarentur iſta cordibus eorum.

Ad quos pertineret magiſterium doctoratus.

Queſt. IIII.

QVAERITVR vltorius, cum dicat hic ꝑeſſent Iudæi multis diebus abſque ſacerdote doctore, iſtud magiſterium vel dignitas doctorat⁹ an ptineret ad ſacerdotes, vel ad Leuitas, vel ad quos. Aliquis dicet, ꝑ iſta dignitas non pertinebat ad aliquos niſi ad ſacerdotes: nec audebat quiſquam hoc officium ſibi vindicare, niſi ſacerdotes. Patet primò, quia dicitur hic abſque ſacerdote doctore, & ponuntur ambo in tranſituè, in quo ſignatur, quod idem erat ſacerdos, qui erat doctor: aliàs poneretur coniunctio copulatiua inter eos, quæ facit diuerſitatem. Secundò patet, quia Malach. 2. ca. dicitur: Labia ſacerdotis cuſtodient ſcientiam: & legem exquirent de ore eius: quia angelus Domini exercituum eſt. Eſſe ergo ſcientificum, & docere, & ad inquiſita reſpondere officium ſacerdotis erat. Tertiò patet: quia Aggæi 2. cap. iuſſit Deus ſacerdotibus reſpondere ad queſtiones de lege dicens: Interroga ſacerdotes legem: ergo non erat officium docendi, niſi ſacerdotum. Reſpondendum quod officium docendi in veteri teſtamento non ſolum pertinebat ad ſacerdotes, ſed etiam ad ſacerdotes & leuitas & laicos. De Leuitis patet: quia Ioſaphat rex Iuda conſtituit ſacerdotes, & Leuitas: ut docerent populum Iuda habentes librum legis, & circuibant omnes ciuitates Iuda. inf. 17. Item patet, quia poſtquam propheta Iehu locut⁹ eſt contra Ioſaphat, fuit adhuc magis ſollicitus circa cultum Dei: & inſtituit ſacerdotes & Leuitas, qui docerent populum: & reſponderent de oibus queſtionibus. infra 19. Item patet hoc infra 35. cum dicitur: Leuitis quoque, ad quorum eruditionem omnis Iſrael ſanctificabatur domino, locutus eſt. Ecce ergo quod Leuitæ docebant totum populum circa ſanctificationem: De laicis, quod pertineret ad eos docere populum patet, quia Chriſt⁹ erat laicus, cum conſtaret eum eſſe de tribu Iudæ, in qua nec erant ſacerdotes nec Leuitæ: & tamẽ prædicabat apud Iudæos: & non repellebant eum ab illo officio: ſi tamen fuiſſet officium datum in lege ſacerdotis, vel Leuitis, nequaquam permiſiſſent Iudæi quod Chriſtus prædicaret: & tamen in ſynagogis prædicabat, ſicut illa die, qua legit in libro Iſaiæ, & dixit, hodie completa eſt ſcriptura hæc in oculis veſtris: Luc. 4. Etiam diſcipuli Chriſti prædicabant per diuerſa loca, ad quæ Chriſt⁹ mittebat eos: & non erant de ſacerdotibus & Leuitis, & permiſſe bantur: de hoc patet Luc. 12. Patet etiam de prophetis: quia ad quemcunque prophetam pertinebat prædicare: & tamen non erant omnes prophete de ſacerdotibus, & Leuitis, ſed pauciſſimi: ideo ad laicos pertinebat prædicare. Patet hoc

etiam de Paulo & Barnabæ, qui introierunt in ſynagogam quandam die ſabbathi: & Paulus prædicauit ibi, ut patet Act. decimo tertio. Et rogauerunt Iudæi ut ſequenti ſabbatho prædicaret eis eadem verba, quæ prius. eo. ca. Et tamen Paulus erat laicus, quia erat de tribu Beniamin. ad Gala. primo ca. Item patet hoc: quia quando rex Ioſaphat dedit doctores ſuper populum, dedit ſacerdotes & Leuitas; & laicos quosdam: ut patet infra 17. & 19. ubi ponuntur nomina eorum: ergo non competebat ſolis ſacerdotibus docere populum, ſed etiam Leuitis & laicis. Cum autem obicitur ꝑ ſolis ſacerdotibus docere competebat populum. Dicendum quod verum eſt, quod ſacerdotibus competebat directius docere populum quàm laicis & Leuitis: eo quod ipſi erant principes magis ſacri ſuper populum: & erant principes extremi: nã principes omnium erant ſacerdotes: & tamen accipiendo generaliter, ſcilicet an competeberet ſolis ſacerdotibus docere populum: Dicendum quod non competebat eis ſolis, ſed etiam competebat Leuitis & laicis. Aliter dicendum, quod docere populum quantum ad queſtiones, quæ erant purè dubie legis ſolis ſacerdotibus competebat. Ipſi enim ſoli reſpondere debebant de dubiis, quæ oriebantur quantum ad legem: & non competebat aliis hominibus docere per modum diſſinitionis in dubiis legis, niſi ſacerdotibus. Aliis autem poteſt competere docere, & tamen non quantum ad dubia legis: & ſecundum hoc poteſt intelligi quod inducebatur ſupra ad probandum, quod ſolis ſacerdotibus competebat docere. Et primò quãdo dicitur, ꝑ vocabantur hic ſacerdotes doctores, ſcilicet quia excellentius competit ſacerdotibus. Etiam quia ad eum ſolum competebat diſſinire in dubiis legis, & ſententia ipſius ſolius valebat. Sed etiam intelligitur, quod ſecundò obicitur, ſcilicet labia ſacerdotis cuſtodient ſcientiam: & ſubditur, & legem exquirent de ore eius: & ſic legis ſcientiam determinatè attribuit ſacerdotibus: licet quantum ad alia licitum eſt tam Leuitis quàm popularibus docere. Sic etiam quando tertio obicitur, ſcilicet: Interroga ſacerdotes legem, apparet, quod quantum ad legis dubia, recurrendum eſt ad ſacerdotes. In ceteris aut ad Leuitas, & laicos recurri poteſt liberè: & competit eis docere. Aliter poteſt dici, quod verum eſt, quod omnibus hominibus licitum erat prædicare legem, & docere: & tamen quantum ad obligationem dicendum quod ſoli ſacerdotes obligabantur: & hoc ſatis erat rationabiliter dictum: quia ut legis doctrina magis diuulgaretur, omnibus licebat prædicare illam: quia ſi daretur, quod ſolis ſacerdotibus liceret: arctaretur via ad fructificationem in prædicatione legis: quia tamen non habebant alii aliquem gradum excellentem, propter quem deberet competere eis obligatio ad prædicationem: quia qualibet obligatio ad certi officij ad miniſtrationem debet committi certis hominibus, vel certo ſtatui hominum, ne ſequatur confuſio, & periculum ceſſantibus multis ab executione illius adminiſtrationis. Non eſt autem ſtatus hominum, cui magis imponi deberet neceſſitas ad docendum, & prædicandum quàm ſacerdotibus, cum ipſi ſint miniſtri ſupremi cæremoniarum legis: ideo ſolis ſacerdotibus conuenire debuit, quod obligarentur ad doctrinam legis: & ob hoc ſcriptura loquitur de illis ſolis quaſi ipſi obligarentur: ut cum vocatur hic ſacerdos doctor, ſcilicet cui ex officio competit docere. Aliis autem non competit docere ſic ex officio, & obligatione. Sic etiam dicitur: Labia ſacerdotis cuſtodient ſcientiam, i. ipſi ſoli obligantur ad cuſtodendam ſcientiam: & ut de ore ipſorum audiatuſ reſponſio circa dubitationes legales.

gales. Sic etiam intelligitur illud, scilicet interroga sacerdotes legem, scilicet ad eos competit respondere, quia ipsi obligantur, & ab eis poterit quilibet securre quærere de lege: quia ipsi obligantur respondere: ideo non dixit Deus de aliis: quia videretur per hoc obligare eos ad respondendum, si diceret quod quæreretur ab eis de lege. Aliter potest dici, quod ad sacerdotes pertinet officium docendi, & prædicandi excellenter vel supremè, scilicet quod licet ad alios pertineat: tamen illi reducuntur in sacerdotes ultimare: & quando dubitatur de aliquo, & quæratur ab alio laico, vel Leuita, & respondeat: & postea dubitetur: quæri debet a sacerdote & ille respondet, qui postquã diffinierit, non est ultra dubitandum, nec reducenda est questio ad examen cuiusquam. Sic colligitur Deut. 17. vbi quodcumque erat iudicium ambiguum super aliqua re, deuolvebatur ad sacerdotes: & postea non licebat alicui dubitare de veritate illius.

Quomodo administrabatur officium docendi.

Quest. V.

QVAERITVR vterius circa officium docendi inter Hebræos quomodo administrabatur. Respondendum quod docere, & prædicare non erat aliqua ministratio sacra: ideo non seruabatur idem modus sicut in cæremoniis sacris. Nam apud Hebræos erat vnicum templum, in quo fiebant omnes ministraciones sacre: & non licebat extra illud aliquid sacrum fieri. Leu. 17. & Deute. 21. & Iosue. 22. Prædicationem autem fieri licebat in quocunque loco. Nam sicut non determinabat sibi prædicatio certum ministrum, ita non determinabat certum locum. Pater quia quilibet sapiens inter Hebræos poterat predicare siue sacerdos esset siue laicus, vt declaratum est præcedenti questione. Ministratio sacra determinabat sibi certum ministrum, scilicet solum sacerdotem in quibusdam: & in aliis solos Leuitas. Ideo etiam determinabat certum locum. Ob hoc autem inter Iudæos licet vnicum templum esset in toto regno, in quo fierent sacrificia, & aliæ cæremoniæ: tamen erant in quibuslibet locis domus factæ, quæ vocabantur synagoga, ad quas totus populus conueniebat ad orationem, & ad audiendam doctrinam legis: & quia in diebus vacatiuis totus populus conuenire poterat: congregabantur omnes in synagogis, & ibi singulis sabbathis & aliis festiuitatibus prædicabatur. Sic colligitur Luc. 4. cum dicitur: Et venit in Nazareth, vbi erat nutritus, & intrauit secundum consuetudinem suã in die sabbathi in synagogã, & surrexit legere, & traditus est ei liber Isaie. Ecce ergo, quod consuetudo erat Christo intrare in synagogã quolibet sabbatho, & consuetudo erat populo conuenire illuc. Item hoc patet magis Act. 13. cū Paulus esset in Antiochia. Nam dicitur, quod intrabat in synagogam diebus sabbathorum, & tunc quæsitum est ab eo si sciret prædicare, & prædicauit ea, quæ continentur ibi. Et cum expleuisset sermonem, rogauerunt eum Iudæi, vt sequenti sabbatho repeteret eis verba illa prædicans in synagoga. eo. cap. Modus autem erat, quod conueniebant diebus sabbathorum, & aliis festiuitatibus omnes Iudæi ad synagogam: & ibi legebatur de libris Moysei aliquid primo: & postea legebatur aliquid de lectione librorum prophetarum. Et deinde si quis sapiens esset inter illos, qui haberet verba salubria ad admonendum populum in moribus surgebat, & proponebat quod volebat. Cessante illo recedebant Iudæi de synagoga in domos suas. Sic patet Act. 13. cum staret Paulus in Antiochia, & dicitur: & ingressi in synagogam diebus sabbathorum

redierunt. Post lectionem autem legis, & prophetarum miserunt principes ad eos. id est ad Paulum & Barnabam dicentes, si quis est in vobis sermo exhortationis ad plebem, dicite. Surgens autem Paulus, & manu silentium indicens ait: Viri Israelitæ & cætera. Confirmatur etiam istud, quia Act. 15. dicitur: Moyses enim à temporibus antiquis habet in singulis ciuitatibus, qui eum prædicent in synagogis, vbi per omne sabbathum legitur: & sic lectio de lege Moysei legebatur quolibet sabbatho ante omnia alia. De prophetarum etiam lectione confirmatur, quia quando Iesus intrauit in synagogam, traditus est ei liber Isaie ad legendum: & sic erat consuetudo quod liber ille, & aliorum prophetarum legeretur per singula sabbatha: & post eos prædicabat, qui volebat.

An Deus mouebat ad bellum.

Quest. VI.

QVAERITVR vterius, cum dicatur hic de bello, quod pugnabit ciuitas contra ciuitatem, & gens contra gentem, quia Deus conturbabit eos in omni angustia: Ex quo videtur, quod ista bella faciebat Deus quod haberent Israelitæ, & aliæ gentes inter se. Et tunc est dubium quomodo Deus mouebat ad bellum, cum bellum sit malum: & Deus non est actor malorum: sed ad dæmonem pertinet hoc, quod sollicitat ad malum. Deus autem incitat interdum bellum inter homines: nam ipse est ultor malorum nostrorum, & quia est quoddam genus puniendi mala infligendo bella, facit Deus, quod quædam gens pugnaret contra aliam ad affligendum ipsam: & interdum facit hoc epresso iubendo. Sicut quando iussit Israelitis, quod pugnarent contra Chanaanos, & non parcerent eis: sed omnes occiderent in ore gladii. Deut. vigesimo. sic etiam iussit quod pugnarent contra Madianitas, quia deceperant eos, & concitauerant ad peccandum apponendo eis mulieres alienigenas. Nu. 25. & 31. cap. Sic etiam mandauit pugnari contra Amalechitas quousque deleberentur. Deut. 25. & primo Reg. 15. Aliquando autem Deus non iubebat epresso quibusdam gentibus, quod pugnarent contra alias. Dabat tamẽ eis occasionem ad pugnandum sollicitando corda earum, & exterius adhibendo causam ad faciendum hoc. Sic fuit de Senacherib rege Assyriorum, quem Deus mouit ad pugnandum contra Iudæos, & contra alias gentes: vt patet Isa. 10. scilicet. Væ Assur virga furoris mei, & baculus ipse, in manu eorum indignatio mea, ad gentem fallacem mittam eum, & de populo furoris mei mandabo illi, vt auferat spolia: & tamen Senacherib nesciebat se missum à Deo, vt patet ibidem, scilicet ipse autem non sic arbitrabatur, scilicet se missum: sed ad conterendum erit cor eius, & dicit in fortitudine manus mee feci, & in sapientia mea intellexi, & abstuli terminos populorum, & principes eorum depredatus sum. Sic etiam fuit de Nabuchodonosor rege Babylonis, quem Deus concitauit contra multas gentes ad puniendum eas, & volebat eas subiici ei propter peccata earum: sicut dixit Ieremias 25. ca. scilicet: Et seruient omnes gentes regi Babylonis septuaginta annis: & Deus dedit robur magnum regi Nabuchodonosor ad affligendum omnes gentes, sicut dixit Abacuch primo, scilicet: Domine in iudicium posuisti eum, & sortem, vt corriperes, fundasti eum: & tamen Nabuchodonosor non putabat se à Deo adiuuari, sed potius à seipso habere omnia hæc, & se præualiturum contra dominum, sicut putabat Senacherib 4. Regum 19. Ita est de multis aliis, quando

quandocunque aliquis pugnat cōtra alium, ille qui affligitur à Deo punitur, qui concitat alium, ut pugnet contra eum. Sic etiam est in omnibus malis, quę homines casualiter inferunt: quia Deus incitat eos ad faciendum illa, ut inde sequatur aliqua pœna, quam ipsi non intendunt: & Deus intendit illam dare, & ppter hanc mouit hominem agere aliquid præter intentionem: & sic quando quis occidit alium casu, Deus mouit eum ad occidendum illum. Sic patet Exo. 21. scilicet: Qui autem nō est insidiatus, sed Deus tradidit eum in manus eius, constituam tibi locum, quod fugere debeat. & sic innuit, quod quando quis occidit aliū & non per insidias, vel ab intentione, tradidit eum Deus in manus eius: & sic ipse voluit quod occideretur. Ita ergo in proposito dicendum de istis gentibus de quibus hic agitur, quod Deus mouebat eas ad pugnandum vicissim: quia utreque peccauerant, & utreque punirentur per hoc quod vna affligeret alteram à Deo, Deus dabat virique occasionem pugnandi cōtra aliam: ita quod non possent effugere bellum. Cum autem obicitur, quod bellum malum est, & Deus non est causa malorum, sed demon incitat ad illa. Dicendum quod Deus non est actor, nec incitator ad mala culpe: quia ista sunt mala absolutē, & incitare ad ea competit Dæmoni. Deus tamen benè incitat ad mala pœnę, & ordinat ea: quia ad distributorem iustitię pertinet moderari pœnas: & quia Deus habet prouidentiam omnium rerum pertinebit ad eum dare unicuique pœnas: & quia illę vocantur à nobis mala, Deus est actor, & ordinator malorum, & sic intelligitur quod habetur Amos 3. scilicet: Nō est malum in ciuitate, quod Deus non fecerit, idest nulum malum pœnę est, quod Deus non intulerit.

Quod cum audisset Afa, verba scilicet, & prophetiam Azarię filij Obed prophete, confortatus est, & abstulit idola de omni terra Iuda, & de Benjamin, & ex vrbibus, quas ceperat montis Ephraim: & dedicauit altare domini, quod erat ante porticum domini: congregauitque vniuersum Iudam, & Benjamin, & aduenas cum eis de Ephraim, & Manasse, & de Simeon: plures enim ad eum confugerant ex Israel, videntes, quod Dominus Deus illius esset cum eo.

Quod cum audisset. Hic ponitur secundum huius capit. scilicet Afa, & virorum suorum consolatio: nam audita prophetia ista lætati sunt. Et dicitur. *Quod cum audisset Afa, verba scilicet & prophetiam Azarię filij Obed.* Scilicet, audiuit prophetiam istam, quando veniebat de bello contra Aethiopes. In Hebræo dicitur. *Quod cum audisset prophetiam Obed.* Sed littera nostra magis expressit, quia manifestū erat, quod nō fuit ista prophetia Obed, sed Azarię filij Obed: ut patet supra in littera. Et licet littera Hebraica subticuerit aliquid, exprimit hic littera nostra. *Confortatus est.* Ista confortatio fuit, quia intellexit per hoc, quod non superaretur iam quandocunque in Deo speraret: licet posteri sui erant affligendi: & istud erat aliquid magnum, quia cum Afa esset nunc nimis exaltatus per victoriam tam celebrem, quam contra Aethiopes habuerat, esset nimis sollicitus, an postea ab hostibus su-

peraretur, quod cederet sibi in magnum dedecus: & Deus certificauit eum, quod non superaretur quādocunque consideret in eo: ideo confortaretur ex hoc. *Et abstulit idola de omni terra Iuda, & Benjamin.* Scilicet. Istę duę tribus erāt subiectę dominio Afa, & de terra earum poterat auferre idola, & abstulit. Nam viri Iuda declinauerant ad idolatriam temporibus Roboam, & Abiæ regum præcedentium: ut patet tertio Regum quarto, & decimo quinto, & idola, quę isti dimiserunt in terra, abstulit Afa. Sed quomodo potuerit nunc auferre idola veniens de bello, cum prius illa abstulisset, declarabitur infra in quadā questione. *Et ex vrbibus, quas ceperat montis Ephraim.* Licet solum esset Afa rex duarum tribuum, scilicet Iuda, & Benjamin: tamen adhuc habebat quasdam vrbes, quę fuerant de monte Ephraim, idest de sorte Ephraim, & de istis etiam cepit idola, & abstulit. Vocatur mons Ephraim, fors Ephraim, quia illa terra fortis Ephraim est montuosa, & vbiq; vocatur mons Ephraim. De illa coeperat Afa vrbes, quia nō erat alia fors tribus alicuius, de qua promptius accipere posset Afa vrbes, quā fors Ephraim, quia illa erat valde coniuncta, de quo infra dicetur. *Et dedicauit altare domini quod erat ante porticum domini.* Istud est altare Salomonis, de quo habetur supra quarto. Et dedicatum est faciendo nunc in eo sacrificia. Sed quomodo hoc ster, declarabitur infra in quadam questione. Et dicitur, quod erat ante porticum domini, quia altare holocaustorum erat in atrio sacerdotum, ut patet supra quarto. Et altare, & atrium erant ad partem orientalem porticus. Nam porticus erat spatium quoddam apud portam templi opertum tecto pendenti ad portam. Et vocatur porticus à porta: erat autem cubitorum viginti longitudine, & decem latitudine iuxta magnitudinem tecti pendētis super portam. 3. Regum 6. Et quia atrium sacerdotum erat magis orientale quā templum, necesse erat etiā, quod esset magis orientale quā porticus templi: & sic dicebatur, quod erat ante portam domini, idest ad orientem porticus domini, idest porticus templi quod templum pertinebat specialiter ad Deum. *Congregauitque vniuersum Iuda, & Benjamin.* Postquam confortatus est & abstulit idola, voluitque facere domino solennitatem magnam, congregauit omnes de Iuda, & Benjamin. Et non est intelligendum, quod venerint vniuersi, licet dicatur hic de vniuersis: sed intelligitur de multis, & præcipuis, quia iste est modus loquendi scripturę. *Et aduenas cum eis de Ephraim, Manasse, & Simeon.* Scilicet congregauit aduenas, qui venerant ad habitandum in regno Iuda. Erant tamen de regno Israel de sorte Ephraim, & Manasse, et Simeon. Et isti conuenerunt ad solennitatem hanc, quia propter desiderium cultus diuini fugerant de terra sua in terram Afa: et de istis tribubus venerant aduenę: quia facilius erat de eis venire quā de aliis. *Plures enim ad eum confugerant ex Israel.* Hic redditur causa præcedentis dicti, scilicet quomodo potuerat Afa congregare aduenas de Manasse, Ephraim, et Simeon, scilicet quia multi de Israel, idest de regno Israel, quod erat regnum decem tribuum confugerant ad Afa. *Videntes, quod dominus Deus illius esset cum eo.* Ista est causa, quare venerunt ad eum, scilicet quia viderunt, quod Deus erat cū eo: et volebant sibi adherere, quia non poterant melius esse cum aliquo quā cum illo, in quo Deus habitabat, et acceptabat. Quomodo autem esset Deus cum Afa, declarabitur infra in quadā questione.

Quomodo Afa propter verba Azaria abstulit idola de terra sua. Quæst. VII.

QVAERITVR circa prædicta. Primò quomodo Afa propter cōfortationem verborum Azariae prophetae abstulit idola de terra. Respondendum quòd Afa auditis verbis prophetae affectus fuit magis ad cultum Dei quàm prius, & voluit quantum potuit cultum Dei dilatare: & quia nihil erat, quo magis Deus coleretur, quàm quòd auferretur cultus contrarius cultui ei; abstulit idola omnia, quæ inuenit in terra. Et hoc faciebat Afa: quia perspexerat sibi vtile esse ex prophetia: & hoc propter duo. Primò propter præteritam victoriam. Nam dixit propheta, dominus vobiscum, quia fuistis cum eo, idest Deus fuit vobiscum adiuuando vos in bello contra hostes: quia fuistis cum eo, scilicet obseruando cultum eius: & istud fuit rat, quia antequam pugnaret Afa cōtra Aethiopes, abstulerat idolatriam de terra quantum potuerat. præcedenti cap. vt ergo Deus placaretur regi Afa, sicut placatus fuerat præterito bello propter ablationem idolatriæ voluit quantum potuit auferre totam idolatriam de terra. Secundò propter futura. Nam dixit propheta, quòd futurum erat in Iuda siue Israel, quòd dies multi transibunt absque Deo vero, absque sacerdote, & absque lege: & quia tunc essent angustiae multae in terra: ita quòd non esset egredienti pax, nec ingredienti quousque conuerterentur ad dominum in angustia sua. Vt ergo non accideret sic ei, voluit diligenter facere quantum poterat, quòd diebus suis esset in terra Deus verus, & lex & sacerdos. Præcipuum autem horum erat, quòd esset Deus verus: & istud non erat nisi auferrentur idola de terra, ideo confortatus est ad auferendum idola. Item fuit hoc propter exhortationem propheticam, quia dixit: vos autem confortamini, & non dissoluantur manus vestrae. Erit enim merces operi vestro, idest ex hoc, quòd bene operati fueritis non eritis sine remuneratione. Et hoc erat, propter quod non subicerentur hostibus. Voluit ergo Afa confortari in bono opere, de quo posset reportare mercedem in futurum, scilicet quòd nullus hostium preualeret contra eum. Et sic audita prophetia commotus fuit valde ad auferendum idola de terra.

Quomodo potuit auferre idola cum ablata essent.

Quæst. VIII.

QVAERITVR vterius, quomodo potuit nunc auferre idola de terra, quia iam ablata erant. Nam priori tēpore antequam iret Afa ad bellum contra Aethiopes, abstulit totam idolatriam de terra, vt patet præcedenti cap. Aliquis dicet, quòd ista ponuntur hic per recapitulationem, scilicet quòd fuerunt facta prius, & ponuntur hic, sic enim fit sæpe in scriptura, quòd mutetur ordo anticipando, vel recapitulando: & sic ista ablatio idolorum erit illa, de qua habetur præcedenti cap. Dicendum quòd non potest esse hic ordo mutatus, quia necesse est dici, quòd ista ablatio idolorum fuerit post bellum contra Aethiopes. quia propheta iste Azarias iuit in occursum Afa venienti de bello, & locutus est ista ei: & tamen dicitur hic, quòd confortatus verbis prophetae abstulit idola de terra. Ergo fuit ista ablatio idolorum post bellum contra Aethiopes: & sic non erit ordo mutatus. Secundò patet, quia ad istam ablationem idolorum, & solennitatem conuenerunt aduenæ de Ephraim, Manasse, & Simeon: & tamen isti venerunt in regnum Iuda post bellum.

F contra Aethiopes, ergo fuit ista ablatio idolorum post illud bellum. Patet hoc, quia dicitur hic, quòd isti aduenæ congregati sunt ad Afa, quia viderunt Deum esse cum eo: & tamen istud fuit per hoc, quòd adiuuit eum mirabiliter in bello cōtra Aethiopes, ideo postea fuit ablatio idolorum. Aliquis dicet aliter, scilicet quòd verum est quòd fuerit ista ablatio idolorum post bellum contra Aethiopes, & tamē sit eadem cum illa, quæ habetur præcedenti cap. & tunc dicitur, quòd illa fuit per anticipationem: quia fuit tota illa ablatio idolorum post bellum cōtra Aethiopes, & ponitur pars eius ante, & quædam pars post. Dicendum est, quòd non stat: quia necesse est, quòd illa ablatio idolatriæ de qua præcedenti c. fuerit ante bellum cōtra Aethiopes: & ista, de qua hic fuerit post bellum. Quod patet, quia Deus adiuuit miraculosè Afa, vt patet præcedenti cap. & tamē non adiuuisset eum sic si maneret adhuc tota idolatria in terra, quæ manebat tempore progenitorum suorum. Secundò patet, quia Afa abstulit idola de terra à principio regni sui. Nam dicitur præcedenti cap. quòd in diebus Afa quieuit decem annis primis terra à bellis: & ipse Afa dixit, quòd hoc fuerat, quia quæsierant dominum: vt patet ibidem. Ergo in principio regni sui abstulit idola: & tamen bellum cōtra Aethiopes non fuit in principio regni, sed anno decimo, vel quinto-decimo, vt infra declarabitur: quia decem annis primis fuit pax in terra. Ergo ablatio idolatriæ: de qua præcedenti c. fuit in principio regni Afa, & propter illam data est ei pax, & omnia bona, & quòd preualeret cōtra Aethiopes. Ablatio autem idolatriæ, de qua hic, fuit post bellum contra Aethiopes, ideo nō coincidit vna cum alia, & sic manet semper dubium, quomodo potuerunt nunc auferri idola de terra, cum prius ablata fuissent. Aliquis ergo dicet aliter, scilicet quòd Afa abstulerat quandam partem idolatriæ ante bellum cōtra Aethiopes, & reliquerat aliqua idola in terra, & ista abstulit post bellum contra Aethiopes. Sed dicendum, quòd hoc non stat, quia si Afa dimisisset sponte aliqua idola in terra: ita esset idolatria, sicut si tota terra esset plena idolis, & non conuerteretur ad dominum in corde perfecto: qui tamen ad Deum cōuertitur in corde suo, debet auferre de medio omnes deos alienos: sicut dixit Samuel ad totum Israel: Si in toto corde vestro reuertimini ad dominum, auferre de medio vestri deos alienos Baalim, & preparate corda vestra, & seruite illi soli, & eruet vos. primo Reg. 7. Ecce ergo ad hoc, quòd quis in toto corde suo, & fructuosè conuertatur ad dominum, debet illi soli seruire. Si ergo Afa vellet, quòd manerent aliqua idola in terra, nihil proderat ad cultum Dei, quòd auferret alia: & tamen Deus acceptabat cultum Afa, quia propheta testatus est hoc, dicens: Dominus vobiscum, quia fuistis cum eo: & tamen non est cum eo, nisi quis perfectè colat eum. Item patet, quia ipse Afa putauit ante hoc cultum suum Deo esse acceptum, cum ait: à bellis quiescunt omnia, eo quòd quæsierimus Deum patrum nostrorum: præcedenti cap. non poterat tamen quærere dominum, si vellet, quòd manerēt idola in terra: ergo non dimiserat aliqua idola Afa prima vice, qua abstulit alia, & quòd nunc illa abstulerit. Aliqui dicunt aliter, quòd ista idola, quæ nunc abstulit Afa, erant in ciuitatibus, quæ cepit de monte Ephraim, & in vrbibus aliorum aduenarum. Nam cepit Afa vrbes de monte Ephraim, vt patet in litera. Etiam multi aduenæ ad eum conuenerant de tribu Manasse, Ephraim, & Simeon: & de ciuitatibus istorum poterant auferri idola. Prius autem ablata fuerant idola de regno Iuda: quia quando facta est prima ablatio, nondum conuenerant aduenæ de terra Israel ad Afa. Dicen-

Dicendum, quod hoc non stat, quia in litera dicitur, quod abstulit idola de terra Iuda, & Benjamin, & de urbibus, quas coeperat de monte Ephraim. Responderi ergo potest dupliciter. Vno modo, quod Asa prima vice, qua abstulit idola de terra, abstulit omnia; quæ inuenire potuit, & sic putauit, quod plenè abstulerat illa, & verè in corde perfectò egit, & Deus ita benefecit ei, sicut si omnia abstulisset de terra. Manserunt tamen aliqua, quæ effugerant manus Asa, quæ ille non potuit inuenire, & reseruata sunt. Quia tamen nullo modo euenerat hoc culpa Asa, non imputauit ei Deus quidquam, sed ita acceptabat eum, & adiunxit in bello contra Aethiopes, sicut si omnia idola ablata fuissent, & sic etiam Asa putabat se colere Deum tanquam ablatis omnibus idolis: cum ait, à bellis quæta sunt omnia, eo quod quæsierimus dominum. Postquam autem factum est bellum contra Aethiopes, voluit adhuc diligenter inquirere, an mansissent aliqua idola, quæ nunc possent auferri de terra, & inuenit aliqua in Iuda, & Benjamin & fortassis hoc factum est, quia in prima idolorum ablatione non accepit populus tam gratè, quod expellerentur, ideo occultauit aliqua. In secunda autem vice viderant mirabilia in bello contra Aethiopes, quæ Deus fecerat pro rege, quia eiecerat idola de terra: ideo gratissimè acceperunt, quod omnia excluderentur de terra, & reuelauerunt regi ea, quæ prius occultauerant, & sic poterat rex nunc expellere idola de terra Benjamin, & Iuda. Aliter potest dici, quod Asa prima vice, qua eiecit idola de terra, nullum dimisit in ea: quia diligenter inquisiuit illa, & tamen nunc eiecit aliqua, quæ nouiter pullulauerant. Nam inter primam expulsionem, & istam magnum tempus intercidit. Quia prima facta est in principio regni sui, vt declaratum fuit supra. Bellum autem contra Aethiopes factum est anno decimo, vel quintodecimo regni sui, vt infra dicitur, & sic in isto tempore intermedio potuit crescere aliquantulum idolatria, & abstulit illam nunc Asa. Et si dicatur: quomodo poterant introduci idola cum Asa illa eiecisset, & esset vir deicola? Dicendum, quod aliqui quasi latenter poterant illa introducere: ita vt pauca essent, & sic rex fortassis non attenderet ad ea, & tamen nunc confortatus verbis prophetæ nouum desiderium habuit eiiciendi omnia idola de terra siquæ erant.

Quomodo Asa accepit illas vrbes, & abstulit idola.

Quest. IX.

QVAERITVR vterius circa vrbes, de quibus dicitur hic, quod accepit Asa vrbes de monte Ephraim, quomodo cepit illas, & quomodo abstulit idola de illis. Respondendum, quod istæ vrbes erant de monte Ephraim, id est, de sorte tribus Ephraim, & vocatur semper mons Ephraim, quia terra illa montuosa est: sicut colligitur Iosue decimo septimo. Et de illa terra acceperat, & tenebat Asa aliquas ciuitates. Quomodo autem acceptæ fuerint de terra Ephraim potest dici, quod fuit dupliciter. Vno modo poterat esse, quod acceperit vrbes istas Abia pater Asa. Nam pugnavit Abia contra Ieroboam bello grauissimo, qui occidit quingenta millia virorum de Israelitis, & tunc cepit de terra Ephraim ciuitates aliquas, scilicet, Bethel, & alias, quæ nominantur in litera, supra decimo tertio, & illas tenebat nunc Asa: quia non perdidit aliquid de eo, quos dimiserat ei pater suus Abia. Et dicebatur ipse cepisse illas: quia tenebat eas, quæ captæ fuerant. Vel attribuuntur ei illa, quæ pater suus fecerat, cum censeatur eadem persona cum patre suo, Alph. Toft. super lib. Paralip. Pars 2.

A quia succedit ei. Et de illis ciuitatibus conuenienter poterant tolli idola, quia istæ erant ciuitates idolatrarum. Nam viri de regno Israel omnino cessauerunt à cultu Dei, & vocabantur idolatræ: quia Ieroboam fecerat eos recedere à Deo fabricando vitulos, & prohiberent ire in templum domini in Ierusalem. Et quia terra Ephraim erat de potestate Ieroboam, cum ipse Ieroboam esset de tribu Ephraim. tertio Regum vndecimo: esset ista tribus vacans idolatriæ, & fortè magis, quàm alia tribus, vt in hoc faueret regi suo, qui introduxerat idolatriam, & cum captæ sunt vrbes istæ, potuit idolatria excludi de eis. Aliter potest dici, quod captæ fuerunt vrbes istæ tempore Abia, & quod abstulerit idola de illis, & hoc magis consonat literæ: quia dicitur, quod abstulit idola de ciuitatibus quas coeperat de monte Ephraim. Sed tunc obijcietur: quia si dicatur, quod Abia cepit ciuitates istas Ephraim, & tenuit eas post Asa filius eius, quomodo potuit nunc auferre idola de illis: quia prima vice abstulisset cum haberet illas ciuitates ex prima die, qua regnaret, quia pater suus acceperat illas, ideo non permisisset in eis manere idola vsque ad tempus istud. Dicendum, quod poterat hoc esse, sicut responsum est præcedenti questione. Nam bis abstulit idola Asa de terra Iuda, & Benjamin, scilicet, semel in principio regni sui. Et iterum post bellum finitum contra Aethiopes, et hoc, quia poterant omitti aliqua idola occulte prima vice, quæ non deleta fuissent, & illa expellerentur secunda vice. Vel quia omnia ablata sunt prima vice, & inter illam & secundam vicem succreuerunt aliqua idola, quæ postea ablata sunt. Ita poterat esse in istis urbibus, quæ acceptæ fuerant de terra Ephraim, si quod ablata fuerint idola tunc, quando ablata sunt de terra Iuda, & Benjamin, & tamen manserunt aliqua pauca occultè, quæ durauerunt vsque post bellum Aethiopum, & illa ablata fuerunt nunc. Vel, quod in ciuitatibus illis introducta fuerunt postea aliqua idola latenter ab idolatris, & illa abstulit nunc Asa. Sed tunc obijcietur, si dicatur, quod Asa cepit istas ciuitates montis Ephraim, quomodo cepit eas. Nam non apparet, quod habuerit aliquod bellum Asa contra reges Israel, in quo potuit accipere ciuitates has. **D** Aliquis dicet, quod Asa cepit ciuitates istas, in aliquo bello, & si non fiat hic mentio de eo non est inconueniens, quia multa facta sunt, quæ non exprimuntur in scriptura sacra. Dicendum, quod non stat, quia non potest dici, quod omisum fuerit aliquod tale bellum, quia nullum habuit Asa. Nam in toto tempore Asa vsque ad decimum annum regni eius fuit pax, vt patet præcedenti capitulo, & post hoc fuit bellum Aethiopum. Nullum ergo bellum habuit Asa contra reges Israel, in quo potuisset capere istas vrbes montis Ephraim. Respondendum, quod potest dici, quod cepit Asa istas vrbes, quando fuit bellum contra Aethiopes. Nam finito illo, dicitur quod pugnavit contra omnes vrbes, quæ erant in circuitu Geraræ, & accepit spolia ipsarum. præcedenti capitulo: tunc ergo poterat capere vrbes de terra Ephraim, & vnire regno suo, & acciperet idola, quæ erant in eis. Si tamen velimus dicere, quod Abia pater Asa cepit istas vrbes, & sint illæ, quæ nominantur supra decimo tertio, satis est rationabiliter dictum. Quomodocunque autem euenerit satis erat facile, quod caperentur vrbes de terra Ephraim per reges Iuda: quia inter omnes sortes tribuum Israel, non erat aliqua fors tam propinqua regno Iuda, sicut fors tribus Ephraim. Nam regnum Israel erat ad partem Aquilonarem regni Iuda, & nulla fors erat magis Meridiana regno Israel, quàm fors Ephraim, quia illa coniungebatur forti Benjamin, quæ erat de regno Iuda, vt colligitur ex terminis sortis Ephraim,

& Benjamin: Iosue decimo sexto, & decimo octauo. **E** Ideo potius poterant capere viri Iuda vrbes de sorte Ephraim, & adiungere eas terræ suæ, quàm de alijs sortibus tribuum.

An peccauit Afa capiendō vrbes.

Quæst. X.

QVAERITVR vterius, an peccauit Afa capiendō vrbes de regno Israel. Aliquis dicet, q̄ sic, quia Deus vetuerat pugnam inter reges Iuda & Israel pro reparanda diuisione regni, quia dixerat illam factam esse de voluntate sua, supra vndecimo. Ideo non licebat regi Afa pugnare pro hac re, nec capere aliquas vrbes de regno Israel. Respondendum, quod non peccauit Afa capiendō istas vrbes, quia aut istæ vrbes fuerunt illæ, quas cepit Abia, & habentur supra decimo tertio. Aut sunt aliæ, quas nouiter coepisset Afa. Si primo modo dicendum, quod non peccauit Afa: quia non cepit eas, sed recepit in successione hæreditaria. Etiam non peccauit Abia, quia supra decimo tertio, in quadam quæstione declaratum est, quomodo non peccasset, & coepisset eas iustè. Si autem dicatur, quod Afa cepit eas. Etiam dicendum est, quod non peccauit, quia pugnavit contra illas pro causa iusta. Nam istæ vrbes erant in extremitate regni Israel in confinibus regni Iuda, & inde inferebantur sæpe multa mala regno Iuda. Et quia habitatores locorum nolebant satisfacere, nec desistere ab istis damnis, & iniurijs inferendis, potuit iustè pugnare contra illas vrbes, & delere illas, vel subijcere illas regno suo, & vnire sibi, & sic factum est: ideo non peccauit. Cum autem obijcitur, quod Deus vetuerat pugnam inter reges Iuda & Israel super reparanda diuisione regni. Dicendum, quod verum est, quod non licebat regibus Iuda pugnare contra reges Israel hac intentione, vt totum regnum efficeretur vnum: quia Deus hoc nolebat, & tamen licebat regibus Iuda pugnare contra reges Israel pro alijs iniurijs, & damnis. Et quia Israelitæ habitantes in vrbus istis mala multa infligebant regno Iuda, poterat Afa licitè pugnare ad subijciendum sibi vrbes istas, vt amplius non nocerent ei. Et postquam semel subijcerentur ei, non tenebatur eas dimittere regibus Israel, quia quod suum semel legitimè effectum fuerat, non tenebatur dimittere, nisi iterum illud iustè perderet.

Quomodo dedicauit Afa altare.

Quæst. XI.

QVAERITVR vterius, quomodo dicitur hic, quod Afa dedicauit altare, quod erat ante porticum domini. Respondendum, quod propriè dedicare est nouiter applicare aliquid ad aliquem vsum. Et tunc dicitur altare dedicari, quando aliquid nouiter in eo offertur, vel nouiter fit sacrificium: quia per illud applicatur altare ad cultum Dei. Sic etiam Ecclesia dicitur dedicari, quando erat prius domus facta, & non erat applicata ad cultum Dei: sed erat indifferens, vt posset applicari ad cultum Dei, vel ad vsus prophanos. Cum autem in Ecclesia fiunt ministrations aliquæ sacræ primò, & ceremoniæ benedictionis eius, applicatur per hoc cultui diuino: ita quod non potest iam transire ad humanos vsus, & per hoc dedicatur. Cum ergo altare dedicaretur nunc, videtur quod non fuerant adhuc facta in eo aliqua sacrificia, & tamen non competit hoc altari, quod erat in atrio templi, quia istud dedicatum est per Salomonem, quando

prima diē dedicationis templi obtulit sacrificia multa super altare: ita quod in eo capi non possent, & descenderet ignis de cœlo super altare: vt patet supra septimo. Aliquis ergo dicet, quod intelligatur hoc de altari Moyfi, quod fuerat in tabernaculo, quod fecerat Be-seleel, de quo habetur Exod. vigesimo septimo, & in isto facta fuerant omnia sacrificia vsque ad tempus, quo fabricatum est aliud: quo fabricato cessauit fieri sacrificiorum oblatio, & crematio in altari Moyfi, & fortassis nunc Afa obtulit sacrificia in illo altari, & sic dicitur dedicasse illud altare. Sed dicendum, quod hoc non stat, quia dedicatio, vt dictum est, est applicatio noua rei ad vsum, qui in ea exerceri debet: & quia iam altare illud dedicatum fuerat sollemniter in deserto, quando duodecim principes tribuum obtulerunt munera sua per duodecim dies: Numeri septimo, & postea magno tempore fuerunt facta in eo sacrificia, scilicet à principio legis datæ vsque ad principium dedicationis templi Salomonis, non videtur, quod nunc posset dedicari illud. Aliquis ergo dicet, quod esset aliquod aliud altare nouum, in quo nunquam oblata fuissent sacrificia, & nunc oblata sunt, & sic dedicaretur. Dicendum, quod hoc non stat, quia istud erat contra legem. Nam lex iusserat effici vnicum altare, quod poneretur ad ostium tabernaculi: Leuiti. decimo septimo. & in nullo alio poterant offerri sacrificia, & si quis aliud fabricaret, aut in alio offerret, peccabat, & erat suspectus de idolatria. Sic patet de duabus tribubus, & dimidia, quæ recedentes de terra Chanaan fecerunt altare nimæ magnitudinis apud tumulos Iordanis: quod audientes nouem tribus, & dimidia indignatæ sunt putantes ex hoc fecisse aliquid sacrilegum, & incidisse in idolatriam, & parauerunt se ad pugnam cōtra duas tribus, & dimidiam, & pugnaissent contra illas nisi illæ se excusassent: dicentes, quod non fecerant ad offerendum sacrificia: sed, vt esset in signum. Iosue vigesimo secundo capitulo. & ibi dicitur, quod nefas erat offerre sacrificium in alio altari nisi in illo, quod erat ad ostium tabernaculi. Cum ergo Afa esset vir deicola, & ista diē, qua dedicauit altare veniebat ad faciendum fœdus cum domino, vt obseruaret legem ipse, & totus populus suus, non erat vllō modo verisimile, quod vouendo eam seruare infringeret ipsam, & sic non offerret in aliquo nouo altari. Sed dicendum est, quod istud altare, de quo hic dicitur, erat altare æneum, quod fabricauit Salomon: de quo habetur supra quarto, & erat ante porticum templi. Et colligitur ex hoc, quia dicitur, quod ante porticum domini, id est porticum templi erat, scilicet in atrio sacerdotum. Nam in illo atrio non erat nisi vnicum altare, quod vocabatur altare holocaustorum, & istud est quod fecerat Salomon. Cum autem obijcitur, quod non poterat nunc dedicari, quia iam multo ante hoc dedicatum fuerat. Dicendum, quod non accipitur propriè dedicari pro applicare ad diuinum cultum, quia istud erat per primum actum ceremoniarum, qui fieret in eo, & nunc non fiebat sic. Sed vocatur dedicatio quædam festiua oblatio sacrificiorum ad similitudinem dedicationis. Nam diē dedicationis altaris fuit magnæ festiuitatis: quia multa sacrificia super altare cremata sunt, vt patet supra 7. Et quia nunc, quando factum est fœdus cum domino tempore regis Afa, facta fuerant sacrificia multa super altare diē vno, vocabatur ille diē dedicationis. Patet hoc, nam diē isto multa animalia obtulit Afa, scilicet boues septingentos, & arietes septem milia, vt patet infra in litera.

Qui essent illi aduenæ, & cur de illa tribu.

Quæst. XII.

Arant facilius ascendere in templum domini in Ierusalem, & effici aduenæ in terra Iuda, quàm viri de alijs tribubus.

Quomodo isti aduenæ viderant Deum esse cum Asa.

Quæst. XIII.

QVAERITVR vterius circa aduenas, de quibus hic dicitur, qui erant, vel quomodo erant in terra Iuda, & quare potius erant de tribu Ephraim, & Manasse, & Simeon, quàm de alijs tribubus. Ad primum dicendum, quòd isti aduenæ erant de regno Israel de idolatris, & venerant in terram Iuda desiderio cultus diuini. Nam regnum Israel erat totum subiectum idolatriæ. Quia Ieroboam fecerat vitulos aureos, & vetuerat Israelitis ire in Ierusalem ad templum domini. tertio Regum decimo secundo. Et ob hoc omnes Israelitæ erant conuersi ad idola. Et si qui desiderabant Deum colere, non permittebantur ire in templum secundum legem. Aliqui autem nimis zelantes legem Dei potius se exponebant periculo, & perditioni omnium bonorum, & transibant in terram Iuda ad manendum. Isti autem vocabantur aduenæ, quia de extraneo regno veniebant, vt habitarent in terra Iuda. Etiam quia de cultu Deorum alienorum veniebant ad cultum veri Dei. Nam terra Israel erat cultus idolorum: quia accepti fuerant vituli in Deos: vt patet supra decimo tertio. Terra autem Iuda erat, in qua Deus verus colebatur. Ideo isti aduenæ veniebant ad nouum cultum deitatis, & alienum ab illo, qui erat in terra sua. Sciendum, quòd isti non veniebant solum ad adorandum in Ierusalem, sed etiam ad manendum in terra Iuda. Nam si solum venirent ad adorandum, & illico redirent, non vocarentur aduenæ: quia aduenæ principaliter vocantur propter habitationem. Etiam non poterant isti sæpe in terram Iuda venire ad templum si irent, & redirent: quia reges Israel tenerent eos, & occiderent, vel affligerent cum ipsi inhibuissent istam ascensionem. tertio Regum decimo secundo. Sciendum etiam, quòd isti aduenæ exposuerant possessiones suas perditioni propter cultum Dei. Nam eo ipso, qd veniebant de terra Israel in terram Iuda ad habitandum, confiscabantur possessiones eorum, vel transibant ad alios, quia iam nunquam redituri erant, vt manerent in terra cultus diuini: & tamen potius volebant perdere temporalem substantiam, & viuere vtcunque quàm contra legem agere manendo semper in terra idolatrarum, & nunquam ascendendo in templum domini, sicut lex iusserat. Ad secundum dicendum, quòd isti aduenæ potius erant de tribu Ephraim, & Manasse, & Simeon, quàm de alijs tribubus, quia istæ erant propinquiores regno Iuda ad eundem illuc facilius. Patet de tribu Simeon. Nam tribus Simeon habebat sortem suam intra terminos fortis Iuda. Fuit enim data tribui Iudæ quædam terra valde magna à principio non attenta proportionem ad alias tribus. Et quia repertum est postea illam esse magnam, abscisa est quædam pars eius, & data est tribui Simeon, quæ erat minor omnibus tribubus. Et sic accepit tribus Simeon sortem suam in medio fortis Iuda: vt patet Iosue 19. Et sic de tribu Simeon manifestum erat, quòd erat prompta ad eundem in templum domini, si vellet, eo quòd erat intra sortem Iuda. De sorte Ephraim, & Manasse dicendum est, quòd erant coniunctissimæ regno Iuda. Nam tribus Iuda, & Benjamin erant de regno Iuda. Tribus autem Benjamin erat magis Aquilonaris, & erat coniuncta tribui Ephraim, & Manasse ex parte Aquilonari: nam fors Ephraim, & Manasse erant coniunctæ, vt colligitur Iosue decimo sexto, & decimo septimo capitu. Ideo cum essent istæ tribus in confinibus regni Iuda, pote-

Alph. Tost. super lib. Paralip. Pars. 2

QVAERITVR vterius, quomodo isti aduenæ viderant Deum esse cum Asa. Respondendum, quòd aduenæ isti illecti sunt ad veniendum, vt habitarent in terra Iuda desiderio cultus diuini, & ad hoc aliquantulum alliciebantur ex prosperitate temporali Iudæorum, scilicet, quia videbant Deum esse cum Asa, & quia ex hoc cognoscebant manifestè, quòd Asa tenebat rectam legem, & Deus beneficeret ei, & quòd abiecerat viros de terra Israel, transierunt ad terram Iuda, vt morarentur in ea. Esse autem Deum cum Asa poterat intelligi dupliciter: vno modo, quòd Asa coleret Deum rectè, & per hoc Deus esset cum eo, inhabitando cum eo per gratiam. Nam quando quis est in charitate, tunc est Deus cum eo, & non aliter: vt patet prima Ioan. quarto capitulo, scilicet. Deus charitas est, & qui manet in charitate, in Deo manet, & Deus in eo. Secundo modo potest intelligi, quòd Deus erat cum Asa, scilicet, specialem fauorem ei dando. Dicendum, quòd licet vterque modorum istorum posset hic accipi: tamen non debet accipi nisi secundus, eo quòd Iudæi erant rudes, nō cognoscebant istum modum essendi Dei cum aliquo, qui erat per gratiam. Sed tunc dicebant Deum esse cum aliquo, quando ostendebat ei specialem fauorem, & prosperabat actus eius. Iste modus loquendi erat in veteri testamento. Sic patet de Isaac, quem cum persequerentur Philisthini subito, Deus ditauit. Nam cum quodam anno seminasset in terra Philistinorum, inuenit centuplum, quod erat admirandum. Gen. 26. quod videntes Philisthini, & aliam eius subitam multiplicationem in pecoribus, & armentis admirati sunt nimis, & putauerunt Deum esse cum eo, quia ista nō poterant euenire nisi spāliter Deus eum adiunaret, & sic cum prius persequerentur eum, venerunt postea ad ipsum, vt efficerentur amici eius, & dixit Isaac, quid venistis ad me hominem, quem odistis, & expulistis à vobis, qui responderunt: vidimus tecum esse Deum, iccirco diximus, sit iuramentum inter nos, & incamus fœdus. Gen. vigesimo sexto capitulo. Ecce dixerunt, esse Deum cum illo, quia augmentauit subito substantiam eius. Sic etiam patet de Ioseph, de quo dicitur, quòd erat Deus cum eo, scilicet, quia omnia, quæ ille ageret prosperabantur: vt patet Gen. 39. scilicet. Ioseph habitauit in domo domini sui: fuitque dominus cum eo, & fuit vir in cunctis prospere agens: habitabatque in domo domini sui, qui optimè nouerat dominum esse cum eo, & omnia, quæ gereret ab eo dirigi in manu illius. Ita nunc viderunt Israelitæ, quòd erat Deus cum Asa. Et hoc poterant videre dupliciter. Vno modo per hoc, qd Asa habuerat pacem tam diuturnam, scilicet, decem annorum, & tempore illo regnum suum fuerat valde roboratum, & tamen non contingebat hoc in alijs regnis, quia erant frequentia bella. Sic etiam fuerat tempore Abiæ patr. Asa, & Roboam aui sui. Nam illi habuerant bellum contra Ieroboam omnibus diebus suis. supra 12. & 13. Asa autem nullum bellum habuit in primis decem annis regni sui: quod erat satis admirandum, & hoc non erat, nisi quòd Deus eum adiunaret specialiter, ideo dicebant, quòd Deus erat cum eo. Secundo, & melius poterat hoc dici, scilicet, quia-

Cc 2 vide.

viderant quomodo mirabiliter deuicerat Aethiopes. Nam fuit tantus exercitus Aethiopum, quantus nunquam legitur fuisse congregatus, scilicet decies centena millia. precedenti capitu. & tamen viri Iuda cum essent pauci latissimè totum illum exercitum disperdiderunt cogentes eum in fugam, & occidentes plurimos. precedenti capitulo, hoc autem non poterat esse, nisi speciali Dei adiutorio: ideo putabant Deum esse cum eo, & desiderantes seruire tali viro, vt ipsi quoque participarent aliquid de felicitate eius, veniebant ad habitandum in regno suo, & ibi colerent Deum.

Cumque venissent in Ierusalem mense G tertio, anno decimo quinto regni Asa, immolauerunt domino in die illa de manubijs, & præda quam adduxerant boues septingentos, & arietes septem millia. Et intrauit ex more ad corroborandum fœdus, vt quærerent dominum Deum patrum suorum in toto corde, & in tota anima sua. Siquis autem inquit non quæserit dominum Deum Israel, moriatur à minimo vsque ad maximum, à H viro vsque ad mulierem. Iuraueruntque domino vocè magna in iubilo, & in clangore tubæ, & in sonitu buccinarum omnes, qui erant in Iuda cum execratione. In omni enim corde suo iurauerunt, & in tota voluntate quæserunt eum, & inuenerunt. Præstititque ei Dominus requiem per circuitum. Sed & Maachan matrem Asa regis ex augusto deposuit Imperio, eo quod fecisset in luto simulachrum Priapi: quod omne contriuit, & in frustra comminuens combussit in torrente Cedron. Excelsa autem derelicta sunt in Israel. Attamen cor Asa erat perfectum cunctis diebus eius. Eaque quæ vouerat pater suus, & ipse, intulit in domum domini, argentum & aurum, vasorumque diuersam suppellectilem. Bellum verò non fuit vsque ad trigessimum annum regni Asa.

Cumque venissent in Ierusalem. Scilicet Asa, & omnis Iuda, & Benjamin, & aduenæ venerunt in Ierusalem, quia ibi erat templum domini, vt ibi facerent sacrificia magna, & fœdus, quod cum domino iniuerunt. Mense tertio. In isto mense apud Iudæos est festum Pentecoste semper (Vt quidam putant.) Sed falsum est: quia necesse est, quod sit semper in mense quarto die sexto, vel septimo: vt patet computando septem hebdomadas à die decimo sexto mensis primi, quando mittebatur falx in messem: Leuit. vigesi-

F mo tertio capitulo. Et sciendum, quod non est iste mensis tertius Martius, sicut apud nos: quia Hebræi incipiunt annum suum in Martio. Non quidem prima die Martij: sed in lunatione Martij, scilicet, quod illa lunatio, quæ est magis coniuncta medietati Martij est principium anni. Et deinde quamlibet lunationem dicunt vnum mensem, & mensis tertius est tertia luna incohando à lunatione Martij. Anno quinto decimo regni Asa. Quomodo autem potuerit istud esse anno quintodecimo cum videatur, quod deberet esse multo prius propter bellum Aethiopum, declarabitur infra in quadam quæstione. Immolauerunt domino in die illa. Scilicet die, qua venerunt in Ierusalem immolauerunt sacrificia multa, quæ ponuntur infra in litera. De manubijs, & præda quam adduxerant. Scilicet, ista magna oblatio, quæ habetur hic fuit, de præda, quam abstulerant de bello Aethiopum. Nam precedenti capitulo dicitur, quod Asa, & viri sui tulerunt spolia multa, & percusserunt omnes ciuitates per circuitum Geraræ, & diripuerunt vrbes, multamque prædam asportauerunt, sed & caulas ouium destruentes tulerunt ouium infinitam multitudinem, & camelorum. Reuersique sunt in Ierusalem, & sic de illis pecoribus, quæ habebant de præda, obtulerunt domino. Et vocantur manubia ipsa, quæ capiuntur in præda, & propriè vocantur manubia res, quæ manu capiuntur, dictæ à manus, & bios, quod est mensura, quasi mensura manus, quæ autem rapiuntur, & tamen manibus non tenentur, sed per se mouentur, sicut pecora, & iumenta, non vocantur propriè manubia, sed præda, & tamen largè vocantur manubia, & sic accipitur hic, scilicet, quod de manubijs obtulerunt domino sacrificia. Boues septingentos, & arietes septem millia. Fuit quippe magna multitudo animalium captorum præda: quia dicitur precedenti capitulo: sed & caulas ouium destruentes tulerunt pecorum infinitam multitudinem, & ob hoc magnifica sacrificia fecerunt, quia de his, quæ gratis acceperant, & sine labore liberaliter erogabant. Et intrauit ex more ad corroborandum fœdus, vt quærerent dominum. Scilicet, quando obtulerunt sacrificia hæc intrauerunt, scilicet in sanctuarium ad corroborandum fœdus, idest ad componendum pactum cum domino, vt quærerent eum, scilicet, custodiendo legem suam. Et dicitur ex more, scilicet, quia consuetudo erat Israelitis sæpe facere talia fœdera cum domino: de quo magis infra declarabitur in quadam quæstione. Deum patrum suorum. Istud ponitur ad distinguendum ab alijs dijs, scilicet iste, qui erat verus Deus patrum Iudæorum: quia ab antiquo Iudæi acceperant eum in Deum, & ob hoc iustum erat, quod eum colerent. In toto corde, & in tota anima. Scilicet, non solum vouerunt quærere dominum obseruando legem eius, sed etiam vouerunt, quod in tota anima, & in toto corde quærerent. Istud autem ponitur ad excludendum quandam iniquitatem Iudæorum: quia volebant quidam Iudæi colere Deum Israel obseruando legem eius, & insuper obseruando cœremonias idolorum: & Deus hoc vetuit, dicens, quod præcipio tibi, hoc tantum facito domino Deo tuo, nec addas quidquam, nec minuas. Deutero. decimosecundo. Etiam quidam volebant colere Deum Israel obseruando cœremonias legis, & insuper colere idola, sicut fecerunt Samaritani, qui Deum cœli timebant, & nihilominus Deos suos colebant: vt patet quarto Regum decimo septimo. Et sic quando aliquis ad Deum reuertitur debet non sufficiebat, quod coleret Deum obseruando cœremonias legis, si prius non obseruabat illas: sed etiam, quod recederet à cultu idolorum, si prius colebat

bat illa, quia alias licet conuertatur ad dominum: tamen non in toto corde, sed claudicat in duas partes. Et ob hoc dixit Samuel Israelitis. primo Regum septimo: Si in toto corde vestro reuertimini ad dominum, auferte Deos alienos de medio vestri Baalim, & Astaroth, & præparate corda vestra, & seruite Deo soli, & liberabit vos. Et quia ista sola reuersio est Deo acceptabilis, vouerunt isti Israelitæ, quod quærerent dominum in toto corde suo, scilicet, quod solum Deum quærerent, & nullo modo declinarent ad idola, & de in toto corde, & tota anima, quod idem est. Nam cor non potest accipi hic pro illo membro, à quo est origo vitæ: quia ad illud non pertinet observatio legis, cum istud non pertineat nisi ad partem cognitionem immaterialem. Cor autem est corporea pars non habens aliquem actum cognituum, vel deliberatiuum, sed accipitur cor pro anima, & tamen ex modo loquendi multiplicamus verba pro eadem re signata. Vel potest dici, quod ista duo non accipiuntur pro eodem, sed signant duas particulas animæ: nam ad complendum actum humanum requiruntur duæ potentie, scilicet intellectus, & voluntas. Istæ enim solæ efficiunt actum humanum, ut patet sexto Ethic. in principio. Et signatur intellectus per animam, quia anima dicit aliquid spirituale cognituum, quem admodum nos concipimus intellectum. Cor autem signat voluntatem, quia ad eam pertinet desiderium, & nos putamus cor nostrum desiderare aliquid, & sic vulgi appellatione accipitur cor pro voluntate. *Siquis autem inquit non quaesierit dominum Deum Israel, moriatur.* Scilicet, rex Asa inquit, id est, dixit, si quis non quaesierit dominum Deum Israel, scilicet, observando plenè legem suam, moriatur, id est occidatur, & sic Iudæi obligauerunt se spontaneè ad poenam mortis præter poenam, quæ in lege posita erat, & Deus istas poenas magis repetebat à facientibus fœdera, quàm illæ, quæ veniebant inferrendæ peccantibus ipso iure, eo quod turpius est alicui facere contra id, quod ipse spontè facere promittit, quàm contra id, quod sibi iubetur: & sic Deus repetebat poenas istas: ut patet Ierem. trigesimo quarto, de illis, qui fecerunt cum domino fœdus de dimittendo seruos, & ancillas, & liberos, qui erant de genere Iudæorum. Nam dicit inferrenda mala illa, quæ ipsi super se sponte susceperunt. *A minimo usque ad maximum à viro usque ad mulierem.* Id est, ab istius fœderis observatione nemo excluditur, sed omnes tam magni, quàm parui viri, & fœminæ tenentur ad observationem eius. Non est autem intelligendum, quod quando erant paruuli tenerentur observare istud fœdus, quia non erat possibile cum non essent capaces rationis, sed intelligitur, quod quando pervenirent ad ætatem adultam, in qua essent rationis capaces, quod observarent fœdus: sed quomodo possent obligari paruuli, qui nesciebant se obligari, nec quid erat obligatio, declarabitur infra in quadam quaestione. *Iuraveruntque domino voce magna.* Scilicet, observationem fœderis iuraverunt. Erat enim cœremonia fœderis, quod iuraretur super observantiam eius, & dicitur, quod voce magna iurabant ad hoc, ut audirentur ab omnibus: ita quod omnes scirent quid est, quod iurabant, & quomodo se obligabant ad observationem legis, & sub qua poena, scilicet, sub poena mortis, ut sic audientes timerent facere contra fœdus, & observarent legem. *Et in iubilo.* Ponitur tota cœremonia iuramenti, scilicet, qualiter publicatum est. Nam scriptum fuit fortè, & lectum est nomine totius populi perito consensu omnium, & quando publicatum est, totus populus præ gaudio voces altissimas lætitiæ resonabat, quæ voces vocantur iubilus, & clangebatur tunc in tubis, & resonabant multa ge-

Alph. Tost. super lib. Paralip. Pars 2.

A nera musicorum instrumentorum ad ostendendam lætitiā solennem pro istius fœderis positione. *Et in clangore tubæ, & in sonitu buccinarum.* Scilicet, clangebatur tubis, & buccinis: ista duo non habent magnam differentiam, sed interdum ponimus tubam pro buccina, & è conuerso, & tamen hic ponuntur, ut distincta. Erant autem in figura, sicut est in omnibus artificiatīs. Possent autem vocari tubæ illæ, quæ erant tubæ argenteæ sacre, quas iussit Deus Moyſi facere, de quibus habetur Numeri undecimo, & in istis solis sacerdotibus licebat clangere: eodem capitulo. Buccinæ autem vocantur, quæcunque aliæ: licet interdum ponitur tuba pro omnibus tubis, & buccinis, siue sacris, siue non sacris, etiam pro corneis, ut patet Psalmo 98. scilicet. *Psallete domino in voce Psalms in tubis ductilibus, in voce tubæ corneæ.* Et sic quomodocunque se habeant, dicendum quod tubæ, & buccinæ erant hic diversarum figurarum, vel materialium. *Omnes, qui erant in Iuda.* Scilicet omnes, qui erant in regno Iuda iuraverunt hoc, scilicet, tam viri de tribu Iuda, quàm de Benjamin, & aduenæ, qui ad hanc solennitatem conuenerant. *Et cum execratione.* Scilicet, cum imprecatione maledictionis, quia Israelitæ imprecati sunt mala super se, si non custodirent istud fœdus. *In omni enim corde suo iuraverunt.* Scilicet, cum toto desiderio iurabant. Dicitur enim aliquis non iurare in toto corde, quando iurat aliquid facere, & non intendit illud facere. Nunc autem viri Iudæi intendebant ex totis viribus suis complere id, quod vouebant: ideo dicebantur iurare in toto corde nullam dupliciter gerentes. *Et in tota voluntate quaesierunt eum.* Scilicet, non solum iuraverunt, sed etiam compleuerunt, quia ceperunt observare legem, & omnino eam seruauerunt non declinantes ad idola, sed tota voluntas sua erat in cultu domini. *Et inuenerunt.* Scilicet, inuenerunt eum propitium sibi: quia sicut ipsi colebant eum toto corde: ita ipse tota opera dabat eis prospera, non permittens eos vexari ab aliqua gente, & dedit eis bona temporalia ad abundantiam, & declarabitur in litera sequenti, cum dicitur. *Præstititque eis dominus requiem per circuitum.* Scilicet, fecit dominus, quod non insurgerent aliqui hostes contra Iudæos de omnibus gentibus habitantibus in circuitu terræ Iuda. Nam non fuit bellum aliquod, nec commotio aliqua in regno Asæ usque ad annum trigessimum sextum regni sui, ut patet infra in litera. Quomodo autem Deus det pacem istam, & quomodo multi modi sunt, quibus Deus mouet corda hominum ad hoc, vel cogit homines ad tenendum pacem, declaratum est latè præcedenti capitulo, in quadam quaestione. *Sed & Maacham matrem Asæ ex Augusto deposuit Imperio.* Scilicet, non solum Asa fecit bona custodiendo legem, sed etiam inferendo poenam violatoribus eius. Et ostenditur maximus affectus ad legem, quia non solum puniuit homines populares nullius dignitatis, de quibus ad se nihil attinebat, sed etiam matrem suam, quæ erat regina deposuit de principatu, quia peccauerat grauiter circa idolatriam. *Eo, quod fecisset in loco simulachrum Priapi.* Lucas erat congregatio arborum multarum densarum reddentium magnam opacitatem propter densitatem, & talia loca erant ad colendum idola, & potissimè ad sacrificia Priapi, & cœremonias eius. Nam erat concubitus post sacrificia, & ad hoc, quod fieret sine verecundia, fiebat in loco opaco, scilicet in loco, vel in locis subterraneis: de quo magis dicitur infra in quadam quaest. In Hebræo dicitur. *Eo, quod fecisset sculptile in loco.* Vbi litera nostra dicit, eo quod fecisset in loco simulachrum Priapi, & verum est, quod simulachrum Priapi erat sculptile, & tamen non expressit nomen idoli:

Cc 3 sed

sed litera nostra collegit hoc partim ex eis, quæ habentur tertio Regum 15. cur autem hoc sit dicetur infra. *Quod omne contriuit.* Erat de ligno factum sculptile, vel de alia materia: magis tamen dicendum, quod erat de ligno, eo quod combustum est, & contriuit illud Afa ad ignominiam, ut saltem in igne cum cremaretur, non maneret figura illius. *Et in frustra comminuens combussit in torrente Cedron.* Scilicet, diminutum est in frustra, & combusta fuerunt illa frustra in torrente Cedron, idest apud torrentem Cedron, quia fortassis locus ille erat immundus. Vel dicitur in torrente Cedron, scilicet, quod combustum fuit sculptile, & cineres eius in torrente Cedron fuerunt proiecti, sicut proiciebantur ibi cineres aliarum immunditiarum, quæ cremabantur. Sic patet, quarto Regum 23. Nam rex Iosias proiecit ibi cineres omnium idolorum, quæ combussit. *Excelsa autem derelicta sunt in Israel.* Licet tantam diligentiam fecerit Afa circa expurgationem idolatriæ: tamen non fuit tota expulsa: quia excelsa derelicta sunt in Israel. Possunt autem accipi excelsa, ita quod pertineant ad idolatriam, vel quod non: sed quod in eis Deus colatur, sicut declarabitur infra in quadam questione. *Attamen cor Afa perfectum erat cunctis diebus.* Istud ponitur ad excusandum præcedentia: quia dictum est, quod excelsa derelicta sunt. Et tunc dicit aliquis, quomodo poterat Afa colere Deum in toto corde suo, sicut iurauerunt viri Iuda: quia ad hoc necesse erat, quod omnino conuerteret cor suum ad dominum, & recederet ab idolatria. Respondet litera, quod licet dimisisset Afa excelsa in terra, tamen cor suum perfectum erat cum domino, idest totaliter inclinabatur ad colendum dominum, & nullo modo ad idola, vel peregrinum cultum: sed quomodo omnibus diebus fuerit cor Afa perfectum cum Deo declarabitur infra in quadam questione. *Ea vero, quæ vouerat pater suus, & ipse, intulit in domum domini.* Reges solebant vouere munera aliqua ad ditandum domum domini, & quia Abia pater Afa vouerat aliqua, & non occurrerat sibi soluere illa, soluit ea Afa. Etiam ipse Afa aliquando vouit munera, & illa soluit. Et dicitur, intulit ea in domum domini, idest, posuit in thesauris domini. *Argentum, & aurum, vasorumque diuersam suppellectilem.* Scilicet, dedit argentum, & aurum, & vasa. Hic accipitur argentum, & aurum pro illo, quod erat in massa, nulla re inde fabricata. Suppellex varia vasorum erat, quando de auro, & argento erant aliqua fabricata ad vsum, vel honorem templi. *Bellum vero non fuit nisi usque ad trigesimum annum regni Afa.* Istud ponitur ad signandum prosperitatem temporis Afa, scilicet, quia non fuerunt bella tempore eius. Nam ea, quæ habentur supra, fuerunt facta anno quintodecimo regni Afa, ut patet supra in litera, & dicitur hic, quod usque ad annum trigesimum regni, non surrexit bellum aliquod. In Hebræo dicitur. *Bellum vero non fuit usque ad trigesimum quintum annum regni Afa.* Ista litera verior est, & satis potest dici, quod translator noster Hieronymus. verè transtulerit, & tamen postea imperitia librariorum perierit illa particula: ita ut deberet dici trigesimum quintum, & dicatur solum trigesimum, & hoc magis videtur convenire veritati, quia in principio sequentis capituli dicitur, anno trigesimo sexto regni eius ascendit Baasa, & sic usque ad trigesimum sextum annum non legitur aliquod bellum, & tamen si diceretur in litera usque ad trigesimum annum regni Afa, non legeretur quid medio tempore factum fuerit.

F An anno quintodecimo regni Afa facta sit illa sollemnitas. *Questio XIII.*

QVAERITVR Circa prædicta, primo quomodo potest stare, quod anno quintodecimo regni Afa facta fuerit ista sollemnitas fœderis. Nam videtur, quod potius facta fuerit anno decimo, vel undecimo regni Afa, quia facta est tempore belli Aethiopum, & istud bellum fuit anno decimo regni Afa, cum dicatur præcedenti capitulo, quod decem annis fuit pax in regno Afa, & postea sequitur de bello contra Aethiopes. Ex quo apparet, quod fuerit factum anno decimo, vel undecimo. Aliqui dicunt, quod bellum contra Aethiopes factum est anno decimo regni Afa finito, inchoato undecimo, eo quod solis decem annis primis continuis duravit pax, & tunc supervenerunt bella aliqua, & tamen non legitur bellum aliquod nisi Aethiopum. Ideo credendum videtur, quod fuerit factum bellum contra Aethiopes anno undecimo in principio. De sollemnitate ista fœderis dicunt, quod facta est quintodecimo anno, eo quod litera hoc exprimit, scilicet anno quintodecimo mense tertio. Et sic volunt, quod non fuerint simul facta ista duo, scilicet bellum contra Aethiopes, & fœdus istud. Dicendum tamen est, quod necesse est, quod bellum Aethiopum fuerit, quando fuit istud fœdus. Quod patet, quia quando veniebat Afa, & Iudei de bello, exiit eis in occursum Azarias Propheta, & locutus fuit ea, quæ habentur hic, & illico venit Afa in Ierusalem, & fecit sollemnitatem fœderis, ut colligitur ex litera continuando eam, & tamen fœdus factum est anno quintodecimo regni Afa: ergo etiam bellum tunc factum est. Secundo patet, quia dicitur in litera, quod venerunt in Ierusalem mense tertio anno quintodecimo regni Afa, & immolauerunt in die illa de manubijs, & præda, quam adduxerant boues septingentos, & arietes septem millia. Apparet ergo, quod tunc venerunt de bello, quia alias non poterant offerre sacrificia de præda. Necesse est igitur, quod bellum contra Aethiopes factum fuerit anno quintodecimo, quando celebratum est istud fœdus. Cum autem obijcitur, quod anno decimo, vel undecimo regni Afa fuerit factum illud bellum, quia pax duravit decem annis primis regni Afa. Dicunt quidam, quod verum est, quod pax duravit annis decem, & tamen non factum est illico bellum post decimum annum, sed post quartumdecimum, & sic usque ad principium quintodecimi duravit pax. Et cum dicitur, quod duravit pax decem annis, siue quod quieuit terra in diebus eius decem annis, Dicunt, quod verum est, & tamen non quieuit solis decem annis, sed etiam pluribus. Sed dicendum, quod istud est ridiculum, quia si pax durasset annis quatuordecim, non poneretur solum de decem annis, quia nihil proficiebat poni decem annis durasse, quia ita poterat poni, quod durasset annis tribus, vel duobus, & istud ridiculum est. Et sic dicendum, quod quieuit terra annis decem, scilicet, solum decem annis. Alij ergo dicunt, quod solum decem annis duravit pax in terra Afa, & bellum Aethiopum inchoatum fuit illico, & continuatum est usque ad annum quintumdecimum in principio, quia satis poterat durare hoc tempore quatuor annorum. Sic enim est de multis alijs bellis, quæ magno tempore durant: sicut bellum Trojanum duravit decem annis, ut ait Boetius de Consolatio. libro quarto metro ultimo, scilicet.

Bella bis quinque operatus annis

Uxor Atreides.

Idest Atreides, qui est Agamemnon, egit bella annis decem contra Phrygios, qui sunt Troiani.

Sed

Sed dicendum, quod istud non stat, quia non durauit istud bellum aliquanto tempore: sed illico, ut ingressus est rex Aethiopum in terram Iuda, regressus est ei in occursum Asa rex Iuda, & castrametatus est contra ipsum, & in prima congressione bellica fugati sunt Aethiopes, & occisi: quia Deus exterruit eos, ut colligitur precedenti capit. non ergo durauit bellum illud nisi vna die, & sic anno quintodecimo regni Asa inchoatum est, & finitum. Respondendum ergo, quod quidam volunt bellum Aethiopum fuisse anno decimo, vel vndecimo regni Asa, & tunc debent dicere, quod ista spolia, quae oblata sunt in Ierusalem, non fuerunt de bello contra Aethiopes, sed de aliquo alio, quod subtrahatur hic, quia multa subtrahuntur in sacra scriptura. Nam quomodo ponatur necesse est, quod subtrahatur hic aliquod bellum, vel precedenti capitulo. Dicendum tamen, quod magis consonat litera, quod fuerit bellum contra Aethiopes anno quintodecimo regni Asa, licet contrarium communiter teneatur, & tunc consonat tota litera, & dicitur, quod spolia ista, de quibus oblata fuerunt sacrificia in Ierusalem fuerunt de bello contra Aethiopes. Sed tunc dicitur, quomodo ergo potest stare, quod in diebus Asa quieuerit terra decem annis: quia videtur, quod quieuerit quatuordecim, quia usque ad annum quintumdecimum, in cuius principio fuit bellum Aethiopum, non legitur aliquod bellum. Dicendum, quod decem annis primis regni Asa fuit terra in pace, ita quod nulla omnino surrexerunt bella. Post decimum autem annum surrexerunt aliquae contentiones paruae contra vicinos, per quas iam terra non erat omnino in pace, & tamen non fuerunt bella famosa, de quibus oporteret fieri mentionem. Vnde scriptura dixit, quod cessasset terra annis decem a bellis scilicet, & non plus. Et tamen, quae bella fuerint in istis quatuor annis, vel in aliqua parte ipsorum non fuit expressum, quia non erant memoria digna, & istud magis tenendum est.

An obtulerint domino de praeda tot boues, & arietes.

Quaest. XV.

QVAERITVR vltius, cum dicatur hic, quod obtulerunt domino de praeda boues septingentos, & arietes septem millia, quomodo possit hoc stare. Nam videtur, quod hoc erat illicitum, quia sacrificium de furto illicitum est, & Deus abhominatur talia. Dicendum, quod sacrificia fecit Asa de animalibus habitis in praeda, & fuit oblatio ista Deo accepta. Nam quando obtulerunt ea inierunt cum domino fedus de obseruando legem suam, & scriptura laudat istos facientes fedus, quod in toto corde suo fecerunt, & sic obseruauerunt, & tamen si illicitum esset fieri sacrificia de praeda, nullatenus fecisset illa Asa: quia nunc erat nimis deuotus circa legem Dei, & non infringeret eam vouendo obseruare ipsam. Cum autem obijcitur, quod de praeda oblata erant ista sacrificia. Dicendum, quod fuit licitum, & etiam fuit meritorium, & laudabile potius offerri de praeda, quam de illis, quae non erant de praeda. Primum patet, quia offerre, & donare aliquid Deo gratis in cultum suum: nemo autem potest donare, nisi quod est sui iuris: ideo oblatio, vel eleemosyna non est licita nisi de eo, quod proprium est: & quia id, quod quis furatur, vel rapit, non est suum, non potest oblationem facere, nec eleemosynam gratam, sed potius peccat talia offerendo, cum potius teneatur haec dare ei cuius ista sunt. Contingit tamen interdum, quod accepta in praeda sint eius, qui rapuit ea, & tunc sicut liceret de propriis dare, quae a nullo ablata sunt: ita licebit dare de eo, quod in

Alph. Tost. super lib. Paralip. Pars. 2

A praeda captum est, & quia quandocumque bellum est iustum, licita est praeda, & occisio, & quaecumque alia mala poenalia inflicta hosti usque ad satisfactionem iniuriarum, & damnorum illatorum, & istud bellum contra Aethiopes erat iustissimum, & Deus in eo miraculose adiuuerat Israelitas, ut patet precedenti cap. Videtur, quod praeda facta fuerat iusta, & consequenter transierunt in ius praedantium, & licebat praedantibus facere quidquid vellent de illa: poterant igitur offerre domino de illa. Secundum est, quod erat meritorium, & laudabile Deo offerre de praeda ista, quod patet, quia Deus dederat victoriam mirabilem contra Aethiopes, ut patet precedenti capitulo, & sic iustum valde erat, quod ipsi tanto beneficio gratias agerent, & tamen non poterant magis expresse gratias agere, & attribuire Deo illud bellum, quam offerendo de praeda capta in illo: ideo meritorium, & laudabile erat offerre de praeda capta in bello isto. Tertium est, quod magis erat laudabile offerre de ista praeda, quam de aliquo alio, scilicet si vellent Israelitae offerre septingentos boues, & septem millia arietes domino, melius erat, quod offerrent eos de ista praeda, quam de alia substantia sua. Et patet, quia quantum ad ipsos Iudaeos aequale erat. Nam cum ista praeda transfisset in ius eorum, nihil magis erat, quod offerrent septingentos boues de praeda, quam de illis, quos prius habebant: quia vterque erant sui, erat Deo acceptabilis, quod offerret de eis, quae in praeda acceperant. **Q**uia sacrificia in se non proficiunt Deo, sicut dicitur Psal. 49. Non accipiam de domo tua vitulos, nec de gregibus tuis hircos: mea enim sunt omnes ferae sylvarum. Et postea dicitur: Si esuriero, non dicam tibi, meus est orbis terrarum, & plenitudo eius. Et postea inferitur: Immola Deo sacrificium laudis. Et sic apparet, quod sacrificia absolute non proficiunt Deo, nec sunt ad cultum eius, nisi in quantum per ea laudatur: ideo illa sacrificia erunt Deo magis acceptabilia, per quae magis laudatur, & tamen magis laudabatur Deus offerendo sibi sacrificia de praeda, quam aliqua alia: eo quod illa offerendo innuebatur, quod Deus dedisset victoriam Iudeis in hoc bello, & ascribere ei hanc victoriam erat magna laus. Nec est dubitandum in hoc, quin aliquando munera facta de praeda sunt domino acceptabilia: nam illa, quae potissima fuerunt in cultu Dei fuerunt de praeda. Nam a principio datae legis locus colendi Deum vnicus fuit, tabernaculum Moysi: totum tamen factum est de praeda, vel potius de furto. Nam Deus dixit Israelitis, quod peterent vasa aurea, & argentea, & vestes ab Aegyptijs commodata, & acceperunt multa: Exod. trigesimo, & vndecimo, & de auro illo, & argento, & diuitijs, quas de Aegypto rulerant, fabricatum est sanctuarium offerentibus Israelitis munera: Exod. vigesimo quinto, et trigesimo sexto. Idem patet de templo Salomonis. Nam ille fuit locus excellentissimus cultus diuini, et tum factus est de praeda: quia Dauid dedit omne aurum, et argentum, ferrum, et aes necessarium pro fabricatione templi: ut patet secundo Regum octauo, & precedenti lib. vigesimo secundo, vigesimo nono cap. Et tamen omnia illa fuerunt de praeda quam accepit, quando pugnavit Dauid contra diuersas gentes, scilicet contra Amalechitas, Idumaeos, Moabitas, Ammonitas, Siro, & Philistinios, & omnes alias gentes contra quas pugnavit. secundo Regum octauo, & precedenti lib. 18. c. Nunc ergo a fortiori poterant accipi sacrificia de praeda pro cultu Dei.

Cc 4 Quid

Quid fuit istud fedus, & quæ ceremoniæ, & ad quid.

Quest. XVI.

QVAERITVR ulterius, quid fuit istud fedus, quod fecit nunc Asa, & totus Iuda cum domino, & quæ ceremoniæ eius erant, & ad quid fiebat. Respondendum ad primum, quod istud fedus erat quædam promissio de obseruanda lege, quam faciebant Israelitæ in honorem Dei, quod patet: quia dicitur in litera, & intrauit ex more ad corroborandum fedus, ut quærerent dominum: & erat istud fedus promissio quædam cum quibusdam cœremonijs, ex quibus causabatur obligatio, & poterat fieri pro quacunque re quam vellet aliquis cadere sub obligatione, & fiebat cum multis ceremonijs ad hoc, quod obligatio inde causata esset indissolubilis, & formidarent homines facere contra eam. Sciendum autem, quod in federe semper est obligatio, & promissio, & tamen interdum est promissio ex vna parte, interdum ex vtraque. Sic enim sæpe factum est fedus inter Deum & Israelitas, & interdum in federe Deus solus obligabat se Israelitis ad aliquid faciendum, & interdum obligabant se soli Israelitæ Deo, & interdum se obligabat Deus Israelitis Deo. De primo patet, sicut quando Deus fecit fedus cum Abraham de dando sibi, & semini suo terram Chanaan. Nam tunc solum obligauit se Deus ad dandum terram illam, & Abraham ad nihil se obligauit: ut patet Gen. 15. De secundo patet, quando Israelitæ tempore Iosue fecerunt fedus cum domino de obseruando legem suam, & posuerunt lapidem in testimonium. Iosue vigesimo quarto. De tertio patet exemplum, quando factum est fedus in datione legis, cum Deus obligauit se ad accipiendum Israelitas in populum peculiarem, & benefaciendum eis plusquam alijs gentibus, & Israelitæ obligauerunt se ad custodiendum legem Dei: Exod. decimo nono, & vigesimo quarto. Cœremoniæ autem fœderis erant istæ, quod primo ille, qui debebat facere fedus, promitteret alteri vocaliter, vel ambo vicissim id, quod vnus obseruare debebat alteri, & alter alteri, & ista promissio, ut firmior esset fulciebatur iuramento. Sic patet hic, nam omnes viri de regno promittebant Deo, quod obseruarent legem eius, & iurauerunt hoc facere, ut patet in litera: & non solum iurabant homines, quando vicissim promittebant, sed etiam Deus quando faciebat fedus cum hominibus interdum iurabat, ut videretur firmior promissio sua. Sic factum est de federe, quod fecit Deus cum Abraham de dando ei, & semini suo terram Chanaan, Gen. decimo quinto. Nam postea iuramento confirmatum est Gen. vigesimo secundo, & vigesimo sexto. Iterum benè Deus locutus fuit, Isaac faciens mentionem de iuramento, quod præstiterat Abraham. Secunda cœremonia erat, quod illi, qui faciebant fedus si essent homines, imprecarentur mala super se si non obseruarent illam promissionem: ut potè si dicerent, si non obseruauiero hoc, Deus infliget mihi mortem amarissimam, vel auferat mihi lumen oculorum meorum, vel caream bono, & desiderabili maximo. Sic obseruatum fuit hic: nam isti Iudæi iurauerunt seruare imprecantes mala super se, sicut dicitur in litera, scilicet, quod iurauerunt omnes, qui erant in Iuda cum execratione. Vocatur execratio malorum imprecatio, quando quis mala imprecatur sibi venire, si non fecerit tale, vel tale. Deus autem non iurat cum imprecatione, vel execratione, quia ista sunt de malis: Deo autem non potest malum aliquod euenire: ideo frustra esset, quod mala imprecaretur: quia ipse summum bonum est, & valde videretur agere contra naturam suam si imprecaretur sibi

F mala, cum nullo modo sibi euenire possint. Tertia cœremonia est, quod occidantur aliqua animalia, & secantur in partes, & ponantur altrinsecus partes diuisæ: ita ut maneat vna in medio. Sic patet, quando Deus fecit fedus cum Abraham de dando sibi terram Chanaan. Nam iussit, quod Abraham acciperet arietem trinum, capram trinam, & vaccam trinam, & turtures, & diuideret pecora per medium, & poneret partes altrinsecus. Gen. decimo quinto. Quarta cœremonia erat, quod ille, qui promittebat aliquid alteri, transiret inter partes animalium diuisorum. Sic patet, quando Deus fecit prædictum fedus cum Abraham: nam diuisis animalibus Deus, qui promittebat hic aliquid, debebat transire inter diuisiones, & quia Deus est incorporeus, & non poterat transire, nec moueri, nec etiam voluit apparere in aliqua effigie, ut non esset causa idolatræ: misit ignem, qui transiuit per medias diuisiones. Nam cum occubisset sol, & occupasset sopor ipsum Abraham facta est caligo tenebrosa, & apparuit clibanus fumans, & lampas ignis transiens inter diuisiones: Gen. decimo quinto. Abraham autem non transiuit inter illas diuisiones: quia nihil promittebat Abraham Deo: sed Deus Abraham promittebat dare terram. Ratio huius cœremoniæ erat, quia facientes fedus volebant signare, quod violans fedus deberet grauiter puniri, scilicet, quod occideretur: & ad hoc transibat inter diuisiones animalium, ut signaretur, quod ipse diuideretur in partes, sicut illa animalia si violaret fœdus. Quinta cœremonia erat, quæ interdum seruabatur in federe. scilicet, quod acciperetur sanguis animalium occisorum pro federe, & de illo aspergeretur super facientes fedus, vel super illum solum, qui aliquid promittebat alteri. Sic factum est quando Deus, & Israelitæ pepigerunt fedus, & Deus promisit Israelitis, quod acciperet eos in populum peculiarem, & populus promisit Deo, quod obseruaret totam legem eius, & ad hoc acceptus est sanguis animalium in crateris, & aspersus totus populus de sanguine illo. Et quia Deus erat spiritus purus, & non poterat aspergi sanguine, aspersus fuit liber legis sanguine, & etiam altare: Exod. vigesimo quarto, & magis ad Hebræ. nono. Et hoc fuit, sicut in federe inito cum Abraham, quia cum non posset Deus transire inter diuisiones animalium transiuit ignis loco eius. Hic autem non poterat aliquid accipi, quod magis expressè representaret Deum quam altare in quo fiebant sibi sacrificia, & liber legis, in quo scripta erant præcepta Dei, & sic ista potius, quam aliqua alia aspersa sunt sanguine. Ista cœremonia fiebat ad signandum, quod si quis fedus eius violaret, sanguis eius aspergeretur, & occideretur, sicut aspergebatur super eos ille sanguis animalium. Quod autem cum federe fierent aliæ cœremoniæ, sicut factæ sunt hic, scilicet, quod omnes iubilarent voce magna, & quod resonarent in clangore tubæ, & sonitu buccinarum: non erat ex conditione fœderis, sed solum quia in magna lætitia factum est istud fedus.

Ad quid fuit factum fedus.

Quest. XVII.

QVAERITVR ulterius, ad quid fiebant fœdera, & potissimè de isto fœdere ad quid factum est. Respondendum, quod fœdera fiebant ad fortissimam cautelam, sicut iuramenta, ut patet ex his, quæ supra declarata sunt. Nam fœdus est promissio inducens obligationem certis cœremonijs limitata: obligatio autem nascitur ex promissione: nam verbo simpliciter

homines ligantur ad faciendum quod promiserint, & non erat necesse aliquid aliud apponi, sed apponuntur multa alia propter malitiam humanam, cui non videtur sufficere simplex promissio: & hoc fit, vel propter malitiam se obligantis, qui non credit se firmiter obligari verbo simplici, nisi aliqua alia apponantur, vel propter malitiam eius, cui fit promissio, qui non credit sibi fidem seruandam, si simpliciter promittatur, sed volunt addere multas alias firmitates: sic patet Matth. 5. cum Christus dissuasit iurare, dicens, quod non iuraretur per coelum, nec per terram, nec per aliquam creaturam, & subintulit, sit sermo vester: est est, non non: quasi istud sufficeret inter homines ad recte viuere. Et declarauit subiungens, quod amplius autem est a malo est, id est, petere aliquid super simplicem promissionem a malo est, id est, a mala conditione hominum, quod est malum culpæ, vel malum poenæ. Ista autem malitia humana, quæ dicta, est introduxit multos alios modos confirmationis promissionis super simplicem promissionem, & fuit vnus modus iuramentum, quo per Deum, cuius est auctoritas summa, promittimus aliquid nos facturos, vel dicturos. Et fuit rationabilis modus introducendi talem confirmationem, quia nihil est, quod magis homines timere debeant, vel honorare, quam Deum: eo quod est summum ens, & maximum bonum. Ideo verisimile est, quod inuocato nomine Dei in testem non debeat homo falsum dicere tanquam timens, quod Deus, cuius reuerentiam lædit eum debita poena affligat. Ista est etiam causa quare interdum homines iurant per reges suos, vel per salutem ipsorum: sicut iurauit Ioseph fratribus suis per salutem Pharaonis dicens: per salutem Pharaonis, non egrediemini hinc, donec veniat frater vester minimus: Gen. 42. cap. Et apud quasdam gētes consuetudo est, quod quando quis iurauerit per salutem regis, si mentitus fuerit, quod occidatur, quia læsit regiam maiestatem, & dicunt talem consuetudinem esse in Aegypto, & ob hoc Ioseph iurauit per salutem Pharaonis. Et quia homines tanto magis obseruant aliquid, quanto magis timeant, quam Deum, vel magis ament, per illud firmitus iurant, quam per Deum: & sicutur aliqui per vitam filiorum suorum, quia illos maximè diligunt, vel per vitam suorum, & sic de alijs rebus, quas maximè diligunt, vel venerantur. Et quia quando omnia ista coniunguntur maius est, sicut funiculus triplex difficile rumpitur, iurant interdum homines per id, quod maximè timeant, & id quod maximè amant, & sic est firmissimum iuramentum. Sic patet de quodam modo iurandi, qui erat inter antiquos. *viuit Deus, & viuit anima mea: vel viuit anima tua, quia nihil est quod homo magis timeat, & veneretur, quam Deū, & nihil est quod magis amet, quam seipsum, siue vitam suam.* Per hoc autem tanquam per firmissimam confirmationem promissionum, & probationem veritatum terminabantur apud antiquos omnes dubitationes, & discordiæ. Sicut dixit Apostolus: homines per maiorem suum iurant, & omnis controuersia eorum finis est iuramentum. Ad Hebr. 6. Postea tamen humana malitia, & infirmitas, non credens sufficere istam iuratoriam confirmationem inuenit aliam. *i. fœdus, in quo adhibentur iuramenta, & adiunguntur aliæ ceremoniæ signantes indissolubilitatem fœderis.* Deus autem sciebat sufficere simplex verbum ad affirmationem, vel negationem, sicut dixit Christus Matth. 5. Volens tamen condescendere humanæ infirmitati, cui communicat cum hominibus, vel olim communicauit in quibusdam apparitionibus, vtitur iuramento ad confirmationem eorum, quæ promittit, & interdum etiam fœdere: non

A quidem, quod ex parte Dei maiorem confirmationem faciat iuramentum, quàm simplex promissio, nec magis efficit fœdus, quàm iuramentum, sed quia credunt homines maiorem certitudinem per quædam, quàm per alia designari: ideo Deus interdum promittebat quædam simplici verbo, sicut quando primò promisit benedicere Abraham, & multiplicare semen suum: Gen. 12. & quādo prima vice promisit Abraham terram Chanaan. Gen. 13. aliquando cum iuramento promittebat aliquid, sicut quando promisit multiplicare semē Abraham, sicut stellas cœli, & quod possideret semen suum portas inimicorum suorum postquam Abraham voluerat immolare filium suum Isaac ad mādātum Dei: Gen. 22. & quando iterum sub eodem iuramento promisit Isaac terram Chanaā. Gen. 26. Interdum autem faciebat fœdus, & hoc ad signandum maximam firmitatem. Sicut quando promisit dare Abraham, & semini suo terram Chanaan: Gen. 15. & iterum quando promisit Israelitas accipere in peculiarem populum, quia tunc confirmata est promissio fœdere: Exod. 19. & 24. capitulo.

Ad quid factum est fœdus istud.

Quest. XVIII.

QVAERITVR Vterius, dato quod fœdera, ad aliquid proficiant, istud tamen ad quid factū est. Nam nō videtur, quod ad aliquid proficeret: quod pater, quia fœdus interponitur ad confirmandum aliquam promissionem, quæ fit inter partes, & sic cum fœdere causatur noua obligatio, & tamen in præsentī non poterat causari aliqua obligatio, quia promiserunt hic Israelitæ, quod quærerent dominum. *i. quod obseruarent legem, quia istud erat quærere dominum, & tamen Israelitæ erant obligati ad obseruandum per hoc, quod a principio receperant eam, & Deus volebat eos obligare: ad quid ergo proficeret istud fœdus, quia nō poterant nouiter obligari?* Respondendum, quod istud fœdus, & similia proficiebant valde inter Israelitas, vnde sæpè illa faciebant. Primò proficiebant directè ex parte obligationis, quam intendebāt causare Israelitæ. Nam verè obligabantur per talia fœdera. Et cum obijciatur, quod erat causata iam obligatio. Dicendum, quod verum est, quod necesse erat Iudæos obligatos esse ad istud quod in fœdere promittebant etiam si fœdus nullum facerent, & tamen per fœdus istud causabatur noua obligatio. *i. nouus gradus super obligationem veterem.* *i. quod nunc erant magis obligati, quàm prius, quia duo vincula fortius ligant, quàm vnicum, potissimè quando quodlibet eorum sufficiens est per se ligare.* Erant autem Iudæi obligati ex Dei mandato, & ex antiquorum suorum fœdere, & ista obligatio erat in eis necessaria. Alius modus obligationis adhuc erat, scilicet, spontaneus, & iste est per votum, vel fœdus: ideo supra primam obligationem, quæ erat ex necessitate, inducebant Iudæi obligationem secundam, quæ erat spontanea: ideo ad aliquid proficiebat. Sic enim fit interdum inter nos, quia aliqua sunt necessaria secundum legem Euangelicam, & tamē nos interdum vouemus illa facere. Sicut si quis homo contineat incurrere in aliqua delicta, & postea vult cauere ab eis, & vt efficacius caueat, vouet se nunquam talia commissurum, qui si postea commiserit, grauius peccat, quod si nō vouisset, dato quod etiam sine voto erat obligatus qui libet non facere talia. Sic etiam est de voto, quod facimus in Baptismo, quia ibi vouemus abrenunciare Satana, & pompis eius, & tamen dato quod non voueremus, tenebamur ad obseruandum. Secundò proficiebat istud fœdus ad mouendum magis Israelitas ad custodiam legis, quia licet tenerentur aliā legem obseruare

seruare, tamen quando viderent, q̄ ipsi fecerunt fœdus de obseruando, & imprecati fuerant super se pœnas grauissimas, si non obseruarent mouebatur efficacius ad obseruandum. Et ista est causa, quare aliqui nostrum sœpè vouent facere, q̄ alias lege obligati erant facere, vel cauere. Tertiò proficit ad maiorem timorem, quia quando quis fecit fœdus de obseruando legem, & non obseruat incidit, in valde maiores pœnas, quàm si non fecisset fœdus de obseruando. Etiam, quia Deus valde magis repetit pœnas, in quas aliqui incurrunt violando fœdus, quàm si violarent legem. Quod patet, quia Iudæi obligabantur dimittere seruos, & ancillas de genere Iudæorum liberos anno septimo. Exod. vigesimo primo, & Deuter. decimo quinto, & si non facerent, incurrerant in pœnam, quam Deus dignam arbitraretur. Aliquando autem Iudæi vouebant, & faciebant fœdus de dimittendo huiusmodi seruos liberos. Et factum est sic tēpore Sedeciæ regis, & quia nō seruauerunt fœdus, De^o comminatus est Iudæis, quòd dispergeret eos, & traderet hostibus: Iere. 34. & sic non allegauit ibi Deus contra Iudæos, quòd peccassent contra legem, sed solum, quòd violassent fœdus, licet etiam verum esset, quòd violassent fœdus.

An illud fœdus esset ex more.

Quest. XIX.

QVAERITVR vltèrius circa istud fœdus, quia dicitur hic, quòd iurauit A^sa ex more ad corroborandum fœdus, vt quærerent dominum: quomodo dicitur, quòd hoc erat ex more. Respondendū, quòd inter Iudæos erat consuetudo sœpè faciēdi fœdus cum domino super diuersis rebus obseruandis, & interdum super eadem, & sic quando erat aliquid, quod volebāt cum desiderio obseruare, vt magis mouerentur ad obseruandum illud, faciebant fœdus cum domino de obseruando. Istud autem sœpissime fiebat super obseruatione totius legis, & interdum super obseruatione partis eius de vno præcepto obseruando. Patet, quia erat in lege cautum, quòd cum aliquis de genere Hebræorum venderet se in seruum propter inopiam, exiret liber septimo anno remissionis. Exo. 21. & Deuter. 15. & ad hoc erant obligati Israelitæ, etiam si non vouerent hoc obseruare, nec facerent fœdus de obseruando: & tamen ipsi leguntur fecisse fœdus cum Deo super hoc. Nam tempore regis Sedeciæ omnes Iudæi promiserunt dimittere seruos suos Iudæos liberos, & occiderunt vitulum, diuiseruntque illum in duas partes, & transierunt omnes Iudæi viri, & feminae, laici & sacerdotes inter diuisiones vituli: Iere. 34. Et postea non seruauerunt fœdus illud, & Deus comminatus est eis mala multa. eodem capitulo. Aliquando autem Iudæi faciebant fœdus super obseruanda tota lege. Et primò factum fuit istud fœdus, quando lex recepta est, vt patet Exo. 24. Iterum autem tempore Iosue congregati sunt omnes Israelitæ in Sichem, & ibi fecerunt fœdus cum domino de obseruando legem, positusque est lapis in testimonium initi fœderis. Iosue 24. cap. Iterum legitur fœdus factum super ista obseruantia legis tempore istius regis A^sa, de quo hic. Iterum etiam factū est fœdus tempore Iosia regis 4. Reg. 23. & sic tempore multorum aliorum Regū, & fortassis idem rex sœpè faciebat fœdus super obseruatione legis. Et sic innuitur hic, cum dicitur, quòd iurauit ex more ad corroborandum fœdus, vt quærerent dominum. Consuetudo erat ergo talem fieri corroborationem fœderis. Et rectè vocatur ista magis corroborationem fœderis, quàm fœdus, quia non erat istud fœdus nouum, cum

F sœpè super eadem re fœdus factum extitisset, sed confirmabatur fœdus antiquum.

An omnes obseruare debebant istud fœdus.

Quest. XX.

QVAERITVR vltèrius, cum dicitur hic, quòd omnes à viro vsque ad femina, à paruo vsq; ad magnum obseruare debebant istud fœdus, quomodo poterat stare. Nam dicitur hic, q̄ si quis non quæsierit dominum Deum Israel, moriatur à minimo vsque ad maximum, à viro vsque ad femina. Non videtur tamen quomodo parui possent obligari, quia non potest aliquis obligari, nisi sciat se obligari, & cognoscat quid sit obligari. Parui tamen non sunt capaces huius: ideo non possunt obligari. Item dato quòd possent obligari, tamen non possent exequi quod continebatur in obligatione. Nam qui est infra annos discretionis, non potest quærere dominum, quia non potest facere actum laudabilem, nec vituperabilem, nec est propriè actus humanus cum nō sint principia operandi perfecta. Respondendum, q̄ secus est de obligatione, quæ causabatur per fœdus, quàm de operatione, vel executione fœderis. De executione dicendum, quòd non tenebatur paruuli ad executionē, quia ipsos excusabat naturæ defectus: & cum dicitur hic, si quis non quæsierit dominum, moriatur à minimo vsq; ad maximum: intelligitur, q̄ isti, qui erant nunc minimi, quando fiebat istud fœdus, etiam si essent infantes vni⁹ diei, obligabantur ad fœdus, quia licet non obligabantur pro nunc, obligabantur pro tempore illo exequi, quo essent potentes ad exequendū: & sic illi, qui nunc erant paruuli, & postea non essent paruuli, quādo operarentur, obligabantur quærere dominū custodiendo legem. Et de hoc intelligitur litera. l. si quis inquit, nō quæsierit dominū, à minimo vsq; ad magnū moriatur, q̄n. illi, qui sunt numero minimi fuerint magni. De obligatione dicendū, q̄ causabatur nūc statim tam in paruulis, q̄ in magnis, nec ad hoc faciebat aliquid differentia ætatis. Et q̄n obijciat, q̄ non potest obligari, nisi qui scit se obligari, & videt quō causatur obligatio, dicendū, q̄ est q̄dam obligatio, q̄ spontè introducitur, & alia, q̄ ex necessitate. De obligationibus sponiè introductis dicendū, q̄ non possunt cadere, nisi in habente ætatē perfectā, vt sciat se obligari, & quō obligatur. In obligationibus autē necessarijs obligantur et illi, q̄ non sunt capaces rationis, sicut oēs hoies obligantur ad baptismum sub pœna mortis æternæ. Siquis verò decedat non baptizatus, etiam si sit infans vnius diei perit æternaliter. Hoc autem non poterat esse, nisi et ille obligatus esset ad suscipiendum baptismum. Ita est de quibusdam alijs obligationibus, quæ inducuntur à patribus in filios ex necessitate, & iste in quacunque ætate causantur. Sic fuit in præsentī, quia ista obligatio introducta per fœdus erat de obligationibus necessarijs, scilicet, quia in fœdere obligantur Israelitæ ad obseruandum legem, obseruatio autem legis cadebat sub necessitate quantum ad omnes: ideo paruuli illico obligabantur. Et ista est causa, quare etiam non existentes obligabantur: nam illi, qui nondum erant tempore huius fœderis, quando nascerentur, obligabantur obseruare fœdus, quia obligatio erat necessaria, etiam si non fuisset positum fœdus. Et non solum obligabantur obseruare legem sub pœnis, quæ alias proueniebant non obseruantibus legem, sed etiam sub pœnis, quæ veniebant non obseruantibus fœdus, ad quod erant alia pœnæ speciales.

An cor Aſa fuerit perfectum cum domino. Quæſt. XXI.

QVAERITVR vltcrius, cum dicatur hic, quod cunctis diebus Aſa fuit cor eius perfectum cum domino, quomodo eſt verum hoc. Nam, manifeſtū eſt, quod poſt hoc peccauit, vt patet ſeq. cap. Reſpondet Nicolaus, quod fuit cor Aſa perfectum cum dño omnibus diebus. ſ. omnibus diebus quouſq; peccauit, ſicut ſignatur ſeq. cap. Et poſſet hoc confirmari, quia in ſcriptura ſæpè multi vocantur omnes, & multi dies alicuius vocantur omnes dies eius. Sed dicendum, q non ſtat, ſed ſecundum veritatem tenendum eſt, q cor Aſa fuit perfectum cū domino omnibus diebus ſuis: ita quod nunquam declinauit ab hac perfectione, vel integritate. Pro quo ſciendum, quod hic accipitur perfectio pro integritate: differunt autem hæc, quia perfectio ſignat complementū bonitatis alicuius, & tunc vocatur aliquis perfectus, quando peruenit ad magnū gradum bonitatis. imò ad maximū propriè accipiēdo. Integritas autem eſt quantum ad coexiſtētiā partiū. Vnde quando alicuius rei omnes partes coexiſtunt, dicitur illa res eſſe integra: deficere vna particula, res integrā non eſt: & ſic integritas dicit totalitatem, vel cōpoſitionem, & perfectio dicit complementum, & nō cōpoſitionem. Hic autem non accipitur propriè perfectus, q perfectio eſt in obſervatione ſupererogantium. ſ. conſiliorum, & obſeruantia ſolius legis neminem efficit perfectum, ſic vt patet Mat. 19. cum quaſiuit iuuenis à Chriſto; quid boni faciam, vt habeam vitam æternam? & ille ait, ſerua mandata, qui reſpondit: oīa hæc cuſtodiui, quid adhuc mihi deſt? & Chriſtus ait: ſi vis eſſe perfectus vade, & vende vniuerſa, quæ habes, & da pauperibus, & habebis theſaurum in celo, & ſequere me. Ecce ergo, quod cuſtodienti legem multum deſt adhuc ad perfectionē. ſ. q vendat vniuerſa, quæ habet, & faciat alia opera cōſilij. Et tamen in veteri teſtamento vocatur aliquis perfectus obſeruans ſolam legem, cum nondum eſſent ibi iſtæ ſupererogationes, ideo non accipitur, ſicut nūc, ſed vocatur perfectus. ſ. integer. Et iſta integritas poteſt dupliciter assignari. Vno modo pro integritate cordis. Alio modo pro integritate legis. Accipiendo pro integritate legis, dicendum q tota lex eſt tanq̃ vnum corpus, & ſimultas omnium partium facit integritatem, & ſic quando quis obſeruat totam legem, ita vt non deſit ei aliqua particula, dicitur perfectus. ſ. integer: & deficiente vna particula, non eſt perfectus cum Deo. Accipiendo integritatem cordis, dicendū quod eſt aliquis perfectus. ſ. integer corde, quando toto corde ſuo inclinatur ad colendum Deum, & nullo modo inclinatur ad colendum deos alienos: iſto modo ille vocatur perfectus. ſ. integer, qui ſolum Deum colit non declinans ad idola, etiam ſi nō compleat totam legem, & iſte modus loquendi eſt frequētatus in Sacra Scriptura. Sic enim habetur Deut. 18. vbi vocantur incantatores, & pythones, & omne genus diuinationis, quia homines ſubdunt ſe dæmonibus, vt ab eis rerum occultarum veritatem addiſcant. Et ſequitur ibi: Perfectus eris cū domino deo tuo. ſ. totus adhuc rebus Deo, & nō inclinaberis aliquid aliter alicui harum ſuperſtitionum ſecundum quas itur ad deos alienos. Sic etiam dicitur aliquis in toto ſuo corde conuerti ad dominum, quando ita colit Deum, & cum eo aliquod idolum, non conuertitur ad Deum in toto corde ſuo, & ſic non eſt integer, ſiue perfectus. Hic autem dicendum, quod accipitur perfectio pro integritate cordis, quod ſatis apparet, quia dicitur: Attramen cor Aſa perfectum erat cunctis diebus. ſ. integrum totaliter inclinatum ad colendum dominum, & nullo modo inclinatum ad idolum. Et iſtud verum eſt, q non legitur

A Aſa aliquo tēpore vitę ſuę coluiſſe idola: ideo tenēda eſt litera, ſicut iacet. ſ. q cor Aſa fuit perfectum omnibus diebus ſuis. ſ. vſq; ad mortem: ita q nūquam idola coluit. Et cum dicitur, q Aſa peccauit contra dominum, vt patet ſeq. cap. Dicendū, q verum eſt, quia peccauit in diſſidentia quadam, tñ non in idolatria, & non eſt aliud peccatum, quod tollat integritatem cordis ſecundū modū loquendi ſcripturæ, niſi idolatria: ideo licet peccaret in illo, & in alijs multis, ſemper erat cor eius perfectum cum domino omnibus diebus.

An Maacha eſſet mater Aſa, & vxor Abia. Quæſt. XXII.

QVAERITVR vltcrius circa Maacham matrē Aſa, quomodo poterat eſſe Maacha mater Aſa, & vxor Abie, quia ſupra 11. dicitur, quod Maacha filia Abſalō erat mater Abiæ, & quam dilexit Roboam inter oēs vxores, & concubinas ſuas, & ſic ſequeretur, q eadem eſſet vxor Abiæ, & mater Abiæ, quod eſt abſurdum. Aliqui reſpondent, quod iſte Abſalom, ſiue Abiſalom habuit duas filias, quarum vtraque vocabatur Maacha, & vnam earum habuit Roboam in vxorem, de qua genuit Abiam, & de iſta, habetur ſupra vndecimo: aliam ſuſcepit Abias in vxorem, ex qua genuit Aſa, & iſta eſt de qua dicitur hic, & quæ erat princeps in ſacris Priapi, ſicut dicitur. 3. Reg. 15. Sed dicendum, quod iſtud non ſtat, quia nullus poterat accipere in vxorem ſororem patris, aut matris ſuæ, & tamen hoc modo haberent hic pater, & filius duas ſorores in vxores, quod erat veritum. Levit. 18 & 20. capit. Aliquis dicit, quod verum eſt, quod Abia ſuſcepit in vxorem ſororem matris ſuæ, & verum eſt, q fecit contra legem, quia ſicut & multa alia peccata fecit, ita & iſtud faceret. Sed dicendum, q non ſtat, quia nunquā aliquis debet concedere id, quod eſt inconueniens ſecundum quid, vel ſimpliciter, niſi cogatur ad illud, & tamen hic nemo cogit nos ad dicendum, q Abia fecit cōtra legem, quia poſſumus aliter, & bene reſpondere: ideo non eſt aſſerendum, q ſumpſerit vxorem contra legem. Aliter dicit aliquis, q habuit Roboam Maacham in vxorem, de qua genuit Abiā, & quod habuit Abia aliam Maacham in vxorem, de qua genuit Aſa, Et ſic erant diuerſæ mulieres, ſic vocatę, ſicut multę apud nos eodem nomine appellantur. Sed obijciē, quod ſit eadem Maacha, quia Maacha vxor Roboam, & mater Abiæ erat filia Abſalom. ſupra vndecimo, & Maacha vxor Abie, & mater Aſa erat etiam filia Abſalom. 3. Reg. 15. ergo neceſſe eſt, quod eadem Maacha eſſet. Reſponderi poteſt dupliciter: vno modo, quod fuerunt iſtę duę mulieres eiſdem nominis, non attinentes ſibi in aliquo gradu conſanguinitatis prohibito ſecundum legem, & quod eſſent filię duorum virorum, quorum quilibet vocaretur Abſalom: & non erat hoc difficile, q ſicut iſtę duę mulieres erant eiſdem nominis, ita patres earum poterant eſſe eiſdem nominis: quia ſic & nunc cōtingit, q duo viri ſint eiſdem nominis: ita ergo tñ eſſet, & vtraq; Maacha iſtarum eſſet filia Abſalom, ſed nō eiſdem Abſalom, ſed duorum. Aliter poterat dici, q iſtę duę mulieres erāt deſcendentes ab eodem viro, ita q idem ſit, qui vocetur hic Abſalom pater vnus, & pater alterius, & non erit pater viriſque ſecundum veritatem, ſed erit pater primę. ſ. illius, quam accepit Roboam in vxorem, & ille Abiſalom habuit quandā neptē nomine Maacha ex alia filia, & non ex Maacha, & iſtam neptē Abiſalō potuit accipere Abia in vxorem, & ex illa gigneret Aſa, & non erat hoc contra legem, quia iſte gradus aſſinitatis non erat vetitus in veteri teſtamento, licet nunc eſſet vetitus ſecundum leges canonicas. Et vterq; iſtorū modorum potuit eſſe conueniens.

Quia

Quis esset iste Priapus, & quæ ceremoniæ ipsi fiebant.
Quæstio XXI. II.

QUÆRITVR ulterius, quis erat iste Priapus, cuius simulachrum fecit Maacha in luco, & quæ ceremoniæ sacrificiorum fiebant ei. Dicendum, quod Priapus fuit quidam de dijs gentilium, turpissimus quidem inter omnes, quos illa rudis ætas excogitavit. Fuit autem iste Deus iuuenis quidam in insula, quæ vocatur Hellepontus, & est circa Troiam in confinibus Europæ, & Asiæ, qui magnitudine membri virilis omnes homines intantum excessit, ut admirandum foret, & monstro simile putaretur. Propter quod de insula Helleponto exilio traditus est, & ut ferunt in Græciam venit: ibique post mortem inter ceteros deos insanæ gentilitatis propter hanc insolitam magnitudinem honore nimio cultus est, & altaria ei, atque sacerdotes, & templa tradita sunt: huic fiebat imago turpissima. s. habens genitale virile insolitæ magnitudinis extensum, & patens populo. Sacerdotes autem faciebant huic sacrificia turpissima: Nam immolabant ei asinos, cuius causam reddit Ovidius primo libro Fastorum, dicens, quod Priapus iussit sibi immolari asinos in vindictam offensæ, quam ab asinis suscepit. s. cum Priapus in amorem nympharum exardesceret, easque opportunitate captata semel sopore grauatas inueniret, propinquusque esset, ut iam suo potiretur amore, asinus quidam magno clamore perstrepuerat, nymphaque expergefaciens fugere compulsa, & sic ipsa, quæ iam manibus Priapi tenebantur, euaserunt. Nulla autem unquam maiorem sibi iniuriam Priapus factam credidit, eamque indelebilem animo tenens destinavit de asinis continuam, & nunquam explendam capere ultionem, & ob hoc iussit asinos sibi in sacrificijs immolari. Expletis autem istis infandis sacrificijs turpissimus sacerdos genitalia nuda, & extenta toti populo ostendebat, & hoc quasi quodam salubri præcepto admoniti ad vacandum libidini tendebant. Erat autem ista lex sacrorum Priapi, quod cum multi viri & foeminae astarent, nullus sibi ad libidinem pro illa vice certam vindicaret, sed ei, quam quisque prius caperet, vel quam sibi fors in tenebris offerret misceretur. Soluebatur autem hic omnis honestas: omnis legis seueritas: omnis coniugalis fides, tota certitudo prolis, quia effiebantur homines degeneres, & aborigines. s. quia non poterat de aliquo sciri de quo genere, aut à quo patre descenderet. Nulla ergo maior inter gentiles insania fuit: quia tamen ista sacra Priapi libidini laxabant habenas, cui rude illud sæculum omnino inhiabat tanquam veri boni ignarum, sacra illa libentissimè susceperunt: ita ut vix esset aliquis Deus inter Gentiles, cui tantus honor, & tam vniuersaliter præstaretur. Et non solum ista labe Gentilium nationes infecit, sed etiam turbauit populos Hebræorum, quia etiam ipsi ad omnem libidinem proueni erant, & sic colebatur inter Hebræos Priapus. Ista fuit causa, quare Priapus vocabatur idolum turpissimum. 3. Reg. 15. s. quia sacrificia sua turpia erant, & quia effigies sua erat turpissima. s. habens genitale rubrum nimie magnitudinis extensum.

De loco ubi colebatur Priapus. Quæst. XXIII.

QUÆRITVR Vterius, de locis, in quibus colebatur Priapus. Dicendum, quod colebatur in duobus locis. s. in luco, vel specu subterranea. De luco patet, quia hic dicitur, quod Maacha mater Asa consecret simulachrum Priapi in luco. De specu subterranea patet, quia 3. Reg. 15. dicitur, quod Asa subuertit specum Priapi. Lucus est mons manibus hominum consitus, s. quando arbores plantantur multum densæ,

ita ut opacum locum reddant, non permittendo lucem subintrare locum. Ratio huius est, quia sacra Priapi, & ceremoniæ eius erant turpes: nam expletis sacrificijs de carnibus asinorum, vacabant libidini, quolibet accipiente eam quam sibi fors obtulisset, sicut declaratum est præcedenti quæstione. Ad hoc autem erat conueniens locus tenebrosus propter duos. Primò, quia iste actus erat turpis, & licet sciri vellent Gentiles de seipsis, quod tali vacabant libidini, tamen nolebant videri, eo quod in fieri turpitudine magna est, quam nullus hominum, nisi amens, vult de se videri propter nimiam verecundiam. Cum autem essent in tenebris tolleretur verecundia, & quilibet iuxta libitum libidini vacabat. Secundum erat ad tollendum discordiam: nam si fieret in loco patenti videretur quilibet eam cui misceretur, & quia aliquæ differentes præ ceteris pulchritudine occurrerent, quas quisque sibi rapere cuperet, contenderetur super eis, & lites, atque homicidia sequerentur, quæ turbarent, & omnino auferrent sacrificia Priapi tanquam scandalosa, ideo ad tollendum hæc debuerunt ista in loco tenebroso fieri, ut nemo haberet facultatem eligendi, nec contendendi, sed raperet eam, quam sibi fors offerret.

An Asa amouit matrem suam propter consecrationem simulachri Priapi. Quæst. XXV.

QUÆRITVR Vterius, quomodo potest stare, quod dicitur hic. s. quod Asa amouit matrem suam ex Augusto Imperio, quia consecrauit simulachrum Priapi luco. Nam 3. Reg. 15. ponitur, quod amouit Asa matrem suam Maacham, ne esset princeps in sacrificijs Priapi. Et ista non concordant inter se, quia vnum est amouere eam, ne peccet: alterum est punire eam, quia peccauit. Dicendum, quod vtrumque factum est, quia vtrumque scriptura asserit, & dicendum, quod Maacha erat princeps in sacris Priapi. Potest autem intelligi hoc vno modo. s. quod ista Maacha erat princeps in sacris Priapi. i. erat principalis inter illas foeminas, quæ turpissimè libidini post sacra Priapi vacabant, & ipsa quoque eandem patiebatur libidinem. Rex autem Asa erubescens istud de matre sua amouit eam ab ista turpitudine. Vel fortè, quod honestius, aut minus turpe est ista Maacha sedebat tanquam princeps, & iudex in sacris Priapi, & hoc quasi feruore religionis, quia putabant Gentiles istam vitam esse dijs placitam, & per hanc homines fieri Deo acceptos. Et sic docebant sacerdotes, & principes templorum esse veram religionem. Ut patet in legenda Afræ, & comitum eius, qui se omnibus amatoribus exposuerant, non tam libidinis desiderio, quam religionis feruore, quia dicebant pontifices templorum, quod tanto aliqua mulier deæ Veneri magis accepta erat, ampliusque eam colebat, quanto plures susciperet amatores: & sic Maacha feruore religionis, ne turbarentur sacra Priapi, sedebat tanquam princeps, & iudex. s. si orirentur aliqua scandala propter incertam libidinem, quæ erat post sacra Priapi, ipsa iudicabat componens inter partes iuxta sceleratissimas leges sacrorum Priapi. Vel fortè ipsa præbebat, quæ necessaria erant ad sacrificia ipsius Priapi, & ob hoc princeps dicebatur. Rex autem Asa abstulit omnem immundiciam idolorum de terra, & potissimè istam, quæ pertinebat ad Priapum. Et sic confrauto simulachro, & subuersa specu, succisoque luco, & euersis altaribus Priapi, non poterat Maacha manere princeps in sacrificijs Priapi cum iam nulla essent. Vel dicitur amouisse eam, ne esset princeps in sacris Priapi fortè comminando sibi mortem, vel mala grauissima si malo huic communicaret. Istud autem totum pertinet ad culpam Maacha, scilicet, quomodo Asa abstulit occasionem

sionem peccandi ipsi Maacha. Cum autem dicitur hic, quod amouit Afa matrem suam Maacha ab Augusto Imperio: eo quod consecrauerat simulachrum Priapi in luco. Dicendum, quod istud fuit poena, quam Afa inflixit matri suae. Nam vacauerat idolatriae turpissime in sacris turpissimi Priapi, & cum propter hoc magna mala mereretur, inflixit hoc ei in poenam, ut non esset in illa dignitate augustali, in qua prius erat. Pro quo sciendum, quod Afa erat rex, & cum Maacha mater sua viueret, tenebat eam in statu regio velut si ipsa esset regina: & iste vocatur status augustalis, quia augustus est imperator, & augusta vxor imperatoris, quae gaudet privilegio imperatoris, & tenebat Maacha imperium augustum, idest, statum imperatricis, siue reginae, & in poenam deposuit eam Afa de illo statu, & sic vtrumque fecit Afa. scilicet matrem suam amouit, ne esset princeps in sacris Priapi, & etiam propter sacra Priapi deposuit eam de honore, quam tenebat.

An poterat, & obligaretur Afa matrem occidere.

Quaestio XXVI.

QVAERITVR ulterius, an poterat, & an obligabatur Afa occidere matrem suam Maacham, quia erat princeps in sacris Priapi. Aliquis dicet, quod poterat imò obligabatur Afa occidere illam, quia Deus dederat regulam generalem de omnibus idolatris, quae occiderentur, & pertinebat executio ad Afa tempore suo, quia rex erat, ergo indifferenter tenebatur quoscunque occidere. Item non debebat dici, quod ex hoc, quod mater erat Afa, non debebat occidi, quia quaecunque persona esset quantuncunque coniuncta cognatione non debebat ei parci, ut supra Deutero. 13. scilicet. Si tibi voluerit persuadere frater tuus filius matris tuae, aut filius tuus, vel filia, vel vxor, quae in sinu tuo est, &c. Ibi sequitur, quod quemlibet istorum occidere deberemus: si nos ad idolatriam sollicitaret, ergo Afa poterat, & debebat matrem suam occidere. Respondendum, quod non tenebatur Afa occidere matrem suam propter cultum idolorum, quia si teneretur non posset ipse remittere poenam, & remittendo peccaret. Et tamen non peccauit fauendo alicui idolatriae cum dicitur hic, quod cor eius erat perfectum cum domino omnibus diebus vitae suae: ergo non tenebatur occidere matrem, sed egit Afa ad quod tenebatur. scilicet tollere omnem idolatriam de terra, & prohibere matrem suam esse principem in sacris Priapi. Et si ipsa repugnaret, tenebatur eam vinculare, vel alias ponere in custodia: ita ut non posset vacare cultui idolorum, scandalizando alios: occidere tamen ipsam non tenebatur, quia contra naturam est auctorem vitae nostrae occidere. scilicet ut id ei nos subtrahamus, quod ipse nobis praestitit. scilicet vitam. Ideo pro nullo crimine quantuncunque graui licet filio occidere patrem, vel matrem: nam non licet filio desistere a benefaciendo patri, & matri in necessariis, etiam si sceleratissimi sint, dum tamen communicatio eorum non sit filio ad mortem, vel ad malum grauiusimum, ut patet per Aristot. 8. Ethic. cap. ult. a fortiori ergo pro nullo crimine licebit filio occidere patrem, vel matrem. Et etiam iura non possunt eum obligare ad hoc rationabiliter, quia ius rationabile est, ideo nunquam obligabit contra naturalem pietatem. Et sic dato quod filius sit iudex, & pater deliquerit in legem capitaliter, non tenebitur eum occidere, nec tradere eum alicui occidendum, sed per alium iudicem causa illius ventilari, & diffiniri deberet. Vel potius iste renunciare deberet iudicaturae, ut non offenderet legem publicam, & non occideret patrem. Ad rationem in contrarium dicendum, quod licet generaliter iubeatur, quod occiderentur omnes homines intelli-

A batur, quod hoc fieret per iudices illos, qui legitime, & non agendo contra naturalem ordinem, & debet tunc poterant istud exequi, sed filius contra patrem ad causam capitalem non est conueniens iudex: ideo non teneretur occidere patrem, sed prouidere aliter, sicut prouidit Afa. scilicet abstulit crimen idolatriae matri suae faciendo, ne ultra esset princeps in sacris Priapi, & remittendo poenam cum non posset licite inferre illam. Ad aliam rationem dici potest dupliciter, vno modo, quod illud non intelligitur de omnibus idolatris, sed solum de illis, qui sollicitant alios, ut perducant eos ad cultum idolatriae. Nam sic dicitur ibi, quod si tibi voluerit persuadere frater tuus, &c. Est autem longè maius peccatum, quod aliquis conetur subvertere alios ad idolatriam, quam quod ipse idola colat neminem sollicitando: ideo rationabilius fuit, quod daretur poena grauior in primo, quam in secundo modo. Et istud est etiam, quod cognati in gradibus propinquissimis tenerentur agere capitaliter contra cognatos suos. In secundo autem casu non dicitur hoc, sed solum iubetur quod occidantur idolatrae, & non dicitur a quibus, mater autem Afa, non sollicitabat ipsum ad colendum idola, sed solum ipsa erat princeps in sacris Priapi: ergo non tenebatur ipse occidere eam. Aliter etiam dici posset, quod dato quod mater Afa sollicitaret ipsum ad colendum idola, non teneretur occidere eam. Nam Deutero. 13. cap. ubi ponitur hoc, solum ponitur de filio, & filia, & fratre, & vxore, & amico. De patre autem & matre non ponitur, ergo videtur, quod lex non se extendat ad illos: maximè, quia leges poenales restringendae sunt. Sed obijciat aliquis, quia adhuc per legem possent pater, & mater occidi, quia ponuntur ibi gradus ad signandum, quia dato quod aliquis maximo amore teneatur ad alium debet ipsum occidere, vel accusare ad mortem, si persuaserit ei tendere ad idolatriam, sed maiori amore feruntur patres, & matres in filios naturaliter, quam filij in patres, & matres, ut probat Aristot. 8. Ethic. ergo si pater tenetur occidere filium, vel filiam in casu isto, a fortiori tenebitur & filius occidere patrem, vel matrem. Item, quod aliquis occidat alium, videtur tanto magis contra naturalem inclinationem, quanto magis in gradu consanguinitatis approximatur, sed pater est magis cognatus filij, quam filius patris, quia, ut dicit Aristot. 8. Ethic. magis coapproximatur quo ad quod quam genitum facienti. id est magis coapproximatur pater filio, quam filius patri. Et satis apparet causam naturalem huiusmodi, ergo quando pater occiderit filium magis agit contra iura consanguinitatis, quam quando filius occiderit patrem, & tamen licet patri occidere filium in casu dato: ergo licebit a fortiori filio occidere patrem. Respondendum, quod non licet filio occidere patrem, vel matrem, quia magis tenetur in imensum filius patri, & matri, quam pater filio. Nam filius tenetur honorare patrem. nono Ethicorum, sed pater non tenetur honorare filium. Idem de reuerentia, & obedientia, & omni subiectione. Item pater potest abnegare filium dicendo se ei nihil debere. Filius autem non potest abnegare patrem, quia qui semper debet, nunquam potest abnegare, qui autem nihil debet, sed ei debetur potest abnegare, ut probat Aristot. 8. Ethic. cap. ult. Est autem iniuria tanto maior, quanto aliquis agit contra maius debitum, sed nullus potest teneri alteri magis, quam filius patri, cum teneatur ei ad totum quidquid est: ergo non poterit esse maior iniuria, quam si filius patrem, vel matrem occiderit. Cum autem obijciatur de consanguinitate maiori, & amore patris ad filium, quam è conuerso. Dicendum, quod istud verum est, & tamen ista non causant obligationem aliquam, quia conditio naturae constituit amorem, & coapproximationem. Ratio autem constituit

stituit differentiam debiti secundum id, quod datum, & acceptum est. Sed filius omnia, quæ habet accepit à patre, & pater nihil suscepit à filio: ergo filius tenetur patri in immensum. Pater autem non tenetur filio ad aliquid. Intantum quod Aristo. 8. Ethic. constituit debitum hominis ad Deum, & ad patrem suum quasi æquale, dicens: Dijs, & parentibus nō possumus retribuere equalia. quamquam ergo liceat patri aliquando occidere filium, quia ei ad nihil tenetur, nunquam licebit filio occidere patrem, quia tenetur ei ad immensum, & propter peccata patris, non cessat debitum filij.

An Afa teneretur occidere idolatras. Quest. XXVII.

QVAERITVR ulterius, cum tempore Afa, quando purgavit idolorum immunditiā de terra essent multi idolatras, an tenebatur occidere omnes. Aliquis dicet, q̄ tenebatur Afa occidere omnes idolatras, qui erant in terra sua, quia sic iussit Deus Deut. 17. Item non solum si essent pauci idolatras, sed etiam si esset vna ciuitas, tenebantur eos occidere Israelitæ, vt patet Deuter. 13. Item (quod maius est) si essent duæ, vel tres tribus, vel plures idolatras, tenebantur delere eas Israelitæ, sicut pugnare volebatur nouem tribus, & dimidia contra duas tribus, & dimidiam pro altari ædificato apud Iordanem ab eis. Ios. 22. Aliquis dicet, quod non tenebatur occidere omnes, quia totus populus ferè erat in idolatria, ideo omnes occidere teneretur, quod erat absurdum. Respondendum, quod hic poterant considerari duo. scilicet peccatum eorum, qui permanere volebant in idolatria, aut poena illorum, qui peccauerant, & tamen iam spontè rediebant ad cultum Dei. De primò dicendū, q̄ siue multi, siue pauci essent, tenebatur Afa occidere illos, & si non posset, vt iudex, quia multi erant debebat committere bellum contra eos, sicut contra hostes, & occidere ipsos. Et in isto casu intelligitur, quod habetur Ios. 22. scilicet quia duæ tribus, & dimidia videbantur permanere adhuc in idolatria: eo quod habebant magnum altare fabricatum apud Iordanem: ideo reliquæ nouem tribus, & dimidia parauerunt se ad pugnam contra illas, & pugnaissent, nisi duæ tribus, & dimidia se legitimè excusassent. Sic facere deberet Afa, nisi fortè multitudo volèrium manere in idolatria tanta esset, contra quam nullo modo posset pugnare, quia tunc non debebat aggredi pugnam, sed prius consulere debebat dominum quid agere deberet, cum Deus faciliter posset consuli per prophetas super quocunque negocio, & tunc sciret, an pugnandum sibi esset, vel quiescendum. Sic enim quando totus populus peccauit in fabricatione vituli præter tribum Leui, quamquam illa esset parua multitudo in cōspectu totius populi, cū Moyses sciret, quod Deus volebat punire Israelitas, aggressus est eos cum sola tribu Leui, & occidit viginti tria millia. Exo. 32. Si autem quæretur de peccato illorum, qui olim peccauerant in idolatriam, & tamen iam volebant spontè conuerti ad Deum. Dicendum, quod secundum leges humanas tam canonicas, quàm ciuiles parcendum esset eis propter multitudinem, vt patet extra. de clerico excommunicato, vel deposito ministrante cap. latrores, & in Decretis. dist. 50. cap. vt constitueretur, & 54. dist. cap. commensationes. In lege autem Dei secus videtur, quia ipse iussit occidi omnes peccantes in hoc crimine, quia etiam si esset vna ciuitas, vel multe totaliter debebant dirui, & exuri, vt nūquam habitaretur, & occidebatur omne viuens repertum in ea vsque ad pecora: Deute. 13. Dicendum tamen, q̄ Afa non tenebatur nunc occidere omnes idolatras spontè redeūtes, quia si deberet seruare tenorem legis, oportebat, q̄ non relinquerentur in toto regno Iuda aliqua loca,

F sed omnia cremanda erant, & diruenda, ponendaq; in cumulos æternos, eo q̄ in omnibus locis fuerant altaria in collibus, & lucis, & subter arbores frondosas. 3. Reg. 14. cap. Et sic perirent duæ tribus Israel, quæ faciebant regnum Iuda. Et quod deterius videbatur, periret terra, quia locus, qui semel subijciebatur anathemati propter idolatriam, fiebat cumulus æternus, & non licebat ibi alicui habitare: ideo non liceret regi Afa destruere sic terram propter idolatras. Et dato quod vellet hoc Afa, non posset, quia ferè totus populus peccauerat in idolatria. Sed adhuc dato, q̄ posset destruere totum populū habendo auxiliares aliunde, non liceret ei hoc facere incōsulto Deo, quia iste erat casus grauissimus, qui videbatur esse contra voluntatem Dei propter duo. Primò, quia Deus volebat, q̄ manerent omnes duodecim tribus Israel semper. Secundum erat, quia dederat terram illam in possessionem Israelitis in æternum, q̄ ergo ipse destrueret oēs ciuitates illas faciendo, quod nullus iam in eis habitare posset propter anathema positum, videbatur contra voluntatem Dei, ideo nō debebat ista facere Afa Deo incōsulto: potissimè, cum eius responsum posset faciliter haberi per prophetas, vel sacerdotes. Vnde dicendum, quod Afa non occidit aliquos de Israelitis, qui fuerant idolatras tempore regum priorū, sed hortatus est eos, vt quærerēt dominum in toto corde suo, & illi sic fecerunt cōponentes fœdus cum Deo, & obseruantes illud tempore Afa, vt patet supra in litera. **H** Ideo neminem occidit, quia nemo repugnauit, sed omnes vnanimiter redierunt ad Deum. Pro peccato autem præterito nullum occidit, quia si vnum occideret omnes pariter occidere deberet, quia eadem ratio erat. Credendum est autem, quod hoc fecerit Afa de consilio prophetarum, qui tunc erant, quia erat tunc Azarias filius Oded, vt patet supra in litera. Erat etiā Iheu filius Anani, vt patet seq. cap. & infra 20. & tertio Reg. 16. Et hoc colligitur, quia Afa in ijs omnibus rectè fecisse laudatur, vt patet in litera. Et tamen si obli-garetur facere contrarium, peccaret.

An excelsa derelicta fuerint ab Afa confracta.

Questio XXVIII.

I **Q**VAERITVR ulterius, quomodo dicitur hic, quod excelsa derelicta sunt in Israel, quia præcedenti cap. dicitur, q̄ subuertit Afa altaria peregrini cultus, & excelsa, & confregit statuas. Dicendum, quod excelsa vocantur altaria à celsitudine, sicut nomē Latinum sonat, cum dicimus altare. Et ista excelsa erāt in collibus, & locis frondosis: dicunt ergo quidam, q̄ excelsa, siue altaria facta extra templum. Dei erant duplicia, quædam erant facta ad cultum demonum, quia ibi offerebantur sacrificia idolis, & ponebantur statuas. Alia erant excelsa, quæ fiebant ad honorem Dei, in quibus fiebant sacrificia Deo vero secundū cœremonias legis, & ibi offerebāt sacrificia sacerdotes de stirpe Aaron. Solum autem erat contra legem in vnica cœremonia. scilicet quia faciebant sacrificium extra locum determinatum à lege. De primis excelsis, quæ erant ad honorem demonum dicendum, q̄ Afa illa destruxit. De secundis excelsis, quæ ad cultum Dei erant, dicitur hic, excelsa tamen derelicta sunt in Israel, & istud videtur satis rationabile, quia talis distinctio excelsorum ponitur. 4. Reg. 23. scilicet q̄ quædam excelsa destructa sunt, & sacerdotes eorum cremati sunt super altaria. Alia erant excelsa, quæ destructa fuerunt, & tamen sacerdotes eorum, nihil mali passi sunt, sed comedebant Azyma cum alijs sacerdotibus filijs Aaron, licet non permitterentur accedere ad altare, & ad reliquas administrationes, & tamen non permitterentur comedere

dere isti sacerdotes excelsorum de Azymis consecratis, si fuissent sacerdotes idolorum: imò nec permitterentur viuere, cum occideret Iosias alios sacerdotes idolorum: ideo ista excelsa erant, in quibus Deus colebatur. Et sic nunc Afa destrueret omnia excelsa, in quibus colebantur demones, & permetteret excelsa, in quibus Deus colebatur. Nam etiam Ezechias, qui fuit rex valde bonus, non deleuit huiusmodi excelsa. Aliter dicendum est, & melius, quod excelsa erant duplicia, quædam erant, quæ fecerat rex Salomon. scilicet templum, quæ fecit in monte Oliueti petentibus concubinis suis, & vxoribus, in quibus posuit deos, & deas ipsarum. 3. Reg. 11. alia erant excelsa, quæ postea fecerunt populares tempore Roboam regis, & Abiæ, in quibus colerent idola in collibus, & sub lignis frondosis, & etiam ibi faciebant aliqua altaria, in quibus offerebant sacrificia Deo vero. Fecerunt quoque reges aliqua altaria pro idolis in eisdem locis. Prima excelsa, quæ fecerat Salomon non fuerunt destructa, sed manserunt vsque ad tempus Iosia, qui illa deleuit. 4. Reg. 23. scilicet excelsa quoque, quæ erant in Ierusalem ad dexteram partem montis offensionis, quæ edificauerat Salomon. Et ista sunt excelsa, de quibus loquitur scriptura, quandoque dicitur de aliquo rege bono, quod abstulit idolatriam de terra, & postea subditur, excelsa tamen non abstulit, ut patet ex discursu tertij, & quarti Regum, quando agitur de regibus Iuda. Omnia autem excelsa, siue facta ad cultum Dei, siue demonum deleuit Afa: ideo de illis solis templis factis per Salomonem videtur intelligenda ista littera.

Quare Afa non destruxit templa. Quest. XXIX.

QUÆRITVR vterius, quare Afa non destruxit templa, quæ fecerat Salomon pro idolis vxorum, & concubinarum suarum. Aliquis dicet, quod istud fuit propter honorem Salomonis regis, qui fuit magis honoratus in toto Israel. Sed dicendum, quod istud non stat, quia si Afa attendisset ad honorem Salomonis, etiam attendisset ad honorem Abiæ, & Roboam regum prædecessorum suorum, in quibus magis erat sanguine iunctus, quam Salomoni, & tamen non attendit ad illos, quia 3. Reg. 15. dicitur, quod Afa purgauit vniuersas sordes idolorum, quæ fecerant patres sui. Item si ad honorem alicuius attendisset Afa, maximè attendisset ad honorem patris sui Abiæ, quia magis ei tenebatur, quam auo, & proauo. scilicet Roboam, & Salomoni, & tamen idola facta per Abiam patrem suum destruxit: ergo destrueret etiam idola facta per Salomonem. Item Afa purgabat idolatriam de terra, ut placeret Deo: ideo non attenderet ad honorem alicuius, per quem præiudicaretur honori diuino, sicut dixit Apostolus ad Galathas primo: Si hominibus inquit placerem, seruus Christi non essem, quia Deus dissipat ossa eorum, qui hominibus placere desiderant. Dicendum ergo est, quod non destruxit Afa ista templa, quia videbatur quædam ratio diuersitatis inter ista, & alia. Nam cetera templa, & altaria facta à regibus Iuda, & à popularibus erant facta ad colendum idola, & ibi Israelitæ colebant illa, ut ergo non colerent ultra ibi Iudæi idola, debebant destrui ista idola, & altaria. Templum autem Salomonis non fuerat factum, ut Israelitæ colerent ibi idola, sed pro vxoribus, & concubinis Salomonis, & erant pro dijs gentium, de quibus originem traxerant ista foeminae. scilicet pro Astarthe dea Sidoniorum, & pro Chamos deo Moabitarum, & pro Moloch, siue Melchom deo Ammonitarum, ut patet tertio Reg. 11. & 4. Reg. 23. Israelitæ autem non colebant ista idola, sed alia: ideo non introibant in illa templa ad idolatrandum: unde illa modicam occasionem

A præstabant Israelitis ad idolatrandum, nisi in quantum videntes illa templa sciebant idola esse in terra sua, & quantum ad hoc offendebantur. Et quia templa ista erant in monte Oliueti, vocabatur mons ille mons offensionis, ut patet 4. Reg. 23. & sic Afa videns modicam offensionem, vel quasi nullam præstari populo ex his excelsis, cum subuertisset omnia alia altaria, & templa idolorum, non subuertit ista. Eadem fuit causa in rege Ezechia, qui licet fuerit rex valde bonus, & diligenter destruxerit idolatriam, tamen non subuertit ista templa, ut patet 4. Reg. 18. cap. Et manserunt sic vsque ad Iosiam regem, qui postea illa deleuit 4. Reg. 23. quia iste omnino eradicauit idolatriam de terra sua, quia ipse fuit consumatio omnium regum bonorum.

An Afa peccauit non destruendo templa. Quest. XXX.

QUÆRITVR vterius, an peccauit Afa non destruendo illa templa, quæ fecerat Salomon. Aliquis dicet, quod sic, quia Deus iusserat, quod quandoque notum esset in aliqua regione, vel ciuitate esse idolatras, siue multi essent, siue vnus, debebant occidi. Sed nunc notum erat esse in terra Iuda altaria pertinentia ad idolatriam, cum essent ibi illa templa Salomonis: ideo tenebatur Afa illa destruere ex officio suo, cum rex esset. Item patet, quia si non fuisset peccatum permitti illa templa idolorum in terra, non curasset Iosias destruere templa ista, & tamē destruxit illa, & deus valde placatus est: ergo peccatum erat dimitti ipsa. Item quandoque aliquis rex bonus erat in Iuda, & narrantur eius bona opera dicitur in fine: veruntamen excelsa non abstulit, & dicitur hoc quasi improprium: ergo peccatum quoddam erat non auferre illa templa. In contrarium videtur, quod non peccauit Afa, quia quando dicitur hic: Excelsa autem relicta sunt in Israel, subditur, attamen cor Afa perfectum erat cum domino omnibus diebus vitæ suæ, & tamen non poterat esse perfectum, si peccaret non delendo idolatriam: ergo non peccauit. Item patet hoc de rege Ezechia, qui fuit optimus intantum, quod 4. Reg. 18. dicitur de eo: ita quod in posterum non fuit ei similis de cunctis regibus Iuda, nec in ijs, qui ante eum fuerunt: & tamē Ezechias cum destruxisset reliquam idolatriam, non destruxit excelsa, quæ edificauit Salomon: ergo non erat peccatum non destruere illa. Respondendū, quod si præceptum erat in lege destrui idolatriam, & occidi omnes idolatras. Deuter. 13. & 17. & si præceptum erat, quod aræ idolorum, quas fecerant Chanaanæi, qui fuerant in terra ante introitum Israelitarum destruebantur. Deutero. 7. & Ios. 23. & Iudic. 2. à fortiori ipsa altaria, & idola, quæ facerent Israelitæ destruenda erant, quia magis abominabilia erant, quam altaria, quæ facerent Gentiles, quia magis illicitum erat Israelitis facere idola, quam Gentilibus. Hoc apparet, quia si in aliqua ciuitate Israel colerentur idola à Gentilibus, postquam caperetur ciuitas ab Israelitis, solum debebant destrui altaria, & occidi habitatores, & tamen non debebat destrui ciuitas. Si tamen Israelitæ publice colerent idola in aliqua ciuitate, non solum ipsi occidendi erant, sed etiam tota ciuitas cremanda, & pecora, & iumenta, & paruuli, & quidquid in vrbe erat, & muri diruendi erant ad solum, ut non maneret iam ibi locus habitandi, sed tumulus æternus. Deut. 13. Idola ergo, & templa facta à quibuscunque Israelitis destruenda erant, & peccabant quicunque habentes potestatem, si ea non destruerent. In idolis tamen, & templis factis à Salomone erat specialis ratio, ut declaratum est præcedenti questione, scilicet, quia non videbantur causare aliquod scandalum. ideo Afa, & Ezechias tanquam non habentes conscientiam mali de

de templis istis reliquerunt ea intacta. Postea autem Iosias videns, quod aliquale scandalum sequebatur. Israelitis ex templis illis, diruit ea, ut nihil omnino de idolatris maneret in terra: quod tamen isti duo reges non peccauerint, non destruendo illa templa Salomonis patet, quia de Afa dicitur hic, quod excelsa derelicta sunt in Israel, & tamen subditur, attamen cor Afa perfectum erat cum domino cunctis diebus: quasi dicat, licet non destruxerit Afa ista excelsa, tamen cor suum perfectum erat cum Deo. Et tamen non dicitur cor alicuius perfectum cum Deo, quando aliquo modo sequitur idolatriam, vel fouet illam, aut fauet ei, sed toto corde debet eam expugnare, quia ut supra declaratum fuit, licet non requiratur innocentia totalis alicuius ad hoc, ut dicatur cor eius perfectum cum Deo, requiritur tamen, quod nullo modo peccet circa idolatriam directe, vel indirecte. De Ezechia, quod non peccauerit, non destruendo illa templa patet, quia 4. Reg. 18. dicitur, quod in omnibus diebus suis non recessit a domino: si tamen teneretur destruere templa illa Salomonis, & non destruxisset, recessisset a domino: ergo non tenebatur, & consequenter non peccabat non destruendo. Item patet hoc Eccl. 49. cum dicitur, preter David, Ezechiam, & Iosiam omnes reges peccatum commiserunt: ergo videtur saltim, quod Ezechias nullo modo peccauit, & tamen ipse non destruxit, sed permisit manere templa facta a Salomone pro idolis: ergo etiam Afa, qui dimisit illa manere, sicut Ezechias non peccauit. Ad primam rationem in contrarium dicendum, quod preceptum illud traditum erat de omni, quod proprie pertinebat ad idolatriam, per quod cultus Dei turbabatur, templa autem facta a Salomone non erant huiusmodi: ideo non apparebat directe, an caderent sub hoc precepto, & propter dubium non peccabant Afa, & Ezechias. Ad secundum dici potest dupliciter: vno modo, quod licet tempore Ezechiae, & Afa non apparerent templa Salomonis scandalosa populo: tamen apparuerunt postea tempore Iosiae, scilicet, quia forte populus colebat iam idola in illis: unde mons Oliueti in quo erant, vocabatur tunc mons offensionis tempore Iosiae. 4. Reg. 23. & non vocabatur mons offensionis tempore aliorum regum. Aliiter potest dici, quod Iosias destruxit illa templa non ex necessitate, sed ex supererogatione, sicut quaedam opera, quae faciunt viri boni, qui etiam si omitterent non peccarent, & tamen faciunt ea ad magis merendum: sed primum verius est. Ad tertium dicendum, quod excelsa erant duplicia, quaedam quae facta sunt a Salomone; alia, quae facta sunt ab alijs regibus, & popularibus. De primis dicunt, quod non erat diminutio laudis, non auferri illa excelsa. De secundis autem erat diminutio. Et cum dicatur hic de Afa, quod excelsa non abstulit, non ponitur in vituperium eius, quia sequitur: Attamen cor Afa perfectum erat cum Deo omnibus diebus suis. Aliiter potest dici, quod verum est, quod non peccauerunt Afa, & Ezechias non destruendo templa Salomonis, & tamen minus fuerunt laudabiles, quam Iosias, qui abstulit illa, & sic videtur, quod ponitur istud de regibus valde bonis, quod non abstulerint ista excelsa, non ad signandam aliquam culpam, sed ad signandum, quod non perueniunt ad summum gradum laudis, ad quem peruenit Iosias, qui destruxit haec.

An Afa polluerit aquas Cedron ponendo illos cineres in eis.

Quaestio XXXI.

QVAERITVR vltius, quare posuit Afa cineres sculptilis Priapi in torrente Cedron, & an

per hoc polluit aquas. Respondendum, quod torrentis Cedron potest hic accipi non pro ipsa aqua, vel alueo torrentis, sed pro locis coniunctis, & illa vocantur conuallis Cedron. Erat autem illa conuallis immunda, quia ibi spargebantur, vel fundebantur omnia immunda: nam apud Iudaeos erant quaedam secundum legem immunda, quae tangi non licebat, ne hominem contaminarent, & ista fundenda erant in loco, quodammodo determinato extra vrbes singulas, ne si indifferenter per singula loca spargerentur, contaminarentur ipsi tangentes ea. Et sic in Ierusalem locus spargendarum immunditiarum erat conuallis Cedron, ideo quidquid immundum esset, spargerentur ibi cineres, tamē idoli combusti erant aliquid immundum, cum idolum reputaretur sordes, & inquinamentum secundum legem. Deuterono. 7. ideo debuerunt spargi cineres isti in conualle Cedron, & sic omnes immunditiae idolorum, quas extraxit Iosias de templo domini cremauit, & sparsit in conualle Cedron. 4. Reg. 23. Et ista est veritas, scilicet, quod apud torrentem Cedron in conualle fuit iste cinis sparsus, & non in aqua torrentis. Quidam autem dicunt, quod sparsit cinerem istum Afa in ipsa aqua torrentis Cedron. Et dicunt, quod hoc erat, quia ipsa aqua torrentis Cedron erat immunda. Sed hoc non stat, quia tunc diceremus, quod non liceret Iudaeis accipere aquam de illo torrente ad aliquem usum, & accipiendo illam polluerentur, cum esset aqua immunda. Et tamen istud est rationabile, quia illa aqua poterat prodesse vrbi ad multas necessitates cum laberetur apud menia vrbs. Potissimē, quia terra illa est aquarum nimis egena, & ob hoc tenetur aqua in cisternis ad necessitates humanas. Alij dicunt aliter, scilicet, quod pulvis idoli proiectus est in torrentem Cedron ad polluum illum, sicut ossa mortuorum sparsa fuerunt super loca templorum idolorum, & lucorum suorum, ut essent immunda, ut patet 4. Reg. 23. Etiam super altare, quod erat in Bethel combustit Iosias ossa mortuorum ex eadem causa. eodē capitulo. Sed dicendum, quod istud non stat, quia ista positio minus rationalis est, quam praecedens, scilicet, quod Afa veller aquas Cedron, quae alias erant mundae, facere immundas, & tamen illae erant nimis necessariae vrbi propter causam dictam supra: ideo non intenderet pollueri illas, sed potius si essent pollutae, intenderet illas mundare. Secundum non stat, quia praesupponitur falsum, scilicet, quod aquae non poterant esse immundae: nam Leuit. 11. dicitur de morticinis, & alijs immundis, quod si caderent super quameunque rem facerent eam immundam, & tamen si caderent super fontes, aut cisternas, aut quascunque aquarum congregationes, non polluerentur. Ideo etiam si nunc isti cineres Priapi combusti proijcerentur in torrentem Cedron, non essent aquae immundae. Dicendum ergo sicut supra, scilicet, quod cineres isti fuerunt proiecti in torrente Cedron, id est, iuxta illum in conualle Cedron. Aliiter dicunt quidam, quod Afa proiecit cineres istos in aquas torrentis Cedron: non quidem ad polluum eas, sed potius, ut nihil aliud pollueretur. Nam in quocunque loco spargerentur isti cineres efficeretur locus immundus, cum ipsi essent immundi, aqua autem non poterat pollui, etiam si proijcerentur in ea omnia immunda. Leuit. 11. Ideo proiecti fuerunt cineres in aquam, quia per hoc nihil polluebatur, scilicet, nec ipsa aqua, nec aliquid aliud, cum in nullo alio proijcerentur, praecedens tamen modus verior est. Aliquis tamen instabit dicens, quod Afa proiecit cineres in aquam ad imitandum Moysen. Nam Moyses combustit vitulum, quem fabricauerant Israelitae, & cineres sparsit in aqua, ut patet Exo. 32. & Deuter. 9. Sed dicendum, quod hoc non stat, quia Moyses habuit iustam

iustam causam spargendi cineres in aquam, quam nō habuit Aſa, quia Moyses voluit ſcire, qui erant illi, qui peccauerant in fabricatione vituli: & ad hoc cōbuſſit illum, & redigens in puluerem ſparſit in aqua, & coegit Iſraelitas inde bibere: Exo. 32. & hoc fuit, vt cū biberent appareret aliquod ſignū in quolibet peccante: vtpotē, quōd aqua illa inflaret ventrem eius, vel faceret aliud ſignum apparens, & poſſet ipſe ſic occidere peccatores. Nunc autem nihil tale erat: ideo nō ſpargeret Aſa iſtos cineres idoli in aquam, vt imitaretur Moysen. Et ſic dicendum, quōd proiecit Aſa in torrentem Cedron, ideſt, in conualle torrentis cineres iſtos, & non in aqua torrentis.

CAPITVLVM XVI.



ANNO autem tricesimo ſexto regni eius, aſcendit Baaſa rex Iſrael in Iudam, & muro circūdabat Rama, vt nullus tūtē poſſet egredi, & ingredi de regno Aſa.

Protulit autem Aſa argentum, & aurum de theſauris domus Domini, & de theſauris regijs: miſitque ad Benadad regem Syriæ, qui habitabat in Damasco, dicens: Fœdus inter me & te eſt. Pater quoque meus, & pater tuus habuere concordiam: quamobrem miſi tibi argentum & aurum, vt rupto fœdere, quod habes cum Baaſa rege Iſrael facias cum à me recedere. Quo comperto Benadad miſit principes exercitus ſuorum ad vrbes Iſrael, qui percuſerunt Ahion, & Dan, & Abelmain, & vniuerſas vrbes Nephtalim muratas. Quod cū audiſſet Baaſa deſijt ædificare Rama, & intermiſit opus ſuum. Porro Aſa rex aſſumpſit vniuerſum Iudam, & tulerunt lapides de Rama, & ligna, quæ ædificationi præparauerat Baaſa: ædificauitque ex eis Gabaa, & Maſpha.

Anno triceſimo. In præcedentibus dicto de Aſa laudabili conuerſatione: hic agitur de eius præuaricatione. Nam circa finem vitæ ſuæ præuaricatus eſt, cū ſemper à principio fuiſſet bonus, & diuiditur in duas partes. Et primò ponitur Aſa præuaricatione. Secundo præuaricationis obſtinatio, ibi. *In illo tempore venit.*

An iſta ſint continuatæ, & immediatæ factæ.

Quæſtio I.

QVAERITVR Circa primum, an ea, quæ habentur hic ſint continuata ad præcedentia, vel ſit ordo mutatus, & an fuerint iſta facta immediatè poſt præcedentia, vel interiecto aliquanto tempore.

Alph. Toſt. ſuper lib. Paralip. Pars 2.

Ad primū dicendū, q̄ eſt ordo continuus, quia præc. c. actū eſt de vita Aſa, hic agitur de eius morte, ideo neceſſe eſt, q̄ fuerint iſta poſt præcedentia. Ad ſecundū dicendū, q̄ inter iſta & præcedentia fuit interpoſitum aliquantū tempus. ſ. annorū viginti, vel plus. Nam ea, q̄ habentur præc. c. de fœdere facto cū dño, & ablatione idolatriæ fuerunt facta anno quintodecimo regni Aſa, vt patet ibid. & tñ ea, q̄ habentur in princ. c. huius ceperūt fieri anno triceſimo ſexto regni ei⁹, vt patet in iſa. Fuerūt ergo anni quaſi viginti vnus intermedij. Circa primum dñ: Anno triceſimo ſexto regni eius: regnauit Aſa annis quadraginta vno, vt patet infra in litera. Et geſta priorū temporum regni deſcribuntur in duobus cap. præced. Hic autem deſcribūtur illa, q̄ geſta ſunt ab

B anno triceſimo ſexto vſq; ad quadageſimum primū, q̄ fuit annus mortis ſuæ. *Aſcendit Baaſa rex Iſrael in Iudam.* i. aſcendit ad terram regni Iuda. Iſte Baaſa fuit contemporaneus regi Aſa, & regnabat vnus in Iuda, & alius in Iſrael: regnauit. n. Aſa magno tempore. ſ. quadraginta vno annis: ideo habuit multos temporaneos ſucceſſorē de regibus Iſrael, qui pauco tpe regnabant. ſ. Ieroboam, Nadab, Baaſa, Hela, Zamri, Amri, & Achab. Nam anno viceſimo regni Ieroboam cœpit regnare. 3. Re. 15. & regnauit vſq; ad annū quartū regis Achab. Nam Ioſaphat filius Aſa cœpit regnare anno quarto Achab regis Iſrael. 3. Re. 22. c. *Et muro circūdabat Rama.* Eſt Rama ciuitas in ſorte Benjamin, Ioſ. 18. Et dicunt quidam, q̄ Baaſa circūdabat Rama muro. ſ. illam urbē

C murando, vt pro ſe teneret illam, licet pertineret ad regnum Iuda. Alij dicunt, q̄ apud illam faciebat quoddam fortaliſium ad impediendū introitum, & egreſſum, ſed de hoc declarabitur infra in quadam quæſt. *Vt nullus tūtē poſſet ingredi, & egredi de regno Aſa.* Poſſet intelligi dupliciter. Vno modo, q̄ erat iſte murus ad impediendū ſingulos de regno Aſa intrare in urbem Rama. ſ. cū eſſet fortaliſium iſtud apud urbem Rama, non poterat intrare aliquis in vrbe Rama, quia exiſtentes in fortaliſio prohiberent inuadendo portas vrbis, vt etiam intrarent cū volentibus intrare in Rama, vel ſagittarent eos: ita vt non pmitterent illos accedere ad portam vrbis, etiā non pmitterent egredi de vrbe aliquos volentes egredi, quia impedirent eos exiſtētes in

D fortaliſio, & ſic cogerentur fame perire, quia erat iſta obſeſſio æterna. Secundo modo pōt intelligi, q̄ vocabatur introit⁹, & egreſſus viris de regno Aſa in terram Iſrael. Et pōt intelligi, q̄ tranſitus de terra Aſa in terrā Iſrael erat p̄ urbem Rama, & erant oīa loca vicina inadiſibilia propter incōmoda viarum. Vtpotē, ſi in circuitu erant magni alpes, vel alia incōmoda viarum: ita vt non poſſet eſſe tranſitus, niſi apud urbem Rama, & ille eſſet valde ſtriſtus. Et ſic manentes in fortaliſio, quod faceret Baaſa, viderēt omnes venientes de terra Aſa in terram Iſrael, & nullū pmitterent tranſire, quia erant ipſi apud viam, & neceſſe erat tranſeuntes venire iuxta caſtrum. Et ſi aliqui pmitterent aliquos de regno Iuda intrare in terram Iſrael, non pmitterent eos poſtea

E exire, & tenerent captiuos: erat etiam magnū damnum regno Aſa, q̄ illud caſtrum ædificaretur, quia poterat ibi Baaſa rex Iſrael tenere multos viros paratos ſemper ad bellum, qui repentinis incurſionibus vaſtarent loca propinqua regni Aſa, & etiam loca longinqua ſubito diſcurrentes, & venientes ex inſperato. Et ob hoc nimis doluit Aſa, quōd fieret talis ædificatio. Protulit autem Aſa argentum, & aurum de theſauris domus Domini, & de theſauris regijs. Hic ponitur peccatum regis Aſa, ſcilicet, quia non habuit ſpem in domino, ſed recurrit ad regem Syriæ. Nam videbat Aſa pugnandum ſibi eſſe contra Baaſam regem Iſrael, nē continuaret ædificium ſuum: & ſi non pugnaret, fieret ſibi magnū præiudiciū, & quia putauit ſe non

D d poſſe

posse pugnare contra regem Israel, voluit concitare F contra eum regem Syriae, & ad hoc dedit ei munera, scilicet, aurum, & argentum, quod erat in thesauris templi, & illud quod erat in thesauris regis. Sed quomodo potuit ista dare cum non viderentur aliqua esse tempore Asa, & an peccaret dando declarabitur infra in quibusdam quaestionibus. *Misitq; ad Benadad regem Syriae.* Benadad erat rex in Syria eo tempore, quo regnabat Asa in Iuda, & Baasa in Israel, & erat rex potens: ideo petiuit ab eo auxilium Asa, & obtulit ei munera, est enim regnum Syriae coniunctum regno Israel ex parte Aquilonari: nam Euphrates diuidit inter Syriam & terram Israel, & ponitur terminus eius Aquilonaris Gen. 15. De isto Benadad quis sit, & an sit ille Benadad: de quo aliàs saepe fit mentio in scriptura, declarabitur infra in quadam quaestione. *Qui habitabat in Damasco.* Est Damascus ciuitas nobilissima totius Syriae: est enim magna nimis, & opulenta habens flumina famosa, scilicet, Pharphar, & Abana. 4. Reg. 5. Et ob hoc rex magis ibi morabatur, quam in alio loco quocunque Syriae. Est etiam Damascus ciuitas Metropolitana Syriae, sicut dicitur Isa. 7. scilicet. Caput Syriae Damascus. & est duplex Syria, & quaedam illarum vocatur specialiter Syria Damasci, vt patet 2. Reg. 8. scilicet: Venit Syria Damasci, vt praesidium ferret Adarezer regi Soba, & tamen ille Adarezer erat rex Syriae, vt patet ibidem, & eod. lib. cap. 10. Ex quo apparet, quod erat alia Syria praeter Syriam Damasci. *Fœdus inter me, & te est.* Id est, tu debes mihi succurre, quia fœdus est inter me & te: & ex conditione fœderis tenentur se mutuo adiuuare confederati. *Pater quoque meus, & pater tuus habuere concordiam.* Istud ponitur ad magis persuadendū scilicet, non putes, quod istud fœdus nouum sit inter me & te, & quod ob hoc ad pauca vicissim teneamur, sed est fœdus ab antiquo inter nos, quia non solum inter nos est fœdus, sed etiam inter nostros patres fuit fœdus, & concordia, & in tāto tempore verisimile est, quod in multis sibi mutuo proficerent: ideo non solum ex conditione fœderis nos vicissim tenemur, sed etiam ex bonorum operū erogatione antiqua. Pater istius Benadad fuit Tabrimon, vt patet 3. Reg. 15. & ille habuit fœdus cum Abia patre Asa. Erant hic tres reges confederati, scilicet, Benadad rex Syriae, & Asa rex Iuda, & Baasa rex Israel, & non erant omnes tres confederati mutuo, sed Asa rex Iuda erat confederatus cum Benadad rege Syriae, & Baasa rex Israel etiam confederatus erat cum Benadad: sed rex Israel & rex Iuda inter se non erant confederati, sed potius nunc erant hostes. Erant autem isti tres reges vicini, & poterant confederari. Nam rex Syriae, & Israel erant coniuncti terra. Nam terra Syriae tangebatur terram Israel in latere Aquilonari Israel, vnde erat magis aquilonaris terra Syriae, quam terra Israel: terra autem Iuda erat adhuc magis meridiana, quam ista duo, & tamen inter ista tria regna non intercidebat aliud regnum medium alicuius alterius gentis. Poterant ergo inter se conuenienter habere fœdera. Nam fœdera non profunt, nisi illis regionibus, quae aut terra, aut mari coniunguntur: ita vt quādocunque opus fuerit possint mutuos sibi praebere fauores, & ita erat de regionibus istis. *Quamobrem.* Scilicet, quia cōfederatus mihi es, & teneris me adiuuare. *Misi tibi argentum, & aurum.* Scilicet, omne aurum, & argentum quod inuentum est in thesauris domus domini, & in thesauris regis. *Vt rupto fœdere quod habes cum rege Israel facias eum a me recedere.* Id est, facias eum recedere a terra mea, vt non me concludat, nec coangustet faciendo nouas munitiones contra regnum meum. Et dicitur rupto fœdere, quia praesupponendū est, qd Benadad rex Syriae habebat fœdus cū Baasa rege

Israel, & non poterat pugnare contra eum manentē fœdere: ideo volebat Asa, qd Benadad rumperet fœdus quod habebat cum rege Israel, & cogeret eum recedere de Rama, quam claudebat muris. *Quo comperto.* Scilicet, qd Asa mittebat multum aurum, & argentum Benadad, vt adiuuaret eum contra regem Israel, & ē comperto, qd rex Israel grauaret regem Iuda faciendū nouas munitiones contra ipsum. *Misit principes exercituum suorum.* Erat rex valde potens Benadad, & non oportuit, qd ipse veniret personaliter, sed misit principes exercituum suorum, qui cogerent Baasa regem Israel cessare ab aedificatione, quam inceperat. *Qui percusserunt Ahion, & Dan, & Abelmain.* Isti erant ciuitates de regno Baasa in terra Israel, & erant coniunctae terrae Syriae in latere aquilonari terrae Israel. Pro quo sciendum, qd principes exercituum, quos misit Benadad non iuerunt contra Baasa manentem in Rama aedificando, vt pugnarent contra eum, & cogerēt eum cessare, sed intrauerunt in regnum Israel, & primas vrbes, quas inuenerunt, inuaserunt, & fuerunt isti, quae nominantur hic. Et vna ciuitas istarum habet hic mutatum nomē. scilicet, Abelmain, de qua infra dicitur in quadam quaestione. Erant isti tres ciuitates in tribu Dan. Et pater hoc, quia ponitur hic ciuitas Dan, & tñ ista erat in tribu Dan. Itē pater hoc, quia tribus Dan habebat sortē extremā, qd habebat in extremitate regni Israel, vnde ponitur nouissima inter oēs sortes terrae Chanaan, vt patet Ios. 19. c. Et sic ista fors tangit terram Syriae in latere meridiano eius, & mox, vt exirent Syri de terra sua contra terram Israel tangerent sortē Dan, & puenirent ad istas ciuitates. De ista vrbe Ahion putant aliqui, qd sit ciuitas Alalō, quae etiam ponitur in sorte Dā, vt patet Ios. 19. Sed non apparet hoc, & potius credendum est, qd sit alia ciuitas eiusdem tribus. De ciuitate Dan considerandum est, qd est quaedam ciuitas in extremitate lateris aquilonaris terrae Chanaan: ita qd nulla terra est tam aquilonaris, & ob hoc saepe qñ scriptura vult nominare duos terminos terrae Chanaan. scilicet, meridianū, & aquilonare, ponit ista duo loca. scilicet, Dā, & Berlabee, vt patet 1. Reg. 3. & 2. Reg. 17. & in multis alijs locis. Est etiam ista ciuitas declinans versus partem Occidentalem ad terram Sidoniorū in terra deserta, sed apud desertum Syriae. Et ob hoc Israelitae potuerunt eam capere, quia inuenerūt eam cū nullis hominibus habentē conuersationem. Iudic. 18. Ista ciuitas vocabatur prius Laish, vel Leshan, dum tenebatur a Gentilibus. Postea verō filij Dan inquirentes loca ad habitandum inuenerunt vrbe istam vacantem otio, & ceperunt eam, vocauerūtq; illam de nomine patris sui Dā, siue Leshandan, vt patet Iudi. 18. & Ios. 19. Et ibi magis de vrbe ista declaratum est. *Et vniuersas vrbes munitas Nephtali.* Scilicet, non solum vrbes suprapositas, quae erant de tribu Dan nominauit scriptura, dicens fuisse eas occupatas a viris Iuda, sed etiam dixit, qd vrbes sortis Nephtali fuerunt occupatae, & inuasa a viris de terra Syriae. Et istud erat satis rationabile, quia terra Nephtali erat satis cōiuncta terrae Syrorum, scilicet, apud sortem Dan, & mox, vt trāsissent sortem Dan, in qua ciuitates quasdam percusserant, intrarent in terram Nephtali. Sciendum quod tertio. Reg. 15. vbi ponitur ista hystoria, ponuntur plures vrbes nominatim, scilicet, domus Maacha, & vniuersa regio Ceneroth, & est domus Maacha aliqua regio in sorte Nephtali, quae erat satis coniuncta terrae Syrorum. Regio Ceneroth, siue Cenereth erat quēdā regio maritima apud mare Galilae, siue stagnum Genesareth. Tyberiadis, vel mare Galilae, siue stagnum Genesareth. *Quod cum audisset Baasa.* Scilicet, quod exercitus Benadad regis Syriae vastabat terram suam. *Desit aedificare Rama.* Cognouit enim, quod venerat exercitus ille ad nocendum terrae suae in fauorem regis Asa. Et

Et quia ipse non poterat resistere regi Syriae, desijt ædificare Rama. i. facere fortalitium apud urbem Rama. *Et intermisit opus suum.* Id est, cessauit ab opere quod incohauerat. Porro *Asa rex assumpsit vniuersum Iuda.* Scilicet, videns Asa, quod Baasa cessasset ab opere suo quasi fugiens de vrbe Rama: iuit ipse illuc ad accipiendum lapides, & ligna, & omnem materiam, quam parauerat Baasa ad ædificandum, & ad tollendum illam materiam assumpsit secum vniuersum Iuda, id est, omnes viros de regno Iuda, vt promptè fieret opus, vnde misit nuncium per totam terram suam, dicens: nemo sit excusatus. i. nemo se excuset nunc ab ista portatione lapidum, & lignorum prætextu alicuius priuilegij, vt patet. 3. Reg. 15. *Et tulerunt lapides de Rama, & ligna, quæ adificationi parauerat.* Intendebat Baasa ædificare fortalitium prædictum, & volebat illud promptè construere, nè dilatio longi temporis noceret, cum locus ille esset apud hostes. Et ob hoc parauerat prius omnia necessaria comportans materias ad locum ædificationis, vt illis paratis velociter cõsumaretur opus, & sic materiæ erant multæ. Vnde Asa congregauit omnes viros de regno suo ad tollendum inde congregatas materias. *Ædificauitq; ex eis Gabaa, & Maspha.* Scilicet, ædificauit muros istarum urbim. Nam Gabaa non fuit de nouo ædificata, sed muri eius, qui fortè corruerant, vel ad ruendum propinqui erant. Est enim Gabaa ciuitas in sorte Benjamin: Ios. 18. Ista est ciuitas, de qua fuit oriundus Saul prim⁹ rex Hebræorū, vt patet 1. Re. & 13. Est Maspha alia ciuitas, quæ etiam erat in sorte Benjamin: Ios. 18. & non est ista Masphat, quæ erat locus orationis, vbi Israelitæ conuenerunt cum Samuel, & iudicabat ibi eos semel quolibet anno. primo Reg. 7. quia illa videbatur eē. vltra Iordanē in terra duarum tribuū: & dimidiæ. Sin sorte tribus Gad, vt probatum est Iudic. 11. Iste duæ ciuitates, quas nunc reædificauit Asa rex erant in confinibus regni sui, & Israel, cum essent de sorte Benjamin, & volebat eas munire muris.

Quo tempore fuerit factum istud bellum.
Quæstio 11.

QVAERITVR Circa prædicta id, quod dicitur hic, & præced. cap. Nam dicitur hic, quod anno tricesimosexto regni Asa ascendit Baasa ad ædificandum Rama, in quo inferrebat bellum regi Asa, & tamen præced. cap. dicitur, quod bellum non fuit vsque ad annum tricesimum regni Asa. Quomodo potest stare cum non appareat aliquod bellum inter annum tricesimum, & tricesimum sextum, & videtur, qd vtrobiq; dici debeat de anno tricesimo, vel vtrobiq; de anno tricesimosexto. Respondit, qd bellum istud, qd factum est propter ædificationem Baasa, non fuit vsq; ad annum tricesimum sextum regni Asa, cum litera nostra hoc dicat, & etiam litera Hebraica. Cum autem obijcitur de anno tricesimo, de quo dicitur præcedenti cap. Dicit potest vno modo, qd verum est, quod inter annum quintumdecimū, de quo agebatur præced. cap. in quo actum est bellum Asa contra Aethiopes, non fuit bellum aliquod in regno Asa vsq; ad annum tricesimum, & post annum tricesimum vsq; ad tricesimum sextum fuerunt aliqua bella, quæ scriptura non nominat, eo qd fuerunt parua non digna relatu, quia ille erant, quædā paruæ commotiones, quæ parum disturbabant pacem regni Asa. Istud autem bellum propter ædificationem Baasa fuit magis famosum propter duo, q̄ inde secuta sunt. Primum erat, quia propter Asa regem Iuda, misit rex Syriæ exercitum suum contra regem Israel, qui vastauit magnam partem regni Israel, vt patet supra in litera. Secundum fuit, quia ex hoc facto secuta fuit increpatione prophetica contra Asa, & ex increpatione in-

Alph. Toft. super lib. Paralip. Pars 2.

A dignatio regis orta est, & incarcerationio pphetæ, ex qua secuta est diuina punitio super Asa, & populū, de qua infra in litera. Ideo saltem propter istud secundum debuit scribi istud bellum Baasa contra Asa anno tricesimo sexto regni eius. Aliter potest dici, qd dubitatio ista procedit ex errore literæ nostræ: nam præcedenti cap. vbi dicitur bellum non fuit vsque ad tricesimum annum regni Asa. Et hoc patet, quia sic habetur in Hebræo, & sic credendum est, quod trāstulerit Hieronymus, & tamen postea librariorum inaduertētia litera defalcata fuit, & corrupta, & hoc facilius fieri poterat ex inaduertentia librariorum. Cum autem dicatur bellum non fuit vsq; ad annum tricesimum quintū. i. qd nec in ipso tricesimo quinto anno factum est bellum, sed sequenti anno. i. tricesimosexto bellum factū est, & sic dicitur hic, qd anno tricesimosexto ascendit Baasa,

An anno tricesimosexto regni Asa ascenderit contra ipsum Baasa rex Israel. Quæst. 111.

QVAERITVR vterius, quomodo pōt stare, qd anno tricesimosexto regni Asa ascenderit cōtra ipsum Baasa rex Israel. Nam videtur hoc impossibile, cū non potuerit tanto tpe viuere Baasa, sed necessariō ante annū tricesimum sextum regni Asa mortuus est, quod patet, quia Baasa cepit regnare super Israel anno tertio regis Asa. 3. Reg. 15. & regnauit Baasa annis vigintiquatuor. eod. cap. Ideo qñ moreretur Baasa esset annus vicesimus septimus regni Asa, vnde nequaquā posset viuere anno tricesimo sexto regni Asa, ad hoc, quod tunc inferret ei bellum, & ædificaret Rama. Nicolaus respondet soluendo istā intricatiōē per diuersitatē annorū alicuius regis, quia anni regum nō computantur semper eodem modo, sed aliqui computantur à prima die, qua regnare ceperunt, & aliquando ab aliquibus gestis notabilibus ipsorum: vt si aliquis rex septimo, vel octauo regni sui fecerit aliquid valde notabile, computabuntur anni eius ab illo tempore. Ita probat in rege Nabuchodonosor, de quo dicitur Danielis primo, quod annos secundo regni sui vidit somnium, & tamen secundum expositores non fuit ille secundus annus regni inchoando à tempore, quo regnare cepit, quia multo post fuit, sed dicit, quod computatur ab illo tēpore, quo Nabuchodonosor habuit bellum notabile contra regem Aegypti. Sic dicit, fuisse de rege Asa, scilicet, quod anni sui computantur vno modo inchoando à prima die, qua regnauit, & alio modo inchoando à bello, quod gessit contra Aethiopes: nam bellum contra Aethiopes fuit valde famosum, quia in illo perierunt decies centena millia virorum, quasi subito. supra 14. & ex tunc inciperet computari primus annus regni sui. Et fuit bellum istud secundum Nicolaum anno decimo regni Asa in fine, vel in principio vndecimi, et sic annus tertius regni Asa esset annus tertiusdecimus eius, vel quartusdecimus inchoando à prima die, qua regnauit, et tunc superaddantur vigintiquatuor anni, quibus regnauit Baasa, peruenirent ad annum tricesimum septimum, vel octauum computando à prima die qua regnauit Asa, et sic potuit Baasa viuere anno tricesimo sexto regni Asa ad hoc, quod ascenderet contra ipsum ad ædificandum Rama. Et tunc dicit Nicolaus, quod cito post hoc mortuus est Baasa, scilicet, anno sequenti. Et hoc affectus radio, primò, quia magnum damnum ei euenerat, scilicet, quia non potuit ædificare urbem Rama. Secundò, quia perdidit omnes impensas operis, et materias, quas congregauerat. Tertiò, quia rex Syriæ ruperat fœdus quod cum eo habebat, vt faueret regi Iuda. Quartò, quia vastauerat multas vrbes regni eius. Sed dicendum, quod ista responsio non stat.

D d 2 Nam

Nam licet præsupponatur, quod anni regum computantur dupliciter: quia hoc verum est: & præsupponatur probatio, quæ fit de Nabuchodonosor, non potest stare, quia applicat de rege Asa. Nam præsupponit, quod computentur anni sui, vno modo à bello quod gessit contra Aethiopes anno vndecimo regni sui, vel in fine decimi, & istud non est verum, quia bellum illud gestum est anno quintodecimo regni sui, vt probatum est præced. capit. in quadam quæst. Sed etiam si staret secundum Nicolaum esset falsum, quod patet computando annos regum præcedentium, qui necessariò discordabunt à litera tenendo hunc modum. Nam Roboam rex Iuda, & Ieroboam rex Israel simul regnare ceperunt, & Roboam regnavit annis decem, & septem. Et successit ei Abia, qui regnavit annis tribus. 3. Reg. 14. & 15. Post hunc regnavit Asa, & quando coepit regnare Asa transferunt anni viginti à principio regni Roboam, & totidem à principio regni Ieroboam regnavit Asa. Computando autem lineam regum Israel, pcedit sic, quia Ieroboam regnavit vigintiduobus annis. 3. Reg. 14. Et post eum filius suus Nadab duobus annis. 3. Reg. 15. Et post eum Baasa. eod. capitulo. Et sic à principio regni Ieroboam vsque ad principium regni Baasa transferunt quasi vigintiquatuor anni, & à principio regni Ieroboam vsque ad principium regni Asa transferunt viginti anni. tertio Regum 15. ergo inter principium regni Asa & Baasa non fuerunt nisi tres, vel quatuor anni. Et sic necesse est, quod quando dicitur, quod anno tertio regni Asa coepit regnare Baasa, quod ille fuerit tertius annus computando ab exordio regni sui, & non à bello Aethiopum. Nam si hoc staret, esset annus tertius regni Asa annus decimus octavus computando à principio regni, eo quod anno quintodecimo regni sui fecit bellum contra Aethiopes, vt probatum est præcedenti capitulo. Et tunc cum Asa coeperit regnare anno vicesimo regni Ieroboam. tertio Regum decimo quinto. additis decem & octo annis prædictis erit annus tricesimus octavus à principio regni Asa, & in illo inciperet regnare Baasa. Et hoc est falsum, quia vigintiquatuor annis post principium regni Ieroboam coepit regnare Baasa, scilicet, quia Ieroboam regnavit vigintiduobus annis. tertio Regum 14. Et post eum Nadab filius eius annis duobus. tertio Regum 15. Et post eum Baasa. eodem capitulo. manerent ergo quatuordecim anni intermedij, in quibus nullus regnaret, cum inter Nadab & Baasa nullus rex Israel fuerit. Item patet hoc, quia Asa regnavit annis quadraginta vno solum, vt patet tertio Regum 15. & 16. & infra in litera. Et tamen computando sic, vt vult Nicolaus. scilicet coeperit regnare Baasa anno tertio Asa, cõputando annos eius à bello contra Aethiopes, sequitur, quod vixerit Baasa vsque ad annum tricesimum septimum Asa inclusivè, cum regnauerit Baasa vigintiquatuor annis. tertio Regum 15. & annus tertius Asa secundum Nicolaum est tertius decimus annus eius. Et hoc non potest stare, vt probatur. Et adhuc secundum veritatem gravius est, quia bellum contra Aethiopes fuit anno quintodecimo regni Asa, & annus decimus octavus regni eius erit annus tertius computando hoc modo cum superaddantur vigintiquatuor anni regni Baasa superueniet ad annum quadragessimum secundum Asa, & tamen non regnavit tot annis Asa, sed solum quadraginta vno, vt patet in litera, & tertio Reg. 15. ergo prius mortuus est Asa, quam Baasa, quod falsum est, vt probabitur, & tamen dato, quod computemus secundum Nicolaum, & fuerit mors Baasa anno tricesimo septimo Asa, dabimus, quod vixerit Asa super Baasa annis quatuor tantum. scilicet vsque ad annum quadragessimum primum. Et tamen falsum est, quia post Baasa regnavit Hela

duobus annis, & Zamri septem diebus, & Amri duodecim annis, & post eum Achab, qui adhuc regnavit tribus annis, vel quatuor tempore Asa. Nam coepit regnare anno tricesimo octavo regni Asa. Hæc omnia patent. 3. Reg. 16. Etiam, quia post Asa regnavit filius eius Iosaphat, vt patet sequenti capitulo, & tamen ille regnavit anno quarto Achab. 3. Reg. 22. necesse est ergo, quod vixerit Asa post mortem Baasa annis quidecim ad minus, & sic non potest vlllo modo stare ista positio Nicolai. Dicendum ergo est, quod Baasa coepit regnare anno tertio Asa regis Iuda inchoando à principio regni eius, & regnavit vigintiquatuor annis, & sic duravit regnum suum vsque ad finem vigesimiseptimi anni regni Asa, vel quasi, & istud consonat literæ. tertio Regum 15. nam cum dicatur, quod Baasa regnauerit anno tertio regni Asa: postea tertio Regum 16. dicitur, quod Hela filius Baasa regnavit anno vicesimoseptimo msa, & ita debet planè dici, nisi litera ista obniaret dicens, quod anno tricesimoseptimo regni Asa ascendit Baasa contra Asa. Quomodo ergo solvatur ista difficultas, & ambiguitas fateor esse difficile, & quasi impossibile, cum non viveret Baasa in anno tricesimoseptimo regni Asa. Aliquis autem fortè voler solvere, dicēs, quod fuit istud anno trigesimoseptimo regis Asa, sed non anno trigesimoseptimo regni eius, quia multo tempore ante natus est, quam regnaret, & fortè annus trigesimus sextus eius, erat annus vigesimus regni sui. Sed istud non consentit literæ, cum dicatur anno trigesimoseptimo regni Asa ascendit Baasa. Oportet ergo, vt videtur, quod fateamur nos nescire solutionē. Vel quod dicamus literam hic esse corruptam, quia fortè deberet dici anno vigesimoseptimo, & dicitur anno trigesimoseptimo. Vel fortè diceretur anno decimoseptimo. Et si obijciatur, quod in Hebræo, sic etiam habetur: dici posset, quod in Hebræo interdum etiam est corruptio aliqua: nam vt probatum est. Ios. 22. cap. ibi deficiunt duo versus in Hebræo, qui habentur in litera Latina, & sunt de necessitate literæ, & consentitur doctores Hebræorum illos deficere, vt patet per Rabbi David Kimhi in eodem loco: ita ergo poterat esse hic. Sed ista est periculosa solutio, quia si in vno loco scripturæ corruptionem esse fateamur: de omnibus alijs locis dubitabimus, an corruptio ibi sit, sicut dicit Augustinus. Et habetur in Decretis dist. 9. cap. si ad scripturas sacras: scilicet si aliquod mendacium in Sacra Scriptura confitemur nullam auctoritatem inde relinqueamus: ideo aliam solutionem cogita si occurrat.

De loco Rama, & quomodo circumdaretur à Baasa.
Quæstio IIII.

Q'VAERITVR ulterius, quæ ciuitas, vel locus erat Rama, quæ Baasa muro circumdabat, & quomodo circumdabat eam Baasa. Respondendum, quod Rama erat quædam ciuitas in sorte Benjamin: Ios. 18. & pertinebat ad regnum Iuda. Erat autem illa in confinibus regni Iuda & Israel: quod patet, quia dicitur hic in litera, quod Baasa circumdabat Rama, vt non pmitteret aliquem ingredi, & egredi de regno Asa. Et tñ hoc non posset stare, nisi ciuitas hæc esset in regnorum confinio: distat autem ciuitas hæc modicū ab vrbe Ierusalē. scilicet per quadraginta stadia, vt dicit historia schola. & sunt quasi duæ leuæ, & parum plus. Et ista est illa Rama, de qua habetur Iudic. 19. scilicet quod leuita ille, cuius vxor occisa est in Gabaa, trāsivit apud Ierusalem, quā occidebat sol, et dixit, quod nolebat intrare in Ierusalem, quia erat oppidum Iebusæorum, sed quod declinaret in Gabaa, vel in Rama: ergo erat Rama propè Ierusalem, quia si procul esset, non posset illuc ire illa nocte ad manendum ibi, si sol occideret ei apud Ierusalem. Ista Rama est, de qua dixit Iere. 31. c.

Vox in Rama audita est ploratus, & ululatus. Et hoc A satis conuenit, quia infantes occisi sunt in terra Beniamin, & Iuda circa Bethlehem. Et Rama non multum distabat à Bethlehem: ideo etiam illuc perueniret occisio innocentum, & sic audiretur vox plorantium in Rama pro filiis occisis. Et non est ista ciuitas Ramatha, de qua erat oriundus Samuel propheta, ut patet 1. Reg. 1. & 2. & 7. quia illa vocatur Ramatha, & ista vocatur Rama. Etiam Rama distat à Ierusalē quatuor milliarijs, distat autem Ramatha decem & sex milliarijs, ut patet in libro de situ terre Sanctę. De modo circundationis vrbis Rama poterat intelligi dupliciter. Vno modo, quod Rama esset ciuitas in regno Iuda in extremitate eius, & esset deserta, vel carēs muris, & Baasa rex Israel occupasset eā, & ædificare vellet muros eius, & tenere sibi, ut poneret ibi viros bellicos, qui non permitterent aliquos de regno Asa ingredi, nec egredi. Et tunc satis consonat litera. scilicet quod Baasa muro circundabat Rama, quasi præsupponeretur, quod Rama non habebat muros, & nunc apponebat ei muros Baasa. Aliter potest intelligi, quod Rama esset ciuitas regni Iuda, & possideretur à viris Iuda, & non acceperit illam urbem Baasa, nec muro circundaret eam: sed quod iuxta illam voluit facere quoddam fortalitium, in quo essent viri bellatores, qui pugnarent contra viros Rama, & contra alios habitantes in extremitate regni Iuda. Et isti non permetterent viros Iuda exire de terra sua, & ingredi in regnū Baasa, & sic dicebatur muro circundare Rama, quia cum illud fortalitium esset apud urbem Rama, non permetterent viri ibi existentes egredi aliquos de vrbe Rama, quasi essent viri illi clausi muro.

Quomodo protulit Asa aurum, & argentum regis.
Questio V.

QVAERITVR vltius, quomodo dicitur hic, quod Asa protulit aurum, & argentum de thesauris domus domini, & de thesauris regis. Nam videtur, quod nullum aurum, & argentum erat in thesauris domus domini, nec in thesauris regis. Et patet, quia tempore Roboam regis aui istius, venit Sefac rex Aegypti, & abstulit omne aurum, & argentum, quod fuit in thesauris domus domini, & in thesauris regis. supra 12. & 3. Reg. 14. Dicit aliquis, quod potuit nunc aurum, & argentum tolli de thesauris domus domini, quia tempore Roboam fuit ablatum aurum, & argentum de thesauris domus domini, quod erat in massa, & non erant ablata vasa aurea, nec argentea, ut probatum fuit ibidem, & ista vasa poterant nunc accipi de thesauris. Sed dicendum, quod hoc non stat, primo, quia præsupponit falsum. scilicet quod nunc Asa acceperit vasa, quæ erant in thesauris templi, & dederit illa regi Benadad. Et tamen falsum est, quia vasa omnia aurea, & argentea, quæ fecit Salomon manserunt semper in templo domini usque ad tempus Nabuchodonosor regis, qui transtulit omnia in Babylonem. 4. Reg. 24. & 25. & infra 36. & Iere. 52. non ergo fuit acceptum de illis aliquod vas tempore præcedentium regum. Et sic Asa nullum illorum dedit. Secundo, quia ista positio non respondet sufficienter, cum non dicat aliquid de thesauris regis, quomodo poterint nunc dari regi Benadad. Dicendum ergo, quod tempore regis Roboam datum fuerat omne aurum, & argentum, quod erat in thesauris regis, & in thesauris domini regi Aegypti, & nunc etiam Asa dedit aurum, & argentum, quod erat in thesauris suis, & in thesauris domini regi Benadad. Et patet hoc, quia sicut hic dicitur, quod Asa protulit aurum, & argentum quod erat in thesauris domus domini, & in thesauris regis, & dedit Benadad: ita dicitur. 3. Reg. 15. tollens itaque Asa omne aurum, & argentum quod remanserat in thesauris domus domini, & in thesauris domus regis.

Alph. Tost. super lib. Paralip. Pars 2.

domini, & in thesauris domus regis. Sciendum tamen, quod licet omnia ista data fuissent, poterant nunc dari multa de thesauris domus domini, & domus regis. Patet de thesauris domus regis, quia licet tempore regis Roboam tulisset Sefac omne aurum, & argentum, quod erat in thesauris domus regis: tamen ex ipso tempore usque nunc adhuc poterat multum aurum, & argentum congregari, & poni in thesauris regis. Nam illa præda facta fuit anno quinto regni Roboam. supra 12. & Roboam regnavit decem & septem annis. 3. Reg. 14. & manebant duodecim anni de regno eius, in quibus poterat congregare thesaurum aliquantum, & postea regnavit Abia filius eius, qui etiam potuit congregare thesaurum multum, licet solum tribus annis regnauerit, quia ipse pugnauit contra Ieroboam regem Israel habentem in exercitu suo octingenta millia virorum, occiditque quingenta millia de illis, & reliquos fugauit. supra 12. & in bello illo poterat capere multam prædam, de qua ditaretur, & quia postea semper fuit bellum inter eum, & Ieroboam, & nunquam potuit ei resistere Ieroboam. eodem capitulo. Ideo caperet ipse prædam semper de regno Ieroboam, & ditaretur inde: postea Asa regnavit magno tempore, qui potuit multo maiores congregare thesauros, quam reges præcedentes, quia ipse pugnauit contra regem Aethiopum habentem in exercitu suo decies centena millia virorum, & occidit illos, atque fugauit subito, & mansit tota præda regi Asa, quæ esset multa nimis. Præter hæc autem pugnauit contra ciuitates, quæ erant in circuitu Gerarę, & accepit prædam multam, scilicet pecora infinita, ut patet supra 14. Haberet ergo nunc Asa, vel habere posset thesauros satis magnos, de quibus hic dicitur, quod dedit Asa aurum, & argentum de thesauris domus regis. Circa thesauros domus domini, dicendum, quod etiam nunc erant ibi thesauri, de quibus dari posset aliquid. Pro quo considerandum, quod in domo domini erat aurum, & argentum dupliciter. Quoddam aurum, & argentum erat in vasis ad sacram ministrationem, quæ vasa fecerat Salomon, aliud erat in massa, & seruabatur in domo domini ad necessitates templi: illud enim quod erat in vasis, non dicebatur esse in thesauris, sed illud quod erat in massa erat proprie in thesauris. De vasis aureis, & argenteis domus domini. Dicendum quod, nec nunc, nec antea, nec postea accepta fuerunt aliqua usque ad tempus Nabuchodonosor, qui accepit omnia vasa, quæ fecerat Salomon de templo domini, & transtulit illa in Babylonem. 4. Reg. 24. de auro, & argento, quod erat in massa, dicendum, quod accepit Sefac rex Aegypti, quando introiuit in Ierusalem, & tamen non accepit totum quod inuenit, sed aliquid reliquit, licet dicatur, quod acceperit omnia, quæ erant in thesauris domus domini, & domus regis. Et patet hoc, quia 3. Reg. 15. dicitur tollens Asa omne aurum, & argentum, quod remanserat in thesauris domus domini, & domus regis: ergo apparet, quod non abstulerit omnia Sefac rex Aegypti, sed aliquid dimiserat de utroque thesauro, & illud dedit nunc rex Asa regi Syrię: potissime, quia dato, quod omne aurum, & argentum, quod erat in thesauris domus domini tempore Roboam fuisset sublatum per regem Aegypti, adhuc poterat nunc esse multum, quod reges, & populus offerebant dona magna domino ad necessitates templi, & illa ponebantur in thesauris templi. Patet hoc de ipso rege Asa, de quo dicitur præced. cap. & 3. Reg. 15. quod intulit in domum domini ea, quæ vouerat ipse, & pater eius argentum, & aurum, & vasa. Et ex istis donis crescebat thesaurus domus domini, & de isto poterat nunc dare Asa regi Syrię.

An sit Benadad ille, de quo saepe loquitur scriptura.
Quaestio VI.

QVAERITVR vltcrius de isto Benadad, de quo hic dicitur, an erat ille, de quo fit saepe mentio in scriptura. Nam de Benadad fit hic mentio, & postea tempore Achab regis Israel: nam pugnavit contra illum, vel ter, vt patet 4. Reg. 20. & 22. Iste etiam pugnavit contra Ioram regem Israel, & obsedit urbem Samariae, quando fuit magna fames in urbe, ita vt vendaretur caput asini in urbe octoginta siclis. 4. Reg. septimo. Aliquis autem dicet, qd non fuit idem Benadad, sed fuerunt multi reges Syriae, qui vocarentur sic, sicut reges Aegypti vocabantur omnes Pharaones, & Imperatores Romanorum vocabantur Cæsares. **G** Et patet hoc, quia non poterat aliquis rex tanto tempore durare. Nam postquam fit mentio de isto Benadad vsquequo vltimo fit mentio de illo. 4. Reg. 8. transferunt in Israel reges septem. Nam nunc erat rex in Israel Baasa, contra quem misit exercitum iste Benadad in fauorem Asa regis Iuda. Postea regnavit Hela: deinde Zamri, postea Amri, deinde Achab, postea Ozias, deinde Ioram, & tempore Ioram mortuus est ille Benadad in Damasco. 4. Reg. 8. de istis septem regibus patet tertio Regum 15. & 16. & quarto Reg. primo, & 23. & tamen tanto tempore non videtur, qd posset durare vnus rex. Respondendum, quod iste rex Benadad idem videtur esse de quo fit hic mentio, & in alijs locis allegatis, quia scriptura non facit mentionem, quod fuerint plures: ideo concedendum est esse vnum, quia non est ponenda pluralitas sine necessitate: hic autem non est necessitas ponendi aliquam pluralitatem, ideo non est ponenda. Et cum obijcitur, qd non poterat aliquis vnus rex durare tanto tempore, scilicet tempore septem regum. Dicendum, qd non est aliqua difficultas in hoc, quia interdum aliqui reges paucotempore durant, sicut dicitur Eccl. 10. omnis potentatus vita brevis. & potest vnus rex viuere tempore omnium illorum. Et sic dicendum est, quod fuit hic, quia isti reges paucotempore vivebant. Nam quidam illorum fuit, qui non regnavit, nisi septem diebus, scilicet, Zamri, vt patet 3. Reg. 16. & sic poterat aliquis viuere tempore mille regum. Vnde dicendum, quod ad hoc, quod regnaret Benadad tempore omnium istorum regum non requirebatur, qd regnaret nisi annis quadragintaquinque, vel ad plus quinquaginta, quia primus rex cuius tempore regnabat Benadad erat Baasa: in cuius regni fine facta sunt haec. Et sic sufficiebat, qd diceremus vno, vel duobus annis cepisse regnare Benadad ante mortem Baasa. Post istum regnavit Hela filius eius annis duobus. 3. Reg. 16. Post ipsum regnavit Zamri septem diebus solum. eodem capitulo. Et post illum regnavit Amri annis duodecim. eod. cap. Et post ipsum Achab filius eius regnavit viginti duobus annis. eodem cap. Post illum regnavit Ochozias duobus annis nondum completis. quarto Reg. primo. Et post ipsum regnavit Ioram frater eius, cuius tempore mortuus est Benadad. Et sic poterant transisse solum duo, vel tres anni de regno Ioram, quando mortuus est Benadad. Et omnes isti anni simul sumpti sunt quadraginta vnus annus. Non erat autem difficile, qd aliquis rex regnaret annis quadraginta vno, & multo pluribus. Nam Ozias rex Iuda regnavit annis quinquaginta duobus. quarto Reg. 15. Item patet hoc conformius per omnia, quia Asa rex Iuda, qui erat contemporaneus istius regis Benadad, & Baasa regis Israel, regnavit totidem annis, scilicet, quadraginta vno, & regnavit tempore septem regum Israel, quod patet, quia infra in litera, & tertio Regum 15. dicitur, quod iste Asa regnauerit annis quadraginta vno: etiam tempore se-

Fptem regum, quia Asa cepit regnare tempore Ieroboam, scilicet, anno vicesimo regni eius. 3. Reg. 15. deinde fuit Nadab filius eius, postea Baasa, deinde Hela. Deinde Zamri, postea Amri, deinde Achab. Nam annus trigessimus octauus regni Asa erat quando cepit regnare Achab super Israel. 3. Regum 16. Ideo non est aliquod inconueniens, vel difficultas, quin iste Benadad fuerit, de quo fit mentio in omnibus istis locis. Ista positio est multum rationabilis, & consona modo loquendi scripturae. Et tamen dicendum, quod non est vera, quia saltem fuerunt duo reges succedentes, qui vocarentur Benadad, quod patet, quia ille, qui pugnavit contra Achab regem Israel erat Benadad. 3. Reg. 20. & tamen non erat iste, sed filius eius. Quod patet, quia eodem cap. quando Achab cepit Benadad, & leuauit eum secum in curru, dixit Benadad: ciuitates, quas tulit pater meus a patre tuo, reddam, & plateas fac tibi in Damasco, sicut pater meus fecit in Samaria. Ergo ille Benadad, qui pugnavit contra Achab non erat ille, qui regnabat tempore Amri patris Achab regis Israel, & tamen iste Benadad, de quo hic dicitur regnavit tempore Amri patris Achab, & aliorum regum praecedentium, scilicet, Baasa, & Hela, & Zamri: ergo non erat iste Benadad ille cum illo, de quo fit mentio, quod pugnaret cum Achab. Sed dicendum, quod ad minus fuerunt duo reges Syriae succedentes sibi, qui vocabantur Benadad. Et primus illorum fuit iste, quia iste fuit filius Tabremon. 3. Reg. 15. & sequens Benadad fuit filius istius.

Quare misit munera Asa regi Syriae, vt pugnaret contra Baasa.
Quaestio VII.

QVAERITVR vltcrius, ad quid mittebat Asa munera magna regi Syriae, vt veniret ad pugnam contra Baasa. Respondendum, quod forte hoc fecit, quia non confusus est se posse resistere toti multitudini, quam habebat secum Baasa veniens in Rama. Et ob hoc voluit, quod rex Syriae, qui erat potentissimus pugnaret contra eum. Et hoc videtur ex verbis Anani prophetae redarguentis regem Asa ex parte Dei infra in litera, scilicet, Nonne Aethiopes, & Libyes multo plures erant, quos cum domino credidisses tradidit in manus suas? Aliter potest dici, quod Asa non formidabat solum regem Israel contra se venientem, sed etiam regem Syriae, quem sciebat federatum esse cum Baasa rege Israel, & si Asa inciperet pugnare contra Baasa forte Benadad rex Syriae adiuuaret Baasa contra Asa, & non posset Asa vtrumque sustinere: ideo praecipit Asa attrahere ad se regem Syriae muneribus, ne eum traheret Baasa rex Israel. Aliter potest dici, quod Benadad habebat fedus cum rege Iuda, & cum rege Israel, & cum esset bellum inter vtrumque, videbatur, quod non deberet aliquem eorum de iure adiuuare Benadad, quia quemcumque adiuuando videbatur facere contra fedus initum cum alio: sed poterat concordare eos amicabilem, ne pugnarent. Asa tamen timens, quod Benadad poterat corrumpi pecunia, & quicumque ei prius pecuniam offerret, posset eum habere in partem suam violato federe cum altero. Et putans, quod forte Baasa videns insurgere bellum contra se corrumperet Benadad pecunia, vt esset pro parte sua: praecipit Asa facere quod facturus erat Baasa, & sic ante tempus misit pecuniam Benadad regi Syriae, vt haberet eum pro parte sua in adiutorem.

Quare volebat Afa, vt Benadad violaret fœdus ipsi Baasa.
Quæstio VIII.

QVAERITVR vltcrius, quomodo volebat Afa, quod Benadad violaret fœdus quod habebat cum Baasa, vt recederet ab eo. Respondendum, quod Baasa rex Israel cœperat ædificare fortaliitum apud urbem Rama, quod erat in præiudicium magnū Afa, scilicet, quia nullus posset egredi, aut ingredi de regno Afa, vt patet supra in litera. Et volebat, quod Benadad rex Syriæ cogeret Baasa recedere de Rama dimissa ædificatione, quam inceperat, & hoc fieret si Benadad veniret ad pugnandum contra Baasa, quia ille non potens sustinere Benadad recederet dimittens ædificium, quod cœperat. Et sic factum est, quia Afa misit aurū, & argentum ad Benadad, & ille misit principes exercitus contra Baasa: quod ille videns recessit de Rama dimittens ibi omnes materias, quas congregauerat ad ædificandum, & venit in herfa: tunc Afa & omnes de regno Iuda iuerunt in Rama, & accipientes inde lapides, & ligna congregata per Baasa, tulerunt ea ad ædificandum inde duas vrbes. scilicet Maspha, & Gabaa. Aliter potest dici, quod Baasa voluit, q̄ Benadad iuberet Baasa, nē ædificaret fortaliitum apud Rama, & ad hoc pugnaret contra eum primò, & ille nō potens sustinere bellum, faceret quod iubebat Benadad. Vel aliter. scilicet q̄ Baasa videns, quod exercitus Benadad veniebat contra eum, sciret, quod veniebat propter regem Afa: ideo illico desineret infestare eum cessando ab ædificatione fortaliitij.

An peccauerit Afa vocando in auxilium regem Baasa.
Quæstio IX.

QVAERITVR vltcrius, an peccauerit Afa vocando in auxilium regem Benadad contra Baasa regem Israel. Respondendum, quod Deus nolebat, quod cultores sui peterent auxilia à Gentilibus, vel à quibuscunque idolatris, sed sperarent in ipso, & ipse daret eis fortitudinem sine adiutorio extraneorum. Sic patet de rege Amasia, qui accepit de viris Israel centum millia robustorum, vt adiuuarent eum contra Idumæos, & quia erant isti Israelitæ idolatræ, venit homo Dei ad Amasiam dicens: O rex non ingrediar tecum exercitus Israel: non est enim dominus cū Israel, & cunctis filiis Ephraim: quod si putas in robore exercitus bellū consistere, superari te faciet dominus ab hostibus: & tunc Amasias dimisit centum millia virorum Israelitarum, quos conduxerat, sed dixit ad prophetam, quid ergo fiet de centum talentis, quæ dedi militibus Israel? Respondit propheta, habet Deus vnde possit tibi dare multo plura ijs: vt patet infra 25. peccaret ergo à fortiori Afa ducendo exercitum de Gentilibus. Item peccauit Afa, quia fuit valde ingratus Deo, & diffidens bonitati eius. Nam ipse pugnavit ante hoc contra Aethiopes, qui erant decies centena millia, & inuocato Deo vertit illos in fugam. supra decimoquarto capitulo: nunc autem multo pauciores erant viri Israel, qui erant cum Baasa: ideo debuerat confidere in auxilio Dei, & pugnare contra Baasa, non vocato Benadad regē Syriæ. Quod autem peccauerit in hoc, patet, quia propheta Anani ex parte Dei increpuit Afa, dicens: Nonne Aethiopes, & Libyes multo plures erant multitudine nimia, & quadrigis, & equitibus, quos cū domino credidisses tradidit in manus tuas? Oculi enim domini contemplantur vniuersam terram, & præbent fortitudinem ijs, q̄ corde perfecto credunt in eum. Item patet, q̄ peccauerit, quia Deus inflixit ei pœnam propter hoc, & fuerunt duæ pœnæ. Prima erat, quia Deus traditurus

Alph. Tost. super lib. Paralip. Pars 2.

A erat Assyrios in manus Afa. Nunc autem, quia ipse inuocauit illos in auxilium, meruit, q̄ nō posset eos superare. Secunda erat, quia Deus daturus erat vitam quietam regi Afa. Et quia nunc confidentiam habuit in auxilio humano, Deus fecit, q̄ insurgerent bella cōtra ipsum. De prima pœna patet infra in litera. scilicet cū dixit ppheta Anani ad regem Afa: quia habuisti fiduciam in rege Syriæ, & non in domino Deo tuo: ideo euasit exercitus regis Syriæ de manu tua. De secunda pœna patet etiam infra, cū dicitur: stultē egisti, & propter hoc etiam præsentī tempore aduersum te bella consurgent.

An peccauit Afa habendo fœdus cum Benadad.
Quæstio X.

QVAERITVR vltcrius, an peccauerit Afa habendo fœdus cū Benadad rege Syriæ. Nam manifestum est, q̄ fœdus habebat cum illo, quia quando ad eum dixit, fœdus est inter me & te, & pater meus & pater tuus habuerunt concordiam. Aliquis dicet, quod peccauit, quia prohibitum erat Iudæis habere fœdera cum Gentilibus, & propter hoc Deus sæpe inferebat eis mala, vt patet Iudi. 2. Secundò patet, quia in hoc videbatur diffidere misericordiæ Dei. Nam, qui quærit auxilium humanum in casu, quo solum diuinum auxilium quæri iubetur, diffidit diuino auxilio. Et tamen sic volebat Deus, q̄ Iudæi cōsiderent soli ei, & non peterent auxilia à Gentilibus, & tamen faciendo fœdus petebatur auxilium à Iudæis, quia propter hoc fiebat fœdus, vt confederati se adiuuaret: ergo peccabat Afa faciendo fœdus. Confirmatur hoc, q̄a nunc probatum est, quod peccauerit Afa mittendo nuncios suos ad petendum auxilium à rege Syriæ, & tamen faciendo fœdus petebatur auxilium, quia ad hoc fiebat, vt mutua fierent adiutoria: ergo peccabat Afa faciendo fœdus cum rege Syriæ. Respondendum videtur, quod non peccauit faciendo fœdus, quia fœdus istud nō fuit nunc nouiter initum, sed ante hoc erat inter eos: ideo si peccaret Afa faciendo istud fœdus, peccaret, quamdiu maneret in isto fœdere: & sic semper esset in peccato mortali, & potissimè esset in dissidentia. Et propter hoc verisimile est, quod Deus iratus fuisset ei ante hoc, & increparet eum, sicut postea nunc iratus est quando petiuit auxilium à rege Syriæ. Et tamen ante hoc non legitur, quod Deus iratus fuisset regi Afa, sed potius fauebat ei in omnibus operibus suis, ideo non peccauerat faciendo fœdus. Item dato, quod contrahere fœdus cum Gentilibus ad mutuas compugnationes esset aliquo modo malum: tamen non peccaret Afa, quia non apparet, quod ipse de nouo contraxerit, vel posuerit fœdus cum rege Syriæ, sed magis videtur, quod istud fœdus contractum fuerit inter Abiā patrem Afa, & Tabremon patrem Benadad. Et quia nunquam ruptum fuerat diebus eorum, videbatur manere in posteris, scilicet, inter Afa, & Benadad. Et hoc videtur signari in litera, cū dicitur, fœdus est inter me, & te: pater meus, & pater tuus habuerunt concordiam, id est, ex eo quod inter patres nostros fuit concordia, nunquam rupta, deriuata fuit ad nos. Aliter adhuc posset dici, quod faciendo fœdera non esset hic aliquod peccatum. Nam si Afa faceret fœdus ad hoc, quod rex Benadad adiuuaret eum, quasi aliàs diffidens se posse pugnare, contra hostes, erat peccatum, cū diffideretur de Dei bonitate: & tamen poterat fieri fœdus non ad compugnationes, sed solum ad pacem habendam, vt non nocerent sibi inuicem, sicut rex Abimelech voluit facere fœdus cum Isaac dicens sit iuramentum inter te & nos, ne noceas nobis, sicut nos nihil tuorum attigimus.

Dd 4. Ecce

Ecce qualiter iuramentum, vel foedus solum erat ibi ad non nocendum: ita posset esse nunc, & in tali foedere non videbatur esse diffidentia Dei, nec peccatum. Ad rationem primam in contrarium dicendum, quod non erant prohibita foedera Iudæis cum omnibus Gentilibus, sed erant cum Chananæis vetita, quia Chananæi erant gentes, quas Israelitæ exclusuri erant de terra, ut habitarent in ea, & ad hoc pugnaturi erant cum eis. Si autem liceret eis facere foedus cum eis, non pugnarent contra ipsos, & sic possiderent Chananæi semper terram suam, & nunquam Israelitæ possiderent totam terram Chanaan, sicut eis Deus promiserat quod erat inconueniens: ideo Deus iusserat, quod inter Israelitas & Chananæos nullum esset foedus, nec permitterentur aliquo modo viuere, sed occiderentur in ore gladii. Deute. 20. & quando verantur foedera inter Israelitas & Gentiles, non agitur de omnibus Gentilibus, sed de solis Chananæis, ut colligitur. 34. & Deutero. 7. Benadad autem, & serui sui non erant Chananæi, sed Syri, & ista est alia gens distincta à Chananæis. Et patet hoc, quia termini terre Chanaan sunt apud terminos terre Syriæ. scilicet est Syria magis Aquilonaris, quam terra Chanaan, ut colligitur Num. 34. Ideo non erant Syri de populis Chananæorum, & consequenter non erat vetitum foedus fieri cum illis. Ad secundum cum dicitur, quod videbatur diffidere misericordie Dei ipsi Asa faciendo istud foedus, dicendum quod non diffidebat, quia forte non factum fuit istud foedus ad cōpugnandum, id est, ut mutuo se adiuuarent in pugna, sed ut non nocerent sibi inuicem, & velle non pugnare inuicem non erat diffidentia, & tamē quod realiter peteret adiutorium à rege Syriæ, cum Deus promississet ei, quod non deberet timere, quia ipse adiuuaret eum quamdiu coleret ipsum, precedenti capitulo, erat diffidentia, & peccatum: ideo de hoc increpatus est. Vel potest dici, quod non contraxerat Asa aliquod foedus cum Benadad. scilicet pater Asa cum patre Benadad, & illud nunquam ruptum fuerat inter illos, nec etiam postea inter Asa, & Benadad: ideo cum nunc Asa putaret, quod illud foedus antiquum posset sibi proficere, voluit se adiuuare ex illo petendo auxilium à Benadad allegando foedus, quod erat inter eos.

An peccauit Asa accipiendo thesauros sacros.
Questio XI.

QVAERITVR vltius, an peccauerit Asa accipiendo de thesauris domus domini, ut mitteret Benadad regi Syriæ. Aliquis dicet, quod sic, quia illa, quæ erant in domo domini erant sacra, & quæ sacra sunt non debent conuerti ad vsus prophanos, maxime dando illa viro gentili. Respondendū, quod dando thesauros domus dñi regi Benadad peccauit multipliciter Asa. Primo peccauit, quia accepit rem alienā domino non concedente, & non cum voluntate soluendi illam. Secundo peccauit, quia accepit ad malum finem. scilicet ad dandum regi Syriæ: istud autem erat malum, ut supra probatum est. Tertiò peccauit, quia forte isti thesauri erant consecrati, & non licebat trāsferrī vllō modo ad vsus humanos. Nam Balthasar, qui erat rex Chaldeorum peccauit bibendo in vasis, quæ transtulerat Nabuchodonosor in templo domini in Ierusalem, ut patet Dan. 5. cap. Et ob hoc vidit contra se tres digitos scribentes in pariete, & regnum suum ablatum est, ut ibi dixit Daniel: à fortiori ergo peccaret vir Iudæus dans vasa domus domini alicui Gentili, ut posset in illis facere quidquid veller. Considerandum tamen, quod licet Asa peccauerit dando thesauros domus domini, tamen poterat dare in aliquo casu, in quo non peccaret. Pro quo sciendum, quod aut illi thesauri erant

aliqua vasa consecrata, quibus ministrabatur in altari holocaustorum, vel thymiamatum, vel alia sacra ministracione. Vel non erant aliqua vasa ad ministrandum, sed solum aurum, & argentum rude, vel pecunie magne. De primo patet, quod non licebat aliquatenus trāsferrī in vsus humanos, quia omnia talia vasa erant consecrata, sicut nunc sunt consecrati calices nostri, eo quod illa vasa vngebantur oleo Sancto vnctionis, quo vngebantur summi sacerdotes, & reges, nec erat in toto sanctuario aliquod vas ad quamcunq; ministracionem pertinens, quod non vngeretur oleo Sancto: Exo. 31. & 40. & Num. 7. sed nullo modo licet calices nostros consecratos alicui seculari dari, vel transferri ad alias ministraciones non sacras: ergo etiam, nec vasa domus domini. Si autem intelligatur de secundo, scilicet, de auro, & argento, & alijs thesauris, qui non erant vasa. Dicendum, quod ista poterant in aliquo casu trāsferrī ad vsus secularium, eo quod ista, licet essent sacra non erant consecrata. scilicet vncta oleo Sancto, erant autem sacra in quantum erant Dei. Ad hoc autem, quod posset licet accipi ad vsus secularium, oportebat, quod esset magna necessitas, quia non debebant ex causa facili ea, quæ semel data erant Deo, redire ad vsus secularium. Etiam requirebatur, quod acciperentur de sanctuario ad bonum finem, scilicet, ad aliquem actum honestum, quia alioquin peccatum esset vti re sacra in negotio turpi, vel illicito. Etiam requirebatur, quod ille, qui accipiebat haberet intentionem soluendi illa, quæ accipiebat, quia alioquin quantumcumque esset causa honesta, pro qua acciperetur, non erat honesta acceptio, eo quod illæ res sacræ erant alienæ. scilicet quia dei erant: ideo sicut si acciperetur ab alio homine, esset necessaria solutio: ita & voluntas soluendi: ita accipiendo à Deo, & à fortiori, quia grauius est tollere res Dei, quàm res hominum. Quod autem cum ijs conditionibus liceret rem sacram transferri ad vsus secularium apparet, quia Dauid dederat gladium Goliath Philisthæi templo domini, & conseruabatur cum vestibus sacris, & tamen cum Dauid fuit in necessitate non habens alium gladium, & habes causam iustam, scilicet, quia ibat in via, accepit illum gladium, ut patet primo Reg. 21. capit. Sic autem Asa si accepisset pecunias templi domini existens in necessitate magna, & non ad dandum viro Gentili pro illicito adiutorio, & cum voluntate restituendi non peccasset.

An peccauit Asa, & Benadad rumpendo foedus.
Questio XII.

QVAERITVR vltius, cum Asa dederit hic pecuniam, ut Benadad rupto foedere quod habebat cum Baasa rege Israel pugnaret contra ipsum, & Benadad reciperet pecuniam ex hac causa, & pugnauerit, an peccauerit. Aliquis dicet, quod ambo peccauerint, quia violare foedus peccatum est, & reputabatur valde graue inter Gentiles. Et ob hoc in cœremonijs foederis diuidebantur animalia in duas partes, & transibant facientes foedera inter diuisiones, ut signaretur, quod qui violaret foedus diuideretur in frusta, sicut illa animalia: & tamen hic ruptum fuit foedus, quia habebat Benadad foedus cum Baasa rege Israel, & pugnauit contra ipsum, ergo peccauit Benadad. Et confirmatur hoc, quia non fuit factum hoc ex causa honesta, sed ex turpi, scilicet, quia oblata sunt ei pecunie ab Asa rege Iuda. Et videtur, quod peccauerit Asa, quia ille, qui incitat aliquem ad malum, peccat, & tamen Asa incitauit Benadad ad malum: imò dedit ei pecuniam pro malo, scilicet, ut rumpere foedus, quod habebat cum Baasa rege Israel, ut patet in litera, ergo peccauit. Respon-

Respondendum, quod non est idem iudicium penitus de Afa, & de Benadab: quia in isto negotio poterat vnus peccare, & alius bene agere secundum differentiam causae, quam haberet ad agendum, & finis, qui moueret ad hoc. Circa Afa dicendum primo, quod aut Afa habebat iustam causam vetandi regi Israel edificare Rama, aut non. Si poterat iuste vetare, Dicendum, quod poterat pugnare contra ipsum faciendo cedes, & & praedas quousque consequeretur id, quod intendebat: & poterat etiam licite conuocare quoscumque in auxilium contra Baasa, & si non posset gratis illos mouere, posset eis pecunias offerre. Et sic dicendum, quod liceret Afa conuocare Benadab regem Siria, vel quicumque alium ad bellum contra Baasa. Et si verum sit, quod Afa peccauerit conuocando aliquos in auxilium contra Baasa, eo quod diffidebat de certo adiutorio, quod Deus eis promiserat si coleret ipsum, vt supra probatum est: tamen non erat peccatum istud in ruptione foederis; quia dato, quod non fuisset aliquod foedus inter Benadab, & Baasa regem: peccasset Afa: si conuocasset Benadab ad pugnandum contra Baasa, & ipse non auderet pugnare. Sic etiam peccaret conuocando quicumque de regibus gentilium contra Baasa, qui non erant confederati cum eo. Et si arguas, quod cum Afa incitaret Benadab ad pugnandum contra Baasa incitabat eum ad malum. scilicet ad violandum foedus. Dicendum, quod Benadab respicere deberet an bonum, vel malum faceret adiuuando contra Baasa regem Israel: quia Afa iustam causam habebat petendi auxilium a quocumque homine contra Baasa, contra quem ipse bellum iustum fouebat. Si autem Afa non habebat iustam causam vetandi ipsi Baasa aedificationem Rama: non licebat ei pugnare contra illum pro hoc, & consequenter nec conuocare quoscumque ad istam pugnam, & sic peccaret conuocando Benadab. De ipso Benadab dicendum, quod aut confederatus erat cum solo Baasa rege Israel: aut cum Baasa, & Afa. Si cum solo Baasa, dicendum, quod peccaret adiuuando Afa contra Baasa, quia siue Baasa foueret iustum bellum, siue iniustum: non poterat pugnare contra eum Benadab: cum esset confederatus ei, & non esset foederatus illi, pro quo pugnabat. Nam licet non teneretur adiuuare eum contra Afa in bello iniusto, tamen saltem tenebatur non pugnare contra ipsum, eo quod sic erat conuentum, & non erat aliqua causa, quae eum impelleret ad pugnandum. Si autem esset Benadab confederatus vtrique, scilicet Afa regi Iuda, & Baasa regi Israel: distinguendum aut fouebat Afa iustam causam vetando ipsi Baasa aedificationem vrbis Rama, aut non. Si non fouebat iustam causam, peccabat grauiter Benadab adiuuando Afa contra Baasa propter duo. Primo, quia adiuuabat in bello iniusto, quod semper est illicitum. Secundum, quia adiuuabat contra federatum sibi. Si autem fouebat Afa iustum bellum, videtur quod Afa non peccabat adiuuando eum, & pugnando contra Baasa, quia in foedere de compugnando interueniret ista conditio, quod vnus adiuuaret alium: quandoque eum requireret: quod intelligitur de bello iusto. Et sic cum nunc Afa foueret bellum iustum, & requireret Benadab sub virtute foederis, quod adiuuaret eum contra Baasa, videretur teneri illum ad hoc. Cum autem obijcitur, quod erat Baasa confederatus ioseph Benadab: & non poterat pugnare contra eum. Dicendum, quod hoc erat verum in bello iniusto: & tamen in bello iniusto poterat pugnare contra ipsum: si confederatus esset alteri, qui gereret bellum iustum contra eum. Nam virtute foederis obligabatur pugnare adiuuando illum contra alterum confederatum gerentem iusta bella. Istud autem verum est, nisi forte in conditionibus foederis aliter interueniat. scilicet quod vnus de confederantibus non posset pugnare contra alium pro quocumque alio: nisi

prosequendo causam ipsius: quia tunc quamcumque foueret causam iustam Afa contra Baasa non poterat Benadab adiuuare Afa contra Baasa: sed solum interponeret se, vt amicabile compositor inter eos, ne pugnarent. Si autem obijcias, quod in omni casu peccauerit Afa, quia voluit concitare Benadab ex turpi causa. scilicet offerendo pecuniam, & ipse etiam Benadab peccauerit, quia motus est pecunia ad pugnandum contra federatum sibi, & non est alia causa. Dicendum, quod hoc non stat, quia poterat esse, quod Afa non daret illam pecuniam Benadab: vt per hanc moueret eum ad pugnandum contra Baasa: sed vt prouideret ei de expensis pro bello. Nam dato, quod confederatus esset Benadab cum rege Afa, & teneretur eum adiuuare: quandoque requireretur: tamen non tenebatur suis stipendijs militare: sed expensis illius, cuius esset bellum, & sic teneretur Afa dare omnes expensas regi Benadab pro exercitu suo. Et vt non moraretur Benadab venire, vel mittere exercitum suum, misit illico Afa pecuniam: de qua viueret exercitus Benadab dum pugnaret contra Baasa regem Israel. Et sic datio ista pecuniae non probat sufficienter, quod peccauerit Afa, vel Benadab.

An vastauit illas urbes exercitus Benadab.

Quest. XIII.

QVAERITVR vltius, quomodo dicitur hic, quod exercitus Benadab vastauerunt ciuitates istas, quae nominantur hic, scilicet Dan, Ahion, & Abelmain: quia 3. Reg. 15. vbi dicitur, vel ponitur ista historia, de Abel. Respondent quidam, quod istae sunt duae ciuitates distinctae, & non coincidunt, scilicet Abel, & Abelmain. Et hoc satis verisimile est, quia multae ciuitates fuerunt vastatae per exercitum Benadab, quae non nominantur hic. Et ob hoc cum ponatur ista historia hic, & 3. Reg. 15. quaedam ciuitates nominantur hic, & aliae ibi, quae non exprimuntur hic, & sic Abelmain fuit hic nominata, quae non nominatur 3. Reg. 15. Et Abel nominatur ibi, quae non nominatur hic. Et hoc patet, quia etiam aliae ciuitates nominantur ibi, quae non ponuntur hic, scilicet domus Maacha, & tota regio Ceneroth: ita poterat esse de istis. Dicendum, quod verum est, quod aliquae vrbes, vel regiones exprimuntur ibi, quae non exprimuntur hic, & tamen non est hoc quantum ad Abel, & Abelmain, sed eadem ciuitas est. Et vocatur diuersimode, quia iste modus est apud Hebraeos, quod in nominibus proprijs fiunt multae mutationes: nam interdum additur aliquid, & interdum minuitur, & interdum alterantur nomina mutando in eis aliquas literas, ita vt non assimilentur prioribus nominibus. De additione pater, quia vnus vocatur Phalti, & idem vocatur Phaltiel: vt patet 1. Reg. 15. & 2. Reg. 3. quia in vno loco vocatur Phalti filius Laïs, ille cui datus est Michol in uxorem, quae erat prius vxor Dauid, & in alio loco ipse vocatur Phaltiel. Etiam idem homo, vel locus vocatur diuersis nominibus mutatis: vt Gessur vocatur interdum Gessuri, & est nomen regionis: vt patet 1. Reg. 17. & 2. Reg. 3. & 14. Sic etiam vocatur eadem regio Ierameel, & Ierameel: 1. Reg. 27. & 30. aliquando fit subtractio, vt in isto nomine Aram: nam ille, qui vocatur Aram, & ponitur in Genealogia Christi Matth. 1. & in Genealogia David Ruth 4. vocatur Ram, praecedenti lib. 2. c. computando eandem Genealogiam David. Aliquando autem alterantur aliqui nomine: ita vt non videatur esse idem nomine, vt patet in isto nomine Caleb, & Calibi: nam ille, qui vocatur Caleb vocatur interdum Calibi, praecedenti libro capitulo 2. Ita poterat esse in isto nomine Abel, & Abelmain, quod fiat aliqua additio in fine nominis: ita vt ille locus,

cus, qui verè, & propriè vocatur Abel per quandam additionem vocaretur Abelmain, sicut Phali vocatur Phalriel.

An Afa rogauit regem Benadad pro recessu Baasa ab ædificatione. Quest. XIII.

QVAERITVR vterius, an Afa rex Iuda rogauerit regem Benadad, q̃ faceret, q̃ Baasa recederet ab eo, s. ab ædificatione Rama pugnando contra ipsum: quomodo exercitus Benadad, non iuerunt ad pugnam contra Baasa, sed inceperunt vastare regiones eius iuxta Syriam. Respondendum, quod hoc poterat fieri propter multa. Primò ad euitandum superfluum laborem: nam id quod poterant facere exercitus Benadad eundo contra Baasa in Rama, poterant facere vastando loca propinqua Syriæ. Nam cum Baasa videret, q̃ exercitus Syrorum vastabat vrbes regni sui, & hoc, vt desisteret ab obsidione, vel ædificatione Rama, desisteret illico sciens, q̃ non poterat ipse resistere exercitui Syrorum, & regi Iuda, & sic non laborarent transeundo per totam latitudinem regni Baasa. Nam transeundum erat à latere Aquilonari in Meridianum: quia terra Syrorum erat in latere Aquilonari Chanaan, siue regni Israel. Et Rama erat in latere Meridiano terræ Israel, cum esset in latere regni Iuda, & de ipso regno Iuda. Secundò fuit factum hoc propter periculum, quia cum exercitus Syrorum transiret per terram Israel totam in transuerso vsquequo veniret in Rama, vbi erat rex Baasa, fortè totum regnum Israel congregaretur super Syros, qui procul erant à regno suo, & essent in periculo. Cum autem vastaret loca propinqua terræ Syrorum, & postea procederent vastando versus medium terræ Israel: non erat eis periculum: quia nō relinquebant à tergo aliquos hostes, qui possent eis nocere. Tertiò fuit facta, quia si irent isti Syri ad pugnandum contra Baasa regem Israel in Rama, forsitan committeretur bellū, & esset difficultas, quia tam exercitus, quem Baasa habebat secum in pugna, quàm omnes de regno congregarent, & possent Syri periclitari: ideo maluerunt vastare extremitates regni sine periculo, quàm sine causa exponere se magno periculo.

An licuerit Ase auferre ea, quæ parata erant pro ædificatione. Quest. XV.

QVAERITVR vterius, cum Afa rex Iuda tulcrit omnes lapides, & ligna, quæ parauerat Baasa ad ædificandum Rama, an licuerit sibi hoc. Dicendū, quod ad hoc præsupponendum est de istis lapidibus, & lignis, q̃ non erant posita in opere: ita q̃ non esset iam ædificatio facta, vel magna pars ædificationis: quia tunc esset magnus labor diruere ædificia, & tollere inde materias. Nam sic conuenientius erat regi Afa, q̃ occuparet ipse fortalitium ædificatum per Baasa, & poneret ibi viros bellatores contra regnum Israel, quàm cum magno labore dirueret ipse ædificium, & auferret inde materias, quæ iam non essent tam aptæ ædificio, sicut prius. Sed intelligendum, q̃ Baasa rex Israel voluit ædificare festinanter aliquod fortalitium apud Rama Iudæis, & vt velociter fieret opus voluit prius congregare omnes materias necessarias, & tunc subito volebat ædificare, & sic congregauerat iam omnes materias ferè Baasa, cum venit ad vastandum terram suam exercitus Syrorum, & nondum ceperat ædificare fortalitium: ideo dimisit omnes materias congregatas ad opus non inchoato opere. Vnde venientes Iudæi tulerunt omnes illas, & quia erant multæ, & es-

set magna mora in tollendo illas, si non venirent omnes Iudæi, iussit, q̃ venirent omnes, & nemo esset excusatus: vt patet 3. Reg. 15. f. q̃ nemo prætextu alicuius priuilegij se excusaret. Nam aliqui erant, qui secundum legem excusabantur à bellis, & omnibus publicis laboribus: illi, qui nouiter vxores acceperant quousque manerent per annum in domo cum vxoribus: Deuter. 24. Et alij similes erant: nemo tamen eorum nunc excusatus fuit propter magnam necessitatem, & velocitatem operis. Sed tunc dicitur quare Afa, non ædificauit in loco illo fortalitium, quod volebat ædificare Baasa, quia sicut erat illud fortalitium vtile regi Baasa contra Afa, vt nō permitteret aliquos de regno Afa ingredi in regnum Israel, nec egredi. Ita Afa vteretur illo castro ad non permittendum aliquos venire de terra Israel in terram Iuda. Dicendum, quod hoc factum est propter multa. Primò, quia fortè non erat vtile illud fortalitium regi Afa: quia licet vtile esset regi Baasa contra Afa, poterat esse, q̃ non esset vtile regi Afa contra Baasa, & hoc poterat esse ex dispositione terræ, & vrbium vtriusque regni. Et hoc satis apparet consideranti dispositiones multorum regnorum confinium: quia vnum fortalitium nocet vni contra alterum, & non alteri contra alterum. Secundò, quia fortè timebat Afa ædificare ibi fortalitium, quia timebat, q̃ cito bella confurgerent antequam finiretur ædificatio fortalitij, & fortassis caperet illud Baasa de manib⁹ Iudæorum. Tertiò factum est, vt non relinqueretur locus quærelæ Baasa regi Afa cōtra Israel regem Iuda: nam Afa habuit iustam quærelam contra Baasa regē Israel, quia ædificabat fortalitium illud in tali loco in præiudicium regni sui, ita poterat conqueri Baasa contra Afa, q̃ si ipse ædificaret fortalitium illud: etiam erat in præiudicium regni Israel, & ob hoc moueret bellū contra eum, & tunc Benadad rex Syriæ adiuuaret regē Israel contra regem Iuda, sicut prius adiuuauerat regem Iuda contra regem Israel: voluit ergo Afa vitare illud inconueniens, & non ædificauit in loco ipso fortalitium: sed tulit lapides, & ligna inde, & ædificauit urbē Gabaa, & Maspha, vt patet in litera, & 3. Reg. 15. Cum autem quæritur, an licuit ipsi Afa tollere lapides, & ligna de illo loco, in quo posuerat illa Baasa, vt inde faceret aila ædificia: Respondendum, quod licuit, primò, quia si nunc dimitteret ibi lapides, & ligna Afa, licet recederet nunc Baasa timore exercitus Syrorum, rediret denuo, & ædificaret cum haberet omnes materias in promptu, & istud erat incidere in incommodum, quod intendebat nunc euitare Afa. Secundum erat, quia Baasa iniustum fecerat volendo ædificare fortalitium in terra aliena in præiudicium domini terræ: ideo merebatur perdere materias istas, quas ad hoc iniustum ædificium congregauerat: ideo poterat facere de illis Afa rex Iuda quidquid vellet. Tertiò, quia Afa rex Iuda fouebat iustum bellum cōtra Baasa regem Israel: cum ædificaret fortalitium in terra sua: ita licita erat occisio, & præda vsque ad condignam satisfactionem. Erat autem satisfactio condigna, vt primò soluerentur omnes expensæ quas super hoc fecerat Afa, scilicet omnes pecuniæ, quas dederat regi Benadad: vt mitteret exercitum suum contra Baasa, & cogeret eum recedere de Rama. Et quia culpa Baasa fuerant factæ omnes istæ expensæ, tenebatur ad illas: & si quæ aliæ huiusmodi erant: etiam inflixerat iniuriam magnam Baasa rex Israel regi Iuda ædificando aliquid in regno suo eo iniurio, vel in præiudicium suum. Et pro hac iniuria etiam satisfactio aliqua fieri debebat in pecuniam. Vnde satis iuste poterat Afa accipere omnes materias quas congregauerat Baasa: quia adhuc non fieret sibi condigna satisfactio accipiendo omnes has.

In tempore illo venit Anani Propheta ad Asam regem Iuda, & dixit ei: Quia habuisti fiduciam in rege Syria, & non in domino Deo tuo: iccirco euasit Syria regis exercitus de manu tua. Nonne Aethiopes, & Libyes multos plures erant quadrigis, & equitibus, & multitudine nimia, quos cum in domino credidisses tradidit in manu tua? Oculi enim domini contemplantur vniuersam terram, & præbent fortitudinem his, qui corde perfecto credunt in eum. Stulte igitur egisti, & propter hoc etiam præsentis tempore aduersum te bella consurgent.

In tempore illo. Hic ponitur secundum huius cap. scilicet præuocationis obstinatio: nam cum peccauisset Asa diffidendo bonitati, & promisso Dei, debuerat increpante propheta dolere, & conuerti ad dominum, & tamen potius indignatus est, & posuit prophetam in carcerem. & dicitur in tempore illo, scilicet postquam Asa duxit lapides, & ligna de Rama, quæ dimiserat Baasa rex Israel. *Venit Anani propheta ad Asa regem Iuda.* Deus misit istum prophetam, ut loqueretur ista, quæ in litera habentur: de isto Anani, quis sit infra dicitur in quadam quæstione. *Et dixit ei.* Scilicet increpando, quia quæ sequuntur verba increpatoria sunt, & comminatoria mali. *Quia habuisti fiduciam in rege Syria.* Habuit fiduciam, quod Benadad rex Syria posset eum liberare de manu Baasa regis Israel, & cogere, ut cessaret ædificare, & dedit ei pecunias multas, ut faceret hoc: ut patet in litera. *Et non in domino Deo tuo.* Scilicet, non habuit Asa fiduciam in domino, quod ipse superaret exercitum Baasa: ideo recurrit ad Benadad, & dedit ei pecuniam. Nam si consideret certissime, quod Deus faceret eum superare exercitum Baasa, non offerret frustra tantum thesaurum regi Benadad, & tamen obrulit: non confidit, quod Deus virtute sua liberaret eum, sed confidit, quod posset eum liberare exercitus Syrorum, & ob hoc dedit regi Benadad pecuniam multam, scilicet thesauros domus domini, & thesauros regis. *Iccirco euasit exercitus regis Syria de manu tua.* Scilicet, tradendus erat exercitus Syrorum in manu tua: quia tamen tu demeruisti hoc subdendo te eis, noluit Deus tibi subdere illos: sed euaserunt de manu tua. Ecce qualiter Syri euaserunt de periculo non meritis suis, sed demeritis eorum, quibus subiiciendi erant: Ita sæpe fit, ut aliqui digni sint multa mala pati, & tamen propter demerita eorum à quibus puniendi erant non puniuntur, sed liberantur: de quo infra dicitur. Quomodo autem Syri liberati fuerint de manu Asa propter demerita eius, declarabitur infra in quadam quæstione. *Nonne Aethiopes, & Libyes multo plures erant?* Probatur quomodo iuste increpandus erat Asa, scilicet quia maius bellum, quam istud superauerat facillime nullo adiuuante: nisi nomine domini inuocato, & nunc in paruo bello non habuit confidentiam in Deo: sed recurrit ad auxilium regis Syria. Istud autem fuit quando venerunt contra regem Asa Aethiopes cum rege suo Zara anno quintodecimo regni sui, & cum illo veniebant Aethiopes, & Libyes. Sunt tam Aethiopes isti, quam Libyes apud Aegyptum: unde quando Sefac rex Aegypti ascendit contra Roboam filium Salomonis, duxit in exercitu suo Aegyptios, & Aethiopes, & Libyes, & Troglodites.

A tos: ut patet supra decimo secundo. Et hoc non poterat esse nisi istæ gentes essent satis coniunctæ Aegypto. Libyes dicuntur à Libya, & est duplex Libya: quædam enim est Libya Cyrenaica, quæ est circa Aegyptum, & de ista dicitur Actuum 2. Et partes Libyæ, quæ sunt circa Cyrenem. *Quadrigis, & equitibus, & multitudine nimia,* quasi dicat. Maior valde erat exercitus Aethiopum, quam Israel: quia erant decies centena millia supra 14. & in exercitu Baasa non poterant esse tot. Et dicitur quadrigis, id est curribus, quia in exercitibus antiquis semper solebant esse currus, & tamen respectu tanti exercitus non fuerunt multi currus iuxta exercitum Aethiopum: nam solum leguntur fuisse currus trecenti supra 14. & tamen adhuc in exercitu Baasa non erant tot currus: de equitibus non legitur quot erant: sed de omni exercitu Israel dicitur, quod erant decies centena millia. Et ponuntur ista tria, quia nomine multitudinis nimie intelliguntur pedites, eo quod in exercitu solent esse istæ tres partes, scilicet currus, equites, & pedites. Et quia pedites solent esse valde plures, quam omnes alij, vocantur ipsi hic multitudine nimia. *Quos cum domino credidisses tradidit eos in manu tua.* Id est, cum habuisses confidentiam in Deo, quod præualeres contra eos, tradidit eos in manus tuas. Nam nihil aliud fuit hic nisi confidentia. Patet hoc ex verbis Asa supra 14. scilicet & inuocauit dominum, & ait: Domine non est apud te vlla distantia, an in paucis auxiliis, vel pluribus: adiuua nos domine. Deus noster: quia in te, & in tuo nomine fiduciam habentes venimus contra hanc multitudinem. Domine Deus noster tu es, non præualeat contra te homo. Et non accipitur hic proprie credere pro credere, sed pro confidere: nam credere esset si Deus aliquid dixisset, & assensisset firmiter illi dicto Asa, & tamen non habet, quod Deus prædixisset aliquid ipsi Asa de victoria contra Aethiopes: sed solum cum venerunt Aethiopes confortatus est Asa in corde suo à Deo, & exiuit contra eos sperans certissime, quod eos superaret, ut colligitur ex verbis suis supra allegatis, scilicet in te, & in tuo nomine fiduciam habentes venimus contra hanc multitudinem. Ex hoc datur magnum documentum homini, scilicet quod nihil ascribat virtuti suæ, sed omnia ascribat Deo, nec confidat ex parte sua de aliquo bono, quia quantumcunque homo perfectus sit, si permittatur à Deo errare, incidit in magnos errores. Sic fuit de isto rege Asa, qui anno quintodecimo regni sui, cum non esset adhuc probatus in omni bonitate: habuit tantam confidentiam de Deo, quod cum venisset contra eum rex Aethiopum cum decies centenis millibus virorum, non dubitauit exire contra eum in bellum confusus Dei ope, quod & factum est: Deus tamen nihil ei dixerat de victoria futura. Nunc autem cum esset iam Asa vir probatae virtutis, qui sedus seruandæ legis cum Deo fecerat, & seruaret illam: præcedenti c. & expertus fuerat fructum diuinæ confidentiæ superando facilliter Aethiopes supra 14. & insuper dederat Deusei ipem certam, quod quandiu legem obseruarent adiuuaret eos: & tamen in omnibus existentibus, & veniente contra eum bello paruo, quod inferebat Baasa rex Israel, non confusus est in domino, quod virtute Dei posset liberari: sed recurrit ad adiutorium Benadad regis Syria. Istud autem fuit propter solam Dei immutationem: nam à principio Deuseleuauit cor Asa, & confortauit illud, ut confidenter pugnaret contra Aethiopes: ideo licet tunc esset Asa parua virtutis, & magna resistentia Aethiopum, ausus est pugnare contra eos. Nunc autem cum esset iam probata virtus Asa, & multa assisterent adminicula, & parua esset copia exercitus Baasa, non ausus est Asa pugnare contra illum, sed recurrit ad regem Syria offerens ei pecuniam multam, ut pugnaret contra Baasa regem Israel. Hoc autem ideo erat, quia prius eleuauerat Deus

Libya duplex.

cor Aſa ad audendum hoc: nunc verò eleuauit illud. Et ſic quando Deus eleuat hominem ad magna, efficitur magnus: ſi autem relinquat eum ſibi ipſi, cadit, ab omni bono, quod prius tenebat: ita vt nihil aliud homo ſit, niſi quantum Deus ei concedere dignatur. Et quia interdum homines, quibus Deus magnam virtutem contulit aliqualiſter ſuperbiunt, aſcribentes ſibi ipſiſ aliquid de bono, permittit illos cadere Deus in magna peccata, & ignominioſa, & ſic confunduntur, & erubeſcunt de ſe ipſiſ. Et tunc verè experiuntur, q̃ in homine nulla ſit virtus: ſed omne bonum humanum à Deo eſt ſecundum actuale influxum. *Oculi enim domini contemplantur vniuerſam terram.* Iuxta illud Prouer. 15. ſ. in omni loco oculi domini contemplantur bonos, & malos, & ad Hebræ. 4. omnia nuda ſunt, & aperta oculis eius. Non eſt tamen intelligendum, q̃ oculi domini contemplantur vniuerſam terram, ideſt videant, quia nec vident vniuerſam terram, nec partem eius, cum Deus oculos non habeat: quia non eſt animatus, nec corporeus. Habere autem oculos ſol animal competitis, quia iſta ſunt organa virtutis viſiue, quæ eſt inſtrumentum animæ determinans ſibi certum organum per quod operetur. Deus autem cum ſit natura quædam, & eſſentia ſimplex, non eſt corporeus: quia quod corporeum eſt, compositum eſt. Sed dicitur, oculi domini contemplantur vniuerſam terram ad ſatisfaciendum ſimplicibus. Nam aſſerimus Deum cuncta ſcientem, & cuncta regentem: vulgares autem putant nihil nos certè ſcire, niſi quod videmus: ideo vt attribuat Deo cognitio certiffima de rebus, & omnibus rebus, dicit ſcriptura, q̃ Deus omnia videt, & ſic dicit, q̃ oculi domini contemplantur vniuerſam terram. Eodem modo dicere debemus de auditu, q̃ Deus omnia audit, vt putaretur ſcire omnia, quæ dicuntur, quia aliàs nō putaretur ſcire ea, quæ nos loquimur. *Et præbent fortitudinem iſs, qui corde perfecto credunt in eum.* Ideſt Deus dat fortitudinem ad vincendum omnibus, qui credunt in eum, ideſt ſperant, ex toto corde, ſ. nihil hæſitantes. Nam qui dubitant nihil conſequuntur de eo, quod deſiderant. Quomodo autem quis credat in Deū corde perfecto ad hoc, q̃ det ei fortitudinem, & quomodo Deus det fortitudinem, declarabitur infra in quibuſdam quæſtionibus. Dicitur autem hic de oculis domini, q̃ contemplant vniuerſam terram ad tollendum dubium, quia aliquis dicit: licet ego conſidam in domino, & credam, quomodo præbebit mihi fortitudinem? quia fortè non videbit hoc, vel non aſpiciet ad illud, & ſic non cognoscet, q̃ ego conſidam in eo. Reſpondetur, q̃ Deus omnia hæc cognoscit, & ſcit quis conſidit in eo, & quis non. Et hoc probat dicens, q̃ oculi domini contemplantur vniuerſam terram, ideſt vident eam, & ſic vident omnia, quæ ſunt in terra, ideo videbunt ſiquis conſidit in eo, vel nō, & poterit dare fortitudinem eis, quos cognouerit in eis conſidere. *Stulte egiſti.* Scilicet, conſidendo in rege Syriæ, q̃ poſſet te liberare de manu regis Baſa, & nō Deus tuus, & mittendo ei pecuniam, quia vtilius tibi eſſet conſidere in Deo tuo. Nam nihil dediffes de theſauris tuis, & acquiſuiſſes maiores theſauros, & non offendiſſes Deum. Nunc autem perdidiffi theſauros, & offendiſti dominum, & non potuit eſſe maior ſtultitia. *Et propter hoc etiam in præſenti tempore contra te bella conſurgent.* Scilicet in pœnam huius delicti conſurgent bella contra te nunc: quaſi dicat, Deus intendebat tibi dare pacem ſubijciendo tibi hoſtes in circuitu. Nunc autem, quia tu demeruiſti hoc inuocando humana auxilia contra eos, conſurgent bella contra te, quia Deus faciet, quod contra te illico inſurgant. Qualiter autem Deus concitauit bella contra Aſa, & qualiter illa fuerunt

F in præſenti tempore, declarabitur infra in quadam quæſtione.

Quis eſſet iſte Anani. Quæſt. XVI.

QUÆRITVR circa iſtum prophetam Anani, qui venit ad nunciandum iſta, quæ habentur hic regi Aſa, quis erat. Reſpondendum, q̃ iſte propheta, & multi alij erant ignoti: erant enim tunc, & tempore aliorum regum Iuda multi propheta. Nam ſit hic mentio ſaltem de tribus in ſcriptura, ſ. de Azaria filio Obed, qui venit ad Aſa nunciando ei mala futura in regno ſuo poſt vitam ſuam, & tamen q̃ ipſe confortaretur in domino. præcedenti c. Secundus propheta erat iſte Anani, qui venit ad increpandum regem Aſa, quia non conſiſus fuerat in domino, vt patet in litera. Tertius erat Iheu filius Anani, qui etiam fuit propheta tempore iſtius regis Aſa, & ipſe miſſus eſt contra Baſa regem Iſrael ad denunciandum vaſtationem generis ſui, & ſuſcitationē alterius regis: vt patet 3. Reg. 16. Quartus poterat aſſignari ipſe Obed pater Azariæ. Nam licet de illo non legatur aliqua operatio prophetica, ſicut de præcedentibus: aſſerendum tamen eſt eū fuiſſe prophetam: quia regula eſt apud Hebræos: quia quandocunque aliquis propheta nominatur, cuius pater exprimitur, ille etiam fuit propheta: & iſtam regulam tenet Hieronymus in quodam prologo ſuper Sophoniā, qui incipit: Tradunt Hebræi, & ſatis patet hoc in Iheu propheta, qui ibi ponitur vocatur filius Anani, vt patet infra 19. & 20. & 3. Reg. 15. & manifeſtum eſt, q̃ ipſe Anani pater ſuus propheta erat, cum ponatur hic prophetaſſe contra Regem Aſa. Ita dicendum de Obed. Nam quando nominatur Azarias propheta, præcedenti c. nominatur pater eius Obèd: ideo dicendum hūc eſſe prophetam, & aliqua faceret, & diceret tempore ſuo prophetice: quia aliàs nunquam cognosceret eſſe prophetam, & tamen illa non habentur in ſacra ſcriptura, quia nō fuerunt neceſſaria, ſicut ea, quæ dixerunt alij propheta, quæ faciebant ad propoſitum de hiſtorijs regum, quæ deſcribuntur: omnes autem iſti propheta ferè erant ignoti. Et ratio huius eſt, quia illi propheta ſunt apud nos cogniti, quos ſcripta ſua nobis notos efficiūt, vel aliqua magnifica geſta valde vulgata: ſed adhuc apud prophetas magis eos notos efficit ſcriptura, quā reliquerunt, quā geſta alia. Et ſic apud nos ſunt quatuor propheta maiores, qui magnos in reſpectu aliorum conſecerunt libros, ſ. Iſaias, Ieremias, Ezechiel, Daniel, & duodecim minores, qui propter hoc, q̃ parua ſcripta reliquerunt vnius voluminis anguſtia coarctantur, ſ. Oſeæ, Ioel, Amos, Abdias, Ionas, Michæas, Sophonias, Abacuc, Naum, Aggeus, Zacharias, Malachias. Nulli alij propheta fuerunt, qui aliqua ſcripta prophetica nobis reliquerunt: ideo cum prophetas allegamus ad iſtos reſtringimur. Alij autem quidā fuerunt propheta, qui licet non reliquerint aliqua ſcripta, ſatis noti ſunt miraculorum operatione. Sicut Samuel, propter quem Deus multa fecit, & de quo multa refert ſcriptura, & ponuntur ſpecialiter laudes eius inter patres Eccl. 25. Fuerunt etiam Elias, & Eliſe viri magni miraculorum operatione: nā ipſi mortuos ſuſcitauerunt, quod ante eos nemo vnquam fecerat. De laudibus iſtorum patet Eccl. 48. Ponuntur hiſtoriæ iſtorum in proceſſu tertij, & quarti librorum regum. Iſti autem, de quibus dictum eſt, & multi alij, de quib⁹ ſit mentio in libris regum, & in iſto, ſunt quaſi incogniti, quia nulla reliquerunt ſcripta, per quæ allegentur, & in notitiam veniant. Etiam non fecerunt aliqua opera miraculoſa tam magnifica, per quæ valde cogniti ſint.

An peccauit Afa habendo fiduciam in rege Syriae, & non in Deo? Quest. XVI.

QVAERITVR vltcrius circa Afa, an peccauit habendo fiduciam in rege Syriae, & non habendo fiduciam in Deo Israel. Et quomodo non peccauit propter non habere fiduciam: Respondendum, quod certissime peccauit Afa habendo fiduciam in rege Benadad, & non in domino. Quod patet primo, quia increpatur hic rex Afa, quia confusus est in rege Syriae, & tamen non increparetur nisi peccauisset confidendo. Secundo patet, quia praenunciatur vna pena propter hoc, scilicet circa euasit exercitus regis Syriae de manu tua: non poneretur autem ista pena, nec aliqua alia nisi peccauisset. Tercio patet, quia ponitur alia pena, & alia increpatio, scilicet stultè egisti, & propter hoc etiam praesentis tempore contra te bella consurgent. Cum autem quaeritur, quomodo confidere debebat in domino rex Afa, est dubium. Et quidam dicunt, quod non videtur quomodo peccauerit. Nam si propter hoc peccaret Afa, quia non confusus est in domino, quod praualeret contra exercitum Israelitarum: etiam nos peccaremus, quandoocunque pugnamus contra alios habentes bellum iustum, si non crederemus certissime, quod Deus nobis daret victoriam. Etiam peccaremus si conuocaremus aliquos auxiliares ad bellum, quia sic videtur peccasse Afa, qui conuocauit Benadad in auxilium suum contra Baasa, sed istud est valde durum, si damnare omnia bella nostra, in quibus auxiliares quaerimus, & in quibus agimus per prudentiam humanam quantum possumus, & tamen prudentia humana est, quod occurrat quis hosti suo cum maiori potestate, quam congregare poterit, siue de suis, siue de auxiliatoribus, & sic destruerentur omnia, quae communiter asserere consueuimus. Respondendum, quod confidere in domino potest dupliciter intelligi. Vno modo confidere, quod Deus poterit facere id, de quo dubitatur. Alio modo, quod firmiter teneamus, quod illud efficiet. Primo modo dicitur aliquis credere, & non proprie confidere. Secundo modo dicitur verè confidere. De primo dicendum, quod omnes tenentur confidere de Deo illo modo, scilicet si quis pugnet contra alterum, debet credere, quod Deus potest eum liberare de manibus alterius, vel facere superare etiam si aduersarius multo maiorem copiam exercitus habeat, quam ipse. Sic enim dixit Afa, quando pugnavit contra Aethiopes, scilicet Domine non est apud te vlla distantia, vtrum in paucis auxiliis, vel in pluribus. supra 14. Sic etiam dixit Ionathas filius Saulis armigero, quando ipse solus volebat pugnare contra totum exercitum Philistinorum, scilicet Non est Deo difficile saluare in multitudine, vel in paucis. Istud confidere est de necessitate salutis in quolibet homine, quia istud est de integritate fidei cum pertineat ad articulum de omnipotentia Dei: nam aliter Deus non esset omnipotens, nisi posset pugnare contra quoscunque, & quocunque, & saluare quos vellet, & delere quos vellet. Omnes tamen obligantur ad integrè tenendam fidem: quia fides catholica nisi quisque integram, inuiolatamque seruauerit, absque dubio in aeternum peribit: ut ait Athanasius in Symbolo. Ideo omnes obligantur ad confidendum de Deo isto modo: non confidere autem de Deo sic, non est diffidentia solum, sed magis haeresis. Secundo modo accipitur confidere, id est tenere firmiter, quod Deus efficiet illud, quod nos desideramus. Et dicendum, quod isto modo non tenentur homines confidere Deo semper: imò interdum confidere Deo quibusdam esset stultum, quia manifestum est, quod licet interdum speremus aliquid, non euenit nobis. Etiam tenerentur homines ad opposita, Nam

A si duo inuicem contenderent, & quilibet putaret se fore causam iustam pugnandi: teneretur quilibet confidere, quod superaret alterum in pugna, & tamen istud est impossibile, quia vnus solus debet alterum superare. Dicendum ergo, quod non obligamur confidere isto modo in Deo nisi circa illa, quae Deus dixit se facturum, & de quibus nobis dedit spem certam, quia cum talia ex parte Dei iam non sint mutabilia, nisi nos demereantur illa mutari: benè debemus confidere, quod non mutabuntur, sed certissime eueniunt. Et sic erat in rege Afa, cui Deus dederat certam spem de vincendo hostes si coleret eum. Et dedit istam spem in duobus. Primo dedit illam in rei ostensione. Secundo in promissione. De primo patet, quia conuenerat exercitus nimis contra Afa de Aethiopibus, scilicet decies centena millia, quos cum Afa confusus fuisset in domino, tradidit eos in manus suas Deus: supra 14. certissime ergo confidere debuisset in domino Afa, quod quandoocunque irruerent hostes si confidenter aggrediretur eos superaret. De secundo patet, quia Azarias propheta, qui egressus fuerat obuiam regi Afa venienti de bello, praenunciavit ei mala futura contra aliquos posteros, dixit tamen ei, & subditis suis: vos autem confortamini, & non dissoluantur manus vestrae: erit enim merces operi vestro. Ecce qualiter dixit eis, quod confortarentur, id est, quod confiderent, & non soluerentur manus eorum, id est non timerent, id est tenebantur ad non timendum, & ad confidendum. Et quandoocunque sic Deus dat certam spem in aliqua re, non est locus prudentiae humanae, scilicet quod non debet homo per prudentiam humanam agere quantum poterit, ut euitet timorem, & eueniat prospere, si Deus dedit securitatem de euentu alicuius rei, & dedit modum de faciendo: quia tunc agere aliquid per prudentiam humanam, esset non habere confidentiam in Deo. Sic patet de Apostolis, quibus Deus dixerat: Cum steteritis ante reges, & praesides, nolite praemeditari qualiter, aut quid loquamini: dabitur enim vobis in illa hora quid loquamini: quia non estis vos, qui loquimini, sed spiritus patris vestri, qui loquitur in vobis. Matth. 10. Si autem Apostoli timentes, quod non rectè, vel non ornatè proponerent si indeliberatè loquerentur, vellent praecogitare singula, quae locuturi essent, peccarent mortaliter: quia non haberent spem in Deo, sed confiderent cogitatione sua melius posse formari orationes, & praepositiones, quam Spiritu sancto mouente indeliberatè. Sic etiam erat de Indaeis, quibus Deus dixerat Exod. trigésimo quarto. Cum eiecero gentes a facie tua, & dilatauero terminos tuos, nullus insidiabitur terrae ascendente te, & apparente ter in anno in conspectu domini Dei tui. Et sic iubebat Deus, quod ter in anno ascenderet omne masculinum de Israelitis in templum domini. Et quia tunc timerent Israelitae, quod ascendentes eis omnibus in templum domini, & urbibus manentibus vacuis, hostes venirent, & occuparent. Dixit Deus, quod non insidiaretur quisquam terrae eorum ascendentes ipsis in locum sanctuarij. Si ergo Iudaei timentes semper, quod aliqui hostes inuaderent vrbes vacuas ipsis ascendentes in locum sanctuarij, assignarent aliquos, qui manerent ad custodiam urbium, peccarent, quia iam non confiderent Deo. Ita si Deus dixerit alicui, quod praeualebit contra nimiam multitudinem hostium cum solis decem viis, & ipse timens velit secum habere maiorem multitudinem, peccat, quia diffidit Deo. Ita fuit de rege Afa: cum propheta praenunciauerat, quod confortarentur manus eius, & non timeret, quia esset merces operi suo: quod ergo nunc non confidens verbis prophetae non auderet pugnare contra regem Israel, sed inuocaret Benadad regem

regem Syriæ in auxilium, diffidentia, & peccatum erat: potissimè, quia maiora horum fecerat Asa confidendo in solo Deo, scilicet, quando pugnavit contra decies centena millia Aethiopum, & propter hoc quando propheta eum increpuit ex parte Dei, dixit: Nonne Aethiopes, & Libyes multo plures erant, quos cum domino credidisses tradidit eos in manus tuas: quasi dicat, à fortiori debuisses confidere contra Israelitas, qui pauciores erant. Cum autem obijciatur, quod si debet poni ista spes, & confidentia certum in Deo, auferretur omnis operatio per humanam prudentiam: Dicendum, quod locum habet humana prudentia, & labor, ubi Deus nihil determinavit: quia etiam tunc non tenemur sic confidere de Deo. Vbi tamen ipse aliquid determinavit standum est ei firmiter, & non est curandum de alia humana cautela, vel providentia.

An euaserit exercitus Syriæ de manu Asa.

Quaest. XVIII.

QVAERITVR ulterius, quomodo dicitur hic, quod euasit exercitus Syriæ de manu Asa, quia habuit spem in rege Syriæ: quia non videtur quomodo aliàs tradendus esset in manus Asa exercitus Syriæ. Nam Asa erat confederatus cum rege Syriæ, & non videtur, quomodo pugnaturus esset contra eum ad hoc, quod traderetur in manus eius. Respondendum, quod exercitus Syriæ, aliquando moturus erat bella contra regnum Asa, & Deus volebat tradere Syros propter peccata sua in manu Asa, & quia nunc Iudæi habuerunt confidentiam in Syris, non dedit Deus occasionem illam, per quam Syri traderentur in manus Asa. Alio modo poterat hoc esse, scilicet, quod Asa erat confederatus cum rege Syriæ, & Baasa rex Israel, erat etiam cum rege Syriæ confederatus: ideo si Asa non petiisset auxilium à Benadad rege Syriæ, sed pugnaret contra Baasa: forsitan Baasa peteret auxilium à Benadad contra Asa, quia uterque erat ei confederatus, & sicut offerrente Asa pecunias Benadad, pugnauit Benadad contra Baasa sibi confederatum, ita si prius Baasa obtulisset pecunias Benadad pugnauisset contra Asa confederatum sibi. Et tunc Asa poterat pugnare licet contra Syros, licet essent sibi confederati: quia ipsi pugnant contra eum, & tunc traderet Deus in manus eius Israelitas, & etiam Syros: essetque mirabilis victoria.

Increpando propheta dixit regi Asa, quia fiduciam, &c.

Quaest. XIX.

QVAERITVR ulterius, quare propheta increpando regem Asa dixit, quia fiduciam habuisti in rege Syriæ, iccirco exercitus Syrorum euasit de manu tua, quia istud non videbatur pertinere ad increpationem. Et sicut dicitur de exercitu Syriæ, quod euasit manus Asa: quare etiam non dicitur de exercitu Israel, quia etiam exercitus Baasa tradendus esset in manus Asa, sicut exercitus Syrorum, quia contra illum erat directè pugna. Ad primum dicendum, quod istud ponitur in poenam: nam si Asa non habuisset confidentiam in Syris, traditi fuissent in manus eius, & quia habuit confidentiam non traditi sunt, & non tradita fuit poena. Aliquis dicet, quod non fuit poena aliqua quasi Syri pugnarent contra Iudæos, & tra-

dendi essent in manus eorum, & propter peccata ipsorum fugerent: ita ut non possent obtinere victoriam, quam aliàs obtenturi erant esset poena, & tamen non pugnauerunt, nec intulerunt aliquid mali Iudæis, sed potius bonum: quia loco eorum pugnauerunt contra regem Israel ad cogendum eum cessare ab ædificatione, quam faciebat in terra Iuda, ergo non erat poena. Dicendum, quod poena fuit, quod euaderent manus Asa, quia quodcumque priuatur aliquis eo, quod certissimè habiturus est, poenam est. Ira autem erat nunc: nam certissimè Asa habiturus erat victoriam contra Syros, si non habuisset fiduciam in eis: quia Deus asserit istud hic: ideo poena fuit ei carere tanto bono. Erat autem multiplex bonum Asa ex hoc. Primum erat, quia non expendisset pecunias suas frustra: nam multas pecunias expendit, quia accepit thesauros domus domini, & domus regis, & dedit illos Benadad, ut pugnaret contra Baasa regem Israel, ut patet in litera, & si confusus fuisset in domino, & non in Syris, nihil dedisset regi Benadad: ideo perdidit illud, quod dedit. Secundum erat, quia non offendisset dominum. Nam Deus dixerat ei, quod confideret, & non dissoluerentur manus eius, & cum nunc non confusus in domino petiuit auxilium à rege Syriæ, offendit dominum. Si autem non petiisset auxilium à Benadad, placuisset Deo, & erat hoc magnum bonum ipsi Asa. Tertium erat, quia obtinisset Asa magnas diuitias de præda. Nam si pugnauisset Asa contra Syros, prædaretur castra eorum postquam fugaret eos, & inde magnas diuitias haberet. Etiam prædaretur Israelitas, & nunc nihil ipse obtinuit, sed potius thesauros suos tradidit regi Syriæ. Quartum erat, quia obtineret magnam gloriam, scilicet, quod rex Asa superaret reges tam potentes: potissimè regem Syriæ, qui subijciebat tunc sibi regem Iuda, & regem Israel. Quintum erat, quia magna utilitas, & securitas sequebatur ex hoc. Nam ante hoc rex Syriæ erat quasi dominus regis Iuda, & si vellet ei inferre bellum, timeret rex Iuda, & subijceret se ei. Nunc verò si Asa superaret regem Syriæ, timeret de cætero rex Syriæ regem Asa, & non auderet pugnare contra eum: erat ergo in poenam datum regi Asa, quod exercitus regis Syriæ euasisset manus eius, & de hoc doleret, quando illud cognosceret, ideo nunciatum est ei.

Quare non dicitur de rege Israel, quod euasit manus Asa.

Quaest. XX.

QVAERITVR secundo, scilicet, sicut dicitur de exercitu regis Syriæ, quod euasit manus Asa, quare non dicitur de rege Israel: quia etiam rex Israel euasit manus Asa. Responderi potest vno modo, quod non dicitur de exercitu Israel: sed solum de exercitu Syriæ. Et hoc, quia solus exercitus Syriæ tradendus erat in manus Asa. Nam si non confusus fuisset, Asa in rege Syriæ, & non dedisset ei pecunias, fecisset hoc Baasa rex Israel, & concitasset eum ad pugnandum contra Asa regem, & tunc solus rex Syriæ pugnaret contra regem Asa, sicut nunc ipse solus pugnavit contra Baasa regem Israel, pro Asa rege Iuda, & sic eius exercitum solum caperet. Alio modo potest dici, quod Deus solum dixit hic per prophetam de exercitu regis Syriæ non quidem, quod non caperetur exercitus regis Israel, sed quia capi exercitum regis Syriæ erat magis clarum, quam capi regem Israel, quod videbatur admirabile: ideo expressit scriptura de eo, quod minus notum erat. Et hoc patet per duo.

Primo

Primò, quia pugna erat directè contra regem Israel: & non contra regem Syriæ, ideo quòd caperetur exercitus regis Israel per Baalā non erat admirandum, quia tamen caperetur exercitus regis Syriæ, qui non pugnabat nunc contra regem Syriæ, erat mirabile, vel inexcogitatum. Secundò patet, quia rex Syriæ erat potentissimus rex, cui nullo modo videbatur æquiparandus rex Asa, qui habebat valde minorem exercitum, quòd ergo contra regem Syriæ prævaleret Asa, & caperet eius exercitum erat admirandum: quòd tamen prævaleret contra regem Israel, non erat sic admirandum: quia non erat rex Israel tam potens. Ali- ter potest dici, & fortè melius, quòd dicitur de solo rege Syriæ, quòd exercitus eius euaserat manum Asa: quia licet ambo pugnare deberent contra Asa regem Iuda, de solo rege Syriæ dici debebat hic. Nam verum est, quòd ambo pugnare deberent, vel possent, & tamen rex Israel traditus est nunc in manus Asa, quia sicut opere Dei tradendus esset in manus Asa, ita vt fugeret de Rama, & cessaret ædificare atque cederent spolia eius regi Asa, ita & nunc factum est, quia per exercitum regis Syriæ coactus est rex Israel recedere de Rama, & dimisit ibi omnes materias, quas parauerat pro ædificatione, quæ erant magni pretij, & illas habuit rex Asa loco spoliolum belli.

An propter peccata Asa euasit exercitus Syrorum.

Quest. XXI.

QVAERITVR vterius, quomodo est verum, quod propter peccata regis Asa euasit exercitus Syrorum. Respondendum, quod interdum Deus aliqua faceret in fauorem hominum, quæ tamen non facit interuenientibus aliquibus occasionibus ex parte hominum. Sicut interdum Deus cogitat benefacere alicui, & interuenientibus quibusdam demeritis suis non benefacit. Sicut Deus cogitabat facere regnum manere in domo Saulis in æternum: quia tamen peccauit offerendo sacrificia ante tempus aduentus Samuelis, non factum est: vt patet i. Reg. 13. cum dixit Samuel ad Saulem: Stultè egisti, nec custodisti præcepta domini Dei tui: quod si non fecisses, iam præparasset nunc dominus regnum tuum in sempiternum: sed nequaquam regnum tuum ultra confurget. & non solum cessat Deus benefacere homini propter aliqua, quæ eueniunt ex parte eius, sed etiam interdum Deus intendebat alicui nocere, & propter aliquid quod intercidit ex parte alterius non nocet. Sic fuit de Syris, & rege Ioas. Nam cum Elisæus esset morti propinquus, & Ioas rex Israel veniret ad eum dixit: percute iaculo terram: & cum percussisset tribus vicibus stetit: & iratus est contra eum Elisæus: & ait si percussisses quinquies, aut sexies, aut septies: percussisses Syriam vsq; ad consummationem: nunc autem tribus vicibus percuties eam. 4. Reg. 13. Ecce qualiter videbatur Deus velle percutere Syriam sæpè vsque ad consummationem. Nam si percussisset terram sæpè Ioas sæpè Syriam percussisset: quia tamen ter solum percussit terram, solum ter tradidit dominus Syros in manu eius. Ecce Syri merebantur ibi multa mala, ita vt deleerentur, & tamen quia non percussit rex Ioas terram, nisi ter non percussit Syriam nisi ter. Sic etiam interdum gens aliqua apud Deum demeruit mori, & Deus vult eam tradere in manu alterius gentis, vt moriatur, vel vt lædatur: & tamen quia gens illa, cui Deus vult tradere aliam in manus etiam peccauit contra dominum, &

demeruit habere illum honorem: subtrahit ei Deus hoc, scilicet, vt non tradatur alia gens in manus eius. Sic patet in casu isto. Nam Syri peccauerunt, & Deus volebat punire eos tradendo in manus Hebræorum: sed quia peccauerant Hebræi cum ipsi se subdidissent Syris, videbatur indignum, quòd Deo auctore illi subijcerentur eis, quos ipsi spontè, & iniuste acceperant: & sic Syri puniendi erant, euaserunt tamen nunc, propter indignationem Iudæorum puniendi erant. Sic etiam interdum erat de Iudæis, qui peccabant contra dominum: & puniendi erant per gentiles: & tamen Deus sæpè volebat tradere eos manibus gentilium propter indignitatem gentilium, quia erant magni peccatores. Etiam, quia si ipsi subijcerent sibi Iudæos, putarent quòd hoc faciebant viribus suis, & non voluntate Dei tradentis eos potestati ipsorum, in quo minuebatur gloria Dei. Sic patet de Nabuchodonosor cui Deus subiecit Hebræos, & ille putauit, quòd in magnitudine virtutis suæ omnia fecerat: Abachuc i. Sic etiam de Sennacherib, qui superbiuit contra dominum, qui subiecerat ei gentes multas. Isa. 10. & ob hoc Deus sæpè non tradidit Hebræos manibus gentilium cum alias sæpè meruissent, & tradendi forent. Et si aliquando tradebantur: quia ipsi gentiles iniuste se habebant, Deus rursus opprimebat eos. Sicut patet in calamitatibus Sennacherib, & Nabuchodonosor. Nā Sennacherib exercitus ab angelo in vna nocte deletus est, scilicet centum octoginta quinque millia: & ipse tandem à duobus filiis suis in templo Dei sui Nesroch occisus est. quarto Regum decimo nono. Nabuchodonosor in bestiam per septem annos mutatus est, & expulsus ab hominibus cum bestiis habuit communicationem, donec cognouit Deum coeli. Danielis quarto. Aliquis tamen obiiciet tunc, si vna gens iusto Dei iudicio punienda est, & tradenda in manus alterius: & postea propter demerita illius, in cuius manus tradenda est non traditur euadit, impunita: quòd est contra rectissimum ordinem Dei. Dicendum, quòd nihil euadit impunitum de eo, quòd prauè gestum est: nec omnino hic cessat poena, quæ alicui genti infligenda est, sed mutatur, vel dilatatur, scilicet, vt si Deus inflicturus erat mala magna alicui genti tradendo illam in manus alterius gentis, & illa demeretur sibi alteram subijci: Deus infert illam poenam per se dando pestem, vel alia genera nocimenti. Sicut quando mittebat Deus leones contra Samaritanos, & occidebant eos. quarto Regum decimo septimo. quia illud nihil aliud erat, ac si mittebat hostes contra eos. Etiam quando peccauit Dauid numerando populum, Deus inflicturus erat plagam populo, & erat vna de plagis, quæ ponebantur sub electione, quòd hostes tribus mensibus affligerent terram, & factum est, quòd potius Deus per se puniret mittendo pestem in terram, quàm quòd venirent hostes. secundo Regum vigesimo quarto, & præcedenti libro vigesimo primo. Interdum autem differuntur poenæ infligendæ propter indignitatem executorum, et gens, quæ nunc punienda erat non punitur vsque ad aliquot annos, & tamen ista dilatio non tollit debitam punitionem. Sic enim fit interdum in iudicio humano: quia sine scandalo non potest ministrari aliquo tempore iustitia de aliquo, & superseditur vsque ad aliquod tempus.

Quid

Quid est credere in Deum corde perfecto.

Quest. XXII.

QVAERITVR ulterius, cum dicatur hic, quod Deus præbet fortitudinem illis, qui in corde perfecto credunt in eum, quid est credere in eum corde perfecto. Rñdendum, q̃ credere accipitur dupliciter, vno modo prout credere dicit actum fidei, scilicet quo assentimus aliquibus veritatibus, quæ sunt ultra capacitatem nostram quantum ad dandum de ipsis rationem naturalem. Et sic dicimus nos credere omnes articulos fidei, qui non sunt demonstrabiles. Alio modo accipitur credere pro confidere, scilicet, quod confidamus in Deo, quod certissime ali- quod tale, vel tale, pro quo rogamus efficiet, & tunc credere est magis actus spei, vel confidentiæ, quam fidei, & non vocatur propriè credere. Accipiendo primo modo credere corde perfecto est, quod quis credat de Deo omnia, quæ credenda sunt, & non habeat aliquem errorem admixtum. Et tunc dicendum, quod non est verum, quod oculi domini, qui contemplantur vniuersam terram præbeant fortitudinem omnibus, qui corde perfecto credunt in eum, quia cum plena fide potest stare diffidentia omnimoda, & diffidentibus Deus non benefacit. Etiam patet, quia Asa perfecto corde credebat in Deum, & etiam ei toto corde adhærebat nullo modo declinans ad idola: vt patet præcedenti capitulo, scilicet, attamen cor Asa perfectum erat cum domino omnibus diebus vite sue, & tamen Deus non benefacit ei nunc: ideo non dicebatur credere corde perfecto, sicut hic accipitur. Secundo modo accipiendo credere pro confidere, dicendum, quod ille credit perfecto corde, qui totaliter confidit de Deo quantum ad aliquid, ita quod nihil dubitet: sicut si quis petit à Deo, quod liberet eum de aliqua angustia, & omnino credit, quod liberabit eum nihil dubitans. Si autem petens dubitauerit aliquid nihil consequetur, vt patet Iacob primo capitulo, scilicet. Postulet autem in fide nihil hæsitans: qui enim hæsitat similis est fluctui maris, qui à vento mouetur, & circumfertur: non ergo extimet homo ille, quod accipiat aliquid à domino, & quando quis cum tanta fide petierit certissime accipiet. Nam si quis tantam fidem, idest confidentiam habuerit, sicut granum synapis, & dixerit arbori, eradicare, & transplantare in mare, obediet ei. Lucæ decimo septimo. Quando autem quis aliquo modo confidit, quod Deus concedet ei id, quod petit, & aliquo modo dubitat, non habet cor perfectum credendo, & tunc nihil accipiet à Deo de eo, quod petit, quia hæsitat, & similis est fluctui maris, qui à vento circumfertur: Iacob primo. Sic erat de Asa, qui non confidebat in domino se nunc liberari de manu regis Israel, sed magis confidit in rege Syriæ, & dedit ei pecuniam, vt liberaret ipsum: ideo Deus non liberauit eum. Si tamen confisus fuisset in domino, ipse dedisset ei fortitudinem contra Israelitas, & etiam contra Syros, & posset præualere contra omnes.

Quomodo præbent Dei oculi fortitudinem.

Quest. XXIII.

QVAERITVR ulterius, cum dicatur hic, quod oculi domini præbent fortitudinem his, qui corde perfecto credunt in eum, quomodo præbeant. Respondendum, quod ista est locutio figurata. Nam Deus non habet oculos, ideo oculi eius non

F possint præbere fortitudinem alicui: sed cum Deus sit substantia simplex quidquid in ipso esse dicitur, est ipse Deus, & sic oculi domini sunt Deus ipse, & oculi domini præbent homini fortitudinem, scilicet, quia ipse Deus præbet homini fortitudinem: quomodo autem Deus præbeat homini fortitudinem. Dicendum, quod potest multipliciter hoc facere: vno modo, quod ipse Deus faciat bellum, quod homo facere debet homine nihil faciente. Sicut dicitur: Exod. decimo quarto: Dominus pugnabit pro vobis, & vos tacebitis, idest vos videbitis quomodo Deus pro vobis pugnat, & nihil facietis: & tunc dat Deus homini fortitudinem, non quod aliqua fortitudo ibi homini detur: sed quod fortitudo Dei proficit homini ad id, quod intendit, ac si esset fortitudo hominis. **G** Alio modo potest hoc fieri Deo adiuuante hominem in aliquibus mirabilibus ostensis de coelo. Sicut mittendo fulmina super hostes, vel lapides grandinis: aut alia genera tempestatum. Sicut fuit quando pugnante Iosue contra quinque reges Amorrhæos, & fugientibus illis manus Iudæorum descenderunt lapides grandinis de coelo, & occiderunt plures, quam perijissent gladio Iudæorum. Iosue decimo capitulo. Alio modo poterat hoc fieri, quod Deus ostenderet aliqua terribilia hostibus illorum, quos iuuare vult, scilicet multitudinem armatorum in coelo, vel in terra discurrentium, & terrerentur hostes atque fugerent. Sic fuit quando Syri volebant capere Elisæum inclusum vrbe Dothaim, quia cum timeret puer eius exercitum Syrorum, orauit Elisæus dominum, quod ostenderet ei omnes adiutores eius, & ostendit ei montem plenum curribus igneis, & equis igneis. quarto Regum sexto. Ita potuisset ostendi iste exercitus hostibus, & fugerent à facie eius. Alio modo poterat fieri, quod Deus ostenderet aliquem strepitum magnæ militiæ, licet non videretur, & conturbati hostes fugerent. Sic fuit quando Syri obsidebant Samariam, & per noctem Deus fecit audiri in castris Syrorum sonitum equorum, & curruum, & exercitus plurimi, & putauerunt Syri, quod rex Israel conduxerat contra eos reges Hethæorum, & Aegyptiorum, & nunc veniebant contra eos: fugeruntque relinquentes omnia, quæ habebant in castris. quarto Regum septimo. Sic etiam fuit quando Dauid pugnavit contra Philistinos, & processit mandato domini ex aduerso pyrorum: auditusque est strepitus grandientis in cacumine pyrorum, & putantes Philistini, quod magnus exercitus latebat inter pyreta, quæ cederet eos à tergo fugerunt. secundo Regum quinto, & præcedenti libro decimo quarto. Alio modo poterat fieri per solam incussionem timoris in corde non apparente aliquo signo, vel facto exteriori: & tantus potest interdum timor iste esse, quod nullo persequente aliqui fugiant. Sic patet Leuiti. vigesimo sexto, scilicet, & qui de vobis remanserint dabo pauperem in cordibus eorum in regionibus hostium: terrebunt eos sonitus folij volantis, & ita fugient quasi gladium: cadent nullo sequente, & corruent singuli super fratres suos quasi bella fugientes: nemo vestrum audebit inimicis resistere: peribitis inter gentes, & hostilis vos terra consumeret. & sicut ista faciebat Deus contra Hebræos, quando contra ipsum peccabant: à fortiori faceret ea contra Gentiles. Alio modo poterat hoc fieri per hoc, quod Deus augeret robur corporis eis, quos vellet, & animositatem. & tunc centum viri auderent pugnare contra mille, imò contra decem millia. Sicut fuit de Samione, cui Deus dedit vires, ita quod ipse solus inermis sola mandibula afini armatus pugnaret contra multitudinem

nem nimiam Philisthinorum: & occideret subito de eis mille: vt patet Iudicum decimoquinto. Si etiam dicitur Leuitic. vigesimo sexto. Persequentur quinque de vestris centum alienos, & centum ex vobis decem millia: & Deuteronomij trigesimo secundo. dicitur: Vtinam saperent, & intelligerent, ac nouissima prouiderent: quomodo persequebatur vnus mille, & decem fugarent decem millia. Istud autem erat, quia Deus dabat fortitudinem Iudæis contra hostes augendo animositatem eorum, & robur corporis: vt patet Deuteronomij octauo. Scilicet, Ne forte dicere, in corde tuo, fortitudo mea, & robur manus meæ hæc mihi omnia præstiterunt, sed recorderis domini Dei tui, quod ipse tibi vires præbuerit vt impleret pactum suum. Multis alijs modis potest accipi, quod det Deus fortitudinem ijs qui confidunt toto corde in eo.

Quæ sunt bella, quæ Deus concitauit contra Asa.

Quæstio XXIIII.

QVAERITVR vterius, quæ sunt bella, quæ Deus concitauit contra Asa. Nam quando propheta locutus fuit increpando Asa, dixit ei: stulte egisti: & propter hoc etiam præsentis tempore contra te bella consurgent, quæ fuerunt ista bella, quæ consurrexerunt contra Asa tunc. Respondendum, quod Asa regnauit magno tempore, scilicet quadraginta vno annis, & fuit rex valde pacificus in comparatione ad alios reges, qui præcesserant eum, & qui consecuti sunt. Nam in principio regni sui fuit pax per decem annos: & postea non legitur habuisse bellum, nisi anno quintodecimo regni sui, quando pugnavit contra Aethiopes. supra quarto decimo. Et ista pax erat domino concedente eam, quia Asa colebat eum, vt patet ibidem. Postea verò post magnum tempus Baasa rex Israel voluit insurgere contra Asa, & ædificare Rama: & tunc conuocauit Asa regem Syriæ, sicut habetur hic: & quia in hoc peccauit, prænuñciauit propheta, quod insurgerent bella contra eum in præsentis tempore. Nam ferè toto tempore præcedenti fuerat in pace quandiu confidebat in domino: nunc iustum erat cum confideret in hominibus, quod consurgerent bella contra ipsum, & ista bella surrexerunt per regem Baasa. Nam post hoc semper habuit bellum cum Asa rege Iuda: verum est autem, quod post hoc pauco tempore vixit Baasa: & tamen ipso tempore bella fuerunt inter Baasa & Asa, & quia non fuerunt illa bella campalia magna, non exprimiuntur, sed fuerunt bella in confinibus regni, sicut esse solent semper in regionibus hostilibus. Quod autem intelligatur de hoc, patet: quia tertio Regum decimoquinto, vbi ponitur ista historia, postquam positum est de ædificatione Rama, dicitur, quod fuit bellum inter Asa & Baasa cunctis diebus eorum. De alijs autem regibus vicinis, quod habuerint aliqua bella cum rege Asa post hoc non legitur, ideo intelligendum est, quod fuerint ista bella, quæ fecit Baasa contra Asa regem Iuda.

Quomodo concitauit Deus bella contra Asa.

Quæstio XXV.

QVAERITVR vterius circa ista bella, quomodo Deus concitauit illa contra Asa, cum aliàs non concitaturus esset ea. In quo est duplex dubium. Primum cum bellum sit malum, quomodo Deus concitat illud, vel est auctor eius. Secundò, dato quod Deus concitet bella, quis est modus, quo illa concitat. Quantum ad primum dicendum, quod istud non obstat. Nam malum est duplex, scilicet malum culpæ, & malum poenæ. malum culpæ est verè malum: quia est solùm defectus boni, & nullum bonum astruit: ideo mali huius Deus non est causa, quia nec est aliqua causa efficiens peccati, sed deficiens. Nam culpa est non ens, ideo non potest habere causam positiuam. Deus autem est causa positiva non deficiens: ideo non potest esse causa mali culpæ. Malum poenæ non est simpliciter malum, sed solùm est malum respectu illius, cui infligitur: quia aufert ei quoddam bonum delectabile, vel vtile. Huius autem mali Deus auctor est: quia istud est ens positiuum, & non potest aliquod positiuum subsistere, cui Deus causalitatem non ministret, & conseruationem: vt patet Sapient. vndecimo. Secundò, quia ista mala pertinent ad regimen vniuersi: nam malum culpæ, quod est simpliciter malum, non potest corrigi nisi per malum poenæ. Si tamen non corrigeretur malum culpæ, maneret vniuersum sine ordine: ideo spectat ad Deum rectorem vniuersi, quod inferat mala poenæ: & non solùm Deus infert mala poenæ, sed etiam nullum malum poenæ esse debet, quod Deo auctore non inferatur: quia aliàs esset aliquid, quod non caderet sub prouidentia Dei, & illud esset sine regula. Et sic est in veritate quod nulla poenalitas est in vniuerso, quæ Deo auctore non inferatur, aut ab eo moueatur quicunque sit eam infligens. Sic dicitur Amos tertio. Non est malum in ciuitate, quod dominus non fecerit, scilicet nullum malum poenæ est in ciuitate aliqua, nec in toto orbe, quod dominus non fecerit per se, vel per alium sibi obedientem: bellum autem est malum poenæ: & interdum malum culpæ: est enim malum poenæ pro illo, contra quem suscitatur: quia in eo aliquid patitur, vel perdit: quia saltem cogitur habere sollicitudinem. Est autem malum culpæ pro illo, qui suscitatur bellum iniuste: Deus ergo potest esse, & est causa bellorum in quantum in eis est malum poenæ: & non quantum est in eis malum culpæ: & sic non est aliquod inconueniens.

Quomodo Deus suscitatur bella.

Quæstio XXVI.

QVAERITVR quantum ad secundum de modo, quo Deus suscitatur bella. Respondendum, quod cum bellum, & pax opponantur, Deus suscitatur illa bella, & pacem modis oppositis. Nam primus modus est deducendo materiam discordiæ: insurgunt enim bella semper aliquibus occasionibus, quæ incidunt inter homines, & quando aufertur materia iurgiorum, non est bellum: est autem in potestate Dei introducere quamcunque materiam iurgiorum, vel auferre illam de medio: ideo potest Deus pacem concedere vel bella

la suscitaret. Secundò modo potest facere hoc susci-
tando in aliquo animositatem. Nam interdum ali-
qui sunt læsi, & libenter bella mouerent, sed non
audent, quia animositas eis deficit. Si autem Deus
apponat eis animositatem audebunt pugnare, & con-
citabunt bellum: nam ex opposita causa Deus au-
fert bella, scilicet quando aliquis habet animosita-
tem ad pugnandum, & Deus incutit ei timorem.
Sicut erat de Iudeis, quibus propter peccata sua tan-
tum timorem Deus incuteret quòd fugerēt nullo se-
quente, & caderent singuli super fratres suos quasi bel-
la fugientes, & terreret eos sonitus folii volantis, &
ita fugerent quasi gladium. Leui. vigesimo sexto. Ter-
tiò modo poterat hoc effici si Deus concitaret cor ali-
cuius ad persequendum alterum, ita quòd nihil videa-
tur ei esse melius quàm persequi illum, & istud facili-
est, quia Deus potest mouere cor nostrum quocun-
que voluerit: iuxta illud Prouerb. vigesimo primo e-
sicut diuisiones aquarum, ita cor regis in manu Do-
mini: & quocunque voluerit, vertet illud. Et sic fa-
ctum est quādo Deus suscitauit duos hostes Salomo-
ni tertio Regum vndecimo, nam Adad Idumæus erat
in terra Aegypti habens omnia bona, quæ desidera-
bat: & tamen non poterat manere ibi, quia Deus cō-
citabat cor eius, vt iret in terram suam: & sic pugna-
ret contra Salomonem, vt patet ibidem. Quartò po-
test hoc fieri per hoc, quòd offert Deus opportunita-
tem pugnandi ei, qui desiderat pugnare contra alte-
rum: quia tunc opportunitas ipsa cum leui causa mo-
uet. Per contrarium autem quando Deus vult aufer-
re bella, vel causare pacem tollit opportunitatem bel-
lorum: vt patet de rege Sennacherib, qui commina-
tus fuerat se iturus in Ierusalem ad destruendum eam,
& Deus suscitauit contra eum regem Aethiopum: vt
sic impediretur pugnare contra Ierusalem, & sic fa-
ctum est: quia audiuit Sennacherib, quòd veniret cō-
tra eum Tharacha rex Aethiopum, quando volebat
obsidere Ierusalē, & infecto negotio recessit ad bel-
lum Aethiopum, quarto Regum decimo nono cap.
Quintò modo potest hoc fieri per hoc, quòd Deus
peruertit cor hominis ad cogitandum semper de iniu-
riis sibi illatis ab altero: & præsens eas cordi eius sub
ratione magne grauitatis: quia tunc mouebitur offen-
sus ad bellum contra alterum. E' conuerso autem
Deus causat pacem, vel aufert bellum inter aliquos,
scilicet si aliquis læsus sit, & Deus auferat cogitatio-
nem istam de corde eius, & sic nūquam faciet bellum
dum non putauerit iniuriam sibi inflatam. Sicut enim
significatur aliquāter quarto Regum decimo nono,
de Sennacherib rege Assyriorum, cū vellet facere
bellum contra Ierusalem. Nam dixit Deus: ego mit-
tam ei spiritum, & audiet nuntium, & reuertetur in
terram suam: ita potest cogitationem immittere cui-
cunque de faciendo bellum, vel de cessando ab eo:
etiam si sit propinquum. Multis aliis modis Deus po-
test concitare bella: quia tot modis potest facere ali-
quam rem, quot modis voluerit se posse. Et sic cū
nunc Baasa iam nō ausurus esset pugnare contra Asa
regem Iuda sicut primis temporibus fecerat: nunc cō-
citauit eum Deus aliquo istorum modorum: & pu-
gnauit contra Asa toto tempore, quo vixit, sicut dici-
tur tertio Regum decimo quinto, scilicet, cunctis die-
bus eorum fuit bellum inter eos. Mortuus est tamen
Baasa multo tempore ante Asa, quia postea regnauit
adhuc Asa, dū regnauerunt multi alij reges in Israel,
scilicet tempore Hela, & Zamri, & Amri & Achab,
vt patet tertio Regum decimo sexto.

Iratusque Asa aduersus videntem, ius-
sit eum mitti in neruum: valde quip-
pe super hoc fuerat indignatus, & in-
terfecit de populo in tempore illo plu-
rimos. Opera autem Asa prima & no-
uissima scripta sunt in libro Regum Iu-
da, & Israel. Aegrotauit etiam Asa an-
no trigesimonono regni sui, dolore pe-
dum vehementissimo, & nec in infir-
mitate sua quæsiuit Dominum, sed ma-
gis in medicorum arte confisus est.
Dormiuitque cum patribus suis: &
mortuus est anno quadragesimo primo
regni sui: & sepelierunt eum in sepul-
chro suo, quod foderat sibi in ciuitate
Dauid. Posueruntque eum super le-
ctum suum plenum aromatibus, &
vnguentis meretriciis, quæ erant pig-
mentariorum arte confecta, & com-
busserunt super eum ambitione ni-
mia.

Iratusque Asa aduersus videntem. Scilicet Videns,
idest Propheta increpauerat Asa, quòd peccasset,
& comminatus est ei mala, propter quod iratus
fuit contra ipsum. *Iussit eum mitti in neruum.* Idest
in carcerem, quasi propheta peccasset contra re-
gem: quia prænunciauerat ei mala, quæ Deus ius-
serat: rectè tamen agebat propheta: quia faciebat
id, quòd Deus iusserat: ideo etiam si multo pe-
iora ei prænunciasset non peccabat. *Valde quippe su-
per hoc fuit dominus indignatus.* Scilicet, super incar-
ceratione prophetæ, quia istud fuit pessimum opus,
& valde iniustum, quòd pro vera virtute suppli-
cium reportaret. *Et interfecit de populo tempore illo
plurimos.* Quamuis rex peccauerat multi de subditis
occisi sunt. Cur autem hoc factum fuerit, & quo-
modo perierint infra declarabitur in quadam quæstio-
ne. Etiam quo genere mortis obierint: & de statu
eorum post mortem. *Opera autem Asa prima, & no-
uissima.* Hic est finis historie Asa, & quia aliqua non
fuerunt plenè scripta hic, remittit scriptura ad locum
in quo plenè habentur: quia iste est modus in libro
isto, & in libris regum in fine cuiuslibet historie re-
mittere ad illum librum, in quo plenius habentur il-
la. *Scripta sunt in libro regum Iuda, & Israel.* Ille erat li-
ber annalium, & scribebantur ibi historie regum satis
diligenter vique ad partes minutas. Quis fuerit iste liber
infra declarabitur in quadam quæstione. *Aegrotauit
etiam Asa anno tricesimonono regni sui.* Hic ponitur mors
Asa. Regnauit enim Asa annis quadraginta vno, vt
patet in litera, & duobus annis & plus ante mortem
fuit semper languens, & laborans passione pedum.
Dolore pedum vehementissimo. Scilicet podagra: ista pas-
sio solet afficere viros potentes, & deliciosos circa
senectutem propter indigestionem quarundam su-
perfluitatum. Rarò autem pauperes, & laborantes in
exercitiis corporalibus hanc sustinent passionem.

Et dicitur quod vehementissimè doluit pedes ad signandum quod in penam peccatorum suorum acerrime afflictus est: nā ista ægrotudo dolorosa valde est. *Et neque in infirmitate quasiuit dominum.* Hic ponitur maior culpa Asa, & obstinatio eius: quia videbat se puniri à Deo p peccatis suis, & nō requirebat eum implorans misericordiam, sciens quia benign⁹ est & præstabilis sup iniquitate, sed mansit obstinatus in ægrotudine sua. *Sed magis medicorum arte confisus est.* Id est magis putauit se sanandum arte medicorum quàm Dei opere, & errabat. Ex quo habemus documentum, quod in ægrotudinibus debeamus inuocare dominum, vt det nobis salutem corporalem. Et licet opere medicorum salus naturaliter recuperari queat, sicut naturaliter perditur: tamen magis debemus putare, quod salus voluntate Dei nobis eueniat quàm medicorum opere: & potius confidendum est de bonitate illius quàm de naturæ efficacia. *Dormiuitque cum patribus suis.* Ista est dormitio mortis, qua quis incidit in soporem æternum, nisi voluntate Dei in fine fiet resurrectio mortuorum, quod supra naturæ vires est. *Et mortuus est quadragesimo primo anno regni sui.* Tot annis regnauit: & sic multo tempore regnauit iste in comparatione ad alios reges præcedentes, & sequentes. Nam pater suus Abia tribus annis solū regnauit. supra 13. etauus suus Roboam regnauit annis decem & septem. supra 12. *Et sepelierunt eum in sepulchro suo quod foderat sibi in ciuitate David.* Loca sepulchrorum regalium erant in ciuitate David. Erat ciuitas David fortalium siue castrum montis Sion in Ierusalem: illa enim erat pars altissima, & munitissima vrbs, & quādo David cepit regnare, licet ciuitas Ierusalem pertineret ad Hebræos, tamen fortalium non pertinebat ad illos, sed tenebant illud Iebusæi: & cepit pugnare David contra illos ad capiendum castrum: cum autē cepisset, ad gloriam nominis sui propter victoriam primam postquam ceperat esse rex super totū Israel, vocauit castrum illud de nomine suo, scilicet ciuitatē David: vt patet 2. Reg. 5. & præcedenti lib. 11. capi. In illo autem castro fabricatum est tēplum domini, ibi etiam facta sunt palatia regis David: & ibi cōstituit esse loca sepulchrorum regalium. Nam sepultus est ipse ibi, & post eum Salomon & cæteri reges Iuda de stirpe David, vt patet in fine historię cuiuslibet regis. Nam dicitur de eo, quod sepultus fuit in ciuitate David: & hoc verum est, nisi esset aliquis, qui non meretur sepeliri inter alios reges sicut fuit de rege Azaria siue Ozia, qui fuit leprosus, & ob hoc non est sepultus in sepulchris regū, sed in horto regalium sepulchrorum: vt patet infra vigesimo sexto capitu. Sic etiam fuit de rege Amon, qui fuit valde indignus, & sepultus est in domo sua, quarto Regum vigesimo secundo, & infra 32. & dicitur in sepulchro, quod sibi foderat, quia in loco illo sepulchrorum regalium poterat quilibet rex facere tumulum quantum vellet honorabilem: & hoc erat fodere sibi sepulchrum. *Posueruntque eum super lectum suum plenum aromatibus.* Scilicet, postquam rex mortuus est, posuerunt eum in lectulo suo, in quo mortui ferebantur ad sepulchra: & vnixerunt corpus eius aromatibus multis. Nam sic erat consuetudo Iudæis corpora sepeliri potissimè corpora magnorum regum. *Et vnguentis meretriciis.* Istud ponitur ad notandam culpam, scilicet, quia non solum Asa fuit aromatibus vnctus, quæ erant ad cōseruandum corpus à corruptione vermiū post mortem, ne omnino solueretur in cineres, sed vnguenta meretricia posita sunt: & vocantur ista vnguenta, quæ sunt boni odoris ad delectamentum, & ad prouocandum venerea odore suo: & etiam ad red-

Alph. Tost. super lib. Paralip. Pars 2.

Adendum carnem pulchram, & ista habent meretrices, vt amafios suos ad libidinem moueant. Sic patet Prouer. 7. vbi ponitur meretrix incitans iuuenem ad complexus, dicens: Intexui funibus lectum meum: stravi tapetibus pictis ex Aegypto: aspersi cubile meum myrrha, & aloë, & cynamomo: veni inebriemur vberibus, fruamur cupitis, amplexib⁹, donec illucescat dies. Et poni ista vnguenta meretricia in funere regis Asa, fuit magna culpa & in honestas. *Quærat pigmentariorum arte confecta.* Scilicet ista vnguenta, & aromata erant confecta arte pigmentariorum, scilicet curiosè, & exquisitè: vocantur pigmentarii omnes qui ex diuersis speciebus efficiunt confectiones, quia omnes species aromatum vocantur pigmenta. *Et combusserunt super eum ambitionem nimiam.* Scilicet super corpus regis combusserunt nimiam ambitionem odoramentorum: nam nō fuit combustum corpus regis, sed odoramenta multa atque vnguenta combusta sūt ad reddendum bonum odorem in funere regis: & vocantur ista vnguenta ambitio nimia, id est magnus apparatus honoris, quia ad excellentiam funeris regij fiebant hæc. Sic etiam apparatus honorabilis vestium vocatur ambitio nimia: sic patet Act. vigesimo quinto, scilicet altera die cum venisset Agrippa, & Berenice cū magna ambitione, & introissent in auditoriū cum tribunis, scilicet venerunt cum magno apparatu vestium, & gentis. Aliqui autem putāt, quod corpus regis Asa combustum est, & multa odoramenta cum illo: sed non consonat. Primò, quia nō erat consuetudo apud Iudæos corpora cremare, sed integra ea sepelire in quibusdam magnis domibus vbi multa simul ponebant. Secundò quia litera ista non permittit, quod dicamus corpus regis combustum esse, cum dicat, quod super eum combusserunt ambitionem nimiam: quod potest intelligi de lectulo regis, vel de corpore eius, scilicet quod super illud magnus apparatus odoramentorum combustus est.

An peccauit rex Asa iratus contra prophetam.

Quest. XXVII.

QVAERITVR Circa prædicta primò, an peccauit rex Asa in hoc, quod iratus est contra prophetam, & posuit eum in carcere. Respondendum, quod peccauit, & grauiter quidem. Primò, quia debebat benigne audire arguentem super facto legis Dei, & retribuere ei bonum pro bono opere, & tamen iratus est ei. Nam peccauerat Asa confidendo in rege Syrorum, & ob hoc aliqua mala euentura erant ei, quæ prædixit ei propheta, & ista prænuntiatio erat sibi valde utilis, quia ex hoc poterat dolere Asa de præteritis peccatis: & Deus auerteretur ab ira sua, & remitteret aliquid de malis, quæ prænuntiauerat, & in hoc bene faciebat ei propheta auisando eum super hoc, pro quo debuisset gratias agere, & conuerti ad dominum, & non irasci contra prophetam. Nam Ionas propheta prænuntiavit contra Niniuitas esse urbem post quadraginta dies subuertendam: & cū illi essent Gentiles, & tanta calamitas & extremum malum contra eos denunciaretur, non indignati sunt contra prophetā, sed humiliauerunt se coram dño, & obtinuerunt remissionē: Ione 3. & 4. Secundò peccauit, quia prophetam in carcere posuit, quod fuit deterius quàm solis verbis eum pungere, & aggrauatur peccatum suum ex duobus. Primò, quia mala intulit beneficienti, quod est contra

Ec 2 ius

ius naturæ. Secundò, quia iste exercebat opus, ad quod dominus eum miserat. Nam erat propheta domini, & sciebatur à Deo missus: & tamen hoc nõ obstante rex posuit eum in carcere: in quo Deus valde contemnebatur: de quo Deus valde iustam causam indignationis habuit. Et patet peccatum suum primò quia dicitur, quòd Deus valde indignatus est super hoc: & tamen Deus non indignatur nisi super eo quod malum est, & cum esset magna indignatio Dei, necesse erat, quòd esset peccatum magnum. Secundò patet ex pena inflicta, quia Deus intulit penam pro hoc regi, & populo: regi quidem, quia passus est dolorem nimium in pedibus vsque ad mortem. Populo autem quia multos de populo occidit Deus tempore illo,

Quare tenuit Afa in carcere prophetam.

Quaest. XXVIII.

QVAERITVR vltèrius, quare Afa voluit prophetam tenere in carcere, cum sibi prænunciaret, quæ Deus dixerat. Respondendum, quod hoc fuit ex duobus. Primò, quia erat Afa superbus. Nam Afa à principio regni sui vixerat secundum legem Dei cauens idola, eratque rex valde laudabilis: & postea magnificatus est ex mirabili victoria, quam cõtra Aethiopes habuit, qui erant decies centena millia, supra decimo quarto. Et ob hoc in saperbiã eleuatus erat tanquã esset vir iustus, & dedignabatur ab aliquo redargui quod esset impeccabilis, & cum confusus esset in rege Syriæ, Deus fecit eum increpari per prophetam Anani, quod ille molestè tulit: & posuit eum in carcere, quasi intulisset ei iniuriam increpando eum, vel dicendo quòd peccasset. Et istud potius est in viris, qui aliquo tempore iustè vixerunt, quàm in illis, qui fuerunt valde impij. Nam isti considerantes mala sua, non sic dedignantur corrigi, nec putant sibi illatam iniuriam si quis eos increpet, quia hoc meretur sua conditio. Qui tamen aliquando iustè vixerunt, vellēt teneri semper in hac opinione, & cum increpantur ab aliquo potissimè à viro magnæ auctoritatis erubescunt nimis, & indignantur: quia iam apparet eos nõ esse bonos, sicut plurimi opinabantur, & perit illa communis opinio de eis, in qua nõ modicum gloriabantur. Et sic erat Afa rex, qui ferè tota vita sua fuerat sine crimine, nam non legitur de eo quòd aliquod malum egerit nisi hoc, quòd inuocauit regem Syriæ in adiutorem, de quo nunc increpatur: & sic ante hoc tenebatur Afa tanquam valde acceptus Deo. Et nunc cum propheta eum publicè arguit, & dixit quòd stultè egisset, apparuit eum non esse iustum, nec Deo acceptum, de quo valde doluit atque erubuit: ideo in eo retorquere vindictam voluit. Sic enim fuit de Amasia rege, quem dominus sublimauerat victoria quadam mirabiliter habita contra eos: & illam prænunciauerat per prophetam, ex quo acceptus Deo apparebat valde, & iustus, quem Deus tantum diligeret, vt ei tam mirabiliter daret. Accepit autem in bello illo Deos Idumæorum, quos postea coluit, super quo cum eum increparet propheta domini, erubuit, & indignatus ait: Num consiliarius regis es? quiesce ne interficiam te. Secundum est, quia pròptus erat rex Afa ad cadendum in quodlibet malum: nam cum habuisset confidentiam in regem Syriæ relicto Deo, in quo nimis peccauerat, dereliquit eum Deus, & qui à Deo derelinquitur facilliter cadit in quodlibet malum: & quia cogitabat ei facere Deus alia maiora mala pro illo peccato diffidentia, permi-

fit eum cadere in istud peccatum, & sic puniretur plenè. Sic enim fuit de rege Amasia, qui fuit valde ingratus Deo colendo illos Deos, quos bello subegerat relicto Deo vero, in cuius virtute sunt omnia bella, & Deus cogitauit ei facere malum, & ob hoc permisit eum cadere in sensum reprobum, vt puniretur. Sic patet infra vigesimo quinto, cum propheta increparet eum super cultu idolorum: & ille diceret: num consiliarius regis es? quiesce ne interficiam te. Dixit propheta, scio quòd cogitauerit Deus occidere te, eo quod fecisti malum hoc, & insuper non acquieuisti consilio meo.

An Deus interfecerit plurimos.

Quaest. XXIX.

QVAERITVR vltèrius, quomodo dicitur, quòd interfecit Deus plurimos, quando propheta positus est in neruo. Nam videtur, quòd Afa debuisset interfici, qui peccauerat in hoc, & non aliquis alius: cur ergo plurimi de populo interfecti sunt? Aliquis dicet, quòd isti de populo interfecti sunt propter aliam causam, & non propter incarcerationem prophetæ: nam in hoc rex punitus est dolore pedum vehementi, & alij non fuerunt puniti. Dicendum, quòd hoc non stat, sed necesse est dici, quòd illi de populo fuerunt interfecti propter istam causam: quia aliàs poneretur istud hic impertinenter: & tamen scriptura non consuevit ponere impertinentia, quia talis contextus esset omnino deordinatus, & stultus. Secundò patet, quia dicitur hic, quòd in tempore illo occidit Deus plurimos de populo: ergo videtur, quòd ad hoc refertur, quia aliàs non tantum explicaret scriptura declarans, quòd in illo tempore factum fuerat hoc. Tertiò patet, quia cum ponatur hic de occisione plurimorum de populo, ponetur causa quare facta fuit ista occisio, ne videretur litera esse sine sensu, & tamen non ponitur causa aliqua huius, ideo videtur, quòd causa huius fuerit id quod habetur in litera immediatè, scilicet quòd incarcerationatus fuit propheta à rege. Dicendum ergo, quòd propter peccatum incarcerationis prophetæ facta fuit percussio in multis de populo, & licet fuerit peccatum regis, fuit pena tam populi quàm regis. Et si dicas, quòd iniustū erat puniri populum pro peccato regis. Dicendum, quod non erat iniustum: sic enim consuevit fieri aliàs, vt patet quando Dauid peccauit numerando populum. Nam peccatum erat regis, & tamen pena fuit populi, quia perierunt peste septuaginta millia virorum in Israel, vt patet secundo Regum vigesimo quarto, & præcedenti lib. vigesimo primo capitu. & omnes tres poenæ, quarum Deus optionem dabat Dauid, erant ad populum, scilicet fames, & hostilitas, & gladius domini. Modus autem poterat esse triplex ad hoc, primus quòd hic fuerint occisi multi de populo, scilicet illi, qui tenuerunt prophetam, & incarcerationunt eum. Nam dato quòd prophetam iuberet rex tenere, nullus illum tenere debebat, nec obedire in hoc, quia erat iniustum, & pro peccato isto occisi sunt omnes, qui circa hoc peccauerunt, & isti erant plurimi. Secundus modus erat, quòd aliqui de populo dederunt consilium regi in hoc, vel fauerunt sibi approbando factū, vel gaudebant de hoc, & ob hoc morte digni erant, & mortui sunt à domino. Tertius modus esse poterat, quòd isti, qui occisi sunt à domino nunc non peccassent circa hoc, & tamen occiderentur propter hoc, scilicet quòd rex peccasset in cætatione prophetæ istius, & non populus, & vellet Deus

Deus punire regem, & ad hoc occideret populum. Fieret autem sic, scilicet quod populus peccasset circa alia, & essent rei mortis apud Deum: forte tamen Deus non esset nunc occisurus eos pro peccatis illis: et quia rex peccauit, voluit Deus nunc occidere istos populares, & sic non fuit aliqua iniuria facta popularibus cum ipsi mortem mererentur ex aliis causis, & Deus poterat repetere ab eis mortem illam quandocunque vellet: rursus erat mors istorum in penam regis. Nam in morte istorum fiebat duplex punitio, vna in ipsis, qui occidebantur, quia vita priuabantur, alia in rege, quia priuabatur subditis. Prima erat propter peccata ipsorum popularium, & non regis: & de culpa illa non fit hic mentio. Alia erat propter culpam regis, qui catenauerat prophetam, & erat verè pena: nam gloria regis est habere subditos multos, & bonos. Ignominia autem sua est paucos habere: quod ergo subtrahatur aliqua pena est. Sic patet primo Politicorum, ubi dicitur quod nobilitas principis est ex nobilitate subiectorum: & Prouerb. 18. dicitur: In multitudine populi gloria regis: in paucitate plebis ignominia est principis. Sicut ergo facere, quod princeps non sit princeps est pena magna: ita facere quod magnus princeps sit paruus princeps, est pena quædam: sed subtracta parte subditorum princeps efficitur minor: ideo pena est subtrahi subditos quosdam. Et sic quod multi de populo perirent erat pena regis ultra penam ipsorum quod ipsi morerentur. Et ista penalis secunda, quæ erat inflata regi, erat propter catenationem prophetæ: sic fuit de Dauid, qui peccauit numerando populum: & perierunt tunc de populo septuaginta millia propter peccatum eius, scilicet quia omnes illi merebantur ex aliis causis mori, & voluit Deus quod tunc morerentur, eo quod puniretur Dauid in morte eorum, scilicet quia diminuebatur principatus suus: sic declaratum est. 2. Regum 24. cap.

Quo genere mortis perierunt illi.

Quæst. XXX.

QVAERITVR vltius, quo genere mortis perierunt omnes isti de populo, qui nunc mortui sunt. Respondendum, quod non apparet quod genus fuerit. Dicendum tamen est, quod ista mors non fuit per longam ægritudinem sicut solet naturaliter euenire: sed fuit mors violenta, & quasi subitanea. Quod patet. Primum quia in litera dicitur, quod occidit Deus in tempore illo de populo plurimos, & occisio signat mortem illam tam violenter: ideo quidam modus violentæ mortis fuit. Secundum patet, quia de morte istorum potuit, quod esset propter istam prophetæ catenationem: & tamen si isti morerentur modo naturali ex ægritudine, non appareret, quod fiebat mors à Deo propter istam catenationem, sed putaretur, quod alias moriebantur, sicut statutum est vnumquemque hominem semel mori. ad Hebræos 8. Ergo mortui sunt subito, & aliqua morte violenta. De ista tamen morte dicendum est, quod poterat esse multiplex: nam poterat esse vno modo per modum pestis, sicut fuit in Iudæis quando Dauid numerauit populum: nam subito moriebatur quasi peste percussus, nisi quod hoc malum grauius erat, & breuius: quia illico, ut percutiebantur moriebantur: ibant namque quidam ad sepeliendum alios, & super eos moriebantur, ut ait Iosephus septimo Antiquitatis, & ista mors vocabatur gladius domini. Et manifestum fuit hoc, nam angelus domini apparuit occidens in vniuersis sinibus Israel: & vidit eum Dauid in Ierusalem euaginato gladio. Tost. super lib. Paralip. Pars. 3

Adio super urbem: secundo Regum vigesimo quarto, & precedenti lib. vigesimo primo capitu. Alio modo poterat hoc esse ostendendo de celo super eos aliquod signum: utpote quod aliquod fulmen caderet, & eos occideret, vel multa fulmina: aut venirent lapides grandinis, & percuterent eos. Sicut fuit quando pugnabat Iosue contra quinque reges Amorrhæorum, & illi fugiebant a facie eius: misit Deus lapides grandinis de celo, qui occiderunt plures de Amorrhæis quam Iudæi gladiis occidissent: Iosue decimo capit. multis aliis modis Deus peterat occidere istos populares, qui peccauerant: quia tot modi sunt Deo efficiendi aliquid, quot sunt modi volendi efficere quod voluerit.

Quis fuit ille liber.

Quæst. XXXI.

QVAERITVR vltius, cur dicatur hic, de gestis Asa quod scripta sunt in libris regum Iuda, & regum Israel: quis fuerit iste liber, & an fuerit vnus vel multi. Aliquis dicet, quod erat vnus liber regum Iuda, & Israel: & in libro illo scripta sunt gesta regis Asa. Dicendum tamen videtur, quod hoc non stat, quia ex processu tertij, & quarti regum patet, quod in fine historia cuiuslibet regis fit remissio ad librum vnum, scilicet in fine historiarum regum Iuda dicitur, reliqua sermonum talis regis, nonne hæc scripta sunt in libro verborum dierum regum Iuda? & in fine historiarum regum Israel: & nunquam mutatur iste modus loquendi: ideo necesse est, quod vnus esset liber in quo scriberentur historie regum Iuda, qui vocaretur liber verborum dierum regum Iuda: & esset alius liber historiarum regum Israel: & sic fuit declaratum 3. Reg. 14. in quadam questione. Aliquis ergo dicet aliter, scilicet quod erant isti duo libri, & tamen fuerunt in ambobus scripta gesta Asa, vel quædam pars eorum. Nam gesta Asa scribi debebant directe in libro regum Iuda: & tamen in quantum habuit Asa quædam bella cum regibus Israel scriberetur historia regis Asa, quod aliter non poterat scribi plene historia Baasa regis Israel, cum quo Asa plurima bella gessit. Sic enim factum fuit in libro isto, quia intendebat Esdras solum agere de regibus Iuda, & tamen quia Iosaphat rex Iuda fuit in quodam bello cum Achab rege Israel contra regem Syriæ Benadad, enarratur hic bellum illud inf. 18. Sed dicendum, quod hoc non stat, quia cum pauci fuerint reges Iuda vsque ad Ezechiam, qui non habuerint reges Israel hostes, & pugnaverint sæpe propter regnorum confinia: sicut patet ex processu istius libri, & magis ex processu tertij, & quarti regum: & tamen in libris regum nunquam talis modus remissionis est. Etiam in isto libro non frequentatur iste modus allegandi. Dicendum, quod secundum veritatem fuit hoc, quod volentes scribere historias temporum regnantibus in Israel, et Iuda regibus, fecerunt varios libros de hoc, & fuerunt duo precipui libri: vnus fuit, in quo scripta fuerunt plene omnia gesta regum Iuda, & iste vocatur liber verborum dierum regum Iuda: alius fuit, in quo scripta fuerunt omnia gesta regum Israel, & vocatus est liber verborum dierum regum Israel. Et isti libri sunt impermixti: quia in vno scribuntur solum gesta regum Israel: & in alio scribuntur solum gesta regum Iuda: & isti libri allegantur solum in libris regum, & ob hoc non mutatur ibi modus allegandi: sed semper pro regibus Iuda allegatur liber verborum dierum regum Israel. Præter istos tamen fuerunt quidam alii curiosiores scriptores, qui sub eodem volumine scripserunt de vtriusque regibus Iuda, & Israel, & vocatus est liber ille generaliter liber verborum regum Israel.

Le 3 Acci.

Accipiendo Israel non pro decem tribubus tantum : sed pro omnibus duodecim: sicut à principio solebat nominari, & tunc Israel comprehendet duo regna, et gesta illorum duorum regnorum scribebantur in illo volumine regum Israel. Sic patet infra vigesimo, quando fit remissio pro historia Iosaphat regis Iuda, scilicet reliqua gestorum Iosaphat scripta sunt in libro Iehu filij Anani, qui digessit illa in libro regum Israel. Et vocatur iste liber aliquando liber regum Israel solum, & aliquando liber regum Israel, & Iuda. Accipiendo primo modo, vocatur Israel largè pro omnibus duodecim tribubus non distinguendo regna. Accipiendo secundum, distinguuntur regna duo, & vtriusque regni gesta conscribuntur in hoc libro. Accipiendo primo modo: allegatur. infra vigesimo, ubi dicitur scripta gesta Iosaphat regis Iuda in libro regum Israel. Accipiendo secundo modo allegatur hic, & dicitur, quod gesta Asa erant in libro regum Iuda, & regum Israel, scilicet quod ille erat vnus liber. Sic etià allegatur de gestis Iosie infra 35. scilicet reliqua sermone Iosie scripta sunt in libro regum Israel, & Iuda. Iste autem modus allegandi est rarus, nec inuenitur in libris regum, sed solum in libro isto.

An Asa agrotauit ex causa naturali.

Quest. XXXII.

QVAERITVR vltius, quare Asa agrotauit dolore vehementissimo pedum, et an agrotauit ex causa naturali, vel à Deo datum est in pœna aliquorum facinorum. Respondendum, quod satis posset teneri, quod ista ægrotudo euenit sibi naturaliter, & hoc quia conueniebant duo in ista ægrotudine, quæ erant in rege Asa. Primum erat, quia ista ægrotudo, vt communiter est in viris diuitibus, & potentibus viuentibus voluptuosè. Est enim vna causa indigestio quarundam materiarum, quæ fluunt ad partes extremas corporis, & causant dolores graues, & indigestio ista prouenit partim ex varietate ciborum delicatorum, & abundantia eorum: & partim ex paucitate exercitij prouocantis digestionem. Et istud conuenit viris potentibus diuitibus nimium: quia isti pascuntur voluptuosius ad abundantiam, & paucorum laborum sunt. Istud conueniebat regi Asa, qui erat potentissimus, & frueretur voluptuosa vita, & paucò exercitaretur labore. Secundum est in hac ægrotudine, quod in plurimum euenit circa senectutem, nam raro inuenis reges podagricos iuuenes. Causa huius est, quia cum proueniat ista ægrotudo vno modo ex indigestione superfluitatum, non conuenit illa iuuentuti. Primò quia non contingit illas superfluitates indigestas congregari in paucò tempore, & adueniente senectute congregatæ sunt. Secundò quia indigestio prouenit potissimum ex defectu virtutis: & tamen in iuuentute, & pueritia est fortis valde virtus illa, & non possunt relinqui superfluitates illæ indigestæ. Tertiò, quia digestio prouocatur nimis per exercitiū cum per exercitiū suscitetur calor, et in senectute est paruitas exercitij: tum propter defectum virtutis motiue, tum propter corporis grauitatem, ideo tunc maximè contingit esse istam ægrotudinem. In iuuentute autem est multitudo exercitij propter virtutis fortitudinem, & corporis leuitatem, ideo non contingit tunc fieri istam ægrotudinem. In Asa erat istud: quia ipse erat senex quando accidit ei ista passio: nam anno tricesimo nono regni eius accidit ista ægrotudo, vt patet in litera. Et iam esset Asa senex, vel senectuti propinquus, quia quando ipse cepit regnare, erat aliquanta

etatis: nam non cepit regnare in pueritia sua, quod patet ex gestis suis in principio regni, vt habetur supra decimoquarto. Et sic satis conueniebat, quod ista ægrotudo euenisset ei naturaliter cum in eo essent conditiones aliorum podagricorum. Dicendum tamen est, quod ista ægrotudo euenit supernaturaliter Deo infligente illam in pœnam peccati eius: quia tenebat prophetam in carcere. Et patet hoc primò, quia ponitur supra culpa magna Asa, scilicet quod prophetam in vinculis tenuerit, & hic subditur ægrotudo eius grauissima: ideo videtur, quod ponatur tanquam in pœnam peccati supra positi: nam ad hoc videtur esse continuatio literæ. Secundò patet: quia aliàs videretur superfluum esse, quod poneretur hic de ægrotudine, qua mortuus est Asa, quia non solet in aliis regibus hoc fieri: nam non reperietur de aliquo expressè, quæ fuerit ægrotudo, qua mortuus est Asa, nisi de illa appareat, quod à Deo in pœnam alicuius peccati data fuerit. Sicut apparet de Ioram rege Iuda, cuius ægrotudo insanabilis vteri ponitur infra vigesimo primo. Et tamen ponitur de isto, qua ægrotudine mortuus fuit: ergo videtur, quod ista fuit in pœnam data pro peccato supraposito. Tertiò patet, quia dicitur hic, quod agrotauit dolore pedum vehementissimo: & tamen non poneretur tam diligenter ista ægrotudo, scilicet quod fuerit ista ægrotudo magna, vel parua, nisi attineret ad propositum: quia non solet scriptura se intrittere de non pertinentibus ad propositum suum: & tamen si ista ægrotudo naturaliter euenisset, non pertinerent ad propositum scripturæ: ergo fuit à Deo infligta. Quarto patet, quia ponitur hic reprehensio eius: cum dicitur, quod nec in ægrotudine sua quæsiuit dominum, sed magis medicorum ope confusus est. Si tamen ista ægrotudo fuisset naturaliter causata, & non supernaturaliter infligta, non fuisset valde magna reprehensio, quod consideret medicorum artibus. Si autem esset infligta ægrotudo supernaturaliter esset magna reprehensio, scilicet quod in ægrotudine à Deo infligta crederet se medicorum opere curandum. Ideo ad hoc, quod procedat ista reprehensio: dicendum est, quod supernaturaliter infligta est ista plaga. Quintò patet, quia quando scriptura describit aliquorum peccata, solet describere eorum pœnas: vt videatur executio diuinæ iustitiæ, & tamè fuit supra positum peccatum Asa, scilicet quod prophetam tenuerit in vinculis: & si non esset ista ægrotudo data à Deo in pœnam pro peccato illo, non esset aliqua pœna hic posita pro peccato eius. Ideo dicendum, quod ista ægrotudo fuit supernaturaliter data à Deo in pœnam peccati. Et patet hoc quia suprapositum fuit vnum peccatum Asa, scilicet quod confidentiam habuit in rege Siritæ: & non in domino, & hic ponitur eius pœna, scilicet quod insurgerent bella contra eum. Cum dicitur, stulte egisti, & propter hoc etiam præsentit tempore aduersus te bella consurgent: ponitur postea aliud peccatum eius, scilicet quod catenauerit prophetam, & non ponitur aliqua pœna pro illo peccato: sed dicitur quod ista ægrotudo pedum à Deo propter hoc infligta est, ideo dicendum, quod venit ista ægrotudo supernaturaliter.

An infligta sit ægrotudo illa pro peccato suo.

Quest. XXXIII.

QVAERITVR vltius, circa istam ægrotudinem pedum, quæ regi infligta est, quomodo fuit conuenienter infligta pro peccato suo. Nam non legimus aliàs fuisse talem ægrotudinem infligtam pro pœna

poena peccati alicuius. Respondendum, quod ista poena fuit conuenienter inflata ad peccatum regis, quia rex peccauerat ponendo prophetam in carcere, posuit namque pedes eius in vinculis: ideo Deus percussit regem in pedibus dando podagram. Et istud est conueniens: quia Deus vult, quod per ea, per quae quis peccat, per hæc torqueatur. Sapien. 11. Et quia iste peccauerat iniuste ponendo pedes prophetæ in vinculis, Deus iuste eum in pedibus affligeret. Et quia fecerat rex quod propheta existens in vinculis non posset moueri huc, & illuc, nec ire quod vellet: fecit Deus, quod rex percuteretur in pedibus, ita quod moueri non posset. Et quia propheta sustinuerat aliqualem dolorem, & penam in carcere manendo in vinculis, fecit Deus, quod dolor proueniens regem ex hac passione esset vehementissimus, ut patet in litera: & sicut propheta in carcere manens priuabatur aliquibus delectabilibus, quæ non poterat videre. Ita & rex in tota vita sua post percussione istam caruit magna parte delectabili: quia non poterat discurre ad videndum illa, sed manebat ipse velut in carcere: nam erat carcer à Deo inflatus, qui erat deterior quàm carcer datus ab homine.

An magis punitus fuit populus quàm rex.

Quæst. XXXIII.

QVAERITVR vltius dato, quod fuerit ista ægrotudo inflata in penâ vinculationis prophetæ: quomodo magis punitus fuit populus, qui minus peccauerat quàm rex, qui multum peccauerat. Nam supra declaratum est, quod populares multi pro hoc peccato occisi fuerant. Manifestum est tamen, quod magis peccauerat rex, qui iusserat hoc fieri, quàm populares, qui hoc executi fuerant: & tamen populares occisi sunt, & rex solum percussus est podagra. Respondendum, quod magis punitus fuit rex quàm populares, & hoc dupliciter. Primò, quia ut declaratum fuit supra in quadam quæstione in occisione popularium à Deo fuit duplex pena, & pro duplici peccato. Vna pena fuit, quod ipsi populares punirentur, & priuarentur bono maximo, quod est vita. Secunda pena erat, quod per mortem popularium rex priuaretur subditis, & minueretur eius potestas. Prima pena erat popularibus inflata pro quibusdam aliis peccatis, quæ erant non pertinentibus ad incarcerationem prophetæ, & dato quod nunquam incarcerassent prophetam paterentur hoc, & tamen non paterentur nunc, sed differretur mors eorum ad aliud tempus, & propter preuaricationem ipsorum abbreviatus est terminus vitæ. Nunc autem valde maior erat pena regis quàm popularium: quia non occisi fuerunt populares pro hoc delicto, sed pro aliis. Rex tamen pro hoc delicto ægrotauit dolore vehementissimo pedum usque ad mortem, ideo maior fuit pena sua. Item quod populares fuerint nunc occisi non solum fuit pena ipsorum, sed potius regis: nam ipsi alias occidendi erant, si non intercideret vinculationis prophetæ, & quod occiderentur erat priuare regem subditis, quod erat magna pena: ideo rex valde punitus est, qui in seipso punitus est, & in popularibus. Ipsi populares quantum ad hoc non fuerunt puniti nisi in quantum mors eorum abbreviata est: & tamen alias occidendi erant à Deo. Secundò dicendum, quod dato, quod populares occisi fuerint pro hac sola causa, fuit maior pena regis quàm ipsorum: & hoc extensiuè, & intensiuè: extensiuè quidem, quia pena regis fuit in se, & in alio. Nam ipse punitus fuit in seipso in quantum podagram passus est, fuit punitus in populo in quantum per mortem popularium ipse cal-

Alph. Tost. super lib. Paralip. Pars 2.

Arruit subditis. Populares autem solum fuerunt puniti in seipsis, quia mortui sunt. Fuit etiam intensiuè maior pena regis quàm popularium: quia populares occisi sunt subito, & morte simplici affecti sunt, quæ non fuit magni doloris: eo quod non diu durauit. Pena autem regis fuit valde magna, quia ipse etiam pro hoc peccato mortuus est, quia podagra ei inflata est, de qua mortuus est. Et quantum ad hoc æqualis erat popularibus, quia vterque mortui sunt. Rursus fuit pena sua valde maior, quia populares semel tantum mortui sunt, quæ pena, & mors eorum fuit quasi subitanea, ut supra probatum est in quadam quæstione: Mors autem regis erat quotidiana, quia per duos annos, & plus ægrotauit, scilicet anno tricesimo nono regni sui usque ad quadragesimum primum quando mortuus est: & cum esset dolor vehementissimus, ut dicitur in litera, erat mors quotidiana. Valde ergo melius fuerat regi mori subito quàm referuari ad tantam, & tam diuturnam penam: & quod ad extremum moreretur ex hac causa: nam mors diuturna, etiam si in se leuior sit, propter diuturnitatem penam iudicatur grauior. Sic patet Threno. quarto, scilicet. Melius fuit occisis gladio quàm interfectis fame, quoniam isti extabuerunt consumpti a sterilitate terre. Si ergo mors ex fame, quæ non durat magno tempore, & in se non est pungitiua ex acutis doloribus, erat deterior quàm mors ex gladio, à fortiori ergo mors ex vehementissimo dolore pedum, qui plusquam duobus annis durauit esset grauior, & sic grauior fuit pena regis quàm popularium.

An occisus fuit Anani propheta à rege.

Quæst. XXXV.

QVAERITVR vltius circa istum prophetam Anani, quem rex tenuit in catenis, quid de eo factum, an occisus fuit à rege, an solutus. Aliqui putant quod rex occidit illum prophetam in vinculis. Et hoc primò, quia conditio erat malorum regum occidere prophetas domini. Sic patet de rege Ioas, qui fecit lapidari Zachariam prophetam: infra vigesimo quinto. Sic etiam impiissima regina Iezabel quærebat omnes prophetas domini ad occidendum eos: unde tunc inter alios abscondit Abdias dispensator regis Achab centum prophetas domini in duabus speluncis, & pavit eos pane & aqua quousque liberauit eos. tertio Regum decimo octauo. Secundò colligunt hoc, quia de isto propheta nunquam postea fit mentio in libro isto nec in libris regum, ideo putant, quod nunc mortuus fuerit. Tertio colligunt istud, quia fuit grauis pena inflata pro peccato commisso contra eum, scilicet quod rex mortuus fuerit, & occisi multi de populo: & tamen si solum positus fuisset in catenis iste propheta, non videretur, quod tanta pena pro illo peccato inflingeretur: ideo videtur, quod occisus fuerit. Respondendum, quod non apparet an iste propheta occisus fuerit per regem Asa, vel non. Dicendum tamen videtur, quod non occisus fuerit, sed solum positus in carcere: nam si occisus fuisset à rege, cum scriptura tangat hic de pena ei inflata, non dixisset solum, quod posuit eum in neruo, id est in carcere, sed etiam expersisset mortem illius: quia ridiculum est cum quis velit enarrare poenas alicui inflatas, vel iniurias illatas tangat minimam, & non exprimat maximam, sed subtriceat illam: ita esset hic, si iste propheta esset positus in carcere à rege, et postea occisus, & solum diceret scriptura, quod posuit eum rex in neruo. Secundò patet, quia scriptura tetigit iniuriam factam prophetæ, ut declinaret peccatum regis Asa inferendo illas iniurias.

Si autem rex solum posuisset illum prophetam in carcere: vel si posuisset, & occidisset, erat valde magna differentia in peccato: non ergo ostenderet scriptura peccatum suum minimum subtrahendo id quod maximum erat, quia istud erat recedere à veritate historiarum. Dicendum ergo est, quod rex Asa iratus iussit poni prophetam in neruo: & mansit ibi aliquandiu, & tamen postea soluit eum: & hoc fortè fuit: quia illico ut rex posuit in carcere prophetam Deus indignatus occidit multos de populo, & hoc fuit notissimum, scilicet quod Deus occidebat illos pro ista iniuria prophetae. eo quod mortis modus fuit talis quod satis apparebat illam à Deo esse inflictam: ideo ne pena, quae à Deo infligebatur ultra procederet, & occiderentur omnes de populo, & rex cum eis, quod rex timeret, soluit prophetam de vinculis: & istud est valde rationale: & sic solum fuit propheta positus in vinculis & non occisus. Ad rationes in contrarium dicendum, quod non concludunt. Ad primam dicendum, quod verum est, quod aliqui reges Iuda, & Israel occiderunt quosdam prophetas: tamen non sequitur ex hoc necessariò, nec verisimiliter, quod Asa occiderit istum prophetam Anani nisi aliquid aliud appareat. Ad secundum dicendum, quod non arguitur rationaliter, quia verum est, quod non reperimus post hoc mentionem factam de isto propheta: & tamen non est colligendum ex hoc, quod hic occisus fuerit: sed dicendum, quod non fit mentio de eo, quia de istis prophetis non fit mentio nisi in quantum aliquid nunciaverunt, vel fecerunt ex parte Dei: & quia iste propheta Anani nunquam postea exercuit aliquid propheticum, quod esset dignum historia, non fecit mentionem postea scriptura de eo. Si autem licitum esset sic argui incideremus in multa inconuenientia: utpote dicendo: non fit mētio aliqua de propheta Azaria postquam locutus est ad regem Asa. præcedenti cap. ergo tunc mortuus est, vel occisus ab eo. Sed istud inconueniēter dictum est: quia tunc annunciabat Azarias bonum, & non aliquid propter quod deberet occidi, vel moueretur Asa ad eum occidendum. Ad tertium quod dicitur, quod fuit magna pena inflicta pro iniuria illata prophetae. Si tamen fuisset solum incarceratus, non fuisset inflicta tam grauis pena. Dicendum, quod pro sola incarceratione prophetæ erat iustum infligi maiorem penam: quia non est putandum, quod tunc erat iusta retributio penalis, quā tantū de pena daretur pro incarceratione prophetæ, quantum ipse passus est, quia contra passum non est iustum simpliciter in omnibus: ut probat Aristot. 5. Ethic. Sed consideranda est conditio personæ, & alia in litera. Erat ergo iste propheta vir valde venerandus, & excellens, cum esset propheta, & conscius diuinorum secretorum, particepsque diuini colloquij. Etiam, quia pro bono opere patiebatur propheta, scilicet quia prænunciabat regi mala ei euentura, ex qua prænuntiatione poterant bona sequi, scilicet quod ipse conuerteretur ad dominum, & remitteret Deus mala, quæ comminatus fuerat: iuxta id, quod habetur Iere. decimo octauo, & Ezechiae trigesimo tertio. Item quod his maius est, quia iste propheta erat nuncius Dei, & veniebat ut nuncius: & loquebatur ut nuncius Dei ex parte Dei, & cognoscebatur esse nuncius: ideo iniuria ei illata videbatur Deo inferri, cuius nuncius erat, & sic quantumcunque parua pena erat valde magna iniuria, & digna grauissima punitione: & sic pro sola incarceratione prophetæ dignum erat, quod rex moreretur: & multi alij de populo. Vnde non bene arguitur, quod cum tanta fuerit punitionis regis, & populi, quod maior fuerit pena prophetæ quam incarceration, scilicet quod occisus fuerit. Dicendum igitur, quod non occisus fuit propheta, sed so-

lum incarceratus: & satis cito liberatus de carcere. quia Deus cepit punire populares, & tunc rex solueret prophetam, ne punitionis ultra procederet.

An peccauit Asa confidendo magis in arte medicorum.
Quest. XXXVI.

QUÆRITUR vltius, an peccauit Asa confidendo in arte medicorum in infirmitate sua: & non querendo dominum, & confidendo magis arti medicorum quam domino. Respondendum, quod peccauit, quia scriptura increpat eum hic dicens, quod nec in infirmitate sua quæsiuit dominum: sed magis in medicorum arte confusus est, non tamen increparetur nisi peccasset. Sciendum tamen quod hic potest dubitari de tribus. Primum est an peccauerit Asa non querendo dominum in ægritudine, & an oēs alij ægroti peccet, si non querant dominum in ægritudine. Secundum est, an peccauerit Asa confidendo arti medicorum circa ægritudinem suam, & an peccet alij ægroti confidendo illi. Tertium est an peccauerit Asa confidendo magis arti medicorum, quam domino, & an ægroti alij peccet in hoc. Ad primum respondendum, quod querere dominum potest dupliciter accipi. Vno modo querere dominum, id est querere placere ei, & petere remissionem peccatorum. Alio modo querere dominum, id est querere remedium ægritudinis corporalis ab eo, ut ipse sanitatem tribuat. Accipiendo primo modo dicendum, quod peccatum est non querere dominum in ægritudine: & quod omnes obligantur querere dominum in illa. Nam omni tempore obligatur homo querere dominum. Potissimè autem tempore ægritudinis. Et patet hoc, quia querere dominum est placere ei obseruando legem suam, & auferendo offendicula à facie eius, scilicet peccata, quibus suam maiestatem offendimus. Non est autem dubium, quin omni tempore in sanitate siue ægritudine teneamur Dei legem obseruare: ideo omni tempore tenemur querere dominum de ablatione peccatorum: à fortiori dicendum est, quod non est aliquod tempus, nec instans quo non teneamur recedere de peccatis. Pro quo sciendum, quod recedere à peccato stat dupliciter. Vno modo quantum ad hoc, quod doleamus quod peccauerimus, quod est conteri. Alio modo quantum ad hoc, quod confiteamur illud, & satisfaciamus iuxta mensuram nobis impositam. Accipiendo primo modo fugere à peccato, dico quod tenetur homo fugere, quocumque tempore fugere potest: & quocumque potest recedere de peccato, & non recedit, peccat: utpote si aliquis nunc peccauerit mortaliter, tenetur immediate dolere, quod peccauerit: & quod potius vellet quodcumque malum passum fuisse quam offendisse Deum, quia ista est vera contritio. Et si aliquanto tempore post commissionem peccati quis manet, & non dolet de peccato, peccat: & non solum ille est in peccato, quia peccauit, sed et omittit redire dolere pro peccato, sicut tenebat. Et istud peccatum omissionis semper durat vsquequo doleat de peccato. Non est tamen intelligendum, quod in quacumque particula temporis in qua potest ille peccans conuerti, & non conuertitur, peccet nouiter: quia tunc peccaret aliquis infinities per omissionem circa idem peccatum: cum tempus ex natura continuitatis sit diuisibile in infinitum: sed idem peccatum omissionis est totum à principio vsque ad finem: utpote si quis peccauerit, & manserit per mentem non dolens de peccato vel manserit per decem annos, non dolens, vtroque est vnicum peccatum omissionis non dolendo: differt tamen in grauitate, quia quantum quis

quis maius tempus habet ad dolendum tãto grauius peccat si non doluerit: Peccatum autem vtrouque est vnicum: nam peccatum istud nõ consistit in actu, sed in omissione actus: ideo sicut peccatũ cõmissionis est vnicum per vnitatem actus, in quo transgredimur: ita peccatum omissionis est vnicum per vnitatẽ actus, quem agere omittimus: & tamen hic solum omittitur vnus actus, scilicet vna conuersio ad dominum, ideo vnicum peccatum omissionis est, licet multo tempore duret. Et sic apparet circa peccatum, quod obligatur quilibet dolere de illo mox vt commiserit: & si mox, non doluerit obligatur in qualibet parte temporis sequentis dolere: nec cessat ista obligatio quousque semel doluerit: ideo obligatur homo querere dominum isto modo quolibet tempore. Hoc tamen potissime fit in ægritudine, quia tunc est homo in maximo periculo, ne decedat in odio diuino, & pereat eternaliter: ideo non querere dominum in ægritudine peccatum est. Secundo modo fugitur à peccato, & queritur Deus per confessionem peccati & satisfactionis iniunctę expletionem. Et dicendum quod homo existens in sanitate non tenetur omni tempore querere si dominum: licet aliqui errant in hoc putantes quod illico vt quis peccauerit habita opportunitate tenetur confiteri de peccato. Et falsum est, quia confessio licet sit de iure diuino, dicente Iacobo, confitemini alterutrum peccata vestra, & orate pro inuicem, vt saluemini: tamen modus, & tempora confessionis: & aliæ circumstantiæ eius non fuerunt limitatæ de iure diuino, sed de iure humano canonico. Ius autem determinat quod saltem semel in anno quis p̃fiteatur: ergo vñ q̃ si quis cõfiteat̃ semel in anno satisfacit legi. Et apparet hoc manifestius, quia illa lex, omnis vtriusque sexus, quæ data est in concilio generali de confessione faciendâ saltẽ semel in anno fuit data pro omnibus hominibus: cū dicitur omnis vtriusque sexus fidelis: & sic potissime data est pro viris imperfectis, pro quibus lex laxior est, quàm pro viris perfectis qui sequuntur arctiores semitas consiliorum. Et tamen condens legem illam benouerat, quod viri imperfecti non peccant solum semel in anno mortaliter: sed vix est, quod aliquis de viris imperfectis non peccet quotidie mortaliter: imò quotidie pluries: ideo si teneretur homo illico vt peccaret confiteri, non diceretur, quod confiteretur saltem semel in quadagesima: sed diceretur quotienscunque peccaret confiteretur. Secundo patet, quia canon ille dicit, quod confiteatur saltem semel: in quo innuit, quod cõfessio aliquando est utilis, & non necessaria: quia confessio non potest fieri nisi de peccato, & non quidem de omni, sed de mortali, quia peccata venialia non sunt materia directè sacramenti penitentia, sed mortalia sola nisi in defectu: ideo confessio sacramentalis nunquam est utilis, nec necessaria nisi quãdo peccatum aliquod est mortale. Et tamen necesse est poni confessionem aliquando esse necessariam, & aliquñ vtilem, quia dicitur saltem semel in anno: in quo innuit, quod vtilius esset plusq̃ semel confiteri: & tamen non est necessarium nisi semel in anno confiteri, quia semel confitendo satisfacimus: ergo videtur, q̃ aliquando est homo in peccato mortali, & non est necesse, quod confiteatur, sed est vtile: non ergo tenetur quilibet confiteri illico vt peccauerit habita opportunitate confitendi. Tertiò patet, quia dato quod præsunderetur, quod semel tantum in anno peccaret quis, non diceretur, quod confiteretur saltem semel in quadagesima: quia poterat esse peccatum illud in tempore non quadagesimali, & tunc non teneretur confiteri secundum præspositionem istorum, & sic non oporteret, quod

A confiteretur in quadagesima. Cū ergo statuerit necessario, quod quilibet teneretur confiteri semel in anno in quadagesima, videtur, quod præsupsit, quod peccaret homo in anno pluries: & tamen non teneretur confiteri qualibet vice, qua peccaret habita opportunitate, sed satis erat, quod cõfiteretur semel in anno: & quia nullum tempus erat honesti⁹ ad hoc quàm quadagesima, cū homo esset attentus diuinis propter ieiunia, & diuersitatem ceremoniarum ecclesiasticarum, statuit, quod fieret saltem semel in anno in quadagesima confessio. Istud verum est, nisi forte quis dicat, quod tenetur homo cõfiteri quando-cunque peccauerit habita opportunitate: & tamen dicitur saltem semel in anno in quadagesima: quia illa vice tenetur quis confiteri ad hoc, quod sit idone⁹ suscipere Eucharistiam in Paschate. Aut est in peccato mortali ante hoc in quadagesima, aut non: si nõ est in peccato mortali, vtpote quia ante quadagesimam confessus fuerat, & postea non peccauit, non tenetur confiteri ad suscipiendum Eucharistiam, quia confessio non debet fieri nisi de peccato mortali. Nõ existente autem peccato mortali, non est de quo fiat confessio: ideo non est necesse confiteri tunc in quadagesima ad suscipiendum Eucharistiam in Paschate. Si autem peccauit in quadagesima postquam confessus est, tenebitur totiens confiteri quotiens peccauerit, & sic superuacuum esset exprimi de cõfessione saltem semel in anno faciendâ. Dicendum ergo, C quod qui peccauit etiam si millesies peccet in anno, non tenetur qualibet vice confiteri habita opportunitate, licet vtile est qualibet vice confiteri, ad necessitatem tamen satis est confiteri semel in anno. De contritione autem dicendum, q̃ necessaria est qualibet vice, qua quis peccat, scilicet illico vt quis peccauerit, q̃ conteratur, & quandiu non conteritur peccat. Si tamen conteratur postquam peccauerit, & differat confessionem vsq; ad quadagesimam est in statu gratiæ, & omnia bona, quæ facit proficiunt ei ad vitam eternam tanquam existenti in statu veræ penitentia. Istud verum est, nisi in quibusdam casibus in quibus tenetur quis de iure cõfiteri ante quadagesimam: & vnus est quando quis est in periculo mortis. Nullum autem maius periculum est quàm in ægritudine, de qua dubitatur quis moriturus: ideo tunc tenetur eger quare dominum confitendo peccata sua. Secundo modo quærebatur Deus in ægritudine petendo ab eo remedium corporalis sanitatis. Et de hoc dicendum est, q̃ nõ obligatur homo querere dominum in ægritudine. Et hoc propter duo: primò, quia potest aliquis esse in ægritudine, qui non desideret sanari: nõ quidem quod quis desideret mori, quia desiderare morte peccatum est, nisi quis desideret mortem, vt cū Christo gaudeat in vita æterna, sicut dicebat Apostolus, cupio dissolui, & esse cū Christo: sed adhuc istud desiderium nondum esse absolutum, sed cum conditione, scilicet si Deus non disponit q̃ hõ maneat in carne ad magis seruiendum ei. Sic colligitur ex verbis Apostoli ad Phil. 1. scilicet: Coarctor autẽ e duobus desiderium habens dissolui, & esse cū Christo, multo magis autem meli⁹ permanere autem in carne magis necessarium est propter vos: & hoc cõfidens scio q̃ manebo, & permanebo omnibus vobis ad profectum vestrum, & gaudiũ fidei. Potest tamen esse aliquis in ægritudine, qui non desideret mori, nec etiam desideret vitam, sed subiiciat se omnino voluntati diuinę: vt disponat de eo prout voluerit, & talis non orabit dominum pro vita, nec pro morte. Et manifestum est, quod istud non est malum, sed potius est indicium magni boni, cū quis se subiicit omnino voluntati diuinę: ideo non tenetur q̃ querere dominum isto modo.

Secundo

Secundò patet, quia potest aliquis esse in ægritudine, qui desideret sanari, & tamen quia ægritudo naturalis est, sanitas naturaliter potest induci sine operatione Dei miraculosa, ideo recurret aliquis ad medicum, qui est minister sanitatis, & non petet à Deo sanari: & nō videtur quòd peccet in hoc. Istud verum est nisi ægritudo sit infligta à Deo non naturaliter, & cognoscatur hoc, quia tunc non est recurrendum ad medicum, sed ad Deum, vt declarabitur sequenti questione. De Asa dicendum est, quòd peccauit, quia nō requisit dominum in ægritudine sua, non quidem, quia requisit eum, sed quia requisit alium, qui non poterat curare, scilicet requisit medicos, qui in casu isto nō poterant curare.

*An peccauit Asa confidendo arti medicorum.
Quæst. XXXVII.*

QVAERITVR vltius, an peccatum sit confidere arti medicorum, & an peccauit Asa confidendo ei. Respondēdū quòd in hac quæstione præsupponendum est de arte medicinæ an sit verè prophana, & secundum hoc poterit respōderi ad quæstionem. Dicendum est, quòd scientia medicinæ est habitus intellectus: & non causat sanitatem nec ægritudinem, sed est secundum quem cognoscimus quid causat sanitatem, & quid ægritudinem: & sicut habitus medicinæ secundum se non est operatiuus sanitatis, ita nec medicus causat sanitatem, sed est minister sanitatis applicando patienti ea, quæ efficiunt sanitatē. Sicut ille, qui applicat ignem domui, non conburit domum, sed ignis conburit illam: est tamen minister combustionis. Efficiens autem sanitatem est medicamentum appositum, quod naturalē habet efficaciam sicut ignis ad comburendum domum. Hoc tangit Hippocras in quodam Aphorismo, dicens: Natura omnium operatrix, medicus verò minister. Cū ergo medicina sit scientia, qua cognoscimus habitudines corporum humanorum ægrotorum, & sanorū, & neutrorum, & virtutes rerum naturalium ad applicandum: si ita est quòd res naturales habeant efficaciam ad nocendum, & ad sanandum: erit scientia medicinæ proficua, quæ secundum hoc operatur. Est ergo nūc negociandum an res naturales habeant virtutem sanandi ægritudines, & procurandi eas. Et in hoc non multum est probandum: quia experientia notissima est: nam aliquid est, quòd sumptum in cibum inducit manifestam ægritudinem, & interdū subitanē mortem. Aliquid autem est, quòd sumptum in cibum vel alias applicitum patienti confestim sanat. Non ergo potest quis negare, nec dubitare an res naturales virtutem habeant sanandi, nisi omnino insaniat: & sic apparet artem medicinæ quæ de his est, proficuā esse atq; commendabilem: & non solum natura ipsa testis est, sed sacra scriptura testimonium affert, laudans artem medicandi, vt patet Eccl. 38. cū de medicina agitur, & dicitur: Honora medicum, propter necessitatem etenim illum creauit altissimus: a Deo est enim omnis medela, & à rege accipiet donationem: disciplina medici exaltauit caput illius: & in conspectu magnatorum collaudabitur: altissimus creauit de terra medicinam, & vir sapiens non abhorrebit illam. Ecce præcedentia pertinebant ad laudem medici propter peritiam artis suæ. Postea aut scriptura medicinam approbat quantum ad principium efficiens curationis, quòd est in rebus naturalibus dicens, naturam accepisse vires à Deo faciendi curationem: cū dicitur, altissimus creauit de terra medicinam, & vir sapiens non abhorrebit illam: nonne à ligno indulcata est aqua amara? Ad agnitionem homi-

num virtus illorum: & dedit hominibus scientiam altissimus, honorari in mirabilibus suis, in his curans mitigabit dolorem, & vnguentarius faciet pigmenta suauitatis, & vntiones conficiet sanitatis, & non consumabuntur opera eius: pax enim Dei super faciem terræ. Ecce apparet manifestè quòd ars medicandi utilis est, & quòd in rebus naturalibus, quas medicus propinat virtus est ad sanandum. Nunc autem tangendum est, an sit confidendum arti medicinæ circa ægritudinem, vel sit peccatum. Et dicendum est, quæ ægritudo, vel accidens est malæ habitudinis, aut euenit naturaliter, aut Deo infligēte sine aliqua causa nature. Si primo modo, dicendum quòd aut peruenit ista mala dispositio ad omnimodam corruptionem.

G subiecti per formæ absentiam, vel ad perditionem alicuius virtutis instrumentalis animæ, quæ est organica, vel aliàs de natura animalis non pertinens ad qualitates elementales; aut est accidens vel indispositio, in quo nihil horum est. Primò modo medicus non curat, quia corruptio subiecti per absentiam formæ est mors, quia ibi anima absens: & istud esset suscitare mortuū, quod non potest facere medicus: sicut dixit Dauid Psalmo 87. scilicet: Nunquid mortuis facies mirabilia, aut medici suscitabunt, & confitebuntur tibi? quasi dicat medici non poterunt suscitare mortuos ad hoc, quòd confiteantur tibi. Idem etiam est, si desit aliqua virtus organica, vel animalis, siue naturalis, quæ non sit de qualitatibus elementalibus, quia tunc non potest medicus curare. Sicut si alicui verè desit virtus visiva: vt quia est, cæcus à natiuitate, vel perdidit potentiam visiuam postea casu. Sic etiam medicina de visiva, & gustatiua, odoratiua, & omnibus aliis organicis exterioribus. Sic etiam de interioribus, vt si pereat virtus phantastica, vel memoratiua, aut aliqua alia. Sic etiam de naturalibus viribus, vt digestiua, expulsiua, attractiua: & sic de cæteris, quæ sunt virtutes naturales animalium prouenientes eis ex conditione speciei: & non ex aliqua dispositione accidentali: quia cū aliqua istarum perierit, non possunt medici eas reparare: unde non possunt sanare surdos, & cæcos, & verè claudos, & similes, sed similes curationes ad solum Deum spectant. Et hoc ostendit Christus quādo voluit declarare in se esse veram deitatem quærentibus discipulis Ioannis baptistæ ex nomine eius: tu es qui venturus es, an alium expectamus? Respondit, Christus: euntes renunciate Ioanni, quæ audistis, & vidistis: cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus homo qui non fuerit scandalizatus in me. Si tamen possent ista fieri sapientia medicorum, vel aliqua virtute nature, nō probaret sufficenter Christus deitatem suam faciendo hæc: & tamen ipse putabat se probare sufficenter per hæc: ergo non poterant ista opere medicorum fieri, nec aliqua virtute nature. Ratio autem est, quia dare formam substantialem, ubi non est, est gignere animal: etiam causare virtutes consequentes formam animalis est gignere animal, ideo non potest hoc facere, nisi qui potest gignere animal, sed res naturales non possunt gignere animal, potissime gignere formam animalis, vel virtutes consequentes illam in re præexistenti: ideo non potest opere medicorum fieri talis curatio. Deus autem potest animal de nouo producere, vel producto dare virtutem perditam, quia continet Deus omnem virtutem quauicunque rerum naturalium animatarū, & inanimatarum: ideo potest de nouo producere animal sicut aliud animal gignens illud facit: potest etiam animali existenti restituere aliquam virtutem animalem perditam, quod nulla res naturalis efficere potest. Si autem ægritudo prouenit alio modo

non existente defectu alicuius virtutis consequentis A formam animalis, sed est nocumentum aliquod proueniens ex mala habitudine qualitatū elementaliū, potest medicus curare aliquid horum: quia qualitates elementales primæ, & qualitates secundæ, consequentes primas naturaliter causantur opere elementorum, & elementarium rerum, & gignere vel corrumpere istas non est gignere animal, sed alterare illud quod naturaliter fit virtute multarū rerum. Sed adhuc non sunt curabiles omnes ægritudines hoc modo prouenientes ex hoc, quia quedam earum tantum inferūt nocumentum, quod nulla res naturalis illud reparare valet: vel quod plurimum accidit: quod licet sint multa naturalia, quæ egro applicata sanarent illum, nōdum peritia medicorū ad hoc peruenit, vt sciat virtutem illarum rerum naturalium: quia experientia cognita fuerunt omnia hæc: & tamē non potuit vquam aliquis homo nec omnes homines simul experiri de oībus rebus naturalibus quantū ad virtutes earum. Ecce ergo de ægritudinibus, quæ accidunt causa naturali quod medicorum arte curari queat, & quod non. Si autem ægritudo non veniat naturaliter, sed à Deo infligente in penā sine aliqua causa naturali, Dicendum quod qualiscunque ægritudo illa sit, etiam si sit de illis, quæ secundum naturam parue forent, vt aliquod genus febris acutæ, vel cuiuscunque alterius ægritudinis leuis, non poterit curari opere medicorum. Pro quo sciendum, quod Deus posset dare ægritudinem, quæ haberet causam naturalem contrariam ad expellendum eam, & potest infligere ægritudinem, cui non sit aliquid naturale habens contrarietatem ad posse expellere illam. Si secundo modo, manifestum est, quod non poterit curari naturaliter per medicos talis ægritudo, cum nihil sit eis tanquam instrumentum quod applicare possint ad exclusionem morbi. Si primo modo, dicendum, quod licet morbus à Deo inflictus fuisset sine aliqua causa naturali, poterat curari p medicos. Ratio huius est, quia talis morbus habet causas ex quibus prouenire possit: licet nunc ex illis non prouenerit: & habet causas ex quibus auferatur, ideo ex illis posset auferri. Nec est hoc incōueniens, quia manifestum est, quod aliquæ res sunt factæ solo opere Dei, & tamen possunt destrui naturaliter, sicut solius Dei virtute anima vnitur corpori formaliter in generatione: & adhuc maxime in suscitatione mortuorum: & tamen potest homo auferre animam alteri naturaliter, etiam si sit de illis, quæ à mortuis suscitati sunt. Quia manifestum est, quod aliqui à Christo suscitati sunt denuo mortui: & mortui sunt multi eorum gladio. Sic etiam fit in aliis rebus: nam ignis potest naturaliter gigni, & potest sine causa naturali à Deo fieri: & vierque ignis habet eandem operationem, scilicet quia cremat, & sicut ignis naturalis potest naturaliter extinguī ex defectu materiæ, vel ex contrarietate, quā patitur: ita & ignis, qui à Deo creatur: quia ille cū sit verus ignis necesse est, quod patiatur contrarietatem sicut naturalis ignis, & sic poterit extinguī per contrarietatem qualitatū, quæ sunt in aqua, sicut ignis noster. Dicendum tamen, quod licet tales ægritudines possent curari per medicos, nunquam tamen per medicos curabuntur: quia cū à Deo in penam infligantur, non permittit ipse, quod tollantur nisi per eum, & quando ipse indicauerit esse conueniens. Et sic dicendum quod nulla ægritudo inflicta à Deo sine causa aliqua naturali potest curari per medicos, vel virtute aliquarum rerum naturalium. His visis sciri potest quando licet cōfidere ægrotis arte medicorum. Nam si ægritudo sit à Deo solo inflicta, siue habeat causas naturales contrarias, siue non: nequaquam est confidendum arti

medicorum, quia curare non possunt. Si autem proueniat ægritudo à causis naturalibus, quia interdum non potest curari ægritudo, vt declaratum est supra: non est confidendum tunc arti medicorum. Si autē sint ægritudines illæ, quæ curari possunt, tunc possumus cōfidere arti medicorum, scilicet quod per ipsam potest curari morbus, & quod certissime curabitur, & quod non potest vilo modo impediri curatio. Alio modo confidere, quod arte medicorum potest fieri curatio tanquam per viam quandam naturalem, & tamen quod nihilominus pōt impediri voluntate Dei volentis claudere vitam, vel defectu naturæ nō se adiuuantis, vel imperitia medicorum: & sic in ægritudine nunquam est habenda confidentia de arte medicorū: scilicet quod per eam indubitanter homo sanetur. Nunc de rege Asa dicendum, quod peccauit, quia in infirmitate sua non querens dominum confusus est opere medicorum, quia ægritudo sua nō venerat via nature, sed à Deo inflicta est in penam incarcerationis prophetæ, ideo non erat medicis facultas curandi talem ægritudinem, nec debebat Asa cōfidere eis si debebat sanari, sed ad dominum recurrere debebat, quia hanc inflixerat ægritudinem: vnde iuste eum scriptura redarguit.

An peccauerit Asa confidendo in arte medicorum.

Quest. XXXVIII.

QVAERITVR De tertio, scilicet an liceat magis confidere in ægritudine arti medicorū quā Deo, & an peccauerit in hoc Asa. Respondendum, quod confidere magis arti medicorum, quā Deo potest stare dupliciter: vno modo quod sit in propria comparatio, & nō præsupponatur positium: intelligēdo sic quod confidatur magis arti medicorum quā Deo, id est confidatur magis arti medicorum, & non Deo. Alio modo potest accipi comparatiue proprie, scilicet quod cōfidat ægrotus ex parte Dei, & ex parte medici, & tamen magis confidat in medico quā in Deo. Accipiendo primo modo, adhuc potest esse duplex sensus, vno modo, quod eger confidat medico: & non confidat Deo, scilicet non aduertendo, nec habendo refugium aliquod ad Deum: & istud potest fieri licite, vt pote si quis incidat in aliquam leuissimā ægritudinem, in qua nullo modo est periculum, sed faciliter curari potest: & ibi non habeat homo aliquā considerationem de Deo, sciendo quod potest solo naturæ opere curari talis morbus. Nō.n. præiudicat diuinę maiestati in aliquo, sed solum nō inuocat eam, quia non se videri in aliqua angustia, in qua ad eam solum recurri debeat. Alio modo potest intelligi, quod confidat medico, & non Deo, s. quia confidit, quod arte medicorum possunt ægritudines curari, & à Deo sine opere medicorum non possunt curari, & istud pessimum, & hereticum est, quia non conceditur potestas Dei tanta, sicut rerum naturalium: quod omnino est absurdum. Alio modo potest intelligi quod confidatur magis medico quā Deo, scilicet putando, quod licet Deus possit sanare, tamen quod nunquam sanabit, quia nunquam sanare vult. Et istud est etiam incōueniens, quia est diffidere bonitati Dei: nam ipse est summē bonus, et bonum est suis ipsius diffusiuum, ideo confidendum est, quod quidquid nos ab eo petierimus bono animo si nobis expediens est habere illud absque dubio illud consequemur: potissime cū ipse dixerit: Quidquid petieritis patrem in nomine meo dabit vobis. Et nō solum dicit, quod dabitur nobis, quod petierimus, sed etiam hortatur nos ad petendum, dicens: petite & accipietis, pulsate,

te, & aperietur vobis, omni petenti dabitur, & pulsanti aperietur. Si autem accipiatur cōparatio ista proprie, scilicet quod confidatur magis medico, quā Deo, potest intelligi dupliciter. Vno modo quod confiditur, quod Deus poterit facere aliquid ad curationem ægritudinis, & poterit medicus aliquid efficere: sed magis poterit efficere medicus opere naturali q̄ Deus: & iste sensus est absurdus, & hæretic⁹. Alio mō q̄ cōfiditur magis medico q̄ Deo, idest quod licet Deus aliquid efficiat ad curationem ægritudinis, quod plus efficiet medicus naturaliter quā Deus supernaturaliter. Primus sensus est falsus, quia licet Deus non appareat aliquid facere in curatione ægritudinis, ipse plus operatur q̄ natura, & medicamina, & medicus: quia Deus est causa prima in concatenatione causarum naturalium, & omnis causa primaria plus influit in suū effectum, quā causa secundaria, vt patet prima propositione libri de causis. Si autem accipiatur secundo modo, scilicet quod medicus plus operatur naturaliter quā Deus supernaturaliter, potest recipi catholicè, quia in pluribus ægritudinibus Deus nihil operatur supernaturaliter, sed naturaliter illas curandas relinquit, & tunc est cōparatio equiuoca, & impropria: cum non sit ibi positius, quia Deus nihil tali modo operatur. Quando Deus tamen supernaturaliter operatur, plus est, quod ipse facit, quā quod facit medicus: imo medicus tunc nihil operatur: ideo periculosum est concedere propositionem istam, scilicet magis confidendum est in ægritudine aliquādo medico quā Deo. Cū autem queritur de Asa, an peccauit confidendo magis medico quā Deo. Dicendum quod sic, cū scriptura eum redarguat: fuit confidentia sua maior in medico quā in Deo, non quidem q̄ putaret q̄ posset eum meli⁹ medicus curare quā Deus: sed fuit obstinatio quædam, & desperatio: nam sciuit quod peccauerat contra Deum, & quod Deus infligerat ei hanc ægritudinem, vt propheta sibi prænuñciauerat, & putauit quod Deus nollet eum exaudire, vt curaretur, ideo recurrit ad medicos ponens in eis solis totam spem sanitatis suæ, & sic peccauit sciens, quod à Deo percussus fuerat, & putans quod quasi Deo inuito opere medicorum curari posset.

De statu animæ Asæ, & populorum.

Quest. XXXIX.

QVAERITVR vterius, circa statū animæ Asæ, & illorum, quos occidit Deus de populo quando positus est propheta in neruo. Nam dicitur in littera, quod in tempore illo occidit de populo plurimos. Respondendum quod secus est de morte Asæ, & secus de morte popularium. Ratio huius est, quia populares occisi sunt à Deo, & sic mortui sunt subito vel quasi subito, vt declaratum fuit supra in quadam questione. Asa autem non fuit mortuus subito, quia ægritudo fuit sibi inflicta anno tricesimonono regni sui, & durauit vsque ad annum quadragesimum primam, quando mortuus est: ideo de Asa non est aliqua causa cur dubitemus de statu suo, quia dato, q̄ peccauerit catenādo prophetā, poterat dolere de peccato illo, quia magno tempore postea vixit, & remitteretur ei: & tamen alia causa mouet quosdam, scilicet, quia à Deo punitus fuit ægritudine ista, ideo videtur ei exolus, & quod perierit. Dicendum tamen, quod non stat, sed potius est motiuum istud valde irrationabile. Nam si propter hoc, quod à Deo punitus est pro peccato, putaremus eum damnatum: non

Fest homo, quem non putaremus damnatum, quia omnes homines patiuntur aliqua mala, dum viuunt, & moriuntur in ægritudinibus, vel mortibus violentis, & omnia hæc sunt pænalia, & omnis pæna à Deo est nobis inflicta pro peccato, quia aliās esset aliquid deordinatum in vniuerso, & sic de omnibus hominibus putaremus quod morerentur æternaliter, q̄ est absurdum. Item non est istud cōueniens motiuū, sed potius per oppositum, quia cū omni peccato debeat pæna, & per illam emendatur deformitas peccati: cū alicui infligatur pæna pro peccatis inuita, melior præsumptio est, scilicet q̄ viuens soluat pænā debitam peccato, & morienti nihil luendum maneat: ideo verum est, quod ex hac parte non est causa aliqua dubitandi de statu Asæ post mortem nisi pariter de statu omnium hominum dubitetur: sed est aliud propter quod dubitetur, scilicet quia scriptura increpat eum, quod nec in infirmitate sua quæsiuit dominum, sed magis medicorum arte confisus est: & sic peccauit in hoc: istud autem peccatum videtur semper mansisse in ægritudine sua, quia nunquam in illa quæsiuit dominum: ergo videtur perierisse æternaliter. Dicendum est, quod in hoc peccauit, & tamen non constat, an peccatum istud semper manserit, quia licet nunquam quæsierit dominū ad hoc, quod sanaretur: tamen forte in extremo vitæ suæ doluit, quod non quæsiuit dominum, & remitteretur ei peccatum. Sed adhuc obiicietur, quia aliud peccatum fuit in morte eius, scilicet quia positus fuit in lectulo suo Asa plenus aromatibus, & vnguentis meretriciis, quæ erant pigmentariorum arte cōfecta, & scriptura increpat eum in hoc, & istud fuit in morte: ideo videtur, quod in peccato mortuus est. Respondendum quod de hoc dubium adhuc relinquitur, an in hoc peccatum sit: & tamen dato quod peccaretur, non fuit peccatum regis Asæ, sed eorum, qui eum sepelierunt, & celebrauerunt funeralia eius: ideo in hoc non est redarguendus, nisi forte dicas, quod ipse viuens disposuerit, quod sic sepeliretur. Ideo dicendum, quod non apparet, an Asa aliquid habuerit, propter quod perierit æternaliter.

De statu animarum popularium.

Quest. XL.

QVAERITUR Nunc circa statum animarum illorum popularium, quos Deus occidit propter incarcerationem propheta, quid de illis sentiendum sit, & de istis non est idem dicendum quod de Asa: quia Asa magno tempore vixit, scilicet plusquam duobus annis postquam à Deo percussus est, & tamen isti subito mortui sunt. Respondendum, quod isti peccauerunt circa incarcerationem propheta, & si morerentur in hoc statu, manifestum est, quod perirent æternaliter, & tamen non constat hoc: sed potius præsumendum est, quod non perierint, & hoc propter duo. Primo, quia ex hoc, quod eis à Deo inflicta est mors, nō est præsumendum malum de statu eorum post mortem. Nam potius istud proficit ad purgationem criminis. Sic enim patet de Paulo, qui quandam Corinthiū peccantem tradidit Sathanæ ad interitum carnis, vt saluus esset spiritus eius in die domini. prima Corinth. quinto. Ita ergo isti poterant tradi à Deo nunc morti corporali, vt saluarentur in die domini: potissime quia ista pæna videbatur sufficiens esse peccato eorum, scilicet quod fauerent regi in incarceratione propheta. Secundo, quia isti habuerunt tempus ad dolendum de peccato: quia licet

cet ista mors inflicta popularibus fuerit aliquantulum subita, scilicet quia non fuit ægrotudo longa, qualis solet naturaliter euenire, tamen non apparet, quod fuerit tam subitanea, quod non habuerint tempus ad dolendum de peccato. Nam fortassis percussio non abstulit eis vitam illico: sed manserunt per vnam diem aut aliquantum tempus, in quo sufficienter poterant dolere. Tertiò quia dato, quod morerentur subito, non poterat esse tam subito, quin possent dolere de peccato: quia contritio non est aliquis actus durans tempore magno, sed est quasi in instanti, cum non sit nisi quidam motus animæ nostræ ad displicentiam de peccato, & ista est quædam conuersio subita: ideo quantumcumque esset mors subitanea, habebat locum contritio, scilicet quod possent illam habere. Satis apparet hoc ex quodam exemplo, quod recitat Bernardus in libro speculi virginalis de quodam clerico, qui spiritu libidinis ductus intrauit in dormitorium monialium, dum ipsæ essent in choro cantando matutinum, & secretè iacuit in lecto illius, quam concupiscebat expectans ut veniente ipsa in lectum post matutinum frueretur optatis amplexibus. Interim clericus prædictus obdormiuit, & de mon permissione diuina suffocauit eum, sed dum suffocaretur in ipso momentaneo spatio de iniquitate doluit, & mortem æternam non subiit, sicut postea reuelatum est prædictis monialibus pro ipso orantibus: si ergo ille, qui dormiens à demone suffocatus est, inter ipsas breuissimè transiit mortis angustias ad dominum conuerti potuit: à fortiori poterit quilibet alius conteri quātuncumque eum subitanea mors occupet: ideo non est vlla mali præsumptio de statu istorum, qui à Deo occisi sunt: potiùs quā de aliis, qui ex ægrotudine sine tali percussione moriuntur.

An peccatum sit vti aromatibus, & vnguentis meretriciis.

Quæst. XLI.

QVAERITVR vltèrius, cum dicatur hic, quod Asa positus est in lectulo suo plenus aromatibus, & vnguentis meretriciis, quæ erant pigmentariorum arte confecta, an peccatum fuit in hoc. Aliquis dicet, quod peccatum sit talia fieri. Primò quia scriptura ponit ista hic per modum increpationis, sicut omnia alia præcedentia, & tamen in aliis manifestum est, quod peccauerit Asa. Secundò patet, quia ponitur hic quoddam verbum valde reprehensorium, & inhonestum, scilicet quod positus est plenus vnguentis meretriciis super lectulum suum: & tamen istud verbum inhonestum non poneretur nisi ad increpandum nimis & signandum quod actus erat inhonestus sicut res meretriciæ. Respondendum quod apud Iudæos erat consuetudo antiquitus fieri multas ceremonias in funeralibus regum: & hoc in plangendo, & in vngendo corpora aromatibus, & in cremando multa odora menta super lectulum cadaueris: & ob hoc fieri ista non erat peccatum, quia iam obtinuerat istud quasi in legem. Et patet etiam hoc, quia si fieri ista in funeribus regum esset peccatum, non auferret Deus alicui in penam: & tamen Deus auferebat quibusdam in penam istum honorem, scilicet quod non fierent ceremoniæ istæ in funeribus illorum: ergo non erat peccatum istud fieri: quia si peccatum esset ista fieri, potius benefaceret Deus homini auferendo ei potestatem faciendi hæc. Sicut homo se debet reputare felicem si Deus ei aufert occasionem peccandi, & tamen in penam auferuntur quibusdam re-

Agibus ista à Deo, ut patet Ieremiæ vigesimo secundo, de Ioachim filio Iosæ rege Iuda, quod non plangeret eum: vñ frater, & vñ fratres non concrepabunt ei, vñ domine, & vñ inclyte: sepultura alini sepelietur putrefactus, & proiectus extra portas Ierusalem. Item si esset peccatum fieri ceremonias istas combustionis odoramentorum in funeribus regum, non reputaret sacra scriptura aliquem regem infelicem, vel inhonoratum, eo quod non fierent sibi istæ ceremoniæ: quia potius est felicem omni carere vitio, & tamē quosdam reputat infelices & inhonoratos, quia non fuerunt factæ eis istæ ceremoniæ: ideo non est peccatum eas fieri. Patet hoc de Ioram rege Iuda filio Iosaphat inf. 21. scilicet: Languore pariter, & vita caruit, mortuusque est infirmitate pessima, & non fecit ei populus secundum morem combustionis exequias, sicut fecerat maioribus suis: ecce quod inter alias calamitates Ioram enarrat scriptura de eo, quod non fuerint sibi factæ ceremoniæ combustionis: ergo erat pena quædam non fieri illas. Item si fieri hæc peccatum esset, non prænunderet Ieremias regi Sedeciæ tanquā partem quādam felicitatis suæ quod fieret ei ceremoniæ exequiarum, sicut aliis regibus. Nam sicut non mori gladio prænunderet ei, ut partem felicitatis, ita prænunderet, quod fierent ei ceremoniæ combustionis, ut patet Ieremiæ trigesimo tertio. Audi verbum domini Sedecia rex, non morieris in gladio, sed in pace morieris, & secundum combustionem patrum tuorum regum priorum, qui fuerunt ante te, sic comburent te, & viduæ plangent te. Non ergo erat peccatum fieri combustiones istas odoramentorum, & vnguentorum, sed honor. Item non solum erat hoc in regibus, sed etiam in popularibus, & in viris sanctis. Patet enim de viris sanctis, quia Iacob patriarcha vir sanctus erat, & tamen filii sui vnixerunt eum sic, & planxerunt facientes omnes istas ceremonias. Gene. quinquagesimo. Item nullus potuit sanctus esse, sicut Christus, qui fuit verus Deus: corpus tamen suum vnctum fuit aromatibus. Nam Ioseph de Arimathia ciuitate expendit quasi libras cētum myrrhæ, & aloës in vnctione corporis eius, & inuoluit illud in syndone munda. Ioan. decimo octauo, & Matthæ. vigesimo septimo. Item sanctus vir erat Ioseph ab Arimathia, & ipse vnxit corpus domini: si tamen putaret esse indignum, non vnxisset illud, quia magis se sciret offendere Deum quā colere. Item Maria Magdalene, & Maria Iacobi, & Maria Salome religiosæ mulieres erant, & tamen istæ emerunt aromata, ut venientes vngerent Iesum. Matt. vigesimo octauo, & Lucæ. vigesimo quarto, quod non fecissent si putarent esse illicitum. Item ista consuetudo erat apud omnes Iudæos, scilicet, quod sepelirentur in lintheis, & vngerentur corpora eorum aromatibus, ut patet Ioan. decimo nono, scilicet: Acceperunt ergo Iesum & ligauerunt eum lintheis cum aromatibus, sicut mos erat Iudæis sepelire. Dicendum ergo, quod vngi corpus Asa aromatibus, & cremari odoramenta super lectulum eius non erat peccatum: sed in his excessus immoderatus peccatum est: quia dato quod aliquid sit bonum, & pulchrum naturaliter, excessus in illo erit peccatum, sicut probat Aristot. septimo Ethicorum. Nam amor parentum ad filios est de bonis, & pulchris naturaliter: & tamen Niobe peccauit nimis in superabundanti amore filiorum suorum, quia propter eos contempsit Deos, & blasphemauit eos. Item amor filiorum ad parentes de bonis, & pulchris est naturaliter, et tamen Saphyrus dictus Philophater ab Amore patris, tantum diligebat patrem suum, quod videbatur desipere, ut patet ibidem. Ita ergo in istis exequiis regū erat

erat peccatum fieri combustiones istas odoramentorum, & tamen potest peccatum esse in duobus: vno modo si fiant nimis accuratè siue curiosè, quia nimia diligentia circa ista reprobata est. Secundò potest peccari per excessum: si circa ista multo maiora expendantur quàm decet, vel consuetum est: ista duo peccata vel errores fuerunt in exequiis regis Asa. Primum, scilicet curiositas patet, inquantum dicitur, posuerunt eum super lectulum suum plenum aromatibus, & vnguentis meretriciis: quia id quod est honestum, non est curiosum. Quod autem meretricium est curiosum est, nam meretrices sunt curiosæ qualiter prouocent viros ad lasciuiam, & luxuriã, vt patet Prouerb. septimo, de illa, quæ dixit iuueni, intexui funibus lectum meum, & stravi tapetibus pictis ex Aegypto aspersi cubile meum myrrha, & aloë, & cinnamomo. Secundum, scilicet excessus tangitur cum dicitur in litera, & combusserunt super eum ambitionem nimiam, scilicet magnum apparatus odoramentorum. Ad argumenta in contrarium dicendum, quòd illa non militant generaliter, sed solum contra Asa, quia ibi fuit curiositas, & superabundantia, si autem teneatur modus in his non erit peccatum fieri tales cæremonias combustionum, sed iam istæ abierunt in dissuetudinem: potissimè apud regiones nostras, & conuicinos.

CAPITVLVM XVII.



RE G N A V I T autem Iosaphat filius eius pro eo, & inualuit contra Israel. Constituitque militum numeros in cunctis urbibus Iuda, quæ erant vallatæ muris. Præsidiaque disposuit in terra Iuda, & in ciuitatibus Ephraim, quas ceperat Asa pater eius. Et fuit Dominus cum Iosaphat, quia ambulauit in viis Dauid patris sui primis: & non sperauit in Baalim, sed in Deo patris sui: & perrexit in præceptis illius, & non iuxta peccata Israel. Confirmauitque Dominus regnum in manu eius: & dedit omnis Iuda munera Iosaphat: factæque sunt ei infinitæ diuitiæ: & multa gloria. Cunque sumpsisset cor eius audaciam propter vias domini, etiam excelsa & lucos de Iuda abstulit.

Regnavit. In præcedentibus dicto de regno regis Asa, hic agitur de regno filij sui Iosaphat, qui fuit valde bonus rex. Et diuiditur in quatuor, secundum quòd historia eius regni continetur in 4. cap. scilicet vsque ad vigesimū primum. Nam primò ponitur eius

F vita prospera. Secundò eius societas peruersa, scilicet quòd societatem habuit cum Achab rege Israel pessimo idolatra. sequenti capitu. Tertiò correptio prompta. infra decimo nono. Quartò victoria magna. infra vigesimo cap. Prima diuiditur in quatuor, secundum quòd Iosaphat egit quatuor. Primò Deum coluit, secundò populum instruxit ibi. Tertiò autem anno. Tertiò hostes subiecit, ibi. Itaque factus est timor. Quartò ciues muniuit, ibi. Creuit ergo Iosaphat.

An ista habeant continuationem, & immeditationem.
Quest. XXX.

Q V A E R I T V R Circa primum, an ea, quæ habentur hic, fuerint facta post præcedentia ordine continuato: & an fuerint facta post illa immediate, vel interiecto aliquanto tempore. Ad primum dicendum, quòd hic est ordo continuus, quia præcedenti capitu. agebatur de regno Asa, hic agitur de regno Iosaphat, sed fuit Iosaphat filius Asa, vt patet hic: ideo necesse est, quòd prius regnauit Asa quàm Iosaphat, & consequenter erit hic ordo continuus. Ad secundum dicendum, quòd ista, quæ habentur hic fuerint facta immediate post præcedentia: nam postquam ceperunt regnare reges in Iuda, & Israel, nunquam fuit populus sine rege, sed mox, vt moriebatur vnus subrogabatur alius: & sic mox vt Asa mortuus est factus est Iosaphat rex, & quia præcedenti capit. agitur de regno Asa, & hic de regno Iosaphat: necesse est, quòd fuerint ista immediate post illa. Circa primum dicitur. *Regnavit autem Iosaphat filius eius pro eo.* Scilicet, non habebat fortè Asa alium filiū, nisi Iosaphat, iō regnauit pro patre suo Asa: quia ei competebat iure hæreditario. Nam non legimus habuisse Asa alios filios, vel dato quòd haberet alios filios Asa, esset Iosaphat primogenitus: & sic etiam competere ei ius regnandi, quia in terra Iuda iam succedebat primogeniti in regno sicut inter alias gentes: & hoc colligitur, infra vigesimo primo, cum dicitur, quòd Iosaphat habuit filios multos, & dedit eis multa munera, aurum, & argentum: regnum autem dedit Ioran, eo quòd esset primogenitus. *Et inualuit contra Israel.* Scilicet, non fuit subiectus regno Israel, nec potuerunt contra eum Israelitæ in aliquo: sed ipse præualuit contra illos. Hoc autem dicitur ad differentiam Asa patris sui. Nam ille non habuit confidentiam in Deo suo, sed inuocauit regem Syriæ in adiutorium: ideo fecit Deus, quòd insurgerent bella contra ipsum. Et fuit rationale istud poni hic. Nam Asa fuerat in principio regni sui prosperatus valde in omnibus operibus suis: quia confusus fuerat in domino, & fugauit atque fudit exercitum Aethiopum, qui erant decies centena millia. supra decimo quarto. Postea verò cum surrexisset contra eum Baal rex Israel, & muro circumdaret urbem Ramam, non ausus pugnare contra ipsum dedit totum aureum, & argentum, quod erat in thesauris domus domini, & in thesauris regis regi Syriæ, vt pugnaret contra Baal regem Israel, & cogeret eum recedere de vrbe Rama. Et sic factum est præcedenti capitul. propter hoc Deus indignatus denunciavit ei per prophetam, quòd bella consurgerent in præsentem tempore contra ipsum, & illa fuerunt bella Israelitarum, qui aliquantulum oppresserunt viros Iuda, vt probatum est ibidem. Nunc autem, cum scriptura dictura sit de rege Iosaphat, qui fuit valde inclytus inter reges Iuda, declarat quòd tempore suo non fuerunt Iudæi in aliquo oppressi ab Israelitis,

Israelitis, sicut fuerat circa finem vitæ Asa patris eius: sed Iosaphat inualuit contra Israel. Quis autem fuerit rex in Israel cuius tempore regnavit Iosaphat in Iuda, & quæ bella habuit Iosaphat contra Israelitas, in quibus posset inualefcere contra illos, declarabitur infra in quadam quæstione. *Constituitque militum numeros in cunctis urbibus Iuda.* Timebat bella, quia tempore patris sui fuerant inchoata bella inter regem Israel, & ipsum: ideo nunc Iosaphat muniuit regnum suum contra hostes, & potissimè contra israelitas, & posuit numeros militum, scilicet in qualibet vrbe posuit certum numerum militum, qui continuè manerent ibi, & essent parati in armis ad defensionem regionis, vt si subito insurgerent hostes essent accincti armis, qui eis resisterent: & sicalij, qui erant in urbibus securi possent vacare agriculturæ non timentes insultum hostium, quia gens armorum, quæ in vrbe erat defendebat totam regionem in circuitu. Istud etiam fecerat primo Roboam filius Salomonis proauus istius, qui mox vt diuisum est regnum in duas partes, scilicet in regnum Iuda, & Israel, muniuit vrbes non bene munitas, & constituit certum numerum militum in qualibet vrbe: etiam armamentaria scutorum, & lancearum constituit in singulis, & horrea etiam ciborum dedit in eis, vt esset prouisio pro viris bellatorib: hoc totum patet supra vndecimo ita nunc fecit Iosaphat. *Quæ erant vallata muris.* Aliquæ vrbes erant muratæ, & aliæ non: in urbibus non muratis non constiuebatur milites, quia superfluum erat, cum non possent tales vrbes sustinere aliquos impetus hostiles, & ponere ibi milites erat constituere bellum campale, quod non conueniebat: sed qui in talibus locis morabatur quando adueniebant tempora bellorum fugiebant ad loca murata: & ibi tuebantur se & sua. *Præsidiaque disposuit in terra Iuda.* i. posuit defensiones in tota terra Iuda: Accipitur hic terra Iuda p regno Iuda, et nō p sorte Iuda: quia nō solū posuit præsidia in terra sortis Iudæ, sed etiam in sorte Benjamin, cū vtraque terra pertineret ad regnum suum: & patet quia distinguitur hic terra Iuda contra vrbes terræ Ephraim, quas ceperat Asa, & pertinebant nunc ad dominium regis Iosaphat: & tamen si non acciperetur hic terra Iuda pro terra Iuda & Benjamin: non condiuideretur terra Iuda contra vrbes de terra Ephraim: sed potius contra terram Benjamin, cum essent tam necessaria præsidia in terra Benjamin, sicut in terra Iuda: imò magis, quia terra Benjamin erat coniuncta regno Israel ex latere Aquilonari, & terra Iuda non. Et sic necesse est, quod accipiat terra Iuda pro toto regno Iuda. *Et in ciuitatibus Ephraim, quas ceperat Asa pater eius.* Etiam in ciuitatibus istis posuit præsidia, idest defensionem contra Israelitas, scilicet viros armatos, & omnem alium apparatus bellicum: Erat autem magis necessarius ibi talis apparatus quàm in aliis urbibus regni Iuda propter quatuor. Primò, quia istæ vrbes erant magis coniunctæ terræ Israel, quàm aliæ vrbes, cum fuerint aliquando de regno suo: & sic erat maior oportunitas pugnandi contra eas quàm contra alias. Secundò, quia in ciuitatibus istis morabantur viri de regno Israel, qui fuerant prius sub regibus Israel, & fortassis vellent nunc redire ad pristinum dominum, & traderent seipfos, & vrbes regibus Israel: & vt hoc non possent facere, qui erant in vrbe, oportebat poni ibi magna præsidia de viris Iuda, vt non haberent ciues facultatem ad hoc. Tertiò, quia maiora bella fierent contra istas vrbes quàm contra alias, quæ semper fuerant de regno Iuda, quia desiderabilius est recuperare perditam quàm acquirere nouam: & quia reges Israel perdiderant vrbes prædictas pugnante contra

eos Asa rege Iuda: potius desiderarent Israelitæ recuperare res illas quàm acquirere de nouo alias vrbes, quæ semper fuerant de regno Iuda, & ob hoc maiora bella instruerent contra vrbes illas quàm contra alias: ideo erant necessaria ibi maiora præsidia. Quarto, quia viri Iuda poterant timere ibi duplex bellum, scilicet bellum hostile, & bellum ciuile: tunc venientibus Israelitis contra istas vrbes, fortè Israelitæ, qui morabantur in istis urbibus pugnarent contra Iudæos, qui intus erant: vt traderent vrbes in manus Israelitarum, & esset etiam bellum hostile foris, & ad defensionem ab vtroque bello, oportebat ibi esse magna præsidia, maiora quidem quàm in urbibus Iuda, & Benjamin. De istis urbibus Ephraim, quæ vrbes erant, & quomodo acquisierat eas Asa pater Iosaphat, declarabitur infra in quadam quæstione. *Et fuit dominus cum Iosaphat.* Scilicet, adiuuando eum in omnibus, quæ incipiebat. Sicut manifeste apparet in bello illo, de quo habetur infra vigesimo. *Qui ambulauit in vijs Dauid patris sui.* Scilicet, secutus est viam eius. Ponitur Dauid tanquam exemplum bonorum operum, quia non fuerat ante hoc aliquis rex tam acceptus Deo, ita vt dominus diceret de eo, inueni virum iuxta cor meum. primo Regum decimo tertio: quod de nullo alio vnquam legitur dixisse: vocatur Dauid pater suus, idest proauus, vel prædecessor, quia omnes maiores vocantur patres, & cū esset Iosaphat de progenie Dauid vocatur filius eius: vel accipitur hic pater spiritualiter per imitationem, scilicet quod ille quem quis imitatur in operando vocatur pater eius, & quia Iosaphat secutus est vias Dauid, vt hic dicitur, vocatur filius eius; sed magis accipiendum est primo modo, vt sit pater secundum progeniem carnalem. Quod autem ambulauerit in viis eius fuit, quia deuitauit idola sicut Dauid, sed de hoc magis infra declarabitur in quadam quæstione. *Primis.* Non dicitur in viis Dauid absolute: sed in viis Dauid primis, quia viæ Dauid primæ fuerunt bonæ, & viæ secundæ fuerunt malæ: & Iosaphat secutus est Dauid in bonis, & non in malis: sed quæ sint viæ primæ Dauid, & quæ secundæ, vel vltimæ declarabitur infra in quadam quæstione. *Et non sperauit in Baalim.* Scilicet, in idolis: quia idola vocantur Baalim. Nam Baal accipitur vno modo pro nomine cuiusdam idoli specialiter, quod valde coluit rex Achab rex Israel, & maximè Iezabel vxor sua, & constituit ei quadringentos, & quinquaginta prophetas, qui comedebant panem de mensa Iezabel, tertio Regum decimo octauo, & inualuit tantum cultus istius idoli tempore Achab, quod ferè nullum aliud idolum colebatur in toto Israel, & ob hoc Israel diuisus erat in duas partes, quasi in duos Deos, scilicet quibusdam colentibus Deum Israel, & aliis colentibus Baal. Et ob hoc congregato toto Israel in monte Carmelo coram rege, dixit Elias: Quousque claudicatis in duas partes? si dominus est Deus, sequimini eum, si autem Baal sequimini illum. tertio Regum decimo octauo. Etiam dubitatum est de vera deitate Baal, & facta est comparatio inter Deum Israel, et Baal, vt inquireretur quis eorum erat verus Deus: quod nunquam factum est de aliquo alio idolo: ex quo apparet, quod maiorem fauorem habuit inter omnia idola Baal quàm quælibet alia. Alio modo accipitur generaliter pro quocunque idolo, & tunc habet plurale, scilicet Baalim, & ita videtur esse hic cum dicatur, quod Iosaphat non sperauit in Baalim, idest in idolis: & hoc ponitur ad signandum, quod fuit vir valde deicola: vt infra declarabitur in quadam quæstione. *Sed in Deo patris tui.* Scilicet

Scilicet, confusus est in Deo patris tui, idest in Deo Israel, qui erat Deus patris sui. Et accipitur pater suus pro David sicut supra dixit, scilicet, qui ambulavit in viis David patris sui. Nam Deus Israel fuit Deus David, quia ipse illum specialiter coluit. Nullus enim legitur inter patres veteris testamenti, qui pro cultu tanta fecerit, nec ad illum tam affectus fuerit: sicut declarabitur infra in quadam questione: vel vocatur Deus patris sui, idest Asa. Nam etiam verum est, quod Deus Israel fuit Deus Asa, quia Asa coluit Deum Israel semper, nec declinavit unquam ad idola, quod in raris regibus Iuda repertum est. Nam licet Asa peccauerit, quia non habuit plenam confidentiam in Domino, tamen circa cultum eius nunquam peccavit, introducendo scilicet alios deos: quod patet supra decimo quinto, scilicet attamen cor Asa perfectum erat cum domino cunctis diebus eius: & sic de utroque patre intelligi potest: sed melius intelligitur de David propter duo: Primum, quia de eo immediatè supra in litera fuerat facta mentio, & vocatus fuerat pater Iosaphat, ideo de eo rationalius est, quod continetur istud nomen quàm de aliquo alio. Secundò, quia magis convenit cultus Dei excellens David quàm regi Asa, quia solet David induci tanquam bonorum operum exemplar: quod non fit de aliquo alio rege. *Et perrexit in præceptis illius.* Scilicet, in præceptis Dei patris tui. Istud fuit custodiendo legem Moyse, in qua continebantur omnia præcepta à Deo data. *Et non iuxta præcepta Israel.* Idest non ambulavit in præceptis regni Israel, quia illa erant mala, scilicet de colendo idola, de quo magis declarabitur infra in quadam questione. *Confirmavitque dominus regnum in manu eius.* Scilicet fecit, quod maneret firmum regnum Iuda in manu Iosaphat, & quod nullus ei in hoc aduersaretur. Regnum confirmatur quando quis non habebat regnum securè, et postea incipit illud habere securè. Sicut quando noviter efficitur aliquis rex, nondum confirmatum est regnum in manu eius, quousque omnes de regno ei obediant, & dentur ei omnia fortalitia: & de manu eius recipiantur: & demum voluntates omnium de regno concordent cum bonitate regis. Istud est confirmari regnum in manu alicuius quantum ad suos regniculas: confirmatur autem quantum ad hostes: quando rex novus ponit apparatus bellicos in omnibus locis suis: ita ut non sit locus hostibus nocendi terræ suæ. Omnia hæc fecerat Iosaphat, Nam omnes de regno susceperant eum in regem, & omnia fortalitia manui eius tradita sunt, & de manu eius suscepta: & data quibus ipse voluit. Quod patet, cum ipse posuerit numeros militum in omnibus urbibus muratis tam in regno Iuda, quàm in civitatibus Ephraim, quas pater suus Asa acceperat: & tamen non poterat ponere milites in singulis urbibus, nisi vires essent ad mandatum eius. Etiam maior adhuc firmitatis pars erat, quia omnes viri Iuda diligebant eum, & intantum diligebant eum, quod obtulerunt ei omnes munera magna, & factæ sunt ei diuitiæ multæ. Confirmatum est etiam regnum contra hostes, quia in singulis urbibus regni sui posuit Iosaphat numeros militum, ut defenderent regionem, & dicitur, quod dominus confirmavit regnum in manu eius, quia ipse fecit multum in hoc: quid autem fecerit declarabitur infra in quadam questione. *Et dedit omnis Iuda munera Iosaphat.* Scilicet, omnes viri potentes dederunt mu-

nera magna Iosaphat, quem in regem novum accipiebant vel omnes de regno collegerunt inter se velut quoddam tributum regni Iosaphat. *Factæque sunt ei infinitæ diuitiæ.* Scilicet, munera erant magna, quæ oblata sunt regi Iosaphat à toto regno, & ex illis collectis in unum factæ sunt diuitiæ eius infinitæ, idest valde multæ. Est enim modus iste loquendi scripturæ, loquens secundum consuetudinem vulgarem. Nam secundum veritatem nihil est infinitum in rebus creatis, sed quod multum est in numero, vocatur infinitum: & quod magnum est mole, vocatur etiam infinitum: sic etiam accipitur supra decimo quarto, scilicet quod tulerunt Israelitæ pecorum infinitam multitudinem, idest magnam multitudinem. Sic etiam Numeri trigesimo secundo dicitur, quod filij Gad, & Ruben habebant in iumentis infinitam substantiam. *Et multa gloria.* Idest magna fama, idest magnus honor propriè gloria pertinet ad nominis dilatationem siue famam, & vocatur gloria alicuius clara cognitio, & extensio nominis eius cum laude, scilicet quando quis à multis cognoscitur, & ab omnibus laudatur. Alio modo accipitur gloria pro honore confurgente ex apparatu magno, scilicet ex magno apparatu vestium, vel apparatu comitantium, vel apparatu domestico: aut quocunque alio apparatu regali ostendente in eis maiestatem: sic accipitur Matthæ. sexto, ex verbis Christi, cum ait: Considerate lilia agri, quomodo crescunt, & non laborant: dico autem vobis quoniam nec Salomon in omni gloria sua indutus est sicut unum ex istis, idest Salomon cum toto suo apparatu vestium, quæ vocatur gloria eius non est ita bene indutus sicut unum lilium: potest accipi hic gloria utroque modo. De primo modo manifestum est: nam gloria, idest dilatatio nominis Iosaphat facta est: quia Iosaphat subiecit sibi omnes gentes, quæ erant per circuitum terræ Iuda, idest Philistinos, Arabes, & alios: & offerebant isti ei munera, & generaliter gentes nullæ audebant pugnare contra Iosaphat considerata potestate eius, ut patet infra in litera. Erat ergo nomen suum divulgatum per omnes istas gentes, & sic erat gloriosum. De secundo modo patet, quia cum omnis Iuda obtulisset munera magna Iosaphat, & fieret ei diuitiæ infinitæ habebat magnum apparatus tam in vestibus quàm in omnibus suppellectilibus, & domesticis rebus: potissimè, quia reges terræ qui in circuitu erant, offerebant ei munera, & tributa præstabant, ut patet in litera. *Cumque sumpsisset cor eius audaciam propter vias Domini.* Scilicet, Iosaphat ambulabat in viis Domini, quia nunquam coluit idola, & Deus confortabat eum. Dabatque ei audaciam ad aggrediendum magna, & sic aggressus est istud magnum, quod ponitur hic. *Etiā excelsa, & lucos de Iuda abstulit.* Scilicet, non solum coluit dominum, sed etiam abstulit de terrâ omnia impedimenta cultus diuini. Erat autem impedimentum idolatria, quæ fiebat sacrificando idolis, & offerendo eis thura, & fiebat ista idolatria in altaribus multis, quæ erant ad hoc instituta, & in lucis. Est lucus congregatio arborum densarum reddens umbrositatem: & in talibus locis constituebant idolatræ aras, & hoc maxime propter sacrificia Priapi: quia in sacrificiis illis fiebant turpia, scilicet consummatis sacrificiis vacabant libidini. Et quia non poterat honestè coitus fieri in patenti, propter

propter humanam verecundiam eligeantur loca obscura, scilicet subterranea, sicut specus, quæ erat tempore regis Asa, ubi mater eius Maachia consecraverat sculptile. tertio Regum decimo quinto. vel loca umbrata, & sic erat lucus: unde habebant Israelitæ lucos multos ad cultum idolorum: omnia hæc, scilicet altaria, & lucos abstulit Iosaphat: ut non esset aliud quod offendiculum, nec occasio colendi idola. De istis excelsis, & lucis ablatis per Iosaphat, quæ erant, declarabitur infra in quadam questione.

Cum quo rege inualuit Iosaphat.

Quest. II.

QVAERITVR, Cum supra dicatur, quod Iosaphat inualuit contra Israel: quis fuit rex contemporaneus suus in regno Israel, contra quem posset inualescere. Aliquis diceret, quod ille fuit Baasa: nam Baasa insurrexit contra Asa patrem Iosaphat, volendo circumdare muris urbem Rama, & non ausus est exire ei obuiam Asa, sed inuocauit in auxilium suum regem Syriæ dando ei munera magna, & quia confusus est nunc Asa in rege Syriæ, & non in Deo Israel: fecit Deus, quod insurgerent bella contra ipsum, & illa bella fecit Baasa rex Israel, ut probatum est precedenti capitulo. In illis bellis passi sunt mala multa Iudæi inualescentibus contra eos Israelitis. Nunc autem tempore Iosaphat è contrario inualuerunt Iudæi contra Israelitas, & sic videtur, quod Iosaphat fuerit tempore Baasa, & pugnaverit contra illum subieceritque illum versa vice, sicut ille presserat Asa patrem suum, & Iudæos. Dicendum tamen, quod hoc falsum est, quia Iosaphat non potuit regnare viuentis Baasa rege Israel, sed multo tempore ante mortuus fuit ille. Et pater hoc, quia mortuus est Baasa tempore Asa regis Iuda, scilicet, anno vigesimo sexto regni eius: ut patet 3. Regum decimo quinto, & decimo sexto. Postea autem regnante Asa in Iuda regnauerunt successiue multi reges in Israel, scilicet, Hela filius Baasa, & Zambri, & deinde Amri, postea Achab. Nam anno trigesimo regni Asa cepit regnare Achab super Israel, ut patet 3. Regum decimo sexto. Ideo dicendum, quod Iosaphat cepit regna in Iuda, dum regnaret in Israel Achab rex, scilicet anno quarto regni eius: ut patet 3. Regum vigesimo secundo capitulo. regnauit autem Iosaphat in Iuda tempore trium regum Israel, scilicet Achab, Ochozia, & Ioram. Nam regnauit Achab viginti duobus annis in Israel. 3. Regum decimo sexto: sed iam erat quartus annus regni eius, quando cepit regnare Iosaphat. 3. Regum vigesimo secundo. Ideo esset annus decimus octauus, vel quasi regni Iosaphat, quando moreretur Achab: regnauit autem Iosaphat viginti quinque annis: eodem capitulo. ideo remanebant septem anni adhuc de regno suo, quando mortuus est Achab: post Achab regnauit Ochozias filius eius, qui fuit malus, & mortuus est cadens per cancellos cenaculi sui, & regnauit solum annis duobus. 3. Regum vigesimo secundo, & quarto Regum primo. Post hunc regnauit Ioram filius eius: & tempore huius regnauit Iosaphat annis quinque, & mortuus est: quia totidem manebant de regno suo quando cepit regnare Ioram in Israel. Patet etiam aliter, quod fuerit Iosaphat coætaneus omnibus regibus istis tribus. Patet de primo, scilicet de Achab, quia fuit cum eo in bello contra Syros in Ramoth Galaad sequenti capitulo, & 3. Regum vigesimo secundo. De Ochozia patet, quia Iosaphat, & Ochozias faciebant simul classem in Asiongaber, ut mitterent

Alph. Tost. super lib. Paralip. Pars 2.

A in Ophir pro auro, & propter iniquam societatem, quam habebat Iosaphat, contractæ sunt naues illius in Asiongaber in portu: nec potuerunt ire in Ophir. infra vigesimo, & 3. Regum vigesimo secundo capitulo. De Ioram patet: quia quando rex Moab mortuo Achab præuicatus est contra Israel: congregauit Ioram rex Israel exercitum contra Moabitas, & tunc iuit cum eo Iosaphat rex Iuda, & rex Edom. quarto Regum tertio.

Quæ bella habuit Iosaphat contra Israelitas, & quomodo præuoluit. Quest. III.

B

QVAERITVR vterius, quæ bella habuit Iosaphat contra Israelitas, & quomodo potuit præualere contra Israel. Dicendum, quod non apparent aliqua bella, quæ fecerit contra Israelitas. Dicit tamen aliquis, & sic communiter dicitur, quod cum inualuerit Iosaphat contra Israel, quod necesse est, quod aliqua bella fecerit contra Israel, & non est sufficiens argumentum, scilicet, quod non ponuntur aliqua bella in litera sacre scripturæ, ideo, quod nulla fecerit: quia multa fuerunt facta, quæ non ponuntur in sacra scriptura: potissimè cum colligatur hic, quod aliqua bella fuerunt inter Iosaphat, & Israel, in quibus Iosaphat inualescere potuerit. Dicunt ergo aliqui, quod ista bella fuerunt tempore Achab, & contra Achab: quia ille fuit primus rex Israel, cuius tempore regnauit Iosaphat rex in Iuda, ut patet tertio Regum vigesimo secundo, scilicet, quia quarto anno regni eius cepit regnare, sed videtur, quod tempore huius non fuerint bella inter Iosaphat, & Israel: quin potius cõiuncti fuerant amicitia Iosaphat, & Achab: quia accepit Iosaphat filiam Achab in uxorem filio suo Ioram: unde dicitur ei affinitate coniunctus sequenti capitulo, & non solum fuit affinitas inter eos, sed etiam fuit exhibitio operum amicitia: quia quando Achab iuit in bellum contra Syros in Ramoth Galaad, iuit cum eo Iosaphat rex Iuda, & fuit ibi in periculo sequenti capitulo. Etiam erat communicatio magna inter istos duos reges, ita quod interdum ibat vnus eorum in regnum alterius, & alius in regnum alterius, ut congaderent in communicatione. Sic patet de Iosaphat, qui descendit ad visitandum Achab, & erat cum eo in Samaria, amboque sedebant in porta Samaria in solijs suis regalibus induti cultu regio, ut patet sequenti capitulo, & 3. Regum vigesimo secundo. Item tanta erat amicitia inter eos, quod ea, quæ erant vnus erant totaliter alterius. Sicut pater ex verbis eorum subsecutis operibus: nam quando Achab vellet ire ad pugnandum in Ramoth Galaad, rogauit Iosaphat, vel potius quesuit ab eo, an vellet venire cum ipso in Ramoth Galaad, & dixit Iosaphat: Sicut ego sum, ita & tu: populus meus, & populus tuus vnum sunt: equites mei, equites tui: sequenti capitulo, & tertio Regum vigesimo secundo. Et sic factum est, quia cum eo iuit in bellum. Non ergo erat verisimile, quod inter Iosaphat & Achab essent vlla bella, cum essent amicitie tam solide inter eos: dicit ergo aliquis, quod non fuerunt bella inter Iosaphat & Achab: fuerunt tamen inter Iosaphat & posteros Achab. Sed dicendum, quod hoc non stat, quia Iosaphat non regnauit nisi tempore duorum regum post Achab regem Israel: scilicet, tempore Ochozie, & Ioram fratris eius, & ambo erant filij Achab. Non erat autem verisimile, quod contra istos faceret bella: quia soror eorum Athalia erat vxor filij sui Ioram. Ista tamen non est solida ratio: quia interdum inter affines sunt bella: ideo patet aliter, & firmitus, scilicet,

ff quia

quia cum utroque istorum habuit concordiam magnam Iosaphat, & amicitiam. De Ochozia patet, quia Iosaphat, & Ochozias fecerunt classem in Asiongaber, ut mitterent pro auro in Tharsis, & propter illam concordiam fractæ sunt naues Iosaphat, & tanta fuit amicitia & concordia Iosaphat cum istis tribus regibus Israel, quod reputatum est ei in peccatum. Et patet primo, quando Iosaphat auxiliatus est Achab in bello: nam venit ad eum propheta, dicens: Impio præbes auxilium, & his, qui oderunt dominum amicitia iungeris, & ideo iram quidem domini merebaris, sed bona opera inuenta sunt in te. infra decimo nono. sed post hoc non obstante isto habuit Iosaphat amicitiam magnam cum Ochozia filio Achab rege Israel, & particeps fuit cum eo ad mittendum naues in Ophir, siue in Tharsis, & propter amicitiam illam dominus confregit naues in Asiongaber, nec potuerunt ire in Tharsis: infra vigesimo, & tertio Regum vigesimo secundo. Non ergo est verisimile, quod haberet bella aliqua Iosaphat contra Ochoziam regem Israel. De Ioran fratre eius, qui fuit tertius rex, etiam patet, quod habuerit cum eo amicitias magnas: nam exposuit se pro eo morti, sicut pro patre suo Asa. Nam in adiutorium eius iuit contra regem Moab ad bellum, & fuit in periculo mortis ipse, & suus exercitus propter defectum aquarum. quarto Regum tertio, nisi confuissent dominum per Eliseum, qui dedit modum ad habendum aquam, ut patet ibidem. Non ergo videtur, quod bella aliqua habuerit Iosaphat cum regibus istis. Nam non solum habuit aliquando amicitias cum eis, sed etiam fuerunt amicitie semper manentes à patre in filios. Ideo dici potest vno de duobus modis: vno modo, quod Iosaphat inualuit contra Israel in aliquibus bellis, quæ habuit contra regem Achab. Alio modo, quod inualuit contra Israel: non quidem premendo Israelitas, sed faciendo, quod non possent Israelitæ contra eum præualere. De primo patet: nam non est putandum, quod Iosaphat habuerit aliqua bella cum Achab, & posteris suis postquam semel affinitate iunctus est eis, & contraxit amicitias cum illis, quia amicitie manserunt semper illasæ: sed potuerunt esse bella in principio regni Iosaphat, antequam contraherentur amicitie suæ, & in illis bellis præuuleret Iosaphat contra Israel, & inde esset exordium ad componendum amicitias, & inducendum affinitatem. De secundo modo patet, quia Iosaphat confortatus est in regno, & fuit tam potens, quod inualuit contra Israel, non quidem superando eum in aliquibus bellis, sed quia taliter se habebat, quod posset superare Israelitas si congregarentur. Et dicendum, quod iste modus secundus est verisimilior, & tenendus est: quia non est verisimile, quod bella aliqua fuerint inter Achab, & Iosaphat: nam aliqua scriptura faceret mentionem de illis saltem in generali, & tamen nec in libro isto, nec in tertio Regum, ubi ponitur ista historia non fit mentio, quod aliqua bella fuerint inter Iosaphat & Achab. Quod autem inualuerit secundo modo est verisimile, quia tempore Asa patris Iosaphat Iudæi erant aliquantulum oppressi ab Israelitis: quia ex eo, quod peccauerat non confidendo in domino, sed in rege Syriæ prænuñciauit ei Deus, quod insurgerent bella contra ipsum, & in illis bellis erat inferior viribus, & affligebatur ipse, & viri sui: eo quod in poenam data erant, & tamen si ipse obtineret in eis, non esset pena, sed gloria. Durauit autem hoc toto tempore Asa: quia semper ille mansit in hac diffidentia: nam etiam in egritudine, de qua mortuus est, non quesituit dominum, sed medicorum arte confusus est: ut patet præcedenti capitulo. Tempore autem Iosaphat filij eius non continuatum fuit sic, scilicet, quod

Israelitæ premerent Iudæos, sed tantum confortatus est Iosaphat, quod timuerunt Israelitæ molestare Iudæos, in quo aliquo modo se minores viribus cognoscebant, & sic inualuit Iosaphat contra Israel. Et hoc etiam patet: quia dicitur, quod fuit dominus cum Iosaphat, & tamen quando Deus est cum aliquo, nullus præualet contra eum, sed ipse contra omnes: ideo præualebat Iosaphat contra Israelitas. Item patet, quia dicitur, quod confirmauit dominus regnum eius. Si ergo dominus confirmauerat, non poterant hostes infirmare vexando illum, & subditos. Item patet magis, quia Iosaphat subiecerat sibi gentes multas bello, & alia conuicina videntes vires Iosaphat, non audebant pugnare contra eum, & sic cum subiecit Iosaphat eas sibi in tributum, & etiam Arabes, videns hoc Achab rex Israel, qui tunc erat, timuit pugnare contra eum: & sic inualebat contra Israel. Item adhuc magis patet, quia Deus incussit specialem timorem omnibus habitatoribus terræ, ut nullus auderet pugnare contra Iosaphat, & sic Israelitæ, qui solebant opprimere Iudæos, non ausi fuerunt deinceps pugnare. Sic patet, infra in litera, cum dicitur: itaque factus est timor domini super omnia regna terrarum, quæ erant per gyrum Iuda, nec audebant bellare contra Iosaphat: & isto modo dicendum est, quod inualuit Iosaphat contra Israel.

Quæ vrbes essent illæ de terra Ephraim.

Quæst. IIII.

QUÆRITVR vltterius, cum dicatur hic, quod posuit Iosaphat præsidia in vrbibus Ephraim, quas ceperat pater suus Asa, quæ vrbes erant istæ de terra Ephraim. Dicendum, quod Iosaphat habebat vrbes, quæ fuerant de tribu Ephraim, quas ceperant sui prædecessores. Nam habuerunt contra Israelitas aliquando bellum, & quia Deus confortabat eos, ceperunt aliquas vrbes de terra Israel, & non fuit aliqua tribu, de cuius ciuitatibus facilius capere possent, quam de ciuitatibus Ephraim. Et ratio est, quia nulla tribus Israel habebat sortem suam magis coniunctam terræ Iuda, quam tribus Ephraim. Nam sors sua, & sors Ephraim coniunctæ erant in lateribus nulla sorte intermedia: ut patet Iosue 18. Quia ibi ponuntur in latere sortis Benjamin aliquæ vrbes, quæ etiam erant in latere sortis Ephraim, & Manasse, ut colligitur Iosue 16. & 19. Erat tamen tribus Benjamin de regno Iudæ: ideo non erat aliqua tribus magis coniuncta regno Iudæ, quam terra Ephraim, & sic Israelitis pugnanti- bus contra viros regni Iuda, non poterant viri Iuda capere vrbes promptius de aliqua tribu, quam de tribu Ephraim. Sed nunc est dubium circa istas vrbes de tribu Ephraim, quis ceperit eas, an Asa pater Iosaphat, vel Abia pater Ala. Litera autem dicit, quod cepit eas Asa. Multi tamen tenent, quod cepit eas Abia. Et ratio est, quia de Asa non reperitur aliquod bellum factum contra Israelitas, in quo fiat mentio, quod ceperit aliquas vrbes de terra Israel, & tamen de Abia reperitur, quod ceperit vrbes aliquas de terra Israel. Nam ipse pugnavit contra Ieroboam primum regem Israel, quando occidit quinquaginta milia virorum de exercitu Ieroboam, fugatusque est Ieroboam à facie eius, & totus Israel: tunc enim cepit vrbes quædam de terra Israel, quæ nominantur supra decimo tertio, & ille videntur esse de terra Ephraim, quia illa erat magis coniuncta terræ Iudæ. Dicendum ergo, quod dubium est, quis ceperit ciuitates, de quibus hic dicitur, an Abia, vel Ala: nam dato, quod aliquas cepisset Ala, necesse erat, quod

quod intelligeretur etiam hic de ciuitatibus, quas cepit Abia: quia aliquas cepit Abia, ut patet supra 13. & tamen litera loquitur hic de omnibus ciuitatibus, quæ erant sub potestate Iosaphat, quia in omnibus posuit præsidia contra hostes, quod satis colligitur: quia dicitur, quod posuit numeros militum, & præsidia in omnibus urbibus Iuda, & in omnibus urbibus, quas Asa pater suus ceperat de tribu Ephraim: non ergo dimitteret aliquas urbes, in quibus non poneret præsidia: quia omnes egebant præsidij contra hostes, & potissimè illæ, quæ fuerant aliquando de terra Israel: non ergo poneret præsidia Iosaphat in urbibus regni sui, & in urbibus, quas ceperat Asa pater suus de terra Ephraim, & omitteret ponere præsidia in urbibus, quas auus suus Abia ceperat de terra Ephraim. Ideo quomodo-cunque se habeat res, necesse est dici, quod posuerit Iosaphat præsidia in urbibus, quas ceperat Abia auus suus de terra Ephraim. Dicendum, quod licet utrumque posset teneri aliquo modo, magis videtur tenendum, quod istæ urbes, de quibus hic dicitur, fuerint capte de terra Ephraim per Asa patrem Iosaphat. Ratio huius est, quia nunquam recedendum est à cortice literæ, sine necessitate. Cum ergo dicatur hic, quod Asa pater Iosaphat ceperit urbes aliquas de tribu Ephraim, necesse est concedi, quod sic fuerit nisi apparet aliqua cogens ratio ostendens, quod debeat aliter intelligi, & tamen non apparet aliqua talis ratio: ideo non debemus aliter confiteri. Dicere autem, quod istas urbes ceperit Abia auus Iosaphat est recedere à cortice literæ: quia trinæ dicimus, quod pater, & filius computantur pro eadem persona, & non tam propriè dictum, sicut itando cortici literæ. Secundò patet hoc, quia ista eadem sententia repetitur in alio loco: nam supra decimo quinto cap. dicitur, quod Asa abstulit idola de terra Iuda, & Benjamin, & de urbibus, quas ceperat montis Ephraim, & hic iterum dicitur, quod posuit Iosaphat præsidia in urbibus, quas Asa pater suus ceperat de terra Ephraim: ergo concedendum est, quod Asa tulit aliquas urbes de terra Ephraim. Et quando obijcitur, quod non apparet aliquod bellum, in quo Asa ceperit urbes de terra Israel, dicendum, quod scriptura non omnia refert expressè, sicut facta sunt: quia omittit multa propter breuitatem: potissimè, quia necesse est concedere fuisse aliqua talia bella, cum hic dicatur, quod Asa ceperit istas urbes: nihilominus tamen dicendum est, quod illas etiam urbes ceperit Abia auus Iosaphat de terra Israel: sicut patet supra decimo quarto, & in illis posuit etiam nunc præsidia Iosaphat, & illæ intelliguntur sub nomine ciuitatum quas cepit Asa pater Iosaphat.

Quomodo Deus fuit cum Iosaphat.

Quest. V.

QVAERITUR ulterius, cum dicatur, quod Deus hic fuit cum Iosaphat, quomodo fuit hoc. Respondendum, quod dupliciter potest intelligi. Vno modo, quod Deus fuit cum illo dirigendo eum in via morum, ne erraret in lege sua, & sic dicitur cum illo, qui est in charitate, iuxta illud. prima Cor. quarto, scilicet Deus charitas est, & qui manet in charitate in Deo manet, & Deus in eo. Alio modo poterat esse Deus cum eo, scilicet dirigendo eum in omnibus actibus suis quantum ad bona temporalia, & euentus rerum. Et dicendum, quod utroque modo dicitur Deus esse cum aliquo, & fuit utroque modo cum Iosaphat, scriptura tamen magis consuevit dicere esse Deum cum aliquo secundo modo, quam primo.

Alph. Toft. super lib. Paralip. Pars 2.

A Et ratio est, quia scriptura sequitur in multis modum loquendi vulgarem, & tamen modus vulgaris tenet secundum, & non primum. Et patet hoc Gene. 26. ubi dicitur quomodo Philisthini, inter quos morabatur Isaac in terra Geraræ, affligebant, & molestabant eum, & Deus prosperabat eum in omnibus actibus suis intantum, quod semel Isaac seminauit in terra illa, & collegit in anno ipso centuplum, de quo admirati sunt valde Philisthini videntes manifestè, quod istud à Deo erat, & cum recessisset de terra illa Isaac iuit ad eum Abimelech rex Philisthinorum, cum magna turba petendo fœdera cum Isaac, quia timebat eum: eo quod viderat in eo manifestè diuinum adiutorium. Ad quos Isaac ait: quid venistis ad me hominem, quæ odistis, & expulistis à vobis? Et illi dixerunt: vidimus tecum esse Dominum, & diximus sit iuramentum inter nos, ne noceas nobis, sicut nos nihil tuorum attigimus. Ecce isti confessi sunt Deum esse cum Isaac, quia prosperabantur actus eius supra modum communem illorum hominum. Sic etiam patet de Ioseph, cum quo putauit dominus suus Putiphar esse Deum: quia omnes actus eius dirigebantur, & prosperabantur valde: ut patet Gen. 39. scilicet. Ioseph perductus est in Aegyptum: fuitque dominus cum eo, eratque vir in cunctis prosperè agens: habitabatque in domo domini sui, qui optimè nouerat dominum esse cum eo, & omnia, quæ gereret ab eo dirigi in manu illius. Ecce ergo qualiter cognoscebatur Deum esse cum aliquo, quando dirigebantur, & prosperabantur actus eius. Nunc dicendum, quod in Iosaphat erant ambo hæc. De primo patet, quia Deus dedit ei cor inclinatum in cultum suum: nam desiderabat Iosaphat colere Deum, & colebat: habere autem tale cor non est ab homine, sed à Deo pulsante nos, & mouente ad desiderandum. Sic colligitur Deutero. quinto, cum Iudæi dixerunt, quod obseruarent omnia, quæ Deus locutus fuerat, ait Deus: benè omnia sunt locuti, quis det eos talem habere mentem, ut timeant me, & custodiant vniuersa mandata mea? quasi dicat, habere talem mentem non est in potestate eorum: sed ab alio pendet. Sic etiam patet, in oratione Salomonis. secundo Regum octauo: cum dicitur, sit dominus Deus noster nobiscum, sicut fuit cum patribus nostris non derelinquens nos, nec proijciens, sed inclinet corda nostra ad se, ut ambulemus in vniuersis vijs suis. Habebat autem tale cor Iosaphat: ideo Deus ei illud dederat: potissimè, quia dicitur, quod ambulauit in vijs David patris sui, in quo signatur magna perfectio eius. De secundo etiam patet, quod Deus fuit cum eo dirigendo actus suos, quia in omnibus, quæ cepit Deus prosperauit eum. Nam cum regnare cepit confirmauit Deus cor eius, sicut dicitur hic in litera: Et tamen non dicitur hoc de alijs regibus. Et hoc fuit, quia Deus conciliauit sibi animos subditorum suorum, ut sponte subijcerentur ei, & sic regnum suum esset firmum. Etiam prosperauit eum dominus: quia tempore Asa patris sui Israelitæ premebant aliquo modo viros Iuda, & erant superiores eis: tempore autem Iosaphat fuit contrarium, quia inualuit Iosaphat contra Israel, sicut dicitur in litera. Item: prosperatus est, quia in bellis suis obtinuit semper, nam pugnavit contra Philisthinos, & subiecit eos sibi in tributum. Pugnavit etiam contra Arabes, & subiecit eos. infra in litera. Item in alio prosperatus est specialiter, quia Deus misit terrorem eius super omnes gentes, quæ erant in circuitu, & non audebant pugnare contra eum: ut patet in litera: cum dicitur, itaque factus est timor domini super omnia regna terrarum, quæ erant per gyrum Iuda, & non audebant bellare contra Iuda. Item.

Et 2 pro-

prosperatus fuit adhuc magis, & fuit Deus cum eo, quando ipso non pugnante Deus occidit inimicos eius, quia veniebant contra Iosaphat Ammonitæ, & Moabitæ, & Idumæi, & Syri, & Deus turbauit eos, & pugnaverunt quidam contra alios tanquam pugnarent contra hostes, & sic mutuis se vulneribus truncauerunt, infra vigesimo. Nec vnquam legitur Iosaphat in aliquo habuisse iniquum successum, nisi cum peccaret contra dominum. Nam adiuuando regem Achab in bello contra Syrios peccauit Iosaphat, & fuit in periculo mortis Syris circumdantibus eum, & putantibus esse regem Achab, quousque clamauit: & tamen adhuc Deus eum liberauit. sequenti capitulo, & tertio Regum vigesimo secundo, & sic prosperè se habuit. Iterum autem peccauit, quia amicitias iniuit cum Ochozia rege Israel: etiam ob hoc naues eius contrafactæ sunt in Asiongaber, infra vigesimo, & tertio Regum vigesimo secundo. Et loquendo generaliter non legitur aliquis de regibus Iuda tantum prosperatus in omnibus negociis suis, & pauciora incommoda passus: ideo recte de eo dicitur, quod erat Deus cum eo, scilicet prosperando illum in omnibus, ad quæ manum mitteret.

An ambulauit Iosaphat in vijs David.

Quest. VI.

QVAERITVR vterius, quare dicitur hic, quod ambulauit Iosaphat in vijs David. Respondendum, quod scriptura vult laudare hic Iosaphat: & quia tunc aliquis laudatur, quando similis optimo predicatur, & David erat optimus inter reges, voluit scriptura comparare eum David dicens, quod ambulauit in vijs David, & istud est secundum modum naturæ. Nam secundum naturam teste Aristotele, in quolibet genere id, quod est primum, & perfectissimum, est mensura omnium aliorum, & per accessum ad illud mensuratum perfectum omnium aliorum. Sic autem erat in genere iustitiæ legalis, quia inter Iudæos nullus fuit iustior legaliter quam David, scilicet, quia ipse plenius, & cum maiori seruiore, & deuotione obseruaret legem Dei, quam omnes alij. Ideo magis debuit Iosaphat comparari ei, quam alicui alteri. Sed tunc obiicietur, quod non fuit David maior omnibus regibus Iuda ad hoc, quod ponatur ipse tanquam mensura, & exemplum bonitatis omnium. Nam David peccauit grauissimè, scilicet, quia occidit iniuste Uriam Hethæum, qui erat miles fidelissimus sibi, atque valde deuotus. Etiam cognouit Bethsabeæ adultero coitu. Etiam numerauit populum: fecit quoque quedam alia, in quibus culpabilis reperitur: non ergo videtur, quod fuerit optimus ille, qui fecit tam grauia scelera. Secundò patet, quia videtur, quod quidam reges fuerint meliores eo, scilicet Iosias, & Ezechias, de quibus non narratur aliquod peccatum, potissimè de Iosia, qui tam zelantissimus extitit diuini cultus, quod totam idolatriam abstulerit: ita quod nihil omnino maneret in terra Israel, vt patet infra 34. & 4. Regum 23. cap. & ponuntur laudes eius valde magnæ Ecclesiastici 49. capit. Isti ergo, qui tanta bona fecerunt, & nullum malum leguntur fecisse, erunt meliores quam David: & ipse, vel aliquis eorum deberet poni tanquam mensura bonitatis inter reges, & non David. Respondendum, quod David fuit melior inter omnes reges Iuda, & Israel, & ipse poni debet tanquam exemplar totius bonitatis: & hoc fuit primò in recedendo a malo: secundò in accedendo ad bonum. De primo patet, nam David nunquam coluit idola, nec aliquid simile idola-

trie habuit: sed omnino detestatus est eam, vt colligitur ex omnibus gestis eius. Secundum patet, scilicet in accedendo ad bonum: nam ipse omnino accessit ad Deum, scilicet in toto corde suo nihil sibi relinquens: nam habuit spem firmissimam in Deo in omnibus angustiis suis, & exposuit se magnis periculis solùm confidens diuino adiutorio. Sicut patet quando pugnavit contra Goliath Getheum. primo Regum 17. & non desijt aliquando confidere in domino: sicut Asa pater Iosaphat, de quo patet præcedenti capitulo. Etiam fuit vir patiens in angustiis, scilicet, quando filius suus Absalon persequabatur eum ad mortem, & ipse fugeret de Ierusalem nudis pedibus, exiuit Semei de Baurim, & cepit maledicere ei, & iacere lapides, & puluerem contra eum: & tunc Abisai filius sororis David voluit occidere illum, & dixit David, quod non mitteret manum in eum, sed permetteret, quod malediceret ei, quia Deus suscitabat illum contra se ad maledicendum: nec erat iniustum, quod ille malediceret ei, cum filius suus, qui egressus fuerat de lumbis suis, quæreret animam eius. secundo Regum decimo sexto. Ista autem erat magna tolerantia: habuit tamen David super cæteras vnam excellentissimam virtutem, in qua nullus de regibus Iuda, & Israel fuit ei æqualis, scilicet, quia desiderauit ardentissimè cultum Dei, & nihil erat, quod ipse non faceret pro ampliatione cultus diuini. Et patet in hoc, quia ipse fuit primus, qui voluit domino facere templum, in quo quiesceret arca eius, & in quo ipse coleretur. Nam ante ipsum nullus de regibus nec iudicibus, aut quibuscunque principibus Israel tentauit facere domino domum, in qua maneret arca: imò nec cogitauerat: ipse verò cogitauit hoc, & postquam congregauit pecuniam magnam sufficientem ad istam ædificationem dixit propheta Natham, quomodo vellet ædificare domum domino, quia iniustum erat, quod ipse habitaret in domo cedrina, & arca Dei maneret sub pellibus: præcedenti libro 17. capit. & 2. Regum 7. Item patet bonitas sua in hoc, quia Deus ipse laudauit valde David de hoc dicens, quod ipse vellet facere, quod Deus nulli facere mandauerat, & quod propter hoc ipse benè faceret nomen eius, & gloriam suam in immensum. Item patet, quia nullus de regibus tanta vnquam obtulit in cultum Dei, sicut David: ipse namque consecrauit domino totum aurum, & argentum, quod habuerat ex omnibus bellis, vt ex illo ædificaretur domino templum: sic patet præcedenti libro 18. scilicet, sed & omnia vasa ænea, aurea, & argentea consecrauit David domino cum argento, & auro, quod tulerat de vniuersis gentibus: tam de Idumæa, & Moab, & filijs Ammon, quam de Philistiim, & Amalech. Item David apparebat melior omnibus regibus in hoc, quia præter hoc, quod omnia sua dabat ad ædificationem templi domini, & prohiberetur ædificare: ipse congregauit cum magno labore omnes necessarias impensas, scilicet lapides, & ligna, & similia, & etiam artifices: ita vt quando Salomon regnaret, nihil ei deesset nisi velle ædificare, & iubere, vt patet præcedenti libro 12. capitulo. Item fuit desiderium suum valde magnum circa istam ædificationem: vnde congregato toto populo admonuit Salomonem filium suum, vt post mortem suam faceret istud opus. Etiam omnes de populo hortatus est, vt eum fideliter adiuuarent quatenus compleretur opus. præcedenti lib. 22. & 28. Item tantus fuit seruiore David circa hoc, quod non solùm ipse obtulit omnia, quæ habebat pro ædificatione templi domini, sed etiam mouit populum ad offerendum persuasionibus deuotis, & obtulerunt principes, & populus magna munera. præcedenti libro vigesimo nono. Item

Item ex magno ardore Dauid circa cultum diuinum, non solum voluit providere circa locum, in quo Deus coleretur edificare templum, sed etiam providit, circa ministros diligenter dando alium modum ordinationis sacerdotum, & Levitarum, secundum quem quem Deus abundantius coleretur, & ministri ordinatus se haberent: ut patet precedenti libro 23. & 24. & 25. & 26. capitulis. Item cum Dauid prohibitus esset à Deo edificare sibi templum: quia erat occupatus bellis, non ob hoc cessavit ab affectione magna colendi eum. Nam ipse iuit pro arca, quæ manebat in domo Aminadab in Chariathiarim, manserat enim ibi arca ex tempore, quo reducta fuerat de terra Philistinorum, & non erat in loco satis honorabili: quia nullæ cæremoniæ honoris coram ea fiebant: sed solum erat in domo Aminadab sacerdotis, & filius eius Eleazarus habebat officium custodiendi eam, scilicet ne quis accederet ad eam indebitè. primo Regum 7. Dauid autem voluit eam ponere in loco honorabili, adduxitque illam cum magna solennitate congregato toto Israel in Ierusalem, & posuit in domo Obedom Leuitæ. Cumque ibi mansisset tribus mensibus, transtulit iterum eam honorabilissimè Dauid in domum suam cum magnis sumptibus: ut patet 2. Regum 6. & precedenti libro 13. & 15. Parauit autem ei Dauid locum honorabilissimum in domo sua, in qua maneret arca, quousque fieret ei templum, & coram ea statuit manere sacerdotes, & Levitas, qui quotidie sacrificia facerent, & laudes diuinas cantarent: precedenti libro 16. capitulo, & iste modus mansit, quousque templum per Salomonem factum est. Nam tunc translata est arca de domo Dauid, & non manserunt ibi postea sacerdotes offerentes sacrificia, nec leuitæ cantantes laudes diuinas, sed omnia hæc in templum translata sunt. Amplius autem Dauid habebat maximum virtutis suæ, & humilitatis: quia tantum desiderabat Deum colere, quod pro cultu eius non dubitabat seipsum vilificare. Sicut patet, quando portata fuit arca de domo Obedom Geti in domum Dauid. Nam tunc, ut ostenderet cultum, quem Deo præstare volebat, & ut incitaret reliquum populum ad Deum laudandum, ipse se nudauit vestibus regalibus, & induit se stola bissina: sicut leuita, & saltabat coram arca totis viribus: intantum, quod vxor sua eum contempsit, videns ipsum de fenestra: ut patet 2. Regum 6. cum ait Michol vxor sua: Quam gloriosus fuit hodie rex Israel discoopariens se ante oculos seruorum suorum, & nudatus est quasi si nudetur vnus de scurris. Et Dauid valde humiliter respondit, dicens: Viuit dominus, quia ludam ante dominum, qui elegit me potius, quam patrem tuum, & omnem domum eius, & præcepit mihi, ut essem dux super populum suum Israel: ludam, & vilior fiam plusquam factus sum, & ero humilis in oculis meis, & cum ancillis, de quibus locuta es, gloriosior apparebo. Istam autem alacritatem mentis, & abiectionem sui ipsius propter cultum Dei nullus regum Iuda habuisse legitur nisi Dauid: ideo ipse valde melior, & à Deo magis dilectus cæteris fuit: unde non immeritò de eo Deus dixit inueni virum iuxta cor meum. primo Regum 13. & Psal. 88. qd de nullo alio hominum in sacra scriptura legitur Deum dixisse. Item Dauid fuit melior omnibus: quia propter ipsum donata sunt regibus omnia bona, quæ habuerunt. Nam propter peccatum Salomonis perituum erat regnum de manu posterorum suorum, & tamen propter Dauid Deus reliquit ei partem. 3. Regum 11. Sic etiam tempore Roboam, & Abiæ, cum iterum Iudæi declinarent ad idola, perituum erat regnum: sed Deus voluit dare lucernam Dauid. 3. Regum 15. Iterum simile tempore Ioram

A & filij huius Iosaphat, de quo hic agitur. 4. Reg. 8. Et non dicitur de aliquo alio rege, qd propter eum aliqua talia facta fuerint: ideo fuit melior Dauid, quam omnes alij reges Iuda, & consequenter ipse poni debuit, tanquam exemplar bonitatis posterorum. Cum autem obijcitur, qd non poterat Dauid esse exemplar bonitatis inter reges Iudæorum, qui in tantis peccauerat malis. Dicendum, qd hoc non obstat, quia peccauisse aliquando, non inducit nunc necessariò malum esse: etiam non inducit deteriore esse alijs, & sic potest Dauid esse melior alijs regibus Iuda: licet peccauerit in omnibus, quæ relata sunt etiam in aliquibus alijs. Ad secundum cum dicitur, qd alij reges fuerunt meliores, quam Dauid inter Iudæos, quia quidam eorum fuerunt, qui non leguntur in aliquo peccasse, & insuper multa bona fecerunt, sicut fuit Iosias, & Ezechias. Responderi potest vno modo, qd non positus fuit aliquis eorum tanquam exemplar bonitatis, sed Dauid: quia dato qd melior esset illorum quilibet, quam Dauid: tamen non poterat poni aliquis istorum: quia nunc tempore Iosaphat nondum præcesserat quilibet istorum, aut aliquis, quem imitari posset Iosaphat, sed postea fuerunt, & inter omnes, qui nunc iam præcesserant, non fuerat aliquis tam bonus, sicut Dauid: imò omnes, qui præcesserant mali fuerunt nisi Dauid. De primo rege, scilicet Saule patet, quia propter malitiã eius Deus transtulit regnum de progenie eius in domum Dauid: primo Regum decimo quito, & decimo octauo. & illum omnino à facie sua abstulit. secundo Reg. septimo, & precedenti lib. decimo septimo. Deinde fuit Dauid, postea Salomò, qui pessimus fuit in senectute fabricans templa idolis: ita ut propter peccata sua Deus ablaturus esset regnum totaliter de domo eius, nisi abstinuisset propter merita Dauid, ut relinqueret ei lucernam: ut patet 3. Regum 11. Deinde fuit Roboam, qui etiam fuit malus, & contra eum ascendit Sefach rex Aegypti, & rapuit omnia vasa templi domini, & thesauros regis. 3. Regum 14. & supra 12. & tamen non cessauit ob hoc ab iniquitate sua, sed fuit tota terra plena idolis: ut patet 3. Regum 14. & 15. post eum fuit Abia, qui paucò tempore, scilicet tribus annis tantum regnauit, & tamen malus fuit, quia coluit idola. Nam etiam tempore suo erant multa idola in terra, sicut tempore Roboam patris sui. 3. Regum 15. post hunc fuit Asa pater huius Iosaphat, qui quidem quantum ad idolatriam nunquam peccauerat: sicut dicitur supra 15. scilicet, cor Asa perfectum erat cum domino cunctis diebus eius, & tamen peccauit nimis in diffidentia: quia habuit maiorem cõfidentiam in rege Syriæ, quam in Deo quantum ad bella, & maiorem cõfidentiam quantum ad agnitudinem in medicis habuit, quam in Deo, precedenti capitulo: ideo nullus priorum erat, qui posset poni tanquam exemplar sanctitatis, nisi Dauid. Ezechias autem, & Iosias, qui fuerunt viri valde boni, nondum fuerant, sed multo post extiterunt. Secundo modo, & melius responderi potest, qd dato qd Iosias, & Ezechias fuissent ante Iosaphat, nullus istorum positus fuisset tanquam probitatis exemplar cui simaretur Iosaphat: sed Dauid poneretur. Et ratio est, quia Dauid fuit melior, quam Ezechias, & Iosias. Et patet hoc: quia cum scriptura vult laudare istos, qd fuerunt valde boni, dicit de eis, qd ambulauerunt in vijs Dauid patris eorum. De Ezechia patet quarto Regum decimo octauo. De Iosia patet eodem libro vigesimo tertio capitulo. Cum verò obijcitur, quod isti non leguntur peccasse, & fuerunt boni valde: Dauid autem peccauit grauissimè, videtur quod fuerit quilibet istorum melior, quam Dauid. Dicendum, qd non tenet consequentiã, quia maior perfectio est per maiorem meritum.

Potest autem aliquis, qui peccauit peruenire ad maiora merita, quàm aliquis, qui non peccauit: ideo sanctior erit, sic patet de Magdalena, quæ fuit famosa peccatrix, & tamen illa sanctior est, quàm illi, qui baptizati, mox moriuntur, & tamen illi nunquam peccauerunt, ita fuit in Dauid: quia licet ipse peccauerit grauiter, & isti, de quibus hic dicitur, scilicet Iosias, & Ezechias non peccauerint: tamen fuit sanctior Dauid, quàm illi, quia fecit opera maioris perfectionis. Nam Ezechias & Iosias, non coluerunt Deum tam alacri animo, sicut Dauid: nec tantum sollicitabantur in colendo eum, nec tantum se humiliabant, ut eum colerent: & multa alia signa probitatis fuerunt in Dauid, quæ non fuerunt in Ezechia, nec Iosia, nec in aliquo alio de regibus Iudæ, ut supra declaratum est. Ipse ergo ponitur, ut exemplar probitatis, & imitationis Iudæ Iosaphat, & quibuscunque alijs.

Quare dicitur, q̄ Iosaphat ambulauit in vijs Dauid.

Quest. VII.

QUÆRITUR vterius, cum dicatur in litera, q̄ ambulauit Iosaphat in vijs primis Dauid, cur hoc dicitur, vel quare sit ista distinctio, & non dicitur absolute, q̄ ambulauit in vijs Dauid. Aliqui dicunt, q̄ hoc dicitur ad signandum gradum perfectionis non magnum in Iosaphat. Pro quo sciendum, q̄ homo, qui peruenit ad aliquam perfectionem sanctitatis prius est in via imperfectionis, ut communiter: vel saltem prius est in gradu incipientium: assignantur enim isti gradus in bonitate, scilicet incipiens, proficiens, & consummatus. Incipientium gradus est in eis, qui nouiter boni incipiunt esse: nec adhuc aliquos bonitatis fructus habent, sed illos tunc habere incipiunt. Et sic signatur, q̄ Iosaphat imitatus est vias Dauid, non quidem, ut proficientis, vel consummati, sed ut incipientis, ut signetur, q̄ ad paruum gradum bonitatis perueniret: nec fuerit villo modo æqualis ipsi Dauid. Ideo dicitur, q̄ ambulauit in vijs eius primis, quæ sunt viæ incipientium, & non in secundis, quæ sunt viæ proficientium, nec in tertijs, quæ sunt viæ consummatorum. Sed dicendum, quod istud non stat, quia non consonat intentioni sacræ scripturæ: quia intentio sua erat, hic laudare valde Iosaphat. Et satis apparet, quia multa hic dicit de Iosaphat, scilicet, quomodo Deus fuerit cum eo, & adiuerit eum in singulis, & posuerit terrorem eius super omnes, qui habitabant in circuitu regni sui, & multa alia, quæ habentur in litera, & tamen si intelligeretur de primis vijs Dauid, id est de vijs incipientis, valde parua laus esset: quia facile est imitari quodlibet bonum incipientis: quia tunc nulla virtutis merita habet adhuc, sed habere incipit: imitari autem consummatum, vel proficientem est aliqua laus: ideo non intelligitur sic. Alij dicunt, q̄ intelligitur hoc ad valde magnam laudem Iosaphat, scilicet, quod imitatus fuit Dauid in bono, sed non in malo, & dicunt, q̄ viæ Dauid primæ fuerunt bonæ. Et viæ eius extremæ fuerunt malæ, & non imitatus est Iosaphat ipsum Dauid in malis, in quibus habuit extremos actus, sed in bonis, quæ fuerunt in principio viarum suarum. Dicendum, q̄ iste modus loquendi est valde ambiguus: nam dici, q̄ viæ alicuius primæ fuerunt bonæ, & viæ eius extremæ fuerunt malæ, signat ipsum damnatum esse: & tamen non cōfitemur hoc de Dauid: cum ipse sit vir sanctus: ideo intelligendum, q̄ Dauid in principio vitæ suæ, & regni sui fuit bonus, & irreprehensibilis, quia bonos actus impermixtos malis habuit. In fine autem regni fuit perfectior in bonitate, & tamen tunc errauit aliquando peccando, & nunquam peccauerat in princi-

F pio vitæ, vel regni. Et ad signandum, q̄ vita Iosaphat fuit bona impermixta malis ponitur, q̄ ambulauit in vijs primis Dauid, scilicet imitando eum pro tempore illo, quo benè agebat, & nunquam peccabat. Patet autem hoc de Dauid, quia antequam regnare inciperet, non legitur in eo fuisse aliquid irreprehensibile, sed licet Saul eum iniuste persequeretur, in omnibus se iuste habuit, & nihil mali committere voluit in Saul: sed semper se habuit ad eum, ut ad dominum, & regem: licet se potuisset habere ut ad hostem: postquam factus est etiam rex super Iudam semper se iuste habuit. Nec in toto illo tempore septem annorum, & dimidij quibus regnauit super Iudam in Hebron legitur fecisse aliquid mali, postquam verò regnauisset magno tempore super totum Israel, peccauit aliquando. Et primum peccatum fuit, q̄ adulterium perpetravit cum Bethsabee: Secundum, q̄ iussit occidi virum eius Vriam, ne patratum scelus agnoscere posset. secundo Regum vndecimo: Tertium, peccatum fuit, quod populum numerauit. secundo Regum vigesimo quarto, & tamen non consummata fuit vita Dauid in hoc: sed potius post hæc peccata habuit actus maioris perfectionis, & magis laudabiles: quàm prius, scilicet postea parauit materiam ad edificandum templum domini, & obtulit ad hoc omnia, quæ habebat, & incitauit Salomonem filium suum ad hoc, & totum populum hortatus est. Etiam post hæc ordinauit totum cultum diuinum in sacerdotibus, & Leuitis, & inter hæc sanctissima opera celestem illum spiritum Deo reddidit. Ideo consummatio Dauid fuit excellentior, quàm exordium vitæ suæ, & tamen circa finem vitæ suæ acciderunt aliqua mala permixta bonis in eo, quæ non acciderunt circa principium vitæ. Et sic Iosaphat ambulauit in primis vijs Dauid, & non in secundis: quia fuit vita eius tota bona, & non fuit commixta malis, sicut fuit extremum vitæ Dauid. Sed obijcietur, q̄ non possit hoc stare, quia etiam vita Iosaphat fuit, sicut vita Dauid. Nam in principio fuerunt actus eius boni non permixti malis. Ante finem autem vitæ habuit aliquos actus prauos permixtos bonis: nam peccauit quando prebuit auxilium Achab regi Israel contra Syros, eundo cum eo ad bellum, & increpitus fuit à domino per prophetam dicentem: impio prebes auxilium, & his qui cederunt dominum amicitia iungeris, & ideo iram quidem domini merebaris. infra decimo nouo. Peccauit & iterum quando contraxit amicitias cum rege Ochozia filio Achab, & ob hoc naues eius fractæ sunt in Asiongaber, infra vigesimo, & 3. Regum 22. Responderi potest vno modo, quod ambulauit Iosaphat in vijs primis Dauid, scilicet fecit bonum, sicut ille in principio regni, & vitæ suæ, & non secutus est peccata, quæ fecit Dauid in secundis vijs suis, scilicet non adulteratus est cum vxoribus subditorum suorum, sicut Dauid cum Bethsabee, nec occidit aliquos subditos suos ad occultandum scelera sua, sicut Dauid occidit Vriam virum Bethsabee. Secundo modo potest responderi, quod ambulauit in vijs primis Dauid, scilicet, quod habuit actus bonos impermixtos malis, sicut Dauid in principio vitæ suæ. Et quando dicitur, quod etiam peccauit Iosaphat. Dicendum, quod ista peccata non reputantur alicuius estimationis in comparatione peccatorum Dauid, & sic videtur Iosaphat nunquam peccasse in comparatione Dauid. Tertio modo potest dici, quod ambulauit in vijs Dauid primis, scilicet, quod Iosaphat in principio regni sui ambulauit in primis vijs Dauid, quia sicut Dauid in principio vitæ suæ, & regni non peccauit: ita non peccauit Iosaphat in principio regni sui: sed illud quod peccauit, fuit circa finem regni sui.

sui: hic autem scriptura agit de primordiis regni Iosaphat: ideo rectè dicitur, quòd ambulauit in primis vijs Dauid.

Quare Iosaphat non sperauit in Baalim.
Quest. VIII.

QVAERITVR vltèrius, quare dicitur hic de Iosaphat, q̄ non sperauit in Baalim. Respondendum, q̄ hoc ponitur ad laudem Iosaphat. Pro quo sciendum, quòd Baalim aliquando ponitur specialiter pro quodam idolo, quod vocabatur Baal, & aliquando generaliter pro quolibet idolo, & ad idem isti sensus reddunt, quia vtròbique signatur idolum, & est sensus, quòd non sperauerit Iosaphat in idolis: sed sperauit in Deo Israel. Et ista est magna laus eius. Primò comparando eum ad alios reges Iuda: quia ante hoc rari reges erant, qui non peccarent in idolatria. Nam post Dauid omnes aliquo modo peccabant. Nam Salomon peccauit, & totius peccati occasio fuit: quia ipse construxit templa idolis vxorum suarum in monte Oliueti: vt patet 3. Regum 11. & 4. Regum 23. post eum regnauit Roboam, cuius tempore magna idolatria fuit in terra. 3. Regum 15. post ipsum regauit Abia, tempore quoque eius idolatria fuit, quam postea abstulit Asa eodem capitulo. Post Abia fuit Asa, & iste non peccauit in idolatria, quia cor eius fuit perfectum cum domino omnibus diebus vitæ suæ, supra 15. erat tamen rarum, quòd aliquis de regibus Iuda abstineret ab idolatria, & quia Iosaphat abstinit ab ea plenè omnibus diebus vitæ suæ, ponitur ad magnam laudem eius, q̄ non sperauit in Baalim, idest in idolis. Secundò fuit magna laus ista propter societatem Iosaphat cum regibus Israel: nam Iosaphat societatem nimiam habuit cum rege Achab, in cuius tempore inualuit cultus Baal plusquam alio tempore faciente hoc regina Iezabel: intantum, q̄ habebat quadringentos, & quinquaginta prophetas Baal, qui comedebant panem de mensa Reginae. 3. Regum 18. Etiam diuisus erat Israel in duas partes quibusdam volentibus colere Deum Israel, & quibusdam volentibus credere Baal esse Deum, & volentibus colere ipsum. Vnde dixit propheta Elias toti populo congregato coram rege in Carmelo: Quousque claudicatis in duas partes? si dominus est Deus, sequimini eum: si autè Baal est Deus, sequimini eum. Etiam tanta erat auctoritas, & reuerentia Baal, q̄ reputatus est verus Deus, & facta est questio magna de inueniendo veram deitatem: scilicet, an Deus Israel esset verus Deus, vel esset Baal verus Deus, & hoc experiri voluerunt in miraculo ignis descendentis de cœlo super sacrificia, & sic factum est. 3. Regum 18. Et tamen cum Iosaphat esset in tanta communicatione cum rege Achab, & regina Iezabel, ita vt moraretur aliquando in regno Israel, & iret ad bellum cum Achab: nunquam trahi, vel allici potuit, vt coleret Baalim, vel inclinaretur ad eum. Item patet, quia non sperauerit in idolis. Nam quando Achab, & Iosaphat tractabant de eundo in bellum contra Syros in Ramoth Galaad, vocati sunt prophetae, vt prænunciarent exitum belli, & venerunt quadringenti prophetae idolorum, & omnia bona prænunciabant regi: & cum sciret Iosaphat, quòd omnes illi erant prophetae idolorum non contentus eorum vaticinio, dixit: nunquid non est hic propheta domini, vt ab illo requiramus etiam veritatem? sequenti capitulo. Ecce qualiter non confidebat in idolis, nec in prophetis eorum: ideo quærebat vnicum prophetam domini, cui fidem adhiberet, licet audiisset quadringentos prophetas concorditer contrarium sentientes. Item magnam societatem habuit Iosaphat cum Ochozia

Alpha. Golt. super lib. Paralip. Pars 2.

A filio Achab, qui fuit valde idolatra, & cum Ioram fratre eius, qui fuit postea rex Israel, & etiam fuit idolatra, tamen non inclinatus fuit vnquam ad idola, sed tenuit fidem veri Dei inconcussam. Istud autem fuit, valde laudabile, quia communicando tot malis non traheretur ab eis in suam similitudinem. Nam filius suus Ioram communicando domui Achab, tractus est in idolatriam magnam: vt patet 4. Regum 8. & infra 21. Rectè ergo ad laudem Iosaphat inter cætera poni debuit, q̄ non sperauit in Baalim, idest in idolis, sed sperauit in Deo Israel.

Quæ fuerunt illa præcepta, in quibus non ambulauit Iosaphat.

Quest. IX.

QVAERITVR vltèrius, quomodo dicitur, q̄ ambulauit Iosaphat in præceptis Dei patris sui, & non ambulauit in præceptis Israel, quæ fuerunt ista præcepta Israel, in quibus non ambulauit. Nam non data fuerunt Israeli alia præcepta, quàm viris Iuda, quia lex data est toti populo congregato ex duodecim tribubus, qui vocatur Israel. Nam tunc non erat facta diuisio aliqua populi, sed erat Iuda, & Israel vnus populus: vnde non potuerunt dari, nec data sunt alia præcepta istis, & alia illis. Respondendum, quòd Israel accipitur dupliciter: vno modo Israel pro toto populo collecto ex duodecim tribubus, eo quòd pater omnium illarum duodecim tribuum vocabatur Israel, & Iacob. Gen. 32. & 35. Alio modo accipitur Israel pro quadam parte istius populi collecta ex decem tribubus, quæ constituebat vnum regnum perse, & tunc erat distinctum regnum Israel à regno Iuda, sed eadem lex data erat omnibus, quia omnes erant idem populus. Accipiendo secundo modo Israel, erant alia præcepta Iuda, & alia Israel, & non accipiuntur hic præcepta pro præceptis legis, sed pro quibusdam alijs institutionibus, & possunt accipi dupliciter: vno modo præcepta, idest quædam ceremoniarum traditæ de institutionibus circa cultum diuinum. Nam cum regnum Israel separasset se à cultu Dei veri, & cepisset colere idola, scilicet vitulos aureos, quos fecerat Ieroboam, recessit etiam à ceremonijs cultus diuini: quia non colebant vitulos illos secundum ceremonias, quas sibi iusserat fieri Deus in lege: sed longè distantes ab his acceperunt. Nam secundum legem erat vnus locus faciendi sacrificia, & Ieroboam fecit duo principalia, scilicet vnum in Dan, & alterum in Bethel, in quibus posuit duos vitulos aureos, & alios minus principales, in quibuscunque locis terræ, quæ vocabantur excelsa Samariæ. tertio Regum decimo tertio. Item secundum legem Dei sacerdotes erant de solis filijs Aaron. Numeri tertio, & decimo sexto, & decimo octauo. & tamen Ieroboam constituit sacerdotes de quibuscunque laicis. tertio Regum decimo secundo, & supra decimo tertio. Etiam in lege Dei erant ordinatæ festiuitates in mensibus certis: Sabbathum qualibet hebdomada, & Kalendæ in principio mensis cuiuslibet, scilicet prima die, & festum Phasc, & Azymorum die quartadecima mensis primi, & festum Pentecostes, quinta vel sexta die mensis tertij, & festum clangoris, & propitiationis, & tabernaculorum, siue Scenophegiæ mense septimo. In alijs autem mensibus nullæ festiuitates erant: Leuit. vigesimo tertio, & Numeri vigesimo octauo, & vigesimo nono. Et tamen Ieroboam confinxit de corde suo festiuitatem pro mense octauo. 3. Reg. 12. Ista ergo, & similia erant mandata Israel idest institutiones, vel ceremoniarum regni Israel circa cultum diuinum: & non tenuit Iosaphat ista præcepta

Ff 4 Israel

Israel, quia istæ erant cæremoniæ idolatrarum, & tamen Iosaphat erat verè colens Deum verum Israel. Alio modo accipiuntur præcepta regni Israel, idest præcepta, quæ dederat rex Ieroboam prohibendo cultum diuinum. Nam dixit, quod nullus ascenderet in Ierusalem ad colendum Deum, sed ubiq; poterat Deus coli, & fierent ibi competenter sacrificia. Istud autem non tenuit Iosaphat: quia iuxta præceptum legis offerrebat sacrificium solum in templo domini in Ierusalem. Melius tamen accipiuntur hic præcepta primo modo.

An dominus confirmauit regnum in manu eius.

Quæst. X.

QVAERITVR vltius, quomodo dicitur hic, quod confirmauit dominus regnum in manu eius, & quid fuerit hoc. Respondendum, quod regnum confirmatur quando rex nouus: qui non habet adhuc securè, idest firmiter, & ista firmitas est respectu duorum, scilicet respectu subditorum, & respectu hostium. De subditis quidem, quod perfectè obediunt, de hostibus autem, quod nocere non possint. Vtrumque autem factum est à Deo in Iosaphat. Primò quantum ad subditos, scilicet, quod subditi benè obedirent: hoc enim fecit dominus. Nam mortuo Asa patre Iosaphat Deus reduxit subito omnes de regno ad obedientiam Iosaphat, scilicet omnes ei se subiecerunt, & tradiderunt ei fortalitia regni. Et vt appareat, quod à Deo hoc factum est, non solum subiecerunt se omnes regi Iosaphat, sed etiam tantum conciliauit Deus animos subditorum, quod in principio regni obtulerunt ei tam magna munera, quod inde factus est diues: vt patet supra in litera. Hæc autem magna dilectio nullis præcedentibus beneficijs ex parte Iosaphat, non videtur fuisse, nisi quia Deus illam incussit cordibus subditorum, & per istam dilectionem subditorum ad Iosaphat confirmabat Deus regnum eius. Alia confirmatio erat quantum ad hostes, ista erat in hoc, quia rex confortaretur taliter in apparatu bellico, & munitione locorum suorum, quod non possent hostes contra eum præualere, & istud etiã factum est: nam Iosaphat posuit præsidia in omnibus locis terræ suæ, & in vrbibus, quas pater suus ceperat de terra Ephraim, supra in litera, & istud factum est fauente Deo: quia in omnibus prosperatus est Iosaphat, & velocius ista, & breuius cõsumauit, quàm quis alius consumare posset, & hoc non erat, nisi quia Deus ista faciebat. Confirmatum est etiam regnum Iosaphat per hoc, quod gentes multas subiecit, nam subiecit sibi Philistinos in tributum, & etiam Arabes, vt patet infra in litera, & istud nõ fecit Iosaphat sine speciali Dei adiutorio, & fauore. Item magna confirmatio regni fuit, quod cum Iudæi tempore Asa patris Iosaphat essent viribus inferiores Israelitis ppter peccata Asa: in principio regni Iosaphat facti sunt superiores viribus: sic dicitur supra in litera, quod inualuit Iosaphat cõtra Israel. Maxima autem confirmatio regni fuit, quod omnes gentes, quæ erant in gyro terræ Iuda timerent Iosaphat: nam per hoc, quod timebant eum, nullus audebat pugnare contra ipsum. Et ista erat totalis confirmatio regni: quia tunc esset regnum verè securum quando nullus illud auderet molestare. Istud autem factum est à Deo, qui posuit terrorem super omnes gentes, vt patet supra in litera, scilicet: itaque factus est pavor domini super omnia regna terrarum, quæ erant per gyrum Iuda: nec audebant bellare contra Iosaphat, Deus ergo fuit, qui confirmauit regnum Iosaphat.

An pecunia data Iosaphat fuerint ex tributo.

Quæst. XI.

QVAERITVR vltius, quid est hoc, quod totus Iuda dederit munera Iosaphat, & quod inde factæ fuerint ei infinitæ diuitiæ: quomodo datæ fuerint istæ pecuniæ, an ex tributo, vel aliàs. Respondendum, quod non fuit hoc per aliquam impositionem tributi, quia tunc Iosaphat coronabatur in regem: non ergo in sua coronatione exigeret tam immoderata tributa, vt inde fierent ei diuitiæ infinitæ. Secundò patet, quia si rex tale tributum ei imposuisset efficeretur odiosus toti populo, quia esset magnus tyrannus & tamen Iosaphat erat acceptus toti populo, quia diligebant eum omnes subditi sui valde, vt colligitur ex litera, ergo nõ imposuit tunc tale tributum. Tertiò patet, quia litera videtur significare, quod gratis data sunt omnia hæc regi Iosaphat, cum dicitur: Et dedit omnis Iuda munera regi Iosaphat, factæque sunt ei infinitæ diuitiæ. Dicendum ergo videtur, quod non datæ fuerunt istæ pecuniæ regi Iosaphat ex aliquo tributo, quod ipse imposuerit, nullum ergo tale nunc imposuit in principio regni sui, sed fuerunt pecuniæ oblatæ gratis: vno modo, quod totum regnum conueniret in hanc sententiam, quod regi nouo facerent aliquam magnificam oblationem, quæ esset ad necessitates eius suppleudas in principio regni sui: etiam esset ad conciliandum animum regis sibi, & faciendum eum sibi propitium, & huic conuenit litera: quia dicitur, quod dedit omnis Iuda munera regi Iosaphat, & dicitur omnis Iuda, quia omnes de regno contribuerunt in hac oblatione, sicut si imponeretur, vt tributum. Alio modo poterat hoc fieri, quod non conueniret totum regnum in oblatione ista, ita quod fieret de publico: sed quia personæ priuatæ offerrent, quod vellent, & quia tunc quilibet vellet præcellere alium, vt fieret magis acceptus regi fierent istæ oblationes magnæ. Et sic fierent inde diuitiæ magnæ regi Iosaphat, & tunc dicitur, quod omnis Iuda obtulit munera, quia multi de Iuda particulatim offerebant munera, scilicet omnes viri potentes etiam multi alij de minoribus.

An accepit Iosaphat audaciam propter vias domini.

Quæst. XII.

QVAERITVR vltius, quomodo dicitur hic, quod accepit Iosaphat audaciam propter vias domini, & abstulit lucos, & excelsa. Respondendum, quod audacia accipitur hic largè pro confidentia, vel fortitudine: nam audacia est extremum superabundans, & est vitium oppositum fortitudini, sed conuenimus vocare audaciam ipsam confidentiam in periculis, quæ est fortitudo, & habet magnam similitudinem cum audacia. Nam sicut audax audet, ita & fortis audet: sed differunt secundum quantitatem: quia fortis audet ea, quæ audenda sunt, & audax audet tam audenda, quàm non audenda. Sciendum autem, quod istam audaciam, idest confidentiam accepit Iosaphat propter vias domini, scilicet, quia sequebatur Iosaphat legem Dei, & ex hoc prosperabatur in omnibus operibus suis: nam Deus subiecerat ei gentes, contra quas pugnauerat: nam pugnauit contra Philistinos, & subiecit eos in tributarios, pugnauit etiam contra Arabes, & illos quoque fecit tributarios: vt patet infra in litera. Et (quod maius est) Deus incussit terrorem omnibus habitantibus in circuitu, vt nullus auderet pugnare contra Iosaphat.

Et

Et ista omnia eueniebant ei, quia colebat dominum: ideo cum eueniret ei omnia prospera, assumebat magnam confidentiam ad faciendum quęcunque quantumcumque graua, & quia non erat confidentia sua, nisi propter prosperitates, quę ei eueniebant in omnibus negotijs, & iste prosperitates non erant, nisi quia colebat Deum, dicebatur habere confidentiam propter vias domini, & dicitur sumpsisse cōfidentiam istā ad tollendum excelsa, quia tollere excelsa erat aliquid difficile, & non possent tolli, nisi cum magna difficultate, & non auderet illa auferre, nisi qui esset magnę audacię, & hoc, quia fortē populus molestē ferebat, q̄ illa auferentur, & vt rex non molestaret subditos, & vt non haberet sibi illos graues, non auderet auferre: iste tamen, quia magnam audaciam sumpserat sequendo legem Domini, abstulit excelsa non formidans inimicitias populi. Alio modo potest intelligi, q̄ sumpsisset Iosaphat audaciam, quia propter vias domini abstulit excelsa. s. q̄ Iosaphat coluerat dominū sequendo vias eius, & ex hoc euenērāt ei multa prospera, ex quibus audaciam sumpserat, & quia videbat, q̄ cultus Dei erat ei tā vtilis, q̄ inde prosperabatur in omnibus operibus suis, voluit eū amplius colere, auferendo de terra lucos, & statuas. Et tunc non ponitur audacia hic, tanquam ad tollendum de terra statuas fuisset necessaria aliqua audacia, sed q̄ audacia erat consequens ad prosperitates venientes ex cultu Dei: ideo vt maiora prospera euenirent, & inde sequeretur maior audacia, voluit amplius colere dominum auferendo excelsa.

Quomodo potuit auferre excelsa, & lucos Iosaphat.

Questio XIII.

QVAERITVR vterius, quomodo potuit nūc Iosaphat auferre excelsa, & lucos. Nam videtur, q̄ non poterat Iosaphat auferre lucos, & statuas, quia tempore Asa patris sui ablata fuerant excelsa, & luci, vt patet supra 14. & toto tpe suo mansit Israel colens dominum, & sic non faciebat lucos. Etiam tempore Iosaphat non fiebant luci, q̄ ipse à principio regni sui coluit dñm, & fecit q̄ populus coleret dñm: ideo non esset tunc tempus faciendi statuas, nec lucos: non videtur ergo quō posset nunc Iosaphat auferre statuas, & lucos, & excelsa. Aliquis dicet, q̄ benē potuit Iosaphat auferre excelsa, quia relicta fuerant excelsa tempore Asa patris sui: nam dicitur supra 15. Excelsa autem derelicta sunt in Israel, & illa excelsa auferret nūc Iosaphat. Sed dicetur, q̄ adhuc non sufficit istud, quia licet dicatur, q̄ aliqua excelsa relicta sunt, tamen non manserunt luci, quia supra 14. ponitur quomodo Asa destruxit phana, & aras, & statuas, & excelsa. Aliquis dicet, quod benē potuit Iosaphat auferre excelsa, quia relicta fuerant excelsa tempore Asa patris sui. Nam dicitur supra decimoquinto. Excelsa autem derelicta sunt in Israel: & illa excelsa auferret nunc Iosaphat. Sed dicetur, quod adhuc non sufficit istud, quia licet dicatur, quod aliqua excelsa relicta sunt, tamen non manserunt luci, quia supra decimoquarto ponitur quomodo Asa destruxit phana, & aras, & statuas, & excelsa, in quibus intelligitur omne, quod pertinet ad idolatriam, & postea decimo quinto exprimitur specialiter, quod relicta sunt excelsa in Israel: ideo videtur, quod nihil relictum est de idolatria tempore Asa, nisi excelsa: & sic non manserunt luci, quos posset nunc auferre Iosaphat. Aliquis dicet, quod Asa pater Iosaphat abstulit omnia hæc de terra in principio regni sui, & tamen postea creuerunt aliqua excelsa, & luci,

A & alia pertinentia ad idolatriam, quę populus latenter introduxit, & hæc poterat nunc auferre Iosaphat.

Dicendum, quod aliter intelligendum est de lucis, & aliter de excelsis. De excelsis dici potest vno modo, quod ista excelsa fuerunt illa, quę reliquit Asa in terra, de quibus dicitur supra decimoquinto. Sed illa excelsa erant duplicia, quędam erant, in quibus colebatur Deus extra templum: alia erant, in quibus colebantur idola: & eorum, in quibus colebantur idola, omnia abstulit Asa, nisi illa templa, quę fecit Salomō pro dijs vxorum suarum, & concubinarum. 3. Reg. 11. & quarto Regum vigesimotertio. De istis autem dicendum, quod etiam non abstulit illa Iosaphat: nam ista nunquam fuerunt ablata vsque ad tempus Iosaphat.

B quarto Regum vigesimotertio. Sed poterat nunc Iosaphat auferre excelsa, idest, altaria, in quibus colebatur Deus extra templum, quę reliquerat Asa: in hoc erat perfectior, quā Asa, quia licet non esset tanta abhominatio, quod aliqua excelsa essent, in quibus coleretur Deus extra templum, sicut quod essent excelsa, in quibus colerentur dæmones, tamen contra legem erat, quod talia excelsa essent, cum iuberet Deus solum in templo offerri sacrificia. Leuitici decimotertio. & alibi offerri nefas esset: Iosue vigesimo secundo. Auferendo ergo ista excelsa augebatur cultus diuinus, & tollebantur offendicula. Alio modo potest intelligi, quod licet Asa in principio regni sui abstulerit omnia excelsa, in quibus colebantur dæmones: tamen postea procedente tempore populus introduxit aliqua quasi latenter, ad quę non attendit Asa, & ista postea abstulit Iosaphat diligentius se habens circa cultum Dei. Alio modo potest intelligi, quod licet non manerēt aliqua excelsa tempore Asa, quod in principio regni Iosaphat, non attendente rege facta fuerint, & procedente tempore cum magis diligenter Iosaphat attenderet ad extirpandum idolatriam, tunc inueniret excelsa, quę populus fecerat, & illa abstulerit. De lucis dici potest, quod omnes lucos destruxerit Asa, & postea nulli plantati fuerunt tempore Asa, nec tempore Iosaphat, sed Iosaphat abstulerit nunc veteres lucos.

Pro quo sciendum, quod luci auferebantur succidendo eos, quia sic lex iusserat, quod luci succiderentur: Iudicum secundo. & quod succissum est renascitur: ideo luci, qui succisi fuerant tempore Asa, paulatim renati fuerant, & tempore Iosaphat erant magni: ita vt in eis fieri possent cœremonię idolatrarum: ideo vt non daretur occasio ad iam idolatrandum, voluit succidere nunc lucos Iosaphat. Aliter potest dici, sicut dicebatur de excelsis, scilicet, quod postquam Asa abstulit lucos, & omnem idolatriam in principio regni sui, populus quasi latenter fecit aliquos lucos, & excelsa, & illos lucos abstulit postea Iosaphat, quando diligenter attendit ad hoc. Vel potest intelligi, quod non manserunt aliqui luci de tempore regis Asa, sed regnante Iosaphat in principio regni eius facti fuerant, & tunc fieri potuerunt, quia non attendebat nimis ad hoc Iosaphat, sed magis ad aliqua alia, & postquam cœpit se conuertere ad hoc, abstulit de terra quidquid pertinebat ad idolatriam. Et sic abstulit lucos: & hoc colligitur aliquialiter, quia vsque ad annum tertium regni Iosaphat dilatum fuit hoc negotium, vt patet in littera sequenti, scilicet, quia tertio anno misit Iosaphat principes suos ad docendum populum, & tunc credendum est, quod auferentur de terra omnia, quę pertinebant ad idola.

Tertio autem anno regni sui misit de principibus suis Benail, & Obdiam, & Zachariam, & Nathanael, & Michæam, ut docerent in ciuitatibus Iuda, & cum eis Leuitas Semeiam, & Nathaniam, & Zabadiam, Asael quoque, & Semiramoth & Ionatham, Adoniamque, & Tobiam, & Thobadoniam leuitas, & cum eis Elisama, & Ioram sacerdotes. Docebantque populum in Iuda, habentes librum legis Domini, & circuibant cunctas vrbes Iuda, atque erudiebant populum.

Tertio autem anno. Hic ponitur secundum huius capituli, scilicet, quod Iosaphat populum instruxit, & hoc conuenit post præcedentia: nam postquam Iosaphat regulabat se quantum ad cultum Dei: restabat, ut regularet populum sibi subiectum, cuius cura ei imminebat, & tamē supra actum est, quomodo Iosaphat se habuit in cultu Dei quantum ad se: ideo recte agitur hic quomodo populum instruxit, & dicitur. *Tertio autem anno regni sui misit de principibus suis.* Scilicet, ante tertium annum fuit fortē occupatus circa alia, & non potuit vacare huic doctrinæ legis, sed tertio anno oblata sibi opportunitate misit principes suos ad docendum populum. *Benail, & Obdiam, & Zachariam.* Quinque misit de principibus suis Iosaphat, & alios cum eis de leuitis, & vnus de eis erat Zacharias. Sed non est iste Zacharias vnus de prophetis minoribus, quia ille multo post fuit. sc. post reditum de captiuitate Babylonis, & tamen Iosaphat fuit multo tempore ante captiuitatem illam, quia illa captiuitas fuit tempore vltimi regis Iudæorum. 4. Reg. 25. Etiam non fuit iste Zacharias pater Beati Ioannis Baptiste, quia ille fuit tempore Christi valde multo tempore post hoc, nec fuit Zacharias filius Ioiadæ summi sacerdotis, qui occisus fuit inter templum & altare. infra 24. quia ille fuit tempore regis Ioas multo post hoc, sed fuit quidam alius Zacharias, quia multi sic vocabantur. *Et Nathanael.* Non est iste Nathanael, de quo dicitur Io. 1. q. vidit Iesus venientem ad se Nathanael, & ait: Ecce verē Israelita, in quo dolus non est, & Nathanael dixit: Rabbi tu es filius Dei. Nam ille Nathanael fuit tempore Christi, & iste fuit tempore Iosaphat regis. *Et Michæam.* Non est iste Michæas Morastites vnus de duodecim prophetis minoribus, quia ille fuit multo post. *Ut docerent in ciuitatibus Iuda.* Scilicet, cultum Dei, & omnes cœremonias legis, atq; iudicia, & vocantur ciuitates Iuda. i. regni Iuda, ut intelligantur etiam ciuitates fortis Beniamin, & illę, quę acceptę fuerant de terra Israel de forte Ephraim: nam in omnibus istis ciuitatibus erat necessaria doctrina legis. *Et cum eis Leuitas.* Scilicet, cū principibus populi ibant etiam Leuitę, quia ad istos propriē pertinebat docere legem. *Semeiam.* Non est iste propheta Semeias, qui fuit tempore Roboam, & scripsit historiam Salomonis, & Roboam filij eius. supra 9. & 12. quia ille fuit multo ante hunc. *Et Nathaniam.* Non fuit iste Nathanias pater Ismahelis, qui occidit Godoliam prepositum Iudæorum, quia ille fuit tempore captiuitatis Babylonicę. 4. Reg. 25. & iste fuit multo ante. *Et Zabadiam.* Aliqui vocabantur sic inter Leuitas cantores, qui transfulerūt arcam de domo Obededom in domum Dauid. præced. lib. 15. & 16. c. Non tamen intelligendum est, q. licet multi de Leuitis, qui ponuntur hic coincident in nominibus cū leui-

tis, qui ponuntur ibi, quod sint iidem viri, quia illi fuerunt multo tempore ante istos. *Asael quoque.* Sic vocabatur vnus de fratribus Ioab filijs Saruie, qui fuit cursor velocissimus, sicut caprę, quę morantur in montibus. Hunc autē occidit in bello Abner princeps exercitus Isboseth. 2. Reg. 2. & differt ab isto, tum quia iste erat leuita, & ille non, quia erat de stirpe Iuda, quę nō pertinebat ad leuitas: tum quia ille fuit multo tempore ante istum, & mortuus est in principio regni Dauid super Iudam in Hebron, cū esset mutua concertatio inter domum Iuda, & domum Saulis. *Et Miramoth.* Alij Leuitę sunt huius nominis. præced. lib. 15. c. & 16. *Ionatham.* Sic enim multi vocabantur: nam sic vocabatur filius Saulis. 1. Reg. 13. & 14. qui fuit vir strenuus valde: sic etiam vocabatur Ionathas Machabæus frater Iudæ Machabæi. 1. Macha. 2. *Adoniam.* Non est iste Adonias filius Dauid, de quo. 3. Reg. 1. & 2. nanque ille fuit multo tempore ante istum, & occisus est mandato Salomonis per Banaïam principem militiæ. *tertio Reg. 2. cap. Et Tobiam.* Non est iste Tobias, qui librum habet historiæ suę: nam ille fuit de tribu Nephtali, ut patet Tobię primo: iste autem fuit de tribu Leui. Item, quia ille Tobias fuit multo post hūc. Nam fuit tempore Salmanasar regis Assyriorum, qui transtulit decem tribus regni Israel in terram Assyriorum, & cum illis translatus est ipse Tobias, ut colligitur ex processu libri sui, & tamen translatio Israelitarū in Assyrios multo tempore post hoc fuit. *Thobadoniam.* Nomen rarō vsitatum est in scriptura. *Leuitas.* Scilicet, omnes nouem immediati supra positi sunt Leuitę. *Et cum eis Elisama, & Ioram sacerdotes.* Isti duo sacerdotes erant cū leuitis, & principibus laicis ad docendum populum, & essent quasi principes eorū in hoc opere. *Docebantq; populum in Iuda.* Scilicet, in toto regno Iuda, quia non accipitur hic specialiter Iuda pro tribu Iuda, quia omnes, qui erant sub dominio regis Iosaphat participabant hac doctrina, cū equālis cura incumberet ei de omnibus. *Habentes librum legis Domini.* Scilicet, isti principes, & sacerdotes, atque leuitę docentes populum ferebant secum librum legis. *Quare autem ferebant istum librum, & qui liber erat iste declarabitur infra in quadam quæstione.* *Et circuibant cunctas vrbes Iuda.* Scilicet, regnum Iuda. i. discurrebant per omnes vrbes regni Iuda, & in qualibet manebant aliquanto tempore quantum opus esset manere ad perfectē docēdum populum quenilibet in lege domini, & sic faciebant in singulis vrbibus, sicut faciunt nunc predicatorēs nostri. Sic enim faciebat Christus, & discipuli sui: nam discurrebant prædicantes de ciuitate in ciuitatem, & quando aliqua ciuitas volebat tenere longo tempore Christum, ut audiret verbum eius, dicebat ipse, alijs ciuitatibus oportet me euangelizare: *Luc. 4. cap. Atque erudiebant populum.* Scilicet, circa legem discurrendo de vrbe in vrbe.

Quare misit Iosaphat istos ad docendum.

Quæstio XIII.

QVAERITVR vterius, quare Iosaphat misit istos principes, & leuitas, & sacerdotes ad docendum populum discurrendo per singulas vrbes. Respondendum, quod hoc poterat esse propter multa. Primo ad auferendum idolatriam de terra. sc. ut nō maneret error aliquis mētibus Iudæorum: nam ante hoc abstulerat Iosaphat lucos, & excelsa de toto Israel, & quia populus poterat tenere adhuc intentionem circa idolatriam ablatam: ibant isti principes, & leuitę, atq; sacerdotes discurrentes per regnum, ut prædicarent legem populo, & auferret de mentibus eorum intentionem idolatrię. Secundo poterat hoc esse ad inquirendum

dum de hæretica prauitate : nam cum conuersus esset totus populus ad idolatriam, & postea relinqueret illam, poterant esse aliqui non bene firmati circa credulitatem legis: & ad sciendum, qui erant isti, & ad confirmandum in fide discurrebant isti sacerdotes, & leuitæ, & principes. Sic enim sunt nunc apud nos inquisitores hereticæ prauitatis, qui inquirunt circa eos, qui sunt infamati de hæresi. Tertiò poterat esse ad propagandum doctrinam legis per totum populum : nam cum populus per se non possit vacare studio legis, quia rudis est : oportet, quod ab aliquo doceatur, & ad hoc sunt prædicatores. Nam si non prædicarent assidue aliqui legem Dei, abiret in obliuionem tota lex Dei, & omnes cœremoniæ eius, nec sciret quis sub qua lege maneret : ideo tam in veteri testamento, quam in nouo semper fuerunt necessarii prædicatores. De nouo testamento patet, quia ubique frequentatur prædicatio legis. De veteri etiam testamento dicendum est, quod idem erat, quia licet esset vnicum templum in loco, quem dominus elegisset : erant tamen per singulas vrbes & loca Synagogæ, sicut sunt Ecclesiæ nostræ, in quibus conueniebat totus populus ad orandum, potissimè diebus sabbathorum, & in kalendis, & ibi legebantur libri legis, & prophetarum, & post lectionem eorum si quis vir peritus erat, qui haberet sermonem eruditionis, & exhortationis ad populum prædicabat. Sic patet Act. 13. Nam sic fecit Paulus per duo sabbatha, vt patet ibidem, & per hunc modum propagabatur doctrina legis, nè periret in cordibus Iudæorum per dissuetudinem, & sic ad istud erat nunc necessaria doctrina istorum principum, & sacerdotum, atque leuitarum.

Quare isti missi sunt tertio anno regni Iosaphat.

Questio XV.

QVAERITVR vltèrius, quare missi sunt isti principes, & sacerdotes, atque leuitæ tertio anno regni Iosaphat. Responderi potest vno modo, quod ista doctrina, & prædicatio, quæ nunc fiebat ab istis erat ad confirmandum legem in cordibus Iudæorum, & ad hoc, quod non deleteretur memoria eius in eis, & quia lex dei contraria est idolatriæ, non prodest legem Dei alicui prædicare quamdiu in idolatria manet. Et quia in terra Iuda erant excelsa, & luci in principio regni Iosaphat, non proderat prædicari quousque auferrentur excelsa & luci. Ista autem ablata sunt à principio regni Iosaphat vsque ad annum tertium, ideo vsque ad tempus illud, non debebat prædicatio inchoari. Alio modo potest dici, quod ista prædicatio licet potuisset inchoari ante tertium annum regni Iosaphat : tamen non inchoata est, quia fortè ante hoc erat Iosaphat occupatus alijs negotijs regni, & non poterat tam diligenter vacare cultui Dei, & satis verisimile est, quia in principio regni occupantur reges circa cõfirmationem suã. Et ita fuit de Iosaphat : nam dicitur, quod confirmauit dñs regnum in manu eius, & duraret ista confirmatio aliquanto tempore, & dum hæc fierent non posset vacare Iosaphat negotijs pertinentibus ad cultum Dei. Tertiò autem anno regni sui, cum iam expleffet negotia confirmationis regni dedit operam cultui Dei mittendo istos, qui prædicarent.

An pertineret ad istos, vt predicarent.

Questio XVI.

QVAERITVR vltèrius, quomodo missi sunt isti, qui ponuntur hic ad prædicandum, quia videtur, quod non pertinebat ad eos : nã missi sunt principes Iosaphat, qui erant laici, & leuitæ, & sacerdotes,

A & tamen officium prædicandi non pertinet ad laicos. Aliquis dicit, quod principes Iosaphat, qui nominantur hic non erant laici, sed sacerdotes, & leuitæ : vocarentur tamen principes Iosaphat, quia ipse eos principes constituerat in domo sua. Dicendum, quod non stat, sed necesse est poni istos principes esse laicos : nam hic ponuntur primò isti principes, deinde nouem leuitæ, & postea duo sacerdotes, & tamen si isti principes essent sacerdotes, vel leuitæ non condistinguerentur contra sacerdotes, & leuitas, & condistinguntur, ergo erant laici. Dicendum ergo, quod poterant mitti isti principes laici ad opus prædicationis dupliciter. Vno modo, quod ipsi non prædicarent, sed sacerdotes, & leuitæ prædicarent : ipsi autem per potentiam secularem cogerent resistentes : nam poterat esse, quod aliqui inter Israelitas, qui essent dediti idolatriæ, offendere vellent sacerdotes, & leuitas prædicantes idolatriam, & detestantes eam, & legem Dei iubentes coli, & vt non paterentur aliquid ab impijs conueniebant simul isti principes, vt nemo posset molestare leuitas, & sacerdotes prædicantes. Vel fortè ipsi erant executores contra infideles, & hæreticos. scilicet quod sacerdotes, & leuitæ erant tanquam inquisitores hereticæ prauitatis, & si qui nolent corrigi redeundo ad veram fidem, quod per potentiam istorum principum punirentur, & istud erat satis rationabile. Secundo modo potest dici, quod isti principes mitterentur ad prædicandũ licet essent laici. Pro quo sciendum, quod licet officium prædicandi nunc non pertineat nisi ad promotos in sacris, vel ad eos, qui à prælatis assignantur ad prædicandum propter timorẽ hæreticorum, qui se ingerunt ad prædicandum, & errores dogmatizant, vt colligitur extra de hæreticis cap. cum ex iniuncto. In veteri tamen testamento tam sacerdotes, & leuitæ, quam laici prædicabant. Patet de Christo, qui erat de tribu Iuda, & tamen permittabatur à Iudæis prædicare, & rogabatur : & dato quod Pharisei essent emuli sui, non prohibebant eum prædicare. Si tamen de iure potuissent eum excludere exclusissent, nè increparet eos. Patet etiam de Paulo, qui erat de tribu Benjamin, & prædicabat, nec quisquam eum prohibebat. Etiam patet indifferenter, quia omnes laici, dum tamen periti essent admitterentur ad prædicandum. Nam quando Paulus, & Barnabas introissent semel die sabbathi in quandam Synagogam, essentque viri incogniti, expleta lectione legis, et prophetarum, illi, qui erant in Synagoga, dixerunt ad eos : Viri si quis sermo exhortationis in vobis est ad plebem, dicite : Ecce quia non quæsierunt de qua progenie essent, sed solum si erant periti ad prædicandum. Si tamen soli sacerdotes, & leuitæ prædicarent quæreretur ab eis primò, an essent sacerdotes, vel leuitæ, & deinde an essent periti ad prædicandum, & tamen non quæsierunt hoc, ergo tam laici, quam sacerdotes, & leuitæ poterant prædicare. Dicendum tamen, quod sacerdotibus competeat prædicare, & et incumbere eis necessitas prædicandi. Laicis autem, & leuitis competeat prædicare, sed non incumbere eis necessitas prædicandi, aut docendi. Prima pars patet, quia in omnibus indifferenter competeat prædicare, vt probatur est : ergo etiam sacerdotibus competeat. Secunda pars patet, quia sacerdotes habebant statum, propter quem requirebatur peritia prædicandi & docendi, vnde ex necessitate tenebantur respondere quærentibus de dubijs legis. Sic patet Malach. 2. scilicet Labia sacerdotis custodiunt scientiam, et legem ex ore eius exquirent, quia angelus domini exercituum est. etiam Aggei. 2. Dominus iubet, quod interrogemus sacerdotes de lege. scilicet quando inciderit dubium de lege, quod quæramus à sacerdotibus solutionem : et intantum officium docendi, et prædicandi incumbere sacerdotibus,

tibus, q̄ qui contemneret, vel abijceret scientiam abijceretur de sacerdotio, vt patet Osee. 4. Quia tu scientiā repulisti: repellam te ne sacerdotio fungaris mihi. Etiam necessaria erat scientia in sacerdotibus, non solum propter ea, quę Dei erant, sed etiam propter causas forales, quia sacerdotes erant iudices in causis magnis foralibus directē, et in quibuscunque erant iudices per appellationem, vt patet Deutero. 17. cū dicitur, q̄ quando esset iudiciū ambiguum, & difficile inter Israelitas, & dicta iudicium variarentur, irent ad iudicē, q̄ erat sacerdos leuitici generis, & ipse iudicaret veritatem, & non declinaretur à iudicio eius ad dexteram, nec ad sinistram: sed talia iudicia sine magna peritia non exercentur, ideo incumberebat sacerdotibus habendi scientiam ad prædicandum, & docendum, & iudicandum, & sic omnes sacerdotes tenebantur habere scientiam propter prædicta: ita & summus sacerdos tenebatur esse sciēs super omnes sacerdotes, quia ipse præsidebat omnibus tam sacerdotibus, quā non sacerdotibus in his, quę ad Deum pertinebant, vt patet infra 19. De leuitis autem dicendum, q̄ non incumberebat eis ex officio tam determinatē habere sciētiam legis, sicut sacerdotibus, quia sacerdotes erant, quibus tota ministratio sanctuarij à Deo commissā est. Et quia ipsi erant pauci, et non sufficerent ad explendas omnes administrationes, traditi sunt eis leuitę in munus, et seruitores, vt adiuuarent eos, secundum quod iuberent sacerdotes, vt patet Num. 3. Et sic cū ad sacerdotes pertineret cura directē totius sanctuarij, et legis, et ad eos solos pertineret administratio in rebus maximis sanctuarij, pertinebat ad eos habere maximā peritiā. Ad leuitas autem solum pertinebat ministrare in quibusdam officijs ad mandatum sacerdotum, ideo in eis solum erat necessaria sapientia ad explenda illa officia: sed non erat in eis necessaria sapientia suprema, et directiua, qualis est sapientia Architectonica, sed sapientia manualium artificum, vel seruatorum obedientium præcepto maioris regulantis: erant namque quidam leuitę ianitores, et in his non requirebatur, nisi vt cognoscerent, qui erant mundi, & qui immundi, vt mundos reciperent in templum, & immundos abijcerent prohibentes eos ingredi. Alij leuitę erant thesaurarij, & in istis non requirebatur, nisi vt sollicitē custodirēt thesauros domus domini, & cognoscerent vasa, & vestes requisitas pro singulis ministrationibus, & diebus, vt illas in promptum haberent ad dandum ministris. Alij leuitę erant cantores, & in istis requirebatur maior scientia, quia debebant esse periti in lege, & in rebus naturalib⁹, & in historijs, vt inde componerent cantica diuinę laudis. Debebant etiam esse periti circa artem Rhetoricam, vt pulchro sermone polirent cōtextum dictorum suorum: potissimē, quia interdum utebantur varia lege metrorum, sicut Ieremias in libro Threnorum, & in libro Job, & in libro Psalmorum, vt ait Hieronymus in Epistola ad Paulinum, & i prologo super Job, qui incipit: Cogor per singulos. Etiam periti esse debebant circa artem Musicam ad inueniendum variā melodiam pro illis canticis, & ob hoc inter istos cantores erant doctores multi, & aliqui erant valde sapientes, vt patet præced. lib. 15. & 25. cap. Et intantum erant quidam eorum sapientes, q̄ comparabantur Salomoni in sapientia, vt patet 3. Reg. 4. Et tamen quamquam isti essent sapientes valde in lege, non tenebantur respondere de lege, quia non erat hoc officium eorum, sed sacerdotū, sed in officijs suis sapientes esse debebant, sic colligitur infra 35. ca. f. Leuitis quoque ad quorum eruditionem Israel sanctificabatur locutus est. f. q̄ leuitę erudiebant populum quomodo sanctificarentur. i. munderentur ab immunditijs suis, quia ipsi erant ministri,

vel subministrantes quantum ad hoc, q̄ populus purificaretur, sed non dicitur absolutē, q̄ tota eruditio populi penderet ab eis. Et sic videtur, quod non requirebatur, quod essent periti, nisi quātum ad officia sua. De laicis autem dicendum, quod non requirebatur in eis aliqua peritia magna, aut quod nulla ministratio sanctuarij pertinebat ad eos principaliter, vel subministratoriē, sed ipsi docendi erant à sacerdotibus, & leuitis. Si tamen contingeret laicos esse sapientes, & vellet prædicare, licebat eis, non tamen licebat se immiscere alicui ministrationi sacerdotali, vel leuiticę. Et sic dicendū est de istis principibus Iosaphat, quia laici erant, & tamē erant sapientes valde in lege, & ob hoc missi sunt cum sacerdotibus, & leuitis ad prædicandū.

Quis esset ille liber legis.

Quest. XVII.

QVAERITVR vltius de isto libro legis, quē portabant secum, quis liber erat. Respondendum, quod liber legis erat ille, qui continebat legem, & quia lex accipitur variē, potest accipi liber iste diuersimodē. Vno mō accipitur lex pro toto contextu librorum veteris testamenti: nam liber Psalmorum vocatur sic lex. Sicut patet in allegatione Christi Io. 15. c. f. Vt impleatur sermo, qui in lege vestra scriptus est: Quia odio habuerunt me gratis. & tamen sermo iste habetur Psal. 108. Alio modo accipitur lex solum pro libris Moyfi, quia propriē lex est præceptū iubens, aut vetans, vel permittēs, & quia libri quinque Moyfi sunt de hoc cū nihil aliud principaliter contineatur ibi, nisi præcepta, vocantur ibi lex. Et isto modo distinguuntur libri prophetarū, & alii libri veteris testamenti à lege. Sic accipitur per Hebræos, & habetur per Hieronymum in prologo Galeato super libros regum, qui incipit: Vigintiduas literas. Tertio modo accipitur lex pro solo libro Deuteronomii, qui excellenter est lex: eo quod in ipso sub breuib⁹ continetur repetitio, & declaratio legis, q̄ declaratio facta est per Moysen propinquum morti in campatribus Moab, vel in planioribus locis terre Moab, & vocatur Deuteronomium. i. lex noua, vel lex secunda, vnde dī ista esse alia lex præter illam, quā dñs dedit in Horeb, siue in monte Sinai: Deut. 29. Et ista propriē vocatur lex Moyfi, quia istam dedit Moyses, & declarauit in terra Moab. Aliā autem Deus dederat in Horeb, partim per angelos, & partim p̄ Moysen. Nunc dicet aliquis, q̄ accipiat hic liber legis primo modo p̄ tota continentia librorum veteris testamenti. Sed dicendum, q̄ hoc nō stat, quia licet Christus interdum tali modo loquēdi vsus est, Iudei tñ non utebantur hoc modo loquendi, sed legem siue Thora vocant quinq; libros Moyfi, vt patet in p̄logo Galeato. Secundo patet, quia tempore, quo isti principes, & sacerdotes, & leuitę prædicabant, non erant isti libri veteris testamenti: nam non erant tūc scripti, nisi libri Moyfi, & Iosue, & Iudicum, & Ruth: libri autem regum, & pphetarū, et alij posteriores nōdum scripti erant, quia post hoc fuerunt oīa illa, cū nūc esset tempus regum, et in temporibus regū nō erant scripti libri regum, sed post tempora ipsorum scripti sunt. Tertio patet, quia iste erat vnus liber. Nā dicitur hic, q̄ portabant librū legis, et tamen inter Iudeos non copulantur sic libri multi in vnum volumen, sed quia libri Moyfi sunt maioris auctoritatis, q̄ ceteri libri veteris testamenti, ponuntur illi soli. Nos autem, qui ad hoc non attendimus, totum canonem Sacre Scripture cuiuscunque ordinis sub vno volumine coarctamus. Dicendum ergo est, q̄ accipitur liber legis secundo, vel tertio modo, scilicet, pro omnibus quinque libris Moyfi, quia propriē vocantur lex, vel pro solo Deuteronomio, et vtroque modo satis propriē accipitur.

Dicet.

Dicendum tamen fortassis magis videtur, quod accipiat pro solo Deuteronomio, quia iste est purè liber legis non implicans se historijs pro magna parte, sicut alij quatuor libri Moyfi. Item quia iubeat Deus, ut iste liber Deuteronomij poneretur in latere arce, & custodiretur ibi specialiter, quod non iuebatur de alijs libris legis. Item, quia Deus iubeat, quod reges quoniam sederent in solio regni acciperent librum legis à leuitis, ut studerent in eo, & tamen de solo Deuteronomio iuebatur, quod illi acciperent, ut patet Deutero. 17. Ex quo apparet, quod ille erat specialiter liber legis, vel ille solus specialiter pertinebat ad eruditionem regis, & laicorum. Item patet hoc magis, quia Deute. 31. iubetur, quod de septem in septem annos. scilicet anno remissionis quando congregarentur omnes Israelitæ ad locum sanctuarij in festo tabernaculorum legeretur liber Deuteronomium coram toto populo. Et sic videtur, quod ad instructionem popularium solus liber Deuteronomij erat necessarius. Ille ergo erat, qui vocabatur hic liber legis. Si tamen aliquis contendat, quod vocatur hic liber legis tota lex Moyfi. scilicet quinque libri, non infisto, quia etiam illud teneri posset, licet istud rationabilius est.

Ad quid portabant secum illi librum legis.

Quæstio XVIII.

QUÆRITUR ulterius, ad quid portabant isti principes, & sacerdotes, & leuitæ secum librum legis. Dicendum, quod hoc poterat esse ad multa: primo ad studendum in eo quid dicerent. Nam isti prædicabant, & docebant populum per omnes vrbes, & loca, & quia prædicatio erat de lege, oportebat, ut haberent secum librum legis, ut scirent quid prædicarēt. Secundo, quia isti prædicatores debebant se habere cautè valde. scilicet ut in prædicando nihil superadderent ad legem: nam Deus dixit Deuter. 12. quod præcipio tibi hoc tantum facito domino deo tuo, nec addas quidquam, nec minuas. Sicut ergo nihil ultra legem fieri debebat, nec aliquid subtrahi, sed præcisè quod lex iubebat: ita nihil prædicari debebat ultra legem, nec subtrahi, vel taceri aliquid de eo, quod in lege continebatur. Sic patet Deutero. 4. scilicet non addetis ad verbum quod vobis loquor, nec auferetis ab eo. Ad hoc ergo oportebat, quod haberent secum librum legis, ut scirent si prædicando aliquid addebant, vel subtricebant. Tercio, quia cum isti prædicarent legem populo, fortè dubitarent aliqui an ea, quæ isti prædicabant, continerentur in lege, & ad probationem huius, oportebat secum habere librum legis. Quarto poterat hoc esse ad hoc, quod exemplar libri legis maneret in quolibet loco ad memoriã: nam prædicabatur lex per singula loca, & quia non poterat tota memoriter retineri ab audiētibz, expediens erat, ut in singulis locis transcriberetur, & maneret copia eius, & ad hoc debebant isti prædicatores portare secum librum legis, ut omnibus locis darent copiã legis.

Itaque factus est paor Domini super omnia regna terrarum, quæ erant per gyrum Iuda, nec audebant bellare contra Iosaphat. Sed & Philisthæi Iosaphat munera deferebant, & vectigal argenti: Arabes quoque adducebant pecora arietum, septem millia septingentos, & hircos totidem.

A Itaque factus. Hic ponitur tertium huius capituli, in quo Iosaphat hostes subiecit, & dicitur. *Itaque, factus est timor domini super omnia regna terrarum, quæ erant per gyrum.* Ponitur enim quomodo hostes Iosaphat subiecti fuerunt ei, & non ausi sunt pugnare contra ipsum. scilicet quia Deus misit terrorem suum super omnia regna terræ, quæ erant per gyrum, & non audebat quisquam resistere, nec pugnare contra Iosaphat. Quomodo autem fuerit iste timor à domino missus & cur, declarabitur infra in quadam quæstione. Et vocatur iste timor domini, quia non fuit incussus opere Iosaphat per aliquid quod ipse faceret, sed Deus illum immisit. *Quæ erant per gyrum Iuda.* Scilicet, qui erant ad omnia quatuor latera regni Iuda, in quo regnabat Iosaphat: erant. n. p. gyrum regna hæc. scilicet ad meridiem Philisthini, & Amalecitarum, & Arabes, & aliæ gentes habitantes inter Aegyptum, & Iudam, ab Oriente Idumæi, Amalecitarum, Israelitæ, & Syri, à septentrione Israelitæ, & Syri, ab occidente nulla gens erat, nisi quædam pars Sidoniorum, & Philisthinorum, & mare mediterraneum. *Nec audebant bellare contra Iosaphat.* Scilicet, tantus eos inuaserat terror, quod omnino putabant se superandos à Iosaphat: ideo non audebāt pugnare contra eum, ut non solū pugnare non auderent, sed etiam resistere non confiderent si pugnaret contra eos Iosaphat, sed fugerent præ timore magno. *Sed & Philisthæi Iosaphat munera deferebant.* Istud est consequens ad præcedentia. scilicet quod gentes, quæ erant per circuitum regni Iuda, non audebant pugnare contra Iosaphat, & aliqui ex magno timore subiiciebant se ei, sicut fuit de Philisthinis, qui habitabāt per gyrum regni Iuda. scilicet partim ad meridiem, & partim ad occidentem, qui se submiserunt regi Iosaphat, dando ei munera. Quomodo autem Philisthini possent se nunc submittere ad dandum munera Iosaphat cum ipsi essent quædam pars regni Iuda, & subditi Iosaphat, declarabitur infra in quadam quæstione. *Et vectigal argenti.* Est vectigal nomen impositionis, vel pensionis, quæ exigitur de his, quæ vehuntur, vel transferuntur per aliquem potētem, vel portam, vel aliquem determinatum locum. Et dicitur vectigal à vehendo. id est portando, vel transferendo, quia datur pro rebus, quæ transferuntur. Et dicitur vectigal argenti dupliciter: vno modo. scilicet quia istud vectigal soluebatur in argento, ita quod non dabatur alia moneta regi Iosaphat à Philisthinis pro isto vectigali, nisi argentea, vel argentum in massa. Secundo modo vocatur vectigal argenti. id est dabatur vectigal, siue pensio de argento, quod transferebatur de loco ad locum, & hoc est accipiendo vectigal propriè. Potest tamen accipi vectigal largè pro quacūque pensione, vel tributo quod Philisthini offerrent Iosaphat, & soluebatur illud tributum in argento. *Arabes quoque adducebant pecora arietum septem millia septingenta, & hircos totidem.* Etiam Arabes dabant tributa regi Iosaphat quolibet anno, & dabant arietes septem millia, & septingentos, & hircos totidem, eo quod regio arabum abundat in pecoribus, nec erat aliquid, quod promptius possent dare Arabes, quàm pecora. Pro quo sciendum, quod Arabes sunt gentes habitantes apud terram Iuda, partim in latere meridiano eius, & partim ad orientem in regione, quæ vocatur Arabia. Est autem regio ista in desertis, quæ sunt inter Aegyptum, & terram Chanaā, & per istam terram transierunt Israelitæ venientes de Aegypto: ibique quadraginta duas mansiones fecerunt, ut dicitur in libro de situ terre Sanctæ. Erat autem ista terra modicum, vel quasi nihil habitata ante transitum Israelitarum per eam, eo quod erat terra carens aquis, ut dicitur Deut. 8. In transitu autem illo facti sunt duo fontes miraculosè, in terra illa tangente Moyse petrâ. scilicet vnus in Raphidim. Exo. 17. & alius in Cadesbarne: Num. 20.

Duo fontes miraculosè facti.

Mos Arabum in edificandis domibus.

Num. 20. qui usque hodie manent, totamque terram illam abundantissime irrigant, ut dicitur in eod. libro. Terra ista est pascualis, siue habens multa pecora, non tantum propter conditionem terre, quod ipsa pascualis sit quantum propter conditionem gentis. Nam Arabes à principio istum modum tenuerunt, quod domos, nec vrbes non edificant, sed portatiles domos habent. scilicet tentoria in quibus manent ad usum pastorum, & cum aliqua regio alendis pecoribus apta non fuerit, subito portatiles domos mutant, & aliam incolunt regionem, & istam vitam usque hodie tenent gentes quedam Aphrorum, apud Occidentem in Africa posite, quæ nullas vrbes, nec domos habent. Et sic cum isti Arabes totam suam occupationem circa pecora habeant: nihil est, de quo possent conuenientius soluere tributa, quam de pecoribus, & sic Arabes quoque per timorem subiecti fuerant regi Iosaphat ad tributum.

Quomodo factus est timor domini super omnia regna terrarum. Quæstio XIX.

QVAERITVR Circa prædicta, quomodo factus est timor domini super omnia regna terrarum, quæ erant in circuitu Iuda. Dicendum, quod poterat hoc dupliciter fieri. Vno modo, quod deus daret tales victorias regi Iosaphat tam magnificas contra omnes gentes, contra quas pugnaret, quod nulla gens auderet pugnare contra illum, imò nec resistere ei pugnanti: & quia Deus dabat ei istas admirandas victorias, timor qui sequebatur ex his victorijs, vocabatur timor domini. scilicet à deo incussus. Simile fuit quando Ammonitæ, Moabitæ, & Idumæi voluerunt pugnare contra Iosaphat, & Deo agente ipsi inter se pugnaverunt, & mutuis se vulneribus conciderunt. Nam audito hoc omnes gentes timuerunt pugnare contra Iosaphat: sic patet infra 20. scilicet. Irruit autem pavor domini super omnia regna terrarum, cum audissent, quod pugnasset dominus contra inimicos Israel. Alio modo poterat hoc effici non præmissis aliquo bello, vel signo exteriori terroris, sed solum, quod Deus incuteret terrorem in cordibus gentium istarum, & timerent. Hoc autem facile est Deo facere, quia Deus habet cor hominis in potestate sua, & potest in illo causare quamcunque passionem voluerit, ut patet Prouer. 21. scilicet. Sicut diuisiones aquarum, ita cor regis in manu domini: & quocunque voluerit vertet illud. Ita est de cordibus aliorum hominum: sed illud dicitur per excellentiam: nam si Deus habet corda regum in manu sua: à fortiori tenebit corda aliorum hominum minus potentium: & sicut mouet Deus ad timorem: ita mouet ad quascunque alias passiones. scilicet gaudium, vel lætitiā, vel odium, & hoc siue in vigilia, siue in sopore: nam in sopore immittit deus timorem cui vult, iuxta illud Iob. 7. capit. Si dixerō per noctem consolabitur me lectulus meus, tunc terrore concuties me, & ossa mea marcescere facies. Et hoc, quia istæ passiones sunt quedam impressiones factæ in parte anime sensitivæ, siue affectivæ, cuius operatio est in partibus materialibus, quibus alteratis fit impressio quedam in anima ipsa, quæ sequitur conditionem partium materialium in quibus est, & quia liberum est Deo alterare nos qualitercunque voluerit, causabit in nobis quamcunque passionem voluerit.

Deus habet cor hominis in potestate sua.

Quare Deus incussit istum timorem gentibus, quæ habitabant in circuitu regni Iuda. Quæstio XX.

QVAERITVR vltius, quare deus incussit timorem istum gentibus, quæ habitabant in circuitu regni Iuda. Respondendum, quod iste timor pœna quedam est, & incutitur in pœnam propter aliqua demerita.

F Sic etiam aliæ nocivæ passionēs, sicut turbatio mentis, quam incussit Deus Ammonitis, Moabitibus, & Idumæis volentibus pugnare contra Iosaphat, ut se non cognoscerent, & pugnarent inter se inuicem. infra 20. & inducitur aliquando talis passio propter solum demeritum eorum, quibus infligitur, aliquando propter solum meritum istorum, & demeritum illorum. De primo patet exemplum, ut quando Deus incutiebat terrorem Israelitis pugnantibus contra eos gentibus: nam hoc in fauorem gentilium cedebat, sed manifestum est, quod non fiebat propter merita eorum, quia ipsi non poterant mereri, cum essent, extra charitatem. Sed quia peccauerant Iudæi contra dominum, tradebat eos dominus in manus hostium, & ut facilius consumerentur, dabat pauorem in cordibus eorum, ut non auderent resistere: sic patet Leui. 26. scilicet. & qui de vobis remanserint, dabo pauorem in cordibus eorum in regionibus hostium: terrebit eos sonitus folij volantis, & ita fugient quasi gladium: cadent nullo sequente, & corruent singuli super fratres suos quasi bella fugientes: nemo vestrum audebit inimicis resistere, peribitis inter gentes, & hostilis vos terra consumet. Sic etiam Deuter. 28. ponitur in maledictionem timor incussus cordibus Iudæorum quando peccarent. scilicet. Dabit tibi dominus cor pauidum, & deficientes oculos, & animam merore consumptam. Et erit vita tua, quasi pendens ante oculos tuos, & timebis nocte, & die, & non credes vitæ tuæ. Mane dices, quis mihi det vesperum? & vespere, quis mihi det mane? propter cordis tui formidinem qua terreberis: & propter ea, quæ videbis tuis oculis. De secundo patet exemplum in Iacob, & Sichimitis alijs, qui a Chananæis habitantibus in circuitu illius regionis depopulati sunt. Nam quando filij Iacob per fraudem occiderunt omnes Sichimitas, Chananæi, qui morabantur in terra, voluerunt insurgere contra Iacob, & domum suam ad delendum eam propter occisionem illam, & tamen deus incussit timorem eis, ut non auderent insurgere contra Iacob, ut patet Gen. 35. scilicet. Cumque profecti essent, terror domini inuasit omnes per circuitum ciuitates, & non sunt ausi persequi recedentes. Manifestum est tamen, quod non incussus fuit ibi terror Chananæis, propter peccata eorum, quia ipsi non peccabant volendo insurgere contra domum Iacob: nam vicini tenentur quodam iure naturæ se adiuuare ad bonam habitudinem sollicitæ communicationis, & quia isti Chananæi erant vicini Sichimitarum, utebantur iure suo adiuuando eos. Habebant autem iustam causam, quia Sichimitæ occisi fuerant per dolum Israelitarum: ideo iustissimum bellum erat istorum Chananæorum contra domum Iacob: & tamen Deus incussit eis timorem, ut non auderent persequi domum Iacob: ideo fuit propter sola merita Iacob. scilicet. quod quamquam non peccauissent Chananæi, sed potius filij Iacob, & mererentur occidi: tamen propter merita Iacob immisit Deus terrorem Chananæis, ut non auderent insurgere contra Iacob, & domum suam. De tertio patet exemplum de Chananæis, quibus incussit Deus terrorem introeuntibus Israelitis in terram Chanaan. Nam tunc fuit magnus timor Dei super omnes Chananæos: ita quod non auderent pugnare contra Israelitas, nec resistere eis: Exo. 23. scilicet. Terrorem meum mittam in præcursum tuum, & occidam omnem populum ad quem ingredieris, cunctorumque inimicorum tuorum coram te terga vertam. Ideo Deuter. 7. ibi manifestum est, quod propter demerita Chananæorum fiebat hoc, quia iam completæ fuerant iniquitates eorum, & propter peccata eorum multipliciter terra illos euomit: Leui. 28. & 20. mandauitque deus, quod nullus illorum viuere permitteretur, nec etiam paruuli, nec femina: Deuteronom. vigesimo, & 21. Mere-

Quia Iudæi peccauerant contra Deum tradebantur in manus hostium

Merebantur ergo, quod incuteretur eis terror à domino ad hoc, quod facilius perirent: sic etiam fuit quando pugnavit David contra Philisthinos bis in principio regni sui super Israel: nam Deus eis timorem incussit, ut colligitur. 2. Reg. 5. & præced. lib. 14. cap. nam ibi illi merebantur, quod incuteretur eis timor: eo quod erant peccatores, & mouebant bella iniusta contra David. Fiebat etiam hoc propter merita David, qui erat vir deicola, & Deus promiserat ei, quod stabiliret regnū eius in æternum, & daret ei nomen inter reges terre. 2. Re. 7. Ita nunc poterat esse de rege Iosaphat. scilicet quod Deus incusserit timorem hostibus eius, tum propter malitiam ipsorum, qui merebantur regem timere, ut subijceretur, tum propter merita regis Iosaphat, qui merebatur, quod Deus eum adiuuaret, quia erat vir valde deicola, ut dictum fuerat supra in litera.

Quomodo fieri poterat, quod Philisthini tempore Iosaphat regis soluerint ei vectigalia.
Quæstio XXI.

QUÆRITUR ulterius, quomodo poterat esse, quod Philisthini nunc tempore Iosaphat regis soluerint ei vectigalia: nam in hoc inuitur, quod Philisthini ante tempora Iosaphat non erant subiecti Iudæis, & quia tempore Iosaphat fuerunt ei subiecti, & soluerint tributa: & tamen hoc videtur falsum, quia Philisthini erant Chanaanæi. scilicet de septem gentibus Chananæorum, quod patet, quia Deus solum promissit Israelitis terras septem populorum Chanaan, & data est tribui Iuda terra Philisthinorum, ut patet Ios. 15. quia ibi ponuntur ciuitates Philisthinorum, ut patet Iosue 15. quæ habentur 1. Reg. 16. & Iosue 13. ideo erant Philisthini de aliquo de septem populis Chananæorum: potissimè, quia Gen. 10. ponuntur termini terræ Chanaan, & intra illos includuntur vrbes Philisthinorum, & tamen omnes populi Chananæorum, qui non subiecti fuerant tempore præcedentium regum, & iudicum, subiecti fuerunt tempore Salomonis, ut patet 3. Reg. 9. & supra 8. Ergo non poterant nunc tempore Iosaphat subijci Chananæi, cum iam subiecti essent tempore Salomonis. Respondendum, quod Philisthini, & omnes alij Chananæi subiecti fuerant tempore Salomonis, & tamen postea Philisthini repugnaverunt alicui de regibus Israel, & Iuda: & Iosaphat nunc per magnam potentiam redegit eos in pristinam seruitutem. Et sic dicitur, quod soluebant nunc vectigal argenti. Istud est satis verisimile: nam Philisthini erant magni pugnatores, & habuerunt ab antiquo bellum cum Iudæis, & aliquando subijciebant sibi Iudæos, & aliquando Iudæi eruebant se de potestate illorum: nam tempore Samsonis, & ante illum dominabatur Philisthini in Israel: Iudi. 15. Et dominati sunt etiam tempore Heli summi sacerdotis, qui fuit iudex post Samsonem, sed postea tempore Samuelis, qui successit in dignitate iudicatiua ipsi Heli, liberati fuerunt Iudæi de manu Philisthinorum, cum persequerentur Iudæi Philisthinos, ut acciperet ciuitates eorum, ut patet 1. Regum 7. Sed nondum penitus liberati sunt, quia tempore Saulis regis, qui successit Samueli iudici dominabantur Philisthini in Israel, & accipiebant tributa, imponebantque leges viuendi: nam statio Philisthinorum quædam erat in Gabaath terræ Israel. scilicet ad exigendum tributa, vel ad cogendum obseruare leges ab eis impositas; & istam stationem percussit Ionathas filius Saulis, quando voluit rebellare Philisthino. 1. Reg. 13. Posuerant enim Philisthini grauissimas leges super Iudæos. scilicet quod in tota terra Israel, non esset aliquis faber ferrarius, ut non fabricarent sibi arma Iudæi. Ideo oportebat eos deferre in terram Philisthinorum, quando cunque vellēt

A vomeres facere, aut exacuerē ligones, vel alia instrumenta agriculturæ. 1. Reg. 13. Et ob hoc non habebat Iudæi aliqua arma ad pugnandum contra Philisthinos, nec contra alias gentes: intantum, quod quando pugnare debuerunt Iudæi contra Philisthinos tempore Saulis, non fuit inuentus gladius, aut lancea in toto populo, nisi in manu Saulis, & Ionathæ. eodem capitulo. Postea autem pugnaverunt Iudæi contra Philisthinos, & habuerunt magnam victoriam, & abstulerunt magnam partem seruitutis huius. 1. Re. 14. & sæpe postea tempore Saulis pugnatum est, & tamen nunquam tempore eius ablatum est iugum Philisthinorum quod posuerunt Israelitis. Nam postquam David regnavit super totum Israel, & pugnavit sæpe contra Philisthinos, abstulit frenum tributi de manu Philisthinorum. 2. Reg. 8. & ex tunc non fuerunt subiecti Israelitæ Philisthino, & tamen nec Philisthini Israelitis. Postea autem tempore Salomonis fuerunt subiecti Philisthini Israelitis in tributum, quia tunc subiugatae fuerunt omnes gentes residuæ de stirpe Chananæorum Salomoni in tributum. 3. Reg. 9. & supra 8. cap. Erant autem Philisthini de Chananæis, ut supra probatum est, ideo ipsi tunc subiecti fuerunt Salomoni. Postea autem esse poterat, quod Philisthini tempore Roboam, vel Abiæ, vel Asa regum Iudæ rebellauerint, & manserint extra obedientiam regum Iudæ, & tunc tempore Iosaphat redacti fuerint in pristinam subiectionem: quia fuit Iosaphat rex potens: nam cum custodiret legem domini, fecit eum dominus prosperari in omnibus actibus suis, & incussit timorē omnibus gentibus, quæ habitabant in circuitu regni Iudæ, ut dicitur in litera, & tunc fortè præ timore redierunt Philisthini ad pristinā obedientiam subijcientes se regno Iosaphat. Vel fortè pugnavit Iosaphat contra illos, & bello subactos coegit ad tributum præstationem. Alio modo posset responderi, quod Philisthini nunc noviter subiecti fuerunt regibus Iudæ, & quod ante hoc nunquam fuerant subiecti tempore David, nec tempore Salomonis. De tempore David satis potest stare, quod de eo legitur, quod abstulit frenum tributi de manu Philisthinorum. scilicet quod Philisthini exigebant ante hoc tributum ab Israelitis, & ipse illud abstulit, ne iam exigeretur ab Israelitis. 2. Reg. octavo.

D Etiam quasdam vrbes tenebant Philisthini, quas aliquando tenuerant Israelitæ. scilicet Geth, & alias vicinas, & illas quoque abstulit David de manibus eorum, ut patet lib. præced. 18. cap. Et tamen non subiecit in tributum Philisthinos, nec prorsus fecit eos pertinere ad regnum Israel. De Salomone autem dicitur. supra 8. & 3. Reg. 9. quod omnes gentes relictas de stirpe Chanaan, quas non subiecerant reges priores, subiecit ipse in tributum, ex quo sequebatur, quod etiam Philisthinos subiecit, qui erant de Chananæis. Potest tamen dici, quod non fuerunt subiecti Philisthini, quia isti termini universales non faciunt semper distributionem in Sacra Scriptura, sed sæpe ponitur omnes pro multis. Dicendum tamen, quod præcedens modus soluendi conuenientior est.

An peccavit Iosaphat subijciendo Arabes ad præstandum sibi tributa.
Quæst. XXII.

QUÆRITUR ulterius, cum dicatur hic, quod Arabes deferebant Iosaphat quolibet anno arctes septem millia, & hircos totidem, an peccavit Iosaphat subijciendo Arabes ad præstandū sibi tributa ista. Respondendum, quod non peccavit, quia propter bonitatem Iosaphat Deus faciebat omnes actus eius prosperos. Et ponitur signanter quid pro eo Deus fecerit. scilicet quod irruit timor domini super omnes gentes, quæ habitabant per gyrum regni Iudæ, & quod Philisthini subiecti

Leges quas Philisthini posuerant super Iudæos.

subiecti fuerint ei ad soluenda vectigalia argenti, & q̄ Arabes darent quolibet anno arietes, & hircos, & tamen id quod Deus alicui dat in donum non prouenit ei cum peccato, quia aliàs Dei munera nobis nociua essent, ideo tenendo Arabes istos subiectos ad has prestationes pecorum, non erat peccatum. Dicit aliquis, quod erat peccatum, quia ad subiiciendum eos his tributis, oportebat pugnare contra eos, sed non poterat licitè pugnare contra eos Iosaphat, quia Israelitæ non habebant causam pugnandi, nisi contragentes illas, q̄ erant intra terminos terræ Chanaan, cum illarum terras solum accepturi essent: Num. 34. cap. Et tñ Arabes non erant in terrâ Chanaan, sed in solitudine magna, quæ est inter Aegyptum, & terram Chanaan, per quã venerunt Israelitæ de Aegypto, & in qua morati sunt ferè quadraginta annis, vt patet in libro de situ terræ Sanctæ. Ideo non habebant iustam causam pugnandi contra eos Iudæi. Dicendum, quod iustè fuerunt subiecti Arabes regi Iosaphat, cum diuinitus hoc factum fuerit, & in manus cultus obseruati, vt supra dictum fuit, nec obstat ratio in contrarium de bello, quia ista subiectio poterat fieri multipliciter. Vno modo, q̄ fieret non intercidente aliquo bello, nec timore, sed sua spontè se subiecerint Arabes. s. quia fortè viderunt Arabes, q̄ Iosaphat erat potentissimus, & prosperabatur in omnibus actibus suis, & ipsi fortassis, non habebant dominum, qui posset defendere eos de alijs gentibus vicinis, & quia ille erat, qui posset eos defendere, voluerunt se ei spontè subijcere ad soluendum quolibet anno certam pensionem arietum, & hircorum, vt defenderet eos ab hostibus suis: & tunc Iosaphat non peccaret suscipiendo hoc, quod spontè sibi offerebatur: potissimè, quia pro hoc laboraturus erat exponendo se contra hostes Arabum: nemo tamen cogitur proprijs stipendijs militare, iuxta Apostolum prima. Corin. 9. & sic de quacunque gente poterat Iosaphat recipere munera, nisi esset aliqui, circa quos esset hoc prohibitum à lege, sicut Chananæi, qui non erant permittendi viuere sub aliquo pacto, vt patet Deuter. 20. licet aliquis casus erat, in quo permittebantur viuere sub tributo, vt declaratum est. supra 8. in quadam questione. Secundo non poterat hoc fieri sine bello, per timorem tñ. s. q̄ Deus incussit terrorem suum omnibus gentibus, quæ erant per gyrum regni Iuda, & non audebant pugnare contra Iosaphat. Erat autem terra Arabum vna de terra propinquis per gyrum regni Iuda, & tantum timuit regem Iosaphat, q̄ subiecit ei totum regnum, & solvebant ei quolibet anno hanc pensionem, & tunc manifestum est, q̄ nō erat peccatum, quia nihil in hoc fecit Iosaphat, sed De⁹, qui per timorem subiecit ei Arabes in tributum. Recipiendo autem quod Deus volebat dare ei in donum non peccabat. Tertio modo poterat hoc fieri per bellum. s. q̄ Iosaphat pugnasset contra Arabes, & subiecisset eos sibi ad ista tributa, & cum dicitur, q̄ nō poterat pugnare Iudæi, nisi contra gentes habitantes intra terminos terræ Chanaan, falsum est, quia verum est, q̄ contra illas poterant pugnare specialius, quàm contra alias. Nam etiam si nulla causa de nouo inturgeret, poterant Iudæi pugnare contra Chananæos, quia habebat adhuc mandatum legis, per quod non solum licitum erat eis pugnare, sed etiam cogebantur pugnare: ita vt nullū de Chananæis permitterent viuere, & tamen contra alias gentes non licebat pugnare, nisi existente causa rationabili: eo quod non dederat Deus terram illarū Iudæis in possessionē, & ob hoc distinxerat Deus modum pugnandi contra Chananæos, & contra alias gentes extra terram Chanaan. Nam contra Chananæos nō oportebat inquiri aliquam causam belli, sed quocunque tempore erat bellum licitum, & quando

pugnarent, & vincerentur, Chananæi omnes erant occidendi in ore gladij viri, & femina, magni & paruuli. Si autem pugnaretur contra alias gētes, quæ erant extra terram Chanaan, offerēda erat eis pax primò. Et si acceptarent pacem, atque aperirēt portas, nullum poterant Iudæi occidere, sed omnes seruituri erant sub tributo. Si autem non aperirent portas, & postea caperetur ciuitas, occidendi erant omnes viri bellatores. Femine autem & paruuli vendi poterant, vel accipi in seruos: Deute. 20. Apparet ergo, q̄ licebat interdum Iudæis pugnare contra aliquam gentem, quæ nō esset de terra Chanaan, & subijcere eam in tributariam. Et sic foret de Arabibus, quod fortassis suborta fuit aliqua causa pugnandi Iosaphat contra Arabes, vt potè, si leserant regnum suum, vel si fauorem dederant hostibus suis, & sic de multis causis alijs vnde haberet Iosaphat causam iustam pugnandi contra eos, & consequenter posset eos subijcere tributis annuis, sicut dicitur hic. Quis tamen modus istorum fuerit subiiciendi eos, non apparet.

Creuit ergo Iosaphat, & magnificatus est vsque in sublime, atque ædificauit in Iuda domos ad instar turrium, vrbesque muratas. Et multa opera patrauit in vrbibus Iuda: viri quoque bellatores, & robusti erant in Ierusalem: quorum iste numerus per domos, atque familias singulorum. In Iuda princeps exercitus Ednas dux, & cum eo robustissimorum viri trecenta millia. Post hunc Iohannan princeps, & cum eo ducenta octoginta millia. Post illum quoque Amasias filius Zechri consecratus Domino, & cum eo ducenta millia virorum fortium. Hunc sequebatur robustus ad prælia Eliada, & cum eo tenentium arcum, & clypeum ducenta millia. Post istum etiam Iozabad, & cum eo centum octingenta millia expeditorum militum. Hi omnes erant ad manum regis, exceptis alijs, quos posuerat in vrbibus muratis, & in vniuerso Iuda.

Creuit ergo. Hic ponitur quartum huius cap. in quo ciues Iosaphat muniri. s. fortificando terram suā contra hostes. Et dicitur. *Creuit ergo Iosaphat.* s. creuit ad magnum statum, & famam, & diuitias per continuas prosperitates, quæ ei eueniebant in omnibus actibus suis. & potissimè, quia Deus incusserat timorem eius omnibus gētibz habitantibus per gyrum regni sui, vt nō auderet pugnare cōtra eum, nec ei resistere, & ex hoc multæ gentes subijciebantur ei, & crefcebat status eius valde. *Et magnificatus est in sublime.* Id est, magnificatus est valde, siue eleuatus est in excelsum. Nam prosperitas Iosaphat, non fuit qualicūq; ita vt diceretur anqualiter eleuatus, sed erat prosperitas eius valde magna, ita vt eleuaretur in sublime quantum ad omnem prosperitatem. *Atq; ædificauit in Iuda domos ad instar turrium.* Postquam

Postquam vrbes munierat reficiendo ea, q̄ corruerant, quæ erant ad necessitatem regni. Adhuc de nouo ædificauit fortalitia alia. scilicet domos ad instar turriū. Erant domus istę castra quædam in locis natura manitis, quę nos fortalitia vocamus. Et sunt tales domus fortes, vt non possint faciliter expugnari: ideo dicuntur factę ad instar turrium, vel fortę erant palatia, quæ rex faciebat sibi in vrbibus ad habitandum, & erant magna, atque fortissima: ideo erant ad instar turrium. In Hebræo habetur, Beioramoth, quod signat altitudines, & est numeri pluralis, & ad idem redit litera nostra. Nam vocauit domos ad instar turrium, propter altitudinem ipsarum, cum turres altę sint magis, quàm ædificia: quæ domus appellantur. *vrbesq̄ muratas.* Istud potest intelligi, quod fecit vrbes de nouo, quas muris cinxit: vel intelligitur, quod erant aliquę vrbes antiquę, quæ non habebant muros, vtpotē: quia nunquam illos habuerant, & nouiter illas muniebat. Vel fortę habuerant muros, sed corruerant, & nunc reædificabantur per Iosaphat. *Et multa opera patravit in vrbibus Iuda.* Scilicet, multa alia opera pertinentia ad decorem, & vtilitatem regni in ædificijs fecit: & vocantur vrbes Iuda vrbes totius regni Iuda, quia non solum in vrbibus fortis Iuda, sed etiam in vrbibus Benjamin, & in illis quas cepit de terra Israel faciebat fortalitia ad defensionem vrbium. *Viri quoque bellatores.* Ponitur alius modus munitiois regni: nam dupliciter Iosaphat ciues suos muniuit. Primò ædificia construendo: secundo apparatus bellicos in viris armatis componendo. Supra autem posuit primum modum in constructione multorum ædificiorum in terra Iuda: hic ponit secundum modum in apparatu bellatorum, quos Iosaphat disponebat habendo secum in curia sua continuē: & disponendo per vrbes ad tempora necessitatis, & dicitur. *Viri bellatores, & robusti erant in Ierusalem.* Scilicet, habebat Iosaphat secum in Ierusalem viros robustos & bellatores: & dicitur, quod erant in Ierusalem, quia Iosaphat manebat semper in Ierusalem: nam ibi erat sedes regni, & consuetum erat omnibus regibus Iuda morari semper in Ierusalem. Dicitur, autem, quod erant viri bellatores, & robusti non quidem intelligendo, quod alij essent viri robusti, & alij bellatores, sed quod isti viri, quos habebat secum Iosaphat, erant viri electi, & erant robusti. scilicet habentes corpora valde fortia, & magna, & pulchra inter ceteros de regno quales ipse poterat eligerē. Sic. n. faciebat Saul, qui fuit primus rex Israel, qui quicumq; videret virum fortem, associabat sibi, & faciebat virum belli. 1. Re. 14. Erant autem isti bellatores. i. assueti bellis: quia sæpē fuerant experti in bellis. Et sic habebant duplicē fortitudinem. scilicet vnam, quæ erat robur corporis: & aliam, quæ erat militaris, quæ causatur ex assuetudine bellica: de qua Arist. 3. Ethic. c. de fortitudine: vel vocantur isti bellatores. i. apti ad bellandum, dato quod isti nunquam exercitati fuissent in bellis: sed corporis robur, & iuuenilis ætas ad bellum promptos ostendebat. *Quorum iste est numerus.* In litera ponitur numerus istorum bellatorum cum ordinantur sub principibus suis. *Per domos, atque familias singulorum.* Scilicet, omnes isti fuerunt numerati per domos, & familias suas. Pro quo considerandū quid vocantur domus, & familię. Sunt autem ista nomina cognationū. Pro quo sciendum, q̄ totus Israel descēdebat de p̄genie Iacob, & vocabatur tota illa gens Israel: quia Iacob pater suus vocatus fuerat Israel à Deo: & propter vnitatē illius patris, & principij erat Israel vnus populus: deinde diuidebatur in multas p̄genies particulares, scilicet, in duodecim tribus propter duodecim filios Iacob, à quibus deriuata est ista multitudo: deinde quilibet tribus diuidebat in familias, & quilibet familia diuidebat in domos, & quilibet domus

Alph. Tost. super lib. Paralip. Pars 2.

A p̄erviros, & ibi erat status. Sic. n. faciebat diuisio ad inuestigandum aliquē virum in Israel: sic iussit Deus fieri Ios. 7. scilicet quā Deus iratus est, quia Achor rapuerat de anathemate Iericho, & Israelitę nesciebāt quis peccasset: iussit Deus, q̄ applicaretur corā dño totus Israel p̄ tribus suas, & forte sciretur, q̄ tribus peccauerat: deinde tribus applicaretur p̄ familias, & familia quilibet per domos, & dom⁹ quilibet p̄ viros, q̄ cū factū fuisset, fors cōprehēdit tribū Iuda, q̄ cū fuisset applicata p̄ familias, forte deprehensa est familia Zare, q̄ cū fuisset p̄tentata per domos capta est domus Zabdi, & rursus dom⁹ hæc cū per viros applicata foret, forte dephensit Achor: iste modus erat diuidendi cognationes inter Israelitas descēdendo vsq; ad indiuidua. Nam tribus erat maxima cognatio, & sub qualibet tribu erant alię familię. Quod autem familię essent sub qualibet tribu, & quō nominarentur, & à quibus viris descenderent, patet Nu. 26. in litera. Nam nulla tribus habebat vltra octo familias, & cōiter quilibet tribus habebat quatuor, vel quinq; familias: deinde familia quilibet p̄ domos diuidebatur: sed non habetur in Sacra Scriptura numerus, nec nomina domorū, quę erant sub qualibet familia. Rarissimē. n. ponuntur nomina aliqua domorū in scriptura, sicut nominatur domus Zabdi: Ios. 7. ca. Est autē sensus, quod isti fuerūt notati per familias, & domos singulorum. scilicet quilibet de Israel erat de aliqua domo, & familia, & tribu: & quādo rex accipiebat viros istos, cōputabat quot erant de tali familia, & quot de tali tribu: & tunc per numerū tribuū & familiarū & domorum sciebat numerus virorum bellatorum regis cōputando quot erant de qualibet p̄genie. *In Iuda princeps exercitus.* Iste erat maior oīum principū Iosaphat: nam habebat sub se trecenta millia virorum, & nullus aliorum habebat tot viros: vt patet in litera. Quare autem vocetur iste princeps in Iuda declarabitur infra in quadam quæst. *Et cum eo robustissimi viri trecenta millia.* Id est, sub eo erāt trecenta millia, quia ipse erat princeps omnium istorū: & vocantur robustissimi. i. robusti solū: quia non poterat quilibet eorum esse robustissimus superlatiue: nā quod p̄ excellentiā dī, vni soli conuenit. Et iste modus loquendi est scripture: quia oēs, qui aliq̄ fortitudinem habent, et si pauca sit, vocat fortissimos, vt patet Nu. 1. D. vbi numerantur oēs viri, q̄ egressi sunt de Aegypto de Iudæis. scilicet sexcenta millia, & plus & de quolibet dicit, q̄ erat vir robustissimus, siue fortissimus: & tñ nō est verisimile, quod oēs in tanto populo essent excellenter fortes, quia in tanta multitudine plures consueuerunt esse infirmi viribus, q̄ fortes. *Post hunc Iohanan princeps.* Ille q̄ supra positus fuit erat primus princeps, & secundus erat iste Iohanan: & vocatur ille primus in tpe, vel dignitate, sicut declarabitur infra in quadam quæst. In Hebræo dicitur, super manū ei⁹: vbi litera nostra dicit post hūc, & idē signat: quia vtrōq; signatur ordo: sed est modus loquendi Hebraicus ad signandū continuationem. scilicet vt dicatur sup̄ manum eius, id est post ipsum. *Et cum eo ducenta octoginta millia.* Iste erat iā minor princeps, quā præcedens: vt patet ex numero subditorum. *Post istū quoque Amasias filius Zechri.* Iste erat tertius princeps istorum. Et non est iste Amasias, de quo dī infra 25. & 4. Reg. 14. quia ille fuit rex & iste non: etiā quia ille Amasias fuit multo tēpore post istū cū ille fuerit filius regis Ioas, & fuit quintus rex Iuda post Iosaphat. Item, quia ille Amasias erat filius regis Ioas. Iste autē erat filius Zechri: vt patet in lra. *Consecratus domino.* Quō autē iste erat cōsecratus dño, declarabitur infra in quadam quæst. esset. n. dedicatus alicui speciali officio Diuino, vel operi, aut cultui p̄pter Deū. *Et cum eo ducenta millia virorum fortium.* Iste erat minor princeps, quā quilibet de præcedentibus, quia pauciores habebat subditos, & omnes vocantur viri fortes, quia erant apti ad bellum.

Maiores om
nium prin
cipum Io
saphat.

G g

Hunc

Quantus
fuerit exer-
citus regis
Asa.

Hunc sequebatur robustus ad praelia Eliada. Scilicet, post omnes principes præcedentes erat alius princeps, scilicet Eliada, qui vocatur robustus ad bella: eo quod inter principes nullus erat æqualis huic in robore, & erat in bellis famosior. In Hebræo dicitur. *Et de Benjamin.* Vbi litera nostra dicit hunc sequebatur. Et est sensus, quod de Benjamin erat princeps Eliada, qui erat robustus ad praelia. Et hoc dicitur, quia omnes præcedentes principes erant de tribu Iuda, & iste Eliada, & etiam alius princeps sequens erat de Benjamin. *Et cum eo tenentium arcum, & clypeum ducenta millia.* In hoc apparet, quod erant isti de Benjamin, quia viri Benjamin erant sagittarii, & patet hoc ex exercitu, quem tenebat rex Asa pater huius Iosaphat. supra 14. Nam dicitur, quod habebat de Iuda in exercitu suo portantium scuta & hastas trecenta millia, de Benjamin vero scutatorum, & sagittariorum ducēta septuaginta millia. *Post istum etiam Iozabath.* Iste est alius princeps de tribu Benjamin. *Et cum eo centum octoginta millia expeditorum militum.* Iste erat minor, quam omnes præcedentes principes, ut patet ex numero subditorum, & habebat secum centum octoginta millia militum expeditorum. i. promptorum ad bellum. *Hi omnes erant ad manum regis.* i. omnes isti principes, vel subditi eorum secundum quosdam erant ad manum regis. i. erant prompti ad mandatum regis in curia sua. *Exceptis alijs, quos posuerat in urbibus muratis, & in vniuerso Iuda.* i. præter istos principes erant alij, & alij subditi eorum, qui non erant in Ierusalem cum rege in curia sua, sed erant dispositi per alias vrbes regni ad tutelam urbium, & ut inde ad regis mandatum irent quodcumque iuberetur.

Quomodo Ednas erat princeps in Iuda.
Quæstio XXIII.

QVAERITVR Circa prædicta primò, quò dicitur, quod erat Ednas princeps in Iuda. Aliquis dicit, quod vocabatur princeps in Iuda: eo quod erat princeps in regno Iuda, sed hoc non stat, quia non solus erat ipse princeps, sed etiam multi alij. i. quatuor, qui nominantur hic post ipsum, & multi alij, qui non numerantur, & erant positi in singulis urbibus muratis, ut patet in littera. Alij dicunt, quod vocatur iste princeps in Iuda, quia erat de tribu Iuda. Sed obijcietur, quod non stat, quia cum iste solus nominetur de Iuda, videretur, quod iste solus esset de tribu Iuda, & alij essent de tribu Benjamin: & sic essent quatuor principes de tribu Benjamin, & vnus de tribu Iuda: quod est inconuenienter dictum. Primò, quia tribus Iuda erat maior multitudine, quam tribus Benjamin, & plures principes de ea deberent esse. Secundò, quia erat dignior tribus Iuda cum esset tribus regia: ideo licet esset minor multitudine, quam tribus Benjamin, deberent esse de ea plures principes. Dicendum autem, quod hic ponuntur principes, quos habebat secum Iosaphat in curia sua, & quia dominabatur Iosaphat duabus tribubus. i. Iudæ & Benjamin, accepit principes de vtraque tribu, & subditi sui erant de viris Iuda, & duo erant de tribu Benjamin. Cum autem dicitur hic de isto primo, quod erat princeps in Iuda intelligitur, quod erat de tribu Iuda, & non solus iste erat de hac tribu, sed etiam duo sequentes. Duo autem ultimi erant de tribu Benjamin. Quod patet, quia vbi litera nostra dicit: Hunc sequebatur robustus ad praelia Eliada: dicitur in Hebræo, & de Benjamin robustus ad praelia Eliada. i. de tribu Benjamin erat princeps Eliada, qui erat robustus ad bella: & tunc intelligendum est, quod ipse Eliada, & Iozabath sequens eum erant de tribu Benjamin, & hoc erat conuenienter se habens. i. quod de Iuda essent plures principes, quam de Benjamin: etiam, quod quilibet principum Iuda esset maior potentia, quam quicumque de principibus Benjamin, ut patet ex littera.

Quomodo Ednas erat princeps primus, & qui ordo prioritatis erat iste. Quæstio XXIII.

QVAERITVR vltcrius, quomodo Ednas erat hic princeps primus, & de alijs dicebatur, quod erant post ipsum, quantum ad quid erat iste ordo prioritatis, & posterioritatis inter istos principes. Aliqui putant, quod erat iste ordo quantum ad prioritatem temporis in ministrando. i. quod isti principes ministrabant regi in curia sua diuersis temporibus anni, & tempus ministrationis eorum erat secundum ordinem, quem habent hic principes in littera. Simile enim erat de illis principibus duodecim, quos habebat Dauid, & sub quolibet eorum erant viginti quatuor millia virorum. præced. lib. 27. nam quilibet eorum ministrabat vno mense anni, & ministrabant secundum ordinem, quem ibi habent. Dicendum tamen, quod isti non erant tales, ut declarabitur infra in quadam quæstione. licet fortè ministratio illorum poterat competere istis. Sed dicendum, quod ordo prioritatis istorum erat quantum ad dignitatem, & potentiā. i. quod secundum quod isti principes ordinantur hic in littera: ita erat ordo in dignitate eorum. Etiam erat ordo in potestate, quia primus maiorem potestatem habebat, quam secundus, & secundus maiorem quam tertius, ut patet in littera, scilicet, primus habebat trecenta millia virorum. Secundus habebat ducenta octoginta millia. Tertius habebat ducēta millia virorum. Quartus, qui erat primus de Benjamin æqualis erat tertio, quod erat vltimus de tribu Iuda. Quintus habebat centum octoginta millia virorum: & sic ordo potestatis, & dignitatis inter eos erat.

Quomodo Amasias dicebatur consecratus domino.
Quæstio XXV.

QVAERITVR vltcrius, quomodo iste Amasias filius Zechri dicebatur consecratus domino. Respondendum, quod vno modo potest vocari consecratus domino. i. deditus officio sacro: ut potest, si erat sacerdos, vel leuita: nam in regno Iuda erat tribus Iuda & Benjamin, & ferè omnes leuitæ, & sacerdotes, quia fugerant de terra Israel, quando Ieroboam fecit vitulos aureos, & vnerunt in regnum Iuda, ut patet supra 11. ideo iustum etiam erat, ut de eis constitueretur aliquis princeps coram rege: & iste fortè esset Amasias, & vocaretur consecratus domino ad differentiam aliorum principum, ut putaretur esse de tribu Leui, de qua omnes erant ministri Dei, & consecrati sibi. Sed obijcietur, quod non stat: quia isti principes erant de tribu Iuda: & tamen in tribu illa nullus erat sacerdos, vel leuita, nec ministravit quispiam de eis in altari: ut ait Apostolus ad Hebræos 7. Ideo non erat iste sic consecratus domino. Dicendum, quod verum est, quod de tribu Iuda nullus poterat esse sic consecratus domino, & tamen iste Amasias non erat de tribu Iuda, sed de tribu Leui: erat tamen princeps coram rege Iosaphat. Et satis est hoc conueniens, quia alij etiam erant principes coram alijs regibus Iuda, qui erant sacerdotes: sic patet de Banaia, qui fuit sacerdos: & tamen constituit eum Dauid principem vnius turmae suæ, in qua erant viginti quatuor millia virorum. præcedenti lib. 27. cap. Quod autem esset sacerdos patet eod. cap. Iste etiam post mortem Dauid fuit princeps totius militiæ Salomonis, sicut consueuerat Ioab esse princeps militiæ tpe Dauid. 3. Reg. 4. Ita ergo iste Amasias poterat esse sacerdos de tribu Leui: & tamen quod seruiret regi in officio militari, quia sacerdotibus non erat illicitum in veteri testamento vacare militiæ, & effundere sanguinem, sicut nunc est illicitum propter irregularitatem, quæ inducta est in nouo testamento. Alio

Alio modo potest dici, quod iste Amasias erat laicus de tribu Iuda, & tamen erat consecratus domino, scilicet, quia consecrauerat se domino in voto Nazaræorum. Pro quo considerandum, quod inter Iudæos erat vnus modus viuendi ceremonialis cadens sub cōsilio, determinatus tamen in lege, per quem poterant se applicare etiam seculares ad cultum Dei, & erat ritus, qui vocatur Nazaræorum. Fiebant autem Nazaræi ex voto, & poterat dupliciter fieri, quia quidam erant Nazaræi perpetui, & alij temporales. Coeremoniæ autem eorum non erant eadem, quia plures erant coeremoniæ Nazaræorum temporalium, quàm perpetuorum, de quibus patet Numeri sexto. Et ibi satis declaratum est: & tamen siue isti, siue illi erant satis separati à communicatione aliorum hominum in multis: & hoc importat istud nomen Nazaræus, quod in Hebræo vocatur Nazir, scilicet, separatus: & isti vocantur consecrati domino, quia se consecrabāt, idest, offerebant domino ad obseruandum aliquid speciale propter eum, quod non obseruabant alij homines. Dicendum autem, quod licet vterque istorum modorum videatur satis conueniens: satis videtur, conuenire secundus, quia cū dixit litera, quod erat consecratus dominus, voluit signare aliquid nouum, & speciale: de sacerdotibus tamen, & leuitis nihil noui, & speciale erat, quod essent consecrati domino, cū necesse esset, quod essent sacerdotes, vel leuitæ, & tamen de Nazaræis non erat sic: quia nemo cogebatur esse Nazaræus, cū esset votum spontaneum. Ideo magis videtur, quod accipiat pro Nazaræo, quàm pro sacerdote: potissimè, quia sicut litera innuit, isti tres principes primi sunt de tribu Iuda, & duo secundi sunt de Benjamin. Et non fit mentio, quod aliquis eorum esset de tribu Leui: ideo videtur, quod iste Amasias esset consecratus domino, scilicet, Nazaræus, quia se in perpetuum vouerat ad seruandum ritus Nazaræorum: & quia nemo de alijs principibus tenebat hanc obseruantiam illo tempore, ad notificationem huius dictum est, quod erat consecratus domino.

Qui erant isti principes, &c. Quest. XXVI.

QVAERITVR vterius de istis principibus, qui nominantur hic, qui erant, vel in quo officio seruiebant regi. Respondent quidam, quod isti erant illi principes, quos Dauid tenebat præcedenti libro vigesimo septimo, scilicet, sicut Dauid tenebat secum principes illos, de quibus hic agitur: ita Iosaphat tenebat nunc alios similes, qui ei assisterent. Dicendum tamen, quod non erant isti tales principes sicut illi, quos habebat Dauid. Primò, quia illi erant duodecim principes. Isti autem erant solum quinque. Secundò, illi ministrabant coram rege quilibet mense suo: & sic omnes duodecim explebant totum annum: & tamen isti erant quinque, & non poterant sic ministrare per singulos menses ad explendum annum. Tertiò, quia quilibet eorum duodecim habebat sub se viginti quatuor millia virorum, & non excedebat vnus alium in numero subditorum, & tamen isti principes erant inæquales, quia nullus erat æqualis alteri, nisi tertius, & quartus, vt patet in litera. Quartò, quia illi principes duodecim erant distincti per tribus: ita quod ferè de qualibet tribu erat vnus princeps: & tamen isti quinque, qui ponuntur hic, solū erant de duabus tribubus, scilicet, tres de tribu Iuda, & duo de tribu Benjamin, vt supra declaratum est. Quintò, quia illi duodecim, qui erant principes Dauid ministrabāt per menses, scilicet, quod quilibet veniebat ad ministrandum vno mense coram rege, & illo finito veniebat sequens princeps & ministrabat: & sic nunquam erat,

Alph. Tost. super lib. Paralip. Pars 2.

Anisi vnus princeps ministrans coram rege in Ierusalē: & tamen de istis quinque principibus dicitur, quod erant omnes in Ierusalē, & erant ad manum regis, idest, erant semper in promptum apud eum, & quod præter istos erant alij in vrbibus regni prompti ad veniendum, quando vocaret eos rex. Dicendum ergo, quod isti principes non erant sicut illi, quos habebat Dauid præcedenti libro vigesimo septimo capitulo. Sed potest dici, quod isti principes erant semper cum rege Israel ad custodiam corporis sui, & erant viles ad duo. Primò, vt regem custodirent, qui incustoditus manere non debebat. Secundò, ad ostentationem gloria regni, quia in multitudine famulorum ostendebatur gloria regis, iuxta illud Prouerb. 18. scilicet, In multitudine populi gloria regis: in paucitate plebis ignominia principis. Tanta autem multitudo principum, & subditorum ad ostentum semper regi ostendebat magnam gloriam eius.

Quare omnes isti erant ad manum regis, &c. Questio XXVII.

QVAERITVR vterius, quomodo dicitur hic de istis, quod omnes isti erant ad manum regis, exceptis alijs quos posuerat in vrbibus muratis, & in vniuerso Iuda. Dicendum, quod isti erant ad manum regis, idest, semper cum eo in curia sua prompti ad exequendum mandatum eius. Et tunc dubitabit aliquis, quō tanta multitudo erat semp cū rege in Ierusalē, quia isti principes habebāt sub se millies millia virorum, & centū sexaginta millia virorū, quā patet aggregando oēs summas virorū quinque principū, qui nominantur. Respondent quidā, quod Iosaphat diuiserat totam multitudinē regni sui per principes: ita quod nullus esset de toto regno Iuda, qui non esset sub aliquo istorū quinque principū. Et hoc patet, quia tanta multitudo virorū erat ista, quod vix tanta poterat reperiri in toto regno Iuda. Nam quā Dauid dominabatur super totum Israel, fecit numerari oēs, qui poterant ad bella pcedere, & inuenta est summa paulo maior, quā ista, vt patet præce. lib. 2. r. ca. Et tūc tunc Dauid dominabatur super oēs duodecim tribus Israel. Iosaphat autē solū erat nūc rex super Iudam, & Benjamin: ideo satis erat difficile, quod essent tot viri potentes procedere ad bella in toto regno Iuda. Sed obijciatur, quod non stet, quia præter istos principes, & subditos suos: adhuc erāt alij principes, & subditi in regno Iuda. Quod patet, quia dicitur hic, quod omnes isti erant ad manum regis exceptis alijs, quos posuerat in vrbibus muratis, & in vniuerso Iuda. Dicendum est, quod isti quinque principes, de quibus hic dicitur, habebant tantam multitudinē subditorū, sicut hic dicit: Et cū dicitur, quod hæc erat valde magna multitudo, & quod non poterat esse tanta in toto regno Iuda. Respondendum vno modo, quod poterat esse tanta in regno Iuda, quia ibi erat tribus Iuda, & Benjamin, & tribus Leui ferè tota, cū oēs leuite, & sacerdotes confugissent de regno Israel in terram Iuda, quādo Ieroboā fecit vitulos aureos, vt patet supra 11. cap. Erant et multi de regno Israel, quia Asa pater Iosaphat coeperat aliquas vrbes de terra Israel, vt patet supra 15. & supra in litera Iosaphat fortè aliquas caperet: & sic in oībus his posset esse tāta multitudo virorū. Nam in sola tribu Iuda inuenta sunt quinquaginta millia virorū potentū egredi ad bellū, quā Dauid fecit numerari totum populū. 2. Reg. 24. ca. Alio modo poterat dici, quod dato, quod non esset tanta multitudo in regno Iuda, poterant isti quinque principes Iosaphat habere tot viros sub se: nam subiecerat sibi Iosaphat multas gētes, quasdam bello, alias verò solo timore, & de illis poterat habere tot subditos, imo valde plures, qui subijcerentur istis quinque principibus.

Gg 2 Sed

Sed dicetur, quod dato, quod posset rex Iosaphat totos subditos habere, quomodo stat, quod haberet illos omnes in Ierusalem secum, quia non videtur quomodo tanta multitudo posset capi in urbe Ierusalem. Item dato, quod posset omnes isti ibi capi, non erat verisimile, quod tantam multitudinem secum haberet Iosaphat: nam videbatur omnes subditos suos secum habere in loco suae habitationis, quod satis erat inordinatum. Dicendum ergo videtur, quod omnes isti quinque principes, qui nominantur hic, erant semper cum rege Iosaphat in curia sua: & tamen non erant cum eis omnes isti subditi, sed erant cum eis aliquot de eis, quot sufficerent ad famulatum, & ostentationem gloriae regni. Cum autem dicitur de quolibet istorum, quod erant cum eo tot millia virorum: dicendum, quod non ponitur hoc ad signandum, quod omnes isti erant cum eo in curia semper, sed ad signandum magnitudinem potestatis cuiuslibet eorum. Cum autem obijcitur, quod dicitur hic, quod omnes isti erant ad manum regis. Dicendum, quod hoc intelligitur de principibus, scilicet, quod omnes isti quinque principes erant semper in curia iuxta regem, quia erant viri honorati, sicut dicitur praecedenti libro decimo octavo capitulo, quod filii David erant primi ad manum regis, scilicet, quia illi magis assistebant ei cum essent magis honorabiles. Et ita isti quinque principes Iosaphat erant honorabilissimi in toto regno, & erant ad manum eius, scilicet, semper sibi assistentes. De subditis autem suis non intelligitur, quia illi non erant ad manum regis. Cum vero obijcitur, quod praeter istos erant alij positi in urbibus muratis, & in uniuerso Iuda, & sic quod necesse erat omnes istos esse in Ierusalem cum rege. Dicendum, quod non intelligitur hoc de subditis: sed de principibus, scilicet, quod praeter istos quinque principes, qui erant semper in curia cum rege, erant multi alij principes positi in urbibus muratis, & isti erant principes minores subordinati principibus quinque, qui erant cum rege semper, & tamen forte non habebant isti alios subditos distinctos a subditis istorum quinque principum, quorum summam iam posita est.

CAPITVLVM XVIII.



FUIT ergo Iosaphat diues, & inclytus multum, & affinitate coniunctus est Achab, descenditque post annos ad eum in Samariam: ad cuius aduentum mactauit Achab arietes, & boues plurimos ipsi, & populo, qui venerat cum eo: persuasitque illi, ut ascenderet in Ramoth Galaad. Dixitque Achab rex Israel ad Iosaphat regem Iuda: Veni mecum in Ramoth Galaad. Cui ille respondit: Ut ego, & tu, sicut populus tuus, sic & populus meus: tecumque erimus in bello.

FUIT ergo. Dicto in praecedentibus de Iosaphat vita prospera, hic agit de eius societate peruersa, scilicet, quia societatem habuit cum Achab rege Israel, qui fuit pessimus idolatra: & diuiditur in duo, quia primo circa bellum contra Syros tractatus praemittitur. Secundo ipsum bellum committitur, ubi. *Igitur ascenderunt.* Prima in duas, quia primo inter Iosaphat, & Achab de eundo ad bellum concordia ponitur. Secundo circa euentum belli Deus consultatur, ibi. *Dixitque Iosaphat.*

An ea, quae hic habentur ad praecedentia continuentur.

Quaestio I:

QVAERITVR Circa primum, an ea, quae habentur hic sint continuata ad praecedentia, & an fuerint facta immediate post praecedentia, vel interiecto aliquanto tempore. Ad primum dicendum, quod inter haec & praecedentia non potest esse proprie continuatio, quia continuatio proprie ponitur inter duas partes eiusdem historiae, quarum una praecedit alteram proprie, & tamen licet in hoc capitulo, contineatur aliqua pars historiae Iosaphat condistincta contra omnes alias partes historiae, sed praecedenti capitulo, non continetur aliqua pars historiae, sed ordinatio totius vitae Iosaphat, quia ea, quae habentur ibi durauerunt per totam vitam suam. Nam ibi ponitur de principibus, quos habebat, & de aedificijs, quae faciebat, & quomodo se habebat ad Deum: & tamen ista durauerunt tota vita Iosaphat, ideo ea, quae habentur praecedenti capitulo, non sunt aliqua pars historiae eius condistincta contra alias partes historiae, sed coincidit cum tota alia historia de eo. Ad secundum dicendum, quod istud exclusum est per primum: nam istud quod supra habetur, cum non sit aliqua pars historiae Iosaphat, non poterat esse immediate istud post praecedentia, nec interiecto aliquanto tempore post illa, cum non sit aliquis ordo continuationis. Circa primum dicitur. *Fuit ergo Iosaphat diues, & inclytus multum.* Ista dictio, ergo, ponitur hic tanquam illatiua, vel continuatiua, non quidem temporis, sed rationis, & infertur istud ex praecedentibus: quia dicitur hic, quod fuit Iosaphat diues, scilicet, in pecunijs, & possessionibus. Et fuit inclytus, i. famosus & gloriosus, & hoc quantum ad excellentiam, & status & famam suam per omnia regna in gyro. Et sequitur sic, quia supra dicitur, quod omnis Iuda obtulit munera regi Iosaphat, & factae sunt ei infinitae diuitiae: etiam quia Philisthini offerebant ei vestigal argenti, & Arabes per singulos annos afferebant ei septem millia arietum, & totidem hircos: erat ergo diues propter haec. Etiam erat inclytus, quia pugnauerat contra multas gentes, & subiecerat eas sibi. Etiam (quod maius erat) Deus incusserat timorem eius omnibus gentibus habitantibus in gyro regni eius, ut patet praecedenti capitulo, ita ut nullus auderet pugnare contra ipsum. Etiam ipse constituerat sibi statum magnum: nam habebat secum semper in curia sua quinque principes maximos, quorum maximus habebat sub se trecenta millia virorum, & minimus centum octoginta millia, ut patet ibidem. Ideo valde inclytus, id est famosus, & magnificatus erat Iosaphat. Et affinitate coniunctus est Achab. Istud potest poni ad demonstrandum etiam quomodo erat inclytus: quia habendo affines potentes, & gloriosos ostendebatur nimis gloria eius. Vel ponitur istud tanquam conclusio praecedentium, scilicet quod ex eo, quod Iosaphat erat tam inclytus, & tam diues posuit affinitate iungi regi Achab, qui erat rex potens.

Iste vñ esse primus Rex Iuda, qui coeperat habere amicitiam, & affinitatem cum regibus Israel, quia de præcedentibus non legitur, & iunctus est iste affinitate regi Achab, non quidē accipiendo filiam Achab in vxorem, nec aliquam aliam eius cognatam, nec etiā dādo aliq̃ filiam suam in vxorem regi Achab, q̃a Achab habuit in vxorem Iezabel filiam regis Sidonis. 3. Reg. 16. sed fili⁹ Iosaphat accepit in vxorē filiam regis Achab. Iste enim fuit Ioram primogenitus Iosaphat, qui accepit in vxorem Athaliam filiam regis Achab. infra 21. & 22. & 4. Reg. 8. Sed quomodo hic sit affinitas, declarabitur infra in quadam quæst. Sciendum autē, q̃ alia, quæ dicta sunt solum fuerunt dicta propter istam affinitatem Iosaphat, & Achab, quia hic agitur de bello q̃d Achab, & Iosaphat fecerunt contra Syros, & adiuit in eo Iosaphat ipsum Achab, quia erat affinis eius. *Descenditq̃ post annos ad eum in Samaria.* Scilicet, cum essent affines Iosaphat & Achab, diligebant se mutuo, & visitabant se: ita quod aliquando Achab ibat in terram Iosaphat, & aliquādo Iosaphat in terram Achab. Accidit autem nunc, quod Iosaphat descenderet ad visitandum Achab, & erat Achab nunc in Samaria, quæ erat Metropolis regni Israel, vt patet infra in litera. Et dicitur, quod descendit post annos ad eum, scilicet, post aliquos annos, scilicet, postquam contracta est affinitas inter eos. *Ad cuius aduentum mactauit Achab boues, & arietes plurimos.* Voluit facere Achab magnam solennitatem regi Iosaphat venienti, tum quia erat rex potens, & inclutus: tum quia erat affinis eius, tum quia veniebat ad honorandum eum descendēdo ad visitandum eum in terram suam, tum & principaliter, quia volebat allicere Achab ipsum Iosaphat obsequijs, vt consentiret precibus eius: nam volebat petere ab eo, vt adiuuaret eum in bello contra Syros in Ramoth Galaad, & sic factum est: nam petiuit hoc Achab, & concessit illud Iosaphat, descenditque cum eo in bellum, vt patet infra in litera. *Et populo, qui venerat cum eo persuasit, vt ascenderet in Ramoth Galaad.* Ista litera potest dupliciter legi: vno modo, quod non sit iste versus per se, sed pars eius ordinetur cum versu præcedenti, & intelligatur sic, scilicet, quod Achab mactauit boues, & arietes ad aduentum Iosaphat, & etiam populo, qui venerat cum eo, scilicet, q̃ etiam ad honorem populi, qui venerat cum rege mactauit istos arietes, & boues. Nam veniebant viri nobiles de regno cum ipso rege Iosaphat, & ad honorem etiam ipsorum mactauit hæc animalia: & tunc sequitur, & persuasit, vt ascenderet in Ramoth Galaad. Aliter legitur fm̃ quod iacet in litera, non diuidendo versum, scilicet, q̃ Achab persuasit populo, qui venerat cum rege Iosaphat, quod ascenderet in Ramoth Galaad, scilicet, vt adiuuaret ipsum Achab in bello contra Syros, & tunc innuitur, quod prius persuasit Achab seruis Iosaphat, quod irēt cum eo in bellum, quā persuaserit ipsi Iosaphat, quod videtur satis irrationabile, sed de hoc infra declarabitur in quadam quæstione. *Dixitq̃ Achab rex.* Scilicet rex Israel. *Ad Iosaphat regem Iuda.* Qui venerat ad visitandum eum: hic incipit rogare eum pro adiutorio bellico: *Veni mecum in Ramoth Galaad.* Scilicet, veni adiuna me in bello, quod facturus sum contra regem Syriæ in Ramoth Galaad, vel pro Ramoth Galaad. *Cui ille respondit.* Iosaphat diligebat regem Achab, & respondit ei gratē, sicut petebatur. *Vt ego & tu, sicut populus tuus, & populus meus.* In hoc declarat Iosaphat maximam amicitiam suam, quam gerebat ad Achab, dicens, quod non oportebat, quod Achab peteret aliquid à Iosaphat, quia omnia, quæ erant ipsius Iosaphat: erant etiam ipsius Achab: ideo non oportebat, quod peteret ea, sed quod vteretur eis iure suo. Et sic est sensus, vt ego & tu, idest, ego sum,

Alph. Tost. super lib. Paralip. Pars 2,

A sicut tu: vel ego sum id, quod tu: quia ista est conditio verorum amicorum, scilicet, quod incipiunt idem esse: sic patet nono Ethicorum, scilicet, amicus est alter ipse, & non solum est hoc in amicitia humana, sed etiam in amicitia Dei ad hominem, quia per amorem identificantur, vt ait Apostolus secunda ad Corinthios sexto, scilicet, qui diligit Deum vnus spiritus est cum eo: sicut populus tuus, & populus meus, idest, sicut ego, & tu vnum sumus, ita populus tuus, & populus meus vnum sunt. Et non est intelligendum, q̃ illi sunt vnum eodem modo, quo nos sumus vnum, quia nos sumus vnum per amorem, qui transformat amantem in amatum, & tñ non contingit sic in populo ad populum: quia talis amor potest esse hominis ad hominem, non tñ populi ad populum. Sed est sensus, q̃ ex quo ego, & tu vnum sumus per amorem, populus tuus, & populus meus vnum sunt per communicationem vtilitatis, quia populus est tanquam res possessa, & amici communicāt sibi in omnibus bonis possessis. Alij exponunt sic, vt ego & tu. i. iustum est, q̃ ego subueniam tibi nūc in bello, quia ego sum sicut tu. scilicet, tu hodie es in angustia bellorum egens auxilio meo: ita ego potero esse aliquando egens tuo auxilio: ideo iustum est, vt tibi subueniam, vt à te quoque cum opportunum fuerit eadem recipiam: & sicut populus tu⁹ populus meus. i. sicut hodie populus tuus eget auxilio populi mei, ita aliquando populus meus egebit auxilio populi tui: ideo dignum est, vt sibi inuicem subueniant. Sed non conuenit iste sensus tantum literę, sicut præcedens. Patet etiam hoc ex litera. 3. Reg. 22. vbi ponitur ista historia, & dicitur, sicut ego sum, ita & populus meus, & populus tuus vnum sunt. Equites mei equites tui. *Tecum erimus in bello.* Scilicet, quia tanta est vnitas inter me, & te, & populum meum, & populum tuum, quod erimus tecum in bello adiuuādo te.

Conditio
verorum
amicorū.

De affinitate Iosaphat, & Achab regis. Quæst. II.

Q V A E R I T V R Circa prædicta, & primo circa affinitatem Iosaphat, & Achab, quia dicitur, quod Iosaphat affinitate iunctus est regi Achab. Respondendum, quod fuit affinitas, quia filius Iosaphat, scilicet Ioram accepit in vxorem filiam Achab, scilicet Athaliam, sicut patet infra vigesimo primo, & vigesimo secundo, & quarto Regum octauo. Sed obijcietur, quod istud non stet, quia ista non est affinitas. Nam per hoc Ioram filius Iosaphat esset affinis omnium cognatorum Achab. Et tamen Iosaphat, qui nō accipiebat in coniugem aliquam de stirpe Achab, non cōtrahebat affinitatem: cum aliquo de stirpe illa. Aliquis ergo dicet ad satisfaciendum scripturæ, quod Iosaphat acceperit in vxorem aliquam filiam Achab, vel aliam cognatam eius. Dicendū tamen, quod hoc non videtur, quia non apparet, q̃ aliquam talem acceperit Iosaphat in vxorē, sed apparēt de Ioram filio eius. Ideo dicendum est, sicut prius: q̃ propter illum contracta est affinitas. Et cum obijciatur, quod sic Iosaphat non esset affinis Achab. Dicendum, quod triplex genus affinitatis est. Primum est inter illum, qui accipit aliquam in vxorem ad omnes cognatos illius: nam quantum extenditur linea cognationis, in qua non licet contrahi matrimonium, tantum extenditur linea affinitatis. Et ista est vnus personæ ad vnā totam progeniem: ita quod non licet illi viro mortua quam tunc tenet, accipere aliam de tota cognatione vxoris mortuæ, velut si ipse esset de cognatione, de qua erat vxor sua: quia sicut tunc non liceret ei accipere aliquā illarum iure cognationis, ita nunc non licet accipere aliquam iure affinitatis. Et ratio est, quia per copulam carnalem vir & vxor sunt facti eadem caro.

Triplex
affinitatis
genus.

Gg 3. Et

Et sicut si esset vir idem cum vxore sua esset in cognatione illius, & non posset aliquam de tota illa cognatione accipere in vxorem: ita fictione iuris diuini, & humani constitutus videtur in eadem cognatione, & iure affinitatis, non licet sibi accipere in vxorem aliquam de tota illa cognatione: & sicut se habet vir ad cognationem vxoris suæ, quia omnes de cognatione eius sunt affines viri, ita se habet foemina ad omnes de cognatione viri, quia omnes de cognatione viri sunt affines foeminæ, & mortuo viro non liceret ei accipere in virum aliquem de tota cognatione viri, eo quod p copulam carnalem fuerunt effecti vna caro, & videtur foemina esse in cognatione viri. Secundum genus affinitatis est inter cognatos viri, & cognatos foeminæ: nam per primum modum affinitatis attinebat vir omnibus cognatis vxoris, & vxor omnibus cognatis viri, & tamen cognati vtriusque inter se nullo iure sibi attinent, & nunc per istum secundum modum computantur affines. Tertius modus affinitatis est, quo affines istorum efficiuntur mutuo affines: utpote, si ego habeam fratrem, qui accipiat vxorem, illa est affinis mihi, & omnibus de cognatione mea, & ego accipio vxorem de alia cognatione, omnes de illa cognatione sunt affines mihi, quia non possunt aliqua foeminæ contrahere mecum de illa cognatione. Ecce duæ cognationes distinctæ, quæ non attinent sibi aliquo iure consanguinitatis, & de nulla earum, ego sum, quæ tangunt se iure affinitatis, non quidem quasi inter se sint affines, vel quasi sint cognate affinium, sed quia sunt affines affinium. Isti duo gradus postremi affinitatis exclusi sunt à iure, quia nec impediunt matrimonium contrahi, nec dirimunt contractum, sed primus solus tenetur. Ioram autem filius Iosaphat erat affinis Achab primo modo affinitatis, sed non ipse Iosaphat, nisi ad filiã Achab, scilicet, Athalia, quæ erat vxor filij sui, & tamen inter Iosaphat, & Achab erat secundum genus affinitatis. scilicet quia erant cognati eorum, per quos contrahebatur affinitas. scilicet vnus erat pater viri, & alius pater vxoris. Ideo dicendum, quod scriptura accepit hic affinitatem largè pro secundo gradu affinitatis, licet ille gradus hodie non impediatur tanquam vera affinitas. Vel potest dici, quod accipitur pro primo gradu affinitatis, qui hodie tenetur de iure, & impedit matrimonium contrahi, & dirimit contractum, & tamen tunc non est sensus, quod inter Achab & Iosaphat esset affinitas talis, sed erat inter Iosaphat & Athalia filiam Achab vxorem Iorã filij sui: scriptura tñ dicit affinitate coniunctos Iosaphat & Achab ppter affinitatē, qua coniungebantur Iosaphat & Athalia filia Achab, & iste secundus modus loquendi est verior, & magis conueniens Scripturæ Sacræ.

Quod bellum Achab suaserit regi Iosaphat.

Quæstio III.

QVAERITVR vltius, cū Achab suadeat hic regi Iosaphat, & populo suo ire in Ramoth Galaad in bellū, quod bellū est istud, & quid sit Ramoth Galaad. Respondendum, quod Ramoth Galaad est quedam ciuitas in terra Israel, quæ sic vocabatur. Et sciendum, quod Ramoth Galaad est dictio composita, vel (ut volūt alij) est Ramoth vna dictio, & Galaad alia, & est genitiuus illi adiunctus ad determinandum. scilicet quod ista ciuitas, quæ vocatur Ramoth est in terra Galaad. Est autem Galaad nomen cuiusdā montis apud Iordanem ad partem Orientalem eius iuxta terram Moab, qui vocatus fuit sic per Iacob: nam cū veniret de Mesopotamia, & persequeretur eum fugientem Laban, consecutus est eum in monte illo, quod postea vocatus est Galaad & nōdum vocabatur sic, sed conuenerunt ibi Iacob & Laban in multis, & iurauerunt seruare id, quod conue-

Fnerant. Et quia non erant ibi alij testes, inuocauerunt Deum in testem, & fecerūt cumulos de lapidibus, qui manerent in memoriam huius rei æternam, & à teltificatione illa vocauerunt montem illum: Laban quidem vocauit illum secundum linguam Syram, & Iacob secundum linguam Hebraicam. scilicet Galaad, quod interpretatur cumulus testis, vel acutus testimonij: patet ista historia Gen. 31. cap. Ab illo autem monte vocatur terra in circuitu adiacēs terra Galaad. Est autem illa terra duarum tribuum & dimidiæ, & fuit ista terra Galaad diuisa, quia dimidietas eius data fuit tribui Ruben, & medietas tribui Gad: Deute. 3. & in medietate illa, quæ est in sorte Gad est ciuitas, quæ vocatur Ramoth: Deutero. 4. & ad differentiam aliarum ciuitatum si sic nominarentur, vocata est Ramoth Galaad. Istā est vna de ciuitatibus refugij, ad quas fugiebāt illi, qui homines occiderant à calu. eod. cap. Syri autem tenuerant istam ciuitatē, & multas alias de terra Israel in tempore Achab, & predecessorum suorum. Et tenebatur nunc à Syris tempore Achab, cuius tempore regnabat in Syria rex potens Benadad, & ante hoc duo bella inerat Benadad contra Achab, & in ambobus succubuerat: ita ut Achab caperet viuētem Benadad. 3. Reg. 20. & tunc promisit Benadad regi Achab, quod restitueret ei omnes ciuitates, quas tenuerat de terra Israel, & ēt, quod faceret sibi plateas in Damasco Metropoli Syriæ, ita ut dimitteret eum. Quod concessit Achab, & soluit ipsum. eod. cap. Sed Benadad non restituit ciuitates, quas promiserat restituere, de quib⁹ erat Ramoth Galaad, sup qua locutus est Achab ad seruos suos accusando se, & illōs de negligentia, quod non curaret tollere Ramoth Galaad de manu Syrorum. tertio Reg. 22. cū dicitur, dixit rex ad seruos suos: ignoratis, quod nostra sit Ramoth Galaad, & negligimus tollere eam de manu regis Syriæ. Accidit autem, quod ista cogitatio incideret regi Achab, quā descendit ad videndum eū Iosaphat: ideo suasisit ei, & seruis suis ire ad bellū cū eo in Ramoth Galaad contra Benadad regē Syriæ.

Quomodo Achab persuaserit populo, qui iuit cum Iosaphat, ut iret cum eo ad bellum in Ramoth Galaad, & alia, in quibus videntur inconuenientia esse.

Quæstio

IIII.

QVAERITVR vltius, quomodo dicitur hic, quod Achab persuasit populo, qui inerat cum Iosaphat, quod iret cum eo ad bellum in Ramoth Galaad, & ponitur, quod prius persuaserit populo, quā locutus fuerit regi Iosaphat, in quo videretur esse tria inconuenientia. Primum est, quia reuerentia regis debebat obseruari, ut pri⁹ peteretur hoc ab illo, quā à seruis suis. Secundum est, quia concessio illorum non erat firma, vel negatio. Nam dato, quod serui Iosaphat concederent, quod irent in Ramoth Galaad cum Achab, si Iosaphat non consentiret, nihil hoc valebat, quia ipse prohiberet eos ire: & dato quod negaret, si forsā cōcederet Iosaphat, quod irent, compelleret eos ire secum. Tertium erat, quia petitio ista fauoris, vel suasio nihil proderat, cū sciret Achab, quod illi, qui veniebant cum Iosaphat non erāt sui iuris, & quod facerent non proficeret, sed dependebat ex voluntate alterius. Aliquis dicet, quod Iosaphat erat rex inclytus nimis, & benignus, & multi viri potentes, qui erant vicini terræ eius considerata eius probitate etiam si non essent ei subiecti veniebant ad curiam eius, & honorabant eum. Et fortè nunc de istis veniebant multi cum eo, & quia isti erant sui iuris poterant cōcedere fauorem suum regi Achab, nec dependebat consensus eorum à consensu, vel dissensu regis Iosaphat. Sed dicendum, quod hoc non stat.

Primò,

Primò, quia dato, q̄ isti possent dare cōsensum suum, vel dissensum sine rege: tamen non erant ipsi prius requirendi, quàm rex propter excellentiam regalem. Secundò, quia istud præsuppositum non satis cōstat. s. q̄ venirent cum Iosaphat aliqui, qui non essent subditi ei, à quibus per se posset peti consensus. Item dato, quòd venirent aliqui, non videtur, q̄ ab istis solis peteretur consensus. Sed ab omnibus, qui veniebant cum Iosaphat, quia dicitur in litera: & populo, qui venerat cum eo persuasit, vt ascenderet in Ramoth Galaad, & sic etiam à seruis Iosaphat petitus fuit iste consensus, & tamen ab istis non erat opus peti. Dicendum ergo aliter. s. q̄ hic est mutatio ordinis literæ, quod sapè fit in Sacra Scriptura, & in historijs gentium, vbi nō tenetur semper ordo naturalis rei gestæ. Sed ordo artificialis interdum. Et sic tenendum, quòd prius suavit Achab regi Iosaphat, quòd ascēderet cum eo in Ramoth Galaad, quā populo. Sed tunc dicitur, adhuc stante hoc, ad quid opus erat, quòd Achab suaderet populo, q̄ erat cum Iosaphat ire in Ramoth Galaad, cum illi secuturi essent mandatum Iosaphat. Respondendum est; q̄ verum est, q̄ voluntas eorum dependebat ex volūtare Iosaphat, nec erat nēgisse, q̄ peteretur consensus eorū, & tamen ad magis animandum eos, petitus est cōsensu eorum: quia vt ait Seneca, animus hominis generosus est, & facilius ducitur, quàm trahatur, & quia honor exhibet mouet naturaliter viros magni cordis, voluit Achab honorare viros Iosaphat petendo ab eis id, quod aliàs sine petitione fortitur⁹ erat: & forsità istud esset de consilio Iosaphat, quia si bellum istud esset Iosaphat, ipsi sequerentur illud, non petito ab eis consensu: quia tamen erat bellum extraneorū, nē viderentur grauari, sed magis agere ex sua intentione, suavit illis Achab, q̄ vellēt ire cū eo in bellum in Ramoth Galaad.

Cur positum sit hic bellum regis Israel, cum tantum scribi debeant hic gesta regum Iuda. Quæst. V.

QVAERITVR vltius, ad quid positū fuit hic istud bellum, quod habuit Achab rex Israel cōtra Benadad regem Syriæ, quia in isto libro non solent describi aliqua gesta regum Israel, sed gesta regum Iuda. Et patet hoc: nam ē ipse Achab gessit alia bella cum rege Benadad, quæ tñ non ponuntur hic. De illis bellis patet 3. Reg. 20. Aliquis dicet, q̄ alia bella, & quæcunq; res gestæ p̄tinentes ad historiam Achab, erāt res parui momenti, vel in quibus modicum apparebat operatio Dei: ideo scriptura nō curauit hic illa describere: istud autem bellum, quia erat maius alijs descriptū fuit hic. Sed dicendum, q̄ non stat, quia alia bella fuerunt maiora, & aliæ res gestæ Achab, quàm istud bellum, quod ponitur hic: qđ patet, quia in isto bello nihil Deus fecit in fauorem Achab, sed potius p̄misit eum occidi à Syris, & tamen in alijs bellis fecit multa pro eo. Nam in primo bello quod Benadad gessit cū Achab, cum esset valde magnus apparatus belli Benadad, & quasi nulla vis bellica ipsius Achab, Deus prænūciauit ipsi Achab, quòd præualeret contra Benadad, & cum paucō exercitu fugauit totam militiam Benadad, & occidit plurimos. 3. Re. 20. vnde admirati Syri cur hoc euenisset dixerunt ad Benadad, dij montium sunt dij eorum, ideo præualuerunt contra nos: sed melius est, vt pugnemus contra eos in vallibus, & sic factum est. Nam congregauit rursus Benadad exercitum valde magnum contra Iudæos ad pugnādum in vallibus, & cum posuisset Achab duas acies suas cōtra exercitum Benadad, apparuerunt quasi duo parui greges caprarum: & tñ facto concursu belli occiderunt Israelitæ de Syris in die vna centum millia peditum: reliqui autē confugerunt in vrbem Aphech, & vt magis benefaceret Deus Iudæis feli-

Alph. Tost. super lib. Paralip. Pars 2.

Acit, q̄ murus vr̄bis corrueret super Syros, & occidit viginti septem millia Syrorum, & ibi capt⁹ est Benadad viuens, & clementiam Achab exorans. 3. Reg. 20. ista fuerūt mirabilia bella, in quibus valde manifestata est virtus diuina, & nullum eorum describitur. Idē patet de alijs rebus gestis, q̄ nō erant bella: nam corā Achab, & toto Israel fuit contentio Eliæ p̄phetæ contra p̄phetas Baal, & prophetas lucorum super vera deitate, asserentibus illis Baal esse verum Deū, & Eliā dicente Deū celi, qui erat Deus Israel, esse solum Deum verum, qđ ex communi pacto inquirendum erat in igne de celo dando, & sic repertum est Deum Israel esse verū Deū, occisiq; sunt p̄phetæ Baal, & lucorum. 3. Reg. 18. qđ pertinuit ad magnam gloriam Dei, & tñ nihil horum hic describitur. Dicendum ergo, q̄ non fuit ista causa describendi istud bellum Achab, sed quia intentio auctoris. s. Esdræ in libro isto fuit describere gesta regum Iuda, de regibus autem Israel nihil tangere p̄pter causas signatas in quadam quæst. in prologo præced. libri: ideo siue essent gesta magnifica, siue qualitercunq; subticentur. Quia tamen interdum quædam gesta regum Israel erāt communia regibus Iudæ, vtpotē bella quædam, quæ reges Iuda gerebant contra reges Israel, vel ē conuerso, vel reges Iuda adiuuabant reges Israel, vel ē conuerso, ad describendum plenē historiam regum Iuda necesse erat simul describi regum Israel, & sic fit hic. Nam in bello isto, quod fecit Achab contra Benadad regem Syriæ, fuit cum eo Iosaphat rex Iudæ, & populus suus, & liberatus fuit mirabiliter Iosaphat, cum affligerent eum Syri putantes esse regem Achab. infra in litera. Ideo fuit positum hic istud bellum, non tanquā pertinens ad historiam regis Achab, sed ad historiam regis Iosaphat: sic etiam fuit supra decimotertio, vbi ponitur quoddam bellum, quod fecit Ieroboam rex Israel, eo quòd fecit illud cōtra Abiam regem Iudæ. Vnde ponitur ibi tanquam pertinens ad historiam Abiæ, & non tanq̄ pars historiæ Ieroboam. Et quia alia gesta Achab non pertinebant ad historiā aliquorum regum Iudæ, quantumcumque illa essent magnifica, non debuerunt scribi in hoc libro.

An Iosaphat tradens filio suo in vxorem Athaliam filiam Achab peccauerit, & alia. Quæst. VI.

QVAERITVR vltius, cum Iosaphat accepit filio suo Ioram in vxorem Athaliam filiam Achab, an peccauerit, & an comunicādo cū Achab descendendo ad videndū eum peccaret. Ad primū dicet aliquis, q̄ peccauit valde Iosaphat faciendo tale matrimonium, nam prohibitum erat Iudæis matrimonium contrahere, & fœdera facere cū Gentilibus, quia idolatræ erant, vt patet Exo. 34. Et tamē omnes de domo Achab erant idolatræ, & valde idolatræ, quia ipsi coluerunt Baal super omnes homines: ideo peccatum, erat tale matrimoniū contrahi. Secundò patet, q̄ peccauit Iosaphat comunicādo cū Ochozia rege Israel faciendo naues cōmunes ad eundem in Tharlis, vt patet infra 20. nam propter hoc contractæ sunt naues Iosaphat, vt patet ibi, & 3. Reg. 22. & tamen ista erat communicatio simplex: ideo magis peccaret dando filio suo in vxorem mulierem idolātrā de stirpe idolātrarum, cum ibi sit maxima communicatio, & periculosa. s. quia poterat peruertere virum ad idolatriā. Tertio patet, q̄ magna mala secuta sunt ex matrimonio isto. Nam ipsa Athalia peruertit virum suum Iorā ad idolatriam: nam cum pater suus Iosaphat, & auus suus Asa essent viri deicolæ, ipse suasionē vxoris suæ, non secutus est eos, sed coluit idola, & hoc improperauit ei Elias propheta in quibusdam literis, quas direxit ad eum, vt patet infra vigesimo primo,

Gg 4 Item

Item quodcūque agitur de idolatria huius, ponitur eius vxor Athalia tanq̃ causa: nam dicitur: filia quippe Achab fuit vxor eius: quasi dicat, non est mirandum, q̃ secutus fuerit idola, quia filia Achab. f. Athalia erat vxor eius, qui eum ad hęc alliceret. 4. Re. 8. & infra 21.

Causa
mortis Ochozię Regis.

Item ipsa impulit filium suū Ochoziam regē Iuda ad colendum idola, quod fuit causa mortis eius, sic patet infra 22. Sed ipse ingressus est per viam dom⁹ Achab: mater enim eius impulit eum, vt impiē ageret: fecit ergo malū in conspectu domini, sicut domus Achab. Ipsi enim fuerunt consiliarij eius post mortem patris sui in interitum suum, ambulauitque in vijs eorum. Item secutū est magnum malum ex hoc, quia ista impijssima Athalia occidit nepotes suos, & omne semē regium de domo Iuda, vt nemo regnare posset, sed ipsa regnaret, & sic regnavit sex annis, quibus fuit absconditus Ioas nepos eius in domo domini, & tunc ipsa occisa est mandato Ioiadę summi sacerdotis. 4. Reg. 11. & infra 23. & 24. Respondendum, q̃ non apparet, an peccauerit Iosaphat faciēdo tale matrimonium, & quia faciliores esse debemus ad absoluendum, quā ad cōdemnandum, cū non appareat causa necessaria condemnationis, dicendum videtur, q̃ non peccauerit in hoc Iosaphat. Et patet hoc, quia Iosaphat fuit rex valde bonus, sicut laudat eum Elyas in literis, quas direxit ad filium suum Ioram regem Israel. infra 21. cap. & nō peccauit nisi in quibusdam, de quibus scriptura eum redarguit: & tamen non legi redargutus de hoc alicubi, sicut legitur redargutus de auxilio quod p̃stitit regi Achab in bello. seq. cap. & de communicatione, quam habuit cum Ochozia rege Israel faciēdo naues communes, vt irent in Tharsis. infra 20. ideo videtur, quod non peccauerit in faciendo tale matrimonium.

Ratio cur Iosaphat non peccauerit.

Omnia homini concessa sunt, quæ nullo iure prohibita sunt.

Secundō patet hoc efficacius, quia omnia censentur homini concessa, quæ de iure naturæ, vel alio iure scripto non sunt vetita, & tamē quod Iosaphat daret filio suo i vxorem Athalias filiam regis Achab, nullo iure vetitum erat: ideo non erat illicitum Iosaphat facere tale matrimonium. Nam solūm vetuerat Deus Iudæis accipere in vxores foeminas gentiles, & dare filias suas gentilibus, vt patet Exo. 34. & tamen Achab non erat gentilis, sed Israelita: ideo contrahebat hic Iudæus cum Iudæa, quod nulla lege vetitum erat. Ad primam rationem in contrarium dicendum, quod restringere metas matrimonij esset odiosum, nec erat lex ad hoc extendēda, sed manere deberet in suis terminis. Et quia lex non vetabat contractum inter Iudæos, licet quidā eorum essent idolatrę, sed solūm inter Iudæos & Gentiles, non erat hoc ad Iudæos idolatras extendendum. Item patet hoc potissimē, quia licet omnes Gentiles essent idolatrę: tamen non erat prohibitus contractus matrimonij cū omnibus Gentilibus, sed solū cū Chananæis, vt colligitur Exo. 34. & Deuter. 7. cap. sed Iudęi non erant deterioris conditionis, q̃ gentiles, qui erant idolatrę, & non erant Chananæi, ergo non erat prohibitum matrimonium inter illos contrahi. Cū autem arguitur de ratione prohibitionis. f. quia ideo prohibebatur talis contractus, nē illi, qui erant catholici per communicationem mulierum idolatrarum peruerterēt ad idolatriā, & istud erat ēt cum Iudęis idolatris. Dicendum, q̃ non est sufficiens ratio hęc, quia etiam omnes gentiles erant idolatrę, & commiscendo conubia cū quibuscunq; gētilibus, poterat sequi ista peruersio, & tñ Deus non vetuit contrahi matrimonium cū alijs gētilibus, sed cū solis Chananæis, vt dictum est. Quare autem potius cū Chananæis, quā cū alijs gentilibus declaratum est Exo. 34. & Deut. 7. cap. Ad secundam rationem dicendum, q̃ peccauit Iosaphat communicando cū Ochozia, non quidem tantum ex grauitate facti quātum erat ex reciduatione. Nam pecca-

uerat iterum Iosaphat cōmunicando cū Achab, & descendendo cū eo ad bellum, & Deus poluerat eum in periculo inter Syros propter hoc. Et post hęc increpuit eum per prophetam seq. cap. q̃ ergo iterum rediret ad comunicādū alijs idolatris de domo Achab, videbatur esse contēnere admonitiōē Dei p̃ prophetam. Ideo reputatum est ei in peccatum, & fortassis si fuisset ista prima communicatio, quam haberet Iosaphat cū viris de domo Achab, non reputaretur ei in peccatum. Alia etiam causa ad hoc esse poterat, quia cū acciperetur Athalia in vxorem Ioram, nullum p̃culum esset, si vellet Ioram, quia cū esset vxor sua, erat iuris sui, & poterat eam abstrahere à cultu idolorum, & sic filij inde nati essent cultores Dei, & vir non peruerteretur per eam ad idolatriam. Sic enim fiebat quando quis volebat accipere in vxorem aliquam de numero captiuarum gentilium. Deut. 21. cap. & tñ cū communicaret Iosaphat cū Ochozia rege Israel, videbatur aliquo modo approbare facta eius, & ipse non conuersurus erat Ochoziam ad Deum Israel, cū nō esset iuris sui, sed poti⁹ expectabatur peruersio populi Iosaphat ex communicatione cū idolatris, qui erant in regno Ochozię, & potissimē quāzum ad illos, q̃ longum iter acturi erant in nauigijs per mare de seruis Iosaphat, & Ochozię, quia per nimiam communicationem poterant peruertere viri Iuda ad idolatriam. Vnde contractę sunt naues in Asiongaber, nē posset aliquis ire in eis. Ad tertiam rationem qñ ostenditur, q̃ magna mala secuta sunt ex isto matrimonio, concedendum est, & tamen nō sequitur inde, q̃ illicitum fuerit contractum tale matrimonium, quia aliquādo ex bono sequuntur mala. Sed non est attendendum ad hoc, quia ex bono sequuntur mala per accidens, & id quod per accidens sequitur ex aliquo, non est ei imputandum: ita ex isto matrimonio factū est, quia secuta sunt mala per accidens. Nam non sequebatur directē, vel necessariō, quod propter matrimonium istud sequi deberet idolatria, quæ secuta est, sed potius ē contrario si voluisset Ioram subicere Athalias vxorem suam legi Dei, & non sequi consilium eius, ipsa coluisset Deū, & ipse non fuisset conuersus ad idola. Etiam ipsa non induxisset filium suum Ochoziam ad colēdum idola: nam quando induxit eum ad hoc, iam erat vir magnæ ætatis, qui poterat non sequi consilium matris suæ: nā dicitur infra 22. quod erat quadraginta duorum annorum, quando cepit regnare, & tunc induxit eum mater sua, vt coleret idola. eod. ca. q̃ aut ipsa occiderit postea omne semen regij, valde fuit per accidēs, & inexcogitatum, nec ad hoc p̃stitit aliq̃ causam directā istud matrimonium, q̃ istud idē potuerat efficere q̃libet alia mulier nō idolatra desiderio regnandi, vel alio furore mota, sicut Medea filios suos occidit, vt virum suum Iasonem tēdio afficeret, vt patet in Tragedia 7. Senecæ, cuius titulus est Medea. Et sic dicendum videtur, q̃ non peccauerit Iosaphat faciēdo tale matrimonium.

¶ *Esto quod Iosaphat in parte quadam matrimonij non peccauerit, nunquid peccauerit ex hoc, quod non erat de tribu Iuda. Questio VII.*

QVAERITVR vterius, dato quod non peccaret Iosaphat faciēdo tale matrimonium ex eo, quod Athalia erat idolatra, an peccaret ex eo, quod non erat de tribu Iuda, sed de tribu Ephraim. Nam Deus dixerat Num. trigesimo sexto, quod omnes viri acciperēt vxores de tribubus suis, & familijs, & omnes femine acciperent viros de suis tribubus. Et tamen Ioram filius Iosaphat, & Athalia vxor sua filia Achab, nō erāt de eadē tribu, quia Iorā erat de tribu Iuda, & Athalia erat de tribu Ephraim, de qua erat pater suus Achab.

Respon-

Respondendum, quod quantum ad hoc etiam non erat peccatum aliquod, quia cum Iosaphat esset vir valde deicola ambulans in omnibus praeceptis domini, ut patet praecedenti cap. non fecisset tale matrimonium si esset contra aliquam coeternoniam legis: ideo putauit, quod non erat contra legem. Cum autem obijcitur, quod accipiendae erant uxores de eisdem tribubus, in quibus erant viri. Respondent quidam, quod erat verum, quando mulier successura erat patri in hereditate, & si ipsa acciperet virum de alia tribu transferebat possessio vnius tribus ad alteram, sicut conquesti sunt filij Manasse propter filias Salphaad, propter quas data est illa lex: Num. 36. Patet etiam hoc, quia quando data est lex ista, fuit posita tanquam causa eius, scilicet, quod viri accipiant uxores de tribubus suis, & mulieres accipiant viros de tribubus suis, ne transeat possessio de tribu in tribum: sed maneant tribus distinctae, sicut Deus eas distinxit. eodem cap. Et quia Athalia nihil erat habitura de successione paterna, eo quod secundum Iudaeos extantibus filiis saltem vno etiam si multae filiae essent nulla illarum succedebat in aliqua parte hereditatis: Numeri 27. cum ipsa haberet fratres filios patris sui Achab, poterat licite contrahere cum Ioran: nec ex hoc transferebat possessio de tribu in tribum. Alio modo potest dici, quod dato quod ista lex extenderetur ad omnes foeminas tam ad illas, quibus debebatur successio, quam ad illas, quibus nihil debebatur: poterat fieri hoc matrimonium: quia inter reges, vel filias regum ad non reges facilliter fiebat dispensatio. Vel lex non ardebat eas: patet hoc in David, qui erat de tribu Iuda, & tamen accepit in uxorem filiam regis Saulis, scilicet Michol. primo Regum 18. & 19. & tamen non peccauit ille, quia non computat illud scriptura inter peccata sua, ita ergo non peccaret Iosaphat accipiendo in uxorem filio suo Athalia filiam regis Achab regis Israel.

An peccaret Iosaphat in illa magna communicatione, quam habebat cum rege Achab.
Quaest. VIII.

QVAERITVR De secundo, scilicet, an peccaret Iosaphat in ista magna communicatione, quam habebat cum rege Achab, scilicet descendendo ad videndum eum in Samariam, & tantam familiaritatem ostendendo, ita quod diceret, sicut ego, ita & tu, populus meus, populus tuus, equites mei, equites tui. Respondendum, quod non apparet manifeste, an peccauerit in hoc Iosaphat, cum scriptura non arguat eum manifeste de hoc, & tamen magis apparet, quod peccauerit, quam quod non peccauerit. Primo, quia sequenti cap. propheta occurrens Iosaphat increpuit eum, dicens: Impio praebes auxilium, & his, qui oderunt dominum, amicitia iungeris: & iccirco iram quidem domini merebaris. & sic videtur increpare eum de duobus: nam in quantum dicitur, impio praebes auxilium: increpatur Iosaphat, quia iuit cum Achab in bellum contra Syros: in quantum vero dicitur, & his, qui oderunt dominum, amicitia iungeris: videtur increpari de maxima amicitia, & communicatione, quam habebat ad Achab, qui oderat Deum Israel. Et tamen non increparetur nisi peccaret in hoc, ideo videtur, quod peccauerat in ista communicatione. Secundo patet, quia infra vigesimo cap. increpatur Iosaphat: quia communicabat cum Ochozia filio Achab rege Israel. Fecerant namque ambo naues, ut irent in Tharsis, siue in Ophir pro auro, & confractae sunt naues in Asiongaber. Venitque Eliezer propheta ad Iosaphat dicens: quia fedus habuisti cum Ochozia percussit dominus opera tua, contritaeque sunt naues, nec potuerunt ire in Tharsis, infra

A vigesimo, & 3. Regum 22. cap. & tamen ita erat peccatum communicare regi Achab: quia ipse perior fuit, quam filius suus, cum dicatur de Achab, quod nullus inter reges Israel ita venundatus fuit, ut faceret malum, sicut Achab. 3. Reg. 21. & non dicitur hoc de Ochozia filio eius: peccaret ergo Iosaphat communicando cum Achab.

An peccauerit Iosaphat eundo ad pugnam cum Achab contra Syros. Quaest. IX.

QVAERTIVR vterius, an peccauit Iosaphat eundo cum Achab ad pugnam contra Syros in Ramoth Galaad. Aliquis dicit, quod non: quia Achab fouebat iustum bellum contra Syros: ideo quicumque adiuuaret eum, iuste poterat agere. Patet hoc: nam pugnabat Achab ad repetendum urbem Ramoth Galaad de manibus Syrorum, quae erat sua: sed ad repetendum, quod suum est, cuique est bellum iustum: patet hoc, quia dixit Achab ad viros suos: ignoratis, quod nostra sit Ramoth Galaad, & negligamus tollere eam de manu regis Syriae? Item quia Benadad rex Syriae promiserat Achab, quod restitueret ei omnes vrbes, quas pater suus tulerat de terra Israel, & non tenuit fidem istam: quia non restituit ei Ramoth Galaad. Ideo poterat iuste pugnare contra eum tanquam contra peritum, & in fide mentitum. Secundo patet, quia Iosaphat erat affinitate coniunctus ipsi Achab, & ob hoc erat inuicem eis debitum se adiuuandi in bellis, sicut si essent cognati. Poterat ergo licite adiuuare eum Iosaphat: potissime, quia bellum erat iustum. Respondendum, quod peccauit Iosaphat adiuuando Achab in bello. Primo patet, quia Deus non intulisset mala ipsi Iosaphat propter hoc, nisi peccasset in hoc, & tamen intulit mala, ideo peccauit. Patet hoc, quia cum iuisset Iosaphat in bellum, fecit Deus, quod esset in magno periculo, scilicet, quia obsederunt Syri eum solum, & vexabant eum ad mortem quousque clamauit ad dominum, & Deus misertus eius propter eius antiqua bona opera liberauit eum faciendo declinare Syros ab illo, ut patet infra in litera: & 3. Regum 22. Secundo patet hoc, quia valde fuit super hoc increpatus Iosaphat, & Deus contra ipsum iratus est, & tamen non irasceretur Deus contra ipsum, nisi peccaret. Patet hoc sequenti cap. cum dicitur, quod propheta occurrit ipsi Iosaphat, & ait, impio praebes auxilium, & his, qui oderunt dominum amicitia iungeris: iccirco iram quidem domini merebaris: sed bona opera inuenta sunt in te, scilicet, propter bona opera antiqua, quae fecisti, non intulit Deus iram suam super te pro hoc crimine, quam intulisset. Ad primam rationem in contrarium dicendum vno modo, quod non constat, an Achab foueret iustum bellum contra Syros, & sic Iosaphat poterat fauere ei in bello iniusto, & peccaret: & cum probatur, quod erat bellum iustum duabus rationibus: dicendum, quod illae duae rationes erant ad faciendum bellum iustum, & tamen poterat aliquid aliud intercideri propter, quod bellum esset iniustum. Alio modo potest dici, & melius, quod dato quod bellum istud esset iustum, peccabat Iosaphat adiuuando Achab, eo quod Achab erat idolatra, & inimicus domini, & nullus vir deicola debebat ei fauere: sic dixit propheta sequenti ca. scilicet, impio praebes auxilium, & his, qui oderunt dominum, amicitia iungeris. Non tamen est intelligendum, quod ex hoc solo, quod erat Achab malus, esset peccatum adiuuare eum in bello: sed ex eo, quod se exponebat Iosaphat periculo. Nam Achab erat pessimus, quia effuderat multum sanguinem prophetarum, & virorum iustorum, & Deus praedixerat ei per Eliam, quod canes lingerent sanguinem eius. 3. Regum vigesimo primo. Illud

Istud autem publicatum fuerat apud omnes. Item propheta quidam dixerat ad Achab quando dimisit Benadad regem Syria, quem ceperat in bello: quia dimisisti virum dignum morte de manu tua, erit anima tua pro anima eius, & populus tuus pro populo eius. 3. Regum 20. ca. Ex his debuerat putare Iosaphat, quod periculum erat ire ad bellum cum Achab: quia credendum erat, quod ipse moreretur in bello, cum ira Dei exardesceret contra eum. Item patet hoc maximè, quia cum eundum foret ad bellum, & Iosaphat faceret, quod consuleretur dominus super euentu belli, respondit Michæas propheta domini, quod viderat vniuersum Israel dispersum in montibus, quasi oves non habentes pastorem: & dixit Deus, non habent isti dominum: reuertatur vnusquisque in domum suam. Supra in littera, & 3. Reg. 22. In quo manifestè signabatur mors Achab in bello: ideo formidare debuisset Iosaphat ire illuc: quia poneret se in periculo, & populum suum, & fortè propter demerita Achab, quem scienter adiuuabant, moreretur, & sic factum fuisset, nisi Deus abstinuisset propter antiqua bona opera Iosaphat: vt patet sequenti ca. Deus autem iubet seruis suis recedere de congregationibus malorum, ne sint participes poenarum suarum: sicut iussit Loth, & uxori, & filiabus suis recedere de vrbe Sodomorum, ne perirent cum peccatoribus: Gen. 19. Patet hoc etiam de illa magna Babilone spiritali, quæ destruenda monstratur, & quia in ea erant aliqui viri boni, admonentur fugere: vt patet Apoc. 18. f. Et audiui aliam vocem de celo dicentem, exite de illa popule meus, & ne participes sitis delictorum eius, & de plagis eius non accipiat. Sed Iosaphat sciebat congregationem Achab esse congregationem iniquorum dignam poena, & cui Deus comminabatur in breui poenam infligendam: ideo peccabat se immiscendo ei eundo ad bellum cum illo. Ad secundum dicendum, quod licet ipsi esset Iosaphat affinitate coniunctus: non ideo erat obligatus ei ad adiuuandum ipsum in bello: potissimè, quia dato quod aliàs esset obligatus, propter iniquitatem Achab tollebatur ista obligatio, quia volendo eum adiuuare erat se immiscere magno periculo pereundi: sicut supra dictum est.

De^o iubet bonos recedere a congregationibus malorum.

Dixit Iosaphat ad regem Israel: Consule obsecro in præsentiary sermonem Domini. Congregauit igitur rex Israel prophetarum quadringentos viros, & dixit ad eos: In Ramoth Galaad ad bellandum ire debemus, an quiescere? At illi, ascende, inquiunt, & tradet Deus in manu regis. Dixitque Iosaphat. Nunquid non est hic propheta domini, vt ab illo etiam requiramus? Et ait rex Israel ad Iosaphat: Est vir vnus, à quo possumus quærere Domini voluntatem: sed ego odi eum, quia non prophetat mihi bonum, sed malum omni tempore: est autem Michæas filius Iemla. Dixitque Iosaphat: Ne loquaris rex hoc modo. Vocauit ergo rex Israel vnum de eunuchis, & dixit ei: Voca cito Michæam filium Iemla.

Dixitque Iosaphat. Hic ponitur secundum huius partem, in quo circa euentum belli Deus consulitur. Et dicitur. Dixitque Iosaphat ad regem Israel. Iam concordatum erat de eundo ad bellum: ideo voluit Iosaphat consulere dominum de euentu belli. Consule ergo obsecro in præsentiary sermonem Domini. Idest rogo te, vt consulas sermonem domini, s. vt peras ab aliquo propheta responsionem domini super hoc facto. Quare autem voluit Iosaphat, quod consuleretur Deus, & quomodo consulendus erat, declarabitur infra in quadam quæstione. Congregauit ergo rex Israel prophetarum quadringentos viros: Nō intendebat ante hoc Achab consulere dominum de euentu belli, sed vt satisfaceret regi Iosaphat, qui petierat consuli dominum, congregauit quadringentos prophetas. Qui autem erant isti prophetae, & quare tot congregauit Achab, dicitur infra in quadam quæstione. Et dixit ad eos: in Ramoth Galaad ad bellandum ire debemus, an quiescere? Idest, nunquid erit vtile ire in Ramoth Galaad ad pugnandum, vel erit vtilius cessare ab hoc bello? & tamen 3. Regum 22. dicitur, in Ramoth Galaad ire debeo ad pugnandum, vel quiescere? Et hoc, quia hic querebat Achab pro se, & rege Iosaphat. Ibi autem ostenditur, quod solum pro seipso quæreretur: quia tamen semel quæsiuit, & nō curies necesse erat, quod quæsiuisset in singulari tantum, vel in plurali, & tamen hic ponitur in plurali, & ibi in singulari, & non erat possibile vtrumque: quia tamen eadem sententia est, siue ponatur in singulari, siue in plurali, non curauit scriptura circa hoc. At illi, ascendite, inquiunt, & tradet Deus in manus regis. Idest, omnes illi quadringenti prophetae responderunt, ascendite in Ramoth, & tradet, s. eam Deus in manus regis Achab, cuius est pugna. De ista responsione prophetarum quomodo erat, & vnde declarabitur infra in quadam quæstione. Dixitque Iosaphat nunquid non est hic propheta Domini, vt ab illo etiam requiramus? Cognouit Iosaphat, quod omnes illi quadringenti erant prophetae idolorum, & non assensit verbis illorum: ideo voluit quærere à prophetis domini. Et quia cum tanta multitudine prophetarum idolorum nullum prophetam domini venire vidit: dubitauit an esset aliquis propheta domini in terra illa: ideo sub dubio quæsiuit dicens, nunquid non est hic propheta domini? Melius tamen dixisset Iosaphat, nunquid nō est hic propheta domini, vt ab eo requiramus, quā quod diceret, vt ab illo etiam requiramus. Nam primo modo signaret, quod nullam dabat credulitatem prophetis idolorum, ideo illis reiectis volebat consulere prophetas domini. Dicendo autem, vt ab illo etiam requiramus, signabat, quod quandam credulitatem dabat prophetis idolorum, sed vt plenior haberetur concordantibus omnibus prophetis in vnum volebat ab aliquo propheta domini quærere. Et ait rex Israel ad Iosaphat: est vir vnus, à quo possumus quærere domini voluntatem. Quasi dicat, aliquis est, per quem possumus quærere: nam vnus vir relictus est, & iste erat Michæas filius Iemla, vt infra dicitur, & dicitur, est vir vnus, s. quia nō manebant plures illo tempore in præsentiary, à quibus possent quærere voluntatem domini. Sed ego odi eum. Scilicet, licet manserit vnus vir, à quo possemus quærere domini voluntatem, ego nollem, quod quæremus aliquid per eum, quia ego nimis odi eum. Quia non prophetat mihi bonum, sed malum omni tempore. Ista est causa quare eum exolum habebat, s. sæpè expertus sum, quod iste prophetauerit in rebus ad me pertinentibus, & semper prænunciauit mihi mala, & nunquam aliquod bonum. Patet hoc, quia quando pugnauit Achab contra Benadad rege Syria, & cepit eū viuentem dimisitque eum recedere sub federe posito, venit Michæas iste ad Achab pramissa quadam figuratiōe, & ait quia dimisisti virum dignum morte de manu tua

na tua erit anima tua pro anima illius, & populus tuus pro populo illius. 3. Regum 20. Sæpè etiam prophetauerat ei alia mala, sed scriptura non commemorauit illa, quia non pertinebant ad mortem Achab. *Est autem Michaas filius Iemla.* Scilicet iste vir, per quem possumus quærere domini voluntatem est Michæas filius Iemla. Est Iemla nomen viri. Et vocatur filius Iemla ad differentiam alterius prophetæ, qui vocabatur Michæas Morasthites. An verò potuit esse iste Michæas Morasthites, & quare ponitur hic nomen patris eius, s. Iemla, & quis fuerit iste Iemla, declarabitur infra in quadam quæstione. *Dixitque Iosaphat, ne loquaris rex hoc modo.* Vidit Iosaphat, & loquebatur irrationabiliter Achab, & ait, ne loquaris hoc modo, s. non benè dicis, & propter hoc, & prophetæ tibi mala, non debeas audire eum: quia si vera loquitur audiendus est, cum nō dicat à se, sed à Deo. Etiam dixit hoc Iosaphat ad tollendum malam intentionem Achab, s. non dicas sic rex: quia licet vsque huc contra te mala locutus fuerit, fortè nunc non loquetur mala: ideo non debes omittere loqui ei super hoc. *Vocauit ergo rex Israel vnum de eunuchis.* Isti eunuchi assistebant regi: sic enim erat consuetudo apud antiquos, & eunuchi assisterent regibus: sic etiam dicitur. 4. Reg. 8. cum vidua interpellauit apud regem pro agris suis, & domibus, & rex dedit ei eunuchum vnū, qui fecit ei restitui omnia, quæ sua fuerant. Isti eunuchi erant castrati, quorum vsus erat apud antiquos: potissimè ad custodiam dominarum, & magnarum mulierum, quia cum eis secure manebant: sed nunc abolita est consuetudo, quia erat quoddam genus crudelitatis auferre membra humana, quæ erant de integritate naturæ, & potissimè necessaria ad conseruationem eius: quomodo autem apud Iudæos possent esse eunuchi: dubium videtur, vt declarabitur infra in quadam quæstione. *Et dixit, voca cito Michaam filium Iemla.* Scilicet, vt ipse veniat cito cum alijs prophetis ad respondendum de euentu belli.

Quare Iosaphat voluit Deum consuli de euentu belli.

Quæst. X.

QVAERITVR Circa prædicta, primò quare voluit Iosaphat, quòd consuleretur Deus super euentu belli. Respondendum, quòd propter multa. Primò, quia Iosaphat erat vir deicola credens bellum, & victoriam, & omnia alia pendere in manu Dei: voluit ergo prius scire, quid Deus diffiniret super hoc, quàm iret ad bellum. Secundò, quia nusquam sunt maiora pericula, quàm in bello, cum ibi agatur ad inferendum mortem. Et poterat esse talis euentus futurus, & nullo modo vellent Iosaphat ire ad bellum: ideo, vt sciret, an expediret sibi ire volebat consulere dominum. Tertiò, quia magna facultas erat inquirendi voluntatem domini: nam per prophetas, & alios modos facillè erat cuicunque volenti inquirere dominum scire voluntatem eius, nisi Deus vellet se ei occultare: sicut fuit de Saule, qui nō potuit inuenire responsum domini per sacerdotes, nec per prophetas, nec per somnia: primo Regum 28. Esset ergo magna negligentia, si circa rem tam magnam, quæ tam facillè haberi poterat, quis non attenderet. Quartò, quia consuetudo erat sic, & circa ista consuleretur Deus: nam apud antiquos Iudæos nullum bellum, vel magna res fiebat, quin super ea Deus consuleretur. Patet de bellis Saulis: nam quando pugnavit cōtra multitudinem Philistinorum, tulit arcem in castra, & consuluit dominum coram ea per summum sacerdotem: primo Regum 14. Item quando pugnandum erat contra

A Philistinos consuluit dominum, sed noluit Deus sibi respondere: primo Regum 28. sic etiam patet de Dauid, qui consulebat dominum, quando iturus erat in bella: sic bis consuluit dominum cum esset in Ceila: primo Regum 23. Iterum etiam cum pugnare vellet contra latrunculos Amalechitas, qui succenderant urbem Siceleg, quæsiuit à domino, an traderet eos in manus eius: primo Regum 30. Item mortuo Saule cum ascendere vellet Dauid de terra Philistinorum in aliquam ciuitatem Iuda, quæsiuit à domino, an ascenderet, & in quam ciuitatem ascenderet. Et responsum est, & in Hebron. 2. Regum 2. cap. Et iterum quando pugnavit, dum esset contra Philistinos consuluit dominum. 2. Reg. 5. cum ergo esset consuetudo quærendi dominum super talibus, consulere voluit eum Iosaphat.

Quis modus erat, quo Iosaphat voluit Deum consulere.

Quæst. XI.

QVAERITVR vltèrius, quis erat modus quo Iosaphat volebat consuli dominum. Respondendum, & erat apud Iudæos triplex modus consulendi dominum, qui innuitur primo Reg. 28. cum dicit, & Saul quæsiuit sententiam domini, & non respondit ei per sacerdotes, nec per prophetas, nec per somnia. Et sic videtur, & istis tribus modis respondere consueuerat. Primus modus erat per sacerdotes: non quidem per quoslibet sacerdotes: sed solum per sacerdotes magnos. Erat enim vnicus sacerdos magnus, & ad illum pertinebat consulere dominum: causa huius erat, quia sacerdotes non habebant responsum domini, nisi cum induerentur vestibus sacris, s. rationali, & Ephod, vt colligitur Exo. 28. s. Portabit Aaron iudicium filiorum Israel in pectore suo, id est, portabit rationale in pectore, per quod iudicabatur de causis omnium filiorum Israel. Et tamè Rationale, & Ephod erant vestes summi sacerdotis solius: Exo. 28. Ideo non poterat consulere dñm aliquis, nisi summus sacerdos. Modus autem consulendi sacerdotum erat, & indueretur sacerdos magnus rationali, & Ephod, & proponeret quæstionem, & tunc audiebatur vox respondentis. Sic patet de Dauid consulente dominum per Abiathar summū sacerdotem, quando erat in Ceila, & dubitabat, an veniret Saul, & destrueret urbem propter eum, & an traderent eum viri Ceilæ in manus Saulis. Nam dicitur, & applicuit Abiathar Ephod, id est, induit se veste pontificali, & tunc quæsitum est, an descenderet Saul in Ceilam, & respondit Deus, descenderet, & hoc scito. Quæsiuit cum descenderet Saul, an traderent eum viri Ceilæ in manus Saulis, & responsum est, & traderent: vt patet 1. Reg. 23. Item quando iterum quæsiuit iturus contra latrunculos Amalechitas dixit ad Abiathar, applica Ephod, quo applicito ait, persequar hos, an non? & comprehendam eos? Et responsum est, persequere, absq; dubio comprehendentes eos, & excuties prædam. 1. Reg. 30. cap. Aliqui autem dicunt, & quæstio ista non fiebat in verbo, sed in scripto, s. & scribebatur quæstio in aliqua membrana, vel papyro, & ponebatur in papyro plicatura rationalis inter laminas, quas ibi asserunt esse, & post modicum cum educeretur membrana illa de rationali, repenebatur responso ad quæstionem illam scriptam. Alij autem, vt Iosephus dicunt, & responso fiebat per fulgorem duorum Onychinorum, qui erant super humeros sacerdotis magni in Ephod, siue super humerali: vt patet tertio Antiquit. Sed de istis modis quis dicatur verior decla-

Consuetudo veterū, & eunuchi regibus assisterent.

Cur abolita sit eunuchorum consuetudo.

Consuetudo veterū, si prius ad bellū quispiam iret.

declaratum est Exod. vigesimo octauo, & primo Reg. vigesimo tertio, & trigesimo. Secundus modus consulendi erat per prophetas: nam prophetae erant, consilij secretorum diuinorum, & per eos reuelabantur abscondita. Modus autem consulendi ipsorum erat, quod quando quis volebat testificari de aliquo dubio, proponebat illud prophetae alicui, & ille orabat dominum, ut ostenderet ei solutionem illius dubij: & aliquando in breui, & aliquando post aliquos dies responderebat Deus. Sicut patet de Iudaeis post captiuitatem Babylonis relictis in terra Iuda, ut colerent terram. Nam occiso Godolia principe eorum per Ismahelem filium Nathaniae, timuerunt quod Caldai occiderent illos propter principem Basam, quem ipsi constituerant eis, & voluerunt praeter timore descendere in Aegyptum, & quaesierunt a Ieremia, an descendere deberent, & Ieremias posuit preces suas coram domino quotidie orans pro solutione illius dubij, & post decem dies respondit ei Deus, ut patet Iere. 42. cap. Interdum autem morabatur Deus pluribus diebus ante responsionem: sicut accidebat de Daniele, qui semel vidit quandam visionem, quam non intellexit, & orauit dominum, ut declararet ei, & tribus hebdomadis ieiunauit: abstinuitque ab omni delectabili, & in fine hebdomadarum responsum est ei, ut patet Dani. 10. s. in diebus illis ego Daniel lugebam trium hebdomadarum diebus: panem desiderabilem non comedi, & caro, & vinum non introierunt in os meum, sed nec vnguento vnctus sum: donec complerentur trium hebdomadarum dies. Et tunc sequitur: Die autem vigesima quarta, & c. illa die fuit facta ei responsio dubij: Interdum autem fiebat responsio illico, ut propheta precabatur pro responsione: sicut patet de Eliseo, a quo quaesierunt tres reges super aqua, quam desiderabant, & coram eis canente psalte respondit. 4. Reg. 3. cap. Tertius modus respondendi erat per somnia. Et hoc erat, quod homines disponent se per orationes, & ieiunia aliquot diebus, & postea irent ad dormiendum, & per noctem Deus reuelabat eis dubium suum, ut patet Iob 33. s. per somnium in visione nocturna quando irruit sopor super homines, & dormiunt in lectulo: tunc aperit aures virorum, & erudiens eos instruit eos disciplina, ut auertat hominem ab ijs, quae fecit. Aliqui autem dicunt, quod euntes sic ad dormiendum supponebant capitibus suis folia lauri, quam tripodem vocant, & somniabant super illo, de quo dubitabant, sicut dixit historia scholastica. Sed dicendum, quod iste modus apud Gentiles erat solum, qui obseruabant superstitiones. Nam Deus diuinationis apud eos erat Apollo, siue Phebus, quod idem est, & huic erant lauri consecratae, eo quod istam arborem diligit Apollo: quia Daphne prima philocapta sua mutata est in laurum: cum ipse eam insequeretur ad tenendum, & fruendum amore eius: de quo Ouidius primo Metamor. in fabula, quae incipit: Primus amor Phebi, Daphne, Peneia. Et sic euntes ad templum Apollinis in insula Delphos, ubi excellentissima responsa dabat Apollo, capitibus suis istas tripodes, siue lauri folia supponebant: Deus tamen cauebat nimis superstitiones, & caeremonias, quae consueuerunt impendi idolis. Ideo si ei talis caeremonia fieret, nunquam responderet, sed potius irasceretur. Et tamen Deus aliquando respondebat per somnia, cum dicatur de Saule, quod noluit ei Deus respondere per somnia: 1. Reg. 28. ergo non fiebat ista suppositio foliorum lauri, sed solum facta oratione, & praemissis ieiunijs, & alijs castis operibus, ibant dubitantes ad dormiendum, & ibi respondebatur eis. Per aliquem ergo istorum modorum volebat sibi nunc Iosaphat responderi. Et non fuit aliquis promptior, quam per

prophetas. Nam consulere per somnia erat difficile, & minus certum videbatur, & longinquius, & minus certum: quare autem per sacerdos erat certum, & tamen quia summus sacerdos erat vnicus, & non erat prius, quia summus sacerdos erat de genere Aaron, eratque in templo domini in Ierusalem. Nunc vero Iosaphat erat extra regnum suum in regno regis Israel, ideo non poterat habere in promptum summum sacerdotem, ut per eum consulere. Habere autem prophetas facilius erat, quia in omni terra Israel erant prophetae sancti, siue inter colentes Deum, siue inter idolatras. Sicut nunc erat hic Michaeas filius Iemla inter Israelitas idolatras in Samaria: quaesuit ergo Iosaphat, an esset ibi aliquis de prophetis domini ad consulendum per eum.

Quare Achab non consuluit dominum.

Quaest. XII.

QVAERTIVR ulterius, quare Achab non curauit consulere dominum de euentu belli, sicut Iosaphat. Nam si Iosaphat non instigasset eum, non curasset consulere dominum, ut colligitur ex litera. Respondendum, quod vna causa erat, quia si consulere dominum, aut consulere per prophetas domini ipsum Deum Israel, aut Baal per prophetas suos. Nollet autem consulere Deum Israel per prophetas suos, quia non colebat Deum Israel, nec diligebat eum, sed Baal, ideo non libenter faciebat aliquid apud Deum, vel in quo Deus deberet interuenire. Baal autem per suos prophetas non curabat quaerere, quia consueuerant ei saepe mentiri, & non erat alicuius firmitatis responsio eorum. Secunda causa erat, quia Achab erat vir irreligiosus, & siue coleret Deum Israel, siue Deum Baal, non afficiebatur multum ad aliquem eorum, nec forte credebatur res humanas agi illorum dispositione, nec cognosci: sed pendere a fortuna, vel fato: sicut arbitrantur antiqui, & ipsi fatali dispositione dicebant Deos subiectos, ut ait Seneca in Tragedia quinta: cuius titulus est Oedipus in carmine, quod incipit. Fatis agimur, credite fatis. Et de hoc Ouidius 9. Metamor. ubi introducit Iuppiter ad Venerem, quod ipsa, & alij dii subiiciuntur dispositioni fatorum, & quod non possunt mutari sic fataliter disposita: non ergo curaret Achab, quaerere de euentu belli. Tertia causa erat, quia cum esset Achab idolatra, nolebat Deo dare laudem. Nam petendo ab eo consilium, vel responsum super hac re, laudabat ipsum, & hanc laudem nolebat ei dare. Sic patet de rege Achaz, qui erat idolatra, & dixit ei Isaia propheta, pete tibi signum a domino Deo tuo, siue in profundum inferni, siue in excelsum supra. Et Achaz nolens Deo gratias, & laudes dare, sub specie religionis noluit signum petere, dicens: non petam, & non tentabo dominum: Isa. 7. Quia tamen iniqua intentione loquebatur, redarguit eum propheta dicens. Audite ergo domus David: nunquid parum vobis est molestos esse hominibus, quia molesti estis & Deo meo? scilicet, nolendo petere signum, ut non lauderis eum, molesti estis ei. Quarta ratio erat, & praecipua: quia dato quod vellet quaerere Achab a Deo responsum, non erat per quem quaereret. Nam non habebat alium in promptum nisi Michaeam filium Iemla, per quem nolebat quaerere, eo quod oderat eum: quia mala semper sibi prophetabat, ut patet in litera.

Positio
quorundam
de reuelationibus

Modus
dandi oracula
ab ipso Apolline

Ad quid instigauit Achab Iosaphat de consulendo dominum.

Quaest. XIII.

QVAERITVR vltcrius, cum Achab, cuius bellum erat istud, non curaret consulere dominum de euentu belli, ad quid tantum instigauit Iosaphat, quod consuleretur Deus? Respondendum, quod praeter causas supra positas in quadam quaestione: fuit alia causa potissima, scilicet, quia Deus inclinauit mentem Iosaphat ad petendum hoc, & hoc, quia volebat ostendere potestatem suam, & voluntatem super Achab. Nam praedixerat Deus per Eliam, quod moreretur Achab, & lamberent canes sanguinem eius. 3. Reg. 21. capitu. Et volebat Deus, quod in bello isto moreretur: & quia si non praenunciaretur ipsi Achab, & viris suis, putaretur hoc euenisse casu, vel saltim non ex dispositione Dei Israel, ideo voluit Deus ostendere, quod ista mors Achab non eueniret sine sua determinatione, & voluntate. Et ad hoc fecit, quod consulerentur prius prophetae Achab, qui erant prophetae Baal: vt illi fallerent Baal, & darent ei incentiuum eundi ad bellum, & postea Michas propheta domini praenunciaret veritatem, scilicet, quod viderat totum Israel dispersum in montibus, sicut oves sine pastore. Et dixit Deus, non habent isti dominum, reuertatur vnusquisque in tabernacula sua in pace. 3. Regum 22. cap. Et postea sic factum est. Vnde cum viderunt Israelitae, quod factum fuerat, & id, quod Deus praedixerat cognouerunt factum esse ex Dei voluntate, & per hoc sciuerunt magnitudinem eius. Sic enim Christus ostendebat se scire ventura, & habere potestatem super illa, cum diceret discipulis suis: haec dixi vobis, antequam fiant, vt cum facta fuerint, credatis.

Qui fuerunt illi vocati ab Achab.

Quaest. XIII.

QVAERITVR vltcrius, cum vocauerit Achab quadringentos viros, qui responderent super dubio euentu belli, qui erant isti quadringenti. Respondent quidam, quod isti erant illi quadringenti prophetae Baal, qui comedebant panem de mensa Iezabel reginae, de quibus habetur. 3. Reg. 8. Sed dicendum, quod non stat, primo: quia isti erant quadringenti viri, illi autem erant quadringenti, & quinquaginta prophetae Baal, vt patet ibidem: prophetae autem lucorum erant quadringenti. Secundo patet, quia illi prophetae iam mortui fuerant: nam quando venit Elias ad Achab, vt probaretur vera deitas inter Deum Israel, & Baal, succubuerunt in probatione omnes isti prophetae Baal, & prophetae lucorum, qui erant octingenti quinquaginta viri, & omnes occisi sunt per Eliam. 3. Regum 18. Aliquis dicet, quod forte sit mutatio ordinis, & quod potuerunt illi esse isti prophetae, de quibus hic dicitur. Dicendum, quod non stat: quia post mortem illorum vixit Achab, & tamen isti, de quibus hic dicitur fuerunt post mortem Achab. Quod patet, quia in die, qua fuit Elias in monte Carmelo cum populo Israel ad inueniendam veram deitatem, occisi fuerunt omnes isti gladio, vt patet 3. Regum 18. Et post hoc venit Achab in Iezabel, & secuta est pluuia grandis propter bonum, quod factum fuerat in occisione illorum prophetarum Baal. Et cum narrasset Achab uxori suae Iezabel occisionem omnium prophetarum, dixit illa, quod poneret animam Eliae: sicut animam vnus illorum, eodem libro 19. cap. Istud au-

Atem, quod habetur hic, fuit iuxta mortem Achab: nam postquam ista praenunciata sunt, iuit Achab in bellum, & mortuus est. Et vixerunt prophetae illi, qui praenunciauerant prosperum euentum belli: imo Michas filius Iemla, qui nunc prophetauit contra omnes istos prophetas Baal: dixit vni eorum, quod ipse videret se mentitum fuisse in die, qua absconderetur fugiens de cubiculo in cubiculum: vt patet infra in litera. Et sic videtur, quod aliquanto post mortem Achab viverent isti prophetae. Dicendum ergo, quod isti erant de prophetis Baal: licet non essent illi, de quibus habetur. 3. Regum 18. & post occisionem illorum adhuc non cessauit cultus Baal: sed Iezabel, quae erat nimis dedita cultui Baal, constituit sibi multos alios sacerdotes, & prophetas, de quibus erant nunc isti quadringenti, quos nunc congregauit rex Achab, ad respondendum de euentu belli. Habuerunt quoque filii Achab multos de his prophetis post mortem Achab. Nam cum Ioram rex Israel filius Achab consuleret dominum pro defectu aquae vadens contra Moabitas, & consuleret per Eliseum, ait Eliseus, vade ad prophetas patris tui, & matris tuae: vt patet 4. Regum 3. cap. id est, vade ad prophetas Baal, quos habebat pater tuus, & mater tua, & nunc tu illos habes, & non consulas dominum per me.

Quare congregauit tot prophetas Achab.

Quaest. XV.

QVAERITVR vltcrius, quare tot prophetas congregauit nunc Achab ad respondendum super euentu belli, quia sufficiens erat vnum venire, & tamen congregauit quadringentos. Respondendum, quod vna causa fuit ad probandum certius veritatem rei praenunciandae: nam si vnus esset, qui consuleretur, non appareret, an vera, vel falsa loqueretur: quia quidquid ille diceret appareret esse verum: cum autem multi consulerentur, aut omnes concordarent, aut inter se quidam discordarent. Si discordarent, appareret eos falsa locutos. Nam necesse erat, quodam eorum mentiri, alios vero, qui vera dicerent dubios esse, & suspectos de mendacio, cum non constaret, qui eorum mentirentur. Si autem omnes concordarent esset magnum testimonium veritatis, quod quadringenti viri inter se concordarent super eadem re ambigua. Secunda causa erat ad ostentandam regalem magnificentiam, scilicet, quod quamquam iusticerent pauci prophetae, qui conuenirent: vel saltem vnus, quod conuocarentur quadringenti, qui ad solam gloriam regalem conuenirent. Tertia causa erat, quia omnes isti quadringenti prophetae Baal erant in domo regis: nam ante hoc Iezabel regina habebat quadringentos, & quinquaginta prophetas, qui comedebant panem de mensa eius. tertio Regum decimo octauo. quos omnes occidit Elias, eodem capitulo. Occisis ergo illis constitueret sibi rursus alios prophetas, qui etiam comederent de mensa eius, & isti omnes essent in domo regis, et quando vocaretur aliquis eorum ad prophetandum, licet non vocarentur omnes, ingererent se omnes, ne putaretur aliquis eorum alijs minor, & sic omnes quadringenti forte venerunt, licet non omnes vocarentur: sed duo modi praecedentes veriores sunt.

De responsione prophetarum Baal facta Achab.
Quaest. XVI.

In hoc non attendit volens sequi positionem Hebraeorum.

An ipsi putauerunt verum, quod responderunt.
Quaest. XVII.

QVAERITVR vltius, circa responsum istorum prophetarum Baal, qui dixerunt: ascendite, & tradet eam Deus in manus regis: quomodo sic responderunt, & vnde eam habuerunt: Nicolaus respondet, quod istud responsum fuit dubium, quia erat ad fallendum: quia poterat interpretari ad vnam partem, vel ad alteram, & ponit exemplum de oraculo Apollinis factum ad Pyrrum regem Epyrotarum, scilicet. Aio te Aeacida Romanos vincere posse. Et sic poterat interpretari, quod Pyrrus Aeacides vinceret Romanos, vel quod Romani vincerent Pyrrum. Sic hic, scilicet, tradet dominus in manus regis, scilicet in manus regis Syriæ, vel in manus regis Israel, & sic quodcunque accideret vera esset prophetia. Sed dicendum, quod ista positio Nicolai non stat. Primò, quia proferre responsa amphibologica pertinet ad illum, qui nescit respondere, & ut videatur sapiens respondet tali modo, quod, in quemcunque casum venerit, vera videatur responsio, & appareat, vel putetur intellexisse illud respondens. Sic enim dæmon respondebat, qui vocabatur Apollo in insula Delphos: vel respondet sic cognoscens veritatem, volens tamen tenere sub dubio eum, cui responderet. Sed in proposito non erat sic, quia diabolus locutus est per prophetas istos, & ipse habuit intentionem fallendi: sicut dixit Michæas propheta, quod viderat dominum sedentem super solium excelsum, & egressus spiritus stetit coram domino, & ait, ego decipiam illi. Non curabat autem dæmon, quod appareret mendax, vel verus: ideo non dicebat hoc, ut esset ambiguum, sed magis cum intentione signandi, quod erat Achab habiturus victoriam, ut confidens de illa iret in bellum, & moreretur. Secundò patet, quia si propheta protulissent ista verba modo ambiguo, dubitaret Achab, & non moueretur ad eundem in Ramoth Galaad, Deus tamē volebat, quod iret, & moreretur ibi: ideo oportebat, quod propheta isti loquerentur sub certitudine de victoria. Alioquin non esset dispositio conueniens ad fallendum. Tertiò patet, quia dixit dæmon: Egrediar, & ero spiritus mendax in ore prophetarum eius: si tamen esset ista oratio amphibologica: non esset falsa, sed ambigua: ideo non esset tunc dæmon spiritus mendax, sed spiritus decipiens per ambiguitatem. Quartò patet, quia Michæas dixit in litera ad Achab: nunc igitur Deus dedit spiritum mendacii in ore omnium prophetarum tuorum: ergo non erat ambiguitas intentionis, quia qui non habet certam intentionem signandi aliquid, nec mentitur, nec dicit verum. Quintò patet, quia propheta isti locuti sunt hoc, signantes quod Achab habiturus esset victoriam: nam Achab petebat consilium, an expediret, ut iret in bellum: ipsi verò dixerunt ascende, ideo videtur, quod signabant ei prosperum euentum. Sextò patet adhuc clarius, quia 3. Regum 22. dicitur, quod omnes propheta Achab dicebant, ascende in Ramoth Galaad, & valde prosperè: ergo signabant, quod habiturus esset victoriam, quia alias non prosperaretur. Septimò patet, quia hic non possunt assignari amphibola, sicut responsio Apollinis, quia ibi pro vtraque parte erat oratio aequaliter dubia. Et tamen hic necesse est intelligi de solo rege Israel: quia dicitur ascende in Ramoth, & tradet eam dominus in manus regis. Non potest hoc intelligi de rege Syriæ: quia ipse possidebat eam tunc: ideo non poterat tradi in manus eius, nisi perderet eam, & postea acquireret: necesse erat ergo intelligi, quod traderetur ciuitas in manus Achab, & sic dicitur, tradet eam dominus in manus regis, id est, in manus Achab: sed Nicolaus

QVAERTIVR vltius de ista positione prophetarum Baal ad Achab, scilicet, an ipsi putauerint verum esse hoc, quod respondebant, scilicet, quod traderet Deus in manus Achab Ramoth Galaad, vel credebant esse falsum, & volebant fallere regem Achab, vel erat eis ambiguum quid euenturum foret, & vnde ipsi habuerint reuelationem istam si reuelatio fuit. Respondendum, quod propheta isti crediderunt se vera locutos, scilicet, quod certissimè Deus traderet Ramoth Galaad in manus Achab, & credebant Michæam filium Iemla mentitum, qui asseruerat moriturum Achab in bello: sed de hoc magis dicitur infra in quadam quaestione. Cum autem quaeritur, vnde fuerit ista reuelatio si reuelatio fuit. Dicendum, quod ista fuit reuelatio, & non fuit aliquid fictum de cordibus istorum prophetarum Baal: quia si ipsi confingerent hæc de cordibus suis, putarent se falsa dicere, vel saltem ambigua, & non audent asserere illa pro veris in periculum caputis suorum: fuit ergo reuelatio, quam putauerint esse veram. Dicendum autem, quod ista reuelatio fuit eis facta, sicut, solet fieri prophetis veris, & putabant ipsi, quod facta esset à Deo vero, fuit tamen facta à dæmone. Nam Sathanas interdum se transfigurat in angulum lucis, ut patet secunda Corin. 3. c. Et hoc fuit factum voluntate Dei: nam Deus voluit fallere Achab, ut iret in bellum confidentia suorum prophetarum, & moreretur, & ad hoc misit spiritum, scilicet dæmonem, qui esset spiritus mendax in ore omnium prophetarum suorum, & faceret eos falsa loqui in damnum Achab. Sic enim dixit Michæas filius Iemla, quod viderat dominum consiliantem super deceptione Achab dicentem, quis ibit, & quis decipiet Achab? Et quod apparuit spiritus, qui dixit, ego ibo, & decipiam. Et Deus dixit: in quo decipies? Ille ait, ero spiritus mendax in ore prophetarum eius. Et Deus dixit, decipies, & præualebis. Ut patet infra in litera, & 3. Reg. 22. cap. Propheta autem Achab credebant mentiri in hoc Michæam filium Iemla in hoc, & tam prophetiam suam de aduersitate Achab in bello, quam confirmationem istam de errore aliorum prophetarum confutata esse, & ob hoc Sedecias filius Chanaana princeps prophetarum Baal, qui fecerat sibi cornua ferrea, percussit Michæam in maxilla, irridens eum, & dicens, per quam viam transiit ad te spiritus domini, & recessit à mei. infra in litera.

Quomodo dixit Achab, est vir vnus, &c.
Quaest. XVIII.

QVAERITVR vltius, cum dixit Iosaphat, an esset aliquis de prophetis domini, per quem quaereretur de voluntate Dei, quomodo dixit Achab est vir vnus, in quo innuit, quod erat vnicus propheta, & tamen de prophetis Achab multi venerant, scilicet quadringenti viri. Aliquis dicit, quod vnicus manserat de prophetis domini, scilicet Michæas: nam omnes alij occisi fuerant à gente impiissima Iezabel: quæ occidebat prophetas domini, quando Abdias dispensator Achab occultauit centum prophetas in duabus speluncis quinquagenos, & pavit eos pane, & aqua. 3. Regum 18. Et tunc Elias dixit: relictus sum solus, & quaerunt aiam meam. 3. Reg. 19. Dicendum, quod non erat iste Michæas solus de prophetis domini, quia multi alij erant tunc. Nam

Elias

Elias etiam erat tunc, cum non raptus fuerit vsq; post mortem Achab tempore Ioram filij eius regis Israel, vt colligitur 4. Reg. 2. c. Manebant etiam multi alij prophetae. Nam illi centum, quos occultauit Abdias, manebant tunc cum euaserint persecutionem Iezabel, & tenuerit eos Abdias tamdiu absconditos quousque liberarentur. Etiam multi alij manebant: quia quando Elias questus est, dicens: Relictus sum solus, & quaerunt animam meam. Respondit ei Deus: reliqui mihi septem milia virorum, qui non curuauerunt genua sua coram Baal. 3. Reg. 19. & istorum septem milia multi erant prophetae: sicut illi centum, qui latebant in duabus speluncis. Et sic non est dicendum, quod iste solus manserat viuens de prophetis domini. Aliquis dicit, quod verum est, quod alij prophetae viuentes manserant, & tamen fugerant omnes de terra Israel in regnum Iuda, vel in alias regiones, solus autem Micheas manserat in terra Israel, ideo non erat alius, per quem posset queri de voluntate domini. Sed dicendum, quod non stat, quia alij etiam prophetae domini erant in terra Israel. Nam nunc manebat Elias in terra Israel, scilicet in monte Carmelo, qui est in terra Aser, vel iuxta illam in sorte Zabulon. & etiam post mortem Achab tempore Ochozia filij eius regis Israel manebat ibi, quando mittebat Ochozias nuncios ad consulendum Belzebub Deum Acharon, & egressus est eis obuiam Elias de monte Carmelo. 4. Reg. 1. De alijs etiam prophetis patet, quia post illam persecutionem prophetarum, & occisionem factam per Iezabel, venerunt saepe prophetae, & locuti sunt ad Achab: vt patet 3. Reg. 20. & tamen iam fuerat occisio illa. 3. Reg. 18. Dicendum ergo videtur, quod in terra Israel erat nunc Elias, & multi alij prophetae domini, & tamen in vrbe Samaria, in qua erat nunc Achab, non erat aliquis propheta domini nisi Micheas filius Iemla, & quia in promptu volebat Iosaphat rex habere responsum de euentu belli, & ad hoc non poterant haberi alij prophetae, qui erant dispersi per alia loca regni Israel: ideo quantum ad hoc erant alij prophetae, quasi non essent, & sic dixit Achab: est vir vnus, a quo possumus querere domini voluntatem, scilicet in praesenti non est nisi vnus, a quo possumus querere domini voluntatem: quia occurrit istum esse nunc in Samaria: Sed forte aliquis dicit, quod alij prophetae domini erant in Samaria, per quos posset queri voluntas domini, & tamen locutus est Achab de isto Michea: scilicet est vir vnus, scilicet iste est, per quem possumus querere de voluntate domini. Dicendum, quod non stat, quia si aliquis alius de prophetis domini esset in Samaria: non consulisset Achab dominum per Micheam, eo quod oderat eum, & ob hoc nullo modo consulere volebat quemquam nisi prophetas Baal. Ideo videtur dicendum, quod nullus alius erat ibi de prophetis Domini, & ille forte nutu Dei seruabatur ibi.

Quare manebat propheta ille cum idolatris.

Quaest. XIX.

QVAERITVR vltcrius, cum Israelitae essent idolatrae, & potissime ipse Achab, quomodo volebat Micheas propheta domini manere in Samaria, vbi erat Achab. Nam ibi multas iniurias, & damna pati posset, & nihil prosperè assequeretur. Hoc autem propter Iezabel reginam, quae maxima affectione tenebatur ad prophetas Baal, & dabat eis cibos de mensa sua. 3. Reg. 18. & exercuerat magnam executionem contra eos occidendo plurimos. Et ob hoc quicunque propheta domini esset in terra Israel, potissime in loco, in quo esset Iezabel, necessario essent oppressi. Et

A patet hoc de isto Michea propheta domini. Nam, quando locutus est id, quod Deus ostenderat ei, Sedecias filius Chanaana princeps prophetarum Baal, percussit alapa Micheam in facie coram rege, & cum istud esset ad iniuriam regis, permisit tamen in detestatione prophetarum domini, vt patet in litera. Respondendum, quod amara vita erat prophetis domini in terra Israel tempore Achab, & potissime in loco, in quo maneret Achab, & Iezabel, Micheas tamen manebat ibi, licet pateretur angustiam, & hoc poterat esse propter multa. Primo, quia forte Deus inclinabat eum ad manendum ibi, & seruabatur in istud tempus. Nam si non maneret Micheas in Samaria, quando Iosaphat fuit ibi, non potuisset haberi sententia Dei de morte regis Achab in bello, & tamen praecognosci, & praenunciari mortem eius nimis pertinebat ad laudem Dei, vt declaratum fuit supra in quadam quaestione: ideo debuit manere Micheas, vel aliquis alius de prophetis domini in Samaria. Secunda causa fuit, quia forte Deus monuerat eum, vt maneret, quia volebat, quod predicaret idolatris, vel admoneret eos ad rectitudinem cultus diuini, & hoc faceret manendo inter eos. Tertia causa forte erat ex voluntate ipsius Micheae. Nam licet Deus non cogeret eum ad hoc, forte ipse zelo Dei vellet manere inter idolatras, vt eos conuerteret ad dominum, quod non poterat facere non communicando cum eis: sicut dixit Apostolus de communicatione Gentilium, Omnibus omnia factus sum, vt omnes Christo lucrificerem. Et poterat habere multos modos Micheas ad conuertendum idolatras ad dominum, scilicet predicando eis legem, & admonendo eos ad observationem eius, commemorando beneficia eis a Deo collata: quandiu manserunt in vero Dei cultu, & praesentando mala, quae infligta sunt quandiu fuerunt in idolatria: faciendo etiam miracula ad ostensionem verae deitatis in Deo Israel. Sicut fecit Elias contra prophetas Baal faciens descendere ignem de caelo super sacrificium suum. 3. Reg. 18. c. Et praenunciando veritatem de futuris, quod non possent facere prophetae Baal, sicut nunc factum est: quia omnes quadringenti prophetae Baal praenunciauerunt tradendam Ramoth Galaad in manus Achab, & solus Micheas praenunciavit Achab moriturum in bello, & illud euenit. Ideo habebat populus causam adherendi illi Deo, cuius propheta erat Micheas, & non Deo Baal, cuius erant prophetae illi quadringenti viri. Multos alios modos poterat habere Micheas ad conuertendum idolatras ad dominum, manendo inter eos: quorum nullum poterat habere manendo extra terram Israel: ideo volebat manere ibi. Quarta causa esse poterat ex desiderio natalis terrae: quia forte Micheas erat oriundus de Samaria, & dato quod nulla alia causa esset, dulcedo natalis patriae teneret eum, & cogeret pati aliqua mala potius quam inde recedere: ideo non existentibus ibi alijs prophetis manebat Micheas in Samaria.

Quomodo Achab dabat fidem prophetis suis.

Quaest. XX.

QVAERITVR vltcrius, quomodo Achab dabat fidem vllam prophetis suis, quia sciebat, vel credebat illos nescire voluntatem domini. Et patet hoc, quia quando omnes isti quadringenti prophetae Baal vno ore praenunciauerunt tradendam Ramoth Galaad in manus Achab, dixit Iosaphat, an esset ibi aliquis propheta domini, vt interrogarent etiam per eum, & respondit Achab: est vnus vir a quo possumus querere domini voluntatem, vel per quem possumus interrogare dominum: ex quo innuit, quod per alios non pote-

poterat sciri voluntas Dei, nec poterat Deus interrogari non ergo deberet habere certitudinem aliquam ex dictis illorum. Respondendum, quod Achab aliquam firmitudinem credulitatis adhibebat dictis prophetarum. Quod patet, quia quando prophetauerunt omnes prophetae Baal, quod traderetur Ramoth Galaad in manus Achab, & Michæas prophetauit, quod moreretur Achab in bello, credidit prophetis Baal, & fecit teneri Michæam in carcere dicens, quod maneret ibi quousque ipse rediret de bello, & Michæas ait: si reuersus fueris in pace, non locutus est mihi dominus, infra in litera. Nam si non credidisset prophetis Baal: non iuisset in bello confidenter putans se reuersurum in pace: sed potius crederet se moriturum, sicut dixerat Michæas, vel saltem dubitaret, & ad maiorem securitatem non iret in bellum, & tamen iuit, & sic credidit eis. Dicendum, quod verum est, quod Achab non credebat, quod prophetae Baal scirent voluntatem domini, cum non essent prophetae eius, & tamen credebat eis. Pro quo sciendum, quod Achab male sentiebat de vera deitate, tam secundum fidem, quam secundum naturam: nam secundum fidem vnicus Deus verus est: secundum naturam etiam impossibilis est pluralitas Deorum: ut probat Arist. 12. Meta. quia mala est principum pluralitas, bonus est ergo vnus princeps. Et tamen Achab credidit esse multos Deos, quorum vnus erat Baal, alius erat Deus Israel. Et ille, qui erat Deus Israel, & putabatur dedisse legem Moyse, & Israelitis, vocabatur absolute Dominus. Sic patet ex modo loquendi Elia. 3. Reg. 18. 1. quousque claudicatis in duas partes? si Deus est Dominus, sequimini eum: si autem Baal, sequimini illum. Patet etiam hic: quia Iosaphat quæsiuit, an esset hic aliquis propheta domini, postquam vidit quadringentos prophetas Baal. Et sic vocabat dominum Deum Israel. Item ipse Achab dixit est vir vnus à quo possumus scire domini voluntatem, i. Dei: credebat autem Achab, quod vterque istorum Deorum habebat virtutem diuinam, & quod vterque sciebat futura, & poterat illa prænunciare, & sic Michæas posset scire futura reuelante Deo Israel, & prophetae Baal possent scire futura Deo Baal reuelante illa, & non erat differentia, quod Deus Israel reuelaret illa vel Baal: cum vterque esset Deus. Si autem aliquid maioris auctoritatis daret Deo Israel, quod Baal non apparet, ita ut ceteris paribus magis crederet prophetis Baal, & sic credebat dictis prophetarum Baal, licet non essent prophetae Dei Israel, quia putabat illos esse prophetas alicuius Dei, qui poterat reuelare futura, & facere alia mirabilia. Sed obijcietur quomodo Achab poterat credere prophetis Baal? quia sciebat iam Baal non esse Deum verum, sed Deum Israel esse Deum verum, ut probatum fuerat in monte Carmelo conuenientibus omnibus prophetis Baal contra Eliam, & exauditus est Elias à Deo suo dando ignem de coelo super sacrificium eius, & omnes alij diu clamantes non exauditi fuerunt, & secundum conditionem positam inter se occisi fuerunt omnes prophetae Baal gladio. 3. Reg. 18. Et hæc omnia vidit Achab, & consensit fieri, ut patet eo. cap. ergo non poterat credere, quod Baal iam esset Deus. Dicendum, quod quando facta fuit illa probatio, credidit Achab Baal non esse verum Deum, vel saltem esse valde minorem Deo Israel, & tamen ipse erat affectus valde ad Deum Baal: quia fabricauerat ei templum excellens in Samaria, & lucum, & impendebat ei quotidianos, & sumptuosos honores. 3. Reg. 16. Et insuper Iezabel vxor sua quæ maximè zelabat cultum Baal, versabatur Deo Israel, & cultoribus eius, & hæc persuasit ei redire ad cultum Baal, & ex affectione peruersum erat iudicium suum, ita ut iam crederet Baal esse verum Deum, & vellet potius adhærere prophetis eius, quam prophetis Dei Israel. Et sic est de omnibus alijs vitijs,

quia licet quodam tempore homo existens in rectitudine rationis detestetur illa: postea ex affectione approbat illa, & sequitur ea. Quod maxime pertinet ad incontinentes, qui sunt egressiui ab opinione: ut patet 7. Ethicorum.

Quare Achab oderat Michæam.
Quæst. XXI.

QUÆRITUR vltius, quare Achab oderat Michæam, quia prophetauit ei mala, & quomodo non vocabat eum, quando vocauit prophetas Baal. Nam dato quod prænunciaret ei mala, si verum loquebatur, non debebat odio haberi, sed diligere potius, quam adulatores, qui, ut blandiantur auribus, falsa dicunt, & ponunt homines in periculis. Dicendum, quod istud odium Achab erat valde irrationabile, sicut quidam indignantur corrigentibus se, cum tamen illi desiderent bonum eorum, & congratulantur illis, qui loquuntur eis vana atque placentia, licet sint in detrimentum eorum. Sic patet de illis, de quibus dicitur Isa. 30. f. qui dicunt videntibus, nolite videre, & aspicientibus, nolite aspice nobis ea, quæ recta sunt. Quia mihi nobis placentia: videte nobis errores, auferite à me viam, declinate à me semitam, cesset à facie vestra sanctus Israel. Sic etiam dicit Apostolus de quibusdā secunda Tim. 4. f. Erit tempus cum sanam doctrinam non sustinebunt, sed ad sua desideria coaceruabunt sibi magistros pruriētes auribus, & à veritate quidem auditum auerent, ad fabulas autem conuertentur. Erat igitur Achab valde reprehensibilis, quia volebat audire prophetas adulates, & nolebat audire prophetam veram loquentem licet dura, & hoc videns Iosaphat increpuit valde ipsum Achab, dicens: ne loquaris ita rex, id est, non bene loqueris: quia non debes eum odisse, licet dura prophetet. Aliter potest dici, quod Achab oderat Michæam, & inclinabatur ad non audiendum, nec assentiendum verbis eius: quia Deus mouerat eum, ut crederet prophetis Baal, & moreretur in bello. Sic patet infra in litera in verbis Michæas: nam ipse dixit, quod spiritus, id est dæmon egressus fuerat ad fallendum omnes prophetas regis, eo quod dominus locutus fuerat malum contra Achab, id est disposuerat facere ei malum: ut patet infra in litera. Aliter etiam potest intelligi, quod Achab habebat exosum Michæam: quia prænunciabat ei semper mala, & de istis malis nullum adhuc venerat, sicut illud, quod habetur 3. Reg. 20. quando dixit Michæas ad Achab, quia dimiserat regem Benadad, erit anima tua pro anima illius, & populus tuus pro populo suo. Sic etiam alia erant, quæ nondum euenerant, & ob hoc volebat potius Achab audire illos, qui prospera loquebantur quam eum, qui loquebatur aduersa: cum veritas prophetiæ eius nondum pateret: si autem veritas prophetiæ eius patuisset iam, fortè dato quod dura loqueretur veller audire. Aliter etiam potest dici, quod dato quod Michæas vera diceret contra Achab: quia tamen dicebat dura habebat eum Achab tanquam inimicum: quasi ipsi Achab de corde suo ista diceret, & non cogeret eum Deus sic dicere. Sic patet de Elia: nam Elias prænunciavit sterilitatem Achab, scilicet, quod non veniret pluuia super terram tribus annis, & plus. 3. Reg. 17. & sic fuit, & tamen quando postea Elias apparuit coram Achab ad nunciandum sibi mala euentura pro morte Naboth, dixit ei Achab: num inuenisti me inimicum tuum? id est, nunquid habes me pro inimico: quia semper nuncias mihi mala? 3. Regum 21. cap. Et sic quomodocunque dicatur Achab erat valde increpabilis, quia oderat veram loquentem.

Quæ differentia erat inter prophetas domini, & Baal.

Quæst. XXII.

QVAERITVR ulterius, cum dicatur hic de quadringentis viris, quod erant prophetae Baal, & quod Michas erat propheta domini, quæ differentia erat inter prophetas dñi, & prophetas Baal, & in quo cognoscebantur differre. Aliqui dicunt, qd prophetæ Baal, & Dei differebant, & cognoscebantur differre in hoc, quia prophetæ Dei erant viri boni, & non colebant idola: prophetæ Baal colebant Baal: sic patet 3. Regum 18. quia Elias solus dixit se mansisse de prophetis dñi: & erant de prophetis Baal, & lucorum octingenti & quinquaginta viri: & solus Elias, qui erat propheta dñi fecit sacrificium ei: & defendit partem illius, reliqui verò defenderunt partem idolorum. Sed dicendum est, quod verum est, quod prophetæ Dei, & prophetæ Baal differebant in ritu colendi, sicut dictum est, & tamen non erat differentia eorum in quantum erant prophetæ per hoc. Quod patet de Balaam: quia ipse erat Ariolus. Deut. 18. & faciebat sacrificia superstitiosa. Nume 23. & tamen propheta Dei erat: Nume 24. Nam Deus revelavit ei, & per eum nobis multa futura, quæ eo. cap. scripta sunt: & sæpe dicitur, quod apparebat ei Deus, et prohibebat eum ire ad maledicendum Iudæis: Nume. 23. & 24. Item patet hoc de propheta illo sene, qui habitabat in Bethel, quia ille faucebat regi Ieroboam in idolatria, & confortabat eum, ut colligitur. 3. Regum 13. Et ibi satis declaratum est, & tamen ille erat propheta domini, quia Deus prænuñciavit per eum mortem contra prophetam inobedientem, qui comederat panem in Bethel, ut patet ibidem. Item ipse prænuñciavit destructionem altarium idolorum, & combustionem corporum idolatrarum: & ob hoc iussit filiis suis quod sepelirent eum in sepulchro prophetæ boni: ut propter reuerentiam ossium illius non cremarentur ossa eius. eo. cap. Et sic factum est, quia quoniam Iosias cremavit ossa idolatrarum in Bethel, & venit ad sepulchrum hominis Dei, non cremavit ossa eius, nec ossa mali prophetæ, qui cum eo erant sepulta, cum non posset illa discernere: ut patet 4. Reg. 23. c. Item non est conueniens differentia rerum per id, quod est eis extrinsecum: sicut Geometra, & Dialecticus non conuenienter dicuntur differre per esse album, & esse nigrum, quia sunt ista extrinseca: ita prophetæ dicuntur esse prophetæ quantum ad intellectum in quantum illuminatur intellectus eorum aliter quam intellectus aliorum hominum, si supernaturaliter ad intelligendum ea, quæ naturaliter intelligi non poterant. Voluntas autem non pertinet ad differentiam prophetarum: sed colere Deum, vel colere idola est præuicatio moralis pertinens ad voluntatem: ergo non differrent, ut communiter prophetæ per colere Deum, & colere idola. Alii dicunt aliter, scilicet quod prophetæ Baal erant illi, qui dicebant reuelationes suas factas esse à Baal. Et prophetæ Dei erant illi, qui dicebant reuelationes suas factas esse à Deo. Sed istud non stat: quia etiam prophetæ Baal dicebant se suscipere reuelationem à Deo, ut patet de Sedecia filio Chanaana principe prophetarum Baal, qui percussit Michæam prophetam Domini, dicens: me ne dimisit spiritus domini, & locutus est tibi. tertio Regum vigesimo secundo? & infra in litera dicitur, per quam viam transiit spiritus domini a me: & locutus est tibi? quasi dicat, mihi etiam locutus est spiritus domini: & tamen Sedecias erat de prophetis Baal, ut patet in litera. Dicendum igitur, quod prophetæ accipiuntur proprie vel largè. Proprie vocantur prophetæ illi, quibus reuelatur ali-

Alph. Toft. super lib. Paralip. Pars 2.

A qua veritas supernaturaliter eo modo, quo non cognoscitur ab aliis hominibus: & quantum ad hoc non est aliqua differentia in prophetis, scilicet quod quidam sint, vel vocentur prophetae Dei, & alij prophetæ idolorum, quia ad necessitatem prophetiæ requiritur, quod ipse cognoscat aliquas veritates, & istud non fit nisi cum quis illuminatur à Deo vero per se, vel per angelos: cum non sit aliquis alius, qui reuelare possit supernaturaliter: deinde quod isti prophetae colant Deum, vel idola, nihil facit ad rationem prophetæ: sicut esse album, aut esse album, aut esse nigrum: ideo non est dicendum quosdam esse prophetas Dei, & alios prophetas Baal: sicut non conuenienter assignaret differentia inter muscos, dicendo quod quidam sint albi, & alij sint nigri. Aliquando accipitur propheta large pro eo, qui reuelat aliqua abscondita, quæ sciri non possunt modo naturali, quomodocunque ipse illa cognoscat: & tunc siue illi, qui à Deo illuminantur: siue qui à demonibus per artes nefarias instruntur: aut ab eis ad loquendum mouentur prophetae vocantur: sic patet primo Reg. 18. cum dicitur de Saule, quod attriuit eum daemon, & prophetabat in medio domus sue. idem demon mouebat eum ad loquendum aliqua occulta: hoc modo possunt distingui prophetæ Dei, & prophetæ idolorum: quia vocabuntur prophetæ Dei illi qui accipiunt reuelationes à Deo, prophetæ autem idolorum illi, qui per necromantiam, & aruspicinam, aliasque superstitiosas artes veritates inquirunt. Nam idola habebant demones, qui loco illorum respondebant, & aliquando in ipsis idolis loquebantur: aliquando autem aliis. Et secundum hoc apparebat distinctio prophetarum dei, & prophetarum Baal: quia tamen nesciebatur, qui moueretur à Deo, vel quis moueretur à demone in cognitionem veritatum occultarum, vocabatur prophetae Baal illi, qui idola colebant siue ipsum Baal, & reuelabant aliqua occulta, quia per hoc putabatur quod non à Deo, sed à demonibus mouerentur. Illi autem, qui aliqua occulta reuelabant, & colebant Deum, vocabantur prophetae Dei, quia præsumebatur per hoc, quod à Deo illas reuelationes acciperent. Interdum tamen contingebat, quod aliqui prophetæ illustrarentur à Deo, & colerent idola: & sic forte fuit de aliquibus istorum prophetarum Baal. Nam etiam Balaam colebat idola, & erat propheta Dei, ut supra declaratum est. Sic etiam de propheta sene, qui habitabat in Bethel, ut supra dictum est.

Quis esset iste Michas.

Quæst. XXIII.

QVAERITVR ulterius, de isto propheta Michæa quis erat. Aliqui dicunt, quod iste erat Michæas Morasthites, vnus de duodecim prophetis minoribus, qui ponitur in ordine post Ionam, & ante Naum, ut patet in libro ipsorum. Nam vterque erat propheta Domini: & vterque vocatur Michæas. Aliquis dicit, quod non stat hoc, quia iste vocatur Michæas filius Iemla: & ille vocatur Michæas Morasthites, ut patet Michææ 1. ca. Sed dicendum, quod hoc non obstat: qui bene stat, quod idem sit Michæas filius Iemla, & Michæas Morasthites. Nam vocatur filius Iemla, quia pater eius sic vocabatur: & dicitur Morasthites à loco, scilicet quia erat de loco, vel vrbe Morasthi. Sed dicendum, quod non stat, quod sint idem: quia iste Michæas filius Iemla de quo hic dicitur, fuit multo tempore ante alium Michæam Morasthitem. Quod patet, quia iste prophetauit in diebus Achab regis Israel, & Iosaphat regis Iudæ: ut patet hic, & tertio Reg. vigesimo secundo, & tamen Michæas Morasthites prophetauit

Hh

phetavit multo post, scilicet annis centum quinquagintaquinque: nam prophetavit tempore Ioathan, et Achaz, et Ezechiae regū Iudae, ut patet Michaeae 1. c. & à principio regni Iosaphat vsque ad principiū regni Ioathan, sub quo primo prophetavit Michaeas Morasthites, fuerunt centum quinquagintaquinque anni, scilicet Iosaphat regnavit vigintiquinque annis. 3. Reg. 22. Et filius suus Ioran octo annis. 4. Reg. 8. & infra 21. Et post eum Ochozias vno anno inf. 22. cap. & 4. Reg. 8. Et post illum Ioas filius eius quadraginta annis. infra 24. & 4. Reg. 12. Et postea Amasias filius eius viginti novē annis. inf. 25. et postea Ozias filius illius annis quinquaginta duobus. inf. 26. et 4. Reg. 15. qui simul sunt annis quinquagintaquinque. Impossibile ergo erat, quidē esset Michaeas filius Ieala, & Michaeas Morasthites. Aliquis fortē dicet, quod benē poterat vivere tāto tpe aliquis homo, ut esset tempore Iosaphat, & tpe Ioathan. Sed dicendum, quod non stat: quia vita hominum ad plus extenditur ad centum viginti, vel in rarissimis quasi ex miraculo vsq; ad centum, & triginta annos: sicut fuit in Ioda sacerdote magno, qui vixit annis centum, & triginta: ut patet inf. 24. & dicit Iosephus 8. Antiq. de illō, quod post Moysen solus reperitur vixisse centum, & triginta annis. Item nō stat: quia nō solū sequeretur hēre annos centum, & quinquagintaquinque, sed etiam centum octoginta & septem: quod patet, quia isti centum quinquaginta anni computantur à principio regni Iosaphat vsq; ad principiū regni Ioathan, ut deductum est: & tñ prophetavit Michaeas Morasthites in diebus Ioathan, & Achaz, & Ezechiae regum Iudae, ut patet Michaeae primo: & tamen Ioathan regnavit annis decem & sex. infra 27. ca. & 4. Reg. 16. & Achaz regnavit etiam decem & sex annis. infra 28. & 4. Reg. 16. q. additi praecedentibus faciunt annos cētum octoginta septem. Et adhuc prophetavit aliquot annis tempore Ezechiae: ideo viveret ad minus annis centū novaginta, vel quasi ducentis: ad quam aetatem nullū hominum peruenit ex tempore Abrahā, & aliquantulū ante: ideo non poterat hoc stare. Item patet hoc, quia dato quod Michaeas potuisset vivere mille annis, adhuc impossibile erat, quod idem esset Michaeas Morasthites, & iste Michaeas filius Iemla: nam in libro duodecim prophetarum minorū est iste ordo, quod de quo libet eorum ponitur sub quibus regibus prophetauerit. scilicet sub quo incepit prophetare, & sub quo finivit prophetiam. Sed de Michea Morasthite dicitur, quod prophetavit in diebus Ioathan, Achaz, & Ezechiae regum Iudae: Michaeae primo: ergo non incepit prophetare ante tempora Ioathan: sed rex Achab, & rex Iosaphat, sub quo prophetavit iste Michaeas filius Iemla, de quo hic dī fuerunt valde multo tēpore. scilicet quasi annis centum quinquaginta ante regem Ioathan: ut supra habetur in questione, ergo non est idē Michaeas. Item inter duodecim prophetas minores est iste ordo, quod sicut se habent in ordine libri, ita se habent in tpe prophetiae. scilicet ille, qui praecedit alterum in libro incepit prophetare ante ipsam: & tamen Amos propheta ponitur ante Michaeam, ergo prius prophetavit: Amos tamen incepit prophetare sub Ozia rege Iudae, & ille fuit ante Ioathan regem Iudae: Michaeas tamen incepit post Amos: ergo nondum inceperat tempore Oziae regis. Et tamen iste Michaeas filius Iemla fuit multo tempore ante Oziam: eūm fuerit tempore Iosaphat regis Iudae: ut patet in litera: ergo non est idē Michaeas Morasthites, qui est vnus de duodecim prophetis minoribus, & iste Michaeas filius Ieala, qui nunc prophetabat. Aliqui mouentur putantes esse eundem Michaeam, eo quod verba vltima Michaeae, quae habentur hic sunt primā verba Michaeae Morasthitis in libro duodecim prophetarum minorum. Nam

hic Michaeas vltimo dixit, audite populi omnes, & nihil vltra expressit: & Michaeae primo incipit hīc. Audite populi omnes, & attendat terra: & sic volunt, quod id quod Michaeas omisit hīc, posuit in libro suo duodecim prophetarum, & dicunt quod ista fuit ratio imperfecta Michaeae, scilicet quod voluerit plura dicere, & non permissus fuerit: & postea in libro suo complevit omnia, quae hic dicere inceperat. Sed dicendum, quod non stat propter supradicta: maxime quia fundamentum istoru est ex illo verbo audite populi omnes, putantium, quod sit oratio imperfecta, & quod continuata fuerit in libro Michaeae: sed non est verū, quia Michaeas totam suam prophetiam hic finivit, significando regi Achab, quod moriturus esset in bello, & propter hoc Achab iussit eum teneri in vinculis, dicens: Donec reuertar in pace, & tunc Michaeas dixit si reuertus fueris in pace non est locutus dominus in me, & subiungit audite populi omnes, id est iustitantes, quod rex dicit se rediturum in pace, & ego praeuicio ei, quod non redibit: & sic Michaeas dixit solum istud verbum ad testificationē prophetiae suae, ut non posset postea negari, & nō dixit quasi volens incipere aliquam aliam narrationem.

Porro rex Israel, & Iosaphat rex Iudae vterque sedebant in solio suo, vestiti cultu regio: sedebant autem in area iuxta portam Samariae, omnesque prophetae variē bantur coram eis. Sedecias vero filius Chanaana fecit sibi cornua ferrea, & ait: Haec dicit Dominus: His ventilabis Syriam, donec conteras eam. Omnesque prophetae similiter prophetabant, atque dicebant: Ascende in Ramoth Galaad, & prosperaberis, & tradet eos Dominus in manu regis. Nuncius autem, qui ierat ad vocandum Michaeam, ait illi: En verba omnium prophetarū vno ore bona regi annunciant: Quae ergo tu, ut & sermo tuus ab eis non dissentiat, loquarisque prospera. Cui respondit Michaeas: viuit Dominus, quia quodcūq; dixerit mihi Deus meus, hoc loquar.

Porro rex Israel, & Iosaphat rex Iudae. Isti duo reges erant nunc simul deliberando de bello cum iam conuenissent, quod ambo irent in bellum contra regem Syriae. Vterque sedebat in solio suo. Ambo erant reges aequales honore, ideo ipsi sedebant in sedibus excelsis, quae proprie vocantur solia. Cetera autem multitudo astabat eis circumfusa vndique. Vestiti cultu regio: Id est ornati erant regali apparatu, ut ostenderent ibi gloriam suam populo. Accipitur hic cultus pro vestitu, sic accipitur Exod. trigesimo tertio, scilicet Audiens populus sermonem hunc pessimum luxit: & nullus ex more indutus est cultu suo, id est veste sua honorabili: & vocatur vestitus cultus, id est honor, eo quod vlti simplices et viles putant honorem esse in vestibus: et isto modo loquitur Apollonius ad Corinth. 12. scilicet et quae putamus ignobiliora esse membra corporis, his honorem abundantius contendant, id est plures vestes ponimus in circuitu illorum membrorum, quae sunt ignobilia, & pudenda: quam

quàm in circuitu membrorum nobilium, & pulchrorum. *Sedebant autem in area iuxta portam Samarie.* Erant nunc isti duo reges in vrbe Samarie, q̄ erat metropolis, & caput regni Achab, & sedebant in quadà area, quæ erat spaciū planum, & vacuum, vt tota multitudo populi, & virorum bellatorum posset ibi astare circumfusa regibus. Et ista area erat iuxta portam Samarie: quia fortè erat extra urbē, iuxta tamen portā, & muros vrbs. *Omnesque propheta vaticinabantur coram eis.* Id est prædicabant futura annunciendo de bello: Isti prophetae erant quadringenti prophetae Baal, de quibus supra habetur. *Sedecias verò filius Chanaana.* Iste erat vnus de quadringentis prophetis Baal, & ponitur hic nominatim potiusquā alij, eo quod percussit Michæam in maxilla: vt supra in litera. Vocatur filius Chanaana: vt quidam volunt ad differentiā Sedeciae regis Iuda, qui fuit vltimus rex Iuda. Sed ridiculum est, quia inter istos erat tanta diuersitas, siue in statu siue in tempore, quod non poterat esse aliqua coincidentia, nec dubium de eis, ideo scriptura non poneret nomina patrum istorum ad differentiam ipsorū. Sed dicendum, quod Chanaana fuit pater Sedeciae: & putat quidā q̄ fuit ipse propheta, sicut Sedecias iuxta sententiam Ieronimi in quodā prologo super prophetas minores. scilicet quod qñ in titulo alicuius prophetae ponitur nomē patris, vel aui, vel aliorum antecessorū, credendū est oēs illos prophetas fuisse. Sed dicendum, quod nō est hoc ad propositum, eo quod illa regula intelligitur de prophetis dñi, qui fecerūt libros, in quorum titulis ponūtur noīa patrum, vel auorum suorū. Iste autē erat de prophetis Baal: & non fecit librum aliquem, sed ponitur hic nomen patris sui fortè ad differentiam aliorum concitium suorum, qui vocabantur Sedecias: vel quia fortè p̄ istius fuit vir famosus in aliquo, siue in bono, siue in malo: & vt per illū notificaretur filius, ponitur in titulo nominis eius, & vbiq; sit mentio de isto Sedecia vocatur filius Chanaana, vt patet 3. Reg. 22. *Fecit sibi cornua ferrea.* Ista portabat in manibus inter alios prophetas coram rege Achab. Quare autem portabat, infra dicetur in quadam questione. *Et ait hæc dicit dominus.* Licet essent isti prophetae Baal prophetabant in noīe domini: quasi Deus loqueretur per eos, quia illos dæmones, qui reuelabant eis ista vocabant Deum, licet aliquando Deus loqueretur per malos prophetas: sicut per Balaam, vt patet Num. 23. & 24. *His ventilabis Syriam, donec conteras eam.* In hoc significabat Sedecias, q̄ Achab præuuleret cōtra regem Syriæ, & dissiparet regnū eius quousq; reduceret in nihilū, quia dixit ventilabis. Est autem ventilare dispergere: sicut fit in area qñ paleæ, & grana simul ventilantur. i. in aera eleuantur: vt grana cadant in vnum, & paleæ dispergantur: fecit autē Sedecias cornua ad ventilandum, quia tauri faciliter cornibus suis dispergunt, & ventilāt quæcunq; obuiam habuerint. Fecit autē ista cornua ferrea ad signandum magnā fortitudinem regis Achab, cum qua dissiparet regem Syriæ, & regnum eius: quia sicut ferrum domat omnia, & cōminuit, vt patet Danie. 2. ita, & Achab cōminueret regem Syriæ, nec haberet vllas vires ad resistendum sibi, & propter hoc subiunxit donec, conteras eam. i. non solū ventilabis Syriam dispergendo vires eius semel huc, & illuc fugādo Syros de bello: sed totiens hoc facies quousq; conteras. i. destruas totam Syriam: in quo fortè Sedecias significauit regē Achab sæpius pugnaturū contra Syrios, & quod semper vinceret eos. *Omnesque propheta vaticinabantur similiter.* Scilicet, omnes alij quadringenti prophetae Baal, de quibus erat iste Sedecias: omnes enim illi vaticinabantur in area coram duobus regibus sedentibus prospere euenturum in bello: sicut dixerat Sedecias. *Alph. Toft. super lib. Paralip. Pars 2.*

A que dicebant, ascende in Ramoth Galaad. Ista erant verba illorum, & quamquam essent hic duo reges: scilicet Achab, & Iosaphat: tamen dirigebant verba sua solū ad Achab: eo quod bellum pertinebat ad eum, & rex Iosaphat solū venerat ei in auxilium, vt patet supra in litera. Et dixerunt, ascende in Ramoth Galaad, quia ille erat locus belli. Est enim Ramoth quædam ciuitas in terra Israel vltra Iordanem ad orientem. Deute. 3. Et vocatur Ramoth Galaad, quia erat ad latus montis Galaad. Et propter istam ciuitatem erat bellum, quia cū esset ciuitas de regno Achab rex Syriæ occupauerat eam, & volebat nunc Achab, eripere eam de manibus eius, vt patet supra in litera: et tercio Reg. 22. *Et prosperaberis.* Scilicet habebis victoriam, & bellatores tui non peribunt: in hoc enim consistit prosperitas belli, scilicet q̄ quis hostes suos superet, & cū paruo damno suorum. Sic enim fuit quando Israelitæ tēpore Moyfi iuerunt ad pugnandum contra Madianitas, & deleuerunt totam gentem. Et tamen nemo de Israelitis periit in bello, vt patet Nume. 10. *Et tradet eos dominus in manus regis.* Id est tradet eos in manus tuas: & per hoc intelliges, quod bellum est domini, quia ipse tradet hostes tuos in potestatem tuam. Est autē hic mutatio personæ: quia prius loquebantur ad eum in secunda persona dicentes, ascende & prosperaberis: & nunc loquuntur in tertia dicentes etiam tradet eos dñs in manus regis, cū dērent dicere in manus tuas: & ista mutatio personæ sæpe fit in sacra scriptura. Et sic patet Psal. 3. vbi fit per contrariū. scilicet mutatio de tertia in secundā, cū dicitur: Domini est salus, & super populum tuum benedictio tua. cū deberet dici, & super populum suum benedictio sua: vt esset totum in tertia persona. *Nuncius autem, qui ierat ad vocandum Michæam.* Iste est vnus de eunuchis regis Achab, cui ipse mādauit vocare Michæam: vt patet supra in litera. *Ait illi, en verba omnium prophetarum vno ore bona regi annunciant.* Id est omnes isti quadringenti prophetae Baal prænunciant regi bonum, scilicet quod sit habiturus victoriam in bello: dixit autem vno ore, scilicet licet essent quadringenti viri, tamen omnes cōcordabant in eadem sententia. scilicet q̄ rex prosperaretur: & dicitur bona regi annunciant. i. regi Achab, quia licet essent duo reges, tamen bellum solū pertinebat ad Achab, sicut supra dictum est. Ideo soli videbatur prouenire prosperitas, eo quod ad eum pertinebat utilitas belli. *Quæro ergo te, vt sermo tuus ab eis non dissentiat.* Id est rogo te quod non discordes ab aliis prophetis, sed annuntia regi bona, sicut ceteri. *Loquarisque prospera.* Scilicet dicas, q̄ rex præualebit, & tradentur hostes in manus eius. *Cui respondit Michæas.* Erant nunc soli Michæas & iste nuntius: ideo verba dirigebantur inter eos solum. *Viuit dominus: quia quodcunque dixerit dominus Deus meus, hoc loquar.* Michæas respōdit se non posse facere: quia nuntius volebat, quod Michæas determinatē annuncieret bona regi. Michæas autem dixit, q̄ non posset dicere nisi q̄ Deus ei reuelaret siue prosperū siue aduersum esset, & dixit viuit dñs. Modus. n. iurandi est valde consuetus in sacra scriptura apud Iudæos: ideo quando Ieremias voluit ponere formam iurandi, & condiciones obseruandas in iuramento ad hoc quod sit licitum dixit: & iurabis, viuit dominus in veritate, & iudicio, & iustitia: Ierem. 4. quasi nulla alia forma iurandi esset nisi ista. Et dixit, dominus Deus meus, quasi specialiter De⁹ pertineret ad eum, & hoc conueniebat sibi, quia ipse solus nunc erat propheta domini. Omnes autem quadringenti viri erant prophetae Baal.

Quid prophetabant, & quem ordinem habebant inter se.
Quæstio XXIIII.

QVAERITVR, quid prophetabant isti quadringenti prophetae: & quem ordinem habebant inter se: cum dicitur hic, quod omnes prophetae respondunt quidam, quod singuli istorum prophetabant de diuersis rebus sicut variè mouebantur a spiritu. Dicendū tñ, q̄ istud est inconueniens, quia omnes isti prophetae solū nunc fuerant vocati, vt responderent an eundem esset in bellum in Ramoth Galaad, vt patet in litera, ideo nihil aliud nunc prophetarent: & si aliquis eorum prophetaret alia, expelleretur nunc à consortio aliorū, ne coram rege propheterent impertinentia. Item patet, quia supra in litera dicitur, quod omnes isti prophetae dicebant regi, ascende in Ramoth Galaad, & prosperaberis: ergo omnes prophetabant de bello. Item quia nuntius dixit Michææ, verba omnium prophetarum vno ore bona regi annunciant: ergo nullus prophetabat nisi de statu istius belli. Quantum ad ordinem istorum dicendū, quod potest intelligi de ordine temporis in prophetādo, vel de concordia, vel discordia de dictis suis. Quantum ad primum dicendum, quod omnes isti prophetabant eodem tempore: nam nūc sedentibus Achab, & Iosaphat in area Samarię conuenerunt omnes isti quadringenti prophetae: & ibi quæsitū est ab eis de statu belli: & ibi responderunt omnes: vt patet supra in litera. De secundo, scilicet de concordia, vel discordia in dictis eorum. Dicendum quod omnes cōcordabant in generali in eadem sententia: & tamen in particulari in modo dicendi, & in diuersis representationibus differebant. Primum patet, quia postquā posita fuit pphetia Sedecie, subditur in litera, omnesque prophetae vaticinabantur similiter. Item quia dicitur: & dicebant, ascende in Ramoth Galaad, & prosperaberis. Item quia dñ in litera, verba oīum prophetarum vno ore bona regi annunciant. Secundum patet, quia Sedecias non tenuit eadem verba, quæ alij: nā ipse dixit, his ventilabis Syriam, donec conteras eam. Alij autem dicebant, ascende in Ramoth Galaad, & prosperaberis. Item quia Sedecias quando dixit ista, tenuit in manibus cornua ferrea: ideo dixit, his ventilabis Syriam. Alij autem non tenuerunt cornua. Item sicut in verbis differebāt, credendum est, quod in modo representandi differrent, scilicet q̄ Sedecias fecerat sibi cornua ferrea ad significandum, quod in illis ventilaretur Syria: ita fortē alij inuenirent alios modos, & alia instrumenta ad significandum diuersimodē Syriam esse delendam.

De dictis istorum prophetarū an ficta, an reuelata, & quomodo.
Quæst. XXV.

QVAERITVR vltius circa istos prophetas, quomodo prophetabant, an fingeant de corde suo ista, quæ nunc dicebant: vel si habebant illa per reuelationem, & si fuit sic quando facta est eis illa reuelatio. Respondent quidā, q̄ isti prophetae Baal fingeant ista sicut eis placuit, & non erat illa reuelatio. Primò patet: quia si fuisset per reuelationem nō mentiti fuissent, & tñ mentiti sunt, quia prænunciauerunt prospera, & venerunt aduersa. Secundò patet, quia isti non poterant habere reuelationem cū essent prophetae idolorum: & Deus non loqueretur eis. Tertiò patet, quia non videbantur habere tempus ad hoc, q̄ fieret eis reuelatio: quia isti vocati fuerunt à rege Achab sedente eo, & Iosaphat in area Samarię, & quæsiuit ab eis an ascendere deberet in Ramoth Galaad, vel non: & responderunt immediatē, q̄ ascenderet: vt patet.

F supra in litera. Dicendum tñ, q̄ isti nō finxerunt istud responsum de cordibus suis, sed reuelatum est eis, & credebant firmiter se vera dicere. Primò patet, quia isti cōfidenter loquebantur coram regibus Iosaphat, & Achab: si tamen confingerent ista de cordibus suis, non auderent cōfidenter respōdere: quia scirent posse euenire contrarium, & erubescerent. Secundò patet, quia timerent mortem, quia si eis prænūciantibus prospera isti reges propter dicta eorum irent in bellū, & vincerentur, occiderent postea omnes istos prophetas. Non ergo auderent in periculum capitum suorum tam cōfidenter mentiri: potissimē cū nihil acquirerent potius ex isto responso q̄ ex cōtrario. Tertiò patet, quia Michæa prophetam percussit Sedecias, eo quod prophetauerat in p̄trarium sibi dicens, per q̄ viam transiit spiritus dñi à me, vt loqueretur tibi. In quo patet, q̄ Sedecias credebatur sibi locutum spiritum dñi. Quartò patet, quia si Sedecias confinxisset de corde suo istud responsum, sciret se falsum loqui: vel saltem q̄ poterat falsum esse quod dixerat: & tñ tunc nō intelligebat, & Michæas dixit ei, tu ipse videbis in die illo, qñ ingressus fueris in cubiculū de cubiculo, vt abscondaris: & sic etiam Michæas, qui erat propheta dñi, innuebat, q̄ Sedecias non sciebat se nunc falsā dicere: sed postea reuelata veritate sciret. Non ergo cōfinxit aliquid Sedecias. Quintò patet, q̄ si isti prophetae confinxissent ista de cordibus suis, non potuissent oēs conuenire sic subito in eandem sententiam: potissimē in re tam graui, in qua vertebatur periculū capitum suorum. Nam isti vocati sunt à rege, & interrogati de bello, & statim in præsentia sua responderunt oēs idem, vt patet ex litera. Si tñ oēs deberent confingere eandem sententiā, oportebat vt prius inter se tractarēt quid expediret eis respondere. Sextò patet, & clarius: quia infra in litera dñ in visione Michææ, q̄ Deus quis deciperet Achab: & spiritus ait: ego egrediar, & ero spiritus mendax in ore oīum prophetarum eius. Hoc autem non poterat esse, nisi ille spiritus mendax reuelaret istis prophetis Baal aliquid: ideo non p̄fixerunt quidquā de corde suo: sed spūs ille reuelauit eis. Fuit autē modus. scilicet quia Deus permisit, quod ille spūs deciperet prophetas Baal in damnum Achab, vt periret in bello, & ille apparuit eis reuelando hæc, vel per aliū modum mutauit phantasiā eorum, vt putarent certissimē istud à Deo dici, sicut solet fieri in veris prophetis: & hoc significatur inf. in litera, cū dixit Deus ad spiritum: decipies, & praualebis, egredere, & fac ita. Sic etiam cōclufit Michæas, dicens: nunc igitur ēt dedit Deus spiritum mendacij in ore prophetarum tuorum, & dñs locutus est de te mala. De hoc autem magis declaratum est. 3. Reg. 22. Ad primū argumentum in contrarium, cū dicitur, quod si isti habuissent reuelationem, fuisset verum dictum suum. Dicendū est, quod est verum de reuelatione, quæ fit à Deo, quæ nō potest mentiri: secus hic, quia spiritus, qui reuelauit istis ea, quæ dixerunt, fuit spiritus mēdatij, & venit ad decipiendum, ideo reuelauit falsa. Ad secundum cū dicitur, quod non fieret istis reuelatio, quia erant prophetae idolorum. Dicendum, quod non fieret reuelatio à Deo. Fieret tamen à demonibus, de quibus ipsi putabant quod essent dii, & quemlibet eorū vocabant Deū: potissimē, q̄ cū isti essent prophetae Baal putabant, q̄ ille Deus Baal erat spūs, qui loquebat eis, vel solebat apparere sibi: aut respondere de dubiis, vel facere aliquod opus quasi miraculosum ad inuocationem ipsorum. Sic colligitur. tertio Regum 18. cū Elias orabat Deum Israel, vt exaudiret eum mittendo ignem de celo super sacrificium, & prophetae Baal orabant circa idem exaudiri, & cū non responderet eis Elias irridens eos dixit, clamate voce maiore: Deus

Deus enim est, & forsitan loquitur, aut in diuersorio est, aut in itinere, aut certe dormit, vt excitetur. Ali- ter potest dici, quòd etiam prophetis idolorum Deus poterat apparere, & reuelare quæ vera sunt: sicut pa- tet de Balaam, qui erat sacrilegus, & ariolus, & genti- lis: Deus tamen apparebat ei, & loquebatur magna- lia, vt pater Num. 22. 23. & 24. Ad tertium dicendum, quòd isti habuerunt tempus conueniens, vt posset eis fieri reuelatio, vt declarabitur immediatè sequenti quæstione.

Quando isti propheta habuerunt reuelationem.
Quest. XXVI.

QVAERITVR vltèrius, cū isti propheta Baal habuerunt reuelationem de dictis suis, quan- do habuerunt eam. Quidam dicunt, quòd habuerunt eam coram rege in area Samariæ: eo quòd isti prophe- ta vocati fuerunt nunc à rege, vt responderent super statu belli, & ante hoc nesciebant an vocandi essent, vel ad quid vocandi essent: ideo non haberent prius reuelationem. Sed tunc stat dubium quomo- do poterant isti habere reuelationem à Deo coram rege. Dicendum, quòd hoc potest patere cognito, qui sunt modi quibus solent immutari propheta, & sunt quinque. Primus quando Deus mittit angelos in effigie humana, & loquitur aliquid, vel ostendit eis, quibus Deus vult hoc reuelari. Sic patet de ange- lis, qui venerunt ad Abraham, & manducauerunt cū eo: Gen. 18. Sic etiam est de duobus angelis, qui ve- nerunt Sodomam, & steterunt in domo Loth: Gene. 19. Idem de angelo, qui ostendit Agar fontem in so- litudine. Gen. 16. Idem de angelo, qui apparuit Iudæis in loco flētium. Iudicum 2. Et de angelo, qui apparuit Iosue in agro Iericho: Iosue 5. Secundo modo fit re- uelatio quando non apparet angelus in aliqua effigie, & tamen audit homo vocem, quam angelus loquitur, sicut erat de Moyse, quando cūque intrabat in sancta sanctorum, audiebat vocem loquentis ad se de propi- tiatorio inter alas Cherubim, Num. 7. Et tamen nihil videbat cū esset locus obscurissimus. Idem patet quando Moyse audiebat Deum loquentē ad se de columna nubis, & audiebatur vox in colūna, & nihil videbatur: Exo. 33. sic locutus est angelus ad Moysen Aaron, & Mariam de columna nubis ad ostium ta- bernaculi: Num. 22. Sic etiam toti Israel locutus est angelus in datione legis de monte fumoso. Exod. 2. Nam tunc audiebant vocem, & non videbant aliquā effigiem loquentis. Deut. 3. Tertio modo fit reuela- tio in somniis per immutationem phantasiæ: & sic sæ- pe fiebat in veteri & nouo testamento, vt patet Num. 12. cū dixit Deus. Siquis fuerit inter vos propheta, in visione apparebo, ei vel per somniū loquar ad illū. Patet in nouo testamento de Ioseph, cui angelus ap- paruit in somniis, dicens, quòd acciperet Mariam con- iugem suam Matt. primo, & iterum apparuit ei iubēs fugere in Aegyptum. Matt. secundo, & iterum appa- ruit ei in somniis iubens, quòd rediret de Aegypto. eo dem cap. Quarto modo fit reuelatio per solam muta- tionem intellectus, quando in vigilia Deus reuelat ali- quid propheta, & non fit tunc aliqua mutatio in cor- pore eius, nec aliqua apparitio exterius. Iste modus erat communiter in Elia, & Eliseo, vt patet 4. Reg. 3. & 4. cap. Eri bi declaratum est. Quinto modo fit re- uelatio per estasi, scilicet quando immutatur intel- lectus propheta in vigilia sine aliqua immutatione phantasiæ. Quia tamen reuelatur tunc res excellen- tissima, vt anima totaliter intendat illi rei, cessat ab omnibus operationibus circa corpus, & cadit homo, & videtur esse mortuus: & illud est estasi, de quo ma- Alph. Toft. super lib. Paralip. Pars 2.

Agis declaratum est Num. 22. & 24. Nunc dicendum, quòd ille, qui reuelauit istis prophetis dicta sua non fuit Deus, sed spiritus mendax: poterat tamen tenere aliquos de istis modis reuelationis. Dicendū tamen, quòd primus modus non poterat esse, scilicet quòd ille spiritus appareret nunc eis in loquendo ista, quia ista interrogatio, & responsio fuerunt coram rege. Si ibi fieret reuelatio non solum isti propheta viderent, & audirent illum spiritum apparentem, sed etiam om- nes, qui astabant: & tunc non magis essent propheta isti quadringenti viri quā alii, cū omnes audirent vocem eius. Potissimè, quia nunquam angeli boni, vel mali faciunt reuelationes ita publicas nisi reuela- tio directè tendat in totum populum, & non speciali- ter ad aliquem virum, sicut factum est quando ange- lus apparuit Iudæis congregatis in loco flentium, & lo- cutus est toti populo. Iudicum secundo. Secundus etiam modus non conuenit hic: quia si audiretur vox, & nō appareret effigies, omnes de populo audirent illam, sicut omnes isti propheta, & sequeretur idem incon- ueniens quod prius. Tertius modus etiam non vide- tur cū ista immutatio phantasiæ soleat fieri in som- niis: nunc tamen ipsi vigilabant. Verum est tamen, quòd immutatio phantastica, quæ vocatur visio ima- ginaria potest fieri in vigilia interdum, licet raro fiat, vt probatum est, tertio Regum 22. in quadam quæ- stione. Quartus modus non conueniebat, quia dæ- mon non potest directè immutare intellectum no- strum, scilicet non facta aliqua immutatione in cor- pore: per quam indirectè mutetur intellectus. Solus enim Deus potestatem istam habet directè. Quintus etiam modus non conuenit, quia ille non differt à quarto nisi per hoc, quòd est ibi excellentius intelli- gibile, ad quòd eleuatur intellectus. Et ob hoc oportet animam totaliter abstrahi ab actibus corporeis. Sed demon non potest facere reuelationem quarto modo, ergo nec quinto, cū ipse sit difficilior. Di- cendum igitur, quòd si velimus tenere, quòd reuela- tio fuerit facta istis prophetis coram rege postquam facta est interrogatio, quòd fuerit tertio modo, scili- cet per visionem imaginariam factam in vigilia. Dicendum, tamen quod non potest stare, quòd ista reue- latio fuerit facta coram rege postquam vocati sunt ab eo, quia Sedecias erat vnus de istis prophetis, & ipse fe- cerat sibi cornua ferrea, & tenens ea coram rege dixit: his ventilabis Syriam. Non poterat tamen ibi subito facere cornua ferrea coram rege, ergo portauerat illa secum, & consequenter ipse sciebat quid erat illud, de quo interrogandus erat, & quid responsurus erat: sicut autem dicitur de eo, ita de omnibus aliis intel- ligendum est, quod antequam vocarentur à rege, habue- rant notitiam de ista quæstione: & sciebant quid re- spondendum esset, & sic non facta est eis reuelatio co- ram rege, sed antequam vocarentur ab eo. Cū au- tem obiicitur, quod non poterat fieri reuelatio eis, ante- quam vocarentur: quia nesciebant an vocandi essent, & ad quid vocandi essent. Dicendum, quòd verum est de illis reuelationibus, quæ sunt ad inquisitionem nostram. Secus autem, de illis quas Deus facit no- bis non petentibus. Nam interdum Deus ad petitionē nostram reuelat nobis aliqua, & tunc necesse est peti- tionem præcedere ad responsionem, quæ aliquando præcedit valde pauco tempore. Sicut fuit quando Eliseus coram tribus regibus petiuit responsum à dño super statu ipsorū, & vocauit citharistam, vt psalleret coram eo: & mox vt ille incepit cantare, spiritus do- mini fuit super Eliseum, & respondit. 4. Regum 3. ca. Interdum differebatur responsio maiori tempore: sicut fuit de Ieremia, quando petiuit à domino, an reliquie Iudæorum deberet descendere in Aegyptū:

& Dominus respondit sibi post decem dies. Iere. quadragesimo secundo. Interdum maiori tpe differebant. Sicut in Daniele, qui per tres hebdomadas expectauit responsum à dño. Danie. 10. Aliquando autem Deus loquitur nobis non petentibus nobis quicquam, et reuelat nobis aliqua pertinentia ad nos, vel ad alios. Sic patet de Samuele qñ venturus erat Saul ad eum, vt consuleret eum quantum ad asinas perditas, & per vnum diem ante dominus apparuit Samueli, & dixit ei: hac ipsa hora, quæ nunc est, cras mittam ad te virum de terra Benjamin, & vnges eum ducem super populum meum Israel. primo Reg. 9. Sic et fuit de Ahia Silonite, ad quem ibat vxor regis Ioram, vt consuleret eum. Et Deus apparuit ei prius, dicens: Ecce vxor Ieroboam ingreditur, vt consulat te super filio tuo. 3. Reg. 14. Similiter poterat esse de demonibus, qui respondebant prophetis suis. Nam aliquando respondebant eis postquam interrogabant, & aliquando antequam interrogarentur: ita factum est nunc: quia cum iste spiritus mendax vellet decipere prophetas Baal, vt dicit infra in litera, apparuit eis antequam interrogarentur, & dixit super quo interrogandi erant, & quid respondere deberent: & tunc Sedecias filius Chanaana fecit sibi cornua ferrea, vt quando Achab vocaret eum portaret illa secum, & sic responderet.

Quare fit solum mentio de Sedecia.
Quæstio XXVII.

QVAERITVR vterius de isto Sedecia, cum esset vnus de quadringentis prophetis, quare fit specialis mentio de eo, & non exprimuntur nomina aliorum. Dicendum, quod hoc factum est pp duo. Primo quia iste habebat specialioremodum, quam ceteri in respondendo de fine belli: cum fecerit sibi cornua ferrea dicens, his ventilabitis Syriam. De ceteris autem non habetur, quod aliquid tale fecerint: & dato quod facerent aliqua alia instrumenta similiter representatiua, forte nullum eorum esset tam accommodatum ad signandum certam victoriam, & totale destructionem regni Syriæ, ideo de hoc solo expressum est. Secundo fuit hoc, quia nullus de prophetis Baal tantum restitit Michææ, qui erat propheta Domini, sicut iste: nam iste percussit eum in maxilla, & dixit, per quam viam transiit spiritus dñi a me, vt loqueretur tibi? Tertiò fuit hoc, quia pp istum confirmata fuit magis prophetia Michææ, quia cum iste non crederet, quod Deus locutus fuerat Michææ, sed quod rex Achab prosperaretur in bellum, dixit ei Michæas: Tu ipse vide bis. i. cognosces in die illo, quando ingressus fueris cubiculum de cubiculo, vt abscondaris: & sic postea factum est, quod declarata est in eo veritas Michææ, vt patet infra in quadam quæstione.

Quare fecit sibi cornua ferrea Sedecias.
Quæstio XXVIII.

QVAERITVR quare Sedecias fecit sibi cornua ferrea. Dicendum, quod in hoc tenuit modum prophetarum dñi: nam prophetæ domini aliquando iudicabant ea, quæ sibi reuelata erant solū per verba. Interdum verò per verba, & signa quædam exterius accommodata ad expressius representandum ea, quæ dicebantur. Primus modus erat quasi communiter in omnibus prophetis tam de illis, qui non scripserunt libros, vt de Elia, & Eliseo, Samuele, & Ahia, Gad, & Nathan, & cæteris, quorum historiae habentur in lib. Regum, quam in illis, qui libros fecerunt, scilicet maiores, & minores prophetæ: quia vt communiter in solis verbis respondebant ad ea, de quibus quære-

Fbantur: vel significabant ea, quæ sibi reuelata fuerant, etiam nemine interrogante, vt patet generaliter ex omnibus locis, & libris vbi habentur dicta, & facta prophetarum. Secundus modus erat rarus, reperitur tamen in multis prophetis. Sic enim fuit de Isaia, qui ad significandum captiuitatem Aegyptiorum qualiter per tres annos nudi, & discalciati ambulare debebant, ambulauit nudus, & discalciatus: & sic prophetauit de captiuitate istorum. Isaia 20. Sic etiam sepe fiebat in Ezechiele. Nam Deus mandabat ei sumere laterem, & describere ibi urbem Ierusalem, & ponere obsidionem contra illam ad significandum, quod caperetur Ierusalem in bello. Ezechie. 4. iussit et Deus ei sumere cibum in certa mensura, & facere panem de stercore bouum, ad significandum famem futuram in Ierusalem. eod. cap. Idem erat in capillis suis rasis, poderatis, & combustis, ad significandum diuersitatem pereundi Ierusalem. Ezechie. 5. Et sic in multis locis eiusdem. In Ieremia quoque saepe factum est, vt patet de lumbis posito ad lumbos, & postea putrefacto in Iordane: Iere. 13. Sic etiam de laguncula testea, quam confregit Ieremias coram Iudæis signans eos delendos Iere. 9. Idem fuit de latens lineis, quas misit Ieremias ad regem Edom, & regem Moab, & regem Amon, & regem Tyri, & regem Sydonis signans, quod captiui ducerentur per Nabuchodonosor. Iere. 27. Fiebat autem iste modus prophetandi propter viros simplices, & carnales, quos magis mouent res quam verba: nam magis moueretur cum viderent prophetam portantem catenas in collo suo ad signandam captiuitatem: quam si solū prænnunciaret captiuitatem futuram. Deus autem volebat condescendere simplicibus prænnunciando res eo modo, quo illos magis mouerent, ideo dedit aliquando istum modum prophetandi propter homines simplices, & dueros ad mouendum. Et non solū erat iste modus in prophetis respectu populi, scilicet quod annunciarer eis per signa, sed etiam interdum erat inter Deum & prophetam, scilicet quod Deus reuelaret prophetæ ea, quæ volebat per talia signa. Sic patet de Ieremia, cui Deus dixit: descende in domum figuli, & ibi audies verba mea, & descendit illuc. Et ecce ipse faciebat opus super rotam, & dissipatum est vas, quod ipse faciebat, conuersusque fecit vas alterum sicut placuit ei. Et tunc dixit dominus: nunquid sicut figulus iste non potero vobis facere domus Israel? Ecce sicut lutum in manu figuli, sic vos in manu mea domus Israel. Ieremiæ decimo octauo. Sciendum etiam, quod si interdum essent duo prophetæ, scilicet vnus verus, & alius falsus, qui contradicerent sibi in dictis suis: & vnus eorum vteretur talibus signis ad expressionem prophetiæ suæ. Alius accipiebat ei illa, vel frangebat ea, significans prophetiam illius esse falsam. Sic enim quando Ieremias ad signandum captiuitatem Iudæorum per Nabuchodonosor portabat catenas lineas in collo suo, venit Ananias propheta falsus, & coram toto populo accipiens catenam de collo Ieremiæ fregit eam, dicens: Hec dicit dominus: sic confringam iugum Nabuchodonosor de collo omnium gentium: Ieremiæ vigesimo octauo. Quia tamen iste Ananias erat propheta falsus: misit Deus rursum Ieremiam ad eum dicens: catenas lineas contriuiisti, & facies pro eis catenas ferreas. Et ait, ecce ego mittam te a facie terræ, hoc anno morieris: aduersus enim dominum locutus es: & mortuus est Ananias propheta anno illo, mense septimo. eodem capitu. Sicut ergo prophetæ Dei interdum prophetabant per signa, ita etiam prophetæ falsi idolorum, & sic iste Sedecias filius Chanaana nunc fecit cornua ferrea ad magis exprimendum destructionem Syriæ: maxime at quia

quia illo tempore alij prophetæ valde utebantur isto inō prophetandi. Nam iste Michas, qui nunc prophetavit contra Sedeciam: et per signa prophetabat, sicut qñ venit ad annunciandum malum regi Achab, quia dimiserat liberum Benadad regem Syriæ, cum tenuisset eum, & exercitum suū. Nam tunc fecit, q̃ vulneraretur in capite, & proposuit parabolam suam regi Achab 3. Reg. 22. capi. ideo conueniebat isti Sedeciae ad propositum suum facere cornua ferrea. Aliter potest dici, q̃ qñ aliquis propheta recipit reuelationē a Deo: sicut dicuntur sibi ea, quæ debet annunciare: ita etiam reuelatur ei modus annunciandi, sicut patet de Iere, in exemplis positis Iere. 13. 19. & 27. s. quia nō solum reuelabatur ei captiuitas Babylonica, quam deberet annunciare: sed et, quod annunciat eā portādo catenas ligneas in collo: & obligabatur ad vtrunque. Ita forte nunc spiritus ille mendax, qui apparuit Sedeciae, reuelauit ei, quod rex Achab prosperaretur, & quod significaret hoc portando cornua ferrea.

Quomodo vocauit iste nūcius Michæam, vt concordaret se.

Quæst. XXIX.

QUÆRITVR vterius, quomodo iste nūcius, qui vocauit Michæam rogauit eum, quod cōcordaret cum aliis prophetis, cum sciret ipse, quod non erat in potestate eius dicere hoc, vel illud: sed q̃ Deus, ei reuelaret, nisi vellet mentiri. Dicendū, quod hoc poterat fieri multipliciter. Vno mō quod iste nūcius loqueretur mō humano, quasi cupiēdo honorē Michææ, & rectē ei cōsulēdo: videbat enim ipse, quod omnes quadringenti prophetæ Baal vno ore annūciabant prospera: ideo licet Michæas, verum diceret, si p̃trarium diceret cum: esset solus non crederetur ei, nec consequeretur inde honorem. Secundō pōt dici, quod ille nūcius putabat, quod determinatio Dei alio quo mō posset variari propter prophetam. s. per orationes eius: & sic posset inclinare Deū in sententiam illam quam vellet, & illam annūciaret. Tertiō modo pōt dici, quod iste nūcius desiderabat, quod rex iret ad bellum, siue prospere euenturū esset siue nō, quia forte inde intendebat cōsequi aliquam magnā vtilitatem: & quia si Michæas cōtrarium aliis responderet, licet esset solus, posset impediri negotiū, rogauit eum, vt cōcordaret cum aliis. Quartō mō potest dici, quod multi homines putabant, quod in potestate prophetarum erat, quod bonum, vel malum eueniret, & quod si ipsi vellent aliquē infortunari, quod infortunabantur, & si vellēt eum prosperari, quod prosperabatur, & sic nō dicebant quod prophetæ annūciabāt hominibus futura, sed quod maledicebant seu benedicebant eis, faciendo quod bona, vel mala, eis euenirēt. Sic patet de Balaam propheta: nam cū venissent Iudei per desertum iuxta terram Moab, timuit rex Moab, & non audens pugnare cum eis, vocauit Balaam prophetam, vt eis malediceret: Num. 22. s. veni, & maledic populo huic, q̃ fortior me est, si quo mō possim percutere, & eiicere eū de terra mea. Et sequitur: Noui enim quod benedictus sit cui benedixeris, & maledictus, in quem maledicta congesseris: Sic iste nūcius, qui vocauit Michæam, putabat quod in potestate prophetarū erat q̃ euenirent bona, vel mala. Ideo rogauit eum vt annūciaret bona. Et ista est veritas, licet alij modi superiores sint verisimiles. Causa aut, quare putabant homines illius temporis potissimē simplices, & infideles, quod in potestate prophetarum erat facere malum, vel bonum erat, quia videbant, quod omnia, quæ ipsi prænunciabant siue bona, siue mala eueniebant semper sine aliquo errore. Et credebant, quod ista certitudo euentus pendebat à voluntate ip-

Alph. Tost. super lib. Paralip. Pars 2.

A forum. Sed falsum erat, quia certitudo prophetiæ pēdebat ex reuelatione Dei, quæ mentiri non pōt: quod autem ista esset intentio vulgare, patet ex responsione Balaam. Num. 22. Nam cū dixisset rex Moab ad Balaam, noui q̃ benedictus sit cui benedixeris: & maledictus, in quem maledicta congesseris: dixit Balaam: si dederit mihi Balac plenam domum suam argenti, & auri, non poterit immutare verbum domini, vt vel plus, vel minus loquar: quasi dicat, non est in potestate mea facere bonum, vel malum secundū voluntatem meam, & si detur mihi argentum, & aurū multum: sed solū dicam, qđ Deus mihi reuelauerit, si volo verū dicere. Sic iterum cū p̃queretur rex Moab, q̃ Balaam nō maledixisset Iudæis, sed potius benedixisset, dixit Balaam. Nonne nunciis tuis dixi: si dederit mihi Balac plenā domum suam argenti, & auri, non potero p̃tereire sermonem domini: vt bonum, vel malum proferam de corde meo. Num. 24. Et sic innuebat, q̃ ipse voluerat maledicere Iudæis: vt consequeretur honorem, & diuitias à rege Moab. Sed non poterat aliquid facere secundū desiderium suum, sed solum quod Deus vellet. Idem patet in præsenti, quia cū iste nūcius rogaret Michæam, vt concordaret cū aliis prophetis, dixit: viuit dominus, quia quodcunque dixerit dominus Deus meus hæc loquar, id est non potero aliquid facere de corde meo, aut annunciare, vt veniat bonum, vel malum, sed solum quod Deus dixerit hoc annūciabo.

Venit ergo ad regē. Cui rex ait: Michæa, ire debemus in Ramoth Galaad ad bellandum, an quiescere? Cui ille respondit: Ascēdite, cuncta enim prospera euenient, & tradentur hostes in manus vestras. Dixitque rex: Iterum atq; iterum te adiuro, vt mihi non loquaris, nisi quod verum est in nomine domini. At ille ait: Vidi vniuersum Israel dispersum in montibus, sicut oues absque pastore: & dixit dñs: Non habent isti dños: reuertatur vnusquisq; in domum suā in pace. Et ait rex Israel ad Iosaphar: Nōne dixi tibi, q̃ non prophetaret iste mihi quicquam boni, sed ea quæ mala sunt? At ille, iccirco, ait, audite verbum dñi. Vidi dominū sedentem in solio suo: & oēm exercitum celi assistentem ei à dextris, & à sinistris. Et dixit dñs: Quis decipiet Achab regem Israel, vt ascendat & corruat in Ramoth Galaad? cunq; diceret vnus hoc modo, & alter alio, processit spiritus, & stetit coram domino, & ait: Ego decipiam eum. Cui dominus, in quo, inquit, decipies? At ille respondit, egrediar, & ero spiritus mendax in ore omnium prophetarum eius. Dixitque dominus: decipies, & praualebis: egredere, & fac ita: Nunc igitur ecce dominus dedit spiritū mendacij in ore omnium prophetarū tuorum: & Dominus locutus est de te mala.

Hh 4 Venit

venit ergo ad regem. Scilicet, venit ad aream iuxta portam Samariæ, ubi sedebant ambo reges, ut patet supra in litera. *Cui rex ait.* Scilicet Achab, ipse enim solus loquebatur cum causa sua esset, & ipse misisset ad vocandum eum. *Micheas ire debemus in Ramoth Galaad bellandum, an quiescere?* Idest nunquid bonum est, & expediens nobis, quod eamus ad pugnandum, vel quiescamus? *Cui ille respondit, ascendite.* Idest bonum est, ut ascendatis. Non erat istud verum, quia postea contrarium Michæas respondit: quare tamen hoc dixerit infra declarabitur in quadam questione. *Cuncta prospera euenient.* Idest si ascenderitis, totum bellum erit prosperum ex parte vestra. Duo enim requiruntur ad plenam prosperitatem belli, scilicet victoria, & quod cum paruo damno victoris habeatur. Et ista duo significabat Michæas dicens, cuncta prospera euenient. Interdum enim cum tanto dāno, & effusione sanguinis victoria acquiritur, ut de illa modicum gaudendum sit, & tunc non euenient omnia prosperè. *Et tradentur hostes in manus vestras.* Idest vincetis eos, & erit in potestate vestra, quod occidatis illos. *Dixitque rex, iterum, atque iterum te adiuro.* Credidit Achab, quod Michæas nō loquebatur ei id, quod tenebat in corde, sed dicebat hoc, ut lætificaret eum: ideo dixit, quod adiurabat eum, ut diceret sibi veritatem. *Ut non mihi loquaris nisi quod verum est in nomine domini.* Idest non dicas id quod putas placere mihi: sed dicid quod verum est in nomine domini, idest secundum quod ipse tibi reuelat: & loquere mihi ex parte sua, & nō cōfingas de corde tuo. *At ille ait.* Scilicet Michæas: respondit nunc veritatem, quia adiuratus est, ut responderet verum, quod Deusei declararet. *Vidi vniuersum Israel dispersum in montibus.* Michæas significauit, quod si Achab irer ad bellum moreretur ibi, & manerent Israelitæ sine Domino, ideo dixit vidi vniuersum Israel dispersum in montibus: Dicitur dispersus, quia finito bello, cum iam non haberent ducem, quidam ibant huc, alij illuc dispersi. Et dñ in montibus: quia istud bellū factum est in montibus, scilicet circa Ramoth Galaad, q̄ est iuxta mōtē Galaad, iō tota terra ibi erat mōtuosa. *Sicut oves absque pastore.* Idest sicut oves non habentes pastore disperguntur huc, & illuc: ita Israelitæ mortuo rege suo dispergebantur per diuersa loca. Propriè autem reges vocantur pastores, & subditi oves: sic enim Dauid vocauit populum suum oves, vel gregem dicens: isti oves sunt, quid fecerunt? 2. Regum 24. & p̄ced. lib. 22. cap. Sic etiam Arist. reges pastores populo rum vocat allegans ad hoc Homerum in Eliade. *Et dixit Dominus, non habent isti dominum.* Innuit Michæas, quod in visione ista, qua videbatur sibi videre totum Israel dispersum in montibus, videret Deum p̄sentem ibi, & Deus vidēs illam multitudinē Israelitarū sine rege diceret ad Michæam. *Reuertatur vnusquisq; in domum suam in pace.* Scilicet, quia non habent dominum, & bellum non potest fieri sine duce: non restat, nisi ut reuertatur vnusquisque in domum suam. Et dicitur in pace, quia de Israelitis pauci vel nulli occisi fuerant: sed quasi solus ipse rex periit: quomodo autem hoc esse potuerit dicitur infra in quadam questione. *Et ait rex Israel ad Iosaphat.* Iratus nunc Achab propter aduersam responsionem Michææ conuersus est ad Iosaphat. *Nonne dixi tibi, quod non prophetaret mihi ista quicquam boni, sed ea, quæ mala sunt?* Scilicet bene sciebam, quod malum mihi prophetaret. Nam quando Iosaphat quæsiuit supra, an esset ibi aliquis de Prophetis Domini, per quem consulerent: dixit Achab, est vir vnus a quo possumus quærere Domini voluntatem, sed ego odi eum, quia non prophetat mihi bonum, sed malum omni tempore, & quia nunc etiam malum prophetabat, confirmabatur dictum Achab.

At ille: iccirco ait audite verbum domini. Hic ponitur alia visio Michææ. Et sciendum, quod visio superior sufficienter exprefferat euentum belli, quia tamen Michæas erat solus, & quadringenti Prophetæ Baal contra ipsum, ut non putaretur insipienter locutus, quia non erat satis verisimile, quod quadringenti mentirentur, & ille solus diceret veritatem: declarauit modum quomodo illi errabant: licet multi essent, scilicet quia Deus permiserat, quod spiritus mendacii deciperet eos, & loqueretur per ora ipsorum, & ipsi putarent se vera dicere: & ad hoc inducitur tota ista visio. *Vidi dominum sedentem in solio suo.* Visio imaginaria est, quam repræsentauit Deus in phantasia prophetæ, in qua videbatur sibi videre Deum, velut quendam regē excellentissimum sedentem in throno excelso: sic enim vidit Isaias cum ait: Vidi dominum sedentem super solium excelsum, & eleuatum. Isa. 6. In veritate tamē iste propheta nihil videbat, quia Deus non est aliquid visibile cum sit incorporeus. Etiam Deus non poterat sedere in aliquo solio, cum sedere competat corporibus: quare ista dicantur infra dicitur in quadam questione. *Et omnem exercitum assistentem ei.* Videbatur Michææ, quod erat Deus in quodam solio excelso, & in circuitu illius erat totus exercitus celi circumfusus. Vocatur enim tota multitudo spirituum celestium exercitus celi: quia sicut exercitus est multitudo pugnatorū ordinata sub aliquo duce ad expugnandum hostes, ita tota multitudo celi est ad mandatum Dei ad ministrandum ei in omne opus, siue benefaciendo bonis, siue nocendo malis. Et sic dicitur Psal. 102. q̄ angeli domini sunt potentes virtute ad audiendam vocem sermonum eius, idest ad faciendum quod quid mandauerit. Et ad Heb. primo, dicitur de angelis, quod sunt administratorii spiritus in ministerium missi propter eos, qui hereditatem capiunt salutis. Et sicut exercitus noster constat ex multis militibus, ita multitudo celestis, quæ vocatur exercitus celi, constat ex militibus, & quilibet angelus, vel spiritus vocatur miles Dei, sic patet Iob 25. scilicet: Nunquid nosti numerum militum eius, idest numerum angelorum, qui sunt milites eius. *A dextris, & a sinistris.* Idest quidā sedebant a dextris Dei, & alii a sinistris eius. Nicolaus dicit, quod angeli boni sedebant a dextris, & angeli mali a sinistris: quia hic dicitur de isto spiritu, qui decipit prophetas Baal, & erat demon, & sic ipse cum aliis federet a sinistris Dei. Sed dicendum, quod hoc nō stat: primò quia dicēdo sic præsupponeretur, quod ista visio fuerit realis, & quod verè fuerit Deus in solio, & exercitus celi in circuitu, sed non fuit, quia nec Deus potest sedere, nec angeli in circuitu eius, cum oēs sint spiritus incorporei: sed solum fuit imaginaria visio. Secundò quia si demones sedissent a sinistris, & angeli a dextris hoc fuisset propter honorem angelorū super demones. Si tamen hoc consideretur non sic federent, sed angeli boni federent in circuitu Dei a dextris, & a sinistris, & angeli mali longe ab eo essent, sicut erit in die iudicii, quando Christus veniet ad iudicandum, & boni erunt cum eo in aere, mali autem omnes erunt in terra, ut colligitur prima ad Thesa. capit. 4. Ideo nō est dicendum, quod magis iste spiritus sederet a dextris, quam a sinistris: cum nulla sessio fuerit: sed solum imaginaria visio. *Et dixit dominus, quis decipiet Achab regem Israel?* Michæas significat, quod Deus erat in medio illius multitudinis deliberando cum ea super negotio regis Achab, volens quod ille peteret, & petens consilium quis eum deciperet. *Ut ascendat, & corruat in Ramoth Galaad.* Hoc Deus intendebat: quia hac morte volebat eum perire, & non poterat fieri nisi deciperetur, quia aliās non ascenderet illuc cum ibi moriturus esset: ideo quærebat quis eum deciperet. *Cumque*

que diceret vnus hoc modo, & alius alio. Modus est, qui tenetur in negotiis deliberantibus, quia posito negotio quidam dicunt sic, alij sic dēre fieri: & ita significatur, quod non concordabant omnes hic: sed quidam assignabant vnum modum decipiendi Achab, & alij alium. *Proiecit spiritus, & stetit coram domino.* Significatur, quod a quolibet petebatur votum suum, & cum multi dixissent, iste spiritus longe erat a solio Dei, & ad hoc, quod audiretur processit de loco suo, & stetit coram domino, scilicet coram solio eius. *Et ait, ego decipiam eum.* Quasi dicat, isti non dederunt convenienter modum ad decipiendum regem Achab: ideo ego dabo illum. *Cui dominus, in quo, inquit, decipies?* Idest Deus dixit ei, in quo, idest cum quo decipies? sicut dicitur Gen. 32. in baculo meo transiui iordanem, idest cum baculo meo. Et innuitur quasi quod Deus admiraretur, scilicet, quia alij non dederant convenientem modum decipiendi Achab. Et iste dixit, ego decipiam eum: quesiuit dominus, quomodo eum deciperet. *At ille respondit, egrediar, & ero spiritus mendax in ore omnium prophetarum eius.* Idest ego loquar falsum per os omnium prophetarum suorum, & illi decipiet eum. Et dicitur egrediar, idest egrediar de loco isto: & ibo ad prophetas Achab, & decipiam eos. Et dicitur, in ore omnium prophetarum eius: eo quod omnes quadringenti prophetæ Achab mentiti sunt annunciantes prospera vno ore, cum tamen aduersa euenierint. *Dixitque dominus, decipies, & praualebis.* Hic approbatur consilium illius spiritus quasi conuenientius dixerit iste quam ceteri, & dixit decipies, idest dico tibi, quod bene poteris decipere prophetas Achab, & praualebis, idest poteris concludere negotium faciendo, quod Achab deceptus moriatur in bello. *Egredere, & fac ita.* Idest recede nunc de loco isto vadens ad prophetas Achab, & fac ita, idest decipe eos, sicut dixisti. Et in hoc significatur quod dissolutum est illud concilium, cum inuentum fuerit medium ad concludendum negotium, in quo deliberabatur. *Nuncigitur ecce dedit dominus spiritum mendacij in ore prophetarum tuorum.* Præcedentia verba pertinent ad visionem: ex quo confirmabatur intentio Michæ: hic subditur conclusio quam ipse inducit ex visione illa, scilicet ecce dedit dominus spiritum mendacij, idest quia ista visio, quam tibi narraui est vera: sequitur quod prophetæ tui sunt decepti, quia Deus misit spiritum mendacij, ut loqueretur per ora ipsorum. *Et dominus locutus est de te mala.* Idest dominus diffiniuit facere malum tibi: & ob hoc fecit quod deciperentur prophetæ tui, & tu per illos decipiaris.

An peccauit Michæas dicendum mendacium.

Quæst. XXX.

QVAERITVR quomodo Michæas dixit hic: ascende in Ramoth Galaad, & cuncta euenient prospera: an mentitus, & an peccauit cum non sic fuerit. Quidam dicunt, quod peccauit. Primum quia falsum dixit, cum non sic eueniret, potissimum quia ipse sciebat istud falsum esse, ut patet postea ex verbis suis: Secundo, quia quando nuncius rogauit Michæam, ut enunciaret prospera sicut alij prophetæ dixit, viuit dominus, quia quodcumque dixerit dominus meus hoc loquar: Deus tamen non dixit quod Achab prosperaretur, sed moreretur: ideo videtur, quod peccauerit. Alij dicunt, quod Michæas nec mentitus est, nec peccauit: sed hic dixerit contraria: dicunt, enim quod vtrumque dixit sibi Deus, scilicet quod prius dixit prospera de Achab, & postea dixit, quod moreretur. Sic enim fit interdum, ut patet de Ninuitis contra quos prædicauit Ionas Ninuem subuertendam, &

postea non subuersa est: ut patet Ionæ. 2. & 4. Sic etiam per Ioelē prædixit Deus de bruco, & locusta, quod venirent contra duas tribus, & postea non venit. Ioel. primo & 2. ca. Dicendum quod hoc non stat, primo quia quando Deus prædixit aliquid, & postea contrarium illius fit, hoc est, quia gens, contra quam, vel pro qua prædixit mutat statum suum in bonum, vel malum, & sic Deus dicitur mutare sententiam. Iere. 18. Hic autem nulla mutatio facta est in Achab: quia cum prius annunciaretur bonum deinde malum, oportebat, quod post primam prædicationem Achab peccaret grauiter contra Deum: & tunc Deus mutaret contra ipsum sententiam in malum: sed nihil tale fuit, ut patet ex litera. Itē patet, quia ad hoc oportebat intercidere aliquantum temporis: ita ut Achab mutaretur de bono in malum, sed nullum tempus intercidit inter istas duas prædicationes: quia mox ut Michæas dixit, ascendite cuncta euenient prospera, dixit Achab: adiuro te, ut non loquaris mihi nisi quod verum est: & tunc dixit Michæas: Vidi vniuersum Israel dispersum in montibus: ergo non poterat hic mutari status Achab ad hoc, ut Deus diuersa annunciarer de eo. Tercio quia cum prius dixisset Michæas, ascendite, cuncta euenient prospera, putans Achab, quod non diceret ei verum, dixit: adiuro te, ut non loquaris mihi nisi id, quod verum est: & tunc Michæas prædixit ei malum: ex quo apparet quod Michæas non dixerat primam prædicationem tanquam veram, nec tanquam reuelatā a Deo, sed illud Achab: & quoniam quæsitus est de veritate respondit id quod Deus ei reuelauerat. Quarto patet: quia in visionibus istis Michæa ponitur quomodo spiritus mendacij ex mandato Dei venit ad decipiendum prophetas Baal, qui prophetabant coram Achab, & sic quando illi prophetabant iam decepti erant, & sic insinauerat contra Achab: & tamen prophetæ Achab prædixauerant antequam veniret Michæas: ut patet in litera, ergo antequam nunc loqueretur Michæas erat determinatio Dei contra Achab quasi posita in executione. Non ergo poterat nunc Michæas facere duas prædicationes ex parte Dei vnam de bono, & aliam de malo: nisi forte prædixisset de malo præcessisset, ad quam iam Deus erat determinatus: & tamen Michæas prius locutus est hic bonum quam malum: ergo non fuerunt istæ duæ prædicationes ex parte Dei, sed solum secunda, scilicet de malo. Alia autem non fuit prædixatio, sed Michæas dixit illud ludens. Cum autem queritur, an Michæas in hoc mentitus est. Dicendum quod non, licet falsum dixerit, nisi accipiat in mendacium largē: nam mendacium est falsa vocis significatio cum intentione fallendi. Michæas autem falsum dixit hic, sed non dicebat cum intentione fallendi, quia non intendebat consistere in hac determinatione, sed postea dicere veritatem, sicut factum est. Potest igitur dici mendacium iocosum, quia illudendo dixit: sed non perniciosum, quia non intendebat fallere, nec per hoc nocere, & fortē hoc ostendebat Michæas in vultu. Sicut non est idem vultus hominis, quando iocosē mentitur, & quando vera seriōse loquitur, & quando falsa cum intentione nocendi dicit. Sed tunc queritur, cum Michæas sciret hoc non esse verum, & postea contrarium dictum erat, ad quid voluit nunc dicere, quod Achab prosperaretur. Dicendum, quod primo esse potuit hoc ad complacendum ei, ut ostenderet, quod non habebat animum dicendi mala contra eum, nec desiderabat ei mala. Nam Achab oderat Michæam, & conquerebatur de eo, quod semper prædixaret mala contra ipsum: ex quo innuebat, quod ex intentione, & desiderio mala loqueretur: ut ergo ostenderet, quod non desiderabat ei

mala,

mala, sed bona: & tamen mala illa, quæ prænunciare solebat contra ipsum, non erant ex desiderio suo, sed quia Deus iubebat sic annunciare, prænunciavit prius bonum, ostendens, quod illud erat quod ipse desiderabat: & postea prænunciavit malum ostendens, quod illud Deus iubebat prænunciari: sed illud ipse non cuperet. Hoc autem consonat valde literæ, quia cum primò Achab absolute peteret à Michæa an ascendere deberet in bellum, dixit ipse: ascendite, & cuncta euenient prospera. Et cum dixit Achab, adiuro te, ut non loquaris mihi nisi verum in nomine domini: quasi dicat, nō locutus es ex parte tua, ideo adiuro te, ut non loquaris nisi in nomine domini, id est id, quod Deus iubet tibi loqui: & tunc Michæas prænunciavit ei mala. Item patet ista differentia, quia in prima responsione Michæas non dixit, quod Deus diceret hoc, vel illud, sed solum dixit, ascendite & cetera. In secunda dixit, vidi vniuersum Israel dispersum in montibus, & dominus dixit non habent isti dominos, & sic ostendit primam rñsionē esse suam, secundam eē Dei. Tertiò dixit hoc fortè Michæas ex quadam cautela humana licita timens mortem: quia cum Achab odisset eum, quia solebat sibi semper mala prænunciare: timuit quod si nunc prima fronte prænunciaret mala, quod Achab occideret eum, vel noceret ei. Voluit ergo eū aliquantulum placare tollens impetum furoris rñdendo sibi primò prospere. Quartò potest dici, quod fecit ad magis increpandum Achab, ut si forte posset deducere eum ut non iret in bellum ne periret. Si autem primò rñderet sibi veritatem, quam intendebat: non habuisset locum increpandi eum sicut nunc, quia si primò dixisset veritatem, non quæreretur quicquam ultra Achab. Quia tamen prius dixit prospera Achab, dixit, quod loqueretur ei verum in nomine domini: & tunc annunciauit ei malum: & sic Achab intelligebat, vel saltem innuebat, quod responsio prima prospera non erat ex parte Dei: & sic ipsemet seipsum argueret, si postea nō staret responsioni aduersa, quam putabat esse Dei. Cum autem arguitur primò quod peccauit, quia falsum dixit. Dicendum quod non dixit cum intentione fallendi, & sic non peccauit propter prædicta. Ad secundum quando dicitur, quod ipse promissit nuncio, quod non loqueretur nisi quod Deus ei diceret. Dicendum quod non intelligebat hoc de locutione determinata, quia non permansit in ea, sed secunda: & illa est quam Deus dixit.

Quare Achab voluit rursus interrogare Michæam.
Quest. XXXI.

QUÆRITVR, cum Michæas rñdisset prospere ipsi Achab, ad quid voluit super eadē re rursus interrogare. Nam videtur, quod non debuisset eum iterū interrogare. Primò, quia debuisset ei credere, cum Michæas prænunciasset prospera Achab, & homines sunt naturaliter prompti ad credendum ea, quæ sunt in fauore eorum. Secundò, quia Michæas concordauit nunc cum quadringentis prophetis, qui prospera prænunciauerunt, & sic propter concordiam tantæ multitudinis non debuisset amplius dubitare, sed assentire ei. Tertiò quia Achab non interrogauit alios prophetas, sed mox ut illi quadringenti prophetæ prophetauerunt assensit eis, vel saltem non interrogauit eos, ut patet in litera. Dicendum quod Achab interrogauit Michæam, quia non fuit certus de prima responsione sua. Primò quia Michæas solebat semper prænunciare ei mala, ut patet supra. Ideo mirabatur nunc quomodo prænunciaret ei bona, & sic putauit quod non diceret verum. Secundò quia Michæas erat propheta domini, & ipse non colebat Deum, sed magis

Baal. Ideo dubitauit quomodo Deus ei bona prænunciaret. Tertiò, quia fortè Achab vidit ex vultu Michææ quod ipse non loquebatur verum, sed magis illudens: cum alius soleat esse vultus hominis iocosè mentientis, & alius hominis seriòse vera dicentis: ideo adhuc quæsiuit quousque seriòse verum ei responderet. Ad primum dicendum, quod licet esset in fauore Achab ista prima responsio, ipse non habuit causam assentiendi ei propter prædicta. Ad secundum dicendum, quod licet Michæas concordaret cum omnibus prophetis Achab, non credidit ei Achab, quia non putauit eum loqui ex intentione, ut dictum est. Ad tertium dicendum, quod licet non interrogauerit prophetas Baal de dictis suis, interrogauit Michæam, quia non pertinebat ad eundem Deum, sed quadringenti prophetæ erant ipsius Baal, & Michæas erat propheta dñi, & mirabatur Achab, an posset propheta dñi concordare prophetis Baal. Ideo interrogauit eum dubitans an verū sibi dixisset.

An peccaret Michæas dissuadendo regi Achab, ut non iret ad bellum. *Quest. XXXII.*

QUÆRITVR an Michæas peccaret, si conaretur per aliquos modos inducere regem Achab, ut non iret ad bellum. Quidam dicunt quod sic, quia Michæas cognoscebat determinatè Dei certam sententiam de Achab, scilicet quod iret in bellum, & moreretur ibi, ideo si conaretur auertere eum à bello, conaretur contra Dei determinationem, & contra voluntatem eius, ne compleretur. Respondendum, quod non peccabat Michæas quantuncunque induceret Achab regem. Primò quia non fuerat prohibitus eū inducere. Secundò quia potius videtur, quod mere retur agendo ex charitate, ne ille moreretur in bello. Tertiò quia videbatur competere ipsi Michææ ex officio sibi iniuncto auertere regem Achab à bello. Nā quadringenti prophetæ Baal, qui prænunciabant regi futura bona in bello, & quod ascenderet, inducebant eum ad bellum: Michæas autem è contrario prænunciabat ei, quod moriturus esset in bello; ideo potius distrahebat eum à bello. Quartò quia non constabat Michææ istam voluntatem esse firmam Dei, scilicet quod moreretur in bello, quia dato quod nunc prænunciasset, quod in bello moriturus esset, si Achab doleret de peccatis suis, Deus mutaret sententiam, & prænunciaret, quod vinceret in bello. Sic patet de Ezechia, cui mors prænunciata est per Isaiam, & tamen cum fleuisset illico denunciatum est ei, quod viueret quindecim annis. quarto Regum 24. & Isai. 27. Non enim constabat adhuc firmiter isti prophetæ de voluntate Dei, licet diceret ei istud, vel istud erit, eo quod sciunt prophetæ, quod Deus consuevit mutare sententiam. Sic patet Ionæ. secundo, cum Ionas prædicasset certissimè Ninive post quadraginta dies subuertendam: Ninuitæ dixerunt quis scit si conuertatur, & ignoret dominus, & relinquat post se benedictionē. Idem patet Ioel. 2. ideo quousque Deus dicat prophetæ, ista est voluntas mea, & nullo mō mutabor ab ea, non erit certus propheta, an Deus mutabit sententiam propter preces, vel peccata eorum, contra quos denūciatur. Sic patet de Balaam, quem induxit rex Moab, ut malediceret Iudæis, & ille conatus est bis maledicere, & bis prohibuit eum Deus maledicere, certificās quia non posset maledicere illi populo, eo quod benedictus erat. Num. 22. Tunc Balaam dixit ad regem Moab: non est Deus, ut homo ut mentiatur, nec ut filius hominis, ut mutetur: quasi dicat, scias, quod iā non potero maledicere isti populo: etiam si sepe ad hoc coner, quia Deus dixit mihi, quod non possem male-

maledicere: ipse tamen non mutabitur à sententia sua, nec mentietur, eo quod non est sicut homo. Idem patet de Samuele, & Saule. Nam Samuel prænunciavit Sauli, quod perderet regnum, eo quod non obedierat mandato Dei contra Amalecitas, & Deus denunciauit Samueli quod ista sententia erat firma, & nullo modo mutaretur. primo Reg. 15. scilicet: Scidit Deus regnum Israel à te hodie, & tradidit illud proximo tuo. Et sequitur: Porro triumphator in Israel non parceret, & penititudine non flectetur: idest Deus qui est triumphator Israel, non flectetur penititudine, idest non penitebit de sententia sua, ita ut moueatur ab ea, & sic fuit illa firma, quia per nullas præces aut lachrymas Samuelis agi potuit quod Saul maneret in regno. Sed adhuc dicendum, quod licet per tale medium certificetur immutabilitas diuinæ sententiæ: tamen adhuc manet interdum prophetis quoddam dubium, an Deus ab illa sententia precibus moueri possit. Sic patet de Moyse, quem Deus certificauerat, quod non intraret in terram Chanaan Num. 27. & Deuter. 33. Et tamen adhuc quotidie orabat dominum, ut permitteret illuc eum intrare: quousque Deus semel iratus dixit ei, sufficit tibi, nequaquam loquaris ultra ad me de hac re. Deut. 3. Sic etiam fuit de Samuele, qui prænunciauerat regnum auferendum Sauli, & ipse de hoc certificatus fuerat. Et tamen semper adhuc post hoc orabat, & lugebat pro eo, ut non auferretur sibi regnum 2. Reg. 15. quousque Deus dixit ei: Usque quo tu luges Saulem? cum ego proiecerim eum, ne regnet super Israel. primo Regum decimo sexto. Dicendum ergo, quod licet Deus certificet aliquem de aduentu alicuius rei aduersæ contra eum, vel contra alios per modum illum quo solet certificare de firmitate sententiæ, licet adhuc isti homini orare Deum in contrarium, ut mutet sententiam quousque Deus prohibeat eum orare, & tunc tenetur cessare, quia iam peccatum esset orare non quidem in quantum agimus contra voluntatē Dei cognitam, sed in quantum agimus contra expressum præceptum eius, quia ista est aperta rebellio, & inobedientia: non tamen tenemur nos semper velle id, quod Deus vult: quia si constet mihi, quod Deus velit cognatos meos, vel amicos perire, aut damna tolerare: non teneor illud velle: imò teneor contrarium velle: imò volendo id quod Deus, peccarem mortaliter. Et ista est sententia communis omnium theologorum, scilicet quod non tenemur conformare voluntatem nostram voluntati diuinæ in velle, sed in modo volendi, idest sicut Deus vult semper ex charitate, ita nos quidquid velimus semper ex charitate velimus: non tamen quod velimus semper id quod scimus Deum velle. De Michæa autem cum obicitur, quod peccaret inducendo regem Achab ne iret in bellum. Dicendum, quod non erat adhuc certificatus de illo euentu per omnes modos supra assignatos, & tamen dato quod esset certificatus posset adhuc conari in contrarium, & orare pro eo quousque Deus prohiberet eum utrunque agere.

Qualis fuerit prima visio Michææ.
Quæstio XXXIII.

QVAERITVR De prima visione Michææ, qualis fuerit. Dicendum quod sicut declaratum est supra in quadam quæstione, quinque modi sunt quibus Deus solet reuelare aliquid prophetis, sed non possunt omnes convenire in proposito. Primus non convenit, quia ille est, quando angelus apparet in effigie imaginaria, & loquitur, hic autem non est prophetia locutionis, sed visionis, quia Michæas nihil audiuit, sed dicit, quod vidit Israel dispersum in mon-

tibus. Secundus modus non convenit, quia etiam ille est per vocem auditam, quando formatur vox, & non videtur formans. Hic tamen nihil auditum est. Quartus & ultimus modus etiam non convenit: quia illi sunt per solam mutationem intellectus, quando Deus reuelat aliquid prophetæ mouendo intellectum suum ad intelligendum illud non facta aliqua mutatione exteriori. Hic autem videtur esse tertius modus, scilicet per visionem imaginariam, quia dicitur: vidi Israel, & est regula communis de prophetis, quod quando dicitur, vidi tale, vel tale: vel ostendit mihi dominus tale aut tale: intelligitur de visione imaginaria. Si autem dicatur dominus dixit ad me, vel dominus locutus est mihi, vel factus est spiritus domini super me, potest intelligi de quarto modo, scilicet de immutatione intellectus, vel de primo vel secundo. Hic autem quia dicitur, vidi Israel, fuit imaginaria visio: & fuit hoc modo, scilicet quod Deus immutauit phantasiam Michææ formando in ea nouas imaginationes, vel veteres nouo modo coniungendo, & illustrando: secundum quod immutationem videbatur Michææ, quod apud Ramoth Galaad videbat totum Israel dispersum per montes tanquam si non haberent dominum, & quod Deus erat ibi præsens, & loquebatur mihi dicens: non habent isti dominum. Reuertatur ergo unusquisque in domum suam in pace. Ad veritatem tamen Michæas nihil tale videbat: sed faciebat Deus hoc sibi videri in phantasia. Sicut homo in somniis videtur sibi aliquid videre, & facere, & nihil est. Erat tamen illud ad significandum ipsi Michææ, quod totus Israel dispergeretur esset in montibus mortuo rege suo in bello, sicut postea factum est. Et licet illa esset visio imaginaria, & quasi somnialis, tantum certificabatur per eam quantum ad veritatem: sicut si realiter videret in campo, & quod Deus immittebat ei istam visionem.

Quando habuit istam visionem Michæas.
Quæst. XXXIIII.

QVAERITVR, quando Michæas habuit istam primam visionem. Aliqui dicunt, quod coram rege: nam Michæas vocatus est à rege Achab, & interrogatus, an ire deberet in bellum. Et tunc respondit ei Michæas, quod habetur hic: ergo videtur, quod coram ipso habuit istam reuelationem, quia prius nesciebat, an interrogandus esset. Sed tunc obiceretur quod non stet, quia ista fuit visio imaginaria, & tales fiunt in somniis, ergo non fieret nunc coram rege, sed aliqua nocte præcedente Michæas habuisset illam. Aliqui propter hoc dicunt, quod Michæas prius habuit reuelationem, quam veniret ad regem & interrogaretur. Dicendum tamen quod in hoc non est difficultas, quia poterat fieri ista visio imaginaria Michææ coram rege, postquam interrogaretur: vel quod prius habuisset illam. Et sciendum, quod licet visio imaginaria cõiter fiat in somniis, fieri tamen potest, & firali quando in vigilia. Sic patet de beato Stephano Act. 7. cum dixit, ecce video celos apertos, & Iesum stantem à dextris Dei: manifestum est autem, quod illa non erat visio realis: quia beatus Stephanus non poterat videre usque ad celum empyreum, ubi Christus sedet. Itē non poterat celi aperiri, quia non possunt rūpi, nec habent portas, aut fenestras, quæ aperiantur. Itē dato, quod omnia ista essent, non poterat videre Stephanus Christum sedentem à dextris Dei, cum ipse met sit Deus, & sic non sedet à dextris sui ipsius: si autem dicas ibi Christus pro filio, & Deus pro patre, qui sunt duæ personæ distinctæ realiter, adhuc Christus non potest sedere à dextris Dei patris, quia pater non habet dexteram, nec sinistram, cum sit incorporeus,

Stephanus an realiter viderit celos apertos.

reus, & purus spiritus. Ioan. 4. scilicet: Deus spiritus est. Imò magis dicendum est, quòd pater, & filius, & spiritus sanctus sunt in Christo homine: quàm quòd Christus homo sedeat ad dexteram patris, vel spiritus sancti, nec potest vn^o ostendi separatus ab alio, cum habeant eandem substantiam nunc, sed vnus in alio, & ali^o in alio est. Sic patet quando Philippus dixit Christo: domine ostende nobis patrem, & sufficit nobis: Christus autem dixit increpando Philippum, & alios tanquam simplices: Tanto tempore vobiscum sum, & non me cognouistis? Philippe, qui videt me, videt & patrem meum: an non credis, quòd ego in patre, & pater in me est? Io. 15. Non ergo poterat esse realis ista visio beati Stephani: sed necesse est, quòd esset imaginaria. scilicet quòd Deus in phantasia Stephani fecit imagines in quas videbat sibi, quòd videbat cælum apertum, ac si realiter illud videret, & quia erat ibi Deus pater in maiestate sua in excelsis throno, & ad dextram eius Christus sedens. Aliquis tamen adhuc dicet, quòd licet ista non fuerit visio realis, non fuerit tamen imaginaria, sed intellectualis, scilicet quòd verè beatus Stephanus viderit, nec fuerit ibi aliqua imago phantastica: sed solum quòd intelligeret cælos apertos esse, & Iesum stantem à dextris Dei. Dicendum, quòd hoc non stat: primo, quia tunc non esset illi aliquis specialis actus pertinet ad reuelationem, vel prophetiam: nam quilibet nostrum potest cogitare, vel intelligere, quòd cæli aperti sint: & Christus sedeat à dextris Dei: & tamen hic erat specialis reuelatio facta beato Stephano ad confirmationem dictorum suorum. Et patet, quia Act. 7. dicitur quòd cum Stephanus esset plenus spiritu sancto intendens in cælum vidit gloriam Dei, & Iesum stantem à dextris Dei, & ait: Ecce video cælos apertos, & cetera. & sic Spiritus sanctus dabat illi specialiter reuelationem, ideo non erat sola intellectualis cogitatio. Secundò patet, quia licet intellectus dicatur quidam visus 6. Ethic. & intelligere sit quoddam videre, tamen quòd aliquis propheta dicit se vidisse talia vel talia: non dicit hoc pertinere ad visionem siue immutationem intellectus: sed ad visionem imaginariam, vt dictum est supra. Tertiò patet efficacius, quia dicitur: ecce video cælos apertos: si tamen esset sola intellectualis immutatio, istud esset inutile: nec deberet dici, video cælos apertos, potius quàm video terram apertam, quia nihil faciebat hoc ad propositum, sed solum quòd diceret video Iesum stantem à dextris Dei. Litera tamen insistat in hoc cum dicat, quòd Stephanus vidit cælos apertos: & ipse iterum dicit: Ecce video cælos apertos: ergo aliquid prodest ista clausula. Et nihil prodesset, nisi ad hoc: quia cum ipse diceret Iudæis, quòd videret Christum stantem à dextris Dei, possent dicere Iudæi, quomodo tu hoc vides: quia Deus est in cælo, & tamen cæli clausi sunt: vt ergo ostenderet modum, quo ista videbat, dixit: ecce video cælos apertos: quasi dicat, per illam aperturam video ista, quasi significaret se realiter videre, cum tamen non videret realiter, vt probatum est: videbatur tamē sibi, quòd videbat cælos apertos, cum dixit: ecce video cælos apertos: ergo fuit visio imaginaria, scilicet quòd Deus ostenderit Stephano quandam imaginem coelorum, in qua appareret quædam apertura. Si autem ad intellectum pertineret hoc, non fieret ibi aliqua mentio de apertura coelorum: quia ad hoc quòd intelligatur id, quòd in aliqua re clausum est, nihil magis refert, quòd illa res sit clausa, quam aperta: cum videamus, quòd etiam in absentia rei intelligamus illam. Apparet ergo, quòd ista visio Stephani fuit imaginaria: ipse tamen habuit eam in vigilia presentibus Iudæis: ideo visio imaginaria prophetalis ita fit in vigilia, sicut in nocte. Ita nunc dicendum de Michæa, quòd istam visionem imaginariam

An visio
b. Stephani
fuerit
imagina-
ria, an in-
tellectua-
lis.

potuit habere coram rege Achab, quòd vocatus est, vel quòd prius habuit. Dicendum tamen, quòd licet, vtrunque possit stare, veritas est quòd Michæas habuit istam reuelationem antequam vocaretur à rege, scilicet quòd Deus ostendit ei, quòd rex interrogaturus esset eum, & quid deberet ei respondere. Hoc patet, quia dixit Michæas, vidi Israel dispersum in montibus: & sic non erat tunc ista visio coram rege, sed iam fuerat antequam vocaretur: quia aliàs diceret, video Israel dispersum in montibus, sicut beatus Stephanus dixit Act. 7. Ecce video cælos apertos, id est vobis presentibus hoc video. Hoc autem sepe fiebat, scilicet quòd Deus appareret prophetis interrogandis super aliqua re, antequam interrogaretur. Et diceret eis quid responderent: vt patet de Samuele primo Reg. 9. & de Ahia filonite 3. Reg. 4. & declarabitur infra in quadam questione. Secundò patet, quia Michæas vidit hic, quomodo Deus tenuit consilium, & misit spiritum ad decipiendum prophetas Baal, vt patet in litera. Prophetæ autem Achab quando prophetauerunt erant iam decepti per illum spiritum: vt etiam patet in litera. Ergo antequam illi prophetauerint Michæas habuit istam visionem: illi tamen prophetauerunt antequam veniret Michæas: vt patet in litera: ergo Michæas habuerat istam visionem antequam vocaretur à rege.

An in ista visione apparuit solum occisio regis.

Quest. XXXV.

QVÆRITVR quomodo dicitur in visione ista, quòd Deus dixit quòd vnusquisque Israelitarum reuerteretur de bello in domum suam in pace: in quo innuitur, quòd solus rex moreretur in bello: quomodo autem esse poterat, quòd rex, qui erat dux belli occideretur, & ceteri manerent illasi? Respondent Rabbi Salomon, & Nicolaus post eum, quòd populus Israel etiam in bello moriturus erat cum rege suo: quia quando Achab tenuit Benadad regem Syrorum, & dimisit eum in pace, iste Michæas iuit ad Achab, & dixit ei mandato Dei: quia dimisisti virum dignum morte, erit anima tua pro anima eius, & populus tuus pro populo eius. 3. Reg. 20. nunc tamen mortuus est Achab in bello, ideo etiam populus suus debebat mori. Dicunt tamen quòd sanguis Michææ effusus, qui erat innocens satisfecit pro populo, ne periret, quia populus erat iustus: pro Achab verò non satisfecit, quia ille erat iniquus: ideo ipse perit, & non populus. Dicendum, quòd non stat, primo, quia non poterat sanguis Michææ satisfacere pro populo: nam potest vnus homo orando Deum pro altero, vel tolerando pro eo labores proficere ei apud Deum, vel satisfacere pro aliquo peccato eius: nullus tamen homo est, aut fuit quantumcunque sanctissimus, qui orationibus suis, aut laboribus etiam grauissimis vique ad mortem posset satisfacere pro peccatis vnus regni, vel magni populi. Solus enim Christus potuit satisfacere pro peccatis omnium hominum: eo quòd ipse non erat purus homo, sed Deus & homo: nam aliàs non fuisset necessarium, quòd Dei filius carnem sumeret, vt in ea pateretur, & nos redimeret: si aliquis homo sanctissimus moriendo pro peccatis nostris potuisset nos redimere: Michæas ergo effuso sanguine suo non poterat satisfacere pro peccatis populi. Secundò patet, quia ad hoc quòd ille sanguis prodesset in remissionem pro populo, necesse erat quòd effunderetur pro populo, non fuit tamen ad hoc effusus, sed solum, vt appareret vulneratus in facie coram rege Achab, vt non cognosceretur esse propheta, & vt conuenientius posset enarrare, quæ Deus ei iusserat. 3. Reg. 20.

Tyrannus
reincitur.

20. non ergo satisfaceret pro peccatis ipsius populi: nec pro peccatis alicuius de populo. Tertiò patet, quia hoc est inconuenienter dictum, scilicet quod sanguis Michææ satisfecerit pro peccatis populi: quia erat iustus, & non pro peccatis Achab, qui erat iniustus. Nam si populus iustus erat, non oportebat pro eo satisfacere: sed pro iniustis, qui indigebant satisfactione. Sic dixit Christus Matth. 14. non veni vocare iustos, sed peccatores: & Apostolus dixit: Christus mortuus est pro nobis, iustus pro iniustis. Quartò non stat, quia dicunt quod de populo non erant prænuntiandum, quod moreretur in bello, sed solum de Achab, quia dixerat Michæas: erit anima tua pro anima eius, & populus tuus pro populo eius 3. Reg. 20. Sed hoc non stat, quia anima non ponitur ibi pro anima, sed pro homine, scilicet, erit anima tua pro anima eius, id est tu eris pro eo, & populus tuus pro populo suo, & sic æqualiter denunciabatur malum ipsi Achab, & populo suo. Sic patet sepe in scriptura, in qua accipitur anima pro homine, scilicet quod septuaginta animæ egressæ sunt de femore Iacob, & quod septuaginta animæ ingressæ sunt in Aegyptum, Gen. 47. & Exo. primo. Et tamen anima non poterat egredi de femore Iacob: nec ingredi in Aegyptum, sed homo. Sic etiam Ezech. 18. anima, quæ peccauerit, ipsa morietur, id est homo, qui peccauerit: nam anima non potest mori. Dicendum igitur, quod sanguis Michææ non satisfecit pro populo, nec pro aliquo de populo: Deus tamen voluit, quod populus non moreretur in bello, & quod moreretur Achab. Cum autem obiicitur, quomodo poterat mori solus rex, & alij manerent illæsi? Dicendum quod fuit opus Dei, eo quod ipse fecit quod in primo ingressu quidam iaceret sagittam in incertum, & percuteret regem, & moreretur: ut patet infra in litera. Alio modo poterat fieri: eo quod rex Syriæ mandauerat omnibus ducibus belli, quod non pugnarent contra aliquem Israelitam, sed solum contra regem Israel: ut patet infra in litera. Cum autem ille occisus esset, non curarent amplius Syri pugnare. Dicendum tamen, quod licet iste esset modus, quem disposuerat tenere rex Syriæ contra regem Israel: quia tamen ille mutauit habitum, & non potuit cognosci, ut patet in litera: cessauit iste modus, & Deus fecit ut quidam sagittans in incertum, occideret regem Israel: & cum ille ad mortem vulneratus esset, dedit Deus in mentem Syrorum, ut nihil ultra vellent pugnare, nec nocere populo: & sic potuerat Israelita vnusquisque redire in pace in domum suam. Non tamen innuitur ex hoc, quod nullus omnino Israelitarum occubuerit in bello, vel vulneratus sit: sed quod rarissimi, vel quasi nulli percussi fuerint, respectu quorum tanta multitudo diceretur tota redire in pace. Cum autem obiicitur, quod populus Israel periturus erat, quia sicut anima Achab erat pro anima regis Syriæ: ita populus Israel debebat esse loco populi Syrorum. Dicendum quod Israelitæ non perierunt, quia Deus noluit: & hoc potuit esse dupliciter. Vno modo quod illud malum prænuntiandum a Deo iam mutatum esset. Nam illud prænuntiandum est 3. Reg. 20. & post illud Achab doluit de peccatis suis operiens carnem suam cilicio, & ieiunans, & tunc Deus dixit ad Eliam: nonne vidisti humiliatum Achab coram me? quia igitur humiliatus est mei causa, non inducam malum in diebus eius. 3. Reg. 21. Et sic illa comminatio iam reuocata erat: quia tamen Achab postea peccauit, nunc de nouo Deus diffiniuit contra eum, quod moreretur in bello: populus autem forte postea non peccauit: & sic non teneretur ad mortem ex prioris sententia, quæ iam reuocata erat: nec ex aliqua noua, quia nulla talis nunc ferretur cum populus non peccaret. Aliter potest dici, quod illa sententia præ-

nunciata per Michæam, scilicet erit anima tua pro anima eius, & populus tuus pro populo eius, non fuit reuocata: sed fuit nunc executioni tradita: & tamen cum dicitur, erit populus tuus pro populo eius, non erat sensus, quod totus populus Israel deberet mori in bello, sed quod esset pro Syris: scilicet quia si non peccassent obtinuissent contra Syros, quia tamen peccauerunt Syri præualuerunt contra eos, & fugauerunt eos de bello, & potuissent magis illis nocere, nisi Deus auertisset corda Syrorum ab hoc.

Qualiter fuit secunda visio Michææ, & quando, & an sit sic realiter. Quæstio. XXXV.

QVAERITVR De secunda visione Michææ, qualis fuerit, & quando, & an illa, quæ continetur in ea sic fuerint realiter. Ad primum dicendum, quod ista visio fuit imaginaria sicut præcedens: quia sicut ibi dicitur, vidi vniuersum Israel dispersum in montibus: ita dicitur in secunda, vidi dominum sedentem in solio suo. Imò dicendum quod tota fuit vna visio continuata sub eadem reuelatione: sunt tamen in se distinctæ visiones, eo quod ista secunda non ponitur ad significandum aliquid de nouo, sed tanquam probatiua primæ visionis, ut declaratum est supra in littera. Ad secundum dicendum, quod ista visio, licet sit imaginaria, poterat tamen fieri siue coram rege, siue antequam vocaretur Michæas a rege. Dicendum tamen, quod fuit antequam vocaretur Michæas, sicut dictum est de prima visione propter easdem rationes, cum tota sit vna visio continuata. Ad tertium dicendum, quod ea, quæ habentur in hac visione, non fuerunt sic realiter, quia Michæas non poterat videre Deum sedentem in solio suo, eo quod Deus nec solum habet, nec sedere potest, cum sit incorporeus. Sedere autem est quidam motus situs & locationis: locatio autem solis corporibus conuenit. Item non poterat Michæas videre exercitum celi a dextris, & sinistris Dei: quia Deus nec habet dextram, nec sinistram, ad quam posset esse exercitus celi, nec est exercitus celi potest videri: cum angeli sint incorporei, nec oportet quod nunc sumerent corpora de aere ad standum coram domino, cum solum illa sumant ex necessitate, quando nobis loquuntur, ut possint videri a nobis. Item quia Deus ponitur hic volens nocere Achab, & congregans concilium angelorum ad inueniendum modum, quomodo deciperetur, & moreretur in bello, & tamen si Deus vellet occidere eum, non oportebat queri modum, quia per hoc solum, quod vellet moreretur: imò non possit viuere nisi Deus specialiter conseruaret ei vitam, ut patet Sapientie 12. Item dato quod Deus vellet mortem Achab, non oportebat, quod congregaret concilium, ut videretur quomodo decipi posset: quia hoc pertinet ad illos, qui ex seipsis non habent sufficiens iudicium, & inquirunt consilia aliorum: ideo Deus non habet consiliarios: ut patet ad Roma. 11. scilicet. Quis enim cognouit sensum domini, aut quis consiliarius eius fuit. Item dicitur hic quomodo in illo concilio quidam dicebant sic, & alii sic: scilicet quod discordabant in deliberatione, sed hoc non conuenit angelis: quia circa tam paruum rem nemo esset, qui immediate nesciret dare modum. Item quia dicitur hic, quod spiritus processit coram domino, scilicet quidam dæmon, ut infra declarabitur: & Deus approbavit consilium illius, & non consilia angelorum, quod erat satis inconueniens. Item quia quando ille spiritus dixit, quod ipse deciperet Achab, Deus querit ab eo quomodo faceret, quasi nesciens, quis modus erat quem intendebat ille spiritus, non ergo fuerunt ista in veritate, nec aliquid tale vidit Michæas. Non tamen est dicendum, quod Michæas

chæas mentiatur dicendo, quod vidit hoc, quia verum est, quod vidit illud non quidem realiter, sed visione imaginaria, scilicet quod Deus in phantasia sua posuit imagines representantes Deum sedentem in solio, & alia quæ habentur: & secundum istas videbatur Michææ, quod videbat Deum sedentem in solio suo, & totum exercitum celi assistentem sibi, & omnia alia, quæ habentur in visione. Sciendum tamen, quod in hoc non decipiebatur propheta, quia sicut ipse non mentiebatur dicens se vidisse ista cum viderit ea visione imaginaria: ita nec decipiebatur in seipso putans, quod videret realiter id, quod videbat imaginariè: quia bene sciebat, quod viderat hoc imaginariè, & non realiter: & semper prophetæ cognoscunt differentias visionum suarum, id est an videant imaginariè vel realiter: & sic de alijs modis reuelationis. Sic dicitur Danielis 7. videbā in visione noctis: id est in visione imaginaria, quæ solet fieri per noctem, & iterum, visio capitis mei conturbauit me: & istud est manifestius. Nam visio capitis est visio imaginaria, scilicet per imagines existentes, vel causatas in phantasia, quæ est in media cellula capitis.

Quare ostendit Deus eam Michææ.

Quæstio XXXVI.

QUÆRITUR cum ista visio non fuerit sic realiter, ad quid ostendebat eam Deus sic Michææ & quid per eam intendebat inducere. Dicendum quod visio principalis Michææ fuit una, in qua Deus ostendit ei, quod Achab moreretur in bello: & ista est præcedens visio. Ista autem secunda nihil nouum importat super primam quantum ad euentum belli: sed ponitur ad confirmationem primæ visionis, & quasi redditua rationis, quia cum quadringenti prophetae Baal pronunciauissent concorditer quod Achab prosperaretur in bello, & solus Michæas diceret quod ibi moreretur, & populus dispergeretur, non erat dictum suum satis verisimile contra tantam multitudinem: ut ergo ostenderet quomodo illi errabant, voluit inducere unam conclusionem: quod omnes illi prophetae fuerant decepti per spiritum mendacii, quem Deus miserat, ut deciperet eos: ideo omnes errabant, & ipse solus annunciabat veritatem. Et ad hoc inducitur tota ista visio, scilicet quomodo Deus sedebat in solio & cetera. Sciendum vltius, quod non solum oportebat quod ista visio esset conueniens ad inducendum istam conclusionem: sed etiam quod omnia in ea dicta essent verisimilia, & credibilia eis, quibus annuntiabantur: quia alias irrideretur propheta ab illis: utpote si illi non crederent, quod Deus poterat sedere in solio, vel exercitus celi stare in circuitu eius. Ideo dicendum, quod licet ista non essent possibilia, ut satis apparet viris intelligentibus: tamen Achab, & ceteri, qui tunc erant, poterant accipere ista tanquam verissima: eo quod nullam repugnantiam poterant ipsi colligere in istis dictis: vel quod ex eis sequeretur aliquod inconueniens. Et hoc erat propter duo: primo quia illi erant viri simplices non intelligentes aliquid de conditione naturæ diuinæ, nec angelorum: sed putabant Deum esse tanquam quendam regem excellentissimum, & angelos esse tanquam ministros eius astantes sibi, & seruientes: & hoc intelligunt vsque hodie Saraceni, ut patet ex suo Alcorano, & putant quod angeli possunt carnaliter cognoscere mulieres. Secundum erat, quia Achab erat infidelis, cum coleret idola, ideo tenebat modum Gentilium: ponunt autem Gentiles deos suos esse corporeos, scilicet Iouem, Saturnum, & ceteros: & ipsos habere uxores, et filios in celo. Po-

nunt etiam Deos congregari ad concilium, & statuere aliquid inter se, quod fieri debeat in mundo. Sic enim ponit Ouidius primo Meta. dicens esse quandam domum Iouis, ad quam omnes dii congregantur ad concilium: & quod ad illam est via per quendam circumulum album, qui est in celo: & vocatur in Græco galaxias. Et vulgariter vocatur iter sancti Iacobi: & iuxta illam viam dicit esse domos deorum, cum ait.

*Est via sublimis celo manifesta sereno,
Lactea nomen habet, candore notabilis ipse,
Hic iter est superis ad summi tecta tonantis.*

Virgilius etiam ponit Deos Gentilium congregari ad concilium, & repugnare sibi, sicut fuit circa bellum Troianum: dicens, quod quidam dii fauebant Troianis, scilicet Venus, & alij fauebant Græcis, scilicet Iuno, ut patet 10. Aeneidos: qui autem ista credunt, facilliter credere possunt, quod Deus congregauerit exercitum celi ad teneidum consilium eum eis super Achab, quomodo deciperetur: imò (quod plus est) si sic non annunciaretur, non possent tales viri simplices intelligere quis erat modus, quod Deus diffiniebatur circa res humanas: dicitur ergo, quod Michæas vidit Deum sedentem in solio suo, ita innueret Deum esse quasi quendam regem excellentissimum, & sedentem in solio excelso, & pulchro. Sicut Isa. significauit dicens: Vidi dominum sedentem super solum excelsum, & eleuatum: dixit autem quod exercitus celi erat à dextris & à sinistris, quia sic solet esse in consiliis magnorum dominorum, quando multi conueniunt: scilicet licet quod dominus sedeat in medio, ut possit omnes audire: & illi à dextris, & à sinistris eius sedent. Nunc autem exercitus coeli, id est angeli, qui erant ministri Dei, sedebant in circuitu: quia ipsi vocati erant in conciliū. Posuit autem hic Michæas concilium Dei, quasi vellet Deus deliberare cum angelis suis, quid fieri deberet de Achab. Nam cum positum fuerit Deum esse quasi excellentissimum regem, reges autem quantumcunque sint potentes, & excellentes semper diffiniunt negocia cum consilio suorum: potissime in rebus grauius, oportebat nunc Deum poni tenere consilium cum angelis suis ad hoc, quod diserneret de ista re ardua, scilicet an Achab periret in bello: & quomodo deciperetur, ut periret. Ponitur etiam quod illi ministri Dei variè diffiniebant: quidam sic, alij sic: eo quod istud solet esse in omnibus congregationibus deliberatiuis, scilicet quod quidam sic dicant, & alij aliter. Dicitur etiam, quod ille spiritus inuenit consiliū bonum: licet significetur, quod ille erat de minoribus, & satis procul à Deo stans: cum dicatur, processit spiritus, & stetit coram domino: scilicet quia sic solet interdum fieri in talibus congregationibus, quod aliqui viri non excellentes inueniant meliora consilia, & media in negocijs, quam alij excellentiores, qui prius locuti sunt. Dicitur etiam quod isti spiritus, qui dedit istud consilium Deus iussit, ut exequeretur illud dicens: egredere, & fac ita. Sic solet fieri in consiliis dominorum: scilicet quod cum aliquis ex magno ingenio inuenit melius consilium quam ceteri: dominus ponit illum tanquam executorem illius, quia sicut ille fuit prudentior ceteris in cogitando illud: ita erit prudentior exequendo illud: Ita fuit de Ioseph cum prænucciaisset fertilitatem septem annorum, & famem aliorum septem annorum: & dedit consilium quod preponeretur toti Aegypto aliquis vir industrius, qui in septem annis fertilitatis colligeret fructum pro septem annis famis. Et tunc dixit Pharaon, num inuenire poterimus talem virum, qui spiritu Dei plenus sit? Et dixit ad Ioseph, nunquid sapienterem, & similem tui inue-

inquaire potero: tu ergo eris super domum meam. **A** Gen. 4. Fuit ergo conueniens ista visio Michæ in omnibus partibus suis: & verisimilis valde eis, quibus annuntiabatur. Item dicendum quod erat valde conueniens, & magis exprimendum id, quod Michæas intendebat quam alter. Nam si Michæas solum dixisset, quod Deus dederat spiritum mendacii in ore prophetarum Achab: & non posuisset modum istam particularem, non moueretur tantum Achab ad credendum, sicut enarrando sibi istud particulariter. Et ista erat causa, quare Deus faciebat, quod prophete non solum verbis, sed etiam per quædam exteriora signa prophetarent: ut declaratum fuit supra in quadam questione. Et sic iste Michæas, quando prophetauit coram Achab primo faciens se vulnerari in capite 3. Reg. 20. & iste Sedecias, de quo supra in litera, licet esset propheta malus, non solum verbis, sed etiam signis exterioribus prophetauit faciens sibi cornua ferrea, & dicens, his ventilabis Syriam, ut patet in litera.

Quis fuit ille spiritus, qui decepit prophetas Bael?

Quest. XXXVII.

QUÆRITUR. De isto spiritu, de quo dicitur hic, quod decepit prophetas Bael, qui erat. Respondet Rabbi Salomon quod erat anima Naboth occisi, quem Achab occiderat, ut acciperet vineam eius 3. Reg. 21. Et quia ibi agitur de morte eius & sequenti cap. scilicet 22. ponitur eadem historia, quæ habetur hic, putauit quod spiritus ille Naboth nouiter egressus de corpore in vindictam mortis Naboth venerit ad decipiendum prophetas Achab, ut moueretur Achab in bello. Sed dicendum, quod non stat quod iste spiritus esset anima Naboth: quia ille erat vir iustus, & anima eius esset in sinu Abrahæ, & non egrederetur inde ad decipiendum quemquam. Secundo, quia non veniret in vindictam mortis Naboth, quia Naboth erat vir iustus, & mortuus est in charitate: non desideraret vindictam nunc anima eius. Tertio, quia anime iustorum non desiderant nocere alicui siue bono, siue malo: sed potius prodesse. Quarto non stat, quia ista questio procedit præsupposito, quod fuerit ista congregatio concilii realiter, & quod venerit ille spiritus coram domino, dicens ego decipiam Achab: & tamen non fuit hoc realiter: sed solum visio imaginaria: ut supra probatum est in quadam questione: ergo non est querendum quis fuerit ille spiritus, qui stetit coram domino, quia nullus fuit. Verum est tamen, quod aliquis spiritus fuit, qui decepit prophetas Achab: & ille fuit demon: quia angeli boni neminem decipiunt: esset autem ille demon, qui solebat eis respondere alias in negociis eorum: vel forte plures demones, qui illis multis prophetis apparent: & in hoc non differt.

An Deus mittat demones ad decipiendum.

Questio. XXXVIII.

QUÆRITUR. An Deus mittat demones ad decipiendum homines. Et videtur quod sic, quia cum iste spiritus de quo hic dixerit quod deciperet prophetas Achab, dixit ei Deus: egredere, & fac ita. Aliqui dicunt quod non: primo quia non pertinet ad Deum, quod ipse faciat aliquem decipi: cum potius

ipse illuminet homines, ne errent. Ioa. primo, scilicet illuminat omnem hominem venientem in hunc mundum. Secundo patet, quia illi, qui dicunt Deum mittere demones ad decipiendum homines, mouentur ex eo quod habetur hic: & tamen istud non fuit realiter, sed imaginariè: & sic Deus non dixit isti spiritui, quod iret ad decipiendum prophetas, nec aliquis spiritus super hoc coram Deo apparuit. Dicendum quod Deum mittere demones ad decipiendum homines potest dupliciter intelligi. Primo modo, quod Deus velit, quod homines decipiantur, & ad hoc mittat demones. Secundo, quod ipse permittat demonibus quod homines decipiant: ut tentent eos ad decipiendum. Primo modo Deus non mittit demones ad decipiendum homines: quia sic directè Deus vellet, quod homo deciperetur: & hoc falsum est, quia si hoc vellet non oportebat, quod demones ad hoc mitterentur: sed eo ipso, quod Deus vellet hominem decipi esset deceptus, & nihil intelligeret: imò (quod plus est) homo nihil posset intelligere, nisi Deus daret ei lumen per quod intelligeret, & cōfiteretur sibi illud, & concurreret cum eo in quolibet actu intelligendi. Itē non pertinet ad Deum velle hominem decipi: quia decipere pertinet ad impotentem, qui aliter nocere non potest nisi deceptis: qui autem potens est non decipit, sed aperte nocet: Deus autem omnipotens est, ideo neminem decipit. Item Deus est tota bonitas cum sit ipsa essentia bonitatis, ideo ab eo non potest derivari nisi bonum & perfectum, decipere autem imperfectionem dicit, & diminutionem boni: ideo non prouenit ab eo talis effectus. Item si Deus vellet decipere hominem, directè vellet malum homini: cum per deceptionem tantum in nobis bonum non auctoretur: nam quia malus ab ignorantia incipit esse malus, quia omnis malus est ignorans: ut patet 3. Ethic. Ita si Deus vellet decipere nos, non esset in potestate nostra facere bonum, aut malum, sed ex necessitate operaremur, cum essemus decepti: & tunc nec pena nec premia iuste darentur: sed omnia essent confusa. Item si Deus vellet hominem decipere, ipse esset qui tentaret nos: & non solum tentaret, sed etiam ad malum necessitaret: Deus tamen non tentat hominem, ut patet Iacob primo, scilicet. Nemo enim tentatur dicat, quod a Deo tentetur. Deus enim tentator malorum non est: ipse enim neminem tentat: & sic neminem decipit. Et consequenter dicendum quod etiam non mittit demones, ut decipiant homines: quia hoc desiderans. Si dicatur secundum, scilicet quod permittat demonibus tentare homines, & decipere, potest dupliciter intelligi. Uno modo quod ipse imponat demonibus officium tentandi homines, & decipiendi: licet non desideret, quod homines decipiantur, sed faciat hoc, ut habeant locum merendi. Alio modo, quod non imponat eis officium istud: sed permittat quod demones agant quid voluerint secundum malitiam suam. De primo dicendum, quod Deus non imponat demonibus officium decipiendi, licet det eis officium puniendi animas damnatorum, quia decipere ordinatur ad culpam, & in hoc Deus nunquam directè agit nec adiuuat. Quod autem demones puniant damnatos pena, est non culpa: & ad hanc Deus directè agit interdum per se, sicut quantum ad illos, qui sunt in purgatorio, qui non puniuntur per ministros, sed Deus succendit ignem illam, ut dicit sanctus Thomas quarto Sententiarum, dist. 49. vigesima prima. De secundo dicendum, quod Deus permittit demonibus secundum malitiam suam interdum agere contra homines ad decipiendum eos. Interdum autem licet ipsi velint hominem tentare, non permittit.

tit. Istud tamen est generale, quod etiam si Deus per F
mittat demonibus tentare hominem, nunquam tri-
buit eis aliquam virtutem, vel potestatem decipiendi,
aut nocendi maiorem quam ipsi naturaliiter habeant,
sed potius reprimat illorum impetum: vel dat homi-
ni auxilium ad resistendum, sicut dicitur Lucæ vigesi-
mo secundo, cum Christus dixit Petro: Sathanas ex-
pectauit te, ut cribraret, sicut triticum: sed ego roga-
ui pro te, ne deficiat fides tua: & sic in omnibus san-
ctis: Deus enim adiuvat eos in tentationibus demo-
num. Interdum tamen propter peccata hominum
Deus destituit eos, & tunc facilius decipiuntur à dæ-
monibus, & quicumque homines destituti à Deo in
quocunque negotio: etiam si aliàs viri sapientes
sint, aut prudentes errant grauissimè. Et isto modo G
Deus dicitur interdum infatuare homines: scilicet,
quia destituit eos, & permittit errare: non tamen
fuit: talis infatuatio illa, quia Deus dicitur infatuasse
consilium Achitophel. secundo Regum deci-
mo septimo. quia ibi non in fatuatus est Achitophel,
cum rectissimum consilium dederit, sed potius Israe-
litæ infatuati sunt: quia crediderunt consiliū Cusi es-
se melius quam consilium Achitophel: cum ta-
men esset puerile, & ridiculum: ut declaratum est
eodem cap.

Accessit autem Sedecias filius Cha- H
naana, & percussit Michææ maxillam,
& ait: Per quam viam transiit spiritus
Domini à me, ut loqueretur tibi: Dixit
que Michæas. Tu ipse videbis in die illo,
quando ingressus fueris cubiculum de
cubiculo, ut abscondaris. Præcepit autem
rex Israel, dicens: Tollite Michæam, &
ducite eum ad Amon principem ciuitatis,
& ad Ioas filium Amelech, & dice-
tis: Hæc dicit rex, mittite hunc in car- I
cerem, & date ei panis modicum, & a-
que pauxillum, donec reuertar in pace.
Dixitque Michæas: Si reuersus fueris in
pace, non est Dominus locutus in me:
Et ait: Audite omnes populi.

Accessit autem Sedecias filius Chanaana. Iste est, qui fe-
cerat sibi cornua ferrea ad prophetandum, ut patet
in litera. Et percussit Michæam maxillam. Quia dixerat
Michæas quod omnes prophetae Achab mātiti sunt,
& quod spiritus mendacii loquebatur per ora ipso-
rum. Et ait per quam viam transiit spiritus domini à me, ut
loqueretur tibi? Increpat Michæam quasi irridendo, sci-
licet per quam viam transiit spiritus domini, scili-
cet nunquid ego non sum melior propheta quam
tu: & magis cognoscens voluntatē domini? prius er-
go veniret spiritus domini ad loquendum mihi quam
tibi? & tamen tu dicis, quod spiritus domini locutus
est tibi: & mihi spiritus mendacii: per quam ergo viā
transiit ad te iste spiritus domini, qui reuelauit tibi
hoc? ita quod prius non loqueretur mihi, ut non de-
ciperer? quasi dicat, tu fingis ista, & ridiculum est,
quod spiritus domini transiuerit ad te solum, & dimi-
serit me, & ceteros: cum non videretur esse via, per

quam transiret, scilicet cum prius deberet venire ad
prophetas digniores quam ad te minimum, & infi-
num omnium. Tu ipse videbis in die illo, quando ingres-
sus fueris cubiculum de cubiculo, ut abscondaris. Scilicet tu
non vides nunc, id est non cognoscis quomodo spiri-
tus Domini non venerit ad te, & venerit ad me: & ta-
men cognoscēs in die illo quando pre timore mortis
transibis de cubiculo in cubiculum intrando in loca
secretissima, ut non inueniaris. Præcepit autem rex Is-
rael dicens. Consenserat Achab prophetis Baal volens
ascendere in bellum, putans quod mentiretur sibi Mi-
chæas: & nunc iubebat eum poni in carcere. Tollite
Michæam, & ducite eum ad Amon principem ciuitatis.
Volebat quod iste Amon custodiret eum, ne posset
fugere. Et vocatur princeps ciuitatis, scilicet Sama-
riæ: quia in Samaria erat nunc rex, ut patet supra in
litera. Non est intelligendum, quod ipse esset prin-
ceps ciuitatis, scilicet quod esset sua, quia ista erat ci-
uitas regalis, & caput totius regni, cum ab ea nomi-
naretur regnum Samariæ: sed dicitur princeps, id est
maior in tota ciuitate, quia ipse erat ditior & poten-
tior inter omnes habitatores vrbis. Aliter quod es-
set princeps, id est præfectus vrbis: quia forte rex com-
miserat ei iurisdictionem vrbis: & sic vocantur aliqui
principes, vel præfecti vrbium, tertio Regum deci-
mo sexto, scilicet: Erat autem Ela in Tersa bibens, &
temulentus in domo Arsa præfecti Tersa. Et ad Ioas
filium Amelech. Iste erat alius princeps, & his duobus
commissus est Michæas custodiendus. In Hebræo dicitur
ad Ioas filium regis. Ratio differentiae est, quia in
Hebræo dicitur Ioas filium Melech, & in Hebræo Melech si-
gnat regem. In Latino vna litera addita est, & dicitur
Amelech, & accipitur ut nomen proprium: He-
bræi autem accipiunt illud ut commune: & aliqui vo-
lunt, quod in Hebræo deberet dici Amelech: quod
est nomen proprium sicut in Latino: errore tamen
librariorum illa litera deficit: de quo diximus tertio
Regum vigesimo secundo. Hæc dicit rex, mittite
hunc in carcerem. Scilicet ne fugiat, ut possit puniri in
aduentu regis. Iura constituunt carcerem aliquando
ad custodiam, aliquando in penam quando carcer so-
lum est pena statuta ipsi, qui detinetur: hic autem
fuit carcer in custodiam, & in penam, scilicet, ut non
fugeret Michæas, & etiam ut ibi affligeretur propter
loci incommoda, & patet ex sequentibus de cibo, &
potu, quæ ei in penam posita sunt. Et date ei panis
modicum, & aquæ pauxillum. Scilicet, licet sit pro-
pheta non detis ei cibum & potum ad sufficien-
tiam: sed solum panem & aquam, & ista in ma-
gna penuria: unde tertio Regum vigesimo secun-
do dicitur: sustentate eum pane tribulationis, & aqua
angustiae. Dicitur panis tribulationis quado tam-
modicus est, quod homo comedens tribulatur, &
aqua angustiae, id est pauca quantum bibunt illi,
qui sunt in obsidione, & habent penuriam aqua-
rum: hoc faciebat Achab, quia ipse oderat Mi-
chæam, & volebat quando veniret de bello occide-
re eum, & ob hoc voluit, quod poneretur in
carcere, ne fugeret, & quod daretur ei cibus ne in-
terim moreretur: esset tamen paucus, ut in hoc af-
fligeretur. Donec reuertar in pace. Id est quousque
reuertar in pace de bello: putabat enim, quod su-
puraret Syros, & omnia prosperè euenirent: sicut
prædixerant prophetae eius, & tunc volebat occidere
Michæam morte grauissima. Noluit autem occide-
re eum antequam iret ad bellum, licet crederet
eum mentitum, quousque ex ipso rei euentu con-
uinceret Michæam mentitum. Dixitque Michæ-
as, si reuersus fueris in pace, non est locutus in me Dominus.
Scilicet,

Scilicet, tu dicis, quod reuerteris in pace, & ego dico tibi, quod non venies: & si tu venis in pace, ego sum propheta falsus, & non est locutus mihi Dominus. *Et ait audite populi omnes.* Aliqui putant, quod ista sit sententia incompleta, scilicet, quod Michæas voluerit hic plura dicere contra regem, sed non permissus est, & mansit sermo inchoatus. Sed non est verum, quia sensus est, quod cum rex diceret se reuersurum in pace: & Michæas diceret, quod non: ut non posset postea hoc negari, induxit in testem totam multitudinē, dicens: Audite populi oēs. sed quod ego dixi, & quod rex dixit, ut postea iudicetis, quis verum dixit.

Quare Sedecias percussit maxillam Michæe, & an peccauit.
Questio XXXIX.

QVAERITVR vterius, quare Sedecias percussit maxillam Michæe, & an peccauit in hoc. Ad primum dicendum, quod fecit hoc in vindictam propriæ iniuriæ: quia dixerat Michæas omnes prophetas Baal deceptos: & quod spiritus mendacij locutus fuerat per eos. Sedecias autem credebat se esse excellentiorem Michæam prophetam, ut supra diximus. Et innuit ex illa litera, scilicet, per quam viam transiit, spiritus domini ad me, ut loqueretur tibi, id est, spiritus domini prius veniret ad me, quam ad te, quomodo ergo tu dicis, quod venit ad te, ut non veniret prius ad me: quasi dicat: quia ego excellentior sum in prophetia, & non poterat ad te venire quin prius ad me veniret. Credidit ergo Sedecias magnam iniuriam sibi factam, cum diceret Michæas, quod non mentiebatur: ideo percussit eum. Secundò, fuit in vindictam publicæ iniuriæ: quia non solum dixerat hoc Michæas contra Sedeciam, sed contra omnes quadringentos prophetas Baal, quos asseruit esse mentitos. Tertiò fecit propter iniuriam Dei: quia Sedecias credebat se verum dicere, & quod Deus verus reuelauerat ei hoc, & alijs prophetis: Michæas autem dicendo eum mentiri, dicebat Deum mentitum: & Deum esse spiritum mendacij: & eius iniuriam voluit vindicare percutiendo Michæam. Ad secundum quidam dicunt, quod non peccauerit Sedecias, quia fecit propter causas iustas supra expressas. Dicendum, quod peccauerat grauiter. Primò, quia percussit prophetam domini: ipse enim solus erat nunc propheta Dei inter istos, ut patet supra in litera. Secundò, quia percussit eum vera dicentē, cum ille veritatem defenderet ostendens istos mentitos, qui verè mentiti erant. Tertiò, quia percussit eum exequētem id, quod Deus iusserat: nam Deus reuelauerat ei hæc, ut illa diceret regi Achab, & hæc facientē percussit eum Sedecias. Dicendum ergo, quod non solum Sedecias peccauerit, sed etiam Achab, quia coram eo percussit Sedecias Michæam, & debuisset punire illum tamquam iniurantem, & potissimè presente rege, cum non solum esset iniuria Michæe, sed etiam regis: ita tamen grauiter Achab oderat Michæam, quod non vindicauit iniuriā illius, etiam coram se factam: sed potius de hoc gaudebat: nam aliàs Sedecias non ausus fuisset presente rege eum percutere. Ad primum dicendum, quod non habebat iustam causam Sedecias percutiendi Michæam in vindictam iniuriæ. Primò, quia non erat iniuria cum Michæas verum diceret: potissimè, quia illud Deus ostenderat sibi ad dicendum. Secundò, quia dato, quod fuisset iniuria, non potuisset Sedecias eam propria auctoritate vindicare: quia ad hoc, quod iuste puniret, non solum requirebatur iusta causa, sed etiam iurisdic-tio, quam non habebat Sedecias. Nam etiam si fuisset ipse iudex, populi in ista tamē causa non est iudex, sed actor petens sibi satisfieri de iniuria. Item dato, quod in aliquo casu quis posset esse iudex in causa sua

A particulari, quod iura abhorrent: tamen saltem modo iudiciali procederet, & diffiniret contra eum. Item dato, quod deberet puniri Michæas, & esset iudex Sedecias: saltem non exequeretur ratione sententiam, sed alteri executioni mandaret, & tamen ipse executus est: ideo habuit totaliter locum partis: & hoc nunquam licet de iure, nisi in propulsando iniuriam, quando quis contra alterum non verbo, sed opere procedit: & hic non fuit sic, quia Michæas solum locutus est. Secunda causa assignata pro Sedecia non iuuat: quia sicut non licebat ei propriam iniuriam vindicare, ita nec iniuriam sociorum: potissimè, quia non erat iniuria cum Michæas diceret verum, scilicet, istos mentitos esse: & hoc dicebat mandato Dei, cui tenebatur obedire, etiam si videretur esse damnum, vel præiudicium cuiuscunque. Tertia causa etiam non adiuvabat, quia non erat hic aliqua offensa Dei, quam Sedecias deberet vindicare: imò potius ipse offende-bat Deum, quia percutiebat loquentem ex parte eius: sed dato, quod Michæas offendisset Deum: ut potè, si Sedecias fuisset verus propheta, & Michæas diceret eum esse mentitum: adhuc non licebat Sedeciae vindicare hanc offensam Dei ex defectu iurisdictionis. Nam licet ego videam quemquam blasphemare Deum, non licet mihi illum occidere, aut percutere, quia hoc dato totus status politicus: & tota pax humana periret, & essent bella infinita: si quilibet sibi ex hac causa posset usurpare iurisdictionem, & nullum maius inconueniens poterat esse contra statum politicum. Item erat aliud deterius, quia interdum quis putaret offensam esse factam Deo, & vellent illam vlcisci: cum tamen nulla esset facta: quia non est omnium hominum hoc cognoscere: & sic tunc puniret aliquis, non solum non habens iurisdictionem, sed etiam sine iusta causa: sicut fuit hic, quod Sedecias purabat, quod Michæas offenderet Deum, dicendo contra eum, & alios prophetas: & tamen non offenderat cum ipse verum loqueretur. Erat etiam aliud inconueniens, quia non solum Sedecias usurpauit sibi iurisdictionem, sed etiam usurpauit eam presente illo, cuius erat iurisdic-tio. Nam rex erat ibi, qui erat iudex quantum ad omnes causas: ideo presente illo nemo quantumcunque læsus iniuste poterat sibi vindictam proprio iure expectare, sed ab illo expectare.

Quando fuit completum dictum Michæe.
Questio XL.

QVAERITVR vterius, quando fuit completum illud, quod hic dixit Michæas Sedeciae, scilicet, tu ipse videbis in die illo, quando ingredieris cubiculum de cubiculo, ut abscondaris. Respondent quidam, quod fuit tempore Iheu regis Israel: quando conuocauit omnes cultores Baal, & occidit eos: tunc enim iste Sedecias timens mortem abscondit se de cubiculo in cubiculum. Dicendum, quod non stat. Primò, quia Michæas dixit videbis in die illo, quando ingredieris cubiculum de cubiculo: quasi dicat: tu non vides modo, id est, non potes cognoscere quomodo spiritus domini recessit à te, & locutus est mihi. Et tamen in illo die, quo absconderis in cubiculo, cognosces, quod mihi locutus est Deus, & non tibi. Et tamen manifestum est, quod antequam Iheu inquireret cultores Baal ad occidendum eos. quarto Regum decimo: cognouerat Sedecias se esse mentitum, scilicet illo die, quo mortuus est Achab in bello, quem ipse prænunderat prosperandum: ergo non potest intelligi de tempore regis Iheu. Secundò patet, quia Sedecias latebat nunc pro aliquo pertinente ad istam prophetiam, cum diceret ei Michæas

quòd die illo cognosceret veritatem, & tamen congregatio cultorum Baal per Iehu, nihil pertinebat ad istam prophetiam. Nam siue Sedecias illuc iret, & occideretur, siue lateret timore mortis: non per hoc cognosceret, quòd Deus locutus fuerat Michææ, & non sibi, cum hoc esset omnino impertinens ad istam prophetiam. Tertiò patet, quia non videbatur, quòd Sedecias ingrederetur de cubiculo in cubiculum, quando congregarentur cultores Baal: quia Iehu volebat illos decipere deducendo in templum Baal offerendo eis munera, vt ipsi facerent magna obsequia Baal, & separarent se à cultoribus Domini. quarto Regum decimo: ad hoc, quòd aliquis de cultoribus Baal euaderet mortem, non oportebat, quòd lateret: sed quòd non intraret in templum illud, in quò nemo cogebatur ingredi: sed solùm, qui volebat cupiditate munerum, & sic non oportebat, quòd Sedecias lateret: imo si lateret erat deterius: quia ex hoc magis præsumeretur contra eum, quòd erat de cultoribus Baal. Dicendum ergo, quòd ista absconditio Sedecias de cubiculo in cubiculum fuit in die illa, quando veniebant Israelitæ de bello mortuo rege Achab, quia tunc ipse timuit occidi, eo quòd suasionem suam rex mortuus est in bello, & latuit: & tunc verè cognoscebat se mentitum fuisse, & Michæam verè dixisse. Est enim verisimile, quòd cum populus rediret de bello, occideret omnes istos quadringentos prophetas Baal, vel saltem quotquot potuit de illis habere, quia propter illos rex perierat, & populus traditus fuerat in manu hostium. Nam aliàs rex non iuisset in bellum, nisi isti certificassent eum, quòd traderentur hostes in manu eius. Inter omnes autem erat culpabilior Sedecias: quia ipse efficacius suaserat regi ire ad bellum, quàm ceteri, cum ipse non solùm verbis, sed etiam operibus prophetaret faciens sibi cornua ferrea, quibus dixit Syriam ventilandam. Etiam, quia ipse solus percussit Michæam prophetam Domini, qui vera prædixerat: timebat ergo Sedecias verisimilius mortem, quàm ceteri prophetæ: ideo ipse latuit in secreto cubiculo. Est tamen verisimile, quòd fuerit tunc occisus à populo, dato quòd latuerit: quia iam sciebat populus, quòd ipse deberet latere, cum Michæas prædixisset antequam iret Achab in bellum, quòd lateret Sedecias de cubiculo in cubiculum, ideo quæreretur ibi cum magna diligentia quousque inueniretur, & occideretur.

An liceret Achab occidere Michæam.

Quæstio XLI.

QVAERITVR vltèrius, quomodo dixit hic Achab, quòd seruaretur Michæas quousque ipse de bello rediret, scilicet, ad occidendum eum, & an liceret ei occidere Michæam si rediret de bello in pace. Quidam dicunt, quòd non, quia licet Achab haberet iustam causam occidendi Michæam, quia mentitus erat sibi: tamen ex defectu iurisdictionis non poterat eum iuste occidere, cum Achab esset laicus, & Michæas esset propheta Domini: & ob hoc non esset de foro suo. Alij dicunt, quòd poterat eum iuste occidere: quia alij reges occidebant prophetas iuste pro delictis suis, vt patet de rege Babylonis, qui frinxit duos prophetas in igne, scilicet Achab filium Coliæ, & Sedeciam filium Maasias: Ierem. vigesimo nono. Dicendum, quòd ex defectu iurisdictionis, non repugnabat, quòd Achab occideret Michæam. Nam nulla lege exemptus erat à foro suo: quòd patet, quia propheta non habebat inter ceteros homines in veteri testamento aliquam excellentiam, nisi quòd erant sanctiores, & magis Deo proximi, cum reuelaret eis se-

Fcreta sua. Istud autem non eximit quemquam à iurisdictione quantumcunque seculari. Nam dato, quod inter laicos, sit aliquis valde sanctior non est ex hoc exemptus à iurisdictione seculari, cum non sit concessum priuilegium exemptionis sanctitati, sed ordini clericali, siue ibi sit sanctitas, siue non. In veteri autem testamento prophetæ non erant sacerdotes, nec Leuitæ: sed interdum de laicis, & interdum de sacerdotibus, & Leuitis: ideo ratione prophetiæ non compete-
Gbat eis aliqua exemptio. Item, quia principi seculari in veteri testamento subijciebat Deus omnes Israelitas cuicumque minimè essent, siue essent prophetæ, siue non. Vt patet de Iosue Num. 27. Hoc etiam apparet aliquantulum ex quærela Core, & suorum sociorum contra Moysen, & Aaron, cum ipsi acciperent dominium super totum populum dicentium: sufficiat vobis, quod omnis multitudo sanctorum est, & in ipsis est dominus: cur eleuamini super populum domini? Num. 16. Ex quo volebat innuere Core, quod inter Israelitas erant multi prophetæ, qui erant sancti, id est specialiter appliciti ad Deum, & Deus erat in eis, id est loquebatur per eos, & propter hoc quòd Moyses non deberet habere iurisdictionem super eos. Et tamen hoc non obstante voluit Deus, quod esset principatus in populo tam super prophetas, quàm super ceteros, & sic non erat exemptio prophetarum. Item si aliqua exemptio à iurisdictione seculari esset in veteri testamento, hoc maximè esset quantum ad sacerdotes, sicut nunc sunt exempti à foro seculari, & tamen tunc non erant exempti. Quod patet, quia Iosue erat princeps laicus, & Deus subiecit ei omnes Israelitas tam laicos, quàm sacerdotes, & non solùm sacerdotes, sed etiam ipsum summum sacerdotem Eleazar, qui tunc erat. Num. 27. Item Abiathar erat summus sacerdos, & tamen rex Salomò erat princeps laicus, & habuit iurisdictionem ad deponendum eum de summo sacerdotio, & ad occidendum ipsum, licet noluit, vt innuitur. 3. Regum. 2. & ibi latè declaratum est. Item patet, quia in omni politia ordinata necesse est, quod detur iurdictio sufficiens coactiua pro omni crimine, vt patet 3. Polit. vbi dicit Arist. quod distributiuum iustitiæ, id est iudex, qui distribuit iustitiam partibus, est magis necessarius in politia, quàm panis. In politia ergo veteris testamenti, quæ erat valde ordinata cum esset à Deo instituta, necesse erat, quod daretur iurdictio punitiua pro omni crimine, & tamen inter sacerdotes in veteri testamento non reperitur aliqua potestas iurisdictionis collata eis: siue quantum ad ciuiles causas, siue ad criminales, sed solùm reperitur scriptum de viribus eorum, quæ recipere debebant à populo, & de ministracionibus suis. De rege autem vltèrius, quod sit sibi tradita tota potestas iurisdictionis, eo quod in consecratione sua Deus iubeat tradi illi librum legis, vt semper in eo studeret. Deut. 27. quasi per hoc innueretur ipsum esse executorem iudicem quantum ad omnia contenta in lege. Si tamen nos diceremus, quod sacerdotes erant exempti à iurisdictione laicali, cum ipsi non haberent aliquam iurisdictionem ad puniendum crimina, manerent crimina impunita: ideo necesse est, quod illi fuerint subiecti iurisdictioni regali. Item cum dominus statuerit totum ordinem, & statum veteris testamenti: si voluisset sacerdotes, & Leuitas non esse subiectos foro seculari: etiam dedisset pro illis alias leges, sicut est nunc: quia cum non sit eadem iurdictio ecclesiastica, & secularis, non sunt eadem leges penales pro sacerdotibus homicidis, & adulteris, & criminosis, quæ sunt pro laicis homicidis, & adulteris: cum istis infligatur mors, & illis non: & tamen in veteri testamento omnes leges datæ sunt laicales, cum pro adulteris, homicidis, & alijs criminosis ponatur mors. Ergo est necesse, quod tota iurdictio erat laicalis, vel quod per iurisdictionem sacer-

sacerdotali nullæ erant leges positæ, & sic maneret totus ille status inordinatus, quod est inconueniens, & non est vllatenus verisimile: quia Deus omnia volebat etiam particulariter per se ordinare in veteri testamento, vt Iudæi non haberent occasionem errandi: concedendo sibi aliquas leges iniquas, in quibus concordarent cum Gentilibus. Quod patet, quia dedit eis leges forales pro contractibus, & criminibus Exo. 21. & 22. & 23. & per totum Deutero. & sæpè in libro Numerorum. Quod tamen non fecit Christus in nouo testamento: nam nullam legem foralem dedit: In tantum autem Deus voluit ordinare particulariter statum Iudæorum, q̃ nihil voluit, q̃ ipsi facerent, nisi quod ipse iuberet. Vt patet Deute. 12. quod præcipio tibi, hoc tantum facito domino Deo tuo: nec addas quidquam, nec minuas. Si igitur status laicalis esset distinctus à sacerdotali in iurisdictione, pro vtroque Deus dedisset leges completas, sicut dedit pro laicali, nullas tamen dedit pro sacerdotali, ergo non erat distincta iurisdicção laicalis, & sacerdotalis. Dicendum igitur, q̃ in veteri testamento vnica erat iurisdicção, scilicet laicalis, siue præsidens illi iurisdictioni esset laicus, siue sacerdos. Hoc autem dicitur, quia aliquo tempore laici gubernabant populum, & aliquo tempore sacerdotes: cum etiam de sacerdotibus fuerint aliqui reges Iudæorum circa tempora Natiuitatis Christi, scilicet Aristobolus, Alexander, & Hyrcanus, & Ioannes Hyrcanus, & alij. Ipsi quoque Machabæi sacerdotes erant, & præsidebant populo. Semper tamen fuit iurisdicção vnica, & eodem modo gubernata, scilicet laicaliter, ita q̃ pro criminibus eadem pœna erat sacerdotis, & laici, scilicet mors secundum determinationem legis. De hoc autem magis declarabitur in libro nostro de origine, & distinctione iurisdictionum. Cum ergo nunc iurisdicção esset penes reges laicos, illi præerant omnibus Israelitis tam laicis, quam sacerdotibus, & prophetis, & non prophetis, & sic non erat defectus iurisdictionis in Achab ad occidendum Michæam si iustam causam haberet, cum tamen probabatur hoc ex eo, quod habetur Ierem. 19. non tenet probatio, eo q̃ rex ille Babylonis, qui occidit duos prophetas, non erat de populo Israel, sed Gentilis, & licebat illi eos occidere, etiam si non liceret regi Israel occidere prophetam pro crimine. Patet hoc, quia si aliquis sacerdos commiserit homicidium, vel adulterium: non licet regi occidere eum. Si tamen sacerdos de nostris in terra Saracenorum commiserit adulterium, vel homicidium, licet regi Saracenorum occidere illum secundum leges suas: imò si non occiderit illum peccat. Nec obstat, q̃ iste non sit de foro laicali, quia istud habet locum in illis, vbi est distincta iurisdicção secularis, & sacerdotalis, & inter quos isti habent priuilegium immunitatis, sicut est inter christianos: Inter Saracenos autem non est talis distinctio iurisdictionum: ideo totum pertinet ad iurisdictionem laicalem, & illa punit omnia crimina. Sic autem de rege Babylonis, qui frixit illos duos prophetas. Nam dato, quod inter Iudæos esset distincta iurisdicção laicalis à sacerdotali: non erat hoc inter Chaldæos in Babylone, & sic iurisdicção puniendi omnes criminosos pertinebat ad regem, & non peccabat occidendo istos: imò si non occideret destrueretur status politicus, cum sic manerent infinita crimina impunita, quod erat grauissimum.

An iustam haberet causam occidendi.

Quæst. XLII.

QVAERITVR dato, quod Achab haberet iurisdictionem ad occidendum Michæam, an habet Alph. Tost. super lib. Paralip. Pars 2.

Aberet iustam causam postquam veniret de bello, scilicet, quia mentitus erat sibi. Dicendum, q̃ sic: quia si Michæas mentiretur, non erat propheta domini, sed fingeat de corde suo, & sic merebatur mortem. Ita dicunt aliqui fuisse de illis duobus prophetis, quos frixit rex Babylonis, quia locuti sunt mendaciter ex parte Dei, & Deus non mandabat. Ier. 29. Dicitur tamen, quod licet verum sit, quod pro tali causa occidatur propheta: tamen non patet ex illo loco: quod ibi rex Babylonis cum occidit illos, quia locuti sunt falsum in nomine domini: sed quia commiserunt adulterium cum vxoribus fratrum suorum. Verum est autem, quod isti commiserunt duo crimina, scilicet, prophetauerunt mendacium, & mechatati sunt. Rex tamen Babylonis non occidit eos nisi pro adulterio, eo quod ad ipsum non pertinebat cognoscere, an loquebantur mendacitatem ex parte Dei, vel non. Cum forte ipse non curaret de Deo Hebræorum: sed solum curauit de adulterio, quod erat crimen turbatum, & infamatum politia, & apud omnes gentes punitur. Deus tamen tradidit eos puniendos, potius quia prophetabant falsum in nomine suo, quam quia adulterabantur. Patet hoc Ierem. 29. scilicet. Hoc dicit dominus Deus Israel ad Achab filium Coliæ, & ad Sedechiam filium Maasîæ, qui prophetant vobis in nomine meo mendaciter, ecce ego tradam eos in manus Nabuchodonosor regis Babylonis, & percutiet eos in oculis vestris, & sic Deus dabat illos percutiendos, quia falsò prophetabant. Quod autem Nabuchodonosor occiderit eos propter adulterium, patet ibidem, scilicet, assumetur ex eis maledicção, & dicetur, ponat te Deus, sicut Sedechiam, & sicut Achab, quos frixit rex Babylonis in igne pro eo, quod fecerint stultitiam in Israel, & mechatati sunt in vxores amicorum suorum. Dicendum tamen, quod prophetas falsò prophetantes iusserat Deus occidi, vt patet Deute. 18. scilicet, propheta autem, qui arrogantia deprauatus voluerit loqui in nomine meo, quæ ego non præcepi illi dicere, aut ex nomine alienorum Deorum, interficietur. Si tamen Michæas mentitus fuisset in prophetia sua, constabat, q̃ non esset à Deo: ideo occidendus erat. Ex hoc etiam loco apparet, quod quærebatur præcedenti quæstione, s. q̃ ad regem pertineret occidere prophetas pro mendacio, vel alio crimine: quia dicitur hic interficietur, & non dicitur à quo: ideo intelligitur, q̃ à iudice, qui præest iurisdictioni. Rex tamen erat executor legis, vt supra declaratum est, ideo ad eum pertinebat occidere prophetas mentientes, vel qualitercunque criminosos.

An liceret Achab occidere Michæam antequam iret ad bellum.

Quæst. XLIII.

QVAERITVR, an liceret regi Achab antequam iret ad bellum occidere Michæam. Est autem difficultas in hoc: quia si Achab iuste occideret Michæam, faceret hoc, quia mentiretur prophetando: ideo oportebat, quod prius conuinceretur de mendacio: alioquin etiam si mentitus esset peccaret iudex occidendo eum. Hoc præsupposito dicunt quidam, quod licebat ei occidere Michæam antequam iret ad bellum. Primò, quia ipse Achab in seipso erat certificatus, quod Michæas mentiebatur. Nam firmiter ipse credebat, quod mentitus erat, & hoc animo faciebat eum custodiri, vt occideret eum post bellum. Secundò, quia Michæas videbatur sufficienter conuictus de mendacio. Nam ad conuincendum aliquem etiam in causa capitali sufficiunt quotcunque testes, dum tamen non sit vnicus,

vnicus, quia vnus testimonio nemo occiditur: Num. 36. Hic autem conuincebatur Michæas per quadringentos testes. Nam quadringenti prophetae Baal testificati sunt contra ipsum, ut patet in litera: ideo satis poterat iudicari conuictus de mendacio, & sic occidi. Dicendum, quod non poterat Achab iuste occidere Michæam antequam rediret de bello in pace, eo quod aliter non corripiebat eum de mendacio, & propter hoc, licet Achab nimis cuperet occidere Michæam: non tamen occidit eum antequam iret ad bellum, sed fecit eum custodiri quousque rediret in pace, sicut ipse dicebat, scilicet, ut tunc occideret eum. Si tamen putasset sibi licitum esse occidere illum, antequam iret ad bellum occidisset. Item patet hoc, quia in criminalibus ad hoc, quod aliquis conuincatur, debent esse probationes clarissimæ, sicut iura dicunt, scilicet, luce clariores. Nulla tamen probatio clara poterat induci ad conuincendum Michæam esse mentitum antequam rediret Achab de bello: ideo non licebat ei prius occidere illum. Ad primum dicendum, quod licet Achab in se ipso esset certificatus, quod mentiebatur Michæas, scilicet, quia ita firmiter credebatur illud ac si probatum esset per mille testes, tamen adhuc poterat esse ista credulitas falsa, sicut in veritate erat falsa, & cum credulitas quantumcumque vehemens non sit modus iuridicus conuincendi aliquem, peccaret Achab puniendo tanquam conuictum per illum modum. Nam non solum non licet iudici condemnare quem quam pro credulitate vehementi: sed etiam si constet iudici ex visu aliquem esse criminolum: dum tamen non conuincatur testibus, nec confessione sua, non licebit ei condemnare illum, & peccaret grauissime condemnando: quia faceret tunc tanquam personam priuata: cum non haberet iurisdictionem ad taliter faciendum per legem. Ad secundum dicendum, quod licet quadringenti prophetae Baal loquerentur contra Michæam, non conuincebatur ex hoc mentitus, cum potius Michæas verum diceret, & omnes illi mentirentur: ideo ad dicta illorum non debuit eum occidere. Sed tunc est difficultas, quia si aliquis conuincatur de crimine per multos testes idoneos, etiam si omnes illi mentiantur, tenetur iudex condemnare reum, & habere eum pro conuicto, nisi ille legitime obiecerit, & probauerit aliquid, propter quod non debeat fides testibus adhiberi, & non solum hoc: imò in questione illa famosa, qua quaeritur cum quis accusatur de aliquo certo crimine commissio in certo loco, & testes corrupti deponunt contra illum: iudex tamen scit, quod ille non commisit crimen, sed alius, an teneatur illum occidere, tenetur à doctoribus famosus, & est quasi determinatio communis, quod si non potest habere alia remedia, scilicet, ad conuincendum causam, vel ad renunciandum, siue deponendum iurisdictionem, quod tenetur condemnare illum etiam si sibi constet, quod est innocens: quanto magis quando testes sunt falsi, & iudex non credit eos falsos. Ita autem erat hic, quia licet omnes isti quadringenti prophetae Baal falsa dicerent contra Michæam: non tamen constabat eos falsa dicere: maxime quia Achab credebatur eos vera dicere: ideo videtur, quod poterat ex dictis illorum reputare Michæam conuictum, & condemnare eum. Dicendum, quod non poterat: quia si ista, quæ dicebant isti testes, essent talia, quæ directe inducerent probationem criminis: si etiam essent falsi, dum tamen non constaret de falsitate, ad dictum illorum debebat reputari Michæas conuictus: ut potest si accusatus fuisset Michæas de adulterio, vel furto, & omnes isti deponerent se vidisse, condemnaretur. Nunc tamen dato, quod non constaret istos testes esse falsos: dicta tamen sua non inducebant sufficientem probationem contra Michæam:

quia ipsi dicebant Deum dixisse hoc. Et Michæas dicebat Deum dixisse contrarium, & licet verisimiliter ceteris paribus præsumendum esset potius, quod quadringenti concordantes dicerent veritatem, quam quod solus Michæas: tamen non erat sufficiens probatio, qualis requiritur in criminalibus, scilicet, luce clariores, cum posset falli: ideo non erat reputandus conuictus ex hoc. Item patet hoc efficacius, quia lex posuerat certum modum conuincendi aliquem prophetam esse falsum, scilicet ex euentu rei prænuntiata: ideo oportebat Michæam per illum modum conuinci, & non per attestations aliorum prophetarum contra ipsum. Patet hoc Deuter. 18. ubi cum dictum fuerit, quod falsè prophetans interficeretur: subditur, quod si tacita cogitatione responderis, quomodo possum intelligere verbum, quod non est locutus dominus. Hoc habebis signum, quod in nomine domini propheta ille dixerit, & non euenerit: hoc dominus non est locutus. Non poterat ergo Michæas occidi quousque rediret Achab de bello in pace, quia tunc constabat Michæam mentitum, & hoc intendebat facere Achab.

*Quomodo dixit Michæas, si reuersus fueris, &c.
Quæst. XLIIII.*

QVAERITVR, quomodo dixit Michæas hic ad Achab, si reuersus fueris in pace, non est dominus locutus in me: quia poterat esse, quod licet Deus locutus esset Michææ ista, quod adhuc Achab rediret in pace, quia poterat Achab dolere valde de peccatis suis, & tunc Deus mutaret sententiam. Sicut ponitur regula generalis de hoc Ierem. 18. Sic enim fuit in Ezechia, cui prænuntiata est mors in breui, & quia fleuit, Deus mutauit prophetiam Isaie, & addidit ei quindecim annos vitæ: ut patet 4. Reg. 20. & Isa. 38. Sic etiam fuerat iterum in istomet Achab: nam quando occidit Naboth, & descendit ad possidendum vineam eius. Elias dixit ei, quod in loco illo, in quo occiderat Naboth, & canes linxerant sanguinem eius, lamberent postea sanguinem Achab. 3. Reg. 21. Postea tamen cum Achab humiliasset se coram domino in cilicio, ieiunio, & cinere: Deus mutauit sententiam. eodem cap. Ita ergo nunc si iterum doleret, mutaretur iterum ista sententia, & sic posset redire in pace, & tamen Deus locutus fuisset Michææ. Dicendum sine dubio, quod sententia mutari poterat, si Achab doleret, nec mutaretur sententia. Ideo confidenter dicebat, si redieris in pace non est locutus dominus in me. Pro quo sciendum, quod cum Deus reuelat aliqua prospera, aut aduersa euentura quibusdam, interdum reuelat eis, an sententia illa mutabitur mutato statu eorum, pro quibus vel contra quos prophetatur, vel non: interdum autem nihil reuelat. Si primo modo, sunt prophetae certi, quod non mutabitur sententia. Sic patet de Balaam, qui volebat maledicere Iudæis, & Deus dixit, quod non malediceret: hoc tamen non obstante conabatur Balaam illis maledicere, & faciebat sacrificia, ut posset eis maledicere. Deus autem certificauit eum tunc, quod ille populus erat benedictus, & quod non posset eum maledicere, & tunc non curauit conari amplius ad maledicendum. Sic patet Num. 22. & 23. non est Deus quasi homo, ut mentiat: nec filius hominis, ut muteretur: dixit ergo, & non faciet: id est dixit, quod non faceret, id est, quod non permetteret maledicere. Idem patet Num. 28. cumque vidisset Balaam, quod placeret domino, ut benediceret Israel, nequaquam abiit, ut ante perrexerat, ut augurium quaereret, i. certificatus fuit Baalam, quod non placebat Deo, quod malediceret Israeli, sed potius, quod benediceret: ideo non iuit amplius ad quaerendum augurium, per quod conabatur maledicere Iudæis, sciens, quod impossibile erat iam, quod malediceret.

diceret illis, cum certificatus esset, quod non placeret Deo. Sic etiam patet de Samuele, cui reuelatum est, quod regnum Israel tolleretur de manu Saulis, & etiam certificatus est, quod ista sententia nunquam mutaretur, ut patet primo Reg. 15. scilicet, Et ait ad eum Samuel: scidit dominus regnum Israel à te hodie, & dedit illud proximo tuo. & sequitur, porro triumphator in Israel non parceret, & penitudine non flectetur, nec enim homo est, ut agat penitentiam: id est scias, quod Deus non mutabit istam sententiam, nec poenitebit eum de eo, quod dixit, quia non est homo, ut agat poenitentiam, id est non est, sicut homo, ut possit dolere, vel poenitere de eo, quod dixit, vel fecit, ideo manebit firmum, quod semel dixit. Cum autem propheta non certificatur, an mutabitur sententia, vel non, manet dubia, an Deus mutabit illam. Sic patet de Iona propheta, quem dominus misit in Ninivem iubens predicare eam subuertendam post quadraginta dies, & non certificauit eum an fieret, vel mutaretur sententia, per mutationem Ninivitarum, ideo timuit Ionas, quod cum Deus esset clemens mutaret sententiam, & ipse inueniretur falsus propheta, ideo nolebat ire in Ninivem: sed fugit in Tharsis: Iona 4. scilicet, propter hanc occupavi, ut fugerem in Tharsis: scio enim, quod tu Deus clemens, & misericors es, patiens, & multae miserationis, & ignoscens super malitia. Quod autem non esset certificatus de euentu Ninivitarum patet eodem capitulo, scilicet, fecit Ionas umbraculum extra ciuitatem, & sedebat ibi, donec videret quid accideret ciuitati. Nunc autem poterat esse, quod Michæas erat certificatus de ista prophetia, quod non mutaretur: ideo sciebat, quod erat impossibile redire Achab de bello in pace. Sciendum tamen, quod dato quod non esset certificatus Michæas de ista prophetia, an mutaretur poterat istud dicere, & non falleretur, etiam si Deus illam mutaret poenitente Achab, quia tunc antequam appareret illam esse mutatam Deus reuelaret hoc illi prophetae, qui contrarium prius annunciauerat, & sic non posset redargui de mendacio, sed solum argueretur mutabilitas diuinæ sententiæ ex hoc. Patet hoc in Ezechia, cui reuelatum est per Isaiam, quod moreretur, & illico per eundem reuelatum est, quod Deus concesserat quindecim annos vitæ Ezechia. 4. Regum 20. & Isa. 38. Sic etiam fuit in istomet Achab, cui reuelauit Elias mortem propter mortem Naboth, quia tamen poenituit Achab, eidem Elie reuelauit Deus mutationem sententiæ. 3. Regum 22. Et ipse Elias posset tunc reuelare regi Achab, & non reperiretur mendax. Ita nunc licet dixisset Michæas ad Achab, si reuersus fueris in pace, non est locutus in me dominus, & postea poenitente Achab, mutaretur sententia: hoc reuelaret Deus Michæe, & ipse reuelaret illud regi Achab, & sic appareret eum semper vera dicere. Item patet hoc, quia si istud non esset non posset stare in veritate signum, quod Deus dedit ad cognoscendum falsum prophetam, dicens, quod si non eueniret illud, quod propheta dixerat, quod non fuerat Deus ei locutus: sed ille confixerat de corde suo. Deutero. 18. Poterat tamen esse, quod propheta ex parte Dei prophetaret mortem aliquis, & postea illo dolente mutaretur sententia, & non moreretur: appareret illi prophetam falsa locutum, & non habuisse à Deo. Oportebat igitur ad hoc, quod signum istud esset efficax, & certum, quod si Deus mutare deberet sententiam, quod illud eidem prophetae reuelaret, & ipse tunc annuntiaret sententiam esse mutatam. Si tamen non eueniret, quod propheta prædixit, nec ipse reuelaret sententiam esse mutatam, appareret manifestè illum non fuisse locutum per Deum, & sic maneret semper certum illud signum.

A Igitur ascenderunt rex Israel, & Iosaphat rex Iuda in Ramoth Galaad: dixitque rex Israel ad Iosaphat: Mutabo habitum, & sic ad pugnam vadam: tu autem induere vestibus tuis. Mutatoque rex Israel habitu venit ad bellum. Rex autem Syriæ præceperat ducibus equitatus sui, dicens: Ne pugnetis contra minimum, aut contra maximum, nisi contra solum regem Israel: Itaque cum vidissent principes equitatus Iosaphat, dixerunt: rex Israel est iste. Et circumdederunt eum dimicantes: at ille clamauit ad Dominum, & auxiliatus est ei, atque auertit eos ab illo. Cum enim vidissent duces equitatus, quod non esset rex Israel, reliquerunt eum. Accidit autem, ut vnus è populo sagittam in incertum iaceret, & percuteret regem Israel inter ceruicem, & scapulas. At ille aurigæ suo ait: Conuerte manum tuam, & educ me de acie, quia vulneratus sum. Et finita est pugna in die illo. Porro rex Israel stabat in curru suo contra Syrios usque ad vesperam, & mortuus est occidente sole.

Igitur ascenderunt rex Israel, & Iosaphat rex Iuda in Ramoth Galaad. Scilicet, postquam prophetauerunt omnes quadringenti viri, & Michæas, non crediderunt Michæe, & ascenderunt ambo reges in Ramoth Galaad ad bellum. Dixitque rex Israel ad Iosaphat, mutabo habitum, & sic ad pugnandum vadam. Voluit mutare habitum, id est totum apparatus regalem tam quantum ad vestes, quam ad cætera insignia, & honores, ut non putaretur esse rex, sed aliquis priuatus pugnator. Tu autem induere vestibus tuis. Scilicet, induere habitu regali, & omnibus insignijs, & honoribus vttere, ut appareat te esse regem. Mutatoque rex Israel habitu venit ad bellum. Antequam intraret in bellum mutauit habitum, quia si mutasset postquam venit in locum belli, fortè vidissent aliqui Syri, & cognouissent eum, & esset tunc deterius, quam si maneret in habitu. Rex autem Syriæ. Iste erat Benadad contra quem bis Achab pugnauerat, & præualuerat, & semel cepit eum, & cum potuisset occidere dimisit illum cum honore. tertio Regum vigesimo. & illa fuit vna de causis, quare nunc ipse traditus est in manu Sytorum, sicut dixit ei Michæas eodem capitulo, scilicet, quia dimisisti virum dignum morte de manu tua, erit anima tua pro anima eius. Præceperat ducibus equitatus sui. Id est, omnibus principibus belli equestris. Nam omnes bellatores sunt distincti per capitaneos, scilicet, decuriones, centuriones, & tribunos, vel secundum alios modos. Sic dicitur secundo Regum decimo octauo. Igitur Dauid considerat populo suo constituit super eum tribunos, & centuriones. Dicens ne pugneris contra minimum, aut contra maximum nisi contra solum regem Israel. Mandauit rex Syriæ, quod licet possent viri occidere aliquos Iudeos

non curarent: sed solum pugnarent contra regem, quia si omnes sic congregarentur contra eum, occiderent eum cito, & faciliter, & cessaret tota pugna, quod non fieret si pugnaretur contra singulos obuios de Israelitis in bello. Itaque cum vidissent principes equitatus Iosaphat, dixerunt, rex Israel iste est. Viderunt istum in apparatu regali, & nullum alium in toto exercitu: ideo putauerunt rationabiliter, quod iste esset rex Israel. Et circumdederunt eum dimicantes. Scilicet, omnes principes belli circumdederunt eum, & pugnabant contra ipsum: quia iusserat rex Syriæ, quod contra nullum alium pugnarent. At ille clamauit ad Dominum. Scilicet, rex Iosaphat videns se in tantam angustiam venisse, quia totum bellum conuersum erat super ipsum, clamauit ad dominum, vt liberaret eum, erat enim bonus rex confidens in domino Deo suo: ideo in periculo inuocauit eum. Et auxiliatus est ei. Scilicet faciendo, quod Syri non pugnarent contra eum, & sic non nocuerunt ei. Atque auertit eos ab illo. Idest fecit Deus, quod Syri recederent à Iosaphat, scilicet, quia fecit, quod cognoscerent non esse illum, quem quærebant. Cum enim vidissent duces equitatus, quod non esset rex Israel reliquerunt eum. Cognouerunt quod non erat rex Israel: ideo dimiserunt eum: quia solum intendebant ipsi percutere regem Israel. Ista litera habetur aliter tertio Regum vigesimo secundo, & impetu facto pugnabant contra eum, & exclamauit Iosaphat, intellexeruntque principes curruum, quod non esset rex Israel, & cessauerunt ab eo: in quo non innuitur, quod ipse clamauerit ad Dominum: sed solum, quod videns omnes principes Syrorum venisse super eum: putauit, quod hoc facerent credentes eum esse regem Israel: ideo ipse clamauit, scilicet, ad illos significando se non esse regem Israel, & cum illi hoc cognoscerent, dimiserunt eum. Dicendum tamen, quod vtrumque fuit, scilicet, rex Iosaphat videns omnes Syros venisse super eum, inuocauit dominum, vt eriperet ipsum, & Deus exaudiuit eum, & posuit ei in monte, vt clamaret contra Syros se non esse regem Israel, & ipsi intelligentes hoc cessauerunt ab eo. Accidit autem vt vnus de populo sagittam in incertum iaceret. Hic ponitur mors regis Achab. Voluit enim Achab se defendere per cautelam humanam mutando habitum, vt non cognosceretur in bello. Deus autem, contra quem non est consilium, voluit quod cum Syri non possent eum occidere per certitudinem, occiderent illum per incertitudinem, & sic dicitur, quod vnus iaciens sagittam in incertum percussit eum, & occidit. Talis autem mors dicitur à Deo, scilicet, quando homines nescientes quid faciunt, vel non intendentes tale quid facere, occidunt alios. Sicut est in omnibus homicidijs casualibus, ideo omnia talia homicidia dicitur Deus facere, & dicitur tradere occisos in manus eorum, qui illos casualiter occiderunt: vt patet Exod. vigesimo primo, scilicet, qui percusserit hominem volens occidere morte moriatur. Qui autem non est insidiatus, sed Deus illum tradidit in manus eius, constituam tibi locum, quod fugere debeat. Et sic dicit, quod homicidium, quod est sine intentione à Deo fit, & ille tradit occisum in manus occisoris, & ob hoc non debet ille puniri: sed constituit locum, ad quem fugiat, vt ibi saluetur. Et percuteret regem Israel inter ceruicem, & scapulas. Et sic apparet, quod percussit eum per partem posteriorem: fortè, quia ille in curru suo conuerterat se ad aliquid, & sic sagitta tetigit eum ex parte posteriori inter ceruicem & scapulas: quia ibi fortè locus armorum erat patens, eo quod armatura capitis colligabatur, ibi cum armatura reliqui corporis, & potuit sagitta inuenire locum patentem. Vel fortè

videbantur ipsi alijs generibus armorum, quàm nos vtamur, cum ista quotidie mutantur: sicut etiam nos videmus diebus nostris: sed 3. Regum 22. dicitur, quod percussit regem inter pulmonem & stomachum, & si videtur, quod erat alius locus vulneris, & etiam, quod sagitta venit ex parte anteriori, quod videtur verisimilius, cum Achab iret contra Syros. Dicendum, quod an sagitta venerit à parte interiori, vel posteriori non potest patere: cum scriptura non exprimat hoc, & tamen quantum ad diuersitatem, quæ habetur hic, & 3. Regum 22. dicendum, quod nulla est, quia si ingrederetur sagitta per partem posteriorem transiret inter ceruicem, & scapulas, & perueniret ad locum, qui est inter pulmonem, & stomachum. Si autem sagitta intraret partem anteriorem inciperet inter pulmonem, & stomachum, & perueniret vsque ad locum, qui est inter ceruicem, & scapulas, & sic vtroque tangitur idem vulnus: sed in vna parte tangitur principium vulneris, & in alia finis eius. At ille auriga suo ait. Auriga est, qui currum dirigit. Isti enim erant, currus falcati habentes enses curruos in modum falcis in rotis, de quo diximus Iosue 11. & Iudic. 4. & isti currus habebant quatuor equos, & ille, qui regebat equos, & vertebat currum vocatur auriga, qui raro pugnabat, sed erat in temone currus. Præter istum erat vnus, vel duo pugnatores in curru, qui habebant ibi sagittas, & lanceas, & lapides, & de omni genere armorum offensiuorum. Conuerte manum tuam, & educa me de acie. Scilicet, auriga dirigebat equos contra Syros, nunc iussit ei Achab conuertere manum, scilicet, vt conuerteret equos retrorsum: quia volebat exire de acie. Quia vulneratus sum. Pugnabat enim Achab nunc contra Syros, & quia vidit se vulneratum: ita vt iam non posset pugnare fecit se educi de bello. Et finita est pugna in die illo. Scilicet, illo die mortuus est rex, & finita est pugna: quia cum populus sciret mortuum regem, redierunt singuli in domos suas. Porro rex Israel stabat in curru suo contra Syros. Licet esset vulneratus Achab, non descendit de curru, sed ibi permansit, vt non turbaretur bellum, & stetit sic vsque ad noctem, & tunc mortuus est. Non est autem intelligendum, quod stetit pugnando contra Syros: quia illico, vt percussus est, iussit auriga suo, vt educeret eum de acie. Sed dicitur stetisse tota die contra Syros, eo quod non recessit de loco belli: licet cessauerit pugnare, & recessit de loco, in quo erat impetus belli. Et mortuus est occidente sole. Scilicet, stetit quasi tota die vulneratus, & occidente sole mortuus est, & tunc cessauit pugna: quia viderunt Israelitæ mortuum regem.

Quare voluit Achab ire in bellum.

Quæst. XLV.

QUAERTIVR quomodo Achab voluit ire in bellum, cum annunciasset ei Michæas, quod ibi moreretur. Dicendum, quod Achab non credidit Michææ, sed potius quadringentis prophetis Baal, qui annunciauerant ei prospera in bello, ideo iuit illuc quasi securus de victoria. Quod autem Achab crediderit potius prophetis Baal, quàm Michææ fuit propter multa. Primò propter multitudinem, quia isti erant quadringenti prophetae, & omnes concordabant in eandem sententiam. Michæas autem erat solus: cæteris tamen paribus verisimilius est vnum hominem falli, quàm quadringentos. Secundò ex naturali inclinatione, quia naturaliter inclinatur homo potius ad credendum ea, quæ sunt in fauorem, quàm ea, quæ sunt contra eum: illi tamen annunciabant regi prospera: Michæas autem aduersa: ideo potius credidit illis. Tertio,

Tertiò, quia Achab oderat valde Michæam, vt patet supra in litera, & non inclinatur homo ad credendum illi, quem odit, sed potius alteri, etiam si non sit tantæ certitudinis. Quartò, quia Deus turbauerat cor Achab, scilicet, destituendo, vt deciperetur, & moreretur in bello, vt patet supra in litera, ideo inclinabatur potius ad illud, in quo recepturus erat poenam peccatorum suorum, vt sic locum haberet Dei sententia. Quintò, quia putauit Achab Michæam mētū, eo quod qñ percussit eum Sedecias, nihil mali passus est. Putabat enim Achab, quod si Michæas fuisset missus à Deo ad annunciandum contra Achab, & prophetas Baal, & percuteret eum Sedecias, quod moreretur illico, vel pateretur aliquod malum: sicut fuit de rege Ieroboā, contra quem missus est propheta domini, quem cum iuberet teneri aruit manus eius, & non potuit eam ad seretrahare. 3. Reg. 13. Et tamen ille nihil mali sibi fecit, sed solum extendit manum contra eum. Sedecias autem percussit Michæam in maxillam, ideo debuisset arescere manus eius: nihil tamen passus est, ideo Achab putauit Michæam non esse missum à domino. Sextò, quia Michæas videbatur hic repugnare Eliæ, qui erat famosissimus prophetarū sui temporis, ipse enim dixerat, quod canes lingerent sanguinem Achab in agris Iezrael, vbi linxerant sanguinem Naboth. 3. Reg. 21. Michæas innuebat, quod moreretur nunc Achab in bello in Ramoth Galaad, & tamen ista duo loca distāt satis inter se, scilicet, plusquam quādecim leucis, & sic videbatur, quod altere eorum mentiebatur. Erat tamē Elias famosissimus inter omnes prophetas: ideo potius crederetur sibi quā Michææ: & sic credebatur Achab, quod mentiebatur Michæas: ideo non assensit ei. Ista tamen motiua omnia licet essent aliquid ad mouendum regem Achab, tamen non erant efficacia simpliciter, nec probabant non debere credi Michææ.

Quæ rex Iosaphat voluit ire in bellum cum Achab.

Quæstio XLVI.

QUÆRITVR vterius, quomodo rex Iosaphat voluit nunc ire in bellum cum Achab contra Syros, cum denūciasset ei Michæas, quod Achab moreretur in bello, & ex hoc posset timere mortem Iosaphat. Aliquis fortè dicet, quod Iosaphat erat amicus, & affinis Achab, ideo licet sciret mala prouentura sibi in bello, vel saltem, quod erat periculum exponeret se illi. Dicendum, quod non stat, quia si Iosaphat putasset esse periculum in bello, ex eo quod crederet verbis Michææ, crederet, quod Achab moreretur in bello, sicut Michæas credebatur aliās innuebat, dicens, quod Israelitæ manerent sine domino dispersi, sicut oues nō habentes pastorem: & tunc dato, quod Iosaphat propter periculum suum non desisteret à bello, saltem nē moreretur ibi Achab, non iret illuc: nec permetteret, quod iret illuc Achab: & tamen non restitit, ideo non credidit hoc. Alij dicunt, quod Iosaphat licet crederet periculum esse in bello, sicut dixit Michæas, tamen credidit istud periculum esse quantum ad regem Achab, sed de cœteris non erat periculū: quia Michæas dixerat, quod viderat totum Israel dispersum in montibus, sicut oues nō habentes pastorem, & dixit Deus: non habent isti dominum: reuertatur vnusquisque in domum suam in pace: ideo Iosaphat non timebat ire, quia non crederet sibi periculum. Dicendum, quod non stat propter rationem præcedentem, quia etiam si propter se non timeret: tamen si ipse crederet Achab moriturum in bello, nec ipse illuc ascenderet, nec permetteret Achab illuc ire, quia diligebat eum: & sic oportet dici, quod Iosaphat iuit in bellum, quia nō credidit verbis Michææ, sed potius verbis prophetarū Baal.

A Sed tunc est difficultas, quomodo Iosaphat non credidit Michææ. Nam de Achab non erat mirandum cum ipse esset cultor Baal, & potius crederet prophetis eius, quā prophetis domini. Iosaphat tamen erat rex bonus valde deicola: ideo mirum est, quomodo ipse crederet prophetis Baal, & non prophetæ domini. Potissimè, quia quando Achab congregauit quadringentos prophetas Baal, & omnes prospere responderant, dixit Iosaphat: nunquid non est hic propheta domini, vt ab illo etiam requiramus? & tunc ad eius petitionem vocatus est Michæas, qui erat propheta Domini: ideo ipse ei credere debuisset. Dicendū, quod Iosaphat non credidit nunc verbis Michææ. Primò, quia aliquāliter videbantur repugnare verbis Eliæ, cum ille significasset moriturum Achab in Iezrahel: & iste significaret eum moriturum apud Ramoth Galaad. Erat tamen Elias propheta famosior: ideo credidit ei. Secundò, quia cum vidit, quod Sedecias percussisset Michæam, & non passus esset malum, dubitauit an Michæas mitteretur nunc à Deo, sicut diximus præcedenti quæstione de Achab. Tertiò, quia Deus aliquāliter destituit nunc Iosaphat permittendo, quod erraret, vt locum haberet punitio Achab: quia si Iosaphat credidisset verbis Michææ, nolisset ire in bellum, & impedisset ne iret Achab illuc, & sic non haberet locum sententia Dei nunc contra Achab. Sciendum tamen, quod motiua ista non erant satis sufficientia, maximè illud, quod erat potissimum apud Iosaphat, scilicet, propter verba Eliæ: nam illa nullo modo repugnabant verbis Michææ. Primò, quia illa denunciatio facta per Eliam reuocata fuerat cum Achab doluit de peccato. 3. Reg. 21. & sic non obstante illa poterat mori Achab vbicunq;. Secundò, quia dato, quod illa sententia non esset reuocata, non repugnabat verbis Michææ, quia vtrāq; poterat compleri. Nam Elias non dixerat moriturum Achab in agro Iezrahel, sed quod canes lingerent ibi sanguinem eius, vbi linxerāt sanguinem Naboth: & sic poterat mori alibi, & quod ibi canes lingerent sanguinem eius: imò sic factū est. Et completa est vtrāque prophetia, scilicet Eliæ, & Michææ: nam mortuus est Achab in bello in Ramoth Galaad iuxta verba Michææ, & postea ductus est in Samariam, & sepultus ibi. Currus autem in quo ipse vulneratus est, & ductus de bello erat totus sanguine tinctus, & lauerūt eum in piscina Samariæ, & habenas epuorum etiam madentes sanguine, & tunc canes linxerunt sanguinem eius mixtum aqua. 3. Regum 22. & dicitur ibi, quod hoc fuit iuxta verbum Domini, quod locutus fuerat, id est, completum est ibi verbum Domini, quod locutus est per Eliam. Sed adhuc stat difficultas, quomodo potuit credere Iosaphat prophetis Baal cum essent prophetæ idolorum, & ipse esset cultor domini. Dicendum, quod Achab credidit illis, nec in hoc visus est facere cōtra cultum Dei. Pro quo sciendum, quod propheta propriè dicitur ille, cui Deus reuelat aliqua supernaturaliter, illustrādo intellectum suum lumine quodam supernaturali, vel per alios modos immutationis propheticæ, de quibus diximus supra in quadam quæstione. Istud autem facit Deus interdum tam in bonis, quā in malis, vt patet de Caiapha, qui erat vir pessimus precipuus tractator in morte Christi: & tamen ipse prophetauit, vt patet Ioa. 11. Item patet, quia prophetia potest esse sine charitate, vt patet prima Corin. 13. scilicet, si habuero omnem prophetiam, & nouerim mysteria omnia, charitatem autem non habeam, nihil sum, & tamen sine charitate nemo est bonus, ideo prophetia est in malis. Item Christus dixit, quod multi dicent sibi in die iudicii: Domine nonne in nomine tuo prophetauimus, & in nomine tuo demonia eiecimus? & Christus dicet eis: nunquam

nunquam noui vos, discedite à me. Matth. 7. ergo illi mali sunt: & non solum mali interdum prophetaut, sed etiam ipsis idolatris Deus interdum dat spiritum propheticum. Sic patet de Balaam, qui erat ariolus, & faciebat sacrificia dæmonibus: ut colligitur Num. 22. & tamē Deus reuelabat ei multa, & erat de maximis prophetis, etiam respectu prophetarum Iudæorum, ut colligitur Num. 22. & 23. & vigesimo quarto. Item Deus hoc innuit Deutero. 13. capitulo, scilicet: Si surrexerit aliquis propheta, qui dicat se uidisse somnium, & prænuunciet aliquod signum, & eueniat, & postea dicat, eamus, & sequamur deos alienos: non est ei assentiendum. Et sic innuitur, quod iste est propheta verus cum eueniant ea, quæ prænuunciat, & tamen iste colit idola, quia alias non excitaret populum ad colendum idola, & sic Deus innuit, quod aliquis cultor idolorum potest esse verus propheta. Idem nunc erat de istis prophetis Baal, quia licet essent cultores Baal poterat esse veri propheta, scilicet, quod Deus eis loqueretur, & ita poterat Iosaphat eis credere sine præiudicio diuini cultus. Cum autem aliqui vocantur propheta idolorum, potest dupliciter intelligi. Vno modo, quod sint propheta idolorum, id est, quod à Deo vero habeant reuelationes, & tamen colant idola, sicut Balaam. Alio modo, quod sint propheta idolorum, id est, quod non habeant responsa à Deo, sed ab idolis, quæ colunt, id est à dæmonibus, qui loquuntur in idolis, & ibi coluntur. Primo modo est improprie dictum propheta idolorum, quia non vocatur aliquis propheta, nisi quantum ad reuelationes, quas recipit: si ergo iste à Deo recipit reuelationem, dicitur propheta domini. Quod autem colat idola, vel Deum, extrinsecum est, & accidentale quantum ad esse prophetam, non vocabitur propheta idolorum, quia colit idola, quia tunc etiam vocaremus eum prophetam vini, si vendit vinum, vel prophetam diuitiarum, si diues est. Et tamen istæ sunt denominationes multum impertinentes quantum ad esse prophetam. Secundo modo accipiēdo dicitur proprie propheta idolorum, quia ab illis solum reuelationem recipit, & tamen propheta idolorum non est propheta, sicut homo mortuus non est homo: quia ista adiunctio distat à ratione prophetæ, cum sit de ratione prophetæ illustrari lumine supernaturali mediatè, vel immediatè, & eleuari ad cognoscendum ea, quæ solum supernaturaliter possunt cognosci. Dixi autem mediatè, vel immediatè, quia interdum fiunt reuelationes prophetis per angelos hominibus iubente Deo illis aliquid dicere, & sic utroque modo Deus reuelat, siue per se, siue per angelum faciat. Cum autem scriptura dicit aliquos prophetas idolorum, vel prophetas Baal, accipit isto secundo modo, id est, quia sunt cultores Baal: ideo adhuc stat, quod isti, qui vocantur propheta Baal, vel propheta idolorum possint esse propheta Dei.

An peccauit Iosaphat eundo in bellum.

Quæstio XLVII.

QVAERITVR vterius, an peccauit Iosaphat eundo in bellum cum Achab. Quidam dicunt, quod non: quia Iosaphat erat amicus, & affinitate coniunctus regi Achab, ut patet supra in litera: & tenebatur ex lege amicitie adiuvare eum in bello. Sic patet ex verbis Iosaphat supra in litera, cum dixit Achab, veni mecum in Ramoth Galaad. Respondit Iosaphat, ut ego & tu, sicut populus tuus, sic & populus meus, tecum erimus in bello. Dicendum, quod peccauit Iosaphat eundo ad bellum cum Achab, ut patet sequenti capitulo: nam cum redisset Iosaphat in Ierusalem occurrit ei Iehu propheta filius Anani, & ait:

F Impio præbes auxilium, & his, qui oderunt me amicitia iungeris, & ideo iram quidem domini merebaris. Erat tamen iste Iosaphat bonus rex, & propter hoc ei Deus non intulit ei mala, ostendit tamen sibi, quod mala meruerit. Nam in bello fecit, quod venirent contra eum omnes Syri, & fuit in magno periculo, sed cum clamauit ad dominum auertit Syros ab eo, ut patet supra in litera. Hoc autem fuit propter bona opera præcedentia Iosaphat, qui erat cultor Dei, & abstulerat idola de terra, ideo licet nunc peccaret, noluit Deus eum disperdere. Sic dixit ei propheta sequenti capitulo, scilicet, iram domini merebaris, sed bona opera inuenta sunt in te, eo quod abstuleris lucos de terra Iuda, & præparaueris cor tuum, ut requireres Deum patrum tuorum. Sciendum autem, quod non solum eundo cum Achab ad bellum peccabat Iosaphat, sed etiam in alijs communicationibus in moribus, quæ essent potius viles Iosaphat, quam Achab, peccaret Iosaphat communicando cum eo. Et patet, quia Iosaphat communicauit post mortem Achab cum filio eius Ochozia, quia fecerunt ambo naues, ut irent in Tharsis pro auro, & Deus confregit omnes naues Iosaphat, quia participauit cum Ochozia: ut patet infra vigesimo, & tertio Regum vigesimo secundo, cum dixit Eliezer propheta, scilicet, quia habuisti fœdus cum Ochozia percussit domus opera tua: contriteque sunt naues, nec poterunt ire in Tharsis. Cum autem obijcitur, quod Iosaphat erat amicus Achab: ideo poterat. Dicendum, quod non poterat, imò nec poterat contrahere amicitiam, & ex solo contractu peccabat. Sic dicitur præcedenti capitulo, impio præbes auxilium: & his, qui oderunt dominum, amicitia iungeris: & ideo iram quidem domini merebaris.

Quare Achab mutauit habitum in bello.

Quæstio XLVIII.

QVAERITVR vterius, quare Achab mutauit habitum in bello. Quidam dicunt, quod timebat mortem, sicut prædixerat Michæas: ideo mutauit habitum, ut non cognosceretur: & sic facilius euaderet periculum. Dicendum, quod non stat, quia Achab non credidit verbis Michææ, nec timuit ea, quia si timuisset, non venisset in bellum, sed ipse credebatur certissimè, quod Michæas mentiebatur, & ob hoc fecerat eum poni in carcere, ut occideret illum quando veniret de bello. supra in litera. Sed dicendum, quod Achab mutauit habitum. Primo, propter cautelam humanam. Nam licet non timeret mortem, sicut dixerat Michæas, tamen voluit agere cautius, quam potuit. Erat autem securius mutare habitum, quam ire in habitu regali. Secundo, quia timuit fortè Achab id, quod euenit. scilicet, quod rex Syriæ faceret pugnari contra eum solum, sicut fecit, & sic facilius occideretur, & non mutato habitu. Tertio, quia fortè Deus inclinauit eum ad hoc, ut facilius bellum sine periculo Israelitarum finiretur. Prænuunciauerat namque Michæas, quod Israelitæ reuerterentur in pace de bello, & tamen sine domino. Si autem Achab iuisset in habitu regali: Syri omnes venissent ad pugnandum contra eum, sicut fecerunt contra Iosaphat, putantes eum esse regem Israel, & Israelitæ conarentur eum defendere, & sic non posset occidi Achab, sine magna effusione sanguinis suorum, sicut factum est. Quarto, quia fortè Achab voluit ostendere Syris, quod ipse solum pugnabat contra eos, & non erat ibi rex Iuda, ut sic minus Syri sibi cauere: & ad hoc oportuit, quod ipse, vel Iosaphat mutaret habitum, sed non erat urbanum, quod ipse diceret Iosaphat, quod mutaret habitum, ideo ipse mutauit.

Quare

Quare Iosaphat non mutauit habitum.
Quaestio XLIX.

QVAERITVR vltcrius, quare Iosaphat non mutauit habitum. Dicendum primò, quòd non erat conueniens: quia cum Achab mutaret habitum, si idem faceret Iosaphat, non appareret aliquis rex in bello, & videretur exercitus sine duce. Secundò, quia mutatio ista habitus erat propter timorem, vel cautellam aliquam: sed rex Iosaphat nihil timebat: ideo putauit sibi non esse expediens mutare habitum. Tertiò, non mutauit, quia esse in habitu regali esset quid honor: erat etiam vtilitas quædam, scilicet, quia magis sic cognosceretur à suis, & magis eum in bello obseruarent, quàm si mutaret habitum: & sic non erat mutandus sine magna necessitate, vel vtilitate: & nulla earum apparebat hic in Iosaphat. Quartò, quia Deus inclinauit Iosaphat ad sic faciendum, vt ostenderet ei aduersitatem, & necessitatem clamandi ad se. Nam, vt supra dedaratum est, Iosaphat peccauerat veniendo in auxilium regi Achab. Hoc autem voluit ei Deus indicare mittens omnes principes Syrorum contra ipsum: & tunc fuit ipse in magna angustia, & oportuit clamare ad dominum, & exauditus est: & non fuisset exauditus, quia merebatur iram domini, nisi quia inuenta fuerunt in eo bona opera, vt patet sequenti capitulo. Si tamen Iosaphat non mutasset habitum, non congregati fuissent contra eum principes Syrorum: & consequenter non fuisset in illa angustia, nec oportuisset clamare ad dominum, & non ostenderet ei Deus, in quo peccauerat, & quomodo exaudiebat eum propter bona opera præcedentia, ideo inclinauit eum ad mutandum habitum.

Quæ rex Syriæ mandauit seruis suis, vt non pugnarent, nisi contra regem Israel. *Quaest. L.*

QVAERITVR vltcrius, quare rex Syriæ mandauit seruis suis, quòd non pugnarent contra aliquem magnum, vel paruum, nisi contra solum regem Israel. Dicendum primò, quòd fecit hoc ad facilius finiendum bellum, nam si pugnarent Syri contra omnes Israelitas, non poterat sic faciliter finiri bellum: sed vtrunque multum sanguinem effundi: vt autem facilius fieret, voluit quòd pugnaretur contra solum regem: nam illo occiso finitum erat bellum, cum populus sine duce non pugnaret, sicut postea factum est, sci-

o rege dispersi sunt in motibus, sicut & redierunt singuli in domos suas. Secundò, iste modus pugnandi consuetus erat apud multos principes, sic enim Achilles præcipuus Græcorum pugnavit contra Troilum fratrem Hectoris iubens omnibus viris suis, quòd contra neminem pugnarent, nisi contra Troilum: etiam si à multis alijs impeterentur, & sic præualuit contra eum. Tertiò, quia fortè Deus inclinauerat eum ad pugnandum isto modo, vt Israelitæ non perirent in bello: quia Deus volebat, quòd solus Achab periret, & ceteri redirent in pace, vt colligitur ex verbis Michææ, supra in litera. Si tamen rex Syriæ voluisset pugnare contra Israelitas oportuisset effundi multum sanguinem, ideo inclinauit eum ad pugnandum solum contra regem. Sed tunc est difficultas cum principes Syrorum pugnassent contra Iosaphat putantes eum regem Israel, quare cessauerunt ab eo. Respondet, quòd cognouerunt eum non esse regem Israel. Sed tunc dicitur, quòd adhuc contra eum debuissent pugnare, quia sumpserat illa regalia insignia, quasi loco regis Israel. Potest dici, quòd Syri cognouerunt istum non esse regem Israel, quia fortè putauerunt, quòd ex mandato regis Israel aliquis sumpserat insignia eius, vt ipse securior esset in bello. Vel quòd isti Syri cognouerunt istum non esse regem Israel, sed regem Iudæ: quia distincta erant insignia vtriusque: & tamen rex Iudæ non ferebat nunc insignia regis Achab, sed propria. Sic enim dixerat Achab, scilicet, tu autem induere vestibus tuis, id est, porta insignia tua, & fortè Syri à longe videntes istum in insignijs regalibus cum solus esset in tali habitu putauerunt eum regem Israel, quando tamen ipse clamauit, & illi propius accesserunt, cognouerunt esse insignia regis Iudæ. Si tamen Syri putarent istum esse regem Iudæ, siue alium, qui sumpsisset insignia Achab, cessassent ab eo propter duo. Primo, propter disciplinam militarem, quæ debebat seruari ad vnguem ad hoc, quod bella prospere gerantur. Sic patet ex gestis Romanorum. Rex tamen mandauerat, quod contra solum regem Israel pugnarent: licet ergo iste esset in regali habitu, cum tamen non esset rex Israel, cessassent ab eo. Secundo, quia intentio regis Syri erat, quod occiso rege Israel totum bellum esset finitum. Nunc tamen licet iste occideretur, cum Israelitæ scirent eum non esse regem Israel, non cessaret bellum, licet occideretur: ideo non curauerunt super hoc eum amplius persequi, sed recesserunt ab illo. Et sic terminatur sententia istius dubij.

Ex Tipographia Rampazetana.

R E G E S T V M.

A B C D E F G H I K L M N O P Q R S T V X Y Z.

Aa Bb Cc Dd Ee Ff Gg Hh Ii.

Omnes sunt Quaterniones, Præter Ii. Qui est Ternio.

b. 7. ergo illi F Impio
prophetant, citi
dat spiritum
ratariol
pit

RECEIVED

418776383



colorchecker classic



calibrite